

SANCTI
BONAVENTURÆ
EX ORDINE MINORVM,
S. R. E. CARDINALIS,
EPISCOPI ALBANENSIS,
EXIMII ECCLESIAE DOCTORIS,
OPERVVM
TOMVS QVARTVS.

QVO EXPOSITIONES IN LIBRVM I. ET II.
Sententiarum, ut infra dispositæ continentur.

NVNC PRIMVM IN GALLIA, POST CORRECTISSIMAS
Romanam Vaticanam, & Germanicam editiones impressus.



LVGDVNI,
Sumptib. PHIL. BORDE, LAVR. ARNAVD,
ET PETRI BORDE.

M. DC. LXVIII.

CVM PRIVILEGIO REGIS.





ARGVMENTVM
IN PARTEM PRIOREM
EXPOSITIONIS
S. BONAVENTVRÆ,
in Libros Sententiarum.



*M*AGNO, præstantique ingenio homines, qui pietatem cum doctrina coniunxerunt, quidquid laboris, vel industriæ poterant impendere, aliis omnibus, tum publicis, tum privatis actionibus contemptis, ad pietatis, indagandæque veritatis studium contulerunt, cum existimarent, longè esse præclarius humanarum ac diuinarum in primis rerum inuestigare, ac scire rationem, & pietatis officia colere, quàm colligendis diuitiarum copiis, aut cumulandis honoribus inharere. Nam iis ipsis terrenarum rerum opibus, quæ fragiles, fluxæ, caducæque sunt, quæque ad solius corporis cultum attinent, nemo quidem melior, nemo iustior fieri potest. Erant illi præstantes viri dignissimi, qui veritatem cognoscerent, quam nosse, ac scire tantoperè concupierunt, atque ita, ut eam pietatis rationibus coniunctam, cæteris rebus omnibus anteponerent. In iis magnis, atque adeò summis viris dignissimè habetur, & est seraphicus doctor, BONAVENTURA sanctus: quem in eximiis, primariisque Ecclesiæ doctoribus, sapientissimus Pontifex SIXTVS QVINTVS optimo iure adscripsit. Is ab adulta ætate, omnibus sæculi huius curis contemptis, abiectisque voluptatibus, in religionem sancti Francisci Deo ex matris voto dicatus, usque adeò singulari studio Theologiam amplexus est, ut Alexandro Alensi, doctore & magistro, summæ eruditionis laude clarissimo tres ipsos annos usus, mirabilem in modum profecerit, Deo in primis iuvante: qui hominem tam avidè lumen scientiæ requirentem, direxerit ad veram & pietatem, & sapientiam. Factum est igitur, ut Parisius, nimirum in urbe cum studiis affluentia, tum doctissimis eruditissimisque viris florentissima, libros Magistri sententiarum graviter copioseque exposuerit, & commentariis luculentis illustrarit, quibus mirificè in primis delectatus est sanctissimus idemque doctissimus Pontifex Clemens IV. Quo ex opere tantam sapientiæ laudem ille sibi comparavit, ut nulla res illis temporibus explicatu difficilis incideret, ad quam à Pontificibus Bonaventura non adhiberetur. Iam verò primum ab initio nascentis Ecclesiæ, multarum magnarumque rerum copia, quæ ad Theologiæ studium pertinet, à maioribus nostris, sanctis doctisque viris, piè admodum, atque eruditè tradita est, ac subministrata nobis ad Ecclesiasticas tractationes. At, qui Theologiæ locos ad Dialecticorum morem disputationibus distinctè pertractarunt, primus Græcorum, ut ex historia Ecclesiastica à sancto Hieronymo accepimus, Clemens Alexandrinus extitit, vir in omni doctrinarum genere apprimè eruditus.

Hunc deinde permulti secuti sunt homines, & doctrina, & sanctitate præcellentes, tum Graeci, tum Latini: in quibus S. Augustinus in dialecticis diu multumque versatus, eas disputationes mirum in modum auxit, studiaque earundem Damascenus græcè plurimum adiunxit, cum è fontibus Græcorum patrum, præsertim Nazianzeni, & Basilij Magni, qui fusè omnia tractarunt, acutè, doctèque hauserit. Sed res, ut huius argumenti ratio postulat, dilucidius explicanda, altiusque repetenda videtur. Lutetia Parisiorum, quæ Urbs Gallia est, cum multarum rerum, tum verò doctrinarum nomine maxime illustris, quippe cum à Carolo Magno de consilio Alcuini præceptoris, ac venerabilis Bedæ, rectè primum Academia instituta esset, in qua ad fidem Christianam propagandam purà tantum philosophia traderetur: non multis post ætatum sæclis Petrus Lombardus, illius civitatis Episcopus, cum animadverteret Theologiam, antiquorum patrum Græcorum libris variè sparsam, fusèque tractatam, à Damasceno in unum collectam, certis locis esse distinctam: eius imitatione collectis Latinorum patrum, præsertim sancti Augustini sententiis, itidem fecit, usque adeò præclarè, & egregiè, ut deinceps insigni nomine Magister sententiarum sit appellatus. Theologia igitur, de qua in scholis distinctè certisque methodi locis disseruit, disputationes aggressus, non more philosophorum, qui ab iis quæ sub sensum cadunt, quæque nobis notiora sunt, questionum suarum initium ducunt, sed à Deo veritatis fonte rectissime exorditur, cui fidem habeamus oportet, & à quo caelestem doctrinam, diuinarumque rerum cognitionem expectare debemus. Itaque de Deo eiusque cognitione Libro primo, cum præclarè ex patrum sententia & singulari eruditione disseruerit: altero libro de rebus creatis dilucidas disputationes & suscepit, & confecit: non ut à philosophis disputari solet, sed quantum satis esse possit ad huiusce commiserabilis vitæ ærumnas fugiendas. Eo ipso igitur libro cum infinitam Dei vim, immensamque sapientiam exponat: tum etiam una cum diuino Dionysio Areopagita caelestem scrutatur hierarchiam, & Angelorum ordines distinguit, tum hominis primi diuinas admiratur opes, rursusque lamentabilem defiet ruinam. Atque hæc summam de duobus sententiarum Libris, quos hæc prima parte complexi sumus: de reliquis duobus, qui secunda sententiarum parte continentur, suo loco dicendum nobis erit. Itaque ut quò referenda est, omnis hæc redeat argumenti ratio, Theologiæ scholastica volumen Petrus Parisiensis Episcopus, cum rectè primum inchoauerit, deinceps alij extiterunt, qui illud auxerunt, quique ornauerunt. Nam Christiana, & Catholica, ac diuina philosophiæ fontes aperire, atque nouis illustrare rationum commentariis, & patefacere amplissimis, augustissimisque illis viis, quæ ad veritatem ducunt, semper Reipublica Catholica utilissimum putarunt sapientissimi viri, cum præsertim sacris in litteris scriptum diuinitus sit: Qui me elucidant, vitam æternam habebunt. Et quo maiores utilitates, & uberiores fructus Ecclesiæ Dei attulit sanctæ Theologiæ studium, eo plures omni tempore extiterunt, qui se illi diuinæ scientiæ dederunt. Theologia autem primum illa à Græcis dicta est, quæ vel sermonibus, vel libris versabatur in explicanda tantum doctrina de diuinitate Christi Domini; eamque ob rem, qui in eo argumento studium posuerunt, Theologi appellati sunt. Atque sic quidem primum S. Ioannes Euangelista solus ex omnibus Euangelij scriptoribus, Theologus dictus est, propterea quod cum ceteri in exponenda eiusdem Christi Domini humanitate, iisque rebus, quæ potissimum ad eam pertinebant, operam posuerint, alius ipse sese erexerit, illiusque diuinitatem Euangelij litteris explicauerit apertius. Eo item nomine deinceps summa omnium patrum consensione vocatus est Nazianzenus Gregorius, quoniam ex patribus Græcis, eam de Christi Domini diuinitate materiam grauius ac sublimius tractauit. Immo ipse orationes eas, in quibus præcipuè de Patris, & Filij, & Spiritus sancti diuinitate disseruit, theologiæ nomine inscripsit. Itaque cum de Christi Domini diuinitate antiqui Græci patres institutam orationem habent, in theologia versari dicuntur. Cum autem de eiusdem humanitate & incarnatione tractationem suscipiunt, in œconomia: Oeconomiam enim Christi quamuis Eusebius & Nazianzenus duplicem constituent, quarum una ad prouidentiam illam referatur, qua Deus ante humanitatem assumptam, mortalium commodis & salutis consulebat, altera ad ea spectet, quæ nostra causa in corpore gessit: tamen patres, qui, florente in Græcia fide, theologiæ & eloquentiæ laude floruerunt, cum de Christo Domino orationem habuerunt, ut œconomia nomine incarnatio-

tionem

Ecc. 24.

Lib. 1. c. 1.
de prop.
Euf. or. 2.
de fil.

tionem & humanitatem Christi explicarunt, sic theologia voce intellexerunt explicationem à se
 susceptam de eiusdem diuinitate. Verum deinceps id Theologiae nomen latius patuit, ad omnesque
 pertinuit, qui sacram scripturam recte omnibusque partibus elucidarunt, in sacrarumque litte-
 rarum studio versati sunt. Itaque Theologiam etiam dici perpetuo vñ receptum est, quae ex
 scholastica, vñratiſque exercitatione, atque è diuinarum litterarum tabernaculo, & è sanctorum
 Patrum umbraculis, non modo in solem, sed in aciem grauissimarum disputationum perducta,
 inanes philosophorum male sentientium opiniones explosit: & haereticorum falsa dogmata euerit:
 quaque caelestem doctrinam, vario ab hostibus oppugnatam, certissimis, quasi firmissimis pra-
 sidiis in perpetuum communiuit. Nemo est, qui nesciat, quibus artibus versutus, & callidus
 aduersarius, hominum animos tentarit: quas generi humano tetenderit insidias: quot satellites
 & ministros haereticos immiserit ad Ecclesiae segetem veneno inficiendam. Is veritatis, no-
 minisque Christiani inimicus, cum antea semper emissarios & excursores suos haereticos menda-
 cius instruxerit, ut quae verè sancteque in Ecclesia Dei tradebantur, corrumpere ac depra-
 uaret: tum proximis superioribus annis, Lutherum, aliosque id generis perditissimos nebulones
 excitauit, ut nequissimis haesum telis sanctam Ecclesiam oppugnarent. At Deus & Domi-
 nus noster, aduersarii impetus, ictusque omnes retudit ac reiecit: conatus fregit, ac debilitauit
 omnibus oppugnationum temporibus vel turbulentissimis. Vix recens adhuc Christi nomen erat
 in terris, quod Cerinthos, Ebiones, Basilidas, Carpocrates, Valentinus, Marciones, & talia
 hominum monstra permulta deuicit, cum contra impiam illorum aciem, sapientissimos Chri-
 stiana veritatis duces parauerit, instruxeritque diuinis armis, Polycarpum, Ignatium, Dio-
 nysium Areopagitam, & alios, quorum virtutibus depulsa est funesta eorum pestis. Nec ve-
 rò multis post saeculis item Christus optimus maximus, Arius, Eunomius, Macedonius, Apolinaris,
 Nestorius pestiferos nefariosque conatus deleuit, cum in eam profligatissimam turbam inci-
 tarit robur illud firmissimum nostri exercitus, Athanasium, Basilium, Gregorium Nazian-
 zenum, Gregorium Nyssenum, Epiphanium, Cyrillum, Proclum: ex Latinis verò homini-
 bus, Hilarium, Ambrosium, Augustinum, Hieronymum, Gregorium, nempe illos ipsos,
 in quibus secundum Deum, potissimum nititur nostra religio: ex quorum doctrinis, diuina ve-
 rò ope, deleti, fugatique sunt haeretici, eorumque omnia confutata argumenta. Horum sum-
 morum Ducum vigilis, & quasi cohortis praetoria laboribus, diuino in primis consilio, magna
 ex parte instructa sunt tanquam firmissima castra Theologiae scholastica: quae cum in diuina
 natura contemplatione primum, deinde in earum rerum actione, atque earum virtutum officiis ver-
 satur, quae necessaria sunt ad bene beateque viuendum, tum etiam, quantum à maioribus accepi-
 mus, sacris litteris, diuinisque, & Apostolicis instructa traditionibus, sanctorum Pontificum ar-
 mata sanctionibus, & Conciliorum suffulta decretis, & patrum, ut mox dixi, communia doctrinis,
 non modo in apertum profert, quae sanctioribus mysteriis occulta latent, caeremoniarum ritus
 rationesque explicat, & conscientiae casus, qui difficiles explicatus habent, inuolutos euoluit, obscu-
 ros aperit: sed Christi caelestis magistri, Ecclesiaeque doctrinam, quoad eius fieri potest, disci-
 plinis philosophorum illustrat, aut confirmat. Nam, ut scite docuit Augustinus sanctissimus,
 vasa argentea & aurea, ceteraque Aegyptiorum instrumenta, etiam si commodato acceperi-
 mus, iure quasi nostra facere possumus, atque in vsum fidelium vendicare. Discunt Theologi
 scholastici à David extorquere de manibus hostium gladium, & Goliath importunissimi hostis
 caput proprio mucrone abscindere. Discunt à beato Paulo Apostolo etiam fortuitam inscriptio-
 nem arte torquere in argumentum fidei, & quae in alium vsum scripta sunt, ea ad emolu-
 mentum Catholicae disciplinae conuertere. Sed nolo pluribus, cum res satis atque satis in promptu
 sit: illud autem tacitum non relinquam, quod ad ceteras utilitates, quas Ecclesiae Dei pluri-
 mas maximasque fert scholasticae Theologiae studium, accedit etiam hoc, quod praestantissimum
 est, quod doceat cum propugnare fidem, tum haereses expugnare. Sexcenti, vel potius innume-
 ri clypei ex ea pendent, & omnis armatura sanctorum. Verum, iam summam, ac paucis rem
 omnem complectar: est theologia scholastica, quae tam praecleara, ut dixi, docet, veluti Lectulus
 Salomonis veri, nempe Christi: quem quinquaginta fortes ambiunt, nimirum viri, ad Dei belli
 instructissimi: Petrus Lombardus, de quo ferè in exorsu huius enarrationis dixi, Parisiensium Epis-

1. Reg. 17.

Ab. 7.

Cant. 3.

copus, Alexander Alensis, Albertus Magnus, sanctus Thomas, sanctus Bonaventura, Scotus, Al-
 fiodorensis, & alij clarissimi viri in quibus omnibus primas tenet idem sanctus Thomas, qui
 variam Philosophia Peripatetica supellectilem ad arcem diuinae sapientiae contulit: qui Theo-
 logia scientiam omnibus doctrinarum ornamentis excoluit, omnibusque numeris absoluit: qui sin-
 gulas theologiae quaestiones ordine digessit mirabilem in modum: qui hereticorum argumenta
 mirifice coarguit, eorumque dolos, fallacias, fraudesque accuratissima diligentia detexit: qui he-
 reticorum item perniciosissimos errores maximeque detestabiles, gladio spiritus praecidit, eorumque
 furorem funestis facibus accensum restinxit. Idem affirmari licet de sancto Bonaventura ex
 constitutione & sententia sanctissimi & eruditissimi Pontificis SIXTI QVINTI, qui ma-
 gno etiam adhibito consilio, eum inter eximios primariosque Catholicae Ecclesiae doctores ritu so-
 lemni annumerandum decreuit. Est enim Bonaventura sanctus, sententiarum pondere & utili-
 tate nemini secundus: neque solum argumenti subtilitate, docendi ratione facili, definiendi soler-
 tia praestat, sed diuina quadam vi excellit ad animos permouendos: ac praeterea scribendo, ita
 cum summa eruditione parem pietatis ardorem coniungit, ut lectorem & docendo moueat, &
 doctrinae vi usque adeo in intimos animi sensus penetrat, ut seraphicis quibusdam aculeis ani-
 mum compungat, ac simul admiranda deuotionis pietatisque dulcedine perfundat. Denique di-
 sputationes omnes, cum robore auctoritatis, quam non solum e sanctis Ecclesiae veteribus patri-
 bus, sed etiam e Peripateticis ac Platonicis scholis, aliisque disciplinis accepit, cum rationum
 communiuit adiumentis. Hi igitur duo strenui, sapientissimi, optimique theologiae scholasticae
 duces, aetate aequales, quasi gemini in Christo fratres, iisdem studiis dediti, parique corona con-
 decorati, qui eximiae sanctitati, magnam praestantis doctrinae laudem adiunxerunt, cum veri ro-
 bur stabilierint theologiae neruis, & hereticorum audaciam retuderint solidioribus artibus, pres-
 sorique argumentandi genere: diuine quidem & peropportune factum est, ut his luctuosissimis
 temporibus, quibus nobilissima provincia olim fidei Catholicae gloria florentissima, Germania,
 Anglia, Belgium, & amplissimum Galliae regnum, tamdiu haesum tempestatibus, turbulentis-
 que fluctibus agitantur, & hereticarum opinionum erroribus, quasi tribunitiis furoribus concu-
 tiuntur, optimum doctrinae Catholicae ducem, ad haereses restringendas instructissimum in acie
 sanctissimus D.N. perduceret. Is enim a prima aetate theologiae studiis semper floruit, tantum-
 que in ipsis profecit, ut nemo unam aliquam tam perfecte scientiam didicerit quam ille om-
 nium praecellentium disciplinarum cognitionem est adeptus. Diuinarum autem rerum scientiam,
 & illa ipsa studia, quae sunt Christiano homine digna sic recte nouit, ut non modo cum iis, qui
 nostra memoria floruerunt, comparandus, sed veteribus etiam illis Christianae theologiae princi-
 pibus annumerandus videatur. Et quoniam si doctrina innocentia vitae deest, propemodum
 homini est similis, qui altero oculo captus sit, Scite enim apud Nanzianzenum graece scriptum est:
 Οἱ μὲν δὲ ἢ βίον μόνον ἢ λόγον κατορθώοντες, τῷ ἑτέρῳ δὲ λείποντες, οὐδὲν τῶν ἑτεροφθαλμων, ἐμὲ δὲ οὐκ εἶναι, διαφέρουσιν.
 Sixtus igitur, ut verè dicam, cum & theologiae perfectionem, & sacrarum litterarum perfe-
 ctam cognitionem, & sanctae vitae perfecta officia in seraphico Doctore beato Bonaventura ani-
 maduerterit: necessario Reipublicae Christiana tempore, & ferè collabente cleri populiue Chri-
 stiani disciplina diuinum capit consilium, non solum de eo in eximis Ecclesiae doctoribus ad-
 scribendo, sed etiam de emittendis in manus hominum libris eius: cuius quantum sit
 pondus, quanta sit auctoritas, cum ex superioribus nostris narrationibus, Conciliisque
 Lugdunensis actis intelligi potest, tum ex eo etiam, quod Synodus aemulica Florenti-
 na, in quaestione grauissima magnam ab illo argumenti ac testimonij vim assumpsit.
 Quam ob rem iam obscurum esse non potest. SIXTI QVINTI sapientia Rei-
 publicae Christianae rationibus optime consultum esse editione operum S. Bonaventurae:
 unde hoc necessario tempore omnes & theologiae facultatem, & virtutum, quae
 Christiano homine dignae sunt, recta, ac perfecta officia, & argumenta hauriamus,
 ad explodendas hereticorum opinationes. Deum autem Optim. Maxim. testor, qui om-
 nium mentes perficit, me non hac dixisse, ut Pontificis gratiam, quam ego
 semper maximi feci, per hanc causam mihi concilium: siquidem & eiusmodi ratio apud
 Pontificem, & SIXTVM Pontificem nullum habet locum, & ipse in eam me

pro sua singulari benignitate, nullis meis meritis recepit: sed quia mihi, multum diuque cogitanti, nihil his temporibus opportunius fieri visum est, quam ut potissimum in Christianorum manus pervenirent eiusdem S. BONAVENTURÆ opera, quæ PONTIFICIS SIXTI auctoritate undique impensè conquisita, ferè è tenebris eruta sunt in lucem. Sed ad hanc curam, alia etiam præcipua Pontificis accedit, quia ut omnis hæc editio omni ex parte splenderet, id negotij præcipuè dedit amplissimo CARDINALI SARNANO, in primis docto & religiosissimo viro, qui Sanctissimi D. N. observantissimus, sine ulla exceptione vel temporis, vel occupationis eam talium operum emendationi diligentiam navavit, quam non minimam, sed longe maximam fuisse, ex eo quisque animadvertere potest, quòd is librorum S. Bonaventuræ non solum studiosissimus est, sed non minus illius doctrina ac virtute, quam Cardinalatus splendore excellit, ut non facile diiudicari possit, utrum sit dignitatis amplitudine clarior, an præclaris animi ornamentis illustrior. Cætera quæ ad alios duos Libros sententiarum attinent, alterius partis initio enucleatè scribentur.

ELOGIUM DE S. BONAVENTURA.

Ex Annalibus Ecclesiasticis.

Clemens IV. sanctissimus, idemque doctissimus Pontifex, delectatus etiam est mirificè doctrina sancti Bonaventuræ, Ordinis Minorum Generalis: qui graviter & copiosè tunc scripserat in primum, secundum, tertium, & quartum sententiarum librum.

ELENCHVS

Primi Libri Sententiarum.

Prologus Magistri in Librum I. Sententiarum.
Textus eiusdem Magistri dispersus in Distinctiones XLVIII. in
quibus agitur de Deo trino, & vno.

ELENCHVS

Secundi Libri Sententiarum.

Textus Magistri diuisus in Distinctiones XLIV. in quibus agitur de
rerum spiritualium, corporaliumque creatione, ac de aliis complu-
ribus ad eas pertinentibus.



I
S. BONAVENTURÆ
S. R. E. CARDINALIS,
EPISCOPI ALBANENSIS,
EXIMII ECCLESIAE DOCTORIS.
IN LIBRUM PRIMUM
Sententiarum
PROOEMIUM.

P

ROFVNDÀ fluviorum scrutatus est, & abscondita produxit in lucem. Verbum illud sumptum ex Iob diligentius consideratum, aperit nobis viam ad præcognoscendum quadruplex genus causæ in Libro Sententiarum, scilicet materialis, formalis, efficiētis, & finalis. Cau-

sa namq; materialis innuitur in nomine fluviorum. Causa formalis in perſcrutatione profundorum. Causa finalis in reuelatione absconditorum. Causa vero efficiens intelligitur in supposito duorū verborū, sc. scrutatus est, & produxit in lucē. Innuitur enim causa materialis nomine flui orū pluraliter, non singulariter, vt non solum tangatur Libri totius materia, vel subiectum in generali, sed etiā particularium librorum in speciali. Propter quod notandum quod iuxta quadruplicem proprietatē fluij materialis, quadruplex est fluius spiritualis, de quo secundū quadruplicem differentiam sunt quatuor Libri Sententiarum. Considero namque fluium materiale quo ad durationem, & inuenio perēnitatem. Nā sicut dicit Isidorus: Fluius est perennis fluxus. Cōsidero quantum ad extensionem, & inuenio spatiositatem. In hoc enim distinguitur fluius à riuulo. Considero quantum ad motum, & inuenio circulationē. Sicut enim dicit Ecclesiastes: Ad locum, vnde exeunt flumina, reuertuntur, &c. Considero effectum, & inuenio emundationem. Nam fluius propter aquarum abundantiam mundat terras per quas currit, ita quod non inquinantur. Et quoniam omnes transferentes, secundum aliquā similitudinem transferunt, ex hac quadruplici conditione metaphora quadruplex in spiritualibus fluiis inuenitur, sicut colligere possumus ex scripturis. Primo propter perennitatem dicitur fluius, personarum emanatio, quoniam illa emanatio sola est sine principio, sine fine. De hoc fluiio Daniel: Antiquus dierum sedet, & fluius igneus, rapidusq; egrediebatur à facie eius. Antiquus rite dierum, est Pater æternus, cuius antiquitas est æternitas. Iste antiquus sedet, quia non solum est in eo æternitas, sed etiam immutabilitas. A facie illius antiqui egrediebatur fluius igneus, rapidusque id est de sublimitate diuinitatis eius procedebat plenitudo amoris, & plenitudo virtutis. Plenitudo virtutis in Filiū, ideo fluius erat rapidus. Plenitudo amoris in Spiritum

A sanctum, ideo fluius erat igneus. Secundo propter spatiositatem dicitur fluius, rerum mundanarum productione, ob quam causam non tantum fluius, sed mare à Propheta dicitur iste mundus: Hoc mare magnum, & spatiosum, &c. De hoc fluiio Ezechiel: Ecce ego ad te Pharaon, Rex Ægypti, draco magne, qui cubas in medio fluiorū, & dicis: Meus est fluius, & ego feci memetipsum. Et per nam frænum in maxillis tuis, &c. Draco iste magnus, quē Dominus alloquitur, & cui cōminatur in figura, & persona Pharaonis, diabolus est, qui est rex Ægypti, quæ interpretatur, tenebræ, quoniam regnat in eis, quos excæcauit tenebris erroris, vt puta sunt hæretici. Ad quem etiā dicit: Meus est fluius, & ego feci memetipsum, quasi ipse fecerit mundū istū, & ipse non habeat aliud principiū. Hunc errorē ipse dixit, & suggestit impiis Manichæis qui totā machinā visibilium à Deo malo esse condit. m asserūt, & contendunt. Huius draconis maxillas Dominus infrenabit, quādo ablata sibi potestate congerendi falsa ostendet se esse huius fluij cōditorem, vnde in eadem auctoritate sequitur: Scient omnes habitatores Ægypti, quoniam ego Dominus. Tercio propter circulationem dicitur fluius, Filij Dei incarnatio. Quoniam sicut in circulo vltimum coniungitur principio, sic in incarnatione supremū coniungitur imo, & primū postremo, vt filius Dei æternus homini cōdito die sexta. De hoc fluiio in Ecclesiastico: Ego quasi fluius Dorix, & sicut aqua ductus exiui de paradiso. Dorix interpretatur generationis medicamentū, & est ibi figuratiuus sermo, vt cōuertim intelligitur, id est, generatio medicamēti. Incarnatio enim filij Dei nihil aliud fuit, quā generatio medicamēti: Vere enim languores nostros ipse tulit, & infirmitates nostras ipse portauit. Recte igitur filij incarnatio, fluius Dorix dicitur. Et ipse vere de se dicit Ego quasi fluius Dorix, id est, medicinalis fluius, & sicut aqua ductus exiui de paradiso. Natura aquæ huius est, quod tantū ascēdit, quantū descendit: talis fuit exitus incarnationis, secundū quod dicitur in Psalmo: A sūmo cœlo egressio eius, & occurſus eius vsq; ad summū eius. Et Ioānes: Exiui à Patre, & veni in mundū. Iterū relinquo mundū, & vado ad Patrē, & ita fecit circulū. De hoc etiam fluiio quātum ad egressū eius ex matre, potest exponi illud quod dicit Hester in somnio Mardochei: Paruus riuulus creuit in fluiū, & in lucem, solemque conuersus est. Quis, obsecro, est

Iob. 28. b

Genus causæ quadruplex.

Isidorus lib. 19. Etymolog. c. 20.

Eccles. 1. a

2. Phys. comment. 18. Abstractionem non est mendacium.

Dan. 7. b

Pf. 103. c
Eccl. 29. a

Ægyptus.

Horum meminisse Augustinus pluribus in locis, & præsertim lib. de Heresibus ad Quodvultdesum, 10. 6.

Eccl. 24. d

Isa. 53. a

Psal. 118. b
Ioan. 16. d

Hest. 10. b

Ioan. 1. a

Apoc. 22. a

In lib. Sen-
tentiarum
de Aug. de-
scriptarum
Sent. 328.
tom. 3. Ex
Tracta. 15.
super Ioan.
ante med.
to. 9. Et 15.
de Cinitate
Dei, ca. 16.
tom. 5.

Ecl. 24. a

Psal. 32. b

Ecl. 1. a

4. Reg. 13. c

Apo. ult. a

De causa
formali.

Ecl. 7. c

Rom. 11. d

Psal. 35. a

Ecl. 1. a

Iob. 11. b

Eph. 3. d

paruus rivulus iste, nisi humillima Virgo: hæc crevit in
fluvium, cum genuit Christum, qui non solum flu-
uius per abundantiam gratiæ, sed etiam lux sapientiæ,
& sol iustitiæ dicitur, secundum quod Ioannes de ipso
dicit: Erat lux vera, &c. Quarto propter emundationem
dicitur fluvius, Sacramentorum dispensatio, quæ sine sui
pollutione mundat nos à coinquinationibus peccatorum.
De hoc fluviio in Apocalypsi: Ostendit mihi fluvium
aquæ viæ spléndidum tanquam crystallum, procedentem
de sede Dei, & Agni. Sacramentorum dispensatio dicitur
fluvius spléndidus tanquam crystallus, propter claritatē
& nitore, quem relinquit in animabus, quæ in hoc flu-
mine depurantur. Dicitur etiam fluvius aquæ viæ pro-
pter efficaciam gratiæ, quæ vivificat animam. Hic etiam
procedit de sede Dei, & Agni. Nam Sacramentalis gratia
procedit à Deo tanquā ab Actore, & efficiente: à Chri-
sto tanquā à Mediatore, & à promerente. Propter quod
dicuntur omnia Sacramenta efficaciam habere à passione
Christi, ut testatur Augustinus: De latere Christi dor-
mientis fluxerunt Sacramenta, dū inde fluxit sanguis, &
aqua. De omnibus istis fluviiis simul & per ordinē habe-
tur cap. 2. Genesis, vbi dicitur quod fluvius egrediebatur
de loco voluptatis, qui inde dividitur in quatuor ca-
pita. Nomen primi Phison. Nomen secundi Gehon. No-
men tertij Tigris. Et nomen quarti Euphrates. Fluvius
iste egrediens de paradiso est totius Libri huius mate-
ria. Quatuor fluvij ex isto procedentes sunt speciales
materiæ quatuor Librorū, sicut facile potest aptare, qui
prædictorū nominum interpretationes vult diligenter
exponere. Phison enim interpretatur oris mutatio, & in
hoc significatur personarū emanatio. Sicut enim ex ore
materiali procedit verbū, & spiritus, ita ex ore Patris,
Filius, & Spiritus sanctus. Ego ex ore Altissimi prodij,
primogenita ante omnē creaturā. Hoc dicit ipse filius,
qui est verbū, & sapientia Patris. Et in Psalmo: Verbo
Domini cæli firmati sunt, & spiritu oris eius, &c. Gehon
interpretatur arena, & in hoc significatur rerū munda-
narū productio. Sicut enim vniuersitas creaturarum cō-
paratur mari propter speciositatē, ita arenæ propter in-
numerositatem. Arenam maris, & pluviæ guttas, & dies
sæculi quis dinumeravit? Tigris interpretatur sagitta, &
in hoc significatur filij Dei incarnatio. Sicut enim in sa-
gitta ferrū coniunctū est ligno, sic in Christo fortitudo
diuinitatis cōiuncta est molitiei humanitatis. Et sicut
sagitta ex arcu, & ligno volat ad percutiendum aduersa-
rios, sic Christus de cruce saliens confregit aduersariū.
Hæc est illa sagitta, de qua dicitur: Sagitta salutis Domi-
ni, & sagitta salutis contra Syriam. Euphrates interpre-
tatur frugifer, in quo significatur Sacramentorū dispen-
satio, quæ non tantum animā purgant à culpa, sed etiam
fecundant in gratia. Quod signatum est in Apocalypsi,
vbi dicitur quod iuxta fluviū crystallinum erat lignum
afferens fructum, cuius folia erant in medicinam. Cum
igitur quatuor sint fluvij, quatuor sunt fluviorum pro-
funda prædictis fluviiis correspondentia. Profundum æ-
ternæ emanationis est sublimitas esse diuini, de quo po-
test intelligi illud: Alta profunditas, quis inueniet eam?
Vere profunditas alta, & altitudo profunda, ita ut exclamet
Apostolus, & dicat: O altitudo diuitiarum sapien-
tiæ & scientiæ Dei, quam incomprehensibilia sunt indi-
cia eius: Vere iudicia incomprehensibilia, quia profunda.
Iudicia enim Dei abyssus multa. Et Profundum abyssi
quis dimensus est? Hæc profunditas innuitur in Iob:
Forſitan vestigia Dei comprehendēs, & vsque ad per-
fectum, Omnipotentem reperies. Excelsior cælo est, &
quid facies? profundior inferno: & vnde cognosces? qua-
si dicat, ex te non potes: ideo cōsulit Apostolus: In cha-
ritate radicati, & fundati, ut possitis cōprehendere, &c.
Et hoc profundum perſcrutatur Magister in primo Li-
bro. Sublimitas enim diuini esse consistit in duobus, sc.
in nobilissimis emanationibus, quæ sunt generatio, &
processio. In nobilissimis conditionibus, quæ sunt sum-
ma sapientia, omnipotētia, & perfecta voluntas: de qui-
bus est Primus Liber. Nam in prima parte agit de sacra-

tissima Vnitate, & Trinitate. In secunda vero quæ inci-
pit in distin. 3. Cumque supra differui, &c. speciali tra-
ctatu agit de supradicta eius triplici conditione, siue
proprietate. Profundum creationis est, vanitas esse crea-
ti. Creatura enim quāto magis euaneſcit, tanto magis in
profundum tendit, siue euaneſcat per culpam, siue per
pœnam. Propter hoc dicitur per Prophetam in Psalmo
in persona hominis, qui euauit per culpā: Infixus sum
in limo profundū, & non est substātia. Et rursus orans
Propheta ne euaneſcat per pœnā, dicit: Non me demer-
gat tempestas aquæ, neque absorbeat me profundū, &c.
Hoc profundum ſcrutatur Magister in Secundo Libro.
Nam vanitas esse creati in duobus consistit, videlicet in
mutatione de non esse in esse, & rursus in reuerſione in
non esse. Et quamvis nulla creatura omnino cedat in nō
ens per naturam, verumtamen, sicut dicit Augustinus,
peccator tendit ad non esse per culpam, & de his duo-
bus est totus Secundus. Nam in prima parte agit de re-
rū egressu. In secunda vero parte, quæ incipit in distin-
ctione 21. Videns igitur diabolus, & agit de lapsu, ut de
tentatione diaboli, de peccato originali, & actuali, vsq;
ad finem. Profundum incarnationis est meritū humilita-
tis Christi, quod tantum fuit ut vere possit dici profun-
dū, quasi non habens terminū, nec fundum. De quo po-
test intelligi illud Ionæ: Proieciſti me in profundū in cor-
de maris, & flumen circumdedit me. Hoc potest dici de
Christo qui tantum humiliatus est, ut vere possit dici
proiectus, & abiectus. Et vidimus eum, & non erat ei
aspectus, & desiderauimus eum despectum, & nonissi-
mum virorum, &c. Vere igitur dicit se proiectū, sed vbi?
in profundum maris & fluminis. Nam passio Christi
cōparatur mari propter pœnalitatis amaritudinem: flu-
mini, propter charitatis dulcedinem. Dulcissimum enim
cor Iesu Christi tanta circa nos afficiebatur teneritudi-
ne amoris, ut non videretur ei graue pro nobis sustine-
re extremum, & acerbissimū genus mortis. Et hoc pro-
fundum perſcrutatur Magister in Tertio. Nam meritū
Christi in duobus cōſiſtit, sc. in passione per quam nos
redemit: & in actione per quam nos informauit, quæ
cōſiſtit in operibus virtutum, donorum, & præceptorū,
de quibus duobus est Tertius Liber. Nā in prima par-
te agitur de incarnatione, & passione, in qua cōſiſtit no-
stra redemptio. In secunda quæ incipit in distinctione 23.
Cum vero supra habitum ſit, &c. agitur de virtutibus, do-
nis, & præceptis, in quibus consistit nostra informatio.
Profundū Sacramentalis dispensationis est efficacia per-
fecti medicamenti. Tanta enim est efficacia medicinz
Sacramentalis, quod humanam mētem excedit, ut vere
profundum possit dici De hoc: Posuisti profundum ma-
ris viam tuam, ut trāsirent liberati. Profundum istud in
quo Egyptij demerguntur, & filij liberati tranſeunt, &
saluantur, est efficacia Sacramentorū, in quibus destruuntur
opera tenebrarum, & cōferuntur arma lucis, & dona
gratiarum, per quæ homo transfertur de potestate tene-
brarum in regnum filij charitatis Dei. Hæc efficacia Sa-
cramentorū est profundum maris, in quantum primo li-
berat à culpa, & introducit in amaritudinē pœnitentiæ:
fluminis, in quantum liberat à miseria, & introducit in
dulcedinem gratiæ. Quod optime præfiguratum fuit in
filiis Israël, quibus exeuntibus ex Egypto diuisa est
E aqua, & trāsierunt per mediū ſicci maris, sicut dicitur:
Et introeuntibus in terram promissionis per arenā al-
ueum, trāsiiuit Israël Iordanē istum, ſiccāte Domino Deo
nostro aquas eius, &c. Simile dicitur in Iosue. Hoc pro-
fundum perſcrutatur Magister in quarto Libro. Nā ef-
ficacia perfecti medicamenti in duobus consistit, scil.
in ſanatione à varietate infirmitatū deprimentium, & in
liberatione ab vniuersitate miserationum aggrauantium:
& de his duobus est totus Quartus Liber. Nam in pri-
ma parte agit de multiplici ſanatione, quam efficiunt
septem Sacramenta. In secunda, quæ incipit in distin-
ctione 43. Postremo de conditione resurrectionis, &c. agit de
perfecta ſanitate, ad quam perducunt, sicut de gloria re-
ſurgentium, qui veraciter, & fideliter Sacramenta Eccle-

Psal. 68. a
Psal. 68. bAug. lib. 7.
confes. c. 10.
& de vera
Rel. c. 11. &
seq. 10. 1.

Iona 2. b

I/4. 53. a

I/4. 51. d

Exo. 14. e

Iosue 4. a

De causa finali.

Isa. 45. 6

Job. 26. d

Sap. 9. b

Job. 28. b

Ecclesi. 1. a

Abac. 3. a

Ephes. 3. b

Psal. 30. b

Psal. 145. b

De Causa efficiente.

1. Cor. 2. 6

Dan. 2. 6

siæ perceptorum: & per oppositum de pœna malorū, qui Sacramēta Ecclesiæ contempserunt. Ex percrutatione autem quatuor profundorum in quatuor libris elicitur finis, scilicet reuelatio quatuor absconditorum. Primum est magnitudo diuinæ substantiæ. De qua: Vere tu es Deus absconditus, Dens Israël Saluator. Vere magnitudo diuinæ substantiæ abscondita, secundum illud Job: Cū vix parum illam sermonis eius audierimus, magnitudinē tonitruū eius quis poterit intueri? certe nullus potest intueri nisi ille cū quo Sapientia Dei inhabitat. Pro hoc petebat ille Sapientiæ amator: Mitte illam de cœlis sanctis tuis, & à sede magnitudinis tuæ. Hoc absconditum Magister repletus sapientiā de supernis per primi Libri percrutationem produxit in lucē. Nā visis, & intellectis nobilissimis emanationibus, & nobilissimis proprietatibus, innotescit nobis viatoribus, secundū quod possibile est diuinæ substantiæ magnitudo. Secundū absconditū est ordo diuinæ sapientiæ. De quo Job: Vbi inuenitur sapientiā? & quis est locus intelligentiæ? abscondita est ab oculis omnium viuentium, volucres quoq; cœli latet. Vere abscondita. Quia sicut dicitur ibidē: Sapientia trahitur de occultis: ita quod si cognosci optatur, indiget percrutatione profunditatis nō in se, sed in operibus in quibus ipsa relucet: vnde dicitur in Ecclesiastico, quod vnus est altissimus Creator, qui effudit illā super omnia opera sua. Hoc ergo absconditū manifestat Magister in percrutatione Secundi. Nā viso ordine bonorū & malorū, patet nobis quomodo ab æterno Sapientiā Dei ordinata est, & ex antiquis antequā terra fieret. Tertiū absconditū est fortitudo diuinæ potētiae, de qua Abacuch: Cornua in manibus eius: ibi abscondita est fortitudo eius: legitur de Christo pēdente in cruce, vbi latuit fortitudo virtutis sub pallio infirmitatis. Et hoc est Sacramētū absconditum à sæculis, de quo ad Ephesios: Mihi omniū Sāctorū minimo data est gratia hæc in gētib; Euāgelizare inuestigabiles diuitias Christi, & illuminare omnes, quæ sit dispensatio Sacramenti absconditi à sæculis in Deo. Hoc est Sacramētū absconditū, sacrum secretum: quo Deus fortis, vt hostem vinceret, indutus est armis nostræ infirmitatis: quod est inauditū à sæculis. In percrutatione tamen Tertiū Libri, vbi ostēditur quod Christus in sua infirmitate vicit contrariā potestatem, manifestatur fortitudo diuinæ potētiae. Si enim vicit per infirmitatem, quid fecisset si pugnasset per virtutem? Et si infirmū Dei fortius est hominibus, brachiū Dei quis poterit infirmare? Vere igitur patet inenarrabilis eius fortitudo, cuius est tā fortis infirmitas. Quartū absconditum est dulcedo diuinæ misericordiæ. De quo Psalmus: Quā magna multitudo dulcedinis tuæ Domine, quam abscondisti timentibus te. Vere abscondita, & reuerata timentibus dulcedo misericordiæ. Quia sicut dicitur in Psalmo: Misericordia Domini ab æterno, & vsq; in æternū super timentes eum, & in eis qui sperant super misericordia eius. Hæc dulcedo manifestatur in percrutatione Quarti Libri. Nā viso qualiter Deus dimittit peccata in præsenti, & qualia nostris vulneribus adhibet medicamina, & qualia in futuro dat præmia, nobis dulcedo diuinæ misericordiæ aperitur. Horū igitur absconditorū propalatio est finis Libri generalis: ad quē perducere, & perducere volens Magister Sententiā, percrutatus est profunda fluminiū prævia gratia Spiritus sancti. Ille enim est præcipuus percrutator secretorū, & profundorū secundū quod dicitur ab Apostolo: Spiritus omnia percrutat, etiā profunda Dei. Huius spiritus agitur charitate, & luce & claritate illustratus cōposuit Magister hoc Opus: & scrutatus profunda fluminiū, hoc etiā spiritu adiuuante factus est reuelator absconditorū. Ipse enim est de quo scribitur in Daniele: Ipse reuelat profunda & abscondita: & nouit in tenebris cōstituta. Et hæc fuit intētiō & finis Magistri secundū quod ipse dicit in Prologo: *Lucernā veritatis in candelabro exaltare volētes, in sudore ac labore multo hoc volumen, Deo præstante, conpegimus ex testimoniis veritatis in æternū fundatis.* Et paulo ante dixerat, quod pro-

positum suum est Theologicarum inquisitionum abdita panderet. Patet ergo in verbo proposito præsentis Libri causa materialis, formalis, efficiens, & finalis.

Ad intelligentiam eorum quæ primo tacta sunt, quatuor possunt queri iuxta quatuor prædicta. Primo, quæ sit huius Libri materia, vel subiectum.

Q V Æ S T I O I.

Quæ sit Materia, quodve Subiectum Theologia, vel huius Libri.

Alexander Alensis 1. p. summa. q. 1. Membro 3.

S. Thomas 1. p. summa. q. 1. art. 7.

Agid. Rom. 1. Sent. q. 3.

Durandus 1. Sent. q. 5. Prolegi.

Richardus 1. Sent. q. 6. Prolegi.

Henricus in summa, art. 19. q. 1. Et quodlib. 12. q. 10.

Scotus 1. Sent. q. 1. laterali ipsius Prolegi.

Ioan. Bacon. 1. Sent. q. 3. Prolegi.

Gab. Biel. 1. Sent. q. 9. Prolegi.

Quod Deus sit subiectum, videtur. Illud enim subiectū est in scientia, de quo, & de cuius proprietatibus est scientia tota: sed de Deo, de eius opētib; vt puta creatione, & reparatione, est totus iste liber: ergo, &c.

Item videtur quod subiectum istius libri sint res, & signa. Illud enim est subiectum in scientia, secundum cuius diuisionem, diuiditur, illa scientia ab aliis: quia scientiæ secantur vt res, hoc est quia diuiduntur secundum diuisionem subiectorum: sed hæc est res, & signum, sicut manifestum est: ergo, &c.

Item videtur quod credibile sit subiectum huius Libri. Illud enim est subiectū in libro, circa quod versatur auctoris intētiō, & tractatus: sed credibile est huiusmodi. Vnde Magister dicit in prologo quod propositū suum est fidē nostrā clypeis Dauidicæ turris munire: hoc est ad probandum fidem rationes adducere, non, inquam, fidem habitum, sed fide creditum: ergo, &c.

1. Sed contra: Subiectum in scientia debet completi omne quod determinatur in illa: sed hoc in libro non tantum determinatur de Deo, sed etiam de creaturis: ergo Deus non est subiectum huius totius libri generaliter, sed solum primi libri.

2. Item aliter ostenditur illud idem sic: Licet tres causæ coincident in vnā, tamen materia non coincidit simul cum fine: quia materia dicit quid incompletū: finis autē dicit totius operis complementum. Sed Deus est finis totius istius operis, quia finis totius Theologiæ: ergo non est subiectum, vel materia.

3. Item quod res & signa non sint subiectum, videtur. Omnis enim scientia est de rebus, vel signis: ergo si res & signa sunt subiectum huius Libri, liber iste est generalis ad omnes. Quod si specialis scientia, & doctrina traditur in libro hoc, patet quod res & signa non habent assignari in eo pro subiecto.

4. Item constat quod alia est scientia de rebus, & alia de signis, vt patet: differt enim sermocinalis scientia à naturali: ergo aut scientia tradita in hoc Libro non est vnus generis, aut non est simul de rebus & de signis, vnus generis, ergo, &c.

5. Item quod credibile non sit subiectum videtur. Quia scientia & veritas sunt diuersi habitus, ergo habent diuersa obiecta: ergo cum credibile in quantum huiusmodi sit obiectum veritatis, non erit obiectum scientiæ in quantum huiusmodi ergo, &c.

6. Item sicut consideratio huius Libri versatur, circa fidem, ita circa spem, & charitatē: ergo si sperandū, vel diligendū, siue sperabile, vel diligibile non est subiectū huius libri, pari ratione nec credibile est subiectū in eo.

C O N C L V S I O.

Deus est subiectum Theologia, radicale: Christus est subiectum integrale. Res & signa sunt subiectum vniuersale, vel dicās credibile, vt probabile.

Resp. ad arg. Dicendum quod subiectum in aliqua scientia, vel doctrina tripliciter potest accipi. Vno modo

Epilogus.

Fundamenta.

Arist. 3. de anima, cōtext. 3.

Ad oppos.

2. Phys. cōtext. 70.

Reclamas Scot. in prolog. 1. q. 3.

dicitur subiectum in scientia, ad quod omnia reducuntur sicut ad principium radicale. Secundo modo, ad quod omnia reducuntur sicut ad totum integrale. Tertio modo ad quod omnia reducuntur sicut ad totum vniuersale. Exemplum huius manifeste patet in grammatica. Nam subiectum primo modo, ad quod omnia reducuntur sicut ad primum elementale, vel radicale, est littera: quam ideo vocat Priscianus elementum, quia est minimum in quo stat resolutio grammatici. Subiectum, ad quod omnia reducuntur sicut ad totum integrale, est oratio congrua & perfecta. Subiectum vero, ad quod omnia reducuntur sicut ad totum vniuersale, est vox litterata, articulata, ordinabilis ad significandum aliquid in se, vel in alio. Per hunc modum est distinguere in quadriualibus. Nam subiectum in geometria, ad quod omnia resoluuntur, ut ad principium, est punctus. Subiectum ad quod omnia reducuntur, ut ad totum integrum, est corpus quod continet in se omne genus dimensionis. Subiectum, ad quod omnia reducuntur, ut ad totum vniuersale, est quantitas continua immobilis. Per hunc modum & in hoc Libro est assignare subiectum secundum triplicem differentiam. Nam subiectum, ad quod omnia reducuntur, ut ad principium, est ipse Deus. Subiectum quoque ad quod omnia reducuntur, quæ determinantur in hoc Libro, ut ad totum integrum, est Christus, prout comprehendit diuinam naturam, & humanam, siue creatam, & incretam, de quibus sunt duo primi Libri, & caput & membra, de quibus sunt duo sequentes. Et accipio hic large totum integrum, quod multa complectitur non solum per compositionem, sed etiam per unionem, & per ordinem. Subiectum quoque ad quod omnia reducuntur sicut ad eorum vniuersale, possumus nominare dupla nominatione, siue subdisiunctione, & sic est res, vel signum. Et vocatur hic signum Sacramentum. Possumus & unico vocabulo nominare, & sic est credibile, prout tamen credibile transit in rationem intelligibilem, & hoc per additionem rationis, & hoc modo proprie loquendo, credibile est subiectum in hoc Libro. Concedenda ergo sunt rationes probantes & Deum esse subiectum, & res, & signa, & credibile, diuersimode, sicut dictum est.

1. Quid ergo obicitur in contrarium, quod de Deo non agitur per totum in hoc Libro, dicendum quod, quavis non agatur de Deo quantum ad substantiam tantum, agitur tamen quantum ad substantiam, vel quantum ad opera eius, & ideo non est subiectum ut totum, sed ut principium.

2. Quid obicitur, quod materia non coincidit in vnum cum fine, dicendum quod materia tripliciter dicitur, scilicet materia ex qua, materia in qua, & materia circa quam: & hæc vltima materia magis dicitur obiectum quam materia. Quando ergo dicitur quod materia non coincidit cum fine, verum est de materia ex qua, quæ proprie est materia: sed non de materia circa quam, quæ proprie est obiectum. Nam idem potest esse obiectum habitus, & finis, & tali modo accipitur materia in scientia pro obiecto veritatis cognoscentis.

3. 4. Quid obicitur de rebus, & signis quod sint subiecta omnium scientiarum, dicendum quod res, & signum possunt accipi in sua generalitate, & sic non pertinent ad scientiam specialem, nec ad librum, nec ad eandem scientiam. Possunt iterum accipi secundum quod induunt rationem credibilis, & sic quemadmodum vna est veritas, & vnus est habitus de omnibus credibilibus, siue, sint res, siue sint signa, ut fides, sic vna est scientia specialis de omnibus, in quantum induunt hanc rationem, scilicet credibilis, siue sint res, siue signa. Aliter potest dici quod dupliciter est loqui de rebus, & signis, aut absolute, aut in relatione ad fruitionem, siue ad illud quo fruendum est. Primo quidem modo spectant ad speciales scientias, & diuersas. Secundo modo ad vnam scientiam, siue doctrinam. Vnde quemadmodum de omnibus entibus in quantum reducuntur ad vnum primum ens, est vna scientia, aut vnus liber: sic de omnibus rebus, & signis in quantum ordinantur ad vnum, quod est & est vna scientia.

5. 6. Quid obicitur quod credibile est obiectum

A veritatis, est dicendum quod alio modo est credibile obiectum veritatis, alio modo scientie. Credibile enim secundum quod habet in se rationem primæ veritatis, cui fides assentit propter se, & super omnia, pertinet ad habitum fidei. Secundum vero quod super rationem veritatis addit rationem auctoritatis, pertinet ad doctrinam sacræ scripturæ. De qua dicit Augustinus quod maior est eius auctoritas, quam humani ingenij perspicacitas. Sed secundum quod supra rationem veritatis, & auctoritatis addit rationem probabilitatis, pertinet ad considerationem præsentis Libri, in quo ponuntur rationes probantes fidem nostram, & sic patet quo modo differenter est fides de credibili, & libri de canone sacræ scripturæ, & præsens scriptura. Et ideo non valet illa obiectio de spe, rabili, vel diligibili, quoniam iste Liber non est sic ad defensionem spei, & charitatis, sicut fidei: unde non est simile.

QUESTIO II.

Quæ causa formalis, quive procedendi modus sit in his Libris Sententiarum.

Alexander Alensis 1. p. summa, q. 1. Membrum 4. art. 1.

DE causa formali, siue modo agendi huius Libri. Et dictum est quod est persecutorius & inquisitiuus secretorum.

SED contra per Isaiam: Deus dat secretorum scrutatores quasi non sint.

2. ITEM in Proverbiis: Scrutator maiestatis opprimeur à gloria.

3. ITEM: Altiora te ne quæsieris, & fortiora te ne scrutatus fueris. Ergo si ea quæ Magister persecutatur, sunt secreta, sunt magna, sunt alta & fortia, male Magister procedit.

4. ITEM: ratione ostenditur sic: Modus procedendi in parte scientiæ debet esse vniformis modo totalis scientiæ, sed modus procedendi in sacra Scriptura est typicus, & per modum narrationis, non inquisitionis: cum ergo iste Liber pertineat ad sacram Scripturam, non debet procedere inquirendo.

5. ITEM modus agendi debet esse conueniens materiæ de qua est. Vnde in primo Ethicorum dicitur: Sermones inquirendi sunt secundum materiam: sed materia huius doctrinæ est credibile, & credibile est supra rationem, ergo modus procedendi per rationes non conuenit huic doctrinæ.

6. ITEM modus agendi debet esse conueniens fini ad quem ordinatur scientia: sed hæc scientia, ut dicit Magister in littera, ordinatur ad fidei promotionem, sed rationes finem non promouent, sed enactant. Vnde Gregorius: Fides non habet meritum, cui humana ratio præbet experimentum: ergo talis modus contrariatur fini, ergo non est conueniens. Vnde & Hieronymus: Tolle inquit, argumenta cum de fide agitur. Pastoribus, & piscatoribus creditur, non dialecticis. Vanus ergo & inutilis videtur hic modus.

SED contra: Parati omni poscenti reddere ratione de ea, quæ in vobis est fide, & spe. Cui ergo multi sint qui fidem nostram impugnant, utique rationem de ea poscent, utile & congruum videtur per rationes eam astruere, & modo inquisitorio, & ratiocinando procedere: ergo, & c.

ITEM Richardus de sancto Victore in libro de Trinitate: Credo siue dubio ad quorumlibet explanationem necesse est non modo probabilia, sed etiam necessaria argumenta non deesse, licet contingat nostram industriam latere. Ergo cum fides nostra credat necessaria, & illa habeant rationes latentes, & talia indigeant persecutione ut enodentur, patet quod modus persecutorius maxime conuenit huic scientiæ.

ITEM non est peioris conditionis veritas fidei nostræ, quæ aliarum veritatum: sed in aliis veritatibus ita est, quod omnis quæ potest per rationem impugnari, potest & debet per rationem defendi: ergo pari ratione & veritas fidei nostræ.

ITEM non est modo fidei nostræ peioris conditionis, quæ in principio: sed in principio quando impugnabatur per falsa miracula magorum, defendebatur per vera

Aug. lib. 2.
super Gen.
ad litteram,
cap. 5. in
fin. rom. 3.

Ad oppos.
Isai. 40. c

Prov. 25. d

Ecc. 3. c

Cap. 3. & l.
2. cap. 2.
Dion. 1. de
Dini. nom.

Homil. 26.
in Euang.

Hieron. ad
Paulinum
de din. hist.
c. 7.

1. Pet. 3. c
Fundamen-
ta.

Alex. 1. p.
q. 2. memb.
3. art. 4.
Lib. 1. c. 4.
circa princ.

Sanctorum

Sanctorum: ergo cum modo impugnetur per falsa argumenta hæreticorum, debet defendi per vera argumenta Doctorum.

CONCLUSIO.

Modus procedendi perscrutatorius, atque inquisitiuus conuenit huic Doctrina, quippe qui initiantes, ad fidem promouet, infirmos fouet, perfectosque consolidat.

RESP. ad arg. Dicendum quod modus perscrutatorius conuenit huic doctrina, siue libro. Cum enim finis imponat necessitatem his quæ sunt ad finem. (Quia sicut dicit Philosophus: Serra est tentata, quia est ad secandum,) sic iste liber, quia est ad promotionem fidei, habet modum inquisitiuum. Modus enim ratiocinatus, siue inquisitiuus valet ad fidei promotionem, & hoc tripliciter secundum tria genera hominū. Quidam enim sunt fidei aduersarij. Quidam sunt in fide infirmi. Quidam vero perfecti. Modus inquisitiuus valet primo ad confundendum aduersarios. Vnde Augustinus: Aduersus garrulos ratiocinatores elatioris magis quam capaciores, rationibus catholicis, & similitudinibus congruis ad defensionem & assertionem fidei, est utendum. Secundo valet ad fouendum infirmos. Sicut enim Deus charitatem infirmorum fouet per beneficia temporalia, sic fidem infirmorum fouet per argumenta probabilia. Si enim infirmi viderent rationes ad fidei probabilitatem deficere, & ad oppositum abundare, nullus persisteret. Tertio valet ad delectandum perfectos. Miro enim modo anima delectatur in intelligendo quod perfecta fide credit. Vnde Bernardus: Nihil libentius intelligimus, quam quod iam fide credimus.

1. 2. 3. QVOD ergo obiicitur in contrarium, dicendum, quod omnes illæ auctoritates intelliguntur de perscrutatione curiosa, non de perscrutatione studiosa. Nam ipse Dominus dixit Iudæis: Scrutamini Scripturas, &c.

4. QVOD obiicitur quod ille modus non competit sacra Scriptura; dicendum ad hoc quod liber iste ad sacram Scripturam reducitur per modum cuiusdā subalternationis, non partis principalis. Similiter & libri Doctorum, qui sunt ad fidei defensionem, quod patet sic: Quia non quælibet determinatio trahens in partem, facit subalternationem scientiæ, sed determinatio quodammodo distrahens. Nam scientia de linea recta non dicitur subalternari Geometricæ, sed scientia de linea visuali, quoniam hæc determinatio quodammodo trahit ad alia principia. Quoniam ergo sacra Scriptura est de credibili, ut credibile, hic est de credibili ut facto intelligibili, & hæc determinatio distrahit. Nam quod credimus debetur auctoritati, & quod intelligimus rationi. Hinc est quod sicut alius modus certitudinis est in scientia superiori, & inferiori, ita alius modus certitudinis est in sacra Scriptura, & alius in hoc libro, & ideo alius modus procedendi. Et sicut scientia subalterna ubi deficit, redit ad certitudinem scientiæ subalternantis, quæ maior est; sic etiam cum Magistro deficit certitudo rationis, recurrit ad auctoritates sacra Scriptura, quæ excedit omnem certitudinem rationis.

5. QVOD tu obiicis, quod modus debet conuenire materiæ; dicendum quod conuenit. Et quod obiicitur, quod credibile est super rationem, verum est super rationem quantum ad scientiam acquisitam per rationem euidentem: sed non supra rationem eleuatam per fidem, & per donum scientiæ, & intellectus. Fides enim eleuat ad assentiendum: scientia & intellectus eleuant ad ea, quæ credita sunt, intelligendum.

6. QVOD obiicitur quod non conuenit fini, quia euacuatur meritū; dicendum quod quando assentitur propter se rationi, tunc auferitur locus fidei, quia in anima hominis dominatur violentia rationis. Sed quando fides non assentit, propter rationem, sed propter amorem eius cui assentit, desiderat habere rationes: tunc non euacuat ratio humana meritum, sed auget solatium, & primo modo intelligit Greg. similiter & Hieronymus, quod non sunt inducenda argumenta dialectica, quibus

A homo principaliter innitatur, quia innitendum est auctoritati principaliter, quam rationi.

QUESTIO III.

An Theologia sit gratia speculationis, vel ut boni fiamus.

S. Thomas 1. p. summa, q. 1. art. 4.
Egid. Rom. 1. Sent. q. ult. Prologi.
Henricus in summa, art. 8. q. 3.
Scotus 1. Sent. q. ult. Prologi.
Richardus 1. Sent. q. 4. Prologi.
Franciscus de Mayr. 1. Sent. dist. 48. q. 2.
Durandus 1. Sent. q. 6. Prologi.
Ioan. Baccón. 1. Sent. q. 4. Prologi.
Gab. Biel. 1. Sent. q. 12. Prologi.

DE causa finali. Et cum dictum sit quod liber iste est ad reuelandum abscondita, quaeritur utrum Opus hoc sit contemplationis gratia, vel ut boni fiamus. Et quod sit ut boni fiamus, videtur sic: Omnis doctrina quæ est de his, sine quorum cognitione non contingit recte viuere, est ut boni fiamus: sed iste liber est ad cognitionem nostræ fidei, sine qua impossibile est placere Deo, nec recte viuere, ut dicitur ad Hebræos. Ergo iste liber est ut boni fiamus.

ITEM omnis doctrina, quæ conuenit cum virtute in obiecto, est ut boni fiamus: hæc per se manifesta est: sed hæc doctrina conuenit cum fide in obiecto, quia est de credibili, de quo etiam est fides, siue in quo: ergo, &c.

ITEM doctrina particularis conuenit cum totali in fine: sed finis totalis Scripturæ sacrae non est tantum ut fiamus boni, sed etiam ut fiamus beati, & beatitudo est optimum: igitur finis istius scientiæ est ut boni fiamus.

CONTRA: Magister dicit in litera quod finis, siue intentio sua est theologicarū inquisitionū abdita pandere: sed hoc pertinet ad eū, cui finis est speculatio: ergo, &c.

2. ITEM scientia quæ est ut boni fiamus, pertinet ad mores: sed cum Theologia sit de fide non de moribus: liber autem iste de his, quæ spectant ad fidem, non de his, quæ spectant ad mores: ergo opus hoc non est ut boni fiamus.

3. ITEM omnis scientia quæ est ut boni fiamus, est practica: sed omnis talis est de his quæ sunt ab opere nostro: sed hæc non est de his quæ sunt ab opere nostro, sed a Deo: ergo est contemplationis gratia, non ut boni fiamus.

CONCLUSIO.

Theologia est scientia affectiua: & huius cognitio est gratia speculationis, sed principaliter ut ipsa boni fiamus.

RESP. ad arg. Ad intelligentiam prædictorum notandū est quod perfectibilis est intellectus noster a scientia. Hunc autem contingit considerare tripliciter, sc. in se, vel prout extenditur ad affectum, vel prout extenditur ad opus. Extenditur autem intellectus per modum distantis, & regulantis: & quia secundum hunc triplicem statum errare potest, habet triplicem habitum directiuum. Nam si consideremus intellectum in se, sic est proprie speculatiuus, & perficitur ab habitu, qui est contemplationis gratia, quæ dicitur speculatiua scientia. Si autem consideremus ipsum, ut natum extendi ad opus, sic perficitur ab habitu qui est ut boni fiamus: & hæc est scientia practica, siue moralis. Si autem medio modo consideretur ut natus extendi ad effectum, sic perficitur ab habitu medio inter pure speculatiuum & practicū, qui cōplectitur vtrumque, & hic habitus dicitur sapientiæ, quia simul dicit, cognitionem & affectū. Sapientia enim doctrina est secundum nomē eius. Vnde hic est contemplationis gratia, & ut boni fiamus, principaliter tamē ut boni fiamus. Talis est cognitio tradita in hoc Libro. Nā cognitio hæc iuuat fidem, & fides sic est in intellectu, ut quātum est de sui ratione, nata sit mouere affectum, & hoc patet. Nam hæc cognitio: Christus pro nobis mortuus est, & consimiles, nisi sit homo peccator, & durus, mouet ad amorem & deuotionem. Non sic ista: Circulus vincit diametrum, &c. Concedendum est ergo, quod scientia præsentis libri est ut boni fiamus.

Arist. 1. de
par. ani. c. 5.
Alex. ubi
supra.

Aug. 1. de
Trinit. ca. 2.
tom. 3.

Bern. lib. 5.
de confid.
post initium
tom. 1.

Ioan. 5. f

Aug. lib. de
utilitate
credendi,
c. 11. tom. 6.

Alex. ubi
supra.

Vide lib. 3.
sent. dist. 24.
q. 4. 2. & 3.

Fundamēta.

Hob. 11. a

Ad oppos.

2. Meth. 3.
quia practi-
ca finis est
opus.

Ecol. 6. c

Dionys. q. 3.
prolog.

Conclus.

2. QVOD obiicitur, quod est ad pandendum ab con- A
ditas dicendum quod ibi non est status, quia illa reuelatio ordinat ad affectum.

2.3. QVOD obiicitur, quod non est de moribus, nec de his quæ sunt ab opere nostro, iam patet responsio ad duo vltima: quia ipse loquitur de illa scientia quæ proprie est, vt boni fiamus, vt de practica.

QVÆSTIO IV.

Quæ causa agens, siue efficiens huiusce Libri.

DE causa efficiente. Et dicitur fuisse Magister Petrus Lombardus Parisiensis Episcopus. Sed quod non debeat dici auctor huius libri, videtur sic: Ille solus dicitur auctor libri, qui est doctor, siue auctor doctrinæ, sed sicut dicit * Augustinus in libro de Magistro, Solus Christus est doctor: ergo solus debet dici huius libri auctor.

2. ITEM sicut dicit Philosophus in Ethicis: Non quicumque facit grammaticalia, vel musicalia, debet dici grammaticus, vel musicus, vt pote si faciat casu vel fortuna, vel alio supponente, siue dicente: sed Magister hoc opus composuit ex aliena doctrina, nam ipse dicit in litera: In hoc opere Maiorum exempla, doctrinamque reperies: ergo non debet dici auctor.

Si tu dicis, quod non tantum hic est doctrina sanctorum, sed etiam sua, cuius ratione debet dici auctor. Contra: A maiori & digniori debet fieri denominatio: sed Magister dicit quod si paulisper vox sua insonuit, non tamen à paternis limitibus discessit, &c. ergo non debet iste liber dici esse Magistri.

CONTRA: Constat quod Deus hoc opus non scripsit digito suo: ergo habuit alium doctorem: sed non est dare alium nisi Magistrum, ergo &c.

ITEM auctoritas Magistri, in hac parte recipitur. Ideo cum ipse dicat in litera: In multo labore, & sudore hoc volumen. Deo præstante, compegimus: ergo videtur quod ipse fuit auctor præsentis libri.

CONCLUSIO.

Petrus Lombardus, Episcopus Paris, est auctor huius libri.

RESP. ad arg. Ad intelligentiam doctorum notandum, quod quadruplex est modus faciendi librum. Aliquis enim scribit alienam materiam nihil addendo, vel mutando, & iste mere dicitur scriptor. Aliquis scribit aliena addendo, sed non de suo, & iste compilerator dicitur. Aliquis scribit & aliena & sua, sed aliena tanquam principalia, & sua tanquam annexa ad euentia, & iste dicitur commentator. Aliquis scribit & sua & aliena: sed sua tanquam principalia, aliena tanquam annexa ad confirmationem, & talis debet dici auctor. Talis fuit Magister, quoniam sententias suas ponit, & Patrum sententiis confirmat. Vnde vere debet dici auctor huius libri.

1. QVOD ergo obiicitur, quod solus Christus est doctor, & auctor, dicendum quod sicut dicit Augustinus in libro de doctrina christiana: Docere est dupliciter, sicut dicitur dupliciter aliquis facere videre. Aliter enim facit videre, qui visum restituit: aliter qui visibile digito ostendit. Primum facit Deus: secundum, homo. Similiter aliter docet qui scientiam quam habet, in alium verbo vel scripto offert, vel ostendit: aliter qui habitum scientiæ imprimit: uterque tamen dicitur doctor & auctor: sed Deus principalius, sicut in proposito.

2. QVOD obiicitur, quod fecit librum alio supponente, dicendum quod non ideo dicitur facere aliquis supponente alio, quia ab alio didicit (tunc enim pauci essent doctores, vel grammatici) sed si omnino scientia eius dependeat ab alio ita quod non habeat habitum intra, sicut illi qui faciunt bonum latinum, quia alij ei dixerunt, sed ipsi ignorant artem: hoc modo non fecit Magister librum istum. Nam à scientia, quæ acquiratur longo tempore, vel labore, hoc Opus composuit, & per doctrinas Patrum suas sententias confirmavit. Et quod iuncti multa dicta aliorum, hoc non tollit Magistro auctoritatem, sed potius eius auctoritatem & humilitatem commendat, &c.

Finis Proœmij Sancti Bonaventuræ in Librum primum Sententiarum.

PROLOGVS MAGISTRI IN LIBROS SENTENTIARVM.

Rationes mouentes Magistrum ad aggrediendum Opus ex approbatione & amore boni, catholice scilicet veritatis.

Videntes aliquid de penuria, ac tenuitate nostra cum pauperula in gazophilacium Domini mittere, ardua scādere, Opus ultra vires nostras egere præsumpsimus, consumptionis fiduciam, laborisque mercedem in Samaritano statuentes, qui prolatis in curationem semivivi duobus denariis, supererogati cuncta reddere profusus est. Delectat nos veritas pollicentis, sed terret immensitas laboris. Desiderium hortatur proficiendi, sed dehortatur infirmitas deficiendi, quæ vincit zelus domus Dei. * Quo inardescentes fidē nostrā aduersus errores carnaliū atque animalium hominū, Davidica Turris clypeis munire, vel potius munitam ostendere, ac theologicarū inquisitionū abdita aperire, necnon sacramentorū Ecclesiasticorū pro modulo intelligentiæ nostræ notitiā tradere studuimus. * Non valentes studiorum fratrum votis iure resistere, eorū in Christo laudabilibus studiis lingua, ac stylo nos seruire flagitantium, quas bigas in nobis agitât Christi charitas.

Rationes mouentes Magistrum ex detestatione & odio mali, hæreticæ scilicet peruersitatis.

Quamvis non ambigamus, omnem humani eloquij sermonem calumniam, atque contradictioni amulorum semper fuisse obnoxium, quia dissentientibus voluntatum motibus, dissentiens quoque fit animorum sensus, ut cum omne dictam veri ratione perfectum sit, tamen dum aliud aliis aut videtur, aut complacet, veritati vel non intellectæ, vel offendentis, & impietatis error obnititur, ac voluntatis inuidia resultat, quæ Deus saculi huius operatur in illis diffidentie filiis suis, qui non rationi voluntatē subiiciunt, nec doctrinā studij impendunt, sed his, quæ somniarunt, sapientia verba coaptare nituntur, non veri, sed placiti rationē sectantes, quo iniqua voluntas non ad intelligentiā veritatis, sed ad defensionē placentiū incitat, non desiderantes doceri veritatē, sed ab ea ad fabulas cōuertētes auditū. Quorū professio est magis placita, quàm docenda conquirere, nec docēda desiderare, sed desideratis doctrinā coaptare, quæ habent rationē sapientiæ in superstitione. † Quia fidei defectionē sequitur hypocrisis mendax, ut sit in verbis pietas, quæ amiserit conscientia, ipsamque simulatā pietatem omni verborū mendacio impiam reddunt, falsa doctrinā institutis fidei sanctitatem corrumpere molientes, aurumque pruriginem sub nouello sui desiderii dogmate aliis ingerentes, qui contentioni studentes contra veritatē sine favore bellant. Inter veramque assertionem, & placiti defensionē pertinax pugna est, dum se & veritas tenet, & se voluntas erroris tueretur. Horum igitur & Deo odibile Ecclesiā euertere, atque ora oppilare, ne virus nequitia in alios effundere queant, & lucernā veritatis in candelabro exaltare volentes, in labore multo, ac sudore hoc volumē, Deo præstate, compegimus ex testimoniis veritatis in æternū sudatis, in quatuor libros distinctum.

Rationes mouentes Discipulos ad audiendum: quibus etiam hoc Opus authenticum esse probatur.

In quo Maiorū exempla, doctrinamque reperies, in

Luc. 21. a
Mar. 12. d
Luc. 10. f

* Ex Aug. 3.
de Trin. in
proœmio,
10. 3.

* Ex Aug.
ibidem.

Ex Hilary.
10. de Tri. in
primæ.

1. Cor. 4. a
Ezech. 2. b

1. Tim. 4. a
1. Tim. 4. b

† al. Super-
ficie.
2. Tim. 4. a

Mat. 5. b

quo per Dominica fidei sinceram professionē viperea doctrina fraudulentia prodidimus, aditū demonstranda veritatis complexi, nec periculo impia professionis incerti, temperato inter utrumque moderamine utētes. Sicubi vero parum vox nostra insonuit, non a paternis discessit limitibus. * Non igitur debet labor cuiquam pigro, vel multum docto videri superfluous, cum multis impigris, multisque indoctis, inter quos etiam & mihi sit necessarius, breui volumine complicans Patrum Sētentias, appositis eorum testimoniis, ut non sit necesse quarētī librorum numerositatem euoluere, cui breuitas, quod queritur, offert sine labore. In hoc autem Tractatu non solum pium lectorem, sed etiam liberum correctorem desidero, maxime ubi profunda versatur veritatis questio, quæ utinam tot haberet inuentores, quot habet contradicētes. Ut autem, quod queritur, facilius occurrat, titulos, quibus singulorum Librorum capitula distinguuntur, præmisimus.

S. BONAVENTURÆ,

IN PROLOGVM

Sententiarum Expositio.

Cupientes aliquid de penuria, &c.

Expositio Textus.

IN ALI Libro præmittit Magister Prologum, in quo t̄git causas suscepti Operis. Diuiditur autē in duas partes. In prima parte ponit rationes, quæ mouerunt ipsum ad aggrediendum præsens negotium, siue Opus. In secunda, rationes quæ debent mouere discipulos ad benigne audiendum, circa finem: In quo Maiorum, &c. ubi incipit alloqui auditores. Prima pars diuiditur in duas, quia duplex ratio potest mouere aliquem ad opus faciendum, sc. amor boni, & odium mali. Primo ergo ponit rationes sumptas ex parte amoris boni, sc. catholicæ veritatis. Secundo ex parte odij mali, sc. hæreticæ prauitatis, ibi: *Quamvis non ambigamus, &c.* Prima pars habet quatuor particulas. In prima tangit causam excitantem, & hæc est desiderium mercedis, & spes auxilij sub exemplo viduæ, & parabola Samaritani. In secunda ponit causam retrahentem, quæ duplex est, sc. laboris immensitas, & propria infirmitas, ibi: *Delectat nos, &c.* In tertia ponit causam propellentem. Et hæc est zelus ipsum accendens, ibi: *Quam vincit Zelus.* In quarta ponit causam compellentem, & præualentem, ibi: *Non valentes, &c.* Et hæc est petitio fratrum studiosorum, quibus non potest quis iure resistere, sed quodam modo necessario oportet collum subicere.

DVBIA LITERALIA.

Opus ultra vires nostras agere præsumpsimus, &c.

Dub. I.

Hic obiicitur: Præsumptio est peccatum, ergo peccauit.

RESP. Est præsumptio confidentiæ de diuino adiutorio, & præsumptio superbiæ, quæ est de proprio ingenio. Prima non est peccatum, sed est virtutis indicium: secunda vero est peccatū: sed de prima loquitur Magister. Vel aliter: Est præsumptio secundum veritatē, & est præsumptio secundum propriam æstimationē. Prima est reprehensibilis, quia superbiæ: secunda laudabilis, quia humilitatis. Nec est culpabilis qui in omnibus operibus suis se reputat indignum, & quasi præsumptuosum.

Prolatis duobus Denariis, supereroganti, &c. Dub. II.

Hic queritur, quæ sit ista supererogatio. Si tu dicas quod sit Magistrorum & Sanctorum superadditio ad sacram Scripturam. CONTRA per Damascenum: Quæ

tradita sunt nobis per legem, & Prophetas, veneremur nihil ultra inquirentes. Item in Apocalypsi: Si quis apposerit ad hæc: apponet ei Dominus plagas.

RESP. Dicendum quod est additio distrahens, & est additio complens. Addens primo modo non supererogat, sed magis diminuit, & subuertit, & tales sunt hæretici, quibus datur maledictio. Addens secundo modo supererogat, quia saluo sensu, Scripturam ipsam dilucidat. Per duos igitur denarios, duo intelligo Testamenta. Per Samaritanum, Christum. Per semiuivum, hominem gratuitis expoliatum, & vulneratum in naturalibus. Et supererogationem intelligo Doctorem exponentem. Vel aliter dicendum, quod est additio, in qua additum est contrarium: & est, in qua additum est diuersum: & est, in qua additum est consonum. Prima additio est erroris. Secunda præsumptionis, quia præsumptio est, dicere in sacra Scriptura aliquod omnino diuersum ab his quæ in ea expressa sunt. Tertia fidelis instructionis: quia quod implicitum est, explicat.

Quod vincit zelus Domus Dei. Dub. III.

Hic queritur quis sit iste zelus: & quare magis hoc zelo accenditur contra animales & carnales, quam contra superbos & alios peccatores: & cum zelus sit amor priuatus, non videtur, quod deberet zelo accendi.

ITEM cum maius sit peccatum superbia: videtur quod magis deberet accendi contra superbos.

RESP. Ad primum dicendum, quod zelus est amor nolens habere consortium in amato: zelus malus vitat omne consortium, sed zelus bonus vitat tantum malos, unde veri zelatores domus Dei non possunt videre in Ecclesia vitia quæ insurgunt contra ipsam. Unde dicit glossa: Zelus bonus est quo animus, abiecto humano timore, accenditur, & eo tendit ut quælibet praua quæ viderit, corrigere satagat: & si nequinerit, toleret & gemat.

AD secundum dicendum quod Magister specialiter in Ecclesia zelabat fidem: & ideo Magister accendebatur contra fidei corruptores. Dupliciter autem corrumpit quis fidem, aut motus peruersitate voluntatis, & affectionis: & sic dicitur carnalis. Nam caro dicitur hic carnalis affectio, secundum illud: Manifesta sunt opera carnis, &c. Alio modo corrumpit quis motus peruersitate iudicij: & hic dicitur animalis quasi phantasticus: quia phantasiæ peruertunt iudicium rationis.

Quas bigas agitat in nobis Christi charitas.

Dub. IV.

Contra per Ecclesiasten: Nemo scit an odio, an amore dignus sit.

RESP. Dicendum quod charitas vno modo dicit virtutem gratuitam. Alio modo dicit largē amorē multum appetitātem amatū. Unde charitas dicitur quasi amor charus. Primo modo supra charitate, verū est certitudinaliter quod nescit aliquis: potest tamē aliquo experimēto dulcedinis diuinæ misericordiæ hoc coniectare probabiliter. Secundo modo potest scire: et si primo modo dicit Magister, nō dicit asserēdo, sed coniectēdo. Si secundo modo, tunc asseritue potest intelligi: & sic patet illud.

Quomodo non ambigamus, &c.

Supra posuit Magister rationes mouentes ex approbatione boni: hic ponit rationes mouētes ex odio, & detestatione mali: & hoc est malum hæreticæ peruersitatis. Habet autem hæc pars quatuor particulas. In prima tangit eorum peruersitatem, quæ consistit in calumniando bonū, & verum ex erroris cæcitate, & inuidiæ pari malignitate. In secunda tangit huius peruersitatis radicem, quæ est suggestio diabolica, & propria superbiæ, ibi: *Quam Deus huius sæculi.* In tertia tangit huius erroris defensionem, quæ est per falsam superstitionem, & mendacem, & contentiosam locutionem ibi: *Habent rationem sapientia in superstitione.* In quarta infert rationem, quæ ipsum mouit ad præsentis Operis compilationem, ibi: *Horum igitur Deo odibilem.* Et ratio hæc, est subuersio erroris.

* Ex Aug.
in præmio
3. de Trin.
10. 3.

Diuisio.

Apoc. ult. d

Glossa in
hunc locum
10m. 2.

Gal. 5. 6

Ecl. 9. a

Diuisio.

Dam. lib. 1.
de fide, c. 1.

Veritatis, vel non intellecta. Dub. V.

Videtur quod dicat male, quia veritas est lux-intelligibilis, sicut lux corporalis sensibilis: sed oculus habet visum, non potest ignorare lucem sensibilē: ergo pari ratione nec intellectus ignorabit lucē intelligibilem. Si tu dicas quod est simile, quæritur quare non est simile: & quare magis deficit natura intellectui, quā sensui.

RESP. Dicendum quod simile est si quis attendat. Triplex enim est causa, quare aliquis nō videt visibile aut enim non videt, quia nō vult respicere, aut si vult, impeditur propter defectum organi, aut propter absentiam lucis: hoc manifestū est. Similiter in spiritualibus, intellectus frequēter aliqua non intelligit, quia non vult cōsiderare. Aliquando vero non intelligit propter impedimentū ex parte corporis, ut patet in phreneticis, & stultis. Aliquando propter absentiam lucis. Licet enim lux increata se non subtrahat quantum ad essentiā, vel quantum ad quāvis influentiam, subtrahit tamen se homini cum peccavit, quantum ad influentiā perfectā: unde dicitur inflixisse ei ignorantiam. Unde sicut oculus in tenebris errat, sic hodie miser humanus intellectus. Cū autē plene restitueretur in lucē, sicut oculus videre poterit omne visibile, sic intelliget omne intelligibile.

Veritatis offendenti, impietatis error. Dub. VI.

Contra: Omnes homines natura scire desiderant, sicut etiam esse beati: sed beatitudo neminem offendit, quia omnes eam desiderant: ergo nec veritas offendit aliquē.

RESP. Dicendum quod est loqui de veritate quantum ad primum effectum, qui est illuminare: & quantum ad istum nemo ipsam odit: omnes enim naturaliter desiderant illuminari. Est iterum loqui quantum ad effectum consequentem, qui est arguere: & hunc habet in malis. Manifestatio enim mali redarguit facientem: & inde est quod mali odiunt veritatem. Quia sicut dicitur: Qui male agit, odit lucem.

Qui contentioni studentes contra veritatem sine federe bellant. Dub. VII.

Contra per Eisdā: Magna est veritas, & fortior omnibus. Omnis terra veritatē innocat, & omnes tremunt eā.

RESP. Dicendum: Est loqui de veritate simpliciter vel de veritate quantum ad hoc, siue in speciali. Primo modo veritas est inexpugnabilis, & ideo prævalet, & sic intelligitur illud Eisdā. Est iterū loqui de veritate secundo modo: sic contingit eā per rationes phantasticas obumbrari, & per contentiōem impugnari. Unde Amb. super illud verbum Apostoli, Contentiōe, dicit: Contentiō est impugnatio veritatis cū cōfidentia clamoris.

Ex testimonijs veritatis in æternum fundatis. Dub. VIII.

Contra: Scientia destruetur: ergo & testimonia.

RESP. Quod testimonia veritatis sunt in æternum fundata. Sicut dicitur in Psalmo: Initio cognoui de testimonijs tuis, &c. Quod obicitur quod scientia destruetur, dicendum quod verum est, quantum ad modum docendi, & considerandi, sed non quantum ad cognitum, & rationem cognoscendi, Psalms: In æternum Domine permanet verbum tuum, &c.

In quo Maiorum exempla.

Hæc est pars vltima in qua ponit Magister rationes mouētes discipulos ad audiendū. Et diuiditur hæc pars in quatuor partes, secundū quatuor quæ mouent discipulos ad audiendū. Duo quæ sunt ex parte operis, videlicet auctoritas, & vtilitas: duo vero ex parte docentis, sc. humilitas & facilitas. In prima præparat docilitatem, sc. in auctoritate. In secunda vtilitate suscitāt attentionem. In duobus autem sequentibus, sc. humilitate, & facilitate captat beneuolentiam. In prima igitur parte ostendit Opus suum esse authenticum. In secunda compendiosum, ibi: Non igitur debet hic labor. In tertia ostendit modum docendi esse humilē, in hoc quod vult corrigi, ibi: In hoc autem tractatu, &c. In quarta ostendit esse facilem ad inueniendum, & memorandum, ibi: Vt autem quod quæritur, facilius occurrat.

Liberum correctorem. Dub. IX.

Quæritur quid vult dicere per hoc nomen, liberum. RESP. Dicendum quod liber corrector dicitur, sicut homo liber, qui si tantum causa est, ut dicit Philosophus: sic corrector liber dicitur, qui tantum gratia correctionis, non inuidiæ vel subfannationis corrigit. Hunc desiderat exemplo Augustinus, ubi dicit: Magis amabo inspicere a rectis, quam timebo morderi a pueris. Grante enim suscipit osculum columbinum pulcherrima & castissima charitas: dentem vero caninum euitat cautissima humilitas, vel retundit solidissima veritas: magisque optabo a quolibet reprehendi, quam siue ab errante, siue ab adulate laudari.

LIBER PRIMVS, DE MYSTERIO TRINITATIS.

DISTINCTIO I.

De Materia quatuor Librorum, quam venatur per Distinctiones quasdam, & Explicationem Vti, & Fui.

Eteris, ac noua legis continentiam diligenti indagine etiam atque etiam considerantibus nobis prauia Dei gratia innotuit sacra pagine Tractatū circa res, vel signa precipue versari. Ut enim egregius Doctor Aug. ait in libro de doctrina Christiana: omnis doctrina vel rerū est, vel signorum. Sed res etiam per signa discuntur. Proprie autē hic res appellantur, quæ non ad significandū aliquid adhibentur. Signa vero quorū vsus est in significando. Eorū autē aliqua sunt, quorum omnis vsus est in significando, non in iustificando, quibus nō utimur nisi aliquid significandi gratia, ut aliqua Sacramēta legalia. Alia quæ non solū significāt, sed cōferunt quod intus adiunget, sicut Euangelica Sacramēta. Ex quo aperte intelligitur, quæ hic appellentur signa, res illæ videlicet quæ ad significandum aliquid adhibentur. Omne igitur signum etiam res aliqua est. Quod enim nulla res est, ut in eodem Aug. ait, omnino nihil est. Nō autem ē diuerso omnis res signum est, quia nō adhibetur ad significandū aliquid. Cumquē his intenderis Theologorū speculatio studiosa, atque modesta, diuinā Scripturā formā præscriptā in doctrina tenere aduertet. De his ergo nobis aditū ad res diuinas aliquatenus intelligēdas, Deo duce, aperire volētibz, differendū est: & primū de rebus, postea de signis differemus.

De Rebus communiter.

Id ergo in rebus considerandum est, ut in eodem August. ait, quod res aliæ sunt quibus fruendum est: aliæ quibus utendum est: aliæ quæ fruuntur, & utuntur. Illæ quibus fruendum est, nos beatos faciunt. Istis quibus utendum est, tendentes ad beatitudinem adiunamur, & quasi adminiculamur, ut ad illas res quæ nos beatos faciunt, peruenire, eisquē inherere possimus. Res vero quæ fruuntur, & utuntur, nos sumus quasi inter utrasquē constituti, & Angeli & Sancti. Frui autem est amore alicui rei inherere propter se ipsā. Vti vero, id quod in vsum venerit, referre ad obtinendū illud quo fruendū est: alias abuti est, nō uti: Nā vsus illicitus abusus, vel abusio nominari debet. Res igitur quibus fruendū est, sunt Pater, & Filius, & Spiritus sanctus. Eadē tamen Trinitas quædam summa res est, communisquē omnibz fruētibz, ea si tamen res dici debet, & nō rerū omnium causa, si tamen & causa. Nō enim facile potest inueniri nomē, quod tantæ excellentiæ conueniat, nisi quod melius dicitur: Trinitas hæc, unus Deus. Res autē quibus utendū est, mundus est, & in eo creata. Unde August. in

codem

Addetur
propter al-
terationem
medij, non
bene videt.

Aristot. 1.
Metaph.
consequ. 1.

10. 3. b

3. 2. 3. b

Glossa 10. 6.
in hunc lo-
cum,
Rom. 1. d

1. Cor. 13. e

Psal. 118. m

Diuisio.

6. Polit. c. 2.

Lib. 2. de
Trinit. cap.
1. 10. 3.

Lib. 1. c. 2.
10. 3.

Lib. & loci
citatis.

Lib. 1. de
Doctr. Chr.
c. 3. 10. 3.

a Aug. lib. de
Doctr. Chr.
cap. 5.

Idem fere
diff. 5.
a Cap. 4.
b Rom. 1. c
c Cap. 21.

d Cap. 10.
rom. 3.

e Cap. 11.

f Similo ha-
bet de Mer.
ecclef. cap. 3.
rom. 1.
g Lib. 1. de
Doctr. Christ.
cap. 4.

h Cap. 10.
rom. 3.
i Li. 1. c. 3.

k 1. Cor. 13. d

l Lib. 1. de
Doctr. Chr.
cap. 33.
m Li. 1. de
Doctr. Christ.
cap. 31.

n Aug. lib.
eod. cap. 33.

o Aug. lib. 1.
c. 22. rom. 3.

p Hier. 17. a

eodē: *Utendum est hoc mundo, non fruendū, ut inui-
sibilis Dei per ea quæ facta sunt intellecta cōspiciantur.*
id est, ut de tēporalibus æterna capiantur. Item in eodē:
c In omnibus rebus illa tantum sunt quibus fruendū est,
quæ æterna & incommutabiles sunt: ceteris autē utendū
est, ut ad illarum fruitionem perueniatur. Idem Augu-
stinus in 10. lib. de Trinitate: d Fruimur cognitis in qui-
bus ipsis propter se voluntas delectata conquiescit: uti-
mur vero eis, quæ ad alud referimus, quo fruendum est.

Quid interlit inter Frui, & Vti aliter quam supra.

Notandū vero quod idē August. in lib. 10. de Trinita-
te quā supra accipiens, Vti & Frui, sic dicit: e Vti, est as-
sumere aliquid in facultatē volūtatis: Frui autē, est uti
cum gaudio nō adhuc spei, sed iam rei: idēq; omnis qui
fruitur, utitur: assumit enim aliquid in facultatē volū-
tatis cū fine delectationis. Nō autē omnis qui utitur, &
fruitur, si id, q. in facultatē volūtatis assumit, nō pro-
pter ipsū, sed propter aliud appetit. Et attēde quia vi-
detur Augustinus dicere illos f. frui tantum, qui in re
gaudent non iam in spe: & ita in hac vita non vide-
mur frui, sed tantum uti, ubi gaudemus in spe, cum su-
pra dictum sit: f Frui esse amore inharere alicui rei
propter se: qualiter etiam hic multi adherent Deo.

Determinatio eorum, quæ videntur contraria.

Hac ergo quæ sibi cōtradecere videtur, sic determina-
mus dicētes nos & hic & in futuro frui, sed ibi propriē
& perfectē & plene, ubi per speciem videbimus quo
fruemur: hic autem, dum in spe ambulamus, fruimur
quidem, sed non adeo plene. Vnde in lib. 10. de Trinita-
te, h Fruimur cognitis in quibus volūtas est. Idem in lib.
de Doctrina Christiana ait: i Angeli illo fruētes iam
beati sunt, quo & nos frui desideramus: & quantum
in hac vita iam fruimur, k vel per speculum, vel in
anigmate, tanto nostram peregrinationem & tolerabi-
lius sustinemus, & ardentius finire cupimus.

Alia Determinatio.

Post etiam dici quod qui fruitur etiā in hac vita non
tantū habet gaudium spei, sed etiam rei, quia iam de-
lectatur in eo quod diligit, & ita iam rem aliquatenus
tenet. Constat igitur quod debemus Deo frui, & nō uti. D
l Illo enim, ut ait Augustinus, fruēris, quo efficeris bea-
tus, & in quo spem ponis, ut ad id peruenias. De hoc idē
ait in lib. de Doctrina Christiana: m Dicimus nos eare
frui, quam diligimus propter se, & ea refruendum no-
bis esse tantum, quæ efficiuntur beati: ceteris vero utē-
dum. Frequenter tamen dicitur frui cum delectatione
uti. Cum enim adest quod diligitur, etiam delectationē
secum gerit. n Si tamen per eam transieris, & ad illud
ubi permanendum est, eam retuleris, uteris ea, & abu-
sive nō propriē diceris frui. Si vero inhaeris, atque per-
manseris, finem in ea ponens latitia tua, tunc vere &
propriē frui dicendus es: quod non est faciendum nisi in
illa Trinitate, id est summo & incommutabili bono.

Vtrum hominibus sit utendum, an fruendum.

Cum autē homines qui fruuntur & utuntur aliis re-
bus, res aliqua sint, queritur utrū se frui debeant, an uti,
an utrumque. Ad quod sic respondet August. in libro
de Doctrina Christiana: o Si propter se homo diligen-
dus est, fruimur eo: si propter aliud utimur eo: videtur
autē mihi propter aliud diligendus. Quod enim propter
se diligendum est, in eo constituitur beata vita, cuius
etiā spes hoc tempore nos consolatur. In homine autem
spes ponenda non est, quia maledictus est qui hoc facit.
Ergo si liquide aduertas, nec seipso quisquā frui debet,
quia diligere se propter se nō debet, sed propter illud, quo
fruendū est. Et tunc autē contrariū videri non debet, quod

A Apostolus ad Philemonē loquens, ait: Ita frater ego te
fruar in Domino. Quod ita determinat Augustinus: p Si
dixisset tantū te fruar, & non addidisset, in Domino,
videretur finem dilectionis, ac spem cōstituisse in eo: sed
quia illud addidit, in Domino, se fidei posuisse, eodē-
que frui significauit. q Cum enim, ut idē Augustinus ait,
homine in Deo fruēris, Deo potius, quā homine fruēris.

Hic queritur, an Deus fruatur, an utatur nobis.

Sed cum Deus diligit nos, ut frequenter Scriptura di-
cit, quæ eius dilectionem erga nos multum commendat,
querit Augustinus, quomodo diligit, an ut utens, an ut
fruens, & procedit ita: r Si fruitur, eget bono nostro, quod
nemo sanus dixerit, ait enim Propheta: s Bonorum meo-
rum nō eges. Omne enim bonum nostrum vel ipse est, vel
ab ipso est: non ergo fruitur nobis, sed utitur. Si enim nec
fruitur nec utitur, non inuenio quo modo diligit nos. Ne-
que tamen sic utitur nobis, ut nos aliis rebus. Nos enim
res quibus utimur, ad id referimus, ut Dei bonitate per-
fruamur. Deus vero ad suam bonitatem vsum nostrum
refert: ille enim misceatur nostri propter suam bonita-
tē, nos autem nobis inuicem propter illius bonitatem, ille
nostri misceatur, ut se perfruamur, nos vero inuicem no-
stri misceamur ut illo fruamur. Cum enim nos alicuius
miseremur, & alicui consulimus, ad eius quidē facimus
utilitatē, eamque intuemur, sed & nostra sit cōsequens,
cum misericordia: am quā aliis impendimus, non relinquit
C Deus sine mercede. Hac autem merces summa est, ut
ipso fruamur. u Item quia bonus est, sumus, & in quan-
tum sumus, boni sumus. Porro etiam quia iustus est, non
impune mali sumus, & in quantum mali sumus, in tane-
tum etiam minus sumus. Ille ergo v. sus, quo nobis utitur
Deus, non ad eius, sed ad nostram utilitatem refertur:
ad eius vero tantummodo bonitatem.

Vtrum utendum, an fruendum sit Virtutibus.

Hic considerandū est, utrum virtutibus sit utendum,
an fruendū. Quibusdam videtur quod eis sit utendum,
& nō fruendū: hoc confirmat auctoritate Augustini,
qui, ut prætaxatum est, dicit: x non esse fruendū nisi Tri-
nitate, id est, summo & incommutabili bono. Item dicunt
ideo non esse fruendum eis, quia propter se amanda non
sunt, sed propter æternam beatitudinem. Illud autē quo
fruendum est, propter se amandū est. Sed quod virtutes
propter se amanda non sint, imo propter beatitudinem
solā, probat auctoritate Augustini, qui in lib. 13. de Tri-
nitate contra quosdā ait: y Forte virtutes, quas propter
solā beatitudinem amamus, sic nobis persuadere audēt,
ut ipsam beatitudinem nō amemus: quod si faciunt, etiā
ip̄as utique amare desistimus, quando illam, propter
quā solam istas amauimus, nō amamus. Ecce his verbis
videtur Augustinus ostendere, quod virtutes nō propter
se, sed propter solā beatitudinem amanda sint. Quod si
ita est: ergo eis fruendum non est. Aliis vero contra vi-
detur, scilicet quod fruendum eis sit, quia propter se pe-
tenda, & amanda sunt. Et hoc confirmant auctoritate
Ambrosii, qui ait super illū locum epistolæ ad Gal. Fru-
ctus autem spiritus est, charitas, gaudium, pax, patiētia,
&c. z At hic nō nominat opera, sed fructus, quia propter
se petenda sunt: si vero propter se petenda sunt, ergo &
propter se amanda. Nos autem harum quæ videtur au-
toritatum repugnantia de medio eximere cupientes,
dicimus, quod virtutes propter se petenda, & amanda
sunt, & tamen propter solam beatitudinem. Propter se
quidem amanda sunt, quia delectant sui possessores: su-
periora & sancta delectatione, & in eis parium gaudium
spirituale. Verum tamen non est hic cōsistendū, sed utra

gradiendum

Philem. d
p Aug. in
lib. de Doctr.
Christ. c. 33.
rom. 3.

q Ibidem.

r Eph. 2. a

s Aug. in lib.
1. de doct.
Christ. cap.
31. & 32.
rom. 3.
t Gal. 19. a

u Mat. 5. b
v Ex eod. lib.
cap. 32.

x L. 1. de
Doctr. Christ.
cap. 33.

y Ca. 2. 10. 3.

z Vltima
pars auctori-
tatis non
reperitur in
Ambrosii com-
ment. sed in
glossa inter-
lineari super
hoc verbo ad
Gal. 5.

gradiendum. Non hic hareat delectationis gressus, neque hic sit dilectionis terminus, sed referatur hoc ad illud summum bonum, cui soli omnino inhaerendum est, quia illud propter se tantum amandum est, & ultra illud nihil querendum est, illud est enim supremus finis. Ideo Aug. dicit, quod eas diligimus propter solam beatitudinem, non quod eas propter se diligamus, sed quia id ipsum, quod eas diligimus, referimus ad illud summum bonum, cui soli inhaerendum est, in eo permanendum, finis scilicet latitiae ponendus, quare virtutibus non est fruendum. Sed dicit aliquis: Frui est amore inhaerere alicui rei propter seipsam, ut praedictum est. Si ergo propter se virtutes amanda sunt, & eis fruendum est. Ad quod dicimus: In illa descriptione, ubi dicitur, propter seipsam intelligendum est tantummodo, ut scilicet ametur propter seipsam tantum, ut non referatur ad illud, sed ibi ponatur finis, ut supra ostendit Aug. dicens: Si inhaerens, atque permanseris finem ponens tuae latitiae, tunc vere, & proprie frui dicendus es. Quod non est faciendum, nisi in illa Trinitate, id est, summo & incommutabili bono. Utendum est ergo virtutibus, & per eas fruendum summo bono, ita & de voluntate bona dicimus. Vnde Augustinus in libro 10. de Trinitate ait: a Voluntas est per quam fruimur: ita & per virtutes fruimur, non eis, nisi forte aliqua virtus sit Deus, ut charitas de qua post tractabitur.

Omnium igitur quae dicta sunt, ex quo de rebus specialiter tractauimus, hac summa est. Quod alia sunt, quibus fruendum est, alia quibus utendum est, alia quae fruuntur, & utuntur, & inter eas, quibus utendum est, etiam quaedam sunt, per quas fruimur, ut virtutes, & potentia animi, quae sunt naturalia bona. De quibus omnibus, antequam de signis tractemus, agendum est, ac primum de rebus, quibus fruendum est, scilicet de sancta, atque indiuidua Trinitate.

DISTINCTIO I.

De Materia huius Libri, & Librorum Diuisione.

Veteris ac nouae Legis continentiam, &c.

Expositio Textus.

In parte ista incipit Tractatus Libri, qui diuiditur in quatuor Libros parciales. Prima pars habet duas partes. In prima Parte venatur Magister materiā huius libri, & per consequens aliorum. In secunda exequitur diuisionē suā, & hoc dist. 2. quae incipit ibi: Hoc itaque, vera, accipia fide, &c.

Item prima pars, in qua venatur materiā, habet tres partes. In prima parte venatur materiā per diuisiones, & ideo primo ponit diuisionē, per quam distinguuntur Tres Libri à Quarto, scilicet per res & signa. In secunda ponit diuisionem per quam distinguitur primus Liber à Tribus aliis, quae est per Frui, & Vti, ibi: Id ergo in rebus considerandum. In tertia determinat dubitationes quasdam ex praemissis ortas, ibi: Cum autem homines qui fruuntur.

Item prima pars habet tres particulas. In prima ponit diuisionē: & auctoritate Aug. confirmat eam, quae est quod tota doctrina Theologica est de rebus, vel de signis, id est subiectum commune Theologiae in hac duo diuiditur. In secunda, membra diuisionis explanat, ibi: Proprie autem hic res appellantur, ostendens quid sit res, & quid signum secundum membra praedictae diuisionis. In tertia vero particula, diuisionem ad propositum applicat, ibi: Cumque his intenderis Theologorum speculatio, dicens, quod de rebus, & signis fuerit dictum, primo tamen de rebus, &c.

Item pars illa in qua ponit diuisionem per Frui, & Vti, per quam primus Liber distinguitur ab aliis Tribus, habet duas partes. In prima ponit diuisionem. In secunda quae dicta sunt, epilogat, ibi: Omnium ergo quae dicta sunt. Prima pars habet tres partes. In prima ponit diuisionem in res quibus fruendum, & res quibus utendum. In secunda ad euidentiam maiorem, assignat quasdam diffini-

tiones. ibi: Frui est, &c. In tertia vero proponit, & determinat quasdam dubitationes, ibi: Cum autem homines, &c.

Frui autem est amore inhaerere.

Hec est secunda particula illius partis, in qua ponit diuisionem, per quam distinguitur primus Liber ab aliis Tribus, quae est de quibusdam notificationibus, & quatuor habet particulas. Primo enim ponit notificationes Frui, & Vti, Secundo applicat eas ad propositum, scilicet ad res quibus fruendum, & utendum, ibi: Res igitur quibus fruendum. Tertio comparat ad alias assignationes. ibi: Notandum vero quod idem Augustinus: Quarto quia videretur sibi contradicere, mouet & determinat quandam dubitationem. ibi: Et attende, quia videtur Augustinus dicere, &c.

Cum autem homines qui fruuntur, & utuntur aliis rebus, res aliqua, &c.

Hae tertia pars, in qua mouet & tractat dubitationes quasdam, habet tres partes secundum tres dubitationes. Prima est, utrum homo homine debeat frui. Secunda, utrum Deus homine fruatur, & utatur, & hanc mouet, ibi: Sed cum Deus diligit, &c. Tertia est, utrum virtutibus sit fruendum, vel utendum, ibi: Hic considerandum est, utrum virtutibus, &c. Et in qualibet istarum trium partium primo mouet questionem, secundo motam determinat, tertio determinationem per auctoritatem confirmat, Et particulae in suis locis sunt manifestae.

Eorum autem aliqua sunt, quorum usus omnis est in significando, non in iustificando. Dub. I.

CONTRA: Omnia Sacramenta sunt medicinae, quia secundum Hugonem de sancto Victore. Sacramenta omni tempore fuerunt medicinae: sed omnis medicina habet effectum in curando: ergo & Sacramenta similiter: sed ita curatio est iustificatio: ergo omni tempore Sacramenta habuerunt iustificare.

RESP. Dicendum quod dupliciter est considerare Sacramenta veteris legis, scilicet in se, siue ratione operis operari, & sic erant tantum ad significandum: vel ratione fidei annexae, siue charitatis, siue ratione operis operantis, & sic erant ad iustificandum Sacramenta legalia, praeter Circumcisionem.

Omne igitur signum etiam res aliqua est. Dub. II.

Opponitur de ista diuisione. Videtur enim Magister male diuidere, quia superius non diuiditur contra suum inferius: sed res est superius ad signum: ergo, &c.

RESP. Dicendum quod verum est, quod superius in sua generalitate acceptum non diuiditur contra suum inferius: sed contractum bene potest diuidi. Hic autem, res contrahitur ad standum pro re non significante.

Non autem est conuerso omnis res signum. Dub. III.

Videtur male dicere quia signum est quod ducit in aliud cognoscendum: sed omnis res ducit in aliud, quia omnis res est causa, vel effectus. Causa autem ducit in cognitionem effectus, & est conuerso. Si dicas, quod non omne quod ducit est signum, sed quod ducit in prius, tunc omnis creatura est signum cum ducit in Deum.

RESP. Dicendum quod duplex est signum, scilicet naturale, & institutum. De primo non intenditur hic, sed de secundo, unde non valet obiectio ad propositum, quoniam hoc intenditur de signo ex institutione, sicut sunt signa vocalia, & sacramentalia: tale ergo signum non est omnis res, licet omnis res sit signum primo modo.

Primum de rebus, postea de signis. Dub. IV.

CONTRA: Videtur dicere debuisse potius conuerso, quia signum ducit in cognitionem rei: ergo prius esset agendum vel dicendum de signis, quam de rebus.

RESP. Dicendum quod prior est cognitio signi quam rei respectu cuius est signum, sed non oportet quod omnis rei. Vnde ipse primo agit de rebus, quarum Sacramenta non sunt signa.

Res alia sunt, quibus fruendum, &c. Dub. V.

Videtur quod ista diuisio rerum sit male assignata re-

spectu

Hugo de Sacrament. lib. 2. cap. 3.

specu diuifi, quia diuifum simplicius est diuidentibus: A
& diuidentibus diuifum debet esse commune: sed Deo
nihil est simplicius, nec est aliquid commune Deo &
creaturæ: ergo, &c.

RESP. Dicendum quod est diuifio vnus communis
secundum nomen tantum, & sic est diuifio æquiuoci:
& est alia diuifio communis secundum nomen & rem,
& hæc diuifio vnivoci est: est tertia medio modo, &
ista est analogi, sicut ista est, vb. non est communitas
creaturæ & Creatori secundum naturæ participatio-
nem, sed secundum similitudinem proportionis, & hæc
communitas est rationis.

Dub. VI.

ITEM videtur mala diuifio quantum ad membra; vi-
detur enim quod tertium membrum sit superfluum.
Omni enim re aut est vtendum, aut fruendum: ergo ter-
tium superfluit. Item sicut est res quæ fruitur & vitur,
ita est res qua fruendum est & vtendum, vt est Chri-
stus: ergo qua ratione ponit tertium membrum, debere
poni quartum.

RESP. Omnis res quæ est natura aliqua, aut est finis,
& sic est res qua fruendum: aut deducens ad finem; &
sic est res qua vtendum: aut ad finem perueniens, & sic
est res quæ fruitur & vitur, vt homo: & sic accipiun-
tur membra. Et est ita diuifio satis conueniens huic
scientiæ, quia cum Theologia sit de Creatore, & de
creaturis, vtile est vt Theologus doceat, quo modo ho-
mo per alias res tendat in Deum.

Res igitur quibus fruendum. Dub. VII.

CONTRA: Quia res sunt res per res & non per acci-
dens: & à diuersitate rerum est diuersitas siue multipli-
citas fruitionis: ergo sicut sunt tres res, sic erunt tres
fruitiones. ITEM tres articuli sunt de tribus personis:
ergo à simili & tres fruitiones.

RESP. Quod res accipitur hic communiter ad essen-
tiam, & personam propter sui generalitatem: quia as-
sumptum est hoc vocabulum, re, ab actu animæ, ideo
tres dicuntur res, quia tres personæ, sed tamen æque be-
ne vna res, quia vna bonitas est in eis. Quia ergo vna
bonitas, ideo & vna fruitio, quamvis tres res Et quoniam
articulus dicit quid à parte animæ distinguens, sc. in-
tellectus, & fruitio respicit diuinā essentiam & bonitatem,
& vnionem effectus communiter, ideo fruitio est vna.

Ideoque omnis qui fruitur, vitur. Dub. VIII.

Hoc videtur falsum, quoniam stulti homines simi-
liter & bestię fruuntur, quia propter se delectantur in
delectabili, sed non vtuntur. Si dicas quod dicitur
translatine; tunc quæritur, quare non similiter transfer-
tur verbum vtendi.

RESP. Vti importat libertatem in sua generali acce-
ptione, in speciali importat libertatem cum relatione ad
aliud. Frui importat libertatē cum delectatione, & licet
nec libertas, nec relatio conueniat brutis, cōuenit eis ta-
men delectatio. Et ideo Vti nullo modo cōuenit brutis:
Fruī autem conuenit eis aliquo modo, licet improprie.

In homine spes ponenda non est. Dub. IX.

CONTRA: Quia & de beata Virgine cantatur, Vita,
dulcedo, & spes, ab Ecclesia quæ non errat.

ITEM Iona: Accessit ad eum gubernator. Glossa: Na-
turale est homini magis de alijs quam de se in periculis
considerare.

RESP. Dicendum quod sperare de aliquo est duplici-
ter, aut sicut de adiutore, aut sicut de Salvatore. Prima
spes potest esse in homine, secunda non. Vel est sperare
finale præmium, & hoc debet esse tantum in Deo. Vel
temporale beneficium, & hoc potest esse in homine.
Primum si ponatur in homine, meretur maledictionem,
secundum vero non.

Ita Frater. Dub. X.

Quæritur quare dicit de homine, Ita. Frater. ego fruor
te in Domino, magis quā de alio, vel de alia creatura cū
in omnibus creaturis reluceat vestigiū diuinæ bonitatis.

RESP. Quod dicitur aliquis aliquo frui in Deo, non
facit representatio, sed magis inhabitatio. Vnde con-
uersa per consequens est propria, videlicet hæc: Ego
fruar Domino in te, dum per oprea sciam Deum habita-
re in te, & est figuratiua locutio.

Dub. XI.

ITEM quæritur de hac solutione Augustini, qua sol-
uit auctoritatem prædictam per illam determinati nem
in Domino. Sed in Ecclesiaste simpliciter dicitur: Fruere
bonis. ITEM in Deuteronomio: Filios generabis, &
filias, & non frueris eis: ex hoc implicat quod si non
peccarent, fruerentur eis.

RESP. Dicendum quod prædicta solutio non est ge-
neralis, sed solum ad propositam auctoritatem. Et ideo
recurrendum est ad solutionē prædictam extra literam
in quæstionibus, quod frui accipitur communiter, &
proprie in prædictis auctoritatibus accipitur communi-
ter tantum.

Si enim nec fruitur, nec vitur, &c. Dub. XII.

Hoc non videtur valere, quia Deus diligit se, non ta-
men vitur: quia non diligit se propter aliud, nec frui-
tur, quia vbi fruitio, ibi inhærentia, & indigentia, vt di-
cit Augustinus: Deus autem vtroque caret, &c.

RESP. Dicendum quod fruitio de sui generali ratio-
ne dicit amoris vnionem, scilicet fruibilis cum fruente.
Quoniam ergo contingit aliquid vniri sibi, & alijs, conue-
nit non tantum frui alio, sed etiam seipso: sed vbi est vnio
ad alterum, ibi est dependentia, inhærentia, & indigentia:
vbi vero ad seipsum, si ipsum est summum bonum, non
est inhærentia nec dependentia, vel indigentia, sed omni-
moda sufficientia. Si vero ipsum bonum deficiens est, in-
diget, & inde est, quod solus Deus seipso perfecte frui-
tur: nihil autē aliud ab ipso potest perfecte seipso frui.
Solut enim Deus est summum bonum, & diligit se, fruē-
do se, diligit etiam alia fruēdo se: & ita nec fruitio Dei,
nec vsus est cū indigentia, sicut nostra fruitio, & vsus.

Item quia bonus est, sumus. Dub. XIII.

Obijciatur. Videtur enim falsum, Nam si quia bonus
est, sumus: ergo quia ab æterno bonus est, ab æterno
sumus.

RESP. Dicendum breuiter quod hoc, quia bonus est,
dicit causam. Sed est aliqua causa naturalis etiam neces-
saria, & est aliqua causa voluntaria. Bonitas autem diui-
na est causa nostri esse, & boni esse per modum vo-
luntatis, non naturæ, & necessitatis: hæc autem causa
non ponit effectum statim cum est.

Porro etiam. Dub. XIV.

Obijciatur, quare similiter non sequitur, quia iustus
est, iusti sumus: sicut quia bonus est, boni sumus. Si dicas,
quod iustitia non est eius dispositio in quantum causa
est: CONTRA. Sapientia est dispositio Dei in quantum
causa: ergo pari ratione, quia sapiens est, sapientes sumus.
Si tu dicas, quod non est dispositio immediata sicut bo-
nitas, obijciatur de voluntate quæ est immediatissima: &
tamen non sequitur, quia volens est, volentes sumus.

RESP. Dicendum quod ratio huius consequentiæ
triplex est. Vna est, quia bonitas est dispositio causæ in-
quantum causa. Secunda est, quia est proxima ad actum,
quia cum bonum sit sui communicatum de sui ratione
importat communicabilitatem, importat etiam volun-
tatem, quæ duo ponunt effectum in actu. Tertia, quia di-
positio generalis in qua consistit vestigiū ratio, dicit re-
spectum ad finem. Vnde sicut Deus vnus imprimit
vnitatem, ita bonus bonitatem.

Vt scilicet ametur propter seipsam tantum. Dub. XV.

CONTRA. Quia sicut se habet per se ad per accidens,
ita propter se ad propter aliud. Sed nihil quod conue-
nit alicui per accidens conuenit per se: ergo nihil quod
conuenit alicui propter aliud, conuenit propter se. Si
ergo virtutes sunt appetendæ propter aliud, non ergo
propter se.

RESP.

Aug. li. 83.
9. 30. 10. 4.

Aug. ibid.

Iona 1. 6

Ecc. 7. 6
Deu. 28. d

Art. 2. q. 1.

Aug. lib. 1.
de Doct.
Chr. c. 31.
10m. 3.

Vide infra
distin. 3. su-
per literam
dub. 6.

Aristot. 2.
phy. contex.
29. Et 1.
Eth. 6.2.

RESP. Sicut dicit Philosophus: Idem est finis, & propter quod. Finis autem dupliciter est. Vno modo Finis ultimus qui propriissime est finis, in quo est status. Alio modo finis sub fine, & dicitur proprie terminus. Sic & propter quod diuificatur. Vnde vno modo excludit finem, alio modo non, ut dicit Magister. Quod ergo obijcitur de per se, dico quod sicut per se vno modo opponitur ei quod est per aliud, & sic idem est per se, quod secundum quod, ipsum siue primum vniuersale. Alio modo opponitur ei quod est per accidens. Sic, & propter se dupliciter accipitur. Vno modo opponitur ei quod est propter aliud, alio modo, ei quod est per accidens: quia aliud ad illud accidentaliter ordinatur, secundum hoc distinguit Magister propter se, & consequenter honestum, siue fruibile, & ipsam denique fruitionem.

Etiam quadam sunt res, per quas fruimur, ut virtutes.
Dnb. XVI.

CONTRA: Videtur quod solis potentijs possit frui anima sine omni virtute. Sine omni enim virtute potest frui bono creato, ergo cum magis sit fruibile bonum increatum, & anima magis ad hoc nata est, poterit eo frui solis potentijs.

RESP. Dicendum quod summum bonum est quod super nos est: ad hoc ergo quod illi vniamur, necessario interuenit duplex medium: Medium vnum per quod anima nata est vniri alij a se diuerso, & hoc est potentia. Aliud speciale, vel spirituale supra hoc quod ipsam subleuet, & hoc est virtus. Quod obijcitur non est simile, quia potentia per se potest deficere, & inclinari, sed non per se eleuari.

ARTICVLVS I.

AD euidenciam diffinitionum, & aliorum quæ Magister ponit de his verbis, Frui, & Vti. Sex quæruntur in parte ista, quarum tria pertinent ad Vti, tria ad Frui. De Vti tria quæruntur. Primo quæritur quid sit Vti per essentiam. Secundo vtrum omni creato contingat Vti. Tercio vtrum solo bono creato sit vtendum. De Frui similiter quæruntur tria. Primo quid sit Frui per essentiam. Secundo vtrum bono increato sit fruendum. Tercio vtrum fruendum sit ipso solo bono increato.

QVÆSTIO I.

An Vti sit actus voluntatis, vel rationis.

S. Thom. 1.2. q. 16. art. 1. & per totam.
Egid. 1. Sent. dist. 7. q. 3.
Thom. Arg. lib. 1. Sent. q. ult. art. 2.

DE Vti quid sit per essentiam, vtrum sit actus voluntatis aut rationis, sic proceditur. Quod sit actus voluntatis ostenditur sic: Ab actu vtendi denominatur vnusquisque bonus: sed nullus dicitur bonus nisi ab actu voluntatis: ergo actus vtendi pertinet ad voluntatem.

ITEM Augustinus: Vti est assumere aliquid in facultatem voluntatis: ergo Vti est actus voluntatis.

ITEM, hoc videtur per diuisionem ipsius Vti contra alia, quia diuidit Augustinus hæc tria, ingenium, doctrinam, & vsum: & dicit quod ingenium respicit quid homo possit, doctrina quid homo sciat, vsum quid velit, ergo vsum est actus voluntatis.

ITEM opposita nata sunt fieri circa idem: sed vti, & abuti sunt opposita: ergo cum abuti sit solius voluntatis, quia eius solius est peccare: ergo & vti similiter erit actus solius voluntatis.

1. CONTRA: Vsum siue assuefactio est via in habitum acquirendum: sed omnis potentia nata est acquirere habitum: ergo Vti videtur esse omnis potentia.

2. ITEM omnis potentia mediante operatione sua ordinatur in finem, sed eo dicitur aliquid vtile, siue vti, quo in finem est ordinabile. Sed ordinari in finem mediante operatione propria est omnis potentia: ergo & Vti similiter.

3. ITEM, sicut Augustinus dicit: & habetur infra, Vti

est id quod in vsum venerit referre, &c. Sed eius referre, cuius est conferre: sed conferre est solius rationis: ergo referre, & per consequens Vti à diffinitione.

4. ITEM ars vtitur suis instrumentis: sed ars est in potentia rationali, siue cognitiua, cum sit scientia: ergo cum habitus & actus sint eiusdem potentia, sic ars est in potentia rationali, & Vsum, siue Vti similiter erit in eadem.

CONCLUSIO.

Vti proprie est actus ipsius voluntatis, licet communiter sumptum possit esse actus potentia cuiuslibet.

RESP. AD ARG. Dicendum quod Vti quinque modis accipitur secundum hoc diuificatur secundum rem, & secundum diffinitionem. Accipitur enim vsum siue Vti communissime, secundum quod diuiditur contra otium vel otiositatem, pro naturali operatione debita cuiuslibet rei, siue ad quam vnaquæque res ordinatur, & secundum hoc dicit Philosophus: Cuius vsum bonus, &c. Secundo modo dicitur communiter, & sic vsum diuiditur contra diuersitudinem, & hoc modo diffinitur à Victorino: Vsum est actus frequenter elicitus à potentia, & hoc modo potest dici quod est actus omnis potentia, nec addit super actum nisi frequentiam. Tercio modo accipitur Vti proprie, & sic diuiditur contra habitus memoria, & intelligentia, & contra ingenium, & doctrinam, & sic diffinitur ab Augustino. Vti est assumere aliquid in facultatem voluntatis, & sic dicit actum voluntatis proprie.

Quarto modo accipitur magis proprie, & sic diuiditur contra actum quietatum, scilicet contra Frui. Et sic diffinitur ab Augustino. Vti est assumere aliquid in facultatem voluntatis propter aliud, & sic est actus voluntatis, ut ad aliud relatiue. Quinto accipitur propriissime, & sic diuiditur contra actum inordinatum, scilicet contra abuti, & sic diffinitur ab Augustino. Vti est id quod in vsum venerit, referre ad id quo fruendum est, & sic Vti dicit actum voluntatis relatum, & ordinatum in finem. Ratio ergo diuersarum notificationum est multiplex acceptio eius, quod est Vti: & ratio multiplicis acceptionis est oppositio eius ad diuersa. Si ergo quæritur cuius potentia est actus, dicendum quod duobus primis modis est actus omnis potentia: tribus vero ultimis est actus ipsius voluntatis. Communissime & communiter loquendo, est actus omnis potentia, & sic non loquitur Augustinus. Proprie vero & magis proprie & propriissime actus est ipsius voluntatis.

1. Et sic patet primo obiectum in contrarium, scilicet quod Vti communissime sumptum, sit omnis potentia.

2. Quid obijcitur secundo quod omnis potentia refertur in finem per actum suum: Dicendum quod illa potentia dicitur vti suo actu, quæ est domina sui actus, & talis potest est referre actum suum, non tantum referri. Et quoniam sola voluntas est domina sui actus, & sola est seipsam mouens, ideo ipsa sola est, cuius est actiue vti. Alijs autem potentijs contingit vti materialiter & passive, quia habet referri, & non referre. Et hinc est quod Augustinus dicit: Vti est assumere aliquid in facultatem voluntatis, facultas enim dicitur eius dominium, quo faciliter potest in actum suum tanquam illius princeps.

3. Ad illud quod obijcitur, quod rationis est referre: Dicendum quod dupliciter est referre. scilicet per collationem, & illationem, sicut præmissæ referuntur ad conclusionem, & hoc est rationis, & hoc non est Vti. Et est referre per inclinationem, & ordinationem ad aliud, & hoc est proprie voluntatis, quia potest aliquid assumere quiescendo ibi, vel aliud intendendo, & hoc est referre quo, vel per quod diffinitur Vti, &c.

4. AD illud quod obijcitur de arte: Dicendum quod ars dicit quod est operationis, & quod est speculationis. Secundum quod dicit quod est speculationis, non habet Vti, & sic est rationis: secundum vero quod dicit quod est operationis, sic extenditur ad voluntatem, & eam regulat in vtendo.

Doctr. Chr.
lib. 1. c. 3.
tom. 3.
August. de
Doctr. Chr.
c. 4. lib. 1.
tom. 3.

Arist. 2.
Topicorum
loco 31.

Aug. 10.
de Trin. c.
11. tom. 3.
Aug. 11. de
ciu. Dei, c.
25. to. 5. His
verbis: Vti
dicimur ea
re, quam pro
pter aliud
querimus.
Aug. de
doctr. chr.
lib. 1. cap. 3.
tom. 3.

Aug. lib. 10.
de Tri. ca. 11.
tom. 3.

QVÆSTIO II.

An omni creato vtendum sit.

Gabr. Biel. 1. Sententiarum dist. 1. q. 1.

Viso quid sit Vti per essentiam, queritur de Vtibili, vtrum se. omni creato sit vtendum Et quod sic videtur hoc modo: In Prouerb. Vniuersa propter semetipsum operatus est Deus: ergo omnia sunt ordinabilia in Deum. Sed omne ordinabile in Deum conuenit ordinare, sed ordinando ad Deum ordinabile recte vtimur: ergo si omnia conuenit ordinare, omnibus est vtendum.

ITEM ens & bonum conuertuntur, sicut vult Dionysius: sed omnia sunt entia: ergo omnia sunt bona. Sed omne bonum est diligendum: ergo omne creatum diligendum. Sed non est diligendum propter se: ergo propter aliud. Sed hoc est vti: ergo vti conuenit omni creato.

ITEM omni virtuti conuenit recte vti: ergo opus omnis virtutis est rectus vsus: sed vsus alicuius virtutis est respectu mali poenæ, vt patientiæ alicuius, respectu mali culpæ, vt poenitentia: ergo malis omnibus scilicet culpæ & poenæ contingit recte vti: ergo multo fortius bonis: ergo, &c.

ITEM * opposita nata sunt fieri circa idem: sed omnibus contingit abuti: ergo omnibus contingit recte vti: ergo vtendum est omni creato.

1. CONTRA: Charitas est per quam recte vtimur, quia omnia ordinantur in finem per charitatem, quæcunq; recte ordinantur: sed dicit Augustinus: Tantum quatuor diligenda sunt ex charitate, & tria tantum creata, vt nos, proximus, & corpus proprium: ergo tantum tria referuntur, siue ordinantur in finem per charitatem, cum non sit vti recte nisi per charitatem: ergo tantum tribus est vtendum: ergo non omni creato.

2. ITEM omnia quibus vtimur, subiacent nostræ voluntati: sed quædam sunt quæ non subiacent nostræ voluntati vt necessaria, & perpetua: ergo illis non est vtendum.

3. ITEM omne illud quo recte vtimur, bono fine facimus: sed quædam sunt quæ nullo bono fine possunt fieri, vt mentiri, & talia quæ mox nominata coniuncta sunt malo: ergo talibus non est vtendum.

4. ITEM virtute non contingit male vti, sicut patet ex eius diffinitione: ergo ab oppositis, malo culpæ, siue vitiis non contingit recte vti: ergo non omnibus aliis à Deo est vtendum.

CONCLUSIO.

Vti creato quocunque possumus, vt obiecto, ad quod inclinamur, licet non quocunque, vt instrumento, vel acta.

RESP. ad arg. Dicendum quod vti aliquo, quatuor dicitur modis. Aut sicut instrumento quo operamur, sicut vtimur instrumento, vel organo, & sic non omnibus contingit vti, vt puta potentiis, quæ sunt pure naturales, accipiendo Vti proprie, sicut accipit Augustinus. Aut sicut habitu quo regulamur, vt puta virtute, & sic non omnibus contingit recte vti, vt habitu vitij, quo potius cōtingit obliquari. Aut sicut actu quo mouemur, & sic non omni actu conuenit vti, sicut illis quæ mox nominata coniuncta sunt malo. Aut sicut obiecto ad quod inclinamur, & sic omnibus cōtingit vti, & abuti. Omnia enim possunt sumi in facultatem voluntatis ad approbandum, vel respuendum, & hoc patet per Aug. Vtimur assumendis, vel respuendis ad valetudinem: tollerandis ad patientiam: ordinandis ad iustitiam.

ITEM Aug. Voluntas totam intelligentiam capit: dum vtor omni eo quod intelligo: sed mala intelliguntur: ergo contingit vti malis. Aliter tamen vtimur bonis, aliter malis Ratio enim ordinationis in bonis non tantum est ex parte ordinantis, sed etiam ex parte ordinati, quia per se bona sunt vtibilia, & ordinabilia, & de

sui natura: sed in malis ratio ordinationis non est ex parte ordinatorum, sed potius ex parte ordinantis: & ideo mala non dicuntur vtibilia. Vnde nota quod cum Vti sit assumere aliquid in facultatem voluntatis, hoc potest esse quadrupliciter, vel in facultatem voluntatis imperantis, sicut est de his quæ proprie pertinent ad vñ humanum. Vel in facultatem voluntatis acceptantis, sicut est dilectio proximi, & huiusmodi. Vel in facultate voluntatis tolerantis, sicut sunt mala poenæ. Vel in facultate voluntatis respuentis, & sic assumuntur mala culpæ, & ordinantur. Primis duobus modis intelligitur illud: Cuius vsus bonus, &c.

1. Ad illud ergo quod obicitur de charitate quod tantum tria creata sunt diligenda, Dicendum quod diligere aliquid ex charitate est ordinare in summum bonum: quod per se charitas diligit: hoc autem contingit dupliciter. Aut enim contingit ordinare quod natum est deuenire in finem, & sic tantum tria creata diligenda sunt ex charitate. Aut illud per quod deuenire est in summum bonum: & quia hoc potest esse suo modo per omnem creaturam, omnis creatura potest diligi ex charitate, & omni creatura contingit vti.

2. Ad illud quod obicitur quod non omnia subiacent voluntati, Dicendum quod aliquis dicitur subesse dominio voluntatis dupliciter. Aut quantum ad esse ipsius rei, & sic non omnia subiacent. Aut quantum ad actum voluntatis, qui est in respuendo ipsam rem, vel approbando, & hoc propter se, vel propter aliud, & tali modo omnia subiacent voluntati nostræ, scilicet quantum ad actum appetitionis, vel respuitionis, licet non primo modo.

3. 4. Ad illud quod obicitur, quod quædam nullo bono fine possunt fieri: similiter quod semper vitiis abutimur, Dicendum quod obicitur secundum viam, qua contingit vti aliquo vt actu medio, & hoc modo non conuenit vti peccato, vel sicut habitu regulante similiter: conuenit tamen eo vti sicut obiecto recto per modum contritionis, & detestationis.

QVÆSTIO III.

An solo Bono creato vtendum sit.

Gabriel Biel. 1. Sententiarum dist. 1. q. 1.

Ostenso vtrum omni creato sit vtendum, & omni alio à Deo, est quæstio, Vtrum solo bono creato sit vtendum. Et quod hic videtur. Omne bonum, aut est finis, aut ad finem: sed solo bono quod est ad finem est vtendum, quia ratio utilis est ducere in finem, ergo cum solum bonum creatum sit ad finem, solo bono creato est vtendum.

ITEM omne bonum aut est creatum, aut increatum. Sed si contingit vti bono increato, contingit illud referre ad aliud: aut ergo ad creatum, aut increatum: sed non ad increatum, quia non est nisi vnum, ergo ad creatum. Sed sic refertur terminus ad viam, & causa ad effectum: sed hoc est abusus non vsus: ergo solo bono creato, siue creatura est vtendum.

ITEM Augustinus diuidit honestum contra vile: ergo nullum vile honestum, & econuerso. Sed Deus est quid honestum per essentiam: ergo Deo non est vtendum.

ITEM videtur quod non solum non sit vtendum Deo, siue bono increato: sed vti eo semper sit peccatum mortale, quia Augustinus dicit: Summa peruersitas est frui vtendis, & vti fruendis: sed qui vtitur bono increato, vtitur bono fruendo: ergo, &c.

1. CONTRA: Contingit Deo recte seruire intuitu mercedis, quia multi sunt boni mercenarij, vt dicit Ambrosius: sed non contingit Deo seruire nisi amando: ergo contingit Deum recte amare intuitu mercedis: sed sic amans vtitur Deo, quia refert ad aliud ergo, &c.

2. ITEM sicut summa bonitas habet se ad amorem, sic summa veritas ad cognitionem: sed contingit veritatem creatam cognoscere clarius sine præiudicio summe Veritatis, & sine errore: ergo similiter contingit ali-

Funda-
menta.
Præm. 16. a

Cap. 4. de
diu. nom.
in fin.

* 4. Phys.
1. 2. 4. Et in
Postprædic. 1.
de oppos.
Ad oppos.

Aug. lib.
1. de doctr.
christ. 2. 23.
10. 3.

3. Eth. 6. 2.
& 5.
Ibid. 6. 6.

Aug. 10. 1.
lib. 2. de lib.
arb. 6. 19.

Funda-
menta.

Arist. 2.
Ethic. 6. 4.

Arg. lib. 8. 1.
9. 30. 10. 4.

Aug. lib. 8. 3.
9. 30. 10. 4.

Ad oppos.

Ambr. 10.
3. in 15 cap.
Luc. lib. 7.

Aug. lib. 8. 3.
9. 30. 10. 4.
Aug. 10. de
Trin. 6. 11.
10. 3.
Vide huius
lib. dist. 47.
9. 5.

quam aliam bonitatem quam summam ardentius diligere sine præiudicio summæ bonitatis, & deordinatione: ergo contingit amore ordinato aliud plus diligere quam Deum: ergo contingit Deum diligere propter aliud ordinate, & ita uti eo.

3. ITEM videtur quod nullum peccatum sit, cum quis utitur Deo propter suam salutem: quia cuius finis bonus est, ipsum quoque bonum: sed huius usus bonus est, scilicet nostra salus, ergo usus Dei est bonus: ergo non erit peccatum.

4. ITEM usus Dei aut est bonus, & sic utendum Deo: aut est malus, & sic Deus malus, quia cuius usus malus, ipsum malum: quia si Deus bonus, & eius usus bonus: ergo Deo est utendum.

CONCLUSIO.

Solo Bono creato est utendum: & Bono increato uti, est abusi.

RESP. ad arg. Dicendum quod solo bono creato est utendum: quia si bono increato utimur, semper est abusus: & abusus talis est mortale peccatum, propter aversionem à fine cum delectatione, & propter voluntatis inordinationem, quæ minus diligit ipsum quo utimur, quam propter quod utimur.

1. Ad illud ergo quod obiicitur quod contingit recte servire Deo intuitu mercedis; Dicendum quod illa merces, aut est ipse, sicut Dominus dixit ad Abraham: Ego merces tua, & sic intuens mercedem non utitur Deo, quia non refert ad aliud. Aut merces illa est aliud, & tunc potest eam quis intueri, aut ut causam mouentem, & sic est malus mercenarius, & sic utitur: aut ut ratione inducentem, & sic est bonus, & hoc modo non utitur.

2. Ad illud quod obiicitur quod clarior cognitio creaturæ non præiudicat Creatori: ergo, &c. Dicendum quod non est simile: quia claritas cognitionis non est in nostra potestate: sed ardor affectionis est in nostra potestate, ideo requiritur à nobis quod istum amorem ordinemus non illam cognitionem. Aliquis tamen actus cognitionis est in nostra potestate, utpote actus fidei, quo si aliquis assentiat. Veritati primæ propter aliud, bene præiudicat veritati sicut amare propter aliud, bonitati.

3. Ad illud quod obiicitur quod finis usus Dei est bonus; Dicendum quod finis dicitur bonus dupliciter, aut quantum ad substantiam aut quantum ad intentionem finiente: & propositio illa intelligitur quantum ad intentionem finienti, & hæc consistit in recta ordinatione, & illo modo non contingit uti Deo, quia non convenit ordinari.

4. Ad ultimum, sc. usus Dei, aut est bonus, aut malus, &c. Dicendum quod illa propositio intelligitur de habentibus ordinationem ad finem, sed non de ipso fine. Vel intelligitur de actu naturali ipsarum rerum, & proprio, qui frequentius ab ipsa re elicitur, non de ordinatione ad finem, & sic non valet propositio ad propositum.

ARTICVLVS II.

Habito de Vti & Utibili, consequenter queritur de Frui, & Fruibili.

QUESTIO I.

An Frui sit Actus voluntatis, vel aliarum potentiarum.

Thomas 1.2. q.3. art.4. & 5. Et Quodl. 3. art. 19.
Egid. Rom. 1. Sent. diff. 1. q. 1.
Scotus 1. Sent. diff. 1. q. 4.
Henricus Quodl. 3. q. 17.
Thom. Arg. 1. Sent. diff. 1. q. 1. art. 1.
Gab. Biel. 1. Sent. diff. 1. q. 2.

Quid sit Frui per essentiam, utrum sc. actus voluntatis, an aliarum virium. Quod sit actus voluntatis, videtur per primam diffinitionem, quæ est: frui est amore inhaerere, &c. Sed amor est voluntatis: ergo & Frui

similiter. Si dicas, quod amor sumitur ibi communiter, secundum quod est in qualibet vi respectu sui actus.

CONTRA: In omnibus aliis diffinitionibus idem dicitur. Unde dicitur in sequenti: Fruimur cognitis, in quibus voluntas delectata conquiescit. Quietatio autem voluntatis est. Et in alia diffinitione probatur idipsum similiter: Frui est uti cum gaudio. Gaudium autem ad voluntatem proprie pertinet.

ITEM ostenditur ratione, quia fruitione delectamur: sed delectabile secundum quod delectabile, est differentia boni, cum sit bonum honestum conferens, & delectabile: bonum autem, obiectum est voluntatis: ergo frui est solius voluntatis.

ITEM eo fruimur quo quietamur: sed quietatio respicit rationem finis, & finis rationem boni, & bonum est obiectum voluntatis: ergo fruitio quæ ordinat ad illud similiter.

1. SED contra: Omnis virtus appetit uniri suo obiecto, quo habito delectatur si cognoscit, & quiescit: ergo motus cum quietatione & delectatione est omnium virium, ergo cum talis sit fruitio, fruitio erit in omnibus, non tantum in voluntate.

2. ITEM absentia rei amata potius contrahat amante quam delectet: quod enim delectat ipsum, hoc est, quod videt ipsam & habet. Si ergo motus fruitionis est cum delectatione, vel est ipsa delectatio: ergo hoc delectare est, quia videt illud in quo est ipsa delectatio: sed visio respicit cognitivam, ergo, &c.

3. ITEM Augustinus: Hæc est summa merces, ut ipso perfruamur. Sed super illud Psal. Ostendam illi salutarem, &c. Dicit Glossa, quod visio est tota merces: ergo si fruitio est merces, fruitio est visio per essentiam: sed visio est in cognitiva, siue in ratione: ergo, &c.

4. ITEM fide & spe tendimus in Deum. Aut ergo fruendo, aut utendo: sed non utendo, cum Deo non sit utendum: ergo fruendo: ergo fide, & spe fruimur: sed fides est habitus rationis cognitivæ: sed cuius est habitus, eius est actus: ergo actus fruitionis est actus rationis, similiter videtur de irascibili: ergo, &c.

CONCLUSIO.

Frui per essentiam est voluntatis: licet actus aliarum virium ad hunc disponant.

RESP. ad arg. Secundum aliquos Frui pertinet ad omnes vires, & hoc dicunt, quia omnes vires remunerantur: qui dicunt, etiam quod in gloria erit magis proprie rationis, quia immediate se habet ad delectationem. Sed aliter videtur dicendum secundum August. sc. quod sit actus ipsius voluntatis. Cum enim tres dentur diffinitiones de Frui, omnes dantur penes actum voluntatis, quem tripliciter est considerare. Primo modo communiter, pro ut dicit modum cum delectatione, & sic diffinit August. a Frui est uti cum gaudio. Secundo pro ut dicit modum cum quietatione, & hoc modo diffinitur ab August. b Frui est amore inhaerere alicui rei propter seipsam, & hoc modo accipitur proprie. Tertio modo accipitur pro ut complectitur utrumque, scilicet quietationem, & delectationem: & hoc modo diffinitur ab August. c Frui est quiescere in cognitis voluntate propter se delectata, & sic accipitur propriissime. Quia ergo Frui secundum omnem acceptionem dicit delectationem, vel quietem, vel utrumque, & omne tale habet rationem boni, & hoc est obiectum voluntatis: ideo loquendo essentialiter, Frui est actus voluntatis. Sed quia voluntas nec delectatur, nec quietatur nisi in eo quod cognoscit vel per fidem, vel per spem, & in eo quod habet per spem, vel in re, ideo actus aliarum virium ad hunc disponunt, non tamen sunt Frui essentialiter loquendo.

Ex hoc patet resolutio ad illud quod communiter consuevit queri, quare Frui non diffinitur per actum cognitionis, sicut delectationis, cum hæc questio fundata sit super falsum. August. enim ponit in notificatione una

quod

quod est cognitionis, cum dicitur: Frui est quiescere in cognitis: cadit tamen ibi sicut dispositio. Ex hoc etiam patet quare non diffinitur per fidem, & spem, sicut per charitatem, quia charitas informat concupiscibilem, cuius est Frui. Tamen ista quæstio similiter fundata est super falsum, quia amor quo diffinitur Frui, est communis ad amorem castum & libidinosum, vel quo avarus fruitur auro, non proprius ipsius charitatis.

1. Ad illud ergo quod obiicitur, quod omnis virtus habet delectari & quietari cum vnitur suo obiecto, dicendum quod ipsa voluntas, ut dicit Augustinus, amat sibi, & aliis. Et sicut etiam dicit Anselmus: Voluntas inclinat alias vires, & aliis meretur: ideo eius quietatio & delectatio redundat in alias vires. Vnde sicut voluntas non sibi cognoscit: sed ratio sibi cognoscit, & voluntas: ita voluntas sibi & rationi delectatur, & ipsam quiescere facit.

2. Ad illud quod obiicitur quod amans non fruitur nisi videat, vel habeat, dicendum quod videre & habere requiruntur ad Frui, similiter & amare. Nam si quis videt aliquid & habet, nunquam delectatur nisi amet: aliter tamē requiritur visio, quam amor. Nam visio disponit, similiter & tentio, sed amor delicias suggerit. Vnde est quasi acumen penetrans, & ideo ei maxime cōvenit vñire, & per consequens delectare, & quietare, ideo essentialiter non dispositivè est fructio. Propter quod est intelligendum quod actus voluntatis potest dupliciter considerari, sc. per modum appetitus, & complacentiæ. Primo modo antecedere potest ipsam visionem. Secundo vero consequitur, & in hoc est perfecta ratio ipsius fructiois, sc. in complacentia rei visæ, & habitæ.

3. Ad illud: Visio est tota merces, Dicendum quod illud non dicitur proprie, sed per concomitationem: quia visio & complacentia, in qua est perfecta ratio fructiois, inseparabiliter se habent.

4. Ad illud quod obiicitur quod fide & spe fruimur dicendum, quod illud non est verum per se, quia quælibet harum accipit rationem tendentiæ à charitate: vnde fructio nō est ex istis nisi per charitatē. Sola enim charitas consideret finem in ratione finis & obiecti. Vnde non dicitur aliquis sperare Deum, sicut amare.

ARTICVLVS III.

Ostenso quid sit Frui per essentiam, quæstio est de Fruibili. Et primo vtrum Deo contingat Frui. Secundo vtrum fruendum sit ipso solo.

QVÆSTIO I.

An Deo sit fruendum.

S. Thomas 1.2. q. 12. art. 8.

Egidius Rom. 1. Sent. dist. 1. q. 1. princ. 2.

Gab. Biel. 1. Sent. d. 1. q. 4.

Qvod Deo sit fruendum, ostenditur sic: * Eo fruendum est quod beatos nos facit, quia in beatitudine est recta fructio: sed Deo beati efficitur, quia ipse est nostra beatitudo: ergo Deo est fruendum.

ITEM bonum est amabile: * ergo magis bonum magis amabile: & summe bonum summe amabile: sed eo fruimur quod summe amamus: ergo, &c.

ITEM pulchrum delectat: magis pulchrum magis delectat: ergo summe pulchrum summe delectat: sed eo fruimur in quo summe delectamur: ergo, &c.

1. SED contra: Vbi est fructio ibi est delectatio: sed delectatio est coniunctio convenientis cum conveniēti, Dei autem ad facturam nulla est convenientia, immo summa distantia: ergo nec delectatio: ergo nec fructio.

2. ITEM excellens sensibile corrumpit sensum, vel saltem contristat, quia vera delectatio nō est nisi in mediis: ergo pari ratione excellens intelligibile corrumpit vel contristat intellectum. Sed Deus est excellentissima lux, ergo contristat, non delectat, ergo &c. Si dicas quod sensibilis potentia est corruptibilis, non intellectus: hoc

non soluit, quia intellectus dum est in carne fatigatur, impeditur in actu, corrupto.

3. ITEM vbi fructio ibi quietatio: sed in infinito non est quietatio, quia semper est aliquid extra accipere: ergo cum Deus sit infinitus, in Deo non est quietatio: ergo non fructio.

CONCLUSIO.

Deo est fruendum, cum ipse solus perfecte finiat.

RESP. ad arg. Dicendum quod Deo fruendum est eo quod ipse solus perfecte finit, & delectat ipsam animam propter se, & super omnia.

1. Ad illud ergo quod obiicitur quod delectatio est coniunctio convenientis, &c. Dicendum quod est convenientia per vnius naturæ participationem, & per comparationem. Prima convenientia facit communitatem vñiucationis. Secunda communitatem analogiæ siue proportionis. Et hæc est secundum triplicem differentiam aut secundum similem comparationem duorum ad duo ut sicut se habet homo ad animal, ita albedo se habet ad colorem. Aut secundum dissimilem comparationem duorum ad vnum ut animalis, & cibi ad sanitatem. Vel secundum comparationem duorum ad invicem, ut puta cum vnum est imitatio, vel similitudo alterius. Similitudo enim non convenit cum consimili in tertio, sed seipsa anima. Sic est in proposito, quia anima est expressa similitudo Dei. Hæc convenientia in vno extremo ponit inclinationem & indigentiam in alio quietationem, & sufficientiam, quia vnum factum est propter alterum, vnde ordinatur ad alterum. Et quoniam ad inclinationis quietationem & indigentiam suppletionem, vbi est sensus, est delectatio, siue sequitur, ideo anima cum tali modo quietatur à Deo fruitur eo.

2. Ad illud quod obiicitur quod excellentia sensibilis corrumpit sensum: ergo, &c. Dicendum quod non est simile de intelligere, & sentire. Et ad hoc est triplex ratio. Vna est ex parte virtutis apprehensivæ. Alia ex parte apprehensi, siue obiecti. Tertia est ex parte modi apprehendendi. Ex parte virtutis apprehensivæ, quia sensus potest corrumpi, intellectus autem non. Cuius ratio est, quia sensus dependet ab organo, in quo est quædam medietas & harmonia, quæ non tantum cor-

rumperetur per contrarium sed per excellens: sed intellectus non dependet ab organo, quia vis est immaterialis, ideo non tristatur in excellenti. Ex parte obiecti non est simile, quia obiectum intelligentiæ excellens iuvat, & confortat, quia influentia talis cognoscibilis procedit ab intimis, & intrat ipsam potentiam, & ideo ipsam corroborat, & confortat. Sicut si magnus mons daret virtutem portandi se, facilius ferretur quam parvus: sic est in intelligibili, quod Deus est. Sensibile autem obiectum tantum extra excitat: & ideo hoc corrumpit, illud autem non. Ex parte modi apprehendendi similiter est dissimilitudo, quia sensus in apprehensione sui obiecti tendit ad exterius, vnde per illud dispergitur exterius, nec fortificatur interius, ideo debilitatur. Sed obiectum intellectus cum sit intimum ipsi intellectui, in eius perceptione virtus non dispergitur, sed colligitur, & quanto virtus est magis unita, tanto fortior.

3. Ad illud quod obiicitur de infinito, Dicendum quod infinitum dicitur dupliciter, scilicet per privationem perfectionis: & sic materia dicitur infinita, & talis infiniti non est finire, sed potius finire indiget, secundum quod est possibile. Alio modo infinitum dicitur per privationem limitationis: & quod sic infinitum est, proprie habet finire, quoniam ultra ipsum cum non sit maius cogitare, non convenit aliquid appetere. Vnde talis infinitas convenit ultimo fini, quæ maxime habet finiendi rationem.

c. 3. Physic. context. 63.

Lib. 3. d. 14. c. 12.

Vide dist. 3. p. 1. q. 1. ad primum.

d. 3. de ani. context. 4.

Aug. lib. 15. de Trin. c. 7. tom. 3. Anselm. de casu diaboli tom. 3.

Fundamenta. * Aug. lib. 1. de Doctr. Chr. c. 33. tom. 3. * 2. Top. c. 34.

Ad oppos. a. 1. Esch. c. 8.

b. Arist. 2. de ani. context. 123. c. 124.

QVÆSTIO II.

An solo Deo, vel bono increato fruendum sit.

S. Thomas p. 2. q. 11. art. 3.
 Egid. Rom. 1. Sent. dist. 1. q. 1.
 Durandus 1. Sent. dist. 1. q. 2.
 Richardus 1. Sent. dist. 1. q. 3.
 Scotus 1. Sent. dist. 1. q. 1.
 Franciscus de Mayr. 1. Sent. dist. 1. q. 1.
 Ioan. Bacon. 1. Sent. dist. 1. q. 1.
 Tho. Arg. 1. Sent. dist. 1. q. 1. art. 1.

Vtrum solo Deo, siue bono increato sit fruendum, & quod sic videtur. Illo solo est fruendum quod est propter se diligendum: sed illud est propter se diligendum quod est propter se bonum: illud autem propter se est bonum, quod bonitatem quā habet nec habet ab alio, nec bonitas illa est ad aliud: hoc autem est solus Deus: ergo, & c.

ITEM illo solo est fruendum quod quietat animæ appetitum. Sed animæ appetitus non quietatur sufficienter nisi in eo quod est illa perfectius, & maius bonum, hoc autem est solus Deus: ergo, & c.

ITEM appetitus animæ non sufficienter quietatur, nisi per aliquid quod animam implet, quia ex ea parte anima deficit in quiete, quā deficit in plenitudine, sed est capax Dei secundum appetitum: ergo si omne creatum est in infinitum minus illo, nullum creatum supplet animæ appetitum. Et hoc est quod dicit Augustinus: Animam totius Trinitatis capacem, nihil minus, quam Trinitas potest implere.

ITEM bonum quod potest cogitari, potest appeti, ergo si aliquo maius bonum potest cogitari, maius illo potest appeti: sed omni finito maius potest cogitari, ergo maius potest appeti: ergo nullum finitum terminat animæ appetitum sufficienter: ergo solo bono infinito, quod est Deus, est fruendum: quo habito non potest amplius cogitari, nec desiderari.

1. CONTRA: Videtur quod bono creato contingat Frui, quia quamvis appetitus materiæ sit, infinitus, tamen per formam creatam corporalem, & incorruptibilem sufficienter finitur: ergo similiter videtur quod sit aliquod bonum creatum, quod sufficienter finiet animæ appetitum: sed omni tali est fruendum: ergo aliquo bono creato est fruendum.

2. ITEM appetitus humanus est finitæ capacitatis: ergo non capit nisi finitum, vel si capiat infinitum, capit finite: ergo si finiatur per illud quod capit, finitur per bonum finitum: ergo videtur quod aliquo bono finito sit fruendum.

3. ITEM specialiter videtur quod homine sit fruendum, quia omni eo est fruendum quo Deus fruitur: sed Deus homine fruitur, quia hominem amat: sed amore illo quo amat se, amat hominem: quia non est in eo duplex amor: sed primus est fruitionis, ergo & secundus.

4. ITEM videtur specialiter de virtute. Quia omni illo est fruendum quod est propter se appetendum: hæc est manifesta per se: sed omne bonum honestum est propter se appetendum. Quia honestum est quod sua vi nos trahit, & dignitate sua nos allicit, sicut dicit Tullius, & Augustinus, diuiditur honestum contra utile: sed virtus cadit in genere honesti, ergo virtute est fruendum.

5. ITEM videtur specialiter de beatitudine. Omni eo est fruendum, quo habito animus quiescit, & delectatur, & nihl ultra potest querere: sed beatitudo creata est huiusmodi: ergo, & c.

CONCLUSIO.

Solo Deo proprie frui possumus: communiter autem frui licet iis, quæ spiritualiter delectant, & coniungunt fini.

RESP. ad arg. Dicendum quod solo Deo est fruendum proprie accepto Frui, prout dicit modum cum delectatione, & quietatione. Sed communiter accepto Frui, prout dicit modum cum delectatione tantum omnibus quæ

A spiritualiter delectant, & coniuncta sunt fini, cuiusmodi sunt fructus, dona, & beatitudines, potest frui homo non indebite: sed primo modo, solo Deo. Et ratio huius est, quia nihil potest animam sufficienter finire, nisi bonum ad quod est creata. Hoc autem est bonum summum quod superius est anima, & bonum infinitum quod excedit animæ vires. Cognitio enim animæ rationalis est cognitio non arctata, unde nata est quodam modo omnia cognoscere: unde non impletur cognitio eius aliquo cognoscibili, nisi quod habet in se omnia cognoscibilia, & quo cognito omnia cognoscuntur. Similiter affectio eius nata est diligere omne bonum: ergo nullo bono sufficienter finitur affectus, nisi quod est bonum omnis boni & quod est omnia in omnibus. De quo bono in Exodo: Ostendam tibi omne bonum: hoc autem est summum bonum: ergo, & c. Similiter nihil sufficienter finit animam nisi bonum infinitum: quia ad hoc ut finiatur, necesse est ipsam finire secundum existimationem, alioquin non esset beata, nisi se existimaret beatam. Existimatio autem supergreditur omne finitum: quia omni finito potest maius cogitari aliquid, ergo cum affectio posset se extendere eo ubi est existimatio, necessario affectio animæ supergreditur omne finitum: & si hæc nullo bono finito sufficienter finitur, fruendum est ergo solo Deo, quia summum bonum, & infinitum. Et non solum Deo fruendum propter perfectam finitionem, sed etiam propter perfectam delectationem. Ad delectationem enim concernitur delectabile & coniunctio eius cum eo quod delectat. Omne autem quod delectat animam, delectat in ratione boni & pulchri: & quoniam solus Deus est bonitas & pulchritudo, ideo in Deo solo est perfecta delectatio. Item quia ibi est coniunctio, solus autem Deus est qui perfectissime coniungitur. Nam coniungitur secundum veritatem, & intimitatem. Solus enim Deus propter summam simplicitatem, & spiritualitatem illabitur animæ, ita quod secundum veritatem est in anima, & interior animæ quā ipsa sibi. Omnes enim hæc quatuor rationes, ad unam reducuntur, scilicet ad hanc, quia nata est anima ad percipiendum bonum infinitum, quod Deus est: ideo in eo solo debet quiescere, & eo frui.

1. AD illud vero quod obijciatur de appetitu materiæ dicendum, quod appetitus materiæ ordinatur ad formam tanquam ad perfectionem substantialem, ex qua & materia fit unum: & ideo necesse est, formam esse eiusdem generis cum materia, nec est omnino supra materiam. Ideo finita est omnis talis forma, talis autem si sit incorruptibilis, propter necessariam seu unionem arctat appetitum materiæ, & arctatum finit. Unde non finitur in sua amplitudine. Appetitus autem animæ non sic arctatur propter unionem cum appetibili, immo dilaturatur: & ideo oportet quod perficiatur aliquo omnino summo.

2. AD illud quod obijciatur quod non capit nisi finite dicendum, quod infinitum bonum finite capit, quoniam ipsa est finita: sed quoniam bonum illud est infinitum, ideo ab ipso totaliter absorbetur, ut iam eius capacitas vndiq; terminetur. Unde non tantum gaudebit, sed sicut dicit Anselmus, in gaudium Domini introibit. Quod si totum caperet, & non vinceretur, nec absorberetur, adhuc posset insurgere appetitus ad amplius aliquid capiendum. Patet ergo quod ad hoc quod anima compleatur, quamvis capacitatem habeat finitam, tamen necesse est adesse bonum infinitum.

3. AD illud vero quod obijciatur de homine dicendum quod Deus diligit hominem, & amor Dei est amor fruitionis: tamen homine non fruitur, quia diligendo se diligit hominem, id est fruendo se utitur homine. Quod patet sic, quia dilectio Dei ad creaturam non est affectio, sed affectus communicatio. Communicatio autem secundum rationem habitalem, attenditur secundum bonitatem, quia bonum est quod natum est se communicare: secundum rationem vero actuale attenditur, siue respicit voluntatem: quia enim vult, ideo facit. Ratio ergo communicandi venit ex voluntate & bonitate, sicut ratio cognoscendi ab exemplari & intelligentia. Quia ergo ex conuersione

voluntatis

Ratio quadruplex. Prima.

3. de Ani. context. 4.

Exod. 33. d.

Ratio 2.

Ratio 3.

Ratio 4.

Ansel. Prob. solog. c. 26. com. 3.

voluntatis supra suam bonitatem nos diligit, ideo se fruendo nos diligit.

4. Ad illud quod obiicitur de virtute quod virtus est bonum honestum, dicendum quod bonum honestum dicitur dupliciter: aut quod est pure bonum, aut in quo relucet eius similitudo. Primo modo honesto est fruendum proprie accepto Frui, quia hoc solum terminat, & quietat. Secundo modo non, nisi communiter accipiat provt dicit delectationem. Huiusmodi enim propter assimilationem ad Deum, habent pulchritudinem qua nos delectant, & alliciunt: tamen in ipsis non est quiescendum, quia tunc amittunt pulchritudinem, quia virtutes cum ad se referuntur, superbæ sunt, & inflatæ.

5. An illud quod obiicitur de beatitudine, dicendum quod beatitudo creata non finit appetitum per se, sed per conjunctionem cum increata: unde anima ipsa diligit propter Deum, non propter se.

DISTINCTIO II.

De Myſterio Trinitatis, & Vnitatis.

HOC itaque vera ac pia fide tenendum est, quod Trinitas unus sit & solus verus Deus, ut ait Augustinus in 1. lib. de Trinitate, scilicet Pater, & Filius, & Spiritus sanctus, & hac Trinitas unus eiusdemque substantia, vel essentia dicitur, creditur, intelligitur, quæ est summum bonum, quod purgatissimis mentibus cernitur. Mentis enim humana acies invalida in tam excellenti luce non figitur, nisi per iustitiam fidei emundetur. Item in lib. 1. Retractionum: Non approbo quod in oratione dixi: Deus qui non nisi mundos verum scire voluisti, responderi enim potest, multos enim non mundos multa scire vera. De hac re ergo summa & excellentissima cum modestia & timore agendum est, & attentissimis auribus, atque deuotis audiendū: ubi queritur unitas Trinitatis, Patris, sc. & Filij, & Spiritus sancti, quia nec periculosius alicubi erratur, nec laboriosius aliquid queritur, nec fructuosius aliquid inuenitur. Proinde omnis qui audit & legit ea quæ de ineffabili & inaccessibili luce diuinitatis dicuntur, studeat imitari, atque seruare quod venerabilis Doctor August. in 1. libro de Trinitate, de seipso ait: Non pigebit me, inquit, sicuti habito querere, nec pudebit sicuti erro, discere. Quisquis ergo audit hoc, vel legit, ubi pariter certus est, pergat mecum: ubi pariter hæsitat, querat mecum: ubi errorem suum cognoscit, redeat ad me: ubi mecum, reuocet me. Ita ingrediamur simul charitatis viam tendentes ad eum, de quo dictum est: Querite faciem eius semper.

Quæ fuerit inventio Scribentium de Trinitate.

Omnes autē Catholici Tractatores, ut in eodem 1. libro de Trinitate cap. 4. August. ait, qui de Trinitate quæ Deus est, scripserunt, hoc intenderunt secundum Scripturas docere, quod Pater, & Filius, & Spiritus sanctus unus sint substantia, & inseparabili aequalitate, unus sint Deus, ut sit unitas in essentia, & pluralitas in personis: ideoq; non sunt tres dii: sed unus Deus, licet Pater Filium genuerit, & ideo Filius non sit qui Pater est, Filiusque à Patre sit genitus: ideo Pater non sit qui Filius est, & Spiritus sanctus, nec Pater sit, nec Filius, sed tantum Patris, & Filij Spiritus, utrinque coequalis, & ad Trinitatis pertinet unitatem. Teneamus ergo Patrem & Filium, & Spiritum sanctum unum esse naturaliter Deum, ut ait August. in libro de fide ad Petrum, cap. 1. neq; tamen ipsum Patrem esse, qui Filius est: nec Filium esse, qui Pater est: nec Spiritum sanctum ipsum esse, qui

Pater est aut Filius. Una est enim Patris, & Filij, & Spiritus sancti essentia, quam Græci * ὕσαν vocant, in qua non est aliud Pater, aliud Filius, aliud Spiritus sanctus, quamvis sit personaliter alius Pater, alius Filius, alius Spiritus sanctus.

Quis ordo sit seruandus cum de Trinitate agitur.

Ceterum ut in primo libro de Trinitate August. docet, Primo secundum auctoritatem sanctarum Scripturarū, utrum fides ita se habeat, demonstrandum est. Deinde aduersus garrulos ratiocinatores, elatiores magis quam capaciores, rationibus catholicis, & similitudinibus congruis ad defensionē & assertionem fidei utendum est, ut eorum inquisitionibus satisfaciētes, mansuetos plenius instruamus: & illi, si nequierint inuenire quod querunt, de suis mentibus potius quam de ipsa veritate, vel de nostra assertionem conquærantur.

Testimonia Sanctorum de Trinitate.

Proponamus ergo in medium veteris, ac noui Testamenti auctoritates, quibus diuine Vnitatis atque Trinitatis veritas demonstratur, ac primū ipsa legis exordia occurrat, ubi Moyses ait: Audi Israel, Dominus Deus tuus, Deus unus est. Item. Ego sum Dominus Deus tuus, qui eduxi te de terra Egypti, non erunt tibi alij dii præter me. Ecce hic significauit Vnitatem diuinæ naturæ. Deus enim, ut ait Ambrosius in primo libro de Trinitate, nomen est natura, Dominus vero nomen est potestas. Item alibi Deus loquens ad Moysen, ait: Ego sum qui sum, & si quaſierint nomen meum, vade & dic eis: Qui est, misit me ad vos. Dicens enim: Ego sum, non, Nos sumus: &, Qui est, non, Qui sumus, apertissime declarauit unum solum Deum esse. In Cantico etiam Exodi legitur: Dominus omnipotens nomen eius: non ait: Domini, Vnitatem volens significare. Personarum quoque Pluralitatem, & naturæ unitatem simul ostendit Dominus in Genesi dicens: Faciamus hominem ad imaginem & similitudinem nostram. Dicēs enim faciamus ad nostrā, Pluralitatem personarum ostendit dicens vero imaginem, Vnitatem essentia. Ut enim dicit August. in libro de fide ad Petrum: Si in illa natura Patris & Filij & Spiritus sancti una esset tantum persona, non diceretur: Faciamus hominem ad imaginem & similitudinem nostram. Cum enim dicit, ad imaginem, ostendit unam naturam esse, ad cuius imaginem homo fieret: cum vero dicit, nostram, ostendit eundem Deum non unam, sed plures esse personas.

Aperte ostendit quod nec solitudo, nec diuersitas, nec singularitas ibi est, sed similitudo.

Hilarius quoque in libro tertio de Trinitate dicit, his verbis significari quod in Trinitate nec diuersitas est, nec singularitas, vel solitudo: sed similitudo & pluralitas, siue distinctio, ait enim sic: Qui dixit: Faciamus hominem ad imaginem & similitudinem nostram: inuicem esse sui similes: in eo quod dicit, imaginem & similitudinem nostram, ostendit. Imago enim sola non est, & similitudo sibi non est: neque diuersitatem duobus admisceri alterius ad alterū similitudo permittit. Item idem in quarto libro absolutius voluit intelligi significationem hanc non ad se esse referendam tantum, dicendo: Faciamus hominem ad imaginem & similitudinem nostram, professio enim consortij suscipit intelligentiā singularitatis: quia consortium aliquod nec potest esse sibi ipsi solitario, neque rursum solitudo solitarij recipit, Faciamus: neque qui quā alieno à se loquitur, Nostram. Vterque ergo sermo, sc. Faciamus, & Nostram, ut solitarium eundemque non patitur: ita neque diuersum à

Aug. lib. 19.
de Ciu. Dei
cap. 25. 10. 5.

Cap. 2.

Cap. 4. 10. 1.

Lib. 1. de
Trin. cap. 3.
tom. 3.

Cap. 2. in fin.
& c. 3. 10. 3.

Psal. 104. 4

De confes.
dist. 3. cap.
Omnes.
Aug. lib. 1.
retract. c. 4.
ubi dixi
de Patre, &
Filio, qui gi-
gnis, & qui
gignit, unum
est, dicendum
fuit, unum
sunt, sicut
ipsa Veritas
aperit Ioan.
1. ait: Ego &
Pater unum
sumus.

* & dicitur.

Cap. 2. 10. 3.

Deut. 6. 4
Exo. 20. 6

* Vel de fide
ad Gratia-
num, c. 1. &
2. tom. 4.
† Exod. 3. 4

Exod. 15. 4

Gen. 1. 6

Tr. 3.

Hilarius
circa finem
dicit libri.

Circa med.

se alienumque significat. Solitario conuenit, Faciam, & Meam; non solitario vero conuenit dicere, Faciamus, & Nostram. Vterque sermo ut non solitarium tantum, ita neque differentem esse, vel diuersum esse significat. Nobis quoque nec solitarius, nec diuersus est confitendus. Ita ergo Deus ad communem sibi cum Deo imaginem eandemque similitudinem hominem reperitur operari: ut nec significatio efficientis admittat intelligentiam solitudinis, nec operatio constituta ad eandem imaginem vel similitudinem, patiatur diuersitatem diuinitatis. In his verbis Hilarius pluralitatem personarum voluit intelligi nomine consortij: atque significauit nomine consortij, vel pluralitatis non poni aliquid, sed remoueri. Pluralitas enim, vel consortium personarum cum dicitur, solitudo vel singularitas negatur: cum dicimus plures esse personas, significamus quod non est una sola. Ideo Hilarius volens ista subtiliter, & sane intelligi, ait: Professio consortij sustulit intelligentiam singularitatis: non dicit, posuit aliquid: ita etiam cum dicimus tres personas, singularitatem & solitudinem tollimus, & quod Pater non est solus, nec Filius est solus, nec Spiritus sanctus est solus, significamus, & quod nec Pater tantum est & Filius: nec Pater tantum & Spiritus sanctus: nec Filius tantum & Spiritus sanctus. De hoc autem in sequenti plenius agetur, ubi etiam secundum quid similes dicantur tres persone, & utrum aliquo modo sit ibi diuersitas, vel differentia ostendetur.

Ad idem quod cœperat, redit, ut alias auctoritates supponat.

Nunc vero ad propositum redeamus, & ad ostendendum personarum pluralitatem, atque essentia diuina unitatem, alias Sanctorum auctoritates inducamus. dicit: In principio creauit Deus cælum & terram: per Deum significans Patrem: per principium, Filium. Et pro eo quod apud nos Deus dicitur, Hebraica veritas habet *heloym*: quod est plurale huius singularis, quod est *hel*. Quod ergo non est dictum *hel*, quod est Deus: sed *heloym*, quod interpretari potest *dij*, siue iudices, ad pluralitatem personarum refertur. Ad quam etiam illud attinere videtur, quod diabolus per serpentem dixit. Eritis sicut *dij*. Pro quo in Hebraico habetur *heloym*: ac si diceret: Eritis sicut diuina persona. Ille etiam maximus Prophetarum & regum David, qui suam ceteris praefert intelligentiam, dicens: Super senes intellexi: Unitatem diuina natura ostendens ait: Dominus nomen est illi: non dicit: Domini. Alibi etiam eiusdem unitatem, & aternitatem simul ostendens, ait ex persona Dei Israel: Si me audieris, non erit in te Deus recēs, neque adorabis Deum alienum. Aliud horum, ut dicit Ambrosius in libro primo de * Trinitate, significat aternitatem: aliud unitatem substantiae indifferētis, ut neque posteriorem Patre, neque alterius diuinitatis Filium vel Spiritum sanctum esse credamus. Nam si Patre posterior est Filius, vel Spiritus sanctus recēs est: & si unus non est diuinitatis alienus est: sed nec posterior est, quia recens non est: nec alienus, quia ex Patre natus est Filius, ex Patre procedit Spiritus sanctus. Alibi quoque distinctionem personarum insinuas ait: Verbo Domini cæli firmati sunt, & Spiritu oris eius omnis virtus eorum. Alibi etiam ait: Benedicat nos Deus Deus noster, benedicat nos Deus, & metuant eum omnes fines terræ. Trina enim confessio Dei, Trinitatem exprimit personarum: Unitatem vero essentia aperit, cum singulariter subiungit, eum. Isaias quoque dicit se audisse Seraphim clamantia, Sanctus, Sanctus, Sanctus, Dominus Deus. Per hoc quod dicit ter Sanctus,

A Trinitatem significat. Per hoc quod subdit. Dominus Deus, Unitatem essentia. David quoque aternam filij generationem aperte insinuat ex persona Filij, dicens: Dominus dixit ad me: Filius meus es tu, ego hodie genui te. De hac generatione ineffabili Isaias ait: Generationem eius quis enarrabit: In libro quoque Sapientiae aternitas Filij cum Patre monstratur, ubi Sapientia ita loquitur: Dominus possedit me ab initio viarum suarum, antequam quidquam faceret à principio: ab aeterno ordinata sum, antequam terra fieret: necdum erant abyssi, & ego iam concepta eram: necdum fontes, necdum montes aut colles, & ego parturiebar: adhuc terram non fecerat, & cardines orbis terræ: quando prae parabat cælos, aderam: quando appendebat fundamenta terræ, cum eo eram cuncta componens, & delectabar per singulos dies ludens coram eo. Ecce aptum de aeterna genitura testimonium, quo ipsa Sapientia perhibet se ante mundum conceptam esse, & parturiri, id est genitam, & apud Patrem aeternaliter existere. Ipsa etiam alibi ait: Ego ex ore Altissimi prodiij primogenita ante omnem creaturam. Michæas quoque Propheta aternam Verbi generationem, & temporalem ex Maria simul insinuauit, dicens: Et tu Bethleem Ephrata, paruulus es in millibus Iuda: ex te egredietur, qui sit dominator in Israel: egressus eius ab initio à diebus aternitatis.

Specialia Testimonia de Spiritu sancto.

C De Spiritu sancto etiam expressa documenta in veteri Testamento habemus. In Gen. enim legitur: Spiritus Domini ferebatur super aquas. Et David dicit: Quo ibo à Spiritu tuo? In libro Sapientiae dicitur: Spiritus sanctus disciplina effugiet fictum, benignus est enim Spiritus sapientiae. Isaias quoque ait: Spiritus Domini super me.

De Testimoniis noui Testamenti.

Nunc vero post Testimonia veteris Testamenti de fide sancta Trinitatis, & Unitatis, ad noui Testamenti auctoritates accedamus, ut in medio duorum animalium, id est, b Testamentorum cognoscatur veritas, & c forcipe de altari sumatur calculus, quo tangantur ora fidelium. Dominus itaque Christus unitatem diuinae essentiae, ac personarum Trinitatem aperte insinuat, dicens Apostolis: Ite Baptizate omnes gentes in nomine Patris, & Filij, & Spiritus sancti: In Nomine utique ait, ut Ambrosius ait in libro primo de * Trinitate, non in nominibus, ut unitas essentia ostendatur. Per nomina tria qua supposuit tres esse personas declarauit. Ipse etiam ait: Ego & Pater unum sumus, Unum dixit, ut ait Ambrosius in eodem, ne fiat discretio potestatis naturæ: & addidit, Sumus, ut Patrem, Filiumque cognoscas, scilicet ut perfectus Pater Filium perfectum genuisse credatur: & quod Pater & Filius unum sint, non confusione personæ, sed unitate naturæ. Ioannes quoque in epistola canonica ait: Tres sunt qui Testimonium perhibent in cælo, Pater, Verbum, & Spiritus, & hi tres unum sunt. Ipse etiam in initio Euangelij sui ait: In principio, erat Verbum, & Verbum erat apud Deum, & Deus erat Verbum. Vbi aperte ostendit Filium semper, & aeternaliter fuisse apud Patrem, ut alium apud alium. Apostolus quoque aperte Trinitatem distinguit, dicens: Misit Deus Spiritum Filij sui in corda nostra. Et alibi: Si spiritus eius qui suscitauit Iesum, habitat in nobis, &c. Item alibi Trinitatem atque Unitatem euidentissimè commendat, dicens: Quoniam ex ipso, & per ipsum, & in ipso sunt omnia, ipsi gloria. Ex ipso dicit. Ut Augustinus in libro de Trinitate ait, propter Patrem. Per

ipsum

Psalm. 2. b
Isa. 53. c

Prom. 3. d

Eccl. 24. a

Mich. 5. a

Gen. 1. a.

Psalm. 138. b

Sap. 1. b

Isa. 61. a

2 Aba. 3. a

b Aug. lib.

87. de Ciu.

ca. 32. tom. 5.

c Isai. 6. c

Mat. ult. d

* Vel de fide

ad Gratianum, cap. 1.

Ioan. 10. f

1. Ioan. 5. b

Ioan. 1. a

Gal. 4. a

Rom. 8. c

Rom. 11. a

Lib. 1. cap. 6.

tom. 3.

Dist. 19. &
24. 31. &
34. huius li-
bri.

Gen. 1. a

Gen. 3. a

Psalm. 118. n

Psalm. 67. a

Psalm. 80. b

* Vel de fide
ad Gratianum,
tom. 4. c. 5.

Psalm. 32. c

Psalm. 66. b

Isa. 6. a

ipsum dicit, propter Filium: In ipso, propter Spiritum A sanctum. Per hoc vero quod non ait, Ex ipsis, Per ipsos, & In ipsis, nec ait, Ipsi gloria, sed Ipsi, insinuavit hanc Trinitatem unum Deum esse. Sed quia singula pene syllaba noui Testamenti hanc ineffabilis Vnitatis, atque Trinitatis veritatem concorditer insinuant inductioni testimoniorum super hac re supersedeamus: & rationibus, congruisque similitudinibus ita esse, prout infirmitas nostra valet, ostendamus.

DISTINCTIO II.

De Trinitate, & Vnitate secundum quod creditur, &c.

Hoc itaque vera, ac pia fide tenendum est.

Expositio Textus.

Diuisio.

SECUNDA pars primi Libri, in qua materia indagata, incipit eam Magister prosequi, diuiditur praesertim in duas partes, quoniam dupliciter est considerare res quibus fruendum est, scilicet in se, & in comparatione ad creaturas. In se ratione Trinitatis, & Vnitatis. In comparatione ad creaturas ratione scientiae, potentiae, & voluntatis. Primo ergo agit de Sancta Trinitate, & Vnitate. Secundo de scientia, & potentia, & voluntate, infra distinct. 31. Cumque supra differuerimus. De ipsa autem sacratissima Trinitate tripliciter contingit tractare. Quoniam primo contingit ipsam credere. Secundo creditam intelligere. Tertio intellectam dicere, siue enuntiare. Credere autem est per auctoritatem, intelligere per rationem, dicere per catholicam, & rationabilem locutionem. Ideo primo de ipsa Trinitate, & Vnitate agit secundum quod creditur. Secundo de ipsa secundum quod credita per rationem intelligitur infra distinctione 3. Apostolus namque ait: Tertio secundum quod credita, & intellecta, rationabiliter & catholice exprimitur, infra distinct. 22. Post praedicta nobis differendum videtur de nominum diuersitate. Et patet ordo. Prius enim & verius est eam credere quam intelligere; multi enim credunt qui non intelligunt: & prius similiter est intelligere quam sermone exprimere. Prima pars, sc. secundum quod creditur, continet praesentem distinctionem: & quoniam materia est difficillima, Primo ponit modum procedendi. Secundo vero exequitur ibi: Proponamus ergo in medium.

ITEM prima pars habet tres partes. In prima, praemisso prooemio de mysterio Trinitatis & Vnitatis, tangit modum agendi: Quoniam debet esse cum modestia, timore, & diligentia, praemittens materiam circa quam agere intendit. In secunda subiungit intentionem scribentium de Trinitate, ibi: Omnes autem catholici Tractatores. Tertio tangit ordinem, ibi: Caterum ut in primo libro. Modus scribendi de Trinitate debet esse fundatus super intellectum fidei, & cum modestia, & timore propter periculum. Intentio scribentium de Trinitate est, quod Pater, & Filius, & Spiritus sanctus sunt tres personae, & vnus Deus. Ordo scribendi est, primo per auctoritates ostendere veritatem, deinde per rationes, & congruas similitudines. Similiter secunda pars in qua Magister auctoritatibus sacrae Scripturae intendit ostendere Trinitatem, & Vnitatem, habet duas partes, secundum quod sacra Scriptura habet duas partes, scilicet nouum, & vetus Testamentum. Ideo primo ostendit hoc per auctoritates veteris Testamenti, deinde per auctoritates Noui, ibi: Nunc vero post testimonia, &c. Et quoniam vetus Testamentum duas habet partes, scilicet Legem, & Prophetas, in quibus fides explicatur, ideo ostendit primo per testimonia Legis. Secundo per testimonia Prophetarum, ibi: Ille etiam maximus Prophetarum. Prima iterum pars in qua probat per

testimonia Legis, duas habet partes. Primo enim probat essentiae Vnitatem, Secundo Vnitatem simul, & Trinitatem ibi: Personarum quoque pluralitatem. Similiter illa pars de Testimonijs Prophetarum habet duas partes. In prima probat essentiae vnitatem, & personarum pluralitatem in communi. Secundo vero specialiter ostendit filij generationem, & Spiritus sancti processionem, ibi: David quoque aeternam filij generationem. Similiter illa pars in qua probat per auctoritates noui Testamenti, habet duas partes. Primo enim probat per auctoritates, siue per testimonia Iesu Christi. Secundo per auctoritates, Apostolorum, ibi: Ioannes quoque in epistola, &c. Auctoritates, & earum explanationes, & numerus & diuersitates satis patent in litera.

Purgatissimis mentibus cernitur. Dub. I.

B Videtur hoc male dicere, quia nulla mens dum est in via, purgatissima est, sed tantum in Patria.

RESP. Dicendum quod mens ad hoc quod Deum contempletur perfecte, indiget purgari quo ad intellectum, & affectum: ideo dicit per iustitiam fidei, id est, per fidem quae facit iustum in opere, & per se purgat intellectum: sed iustitia affectum. Vtriusque autem purgationis triplex est gradus. Nam intellectus purgatus est cum abstrahitur a sensibilibus speciebus, purgator cum mundatur a phantasticis imaginibus, purgatissimus cum a physicis rationibus. Gradus purgationis affectus, sunt isti: purgatus est affectus cum mundatur a culpa, purgator cum a sequela, purgatissimus cum ab occasione: hoc autem possibile est fieri in via: ideo dicit Magister: Purgatissimis mentibus, &c. & in hoc statu idoneus est contemplari.

Mentis enim humana acies inualida, in tam excellenti luce non figitur. Dub. II.

CONTRA: Videtur enim quod mundata non figatur ibi: quia quantumcumque mundetur, adhuc excedit lux illa improporcionabiliter aciem mentis: ergo si propter sui excellentiam non potest videri a non habente fidem, nec etiam ab habente.

RESP. Differt dicere, considerari, & figi, & comprehendere. Considerari potest lux diuina a mente non munda, ut a Philosophis: sed figi non potest in illa, nisi mens a vitijs pura: comprehendere non potest, nisi in Patria. Ratio autem quare non potest figi, est duplex, Vna quia est supra intellectum, & ideo intellectus in ea non figitur, nisi habeat gluten affectus, sed statim recedit. Alia ratio, quia oculus sanus est illi luci proportionabilis secundum qualitatem, & sic non secundum quantitatem: sed si oculus sit infirmus, siue lippus, sicut est in non habente fidem utroque modo est improporcionabilis, & ideo non figitur.

Deus enim & Dominus, nomen est natura, & nomen potestatis. Dub. III.

Obijecit contra hoc, verbum Ambrosij, quia dicit Damascenus: Hoc nomen, Deus, imponitur ab operatione, unde dicitur ab aethin, quod est ardere, vel a thein quod est fouere, vel a theastæ, quod est videre.

RESP. Dicendum quod de hoc nomine, & consimilibus est loqui dupliciter. Aut quantum ad id cui imponitur, & sic est nomen naturae, quia ei imponitur quod est summa natura. Aut quantum ad id a quo imponitur, & sic est nomen operationis, quia imponitur ab opere.

Ego sum, qui sum. Dub. IV.

Quæritur de hac circumlocutione: Vtrum hoc nomen Ego sum, qui sum, sit nomen essentiae, vel personae, Et quod personae, videtur: quia pronomen demonstratiuum certam significat personam. Et iterum, loqui est actus personae. Si forte dicas, quod, Ego, quia significat originem stat pro persona Patris: Sum, quia significat actum egredientem, stat pro persona Filij: Qui, relatiuum neccens utrumque, stat pro persona Spiritus sancti. Hoc nihil est quia pro eodem stat relatiuum, & antecedens.

RESP. Dicendum quod illud nomen, Qui est, & Ego sum: qui sum, est nomen essentiae propriae: hic enim est

Lib. 1. c. 12.
de orib. fid.
* Idem dicit auctor
10. 1. in
Princ. sa-
era Scr.
dno rē thē-
en, aī ēēv,
ōēā dāq.

dam circumlocutio, significans entitatem in omnimoda perfectione, & abolutione, & hoc est nomen proprium diuinæ substantiæ. Et quod obijcitur quod pronomen significat certam personam, dicendum quod persona ibi dicitur certum suppositum Verbi: & hoc, est substantia & natura.

Faciamus hominem ad imaginem, & similitudinem nostram. Dub. V.

Queritur vtrum imago stet ibi pro essentia, aut pro persona. Si pro essentia, ergo idem est dicere imaginem nostram, quod essentiam nostram. Si pro persona, non debet dici *nostra*, sed *mea*. Si pro imagine creata, nihil ad propositum, quia per hoc non probatur vnitas naturæ.

RESP. Dicendum quod secundum quod Doctores Sancti hic accipiunt, imago & similitudo dicit essentiam & relationem. Importat enim imago vnitatem cum distinctione, & similitudo similiter propter intrinsecam relationem. Et ideo in hoc nomine, *Imago & Similitudo*, quantum ad aliquid suæ significationis, notatur vnitas essentiæ: quantum ad aliquid notatur pluralitas personarum. Et ideo aliter exponit Augustinus, aliter exponit Hilarius. Augustinus considerat partem significati secundum essentiam vnitatem: sed Hilarius totum. Vnde dicit quod nomine Imaginis, & Similitudinis simul intelligitur vnitas, & pluralitas. Similiter Augustinus in hoc quod est: *Faciamus, & Nostram*, considerat solum consignificatum: & ideo pluralitatem. Hilarius vero considerat, & significatum, & consignificatum. Ideo in vtroque dicit intelligi pluralitatem, & vnitatem.

Neque diuersitatem duobus admisceri alterius ad alterum similitudo permittit. Dub. VI.

CONTRA ista verba Hilarij obijcitur: Similitudo est rerum differentium eadem qualitas: ergo similitudo compatitur secum differentiam.

RESP. Dicendum quod est similitudo secundum accidens, & similitudo secundum substantiam. Et hæc est duplex, secundum totum, & secundum partem. Similitudo secundum accidens, vel secundum partem substantiæ admittit diuersitatem: sed non similitudo secundum totum. Et quoniam in diuina essentia est summa simplicitas: ideo non potest esse similitudo secundum accidens, neque secundum partem: & ideo similitudo non compatitur diuersitatem naturæ.

Significauit nomine consortij, vel pluralitatis non poni aliquid, sed remoueri. Dub. VII.

CONTRA: Quia ex his verbis Magistri videtur quod omnis numeralis dictio secundum ipsum nihil ponat: sed tantum priuet: sed hoc videtur falsum. Cum enim in diuinis sit vera pluralitas personarum, non tantum priuatiue sed etiam positue videntur dici.

RESP. Hæc fuit positio Magistri quæ cõmuniter non tenetur, quia non habet veritatem, sicut infra melius patebit. Tamen Magister excusatur, quia dixit quod non ponunt aliquid nomina numeralia, quia important numerum qui non est proprie in diuinis. Numerus enim causatur ex vnitatum aggregatione, & distinctione: & distinctio vnitatum fit tripliciter, continui diuisione, formarum disparatione, gradu, siue ordine. Quoniam igitur in diuinis non est aggregatio, nec taliter distinctio, ideo nec numerus proprie.

In principio creauit Deus cælum, & terram. Dub. VIII.

Queritur quare magis hoc nomen, *Deus* stet, siue supponat pro persona Patris, quam pro persona Filij: & quomodo Trinitas intelligatur ex hoc.

RESP. Ad hoc dicendum, octo modis innuitur nobis personarum pluralitas in Scriptura. Primo modo significatione: In nomine Patris, & Filij, & Spiritus sancti. Se-

cundo: consignificatione: In principio creauit, Vbi habemus nos, Deus, Hebræi *Heloym*, quod est nominatiuus pluralis huius nominatiui singularis *Hel*. Tercio modo suppositione, vt cum dicitur Deus genuit Deum: Ante omnes colles ego parturiebar, id est, generauit me Dominus. Quarto modo appropriatione, ibi: *In principio creauit Deus, &c.* Deus enim ibi Patri appropriatur, & Principium Filio. Quinto modo iteratione: Sanctus, Sanctus, Sanctus Dominus Deus Sabaoth. Sexto modo ordine verborum Psalmus: Benedicat nos Deus Deus noster, benedicat nos &c. Septimo modo connotatione in actu missionis, vt cum dicitur ad Galatas: Misit Deus, &c. Octauo modo apparitione sicut apparuerant Abraham Tres viri.

B *Alie etiam maximus Prophetarum. Dub. IX.*

CONTRA: Quia super illud Matthæi: Apparuerunt illis Moyse & Helias dicit Glos. Helias fuit maximus Prophetarum: non ergo David.

RESP. Spiritus Prophetiæ in maiori abundantia datus, Prophetam Domini facit excellentiorem. Potest ergo dupliciter dari in maiori abundantia: aut quia ad plura, aut quia ad altiora. Helias datus est ad plura, quid ad futurorum prouisionem, & miraculorum operationem. Sed David ad altiora, quia sicut patet ex eius Prophetia, plura vidit clarius, quia Prophetia intellectuali.

Dominus possedit me in initio, &c. Dub. X.

Obijcitur, quia possessio est rei inferioris: ordo, rei posterioris: conceptio similiter sonat in sexus fragilitatem & partus similiter. Quæ omnia non conueniunt diuinis.

RESP. Sapientia describitur per comparisonem ad effectus, & per comparisonem ad principium. Et quoniam per comparisonem ad effectus habet in se thesaurum infinitum in numerositate, & habet ordinem in discretionem, ideo describitur per verbum possidendi, & ordinandi. Describitur etiam per comparisonem ad suum principium à quo emanat emanatione intrinseca, in eo quod est de substantia emanantis. Ideo describitur per verbum conceptionis, & parturitionis.

ARTICVLVS I.

AD declarationem eorum quæ de sacra Trinitate, & Vnitate dicit Magister, quatuor possunt quæri circa partem istam. Primo queritur, vtrum in Deo sit ponere essentiæ siue naturæ Vnitatem. Secundo vtrum in Deo sit ponere Personarum pluralitatem. Quarto & ultimo, vtrum in diuinis personis sit ponere Trinitatem.

QVÆSTIO I.

An sit vnus Deus tantum.

Alexander Aletis p. 1. q. 14. Membr. 2.

S. Thomas 1. p. q. 11. art. 3.

Egid Rom. 1. Sent. dist. 2. q. 1.

Henricus in summa art. 25. q. 1. & 73.

Durandus 1. Sent. dist. 2. q. 1.

Scotus 1. Sent. dist. 2. q. 3.

Th. Arg. dist. 2. q. 1. & 4.

Gab. Biel. 1. Sent. dist. 2. q. 10.

Lañan. Firm. li. 1. de falsa Relig. cap. 4. §. 6. 7.

QVOD in Deo sit ponere essentiæ siue naturæ Vnitatem, videtur ratione ostensua, triplici habita suppositione quæ oportet poni. Tum propter eius simplicitatem. Tum propter communem animi conceptionem: quæ est quod Deus est, quo maius excogitari non potest. Tum ratione status, qui non est nisi in summo, & primo. Suppositio prima est quod Deus est simplicissimus. Ex hac arguitur quod cum nullo alio diuerso possit communicare, quia si communicat & differt: ergo non sunt idem, ergo est ibi compositio. Si nihil potest communicare: ergo nec deitate nec entitatem: ergo si sunt duo Dij, cū vnus sit ens, alter nō est ens: si vnus est Deus, alter non est Deus, ergo si duo sūt Dij, non sunt duo Dij.

ITEM

Gen. 1. a

Pror. 8. b

Gen. 1. a

Isa. 6. a

Gal. 4. a

Gen. 18. a

Mat. 17. a

ug. de fide
Per. c. 1.
fin 10. 3.
lib. 3. de
n. ad. lit.
9.

1. lib. 3. de
n. circa
em.

2. 24. ar.
1.

Fundamēta.
Boet. lib. 1.
de Hebdo.
Arist. 12.
Meta. con-
tex. 39. &
8. phys. con-
tex. 34

ar. 2.

b. ult. b

ITEM secunda suppositio est, quod Deus est omnipotentissimus. Ex hac arguitur: ergo poterit facere quod omnis alia potētia à sua nihil possit: ergo si sunt duo diuersi in natura, hoc potest facere vnus de altero quod alter nihil possit, & è conuerso. Sed qui potest potētia auferri nō est Deus: ergo si duo sūt Dij, nullus est Deus.

ITEM tertia suppositio est quod Deus est simpliciter summus. Ex hac arguitur: Ergo omnia sunt infra ipsum, ergo omnia alia ad ipsum, & ab ipso. Si ergo sunt duo Dij, vnus est infra alterum, & econuerso: vnus est ab alio secundum naturam diuersam, & econuerso: vnus est ad alterum, & econuerso: sed quod est infra aliud in natura, & ab alio, & ad aliud, non est Deus: ergo &c.

ITEM hoc potest probari per deductionem ad impossibile. Si sunt duo Dij, aut vnus est vbi alius, aut non est. Si vnus vbi alter: ergo vnus in altero, cum sint eodē modo essendi, ergo vnus est alteri materialis: ergo alter non est Deus. Si vnus est non vbi alter: ergo vterque limitatus, ergo neuter infinitus.

ITEM si plures sunt Dij boni, aut vnus intelligit alterum, aut non. Si non, ergo vterque est ignorans. Si intelligit, aut ergo per præsentiā, aut per speciem, aut per seipsum. Si per præsentiā, ergo vnus in altero: ergo Deus illabitur Deo, & perficit Deum. Si per speciem, ergo compositus. Si per seipsum, ergo vnus exemplar alterius, ergo & principium.

ITEM si duo sunt Dij diuersi, quorum vterque est summum bonum, aut vnus diligit alterum, vt diligendus est, aut non. Si sic, cum vterque sit summum bonum, vterque est diligendus amore fruitionis: ergo vterque fruitur altero: sed qui fruitur alio bono à se, illo indiget: ergo vnus indiget alio: ergo vterque est indigens, ergo neuter Deus.

1. SED contra: Plus potest Deus facere quam intellectus noster possit cogitare. Sed intellectus humanus, vt pote gentium, intelligit plures Deos omnipotentes, ergo Deus potest hoc facere. Sed quidquid potest esse in diuina natura, est ibi: quia æterna: ergo, &c.

2. ITEM plura bona sunt meliora paucioribus: sed plures Dij sunt plura bona: ergo melius aliquid erunt duo, quam vnus. Sed secundum Anselmum: Omne quod melius est circa Deum est ponendum: ergo est ponere plures Deos.

3. ITEM: Quorum est diuersa operatio, diuersa est virtus, & diuersa est natura: sed operatio trium personarum est diuersa, quia apparitio in columba fuit solius Spiritus sancti, & solus Filius assumpsit humanam naturam: ergo sunt diuersi in substantia: ergo sunt plures Dij.

4. ITEM magna potentia est, quæ potest magnum, & maior, quæ maius, & maxima, quæ maximum: sed Deus super omnia est summe potens, ergo potest producere summum bonum. Sed hoc est Deus: ergo cum in æternis sit idem esse & posse, ergo, &c.

CONCLUSIO.

Plures Deos esse, non solum non est possibile, sed neque intelligibile, si proprie intelligatur hoc nomen, Deus.

RESP. ad arg. Dicendum quod impossibile est plures Deos esse, & si recte accipiatur significatum huius nominis, Deus, non solum est impossibile, sed etiam non intelligibile. Deus enim dicit simpliciter summum, & in re, & in opinione cogitantis. Quia in re, ideo omnia ab ipso, & in ipso, & ad ipsum, & in ipso omnino est status, ideo impossibile est intelligere, saluo hoc intellectu, quod aliquid sibi parificetur aliud ab ipso. Item nihil maius Deo cogitari potest, nec etiā æquale, quia summum in opinione: ideo impossibile, & non intelligibile est ponere plures Deos.

1. AD illud ergo quod obiicitur de Gentibus; dicendū, quod non fuit intellectus: sed fictio, præterea non intelligebant Deum secundum nobilitatem diuinam: ideo non valet.

A Er ad illud: Plus potest Deus facere, &c. dicendū quod duplex est intellectus, sc. rationalis, & phantasticus. Primo verum est, sed de secundo non: quia multa possumus cogitare secundum phantasiam, quæ Deus non potest facere: quia non conuenit illi, in quo inconueniens minimum est impossibile.

2. AD illud quod obiicitur, quod plura bona sunt meliora paucioribus; dicendum quod istud habet veritatem in bono creato, & finito, quod ratione suæ finitatis recipit bonitatis augmentum per additionem alterius boni: non autem habet veritatem in bono infinito, quia quātūcumque addas bonum infinitum infinito, semper ego intelligo de bonitate tantum in vno, quantum in pluribus.

3. AD illud quod obiicitur de diuersitate operationum; dicendum quod Pater & Filius & Spiritus sanctus in omni operatione cōueniunt, sed in relatione differunt. Vnde in incarnatione est operatio productionis illius naturæ, & est vnio. In primo conueniunt tres personæ: in secundo non. Similiter in columba est columbæ formatio & eius signatio. In primo conueniunt: in secundo non. Exemplum Augustini de Trinitate est, quod ad formationem huius nominis, memoria, concurrunt memoria, intelligentia, & voluntas: hoc tamen nomen memoria, significat alteram potentiarum: simili modo est in proposito.

4. AD illud quod obiicitur, quod magna potentia &c. dicendum quod producere aliquid est tripliciter. Vel de se ipso, vel de aliquo creato, vel de nihilo. De se ipso potest Deus producere summum simpliciter, sed ille non erit alius in natura propter naturæ simplicitatem. De alio vel de nihilo non potest producere summum simpliciter sed in genere, non propter defectum potentie agentis, sed propter defectum creaturæ, quam necesse est esse limitatam, & ita non potest producere alium Deum.

QUESTIO II.

An cum Dei Unitate pluralitas Personarum ponenda sit;

Alexander Aletensis 1. p. q. 14. Membr. 5.

S. Thom. 1. p. q. 39. art. 2.

Agid. Rom. 1. Sent. dist. 2. p. 2. q. 2.

Durandus 1. Sent. dist. 2. q. 4.

Richardus 1. Sent. dist. 2. q. 1.

Henricus in summa, art. 53.

Franciscus de Mayron. 1. Sent. dist. 2. q. 14.

Scotus 1. Sent. dist. 2. q. 4.

Thom. Arg. 1. Sent. dist. 2. q. 2. art. 4.

Gab. Biel. 1. Sent. dist. 2. q. 11.

Vtrum sit ponere in Deo personarum pluralitatem. **Fundamentum.** Et quod sic, ostenditur supponendo de Deo quatuor. Primum est, quod in ipso sit summa beatitudo. Secundum est, summa perfectio. Tertium est, summa simplicitas. Quartum est, summa prinitas.

Ex prima suppositione, arguitur sic: Ibi est summa beatitudo, sed vbiūque est summa beatitudo, est summa bonitas, summa charitas, & summa iucunditas. Sed si est summa bonitas, cum bonitatis summæ sit se communicare, & hoc est maxime in producendo ex se æqualem, & dando esse suum: ergo, &c. Si summa charitas, cum charitas non sit amor priuatus, sed ad alterum: ergo requirit pluralitatem.

ITEM si summa iucunditas, cum nullius boni sine socio sit iucunda possessio, ergo ad summam iucunditatem requiritur societas, & ita pluralitas.

Ex secunda suppositione arguitur sic: Ibi est summa perfectio, sed perfectionis est producere talē, qualis ipse est in natura: ergo necesse est ibi esse multiplicationem sed hoc non potest esse secundum aliam essentiam, ergo oportet quod sit secundū aliam personā siue suppositū.

Ex tertia suppositione arguitur sic: Ibi est summa simplicitas: sed simplicitatis est quod aliqua natura sit in pluribus, vt patet in vniuersali, sed ex defectu simplicitatis est quod numeretur in illis: ergo si in Deo est simplici-

Ad oppos.

Arist. 3. phys. com. tex. 32.

Monolog. 6. 15. tom. 3.

Arist. 3. phys. com. tex. 32.

Aug. de Trin. lib. 4. c. 21. tom. 3.

citas in nihilo deficiens, est in pluribus non numerata A
essentia: ergo, &c.

Ex quarta suppositione arguitur sic: Ibi est summa
primitas: sed quanto aliquid est prius, tanto fecundius
est & aliorum principium: ergo sicut essentia divina, quia
prima, est principium aliarum essentiarum: sic persona
Patris cum sit prima, quia à nullo est principio, habet
fecunditatem respectu personarum: sed fecunditas in
Deo respectu Dei non potest esse nisi actui coniuncta:
ergo necesse est plures esse personas.

Ad oppos.

1. SED contra: Videtur quod ex eisdem suppositioni-
bus possit argui contrarium, & ita destruuntur rationes
& conclusiones iam positæ. Si enim ibi est summa bea-
tudo, cum beatus per essentiam sibi soli sufficiat ad
beatitudinem: ergo non est necesse ponere aliam perso-
nam ad beatitudinem, siue iucunditatem.

2. ITEM contra secundam suppositionem sic obiicitur:
Si est ibi perfectio summa: ergo æque plena & perfecta
est essentia in vna persona, ut in pluribus. Si autem ultra
perfectiorem additio est superflua, pluralitas est super-
flua: & si hoc, cum in diuinis nihil sit superfluum, plu-
ralitas non erit in diuinis.

3. ITEM contra tertiam rationem sic: Si est ibi sum-
ma simplicitas, cum pluralitas opponatur simplicitati, &
opposita non possunt esse circa idem: ergo si Deus est
vnus & in eo est simplicitas: non ergo pluralitas cum
per omnia sit simplex.

4. ITEM contra quartam suppositionem sic: Si ibi est
summa primitas: ergo cum status sit in primo principio
& status est in Vnitate: ergo primitas non ponit plurali-
tatem, sed vnitatem, ergo videtur quod vna sit tantum
persona.

CONCLUSIO.

*Personarum pluralitas in diuinis est ponenda,
ut docet fides.*

RESP. ad arg. Dicendum quod in diuinis est ponere
personarum pluralitatem, sicut fides dicit, & rationes
prædictæ ostendunt, si quis sine contradictione conside-
ret. Nam ratione simplicitatis essetia est communicabi-
lis, & potens esse in pluribus. Ratione primitatis, perso-
na est ex se nata aliam producere, & voco hic primita-
tem innascibilitatem, ratione cuius, ut dicit antiqua opi-
nio est fontalis plenitudo in Patre ad omnem emanationem, & hoc infra patebit. Ratione perfectionis, ad
hoc est apta & prompta. Ratione beatitudinis & chari-
tatis, eadem essentia diuina est voluntaria. Quibus con-
ditionibus positis necesse est ponere personarum plura-
litatem.

1. Ad illud ergo quod obiicitur in contrarium, quod
beatus per essentiam sibi soli sufficit: ergo non indiget,
&c. Dicendum quod verum est quod non indiget, nec
ponendus est alius propter indigentiam tanquam bea-
tificans, sed in beatitudine communicans.

2. Similiter ad illud quod obiicitur quod deitas æque
plena & perfecta est in vno, ut in pluribus; dicendum
quod & si sit æque plene, non tamen ita plene declara-
tur: & præterea eo ipso quo plene est in Patre, redundat
in alias personas redundantia perfectionis.

3. Ad illud quod obiicitur quod pluralitas repugnat
simplicitati; dicendum quod est quædam pluralitas per
additionem, & hæc repugnat: quædam per origi-
nem, & non addit, nec componit, nec repugnat simpli-
citati: sed potius solitudini, & sic est in diuinis, ut in-
fra patebit.

4. Ad illud quod obiicitur quod in primo est status;
dicendum quod sicut in essentiis vna est essentia prima,
à qua sunt alie, & ad quam: sic in personis est vna per-
sona, à qua sunt alie, & ad quam: & in illa est status ori-
ginis, quia illa à nullo, & hæc est persona Patris. Vnde
Augustinus illi personæ appropriat Vnitatem, dicens:
In Patre Vnitas, &c.

QVÆSTIO III.

An in personis diuinis sit ponere infinitatem.

S Thomas 1. p. quæst. 39. art. 2.

Vtrum in diuinis personis sit ponere infinitatem.
Et quod sic ostenditur hoc modo: Quia creatura
cum sit finita, quidquid est in ipsa, est actu finitum: ergo
ab oppositis, quia diuina essentia est infinita, quidquid
est in ipsa, est infinite: ergo cum in Deo sit numerus per-
sonarum, erit infinitus, & ita erunt infinitæ personæ.

2. ITEM cum duplex sit infinitas, virtualis, & numera-
lis: infinitas virtualis est in Deo: ergo pari ratione infi-
nitas numeralis: ergo in Deo sunt infinitæ personæ.

3. ITEM infinita virtus cum emanet secundum suam
totam infinitatem, non tantum producit infinitum inten-
sive, sed etiam extensive. Sed virtus Patris in productio-
ne personarum emanat secundum omnimodam sui po-
testatem: ergo non tantum producit personas infinitas
in virtute, immo infinitas in numero.

4. ITEM hoc ipsum ostenditur sic: Multiplicatio per-
sonarum aut est virtutis, aut non. Si non, ergo non debet
in diuinis poni. Si est virtutis per se: ergo maior multi-
plicatio erit maioris virtutis, & summæ virtutis infinita
multiplicatio: ergo, &c.

CONTRA: Hoc ostenditur quadruplici conditione,
quæ sumitur ab hoc, quod semper Deo est attribuendū
quod nobilius est, quod necesse est ponere finitatem per-
sonarum. Prima est distinctio: secunda ordo: tertia con-
nexio: quarta summa completio. Ex conditione prima
ostenditur sic: Si est ibi distinctio, non ergo confusio: sed
vbi est infinitas, ibi confusio: ergo, &c.

ITEM ex secunda sic: Vbi est ordo, ibi est terminatio
quia vbi deficit terminatio, deficit mediatio, & per con-
sequens ordo: sed vbi est terminatio, non est infinitas:
ergo si in diuinis est ordo, non est infinitas.

ITEM ex tertia sic: Vbi est connexio, necesse est quod
omnes personæ procedant ab vna: nam si vna ab alia, &
ita consequenter: tunc est infinita distantia inter primam
& ultimam, & hoc est inconueniens: ergo omnes ab
vna. Aut ergo eisdem modis, aut diuersis. Si eisdem: ergo
nulla distinctio. Si diuersis, & diuersi modi emanandi
sunt finiti: ergo, &c.

ITEM ex quarta sic: Si est ibi summa completio: ergo
nata est diuinitas Personas complere: & cum completio
personarum sit in beatitudine, nata est illas complere.
Sed si essent personæ infinitæ, impossibile esset aliquem
beatificare à Deo: cognitio enim cuiuslibet personæ est
de substantia beatitudinis, cum tota bonitas quæ sub-
stantiale præmium est, sit in qualibet personarum: ergo
aut anima omnes cognosceret, aut non esset beata: sed
impossibile esset omnes cognoscere, cum virtus eius sit
finita: ergo, &c.

CONCLUSIO.

*Personarum diuinarum numerus finitus est: quia numeralis
infinitas repugnat perfectioni, & ordini.*

RESP. ad arg. Dicendum quod in diuinis personis
quantum ad numerum, non est ponere infinitatem, sed
finitatem. Ratio autem huius est, quia infinitas numera-
lis repugnat perfectioni, & ordini: quia est per recessum
ab vnitatem, siue à sua origine. Similiter infinitas molis: &
ideo neutra est in Deo. Infinitas autem virtutis est per
accessum ad vnitatem, & ideo ista cum sit perfectionis,
ponenda est in Deo.

1. 2. Ad illud ergo quod obiicitur, quod quidquid est
in Deo est infinite: dicendum quod verum est infinite,
sed non qualibet infinitate, sed illa quæ Deus est infini-
tus: & hæc est infinitas immensitatis, & tali modo est
Trinitas infinita, non infinitate numerali, quæ non con-
gruit Deo. Et per hoc patet responsio ad secundum, scilicet
quare infinitas numeralis non est ponenda in Deo,
sicut virtualis.

Ad oppos.

Fundamen-
ta.

Scor. dist. 1.
2. tenet quod
possimus
fieri essenti-
am fructus
persona.

Dist. 28. p. 1.
q. 1. ad ult.

Dist. 8. 23.
q. 24.

3. Ad

3. Ad illud quod obiicitur quod infinita virtus in infinitate emanans producit infinita; dicendum quod diuine virtuti non conuenit productio nisi perfecti: & ideo non conuenit ei productio alicuius infinitatis, nisi illius quæ stat cum summa perfectione: hæc autem non est infinitas numeralis: & ideo non est in Deo.

4. Ad vltimum quod obiicitur, quod potentia est se multiplicare; dicendum quod non omni modo multiplicare se est potentia: sed perfecte multiplicare se, potentia est, & conuenit Deo: non sequitur ergo, magis se multiplicare est maior perfectio, nisi intelligatur perfecte: sed infinite se multiplicare secundum numerum, est imperfecte, ideo non conuenit Deo.

QVÆSTIO IV.

An tres tantum sint diuina persona.

Thomas. 1. p. q. 30. art. 2.
Ægid. 1. Sent. dist. 10. q. 3.
Henricus in summa, art. 53. q. 9.
Richardus 1. Sent. d. 2. art. 2.
Scotus 1. Sent. d. 2. q. 5.
Durandus 1. Sent. d. 2. q. 4.
Franciscus de Mayr. 1. Sent. d. 2. q. 9.

Ad oppos.

Vtrum in diuinis personis sit ponere Trinitatem. Et quod non, immo magis dualitatem, ostenditur sic: Pater totum quod potest, dat Filio: sed qui dat totum quod potest, non potest amplius dare: ergo nec aliam personam producere, cum illud sit dare.

2. **I**TEM Pater generat Filium, tanquam Verbum per omnia æquale, & per omnia dicens, & exprimens ipsū: sed multiplicatio personarum est ad declarationem virtutis: ergo videtur quod superfluat alium producere.

3. **I**TEM ostenditur quod ibi debeat esse quaternitas per rationem emanationis. Quia enim Filius emanat per generationem, non per processionem: ideo quamvis non generet, tamen spirando producit: eadem ratione videtur quod Spiritus sanctus quamvis non producat spirando, possit generare, siue generet, cum non generetur.

4. **I**TEM cum in diuinis sit duplex modus producendi, sc. vnus per modum nature, alius per modum voluntatis, & ibi debeat esse completa ratio productionis: videtur etiam quod ibi debeat esse modus producendi, tertius per modum artis. Si sic, erit ibi ponere quartam personam secundum hunc modum producendi.

Fundamen-
ta.

SED contra: Quod sit ibi Trinitas tantum, ostenditur ex suppositionibus superius factis: quia necesse est in illa Trinitate esse beatitudinem, perfectionem, simplicitatem, primitatem. Ex prima suppositione ostenditur sic: Si est ibi summa beatitudo: ergo summa concordia, ergo est summa germanitas, summa charitas. Sed si essent plures quam tres, non esset ibi summa germanitas. Si pauciores, non esset ibi summa charitas: ergo sunt tres tantum. Probatio minoris. Si est ibi quarta persona, aut procedit ab vna, aut à duabus, aut à tribus. Si ab vna vel duabus tantum, tunc non perfecte & æqualiter conuenit cum omnibus. Si autem à tribus, tunc duæ personæ intermediæ magis conueniunt ad inuicem quam cum extremis: quia producuntur, & producant, & ita non est ibi perfectus nexus.

ITEM si essent pauciores quam tres, non esset ibi perfecta charitas: quia perfectus amor & est liberalis & est communis. Quia liberalis, ideo tendit ad alterum. Quia communis, ideo vult alium diligere ab altero, sicut à se, & vult diligere alterum sicut se: ergo est ibi dilectio, & cōdilectio: hoc autem non potest esse minus quā in tribus. Ex secunda suppositione sic: Si est ibi summa perfectio: ergo persona producens perfecte producit, & quantum ad modum producendi, & quantum ad eum qui producit. Sed non reperitur nisi duplex modus producendi nobilis. Omne enim agens, aut agit per modum nature, aut per modum voluntatis: sicut vult Philosophus: ergo his duobus modis, & tantum his producit: sed persona producta qualibet istorum modorum est perfectissima: ergo si ultra perfectionem est omne quod superfluit, &

Arist. 2.
phys. con-
tex. 49.
Concl. Scot.
dist. 2. p. 2.
q. 4.

quod est circa, deficit: necesse est esse tantum duas personas emanantes, & non plures, nec pauciores: & vnam à qua emanant: ergo tantum tres.

ITEM ex tertia sic: Si est ibi summa simplicitas: Pater totum dat cui libet: ergo procedentes, siue emanantes non distinguuntur penes ea, quæ accipiunt, sed penes modum accipiendi, & emanandi: sed duo tantum sunt modi emanandi: ergo non possunt esse nisi duæ personæ emanantes & tertia producens: ergo, &c.

ITEM ex quarta sic: Si ratione primitatis est ibi summa fecunditas, nulla persona potest producere aliquo genere producendi quo producitur: quia respectu illius non est prior, ergo cum duæ personæ emanent secundū duos modos emanandi, impossibile est, quod his modis producant, & non sunt alij modi: ergo non possunt producere aliam personam: ergo sunt tantum tres.

B

CONCLUSIO.

Tres tantum sunt persone diuina, vt fides Catholica docet.

RESP. ad arg. Dicendum quod, sicut fides Catholica dicit, ponere est tantum tres personas, non plures, nec pauciores, & ad hoc sumitur ratio necessitatis & congruitatis. Ratio necessitatis, quare non possunt esse pauciores quam tres, est summa beatitudo, & summa perfectio. Nam summa beatitudo exigit dilectionem, & condilectionem: summa perfectio duplicem emanationem, scilicet nature, & liberalitatis, & ad hoc, ad minus, exiguntur tres personæ.

ITEM ratio necessitatis, quare non possunt esse plures est summa simplicitas, quæ nõ patitur personas distingui, nisi secundum modos emanandi. Est iterum principalis fecunditas quæ non permittit personam producere aliquo genere emanationis, nisi secundum rationem intelligendi sit prior illo. Vnde prima persona quæ est innascibilis & inspirabilis generat, & spirat. Secunda vero persona, quia inspirabilis, sed genita, non generat, sed spirat. Tertia persona, quia spiratur, & procedit à generante, nec generat, nec spirat: & ideo impossibile est esse plures personas, quam tres. Ratio congruitatis sumitur ex sufficientia combinationum, & ex perfectione numeri ternarij. Ex sufficientia combinationum: quia cum amor sit in omnibus personis, vt dicit Richardus, & non sit nisi triplex amor, videlicet gratuitus, debitus, & ex utroque permixtus tantum erunt tres personæ. Vna quæ tantum dat, in qua est amor gratuitus. Alia quæ tantum accipit, in qua est amor debitus. Et media quæ dat & accipit, in qua est amor permixtus ex utroque.

D

ITEM alio modo possunt combinari secundum rationem originis, & huiusmodi combinationis sufficientia in tribus consistit. Nam contingit intelligere personam quæ est principium personæ, & non est principiatum: & rursus personam quæ est principiatum, & non principium personæ: & tertio modo personam quæ est principiatum, & principium. Quartus autem modus quod nec sit principium, nec principiatum, est omnino impossibilis, nec intelligibilis. Ratio congruitatis ex parte numeri est, quia numerus iste, sc. ternarius habet in se primam perfectionem, & summam, siue consideretur in se, siue in quantitate continua, siue in natura, in se habet primam perfectionem quoniam primus numerus est, qui constat ex omnibus partibus suis: sc. vnitatem & dualitatem, quæ simul iunctæ faciunt tria. Senarius autem dicitur primus perfectiorum, quia constat ex omnibus partibus suis aliquoties: scilicet tribus, duobus, & vno.

ITEM summa perfectio est in eo, quia vnitatem quæ est principium, & cōpletio omnis numeri, reflexa supra de reduplicatione quadrata, qualis in solido quadrato, triplicatur secundum rationem, remanens vna secundū veritatem; vt si dicatur semel vnū, semel: & istud est valde simile Trinitati increata, in qua in vnitatem substantiæ est Trinitas rationum. Non tamen est omnino simile, quia ibi cum vnitatem substantiæ, est Trinitas rationum, & rerum, sc. Personarum: hic tantummodo rationum. Si-

Ric. lib. 3. de
Trin. cap.
19. c. 10.

Senarius,
primus nu-
merus per-
fectiorum.

militer

Arist. lib. 1.
de celo, com-
tex. 3.

militer si consideretur numerus iste in quantitate continetur, habet in se primam perfectionem, & summam: primam, quia omnis quantitas habet principium, medium & ultimum: summam, quia perfectio quantitatis continetur. Suprema consistit in Trina dimensione, scilicet longitudine, latitudine, & altitudine: & hoc est quod dicit Philosophus in principio de celo & mundo: Omne enim perfectum in tribus dicimus, & hoc numero adhibuimus nosmetipsos magnificare Deum unum Creatorem omnium, eminentem proprietatibus eorum quae sunt creata. Similiter si consideretur iste numerus in creatura habet in se primam perfectionem, & summam: primam quia trinitatem vestigij contingit reperire in qualibet creatura, quantumcumque parua, quantumcumque minima: perfectam, quia secundum Trinitatem imaginis reformatam, & Deiformem attenditur summa, & nobilissima perfectio creaturae, scilicet beatitudo.

2. Ad illud ergo quod obiicitur quod Pater dat Filio totum quod potest, dicendum quod verum est, sed non dat omni modo quo potest. Et ideo in illatione est accidens: Non potest amplius dare: ergo nec aliam personam producere: quia hoc non est dare amplius, sed alio modo.

2. Similiter sequens obiectio per hoc patet: quia Filius non omni modo declarat: quia etsi secundum rationem naturae, non tamen secundum liberalitatem voluntatis nisi in quantum ex ipso Verbo procedit Spiritus.

3. Ad illud quod obiicitur quod Spiritus sanctus debet generare: dicendum quod non est simile, quia persona Filij praecedit spirationem, ideo habet rationem primitatis: persona autem Spiritus sancti sequitur generationem, & ideo non generat: quia non est innascibilis.

4. Ad illud quod obiicitur de tertio modo emanandi, scilicet de arte: dicendum quod ars non habet fecunditatem ad emanandum, siue ad producendum, nisi per voluntatem, & ideo modus ille non debet distingui à modo procedendi per modum liberalitatis, siue voluntatis. Vel aliter, & melius. Modus producendi per artem conuenit cum modo producendi per naturam in hoc quod utrobique producit simile. Differt autem, quia in productione naturali producit simile in substantia, & natura, alius in persona. In productione autem artis producit simile secundum rationem formae exemplaris: dissimile vero in substantia, & natura: talis autem modus producendi est impossibilis diuinae essentiae, quae non compatitur diuersitatem essentiarum.

DISTINCT. III. PARS I.

Incipit ostendere, quo modo per Creaturam potuerit cognosci Creator.



POSTOLVS namque ait, quod inuisibilia Dei à creatura mundi, per ea quae facta sunt intellecta conspiciuntur, sempiterna quoque virtus eius, & diuinitas, per creaturam mundi intelligitur homo, propter excellentiam qua excellit inter alias creaturas, vel propter conuenientiam quam habet cum omni creatura. Homo ergo inuisibilia Dei intellectu mentis conspiciere potuit, vel etiam conspexit, per ea quae facta sunt, id est, per creaturas visibiles, vel inuisibiles. A duobus enim inuabatur: scilicet à natura quae rationalis erat: & ab operibus à Deo factis, ut manifestaretur homini veritas. Ideoque Apostolus dixit: Quia Deus reuelauit illis, scilicet dum fecit opera: in quibus Artificis aliquatenus relucet iudicium.

Prima ratio, vel modus quomodo potuit cognosci Deus.

Nam sicut ait Ambrosius: Ut Deus qui natura inuisibilis est, etiam à visibilibus posset sciri, opus fecit

Rom. 1.6

To. 3. in 1.
cap. ad Ro.

quod Opificem visibilitate sui manifestauit: ut per certum incertum posset sciri, & ille Deus omnium esse crederetur, qui hoc fecit ab homine, ait Ambrosius impossibile est fieri. Potuerunt ergo cognoscere, siue cognouerunt ultra omnem creaturam esse illum, qui ea fecit, quae nulla creaturarum facere, vel destruere ualeat. Accedat quaecunque vis creatura, & faciat tale calum & terram: & dicam, quia Deus est. Sed quia nulla creatura talia facere ualeat, constat super omnem creaturam esse illum qui ea fecit: ac per hoc, illum esse Deum, humana mens cognoscere potuit.

Secunda ratio, qua potuit cognosci, vel modus quo nouerunt.

Alio etiam modo Dei veritatem ductu rationis cognoscere potuerunt, vel etiam cognouerunt: ut enim Augustinus ait in Lib. de Ciuitate Dei. Viderunt summi Philosophi nullum corpus esse Deum, & ideo cuncta corpora transcenderunt quarentes Deum. Viderunt etiam quidquid mutabile est, non esse summum Deum, omniumque principium: & ideo omnem animam mutabilemque spiritus transcenderunt. Deinde viderunt omne quod mutabile est, non posse esse nisi ab illo qui incommutabiliter & simpliciter est. Intellexerunt ergo eum, & omnia ista fecisse, & à nullo fieri potuisse.

Tertia ratio, vel modus.

Considerauerunt etiam quidquid est in substantiis, vel corpus esse, vel spiritum, meliusque aliquid spiritum esse, quam corpus, sed longe meliorem, qui spiritum fecit, & corpus.

Quartus modus, vel ratio.

Intellexerunt etiam corporis speciem esse sensibilem, & spiritus speciem intelligibilem, & intelligibilem speciem sensibili praeulerunt. Sensibilia dicimus, quae visu tactuque corporis sentiri queunt. Intelligibilia, quae conspectu mentis possunt intelligi. Cum ergo in eorum conspectu, & corpus & animus magis minusque speciosa essent: si autem omni specie carere possunt, omnino nulla essent: viderunt esse aliquid, quo illa speciosa facta sunt, ubi est prima & incommutabilis species, ideoque incomparabilis: & illud esse rerum principium rectissime crediderunt, quod factum non esset, & ex quo cuncta facta essent. Ecce tot modis potuit cognosci veritas Dei. Cum ergo Deus, una sit & simplex essentia quae ex nulla diuersitate partium, vel accidentium consistit, pluraliter tamen dicit Apostolus: Inuisibilia Dei: quia pluribus modis cognoscitur veritas Dei per ea quae facta sunt. Ex perpetuitate creaturarum intelligitur Cōditor aternus: ex magnitudine creaturarum Omnipotens: ex ordine & dispositione, Sapiens: ex gubernatione, Bonus. Hac autem omnia ad Vnitatem Deitatis pertinent monstrandam.

Quo modo in creaturis appareat vestigium Trinitatis.

Nunc restat ostendere, utrum per ea quae facta sunt, aliquod Trinitatis vestigiū, vel indicium exiguum haberi potuerit. De hoc Augustinus in libro de Trinitate ait: Oporteret ut Creatorem per ea quae facta sunt intellecta conspicientes, Trinitatem intelligamus. Huius enim Trinitatis vestigium in creaturis apparet. Hac enim omnia quae arte diuina facta sunt, & unitatem quandam in se ostendunt, & speciem, & ordinem. Nam quod quod horum creatorum & unum aliquid est, sicut sunt naturae corporum & ingenia animarum: & aliqua specie formatur, sicut sunt figurae, vel qualitates corporum, ac doctrinae, vel artes animarum: & ordinem aliquem petit, aut tenet, sicut sunt pondera

man. su.
illud:
Quod n.
est Dei

Lib. 3.

Ex Aug.
3. de Ci.

Rom. 1.

Lib. 6.
com. 3.

† Aug.
vera R.
cap. 7.

pondera

Tomo 1. c. 15.
circa finem.

pondera, vel collocationes corporū, & amores, vel delectationes animarū: & ita in creaturis pralucet vestigium Trinitatis. In illa enim Trinitate summa origo est omnium rerum, & perfectissima pulchritudo, & beatissima delectatio. Summa autem origo, ut August. ostendit in lib. de vera Religione, intelligitur Deus Pater, à quo sunt omnia: à quo Filius, & Spiritus sanctus. Perfectissima pulchritudo intelligitur Filius, sc. veritas Patris, nulla ex parte ei dissimilis: quem cum ipso, & in ipso Patre veneramur: qui forma est omnium quæ ab uno facta sunt & ad unum referuntur, quæ tamen omnia, nec fierent à Patre per Filium, neque suis finibus salva essent, nisi Deus summe bonus esset, qui & nulli naturæ, quæ ab illo bona esset, invidit: & ut in bono ipso maneret, alia quantum vellet, alia quantum posset, dedit: quæ bonitas intelligitur Spiritus sanctus, qui est donum Patris, & Filij. Quare ipsum donum Dei, cum Patre, & Filio æque incommutabile colere & tenere nos cōuenit. Per considerationem itaque creaturarum unius substantiæ Trinitatem intelligimus, scil. unum Deum Patrem à quo sumus, & Filium per quem sumus: & Spiritum sanctum in quo sumus, sc. principium ad quod recurrimus, & formam quam sequimur, & gratiam qua reconciliamur: unum sc. quo auctore conditi sumus, & similitudinem eius per quam ad unitatem reformamur: & pacem quæ Unitati adharemus, scil. Deum qui dixit: Fiat lux: & Verbum per quod factum est omne quod substantialiter & naturaliter est: & donum benignitatis eius, quæ placuit quod ab eo per Verbum factum est, & reconciliatum est auctori, ut non interiret. Ecce ostensum est qualiter in creaturis aliquatenus imago Trinitatis indicatur: non enim per creaturarum contemplationem sufficiens notitia Trinitatis potest haberi vel potuit sine doctrina, vel interioris inspirationis reuelatione. Unde illi antiqui Philosophi quasi per umbram & de longinquo viderunt veritatem, deficientes in intuitu Trinitatis, ut Magi Pharaonis in tertio signo. Adiuvamur tamen in fide inuisibilibus per ea quæ facta sunt.

Gen. 1. a

Exod. 8. d

DISTINCT. III. PARS I.

De Trinitate, & Unitate secundum quod credita per rationem intelligitur.

Apostolus namque ait, quod inuisibilia Dei, &c.

Expositio Textus.

Diuisio.

SUPERIUS egit Magister de sancta Trinitate in quantum creditur. In hac secunda parte agit de ipsa in quantum intelligitur. Et hæc pars diuiditur in tres partes. In quarum prima ad intelligendam Trinitatem, adducit congruas similitudines, & rationes. In secunda soluit emergentes dubitationes, infra 4. distinct. in princip. Hic oritur questio satis necessaria, &c. In tertia, illis dubitationibus solutis determinat Trinitatis, & Unitatis proprietates, & conditiones, infra distinct. 8. Nunc de veritate, siue de proprietate.

ITEM prima pars habet duas. In prima, adducit similitudines longinquas. In secunda similitudines propinquas, siue expressas quæ attenduntur in imagine, ibi: Nunc vero iam ad eam perueniamus disputationem.

ITEM prima pars habet duas. In prima ostendit Unitatem. In secunda Trinitatem, ibi: Nunc restat ostendere, &c. Prima pars habet quatuor particulas. In prima probat auctoritate Apostoli quod Deus est cognoscibilis per creaturam. In secunda vero adducit varios modos cognoscendi, & rationes, ibi: Nunc sic ait Ambrosius. In ter-

Rom. 1. d

tia dicit illos modos in auctoritate Apostoli implicari, ibi: Ecce tot modos. In quarta tangit, quid per prædictas rationes possit probari, sc. essentiæ Unitas, non Trinitas, ibi: Hæc autem omnia ad unitatem. Similiter secunda pars, in qua ostendit Trinitatem per similitudinem longinquam; quæ attenditur in vestigio habet quatuor particulas. In prima ostendit Magister rationem vestigij in creatura. In secunda ostendit quid respondeat vestigio in Creatore, quoniam Trinitas appropriatorum, scilicet originis, pulchritudinis, & delectationis, ut reddantur singulas singulis, &c. ibi: In illa enim Trinitate summa, &c. In tertia docet contemplari in Deo Trinitatem per considerationem vestigij in creatura, ibi: Per considerationem itaque creaturarum, &c. vbi ostendit Trinitatem appropriatorum in Deo, & quantum ad actum conditionis, & quantum ad actum reformationis. In quarta autem particula ostendit quod consideratio Trinitatis per vestigium non est sufficiens, sed longinqua, ibi: Ecce ostensum est qualiter in creaturis. Ordo rationum formatarum ex litera, & earundem impugnationes quantum ad rationem probandi, & vim inferendi, quia videntur omnes non valere vel dubium supponere. Prima ratio: Qui potest quod nulla alia creatura potest, est super omnem creaturam. Sed qui fecit mundum istum, fecit quod nulla alia creatura potest: ergo non est creatura, sed super omnem creaturam.

Dub. I.

In ista ratione videtur supponi dubium dupliciter, scilicet quod mundus ille sit factus, & quod creatura ipsum non possit facere: quorum utrumque est valde dubium. Secunda ratio: Qui fecit corporalia & spiritus mutabiles, est super omnia corporalia & mutabilia. Deus est huiusmodi: ergo Deus est spirituale immutabile.

Dub. II.

Hic similiter videtur supponi dubium quod Deus fecerit spiritus, & iterum non sequitur ex hoc, quod quia fecit mirabilia, ideo sit immutabilis: immo potius videtur sequi oppositum, scilicet quod sit mutabilis. Tertia ratio: Qui fecit bona & meliora est optimus: sed Deus fecit corporalia quæ sunt bona, & spiritualia quæ sunt meliora: ergo Deus optimus.

Dub. III.

Hæc ratio similiter videtur nullam habere apparentiam. Quia tunc similiter quilibet artifex qui facit bona & meliora, est optimus, quod est falsum. Quarta ratio, Qui facit pulchra & pulchriora, est ipsa pulchritudo, siue species, & hoc est speciosissimum. Sed Deus fecit pulchra, siue speciosa, quia corporalia, & speciosiora, quia spiritualia: ergo qui fecit hæc, speciosissimus est. Similiter videtur ratio ista non valere propter prædictam instantiam.

Dub. IV.

ITEM quæritur de differentia istarum rationum, & quo modo distinguantur. Si dicas, sicut dicunt aliqui, quod sunt quatuor penes quatuor genera causarum: hoc nihil est, quia genus causæ materialis non cadit in Deo. Si dicas, quod penes modos cognoscendi.

CONTRA: Non sunt nisi tres, scil. in ratione causæ, oblationis, & excellentiæ. Ad obiectiones contra quatuor rationes iam dictas respondetur.

RESPOND. Dicendum quod omnes istæ rationes ut probent & inferant, supponunt aliquid certum. Prima enim ratio supponit quod productio rei de nihilo non potest esse nisi à potentia infinita: hoc supposito, cum certum sit nullam creaturam habere potentiam infinitam, sequitur quod actus productionis rerum de nihilo sit eius quæ est super omnem creaturam: & ita ex hoc actu

Dist. 5. de
Diuis. nom.

tanquam ex proprio cognoscitur Deus omnipotens, immensus. In aliis tribus rationibus supponitur status, sicut in tota Philosophia supponitur status in causis: & ideo omne mutabile reducitur ad immutabile. Quia in mutabili non est status in genere efficientis nisi in mouente non moto. Omne enim quod mouetur ab alio mouetur. Similiter bonum & melius reducuntur ad optimum, quia non est status in genere finis nisi in optimo. Similiter pulchrum & pulchrius ad pulcherrimum: quia non est status in genere speciei & formæ nisi in eo quod est ipsa species per essentiam.

Ad illud quod queritur de distinctione rationum, ex dictis iam patet responsio. Non enim possunt distinguere penes genus causarum tantum, nec penes modos cognoscendi tantum, sed penes utraque. Prima autem ratio sumitur secundum rationem causæ. Aliæ sumuntur penes rationem causæ excellentiæ: quia considerant ordinem, & distinguuntur secundum ordinem in triplici genere causæ ut efficientis, siue mouentis, finientis, & exemplaris.

Ex perpetuitate creaturarum intelligitur Conditor æternus. Dub. V.

CONTRA: Effectus non est perpetuus: ergo neque efficiens est æternus.

ITEM queritur de hoc quod dicit: *Ex magnitudine creaturarum Omnipotens*: nihil enim valet: Fecit magna: ergo est Omnipotens, vel potest facere omnia,

RESP. Ad hoc dicunt aliqui quod tantum est quædam persuasio per signum, non necessaria argumentatio. Dicunt enim quod omnipotentia & æternitas cum sint infinitæ, non possunt sufficienter probari per creaturas quæ sunt finitæ. Aliiter tamen potest dici quod quamvis non sequatur in quolibet efficiente, tamen necessario sequitur in efficiente, siue perpetuante primo. Impossibile enim est quod creatura habeat ita magnum & ita dispositum, & hoc totum ab aliquo qui non possit in totum: & qua ratione in hoc totum, & in quodlibet. Similiter si est primum perpetuus, est omnino in actu & nihil in potentia: & si hoc cum possit facere durare aliud in infinitum, ipsum est actu infinitum duratione: ergo æternus.

Hæc enim omnia que arte diuina facta sunt, unitatem quandam in se ostendunt, & speciem, & ordinem. Dub. VI.

Videtur primo dicere falsum quod quæ condita sunt, siue facta, habeant ista tria, scilicet unitatem, speciem, & ordinem: quia aliqua condita sunt, quæ hæc non habent, sicut diabolus & reprobi.

ITEM videtur male enumerare: quia August. enumerat ista tria, scilicet modum, ordinem, & speciem, & hæc alia: unitatem, veritatem, bonitatem. Queritur ergo de diuersis modis enumerandi unde veniant.

RESP. Ad hoc dicunt aliqui quod hoc intelligitur de creaturis perfectis: vel si de omnibus, tunc illa tria non dicunt conditiones in re creata, sed in exemplari in creato. Potest tamen dici quod in primis intentionibus & generalibus est reflexio: & ideo status, nec est ultra procedendum.

Ad illud quod queritur de enumeratione illorum, trium, quod non videtur conueniens, dicendum quod res creata habet tripliciter considerari. Aut in se, aut in comparatione ad alias creaturas, aut in comparatione ad causam primam. Et secundum hos omnes modos contingit reperire Trinitatem dupliciter. Si enim consideratur quantum in se, vel quantum ad se, hoc est, aut quantum ad substantiam principiorum, & sic est illa Trinitas: materia, forma, compositio, quæ ponuntur in libro de regulis fidei. Aut quantum ad habitudines: sic est illa de Sapientia: Omnia in numero, pondere, & mensura disposuisti. In numero enim intelligitur principiorum di-

A distinctio. In pondere, propria ipsorum inclinatio. In mensura, eorum adinuicem proportio.

ITEM si consideretur vna creatura in comparatione ad alias creaturas; hoc potest esse aut in quantum agit actione naturali, & sic sumitur illa Trinitas Dionysij: Substantia, virtus, & operatio: aut in quantum agit actione spiritali, & sic illa Augustini de 83. q. quo constat, quo congruit, quo discernitur: & vltimum refertur ad animam. Si autem considerantur in comparatione ad Deum, hoc potest esse dupliciter. Aut in quantum referuntur tantum, & sic est illa: Modus, species, & ordo. Aut in quantum referuntur & assimilantur, & sic est illa: Vnitas, veritas, bonitas. Quoniam ergo vestigium attenditur in comparatione ad Deum proprie, ideo in his vltimis conditionibus proprie accipitur. Et quia magna est inter istas comparationes conuenientia: ideo Magister miscet hæc propter multam conuenientiam, & respondentiam: quia vnitas respondet modo, qui respicit Deum ut causam efficientem: veritas speciei quæ respicit ipsum ut exemplar: bonitas ordini qui respicit Deum ut finem.

Perfectissima pulchritudo intelligitur Filius, scil. Veritas Patris. Dub. VII.

CONTRA hoc dicit Augustinus: Veritas est id quod est: sed ens nulli personæ appropriatur: ergo nec veritas.

ITEM videtur male appropriare ordinem Spiritui sancto, quia in præcedenti capitulo dicit quod ex ordine intelligitur sapiens: sed sapientia appropriatur Filio: ergo & ordo.

RESP. Dicendum quod veritas dupliciter potest considerari, sicut color. Nam vno modo color consideratur secundum id in quo est, & sic diffinitur in lib. de sensu & sensato. Color est extremitas perspicui in corpore terminato. Alio modo in comparatione ad visum quem mouet, & sic diffinitur in libro de anima: Color est motuum visus secundum actum lucidi. Similiter veritas potest considerari in comparatione ad illud in quo est, & sic verum est quod dicit Augustinus: Veritas est id quod est. Alio modo per comparisonem ad intellectum quem mouet, & sic veritas sicut dicit Philosophus in 1. Metaphysica, est finis intelligentiæ speculatiuæ. Secundum primum modum dicit Anselmus: Veritas Patris est essentia Patris. Quantum ad secundum modum dicit Hilarius, quod veritas est declaratum esse. Et quoniam filius est qui procedit ut verbum, cui appropriatur ratio declarandi: ideo ei appropriatur ratio exemplaris, & per consequens ratio veritatis, quantum ad secundum modum veritatis: ipse autem accipit primo modo.

Ad illud quod obiicitur de ordine, dicendum quod est ordo rerum in vniuerso, & hic appropriatur sapientiæ. Et est ordo rerum in finem, & hic appropriatur bonitati, & sic patet quod non est contrarietas.

ARTICVLVS I.

Ad intelligentiam eorum quæ in hac parte prima præsentis distinctionis tanguntur, quatuor queruntur. Primum, vtrum Deus sit cognoscibilis à creatura. Secundum, vtrum sit cognoscibilis per creaturam. Tertium, vtrum modus cognoscendi per creaturam conueniat homini quantum ad omnem statum scilicet statum innocentie, statum naturæ lapsæ, & statum naturæ glorificatæ. Quartum, quid sit de Deo cognoscibile per creaturam.

QVÆSTIO I.

An Deus sit cognoscibilis à creatura.

Alexander Alensis 1. p. q. 2. Membro 3. art. 1.

S. Thom. 1. p. q. 12. art. 12.

Egid. Rom. 1. Sent. dist. 3. q. 1.

Henricus

Henricus in sum. art. 24. q. 1.
 Durandus 1. Sent. dist. 3. q. 1.
 Richardus 1. Sent. dist. 3. q. 1. art. 1.
 Scotus 1. Sent. dist. 3. q. 1.
 Franciscus de Mayr. dist. 3. q. 1.
 Ioan. Bacon. 1. Sent. dist. 3. q. 1.
 Thom. Arg. 1. Sent. dist. 3. q. 1. art. 1. 2.
 Gab. Biel. 1. Sent. dist. 3. q. 2.

A

CONCLUSIO.

Deus à Creatura est cognoscibilis, & clarissime
 cognoscibilis quantum est de se.

RESP. ad arg. Dicendum quod Deus in se tanquam summa lux est summe cognoscibilis, & tanquam lux summe intellectum nostrum complens, quantum est de se, esset summe cognoscibilis etiam nobis, nisi esset aliquis defectus à parte virtutis cognoscentis: qui quidem non tollitur perfecte nisi per Dei formationem gloriæ. Concedendæ ergo sunt rationes, quod Deus sit cognoscibilis à creatura, & etiam clarissime cognoscibilis quantum est de se, nisi aliud esset impediens, vel deficiens ex parte intellectus, sicut post patebit.

1. AD obiecta in contrarium dicendum quod est cognitio per comprehensionem & apprehensionem. Cognitio per apprehensionem consistit in manifestatione veritatis rei cognitæ. Cognitio vero comprehensionis in inclusione totalitatis. Ad primam cognitionem requiritur proportio convenientiæ, & talis est in anima respectu Dei, quia quodam modo * est anima omnia per assimilationem ad omnia, quia nata est cognoscere omnia. Et maxime est capax Dei per assimilationem, quia est imago & similitudo Dei. Quantum ad cognitionem comprehensionis requiritur proportio æqualitatis, & æquiparantiæ, & talis non est in anima respectu Dei, quia anima est finita, sed Deus est infinitus: & ideo hanc non habet, & de hac intelligit Dionysius, & de illa certat obiectio, de alia vero non.

2. AD illud quod obiicitur de distantia intelligibilis, & sensibilis, dicendum, quod duplex est distantia: secundum rationem entis, & secundum rationem cognoscibilis. Primo modo est maior distantia: secundo modo non, quia utrumque est intelligibile, scilicet Deus, & anima. Non sic est de intellectu, & sensu: quia sensus est potentia determinata, sed intellectus non.

3. AD illud quod in finitum non capitur à finito. Dicunt aliqui quod capere infinitum est dupliciter, scilicet quantum ad essentiam, & sic capitur: & quantum ad virtuositatem, & sic non capitur: sicut punctus à linea totus attingitur secundum substantiam, sed non totaliter secundum virtutem. Sed ista solutio non videtur solvere, quia in Deo idem est essentia quod virtus, & utraq; est infinita. Ideo dicendum quod duplex est infinitum. Vnum quod se habet per oppositionem ad simplex, & tale non capitur à finito, quale est infinitum molis. Aliud est quod habet infinitatem cum simplicitate, ut Deus, & tale infinitum quia simplex est, ubique totum est: quia vero infinitum in nullo sic est, quin extra illud sit, & sic intelligendum est in cognitione Dei. Et ideo non sequitur quod si cognoscitur totus, quod comprehendatur, quia intellectus eius totalitatem non includit, sicut nec creatura immensitatem.

4. AD illud quod obiicitur: Iudicans habet posse, &c. Dicendum quod iudicare de aliquo est dupliciter. Primo modo discernendo, utrum sit, vel non sit: & hoc modo convenit iudicium omni intellectui cognoscenti, respectu omnis obiecti. Alio modo approbando, vel reprobando, utrum ita debeat esse, & sic non iudicat de veritate, sed secundum ipsam de aliis, sicut dicit Augustinus de vera Religione, quod iudex non iudicat de lege, sed secundum ipsam iudicat de aliis. Et de hoc modo verum est quod dicit Augustinus: quod nullus de illa veritate iudicat, nullus tamen sine illa iudicat, & de hoc modo verum est quod opponit quod iudicans potest super iudicatum. De primo vero non est verum quod possit super, potest tamen dirigi in obiectum, ad miniculo illius.

5. AD illud quod ultimo obiicitur de informatione, dicendum quod Deus est præsens ipsi animæ, & omni intellectui per veritatem: & ideo non est necesse ab ipso abstrahi similitudinem, per quam cognoscatur: nihi-

Vtrum Deus sit cognoscibilis à creatura. Et quod non, ostenditur sic per auctoritatem Dionysij: Deum neque dicere, neque intelligere possibile est.

2. ITEM ostenditur ratione per quadruplicem suppositionem, quam necesse est esse in cognitione, sc. proportionem, unionem, sine receptionem, iudicium, informationem. Intellectus enim non intelligit nisi quod est sibi proportionabile, & quod sibi aliquo modo vnitur, de quo iudicat, & à quo acies intelligentiæ informatur. Ex prima suppositione arguitur sic: Necesse est esse proportionem cognoscentis ad cognoscibile: sed Dei ad intellectum non est proportio, quia Deus est infinitus, & intellectus finitus: ergo, &c. Præterea si est aliqua proportio, videtur quod non sit sufficiens, quia plus distat verum increatum ab intellectu humano, quā quodlibet creatum intelligibile à sensibili. Sed sensus qui est perceptivus sensibilis, nunquam eleatur ad cognitionem intelligibilis creati: ergo nec intellectus vnquam eleabitur ad cognitionem intelligibilis increati.

3. ITEM ex præsuppositione secunda sic: Necesse est esse unionem cognoscibilis ad cognoscentem, ita quod vnum sit in altero: sed cognoscentem non est in cognoscibili, sed e converso: sed impossibile est infinitum capi ab ipso finito: ergo impossibile est esse in illo: ergo Deum esse in intellectu est impossibile, cum sit infinitus.

4. ITEM ex tertia suppositione sic: Ad cognitionem necesse est in cognoscente esse iudicium de cognito: sed omne iudicans habet posse super iudicatum, finitum autem non habet posse super infinitum: ergo de illo non iudicat: sed ad cognitionem requirebatur iudicium: ergo intellectus finitus non cognoscit Deum infinitum super quem non habet posse.

5. ITEM ex quarta sic: Necesse est intellectum cognoscentem informari à cognito: sed omne quod alterum informat, aut informat per essentiam, aut per similitudinem: sed Deus non informat per essentiam, quia nulli vnitur ut forma: nec per similitudinem abstracta, quia similitudo abstracta est spiritualior eo à quo abstrahitur: Deo autem nihil est spiritualius, nec potest esse: ergo, &c.

CONTRA: Anima rationalis est ad imaginem Dei. Sed sicut dicit Augustinus in libro de Trinitate, & est in litera præsentis Distinct. in parte secunda: Mens eo est imago Dei, quo capax Dei est, eiusque particeps esse potest. Capere autem non est secundum substantiam, vel essentiam, quia sic est in omnibus creaturis: ergo per cognitionem & amorem: ergo Deus potest cognosci à creatura.

ITEM ratione ostenditur sic: Omnis cognitio spiritualis fit ratione lucis increatæ, ut dicit Augustinus in Soliloquiis: Sed lux est maxime cognoscibilis ipsi animæ: ergo, &c.

ITEM cum fiat cognitio aliquorum per præsentiam, aliquorum per similitudinem, illa cognoscuntur verius, quæ cognoscuntur per præsentiam, ut dicit Augustinus: sed Deus est ipsi animæ vnitus per præsentiam: ergo Deus verius cognoscitur quam alia quæ cognoscuntur per similitudinem.

ITEM sicut se habet summa bonitas ad dilectionem, sic summa veritas ad cognitionem: sed summa bonitas est summe amabilis ab effectu: ergo summa veritas est summe cognoscibilis ab intellectu.

ITEM vnumquodque efficacius potest in id ad quod naturaliter ordinatur: sed intellectus noster naturaliter ordinatur ad cognitionem summæ lucis: ergo illa maxime cognoscibilis est.

Ad oppos.
 Lib. 5. de
 Div. nom.

Cognitio
 quatuor re-
 quirat.
 Ex 3. de ani.
 context. 31.
 32.

Funda-
 menta.
 Lib. 14. c. 8.
 10. 3.

Aug. Soliloq.
 lib. 1. c. 8.
 10. 1.

Aug. de vid.
 Deo, c. 3. &
 est epistola
 112. ad Pau-
 linum, fo. 2.

* Arist. lib.
 3. de ani.
 context. 3.

Aug. 10. 1.
 c. 31.

Ibidem.

lominus dum cognoscitur ab intellectu, intellectus informatur quadam noticia, quæ est velut similitudo quædam non abstracta, sed impressa, inferior Deo, quia in natura inferiori. Est superior tamen anima, quia facit ipsam meliorem. Et hoc dicit Augustinus de Trinitate: Quemadmodum cum per sensus corporum dicimus corpora, fit eorum aliqua similitudo in animo nostro: ita cum Deum nouimus, fit aliqua similitudo Dei: illa noticia tamen inferior est, quia in inferiore natura est.

QVÆSTIO II.

An Deus sit cognoscibilis per creaturas.

*Alexander Avenis 1. p. quæst. 2. Membr. 3. art. 1.
S. Thomas 1. p. q. 22. art. 2. Et 4. Sent. d. 49. q. 1. art. 1. Quodl. 7. art. 2.
Richardus 1. Sent. d. 1. p. art. 2. q. 1. 2.
Henricus in Summa, art. 1. q. 2.
Scotus 1. Sent. dist. 3. q. 4.*

VTRUM Deus sit cognoscibilis per creaturas. Et quod non videtur. Quia via ad errorem, non est via ad cognitionem: sed cognitio per creaturam est via erroris: ergo &c. Probatio minoris: Creaturæ Dei factæ sunt in deceptionem animæ hominum, & in odium, & in musculum pedibus insipientium. Præterea Augustinus in libro de Libero arbit. loquitur de his qui occupantur in creaturis: Dorsum ad te vertentes in corporali opere, tanquam in umbra sua defiguntur.

2. **I**TEM tenebra, & tenebrosus non est via ad cognoscendum luminosum, siue lucem: sed creatura est tenebra, Deus autem est lux: ergo Deus non est cognoscibilis per creaturam.

3. **I**TEM medium per quod cognoscitur aliquid, vel probatur de extremo, debet communicare in aliquo cum eo quod cognoscendum est: sed creatura & Creator nihil habent commune: ergo Deus non cognoscitur per creaturas.

4. **I**TEM omne medium per quod ascenditur ad extremum distat ab illo gradibus finitis: sed omnis creatura quantumcumque nobilis distat à Deo gradibus infinitis; quia quantumcumque duplicetur, nunquam peruenitur ad eius nobilitatem: ergo per creaturam non ascenditur in cognitionem Dei.

CONTRA. * A magnitudine speciei, & creaturæ cognoscibiliter poterit Creator horum videri. Vnde Isidorus: Ex pulchritudine circumscriptæ creaturæ, pulchritudinem suam quæ circumscribi non potest, facit Deus intelligi.

ITEM ratione ostenditur sic: Contingit non solum effectum cognosci per causam, sed causam per effectum: ergo si Deus est causa operans secundum suam nobilitatem, & creatura effectus, poterit Deus cognosci per creaturam.

ITEM sensibile est via cognoscendi intelligibile: sed creatura est sensibilis, Deus est intelligibilis: ergo per creaturam est deuenire in cognitionem Creatoris.

ITEM contingit simile cognosci per simile: sed omnis creatura est similis Deo, vel sicut vestigium, vel sicut imago: ergo per omnem creaturam contingit cognosci Deum. Queritur ergo quæ sit differentia inter vestigium, & imaginem: & cum in omni creatura sit vestigium, queritur quare non similiter imago: & secundum quid attenditur vestigium.

C O N C L U S I O .

Deus cognoscibilis per creaturas quantum ad conditiones generales.

RESP. ad arg. Dicendum quod quia relucet causa in effectu, & sapientia Artificis manifestatur in opere: ideo Deus qui est Artifex & causa creaturæ, per ipsam cognoscitur. Et ad hoc duplex est ratio, una est propter convenientiam, alia propter indigentiam. Propter convenientiam, quia omnis creatura magis ducit in Deum

quam in aliquid aliud. Propter indigentiam, quia cum Deus tanquam lux summe spiritualis non possit cognosci in sua spiritualitate ab intellectu, quasi materiali luce indiget anima ut cognoscat ipsum, scilicet per creaturam.

1. **A**D illud quod obiicitur quod cognitio creaturæ est via in errorem, dicendum quod dupliciter est cognoscere creaturam. Vel quantum ad proprietates speciales quæ sunt imperfectionis: vel quantum ad conditiones generales quæ sunt completionis. Si quantum ad speciales conditiones imperfectionis, hoc est dupliciter, aut attribuendo Deo, aut remouendo. Primo modo est via erroris, secundo modo est via cognitionis, & sic cognoscitur Deus per ablationem. Si autem cognoscatur quæ ad conditiones perfectionis, sic potest esse dupliciter, sicut pictura dupliciter cognoscitur, aut sicut pictura, aut sicut imago. Vnde aut sistitur in pulchritudine creaturæ, aut per illam tenditur in aliud. Si primo modo, tunc est via deuotionis. Vnde Augustinus: Vx his qui nutus tuos prote amant, & oberrant in vestigijs tuis, & derelinquunt te ducem. Si secundo modo prout est via in aliud, sic est ratio cognoscendi per superexcellenciam: quia omnis proprietas nobilis in creatura Deo est attribuenda in summo, & sic patet illud.

2. **A**D illud quod obiicitur quod tenebrosus medium non est via cognoscendi lucem, dicendum quod est oculus bene dispositus, & oculus lippus. De oculo bene disposito verum est: sed non de lippo cui nubes obtegens, vel terra suscipiens luminis claritatem, est medium videndi solem. Sic intellectu in nostro qui se habet sicut oculus nocturnus ad manifestissima naturæ.

3. **A**D illud quod obiicitur de defectu communitalis, dicendum quod si non est commune per vniocationem, tamen est commune per analogiam, quæ dicit habitudinem duorum ad duo, ut in nauta, & doctore, vel vnus ad vnum, ut exemplaris ad exemplatum.

4. **A**D illud quod obiicitur quod semper sunt infiniti gradus, dicendum quod ascensus in Deum potest esse dupliciter. Aut quantum ad aspectum præsentis, & sic quælibet creatura nata est ducere in Deum, nec sic sunt infiniti gradus. Aut quantum ad æqualitatem æquiparantæ, & sic est verum quod sunt infiniti: quia bonum creatum quantumcumque duplicatum, nunquam æquiparatur increato. Primus autem gradus, quantum ad ascensum ad aspectum præsentis, est in consideratione visibilium. Secundus in consideratione inuisibilium ut animæ, vel alterius substantiæ spiritualis. Tertius est ab anima in Deum, quia imago ab ipsa veritate formatur, & Deo immediate coniungitur.

AD illud quod ultimo queritur de differentia vestigij & imaginis, quidam assignant talem differentiam: quod vestigium est in sensibilibus, imago in spiritualibus. Sed ista positio vel distinctio non valet, quia vestigium est etiam in spiritualibus. Nam vnitas, veritas, bonitas, in quibus consistit vestigium, sunt conditiones maxime vniuersales, & intelligibiles. Alij autem dicunt quod vestigium dicitur, quia repræsentat secundum partem: sed imago secundum totum. Sed hæc iterum differentia non valet. Quia cum Deus sit simplex, non habet repræsentans secundum partem: Cum iterum sit infinitus, à nulla omnino creatura, nec etiam à toto mundo potest representari secundum totum. Et ideo intelligendum quod cum creatura ducat in cognitionem Dei per modum vmbre, & per modum vestigij, & per modum imaginis, differentia eorum notior à qua etiam denominatur, accipitur penes modum repræsentandi. Nam vmbra dicitur in quantum repræsentat in quadam elongatione, & confusione: vestigium in quadam elongatione, sed distinctione: imago vero in quadam propinquitate, & distinctione. Ex hac differentia colligitur secunda quæ est penes conditiones, in quibus attenduntur hæc. Nam creaturæ dicuntur vmbra quantum ad proprietates quæ respiciunt Deum in aliquo genere causæ, secundum rationem causæ indeterminatam. Vestigium

quantum

Aug. li. 9.
de Trin. c.
11. fo. 3.

Ad oppos.

Sap. 14. b

Aug. lib. 2.
c. 16. som. 1.

Fundamēta.
* Sap. 13. b;
† Isid. lib. 1.
de summo
bono, c. 4. §. 2.

Arist. 3. de
ani. contex.
30. c. 39.

quantum ad proprietatem quæ respicit Deum sub ratione triplicis causæ, efficientis, formalis, & finalis, sicut sunt vnum, verum, & bonum. Imago quantum ad conditiones quæ respiciunt Deum non tantum in ratione causæ, sed & obiecti, quæ sunt memoria, intelligentia, & voluntas. Ex his concluduntur aliæ duæ differentię, quantum ad ea ad quæ ducunt. Nam creatura vt umbra ducit ad cognitionem cõmunium, vt cõmunia: vestigiũ in cognitionem cõmuniũ, vt appropriata: imago ad cognitionem propriorum, vt propria. Alia differentia est penes ea in quibus reperiuntur. Quoniam enim omnis creatura comparatur ad Deum in ratione causæ, & in ratione triplicis causæ, ideo omnis creatura est umbra, vel vestigium. Sed quoniam sola rationalis creatura comparatur ad Deum vt obiectum, quia sola est capax Dei per cognitionem, & amorem, ideo sola est imago.

QVÆSTIO III.

An in omni statu cognoscatur Deus per creaturas.

*Alexander Alensis 1. p. q. 2. Membr. 2. art. 4.
Richardus 1. Sent. q. 1. art. 2. q. 3.*

Fundamen-
ta.

Vtrum cognitio Dei per creaturas sit hominis quantum ad omnem statum. Quod sit hominis quantum ad primum statum, sic ostenditur. * Homo in statu innocentie non cognoscebat Deum facie ad faciem: ergo si cognoscebat Deum, cognoscebat per effectum: ergo per vestigium: ergo per creaturam.

* **I**TEM in homine, in statu innocentie, cognitio sensibilis non erat in impedimentum: sed in adminiculum cognitionis intellectus: sed cognitio intellectiva propter quam factus est homo, est cognitio Dei: ergo omnis cognitio sensibilis in primo homine ordinabatur ad hanc: sed cognitio Dei per adminiculum sensibilem est cognitio per creaturam: ergo, &c.

† **I**TEM quod sit hominis quantum ad statum beatitudinis, videtur quia beati cognoscunt creaturas: sed non sistant in illis: sed referunt ad Deum: ergo cognoscunt Deum per creaturam.

† **I**TEM omnes beatæ animæ laudant Deum per creaturas: sed laudare Deum per creaturas, est cognoscere per creaturas: ergo, &c.

Ad oppos.

† **S**ED contra: Quod non sit hominis instituti sic ostenditur: Cognitio per vestigium est cognitio per medium: sed mens, vt dicit Augustinus, immediate a ipsa veritate formatur: ergo talis cognitio non conuenit humane nature quantum ad illum statum, nec etiam quantum ad alium.

† **I**TEM non est rectus ordo quod propinquius perueniat in finem per medium magis distans: sed homo in statu primo erat propinquior Deo cæteris creaturis: ergo non conueniebat ei peruenire ad cognitionem Dei per alias creaturas.

ITEM quod non sit hominis talis cognitio quantum ad statum beatitudinis, videtur quia cognitio per vestigium est cognitio per manuuctionem: ergo non est cognitio perfecta: & si non est cognitio perfecta, ergo est ex parte: & si est ex parte, ergo non manet in beatis, quia in ipsis euacuabitur quod est ex parte.

ITEM vestigium siue creatura est sicut scala ad ascendendum, vel sicut via ad perueniendum ad Deum: sed cum peruentum est ad terminum, non est vsus viæ alterius: ergo similiter cum homo est sursum, non indiget scala: nam cognitio beatorum immediate est in Deum: ergo non est per creaturas.

CONCLUSIO.

*Deus cognoscitur per creaturas à Viatoribus tantum: sed in creaturis à Viatoribus semiplene, à Comprehenso-
ribus autem perfecte.*

RESP. ad arg. Ad intellectum prædictorum notan-

Adum, quod aliud est cognoscere Deum in creatura, aliud per creaturas. Cognoscere Deum in creatura, est cognoscere ipsius præsentiam, & influentiam in creatura, & hoc quidem est viatorum semiplene: sed comprehensorum perfecte Vnde dicit Augustinus in lib. de Ciuitate Dei, quod tunc expresse Deus videtur, quando Deus erit omnia in omnibus. Cognoscere autem Deum per creaturam, est eleuari à cognitione creaturæ, ad cognitionem Dei quasi per scalam mediam: & hoc est proprie viatorum, sicut dicit Bernardus ad Eugenium: Aliter tamen conuenit homini in statu nature institutæ & nature lapstæ: quia in statu primo cognoscebat Deum per creaturam tanquam per speculum clarum: sed post lapsum cognouit tanquam per speculum, & ænigma, sicut dicit Apostolus, propter obnubilationem intellectus & peiorationem rerum.

† **A**d illud ergo quod obiicitur de statu beatitudinis: dicendum quod sicut dictum est, beatorum non est cognoscere per creaturas: sed potius in creaturis: & rationes quæ videntur probare contrarium, non probant, sed potius quod cognoscatur ab eis in creaturis.

* **A**d illud quod obiicitur de statu innocentie, quod mens immediate formatur, &c. dicendum quod duplex est medium, scilicet disponens, & efficiens. De primo medio non debet intelligi quod dixit Augustinus sed de secundo: quoniam Deus est medium efficiens, & obiectum ipsius mentis. Illud autem verbum dicit Augustinus contra Philosophos, quorum opinio erat, quod mens non coniungeretur æternæ Veritati immediate: sed mediante aliqua intelligentia.

† **A**d illud quod obiicitur quod non est rectus ordo: dicendum quod dupliciter potest considerari homo, vel ens in se, vel extra. Primo modo non peruenit per creaturas à se in Deum: sed ens extra se per cognitionem creaturarum recolligitur in se, & eleuatur supra se. Vel dicendum quod aliæ creaturæ possunt considerari vt res, vel vt signa. Primo modo sunt inferiores homine, secundo modo sunt media in deueniendo, siue in via, non in termino: quia illæ non perueniunt: sed per illas peruenit homo ad Deum, illis post se relictis.

QVÆSTIO IV.

An Trinitas personarum cum Vnitae essentia naturaliter per creaturas cognosci possit.

*Alexander Alensis 1. p. q. 2. Membr. 1. art. 3.
S. Thomas 1. p. q. 32. art. 1. Et de ver. q. 10. art. 13.
Egid. 1. Sent. dist. 3. q. 4.*

Quid sit de Deo cognoscibile per creaturas. Et dicit Apostolus quod sempiterna virtus, & diuinitas. Et queritur vtrum per creaturas possit cognosci personarum pluralitas. Et videtur quod sic, quia Philosophi non habuerunt cognitionem de Deo nisi per creaturas, & cognouerunt Trinitatem: ergo, &c. Minor patet per Augustinum de Ciuitate Dei: Philosophi tripartitam dicunt esse Philosophiam, in qua est cognitio Trinitatis.

2. **I**TEM magi defecerunt in tertio signo. Et exponitur quod defecerunt in cognitione tertie personæ. Aut ergo quantum ad propria, aut quantum ad appropriata. Non quantum ad appropriata, quia bonitas maxime nobis relucet in creatura: ergo quantum ad propria: ergo saltem duas personas cognouerunt.

3. **I**TEM hoc videtur per rationem: quia vestigium cum dicat distinctionem, est ratio cognoscendi Deum distinctiue, siue in distinctione: sed non est in Deo nisi distinctio personarum: ergo per vestigium potuerunt cognoscere distinctionem personarum.

4. **I**TEM per imaginem est cognitio Trinitatis quantum ad ordinem distinctionem, & æqualitatem: sed cognitio per imaginem est cognitio per creaturam: ergo per creaturam potuerunt cognoscere Trinitatem.

5. **I**TEM difficilius est cognitio proprietatum occultarum creaturæ, quam cognitio pluralitatis personarum,

*Idem dicit
Richard. ar. 2.
q. 3.*

*Aug. lib.
vlt. c. vlt.
10. 5.*

*Lib. 5. c. do
confid. 10. 2.*

1. Cor. 13. 6

Rom. 1. 6

Ad oppos.

*Aug. de Ci.
Dei. li. 11. c.
25. 10. 5.
Exod. 3. d*

*a Aug. de
Spir. & a-
ni. c. 11. 10. 3.
li. 4. de Tri-
c. vlt. & li.
15. c. 1. lib.
83. q. 9. 51.
10. 4. de Ci.
Dei li. 9. c.
15. lib. 11. c.
2. 10. 5. in
Psalm. 118.
ser. 18. 10. 8.
1. Cor. 13. 6*

*Bernard. de
consider. li. 5.
c. 1. 10. 2.*

quia illa non capitur nisi à magnis, & subtilibus: hæc autem capitur à rudibus & insipientibus: ergo si potuerant per proprietates creaturarum visibiles peruenire ad invisibiles, multo fortius ad cognoscendum, personas esse plures. Et hoc est quod dicitur in Sapientia: Si enim tantum potuerunt scire quod poterant sæculum mensurare, quo modo huius Dominum non facilius inuenerunt.

CONTRA: Cognitio Trinitatis est cognitio fidei: sed cognitio fidei est de his quæ sunt supra rationem: & quæ supra rationem sunt, non possunt cognosci per creaturas: ergo, &c.

ITEM non est nisi duobus modis de Deo cognoscere per creaturam, aut affirmando quod est in creatura, aut simile, aut remouendo: sed Trinitas non cognoscitur per remotionem: sed per positionem: sed in nulla creatura inuenitur pluralitas suppositorum cum vnitatem essentiarum: ergo, &c.

ITEM lex scripta est super legem naturæ, siue liber sacræ Scripturæ super librum mundanæ creaturæ: sed nullus fide carens, per sacram Scripturam venit in cognitionem pluralitatis personarum: ergo multo minus per librum mundanæ creaturæ.

CONCLUSIO.

Trinitas personarum in diuinis cum Vnitatem essentia non est cognoscibilis per creaturas: sed bene Trinitas appropriatorum, scilicet Veritas, Vnitas, Bonitas.

RESP ad arg. Dicendum quod pluralitas personarum cum vnitatem essentiarum est proprium diuinæ naturæ solius, cuius simile nec reperitur in creatura, nec potest reperiri, nec rationabiliter cogitari: ideo nullo modo Trinitas personarum est cognoscibilis per creaturam, rationabiliter ascendendo à creatura in Deum: sed licet non habeat omnino simile, habet tamen aliquo modo quod creditur simile in creatura. Vnde dico quod Philosophi nunquam cognouerunt per rationem, personarum Trinitatem, nec pluralitatem, nisi haberet aliquem habitum fidei, sicut habent aliqui hæretici. Vnde qui dixerunt hanc Trinitatem, aut locuti sunt non intelligentes, aut fidei radio illustrati. Est alia Trinitas appropriatorum, scilicet veritas, vnitatem, & bonitas, & hæc cognouerunt, quia habent simile.

1. **AD** illud ergo quod obiicitur quod per tripartitam Philosophiam cognouerunt Philosophi Trinitatem; dicendum quod verum est quod per illud, & per alia venerunt ad cognitionem appropriatorum, credentes vero in cognitionem vtriusque Trinitatis.

2. **AD** illud quod obiicitur de tertio signo, dicitur, & bene: quia sapientes ideo dicuntur defecisse in tertio signo, quia defecerunt in cognitione effectus potissimæ bonitatis, scilicet Redemptionis.

3. **AD** illud dicendum quod vestigium dicit distinctionem proprietatum essentialium, & huic respondet Trinitas appropriatorum, non propriorum, siue personarum.

4. **AD** illud quod obiicitur de imagine; dicendum quod est cognoscere animam secundum id quod est, & cognitio ista est rationis: vel secundum id quod imago, & cognitio ista est solius fidei.

5. **AD** illud quod vterius obiicitur, difficilius est cognoscere mundum; dicendum quod istud intelligitur supposito diuino adminiculo, simpliciter autem loquendo falsum est. Citius enim homo disponderetur ad fidem, quam acquireret cognitionem Philosophiz. Intellectus tamen noster plus potest in cognitionem rerum mundanarum quam Trinitatis: quia illa est supra rationem, & contrarium eius videt in sensu: & ideo indiget noua elevatione, utpote cognitione per infusionem.

DISTIN. III. PARS II.

Quo modo in anima sit imago Trinitatis.



NUNC vero ad eam iam perueniamus disputationem, ubi in mente humana qua nouit Deum, vel potest nosse, Trinitatis imaginem reperiamus. Vt enim ait Augustinus in 14. libro de Trinitate. Licet humana mens non sit eius natura, cuius Deus est, imago tamen illius, quo nihil melius est ibi quærenda, & inuenienda est, quo natura nostra nihil habet melius, id est in mente. In ipsa etiam mente antequam sit particeps Dei, eius imago reperitur: etsi enim amissa Dei participatione deformis sit imago, tamen permanet. Eo enim ipso imago Dei est mens, quo capax eius est, eiusque particeps esse potest. Iam ergo in ea Trinitatem, qua Deus est, inquiramus. Ecce enim mens meminit sui, intelligit se, diligit se: hoc si cernimus, cernimus Trinitatem, nondum quidem Deum: sed imaginem Dei. Hic enim quadam apparet Trinitas memoria, intelligentia, & amoris. Hac ergo tria potissimum tractemus, memoriam, intelligentiam, voluntatem. Hac ergo tria ut Augustinus ait in libro 10. de Trinitate non sunt tres vite: sed una vita: nec tres mentes: sed una mens, una essentia. Memoria vero dicitur ad aliquid, & intelligentia, & voluntas, siue dilectio similiter ad aliquid dicitur: vita vero dicitur ad seipsam, & mens, & essentia. Hac ergo tria eo unum sunt, quo una vita, una mens, una essentia: & quidquid aliud ad seipsa singula dicuntur: etiam simul non pluraliter: sed singulariter dicuntur. Eo vero tria sunt, quoad se inuicem referuntur.

Quo modo æqualia sint, quia capiuntur à singulis omnia, & tota.

Æqualia etiam sunt non solum singula singulis: sed etiam singula omnibus: alioqui non se inuicem caperent: se autem inuicem capiunt. Capiunt enim & à singulis singula, & à singulis omnia. Memini enim me habere memoriam, & intelligentiam, & voluntatem: & intelligo me intelligere & velle, atque meminisse: & volo me velle, & meminisse, intelligere.

Quo modo tota illa tria Memoria capiat.

Totamque meam memoriam, & intelligentiam, & voluntatem simul memini. Quod enim memoria mea non memini, illud non est in memoria mea: nihil autem tam in memoria est, quam ipsa memoria: totam ergo memini. Item quidquid intelligo, intelligere me scio: & scio me velle quidquid volo: quidquid autem scio, memini. Totam ergo intelligentiam totamque voluntatem meam memini.

Quo modo illa tria tota capiat Intelligentia.

Similiter cum hac tria intelligo, tota simul intelligo: neque enim quidquam intelligibile est quod non intelligam, nisi quod ignoro. Quod autem ignoro, nec memini nec volo. Quidquid ergo intelligibile non intelligo, consequenter etiam nec memini, nec volo. Quidquid ergo intelligibile memini & volo, consequenter intelligo.

Quo

Quo modo illa tota capiat Voluntas.

Voluntas etiam mea totam intelligentiam, totamque meam memoriam capit, dum utor toto eo quod intelligo, & memini. Cum itaque inuicem à singulis & omnia, & tota capiantur, equalia sunt tota singula totis singulis, & tota singula simul omnibus totis: & hac tria unum, una vita, una mens, una essentia. Ecce illius summa Vnitatis, atque Trinitatis, ubi una essentia, & tres persone, imago est humana mens, licet impar. Mens autem hic pro animo ipso accipitur, ubi est illa imago Trinitatis. Proprie vero mens dicitur, ut ait Augustinus, non ipsa anima: sed quod in ea est excellentius, qualiter sepe accipitur. Illud etiam sciendum est, quod memoria non solum est absentium, & præteritum: sed etiam præsentium, ut ait Augustinus in 14. libro de Trinitate, alioquin caperet.

Ex quo sensu illa tria dicantur esse vnum, & una essentia, quæritur.

Hic attendendum est diligenter, ex quo sensu accipiendum sit quod supra dixit, illa tria, scilicet. Memoria, Intelligentia, & Voluntas esse vnum, unam mentem, unam essentiam. Quod utique non videtur esse verum iuxta proprietatem sermonis. Mens enim, id est, spiritus rationalis essentia est spiritalis, & incorporea. Illa vero tria, naturalis proprietatis, seu vires sunt ipsius mentis, & à se inuicem differunt: quia memoria non est intelligentia, vel voluntas nec intelligentia voluntas, siue amor.

Quod etiam ad se inuicem dicuntur relative.

Et hac tria etiam ad seipsa referuntur, ut ait Augustinus in nono libro de Trinitate: Mēs enim amare seipsam, vel meminisse non potest, nisi etiam nouerit se. Nam quo modo amat, vel meminit quod nescit? Miro itaque modo tria ista inseparabilia sunt à se ipsis: & tamen eorum singulum, & simul omnia una essentia est, cum & relative dicantur adinuicem.

Hic aperitur quod supra quærebatur, scilicet quo modo hæc tria dicantur vnum.

Sed iam videndum est quo modo hac tria dicantur una substantia. Ideo quia scilicet in ipsa anima, vel mente substantialiter existunt, non sicut accidentia in subiectis quæ possunt adesse, vel abesse, unde Augustinus in nono libro de Trinitate ait: Admonemur, si utrumque videre possumus, hac in animo existere substantialiter, non tanquam in subiecto, ut color in corpore, quia etsi relative dicuntur adinuicem, singula tamen substantialiter sunt in sua substantia. Ecce ex quo sensu illa tria dicantur esse vnum: vel una substantia. Quæ tria, ut Augustinus ait in 15. lib. de Trinitate: In mente naturaliter diuinitus instituta quisquis viuaciter perspicit, & quam magnum sit in ea, unde potest etiam sempiterna, immutabilisque natura reperi, cōspici, concupisci. Reminiscitur enim per memoriam, inuoluitur per intelligentiam, amplectitur per dilectionem profecto reperit illius summa Trinitatis imaginem.

Quod in illa similitudine est dissimilitudo.

Verumtamen caueat, ne hanc imaginem ab eadem Trinitate factam ita ei comparet, ut omnino existimet similem: sed potius in qualicumque ista, similitudine, magnam quoque dissimilitudinem cernat.

Prima Dissimilitudo.

Quod breuiter ostendi potest. Homo unus per ista

A tria meminit, intelligit, diligit: qui nec memoria est, nec intelligentia, nec dilectio, sed hæc habet. Vnus ergo homo est, qui habet hæc tria, non ipse est hæc tria. In illius vero summa simplicitate natura, quæ Deus est, quomodo unus sit Deus, tamen tres persone sunt, Pater, & Filius, & Spiritus sanctus, & hæc tres persone sunt unus Deus. Aliud est itaque Trinitatis res ipsa, aliud imago Trinitatis in re alia: propter quam imaginē etiam illud in quo sunt hæc tria, imago dicitur, scilicet homo. Sicut imago dicitur & tabula, & pictura quæ est in ea: sed tabula nomine imaginis appellatur propter picturam quæ est in ea.

Altera Dissimilitudo.

Rursus ista imago, quæ est homo habēs illa tria, una persona est. Illa vero Trinitas non una persona est, sed tres persone, Pater Filij, & Filius Patris, & Spiritus Patris, & Filij. Itaque in ista imagine Trinitatis non hæc tria unus homo, sed unius hominis sunt. In illa vero summa Trinitate, cuius hac imago est, non unius Dei sunt illa tria, sed unus Deus: & tres sunt illa persone, non una persona. Illa enim tria non homo sunt, sed hominis sunt, vel in homine sunt: Sed nunquid possumus dicere Trinitatem sic esse in Deo, ut aliquid Dei sit, nec ipsa sit Deus? Absit ut hoc credamus. Dicamus ergo in mente nostra imaginem Trinitatis ita: sed exiguum, & qualemcumque esse: quæ summa Trinitatis ita gerit similitudinem, ut ex maxima parte sit dissimilis. Sciendū vero est quod hac Trinitas mētis, ut ait Augustinus in 14. libro de Trinitate, non propterea tantum imago Dei est, quia sui meminerit mens, & intelligit, ac diligit se: sed quia potest etiam meminisse, & intelligere, & amare illum à quo facta est.

Alia assignatio Trinitatis in anima, scilicet Mens, Notitia, Amor.

Potest etiam alio modo, aliisque nominibus distinguere Trinitas in anima, quæ est imago illius summe, & ineffabilis Trinitatis. Ut enim ait Augustinus in 9. libro de Trinitate: Mēs, & Notitia eius, & Amor, tria quædam sunt. Mens enim nouit se, & amat se: nec amare se potest, nisi etiam nouerit se. Duo quadam sunt, Mens & Notitia eius. Item duo quadam sunt, Mens & amor eius. Cum ergo se nouit mens, & amat se, manet Trinitas, scilicet Mens, Amor, & Notitia. Mens autem hic accipitur non pro anima: sed pro eo quod in anima excellentius est. Hac autem tria cum sint distincta à se inuicem, dicuntur tamen esse vnum, quia in anima substantialiter existunt.

Quia Mens, vice Patris: Notitia, Filij: Amor, Spiritus sancti accipitur.

Et est ipsa mens quasi parens, & notitia eius quasi proles eius. Mens enim cum se cognoscit, notitiam suam gignit, & est sola parens suæ notitiæ. Tertius est amor, qui de ipsa mente, & notitia procedit. Dum mens cognoscit se, & diligit se: non enim posset se diligere, nisi cognosceret se. Amat etiam placitam prolem, id est, notitiam suam: & ita amor quidam complexus est parentis, & prolis.

Quod non est minor Mente Notitia, nec Amor utroque.

Nec est minor proles parente, dum tantum se nouit mens, quantum est: nec minor est amor parente, & prole, id est, mente, & notitia, dum tantum se diligit mens, quantum se nouit, & quantum est.

C 4

Quod

Quod hæc tria in seipsis.

Sunt etiam hæc singula in seipsis: quia & Mens amans in Amore est: & amor in amantis notitia: & Notitia in mente noscente est. Ecce in his tribus quælecumque vestigium Trinitatis apparet.

Quo modo Mens per ista proficit ad intelligendum Deum.

Mens itaque rationalis considerans hæc tria, & illam unam essentiam in qua ista sunt, extendit se ad cōtemplationem Creatoris: & videt Vnitatem in Trinitate, & Trinitatem in Vnitate. Intelligit enim unum Deum esse, unam essentiam, unum principium. Intelligit enim, quia si duo essent, vel uterque insufficiens esset, vel alter superflueret: quia si aliquid deesset uni quod haberet alter, non esset ibi summa perfectio. Si vero nihil uni deesset quod haberet alter, cum in uno essent omnia, alter superflueret. Intellexit ergo unum esse Deum omnium auctorem: & vidit, quia absque sapientia sit quasi res fatua: & ideo intellexit eum habere sapientiā, quæ ab ipso genita est: & quia sapientiam suam diligit: intellexit etiam ibi esse amorem.

Hic agitur de summa Trinitatis Vnitate.

Qua propter iuxta istam considerationem, ut ait August. in nono libro de Trinitate: Credamus Patrem & Filium & Spiritum sanctum unum esse Deum, vniuersa creatura Conditorum, & Rectorem: nec Patrem esse Filium, nec Spiritum sanctum: vel Patrem esse, vel Filium: sed Trinitatem relatarum ad inuicem personarum. Ut enim ait ipse in libro de fide ad Petrum: Vna est natura, siue essentia Patris, & Filij, & Spiritus sancti, non una persona. Si enim sic esset una persona, sicut est una substantia Patris, & Filij, & Spiritus sancti, veraciter Trinitas non diceretur. Rursus quidem Trinitas esset vera: sed unus Deus Trinitas ipsa non esset, si quemadmodum Pater, & Filius, & Spiritus sanctus personarum sunt ab inuicem proprietate distincti, sic fuissent quoque natura diuersitate discreti. Fides autem Patriarcharum, Prophetarum, atque Apostolorum unum Deum prædicat Trinitatem esse. In illa ergo sancta Trinitate unus est Deus Pater, qui solus essentialiter de seipso Filium unum genuit: & unus Filius est, qui de uno Patre solus essentialiter natus: & unus Spiritus sanctus, qui solus essentialiter à Patre Filioque procedit. Hoc autem totum non potest una persona, id est, gignere se, & nasci de se, & procedere de se, ut enim ait August. in primo libro de Trinitate: Nulla res est, quæ seipsam gignat, ut sit.

Nunc vero ad eam, &c.

Expositio Literæ.

Hæc est secunda pars huius Distinctionis, in qua Magister probat Trinitatem, & vnitatem per similitudinem propinquā, & expressam, cuiusmodi est imago. Et diuiditur hæc pars in duas. In prima ostendit Trinitatem, & Vnitatem in Creatore, per Trinitatē, & Vnitatem consideratam in potentiis animæ. In secunda vero in habitibus, ibi: *Potest etiam alio modo, &c.* Prima iterum pars habet quatuor particulas. In quarū prima ostendit vbi quæreda sit imago in anima, quoniā in parte superiori, & tribus potentiis, sc. Memoria, Intelligentia, & Voluntate. In secunda vero tangit imaginis conditiones, quæ sunt Trinitas, Vnitas, & Æqualitas, ibi: *Hæc ergo tria, ut ait August. In tertia vero mouet, & soluit dubitationem quæ oritur ex prædictis. Vtrum sc.*

anima sit suæ potentiæ, ibi: *Hic attendendum est diligenter.* In quarta autem docet cauere errorem, qui posset causari, & oriri ex ostensione Trinitatis creatæ, quod omnimoda similitudo esset ad increatam: vbi ostendit quod maxima est dissimilitudo imaginis ad Deum, ibi: *Verumtamen caueat.* Similiter secunda pars in qua Magister intendit inuestigare imaginem in habitibus animæ secundum quod possibile est, diuiditur in quatuor particulas. Primo enim illa tangit in quibus imago Trinitatis attenditur, quæ sunt, Mens, Notitia, Amor. Secundo illis præactis ostendit quod in his attenditur imago propter consubstantialitatem, ordinem, & æqualitatem, ibi: *Hæc autem tria, &c.* Tertio ostendit quo modo mens rationalis in cōtemplatione Trinitatis creatæ proficit ad videndum, & cognoscendam Trinitatem increatam in Vnitate, ibi: *Mens itaque rationalis.* Quarto vero breuiter recolligit quæ supra sunt demonstrata, ibi: *Qua propter iuxta istam considerationem.*

Imago Dei tamen permanet. Dub. VII.

CONTRA: Hoc obicitur auctoritate Psalmi: Domine in ciuitate imaginem eorum ad nihilum rediges.

RESP. Imago dicitur dupliciter. Vno modo quantum ad substantialem esse, & hoc respicit Trinitatem potentiarum & ordinem, & æqualitatem, sic semper permanet. Alio modo propterea supra esse addit bene esse, ut decorem, & honorem, & hoc potest perdi. Quia homo cum in honore esset, non intellexit.

Memoria vero dicitur ad aliquid. Dub. IX.

Obicitur: Ergo Memoria, Intelligentia, & Voluntas sunt in prædicamento relationis. Item quæritur quare mens dicitur magis ad se, quam memoria, vel intelligentia.

RESP. Dicendum quod dicitur ad aliquid dupliciter: vel proprie, & per se, sicut Pater, & Filius: vel ratione al cuius annexi, quia habet respectum annexum, & inclinationem, & sic memoria dicitur ad aliquid, quia innatum habet respectum ad memoriale: similiter intelligentia ad intelligibile, & volūtas ad volubile, & hæc obiecta ad inuicem habent respectum. Et sic patet obiectio.

Ad illud quod quæritur de mente, dicendum quod mens dicitur ab actu essentiali: propterea est intelligendum quod quo est, potest intelligi in quantum dat animæ esse generalissimū, & sic dicitur essentia. Vel in quantum dat esse generale: & sic dicitur vita: quia anima est in genere viuentium. Aut in quantum dat esse spirituale, & sic dicitur mens. Mens enim non dicitur, nisi quod viuit vita intellectiua. Vel anima in se dicitur essentia, ut actus corporis, vita: ut perfectibilis à Deo, mens.

In illa vero summa Trinitate, &c. Dub. X.

Innuat Magister, quod tres personæ non sunt vnius Dei.

CONTRA: Videtur dicere falsum. Quia cum sint vnius essentia, & essentia sit Deus: ergo sunt vnius Dei. Si dicas quod non sequitur: ergo quæro, quare non conceditur quod tres personæ sunt vnius Dei. Si dicis quod propter hoc, quod obliquus notat diuersitatem: ergo cum essentia non sit diuersa à persona, non potest dici, tres personæ sunt vnius essentia.

RESP. Dicendum quod generatus aliquando constituitur in ratione possessionis, ut si dicatur, bos Petri, Ioannis: aliquando ex vi declarationis, ut mulier egregiæ formæ: aliquando intransitiue, ut creatura fals. Intransitiue, constituitur generale cum speciali, & sic potest dici substantia, vel persona Dei. Ex vi declarationis essentia, ut importans formam per modum formæ, & sic dicuntur tres personæ vnius essentia: quia ergo quando dicitur, tres personæ sunt vnius Dei, Deus non significat nec per modum formæ, nec per modum specificantis, ideo intelligitur per modum possidentis, vel principiantis, & ideo simpliciter est falsa.

Vt ex maxima parte sit dissimilis. Dub. XI.

CONTRA: Hoc videtur falsum. Quia imago est similitudo expressa: ergo si maxime est dissimilis, non est imago.

RESP. Dicendum quod est expressio simpliciter, vel in genere. Si ergo loquamur de expressione simpliciter, sic dico, quod anima rationalis non est valde similis Deo. Si autem loquamur in genere creaturæ, quia tantum exprimit, quantum potest natura creata, sic dicitur valde similis, & expressa similitudo Dei.

Si duo essent, vel uterque insufficiens esset. Dub. XII.

CONTRA: Quia secundum viam istam monstrari posset quod non sit nisi una persona.

RESP. Dicendum quod in personis non potest esse superfluitas: quia in eis est una sufficientia. Vnde si una esset superflua, & omnes. Sed non potest ibi esse aliqua insufficientia, quia nihil plus habent tres, quam una. Sed si essent duæ essentia, duæ essent sufficientia: & quilibet per se esset sufficiens. Si autem altera cum altera, quilibet esset insufficiens, & ita patet quod non est simile de duabus essentiis, sicut de duabus personis.

Et vidit, quia absque sapientia non sit, &c. Dub. XIII.

CONTRA: Secundum hoc videtur quod Pater sit sapiens sapientia genita.

RESP. Dicendum quod ista consequentia non est intelligenda immediate, sc. quia non est res fatua: ergo habet sapientiam genitam. Sed hoc intelligendum est sic: Deus est substantia spiritualis: ergo est nata cognoscere, ergo si non habet sapientiam, est res fatua. Sed non est res fatua: ergo habet sapientiam. Sed non est sapientia sine verbo: & non est verbum nisi procedat à mente, & ita generetur: ergo à primo, si habet sapientiam, necesse est sapientiam esse genitam. Et omnes istas consequentias oportet intelligere immediate.

ARTICVLVS I.

Consequenter ad intelligentiam istius partis secundæ, præsentis distinctionis quantum ad primam assignationem imaginis quæ est per Memoriam, Intelligentiam & Voluntatem, tria quærentur. Primo utrum in his tribus, scilicet memoria, intelligentia, & voluntate attendatur ratio imaginis. Secundo de comparatione istarum ad obiectum. Tertio de comparatione earum ad animam, vel subiectum.

QVÆSTIO I.

An Imaginis Ratio consistat circa Intelligentiam, Memoriam, & Voluntatem.

*Alexander Alensis 1. p. q. 61. Membro 3. art. 1.
S. Thom. 1. p. q. 93. art. 5. & 6.
Ægidius 1. Sent. dist. 3. 2. p. q. 2.
Durandus 2. p. d. 3. q. 1.
Richardus 1. Sent. d. 3. q. 1. art. 2.
Scotus 1. Sent. d. 3. q. 9.
Franciscus de Mayr. 1. Sent. dist. 3. q. 4.
Ioan. Bacon. 1. Sent. dist. 3. q. 3.
Thom. Arg. 1. Sent. dist. 3. q. 2. art. 1.
Gab. Biel. 1. Sent. dist. 3. q. 10.*

QUOD in omnibus simul sit, videtur. Ad rationem enim imaginis requiritur expressa conformatio in distinctione: sed distinctio in diuinis attenditur quantum ad tres personas: ergo necessario in imagine creata attenditur quantum ad tres potentias.

ITEM ratio imaginis consistit in perfecta capacitate, quia secundum Augustinum, eo est mens imago, quo potest esse capax & particeps Dei: sed Deus non capitur

A ab anima plene nisi ametur, neq; amatur nisi intelligatur, nec intelligitur nisi præsens apud animam habeatur: sed primum est per voluntatem, secundum per intelligentiam, tertium per memoriam: ergo, &c.

ITEM notitia siue intelligentia appropriatur Filio, voluntas Spiritui sancto: ergo aut truncata, & diminuta erit assignatio imaginis, aut necesse est ponere potentiam respondentem Patri.

1. SED contra: Ad esse imaginis requiritur representatio in distinctione originis, & ordinis, sed in istis potentiis non est talis distinctio, quia simul sunt cum anima concreta, nec una est ab alia, nec una post aliam: ergo in istis non est reperire rationem imaginis.

2. ITEM imago est representatio secundum exteriorem dispositionem, ut patet: sed istæ tres potentia sunt intimæ ipsi animæ: ergo in ipsis non est ratio imaginis.

B 3. ITEM quod specialiter memoria non sit de ratione imaginis, videtur, quia cum imago sit animæ essentialis, & secundum potentiam rationalem sit in ipsa, memoria autem, ut dicit Philosophus, est sensibile, quia est in brutis: ergo videtur quod memoria non pertinet ad imaginem. Præterea cum memoria sit sensibile, siue intelligibile, concernit differentiam temporis, quia est acceptio præsens de præteritis: sed imago abstrahit à conditionibus sensibilibus, & temporalibus: ergo, &c.

4. ITEM imago attenditur in his quæ sunt nata recipere imaginem reformationis, siue similitudinis: sed imago illa consistit in tribus virtutibus Theologicis, quarum nulla est in memoria: ergo, &c.

C 5. ITEM quod voluntas non sit de integritate imaginis videtur, quia dicitur in libro de Spiritu & anima imago est in potentia cognoscendi, similitudo est in potentia diligendi. Sed voluntas non pertinet ad potentiam cognitiuam: ergo, &c.

6. ITEM omnis potentia quæ est de imagine, debet aliis equari, quia ad rationem imaginis requiritur æqualitas: sed voluntas non æquatur aliis, quia multa intelligimus quæ non volumus: ergo, &c. Si dicas quod non attenditur æqualitas respectu obiectorum: sed respectu actuum, ut sit sensus, quidquid intelligo, volo me intelligere, adhuc non est verum, quia multorum meminimus, quæ nolumus meminisse.

CONCLUSIO.

D Ratio Imaginis attenditur in his tribus potentiis, Memoria, Intellectu, & Voluntate, cum comparatione ad unitatem essentia, & pluralitatem actuum.

1. RESP. ad arg. Dicendum quod sicut dicit Augustinus, & Magister recitat, imago attenditur in his tribus potentiis cum comparatione ad unitatem essentia, & pluralitatem actuum, in quibus est distinctio & ordo, & origo unius ab altero per modum quandam disponendi. Nam retentio speciei disponit ad intelligendum, & intelligentia ad amandum secundum quod intelligitur esse bonum: & per hoc patet solutio ad illud quod obiicitur in istis potentiis non est distinctio per originem: ergo, &c.

E 2. Ad illud quod obiicitur quod imago attenditur secundum exteriorem dispositionem, dicendum quod est imago rei corporalis, & sensibilis, & hæc quia offert se cognitioni per exteriora, habet imaginem representantem secundum exteriorem dispositionem. Et iterum imago rei spiritualis, quæ est intima cuilibet rei, & quæ cognoscitur secundum quod virtus recolligitur ad intimam, & habet imaginem representantem quantum ad intimas dispositiones.

3. AD illud ergo quod obiicitur quod memoria est sensibile, dicendum quod memoria accipitur tripliciter. Vno modo prout est receptiva, & retentiva sensibilium, & præteritorum. Alio modo prout est retentiva præteritorum siue sensibilium, siue intelligibilium. Et tertio modo prout est retentiva specierum, abstrahendo

Ad oppos.

Arist. de mem. & remin. c. 1.

Aug. c. 39. tom. 3.

Solut. Augustin. dicens quod memoria sit etiam præsensium.

Fundamenta.

Aug. 14. de Trin. c. 8. to. 3.

ab

ab omni differentia temporis, utpote specierum innatarum, & hoc tertio modo est pars imaginis: sed obiectio currit de aliis primis duobus modis. Primo modo memoria sequitur sensum, secundo modo sequitur ipsam intelligentiam, & voluntatem, tertio modo antecedit, & respondet Patri.

4. Ad illud quod obicitur quod memoria non reformatur, dicendum, quod immo memoria reformatur & quantum ad statum viæ, & quantum ad statum patriæ. In primo per spem, & hoc patet per expositionem Aug. super illud verbum Matthæi: Diliges Dominum Deum tuum, ex toto corde tuo: id est intellectu sine errore. Ex tota anima: id est ex voluntate sine contradictione. Ex tota mente: id est memoria sine obliuione. In secundo statu reformatur quantum ad tentationem: unde Bernardus dicit: Quia Deus est futurus intelligentiæ plenitudo lucis, voluntati multitudo pacis, & memoriæ continuatio æternitatis. Nec est etiam inconueniens quod memoria quamvis sit prima, reformatur per dotem ultimam: quia ordo reformationis, & deformationis incipit à posteriori; ordo autem formationis incipit à superiori: ideo à voluntate incipit reformatio, & tendit usque in memoriam.

5. Ad illud quod obicitur quod imago est in potentia cognoscendi, dicendum quod similitudo dicit quid gratuitum, & ideo dicitur esse per appropriationem in voluntate, siue in dilectione. Imago vero non dicit gratuitum: ideo dicitur esse in potentia cognoscendi. Vel aliter de imagine: quia in Filio est prima imago, & Filio appropriatur intelligentia, quæ est in potentia cognitiua: ideo dicitur imago esse in potentia cognoscendi.

6. Ad illud: Voluntas non æquatur intelligentiæ, dicendum quod voluntas prout communiter accipitur ad velle, & nolle, quorum utrumque est actus voluntatis, bene æquatur, secundum quod dicitur Vti esse commune ad utrumque; sicut dicit Aug. & habetur in littera, quod voluntas capit illam, dum utitur, &c. Quidquid enim recordamur, vel intelligimus, in facultatem voluntatis accipimus ad eligendum, vel ad respondendum, & istud est secundum quod dicit actum communem voluntatis: sed secundum actum specialem qui est velle, tantum non æquatur. De isto est oppositio, quomodo sic velle non comprehendit totam voluntatem, sicut meminisse totam memoriam, & intelligere totam intelligentiam.

QUESTIO II.

An Imago attendatur in his iisdem Potentiis per comparisonem ipsarum ad Deum.

Doctores in iisdem Libris, Questionibus, & Articulis in superiori Questione citati.

DE potentiis in comparatione ad obiectum, utrum videlicet attendatur imago in eis per comparisonem ipsarum ad Deum. Et videtur quod sic, quia eo est anima imago, quo capax Dei est, & particeps esse potest ut dicit Augustinus: sed est capax quantum ad partem superiorem: ergo, &c.

ITEM in eodem: Imago illius quo nihil melius est, inquirenda est & inuenienda, quo mens nostra nihil melius habet: sed hoc, est superior pars: ergo, &c.

ITEM hoc idem videtur ratione: quia imago dicitur eo quod ducit in prototypum: ergo cum illud sit Deus non attenditur imago in potentiis his, nisi secundum quod ducunt in Deum: sed per has potentias homo ducit in Deum, dum per eas conuertitur in eum: ergo, &c.

ITEM Deus est obiectum virtutum Theologicarum in quibus consistit imago reformationis: ergo cum idem sit obiectum utriusque imaginis, quia vna est ductiua alterius, & perfectiua, propterea si Deus est obiectum vnius, ergo & alterius.

1. CONTRA: Augustinus assignat imaginem in mente, intellectu, & amore secundum quod anima meminit sui, intelligit se, diligit se: ergo videtur quod imago attendatur per conuersionem sui supra se.

2. ITEM Augustinus: Cum in natura mentis humane querimus Trinitatem, in tota querimus, non separantes actionem temporalium à contemplatione æternorum, ut tertium aliquid iam queramus: ergo Trinitas imaginis attenditur secundum actionem temporalium, & ita per conuersionem ad inferiora.

3. ITEM secundum quod anima conuertitur supra inferiora, vel supra se, est æqualitas, & ordo, & origo, & omnia quæ concurrunt ad rationem imaginis.

4. ITEM imago est in peccatoribus à Deo auersis, & in illis etiam qui nullo modo possunt reuerti, ut sunt damnati: ergo ratio imaginis non attenditur penes conuersionem ad Deum.

5. ITEM necesse est quantum ad perfectam rationem imaginis æquari cognoscentem, & cognitum, siue dicentem, & dictum: nam ista duo Patrem & Filium repræsentant: sed in conuersione ad Deum non est talis æquatio: ergo, &c.

CONCLUSIO.

Imago perfecta est in anima secundum quod conuertitur in Deum: imperfecta vero secundum quod conuertitur supra se: nulla autem prout conuertitur ad inferiora: sed bene in ea tunc est Trinitas.

RESP. ad arg. Ad intelligentiam prædictorum, tria oportet in imaginis ratione præsupponere. Primo enim imago attenditur secundum expressam conformitatem ad imaginatum. Secundo quod illud quod conformatur imagini, per consequens conformatur imaginato: unde qui videt imaginem Petri, per consequens videt & Petrum. Tertio, quod anima secundum suas potentias conformis redditur his ad quæ conuertitur, siue secundum cognitionem, siue secundum amorem. Quoniam ergo cum anima conuertitur ad Deum, sibi confirmatur, & imago attenditur secundum conformitatem: ideo imago Dei consistit in his potentiis quæ habent obiectum Deum. Rursum quoniam anima est imago Dei, & secundum quod conformatur imagini, & imaginato, ideo anima secundum quod conuertitur supra se, non recedit à conformitate, & ideo imago consistit in his potentiis secundum quod habent animam pro obiecto. Sed cum conuertitur ad creaturas inferiores, illis conformatur in quibus non est imago Dei sed vestigium, ideo potentia animæ secundum quod habent inferiora pro obiectis, recedunt à ratione imaginis: quia recedunt à conformitate expressa. Licet itaque in huiusmodi potentiis secundum quod conuertuntur ad inferiora, sit reperire Trinitatem, & aliquam conformitatem: similiter in potentiis sensitivis, sicut ostendit Augustinus: quia tamen deficiunt ab expressa conformitate, non reperitur ratio imaginis in eis. Unde Augustinus inuestigat in omnibus potentiis animæ Trinitatem, non quia in eis sit imago: sed ut à ratione imaginis excludat. Unde querens Trinitatem in tota anima, querit eam in superiori, & inferiori parte rationis, & in sensu. Et hoc est quod dicit in illa auctoritate: Cum in natura mentis humane querimus Trinitatem, in tota querimus: non dicit querimus imaginem. Unde Augustinus de Trinitate: Quamvis in inferiori parte rationis inueniri Trinitas possit: imago tamen inueniri non potest. Concedendum est ergo quod imago consistit in his potentiis secundum quod ad animam conuertuntur: primo tamen & principaliter, ut ostendunt primæ rationes, secundum quod conuertuntur ad Deum. Unde Augustinus his duobus modis assignat imaginem: Prima est in mente notitia, & amore secundum quod mens nouit, & amat se. Secunda est in memoria, intelligentia, & voluntate. Et in fine libri ostendit completissimam rationem imaginis esse in comparatione ad Deum.

1. 2. 3. Ex his patet responsio ad Primum, Secundum & Tertium: quia primum argumentum concedendum est: secundum vero concludit quod in inferiori parte sit Trinitas: & tertium quod conformitas: sed hæc soluta sunt: quia non est expressa.

Aug. li. 12.
de Tri. c. 4.

Aug. lib. 11.
de Trin. c.
23. & 59.
10. 3.

Aug. lib. 11.
c. 20. in fin.
Lib. 12. c.
4. 10. 3.

Lib. 9. de
Trinitate.
per totum,
& lib. 10.
c. 11. 10. 3.

4. Ad illud quod obiicitur de auersione peccatorum. Respondeo quod dicimus imaginem in his potentiis secundum conuersionem non actuale: sed aptitudinalem, quæ nunquam relinquit potentias: sicut gressibilis etiam dicitur homo qui habet pedes truncatos, quamvis non gradiatur.

5. Ad illud quod obiicitur quod necesse est in imagine cognoscens, & cognitum adæquari, dicendum quod non oportet cognitum adæquari cognoscenti adæquatione rei ad rem, sed sub ratione cognoscibilis. Vnde tantum est cognitum in intelligentia, quantum repræsentatur à memoria. Quod autem simpliciter adæquetur non oportet: adæquatur tamen secundum quod anima conuertitur supra se. Vnde ratio imaginis quo ad quid, est plus in conuersione ad Deum: quo ad quid, est plus in conuersione animæ supra se. In conuersione ad Deum est plus quia plus habet de ratione venustatis, & conformitatis: in conuersione ad se, plus habet de ratione substantialitatis, & æqualitatis.

QVÆSTIO III.

An Memoria, Intelligentia, & Voluntas sint idem in essentia cum anima.

Idem Doctor 2. Sent. dist. 24. art. 2. q. 1.
Alexander Alensis p. 2. quæst. 65.
S. Thomas 1. p. q. 77. art. 1.
Egidius 1. Sent. dist. 3 p. 2. q. 2. art. 2. Et Quol. 2. q. 10.
Henricus Quol. 3. q. 14.
Scotus 2. Sent. dist. 16. q. 1.
Gandauensis 3. de anima, q. 3.
Thom. Arg. 1. Sent. dist. 3. q. 2. art. 2.

Ad oppo.

Aug. lib. 10. de Trin. c. 21. som. 3.

Aug. de spiritu, & ani. ca. 13. som. 3.

Arist. 2. de ani. contex. 24. & 2. Ph. contex. 17.

a Arist. 2. de gen. contex. 2.
b Arist. 4. Phys. contex. 15.

† Arist. 8. Phys. contex. 27.

DE comparatione istarum potentiarum ad animam siue ad subiectum, vtrum videlicet sint idem in essentia cum anima. Et videtur quod sic: quia August. dicit: Hæc tria, memoria, intelligentia, & voluntas sunt vna mēs, vna vita, vna essentia: ac per hoc vna substantia.

2. ITEM Bernardus super Cantica dicit: Quædam in anima intueor, memoriam, intelligentiam, & voluntatem: hæc tria ipsa est. Si tu dicas quod hoc dicitur per causam hoc nihil est, quia August. de spiritu, & anima quod dicit anima est quædam sua, vt potentia: & quædam non sua, vt virtutes: quod si per causam esset, vtrumque posset dici.

3. ITEM hoc ipsum videtur velle dicere Philosophus quia idem dicit esse principium essendi, & operandi: ergo cum principium essendi sit ipsa forma substantialis, principium operandi ergo erit ipsa: sed principium operandi est potentia: ergo potentia est principium essendi: sed quia non est principium essendi nisi forma substantialis in homine: ergo potentia & forma substantialis sunt idem in substantia.

4. ITEM ratione ostenditur. a Sicut materia prima est omnia nata recipere per veritatem, sic anima secundum similitudinem. Sed b potentia materię primæ respectu formarum suscipiendarum non differt per essentiam ab ipsa: ergo similiter videtur quod potentia animæ. Probatio minoris. Si enim per essentiam differret, aut esset substantia, aut accidens. Non accidens: quia antecedit omnem formam, & omne accidens. Si substantia, aut ergo materia, aut formæ. Præterea si differret, illius esset materia capax.

5. ITEM forma accidentalis non est simplicior forma substantiali. Sed potentia operandi non differt à forma accidentali, vt pote potentia calefaciendi, nō differt per essentiam à caliditate, nec potentia illuminandi ab ipsa luce: ergo similiter videtur quod nec potentia animæ ab ipsa anima.

6. ITEM quod vni est accidens, nulli substantia est, sed ista potentia sunt ipsi anime substantiales: ergo non sunt ei accidentales, & per consequens non sunt accidentia: ergo sunt substantia, constat autem quod non alia quam anima. Probatio minoris, quia anima rationalis sensibilis & vegetabilis in homine non dicit diuersitatem substantiarum, sed potentiarum: ergo constat quod

A in homine ista differentia: vegetabile, sensibile, rationale accipiuntur à potentiis, & huiusmodi differentia sunt substantiales: ergo & potentia: ergo, &c.

CONTRA. * Augustinus assignat differentiam imaginis creatæ ad Trinitatem illam, scilicet in eternam, quia in illa Trinitate habens est id quod habetur, hic autem habens non est id quod habetur, ergo si anima habet tres potentias: ergo essentialiter non est illa.

ITEM Dionysius dicit quod in quolibet creato differunt hæc tria, substantia, virtus, & operatio: ergo in anima differunt substantia & potentia.

ITEM Boëtius: In quolibet creato differunt quo est, & quod est, siue quid est, & esse: ergo similiter, immo multo fortius quod potest, & quo potest.

B ITEM rationibus ostenditur sic: Quæ differunt genere differunt essentia, & vnum de altero prædicatur essentialiter: sed potentia & anima sunt huiusmodi, quia anima est in genere substantia: sed potentia sunt in secunda specie qualitatis, scilicet naturalis potentia: ergo, &c.

ITEM illa quorum vnum est extra alterum, differunt essentialiter, & substantialiter: sed virtus egreditur substantiam, quia operatur in obiectum quod est extra: sed impossibile est quod operetur vbi non est, si ergo virtus est vbi operatur, & operatur extra substantiam cuiuslibet: ergo virtus egreditur extra substantiam: ergo, &c.

ITEM ad hoc est alia ratio. Quia si eadem per essentiam essent anima & potentia, vnum non multiplicaretur nisi secundum multiplicationem alterius: & sic cum

C vnum tantum sit anima, haberet tantum vnā potentiam: sed hoc falsum: ergo, &c.

CONCLUSIO.

Potentia anime sunt substantiales, & sunt in eodem genere per reductionem in quo est anima: non sunt omnino idem per essentiam.

RESP. ad arg. Ad prædictorum intelligentiam notandum est quod potentia naturalis dicitur tripliciter. Primo modo pro vt dicit modum existendi naturalis potentia in subiecto, secundum quem dicitur subiectum facile, vel difficile ad aliquid agendum: & sic naturalis potentia dicit modum qualitatis, & est generaliter in secunda specie qualitatis, vt patet cum dicitur, cursor & pugilator, quorum vtrumque dicit facilitatem, quæ sequitur modum existendi potentia gradiendi, & resistendi, siue agendi in subiecto. Secundo modo potentia naturalis dicitur potentia naturaliter egrediens à substantia. Et hoc potest esse dupliciter. Vno modo aliqua potentia egreditur à substantia cum accidente, vt potentia calefaciendi. Ignis enim per suam substantiam non calefacit sine caliditate, & hæc potentia non est alterius generis, quam sit qualitas à qua egreditur, vnde potentia quæ est calefaciendi, est in eodem genere cum caliditate. Alio modo dicitur naturalis potentia quæ naturaliter egreditur de substantia immediate, sicut potentia generandi quantum ad inductionem vltimæ formæ, & hæc quidem non est alterius generis cum substantia: sed reducitur ad genus substantia: tanquam substantialis differentia. Per hunc modum intelligendum est in potentiis animæ. Nā vno modo conuenit nominare potentias animæ, secundum primum modum, vt dicunt facilitatem quæ dicit modum potentia existendi in subiecto, sicut ingeniositas, & tarditas, & hæc quidem sunt in secunda specie qualitatis. Alio modo conuenit potentias nominare, pro vt dicunt ordinem substantia: ad actum, qui est mediante aliqua proprietate accidentali, vt potentia syllogizandi, quæ est in anima cum habet aditum syllogizandi, & hæc est in eodem genere in quo est scientia syllogizandi, vt in prima specie qualitatis. Contingit iterum nominare potentias animæ, vt immediate egrediuntur à substantia, vt hæc tria, memoriam, intelligentiam, & voluntatem, & hoc patet. Quia omni accidente circumscripto

intellecto

Aug. 15. de Trin. cap. 22. & 23. som. 3. Fundamēta.

Dionys. de Aug. hier. cap. 11. circa med. cap. 2. Boët. de hebdoma. de Trinit. c. An omne quod est, bonum principium.

Potentia naturalis dicitur.

Applicatio distinctionis.

intellecto quod anima sit substantia spiritualis, hoc ipso quod est sibi præsens, & sibi coniuncta, habet potentiam ad memorandum, & intelligendum se. Vnde istæ potentie animæ sunt substantiales, & sunt in eodem genere per reductionem, in quo est anima: Attamen quoniam egrediuntur ab anima: potentia enim se habet per modum egredientis: non sunt omnino idem per essentiam, nec tamen adeo differunt, ut sint alterius generis: sed sunt in eodem genere per reductionem. Et potest satis manifestum exemplum dari in re, & in similitudine eius. Nam res non habet tantam identitatem cum sua similitudine, ut sint unum numero: nec tantam diversitatem ut differant numero. Similitudo enim Martini non adeo distat à Martino, ut penitus differat ab eo. Et ideo similitudo rei in eodem genere est per reductionem cum eo, cuius est similitudo. Qui enim egreditur, ideo differt: sed non transit in aliud genus. Et loquor de similitudine secundum rationem similitudinis, non intentionis, id est, prout à subiecto exit, & non recedit, ut splendor à luce. Concedenda ergo sunt rationes probantes quod anima non est suæ potentie per essentiam.

1. 2. AD illud ergo quod obiicitur in contrarium de Augustino & Bernardo quod anima est suæ potentie; dicendum quod non est ibi prædicatio accidentis de subiecto, nec eiusdem per essentiam: sed substantialis vel essentialis. Propter quod notandum quod essentialis dicitur quatuor modis. Primo modo essentialis, quod dicit rei essentiam totam, sicut species dicit totam essentiam singularis. Secundo modo dicitur essentialis, quod est de essentia, & constitutione rei, ut materia, & forma. Tertio modo dicitur essentialis, sine quo res non potest esse, nec potest intelligi esse, ut sunt illa in quibus attenditur ratio vestigi, ut Unitas, Veritas, Bonitas. Quarto modo dicitur essentialis sine quo res non potest cogitari habere perfectum esse, ut sunt potentie in anima, in quibus attenditur imago, & hoc est minimo modo substantiale, siue essentialis, non tamen transit in aliud genus: ideo anima dicitur suæ potentie, quia non transit in aliud genus.

3 AD illud quod obiicitur quod idem est principium enendi, & operandi; dicendum quod verum est de principio remoto: sed de proximo est impossibile. Nam si idem omnino esset principium proximum, tunc idem esset in re esse, & operari. Similiter si idem esset principium proximum cum res iam, et habeat esse, semper haberet operari. Quia ergo forma dicit proximum, & immediatum principium enendi; potentia vero proximum & immediatum principium operandi, patet quod impossibile est, esse omnino idem.

4. AD aliud quod obiicitur de potentia materie; dicendum, quod materia non est sua potentia per essentiam quoniam non est ipsa ordinatio ad formam, est tamen ipsa potentia materie, essentialis ipsi materie, sicut potentia activa ipsi substantie: & minus quidē conatur potentia materie à materia, quam potentia activa à substantia. Quoniam potentia materie est potentia passiva, quæ dicit ordinem ad aliud cum privatione. Sed potentia activa dicit ordinem cum positione, & ideo minus addit potentia materie supra materiam, quam potentia activa supra substantiam: & hinc est quod non ita distinguuntur diuersæ potentie in eadem materia, sicut in eadem substantia.

5. AD illud quod obiicitur de forma accidentali; dicendum quod forma accidentalis non est sua potentia. Nam potentia eius est, in quantum influit in alterum: attamen potentia illa non tantum addit, quantum potentia formæ substantialis: quoniam potentia formæ accidentalis dicit ordinationem ad actum: sed non sufficientem per se, sed per virtutem substantiæ. Sicut enim accidens non est per se: ita non habet virtutem operandi per se, sed per virtutem substantiæ, & ita hoc patet.

6. AD illud quod obiicitur ultimo; dicendum quod potentie animæ non sunt accidentales, tamen argumen-

tum non valet, quia fortassis rationale, sensibile, vegetabile non accipiuntur à potentiis, sed à diuersis naturis repertis in anima.

ILLUD autem argumentum quod factum est ad oppositum, quod differunt, quia sunt in diuersis generibus, soluendum est per interemptionem, quia non sunt in diuersis generibus: sed in eodem per reductionem, & cætera.

ARTICULVS III.

Consequenter est questio de secunda assignatione imaginis per Mentem, Notitiam, & Amorem. Circa hanc queruntur tria. Primum est de istis, absolute, utrum videlicet imago attendatur in istis ut in potentiis, aut in habitibus; aut in potentiis simul & habitibus, aut in substantia & habitibus. Secundum est de istis in comparatione ad inuicem. Tertium utrum hæc Trinitas imaginis, ducat necessario in cognitionem Trinitatis, quantum ad personas.

QUESTIO II.

An Imago attendatur in Mente, Notitia, & Amore, ut in potentiis, aut ut in habitibus, aut in utrisque simul, vel in substantia, & habitibus.

Doctores in 3. questione prima partis huius Dist. citati. Egid. vero Rom. 1. Sent. dist. 3. 2. p. q. 2. art. 4. Thom. Arg. 2. Sent. dist. 16. q. 1. art. 4.

Circa hæc sic proceditur, & ostenditur primo quod non in his, ut in potentiis, attendatur imago, quia prædicta assignatio fuit in potentiis: ergo si hic etiam esset in potentiis, non esset nisi inculcatio verborum. Præterea, notitia, & amor, non dicunt potentiam, sed habitus, licet mens possit dicere potentiam: ergo prædicta tria non possunt poni sub ratione potentiarum.

ITEM ostenditur quod non ut in habitibus: quia Augustinus dicit in imaginis assignatione: Mens nouit se, diligit se: sed nullus habitus est nosse, nec amare: ergo, &c.

ITEM si mens stat pro habitu, quero pro quo habitu? Si pro habitu memorie, de quo magis videtur, quia non est aliud dare: sed actus habitus huius est meminisse, & non alius: sed Augustinus assignat menti hos actus scilicet nosse & amare ergo, &c.

ITEM ostenditur quod non ut in potentiis & habitibus. Cum enim potentie sint tres, & habitus tres: tunc non esset ternarius, sed senarius.

ITEM quero pro qua potentia stat ibi mens: aut enim stat pro omnibus, aut pro duabus, aut pro vna. Si pro omnibus, tunc non est ibi Trinitas. Si pro duabus, tunc est ibi quaternitas, cum duo sint habitus. Si pro vna, non potest habere istos duos actus, nosse & amare: ergo non sumitur Trinitas secundum habitus, & potentias simul.

1. CONTRA: Ostenditur quod non ut in substantia, & habitibus simul. Cum enim habitus cognoscendi, & amandi sequantur ipsam substantiam tempore, & substantia etiam possit esse sine his, ratio autem imaginis sit ipsi animæ perpetua, & inseparabilis, & concreata: ergo non est in habitibus, & substantia simul.

2. ITEM si substantia connumeratur habitibus, & habitus sunt tres, & substantia vna: ergo erit ibi quaternitas. Si rudicas quod non differt notitia secundum quod est habitus intellectus, & memorie; Contra: Habitibus sunt dispositiones potentialium: cum ergo sint tres potentie erunt tres habitus.

3. ITEM Magister dicit in litera, quod mens accipitur non pro anima, sed pro eo quod est in ea eminentius.

CONCLUSIO

CONCLUSIO.

Imago attenditur in Mente, Notitia, & Amore, non ut in potentiis, neque ut in habitibus: sed quantum ad substantiam animæ se noscentis, & amantis: & quantum ad habitus notitiæ, & amoris, qui sunt habitus connaturalis, & non acquisiti.

RESP. ad arg. Dicendum quod differt secundum quosdam assignatio hæc à præcedenti: quia prior fuit in potentiis, hæc est in habitibus. Et respondent objectionibus per distinctionem mentis. Mens enim secundum quadruplicem modum accipiendi diuersificatur. Dicitur enim vno modo à mense, quod est Luna, siue defectus, & sic dicitur de tota animæ substantia, propter transmutationes quas habet. Secundo modo dicitur à mentiēdo, & sic stat pro iudicatiua vi, vt sic accipit eam Damascenus ponens ipsam inter potentias cognitivas. Tertio modo dicitur ab eminendo, & sic stat pro superiori parte rationis, & sic accipit eam Augustinus frequenter. Quarto modo dicitur à meminisse, & sic stat pro memoria & quantum ad actum, & quantum ad habitum. Dicunt ergo quod in assignatione huius Trinitatis, mens stat pro habitu memoriæ: sed in adaptatione, cum dicitur: Mens nouit se, & diligit, stat pro potentia memorandi. Sed istud non videtur conuenienter dictum, quia adaptatio debet respondere assignationi: & præterea cum actus proprius mentis, vt stat pro memoria, sit meminisse, sibi deberet tangi: sed Augustinus in hac assignatione nunquam facit mentionem nisi de duobus actibus, scilicet nosse, & amare, qui non sunt memoriæ, sed aliarum potentiarum.

RESP. ergo quod Trinitas ista non est in potentiis: quia amor, & notitia, non dicuntur potentiæ. Nec in habitibus: quia mens nõ potest stare pro habitu, cum ipsa accipiat ut gens. Nec potest esse in potentiis, & habitibus: quia mens non potest stare pro vna potentia, cum assignetur ei actus duarum potentiarum: Non potest similiter stare pro pluribus potentiis: quia non esset Trinitas: restat ergo quod necesse est ponere, quod Trinitas ista attendatur quantum ad substantiam animæ, ratione mentis se noscentis, & amantis, & quantum ad habitus rationis notitiæ & amoris, & sic est Trinitas, cū substantia sit vna, & habitus sint duo. Differt ergo hæc assignatio à præcedenti quia præcedens fuit per vniuersitatem in potentiis, per cōparationem ad habitus, & ad actus: sed hæc est in substantia, & habitibus. Differt etiam in hoc, quia præcedens fuit per conuersionem animæ ad Deum, hæc est per conuersionem animæ supra se: & pluribus modis non attenditur imago in homine, vt supra dictum fuit. Differt etiam, quia præcedens assignatio imaginis magis est propria, & conueniens quam hæc. Nam proprie loquendo, imago consistit in vnitatem essentiæ, & Trinitate potentiarum, secundum quas anima nata est ab illa summa Trinitate sigillari imagine similitudinis, quæ consistit in tribus virtutibus theologicis. Vnde Augustinus hanc assignationem primo ponit inuestigando, vt per hanc deueniat ad illam in qua finit speculationem suam. Vnde hæc assignatio non est propria sicut alia. Vnde Magister secundo eam ponit tanquam non principalem.

I. AD illud ergo quod obiicitur quod habitus non sunt coeui, &c. Dicendum quod triplex est habitus. Quendam enim habitum habet animæ potentia ab acquisitione, quendam ab innata dispositione, tertium habet à sui ipsius origine. Hoc autem patet, quia habitus est quo potentia facilis est in actum, potentia atem his tribus modis est facilis, verbi gratia: Affectus noster habet facilitatem ad diligendum bonum alienum per acquisitam dispositionem, vt per virtutem: ad diligendum vero bonum suum per innatam dispositionem: & ad diligendum seipsum per sui naturalem originem. Cum enim sit sibi indistanter vnitus, semper est habilis ad se amandum. Similiter cum intellectus noster semper sit sibi præsens, semper est habilis sibi ad se cognoscendum,

& sic patet illud quod obiicitur de coeuitate, nam quo ad tales habitus est bene coeuitas.

2. AD illud quod obiicitur, quod tres dicuntur esse habitus secundum tres potentias; dicendum quod in hac trinitate non cadit, nec habet locum habitus memoriæ: quia attenditur in ipsa anima secundum quod conuertitur supra se: & ideo ipsa animæ substantia tenet locum memoriæ: & ipsa est presentia, & oblatio qua anima offert se semper suæ intelligentiæ, tenet locum habitus & actus memoriæ: & ita patet quod ibi cadunt tantum habitus duarum potentiarum, & ideo est ibi trinitas.

3. AD illud quod vltimo obiicitur de verbo Magistri; dicendum quod intelligitur non pro animæ substantia tota quod si aliter intelligatur, non habet veritatem verbum Magistri. Quod patet per Augustinum qui occasione huius imaginis quasi per totum decimum de Trinitate ostendit animam habere cognitionem sui innatam, quæ est agnitio suæ substantiæ: & propterea nihil vnum in anima & cognoscit & diligit, nisi substantia: ergo si mens staret pro vna potentia, non haberet illos duos actus, scilicet nosse & amare.

QVÆSTIO II.

An Mens, Notitia, & Amor habeant ordinem, equalitatem, & consubstantialitatem.

Egid. Rom. 1. Sent. dist. 3. p. 2. q. 2. art. 1.

QUÆRITUR de istis in comparatione ad inuicem, secundum triplicem comparationem quam ponit Augustinus videlicet ordinis, æqualitatis, & consubstantialitatis, & Magister recitat in Litera. Ordo autem inter hæc est quod mens est parens, notitia est proles, vltimus est amor ab vtroque procedens. Equalitas est etiam ibi. Quia mens se tantum nouit, quantum est: & tantum diligit, quantum se nouit. Est etiam ibi consubstantialitas. Vnde Augustinus 9. de Trinitate: Admonemur (si vtrumque videre possumus) substantialiter hæc in anima consistere, non tanquam in subiecto, vt color in corpore, aut vlla qualitas, aut quantitas. Quidquid enim tale est, non excedit substantiam in qua est. Mens autem amore quo se amat, potest amare etiam aliud, & ita vult quod amor sit consubstantialis menti.

1. SED obiicitur contra hoc: Primo videtur quod in his non sit ordo, vel origo. Aut enim accipiuntur pro habitibus innatis, aut acquisitis. Si pro innatis, nullus est ordo: quia simul sunt cum ipsa anima. Si pro acquisitis, sic amor præcedit notitiam: nullus enim acquirit vel studet aliquid addiscere, nisi amet scire. Vnde Augustinus in fi. noni de Trinitate: Partum mentis antecedit appetitus: quo ad id quod noscere volumus, quærendo & inueniendo, nascitur proles, quæ est ipsa notitia. Aut ergo non est ordo, aut non est talis ordo.

2. ITEM videtur quod non sit ibi æqualitas. Aut enim notitia, & amor accipiuntur per comparationem ad res inferiores, aut ad animam. Si ad res inferiores, manifestum est quod non est ibi æqualitas, multa enim nouimus, quæ non amamus. Si per comparationem ad animam, aut est æqualitas quantum ad intensionem, aut quantum ad extensionem. Quantum ad extensionem, non illud constat: quia vnum tantum est ibi: ergo quantum ad intensionem: sed quod hoc sit falsum videtur, quia cum sciamus animam minorem Deo, & maiorem corpore, contingit quandoque quod eam amamus magis quam Deum, & minus quam corpus: & ita quantitas amoris non sequitur quantitatem notitiæ.

3. ITEM quod non sit consubstantialitas videtur, quia amor & notitia sunt habitus, & qualitates: ergo videtur quod essentialiter differant ab ipsa mente.

4. ITEM ratio Augustini est, quod non sint in anima sicut accidentia, quia se extendunt extra: sed hoc nihil est. Accidentia enim se extendunt extra, vt calor calefaciendo, & color immutando visum. Præterea homo

Mens quot modis dicatur.

Damasc. 2. de fid. orth. c. 22. ante med.

Aug. de spiritu, & anima 11. 10. 3.

Aug. 9. de Trin. c. 2. 3. & seq. 10. 3.

Quæst. 2. huius dist.

Aug. 9. de Trin. c. 1. & seq. Aug. lib. 15. de Trin. c. 3. ad fin. 10. 3.

Aug. 10. de Trin. per totum.

Fundamenta.

Cap. 4. 10. 3.

Ad oppos.

Aug. 9. de Trin. cap. 12. in fin. 10. 3.

Aug. 9. de Trin. cap. 2. 10. 3.

cognoscit aliqua cognoscibilia scientia acquisita, quæ A
est accidens, & ita se extendunt extra.

CONCLUSIO.

Mens, Notitia, Amor habent ordinem, aequalitatem, & consubstantialitatem: nam connaturales habitus in comparatione ad actus, habent ordinem: & secundum quod sunt perfecti habitus, sunt æquales: consubstantialitas quoque apparet, cum anima supra se conuertitur.

Aug. 9. de
Trin. cap. 12.
in littera
Magist.

Aug. 9. de
Trin. c. 4.
m. 3.

RESPON. ad arg. Dicendum quod sicut Augustinus assignat, in his est ordo, æqualitas, & consubstantialitas. Ordo autem attenditur in his habitibus animæ connaturalibus in comparatione ad actus, sicut ponitur ordo in fide, & spe & charitate: licet simul infundantur, & sic patet quod obicitur in contrarium: quia non est ordo in ipsis habitibus absolute consideratis: sed per relationem ad actus. Similiter est ibi æqualitas secundum conuersionem animæ supra se, & prædictorum habituum perfectionem. Vnde dicit Aug. quod non est in his habitibus æqualitas, nisi secundum quod perfecti sunt.

1. 2. 3. Et sic patet solutio ad illud quod de amore obicitur: quia ille amor non est perfectus amor: sed libidinosus, & inordinatus. Vel dicendum quod æquales sunt secundum quod sunt connaturales. Quantum enim est quis habilis, vel facilis ad cognoscendum se, tantum ad se amandum. De habitibus vero acquisitis malis vel bonis, non est verum, & de his, non intelligitur. Similiter est ibi tertium, scilicet consubstantialitas: quia secundum quod dictum est supra, amor, & notitia animæ, connaturales sunt secundum quod supra se conuertitur, & sic nihil omnino addunt super ipsas potètiās. Per hoc enim quod anima sibi præfens est, habet notitiā: per hoc quod est vnus sibi, habet habitum amoris: & ideo sicut potentiæ sunt consubstantiales animæ, ut supra visum est, ita & huiusmodi habitus. Vnde & si videantur dicere modum habitus, vel qualitatis: realiter tamen nihil supra potètiās addunt, & sic patet responsio ad obiectum, quod non sunt qualitas isto modo.

4. AD Quod obicitur de ratione Augustini, dicendum quod illa ratio non concludit principaliter, quod amor, vel notitia sunt substantialiter in anima ex hoc: quia tunc pari ratione posset dici, & obiecti de omni amore: sed conclusit ex consequenti, quod patet sic: Cum enim amor extenditur extra suum subiectum alium amando, hoc est per virtutem substantiæ, sicut per se non est, sed per substantiam. Si ergo amor & notitia extenduntur per virtutem substantialem, & hæc sunt intelligentia, & voluntas, & amor quo anima amat se, est idem cum ipsa voluntate: sic notitia qua cognoscit, non est aliud quam intelligentia. Restat ergo quod amor & notitia respectu sui sunt ipsi menti substantiales.

QVÆSTIO III.

An Trinitas imaginis, Mentis scilicet Notitia, & Amoris ducant nos in cognitionem summa Trinitatis quantum ad personas.

*Agid. Rom. 1. Sent. dist. 3. 2. p. q. 2. art. 4.
Scotus & alij D. in q. 3. 1. p. huius dist. citati.*

dameta.

Vtrum hæc Trinitas imaginis, scilicet Mentis, Notitiæ, & Amoris, ducat necessario in cognitionem Trinitatis quantum ad personas. Et videtur quod sic: quia in hac Trinitate imaginis est relatio: sed in Deo non est relatio, nisi quo ad personas: ergo, &c.

ITEM in hac Trinitate est distinctio: quia notitia non est amor, &c. sed in Deo non est distinctio nisi personarum: ergo, &c.

ITEM in hac Trinitate est origo vnus ab vno, & tertij ab vtroque: ergo cum ista sint propria personarum, patet, &c.

ITEM in hac Trinitate tertio reperitur amor, qui est

A proprium Spiritus sancti, & qui est ad alterum: ergo videtur quod necessario ducat in Trinitatem personarum.

CONTRA: Hæc Trinitas intelligitur in creatura sine distinctione personali; ergo potest intelligi & in Deo: sed hoc est falsum: ergo, &c.

ITEM notitia, & amor sunt in qualibet personarum: sed per ea quæ sunt in omnibus, non venit in cognitionem distinctionis personalis: ergo, &c.

ITEM intellecto quod vna tantum esset persona, adhuc nosceret, & amaret se: ergo, &c.

ITEM Philosophi istam Trinitatem cognouerunt, & tamen non cognouerunt Trinitatem personarum: ergo hæc non ducit in illam.

CONCLUSIO.

Mens, Notitia, Amor, ducunt nos in cognitionem sanctissimæ Trinitatis (si secundum substantiam concipiuntur) per viam appropriationis: si autem trahantur ad Deum in ratione proprietatum, ordinis, originis, & distinctionis, ducunt in cognitionem Trinitatis (quoad propria) hominem fidelem.

RESP. ad arg. Dicendum quod per hanc Trinitatem contingit cognoscere Trinitatem in Deo & hoc est attribuendo ea, quæ in hac Trinitate sunt, illi summa Trinitati. Sed hoc potest esse dupliciter. Aut enim ista tria possunt Deo attribui secundum substantiam, ut per mentem, intelligamus mentem in Deo, & per notitiam in anima, notitiam in Deo, & sic de tertio, & sic non ducit in cognitionem Trinitatis; nisi quantum ad appropriata, & sic intellexerunt Philosophi. Possunt etiam ista trahi ad Deum ratione proprietatum, quæ sunt ordo, & origo, distinctio, & relatio, & sic ducunt in cognitionem Trinitatis quo ad propria: sed ista ponere, vel intelligere in Deo potest fides, & non ratio, & ita perfecta cognitio imaginis non habetur nisi à fide. Vnde bene concedendum est quod imago perfecte cognita, ut imago, ducta in cognitionem Trinitatis, non autem simpliciter. Et per hoc patet vtraque pars.

AD illud quod obicitur de amore; dicendum quod amor potest dicere complacentiam, & sic est commune: vel potest dicere connexionem, siue communionem, vel donum, & sic habet rationem personæ, &c.

D

DISTINCTIO IV.

Quod hæc Locutiones veræ sint: Deus genuit Deum: Et vnus Deus est tres Personæ.

Ic oritur quæstio satis necessaria. Cõstat enim, & irrefragabiliter verum est, quod Deus Pater genuit Filium. Ideo queritur vtrum concedendum sit quod Deus genuit Deum. Si enim Deus genuit Deum, videtur quod aut se Deum; aut alium Deum genuerit. Si vero alium Deum genuit, non est tantum vnus Deus. Si autem seipsum Deum genuit, aliqua res seipsam genuit. Ad quod respondentes dicimus, sanc Catholice concedi quod vnus vnus genuit, & quod Deus Deum genuit: quia Deus pater Deum filium genuit. In symbolo quoque scriptum est: Lumen de lumine, Deum verum de Deo vero. Quod vero additur, ergo genuit se Deum, vel alium Deum: neutrum concedendum esse dicimus. Quod alium Deum non genuit, manifestum est: quia vnus tantum Deus est. Quod autem seipsum non genuit, ostendit Aug. dicens: Qui putant eius potètiā esse Deum, ut seipsum ipse genuerit: eo plus errant, quod non solum Deus id non est: sed nec spiritualis, neque corporalis.

Aug.
Trin.
10m.

poralis

poralis creatura. Nulla enim res est qua seipsam gignat ut sit: & ideo non est credendum, vel dicendum quod Deus genuit se.

Alia Quæstio de eodem.

Sed adhuc opponunt garruli ratiocinatores dicentes: Si Deus pater genuit Deum, aut genuit Deum, qui est Deus pater, aut Deum, qui non est Deus pater. Si genuit Deum, qui non est Deus pater: ergo Deus est qui non est Deus pater, non ergo unus tantum Deus est. Si vero genuit Deum, qui est Deus pater: ergo genuit seipsum. Ad quod respondemus determinantes istam propositionem, quam sic proponunt: Si Deus pater genuit Deum, aut Deum qui est Deus pater, aut Deum qui non est Deus pater. Hoc enim sane, & prave intelligi potest: & ideo respondendum est ita: Deus pater genuit Deum: qui est ipse pater. Hoc dicimus esse falsum, & concedimus alterum, scilicet genuit Deum, qui non est pater: nec tamen genuit alterum Deum: nec ille qui genitus est, est alius Deus, quam Pater, sed unus Deus cum Patre. Si vero additur: Genuit Deum, qui non est Deus Pater: hic distinguimus, quia dupliciter potest intelligi: Genuit Deum, qui non est Deus Pater: scilicet Deum filium qui filius non est pater, qui Deus est: hic sensus verus est. Si vero intelligatur sic: Genuit Deum, qui non est Deus pater, id est, qui non est Deus qui pater est, hic sensus falsus est. Unus enim & idem Deus, est Pater, & Filius, & Spiritus sanctus: & econverso, Pater, & Filius, & Spiritus sanctus unus est Deus.

Opinio quorundam dicentium tres personas esse vnum Deum, vnam substantiam: sed non econverso, scilicet vnum Deum, vel vnam substantiam esse tres personas.

Quidam tamen veritatis aduersarij concedunt Patrem, & Filium, & Spiritum sanctum, siue tres personas, esse vnum Deum, vnam substantiam, sed tamen nolunt concedere, vnum Deum siue vnam substantiam esse tres personas, dicentes diuinam substantiam predicari de tribus personis, non tres personas de substantia diuina. Fides autem Catholica tenet ac predicat, & tres personas esse vnum Deum, & vnam substantiam siue essentiam, siue naturam diuinam, & vnum Deum siue essentiam diuinam esse tres personas. unde Aug. in 1. lib. de Trin. ita ait: Recte ipse Deus Trinitas intelligitur, beatus, & solus potēs. Ecce quam expresse dixit: Ipse Deus Trinitas: ut ostenderet & ipsum Deum esse Trinitatem, & Trinitatem ipsum Deum. Item in eodem: In verbis, inquit, illis Apostoli quibus de aduentu Christi agens, dicit: Quem ostendet beatus, & solus potens, Rex regum, & Dominus dominantium, qui solus habet immortalitatem, &c. Nec pater proprie nominatus est, nec Filius, nec Spiritus sanctus: sed beatus & solus potens, id est, unus & solus. Deus verus qui est ipsa Trinitas. Ecce & hic aperte dicit vnum solū verū Deum esse ipsam Trinitatē, & si unus Deus Trinitas est: ergo unus Deus est tres persona. Item in lib. 5. de Trin. Non tres Deos: sed vnum Deū dicimus esse ipsam præstantissimam Trinitatem: Item in libro qui dicitur Enchyridion ad Laurentiū c. 9. Satis est Christiano rerū creatarum causam visibilibus, siue inuisibilibus, nisi bonitatem credere Creatoris, qui est Deus verus & unus: nullamq; esse naturam, quæ non aut ipse sit, aut ab ipso eumq; esse Trinitatem, Patrem scilicet & Filium, & Spiritum sanctum. Item August. in sermone de fide: Credimus vnum Deum, vnam esse diuini nominis Trinitatem. Item in 6. lib. de Trin. Dicimus Deum solum esse ipsam Trinitatē: Ecce & his, & aliis pluribus au-

Autoritatibus euidenter ostenditur, dicendum esse credendum, quod unus Deus est Trinitas: & una substantia tres persona: sicut econverso Trinitas dicitur esse unus Deus, & tres persona dicuntur esse una substantia.

Redit ad præmissam quæstionem, scilicet an Deus Pater se Deum, an alium Deum genuerit.

Nunc ad præmissam quæstionem reuertamur: ubi quærebatur an Deus pater generit se Deum, an alium Deum. Ad quod dicimus, neutrum fore concedendum. Dicit tamen August. in Epistola ad Maximum, quod Deus pater se alterum genuit, his verbis: Pater ut haberet Filiū de seipso, nō minuit seipsum: sed ita genuit de se alterū se, ut totus maneret, in se, & esset in Filio tantus, quātus & solus. Quod ita intelligi potest, id est, de se alterū se genuit: non utique alterū Deum: se alteram personā, vel genuit se alterū id est, genuit alterum, qui hoc est, quod ipse. Nam & si alius sit Pater quā Filius, non est tamē aliud quam Filius, sed vnum.

Epist. 66.
Maximo
medico 10. r.

DISTINCTIO IV.

De Comparatione generationis ad terminum essentialem concretum, qualis est hoc nomen, Deus.

Hic oritur quæstio satis necessaria:

Expositio Textus.

IN præcedenti distinctione probauit Magister Trinitatem, & Vnitatem per similitudines congruas, & rationes. In præsentī distinctione ponitur secunda pars, in qua soluit incidētes dubitationes. Et incidit dubitatio ex hoc quod in diuinis est Trinitas, & Vnitas, & ita aliquid distinguens, & distinctū, aliquid indistinctū, ut termini substantiales. Incidit ergo dubitatio ex comparatione proprietatis distinguētis, ad terminū substantiālē. Habet autem hæc pars duas. In prima mouet dubitationem ex comparatione proprietatis distinguētis ad substantiam, vel essentiam. In secunda ad eius potentiam: infra distinct. 6. Præterea queri solet. **I**tem prima pars habet duas: quia substantia potest significari in concretionē, ut per hoc nomen Deus, vel in abstractionē, ut per hoc nomen essentia. Primo ergo mouet quæstionem ex comparatione generationis ad hoc nomen Deus, Secundo ad hoc nomen essentia: infra distinct. 5. Post hac quaritur utrum concedendum sit, &c. Hæc autem distinctio habet quatuor particulas, & hoc secundum quatuor quæ ibi tanguntur. In primo supposito quod hæc sit vera: Deus genuit Deum, quaritur de hac. Genuit se vel alium: quam soluit interimendo. In secunda quaritur de hac, Genuit Deū qui est Deus pater, vel qui non est Deus pater, & ad hoc soluit distinguendo ex parte prædicati, & hoc, ibi: Sed adhuc opponunt. In tertia quaritur de hac, Deus est Trinitas, & probat multis auctoritatibus quod est vera, & hoc occasione prædictorum, ibi: Quidam tamen veritatis aduersarij. In quarta ad suum propositum redit, scilicet ad primo quæsitum, addens primæ solutioni, quod quamvis non sit concedendum, Genuit se, vel alium diuini, tamen potest concedi couiunctum, ibi: Nunc ad præmissam quæstionem.

Diuisio:

Deum de Deo, lumen de lumine. Dub. I.

Quæritur quia cum præpositio, de, noter transitionem, & ita diuersitatem, & ita distinctionem, videtur quod pari ratione & ab æquipollenti, istæ sunt veræ, Deus est alius à Deo, Deus distinguitur à Deo.

Resp. Dicendum quod dupliciter est importare distinctionem, siue diuersitatem, scilicet vel ut modum, vel ut rem, vel ut exercitiam, vel ut conceptam, quoniam ergo præpositiones important distinctionem ut exercitiam,

Cap. 6.

1. Tim. 6. e
Aug. lib. 1.
de Trin. c. 6.

Cap. 6.

Serm. 129.
tom. 10.

Cap. 7.

& distinctio est in diuinis quantum ad supposita, facit terminum stare pro diueris suppositis : quoniam ergo circa id ponit modum, circa quod exercet distinctionem, & tales sunt personæ, ideo est vera locutio. Quia vero hoc nomen, aliis, importat distinctionem vt conceptam, similiter hoc verbum, distinguere: ideo simpliciter ponit distinctionem circa terminum ratione suæ formæ, ideo sunt falsæ.

Quod vero additur: Ergo genuit se Deum, &c. Dub. II.

De hac responsione Magistri queritur quod cum Magister soluit interimendo conclusionem, videtur non recte soluere. Cum enim idem, & diuersum sufficienter diuidant ens, videtur necessario sequi, Genuit Deum: ergo se, vel alium.

RESP. Dicendum quod Magister sustinendo primam & interimendo conclusionem, innuit conclusionem non sequi ex præmissis : & quod non sequatur, ostendit ferendo instantiam contra illud disunctum.

Ad illud vero quod obiicitur, quod idem & diuersum sufficienter diuidunt ens; dicendum quod simpliciter loquendo falsum est. Nam pars nec est eadem toti omnino, nec simpliciter diuersa. Habet tamen veritatem secundum idem. Vnde si non est idem alij, est diuersum, verum est secundum illud, secundum quod non est idem: filius autem non est idem Patri in persona, & ideo in persona alius: nec tamen sequitur alius Deus, quia significatur alietas in essentia.

Deus Pater, &c. Dub. III.

Queritur de hac distinctione quam ponit Magister de hoc prædicato, *Deus pater*, quod potest esse constructio appositiva immediata, vel mediata. Primo enim videtur quod ista distinctio non sit intelligibilis, quoniam quæ ex eadem parte intransitive construuntur, videntur solū immediate cōstrui. Item videtur quod non soluat, quia recta solutio est, cuius dantem oppositum non conuenit soluere : sed ista distinctione remota, adhuc manet sophisma, si loco eius quod est, *Deus Pater*, solum Pater ponatur: ergo, &c.

RESP. Dicendum quod distinctio Magistri bona est, & secundum artem. Nam sicut vult Priscianus, inter adiectiuum & substantiuū intelligitur media copula, ens, vel quod est ens : quoniam hoc quod est ens, siue quod est Pater, potest teneri implicatiue, & sic restringitur, & tenet locum appositivæ constructionis, & æquiualeat vni termino : ideo dicitur quod potest teneri: siue constructui immediate, & sic Deus Pater, non est aliud quam ipse pater. Vel ipsum relatiuum potest intelligi relatiue, & ita in quadam distantia, & tunc non restringitur, & sensus est, *Deus pater*, id est, Deus qui est pater. Quod tantum valet, est Deus, & ille est Pater. Hæc autem solutio Magistri soluit quoddam sophisma quantum ad vnam deceptionem, & ideo est bona. Sed rursus cadit ibi alia deceptio de relatiuo, & ideo adhuc oportet soluere non ad illam deceptionem, sed ad aliam: ideo Præpositiuus soluit hoc argumentum hoc modo: ergo Deum qui est pater, vel qui non est pater, & dicit quod non sequitur, & quod non sunt contradictoriæ, quia suppositio huius relatiui non est eadem. In affirmatiua enim E supponit pro Deo genito, quia non confunditur. In negatiua vero simpliciter. Vnde sicut hæc non contradicunt, sed ambæ sunt falsæ : Nullus homo est Petrus, Ioannes est Petrus, ita dicit in proposito, quia negatio confundit. Vnde istæ duæ, ambæ sunt falsæ : Deus filius est pater, Deus non est pater. Sed licet solutio Præpositiuus locum habeat in proposito, quia non differt præponere & postponere negationem huic termino, Deus, tamen in aliis non habet locum. Negatio enim postposita relatiuo ipsum non confundit. Et ideo moderni aliter solvunt, distinguendo hoc relatiuum, qui, quod potest facere relationem simplicem, vel personalem. Si simplicem, affirmatiua vera est, negatiua falsa. Si personalem, e conuerso, negatiua vera, affirmatiua falsa. Quod patet, quia

quia hæc est falsa: Persona filij est pater, & hæc est vera: Persona filij non est pater.

Vnus enim, & idem Deus est Pater, & Filius, & Spiritus sanctus. Dub. IV.

CONTRA: Quæcumque prædicantur de vno, & eodem, prædicantur de se inuicem : ergo si vnus Deus est pater, & filius: ergo pater est filius. Si tu dicas, quod verum est quando prædicantur de vno singulari : sed non est verum, quando prædicantur de vno communi. Contra: Nihil subiicitur duobus in vna suppositione, quamvis sit commune ad illa. Vnde hæc est falsa: Homo est Sortes & Plato: ergo similiter in proposito.

RESP. Dicendum quod sicut patet de suppositione huius nominis, Deus, secus est quam de suppositione alicuius alterius termini : quia cum habet naturam termini communis, & discreti: ideo simul stat pro pluribus, sicut pro vno: & ideo non sequitur: Deus est pater, & filius: ergo Deus pater est filius : vel e conuerso. Similiter nec licet inferre ex hoc quod pater sit filius. Et notandum, quod talis prædicatio est per identitatem: ideo suppositum de termino formali vere prædicatur.

Vnum solum verum Deum esse ipsam Trinitatem. Dub. V.

Videtur esse contra id quod dicit inferius, scil. quod Trinitas est nomen collectiuum : vnus, & solus nomen partituum, & discretiuum: ergo sicut hæc est falsa, vnus solus homo est omnis homo, ita & hæc.

RESP. Dicendum quod hoc nomen, Trinitas, est collectiuum personarum, vnus autem, & solus, addita huic termino, Deus, non dicunt discretionem personæ, sed naturæ ab aliis. Vnde vnus solus Deus dicitur vna sola natura, & quoniam in diuinis est idem natura, & res naturæ, siue suppositum : ideo prædicatione per identitatem, Trinitas de eo prædicatur. Nec est simile de hoc quod est omnis homo, & vnus solus homo. Nam iste terminus homo, est terminus qui potest confundi, & multiplicari, & ideo hæc est vera: omnis homo est homo: nec stat simul pro pluribus, nisi confundatur, & ideo hæc est falsa, homo est omnis homo : quia nec ratione supponendi est vera : nec per identitatem : nec est idem in homine natura, & res naturæ.

Satis est Christiano rerum creaturarum causam, &c. Dub. VI.

Videtur dicere falsum. Quoniam, aut dicit satis quantum ad fidem, & sic est falsum, quia multa alia oportet credere. Aut satis quantum ad scientiam : & illud similiter est falsum, quia nunquam scitur ex hoc causa rei sufficienter.

RESP. Dicendum quod intelligitur satis quantum ad scientiam, non quamlibet : sed necessariam ad salutem.

Deus Pater se alterum genuit. Dub. VII.

Videtur male iungere illa duo, quia, *se*, dicit omnimodam identitatem, & *alterum*, diuersitatem, & sic sunt opposita, & illa opposita implicantur. Si dicas quod vnum diminuit de altero, quero quid, & de quo.

RESP. Dicendum quod oppositio directa intelligitur semper circa idem : quoniam ergo in diuinis simul est identitas in natura, & alietas in supposito, & hoc sine oppositione, ideo nomen identitatis, & alietatis in sermone vno, vniuntur sine oppositione ad singularis modi expressionem.

Pater ut haberet filium de seipso, non minuit seipsum. Dub. VIII.

Videtur dicere falsum, quia illud argumentum valet: Quicumque sic generat vnum filium, vt non possit amplius generare, minuitur eius potentia : sed sic est in Patre: ergo.

RESP. Quod illud verum est, si generare alterum sit potentia, sed quod vno genito alterum possit genera-

re, dicit imperfectionem potentiz in generando, quia ex hoc ostenditur quod non totum dedit vni.

De se alterum se genuit, non utique alterum Deum, sed alteram personam. Dub. IX.

Quæritur vtrum dicatur magis proprie alterum, vel alium: videtur quod alterum, quia maiorem dicit diuersitatem, quia Sortes dicitur alter à se: sed in diuinis minima est diuersitas. Sed contra: Differentiæ accidentales faciunt dici alterum: sed in diuinis nullum est accidens, ergo non debet dici alterum.

ITEM videtur quod neutrum bene dicatur. Si enim differentiæ substantiales faciunt dici aliud, & accidentales alterum, cum neutrum cadat in diuinis, neutrum videtur esse dicendum.

RESP. Dicendum, quod quia pater differt à filio & in supposito, & in proprietate: ideo potest dici alius, & potest dici alter. Sed quoniam proprietas illa non accedit personæ: ideo magis proprie dicitur alius. Et quia, *alius*, respicit suppositum, aliud essentiam: ideo recipitur ibi *alius* in masculino, non tamen *aliud* in neutro.

ARTICVLVS I.

AD intelligentiam eorum quæ tangit Magister in præsentī distinctione quatuor quæruntur. Primo vtrum hæc locutio sit concedenda in diuinis: Deus genuit Deum. Secundo vtrum vnitas essentiz admittat hanc locutionem: Deus genuit alium Deum, vel Deus alius à Deo. Tercio quæritur de significatione huius nominis, *Dij*, vtrum videlicet grammaticæ possimus dicere plures Deos. Quarto & vltimo quæritur de suppositione illius nominis, Deus: vtrum supponat pro persona, vel pro essentia.

QVÆSTIO I.

An Deus genuerit Deum.

Alexander Alexsis 1. p. q. 50. Membr. 3. art. 2.

Richardus 1. Sent. dist. 3. q. 1.

Gab. Biel. dist. 4. q. 1.

QVOD hæc locutio: Deus genuit Deum, sit concedenda, videtur per hoc quod dicitur in symbolo: Deum de Deo: sed hoc non est, nisi per gignitionem: ergo Deus generatur de Deo: ergo illa locutio est concedenda: Deus genuit Deum.

ITEM generatio est respectu similis in natura. Vnde homo generat hominem, vnde si in diuinis est generatio, producitur similis in natura: ergo cum pater sit Deus, non generat nisi Deum: ergo hæc est vera: Deus generat Deum.

ITEM qui habet filius, aut habet à se, aut ab alio. Sed habet deitatem, & non à se, quia sic esset ingenuitus: ergo habet ab alio: sed non habet nisi per generationem, & non habet deitatem nisi ab habente deitatem: & habens deitatem est Deus: ergo, &c.

1. CONTRA: Hoc nomen, Deus, significat essentiam, siue substantiam: cum sit terminus substantialis: sed hæc non conceditur, immo est falsa: Essentia generat essentiam: ergo similiter & ista: Deus genuit Deum.

2. ITEM hoc nomen, Deus, aut supponit pro omni persona aut determinate pro aliqua. Si determinate pro aliqua: ergo restringitur eius significatio ab aliquo. Nec est dare quod ab alio, nisi ab hoc verbo genuit, vel generat. Sed regula est, quod terminus positus in prædicato, non restringit terminum à parte subiecti ratione significationis: ergo stat pro omni persona. Non ergo videtur locutio vera secundum quod accipitur pro persona Filij: ergo, &c.

3. ITEM iste terminus, Deus, quantum est de se, æque bene supponit pro filio, sicut pro patre: ergo cum filij sit non generare, sicut & patris est generare, si hæc est vera: Deus generat, pro patre: eadem ratione, & hæc: Deus non generat pro filio: si ergo hæc non conceditur, nec prima.

4. ITEM contradictorie opposita sunt vera de quolibet sub disiunctione. Quia de quolibet vera est affirmatio, vel negatio: ergo si Deus genuit Deum, aut Deum qui est Pater, aut Deum qui non est Pater. Sed quod implicatur contingit simpliciter inferri, vt si dicatur homo, qui non currit, disputat: ergo homo non currit ergo similiter si genuit Deum, qui non est Pater: Deus non est Pater: sed si non est Pater, non generat: ergo, &c.

CONCLUSIO.

Dicere, Deum genuisse Deum, est sententia, & loquutio catholica.

RESPON. ad arg. Dicendum quod prædicta locutio, salua essentiz vnitate, recipitur tam à Magistris, quam à Sanctis. Ad cuius intelligentiam quatuor regulæ sunt notandæ. Prima est, quod nomen abstractum imponitur formæ, & à forma, vt albedo imponitur ipsi albedini & à forma albedinis. Nomen vero concretum imponitur à forma, sed non formæ, sed supposito: vt album imponitur à forma albedinis, sed non formæ, sed supposito, vt alicui rei albæ, homini vel cygne. Secunda regula est, quod terminus habens multitudinem suppositorum, sine distributione acceptus, stat pro illo, pro quo reddit locutionem veram, vt cum dicitur, homo currit, vera est locutio pro currente, si aliquis sit currentes. Tertia regula est quod terminus habenti formam non multiplicabilem, non differt præponere, & postponere negationem. Vnde non differt dicere: *l'ernus* non currit, & non Petrus currit. Quarta regula est ista, quo relatiuum refert antecedens sub eodem modo supponendi, sub quo antecedens præcessit ipsum relatiuum, nisi faciat relationem simplicem.

1. Ex prima regula patet responsio ad primum. Cum enim iste terminus, *Deus*, sit concretus, & imponatur à forma essentiali, scilicet deitate, tamen imponitur personæ, siue supposito, sicut album imponitur ab albedine rei albæ: & ideo supponit & reddit locutionem veram pro persona, non pro forma. Hoc autem nomen *Essentia*, vel *Deitas* est abstractum, & ideo imponitur formæ, & à forma sicut albedo: & ideo essentiam significat, & supponit: & ideo hæc est falsa: essentia generat essentiam, quia generatio non est formæ, sed suppositi: sed hæc est vera, Deus genuit Deum, pro persona.

2. Ex secunda regula patet responsio ad secundum. Quamvis enim significatio termini non ardeatur: tamen pro illo stat, pro quo est locutio vera: vt homo currit, pro Petro vel Ioanne: si pro illo, est locutio vera: nec tamen ad illum restringitur, & hoc patet: quia, si addatur distributio, confundet illum terminum pro omnibus: sed si esset restrictus, non confunderet nisi pro illis ad quos se extenderet restrictio. Vnde aliud est terminum restringi ad vnum, aliud est reddere locutionem veram pro vno.

3. Ex tertia regula patet responsio ad tertium. Licet enim hæc sit vera pro patre: Deus generat Deum: tamen hæc: Deus non generat Deum: non est vera pro filio. Cum enim iste terminus, *Deus*, dicat formam non multiplicabilem, non differt ei præponere negationem, & postponere: ideo cum negatio præposita totaliter, & omnino à subiecto remoueat prædicatum, sic & negatio postposita remouet totaliter prædicatum ab hoc termino, *Deus*, cum dicitur: Deus non generat, quia remouet à quolibet supposito: & ideo alium modum habet supponendi in affirmatiua, quam in negatiua: quia in affirmatiua erat locutio vera pro Patre: in negatiua vero non potest esse veritas, quia negatio remouet totaliter prædicatum illud.

4. Ex quarta regula patet quartum. Cum enim relatiuum omnino habeat, suppositionem antecedentis, & iste terminus in prædicato supponat pro Deo genito, relatiuum refert pro illo, & ista sensus est: Deus genuit Deum, qui De^o genitus est Pater, vel non est Pater: & hæc est vera pro negatiua: nec licet inferre: ergo Deus non est

1. Pet. c. 4.

Regulæ quatuor.

Exemplum vide sup. 3. dub. infin.

A&iones suppositorum.

1. Metaph. c. 1.

Plus destruit negatio, quam ponat affirmatio.

Pater : quia mutatur suppositio : imo est ibi figura di-

ctionis.

Q V Æ S T I O II.

An Deus genuerit alium Deum.

Alexander Alensis 1. p. q. 50. Membro 3. art. 1.

Scotus 1. Sent. dist. 4. q. 1.

Henricus in sum. art. 54. q. 3.

Egid. Rom. 1. Sent. dist. 4. p. 2. q. 1.

Richardus 1. Sent. d. 4. q. 2.

Thom. Arg. 1. Sent. dist. 4. q. 1. art. 4.

Greg. Arimin. 1. Sent. dist. 4. q. 1.

Alphonfus Tolet. 2. Sent. dist. 4. q. 1.

Vtrum Vnitatis essentiae admittat hanc: Deus generat alium Deum: & quod non, videtur. Anselmus enim in Prosol. Cum dicimus Deum de Deo: non intelligimus alium Deum: sed eundem de seipso.

ITEM si genuit alium Deum: sed ubi est vnus, & alius ibi sunt duo: ergo si genuit alium, sunt duo Dij.

ITEM alius dicit alietatem in generali: ergo cum generale specificetur per adiunctum: hoc nomen, Deus, specificat ipsum: sed si specificat, specificat ratione formae: ergo notatur alietas in forma: ergo non est admittenda talis locutio, cum non sit ibi alietas in forma.

SED contra: Generatio importat distinctionem, & distinctio alietatem aliquam: ergo & generatio: ergo si hæc est vera: Deus genuit Deum, & hæc per consequens: Deus distinguitur à Deo: vel genuit alium Deum.

SI dicas, quod non sequatur: quia generare importat distinctionem, ut modum: sed distingui, vel esse alium, & rem.

CONTRA: Ad consequentiam ut modum sequitur consecutio, ut res: vnde si hæc est vera, si homo est animal est: etiam ad hominem sequitur animal; & præterea constat quod distinctio generationis non tantum est à parte intelligentis, verum etiam à parte rei: ergo illi distinctioni, ut exercitæ, respondet distinctio realis.

2. ITEM affirmatiua est falsa: Deus genitus est Deus generans: ergo negatiua est vera: Deus genitus non est Deus generans. Sed sicut affirmatiua significat identitatem: ita negatiua diuersitatem: ergo sicut Deum generantem, & genitum contingit adinuicem comparari mediante negatione ita mediante alietate: ergo hæc est vera: Deus genuit alium Deum.

3. ITEM Pater siue Deus genuit alium, hæc est vera: constat ergo aut alium Deum, aut alium non Deum: sed non alium non Deum: ergo, &c.

4. ITEM alius est terminus masculini generis, qui stat pro persona in partitivis terminis: ergo alius dicit alietatem personalem: sed hæc est vera: Deus genuit Deum alium in persona: ergo similiter hæc est vera: Deus genuit alium Deum.

C O N C L V S I O.

Artificialiter loquendo, non est admittenda hæc Sententia: Deus genuit alium Deum.

1. RESP. ad arg. Dicendum quod hæc consuevit distinguere. Deus genuit alium Deum. Quia, alius potest teneri adiectiue, & sic ponit alietatem circa formam istius termini, Deus: & sic locutio est falsa. Potest etiam teneri substantiue, ut substantiuetur, & tunc est appositiva constructio, sicut animal homo, & est sensus: hoc modo Deus genuit alium Deum, id est, genuit alium, qui est Deus: & in hoc sensu est locutio vera. Sed licet ista distinctio in locutionibus theologicis propter quandam proprium modum loquendi locum habeat, tamen quantum esset de virtute sermonis non esset distinguenda: quia adiectiuum adiunctum substantiuo, ut homo albus, non dicitur substantiuari, nec appositiva constructio dicitur ibi esse, maxime cum illa sit minus communis, respectu magis communis. Vnde cum hoc nomen, alius,

fit adiectiuum habens substantiuum coniunctum, in prædicta locutione ponit alietatem circa ipsum ratione suppositi, & formæ. Et propterea si velimus artificialiter procedere, iudicanda est talis locutio falsa. Propter hoc ad intelligentiam dictæ locutionis, notanda est regula communis. Non habet locum omnimoda distinctio, ubi non est ex diuersis causis vnio, verbi gratia, Pater, & Filius, & Spiritus sanctus, vniuntur in hoc nomine, Deus, non ex diuersis causis, siue ratione diuersorum: sed ratione vnus deitatis, siue essentiae. Vnio ex diuersis causis est: ut in homine vniuntur Petrus, & Ioannes ratione diuersarum humanitatum, quia alia est humanitas Petri, & alia Ioannis. Et iuxta hanc regulam ab opposito est alia regula accipienda. Non habet locum omnimoda vnio, ubi est simul cum vnione distinctio, ut Pater, & Filius & Spiritus sanctus vniuntur in vna deitate, siue essentia: sed distinctionem habent ratione pluralitatis personarum. Secundum hoc est attendendum, quod in diuinis quædam vocabula important distinctionem solum, quædam omnimodam vnionem, quædam medio modo. Quoniam ergo Deus generans, & Deus genitus, & si sint personaliter distincti, tamen in deitate vniuntur ex eadem causa, quia vna deitate: ideo non recipiunt nomina importantia simpliciter distinctionem. Ideo hæc non admittitur, Deus distinguitur à Deo: similiter Deus genuit alium Deum. Item ratione distinctionis non recipiuntur vocabula omnimodam importantia vnionem in supposito & forma: vnde hæc non recipitur: Deus genuit se: sed illa quæ medio modo se habent, recipiuntur, quale est hoc verbum, generat, quia dicit distinctionem in persona cum vnitatem essentiae. Similiter hæc conceditur: Pater generat alterum se. Vnde Augustinus ad Maxim. Pater genuit alterum se: Et similiter super Ioannem: Pater mittens Filium, misit alterum se, & ex hoc est, quod non sequitur ad generationem, verbum simpliciter importans distinctionem, & sic patet primum.

2. AD illud quod secundo obiicitur de negatione, bene concedo quod est alietas: sed tamen non sequitur quod possit dici alietas in essentia, siue forma deitatis. Vnde non sequitur: Genitus est alius à generante: ergo alius Deus, quia mutatur suppositio huius termini, Deus.

3. AD illud quod obiicitur tertio, aut alium Deum, aut alium non Deum, dico quod non sufficienter distindit, quia non est contradictio, nisi accipiamur negatio respectu totius. In hac enim: Genuit alium Deum, duo dicuntur, scilicet quod Deus Deum, & quod alium in deitate: & ideo ad hoc quod sumatur contradictio, necesse est quod feratur supra totum. Vnde sicut non valet, demonstrato monacho nigro, qui est albus per naturam, iste aut est albus monachus, aut albus non monachus, quia vtraque falsa: similiter intelligendum est in proposito. Nec valet: Est Deus, & est alius: ergo est Deus alius, imo est ibi accidens: Sicut: Hic est bonus, & est citharædus: ergo est bonus citharædus.

4. AD illud quod ultimo obiicitur, dicendum quod alius quamvis sit masculini generis: tamen quia ponitur circa subiectum, ab illo trahit suppositionem: & ideo non tenetur personaliter, nisi secundum quod substantiatur. Sicut ergo cum dicitur, vnus Deus, hoc nomen, vnus, dicit vnitatem substantialem, ita si dicatur alius Deus, alius, dicit alietatem substantialem: & ratio huius venit, non tantum quia adiectiuum: sed quia generale, quod specificatur per adiunctum.

Q V Æ S T I O III.

An nomen, Deus, congrue pluraliter inflectatur.

Alexander Alensis 1. p. q. 66. Membro 2. art. 1.

S. Thomas 1. p. q. 13. art. 9.

Scotus 1. Sent. dist. 4. q. 2.

Richardus 1. Sent. d. 4. q. 3.

Gab. Biel. dist. 4. q. 2.

Vtrum hoc nomen, Deus, Grammaticè significet pluralem numerum, siue an congrue possit dici, plures

Arist. 1. de
Interp. c. 1.

Dij. Quod sic, videtur. Quia secundum Philosophum, intellectus sunt idem apud omnes, quamvis voces sint diversæ, sed modi significandi consequuntur modos intelligendi: ergo cum apud Hebræos cōgrue dicatur *Heloim*, quod æquipollet ei quod est, *Dij*: ergo & apud nos.

Arist. de In-
terp. c. de
Nom.

2. *ITEM* sicut vult Philosophus, Verum præsupponit congruum, unde Catonis est, vel non est, nec verum nec falsum significat: sed hæc vera est: Non sunt plures *Dij*: ergo congrua: ergo & hæc congrua: Plures sunt *Dij*: quia negatio non remouet incongruitatem.

3. *ITEM* sicut Deus conuenit vni soli: ita principium creaturarum vni soli: sed quamvis falso dicantur plura principia tamen dicuntur congrue: ergo pari ratione possumus dicere: Plures *Dij*.

4. *ITEM* hoc nomen, *Phoenix*, non habet nisi vnicum suppositum: tamen congrue dicitur: Plures *Phoenixes*. Si tu dicas, quod suppositum plurificatur per successionem temporis, obijcio tibi de hoc nomine *Sol*, quod nullo tempore plurificatur, & tamen congrue dicitur: Plures soles: ergo & Plures *Dij*.

Fundamēta.

CONTRA: Omne nomen quod habet plurale nomen est appellatiuum, propria enim nomina non plurificantur. Non enim dicitur, plures Petri, vel Ioannes: sed hoc nomen Deus, non est nomen appellatiuum: quia non significat formam multiplicabilem: ergo, &c.

ITEM hoc nomen Deus, est proprium diuinæ naturæ: sed nullum tale multiplicabitur: ergo, &c.

CONCLUSIO.

Dei nomen secundum artem loquendo, non habet plurale: nec possumus dicere plures Deos.

1. Cor. 8.

Ad prædictorum intelligentiam est notandum quod hoc nomen, Deus, dicitur tripliciter, scilicet nuncupatiue, adoptiue, naturaliter. Primis duobus modis plurificatur. Vnde Apostolus: Si quidem sunt *Dij* multi, & Domini multi: sed tertio modo non, quia sic hoc nomen, Deus, significat diuinam naturam, cum conditionibus, quantum collectiones impossibile est in alio reperire: & ideo sicut nomen proprium non habet plurale secundum artem loquendi, sic nec nomen Dei.

Heloim
apud Hebr.
concordat
plurali, &
singulari.

1. Ad illud ergo quod obijcitur, quod apud Hebræos habet plurale quod est *heloim*; dicendum quod modi significandi non tantum requirunt diuersos modos intelligendi generales, sed etiam modos exprimendi: quoniam ergo ipsi habent articulos, & modos exprimendi diuersos, quos nos non habemus: ideo illi possunt dicere: sed nos non.

2. Ad illud quod obijcitur, quod verum præsupponit congruum; dicendum quod duplex est incongruitas, vna est ex discohærentia adiacentium vt Catonis est: alia ex discohærentia intellectuum, vt cum dicitur, plures Petri. Prima incongruitas tollit veritatem, & falsitatem. Secunda vero incongruitas habet falsitatem cōiunctam, & ideo quia per negationem remouetur falsitas, & sancti malunt loqui vere quam proprietatem sermonis seruare, & loqui minus vere: ideo negant plures Deos. Potest tamen dici quod quavis hæc vox, *Dij*, nō sit vox significatiua secundum artem, & impositionem, tamen est vox significatiua ex accommodatione vsus, vt olli pro illi; & ideo generat falsum intellectum affirmatiua: & negatiua, verum, quamvis non grammaticè.

Antithesis.

3. 4. Ad illud quod obijcitur, quod principium vni soli conuenit, similiter & *phœnix*; dicendum quod conuenire vni soli est tripliciter. Aut enim est, quia imponitur nomen à forma immultiplicabili, vt in propriis nominibus, & sic tollit pluralitatem re, & consignificatione. Aut imponitur à forma quæ nata est communicari, quamvis non communicetur propter determinationem, vt dicitur principium creaturarum. Aut propter defectum materiæ, vt *phœnix*, & tale tollit pluralitatem

A secundum rem, non secundum consignificationem: quia potest consignificari talis forma, vt potest multiplicari per supposita.

QVÆSTIO IV.

An hoc nomen, Deus, pro persona supponat, vel pro natura.

Alexander Alensis 1. p. q. 59. Membr. 3. art. 1. & 2.

S. Thom. 1. p. q. 39. art. 4.

Petrus de Tarantaf. 1. Sent. dist. 4. q. 6.

DE suppositione huius nominis, Deus. Et quaeritur vtrum hoc nomen, Deus, de se supponat personam, vel naturam. Quod personam, videtur per illud Ambrosij: Benedicat nos Deus, Deus noster: benedicat nos Deus, Ambrosius. Trina Dei professio Trinitatem indicat personarum: ergo cum Deus sit tibi sine adiuncto, de se supponit personam.

Ad oppos.

Ambr. in
Psalm. 66.
som. 2.

ITEM ratione obijcitur sic: Hoc nomen, homo, supponit pro omni eo, cui inest humanitas, ergo à simili & hoc nomen, Deus, supponit pro omni eo, cui inest Deitas: sed hoc est persona: ergo, &c.

ITEM hoc nomen, Deus, significat deitatem in concrectione: sed non nisi in concrectione ad suppositum quod est persona, sed terminus concretus proprie supponit pro eo, respectu cuius importat formam, vt album magis proprie supponit pro re alba, quam pro forma: ergo, &c.

CONTRA: Pronomen refert rem pro proprio supposito. Sed cum dicitur: benedicat nos Deus, & inueniant eum, hoc pronomen *eum*, refert naturam, non personam, ergo, &c.

Fundamēta.

ITEM quia iste terminus, homo, proprie supponit pro indiuiduo, ista est falsa: homo est Sor. & Pla. quia idem indiuiduum non recipit illam prædicationem. Sed hæc est vera: Deus est Trinitas, vel Deus est Pater, & Filius: ergo cum illud prædicatum non conueniat vni personæ, patet, &c.

ITEM terminus qui proprie supponit personam, addito sibi termino partitiuo, stat solum pro vno, vt cum dicitur, vnus homo currit: ergo similiter cum dicitur, vnus Deus: ergo hæc est simpliciter falsa: Vnus Deus est Pater, & Filius.

CONCLUSIO.

Hoc nomen, Deus, supponit naturam, & suppositum, quia habet naturam termini communis, & termini discreti.

*R*esp. ad arg. Dicendum quod hic consuevit esse duplex opinio. Vna quidem est, quod hoc nomen, Deus, significat proprie naturam, & supponit personam: aliquando vnā, vt cum dicitur: Deus generat: Aliquando duas, vt cum dicitur: Deus spirat. Aliquando tres, vt cum dicitur: Deus est Trinitas. Et ratio huius est, vt dicunt, quia cum multa supposita habeat, habet naturam termini communis: terminus autem communis proprie supponit pro indiuiduo: Pro natura vero, vel pro forma, non supponit nisi trahatur, vt si dicamus, homo est species, sic dicunt in proposito. Vt etiam dicunt, quod quia supposita omnia sunt in illo vnica suppositione: ideo simul potest supponere pro multis personis, licet illud nō possit iste terminus, homo, vel alius terminus communis, & sic soluerūt obiecta. Alia opinio est, quod proprie supponit naturam sicut significat, & non supponit personam nisi trahatur ab alio, vt cū dicitur: Deus generat, & hi dicunt quod cum dicitur: Deus est Trinitas, ibi stat pro natura non pro persona, & vna natura est tres personæ: ideo vera est locutio. Et ratio huius positionis est, quia hoc nomen, Deus, habet naturam termini discreti, cum non habeat plurale: ideo idem significat, & supponit proprie: cum ergo significet naturam, illam proprie supponit. Sed melius est dicere vtrumque, quia habet naturam termini communis, & termini discreti. Ter-

Opinio 2.
Thom.

Opinio Alex-
and. Alens.

mini communis, propter pluralitatem suppositorum: termini discreti, ratione formæ non multiplicabilis: ideo proprie supponit tam naturam quam personam: tamen rationes ad utramque partem concludunt verum, suo modo: hoc autem non potest in alio termino inueniri, & ideo nec consimilis modus supponendi.

DISTINCTIO V.

Hæ locutiones non conceduntur, Pater genuit Diuinam Essentiam: Diuina Essentia genuit Filium: Essentia genuit Essentiam. Quoniam ipsa nec genuit, nec genita est.

POST hac queritur utrum concedendum sit: Quod Pater genuit diuinam Essentiam, vel quod diuina Essentia genuit Filium, vel Essentia genuit Essentiam, an omnino non genuit, nec genita est diuina Essentia. Ad quod catholicis Tractatoribus consentientes dicimus, quod nec Pater genuit diuinam Essentiam, nec diuina Essentia genuit Filium, nec Diuina Essentia genuit Diuinam Essentiam. Hic autem nomine Essentia intelligimus diuinam naturam, qua communis est tribus personis, & tota in singulis. Ideo non est dicendum, quod Pater genuit diuinam Essentiam: quia si Pater diceretur genuisse diuinam Essentiam, diuina Essentia relatiue diceretur ad Patrem, vel pro relatiuo poneretur. Si autem relatiue diceretur, vel pro relatiuo poneretur, non indicaret Essentiam. Vt enim ait Augustinus in 5. libro de Trinitate: Quod relatiue dicitur, non indicat substantiam.

Secunda Ratio.

Item cum Deus Pater sit diuina essentia, si eius esset genitor, esset utique genitor eius rei, qua ipse est: & ita eadem res seipsam genuisset: quod Augustinus negat, ut supra ostendimus.

Tertia Ratio, & potior.

Item si Pater est genitor essentia diuina, cum ipse essentia diuina sit, & Deus sit eo quod generat, & est, & Deus est. Ita ergo non illud quod generatur, est à Patre Deus: sed Pater eo quod generat, & est, & Deus est. Et si ita est, non genito gignens: sed gignenti genitus causa est, ut & sit & Deus sit. Simili ratione probat August. in libro 7. de Trinitate, quod Pater non est sapiens sapientia quam genuit: quia si ea sapiens est, ea est: hoc enim est sibi esse quod sapere. Quod si hoc est, sibi esse, quod sapere: non per illam sapientiam, quam genuit Pater, sapiens est. Quid enim aliud dicimus, cum dicimus, hoc illi est esse, quod sapere: nisi eo est, quo sapiens est? Ergo qua causa illi est, ut sapiens sit, etiam ipsa illi causa est, ut sit. Si ergo sapientia, quam genuit, illi causa est, ut sapiens sit, & causa illi est, ut sit. Sed causam Patri, qua sit, à Patre genitam, nullo modo quisq. dixerit sapientiam: quid enim est insanius? Ita ergo si Pater genuit essentiam, qua est, esset: a, qua genuit, causa est illi, ut sit. Non ergo ipsam qua est, essentia genuit. Nam in illa simplicitate, ut inquit Aug. quia non est aliud sapere quam esse, eadem est ibi sapientia, qua essentia, ideoque quod de sapientia, hoc de essentia dicimus. Sicut ergo non genuit sapientiam, qua Sapiens est: ita nec essentiam, qua est. Vt enim sapientia sapiens est, & potentia potens: ita & essentia ipse est. Eademque sapientia est, & potentia qua es-

sentia. Patet itaque ex prædictis, quia Pater essentiam diuinam non genuit.

Huic aduersari videtur Augustinus.

Huic autem videtur contrarium quod Aug. ait in libro unico de Fide, & Symbolo cap. 3. Deus cum Verbum genuit, id quod ipse est genuit, nec de nihilo, nec de aliqua iam facta conditaque materia, sed de seipso id quod ipse est. Itē, Deus Pater, qui verissime se indicare animis cognituris, & voluit, & potuit, hoc ad seipsum indicandum genuit, quod est ipse, qui genuit. Ecce aperte dicit his verbis, Deum Patrem genuisse illud quod ipse est. Illud autem quod ipse est, non diuina essentia: videtur ergo diuinam essentiam genuisse. Ad quod respondemus, illa verba sic intelligenda esse, dicentes: Pater de seipso genuit illud quod ipse est, id est, Filium, qui est illud quod Pater est. Nam quod Pater est, & Filius hoc est, sed non qui Pater est, & Filius hic est.

Alias partes questionis exequitur.

Ita etiam non est dicendum quod Diuina Essentia genuit Filium, quia cum Filius sit diuina essentia, iam esset Filius res à qua generatur: & ita eadem res seipsam generaret. Ita etiam dicimus, quod essentia diuina non genuit essentiam. Cum enim una & summa quadam res sit diuina essentia, si diuina essentia essentiam genuit, eadem res seipsam genuit, quod omnino esse non potest: sed Pater solus genuit Filium, & à Patre & Filio procedit Spiritus sanctus.

Quæ videantur prædictis esse contraria.

Prædictis autem videtur contrarium esse quod dicit August. Hoc, inquit, est Deo esse, quod sapere: unde pater & filius simul sunt una sapientia, quia una essentia & sigillatim sapientia de sapientia, sicut essentia de essentia: Ecce his verbis aperte dicit August. sapientiam de sapientia, & essentiam de essentia. Vbi videtur significare quod sapientia sapientiam, & essentia genuerit essentiam. Idem in lib. de Fide ad Petrum ait: Sic Christus Dei filium, id est, unam ex Trinitate personam, Deum verum crede, & diuinitatem eius de natura patris natam esse non dubites. Hic videtur dicere, quod natura filii sit nata de natura patris. Idem in lib. 5. de Trinitate ait: Dicitur filius consilium de consilio, & voluntas de voluntate, sicut substantia de substantia, sapientia de sapientia. Et hic videtur dicere, quod substantia sit genita de substantia, & sapientia de sapientia. Sed hoc ita determinamus: Sapientia de sapientia, & substantia de substantia est, id est, filius qui est sapientia, qui est substantia, est de patre, qui est eadem substantia, & sapientia: & filius qui est diuinitas, natus est de patre, qui est natura diuina. Et ut expressius dicamus, dicimus filium sapientiam esse de patre sapientia, & dicimus filium substantiam esse genitum de Patre, & à patre substantia. Quod autem ita intelligi debeat. Aug. ostendit in libro 7. de Trinitate dicens: Pater ipse sapientia est: & dicitur filius sapientia patris, quo modo dicitur lumen patris, id est, sicut lumen de lumine, & uterque unum lumen: sic intelligitur sapientia de sapientia: & uterque una sapientia, & una essentia. Itē ideo Christus dicitur virtus, & sapientia Dei, quia de patre virtute, & sapientia, etiam ipse virtus, & sapientia est, sicut ipse lumen de patre lumine est, & ipse fons vite est apud Deum patrem fontem vite. Filius ergo sapientia de patre sapientia est, sicut filius lumen de patre lumine

lumine, & Deus filius de Deo patre, ut & singulus sit lumen, & singulus Deus, & singulus sapiētia, & simul unū lumen, unus Deus, una sapiētia. Ecce manifeste his verbis aperit August. ex quo sensu accipienda sint prædicta verba, & his similia, scil. cum dicitur, substantia de substantia, vel substantia genuit substantiā.

Quod videtur prædictæ expositioni contrarium.

Huic vero etiam id contrarium videtur, quod Hilarius ait in 4. lib. de Trinit. Nihil, inquit, nisi natū habet filius: & geniti honoris admiratio in honore generantis est. Cum ergo filius essentiā habeat (tota enim in eo est diuina essentia) videtur quod ipsa diuina essentia nata sit. Item in 5. lib. ait: Natiuitas Dei nō potest eam, ex qua prouecta est, non tenere naturā, nec enim aliud quā Deus subsistit, quod non aliunde quā de Deo subsistit. Ecce hic dicit natiuitatē Dei prouectam ex natura, & ita videtur ex his verbis, atque prædictis natura Dei, & genita, & genuisse. Quod apertius dicit in lib. 9. de Trin. Nos, inquit, unigenitū Deum in forma Dei manentē in natura hominis māsisse profiteamur, nec unitatem formæ seruilem in naturam diuinam unitatis refundimus: nec rursum corporali insinuatione patrem in filio predicamus, sed ex eo eiusdem generis genitam naturā naturaliter in se gignentem habuisse naturam, quā in forma naturæ se gignentis manēs, formā naturæ, & infirmitatis corporalis accepit. Nō enim defecerat Dei natura, ne esset: sed in se humilitatē terrena natiuitatis manens sibi Dei natura suscepit, generis sui potestātē in habitu assumpta humanitatis exercēs. Ecce hic aperte dicit, & naturam genuisse, & naturam genitam, & naturam assumpsisse naturā: quod à plerisque negatur. Itē in eodem: Nunquid unigenito Deo contumelia est, Patrem sibi innaſcibilem Deum esse, cum ex innaſcibili Deo natiuitas unigenita, in naturam unigenitam subsistat? Ecce & hic dicit unigenitam naturam.

Quo modo sint intelligenda præmissa verba Hilarij.

Sed quia hæc verba sanē vult intelligi, ipse idem dicit in 4. lib. Intelligentia dictōrū ex causis est assumenda dicendi, quia nō sermoni res, sed rei sermo subiectus est. Hæc ergo verba ita intelligi possunt: Nihil habet filius nisi natum, id est nihil habet secundum, quod Deus est, nisi quod nascendo accepit, & ipse nascendo Patris in se subsistentem naturā habuit. Vnde Hilarius addit in 5. libro: Eandem naturā habet genitus, quā ille qui genuit: ita tamen, ut natus non sit ille qui genuit. Nam quo modo erit pater ipse, cum genitus sit? Sed in his ipsis subsistit ille qui genitus est, in quibus totus est ipse qui genuit: quia nō est aliunde qui genitus est: & ideo nō refertur ad aliud quod in vno subsistit, & ex vno. Ac sic in generatione filij & naturam suam, ut ita dicam, sequitur indēmutabilis Deus indēmutabilem Deū gignens, nec naturā suam deserit ex indēmutabili Deo indēmutabilis Dei perfectā natiuitas. Subsistentē ergo in eo Dei naturā intelligamus, cum in Deo Deus insit, nec præter eum qui Deus est, quisquā Deus alius sit: quia ipse Deus, & in eo Deus, Natura ergo Dei patris veritas, in Deo filio esse docetur, cum in eo Deus intelligitur esse qui Deus est. Est enim vnus in vno, & vnus ab vno.

Quod legitur, Patrem de sua substantia genuisse Filium, & Filium substantiæ Patris.

Dicitur quoque, & frequenter in scriptura legitur Patrem de sua substantia genuisse Filium. Vnde Aug.

A in lib. de fide ad Petrū ait: Pater Deus de nullo genitus Deo, semel de sua natura sine initio genuit filium Dei sibi æqualem, & eadē quā ipse naturaliter æternus est, diuinitate coeternum. Ecce hic dicit August. Filium genitum de natura Patris. Est autem una natura Patris, & Filij, & Spiritus sancti. Si ergo de natura Patris genitus est Filius, genitus est de natura Filij, & Spiritus sancti, immo de natura trium personarum. Idem quoque August. in lib. 15. de Trin. dicit Christū esse filium substantiæ patris, & de substantia patris genitum, tractans illud verbum Apostoli loquentis de Deo patre sic: Qui eruit nos de potestate tenebrarū, & tranſtulit regnum filij charitatis suæ.

B Quod dictū est, inquit, filij charitatis suæ, nihil aliud intelligitur, quā filij sui dilecti, quā filij substantiæ suæ. Caritas quippe patris, quā in natura eius est ineffabiliter simplici, nihil est aliud, quā ipsa natura atque substantia, ut sepe diximus, & sepe iterare nō piget, ac per hoc filius charitatis eius nullus alius est, quā qui de substantia eius est genitus. Ecce hic aperte dicit August. Filium esse genitū de substantia patris, & filium substantiæ patris. Idem quoque August. in lib. 3. contra hæreticum Maximinum, substantiam Dei genuisse filium, & filium genitum de substantia patris asserit, dicens: Carnalibus cogitationibus pleni, substantiam Dei de se ipsa gignere filium nō putatis, nisi hoc patiat, quod substantia carnis patitur quādo gignit. Erratis non scientes scripturas, neque virtutem Dei. Nullo enim modo verū Dei filium cogitatis, si eum natum esse de substantia patris negatis. Non enim iam erat hominis filius, & Deo donante factus est Dei filius ex Deo natus, gratia nō natura. An forte etsi non hominis filius erat, tamen iam aliqua erat qualiscumque creatura, & in Dei filium Deo mutata conuersa est: Sed nihil horum est: ergo aut de nihilo, aut de aliqua substantia natus est. Sed ne crederemus vos putare de nihilo esse Dei filium, affirmatis non vos dicere de nihilo esse Dei filiū. De aliqua ergo substantia est: & si non de substantia patris, de qua sit, dicite: sed non inuenietis. Iam ergo unigenitū Dei filium Iesum Christū de patris esse substantia, non vos nobiscū pigeat confiteri. Idem in eodē: Vtrique legimus, ut sumus in vero filio eius Iesu Christo. Dicite ergo nobis.

C Vtrum iste verus Dei filius, ab eis qui gratia filij sunt, quadā proprietate discretus, de nulla substantia sit, an de aliqua? Non dico (inquit) de nulla, nec dicā de nihilo: Ergo de aliqua substantia est. Quæro, de qua? Si non de patris substantia est, aliam quare. Si aliam nō inuenis, patris agnosce substantiam, & filium cum patre homouſion confitere. Idem in eodem: Confiteor Deum patrem omnino incorruptibiliter genuisse: sed quod est ipse genuisse. Item dico quod sepe dicendum est: Aut de aliqua substantia est natus Dei filius, aut de nulla. Si de nulla: ergo de nihilo, quod vos iam non dicitis: si vero de aliqua, nec tamen de patris substantia, non est verus Filius: si vero de patris substantia, vnus eiusdemque substantiæ sunt Pater & Filius. Vos autem nec filium Dei de substantia patris genitum vultis, & tamen eum, nec ex nihilo, nec ex aliqua materia: sed ex patre esse conceditis: nec videtis quam necesse sit, ut qui nō est ex nihilo, nec ex aliqua alia re, sed ex Deo, nisi ex Dei substantia esse non possit, & hoc esse quod Deus est, de quo est, id est, Deus de Deo natus: quia non alius prius fuit: sed natura coeterna de Deo est.

D Sum Christū de patris esse substantia, non vos nobiscū pigeat confiteri. Idem in eodē: Vtrique legimus, ut sumus in vero filio eius Iesu Christo. Dicite ergo nobis. Vtrum iste verus Dei filius, ab eis qui gratia filij sunt, quadā proprietate discretus, de nulla substantia sit, an de aliqua? Non dico (inquit) de nulla, nec dicā de nihilo: Ergo de aliqua substantia est. Quæro, de qua? Si non de patris substantia est, aliam quare. Si aliam nō inuenis, patris agnosce substantiam, & filium cum patre homouſion confitere. Idem in eodem: Confiteor Deum patrem omnino incorruptibiliter genuisse: sed quod est ipse genuisse. Item dico quod sepe dicendum est: Aut de aliqua substantia est natus Dei filius, aut de nulla. Si de nulla: ergo de nihilo, quod vos iam non dicitis: si vero de aliqua, nec tamen de patris substantia, non est verus Filius: si vero de patris substantia, vnus eiusdemque substantiæ sunt Pater & Filius. Vos autem nec filium Dei de substantia patris genitum vultis, & tamen eum, nec ex nihilo, nec ex aliqua materia: sed ex patre esse conceditis: nec videtis quam necesse sit, ut qui nō est ex nihilo, nec ex aliqua alia re, sed ex Deo, nisi ex Dei substantia esse non possit, & hoc esse quod Deus est, de quo est, id est, Deus de Deo natus: quia non alius prius fuit: sed natura coeterna de Deo est.

Colligens

Non longe à principio libri.

Hil. circa mod. lib. 4. de Trin.

Circa finem.

Cap. 1. post principium rom. 3.

Cap. 19. in fine.

Colof. 1. b

Cap. 15. 10. 6.

Mat. 20. c
Contra Paulianos.
Contra Arrianos, & Donatistas.

1. Thim. 5. d
Paulo inferius in eod. cap.

Colligens summam prædictorum, aperit ex quo accipienda sint.

His verbis præmissis innuitur, quod diuina substantia filium genuerit: & quod filius sit genitus de substantia patris, & quod de Deo est natura coeterna, & quod pater id quod ipse est genuit. Id autem quod ipse est, diuina essentia est, & ita putari potest diuinam essentiam genuisse. Vehementer mouent nos hac verba, qua quo modo intelligenda sint, mallet ab aliis audire, quam ipse tradere. Vt tamen sine præiudicio atque temeritate loquar, ex hoc sensu dicta possent accipi. Natura coeterna de Deo est, id est, filius coeternus patri de patre est, ita quod est eadem cum eo natura, vel eiusdem natura. Quem sensum confirmat Aug. ibidem subiiciens, & quod dixerat quasi explanans. Dicto enim: Natura coeterna est de Deo, addit: Non est aliud filius quam illud de quo est, id est, unius eiusdemque substantia est. Deinde apertius talem intellectum ex prædictis verbis fore habendum aperit in eodem libro contra Maximinum, dicens: Trinitas hac unius eiusdemque substantia est: quia non de aliqua materia, vel de nihilo est filius: sed de quo est genitus. Item Spiritus sanctus non de aliqua materia, vel de nihilo est sed inde est, unde procedit. His utique verbis aperte ostendit ea ratione dici filium esse de substantia patris, quia est de patre genitus, ita quod est eiusdem substantia cum eo: Spiritum sanctum esse de substantia patris & filii, quia ab utroque procedit, ita quod est eiusdem substantia. Quod nec Filius, nec Spiritus sanctus est de nihilo: sed de aliquo, non tamen de materia.

Ostenditur quoque, ex illis verbis Filium & Spiritum sanctum non esse de nihilo sed de aliquo: nec tamen de aliqua materia. Vnde etiam Hilarius in 12. lib. de Trin. ait. Unigenitus Deus cum natus sit, Patrem testatur auctorem: cum ex manente natus est, non est natus ex nihilo: & cum ante tempus natus est, omnem sensum praeuenit nascendo. Hic aperte dicitur, quod filius non est natus ex nihilo. Similiter & Spiritus sanctus non est dicendus esse, vel procedere ex nihilo: quia Filius de substantia Patris natus est, id est, à Patre est, cum quo eiusdem substantia est, & eadem substantia. Ex quo sensu etiam accipiendum est illud, Pater genuit id quod ipse est, id est filium, qui est hoc quod pater. Et hoc ita debere intelligi Aug. aperit dicens in 1. lib. contra Maximinum: Hoc genuit pater quod est: alioquin non est verus filius, si quod est pater, non est filius. Item substantia Dei genuit filium, id est, pater substantia genuit filium, qui est eadem substantia, & eiusdem substantia. Quod sic esse intelligendum Aug. ostendit dicens ad Maximinum: Sicut dicitis, Spiritus spiritum genuit: ita dicit: Spiritus eiusdem naturae, vel substantiae spiritum genuit. Item sicut dicitis: Deus Deum genuit: ita dicit, Deus eiusdem naturae, vel substantiae Deum genuit. Hoc si credideris, & dixeris, nihil de hac re ulterius accusaberis. His enim verbis aperit quo modo prædicta debeant intelligi. Similiter filius natus est de substantia patris, vel pater genuit filium de sua natura, siue essentia, id est, de se natura & essentia genuit filium eiusdem substantiae, ac naturae, & qui est eadem essentia, ac natura. Similiter expone illud. Filius substantiae patris, id est, filius patris substantiae, id est, qui est substantia, cum quo & filius eadem substantia est, quia consubstantialis est patri filius. Et hic sensus ad-

inuatur ex his verbis Aug. qui in lib. 6. de Trinitate ait: Tres personas eiusdem essentiae, vel tres personas unam essentiam dicimus. Tres autem personas ex eadem essentia non dicimus, quasi aliud ibi sit quod essentia est, aliud quod persona. His verbis ostenditur non esse dicendum personam esse ex essentia, nisi ex sensu prædicto. Qui sensus confirmatur etiam ex eo quod in lib. 15. de Trinitate idem ait: Sicut nostra scientia scientia Dei, sic & nostrum verbum quod nascitur de nostra scientia, dissimile est illi verbo Dei, quod natum est de patris essentia. Tale est autem ac si dicerem: de patris scientia, de patris sapientia. Vel (quod est expressius) de patre essentia, de patre scientia, de patre sapientia: Ex hoc itaque intellectu, verbum Dei patris unigenitus filius per omnia patris similis, & equalis recte dicitur Deus de Deo, lumen de lumine, sapientia de sapientia, essentia de essentia: quia hoc est omnino, quod pater, non tamen pater: quia iste filius, ille pater.

Quare Verbum Patris dicatur Filius naturae.

Inde est quod solus unigenitus Dei dicitur natura filius, quia eiusdem natura est, & eadem natura est cum patre: unde Hilarius in lib. 1. de Trin. de Christo loquens ait: Natura filius est, quia eandem naturam, quam ille qui genuit, habet.

DISTINCTIO V.

De Comparatione generationis ad terminum essentialem abstractum, qui est Essentia.

Post hac quaritur utrum concedendum sit, &c.

Expositio Textus.



N præcedenti distinctione mouit Magister questionem de comparatione generationis ad terminum essentialem concretum, qualis est hoc nomen, Deus. In præsentia mouet questionem de comparatione generationis ad terminum essentialem abstractum, qui est essentia. Et diuiditur hæc pars in duas partes. In prima parte mouet questionem ex comparatione generationis ad essentiam in ratione termini, videlicet utrum Essentia generetur. In secunda in ratione principij: Utrum essentia generet, &c. ibi: Non est etiam dicendum quod diuina essentia genuit filium, &c. Item prima pars habet quatuor partes. In prima parte proponit problemata, videlicet utrum essentia generet, vel generetur. In secunda adducit rationes tres probantes quod Essentia non generatur à patre, ibi: Ideo non est dicendum quod pater genuit, &c. In tertia adducit rationes in contrarium, ibi: Huic autem videtur contrarium. In quarta & vltima soluit, & exponit, ibi: Ad quod respondemus. Similiter secunda pars istius distinctionis, in qua Magister determinat secundam partem questionis, quæ est in comparatione generationis ad Essentiam in ratione principij, habet tres partes. In prima determinat istam questionem, dicens quod Essentia non generat: sed & hoc confirmat per rationem ducentem ad impossibile. In secunda vero adducit auctoritates quæ sunt directe contrariæ prædictæ solutioni, ibi: Prædictis autem videtur contrarium esse. In tertia vero adducit auctoritates, ex quibus potest elici contrarietas, ibi: Dicitur quoque & frequenter, &c. Prima pars habet quatuor partes. In prima parte adducit auctoritates Augustini contrarias prædictæ solutioni. In secunda auctoritates adductas exponit ibi: Sed hæc ita determinamus. In tertia vero contra prædictas expositiones adducit auctoritates alias Hilarii, in quibus notatur expressior contrarietas, ibi: Huic vero etiam contrarium videtur esse. In quarta vero auctoritates prædictas explanat, & exposi-

tionem

tionem suam per verba Hilarij confirmat, ibi: *Sed quia hac verba sane vult.* Similiter pars illa dicitur quoque, & frequenter in sacra Scriptura legitur in qua obiicitur contra solutionem per auctoritates, ex quibus elicitur prædictæ solutionis contrarietas (quia in his non dicitur quod Essentia generet, vel generetur: sed quod de essentia, vel de substantia patris filius generetur) quatuor habet particulas. In prima adducit auctoritates in contrarium. In secunda vero adductas explanat, ibi: *His verbis præmissis innuitur, ubi resumit prædictam expositionem.* In tertia ex prædictorum opinione elicit quoddam corollarium, ibi: *Ostenditur quoque ex verbis, &c.* In quarta, & vltima redit ad propositum, & ostendit expositionem suam bonam esse per auctoritatem Augustini, ibi: *Et hoc ita debere intelligi, &c.*

Ideo non est dicendum quod Pater genuit diuinam Essentiam. Dub. I.

Ista ratio videtur ducere ad hoc inconueniens, scilicet quod si essentia generaretur à Patre, Essentia poneretur pro relatiuo. Sed hoc nullum videtur inconueniens. Si enim magis conuenit essentia cum supposito, quam vniuersale cum singulari, si non est inconueniens, cum vniuersale ponitur pro singulari, nec est inconueniens quod essentia ponatur pro relatiuo.

RESP. Dicendum quod si essentia poneretur pro relatiuo esset inconueniens, non à parte rei, sed à parte expressionis fidei. Tunc enim videretur, & notaretur vnitatis essentiae in quadam distinctione. Esset etiam inconueniens, quia quod ponitur pro relatiuo in quantum huiusmodi, non indicat essentiam. Si enim essentia poneretur pro relatiuo, essentia aliquando non indicaret essentiam, quod est omni rationi contrarium.

Item, cum Deus Pater. Dub. II.

Ista ratio videtur ducere ad hoc inconueniens, scilicet quod cum Deus pater sit diuina essentia, si eius esset genitor, utique esset genitor eius quod ipse est.

CONTRA: Essentia dicit quid commune, sicut & hoc nomen, Deus: sed si dicatur hoc modo: Petrus generat hominem, & ipse est homo: ergo generat se: Argumentum illud non valet. Similiter videtur hic: Pater generat Deum: ergo, &c. pari ratione nec in proposito.

RESP. Dicendum, quod commune dicitur quod est in multis: sed hoc potest esse tripliciter. Aut quia purificatur in multis & quantum ad formam, & quantum ad suppositum, ut hoc nomen, homo, & tale habet vnitatem rationis, quæ admittit distinctionem, & quantum ad rem & quantum ad modum. Vnde bene dicitur, homo est ab homine, & duo homines. Alio modo est commune quod purificatur quantum ad suppositum, non quantum ad formam, ut hoc nomen, Deus, ut tale habet vnitatem rei secundum quod res nominat naturam cum multiplicatione suppositorum: & ideo recipit distinctionem, quod importat distinctionem, ut modum non ut rem. Vnde conceditur: Deus de Deo: sed non, Deus est alius à Deo. Tertio modo est commune secundum nomen quod est in multis, nec tamen purificatur quantum ad supposita, quia pro illis non supponit, ut hoc nomen essentia. De tali communi verum est dicere quod non recipit distinctionem, nec quantum ad modum, nec quantum ad rem, tunc enim notaretur idem distinguere à se, & ita argumentum Magistri est bonum: Si Pater genuit essentiam, Pater genuit se: quia loquitur de communi à parte vocis significatis, non à parte rei: quia rei, eadem communitas est in hoc quod est Deus, & in hoc quod est Essentia.

Et si ita est non genito gignens, &c. Dub. III.

Obiicitur contra tertiam rationem. Si Pater genuit diuinam essentiam, tunc genitum gignenti causa est ut & sit, & Deus sit. Sed hæc ratio nihil videtur valere, quia

A ratio causæ non cadit in diuinis: causa enim est ad cuius esse sequitur aliud: sed in diuinis non est aliud: ergo, &c. ITEM non sequitur: Pater genuit sapientiam: ergo est sapiens sapientia genita: ergo pari ratione, nec prædicta solutio valet.

RESP. Dicendum quod sumendo nomen causæ proprie, non cadit in diuinis, cadit tamen & recipitur ratio principiantis, & ratio informantis, & pro his accipitur nomen causæ. Quoniam ergo ratio essendi signatur per hoc nomen, Essentia: ideo Essentia signatur quodam modo in ratione causæ respectu entis. Si ergo essentia esset genita ab ente, significaretur in ratione effectus, siue principiat: & idem esset tunc principium, & principiarum respectu eiusdem, quod est impossibile: & in hoc fundatur ratio Magistri.

B Ad illud quod obiicitur de sapientia, dicendum quod tactum est de ipsa in questionibus extra literam, quia nomen ita abstractum sicut Essentia, non supponit pro relatiuo, & ita est accidens. Pater est sapiens sapientia, & genuit sapientiam: ergo est sapiens sapientia quam genuit, vel sapientia genita. In nomine autem Essentiae non est accidens: quia idem signat & supponit.

Ita etiam non est dicendum, quod diuina Essentia genuit Filium. Dub. IV.

CONTRA hoc obiicit Ioachim tam contra positionem, quam contra rationem. Contra positionem, quia si Essentia non generat, nec generatur, nec procedit: ergo in diuinis est res generans, & genita, & procedens: & res nec generans, nec genita, nec procedens, & ita est quaternitas, si sunt ibi quatuor res.

C ITEM irridet rationem Magistri, si essentia generat essentiam, & essentia est vna res: ergo vna res generat seipsam. Similiter inquit Ioachim: Poruisti dicere Petre: Deus generat Deum, vnus est Deus: ergo vna, & eadem res generat seipsam.

RESP. Dicendum quod Ioachim non recte arguit, & deficit sua ratio: quia res non accipitur vniuniformiter. Quia cum dicitur res primo modo, ibi accipitur res pro re naturæ: sed cum accipitur secundo modo, accipitur pro ipsa natura diuina. Præterea deficit ab insufficienti, quia non valet: Si aliquid dicitur de altero, & non dicitur de alio, quod propter hoc illa faciunt numerum. Vnde non valet: Petrus est indiuiduum, homo non est indiuiduum: ergo homo & Petrus sunt duo. Habere enim proprietatem & non habere, non sufficit ad distinguendum. Ad instantiam eius dicendum, quod non recte instat: quia essentia est res vna quantum ad suppositum, & significatum: non enim supponit personas. Sed Deus est res vna quantum ad significatum: sed plures quantum ad suppositum. Et ideo ignoranter Ioachim reprehendit Magistram: & cum esset simplex, non est reueritus Magistram: & sic iusto Dei iudicio damnatus fuit libellus eius in Lateranensi Concilio, & positio Magistri approbata.

Nihil nisi natum habet filius, id est, nihil habet secundum quod Deus est, nisi quod nascendo accepit. Dub. V.

Queritur circa hæc verba Hilarij de hoc verbo, accipit, utrum dicat substantiam, vel relationem. Si substantiam: ergo Pater similiter accipit. Si relationem, cum essentiam acceperit filius, essentia est accepta: ergo essentia refertur.

RESP. Dicendum quod, accipere, dicit duo, sc. habere, & esse ab alio: quantum ad habere, respicit essentiam: sed quantum ad hoc quod est esse ab alio, respicit personam: vnde per verbum accipiendi, significatur quod essentia habetur à persona quæ est ab alio.

Et ideo non refertur ad aliud quod in vno subsistit, & ex vno. Dub. VI.

Hoc videtur falsum, quoniam Filius subsistit à patre, tamen refertur ad Spiritum.

RESP.

* De re & modo vide sup. dist. 4. dub. 1. & q. 2. ad oppos.

* Sub Inn. 3. & habetur in Decretali, de sum. tri. & fid. carh. cap. Damianus.

RESP. Hoc potest intelligi dupliciter. Vno modo quod filius non habet respectum nisi ad vnam personā, & hoc intelligitur in quantum filius : quia in quantum spirās est, refertur ad alium : vel quod persona filii non habet respectum nisi ad vnam naturam, & hoc verum est : quia filius non habet in se nisi naturam patris.

Et naturam suam (vt ita dicam) sequitur indemutabilis Deus, &c.

CONTRA : In diuinis non est prius, nec posterius, & ita nec præcedere, nec sequi. Si tu dicas quod est secundum rationem intelligendi, hoc nihil est, quia Deus gignens : nec secundum rem, nec secundum intellectum sequitur aliud.

RESP. Quod Hilarius improprie loquitur, & ideo addit determinationem, vt ita dicam, & tantum vult dicere, sequi, quantum inseparabiliter communicare, & consonare, & ab illo non recedere, per hoc pater sequens.

Semel, & cetera. Genuit filium. Dub. VII.

Videtur male dicere, *semel*: Quia, *semel*, dicit vicissitudinem : sed in generatione æterna, nulla cadit vicissitudo: ergo, &c.

RESP. Dicendum quod, *semel*, potest dicere, vel nunc temporis, vel nunc æternitatis. Et si dicat nunc temporis, cum tempus habeat diuersa nunc, denotat intercessionem. Si autem nunc æternitatis, cum illud nunc semper est, & est inuariabile, & vnum; *semel*, dicit omnimodam inuarietatem, perfectionem, & vnitatem.

Filius charitatis sua. Dub. VIII.

Quæritur, vtrum charitas accipiat ibi essentialiter, aut notionaliter. Si essentialiter: ergo Christus filius est essentialiter, quod non conceditur. Si tu dicas quod est impropria locutio, & est sensus, filij essentialiter, id est qui est essentialiter, tunc nullus videtur sensus, & pro nihilo additum est hoc, quod est, *charitatis*. Et rursus Augustinus exponit, *Filius charitatis*, id est dilecti : sed Pater diligit Filium Spiritu sancto : ergo, &c. Si propter hoc dicas quod tenetur notionaliter, tunc ergo filius Dei est Filius Spiritus sancti, quod omnino est absurdum.

RESP. quod propter hoc dicunt aliqui quod ille genitius, nec proprie essentialiter, nec proprie notionaliter, sed medio modo tenetur, id est appropriate. Licet enim charitas sit omnibus communis, & proprium Spiritus sancti, vno tamen modo appropriate conuenit patri, quia charitas amor gratuitus est, qui tantum dat, & non accipit, & hoc est in persona patris: ideo appropriatur patri. Alio modo dici potest quod charitas ibi tenetur essentialiter, sicut dicit Augustinus: quia nihil aliud est dicere, *filius charitatis*, quam filij substantiæ. Sed genitius non constituitur in ratione principij: sed ex declaratione essentialiter, & sensus, & *filius charitatis*, id est filij chari, & filij substantiæ, vel etiam naturæ: hoc est filij consubstantialis, & naturalis.

Filius cum Patre homouision confitere. Dub. IX.

CONTRA: Quia cum filius naturalis partem substantiæ trahat à patre, partem à matre, in his inferioribus: & in Deo totam substantiam trahat à patre, videtur quod pater non tantum deberet dici pater, sed & mater, & multo fortius mater, quia mater plus dat quam pater. Item filius Dei vocat se sapientiam, & sapientia est quæ concipitur, & parturitur. Ergo cum hoc sit proprium matris, videtur quod pater proprius deberet dici mater, quam pater.

RESPON. Dicendum quod nomen matris non transfertur ad diuinam. Et vnam rationem assignat Ansel. in Monologio: quia principium maternum præexigit aliud principium prius. Ratio huius est, quia mater est principium passiuum, & omne tale mouetur ab alio: ergo ante ipsum est principium aliud: quoniam ergo principium generationis filij est primum, & est pure actuale: ideo

A nullo modo transfertur maternum principium. Transfertur tamen actus maternus, vt concipere, & parturire. pro eo quod ibi agit vnum principium, & hic duo.

Filius, & Spiritus sanctus non esse de nihilo. Dub. X.

Videtur hoc falsum, quia id quod de nulla præiacente materia est, de nihilo est: sed Filius, & Spiritus sanctus sunt huiusmodi: ergo, &c. Si tu dicas quod Filius & Spiritus sanctus sunt de aliquo vt de Patre: Quæritur tunc vtrum Pater sit de nihilo: & videtur quod sic: quia non aliquod, & nihil, conuertuntur: sed Pater non est ex aliquo: ergo est ex nihilo. Item quia pater non habet principium effectiuum: ideo dicitur esse à nullo. Simili modo cum non habeat materiam, debet dici de nihilo. Si concedatur de patre: Contra, omne quod habet esse de nihilo, est creatura: ergo, &c. Item quod est ex nihilo, est vertibile in nihilum: ergo, &c.

RESP. Dicendum, quod cum dicitur aliquid esse de nihilo secundum Anselmum in Monol. tripliciter potest intelligi. Vno modo vt nihil accipiat simpliciter priuatiue, vel negatiue, vt cum dicitur de tacente, ille loquitur de nihilo. Alio modo positiue, vt si ita dicatur, aut intelligatur aliquid fieri ex nihilo, sicut cultellus de ferro. Tertio modo partim positiue, partim priuatiue, vt si dicatur aliquid fieri ex nihilo, quia post nihil est aliquid, sicut dicitur de paupere fit diues. Ratio autem huius multipliciter, est hæc. Nam primo distinguendum est, quia negatio eius quod est, nihil potest sistere intra, vel extra ad verbum ferri. Si feratur ad verbum, tunc fieri de nihilo, est non fieri de aliquo, sicut loqui de nihilo, id est, de nulla re. Si autem non feratur ad verbum, tunc affirmatur fieri, & tunc duplex est: quia, *de*, potest intelligi materialiter, & tunc significatur, quod nihil sit materia alicuius, & habetur secundus sensus. Item potest teneri ordinaliter, & tunc habetur tertius sensus, & sic creatura dicitur fieri de nihilo. Dicendum ergo quod secundum primum sensum: Deus potest dici de nihilo esse, siue Pater, siue diuina Essentia, tamen hic modus non est vsitatus. Quantum ad secundum modum, omnino fit nihil ex nihilo. Quantum ad tertium modum, secundum quem loquitur Augustinus, quod sola creatura sit de nihilo, vel est ex nihilo, quia, *de*, notat ibi ordinem, vt esse habeat post non esse: hoc quod est de nihilo, priuat materiam præiacentem. Quamvis ergo Pater, & Filius, & Spiritus sanctus non habeant materiam præiacentem: quia tamen non habent esse post non esse: ideo non dicuntur esse ex nihilo: & ideo non valet primum argumentum: quia procedit ab insufficienti.

Secundum vero, & tertium argumentum de Patre factum, procedit secundum quod negatio eius quod est nihil, feratur extra ad verbum, & facit rationem negatiuam. Aliter enim non æquipollet esse non de aliquo, & de nihilo: & secundum hunc sensum sicut conceditur quod Pater à nullo sit: ita quod sit de nihilo, tamen sicut dictum est, sensus ille non est vsitatus: communiter enim vtimur hac locutione, secundum quod negatio de nihilo, sistit intra, & hoc est quod, *de*, accipitur ordinaliter.

ARTICVLVS I.

IN parte ista ad intelligentiam duarum principalium partium huius Distinctionis, duo principaliter quærentur. Primo quæritur de comparatione generationis ad substantiam, siue essentialiter in ratione principij. Secundo quæritur de comparatione eiusdem ad essentialiter in ratione termini. Et duo quærentur, quantum ad primum. Duo vero quantum ad secundum. Quantum ad primum, quæritur primo, vtrum Substantia, vel Essentia generet. Secundo vtrum de Substantia generetur aliquis.

QVÆSTIO I.

An Substantia, vel Essentia generet.

Alexander Alensis 1. p. q. 42. Membro 3. art. 1.

S. Thomas 1. p. q. 39. art. 5.

Scotus 1. Sent. dist. 5. q. 1.

Bgidius Rom. 1. Sent. dist. 5. q. 2. art. 1.

Richardus 1. Sent. dist. 5. q. 1.

Durandus 1. Sent. dist. 5. q. 1.

Franciscus de Mayr. 1. Sent. d. 5. q. 1.

Greg. Arimin. 1. Sent. dist. 5. q. 1.

Gab. Biel. 1. Sent. dist. 5. q. 1.

Fundamēta.

QUOD Substantia non generet, ostenditur sic: Generare dicit relationem: ergo cui conuenit generare, conuenit referri: sed essentia non conuenit referri: ergo nec conuenit generare.

ITEM generare importat distinctionem, ergo cui conuenit generare, & per consequens etiam distingui: sed essentia cum sit vna non distinguitur: ergo, &c. Aut si generat, plures sunt essentia: & ad hæc duo inconuenientia dicit Magister.

ITEM generare dicit actionem personalem: ergo de illo solo dicitur, quod significat personam, vel supponit personam: sed essentia non supponit personam, cum sit communis: nec personam significat, cum sit omnino abstractum: ergo, &c.

ITEM generare est proprietas personæ, communicabilitas essentia: ergo sicut se habet communicabilitas ad personam, ita proprietas personalis ad essentiam: sed communicabilitas nunquam est personæ, quia hæc est falsa: Pater est communicabilis: ergo nec proprietas personalis est essentia: ergo nec generare, cum sit personæ.

Ad oppositum.

1. CONTRA: Quæcumque sic se habent quod vnū est idem alijs, & non habent diuersas proprietates, quidquid dicitur de vno, & de altero: sed persona, & essentia sunt huiusmodi: quia persona est essentia, nec habet diuersas proprietates, quia proprietas in diuinis est relatio distinguens: sed si essentia haberet aliquā proprietatem, tunc distingueretur, & referretur: ergo, &c. Si dicas, quod quamvis persona, & essentia non habeant diuersas proprietates, tamē differunt per habere proprietatem, & non habere. Contra: Summa oppositio est contradictio: sed talis diuersitas est per contradictionē: ergo magis differunt essentia, & persona, quam persona, & persona: sed persona nō prædicatur de persona: ergo nec persona de essentia, hoc autē est falsū: ergo, &c.

2. ITEM quæcumque sic se habent quod vnum prædicatur de altero, vnum supponit pro altero, quia subiectum vere subiicitur prædicato: sed essentia vere prædicatur de Patre. Vnde hæc est vera: Pater est essentia: ergo & supponit: ergo sicut Deus Pater generat, sic potest dici, essentia generat.

3. ITEM de quocumque prædicatur subiectum, & propria passio: sed generare est sicut propria passio Patris: sed hæc est vera: Diuina essentia est Pater: ergo & similiter illa est vera: Diuina essentia generat.

Arist. 2. Top. c. 2.

4. ITEM de quocumque prædicatur diffinitio, & diffinitum: sed diffinitio Patris est Filius Pater. Cum ergo sit hæc vera: Diuina essentia est Pater, & hæc erit vera, diuina essentia est Filius Pater: ergo à conuertibili, Filius est Filius essentia.

CONCLUSIO.

Dicere quod Essentia generet, est sermo improprius, & negandus: qui scubi legatur, pie interpretandus est.

RESP. ad arg. Ad prædictorum intelligentiam est notandum, quod fides vera dicit quasi fundamentum, Deum esse trinum, & vnum: & ita trinum quod Trinitas non confunditur: & ita vnum quod vnitatis non multiplicatur. Si ergo quod credimus oportuit significare, opportune inuēta sunt nomina in diuinis: immo à Deo nobis manifestata, quæ significēt Trinitatē sub distinctione, & vnitatem sine omni multiplicatione. Sicut er-

Ago nomina imposita personis omnino sunt incommunicabilia, & quantum ad suppositum, & quantum ad significatū: vnde hæc oratio est falsa: Pater est Filius; vel Pater est communicabilis ita ex parte Essentia vel Natura, oportuit nomina imponi, quæ non distinguerentur, nec quantum ad significatum, nec quantum ad suppositum. Notandum autem quod triplex est genus nominū significantium essentiam. Quædam enim significant in concretionem, vt hoc nomen *Deus*. Quædam in omnimoda abstractione, vt hoc nomen, *Essentia*. Quædam medio modo, vt lumen, sapientia, voluntas, & consimilia, & ista dicuntur medio modo significare, quia non concernunt suppositum per modum inhærentia, sed concernunt suppositum ratione eius quod dicunt aliquam rationem actus, vel originis quæ sunt ipsorum suppositorum. Cum igitur tres sint nominum differentia, nomen concretum supponit pro persona proprie: nomen medium supponit partim proprie, partim improprie: nomen abstractum & absolutum, non supponit omnino, nisi improprie, vnde hæc est propria: Deus generat, & in vsum adducenda. Hæc autem: Sapientia generat de sapientia, partim propria, partim impropria: ideo est sustinenda. Hæc autem: Essentia generat, omnino impropria: & ideo neganda est. Et si legatur alicubi, est exponenda. Sancti enim quandoque ad confundendas hæreses, expressius loquuntur, quam proprietas sermonis suilineat.

1. AD illud ergo quod primo obicitur, quod essentia & persona non habent diuersas proprietates, dicendū quod diuersitas rationis dupliciter est in diuinis. Vno modo per habere diuersas proprietates, & illud inducit distinctionem, & sic differunt ratione, nec prædicantur de eodem, vt Pater, & Filius. Alio modo est per habere proprietatem, & non habere, & illud non inducit distinctionem, nec facit quod vnum non prædicetur de altero: facit tamen quod aliquid dicitur de vno quod non dicitur de altero, vt patet in Petro, & homine. Petrus est individuum, homo non, & tamen homo vere prædicatur de Petro. Ad illud quod summa oppositio, est affirmationis, & negationis, dicendum quod verum est, vbi negatio nihil ponit, sicut inter aliquid, & nihil: sed vbi ponit extrema, minima potest esse, & surgit ex quantulacunque parua differentia siue rei, siue rationis, vnde non sufficit ad distinguendum.

2. AD illud quod secundo obicitur, quod prædicatum supponit pro subiecto, dici potest vno modo quod sicut in inferioribus est prædicatio secundum substantiam, vt homo est animal, & est prædicatio secundum rationem, vt animal est genus, & prædicatum supponit pro eo de quo prædicatur secundum substantiam: sed mutata prædicatione secundum substantiam in prædicatione quæ est secundum rationem, est ibi accidēs. Vnde non sequitur: Animal est genus, homo est animal, ergo homo est genus. Similiter dicunt in diuinis, quod cum sint ibi res, & ratio, est ibi prædicatio secundum substantiam: & illa saluata, quidquid dicitur de prædicato, & de subiecto: sed mutata prædicatione secundum substantiam, in prædicationem secundum rationem, est ibi accidēs, & talis est hæc: Pater generat: sed diuina Essentia est Pater: ergo diuina Essentia generat. Sed ista similitudo non videtur cōueniens, quia in diuinis ratio prædicatur de Essentia, vnde hæc est vera: Essentia est paternitas & generatio: quod quidē in inferioribus non reperitur. Propterea aliter dicendū, quod in diuinis est duplex modus prædicandi, per identitatem, & per inhærentiam. Per identitatem, vt cum dicitur: Essentia est Pater. Per inhærentiam, siue denominationem, sicut faciunt adiectiua, & verba. Prædicatio per identitatem est in diuinis ratione summæ simplicitatis, quæ non patitur personā minus esse simplicem, quā Essentiam. Quæ quia non est in creaturis: ideo in eis non reperitur prædicatio per identitatem omnimodam, nisi idem enuntietur de se, vt cum dicitur, humanitas est humanitas. Sed omnis propria prædicatio est per inhærentiam, quia

Videatur Scotus
refragari, in
1. dist. 2. q. 4.
in resol. q.
circa med.

Infra Dist.
34 q. 2.

nihil est omnino simplex, unde hæc est falsa: humanitas est animalitas. In prædicatione vero per inhærentiam, terminus aliud significat, & aliud supponit: quia significat formam communem, & supponit pro inferiori, & in tali verum est, quod illud quod prædicatur de altero, supponit pro illo. Sed in prædicatione per identitatem, idem significat, & supponit. Unde tunc est sensus, quod significatum per hunc terminum, Pater, est idem quod significatum per hunc terminum, Essentia, & ideo paternitas est essentia: & quia hoc nomen, Essentia, non significat personam: ideo pro ipsa non supponit, cum nullo modo de ipsa prædicetur, nisi prædicatione per identitatem.

3. Ad illud quod obiicitur tertio de passione, & subiecto, & contrariis; dicendum, quod quedam sunt vocabula in divinis substantialia, quæ claudunt intra se rem, circa quam ponunt formam importatam per ipsa, ut hoc nomen, Pater, & talia possunt prædicari per identitatem, ut cum dicitur: Essentia est Pater, id est, ille qui est Pater. Quedam sunt quæ sunt omnino inadiacentia, ut generat, & genitus, & natus, & talia ponunt rem suam circa ea de quibus prædicantur: ideo tantum per inhærentiam prædicantur: & ideo generare ponit distinctionem quam importat circa essentiam, cum de ea dicitur: & ideo hæc est falsa: Essentia generat, hæc tamen vera Essentia est generatio. Et quando à prædicatione per identitatem, itur ad prædicationem per inhærentiam, potest esse ibi accidens. Quod ergo dicitur: De quocunque prædicatur subiectum, & propria passio: istud habet instantiam, ubi proprietas est extranea ei de quo prædicatur subiectum, ut hæc intentio, species, quamvis sit proprietas hominis, & homo dicatur de Petro, non tamen dicitur de eo hoc quod est species. Et si obiicias: In divinis non cadit ratio extranei, quia non cadit ibi accidens; dicendum quod si non sit extraneitas, nec diversitas quantum ad rem, est tamen quo ad rationem, siue quo ad modum prædicandi: qui triplex est in divinis, sicut infra patebit, unde sicut hic est accidens: Essentia est persona: sed persona distinguitur: ergo & essentia, ita in proposito.

4. Ad illud quod ultimo obiicitur de hac: Essentia divina est Filij Pater, distinguitur à præpositivo, quod Pater potest ponere suam rem, siue respectu per ipsum importatum circa ipsum subiectum quod est essentia, & tunc est locutio falsa. Est enim sensus, quod essentia refertur ad Filium. Vel potest claudere intra se rem sui substantiæ, ut sit sensus: Essentia est Pater Filij, id est Essentia est ille qui refertur ad filium, & hoc modo vera est locutio, & non valet argumentum: ergo Filius est Filius essentia, immo est ibi accidens. Sicut enim non sequitur: Filius refertur ad illum qui est Pater, & ille est essentia: ergo refertur, vel distinguitur ab Essentia, sic & in proposito.

Q V Æ S T I O II.

An Filius generetur de substantia Patris.

Alexander Alensis 1. p. q. 42. Membr. 4. art. 2.

S. Thomas 1. p. q. 4. art. 1. Et 1. Sent. d. 5. q. 2. art. 1.

Scotus 1. Sent. dist. 5. q. 2.

Ægid. 1. Sent. dist. 5. 2. p. q. 1.

Richardus 1. Sent. d. 5. q. 3.

Durandus 1. Sent. dist. 5. q. 2.

Franciscus de Mayr. 1. Sent. dist. 5. q. 6.

Joan. Bacon. 1. Sent. dist. 5. q. 1.

Thom. Arg. 1. Sent. dist. 5. q. 1. art. 4.

Gab. Biel. 1. Sent. dist. 5. q. 2.

Verum sit concedendum quod aliquis generetur de substantia Patris, ut Filius. Et quod sic, videtur per multas auctoritates in litera, & maxime per illam: Dicitur quoque, & frequenter in scriptura legitur: Pater de substantia genuisse Filium: sed scriptura non dicit nisi verum nec frequentat nisi proprium: ergo prædictus sermo est verus & proprius.

Item ratione ostenditur sic: Quicunque est ab alio,

& est ei consubstantialis, est de eius substantia: sed Filius est à Patre, & est ei consubstantialis: ergo est de eius substantia.

Item Pater generat Filium: aut ergo de aliquo, aut de nihilo: non de nihilo, quia tunc esset creatura: ergo de aliquo, & non de aliquo alio à se: ergo de sui substantia.

Item in inferioribus: Filius qui habet partem substantiæ à patre, dicitur esse de substantia patris: ergo multo fortius, qui habet totam substantiam, dicitur esse de substantia generantis: ergo hæc est vera: Filius est de substantia Patris.

1. CONTRA: Præpositiones sunt transitivæ, & ubi transitio, ibi etiam est distinctio, & diversitas: ergo cum dicitur filius de substantia patris, hæc præpositio denotat distinctionem inter substantiam Patris, & Filium: ergo cum nulla sit distinctio, quia Filius est substantia patris, præpositio prædicta est falsa. Si dicas quod hæc præpositio, de, cadit à generali significato præpositionum, retinens speciale: ergo est ibi solecismus, sicut si dicatur, sublime volat, pro sublimiter, quod stultum est dicere.

2. Item obiicitur de significato speciali. Hæc præpositio, de, provt accipitur specialiter, aliquando tenetur materialiter, ut cultellus de ferro. Aliquando ordinaliter, ut de mane sit merides, id est post mane. Aliquando originaliter, ut si dicatur, radius de Sole, ut splendor de igne. Sed quocunque istorum modorum accipitur, falsa est locutio. Si materialiter, est falsa, quia filius caret materia. Si ordinaliter, falsa: quia sensus est, quod filius sit post patrem, siue post substantiam patris. Si originaliter, similiter falsa: quia tunc est sensus, quod filius habeat ortum à substantia patris: sed ista non admittitur: Substantia patris generat Filium: ergo est omnino falsa. Si dicas, quod nullo istorum modorum: sed tenetur quarto modo substantialiter: quæritur unde ortum habeat hæc significatio, & ubi similiter accipitur: & videtur quod hoc nihil sit quia tunc hæc esse, vera, pater est de substantia filij: quam nemo concedit.

3. Item hoc idem ostenditur sic: Differt hæc præpositio, de, & a: quia, a, proprie dicit habitudinem principij activi: sed hæc præpositio, de, dicit habitudinem principij passivi: sed Deo, & eius substantiæ magis convenit ratio principij activi, quam passivi: ergo hæc est magis vera: Filius est à substantia patris, quam, de, sed hæc non recipitur: ergo nec alia debet recipi.

4. Item, de, aut dicit identitatem, aut diversitatem. Si identitatem: ergo cum summa identitas sit in essentia, vel substantia, hæc erit vera: Substantia est de substantia quam negat Magister. Si diversitatem: sed non distinguitur substantia Patris à Filio: quia Filius est ipsa substantia Patris: ergo omnino est falsa.

CONCLUSIO.

Concedendum est, Filium generari de Substantia Patris.

Resp. Ad arg. Dicendum quod prædicta locutio est concedenda. Et ad intelligentiam prædictorum notandum, quod præter prædictos tres modos, quibus hæc præpositio, de, accipitur, quarto modo potest etiam accipi, sc. substantialiter, ut dicat substantialem convenientiam inter extrema: sed hanc nunquam pure dicit, cum sit præpositio, & importet aliquam habitudinem, & respectum ad extrema. Si enim tantum substantialiter tenetur, sicut dicitur, filius de substantia patris, ita diceretur, pater de substantia filij, quod absolum est. Propterea notandum, quod substantialiter accipi consuevit tripliciter. Aliquando enim accipitur substantialiter, & partialiter: ut cum dicitur quod partes sunt de toto, siue de substantia totius, ut vicens vini de dolio. Aliquando accipitur substantialiter, & ordinaliter, ut cum dicitur de pane sit corpus Christi, ibi enim est ordo: quia substan-

tia

tia panis non manet in corpore Christi, sicut nec manet in meridie : sed ulterius substantialiter, quia substantia panis transit in substantiam corporis Christi. Aliquando dicitur substantialiter, & originaliter, ut cum dicitur: Filius de substantia Patris, ratione ablatiui tenetur substantialiter, ratione genitiui originaliter: & ideo importat aliquam distinctionem Filij ad Patrem, non ad eius substantiam, & ita præpositio tenet ibi generale significatum, & speciale.

1. 2. Et sic patet responsio ad primum argumentum, & secundum. Tamen quod dicitur quod præpositiones sunt transitivæ, non intelligitur quod notent ex hoc diversitatem necessario: sed sicut dicitur quod obliqui sunt transitivi quantum ad modum: quia transitivæ constructur cum verbis, ut video me: similiter hoc de præpositionibus dicitur, quæ etiam cum obliquis constructur.

3. Patet etiam tertium, quod de, non tantum dicit habitudinem principij actiui, nec tantum habitudinem principij passivi: sed habitudinem consubstantialitatem, cum habitudine originis, quod non facit hæc præpositio, & ideo non est simile.

4. Ad illud quod ultimo obiicitur, patet responsio, quod non dicit ibi penitus identitatem, nec diversitatem: sed consubstantialitatem cum habitudine originis.

ARTICVLVS II.

Consequenter circa secundum Articulum huius Quæstionis, qui est per comparisonem generationis ad Essentiam in ratione termini, duo quærentur. Primo quæritur utrum Substantia sine Essentia generetur. Secundo utrum per generationem communicetur.

QVÆSTIO I.

An Substantia, vel Essentia generetur.

Alexander Alensis 1. p. q. 42. Membr. 3. art. 1.

Scotus 1. Sent. dist. 5. q. 1.

Richardus 1. Sent. d. 5. q. 2.

Franciscus de Mayr. 1. Sent. dist. 5. q. 2.

Tho. Arg. 1. Sent. dist. 5. q. 1. art. 2.

Greg. Arim. 1. Sent. dist. 5. q. 1.

Gabr. Biel. 1. Sent. dist. 5. q. 1.

Ad oppos.
Arist. 5.
Phys. context.
7. Et 1. de
gen. context.
18.

Quod substantia generetur, sic obiicitur. Generatio in inferioribus est motus ad substantiam: quod motus est, hoc est imperfectionis: quod ad substantiam est, hoc est perfectionis. Si ergo quod est perfectionis est transferendum ad diuinam: ergo generatio terminatur ad Essentiam.

1. ITEM generatio in diuinis terminatur: aut ergo ad substantiam, aut ad accidens, quia omne ens est substantia, vel accidens: sed in diuinis non terminatur ad accidens, cum non sit ibi: ergo ad substantiam. Si tu dicas, quod in diuinis quamvis non sit accidens, est tamen relatio, quæ distinguitur à substantia: tunc arguitur sic: Aut generatio terminabitur ad substantiam, aut ad relationem: sed non ad relationem, quia in ad aliquid per se non est origo, nec terminatur productio: ergo terminatur ad substantiam: ergo substantia generatur.

2. ITEM sicut dicit Philosophus, motis nobis, moventur ea quæ in nobis sunt: & corruptis nobis, corrumpuntur ea quæ in nobis sunt, & hoc est quia vniuersale habet idem esse cum singulari: ergo cum multo magis sit eadem substantia cum persona, & substantia sit in persona, si persona generatur & substantia.

3. ITEM generare tam in diuinis, quam in creaturis, est simile sibi producere: sed non est similitudo in persona: sed in substantia, & natura: ergo cum terminetur ad simile, in quantum est simile: ergo ad substantiam secundum quam attenditur similitudo.

CONTRA: Omne quod generatur, ab alio generatur, quia nihil seipsum gignit: sed substantia diuina non habet alium: nec aliud est in diuinis: ergo non generatur.

ITEM omne quod generatur habet principium à quo sed omne quod habet principium est principiatum: sed principium, & principiatum distinguuntur: si ergo substantia generatur, distinguitur: aut ergo à substantia, aut à persona: sed utrumque est impossibile: ergo, &c.

ITEM omne quod generatur est de substantia generantis: si ergo substantia, vel essentia generatur, substantia, vel essentia est de substantia generantis: sed non est nisi vna substantia: ergo idem de seipso, quod impossibile.

ITEM generatio est productio: sed productio est quedam actio, & omnis actio creaturæ terminatur ad singularem: ergo cum generatio sit quedam actio, in diuinis terminabitur ad singulare, siue suppositum: sed tale non est substantia: ergo non terminabitur ad ipsam.

CONCLUSIO.

Substantia non generatur, si pro Essentia, & forma intelligatur: sed Suppositum, vel persona gignitur.

RESP. ad arg. Generatio de sua communi ratione ad substantiam terminatur: sed attendendum quod substantia dicitur dupliciter. Prima quæ est indiuiduum, & hypostasis, siue persona: & secunda quæ est, commune. Dico ergo quod est loqui de termino generationis dupliciter, aut quantum ad productionem, aut quantum ad intentionem. Quantum ad productionem, cum sit circa singulare, terminatur ad substantiam primam. Quantum vero ad intentionem, ad naturam communem, quia hæc natura producit hunc hominem, intendit formam communem dare ei. Sed quoniam in creaturis forma communis numeratur in suppositis: ideo in illis forma communis producit, & corrumpitur, & ideo in creaturis generatio non tantum secundum intentionem, sed etiam secundum productionem ad substantiam communem terminatur: & ideo vniuersale in singulari generatur, quia numeratur. Sed quoniam in diuinis substantia non numeratur, nec aduenit ei nouum esse: ideo generatio secundum productionem terminatur solum ad substantiam primam, quæ est persona, quia persona secundum Boëtium, est rationalis natura indiuidua substantia. Sed quia illud solum dicitur generari proprie, ad quod terminatur generatio secundum rationem producendi: ideo persona generatur, non Substantia, vel Essentia. Et ideo hæc non recipitur: Essentia generatur.

Et sic patent omnia obiecta ad utramque partem: procedunt enim de diuersis viis. Patet etiam quare in diuinis non sequitur, quod generata persona, substantia generetur, sicut in creaturis. Posset tamen aliter dici, quod non generetur commune, nisi ut in hoc: & non tantum in creaturis hoc verum est: sed etiam in diuinis. Commune autem ut in hoc, non significatur in abstractione, sed in concrectione, & ideo quia hoc nomen, *Dens*, significat substantiam in concrectione: ideo in concrectione, *Dens* generatur, & *Dens* generat Deum. Quia vero substantia vel essentia significat in abstractione: ideo nec generat, nec generatur, & ita procedunt rationes ad partes oppositas.

QVÆSTIO II.

An Essentia diuina per generationem communicetur.

Petrus Aureolus 1. Sent. dist. 5. q. 5.

Steph. Brulof. 1. Sent. d. 5. q. 4.

UTRUM Substantia per generationem communicetur, & quod sic, videtur hoc modo. Per illud res communicatur, per quod sit ut sit in pluribus: sed substantia est in pluribus personis, & non est nisi per generationem, & per processionem: ergo per generationem communicatur.

ITEM causa est, quæ posita ponitur res, & quæ remota remouetur: sed posita emanatione in diuinis ponitur

Arist. 1. 1. gen. ani. 6.

Boëtius de duabus naturis, & vna persona.

Fundamēta.

5. Meth. c. 2. context. 2.

communitas : & distinctio, remota generatione , vel emanatione: Essentia est in vno solo, sicut hypostasis : ergo generatio est ratio communicandi Essentiam.

ITEM quod datur alicui, & non desinit haberi à dante, per idem per quod datur, per illud communicatur. Sed substantia à Patre datur Filio per generationem, & non desinit haberi à Patre, dum datur Filio: ergo per generationem communicatur.

ITEM generatio in his inferioribus est ratio communicandi substantiam, siue naturam: sed in diuinis natura est illis multo communicabilior, quia simplicior : ergo in diuinis per generationem substantia, vel essentia communicatur.

1. CONTRA : Generatio est principium distinguendi: sed non est idem principium distinguendi, & communicandi: ergo generatio non est ratio communicandi in diuinis: ergo per generationem nihil communicatur.

2. ITEM quod facit aliquid esse in hoc, non est ratio communicandi: sed appropriandi, & indiuiduandi : sed generatio facit esse substantiam in tali persona, utpote in persona Filij: ergo non est ratio communicandi: sed appropriandi.

3. ITEM per generationem communicatur omne illud quod per generationem est commune. Si ergo substantia per generationem communicatur, per generationem est communis. Si ergo substantia per generationem communicatur, generatione circumscripta, non erit communis: ergo propria. Sed proprium per generationem non potest communicari: ergo nec substantia.

4. ITEM quod per generationem communicatur, per generationem datur, & recipitur : & omne tale, si non est generationi accidentale, generatur: sed substantia non accedit generationi: ergo, &c.

CONCLUSIO.

Essentia diuina per generationem communicatur, quia per generationem fit, ut sit in pluribus una.

RESP. Ad arg. Ad hæc intelligendum notandum est quod commune quantum est de se, indifferenter se habet ad actum & potentiam. Commune enim potest dici illud quod est communicabile, quamvis non sit in pluribus : sicut patet in multis vniuersalibus, ut in Sole, & Luna, & huiusmodi. Commune etiam dicitur communicatum, quod est actu in pluribus. Dico ergo quod quemadmodum forma vniuersalis quantum est de se, communicabilis est: sed tamen actu non communicatur nisi per propagationem, vel aggregationem plurium: sic Natura diuina, vel Essentia de se quidem communicabilis est: sed quod actu comunicetur, non est nisi per id quod multiplicat vel plurificat ei supposita: hæc autem est generatio. Quoniam ergo per generationem personæ plurificantur, & substantia in illis non numeratur, hinc est, quod verissime Substantia, vel Essentia per generationem communicatur: quia per generationem fit, ut sit in pluribus una.

1. AD illud quod obiicitur quod generatio est principium distinguendi, dicendum quod generatio est per se principium distinguendi suppositum à supposito: quia ad id terminatur per se, & est principium communicandi naturam communem: quia consimilem ex simili. Sed quoniam natura in inferioribus numeratur in suppositis: ideo est principium distinguendi etiam commune : sed per accidens: in Deo autem, nec est per se: nec per accidens.

2. AD illud quod obiicitur quod facere commune esse in hoc, est ratio appropriandi, dicendum, quod illud habet veritatem, quando est commune appropriabile, vel appropriatum per esse in hoc. Diuina autem Essentia non est sic appropriabilis, vel appropriata per esse in hoc: quia non est appropriabilis, quo ad significatum, nec quo ad suppositum, quia idem significat, & supponit, sicut supra ostensum est: significatum autem eius nulla additione distinguitur. Hæc enim est vera : Essentia

A Patris, & essentia quæ est in Patre, est Filius. Vel aliter potest dici, quod facere esse in hoc est dupliciter: aut absolute, & sic est ratio appropriandi: aut in comparatione, ut illud quod erat prius in vno, fiat postea in alio, & sic est ratio communicandi naturam. Sed quædam natura est quæ diuiditur in suppositis, ut puta illa cui fit additio: quædam non, ut diuina: & in prima est ratio communicandi, & distinguendi : in diuina solum communicandi.

3. AD illud quod obiicitur, quod si per generationem communicatur substantia, fit per generationem communis substantia: dicendum quod verum est secundum quod commune dicitur secundum actum, quia in pluribus: sed non secundum potentiam, unde circumscripta generatione, substantia est communis, quia communicabilis: sed non est communis, quia communicata.

4. AD illud quod obiicitur, quod illud quod per generationem datur; generatur; dicendum quod falsum est: quia generari dicit productionem, & distinctionem: sed ratio dicit auctoritatem, & communicationem : quia per generationem substantia non distinguitur, quamvis comunicetur : ergo, &c.

DISTINCTIO VI.

Quod Pater nec voluntate genuit Filium, nec necessitate: sicut nec volens, nec nolens est Deus.

PRÆTEREA queri solet, utrum Pater genuerit Filium voluntate: an necessitate. De hoc Orosius ad Augustinum ita ait : Voluntate genuit Pater Filium, vel necessitate : sed nec voluntate, nec necessitate: quia necessitas in Deo non est: preire voluntas sapientiam non potuit. Quocirca, ut Augustinus ait in 15. libro de Trinitate, ridenda est Dialectica Eunomij, à quo Eunomiani heretici orti sunt, qui cum non potuisset intelligere, nec credere voluisset vngitum Dei Filiū Verbum Dei, esse naturam, id est, de substantia Patris genitum: non naturam vel substantiam dixit esse Filium, sed Filium voluntatis Dei volens asserere, accedentem Deo voluntatem, quæ gigneret Filium, sicut nos aliquando aliquid volumus quod antea non volebamus, propter quod mutabilis intelligitur nostra natura, quod absit, ut in Deo esse credamus. Dicamus ergo Verbum Dei esse Filium Dei naturam, non voluntate, neque necessitate, ut docet Augustinus in 15. libro de Trinitate: ubi quendam Catholicum heretico respondentem commendat, dicens: Acute sane quidam respondit heretico versutissime interroganti, utrum Deus Filiū volens, vel nolens genuerit: ut si diceret nolens, absurdissima Dei miseria sequeretur: si autem volens, continuo quod intendebat, concluderet, sc. non naturam esse Filium sed voluntatis. At ille vigilantissime vicissim quesivit ab eo, utrum Deus Pater volens, aut nolens sit Deus: ut si responderet, nolens, sequeretur grandis absurditas, & miseria, quam de Deo credere magna est infamia: si autem diceret, volens, responderetur ei, ergo & ipse voluntate sua Deus est, non natura. Quid ergo restabat, nisi ut obmutesceret, sua interrogatione obligatum indissolubili vinculo se videns? Ex prædictis docetur non esse concedendum, quod Deus voluntate, vel necessitate, vel volens, vel nolens sit Deus. Item quod voluntate, vel necessitate, vel volens, vel nolens genuerit Filium.

Oppositio contra prædicta.

Sed contra hoc opponitur sic: Voluntas Dei est Natura, siue essentia Dei, quia non est aliud Deo esse, aliud velle & ideo sicut una est Essentia trium personarum, ita & una voluntas

Si ergo Deus natura Deus est, & voluntate Deus est: A
& si Verbum Dei natura Filius Dei est, & voluntate
Filius Dei est. Hoc autem facile est refellere: nam &
præscientia Dei, siue scientia qua scit, vel præscit bona
& mala, diuina natura siue essentia est: & prædesti-
natio, siue voluntas eius eadem diuina essentia est, nec
est aliud Deo scire & velle, quam esse. Et cum sit unū
& idem scientia Dei, vel voluntas, non tamen dicitur
de voluntate quidquid dicitur de scientia, & e conuer-
so. Nec omnia illa sua voluntate Deus vult, qua sua
scientia scit, cum sua scientia nouerit tam bona quam
mala, voluntate autem non nouerit nisi bona. Scientia
quippe Dei & præscientia de bonis est & malis: volun-
tas vero & prædestinatio de bonis est tātum. & tamē B
unum & idem in Deo est scientia & voluntas, & præ-
scientia & prædestinatio. Ita cum unū sit natura Dei
& voluntas, dicitur tamen Pater genuisse Filium na-
tura, nō voluntate: & esse Deus natura, nō voluntate.
Qualiter intelligenda sint illa verba: Pater nec nolens,
nec volens Deus est, nec volens, nec nolens
genuit Filium.

Prædicta tamen verba, quibus prudēter dictum est
q̄ Deus Pater nec volens, nec nolens est Deus, nec nolēs
nec volens genuit Filium, siue voluntate, siue necessi-
tate, ex tali sensu mihi videntur accipienda, ut vo-
luntatem præcedentem, vel accedentem intelligamus
qualiter Eunomius intelligebat. Nō enim ipse Deus est
voluntate præcedenti, vel efficiēti, vel volens prius- C
quam Deus: nec voluntate præcedenti, vel accedenti
genuit Filium, nec prius volens, quam generans ge-
nuit Filium, nec prius generans, quam volens, genuit
Filium: volens tamen genuit, sicut potens genuit, &
bonus genuit Filium, & sapiens genuit, & huiusmodi.
Si enim Pater sapiens, & bonus, dicitur genuisse Fi-
lium, cur non & volens? cum ita sit Deo idem esse vo-
lentem, quod est esse Deum, sicut idem est esse sapien-
tem, quod est esse Deum. Dicamus ergo: Quia Pater si-
cut sapiens ita volens genuit filium: sed non voluntate
præcedenti, vel accedenti. Quum sensum aperit
† Hieronymus, & confirmat ita dicens super episto-
lam ad Ephesios: De Filio Dei, id est, de Domino No-
stro Iesu Christo, in alio loco scriptum est: quia cum Pa- D
tre semper fuit, & nunquam eum, ut esset, paterna
voluntas præcessit: & ille quidem natura Filius est.

DISTINCTIO VI.

De Comparatione actus generandi ad Potentiam.

Præterea quæri solet, utrum Pater genuerit Filium
voluntate, &c.

Expositio Textus.

 N parte ista ponit Magister dubitationes emer-
gentes ex cōparatione actus generandi ad po- E
tentiam. Et quoniam contingit cōparari actum
generandi ad potentiam, & potentiam generandi ad
suppositum, & ex vtraque comparatione incidit dubi-
tatio circa essentia unitatem: ideo primo ponit dubita-
tionem ex comparatione actus generandi ad potentiam.
Secundo ponit dubitationem ex comparatione poten-
tia generandi ad personam, infra distinct. 7. Hic solet
quæri à quibusdam, &c.

ITEM prima pars, quæ continet præsentem distin-
ctionem, habet quatuor particulas. In prima proponit
quæstionem. Vtrum potentia, vel virtus generandi sit

producens necessitate, vel voluntate, & determinat uni-
tatem huius quæstionis. Secundo ad illam quæstionem
respondet contra hæreticum hominem arguendo, ibi:
Dicamus ergo, Verbum Dei esse, Filium Dei. Tertio vero
opponit contra prædictam solutionem, & respondet
ibi: Sed contra hoc opponitur sic: Voluntas Dei, &c. Quarto,
& vltimo redit ad explanationem primæ solutionis,
ibi: Prædicta tamen verba, quibus prudenter dictum est,
vbi explanat solutionem præhabitam.

Nec Voluntate, nec necessitate. Dub. I.

Videtur sufficiens diu. fro. Omne enim quod Deus fa-
cit, aut facit naturaliter, & sic necessario aut voluntarie.
Si tu dicas quod ipse respondet ad intellectum hæreti-
ci, & hæreticus intelligit de voluntate antecedente, &
necessitate ineuitabilitatis: obicitur quod oratio nihi-
lominus in se est multiplex. Sed qui respondet orationi
multiplici simpliciter affirmando, vel negando, male re-
spondet secundum quod dicit Philosophus, ergo, &c.

RESP. Dicendum quod Augustinus respondet se-
cundum intellectum hæretici, quamvis autem oratio in
se sit multiplex, quia tamen hæreticus in vno sensu
eam accipit, iam multiplicitas illa non faceret ad solu-
endum, quia non procedit secundum illam. Sed distinctio
propositionis multiplicis, quando secundum illam mul-
tiplicitatem non cadit deceptio, magis est ad ostenta-
tionem, quam ad veram responsionem.

Verbum Dei, esse Filium Dei natura, non voluntate.
Dub. II.

Videtur non bene dicere, quia Pater alio est Deus,
alio est Pater, quia diuinitate est Deus, & paternitate
est Pater, ut dicit Augustinus. Sed Filius est Deus, na-
tura diuinitatis: ergo hac non dicitur Filius: sed ipsa fi-
liatione.

RESP. Dicendum quod ille ablatius potest construi
formaliter, & sic falsa est: quia formaliter alio est Deus
scilicet natura, & alio Filius. Potest iterum construi ori-
ginaliter, & in ratione principij, & sic vera est, & est
sensus, quia Filius etiam habet à Patre naturali.

Acute sane quidam respondit, &c. Dub. III.

CONTRA: Augustinus commendat istam solutio-
nem, quæ non est commendanda, quia multiplicare in-
conueniens, non est soluere.

RESP. Dicendum quod est solutio ad hominē, & est
solutio ad rationem, & aliquando melius & vtilius est
soluere ad hominem quam ad rationem, ut puta, quan-
do respondens est discipulus, & non vult intelligere veri-
tatem, & quando assistentes sunt simplices, & non pos-
sunt capere veritatem, & subtilitatem: ideo quia hære-
ticus veritatem respuebat, & aduersabatur: idcirco ad-
uersanti erat aduersandum, & tali modo, quo magis pri-
uaretur gloria, & assistentes fallacia. Ideo commendat
istam responsionem Augustinus, quod manifeste oppo-
nentem sua quæstione ligauit. Hunc ergo modum re-
spondendi docuit Dominus cum dixit: Baptismus Ioan-
nis de celo erat, an de hominibus? &c.

ITEM queritur cum non sit responsum ad rationem,
quo modo respondendum sit. Videtur quod diuisio hæ-
retici sit per immediata, quia velle & nolle opponun-
tur contradictorie: inter quæ non cadit medium: & di-
cendum ad hæc quod hæreticus querit de voluntate
accedente, siue de antecedente, & tunc neutra pars est
vera, nec sunt membra opposita contradictorie, sed
contrarie. Nolle enim & velle dicunt actus voluntatis
contrarios, inter quos cadit medium. Aliquid enim est
respectu cuius voluntas non habet rationem causæ,
nec repugnantia, & ita patet illud.

Nam & de præscientia. Dub. IV.

Videtur falsum dicere de scientia Dei, & præscientia
de bonis & malis. Dicit enim Gloss. super illud Psalmi:
Quæ ignorabam interrogabant me, &c. Ars nescit vi-

Hilarius in
lib. de syno-
do: Eos, qui
dicunt, de
non exanti-
bus esse Fi-
lium Dei, si-
militer qui
dicunt, quod
neque confi-
lio, neque vo-
luntate Pa-
ter genuit
Filiū, ana-
thematizat
sancta Eccle-
sia. Item si
quis noceat
Patri dicat
naturā Filiū,
anathema
sit: Non enim
voluntate Pa-
ter, coactus
Pater, vel
naturaliter ne-
cessitate du-
ctus, cum
nollet genuit
Filiū: sed
maximè vo-
lunt, sine
tempore &
impassibili-
ter ex se vni-
genitum de-
monstrauit.
† Hieron.
Comment.
lib. I. ad
Ephes. ca. 3.
ibi: Qui præ-
destinauit
nos, tom. 6.
Eccl. 1. a

Diuisio.

Arif.
Elanch.
& 14.

Aug. li.
de Trin.
tom. 3.

Matt. 21

Glossa in
hunc locū
tom. 6.
Psalm. 34. b

tium: sed in Deo est ars artium, ergo, &c. Si dicas quod nescit per modum practicum, sed speculationis. Contra: Illud solum scit hoc modo quod in eo relucet: sed in Deo non relucet mala: ergo, &c.

ITEM videtur Magister non soluere argumentum: multiplicare enim inconueniens non est soluere.

RESP. Dicendum quod sicut infra dicitur: Deus cognoscit bona in seipso & mala per seipsum, sicut rectum iudicat de obliquo, & lux de tenebra: nec oportet, quod in Deo luceat malum: sed sufficit quod luceat in eo mali oppositum.

AD illud quod obiicitur de solutione Magistri, dicendum quod solutionem non ponit: sed innuit contra arguendo, quasi dicat ex eo quod est ex illo, idem non potest inferri ex altero: quia quamvis sint idem in essentia: tamen diuersa sunt connotata.

Prædicta tamen, &c. Dub. V.

ITEM quæritur de hoc quod dicit Hilarius in notula circa istum §. Prædicta tamen, quod sancta Ecclesia anathematizauit eos, qui dicunt, Deum non generare consilio, &c. Videtur enim contradicere Damasceno dicenti: Quia in Deo non est consilium, quia consilium est ignorantis naturæ.

RESP. Dicendum quod consilium dicitur dupliciter. Vno modo dicitur consulere, accipere consilium, & sic dicit ignorantiam, & similiter consilium dictum ab hoc. Alio modo consulere dicitur dare consilium, & hoc modo dicit scientiam, & potest transferri ad diuina. Deus enim nullo modo accipit consilium aliunde. Vnde notandum quod in consilio duo sunt. Est ibi cognitio rei occultæ & est ibi dispositio firma: quoniam ergo in Deo est verissima cognitio occultorum, & inuariabilitas, ideo recte in ipso dicitur esse consilium. Vnde Gregorius: Deus mutat sententiam: sed non consilium.

ARTICVLVS I.

AD euentiam huius partis tria principaliter quærentur. Primo quæritur utrum generatio filij sit secundum conditionem necessitatis. Secundo, utrum sit secundum rationem voluntatis. Tercio utrum secundum conditionem exemplaritatis.

QVÆSTIO I.

An necessario in diuinis sit generatio Filij.

Alexander Alensis 1. p. q. 42. Membro 5. art. 1.

S. Thomas 1. p. q. 41. art. 2.

Egidius Rom. 1. Sent. dist. 6. q. 2.

Richardus 1. Sent. dist. 6. q. 1.

Franciscus de Mayr. 1. Sent. dist. 6. q. 3.

Thom. Arg. 1. Sent. dist. 6. q. 2. art. 2.

QVod generatio sit secundum conditionem necessitatis, sic ostenditur. Fecundior & actualior est natura in Patre ad producendum Filium, quam sit in luce ad producendum radium: sed lucem necesse est radium producere, ita quod productio in ipsa est secundum conditionem necessitatis: ergo multo fortius in Patre respectu Filij.

ITEM omne quod emanat ab alio, emanat secundum conditionem necessitatis, aut contingentie: ergo & Filius emanat ab altero istorum duorum modorum: sed non secundum conditionem contingentie, quia tunc contingens esset Filius generari: ergo.

ITEM ab Omnipotente detrahere maximum posse, est impossibile: sed Deus Pater est Omnipotens, cuius maximum posse est generare Filium: ergo detrahere ei, posse generare Filium: est impossibile. Sed in æternis potentia est coniuncta actui: ergo pari ratione impossibile est auferre actum generationis: ergo impossibile est non generare: sed impossibile non esse, & necesse esse conuertuntur: ergo necesse est generare.

1. CONTRA: Augustinus ad Orosium, & Magister dicit in littera: Nec voluntate, nec necessitate ge-

nuit Pater Filium, quia necessitas in Deo non est: ideo, &c.

2. ITEM Hilarius in libro de Synodis: Non naturali necessitate ductus Pater genuit Filium: ergo non fuit ibi necessitas naturalis, nec necessitas alia, ut videtur: ergo, &c.

3. ITEM nobilior produciens est illud quod dominatur suæ actioni quam quod subiacet: sed agens secundum rationem necessitatis subiacet actioni: quia vel nolit, oportet ipsum facere: ergo simpliciter Pater, qui est nobilissimum agens, nobilissimo modo producit Filium: non igitur secundum conditionem necessitatis.

4. ITEM hoc idem potest ostendi sic: Quod gratis datur, non de necessitate datur. Sed Richardus dicit quod in Patre est amor gratuitus, quo dat esse Filio, & Spiritui sancto: si ergo gratis dat, non dat necessario.

CONCLUSIO.

Generatio necessario est in diuinis, necessitate immutabilitatis, non exigentia, aut coactionis.

RESP. ad arg. Ad prædictorum intelligentiam est notandum quod multiplex est necessitas. Quædam enim est necessitas proueniens ex principio disconueniente. Quædam ex principio deficiente. Quædam ex principio conueniente, & sufficiente. Illa autem quæ prouenit ex principio disconueniente, est duplex. Aut enim est ex ipso mouente contra naturam, & hæc est necessitas violentie: aut contra voluntatem, & est necessitas coactionis, & de illis duobus modis quærit hæreticus, qui sunt valde vsitati. Illa similiter quæ est ex principio deficiente, est duplex. Aut enim est respectu eius quo res est nata compleri, & hæc est indigentie necessitas, ut cibi, & potus, & de hac dicit Ioannes: Qui viderit fratrem suum necesse habere, &c. Aut respectu eius quod incurrit ex ipso defectu, & hæc est necessitas inevitabilitatis, qualis est in morte, & in primis motibus: hanc necessitatem incurrit homo ex carentia originalis iustitie. Psalmus: De necessitatibus meis erue me. Tertia est similiter duplex, quæ est ex principio sufficiente & conueniente. Aut enim ex principio sufficiente in disponendo, & hæc est necessitas materie dispositæ quæ potest dici necessitas exigentie: aut in complendo, & hoc immutabilitatis est necessitas. Et hoc ultimo modo necessitas cadit in Deo, & principaliter in Deo: quia ipse solus est qui principaliter sibi omnino sufficit, & qui secum omnino conuenit. Hæc autem necessitas non repugnat libertati voluntatis, sed solum vertibilitati, qualis non est in Deo.

1. AD illud quod obiicitur de littera, dicendum quod illud intelligitur de necessitate coactionis, quæ nullo modo cadit in Deum, & de hac quærebat hæreticus.

2. Similiter & Hilarius intelligit de hac eadem: vnde subiungit in littera: non naturali necessitate, cum nollit: tunc ibi enim esset coactio, dum repugnaret voluntas.

3. AD illud quod obiicitur, quod agens per necessitatem subiacet suæ actioni, dicendum quod falsum est, nisi sit necessitas repugnans voluntati. Cum enim est necessitas repugnans, necesse est voluntatem subiici, quia non potest præualere. Sed quando est necessitas summe consonans non potens discordare à voluntate, tunc nullam inducit subiectionem, sicut patet. Deus necessario est beatus, & necessario vult esse beatus: & sicut necessarium est ipsum esse beatum, ita & velle: sic intelligendum est in generatione filij.

4. AD illud quod obiicitur de amore gratuito, dicendum quod duo sunt in gratuito amore, vnum est quod dat liberalitate mera, ita quod nulla est exigentia, siue debitum meriti, vel nature. Aliud, quia dat sine retributione, & quantum ad hoc secundum, dicitur amor gratuitus in patre, non quantum ad primum: nam fecunditas patris necessario est ratio communicandi naturam.

QVÆSTIO

QVÆSTIO II.

An generatio in diuinis sit secundum rationem voluntatis.

Alex. Alensis 1. p. q. 42. Membr. 5. art. 1.
S. Thom. 1. p. q. 41. art. 2.
Scot. 1. Sent. dist. 6. q. 1.
Egid. Rom. 1. Sent. dist. 6. 2. p. q. 2.
Rich. 1. Sent. dist. 6. q. 2.
Franciscus de Mayr. 1. Sent. d. 6. q. 1.
Durandus 1. Sent. dist. 5. q. 1.
Ioan. Bacon. 1. Sent. dist. 6. q. 1.
Thom. Arg. 1. Sent. dist. 6. q. 2. art. 3.
Gubr. Biel. 1. Sent. dist. 6. q. 1.

Fundamēta.

Cap. 20.

Aug. 15. de Trin. c. 20. tom. 3.

Hæc ratio est Aug. ad Oros. q. 7. tom. 4.

Ad oppositum.

Aug. 9. de Trin. c. 12. in fine, to. 3.

VTRVM generatio Filij sit secundum rationem voluntatis. Et quod non. Videtur primo per auctoritates, secundo per rationes. Primo ostenditur per auctoritatem Hilarij qui dicit in lib. de Synodis: Omnibus creaturis substantiam Dei voluntas attulit: sed Filio natura dedit.

ITEM Augustinus reprehendit Eunomium qui posuit filium Dei esse Filium voluntatis: ergo si recte reprehendit, generatio Filij non est secundum rationem voluntatis.

ITEM rationibus ostenditur sic: Generatio quantum est de se est exitus naturalis, siue per modum naturæ. Sed ille est alius modus producendi quam per voluntatem: ergo, &c.

ITEM Filius est sapientia Patris: ergo si procedit secundum rationem voluntatis, voluntas est prior sapientia: sed hoc est inconueniens, quia cognitio secundum rationem intelligendi præcedit affectionem, siue voluntatem.

1. **S**ED contra: In omni natura ordinata potentia naturalis subiacet voluntati, vel saltem conformatur voluntati, sicut patet in primo homine: sed in Deo est natura ordinatissima: ergo nihil est à natura, vel per naturam, quod non sit per voluntatem.

2. **I**TEM ad hoc est auctoritas Hilar. in 3. de Trinit. Pater ante omne tempus Filium procreauit, omne quod est Deus per charitatem natuitati eius, impartiens: si per charitatem: ergo per voluntatem.

3. **I**TEM Origen. loquens de mente diuina dicit: Germen proferens voluntatis sit Verbi Pater: ergo videtur quod Filius generetur à Patre per voluntatem, & quod sit Filius voluntatis.

4. **I**TEM consimilis est modus producendi in Trinitate creata, & in Trinitate increata: sed in imagine, notitia oritur mediante voluntate à mente: ergo Filius à Patre mediante voluntate, siue per voluntatem. Minor patet per Augustinum: Partum mentis præcedit appetitus, quo dum quærendo inuenimus quod nosse volumus, nascitur proles, ipsa notitia.

5. **I**TEM ubi est maior communicatio, ibi est liberalitas maior: sed Pater plus communicat Filio, quam omnibus creaturis: ergo maior est ibi liberalitas: ergo cum creaturæ procedant per modum liberalitatis, multo magis Filius, & sic, &c.

6. **I**TEM in creaturis existentibus in actu generationis, simul mouet natura & voluntas, & nihil ex hoc Filio derogatur: ergo si Pater magis producit secundum se totum, quam creaturæ: ergo multo fortius per naturam, & voluntatem.

CONCLUSIO.

Generatio Filij est secundum voluntatem complacentia, & non secundum voluntatem qua sit principium cum communicante natura.

RESP. ad arg. Dicendum quod voluntas potest dupliciter considerari respectu voliti scilicet, vt in ratione approbantis, & diligentis, & sic est respectu omnis boni, siue sit necessarium, siue sit contingens, siue creatum, siue increatum, siue ab alio, siue non ab alio, vt patet.

A Hæc enim vera est: Pater vult esse Deus. Alio modo consideratur vt in ratione producentis. Et hoc dupliciter, aut prout principium distinctum cōtra naturā, secundum quod dicitur quod alia sunt natura, alia voluntate, aut prout est coniunctum. Si prout est principium distinctum, sic distinguitur voluntas dupliciter, scilicet accedens, & antecedens: voluntas accedens est qua aliquis de non volente fit volēs, hæc nō est in Deo, nec respectu Dei, Deus enim non habet aliā nouam voluntatē, nec respectu sui, nec respectu alterius. Voluntas antecedens præcedit effectū causalitate, & duratione: hæc quidem est in Deo sed non respectu Dei, sed respectu creaturæ: solū, omnes enim diuinæ personæ sunt simul. Alio modo prout voluntas consideratur vt principium coniunctū naturæ, potest esse dupliciter, quia tunc natura & voluntas sunt principia: aut igitur natura est produciens principaliter voluntate comunicante, aut è conuerso. Vtrumq; enim principaliter esse non potest. Si voluntas est principium cum communicante natura, sic est processio Spiritus sancti, qui procedit per modum amoris, tamen similis in natura. Si vero natura est principium cum comunicante voluntate, sic est generatio filij qui produciatur vt omnino similis & per modum naturæ, nihilominus vt dilectus, & ideo dicitur quod sibi in eo complacet Pater. Et dicitur Filius dilectionis.

1. 2. 3. **A**D illud quod obiicitur in contrarium quod generatio est per modum voluntatis, siue secundum rationem voluntatis, dicendum quod hoc intelligitur, aut de voluntate approbante, vt ostendunt duæ auctoritates Hilar. & Origen. aut de voluntate communicante cum natura, vt ratio quæ posita est primo.

4. **A**D illud vero quod obiicitur de similitudine imaginis, dicendum quod in hoc est dissimilis imago creato ipsi Trinitati increatæ, vt dicit August. 15. de Trinit. quia ibi non nascitur verbum per inquisitionem, sicut potest nasci in nobis, vnde potius valet ad oppositum, quam ad propositum.

5. **A**D illud quod obiicitur quod maior est communicatio in generatione Filij, &c. Dicendum quod maior communicatio, vel minor, non facit modum emanandi esse secundum liberalitatem, vel secundum modum voluntatis: sed modus, siue ratio communicandi. Et quia Pater communicat creaturis per voluntatem, ita quod voluntas eius est causa produciens Filio per fecunditatem naturæ: ideo non sic dicitur Filius produci per voluntatem, sicut creaturæ.

6. **A**D illud, quod in generatione hominis simul mouet natura & voluntas dicendum, quod hoc est propter defectum magis quam propter complementum: quia Pater per se non potest generare: sed ex communicatione cum alio distante, quod sit ad imperium voluntatis: Deus autem alio adiuuante non indiget, & ideo non est simile.

QVÆSTIO III.

An generatio Filij sit secundum rationem exemplaritatis.

Alex. Alensis 1. p. q. 42. Membr. 5. art. 3.
Egid. 1. Sent. dist. 6. q. 1.
Richardus 1. Sent. d. 6. q. 4.
Franciscus de Mayr. dist. 6. q. 4.

VTRVM generatio Filij à Patre sit secundum rationem exemplaritatis. Et quod sic videtur hoc modo. Super illud Psalmi: Semel locutus est Deus, Gloss. id est, Filium genuit, in quo omnia disponit: sed dispositio æterna dicit rationem exemplaris: ergo si filius procedit vt verbum, procedit per modum exemplaritatis.

2. **I**TEM generatio Filij à Patre est similis productioni notitiæ ex mente: sed notitia procedit ex mente secundum rationem exemplaris, quia exemplar est ratio cognoscendi: ergo, &c.

3. **I**TEM quod est imago in producto, hoc est exemplar in producente. Quando enim productum expresse

repræsentat, imago dicitur. Similiter cum produ-
cens expresse repræsentat, exemplar dicitur: ergo cum Filius
procedat ut imago, eadem ratione per modum exem-
plaritatis.

4. ITEM omne principium cognituum rei produ-
cendæ producit secundum rationem exemplandi: sed
Pater est principium Filij cognituum: ergo producit fi-
lium secundum rationem exemplaris. Si dicas quod illud
non sufficit, immo necesse est quod exemplar & exem-
platum differant in forma & natura, hoc nihil est, quia
si homo dum generat hominem, posset talem generare
qualem cogitat, tunc generatio illa non tantum esset se-
cundum naturam, sed etiam secundum exemplar. Sed
Pater omnino produxit filium ut sciuit & voluit: ergo,
&c. Si dicas quod nec illud sufficit: sed necesse est
exemplar præcedere. Obiicitur: Si Deus ab æterno
creasset mundum per impossibile, nihilominus mundus
esset productus secundum rationem exemplaritatis.

CONTRA: In inferioribus agens per naturam, &
agens per exemplar ex opposito diuiduntur, sicut na-
tura & intellectus: ergo quod producit secundum natu-
rā, non producit secundum rationem exemplaritatis:
sed filius secundum naturā producit à Patre: ergo, &c.

ITEM omne producus aliud secundum rationem
exemplaritatis, producit secundum rationem volunta-
tis. Sed pater, ut ostensum est supra, non producit fi-
lium per voluntatem: ergo, &c.

ITEM formæ non est forma, ergo nec exemplaris
exemplar: sed filius est ars & exemplar omnium: ergo
non habet exemplar in patre: ergo non procedit secun-
dum rationem exemplaritatis.

ITEM quod est in alio secundum veritatem non est
in illo secundum exemplar: sed filius est in patre secun-
dum veritatem: ergo non procedit secundum ratio-
nem exemplaritatis: ergo, &c.

CONCLUSIO.

*Filius generatur à Patre per modum natura, & exem-
plantis, sicut ratio exemplandi, non exemplati.*

RESP. AD ARG. Dicendum quod sicut procedere
per modum voluntatis & liberalitatis est dupliciter:
vno enim modo procedit per modum liberalitatis ipsum
quod non est liberalitas, sed quod fit, vel datur ex libe-
ralitate, & sic creaturæ procedunt à Deo. Alio modo sicut
id quod est ratio liberalitatis, ut amor, & sic procedit
Spiritus sanctus ut amor, qui est donum, in quo omnia
dona donantur. Sic per modum exemplaritatis est pro-
cedere dupliciter. Vno modo sicut exemplatum proprie,
sic creatura procedit à Deo, tanquam exemplatum ab ex-
emplari, & sic importat exemplar causalitatem formalem res-
pectu exemplati. Alio modo dicitur procedere per modum
exemplantis, sicut ratio exemplandi, & sic videtur pro-
cedere ipse filius, qui dicitur Verbum patris quo non
tantum se loquitur: sed etiam cætera disponit. Vnde
filius secundum Augustinum dicitur plena ars omnium
rationum viuentium Et hinc habet ortum illud quod cō-
suevit dici, quod qui negat ideas esse, negat Filium Dei
esse. Et ille modus producendi secundum exemplaritatē
non repugnat processui naturali, immo non potest esse
nisi naturalis. Alius vero modus repugnat processui na-
turali, est enim secundum voluntatis imperium, ita quod
producus & productum differunt sicut causa & causa-
tum: & vnum secundum veritatem non est in alio.

Vnde rationes inductæ ad hanc partem procedunt
secundum hanc viam: & secundum hanc, verum con-
cludunt: secundum aliam vero nulla concludit, immo ad
omnes respondendum est per interemptionem.

1. 2. 3. Illæ autem quæ obiiciuntur in contrarium
omnes procedunt secundum aliam viam, quia dicunt quod
procedit secundum modum exemplaritatis, quod est ratio
exemplandi: quod patet, quia sumuntur à ratione æter-
næ dispositionis, cognitionis, & imaginis. Vltima vero
ratio cōcludit quod procedit per modum exemplarita-

tis, sicut exemplatum, & propterea soluenda est per
interemptionem.

4. AD illud ergo quod obiicitur, quod omne princi-
pium rei producendæ, si habet cognitionem, producit
per exemplar, dicendum est quod illud falsum est, nisi
ratio cognitionis præcedat, ita quod habeat præcogni-
tionem, saltem secundum rationem causæ ad effectum:
quæ ordinatio exigit essentialē diuersitatem, siue sub-
stantialē. Exemplatum enim secundum quod exempla-
tum, non est in exemplante secundum veritatem, sed
per similitudinem: quæ, inquam, similitudo cum sit ratio
cognoscendi & exemplandi, dicitur exemplar. Procedit
ergo filius secundum rationem exemplaritatis, non si-
cut exemplatum per exemplar: sed sicut ipsum exem-
plar, vel ratio exemplandi cætera.

Et si tu obiicias quod exemplar commune est toti
Trinitati, respond. ad hoc Altiſiodorensis de mundo archetypo, siue de ideis, quod idea, siue mundus archetypus non tantum appropriatum est ipsi filio, verum etiam, proprium.

Vel aliter potest dici, quia secundum quod exem-
plar dicitur rationem cognoscendi, sic commune est toti
Trinitati, & appropriatur filio, sicut sapientia. Secun-
dum vero quod ultra hoc dicitur rationem emanandi, sic
est proprium Filij, & sic importatur per hoc nomen,
Verbum, ut melius patebit infra.

DISTINCTIO VII.

C Hic quæritur, an Pater potuerit, vel voluerit
gignere Filium: & si hoc potest natura: &
an hoc sit Potentia, quæ non sit in filio.

NIC solet quari à quibusdam, utrum Pater po-
tuerit, vel voluerit generare Filium. Si enim
inquirunt, potuit, vel voluit generare Filium: ergo po-
tuit aliquid, & voluit, quod nec voluit, nec potuit Fi-
lius: nam Filius nec potuit, nec voluit generare Fi-
lium. Cui versus ita facile respondemus, dicentes: Posse
vel velle generare Filium, non est aliquid posse vel
velle subiectum potentia, vel voluntati. Est tamen
aliqua potentia vel voluntas, scilicet posse, vel velle
gignere filium, & ideo distinguenda est intelligentia
propositi verbi, posse vel velle gignere filium, & posse
vel velle aliquid. Neque enim generatio filij aliquid
eorum est, quæ subiecta sunt diuina potentia & vo-
luntati: nec est aliquid inter omnia, vel de omnibus,
sed super omnia, & ante omnia. Non enim ante voluit
vel potuit, quam genuit: sicut nec ante fuit, quam ge-
nuit: quia ab æterno fuit, & ab æterno genuit. Ex simi-
li quoque hoc videre possumus, Pater enim potest esse
pater, & vult esse pater: filius autem non potest, nec
vult esse pater: ergo pater potest, vel vult esse aliquid,
quod non potest, vel vult esse filius, non sequitur: quia
esse patrem non est esse aliquid, sed est esse ad aliquid,
ut in sequenti ostendetur.

Ponit quædam verba Augustini: vnde potest
moueri Auditor.

Sed vehementer nos mouet quod August. ait in lib.
contra Maximinum, qui asserbat patrem potentio-
rem esse filio, eo quod filium genuit Deum Crea-
torem, filius autem non: dicebatque patrem potuisse gi-
gnere non filium: & ideo potentiorē esse filio. Ad
quod respondens Augustinus dicere videtur, quod fi-
lius etiam potuit gignere, volens ostendere patrem
esse non potentiorē filio, his verbis: Absit, ut ideo po-
tentior sit pater filio, sicut putas, quia Creatorem
genuit

genuit Pater, Filius autem non genuit Creatorem: neque enim non potuit: sed non oportuit: Vide, & diligenter attende hac verba, non enim non potuit gignere: sed non oportuit, & ita potuit quod non oportuit. Quare autem non oportuit, subdit dicens: Immoderata enim esset diuina generatio, si genitus filius nepotem gigneret patri, quia & ipse nepos nisi auo suo pronepotem gigneret, secundum vestram mirabilem sapientiam, impotens diceretur. Similiter etiam ille, si nepotem non gigneret auo suo, & pronepotem proauo suo, non a vobis appellaretur omnipotens, nec impleretur generationis series, si semper alter ex altero nasceretur: nec eam perficeret ullus, si non sufficeret vnus omnipotens. Itaque omnipotentem genuit filium patris natura, non fecit.

Opponitur prædictis verbis Augustini.

Hoc autem videtur quibusdam non posse stare, scilicet quod filius potuerit gignere. Si enim potuit filius gignere potuit esse pater: & si potuit esse pater, potuit ergo esse pater vel sui, vel Patris, vel Spiritus sancti, vel alicuius alius non: quia nullus alius semper fuit. Nec Patris: quia pater est ingenuitus & innascibilis. Nec sui: quia nulla res se ipsam gignere potest: Nec Spiritus sancti: quia nasci non potuit. Si enim nasci potuit, potuit esse filius, & ita mutabilis esse potuit.

Hic quaeritur quo modo intelligenda sint.

Quomodo ergo accipiat quod supra dictum est: Non enim non potuit gignere: sed non oportuit: quasi potuit: sed non oportuit. Non est nobis perspicuum aperire quod modo sit hoc verum, & ideo sub silentio potius esset prætereundum, nisi me super hoc aliquid loqui cogeret instantia querentium.

Hic aperitur ex quo sensu accipienda sint.

Potest ergo sic intelligi. Non enim potuit, sed non oportuit, id est, non ex impotentia sui fuit quod filius non genuit, sed ei non conueniebat: sicut Deus filius non est Deus pater, nec tamen hoc ex impotentia sui est. Nam & pater similiter non est filius, nec hoc est ex impotentia patris. Sed quaerit Maximinus Arrianorum Episcopus: Vnde ergo est quod pater non potest esse filius, vel filius pater? non utique ex impotentia: sed pater proprietate generationis. Pater est, quia oportet eum non esse Filium, & filius proprietate natiuitatis Filius est, quia oportet eum non esse Patrem. De quibus proprietatibus postea plenius tractabitur.

Vtrum Pater natura sit potens gignere Filium, & an hoc sit aliqua potentia quæ non sit in Filio.

Item quaeritur à quibusdam. Si Pater potens sit natura gignere Filium, & an hoc sit aliqua potentia quæ non sit in Filio. Ad quod dicimus, quod pater non est potens nisi natura: eius enim potentia natura est vel essentia. At inquirunt illi, si potens est gignere, habet ergo potentiam gignendi. Filius autem non habet potentiam gignendi, si non potest gignere. Habet ergo aliquam potentiam Pater quam non habet Filius, non sequitur. Eadem enim potentiam habet penitus Filius quam & Pater: quia Pater potuit gignere, & Filius gigni potuit. Eadem enim potentia est in Filio quæ potuit gigni, quæ est in Patre quæ potuit gignere. Sed contra hoc opponitur: Aliud est posse gignere, aliud est posse gigni, quia aliud est gignere, & aliud gigni. Hic distinguendum est. Si enim cum dicitur, aliud est posse gignere, aliud posse gigni, aliam significas potentiam, quæ Pater potens est gignere, & aliam quæ Filius potens est gigni, falsus est intellectus. Si autem dicas, Patrem posse habere aliam proprietatem, siue notionem, quæ

A genitor est: & Filium aliam, quæ genitus est: verus est intellectus. Aliam enim habet Pater proprietatem quæ Pater est: aliam Filius quæ Filius est.

Quomodo intelligendum sit, Filius habet, vel non habet potentiam generandi.

Ita etiam cum dicitur, Filius non habet potentiam generandi quam Pater habet, dupliciter intelligi potest. Si enim dicatur: Filius non habet potentiam generandi quam & pater, scilicet quæ potens sit ad generandum, id est, ut genuerit, vel ut generet sicut Pater, verum est. Si vero intelligatur sic: Non habet potentiam quæ possit gigni, vel genitus esse, quæ eadem Pater potens est ut genuerit, vel ut generet, falsum est. Sicut dicitur: Pater habet potentiam quæ potest esse Pater: Filius vero non habet potentiam quæ possit esse pater: & econuerso, Filius habet potentiam quæ potest esse Filius: habet ergo aliquam Pater, quam non habet Filius: & econuerso. Absit: quia eadem est potentia Patris, quæ potest esse Pater: & Filij, quæ potest esse Filius. Ita etiam eadem est voluntas quæ Pater vult esse Pater, non Filius: & Filius vult esse Filius, non Pater: & eadem est voluntas Filij, quæ vult esse genitus, & Patrem genuisse: & Patris, quæ vult esse genitor, & Filium genitum esse.

DISTINCTIO VII.

De Comparatione potentie generandi ad personam.

Hic solet quaeri à quibusdam, vtrum Pater potuerit, vel voluerit, &c.

Expositio Textus.

IN præsentī Distinctione ponit Magister dubitationem ex comparatione potentie generandi ad personam, vtrum scilicet, sicut est in persona Patris, ita sit in persona Filij. Et habet hæc pars, duas. In prima Magister quaerit, & determinat vtrum Filius possit generare. In secunda vtrum potentia generandi sit in Filio, ibi: Item quaeritur à quibusdam, si pater potens sit, &c.

ITEM prima pars habet quatuor particulas. In prima mouet quaestionem, vtrum posse, & velle generare similiter comparentur ad personam Patris, & Filij. Secundo opponit contra solutionem per auctoritatem Augusti, ibi: Sed vehementer nos mouet quod Augustinus, &c. Tercio opponit contra prædictam auctoritatem per rationem, ibi: Hoc autem non videtur quibusdam. Quarto redit supra, dictam auctoritatem exponens, ibi: Quo modo ergo accipiat quod supra dictum est.

ITEM pars secunda huius Distinctionis in qua quaerit Magister, vtrum potentia generandi sit in filio, habet duas particulas. Primo querit & determinat hanc quaestionem, vtrum aliqua potentia sit in Patre quæ non sit in Filio. Si enim Pater natura potens est generare Filium, & Filius non, patet, &c. Ad hanc quaestionem respondit Magister, quod omnino eadem est potentia in Patre, & Filio. Sed quia hoc erat dubium: ideo opponit contra prædictam solutionem, & determinat per distinctionem. Secundo respondet ad primam quaestionem distinguendo, vtrum scilicet Filius habeat potentiam generandi, ibi: Ita etiam cum dicitur, Filius non habet, &c. Si enim intelligatur actiue, falsus est intellectus, scilicet quod Filius possit generare. Si vero intelligatur passiuè, scilicet quod habet potentiam quæ possit generari, vera est. Et fundatur illa distinctio secundum alios super hoc, quod ly, generandi potest intelligi in significatione passiuæ, vel actiuæ. Si in passiuâ, tunc vera est & est sensus: Filius habet potentiam generandi, id est potentiam quæ generatur. Sed in actiuâ potest esse dupliciter, quia potest esse gerundium verbi

Diuisio.

Ex Dion. Carth. Thom. dist. præsentis.

perfo.

Aug. lib. 1. de Trin. c. 1. sem. 3.

Dist. 16. huius lib.

personalis, & tunc habet suppositum determinatum, & est falsa. Est enim sensus: Filius habet, &c. id est, Filius habet potentiam qua ipse Filius generat. Vel impersonalis, & tunc non habet certum suppositum, & est locutio vera. Est enim sensus: Filius habet potentiam generandi, id est, habet potentiam qua aliquis generat, tamen hunc sensum non ponit Magister.

Si enim inquirunt. Dub. I.

Dubitatur de solutione Magistri qua hic innuit, non sequitur: Pater potest generare, quod non Filius: ergo potest aliquid quod non Filius. Et respondet quod posse generare non est posse aliquid subiectum diuinæ potentie. Sed hoc non videtur soluere: sed aggrauare argumentum. Cum enim generare eum posse, sit posse maximum, videtur quod maius inconueniens sequatur, & magis derogetur potentie Filij, si in hoc deficit, quam si eum generare Filium esset aliquid subiectum potentie diuinæ.

RESP. dicendum quod Magister bene soluit. Potentia enim Patris habet comparari ad inferius, & ad æquale: sed ad superius non, cum careat superiori. Cum comparatur ad inferius, tunc est potentia essentialis, & essentialiter tenta, quia connotat effectum, seu respectum in creatura, & respectu talis potentie inconueniens esset quod aliquid posset Pater, quod non posset Filius, quia tunc differrent per essentialitatem. Cum autem comparatur ad æquale, ut ad personam, tunc trahitur ad personam, & tunc nullum inconueniens est, si aliqua proprietas personalis est in Patre, quæ non est in Filio: ideo non sequitur quod aliqua potentia sit in Patre, quæ non sit in Filio.

Generatio Filij, &c. non est de omnibus. Dub. II.

Videtur enim Richard. de sancto Victore dicere contrarium: qui dicit, quod quia omnipotens est, excusari non potest quin Filium genuerit: ergo generatio Filij continetur sub Omnipotentia: ergo Filius inter omnia continetur, & est.

RESP. Dicendum quod sicut dicit Magister, generatio Filij non continetur sub omnipotentia, nisi acciperetur omnipotentia per appropriationem. Et quod dicit Richardus non intelligitur, tanquam Filius sit inter omnia: sed tanquam ante omnia, unde arguit ex posteriori. Si enim emanatio nature secundum rationem voluntatis, nunquam Deus esset potens producere creaturam per voluntatem, nisi etiam produxisset Filium per naturam.

Esse Patrem, non est esse aliquid. Dub. III.

CONTRA: Quia cum inter aliquid, & nihil non cadat medium, si pater non esset aliquid; ergo esset nihil.

RESP. Dicendum quod esse aliquid, dicitur dupliciter, vel communiter ad essentialitatem, & personam, & sic non cadit medium, & in hoc sensu esse patrem, est esse aliquid. Alio modo propterea trahitur ad essentialitatem, & sic cadit inter esse aliquid, & esse nihil, medium, scilicet esse aliquem: persona enim prædicatur, ut quis, non ut quid.

Si enim nasci potuit, potuit esse Filius, &c. Dub. IV.

Videtur illa illatio Magistri non valere, quia in creaturis ubi magis differt relatio à supposito, potest dici quod idem similis, potest esse alteri dissimilis sine sui mutatione: ergo cum filiatio, & spiratio sint relationes, pari ratione Filius poterit esse Spiritus sanctus: & econuerso sine mutatione. Item omne mutabile est aliquid præter illud secundum quod mutatur, ut si non album fiat album, est aliud quam albedo: ergo si intelligatur Spiritus sanctus mutari, si generetur, tunc aliud esset in eo generatio, aliud illo qui generatur: sed hoc est falsum: ergo, &c.

RESP. Dicendum quod secus est in relationibus creaturæ, & Dei, quoniam relationes in creaturis non dant

A relatiuis existere, unde sine illis potest res esse, & cum illis. In diuinis autem dant personis existere, & ideo si in personis intelligatur quod proprietas insit hypostasi, intelligitur esse hypostasis, & similiter si intelligitur non inesse, intelligitur hypostasis non esse: cum ergo Spiritus sanctus non possit simul spirari, & generari, (quia quævis una persona possit duobus modis producere, tamen una persona non potest nisi uno modo produci,) sequitur de necessitate, si potest Spiritus sanctus esse Filius vel potuit, potest non esse Spiritus, siue non spirari: & si potuit non spirari, potuit non esse: & iterum si potuit generari, potuit esse, & ita potuit fieri de ente non ens, & de non ente ens, ac per hoc mutari. Et sic patet ultimum, quia non dicitur mutari propter diuersitatem proprietatum circa idem suppositum, sicut est in mutatione naturali: sed propter corruptionem, & inceptionem eiusdem. Nec est illud simile: Pater potest generare, & spirare sine sui mutatione: ergo Spiritus sanctus generari, & spirari: quia non est inconueniens vnum principium pluribus modis producere: sed vnum principium pluribus modis produci, est impossibile, & impossibile, & ideo patet illud.

Pater non est potens, &c. Dub. V.

CONTRA: Quia secundum hoc, generare, quod nullo modo est essentialitatem, nullo modo esset potentie.

RESP. Dicendum quod quamvis potentia absolute considerata, sit idem quod essentialitatem, tamen potentia, quia non est nomen adeo abstractum, sicut essentialitatem, trahitur ad personam. Unde potentia generandi non dicit naturam diuinam simpliciter: sed naturam ut in tali persona, scilicet innascibili: ideo non est simile de hoc nomine, Essentialitatem, & de hoc nomine, Potentia.

Aliam significes potentiam qua Pater, &c. Dub. VI.

CONTRA: Quia potentie diuisione sufficiens est per actiua, & passiuam. Sed posse gignere dicit potentiam actiuam, posse gigni potentiam passiuam: ergo non potest alia potentia significari. Si tu dicas quod generare non est agere proprie, similiter nec generari pati, obicitur quod potentie distinguuntur per actus: sed aliud est gignere, & aliud gigni: ergo alia est potentia huius, & illius.

RESP. Dicendum quod ista distinctio quam ponit Magister de potentia gignendi actiue, & passiue, fundatur super hoc, quod potentia potest considerari secundum id quod est, & sic dicit naturam: & sicut una natura est in generante, & genito: (sed alio, & alio modo) sic eadem potentia. Potest iterum considerari secundum id ad quod est: & sic dicit modum existendi naturam in persona in comparatione ad alium, qui est principium, vel principium: & sic cum diuersi modi sint, diuersæ dicuntur proprietates, posse generare, & posse generari, & distinguuntur secundum actus personales: sed primo modo non.

Filius habet potentiam qua potest esse Filius, siue qua potest gigni. Dub. VII.

Videtur hoc dubium vel falsum, quia gigni omnino est à gignere, & gignere est à potentia Patris: ergo & gigni.

RESP. Sicut potentia gignendi in Patre non dicit nisi naturam in persona, ut natam ex se producere aliam, sic potentia gignendi in Filio: non dicit nisi naturam in persona, ut natam produci ad aliam: sicut enim hypostasi Patris conuenit generare, sic hypostasi filij conuenit generari. Nec valet quod obicitur in contrarium. Nam omne quod habet Filius, siue essentialitatem siue personale, habet à patre. Ideo quamvis ipsum gigni sit à potentia Patris, non excluditur tamen quin potentia gignendi passiuam sit in Filio. Sed illa potentia non est principium generationis: sed idoneitas personæ, siue hypostasis, cum sua proprietate ad generari. Unde quod dicitur posse gigni potentia: potest intelligi originaliter, & sic est in solo Patre: vel formaliter, & sic ponitur esse in Filio. Alio autem modo non, &c.

A R T I

ARTICVLVS I.

A

CONCLUSIO.

AD euideniam eorum quæ dicit Magister de potentia generandi, quatuor quærentur. Primo quæritur, vtrum posse generare in diuinis, dicat quid, vel ad aliquid. Secundo vtrum Pater communicet potentiam generandi, id est, vtrum in Filio sit potentia generandi. Tertio vtrum posse generare, & creare sit vnicum posse, vel non. Quarto vtrum posse generari, & creari sit posse vnicum.

QVÆSTIO I.

An posse generare in diuinis dicat quid, vel ad aliquid.

S. Thomas 1. p. q. 4. 1. art. 1.
Secus 1. Sent. dist. 7. q. 1.
Ægid. Rom. 1. Sent. dist. 7. q. 2.
Henricus in summa, art. 35. q. 8. Et quol. 3. q. 3.
Richardus 1. Sent. dist. 7. q. 1.
Franc. de Mayr. 1. Sent. dist. 7. q. 2.
Durandus 1. Sent. dist. 7. q. 2.
Io. Bacon. 1. Sent. dist. 5. q. 1.
Thom. Arg. 1. Sent. dist. 7. q. 1. art. 1.
Gabr. Biel. dist. 7. q. 1.

Potentia generandi, quamvis secundum opinionem Magistrum dicat quid, & ad aliquid: verius tamen dicit ad aliquid tantum, & de se.

RESP. Ad arg. Dicendum quod circa hoc problema tres fuerunt positiones. Fuerunt quidam qui distinxerunt potentiam generandi, dicentes quod potentia generandi potest dici potentia nuda, vel potentia disposita: si dicatur potentia nuda, sic voluerunt aliqui dicere, quod dicit quid, & omnibus personis est, quoniam hæc potentia sic dicta, consequitur naturam. Vnde cum natura sit in qualibet persona, similiter & potentia huiusmodi. Secundum autem quod dicit potentiam dispositam quia non habet dispositionem, nec conuenientiam, vt exeat in actum generationis nisi in sola persona Patris, voluerunt dicere, quod dicit ad aliquid. Sed verba istius positionis non videntur vera, nec sana. Non, inquam, vera, quoniam cuius potentia est nuda, nata est pariter disposita esse: si ergo trium est potentia generandi, vt est potentia nuda, similiter & disposita, & ita qualibet posset generare. Præterea non videtur sana: ponere enim potentiam nudam quæ similiter se habet ad esse, & non esse respectu generationis, quam omnino necessarium est esse, non videtur sane dictum esse siue proprie.

Fuerunt etiam alij qui dixerunt, quod cum in diuinis sit idem posse, & esse, & potetia, & essentia, quod quemadmodum potentia, & essentia dicunt quid, similiter esse & posse. Et quemadmodum cum dico essentiam Patris, & essentiam Filij, & Spiritus sancti: siue esse Patrem, siue esse Filium, siue esse Spiritum sanctum, non dico aliam essentiam, nec aliud esse, sed alterius: ita quando dico potentiam Patris, siue Patrem posse generare, Filium posse gigni, non dico aliud, & aliud posse: sed alterius. Et huiusmodi positionis fuit Magister sicut euidenter apparet in litera. Vnde isti dicebant, quod posse generare non tantum dicit quid, sed etiam respectum ad aliquid, quia est essentielle tractum ad personam. Cum enim non sit omnimodæ abstractionis, potest ad personam trahi. Et ista positio satis est probabilis: & satis bene videtur sustineri posse. Fuerunt etiam tertij moderniores, qui dixerunt, quod potentia generandi dicit ad aliquid in diuinis de se, & ratio eorum est, quoniam potentia dicit habitudinem originalis principij ad principium. Et quoniam habitudo potest esse personæ ad personam (& tunc vere est habitudo) & essentiæ ad creaturam, & tunc secundum modum dicendi, siue intelligendi: hinc est quod principium de sui ratione, non tantum est essenziale appropriatum per additionem, immo etiam dicit proprium personæ. Pari ratione, cum potentia dicat originalem habitudinem: non tantum essentialiter dicitur, vel trahitur ad personam, vt dicat essentiam personaliter: immo dicit proprium, & ita ad aliquid de se: & positio ista sine præiudicio videtur probabilior.

Nam potentia generandi non videtur dicere nisi fecunditatem ad actum generationis, & illa est proprium personæ, vnde similiter & potentia, Nec est simile de posse & esse nisi vno modo. Hoc enim verbum, *est*, aliquando per se prædicatur, aliquando est tertium adiacens. Quando per se dicitur, tunc dicit actum absolutum, quia dicit actum entis ratione essentiæ: & tunc oportet quod dicatur absolute, & quod dicat quid. Quando vero est tertium adiacens, vt quando dicitur: Pater est pater: tunc hoc verbum, *est*, dicit habitudinem prædicati ad subiectum. Et quoniam potest dicere habitudinem ad prædicatum essenziale, vel personale: ideo potest dicere esse essenziale, & modum essendi personalem. *Posse* autem de sui ratione propria, dicit habitudinem secundum originem: & hinc est quod specificatur per adiunctum, vt dicat conditionem principij essentialis, vel personalis. Hanc ergo positionem in sustinendo respondetur argumentis probantibus quod dicit quid.

1. Quod enim primum obicitur, patet: concedo enim Magistrum fuisse huius positionis. Vnde dixerunt, quod

eadem

Ad oppos.

QUOD posse generare dicat quid ostenditur primo per auctoritatem Magistrum in litera. Pater non est potens nisi natura, quia eius potentia natura est, vel essentia: sed natura & essentia dicunt quid, non ad aliquid: ergo & potentia generandi.

2. **I**TEM ratione ostenditur sic: Generare est sibi simile in natura producere: sed secundum Isaac: Natura est vis insita rebus similia, similibus procreans: ergo vis generandi respicit ipsam naturam, siue essentiam de se, non personam: sed omne tale dicit quid: ergo, &c.

3. **I**TEM in perpetuis non differt esse, & posse, & potentia, & essentia: sed esse, & essentia in diuinis dicunt quid, non ad aliquid, siue per se dicatur, siue cum adiuncto. Vnde essentia Patris dicit quid: ergo pari ratione potentia generandi.

4. **I**TEM in diuinis idem est secundum rem posse scire, & velle. Sed in diuinis non est scientia propria, vel voluntas propria, siue scientia & voluntas, ad aliquid, immo scientia dicit quid, & est trium, similiter & voluntas: ergo potentia generandi dicit quid, siue essentiam.

SED contra: Magister dicit in litera post principium: Posse generare non est posse aliquid: ergo non dicit quid: sed ad aliquid: ergo, &c.

ITEM ratione ostenditur sic: Potentiæ distinguuntur per actus: ergo si actus potentiæ dicit quid, & potentia similiter. Sed constat quod generare in diuinis non dicit quid, sed ad aliquid: ergo nec posse generare.

ITEM quamvis in creaturis differant virtus & operatio, tamen in Deo idem sunt, sicut vult Dionisius. ergo in Deo idem est posse generare, & generari. Sed generare in diuinis dicit ad aliquid, & non quid: ergo similiter posse.

ITEM Pater generat, & potest generare: aut ergo ideo potest, quia generat: aut ideo generat, quia potest. Constat quod non ideo potest generare, quia generat: sed econuerso. Si ergo ratio proprii debet esse propria: ergo potentia generandi debet esse propria, & nihil est proprium in diuinis, nisi quod dicit ad aliquid: ergo, &c.

ITEM omnis potentia actiua quæ inest creaturæ, inest secundum aliquas conditiones, & proprietates, vt patet. Posse enim illuminare inest luminoso per lucem, posse calefacere calido per caliditatem: quamvis autem potentia generandi non sit actiua, tamen actiua similis est: ergo cum inest Patri, inest per aliquam proprietatem: illa proprietas autem aut dicit quid, aut ad aliquid. Si, *quid*, inest omnibus personis, & ita posse generare, quod manifeste negat Magister: ergo dicit ad aliquid: ergo & potentia quæ inest secundum illam: ergo, &c.

In diffinitionibus.
Simile habetur 2. de ani. context. 39.

3. Physicor. context. 32.

Fundamēta

2. de ani. context. 33.

Prima positio.

Secunda positio.

Tertia positio.

Arist. 2. per. liber. c. 1.

eadem potentia potest filius gigni, qua pater potest gignere: quod non esset nisi potentia diceret *quid*. Vnde dixit quod potentia generandi est in filio, sed non ad generare, sed ad generari. Hæc autem positio dicit quod est in solo patre: quia non tantum respicit naturam, sed proprietatem personæ.

2. Ad illud quod obiicitur quod modo generare consequitur naturam, dicendum quod in diuinis non sequitur naturam simpliciter: sed naturam ut in persona, quia non in qualibet persona est natura secunda, sed solum in persona patris: & hoc est per aliquam proprietatem quæ est solius illius personæ: non sic est in inferioribus, sicut iam patebit: ideo patet quod illud non valet.

3. Ad illud quod obiicitur quod in æternis est idem esse & posse, dicendum quod verum est: sed tamen argumentum non valet. Quamvis enim omnino sit idem in diuinis esse, & esse patrem, non tamen sequitur quod si esse patrem est proprium quod esse sit proprium. Similiter dicendum in proposito.

4. Ad illud quod obiicitur de scientia quod dicit *quid*, siue per se dicatur, siue cum alio, dicendum quod non est simile de scientia, & potentia. Scientia enim quantum est de se, dicit qualitatem absolutam, & ideo quantum est de se, semper dicit *quid*, nisi trahatur: sed potentia dicit habitudinem, & originem, & ideo potest dicere habitudinem propriam, & personam ad personam. Vnde illud simile Magistri non valet secundum hanc positionem: quod sicut una est voluntas qua pater vult esse pater, & non vult esse filius, & econuerso: similiter una est potentia, ut videtur. Si quis autem vult sustinere positionem Magistri, de facili potest ad omnes rationes in oppositum respondere. Nam nulla ratio probat quod potentia de se dicat proprium: sed quod potentia generandi actiue dicta, siue posse generare, dicat ex adiuncto respectum ad personam, & ita dicit ad aliquid: sed hoc est solum ratione additi. Item notandum quod quatuor sunt genera nominum in diuinis. Quædam enim essentialia sunt dicta essentialiter, ut diuinitas, deitas, & maiestas. Quædam essentialia personaliter dicta, ut potentia generandi. Quædam personalia dicta personaliter, ut generans, & genitus. Quædam personalia dicta essentialiter, ut missus, incarnatus, & huiusmodi, quæ dicunt respectum ad personam, & ideo personalia, & effectum in creatura, & ideo essentialiter sunt dicta. Duabus rationibus sequentibus facile est respondere, quia illud non habet veritatem nisi quando actus complectitur totam potentiam: non sic est in potentia Dei, quia eadē est potentia gignere, & gigni in Deo.

Ad illud quod obiicitur quod idem est posse generare, & generari, dicendum quod non valet. Quamvis enim idem sit & pater, & substantia, non tamen sequitur quod si pater dicitur *ad aliquid*, quod & substantia, sicut melius patebit infra. Duabus ultimis rationibus difficile est bene respondere, tamen potest quis dicere quod rationes illæ non concludunt quod potentia dicat *ad aliquid* de se: sed solum ratione adiuncti, quod est generare, & sic patet: &c.

Q V A E S T I O II.

An potentia generandi sit in Filio.

S. Thom. 1. p. q. 41. art. 6.

Et 1. Sent. dist. 7. q. 2. art. 4.

Guil. Alstodoren. lib. 1. Sent. c. 6. q. 3.

Scotus in Reportatis, q. 2.

Ægid. Rom. 1. Sent. dist. 7. p. 2. q. 2.

Henricus in summa, art. 54. q. 8.

Rich. 1. Sent. dist. 7. q. 2.

Franciscus de Mayr. 1. Sent. dist. 7. q. 3.

Tho. Arg. 1. Sent. dist. 7. q. 1. art. 2.

Gabr. Biel. 1. Sent. dist. 7. q. 3.

VTRUM potentia generandi sit in Filio, & quod sic, videtur auctoritatibus, & rationibus.

1. Primo sic: Hilar. 9. de Trin. dicit: Filius habet in se naturaliter naturam gignentem: ergo natura in filio est nata generare.

2. ITEM August. in lib. contra Maximinum: Neque enim non potuit filius generare: sed duæ negationes æquivalent vni affirmationi: ergo potuit generare.

3. ITEM rationibus ostenditur sic: Plus ordinatur generare ad generandi potentiam, quam ad potentiam spirandi: sed pater generans filium communicat potentiam spirandi: ergo multo fortius potentiam generandi.

4. ITEM filius est expressissima imago patris: ergo tantum imitatur patrem quod non potest cogitari similior: sed si filius cogitatur ut generans, magis cogitatur imitari: ergo si imitatur amplius quam possit quis cogitare: ergo & in actu generandi.

5. ITEM per simile videtur sic: Maior communicatio & diffusio est in luce æterna, quam in luce creata: sed lux creata dat splendori potentiam producendi alium: & sic procedendo, si esset infinitæ virtutis, produceret infinitos splendores: ergo &c.

6. ITEM in generatione carnali pater non dicitur perfectum filium generare, nisi det ei potentiam generandi: ergo pari ratione, imo multo fortiori non erit filius perfectus, nisi habeat potentiam ad id quod pater potest: ergo ad generandum. Aut si non est ita in diuinis, tunc ego quæro rationem, quare de perfectione generationis æternæ non sic est communicatio potentie generandi, sicut in generatione creata.

SED contra: August. contra Maximinum dicit quod non oportuit filium generare: sed si non fuit opportunum, nec conueniens: sed omne inconueniens in Deo est impossibile: ergo impossibile fuit filium generare: ergo filius non potest generare: ergo non habet potentiam generandi, quia omni potentia est potens ille qui habet eam: ergo, &c.

ITEM Ansel. in Profolog. Qui potest quod sibi non conuenit, quanto magis hoc potest, tanto magis aduersitas, & perversitas possunt in eum: ergo cum filio non conueniat generare, si posset, potentia illa esset in eo miseria: sed nullam habet miseria: ergo nec potentiam generandi.

ITEM ratione probatur hoc idem: Sicut omne illud in quo aliqua duo necessario distinguuntur, si necessario conuenit vni, impossibile est vnquam conuenire alij, ut patet sic: Si Petrus & Ioannes necessario differunt in albedine, & albedo conuenit Petro, impossibile est quod Ioanni conueniat: sed pater, & filius sunt personaliter distincti, ita quod necesse est esse distinctos, & non est dare in quo distinguuntur, nisi in hoc quod ille est generans, iste genitus: ergo cum generare conueniat patri, impossibile est quod conueniat filio: ergo filius non potest generare: ergo non habet potentiam generandi.

ITEM generatio filij à patre similis est expresse generationi Verbi à mente: sed Verbum genitum non habet potentiam generandi aliud Verbum, imo oportet quod omne Verbum immediate sit à mente: ergo si recte simile est Verbum increatum, non habet potentiam generandi: sed generandi potentia est in solo patre.

ITEM fiat argumentatio Augustini ducens ad impossibile. Si filius habet potentiam siue posse generandi, ponatur quod generet: quæro de secundo similiter, et si non est stare in primo, oportet ponere infinitos filios. Quia qua ratione non stat in primo, ergo nec in aliquo: ergo si est stare, quia hoc repugnat diuinæ completioni, qua ratione stat in aliquo, stat in primo: ergo primus non habet potentiam generandi.

ITEM fiat argumentatio Richardi, ut si generaret filius alium filium: ergo cum filius genitus magis attineat ad patrem quam alius, secundum hoc non esset ibi summa & æqualis connexio: ergo nec summa & æqualis distinctio: ergo nec perfecta beatitudo: quæ omnia tanquam summa impossibilia respuit pia fides.

C O N C L U S I O.

Pater potentiam generandi non communicat Filio, quia non potest ei communicare primitatem, & propter originalem distinctionem, & plenissimam communicationem.

RESP. Ad arg. Opinio aliquorum est quod in filio est potentia

potentia generandi : sed non generat. Hoc autem non est, quia non potest: sed quia non conuenit ei. Et ponunt simile in creaturarum productione siue creatione. Deus potest infinitas creaturas producere: sed quod non producit, hoc non est ex impotentia, sed quia non conuenit ei, &c. & in proposito.

Improbatio.

Determinatio Doct.

Sed contra: Ponatur tunc quod illa potentia quæ est in filio ad generandum ducatur in actum, constat quod filius generabit Deum æternum: ergo aliquid poterat incipere habere esse, & esse æternum, hoc autem est impossibile, & non intelligibile. Propter hoc dicendum quod Pater non comunicat filio potentiam generandi propter duo. Vnum est, quia non potest aliud, quia non debet. Ratio autem quare non potest, hæc est, quia fecunditas ad generandum est in patre, quia principium: & ideo principium, quia primū. Impossibile autem est quod principium comunicet alij prinitatem. Nā hic est oppositio in adiecto, quod persona producta sit prima. Quia ergo fecunditas ad generandum ex prinitate patri inerat: ideo non potest eam communicare filio, & hanc credo propriam esse rationem huius, sicut infra patebit distinct. 27. vbi agitur quare pater generat. Similiter non debet comunicare, quia in emanatione diuinarum personarū debet attendi originalis distinctio, & plenissima communicatio. Originalis distinctio, quia necesse est ea quæ communicant in natura, distinguī vel per materiā, vel per originem. Per materiā distinguī personas est impossibile: quia vbi est talis modus distinguendi, est compositio & variatio, & formæ multiplicatio: quæ omnia Deo repugnant qui est simplex, & inuariabilis, & vere vnū: & ideo necesse est distinguī per originem, siue habitudinem: ergo per generare & generari: ergo si filius potest generare, potest etiā non distinguī. Si tu dicas, quod adhuc est distinctio: quia vnus tantū pater, alius tantū filius, alius pater, & filius. Tūc ego oppono tibi, quod secundus filius posset generare eadem ratione qua primus, & tunc duo essent, quorū vterq; esset pater, & filius. Similiter propter plenissimam communicationem non debet communicare, quia multiplicatio suppositorum secundum similem modum egrediendi, non est nisi aut propter defectum durationis, sicut est in generalibus, & corruptibilibus, vt per successiuam generationē perpetuetur esse, aut propter defectum perfectæ actionis, vt fiat per plures quod non potest per vnum, sicut sūt perfectæ plures stellæ, quia nō sufficeret vna ad hoc quod faciunt omnes. Sic etiam plures Angeli, & plures animæ ad implendam illam ciuitatem, & manifestandā Dei bonitatem, quam nec vna anima, nec vnus Angelus poterat sufficienter manifestare. Cum ergo in filio Dei sit plenissima communicatio, quia totam infinitatem suam dat sibi pater, non fuit conueniens, quod communicaret filio illam potentiam: & ideo fuit impossibile: quia inconueniens quodlibet in diuinis est impossibile.

1. Ad illud autem quod obiicitur in contrarium per auctoritatem Hilarij quod filius habet in se naturam gignentem, dicendum quod verbum illud est improprium, & ex verbis impropriis non est arguendum: sed magis eorum improprietas exponenda, vt Magister superius exposuit. Est enim sensus: habet in se naturam gignentem, id est naturam patris gignentis.

2. Ad illud quod obiicitur quod non potuit, dicendum quod Magister bene exposuit, id est, non fuit ex hoc impotens. Vnde secundum artem distinguendum est quando dicitur: Filius non potuit generare, quia, non, potest teneri priuatiue, & tunc est sensus, non potuit, id est, impotens fuit, & tunc negatur potentia, & relinquatur aptitudo, sicut de truncato dicitur quod non potest gradi: hoc modo non potest dici de filio, quia non habet ad hoc aptitudinē, & in hoc sensu loquitur Aug. Alio modo non posse, tenetur negatiue, & in hoc sensu concedendum est quod filius non potuit generare.

3. Ad illud quod obiicitur quod pater comunicat filio potentiam spiratiuam, patet responsio, quia cum filius generetur, non potest habere prinitatem respectu

A generationis: sed cum non spiretur, est inspirabilis, & ideo potuit habere prinitatem, & fecunditatem respectu illius, & sic patet quod non valet ratio.

4. Ad illud quod obiicitur quod filius est expressissima imago, &c. dicendum quod filius est expressissima imago, quia repræsentat in omnibus in quibus imago nata est repræsentare: sed tamen imago sic nata est repræsentare, vt tamen ipsa non sit imaginatum, alioquin non esset imago. Si autē filius repræsentaret in actu generandi, iā esset pater: & ideo nec intelligibile, nec possibile est filiū generare, siue in generatione patrē imitari.

5. Ad illud quod obiicitur de luce & splendore, dicendum quod non est simile, quia lux non perfecte se multiplicat in primo splendore: ideo in pluribus facit quod non potest in vno.

6. Similiter & in filio carnali intelligendum. Vnde vnus pater generat plures filios carnales. Hæc tamen ratio non est principalis, sed illa quæ dicta est supra: quia in his inferioribus non est fecunditas per rationem prinitatis, sed per rationem perfectionis. In Deo autem quia est perfectissimum & primum, non tantum est per naturam perfectionis, quia tunc in omnibus personis esset, & status esse non posset, sed per rationem prinitatis. Item rationes istæ non procedunt per simile, immo magis per dissimile.

QVÆSTIO III.

An posse generare, & posse creare sint vnicum posse.

Agid. Rom. 1. Sent. dist. 7. q. 3.

Richardus 1. Sent. d. 7. q. 4.

Steph. Brulef. 1. Sent. d. 7. q. 3.

Petrus de Tarentas. 1. Sent. dist. 7. q. 5.

Vtrum posse generare, & creare sint vnicum posse, & quod non sint vnicum, videtur per Augustinum.

1. Alio est Pater, alio est Deus: ergo alio est generans, alio creans: sed potentia generandi est generans, potentia creandi est creans: ergo, &c.

2. ITEM potentia distinguuntur per actus, & actus per obiecta: ergo si generatio terminatur ad Deum, & creatio ad creaturam, & hæc sunt omnino diuersa: ergo, &c.

3. ITEM potentia plurificantur per subiecta, quia in pluribus subiectis plures sunt potentia: sed potentia creandi est in Filio siue posse creare: in eo autem non est posse generare: ergo non sunt vnum posse.

4. ITEM quæcunque sic se habent quod vnum potest intelligi, altero non intellecto, & è conuerso, illa non sunt vnum. Sed posse generare potest intelligi circumscripta potentia creandi: ergo, &c.

CONTRA: Vnius potentis omnino simplicis vnicum tantum est posse: Pater est potens omnino simplex: ergo vnicum tantum habet posse: sed habet posse generare, & posse creare: ergo illa duo sunt vnicum posse.

ITEM si posse est aliud, & aliud cum posse generare respiciat personam, posse creare naturam: ergo natura & persona sunt duo: ergo nec natura de persona, nec e conuerso dicitur: quod est omnino falsum.

ITEM si est distinctio inter posse generare & posse creare: ergo est ibi ordo. Quæro ergo quid sit prius secundum rationem intelligendi. Et quod potentia generandi, videtur quia est respectu æterni, & æternum ante temporale.

SED CONTRA: Intellectus communis est ante intellectum proprium: sed potentia creandi dicit commune tribus, potentia generandi proprium Patri: ergo, &c.

CONCLUSIO.

Posse generare, & posse creare, sunt vnicum posse re ipsa, licet ratione differant.

RESP. Ad arg. Dicendum quod posse generare & posse

creare

creare sunt *posse vnicum*, tamen dupliciter dictum. Vñ enim esse est in re, esse Patrem, & esse Deum, differens autem secundum rationem intelligendi: quia quod est absolutum cum dico esse Deum, idem est relatam cum dico esse Patrem: similiter & in *posse* est intelligendum. Vnde sicut essentia & persona vnum sunt in re, tamen est differentia rationis in intelligendo, & in dicendo. Similiter dicendum est de potentia generandi, & creandi: sicut est ibi differentia non re, sed secundum rationem, ita est ibi ordo secundum rationem intelligendi. Vnde secundum diuersas comparationes habent aliū & alium ordinem. Comparando enim posse creare, & posse generare ad illud cuius sunt, cum posse creare sit naturæ, posse generare sit personæ, & intellectus communis est ante intellectum proprii, sic absque calumnia, prior est secundum rationem intelligendi potentia creandi. Comparando autem ad illud ad quod terminatur, cum potentia creandi respiciat temporale, potentia vero generandi æternū, prior est secundum rationem intelligendi potentia generandi, quam potentia creandi, & sic patent obiecta de ordine. Concedendæ sunt ergo rationes ostendentes quod non differunt posse generare, & posse creare differentia secundum rem, siue secundum essentiam.

1. Ad illud quod obiicitur quod alio est Deus, alio Pater, dicendum quod Augustinus loquitur de alio & alio a lietas rationis & non rei. Et intelligitur a lietas rationis per illum modum quo supra dictum est Dist. 5. ubi queritur utrum essentia generet.

2. Ad illud quod obiicitur: Potentiæ distinguuntur per actus, &c. dicendum quod verum est hoc de illis actibus qui habent completionem ab obiectis: sed non sunt sic actus diuini. Vnde quamvis creatura, & Filius omnino differant, attamen generatio, & creatio idem sunt, sicut essentia, & persona: Deus enim in agendo non completur ab obiecto, quia seipso agit.

3. Ad illud quod obiicitur, quod potentiæ plurificatur per subiecta, dicendum quod istud verum est de subiecto proprio: sed Filius non in quantum Filius est subiectum potentiæ creandi, sed in quantum Deus. Et constat quod sicut natura diuina non facit numerum cum Patre, ita nec potentia respiciens naturam cum Potentia Patris.

4. Ad illud quod ultimo obiicitur quod vnum potest intelligi sine altero & e conuerso, dicendum quod aut loqueris quantum ad significatum, aut quantum ad connotatum. Si quantum ad connotatum, verum dicis quod creatura potest intelligi non intellecta persona Filij, & e conuerso. Si quantum ad principale significatum, dicis falsum: impossibile est enim intelligi potentiam generandi sine potentia creandi, sicut impossibile est intelligere personam sine essentia.

QVÆSTIO IV.

An posse generari & posse creari sint vniucum posse.

VTRUM posse generari & posse creari sint posse vniucum. Et quod non, videtur quia quamvis idem sit generare, & creare quantum ad principale significatum, aliud tamen est generari, & creari, sicut Creator, & creatura: ergo cum non habeat esse vniucum creatura, & Creator: ergo, &c.

2. **I**TEM creatio dicit egressum & mutationem: generatio vero omnem excludit mutationem: ergo cum posse creari importet potentiam transmutandi, posse generari non, cum potentiæ differat in sua generalitate in potentia transmutandi, & in hac non conueniunt: ergo in nulla.

3. **I**TEM omne distribuit terminum pro omnibus quæ vniocantur, vel analogantur in illo: sed cum dico: Omnipotens, non fit distributio pro illo quod potest generari, quia tunc Filius non esset omnipotens: ergo manifestum est quod vtrumque posse nec est vniucum, nec analogum, alioquin Omnipotentia non conuenit Filio.

SED Contra: Res est commune ad fruibile & vtibile: ergo cum æqualis ambitus, vel maioris sit possibile, quam res, & non sit maior differentia inter generatum,

& creaturam, quam inter Fruibile, & Vtibile: pari ratione possibile, siue posse est commune ad vtrumque.

ITEM in æternis non potest esse multiplicitas, nec diuersitas: ergo cum posse creari & posse generari ab æterno ante conditionem creaturæ fuerint: ergo non habent multiplicationem in ipsa potentia.

ITEM cum dico: Creatura potest creari, nihil dicit creatum: quia illud vere dicitur de eo quod omnino nihil est, sicut de anima Antichristi: ergo solum dico potentiam agentis: sed potentia Dei est vnica, non habens aliquam multiplicitem: ergo eius posse vniucum est ad posse creari, & posse generari.

CONCLUSIO.

Posse generari, & posse creari, quoad principale significatum vniuce dicuntur: quo vero ad connotatum analogice.

RESP. ad arg. Dicendum quod cum dico posse creari & posse generari, dico principale significatum, & dico connotatum. Quantum ad principale significatum, dico quod posse creari idem dicit re, quod posse creare, differens solum in modo loquendi, vel dicendi: quia quod dicitur per modum actionis per posse creare, dicitur per posse creari per modum passionis. Quantum vero ad connotatum dicit effectum in creatura. Quomodo ergo comparantur posse creari, & posse generari? Si comparentur ratione principalis significati, dico quod non tantum est vniucum, immo & vnicum, ut visum est: aliter tamen, & aliter intellectum & enuntiatum, si per posse generare & posse creare. Si autem ratione connotati comparentur, sic concedo quod est analogum, sicut hoc nomen, res, ad fruibilia, & vtibilia. Quamvis enim Creator, & creatura non habeant commune vniucum, habent tamen analogum. Notandum autem quod duplex est analogia. Est quædam per reductionem ad unitatem naturæ secundum prius & posterius, & hæc potest esse comparando creaturam ad creaturam, & in hac signum distribuit pro omnibus contentis: nisi sit distributio restricta ex additione, vel ex usu: siue modo loquendi, sicut distributio dicitur accommodata, ut si dicatur cælum tegit omnia.

Alia est analogia per reductionem ad unitatem similitudinis proportionis, non naturæ: & quod sic analogatur, non est inter alia. Vnde distributio proprie pro illo non distribuit nisi sit extensa. Vnde Deus non est ens inter omnia. Et hinc est quod Omnipotens non distribuit pro potentia generandi proprie accepta distributione, nisi fiat quædam extensio, & ex illa per consequens fiat quædam appropriatio circa suppositum. Vnde proprie Omnipotens conuenit tribus: quia non distribuit pro potentia generandi: appropriate autem secundum quod fit ampliatio ex parte signi, solius est Patris.

Ex his patent omnia obiecta, procedunt enim per diuersas vias, ut patet intuenti.

DISTINCT. VIII. PARS I.

De Veritate, & Proprietate, & Incommutabilitate, & Simplicitate Essentiæ Dei.

NUNC de veritate, siue proprietate, & incommutabilitate, atque simplicitate diuina naturæ, siue substantia, siue essentia agendum est. Est itaque Deus, ut ait Augustinus in 5. libro de Trinitate, sine dubitatione substantia, vel, si melius hoc appellatur, essentia: quam Græci vsiam vocant. Sicut enim ab eo, quod est sapere, dicta est sapientia, & ab eo, quod est scire, dicta est scientia: ita ab eo, quod est esse, dicta est essentia. Et quis magis est quam ille qui in Exod. 3. dixit famulo suo: Ego sum qui sum? & dices filiis Israel; Qui est, misit me ad vos? Ipse vere,

Ad opposi-
um.

Aristot. 5.
Metaphys.
contex. 17. in
fin. & 9.
Metaphys.
contex. 2.

Fundamēta.

Cap.
Et l.
ciuit.
6.2.1

† Hieron. in
epist. ad Mar-
cellam de
decem nomi-
nibus, attingit
quidem no-
men essentia
Dei, similiter
in Epistola
ad Damasum,
cuius initium:
Quoniam
verbum, satis
indicatur
hanc sententia.
Sed ad ver-
bum habet
Ibid. lib. 7.
etymolog. c. 1.
Et in Raba-
no super il-
lud. Exo. Qui
est misit me
ad vos.
Eccl. 1. a

In tomo 9.
Tract. 99.
post med.
in 16. cap.
Ioan.

Non longo à
principio.

Cap. 2. 10. 3.

ac proprie dicitur essentia, cuius essentia non nouit praeteritum, vel futurum. † Vnde Hieronymus ad Marcellā scribens ait: Deus solus, qui exordium non habet, vera essentia nomen tenet: quia in eius cōparatione qui vere est, quia incommutabilis est, quasi nō sint, quae mutabilia sunt. De quo enim dicitur fuit, non est: & de hoc dicitur erit, nondum est. Deus autem tantum est, qui non nouit fuisse, vel futurum esse. Solus ergo Deus vere est, cuius essentia comparatum nostrum esse, non est.

Qualiter intelligenda sint verba Hieronymi, querendum est.

Hic diligenter aduertendū est, quo modo intelligi debeant illa verba Hieron. sc. Deus tantum est, & non nouit fuisse, vel futurum esse, tanquam non possit dici de Deo, fuit, vel erit: sed tantum, est: cum de eo scriptum frequenter reperiāmus: Fuit ab aeterno, fuit semper, & erit in secula, & huiusmodi: unde videtur, quia est tantum dicendum de Deo, Fuit, vel est, vel erit. Si enim diceretur tantum, fuit: putaretur, quod desierit esse: si diceretur tantum, est: putaretur, quod non semper fuerit, sed esse cepit: si tantum diceretur, erit: putaretur non esse modo. Dicatur ergo, quia semper fuit, est, & erit, ut intelligatur, quia nec cepit, nec desit, nec desinet esse. De hoc Aug. super Ioannem ita ait: Cum de sempiterna re proprie dicatur, est: secundum nos bene dicitur fuit, & erit, & est: fuit quia nunquam desit: erit, quia nunquam deerit: est, quia semper est: non prateriit, quasi quod non maneat: non erit, quasi quod non erat. Cum ergo nostra locutio per tempora varietur, de eo vere dicuntur verba cuiuslibet temporis, qui nullo tempore defuit, vel deest, vel deerit: & ideo non est mirum si de spiritu veritatis, Veritas loquens dixit per futurum: Quacunque audiet, loquetur: audiet, scil. ab eo, à quo procedit. Audire illius est scire, idem etiam esse. A quo ergo est illi essentia, ab illo audientia, id est, scientia, quae non est aliud, quam essentia. Audiet ergo dixit de eo, quod audiuit: & audit, id est quod semper sciuit, scit, & sciet Ecce hic dicit Aug. verba cuiuslibet temporis dici de Deo: sed tamē proprie est. Illud ergo quod Hieron. dicit ita intelligendum est: Non nouit fuisse, vel futurum esse, sed tantum esse, id est, cum dicitur de Deo quod fuit, vel erit, non est intelligendum quod prateriit, vel futurum sit: sed quod existat simpliciter sine aliquo temporali motu. Licet enim verba substantiua diuersorum temporū de Deo dicantur (ut fuit, erit, est, erat) non tamen temporales motus esse distinguunt, sc. praeteritum, vel futurum, vel praeteritum imperfectum, vel praeteritum perfectum, vel praeteritum plusquam perfectum: sed essentiam, siue existētiā suae diuinitatis simpliciter insinuant. Deus ergo solus proprie dicitur essentia, vel esse: unde Hilarius in 7. de Trinit. ait: Esse non est accidens Deo, sed subsistens veritas, & manens causa, & naturalis generis proprietates.

De Incommutabilitate Dei.

Dei etiam solius essentia incommutabilis dicitur proprie quia nec mutatur, nec mutari potest. Vnde Aug. in 5. lib. de Trin. Alia, inquit essentia, vel substantia capiunt accidentia quibus in eis fiat vel magna vel quantacunque mutatio: Deo autem aliquid huiusmodi accidere non potest: & ideo sola substantia, vel essentia, quae est Deus, incommutabilis est, cui profecto maxime, ac verissime competit esse. Quod enim mutatur, non seruat ipsum verum esse: & quod mutari potest, etiam si non mutetur, potest quod fuerat non esse. Ideoque illud solum quod non tantum mutatur, verum etiam mutari omnino nō potest, verissime dicitur esse, id

est, substantia Patris, & Filij, & Spiritus sancti. Ideoque Apostolus loquens de Deo ait: Qui solus habet immortalitatem. Vt enim ait August. in lib. 1. Trin. Cum anima quodam modo immortalis esse dicatur & sit, non diceret Apostolus: Solus Deus habet immortalitatem, nisi quia vera immortalitas incommutabilis est, quam nulla potest habere creatura, quoniam solius Creatoris est. Vnde Iacobus ait: Apud Deū non est transmutatio, nec vicissitudinis obumbratio. Et Dauid: Mutabis ea, & mutabuntur: tu autē idē ipse es, Ideo Aug. super Genes. dicit quod Deus nec per loca, nec per tēpora mouetur: creatura vero per loca, & tēpora. Et per tēpora moueri, est per affectiones cōmutari: Deus autē nec loco, nec affectione mutari potest, qui per Prophetā ait: Ego Deus, & non mutor: qui est immutabilis solus. Vnde recte solus dicitur habere immortalitatem. In omni enim mutabili natura, ut ait Aug. contra Maximinum, nonnulla mors est ipsa mutatio, quia facit aliquid in ea non esse quod erat. Vnde & ipsa anima humana, quae ideo dicitur immortalis, quia secundum modū suū nūquam desinit viuere, habet tamen quandam mortē suā: quia si iuste vivebat, & peccat, moritur iustitia: si peccatrix erat & iustificatur, moritur peccato, ut alias eius mutationes taceam, de quibus modo longum est disputare. Et creaturarū natura caelestium mori potuit, quia peccare potuit. Nam & angeli peccauerūt, & demones facti sunt, quorū est diabolus princeps: & qui non peccauerūt, peccare potuerūt: & cuiusque rationali creatura praestatur, ut peccare non possit, non est hoc natura propria, sed Dei gratia. Et ideo solus Deus, ut ait Apostolus, habet immortalitatem: qui non cuiusquā gratia, sed natura sua nec potuit, nec potest aliqua conuersione mutari: nec potuit, nec poterit aliqua mutatione peccare. Proinde, ut ait Aug. in 1. lib. de Trinit. substantiā Dei sine ulla sui cōmutatione mutabilia faciētē, & sine ullo suo tēporali motu tēporalia creantem, intueri & nosse, licet sit difficile, oportet. Vere ergo ac proprie incommutabilis est sola diuinitatis essentia: quae sine sui mutatione cunctas condidit naturas.

DISTINCT. VIII. PARS II.

De Simplicitate diuinæ Essentiae, vel Naturae.

Eademque sola proprie, ac vere simplex est, ubi nec partium, nec accidentium, nec quarumlibet formarum ulla est diuersitas, siue variatio, vel multitudo. Vt autē scias quo modo simplex sit illa substantia, te docet Aug. in 6. lib. de Trin. Animaduerte primo, quare omnis creatura sit multiplex: & nullo modo vere simplex: & primū de corporali, postea de spirituali creatura. Corporalis utique creatura ex partibus cōstat, ita ut sit ibi aliqua pars minor, alia maior, & maior sit totum quā qualibet pars: & in unoquoque corpore aliud est magnitudo, aliud color, aliud est figura. Potest enim imminuta magnitudine manere idem color, & eadem figura: & colore mutato, manere eadem figura, & eadem magnitudo. Ac per hoc multiplex esse conuincitur natura corporis: simplex autem nullo modo.

Quo modo spiritualis creatura sit multiplex, & non simplex.

Creatura quoque spiritualis, ut est anima, in cōparatione quidem corporis est simplex: siue cōparatione vero corporis, est multiplex, & nō simplex. Quae ideo simplex dicitur respectu corporis, quia mole non diffunditur per spatium loci: sed in unoquoque corpore, & in toto tota est,

in toto, tota est; & in qualibet eius parte tota est. Et ideo cum sit aliquid in quavis exigua particula corporis, & sentia tanquam anima, quamvis non fiat in toto corpore, illa tamen tota sentit, quia tota non latet. Sed tamen nec in ipsa tota anima vera simplicitas est. Cum enim aliud sit artificiosum esse, aliud inertem, aliud acutum, aliud memorum: aliud cupiditas, aliud timor, aliud letitia, aliud tristitia: possintque hæc & alia huiusmodi innumerabilia in anima inueniri natura, & alia sine aliis, & alia magis, & alia minus, manifestum est anima non simplicem, sed multiplicem esse naturam. Nihil enim simplex mutabile est: omnis autem creatura mutabilis est: nulla ergo creatura vere simplex est. Deus vero etsi multiplex dicatur, vere tamen & summe simplex est: dicitur enim magnus, bonus, sapiens, beatus, verus, & quidquid aliud non indigne dici videtur: sed eadem magnitudo eius est, quæ sapientia. Non enim mole magnus est, sed virtute: & eadem bonitas eius est, quæ sapientia, & magnitudo, & veritas: & non est ibi aliud ipsum beatum esse, & aliud magnum, aut sapientem, aut verum, aut bonum esse, aut omnino esse.

Qualiter Deus cum sit simplex, multiplex tamen dicatur.

Hic diligenter notandum est, cum dicat Augustinus solum Deum vere simplicem esse, cur dicat eundem multipliciter dici. Sed hoc non propter diuersitatem accidentium, vel partium dicit: sed propter diuersitatem, ac multitudinem nominum, quæ de Deo dicuntur: quæ licet multiplicia sint unum tamen significant, scilicet diuinam naturam. Hæc enim non ita accipiuntur, cum de illa incommutabili æternæque substantia incomparabiliter simpliciore quam est humanus animus, dicuntur, quemadmodum cum de creaturis dicuntur. Vnde Augustinus in 6. lib. de Trinitate. Deo, inquit, est hoc esse, quod est forte esse, vel sapientem esse, vel iustum esse: & si quid de illa simplici multiplicitate, vel multiplici simplicitate dixeris, quo substantia eius significetur. Humano autem animo non est hoc esse, quod est fortem esse, aut prudenter, aut iustum: potest enim esse animus, & nullam istarum habere virtutum.

Deus ob suam ipsius simplicitatem nulli prædicamentorum subiicitur.

Quod autem in natura diuina nulla sit accidentium diuersitas, nullaque penitus mutabilitas: sed perfecta simplicitas, ostendit Augustinus in lib. 5. de Trinitate. dicens: Intelligamus Deum, quantum possumus, sine qualitate bonum, sine quantitate magnum, sine indigentia Creatorem, sine situ præsentem, sine habitu omnia continentem, sine loco ubique totum, sine tempore sempiternum, sine ulla sui mutatione mutabilia facientem, nihilque patientem. Quisquis Deum ita cogitat, etsi nondum potest omnino inuenire quid sit ipse, pie tamen caueat quantum potest, aliquid de illo sentire, quod non sit. Ecce si subtiliter intendas, ex his atque prædictis aperitur, illa prædicamenta artis dialecticæ Dei naturæ minime conuenire, quæ nullis est subiecta accidentibus.

Quo modo Deus non proprie, sed abusus dicitur substantia.

Vnde nec proprie dicitur substantia, ut Augustinus ostendit in lib. 7. de Trinitate. Sicut ab eo quod est esse appellatur essentia, ita ab eo quod est subsistere substantia dicimus: si tamen dignum est, ut Deus dicatur subsistere. Hoc enim de his rebus recte intelligitur, in quibus, ut subiectis, sunt ea quæ in aliquo subiecto esse dicuntur, sicut in corpore color, aut forma. Corpus enim subsistit, & ideo substantia est. Res vero mutabiles, neque simplices proprie dicuntur substantia. Deus autem si subsistit, ut substantia proprie dici possit, inest in eo aliquid tanquam in subiecto: & non

est simplex. Nefas est autem dicere ut subsistat Deus, & subsit bonitati suæ: atque illa bonitas non substantia sit, vel potius essentia, neque ipse Deus sit bonitas suæ, sed in illo sit tanquam in subiecto. Vnde manifestum est, Deum abusus substantiam vocari, ut nomine usitatori intelligatur essentia, quod vere ac proprie dicitur, ita ut fortasse solum Deum dici oporteat essentiam. Est enim vere solus, quia incommutabilis est.

Non est aliquid in Deo, quod non sit Deus.

Huius autem essentia simplicitas, ac sinceritas tanta est quod non est in ea aliquid, quod non sit ipsa: sed idem est habens, & quod habetur. Vnde Hilarius in 7. lib. de Trinitate. ait. Non ex compositis Deus, qui vita est, subsistit: neque qui virtus est, ex infirmis continetur: neque qui lux est, ex obscuris coaptatur: neque qui spiritus est, ex disparibus formalis est: totum quod in eo est, unum est. Idem in 8. lib. Trinitate. Non humano modo ex compositis Deus est, ut in eo aliud sit quod ab eo habetur, & aliud sit ipse qui habeat: sed totum una est natura, scilicet perfecta & infinita, & non ex disparibus constituta: sed viuens per totum ipsa. De hoc eodem Boetius in primo libro de Trinitate. ait: Quocirca hoc vere unum est, in quod nullus numerus, nullum in eo aliud præter id quod in eo est neque enim subiectum fieri potest. Augustinus quoque in lib. de fide & Symbolo dicit: In Dei substantia non est aliquid quod non sit substantia: quasi aliud sit ibi substantia, aliud quod accadat substantiæ. Sed quidquid ibi intelligi potest, substantia est. Verum hæc dici possunt facile & credi: videri autem nisi puro corde omnino non possunt. Item Augustinus 15. lib. de Trinitate. Sic habetur in natura uniuscuiusque trium, quod qui habet, hoc sit quod habet, sicut immutabilis simplexque substantia. Vnde Isidorus ait: Deus simplex dicitur, siue non amittendo quod habet, seu quod aliud non est ipse, & aliud quod in ipso. Et cum tanta simplicitatis atque sinceritatis sit natura diuina, est tamen in ea Trinitas personarum. Vnde Augustinus in lib. 11. de Ciuitate Dei: Non propter hoc naturam summi boni simplicem dicimus, quia est Pater in ea solus, aut Filius in ea solus, aut Spiritus sanctus in ea solus: aut quia est sola ista nomenclatura Trinitas, siue substantia personarum, sicut Sabelliani putauerunt. Sed ideo simplex dicitur, quia est hoc quod habet: excepto quod relative quæque persona ad alteram dicitur, nec est ipsa. Nam utique pater habet filium, ad quem relative dicitur: nec tamen ipse est filius: & filius habet patrem: nec tamen ipse est pater. In quo vero ad semetipsum dicitur non ad alterum, hoc est quod habet, sicut ad semetipsum dicitur viuus habendo vitam, & eadem vita est ipse. Propter hoc utique natura hæc dicitur simplex, quod non sit aliud habens, & aliud id quod habet, sicut in cæteris rebus est. Non enim habens liquorem liquor est, nec corpus color, nec anima est sapientia. Ecce quanta est identitas, quanta est unitas, immutabilitas, simplicitas, puritas diuinæ substantiæ, iuxta infirmitatis nostræ valetudinem assignauimus.

DISTIN. VIII. PARS I.

De proprietatibus, & conditionibus essentialibus Trinitatis, & Unitatis.

Nunc de veritate, siue proprietate, &c.

Expositio Textus.



ERMINATIS superius duabus partibus istius partis principalis, quæ est de Trinitate, secundum quod intelligitur, in quibus ad probandam Trinitatem

tatem

tatum Magister adduxit rationes, & remouit dubitationes : In hac tertia parte determinat istius Trinitatis, & Vnitatis proprietates, & conditiones. Et quoniam quædam sunt proprietates respicientes essentiam, vt veritas, quædam personas, vt generatio : quædam vtraque, & æqualitas: ideo hæc pars tres habet partes. In prima parte agit Magister de proprietatibus essentialibus. In secunda, de proprietatibus personalibus, infra distinct. 9. *Nunc ad distinctionem personarum, &c.* In tertia, de proprietatibus & conditionibus, quodam modo essentialibus, & quodam modo personalibus, sicut est æqualitas personarum, in æternitate, magnitudine, & vnitare: infra dist. 19. *Nunc postquam coaternitatem trium personarum, &c.* Prima pars quæ continet præsentem distinctionem, tres habet partes, secundum tres proprietates quas assignat. Prima est de veritate. Secunda est de immutabilitate. Et hæc ponitur ibi : *Dei etiam solius essentia proprie incommutabilis dicitur.* Tertia de simplicitate. Et hæc ponitur ibi : *Eademque sola proprie, ac vere simplex est, &c.* **ITEM** prima pars habet duas partes, quia primo attribuit Deo proprietatem veritatis. Secundo remouet dubitationem habentem ortum ex prædictis, ibi : *Hic diligenter aduertendum est, &c.* Similiter secunda pars habet duas. In prima assignat Deo proprietatem incommutabilitatis, & probat auctoritate Augusti. In secunda confirmat per Apostolum, ibi : *Ideoque Apostolus loquens, &c.* Tertia de simplicitate infra subdividitur.

Nunc de veritate, siue proprietate, diuina essentia, &c.
Dub. I.

Videtur male dicere, quia omne quod habet proprium, distinguitur : sed diuina essentia non est distinguibilis: ergo non habet proprium.

R E S P. Ad quod dicendum quod diuina essentia eo modo est distinguibilis, quo modo habet proprietates, & econuerso. Quia quamvis in se non sit distinguibilis per plurificationem sui, nec à persona per diuernitatem, est tamen distinguibilis respectu essentia creaturæ, respectu cuius habet has proprietates.

Dub. II.

ITEM queritur de illis tribus proprietatibus, quas ponit, scilicet de veritate, immutabilitate, simplicitate, cum multæ aliæ conditiones sint diuinæ essentia, quare solum de his tribus agit.

R E S P. Dicendum quod per has tres proprietates sufficienter distinguitur esse increatum à creato. Nam creatum ab eo ipso quod creatum, habet esse potest non esse, & ita esse vanum, & possibile: ideo habet esse permixtum cum possibilitate, & propter hoc deficit à veritate, à stabilitate, & simplicitate. † Increatum vero esse habet contrarias proprietates, & in his sufficienter distinguitur. Nam veritas respicit quod est: immutabilitas, quo est: simplicitas vtrumque. Ideo patet sufficientia, & ordo.

Sicut enim ab eo quod est sapere dicitur sapientia.
Dub. III.

Non videtur dicere verum. Sicut enim albedo se habet ad album, ita sapientia ad sapere: sed albedo non dicitur ab albo, immo magis econtra: ergo, &c.

R E S P. Dicendum quod secundum intellectum componentem, sapere dicitur à sapientia, quia intellectus componens procedit ab abstracto ad concretum. Secundum vero intellectum resoluentem est econuerso, & quantum ad hunc loquitur Augustinus: Vel posset dici quod loquitur secundum considerationem Grammatici, non Logici.

Quis magis est quam ille, qui dixit famulo. Dub. IV.

Videtur male dicere, quia Esse non recipit magis, & minus, & maxime in Deo.

R E S P. Dicendum quod magis & minus dupliciter possunt considerari, scilicet in comparatione ad idem, &

sic non dicunt intensiorem & remissionem. Vel in comparatione ad diuersas substantias & naturas, & sic dicunt gradum & excessum, & sic est bene ponere magis & minus in ente respectu Creatoris, & creaturæ, & respectu creaturarum ad inuicem: sed in comparatione creaturæ ad Creatorem est excessus improporcionabilis, & infinitus: respectu creaturarum ad se inuicem, est proportionabilis.

Cuius Essentia non nouit præteritum, vel futurum.
Dub. V.

Videtur enim esse ista proprietas & angelorum, quia August. de Ciuit. Dei dicit, quod immortalitas angelorum non est præterita, quasi non sit: nec futura quasi nondum sit: sed semper est præsens: ergo non est proprium solius Dei.

R E S P. Quidam dicunt quod duratio æui est simplex & tota simul, non habens præteritum & futurum: nihilominus ipsum æuiternum seu æternum habet præteritum, & futurum, quantum ad affectiones: & ita proprium est solius Dei. Alij dicunt quod in omni duratione creata quoniam differt à durante, etiam habet esse possibile cum priori, & posteriori: sed distinguunt de priori, & posteriori. Quoddam enim est quod dicit durationis successionem, quoddam successionis durationem cum variatione, & inuocatione. Primum est in æuo. Secundum in tempore, & hoc vult Anselmus expresse, & hoc credo probabilius, & patet responsio ad verbum Augustini. Ipse enim loquitur de priori & posteriori: quod quidem dicit inuolutionem, & variationem, & corruptionem.

Cuius Essentia comparatum nostrum Esse, non est. Dub. VI.

Videtur hoc falsum. Quia quod inest alicui substantialiter, non adimitur comparatione aliqua: sed esse est substantiale rei cui libet: ergo, &c. Item ex comparatione ad Deum creatura melioratur, vt dicit Aug. ergo magis est quam si non comparatur: ergo, &c.

R E S P. Dupliciter est accipere talem comparationem. Vno modo secundum rationem influentia, & receptionis, & sic creatura ad Deum comparata est magis quam si non comparatur. Alio modo comparatur secundum habitudinem æquiparantia, & proportionis: & hoc modo verum est, quod nulla est ratio proportionabilis secundum conditionem veritatis, & nobilitatis Esse diuini: & ideo quasi nihil est: non omnino in se, sed nihil à proportionem, quia non potest inueniri aliqua proportio quantitativa.

Dicatur ergo quod semper fuit, est, & erit. Dub. VII.

Videtur, hæc verba non debere dici de Deo: quia dicunt diuersa tempora: sed in Deo non cadit diuersitas temporum.

R E S P. Quidam voluerunt dicere quod actus isti non prædicant de Deo diuersa tempora secundum essentiam, sed secundum concomitantiam quia diuinum Esse omnino inuariatum, omne tempus concomitatur: sed hæc positio non soluit plene. Dicitur enim vere quod Deus fuit ante omne tempus: ergo concomitantiam non potest dicere. Ideo dicunt alij quod tempus congnificatum non est dispositio rei acceptæ, siue intellectæ, quando dicitur de Deo, sed solum modi intelligendi: quando vero de re mobili, vtroque modo. Exemplum patet de masculino genere in lapide, & viro, quoniam in viro est vt dispositio rei acceptæ: in lapide, vt modus intelligenti solum. Sed hæc positio non videtur sufficiens: quia intellectus non ponit præteritum circa suum intelligere, quando intelligit Deum fuisse: ergo oportet quod ponat circa rem. Propter hoc notandum quod verba diuersorum temporum aliter dicuntur de æterno, aliter de æuiterno, aliter de temporali. Nam respectu temporalis important mutabilitatem, & successionem, & durationem. Secundum vero, quod de æuiternis dicuntur, duo tantum important, successio-

† Ideo est verum, quia incommutabile ut in licet. Ideo etiam est verum quia simplex, & ideo immutabile, quia simplex. Vnde 11. de Ciuit. Dei. cap. 10. est bonum solum simplex & ob hoc incommutabile quod est Deus.

nem & durationem, sicut vult Hieronymus, ^a Augustinus, ^b & Anselmus. ^c Secundum vero quod dicuntur de Deo, important solum durationem. unde dicitur: Deus fuit, quia eius duratio non coepit. Deus est, quia duratio eius non interruptitur. Deus erit, quia non desinit, nec corrumpitur. Proprie ergo loquendo non dicuntur de Deo, ut dicit Hieron. Large autem loquendo dicuntur ut dicit Magister, & August. & ad hoc vadit opinio Magistri.

Esse non est Deo accidens, &c. Dub. VIII.

Quæritur, quia cum Esse nec creaturæ sit accidens, (nulli enim omnino rei accidit esse) quo modo ergo per hoc notatur Deus differre à creatura.

RESP. Dicendum quod accidens dicit quid natum in alio esse, ab alio exire, & ab alio recedere. Accidens enim dicitur quod inest subiecto, ab illo trahit ortum, & propterea potest adesse, & abesse. In his tribus proprietatibus communicat esse creatum, licet non eodem modo omnino. Nam esse nostrum pender ab alio (sustinente, oritur ab alio efficiente. Creatura etiam nata est suum esse perdere: ideo, Esse eius est quasi, accidens non tamen vere accidens, quia cum pendeat à Deo, non pendet sicut à subiecto. Econtrario est in Deo, & ideo dicit Hilarius quod esse non est accidens Deo: & hoc propter contrarias proprietates. Quia accidens natum est alij inesse, propter hoc dicit: subsistens veritas. Quia natum est ab alio exire, contra hoc dicit: manens causa. Quia natum est etiam ab alio recedere, contra hoc dicit: naturalis generis proprietates, quæ non dimittit esse.

Solus Deus habet immortalitatem. Dub. IX.

Quæritur, quo modo hic intelligatur immortalitas, cum hic dicat Aug. quod accipitur pro incommutabilitate: sed hoc non videtur conveniens. Mens enim non dicit omnem mutabilitatem, sed solum corruptibilitatem viventium: ergo non idem est dicere.

RESP. Sicut vita accipitur communiter & proprie, ita & mors, ita & immortalitas. Vno enim modo dicitur vita actus cōtinuus & internus, qui est à forma spiritali, & sic dicitur proprie, & sic immortalitas dicit vitam talem cum impossibilitate ad eius priuationem. Alio modo dicitur vita actus cōmpletus potentie, quæ est secundum rei naturam, sicut dicitur aqua viua quæ habet operationem aquæ convenientem: & hoc modo importat repugnantiam ad corruptionem: & ideo debet dici secundum hanc vitam, immortale: quod est ita in actu completo quod nullo modo potest aliquam peiorationem recipere, & sic accipit Apost. & exponit Aug.

Nec vicissitudinis obumbratio. Dub. X.

Quæritur, quæ differentia sit inter vicissitudinem, & obumbrationem: & quæ convenientia, ratione cuius dicatur vicissitudo obumbrare.

RESP. Dicendum quod vicissitudo importat numerum vicis, & iste est numerus cum interruptione: sed obumbratio dicitur per priuationem actus lucis. Quoniam ergo actus formæ lux est, priuatio eius recte dicitur obumbratio: & quia vicissitudo ratione numeri dicit interruptionem: & ratione interruptionis dicit priuationem, & ratione priuationis obumbrationem, hinc est quod recte dicitur vicissitudinis obumbratio.

ARTICVLVS I.

IN hac parte ad euidenciam duarum primarum proprietatum, quas Magister primo assignat, sc. Veritatis, & Incommutabilitatis, duo principaliter quæruntur. Primo de ipsa Veritate. Secundo de Immutabilitate. De Veritate iterum quæruntur duo. Primo utrum Veritas sit proprietas diuini Esse. Secundo, utrum sit eius proprietas in summo, id est, adeo quod non possit cogitari non esse,

QVÆSTIO I.

An Veritas sit proprietas diuini Esse.

pro. 1. p. q. 18. art. 4.

Egid. Rom. 1. Sent. dist. 19. q. 3.

Richard. 1. Sent. dist. 8. q. 2.

Steph. Brulef. 1. Sent. dist. 8. q. 1.

Petrus de Tarantaj. 1. Sent. dist. 8. q. 3.

Quod Veritas sit proprietas diuini esse ostenditur auctoritatibus, & rationibus.

Primo modo sic auctoritate Hieronymi ad Marcellam & habetur in litera: Solus Deus vere est, cuius essentie comparatum nostrum esse, non est: sed quod alicui soli conuenit, est proprium illi: ergo Veritas est proprium diuini Esse.

ITEM August. de vera Rel. Falsitas est in illis rebus, quæ imitantur illud vnum, quod est vnum, quidquid est, inquantum illud implere non possunt. Si ergo nulla creatura potest illud summe vnum implere, veritas non est in aliqua creatura: sed in omnibus falsitas.

ITEM d. Aug. in Soliloquiis, & de vera Rel. dicit, quod lux increata est ratio cognoscendi, & sola lux increata est veritas: ergo veritas est proprietas Dei solius.

ITEM e. Anselmus in lib. de Veritate dicit quod omnia sunt vera, prima veritate: aut ergo intelligit effectiue, aut formaliter. Non effectiue, quia similiter omnia poliunt dici bona, prima bonitate ergo intelligitur formaliter: ergo est alia veritas quam veritas increata: ergo si illa est, est in Deo, &c. ergo veritas est solius Dei proprietas.

ITEM rationibus probatur sic: Veritas & vanitas opponuntur: sed omnis creatura habet vnitatem, & permutationem cum non esse, cum sit ex nihilo: & solus Deus hac caret omnino: ergo in solo Deo est veritas.

ITEM Veritas opponitur umbræ. Quod enim est umbra rei non habet veritatem: sed naturæ sunt umbræ illius: cum ergo non habent veritatem in esse.

ITEM Veritas est quæ aliquid est verum: sed veritas est vera, cum sit cognoscibilis: sed constat quod non alio quam se, quia alias esset abire in infinitum: sed quod est verum seipso, est verum per essentiam: ergo omnis veritas est vera per essentiam: sed sola veritas increata est vera per essentiam: ergo veritas est proprietas Dei solius.

CONTRA: Si veritas est Dei proprietas: aut ergo veritas complexa, aut incomplexa: Non complexa, quia talis est cum compositione: in Deo autem non est compositio aliqua. Non incomplexa, quia hæc cōuertitur cum ente: ergo cum entitas non sit Dei proprietas, pari ratione nec veritas erit.

ITEM verum æque commune est ut bonum, & quodam modo magis: sed bonitas non est Dei proprietas: ergo pari ratione nec veritas.

ITEM veritas est ratio discernendi Creatorem à creatura, & creaturam à creatura: sed quod est ratio discernendi & distinguendi, est diuersum in diuersis: ergo alia veritas est in Deo quam in creatura, & in vna creatura quam in alia: ergo non est proprium solius Dei.

ITEM Aug. in Soliloquiis. Verum est id quod est, ergo veritas est ipsa entitas: ergo non est proprium essentie: quia si sic, quæ ratione dicitur: Veritas est proprietas essentie, posset dici econuerso, cum omnino idem sint.

CONCLUSIO.

Veritas prout distinguitur contra impuritatem, dissimilitudinem, & obscuritatem, est proprietas diuini Esse.

RESP. ad arg. Dicendum quod Veritas habet triplicem comparisonem. Habet enim comparari ad subiectum quod informat, ad principium quod representat, & ad intellectum quem excitat. In comparisonem ad subiectum veritatis dicitur veritas actus, & potentie indiuisio. In comparisonem ad principium dicitur veritas sum-

mae veritatis & primæ representatio, siue imitatio. In comparatione ad intellectum, dicitur veritas ratio distinguendi. Et in omnibus illis comparationibus dupliciter potest accipi veritas. Vno modo propt̃r distinguitur contra falsitatem. Alio modo propt̃r distinguitur contra permixtionem, secundum quod verum dicitur purum & impermixtum. Propt̃r veritas diuiditur contra falsitatem, quæ est priuatio indispensionis, imitationis, expressionis, sic cum in creatura sit aliquo modo inuenire & indiuisiōem, & imitationem, & expressionem, sic est veritas, non tantum in Creatore sed etiam in creatura, & sic non assignatur Dei proprietates. Alio modo propt̃r veritas diuiditur contra permixtionem, siue impuritatem, sic est in solo Deo. Nam in solo Deo est diuisio pura non permixta alicui diuersitati. In solo Deo est imitatio & similitudo pura non permixta alicui dissimilitudini. Et in solo Deo est expressio luminis non permixti obſcuritate. In creatura autem est indiuisio, cum actus & potentia diuersitate, & imitatio cum dissimilitudine. Est vlt̃erius in ea expressio cum obſcuritate, & ideo hoc modo est veritas diuini esse proprietates, & sic accipit Magister, & August. & Hieron. Vocant enim verum esse quod nihil habet de possibilitate, nihil habet de vanitate, nihil de non entitate. Et ideo in Deo non cadit præteritio, & futuritio, quæ aliquo modo non entia sunt, & sic procedunt duæ primæ auctoritates, & rationes.

Ad illud vero quod obicitur, quod non sit alia veritas quam æterna, quia ipsa sola facit intelligere, dicendum quod sicut color est obiectum visus, & motuum visus (tamen non sine actu lucis) & differt ipsa à luce: sic dicendum quod veritas creata, quamvis non possit mouere sine veritate increata, nihilominus est motiua suo modo, & alia veritas est ab illa.

Ad illud quod obicitur de Ansel. quod omnia sunt vera veritate prima, dicendum quod verum de sui impositione dicit comparationem ad causam exemplarem, sicut bonum ad causam finalem. Sicut enim dicitur bonum ratione ordinis, sic verum ratione expressionis, & ratio exprimendi est ipsius exemplaris, sicut ergo cum dicitur de bonis creatis quod sunt bona bonitate increata, bonitas prædicat finem in ablatiuo, non formam, quia bonitas increata nullius creati est forma. Similiter cum dicitur quod omnia sunt vera veritate increata ablatiuus dicit causam formalem exemplarem. Omnia enim vera sunt, & nata sunt se exprimere expressione illius summi luminis: quod si cessaret influere, cetera desinerent esse vera: ideo nulla veritas creata est vera per essentiam: sed per participationem, & per hoc patet vltima.

Ad illud vero quod obicitur in contrarium quod non est proprietates, patet responsio: quoniam obicit de veritate secundum quod habet oppositionem ad defectum falsitatis, non ad permixtionem possibilitatis: prædicto enim modo conuenit, non tantum Creatori, sed etiam creaturæ.

Ad illud quod obicitur quod veritas est idem quod diuina essentia, dicendum quod de ratione proprietates in creatura sunt ista tria. Primum est quod conuenit soli. Secundum est, quod est ratio innotescendi. Tertium est, quod differt ab eo cuius est proprietates. Duo prima sunt perfectionis. Vltimum vero imperfectionis, quia excludit simplicitatem: & ideo veritas dicitur diuinæ essentia proprietates, non quia differat, vel sit inhærens diuinæ essentia, sicut antecedens subiecto: sed quia soli conuenit, & est ratio cognoscendi eam. Et hæc est causa quare econuerso essentia non est proprietates veritatis, quia non est ratio innotescendi eam, sicut econuerso. Si autem quæras, cum idem significant essentia & veritas, quare vnum est ratio cognoscendi alterum, & non econuerso.

Ad hoc dixerunt aliqui quod quamvis idem significant essentia & veritas, tamē vnum, sc. veritas est magis ratio cognoscendi ratione connotati. Sed hoc non potest stare, quia veritas nihil connotat. Dicendum ergo quod hoc est ratione modi significandi, & intelligendi.

Et notandum quod dupliciter est loqui de his nominibus. Vno modo ratione eius quod nominant, seu significant: alio modo ratione eius in quo significatur poni quod nominant. Vnde differt dicere sensum, & sensum hominis: quia primò dicitur commune ad sensum hominis, & bruti: secundò, proprium hominis. Si ergo accipimus huiusmodi nomina secundum se, alia est ratio essentia. alia veritatis: quoniam essentia dicit quid, veritas conditionem entis. Cum vero essentiam & veritatem trahimus ad Deum, quamvis idem sint, tamen ratione generalium significatorum, vnum accipitur, vt proprietates alterius, & non est ibi synonymia, nec sunt nomina synonyma: sed manet ratio subiecti, & proprietates secundum modum significandi, & manet etiam secundum modum intelligendi. Quia per essentiam in creatura intelligimus essentiam in Creatore: & per veritatem creaturæ intelligimus veritatem increatam. Vnde sicut veritas creata est proprietates & ratio cognoscendi essentiam creatam, sic veritas increata secundum rationem significandi & intelligendi est ratio cognoscendi & intelligendi essentiam increatam.

Q V Æ S T I O II.

An Diuinum Esse sit adeo verum, quod non possit cogitari non esse.

Alex. Alensis 1. p. q. 3. Membr. 2. & 3.
Guill. Altrifodorenſis lib. 1. Sent. c. 1.
S. Thom. 1. p. q. 2. Art. 1.
Scotus 1. Sent. dist. 2. q. 2.
Egid. Rom 1. Sent. dist. 3. q. 2.
Richardus 1. Sent. d. 3. q. 1.
Franciscus de Mayr. 1. Sent. dist. 2. q. 1.
Durandus 1. Sent. dist. 3. q. 1.
Tho. Arg. 1. Sent. dist. 3. q. 1. Art. 2.
Gabr. Biel. 1. Sent. dist. 3. q. 4.

Vtrum hæc proprietates conueniat Deo in summo, id est vtrum diuinum Esse, sit adeo verum, quod non possit cogitari non esse.

Et quod sic videtur per Anselmum, qui dicit quod Deus secundum communem animi conceptionem, est quo nihil maius cogitari potest. Sed maius est quod non potest cogitari non esse, quam quod potest: ergo cum Deo nihil maius cogitari possit, diuinum esse ita est quod non potest cogitari non esse.

ITEM Damasc. dicit quod cognitio essendi Deum nobis naturaliter est impressa: sed naturales impressiones non relinquunt, nec assuescunt in contrarium: ergo veritas Dei impressa menti humanæ est inseparabilis ab ipsa: ergo non potest cogitari non esse.

ITEM maior est veritas in esse diuino quam in aliqua dignitate: sed aliqua dignitas ita est vera quod non est ei contradicere corde, vt: Omne totum est maius sua parte, & similia. Vnde non potest cogitari non esse: ergo multo fortius hoc erit verum dicere de prima veritate.

ITEM intellectus noster nihil intelligit nisi per primam lucem, & veritatem: ergo omnis actio intellectus quæ est in cogitando aliquid esse, est per primam lucem: sed per primam lucem non conuenit cogitare primam veritatem non esse: ergo, &c.

ITEM quod non conuenit enuntiare, hoc non conuenit cogitare: sed non conuenit enuntiare primam veritatem non esse: ergo nec cogitare. Probatio mediæ, omnis sermo enuntiativus asserit se esse verum: Vnde sequitur: Si homo est asinus, hominem esse asinum, est verum: sed omne quod ponit veritatem, ponit primam veritatem, quia omnis veritas infert illam: ergo omnis sermo asserit primam veritatem esse: ergo, &c.

ITEM omnis sermo enuntiativus, aut affirmativus est, aut negativus: sed affirmativus affirmat hoc de hoc, quia sequitur, si est ens quod est hoc, est ens quod non est hoc: quia cum dico ens hoc, dico ens limitatum, finitum & arctatum: & tali posito, ponitur ens summum: ergo omnis sermo affirmativus circa creaturam infert Deum.

F 4

ITEM

ut inter.

Corollarium.

Ad arg. pro parte affirmatiua.

Ad arg. pro parte negatiua.

Quæst. incidentialis.

Fundamenta.

Anselm. in Proleg. cap. 2. 4. & 5. tom. 3.

Damasc. 1. de orth. fid. cap. 1. & 3.

Aug. lib. 1. Soliloq. cap. 8. 13 & 15. in princ. to. 1.

Aristot. 1. Persher. cap. 4.

ITEM negatiuus similiter: quia nullus sermo est magis negatiuus quam iste: Nulla est veritas. Sed August. in Soliloq. probat quod sermo iste ponit primam aliquam veritatem esse: quia si nulla veritas est, verum est nullam veritatem esse, si hoc est verum, aliquid est verum: & si aliquid est verum, aliqua veritas est: ergo, &c.

1. **SED** contra: Damasc. dicit: ^a In tantum præualuit perniciofa hominum malitia, vt dicat Deum non esse, secundum illud Psalmi: ^b Dixit insipiens, &c.

2. **ITEM** idololatra dicit, quod non est alius Deus nisi idolum, & hoc credit, & cogitat: sed constat idolum non esse Deum: ergo, &c.

3. **ITEM** omne illud, quo intellecto non esse, potest aliquid intelligi, potest cogitari non esse. Sed dicit Boëtius in libro de hebdomadibus, quod intellecto per impossibile summum bonum non esse, adhuc potest aliquid intelligi rotundum, & album: ergo similiter in summo vero, & sic poterit cogitari non esse.

4. **ITEM** illud quod maxime nos latet, de facili potest cogitari non esse: sed veritas diuini esse est huiusmodi: quia Deus habitat lucē inaccessibilem: ergo, &c.

5. **ITEM** quæro, quid est dicere, Deum non posse cogitari non esse? Si quia non potest aliquo modo cogitari, nec vere, nec false, illud est manifeste falsum. Si quia non potest vere, similiter nec anima, nec cælum, &c. huiusmodi.

6. **ITEM** quod contingit exprimere, contingit & cogitare: sed contingit exprimere diuinum esse non esse: ergo & cogitare. Quod contingat, hoc patet, cum dicitur in speciali: Deus non est: & in generali, nihil est: & quod neutra istarum inferat Deum esse, patet, quia oppositum non infert oppositum: & quod nihil infert: quælibet autem istarum nihil ponit.

CONCLUSIO.

Deum esse est adeo verum, quod non potest cogitari non esse.

R. P. ad arg. Dicendum quod aliquid cogitare non esse, est dupliciter. Aut in ratione falsi, sicut cogito de hac: homo est asinus: & hoc cogitare nihil aliud est quam quid est quod dicitur, intelligere: hoc modo potest cogitari non esse veritas diuini Esse.

Alio modo est cogitare cum assensu, sicut cogito aliquid non esse, & credo non esse, & hoc modo aliquid cogitare non esse quod est, potest venire aut ex defectu intelligentis, aut ex defectu intelligibilis. Defectus autem intelligentis est cæcitas vel ignorantia: ob quam, quia ignorat rem, ideo cogitat ipsam non esse. Conuenit autem dupliciter esse cogitationem de aliquo ente, videlicet si est, & quid est. Intellectus autem non deficit in cogitatione diuinæ veritatis, quantum ad cognitionem quid est, tamen non deficit quantum ad cognitionem, si est. Vnde Hugo: Deus ab initio sic cognitionem suam in homine temperauit, vt sicut nunquam quid esset poterat ab homine comprehendere, ita nunquam quia esset, poterat ignorari. Quia ergo intellectus noster nunquam deficit in cognitione Dei si est, ideo nec potest ignorare ipsum esse, similiter non cogitare non esse. Quia vero deficit in cognitione quid est, ideo frequenter cogitat Deum esse, quod non est sicut idolum, vel non esse quod est, sicut Deum non iustum: & quia qui cogitat Deum non esse quod est, vt non iustum per consequens cogitat ipsum non esse: ideo ratione defectus intellectus, Deus potest cogitari non esse, siue summa veritas, non tamen simpliciter, siue generaliter, sed ex consequenti, sicut qui negat beatitudinem esse in Deo, negat eam esse. Hoc autem modo procedunt rationes probantes quod aliquis intellectus cogitat, vel cogitari potest, diuinum Esse non esse.

Alio modo potest cogitari aliquid non esse propter defectum à parte intelligibilis, & huiusmodi defectus potest esse dupliciter Aut defectus præsentia: aut defectus euidentiæ. Defectus præsentia: vt pote, quia non semper, quia non vbique. Aut quia quamvis semper, &

vbique, non vbique totaliter. Quia non semper est, aliquando est, aliquando non: & ideo aliquando vere potest cogitari non esse. Similiter de eo quod non est vbique, quia eadem ratione qua potest cogitari non esse hic, potest cogitari non esse alibi. Similiter de eo quod secundum partem adest, secundum partem abest. Deus autem est semper & vbique, & totus semper & vbique ideo non potest cogitari non esse. Hanc rationem assignat Anselmus in libro contra insipientem: Non solum propter defectum præsentia: potest cogitari aliquid non esse: sed etiam, propter defectum euidentiæ, quia non est euidens in se, nec est euidens in probando. Sed diuini Esse veritas est euidens & in se, & in probando. In se, quia sicut principia cognoscimus in quantum terminos: & quia causa prædicati clauditur in subiecto, ideo seipsis sunt euidentiæ, sic & in proposito. Nam Deus siue summa veritas est ipsum esse, quo nihil melius cogitari potest: ergo non potest non esse, nec cogitari non esse. Prædicatum enim clauditur in subiecto. Nec tantum habet euidentiā in se: sed etiam ex probatione, quoniam diuinam veritatem esse, probat & concludit omnis veritas & natura creata: quia si est ens per participationem & ab alio, est ens per essentiam & non ab alio. Probat etiam ipsam & concludit omnis intelligentia recta, quia omni animæ eius cognitio est impressa, & omnis cognitio est per ipsam. Probat iterum ipsam, & concludit omnis propositio affirmatiua: omnis enim talis aliquid ponit: & aliquo posito ponitur verum: & vero posito ponitur veritas quæ est causa omnis veri. Propositio autem negatiua non infert ipsam nisi sophistice, vt dicunt. Vnde ex hoc quod est nihil esse, vel nullam veritatem esse, non contingit concludere, nec inferre veritatem esse. Hæc enim propositio: nihil est, destruit omnem veritatem. Et ideo ad ipsam non sequitur aliqua affirmatiua, & hæc est vera: si nihil est, nulla propositio est, nec aliquid. Augustinus autem tale argumentum non facit approbando, sed inquirendo.

Concedendum est ergo, quod tanta est veritas diuini Esse, quod cum assensu non potest cogitari non esse, nisi propter ignorantiam cogitantis, qui ignorat quid est quod per nomen Dei dicitur. Et concedendæ sunt rationes ad hoc, licet aliquæ sint sophisticæ.

1. **AD** illud ergo quod obiicitur in contrarium in tantum præualuit, &c. dicendum quod Damasc. loquitur de cogitatione quæ venit ab excitatione, quod patet ex ipso verbo eius, cum dicit, malitia.

2. **SIMILITER** ad illud de idolo dicendum quod ideo errat, quia ignorat quid sit, vnde non cogitat Deum non esse in vniuersali.

3. **AD** illud quod obiicitur, quod intellecto Deo non esse, possunt alia esse intelligi, dicendum quod Boëtius loquitur de intellectu quo per impossibile aliquid cogitamus, sed non assentimus.

4. **AD** illud quod obiicitur quod maxime nos latet, patet responsio, quod maxime nos latet quid est: sed tamen maxime patet, si est.

5. **AD** illud quod obiicitur, quid est dicere diuinam Veritatem non posse cogitari non esse: dicendum quod aliquis non potest credere quod Deus non sit dummodo vtatur ratione. Non sic de creaturis. Quia etsi certum est, vnam creaturam esse vni, non tamen omnibus, quia non est veritatis tantæ, vt se omnibus offerat equaliter, sicut prima veritas.

6. **AD** illud quod obiicitur: Quod conuenit exprimere, conuenit & cogitare, dicendum quod potest accipi, cogitare, generaliter pro actu mentis, siue errantis, siue non: siue assentientis, siue non: & tunc est illud verum: vel pro cogitatione cum assensu, tunc est falsum: quia dignitatibus, id est, propositionibus per se notis cōtingit rationem contradicere quantum ad exterius, non tamen quantum ad interius, * vt dicit Philosophus in libro Posteriorum.

Tertia conclusio.

Ansel. lib. contra insipientem in prin.

Hæc verum est concipiente terminos sub rationibus propriis, vt Deus. Vide Sco. d. 2. q. 2. Rich. dist. 3. q. 2. Tho. 1. lib. 2. art. 1. non autem si termini concipiuntur à nobis sicut nunc.

* 1. Poster. sed clarius ex 4. Metaphysic.

ARTICVLVS II.

Consequenter secundo loco est quæstio de secunda proprietate diuini Esse, scilicet Immutabilitate. De qua duo quaruntur. Primo quæritur vtrum Immutabilitas sit in Deo. Secundo vtrum sit proprietas Dei.

QVÆSTIO I.

An Deus sit immutabilis.

Alex. Alensis 1. p. q. 4. Membr. 1.
S. Thomas 1. p. q. 9. art. 1.
Scotus 1. Sent. d. 8. q. 5.
Henricus in sum. art. 30. per totum.
Egid. Rom. 1. Sent. dist. 8. p. 3. q. 1.
Richardus 1. Sent. dist. 8. art. 2. q. 1.
Durandus 1. Sent. dist. 8. q. 3.
Franciscus de Mayr. 1. Sent. dist. 9. q. 2.
Gabr. Biel. 1. Sent. dist. 8. q. 7.

Fundamen-
ta.
Ex 5. phyl.
cont. 1.

Quod immutabilitas sit in Deo, ostenditur hoc modo: Omnis mutatio, aut est secundum substantiam, aut secundum accidens: sed Deus non mutatur secundum substantiam, quia omne tale est corruptibile: Deus autem, siue diuina substantia, cum non habeat principium, est incorruptibilis: ergo, &c.

ITEM nec secundum accidens, quia in Deo non est accidens: ergo nulla in eo est mutatio.

ITEM omne quod mutatur, per prius est in potentia quam in actu, & in tali differt actus à potentia: sed Deus est purus actus: ergo nullo modo mutatur.

Lib. 2. de
Trin. cap. 3.

ITEM fiat deductio Richardi: Omnis mutatio, aut est in statum meliorem, aut deteriore, aut parem: sed nullo istorum modorum mutatur diuina natura, quia non in meliorem, quia verissime est. Non in deteriore, quia à semetipsa est. Non in æqualem, quia perfecta est: ergo nullo modo conuenit diuino Esse mutabilitas.

Ad oppos.
Sap. 7. d

1. CONTRA; per Sapientiam: Omnibus mobilibus mobilior est sapientia ergo, &c. Si dicatur quod sapientia dicitur mobilis per causam eo quod facit alia moueri. CONTRA: Nihil dat quod non habet: sed Deus dat omnibus motum: ergo motus, vel mutatio maxime est in Deo.

2. ITEM omne quod nunc est aliquid quod non fuit prius, est mutatum: sed filius Dei homo est, ab æterno autem non fuit homo: ergo est mutatus. Si dicas quod homo prædicatur de filio Dei, non per inhzrentiam, sed per vñionem: & vñio est relatio, & relatio aduenit sine mutatione, vt de nummo fit pretium, vt dicit Aug. in 5. de Trinitate. Contra: Ambrosius ita arguit contra hæreticum, qui posuit filium ex tempore genitum à Patre: Quia si hoc, tunc factus est de non Patre, Pater: ergo mutatur: ergo similiter in proposito.

Aug. lib. 3.
c. 16. tom. 6.
Ambr. de
fi. ad. Grat.
lib. 1. cap. 5.
in med.

3. ITEM quicunque de non agente fit agens, mutatur mutatione quæ est ab otio in actum: sed Deus de non creante factus est creans: ergo est mutatus. Si dicas quod Deus de non agente fit agens, non propter mutationem sui: sed propter mutationem effectus producti, sicut Sol de non illuminante fit illuminans.

CONTRA: Non quia creatura est, ideo Deus creat: sed quia Deus creat, creatura fit, siue producit. Per prius est ergo Deum agere quam creaturam fieri: ergo cum posterius non sit causa prioris, non quia creatura fit de non ente ens, Deus fit de non creante, creans: sed econuerso, & ita mutatio est ratione agētis non effectus.

4. ITEM Deus aliquid vult quod prius non voluit; quia ex tempore voluit creare, quod non voluit ab æterno: sed quicunque vult aliquid quod non prius voluit, mutatus est: ergo, &c. Si TV DICAS quod ab æterno voluit creare mundum in illo instanti, sicut ego volo audire Missam cras. CONTRA: Voluntas Dei est causa re:um proxima, & immediata, sed posita causa proxima & immediata, ponitur effectus: ergo si ab æterno voluit, ab æterno mundus fuit.

A

CONCLUSIO.

Deus cum sit simplex, æternus, purus actus, & immensus, est immutabilis.

RESP. ad arg. Dicendum quod sicut dicit Boëtius, Deus stabilis manens dat cuncta moueri, vnde diuina Essentia est immutabilis. Non enim mutatur loco, quia vbique est. Non tempore, quia æternitas simul est. Non forma, quia purus actus est. Vnde mutationem secundum formam tollit simplicitas, secundum tempus tollit æternitas, secundum locum tollit immensitas. Et ideo in Deo est summa stabilitas, & inde omnis motus causalitatis. Quia sicut probat Augustinus, & vult Philosophus: Omnis motus procedit ab immobili, vt cum mouetur manus stat cubitus, & mouetur cubitus stante humero: quia ergo Dei sapientia est stabilis, ideo omnia mouet.

B

1. QVOD obicitur, ergo de sapientia quod dicitur mobilis, dicendum quod mobile dicitur actiue de ea, quia facit motum non passiue, sicut sensibile de animali.

Et ad illud quod obicitur, nihil dat alteri quod non habet, dicendum quod triplex est aliquid habere, scilicet formaliter, exemplariter, causaliter, & quolibet istorum modorum, quod habet dare potest. Primo autem modo non habet Deus motum: sed secundo, & tertio sic.

2. AD illud quod obicitur de relatione, dicendum quod relatio cum dicitur de nouo, de necessitate ponit mutationem in altero extremorum, nec oportet quod in vtroque: ideo ista relatio quæ est personæ ad personam, ponit mutationem in altera personarum: & vna mutata, mutatur & reliqua, quia eadem sunt essentialia: ideo de necessitate si de non patre fieret pater, mutaretur. Relatio autem essentia ad essentiam, non de necessitate ponit mutationem, nisi in altero extremorum. Quia cum diuersæ sint Essentia, potest vna mutari, altera non permutari: ideo in relatione ad creaturam semper intelligitur in creatura facta mutatio, non in Deo. Tamen proprie loquendo, sicut alibi patebit, Deus non refertur ad creaturam, nisi secundum dici, & modum loquendi.

C

Possent tamen aliter dici, sicut supra tactum est simile, quia relatio personalis dat personæ existere, non sic autem relatio ad creaturam, & ideo sequitur, si incipit esse pater, incipit esse. Non autem sequitur hic: Deus incipit esse homo, igitur incipit esse, & ideo bene valet argumentum Ambrosij quod si pater incepisset gignere quod esset mutatus, quia incepisset esse, non ab vno statu in alterum mutatus esset.

D

3. AD illud quod obicitur, quando de non agente, &c. dicendum quod est agens quod est sua actio, & est agens quod non est sua actio. Agens quod non est sua actio sic agit quod inter ipsum, & effectum cadit medium quod disponit ipsum, & tale agens nunquam fit agens de non agente quin mutetur, quia nouum quid sibi aduenit. Sed agens quod est sua actio, agit seipso, & ideo inter ipsum, & effectum non cadit aliquod medium ipsum disponens: & ideo cum de non agente fit agens, quia nihil nouum sibi accidit, ideo non mutatur: tale agens Deus est.

4. AD illud quod obicitur de voluntate, dicendum quod causa proxima, & immediata dicitur tripliciter. Aut respectu substantia, aut dispositionis, aut actus. Respectu substantia, cum inter eam & effectum non cadit alia substantia media causans. Res. etiam dispositionis, cum non additur noua dispositio ad effectum producendum. Respectu actus, quando actui coniungitur. Dico ergo quod Dei voluntas fuit causa proxima, & immediata ab æterno respectu substantia & dispositionis, & non respectu actus, quia actui non coniungitur voluntas, nisi pro tempore in quo vult agere, vt patet cum dicitur: volo cras legere, voluntas non copulatur actui, nisi pro tempore crastino.

QVÆSTIO II.

An solus Deus immutabilis sit.

Alexander Alensis 1. p. q. 4. Membr. 3.
S. Thomas 1. p. q. 9. art. 2.

Lib. de con-
sol. philof.
metro 9. 3.
lib.
Corolla-
rium.
Aug. lib. 8.
de Gen. ad
literam, c.
21. tom. 3.
Arist. de in-
cessu ani. &
de moribus
ani.

Arist. 7.
phys. cont. ex.
cap. 1.

Dis. 30. q. 3.
Dis. 28. q. 2.

Et

Et 1. Sentent. dist. 8. q. 3. art. 1. & 2.
 Scotus in Reportatis, 1. Sent. d. 8. q. 10.
 Agid. Rom. 1. Sent. dist. 8. p. 3. q. 2.
 Richardus 1. Sent. d. 8. art. 2. q. 2.
 Steph. Brulef. 1. Sent. d. 8. q. 3.
 Petrus de Tarentas. 1. Sent. dist. 8. q. 7.
 Gab. Biel. 1. Sent. dist. 8. q. 2. dub. 1.

Fundamēta.

1. Tim. 6. c.
 Aug. lib. 3.
 c. 12. p. 6.

Damas. lib.
 de orth. fid.
 lib. 1. c. 3.

Greg. super
 Job. Mor. lib.
 16. c. 18.
 Hilari. lib. 7.
 de Trin.

Rom. 8. d

Ad oppos.

Aug. c. 1.
 tom. 1.

Gilber.
 Porreta-
 nus lib.
 sex princi-
 piorum, c. 7.

Aug. de Ge-
 nes. ad lit.
 lib. 8. c. 20.
 10. 3.

Cap. 1.

Aug. lib. 14.
 de Trin. c. 4.
 10. 3.

Vtrum Immutabilitas sit diuinæ Essentiæ proprie-
 tas, ita quod nulli creaturæ conueniat. Et quod sic
 videtur. Quia dicitur de Deo quod solus habet immor-
 talitatem. Et Augustinus dicit contra Maximinum. In om-
 ni natura mutabili nonnulla mors est ipsa mutatio : er-
 go si solus Deus habet immortalitatem, solus habet im-
 mutabilitatem.

ITEM omne vertibile est mutabile: sed omnis crea-
 tura est vertibilis. Vnde Damascenus : Omne quod à
 versione incipit, in versionem tendit, &c.

ITEM omne quod sibi relictum in nihilum cedit,
 quantum est de se est mutabile : sed omnis creatura est
 huiusmodi. Vnde Gregorius: Cuncta in nihilum tende-
 rent nisi manus Conditoris ea retineret: ergo, &c.

ITEM nullum accidens de se habet stabilitatem: sed
 esse omni creaturæ accidit, sicut dicit Hilarius, & habe-
 tur in litera, quia ab alio venit : ergo omnis creatura
 quantum ad esse est instabilis.

ITEM Omne vanum est subiectum variabilitati : sed
 omnis creatura vana, cum sit ex nihilo : (Vnde dicitur:
 Vanitati subiecta est creatura, &c.) ergo si omnis crea-
 tura vana nulla immutabilis est.

ITEM omne mutatum habet in se mutabilitatem: sed
 omnis creatura facta est : ergo omnis creatura mutata:
 ergo nulla immutabilis.

1. CONTRA: Immutabilitas, non dicitur nisi triplici-
 ter. Dicitur enim immutabilitas, aut inuariabilitas, aut
 incorruptibilitas, aut inuertibilitas. Ostenditur autem
 quod inuariabilitas conueniat creaturis, utpote princi-
 piis. Nam Aug. ostendit in 12. confes. quod materia in-
 formis est inuariabilis Quia quod caret forma, caret or-
 dine: & quod caret ordine, caret vicissitudine: ergo va-
 riatione. Auctor autē sex principiorum dicit hoc de for-
 ma, quod est in simplici & inuariabili Essētia consistens.

2. ITEM videtur quod inuariabilitas conueniat bea-
 tis: quia ubi perfecta beatitudo, ibi nulla deperditio : &
 ubi hæc, nulla variatio est.

3. ITEM variatio attenditur sicut dicit Aug. super Ge-
 nes. ad literam, aut secundum locum, aut secundum tem-
 pus: sed aliqua creatura caret determinato loco & tem-
 pore, ut vniuersale quod est semper, & vbique, & cœ-
 lum Emptreū quod est extra tempus, & locū : ergo, &c.

4. ITEM si immutabilitas dicatur incorruptibilitas,
 idem ostenditur : nam omnis corruptio naturalis venit
 ex contrarietate, sicut dicit Philosophus in lib. de mor-
 te, & vita: sed multæ creaturæ carent contrarietate: ergo
 & corruptibilitate.

5. ITEM omnis corruptio est in aliquid prius se, quia
 corruptio naturalis in aliquid est : sed principia non ha-
 bent aliquid prius, utpote materia : ergo sunt incorru-
 ptibilia.

6. ITEM omne perpetuum est incorruptibile: sed ali-
 qua creatura naturaliter est perpetua: ergo, &c. Minor
 probari potest sic : Perpetuitas est de ratione imaginis.
 Vnde August. Non esset anima imago, si mortis termi-
 no clauderetur: cum ergo anima naturalis sit imago : er-
 go naturaliter est immortalis siue perpetua.

7. ITEM ostenditur quod creatura sit inuertibilis,
 sic Vertibilitas est in non esse: sed nihil est quod creatu-
 ram aliquam possit vertere in non esse, quia à se non
 vertitur, cum nihil se corrumpat: ab alio non, quia actio
 creaturæ in id terminatur ex quo incipit : sed nullius
 creaturæ actio incipit ante esse: ergo, &c. Præterea, di-
 stantia infinita est inter esse creaturæ, & nihil: sed inter
 extrema in infinitum distantia non potest fieri mutatio
 per virtutem finitam: ergo nihil potest cedere in nihil,
 nisi Deo faciente.

A 8. ITEM vertibilitas dicitur per corruptionem in nō
 esse omnino: sed nihil quod corrumpitur cedit omnino
 in non ens: ergo nullum corruptibile vertibile solum.
 Si TV DICAS, quod inuertibilitatem non habet crea-
 tura per naturam, sed per gratiam. **CONTRA:** Quod
 omnibus inest, est naturale, quoniam gratia, speciale
 est: sed naturale est quod est idem apud omnes : sed fe-
 re omnis creatura est inuertibilis, quia nulla redigitur in
 nihilum: ergo hoc naturale.

9. ITEM ostenditur quod nec per gratiam, quia gra-
 tia est perfectio naturæ : ergo quod repugnat naturæ,
 non datur per gratiam : ergo si inuertibilitas est contra
 naturam creaturæ: ergo non datur per gratiam.

10. ITEM obiicitur de illa gratia, quia si est creatura,
 est vertibilis: si ergo conueniat ei inuertibilitas, oportet
 quod per aliam gratiam, & sic erit abire in infinitum.
 Si ergo oportet stare, patet quod non per gratiam. Si di-
 cas quod gratia illa non dicitur habitus : sed Deus gra-
 tis conferuans, hoc nihil est, quia sine Deo operante
 nulla creatura operatur: ergo sicut nulla creatura est in-
 uertibilis nisi per gratiam, si nulla creatura operatur nisi
 per gratiam: ergo nulla operatio est naturalis, quod stul-
 tum est dicere.

CONCLUSIO.

*Inuariabilitas, & immutabilitas per se, est
 proprium ipsius Dei.*

C RESP ad arg. Dicendum quod immutabilitas dici-
 tur per priuationem mutabilitatis. Mutatio autem dici-
 tur tripliciter. Vno modo ab ente in ens, & hæc est mu-
 tatio secundum accidens, & dicitur variatio. Alio mo-
 do ab ente simpliciter in ens potētia, siue secūdu quid,
 & hæc est mutatio secundum formam, & dicitur corru-
 ptio. Alio modo est mutatio ab ente in simpliciter non
 ens, & hæc est secundum totam rei substantiam, & di-
 citur versio. Secundū hoc intelligendū quod immutabi-
 litas dicitur tripliciter. Vno modo inuariabilitas, alio
 modo incorruptibilitas, & tertio modo inuertibilitas. Si
 ergo immutabilitas dicatur inuariabilitas, sic dico quod
 in nulla omnino est creatura, neq; per naturam, neq; per
 gratiam: nam omne creatum, aut est accidens, aut habet
 accidens, & ita variabile. Sic accepta immutabilitas pro-
 prie proprium ipsius Dei est. Si autem dicatur immuta-
 bilitas, incorruptibilitas, sic dico quod in aliquibus est
 creaturis. In quibusdā per naturam, utputa in simplici-
 bus. In quibusdā per gratiā, utputa in glorificatis cor-
 poribus. Nec sic est proprie proprium diuinæ essentiæ.
 Si vero tertio modo dicatur immutabilitas, sic omnibus
 creaturis inest per gratiam, nulli autem per naturam nisi
 soli Deo Inuertibile enim per naturam est quod ex se-
 ipso habet ut possit stare: hoc autem est in quo nulla est
 vanitas, vel varietas, & in quo omnino nulla est essentię
 mutatio, nec ad esse, nec ad non esse, & hoc est solum
 æternū: Ideo hæc inuertibilitas est in solo Deo, & est
 proprie propria eius. Inuertibilitas autē per gratiā, inest
 omnibus, vel pluribus creaturis, quia Deus sua gratuita
 bonitate cetera continet, ne in nihil cedāt: & loquor de
 creaturis quæ dicunt quid cōpletum, & per se existens.

Concedendum ergo quod immutabilitas prout pri-
 nat variationem secundū accidens, quantum ad naturam
 & potentiam, solius Dei est. Similiter ut priuat mu-
 tationem in non esse secundum actum & potentiam,
 quantum est de natura, solius Dei est, licet per gratiam
 conueniat multis creaturis : & sic procedunt rationes
 ad primam partem, vnde concedendæ sunt.

1. AD illud ergo quod obiicitur in contrarium quod
 principia rerum sunt inuariabilia, dicendum quod verū
 est, si considerentur secundum essentiam abstractam: sed
 si considerentur secundum esse naturæ, sic de necessita-
 te habent accidentia coniuncta, & possunt variari: va-
 riatio autem accidentalis respicit esse.

2. AD illud quod obiicitur quod in beatis non potest
 esse variatio, dicendum quod verum est quantum ad

substantiam

substantiam præmij, siue quantum ad præmium substantiale: cedit tamen quantum ad conuersionem ad inferius, tum quantum ad effectiones, sicut patet in angelis, tum quantum ad actiones. Vnde beati erunt agiles, & poterunt moueri.

3. Ad illud quod obiicitur de vniuersali, & Empyreico, dicendum quod vtrumque recipit variationem: sed vniuersale ratione eius in quo est, quia mouentibus nobis, mouentur ea quæ in nobis sunt. Empyreum vero ratione contenti. Potest enim aliquid continere quod non continet, & aliquid non continere quod continet.

4. 5. Ad illud quod obiicitur de incorruptibilitate, dicendum sicut prædictum est, quod conuenit creaturis: aliquæ enim creaturæ sunt ita simplices, & ita bona coniunctione coniunctæ, quod nulla cadit in eis contrarietas, nec est in eis maior ratio corruptionis quam in principiis. Vnde sicut principia non sunt resolutibilia in aliquid, tamen cederent in nihil si sibi relinquerentur, sic intelligendum in aliquibus substantiis. Vnde non est dicendum quod sit verum quod omne compositum sit resolvable secundum rem: sed sicut dicit Anselmus, est resolvable re, vel intellectu. Vnde concedendæ sunt rationes ad hoc inductæ.

6. 7. 8. Ad illud vero quod obiicitur de vertibilitate, dicendum quod quælibet creatura vertibilis est per naturam, si sibi relinquatur. Si quæritur causa huius, dicendum quod huius versionis cum sit defectus purus, non est reddenda causa efficiens, vel reducens in non esse: sed solum deficiens. Propter quod notandum quod natura dicitur naturalis origo. Origo autem creaturæ & est ex nihilo, & est ex suis principiis: secundum hoc dupliciter dicitur aliquid ipsi creaturæ naturale, vel quia inest ei ex eo quod est ex nihilo, vel quia inest ei ex eo quod est ex suis principiis. Et quia nihil nullius est causa efficiens, sed deficiens, ideo proprietates quæ insunt creaturæ, ratione eius quod est ex nihilo, non sunt positiones, sed defectus, nec sunt à virtute, sed à defectu virtutis: nec habent causam efficientem, sed deficientem: & tales sunt, vanitas, instabilitas, vertibilitas. Si ergo quæritur à quo est, vertibilis creatura, dico quod non ab aliquo efficiente, sed per defectum in seipsa. Secundum autem quod naturale dicitur inesse rei per propria & intrinseca principia, sic non dicuntur naturaliter inesse priuationes, vel defectus, sed habilitates: & ideo hoc modo accipiendo naturale, nulla creatura est vertibilis in non esse: nec tamen dicitur inuertibilis naturaliter, quia naturale est in quod potest natura: sed principia rei non possunt in rei conseruationem, nec conseruationem sui, & ideo inuertibilitas non est huiusmodi naturalis. Nec tamen est contra naturam, immo est ei consona: quia omnis natura appetit saluari, quamvis ex se non possit, & maxime illa creatura quæ appetit beatificari, & hæc est illa quæ ad Dei imaginem facta est. Et quia desiderium naturæ non est frustra, ubi deficit natura, supplet Dei gratuita influenza. Et sic patet quod vertibilitas inest per naturam: sed inuertibilitas per gratiam.

9. Ad illud quod obiicitur de comparatione gratiæ ad naturam, intelligendum est quod gratia dicitur adiutorium veniens à superiori, respectu eius quod est supra posse naturæ. Hoc autem adiutorium est duplex: aut respectu esse simpliciter, aut respectu esse perfecti. Si respectu esse simpliciter, ut puta conseruationis esse, quia nulla principia cum sint vana, de se possunt seipsa conseruare, sic non est mediante aliquo habitu infuso, vel dato. Et quia respicit esse, quod esse est commune omnibus, ideo hæc gratia est omnibus communis. Vnde hæc est gratia habens modum naturæ, & hæc est gratia qua dantur cetera vertibilia. Alio modo dicitur gratia adiutorium respectu perfecti esse, & quia perfectio esse est in his quæ ad beatitudinem ordinantur, respicit bene esse, vel esse quod non est omnium: ideo hæc, est habitus specialis aliquorum non omnium, & hæc est gratia per modum gratiæ. Ex his patet quod obiicitur de gratia. Obiicit enim secundum quod gratia est specialis ha-

bitus diuisus contra naturam, & sic dicit aliquid de nouo creatum, sed gratia prædicto modo, non.

10. Et ex hoc patet vltimo obiectum: quia gratia dicitur adiutorium respectu eius, quod est supra posse naturæ: & quia conseruatio principiorum est supra posse naturæ, non autem egressus actionum, immo infra, ideo patet, & c.

DISTINCTIO VIII. PARS II.

De Simplicitate diuinæ Essentiæ, vel Naturæ.

Eademque sola proprie, ac vere simplex est.

Huius Partis Textum supra videre licet.

Expositio Textus.

SUPRA ostendit Magister duas proprietates diuinæ Essentiæ, sc. veritatem, & incommutabilitatē. Hic ostendit simplicitatē diuinæ Essentiæ vel naturæ. Et habet hæc pars tres partes. In prima ostendit quod proprie est simplex. In secunda quod vere, ibi: *Hic diligenter notandū est, cum dicat August. & c.* In tertia quod summe, ibi: *Huius autem Essentiæ simplicitas.* Prima iterum pars habet tres partes. Primo proponit quod proprie est simplex. Secundo ostendit quod non conuenit naturæ corporali, ibi: *Ut autem scias quo modo simpliciter, & c.* In tertia quod non conuenit naturæ spirituali, ibi: *Creatura quoque spiritualis, & c.* Similiter pars in qua ostendit quod est vere simplex, habet tres partes. In prima ostendit quod in Deo est pure multiplicitas nominum. In secunda ostendit quod in eo non est diuersitas, prædicamentorum, ibi: *Quod autem in natura diuina nulla sit accidentium, & c.* In tertia concludit quod nomina prædicamentorum in diuinis non possunt dici proprie & etiam nomen primi prædicamenti, ibi: *Vnde nec proprie dicitur substantia.* Similiter tertia pars in qua ostendit quod est summe simplex, habet tres. Primo enim ostendit quod tanta est ibi simplicitas, quod nulla est ibi rerū diuersitas. Secundo quod cum hac simplicitate stat personarum pluralitas, ibi: *Et cum tanta simplicitatis, & c.* Tertio vero, & vltimo epilogat quod ostensa est in diuina Essentia triplex proprietas, ibi: *Ecce quanta est diuersitas.*

Eademque sola. Dub. I.

In parte ista circa literam incidit hæc quæstio de ordine. Cum enim compositio in creatura sit ratio & causa mutationis, simplicitas est causa immutabilitatis: quia si affirmatio sit causa affirmationis, & negatio causa negationis: ergo cum causa sit ante effectum, debuit primo Magister ponere proprietatem simplicitatis.

RESP. Dicendum quod re vera compositio secundum rationem intelligendi, prior est quam mutatio: sed quoniam negationes se habent econuerso affirmationibus: hinc est quod immutabilitas est prior: ita voluit aliqui dicere. Potest tamen aliter dici, & melius quod est prius notius nobis, & prius notius simpliciter: quia simplicitas est maxime nobis occulta, propter hoc quod simplex in quantum simplex habet rationem principij, & nos venimus à cognitione posterioris in cognitionē prioris: ideo prius agit de immutabilitate, quam simplicitate.

Dub. II.

Iterum quæritur de hoc quod dicit in litera: *Eademque sola proprie, ac vere simplex: quia nec habet compositionem partium, & c.* Videtur superflua dicere, quia simplex est cuius pars non est, sicut compositum dicitur quod habet partes.

RESP. Dicendum quod Magister notificat hic simplex secundum quod est Dei proprium, & ita opponitur compositioni, & multiplicitati. Quantum ergo ad priuationē compositionis, dicit quod non habet multitudinē partium, quantum vero ad priuationem multiplicatis extraneæ, dicit quod non habet varietatē accidentiū, quantum

vero

Anselm.
lib. de In-
car. c. 3.

Diuisio

vero ad priuationem multiplicatis intrinsecæ, dicit quod non habet varietatem formarum, vt generis, speciei, & differentiarum: & hoc modo simplex est simplex, vt re, & proprie, quod solius Dei est.

Cum enim aliud sit artificiosum esse, & inertem, &c. Dub. I I I.

Probat hic August. animam esse compositam propter multitudinem proprietatum. Sed contra: Nulla substantia componitur ex proprietatibus: nec per se, neque cum alio: ergo ex hoc non probatur quod anima sit composita.

RESP. Dicendum quod Augustinus hoc non probat nisi à posteriori. Compositio enim accidentis ad subiectum, & diuersitas, necessario præsupponit aliam compositionem: quia, vt dicit Boëtius: Quod est pure forma, subiectum esse non potest: ergo ad hoc quod aliquid sit subiectum accidentium plurium, oportet in illo præexistere compositionem intrinsecam: sed anima capit in se multitudinem accidentium: & ideo necessario infertur à posteriori, quod ipsa sit composita, licet non ex accidentibus.

Sine qualitate bonum, sine quantitate magnum, &c. Dub. IV.

Videtur male dicere: quia à quocumque remouetur superius, & inferius: ergo si non habet qualitatem, nec bonitatem. Si tu dicas quod bonitas illa non est species qualitatis, queritur, quare non similiter dicitur in diuinis qualitas diuina, sicut bonitas diuina.

RESP. Quidam volunt dicere quod nomen generis non transfertur ad diuina, tunc quia non dicit rei complementum sicut species: tum quia signat in concretionem ad substantiam, & independentiam. Nomina autem specialia connotant effectum in creatura, & ideo dicitur sine qualitate bonus. Sed si quis velit inspicere, inuenit hoc non habere veritatem. Si ergo queratur, quomodo differt in Deo magnitudo, & bonitas, dicendum quod magnitudo significat diuinam Essentiam per modum quantitatis, bonitas per modum qualitatis: ergo isti modi cadunt in Deum. Et iterum: Si queratur, qualis est Deus. RESPON. bonus, & magnus. Et ideo dicendum quod nomina generum in diuinis reperiuntur: sed non prout habent rationem generis: quia Deus in nullo genere est, & ad hoc significandum remouet August. nomina nouem generum quantum sunt genera.

Si tamen dignum est, vt Deus dicatur subsistere. Dub. V.

Videtur satis dignum: quia summa nobilitas est per se subsistere.

RESP. Dicendum quod duplex est proprietas ipsius substantiæ, scilicet per se stare, & alij subesse: primum est perfectionis, secundum imperfectionis, & ideo ratione primæ dicitur digne, non ratione secundæ.

Non ex compositis Deus, qui vita est, subsistit, &c. Dub. VI.

Queritur quæ differentia est inter illas differentias. Quia si nulla est, videtur facere inculcationem.

RESP. dicendum quod quidam voluerunt quod eorum illa quatuor excludantur quatuor genera compositionum. Prima enim est Essentia ex principiis essentialibus, ratione cuius dicitur, quod Deus non est in compositis, id est simul positus. Secunda est substantiæ ex principiis naturalibus, quæ sunt materia & forma: ratione cuius dicit, neque ex infirmis: quia materia subiecta est priuationi, quæ facit formam mutabilem, & infirmam, & similiter materiam infirma enim dicuntur instabilia. Tertia est compositio mixti ex miscibilibus: ratione cuius dicit, neque ex obscuris: quia vbi mixtio, ibi quædam formarum confusio, & ita obscuratio. Quarta est compositio animati ex partibus disparibus, ex anima videlicet & corpore, ratione cuius dicit, nec ex partibus disparibus, quia ipse est spiritus.

Aliter tamen potest dici quod excludit eandem com-

positionem, ratione diuersarum conditionum. Ad hoc enim quod principia aliquid constituent, oportet, quod principia sint differentia, sint dependentia, sint imperfecta, sint etiam difformia. Si enim essent omnino conformia & perfecta, non possent aliquid constituere: quia ex duobus entibus actu nihil fit. Quia ergo differentia, ideo sunt composita quasi cum aliis posita. Quia dependentia, ideo infirma. Quia imperfecta, ideo obscura. Quia dissimilia, ideo disparia. Deus autem non potest esse ex differentibus, & diuersis: quia est vita per essentiam. Non potest esse ex imperfectis, & obscuris, quia lux est. Similiter non potest esse ex disparibus, & dissimilibus, quia spiritus per Essentiam. Summa ergo actualitas, summa potestas, summa claritas, summa spiritualitas, non permittunt in Deo esse aliquam compositionem. Vnde ex his quatuor conditionibus, quatuor rationes eliciuntur probantes Deum simplicissimum.

ARTICVLVS I.

AD intelligentiam eorum quæ dicit Magister in littera quatuor queruntur. Primo queritur, vtum in Deo sit summa simplicitas. Secundo vtum simplicitas sit Dei proprietas. Tertio propter illud quod dicitur in littera de anima rationali, queritur vtum anima rationalis sit in toto corpore, ita quod in qualibet parte. Quarto queritur, vtum Deus sit in aliquo determinato genere.

QUESTIO II.

An Deus sit summe simplex.

Alexander Alensis 1. p. q. 5. Membrum 2.
S. Thomas 1. p. q. 3. art. 7.
Guill. Al. S. Thome 1. Sent. p. 2. cap. 1.
Scotus 1. Sent. dist. 8. q. 1.
Henricus in summa, art. 29. q. 6.
Egidius Rom. 1. Sent. dist. 8. q. 4.
Richardus 1. Sent. dist. 8. art. 3. q. 1.
Durandus 1. Sent. dist. 8. art. 3. q. 1.
Thom. Arg. 1. Sent. dist. 8. q. 1. art. 1.
Gab. Biel. 1. Sent. dist. 8. q. 7. dub. 2.

QVOD in Deo sit summa simplicitas, sic probatur: Omne primum est simplicissimum: quia quanto aliquid prius, tanto simplicius: sed Deus est primum in genere entium, eo quod nec est, nec esse potest, nec cogitari prius: ergo est ita simplex quod ipso nihil simplicius esse potest, nec cogitari prius: ergo est ita simplex quod ipso nihil simplicius esse potest, vel cogitari: ergo est simplicissimum.

ITEM omne quod est, quidquid habet, est simplicissimum: Deus est quidquid habet: ergo, &c. Prima patet in se. Minor probatur sic: Deus habet potentiam, sapientiam, & sic de aliis, aut ergo est sua potentia, aut non. Si sic, habeo propositum. Si non est sua potentia, cum sit potens potentia, habet posse ab alio: ergo Deus est ab alio, quod si hoc est falsum: ergo illud ex quo sequitur.

ITEM in esse nobilissimo debet omnis conditio nobilitatis poni in summo: sed Deus est ens nobilissimum, & simplicitas est conditio nobilitatis: ergo ponenda est in Deo in summo: ergo Deus est summe simplex.

ITEM quanto aliquid simplicius, tanto potentius in virtute, & e converso: quia virtus vnita plus potest quam multiplicata: sed Deus est infinitus, & immensus virtute: ergo est infinitus simplicitate: ergo in Deo est summa simplicitas.

1. CONTRA: Simplicius cogitatur aliquid cum cogitatur vt abstractum à pluribus, quam quod cogitatur vt contentum in pluribus: ergo cum fides nostra cogitet Deum vt in pluribus, non cogitat eum vt simplicissimum: ergo si fides vere cogitat, Deus non est simplicissimus.

ITEM maior est simplicitas vbi est identitas sine diuersitate, quam cum diuersitate: sed in Deo est identitas cum diuersitate suppositorum: ergo in Deo non est summa simplicitas.

3. ITEM maior est simplicitas, vbi est vnitas sine pluralitate, quia numerus dicit aliquo modo compositionem respectu cuius vnitas est simplex: ergo cum in Deo sit vnitas cum pluralitate personarum, patet, &c.

4. ITEM maior est simplicitas vbi non tantum subiectum sed etiam proprietas est eadem cum proprietate: quia quando proprietas differt à proprietate in vno, sunt plura differentia: ergo non est simplex: sed in diuinis personis in eadem persona differt proprietas à proprietate, vnde innascibilitas differt à paternitate: ergo, &c.

CONCLUSIO.

Summa simplicitas est in Deo, cum sit essentia in tribus communicata.

RESP. ad arg. Dicendum quod sicut primæ rationes probant, in Deo ponenda est summa simplicitas.

1. AD illud ergo quod obiicitur, quod fides non intelligit ipsum vt simplicissimum, dicendum quod fides intelligit eum vt simplicissimum, & qui aliter intelligit, non intelligit, vt summe simplex, quod patet sic: quoniam est intelligere vnum in vno, & vnum in pluribus multiplicatum, & vnum in pluribus non multiplicatū. Simplicius autem intelligitur vnum in pluribus esse multiplicatum, quam vnum in vno: quod patet, quia vniuersale est simplicius singulari, & adhuc multo simplicius intelligitur, quod est vnum in pluribus non multiplicatum. Hoc modo intelligit fides nostra Deum. Et ideo simplicior est Deus, quia est in omnibus non multiplicatus, quam si esset in vno solo, vel in pluribus multiplicatus. Hinc est quod Deus simplicissimus est, & fides nostra eum vt simplicissimum intelligit. Et qui intelligit Deum purificatum in essentia, vel vnum in supposito, derogat summæ simplicitati eius, derogat etiam nobilitati eius. Quoniam vbi summa simplicitas intelligitur, oportet summam actualitatem intelligi, si summe nobilis est. Et vbi est summa actualitas, summa diffusio, & communicatio debet poni, & ista non potest esse nisi in sempiterna productione rei omnino infinitæ, & æqualis in virtute: & hoc non potest esse in alietate essentia: ergo non potest intelligi diuina essentia simplicissima, nisi in tribus personis intelligatur tota esse, quarum vna sit ab alia.

Quando ergo obiicitur quod simplicius est abstractū à pluribus quam in pluribus, verū est, si in illis pluribus plurificetur. Si autem non plurificatur, non est verum.

2. AD illud quod obiicitur quod maior est simplicitas, vbi nulla diuersitas, dicendum quod diuersitas dupliciter potest venire: vel ex additione, vel ex origine. Ex additione, cum est diuersitas in proprietatibus absolutis, quæ diuersæ sunt in diuersis, vt albedo in Petro, Paulo, & Gregorio, & hæc priuat simplicitatem, quia ponit compositionem. Est alia diuersitas veniens ex sola origine, vt puta, quia vna persona emanans ab alia, differt ab ea: & hæc non repugnat simplicitati, quia nullam ponit compositionem, sed solum ordinem, & respectum ad alium: & hoc non proprie dicitur diuersitas, sed distinctio, & discretio: & hoc manifestum est si intelligamus patrem seipso generare filium, & intelligamus eum generare, & iterum non generare, nulla est hic compositio, quia nulla additio.

3. AD illud quod obiicitur quod maior est simplicitas, vbi nulla pluralitas, dicendum quod duplex est pluralitas. Quædam in qua plus est in duobus quam in vno: vt in duobus hominibus plus est de bonitate quam in vno: & ista pluralitas repugnat simplicitati, quia vnitas addit supra vnitatem. Quædam autem est pluralitas in qua tantum in pluribus est quantum in vno, & hæc est in diuinis: quia tantum de esse & bonitate & virtute est in vna persona, quantum in pluribus, & ista pluralitas nihil addit ad vnitatem: & ideo nullam omnino ponit compositionem, nec priuat simplicitatem.

4. AD illud quod obiicitur quod in parte differt proprietas à proprietate, dicendum quod proprietas differt à proprietate tripliciter. Aut respectu subiecti, aut re-

spectu sui, aut respectu obiecti. Si respectu subiecti, quia causantur ex diuersis naturis in ipso repertis, sic ponit compositionem, quia ponit subiectum esse in pluribus. Si respectu sui, sic differt musica, & grammatica in Petro, & sic ponit similiter compositionem, quia ponit subiectum subesse pluribus. Si respectu obiecti, sic ponit subiectum comparari pluribus, & hoc modo non ponitur compositio, sed distinctio. Exemplum est in puncto, quod est principium, & finis, respectu diuersarum linearum. Hoc modo est differentia proprietatum in diuinis, &c.

QVÆSTIO II.

An soli Deo conueniat summe simplicem esse.

Alexander Alensis 1. p. q. 5. Membr. 3.

S. Thom. 1. p. q. 1. art. 1.

Scotus 2. Sent. dist. 8. q. 1.

Henricus in sum. art. 18. per totum.

Agid. Rom. 1. Sent. dist. 8. d. 2. q. 1.

Richardus 1. Sent. d. 8. art. 3. q. 2.

Durandus 1. Sent. dist. 8. q. 2.

Franciscus de Mayr. 1. Sent. dist. 8. q. 7.

Ioan. Bacon. 1. Sent. dist. 2. q. 1.

Tho. Arg. 1. Sent. dist. 8. q. 1. art. 2.

Gabr. Biel. 1. Sent. dist. 8. q. 7. dub. 3.

Vtrum simplicitas sit Dei proprietas. Et quod sic videtur hoc modo. Nulla creatura, est actus purus: quia in omni creatura, vt dicit Boëtius, differt quo est, & quod est, ergo in omni creatura est actus cum possibili: sed omnis talis habet in se multiformitatem, & caret simplicitate: ergo, &c.

ITEM omnis creatura habet esse finitum & limitatum: ergo habet esse arctatum: sed vbi cunq; est esse limitatū, est ibi aliquid quod contrahit, & aliquid quod contrahitur, & in omni tali est compositio, & differentia: ergo omnis creatura est composita: ergo nulla simplex.

ITEM omnis creatura habet esse datum aliunde: ergo habet esse aliunde acceptum: ergo nulla creatura est suum esse: ergo in omni creatura est dependentia, siue differentia: sed nullum tale est simplex simpliciter: ergo, &c.

ITEM omne quod est post primam vnitatem deficit ab illa: ergo statim cadit in dualitatem, sicut dicit Dionysius, quod post monadem, dias est: ergo omnis creatura est à prima vnitate: ergo omnis creatura est ab illa deficiens.

1. CONTRA: Ab vno non procedit nisi vnum, & à vero non procedit nisi verum: sed vnitas, & simplicitas eandem rationem habent in Deo: ergo sicut ab vno vnum, ita à simplici simplex.

2. ITEM videtur specialiter quod simplicitas sit in creaturis: quia simplex est quod non habet partem: sed punctus non habet partem, quia ita diffinitur: Punctus est, cuius pars non est: ergo, &c.

3. ITEM omne illud ante quod non est aliud est simplex: quia si compositum est, necessario habet ante se aliud: sed ens est primum, sicut dicit Auctor de causis: sed primum rerum creaturarum est esse: ergo, &c.

4. ITEM omne illud est simplex, in quo stat resolutio: sed resolutio stat in principiis, quæ sunt materia & forma, quia materia vterius non resoluitur, cum sit status in causis, alioquin esset ire in infinitum: ergo cum resolutio stet in creato, aliquid creatum est simplex. Si TV DICAS, quod principia non habeant omnimodam simplicitatem, quia quamvis non componantur ex aliis, tamen componuntur aliis. CONTRA: Hoc non videtur facere contra simplicitatem, quod componatur alijs. Nam quod aliquid non sit componibile alijs, non facit aliquam simplicitatem, cum ista proprietas sit in indiuiduis completis, quæ maxime sunt composita: ergo hoc quod dico componibile aliis, non tollit ab eis simplicitatem, & sic, &c.

Dissentit Scot. dist. 1. p. 2. q. 4. & d. 34. q. 43. Intelligit de proprietatibus eiusdem personæ, vt procedebat argumentum.

Fundamenta. De heb. & de Trin.

Dionys. de diu. nom. c. 2. p. 1.

Ad oppos. Ex 2. de generatione & corruptione. c. 56.

Punctus quid.

Propositio quarta.

Hanc bene probat Durandus.

Hoc supponit tanquam probatum sup. dist. 2. q. 1.

CONCLUSIO.

Simplicitas est in solo Deo essentialiter, cum in eo nulla sit compositio, nec differentia multiplicitas.

Primus modus dicendi.

Conclusio generalis & confusa secundum primum modum dicendi.

Conclusiones particulares & distinctae.

Secundus modus dicendi breuior, facilius, & verior.

RESP. ad arg. Dicendum quod simplicitas essentiae priuat compositionem, & priuat essentialem differentiam, siue multipliciter. Vnde simplex est quod non habet compositionem partium, nec multipliciter actionum, siue formarum. In solo autem Deo est priuatio compositionis, & differentiae, siue multipliciter: ideo simplicitas in solo Deo est essentialiter. Vnde notandum quod multiplex est compositio. Vna compositio est ex partibus essentialibus, & haec est in omnibus per se entibus. Alia est ex partibus integrantibus, & haec est in omnibus corporibus. Tertia est ex partibus dissimilibus, siue repugnantibus, & haec est in omnibus animalis, & viuientibus. Vnde in omni substantia per se ente, quae dicitur creatura, est compositio. Quia omnis creatura, aut est corporalis, aut spiritalis, aut composita ex utroque. Similiter est considerare triplicem differentiam in creaturis. Prima est substantiae, virtutis, & operationis, siue substantiae, & accidentis. Secunda est differentia suppositi, & essentiae. Tertia est differentia entis, & esse. Prima differentia est rei prout est agens. Secunda prout est ens in genere. Tertia prout est ens in se. Prima differentia est in omni subiecto, quoniam esse subiectum habet esse mixtum: ideo non agit ex se toto: & ideo differt in eo, quo agit, & quod agit, & actio, siue subiecti proprietas. Secunda differentia est in omni indiuiduo: quia omne indiuiduum habet esse limitatum: & ideo in aliquo conuenit, in aliquo differt cum alio: & ideo non omni indiuiduo differt essentia, & suppositum, multiplicatur enim essentia in suppositis. Differentia tertia est in omni creato, & concreto: quia omne quod est praeter Deum, accipit esse aliunde, siue principium sit, siue principium: ideo nihil est suum esse, sicut lux non est suum lucere. Si ergo dicatur simplicitas per priuationem compositionis, sic proprium est solius Dei in ratione substantiae, quia nulla alia est substantia, quae non habet compositionem ex possibili, & actuali saltem. Si autem simplicitas dicatur priuationem essentialis differentiae, & dependentiae, ita quod in essentia nulla sit diuersitas, nec dependentia est proprium Dei in ratione entis, quia nullum aliud ens est, in quo non cadat aliqua diuersitas, vel dependentia. Concedendum ergo est quod simplicitas est Dei proprium, ut visum est: creaturae autem compositae sunt nec vere simplices: quia habent esse mixtum ex actu, & potentia, quia habent esse limitatum, & ita in genere, & specie per additionem contractum: quia habent esse aliunde datum, quia habent esse post Deum vnum a quo deficiunt: & ita cadunt in compositionem.

Aliter potest dici, & verius quod simplex dicitur per priuationem compositionis. Et notandum quod compositio dicitur dupliciter. Vno modo alicuius ex aliquibus. Alio modo quo aliquid dicitur componi alijs. Si ergo simplicitas priuet compositionem ex alijs, sic conuenit etiam creatis, ut pote primis quae non componuntur ex alijs. Si autem priuet compositionem cum alijs, & ex alijs, sic solius est Dei. Omnis enim creatura, aut est ens per se, & in se, & ita composita ex alijs. Aut est ens cum alio, & in alio, & ita alijs composita. Et iterum esse creatum, aut est principium, & ita componibile alijs. Aut est principium, & sic compositum ex alijs, & sic accipitur simplicitas prout est rei proprietas per priuationem, videlicet utriusque compositionis.

1. Ad illud ergo quod obiicitur, quod ab vno non est nisi vnum, & c. dicendum quod simplex non est conditio generalis entis, sicut vnum. Nam simplicitas dicit modum unitatis nobilissimum, quem Deus nulli communicat creaturae: quia creatura non potest, cum recipere, cum esse eius sit limitatum, & mixtum: sic etiam esse dependens, & aliunde datum.

2. 3. 4. Ad illud quod obiicitur de simplicitate pun-

cti, & entis, & principij, dicendum quod ibi est simplicitas per priuationem compositionis ex alijs, non autem prout simplicitas dicit in differentiam omnimodam. In omnibus enim ut dictum est, cadit aliqua differentia, & de dependentia: quamvis enim non sint composita, tamen eorum esse dependet a composito, siue compositi ne.

Vnde bene concedendum est illud quod ultimo dicebatur, quod illud derogat simplicitati rei, quod sit alteri componi. Iis, in quantum simplicitas priuat multipliciter, & differentiam in re simplici, quamvis non deroget in quantum priuet compositionem ex alijs. Omnis enim dependentia facit ipsum quod dependet a summa simplicitate, & indifferentia recedere. Solus autem Deus est independens. Omnia autem alia sunt dependentia, siue comparatione ad principia ex quibus sunt, siue vnum principium componens complicitur ad aliud, siue esse dependens comparatione ad Deum, siue ab ipso Deo. Nihil autem quod dependet est sua dependentia: ideo nihil tale est summe simplex, quia omne simplicissimum est absolutissimum, & c.

QVÆSTIO III.

An anima rationalis sit tota in toto, & tota in qualibet parte totius.

Alex. Alensis 1. p. q. 64.

S. Thom. 1. p. q. 76. art. 8.

Et 1. Sentent. dist. 8 q. 1. art. 3.

Et de anima, art. 10.

Egid. Rom. 1. Sent. dist. 8. 2. p. q. 3.

Rich. 1. Sent. dist. 8. art. 4. q. 1.

1. urandus 1. Sent. dist. 8. q. 3.

Thom. Arg. 1. Sent. dist. 8. q. 2. art. 3.

Aphonsus Tol. annus 3. de anima, q. 2. & 3.

Et omnes Animastici in lib. de Anima.

Vtrum anima rationalis sit in toto corpore, ita quod in qualibet parte. Et quod sic videtur. August. dicit quod sicut Deus est in maiori mundo, sic anima in minori. Sed Deus sic est in maiori mundo, quod in qualibet parte totus: ergo anima sic est in minori, sc. in corpore.

ITEM quod dat esse toti & partibus, vnitur toti & partibus secundum essentiam: quia forma per sui essentiam dat esse, & hoc non nisi ei cui essentialiter vnitur: sed anima dat esse toti corpori, & omnibus partibus: ergo & c.

ITEM in oculo est videre, sentire, & viuere. Quæro ergo vtrum sint hæc vnus actus, vel differentes. Non vnus, hoc constat, quia priuato visu adhuc sentit per tactum: priuato sensu, adhuc viuunt, sicut in paralytico: cum ergo viuere sit a substantia, videre a potentia, in oculo est anima secundum substantiam, eadem ratione potest probari & in omnibus partibus esse.

ITEM anima operatur in toto corpore: ergo est per potentiam: sed potentia animæ simplex est, ergo si potentia vna est in manu, & pede, idem est in diuersis partibus: sed non est simplex, & potentia quam substantia: ergo, & c.

ITEM anima est in corpore, aut in qualibet parte, aut in vna determinate, aut in puncto. Si in qualibet parte, habeo propositum Si in vna cum illa habeat plures partes, & anima sit simplex, erit in pluribus partibus: ergo non est inueniens animam esse in pluribus partibus. Sed qua ratione est in partibus partis, eadem ratione est in partibus totius. Si est in puncto corporis: ergo cum punctus non habeat proportionem ad totum corpus, anima est improporcionabilis toti corpori: ergo non potest esse perfectio, cum propositio sit perfectionis ad perfectibile. Similiter punctus est substantia posita siue habens positionem: ergo anima habet situm in corpore: sed nulla forma situalis est motor sufficiens: ergo, & c.

1. Sed contra: Forma quæ est in toto & in partibus vna, denominat partes & totum ratione consimili. Vnde quælibet pars ignis, est ignis: ergo si anima est in qualibet parte, quælibet pars animalis dicitur animal, cum quælibet pars sit substantia animata sensibilis.

2. ITEM

2. ITEM existentia animæ rationalis non dependet ab aliqua parte corporis, cum sit fixa in se: ergo non est in qualibet.

3. ITEM operatio eius non dependet ab aliqua parte corporis, nec alicui communicatur: ergo in nulla parte corporis est, nec in quantum perfectio nec in quantum motor. Vnde Philosophus dicit quod anima nullius corporis est actus, id est, nullius partis corporis: sed in quo est, est sicut actus.

4. ITEM corpus organicum est diversarum rationum in partibus, & toto: ergo habet diversam perfectionem: ergo cum anima perficiat totum quantum ad essentiam, perficit partes quantum ad potentiam: ergo anima rationalis non est in partibus, nisi solum quantum ad rationem potentiam: & hoc etiam dicit Philosophus, sicut anima ad corpus, sic partes animæ ad partes corporis.

5. ITEM si anima est tota in qualibet parte corporis: ergo tota est in manu: sed quando aliquod totum est in aliquo, movetur illo moto: ergo mota manu, movetur anima: & similiter manu quiescente, quiescit: ergo cum manus una possit moveri, altera existente in quiete, anima una & eadem numero simul quiescit, & movetur secundum idem.

6. ITEM si anima est in pluribus tota, qua ratione in tribus, ea ratione in pluribus, & ita in infinitis, & quantumcumque extendatur corpus: ergo anima nata est esse ubique, & ita videtur quod anima non sit limitata, sed immensa.

7. ITEM si tota anima est in manu sicut in aliis partibus: ergo cum vita sit ab anima, non magis recipit motum, & sensum manus à corde quam econverso. Hoc autem est contra omnes Philosophos, & sequitur ex hoc tale inconueniens, quod sicut læso corde perit vita, ita læsa manu.

CONCLUSIO.

Anima rationalis est tota in toto corpore: & tota in qualibet parte.

RESP. ad arg. Dicendum quod aliqui dicunt quod anima secundum essentiam est in aliqua parte determinate: secundum potentiam vero est, & fluit in toto corpore, sicut aranea est in tela, Vnde dixerunt quod est in corde, quia cor est domicilium vitæ, & eius inhabitator est anima. Et ad hoc ponendum movit eos experimentum cum defectu rationis. Experimentum, quia visibiliter apparet quod læso corde separatur anima, & ab ipso influit sensus & motus, & est membrum nobile existens in medio, sicut centrum corporis. Defectus rationis, quia non potuerunt intelligere quo modo aliquid limitatum sit vnum, & idem totum in pluribus: & quia fides non cogit credere, & ratio non intelligit: ideo dicunt non esse ponendum quod sit in toto, ratione cuiuslibet partis. Sed aliorum opinio est, ut Augustini, quod anima in qualibet parte corporis sit tota, & ad hoc ponendum movet experimentum, exemplum, & rationale argumentum. Experimentum, quia anima in partibus distantibus à corde ita cito sentit, sicut & in propinquis.

ITEM quia simul quasi in ictu oculi sentit læsionem in partibus distantibus: & cum anima separatur, dolor est in singulis partibus, & resolutio. Exemplum similiter movet, sicut dicit Augustinus: Videmus enim quod in animali perfecte sano est una sanitas in singulis partibus, nec maior in maiori, nec minor in minori. Si ergo hoc est in forma corporali, quanto magis in spirituali? Mouet rationis argumentum: quia anima est forma simplex & motor sufficiens. Quia forma totalis corporis, est in toto. Quia vero simplex, non est secundum partem, & partem sui. Quia motor sufficiens: ideo non habet situm, & ideo nec est in puncto, nec in parte determinata. Et quia magis rationalis est opinio, quæ fundatur supra rationem, quam quæ fundatur supra defectus rationis, quia August. hoc dicit, hanc approbo tanquam meliorem.

1. 2. AD illud ergo quod obiicitur in contrarium, for-

ma quæ est in toto, & c. dicendum quod triplex est genus formæ. Est enim quædam quæ perficit & extenditur, & dependet. Et hæc quia totum perficit, est in toto. Quia vero extenditur, perfectionem totius communicat partibus. Quia vero dependet, nec agit per se, operationem totius communicat partibus, ut patet in forma ignis, quia quælibet pars ignis est ignis, & quælibet calefacit. Est alia forma quæ perficit & dependet: sed non extenditur, & talis forma, quia totum perficit, est in toto & qualibet parte. Quia vero non extenditur: ideo actum totius non attribuit partibus. Quia vero dependet, operationem totius communicat partibus: & talis est anima vegetabilis & sensibilis, quia nulla pars animalis est animal, tamen quælibet pars animalis vivit, & sentit. Est iterum forma quæ totum perficit, tamen nec extenditur, nec dependet quantum ad operationem, & talis, quia perfectio est, in toto & partibus. Quia vero non extenditur, perfectionem totius non communicat partibus. Quia non dependet: ideo nec operationem communicat, & talis est anima rationalis. Quia nulla pars hominis est homo & nulla pars hominis intelligit: tamen etsi non communicat actum totius, ut toti: communicat, ut partibus: quia quælibet pars hominis vivificatur à perfectione hominis, & ideo perfectio hominis est in qualibet parte.

3. ET sic patet responsio ad illud quod nullius corporis est actus, quia nulli communicat propriam operationem, nec perfectionem totius, cum omnes partes perficiat in toto. Similiter ad aliud de forma: quia forma quæ est in partibus non denominat simul totum, & partes, nisi sit forma dependens & extensa: & loquitur hic de forma substantiali tantum, non de accidentali.

4. AD illud quod obiicitur quod non sunt eiusdem rationis totum & partes, dicendum quod in partibus est considerare organi rationem & complexionem. Ratione complexionis sunt uniformes toti, & sunt dispositæ ad idem genus vitæ, & perficiuntur ab uno. Ratione organizationis sunt diversæ, & perficiuntur à potentiis.

5. AD illud quod obiicitur quod movetur, mota manu, & c. dicendum quod perfectio potest supra totum perfectibile, & quantum ad substantiam, & quantum ad potentiam: & cum anima sit perfectio totius corporis, super totum potest, & ideo nullo minori quàm sit totum corpus diffinitur eius substantia, nec potentia: diffinitur autem corpore suo quod perficit, & ideo corpore moto, movetur per consequens: partibus autem non diffinitur, quia sunt minores toto: & ita est in una quod non est extra aliam. Et ideo quia in nulla parte est diffinitive, non movetur ad motum alicuius partia, sicut nec Deus movetur ad motum alicuius creature.

6. ET per hoc patet sequens, quia totum corpus comparatur ipsi animæ tanquam unus locus: & ideo in pluribus partibus non est nisi in quantum in uno loco. Vnde si separantur, non erit in illis. Nec sequitur ex hoc quod sit infinita, quia omnium natura constantium terminus est, & ratio magnitudinis, & augmenti, & ita corpus humanum non potest cogitari tam magnum corpus, quod non possit vivificari ab anima.

7. AD illud quod obiicitur ultimum quod tunc una pars non recipit ab alia, dicendum quod sicut Deus in maiore mundo immediate est in omni creatura, ipsam continens, tamen per ordinem universi influit aliquid una creatura in aliam: sic intelligendum quod anima per sui præsentiam est in qualibet parte immediate quam continet, & conservat, non tamen omnino, sed influit in omnes partes per unam: & ideo cessante illa parte, & eius influentia, perit ordo corporis essentialis, & ita anima separatur.

QVÆSTIO IV.

An Deus sit in aliquo genere determinato.

Alexander Alensis 1. p. q. 48. Membrum 4. art. 2.
S. Thomas 1. p. q. 3. art. 5.

Arist. 2. de
ani. contem.
9.

Aug. lib. 6.
de Trin. c. 6.
10. 3.

Aug. lib. 6.
de Trin. c. 6.
10. 3.

Arist. 2. de
ani. contem.
41.

*Et 1. Sent. dist. 8. q. 4. art. 2.
Scotus 1. Sent. dist. 8. q. 3.
Et in Reportatis dist. 8. q. 4.
Henricus in summa, art. 24 q. 3.
Egidius Rom. 1. Sent. dist. 8. 2. p. q. 3.
Et in Quast. de compositis Angel.
Richardus 1. Sent. dist. 8. art. 4. q. 2.
Io. Bacon. 1. Sent. dist. 9. q. 1.
Steph. Brulef. 1. Sent. d. 8. q. 7.
Petrus de Tarentas. 1. Sent. dist. 8. q. 10.
Greg. Arim. 1. Sent. dist. 8. q. 3.
Marfilius Inguen. 1. Sent. q. 12. art. 2.*

Ad oppos.

VTRUM Deus sit in aliquo determinato genere. Et quod sit, ostenditur hoc modo: Quod distinguitur ab aliis entibus, est aliqua natura determinata: sed Deus est huiusmodi, quia distinguitur à creaturis omnibus, quia nulum creatum est Deus: ergo est natura determinata: sed quod est natura determinata, est in genere determinato: ergo, &c.

2. **ITEM** quod habet superius vniuocum & essentialiter, habet esse in genere determinato: sed Deus habet superius se ut substantiam quæ dicitur de Deo, & creaturis: & essentialiter & vniuoce, quia secundum istam rationem quæ est res per se existens, ergo, &c.

3. **ITEM** quod sit in quolibet genere videtur. Quia omne quod est completionis in creatura, attribuendum est Deo: sed omne prædicamentum habet aliquid completionis: ergo res omnium prædicamentorum sunt in Deo: sed quidquid est in Deo est Deus, & econuerso: ergo Deus essentialiter subiicitur rei omnis prædicamenti: ergo est in quolibet.

4. **ITEM** summo bono nihil deficit de bonitate: ergo summo enti nihil de entitate: ergo in Deo est omnis entitas, & omnis differentia entitatis: ergo cum differentia entium sint decem prædicamenta, omnia sunt in Deo.

Fundamēta.
*Cap. 1. in
fin. 10. 3.

CONTRA: Augustinus in lib. 5. de Trinitate: *Deus est bonus sine qualitate, magnus sine quantitate: ergo magnitudo Dei non est in genere quantitatis, nec bonitas in genere qualitatis: ergo nec substantia in genere substantiæ: ergo in nullo genere.

Hanc magnificauit
Scot. q. 3.

ITEM videtur quod non est in genere determinato, quia omne quod est in genere determinato, habet esse finitum, & limitatum: Deus autem est infinitus: ergo, &c.

ITEM quod non in quolibet genere, videtur: quia quod habet in se res plurium generum, est compositum: Deus autem est simplicissimus: ergo, &c.

CONCLUSIO.

Deus cum sit illimitata natura, in nullo est determinato genere.

* Communis
est opi. sed
Greg. r. de
Arim. tenet
contrarium
ex August.
5. de Trin.
c. 7. 10. 10. 3.
Concordat
S. Thom. 2.
contra Gent.
c. 93. & 1. p.
q. 50. art. 4.
& 1. p. q. 5.
art. 5.

RESP. Ad arg. Dicendum quod non conuenit Deo esse in vno genere determinato, quia omne tale habet esse limitatum & arctatum & compositum. * In pluribus etiam generibus non potest esse: Aut enim aliquid est in pluribus propter naturarum & proprietatum diuersitatem, ut album in quantum dicit subiectum aliquod siue rem albam, est in genere substantiæ: sed in quantum dicit formam quæ est albedo, est in prædicamento qualitatis. Aut propter generalitatem, sicut vnum, & ens. Et propter naturarum multipliciter non potest Deus esse in pluribus, quia omne tale compositum est, & multiforme, Deus autem simplex. Non propter generalitatem, quia ens tale nihil est habens distinctum à rebus creatis. Deus autem est habens in se ens distinctum à rebus, & habens esse simplex & infinitum: & ideo nec in vno genere, nec in pluribus esse potest.

1. **AD** illud ergo quod obiicitur. Quod distinguitur ab aliis, est natura distincta, &c. Dicendum quod verum est si distinguatur per aliquid quod ipsum contrahat & arctet, sicut per differentiam cadentem in genere, Deus autem non sic distinguitur, sed seipso.

2. **AD** illud quod obiicitur quod Deus habet superius vniuocum, dicendum quod Deo non est superius:

A quia eo non est simplicius nec vniuocum, quia substantiæ ratio non conuenit vniuocum creaturæ & Creatori. Deus enim est ens per se, quia nullo egens: creatura est ens per se, quia non est in alio ut in subiecto, eger tamen alio ad sui conseruationem.

* **AD** illud quod obiicitur quod omne quod est perfectionis & bonitatis potendum est in Deo, dicendum quod hoc potest esse dupliciter vel per diuersitatem, & hoc facit esse in diuersis generibus: vel secundum omnimodam unitatē, & hoc facit esse extra omne genus.

4. **AD** illud quod obiicitur ultimo, quod Deo nihil deficit de bonitate, dicendum quod Deus non dicitur non deficiens à bonitate propter hoc quod omnis differentia boni particularis sit in Deo per differentiam, sed quia est in eo per æquivalentiam: quia enim, summum bonum, complectitur in se bonum omne: sic intelligendum est de entitate, & sic patet illud.

DISTINCTIO IX.

De Distinctione trium Personarum, & coeternitate.

NUNC ad Distinctionem trium personarum accedamus. Teneamus ergo, ut docet Augustinus in libro de fide ad Petrum: Patrem, & Filium, & Spiritum sanctum unum esse Deum naturaliter: nec tamen ipsum Patrem esse, qui Filius est: nec Filium esse ipsum, qui Pater est: nec Spiritum sanctum esse ipsum, qui Pater est, aut Filius. Vra enim est essentia Patris, & Filij, & Spiritus sancti, in qua non est aliud Pater, aliud Filius, aliud Spiritus sanctus: quamuis personaliter alius sit Pater, alius Filius, alius Spiritus sanctus. Genitus est enim à Patre Filius, & ideo alius.

Hic de coeternitate Filij cum Patre agitur.

Nec tamen ante fuit Pater, quam Filius: coeterni enim sunt sibi tres persone.

Argumentatio Arrianorum.

Sed contra hoc inquit hæreticus, ut refert Ambrosius in 1. lib. de fide ad Gratianum: Omne quod natum est, principium habet: & ideo quia Filius natus est, principium habet, & esse capit: quod hæreticorum ore sic dictum est. Nam ipse Arrius, ut meminit Augustinus in 6. libro de Trinit. dixisse fertur: Si Filius est, natus est: si natus est, erat tempus quando non erat Filius.

Responsio Augustini catholica.

Qui hoc dicit, non intelligit etiam natum esse de Deo sempiternum esse, ut sit coeternus Patri Filius: sicut splendor qui gignitur ab igne atque diffunditur, coævus est illi, & esset coeternus, si ignis esset.

Oppositio Augustini contra hæreticum.

Item si Dei Filius, inquit Augustinus, virtus sapientia Dei est, nec unquam fuit Deus sine virtute & sapientia: coeternus est ergo Deo Patri Filius. Dicit autem Apostolus, Christum esse Dei virtutem & Dei sapientiam. Aut ergo non fuit, quando non fuit Filius: aut aliquando Deus non habuit virtutem & sapientiam, quod dementis est dicere, Constat enim quia semper habuit sapientiam: semper ergo habuit Filium.

Responsio Ambrosij ad idem auctoritate fulta.

Eidem quoque Arrianica questionem Ambrosij in hunc modum

In 1. lib. de
fid. ad Gra-
tium, in
prin. c. 5.

† Isa. 43. b

* Ioan. 13. d

Lib. 6. c. ci-
tatis post
prin.

Vbi supra
paulo ante
med.

Phil. 4. b
Ecl. 6. d

Isa. 53. b

To. 7. com-
ment. in 3.
Ecclesiast.
circa illud:
Quis scit, si
spiritus.
Leo Papa
& Dionys.

Lib. 29. Mo-
ral. ca. 1. in
prin. to. 2.
Edj. Rom.

modum respondet: Ego inquam, Filium esse natum confi-
teor: quod reliquum est impietatis horresco. Scriptum est
enim in veteri Testamento, ut vel unum è pluribus di-
cam: † Ante me non fuit alius Deus, & post me non erit.
Quis ergo hoc dicit? Pater, an Filius? Si Filius, ante me
(inquit) non fuit alius Deus. Si Pater: post me (inquit) non
erit hic prior, & ille posteriore non habet. Inuicem
enim in se, & * Pater in Filio, & Filius in Patre cogno-
scitur. Cum enim Patrem dixeris, eius etiam Filium de-
signasti, quia nemo ipse Pater est sibi: cum Filium nomi-
nas, etiam Patrem fateris, quia nemo ipse sibi Filius est.
Itaque nec Filius sine Patre, nec Pater potest esse sine Fi-
lio: semper ergo Pater, semper & Filius est.

Inuectio Ambrosij contra hæreticum.

ITEM dic, inquam, mihi hæretice, fuit ne quando Om-
nipotens Deus Pater non erat, & Deus erat? Nam si Pa-
ter esse cepit, Deus ergo primo erat, & postea Pater fa-
ctus est. Quo modo ergo immutabilis Deus est? Si enim
ante, Deus: postea Pater fuit, utique generationis, acces-
sione mutatus est: sed auertat Deus hanc amentiam.

Ineffabile est, quo modo Filius sit, & non habeat Patrem
priorem: sicut modus generationis non intelligibilis,
& ineffabilis est.

SED quæris à me, inquit Ambrosius, quomodo si Filius
sit, non priorem habeat Patrem? Quæro item abs te, quan-
do vel quo modo Filium putes esse generatū: Mihi enim
impossibile est generationis scire secretum. Mens deficit,
vox silet, non mea tantum, sed & Angelorum, supra Po-
testates, & supra Angelos, & supra Cherubim, & supra
Seraphim, supra omnē sensum est: quia scriptum est: Pax
Christi supra omnē sensum est. Et si pax Christi supra
omnē sensum est, quo modo non est supra omnem sensum
tanta generatio? Tu ergo ori manū admoue: scrutari non
licet superna mysteria. Licet scire, quod natus sit, nō licet
discutere quo modo natus sit. Illud mihi negare nō licet,
hoc querere metus est. Ineffabilis enim est illa generatio:
unde Isaias: Generationem eius quis enarrabit?

Quidam præsumunt discutere generationis
seriem.

QVIDAM tamen de ingenio suo præsumentes, dicunt
illam generationem posse intelligi, & alia huiusmodi:
inhærentes illi auctoritati Hieronymi super Ecclesiastē:
In sacris Scripturis, Quis, sapissime non pro impossibili,
sed pro difficili ponitur, ut ibi: Generationem eius quis
enarrabit? Sed hoc non dicit Hieronymus, ideo quod ge-
neratio Filij æterna plene intelligi vel explicari possit à
quoquam mortalium: sed quia de ea aliquid intelligi,
vel dici potest. Quidam tamen hoc accipiunt dictum de
temporali Christi generatione.

Utrum debeat dici: Semper gignitur, vel semper
genitus est Filius.

HIC quæri potest, cum generatio Filij à Patre nec prin-
cipium habeat, nec finem, quia æterna est, utrum debeat
dici: Filius semper gignitur, vel semper genitus est, vel
semper gignitur. De hoc Greg. super Iob ait: Dominus
Deus Iesus in eo quod virtus & sapientia Dei est, de Pa-
tre ante tempora natus est: vel potius quia nec cepit na-
sci, nec desit, dicamus verius semper notus: non autem
possumus dicere semper nascitur, ne imperfectus esse vi-
deatur. At vero ut æternus designari valeat & perfe-
ctus semper, dicamus & natus: quatenus & natus ad
perfectiōem pertineat, & semper ad æternitatem: quā-
vis per hoc ipsum quod perfectum dicimus, multum ab
illius veritatis expressione deuiamus: quia quod factū

non est, non potest dici propriè perfectum: sed balbutien-
do, ut possumus, excelsa Dei resonemus. Et Dominus no-
stra infirmitatis verbis cōdescendens: Estote (inquit) per-
fecti, sicut & Pater vester celestis perfectus est. Super
illum locum etiā Psalmi s: Ego hodie genui te. De hac
generatione Filij ita loquitur Aug. Quanquam per hoc
quod dicit Hodie, possit intelligi dies ille quo Christus
secundum hominem natus est: tamen quia Hodie præ-
sentiam significat, atque in æternitate neque præteri-
tum quidquam est, quasi esse deserit: neque futurū qua-
si nondum sit: sed præsens tantum, quia quidquid æter-
num est, semper est: diuinus tamen accipitur de sempi-
terna generatione sapientia Dei. Ecce his verbis osten-
dit Augustinus, quod generatio Filij semper est, nec præ-
terit, nec futura est, quia æterna est. Ideo dixit: Genui,
ne nouum putaretur, sc. ne videretur incepisse. Hodie
dixit, ne præterita generatio videretur. Ex his ergo
verbis Propheta, ut ait Ioannes Chrysostomus, nihil
aliud manifestatur, nisi quia ex ipsa essentia Patris
semper genitus est Filius.

Origenes videtur dicere contrarium. ait enim quod
semper generatur Filius à Patre.

ORIGENES vero super Hieremiam dicit, quod Filius
semper generatur à Patre his verbis: Saluator noster est
sapientia Dei. sapientia vero est splendor æterna lucis.
Saluator ergo noster est splendor claritatis. Splendor
autem non semel nascitur & desinit, sed quoties ortum
fuerit lumen ex quo splendor oritur, toties oritur etiam
splendor claritatis: sic ergo Saluator semper nascitur.
Vnde ait in libro Sapientis: Ante omnes colles † generat
me Dominus, non, ut quidam male legunt, generauit.
His verbis aperte ostendit Origenes, sane posse dici &
debere, Filius semper nascitur, quod videtur contrarium
illi verbo Gregorij præmisso, scilicet, non possumus dice-
re: Semper nascitur.

Exponit præmissa verba Gregorij, ne putetur inter
Doctores esse contrarietas.

SED ne tanti Auctores sibi contradicere in re tanta
videantur, verba Gregorij benigne interpretemur. Do-
minus (inquit) Iesus ante tempora natus est de patre:
vel potius, quia nec cepit nasci, nec desit: dicamus ve-
rius, semper natus. Sed quomodo verius dicitur hoc, scil.
quod filius semper natus est, quam illud, sc. quod de patre
ante tempora natus est? Illud enim sincerum, & Catholi-
ca fides tenet, ac prædicat ut istud. Quare ergo ait: Di-
camus verius, cum utrumque pariter sit verum: nisi quia
volebat intelligi hoc ad maiorem euidentiā, & expres-
sionem veritatis dici, quam illud? His etenim verbis om-
nis calumniandi versutis hæreticis obstruitur aditus:
quibus Christi secundum deitatem generatio sine initio,
& sine fine esse, ac perfecta monstratur. Non autem
ad hoc aperte semper manifestatur veritas cum dicitur:
Filius ante tempora genitus est de patre, vel filius sem-
per nascitur de patre. Et ideo dicit Greg. quod non possumus
dicere, semper nascitur. Non, inquam, ita conuenienter,
non ita congrue ad explanationem veritatis:
potest tamen dici, si sane intelligatur: Semper enim na-
scitur filius de patre, ut ait Origenes: non quod quotidie
iteretur illa generatio, sed quia semper est. Semper ergo
nascitur, id est, natiuitas eius sempiterna est.

Quod filius semper generatur, confirmatur ex
dictis Hilarij.

Hilarius quoque dicit filium nasci ex patre in libro 7. de

Ibidem
Matth. 5
Psalm. 2
in expo-
sitione
I salmi
cundis

Origen.
homil. 6
illud Hi-
11. Reue-
lunt.
Prou. 8. d
† Secund
lxx.

Paulo post
medium.

Trinitate his verbis: *Viuens Deus, & natura aeterna uiuentis potestas est: & quod cum Sacramento scientia sua ex eo nascitur, non potuit aliud esse quam viuens. Nam cum ait: Sicut misit me viuens pater, & ego uiuo propter patrem: docuit vitam in se per uiuentem patrem inesse. Ecce hic habes, quia filius nascitur ex patre. Item in eodem, cum dicit Christus: Sicut pater habet vitam in se: sic & filio dedit vitam habere in semetipso, omnia uiua sua ex uiuente testatus est. Quod autem ex uiuo uiuum natum est, habet natiuitatis perfectum sine nouitate natura. Non enim nouum est quod ex uiuo generatur in uiuum, quia nec ex nihilo est: & vita, qua natiuitatem sumit ex vita, necesse est per natura unitatem, & perfecta natiuitatis Sacramentum, ut & in uiuente uiuat, & in se habeat vitam uiuentem. Ecce & hic habes, quia generatur ex uiuo uiuens filius. Item in eodem In Deo totum quod est, uiuit: Deus enim vita est, & ex vita non potest quidquam esse nisi uiuum: neque ex deriuatione, sed ex uirtute natiuitas est. Ac si dum totum quod est uiuit, & dum totum quod ex eo nascitur uirtus est, habet natiuitatem filius, non demutationem. Et hic dicit, quia nascitur. Item in nono libro de Trinitate: Donat pater filio tantum esse, quantum est ipse: cui innasibilitatis esse imaginem sacramento natiuitatis impartit, quem ex se in sua forma generat: Hic dicit, quia generat pater filium.*

Breuius docet quid de hoc concedendum sit.

Dicamus ergo filium natum de patre ante tempora, & semper nasci de patre, sed congruentius semper natum: & eundem fateamur ab aeterno esse, & patri coaeternum, id est auctori. Pater enim generatione auctor filij est, ut in sequenti ostendetur. Ut ergo pater est aeternus, ita & filius aeternus est: sed pater sine auctore, filius uero non: quia pater innasibilis, filius natus. Et ut ait Hilarius in 12. libro de Trinitate: Aliud est sine auctore semper esse aeternum, aliud patri, id est, auctori esse coaeternum. Vbi autem pater auctor est, ibi & natiuitas est: quia sicut natiuitas ab auctore est, ita & ab aeterno auctore aeterna est natiuitas. Omne autem quod semper est, etiam aeternum est: sed tamen non omne quod aeternum est, etiam innatum est: quia quod ab aeterno nascitur, habet aeternum esse quod natum est. Quod autem non natum est, id cum aeternitate non natum est: quod uero ex aeterno natum est, id si non aeternum natum est, iam non erit & pater auctor aeternus. Si quid ergo ei qui ab aeterno patre natus est, ex aeternitate defuerit, id ipsum non est auctori ambiguum defuisse, quia si gignenti est infinitum gignere, & nascenti etiam infinitum nasci. Medium enim quid inter natiuitatem Dei filij, & generationem Dei patris, nec sensus nec ratio admittit, quia in generatione natiuitas est, & in natiuitate generatio est, quia sine utroque neutrum est, utrumque ergo sine intervallo sui est.

Argumentatio Hæretici.

Sed inquiet hæreticus: Omne quod natum est, non semper fuit: quia in id natum est, ut esset. Nemo ambigit quin ea quæ in rebus humanis nata sunt, aliquando non fuerint. Sed aliud est ex eo nasci, quod non semper fuit: aliud est ex eo natum esse, quod semper est. Ibi nec semper fuit, qui pater est, nec semper pater est: & qui non semper pater est, non semper genuit: ubi autem semper pater est, semper filius est. Quod si semper Deo patri proprium est quod semper est pater, necesse est filio semper proprium esse quod semper est filius. Quomodo ergo cadet in intelligentiam nostram, ut non fuerit semper, cui proprium est semper esse quod natum est? Natum ergo unige-

nitum Deum confitemur: sed natum ante tempora, nec ante esse quam natum, nec ante natum quam esse, quia nasci quod erat iam, non nasci est, sed seipsum demutare nascendo. Hoc autem humanum sensum, & intelligentiam excedit mundi. Non hoc capit ratio humane intelligentie: sed prudentia fidelis professio est.

DISTINCTIO IX.

De proprietatibus, & conditionibus personalibus Trinitatis, & Unitatis.

Nunc ad distinctionem personarum accedamus, &c.

Expositio Textus.

SUpra egit Magister de proprietatibus, quæ respiciunt Essentiam. Hic agit de his, quæ respiciunt personas. Et hæc pars habet duas partes. Quia enim distinctio personarum attenditur secundum duplicem emanationem, scilicet generationis, & processionis, ideo primo agit de generatione: secundo uero de processione, infra distinct. 10. Nunc post filij aeternitatem de spiritu sancto, &c. Item, prima pars habet duas partes. In prima ostendit quid de generatione filij est sentiendum. Secundo ex incidenti, quo sermone est ipsa exprimenda, ibi: *Hic quæri potest, cum generatio filij à patre: &c.* Prima iterum pars habet quatuor partes. Primo proponit ueritatem, quæ est à catholicis retinenda, scilicet quod generans, & genitus sunt per generationem distincti, & coaeterni, ita quod generatio est distinctiua, & aeterna. In secunda contra hoc opponit per oppositionem hæreticorum, ibi: *Sed contra hoc inquit hæreticus.* In tertia determinat contra arguendo per rationes Catholicorum Doctorum August. & Ambrosij, ibi: *Qui hoc dicit, non intelligit, etiam natum esse, &c.* In quarta, & ultima respondet, compescendo inquisitionem superfluum hæreticorum, & etiam Catholicorum superbiorum, ibi: *Sed quæris à me, inquit Ambrosius, ubi ostendit quod inscrutabile est Sacramentum generationis.* Similiter secunda pars huius distinctionis, in qua Magister determinat quo sermone generationis, aeternitas congruentius exprimitur, habet quatuor partes. In prima ponit Doctorum appatentem controuersiam. Nam quidam dicunt eam debere exprimi per uerba præteriti temporis, alij per uerba presentis. In secunda prædictam controuersiam reducit ad concordantiam, ibi: *Sed ne tanti auctores in re tanta sibi contradicere uideantur:* In tertia per uerba Hilarij confirmat responsionem suam, ne uideatur dictis Origenis inniti, ibi: *Hilarius quoque dicit filium nasci ex patre, &c.* In quarta concludit summam quid dicendum, siue quo modo loquendum, & quo modo etiam de generatione aeterna sentiendum sit, ibi: *Dicamus ergo filium natum de patre, ubi confirmat ueritatem per auctoritatem Hilarij, per quam etiam soluit obiectionem hæretici.*

Non est aliud Pater. Dub. I.

E Videtur falsum quod dicitur, quia bene sequitur: Petrus est albus homo: ergo est animal album: quia idem significant albus & album: ergo pari ratione, quia idem significant alius & aliud. Sequitur: est alius: ergo est aliud ens. Si tunc dicamus quod non est ens simile de hoc nomine alius, & de hoc nomine aliud ens. Contra: Bene sequitur: Est alius homo: ergo est aliud animal: ergo à simili illud sequitur.

Resp. Dicendum quod quia in Deo est singularis alietas: quia alietas est suppositi cum omnimoda unitate nature: ideo singulari modo oportet exprimi, & quoniam masculinum genus importat quandam distinctionem, vel discretionem: ideo respicit personam: sed neutrum propter indistinctionem respicit naturam, & ideo alius importat alietatem in persona: aliud, alietatem in natura: & ideo in diuinis non idem significant. Posset etiam dici

quod

quod in creaturis aliud significat, cum dico, iste est alius ab illo: & aliud, cum dico est aliud, & unum sequitur ad aliud: non sic in diuinis, & non est simile de albo, quia album imponitur à forma speciali, quæ est albedo.

Coæterna enim sunt sibi tres persona. Dub. II.

Videtur hoc falsum, quia si coæternæ, & æternæ: ergo tres æterni, quod est contra Symbolum, ubi dicitur: Non tres æterni. Et iterum contra rationem, quia numerus pluralis multiplicat formam. Vnde non vere dicitur: Tres sunt Dii.

RESP. Dicendum quod nomen significans substantiam in diuinis reperitur secundum triplicem modum. Quædam enim significant substantiam, & per modum substantiæ, ut nomen substantiuū, ut Deus, & tale nullo modo purificatur: nec dicitur pluraliter, siue sit substantium, siue substantiuatum: & hoc nomen æternus, sic accipitur in Symbolo. Quædam significant substantiam per modum adiectiue, sicut nomina adiectiua adiectiue tenta: & alia quæ trahunt numerum à substantiis, dicuntur pluraliter, & de genere talium sunt verba, & participia. Alia sunt nomina quæ important substantiam inadiacentia, connotando intra, relationem mutuam, qualia sunt, coæterni: & talia ex duplici causa possunt dici pluraliter, tum ratione significationis, siue modi significandi: tum ratione connotationis, & sic patet quod nulla est contradictio. Quod autem obicitur quod pluralis numerus purificat formam, dicendum quod hoc non est verum in adiectiuis.

Qui hoc dicit, non intelligit, etiam natum esse. &c.

Hic ponit Magister quatuor rationes demonstrantes filium coæternum patri: & ita Argumentum Arrii non valere, quod est tale: Filius est natus: ergo non æternus.

Sicut splendor. Dub. III.

Hic innuitur prima ratio, quæ sumpta est à simili, & est talis: Splendor est eiusdem durationis, cum igne siue æqualis, & tamen est generatus ab igne: ergo multo fortius, cum filius sit splendor patris: & quamvis ab ipso generetur, erit ei coæternus: ergo conclusio dictæ rationis est falsa, & illa consequentia interimenda: Si natus est, erat quando non erat. SED CONTRA: Si emanatio procedens à creatura est ei coæua: ergo cum res exierint à Deo, videtur quod ab æterno.

RESP. Dicendum quod egressus splendoris à Sole, à luce, vel igne, est egressus connaturalis, & talis est egressus filij à patre, non autem egressus creaturæ à Creatore, immo est voluntarius: & argumentum est bonum in proposito.

Item si Dei filius, inquit Augustinus. Dub. IV.

Hæc est secunda ratio August. Filius Dei est virtus & sapientia: ergo si non est æternus, aliquando fuit Deus sine virtute, & sapientia: sed hoc est impossibile, ergo, &c.

SED contra hanc rationem sic obicitur: Si enim sequitur, si pater non habet sapientiam genitam, non est sapiens, videtur quod sit sapiens sapientia genita: quod expresse negat Augustinus de Trinitate.

RESP. † Augustinus istam rationem redarguit de Trin. ostendens illam procedere ex malo intellectu verbi: attamen, quia Magister adducit eam, potest dici quod ratio valet, non quia pater sit sapiens filio, qui est sapientia genita: sed quia eadem est sapientia genita, & ingenita, & ita si vna incipit, & alia.

Eidem quoque Arrianica question. Dub. V.

Hæc est tertia ratio quam adducit, & est Ambrosij sumpta ab auctoritate Isaïæ: Ante me non est Deus, & post me non erit: ergo nec pater ante filium, nec filius post patrem. SED contra: In diuinis personis est ordo: sed ordo non est nisi prioris ad posterius: ergo, &c.

RESP. Dicendum quod sicut infra patebit, non est ibi

ordo durationis, quo alter est altero prior: sed ordo originis, quo alter ex altero.

Inuicem enim in se, & pater in filio, & filius in patre cognoscitur. Dub. VI.

Hæc est quarta ratio, & est talis: Relatiua simul sunt natura: sed pater & filius sunt relatiua: ergo simul: si pater est æternus: ergo filius coæternus. Probatum quod Pater est æternus, quia si prius fuit Deus, & postea pater, mutatus est.

SED contra istam rationem potest argui pari ratione: Prius fuit Deus, & postea dominus ergo mutatus est.

RESP. Aliqui volunt dicere quod ista ratio valet, quia generatio est de substantia generantis: & ideo si incipit generare, substantia mutatur: sed hoc non videtur, quia generatio in diuinis non dicit motum. Alij dicunt quod quia genitus est consubstantialis gignenti, si mutatur genitus, & gignens: sed genitus mutatur si de nouo generatur: ergo & generans per consequens. Alius modus dicendi est quod paternitas veram dicit habitudinem in patre, non sic creatio, vel dominatio, & ideo paternitas veniens mutat, non sic dominatio. Sed nulla prædictarum rationum dat vigorem huic rationi contra hæreticos: quia hæreticus dicebat quod filius non erat coæternus patri, ac per hoc non consubstantialis, nec idē substantia. Propter hoc notandum quod dicta ratio bona est contra hæreticum, facta eius suppositione: quia hæreticus dicebat patrem, & filium differentes in substantia, & natura, sicut in generatione carnali, pari ratione contra eum dicit Ambrosius, cum ita sit quod pater iste carnalis mutetur, accessione generationis, qui generat alium in substantia, & in diuinis similiter pater generat alium in substantia, ergo accessione generationis mutatur & iste: quocumque tamen modo dicatur, non est magnum periculum, quia non omnia argumenta quæ fiunt ad veritatem, sunt necessaria.

Vox filii non mea tantum, sed & Angelorum, Dub. VII.

Videtur male dicere, Angelorum, quia vox non est nisi habentium organa, & respirationem: sed Angeli hæc non habent. Si dicas quod habent voces spirituales, non prolatas, sicut dicit Damascenus, quod tradant sibi intelligentias suas sine voce prolatas, quæro, quæ sit necessitas vocis spiritualis, & quis modus loquendi, & quis modus audiendi.

RESP. Breuiter hic dicendum est (quia hoc extra principale propositum est, quantum ad partem istam, quæ sit in Angelis necessitas locutionis) quia sicut unicuique naturali data est voluntas libera, sic conscientia secreta. Vnde sicut non potest voluntate alterius in aliud vertere, sed solum inducere, nisi ipsa se inclinet, præter solum Deum, in cuius manu sunt corda hominum: ita nemo potest conceptiones alterius cognoscere, sed solum conicere, præter Deum, nisi ipsa intelligentia exprimat: & ipsa expressio, locutio nuncupatur. Ratio autem huius est, quia solus Deus format mentem & quantum ad intellectum, & quantum ad affectum: & modus loquendi similis est modo addiscendi. Sicut enim nos per sensum addiscimus, ita quod species per interiorem sensum peruenit ad intellectum, sic exprimimus: quia verbum cogitationis internæ vnitur voci in excogitatione, & postmodum voci sensibili in pronuntiatione, & ex hoc fit expressio in actu. Angelus autem vnica virtute facit quod nos pluribus. Vnde Angelus sicut per applicationem speciei innatæ ad ipsum cognoscibile ipsum cognoscit, sic ordinando speciem innatam ad alium angelum cognoscentem, conceptus suos aperit: similiter alius mutua conuersione recipit, & sic vnus loquitur, alter audit. Simile est de duobus speculis sibi oppositis, si voluntarie possent abscondere aliis, & auferre quæ in se relucunt.

Aug. lib. 6. de Trin. c. 1. som. 3.

Aug. lib. 6. de Trin. c. 1. lib. 7. c. 1. li. 15. cap. 7. † Aug. lib. 6. de Trin. cap. 1. som. 3. Vide inf. dist. 32. q. 1.

Amb. lib. 1. de fide ad Gratianum, ca. 5. so. 4.

ubi supra.

Lib. 2. de ortho. fide, c. 3.

Dicamus utriusque semper natus. Dub. VIII.

Gregorij ratio hæc est, ut Deus æternus & perfectus valeat designari.

SED contra hoc est, quod inter omnia tempora præsens maiorem cōuenientiam habet cum æternitate: quia verius dicitur, *est*, de Deo, quam *fuit*, aut *erit*, sicut exponit Augustinus, & habitum est in præcedenti distinctione. Ratio huius est, quia præsens dicit ens in actu, alia tempora non.

RESP. Dicendum quod sicut supra tactum est, quod verba diuersorum temporum dicta de Deo non significant aliquos temporales actus: sed important durationem diuini esse, sine initio, ut præteritum: sine interuallo, ut præsens: sine termino ut futurum: & quia omnia ista æque vere reperiuntur in Deo: ideo omnia æque vere dicuntur de Deo. Sed tamen quia multi errauerunt in generatione quantum ad initium, pauci vel nulli quantum ad interuallum vel terminum: ideo sacri Doctores, ut ora hæreticorum obstruerent, eam per verbum præteriti temporis quod semper significat, ut præteritum, & ita nunquam habere principium expresse runt. Alia ratio est, quia nos generationem diuinam manu ductione quadam intelligimus per generationem, quæ circa nos est, & quia videmus in hac generatione, quia genitus dum generatur, est imperfectus, ne credere potest aliquis, quod Dei filius esset imperfectus. ideo decreuerunt dici: Semper genitus, Dicendum ergo quod quantum est ex parte rei, æque vere ac proprie dicitur vnū, sicut reliquum. Quod vero dicit Gregorius, dicit quantum ad maiorem fidei explanationem, nec error habeat locum, & sic exponit Magister. Magis ergo conuenit dicere: Semper genitus, quam semper generatur. Nec est simile de hoc verbo *est*, & *fuit*, quia hoc verbum *est*, significat per modum quietis: & ideo esse, dum est, effectum est: sed hoc verbum *generari*, penes hæc inferiora, per modum fieri: quia in pluribus hoc verum est quod aliquid dum fit, non habet esse perfectum, ideo non est simile secundum rationem intelligentiæ.

Ego hodie genui te. Dub. IX.

Queritur quomodo hoc intelligitur. Quia hoc potest intelligi de die, quo ex matre natus est: sed hoc nihil videtur valere, quia secundum hanc generationem non habuit patrem: sed tantum matrem.

RESP. Dicendum: Verbum illud intelligendum est causaliter: secundum enim generationem ex matre dicitur genuisse, quia fecit generari. Similis expositio super illud Matthæi: Potens est de lapidibus illis suscitare filios Abrahæ. Glossa in huius testimonium rei Dens de Sara genuit filium id est, fecit generari.

Splendor autem non semel. Dub. X.

CONTRA: Si hoc simile rectum est, videtur quod filius non semel nascatur: ergo queritur, quare magis generatio filij assimilatur splendori, quam aliis rebus, maxime cum non generetur à luce splendor, nisi ad præsentiam corporis obiecti? Præterea filius dicitur lux: non ergo splendor lucis.

RESP. Dicendum quod generatio filij habet in se perfectam conformitatem, cōternitatem, & æqualitatem: & quia in creatura vna simul hæc non possumus inuenire: ideo capimus ex multis: & ideo multas isti assimilamus. Quantum ergo ad conformitatem, similis est generationi Verbi quod est proles perfecte representans illum à quo est. Quantum ad cōternitatem, similis est egressus splendoris à luce, in quo est cōternitas, propter lucis actualitatem. Quantum ad æqualitatem, similis est generationi viuentis ex viuentem, qui generat sibi æquale omnino, & sic diuersimode comparatur à Sanctis. Comparat ergo Origenes ad egressum splendoris, non quantum ad iterationis assimilationem: sed quantum ad priuationem intermissionis, siue interpolationis. Et nota

A quod differunt splendor, radius, & lumen, cum omnia dicant influentiam à luminoso, quia radius dicit emissionem secundum diametralem distantiam: lumen, secundum circumferentiam: utrinque tamen in profundum transferentis: splendor dicit repercussionem ad corpus transparens, tertium, & limitatum: sed tamen hic Origenes notat splendorem, lumen progr. diens à luce.

AD illud ergo quod obiicitur quod filius, est lux, dicendum quod lux habet in se naturam manifestandi, & ita respicit cognitionem, & appropriatur filio. Habet in se vim multiplicandi, siue generandi splendorem, & ita appropriatur patri.

Et quod cum Sacramento scientiæ suæ ex eo nascitur. Dub. XI.

Videtur enim male dicere, quia secundum hoc quod pater secundum Sacramentum scientiæ generat filium: ergo scientia est ratio generandi.

RESP. Dicendum quod Hilarius vocat hoc Sacramentum sacrum secretum. dicit autem filium nasci cum Sacramento scientiæ, quia filij generatio non tantum sacra, sed etiam secreta est: non, inquam, Deo secreta: sed nobis, quia nos eam non comprehendimus, ipse autem perfecte nouit eam: ideo dicit cum Sacramento, & c.

Quod autem ex viuo. Dub. XII.

Videtur hoc falsum, quia puer nascitur de patre, & matre viuentibus, & tamen utrumque habet, scilicet imperfectionem & nouitatem.

RESP. Ratio Hilarij sicut patet per literam sequentem intelligenda est de viuo per essentiam: ubi enim est viuens per essentiam, non fit ex non viuo viuens, sicut fit in viuentem per participationem, ubi non generatur viuum ex viuo, nisi per non viuum, ut patet, quia homo non generatur ex homine nisi mediante semine.

Neque ex deriuatione: sed ex virtute natiuitas est. Dub. XIII.

Videtur male dicere, quia secundum Dionysium, & Anselmum, Pater se habet ad Filium, & Spiritum sanctum, ut fons: & illi, ut riuuli: sed riuus est à fonte per deriuationem.

RESP. Dicendum quod natiuitas quæ est per deriuationem, attenditur quantum ad transmutationem aliquam circa illud quod transmutatur, & ita dicit passionem quandam: ac per hoc infirmitatem: sed viuens quod est vita est actus purus, & ita vita pura, in qua non est infirmitas: sed pura actualitas, & ideo vult Hilarius dicere quod pater generans est tota vita, & quod generat non est per passionem, vel demutationem, seu diminutionem, quæ attenditur in deriuatione: sed per omnimodam virtutem: ergo filius genitus, est virtus, non per mutationem natus.

Vbi autem pater auctor est, ibi & natiuitas est. Dub. XIV.

Videtur quod improprie dicat, quia auctoritas dicitur causalitatem: sed hæc non recipitur in diuinis: ergo, & c.

RESP. Dicendum quod auctoritas dicitur quandam principalitatem, siue auctoritatem in persona, quæ nihil habet ab alio: sed ab ipso omnes, & ista auctoritas in patre est innascibilitas: unde non dicit causalitatem, sed priuationem principij: & per hoc summam principalitatem.

Quod ab æterno. Dub. XV.

Innuat Hilarius hic tale argumentum: Si filius non est generatus, siue natus ab æterno, generatio eius non est æterna, etsi hoc, pater non generat ab æterno: ergo pater non est æternus: ergo qui derogat æternitati filij, derogat æternitati patris. SED ista ratio non videtur valere, quia similiter ego arguam ex parte Creatoris, & creaturæ: sed creatura non est æterna, non enim ab æterno creauit Deus, & ita non est Creator æternus.

RESP.

RESP. Dicendum quod non est simile, sicut patet ex sequenti eius quod Hilarius supponit quod esse patrem sit proprie proprium illius personæ: ergo cum tale semper conveniat, aut aliter res non habet esse perfectum, sequitur de necessitate, aut filius est æternus, aut pater ab æterno non habet esse perfectum: creare vero, etsi solius Dei sit, tamen ratione connotati habet imperfectionem coniunctam, secundum quam non tantum impossibile, sed etiam non intelligibile est aliquid ab æterno creari.

Sed seipsum demutare nascendo. Dub. XVI.

CONTRA: Quia secundum hoc, cum filius Dei prius esset, & postea ex virgine natus, sic ergo esset mutatus.

RESP. Dicendum quod Hilarius intelligit secundum eandem naturam, secundum quam prius erat: si enim secundum eandem naturam prius erat, & postea natus est, necesse est quod secundum illam naturam mutatus sit: sed si secundum aliam naturam, oportet mutationem fieri in illa natura: sed non in persona, cum illa natura non dicat aliquid in persona, sed magis aliquid cum persona. Vnde nulla fit mutatio in illa natura.

ARTICVLVS I.

AD intelligentiam eorum quæ dicit Magister de generatione æterna, in præsentī distinctione quatuor principaliter quæritur. Primo quæritur, vtrum in diuinis sit ponenda generatio. Secundo, dato quod sit, vtrum generatio in diuinis sit ponenda, personarum distinctiua. Tertio quæritur, vtrum illa generatio sit æterna. Quarto & vltimo quæritur, vtrum illa generatio sit terminata.

QVÆSTIO I.

An in diuinis generatio ponenda sit.

*Alex. Alensis 1. p. q. 42. Membr. 1.
S. Thomas 1. p. q. 27. art. 1. q. 2.
Et 1. Sentent. dist. 13 q. 1. art. 1.
Scot. 1. Sent. dist. 2. q. 4.
Egid. Rom. 1. Sent. dist. 4. q. 1.
Henricus in summa, art. 20 q. 1.
Rich. 1. Sent. dist. 9 q. 1.
Franciscus de Mayr 1. Sent. dist. 4. q. 1.
Tom. Arg. 1. Sent. dist. 4. q. 1. art. 1.*

Fundamēta.

QUOD generatio sit in diuinis, ostenditur primo à minori. Multo fortius debet esse generatio in eo qui generationē aliis tribuit, quam in his quæ recipiunt: sed generatio est in creaturis: ergo & in Deo qui tribuit. Et hoc est quod dicitur in Isaia: Si ego qui generationē aliis tribuo, sterilis erō: dicit Dominus quasi dicat non.

ITEM ostenditur illud idem à posteriori. Per prius enim est paternitas in Deo quam in creatura, sed paternitas, & generatio vere est in creatura: ergo & in Deo. Quod prius sit ibi, dicit Apostolus ad Ephesios. Ex quo omnis paternitas in cælo, & in terra nominatur.

ITEM ostenditur hoc ipsum à simili. Quia omne quod perfectionis est, attribuendum est Deo, in quo est summa omnis perfectionis: sed generatio est perfectionis in creatura, vt vult Philosophus, quia perfectum est quod potest generare quale ipsum est: ergo, &c.

ITEM illud idem ostenditur illa ratione. Diuina natura est summe bona, & actualissima: ergo summe potest, & vult se communicare: sed prima & summa ratio communicandi est in generatione: ergo necesse est in diuinis ponere generationem.

1. CONTRA: Generatio in creaturis aut est perfectionis, aut imperfectionis. Si perfectionis, tunc ergo cum substantiæ spirituales & incorporeales sint nobilissimæ, debet in eis generatio esse: ergo cum non sit in eis, non est nobilitatis: sed quod non est nobilitatis, non est in Deo: ergo, &c.

2. ITEM vbi est generatio, ibi est variatio: generatio enim est species motus, & inter omnes species motus maior est variatio in motu secundum substantiam, quia est entis in potentia: minor in motu secundum locum

A ergo cum in Deo non sit variatio, nec aliqua species motus, etiam illa quæ minima est, vt loci mutatio: ergo nec generatio.

3. ITEM vbi est generatio, ibi est corruptio. Vnde Auctor de causis, ait, quod propter longe stare à principio reliquo modo compleuit esse Deus continuam etiam in his faciens generationem: & huiusmodi signum est quod sola corruptibilia generant, & generantur in creaturis: sed in Deo nulla cadit corruptio: ergo nec generatio.

B 4. ITEM vbi est generatio, ibi nutritio. Vnde ad tot & plures se extendit vis nutritiua, quam generatiua: sed in Deo non est vis nutritiua: ergo nec generatiua: ergo nec nutritio, nec generatio: ergo generatio non est in diuinis.

CONCLVSIO.

Cum natura diuina sit communicabilis, ibique sit aptitudo actui coniuncta, in diuinis est perfecta generatio.

RESP. Ad arg. Dicendum quod generatio ponenda est in diuinis: Huius ratio potissima est: vt credo quia omnis natura est communicabilis: & quia in Deo propter sui nobilitatem est aptitudo actui coniuncta, imo ipse actus, oportet quod natura sit pluribus comunicata: sed non possunt esse plures ab vna natura, quin vnus sit ab alio, vel ambo à tertio: ergo cum ante diuinas personas nihil sit, oportet quod vna sit ab alia: & quoniam sunt conformes in natura, & generatio est emanatio secundum conformitatem naturæ: ideo credo quod necesse est in diuinis ponere generationem. Vt autem intelligatur per quæ modum notandum: quod generare de sui propria ratione est similem sibi in substantia & natura producere. Sibi vero similem in natura producere tripliciter est. Aut per impressionē suæ similitudinis in alio, & sic generatur character à sigillo, lumen à luminoso, species ab obiecto. Alio modo per educationem speciei consimilis ab alio, & sic generatur elementum ab elemento. Tertio modo per reductionem similis de simili, siue de seipso, & sic generatur animatum ab animato, & iste tertius modus est perfectior. Vnde non repetitur nisi in substantiis habentibus formam nobilem quæ est vita. Et iste modus generationis est secundum nascentiam, & est in Deo, & creaturis sed differenter: quia producere alium ex seipso, potest esse dupliciter, vel ex se toto, vel ex parte sui. Ex se toto, non potest producere, nisi ille cuius essentia potest esse in pluribus vna, & tota. Nam si non potest esse in pluribus vna, & tota, si generans dat totam suam substantiam generato, tunc substantia tota transit in generatum, & generans perdit substantiam totam generando, quod esse non potest. Ideo adhuc necesse est quod talem habeat substantiam, quæ vna, & tota sit in pluribus: talis autem substantia non est nisi substantia habens summam simplicitatem, hæc autem est sola diuina essentia, in qua propter summam simplicitatem suppositum non addit ad Essentiam. Vnde nec ipsam coarctat, nec limitat, nec formam multiplicat: & ideo in eo potest esse generatio communicans eandem substantiam totam, & talis generatio est omnimodæ perfectionis, & in solo Deo reperitur, ratione iam dicta. Alio modo contingit aliquem ex se producere quantum ad partem sui. Sic pater naturalis generat filium, partem substantiæ transmittendo & descendendo. Et hæc generatio necessario est cum transmutatione, quia enim pars decisa non habet actum totius, necesse est quod per mutationem acquirat: sed quod acquirit quod non habet, variatur: ideo hæc generatio est mutatio, & habet variationem coniunctam. Est etiam cum corruptione adnexa: quia enim aliqua pars generanti deperditur, generans est à quo potest fieri ablatio, & ita corruptio. Est etiam cum conseruatione adiuncta: quia enim fit deperditio, necesse est quod per nutrimentum fiat restauratio, & ideo generatio in creatura

Propos. 26.

Modus generationis.

Isa. 46. d

Eph. 3. 6

Aristot. 2. de anima, con-
sex. 34.

Ad opposi-
tum.

& perfectionis & imperfectionis est. Perfectionis à parte virtutis producentis, imperfectionis à parte subiecti diuifibilis: & ideo est in solis animatis quæ habent formam perfectionis, id est, animam, & ipsum scilicet corpus defectibile & restaurabile. Generatio vero in diuinis est omnimodæ perfectionis. Quod enim non est ex parte, ideo est, quia habet actu speciem. Et ideo nec ibi est in natura imperfectio, nec variatio, quia nihil novum acquiritur. Nec corruptio, quia nihil adimitur. Nec nutritio, quia nihil restituitur. Et ex hoc patet solutio obiectionum, quia generatio de toto est tantæ perfectionis, quod non potest esse in creatura aliqua: generatio vero ex parte tantam habet imperfectionem adiunctam, ut non possit esse circa substantiam inuariabilem, & incorruptibilem, & simplicem, non solum in natura increata, verumetiam in natura creata. Aliæ rationes probant de generatione quæ est ex parte, &c.

Q V Æ S T I O I I.

An in diuinis generatio distinguat inter gignentem, & genitum.

Thomas 1. p. q. 28. art. 1.

Secutus 1. Sent. d. 11. q. 2. Et dist. 26. q. 1.

Egid. Rom. 1. Sent. dist. 9. q. 1.

Richardus 1. Sent. dist. 9. q. 2.

Seoph. Brulef. 1. Sent. dist. 9. q. 2.

Petrus de Tarantaf. 1. Sent. dist. 9. q. 1.

VTRUM generatio in diuinis sit personarum distinctiua. Et quod sic ostenditur hoc modo: Augustinus dicit circa principium de Trin. Nulla res est quæ seipsam gignat, ut sit: si ergo gignit, aliam gignit: sed inter aliam rem & aliam est distinctio: ergo, &c.

ITEM generatio est emanatio, sed ubi est emanatio, ibi est multiplicatio, siue plurificatio: ubi autem multiplicatio, ibi & distinctio: ergo ubi generatio, ibi necessario est distinctio.

ITEM generatio in diuinis est relatio: sed relatio importat respectum, & ordinem: sed ubi respectus & ordo, ibi suppositorum & relatorum, siue ordinatorum distinctio, & sic, &c.

ITEM maior diuersitas sustinetur à supposito, vel in supposito composito & multiplici quam in substantia simplici & vniiformi: sed relatiua opposita non stant simul in eodem indiuiduo creato: ergo nec in simplici hypostasi. Probatio mediæ. Bene sequitur: Sortes est pater Platonis: ergo non est Filius eius, vel est distinctus ab eo: ergo multo fortius in diuinis.

1. CONTRA: Pater generando filium dat ei totum quod habet: sed habet Essentiam & personam: ergo dat ei Essentiam & personam: ergo sicut filius non distinguitur à patre essentialiter, ita nec personaliter, ut videtur.

2. ITEM pater communicat filio Essentiam suam propter summam suam simplicitatem: sed æque simplex est persona & essentia: ergo qua ratione communicat Essentiam, communicat & personam.

3. ITEM in patre idem est natura, & persona ergo impossibile est quod communicet vnum, quin communicet aliud: ergo si dat naturam, & personam.

4. ITEM videtur quod relatio non distinguat aliqua ratione, quia vnus & idem punctus est principium & finis respectu diuersarum linearum: ergo si istæ relationes non sunt distinctiue, videtur similiter quod nec paternitas & filiatio.

SI DICAS quod non omnes relationes distinguunt, sed solum mutæ, ut principium & principiatum, finis & finitum.

CONTRA: Pater & filius se habent, ut intelligens, & intellectum, ut dicit Anselmus: sed idem potest esse intelligens, & intellectum: ergo, &c.

5. ITEM maior est repugnantia in contrariis quam in relatiuis: sed albedo, & nigredo quæ sunt contraria non

faciunt distinctionem circa Petrum, quæ idem potest modo, esse albus, modo niger: ergo multo fortius vnus in diuinis modo erit pater, modo filius.

6. ITEM quæritur, quare potius relationes faciunt distinctionem personæ quam Essentiæ, cum æque bene possint esse plures Essentiæ, vel naturæ in vna persona, sicut econuerso.

C O N C L U S I O.

Generatio in diuinis facit realem distinctionem inter generantem, & genitum contra Sabellium, non tamen essentialem contra Arrium

RESP. Ad arg. Dicendum quod generatio in diuinis sicut ostensum est, facit realem distinctionem inter generantem & generatum, non rationalem vel intellectualem solum, sicut dixit Sabellius: sed realem quantum ad personam, non quantum ad Essentiam, sicut dicit Arrius. Quod sic patet: Generatio in creaturis, dicit emanationem per modum actionis siue mutationis, in Deo emanationem per modum relationis. In quantum enim emanatio dicit distinctionem ratione emanationis, est distinctio: quia sicut dicit Anselmus: Nec intellectus capit, nec natura permittit, illum qui est ab alio, esse illum à quo est, secundum quod positue dicitur aliquis esse ab alio. Nam pater priuatiue dicitur esse à se, id est, non ab alio: in quantum autem talis emanatio ponit distinctionem in persona. Generatio enim est productio conuenientis in natura: ratione igitur naturæ non potest esse distinctio: Ergo vel erit ratione suppositi, vel proprietatis. Si proprietatis, aut absolute, aut respectiue. Non absolute, quia tunc esset distinctio in natura. Nec respectiue, ut puta relationis, quia in relatione secundum se non est motus in creaturis: nec origo in diuinis. Vnde filiatio non generatur nisi in alio: ergo necesse est quod sit distinctio in supposito. Similiter ratione relationis est distinctio, quia nihil ad se refertur, nec ordinatur. Ratione vero talis relationis est distinctio personalis, quia generare & generari cum dicant relationem per modum actionis & passionis, dicunt eam in supposito, & respectu suppositi. Et ideo, quia relatio inter extrema notat distinctionem, patet quod distinctio est ibi suppositorum. His visis patet facile soluere ad obiecta.

1. QUOD ergo obicitur: Pater comunicat filio totum quod habet, verum est præter generationem, & generationis distinctionem. Ipsa enim ratio comunicandi dat intelligere distinctionem, quia nullus comunicat sibi, sed alij: & ideo id in quo distinguitur non comunicat.

2. AD illud quod obicitur quod æque simplex est persona, ut Essentia, dicendum quod simplicitas Essentiæ est quod sit in pluribus: sed simplicitas suppositi est quod non sit in pluribus. Nam suppositum siue indiuiduum quantum est de se, dicitur esse quod est in vno solo: ideo non est simile.

3. AD illud quod obicitur quod idem est essentia, & persona, dicendum quod quamvis sint idem, non tamen sunt ad idem: quia persona est ad alium, ideo generat, & refertur: essentia vero non: ideo essentia comunicatur, & persona distinguitur. Sicut ergo, quamvis idem sit in patre essentia & persona, tamen persona generat, essentia non: sic econuerso: Essentia comunicatur, & persona non.

4. AD illud quod obicitur de principio & fine in puncto, patet responsio, quia illæ non sunt mutæ relationes: quod proprie requiritur ad distinctionem, vnde non valet.

QUOD obicitur de intelligente, & intellecto, dico quod ibi non est relatio secundum esse, sed secundum dici. Ad hoc autem quod relatio distinguat, oportet quod sint relationes mutæ, quia aliter non distinguunt: oportet etiam quod dicant relationem secundum esse.

5. AD illud quod obicitur de albedine, & nigredine, dicendum quod nulla est oppositio formarum, nisi considerentur respectu eiusdem temporis: & impossibile

Fundamēta.
Aug. lib. 1.
de Trin. c. 1.
tom. 3. Et
lib. de im-
mortalitate
animæ, c. 8.
Et Arist. 2.
de anima
contex. 48.
Et Ansel.
Monol. c.
41. tom. 3.

Ad oppos.

Ansel. in
Monolog.
c. 60. 10. 3.

est

est quod idem subiectum eodem tempore sit album & nigrum : relationes autem in diuinis simul sunt.

Ad illud quod ultimo quæritur, quare magis relationes faciunt distinctionem in personis, quam in essentia, patet ex iam dictis responsio. Potest etiam alia ratio reddi, quia pluralitas naturarum impedit simplicitatem personarum: sed non sic e conuerso, quod patet sic: Plures naturæ sunt in vna persona. Aut ergo per gratiam, aut per naturam. Si per gratiam vnionis, sic: quia natura vnita consequitur vnitatem personæ, non impedit. Sed si naturaliter, vt in Petro, est pluralitas essentiarum, siue naturarum, tunc cum intellectus naturæ præcedit personam, & non natura ex personis, sed persona ex natura sit: necesse est personam esse compositam, & inde est quod in diuinis magis est vnitatis naturæ cum pluralitate personarum, quam e conuerso.

QVÆSTIO III.

An in diuinis generatio sit æterna.

Alexander Alensis 1. p. q. 42. Membro 5. art. 1.
Guill. Alstifiodorensis lib. 1. Sent. cap. 2.
S. Thom. 1. p. q. 42. art. 2.
Scotus 1. Sent. dist. 9. q. 1.
Henricus in summa, art. 54 q. 3.
Egidius Rom. 1. Sent. dist. 9. p. 2. q. 1.
Durandus 1. Sent. dist. 9. q. 4.
Richardus 1. Sent. dist. 9. art. 2. q. 1.
Franciscus de Mayr. 1. Sent. dist. 9. q. 1.
Petrus de Tarantasia. 1. Sent. dist. 9. q. 5.
Gabr. Biel. 1. Sent. dist. 9. q. 3.

Vtrum diuina generatio sit æterna. Quod sic, ostenditur hoc modo: In creaturis operans naturaliter operatur quam citius potest, & de perfectione agentis est, quod citissime possit operari: ergo cum productio filij a patre sit per naturam & summam potentiam, quæ cito fuit pater, genuit: sed fuit ab æterno: ergo, &c.

ITEM de perfectione generationis est, vt quod generatur æquetur generanti: ergo cum diuina generatio sit perfectissima, filius erit patri per omnia æqualis, sed pater est infinitus duratione: ergo & filius.

ITEM intelligere se, coæternum est menti diuinæ. Nunquam enim est ponere quod de non intelligente sit Deus factus intelligens: sed Verbum est coæternum menti intelligenti, ex hoc enim quod mens se intelligit, Verbū gignit. Si ergo propriissime filius est Verbum, est coæternum patri, & hoc est quod dicit beatus Ioannes: In principio erat Verbum.

ITEM idem ostenditur per impossibile: Omne quod cœpit esse, est mutatum secundū substantiam: sed omne quod incipit generari, incipit esse: ergo omne quod incipit generari, est mutatum secundum substantiam: sed generatio est de substantia generantis: ergo vbi incipit esse generatio, substantia generantis mutatur: sed substantia Dei patris secundum esse est immutabilis: ergo generatio non incipit in diuinis.

1. CONTRA: Sicut se habet corruptio ad non esse ex parte finis, sic generatio ex parte principij: sed omne quod corrumpitur definit esse: ergo omne quod generatur incipit esse, sed nullum tale est æternum: ergo, &c.

2. ITEM quidquid producit diuina Essentia, est ipsi posterius tempore, siue duratione: ergo pari ratione quidquid producit diuina persona, cum essentia & persona sint idem.

3. ITEM in Deo idem est suum esse, & sua duratio: sed filius habet principium essendi: ergo habet principium durationis: sed quod habet principium essendi, incipit esse: ergo, &c.

4. ITEM pater caret principio, & caret initio: ergo qua ratione communicat filio non habere initium, eadem ratione communicat ei non habere principium: aut si non hoc, nec illud.

CONCLUSIO

Generatio in diuinis est æterna propter summam generantis fecunditatem, & geniti summam æqualitatem, & vtriusque summam actualitatem.

RESP. Ad arg. Dicendum quod generatio filij est æterna, tum ratione generantis, tum ratione geniti. Ratione generantis, propter summam & perfectam fecunditatem. Ratione geniti, propter summam, & perfectam æqualitatem: quarum vtrique conditio tollit, ne filius sit posterius patre, sicut visum est in opponendo. Alia ratio est propter summam in vtroque actualitatem, in qua non distat actus à potentia, nec posse antecedit esse.

B 1. Ad illud quod obiicitur quod corruptio ponit terminum finalem, dicendum quod corruptio semper dicit variationem & mutationem, & ita conuersionem entis in non esse, & ideo ponit terminum finalem. Sed generatio aliquando dicit mutationem, vt in creaturis, & sic ponit terminum initialem: sed in diuinis non dicit mutationem ex non ente, sed emanationem ab ente.

2. AD illud quod obiicitur quod essentia nihil producit nisi ex tempore, dicendum quod sicut persona producit aliam personam, sic essentia aliam essentiam. Aliam autem naturam essentia ex seipsa non producit, cum ipsa sit immutabilis: nec ex alia, quia similiter esset quærere, vnde producit illam aliam: & sic necesse est in productione prima creaturæ quod producat ex nihilo, & omne sic productum habet esse post non esse, & ita initium. Persona autem non de nihilo producit personam, & ideo non facit de non ente ens, & ideo nullum ponit initium talis productio.

3. AD illud quod obiicitur quod filius habeat principium essendi, dicendum quod principium dicitur duplex, scilicet originale, & initiale. Secundum quod principium dicitur originaliter, sic filius tam quantum ad esse quam quantum ad durationem habeat principium: quia vtrumque habet ab alio. Si autem principium dicatur initium, sic dico quod nec habet principium essendi, nec durandi. Primum principium non aufert rationem æterni, secundum vero sic.

4. AD illud quod obiicitur ultimo, quare pater communicat filio carentiam initij, non principij, patet iam responsio: quia temporale & æternum differunt de necessitate per essentiam: principium & principiatum non sic, ideo non est simile de hoc & illo: quia ergo quod habet initium est temporale: quod caret, est æternum: ideo cum pater & filius sint vnius essentia, patet, &c. Rursum cum habere principium, & non habere dicat differentiam personæ, & hæc est inter patrem & filium, ideo sicut pater non communicat filio personam, sed tantum naturam siue essentiam, sic communicauit ei non habere initium: sed non communicauit non habere principium.

QVÆSTIO IV.

An generatio Filij terminata sit.

Alexander Alensis 1. p. q. 42. Membro 5. art. 2.
S. Thom. 1. p. q. 41. art. 6.
Et 1. Sentent. dist. 7. q. 2. art. 2.
Egid. Rom. 1. Sent. dist. 9. p. 2. q. 3.
Richardus 1. Sent. d. 9. art. 2. q. 1.

Vtrum generatio filij sit terminata. Et quod sic videtur per Augustinū: Qui semper nascitur, nunquā est natus, ac per hoc nunquā est filius. Nullus ergo per generationē dicendus est filius, quovis generatio sit terminata: sed Verbum Patris recte dicitur perfectus filius: ergo generatio eius est terminata.

2. ITEM ratione ostenditur sic: Produci terminatur ad productum esse: ergo generari ad generatum esse: sed filius Dei est generatus & natus: ergo eius productio, siue generatio est terminata.

3. ITEM

Fundamēta.
9. Metaph.
conex. 16.

12. Metaph.
conex. 18.

Ioan. 1. n

Ad oppos.
Aristot. 5.
Phys. con-
tex. 14.

Vide infra
dist. 29.

Ad oppos.
Aug. lib. 83.
7. q. 34. co. 4.

3. **ITEM** nobilius est esse generatum quam generari, quia generari est via ad generatum esse, & non econverso: sed quod nobilius est, Deo est attribuendum: ergo magis debet ei attribui generatum esse quam generari: ergo generatio filij dicitur in terminatione.

4. **ITEM** generatione quæ semper est in generando, semper aliquid vel aliquis producit: sed non producit id quod productum est secundum id quod est productum: ergo oportet vel quod iteretur, vel quod succedat generatum in tali generatione: sed in filio Dei nec est successio, nec ibi iteratio: ergo nec continua generatio: ergo filii Dei generatio est terminata.

Fundamēta.
Dam. lib. 1.
de Orb. f.
de, c. 8. in fin.

CONTRA per Damascenum: Deus infinite & sine tempore ens, infinite & inquiescibiliter generat: ergo generatio nunquam terminatur.

ITEM ratione videtur hoc idem posse monstrari: **Æternum** non habet se aliter nunc quam prius: sed semper omnino uniformiter: ergo si semper pater à principio generat, adhuc generat: alioquin aliter se haberet nunc quam prius, & ita generatio æterna mutaretur.

ITEM simplex & infinitum caret omni termino: sed generatio filii est simplex & infinita: ergo generatio filii caret omni termino. Quod sit infinita, patet: quia filius est infinitus, & iterum ipsa generatio est æterna, & æternum est duratione infinitum.

ITEM perfectior est potentia semper actui coniuncta quam quæ non semper: ergo perfectior est fecunditas semper actui generationis coniuncta, maxime cum fecunditas generandi non perditur, sed perficitur: si ergo in Deo est fecunditas perfecta, semper ergo generat: sed non generat alium nisi filium: ergo filius semper generatur.

CONCLUSIO.

Generatio Filij in diuinis est terminata, si perfectionem eius respiciamus: quod si durationem intueamur, cum semper duret, interminata dici debet.

RESP. Ad arg. Ad prædictorum intelligentiam, notandum quod quædam sint in quibus idem est esse & factum esse, differt tamen fieri & esse, ut sunt illa quorum esse est permanens, nec dependet omnino à principio producente, & hoc proximo producente, in facto esse: immo habent rationem subsistendi aliquam intra se, siue per principia propria sui subiecti, ut substantia & accidentia innata. Quædā sunt in quibus differt esse & factum esse, idem tamen est fieri & esse, ut sunt successiua, quorum esse dependet omnino à principio producente existente in sua actualitate, ut sunt motus, & mutationes. Quædā sunt in quibus est idem fieri & esse & factum esse, ut sunt illa quæ habent esse permanentis, & totaliter dependent à principio producente, existente in sua actualitate per eundem modum per quæ sunt in principio, non tantum in se, sed etiam respectu producti, ita quod consimilis modus actualitatis attendatur quantum ad utrumque & talia sunt influentia, siue corporales, siue spirituales. Vnde Augustinus super Genesim ad litteram dicit quod lumen sæper nascitur, & dum nascitur est, unde aer semper est illuminatus, & semper illuminatur. Similiter omnino dicendum de lumine spirituali quod est gratia. Si igitur filius Dei habet esse permanentissimum, & esse coniunctissimum principio productiuo, ut in sui actualitate existenti, quia ipse est filius & purus actus, omnino idem est in ipso nasci, & natum esse, & ideo semper nascitur, & semper est natus, & semper est, & nunquam desinit nec cessat generari, nec pater generare. Cum ergo quæritur, an generatio filij sit terminata, distinguendum est terminatum, quia aut excludit imperfectionem, & sic generatio filij est terminata, quia perfecta, cum simile, immo idem sit generari & generatum esse. Si vero excludat durationem, falsa est, quia semper durat. Concedo ergo quod generatio filij est interminata ratione desitionis: quia nunquam desinit generari, sicut probant rationes ad secundam partem adductæ.

Lib. 6. tom. 3.

A 1. **AD** Illud quod obiicitur in contrarium quod qui semper nascitur nunquam est natus, dicendum quod verum est in illa generatione in qua differt nasci & natum esse: sed non talis est generatio diuina: attamen quia generatio diuina intelligitur per generationem creatam, & in creaturis de perfecto nato non dicitur nasci, sed natum esse: ideo vult Augustinus, quod melius dicitur filius natus esse, quia intelligibilis est, non quia ei non conueniat nasci.

2. 3. **AD** Illud quod obiicitur quod produci terminatur ad productum esse, & similiter nobilius est generatum esse quam generari, dicendum quod omnia ista tantum ibi habent locum, ubi differt generari & generatum esse. In ista autem generatione locum non habent.

4. **AD** illud quod ultimo obiicitur in generatione quæ semper est in generando, &c. Soluendum est per interemptionem, non enim est verum quod generatio semper ens, sæper de nouo aliquid producat, quia radius semper oritur à sole, nec tamé sæper eius productio iteratur, nec succedit: sed à sua origine continuatur in esse.

DISTINCTIO X.

Hic de Spiritu sancto agitur, & prius quod sit amor Patris, & Filij.



NUNC post Filij aternitatem, de Spiritu sancto, quantum Deo donante videre conceditur, disseramus. Spiritus sanctus amor est, siue charitas, siue dilectio Patris, & Filij. Vnde Augustinus in 15. lib. de Trinit. ait: Spiritus sanctus nec Patris est solius, nec Filij est solius, sed amborum, & ideo communem, qua inuicem se diligunt Pater & Filius, nobis insinuat charitatem.

Quod Spiritus sanctus proprie dilectio dicatur, & tamen Trinitas sit dilectio.

Ioannes autem in Epistola canonica ait: Deus charitas est: non dixit, Spiritus sanctus charitas est. Quod si dixisset, absolutior esset sermo, & non parua pars questionis decisa: sed quia dixit: Deus charitas est, incertum est: & ideo quarendum est, utrum Deus Pater sit charitas, an Filius, an Spiritus sanctus: an Deus, ipsa Trinitas, quia & ipsa non tres Dei, sed vnus est Deus. Ad hoc August. in eodem libro ita dicit: Nescio cur sicut sapientia & Pater dicitur, & Filius, & Spiritus sanctus, & simul omnes non tres: sed vna sapientia: nõ ita & charitas dicatur Pater, & Filius, & Spiritus sanctus, simul omnes vna charitas. Non ideo tamen quisquā nos inconuenienter æstimet charitatē appellare Spiritū sanctum: quia & Deus Pater, & Deus Filius potest charitas nuncupari: sicut proprie Verbum Dei etiam sapientia Dei dicitur, cum & Pater & Spiritus sanctus sit sapientia.

Sicut Verbum Dei proprie dicitur sapientia, & tamen tota Trinitas dicitur sapientia: ita & Spiritus sanctus proprie dicitur charitas: & tamen Pater, & Filius, & Spiritus sanctus dicitur charitas.

Si ergo proprie aliquis horum trium charitas nuncupari debet, quis aptius quam Spiritus sanctus: ut scilicet illa summa, simplicique natura non sit aliud substantia, & aliud charitas: sed substantia ipsa sit charitas, & charitas ipsa sit substantia, siue in Patre, siue in Filio, siue in Spiritu sancto.

Aug.
2. 2.

Cap.
tom.

1. Jo.
Aug.
Trin.
tom.

Ibid.
infe.

Ibid.
infr.

Ex e.
ca. eo
paul.
rius.

Et o:

Et o: & tamen Spiritus sanctus proprie charitas nuncupatur. Ecce his verbis aperte dicit August. quod in Trin. charitas aliquando refertur ad substantiam, quae communis est trium personarum & tota in singulis: aliquando specialiter ad personam Spiritus sancti: sicut sapientia Dei aliquando pro substantia diuina, aliquando pro Filio proprie accipitur, & hoc in multis fieri reperitur.

Exemplis firmatur, eadem nomina proprie & vniuersaliter accipi.

Pluribus enim exemplis doceri posse, multa rerum vocabula & vniuersaliter poni, & proprie quibusdam rebus adhiberi: sicut Legis nomine aliquando simul omnia Veteris Testamenti significantur eloquia: aliquando autem proprie vocatur Lex, quae data est per Moysen. Multa alia suppetunt exempla: sed in re aperta vitanda est longitudo sermonis. Sicut ergo unicum Dei Verbum proprie vocamus nomine sapientiae, cum sit vniuersaliter, & Spiritus sanctus & Pater ipsa sapientia: ita Spiritus sanctus proprio vocabulo charitas nuncupatur, cum sit Pater, & Filius vniuersaliter charitas.

Auctoritas ponitur, quod Filius proprie dicitur sapientia.

Sed Dei Verbum, id est, unigenitus Dei Filius, aperte dictus est Dei sapientia ore Apostoli dicentis, Christum Dei virtutem & Dei sapientiam. Spiritus autem sanctus ubi sit dictus charitas, inuenimus: si diligenter Ioannis Apostoli eloquium scrutemur: qui cum dixisset: Diligamus inuicem, quia ex Deo est dilectio: adiunxit: Et omnis qui diligit, ex Deo natus est, quia dilectio Deus est. Hinc manifestauit se dixisse eam dilectionem esse Deum, quam dixit ex Deo. Deus ergo ex Deo est dilectio: sed quia & Filius ex Deo Patre natus est, & Spiritus sanctus ex Deo Patre procedit, quem potius eorum hic debeamus accipere, dictum esse dilectionem, merito queritur. Pater enim solus ita Deus est, ut non sit ex Deo: & ideo dilectio, quae ita Deus est ut ex Deo sit, non ipse Pater est, sed aut Filius aut Spiritus sanctus: Sed in consequentibus cum Dei dilectionem commemorasset Ioannes, qui dilexit nos, & hinc hortatus esset ut & nos inuicem diligamus, atque ita Deus in nobis maneat: quia utique dilectio Deum dixerat: statim volens de hac apertius aliquid eloqui, inquit: In hoc cognoscimus, quia in ipso manemus, & ipse in nobis: quia de suo spiritu dedit nobis. Spiritus itaque sanctus, de quo dedit nobis, facit nos in Deo manere: & ipsum in nobis. Hoc autem facit dilectio. Ipse ergo Deus est dilectio. Deus ergo Spiritus sanctus, qui procedit ex Deo significatur ubi legitur, Deus dilectio, & dilectio ex Deo est. Ecce his verbis aperte dicit Aug. Spiritum sanctum esse charitatem Patris & Filij: & in tantum quoque sermonem produxit, ut videatur dixisse, Spiritum sanctum non solum esse dilectionem Patris & Filij quae se inuicem, & nos diligunt: sed etiam quae diligimus Deum. Sed utrum ipse sit charitas quae nos diligimus Deum, in sequenti explicatur.

Redit ostendere quod proposuerat, scilicet quod Spiritus sanctus sit amor, quo Pater a Filio, quod Filius a Patre diligitur.

Nunc vero quod incepimus ostendere curemus, scilicet Spiritum sanctum dilectionem esse, siue amorē Patris & Filij: quo scilicet Pater diligit Filium, & Filius patrem. De hoc Hieronymus super 17. Psal. ait: Spiritus sanctus nec Pater est, nec Filius: sed dilectio quam habet Pater in Filium & Filius in Patrem. Aug. quoque

A in 6. l. de Trin. ait: In omnibus equalis est Patri Filius, & est vnus eiusdemque substantia. Quia propter etiam Spiritus sanctus in eadem unitate substantia, & aequalitate consistit.

Quod Spiritus sanctus sit alius a Patre, & Filio.

Siue enim sit vnitas amborum, siue sanctitas, siue charitas, manifestum est, quod non aliquis duorum est, quo vterque coniungitur: quo genitus a gignente diligatur, genitoremque suum diligit, sintque non participatione, sed Essentia sua: neque dono superioris alius, sed proprio suo seruantes unitatem spiritus in vinculo pacis. Ecce hic habes Spiritum sanctum esse, quo Filius diligitur a Patre, & Pater a Filio: & quo illi duo seruant unitatem pacis. Spiritus ergo sanctus, ut ait Aug. in eodem, commune est aliquid Patris, & Filij, quidquid illud est. At ipsa communio consubstantialis, & coeterna est: quae si amicitia conueniēter dici potest, dicatur: Sed aptius dicitur charitas, & hac quoque substantia, quia Deus substantia est, & Deus charitas est. Tria ergo sunt, & non amplius: vnus diligens eum qui de illo est, & vnus diligens eum de quo est ipsa dilectio, quae si nihil est, quomodo Deus substantia est?

Quod Spiritus sanctus sicut communis est Patri, & Filio, ita commune nomen habet proprium.

Hic notandum est quod sicut Spiritus sanctus in Trinitate specialiter dicitur charitas, quae est Patris & Filij vnio: ita & nomen tenet proprie quod Patri & Filio communiter quodammodo congruit. Vnde Aug. in 15. lib. de Trinit. Si charitas, inquit, quae Pater diligit Filium, & Patre diligit Filius, ineffabilem communionem demonstrat amborum, quid conuenientius, quam ut ille proprie dicatur charitas, qui spiritus est communis ambobus? Hoc enim sanius creditur & intelligitur, ut non solum Spiritus sanctus charitas sit in illa Trinitate, sed non frustra proprie charitas nuncupetur, propter illa quae dicta sunt: sicut non solus in illa Trinitate, vel Spiritus est, vel sanctus: quia & Pater Spiritus, & Filius Spiritus: & Pater sanctus, & Filius sanctus: & tamen ipse non frustra dicitur Spiritus sanctus. Qui enim est communis ambobus, id vocatur ipse proprie, quod ambo communiter. Alioquin si in illa Trinitate solus Spiritus sanctus est charitas, profecto & Filius non solus Patris, sed etiam Spiritus sancti Filius inuenitur. Ait enim Apostolus de Deo Patre: Transulit nos in regnum Filij charitatis suae. Si ergo non est in ista Trinitate charitas Dei, nisi Spiritus sanctus, Filius est etiam Spiritus sancti. Sed quia hoc absurdissimum est, restat ut non solus ibi sit Charitas Spiritus sanctus: sed propter illa, de quibus satis disserui, proprie sic vocatur,

DISTINCTIO X.

De aeterna Processione Spiritus sancti, quantum ad personam, quae procedit.

Nunc post Filij aeternitatem de Spiritu sancto, quantum, Deo donante: &c.

Expositio Textus.

SUPRA egit Magister de generatione Filij, hic autem agit de processione Spiritus sancti. Et quia gemina est processio Spiritus sancti, aeterna & temporalis, primo agit de processione aeterna, secundo de temporali: Infra distinctione 14 Præterea diligenter adnotandum est, quod gemina est processio Spiritus sancti, &c. Et quoniam processio Spiritus sancti tripliciter potest comparari, scilicet ad personam ad quam est, & ad

principium à quo est, & ad generationem à qua differt, A ideo hæc pars habet tres. In quarum prima Magister agit de processione Spiritus S. quantū ad personā quæ procedit. In secunda quantū ad principium à quo: Infra Distinctione 11. *Hic discendū est, Spiritū sanctum, &c.* In tertia vero agit de seipsa per comparationē ad generationem à qua distinguitur: Infra Distinctione 13. *Post hæc considerandū est, quantū à talib. quales nos sumus.* Itē prima pars quæ continet præsentē Distinctionē habet quatuor partes. In prima dicit quod Spiritus sanctus procedit ut amor, siue charitas, vel dilectio, & hoc probat auctoritate Aug. In secunda vero, quia hic erat dubiū quod Spiritus sanctus erat charitas, mouet quæstionē: & soluit ibi: *Et ideo querendū, utrum Deus Pater.* In tertia vero solutionē per auctoritatem confirmat, tum quantū ad distinctionem, quæ est per cōmunem acceptionē & propriam, tum etiam quantū ad veritatem, ibi: *Pluribus exemplis doceri, &c.* In quarta vero & vltima prædictæ solutionis assignat rationem, ostendens quod Spiritus sanctus proprie dicatur charitas, cū charitas sit nomen commune, & hoc ibi: *Hic notandum est, quod sicut Spiritus sanctus in Trinitate.*

Spiritus sanctus amor est, siue charitas. Dub. I.

Lib. Erymolo.

Cap. 4.

De diuin.
num. c. 4.

Can. 5. c.

2. Tim. 1. a

Quæritur utrū charitas & dilectio differat, & quod sic videtur per Isidorū dicentē: Amor est rationaliū, & irrationaliū; dilectio rationaliū tantum. SED CONTRA per Dionysium de diu. nom. Mihi videntur Theologi cōmune quid dicere dilectionis & amoris nomine: & ibid. reprehendit distinguentes, dicens quod faciunt vim in leuibus sonis, quasi nos non possimus quatuor per bis duo, & patriam per natale solum significare.

RESP. Aliqui voluerunt dicere quod differunt, quia dilectio dicitur illa proprie quæ est ex voluntate ordinata: sed amor est affectio libidinosa: sed hæc distinctio est cōtra Dionysium, & contra Canonem sacræ Scripturæ: quia Dominus primo quæsiuit à Petro: Simon Ioannis diligis me? & postea dicit amas me? & ita pro eodē accipiuntur, & hanc differentiā reprehendit Dionys. Potest tamen nihilominus aliqua differentia assignari. Quamvis enim de vna & eadem possint dici affectione, tamen alia, & alia ratione. Amor enim dicit affectus ad hæsiōnem respectu amati. Vnde Dionys. Amorem vniūm dicimus: Dilectio vero, vltra hoc addit electionem, vnde dilectio ex diuersis electio. Vnde in Canticis: Dilectus meus electus ex millibus: Charitas autem vltra illa addit magnam appretiationē. Charum enim dicitur illud quod magni pretii æstimatur, secundum quod Apostolus in epistolis suis vocat fideles charissimos.

Proprie Verbum Dei, etiam Dei sapientia dicitur. Dub. II.

Dubatur de hac voce, *proprie*, quia aut accipitur *proprie*, quia soli cōuenit: aut *proprie*, quia appropriat. Quia si soli, hoc est falsum, quia sapientia nullo modo dicit proprietatem personalem. Si *proprie*, quia appropriat, hoc nihil facit ad propositum, quia Magister vult inquire proprietatē Spiritus sancti, non appropriatum. ET ITERUM: Charitas videtur magis appropriari patri, secundum quod dicitur in illa prola, charitas pater est.

ITEM hoc videtur per Richardum quod amor gratuitus est in Patre, in Spiritu sancto debetur, in Filio ex utroque permixtus: ergo cum charitas dicat amorem gratuitum, debet ergo appropriari Patri.

RESP. Dicendum quod non est omnimoda similitudo, sed in hoc est similitudo: nam cōmune potest appropriari manente vnitate vocis, vel significationis. Potest similiter aliquod nomen simul dici per proprietatē, & per essentiam, manente vnitate vocis, & significationis, & tamen est de se cōmune, & tale est hoc nomen *charitas*. Aliter potest dici quod charitas est commune, & propriū, & appropriatū, & August. primo ostendit, quod est appropriatū per similitudinem ad sapientiam, & post ostendit quod est propriū: infra eadē Distinctione: *Nunc vero quod incepimus ostendere, &c.* Vnde ex hac auctoritate non habetur quod charitas sit proprium, sed so-

lum quod appropriatū. Sed tamen ex aliis verbis Aug. habetur quod charitas non solū est appropriatū, sed etiā proprie propriū Spiritus sancti. Ad illud quod obiicitur quod charitas appropriatur patri, dicendū quod charitas habet duplicē cōparationē ad virtutes alias. Cōparatur enim ut mater, ut dicit Ambr. cōparatur ut vinculū, ut dicit Apostolus: Charitas est vinculū perfectionis: Ratione primi appropriatur Patri, ratione secūdi, Spiritui sancto. Ad illud quod obiicitur de Richardo dicendum quod gratuitū non dicit proprietatē amoris, siue amandis: sed proprietatem personæ, quæ dat, & non recipit.

Spiritus sanctus est dilectio qua Pater & Filius se inuicem, & nos diligunt. Dub. III.

Quæritur utrū Pater, & Filius diligant nos Spiritu B sancto. Vtrum enim se diligāt Spiritu sancto, quæritur Distinct. 32. Vbi istam quæstionem specialiter mouet, sed prima videtur omnino falsa, & impropria. Cum enim dicitur: Pater & Filius diligunt nos, &c. constat quod verbum diligendi tenetur essentialiter: ergo si diligant Spiritu sancto, sunt Spiritus sanctus. Et iterum dicit Augustinus quod hæc nullo modo conceditur: Pater diligit se Spiritu sancto, quia diligere tenetur essentialiter: ergo similiter in proposito.

RESP. Quidam dicunt quod ablatius ille exponitur per hanc præpositionem, *per*, cum accusatiuo, id est, per Spiritum sanctū, & regula est quod hæc præpositio, *per*, cum verbis transitivis dicit subauctoritatē, cum absolutis autē auctoritatē. Vnde cum diligere se sit transitivū, sensus est, quod Pater & Filius diligunt nos per Spiritū sanctum, quasi diceret: Pater operatur per Filiū. Sed hæc expositio non videtur conueniens, quia similiter potest dici: Pater & Filius puniūt, siue odiunt nos Spiritu sancto, quod non vult dicere Aug. Propterea notādū quod diligere aliquando tenetur pure essentialiter, ut cum dicitur: Pater & Filius diligunt se, aliquādo purē notionaliter, ut cū dicitur: Pater & Filius diligunt se Spiritu sancto, sicut patebit Aliquando partim essentialiter, partim notionaliter, sicut cum dicitur: diligunt nos Spiritu sancto & ex hoc patet, quia idem est Patrem, & Filium diligere nos Spiritu Sancto, scilicet Spiritum sanctū nobis mittere, siue inspirare. Mittere autē siue inspirare importat actū notionalē, & essentialē, quia sensus est quod spiritū producant, & donum eius nobis cōferunt. Vnde dicit simul Spiritus sancti productionē, & gratiæ collationem, & quāvis respectu actus essentialis non recipiatur habitudo ablatiui, recipitur tamen ratione notionis, sicut & hic: Pater dicit se suo verbo, dicit etiam creaturas verbo, simili modo intelligendum est in proposito.

Sine enim sit unitus. Dub. IV.

Quæritur quid dicatur per hoc nomen, *vnitas*. Aut vnitas dicit vnitatem essentialē, aut notionalē, aut personalem. Non essentialē, quia tunc non esset amorū, sed trium. Non notionalē, quia Spiritus sanctus non est cōmunis spiratio. Non personalem, quia Pater, & Filius non sunt vnum in persona. ITEM quæritur, quo modo hæc distinguantur, *vnitas, sanctitas, charitas*.

RESP. Dicendū quod vnitas personaliter tenetur. Sed attendendum quod vnitas aliquorum dicitur dupliciter. Aut qua aliqui sunt vnum, & sic Patris, & Filij non est vnitas personalis. Aut qua aliqui sunt vniti, & sic Pater & Filius vnica persona vniuntur, sicut persona Spiritus sancti quæ est amor, & vinculū neccens. Ad illud quod quæritur, quomodo differunt illa tria, dicendum quod vnum addit supra alterum. Nam vnitas dicit conditionem omnis amoris, quoniā omnis amor est vis vnitua. Sanctitas dicit conditionem amoris casti, contra libidinōsum, qui non est purus. Charitas dicit conditionem amoris præcipui, ideo enim charitas dicitur, quia est amor inæstimabiliter habens charum amatum.

Sintque non participatione. Dub. V.

Videtur non bene dicere, quia seruare vnitatē spiritus, est producere Spiritū sanctū: ergo secundū hoc, Pater & Filius Spiritū sanctū sua essentia producant, & ita videtur

Aug. lib. 6.
de Trin. 8.
5. som. 3.

essentialiter spirare. **ITEM** videtur etiam falsum quod dicitur non participatione, quia Pater & Filius participatione spirationis seruant unitatem.

RESP. Dicendum quod Aug. vult ostendere duplicem modum unitatis esse inter Patrem & Filium, qui est inter membra Christi, sc. naturæ, & voluntatis, sed differenter: quia in nobis est unitas naturæ per participationem vnius communis essentia, sed non sumus ipsa essentia. Pater enim & Filius non participant essentiam quasi diuersum, immo sunt ipsa essentia. Similiter in nobis est conformitas voluntatis per donum Dei quod unit nos: sed Pater & Filius vniuntur non dono accepto ab alio, sed spiritu proprio, & sic patet responsio.

Qui enim communis est ambobus. Dub. VI.

CONTRA: Ergo secundum hoc, pari ratione Spiritus sanctus dicitur Deus proprie, cum Deus sit commune ambobus.

RESP. Dicendum quod æquiuocatio est in communitate. Nam Augustinus non vocat commune quod est in pluribus, & de pluribus, sed quod à pluribus: & ita commune dicitur magis à communione, quam à communitate, vt fiat vis in verbo, sicut fit inter vnionem, & unitatem. Et quoniam charitas non tantum dicit communitatem, quia in pluribus: sed communionem per unitatem distinctorum: ideo quamvis dicatur essentialiter, potest nihilominus dici personaliter.

ARTICVLVS I.

AD euidentiam eorum quæ dicuntur de Spiritu sancto, in hac parte duo principaliter queruntur. Primo queritur de modo procedendi ipsius Spiritus. Secundo de proprietate ipsius. Circa primum queruntur tria. Primum est, vtrum in diuinis sit necesse ponere personam procedentem per modum liberalitatis. Secundum, vtrum sit necesse ponere personam procedentem per modum Amoris. Tertium, si sit necesse ponere personam procedere per modum mutua charitatis.

QVÆSTIO I.

An in diuinis necessario ponenda sit persona per modum liberalitatis procedens.

Alexander Avenis 1. p. q. 43. Membr. 1.
S. Thomas 1. p. q. 27. art. 3. ad 3.
Scotus 1. Sent. dist. 10. q. 1.
Henricus in summa, art. 5. q. 6.
Ægid. Rom. 1. Sent. dist. 10. q. 1.
Richardus 1. Sent. dist. 10. q. 1.
Durandus 1. Sent. dist. 10. q. 1.
Franciscus de Mayr. 1. Sent. dist. 10. q. 1.
Ioan. Bacon. 1. Sent. dist. 11. q. 1.
Tho. Arg. 1. Sent. dist. 10. q. 1. art. 2.
Marfilus Inguen. 1. Sent. q. 14. art. 2.
Gabr. Biel. 1. Sent. dist. 10. q. 2.

Quod sit necesse ponere personam procedentem per modum liberalitatis, ostenditur hoc modo. Perfectior est dilectio mutua, quam reflexa, & perfectior adhuc mutua communicata quam non communicata, quia talis scilicet non communicata videtur sapere amorem libidinosum: ergo si in Deo est summa dilectio & summa delectatio, & summa beatitudo, non est ibi persona quæ mutuo non ametur, nec cui amor mutuus non communicetur: sed communicatio amoris mutui est per liberalitatem: ergo, &c.

ITEM in his inferioribus duplex inuenitur modus producendi nobilis, sc. per modum naturæ, & per modum voluntatis: primo modo emanat filius à patre, secundo modo donum à datore. Sed omne quod nobilitatis est in creatura est attribuendum Deo: ergo, &c.

ITEM in Deo est ponere naturam, & voluntatem: & sicut naturam perficit fecunditas, ita voluntatem summa liberalitas: sed natura perfecta, fecunditate, persona producit aliam personam, ergo pari ratione voluntate perfecta, liberalitate, producit aliam personam: & sic, &c.

ITEM omnes creaturæ à Deo procedunt per cognitionem, ac voluntatem: sed ante creaturam productionem ponere fuit in diuinis emanationem Verbi ab eterno: in quo pater omnia fienda disposuit: ergo pari ratione necesse fuit emanare personam in qua omnia vellet, & donaret: sed talis procedit per modum liberalitatis: ergo, &c.

1. **CONTRA:** Non est similis modus producendi in creaturis respectu Dei, & in personis. Nam creaturæ sunt extrinsecus, personæ vero in essentia vnum: sed exitus creaturarum à Deo est per modum liberalitatis: ergo non est ponere personam hoc modo procedere.

2. **ITEM** exiens per modum voluntatis ab aliquo non assimilatur in substantia producenti, nec æquatur, nec necessario producit: sed persona si procedit in diuinis, est in substantia similis, & in potestate æqualis, nec potest se aliter habere: ergo, &c.

3. **ITEM** in his inferioribus nō tantum sunt ista principia nobilia, sc. natura, & voluntas verum etiam ratio, siue operans per artem: ergo si ponuntur duæ personæ his duobus modis procedentes, debet poni tertia, quæ tertio modo procedat: sed illa non ponitur, ergo nec per modum voluntatis ponitur aliqua pari ratione.

4. **ITEM** quanto pluribus communicatur dilectio, tanto perfectior, quia omne bonum in commune deductum pulchrius elucescit: ergo non solum est ponere tertiam personam cui amor secundæ communicetur: sed etiam quartam, cum amor communicetur tertiæ, & sic in infinitum: sed hoc est impossibile in diuinis, vt ostensum est supra: ergo est stare in prima persona producente: ergo non est persona procedens per modum liberalitatis.

CONCLUSIO.

Ponendum est, in diuinis personam produci per modum liberalitatis, tanquam per rationem volendi, quæ dicitur donum.

RESP. Ad arg. Dicendum quod sicut probatum est, in diuinis est ponere tertiam personam procedentem per modum liberalitatis, quæ dicitur donum. Et ratio huius est perfectio dilectionis, perfectio emanationis, & perfectio voluntatis: quia existente liberalissima, non potest non producere personam, sicut natura existente fecundissima, non potest non producere personam, & hæc est ratio propria huius emanationis.

1. **AD** illud quod obiicitur in contrarium, quod creaturæ emanant per modum liberalitatis, dicendum quod per modum liberalitatis emanare, est dupliciter, aut sicut volitum, aut sicut ratio volendi. Siue aut sicut datum, aut sicut ratio donandi. Primo modo emanant creaturæ quæ sunt extra. Secundo modo emanat tertia in Trinitate persona. Quia ratio volendi, & donandi est intrinseca perfectissimæ voluntati.

2. **AD** illud quod obiicitur quod voluntas non est principium assimilans, nec necessario emanans, dicendum quod voluntas siue liberalitas dupliciter est principium. Vno modo distinctum in natura, & sic non assimilatur in substantia. Alio modo cum communicante natura, & sic in substantia assimilatur: quoniam ergo persona sic procedit per modum liberalitatis, vt communicet naturæ: ideo similis est in substantia, quamvis ipse modus procedendi non sit per modum similis, & sic patet illud.

3. **AD** illud quod obiicitur quare non procedit aliqua persona per modum rationis, dicendum quod omnis modus producendi nobilis ad istos reducitur ad duos, quia omne agens, aut agit naturaliter, aut per voluntatem. Agens enim per violentiam aut per fortunam est agens imperfectum, & modus producendi minus nobilis: Vnde ratio non distinguitur contra naturam, & voluntatem quantum ad modum agendi, & ideo non est persona tali modo procedens. Sed tamen hoc nō videtur plene soluere, quia nos distinguimus in his creaturis egressum per modum liberalitatis ab egressu per modum ar-

Ad oppositum.

In fundamentis huius questionis.

Sup. dist. 6. q. 2. & 8.

Arist. lib. 9. Metaphys. context. 10.

tis. Propterea dicendum quod processus per modum liberalitatis est dupliciter, aut sicut ratio liberalitatis siue ipsa liberalitas, aut sicut liberaliter factum. Similiter & in arte, aut sicut ipsa ars, siue ratio artificandi, aut sicut artificatum, & primo modo potest cadere in diuina persona, secundo modo non. Et primo modo procedit filius qui est verbum, & ars plena omnium rationum uiuentium. Sed iste modus emanandi non distinguitur à modo emanandi per modum naturæ, quia emanat ut omnino similis, & per modum similitudinis perfectæ. Alius autem modus non potest esse, quia duas personas necesse est communicare in eadem natura, & quia necesse est quod omnis modus emanandi qui est in diuinis sit per modum naturæ principaliter vel illa communicante: unde cum processus per modum voluntatis possit esse intrinsecus, sic procedit amor ab amante. Per modum vero artis, semper est extrinsecus in quantum huiusmodi: ideo impossibile est quod cadat in Deo respectu personæ: sed cadit solum respectu creaturæ.

4. Ad illud quod ultimo obiicitur, si est ponere tertiam personam ob communicationem, pari ratione & quartam, dicendum quod omnis ratio & natura concordat quod non fiat per plures, quod potest sufficientissime fieri per unum, alioquin esset ibi superfluum. Si ergo mutua dilectio non potest esse minus quam ad unum, & communicatio illius mutue non minus quam ad unum, & in uno est mutua dilectio, & in altero mutue dilectionis communicatio perfectissime, cum utrumque accipiat totum infinite, patet quod non est ultra procedere, sed ibi est stare. Unde ipsa eadem ratio quæ ponit personarum pluralitatem, aufert infinitatem & ponit Trinitatem.

Q V Æ S T I O II.

An in diuinis necessario ponenda sit persona per modum charitatis & amoris procedens.

Alexander Alesis 1. p. q. 43. Membr. 3. art. 2.

S. Thom. 1. p. q. 27. art. 4.

Et 1. Sentent. dist. 13. art. 3.

Richardus 1. Sent. dist. 10. q. 2.

Petrus de Tarantasia 1. Sent. dist. 10. q. 2.

Petrus Aureolus 1. Sent. dist. 10. q. 1.

Vtrum in diuinis sit necesse ponere personam procedentem per modum amoris, siue charitatis. Et quod sic videtur. Non est enim perfecta cognitio sine dilectione: ergo nec perfectum verbum sine amore: ergo nec perfecta emanatio verbi sine emanatione amoris: ergo necesse est ponere emanationem per modum amoris: ergo, &c.

ITEM amor est donum in quo alia dona donantur. Nihil enim proprie donatur nisi ex amore: si ergo persona procedit per modum liberalitatis, cum ipsa procedat non per aliud sed per se: ergo per modum amoris, siue charitatis.

ITEM omnis & summa perfectio pluralitatis est in vnitate: ergo & distinctionis in vnione: sed inter omnes vniones quæ sunt inter distantes, summa & incundissima est vnio charitatis, si ergo est ibi distinctio, est vnio: & si vnio, est charitatis emanatio.

ITEM Spiritus sanctus in nobis existens, & habitans, facit nos similes illi summæ Trinitati, sicut dicit Dominus: Ut sint unum, sicut, & nos: sed Spiritus sanctus in nobis existens producit primo amorem charitatis, quia: Caritas Dei diffusa est in cordibus nostris, &c. Ergo necesse est in illa summa Trinitate reperiri per prius emanationem charitatis.

1. **S**ED contra: Personæ diuinæ sunt hypostases perfectæ, ut pater & filius: nullus autem amor dicit hypostasim, sed eius proprietatem siue habitum: ergo nulla persona in diuinis procedit per modum amoris.

2. **I**TEM amor est eius in quo requiescit affectus, ergo semper accipitur ut in alium tendens: sed omnis persona est in se perfecte ens, & distincta: ergo nulla persona procedit per modum amoris.

3. **I**TEM non ob aliud ponitur in diuinis emanatio

per modum amoris, nisi quia pater amat filium: cum ergo Filius amet Spiritum sanctum, pari ratione erit ponere ulteriorem personam emanantem per modum amoris, & sic in infinitum, & hoc est inconueniens: ergo, &c.

4. **I**TEM cum in natura intellectuali ex parte motiue potentie sit accipere irascibilem, quæ respicit honorem, sic concupiscibilis amorem, quæstio est quare in diuinis non accipitur persona secundum actum irascibilis, sicut secundum actum concupiscibilis.

5. **I**TEM cum sint aliæ affectiones in anima, ut gaudium, spes & huiusmodi, quare solum per modum amoris procedit persona in diuinis.

Si tu dicas quod amor non tenet rationem affectionis, tunc obiicio: quia sicut amor diuinus non est affectio, ita nec gaudium.

6. **I**TEM cum sint alij habitus in anima importantes complementum, cuiusmodi sunt scilicet dona Spiritus sancti, ut intelligentia, & sapientia, quare magis procedit persona per modum amoris, quam per modum alterius habitus: quod si non alius, nec iste debet poni, ut videtur.

C O N C L U S I O.

Personam produci per modum amoris, est ponendum in diuinis quæ productio est prima & summa inter emanationes per modum voluntatis: cum amor sit prima affectionum animi.

RESP. ad arg. Dicendum quod sicut probatum est supra, necesse est aliquam personam in diuinis procedere per modum liberalitatis, & illam dicimus Spiritum sanctum: hunc autem necesse est procedere per modum amoris, quia si ponatur in diuinis emanatio per modum voluntatis, necesse est quod inter omnes sit prima & nobilissima: emanatio autem per modum amoris est huiusmodi, quod patet si respiciamus in anima. Affectio enim amoris est prima inter omnes affectiones, & radix omnium aliarum, sicut dicit Augustinus in pluribus locis, maxime in 14. de Trinitate: Et ista affectio nobilissima est inter omnes, quoniam plus tenet de ratione liberalitatis. Unde hoc est donum in quo omnia alia dona donantur, & in quo consistunt omnes deliciae substantiæ intellectualis. Unde nihil in creaturis est considerare sic deliciosum, sicut amorem mutuum, & sine amore nullæ sunt deliciae. Propter hoc dicit Philosophus quod amicitia aut est beatitudo, aut non sine beatitudine. Si ergo emanatio est per modum liberalitatis in diuinis, necesse fuit esse primam & summam, & sic necesse fuit per modum amoris.

1. **A**D illud ergo quod obiicitur, quod amor nominat habitum, non substantiam, dicendum quod est loqui de amore ratione eius quod nominat, & sic non dicit substantiam: vel ratione eius circa quod ponitur, & quia ponitur in Deo in quo nullum est accidens, sed totum in Deo substantia est: ideo non dicit habitum, vel proprietatem, sed magis substantiam, & cum dicat egressum, dicit hypostasim, siue personam. Similiter dicendum est de verbo, quamvis enim verbum in nobis sit accidens, est tamen substantia in Deo.

2. **A**D illud quod obiicitur quod amor charitatis semper in alium tendit, & ita procedit in alium, & non stat in se, dicendum quod procedere in alium est dupliciter, aut quia aliud respicit, ut obiectum, aut quia in aliud tendit, & recipitur. Primo modo bene conuenit personæ in diuinis, quia bene conuenit habere respectum ad aliam personam, unde Spiritus sanctus est amor quo Pater amat Filium. Si autem dicatur tendere secundo modo, sic non habet locum in proposito: quia quando ego amo alium, amor non exit à me, ita ut recipiatur in alio, sed tantum à voluntate procedit, & quia est accidens, ideo non recedit, sed in voluntate subsistit. In diuinis vero quia hypostasis est, ideo in se subsistit.

3. Ad illud quod obiicitur quod similiter Filius amans Spiritum sanctum produceret aliam personam, dicendum quod hoc non tantum facit quod Pater & Filius producant aliam personam quæ est amor, quia se amant: sed etiam quia in eis voluntas est fecundissima. Ratio huius dicitur infra, & illa non est in Spiritu sancto. Nihilominus tamen potest dici quod status sit in primo amore. Nam primo amore producto, cum ille se ipso amet alium & ametur, non oportet alium amorem produci siue aliam personam per modum amoris.

4. Ad illud quod quæritur, quare non est emanatio quantum ad actum irascibilis, quidam respondent quod hæc vis non habet locum in substantia pure spirituali, tamen supposito quod sit in substantia intellectuali, adhuc actus eius non competit productioni personæ, cum quia naturaliter sequitur actum concupiscibilis: ira enim est vindex lætæ concupiscentiæ, ut dicit Damascenus: tum etiam quia actus eius consistit aut respectu superioris, & hoc non potest esse ubi nihil est superius, aut respectu inferioris & hoc similiter non, quia nulla est inferioritas in persona producta respectu Patris: non similiter potest esse in Deo respectu disconuenientis; quia sic est cum quadam disconuenientia in victoriosa repulsione. In personis autem diuinis summam vnionem & conuenientiam esse necesse est. Et si tu obiicias, quod non omnis actus irascibilis est respectu disconuenientis, quod patet in spe, & quia in beatis habebit irascibilis actum, dicendum quod vel consistit respectu disconuenientis vincendi, vel respectu ardui aggrediendi, & ita vel gradum, vel disconuenientiam dicit: sed neutrum potest esse in diuinis personis.

5. 6. Ad illud quod obiicitur de aliis affectibus & habitibus, iā patet responsio, quia amor est affectus intimus & primus & nobilissimus, quia origo omnium aliorum: ideo complectitur in se totam nobilitatem emanationis per modum liberalitatis: ideo nulla persona debuit emanare per modum alterius habitus, cum talis modus non sit principalis.

QVÆSTIO III.

An in diuinis necessario ponenda sit tertia persona per modum mutua charitatis procedens.

*Alex. Alensis 1. p. q. 43. Membr. 5.
Richard. 1. 1. sent. dist. 10. q. 3.
Steph. Brulef. 1. sent. dist. 10. q. 3.*

Fundamēta.

Ioan. 17. b. d

VTRUM sit necesse ponere tertiam personam procedentem per modum naturæ charitatis. Et quod sic videtur per Ioannem: Vt sint vnum, sicut, & nos. Dominus orat & petit discipulis vnitatem, non naturæ, sed dilectionis per conformitatem ad illam summam vnitatem: sed membra Christi vniuntur per amorem mutuum: ergo in diuinis est exemplar huius: sic, &c.

3. ITEM Hieronymus super Psalmum 17. Spiritus sanctus est amor, quem habet pater in filium, & filius in Patrem: ergo est amor mutuus.

4. ITEM ratione ostenditur hoc ipsum, quia perfectior est dilectio, quando est mutua: quia si non est mutua, ex altera parte claudicat: sed in illa dilectione est summa perfectio, & nulla claudicatio: ergo, &c.

ITEM qui non amat vicissim amantem se recte, & liberaliter, aut est iniquus aut ingratus: cum ergo in diuinis nulla sit iniquitas, nulla ingratitude, necesse est ibi esse amorem mutuum.

1. CONTRA: Si est amor mutuus: ergo filij in patrem & patris in filium: ergo pater aliquid recipit à filio, quod absurdum est.

2. ITEM qui amat amantem, facit quod debet, quia hoc est debitum quod rependendum est: ergo si est in diuinis amor mutuus: ergo est debitus: ergo non est liberalissimus, quod absurdum est.

Ad oppos.

3. ITEM nullus amor mutuus est amor vnicus: hæc per se nota est: ergo si Spiritus sanctus est amor mutuus, vnicus non est amor.

ITEM si amor est mutuus: ergo est amor patris ad filium: sed iste, ut dicit Richardus, est amor gratuitus: ergo similiter erit filij ad Patrem: & ille, ut ipse idicit, est amor debitus: ergo si tertia persona procedit per modum amoris gratuiti, & debiti: ergo est amor ex utroque permixtus: ergo non est amor purus. Et iterum cum ille amor sit filij, videtur quod filius sit Spiritus sanctus, quia, ut dicit, in filio est amor ex utroque permixtus.

CONCLUSIO.

Cum amor perfectionem delectationis, unionis, & rectitudinis habeat ex mutualitate, est ponendum, unam personam in diuinis procedere per modum mutua charitatis.

RESP. Ad arg. Dicendum quod cum amor perfectionem delectationis & vnionis & rectitudinis habeat ex mutualitate, aut non est personam ponere in diuinis procedere per modum amoris, aut si procedit, procedit per modum mutua charitatis.

Ad illud ergo quod obiicitur in contrarium quod tunc filius aliquid dat Patri, dicendum quod ex hoc, quod amans per amorem tendit in amatum, nihil dat ei: alioquin nos daremus aliquid Deo, cum ipsum amamus.

2. Ad illud quod obiicitur quod amor mutuus est debitus. dicendum quod debitus est, quia rectus: sed tamen amor non considerat debitum. Vnde quantumcunque debeatur, dum tamen debitum non attendatur, non minuitur ratio liberalitatis, immo ostenditur ratio rectitudinis.

3. Ad illud quod obiicitur, si mutuus, non vnicus, dicendum quod verum est in amantibus, quorum affectus sunt diuersi: non sic est in Deo.

4. Ad illud quod obiicitur quod non est amor purus, dicendum quod ex utraque parte liberalis est: & ideo omnino purus. Et cum dicit quod est amor debitus & gratuitus, dicendum quod istæ conditiones non dicunt modum emanandi circa amorem: sed dicunt modum emanandi, siue originis circa personas.

ARTICVLVS II.

D

SECUNDO principaliter quæritur de secunda parte, scilicet de proprietate Spiritus sancti, & circa hoc quærentur tria. Primo quæritur vtrum amor, siue charitas sit proprium Spiritus sancti. Secundo vtrum Spiritus sanctus sit proprie nexus. Tertio vtrum Spiritus sanctus proprie sit Spiritus.

QVÆSTIO I.

An amor, vel charitas sit proprium Spiritus sancti.

Guill. Alstied. 1. sent. c. 6 q. 7.

S. Thom. 1. p. q. 37. art. 1.

Et 1. sent. dist. 10. art. 4.

Egid. Rom. 1. sent. dist. 10. q. 1.

Henricus in summa, art. 60.

Richard. 1. sent. dist. 10. q. 1. art. 2.

Franciscus de Mayr. 1. sent. dist. 10. q. 4.

Steph. Brulef. 1. sent. d. 10. q. 4.

Petrus de Tarantaf. 1. sent. dist. 10. q. 4.

QUOD charitas sit proprium Spiritus sancti, sic ostendit Augustinus 15. de Trinit. Sicut in illa Trinitate non solus Spiritus sanctus est spiritus, tamen proprie dicitur Spiritus sanctus: ita, quamvis Pater sit charitas, & filius charitas: tamen proprie charitas dicitur illa persona, sicut proprie dicitur Spiritus sanctus.

Fundamēta.
Cap. 17. &
19. sem. 3.

ITEM hoc idem ostenditur per eundem super Canonicam Ioannis, ubi intendit proprietatem Spiritus sancti inuenire, & ad hoc perducit sermonem, quod Spiritus sanctus est charitas.

ITEM ratione ostenditur illud idem quod illud est proprie proprium personæ quod dicit modum emanandi ipsius: sed amor est huiusmodi, ut probatum est: ergo, &c.

ITEM sicut Verbum se habet ad Filium, ita amor ad Spiritum sanctum: sed Verbum est proprium Filij: ergo & amor proprium Spiritus sancti.

1. CONTRA: Aug. in 15. lib. de Trinitate: Pater est charitas, & Filius est charitas, & Spiritus sanctus est charitas, & simul omnes una charitas: ergo charitas non dicitur proprie de Spiritu sancto.

2. ITEM amor non procedit aliter, quam amando: ergo cum amor de necessitate insit amanti, & Pater, & Filius amando producant Spiritum sanctum, impossibile videtur quod ei conueniat proprie. Aut ergo Spiritus sanctus non est persona, non est amor proprie, siue non procedit per modum amoris.

3. ITEM sicut se habet sapientia ad Filium, ita amor ad Spiritum sanctum: sed sapientia non est Filij proprium, imo appropriatum solum: ergo amor similiter Spiritui sancto: ergo, &c.

4. ITEM omne illud quod dicitur proprie, importat aliquam relationem: ergo si amor proprie dicitur, importat relationem. Si ad amantem: ergo amans non est amor. Similiter si ad amatum, tunc ergo Spiritus sanctus aut non amaret, aut non amaretur: hoc autem est impossibile.

CONCLUSIO.

Charitas personaliter accepta, est proprium Spiritus sancti.

RESP. Ad arg. Dicendum quod dilectio in diuinis potest accipi, & accipitur necessario essentialiter, notionaliter, & personaliter. Essentialiter, quia quilibet diligit se. Notionaliter vero, quia Pater & Filius concordant inspirando Spiritum sanctum, quæ concordia amor, siue dilectio est. Personaliter vero, quia ille, qui producit per modum perfectæ liberalitatis, non potest esse nisi amor, siue dilectio. Vnde essentialiter dictum, dicit complacētiam: notionaliter vero concordiam in spirando: personaliter vero, processum in illa concordia. Huius autem exemplum potest poni in amore creato quo sponsus & sponsa se diligunt. Nam diligunt se amore sociali ad cōuiuendum, diligunt se ulterius amore coniugali ad prolem procreandam: & illa si produceretur ex sola concordie voluntate amor esset: nunc vero est amatus, nisi dicatur amor per emphaticum loquendi modum. In diuinis vero, vere, & proprie amor est, habens rationem amoris, & hypostasis. Amoris, propter hoc, quia ex voluntate liberalissima prima procedit per modum perfectæ liberalitatis: hypostasis, quia cum distinguatur à producente, & non possit distingui essentialiter, distinguitur personaliter: non sic autem est in amore creato.

1. 2. Ex hoc patet illud quod obiicitur primo & secundo, cum dicitur quod est proprietas amantium siue producentium, quia accipitur notionaliter: Nam prout ab eis procedit, non potest esse proprietas, sed persona distincta. Vnde non omnino est similis processus amoris creati & amoris increati, quia hic est proprietas, ibi hypostasis & substantia.

3. Ad illud quod obiicitur de sapientia, dicendum quod non est simile, quia sapientia non dicit respectum ad aliū: & ideo semper de se, dicitur ad se, & est essentialis, nisi approprietur: sed amor respectū dicit ad eos qui amore necitur. Vnde sicut Verbum est proprium Filij, & non appropriatur, quia cōnotat respectū ad dicentem: sic etiam amor siue charitas non tantum est appropriatum, verum etiam proprium Spiritus sancti. Et sicut

procedit Filius à Patre per modum Verbi; ita Spiritus sanctus per modum amoris: Et ex hoc est sicut melius patebit infra, quod hæc admittitur: Pater & Filius diligunt se Spiritu sancto, non autem quod Pater sit sapiens sapientia genita.

4. Ad illud quod ultimo obiicitur, ad quid dicit respectum, dicendum quod ad amantes sed hoc quod est, amantes, tenetur notionaliter, sicut prædictum est. Vno enim modo diligere se, idem est quod concorditer spirare: hoc modo Spiritus non est amans, quia non spirat: ipse autem obiicit de essentiali, quod non dicit egressum ab amante: sed solum dicit complacentiam voluntatis, qua quilibet amat, & amatur.

QUESTIO II.

An Spiritus sanctus sit nexus, & unitas Patris & Filij.

Alexander Alesis 1. p. q. 43. Membr. 3. art. 3.

S. Thom. 1. p. q. 37. art. 1. ad 3.

Et 1. Sent. dist. 10. q. 1. art. 3.

Egidius Rom. 1. Sent. dist. 10. q. 3.

Richardus 1. Sent. dist. 10. art. 1. q. 2.

Steph. Brulef. 1. Sent. d. 10. q. 5.

Petrus de Tarantaf. 1. Sent. dist. 10 q. 4.

Thom. Arg. 1. Sent. dist. 10. q. 1. art. 4.

VERVM Spiritus sanctus proprie sit nexus, vel unitas amborum. Et quod sic, videtur hoc modo. Augustinus 6. de Trinitate: Non est aliquis duorum quo vterque coniungitur: sed coniungitur nexus: ergo nexus non est aliquis duorum: ergo est tertia persona proprie.

ITEM amor in creaturis est nexus: sed sicut probatum est, Spiritus sanctus est amor perfectissimus: ergo, &c. Quod autem amor sit nexus, patet per Dionysium: Amorem siue diuinum, siue intellectualem, unitam dicimus virtutem.

ITEM Spiritus sanctus secundum Græcos, procedit à Patre per Filium: secundum Latinos à Patre, & Filio. Sed quocumque istorum modorum procedit, vniuntur in Spiritu Pater, & Filius: sed ille in quo vniuntur, est nexus amborum: ergo Spiritus sanctus est nexus.

ITEM aut Spiritus Patris est Spiritus Filij, aut non. Si non, ergo cum nemo sciat, quæ sunt in aliquo homine nisi spiritus eius, qui est in illo, sicut dicit Apostolus: & paternon nouit voluntatem filij, nec filius patris: ergo si idem est spiritus amborum, in Spiritu vniuntur.

1. CONTRA: Non est nexus nisi separatorum. Quæ enim non separata sunt, non indigent aliquo connectente: sed Pater non est separatus à Filio, nec reuerſo: quia Filius in Patre, & Pater in Filio: ergo, &c.

2. ITEM nexus est in quo duo aliqui conueniunt: sed Pater & Filius non conueniunt in persona: ergo nulla persona est nexus Patris & Filij.

3. ITEM necesse dicuntur illa quæ conueniunt in aliquo in quo vniuntur. Si ergo Filius & Spiritus sanctus originaliter conueniunt in Patre: ergo Pater est nexus Filij, & Spiritus sancti: non ergo Spiritus sanctus est nexus.

4. ITEM nexus dicitur, aut quia necitur, aut quia necit. Si ergo Spiritus sanctus est nexus, aut ergo quia necitur, aut quia necit. Non quia necitur, quia tunc similiter alia persona esset nexus. Similiter pater esset nexus. Si, quia necit Patrem & Filium: ergo dat aliquid Patri & Filio: sed hoc est inconueniens: ergo, &c.

CONCLUSIO.

*Amor cum sit propriissime nexus, dicitur unitas
Patris & Filij.*

RESP. Ad arg. Dicendum quod nexus proprie dicitur de spiritu sancto, siue unitas amborum: Ratio autem huius est, quia Pater & Filius communicant in Spiritu: & ideo amborum est unitas. Et rursum ille spiritus est amor, & ideo communicant in eo ut in vno amore: & quia amor propriissime nexus est: ideo Spiritus sanctus proprie nexus est, quia amor mutus est, amor vnicus, & substantificus.

1. AD illud quod obiicitur in contrarium quod non est nexus nisi separatorum, dicendum quod separatio dicitur tripliciter. Secundum distantiam, & sic dicitur separatio localis: & secundum differentiam per essentiam, & sic dicitur separatio substantialis: & secundum differentiam proprietatis relatiue, & sic non dicitur separatio proprie, sed distinctio. In quolibet istorum modorum contingit esse nexum: quia ergo Pater & Filius sunt distincti: ideo recte dicuntur connecti.

2. AD illud quod obiicitur quod nexus est in quo aliqui duo conveniunt, dicendum quod est conuenientia essentialis, & conuenientia originalis, & nexus utroque modo potest dici esse: & quamvis Pater & Filius non communicent formaliter in persona vna: tamen originaliter conveniunt: quia vna persona oritur ab utroque, vno & eodem modo.

3. AD illud quod obiicitur quod Filius & Spiritus sanctus conveniunt in Patre, dicendum quod conuenientia originis dicitur dupliciter, aut quia oriuntur ab vno, aut quia ab eis oritur vnus. Si, quia ab vno, sic non dicitur nexus, quia nexus est vnio consequens distinctionem, sed unitas in origine antecedit distinctionem. Si vero quia à duobus, vnus origo sit cum ibi sit distinctio, & consequens vnio, propriissime est nexus: & sic est in Patre & Filio respectu Spiritus sancti. Aliiter tamen potest dici quod non est simile, quia Filius & Spiritus sanctus non eodem modo producuntur à Patre: sed Pater & Filius eodem modo spirant Spiritum sanctum. Et iterum: Patris & Filij conuenientia est in Spiritu sancto ut in amore cuius estnectere, sic non conueniunt Filius & Spiritus sanctus in Patre.

4. AD illud quod obiicitur quod nexus dicitur, aut quia nectit, &c. Dicendum quod quedam sunt verba quæ in voce actiua significant passionem, ut verba ad sensum pertinentia, ut video, audio, & similia. Quedam in voce actiua significant actionem, ut facio, & percutio, similiter in passiva. Dicendum igitur quod hoc quod est nectere, cum nectere dicatur Spiritus, quia ab utroque procedit, & recte in voce actiua passionem significat, & in passiva actionem: & ideo non significatur quod aliquid det Patri & Filio: sed quod magis recipiat.

QVÆSTIO III.

An Spiritus sanctus proprie Spiritus sit.

Alexander Alensis 1. p. q. 63. Membr. 2.

S. Thom. 1. p. q. 36. art. 1.

Agid. Rom. 1. Sent. dist. 10. q. 4.

Richardus 1. Sent. dist. 10. q. 3.

Tho. Arg. 1. Sent. dist. 10. q. 1. art. 1.

Fundamēta.

Vtrum Spiritus sanctus proprie sit Spiritus. Et quod sic videtur hoc modo, quia persona Spiritus sancti isto nomine propriissime designatur, quod dicitur Spiritus sanctus: sed hoc nomen, *Sanctus*, non coarctat hoc quod est Spiritus, cum sit æque commune: ergo Spiritus proprie dicitur illa persona.

ITEM Spiritus dicitur quod spiratur: sed quod spiratur, non generatur, nec econuerso: ergo cum spirari non conueniat Patri nec Filio: ergo conuenit Spiritui sancto.

ITEM homines concordēs in vno malo dicuntur conspiratores, non quia idem cogitēt, sed quia idem malum

appetunt, & ad idem malum vnus omnium est colligatus affectus: ergo cum spiratio à spiratione veniat, non dicitur spirari nisi amor: ergo nec Spiritus sanctus dicitur nisi amor: ergo, &c.

1. CONTRA: Spiritus est Deus, & eos qui adorant, cum, in spiritu & veritate oportet adorare: sed tota Trinitas est adoranda: ergo tota Trinitas est Spiritus: hoc idem dicit Augustinus.

2. ITEM ratione ostenditur hoc idem sic: Spiritus diuiditur contra corpus: ergo quod non est corpus, est spiritus: ergo est nomen absolutum, non relatiuum: ergo, &c.

3. ITEM Spiritus dicitur, aut à spiritualitate, aut à spiratione. Si à spiritualitate, sic diuiditur contra corpus, & constat quod conueniat Trinitati. Si à spiratione, Contra: Spirare actiue dictum, conuenit toti Trinitati, quia tota Trinitas dicitur inspirare: ergo actiue dictum non dicitur relatiue: ergo nec passiue.

4. ITEM secundum quod dicitur à spiratione, videtur quod magis proprie conueniat Filio, & hoc patet per auctoritatem Iob: Inspiratio Omnipotentis dat intellectum: sed hoc appropriatur Filio: ergo, &c.

5. ITEM spiratio est actus naturalis, sed solus Filius procedit per modum naturæ: ergo solus Filius spiratur.

CONCLUSIO.

Spiritus prout à spiratione dicitur, est proprium Spiritus sancti: licet prout dicitur à spiritualitate, sit proprium ipsius Dei.

RESP. ad arg. Dicendum quod hoc nomen, *Spiritus*, reperitur in corporibus, in substantiis rationalibus, & in Deo: & licet in Deo sit propriissime, quia propriissime est in eo spiritualitas & spiratio, tamen ratio cognoscendi & dicendi tanquam à posteriori incipit à substantia corporali. In substantia autem corporali spiritus dicitur dupliciter, aut à spiritualitate, contra corpulentiam, & sic dicitur absolute, & vocatur spiritus corpus subtile, sicut accipitur in lib. de differentia spiritus, & animæ. Aut à spiratione, & sic dicitur spiritus flatus, sicut accipit Chrysostomus in homilia super Ioannem: Spiritus ubi vult spirat, &c. Et in Psalmo: ignis, grando, spiritus, &c. Secundum modum hunc duplicem, accipitur in substantia spiritali, siue rationali. Aut à spiritualitate contra corporeitatem, & sic substantia rationalis, vel eius potentia interior dicitur spiritus: Quis nouit si spiritus filiorum, &c. Aut à spiratione, & sic affectus vel amor dicitur spiritus. Et ratio huius est, quia actus spirationis in corpore est actus internus, actus continuus, actus viuificus, & habet originem à calore: quia ergo egressus amoris, ut amor est, venit ab intrinseco, & amor est actus viuificus, quia amor est vita. Et iterum, amor est actus continuus, quia continue debet reddi amor, & tunc est perfectus, quando homo sic amat. Rursum, est calor spiritalis, ideo solus amor dicitur, spiritaliter spirari, & sic accipitur illud ad Thes. Vt integer spiritus, &c. Secundum hunc duplicem modum accipitur in diuinis. Nam secundum quod spiritus dicitur à spiritualitate, sic conuenit toti Trinitati. Nam tota Trinitas caret corporeitate, & materialitate. Et sic est nomen absolutum, ut in Ioanne: Spiritus est Deus. Secundum autem quod dicitur à spiratione, sic conuenit illi soli personæ, quæ procedit ut amor ratione iam dicta. Spirare enim in spiritalibus solius est amoris, & quoniam amor potest spirari recte & ordinate, & sic est purus: vel indirecte & immunde, & sic est libidinosus: ideo persona illa quæ est amor non tantum dicitur spiritus, sed Spiritus sanctus: non sic filius dicitur Spiritus sanctus: quia generatio est motus naturalis, circa quem non attenditur sanctitas, vel puritas, sicut attenditur circa amorem voluntatis.

1. 2. 3. 4. AD illud quod obiicitur quod spirare est

Ad oppos.
Ioan. 4. c

Iob. 32.

Ar. lib. de
respiratione.

Arist. in lib.
de spir.
Ioan. 3. b
Psalm. 148. b

Ecc. 3. d

1. Thess. 5. d

Ioan. 4. c

totius Trinitatis, dicendum quod spirare dicitur dupliciter. Vno modo est spirare idem quod Spiritum sanctum producere, & sic non conuenit toti Trinitati. Alio modo est spirare, idem quod inspirare, & illa conuenit toti Trinitati, quia inspirare dicit effectum spiritus, qui est à tota Trinitate: dicitur enim inspirari, quod in spiritu nostro spiritualiter immittitur, siue affectio siue cognitio.

5. Ad illud quod obicitur quod motus est naturalis, dicendum quod sic est in corporalibus, quæ inspirant propter naturæ indigentiam: sed non sic in spiritualibus substantiis quæ spirant ex liberalitate voluntatis. Vnde ratione huius non transferuntur, sed ratione aliarum proprietatum.

DISTINCTIO IX.

Quod Spiritus sanctus procedit à Patre, & Filio.

HIC dicendum est, Spiritum sanctum à Patre esse, & Filio, & procedere à Patre, & Filio, quod multi heretici negauerunt. Quod autem de utroque procedat, multis diuinorum eloquiorum testimoniis comprobatur. Dicit enim Apostolus: ^a Misit Deus spiritum Filij sui in corda nostra. Ecce hic dicitur spiritus Filij. Et alibi: ^b Qui autem spiritum Christi non habet, hic non est eius. Ipse etiam Filius de Spiritu sancto dicit in Euangelio: ^c Quem ego mittam vobis à Patre. Patris autem spiritus dictus est, ubi legitur: ^d Si spiritus eius qui suscitauit Christum à mortuis, habitat in vobis. Et ipse Christus dicit: ^e Non enim vos estis, qui loquimini: sed spiritus patris vestri qui loquitur. Et in alio loco: ^f Quem mittet Pater in nomine meo. Et alibi ipse Filius de Spiritu sancto ait: ^g De Patre procedit. His & aliis auctoritatibus pluribus ostenditur, quod Spiritus sanctus à Patre, & Filio procedit.

Quod Græci non concedunt Spiritum Sanctum |
procedere à Filio.

Græci tamen dicunt Spiritum sanctum procedere tantum à Patre, & non à Filio. Quod ideo dicunt, quia veritas in Euangelio fidem integram continente, de processione spiritus loquens, solum Patrem commemorat dicens: [†] Spiritus qui à Patre procedit. Et etiam ideo, quia in principalibus Conciliis, quæ apud eos celebrata sunt, ita symbola eorum subiunctis anathematibus sancita sunt, ut nulli de Trinitatis fide aliud docere, vel aliter predicare quam ibi continetur, liceat. In quibus quidem symbolis cum Spiritus sanctus commemoratur procedere à Patre, & non à Filio. Quicunque inquit, à Filio eum procedere addunt, anathema incurrunt: unde & nos arguunt anathematis reos. Addunt etiam ad assertionem suæ opinionis & in testimonium nostræ damnationis de symbolo fidei, quod secundum traditionem prædictorum Conciliorum Leo III. Roma transcriptum in tabulæ argentea post altare beati Pauli posita posteris reliquit, pro amore (ut ipse ait) & cautela fidei orthodoxa. In quo quidem symbolo in processione spiritus solus commemoratur Pater his verbis: Et in Spiritum sanctum Dominum. [†] uiuificantem ex Patre procedentem: cum Patre & Filio coadorandum, & glorificandum, &c. Illud est symbolum quod in Missa cantatur, editum in Nicæno Concilio: in fine cuius subiunctum est: Qui aliud docuerit, vel aliter prædicauerit, anathema sit. Ideoque Græci nos anathematizatos dicunt, quia dicimus Spiritum sanctum à Filio procedere, quod ibi non continetur. Quod enim secun-

A dum nos ibi dicitur: Qui à Patre Filioque procedit: alterum à Latinis est additum, scilicet Filioque.

Responsio ubi determinatur prædicta.

Nos autem illa verba ita determinamus. Qui aliud docuerit, vel aliter prædicauerit, id est, contrarium docuerit, vel contrario modo prædicauerit, anathema sit. Aliud ergo posuit, pro opposito, qualiter & Apostolus in epistola ad Gal. Si quis aliud euangelizauerit, id est, contrarium, anathema sit. Non dicit, si quis addiderit. Nam si illud diceret, sibi ipsi, ut ait Augustinus, præiudicaret: qui cupiebat venire ad quosdam, quibus scribebat, sicut ad Thessalonicenses, ut suppleret, qua illorum fidei deerant. Sed qui supplet quod minus erat, addit: non quod inerat, tollit. Qui autem prætergreditur fidei regulam, non incedit in viam: sed recedit à via. Ad illud autem quod de Euangelio opponunt, respondemus ita: quia cum dicat in eo Veritas, Spiritum sanctum à Patre procedere, non addit, solum, & ideo etiam à se procedere non negat: sed ideo Patrem tantum nominat, quia ad eum solet referre etiam quod ipsius est, quia ab illo habet.

Quod Græci in sensu nobiscum conueniunt, & si verbis differant.

Sciendum est tamen quod Græci consentiunt Spiritum sanctum esse Filij: sicut & Patris: quia & Apostolus dicit: Spiritum Filij, Et Veritas in Euangelio: Spiritum veritatis. Sed cum non sit aliud Spiritum sanctum esse Patris, vel Filij, quam esse à Patre & Filio, etiam in hoc in eandem nobiscum fidei sententiam conuenire videntur, licet in verbis dissentiant.

Auctoritatibus Græcorum ostendit Spiritum sanctum etiam |
procedere à Filio.

Vnde etiam quidam eorum catholici Doctores intelligentes unam eandemque fore sententiam prædictorum verborum, quibus dicitur Spiritus sanctus procedere à Filio, & esse Filij, professi sunt Spiritum sanctum etiam procedere à Filio. Vnde Athanasius in symbolo fidei: Spiritus sanctus à Patre & Filio, non factus, nec creatus, sed procedens. Ecce Spiritum sanctum aperte dixit procedere à Patre & Filio. Didymus etiam eorum maxime Doctor in libro de Spiritu sancto, spiritum sanctum à Filio procedere dicit: Saluator inquit qui est Veritas: Non enim loquitur à semetipso, hoc est, non sine me, & sine meo, & Patris arbitrio, quia inseparabiliter est à me, & à Patris voluntate: quia ex se non est, sed ex Patre & me est. Hoc enim ipsum quod subsistit & loquitur, à Patre & à me ille est. Item Spiritus sanctus, qui est Spiritus veritatis, Spiritusque sapientia, non potest audire à Filio loquentem, quia nescit, cum hoc ipsum sit quod profertur à Filio, id est, procedens Deus de Deo, Spiritus veritatis procedens à veritate, consolator manans ex consolatore. Nam Cyrillus Episcopus in Epistola Nectorio directæ ait: Spiritus intelligitur per se secundum quod Spiritus est, & non Filius: sed tamen non est alienus ab eo, Spiritus enim veritatis nominatur, & profluit ab eo sicut ex Deo Patre. Ioannes quoque Chrysostomus in homilia quadam de expositione symboli sic ait: Iste est Spiritus procedens de Patre & Filio, qui diuidit dona propria prout vult. Idem in alia homilia: Credendum est Spiritum sanctum Patris esse & Filij.

Istum

Istum Spiritum sanctū dicimus Patri est Filio coequallem, & procedentem de Patre & Filio, Hoc credite, ne colloquia mala corrūpant bonos mores. Ecce à Doctōribus Græcorum aperta habemus testimonia, quibus Spiritus sanctus à Patre, & Filio procedere ostenditur. Omnis ergo lingua confiteatur Spiritum sanctum procedere à Patre & Filio.

DISTINCTIO. XI.

De æterna Processione Spiritus sancti quantum ad principium à quo procedit.

Hic dicendum est, Spiritum sanctum à Patre esse, & Filio.

Expositio Textus.

SVPRA egit Magister de processione Spiritus sancti in comparatione ad ipsum procedentem: hæc est secundum pars, in qua agitur de eadem in comparatione ad principium à quo. Et diuiditur hæc pars in duas. In prima ostendit quod Spiritus sanctus procedit à Patre & Filio. In secunda determinat qualiter procedit ab eis. Infra Distinct. 12. Item queritur cum Spiritus sanctus procedat à Patre, & Filio. Prima pars habet quatuor. In prima ostendit Magister per multas auctoritates quod procedit à Patre & Filio. In secunda vero econtra per rationes Græcorum ostendit quod à solo Patre, ibi: *Græci tamen dicunt Spiritum sanctum tantum procedere à Patre.* In tertia, auctoritates & rationes Græcorum soluit & determinat, ibi: *Nos autem illa verba ita determinamus.* In quarta ostendit confessionem fidei Græcorum implicite conuenire cum nostra, ibi: *Sciendum tamen quod Græci confitentur.*

In principalibus Concilijs. Dub. I.

Queritur quæ sunt illa quatuor principalia Concilia, & dicendum quod fuerunt quatuor Concilia Apostolorum in Ecclesia primitiua, vt dicit quædam glossa super actus. Primum fuit ad electionem Matthiæ Act. 1. Secundum ad electionem septem Diaconorum Act. 6. Tertium fuit ad non imponenda legalia gentibus Act. 15. Quartum ad tolerandum legalia ad tempus Act. 21. Concilia vero Patrum principalia apud Græcos similiter fuerunt quatuor, scil. Nicænum, Ephesinum, Calcedonense & Constantinopolitanum.

Qui aliud docuerit, vel aliter pradicauerit, &c. Dub. II.

Exponit ista verba, id est, contrarium docuerit, vel contrario modo, &c. Non videtur ista expositio probabilis, eo quod ille qui contradicit articulis excommunicatus est ipso iure: ergo non oportebat pro contrario dare sententiam: ergo videtur quod pro diuerso tulerunt sententiam. Præterea, vnde venit ista expositio? & queritur quare non dixerunt: Quisquis contradixerit?

RESP. Dicendum quod sicut dicit Anselmus: Omnis veritas sacre Scripturæ potest dici, quæ sacre Scripturæ non contradicit, propter suam generalitatem & dignitatem, & ideo prædicta expositio habet hic locum. Nec fuit inconueniens exprimere excommunicationem hæreticorum, quia sancti Patres in Concilijs ordinabant quæ iuris erant, & præterea ad terrorem est dictum, & maluerunt dicere *aliud*, quamvis intellexerunt *contrarium*, vt magis compescerent ora præsumptuosorum, ne adinuenirent nouitates in fide. Secundum veritatem autem excommunicationis sententia non se extendit nisi ad contradicentes, quia non fuit eorum intentio præcludendi viam ad explanationem fidei faciendam maiorem, si Deus alios magis illuminaret: si hoc dixissent, constat quod non bene moti fuissent, & sententia eorum merito abolenda esset.

Sed cum non sit aliud. Dub. III.

Contra: Aliud est dicere, cappa Sortis quam cappa facta à Sorte: ergo similiter videtur in proposito. Aut si non, queritur ratio.

RESP. Dicendum quod genitiuus, quamvis denominetur ab habitudine principij, tamen aliam habitudinem importat, vt possessionis: sed cum in diuinis non cadat diuersitas, nec habitudo nisi originis, ratione materiæ in diuinis determinatur ad habitudinem principij, & ideo in Deo idem est dicere: Spiritus Filij, quod Spiritus procedit à Filio. Præterea alia est ratio, quia Spiritus secundum quod est nomen absolutum, sicut hoc nomen, *Deus*, non habet proprie construi cum genitiuo, quia tunc idem esset dicere: Spiritus Filij, quod *Deus* Filij: ergo oportet, quod accipiat Spiritus secundum quod dicitur à spiratione, & sic est nomen importans originem: ergo sicut sequitur: Filius Patris, ergo Filius, qui est à Patre, & ita est dicere, Spiritus Filij, id est Spiritus qui est à Filio.

Non sine me, & sine meo, & Patris arbitrio, &c. Dub. IV.

Videtur male dicere, quia qui habet arbitrium super aliquid, habet dominium super illud: ergo videtur secundum hoc, quod Spiritus sanctus sit inferior Filio. Si tunc dicatur quod arbitrium dicat voluntatem, hoc nihil est, quia similiter cum vna voluntas sit trium, similiter Filius non loquitur sine arbitrio Spiritus sancti, & Pater similiter: quod non dicitur proprie.

RESP. Dicendum quod Spiritus sanctus est Patri & Filio consubstantialis, ita quod à Patre & Filio procedit, operatio ergo Spiritus sancti communis est Patri & Filio, & similiter æque habet esse à Patre & Filio, ita quod non est dicere quod habeat locutionem propriam, nec habeat locutionem à se, & hæc duo voluit excludere Dominus cum dixit: Non loquetur à semetipso, vt excludatur ratio proprij, & ratio primi principij: & hoc exponens Didymus contra proprium dicit, *Non sine me.* Contra rationem primi principij dicit: *Sine meo & Patris arbitrio*, & arbitrium non importat dominium, siue causalitatem: sed solum auctoritatem in Patre & Filio respectu Spiritus sancti, vel eius operationis.

ARTICVLVS I.

AD intelligentiam huius partis duo principaliter queruntur. Primo queritur de processione Spiritus sancti quantum ad principium, & queritur vtrum Spiritus sanctus procedat à Patre & Filio. Secundo vtrum procedat à Patre & Filio in quantum sunt vnum, aut in quantum sunt differentes.

QVÆSTIO I.

An Spiritus sanctus à Patre, & Filio procedat.

*Alexander Alensis. 1. p. q. 43. Membro 4.
S. Thom. 1. p. q. 36. art. 2.
Et de Potentia. q. 10. art. 4.
Scotus 1. Sent. dist. 11. q. 1.
Egidius Rom. 1. Sent. dist. 11. q. 1.
Henricus in summa. art. 51. q. 6.
Richardus 1. Sent. dist. 11. q. 1.
Durandus 1. Sent. dist. 11. q. 1.
Franciscus de Mayo. 1. Sent. dist. 11. q. 1.
Io. Bacon. 1. Sent. dist. 12. q. 1.
Tho. Arg. 1. Sent. dist. 11. q. 1. art. 1.
Petrus de Tarantasia. 1. Sent. dist. 11. q. 1.
Marfilus Inguen. 1. Sent. q. 15. art. 1.
Gab. Biel. 1. Sent. dist. 11. q. 1.*

QUOD solum à Patre procedat, probant Græci ratione, & auctoritate. Ratione sic: Emanatio Spiritus sancti est processio, sed processio est motus ab vno in alium: ergo si recte processio est in diuinis, Spiritus

sanctus

Ad oppositum. Rationes pro parte negatiua.

Diuisio.

Concilia quatuor Apostolorum principalia.

Concilia Patrum principalia quatuor apud Græcos.

Ansel. Dialog. de Veritate. 29. 3.

† Sed hoc est impossibile: quia legitima Concilia huiusmodi esse non possunt.

sanctus æterna processione procedit ab vno in alium. A Si ergo procedit à Filio, aut procedit in Patrem, aut in aliam personam: non in Patrem, quia pater nihil accipit à Filio, nec in aliam personam, cum non sit dare quartam: ergo non procedit à Filio.

2. ITEM alia ratione sic, quia Spiritus sanctus procedit per modum spirationis, sicut verbum per modum locutionis: sed ita videmus in creaturis quod exitus locutionis non præcedit spirationem, nec egressus Spiritus est à Verbo: ergo nec in diuinis Spiritus sanctus à Filio.

3. ITEM Spiritus sanctus, ut omnes dicunt, procedit per modum nexus: sed nexus tenet rationem medij: sed si procederet à Filio, teneret rationem tertij, & extremi, non medij: ergo non procedit à Patre & Filio: sed à Patre in Filium.

Aristot. 1.
phys. com-
par. 1. Et 8.
Top. ca. 4.

4. ITEM Spiritus sanctus procedit à Patre, aut sufficienter, aut non. Si non sufficienter & plene, ergo Pater imperfectus in spirando. Si sufficienter: ergo superfluum est fieri per duo, quod potest fieri per vnum sufficienter: ergo si à Filio procedit: cum procedat plene à Patre, in illa summa Trinitate est superfluitas, quod absurdum est.

10. 15. d

5. ITEM hoc ipsum nituntur Græci ostendere per auctoritatem: sed non possunt per sacræ Scripturæ inductionem, ideo arguunt per priuationem in Euangelis, & maxime in Euangelio Ioannis, & Epistolis, ubi integre traditur nostra fides: sed in nullo dicitur quod Spiritus sanctus procedat nisi à Patre tantum. Ioannes: Spiritum Veritatis qui à Patre procedit: ergo aut Euangelia insufficienter fidem docent, aut Spiritus sanctus tantum procedit à patre.

6. ITEM in quatuor Conciliis apud Græcos celebratis, ubi fides à Patribus sufficienter est explicata, dicitur quod Spiritus sanctus procedat à Patre, & nihil dicitur de Filio: ergo si Deus illis sufficienter fidem reuelauit, ergo &c.

Ad opposi-
tum.

ITEM hunc errorem tutari nituntur per Doctores, qui non solum apud eos, sed etiam apud nos celebres sunt.

Auctorita-
tes pro
parte nega-
tiua.

1. ET primo per Gregorium Nazianzenum qui dicitur Theologus: Filius & Spiritus sanctus geminus Patris radius, usque ad nos miserunt claritatem suam: ergo exeunt à Patre, ut duo radij.

2. ET Dionysius etiam dicit in lib. de diuin. nom. Ex immateriali, & impartibili bono, cordialia exorta sunt lumina, loquitur de Patre: ergo exeunt, ut lumina: sed talia sic se habent quod vnum non est ab altero: ergo, &c.

Lib. 3. de fi.
orth. c. 11.

3. ITEM Damascenus expressius: Spiritum sanctum ex Patre dicimus, & Spiritum Patris nominamus: Spiritum vero sanctum ex Filio non dicimus, & tamen Spiritum Filij nominamus.

4. ITEM si Latini hoc cognouerunt, tamen Græci non cognouerunt: aut fuit hoc scripturæ auctoritate, aut prædicatione, aut ratione, aut reuelatione. Scripturæ auctoritate non, quia eandem per omnia scripturam habent Græci. Similiter nec prædicatione, quia idem est Doctor Græcorum, qui est & Latinorum, qui eis fidem perfecte tradidit, scilicet Paulus Apostolus. Si ratione, sed ratione non sufficit aliquid affirmari in his quæ sunt fidei. Vnde Dionysius & Damascenus dicunt quod nihil est dicendum, nec cogitandum de illa summa Trinitate, præter id quod nos sacra eloquia docuerunt.

De di. nom.
cap. 2.
Damasc.
1. c. 2. in fi.
de fid. orth.

5. ET Hieronymus: Nihil credatur mihi nisi confirmato per Nouum & Vetus Testamentum. Si reuelatione, quaeritur cui fuerit reuelatum: & cum Deus velit omnes homines saluos fieri, quare, hoc non reuelauit Græcis? Et iterum quo modo constat quod hoc fuerit à Deo?

Fundamēta.
Rationes
pro parte
affirmatiua.

CONTRARIUM arguitur ratione ostensa sic: Spiritus sanctus secundum omnes fideles procedit ut donum, sicut ex multis locis Scripturæ probatur, & iterum omnes tam Græci, quam Latini dicunt Spiritum sanctum à Filio nobis donari: ergo omnes concedunt procedere ab utroque, cum non detur nisi à quo procedit.

ITEM Spiritus sanctus secundum omnes & sicut su-

pra ostensum est, procedit ut amor, sed amare non tantum est Patris, sed etiam Filij, unde & per omnia amat Filius, sicut & Pater: ergo si à Patre amante amor procedit, eadem ratione à Filio.

ITEM Spiritus sanctus secundum omnes procedit ut nexus: sed perfectior nexus est qui ab extremo utroque procedit, quam qui ab altero: ergo si Spiritus sanctus est nexus perfectissimus, non solum à Patre procedit, sed etiam à Filio.

ITEM hoc idem ostenditur ratione ducente ad impossibile sic: Omnis distinctio personarum in diuinis attenditur secundum relationem & originem: ergo si Spiritus sanctus non procedit à Filio, nec e conuerso, nulla est ibi origo: ergo nulla est ibi mutua relatio: ergo nec distinctio.

B ITEM maior germanitas est inter duos, quando vnus procedit ab altero & ambo à tertio, quam si vnus nihil habeat ab altero, hæc est per se nota: ergo si Spiritus sanctus non est à Filio, nec e conuerso, nec est perfecta vnio: ergo nec summa, nec perfecta beatitudo.

ITEM perfectior est expressio quando generans communicat genito non tantum substantiam, sed etiam actum qui naturæ geniti non repugnat: sed actus spirandi non repugnat Filio, quia nullum ex hoc inconueniens sequitur, si spiret: ergo si pater hunc actum ei non communicat, Filius non est perfecta imago.

ITEM hoc ipsum ostenditur auctoritatibus, & primo auctoritate Apostoli: Misit Deus Spiritum Filij sui, &c. ergo cum Pater non mittat Spiritum nisi Filij, idem est Spiritus Patris & Filij: sed eius est Spiritus à quo procedit: ergo Spiritus procedit à Patre & Filio. Si dicas quod non sequitur, quia non dicitur Filij, quia procedit à Filio, sed quia est in Filio. Ergo eadē ratione cum Filius sit in Spiritu sancto, potest dici Filius Spiritus sancti.

ITEM per Ioannem: Quem ego mittam vobis Spiritum Veritatis: Ex hoc arguitur sic: Nullus mittit alium nisi habeat auctoritatem supra illum: nullus autem habet auctoritatem supra alium, nisi aliquid tribuat ei: sed nulla persona tribuit nisi ab ipsa procedat: ergo à primo, Spiritus sanctus procedit à Filio: Si dicas quod à Filio mittitur ex tempore & ex tempore procedit: CONTRA: Filius non ideo habet auctoritatem, quia mittit, sed ideo quia habet auctoritatem: ergo ante habet auctoritatem, quam mittat temporaliter: ergo antequam mittat temporaliter, necesse est Spiritum sanctum procedere à Filio: ergo, &c.

ITEM per Ioannem: Ille me clarificabit, quia de meo accipiet. Ex quo arguitur sic: Quisquis est omne quod habet, est omne quod accipit: sed Spiritus sanctus cum sit Deus summe simplex, est omne quod habet: ergo omne quod accipit: ergo si accipit aliquid ab aliquo, accipit esse: sed à quo accipit esse, ab illo procedit: ergo si aliquid accipit à Filio, procedit à Filio. Si dicas quod accipere illud, est temporaliter: tunc obicitur ex hoc, quia omne quod temporaliter accipit aliquid, ab aliquo mutatur, &c.

CONCLUSIO.

E Spiritus sanctus procedit à Patre & à Filio.

RESP. ad arg. Dicendum quod sicut ostensum est auctoritatibus & rationibus, fidei veritas est, quod Spiritus sanctus procedit à Patre & Filio. Ad intelligentiam autem controuersie Latinorum & Græcorum, & originem eius, notandum est quod circa processionem Spiritus sancti de Filio est duo considerare, sc. articuli cognitionem, & eiusdem cogniti professionem. In primo orta est differentia. In secundo controuersia. Cognitio autem huius articuli fundamentum habet à scriptura, profectum vel incrementum à ratione, sed conseruationem à reuelatione. In Scripturæ auctoritate, Græci & Latini cōueniunt, quæ dicit Spiritum sanctum esse Filij, & mitti à Filio: sed ratione & reuelatione differunt. In ratione quidem intelligendi, Nam cum Scriptura dicat, Spiritum sanctum procedere, Græci ad intelligendum vsi sunt alio modo

modo

modo, & alia similitudine processionis, alio modo Latini. Nā cum processio dicatur in creaturis motus localis ab vno in aliū, & dicatur motus causalis vnius ex alio, Græci intellexerunt processionem primo modo, ab vno in alium. Latini vero secundo modo, & in hoc melius intellexerūt Latini quā Græci, quia comparauerūt processionem æternam processionem magis spiritali, & ideo magis simili comparauerūt, & sic melius. Similiter Scriptura dicit, Spiritum sanctum per spirationem procedere. Sed cum duplex sit spiratio, scilicet flatus exterioris, & amoris interioris: Græci cōparant Spiritū spirationi flatus exterioris: sed Latini spirationi interioris amoris: & ideo Latini melius, quia spiritaliori & similiiori similitudini aptauerūt. Similiter cum Scriptura dicat, Spiritum sanctū procedere vt nexum, & communionē: & duplex possit esse nexus, vel sicut medium iungens alteri, vel sicut extremum in quo cōiunguntur: Græci cōparauerunt primo modo, Latini secundo modo: & ideo spiritaliori & similiiori, quia ille nexus magis habet similitudinē personæ: quia ergo differentiā habuerunt in ratione, & Latini spiritalius, & cōuenientius comparauerūt: ideo ex ratione sua sunt eleuati, & per hoc ad intelligentiam Scripturæ dispositi, & ideo manifesta reuelatione edocti sunt de Spiritus sancti processione. Græci vero: quia similitudines differētes, & minus proprias aptabant: ideo sunt sua ratione depressi, & non valētes intelligere Spiritū à Verbo procedere, nec in alium ab æterno procedere, & cōtrouerunt scripturam ad intelligendum de processione temporali, & ideo sibi viam reuelationis clausurunt. Hæc est ergo ratio diuersitatis in huius articuli cognitione. Cōtrouerſia vero venit ex huius articuli professione. Professio vero articuli venit ab Ecclesia Latinorū ex triplici causa, videlicet ex fidei veritate, ex periculi necessitate, ex Ecclesiæ auctoritate. Fides dictabat hoc, & periculi necessitas imminerebat, ne forte aliqui hoc negarent: in quod periculum inciderūt Græci, & Ecclesiæ auctoritas aderat: & ideo sine mora exprimi debebat. Negatio vero huius articuli venit ex triplici causa, scilicet ex ignorantia, ex superbia, & pertinacia. Ex ignorantia, quia nec scripturā intellexerūt, nec habuerunt cōgruam rationē, nec apertam reuelationē. Ex superbia, quia cū reputarent se sciolos, & vocati non fuerunt, noluerūt profiteri, quod non erat per eos, inuentum. Ex pertinacia, ne conuincerentur, & irrationabiliter moueri viderentur, inuenerunt pro se rationes contra veritatem: & ideo suam sententiam defendere ausi sunt, & auctoritati Ecclesiæ Romanæ obuiare, & ideo facti sunt hæretici: quia negāt fidei veritatem: & schismatici, quia recesserunt ab Ecclesiæ vnitatem. Sed quia mos est hæreticorū, & schismaticorū, cum se non possunt rationibus cōmunire, aduersam partē accusare: ideo nos accusant, & redarguūt tanquā curiosos, & tanquā excommunicatos, & schismaticos. Curiosos, quia sine huius articuli professione salus erat. Quare ergo intromiserunt se Latini hoc perquirere, quod non fuit necessariū? Sed ad hoc patet responsio, opportunum fuit propter periculum quod ipsi inciderunt. Similiter dicunt nos excommunicatos, quia Symbola corrumimus in quibus per sanctos Patres sub excommunicationis pœna hoc erat prohibitum. Et ad hoc patet responsio per prædicta, quia non corrumimus: sed perficimus: nec sententia lata est contra perficientes, sed cōtra corrumptentes. Vel potest dici sicut dicit Anselmus, quod nouum edidimus, quod quidem facere potuimus: quia Romana Ecclesia plenitudinē potestatis à Petro Apostolorum principe acceperat, in quam nulla Patrum sententia, nec interdictum ponere, nec arctare potuit, nec ei præiudicare, nec ligare eam ad aliquid. Similiter dicunt nos schismaticos, quia à nobis incipit diuisio. Cum enim hoc vellemus asserere, nolimus eos vocare. Et ad hoc responderi potest pro Latinis, quod eos vocare nō fuit opportunum, quia Ecclesia sine eis hoc poterat, & quia erat laboriosum propter distātiā, erat infructuosum propter insipientiam, quia iam non erat in Græcis

A sapientia tanta, sicut fuerat, immo ad Latinos transierat. Erat nihilominus periculosum, quia quod pro certo habendum erat, periculum erat ducere in dubium, & sic patet quod friuolæ sunt eorum accusationes. Ad rationes autem, intellectis, quæ dicta sunt, facile est respondere.

1. Ad illud ergo quod obiicitur, quod processio est ab vno in alium, dicendum quod verum est de processione locali, sed non est verum de processione causali, sicut infra melius patebit: cum procedere in alium sit dupliciter, aut quia in alium tendit sicut obiectum, & sic Spiritus sanctus est amor, quo Filius amat Patrem, sicut econuerso. Si autem dicatur sic procedere in aliquem, vt ab eo recipiatur, omnino stultus est intellectus. Est enim dicere, quod amor, qui est Spiritus sanctus, oriatur à Patre & subsistat in Filio, sicut riuus oritur à fonte, & requiescit in lacu profundo.

2. Ad illud quod obiicitur de spiratione, quod præcedit verbum, dicendum quod verum est de exteriori verbo, & non de interiori: & ideo non est simile.

3. Ad illud quod obiicitur de nexu, dicendum quod nexus non habet rationem mediæ: sed rationem tertij, quāquā aliqui voluerunt dicere quod locum tenet & mediæ, & tertij: & voluerunt isti iustinare opinionem Græcorum, & Latinorum: & distinguunt duplicem modum procedendi, scilicet in alium, & sic procedit à Patre, vel ab alio, & sic procedit à Patre & Filio. Sed istud est exsufflandum hodie: quia non habet intellectum sanum, immo omnino eodem modo procedit ab vtroque, & tamen vtriusque nexus est, sicut ponitur exemplum de duobus lignis ex quibus procederet vna flamma.

4. Ad illud quod obiicitur quod ab altero sufficienter, ergo, & c. dicendum quod istud verum esset, si essent diuersa principia Spiritus sancti, quod non est verum, sicut infra patebit. Vnde sicut non valet hoc argumentum: Pater creat, & Filius similiter, & Pater est sufficiens in creando: ergo filius superfluit, quia sunt vnum principium in creando: similiter soluendum est in proposito.

5. Ad illud quod obiicitur quod non reperitur in Scriptura, dicendum quod si verba non reperiantur, reperitur tamen sensus, sicut in obiiciendo monstratum est. Tamen argumentum non valet: Non reperitur in Scriptura, ergo non est verum, quia Scripturæ mos est, quædam tacere propter insinuandam humilitatem: vnde Dominus volens nos erudire ad humilitatem, omne quod suum est Patri attribuit, sicut in Ioanne: Mea doctrina non est mea. Similiter dicitur: Qui à Patre procedit, loquens de Spiritu sancto, & tamen ipse subiungit, omnia quæ Pater habet mea sunt: & ideo argumentum non valet.

6. Ad illud quod obiicitur de Conciliis, dicendum quod nec in Conciliis illis sunt omnia instituta, quæ spectant ad mores: nec etiam omnia dicta, quæ ad fidem pertinent, sicut in Symbolo quod canitur in Missa, nihil dicitur de descensu ad inferos. Sed nunquam latuit sanctos Patres processio Spiritus sancti à Filio: & si non latuit, quare non dixerunt: Credo quod non latuit, sicut per antiquos Græcorum, quorum Magister adducit auctoritatem in litera: sed tamen non fuit expressum, quia non erat opus. Nullus enim negabat, nec negare volebat. Sed hæretici multa quæ erant implicita fidei nostræ, sua importunitate compulerunt explicare, & sic patet illud.

1.2. Ad illud quod obiicitur de auctoritate Dionysij, & Gregorij, dicendum quod non est omnimoda similitudo, sed maior dissimilitudo. Attenditur autem similitudo, in hoc scilicet quantum ad plenitudinem fontalitatis in Patre, & in diuisione personarum emanantium ab eo, & in receptione influentiæ in creatura, non tamen est omnimoda similitudo quantum ad modum emanandi, & sic patet illud.

3.4. Ad illud quod obiicitur de Damasceno dicendum quod non est in ista parte ei assentiendum, sicut

enim

Forte impli-
cit. sed ex-
presse nuf-
quam.

Neque hoc
expresse.

Accusatio-
nes Græco-
rum.

Ansel lib. de
procef. Spirit.
sanct. c. 3.

Resp. ad
tiones
parte
tina.

Quæst. se.

Tritum h
reticorum
argumen
nullius re
boris.

Ioan. 7. b
Ioan. 15. d
Ioan. 16. b

Resp. ad Au
toritates
pro parte
negat. ua.

enim intellexi, ipse fuit in tempore quando orta est A contentio. Vnde non est in hoc sustinendus, quia simpliciter fuit Græcus, tamen ipse caute loquitur. Vnde non dicit quod Spiritus non sit à Filio: sed dicit, non dicimus à Filio: quia Græci non confitebantur, nec tamen negabant: sed modo eorum maledicta progenies addidit ad paternam dementiam, & dicit quod non procedit à Filio nisi temporaliter: & ideo tanquam hæreticos, & schismaticos Romana damnat eos Ecclesia.

Q V Æ S T I O II.

An Spiritus sanctus à Patre, & Filio tanquam ab uno principio, vel tanquam à duobus procedat.

Alexander Alesis. 1. p. q. 70. Membro 3. art. 3.

S. Thom. 1. p. q. 36. art. 4.

Henricus in summa, art. 54. q. 7.

Scotus 1. Sent. d. 12. q. 1.

Egid. Rom. 1. Sent. dist. 11. p. 2. q. 1.

Richardus 1. Sent. dist. 11. q. 3.

Durandus 1. Sent. dist. 11. q. 3.

Franciscus de Mayr. 1. Sent. dist. 12. q. 1.

Ioan. Basccon. 1. Sent. dist. 12. q. 1.

Thom. Arg. 1. Sent. dist. 11. q. 1. art. 2.

Greg. Arim. 1. Sent. dist. 12. q. 1.

Marsilius Inguen. 1. Sent. dist. 15. art. 3.

Gabr. Biel. 1. Sent. dist. 12. q. 1.

VTRUM Spiritus sanctus procedat à Patre & Filio in quantum sunt vnum, aut in quantum differentes. Et quod in quantum vnum videtur per Anselmum in lib. de processione Spiritus sancti. Nullus intellectus capit Spiritum sanctum esse Patris & Filij secundum quod alter est Pater, alter Filius: sed secundum quod vterque est idem Deus.

ITEM ratione ostenditur sic: Vnitas effectus est ab vnitate actus: & vnitas actus ab vnitate potentie, vel subiecti: ergo cum vna sit producta à Patre & Filio: ergo per vnum actum producit, & per vnā potentiam: ergo spirant in quantum sunt vnum.

ITEM quod est à duobus in quantum duo, aut est insufficienter à quolibet, aut ab altero superflue: sed Spiritus sanctus à nulla persona est insufficienter, nec superflue, quia neutrum conuenit nature perfectæ: ergo, &c.

ITEM quod est à duobus in quantum duo, est compositum, si substantialiter est ab illis: quia à duobus in quantum duo procedit vnum, & ita oportet quod illud vnum habeat differentiam: sed Spiritus sanctus non est compositus: ergo, &c.

ITEM nihil vnum procedit à duobus similibus in natura in quantum duo, nisi alter sit sicut principium actuum, alter sicut principium passiuum: siue alter, ut pater, alter, ut mater: sed hoc non est in diuinis: ergo, &c.

1. CONTRA: Qui procedit à duobus ita quod ab vno principalius quam ab alio, procedit in quantum sunt duo: sed Spiritus sanctus principaliter procedit à Patre, sicut dicit Augustinus, & habetur in sequenti Distinctio, ergo, &c.

2. ITEM qui procedit à duobus in quantum sunt distincti, procedit à duobus in quantum sunt duo: sed nexus non est nisi distinctorum: ergo qui procedit ut nexus, procedit ab eis, ut à distinctis, & ita ut à differentibus.

3. ITEM ab vnitate subiecti est vnitas actus: sed Pater & Filius sunt duo: ergo spirant duplici spiratione: ergo spiratur Spiritus sanctus ab eis in quantum sunt duo: ergo, &c.

4. ITEM si spirant Spiritum sanctum in quantum sunt vnum: aut in quantum sunt vnum in substantia, aut in notione, aut in persona. Si in quantum sunt vnum in substantia: ergo cum Spiritus sanctus sit idem in substantia, Spiritus sanctus procedit à se. Si in quantum sunt idem in notione, hoc nihil est, quia non ideo spirant, quia sunt spiratores. sed econuerso. Nec in quantum sunt vnum in persona, quia in persona non vniuntur.

C O N C L U S I O.

Spiritus sanctus procedit à Patre & Filio, in quantum sunt vnum in fecunditate voluntatis, quæ vna est in Patre & Filio spirantibus.

RESP. ad arg. Dicendum quod Spiritus sanctus procedit à Patre & Filio in quantum sunt vnum in fecunditate voluntatis. Vna autem est in Patre & Filio voluntas, quia Pater & Filius sunt vna substantia. Si ergo est in eis voluntatis fecunditas, vna est fecunditas in eis. Voluntatis autem fecunditas est in Patre, & Filio, quia vterque; Deus improcessibilis. Sicut enim superius dictum fuit de numero personarum, & infra melius patebit cum agetur de innascibilitate, quæ idem est in Patre quod primitas, & primū & principium sunt idem, & ratio primitatis est ratio principiandi, siue fecunditatis. Quoniam ergo Pater prior est in omni emanatione, scilicet processione & generatione, quia nec generatur, nec procedit, hinc est quod vtroque modo est principium. Quia vero Filius prior est emanatione processionis, non generationis, quia generatur, tamen est inspirabilis, hinc est, quod est principium spirandi, non generandi. Quia vero Spiritus sanctus neutro modo se habet, neutro modo est principium. Inde est ergo, quod quamvis Spiritus sanctus à duobus procedat, quia tamen procedit non ut sunt differentes, sed ut est in eis vna fecunditas voluntatis, patet quod Spiritus sanctus procedit ab eis in quantum sunt vnum.

1. AD illud quod obiicitur quod principaliter procedit à Patre, dicendum quod principaliter potest dici dupliciter, aut respectu secundarij, & sic importat ordinem prioris & posterioris, & sic ponit diuersitatem, & hoc modo non accipitur hic. Alio modo ut principalitas dicit quandam auctoritatem, sicut pater dicitur operari per filium. Vnde vna creatura producit à patre per filium in quantum sunt vnum, & sic intelligendum est in proposito.

2. AD illud quod obiicitur quod nexus procedit à pluribus, &c. dicendum quod ratio nexus incipit à distinctione, & tendit siue procedit in vnitatem. Vnde vltima & completiua ratio est vnitas. Licet ergo nexus sit duorum & à duobus, si est perfectus nexus, est ab eis in quantum sunt vnum, non in quantum sunt plures.

3. AD illud quod obiicitur quod ab vnitate subiecti est vnitas actus, & à pluralitate pluralitas, dicendum quod istud non habet instantiam secundum modum loquendi, quia si duo sunt termini copulari, actus numeratus debet ei reddi: sed secundum rem distinguendum est, quia subiectum dicitur dupliciter, aut per se & primo, aut non primo, & illud verum est de subiecto per se & primo, non de alio: & sic accipiendo, Pater & Filius, non sunt vnum principium, seu primum subiectum spirationis, quia non spirant secundum quod Pater & Filius, sed secundum quod in eis est vna fecunditas voluntatis, & ita in quantum vnum. Vel aliter dicendum quod est loqui de actu, ut est actus, vel origo, & de actu ut est accidens. Si loquamur de actu ut est accidens, de necessitate numeratur ad numerum subiecti, quia non est vnū accidens in duobus subiectis. Si autem loquamur de actu, ut est actus vel origo, sic comparatur ad subiectum ut ad principium, & sic non numeratur ad numerum subiecti secundum quod subiectum, sed secundum quod principium. Quoniam ergo in diuinis spiratio non est accidens, sed productio, vel relatio: ideo sequitur vnitatem subiecti, ut est principium: quare Pater & Filius, quamvis duæ sint personæ, tamen sunt principium vnū, quia per eandem virtutem spirant, ideo actus non numeratur in illis: ideo spirant vna spiratione, quamvis sint duo.

4. AD illud quod queritur vltimo, aut in quantum vnum in substantia, &c. dicendum quod in quantum vnum in fecunditate voluntatis, prout illa voluntas tracta est ad notionem per fecunditatem: quæ fecunditas est ratione primitatis: quæ primitas significatur per hoc

hoc quod est improcessibilis. Et hoc est quod dicit Anselmus quod Pater & Filius spirant secundum quod uterque est idem Deus: non secundum quod Deus simpliciter, sed secundum quod Deus in utroque, hoc est considerare voluntatem in personis. Si ergo quæras utrum in quantum unum in substantia, aut notione, aut persona dicendum quod responderi potest dupliciter, secundum duas opiniones prius positas de potentia generandi quia ipsa potentia generandi non differt à generatione siue paternitate, nisi in modo loquendi, & ita dicit notionem, sc. personalem proprietatem, ut generatio licet alio modo. Similiter isti dicunt quod fecunditas voluntatis, siue vis spirativa, dicit eandem notionem quam spiratio, licet alio modo, quia vis spirativa dicit ut in ratione aptitudinis: sed spiratio in ratione actus, & ita secundum hos in quantum sunt unum notione. Alij dicunt quod sicut potentia generandi dicit naturam in persona, ita essentiam personaliter: sic vis spirativa voluntatem dicit, ut voluntas est in personis in quibus est fecunda, & ita Pater & Filius spirant in quantum unum in essentia, siue natura, siue voluntate, ut dicatur proprius voluntate considerata in personis. Quælibet illarum positionum mihi videtur satis probabili.

DISTINCTIO XII.

Quod Spiritus sanctus prius, vel plenius non procedat à patre, quam à Filio: principaliter tamen ac proprie procedit à Patre.

TEM quæritur, cum Spiritus sanctus à Patre procedat & à filio, utrum prius vel magis processerit à Patre quam à Filio: quod nōitur hereticus ostendere, ita dicens: Si processit Spiritus sanctus à Patre, processit utique, aut nato iam Filio, aut non nato Filio. Si vero iam nato Filio processit, ante natus est Filius quam processerit Spiritus sanctus: processit ergo natus Filius, processionem Spiritus sancti. Si autem processit à Patre non genito Filio, ante processit quam Filius genitus fuerit.

Responsio Augustini ad id quod primo quærebatur, scilicet an prius à Patre, quam à Filio processerit.

His & huiusmodi questionibus magis laboriosis quam fructuosis respondet Augustinus in 15. libro de Trinitate dicens: In illa summa Trinitate, qua Deus est, intervalla temporum nulla sunt, per qua posset ostendi, aut saltem requiri, utrum prius de Patre natus sit Filius, & postea de ambobus processerit Spiritus sanctus. Nunquid ergo possumus querere, utrum iam processerit de Patre Spiritus sanctus, quando natus est Filius: an nondum processerat, & illo nato de utroque processit? Non possunt prorsus ibi ista queri: ubi nihil ex tempore inchoatur, ut ex consequenti perficiatur in tempore. Ideo qui potest intelligere sine tempore generationem Filij de Patre, intelligat sine tempore processionem Spiritus sancti de utroque: Ecce his verbis absoluta est questio illa, qua quærebatur, utrum prius processerit Spiritus sanctus à Patre quam à Filio.

Hic agitur de eo quod secundo quærebat, scilicet an plenius vel magis processerit à Patre quam à Filio.

Nunc tractandum est quod secundo quærebatur, scilicet an plenius, aut magis procedat Spiritus sanctus

A à Patre, quam à Filio. Ad quod dicimus, quia sicut non ante procedit à Patre quam à Filio, ita non plenius vel magis procedit à Patre quam à Filio. Augustinus tamen in 15. de Trinitate dicit quod Spiritus sanctus principaliter procedit de Patre. Non frustra, inquit, in hac Trinitate non dicitur Verbum Dei, nisi Filius: nec donum Dei, nisi Spiritus sanctus, nec de quo genitum est Verbum, & de quo procedit Spiritus sanctus principaliter, nisi Deus Pater. Ecce audistis, quia Spiritus sanctus principaliter procedit à Patre. Sed ne te hoc turbaret, ipse continuo ex quo sensu hoc dixerit, aperit dicens: Idco addidi principaliter, quia & de Filio Spiritus sanctus procedere reperitur: sed hoc quoque illi B Pater dedit, non iam existenti, & nondum habenti. Sed quidquid unigenito verbo dedit, gignendo dedit. Sic ergo eum genuit, ut etiam de illo donum commune procederet, & Spiritus sanctus spiritus esset amborum. Ecce exposuit ipsemet quomodo Spiritus principaliter procedat à Patre: non quia prius, vel magis procedat à Patre, quam à Filio: sed quia cum procedat à Filio, hoc ipsum habet Filius à Patre.

Ex eodem sensu etiam dicitur Spiritus sanctus proprie procedere à Patre.

Ex eodem sensu etiam dicitur procedere proprie de Patre. Vnde Hieronymus in expositione catholica fidei, Nicenique symboli ait: Credimus in Spiritum sanctum, qui de Patre procedit proprie. Item Spiritum sanctum verum Deum invenimus in scriptura, & de patre esse proprie. Et item: De Patre Filius, & Spiritus sanctus proprie & vere de Patre procedit. Ecce aperte dicit Spiritum sanctum proprie esse de Patre, & proprie procedere à Patre. Quod non est ita intelligendum, tanquam prius, vel plenius à Patre procedat, quam à Filio: sed quia hoc habet Pater à se, non ab alio, ut de ipso sit, & procedat Spiritus sanctus. Filius autem non à se, sed à Patre hoc habet, ut de seipso sit, & procedat Spiritus sanctus.

Ex eodem sensu dicitur Spiritus sanctus esse, & mitti à Patre per Filium.

Forte etiam iuxta hanc intelligentiam dicitur Spiritus sanctus mitti per filium, & à patre esse per filium. Vnde Hilarius ad Deum patrem de Spiritu sancto, & Filio loquens in 12. libro de Trinitate ait: In Spiritu sancto tuo ex te profecto, & per eum misso. Item: Ante tempora unigenitus tuus ex te natus manet, ita quod ex te per eum Spiritus sanctus tuus est: quod etsi sensu non percipiam, tamen tenco conscientia. In spiritualibus enim rebus tuis hebes sum. Item in eodem: Conserua hanc, oro, fidei mea religionem, ut quod in regenerationis mee symbolo professus sum, semper obtineam: te patrem scilicet, & filium tuum unum tecum adorem: Spiritum sanctum tuum, qui ex te per unigenitum tuum est, promerear. Ecce aperte dicit Spiritum sanctum à Patre per Filium & mitti, & esse: quod non est intelligendum quasi à Patre per filium minorem mittatur, vel sit, sed quia ex Patre & Filio est, & mittitur ab utroque: sed hoc ipsum habet Filius à Patre, ut ab ipso sit, & mittatur Spiritus sanctus. Hoc ergo voluit significare Hilarius distinctionem faciens in locutione, ut ostenderet in Patre esse auctoritatem. Inde est etiam, quod Veritas ostendens Patrem esse auctorem processionis, qua procedit Spiritus à filio, dixit in Evangelio: De Patre procedit, cum & de Patre & Filio procedat Spiritus sanctus. Vnde August. in 15. libro de Trinitate quærit: Si de Patre &

Filio procedit Spiritus sanctus: cur filius dixit: De Patre procedit: Cur putas, nisi quia solet ad eum referre etiam quod ipsius est, sicut & de quo ipse est, sicut ait: Mea doctrina non est mea, sed eius qui misit me: Si ergo hic intelligitur eius doctrina quam tamen non dixit suam, sed Patris: quanto magis illic intelligendus est Spiritus sanctus de ipso, pcedere, ubi sic ait: De Patre pcedit, ut nō diceret, de me non pcedit. A quo autem habet filius, ut sit Deus (est enim Deus de Deo) ab illo utiq; habet ut etiam de illo pcedat Spiritus sanctus. Et ideo Spiritus sanctus, ut etiam de filio pcedat: sicut pcedit de Patre, ab ipso habet Patre. Quia, ppter, quia potest intelligere in eo qd ait Filius: Sicut habet Pater vitam in semetipso, sic dedit & filio vitam habere in semetipso: non sine vita existenti iam filio vitam Patrem dedisse, sed ita eum sine tempore genuisse, ut vitam, quam Pater filio gignendo dedit, coeterna sit vitam Patris, qui dedit: intelligat etiam sicut habet Pater in seipso, ut de illo pcedat Spiritus sanctus, sic dedisse filio, ut etiam de isto pcedat idem Spiritus sanctus, & utrumque sine tempore. Ita ergo dictum est Spiritum sanctum de Patre procedere, ut intelligatur quod etiam pcedit de Filio, de Patre esse, & filio. Si enim quidquid habet, de Patre habet filius, de Patre habet utique, ut de illo procedat Spiritus sanctus. Sed nulla ibi tempora cogitentur, quae habeant prius & posterius: quia ibi omnino nulla sunt.

DISTINCTIO XII.

De æterna Processione Spiritus sancti qualiter à Patre, & Filio procedat.

Item quaritur, cum Spiritus sanctus procedat à Patre & Filio.

Expositio Textus.

Divisio. **E**cce est secunda pars in qua Magister determinat qualiter Spiritus sanctus procedit à Patre, & Filio: & hæc pars habet quatuor partes secundum quatuor quæ determinat. In prima quærit utrū Spiritus sanctus prius procedat à Patre, & determinat quod nō. In secunda quærit utrū principalis, & plenius, ibi: *Nunc tractandum est.* Tercio utrū proprie à Patre procedat ibi: *Ex eodem sensu dicitur etiam proprie procedere à Patre.* Quarto determinat utrū Spiritus sanctus proprie procedat à Patre per Filium, ibi: *Forte etiam iuxta hanc intelligentiā, ubi cōfirmat auctoritate Hilarij quod Spiritus sanctus mittitur à Patre per Filium, & procedit.*

Aut à nato iam Filio, aut, &c. Dub. I.

Videtur istud argumentum necessarium, quia cuiuslibet contradictionis necessarium est alteram partem esse veram: sed natum, & non natum opponuntur contradictione: ergo necesse est alteram partem dare quod Spiritus sanctus procedat aut nato iam filio, aut non nato: Cum ergo Magister & Augustinus respondeant interimendo utramque partem, videntur male respondere.

Resp. Dicendum quod hæreticus in sua quæstione quærebat de ordine generationis filij ad processionem Spiritus sancti: & quærebat de ordine secundum durationem & tempus, non secundum rationem intelligendi: & quærebat utrū prius natus est filius, quā processit Spiritus sanctus, aut econverso, & utrūq; falsum erat: ideo Magister & Augustinus considerantes intentionem hæretici, siue interrogationem secundum sensum in quo eā proponit, simpliciter & bene respondēt eam interimendo. Ad illud ergo quod obiicitur, quod divisio hæretici est per contradictoria, dicendum quod fal-

sum est: quia propositio contradictoria accipitur negando compositionem principalem, sed ipse refert negationē ad compositionem non principalem, sed intellectam in hoc quod est nato, & ideo causa falsitatis semper remanet: hæc enim est falsa: Spiritus sanctus procedit nato Filio, quia notatur quod natiuitas filij præcedat processionem Spiritus sancti. Hæc iterum est falsa: Processit non nato Filio, quia notatur quod natiuitas filij non fuerit simul cū processione Spiritus sancti: sed hæc est vera: Spiritus sanctus nō processit nato prius Filio, quia simul fuit natiuitas filij, & processio Spiritus sancti.

Quidquid unigenito Verbo dedit, &c. Dub. II.

Videtur male dicere, quia si hoc esset verum, dedit ei spirationem, ergo dedit eam gignendo, ergo spiratio est genita: sed quidquid dicitur in diuinis concrete, dicitur & abstracte, sed non conuertitur: ergo si spiratio est genita, spiratio est generatio, quod est contra modernos omnes.

Resp. Dicendum quod defectus est in utroq; argumento: nam illud non valet: Dedit generando spirationem, ergo generauit spiratione, sicut non sequitur. Generando dedit Filio essentiam, ergo essentia est genita. Aliqua enim per generationem dicuntur dari, quæ non dicuntur generari. Et iterum alia ratio non valet: Spiratio est genita: ergo spiratio est generatio. Sicut enim infra patebit de duabus notionibus vnius personæ, verum est dicere quod vna prædicatur de altera denominatiue, non in abstractione, & ideo non valet illa ratio, immo est ibi accidens. Quod ergo dicit: Quidquid prædicatur denominatiue & abstracte, verum est de essentia: sed non est verum de proprietate personæ, & hoc infra patebit.

Credimus in Spiritum sanctum, qui de Patre, &c. Dub. III.

Videtur falsum dicere, quia proprium est quod conuenit vni soli: ergo si de Patre procedit proprie, non ergo de filio. Si tu dicas quod non dicitur proprie contra communitatem, sed contra improprietatem, ergo videtur quod improprie procedat à Filio.

Resp. Dicendum quod proprie non dicit proprietatem siue solitudinem, sed sonat auctoritatem, sicut principaliter: sicut enim Pater principaliter dicitur spirare, quia hoc non habet ab alio: ita etiam proprie, quia hanc conditionem, non habere ab alio, nulli communicata videtur dicere Magister. Potest tamen dici quod vno modo proprium dicitur contra communitatem. Alio modo contra improprietatem. Tercio modo accipitur pro appropriatione, & sic accipitur hic. Quamvis enim spiratio æque vere & proprie conueniat Patri & Filio, tamen Hieronymus, appropriat eam patri propter auctoritatem.

Per eum Spiritus sanctus tuus est. Dub. IV.

Videtur Hilarius hic referens verba ad Deum male dicere dicendo per eum est, quia (ut dicit Priscianus) per, cum verbis transitivis significat subauctoritatem, sed cum absolutis, auctoritatem, ut patet cum dicitur: Ego sum sapiens per Deum, in Deo notatur auctoritas: cum ergo dicitur quod Spiritus sanctus est à patre per Filium, in Filio notatur auctoritas.

Resp. Dicendum quod aliqui voluerunt dicere quod hæc est impropria: Spiritus sanctus est à Patre per Filium: siue procedit, & debet resolui in hanc: Spiritus sanctus spiratur à Patre per filium: & consentiunt rationi prædictæ. Sed cum ista sit vera: Creatura procedit à Patre per Filium: & hæc similiter exit vel procedit: non video rationem quare similiter illa verba Hilarij nō possint proprie dici. Propterea est dicendum, quod quamvis procedere non sit verbum transitivum quantum ad modum significandi, quia non cōstituitur cū accusativo, quia ta-

men

men æquiualeat transitio, vt cum dicitur procedit à Patre per Filium iudicandum est sicut de verbo transitio & ideo dicit subauctoritatem.

ARTICVLVS I.

Supposito ex præcedentibus quod Spiritus sanctus procedat à Patre & Filio. Ad intelligentiam huius partis, quatuor quærentur de processione Spiritus sancti in comparatione ad vtrumque. Primo quæritur vtrum Spiritus sanctus prius procedat à Patre quam à Filio. Secundo, vtrum plenius à Patre quam à Filio. Tercio vtrum procedat à Patre mediante Filio. Quarto & vltimo, vtrum processio Filij prior sit secundum ordinem intelligendi, processione Spiritus sancti, vel econuerso.

QVÆSTIO I.

An Spiritus sanctus à Patre prius, quam, à Filio procedat.

Alexander Alensis 1. p. q. 46. Membr. 3.
Scotus 1. Sent. d. 12. q. 2.
Henricus in summa, art. 54. q. 7.
Ægid. Rom. 1. Sent. dist. 12. q. 2.
Richardus 1. Sent. dist. 12. q. 1.
Franciscus de Mayr. 1. Sent. dist. 12. q. 2.
Marfilius Inguen. 1. Sent. dist. 15. art. 2.
Gabr. Biel. 1. Sent. dist. 12. q. 3. art. 3.

Quod prius sit à Patre quam à Filio, sic ostenditur. Causa prima est in qua est status: ergo & principium primum est, in quo est status: sed status est in Patre: ergo Pater est principium primum: sed primum supponit prius: ergo prius procedit à Patre quam à Filio.

2. **ITEM** causa prima est quæ agit, alia non supposita: ergo si Pater producit non per suppositionem alterius principij, Filius per suppositionem, prius producit Pater quam Filius.

3. **ITEM** quod habet aliquis ex se, per prius habet quam quod habet ex alio: sed producere Spiritum sanctum habet Pater à se, & Filius à Patre: ergo per prius habet Pater quam Filius.

CONTRA: Vbi non est ponere posterius, nec prius, quia prius respectu posterioris dicitur: sed in Trinitate non est ponere posterius: ergo nec prius. Si ergo processio Spiritus sancti à Patre, & Filio est æterna, patet, &c.

ITEM: Vbi est ponere prius & posterius, est ponere diuersitatem principiorum: sed Pater & Filius producant Spiritum sanctum in quantum vnum, vt supra monstratum est: ergo non est ibi ratio prioris.

ITEM si per prius producit à Patre quam à Filio: aut à Filio non procedit, aut bis procedit: sed procedit à Filio & non procedit bis: ergo &c.

ITEM contingit intelligere prius, non intellecto posteriore: ergo si per prius procedit à patre: ergo contingit intelligere quod procedit, nō cointelleto Filio. **SED** contra: Spiritus sanctus est amor vnus, & amor nectens: sed non est accipere mutuum amorem ad minus, quam inter duos: ergo nec Spiritus sanctus est nisi à duobus: ergo nec, per prius procedit ab vno quā ab alio.

CONCLUSIO.

Spiritus sanctus procedit prius à Patre quam à Filio, auctoritate, non tempore, vel causalitate, vel origine.

RESP. Ad arg. dicendum quod prius dicitur multipliciter. Dicitur enim prius duratione, prius causalitate, prius origine, prius auctoritate. Et primis duobus modis prius nullo modo cadit in Deo, quia prius duratione contrarium est æternitati, prius causalitate contrarium est essentia unitati. Sed prius origine quo alter ex altero, & prius auctoritate, quo alter accipit ab altero cadit. Sed prius origine cadit respectu producentis & producti, cum alter oritur ex altero: cum vero vnum oritur

A à duobus non cadit ibi prius origine, quia tunc ambo sunt vnum originale principium, tamen cadit ibi prius auctoritate, quia quamvis Pater, & Filius sint vnum in producendo, tamen hoc accipit Filius à Patre. Si ergo quæritur, vtrum per prius procedat Spiritus sanctus à Patre quam à Filio: si intelligatur duratione falsum est, similiter si prius causalitate, sicut probant primæ rationes ad hoc inductæ. Si autem prius auctoritate, vt prius idem sit quod principalis, veritatem habet.

1. **AD** illud quod primo obiicitur quod Pater est primum principium & causa, dicendum quod illæ rationes habent veritatem vbi est pluralitas causarum, vel principiorum: sed respectu Spiritus sancti nec est pluralitas causarum, nec principiorum.

B 2. **AD** illud quod obiicitur quod prius habet, quod habet ex se, dicendum quod si intelligatur prius, id est, principalis, verum est: si autem alio modo, falsum, quia vnum & idem potest haberi à pluribus personis, ita quod ab vna per aliam, nec talis est prioritas aliquotum prædictorum modorum.

QVÆSTIO II.

An Spiritus sanctus à Patre plenius quam à Filio procedat.

St. Thomas 1. p. q. 36. art. 3. ad 2.
Scotus 1. Sent. dist. 12. q. 2.
Ægid. Rom. 1. Sent. dist. 12. p. 2. q. 1.
Richardus 1. Sent. d. 12. q. 2.
Sepp. Brulef. 1. Sent. dist. 12. q. 2.
Petrus de Tarantaf. 1. Sent. dist. 12. q. 1.
Gabr. Biel. 1. Sent. dist. 12. q. 3.

Vtrum plenius procedat à Patre quam à Filio. Et quod sic, videtur, quia propter vnumquodque, & illud magis: ergo cum Filius spiraret per Patrem, quia hoc à patre: ergo Pater magis spirat.

2. **ITEM** omnis causa prima plus influit quam secunda: sed Pater est primum principium spirandi: ergo plus influit quam Filius.

3. **ITEM** plenius procedit aliquid à quo procedit proprie & principaliter quam à quo nec principaliter, nec proprie: sed Spiritus sanctus procedit à Patre proprie & principaliter, sicut dicitur in litera, & Augustinus dicit: ergo, &c.

D 4. **ITEM** plenius procedit aliquid ab eo à quo habet quidquid habet, scilicet substantiam, & proprietatem, quam à quo non habet: sed Spiritus sanctus habet à Patre & quod sit, & quod procedat à Patre, & Filio: à Filio autem non habet quod procedat à Patre, quia tunc Filius daret aliquid Patri: ergo, &c.

5. **ITEM** videtur quod nec principaliter à Patre, quia qui perfecte dat aliquid alicui, dat ei vim & iurisdictionem, sine auctoritate: si ergo dat Pater Filio posse spirare: ergo dat ei auctoritatem spirandi: ergo æque principaliter procedit à Filio vt à Patre.

CONTRA: Si plenius à Patre, ergo perfectius: ergo à Filio non procedit perfectissime: ergo in Trinitate est aliquid imperfectionis.

E **ITEM** si plenius à Patre quam à Filio, plus accipit à Patre quam à Filio: sed vbi est ponere plus & minus, ibi est diuersitas: ergo in persona Spiritus sancti est diuersitas.

CONCLUSIO.

Spiritus sanctus non plenius procedit à Patre quam à Filio, neque immediatus.

RESP. ad arg. Dicendum quod Spiritus sanctus dicitur procedere à Patre principaliter & per se. Principaliter, quia auctoritas est in Patre. Per se, quia non tantum mediante Filio: sed etiam immediate. Non tamen plenius procedit à Patre, nec perfectius, quia plenius ponit gradum perfectionis, ponit etiam compositionem sub-

stantiæ in producto : quorum neutrum est in diuinis. Vnde si ponatur hæc, quod illud quod procedit ab aliquo principalius, etiam plenius procedit, aut si non plenius neque principalius, simpliciter est neganda.

1. Ad illud ergo quod obicitur de causa prima, & propter quod, &c. Dicendum quod sicut dictum est prius, illud solum habet locum ubi pluralitas causarum est : hic autem non est pluralitas nec causarum, nec principiorum: ideo non habet hic locum.

2. Ad illud quod obicitur quod non habet Spiritus sanctus à Filio quod procedat à Patre, dicendum ad hoc, quod habere à se, vel ab alio, non ponit gradum plenitudinis. Vnde quamvis Filius diuinitatem habeat à patre, tamen est perfectus Deus, ut Pater: & ideo non sequitur, quod plenius à Patre procedat, quia principalius.

3. 4. Quid obicitur: Plenius habet quod habet essentiam & proprietatem. Responderi potest interimendo minorem: habet enim Spiritus sanctus à Filio proprietatem, licet non habeat secundum omnem respectum: habet enim processionem à Filio: sed non ut à patre.

5. Ad illud quod obicitur quod Pater dat filio auctoritatem, dicendum quod dando auctoritatem super Spiritum sanctum nihilominus ex ipso habet auctoritatem, quia ex hoc debet filius eam referre ad Patrem, quia habet à Patre, & inde est, quod in filio est auctoritas, & subauctoritas. Vnde etiam principaliter producit filius : sed Pater principalius: quia in eo est tantum auctoritas, non subauctoritas, Principalitas autem auctoritas dicitur in diuinis.

Q V Æ S T I O I I I.

An Spiritus sanctus mediante Filio à Patre procedat.

Alex. Alensis 1. p. q. 46. Mem. bro 6.

S. Thom. 1. p. q. 36 art. 3. Et 1. Sent. dist. 12. q. 1. art. 3.

Egid. Rom. 1. Sent. dist. 12. p. 2. q. 2.

Rich. 1. Sent. dist. 12. q. 3.

Durandus 1. Sent. dist. 12. q. 3.

Vtrum Spiritus sanctus procedat à Patre mediante Filio, & quod sic videtur per Hilarium lib. 12. de Trin. qui loquens ad Patrem, ait: Spiritus sanctus qui ex te per eum est promerear : ergo Spiritus sanctus est à patre per Filium: ergo mediante Filio.

Item Richardus dicit quod in diuinis est processio immediata tantum, & mediata & immediata. Mediata tantum esse, non potest, & dicit quod mediata & immediata est processio Spiritus sancti ex patre, ergo cum non possit cadere medium nisi Filius, Spiritus sanctus procedit à patre mediante Filio.

Item similis est processus in illa Trinitate processui imaginis creatæ: sed amor procedit à mente mediante intelligentia, ergo Spiritus sanctus procedit à Patre mediante Filio. Si dicas quod non est similitudo quantum ad hoc: ergo destruitur ratio imaginis, quia imago debet representare ordinem & originem personarum, non tantum numerum in personis, quia hæc etiam est in vestigio. Item sic solus filius spirat, ita quod non pater, tunc pater diceretur spirare, sed mediante filio, ita quod esset processio mediata tantum: ergo cum spiratio conueniat patri per se, & conueniat ei per hoc quod est principium filij spirantis: ergo conuenit ei & mediate, & immediate: sed si hoc, Spiritus sanctus procedit à Patre mediante Filio.

1. CONTRA: Nobilius est immediatum principium, quam mediatum : sed omne nobilius est Deo tribuendum: ergo si pater est nobilissimum principium Spiritus sancti, ergo tantum immediate non mediate, producat ipsum. Si tu dicas quod producit simul mediate & immediate. Contra: Mediatum & immediatum sunt opposita: sed opposita non sunt simul vera de eodem & respectu eiusdem: ergo impossibile est quod simul producat mediate & immediate.

2. **I**tem sicut se habet per se ad per accidens, ita

mediatum ad immediatum : sed Deus nullius cuius est causa per se, est causa per accidens: ergo nullius cuius est principium immediatum, est principium mediatum.

3. **I**tem magis est immediatum, quod nullo modo recipit medium, quam quod recipit : sed filius nullum medium recipit in spirando, ergo immediatus producit quam producat pater : non ergo vniuersimodo omni modo producant Pater & Filius Spiritum sanctum.

• C O N C L U S I O.

Spiritus sanctus procedit à Patre immediate, cum ipse etiam spiro: atque etiam mediate, quia procedit à Filio, qui est à Patre.

Resp. Ad arg. Dicendum quod sicut vult Richardus, productio Spiritus sancti est mediata simul & immediata. Mediata in quantum est à filio, & Filius à Patre: sed immediata in quantum ipse Spiritus sanctus ab ipso patre spiratur. Et huius exemplum ponitur in exitu Abel de Adam. Abel immediate exiit de Adam, quia ipse ex lumbis suis genuit eum, nihilominus exiit mediate: quia exiit ab Eva quæ fuit ab Adam, siue de Adam deducta. Et hunc modum oportuit esse in Deo propter summam germanitatem. Si enim tantum mediata esset processio Spiritus sancti, ut tantum esset à Filio, non esset summa germanitas Spiritus sancti cum Patre. Similiter si omnino immediata, ut esset à Patre tantum, non esset summa germanitas cum Filio. Et sic concedendum quod mediante Filio.

1. Ad illud quod obicitur in contrarium, quod nobilius est immediatum principium, dicendum quod mediatio est tribus modis: quædam enim est mediatio quæ excludit immediationem tantum, ut quando effectus ultimi non continuatur influentiæ causæ prioris: sed per medium omnino producit prior non cooperante, & hæc dicit ordinem, & diuersitatem agentium, & separationem. Alio modo dicitur mediatio prout dicit ordinem causarum adinuicem non separationem in agendo, sed solum diuersitatem virtutum agentium, & ordinem. Tertio modo prout dicit ordinem, non tamen separationem virtutum agentium, nec diuersitatem. Prima mediatio non cadit in Deo: quia Deus est causa simpliciter prima: cuius influentia est tanta quod nulla creatura agit aliquid, eius influentia remota, & ideo nihil exit de Deo mediate tantum. Secunda mediatio cadit in Deo respectu effectus produci à causa creata, quia ibi est ordo causarum & diuersitas virtutum, sed tamen est separatio, quia Deus intime agit, quia per seipsum agit: & nihilominus per virtutem creatam quæ ab ipso est. Tertia mediatio cadit in operatione diuina in qua sunt agentes personæ, in quibus attenditur ordo, quia una habet ab alia quod agat: sed tamen nec est ibi virtutum diuersitas, nec separatio, vel distantia aliqua, immo una virtute & æque intime agunt: & sic Pater mediante Filio producit Spiritum sanctum, non quia sit medium distantie vel differentie, sed quia quod filius producat hoc habet à patre, ita quod est ibi quidam ordo. Et sic patet responsio ad sequens, cum dicit quod mediatum & immediatum sunt opposita, verum est enim primo modo, sed non secundo, nec tertio.

2. **A**d illud quod obicitur, quod Deus nullius est causa per accidens, ergo nec mediate, dicendum quod per accidens aliquid causare derogat veritati causæ supremæ. Illius enim dicitur aliquid causa esse per accidens, cuius est causa per aliquid aliud, quod non est ab ipso sed aliunde: si ergo Deus alicuius esset causa per accidens, non esset causa vniuersalissima & prima: & ita nec nobilissima: sed mediatio non repugnat nobilitati causæ supremæ. Causare enim aliud per se & per id quod ab ipso est, non dicit indignitatem, immo dignitatem, quia dignitas est non tantum per se aliquid posse, sed posse alij communicare: ita tamen quod ille sine eo nihil possit.

3. **A**d

3. Ad illud quod ultimo obiicitur quod filius est im-
mediator causa, dicendum quod nō valet, quia ista me-
diatio quæ prædicta est, non repugnat immediationi, &
ideo non diminuit eam.

Q V A E S T I O I V.

An Generatio Filij sit prior spiratione Spiritus sancti
secundum rationem intelligendi.

Alex. Alensis 1. p. q. 46. Membr. 7.
S. Thom. 1. Sent. dist. 12. q. 1. art. 1.
Egid. Rom. 1. Sent. dist. 12. q. 1.
Henricus in Summa, art. 14. q. 3.
Richard. 1. Sent. dist. 12. q. 4.
Thom. Arg. 1. Sent. dist. 12. q. 1. art. 1.

QUæ istarum duarum emanationum scilicet genera-
tionis & processionis sit prior secundum rationem
intelligendi. Et quod generatio filij, ostenditur sic: In
imagine creata sic est, quod secundum ordinem intelli-
gendi prior est emanatio notitiæ à mente quam amoris,
sicut vult August. quia incognita non possumus dilige-
re, sicut dicit Augustinus: ergo si ordo attenditur in ima-
gine secundum conformitatem ad Trinitatem increa-
tam: ergo secundum rationem intelligendi prior est pro-
cessus verbi quam amoris in diuinis, maxime cum per
imaginem creatam intelligamus Trinitatem increatam.

ITEM sicut vult Philosophus, voluntas est cuius prin-
cipium est in ipso cognoscente singularia, ergo volun-
tas ut voluntas præsupponit cognitionem: ergo emana-
tionem Verbi emanatio amoris.

ITEM omne principium secundum rationem intelli-
gendi prius est quam principium: sed Filius est prin-
cipium Spiritus sancti: ergo secundum rationem intelli-
gendi oportet præintelligere filium, quam spiritum san-
ctum: ergo & generationem, quæ est emanatio filij prius
quam processionem, quæ est Spiritus sancti.

ITEM in omni agente per modum naturæ, & volunta-
tis, productio per modum naturæ intelligitur ante pro-
ductionem voluntatis: ergo cum Pater sit natura intel-
lectualis producens Filium connaturalem, & per mo-
dum naturæ & Spiritum sanctum per modum volunta-
tis, ut supra tactum est: ergo emanatio Filij prior est se-
cundum rationem intelligendi, emanatione Spiritus
sancti.

1. **C**ONTRA: per August. Partum mentis præcedit
appetitus quidam, quo id quod nosse volumus quære-
do & inueniendo nascitur proles ipsa notitia: ergo an-
te est in imagine creata appetitus, quam sit proles noti-
tia: ergo ante amor, quam verbum: ergo & processio
ante generationem.

2. **I**TEM nullus videns rem cognoscit ipsam, nisi in-
tentio voluntatis applicet vim cognoscentem ipsi co-
gnoscibili, ut patet de homine eunte per viam, qui cum
iuit, & alibi cogitauit, perfecte nescit quo transierit,
sicut dicit August. in 11. de Trin. Ergo voluntas præ-
cedit ipsam cognitionem: ergo amor Verbum in crea-
turis: ergo pari ratione in Deo, saltem secundum in-
tellectum.

3. **I**TEM sicut vult Philosophus, primum & imme-
diatum est idem. Vnde ipse in lib. Posteriorum diffiniēs
proportionem immediatam, dicit quod immediata
propositio est illa, qua non est altera prior: sed æque
immediate Spiritus sanctus procedit à Patre, ut filius,
ergo æque primo, ergo nec secundum rem, nec secun-
dum rationem intelligendi generatio filij præcedit pro-
cessionem Spiritus sancti.

4. **I**TEM quanto aliquid communius, tanto prius est
secundum rationem intelligendi: sed spiratio est com-
munior quam generatio, quia conuenit patri & filio,
sed generatio soli patri: ergo prior est secundum ratio-
nem intelligendi spiratio quam generatio.

C O N C L U S I O.

Generatio Filij secundum rationem intelligendi, est prior
spiratione, cum Filius sit principium Spiritus
sancti, & procedat per modum naturæ.

RESP. ad arg. Dicendum quod quidquid sit de ordi-
ne reali, de quo infra dicitur, secundum rationem intel-
ligendi prior est emanatio Verbi: tum quia Verbum est
Spiritus sancti principium, tum etiam quia Verbum pro-
cedit per modum naturæ: sed Spiritus sanctus per mo-
dum liberalis voluntatis: tum etiam quia intelligimus
emanationes in personis per emanationes reperi-
tas in imagine. In imagine autem constat quod cognitio & in-
telligentia præcedit amorem & voluntatem, non tamen
volo dicere quod in diuinis sit emanatio, natura, poste-
rior emanatione, sicut reperi-
mus in imagine creata.

1. **A**d illud ergo quod obiicitur in contrarium quod
appetitus præcedit partum mentis, dicendum quod ille
appetitus habet secundum statum duplicem considera-
ri. Vno modo secundum rationem inhiantis ante habitam
cognitionem. Alio modo secundum rationem comple-
ctentis, & hoc est post habitam cognitionem, & secun-
dum primum statum est imperfectio, quantum vero
ad secundum, est perfectio: & ideo quia quod perfe-
ctionis est in Deo ponimus, non quod est imperfectio-
nis, ideo appetitus secundo modo assimilatur Spiritui
sancto, & hic tenet rationem tertij. Et quod primus sit
imperfectio: patet, quia est ignorantis, & desiderantis
scientiam acquirere, quod non continet Deo.

2. **A**d illud quod obiicitur quod intentio præexigi-
tur ad cognitionem, dicendum quod verum est ad co-
gnitionem acquirendam, sed notitia pro-
vult est in acqui-
rendo, non habet plenitudinem cum illo verbo, ut vult
Aug. in 15. de Trinitate.

3. **A**d illud quod obiicitur quod æque immediate
procedit Spiritus sanctus, dicendum quod verum est,
sed tamē Spiritus sanctus ita procedit immediate, quod
etiam mediante filio, & ita ex illa ratione oportet præ-
intelligi emanationem filij.

4. **A**d illud quod obiicitur quod quanto aliquid com-
munius, tanto prius, dicendum quod verum est in ab-
solutis: sed non tenet in respectivis, ut in generatione,
& creatione. Potest tamen dici quod istud intelligitur de
eo quod est commune communitate prædicationis: sed
communis spiratio est communis communitate non
tantum prædicationis, quia dicitur de Patre & Filio, sed
etiam communitate cuiusdam concordie, & connexio-
nis, & tale commune secundum rationem concordie &
amicitiæ præsupponit concordantes, & connexos non
præit, & sic patet illud.

D I S T I N C T I O X I I I.

Quare Spiritus sanctus cum sit de substantia
Patris, non dicatur genitus vel Filius, sed
tantum procedens: cur vero Filius natus
tantum, non autem procedens: quæ sit di-
stinctio inter Generationem Filij & Proce-
sionem Spiritus sancti, & an Spiritus sanctus
dicatur Ingenitus.

POST hæc considerandum est, quantum à ra-
libus quales nos sumus intelligi potest, cum
Spiritus sanctus procedat de Patre, & sit de
substantia Patris: Cur non dicatur esse na-
tus, sed potius procedere: Et cur nō dicatur filius. Qua-
re autem Spiritus sanctus non dicatur vel sit natus, &
ideo non sit Filius. Aug. ostendit in 15. lib. de Trinitate. Cap. 27. 10. 3.

dicens: Si Spiritus sanctus Filius diceretur, amborum utique Filius diceretur, quod absurdissimum est. Filius quippe nullus est duorum, nisi patris, & matris. Absit autem ut inter Deum patrem, & Deum filium tale aliquid suspicemur. Absurdissime ergo filius diceretur amborum, id est, patris & filij. Amborum enim filius diceretur, si eum ambo & genuissent, quod abhorreret omnium sanorum sensus. Non ergo ab utroque est genitus, sed procedit ab utroque amborum Spiritus. His verbis ostenditur, cur Spiritus sanctus, cum sit de Patre, non tamen dicatur genitus, vel filius.

Cum Spiritus sanctus non dicatur genitus, cur Filius dicatur procedere.

Cum autem Spiritus sanctus non dicatur genitus, sed tantum procedens, quare solet cur filius non dicitur tantum genitus, sed & procedens, sicut ipse in Evangelio Ioannis ait: Ego ex Deo processi, vel exiui, & veni in mundum. Non ergo tantum Spiritus sanctus procedit à Patre: sed etiam Filius. Ad quod dicimus quod cum uterque procedat à Patre, dissimiliter tamen. Nam Spiritus sanctus, ut ait August. in 15. lib. de Trin. procedit à Patre, non quo modo natus, sed quo modo datus, vel donum. Filius autem processit nascendo, exiit ut genitus. Ac per hoc illud elucescit, ut potest, sc. cur Spiritus sanctus etiam non sit filius, cum & ipse exeat, & Idco Spiritus non dicitur Filius: quia neque natus est sicut unigenitus, neque factus, ut per Dei gratiam in adoptionem nasceretur, sicut nos.

Quod non potest distingui à nobis inter generationem Filij & processionem Spiritus sancti.

Inter generationem vero Filij, & processionem Spiritus sancti, dum hic vivimus, distinguere non sufficimus. Vnde August. Maximino pramissam questionem refricanti, sc. quarenti cur Spiritus sanctus non diceretur filius, cum de patris esset substantia: respondens sic ait: Queris à me si de substantia patris est filius, de substantia patris est etiam Spiritus sanctus: cur unus filius sit, alius non sit filius. & Ecce respondeo siue capias, siue non capias. De Patre est Filius, de Patre est Spiritus sanctus: sed ille genitus est, iste procedens. Ideo ille filius est patris, de quo est genitus: iste autem Spiritus est utriusque, quoniam de utroque procedit: Sed ideo cum de illo quareretur ait: De Patre procedit, quoniam Pater processionis eius auctor est, qui talem filium genuit, & gignendo ei dedit, ut etiam de ipso, procederet Spiritus sanctus. Nam nisi procederet etiam de ipso, non diceret discipulis: Accipite Spiritum sanctum: cumque insufflando daret, ut à se quoque procedere significas, aperte ostenderet stando, quod spirando dabat occulte. Quia ergo si nasceretur, non tantum de Patre, nec tantum de filio, sed de ambobus utique, nasceretur, sine dubio filius diceretur amborum. Ac per hoc, quia filius amborum nullo modo esset: non oportuit nasci eum de ambobus. Amborum est ergo Spiritus sanctus, procedendo de ambobus.

Hic dicitur quod non valet inter illa duo distinguere.

Quid autem inter nasci, & procedere intersit, de illa excellentissima natura loquens explicare quis potest: Non omne quod procedit, nascitur, quamvis omne procedat quod nascitur. Sicut non omne quod bipes est, homo est: quamvis bipes sit omnis qui homo est: Hoc scio: distinguere autem inter illam generationem, & hanc processionem nescio, non valeo, non sufficio. Ac per hoc quia & illa, & ista est ineffabilis, sicut Propheta de filio loquens ait: Generationem eius quis enarrabit;

ita de Spiritu sancto verissime dicitur: Processionem eius quis enarrabit? Satis sit ergo nobis, quia non est à seipso filius, sed ab illo de quo natus est: non est à seipso Spiritus sanctus, sed ab illo de quo procedit. Et quia de utroque procedit, sicut iam ostendimus: De Spiritu sancto quo modo ipse de Deo sit, nec tamen ipse filius sit, quoniam procedendo non nascendo legitur esse de Deo, iam superius, quantum visum est disputavimus.

An Spiritus sanctus debeat dici Ingenitus.

Nunc considerandum est, cum Spiritus sanctus non sit genitus, utrum debeat dici ingenitus. Ad quod dicimus Spiritum sanctum nec genitum, nec ingenitum debere dici. Vnde Augustinus ad Orosium ait: Spiritum sanctum nec genitum, nec ingenitum fides certa declarat, quia si dixerimus ingenitum, duos patres videbimur affirmare: si autem genitum, duos credere filios culpamur. Sicut enim solus filius dicitur genitus, ita & solus pater dicitur ingenitus, eo quod ab alio non sit. Vnde Augustinus in 15. lib. de Trin. Pater, inquit, solus non est de alio. Ideo solus appellatur ingenitus, non quidem in Scripturis, sed in consuetudine disputantium, & de re tanta sermonem qualem valuerint proferentium. Filius autem de Patre natus est, & Spiritus sanctus de patre principaliter, & communiter de utroque procedit. Ideoque cum Spiritum sanctum genitum nos dicamus, dicere tamen ingenitum non audemus, ne in hoc vocabulo vel duos Patres in illa Trinitate, vel duos, qui non sunt de alio quispiam suspicetur. Ecce his verbis aperte ostendit, Spiritum sanctum nec genitum, nec ingenitum debere dici.

Quod Hieronymus dicit Spiritum sanctum Ingenitum & videtur prædictis aduersari.

Hieronymus tamen in regulis definitionum contra hæreticos, dicit Spiritum sanctum ingenitum esse, his verbis: Spiritus sanctus pater non est, sed ingenitus, atque infectus. Pater non est, quia patris est, & in patre est: processionem habet ex patre, & non natiuitatem. Filius autem non est, quia genitus non est. Ecce his verbis dicitur Spiritus sanctus esse ingenitus: quod videtur aduersari præmissis verbis Augustini.

Determinatio, secundum diuersas acceptiones, Ingeniti.

Sed ut istam (qua videtur) repugnantiam de medio abigamus, dicimus quod Hieronymus aliter accipit nomen ingeniti, & aliter Augustinus: Accipit enim Augustinus ingenitum, qui, vel quod de alio non est, & secundum hoc de solo patre dicitur. Hieronymus vero ingenitum dicit, non genitum, & secundum hoc de Spiritu sancto potest dici, cum Spiritus sanctus non sit genitus.

Ex verbis Hieronymi ostenditur, ex quo sensu dixit, Spiritum sanctum ingenitum.

Quod autem Hieronymus ita acceperit, ostenditur ex verbis eius, quibus in eodem tractatu utitur, faciens talem diuisionem: Omne quod est, aut ingenitum est, aut genitum, aut factum. Est ergo quod nec natum est, nec factum: & est quod natum est, & factum non est: & est quod nec natum est, nec factum est: & est quod factum est, & natum non est: & est quod factum est, & natum est, & renatum est: & est quod factum est, & natum est, & rena-

In dialogo, q. 2. tom. 4.

Cap. 16. h. 3.

Ibidem.

Apparent obligatio contra ref. ponf.

Aug. 5. de Trin. cap. 7. tom. 3.

tum non est. Nunc prapositionum singulis rebus subsiste-
tiam destinemus. Quod ergo nec natum, nec factum est
pater est: non enim ab alio aliquo est. Quod autem natum
est, & factum non est, filius est qui à patre genitus est,
non factus. Quod iterum nec factum, nec natum est,
Spiritus sanctus est, qui à patre procedit, Quod etiam
factum est & natum non est, cælum & terra, ceteraq;
que insensibilia sunt. Quod autem factum, & natum,
& renatum est homo est. Quod vero factum est, & natum
est, & renatum non est, animalia sunt. Ecce his verbis
ostendit Hieronymus se ingenitum accipere nō ge-
nitum. Aliter enim non esset præmissa diuisio vera, sc.
omne quod est, aut ingenitum est, aut genitum, aut fa-
ctum. Atque in diuisionis huius prosecutione: in as-
signatione ingeniti, ubique ponit non natum.

Dub. III.

ITEM quæritur de hoc, unde Augustinus responde-
Maximino præmissam quæstionem refricanti sic: Spiritus
sanctus est Deus, & non est Deus nascendo: ergo
non Deus naturaliter: ergo adoptiue: & quod hoc argu-
mentum sit bonum, videtur, quia quod inest alicui na-
turaliter, inest ei à natiuitate: ergo quod non inest à na-
tiuitate, non inest naturaliter: ergo cum Spiritus sanctus
non procedat ut natus, non inest ei esse Deum à na-
tiuitate: ergo non est Deus naturaliter.

Aug. lib. 3.
contra Max.
c. 14. som. 3.

RESP. Dicendum ad hoc secundum August. quod
argumentum istud non valet, nisi in eis quæ genera-
tur, in aliis non. Et hoc patet, quia Adam erat homo na-
tura, sicut vnusquisque nostrum, & tamen ipse habuit
per creationem, quod nos habemus per generationem:
sic Deus pater communicat naturam suam Spiritui
sancto per spirationem, sicut Filio per generationem.

Aug. ibid.

Pater, processione eius, &c. Dub. IV.

Videtur male dicere, quia aut hoc quod est auctor di-
cit essentiam, aut notionem: non essentiam, quia tunc di-
ceretur de Spiritu sancto: si notionem, quæro quam: non
innascibilitatem, quia illa non dicit respectum ad pro-
cessionem: item non generationem, nec spirationem,
quia nihil esset dictum ut videtur. ITEM quæritur
vtrum pater posset dici auctor generationis. Et quod
non, videtur, quia pater dicitur auctor filij, & sicut su-
pra dixit Hilarius, sensus est, id est, genitor filij, ergo
tunc idem esset dicere est auctor generationis, quod
genitor.

Distin. 9.

RESP. Dicendum quod auctor dicit in patre fontalem
plenitudinem, quia ipse non est ab alio, sed alij ab ipso,
& inde dicit (ut credo) eandem notionem, quam dicit
innascibilis, sed differenti modo. Quia innascibilis dicit
priuationem prioris: sed auctor dicit fecunditatem, &
plenitudinem respectu procedentium ab ipso, quam ha-
bet non aliunde, & ideo dicitur auctor ab auctoritate.
Auctoritas autem est in patre: quia quod habet, ab alio
non habet, & hoc est, quod est innascibilis, & ita patet
quod potest dici auctor omnium personarum quæ sunt
ab ipso. Ex his patet responsio. Dico enim quod dicit
eandem notionem quam innascibilitas: sed alio modo.
Ex hoc patet, quod nunquam dicitur filius auctor spi-
rationis, quamvis spiret: quia non habet à se sed ab alio:
unde auctor proprie dicitur principium alterius non
ab alio.

Distinguere inter illam generationem, & istam processio-
nem nescio. Dub. V.

Videtur talis ignorantia esse peccatum, quia distin-
ctio personarum de necessitate est fidei, & salutis: sed
qui ignorat ea quæ sunt de necessitate fidei, damnabi-
liter ignorat: ergo, &c.

RESP. Dicendum quod duplex est scire, scilicet si est,
& sicut est. Scire si est, hoc modo certitudinaliter cre-
dere distinctionem de necessitate salutis est large sum-
pto scire. Scire autem sicut est non pertinet ad statum
meriti sed præmij, & de hac scientia loquitur hic Ma-
gister, & Augustinus. Et nota quod tria dicit: Nescio,
quantum ad habitum scientiæ: non valeo, quantum ad
ingenium: non sufficio: quantum ad vtrunque.

Dub. VI.

Ideo obicitur de hoc quod dicit appellatur ingeni-
tis, non quidem in scripturis, sed in consuetudinem di-
sputantium.

CONTRA per Dionysium: Non est attendendum ali-
quid dicere de illa supersubstantiali, & sancta Trinitate
præter ea quæ diuinitus nobis ex sacris eloquiis clare-
runt: ergo male fecerunt quia nomen hoc inuenerunt.

Dion. c. 1. de
diu. nom.

RESP. Quamvis istud verbū non dicatur in scripturis,
dicitur tamē verbi huius intellectus: & quia verbū non
est profanū, nec errori conuictū, cum intellectus ver-
bi ex scriptura ex fide habeatur, non fuit cōtra fas illud

DISTINCTIO XIII.

De æterna processione Spiritus sancti quantum
ad generationem, à qua distinguitur.

Post hac considerandum: &c.

Expositio Textus.

SVPRA egit Magister de processione per cōpa-
rationem ad illum ad quē, & à quo est. Hic ter-
tio loco agit de ipsa secundū comparisonem,
& generationem, à qua differt. Et hæc pars habet duas
partes. In prima Magister quærit, & determinat vtrum
Spiritus sanctus debeat dici genitus. In secunda vtrum
debeat dici ingenitus, ibi: *Nunc considerandum est, cum
Spiritus sanctus non sit genitus.* Item, prima pars habet
quatuor. In prima ostendit, quod Spiritus sanctus non
debeat dici natus, vel genitus, vel Filius. In secunda
ostendit quod cum Spiritus sanctus non dicatur genitus,
cur Filius qui dicitur genitus, etiam dicitur procedere,
ibi: *Cum autem Spiritus sanctus non dicatur, & ratio, est
quod aliter dicitur Filius procedere, quam Spiritus sanctus.*
In tertia vero tentat assignare differentiam inter gene-
rationem, & processionem, ibi: *Inter generationem vero
Fili, & processionem, &c.* In quarta vero, & vltima osten-
dit humanam insufficientiam ad illam differentiam inda-
gandam, ibi: *Quid autem inter nasci, & procedere interfit.*
Similiter secunda pars in qua Magister quærit, & deter-
minat, vtrum Spiritus sanctus debeat dici ingenitus, ha-
bet quatuor partes. In prima ostendit Magister, & pro-
bat auctoritate August. quod Spiritus sanctus non de-
bet dici ingenitus. In secunda vero ostendit contrarium
auctoritate Hieronymi quod debet dici ingenitus, &
ponitur, ibi: *Hieronymus tamen in regulis definitionū, &c.*
In tertia vero prædictam controuersiam determinat per
distinctionem, ibi: *Sed ut istam, quæ videtur, repugnan-
tiam.* In quarta, auctoritate Hieronymi confirmat suam
solutionē, ibi: *Quod autem Hieronymus, ita acceperit, &c.*

*Si Spiritus sanctus Filius diceretur, amborum utique
Filius diceretur. Dub. I.*

Videtur ista ratio Augustini magis ad oppositum,
quam ad propositum: ex hoc enim similior esset gene-
rationi in creaturis, quæ est ex duobus.

RESP. Dicendum quod quamvis similior sit quantum
ad dualitatem producentium, non tamen quantum ad
modum producendi posset esse similitudo, quia sic
oportet quod altera personarum esset principium pas-
siuum: quantum autem ad hoc nō potest esse similitudo.

Nam Spiritus sanctus, &c. Dub. II.

Videtur male dicere, quia cum non sit datus nisi ex
tempore, videtur quod non procedat nisi ex tempore.

RESP. Sicut infra patebit, si intelligitur de processio-
ne temporali, datus dicit actum. Si autem de æterna, da-
tus dicit aptitudinem.

Deo attribueretur, ut ipsam Trinitatem conferendo apertius possimus intelligere.

Et aliter Augustinus. Dub. VII.

Hoc non videtur verum, quia hoc modo ingenuum conuenit essentia, ergo non est patris proprium.

RESP. Dicendum quod licet Magister dicat intellectum Augustini, tamen non totum. Ingenium enim secundum quod dicitur proprietas patris priuat esse ab alio, nec hoc sufficit ad hoc ut sit notio, nisi etiam consequenter dicat quod alius sit ab ipso: quia sicut obiectum est non esse ab alio siue non generari, conuenit essentia.

Et quod natum est, & factum non est. Dub. VIII.

Obiicit Arrius quod duodecim sint modi generationis, quorum quolibet dato, sequitur, quod filius non tantum natus, sed etiam factus est, & hos modos ponit disputans contra Victorianum. Primus modus est per defluxum lineae à puncto. Secundus est penes emissionem radij à sole, vel ab alio luminoso corpore. Tertius est penes sigillationem characteris, sicut figura fit in cera à sigillo. Quartus est penes immissionem, ut quando à Deo datur bona voluntas. Quintus est penes exitum proprietatis, vel accidentis à principiis subiecti: quae sunt materia & forma. Sextus est penes intentionis siue speciei abstractionem, sicut species rerum generatur in anima. Septimus est penes excitationem, sicut liberum arbitrium excitatum à gratia procedit in bona opera. Octauus est penes transfigurationem, sicut ex ære fit statua, vel sicut in figura incisionis. Nonus est penes productionem, sicut à primo mouente immobili producitur motus. Decimus est penes exitum specierum in genere per differentias diuidentes genus & constituentes speciem. Vndecimus est penes ideationem: sicut arca exterior, ab arca quae est in mente artificis. Duodecimus est penes nascentiam, ut homo generatur ab homine. Quocumque autem praedictorum modorum generetur filius, non tantum genitus est, sed etiam factus est.

AD hoc est responsio, quia aut Arrius accipit generationem communiter ad creatam & diuinam, aut specialiter in creatura. Si communiter, tunc dico quod insufficienter diuidit, quia ultra istos modos est generatio filij à patre secundum modum singularem, qui est de tota substantia generantis, sicut supra dictum fuit 9. distinctione, ubi, quia non potest esse mutatio, nullo modo potest esse factio. Si autem diuidat generationem ut est in creaturis, dicendum quod diuisio illa insufficientis est adhuc, quia omittit generationem æquiuocam, quae est secundum putrefactionem. Sed esto quod comprehendat eam sub generatione quae est secundum nascentiam, tamen adhuc non valet ad propositum, quod si non generatur, sicut creatura dicitur generari: nullo modo generatur: quamvis enim creatura sit Deo similis, tamen plus est dissimilis quam similis, sicut dicit Augustinus in 15. de Trinit. & Hilarius. Similiter cum omnis comparatio inferiorum plus habeatur hominibus utilis quam Deo apta: & ideo haeretici errauerunt qui credebant omnino esse in Deo, sicut videbant in creatura, & hoc bene tangitur in Gloss. super primum ad Hebraeos, ubi dicitur: Non possunt temporalia comparari æternis integra collatione, sed aliqua tenui similitudine, & ideo sicut supra ostensum est, secundum diuersas condiciones, diuersae generationes illam representant. Ratione enim conformitatis est similis generationi Verbi à mente. Ratione coæuitatis, similis generationi splendoris à sole, siue de luce. Ratione aequalitatis, generationi viuientis de viuente.

ARTICVLVS I.

AD intelligentiam eorum quae dicuntur in litera, quatuor quaeruntur. Primo quaeritur utrum in diuinis sit ponere processionem. Secundo utrum processio Spiritus sancti sit generatio. Tercio utrum processio

Spiritus sancti realiter differat à generatione. Quarto utrum Spiritus sanctus debeat dici ingenuus, aut non.

QUESTIO I.

An in diuinis sit ponere Processionem.

Alex. Alensis 1. p. q. 42. Membrum 1.

S. Thom. 1. p. q. 27. art. 1.

Et 1. Sent. dist. 13. art. 1.

Et de Pot. q. 10. art. 1.

Scotus 1. Sent. dist. 2. q. 7.

Ægid. Rom. 1. Sent. dist. 13. q. 1.

Rich. 1. Sent. dist. 13. q. 1.

Petrus de Taranio 1. Sent. dist. 13. q. 2.

Quod processio sit ponenda in diuinis, ostenditur primo auctoritate Ioannis per quem dicit Saluator: Mittam vobis Spiritum veritatis qui à Patre procedit. Si ergo Veritas non dicit nisi Verum, & verba Dei non loquitur nisi proprie vera: ergo proprie est processio in diuinis.

ITEM in diuinis verissime est origo, ergo & productio, sed omni productioni actiuae respondet productio passiva: sed productio passiva est processio: ergo à primo ad vltimum in diuinis vere & proprie est processio.

ITEM amor noster & est amor, & ab alio, & exitus eius ab alio vere & proprie exprimitur in verbo procedendi: cum ergo amor diuinus qui est Spiritus sanctus vere & proprie amor sit, & ab alio: sicut nomen amoris ei competit propriissime, ita videtur ei conuenire & processio.

ITEM ad completam rationem processionis ista duo requiruntur, quod sit ab alio, & in alium tendat: sed amor qui est Spiritus sanctus non procedit à Patre in quantum amat se, nec à Filio in quantum amat se: sed in quantum vnus amat alterum, quia nexus est: ergo Spiritus sanctus est amor quo amans tendit in alium, & ista duo complectuntur rationem processionis perfectae: ergo processio est in diuinis.

1. CONTRA: Processio de ratione sui nominis dicit elongationem, & recessionem. Vnde processio quasi procul cessio, sicut praecessio dicit antecessionem. Sed sicut in diuinis non est antecessio propter summam simultatem, ita non est elongatio propter summam vnitatem: ergo sicut in diuinis non ponitur nomen praecessionis, ita non debet poni nomen praecessionis.

2. ITEM in creaturis processio de ratione sui generis dicit motum, & ita indigentiam, & imperfectionem: sed nullum tale nomen debet transferri ad Deum: ergo nec processio.

3. ITEM creatio dicit specialem differentiam processionis, & differentiam addentem nobilitatem: quia dicit egressum rei à Creatore, qui est causa nobilissima: sed creatio passiva nullo modo reperitur in diuinis, nulla enim persona dicitur creari: ergo pari ratione nec processio.

4. ITEM processio in creaturis non dicitur nisi dupliciter, videlicet localis, & causalis. Localis quae est in motu progressiuo. Causalis quae est effectus à causa: sed localis non potest transferri ad diuina, quia nulla mutatio secundum locum, nec in generali, nec in speciali, cadit in Deo: & praeterea cum talis sit ab vno in alium oporteret ponere, quod Spiritus sanctus aeternaliter non procederet à Patre & Filio: non ergo inuenitur processio localis: sed haec nobilior est quam causalis, quia ista est entis completi, & à principio intrinseco: ergo per locum à maiori, nec causalis inuenitur in Deo, & ita nullus modus processionis reperitur.

CONCLUSIO.

Processio in diuinis ponenda est, cum sit ibi respectus principij à quo, & respectus termini ad quem: quanquam elongatio non adsit, quae ex accidenti processionem contingit.

RESP. Ad arg. Dicendum quod processio in creaturis

dicat

dicit respectum ad principium à quo ut radius dicitur procedere à sole, sicut flos ab arbore, & quod dicit motum, hoc accidit ei. Et similiter ratione nominis dicit respectum ad terminum ad quem, & quod dicit elongationem, hoc accidit ei. Quoniam ergo in diuinis vterque respectus reperitur: nam persona procedens respectum habet ad principium à quo, ut amor procedens ab amante respectum habet ad amatum, amor scilicet ille qui est nexus & charitas: ideo vere, & proprie, & perfecte ratio processionis inuenitur in diuinis, unde concedendæ sunt rationes ad hoc adductæ.

1. Ad illud ergo quod obiicitur in contrarium quod processio dicit elongationem, dicendum quod hoc verum est in creaturis, in quibus per appropriationem ad terminum ad quem fit elongatio à termino à quo, propter sui finitatem, & circumcriptionem, & distantiam, & sic non est in Deo.

2. Ad illud quod obiicitur quod processio dicit motum in creaturis, dicendum quod non transfertur ratione motus, sed ratione duplicis respectus, qui quamvis non posset esse in creaturis sine motu propter imperfectionem, nihilominus est in Creatore.

3. Ad illud quod obiicitur de creatione, dicendum quod creatio de principali impositione dicit exitum de nihilo, & ideo nullo modo significatum eius potest in Deo saluari, nec proprie, nec transumptiue: non sic autem est de generatione & processione.

4. Ad illud quod obiicitur quod nec causalis, & nec localis, dicendum quod immo ad modum causalis. Et causalis vno modo convenientiam habet cum locali. Nam causalis processio vno modo terminatur in procedente, ita quod nihil ultra respicit, ut cum dicitur, filius procedit à patre. Alio modo prout effectus respicit aliquem ut terminum, & sic procedit amor ab amante in amatum. Et aliquo modo conuenit cum processione locali, quia respicit terminum ad quem, aliquo modo differt, quia non respicit tanquam in illo recipiatur, sed tanquam obiectum: & quoniam respectus, & emanatio vere reperiuntur in diuinis, hinc est quod illa emanatio dicitur ad similitudinem emanationis causalis: sed similitudo localis processionis ibi non cadit, nisi longinque, & ideo Græci decepti sunt. Et ad illud quod processio localis est perfectior, dicendum quod processio localis semper habet imperfectionem coniunctam ratione nominis, non sic originalis: & verum est, quod perfectior est inter motus, sed processio in diuinis non dicit motum, sed originem sine motu, & mutatione, sicut supra dictum est de generatione.

QVÆSTIO II.

An processio idem sit quod generatio.

Alex. Alensis 1. p. q. 43. Membr. 2.
S. Tho. 1. p. q. 27. art. 4.
Securus 1. Sent. dist. 13. q. 1.
Richardus 1. Sent. dist. 13. q. 3.
Durandus 1. Sent. dist. 13. q. 2.
Io. Bacon. 1. Sent. dist. 13. q. 1.
Greg. Arim. 1. Sent. dist. 13. q. 1.
Petrus de Tarantasia 1. Sent. dist. 13. q. 4.
Gabriel Biel. 1. Sent. dist. 13. q. 1. art. 2.

Vtrum processio Spiritus sancti sit generatio. Et quod non, videtur per August. in 15. de Trinit. Sicut Filio præstat essentiam sine vlllo initio temporis, & sine vlla mutatione generatio, sic Spiritui sancto processio: ergo si non est idem quod præstat essentiam duabus personis, &c.

ITEM hoc ipsum videtur ratione, quia generatio est emanatio secundum modum fecunditatis naturæ: sed sicut supra probatum est, Spiritus sanctus procedit per modum liberalitatis & amoris: ergo non generatur: ergo generatio non est processio.

ITEM nihil vnum exit à duobus similibus per viam generationis, nisi alter sit ut pater, alter ut mater: alter ut principium actuum, alter ut principium passuum:

A sed Spiritus sanctus procedit à duobus similibus: ergo si per viam generationis, & alter est ei ut pater, alter ut mater, quod omnino absurdum est.

ITEM filius est sua generatio, & Spiritus sanctus est sua processio: ergo si procedere esset generari, Spiritus sanctus esset Filius: sed Spiritus sanctus procedit à Filio, & dicitur Spiritus Filij, sicut Filius dicitur Patris: ergo si Filius non est Pater, nec Spiritus sanctus est Filius: ergo nec processio est generatio.

1. **C**ONTRA: In his inferioribus generatio est motus ad substantiam. Unde generatio est substantiæ productio: sed processio Spiritus sancti est substantiæ secundum hypostasim productio: ergo est generatio.

2. **I**TEM generare sic diffinitur à Damasceno: Generare est sibi similem in substantia producere: sed spiratione vel processione producit Spiritus similis in natura: ergo & processio est generatio.

3. **I**TEM actiones & mutationes denominantur à termino: ergo quæcunque conueniunt in eo quod habetur per emanationem, conueniunt in modo emanandi: sed Filius, & Spiritus sanctus conueniunt in substantia quam habent per emanationem: ergo conueniunt in emanatione: ergo si modus emanandi Filij est generatio, & Spiritus sancti similiter.

4. **I**TEM productio est superius ad generationem: sed quæcunque producuntur, procedunt: ergo processio est superius ad generationem: ergo generatio est processio: ergo pari ratione processio est generatio. Si dicas quod processio appropriatur Spiritui sancto, quæro rationem, & videtur quod magis debeat appropriari Filio, quia ratio procedendi secundum rationem intelligendi per prius est in Filio: ergo processio magis debet ei appropriari.

5. **I**TEM si generans est spirans: ergo genitus est spiratus, & e conuerso: sed spiratio passiva est processio: ergo, &c.

CONCLUSIO.

Quemadmodum Spiritus sanctus non est Filius, sic Spiritus sancti processio non est generatio.

RESP. ad arg. Dicendum quod sicut Spiritus sanctus non est filius, ita nec processio Spiritus sancti est generatio.

1. 2. **A**d illud ergo quod obiicitur in contrarium quod generatio est productio substantiæ, dicendum quod est producere substantiam secundum voluntatem, & est producere substantiam similem præter naturam, & est producere substantiam similem per modum naturæ. Isti tres modi distinguuntur, & diuersi, & separabiles sunt quantum est de se: quod patet, quia in productione Adam fuit substantiæ productio, & tamen non fuit generatio. Deus enim non generauit Adam, sed creauit. In productione Euz de Adam fuit similis substantiæ productio: non tamen generatio; quia Adam non genuit Euz. Sed in productione Abel fuit substantiæ productio secundum viam naturæ, & ideo fuit ibi generatio secundum rem: ergo isti tres modi distinguuntur in Deo. Tamen in actione creaturæ non distinguuntur: quia creatura non potest substantiam producere nisi similem, & hoc per virtutem naturalem. Et ratio huius est imperfectio potentie, & limitatio in creatura, sed in Deo est summa potentia, & ideo in eius operatione isti tres modi habent distinctionem. Ideo quamvis in istis inferioribus gratia materiæ sit completa ratio generationis, productio substantiæ similis, vel productio substantiæ, non tamen in diuinis, immo oportet addi per modum fecunditatis naturæ. Et quia ista conditio defecit in productione Spiritus sancti, patet quod non sequitur.

3. **A**d illud quod obiicitur, quod similem habet vterque emanationem, dicendum quod differt emanatio in his inferioribus, & in Deo, quia in his inferioribus terminatur ad essentiam vel substantiam, quæ multiplicatur: sed in diuinis terminatur ad hypostasim: quoniam ergo hypostasis ad quam terminatur processio, est

Ad oppositum.

Lib. 2. cap. 2.

Arist. 5. Phys. con. 102. 4.

amor: hypostasis, ad quam terminatur generatio, est imago: & amoris & nexus est spirari, non generari. E converso, imaginis est generari non spirari, cum non sit consimilis ratio propria hypostasi secundum se: nec erit consimilis emanatio, ipse vero procedit, ac si ad substantiam proprie terminaretur.

4. Ad illud quod obiicitur quod processio est commune generationi, dicendum quod est commune generationi, & processioni proprie dictæ, & nos hic loquimur de processione pro ut tantum Spiritui sancto convenit, sic autem non est communis, nec hoc modo prædicatur nec subiicitur, nec est intelligenda ibi communitas rei, sed solum proportionis, siue modi loquendi. Quod ergo quæritur, quare magis Spiritui sancto appropriatur, quidam voluerunt dicere, quod sicut hoc nomen, *Proprium*, commune est diffinitioni, & propriæ passioni, tamen quia diffinitio addit supra nomen proprii, propria passio non, ideo diffinitio habet nomen, propria passio non, sed nomen commune retinuit. Sic etiam dicunt in proposito. Sed hoc est absurdum dicere, quod Spiritus non habet proprium, & singularem modum emanandi sicut Filius. Ideo volunt alij quod addit alium modum, sed quia ille modus in creaturis non est, quia aut raro aut nunquam procedit aliqua hypostasis aliter quam per generationem, ideo sacri Doctores nolunt nomen proprium, vel novum fingere: sed magis commune appropriare. Sed illud adhuc non videtur verum, quia sicut emanatio Filij recte exprimitur à verbo generandi, ita emanatio Spiritus verbo spirandi. Et propter hoc aliter dicendum quia sicut Pater dicitur ingenuus, quia ab eo remouetur omnis generatio, quia, nec generatur, nec est à generato. Similiter e converso, processio proprie de eo dicitur, in quo est omnino ratio procedendi, & talis est Spiritus sanctus, quia procedit, & est à procedente: non sic autem Filius, ideo Spiritui sancto attribuitur. Aliter potest dici quod completatio processionis consistit in comparatione ad principium à quo, & ad terminum ad quem, & quia Spiritus in sua emanatione, quia nexus est, utrumque respicit: filius alterum, ideo completissima ratio huius nominis reperitur in Spiritu sancto, quamvis aliquo modo reperiat in Filio, & ideo Spiritui sancto appropriatur.

5. Ad illud quod obiicitur ultimo, quod generans est spirans, dicendum quod illa prædicatio non est formalis: sed solum ratione suppositi. & quia una persona, siue vnum suppositum potest generare & spirare, ideo hæc est vera: generans est spirans: sed nulla persona unica potest simul pluribus modis emanare: ideo non sequitur quod genitus sit spiratus.

QVÆSTIO III.

An Processio Spiritus sancti differat à Generatione Filij realiter, vel solum secundum rationem intelligendi.

S. Thom. 1. p. q. 27. art. 3.

Scot. 1. Sent. dist. 13. q. unica.

Egidius Rom. 1. Sent. dist. 13. q. 2.

Franciscus de Mayr. 1. Sent. dist. 13. q. 1.

Thom. Arg. 1. Sent. dist. 13. q. 1. art. 2.

Marsilius Inguen. 1. Sent. q. 16. art. 2.

Gabr. Biel. 1. Sent. dist. 13. q. 1. art. 1.

Vtrum processio Spiritus sancti realiter differat à generatione Filij, an solum secundum rationem intelligendi. Et quod realiter, videtur: Personæ differunt secundum suas emanationes, cum personæ realiter differant, non tantum intellectualiter, quia omni intellectu circumscripto, adhuc remanet Trinitas: ergo emanationes quæ sunt processio & generatio, differunt realiter.

ITEM quæ sunt à diversis principiis, realiter differunt: sed generatio est ab vno in diuinis, processio Spiritus sancti à duobus, quia à patre & Filio: ergo realiter differunt.

ITEM secundum rem & veritatem, aliquorum est

principium diuina substantia ut, voluntas, quorum non est principium ut natura, sicut pater: quia creaturæ sunt à Deo agente per modum voluntatis, non per modum naturæ: si ergo processio est voluntatis per modum voluntatis, generatio per modum naturæ, ut naturæ: processio & generatio realiter differunt.

ITEM in imagine creata egressus verbi, & egressus amoris distinguuntur, quia differunt realiter: hoc enim perfectionis est, quia ex hoc faciunt imaginis Trinitatem: sed secundum quod differunt essentialiter, hoc est, imperfectionis: sed omne quod perfectionis est, ponendum est in diuinis: ergo processio & generatio realiter differunt, quamvis non essentialiter.

1. **C**ONTRA: Pater spirat, & generat. Aut ergo in quantum vnus aut in quantum plures, vel plura. Si in quantum plures, vel plura, sic pater est compositus. Si in quantum vnus: sed quia pater & filius spirant in quantum vnum, non sunt duæ spirationes, sed vna ergo similiter si pater si irat, & generat in quantum vnum, spiratio & generatio est vna productio.

2. **I**TEM secundum omnes verum est quod pater ratione fecunditatis naturæ intellectualis generat, ratione fecunditatis voluntatis spirat: sed in Deo idem est voluntas & natura: ergo, &c.

3. **I**TEM emanationes patris penes terminos distinguuntur: sed pater omnino idem totum quod dat Filio per generationem, dat Spiritui sancto per processionem: ergo spiratio & generatio sunt omnino vna emanatio.

4. **I**TEM hoc ipsum ostenditur per impossibile. Si differunt, aut seipsis, aut aliis. Non seipsis, quia emanationes nec sunt à se, nec ad se: ergo si vnumquodque distinguitur per illud quod est, vel à quo, emanationes huiusmodi seipsis non distinguuntur. Si aliis, aut essentia aut notione, aut persona. Non essentia constat, quia illa non distinguitur, nec distinguit. Non persona, quia eius est distingui, non distinguere: ergo si differunt, hoc erit aliis notionibus, & similiter erit querere de illis aliis, & sicut in infinitum, ergo, &c.

5. **I**TEM si differunt, aut differentia substantiali aut accidentali. Non substantiali, quia talis differentia non est in diuinis. Non accidentali, quia in Deo non est accidens: ergo, &c.

6. **I**TEM plus differt filius à creatura, quam à Spiritu sancto: ergo plus differt generatio à creatione, quam à processione. Sed generatio non distinguitur à creatione: ergo nec à processione. Probatio mediæ, creatio est diuina essentia: sed persona & essentia non distinguuntur ab inuicem: ergo nec generatio & creatio.

CONCLUSIO.

Generatio & spiratio non tantum secundum rationem dicendi differunt, sed secundum differentiam habitudinis, & originis etiam & hoc seipsis.

RESP. Ad arg. Dicendum quod generatio & spiratio siue processio, differunt non tantum secundum rationem dicendi, sed etiam secundum differentiam originis & habitudinis. Quia diuersus est modus se habendi & differens modus originis: talis autem differentia unitati essentiae non repugnat. Si autem quæritur ratio differentiarum harum emanationum, dicendum quod prima ratio differendi non potest assignari à parte terminorum. Termini enim sunt personæ quæ non important rationem differendi actiue: sed passiue. Si ergo personæ differunt, quare & in quibus differant, si ostendere voluerimus, necesse est redire ad emanationes, & relationes, quæ sunt generatio & processio, & ita in hac assignatione erit circulus. Similiter ex parte principiorum. Si enim dicatur quod differant hæc duæ emanationes secundum fecunditatem duplicem, naturæ & voluntatis, quæro, quo modo differat fecunditas à fecunditate. Si dicas, quod

fecunditas

natur
vera
ratio-do-
m ac-
co.
3. q.
ubi
ratio-
dat
q. de
o.a-
it
ira
t. 6.
is
u.

fœcunditas naturæ est in solo Patre: voluntatis in Patre & Filio. Hoc vltiorem habet quæstionem, unde veniat hæc differentia: & oportet ad hoc venire, quod fœcunditas naturæ est in vno, quia imago procedens per illam nata est esse solum ab vno, fœcunditas voluntatis in duobus: quia nexus siue processio per modum nexus, est in duobus, & ita redit differentia in primum, & est ibi ratio circularis: ergo patet secundum hoc, quod harum emanationum differentia prima, nec est sumenda à parte termini, nec à parte principij. Et ideo notandum quod est loqui de huiusmodi emanationibus quantum ad esse, & quantum ad distinguere. Si quantum ad esse, sic habent rationem essendi à suis perfectis principijs, & fœcundis. Quia enim in Deo est perfectissima natura, & natura vera: ideo perfecta, & vera fœcunditas in hypostasi quæ habet rationem principij. Et quia vera, & perfecta, & propria est fœcunditas naturæ: ideo veram, & propriam habet emanationem, & hæc est generatio, similiter intelligendum est de spiratione quantum ad voluntatem. Unde ratio quare huiusmodi vere sint in Deo, est vera fœcunditas naturæ, & voluntatis. Si autem loquamur quantum ad differre, dicendum quod seipsis differunt, sicut ostensum est, & quia omnis distinctio in diuinis venit à modis originis, & relationis. Unde sicut duæ differentie seipsis differunt, vt rationale, & irrationale, similiter in diuinis hæc duæ emanationes. Et sicut differentie differentiarum innotescunt nobis per alias differentias, quæ ab his oriuntur. Sic & in diuinis: quia enim seipsis distinguuntur generatio & spiratio, ad eas consequitur secundum rationem intelligendi differentia duplex. Vna quia generatio est ab vno, sed spiratio à duobus. Quia enim generatio est emanatio per modum perfectæ assimilationis, ideo ad vnum principium respicit.

Quia vero spiratio est emanatio per modum connexionis, ideo est à duobus. Alia differentia est in comparisonem ad nos. Quia enim Spiritus sanctus spiratur vt nectens, & ita in alterum tendens: ideo Spiritus sanctus procedit, vt donabilis. Filius vero generatur, & generatio non respicit tertium. Per has differentias necessario elicitur harum emanationum concomitantia. Quia spiratio dat præintelligere generationem: non enim necluntur nisi distincti, & similes, & ita illi quorum vnus est ab alio per generationem. Similiter generatio dat consequenter intelligere spirationem: necesse est enim distinctos, & omnino similes per deliciosum amorem coniungi. Concedendæ ergo sunt rationes probantes quod differunt, sicut est manifestatum in rationibus, sed illæ rationes non sunt sumptæ à priori. Aliqui tamen voluerunt assignare alias differentias, & quidam per vim spiratam, & generatam dicunt differre: sed hæc differentia declarat ignotum per ignotius. Alij etiã dixerunt quod filius procedit per modum esse: Spiritus sanctus per modum bene esse: sed hæc verba non sunt sana, nec tali materiæ convenientia.

1. Ad illud ergo quod primo obiicitur, vtum pater spiret in quantum vnus, & c. dicendum quod nec in quantum vnus, nec in quantum plures, sed in quantum alio, & alio modo se habens, quia alio modo se habet ad Filium, alio modo ad Spiritum sanctum. Iste autem alius, & alius modus se habendi, non repugnat vnitati substantiæ vel personæ: sed Pater & Filius spirant in eo quod vnum vno modo se habens. Inde est quod duplex est processio Filij & Spiritus sancti à Patre: sed vna est spiratio, siue processio Spiritus sancti à Patre & Filio.

2. Ad illud quod obiicitur quod natura & voluntas in Deo sunt idem, dicendum quod etsi natura & voluntas in Deo considerata absolute sint idem, tamen aliquid respicit voluntas vt voluntas in ratione principij, quod nõ respicit natura vt natura. Et inde est, quod sicut non sequitur creatura est à Deo per modum voluntatis, quod ideo sit etiam per modum naturæ. Similiter quia natura & voluntas comparantur ad has emanationes sub ratione principij, ideo nihil prohibet has emanationes differre, quamvis idem sint in substantia natura, & voluntas.

3. Ad illud quod obiicitur quod emanationes differunt penes terminos, dicendum quod in his inferioribus est verum, vbi emanatio dicit ens in potentia, & ita imperfectum, non autem est verum in Deo, quia ibi non dicunt ens in potentia nec imperfectionem. Unde in diuinis non sunt ratio distinguendi. Tamen si velimus dicere quod differunt penes terminum, non accipimus terminum pro substantia, vel essentia, sed pro hypostasi, vt prius habitum est.

4. Ad illud quod quæritur, vtum seipsis, vel aliis, patet quod seipsis. Et ad id quod obiicitur, quod non habent esse à se: ergo nec distinguere, dicendum quod illud non tenet in esse originali, quamvis enim à genere differentie habeant ortum, tamen non distinguuntur à genere, sed à seipsis.

5. Ad illud quod obiicitur, quo modo differunt, aut substantiali aut accidentali differentia, dicendum quod insufficienter diuidit, quia in diuinis est relationum differentia, vt dicit Augustinus in 5. lib. de Trin. Quæ nec accidentalis, nec substantialis est: sed magis dicitur originalis.

6. Ad illud quod obiicitur de creatione, dicendum quod ratione connotati, magis differt creatio: sed ratione principalis significati, non tantum differunt: quia non tantum differt essentia à persona, quantum persona à persona. Unde prædicatur essentialiter de persona, nec facit aliquo modo aliquem numerum: persona vero distinguitur ab alia persona, & ideo non valet argumentum.

Cap. 5. 10. 3.

QVÆSTIO IV.

An Spiritus sanctus sit ingenuus.

S. Tho. 1. p. q. 33. art. 4.
Et 1. Sent. dist. 13. art. 4.
Scotus 1. Sent. dist. 13. q. 1.
Agil. Rom. 1. Sent. dist. 13. 2. p. q. 2.
Richard. 1. Sent. dist. 13. q. 4.
Thom. Arg. 1. Sent. dist. 13. q. 1. 2. 4.
Marsilius Inguen. 1. Sent. q. 16. art. 3.

SVpposita differentia generationis & processionis: Quæritur hic quarto, vtum Spiritus sanctus sit ingenuus. Et quod sic, videtur auctoritate Hieronymi, quam Magister ponit in litera.

1. ITEM hoc ipsum ostenditur ratione Hieronymi. Quia omne quod est, aut est ingenuum, aut genitum, aut factum: sed Spiritus sanctus non est genitus, aut factus: ergo est ingenuus.

3. ITEM negatio priuatiua cum constantia subiecti, æquipollet priuatiuo termino. Unde non par circa numerum, idem est quod impar, & sic cum Spiritus genitus non sit: ergo est ingenuus.

4. ITEM plus distat à ratione generationis Spiritus sanctus quam Pater, quia pater generat, quamvis non generetur: Spiritus sanctus vero nec generat, nec generatur: ergo æque vere priuatur generatio à Spiritu sancto, vt à Patre: ergo sicut pater dicitur ingenuus, sic & Spiritus sanctus.

CONTRA: Augustinus ad Orosium dicit, quod solus Pater est ingenuus: ergo secundum hoc non conuenit Spiritui sancto.

ITEM ingenuus, aut dicitur secundum substantiam, aut secundum relationem. Si secundum relationem: ergo est notio, ergo Spiritus sanctus habet duas notiones & ita essent lex: quod est contra communem opinionem. Si secundum substantiam, ergo pari ratione diceretur de Filio, cum illud quod secundum substantiam, dicitur conueniat tribus.

ITEM cum diuina essentia non sit genita, nec Spiritus sanctus sit genitus, nec pater sit genitus, nec etiam aliquod istorum sit factum: ergo ratio ingenui secundum Hieronymum omnibus conuenit: quæritur ergo quo modo differunt.

Ad oppos.

Hieromy. in
lib. de regula,
dist. conera
habet.
Arist. 2.
Periher.
cap. 1.

Fundamēta.
Aug. ad
Oros. q. 2. 20-
mo 4.

CON

CONCLUSIO.

Spiritus sanctus dicitur ingenuus priuatiue, sed non ingenuus, quod ipse à nullo, & ab ipso alij.

RESP. Ad arg. Dicendum quod aliqui voluerunt distinguere de hoc nomine *ingenitum*, quod potest scribi per vnum N. & sic tantum valet quantum increatum, vel per duo N. & sic opponitur ei quod est genitum proprie dictum. Sed hæc distinctio, etsi valeat apud Græcos, non tamen valet apud Latinos, quia *ingenitum* per duo N. est vox non significatiua apud nos. Damascenus autem assignat hanc differentiam in lingua sua, quia Græcus erat. Præterea non valet ad propositum: quia nihil queritur hic de ingenuo, prout tantum valet quantum increatum: sed ut tantum valet quantum non genitum, siue innascibile.

1.2. Et propterea aliter dicendum est, & breuiter, quod *ingenitum* dicitur vno modo prout accipitur priuatiue, sc. pro eo quod non generatur, & hoc modo dicitur de Spiritu sancto, & de essentia. Alio modo prout *ingenitum* tantum valet quantum non ens ab alio, & à quo alij, & hoc modo dicitur notionem solius patris, quia dicit proprietatem, & dignitatem in patre. Et secundum primum sensum loquitur Hieron, secundum alium loquitur Augustinus. Vnde autem habent ortum isti sensus, & quare innascibilis sit notio, & non improcessibilis, infra dicetur. Ex his patet solutio contrarietatis: patent etiam obiecta.

3. Quod ergo obicitur quod negatio cum constantia subiecti æquipollet termino priuatiuo, verum est, si sit mere priuatiuum: sed illa ratio concludit solum de hoc nomine secundum quod priuat, non secundum quod aliquid ponit.

4. Ad illud quod obicitur, aut prædicat essentiam aut relationem, dicendum quod secundum quod dicitur de essentia, solum priuatiue, siue negative tenetur. Et ideo non prædicat aliquid, sicut quando dicitur: Essentia non generat. Cætera manifesta sunt, &c.

DISTINCTIO XIV.

De Processione temporali Spiritus sancti, quid videlicet in ea datur, & à quo.

PRÆTEREA diligenter adnotandum est, quod gemina est processio Spiritus sancti: aeterna videlicet, quæ ineffabilis est, quæ à patre & filio aeternaliter & sine tempore processit, & temporalis, quæ à patre & filio ad sanctificandam creaturam procedit. Et sicut ab aeterno communiter ac simul procedit à patre & filio: ita & in tempore communiter & simul ab utroque procedit ad creaturam, non diuisim à patre in filium, & à filio ad creaturam. Vnde August. in 15. lib. de Trinit. ait: Spiritus sanctus non de Patre procedit in Filium, & de Filio procedit ad sanctificandam creaturam: sed simul de utroque procedit, quamvis hoc Filio Pater dederit, ut sicut de se, ita etiā de illo procedat.

De temporali processione Spiritus sancti specialiter agitur.

De temporali autem processione, Beda in homilia Dominica prima post Ascensionem ita loquitur: Cum gratia Spiritus sancti datur hominibus, profecto mittitur Spiritus à patre, mittitur & à Filio: procedit à Patre, procedit & à Filio: quia & eius missio est ipsa processio. His verbis aperte ostendit, donationem gratiæ Spiritus sancti dici processionem, vel missionem eiusdem. Sed cum donatio vel datio non sit nisi tem-

poralis, constat quia & hac processio, siue missio temporalis est. Hanc quoque temporalem Spiritus sancti processionem Aug. in 15. lib. de Trin. insinuat dicens: Spiritus sanctus processit à Christo quando post Resurrectionem insufflauit in discipulos, his verbis: Cum surrexisset Christus à mortuis, & apparuisset discipulis, insufflauit, & ait: Accipite Spiritum sanctum: ut etiam eum de se procedere ostenderet: Et ipse est virtus, quæ de illo exibat (ut legitur in Euangelio) & sanabat omnes. Et ut ostenderet hanc processionem Spiritus sancti non esse aliud, quam donationem vel dationem ipsius Spiritus sancti, addidit: Post resurrectionem Dominus Iesus bis dedit Spiritum sanctum: semel in terra propter dilectionem proximi: & iterum de cælo, propter dilectionem Dei: quia per ipsum donum diffunditur charitas in cordibus nostris, quia diligimus Deum & proximum.

Quod aliqui dicunt ipsum Spiritum sanctum non dari, sed dona eius.

Sunt autem aliqui, qui dicunt Spiritum sanctum ipsum Deum non dari, sed dona eius, quæ non sunt ipse Spiritus. Et ut aiunt, Spiritus sanctus dicitur dari cum gratia eius, quæ tamen non est ipse qui datur hominibus. Et hoc dicunt Beda sensisse in superioribus verbis, quibus dicit Spiritum sanctum procedere, cum ipsius gratia datur hominibus: tanquam non ipse detur, sed gratia eius. Sed quod ipse Spiritus sanctus, qui Deus est, & tertia in Trinitate persona, detur, aperte dicit Aug. in 15. lib. de Trinit. ita dicens: Eundem Spiritum sanctum datum cum insufflasset Iesus, de quo mox ait: Ite, baptizate omnes gentes in nomine Patris, & Filij, & Spiritus sancti, ambigere non debemus. Ipse est ergo, qui etiam de cælo datus est die Pentecostes. Quomodo ergo Deus non est, qui dat Spiritum sanctum: immo quantus est Deus, qui dat Deum? Ecce his verbis aperte dicit Spiritum sanctum, ipsum scilicet Deum dari hominibus à Patre & à Filio. Et quod ipse Spiritus sanctus, qui Deus est ac tertia in Trinitate persona, nobis detur, nostrisque infundatur atque illabatur mentibus, aperte ostendit Ambr. in 1. lib. de Spiritu sancto dicens: Licet multi dicantur Spiritus: quia legitur: Qui facit angelos suos Spiritus: unus est tamen Dei Spiritus. Ipsum ergo vnum spiritum & Apostoli, & Propheta sunt consecuti: sicut etiam vas electionis dicit: Quia vnum spiritum potauimus: quasi eum qui non queat scindi: sed infundatur animis, & sensibus illabatur, ut secularis sitis restringat ardorem: qui Spiritus sanctus non est de substantia rerum corporaliū, nec de substantia inuisibiliū creaturarum. His verbis aperte dicit Spiritum sanctum ipsum, qui creatura non est, infundi mentibus nostris. Item in eodem: Omnis creatura mutabilis est, sed non mutabilis Spiritus sanctus. † Quid autem dicere dubitem, quia datus est Spiritus sanctus, cum scriptum sit: Caritas Dei diffusa est in cordibus nostris per Spiritum sanctum, qui datus est nobis? Qui cum sit inaccessibleis natura, receptibilis tamen propter bonitatem suam nobis est, complectens virtute omnia: sed qui soli participetur iustis, simplex substantia, opulens virtutibus unicuique præsens, diuidens de suo singulis, & ubique totus. † Incircūscriptus ergo & infinitus est Spiritus sanctus: qui discipulorum sensus separatorum infudit, quem nihil potest fallere. Angeli ad paucos mittebantur, Spiritus

sanctus

sanctus autē populis infundebatur. Quis ergo dubitet quin diuinum sit quod infunditur simul pluribus, nec videtur? Vnus est ergo Spiritus sanctus, qui datus est omnibus, licet separatis Apostolis. Et hic aperte dicit Amb. quod Spiritus sanctus, qui est substantia simplex, cum sit vnus, datur pluribus. Alia quoque auctoritate hoc idem astruitur, scil. quod Spiritus sanctus qui est equalis filio, hominibus detur. Ait enim Aug. de verbis Domini sic: Charitas Dei diffusa est in cordibus nostris per Spiritum sanctū, qui datus est nobis. A quo datur? Ab illo qui dedit dona hominibus. Quae dona? Spiritū sanctū: qui tale donum dat, qualis est ipse. Magna est misericordia eius: donum dat sibi aequale, quia donum eius Spiritus sanctus est. Praemissis his & aliis pluribus auctoritatibus, aperte monstratur quod Spiritus sanctus equalis Patri & Filio nobis datur: nec ideo tamen minor est Patre & Filio. Vnde Aug. in 4. lib. de Trin. ait: Non ideo, inquit, minorem Spiritum sanctum, quia & eum Pater misit & Filius, arbitrandum est.

An viri sancti, & Ecclesiae Praelati dent, vel dare possint Spiritum sanctum, Et quod non dent, hic ostenditur.

Hic queritur, utrum & viri sancti dent vel possint dare aliis Spiritum sanctum. Quem si aliis dant, cum eius donatio supra sit dicta processio, videtur ab eis procedere Spiritus sanctus, vel mitti: sed Creator à creatura non mittitur vel procedit. Restat ergo ut Spiritum sanctum ipsi non dent, nec possint. Vnde Aug. in 15. lib. de Trin. Non aliquis discipulorum Christi dedit Spiritum sanctum. Orabant quippe ut veniret in eos, quibus manum imponebant, non ipsi eum dabant. Quē morem in suis prepositis etiam nunc seruat Ecclesia. Deniq; & Simon magus offerens Apostolis pecuniam, non ait: Date mihi & hanc potestatem, ut dem Spiritum sanctum: sed cuiusque inquit, imposuero manus, accipiat Spiritum sanctum: quia nec scriptura superius dixerat: Videns autē Simon quia Apostoli darent Spiritum sanctum: sed dixerat: Videns autem Simon quia per impositionem manuum Apostolorum daretur Spiritus sanctus. Ecce his verbis ostendit Aug. nec Apostolos, nec alios Ecclesia prelatos dedisse, vel dare Spiritum sanctum.

Quod non possint dare Spiritum sanctum.

Et quod plus est, non posse etiam dare dicit in eodem libro, subdens: De Christo scriptum est quod acceperit à Patre promissionem Spiritus sancti, & effuderit: in quo utraque natura monstrata est humana, sc. & diuina. Accepit quippe ut homo, effudit ut Deus. Nos autem accipere quidem hoc donum possumus pro modulo nostro: effundere vero super alios, non utique possumus: sed ut hoc fiat, Deum super eos, à quo id efficitur, inuocamus. His verbis expresse dicit, nos Spiritum sanctum non posse alios effundere, id est, aliis dare.

Quod videtur contrarium.

Sed huic videtur contrarium quod Apostolus ad Gal. de se loquens ait: Qui tribuit vobis Spiritū & operatur virtutes in vobis. Ecce euidenter dicit se tribuisse Spiritum. Sed intelligendum est hoc dixisse Apostolum: non quia haberet potestatem & auctoritatem dandi Spiritum sanctum sed quia ministerium habuerit, in quo dabatur à Deo Spiritus sanctus. Vt enim ait Aug. super eundem locum, exponens illud Apostoli verbum: Ex operibus legis Spiritum accepistis, an ex auditu fidei? Ab Apostolo predicata est eis fides in qua predicatione aduentum & praesentiam Spiritus sancti senserant, sicut illo tempore in nouitate inuitationis ad fi-

dem, etiam sensibilibus miraculis praesentia Spiritus sancti apparebat, ut in actibus Apostolorum legitur. Aperte hic ostendit quo modo illis Spiritum sanctum Apostolus tribuerit: non utique ipsum mittendo in eos, sed predicando eis fidem Christi: quam illis recipientibus, quod Spiritus sanctus in eis esset, aliquibus signis visibilibus monstrabatur. Non ergo homines, quantumcumque sancti dare possunt Spiritum sanctum.

DISTINCTIO XIV.

De temporali Processione Spiritus sancti, quantum ad principium à quo.

Praeterea diligenter notandum est quod gemina est processio Spiritus sancti.

Expositio Textus.

TERMINATA parte quae est de processione aeterna: hic incipit secunda pars, quae est de processione temporali. Et quoniam in hac processione est tria considerare, sc. principium à quo procedit Spiritus sanctus, & modus secundum quem, & proprietates per quam aptus natus est procedere: ideo haec pars habet tres partes. In quarum prima agit Magister de processione temporali per comparisonem ad principium à quo. In secunda agit de ipsa in comparisonem ad modum secundum quem, infra: Nunc de Spiritu sancto videndum est, &c. In tertia per comparisonem ad proprietatem per quam natus est temporaliter procedere, & hoc est donum, siue donabilitas, infra: Hic queritur, cum Spiritus sanctus per quem diuiduntur dona. Prima pars iterum habet duas. In prima parte ostendit, quod Spiritus sanctus temporaliter mittatur, siue procedat à Patre & Filio. Secundo queritur, utrum mittatur, siue procedat à se, infra: Hic considerandum est, cum Spiritus sanctus detur hominibus, &c. Prima pars est praesentis Distinctionis, & habet duas partes. In prima ostendit quod procedit temporaliter à Patre & Filio. In secunda queritur, utrum Spiritus sanctus detur à sanctis hominibus, ibi: Hic queritur, utrum & sancti viri dent, vel possint, &c. In prima iterum parte tria facit, secundum tres partes. In prima ostendit quod gemina est processio Spiritus sancti. In secunda quod utraque processio est à Patre & Filio, ibi: De temporali autem processione Beda in homil. &c. In tertia, quia Spiritus sancti temporalis processio eius est donatio, ostendit ipse quod Spiritus sanctus in propria persona donetur, non tantum in eff. &c. ubi: Sunt aliqui qui dicunt Spiritum sanctum. Similiter secunda pars, quae incipit, ibi: Hic sequitur, utrum & sancti viri dent, vel, &c. In qua ostendo quod Spiritus sanctus procedat temporaliter, siue donetur à Patre & Filio, querit Magister, utrum donetur ab aliquo sancto viro. Et haec pars habet tres partes secundum tria, quae ostendit. Primo namque declarat, & probat quod Spiritus sanctus non detur ab aliquo sancto viro. Secundo vero ostendit auctoritate Augustini quod non potest dari, ibi: Et quod plus est, non posse etiam dari, &c. In tertia opponit ad contrarium, quia videtur datus à Paulo, ibi: Sed huic videtur contrarium quod Apostolus, &c. ubi soluit quod non est datus ab ipso, sed ab eius ministerio.

Praeterea diligenter. Dub. I.

In parte ista sunt dubitationes circa literam, & primo de situ huius partis, quia non videtur quod hic deberet agere de processione temporali, quia in hac parte agit de his quae aeternaliter Deo conueniunt. Praeterea, cum generatio Filij aeterna & temporalis in alio, & alio libro determinetur, quia aeterna in primo, sed temporalis in tertio: quare non similiter facit de processione Spiritus sancti.

RESP. Dicendum quod processio temporalis & aeterna.

na ab eodem principio sunt, sicut dicit Magister, & iterum est ibi quodam modo modus producendi conformis, & ideo una facit ad declarationem alterius, & ideo incidentaliter ponitur hic tractatus de processione temporali, ad manifestationem processionis æternæ. Sed sic non est de generatione Filij temporali, quia non est ab eodem principio, imo à matre tantum, & respicit duas naturas, scilicet diuinam & humanam: ideo debuit de ea determinari post diuinam, de qua agitur in primo: & post humanam naturam, de qua in secundo.

Et temporalis, qua à Patre & Filio ad sanctificandam creaturam procedit. Dub. II.

Videtur dicere falsum, quia processio temporalis est eius missio: sed Spiritus sanctus est missus in columba, & in linguis igneis, quas non sanctificauit.

Si tu dicas quod non est missus ad linguas: sed in linguis missus ad Apostolos quos sanctificauit.

CONTRA: Missus est in columba super Christum, nec sanctificauit columbam, nec Christum.

RESP. Potest ad hoc dici quod Magister non generaliter diffinit hic processionem temporalem: sed specialiter, prout est idem quod missio inuisibilis, in qua datur Spiritus sanctus, & sanctificatur creatura. Vel potest dici quod generaliter accipit sanctificationem. Sanctificare enim tripliciter accipitur. Vno modo secundum quod est de non sancto sanctum facere. Secundo modo iam sanctum in sanctitate confirmare. Tertiò modo iam sanctum & confirmatum manifestare: & secundum aliquem istorum modorum reperitur sanctificatio in omni Spiritus sancti missione ratione terminata ad quem, & sic accipit Magister.

Et ipse est virtus, qua de illo exibat. Dub. III.

Videtur hoc de Spiritu sancto male dicere: quia aut virtus accipitur proprie, aut appropriare. Primo modo non constat. Quod non secundo modo, videtur. Quia dicimus Christum Dei virtutem, & Dei sapientiam, &c.

AD hoc potest dici quod Spiritui sancto non appropriatur virtus simpliciter, sed virtus sanatiua, & hoc quia gratia sanatiua est donum Spiritus sancti, & gratia eius est ipsius animæ medicina: sed Filio appropriatur virtus operandi, quia omnia per ipsum facta sunt. Aliter potest dici quod virtus vel habet comparisonem ad illud quod est, & sic tenet rationem principij: vel ad id cuius est, & sic tenet rationem complementi: vel ad utrumque, & sic tenet rationem medij. Sicut ergo ex ipso appropriatur Patri: per ipsum Filio: in ipso, Spiritui sancto, ita virtus in quantum tenet rationem principij, appropriatur Patri: in quantum tenet rationem medij, Filio: in quantum rationem complementi, Spiritui sancto: quia completio est in bonitate, & delectatione Spiritus sancti, sed hoc infra melius dicetur.

Post Resurrectionem Dominus Iesus bis dedit Spiritum sanctum. Dub. IV.

Videtur enim quod ter dedit, quia primo dedit eis ante passionem, cum dedit eis potestatem eiiciendi demonia, & curare languores. Item post Resurrectionem:

Accipite Spiritum sanctum. Item post Ascensionem: Ergo insufficienter enumerat August.

RESP. Ad præsens, dicendum quod possunt numerari dationes Spiritus sancti quatum ad actum, & effectum, & sic numerat Rabanus, & fuerunt tres, quia ter dedit, & quia ad tria dedit. Primo ad miraculorum operationem. Secundo ad peccatorum absolutionem. Tertiò ad infidelium conuersionem. Possunt etiam alio modo numerari, quantum ad locum, & signatum, & sic dedit bis, scilicet in terra, & in cælo. Item in terra ad commendandum præceptum dilectionis ad proximum. In cælo ad commendandum affectum dilectionis ad Deum, & sic patet controuersia.

Vnum Spiritum potauimus. Dub. V.

Quæritur quo tropo dictum est. Et videtur quod conueniat magis Filio, quia dicitur: Aqua sapientiæ salutaris. Venite, bibite vinum, & hoc dicit ipsa sapientia, scilicet Dei Filius: ergo, &c.

RESP. Dicendum quod Spiritus sanctus dicitur potus in quantum sæcularis sitis restinguitur ardorem. Hic autem appropriatur Spiritui sancto: quia sicut dicit Gregorius: Gustato Spiritu, desipit omnis caro. In quantum autem per potum est delegatio nutrimenti ad singula membra sic appropriatum Filio, cuius est sapientia, & prudentia appropriatum, quæ quodam modo habent vim regituum, & ordinatiuum pastus omnibus viribus animæ.

Charitas Dei diffusa est in cordibus nostris. Dub. VI.

Videtur improprie dictum, quia quod diffusum est, dispersum est & virtus dispersa, minor est: si ergo charitas potens est, non ergo debet dici diffusa.

RESP. Dicendum quod infundi & diffundi proprie dicitur humoris: ipsa autem charitas humori comparatur, quia sicut arbor fomentum, & vitam & viriditatem habet ab humore, sic tota spiritualis machina ab amore. Ille autem amor infunditur, in quantum intra recipitur. Diffunditur vero in quantum ex intimis procedens dilatat affectum ad dilectionem multorum, & mouet omnes animæ vires ad bonas operationes: operatur enim magna, si est: si vero operari renuit, amor non est, sicut dicit Gregorius. Et ideo dicit Dominus: Flumina de ventre eius fluent aquæ viuæ. Quod ergo dicitur quod minuitur, dicendum quod verum est in his quæ habent ortum ab origine deficiendi, sicut est in puteis, in quibus non vinit aqua. Sed charitas habet originem indeficientem, sicut fluius.

ARTICVLVS I.

AD intelligentiam eorum, quæ dicuntur in præfati distinctione, duo principaliter quærentur. Primo, quæritur de processione temporali Spiritus sancti. Secundo, de eius datione. Quantum ad primum, quærentur duo. Vtrum sit ponere processionem temporalem Spiritus sancti. Secundo vtrum processio temporalis ponat in numerum cum æterna.

QVÆSTIO I.

An Processio Spiritus sancti temporalis ponenda sit.

Alexander Alensis 1. p. q. 71. Membr. 2.
S. Thom. 1. p. q. 43. art. 2.
Et 1. Sent. dist. 14. q. 1. art. 1.
Egid. Rom. 1. Sent. dist. 14. q. 1.
Richard. 1. Sent. dist. 14. q. 1.
Franciscus de Mayr. 1. Sent. dist. 14. q. 1.
Thom. Arg. 1. Sent. dist. 14. q. 1. art. 1.
Steph. Brulef. 1. Sent. dist. 14. q. 1.
Petrus de Tarantaf. 1. Sent. dist. 11. q. 1.
Marfilus Inguen. 1. Sent. q. 17. art. 1.
Gab. Biel. 1. Sent. dist. 14. q. 1. art. 1.

QVod sit ponenda processio temporalis, videtur per Bedam, qui dicit in homilia, & habetur in litera: Spiritus sancti missio est processio: sed missio est temporalis: ergo est ponere processionem Spiritus sancti temporalem.

ITEM hoc ipsum ostenditur ratione sic: Procedere est ab vno in alium, cum ergo Spiritus sanctus sit à Deo, & sit in creatura, à Deo procedit in creaturam: hoc autem non est antequam creatura sit, sed hoc est ex tempore: ergo, &c.

ITEM donum sine datum à dante procedit in accipientem cum datur: sed Spiritus sanctus ex tempore datur: ergo ex tempore procedit à dante in recipientem: ergo est ponere processionem temporalem.

1. CONTRA:

1. **CONTRA:** Spiritus sancti processio idem est quod eius spiratio: sed non dicitur eius spiratio aliqua temporalis: ergo nec processio.

2. **ITEM** sicut processio se habet ad Spiritum sanctum, sic generatio ad Filium: & quemadmodum Spiritus sanctus mittitur in mentē, ita Filius, & utrūq; ex tempore: sed generatio Filij ratione talis missionis nullo modo dicitur temporalis: ergo nec processio Spiritus sancti.

3. **ITEM** processio Spiritus sancti non dicitur temporalis, nisi secundum quod est processio ab aliquo in aliquid, utpote in creaturam: sed processio ab aliquo in aliquid non est nisi dupliciter, aut secundum processum ab agente in suscipiens, aut secundum processum à loco in locum. Sed primo modo non est temporalis processio, quia Spiritus sanctus est persona in se fixa, & stans: ergo non producit in suscipiente, sed in se. Secundo modo non, quia quod tali modo procedit à principio recedit, & ad terminum accedit, hoc autem non convenit Spiritui sancto.

4. **ITEM** omne quod temporaliter procedit ab alio, habet initium essendi ex tempore: si ergo Spiritus sanctus temporaliter procedit: ergo esse incipit.

5. **ITEM** processio temporalis, aut dicitur temporalis ratione Spiritus sancti aut gratiæ. Non ratione Spiritus sancti: quia persona æterna est. Similiter videtur quod nec ratione gratiæ, quia Augustinus dicit: Secundum quod aliquid æternum mente capimus, non sumus in hoc mundo: ergo si gratia eleuat ad capiendum æternum esse eius & processio non est temporalis: ergo nec processio Spiritus sancti ratione gratiæ.

6. **ITEM** in processione Spiritus sancti in creaturam est processio doni increati, quod est Spiritus sanctus: & doni creati, quod est gratia: sed donum increatum est nobilius: ergo cum à nobiliori debeat fieri denominatio, processio Spiritus sancti in creaturam debet dici processio increata: sed omnis talis est æterna non temporalis: ergo, &c.

CONCLUSIO.

Spiritus sanctus procedit ex tempore, cum in creaturis sit eius receptio per influentiam boni gratuiti.

RESP. AD arg. dicendum quod processio, secundum quod communiter accipitur de filio, & de Spiritu sancto, dicitur emanatio ab hoc, scilicet à Patre. Secundum quod dicitur de Spiritu sancto, dicitur processio ab vno in alium: sed procedere ab vno in alium est dupliciter, aut sicut in obiectum in quod protenditur, aut sicut in susceptivum, in quo recipitur, & primus quidem modus est in processione æterna: quia enim Spiritus sanctus procedit ut amor mutus: ideo procedit à duobus ita quod ab vno in alium. Spiritus enim sanctus ut dicit Hieronymus, & Augustinus amor est, quo Pater amat Filium, & Filius amat Patrem. Secundus modus in illa esse non potuit, quamvis ita intellexerint Græci, quod in Filio recipitur Spiritus sanctus & à Patre producit: sed penes secundum modum (cum receptio Spiritus sancti sit per influentiam boni gratuiti quod ex tempore est) attenditur processio temporalis, secundum quod Spiritus sanctus dicitur procedere ab aliquo in aliquem, non tantum sicut in obiectum, sed sicut in habitaculum. Et sic concedendum est quod est processio temporalis Spiritus sancti non ratione eius à quo, sed ratione eius, in quod procedit.

1. **AD** illud ergo quod obiicitur de spiratione & generatione, iam patet responsio: quia neutrum horum nominum respectum dicit in terminum, in quem sit processio.

2. **AD** illud quod obiicitur quod processio Spiritus sancti non potest esse ab aliquo, ut in receptivum, dicendum quod verum est ratione ipsius personæ: sed tamen ratione connotati, quod est gratia in qua datur Spiritus sanctus suscipitur, quia gratia est in aliquo sicut in susceptivo.

3. **AD** illud quod obiicitur: Quod temporaliter pro-

cedit, incipit esse, dicendum quod hæc est duplex, quia hæc determinatio temporaliter potest poni circa actum procedendi per comparisonem ad principium à quo, vel in comparisonem ad terminum, in quem primo modo vera est propositio: sed sic non dicitur Spiritus procedere temporaliter, eo quod ex tempore producat. Alio modo per comparisonem ad terminum in quem, sic non habet veritatem, si procedit in hoc ex tempore quod habeat initium: sed solum quod incipiat esse in hoc.

4. **AD** illud quod obiicitur quod gratia non procedit temporaliter, quia eleuat ad æternam, dicendum quod temporale dicitur tripliciter. Vno modo dicitur temporale quod habet initium & variationem & actum in tempore, & hoc modo dicitur temporale, quod subiacet tempori, & est corruptibile & variabile. Secundo modo dicitur temporale quod habet initium in tempore essendi, sed non rationem, ut anima. Tertio modo dicitur temporale quod habet initium in tempore, sed actum extra tempus & supra tempus eleuat, & hoc tertio modo dicitur temporalis processio, vel gratiæ donatio. Potest tamen dici quod gratia habet esse temporale ratione eius in quo est, scilicet liberum arbitrium quod mutatur & variatur: & verbum Augustini quod dicit quod non sumus in hoc modo, est intelligendum quantum ad conformitatem.

5. **AD** illud quod obiicitur quod denominatio debet esse à digniori, dicendum quod totum copulatum, quia destruitur destructione cuiuslibet partis, habet denominationem à parte imperfectiori. Vnde si vna pars copulationis est falsa, totum copulatum dicitur falsum. Si vna contingens, totum iudicatur contingens. Si vna temporalis & totum temporale. Quia ergo processio temporalis includit emanationem æternam personæ & emanationem gratiæ, quæ temporalis est, ideo dicitur temporalis, & non æterna.

6. **ET** quod dicitur quod denominatio debet fieri à digniori, dicendum quod non est verum nisi in eo in quo illud quod minus dignum est conformatur digniori.

QUESTIO II.

An Processio temporalis Spiritus sancti in numerum ponat cum æterna.

S. Thom. 1. Sent. dist. 14. art. 2.

Ægidius Rom. 1. Sent. dist. 14. q. 2.

Richardus 1. Sent. dist. 14. q. 2.

Marsilius Inguen. 1. Sent. q. 7. art. 2.

Steph. Brulef. 1. Sent. dist. 14. q. 2.

Tho. Arg. 1. Sent. dist. 14. q. 2. art. 3.

UTRUM processio temporalis ponat in numerum cum æterna. Et quod sic videtur per hoc, quod dicit Magister quod gemina est processio Spiritus sancti, æterna, & temporalis.

ITEM ratione videtur similiter, quia plus distat temporale ab æterno, quàm æternum ab æterno, illud constat: sed processio æterna facit numerum cum æterna, quia processio & Filij processio Spiritus sancti sunt duæ: ergo, &c.

ITEM quæcunque habent ordinem, habent numerum & distinctionem: sed processio æterna, & temporalis, habent ordinem, quia æterna ante temporalem: ergo habent distinctionem, ergo faciunt numerum: ergo processio temporalis, & æterna sunt duæ.

1. **CONTRA:** Numerata processione, numeratur procedens, quia vnum & idem non procedit bis: ergo si sunt duæ processiones, sunt duo procedentes: ergo Spiritus sanctus sunt duo: sed hoc est falsum, quia vnus est Spiritus procedens: ergo & primum.

2. **ITEM** processio temporalis & æterna si differunt, aut hoc est ex hoc quod sunt diuersæ emanationes, aut quia diuersus modus emanandi. Non quia diuersæ emanationes, quia tunc essent diuersi emanantes. Nec quia diuersus modus, quia Pater & Filius semper vno modo spirant: ergo Spiritus sanctus vno modo procedit ergo, &c.

3. **ITEM** homo pictus & homo verus non sunt duo homines, non enim numeratur nisi vniuoca, & quod dicitur de duobus secundum vnam naturam: sed temporale, & æternum minus communicant quam homo pictus, & homo verus: ergo processio temporalis, & æterna non est dicenda gemina.

4. **ITEM** processio temporalis non addit super æternam nisi respectum, vel effectum in creatura: sed respectus vel effectus causæ additus, ipsam non numerat. Vnde Sol lucens, & Sol illustrans, siue illuminans non sunt duo. Similiter Deus ens, & Deus creans: ergo nec processio æterna, & temporalis erit dupliciter.

CONCLUSIO.

Temporalis Processio Spiritus sancti licet non gemit subiectum, ponit tamen in numerum cum æterna.

RESP. ad arg. Dicendum quod ad prædictorum intelligentiam est notandum quod processio dicitur geminare aut ratione producentium, vt puta cum procedunt duo Filij: aut ratione modi, vt amor & Verbum dupliciter procedunt: vel ratione modi dicendi, vt dicitur processio gemina, id est, dupliciter dicta: sed attendendum est quod modus dicendi est triplex, scilicet vniuocus, æquinuocus, & analogus. Cum est modus æquinuocus, ibi est geminatio circa dici & non circa esse. Vnde homo pictus, & homo verus dupliciter dicitur homo: sed non est duplex homo, vel duo homines. Cum est modus dicendi vniuocus, est geminatio circa esse, & non circa dicere. Vnde homo verus in Sorte & Platone numeratur, quia sunt duo homines: sed non multipliciter dicitur. Vbi est modus dicendi analogus, quia partem tenet de natura vniuoci, partem de natura æquinuoci, ibi est enumeratio in essendo, & dicendo. Secundum hunc ergo modum, dicendum quod processio secundum quod dicta est, de processione temporali & æterna non est vniuoca, nec æquinuoca: sed analogica, quia vnus modus clauditur in alio. Procedere enim ab hoc in hoc, vt in obiectum, est æternum. Sed procedere ab hoc in hoc, vt in habitaculum, est temporale. Quoniam ergo analogum est sicut dictum est, ideo est ibi duplex dici, & vna processio dicitur dupliciter, & ita per consequens dupliciter esse, vt non inconuenienter dicatur processio Spiritus sancti esse duplex.

1. **AD** illud ergo quod obiicitur in contrarium quod multiplicata processione, multiplicatur procedens, dicendum quod verum est, si accipiat de multiplicatione secundum vnum modum dicendi. Vnde si gemina esset processio, secundum quod processio dicitur exitus ab aliquo, vtique duo essent procedentes, nunc non sic, sed est gemina: quia vno modo est ab aliquo in aliquem, vt in obiectum, alio modo ab aliquo in aliquem, vt in habitaculum.

2. **AD** illud quod obiicitur secundo: aut est duplex processio, quia duplex emanatio, vel duplex modus, dicendum quod non sufficienter diuidit: debet enim tertium membrum addere, scilicet aut quia duplex modus dicendi non æquinuocus. Et per hoc patet sequens de homine picto, & vero, quia ibi non est analogia, sed æquinuocatio pura.

4. **AD** illud quod obiicitur ultimo, quod respectus additus non numerat, &c. dicendum quod respectus additus subiecto non numerat subiectum. Vnde non dicitur Spiritus sanctus dupliciter, quia spiratur, & inspiratur: sed quando respectus additur significationi termini, tunc necesse est aliter, & aliter illud dici, & si sit respectus non distrahens, ita quod non faciat omnino diuersam significationem, sed ad illam ordinatus facit analogiam in termino, & numerum secundum dici, & etiam numerum secundum esse. Vnde si hoc nomen, *Illuminatio*, significaret actum lucendi absolutum, & actum lucendi comparatum, Sol dupliciter diceretur illuminare, & esset illuminatio Solis gemina: sed tamen magis pro-

prie ibi esset geminatio in dicendo quam in essendo. Vnde Magister magis proprie loqueretur, si diceret: Processio Spiritus sancti dicitur dupliciter, quam cum dicit quod est gemina, quia non cadit ibi proprie geminatio.

ARTICVLVS II.

Consequenter est secundo loco quæstio principalis de datione Spiritus sancti Et circa hoc quærentur duo. Primo quæritur, vtum Spiritus sanctus detur in propria persona hominibus. An tantum dicatur ideo dari, quia datur eius effectus. Secundo, vtum Spiritus sanctus detur ab aliquo sancto viro.

QVÆSTIO I.

An Spiritus sanctus in propria persona, vel in effectu mittatur.

*Alexander Aletensis. 1. p. q. 73. Membrum 2. art. 3.
S. Th. om. 1. Sent. dist. 14. q. 1. art. 2.
Ægilius Rom. 1. Sent. dist. 14. 2. p. q. 1.
Richardus 1. Sent. dist. 14. art. 2. q. 1.
Petrus de Tarantasia. 1. Sent. dist. 14. q. 15.
Tho. Arg. 1. Sent. dist. 14. q. 1. art. 2.
Greg. Arim. 1. Sent. dist. 14. q. 1. art. 1.
Gab. Biel. 1. Sent. dist. 14. q. 2.*

Quod detur in propria persona, sic ostenditur: Charitas Dei diffusa est in cordibus nostris per Spiritum sanctum, qui datus est nobis: sed nihil diffundit charitatem nisi Spiritus increatus: ergo, &c.

ITEM Augustinus dicit quod Spiritus sanctus est donum, & eo dicitur donum, quia datur: ergo si personaliter est donum, personaliter datur.

ITEM hoc ipsum ostenditur ratione. Spiritus sanctus est amor, & primus amor: sed amor est donum primum, in quo alia dona donantur: ergo si non est posterius sine priori, non est ponere dona Spiritus sancti dari, quin detur proprie Spiritus sanctus.

ITEM Spiritus sanctus datur ad vniendum, & colligandum membra corporis mystici: sed membra corporis mystici sunt membra inuicem vnita, sicut ipse Dominus petit: Vt sint consummati in vnum: sed perfecta vnio non est nisi in vno simplici: ergo membra vniuntur per aliquod quod est vnum & idem in omnibus: hoc autem non potest esse donum creatum, sed increatum: ergo necesse est cum dono creato dari increatum.

1. **CONTRA:** Gratia est ars recte viuendi, & gratia est donum sufficienter dirigens animam in finem: ergo videtur quod aliud donum quam donum gratiæ creatæ non sit animæ opportunum: ergo si non est in operibus Dei ponendum superfluum, patet quod non est necesse dari Spiritum sanctum.

2. **ITEM** cum aliquis sanctificatur per gratiam, nihil est in eo quod non esset prius nisi gratia, ergo cum dare sit facere quod aliquid sit in isto quod non erat prius, non datur nisi in gratia. Si dicas quod Spiritus sanctus est in eo vt Sanctus, prius erat vt Spiritus: ergo nihil aliud est quam Spiritus sanctus faciens gratiam sanctificantem in hoc.

3. **ITEM** quod datur, post donationem est in potestate accipientis: sed Spiritus sanctus sub nulla potest redigi potestate: ergo non potest dari.

4. **ITEM** quod datur alicui differenti per essentiam aut de nouo creatur, aut multiplicatur, aut eius possessio transfertur, vt patet, cum do alicui cappam: sed persona Spiritus sancti non creatur, nec multiplicatur, nec possessio eius transfertur: quia Deus semper habet Spiritum sanctum: ergo Spiritus sanctus non datur.

CONCLUSIO

CONCLUSIO.

Spiritus sanctus datur in propria persona, & in dono creato, quod est gratia.

RESP. Ad arg. Dicendum quod dare est ad aliquid habendum vel possidendum: habere autem aliquid vel possidere est cum aliquid est in facultate habentis vel possidentis. Esse autem in facultate habentis vel possidentis, est esse præsto ad fruendum vel utendum. Perfecta autem possessio est cum homo habet illud quod posset uti, & quo posset frui, Sed recte frui non est nisi Deo, & recte uti non conuenit nisi per gratiam gratum facientem: ergo perfecta possessio est in qua Deus habetur, & eius gratia. Sed perfectum donum est ad perfectam possessionem: ergo non est datum optimum, & donum perfectum, nisi detur donum increatum quod est Spiritus sanctus, & donum creatum quod est gratia. Concedendum ergo utrunque dari.

1. **AD** illud ergo quod obiicitur de gratia, quod est ars bene viuendi, patet responsio: quamvis enim sit ars qua utimur, non tamen est possessio qua fruimur, ut obiecto, & ideo non est perfectum donum sine illo.

2. **AD** illud quod obiicitur: Nihil plus est in isto quam prius, dicendum quod dari non ordinatur ad esse sed ad habere: licet enim Spiritus sanctus esset prius in peccatore, non tamen habebatur ab eo, quia peccator non habebat facultatem fruendi ipso.

3. **AD** illud quod obiicitur, quod datum est in potestate accipientis, dicendum quod aliquid datur alicui ut finiens, sicut præmium merenti. Aliquid ut perficiens, ut gratia consentienti. Aliquid ut subseruienti, ut equus militi. Quod autem dicitur quod datum est in potestate accipientis, verum est de donatione tertio modo dicta, non primo, & secundo: quia illi sunt modi habendi, in quibus habens, & habet & habetur. Vnde homo habetur à gratia: & habetur à dono quo fruitur.

4. **EX** hoc patet vltimum, quod illud verum est de eo quod datur ut possessio limitata. Sed de eo quod datur ut finiens, non: quia tale simul potest dari multis, & haberi à multis, quia ad idem tendunt, & ideo cum datur, non transfertur.

QVÆSTIO II.

An Spiritus sanctus à sanctis Viris detur.

*Alexander Alensis 1. p. q. 72. Membr. 4.
S. Thom. 1. Sent. dist. 14. q. 1. art. 5.
Egid. Rom. 1. Sent. dist. 14. p. 2. q. 4.
Richardus 1. Sent. dist. 14. q. 3.
Petrus de Tarant. 1. Sent. dist. 14. q. 6.
Steph. Brulef. 1. Sent. dist. 14. q. 4.*

Vtrum Spiritus sanctus detur ab aliquo Viro sancto. Et quod sic probatur hoc modo, Spiritum sanctum dari non est aliud quam gratiam gratum facientem dari. Sed ostenditur quod gratiam gratum facientem ab homine dari siue infundi, est possibile, & conueniens, & verum. Et quod sit possibile, videtur à minori. Quia maioris virtutis est producere formam substantialem, quam accidentalem, & gratia est forma accidentalis: cum ergo creatura habeat virtutem producendi formam substantialem, multo fortius videtur de gratia quæ est forma accidentalis.

1. **ITEM** hoc ipsum videtur posse ostendi à simili, quia gratia est lumen spirituale: sed ita videmus in lumine corporali quod aliquid est luminis datium, & aliquid datium, & receptium: aliquid tantum receptium: ergo si lumen spirituale est æque potens, pari ratione videtur de ipso. Sed datium cum sit Deus, non potest esse receptium, quia nihil recipit ab aliquo: ergo hoc est reperiri in creatura, quod recipiat lumen spirituale quod est gratia, & det ipsum, & sic de aliis.

3. **ITEM** dñs sunt quæ faciunt creaturam habere pos-

se producendi sibi simile, sc. corruptibilitas, ob quam **A** indiget conseruari in alio, & perfectio in natura, ob quæ potest in actum perfectum, qui est producere sibi simile. Perfectum enim dicitur vnumquodq; quod potest generare tale quale ipsum est. Si autem gratia est forma quæ citissime corrumpitur, & forma magnæ perfectionis: ergo debet habere virtutem producendi sibi simile: sed non in subiecto in quo est: ergo in alio.

4. **ITEM** quod potest perfecte expellere contrarium, potest perfecte generare habitum contrarium: quia contrarium non expellitur perfecte nisi per contrarium: sed gratia potest perfecte expellere culpam: ergo gratia in homine potest ex se generare gratiam, sed non in habente, ergo in alio. Ostenditur autem quod sit congruum, quod gratia procedat ab vno homine in alium. Et sic ostenditur. Ratio superbiendi, fuit ratio amittendi gratiam: ergo ab oppositis, humiliatio est ratio recuperandi. Sed si gratia datur ab homine, plus humiliatur homo quam si tantum à Deo: quia si datur ab homine, humiliatur homo sub Deo, & sub homine. Non autem si à solo Deo datur, humiliatur sub vtroque: ergo videtur quod ille modus conueniat magis.

5. **ITEM** si cum actu iustitiæ, qui est punitio, subiicitur anima peccatrix creaturæ corporali, ut ordinetur in vniuerso: ergo in actu misericordiæ debet subiici alicui creaturæ ut ordinetur: ergo sicut ab aliqua creatura recipit pœnā, sic videtur congruum ut recipiat & gratiā.

6. **ITEM** perfectum agens non tantum dat suscipienti formam: sed etiam dat potentiam consimilem: & hoc est in manifestationem suæ potentiae: ergo si Deus est agens nobilissimum, & qui maxime debet laudari in sua actione, congruum est, ut non tantum det formam gratiæ: sed etiam potentiam dandi.

7. **ITEM** sicut à Deo est esse, ita & bene esse, sed in nullo derogatur Deo, cum dat potentiam creaturæ dandi esse: ergo in nullo derogatur, cum dat potentiam dandi bene esse: ergo & esse gratuitum. Ostenditur autem quod sit verum, quia per Ioannem dixit Dominus: **†** Accipite Spiritum sanctum, quorum remiseritis peccata remittuntur eis, &c.

8. **ITEM** dicitur quod per impositionem manuum Apostolorum, dabatur Spiritus sanctus, non per impositionem manuum aliorum, ut dicit glossa ibidem de Philippo discipulo: ergo aliqua virtus erat in Apostolis, quæ non erat in aliis: sed per illam dabatur Spiritus sanctus: ergo ab homine dabatur Spiritus sanctus.

D **ECONVERSO** ostenditur quod donum Spiritus sancti dari ab homine sit falsum, sit incongruum, sit etiam impossibile. Quod sit falsum, videtur per Augustinum: Non aliquis discipulorum dabat Spiritum sanctum: sed orabant ut veniret in hominem.

ITEM quicumque dat vel donat aliquid, habet posse aliquod actuum supra illud: sed supra donum Spiritus sancti nullus homo habet posse: ergo, &c.

ITEM quod sit inconueniens videtur, quia si anima ab alio quam à Deo gratificatur, alius quam Deus cadit medium inter animam & Deum. Sed quodcumque aliquid cadit inter animam & Deum: anima hominis est peruersa: ergo secundum hoc dum daretur animæ gratia, peruerteretur.

ITEM gratia potest super liberum arbitriū: ergo si posset homo dare gratiā, homo haberet posse super alterius arbitrium: sed arbitrium quod est alij subiectum, non est liberum: ergo talis donatio tollit arbitrij libertatem.

ITEM maxima est gloria Dei de impij iustificatione: sed maxima gloria Dei non debet alij communicari: ergo si communicatur, diuinæ gloriæ derogatur: sed si alius quam Deus dat gratiam: alius quam Deus iustificat: ergo talis donatio minuit Dei gloriam.

ITEM iustum est in eo sperare, qui potest dare meritū salutis: sed si homo posset dare gratiā, posset dare meritum salutis: ergo iustū esset sperare in homine: sed homo est vanitas: ergo donatio talis daret ficticiam vanitatis. Ex his quatuor mediis patet quod donatio Spiritus sancti

Arist. 2. de gen. an. c. 7.

Aristot. 5. Ethic. cap. 7.

Rationum sol. in corp. quæst. † Ioan. 20. c.

Art. 8. c.

Fundamēta.

Aug. 15. de Trin. c. 26. tom. 3.

Et ab homine, tollit ordinem animæ ad Deum, tollit arbitrii libertatem, minuit gloriam Dei, & inducit in vanam confidentiam, quæ omnia sunt inconuenientia. Ostenditur etiam quod impossibile sit dari talem potentiam creaturæ. Quia sicut dicit Augustinus. Magis est de impio facere pium, quam creare cælum, &c. Sed potentia creandi non potuit à creatura recipi: ergo nec potentia dandi gratiam.

ITEM productio gratiæ per præsentiam agentis ab anima suscipitur, sed solus Deus potest animæ illabi: ergo solus Deus potest gratiam infundere in animam.

ITEM gratia est forma simplex, & deiformis, & spiritalis, non habens ortum à principiis subiecti: ergo cum anima rationalis ratione deiformitatis & spiritalitatis non possit esse nisi à Deo: patet quod nec gratia quæ æque spiritalis, immo spiritalior est ipsa anima.

ITEM gratia immediate vnit Deo: ergo non potest esse à Deo nisi immediate: ergo nullo cooperante: ergo creatura non potest producere gratiam.

CONCLUSIO.

Spiritus sanctus à bonis & à malis potest dari ministerialiter: bonus tantum, impetratiue: à solo Deo effectiue.

RESP. Ad arg. Dicendum quod sicut istæ ultimæ rationes ostendunt gratiam siue Spiritum sanctum dari ab homine, sicut à principio effectiue, siue productiue, omnino est falsum & impossibile. Tamen propter intelligentiam obiectorum in contrarium, est notandum quod gratiam dari ab aliquo est tripliciter. Vel sicut à præparante, siue ministrante Sacramenta: seu sicut ab annuntiante salutaria documenta. Vel sicut ab impetrante per orationem, siue per bona opera. Vel sicut à producente. Primo modo datur gratia à bonis & à malis. Secundo modo tantum à bonis. Tertio modo tantum à Deo: & per hæc manifesta est responsio ad duo ultima obiecta, quæ probant Spiritum sanctum dari, quia ibi datio nihil aliud est quam præparatio.

1. Ad illud ergo quod obiicitur primo, quod agens creatum possit in formam substantialem, dico quod non potest in omnem substantialem, ut puta in eam quæ est deiformis, sicut est anima rationalis. Et quia gratia est deiformis, sicut est anima rationalis, ideo non potest ab agente tali produci. Si autem de aliis formis naturalibus arguatur, non est locus à minori.

2. Ad illud quod obiicitur de lumine corporali, dicendum quod non est simile. Lumen enim corporale diffunditur per medium deferens, & per idem medium potest iterum generari per quod defertur, gratia autem non est per delationem, sed per illapsum agentis, & per omnimodam indistantiam.

3. Ad illud quod obiicitur, quod creatura corruptibilis debet habere potentiam generandi, dicendum quod verum est de illa quæ corruptibilis est de se: sed gratia de se nunquam corrumpitur, ut senescit. Vel dic, quod illa non est tota causa, maxime in his quæ non dicunt substantiam completam, sed magis dispositionem.

4. Ad illud quod obiicitur, quod gratia potest expellere culpam, dicendum quod expellere culpam est dupliciter: vel effectiue, vel formaliter. Quod potest expellere effectiue, potest efficere gratiam: sed non oportet quod illud quod formaliter, quia illud seipso expellit: quoniam ergo gratia expellit formaliter, & seipsa, ideo non sequitur, quod possit generare aliam gratiam.

5. Ad illud quod obiicitur, quod in iustificatione debet peccator humiliari, dicendum quod verum est, quia humiliari debet & sub homine, & etiam sub visibilibus signis, tamen aliter quam sub Deo: quia alius honor debetur Deo quam homini: & ideo, quia sub Deo humiliatur, ut sub principio salutis, & à quo saluatur, sic non debet sub creatura humiliari, ut à qua salus datur ei: sed ut à qua salus ministratur. Et sic patet

etiam sequens de humiliatione in pœna, non enim est simile de humiliatione illa, quia ibi anima peruersa manens in sua peruersitate, ratione illius subiicitur inferiori per naturam, vel quia habet reliquias peruersitatis: sed in gratiæ donatione, anima peruersa à peruersitate mutatur, & ad Deum immediate ordinatur.

6. Ad illud quod obiicitur quod agens perfectum dat potentiam agendi simile, dicendum quod verum est si patiens conuenienter posset suscipere: sed sicut ostensum est, ex parte hominis non est possibile ut talis potentia ab eo recipiatur, propter talis formæ nobilitatem, quæ non potest esse nisi à nobilissimo agente.

7. Ad illud quod obiicitur, quod dare potentiam ad bene esse non derogat Deo, dicendum quod ordo est in essentiis, quia aliquæ creaturæ sunt ita nobiles quod non decet eas nisi à nobilissimo agente produci: ut sunt illæ quæ sunt ad imaginem: quoniam ergo gratia est de nobilissimis, patet quod non potest produci ab homine, sicut nec esse animæ. Quæ ultimo obiiciuntur, soluta sunt supra per distinctionem dationis secundum naturam trimembrem.

DISTINCTIO XV. PARS I.

Vtrum Spiritus sanctus à seipso detur, cuius occasione agitur per totum de missione Filij.

HIC considerandum est, cum Spiritus sanctus detur hominibus à Patre & Filio, quod est ipsum temporaliter procedere ab utroque vel mitti, utrum etiam à seipso detur. Si datur à se, & procedit, vel mittitur à se. Ad quod dicimus, quia Spiritus sanctus & Deus est, donum siue datum: & ideo dat, & datur. Dat quidem, in quantum Deus: & datur in quantum donum siue datum. Cum autem donatio siue datio Spiritus sancti sit operatio Dei, & communis sit & indiuisa operatio trium Personarum: datur itaque Spiritus sanctus non tantum à Patre & Filio, sed etiam à seipso. Vnde Augustinus in 15. lib. de Trinit. dicit quod seipsum dat. Sicut, inquit, corpus carnis nihil est aliud quam caro: sic donum Spiritus sancti nihil est aliud quam Spiritus sanctus. Intantum ergo donum Dei est, in quantum datur eis quibus datur. Apud se autem Deus est, etsi nemini datur: quia Deus erat Patri, & Filio coeternus antequam cuiquam daretur. Nec quia illi dant & ipse datur ideo minor est illis. Ita enim datur, sicut Dei donum, ut etiam seipsum det, sicut Deus. Non enim dici potest non esse suæ Potestatis, de quo dictum est: Spiritus ubi vult spirat. Ecce aperte dicit quod Spiritus sanctus seipsum dat. Si enim Spiritus sanctus seipsum dare non potest, & cum Pater dare potest, & Filius: potest utique Pater dare aliquid & Filius, quod non potest Spiritus sanctus. Item, si Pater & Filius dant Spiritum sanctum, nec ipse dat: aliquid ergo Pater operatur & Filius, quod non operatur Spiritus sanctus. Dat ergo Spiritus sanctus seipsum. Si autem seipsum dat, tunc à seipso procedit & mittitur: quod utique verum est. Nam processio temporis Spiritus sancti vel missio, ipsius est donatio, & ipsa Dei operatio. Procedit ergo Spiritus sanctus temporaliter à se, & mittitur à se: quia datur à se.

Non est mirum, si Spiritus sanctus dicatur mitti vel procedere à se, cum etiam Filius dicatur mitti à se.

Ne autem mireris quod Spiritus sanctus dicatur mitti vel procedere à se. Nam & de Filio dicit Aug. in 2. lib. de Trinit. quod non tantum à Patre missus est, sed etiam à seipso & à Spiritu sancto: quarens quo modo Filius vel Spiritus sanctus sit missus, cum uterque sit ubique tanquam Deus. Nam uterque, inquit Aug. legitur missus. De Spiritu sancto enim legitur: Quē mittet Pater in nomine meo. Et iterum: Si abiero, mittam eum ad vos. Et Filius de se dicit: Exiui à Patre, & veni in mundum. Et Apostolus dicit: Misit Deus filium suum. In propheta autem scriptum est ex persona Dei: Cælū & terram ego impleo. Itaq; si ubique Deus est, ubiq; ergo est Filius, ubiq; etiam est Spiritus sanctus. Illuc ergo missus est Filius & Spiritus sanctus, ubi erat.

Quo modo intelligenda sit missio utriusque.

Quocirca querendum est, quo modo intelligatur missio Filij, vel Spiritus sancti. Pater enim solus, inquit Augustinus in eodem, nusquam legitur missus, sed Filius, & Spiritus sanctus. Et de Filio primo videamus quomodo missum eum Apostolus dicat: Misit Deus Filium suum factum ex muliere. Vbi satis ostendit eo ipso missum filium, quo factum ex muliere. Proinde m. tti à Patre sine Spiritu sancto non potuit, quia Pater intelligitur misisse eum, cum fecit ex femina: quod utique non fecit sine Spiritu sancto. Ecce hic dicit Filium missum à Patre & Spiritu sancto.

Quod à Spiritu sancto Filius sit missus, auctoritatibus confirmatur.

Et quod à Spiritu sancto Filius sit missus, ut ait Aug. in eodem, auctoritatibus confirmatur. Ipse Christus dicit per Isaiam: Nunc misit me Dominus, & Spiritus eius. De hoc Ambrosius in lib. 3. de Spiritu sancto ita ait: Quis est, qui dicit: Me misit Dominus & Spiritus eius: nisi qui venit à Patre, ut saluos faceret peccatores, id est Christus? ergo & Pater Filium misit, & Spiritus sanctus. Idem in eodem: Datus est à Patre, ut Isaias dicit: a Puer natus est nobis, & Filius datus est nobis: Datus est, audeo dicere, & à Spiritu, quia & à Spiritu sancto missus est: Dicit enim Filius Dei: Spiritus Domini super me, propter quod unxit me: euangelizare pauperibus misit me, predicare captiuis remissionem, &c. c. Quod cum de libro Isaiæ legeret, ait in euangelio: Hodie completa est hac scriptura in auribus vestris, ut de se dictum esse, signaret. Bene autem dixit, super me: quia quasi filius hominis & unctus, est & missus ad predicandum. Nam secundum diuinitatē non super Christum est spiritus, sed in Christo. Ecce his verbis ostendit Amb. Filium esse missum & datum nobis non tantum à Patre, sed etiam à Spiritu sancto.

Quod Filius sit datus etiam à seipso.

Deinde ostendit esse datum etiam à seipso, ita dicens in eodem lib. Cum enim non definitum fuerit per prophetam à quo datus est filius, ostenditur datus gratia Trinitatis, ut etiam ipse filius se dederit. Ecce hic dicit quod filius se dedit, quia Trinitas eum dedit. Si autem filius à se datus est, à se ergo missus est, & à se processit. Et hoc utique verum est, & concedi oportet, cum eius missio sit diuina operatio.

Quod Filius sit missus à se.

Quod autem à se mittantur, Aug. astruit in lib. 2. de Trinit. dicens: Forte aliquis cogat, ut dicamus etiam à seipso missum esse Filium: quia & Maria conceptus, & partus, operatio Trinitatis est. Sed inquit aliquis,

A quo modo Pater eum misit, si ipse se misit? Cui respondeo quarens ut dicat, quo modo eum Pater sanctificauit, si & ipse se sanctificauit? Vtrumque enim Dominus ait: Quem Pater, inquit, sanctificauit, & misit in hunc mundum. Et alibi: Ego pro eis sanctifico meipsum. Item quare, quo modo Pater eum tradidit, si ipse se tradidit? Vtrumque enim legitur. Credo, respondebit, si probe sapit, quia una voluntas est Patris & Filij, & inseparabilis operatio. Sic igitur intelligat, illam incarnationem, & ex virgine natiuitatem, in qua Filius intelligitur missus, una eademque operatione Patris & Filij inseparabiliter esse factam, non inde separatō Spiritu sancto. Ergo à Patre & Filio missus est idem Filius, quia à Patre & Verbo eius factum est ut mitteretur, id est, incarnatus hominibus appareret. Non enim missus est mutando locum, quia in mundo erat. Quapropter Pater inuisibilis, una cum Filio secum inuisibili, eundem Filium visibilem faciendo, misisse eum dictus est, qui si ita visibilis fieret, ut cum Patre inuisibilis esse desisteret, id est, si in substantia inuisibilis Verbi in creaturam visibilem mutata, & transiens verteretur, ita missus à Patre intelligeretur Filius, ut tantum missus, non etiam mittens cum Patre inueneretur. Cum vero sic est accepta forma serui, ut maneret incommutabilis forma Dei: manifestum est, quod à Patre & Filio non apparentibus factum sit quod appareret in filio, id est, ab inuisibili patre cum inuisibili filio, idem ipse filius visibilis mitteretur.

C Summatim colligit quæ ex prædictis astruuntur.

Ex prædictis aperte monstratur quod Filius missus est à Patre, & Spiritu sancto, & à seipso, & quasi ista missio, scilicet incarnatio, id est, quod factus est homo per quod visibilis apparuit: quod est opus commune Patris, & Filij, & Spiritus sancti.

Quæstio, cur dicit: A meipso non veni.

Sed ad hoc opponitur, si filius à seipso missus est, cur ergo ait: A meipso non veni? Ad hoc August. responder in secundo libro de Trinitate, dicens, hoc dictum esse secundam formam serui: secundum quam non fecit ut mitteretur, id est, non operatus est incarnationem, sed secundum formam Dei.

DISTINCT. XV. PARS II.

Vtrum semel tantum missus sit Filius, an sæpe.

Hic queritur vtrum semel tantum missus sit filius an sæpe mittatur. Si enim missio filij ipsius tantum incarnatio est, cum semel tantum incarnatus sit, & semel tantum videtur missus. At si sæpe mittitur, est & alia eius missio quam incarnatio. Sed quæ est illa? Nunquid aterna genitura missio eius dicenda est, an etiam alia missio querenda est?

Quod duobus modis dicitur Filius mitti.

Ad quod dicimus quod duobus modis dicitur filius mitti præter illam aeternam genituram, quæ ineffabilis est, secundum quam etiam missus posset dici, ut videtur quibusdam: sed melius, ac verius secundum eam dicitur genitus. Præter eam ergo duobus modis dicitur mitti, sc. vel cum visibiliter mundo apparuit carne indutus, vel cum se in animas pias sic transfert, ut ab eis percipiat, ac cognoscatur. Hos duos missionis modos aperte Aug. distinguit in 4. lib. de Trinit. dicens: Non eo ipso quod de patre natus est missus dicitur filius: sed eo quod apparuit huic mundo, Verbum caro factum. Vnde dicit: A patre exiui, & veni in mundum: vel eo

quod ex tempore cuiusquā mente percipitur, sicut dictū est de sapientia: Emitte illam de cælis sanctis tuis, & à sede magnitudinis tue, ut mecum sit, & mecum laboret, id est, doceat me laborare. Et tunc unicuique mittitur, cum à quoquam cognoscitur, atque percipitur, quantum cognosci, & percipi potest, pro captu vel proficientis in Deum, vel perfectæ in Deo anima rationalis.

Quod secundum alterum semel, secundum alterum sæpe sit missus: & secundum alterum ut sit homo, & secundum alterum ut sit cum homine.

Ecce distincti sunt duo modi missionis filij & secundum alterum semel tantum missus est Dei filius: secundum alterum sæpe missus est, & mittitur quotidie. Nā secundum alterum missus est ut sit homo, quod semel tantum factum est: secundum alterum vero mittitur ut sit cum homine, quo modo quotidie mittitur ad sanctos, & missus est etiam ante incarnationem, & ad omnes sanctos, qui ante fuerunt, & etiam ad Angelos. Vnde Augustinus de filio, id est, de sapientia patris loquens 4. lib. de Trinitat. ait: Aliter mittitur sapientia, ut sit cum homine: aliter missa est, ut sit homo. In animas sanctas se transfert, & amicos Dei, & prophetas constituit, sicut implet etiam sanctos angelos: Sed cum venit plenitudo temporis, missa est, non ut impleret angelos, nec ut esset angelus, nec ut esset cum hominibus, ut antea in patribus erat, & in prophetis, sed ut ipsum Verbum fieret caro, id est, homo.

Quod secundum alterum modum dicitur missus in mundum, secundum alterum non.

Præterea notandum est quod cum his duobus modis mittatur filius, secundum alterum dicitur missus in mundum: secundum alterum vero non. Eo enim modo missus dicitur in mundum, quo visibilis mundo apparuit. Vnde August. in eodem lib. ait: Cum ex tempore cuiusquā mente percipitur, mitti quidem dicitur, sed non in hunc mundum. Non enim sensibiliter apparet, id est, corporeis sensibus præsto est. Nam & nos secundum quod mente aliquid æternum capimus, non in hoc mundo sumus, & omnium iustorum spiritus etiam in carne viventium, in quantum diuina sapiunt, non sunt in hoc mundo. Ex prædictis liquet, quod præter ineffabilem genituram, duobus modis mittitur filius, scilicet cum visibiliter apparuit, vel inuisibiliter percipitur mente.

Cur Pater non dicitur missus, cum ab aliquo cognoscitur, ut Filius.

Hic queritur cur Pater non dicitur missus, cum ex tempore à quoquam cognoscitur, sicut Filius. Ad quod dicimus, quia in eo est principij auctoritas, quæ non habet de quo sit, à quo Filius & Spiritus sanctus. Pater enim est, ut ait Augustinus in eodem libro, principium totius diuinitatis, vel si melius dicitur, deitatis: quia principium est Filij, & Spiritus sancti. Nam ut ait Augustinus in eodem: Quia etiam si voluisset Deus Pater per subiectum creaturam visibiliter apparere, absurdissime tamen aut à Filio quem genuit, aut à Spiritu sancto qui de illo procedit, missus diceretur. Congruenter autem ille missus dicitur, qui in carne apparuit: misisse autem ille, qui in ea non apparuit.

utauerunt quidam Filium & Spiritum sanctum minores fuisse Patre, quia missi dicuntur.

Ideoque putauerunt quidam hæretici, cum Pater non sit missus, sed Filius, & Spiritus sanctus, Patrem esse maiorem, aut Filium minorem esse, & Spiritum sanctum, atque Patrem, quasi maiorem, misisse utrumque quasi minorem. Quod August. improbat in quarto libro de Trinit. illis contradicens: Non ideo, inquit, arbitrandum est minorem esse Filium, quod missus à Patre: nec ideo minorem Spiritum sanctum: quod & Pater eum misit, & Filius: siue enim propter visibilem creaturam, siue potius propter principij auctoritatem, vel commendationem, non propter inæqualitatem, vel imparilitatem, vel dissimilitudinem substantiæ, in scripturis hac posita intelliguntur. Non ergo ideo dicitur Pater misisse Filium, vel Spiritum sanctum, quod ille esset maior, & illi minores: sed maxime propter auctoritatem principij commendandam, & quia in visibili creatura nō sicut ille apparuit. Ecce ostensum est, quæ sit missio Filij, & quibus modis mittatur.

DISTINCTIO XV. PARS I.

Vtrum temporali Processione Spiritus sanctus procedat à seipso.

Hic considerandum est, cum Spiritus sanctus detur hominibus à Patre & Filio.

Expositio Textus.

SUPRA egit Magister de processione temporali ipsius Spiritus sancti secundum quod est à Patre & Filio, hic secundo ostendit quod temporaliter procedit à seipso, & hoc intendit in tota ista parte vsque ibi: Hic queritur, vtrum semel tantum sit missus Filius, ubi incipit agere de modo processionis seu missionis Filij, qui est visibilis & inuisibilis. Et hoc quodam modo accidentaliter, cum ista missio & Filio conveniat, & Spiritui sancto. Habet autem hæc pars quatuor partes. In prima ostendit quod Spiritus sanctus temporaliter à se mittitur, datur, & procedit, & hoc deducendo ad impossibile, quia aliter non essent indiuisa opera Trinitatis. In secunda ostendit à minori per auctoritatem, quod Pater misit Filium vnā cum Spiritu sancto, ita quod Spiritus sanctus misit Filium, in quem nullo modo habet auctoritatem, ergo multo fortius mittit se, & hoc facit ibi: Ne autem mireris, quod Spiritus sanctus dicitur mitti vel procedere à se. In tertia vero parte ostendit hoc à simili: Si enim filius misit se, pari ratione & Spiritus sanctus se, & hoc facit ibi: Deinde ostendit datum etiam à seipso esse. In quarta vero & vltima opponit contra prædicta, & hoc ibi: Sed ad hoc opponitur: Si filius à seipso, &c. ubi etiā soluit, & breuiter epilogat prædeterminata.

Donatur itaque Spiritus sanctus non tantum à Patre & Filio, sed etiam à seipso. Dub. I.

Videtur dicere falsum: quia supra facit argumentum, quod non potest dari à sanctis viris, quia non potest ab ipsis procedere: sed non potest à seipso procedere: ergo pari ratione non potest dari à se.

RESP. Dicendum, quod Magister arguebat de processione temporali, & de hac bene concedit ipse quod procedit à se, eo quod propriæ potestatis est, ut spiret in eum in quem vult, sed sancti viri non habent posse in eum.

Sicut, inquit, corpus carnis nihil aliud est quam caro, sic donum Spiritus sancti nihil aliud est quam Spiritus sanctus. Dub. II.

Videtur, si similitudo bona est, ut omne quod est donum

num Spiritus sancti sit Spiritus sanctus. Sed contra: Timor est donum Spiritus sancti, & non est Spiritus sanctus.

RESP. dicendum quod donum cum dicit relationem, ac per hoc quodam modo distinctionem, potest illam importare tripliciter: aut secundum modum intelligendi, aut secundum modum essendi, aut secundum essentialitatem. Primo modo idem est dans & datum, sicut & idem intelligens & intellectum: & differens ratione modi dicendi, quia datur idem à se: & sic intelligit Augustinus. Alio modo secundum modum essendi, siue se habendi, qui alius est & alius in personis, & dicit relationem personæ ad personam. Tertio modo importat distinctionem secundum essentialitatem, & respectum creaturæ ad essentialitatem increatam, & hoc modo amor dicitur donum Spiritus sancti: sed hoc infra melius patebit.

Si Pater & Filius dant. Dub. III.

Quia ista ratio, ut supra dictum est, non valet: Pater potest generare filium, & filius non potest: ergo pater potest aliquid quod filius non potest: ergo pari ratione, cum Spiritus sanctus dicit personam ut filius, non valet. Si tu dicas, quod non est simile propter actum dandi, qui est operatio in creatura. CONTRA: Sicut dicit Magister in littera, Spiritus sancti donatio est eius processio: sed illud argumentum non valet: Spiritus sanctus procedit, & Pater non: ergo aliquid facit Spiritus sanctus, quod non pater: ergo similiter nec in proposito. Si tu dicas mihi quod non est simile de activa & passiva. CONTRA: Inflexio nominis per casus non variat significationem: ergo similiter videtur quod nec ibi sit variatio per actuum & passivum. Et si tu dicas quod non est simile, ostenditur quod sic, quia omnis activa infert passivam: ergo videtur quod si in voce activa tenetur essentialiter, quod similiter in passiva.

RESP. dicendum quod sicut prædeterminatum est, rationes Magistri bonæ sunt, quia ipse accipit dare, secundum quod dicit effectum in creatura, & secundum hoc commune est tribus personis necessario, & hoc in activa significatione. Dare enim Spiritum sanctum alicui, est facere quod inhabitet in eo: & ideo non est simile de potentia generandi.

AD illud quod obiicitur, quod Magister dicit quod donatio idem est quod processio, dicendum quod loquitur de donatione passiva, secundum quod arctatur ad Spiritum sanctum, & argumentum suum bonum est: quia ab eodem principio est actio, & passio: ergo si donatio activa est à Patre, similiter & donatio passiva: similiter si donatio activa est à Spiritu sancto, & passiva.

AD illud quod obiicitur quod in activa tenetur essentialiter, ergo & in passiva, similiter ergo potest dici quod pater procedat, dicendum quod argumentum istud non valet: quia spirare in voce activa convenit duobus, in voce passiva convenit uni soli. Sic mittere potest convenire tribus: procedere vero siue mitti duobus tantum.

Si autem seipsum dat, tunc & à seipso procedit. Dub. IV.

Videtur falsum: quia procedere est produci: ergo si Spiritus sanctus procedit à se, producit à se. Si tu dicas quod non dicitur sine terminatione, videlicet temporaliter, contra: Temporaliter, est determinatio non diminuens: ergo sequitur de necessitate, si temporaliter procedit à se, quod procedat à se.

RESP. Dicendum quod sicut dictum est supra, processio ratione comparisonis ad terminum in quo suscipitur creatura, sc. quæ sanctificatur, de ratione nominis, connotat temporale, & ideo dicitur temporalis: & quoniam ille effectus temporalis est à Spiritu sancto, ideo & processio, licet non ita proprie sicut de Patre. Et non valet de productione, quia productio solum dicit comparisonem ad principium à quo, & non connotat effectum.

Actum. Vnde sicut non valet procedit temporaliter ergo producit temporaliter: sic & in proposito.

Ne autem mireris, quod Spiritus sanctus dicitur mitti, &c. Dub. V.

Videtur quod male probet missionem Spiritus sancti per missionem Filij, quia missio dicit subauctoritatem in misso, sed plus est de subauctoritate in Spiritu sancto, quam in Filio: ergo plus de ratione missionis: ergo videtur, quod potius deberet procedere e contrario.

ITEM missio dicit manifestationem: sed missio filij manifesta est per missionem Spiritus sancti: ergo manifestior est missio Spiritus sancti: ergo videtur quod probet ignotum per ignotum. Iuxta hoc quæritur, de quo dicitur mitti proprius, scil. de Filio, an de Spiritu sancto.

B RESP. Dicendum quod Magister probat missionem Spiritus sancti per missionem Filij, quia magis expressas habet auctoritates. Adhuc potest tamen nihilominus alio modo dici quod etiam ratiocinando bene procedit. In missione enim personæ est duo considerare, sc. emanationem, ratione cuius est subauctoritas in misso, & quantum ad hoc magis convenit, Spiritum sanctum mitti: & quantum ad hoc arguit Magister à minori, quod si Filius mittitur à Spiritu sancto, & à se, multo fortius & Spiritus sanctus. Est etiam considerare manifestationem, & ratione huius convenit Filio magis: quia magis evidenter apparuit mundo, & quantum ad hoc arguit Magister à manifestiori, & ita peroptime procedit.

AD illud quod obiicitur quod Spiritus sanctus manifestat Filium & eius missionem, dicendum quod hoc non est propter defectum evidentiae à parte missionis Filij, sed propter cæcitatem à parte videntium, quam movet Spiritus sancti gratia, & sic patet de quo prius. Vno enim modo magis competit Filio, alio modo Spiritui sancto secundum duas prædictas condiciones.

Satis ostendit, &c. Dub. VI.

Secundum hoc videtur, quod cum Spiritus sanctus non sit factus ex muliere, videtur quod non sit missus. Præterea si Filius est factus ex muliere: ergo est factus. Contra per Symbolum: Non factus.

RESP. ista non est communis ratio missionis: sed solum missionis visibilis ipsius Filij, & ideo non valet de se.

AD illud quod obiicitur quod non est factus, dicendum quod illud non est intelligendum nisi secundum humanam naturam, & ideo oportet addere de determinationem, ut dicatur factus ex muliere, vel secundum humanam naturam, quia simpliciter propter errorem Arrij vitandum, non recipit eam eloquiū Ecclesiasticum.

ARTICVLVS I.

AD intelligentiam huius partis quatuor quærentur. Primo quæritur, utrum missio sit in diuinis. Secundo dato quod sit, utrum missio sit, ex tempore, vel æterna. Tertio quæritur cuius sit missio ut missi. Quarto cuius sit missio ut mittentis.

QVÆSTIO I.

An in diuinis sit missio.

Alexander Alensis 1. p. q. 71. Membrum 1.

S. Tho. 1. p. q. 43. art. 1.

Et 1. Sent. dist. 15. q. 1. art. 1.

Egid. Rom. 1. Sent. dist. 15. q. 1.

Richardus 1. Sent. d. 15. q. 1.

Durandus 1. Sent. dist. 15. q. 1.

Thom. Arg. 1. Sent. dist. 15. q. 1. art. 1.

Petrus de Tarantasia 1. Sent. dist. 15. q. 1.

Marfilinus Inguen. 1. Sent. q. 18. art. 1.

QVod missio sit in diuinis, ostenditur primo per scripturam Veteris testamenti: Mitte illam de cælis, & loquitur de Sapientia, quæ est Dei Filius.

ITEM per scripturam Noui Testamenti: Cum venit

plenitudo

plenitudo temporis, misit Deus filium suum. Et post: Quoniam estis Filij Dei, misit Deus Spiritum filij sui in corda vestra.

ITEM hoc ostenditur per testimonium Veritatis: Dum autem abiero, mittam vobis spiritum veritatis.

ITEM ratione videtur istud idem, quia mittere non est aliud quam ex se aliquem producere in alium, sicut Sol radium mittit in aërem: sed Spiritus sanctus à Patre & Filio procedit in creaturam, ergo ab eis mittitur.

ITEM quandoque datur aliquid alicui, vt absenti, conuenienter dicitur mitti: sed tota Trinitas est absens peccatoribus quantum ad gratiam inhabitantem: ergo quodcumque datur Spiritus sanctus quantum ad gratiam inhabitantem, non incongrue dicitur mitti: si ergo dari est indiuis hoc modo, vt dictum est, ergo & missio.

1. CONTRA: Vbiunque est missio, ibi est separatio. Vnde Hieronymus super Ezech. Quod coniunctum est & in vno corpore copulatum, mitti non potest, sed quod extra est. Vnde non mittitur manus, sed iaculum: Sed in diuinis est omnimoda indiuisio, & nulla separatio: ergo, &c.

2. ITEM vbiunque est missio, est missi ad mittentem subiectio: quod pater: Dominus enim mittit seruum, & non seruus Dominum. Sed in diuinis est omnimoda æqualitas, & nulla subiectio: ergo ibi non est missio.

3. ITEM vbiunque est missio, ibi est mutatio, quia non dicitur aliquid mitti, vbi est: sed in diuinis, nulla omnino cadit mutatio: ergo, &c.

4. ITEM missio passiuæ dicta in quantum talis, est opus ministerii: sed in nobilissima natura in quantum talis, non cadit ministerium, ergo, &c.

CONCLUSIO.

Missio est in diuinis proprie propter triplicem habitudinem mittentis, similiter & missionis: & propter triplicem perfectionem in misso: quæ ponitur loco triplicis imperfectionis illius in his inferioribus.

RESP. ad arg. Dicendum quod missio est in diuinis, sicut ostendunt prædictæ auctoritates & rationes, & transfertur à creaturis ad Deum. Secundum autem quod missio in his inferioribus consideratur, habet respectum ad tria scilicet ad principium, & ad terminum, & ad missum. Ad principium siue ad mittentem, sub triplici habitudine comparari conuenit, vt ad datem esse, & sic mittitur radius à Sole. Vt ad dantem virtutem, & sic mittitur iaculum à proiectore. Vt ad dantem iurisdictionem siue auctoritatem, & sic mittitur nuntius à prætore. Secundum omnem hanc comparisonem est in diuinis missio, quia Spiritus mittitur à Patre & Filio tanquam habens esse, & virtutem & auctoritatem in operando ab eis, & ideo missio secundum hunc respectum, est completissime in diuinis. Non enim est ponere quod vna persona recipiat auctoritatem, nisi à quo recipit virtutem: nec virtutem, nisi à quo recipit esse. Similiter ad terminum sub triplici habitudine comparatur. Mittitur enim aliquid alicui, vbi videlicet quietatur, vt lapis mittitur deorsum. Mittitur etiam alicui, vt à quo habeatur, sicut aliquis mittit alicui donum. Mittitur etiam alicui, vt ad aliquid, scilicet quod operetur. Secundum hanc triplicem comparisonem est missio in diuinis. Mittitur enim Filius vel Spiritus sanctus vt alicui ad inhabitandum: vt alicui, ad possidendum vt donum: vt ad aliquid, scilicet ad effectum operandum: & ideo missio per comparisonem ad terminum reperitur completissime in diuinis, multo magis quam in creaturis. Si autem loquimur de missione in comparatione ad missum, sic in his inferioribus ponit triplicem conditionem imperfectionis, scilicet separationem, subiectionem, & mutationem, quæ quidem non sunt in diuinis, est tamen aliquid perfectionis ibi istis correspondens, & ratio huius patet sic. In istis inferioribus separatur missus à mit-

tente propter distantiam termini ad mittentem, vt patet cum mitto aliquem Romam: quia Roma distat à me: si ille debet esse Roma, oportet quod separetur à me.

1. In diuinis vero, quia Deus mittens est vbique, nulla est distantia, & ideo nulla est separatio loco tamen huius est missi à mittente egressio, siue emanatio, & sic patet responsio ad illud quod obiicitur de conditione separationis.

2. SIMILITER in his inferioribus est in misso subiectio propter differentiam mittentis ad missum: quia enim missus recipit à mittente, vel esse, vel virtutem, vel operationem & est separatus ab eo in substantia: quia substantia omnino eadem non participatur à pluribus, necesse est quod aliam virtutem recipiat ab eo, & aliam iurisdictionem illa inferiorem: sed in diuinis non est substantialis differentia, & ideo omnia sunt æqualis nobilitatis in mittente & misso, sed tamen loco huius est subauctoritatis origo, & sic patet secunda obiectio.

3. SIMILITER in his inferioribus est in misso mutatio propter distantiam missi à termino: cum enim non est in termino ad quem mittitur, ideo oportet quod mutet locum, & quod sit in eo mutatio: quia vero in diuinis missus nulli loco abest: non oportet quod personaliter accedat, & ideo non est ibi mutatio. Sed tamen loco eius est alicuius effectus de nouo productio, & sic patet tertia obiectio. Quamvis enim in diuinis non sit separatio, subiectio & mutatio, tamen loco horum est emanatio, subauctoritatis origo, & noui effectus productio.

4. Ad illud quod ultimo obiicitur quod pertinet ad ministerium, dicendum quod hoc verum est, vbi missio dicit subiectionem, sed hoc non est in diuina natura, sed in creaturis, &c.

QUESTIO II.

An Missio in diuinis ex tempore tantum sit, vel etiam ab æterno.

Alexander Alesis 1. p. q. 71. Membr. 2. & 4.

S. Thomas 1. p. q. 43. art. 2.

Et 1. Sentent. dist. 15. q. 1. art. 2.

Egid. Rom. 1. Sent. dist. 15. q. 2.

Richardus 1. Sent. dist. 15. q. 2.

Tho. Arg. 1. Sent. dist. 15. q. 1. art. 2.

Petrus de Tarantasia 1. Sent. dist. 15. q. 12.

Steph. Brulef. 1. Sent. d. 15. q. 2.

Vtrum missio in diuinis sit ex tempore tantum, an etiam ab æterno. Et quod ab æterno, ostenditur auctoritate, & ratione. Auctoritate sic per Gregorium: eo ipso mittitur Filius quo generatur, sed generatur ab æterno: ergo mittitur ab æterno: ergo missio in diuinis est ab æterno.

2. ITEM Beda: Spiritus sancti missio est processio: sed procedit ab æterno: ergo mittitur ab æterno.

3. ITEM ratione sic: Missio siue actiue siue passiuæ dicta est Deus: sed omnis actio quæ actiue & passiuæ est Deus, est ab æterno: ergo, &c.

4. ITEM omnis actio quæ habet Deum vt terminum, & vt principium, est ab æterno, vt patet cum dicitur Deus intelligit Deum, Deus generat Deum: sed missio est huiusmodi, quia Deus mittit Deum: ergo missio est æterna. Si dicas quod missio requirit duplicem terminum, scilicet eum qui mittitur, & eum ad quem mittitur, & ille ad quem fit missio, est temporalis.

CONTRA: Deus potest esse: qui mittit, Deus qui mittitur: ergo pari ratione Deus ad quem mittitur, & videtur quod istæ comparationes principij & termini maxime Deo conueniant. Deus enim est Alpha, & Omega, principium & finis: ergo magis proprie dicitur Deus ad quem mittitur, quam Deus qui mittitur.

5. ITEM quidquid est Deus, est æternum: missio est Deus, ergo est æterna: sed præmissæ sunt veræ: ergo & conclusio.

CONTRA per Ioānem: Si non abiero, Paracletus non veniet ad vos: cum autem abiero, mittam vobis eum.

Cum

Cum ergo Spiritus sanctus potest mitti, & promitti: sed quod est æternum, non potest promitti: ergo, & c.

ITEM Augustinus: Mittitur Filius vel Spiritus sanctus cum ex tempore cuiusdam mente percipitur.

ITEM omnis missio est aliquid posterius mittente: sed ubi cadit posterius necessario interuenit ratio principij, & temporis, ergo, & c. Prima propositio per se est vera, quia mittens per prius habet ipsum quod mittit, quam habet ille ad quem mittit.

ITEM omnis missio vel est ratione mutationis, vel ratione operationis: sed in diuinis non est mutatio: ergo ad hoc, quod missio sit, necesse est quod interueniat operatio: & si operatio, & effectus: & si effectus, & tempus: ergo missio est ex tempore,

CONCLUSIO.

Cum terminus ad quem missionis diuina sit creatus, Missio est de necessitate temporalis.

RESP. ad arg. Dicendum ad prædicta quod missio in diuinis nullo modo dicitur nisi ex tempore. Et ratio huius est: quia dicitur comparisonem, non tantum ad principium, nec tantum ad missum: sed etiam ad terminum: sed terminus ille de necessitate creatus est: quia missio in Deo cum non dicat mutationem, dicit aliquam circa terminum operationem, & ita aliquem effectum; & quia omne quod recipit effectum, est creatum & temporale: ideo missio de necessitate est temporalis.

1. AD illud ergo quod dicit Greg. Ego mittitur filius, quo generatur, dicendum quod ipse loquitur præsupposita manifestatione in creaturis: pater enim manifestatur in creatura, sed non mittitur, sed filius mittitur. Et Gregorius reddit rationem, quia nulla alia causa est, nisi quod ille generatur, ille non, id est, Pater.

2. AD illud quod obiicitur de Beda, dicendum quod Beda loquitur de processione Spiritus sancti, prout est in creatura, & ita semper est temporalis ut missio.

3. AD illud quod obiicitur quod omne quod actiue, & passiue in Deo ponitur, æternum est, dicendum quod verum est, nisi habeat vltiorem respectum ad creaturam: sed missio præter respectum, qui est mittentis ad missum, importat aliquem effectum in creatura.

4. AD illud quod obiicitur quod missio actiue, & passiue est Deus, dicendum quod est quædam actio quæ solum respicit passum, ut percutio te: quædam quæ passum, & alium terminum, ut doceo te grammaticam, similiter & mitto te ad alium. Et quod obiicitur, verum est in actione, & passione, quæ nihil aliud recipiunt nisi principium, & obiectum: sed non in aliis, quæ requirunt alium terminum, & ideo habet instantiam in proposito. Similiter soluendum est ad sequens quod verum est, si actio illa omnino terminaretur in Deum. Sed quod obiicit quod missio respicit Deum, ut terminum ad quem dicendum quod terminus ad quem est missio, esset solum in ratione finientis, sic verum esset: nunc autem non est sic: sed magis in ratione suscipientis.

5. AD vltimum obiectum, dicendum quod ibi est paralogismus accidentis, sicut hic: Omne æs est naturale, statua est æs, ergo, & c. quia quod erat materie, attribuitur statue ratione artificij. Similiter hic, quod erat diuine essentie attribuitur missioni ratione connotationis.

QVÆSTIO III.

An Patris sit mitti.

Alex. Alensis 1. p. q. 73. Membrum 2. art. 1.

S. Thom. 1. p. q. 43. art. 4.

Et 1. Sent. dist. 15. q. 2. art. 1.

Scotus 1. Sent. dist. 14. q. 15. q. unica.

Agid. Rom. 1. Sent. dist. 15. p. 2. q. 1.

Richard. 1. Sent. dist. 15. q. 1. art. 2.

Durandus 1. Sent. dist. 16. q. 1.

Thomas Argent. 1. Sent. dist. 15. q. 1. art. 4.

Marfilus Inguen. 1. Sent. q. 18. art. 3.

A Gabr. Biel. 1. Sent. dist. 15. q. unica.

QVÆRITUR cuius sit missio, ut missi. Et videtur quod sit totius Trinitatis. Augustin. in 4. de Trinitat. Mittitur filius, cum ex tempore cuiusquam mente percipitur. Sed tota Trinitas ex tempore mente percipitur: ergo tota Trinitas mittitur: ergo Pater.

2. ITEM mitti personam, est ipsam de nouo venire ad habitandum: sed tota Trinitas de nouo venit ad habitandum in peccatore, cum gratia datur ei: ergo, & c. Minor patet: Ad eum veniemus, & c.

3. ITEM missio connotat effectum in creatura: sed ita est quod omne connotans effectum dicitur essentialiter: ergo missio passiue dicta, dicitur essentialiter: sed quod essentialiter dicitur, conuenit toti Trinitati: ergo, & c.

4. ITEM quando aliquid mittitur, mittitur cum eo omne quod inseparabiliter est coniunctum: sed pater est inseparabiliter coniunctus cum filio: ergo quando mittitur filius mittitur & pater.

5. ITEM mittere & mitti, aut sunt æqualis nobilitatis, aut non. Si æqualis, ergo qua ratione dicitur mittere de patre, eadem ratione & mitti. Si est inæqualis: ergo mittens est maior misso: ergo filius est inæqualis patri.

CONTRA: Augustin. in 2. de Trin. Pater nusquam legitur missus: sed non debemus aliquid asserere de Deo quod non debemus ex scriptura: ergo mitti non conuenit toti Trinitati.

ITEM Augustinus dicit quod pater absurdissime dicitur missus: sed sermones veri non sunt absurdissimi, sed potius falsi: ergo mitti non vere dicitur de patre.

ITEM Augustinus dicit quod mitti est cognosci esse ab alio: sed pater non cognoscitur esse ab alio: ergo pater non mittitur.

ITEM omne mobile reducitur ad immobile: ergo missibile ad immisibile: ergo in diuinis est alia persona immisibilis: sed non nisi pater: ergo, & c.

CONCLUSIO.

Missio passiue, non est ipsius Patris, quia missio emanationem connotat in suo significato.

RESP. ad arg. Dicendum quod missio sicut patet ex ratione August. & melius infra patebit, semper duo habet ex suo intellectu, sc. emanationem, & manifestationem per effectum. Quia ergo importat emanationem passiue missio dicta, hinc est, quod cum pater omnino careat principio, quod de ipso nullo modo potest dici missio passiua, unde non inuenitur, & si inueniretur, esset tanquam falsa, & velut impropria exponenda.

1. 2. AD illud ergo quod obiicitur primo, & secundo quod missio est perceptio ab intellectu, vel inhabitatio de nouo, dicendum quod non dicit totam rationem missionis: sed solum a parte termini in quem, unde debet addi cum illis emanatio ab alio, & tunc non valet.

3. AD illud quod tertio obiicitur quod connotat effectum: ergo est essentialis, dicendum quod nomen connotans effectum, aut dicit solum respectum ad effectum, & tunc est pure essentialis, ut creare: aut dicit etiam cum hoc respectum ad personam, & sic potest esse notionale, sicut creare per filium, solius est patris, sic est de hoc, quod est mitti: quia non dicit tantum comparisonem missi ad suscipientem effectum: sed etiam ad principium. Significat enim ipsum esse ab alio, & in alium, & sic patet.

4. AD illud quod obiicitur quod inseparabilia simul mittuntur, dicendum quod illud est verum de illa missione quæ est per separationem: sed de illa missione quæ est per distinctionem non est dicere quod sic mittantur necessario illi qui distinguuntur, sicut nec in alia missione, illa quæ separantur: & quoniam pater distinguitur a filio, & missio in diuinis dicit distinctionem, ideo non oportet quod cum mittatur filius, mittatur pater.

5. AD

5. Ad illud quod obiicitur ultimo quod æqualis nobilitatis est mitti, ut mittere, dicendum quod mitti non remouetur à patre, quia dicit ignobilitatem, sed quia dicit emanationem, & subauctoritatem, quæ quamvis non sit ignobilitatis, tamen non conuenit patri.

Q V Æ S T I O I V.

An Missio sit totius Trinitatis ut mittentis.

Alex. Alensis 1. d. q. 72. Membro 1.

S. Thomas 1. Sent. dist. 15. art. 3.

Secutus 1. Sent. dist. 14. q. 15. q. unica.

Ægid. Rom. 1. Sent. dist. 15. p. 2. q. 2.

Richard. 1. Sent. dist. 15. q. 2. art. 2. q. 1. art. 3.

Thom. Arg. 1. Sent. dist. 15. q. 1. art. 3.

Steph. Brulef. 1. Sent. dist. 15. q. 4.

Petrus de Tarantaf. 1. Sent. dist. 15. q. 1. q. 8.

Marfilium Inguen. 1. Sent. q. 18. art. 2.

Gabr. Biel. 1. Sent. dist. 15. q. 1.

Vltimo queritur cuius sit missio, ut mittentis. Et quod sit totius Trinitatis, ostenditur sic: Missio idem est quod temporalis donatio, sed temporaliter dare conuenit toti Trinitati, quia tota Trinitas dat Spiritum sanctum, ut dicit Augustinus, &c.

ITEM Augustinus de Trinit. Mitti à patre Filius sine Spiritu sancto non potuit: ergo missio filij conuenit Spiritui sancto: ergo eadem ratione missio sui. **S**I DICAS sicut dicunt quidam quod illud intelligitur de missione secundum humanam naturam, qua missus est ad prædicandum, secundum illud: Ad annuntiandum mansuetis misit me: non autem de missione secundum diuinam naturam. **C**ONTRA: Missio secundum diuinam naturam, est missio in mentem, vel in carnem: sed August. intelligit de missione in carnem, unde statim subditur, quia pater intelligitur eum misisse cum fecit ex femina: ergo constat quod loquitur de missione secundum diuinam naturam.

ITEM Magister facit tale argumentum: Si pater potest dare, vel mittere Spiritum sanctum, & hoc non facit Spiritus sanctus, aliquid facit Pater quod non facit Spiritus sanctus: ergo diuisa sunt opera Trinitatis.

1. **C**ONTRA: Datum dicitur relative ad dantem, sicut dicit August. in 15. de Trinit. ergo Spiritus sanctus non datur nisi ab his ad quos relative dicitur: sed non dicitur relative ad se: ergo non dat se: ergo nec mittit se.

2. **I**TEM sicut pater est prima persona in Trinitate, ante quam non est alia, ita Spiritus sanctus post quem non est alia. Sed pater quia non habet personam ex qua sit, nullo modo dicitur missus: ergo cum Spiritus sanctus non habeat personam ex se emanantem, nullo modo dicitur mittere.

3. **I**TEM ubicumque est missio passiva, ibi est subauctoritas respectu alicuius principij in missio sicut dicitur ab Aug. & Magistro: ergo ubi est missio actiua, ibi notatur auctoritas respectu personæ: sed Spiritus sanctus non habet auctoritatem respectu sui, nec alterius personæ: ergo, &c.

4. **I**TEM ubicumque est missio, ibi vere notatur distinctio, sicut in creaturis separatio: sed persona Spiritus sancti non distinguitur à se: ergo à se non mittitur, nec Filium mittit, cum non habeat auctoritatem in ipsum: ergo non mittit.

5. **I**TEM omnis actus secundum quem persona reflectitur supra se, est essentialis, & essentialiter dictus: si ergo filius mittit se, vel Spiritus sanctus se, ergo mittere, vel mitti essentialiter dicitur: sed omnis talis actus dicitur de tribus: ergo pater mittit se.

C O N C L U S I O.

Impropria est locutio quod Pater siue Trinitas mittat se: Propria quod persona procedentes mittant se: Propriissima quod producentis mittat producentem.

RESP. Ad arg. Dicendum quod in hac questione, sapientes opinantur contrarie sapientibus. Nam Magi-

ster dicit expresse, & nititur probare auctoritate, & ratione quod Spiritus sanctus mittat se, & de se, nec oportet secundum ipsum quod inter mittentem & missum cadat personalis distinctio, sed solum quantum ad rationem intelligendi, ut ipse sit mittens in quantum Deus, & idem ipse sit missus in quantum donum. Aliorum magistrorum, & antiquorum fuit positio, quod mittere & mitti de ratione sui nominis important subauctoritatem, & auctoritatem, & distinctionem, & ideo nullo modo potest dici quod una persona mittat se, vel mittatur à se. Unde locutiones istæ sunt improprie, & exponendæ, quæ hoc dicere videntur. Et positionem suam confirmant per Augustinum qui dicit quod pater nullo modo mittitur, nec legitur missus: hoc non est ob aliud, nisi quia hoc, quod est missus importat subauctoritatem: ergo per oppositum mittere importat auctoritatem, & una persona non habet auctoritatem supra se.

Et respondent rationibus Magistri quod non est simile de hoc, quod est dare, & de hoc, quod est mittere. Quia dare uno modo est ex liberalitate, siue amore communicare, & sic est essentialis omnino, & nullam connotat distinctionem, & sic conceditur quod tota Trinitas dat seipsum, & pater similiter. Alio modo dare est alicui donum communicare, non tantum ex liberalitate, sed etiam ex auctoritate, & sic dare dicit notionem, siue tenetur notionaliter, & hoc modo non valent illæ rationes, si pater dat Spiritum sanctum, & Spiritus sanctus non dat se: ergo aliquid facit pater quod non Spiritus sanctus, quia dicit notionem, & in hoc sensu æquipollet ei, quod est mittere: similiter donatio passiva, ei quod est procedere. Similiter ad simile quod inducit Magister de filio, dicunt quod non est simile, quia in Filio duplex est natura, scilicet diuina, & humana, & quantum ad humanam potest mitti, & mittitur à tota Trinitate, quia minor est Deo, & inferior, & non tantum subauctoritatem habet, sed etiam seruitutem, quia est seruus Dei, quamvis per unionem sit Deus. Quantum ad diuinam autem mittitur à solo Patre, quia à solo Patre producit. Quia ergo Spiritus sanctus producit & à Patre & à Filio, & non à seipso, hinc est quod non mittitur nisi à patre, & à filio, & propter hoc rationes Magistri non valent, quia omnes auctoritates, quæ dicunt filium mitti à Spiritu sancto, vel à se, secundum humanam naturam intelliguntur. Sed licet hæc positio rationabilior videatur, & facilius ad sustinendum, tamen quia non debemus auctoritates Sanctorum ad nostram trahere rationem, sed magis e conuerso, rationem nostram auctoritatibus Sanctorum subicere, ubi non continent expressam absurditatem: & Sancti dicunt, & Magister dicit, & maxime August. qui plus super hac materia locutus est, fidenter mitti à Spiritu sancto, & à se, quod non possunt exponere secundum humanam naturam. Ideo alia positio tum ob reuerentiam Sanctorum, tum ob reuerentiam Magistri, videtur magis esse tenenda. Illud enim verbum Augustini, quod dicit quod filius est missus in carnem à Spiritu sancto, secundum humanam naturam nullo modo potest intelligi ut videtur, quia missio hæc fuit ad humanitatis, siue carnis assumptionem: ergo secundum rationem intelligendi præcedit humanam naturam, ut iam vnitam: ergo si filius hoc modo dicitur missus, oportet quod attribuitur diuinæ naturæ: & ita ratione diuinæ naturæ missus est à Spiritu sancto, multo fortius ergo à se, ac per hoc & Spiritus sanctus à se.

Et propterea ad intelligentiam obiectorum in contrarium notandum est quod missio de se, duo importat: scilicet emanationem, & manifestationem, & principaliter de ratione suæ significationis importat manifestationem. Et hoc patet per Aug. in lib. de Trin. qui dicit quod mitti est cognosci esse ab alio, & habetur in præsentī distinctione, quia tunc Filius mittitur, cum ex tempore cuiusquam mente percipitur. Quia ergo principaliter importat manifestationem, & connotat in missio emanationem: ideo manifestatio significatur per hoc quod est mittere per modum actionis, & per hoc quod est

mitti

est *mitti* per modum passionis, sed emanatio utrobique A
vniuniformiter. Vnde sensus est: Pater mittit Filium, id est
declarat, siue manifestat Filij emanationem, siue filium
emanare. In passiva vero sensus est: Filius, siue Spiritus
sanctus mittitur, id est, manifestatur ab alio emanare. Et
quoniam ablatius respectu passivi, & nominatiui re-
spectu actiui, important rationem principij, & signifi-
catio huius verbi *mittere*, & *mitti*, est manifestatio, &
emanatio, ideo illa est propriissima, quando ablatius
vel nominatiui importat habitudinem principij re-
spectu utriusque, ut cum dicitur: Pater mittit filium, &
filius mittitur à patre, quia filius emanat à patre, & ma-
nifestatur à patre. Quia vero principale significatum
horum verborum est manifestatio non emanatio, quo-
niam nominatiui, vel ablatius est principium mani-
festationis, quamvis non emanationis, propria est: sed B
minus prædicta, & in hoc sensu conceduntur istæ, Fi-
lius mittit se, & Spiritus sanctus mittit se. Quia vero
tam *mittere*, quam *mitti* important emanationem circa
missum, & persona patris non emanat ab aliquo, simili-
ter nec Trinitas: ideo persona Patris nusquam legitur
missa, nec ipsa Trinitas. Ex hoc patet, quod hæc est sim-
pliciter, & omnino impropria. Pater mittit se siue ipsa
Trinitas: quia receditur à proprietate personarum, &
Trinitatis. Illa vero est simpliciter, & omnino propria:
Pater mittit Filium, cum à nullius proprietate rece-
dat.

1. Ad illud quod obiicitur in contrarium de dato
quod dicitur relative, dicendum quod verum est, secun-
dum quod *dare* dicit per quandam auctoritatem com-
municare, hoc modo non accipit Magister: sed inquan-
tum *dare* idem est quod liberaliter, & voluntarie com-
municare.

2. Ad illud quod obiicitur quod pater non mittitur,
quia non ab alio, dicendum quod non est simile, quia
tam *mittere*, quam *mitti* important emanationem in mis-
so, ut patet exponenti: sensus enim est: Hæc persona mit-
tit illam, id est manifestat eius emanationem: & hæc mit-
titur ab illa, id est eius emanatio manifestatur ab illa: sed
hæc emanatio non semper importat respectum omnis
personæ mittentis, quia ab aliquo potest esse manife-
statio emanationis, à quo tamen non est ipsa emanatio,
& ideo sic non ponitur productio in mittente, sicut
emanatio in misso, & ideo non sequitur, quod si Pater
non mittitur, quod Spiritus sanctus non mittatur.

3. Ad illud quod obiicitur: Vbi est missio passiva, ibi
est subauctoritas, dicendum quod verum est non ratio-
ne qua passivum, sed ea ratione qua tam passivum,
quam activum notat emanationem in misso, sicut pa-
tuit in expositione. Et quia emanatio non semper est
respectu mittentis, ideo non oportet quod semper im-
portetur auctoritas in mittente: sed ratio illa valeret
bene, si ita esset, ut principale significatum eius quod
est missio, esset emanatio, siue productio.

4. Ad illud quod obiicitur quod *mittere* importat di-
stinctionem, dicendum quod *mittere* vno modo impor-
tat differentiam substantialem, ut cum importat domi-
nium, ut cum dicitur: Deus mittit Angelum. Alio modo
distinctionem personalem, ut cum importat auctorita-
tem in mittente, & subauctoritatem in misso respectu
mittentis, ut cum dicitur: Pater mittit Filium. Tertio
modo importat distinctionem solum quantum ad mo-
dum intelligendi. Sicut cum dicitur, voluntas est instru-
mentum seipsum mouens, quia idem est mouens, &
motum. Similiter cum dicitur: Spiritus sanctus mittit se,
idem est mittens, & missum, ratione differens. Mittens,
inquam secundum quod Deus, sed missum secundum
quod donum, sicut prædictum est.

5. Ad illud quod obiicitur ultimo de reflexione
actus dicendum quod verum est quoad principale si-
gnificatum: sed non oportet quantum ad connotatum,
& ratione principalis significati est reflexio personæ
mittentis supra se, ut dicatur: mittens est missus.

DISTINCTIO XV. PARS II.

De Missione Filij, & Spiritus sancti quantum
ad modum, qui duplex est: Visibilis
scilicet & inuisibilis.

Huius Partis Textum supra videre licet.

Hic queritur utrum semel tantum missus sit Filius.

Expositio Textus.

SUPRA egit Magister de missione quantum ad
principium, hic agit de missione quantum ad
modum, qui duplex est, scilicet visibilis, & in-
uisibilis. Et quoniam isti modi conveniunt missioni Fi-
lij, & Spiritus sancti, ideo Magister primo assignat eos
circa missionem Filij. Secundo circa missionem Spiritus
sancti in principio 16. dist. *Nunc de Spiritu sancto vi-
dendum est*, &c. Prima pars habet quatuor partes. In pri-
ma, præmissa quæstione, ostendit auctoritate Augustini
quod filius duobus modis missus est, scilicet visibiliter
& inuisibiliter, ibi: *Ad quod dicimus*. In secunda assi-
gnat duplicem differentiam istorum duorum modorum,
vnam ibi: *Ecce distincti sunt duo modi missionis Filij*.
Aliam ibi: *Præterea notandum*. In tertia vero mouet du-
bium quoddam, quod habet ortum ex prædetermina-
tis, ibi: *Hic queritur, cur Pater non dicitur missus*. In
quarta vero remouet, siue docet errorem cauere, proce-
dentem ex illius dubij solutione, ibi: *Ideoque putave-
runt quidam heretici*. Ex hoc enim quod dixerat Pa-
trem non mitti, posset quis credere in diuinis non esse
æqualitatem. Ad hoc respondens Magister dicit quod
hoc non est propter inæqualitatem, sed propter princi-
pij auctoritatem, siue connotationem.

Hic queritur utrum semel tantum missus sit Filius,
an, &c. Dub. I.

In parte ista sunt dubitationes circa literam, & pri-
mo dubitatur de situ cap. 1. huius partis. Videtur enim
quod Magister non debeat hic ponere Tractatum de
missione Filij, quia missio Filij est incarnatio: sed de eius
incarnatione agitur in Tertio: ergo ibi deberet agere de
missione, non hic.

RESP. Quod Magister incidenter introducit hunc
Tractatum de missione Filij propter explicationem
missionis Spiritus sancti. Posset tamen dici quod Ma-
gister hic agit de missione Filij in mentem principaliter,
sed de missione Filij in carnem per accidens, ut di-
stinguat à missione Filij in carnem per accidens, ut di-
stinguat à missione Filij in mentem. De illa autem mis-
sione quæ est in carnem, specialiter & principaliter
agit in Tertio, & ideo aliter ibi, quam hic.

Non eo ipso quod de Patre natus est, missus dicitur
Filius. Dub. II.

Videtur dicere falsum, & contra Gregorium qui di-
cit: Eo modo mittitur Filius quo generatur.

RESP. Dicendum quod Augustinus loquitur cum
præcisione, ut intelligatur non eo ipso tantum: Grego-
rius autem cum præsuppositione manifestationis. Vel
aliter: August. loquitur de generatione æterna, Grego-
rius de temporali: vnde nulla est omnino contradictio.

Missus est etiam ante incarnationem & ad omnes
Sanctos. Dub. III.

Queritur utrum post incarnationem plenius sit datus
Filius, & Spiritus sanctus. Et quod sic videtur, quia sta-
tus legis fuit stat^o imperfectionis, status Evangelij. stat^o
perfectionis. Lex enim neminem ducit ad perfectionem:
sed Evangelium dicit: Estote perfecti: ergo, &c. Item
de Spiritu sancto videtur hoc specialiter, quia scribitur
per Ioannem: Spiritus nondum erat datus, quia Iesus non-
dum erat glorificatus: hoc non dicitur quod nullo mo-
do

Diuisio

Gregor. ho.
26. in Evan-
gel. 10. 2.

Heb. 7. 6

Matth. 5. 8

Ioan. 7. f

do ante fuerit datus, sed quia non ita abundanter: ergo &c.

ITEM maior cognitio & dilectio est tempore legis gratiæ, quam tempore legis scriptæ: ergo, &c.

RESP. Dicendum quod plenius dari, potest dupliciter intelligi: aut intensiue, aut extensiue. Si extensiue, sic pluribus datus est Spiritus sanctus tempore legis gratiæ, quia in omnem terram exiuit sonus eorum, &c. non tantum ad vnam gentem. Si intensiue, hoc est dupliciter, aut quantum ad generalem statum, aut quantum ad speciales personas. Quantum ad generalem statum in nouo Testamento. Quantum ad speciales personas: in veteri Testamento, & sic se habent, vt excedentia, & excessa, quia in veteri Testamento fuerunt aliqui viri Euangelici, & sic procedunt rationes ad vtramque partem. In veteri Testamento fuerunt aliqui abundantes in sapientia, vt Salomon. Aliqui in patientia, vt Iob. Aliqui in mansuetudine, vt Moyses. Aliqui in fide, vt Abraham. Aliqui in deuotione, vt David. Aliqui in miraculorum opere, vt Helias.

Et etiam ad Angelos. Dub. IV.

Videtur falsum, quia Angelus dicitur nuntius, seu missus: sed ad missum non est missio: ergo, &c. Si TV DICAS quod alio modo mittitur. CONTRA: qui semper est præsens non indiget missione: sed Angelus semper contemplatur Deum vt præsentem: ergo, &c.

RESP. Dicendum quod missio sapientiæ siue Filij est ad creaturam illustrandam, sicut missio Spiritus sancti ad creaturam sanctificandam. Et quoniam Angeli nec ex se fuerunt sapientes, nec ex se fuerunt sancti, ideo oportuit quod à principio mitteretur eis sapientia quæ est Filius, & Spiritus sanctus: Vnde Augustinus loquitur pro statu glorificationis, proprie autem non dicitur mitti nunc, nisi dicatur large mitti ad manifestationem alicuius occulti.

Nam & nos secundum quod mente aliquid æterne capimus, non in hoc mundo sumus. Dub. V.

Videtur falsum dicere. Quia aut dicit secundum animam, aut secundum carnem. Non secundum carnem hoc constat: ergo secundum animam: ergo videtur quod anima quando Deum cognoscit sit in celo, siue extra mundum. ITEM hoc videtur ratione, quia capere æternum, est magis capi: ergo si quod capitur à capiente locatur: ergo anima locatur in æternitate; ergo extra tempus: Præterea, quod cognoscit & amat, aut trahitur à cognoscente & amante, aut econuerso: sed dum Deum amamus & cognoscimus, non trahimus Deum ad nos, sed nos ad Deum, sicut dicitur à Dionysio.

RESP. Dicendum quod locus habet naturam continentis & quietantis. Esse ergo in hoc mundo est dupliciter. Aut quantum ad veritatem, & continentiam, aut quantum ad quietem: Augustinus autem loquitur non proprio modo, quod anima & corpus vere egrediantur hunc mundum, dum mente capit Deum: sed intelligit quantum ad quietem: quia affectus animæ non requiescit in temporalibus, quibus superfertur: sed in æternis: & quantum ad hoc intelligitur Dionysius, & intelligitur secunda ratio, quod animam trahit, non localiter mutando, sed sibi conformando: quia amans transformatur in amatum, & cognoscens conformatur cognito.

Pater enim est, &c. principium totius Diuinitatis, vel si melius dicitur, Deitatis. Dub. VI.

Videtur male dicere, quia aut hoc est per generationem, aut per spirationem. Sed si hoc: ergo pater generat, vel spirat deitatem, quod est contra Magistrum supra: vbi dicit quod essentia nec generat, nec generatur. Præterea quæritur quare dicit: vel si melius dicitur, deitatis.

RESP. Dicendum quod Augustinus non simpliciter dicit, quod sit principium diuinitatis, sed cum hac determinatione totius. Et quoniam in simplicissimo non cadit aliqua totalitas, nisi extenso nomine totalitatis

ad personarum pluralitatem, ideo deitas siue diuinitas stat vt in personis: tamen quia non potest trahi ad personas, cum sit nomen abstractum, prædictus sermo exponendus est sicut supra exponit Magister locationes consimiles. Quod quæritur, quare dicitur deitatis melius, dicendum quod diuinum potest dici de creaturis, secundum quod dicitur homo diuinus: sed Deus solius Dei est proprium: ideo deitas magis proprie dicit formam Dei quam diuinitas, ideo melius dicitur deitatis quam diuinitatis.

ARTICVLVS I.

AD intelligentiam eorum quæ dicuntur in parte ista, tria quærentur de missione Filij inuisibili, quia de visibili ageatur in Tertio. Et quia missio inuisibilis Filij, similis est missioni inuisibilis Spiritus sancti: ideo simul quæritur de vtraque. Primo quæritur vtrum hæc missio sit secundum dona gratiæ gratum facientis, vel gratiæ gratis datæ. Secundo quæritur vtrum secundum eadem dona gratiæ, dicatur mitti Filius, & Spiritus sanctus. Tertio vtrum vtraque missio sit secundum eadem dona gratiæ augmentata.

QVÆSTIO I.

An Missio Spiritus sancti sit secundum dona gratiæ gratis datæ, vel gratum facientis.

Alexander Alesis 1. p. q. 73. Membrum 4. art. 2.

S. Thomas 1. p. q. 43. art. 3.

Et 1. Sentent. dist. 14. q. 2. art. 1.

QVOD hæc missio sit secundum dona gratiæ gratis datæ ostenditur sic: Rabanus dicit de Spiritu sancto quod ter datus est Spiritus sanctus. Et primo dicit ipsum esse datum ad miraculorum operationem, constat autem quod miraculorum operatio est gratia gratis datæ: ergo, &c.

2. ITEM Spiritus sanctus datur cum datur donum prophetiæ. Vnde: Factus est Spiritus Domini super Saül, & prophetabat: sed donum prophetiæ datur frequenter his qui non habent gratiam gratum facientem, sicut patet de Saül per textum: ergo, &c.

3. ITEM quod filius mittatur secundum dona gratiæ gratis datæ, videtur. Tunc enim filius dicitur mitti, quando sit reuelatio occultorum: sed reuelatio occultorum potest fieri sine dono gratiæ gratum facientis: ergo, &c.

4. ITEM August. dicit, & habetur in præsentia distinctione quod tunc sapientia mittitur cum à cuiusquam mente percipitur, siue cum alicui innotescit: si ergo percipitur & innotescit per dona gratiæ, gratis datæ, vt per fidem informem: ergo videtur in illis dari: ergo, &c.

CONTRA: per Augustinum dicitur quod tunc datur Spiritus sanctus alicui, cum sic datur vt eum faciat Dei & proximi dilectorem, hoc est dicere, quando datur hominibus charitas: sed charitas non est nisi gratiæ gratum facientis: ergo, &c.

ITEM hoc ipsum videtur de filio, quia dicitur in lib. Sapientiæ: In animas sanctas se transfert, & amicos Dei constituit: sed amici Dei non dicuntur sine gratia gratum faciente: ergo, &c.

ITEM ratione ostenditur: Tunc datur vel mittitur Spiritus sanctus quando habitat in homine: sed non dicitur habitare in homine sine gratia gratum faciente: ergo, &c.

ITEM cum mittitur Filius, vel Spiritus sanctus ad aliquem, non mittitur vt sit ibi, vbi prius non erat: sed vt sit in eo aliter, quam prius, sed nouus modus essendi, addens supra esse per naturam non est nisi per gratiam gratum facientem: ergo, &c.

CONCLUSVS

Aug. lib. 4. de Trin. c. 20. tom. 3.

Dionys. 4. de diu. nom.

Dist. 5.

Aug. ibid.

Diui
potest
de cre
ris.

Ad c
tum.

1. Reg.

Aug.
Trin.
anse
tom

Fund
ment
Lib.
Trin
in fin

Sap. 7.

CONCLUSIO.

Spiritus sanctus si datur simpliciter, videlicet quo ad usum, & quo ad fructum, sic datur secundum dona gratia gratum facientis: si vero datur quo ad hoc, tunc datur secundum dona gratia gratis data.

RESP. ad arg. Ad hoc distinguunt aliqui, quod Spiritum sanctum dari vel mitti inuisibiliter potest esse vel in quantum Spiritus, vel in quantum sanctus. In quantum Spiritus datur per donum gratia gratis data. In quantum sanctificans datur per dona gratia gratum facientis. Similiter sapientia, vel filius potest mitti, vel prout faciens sapere, & sic per dona gratia gratis data: vel prout sapientia dicta est à sapore, & sic per dona gratia gratum facientis. Sed istud non videtur soluere, quia dantem oppositum istius solutionis est possibile adhuc soluere, & querere de Spiritu, & verbo, quo modo dicatur dari & non inhabitare. Propter hoc aliter dicendum tam de Filio, quam de Spiritu sancto quod dari vel mitti est dupliciter: vel simpliciter, vel ad hoc. Tunc datur simpliciter, quando simpliciter habetur, videlicet, non tantum ad usum, sed ad fructum, hoc autem est solum per dona gratia gratum facientis, & ideo in illa solum datur simpliciter vel Filius, vel Spiritus sanctus. Alio modo dicitur dari ad hoc quando non ad fructum, sed ad auxilium siue ad aliquem usum aliqua dona donantur, & hoc fit cum dantur aliqua dona gratia gratis data in quibus manifestatur Filius vel Spiritus sanctus, & sic procedunt rationes ad primam partem.

1. Sic intelligendum est verbum Rabani: Ipse enim communiter loquitur de missione. Vnde dicit: Spiritus sanctus ter datur. Augustinus autem loquitur de datione vel missione quæ est ad habitandum, vel simpliciter habendum.

2. Ad illud quod obiicitur de prophetia, dicendum quod vno modo datur in ea Spiritus sanctus simpliciter, prout ipsa dicit cognitionem secundum idoneitatem susipientis, & secundum pietatem exequentis. Alio modo prout est reuelatio, & sic non datur in ea Spiritus simpliciter, siue non mittitur nisi ad hoc. Vnde non dicitur in libro Regum, quod Spiritus sanctus sit missus ad Saül, vel factus in Saül, sed super Saül.

3. Ad illud quod obiicitur quod mittitur filius cum sit reuelatio occultorum, dicendum quod hoc non est in quacunque reuelatione, nam aliqua sit reuelatio, non per missionem, filij, sed per missionem angeli. multa enim reuelantur ab Angelis, sed intelligitur de illa reuelatione in qua est animæ illustratio per gratiam: & si per gratis datam, non simpliciter mittitur: sed si per gratum facientem, tunc simpliciter mittitur & habetur.

4. Ad illud quod ultimo obiicitur quod tunc mittitur quando percipitur, dicendum quod non sufficit cognoscere filium quod sit ab alio, immo oportet quod cognoscat quod sit in ipso ut in suo habitaculo. Hoc autem dico non cognitione necessitatis, sed coniecturæ: nec de cognitione actuali, sed de habituali.

QVÆSTIO II.

An Filius, & Spiritus sanctus secundum eadem dona gratia mitti dicantur.

Alexander Alensis 1. p. q. 73. Membr. 2. art. 2.
Ægid. Rom. 1. Sent. dist. 15. 2. p. q. 2.
Richardus 1. Sent. dist. 15. art. 4. q. 1.
Steph. Brulef. 1. Sent. d. 15. q. 6.

Verum secundum eadem dona gratia dicantur mitti Filius, & Spiritus sanctus: Et quod non, videtur hoc modo: Missio Spiritus sancti est eius donatio, & similiter Filij: sed alia est missio Filij & Spiritus sancti: ergo alia donatio: ergo secundum aliud donum.

2. ITEM hoc ipsum videtur per simile: quia sicut habet missio visibilis Filij ad missionem visibilem Spiritus sancti, ita etiam & inuisibilis: sed missio visibilis

Filij & Spiritus sancti est secundum aliud & aliud effectum, & signum in creatura: ergo inuisibilis secundum aliud & aliud donum.

3. ITEM missio est ad cognoscendam emanationem & discernendam: si ergo filius discernitur ab effectu in quo mittitur, & Spiritus sanctus, & huiusmodi sunt dona gratia: ergo quantum ad aliud donum mittitur Filius, quantum ad aliud Spiritus sanctus.

4. ITEM non est idem appropriatum Filio & Spiritui sancto, sed aliud in creatura: ergo cum Filius dicatur mitti in effectu sibi appropriato, in alio effectu vel dono mittitur Filius quam Spiritus sanctus:

CONTRA: Omnis donorum distributio tam gratia gratis data, quam gratia gratum facientis attribuitur Spiritui sancto, maxime dona gratia gratum facientis, sicut patet: Ergo cum Spiritus sanctus mittatur in donis sibi appropriatis, in omnibus donis mittitur: ergo in eisdem in quibus Filius.

ITEM Filius mittitur, cum sapientia datur, & similiter Spiritus sanctus, quia præcipuum donum Spiritus sancti est sapientia: ergo, &c.

ITEM quodcumque datur cognitio, dicitur mitti Filius: sed in hoc dono datur vel mittitur Spiritus sanctus: Cum venerit ille docebit vos omnem veritatem, ergo, &c.

ITEM quodcumque charitas datur, mittitur Spiritus sanctus: sed in hoc modo datur Filius: In animas sanctas se transfert, & amicos Dei constituit, & August. in lib. 4. de Trinit. exponit illud de missione Filij ergo, &c.

CONCLUSIO.

Missio Filij, & Spiritus sancti quo ad radicem gratia eadem est: quo ad habitus aliqua est indistinctio: quo ad actus est alia, & alia, semper tamen sunt indiuise.

RESP. ad arg. Dicendum quod in missione inuisibilis est donorum collatio; in quibus est manifestatio & inhabitatio. Et secundum hoc intelligendum est quod est loqui de donis Dei quantum ad radicem, vel quantum ad habitum, vel quantum ad actum consequentem. Loquendo autem quantum ad radicem, sic quia una est gratia gratum faciens, per quam inhabitant Filius & Spiritus sanctus, quæ est radix donorum gratuitorum, sic dantur vel mittuntur eodem dono. Loquendo autem quantum ad habitum, sic distinguendum, quia quidam habitus sunt pure affectiui, quidam pure cognitiui, quidam mediij. In habitibus pure affectiuis datur siue mittitur Spiritus sanctus, quia ei appropriatur. In habitibus pure cognitiuis nec Filius nec Spiritus sanctus proprie sicut dictum est, mittitur. In habitibus autem partim cognitiuis, partim affectiuis secundum quod diuersa in se continent, & Filius mittitur & Spiritus sanctus. Nam cognitiui ducunt in manifestationem Verbi, affectiui in manifestationem amoris. Si autem loquamur quantum ad actus consequentes qui sunt illuminatio intellectus & affectus inflammatio, sic vocando donum, in aliis & aliis donis mittuntur: sed quoniam ista coniuncta sunt, ideo missio Filij & Spiritus sancti inuisibilis, sunt diuise, & secundum hoc procedunt rationes ad oppositas partes. Tamen illud quod adducit pro simili in missione sensibili, nequaquam est simile, quia non est tanta vnio & connexio in signis exterioribus, quanta est in habitibus interioribus.

QVÆSTIO III.

An Filius, & Spiritus sanctus ad eadem dona gratia augmentanda mittantur.

Alex. Alensis 1. p. q. 73. Membr. 4. art. 1.

Verum missio Filij & Spiritus sancti sit secundum eadem dona gratia augmentata. Et quod sic, videtur exemplo, auctoritate, & ratione. Exemplo sic: Cpn

stat in die Pentecostes Apostolis esse Spiritum sanctum A
missum non tantum visibiliter, sed etiam inuisibiliter,
quia missio visibilis, sine inuisibili non confert: sed ipsi
prius habebant gratiam: ergo, &c.

ITEM hoc videtur auctoritate Rabani. In baptismo
datur Spiritus sanctus ad habitationem Deo consecran-
dam: sed in confirmatione cum omni plenitudine san-
ctitatis venit in hominem: ergo datur in confirmatione
post baptismum: ergo, &c.

ITEM augmentum gratiæ est per gratiæ additionem:
sed ubi est gratiæ additio, ibi gratiæ donatio: sed Spi-
ritus sanctus mittitur vel datur, cum datur eius gratia,
vt dicit Beda: ergo in augmento gratiæ datur, vel mit-
titur Spiritus sanctus.

ITEM non minus donum est charitatem conservare
quam inchoare: ergo si mittitur Filius, vel Spiritus san-
ctus, cum gratia inchoatur, multo fortius cum conserva-
tur: sed conservatur per augmentum: ergo mittitur in
augmento.

1. CONTRA: Spiritus sanctus non mittitur in ho-
minem vt de nouo sit in eo: sed vt aliter sit in ipso:
sed in eo in quo augetur gratia, non est aliter vt prius:
ergo ad illud non mittitur.

2. ITEM si mittitur in augmento gratiæ: aut ergo
quia de nouo mittitur: aut quia abundantius mittitur
non quia de nouo: ergo quia abundantius. SED con-
tra: Mitti est procedere: ergo abundantius mitti, est
abundantius procedere: sed semper æqualiter proce-
dit: ergo, &c.

3. ITEM si mittitur in gratiæ augmento: cum ergo
gratia in nobis quotidie augetur etiā homine nescien-
te, videtur quod Spiritus sanctus, vel Filius mittatur,
homine nesciente, & quotidie mittatur homini, quod
non est dicendum.

4. ITEM conuenit gratiam charitatis in aliquo per
negligentiam remitti: ergo si Spiritus sanctus mittitur
in augmento, & recedit in remissione: ergo quando
aliquis peccat venialiter, perdit Spiritum sanctum,
quod falsum est.

CONCLUSIO.

*Spiritus sanctus mitti dicitur non in profectu gratia prius
habita solum, sed in collatione noui doni,
& noui vsus.*

RESP. Ad Arg. Ad hoc dicunt aliqui quod gratiam
augeri est dupliciter, scilicet perceptibiliter, & imper-
ceptibiliter. Si perceptibiliter, tunc dicunt in tali au-
gmento dari vel mitti Filium & Spiritum sanctum. Si
autem imperceptibiliter, tunc dicunt ipsum non mitti.
Et ratio huius est, quia tunc dicitur dari vel mitti cum
mente percipitur: Sed aliter potest dici quod augmen-
tum gratiæ est dupliciter: aut secundum profectum in
gratia prius habitam: aut eius vsu, aut per collationem
noui vsus, vel etiam doni gratuiti. Si solum per profe-
ctum, sicut ostendunt vltimæ rationes, non dicitur mit-
ti Spiritus sanctus. Si autem per collationem noui doni
sicut fuit Apostolis in die Pentecostes, vel noui vsus,
sicut est in confirmatione, tunc potest dici mitti, vel da-
ri Spiritus sanctus, quia aliquo modo est ibi de nouo
quantum ad illud donum vel vsu doni, & quia abun-
dant us est.

1. AD illud quod obiicitur quod non est ibi alio mo-
do essendi, dicendum quod etsi hoc non sit alio modo
essendi, est tamen perfectiori modo inhabitandi, & alio
modo vtendi, & ideo nouo modo.

2. AD illud quod obiicitur, si abundantius mittitur,
abundantius procedit, dicendum quod mitti abundan-
tius, vel procedere est dupliciter, vel ab hoc, vel in hoc:
primo modo vniuniformiter est mitti: secundo modo
non.

3. AD illud quod obiicitur quod quotidie augetur,
dicendum quod quotidie augetur, quantum ad feruo-

rem: sed non quantum ad nouum donum vel
vsu collationem.

4. AD illud quod obiicitur quod gratia remissa debet
recedere, dicendum quod sicut infra patebit, gratia au-
getur quantum ad substantiam: sed non remittitur nisi
solum quantum ad feruorem, Spiritum autem sanctum
mitti non dicitur in augmento feruoris, sed solum sub-
stantiæ charitatis.

DISTINCTIO XVI.

Nunc de Missione Spiritus sancti, quæ duplex
est: Visibilis & inuisibilis: Et primū de visi-
bili, Cuius occasione tractatur, quod Filius
ratione Missionis minor est Patre, & Spiritu
sancto, & etiam seipso.



VNC de Spiritu sancto videndum est,
præter illam ineffabilem & æternam
processionem, qua procedit à Patre &
Filio, & non à seipso, qua sit eius tem-
poralis processio, qua dicitur missio siue datio. Ad quod
dicimus, quia sicut Filius duobus modis dicitur mitti:
vno, quo visibiliter apparuit: altero, quo inuisibiliter à
castis mentibus percipitur: ita & Spiritus sanctus à
Patre & Filio, ac à seipso duobus modis procedere si-
ue mitti, siue dari dicitur: vno, visibiliter: altero inui-
sibiliter. Datus est enim visibilis creatura demonstra-
tione, sicut in die Pentecostes, aliisque vicibus, & da-
tur quotidie inuisibiliter illabendo mentibus fidelium.

De visibili Missione Spiritus sancti.

Et primo agamus de illo missionis modo, qui fit visi-
bili specie. De hoc Aug. in 2. lib. de Trin. ait: In prom-
ptu est intelligere de Spiritu sancto, cur missus & ipse
dicatur. Facta est enim quadam creatura species ex
tempore, in qua visibiliter ostenderetur Spiritus san-
ctus: siue cum in ipsum Dominum corporali specie co-
lumba descendit, siue cum in die Pentecostes factus
est subito de calo sonus, quasi ferretur flatus vehemens,
& visa sunt illis lingua diuise sicut ignis, qui & in se-
dit super unumquemque eorum. Hac operatio visibili-
ter expressa & oculis oblata mortalibus, missio Spiritus
sancti dicta est: non vt appareret eis ipsa substan-
tia, qua & ipse inuisibilis & incommutabilis est, sicut
Pater & Filius: sed vt exterioribus visis corda homi-
num commota à temporali manifestatione venientis,
ad occultam æternitatem semper præsentis conuertere-
rentur. Ecce his verbis aperit Aug. illum modum mis-
sionis, qui visibiliter exhibetur, cum tamen ipse Spiritus
in sui natura non videatur, qui nec in illis creatu-
ris magis erat, quam in aliis, sed ad aliud. In illis enim
erat, vt per eas ad homines veniens ostenderetur esse
in illis, ad quos illa creatura veniebant. Non enim
Spiritus sanctus temporali motu tunc venit, vel in ho-
mines descendit, sed per temporalem motum creatu-
re significata est spiritualis & inuisibilis Spiritus san-
cti infusio. Et vt apertius dicam, per illum modum
missionis Spiritus sancti corporaliter exhibitum, mon-
strata est spiritualis & interior missio sancti Spiritus,
siue donatio, de qua agendum est.

Cum Filius sit minor Patre secundum formam creatam,
in qua apparuit, cur non & Spiritus
sanctus similiter?

Sed prius quarendum est, cum Filius dicatur minor

Patre

Beda lib.
Homil.

Ad opposi-
tum.

Responsio
aliorum.

Responsio
propria pro
explicatione
termini.

p. 19. 10. 34
1. 4. a

6. 10. 3.

1. b

8. 6.
3.

1. d

3. de
10.
m.

ad

3.

Patre secundū missionē qua in forma creata apparuit, cur & Spiritus sanctus nō dicatur similiter minor Patre, cum in forma creata apparuit. Nā de Filio q̄ minor sit Patre secundum formam qua missus apparuit, aperte ostendit Aug. in 4. lib. de Trin. dicens: Misit Deus Filiū suū, factū ex muliere, factum sub lege: usque adeo paruum, ut factum: eo itaque missum, quo factū. Fateamur ergo factum, maiore: & intantum minore, inquantum factum: & intactum factum, inquantum missum. Ecce habes, quia Filius inquantum est missus, id est, factus, minor est Patre. Cur ergo Spiritus sanctus non dicitur Patre minor, cum & ipse creaturā assumpsit, in qua apparuit? Quia aliter Spiritus assumpsit creaturam in qua apparuit, aliter Filius: Nam Filius accepit per unionem personā, Spiritus vero non. Filius enim accepit hominē, ita ut fieret homo. Spiritus vero sanctus non ita accepit columbā, ut fieret columba. De hoc Aug. in 2. lib. de Trin. ait: Ideo nusquam scriptū est quod Deus Pater maior sit Spiritu sancto, vel Spiritus sanctus minor Patre: quia non sic est assumpta creatura, in qua appareret Spiritus sanctus, sicut assumptus est Filius hominis: in qua forma ipsius Verbi Dei persona præsenteretur, non ut haberet Verbum Dei, sicut alij Sancti sapientes, sed quod ipsum Verbum erat. Aliud est enim Verbum in carne, aliud Verbum caro, id est, aliud est Verbum in homine, aliud Verbum homo. Caro enim pro homine posita est in eo quod ait: Verbum caro factū est. Non ergo sic assumpta est creatura, in qua apparuit Spiritus sanctus sicut assumpta est caro illa, & humana forma ex virgine Maria. Non enim columbam, vel illum flatum, vel illum ignē beatificauit, sibi in unitatem personae coniunxit in aeternum. Ex praedictis aperte ostensum est, secundum quid Filius dicatur minor Patre: & quare Filius dicatur minor Patre, & non Spiritus sanctus.

Quod Filius secundū quod homo factus est, non modo Patre, sed Spiritu sancto & etiam seipso minor est.

Notandum autem quod Filius secundum quod homo factus est, non tantū Patre, sed Spiritu sancto, & etiā seipso minor dicitur. Et quod etiā seipso minor dicatur secundum formam serui. Aug. ostendit in 1. lib. de Trin. dicens: Errauerunt homines, ea qua de Christo secundum hominem dicta sunt, ad eius substantiam qua sempiterna est transferētes: sicut illud quod ipse Dominus ait: Pater maior me est: quod propter formam serui Veritas dicit: secundum quem modū etiam seipso minor est Filius. Quo modo enim non etiam seipso minor factus est, qui seipsum exinanivit, formā serui accipiens? Non enim sic accipit formā serui, ut amitteret formam Dei, in qua erat aequalis patri. In forma ergo Dei unigenitus patris aequalis est patri: In forma serui etiā seipso minor est. Non ergo immerito scriptura dicit utrumque, sc. & aequalē Patri Filium, & Patrem maiorem Filio: Illud enim propter Dei formā, hoc autem propter formam serui intelligitur. De hoc eodem in 2. lib. de Trin. Aug. ait: Dei Filius est aequalis Patri secundū Dei formā, in qua est & minor Patre secundum formā serui, quam accepit: in qua non modo Patre, sed etiā Spiritu sancto: nec hoc tantum, sed etiam seipso minor inuentus est. Propter quod, ut idem in lib. Epist. ad Maximum ait, non tantū Patre, sed etiam seipso, & Spiritu sancto minor factus est, & etiam minoratus paulominus ab Angelis. Est ergo Dei Filius, ut ipse ait in 1. lib. de Trin. Deo patri in uatura aequalis, habitu minor in forma serui quam accepit.

A His auctoritatibus ostenditur aperte Filius secundum formā serui minor Patre, & seipso, & Spiritu sancto.

Hilarius aliter dicit, scilicet quod Pater sit maior, nec Filius tamen minor.

Hilarius autem dicere videtur quod Pater maior sit Filio, nec tamē Filius minor Patre. Pater enim dicitur maior propter auctoritatē: quia in eo est auctoritas generationis: secundum quā dicit: Pater maior me est. Et Apostolus: Donauit ei nomen quod est super omne nomen. Cum ergo ait: Pater maior me est, hoc est, ac si diceret, donauit mihi nomen. Si ergo, inquit Hilarius in 9. lib. de Trin. Donantis auctoritate Pater maior est, nunquid per doni confessionem Filius minor est? Maior itaque donans est: sed minor iam non est cui unum esse donatur: ait enim: Ego & Pater unum sumus. Si non hoc donatur Iesu, ut confitendus sit in gloria Dei Patris, minor Patre est: si autem in ea gloria ei donatur esse quia Pater est, habes & in donantis auctoritate, quia maior est: & in donantis confessione, quia unum sunt. Maior itaque Pater & Filio est, & plane maior: cui tantum donat esse, quantus est ipse: cui in nascibilitatis esse imaginem Sacramento natiuitatis impartit, quem ex se in forma sua generat. Audisti lector quid super hoc dicat Hilarius: cuius uerba ubique occurrerint diligenter nota, pieque intellige.

Ioan. 14. d
Phil. 2. b

Post med.
libri.

Ioan. 10. f

DISTINCTIO XVI.

De temporali Processione, vel Missionē Spiritus sancti quantum ad modum secundum quem.

Nunc de Spiritu sancto videndum est prater illam ineffabilem, &c.

Expositio Textus.

SUPRA egit Magister de temporali processione Spiritus sancti qua procedit vel mittitur a seipso, hic agit de eadē quantum ad modum. Et quoniam missio Spiritus sancti duobus modis est, scil. visibilis & inuisibilis sicut missio Filij: ideo hęc pars habet duas partes. In prima agit Magister de missionē Spiritus sancti visibili. In secunda agit de inuisibili, & hoc infra: Iam nunc accedamus ad assignandā missionē Spiritus sancti. Prima iterū pars habet duas. In prima Magister explicat missionē Spiritus sancti visibilē: in secunda ad maiore, explanationē mouet & determinat dubitationē quandam, ibi: Sed prius quarendū est, cum Filius dicatur minor Patre, &c. Prima pars habet duas. In prima Magister assignat duplicem modum missionis Spiritus sancti secundū duplicem modū missionis Filij. Secundo vero prosequitur de altera, scil. missionē visibili, ibi: Et primo agamus de illo modo missionis qui fit visibiliter, ubi dicit quod missio est visibilis apparitio facta in exteriori signo, per quod monstratur missio interior. Similiter secunda pars in qua Magister mouet dubitationē quæ habet ortum ex cō. aratione missionis Filij & Spiritus sancti (cum enim Spiritus sanctus mittatur visibiliter sicut & Filius, quæstio est quare non dicitur minor Patre ut Filius) habet tres partes. In prima opponit & determinat quod Spiritus sanctus nō debet dici ex missionē minor sicut Filius, quia Spiritus sanctus non est vnitus. Secundo occasione huius adiungit quoddā verbū huic annexum, scilicet quod Filius ratione missionis dicitur minor seipso, ibi: Notandum autem quod Filius secundū quod homo factus est. Tertio docet sane intelligere quoddam verbum dubium quod est præsenti considerationi coniunctum, quod dicit Hilarius, sc. quod Pater secundum diuinitatē est maior Filio, Filius secundum diuini-

Diuisio.

Dist. 17.

Lib. 9. de
Trin.

tatem non est minor, ibi: *Hilarius autem dicere videtur, quod pater sit, &c.*

Nam de Filio, &c. Dub. I.

Contra hoc, quod filius in quantum missus factus minor sit, sic obiicitur. Omnis actus secundum quem al. quem contingit fieri minorem, est indignitatis. Si ergo Filius ratione missionis est minoratus: ergo missio pertinet ad Dei indignitatem. Item quodcumque aliquis de æquali sit minor, mutatur: sed Filius ante missionem erat æqualis, & modo est minor: ergo, &c.

RESP. Dicendum quod quædā dicuntur de Filio Dei per essentiam, quædam per unionem quæ tanta fuit ut faceret hominem Deū, & Deum hominem. Essentialiter loquendo, nullo modo Filius Dei est minor, sed hoc dictum est per unionem, quia omnia quæ dicuntur de homine possunt dici de Filio Dei, & ita patet quod nulla ex hoc est indignitas, nulla mutabilitas in eius persona, & sic soluitur utrumque obiectum, quia utraque ratio procedit intellecto quod secundum eandem naturam fieret minor secundum quam æqualis erat, & ita desinere esse æqualis. Nunc autē simul est minor & æqualis.

Etiā seipso minor dicitur, &c. Dub. II.

Videtur male dicere, quia maior diuersitas importatur per hoc quod est maior & minor, quam per hoc quod est alius & alius, quia prima non cadit in diuinā naturā, secunda sic. Si ergo hæc est vera: Filius est minor se: ergo & hæc: Filius est alius & alius, & ita duæ personæ, quod non conceditur.

RESP. Dicendum quod verum est quod maiorem diuersitatem dicunt maior & minor, quia diuersitatem virtutis & naturarum: sed ad diuersitatem naturæ quāvis sit maior, non sequitur diuersitas in persona, quia plures naturæ possunt esse in vna persona: quoniam ergo in Christo cadit diuersitas naturarum, & ita virtutum non autem personarum: ideo dicitur maior & minor ratione diuersarum virtutum, non autem alius & alius, cum non habeat diuersas personas.

Minoratus paulominus ab Angelis. Dub. III.

Videtur esse falsum: quia super illud ad Hebræos: Eum qui modico ab Angelis minoratus est, dicit Glossa. Natura humanæ mentis qualem Christus assumpsit, quæ nullo peccato potuit deprauari, super omnes maior, est. ITEM beata Virgo quæ est pure creatura, est super omnes Angelos exaltata: ergo, &c.

RESP. Dicendum quod est loqui de Christo in comparatione ad Angelos quantum ad quatuor, sc. quantum ad gratiam, & quantum ad naturam mentis, & quantum ad naturam corporis, & quantum ad statum passibilitatis. Quantum ad gratiam est simpliciter maior. Quantum ad naturam mentis: saltem non fuit minor, quia sicut dicit Glossa: Minor Angelis fuit corpore, non mente. Quantum ad naturam corporis minor fuit. Quantum autem ad naturam passibilitatis fuit minor & modico minoratus, quia status passibilitatis in statum gloriæ & honoris paulo post conuertendus erat.

Videtur quod Pater sit maior Filio. Dub. IV.

CONTRA: Si verum est quod dicit, cum idem sit in Deo sapientia, potentia, bonitas, & magnitudo: ergo si maior est, & est potentior, & sapientior, & melior. Præterea in Deo non est magnitudo molis sed virtutis: ergo si potest maior, est potentior, quod stare non potest. ITEM maior, aut dicit essentiam, aut notionem. Nō essentiam, quia essentia sunt æquales. Si notionem, quæro quam. Si tu dicas quod paternitatem. CONTRA: comparatio secundum maius aut minus non attenditur nisi in comparticipantibus, unde non dicitur cygnus est albius coruo: sed Filius non est comparticipans paternitatem: ergo, &c. ITEM quæritur quare non dicitur maior Spiritu sancto.

RESP. Dicendum quod in Patre est auctoritas respectu Filij, & Spiritus sancti: in Filio respectu Spiritus sancti, & ideo in Patre maior auctoritas, & maior fecunditas, & quia nullum nomen ita competit ad exprimendam auctoritatem, sicut hoc nomen, *magnus*: ideo dicit Hilarius quod pater est maior filio. Ex hoc patent obiecta, quia maior non dicit essentiam, sicut potentia & sapientia: sed dicit notionem. Si quæras, quam, dico quod dicit notionem communiter: sed tamen in ratione principij, sicut subauctoritas in ratione emanantis, & hinc est quod pater dicitur maior filio, quia etsi uterque habeat notionem in ratione principij, pater tamen in ratione principij tantum: & ideo plus habet de ratione auctoritatis, Spiritus autem sanctus nullius personæ est principium, & ideo non comparatur eis secundum auctoritatem.

Maior itaque donans est, sed minor, &c. Dub. V.

Videtur dicere falsum, quia quocumque modo accipitur maior, dicitur relative ad minorem: ergo si est ponere Patrem maiorem, est ponere Filium minorem.

ITEM Pater dicitur maior, quia habet auctoritatem supra filium: ergo cum Filius habeat subauctoritatem respectu Patris, debet dici minor.

RESP. Dicendum quod nihil impedit, quare filius non dicatur minor patre ratione subauctoritatis, sicut pater maior, nisi quia nomina indignitatis in Deo non debent ad usum trahi. Vel quia sancti Doctores quantum possunt se elegant ab hæreticorum fallacia, ideo cum Hilarius dixisset patrem maiorem, noluit quod filius diceretur minor, ne videretur illa maioritas non tantum auctoritatis, sed etiam inæqualitatis: & quamvis Hilarius diceret in patre auctoritatem, non tamen legitur in filio dixisse subauctoritatem: sed illud verbum à magistris est additum in consuetudine disputantium.

ARTICVLVS I.

Ad euentiam huius partis queruntur tria de missione visibili, primo quid sit, secundo ad quid sit utilis, tertio quæritur quibus modis facta sit.

QVÆSTIO I.

Missio visibilis quid sit.

*Alexander Alensis. 1. p. q. 74. Membro 1.
Scotus in Reportatis 1. Sent. dist. 16. q. 1.
Egidius Rom. 1. Sent. dist. 16. q. 1.
Richardus 1. Sent. dist. 16. q. 1.
Tho. Arg. 1. Sent. dist. 16. q. 1. art. 1.
Gab. Biel. 1. Sent. dist. 16. q. 1.*

Ostenditur primo quod visibilis missio non est aliud quam apparitio exterior. August. dicit, quod tunc Spiritus sanctus, vel Filius mittitur, cum ex tempore cuiusquam mente percipitur: ergo tunc visibiliter mittitur, cum visibiliter percipitur: sed visibiliter percipitur, cum apparet in creatura visibili: ergo visibilis missio non est aliud quam apparitio.

ITEM hoc ipsum videtur per simile, quia mitti inuisibiliter non est aliud quam per effectum inuisibilem inuisibiliter manifestari: ergo mitti visibiliter, non est aliud quam per creaturam visibiliter manifestari: hoc autem non est aliud quam visibiliter apparere: ergo, &c.

ITEM hoc iterum videtur exemplo, quia Spiritus sanctus in columbæ specie dicitur missus ad Filium, sicut dicit August. & habetur in litera: sed tunc non fuit facta aliqua donatio filio: quia plenius fuit semper Spiritu sancto: sed solum exterior apparitio: ergo, &c.

1. SED CONTRA. Quod missionis visibilis non sit tota ratio ipsa apparitio visibilis, videtur sic: Pater in subiecta creatura apparuit, & tamen non dicitur visibiliter missus: ergo plus est missio, quam apparitio. Maior patet, quia Augustinus dicit in lib. 1. de Trin. Temerarium est dicere Patrem Prophetis & Patribus per aliquas visibiles formas nunquam apparuisse.

2. ITEM

Hebr. 11. d

Fundamē
Lib. 4. de
Trin. c. 20.
tom. 3.

Lib. 9. de
Trin. c. 9.
tom. 3.

Ad oppositum

Cap. 17. 10

2. I T E M Filius, & Spiritus sanctus in veteri Testamēto multoties apparuerunt visibiliter, & tamen tempore illo neuter visibiliter dicitur missus, sicut dicit Aug. in lib. 3. de Trin. vbi hanc quæstionem mouet, &c.

3. I T E M omne quod visibiliter apparet est corporale, cum sensu percipiatur: sed Deus cum sit simplex, est omnino incorporealis: si ergo ad Deum non spectat visibiliter apparere: ergo si visibiliter mittitur missio visibilis non est apparitio. Si dicas quod non apparet in se, sed in effectu.

C O N T R A: Sic apparet in omni creatura, & vbiq; & semper: ergo secundum hoc visibiliter mittitur in omni creatura semper & vbiq; quod stultum est dicere.

4. I T E M vbi est missio, ibi est manifestatio personæ, vt dicit Augustinus: sed per solam apparitionem nunquam est manifestatio nisi ad sit reuelatio: ergo de ratione missionis visibilis non tantum est apparitio, sed etiam reuelatio: ergo apparitio non est tota ratio.

C O N C L U S I O.

Missio visibilis est apparitio, in qua manifestatur diuina persona, vt operans, & inhabitans, & vt emanans.

R E S P. Ad arg. Dicendum quod missio visibilis præsupponit missionem tãquam superius, & superaddit differentiam quæ est visibile. Missio autem communiter vt dictum fuit supra in præcedenti distinctione, præsupponit circa missum emanationem, & superaddit manifestationem. Et quoniam manifestatio emanationis secundum quam attenditur missio, non sit nisi super eum quæ Spiritus sanctus inhabitat per effectum gratiæ inhabitantis, hinc est quod missio de ratione generali dicit manifestationem emanationis, & inhabitationis. Hæc autem differentia visibilis superadueniens missioni, contrahit ipsam quantum ad principale significatum quod est manifestatio: ideo dicit manifestationem cum apparitione, siue apparitionem manifestantem personæ emanantis inhabitationem, vel personæ inhabitantis emanationem. Vnde concedo quod visibilis missio est apparitio, sed hæc non est tota ratio, sed apparitio in qua manifestatur diuina persona, non tantum vt operans, sed etiam vt inhabitans: nec tantum vt inhabitans, sed etiam vt emanans, quasi ab alio veniens. Per primum excludit apparitionem Dei in qualibet creatura. Per secundum, apparitionem in veteri Testamēto. Per tertium, apparitionem patris: quia pater non apparuit vt emanans, siue ab alio veniens. Filius vero vel Spiritus sanctus in veteri Testamento, non apparuit vt inhabitans, sed vt se inhabitaturum præmōstrans, vnde Angelus apparebat in illis creaturis in persona Dei. Et hoc probat August. in lib. 3. de Trin. dicens: Constat firmitate auctoritatis & probabilitate rationis, cū antiquis patribus dicitur Deus apparuisse, voces illas ab Angelis esse factas. Et adducit auctoritates Apostoli ad Galatas: Lex ordinata per Angelos. Et ad Hebræos: Si enim qui per Angelos dictus est sermo, &c. Nec tamē dico quod ista sit ratio quare non est missus, quia apparitio fiebat ministerio Angelico, quia sicut dicit Augustinus de Trin. probabile est quod illa columba in qua apparuit Spiritus sanctus secundum ministerium Angeli moueretur. Vnde idem in lib. 4. de Trin. in fine dicit: Super hoc aliquid inuenire difficile est, & temere affirmare non expedit. Quo modo tamen ista siue rationali siue intellectuali creatura potuerint fieri, non video.

1. 2. E T ita patet quod non qualibet apparitio est missio: patet etiam responsio ad duas rationes primas.

3. A D illud quod obiicitur tertio quod non sit apparitio quia Deus est inuisibilis, dicendum quod apparere est dupliciter: vel in se, & sic conuenit corporali: vel in alio, & hoc dupliciter: vel sicut causa in effectu, vel sicut signatum in signo, & hoc tertio modo, missio est apparitio, & secundum hunc modum non conuenit omni creaturæ.

4. A D illud quod vltimo obiicitur quod apparitio non

est manifestatio, dicendum quod cum dicitur missio non est manifestatio, non intelligitur actu, sed habitu, quia aliquid fit vel ostenditur in quo potest personæ emanatio manifestari, & hoc quidem de se importat apparitionem.

1. 2. A D illud quod obiicitur in contrariū quod præcise fit apparitio, dicendum quod non accipit totam rationem missionis: quia mitti non est tantum mente percipi, sed mente percipi, vt ab alio emanans, & in aliquo inhabitans.

3. Similiter ad illud, mitti inuisibiliter est manifestari per effectum inuisibilem, dicendum quod manifestari non dicit totam rationem.

4. A D illud quod obiicitur quod in missione Spiritus sancti in specie columbæ non fuit nisi apparitio, dicendum quod quamvis ibi non fuerit donatio Spiritus sancti, fuit tamen manifestatio prius dati, & tunc inhabitantis in Christo, & quiescentis, & ab alio procedentis, & ita tota & perfecta ratio missionis: sed ex hoc non sequitur quod qualiscunque apparitio sit missio visibilis, omnis tamen visibilis est apparitio, & c.

Q V Æ S T I O II.

Ad quid sit utilis Missio visibilis Spiritus sancti.

Alexander Alensis 1. p. q. 74. Membrum 2.

Richard. 1. Sent. dist. 16. q. 2.

Steph. Brulef. 1. Sent. dist. 16. q. 2.

A D quid sit utilis missio visibilis, & constat quod ad efficiendum nihil confert, quia exterior apparitio nihil interius operatur. Quod etiam non sit utilis ad innotescendum, ostenditur sic: Aut est ad manifestandam personæ alicuius emanationem, aut inhabitationem. Non inhabitationem, quia nemo scit vtrum odio vel amore dignus sit, & ita nemo vtrum Deus in eo habitat cognoscit.

2. E T iterum quæ utilitas est. Esto quod sciat Deum aduenisse, tamen cum ignoret permanfurum, nulla videtur. Non ad manifestandam alicuius personæ emanationem, quia cum illa notitia omni tempore sit necessaria, scilicet tempore legis scriptæ, & nunc, videtur quod & tunc & nunc deberet esse missio visibilis. Quæritur ergo quare solum tempore Ecclesiæ primitiæ.

3. I T E M quantumcunque appareat in creatura, non innotescit, nisi reuelatio ad sit: sed cum adesset reuelatio interior, ventum est ad cognitionem veriore, & certiore quam quæ est à sensu, si ergo habens cognitionem certam non indiget occupari circa cognitionem imperfectam: ergo videtur quod exterior apparitio omnino superflua.

4. I T E M probatur etiam quod impediatur sic: Affectus circa bona visibilia occupatus, minus surgit ad bona inuisibilia: ergo similiter intellectus: ergo si debet ad perceptionem inuisibilium eleuari, non debet ei fieri ostensio visibilium: quod si fiat, videtur potius impediri quam iuari.

5. I T E M si missio est ad innotescendum, cum triplex sit in nobis vis cognitua, scilicet sensus exterior, & imaginatio, & intellectus, & secundum hanc triplicem vim triplex assignetur visio Prophetiæ, pari ratione videtur quod triplex missio deberet distinguui. Præterea cum missio sit ad manifestationem inhabitationis, & filius inhabitet sicut Spiritus sanctus, quare non est missio visibilis ad manifestandum illam?

S E D contra: Quod sit utilis ad innotescendum, videtur quia cognitio nostra incipit à sensu: ergo si debemus eleuari ad perceptionem intelligibilem, congruū & perutile est quod aliquo modo præuia sit excitatio in sensu per signum. Et hoc est quod dicit Gregorius: Dum visibiliter Deum cognoscimus, per hunc in inuisibiliū, &c.

I T E M sicut miracula ostendunt diuinam potentiam, ita signa diuinam præsentiam, sed vtile fuit & necessarium fidem nostram manuduci per miracula ad cognitionem diuinæ potentia: ergo pari ratione per aliqua signa visibilia ad cognitionem diuinæ præsentia.

ITEM missio est ad redimendum hominem perditum: sed homo est perditus secundum naturam visibilem, & inuisibilem: ergo missio secundum utramque est utilis.

ITEM familiariter offert suam præsentiam qui se offert secundum sensum & intellectum, quam qui secundum alterum tantum: sed hoc maxime expediebat homini averso, ut conuerteretur ad Deum: ergo, &c.

CONCLUSIO.

Spiritus sancti visibilis missio utilis fuit ad manifestandam emanationem & inhabitationem: secundum plenitudinis redundantiam.

RESP. Ad arg. Dicendum quod missio Filij visibilis propriam & maximam habuit utilitatem, sicut patebit in Tertio. Sed nunc de Spiritu sancto dicendum quod eius missio visibilis utilis est ad manifestandam & emanationem & inhabitationem: sed non qualemcumque; inhabitationem, nec in omni genere personæ. Propterea intelligendum quod est inhabitatio duplex, scilicet secundum sanctificationis sufficientiam, & secundum plenitudinis redundantiam. Illa quæ est: secundum sanctificationis sufficientiam, interius inuisibiliter latet. Quæ vero secundum redundantiam, exterius apparet, & ideo talis inhabitatio in signo visibili & exteriori manifestari debet, sicut factum est in Apostolis. Similiter intelligendum quod duplex est genus credentium. Quidam enim volunt signa, ut puta sensuales. Quidam intelligentiam quærentes, ut puta, iam profecti. Quærentes signa, ut per hæc manuducantur ad intelligibilia, propter tales utilis est missio visibilis ad manifestandam inhabitationem plenitudinis redundantis, & hoc personis manu ducendis per sensum. Ex hoc patet primum, quare sc. non fuit missio visibilis tempore legis scriptæ, quia non erat missio in plenitudine, quoad usque venit plenitudo temporis. Patet etiam quare modo non datur sine mittitur visibiliter, quia iam manuducti sumus ad fidem, unde sicut cessauerunt miracula, ita exteriora signa.

QVOD dicitur quod nemo scit utrum odio vel amore dignus sit: verum est, nisi Deus dignetur ostendere, & tunc ostendebat, & hoc perutile erat ad fidem roborandam, & deuotionem excitandam.

2. **AD** illud quod obiicitur quod necessaria est aliqua reuelatio dicendum quod verum est, nec tamen superfluit apparitio, quia excitat intellectum ad inquisitionem, & excitando præparat ad reuelationem, & post reuelationem excitat ad dilectionem, reuelatio autem etsi sit interior, cognitio tamen adhuc est viatoris, & ideo non euacuat cognitionem apparitionis.

3. **AD** illud quod obiicitur quod visibilia impediunt affectum, dicendum quod visibilia possunt dupliciter considerari, vel ut res absolutæ, vel ut signa & nutus ducentia in aliud. Primo modo si amentur, vel si considerentur, retardant intellectum & affectum. Secundo modo iuuant, & sic est in apparitione visibili, quia ibi consideratur creatura, ut signum faciens aliud in intellectum venire.

4. **AD** illud quod obiicitur, quare non est triplex genus missionis, secundum triplex genus cognitionis, dicendum quod & si cognitio sit de ratione missionis, non tamen quæcumque; vel cuiuslibet: sed inhabitatis. Et quia duplex est modus inhabitandi, ut præhabitu est: ideo tantum est duplex modus mittendi, licet plures sint modi cognoscendi. Vel aliter dicendum quod Deus in via non cognoscitur, nisi aut in effectu, aut in signo. Si in effectu, cum effectus ille sit gratia grati faciens, quæ in sola cadit mente, sic est missio inuisibilis. Si in signo, cum signum sit quod offert se sensui, sic est visibilis. Quia vero imaginaria, est earum rerum quarum imagines in interiori sensu exprimuntur: Deus autem non est talis, ideo de eo non est ponere huiusmodi cognitionem.

5. **AD** illud quod ultimo queritur, quare non fuit missio visibilis ad manifestandam inhabitationem Filij, di-

cendum quod filij inhabitare est dupliciter, aut per gratiam vnionis, aut per gratiam sanctificationis. Primo modo non fuit necessaria manifestatio, siue visibilis missio, quia plenissime erat in homine sibi vnito, in quo operabatur opera visibilia, in quibus manifestabatur, & ideo non oportebat alia signa visibilia adhiberi. Secundo vero modo non habuit missionem manifestantem inhabitationem talem, quia sanctificatio appropriatur Spiritui sancto, unde sufficiebat esse missionem visibilem ad manifestandam ipsius inhabitationem, cui sanctificatio appropriatur, cum inhabitatio Filij, & Spiritus sancti sint indiuisæ, manifestato quod in homine inhabitet Spiritus sanctus, sufficiens ostenditur, quod & filius, &c.

QVÆSTIO III.

An conuenienter Filius in creatura rationali visibiliter missus est: Spiritus vero sanctus in irrationali, scilicet columba, igne, & flatu.

Alexander Alensis 1. p. q. 74. Membro 3.

S. Tho. 1. 2. q. 43. art. 7. ad 6.

Agid. Rom. 1. Sent. dist. 16. p. 2. q. 1.

Richardus 1. Sent. dist. 16. q. 4. & 5.

Thom. Arg. 1. 2. sent. dist. 16. q. 1. art. 3.

Ierius de Tarant. 1. Sent. dist. 16. q. 6.

Marfilus Inguen. 1. Sent. q. 19. art. 2.

Petrus Aureolus 1. Sent. dist. 16. q. 2.

Gabr. Biel. 1. Sent. dist. 16. q. unica, dub. 1.

QVIBUS modis fiat missio visibilis. Et accipiuntur diuersi modi ex Scripturis. Filius enim visibiliter apparuit in creatura rationali, ut in homine, Spiritus vero sanctus in irrationali, ut puta in columba, igne, & flatu.

1. **QVÆRITUR** ergo de diuersitate horum modorum apparenti, & videtur quod non fuerunt conuenientes hoc modo: Spiritus sanctus est æque nobilis persona, ut filius: ergo in æque nobili creatura debet manifestari, ut filius.

2. **ITEM** si filius propter assumptionem humanitatis, siue apparitionem in forma serui est minor patre, immo factus minor angelis: ergo multo fortius Spiritus sanctus ex apparitione in igne non tantum minor Deo, sed homine etiam: sed hoc, nullo modo congruit: ergo non congruit Spiritui sancto apparere in creatura irrationali.

3. Si tu dicas quod Filius apparuit in homine assumpto, & vnito: Spiritus autem sanctus non est columba vnitus, vel igni **CONTRA:** Vnio nihil aufert diuinitati: ergo propter vnionem non debet dici minor. Si ergo dicitur minor, hoc est propter apparitionem: ergo, &c.

ITEM videtur quod Spiritus sanctus fuit vnitus, quia Spiritus sanctus apparebat in illa colūba, & non in alia; & rursus apparebat ipse ibi non alia persona: ergo alio modo erat in illa quam Pater, & Filius & aliter in illa, quam in alia: sed aliter non potuit esse in illa quam alia persona quantum ad substantiam, nec quantum ad operationem, quia eadem est substantia, & operatio in Trinitate: ergo quantum ad vnionem: ergo, &c. Si tu dicas quod apparuit sicut in signo, tunc quæro: **AUT** Illud signum fuit à natura, aut ab institutione. Si à natura, tunc pari ratione & omnis alia columba. Si ab institutione: queritur quis instituit.

4. **ITEM** Filius apparuit visibiliter vno modo tantum & in vna creatura, queritur quare non similiter Spiritus sanctus: & videtur quod ita deberet esse, quia sicut in Filio nulla cadit varietas, immo omnimoda vniformitas, ita & in Spiritu sancto: ergo debuit apparere tantum in vna specie.

5. **ITEM** Filius tantum semel apparuit visibiliter, quia tantum semel est incarnatus non amplius. Queritur ergo, unde hoc est quod Spiritus sanctus pluries apparuit, ut puta, non tantum semel in igne, sed etiam in specie colūbe. Si dicas quod illa in quibus Spirit. sanctus apparuit, statim esse desierunt post apparitionem, & ideo oportuit rursus alia fieri. **TUNC** ergo videtur quod nec illa colūba fuerit vera, nec ignis, cum tã colūba quã ignis habeat

virtutem

virtutem permanendi: & si hoc in illa apparitione non fuit: tunc ergo non fuerunt vera, sed falsa, & non fuerunt apparitiones, sed præstigia, & illusiones, sicut sunt phantasmata dæmonum, & aliorum magorum. Vltimo quæritur quare tot modis apparuit Spiritus sanctus, & quare in alia specie in capite quam in membris, vt in Christo, & Apostolis.

CONCLUSIO.

Filius Missio visibilis fuit in forma rationis cōgruenter facta, quoniam apparuit vt Mediator: Spiritus sancti vero in igne, & columba specie, vt manifestaretur Instructor.

RESP. Ad arg. Dicendum quod finis imponit necessitatem his quæ sunt ad finem: ideo modus apparendi sumendus est iuxta finem apparitionis. Apparuit autem filius in carne, vt esset Mediator: Spiritus vero sanctus, vt Doctor: Cum venerit docebit vos omnem veritatē. Ad mediationem autem necessaria est extremorū separatorum concursio, & in vnum vnio, sicut patet, & ideo filius in creatura apparuit, vt vnitus. Ad eruditionem autem ignoratium interuenit signum, ideo Spiritus sanctus apparuit in creatura, vt signatum in signo. Quoniam ergo nihil est Deo perfecte vnibile nisi beatificabile, & hoc solum est substantia rationalis, ideo filius in sola substantia rationali apparuit. Quia vero vsui significationis puræ conuenit creatura irrationalis magis, quam rationalis, ne forte crederetur vnita, non tantum significans: ideo Spiritus sanctus apparuit in creatura irrationali, quæ aliquo modo haberet rationē significandi & exprimendi, sicut status significat spirationē, ignis vero dilectionem. Rursus, quoniam ad perfectam mediationem requiritur quod mediator sit vnus, & quod vnio sit inseparabilis: Filius apparitio singularis fuit & indiuisibilis. Sed contra: Quia non potest Spiritus sanctus perfecte significari in vno signo: ideo oportuit per plura: & ideo filius vno modo apparuit, sed Spiritus sanctus pluribus. His visis facile est respondere ad obiecta.

1. **NAM** ad illud quod primo obiicitur quod æque nobilis est persona Spiritus sancti, dicendum quod nihil facit ibi nobilitas apparentis, sed finis apparitionis, quia ille vt mediator, iste vt eruditor, siue doctor: ideo filius, vt in homine assumpto, Spiritus sanctus vt in creatura, & signo.

2. **AD** illud quod obiicitur quod Spiritus sanctus debet dici minor, sicut & filius, dicendum quod minoritas illa non dicitur de filio ratione diuinitatis, sed ratione vnionis, & communionis idiomatum, quia filius factus est homo passibilis: sed Spiritus sanctus non est factus columba.

3. **AD** illud quod obiicitur quod est vnitus columba, dicendum quod est vnio secundum veritatem, & est vnio secundum intentionem: primo modo vniuntur illa quæ vniuntur in natura vel persona, secundo modo vniuntur significatum & signum, & hoc modo vnita est persona Spiritus sancti illis formis in quibus apparuit. Si autem quæratnr, vnde veniebat talis vnio, dicendum quod dispositiue à proprietatibus creaturæ in quibus Spiritum, ignis amorem, columba donum propter fecunditatem. Sed completiue veniebant hæc à diuina ordinatione, quæ ordinauit creaturas ad hoc, non instituendo, sed simul formando & instituendo: & ad hoc solum formabat, quia tam columba quam ignis simul cum apparitione etiam incepit & desit.

4. **EX** hoc patet quod Spiritus sanctus non tantum semel apparuit, sed pluries, filius autem non, quia columba & ignis statim post apparitionem esse desierunt, non autem homo. Ex hoc patet etiam, quod si columba illa, & ignis essent verum corpus, tamen nec columba fuit vera columba, quia statim desit, sed similitudo columbæ. Similiter nec ignis verus ignis, quia non comburebat. Nec tamen ibi erat aliqua illusio, quia non erat ibi

aliqua falsitas in significando. Offerebantur enim sensui ad significandum quod vere ibi erat, & quia magis attendebatur ratio significandi, quam existendi: ideo tandiu durauit, quandiu significare potuit, vel officium signi impleuit. Et quia eadem vi formata est columba, mota, & conseruata, statim vt vis illa desit mouere, columba, & ignis desit esse.

5. **AD** illud quod vltimo quæritur, quare tot modis apparuit Spiritus sanctus, dicendum quod apparitio Spiritus sancti fuit ad manifestandam plenitudinem redundantia, vt prius habitum est, & quoniam redundantia potest esse triplex, ideo tribus modis apparuit, potest enim esse hæc plenitudo per redemptionem, & ita fuit in Christo, & hæc est perfecta gratia per omnem modum. Ideo in Christo apparuit in columba, quia erat pretium redemptionis primogenitorum, & erat animal integrum & perfectum. Potest etiam esse per vitæ influentiam quantum ad sensum & motum, & hoc mediantibus Sacramentis, & hæc plenitudo est in Sacerdotibus, & ideo datus est eis Spiritus sanctus in specie status, vt habetur in Ioanne: Insufflauit in eos dicens: Accipite Spiritum sanctum: quorum remiseritis peccata, &c. Potest etiam tertio modo esse per cognitionis administrationem siue doctrinā, & hæc plenitudo est in Apostolis, & Doctoribus, & ideo Spiritus sanctus apparuit eis in linguis igneis. Ex his patet responsio, & sufficientia modorum apparendi, & obiectorum.

DISTINCT. XVII. PARS I.

De inuisibili Missione Spiritus sancti.

NUNC accedamus ad assignandam missionem Spiritus sancti, qua inuisibiliter mittitur in corda fidelium. Nam ipse Spiritus sanctus, qui Deus est, ac tertia in Trinitate persona, vt supra ostensum est à Patre & Filio, ac semetipso temporaliter procedit, id est, mittitur ac donatur fidelibus. Sed qua sit ista missio siue donatio, vel quo modo fiat, considerandum est.

PREmittitur quiddam ad hanc ostensionem necessarium, sc. quod Spiritus sanctus est charitas, qua diligimus Deum & proximum.

Hoc autem vt intelligibilis doceri, ac plenius perspicui valeat, præmittendum est quiddam ad hoc valde necessarium. Dictum quidem est supra, & sacris auctoritatibus ostensum, quod Spiritus sanctus amor est Patris & Filij, quo se inuicem amant, & nos. His autē addendū est, quod ipse idem Spiritus sanctus est amor, siue charitas, qua nos diligimus Deum, & proximum: qua charitas cum ita est in nobis, vt nos faciat diligere Deum & proximum, tunc Spiritus sanctus dicitur mitti vel dari nobis: & qui diligit ipsam dilectionem qua diligit proximum, in eo ipso Deum diligit: quia ipsa dilectio Deus est, id est, Spiritus sanctus.

Probatio conclusionis per auctoritates.

Ne autem in re tanta aliquid de nostro astruere videamur, sacris auctoritatibus quod dictum est, corroboremus. De hoc Augustinus in 8. lib. de Trin. ait: Qui proximum diligit, consequens est vt ipsam præcipue dilectionem diligat. Deus autem dilectio est: consequens ergo est, vt præcipue Deum diligit. Idem in eodem: Deus dilectio est, vt ait Ioannes Apostolus: Vt quid ergo imus & currimus in sublimia caelorum, & in terra, querentes eum qui est apud nos,

Ioan.

Concl. in qua gister munitur tenetur videre erroribus selectis

1. Ioan.

Cap. 7. 10 circa me

1. Ioan. 4. Aug. lib. 1. 10, &

si nos apud eum esse velimus? Nemo dicat, non novi quid diligam: diligat fratrem, & diligat eandem dilectionem. Magis enim novit dilectionem qua diligit, quam fratrem quem diligit. Ecce iam potes notio- rem Deum habere, quam fratrem: plane notio- rem, quia prae- sentio- rem, quia interio- rem, quia certio- re. Amplectere dilectionem Deum, & dilectione amplectere Deum. Ipsa est dilectio, qua omnes bonos angelos, & omnes Dei ser- uos confociat vinculo sanctitatis. Quāto ergo saniores sumus à tumore superbia, tanto sumus dilectione ple- niores: & quo nisi Deo plenus est, qui plenus est dile- ctione? His verbis satis ostendit Aug. quod dilectio ipsa qua diligimus Deum vel proximum: Deus est. Sed ad- huc apertius in eodem libro subdit: Dilectionem frater- nam quantum commendat Ioannes Apostolus, atten- damus: Qui diligit, inquit, fratrem, in lumine manet, & scandalum in eo non est. Manifestum est quod iu- stitia perfectionem in fratris dilectione posuerit. Nam in quo scandalum non est, utique perfectus est. Et ta- men videtur dilectionem Dei tacuisse: quod nunquam faceret, nisi quia in ipsa fraterna dilectione vult in- telligi Deum. Apertissime enim in eadem epistola pau- lo post ait ita: Dilectissimi diligamus inuicem, quia di- lectio ex Deo est: & omnis qui diligit, ex Deo natus est, & cognovit Deum. Qui non diligit, non cognovit Deū, quia Deus dilectio est. Ista contextio satis aperte de- clarat eandem ipsam fraternam dilectionem (nam fraterna dilectio est qua diligimus inuicem) non solum ex Deo, sed etiam Deum esse, tanta auctoritate & predi- cari, sc. Ioannis. Cum ergo de dilectione diligimus fra- trem, de Deo diligimus fratrem: nec fieri potest ut eā- dem dilectionem nō praeipue diligamus, qua fratrem diligimus, quoniam Deus dilectio est. Item: Qui non diligit fratrem, non est in dilectione: & qui non est in dilectione, non est in Deo, quia Deus dilectio est. Ecce aperte dicit frater- nam dilectionem Deum esse.

Explicatio conclusionis quod fraterna dilectio cum sit Deus, non est Pater vel Filius, sed tantum Spi- ritus sanctus.

Cum autem fraterna dilectio sit Deus, nec Pater est, nec Filius, sed tantum Spiritus sanctus, qui proprie in Trinit. dilectio vel charitas dicitur. Vnde Aug. in 15. lib. de Tri. Si in donis Dei nihil est maius charitate, & nullum est maius donum Dei quam Spiritus sanctus, quid consequentius est, quam ut ipse sit charitas, qua dicitur & Deus & ex Deo: Ita enim ait Ioan. Dilectio ex Deo est. Et in eodem: & Deus dilectio est Vbi mani- festat eam se dilectionem dixisse Deum, quā dixit ex Deo. Deus ergo ex Deo est dilectio. Item paulo post Ioan. volens de hac re apertius loqui. In hoc, inquit, co- gnoscimus quia in ipso manemus, & ipse in nobis, quia de spiritu suo dedit nobis. Spiritus itaq; sanctus, de quo dedit nobis, facit nos in Deo manere, & ipsum in nobis, hoc autē facit dilectio ipse est, ergo Deus dilectio. Ipse igitur significatur ubi legitur: Deus dilectio est, Ex his ergo apparet, quod Spiritus sanctus charitas est.

Sequitur explicatio quod non est dictum per causam illud: Deus charitas est sicut illud: Tu es patientia mea, & spes mea.

Sed ne forte aliquis dicat illud esse dictum per ex- pressionem causae Deus charitas est, eo sc. quod charitas sit ex Deo, non sit ipse Deus: sicut dicitur: Deus nostra patientia est, & spes: non quod ipse sit ista, sed quia ista ex Deo sunt: occurrit Aug. ostendens hoc non esse

dictum per causam, sicut illa in 15. lib. de Trin. dicens: Non dicturi sumus charitatem non propterea esse di- ctum Deum, quod ipsa charitas sit ulla substantia, qua Dei digna sit nomine: sed quod donum sit Dei, si- cut dictum est de Deo: Tu es patientia mea. Non uti- que ideo dictum est: Tu es patientia mea quod Dei substantia est nostra patientia, sed quia ab ipso nobis est. Vnde alibi: Ab ipso est patientia mea. Hunc enim sensum facile refellit scripturarum ipsa locutio. Tale est enim: Tu es patientia mea: quale est: Domine spes mea. Et: Deus meus misericordia mea: & multa simi- lia. Non est autem dictum: Domine charitas mea, aut tu es charitas mea, aut Deus charitas mea: sed ita di- ctum est: Deus charitas est sicut dictum est: Deus spi- ritus est. Hoc qui non discernit, intellectum à Domino, non expositionem querat à nobis. Non enim apertius quidquam possumus dicere. Deus ergo charitas est, ex praedictis clarescit, quod Spiritus sanctus charitas est, qua diligimus Deum & proximum, unde faci- lius est nobis ostendere quo modo Spiritus sanctus mit- tatur, siue detur nobis.

Quo modo Spiritus sanctus mittatur, vel detur nobis.

Tunc enim mitti vel dari dicitur, cum ita nobis est, ut faciat nos diligere Deum & proximum: per quod manemus in Deo, & Deus in nobis. Vnde August. hunc missionis modum insinuans in 15. lib. de Trin. ait: Deus Spiritus sanctus qui procedit ex Deo cum datus fue- rit homini, accendit eum ad diligendum Deum & pro- ximum, & ipse dilectio est. Non enim habet homo un- de diligat Deum, nisi ex Deo. Ecce quo modo datur, vel mittitur nobis Spiritus sanctus, secundum quod dicitur datum, siue donum. Quod donum commendat August. explanans apertius quo modo detur, in eodem libro: Dilectio, inquit, Dei diffusa est in cordibus no- stris, ut ait Apostolus, per Spiritum sanctum qui datus est nobis. Nullum est isto dono Dei excellentius. Solum est quod diuidit inter filios regni, & filios perditionis. Dantur & alia per spiritum munera, sed sine chari- tate nihil prosunt. Nisi ergo tantum impartiatui cui- quam Spiritus sanctus, ut eum Dei & proximi faciat amatorem, à sinistra non transfertur ad dexteram. Neque Spiritus sanctus proprie dicitur donum, nisi propter dilectionem: quam qui non habuerit, & si lo- quatur omnibus linguis, & habuerit prophetiam, & omnem scientiam, & omnem fidem, & distribuerit omnem substantiam suam, & tradiderit corpus suum ita ut ardeat, non ei prodest. Quantum ergo bonum est, sine quo ad aeternam vitam neminem tanta bona perdunt; Ipsa vero dilectio vel charitas (nam unius rei nomen est utrumque) perducit ad regnum. Dilectio ergo, qua ex Deo est, & Deus est, proprie Spiritus san- ctus est, per quem diffunditur in cordibus nostris Deus charitas, per quam nos tota inhabitat Trinitas. Quo- circa rectissime Spiritus sanctus, cum sit Deus, vocatur etiam donum Dei. Quod donum proprie quid nisi cha- ritas intelligendū est qua perducit ad Deū, & sine qua quodlibet aliud Dei donum non perducit ad Deum? Ecce hic aperitur quod supra dictum erat, scil. quod charitas sit Spiritus sanctus, & donum excellentius: & quo modo hoc donum, id est, Spiritus sanctus detur nobis, sc. cum ita impartitur alicui, id est, ita habet es- se in aliquo, ut eum faciat Dei, & proximi amatorem. Quod cum facit, tunc dari dicitur siue mitti alicui: & tunc ille dicitur proprie habere Spiritum sanctum.

Libro &c.
eisdem.
1. Ioan. 2. b

1. Ioan. 4. b

Paulo infe-
rius cap. 8.

Cap. 19. ad
finem. tom. 3.

1. Ioan. 4. b
+ Cap. 17.

1. Ioan. 4. b

1. Ioan. 4. b

Cap. 17. to. 3.

Psal. 70. a

Psal. 61. a

Psal. 70. a
& 90. b

1. Ioan. 4. c
Ioan. 4. c

Cap. 17. in
fine tom. 3.

Ibidem 17.
& 18.

Rom. 5. a

1. Cor. 13. a

DISTINCT. XVII. PARS II.

Utrum concedendum sit, quod Spiritus sanctus augeatur in homine, vel magis, vel minus habeatur vel detur.

Hic queritur si charitas Spiritus sanctus est, cum ipsa augeatur & minuat in homine, & magis & minus per diuersa tempora habeatur, utrum concedendum sit, quod Spiritus S. augeatur, vel minuat in homine, vel magis & minus habeatur. Si enim in homine augetur, & magis vel minus datur & habetur, mutabilis esse videtur: Deus autem omnino immutabilis est. Videtur ergo, quod vel Spiritus S. non sit charitas, vel charitas non augeatur, vel minuat in homine. Item, charitas & non habenti datur ut habeat, & habenti, ut plenius habeat. Si ergo Spiritus sanctus charitas est, & non habenti datur ut habeat, & habenti ut plenius habeat. Sed quo modo datur non habenti, cum ipse ut Deus sit ubique, & in omnibus creaturis totus? & quo modo plenius datur vel habetur sine sui mutatione?

Responsio ad primam questionem.

His itaque respondemus, dicentes quod Spiritus sanctus sue charitas penitus immutabilis est, nec in se augetur vel minuitur, nec in se recipit magis, vel minus: sed in homine, vel potius homini augetur & minuitur, & magis vel minus datur vel habetur. Sicut Deus dicitur magnificari & exaltari in nobis, qui tamen in se nec magnificatur, nec exaltatur. Unde Propheta: Accedat homo ad cor altissimi, & exaltabitur Deus. Super quem locum ait auctoritas: Deus non in se, sed in corde hominis grandescit. Sic ergo Spiritus sanctus homini datur, & datus amplius datur, id est, augetur, & magis & minus habetur: & tamen immutabilis existit.

Responsio ad secundam.

Cumque ubique sit & in omni creatura totus, sunt tamen multi qui cum non habent. Non enim omnes Spiritum sanctum habent, in quibus est: alioquin & irrationabiles creatura haberent Spiritum sanctum, quod fidei pietas non admittit.

Confirmatio responsionum.

Ut autem certius fiat quod diximus, auctoritate confirmemus quod Spiritus sanctus magis ac minus percipitur & homini augeatur, & non habenti detur, ut habeatur & habenti ut plus habeatur. Augustinus ostendit super Ioannem dicens: Sine Spiritu sancto constat nos Christum non diligere, & eius mandata seruare non posse: & id nos posse atque agere, tanto minus, quanto illum percipimus minus: tanto vero amplius, quanto illum percipimus amplius. Ideoque non solum non habenti, verum etiam habenti non in cassum promittitur. Non habenti quidem, ut habeatur: habenti autem, ut amplius habeatur. Nam si ab alio minus, & ab alio amplius non haberetur, sanctus Heliseus sancto Helia non diceret: Spiritus qui est in te, duplo sit in me. Christo autem qui est Dei filius, non ad mensuram datus est spiritus. Neque enim sine gratia Spiritus sancti est Mediator Dei & hominum homo Christus: quod enim est unigenitus Dei filius equalis patri, non est gratia, sed natura: Quod autem in unitatem persona unigeniti assumptus est homo, gratia est, non natura. Ceteris autem ad mensuram datur, & datus additur, donec

A unicuique pro modo suae perfectionis propria mensura compleatur. Ecce expresse habes, quod Spiritus sanctus magis & minus datur vel accipitur, & homini datur augetur, & habenti & non habenti datur, quia Spiritus sanctus est charitas, quae non habenti datur, & in habente augetur & proficit. Immo, ut verius & magis proprie loquar, homo in ea proficit, & deficit al quando: & tunc ipsa dicitur proficere vel deficere: quae tamen nec proficit, nec deficit in se, quia Deus est. Unde Aug. in homil. 9. super epistolam Ioan. ait: Probet se quisque, quantum in illo profecerit charitas, vel potius quantum ipse in charitate profecerit. Nam si charitas Deus est, nec deficit nec proficit. Si ergo in te proficere dicitur B charitas, quia tu in ea proficis. Ecce quo modo intelligendum sit, cum dicitur Spiritus sanctus augeri in nobis, quia nos in eo scilicet proficimus, sic & alia huiusmodi.

Conclusionis primae oppositum, in quo conuenit communis opinio, scilicet quod Spiritus sanctus non sit charitas, quae diligimus Deum, & proximum.

Supra dictum est quod Spiritus sanctus charitas est Patris & Filij, quae se inuicem diligunt & nos: & ipse idem est charitas quae diffunditur in cordibus nostris, ad diligendum Deum & proximum. Horum alterum omnes Catholici concedunt, scilicet quod Spiritus sanctus sit charitas Patris & Filij. Quod autem ipse idem sit charitas, quae diligimus Deum & proximum, a plerisque negatur. Dicunt enim: Si Spiritus sanctus charitas est Patris & Filij & nostra, eadem ergo charitas est quae Deus diligit nos, & quae nos diligimus eum. Hoc autem sanctorum auctoritates negare videntur. Dicit enim Aug. in lib. de Spiritu & littera: Unde est dilectio, nisi unde & ipsa fides, id est, a Spiritu sancto? Non esset enim in nobis, nisi diffunderetur in cordibus nostris per Spiritum. Charitas autem Dei dicta est diffundi in cordibus nostris, non quia nos ipse diligit, sed quia nos facit dilectores suos. Sicut iustitia Dei dicitur, quae nos iusti eius munere efficiuntur: & Domini salus, quae nos saluat, & fides Christi, quae nos fideles facit. His verbis videtur monstrari distinctio inter charitatem, quae nos Deus diligit, & quae nos diligimus. Et sicut iustitia nostra dicitur Dei, non quod ipse sit ea iustus, sed quia ea nos iustos facit: similiter, & fides & salus: sic videtur dicta Dei charitas, quae est in nobis, non quod ipse ea diligit, sed quia ea nos diligere facit. De hoc etiam idem Aug. in lib. 15. de Trin. ait: Cum Ioan. commemorasset Dei dilectionem, non quae nos eum, sed quae ipse dilexit nos, & misit Filium suum liberatorem pro peccatis nostris. Ecce & hic videtur manifeste diuidere dilectionem, quae nos diligimus Deum, ab ea, quae ipse diligit nos. Si ergo, inquit, Spiritus sanctus dilectio est, quae Deus diligit, & quae nos diligimus, duplex dilectio est, imo duo diuersa est, quod absurdum & a veritate longe est. Non est ergo dilectio, quae diligimus, sed quae Deus tantum diligit nos.

Responsio ad praedicta, declarans auctoritates.

His respondemus praedictarum auctoritatum verba determinantes hoc modo. Charitas Dei dicta est diffundi in cordibus nostris, non quia ipse nos diligit, sed quia nos diligere facit, & c. His verbis non diuiditur, nec diuersa ostenditur charitas, quae Deus nos diligit ab ea quae nos diligimus: sed potius cum sit una, & eadem charitas, & dicatur ipsa Dei charitas, & diuersis de causis, & rationibus Dei charitas appellari in scriptura ostenditur. Dicitur enim Dei charitas, vel quia Deus ea diligit nos, vel quia nos ea suos dilectores facit.

Deter

Determinatio primæ auctoritatis.

Cum ergo ab Apostolo dicitur charitas Dei diffundi in cordibus nostris, non est dicta charitas Dei qua diligit nos, sed qua facit nos diligere, id est, non ibi appellatur charitas Dei, eo quod Deus nos ea diligit, sed eo quod nos ea sui dilectores facit. Et quod ea ratione possit dici charitas Dei, quia nos ea diligere locutionis ostenditur: sicut dicitur iustitia Dei, qua nos iustificat: & Domini salus, qua nos saluat: & fides Christi, qua nos fideles facit.

Determinatio secundæ.

Similiter & aliam exponimus auctoritatem, ubi ait dilectionem Dei commemorari, non qua nos eum, sed qua ipse dilexit nos, ac si diceret, commemorat dilectionem Dei, non secundum quod ea nos diligimus Deum, sed secundum quod ipse diligit nos.

Aliud argumentum supra primam conclusionem.

Sed aliud est, inquiunt, quod magis urget. Dixit enim supra Augustinus quod dilectio est à Spiritu sancto, à quo fides. Sicut ergo fides non est Spiritus sanctus à quo est, ita nec charitas. Quo modo ergo Spiritus sanctus est, si ab ipso est? Nam si ab ipso est, & ipse est, ergo Spiritus sanctus à seipso est. Ad quod dicimus, Spiritus sanctus quidem à seipso non est, sed tamen à seipso datur nobis, ut supra dictum est. Dat enim seipsum nobis Spiritus sanctus. Et ex hoc sensu dictum est, quod charitas ab ipso est in nobis, & tamen ipsa Spiritus sanctus est: Fides autem est à Spiritu sancto, & non est Spiritus sanctus, quia donum, vel datum solummodo est, non Deus dans.

Aliæ rationes contra primam conclusionem.

Alias quoque inducunt rationes ad idem ostendendum, scilicet quod charitas non sit Spiritus sanctus, quia charitas affectio mentis est, & motus animi: Spiritus sanctus vero non est affectio animi, vel motus mentis, quia Spiritus sanctus immutabilis est increatus: non est ergo charitas.

Aliæ Auctoritates contra primam conclusionem.

Quod autem charitas sit affectio animi, & motus mentis, auctoritatibus confirmant. Dicit enim Aug. in 3. doctrina Christiana. Charitatem voco motum animi ad fruendum Deo propter ipsum, & se, ac proximum propter Deum. Idem in lib. de moribus Ecclesie Catholice, tractans illud verbum Apostoli: Nec mors, nec vita poterit nos separare à charitate Dei: Charitas Dei, inquit, in sensu hic dicta est virtus, qua animi nostri rectissima affectio est, que coniungit nos Deo, qua eum diligimus. Ecce his verbis exprimitur, quod charitas est affectio & motus animi, ac per hoc non videtur esse Spiritus sanctus.

Responsio declarans auctoritates prædictas.

Ad quod dicimus, hoc ita dictum esse, sicut dicitur: Deus est spes nostra, & patientia nostra, quia facit nos sperare, & pati: ita charitas dicitur esse motus, siue affectio animi, quia per eam mouetur, & afficitur animus ad diligendum Deum. Non autem miremur si charitas, cum sit Spiritus sanctus, dicatur motus mentis, cum etiam in libr. Sap. dicatur de Spiritu sapientia: Qui attingit à fine usque ad finem, qui

A est actus mobilis, certus, incoquinatus. Quod non ideo dicitur, quod sapientia sit mobile aliquid vel actus aliquis, sed quia sui immobilitate omnia attingit, non locali motu, sed ut ubique semper sit, nusquam inclusa teneatur. Sic ergo charitas dicitur motus animi, non quod ipsa sit motus vel affectio, vel virtus animi, sed quia per eam, quasi esset virtus, afficitur mens, & mouetur. Sed si charitas Spiritus sanctus est, qui operatur in singulis prout vult, cum per eum mens hominis afficiatur, & moveatur ad credendum, vel sperandum: & huiusmodi, sicut ad diligendum: quare non sic dicitur charitas motus, vel affectio mentis ad credendum, vel sperandum, sicut ad diligendum? Ad quod sane dici potest, quia alios actus, atque motus virtutum operatur charitas, id est, Spiritus sanctus mediante virtutibus, quarum actus sunt: ut pote actum fidei, id est, credere fide media, ut actum spei, id est, sperare media spe. Per fidem enim & spem prædictos operatur actus. Diligendi vero actum per se tantum, sine alicuius virtutis medio operatur, id est, diligere. Aliter ergo hunc actum operatur, quam alios virtutum actus. Ideoque differenter de hoc, & de aliis loquitur scriptura, quia istum specialiter charitati tribuit. Est ergo charitas vere Spiritus sanctus. Vnde August. præmissum verbum Apostoli tractans in eodem libro charitatem dicit esse bonum, quod nil melius est: & per hoc ipsam esse Deum significat, dicens: Si nulla res ab eius charitate nos separat, quid esse non solum melius, sed etiam certius hoc bono potest? Ecce dicit, quia charitate nihil melius est. Charitas ergo Spiritus sanctus est, qui Deus est, & donum Dei siue datum, qui diuidit singulis fidelibus dona, nec ipse diuiditur, sed indiuisus singulis datur. Vnde Augustinus, ubi Ioannes dicit, non ad mensuram Christo dari Spiritum, ait: Ceteris vero diuiditur, non quidem ipse Spiritus, sed dona eius.

An concedendum sit, quod per donum dentur dona.

Hic quaritur, cum Spiritus sanctus, per quem diuiduntur dona, ipse sit donum, utrum concedendum sit quod per donum diuidantur, ac dentur dona. Ad quod dicimus, quia per donum quod est Spiritus sanctus, singulis propria diuiduntur, & ipsum communiter omnes boni habent. Vnde Aug. in 15. libr. de Trinit. ait: Per donum, quod est Spiritus sanctus, in commune omnibus membris Christi multa dona, que sunt quibusque propria, diuiduntur. Non enim singuli quique habent omnia, sed hi illa alij alia: quamvis ipsum donum à quo cuique propria diuiduntur, omnes habent: id est, Spiritum sanctum: Ecce aperte dicit, per donum dona donari.

DISTINCT. XVII. PARS I.

De inuisibili Spiritus sancti Missionem.

Iam nunc accedamus ad assignandam missionem Spiritus sancti, qua visibiliter, &c.

Expositio Textus

ERMINATA parte in qua Magister egit de processione Spiritus sancti visibili, in hac parte agit de inuisibili. Et diuiditur hæc pars in duas. In prima determinat Magister Spiritus sancti missionem secundum suam opinionem. In secunda vero quia sua opinio habuit multos impugnatores,

Rom. 5. 6

Ex lib. 16. de Trin. cap. 17. som. 3.

Libro de Spiritu & lit. cap. 32. 10. 3. Responso. Dist. 15.

Cap. 10. 10. 3. Rom. 6. 6

Cap. 11. 10. 1.

Sap. 8. 6

1. Cor.

Aug. Eccl. 11. 10

Tract. Ioan. tom.

Aug. Trin. post. pin

Diu

gnatores,

gnatores, ponit opinionis suae defensionem ibi: *Hic quaeritur si charitas Spiritus sanctus est.* Prima iterum pars habet duas. In prima missionem Spiritus sancti inuisibilem notificat. In secunda confirmat ibi: *Ne autem in re tanta aliquid de nostro, &c.* Item prima pars in qua notificat, habet duas, in quarum prima praedicat suam intentionem, ibi: *Iam nunc accedamus ad assignandam.* In secunda supposito, quod Spiritus sanctus sit amor quo diligimus Deum & proximum, ostendit ipsum inuisibiliter mitti, quando in nobis efficit hunc effectum, & hoc facit ibi: *Hoc autem intelligibilis, &c.* Similiter secunda pars in qua positionem suam confirmat, habet quatuor partes. In prima ostendit quod amor quo diligimus Deum, est similiter amor quo diligimus proximum. In secunda vero ostendit quod amor ille proprie est Spiritus sanctus, ibi: *Cum autem fraterna dilectio sit Deus, &c.* In tertia ostendit quod Spiritus sanctus est charitas non causaliter, sed essentialiter & formaliter loquendo, ibi: *Sed ne forte aliquis dicat illud dictum.* Quarto & ultimo ostendit tanquam manifestatum iam, quod Spiritus sanctus, tunc mittitur inuisibiliter, quando nos facit Dei & proximi dilectores, ibi: *Ex praedictis clarescit, quod Spiritus sanctus charitas est, &c.*

Qui proximum diligit, consequens est ut ipsam dilectionem diligit. Dub. I.

Videtur ista consequentia non valere. Quamvis enim possibile sit dilectionem diligi, non tamen est necesse quod aliquis diligit eam: multa enim frequenter amamus, quae nollemus amare. Item dubitatur de ista consequentia: qui diligit dilectionem consequens est, ut Deum diligit. Quia, aut intelligit de increata aut creata. Si de creata, nihil valet: diligit quid creatum, ergo increatum. Si de increata, tunc in nullo concordat cum priori sententia: qua dilectio qua diligit proximum, est dilectio creata.

RESP. Dicendum quod utraque consequentia bona est in proposito. Quidam enim est amor in quo non est quietatio, nec delectatio, nec complacentia: ut puta ille qui est ex pronitate corruptionis: cui ratio obsistit. Quidam vero est amor qui est cum delectatione, complacentia, & quietatione, & in tali amore non est tantum acceptatio rei amate, immo etiam ipsius amoris, & talis amor est charitas, & ideo sequitur: qui amat proximum, amat dilectionem, id est, acceptat. Sed quoniam bene sequitur: qui acceptat aliquid ex se, multo magis acceptat illud in quo inuenitur ratio dilectionis, si dilectio eo ipso quo dilectio acceptatur, maior dilectio magis acceptatur. Cum ergo dilectio nostra sit dilectio exemplata, & dilectio divina ut exemplar omnis rectae dilectionis, & in illa est prima, & summa ratio omnis acceptationis: hinc sequitur quod qui diligit dilectionem, diligit Deum. Vnde August. arguit ex hac suppositione quod ipsa charitas siue dilectio proximi est dilectio cum acceptatione, & ex hac tenet prima consequentia: & ex alia suppositione, quod prima ratio acceptationis est in dilectione exemplante, non exemplata, & ex hoc patet secunda.

Ecce iam potes notioorem Deum habere quam fratrem. Dub. II.

Videtur hoc falsum: quia ad Timotheum dicitur de Deo quod lucem habitat inaccessibilem. Praeterea de fratre nouit quid est, de Deo vero non nouit quid est, sed si est: ipse autem non loquitur quantum ad cognitionem, si est.

RESP. Dicendum quod aliquid magis certitudinaliter cognosci, est dupliciter, quia certitudo cognitionis est secundum praesentiam: aliquid autem praesens est dupliciter quantum ad rationem cognoscendi, aut quantum ad substantiam cognoscibilis. Quantum ab substantiam Deus est praesentior cuilibet rei, quam aliqua alia res: quantum autem ad rationem cognoscendi hoc est dupliciter. Aut a parte cognoscibilis sicut sol est praesens caeco, & tamen caecus est absens lumini, sic Deus est

praesentior quam frater. Si autem a parte cognoscentis, sic praesentior est frater, quia praesens est oculis carnis, quorum cognitio viget secundum statum praesentem.

Aliter potest dici quod praesentius est aliquid dupliciter in ratione cognoscibilis, vel secundum effectum, vel secundum se. Secundum se, notior est frater, secundum effectum, notior est Deus. Quia effectus diuinus qui est dilectio, intrat ipsam animam, & ei est praesens, & magis cognoscitur quam frater.

Qui diligit, inquit, fratrem in lumine manet. Dub. III.

Videtur hoc verbum Ioannis positum improprie dictum, quia lumen respicit cognitionem, sicut calor affectionem: ergo magis deberet dicere, manet in calore, quam manet in lumine.

RESP. Dicendum quod luminis est manifestare. Manifestare autem aliquid alicui est dupliciter, aut sicut viam cognoscendorum, aut sicut viam agendorum. Primum est per scientiam, & contra illud lumen opponitur tenebra ignorantiae simplicis. Secundum est per gratiam. Vnde per Ioannem: Vnctio docebit vos de omnibus, & contra illud est tenebra malitiae, siue peccati: & de hoc lumine, & de his tenebris loquitur beatus Ioannes, quod patet in textu. Et Ecclesiasticus: Error & tenebrae peccatoribus concretae sunt: & quoniam charitas semper est cum gratia, aliae virtutes non, ideo dicit: Qui amat, manet in lumine, per appropriationem.

Si in donis Dei nihil est maius charitate, &c. Dub. IV.

Videtur dicere falsum, quia sapientiae donum ponitur excellentissimum inter omnia dona: vel si idem est charitas & sapientia, charitas non retinet praerogatiuam inter dona. Item quaeritur de consequentia, si charitas est praecipuum inter dona Dei, & nullum maius est quam Spiritus sanctus, ergo Spiritus sanctus est charitas. Aut ergo loquitur de charitate creata, aut increata. Si de increata, tunc ergo probat idem per idem. Si de creata, tunc nulla videtur consequentia: quia non valet, quod si creata est charitas maior inter dona creata, quod sit Spiritus sanctus.

RESP. Dicendum quod praedicta auctoritas Augustini potest intelligi de charitate creata, & increata: & pro utraque habet veritatem. Si de increata, certum est. Si de creata, maximum est inter dona, quia plus habet in se de ratione bonitatis, siue de ipsa bonitate, quam aliquid donum loquendo praecise. Quaedam enim dona sunt quae sunt sine charitate, & hoc quidem certum est, quod minora sunt. Quaedam praesupponunt charitatem, velut donum sapientiae. Charitas enim est quae dat sensum gustui, ut sapiant ei bona aeterna. Vnde sapientia superaddit quandam ulteriorem virtutem, quae habilitat, quae comparata ad charitatem minus bona est: sed propterea claudit charitatem, maius bonum est ratione eius quod praesupponit, & ita patet quod charitas (praecise loquendo) est excellentissimum donum: sapientia vero praesupponendo siue implicando donum charitatis, dicitur excellentissimum.

Ad illud quod obiicitur de consequentia, dicendum quod utroque modo bona est. Si enim intelligatur de charitate increata, sic ipsa est donum primum & praecipuum, & Spiritus sanctus est huiusmodi: ergo oportet quod ipsa sit Spiritus sanctus, quia quod per superabundantiam dicitur, vni soli conuenit. Si autem de charitate creata, tunc consequentia Augustini intelligenda est a parte nominis sic: Si charitas creata est maximum inter dona creata, & Spiritus sanctus maximum est donorum, ergo melius nominatur nomine doni excellentissimi, quam alio. Consequens ergo est ut Spiritus sanctus sit charitas, sed non creata, imo illa quae Deus est.

Non utique ideo dictum est, &c. Dub. V.

Quod Dei substantia est nostra patientia, videtur male dicere, quia charitas qua nos diligimus Deum, non est ipse Deus, nisi intelligamus quo diligimus exemplariter, vel causaliter: ergo cum simile sit de patientia, videtur quod Augustinus male destruit illud simile. Item, cum Deus faciat nos diligentes, sicut patientes, quare non dicitur Deus charitas nostra, sicut patientia nostra.

RESP. Dicendum quod Deus est charitas & essentialiter, & causaliter. Essentialiter, quia in se amor est. Causaliter, quia in nobis amorem efficit. Sed Deus non est patientia essentialiter, sed solum causaliter, & ideo scriptura istum diuersum modum inueniens, dicit Deum esse patientiam nostram, & Deum esse charitatem, sine additione. Ratio autem huius est, quod quidam habitus dicunt incompletionem, sicut patientia, spes, & huiusmodi, quæ non cadunt in Deo per essentialitatem, sed per causam, quia huiusmodi sunt à Deo. Quidam autem sunt habitus dicentes complementum, & huiusmodi sunt in Deo essentialiter, sicut charitas, & sapientia, & huiusmodi. Notandum autem quod Augustinus vult dicere, quod Deus est charitas essentialiter, sed ipse non vult dicere, quod sit charitas nostra essentialiter, sed causaliter, & exemplariter. Quamvis enim omnes virtutes habeant exemplar cognoscitum in Deo, & omnes habeant exemplar secundum similitudinem longinquam: tamen quædam virtutes non habent sibi correspondens in Deo per omnia, sicut patientia, quæ duo dicit, sc. passionem, & superferri passionibus. Quatum ad primum, non habet in Deo correspondens, sed quantum ad secundum solum. Charitas autem habet amorem sibi in Deo per omnia correspondentem, & amorem non tantum essentialem, sed etiam personalem: & ideo dicunt auctoritates quod Spiritus sanctus est charitas, qua diligimus Deum: & ablatius, quod, dicit habitudinem non tantum causæ efficientis, sed etiam formalis: non perficientis, sed exemplantis.

Solum est quod diuidit inter filios regni, & filios perditionis. Dub. VI.

Videtur hoc male dicere de dono charitatis, quia aut loquitur de diuisione quantum ad cognitionem, aut quantum ad veritatem. Si quantum ad veritatem, hoc falsum est, quia non solum in charitate, sed etiam in fide gratuita & spe differunt. Si quantum ad cognitionem, tunc minime diuidit, quia nescitur quis hoc donum habeat.

RESP. Dicendum quod omnia dona virtutum possunt esse informia præter charitatem: & quoniam possunt esse informia, possunt esse in iustis, & peccatoribus, & ideo in illis nunquam separantur ab inuicem. Sed charitas nunquam potest esse informis, nec esse cum peccato, quia actus eius est diligere propter se, & super omnia, qui remouetur per omne peccatum, & ideo dicit Augustinus quod sola charitas distinguit, loquendo de distinctione in vniuersali. Quod obicitur de fide gratuita siue formata, concedo quod distinguit, sed tamen hoc non habet quia fides, sed quia gratuita, & ita ex hoc quod charitati coniuncta: & sic patet illud.

Et tradiderit corpus suum, ita ut, &c. Dub. VII.

Videtur male dicere, quia Dominus dicit: Maiorem hanc dilectionem nemo habet, ut animam suam ponat pro amicis suis, &c. ergo si hoc est maximum opus charitatis, impossibile est quod fiat sine charitate.

RESP. Aliqui dicunt quod Apostolus dicit per impossibile: posito enim ad hoc quod aliquis hanc penam pateretur sine charitate pro Christo, adhuc non prodesset sibi. Credo tamen quod ex industria naturalium & aliqua gratis data possent sustinere pro fide Christi mortem etiam sine charitate, sicut hæreticus su-

stinet per errorem. Et quod dicit Dominus quod illud est summæ charitatis, hoc dicit quantum ad signum & exteriorem occasionem: signa tamen sunt fallibilia, & ideo non necessario oportet, quod si aliquis mortem sustinet pro Christo siue pro eius fide quod habeat charitatem: credo tamē quod si aliquis pro Christo sustineret mortem, qui non magnum haberet obicem, quod disponderet ad gratiæ susceptionem, ita quod daretur sibi charitas.

ARTICVLVS I.

AD intelligentiam huius partis quatuor queruntur. Primo & principaliter propter positionem Magistri queritur, Vtrum præter donum charitatis increata, sit ponere donum charitatis creata. Et hoc est querere, Vtrum charitas qua diligimus Deum sit Spiritus sanctus. Secundo, dato quod sit creata charitas, queritur. Vtrum illa charitas sit diligenda ex charitate. Tercio, vtrum charitas certitudinaliter possit cognosci ab habente charitatem. Quarto, si possit cognosci ab aliquo non habente.

QUESTIO I.

An ponenda sit Charitas alia ab increata.

Alex. Alenf. in Cont. nuat. 3. p. coll. 57. art. 1.
S. Thom. 2. 2. q. 23. art. 2.
Et 1. Sent. dist. 17. q. 1. art. 1. & q. 4. art. 4.
Et de Verit. q. 1. art. 11.
Scotus 1. Sent. d. 17. q. 1.
Et in Report. dist. 17. q. 1.
Ægid. Rom. 1. Sent. dist. 17. q. 2.
Richardus 1. Sent. dist. 17. q. 1.
Durandus 1. Sent. dist. 17. q. 4.
Franciscus de Mayr. 1. Sent. dist. 17. q. 1.
Io. Baccon. 1. Sent. dist. 17. q. 1.
Petrus de Tarantaf. 1. Sent. dist. 17. q. 1.
Steph. Brulef. 1. Sent. dist. 17. q. 1.
Thom. Arg. 1. Sent. dist. 17. q. 1. art. 1.
Marfilus Inguen. 1. Sent. q. 20. art. 1.
Gabriel Biel, 1. Sent. dist. 17. q. 1.

QVOD non sit ponere aliam charitatem ab increata, supposita probatione per auctoritates multas, quas adducit Magister in litera, probatur rationibus, & primo rationibus sumptis ab essentia charitatis, quæ est bonitas hoc modo:

1. Nullum accidens est melius substantia rationali: sed charitas est melior anima rationali, quia eam facit meliorem: ergo non est accidens: ergo est substantia. Sed constat quod non irrationalis: ergo rationalis: ergo anima, vel angelus, vel Deus: sed non anima vel angelus: ergo Deus.

2. ITEM nulla bonitas creata æquiualeat beatitudini: sed charitas æquiualeat beatitudini, quia per charitatem meretur homo, & efficitur dignus vita æterna, siue beatitudine: ergo charitas non est bonitas creata: ergo, &c.

3. ITEM omne bonum creatum est bonum per participationem, sed omne bonum alio bono bonum potest intelligi non bonum, & sic caderet in ipso malum per diminutionem speciei, modi, & ordinis: ergo si charitas est bona creata bonitate, potest esse mala, vel saltē intelligi mala, vel etiam fieri informis, quod falsum est.

4. ITEM hoc ipsum ostenditur rationibus sumptis à virtute, sic. Quanto aliquid virtuosius, tanto paucioribus mediis indiget: ergo si aliquid est potentissimum, nulla alia virtute a se indiget: ergo si Spiritus sanctus est potentia infinita, & ipse est charitas: ergo seipso non alio inflamat affectum ad amorem: non est ergo ponere charitatem creatam necessario quæ sit habitus.

5. ITEM plus distat virtus naturalis à Deo quā volūtas: sed Deus dirigit virtutē naturalem non alio quā seipso: ergo si ibi non cadit mediū, nec in volūtatē cadet: ergo, &c.

6. ITEM vbi mouet virtus Motoris primi semper præfens, & non potens errare, superfluit aliam virtutem superaddere, vtpote, si manus esset semper coniuncta temoni, non oporteret ibi esse aliam virtutem: sed Spiritus sanctus est dirigens, & adiuuans ipsam voluntatem, & est coniunctus semper, & non potens

Ad op-
tum.

Amg. 15. de
Trim. cap. 18.
tom. 3.

Joan. 15. b

errare

errare : ergo superfluit aliam charitatem ponere : sed omne superfluum est resecandum : ergo, &c

7. **ITEM** rationibus sumptis ab actu ostenditur illud idem, quia actus charitatis est animam recreare sed non minoris virtutis est recreare, quam creare: ergo si creare solum est ab increato quod est infinita potentia: ergo & recreare : sed hoc proprium est charitatis : ergo est increata.

8. **ITEM** aliquis actus charitatis est vnire, sed nulla creatura per vanitatem vnitur veritati, & omnis creatura vanitas : ergo nulla creatura est medium vniendi Deo: si ergo charitas est medium vniendi : ergo non est vanitas, nec creatura.

9. **ITEM** actus charitatis est vnumquodque ordinate diligere : ergo si ordinate diligere est diligere vnumquodque secundum quod sibi conuenit, cum increatum sit melius creato in infinitum : ergo ipsum magis in infinitum diligibile : ergo si charitas facit Deum diligere, vt diligendus est, charitas facit Deum in infinitum diligere : sed quod exit in actum infinitum, est infinitum & increatum : ergo, &c.

SED contra: Charitas est principium reformandi animam quantum ad potentiam voluntatis : sed anima quantum ad alias potentias scilicet irascibilem, & rationalem reformatur per virtutes creatas : ergo pari ratione & concupiscibilis : sed eius reformatio est charitas : ergo, &c.

ITEM vbi est reformatio, ibi est conformatio, & informatio : vbi est informatio : ibi est aliquid informans quod se habet per modum formæ : sed omnis forma rei creatæ est creata : Deus enim nullius est forma perficiens : ergo, &c.

ITEM charitas est principium viuendi. Vnde Hugo de sancto Victore : Scito anima mea quod amor est vita tua : sed omnis vita existens per participationem in aliquo, est ab aliquo informante, ex quo & viuificabile fiat vnum : sed ex Deo & anima non potest fieri vnum : ergo necesse est ponere in anima aliquam charitatem creatam, quæ viuificet.

ITEM omne quod est in aliquo possibile ad materiam, est illo per aliquod separabile : sed vita gratiæ est in anima possibili ad moriendum morte culpæ : ergo per aliquod separabile : hoc autem non est Deus, quia impossibile est Dei præsentiam separari ab aliquo : ergo est aliquid creatum.

ITEM charitas est principium gratificandi : sed gratificatio est id in quo distinguitur bonus à malo, iustus ab impio, non tantum in actu, sed etiam in quiete, vt paruulus & adultus : ergo cum distinctio non sit boni à malo per bonitatem increatam, quia illa omnibus est communis, charitas non dicit quid commune. Et iterum, cum distinctio quiescentium non sit per actum, vel per vsum, sed per habitum, patet quod charitas dicit habitum creatum.

ITEM charitas est principium merendi : sed non quia bona facimus, ideo boni sumus : sed magis è conuerso charitas prius facit bonum, quam eliciat actum : sed cum aliquis de nō bono sit bonus necesse est aliquid poni in ipso de nouo, & hoc nō potest esse actus: ergo habitus.

ITEM Deus alio modo cooperatur in operatione meritoria quam naturali, quia si non alio modo, tunc redit error Pelagij quod ex naturalibus posset homo mereri : si ergo alio modo, cum per virtutem increatam omni naturæ cooperetur, necesse est quod in operatione creata meritoria cooperetur mediante aliâ virtute : sed hæc non potest esse nisi creata : ergo, &c.

ITEM videtur quod Magister errauerit, quia qui diuidit opera Trinitatis, hæreticus est : sed Magister posuit quod charitas quā nos diligimus Deum, sit Spiritus sanctus propriè : ergo ponit quod nostrum diligere, quod est effectus in creatura, sit solius Spiritus sancti, & ita diuidit opera Trinitatis.

ITEM qui dicit quid creatum esse increatum, errat: sed charitas quā diligimus Deum & proximum, vt

A communiter tenetur, est quid creatum : sed Magister dixit hanc esse Spiritum sanctum: ergo errauit.

CONCLUSIO.

Et si Deus sit charitas effectiue, & Spiritus sanctus appropriare, & ipse Spiritus sanctus amborum vnio, sit charitas exemplariter quā Deum diligimus, & affectio, vel motio excitata à Spiritu sancto dicatur charitas : ponendus est tamen habitus creatus animam informans, quæ dicatur charitas formaliter.

RESP. Ad Arg. Ad prædictorum intelligentiā est notandum quod circa hoc est & fuit ab antiquo duplex opinio. Quorundam enim vt Magistri & sequacium suorum est opinio quod Spiritus sanctus est essentialiter charitas quā Pater & Filius diligunt nos, & etiam quā nos diligimus Deum. Et quidā voluerunt dicere quod intellectus huius positionis potest demonstrari per similitudinem. Dicunt enim quod sicut lux tripliciter potest considerari, scilicet in se, & in transparenti, & in extremitate perspicui terminari. Primo modo est lux, secundo modo lumen : tertio modo hypostasis coloris. Ita Spiritus sanctus potest considerari in se, & sic est amor Patris, & Filij. Potest rursus considerari, vt in humana anima inhabitans, & sic Spiritus sanctus dicitur gratia. Potest etiam considerari, vt vnitus voluntati & sic est charitas, quā nos diligimus Deum. Vnde dicunt quod Spiritus sanctus est nostra charitas, non per appropriationem sed per vnionem. Quemadmodum enim solus filius est homo vel incarnatus, & tamen tota Trinitas est incarnationem operata, sed tamen solus filius vnitus: sic quamvis tota Trinitas faciat vnionem Spiritus sancti cum voluntate, solus tamen Spiritus sanctus vnitur voluntati, & ideo solus est charitas. Ratio autem mouens ad ponendum hoc, est auctoritas Apostoli: Qui adhæret Deo, vnus Spiritus est. Et etiam mouet eos similitudo. Dicunt enim quod sicut Filius procedit per modum naturæ, & ita naturæ vnitur: sic Spiritus sanctus per modum voluntatis, & ideo voluntati vnibilis, & vnitus. Et quia voluntas vertibilis est, non sic natura: ideo Spiritus sanctus vnitur separabiliter: sed Filius inseparabiliter, & ideo longe inferiori modo, quam Filius, & quibus vnitur, seipso facit diligere. Sed hæc positio non potest stare, quia Spiritus sanctus non est vnibilis: & præterea si esset vnibilis, aut per naturam, aut per gratiam. Non per naturā, ergo per gratiam: ergo adhuc oportet esse habitum gratiæ disponentem animam ad susceptionem talis vnionis, & ita redit contrarium. Ideo non credo quod Magister hoc modo fuerit huius opinionis. Et propter hoc aliter dicendum, quod istud quod diligimus Deum, tripliciter est accipere. Aut quo diligimus effectiue, & sic charitas, siue amor est Trinitatis, & Spiritus sancti appropriare. Aut quo diligimus exemplariter, & sic Spiritus sanctus est vnio Patris, & Filij, & nexus amborum, & vnitas. Ad cuius imitationem charitas nos necit, secundum quod dicit Dominus : Vt sint vnum, sicut & nos vnū sumus. Aut quo diligimus formaliter, & sic dicendum opinionem Magistri est animi affectio. Et in his omnibus verum dixit, nec errauit, sed defecit: quia præter hoc est ponere charitatem secundum communem opinionem, quæ est habitus creatus animam informans. Et ratio huius sumitur à parte essentia, virtutis, & operationis. A parte essentia, quia charitas est bonitas creaturæ rationalis ipsam perficiens, & distinguens, & ordinans, & disponens ad vitam æternam: ergo necesse est quod sit formalis perfectio.

1. Ad illud ergo quod obiicitur primo quod charitas est melior anima rationali, dicendum quod non est ibi comparatio: quia vbi vnum propter alterum, ibi tantū vnum: vnde habens charitatē, bonus est propter charitatem. Vel non cadit ibi cōparatio: quia nō vniformiter dicitur bonum. Nam substantia rationalis dicitur bona, quia ordinabilis in finem: charitas bona, quia ordinans.

2. Ad illud quod obiicitur quod æquiualeat beatitudini, dicendum quod æquiualeat secundum diuinam æsti-

mationem, quæ opus charitatis æstimat dignum vita æterna, siue tantâ remuneratione.

3. Ad illud quod obiicitur quod si est bonum per participationem, tunc eius bonitas est permutabilis in infirmitatem, dicendum quod aliquid dicitur bonum per participationem dupliciter. Aut quia participans, & ordinatum: aut quia participatio, & ordinatio. Primo modo est bonum habens charitatem. Secundo modo charitas, & ideo potest non esse, quia non est ipsa essentia bonitatis, sed participatio: tamen non potest esse bona, vel ordinata, quia est ipse ordo amoris. Vnde soluendum est illud per distinctionem, & in hoc patent rationes sumptæ ab essentia.

A Parte etiam virtutis necesse est ponere charitatem habitum creatum. Nam charitas qua diligimus Deum, est virtus: non tantum quâ Deus cooperatur, sed nobis etiam qua nostra voluntas cooperatur Deo. Adiutores enim Dei sumus: & quia cooperamur Deo, necesse est nos similiter conformari, necesse est quod ab illa summa charitate relinquatur in nobis aliquod exemplum in nostro affectu, per quod moueat illi conformiter. Voluntas enim libera est, & nata moueri ad opposita: & ideo ponitur virtus charitatis creata in nobis, non propter defectum à parte Dei nobiscum operantis, sed voluntatis nostræ sibi cooperantis.

4. Ad illud quod obiicitur quod virtus potentissima non indiget virtute media, verum est: sed charitas non est propter illius virtutis indigentiam, sed potius voluntatis suscipientis, quæ indiget aliquo habitu disponente †.

5. Ad illud quod obiicitur quod Deus cooperatur naturæ sine virtute creata, dicendum quod Deus regit naturam sicut instituit, & natura vniiformiter currit: & ideo non indiget aliquo regulante. Non sic est de voluntate, quæ mouet difformiter, & ideo indiget aliquo habitu regulante, & disponente ipsam. Vel dicendum quod aliud est de natura, & voluntate: quia natura non habet moueri nisi iuxta se, vel infra, sed voluntas supra: & ideo indiget aliquo eleuante ipsam.

6. Ad illud quod obiicitur quod virtus primi Motoris est præsens, dicendum quod non sufficit præsentia: sed necesse est quod recipiens influentiam habeat habilitatem, & conformitatem: & hoc est per virtutem creatam.

7. A parte etiam operationis ponitur necessitas, quia reformatio, vel recreatio, vnio, & dilectio, non tantum sunt, ab aliquo, vt ab efficiente, sed etiam ab informante. Informans autem charitas creata est, & ex hoc patent obiecta ex parte actus, siue operationis. Nam quod obiicitur quod creatio est ab increato, verum est per modum efficientis, sicut & recreatio: sed reformatio vltius requirit formam, & ideo necesse est ponere habitum informantem.

8. Ad illud quod obiicitur quod vnitas non vnitur veritati, dicendum quod gratia potest considerari secundum quod ex nihilo, & sic est vnitas, & sic non vnit. Vel secundum quod est influentia, secundum diuinam præsentiam, & sic habet veritas expressam similitudinem, & tali modo vnit.

9. Ad illud quod obiicitur quod charitas facit diligere Deum quantum est diligendus, &c. Dicendum quod hoc potest intelligi dupliciter. Vel quantum Deus deberet diligere in se, & sic est falsum, quia cum sit bonum infinitum, deberet in infinitum diligere, & tali modo Deus solus seipsum diligit. Vel in quantum est diligendus ab hoc, & sic verum est, & tunc diligit infinitum, non simpliciter, sed secundum æstimationem habentis charitatem. Tantum enim diligit charitas Deum plusquam bonum creatum, quod si bonum creatum in infinitum multiplicaretur, adhuc magis diligeret Deum. Quod autem obiicitur in contrarium, concedendum est præter duo vltima quæ ostendunt Magistrum errasse. Quod autem obiicitur, quia diuidit opera Trinitatis: dicendum quod falsum est, quia quod

A Spiritus sanctus sit charitas, quia diligimus Deum, aut dictum est per appropriationem, aut per vnionem, aut certe per exemplaritatem, & sic intelliguntur omnes auctoritates, quas Magister adducit pro se: formaliter, autem loquendo, non intelliguntur veræ, nec credo, quod Magister intellexerit, & per hoc patet illud quod Magister non dicit quod creatum sit increatum: sed quod sufficiat donum increatum, sine creato, & in hoc non fuit error, sed defectus.

QVÆSTIO II.

An charitas ex charitate sit amabilis.

Alex. Alenf. Continuat. 3. p. coll. 63. art. 7.

S. Thom. 2. 2. q. 25. art. 2.

Et 1. Sent. dist. 17. q. 1. art. 5.

Ægid. Rom. 1. Sent. dist. 17. prin. 3. q. 1.

Richard. 1. Sent. dist. 17. q. 2.

Thomas Argent. 1. Sent. dist. 17. q. 1. art. 1.

Gabr. Biel. 1. Sent. dist. 17. q. 1.

Vtrum charitas sit amabilis ex charitate, & quod sic ostenditur hoc modo. Augustinus 8. de Trinit. Nemo dicat: Non noui quid diligam: diligit fratrem & diligit ipsam dilectionem: ergo dilectio est diligenda, ergo, &c.

ITEM hoc ipsum videtur ratione: quia non est perfecta cognitio, nisi illa quâ quis nouit se nosse, siue nonit ipsam notitiam: ergo nec perfectus amor nisi ille quo quis amat se amare, siue amorem: sed charitas est perfectus amor: ergo, &c.

ITEM aliquis diligit proximum, & rectè, quia videt eum habere charitatem: sed propter quod vnumquodque tale, & illud magis: ergo magis debet diligere charitatem, siue dilectionem.

1. CONTRA: Augustinus in lib. de Doctrina Christiana, dicit tantum quatuor esse diligenda ex charitate, scilicet Deum, seipsum, proximum, & corpus proximi, & corpus proprium: sed charitas siue dilectio non est aliquod horum: ergo non est diligenda ex charitate. Item duplex est dilectio scilicet concupiscentiæ & amicitiae: si ergo charitas siue dilectio diligitur, aut ergo dilectione concupiscentiæ, aut amicitiae. Non amicitiae, constat, quia amicitia est inter similes, & amor quo aliquis optat alij bonum, charitati autem nemo optat bonum.

2. ITEM nec concupiscentiæ, quia concupiscentia est rei non habitæ: ergo cum ex charitate nemo diligit nisi habens charitatem: ergo ex charitate non potest quis non concupiscere charitatem.

Si tu dicas quod concupiscit augmentum charitatis, hoc non soluit, quia ego non quero nisi vtrum charitas habita, secundum quod habita est, possit amari.

3. ITEM sicut se habet fides ad credere & spes ad actum sperandi, ita dilectio siue charitas ad actum diligendi: sed nullus habens fidem, credit fidem quia sicut dicit Augustinus: Credens scit se credere & videt se credere: credulitas autem non est de visis: similiter autem nullus sperat spem ipsam, sed habet: ergo à simili, nec diligit charitatem: vel si non est simile, queritur, quare non.

4. ITEM si diligens diligit dilectionem, aut eadem, aut alia. Si alia, tunc pari ratione & aliam dilectionem diligit alia, & sic erit abire in infinitum. Si ergo stare est, & non conuenit abire in infinitum, si diligit, diligit eadem. Sed si hoc, contra: Nulla forma specialis super seipsam reflectitur nisi de primis intentionibus, sicut vnitas, veritas, bonitas. Vnde nullo modo dicitur albedo alba: ergo nec dilectio dilecta, & sic, &c.

CONCLUSIO.

Charitas qua habitus est, amabilis est amore concupiscentiæ, non amore amicitiae: est amabilis amore complacentiæ, cum diligens ipsam dilectionem acceptet, quâ Deum diligit.

R^{ESP.} Ad Arg. Dicendum quod accipiendo dilectio-

nem

Fundamen-
ta.
Aug. 8. de
Trin. c. 8. in
princip.
tom. 3.

2. Metaph.
rex. 4. Et 1.
post. cap. 2.
cont. 5.

Aug. 1. de
Doctr. Chri.
c. 23. tom. 3.
Ad opposi-
tum.

Lib. 13. de
Trin. c. 1. &
3. tom. 3.

Conclusio.

conclusio
applicatio.

nem secundum quod Deus dilectio est, constat utique quod ex charitate est diligenda. Sed accipiendo dilectionem secundum quod est habitus gratuitus, sic utique diligenda est, sed non super omnia.

Ad intelligentiam autem obiectorum, notandum quod triplex est amor, scilicet amicitiae, quo aliquis aliqui optat bonum. Concupiscentiae, quo aliquis sibi desiderat aliquid. Et complacentiae, quo aliquis requiescit & delectatur in re desiderata cum praesens est.

Dico ergo quod charitas amore amicitiae nullo modo est amabilis, quia non est beatificabilis. Amore concupiscentiae est amabilis ex charitate, secundum quod diligens desiderat amplius diligere. Amore complacentiae, scilicet quo diligens acceptat ipsam dilectionem, qua Deum diligit, hoc modo charitas diligenda est, secundum quod iam habetur, eo quod ipsa est bonum valde acceptabile.

1. His visis, patet responsio ad duo prima. Nam ratio illa ex auctoritate Augustini de Doctrina Christiana, currit solum quantum ad dilectionem amicitiae, quia Augustinus loquitur de amabili, cui aliquis optat bonum.

2. Quod secundo quaeritur, similiter patet. Quamvis enim charitatis habitus, secundum quod habitus, non sit concupiscentia, nihilominus tamen est complacentia. Posset tamen dici quod spiritualis dilectio, & possessio excitat ad desiderandum dum reficit, & reficit dum excitat: ideo simul manent concupiscentia & complacentia.

3. Ad illud quod obiicitur tertio de fide & spe, dicendum quod non est simile. Actus enim fidei de se dicit imperfectionem, similiter & spei. Alter enim est rei non visus, alter rei non habitus: & ideo si talis actus reflecteretur, diminueret de ratione habitus. Unde qui credit credulitatem, non habet eam & spem similiter, & ideo hae virtutes euacuantur in patria: sed dilectio est actus completionis & perfectionis, sicut scientia. Unde sicut perfecte scit qui scit se scire, ita perfecte diligit, qui amat dilectionem.

4. Ad illud quod obiicitur, aut eadem aut alia, &c. dicendum quod eadem quantum ad habitum: sed alia quantum ad actum.

Et quod obiicitur quod specialia non reflectuntur, dicendum quod reflexio in forma aliquando venit ex natura, & sic est in generalibus: aliquando venit ratione eius in quo est, & sic est in formis quae sunt in potentiis natis supra se conuerti, & in quantum supra se conuertuntur: & quoniam potentia cognitiua seipsam cognoscit, & voluntas est instrumentum seipsam mouens, ideo per scientiam scit aliquis, & scientiam suam nouit, & per charitatem se & ipsam diligit. Et si quaeritur ratio quare potentia intellectiua nata est supra se redire, & voluntas, alibi dicitur: sed hoc modo tantum sufficiat, quia sunt simplices potentiae, & in substantia simplici fundatae, & organo non alligatae: ideo patet quod non est simile illud quod obiici consuevit in sensibus: alia est potentia quae videt, & alia qua videt se videre, quod similiter debeat esse in intellectu.

QVÆSTIO III.

An quis certitudinaliter scire possit se esse in Charitate. E

Alexander Aletensis in Continuat. 3. p. coll. 57. art. 7. q. 1.

S. Thom. in quaest. de Verit. q. 10. art. 20.

Ægid. Rom. 1. Sent. dist. 17. prime. 3. q. 2.

Richardus 1. Sent. dist. 17. q. 5.

Thom. Arg. 1. Sent. dist. 17. q. 1. art. 1.

Steph. Brulef. 1. Sent. d. 17. q. 3.

Petrus de Tarantasia 1. Sent. dist. 17. q. 6.

UTRUM charitas sit certitudinaliter cognoscibilis ab habente. Et quod sic videtur auctoritate Aug. in 8. de Trin. & habetur in litera. Qui fratrem diligit, magis nouit dilectionem qua diligit, quam fratrem quem diligit: sed fratrem nouit certitudinaliter, ergo & charitatem.

S. Bonavent. Operum Tom. I V.

2. ITEM: Qui diligit fratrem suum, in lumine manet: ergo si charitas est lumen, cum nihil certius videatur quam lumen: ergo, &c.

3. ITEM: Vnctio docebit vos de omnibus, non inquam de omnibus cognoscibilibus, sed de omnibus necessariis ad salutem: sed charitas est maxime necessaria ad salutem: ergo eam maxime nos docet vnctio Spiritus sancti.

4. ITEM quanto aliquid animae est praesentius, tanto certius videtur, & cognoscitur: sed charitas animae est praesentissima, quia est in ipsa anima: ergo, &c.

5. ITEM habens fidem, certus est se habere fidem, nihil enim certius est homini sua fide, ut dicit Augustinus: ergo pari ratione habens charitatem, scit se habere charitatem.

CONTRA: Nemo scit utrum odio, vel amore dignus sit: ergo cum habens charitatem sit dignus amore: nescit se dignum, ergo, &c.

ITEM: Nihil mihi conscius sum, sed non in hoc iustificatus sum: ergo videtur quod homo non habens retrorsum, possit non esse iustificatus: ergo non habere charitatem, sed nullum signum euidentius est charitatis, quam carentia omnis remorsus: ergo si illud est fallibile, cetera sunt fallibilia.

ITEM: Charitas est diligere Deum propter se, & super omnia: infra quod nihil æque, vel supra, vel contra: sed nemo scit utrum præ omnibus diligat Deum: ergo nemo scit utrum habeat certitudinaliter charitatem.

ITEM habens charitatem est Deo acceptus, & constat nobis, & omnibus quod ista sunt conuertibilia: sed nemo scit utrum Deo sit acceptus nisi per reuelationem: ergo nemo scit se habere charitatem nisi per reuelationem.

ITEM: dicit Apostolus quod nesciebat utrum haberet culpam, cum dicit: sed non in hoc iustificatus sum: ergo ab oppositis, nesciebat se habere gratiam: ergo cum charitas non sit sine gratia: ergo, &c.

CONCLUSIO.

Homo quandiu vivit, nec de se, nec de alio potest scire certitudinaliter quod sit in charitate, nisi per reuelationem: quanquam per signa probabilia, probabiliter possit cognoscere.

RESP. Ad arg. Dicendum quod charitatem cognosci certitudinaliter est dupliciter. Vel in vniuersali quid sit, & qualis esse debeat, & sic utique cognosci potest. Alio modo est cognosci charitatem in speciali, siue in hoc, & hoc modo nec de se, nec de alio, quandiu homo vivit, potest certitudinaliter scire. De alio non, quia nemo nouit quae sunt in homine, nisi per signa quae fallacia sunt. De se non, & huiusmodi potest esse quadruplex ratio. Vna & præcipua est diuinae acceptationis implicatio: quia charitas iuncta est gratiae gratū faciēti, quae ideo dicitur gratū faciens, quia reddit hominē Deo acceptū, & ideo charitas sic vocatur, non tantum quia habet charum amatum: sed quia etiam facit hominē Deo charū: & quia nescimus Dei acceptationem certitudinaliter nisi per reuelationem, ideo nescimus nos habere charitatem, nisi per reuelationem doceamur. Secunda ratio est similitudo ipsius ad dilectionem acquisitam. Potest enim contingere aliquem inflamari ad amandum Deum per assuefactionem, qui corrueat per aliquod peccatum spirituale, & tamē semper afficietur, sicut expresse patet per beatum Bernardum in lib. de amore Dei, ubi reprehendit superbientes de deuotione. Tertia ratio est nostri oculi lippitudo, quia oculus noster est sicut oculus noctuae ad manifestissima naturae, sicut dicit Philosophus. Vnde sicut oculus lippus nescit distinguere inter lumen diei, & lumen flammæ, vel lunæ, ita oculus noster spiritualis inter lumen gratiae gratis datae & gratū facientis. Quarta ratio est diuinorum iudiciorū dispensatio. Deus enim claudit oculos seruorum suorum, quantum ad ea quae spectant ad eorum dignitatem, & de quibus possunt efferri. Vnde gratia contraria est superbæ. Superbia enim

sel. lib. de
ord. prae.
lib. arb.
ge an-
simam,
1. 3.

oppositi
8. de
cap. 8.
3.

M 3

aperit

Apoc. 3. d

Tertia con-
clusio.

aperit oculos ad videndum prærogativas, & claudit ad videndum indigétias & defectus, iuxta illud: Dicis quia A diues sum, & locupletatus, & nullius indigeo, & nescis quia pauper es, & cæcus, &c. Sed econtra: Vir sanctus dicit se nihil esse, quia claudit oculos suos Deus ad bona, & aperit ad videnda mala. Et hæc est ratio quare homo non cognoscat charitatem, quæ quamvis per se nõ sufficiat, tamen cum aliis bona est. Credo tamen quod illa est præcipua, quæ primo dicta est. Quamvis autem charitas non possit certitudinaliter cognosci esse in aliquo eam habente: respectu sui tamen potest per signa probabilia cognosci, maxime per mortificationem concupiscentiæ, & amoris vani siue mundani, & per multa alia signa probabilia quæ sancti dicunt, & ponunt.

1. AD illud ergo quod obiicitur in contrarium quod certior est dilectio quam frater: dicendum quod charitas non tantum dicit dilectionem, sed ultra hoc addit quod gratuita est. Et quantum ad habitum dilectionis certitudinaliter est cognoscibilis, quantum vero ad illud quod dicit gratuitum, non.

2. AD illud quod obiicitur quod charitas est lumen, dicendum quod quamvis de se charitas sit cognoscibilis, tamen non cognoscitur à nobis, quia oculus noster lippus est.

3. AD illud quod obiicitur quod vnctio docet nos de omnibus necessariis ad salutem, dicendum quod verum est eo modo quo necessaria sunt: sed scire se habere charitatem, non est necessarium ad salutem, sed solum habere.

4. AD illud quod obiicitur de præsentia charitatis, dicendum quod quamvis substantia habitus sit præsens, tamen conditio quæ concomitatur habitum scilicet diuina acceptio, non est præsens, immo latens in Dei cognitione, & iudicio.

5. AD illud quod obiicitur de fide, dicendum quod non est simile, quia fides dicit habitum purum, non superaddendo acceptationem, sicut charitas, & ideo patet quod non est simile.

Q V Æ S T I O I V.

An charitas à charitate non habente sit cognoscibilis.

Alex. Alenf. in Continuat. 3. p. cell. 57. art. 7. q. 2.
Richardus 1. Sent. dist. 17. q. 4.

Ad opposi-
tum.

VTRVM charitas sit cognoscibilis à non habente: & quod non, videtur, quia omne quod cognoscitur, aut cognoscitur per essentiam, aut per similitudinem. Non per essentiam, quia non est essentialiter in anima peccatrice. Si ergo cognoscitur, hoc est per similitudinem. Sed contra dicit Glossa: Tertium genus visionis quo dilectio intellectiva conspicitur, eas res continet quæ non habent sui similes imagines, quæ non sunt ipsæ: ergo similitudo charitatis non est aliud quam charitas: ergo si caret quis charitate, caret & similitudine eius, & ita nunquam cognoscit charitatem.

ITEM si non habens charitatem cognoscit eam: aut ergo per speciem innatam seu lucem propriam, aut per acquisitam, aut per effectum. Non per innatam, quia anima creata est sicut tabula rasa. Non per speciem E acquisitam, quia omnis species acquisita acquiritur mediante sensu, & imaginatione: sed species charitatis non cadit in sensu, nec in imaginatione.

ITEM non per effectum, quia nemo cognoscit per effectum aliquid, nisi sciat quod causa sit illius effectus. Vnde nullus cognoscit per eclipsin interpositionem terræ, nisi sciat quod interpositio est illius causa. Si ergo per effectum cognoscit, oportet quod sciat prius, quoniam illi est causa charitas, & ita præcognoscit charitatem, nõ ergo per effectum. Si tu dicas quod cognoscit in illa veritate æterna: aut hoc erit effectiue, aut formaliter. Si effectiue, sic omnia cognoscuntur in ea quæ omnia facit scire quæcūq; sciuntur. Si autem formaliter, siue exemplariter, ergo vi-

detur quod vel imprimit aliquam speciem in intellectu, vel necesse est quod ipsa veritas, vel exemplar conspiciatur, quorum alterum est supra improbatum, alterum autem manifeste falsum est.

SED CONTRA: Peccatores desiderant charitatem: sed nullus desiderat quod non cognoscit, quia incognita non possunt diligi, sicut dicit Augustinus, ergo ipsi cognoscunt charitatem.

ITEM aliquis habens charitatem potest habere cognitionem de illa: sed omne quod cadit in intellectu apprehendente, potest in memoria conservari: ponatur ergo quod imprimatur hæc cognitio memoriæ, & quod demum cadat à charitate, constat quod lapsus à charitate memoriæ eius retinuit: ergo adhuc cognoscit eam, ergo charitas potest cognosci à non habente.

ITEM si charitas cognoscitur ab habente, aut hoc est per essentiam, aut per similitudinem. Per essentiam non, constat. Sed probatur quod per similitudinem, quia nihil cognoscit intellectus nisi ab illo informetur: sed charitas habitus est affectus, ergo secundum essentiam illam non egreditur, ergo si vnitur intellectui & illum informat, hoc est per similitudinem, & hæc similitudo potest haberi à non habente charitatem: ergo, & cætera.

ITEM Augustinus dicit 11. de Trin. quod ad hoc quod intellectus intelligat quod est in memoria, necesse est aciem intellectus informari: ergo multo fortius ad hoc quod intelligat quod est in voluntate: ergo si intelligit charitatem, informatur intellectus aliquo, & non substantia charitatis: ergo similitudine: ergo idem quod prius.

C O N C L U S I O.

Charitas, experientia cognitione non potest cognosci præterquam ab habente: speculationis vero, etiam à non habente.

RESP. Ad Arg. Dicendum quod cognitione experientia, non cognoscitur charitas nisi ab habente: cognitione vero speculationis, certum est cognosci charitatem etiam à non habente. Modus autem huius cognitionis non potest esse per charitatis essentiam, nec per similitudinem à sensibus acquisitam: ergo necesse est quod sit per similitudinem infusam, vel innatam: utraque autem quæ sic cognoscuntur ab homine, dicuntur ab Augustino cognosci in veritate æterna, aut quia veritas cognitionem infundit, ut in prophetis: aut quia conditione imprimitur, secundum illud Psalmistæ: Signatum est super nos lumen vultus tui Domine, &c. Charitas autem non cognoscitur à peccatoribus per speciem infusam, ergo oportet quod per innatam cognoscatur. Species autem innata potest esse dupliciter, aut similitudo tantum, sicut species lapidis: aut ita similitudo, quod etiam quædam veritas in seipsa. Prima species est sicut pictura, & ab hac creata est anima nuda. Secunda species est impressio aliqua summe veritatis in anima, sicut, verbi gratia, animæ à conditione sua datum est lumen quoddam directivum, & quædam directio naturalis: data est etiam ei affectio voluntatis: cognoscit ergo anima quid sit rectitudo, & quid affectio, & ita quid rectitudo affectionis: & cum charitas sit hoc, cognoscit charitatem per quandam veritatem, quæ tamen veritas est similitudo charitatis, & tunc recte habet rationem similitudinis, dum accipitur ab intellectu, habet tamen rationem veritatis, propterea est anima. Vnde cum Augustinus dicat quod huiusmodi habitus cognoscuntur in ipsa veritate, & per similitudines quæ sunt idem quod ipse, non dicit hoc, quia non sit aliqua species in intellectu cognoscentis, sed quia in anima non est pura species, sed veritas quædam ab ipsa veritate impressa, & sic patet responsio ad obiecta.

DISTINCTIO XVII. PARS II.

Ponit defensionem suæ opinionis.

Huius Partis Textum supra videre licet.

Hic queritur si Charitas Spiritus sanctus est, cum ipsa augeatur, &c.

Expositio Textus.

SUPRA egit Magister de missione Spiritus sancti inuisibili secundum opinionem suam. Hic secundo ponit opinionis suæ defensionem, & hoc facit respondendo obiectionibus quæ possunt opinionem suam improbare. Et quoniam sua positio improbari potest & ratione & auctoritate, utroque modo, ideo habet hæc pars tres partes. In prima parte per rationem impugnat, & improbat hoc quod dixerat, quod Spiritus sanctus est charitas qua diligimus Deum & proximum. Secundo vero per auctoritatem ibi: *Supra dictum est, quod Spiritus sanctus*. Tertio per auctoritates & rationes ibi: *Alias quoque inducunt, &c.* Prima ratio contra Magistrum sumpta est ex hoc, quod charitas augeatur. Secunda ratio contra ipsum sumpta est ex hoc quod charitas est à Spiritu sancto, sicut dicit Augustinus. Tertia ratio sumpta est ab hoc quod charitas est animi affectio, & hoc quidem rationi & auctoritati consonat. In qualibet autem istarum partium Magister primo opponit, & secundo determinat, & partes manifestæ sunt.

Christo autem qui est Dei Filius non ad mensuram datus est Spiritus. Dub. I.

Videtur Hoc falsum, quia omne finitum habet mensuram: ergo si Christo datus est Spiritus non ad mensuram, Christo datus est Spiritus infinitus. Sed contra hoc est quod omnia creata sunt finitæ capacitatis.

RESP. Hoc infra melius patebit, modo tantum sufficiat, quod hoc vel est dictum propter gratiam unionis, qua fecit quod omnia quæ Dei sunt, sint illius hominis vel propter gratiam capitis, quia in Christo est gratia ad omnes actus non arcata, sicut in capite vigent omnes sensus. Unde illa determinatio non priuat finitatem, sed priuat determinationem ad aliquem actum, siue speciale bonum.

Charitas Dei, inquit, dicta est virtus: &c. Dub. II.

Videtur male dicere quod charitas est affectio, quia nullus habitus est affectio: charitas est virtus, & ita habitus, ergo non est affectio.

RESP. Dicendum quod affectio dicitur quadrupliciter. Vno modo ipsa vis affectiua: alio modo dicitur affectio, passio vis affectiua, ut gaudium & dolor & huiusmodi: tertio modo dicitur actus potetiae affectiue: quarto modo dicitur habitus affectiuus, sicut intellectus vno modo dicitur habitus principiorum, & est regula intellectus: & hoc modo accipitur cum dicitur quod charitas est affectio, & similiter accipit Bernardus cum dicit quod virtus est affectio ordinata.

Alios actus, &c. Dub. III.

CONTRA: Per hoc quod dicit quod charitas intus operatur alios actus, atque motus, mediantibus aliis virtutibus: videtur dicere contra illud, quod obicitur ad Galatas: Fides per dilectionem operatur.

RESP. Dicendum quod quamvis illud possit sustineri quod charitas operatur mediantibus aliis virtutibus tamquam ministris, & alia nihilominus per charitatem adiuuantem & dirigentem, tamen solutio Magistri quam hic facit, non valet, quia Magister petit principium in soluendo. Supponit enim in solutione oppositum eius

A quod probatur. Cum enim Spiritus sanctus non efficiat in nobis opera aliarum virtutum sine habitibus mediis, quo modo efficit in nobis opus dilectionis? Si tu dicas quod ipse dilectio est, similiter possum dicere quod Filius est sapientia & Verbum, ergo pari ratione sine habitu medio debet illuminare intellectum. Et propter hoc Magistri opinio non est ita probabilis, nec quantum ad rationes, nec quantum ad auctoritates. Quod patet si attendantur prædictæ solutiones.

Nec ipse diuiditur. Dub. IV.

Videtur dicere falsum quod Spiritus sanctus non diuidatur, quia dicitur quod Dominus dixit Moyse: Auferam de spiritu tuo, &c. Item de spiritu suo dedit nobis: si dedit de Spiritu, videtur quod vel totum dedit, vel diuisit in partes.

RESP. Dicendum quod Spiritus sanctus est in semetipso simplex, & ideo in se indiuisus: sed in effectibus est multiplex: & ideo quantum ad effectum diuiditur, quia non datur singulis ad omnia: & hinc est quod plenius datus est Moyse quam aliis, & quod ideo dicit: Auferam de spiritu tuo: & quia non ad omnia datur nobis, ideo dicit beatus Ioannes: De spiritu suo dedit nobis.

ARTICVLVS I.

AD intelligentiam huius partis est quæstio de augmento charitatis, & circa hoc queruntur quatuor. Primo queritur utrum charitas possit augeri secundum substantiam. Secundo queritur de modo augmenti ipsius charitatis. Tertio queritur de opposito augmenti ipsius, scilicet de diminutione, utrum charitas possit diminui. Quarto de augmento charitatis quantum ad terminum, siue ad statum.

QVÆSTIO I.

An charitas secundum substantiam augeri possit.

*Alex. Alensis in Consinnat. 3. p. coll. 69. art. 1.
S. Tho. 2. 2. q. 24. art. 4.
Et 1. 2. q. 52. art. 1.
Et 1. 1. Sent. dist. 17. q. 2. art. 1.
Et de Veris. q. 1. art. 11.
Scotus 1. Sent. dist. 17. q. 4.
Et in Report. 1. Sent. dist. 17. q. 3.
Egid. Rom. 1. Sent. dist. 17. p. 2. q. 1.
Richardus 1. Sent. d. 17. q. 1. art. 2.
Franciscus de Mayr. 1. Sent. dist. 18. q. 1.
Thom. Arg. 1. Sent. dist. 17. q. 2. art. 1.
Steph. Brulef. 1. Sent. dist. 17. q. 6.
Petrus de Tarantaf. 1. Sent. dist. 17. q. 7.
Gabriel Biel. 1. Sent. dist. 17. q. 4.*

Quam ad primum ostenditur quod charitas possit augeri secundum substantiam per Augustinum ad Bonifacium: Charitas metetur augeri, ut aucta mereatur perfici.

ITEM hoc ipsum videtur ratione: Charitas viæ secundum substantiam minor est charitate patriæ: sed à charitate viæ ad charitatem patriæ conuenit deuenire, ipsa saluata inesse (quoniam charitas viæ nunquam excidit) sed motus à minori ad maius re salua, est augmentum: ergo conuenit charitatem augmentari.

ITEM constat quod diuersis maiora & minora præmia dabuntur. Unde Apostolus: Alia claritas solis, alia claritas lune, &c. Et constat quod vni & eidem secundum diuersos status debetur diuersum præmium, scilicet maius & minus: sed magnitudo præmij substantialis respondet quantitati charitatis, non secundum feruorem, sed secundum substantiam: ergo si contingit maius præmium alicui deberi: ergo & charitatem substantialiter augeri.

ITEM contingit charitatem meliorari, cum non sit summum bonum: sed charitas est bona substantialiter: ergo contingit charitatem secundum suam substantiam fieri meliorem. Sed ut dicit Augustinus in 7. de Trin. In spiri-

tualibus idem est maius & melius: ergo cum charitas sit A quid spirituale, possibile est secundum substantiā ipsam effici maiorem.

ITEM constat quod in vno & eodem charitas potest in maiorem effectum & actum: ergo cum maioritas effectus veniat à magnitudine virtutis, possibile est charitatem maiorem effici secundum virtutem. Tunc quæro, aut charitas est sua virtus, aut non. Si sic, ergo augmentata virtute, necesse est augeri essentiam charitatis. Si non, tunc quæro de illa virtute, aut habet essentiam, aut non. Si sic, similiter de illa: ergo vel erit abire in infinitum, vel necesse est poni, quod aliquid augeatur secundum substantiam: sed qua ratione alia virtus, & charitas.

1. SED CONTRA: Charitas est forma: sed omnis forma consistit in essentia invariabili: ergo & charitas: sed nihil invariabile secundum essentiam augetur secundum essentiam: ergo nec charitas.

2. ITEM vbi augmentum, ibi maius & minus, sed vbi est simplicitas ibi non est maius & minus: si ergo charitas est forma simplex & non extensa, in charitate non erit augmentum.

3. ITEM augmentum in corporalibus est secundum accidens, & non secundum substantiam: ergo pari ratione & in spiritualibus: ergo si charitas augetur, hoc est secundum accidens non secundum substantiam.

4. ITEM quod augetur, mutatur, & quod augetur secundum substantiam, mutatur secundum substantiam: sed quod substantialiter mutatur, est aliud nunc quam prius: ergo quod augetur secundum substantiam non manet: si ergo charitas nunquam excidit nisi per peccatum, sed semper manet: ergo non augetur.

CONCLUSIO.

Charitas secundum substantiam augeri potest, cum virtus qua augetur, sit substantia charitatis.

RESP. Ad arg. Dicendum quod secundum communem opinionem verum est charitatem substantialiter augeri. Ad intelligentiam autem obiectorum, distinguunt quidam augmentum secundum duplicem differentiam. Augmentum enim est quando minori succedit maius, hoc autem potest esse dupliciter, vel ita quod illud idem quod prius fuit minus, postea fiat maius, sicut homo dicitur augeri, vel aliquid aliud quantum, & hoc modo charitas non augetur, ut dicunt. Vel ideo quod minori succedat maius, non idem in numero, sed consimile in forma, sicut dies dicitur augeri, non quia idem dies primo sit minor, & postea maior, sed quia minori succedit maior, sic dicunt augeri charitatem, ac per hoc posse euadere oppositiones. Sed positio ista, ut supra probatum est, non potest stare. Oñsum est enim quod charitate manente eadem, contingit circa eadem fieri crementum, & perfectionem. Et ideo aliter dicendum quod augmentum sequitur quantitatem. Quantitas autem dicitur dupliciter, sc. proprie, & metaphorice. Proprie dicitur quantitas molis, & hæc est in corporalibus. Metaphorice, quantitas virtutis, & hæc in spiritualibus. Sic & augmentum dicitur dupliciter, proprie, sc. secundum magnitudinem molis, & metaphorice secundum quantitatem virtutis: cum ergo in charitate sit quantitas virtutis, & non in summo: constans est charitatem augeri posse. Rursus, cum virtus idem quod substantia charitatis, & sit quantitas virtutis, hinc est quod de necessitate sequitur charitatem augeri secundum substantiam: cum enim sit virtus, eius substantia non est alia à virtute.

1. AD illud ergo quod obiicitur in contrarium quod essentia formæ est invariabilis, dicendum quod verum est de forma vniuersali: si autem dicatur de forma singulari, verum est in se considerata: sed non propterea in alio.

2. AD illud quod obiicitur quod simplicitas non admittit magnitudinem, dicendum quod verum est quod

non admittit magnitudinem molis admittit tamen magnitudinem virtutis.

3. AD illud quod obiicitur quod in corporalibus est motus augmenti secundum accidens, patet responsio. Nam quantitas molis est accidens, essentialiter differens à quāto: non autem sic est in quantis quātitate virtutis, immo quātitas virtutis essentialis est, ut in opponendo probatum est. Potest tamen dici quod cum dicitur: Motus augmenti in corporalibus est motus secundum accidens dupliciter potest accipi, hoc, quod est secundum. Aut quod dicat habitudinem termini per se, siue termini formalis, & sic utique terminus augmenti est quantitas perfecta. Aut ita quod dicat terminum per accidens, & hoc modo augmentum respicit substantiā quod patet. Cum enim additur quantitas maior minori, nisi fiat per rarefactionem vel per protensionem, oportet quod addatur substantia in qua sit illa quantitas: & ita augmentum plus habet de substantia, & ita per consequens ad substantiam terminatur etiam in corporalibus. Et per hoc patet quod obiicitur quod non augetur secundum substantiam: verum est si dicat terminum formalem: sed non si dicit terminum per accidens.

4. AD illud quod obiicitur quod augmentatur secundum substantiam, & mutatur secundum substantiam, dicendum quia rei non tantum est esse substantiale, sed etiam perfectum esse. Mutari ergo secundum substantiā hoc potest esse dupliciter, vel respectu esse simpliciter, & sic mutatum est aliud, & aliud: vel respectu esse perfecti, quia cum de imperfecto sit imperfectum, non est aliud, sed idem. Et hinc est quia charitas quamvis substantialiter augeatur, non est alia, sed eadem secundum substantiam, vnde non valet obiectio.

QVÆSTIO II.

An Charitas seipsa, vel aliunde augeatur.

*Alex. Alensis in Continuat. 3. p. coll. 69. art. 2. & 3.
S. Tho. 2. 2. q. 24. art. 5. Et 1. Sent. dist. 17. q. 1. art. 1.
Scotus in Reportariis 1. Sent. dist. 17. q. 4.
Egidius Rom. 1. Sent. dist. 17. prin. 2. q. 1. art. 1.
Richardus 1. Sent. d. 17. q. 2. art. 3.
Tho. Arg. 1. Sent. dist. 17. q. 2. art. 2.
Gregor. Arim. 1. Sent. dist. 17. q. 6.
Gab. Biel. 1. Sent. dist. 17. q. 7.*

DE modo augmenti ipsius charitatis. Et quod augmentum eius sit aliunde, ostenditur per Augustinum qui dicit quod charitas meretur augeri: sed quod aliquis mereatur, habet ab alio quam à se: ergo si charitas meretur augmentum, habet ipsam aliunde.

ITEM quod augmentetur per appositionem, videtur per rationem: Augmentum enim est præexistentis quantitatis additamentum: ergo vbi est augmentum, ibi est oppositio alicuius eiusdem generis, & vbi appositio, ibi additio: ergo, &c.

ITEM hoc videtur posse ostendi per simile, quod charitas est anima, sicut lux in aëre: sed lux in aëre non augetur per additionem noui luminis, ut patet, si vni candela illuminata superuenit alia: ergo & in charitate erit similiter respectu animæ.

ITEM hoc videtur per principium augmenti, quia ex eisdem vnumquodque nutritur, & augetur: ergo per consimilem modum habet charitas augeri, generari, & conservari: sed generatur in nobis per diuinam influentiam: ergo & per eandem maiorem augetur: sed vbi maior influentia, aliquid plus influit, quam prius: & vbi hoc, ibi est additio, ergo, &c.

1. CONTRA: Maioris virtutis est calor amoris spiritualis, quam ignis materialis: sed ignis seipso augetur: ergo charitas, quæ est ignis spiritualis.

2. ITEM quod non per oppositionem, videtur, quia si simplex simplici addatur, nihil maius efficitur, nec mole, nec virtute, ut si punctus puncto: ergo nec si charitas addatur charitati, erit maior.

3. ITEM si additur aliquid, cum additionem sequa-

tur

tur compositio, & ad maiorem compositionem virtutis diminutio: ergo quanto maior sit additio, tanto efficitur charitas impotentior, & quanto impotentior, tanto minor: ergo cum augmentum charitatis sit quantum ad virtutem, charitas non augetur per additionem.

4. ITEM si aliquid addatur priori charitati, aut additum est charitas, aut non. Si non: ergo non auget charitatem. Si vero est charitas: sed charitas non est materialis respectu charitatis: ergo cum ex aliquibus duobus non fiat vnum, nisi vnum sit materiale respectu alterius, ex charitate præexistente, & superaddita nun sit vnum: sed ad augmentum necesse est fieri vnum ex augente, & aucto: ergo nullo modo potest per additionem augeri.

CONCLUSIO.

Charitas augetur per appositionem, & non per depurationem, vel impermissionem: augetur tamen diuina virtute, sicut ab ea creatur.

RESP. Ad arg. Ad prædictorum intelligentiam notandum quod circa hoc fuit duplex opinio. Vna est quod augmentum charitatis est per depurationem, siue per impermissionem cum contrario. Contrarium autem amoris Christi est amor concupiscentiæ: vnde quanto magis in nobis extinguitur concupiscentia, tanto magis depuratur charitas: & quanto magis depuratur, tanto magis assimilatur Deo, & accedit ad terminum: & quanto magis accedit, tanto magis augetur: & isti posuerunt charitatem per se posse augeri per assuefactionem in bono, & debilitationem concupiscentiæ. Ratio autem quæ istos mouit, fuit auctoritas Philosophi, qui dicit formas intendi per accessum ad terminum, & impermissionem cum contrario. Fuit etiam cum hoc auctoritas Augustini, qui dicit in libro 83. quæst. quod sicut minuitur concupiscentia, sic crescit charitas, & tale augmentum per maiorem depurationem simplici, non reuolat. Sed ista positio non est conueniens, quia constans est, charitatem maiorem & minorem esse, omni sublata concupiscentia, sicut in primo homine, & etiam in Angelis: ergo cum omnino sit ibi impermissa, in quolibet Angelo, & etiam in statu innocentia esset in summo, quod stultum est dicere. Vnde non est dicendum quantum ad remissionem concupiscentiæ augeri secundum substantiam concedendum est tamen quantum ad remissionem concupiscentiæ intueri per feruorem. Et hoc modo intelligit Augustinus. Et hoc modo loquitur etiam Philosophus de formis quantum ad intensionem, non quantum ad augmentum. Alia positio est quod charitas augetur per appositionem, & huius simile habetur in lumine quod expresse charitati assimilatur. Vnde sicut maius lumen additum minori, ipsum auget, sic charitas superaddita auget minorem. Et hæc positio ponit charitatem non augeri virtute propria, sed diuina. Idem enim est principium augendi, & generandi. Vnde sicut à solo Deo habet ortum, ita & augmentum.

1. Ex hoc patet illud quod obiicitur per simile in igne. Ignis enim habet potestatem se faciendi in alio, & augendi, non sic charitas.

2. AD illud quod obiicitur secundo quod charitas sit simplex, quia non habet partes quantitativas quantitate molis, habet tamen quantitate virtutis, & quantum ad illam potest augeri. Si obiiciatur de puncto quod habet quantitatem virtutis, & tamen non augetur, dicendum quod ad hoc quod aliquid sit natum augeri per appositionem consimilis quantitatis, duo sunt necessaria, scilicet quantitas, & vnibilitas. Vnibilitas autem venit ex imperfectione: perfectio enim in quantum huiusmodi, non est possibilis additio: ideo puncto non potest fieri additio. Licet ergo punctus habeat quantitatem virtutis, non tamen habet vnibilitatem, quia est quoddam perfectum in suo genere. Aliter potest dici quod punctus est simplicissimus in genere quanti, molis: & ideo est infini-

tum virtute, charitas autem nulla est simplicissima in genere quanti virtualis, nisi diuina: & ideo illa est infinita; & quoniam illa non potest augeri per additionem, ita nec virtus puncti. Et si obiicias mihi quod virtus puncti est creata: ergo non est infinita, dicendum quod quia punctus est quid simplicissimum in genere; non simpliciter: ideo non habet infinitam virtutem simpliciter, sed in genere respectu linearum. Præterea punctus non est omnino actus: sed terminus respectu linearum: ideo non habet potentiam actiuam infinitam, sed passiuam: quia non proprie dicitur punctus posse lineas producere, sed potest statui terminus lineæ: hoc non est inconueniens ponere in creatura: ideo virtus puncti non est augmentabilis, vt virtus charitatis.

3. AD illud quod obiicitur quod quanto aliquid est magis compositum, tanto est impotentius, dicendum quod illud generaliter intellectum est falsum. Propter hoc distinguendum quod sunt partes materiales, & sunt partes formales, quæ dant actum, & virtutem toti. Simplex igitur magis potest dici per priuationem partium materialium: & tunc habet propositio veritatem, quia tales partes potius dant pati quam agere. Vnde quanto aliquid magis elongatur à materia tanto est potentius. Si autem dicatur magis simplex, quia pauciores habet partes formales, siue actiuas, falsum est: quia tunc ignis minor, potentior esset quam maior. Sirupus compositus ex paucis virtuosior esset quam ille qui constat ex multis: quorum vtrumque falsum est: & ideo prædicta propositio est similiter falsa, quoniam tam charitas præexistens quam adueniens, vtrique habet rationem actiui. Potest tamen & aliter responderi secundum veritatem quod charitas augmentata non est magis composita, immo magis simplex: & hoc sic patet, quia contrario modo est in quâto molis, & in quâto virtutis. In quanto molis simplicissimum est minimum, vt punctus: & ideo in hoc genere quanti accessus ad simplicitatem est per diminutionem, recessus est e contrario per additionem: in quanto vero virtutis, simplicissimum est maximum: & ideo accessus ad simplicitatem est per additionem, & hinc est quod charitas augmentata est purior, & simplicior, & Deo similior. Nec videatur hoc inconueniens, quia addere puritatem, & simplicitatem, & spiritualitatem alicui, non facit recessum à simplicitate, sed magis accessum.

4. AD illud quod obiicitur, vtrum ex eis fiat vnum: dicunt quidam quod sicut diuersa lumina sunt in aëre distincta & inconfusa, attamen vnum maius lumen reddunt propter concursum in vnum susceptibile: sic in lumine spirituali, quod est gratia, vel charitas, dicendum quod distincta sunt essentialiter: tamen vnum maius efficiunt in mouendo virtutem liberi arbitrij. Sed tamen illud non est simile: quia distinctio luminarium in aëre, venit à parte originum diuersarum, vt puta quando plura sunt lucentia, non sic est in gratia. Et ideo, dicendum quod ex eis fit vnum.

5. AD illud quod obiicitur quod se non habet in ratione materialis, dicendum quod augmentationem dupliciter contingit fieri. Aut per virtutem ipsius augmentabilis, vt patet in animali, & tunc augmentabile habet se in ratione formalis, & actiui augmentans in ratione materialis, & passiui. Contingit & augmentum fieri per virtutem extrinsecam, possibilitate sola, & vnibilitate existente in augmentabili, & tunc augmentabile, quia imperfectum se habet in ratione passiui: augmentans, quia perficiens, in ratione formalis & completiui, quia dat quantitatem perfectam: Quid ergo obiicitur quod vnum non est in potentia ad aliud, dicendum quod non est in potentia ad conuersionem, sed est & in potentia ad vnionem: & potentia ista est in charitate ratione suæ imperfectionis: quia enim imperfecta est, ideo possibilis perfici, & ideo vnibilis rei perficienti. Vnde non habet possibilitatem ad illud, quod additur in quantum charitas: sed in quantum imperfecta: & sic patet illud.

QVÆSTIO III.

An Charitas minui possit.

Alex. Alenf. Continuat. 3. p. coll. 70. art. 1. & 2.
 S. Thom. 2. 2. q. 24. art. 10. Et 1. Sent. dist. 17. q. 3. art. 5.
 Et de Malo. q. 7. art. 2.
 Agid. Rem. 1. Sent. dist. 17. prin. 2. q. 5.
 Richard. 1. Sent. dist. 17. art. 2. q. 5.
 Franciscus de Mayr. 1. Sent. dist. 19. q. 2.
 Thomas Argent. 1. Sent. dist. 17. q. 2. art. 4.
 Petrus de Tarantaf. 1. Sent. dist. 17. q. 11.

Vtrum charitas possit diminui. Et quod sic, videtur per naturam sui oppositi, sic, sicut dixit Augustinus: Venenum charitatis est cupiditas: unde dicit quod ubi magna cupiditas, ibi parua charitas, & in lib. Confess. Minus te amat, qui aliquid tecum amat quod non propter te amat. Si ergo contingit cupiditatem non tantum remitti, sed etiam augeri: per contrarium contingit charitatem diminui.

2. **ITEM** veniale est malum: sed non est malum, nisi quod adimit aliquid de bono: ergo veniale adimit aliquid. Sed naturalisabilitas est multo maioris inhærentiæ quam charitas: ergo cum veniale adimat de bonitate naturali: ergo & de charitate: ergo, &c.

3. **ITEM** hoc ipsum ostenditur per naturam sui subiecti. Quia sicut hominem contingit proficere, ita retrocedere: sed per profectum liberi arbitrii contingit in nobis charitatem augeri, dum ascenditur ad perfectionem: ergo cum conueniat eisdem gradibus redire ad imperfectionem, conuenit charitatem diminui.

4. **ITEM** omne illud quod sui dehabilitatione in termino est causa corruptionis, per sui dehabilitationem citra terminum est causa diminutionis: sed liberum arbitrium dehabilitatum per auersionem est causa corruptionis charitatis: ergo dehabilitatio eius sub Deo est causa diminutionis.

5. **ITEM** hoc ipsum ostenditur per naturam ipsius charitatis sic: Opposita nata sunt fieri circa idem: sed augmentum, & diminutio sunt opposita: ergo si conuenit charitatem augeri, conuenit & diminui.

6. **ITEM** quod potest saluari sine coniunctione sui ad aliquid, potest illud ab illo post coniunctionem separari: sed charitas ante additionem habet esse sine addimento, ergo potest separari: & si hoc: ergo & diminui: ergo, &c.

CONTRA: Charitas est forma simplex, & vniformis per totum: ergo quod adimit de charitate, qua ratione adimit vnā partem, adimit & totum: & si hoc, ergo nunquam diminuitur.

ITEM magnitudo charitatis est secundum magnitudinem diuinæ influentiæ: ergo diminutio eius est per diminutionem influentiæ, sed Deus non subtrahit influentiam suam nisi offensus, & non offenditur nisi per auersionem ab ipso & contemptum: ergo non diminuitur charitas nisi per peccatum mortale: sed hoc non est aliud quam charitatem tolli: ergo, &c.

ITEM omne illud quod diminuit alterum, est illi oppositum: sed veniale, vel cupiditas, siue concupiscentia circa Deum, non opponitur charitati, immo est omnino illi contingens: ergo non diminuitur.

ITEM quod diminuit alterum, habet posse super illud: sed veniale non habet posse supra charitatem, quia plus diligit charitas Deum quam cupiditas creaturam, ergo, &c.

ITEM hoc ipsum ostenditur per impossibile hoc modo: Si veniale diminuit charitatem: ergo aliquid diminuit ab ipsa: ergo si charitas non est infinitæ magnitudinis: ergo veniale aliquoties iteratum totam adimit charitatem, quod falsum est.

ITEM si diminuit charitatem secundum substantiam: ergo minuit præmium substantiale ei debitum: sed præmium substantiale est bonum æternum: ergo veniale aliquid aufert de bono æterno: sed ablatio boni æterni, vel simpliciter, vel secundum partem est pœna æterna:

A ergo veniale meretur pœnam æternam, quod est contra communem opinionem. Si ergo veniale non minuit vnum, nec aliud.

CONCLUSIO.

Charitas secundum substantiam non minuitur, cum non habeat nisi peccatum mortale pro opposito, a quo non minuitur, sed tota tollitur.

RESP. ad Arg. Dicendum quod circa hoc duplex opinio est, fundata super duplicem opinionem præcedentem, de modo augmentandi charitatem. Quidam enim dicunt charitatem augeri per impermixtionem, & cum impermixtio maior sit secundum maiorem liberi arbitrii habilitationem, & secundum concupiscentiæ diminutionem: & e contrario permixtio per dehabilitationem liberi arbitrii, & augmentatationem concupiscentiæ, dicunt per consequens eam diminui: secundum quod augetur cupiditas, vel concupiscentia, & dehabilitatur liberum arbitrium, & hoc est per veniale peccatum: sed quoniam veniale peccatum manens veniale nunquam toties iteratur quod concupiscentiam augeat, ita quod aliquid diligit supra Deum: ideo charitas per venialia potest diminui, sed non tolli: tollitur autem per mortale, quod auget concupiscentiam supra Deum. Sed hæc opinio, ut supra probatum est, non habet stabile fundamentum: quoniam substantiale augmentum charitatis non venit à libero arbitrio: ideo nec à concupiscentia diminutio.

Et propter hoc ponitur alia opinio probabilior quod charitas non minuitur substantialiter, & hæc opinio fundatur super hoc quod augmentum charitatis fieri habet per additionem, vel incrementum maioris influentiæ: quo supposito, dicendum quod charitas secundum substantiam non minuitur, sed augetur. Et ratio huius sumitur à parte oppositi, siue agētis. Nam charitas non habet oppositum, nisi mortale peccatum: per illud autem non minuitur, sed tollitur: concupiscentia autem, siue cupiditas, & veniale peccatum, opponuntur charitati secundum feruorem solum, quia simul stant, & substantialiter sunt sese contingencia Et ideo soluendum ad duo prima, quod illud August. de cupiditate & minori amore, similiter ad illud de veniali diminutione, locum habet solum quantum ad feruorem charitatis: & sic patet duo prima: Sumitur & ratio quare charitas nō minuitur à parte ipsius subiecti quod est liberum arbitrium secundum conuersionem ad Deum: liberum autem arbitrium ad augmentum charitatis se disponit per habilitationem: similiter ad diminutionem per dehabilitationem citra mortale: sed hæc dispositio est de congruo, non de condigno: & quoniam Deus est prior ad miserendum, quam ad condemnandum, & ad donandum quam ad abstrahendum: hinc est quod charitatem tribuit cum se liberum arbitrium disponit de congruo, sed non abstrahit, nisi quando necessario se disponit ad abstractionem, vel subtractionem gratiæ: hoc autem solum est per auersionem, & tunc totum tollit.

1. Et hinc est quod charitas nunquam minuitur, sed augetur, quia solum de congruo potest se præparare subiectum ad diminutionem.

2. 3. 4. Ad illud quod obiicitur quod sicut homo proficit, ita retrocedit frequenter, dicendum quod non sic diminuitur per descensum substantialiter charitas, sicut augetur per ascensum. Quod autem obiicitur quod liberum arbitrium potest totum priuare per dehabilitationem, &c. dicendum quod illud falsum est: quia forma substantialis omnino priuatur per dispositionem ad oppositum in termino, non tamen minuitur per dispositionem citra terminum. Præterea illud habet locum quando dispositio in termino, & citra terminum sunt eiusdem generis: non sic autem est in proposito: quia vna est mortale peccatum, alia veniale. Sumitur etiā ra-

Opin
alioruOpin
Aoris

tio

tio quare non potest minui à parte naturæ suæ : ipsa enim est influentia secundum diuinam acceptationem : sed quod Deus acceptet, hoc est ab ipso : & ita quod magis & magis acceptet, & ita de sua natura potest augeri : quod autem minus acceptet, hoc non est ex se : ergo oportet quod veniat à nobis : ergo charitas de se habet augeri : minui verò non habet nisi à nobis, vt supra ostensum est : per nos autem non potest minui, & ideo charitati debetur augmentum naturaliter.

5. Ad illud ergo quod obiicitur quod opposita nata sunt, &c. dicendum quod verum est, nisi alterum insit per naturam.

6. Ad illud quod obiicitur : Potest esse sine additione, ergo separari, dicendum quod istud verum est si esset aliquid separans : sed nihil est quod separet.

QVÆSTIO IV.

An charitas terminum habeat in augmento.

Alexander Alensis in Continuat. 3. p. coll. 71. art. 1.

S. Thom. 2. 2. q. 24. art. 7.

Scot. 1. Sent. dist. 17. q. 3. & 4.

Egid. Rom. 1. Sent. dist. 17. princ. 2. q. 4.

Richard. 1. Sent. dist. 17. art. 2. q. 3. & 4.

Franciscus de Mayr. 1. Sent. dist. 19. q. 1.

Thom. Arg. 1. Sent. dist. 17. q. 2. art. 3.

Steph. Brulef. 1. Sent. dist. 17. q. 7.

Petrus de Tarantaf. 1. Sent. dist. 17. q. 1.

Gabriel Biel 1. Sent. dist. 17. q. 8.

DE augmento charitatis quantum ad terminum : vtrum habeat statum, vel terminum ultra quem non possit augeri. Et quod sic ostenditur hoc modo.

Omne quod est in aliquo, non excedit capacitatem eius in quo est : sed charitas est in anima : ergo non excedit animæ capacitatem. Sed capacitas animæ est finita, quia omnis potentia finita habet capacitatem finitam : ergo & charitas.

ITEM augmentum charitatis attenditur secundum quantitatem virtutis : sed quantitas virtutis similis est quantitati molis, & perfectior. Sed in quantitate molis in augmentando est status, vnde Philosophus : Omnium natura constantium terminus est, & ratio magnitudinis, & augmenti : ergo similiter est in quantitate virtutis.

ITEM augmentum charitatis attenditur per accessionem ad charitatem perfectam : ergo quod semper augetur nunquam venit ad perfectum. Perfectum autem est, cui non est possibilis additio : sed charitatem, cum sit opus Dei, conuenit perfici : Dei enim perfecta sunt opera : ergo, &c.

ITEM augmentum charitatis attenditur secundum approximationem ad finem : nam quanto charitas maior, tanto fini proximior : ergo nunquam peruenit ad finem : aut si sic, necesse est stare, quia alias esset frustra : ergo, &c.

1. CONTRA : Quod non sit status, ostenditur à parte virtutis augmentantis. Tantum enim extenditur augmentum, quantum virtus augmentativa : sed virtus augmentans charitatem, est virtus diuina quæ non habet terminum & statum : ergo, &c.

2. ITEM hoc ipsum videtur à parte suscipientis. Si enim se habet transparens ad lumen corporale, sic capacitas animæ ad lumen gratiæ, siue charitatis. Sed aer nunquam tantum recipit de lumine, quin adhuc possit plus recipere : ergo, &c.

3. ITEM hoc videtur ostendi posse à parte augmentabilis : quod est charitas, quia ipsa est æque in actu, vel amplius, sicut ignis materialis, sed ignis materialis ratione suæ actualitatis augetur in infinitum, si adfit combustibile, sicut dicit Philosophus : ergo similiter charitas de se.

4. ITEM hoc ipsum ostenditur à parte obiecti charitatis, quod est summum bonum non habens mensuram : ergo si mensura charitatis debet attendi per magnitudinem obiecti, & illud caret modo & men-

A sura : ergo & charitas : & sic hoc, ergo non habet statum, nec terminum.

CONCLUSIO.

Charitas habet terminum in augmento tum à parte agentis à proposito operantis, tum ex parte suscipientis.

RESP. Ad Arg. Dicendum quod status est in augmento charitatis, secundum omnem modum, secundum quem conuenit esse statum, & perfectionem in motu augmenti. Augmentum enim, sicut patet in corporalibus, habet statum à tribus, videlicet à virtute agente, & potentia suscipiente, & forma perficiente. Sic est in homine : cuius augmentum stat, quando virtus caloris, & carnis secundum speciem non potest amplius conuertere quam deperdatur : quando potentia humidi radicalis non potest plus extendi : quando corpus perfectum est secundum quod congruit perfectioni animæ. Sic dicendum quod charitas stat à parte virtutis agentis, sed huiusmodi status potest esse dupliciter. Nam illa virtus, aut est operans naturaliter, aut à proposito. Si naturaliter, tunc stat, quando non potest amplius. Et hoc modo stat charitatis augmentum, cum deuentum est ad mensuram quam mensus est Deus homini secundum distributionem suæ sapientiæ : & ideo licet virtus augmentans sit infinita, tamen operatur secundum dispositionem sapientiæ limitantis effectus varios secundum quod placet sibi : Non enim operatur secundum omnimodam possibilitatem. Stat etiam à parte suscipientis, quia sicut dicitur per Matthæum : Dedit unicuique secundum propriam virtutem. Et huiusmodi status potest intelligi tripliciter. Aut secundum actum, cum amplius nō procedit, & sic stat in viris perfectis, qui non assurgunt ad maiora. Aut secundum aptitudinem, & sic stat in beatis qui amplius non possunt se disponere, & tantum habent, quantum se disposuerunt : vnde status est in eis. Aut secundum possibilitatem suscipientis, & sic statum habet in Christo, & credo etiam quod in beata Virgine : & aliqui dicunt quod in Angelis. Vtrum in aliquibus aliis nescio. Scio tamen in Christo, quia tantum habet de gloria, quantum potest recipere creatura vnita, & credo hoc ipsum de matre dulcissima. Stat etiam à parte augmentabilis, cum peruenit ad quantitatem perfectam. Sed notandum quod quantitas virtutis perfecta est dupliciter : vel simpliciter vel in genere. Simpliciter perfecta est in summo & simplicissimo, vt in Deo. In genere vero in omnibus qui pertingunt ad actum completum ad quem sunt, & hoc est diligere Deum ex toto corde, & ex tota anima, & ex tota virtute. Primo modo non est status, sed secundo solum.

1. AD illud quod obiicitur primo de infinitate virtutis agentis, dicendum quod illa ratio teneret, si virtus charitatem augmentans ageret naturaliter & secundum impetū, siue secundum totum suum posse : nunc autem agit sapienter, & ita ponit unicuique limitem, ipsa in se non limitata.

2. AD illud quod obiicitur per simile in aëre, quod suscipientis potentia est ad infinitum, dicendum quod lumen augeri in aëre, hoc est dupliciter. Vel per ipsius clarificationem vel per luminū aggregationem. Primo modo credo quod statum habeat : adeo enim posset aer illuminari, quod si etiam superueniret aliud lumen, non magis claresceret. Alio modo potest augeri lumen in aëre per luminum aggregationem, & sic quia lumina diuersorum luminarium sunt in eodem puncto aëris, nō se angustant, nec se expellunt, sicut multæ species in vno medio, & ita nunquam sunt tot species, quin plures possint esse : similiter de luminibus. Sed tunc non est simile de charitate, quoniam sicut prius tactum est, in vna anima tantum est vna charitas : non sic est de lumine, quod egreditur à diuersis luminaribus.

3. AD illud quod obiicitur à parte augmentabilis quod ignis in infinitum est augmentabilis, dicendū quod ca-

D. ff. de
S. l. h.
p. r. s.
4. C.
Scot.
4. q.
ch. r.
non p.
geri i.
nitum

Mat

Inf. di.
44. C.
3. dist.
art. 1. q.

Deut.

lor

lor potest augeri dupliciter. Vel intensiue, & sic statum habet & summū. Vel extensiue, id est, ut sit in pluribus, & sic non habet statum à parte sua: sed à parte cōbustibilis, quod finitum est. Similiter dico quod charitas potest augeri intensiue, ut magis diligat, & sic habet statum, sicut ignis. Alio modo extensiue, ut à parte dilectorum, & sic non habet statum ex parte sua, quia nunquam tot diligit, quin adhuc nata sit diligere plures.

4. Ad illud quod obiicitur à parte obiecti charitatis, dicendum quod obiectum nihil ad hoc facit, quia obiectum semper est idem non mutatum, & est infinitum: & ideo nunquam ei charitas commensuratur, nec ad eius mensuram recipit augmentum, nec decrementum.

DISTINCT. XVIII.

Vtrum eadem ratione Spiritus sanctus dicatur donum, & datum siue donatum.

PRÆTEREA diligenter considerandū est, cum Spiritus sanctus dicatur donum & datum, utrum eadem ratione utriusque nomen ei conueniat: quod utique videri potest. Cum enim idem sit, Spiritum sanctum dari, & Spiritum sanctum donari, ex eadem ratione videtur Spiritus sanctus dici datum, & donum. Hoc etiam videtur Augustinus significare in 15. lib. de Trinit. cum ait: Spiritus sanctus in tantum donum Dei est, in quantum datur eis, quibus datur: apud se autem Deus est, etsi nemini datur. Ecce aperte dicit, Spiritum sanctum donum appellari, quia datur. Si autem ex eo tantum appellatur donum, quia datur, non ab aeterno fuit donum, quia non datur nisi ex tempore.

Responsio quare datum, siue donatum dicatur Spiritus sanctus.

Ad quod dicimus, quia Spiritus sanctus & donum dicitur, & datum siue donatum: sed datum siue donatum ex eo tantum dicitur, quia datur vel donatur, quod habet tantum ex tempore.

Quare Donum dicatur.

Donum vero dicitur non ex eo tantum quod donetur, sed ex proprietate quā habuit ab aeterno. Vnde & ab aeterno fuit donum. Sempiternae enim donum fuit, non quia daretur, sed quia processit à Patre & Filio. Vnde Augustinus in 4. lib. de Trinit. ait: Sicut natum esse est Filio à Patre esse, ita Spiritui sancto donum Dei esse, est à Patre & à Filio procedere. Hic aperte ostenditur quod Spiritus sanctus eo donum est, quod procedit à Patre & à Filio, sicut Filius eo est à Patre, quod natus est ab eo. Non enim idem est Filio esse à Patre, & Spiritui sancto, id est, non ea proprietate Filius dicitur esse à Patre, quā Spiritus sanctus. Nam Filius dicitur esse à Patre quia genitus est ab eo. Spiritus sanctus vero dicitur esse à Patre & à Filio, quia Spiritus sanctus est donum Patris & Filij, id est, quia procedit ab utroque. Eo enim dicitur Spiritus, quo donum: & eo donum, quo procedens. Vnde Augustinus in 5. de Trinit. ait: Spiritus sanctus qui non est Trinitas, sed in Trinitate intelligitur, in eo quod proprie dicitur Spiritus sanctus, relatiue dicitur, cum & ad Patrem & Filium refertur: quia Spiritus sanctus, & Patris, & Filij Spiritus est, sed ipsa relatio non apparet in hoc nomine. Apparet autem cum dicitur donum Dei:

donum est enim Patris & Filij, quia & à Patre procedit, & à Filio: Ecce his verbis aperte ostenditur, eadem relatione dici Spiritum sanctum, & donum. Donum autem, quia procedit à Patre & Filio. Proprietas ergo qua dicitur Spiritus sanctus vel donum, processio ipsa est. De qua post plenius agemus cum aliis. Cum ergo ab aeterno processerit ab utroque, & ab aeterno donum fuit. Non ergo Spiritus sanctus eo tantum dicitur donum, quia donatur. Nam & ante fuit donum quam donaretur. Vnde Augustinus in 5. lib. de Trinit. Semper Spiritus sanctus procedit, & non ex tempore, sed ab aeternitate procedit. Sed quia sic procedebat, ut esset donabile: iam donum erat antequam esset cui donaretur. Aliter enim intelligitur, cum dicitur donum, aliter cum dicitur donatum: nam donum potest esse etiam antequam detur: donatum autem, nisi datum fuerit, nullo modo dici potest. Sempiternae ergo Spiritus sanctus est donum, temporaliter autem donatum. His verbis aperte ostenditur, quod sicut Spiritus sanctus ab aeterno procedit: ita ab aeterno donum est, non quia donaretur à Patre, Filio: vel à Filio, Patri, sed quia ab aeterno processit donabilis.

Queritur cui donabilis sit Spiritus sanctus.

Sed queritur cui donabilis: utrum Patri & Filio, an tantum nobis, qui nondum eramus? Si autem non erat donabilis Patri, & Filio, sed tantum nobis, & ex eo donum erat, quia sic donabilis procedebat: videtur quod Filius semper eadem ratione donum fuerit: quia ab aeterno processit à Patre donabilis nobis in tempore. Nam & de Filio legitur, quod datus est nobis. Ad quod dicimus, quia Spiritus sanctus nobis tantum, non Patri vel Filio donabilis processit, sicut & nobis tantum datus est. Et Filius vere datus est nobis, & ab aeterno processit à Patre, non ut donabilis tantum, sed ut genitus qui & donari posset. Processit ergo ut genitus & donabilis: sed Spiritus sanctus non procedit ut genitus, sed tantum ut donum. Donum autem semper fuit, non solū quia donabilis, sed quia ab utroque processit, & donabilis fuit. Vnde Augustinus in 5. lib. de Trinit. ait: Eo ipso quod daturus erat eum Deus, iam donum erat etiam antequam daretur: & ideo donabilis est: sed aliter donabilis quam Filius, nam & aliter datur, & aliter processit quam Filius: Filij enim processio genitura est, vel natiuitas: Spiritus sancti vero processio, natiuitas non est: utraque vero ineffabilis est.

Quod sicut Filius nascendo accepit non tantum ut esset Filius, sed etiam essentia: ita & Spiritus sanctus procedendo accepit non tantum ut esset donum, sed etiam ut esset essentia.

Et notandum quod sicut Filius nascendo accepit non tantum ut Filius sit sed omnino ut sit, & ut ipsa substantia sit: ita & Spiritus sanctus à Patre, & Filio procedendo, accepit non tantum ut Spiritus sanctus sit, vel donum, sed etiam ut omnino sit, & ut substantia sit: quod utique non accepit ex eo quod datur, nam cum non detur nisi ex tempore, si hoc haberet ex eo quod datur, accepisset ergo ex tempore ut esset. Vnde Augustinus in 5. lib. de Trinit. Filius non hoc tantum habet nascendo, ut sit Filius, sed omnino ut sit. Queritur ergo, utrum Spiritus sanctus eo quod datur, habeat non tantum ut donum sit, sed omnino ut sit. Quod si, non nisi quia datur, id est, si non habet esse nisi

eo quod datur, sicut Filius nascendo habet non tantum ut sit Filius, quod relative dicitur, sed omnino ut sit ipsa substantia, quo modo iam Spiritus sanctus erat ipsa substantia, cum non prius daretur, quam esset cui daretur? Non ergo eo quod datur, sed procedendo habet ut sit donum, & ut sit essentia: sicut Filius non eo quod datus est, sed nascendo accepit non tantum ut sit Filius, sed et essentia. Vnde Aug. in 15. lib. de Trinit. ait: Sicut Filio praeat essentiam sine initio temporis, sine mutabilitate natura de Patre generatio, ita Spiritui sancto praeat essentiam sine ullo initio temporis, sine ulla mutabilitate natura de utroque processio.

Quod ex praedictis videtur, quod Filius non tantum sit Filius natiuitate, sed etiam de simili essentia, & Spiritus sanctus processione.

Hic oritur questio. Si Filius nascendo habet non tantum ut sit Filius, sed ut sit essentia: & Spiritus sanctus procedendo non tantum ut sit donum, sed ut sit essentia: ergo & Filius natiuitate essentia est, & Spiritus sanctus processione est essentia: cum alibi dicatur quod nec Pater eo Pater est quo Deus, nec Filius eo Filius quo Deus, nec Spiritus sanctus eo donum quo Deus: quia ut ait Aug. in 7. lib. de Trin. His nominibus relativa eorum ostenduntur, non essentia. Vnde post plenius agemus. Ad quod breuiter respondentes dicimus, quia nec Filius natiuitate essentia est, sed tantum Filius: nec Spiritus sanctus processione essentia est, sed donum tantum: & tamen uterque, & ille nascendo, & iste procedendo accepit ut esset essentia. Non enim, ut ait Hilarius in 5. lib. de Trin. Per defectionem, aut protensionem, aut deriuationem ex Deo Deus est, sed ex virtute natura in naturam eandem natiuitate subsistit Filius: & ex virtute natura in naturam eandem processione subsistit Spiritus sanctus.

Exponit verba Hilarij.

Quod ita intelligi potest, Ex patre, qui est virtus ingenta, naturam quam habet, eadem Filius natiuitate, id est, nascendo, & Spiritus sanctus processione, id est, procedendo habet. Vnde ipse idem apertius eloquens, quod dixerat, aperit dicens: Natiuitas (ut inquit) Dei non potest non eam, de qua profecta est, tenere naturam. Non enim aliud quam Deus subsistit, quod non aliunde, quam de Deo subsistit. Ecce his verbis aperitur, quo modo intelligendum sit illud: De patre generatio praeat essentiam Filio, & de utroque processio praeat essentiam Spiritui sancto. Non quia ille essentia sit Filius, & iste essentia sit Spiritus sanctus, immo proprietate personali: sed quia & ille nascendo, & iste procedendo essentiam habet eandem, & totam qua in patre est.

Spiritus sanctus dicitur donum, & donatum, secundum duos praedictos modos processionis.

Ex praedictis patet quod Spiritus sanctus sempiternum donum est, & temporaliter datum, vel donatum. Ex quo apparet illa distinctio geminae processionis, de qua supra egimus. Nam secundum alteram processionem dicitur donatum, vel datum, secundum alteram vero dicitur donum.

Secundum hoc quod donum est, refertur ad Patrem & Filium: secundum quod datum, ad eum qui dedit, & ad eos quibus datum est.

Et secundum hoc quod sempiternum donum est, refertur ad Patrem, & Filium: secundum hoc vero quod dicitur datum vel donatum, & ad eum qui dedit, refer-

tur, & ad eos quibus datur: & eius dicitur esse qui dat, & illorum quibus datur. Vnde August. in 5. lib. de Trinitate ait: Quod datum est, & ad eum qui dedit refertur, & ad eos quibus dedit. Itaque Spiritus sanctus non tantum Patris & Filij, qui aederunt, sed etiam noster dicitur, qui accepimus. Spiritus ergo & Dei est qui dedit, & noster qui accepimus: non ille Spiritus noster, quo sumus, quia est Spiritus hominis, qui in ipso est: quamvis & illum Spiritum, qui hominis dicitur, utique accepimus: sed aliter iste, aliter ille, noster dicitur. Aliud est enim quod accepimus, ut essemus: aliud quod accepimus ut sancti essemus. Quod autem Spiritus sanctus noster dicatur, scriptura ostendit. Scriptum est enim de Ioanne quod in Spiritu Heliae veniret. Dicitur est Helia Spiritus, scilicet Spiritus sanctus, quem accepit Helias. Et Moysi ait Dominus: Tollam de Spiritu sancto quem iam dedi tibi. Ecce & hic ductus est Spiritus Moysi. Patet igitur, quia Spiritus sanctus noster dicitur Spiritus: sed quia nobis datus, & datus utrique ad hoc ut sancti essemus. Spiritus vero creatus ad hoc est datus, ut essemus.

An Filius cum sit nobis datus possit dici noster, ut Spiritus sanctus.

Hic quaeritur, utrum & Filius cum sit nobis datus dicatur, vel possit dici noster. Ad quod dicimus, quia Filius dicitur noster Panis, noster Redemptor, & huiusmodi: sed non dicitur noster Filius, quia Filius dicitur tantum relative ad eum qui genuit. Et ideo noster Filius non potest dici: sed Patris tantum. In eo autem quod dicitur datus, & ad eum qui dedit, & ad eos quibus datus est, refertur. Ut & Spiritus sanctus, qui etiam cum in scriptura (ut supra dictum est) dicatur Spiritus noster, vel Spiritus tuus, vel illius (ut de Moysse, & Helia dictum est) nusquam tamen in scriptura occurrit ita dici, Spiritus sanctus noster, vel tuus, vel illius, sed Spiritus noster, vel tuus, vel illius, quia Spiritus sanctus eo dicitur, quo donum, & utrumque relative dicitur ad Patrem, & Filium, & hoc sempiterna relatione. Si tamen aliquando dicitur donum nostrum, accipitur donum pro donato, vel dato. Cum vero donum accipitur eo modo, quo Spiritus sanctus donum Patris, & Filij dicitur, non hominis: ita & Filius sub hac appellatione non potest dici noster, ut dicatur Filius noster: sicut nec dicitur Spiritus sanctus noster, & tamen de Filio dicitur, panis noster: & de Spiritu, Spiritus noster. Ille noster panis, quia nos reficit, nobis datus: iste noster Spiritus, quia nobis inspiratur a Patre, & Filio, & in nobis spirat sicut vult. Vnde August. in 5. lib. de Trinit. ait: Quod de Patre natum est, ad patrem solum refertur cum dicitur Filius: Et ideo Filius Patris est, & non noster. Dicimus tamen & panem nostrum de nobis, sicut dicimus Spiritum nostrum.

Utum Spiritus sanctus ad seipsum referatur.

Post hac quaeritur, utrum Spiritus sanctus ad seipsum referatur: hoc enim videtur ex praedictis posse probari. Si enim quod datur, refertur ad eum qui dat, & ad eum cui datur, & Spiritus sanctus datur a seipso, ut praedictum est, ergo refertur ad seipsum. Huius questionis determinationem in posterum differimus, donec tractemus de his qua relative dicuntur de Deo ex tempore: in quibus datum, & donatum continentur.

DISTINCTIO XVIII.

De temporali Processione Spiritus sancti quantum ad proprietatem, per quam natus est temporaliter procedere.

Hic queritur cum Spiritus sanctus per quem diuiduntur dona, ipse sit donum, &c.

Expositio Textus.

Hæc est tertia pars huius partis, in qua Magister agit de processione Spiritus sancti temporali. Determinato enim principio à quo Spiritus sanctus procedit: determinato etiam modo secundum quem procedit: determinat hic Magister proprietatem secundum quam conuenit ei temporaliter procedere, & hæc proprietates est donum, & de hac in tota præsentī distinctione intendit agere. Diuiditur autem hæc pars in quatuor partes, secundum quatuor quæstiones quas mouet. In prima quærit & determinat utrum Spiritus sanctus sit donum, in quo alia dona donantur. In secunda quærit utrum Spiritus sanctus sit eadem ratione datum, & donum, ibi: *Præterea diligenter considerandum est cum Spiritus sanctus dicatur donum & datum.* In tertia quæritur, cum non solum Spiritus sanctus, sed etiam Filius sit datus: quare non dicitur Filius noster sicut Spiritus noster, ibi: *Hic queritur utrum & Filius sit nobis datus, &c.* In quarta & vltima quærit cum Spiritus sanctus sit donum relatiue, quo modo possit à se dari: si enim à se donatur, videtur Spiritus Sanctus ad se relatiue dici: & hoc facit ibi: *Post hoc queritur utrum Spiritus sanctus ad seipsum referatur.* Cæteris partibus indiuisis remanentibus, quia specialiter prosequitur quæstiones prædictas: media, siue secunda pars, quæ est de differentia doni, vel dati, habet quatuor partes. In prima quærit, & determinat quod non eadem ratione Spiritus sanctus dicitur donum & datum, quia donum est ab æterno, sed datum ex tempore. In secunda vero contra hoc, scilicet quod Spiritus sanctus sit donum æternaliter, obicit, ibi: *Sed queritur cui donabilis, utrum Patri, vel Filio.* In tertia vero quia in solutione dixerat quoddam dubium: ideo incidenter mouet, & determinat illud, ibi: *Hic oritur quæstio, utrum Filius nascendo, &c.* In quarta vero & vltima redit ad primam solutionem ostendens quod Spiritus sanctus æternaliter donum est, quia eo ipso est donum, quo procedit à Patre, & Filio, & quod temporaliter est datum, vel donatum & hoc facit ibi: *Ex prædictis patet quod Spiritus sanctus, &c.*

Relatio non apparet in hoc nomine Spiritus.

Dub. I.

Videtur dicere falsum, quia Spiritus dicitur, quia spiratur: ergo refertur ad spirantem: ergo apparet in eo relatio. Item videtur quod magis appareat in hoc nomine *donum*, quia relatiua dicuntur, quæ hoc ipsum quod sunt aliorum sunt: sed Spiritus eo quod Spiritus, habet esse à spirante: donum vero non oportet quod habeat esse à donante: ergo non videtur in hoc tantum apparere relatio.

RESP. Dicendum quod tam donum, quam Spiritus dicitur relatiue: sed tamen relatio magis apparet in hoc nomine, donum, quam in hoc nomine, Spiritus, quia donum semper dicit respectum ad aliam, Spiritus autem non: immo potest accipi absolute. Vel aliter dicendum quod Augustinus non dicit quod relatio non appareat in hoc nomine *Spiritus*: sed quod non appareat in hoc nomine *Spiritus sanctus*: Quamvis enim dicatur esse Spiritus sanctus spiratoris. Ad illud quod Spiritus magis dicit habitudinem respicientem esse quam donum, dicendum, quod verum est in

A his quibus accidit donum: sed Spiritus sanctus quia ideo est quia donum, non habet locum ista obiectio.

Filius nascendo accepit, &c. ut sit ipsa substantia.

Dub. II.

Videtur male dicere, quia in omni eo quod inest Filio per natiuitatem, distinguitur Filius à Patre, quia natiuitas est proprietas distinctiua: ergo si Filius nascendo accepit, ut sit essentia, vel substantia: ergo Pater in substantia distinguitur à Filio. Item quod Filius nascendo accepit, siue quod Filius est nascendo, est natum: ergo substantia est nata, si Filius nascendo est substantia. Omne enim quod nascendo accepit, à natiuitate habet ortum.

RESP. Dicendum quod aliqui distinxerunt istam locutionem. Filius nascendo est diuina substantia, siue Deus: quia gerundium potest dicere concomitantiam, & sic simpliciter est vera: vel causam: & sic multiplex, quia cum dico: Filius est Deus, siue diuina substantia, tria dico, scilicet subiectum, compositionem, & prædicatum. Potest ergo hoc gerundium *nascendo*, dicere causalitatem respectu subiecti, vel respectu compositionis, vel respectu prædicati. Si respectu subiecti, tunc est sensus: Filius nascendo, &c. id est qui est Filius nascendo, vel qui nascendo habet ut sit Filius, est Deus, & sic est vera. Si respectu compositionis, sic est sensus: Filius est Deus nascendo, id est hoc prædicatum conuenit subiecto per natiuitatem: & sic adhuc est vera locutio. Si respectu prædicati, sic est sensus: Filius est Deus, siue substantia diuina nascendo, ita quod nasci, siue natiuitas sit principium, siue origo deitas, & in hoc sensu est falsa. Magister tamen istam locutionem non distinguit, sed simpliciter concedit, & satis probabiliter, quoniam prædicta distinctio non videtur habere radicem. Cum enim gerundium natum sit determinare compositionem (quia omnino nihil est dicere, homo nascendo, & huiusmodi) & cum compositio prædicati siue essentia, siue omnium, quæ attribuuntur Filio, conueniant subiecto per natiuitatem, ideo habet veritatem. Nec valent obiectiones in contrarium adductæ, quia natiuitas non distinguit illud quod per natiuitatem habetur, siue quod est in nascente: sed eum solum, qui nascitur, & ideo non sequitur quod substantia sit distincta, nec quod ipsa nascatur, quamvis per generationem habeatur.

Nec Filius natiuitate essentia est. Dub. III.

Videtur falsum dicere, quia cum nascendo sit essentia, pari ratione videtur quod natiuitate, & hoc videtur per auctoritatem Hilarij in litera.

RESP. Dicendum quod absque dubio ista est distinguenda: Filius natiuitate est diuina essentia, quia ablatius potest construi in ratione formæ, vel in ratione principij. Si in ratione formæ: sic est falsa, quia natiuitas non est causa formalis respectu prædicati essentialis. Si in ratione principij, sic habet veritatem, quia omnia quæ conueniunt Filio, conueniunt ei per natiuitatis originem. Sed Magister quia accipit gerundium in ratione principij: ideo cum gerundio simpliciter concedit. Et quia accipit ablatiuum in ratione formæ: ideo cum ablatiuo simpliciter negat: magis enim indicat secundum vsum loquendi, quam secundum virtutem sermonis.

Non enim, &c. per defectionem, aut protensionem, aut deriuationem. Dub. IV.

Queritur quo modo differant illa tria.

RESP. Quædam dicunt sic quod per defectionem producit aliquid de materia per formam præexistētis corruptionem, sicut ex grano frumenti herba. Per protensionem producit aliquid per præexistētis formam permanentiā, & inductionem formæ artificialis, sicut vas fit de argento. Per deriuationem quod producit per præexistētis formæ permanentiam sola locali mutatione, ut

rius

rius ex fonte, & lacus ex riuo. Aliter potest dici quid materiale principium ex quo res est, aut est materiale, & transiens formaliter, & sic est defectio. Aut est materiale, & permanens, & sic est protensio. Aut est materiale, & permanens, & agens: & sic est deriuatio, & horum exempla sunt manifesta.

Aliud est enim quod accepimus ut essemus, &c.
Dub. V.

Videtur male dicere, quia sicut sine Spiritu Dei non possumus sancti esse, ita nec esse: ergo videtur, quod Spiritum sanctum non tantum accepimus, ut essemus sancti, sed etiam ut essemus.

RESP. Potest ad hoc dici quod hoc dictum est per appropriationem. Quamvis enim à Spiritu sancto habeamus esse, & sanctum esse, appropriate tamen habemus sanctum esse: ideo non sic accipi dicitur in nostri esse productione, sicut in sanctificatione. Aliter tamen potest dici quod sicut dare ordinatur ad habendum, ita & accipere: & quia nullus habet Spiritum sanctum, quantumcunque Spiritus sanctus operetur in eo, nisi qui pote. eo frui, & omnis talis est sanctus: ideo Spiritus sanctus non dicitur proprie loquendo dari, nec accipi, nisi Sanctis, & à Sanctis.

Tollam de Spiritu tuo. Dub. VI.

CONTRA: Hoc non potest dici quantum ad substantiam: ergo quantum ad effectum, siue gratiam: ergo videtur quod gratia transferatur ab vno in alium. Si tu dicas hoc esse dictum per conformitatem. Obiicitur quod pari ratione posset dici quod tolleretur de Spiritu aliorum, & daret Moyfi.

RESP. Dicendum quod illud intelligitur de Spiritu quantum ad effectum, & hæc præpositio, *De*, importat conformitatem similiter & partialitatem, sed non quantum ad partem conferentem, vel continentem secundum veritatem, sed secundum proportionem, quoniam effectus Spiritus sancti multo plus abundauit in Moyse quam in aliis, ut quod alij quasi partem gratiæ suæ viderentur habere: & dicitur, *Tollam*, quantum ad sollicitudinem, quia dum dona Spiritus sancti aliis sunt communicata, sollicitudo Moyfi est diminuta, & pars illius sollicitudinis est aliis commissa, &c.

ARTICVLVS I.

Supposito ex præcedentibus quod Spiritus sanctus sit donum & quod donetur, ad intelligentiam huius partis sex quærentur. Primo quæritur utrum Spiritus sanctus sit donum quo omnia alia dona donantur. Secundo utrum Spiritus sanctus donum vel ab æterno, vel ex tempore. Tertio quæritur quid conuenientius dicatur de Spiritu sancto, donum scilicet an datum. Quarto utrum donum proprie conueniat Spiritui sancto. Quinto utrum donum sit proprietas Spiritus sancti distinctiua. Sexto utrum ratione donabilitatis dicatur Spiritus sanctus noster.

QVÆSTIO I.

An Spiritus sanctus sit donum, in quo alia dona donantur.

Ægid. Rom. 1. Sent. dist. 18. q. 3.

Richard. 1. Sent. dist. 18. q. 5.

Petrus de Tarantasia. 1. Sent. dist. 18. q. 5.

Marsilius Inguen. 1. Sent. q. 2. 1. Art. 2.

QVod Spiritus sanctus sit donum quo omnia alia donantur, ostenditur auctoritate, & ratione: & primo per Apostolum dicentem: Diuisiones gratiarum sunt, idem autem Spiritus diuidit singulis prout vult: & loquitur de donis non tantum gratiæ gratum facientis, sed etiam quæ sunt gratis datæ: ergo si per Spiritum san-

ctum dantur vtraque, cum non sit alia differentia donorum, ipse est donum in quo omnia alia donantur.

ITEM Augustinus de Trinit. Per donum quod est Spiritus sanctus commune omnibus membris Christi propria quibusque dona Dei donantur.

ITEM ratione ostenditur sic: Spiritus sanctus est primum donum: sed omne posterius ad prius reducitur: ergo omne donum reducitur ad donum quod est Spiritus sanctus: ergo in omnibus donis ratio donationis est per Spiritum sanctum: ergo, &c.

ITEM omne donum in quantum donum ex amore datur, alioquin non habet rationem doni: sed Spiritus sanctus est amor Patris, & Filij, ut dicit Augustinus, & habitum est supra: ergo, &c.

1. CONTRA: per Isidorum: Multis indignis Spiritui sancto dantur dona Spiritus sancti: ergo contingit alia dona donari sine hoc: ergo non est donum in quo omnia alia donantur.

2. ITEM aliqua sunt dona quæ appropriantur Filio, ut puta sunt illa quæ dantur ad illustrationem intellectus: ergo si loquamur appropriate, alia dona donentur in Filio, siue per Filium, non dono quod est Spiritus sanctus.

3. ITEM Filius datus est nobis per Isaiam: Paruulus natus est nobis, Filius datus est nobis: ergo si datur per Spiritum sanctum, videtur quod Spiritus sanctus aliquam auctoritatem, vel influentiam habeat in Filium: hoc autem est falsum: ergo non omnia alia dona donantur per Spiritum sanctum.

4. ITEM hoc ostenditur per impossibile: Esto quod intelligatur per impossibile, Spiritum sanctum non esse, adhuc Pater, & Filius intelliguntur, ut liberales, alioquin inest eis liberalitas à Spiritu sancto, quod falsum est: ergo si intelliguntur liberales: ergo & donantur.

ITEM si Spiritus sanctus est donum in quo alia donantur: ergo doni est donum, & donationis est donatio: & sic hoc, motus est motus, & relationis relatio, & hoc habet Philosophus pro inconuenienti. Cum enim dependens non possit alterum determinare, erit ibi processus in infinitum.

CONCLUSIO.

Spiritus sanctus est donum quo omnia dona nobis donantur gratuita, per concomitantiam, & quo omnia dona Dei donantur per exemplaritatis causam.

RESP. Ad arg. Dicendum quod cum dicitur quod Spiritus sanctus est donum in quo omnia alia donantur, ablatius iste potest accipi dupliciter, vel ita quod dicat concomitantiam, vel sic quod dicat causalitatem. Si dicat concomitantiam, sic intelligendo vniuersaliter falsum est, quia est sensus quod detur cum omnibus donis. Quædam enim sunt dona quæ semper sunt cum Spiritu sancto, ut charitas, & sapientia. Quædam quæ nunquam sunt cum Spiritu sancto, ut timor seruilis. Quædam quæ aliquando sunt cum Spiritu sancto, aliquando sine, ut fides, prophetia, & huiusmodi. Si autem particulariter intelligatur de donis gratum facientibus, sic vera est, & non habet instantiam. Potest iterum ablatius importare causalitatem, & hoc tripliciter. Vel ita quod dicat simpliciter causalitatem, & in hoc non distinguitur nec à Patre, nec à Filio, quia omnia dona sunt à Patre, & à Filio, & à Spiritu sancto. Vel ita ut dicat causalitatem, & subauctoritatem, & in hoc distinguitur à Patre, sed non à Filio, quia Pater & per Filium & per Spiritum sanctum donat. Vel ita ut dicat causalitatem, & subauctoritatem, & exemplaritatem, & sic proprie Spiritui sancto conuenit. Ipse enim procedit per modum primi doni: ita quod omnis donatio recta & gratuita post illam est, & ab illa accipit rationem donationis. Cōcedendum est ergo quod Spiritus sanctus est donum quo omnia dona, scilicet gratuita, donantur per con-

mitantiam, & quo omnia Dei dona donantur per exemplaritatis causam.

1. Ad illud quod obiicitur primo de Isidoro, iam patet responsio quod ipse loquitur de donis gratiæ gratis datæ, non gratum facientis.

2. Ad illud quod obiicitur secundo quod quædam dona appropriantur Filio, dicendum quod de donis est loqui dupliciter, aut ratione eius quod subest, aut sub ratione donationis. Ratione vero eius quod subest, aliqua dona appropriantur Filio, ut sapientia, & intelligentia, aliqua Spiritui sancto, ut charitas. Ratione vero donationis, omnia appropriantur Spiritui sancto ratione iam dicta, quia per ipsum tanquam per primum donum donantur alia.

3. Ad illud quod obiicitur quod Filius est datus, & non à Spiritu sancto, responderi potest, quod Filius est datus secundum humanam naturam, & hoc fuit per amorem: Sic Deus dilexit mundum, ut Filium, &c.

4. Ad illud quod obiicitur quod Spiritu sancto circumscripto, adhuc manet ratio doni, dicendum quod circumscripto Spiritu sancto est intelligere in Deo donorum causalitatem, & subautoritatem, sed non exemplaritatem donationis sub ratione donationis, quia non intelligitur processus amoris, & hoc ultimo modo dicitur proprie convenire Spiritui sancto.

5. Ad illud quod obiicitur quod tunc est donum doni, dicendum quod motus non est motus ut termini, similiter nec relationis relatio: tamen ut principij, & motus est motus, quia motus est principium motus, & relatio relationis, & sic dicitur donum doni: & quia in causando statur in primo, cum sit primum donum non est abire in infinitum. Præterea donum in diuinis veram hypostasim dicit.

QVÆSTIO II.

An Spiritus sanctus ab æterno, vel ex tempore donum sit.

Alexander Alensis 1. p. q. 64. Membr. 2.

Richardus 1. Sent. d. 18. q. 4.

Marsilius Inguen. 1. Sent. q. 21. art. 3.

Gabriel Biel 1. Sent. dist. 18. q. 1. art. 2.

Vtrum Spiritus sanctus sit donum ab æterno vel ex tempore. Et quod ex tempore, videtur per Augustinum de Trinitate. Eo donum est quo datur quibus datur, sed datur ex tempore: ergo, &c.

2. **I**TEM de Trinitate. Eo donum dicitur quo daturus ipsum erat Deus: sed constat quod daturus erat ex tempore: ergo si donum est æternum, temporale est causa æterni.

3. **I**TEM videtur per rationem. Donum enim non tantum dicitur comparationem ad dantem, sed etiam ad eum cui datur: ergo posito dono, ponitur dantis & recipiens, quia relatio ponit extrema: sed recipiens est creatura: ergo, &c.

4. **I**TEM donum addit supra datum, quia donum est datio irredibilis: ergo si Spiritus sanctus non est datus nisi ex tempore, nec est donum nisi ex tempore.

5. **I**TEM sicut Filius est generari, ita doni est donari: sed non est Filius antequam generetur: ergo nec donum antequam donetur: sed donatur tantum ex tempore: ergo, &c.

CONTRA per Augustinum de Trinitate. quia Spiritus sanctus procedebat ut esset donabilis, iam donum erat: sed procedere ut donabile, hoc est æternum: ergo & donum ab æterno.

ITEM idem expressius: Spiritus sanctus sempiternus donum est, temporaliter vero datur.

ITEM hoc ipsum videtur ratione, quia ubi est amor gratuitus, ibi est gratia doni: sed ab æterno est in Deo ponere amorem gratuitum: ergo & donum.

ITEM ubi est perfecta ratio liberalitatis, ibi est donum. Sed in diuinis ab æterno est perfecta ratio liberalitatis: ergo, &c.

ITEM sicut se habet ratio Verbi ad rerum productionem sic se habet ratio doni ad gratiarum distributionem: sed ante rerum productionem in principio fuit Verbum: ergo ante gratiarum collationem in principio fuit donum.

CONCLUSIO.

Spiritus sanctus dicitur donum ab æterno, quia donabilis: & dicitur ex tempore, quia datur.

RESP. ad Arg. Dicendum quod cum donum dicat respectum ad eum cui datur, hoc potest esse tripliciter, vel secundum aptitudinem. Si secundum actum, hoc modo dicitur donum, quia datur. Secundum habitum, hoc modo dicitur donum, quia donandum aliquando. Si secundum aptitudinem, hoc modo dicitur donum, quia donabile. Secundum primam acceptionem, dicitur temporaliter: sed secundum secundam ac tertiam dicitur æternaliter. Et in his tribus sensibus accipit Augustinus. Concedendum est ergo quod secundum aliquam acceptionem donum Dei dicitur æternaliter, sicut probant rationes inductæ ad secundam partem.

1. Ad illud vero quod obiicitur in contrarium, dicendum quod procedit de dono, ut dicit actum donationis, & sic ex tempore dicitur, unde non valet obiectio.

2. Ad illud quod secundo obiicitur quod eo dicitur donum quo daturus, &c. dicendum quod secundum istam acceptionem dicitur æternaliter, quia non dicit respectum ad creaturam secundum actum, sed secundum habitum, sicut & prædestinatio. Quod ergo obiicitur quod tunc temporale est causa æterni, dicendum quod illud participium, *daturus*, duo importat, scilicet ordinationem ad dandum, & actum ordinationis: & ordinatio est æterna, licet actus sit temporalis, & tunc ablatius non dicit causalitatem ratione actus, sed ratione ordinationis. Posset tamen dici quod dicit causam consequentis, non consequentis.

3. Ad illud quod obiicitur quod dicit relationem ad extrema, dicendum quod relatio actualis ponit utrumque extremum in actu, non autem relatio habitu, sicut patet quod Deus æternaliter dicitur exemplar creature temporalis.

4. Ad illud quod obiicitur quod donum addit supra datum, dicendum quod donum in quibusdam consequitur rationem dati: ut puta sunt illa quæ de se non dicunt liberalitatem, nisi provt additur eis ratio communicationis, ut liber, cultellus, & huiusmodi. In aliquo datum consequitur rationem doni, ut puta in eo quod ex se importat liberalitatem etiam si etiam nunquam detur dono, ut est amor, & sic convenit Spiritui sancto.

5. Ad illud quod obiicitur quod sicut Filius est generari, &c. dicendum quod falsum est, quia generari dicitur emanationem Filij, quæ secundum rationem intelligendi præcedit Filium. Unde impossibile est quod sit nisi generetur. Donari autem non solum dicit doni emanationem: sed amplius dicit eius communicationem, & hoc consequitur esse doni, & ideo non dicitur donum ex tempore, quamvis donetur ex tempore.

QVÆSTIO III.

An Donum vel datum convenientius de Spiritu sancto dicatur.

Alex. Alensis 1. p. q. 64. Membr. 3.

S. Thom. 1. p. q. 38. art. 2.

De Verit. q. 7. art. 3.

Agitius Rom. 1. Sent. dist. 18. par. 2. q. 1.

Richardus 1. Sent. dist. 18. q. 3.

Tho. Arg. 1. Sent. dist. 18. q. 1. art. 3.

Steph. Bilef. 1. Sent. dist. 18. q. 3.

Petrus de Tarantasia 1. Sent. dist. 18. q. 1.

Gabr. Biel. 1. Sent. dist. 18. q. 1. art. 1.

Vtrum convenientius dicatur de Spiritu sancto Donum, quam datum. Et quod tam convenienter dicatur datum

datum vt donum, videtur, quia Iacobus ait : Omne datum optimum & omne donum perfectum de sursum est: ergo à Spiritu sancto sunt data sicut & dona: ergo sicut ad ipsum transfertur ratio doni, ita & dati.

2. ITEM mobilis & moti est eadem ratio : ergo similiter dati & donabilis: ergo si donum dicitur in ratione donabilis, datum vero in ratione actualitatis dati: ergo eadem est ratio doni & dati: ergo, &c.

3. ITEM in quolibet genere perfectior est actus quam potentia: ergo cum datum dicat in actu donum in potentia, perfectius exprimitur aliquid cum dicitur datum quam donum: sed quod maioris est perfectionis, magis proprie conuenit Deo: ergo, &c.

4. ITEM quando aliqua duo dicuntur de aliquo quorum vnum est ratio dicendi alterum de eodem, illud conuenientius dicitur quod est ratio dicendi: sed datum & donum dicitur de Spiritu sancto, & vt vult Augustinus, eo donum dicitur, quia datur : ergo magis proprie dicitur datum.

CONTRA: Datum conuenit Spiritui sancto solum ex tempore, sed donum æternaliter: ergo magis proprie dicitur donum. ITEM si nunquam actu daretur, donum esset, & Spiritus esset: ergo videtur quod magis proprie conuenit ei donum. ITEM Gloss. super illud Iacobi: Omne datum optimum, &c. dicit quod datum dicitur quo ad naturalia, donum quo ad gratuita. Si ergo gratuita aptius appropriantur Spiritui sancto qui sanctificat quam naturalia, ergo melius in diuinis dicitur de Spiritu sancto donum, quam datum.

ITEM donum est datio irredibilis: sed quidquid Deus dat, irredibiliter dat, quia cum det nihil potest recipere: ergo in diuinis datum rationem habet doni, & induit eius rationem : ergo conuenientius ibi dicitur donum quam datum.

CONCLUSIO.

Spiritus sanctus conuenientius dicitur donum, quam datum, cum donum à tempore subtrahatur.

RESP. ad arg. Dicendum quod quamvis in diuinis vtrumque dicatur & datum & donum, tamen conuenientius dicitur donum. Et huius duplex est ratio. Vna quidem est, quia datum cum sit participiū, vel nomen verba'e, concernit tempus: donum autem à tempore subtrahit, & ideo quia omnia diuina supra tempus sunt, conuenientius dicitur in diuinis donum quam datum. Alia ratio est quia donum supra rationem dati addit conditionē liberalitatis, siue irredibilitatis quæ est conditio magnæ nobilitatis: & ideo maxime cōpetit diuinis.

1. Et hæc est ratio quare donum appropriatur gratuitis donis non tantum ipsi Spiritui sancto qui est principium gratuitorum donorum. Et ex hoc patet responsio ad illud de auctoritate beati Iacobi.

2. AD illud quod obiicitur quod mobilis & moti eadem est ratio, dicendum quod non est simile de mobili & moto, & de dono & dato. Quia motum esse addit supra mobile actum, & dicit totum quod dicit mobile. Sed datum non dicit totum quod dicit donum quantum est de generali intellectu nominis, nisi approprietur. Donum est enim datio irredibilis, & hoc melius patebit in quarto problemate.

3. AD illud quod obiicitur quod actus est perfectio potentia, dicendum quod aliquid est in potentia ad actum dupliciter : aut propter imperfectionem agentis, aut propter defectum suscipientis. Si sit potentia primo modo, tunc actus est perfectio potentia. Si autem secundo modo, non est perfectio. Vnde si dicatur quod sol actu lucens potest domum illuminare quæ non est aperta, & domum apertam illuminat, nulla omnino maior notatur perfectio quam ante. Sic intelligendum est de donabilitate & actuali donatione.

4. AD illud quod obiicitur, datum est ratio dicendi donum, quia ideo donum quia datur, dicendum quod

A non est tota ratio, sicut dicitur in littera : sed solum in comparatione ad eum cui datur. Vel potest dici quantum à parte nostri intellectus: ideo donum dicitur, quia datur: sed tamen à parte rei est conuerso, quia ideo datur, quia donum est.

QVÆSTIO IV.

An proprie Donum de Spiritu sancto dicatur.

- 6. Thomas 1. p. q. 38. art. 2.
- Scotus in Reportat. 1. Sent. dist. 18. q. 1.
- Egid. Rom. 1. Sent. dist. 18. q. 2.
- Richardus 1. Sent. dist. 18. q. 1.
- Ionn. Bacon. 1. Sent. dist. 18. q. 1.
- Thom. Arg. 1. Sent. dist. 18. q. 1. art. 2.
- Marfilus Inguen. 1. Sent. q. 21. art. 1.
- Steph. Brulef. 1. Sent. dist. 18. q. 4.

VTAVM Donum proprie contineat Spiritui sancto, & quod sic videtur per August. de Trinit. Sicut in Trin. non est verbum nisi Filius, ita nec donum nisi Spiritus sanctus.

ITEM donum dicit emanationem per modum liberalitatis: hoc autem est proprium solius Spiritus sancti : ergo, &c.

ITEM Donum Dei dicitur relative ad donantem: sed donans non tantum est Pater, immo etiam Filius, quia vterque est mittens: ergo donum dicitur relative ad Patrem & Filium, & si hoc, distinguitur ab utroque: ergo nec Pater, nec Filius, sed solum Spiritus sanctus dicitur proprie donum.

1. CONTRA: Donum dicitur in habitu : sed datum dicitur in actu: ergo datum addit supra donum: ergo cui conuenit esse datum, & ratio doni. Sed datum conuenit Trinitati, quia tota Trinitas dat se : ergo & donum, non ergo proprie Spiritui sancto.

2. ITEM donum dicit respectum ad dantem, & ad eum cui datur: si ergo est proprium Spiritus sancti, aut propter respectum ad dantem, aut recipiētem. Non propter respectum ad recipientem, quia similiter Filius datus est nobis, & magis etiam datus quam Spiritus. Si vero ad dantem: CONTRA: Filius dicitur procedere à dante, scilicet à Patre: ergo videtur secundum communem rationem, Filio conuenire. Si dicas quod Filius non procedit per modum donabilis, neque quo modo datus est, sed quo modo natus. CONTRA: Filius sic ab æthero procedit, vt temporaliter esset missibilis, quia eo mittitur Filius quo generatur: sed missio non est aliud quam donatio: ergo Filius processit vt donabilis.

3. ITEM si datus est Filius ex tempore, aut erat ad hoc habilis ab æterno aut non. Si sic: ergo processit vt donabilis. Si non, ergo aliquid conuenit ex tempore Filio, quod repugnat æternæ emanationi, quod est inconueniens.

4. ITEM regula est quod omne nomen dicens respectum vel effectum ad creaturas, est commune tribus, sed donum est huiusmodi: ergo, &c.

CONCLUSIO:

Donum in diuinis dicitur proprie de Spiritu sancto, & donum dicit datum ex liberalitate, & auctoritate communicatum & productum.

RESP. ad arg. Dicendum quod sicut patet ex verbis August. Donum dicitur in diuinis proprie siue personaliter, nõ essentialiter, sicut Verbum proprie dicitur de Filio: Datum autem potest accipi & essentialiter & personaliter siue proprie & communiter: tota enim Trinitas dat se, & tamen Pater & Filius proprie dant Spiritum sanctum. Propter hoc notandum quod datum de sui ratione idem est, quod communicatum. Potest igitur hoc quod est datum dici communicatum ex liberalitate, & sic est commune toti Trinitati. Vel ex liberalitate & auctoritate, & sic cōuenit Spiritui sancto & Filio qui habet subauctoritatē respectu Patris: vel potest dici datum

ex liberalitate & auctoritate non tantum communicatum, sed etiam productum, & hoc modo proprium est Spiritus sancti, cuius proprium est procedere secundum rationem liberalitatis, & ita secundum rationem doni vel donabilis. Et hoc modo donum vel datum æquivalent. Differunt tamen, quia datum dicit communicationem in actu, sed donum in habitu. Et concedendum est quod donum proprie dicitur in diuinis de Spiritu sancto.

1. AD illud quod obiicitur quod datum addit supra donum, dicendum quod secundum communem acceptionem dati vel doni aliquid dicit donum, ultra quam datum, & datum ultra quam donum. Donum ultra quam datum importat emanationem per modum liberalitatis. Datum vero ultra quam donum importat actum communicationis, quia donum dicit habitum. Et ideo quia illud quod addit donum supra datum est personale: ideo donum proprie est personæ Spiritus sancti.

2. AD illud quod queritur ratione cuius respectus dicatur donum proprie, iam patet responsio, quia ratione respectus ad dantem, non inquam ratione respectus simpliciter, sed ratione talis respectus, quia emanat per modum donabilis, quod est proprium Spiritus sancti.

3. Quid ergo obiicitur quod emanat per modum donabilis Filius, dicendum quod falsum est. Quamvis enim donabilitas siue liberalitas communicetur Filio in generatione, non tamen est ratio emanandi: & quia communicatur æternaliter, ideo datur temporaliter: sed quia non est ratio emanandi, ideo non emanauit Filius ut donum, sed solum Spiritus sanctus.

4. AD illud quod ultimo obiicitur de respectu ad creaturam, dicendum quod hoc intelligitur de illo nomine quod importat solum respectum ad creaturam, non personæ ad personam: donum autem utrumque importat: ideo non habet hæc regula locum.

QVÆSTIO V.

An donum, vel donabilitas sit proprietas distinctiua Spiritus sancti.

Alexand. Alesis 1. p. q. 64. Membr. 3.
S. Thom. 1. p. q. 38. art. 1.
Et 1. Sent. dist. 18. q. 1. art. 1.
Scotus in Reportariis 1. Sent. dist. 18. q. 2.
Richard. 1. Sent. dist. 18. q. 2.
Tho. Arg. 1. Sent. dist. 18. q. 1. art. 1.
Gab. Biel. 1. Sent. dist. 18. q. 1. art. 3.

UTRUM donabilitas, siue donum sit proprietas distinctiua Spiritus sancti. Et quod sic videtur. Dicit enim August. in lib. de Trinit. Eo est donum quo Spiritus: sed Spiritus est proprietas distinctiua: ergo & donum.

ITEM August. in lib. de Trinit. assignans differentiam processionis Filij, & Spiritus sancti, hanc ponit quod ille procedit per modum nati: sed iste per modum doni: ergo si hæc differentia attenditur penes proprietates distinctiuas ut patet, quia natiuitas est proprietas Filij: ergo & donabilitas, siue donum est proprietas Spiritus sancti.

ITEM hoc ipsum videtur ratione, quia omnis proprietas secundum quam persona differt ab omnibus aliis est personæ proprietas distinctiua: sed donum inest soli personæ Spiritus sancti, & semper: ergo est proprietas eius personalis.

ITEM proprietates in diuinis sunt relationes: sed August. dicit in lib. de Trinit. quod relatio secundum quam refertur Spiritus sanctus ad Patrem & Filium, magis apparet in hoc nomine donum, quam in hoc nomine Spiritus: ergo utraque est personalis.

1. CONTRA: Nihil dicens respectum ad creaturas est proprietas distinctiua personæ, quia omni respectu ad creaturam circumscripto, tenet distinctio personalis: sed donum dicit respectum ad eum cui datur: ergo, &c. Si dicas quod non est proprietas secundum comparisonem quam habet ad creaturas, sed ad dantem, pari ratione

missio erit proprietas distinctiua, cum dicat respectum ad mittentem.

2. ITEM omnis proprietas distinctiua dicitur ab actu non ab habitu. Vnde Pater dicitur, quia generat, Filius quia generatur, Spiritus vero sanctus, quia spiratur: sed donum non dicitur ab actu donandi, sed ab habitu alio: quin non diceretur ab æterno: ergo, &c.

3. ITEM nullius alterius personæ proprietas distinctiua accipitur in relatione ad creaturam, vel dicit respectum: sed donum dicit hoc: ergo non est proprietas distinctiua.

4. ITEM si donum est proprietas distinctiua Spiritus sancti, & eius notio, tunc ergo Spiritus sanctus & amor non est proprietas: quia si Spiritus sanctus & amor est proprietas: ergo sunt septem notiones, quod est contra communem opinionem omnium. Si dicas quod eadem importatur per hæc tria nomina: ergo videntur nomina Synonyma, ut Marcus & Tullius: quod est æque magnum inconueniens: ergo, &c.

CONCLUSIO.

Donum est proprietas distinctiua secundum quod dicit actum processionis.

RESP. ad arg. Dicendum quod ad hoc dixerunt aliqui quod donum dupliciter est in diuinis considerare, vno modo prout dicit respectum solum ad donatorem, & hoc modo dicit August. quod eo dicitur donum, quo procedit: & sic dicunt quod donum est proprietas distinctiua Spiritus sancti. Alio modo dicitur donum prout dicit respectum ad eum cui datur, & sic non dicit proprietatem distinctiuam, sed consequens ad proprietatem distinctiuam. Sed illud non videtur posse stare: nam donum semper aliquam comparisonem dicit ad eum cui datur. Intellecto enim quod non sit donabilis alicui, impossibile est intelligere quod sit donum. Et propter hoc est aliter dicendum, sicut prius tactum est, quod donum præter respectum quem importat ad dantem, importat respectum ad eum cui datur. Sed hoc potest esse tripliciter. Vel secundum actum, ut quia datum. Vel secundum habitum, ut quia dandum. Vel secundum aptitudinem, ut quia donabile: & iste respectus adeo coniunctus est primo ut primus sine hoc non possit esse, nec intelligi: immo de necessitate sequitur si procedit per modum doni quod sit donabilis: & ideo sequens respectus non aufert primo, quin sit proprietas distinctiua. Dicendum ergo quod est proprietas distinctiua ratione primi respectus, secundo respectu non repugnante, sed consonante.

1. Ex hoc patet responsio ad primum, quia ille respectus talis est quod non potest circumscribi secundum aptitudinem ob emanationem per modum liberalitatis. Et patet, quod non est simile de missione, quia dicit respectum secundum actum, non secundum aptitudinem. Ad illud quod obiicitur quod proprietas distinctiua debet dicere actum, dicendum quod donum dicit duplicem respectum, & ratione huius dicit comparisonem ad duplicem actum. Ratione primi respectus dicit actum processionis, ratione secundi dicit actum communicationis. Primum actum importat in actu, secundum in habitu: & ratione primi est proprietas distinctiua, non ratione secundi.

2. 3. Ad illud quod obiicitur quod in alia persona hoc non est, respondet quidam quod Spiritus sanctus est tertia persona: ideo nobis secundum rationem intelligendi immediatior, & ideo proprietas eius sumitur in comparatione ad nos, non sic in aliis. Aliter potest solui per interemptionem, quia sicut donum respectum dicit ad creaturas, ita & hæc proprietas quæ est verbum, ut infra patebit.

4. Ad illud quod obiicitur de pluralitate notionum, dicendum quod spiritus, amor, & donum eandem proprietatem dicunt, ratione differentem: eandem, inquam

notionem

notionem dicunt, quia dicunt comparationem ad idem, & dicunt eandem emanationem, sed tamen differenter eam nominant. Nam spiritus dicit eam principaliter per comparationem ad vim producentem quæ est vis spiritalia. Amor principaliter quantum ad modum emanandi, quia ut nexus. Donum vero quantum ad respectum consequentem. Et similiter emanationem Verbi contingit tripliciter significari, scilicet per hoc nomen Filius, Imago, & Verbum. Quia à vi naturæ, Filius. Quia per modum expressiui, Imago. Quia aliis expressiui, id est Verbum. Similiter à vi spiritalia, Spiritus. Quia per modum nexus, Amor. Quia nos natus connectere, Donum. Et sic patet, quod una est notio aliter & aliter nominata, secundum rationes consequentes, id est non est ibi Synonymia.

QVÆSTIO VI.

An Spiritus sanctus ratione donabilitatis Spiritus sanctus dicatur.

Alexander Alensis 1. p. 63. Membro 3.

Eg. d. Rom. 1. Sent. dist. 18. princ. 2. q. 2.

Richardus 1. Sent. dist. 18. q. 6.

Petrus de Tarantasia 1. Sent. dist. 18. q. 7.

Marfilinus Inguen. 1. Sent. q. 24. art. 3. dub. 2.

Vtrum ratione donabilitatis dicatur spiritus noster Et quod sic videtur, quia *Noster* dicit possessionem: sed nos non habuimus aliquid diuinum nisi per largitionem & donationem: ergo cum Spiritus sanctus dicat quid diuinum, quod dicatur noster, hoc est ratione donabilitatis.

ITEM hoc etiam videtur, quia etiam dicitur Spiritus noster, non autem dicitur Filius vel Pater noster: ergo propter aliquam proprietatem quæ est in Spiritu sancto, & non in Patre & Filio: sed hoc est nisi donabilitas, ergo, &c.

ITEM antequam Spiritus sanctus habitet in nobis non dicitur noster, sed inhabitat per donationem: ergo dicitur noster ratione donabilitatis.

1. CONTRA: Si ratione donabilitatis: ergo cum donabilitas sit proprietas personalis, non essentialis: videtur solum dici de persona Spiritus sancti: hoc autem falsum, quia dicitur Deus noster.

2. ITEM si ratione donabilitatis: ergo constat quod non per comparationem ad dantem, sed ad eum cui datur: sed Filius datus est nobis etiam magis quam Spiritus sanctus, &c.

3. ITEM si ratione donabilitatis: ergo debet conuenienter dici donum nostrum.

4. ITEM si ratione donabilitatis: cum ergo donabilis sit nobis magis in quantum sanctus quam in quantum Spiritus: melius debet dici Spiritus sanctus noster: quod tamen non dicitur. Quæritur ergo generaliter de quibus posset dici noster.

CONCLUSIO.

Spiritus sanctus ratione donabilitatis appropriate dicitur Spiritus noster.

RESP. Ad arg. Dicendum quod meum, & nostrum dupliciter possunt attribui alicui, vel mediante compositione vel immediate. Si mediante compositione de se ponunt propriam habitudinem circa terminum, sc. habitudinem possessionis, ut cum dicitur: Hoc est meum: & hoc modo, quia omnis qui habet spiritum Dei, habet Deum: & omnia quæ sunt Dei: hoc modo *nostrum*, & *nostrum* vel *tuum*, potest dici de omni quod in Deo est communiter: sed magis proprie de Filio, quia datus est nobis per incarnationem: maxime autem de Spiritu sancto qui est pignus æternæ hereditatis. Vnde concedendum quod ratione donabilitatis potest inter alias personas ratio possidendi appropriari Spiritui sancto. Potest etiam hoc quod est nostrum attribui alicui immediate,

& sic, non dicit habitudinem possessionis: sed tantum rationem habitudinis importatæ per terminum cui vnitur. Sic enim nulli vnitur, nisi quod importat respectum explicite, ut pater noster, vel meus: vel implicite, ut liber meus, id est, possessio mea. Secundum hoc notandum quod non dicitur meus, vel noster de aliquo, nisi secundum illud nomen, secundum quod dicitur hoc esse huius: hoc autem esse huius potest dici secundum triplicem habitudinem: aut informationis, ut albedo Petri: & hanc habitudinem important nomina, quæ significant in abstractione. Et quia nihil diuinum comparatur ad nos secundum habitudinem informationis: ideo non potest dici de nominibus abstractionis, *noster*: ideo non dicitur deitas nostra, nec æternitas nostra. Potest etiam secundo dici hoc esse huius secundum habitudinem causalitatis, & hanc habitudinem important nomina quæ dicunt actum, ut Creator: & quia hanc habitudinem omnino habent diuina ad nos, ideo bene de talibus omnibus nominibus dicitur *nostrum*. Potest etiam tertio modo, hoc esse huius, secundum habitudinem correlationis: & hanc habitudinem important nomina relatiua, Sed hæc sunt dupliciter, quia quædam dicunt respectum personæ ad personam: quædam autem respectum ad creaturam. De his quæ dicunt respectum ad personam, non dicitur *meus*, vel *noster*. De his autem quæ ad nos, ut Dominus, Magister, recte dicitur *noster*. Dicendum ergo quod donabilitas quantum ad secundum modum dicendi, *nostrum*, nihil facit, sicut probant rationes secundo inductæ: sed hoc facit respectus, quia Spiritus dicit respectum ad illum cui inspiratur, & hoc sumus nos, ideo dicitur Spiritus noster. Similiter Deus, quia imponitur ab actu quem habet circa nos, ut dicit Damascenus, ideo dicitur Deus noster. Est ergo regula quod de his dicitur *noster*, quæ dicunt respectum ad nos secundum habitudinem causalitatis, vel correlationis, & sic patent omnia obiecta.

DISTINCT. XIX. PARS I.

De æqualitate trium Personarum



NVC postquam coeternitatem trium personarum pro modulo facultatis nostra insinuauimus, iam de earundem æqualitate aliquid eloqui superest. Fides enim Catholica sicut coeternas ita & coæuales tres personas asserit. Æqualis est enim in omnibus Patri Filius, & Patri & Filio Spiritus sanctus. Quia Augustinus in libro de fide ad Petrum, breuiter aperiens quo modo intelligatur æqualitas, docet: Nullus horum alium aut præcedit æternitate, aut excedit magnitudine, aut superat potestate: quia nec Filio, nec Spiritu sancto (quantum ad naturæ diuinæ unitatem pertinet) aut anterior aut maior est Pater: nec Filius Spiritu sancto. Æternum quippe est sine initio est, quod Filius de natura Patris existit: & æternum ac sine initio est quod Spiritus sanctus de natura Patris Filiique procedit. Ob hoc ergo tres unum recte credimus, & dicimus Deum: quia una prorsus æternitas, una immensitas, una naturaliter est trium personarum diuinitas. Ecce breuiter assignauit Augustinus in quo trium personarum consistat æqualitas, scilicet quia alia aliam non excellit, aut æternitate, aut magnitudine, aut potestate.

Quod aeternitas, & magnitudo, & potestas in Deo sunt
vnum, licet ponantur quasi diuersa.

Cumque enumerentur ista quasi diuersa, in Deo ta-
men vnum & idem sunt: scilicet essentia diuina, sim-
plex, & incommutabilis. Vnde Aug. in lib. 7. de Trini-
tate: Non alio magnus, alio Deus est, sed eo magnus, quo
Deus: quia non est illi aliud magnum esse, aliud Deum
esse. Eadem quippe eius magnitudo est quae virtus, &
eadem essentia quae magnitudo. Pater ergo & Filius
simul vna essentia, & vna magnitudo. Ita etiam &
potentia Dei, essentia diuina est. Vnde Aug. in 7. lib.
confes. Voluntas & potentia Dei, Deus est. Aeternitas
quoque Dei essentia diuina est. Quod August. ostendit
super illum locum Psal. In generatione & generatio-
nem anni tui. Est generatio generationum quae non
transit, collecta de omnibus generationibus, id est, san-
ctis. In illa erunt anni Dei, qui non transeunt, id est,
aeternitas Dei. Non enim sunt aliud anni Dei, aliud
ipse: sed anni Dei, aeternitas Dei est. Aeternitas vero
ipsa Dei substantia est, nihil habens mutabile. Incon-
cussae ergo teneamus quod vnum & idem est, scilicet
essentia diuina, Dei aeternitas, potentia, magnitudo: &
tamen consuevit scriptura, hac & his similia quasi
distincte ponere. In his verbis trium personarum
aequalitatem breuiter complexus est Aug. Quia alius
alius nec aeternitate, nec magnitudine, nec potentia
superat. Quod autem aeternitate aliqua trium per-
sonarum aliam non excidat, & supra ostensum est,
ubi coaeternitas trium personarum insinuata est.

De magnitudinis aequalitate in diuinis

Nunc igitur superest ostendere quod magnitudine
vel potentia alius alium non excedat: & prius de ma-
gnitudine videamus. † Sciendum est ergo quia Pater
non est maior Filio, nec Pater vel Filius maior Spiritu
sancto, nec maius aliquid duae personae simul sunt
quam vna: nec tres simul maius aliquid quam duae:
nec maior est essentia in tribus quam in duabus, nec in
duabus quam in vna: quia tota est in singulis. Vnde
Ioan. Damas. ait: Confitemur deitatis naturam om-
nem perfecte esse in singula suarum hypostaseon, id est,
personarum: omnem in Patre, omnem in Filio, omnem
in Spiritu sancto. Ideoque perfectus Deus Pater, per-
fectus Deus Filius, perfectus Deus Spiritus sanctus.

Quo modo dicatur esse Deus Pater in Filio, & Filius in
Patre, & Spiritus sanctus in utroque, & sin-
gulus in singulis.

Et inde est quod Pater dicitur esse in Filio, & Filius
in Patre, & Spiritus sanctus in utroque, & singulus
in singulis. Vnde Augustinus in lib. de fide ad Petrum:
Propter unitatem naturalem totus Pater in Filio &
Spiritu sancto est, totus quoque Spiritus sanctus in Pa-
tre & Filio est. Nullus horum extra quemlibet ipso-
rum est, propter diuinam naturam unitatem. Ecce hic
aperit aliquatenus (non enim plene potest tantum ab
homine referari arcanum) ex qua intelligentia dica-
tur singula personarum tota esse in aliis. Vnde etiam
Hilarius ista interius perquirens in lib. 3. de Trinit.
ait: Afferit plerisque obscuritatem sermo Domini cum
dicit: Ego in Patre, & Pater in me est: nec immerito.
Natura enim intelligentia humana rationem dicti
huius non capit: nec exemplum aliquod rebus diuinis

A comparatio humana praestabit. Sed quod non intelli-
gibile est homini, Deo possibile est. Cognoscendum ita-
que, atque intelligendum est quid sit illud: Ego in Pa-
tre, & Pater in me est: si tamen comprehendere hoc
ita ut est, valebimus, ut quod natura rerum pati non
posse aestimatur, id diuina veritatis ratio consequatur.
Patrem ergo in Filio, & Filium in Patre esse, plenu-
do in utroque diuinitatis perfecta est, quia plenitudo
diuinitatis est in Filio. Quod in Patre est, hoc & in Fi-
lio est: quod in Ingenito est, hoc in Genito: alter ab al-
tero, & uterque vnum. Is scilicet qui est, nihil habens
quod non sit etiam in eo a quo est, non duo vnus, sed
alius in alio: quia non aliud in utroque, ut vnum sint
in fide nostra, uterque non vnus. Nec eundem vtrum-
que, nec aliud confitemur, quia Deum ex Deo natum,
nec eundem natiuitas, nec aliud esse permittit. Ean-
dem ergo in utroque & virtutis similitudinem & dei-
tatis plenitudinem confitemur: quia Veritas dicit: Ego
in Patre, & Pater in me est. Omnia enim Filius acce-
pit a Patre: Nam si partem eiusdem qui genuit, acce-
pit, neuter ergo perfectus est: deesset enim ei unde de-
cessit, nec plenitudo in eo erit, qui ex portione constite-
rit. Neuter ergo perfectus est, si plenitudinem suam &
qui genuit, amittit, nec qui natus est consequitur. Fa-
teamur ergo quod Pater est in Filio, & Filius in Patre,
& Deus in Deo, ut idem Hilarius ait in 7. lib. de Trini-
tate non per duplicem conuenientiam generum con-
iunctionem, nec per insitam capacioris substantia na-
turam: sed per naturae unitatem similitudinem, per na-
tiuitatem viuientis ex viuente natura: dum res non
differt, dum naturam Dei non generat natiuitas, dum
non aliud aliquid ex Deo quam Deus nascitur: dum
nihil in his nouum est, nihil alienum, nihil separabile.
Ecce his verbis, prout humana permittit infirmitas
aperitur, ex quo sensu Christus dixerit se esse in
Patre, & Patrem in se. Ex eodem etiam sensu intel-
ligitur Spiritus sanctus esse in utroque, & singula
personarum in singulis: quia sc. in singulis est eadem
plenitudo diuinitatis, & unita similitudo naturae,
quia non est maior diuina natura in aliqua harum
personarum, sed vnius & indifferentis natura sunt
hae tres persona. Ideoque altera in altera esse dici-
tur, ut praedictum est. † Vnde Ambrosius praedictor-
um verborum sententiam nobis aperiens super Epi-
istolam 2. ad Corinth. 5. ait: Per hoc intelligitur Pa-
ter esse in Filio, & Filius in Patre, quia vna est eo-
rum substantia. Ibi enim est unitas, ubi nulla diuer-
sitas. Ecce tribus illustrium virorum testimoniis,
scilicet Augustini, Hilary, atque Ambrosij in eodem
concurrentibus reuelatione Spiritus sancti in eis lo-
quentis, pie credere volentibus ostenditur (tamen
quasi per speculum & in enigmate) qualiter acci-
piendum sit, cum dicitur Pater in Filio esse, vel Fi-
lius in Patre, vel Spiritus sanctus in utroque.

DISTINCT. XIX. PARS II.

De Magnitudinis aequalitate in Diuinis.

Sed iam nunc ad propositum redeamus, captoque
insistamus, ostendentes quod magnitudine, nulla triu
personarum aliam superat: quia nulla maior aliis,
nec maius aliquid sunt duae quam vna, nec tres quā
duae, nec maior Deus quā singuli horum: qui singulus
horū perfectus est, nec est quo crescat illa perfectio.

Quod

Explicatio
conclusio-
nis.

Cap. 1. 10. 3.

Cap. 4. 10. 1.

Psalm. 101. b

Paulo
rius.

Para n
medium
libri.

Ioan. 14.

Non lon-
a sine li

† Supra egit
de aeternita-
te distincte.

9. & 11.

Explicatio
secundae
partis con-
clusionis.
† Aug. lib.
6. de Trinit.
c. ult. 10. 3.

Lib. 4. de or-
thodoxa fide
cap. 6.

Corolla-
rium.

Cap. 1. 10. 3.

In exordio
libri.

Ioan. 14. b

Redit ad ex-
plicationem
conclusio-
nis.

Quod nulla personarum pars est in Trinitate.

ap. 10. 10. 6.

idem pau-
interpo-
is.

idem pau-
interpo-
is.

11. 19. 6

7. 6

Nec est aliqua trium personarum pars Dei, vel diuina essentia quia singula harum verus & plenus Deus est, & tota & plena diuina essentia est, & ideo nulla istarum in Trinitate pars est. Unde Aug. in lib. 3. contra Maximinū hareticum sic ait: Putas Deum Patre cum Filio & Spiritu sancto, unum Deum esse non posse, Times enim ne Pater sit pars unius Dei, qui cōstet ex tribus. Noli hoc timere: nulla enim sit partū in Deitatis unitate diuisio: unus est Deus Pater, & Filius, & Spiritus sanctus, id est, ipsa Trinitas unus est Deus: Ergo, inquis, Deus Pater est pars Dei, absit. Tres enim personae sunt Pater & Filius, & Spiritus sanctus: & hi tres, quia unius substantia sunt, unum sunt, & summe unū sunt, ubi nulla naturarum, nulla est diuersitas voluntatū. Si enim natura unum essent, & consensione unū non essent, non summe unum essent. Si vero natura dispares essent, nō summe unum essent. Hi ergo tres, quia unum sunt propter ineffabilem coniunctionem deitatis, qua ineffabiliter copulantur, unus Deus est. Pars ergo Trinitatis esse non potest, quicumque unus est in tribus. In Trinitate ergo quia Deus est, & Pater Deus est, & Filius Deus est, & Spiritus sanctus Deus est, & simul hi tres unus Deus. Nec huius Trinitatis tertia pars est unus, nec maius aliquid duo quam unus est ubi est ibi: nec maius aliquid sunt omnes quam singuli: quia spiritalis, non corporalis est magnitudo. Qui potest capere, capiat: qui autem non potest, credat, & oret ut quod credit intelligat. Verum est enim quod per prophetam dicitur: Nisi credideritis, non intelligetis. His verbis aperte ostendit indifferentem magnitudinē trium personarum. Item in eodem capite: Tu nempe dixisti unū Deum non ex partibus esse compositum, & hoc de Patre tātum vis intelligi. Ille, inquis, virtus est ingenta, simplex, & tamen in hac simplici virtute multa videris commemorare, cum dicis: Deus Deum genuit, bonus bonum genuit, sapiens sapientem, clemēs clementem, potens potentem. Nunquid ergo bonitas, & sapientia, & clementia, & potentia partes sunt unius virtutis, quam simplicē esse dixisti? Si dixeris, partes sunt, simplex ergo virtus ex partibus constat. Et simplex ista virtus, te definiente, unus est Deus: ergo Deum ex partibus compositum esse dicis. Non dico, inquis, non sunt partes. Si ergo in una persona Patris, & illa inuenis quae plura videntur, & partes non inueneris, quia una virtus simplex est: Quanto magis Pater, & Filius, & Spiritus sanctus, & propter indiuiduam deitatem unus Deus est, & propter uniuscuiusque proprietatem tres personae sunt, & propter singulorum perfectionem partes unius Dei non sunt. Virtus est Pater, virtus est Filius, virtus est Spiritus sanctus. Hoc verum dicis, sed quod virtutem de virtute genitam, & virtutē de virtute procedentem non vis eandem habere naturā, hoc falsum dicis, hoc contra fidem rectā & catholicā dicis. His verbis aperte docetur quod tres personae illae nō sunt partes Dei vel diuinae essentiae. Nullaque illarū Trinitatis pars dicenda est, nec una maior est aliis.

Cum dicimus tres personas esse vnā essentiam, nec ut genus de speciebus, nec ut speciem de indiuiduis praedicamus, quia non est essentia genus, & persona species, vel essentia species, & persona indiuiduum.

Hic addiciendum est quod tanta est aequalitas trium personarum atque indifferentis magnitudo, quod cum dicamus tres personas vnā essentiam vel substan-

tiam, neque ut genus de speciebus, neque ut speciem in indiuiduis praedicamus. Non enim essentia diuina genus est, & tres personae species: vel essentia diuina species, & tres personae indiuidua: Quod Aug. rationibus probabilibus, atque irrefragabilibus aperte demonstrat in lib. 7. de Trinit. dicens: Si essentia genus est, species autem persona, ut nonnulli sentiunt, oportet appellari tres substantias, ut appellantur tres personae. Sicut cum sit animal genus, & equus species, appellantur tres equi, idemque tria animalia. Non enim ibi species pluraliter dicitur, & genus singulariter, ut si diceretur, tres equi sunt unum animal: sed sicut tres equi speciali nomine, ita tria animalia nomine generali dicuntur. Cum ergo tres personas vnā fateamur esse essentiam, non tres esse essentias, cum tres equi tria animalia dicantur, non vnū: patet nomine essentia non significari genus, nec nomine persona speciem.

Hic probat quod non dicitur, ut species de indiuiduis.

Si vero dicunt nomine persona non speciem significari, sed aliquid singulare, atque indiuiduum, & nomine essentia speciem intelligi, ut persona non dicatur sicut homo, sed quo modo dicitur hic homo, velut Abraham, Isaac, Iacob, vel quis alius, qui etiam digito praesens demonstrari possit: sic quoque illos eadem ratio confutabit. Sicut enim dicuntur Abraham, Isaac, Iacob tria indiuidua: ita tres homines, & tria animalia. Cur ergo Pater, & Filius, & Spiritus sanctus, si secundum genus, & speciem, & indiuiduum ista differimus, non ita dicuntur tres essentiae, ut tres personae?

Idem probatur alio modo.

Alio quoque modo idem probat Augustinus, sc. quod essentia diuina non est genus, nec persona species: vel essentia non est species, nec persona indiuidua. Vna, inquit, essentia non habet species, sicut vnū animal nō habet species. Pater ergo, Filius, & Spiritus sanctus non sunt tres species vnus essentia: diuina ergo essentia genus non est. Sed nec species est essentia diuina, & persona, indiuidua, sicut homo species est, indiuidua autem Abraham, Isaac, & Iacob. Si enim essentia species est, ut homo, sicut non dicitur vnus homo esse Abraham, Isaac, & Iacob, ita non dicitur vna essentia esse tres personae. Non itaque secundum genus & species, ista dicimus.

Nec secundum materialem causam dicuntur tres personae vna essentia.

Notandum etiam quod essentia diuina non est materia trium personarum, ut Augustinus in eodem libro docet, tanquam secundum communem eandemque materiam tres personae dicantur esse vna essentia, sicut ex eodem auro si fierent tres statuae, diceremus tres statuas vnū aurum. Non autem sic Trinitatem, id est, tres personas dicimus vnā essentiam, & Deum vnū, tanquam ex vna materia tria quadam substantiant. In statuis enim aequalibus plus auri est tres simul quam singula, & minus auri est vna quam dua. In illa vero essentia Trinitatis nullo modo est ita. Non ergo secundum materialem causam tres personas vnā dicimus esse substantiam, vel essentiam, sicut tres statuae dicuntur vnū aurum.

Nec

Conclu-
nes min
princip
explicat
primam
principa
lem.
Cap. 6. 10
Probati
huius ce
clusioni

Lib. 6. ca
ei dem.

Lib. 6. ca
ei dem.

Idem cap. 6
com. 3.

Nec ita dicuntur tres personæ vna essentia, ut tres homines vna natura, vel vnius naturæ.

His quoque addendum est, quod tres personas non ita dicimus esse vnam essentiam, ut August. in eodem ait, vel vnius essentia, sicut dicimus al. quos tres homines eiusdem sexus, & eiusdem temperationis corporis, eiusdemque animi vnam esse naturam, vel vnius naturæ. Nam in his rebus non tantum est vnus homo, quantum tres homines simul, & plus aliquid sunt homines duo quam vnus homo, sicut in statuis esse diximus: at in Deo non est ita. Non enim maior essentia est Pater & Filius simul quam solus Pater, vel solus Filius: sed tres simul illa persona æquales sunt singulis. Ex præmissis patet quod tres personæ dicuntur diuina essentia, nec secundum materialem causam, ut tres statue vnum aurum, nec secundum complexionis similitudinem ut tres homines vnius naturæ, nec ut genus predicatur de speciebus, vel ut species de indiuiduis, id est, continens de contentis, maius de minoribus.

Quæ videntur aduersari prædictis.

His autem videntur aduersari quæ quidam sacra scriptura Tractatores Catholici in suis scriptis traderunt. In quibus significare videntur quod essentia diuina sit quiddam commune, & vniuersale velut species: tres vero personæ sunt tria particularia, tria indiuidua numero differentia. Vnde Ioan. Damasc. inter Doctores Græcorum maximus in libro quem de Trinitate scripsit, quem & Papa Eugenius transferri fecit, ait: Communia, & vniuersalia predicantur de subiectis sibiipsis particularibus. Commune ergo substantia est, particulare vero hypostasis, id est, persona. Particulare autem dicitur, non quod partem naturæ habet: sed particulare numero, ut atomus, id est, indiuiduum. Numero enim non natura differre videntur hypostases. Item in eodem: Substantia significat communem, & circumplectiuam speciem homoiæon, id est, similitum specie, hypostaseon, id est, personarum, ut puta Deus, homo: hypostasis autem indiuiduum demonstrat, id est, Patrem, Filium, & Spiritum sanctum. Petrum, Paulum, & huiusmodi. Ecce aperte dicit substantiā esse vniuersalem, hypostasim vero particularem, & quod Deus est species ut homo: & quod Pater, & Filius, & Spiritus sanctus sunt indiuidua, sicut Petrus, & Paulus, eo quod numero differunt. Quæ præmissæ sententia August. penitus contradicere videntur. Quid ergo dicimus ad hæc? Hoc utique dicere possumus, atque debemus, quod ea quæ Augustinus tradidit superius, sine omni hesitatione tenenda sunt.

Quod sane possunt intelligi quæ Ioannes dicit, & quo modo, ostendit.

Hæc autem quæ hic dicuntur, licet in sermonis superficie aliquid à fide alienum resonare videantur, sane tamen intelligi queunt, piūque lectorē atque intellectorem plurimum efflagitant. In quorum explanatione mallem silens alios audire quam loquendo maleuolis detrahendi occasionem præstare. Videntur tamen mihi ita posse accipi, cum ait: Substantia est commune, & hypostasis est particulare. Nam ita hæc accipit cum de Deo dicuntur, ut accipiuntur in philosophica disciplina. Sed per similitudinem eorum quæ à philosophis dicuntur, locutus est, ut sicut ibi commune, vel vniuersa-

A le dicitur, quod predicatur de pluribus: particulare vero, vel indiuiduum quod de vno solo: ita hæc essentia diuina dicta est vniuersale, quia de omnibus personis simul, & de singulis separatim dicitur. Particulare vero singula qualibet personarum, quia nec de aliis communiter, nec de aliqua aliarum singulariter predicatur. Propter similitudinem ergo predicationis, substantiam Dei dixit vniuersalem, & personas particularia, vel indiuidua. Propter hoc idem eandem diuinam essentiam dixit esse speciem communem, & circumplectiuam similitum specie personarum, quia sicut hæc species, homo, de suis predicatur indiuiduis velut de Petro, & Paulo, & aliis, nec ista specie differunt, sed conueniunt per omnia: ita Deus de tribus predicatur personis, quæ in diuinitate non differunt, sed per omnia conueniunt. Hanc ergo similitudinem inter res sempiternas, & res temporales perpendens Ioannes, vniuersalitatis, & particularitatis nomina quæ rebus temporalibus proprie conueniunt, ad res æternas transtulit: Augustinus vero maiorem videns dissimilitudinem, quam similitudinem inter res prædictas, ab excellentia Trinitatis prædicta nomina remouit.

Ex quo sensu dixerit, personas differre numero.

Quod autem Ioannes dicit hypostases differre numero non natura. In eo quod non differre natura ait, verissime & sine scrupulo loquitur. Quod vero dicit, differre numero, cauendum est quo modo intelligatur. Diuersis enim modis dicuntur aliqua differre numero.

Quibus modis dicantur differre numero, & secundum quem modum possint conuenire personis.

Dicuntur enim aliqua differre numero, quando ita differunt, ut hoc non sit illud, nec aliquid quod illud est, vel in ipso est: qualiter differunt Socrates, & Plato, & huiusmodi, quæ apud Philosophos dicuntur indiuidua, vel particularia: iuxta quem modum non possunt dici tres personæ differre numero. Dicuntur quoque differre numero, quæ in enumeratione, siue computatione non sibi adiunguntur, sed à se inuicem discernuntur, ut cum de aliquibus rebus loquentes dicimus, vna, duæ, tres: & secundum hunc modum forte dixit Ioannes, hypostases, id est, personas differre numero. Possumus enim dicere, Pater est vnus, & Pater & Filius sunt duo, & Pater, & Filius, & Spiritus sanctus sunt tres. Et ite: Hæc persona est vna, & hæc, & illa sunt duæ: & hæc, & illa, & alia sunt tres. Conuenientius tamen tres illæ personæ proprietatibus tantum distingui dicuntur: de quarum distinctione secundum proprietates in sequenti tractabitur. Nunc vero ad inceptum redeamus, quæ dicta sunt repetentes, ut sæpius versando familiarius E innotescant.

Quod vna persona non est maior alia, nec tres simpli quam vna: & hoc, ratione ostenditur Catholica.

Sciendū est ergo tantam aequalitatem esse in Trinitate, ut ait Aug. in 8. lib. de Trinitate, ut non solum Pater non sit maior quā Filius, sed nec Pater & Filius simul maius aliquid sunt quam Spiritus sanctus: aut qualibet persona minus aliquid sit quam ipsa Trinitas. Quod autem ita sit, aliquo modo si fieri potest, demonstrandum est. Quantum ergo Creator ipse adiuvat, attendamus. Inquit Augustinus in eodem, quo mo-

Lib. 3. cap. 1. s. 1. s. 1.

Lib. 3. de orthodoxa fide. cap. 6. in præfatione.

Lib. 3. cap. 4.

Dist.

In P.

Cap.

do

do in hac Trinitate dua, vel tres persona non sunt maius aliud, quam una earum.

Ratione utitur subtilissima ad ostendendum quod ita sit.

Quod ibi magnum dicitur, aliunde magnum non est, quam eo quo vere est: quia ibi magnitudo ipsa veritas est, veritas essentia: non ergo ibi maius est quod verius non est. Non autem verius est Pater, & Filius simul, quam Pater solus, vel Filius. Non ergo maius est aliquid uterque simul, quam singulus eorum. Et quia aque vere est etiam Spiritus sanctus: ideo Pater, & Filius simul, non sunt aliquid maius quam ipse, quia nec verius sunt. Item in essentia veritatis hoc est verum esse, quod est esse: & hoc est esse, quod est magnum esse. Hoc est ergo magnum esse quod verum esse. Quod igitur ibi aque verum est, & aque magnum est. Quod ergo ibi plus veritatis non habet, plus non habet magnitudinis. Plus autem veritatis non habet quod verius non est. Non est autem verius una persona quam alia, vel dua quam una, vel tres simul quam singula. Non ergo plus veritatis habet una quam alia: vel dua quam una, vel tres simul quam singula. Sic ergo & ipsa Trinitas non est maius aliquid quam unaquaque ibi persona, sed tam magnum quam singula. Non enim ibi maior est, quae verior non est, ubi ipsa veritas est magnitudo. Ecce modo conuenienti, & ratione Catholica ostensum est quo modo indifferens sit magnitudo trium personarum, quia nec una maior est alia, nec dua maius aliquid quam una, nec tres simul maius aliquid quam singula.

Quod Deus non est dicendus triplex, sed trinus.

Præterea cum Deus dicatur trinus, non tamen debet dici triplex: ibi enim non est triplicitas, ubi summa est unitas, & indifferens æqualitas: unde Aug. in lib. 6. de Trin. ait: Non quoniam Deus Trinitas est, ideo triplex putandus est, alioquin minor esset Pater solus vel Filius solus quam simul Pater, & Filius. Cum itaque tantus est Pater solus, vel solus Filius, vel solus Spiritus sanctus, quantus est simul Pater, & Filius, & Spiritus sanctus, nullo modo triplex dicendus est Deus. Non enim Pater cum Filio, & Spiritu sancto maior Deus est quam singuli eorum: quia non est quo crescat illa perfectio. Perfectus autem est & Pater, & Filius, & Spiritus sanctus, & perfectus dicitur Deus singulus eorum. Et ideo Trinitas potius quam triplex dici debet.

Quod non est ita in rebus corporeis, ut in Trinitate.

In rebus corporeis non tantum est una, quantum tres simul: & plus sunt due, quam una res. In Trinitate vero summa, tantum est una persona, quantum tres simul, & tantum sunt dua quantum una, & in se infinita sunt, quia non est finis magnitudinis earum. Ac per hoc aperitur quod superius dictum est, quo modo singula sunt in singulis, & omnia in singulis, & singula in omnibus, & omnia in omnibus, & unum in omnibus est, & unum omnia. Ecce iam ostendimus sufficienter, qualiter in Trinitate, aliqua persona aliam non superet magnitudine.

DISTINCT. XIX. PARS I.

De Proprietatibus, & Conditionibus quodam modo essentialibus, quodam modo personalibus Trinitatis, & Unitatis.

Nunc postquam æternitatem trium Personarum, &c.

Expositio Textus.

TERMINATIS duabus partibus, in quibus Magister egit de his quæ pertinent ad essentia unitatem, & personarum pluralitatem sigillatim hic incipit tertia pars, in qua determinat personarum æqualitatem, quæ simul recipit pluralitatem, & unitatem. Et hæc pars habet tres partes principales. In prima proponit in quibus consistat æqualitas. In secunda probat specialiter, ibi: Nunc igitur superest ostendere, &c. In tertia, quia in probando propositiones dubias dixerat, in quibus d. etio exclusiua generat ambiguitatem, ideo determinat qualiter dictiones exclusiua accipiantur in diuinis, infra: Hic oritur questio trahens originem ex prædictis. Prima pars principalis in qua proponit ea in quibus æqualitas consistit, habet duas partes. In prima parte proponit quod consistit in his tribus, æternitate, magnitudine, & potestate. In secunda ne crederentur hæc tria diuersa, ostendit, quod hæc sunt idem in Deo, ibi: Cumque enumerentur ista quasi diuersa, &c. Similiter secunda pars principalis, in qua probat æqualitatem, diuiditur in duas. Supposito enim quod in diuinis sit æqualitas quantum ad æternitatem, ostendit primo æqualitatem quantum ad magnitudinem: secundo quantum ad potestatem, infra: Nunc ostendere restat quo modo aliqua, &c. Prima iterum pars habet duas. In prima probat æqualitatem magnitudinis per essentia unitatem. Secundo probat æqualitatem, excludendo inæqualitatem, ibi: Sed iam nunc ad propositum redeamus. Prima pars, in qua probat personarum æqualitatem quantum ad magnitudinem habet duas. In prima probat per essentia indiuisiōem, siue unitatem. In secunda per illam eandem ostendit esse in personis circumincessionem, ibi: Et inde est quod Pater dicitur esse in Filio.

Nunc postquam, &c. Dub. I.

In parte ista sunt dubitationes circa literam. Et primo dubitatur de situ huius partis; cum enim unitas in substantia faciat identitatem, unitas in quantitate æqualitatem, unitas in qualitate similitudinem, pari ratione videtur quod deberet determinare de identitate, & similitudine: quia si de his non determinat, videtur quod nec de æqualitate deberet facere specialem tractatum.

RESP. Dicendum quod ostensa perfecta æqualitate, ostenditur quod omnimoda sit in natura identitas, & similitudo: & ideo determinata æqualitate, non est opportunum de aliis determinare: sed magis de æqualitate determinat propter hæreses extirpandas, Arianorum maxime qui posuerunt inæqualitatem in diuinis: & ideo difficilior, & utilior circa hoc versatur disputatio.

Coæternitatem trium personarum. Dub. II.

Videtur male dicere quod coæqualitas consistat in æternitate, quia ipse diuidit coæternitatem contra æqualitatem: ergo si ab ea distinguitur quantum ad æternitatem non attenditur æqualitas.

RESP. Dicendum quod æqualitas perfecta in his tribus consistit, & Magister conuincit æqualitatem contra coæternitatem, quantum ad alia duo membra, scilicet magnitudinem, & potentiam.

Non alio magnus, &c. Dub. III.

Videtur pari ratione, cum alio sit Deus, alio Pater, quod alio sit Deus, alio magnus. Si dicas quod quantitas transit in substantiam, relatio non. Obicitur quod illud non soluit: Augustinus enim loquitur de formaliter prædicatione, & constat quod formaliter loquendo quod sicut ista est falsa: Deus est magnus deitate, vel Deus est Deus magnitudine, sic & ista, Pater est magnus.

R E S P. Dicendum quod quamvis secundum rationem loquendi, vel intelligendi à parte nostra magnitudo in diuinis dicatur per modum quantitatis, & deitas per modum substantiæ, tamen à parte rei nulla est omnino differentia. Nihil enim de magnitudine dicitur quod non dicatur de substantia. In resolutione autem paternitatis non est ita. Aliud enim prædicatur de paternitate quod non potest dici de essentia, sicut distinguere, & distingui.

In generatione, & generationem anni tui.
Dub. IV.

Videtur male dicere, quia in æternitate nulla cadit variatio: ergo cum annus variationem habeat, non debet transferri ibi. Item in illa æternitate est est omnimoda simplicitas, & impartialitas: ergo non deberet pluraliter dici, *annos*.

R E S P. Dicendum quod iuxta modum nostræ infirmitatis, & intelligimus diuinam Trinitatem, vel æternitatem, & nominamus, quoniam annus dicit completam temporis reuolutionem secundum decursum solis in zodiaco, & regressum ad idem punctum, & diuina æternitas perfecta est, & durationes cæteras circumplectens: ideo ad ipsam transtulit scriptura nomen anni. Rursus quia interminata & à parte ante, & à parte post, ideo non annum dicit quasi terminum habeat, nec generationem singulariter, sed pluraliter *annos*, & *generationes* similiter. Ratione ergo perfectionis, & interminationis transfertur, non ratione variationis.

Est generatio generationum.
Dub. V.

Videtur falsum dicere, & innuere quod in generatione Sanctorum sint anni Dei, id est, æternitas, quia duratio Sanctorum est finita à parte ante: sed æternitas Dei est infinita à parte ante & post: ergo illa non est in Sanctis. Itē quo modo essendi *In*, est in illa generatione Sanctorum? Sicut mensura, non: quia Dei æternitas solius Dei est mensura. Si sicut causa in effectu: sed hoc modo est in cæteris creaturis: ergo, &c.

R E S P. Dicendum illud verbum non esse dictum per commensurationem, neque per æqualitatem, sed per concomitantiam, & conformitatem. Quia enim generatio Sanctorum, à parte post, durat in infinitum, durat etiam sine variatione: ideo illam summam æternitatem in æternum comitatur, & ei expresse conformatur, & ideo sic exponit illud psalmi B. Augustinus: In generatione, & generationē anni tui: siue in generatione interminata quæ est generatio Sanctorum, siue Sancti sunt illa generatio: & quia in perpetuum durat, & quia ex multis generationibus sunt collecti.

Pater dicitur esse in Filio, & Fil., &c.
Dub. VI.

CONTRA: Quia si quid est in Deo Deus est propter summam simplicitatem: ergo quidquid est in Filio est Filius: ergo si Pater est in Filio, Pater est Filius.

R E S P. Dicendum quod non est simile, quia cum dicitur aliquid esse in Deo, hæc præpositio, *In*, aut dicit distinctionem essentialem, & sic non quidquid est in

A Deo est Deus, quia nos in Deo viuimus, mouemur, & sumus. Aut nullam dicit distinctionem, nisi secundum modum intelligendi, & hæc ponit omnimodam identitatem: & ideo sequitur quod sit Deus quod est in Deo. Sed cum dicitur de persona hæc præpositio, *In*, dicit distinctionem personalem, & vna persona de alia non prædicatur: & ideo patet quod non est simile.

Nec exemplum aliquod rebus diuinis, &c.
Dub. VII.

Videtur falsum, quia imago est expressa similitudo, & B vestigium est in omni creatura: ergo videtur quod exemplum sit in omnibus.

R E S P. Dicendum quod est exemplum exprimens perfecte consimiliter omnino, & tale nullum est in creaturis: quia imago & cæteræ creaturæ plus habent dissimilitudinis quam similitudinis: & est exemplum aliquo modo manuducens, & sic multa sunt, & ex multis colligitur vnum, nec tamen omnino perfectum.

Quod non intelligibile est homini, &c.
Dub. VIII.

Videtur falsum, quia anima nostra quodam modo est omnia, & intellectus noster non tot intelligit quin plura possit intelligere.

R E S P. Dicendum quod est loqui de intellectu comprehendente, & sic non est verum quod omnia intelligere possit: quia nec Deus, nec aliquid Dei est comprehensibile nobis, quia omnino infinitus. Et est loqui de intellectu apprehendente, & hoc dupliciter. Aut in ratione possibilitatis & suscipientis, & sic omne quod potest fieri, potest intelligere, quia possibile est ad intelligendum. Aut in ratione agentis, & quia non habet lumen tantæ potentie quod possit super omnia, scilicet præsentia & futura, quia multa sunt supra eius iudicium, sic non est omnium.

Nam si partem eiusdem, qui genuit, &c.
Dub. IX.

Videtur non sequi hoc, quia homo perfectus generat filium perfectum, & tamen non dat ei nisi partem.

R E S P. Dicendum quod est perfectio simpliciter, & perfectio in genere. Perfectio in genere bene compatitur secum dationem, & receptionem partis, quia in dante suppletur per restitutionem, in accipiente per augmentum, & additionem: Sed perfectio simpliciter non patitur secum restitutionem, nec additionem, & quoniam in Deo perfectio est simpliciter: ideo si daret partē, in dante remaneret defectus, similiter & in accipiente.

Non per duplicem conuenientium, &c.
Dub. X.

CONTRA: Aut tangit modos essendi, aut generandi. Non essendi, quia multo plures sunt quam isti. Non generandi, & ita in utroque modo est insufficiens.

R E S P. Aliqui dicunt quod Hilarius assignat hos modos generationis qui sunt in creaturis, ut excludat eos à Filio. Sed non assignat nisi duos modos, quia non loquitur nisi de generatione viui: viuens autē generabile diuiditur in vegetabile, & sensibile, & secundum illud duplex genus, duplex est modus generandi, quem tangit Hilarius. Nam animalia generantur per coniunctionem maris & femine, & plantæ per insertum. Et primū tangit cum dicitur: Non per duplicem conuenientium generationem, quia masculus & femina sūt duplicis generis quantum ad sexum, & tamen cōueniētes sunt quantum ad formam & materiam. Secundum modum tangit cum dicit: Nec per insitiam capacioris substantiæ naturæ, sed per, &c. sicut surculus inseritur arbori, sed per naturæ unitam similitudinem, id est, similitudinem non

Expositio
Doctoris.

in natura differentem. Aliter potest dici quod Hilarius non loquitur de modo, generandi sed loquitur quo modo Pater sit in Filio, & excludit modum essendi, In quo creatura dicitur esse in creatura secundum modum visitatum, ad quem modum concurret duplex conditio creaturatum. Prima est quoad naturam diuersitas. Secunda est continentis capacitas: & has excludit ab illo modo existendi, qui est in diuinis, per illa duo quæ dicit quod Filius est in Patre non per coniunctionem duorum generum, neque per instinum capioris substantiæ naturam, hoc patet per litteram Hilarij: quoniam immediate subiungit in originali, & Magister omittit. Quia inquit Hilarius, per corporalem necessitatem exteriora fieri his quibus continentur interiora non possunt. Vult quod illud est impossibile in creaturis corporalibus, quod mutuo sint in seipsis, sicut Pater est in Filio. Quia propter corporalem necessitatem & imperfectionem interiora non possunt fieri exteriora his quibus continentur: ut si aqua est in vase, dum est intus, non potest fieri extra, & ita non continetur vas ut vas sit in aqua.

*Dum naturam Dei non degenerat natiuitas.
Dub. XI.*

Quæritur quid hoc sit dicere, quia non tantum in Deo, sed in creaturis pluribus non degenerat.

RESP. Dicendum quod degenerare est extra genus generantis exire. Exire autem extra genus generantis hoc est, aut quantum ad formam communem & naturam, & sic est degeneratio in æquiocis, sicut equus ex asina generat burdonem: & asinus ex equa mulum, unde mulus degenerat. Alio modo degenerare est proprietates generantis relinquere, retenta natura, sicut filius qui generatur ex patre nobili & pulchro est rusticus & turpis. Tertio est degenerare, naturam degenerantis relinquere, non per similitudinem, sed per diuersitatem, & hoc modo omnis natiuitas creata degenerat, quia in omni creatura generans est aliud à generante, & in sola diuina generatione degeneratio non est, quia nihil nascitur nouum, nihil additur alienum: & ideo generans à generante in substantia non separatur, & ideo sola illa generatio est nobilissima, & c.

ARTICVLVS I.

AD intelligentiam huius partis quæruntur quatuor. Primo quæritur, vtrum in diuinis sit ponere æqualitatem. Secundo dato quod sit, vtrum sit ibi summa æqualitas. Tertio, vtrum in diuinis sit æqualitas cum conuersione. Quarto, vtrum sit ibi æqualitas cum circuminceptione.

Q. V. ÆSTIO I.

An in diuinis æqualitas sit ponenda.

Alex. Alenf. 1. p. q. 47. Memb. 1.
S. Thom. 1. p. q. 42. art. 1.
Et 1. Sent. dist. 19. q. 1. art. 1. & 4.
Scorus 1. Sent. dist. 19. q. 1.
Ægid. Rom. 1. Sent. dist. 19. q. 1.
Richardus 1. Sent. dist. 19. q. 1.
Durandus 1. Sent. dist. 19. q. 1.
Marsilius Inguen. 1. Sent. q. 22. art. 1.
Stephanus Brulef. 1. Sent. dist. 19. q. 1.
Greg. Arim. 1. Sent. dist. 19. q. 2.
Petrus de Tarantaf. 1. Sent. dist. 19. q. 1.
Gab Biel 1. Sent. dist. 19. q. 1. art. 1.

QVOD sit ibi æqualitas, ostenditur primo per illud quod dicitur in symbolo: Totæ tres personæ coæternæ sibi sunt, & coæquales.

ITEM hoc ipsum ostenditur ratione sic: Omnis multitudo reducitur ad unitatem: ergo omnis inæqua-

litas ad æqualitatem: sed unitas à qua est omnis multitudo, est unitas increata: ergo & æqualitas ad quam reducitur omnis inæqualitas est æqualitas increata: ergo, & c.

ITEM omne quod perfectionis est, transferendum est ad diuina: sed æqualitas est perfectionis in creatura: ergo, & c.

ITEM vnum in substantia facit identitatem, vnum in quantitate æqualitatem, vnum in qualitate facit similitudinem: sed in diuinis non tantum est unitas in substantia: sed etiam in quantitate, alioquin non esset ibi perfecta unitas: ergo non tantum est ibi identitas substantiæ, sed & æqualitas.

1. CONTRA: Vbi æqualitas ibi diuisibilitas, quia simplex simplici non æquatur: sed in diuinis non est ponere diuisibilitatem: ergo nec æqualitatem.

2. ITEM vbi æqualitas ibi quantitas, quia proprium est quantitatis secundum eam æquale, vel inæquale dici: sed in diuinis non est ponere quantitatem, quia secundum Augustin. Deus magnus sine quantitate: ergo, & c.

3. ITEM: Vbi æqualitas, ibi finitas, quia ibi est commensuratio: ergo vbi est mensura, ibi est finitas: sed in diuinis est infinitas: ergo, & c.

4. ITEM: Vbi æqualitas, ibi diuersitas, quoniam nihil est sibi æquale: sed in diuinis est omnimoda unitas: ergo non est æqualitas.

CONCLUSIO.

Cum in diuinis, virtutis quantitas reperitur, ponenda est ibi æqualitas.

RESP. Ad arg. Dicendum quod æqualitas ponitur in diuinis, secundum quod dicitur in symbolo, & dicit Augustinus. Ad hoc intelligendum, notandum quod æquale, & inæquale est propria passio consequens quantitatem. * Quantitas autem dicitur dupliciter, propriè scilicet quantitas molis, & translatiue quantitas virtutis: & quia illa est propria passio quantitatis, æqualitas consequitur vtramque quantitatem: ergo vbi est ponere quantitatem virtutis, ibi est ponere æqualitatem vel inæqualitatem. Hæc autem quantitas virtutis ponitur in spiritualibus, & summe reperitur in diuinis: quia hæc quantitas non repugnat simplicitati, sed consonat: similiter nec æqualitas consequens illam quantitatem. Et quia altera pars contradictionis compietior attribuenda est Deo, & æqualitas præit inæqualitatem: ideo ponenda est æqualitas in diuinis, & concedendæ sunt rationes ad hoc.

1. Ad illud ergo quod obiicitur in contrarium quod vbi æqualitas, ibi diuisibilitas: dicendum quod verum est de æqualitate quæ consequitur quantitatem molis.

2. AD illud quod secundo obiicitur: Vbi æqualitas ibi quantitas: dicendum quod verum est secundum genus, vel secundum speciem: & quamvis nomen quantitatis non transferatur, transferatur tamen nomen speciei, ut magnitudo.

3. Ad illud quod obiicitur, vbi æqualitas, ibi finitas: dicendum quod æqualitas in creaturis duo importat, scilicet conterminationem, & excessus priuationem. Primum est incompletionis ratione limitationis. Secundum perfectionis: ideo transferatur ratione secundi, non primi. Posset tamen dici quod infinitum quod est incomprehensibile, secundum veritatem ab infinito est comprehensibile: & ideo commensurabile infinito, & ex hoc non sequitur: est comprehensibile infinito: ergo finitum: imo magis infinitum est ibi quid & simpliciter.

4. AD illud quod obiicitur, vbi æqualitas, ibi diuersitas, dicendum quod est diuersitas suppositorum, & diuersitas formæ. Ad æqualitatem & similitudinem requiritur diuersitas suppositorum, non autem formæ diuersitas, sed unitas. Quod autem consequitur in inferioribus ad diuersitatem suppositorum, numeratio formæ vel quantitatis, hoc est, imperfectionis: & ideo totum quod est

Ad oppositum.

Lib. 5. de Trin. cap. 1. tom. 3.

Aug. lib. 3. contra Maximian. c. 10. tom. 6. Et li. 7. de Trin. ca. 6. tom. 3. * Ex Aug. lib. 6. Quant. anima cap. 3. & sequent. tom. 1. Illud idem tenet S. Thom. 1. p. q. 42. art. 1.

degenerare
uid.

undamata.

perfectiois transfertur in Deum. Non tamen est in suppositis, proprie loquendo, diuersitas, sed distinctio.

QVÆSTIO II.

An in diuinis sit summa æqualitas.

Alexander Alensis 1. p. 9. 47. Membro 5.

Egid. Rom. 1. Sent. dist. 19. q. 3.

Richardus 1. Sent. dist. 19. q. 3.

Franciscus de Mayr. 1. Sent. dist. 20. q. 1.

Steph. Bru'ef. 1. Sent. dist. 19. q. 2.

Petrus de Tarantaf. 1. Sent. dist. 19. q. 2.

VTRVM in diuinis sit summa æqualitas. Et quod sic videtur hoc modo sicut dicitur ab Aug. in lib. de fide ad Petrum: Non dicitur aliquis maior alio, nisi aut quia præcedit ætate, aut quia excedit magnitudine, aut quia superat potestate: sed nihil horum est in diuinis, vt probat August. & Magister: ergo nihil est ibi in æqualitatis: ergo est ibi summa æqualitas.

ITEM non potest maior æqualitas excogitari, quam vbi vnum æquatur vni, & vnum pluribus, & vnū omnibus. Sed in diuinis tantus est Filius, quantus est Pater: & tantus est Filius quantus Pater & Spiritus sanctus: & tantus etiā Filius quantus omnes tres: ergo, &c.

ITEM vnitas in quantitate, sicut dictum est, facit æqualitatem: ergo vbi summa vnitas, ibi summa æqualitas, sed hoc est in diuinis: ergo, &c.

ITEM status non est nisi in summo: sed status est in illa æqualitate per reductionem omnium ad ipsam: ergo, &c.

1. CONTRA: Augustinus in lib. 8. 3. q. Si omnia essent æqualia, non essent omnia: ergo omnimoda æqualitas tollit perfectionem in diuinis. Si ergo nihil est ponendum in Deo quod repugnet perfectioni in diuinis, non est ibi omnimoda æqualitas.

2. ITEM maior est æqualitas quæ attenditur secundum quantitatem continuam & discretam quam secundum quantitatem discretam, quia ibi est Trinitas, & ita imparitas: ergo in diuinis non est omnimoda æqualitas.

3. ITEM maior est æqualitas quæ attenditur secundum potentiam, & sapientiam, & bonitatem, quam quæ secundum sapientiam, & potentiam tantum: sed in diuinis non est æqualitas secundum bonitatem: ergo non est ibi summa æqualitas. Probatio minoris: bonum est diffusiuum sui, sed magis diffundit se Filius quam Spiritus sanctus: quia producit sibi æqualem, & etiam Pater quam Filius: ergo, &c. Quæritur ergo, quare August. non ostendit æqualitatem in sapientia, & bonitate: & iterum quare non ex parte loci, sicut magnitudinis, & etiam aliarum differentiarum quantitatis: quod cum non faciat, non videtur assignare omnimodam æqualitatem, sed solum in partem: aut si omnimodam ostendit, insufficienter procedit.

CONCLUSIO.

Cum in personis diuinis reperiatur æternitatis, potentia, & magnitudinis quantitas summa, etiam summa æqualitas ibidem ponenda est.

RESP. Ad arg. Dicendum quod in diuinis est summa æqualitas, & summa etiam assignatur ab Aug. quoniam sufficienter ostenditur remotio omnis inæqualitatis per illa tria quæ sunt æternitas, & magnitudo, & potentia. Horum trium distinctio, & sufficientia ab aliquibus accipitur sic. Quia enim in diuinis non est extensio molis, nec aggregatio multitudinis: ideo non est ibi quantitas continua extensua, nec discreta: sed loco eius est quantitas virtutis, quæ tangitur per hoc membrum quod est potentia. Quia vero Deus suo ambitu complectitur omnem durationem: ideo est ibi quantitas æternitatis correspondens tempori. Quia vero ambitu suæ immensitatis complectitur locum omnē & locatum: ideo est ibi quantitas magnitudinis correspondens loco. Et sic patet quod cum non sit aliā quantitatem accipere ibi, quod

sufficienter in illis ostenditur æqualitas & consistit. Sed hæc distinctio non est conueniens, tum quia non est in Deo quantitas virtutis, & ita non deberet ibi esse nisi vnum membrum, nec debet illa distingui contra alias: tum etiam, quia magnitudo in diuinis non tantum attenditur quantum ad ambitum localitatis, sed etiam quantum ad intensionem bonitatis. Vnde dicitur in 6. lib. de Trin. quod in spiritualibus idem est maius & melius: & propter hoc quantitas virtutis non tantum attenditur in operatione, sed etiam vt res considerata in omnimoda absolutione. Ideo possumus aliter horum trium distinctionem & sufficientiam assignare: in omni enim quod est, conuenit hanc triplicem considerationem habere. Potest enim aliquid considerari in comparatione ad suā originem, siue à parte ante, & sic vnum maius est altero, quando origo eius est prior, & contra, hoc est æqualitas æternitatis. Potest iterum considerari in se, & sic dicitur vnum altero maius: quia maioris extensionis, vel quia maioris valoris. Contra hanc est in Deo æqualitas magnitudinis, vt hæc æqualitas non tantum dicatur per comparationem ad localitatem, sed etiam ad sapientiam & bonitatem, & ad omne quod facit alterum altero dici maius, quia melius. Vnde Augustinus & Magister in hac distinctione probant æqualitatem magnitudinis per æqualitatem virtutis, siue in virtute. Potest etiam tertio considerari per comparationem ad effectum, & sic dicitur maius, quia potentius. Et contra hoc est æqualitas potentia. Quoniam ergo ratio æqualitatis non contingit pluribus modis considerari, si æqualitas est in istis, summa est: & cum ostenditur in istis, summa ostenditur, & perfecta inductione proceditur, & sic patet quod ultimo quærebatur.

1. AD illud quod obiicitur primo quod æqualitas repugnat perfectioni, dicendum quod verum est, perfectioni vniuersi, quæ aggregata est ex diuersitate, non sic est in Deo.

2. AD illud quod obiicitur quod maior est æqualitas secundum vtramque quantitatem, &c. Dicendum quod summa æqualitas non est in quantitate continua nec discreta, quia ibi vnum non æquatur pluribus: sed hæc est perfectissima æqualitas, ideo solum secundum quantitatem virtutis attenditur.

3. AD illud quod obiicitur de bonitate, quia diffusiuum, &c. Dicendum quod emanatio personæ non attenditur secundum rationem bonitatis essentia, sed magis fecunditatis personæ, vel in persona: & ideo non sequitur quod si Spiritus sanctus non producit quod propter hoc habeat minus de bonitate. Vnde notandum quod duplex est diffusio scilicet intra vel extra. Diffusio intra est quando persona procedit à persona, vnitatem naturæ, & hæc non est proprie diffusio: & hoc non consequitur bonum quia bonum: sed bonum in hypostasi, quæ aliam producere nata est: & ideo secundum hanc diffusionem non dicitur vna persona altera melior. Est alia diffusio extra, quæ attenditur in productione effectus, & secundum hanc rationem attenditur diffusio proprie & ratio boni: & quia in hac vna persona alteram non excedit, quia indiuisa sunt opera Trinitatis: ideo hac non est vna melior altera.

QVÆSTIO III.

An æqualitas conuersim in diuinis dicatur.

Alex. Alens. 1. p. 9. 48. Membro 4.

Egid. Rom. 1. Sent. dist. 19. q. 2.

Richardus 1. Sent. dist. 19. q. 2.

Steph. Bru'ef. 1. Sent. d. 19. q. 3.

Petrus de Tarantaf. 1. Sent. dist. 19. q. 3.

VTRVM in diuinis sit æqualitas cum conuersione. Et quod non, videtur hoc modo: Chrysost. super illud Hebr. 1. Qui cum sit splendor, &c. Filius est æqualis Patri, non Pater Filio.

2. ITEM Hilar. Imago si perfecte implet illud cuius est ipsa, coæquatur ei, non illud suæ imagini.

3. ITEM

5. 20.3.

uinis
ap. 9.
dio.

amēta.
I. Mo-
con-
o.

con-
nis
ndæ.

atio.

loctri-
qui-
Thom.
q. 42.

S. Tho. 1. p. q. 42. art. 5.

3. ITEM Aug. in 1. lib. de doctrina Christiana: In Patre vnitas, in Filio æqualitas; ergo videtur quod Pater non sit æqualis Filio, vt Filio, vt Filius Patri.

4. ITEM Dionys. In causis & causatis non recipimus reciprocaionem: sed Pater est principium Filij, ergo, &c.

CONTRA: omne relatiuum æquiparantiæ denominat extremum secundum modum consimilem: sed æqualitas est relatio æquiparantiæ: ergo similis reciprocatio.

ITEM vnum in quantitate facit æqualitatem: sed sicut Filius est vnum cum Patre, ita Pater vnum cum Filio quantum ad substantiam, & quantitatem: ergo sicut Filius est æqualis Patri, ita Pater Filio: ergo est ibi reciprocatio.

ITEM æqualitas mutua & reciproca, maior est quam non reciproca: ergo si in diuinis est summa æqualitas, patet, &c.

ITEM omne quantum comparatum quanto, aut est maius, aut minus, aut æquale: sed Pater est quantus virtute, &c. similiter Filius: aut ergo Pater maior, virtute, Filio, aut minor, aut æqualis.

CONCLUSIO.

In diuinis reperitur æqualitas secundum conuersionem, cum reciprocatio sit de ratione æqualitatis.

RESP. Ad arg. Dicendum quod æqualitas est ibi non tantum quia diuina, sed etiam quia æqualitas: & cum æqualitas de sui ratione dicat reciprocaionem in quantum æqualitas, secundum hoc credendum est quod Pater æqualis Filio, & Filius Patri. Et ad intelligentiam obiectorum notandum quod dupliciter est loqui de æqualitate. Aut provt dicit respectum æquiparantiæ, aut provt vltra respectum concernit actum coæquationis. In quantum dicit respectum æquiparantiæ, sicut ostendunt rationes, necesse est quod sit ibi reciprocatio: sed in quantum vltius concernit actum coæquationis, sic dicit rationem imitationis, & sic non conuenit Patri respectu Filij, quia importaret subauctoritatem in Patre. Vnde non dicitur Pater coæquare Filio, quia Filium non imitatur, nec perfecte, nec imperfecte. Et sic est simile, si dicatur: *Hoc cum illo*: Potest enim dupliciter intelligi. Aut provt dicit duorum coniunctionem: & sic de necessitate attenditur secundum conuersionem. Si enim iste vadit cum illo, necesse est etiam quod verum sit econuerso. Alio modo, *Hoc cum illo*, dicit associationem, & ita quandam subauctoritatem in associante: sic dicitur quod miles vadit cum rege, non econuerso: similiter intelligendum est cum æqualitate.

1. 2. 3. 4. Et ex his patent auctoritates sanctorum quæ loquuntur de æqualitate secundo modo, præter illam Dionysij, ad quam respondendum quod non habet locum in proposito, quia Dionysius loquitur proprie de causa secundum quod causa dicitur illud ad cuius esse sequitur aliud: & ita differt per essentiam ab effectu: & hoc modo non cadit in Deo respectu personæ.

QVÆSTIO IV.

An in diuinis sit æqualitas cum circuminceptione.

Et 1. Sent. dist. 19. q. 3. art. 2.

Scotus 1. Sent. dist. 19. q. 2.

Egid. Rom. 1. Sent. dist. 19. pr. 2. q. 2.

Henricus in summa, art. 53. q. ult.

Richardus 1. Sent. dist. 19. art. 2. q. 2.

Franciscus de Mayr. 1. Sent. dist. 20. q. 3.

Ioan. Baccon. 1. Sent. dist. 19. q. 2.

Thom. Arg. 1. Sent. dist. 19. q. unica.

Marfilus Inguen. 1. Sent. q. 19. q. 22. art. 2.

Steph. Brulef. 1. Sent. dist. 19. q. 4.

S. Bonauent. Operum. Tom. I V.

Patru de Tarentas. 1. Sent. dist. 19. q. 4.

Gabr. Biel. 1. Sent. dist. 19. q. 2.

Vtrum in diuinis sit æqualitas cum circuminceptione. Et quod sic ostenditur primo auctoritate Domini: Ego in Patre, & Pater in me est.

ITEM Aug. de fide ad Petrum: Propter vnitatem naturæ totus Pater est in Filio, & Spiritu sancto.

ITEM hoc ipsum ostenditur ratione, quia in quocunque est substantia vel essentia Patris, est Pater: sed substantia Patris est in Filio: ergo Pater est in Filio, eadem ratione est Filius in Patre.

ITEM omne cognitum est in cognoscente vel per veritatem, vel per similitudinem. Sed Pater cognoscit Filium quantum ad Hypostasim & proprietatem: ergo Filius est in Patre, aut quantum ad veritatem, aut quantum ad similitudinem veritatis. Non quantum ad similitudinem, quia tunc esset Filius in Patre sicut creatura: ergo quantum ad veritatem, eadem ratione Pater in Filio: ergo circuminceptio est ibi.

ITEM omne quod est comparatum ad alterum, aut est in illo, aut extra illum. Si ergo Filius comparatur ad Patrem, aut est in illo, aut extra. Si in eo, eadem ratione & Pater in eo. Si extra eum, sed illa quorum vnum est extra alterum differunt per substantiam, ergo Pater & Filius substantialiter differunt.

ITEM maior est conuenientia in diuinis quam sit generis ad species, vel totius ad partes: sed propter conuenientiam generis ad species, genus est in speciebus & econuerso: ergo multo fortius in diuinis, Pater est in Filio & econuerso.

1. CONTRA: Si Pater est in Filio, & econuerso: ergo Pater est in Patre. Sicut enim sequitur in prædicando quod quicquid prædicatur in plus vel æque de aliquo, prædicatur de omni eo quod est sub eo: ergo similiter, si aliquid est in aliquo, necesse est quod in eodem sit omne quod est in eo: ergo si Filius est in Patre, omne quod est in Filio est in Patre, sed Pater est in Filio: ergo Pater est in Patre.

2. ITEM quodcumque duo simplicia eiusdem generis simul sunt, ita quod vnum est in altero, non distinguuntur ab inuicem, sicut punctus est in puncto. Si ergo Pater & Filius sunt omnino simplices: si Pater est in Filio, & Filius in Patre, non videtur quod distinguantur.

3. ITEM si duæ essentia diuinæ essent, impossibile esset quod vna esset in alia: quia vna non posset illabi alij: quoniam vtraque esset æque spiritualis & summe spiritualis: ergo si duæ personæ sint æque & summe spirituales: impossibile est quod vna sit in altera: & ita videtur quod Deus non possit esse in creatura quin ei illabatur. Si ergo persona est in persona, videtur omnino ei illabi.

4. ITEM quæro quid significet hoc quod est esse in Patre, vtrum dicatur secundum substantiam, aut secundum relationem. Si secundum relationem, hoc est, contra Aug. qui dicit in litera quod propter vnitatem naturæ totus Pater est in Filio & Spiritu sancto. Si secundum substantiam: Quæ secundum substantiam dicuntur, conueniunt tribus: ergo hoc quod est esse in Patre conuenit Filio, & Spiritui sancto, & Patri: ergo Pater est in Patre: quod non conceditur.

5. ITEM cum dicitur: Pater est in Filio, & Filius in Patre, aut importatur eadem habitudo, aut altera. Si eadem, cum Filius sit in Patre vt in principio: tunc similiter Pater esset in Filio, vt in principio: quod simpliciter est absurdum. Si importatur altera habitudo: ergo si non est circuminceptio, cum dicitur genus est in specie, & species in genere, si similiter nec in proposito esset circuminceptio.

6. ITEM Filius est de Patre & apud Patrem, & non conuertitur: ergo pari ratione videtur quod non conuertatur, quod si Pater est in Filio, quod Filius sit in Patre.

7. ITEM nouem modi essendi sunt in creaturis. Primo modo sicut pars in toto. Secundo modo sicut totum in partibus. Tertio modo sicut species in genere. Quarto modo sicut genus in speciebus. Quinto modo sicut for-

Fundamēta
Ioan. 14. b

Aug. de fide
ad Petr. c. 1.
in med. 10. 3

Ad opposi-
tum.

De fide ad
Pet. cap. 1.
in med.

Ex Boetio
super Arist.
Ante præ-
dic. c. 4.
Phys. con-
tex. 33.

ma in materia. Sexto modo sicut rectum siue modus A in regente. Septimo modo sicut res in suo fine. Octauo modo sicut contentum in continente. Et nonum addit Boëtius, scilicet sicut accidens in subiecto. Quæritur ergo quo istorum sit Pater in Filio, & econuerso: & cum nullo illorū sit dare, videtur quod nullo modo sit.

CONCLUSIO.

*Inter personas diuinas est æqualitas secundum circumin-
cessionem, quia habent cum distinctione nature
unitatem.*

RESP. Ad arg. Dicendum quia sicut auctoritates pro-
bant & rationes, in diuinis est summa & perfecta cir-
cumincessio. Ethic notatur circumincessio qua dicitur
quod vnus est in alio & econuerso: & hoc proprie &
perfecte in solo Deo est: quia circumincessio in essendo
ponit distinctionem simul, & unitatem. Et quoniam in
solo Deo est vnitas cum distinctione, ita quod distin-
ctio est inconfusa, & vnitas indistincta: hinc est quod in
solo Deo est circumincessio perfecta. Et patet ratio hu-
ius, quia ratio circumincessionis est perfecta vnitas
essentiæ cum distinctione personarum: & quoniam hoc
propriū est solius Dei: ideo & circumincessio talis se-
cundum quod dicit Hilari. & Magister inducit in litera.

1. AD illud ergo quod obiicitur quod Pater est in Fi-
lio, & Filius in Patre, ergo Pater est in se, dicunt quidā
quod argumentum non valet, quia mutatur habitudo
eius quod est, *In*. Quia in vno dicitur habitudinem princi-
piati ad principium, in alia autem habitudinem princi-
pij ad principiatum. Tamen illud non oportet dicere,
quia sicut iam patebit, *In*, non dicit diuersam habitudi-
nem: Nec tamen sequitur, immo est accidens ibi, eo
quod, *In*, notat distinctionem, sicut accidens est hic: Pet-
rus est similis Paulo, & Paulus Petro: ergo Petrus est
similis Petro, ita & in proposito intelligendum.

2. AD illud quod obiicitur, simplicia simul existentia
confunduntur in vnum, dicendum quod illud verum
est, quando simplicia habent distingui penes illud in
quo sunt, sicut punctus & vnitas ab eo in quo est. Sed
quando seipsis distinguuntur & in seipsis substantifi-
cantur, tunc quamvis sint simul, non confunduntur, &
tales sunt Hypostases diuinæ. Et huius simile quamvis
perfecte possit in creatura inueniri, tamen Dionys. po-
nit exemplum in luminibus quæ multa sunt in eodem
aëre inconfusa, & huius signum est: quia quando lumi-
nare aufertur trahit lumen suum, nihil de aliis conuel-
lens, & ratio huius est, quia lumina in aëre non distin-
guuntur penes id in quo.

3. AD illud quod obiicitur quod essentia non est in
essentia nisi per illapsum, &c. Dicendum quod non est
simile, quia vbi est essentiarum diuersitas, si vna est in
altera, oportet quod vna sit aliquo modo materialis al-
teri, sed quoniam personæ differunt, salua essentiæ vni-
tate, vna est in alia, quia essentia vnus est essentia alte-
rius, & ita sicut idem non illabitur sibi, ita nullus po-
test esse ibi illapsum.

4. AD illud quod quæritur, quid significet hoc quod
est esse in Patre, dicendum quod sicut sancti innuunt, si-
cut æquale dicit respectum secundum unitatem quan-
titatis, & simile secundum unitatem qualitatis, similiter
hoc quod est: *Esse in Patre*, secundum unitatem substā-
tiæ. Vnde sicut æquale simul importat substantiam cū
relatione, sicut patebit infra, ita & hoc quod est esse,
In. Et sicut hoc quod est: æqualis Patri, arctatur ad
standum pro aliis personis, ita & in proposito intelli-
gendum.

5. AD illud quod quæritur, vtrum importetur eadem
habitudo, dicendum sine præiudicio quod sic, quantum
est de ratione nominis. Sicut enim cum dicitur: Pater est
similis Filio, & econuerso: non importatur alia & alia ha-
bitudo: ita nec in hoc quod est: *Esse in*, quia importat
relationem identitatis siue consubstantialitatis. Vnde

sicut si dicatur: *Pater*, est similis Filio, & econuerso, non
dicitur alia habitudo: sic in proposito, quia significat
hoc quod est, *esse in Patre*, idem quod est, *esse Patri con-
substantialem*. Et vniiformiter accipitur consubstantialis,
cum dicitur de Patre & Filio: Et hoc patet, quia si non
diceret consimilem habitudinem, non esset circumin-
cessio, sicut nec est quando dicitur creatura esse in Deo,
& Deus esse in creatura, quia alia importatur habitudo
in vtroque.

6. AD illud quod quæritur de hoc quod est, *apud*, &c.
dicendum quod quædam propositiones important ha-
bitudinem repugnantie, vt *contra*. Quædam distantie, vt
hoc quod est, *ad*, & *prope*. Quædam causæ, vt *de*, & *ex*.
Quædam conuenientie, vt *in*, & *cum*. Primæ & secundæ
nullo modo recipiuntur, sed tertiæ & quartæ sic: tertiæ
sic quod non conuersim: sed quartæ conuersim, quia
conuenientia est relatio æquiparantiæ.

7. AD vltimum soluendum quod iste est singularis
modus essendi *In*, qui non continetur inter illos, nec
potest reperiri proprie in creaturis.

DISTINCTIO XIX. PARS II.

De qualitate diuinarum Personarum cum
exclusionem inæqualitatis.

Huius Partis Textum supra videre licet.

Sed iam nunc ad propositum redeamus.

Expositio Textus.

SUPRA ostendit Magister, diuinas personas æ-
quari quantum ad æternitatem & magnitudi-
nem, per hoc quod vna essentia est in singulis
tota. Hic ostendit quod est summa in eis æqualitas, &
hoc facit excludendo ab eis communem rationem inæ-
qualitatis. Et diuiditur hæc pars in tres partes. In prima
ostendit quod non cadit ibi ratio totius & integri. In se-
cunda ostendit quod non cadit ibi ratio generis, speciei,
vel indiuidui, ibi: *Hic adiunctionem est quod tanta est æqua-
litas*, &c. In tertia ostendit quod non cadit ibi ratio nu-
meri, ibi: *Quod autem Ioannes dicit*, &c. Prima iterū pars
in duas. In prima, quia fecerat digressionē, continuat di-
cta dicendis. In secunda vero ostendit quod ibi non ca-
dit ratio totius & partis, ibi: *Nec est aliqua trinitas perso-
narum*. Itē secunda pars in qua ostendit quod in diuinis
nō cadit ratio vniuersalis siue generis & speciei, habet
duas partes. In prima ostendit quod non est accipere ge-
nus in diuinis, nec speciem, nec indiuiduum. In secunda
verbō contra hoc opponit auctoritate Damas. ibi: *Hic
autem videntur aduersari quedam*. Prima habet duas,
primo ostendit quod non est ibi naturā generis, vel spe-
ciei, vel indiuidui. Secundo quod nō est ibi ratio mate-
rialis principij, ibi: *Notandum etiā quod essentia diuina non
est materia*. Similiter pars in qua obiicit contra hoc, ha-
bet duas. In prima ostendit quod cadit ibi ratio vniuer-
salis, & indiuidui, ratione Damas. In secunda soluit. Primū
facit, ibi: *Hac autē videntur aduersari*, &c. Secundū ibi:
Hac autē qua hic dicitur licet in singulis sermonibus, &c.
Itē pars tertia in qua ostendit quod in diuinis nō cadit
ratio numeri, habet quatuor particulas. In prima præmi-
so quod in æqualitate personarū non cadit ratio nume-
ri, ostendit quibus modis differre numero non conue-
niat personis, & quibus modis conueniat. Secūdo quod
in diuinis personis tanta est magnitudo in vna persona,
quanta in tribus, ibi: *Sciendum est ergo*. In tertia ostendit
quod Deus non potest dici triplex, siue multiplex, ibi:
Præterea cum Deus dicatur trinus. In quarta ostendit dif-
ferentiam inter pluralitatem quæ est in creaturis cor-
poralibus, ibi: *In rebus corporeis non tantum*, &c.

Et notandum quod tota summa & fundamentum
totius distinctionis in hoc verbo consistit, quod diui-
na essentia est magnitudo vna non multiplicata, & tota

non

non diuifa est in qualibet personarum : ideo necesse est A
quod personæ sint omnino æquales magnitudine. Nec
potest ibi cadere ratio totius vniuersalis, quia illud
multiplicatur in partibus. Nec totius integri, quia il-
lud diuiditur in partes. Nec est totum in qualibet par-
te, & ita nec ratio materialis principij, nec ratio nu-
meri.

Oret, ut quod credit, intelligat.

Dub. I.

Videtur improprie loqui, quia nullus orat quod
non desiderat, & nullus desiderat quod non cognos-
cit, vel intelligit. Item nullus assentit rei quam non B
intelligit, quia intelligere est mente intueri.

RESP. Dicendum quod intelligere dupliciter dici-
tur: vno modo idem est quod cognoscere aliquid,
quod per nomen dicitur. Alio modo idem est quod ra-
tione apprehendere. Primo modo antecedit fidem quæ
est ex auditu, secundo modo consequitur, quia nulla
ratio humana sufficit ad manifestanda credibilia nisi in-
tellectus fide illustretur, & captiuetur.

Aliqua differre numero qua in enumeratione, siue com-
putatione non sibi adiunguntur.

Dub. II.

Videtur male dicere, quia illi computationi aut re-
spondet aliquid in re, aut nihil. Si aliquid respon-
det: ergo non differt à præcedenti differentia. Si nihil
respondet: ergo distinctio siue computatio nostra super C
nihil & vanum fundata est.

RESP. Dicendum quod computationi nostræ cum
dicimus: Vnus, duo, tres, aliquid respondet. Sed
illud non est diuersitas numeralis, sed distinctio per-
sonalis, vnde in diuinis non dicitur esse numerus,
nec differentia secundum numerum, nisi addatur secun-
dum numerum personarum, qui dicit distinctionem
in hypostasis, non in natura: ideo quamvis dicantur
tres personæ, tamen non est ibi ternarius, sed Tri-
nitas.

Cum Deus dicatur trinus, non tamen debet dici triplex.

Dub. III.

Videtur dicere contra illud quod dicitur: Spiritus D
sapientiæ est multiplex: ergo duplex vel quadruplex:
ergo, &c.

ITEM Isidorus dicit quod Trinitas est multiplex &
numerabilis

ITEM ratione videtur, quia pannus vnus in sub-
stantia duplicatus duplex dicitur, triplicatus triplex:
ergo si vna est substantia in tribus hypostasis, vide-
tur triplicari in eis & triplex dici.

RESP. Dicendum quod distinctio personarum non
potest significari per additionem termini numerabilis
ad hoc nomen, Deus, nisi huius nominis Trinus, quod
specialiter ad hoc inuentum est, ut significet pluralita-
tem in suppositis cum vnitatem formæ. Quia ergo hoc
nomen triplex, dicit distinctionem simpliciter in termi-
no cui additur, vel quantum ad formam, vel quantum E
ad partium multiplicationem: & quia in Deo non cadit
multiplicatio, nec quantum ad formam, nec quantum
ad partes, ideo nullo modo potest dici triplex.

Quod ergo obiicitur quod dicitur multiplex, dicen-
dum quod istud est dictum causaliter, quia est causa
multorum: & quia variorum donorum effectuum est
principium, in quibus est vera diuersitas, non sic in
personis. Et quod dicit Isidorus, improprie dictum
est, & exponendum est. Ad illud, quod idem pannus di-
citur multiplex, dicendum quod verum est: sed tamen
secundum alias & alias partes: & quia in Deo non est
alietas partium nec formæ, ideo non potest dici tri-
plex.

In rebus enim corporeis. Dub. IV.

Videtur male dicere quod in rebus corporeis plus
sint duæ quam vna. Videtur enim instantia, quia ignis
cum ferro non est quid maius quam ferrum per se, siue
lux cum aere. Si dicas quod non sunt corpora, obiici-
tur quod corpus glorificatum simul est cum non glo-
rificato, & tantum locum occupat non glorificatum,
per se, quantum cum glorioso: ergo non sunt maius,
quia corpus maius maiorem locum occupat.

RESP. Dicendum quod Augustinus loquitur de re-
bus corporeis quarum quælibet est corpus: sed ignis
in ferro, lux in aere, non est corpus, sed proprietates
corporis. Præterea notandum quod Augustinus non
accipit ibi maius extensiuè, sed accipit plus quantum
ad veritatem existentiam, vel essentiam. Cum enim non
sit summa veritas in qualibet re, plus est de veritate
existentiam in duabus rebus quam in vna; quamvis
non sit ibi plus de latitudine distantiam, siue extensiuè
magnitudinis, vel capacitatis contentiam, &c.

ARTICVLVS I.

AD intelligentiam huius partis quatuor quærun-
tur. Primo, vtrum in diuinis sit ponere totum
integrale. Secundo, vtrum sit ponere totum vniuersale.
Tertio, vtrum in diuinis personis sit principium
materiale. Quarto, vtrum in diuinis sit differentia se-
cundum numerum.

QVÆSTIO I.

An in diuinis ponendum sit totum integrale.

Scot. in Reportariis 1. Sent. dist. 19. q. 2.
Ægid. Rom. 1. Sent. dist. 19. princ. 2. q. 2.
Richard. 1. Sent. dist. 19. q. 1. art. 3.
Steph. Brulef. 1. Sent. dist. 19. q. 5.
Petrus de Tarantasi. 1. Sent. dist. 19. q. 7.

QVod sit ponere totalitatem integritatis, videtur
per Augustinum primo, & habetur in litera.
Tota essentia est in singulis personis: ergo aut est ibi
implicatio falsi, aut est ibi totalitas: sed non est ibi im-
plicatio falsi: ergo est ibi totalitas.

2. ITEM hoc ipsum ostenditur ratione, quia vbi
quantitas, ibi totalitas & integritas. Sed in diuinis est
quantitas virtutis: ergo saltem secundum illam & inte-
gritas.

3. ITEM vbi pluralitas ibi integritas, quia omnis
pluralitas constat ex vnitatibus: sed in Deo est plura-
litas, quia Trinitas: ergo in Deo est integritas.

Si dicas quod illa pluralitas non integratur, quia ni-
hil plus est in tribus quam in vno: contra si tantum est
in tribus quantum est in vna: ergo tantum credit &
æque plene credit, qui credit vnum solum esse suppo-
situm, sicut qui credit tres esse personas: sed hoc est
falsum: est ergo, &c.

4. ITEM Si aliquid est æquale alicui, eodem addi-
to, adhuc erit æquale: ergo si aliquid est totum ad ali-
quid, eodem addito adhuc erit totum: sed tres, est to-
tum ad vnum: ergo tres personæ ad vnam personam.

5. ITEM omne quod prædicatur de aliquibus simul,
& de nullo per se, est totum integrum ad illa, istud
constat & non habet instantiam: sed Trinitas prædica-
tur de tribus personis simul & de nulla per se: ergo, &c.

6. ITEM omne quod remouetur ab aliquo differt ab
illo genere, vel specie, vel numero, vel est totum ad il-
lud: sed Trinitas remouetur à Patre, quia Pater non est
Trinitas: nec differt genere, vel specie, vel numero:
ergo, &c.

CONTRA per Ambrosium in lib. de Tr. In diuinis
nullam ponimus totalitatem, quia non est ibi quantitas,
nec numerum.

ITEM ratione videtur, quia omne integrum est com-

Ad propo-
situm.
Aug. 6. de
Trin. ca. 10.
in 6. som. 3.

Fundam. 1. de f. d. c. 2.
som. 4.

positum ex partibus : sed Deus est summe simplex, ergo in Deo nulla est totalitas, nec integritas : ergo, &c.

ITEM omnis pars sub ratione partis habet esse imperfectum respectu totius, quia ex aliquibus omnino perfectis non resultat tertium : ergo cum in diuinis nihil imperfectionis sit ponendum, non est ibi pars : ergo à relativis nec totum.

ITEM omne totum est maius suâ parte : sed ubi infinitas, ibi non est maius & minus : ergo nec totalitas : sed in diuinis est infinitas : ergo.

ITEM omne totum est resolvable vel secundum rem, vel secundum intellectum : & omne resolvable est corruptibile : ergo cum in Deo nihil sit corruptibile, non erit resolvable, & ita nec totum.

CONCLUSIO.

Ratio totius, prout dicit perfectum atque absolutum, reperitur in Deo: non autem ut dicit respectum ad partes, vel compositionem.

RESP. Ad arg. Totum siue totalitas vno modo dicitur absolute, & sic totum idem est quod perfectum. Alio modo dicitur totum per comparisonem ad partem, & dicitur totum quod habet partem & partem siue partes. Primo modo bene est ponere totalitatem in Deo, secundo non; nec etiam partialitatem. Non totalitatem, quia aufert simplicitatem. Non partialitatem, quia tollit perfectum. Neutrum, quia tollit æqualitatem summam.

1. AD illud ergo quod obiicitur de Augusti qui dicit quod tota essentia, &c. Dicendum quod totum accipit pro perfecto, vel totum ibi accipitur priuatiue, quia priuat hoc, quod est esse partem extra partem. Vnde tantum valet tota essentia, quantum valet non habens partem extra vel intra.

2. AD illud quod secundo obiicitur quod est ibi quantitas virtutis, dicendum quod quantitas virtutis stat cum summa simplicitate : ideo abstrahit à totalitate & integritate.

3. AD illud quod obiicitur quod ubi pluralitas ibi, &c. dicendum quod pluralitas in creaturis duo dicitur : Dicit enim aliquorum distinctionem : & ex ipsis vnius multiplicationis constitutionem. Primum quidem reperitur in diuinis, quia ibi est distinctio vere. Secundum non, quia ubi constitutio est, ibi constituentia minus habent quam totum quod constituunt, & ita essentialiter differunt ab inuicem. In diuinis autem non sic, quia cum Pater habeat totam essentiam, non partem, non potest minus habere, nec essentialiter differre : & ideo dicendum quod in diuinis reperitur pluralitas ratione distinctionis. Sed quia pluralitas est totum ratione constitutionis, & hoc non est in diuinis : ideo non sequitur quod sit ibi totalitas : est tamen naturæ unitas, & personarum pluralitas, & tantum est in unitate, quantum in pluralitate : sed non tot modis. Sed quia fides non tantum est respectu essentia, vel magnitudinis, sed etiam modi essendi : patet quod obiicitur quod non tantum credit, qui credit vnam personam, quantum qui credit plures.

4. Et hoc patent sequentia, quia vnum est pars trium secundum quod dicit unitatem, & tria Trinitatem. Sed cum additur hoc nomen *persona*, distrahitur, & non manet illa ratio unitatis : ideo nec ratio partialitatis.

5. AD illud quod obiicitur quod omne quod prædicatur simul, & de nullo, &c. Et ad sequens, omne quod remouetur, &c. Dicendum quod hoc non solum conuenit totalitati respectu partis, sed etiam pluralitati respectu unitatis : quæ quamvis non teneat rationem partis propter diminutionem & im-

perfectiorem, tenet tamen rationem unitatis propter principium, & distinctionem.

6. Vnde quod totum remouetur à partibus & differat, hoc non est ratione constitutionis principaliter, sed ratione distinctionis. Et quoniam in diuina pluralitate quamvis non sit vnius maioris constitutio : quia tamen est ibi distinctio, ideo sic remouetur, & sic prædicatur sicut totum in creaturis.

QVÆSTIO II.

An etiam in diuinis totum vniuersale ponendum sit.

B
Egid. Rom. 1. Sent. dist. 19. princ. 2. q. 1.
Henricus in summa, art. 43. q. 2.
Richardus 1. Sent. dist. 19. art. 3. q. 2.
Steph. Brulef. 1. Sent. dist. 19. q. 6.
Petrus de Tarantus. 1. Sent. dist. 19. q. 8.

Vtrum in diuinis sit ponere totum vniuersale. Et quod sic videtur per Damascenum qui dicit quod in diuinis est commune, vt substantia : particulare vt Antonius : ergo si est ibi commune, & particulare : ergo vniuersale, quia particulari non respondet aliud commune quam vniuersale.

1. ITEM hoc ipsum videtur per distinctionem vniuersalis, & particularis. Vniuersale enim est quod prædicatur de pluribus : particulare de vno solo : sed has rationes est inuenire in diuinis : ergo, &c.

3. ITEM omne quod est in plus & est vniuocum, est vniuersale ad illa, respectu quorum est in plus : sed essentia, siue substantia est in plus quam persona, & in plus vniuocum, quod dicit vnam naturam repertam in illis secundum identitatem : ergo, &c.

4. ITEM in diuinis est communicabile & incommunicabile : aut ergo eodem, aut alio, & alio. Non eodem, quia illud non est intelligibile, quod ex eodem veniat communitas, & proprietates : conuenientia, & differentia personalis : ergo alio, & alio : ergo, si alio est communicabile, alio incommunicabile : ergo cum communicabile sit ratione eius quo est : incommunicabile ratione eius quod est : ergo quo est & quod est in diuinis sunt per differentiam : sed ubi hæc sunt per differentiam, ibi est vniuersale, & particulare : ergo, &c.

5. ITEM quanto aliquid simplicius tanto vniuersalius : sed diuina essentia est simplicissima : ergo ibi est maxima ratio vniuersalis.

CONTRA : Boëtius * dicit quod nec est vniuersale, nec particulare.

ITEM hoc ipsum videtur ratione, quia ubicunque est vniuersale, ibi est vna forma multiplicabilis : vel multiplicata : in cuius rei signum, omne quod significat vniuersaliter, potest addi omni vniuersali : sed in Deo non est vna forma, vel natura multiplicabilis, nec multiplicata, nec recipit signum vniuersale, vt dicatur omnis Deus : ergo, &c.

ITEM ubi est particulare, ibi est forma, vel natura, vt hic, & nunc : sed diuina natura siue in se, siue in hypostasibus non est hic, & nunc : sed semper ubique : ergo nec in se, nec in hypostasibus est ibi particulare.

ITEM ubi est particulare, & vniuersale : vniuersale est simplicius particulari : ergo cum in Deo non sit simplicior essentia, quam persona, quia in persona nullum est accidens, nullum principium constitutum, ergo, &c.

ITEM omnis natura, in qua est vniuersale & particulare, est in genere determinato : & omnis talis est limitata : ergo cum diuina natura sit infinita, patet, &c.

CONCLUSIO.

Vniuersale, vel particulare non cadit in diuinis, quia non est additio ad materiam, nec tractio ad partem.

A essentia est simplex, quæ nullo modo trahibilis est in partem per additionem sicut trahitur vniuersale: & ideo non est vniuersale.

QVÆSTIO III.

An in diuinis Personis ponendum sit principium vniuersale.

*Alex. Alenf. 1. p. q. 48. art. 2.
S Thom. 1. p. q. 3. art. 5.
Scotus 1. Sent. d. 8. q. 3.
Ægid. Rom. 1. Sent. dist. 8. q. 3.
Henricus in summa art. 24. q. 3.
Richardus 1. Sent. dist. 8. art. 5. q. 1.
Io. Bacon. 1. Sent. dist. 9. q. 1.
Petrus de Tarantasia 1. Sent. dist. 19. q. 9.*

B Vtrum in diuinis personis sit ponere principium materiale. Et quod sic ostenditur hoc modo: Quodcumque aliquis, vel aliquid est de aliquo ita quod ipsum est distinctum, & illud de quo est indistinctum, est de illo tanquam de materiali principio: sed persona Filij est de substantia Patris, & persona distinguitur, substantia dicit quid indistinctum: ergo est sicut materiale principium.

2. ITEM sicut efficiens & finis sunt causæ corollarie: ita forma, & materia. Forma enim dicitur respectu materiæ, sed in Deo est ponere causam formalem, ipse enim est forma, vt dicit Boëtius, ergo in Deo est ponere materiam.

3. ITEM videtur quod causa materialis magis competat Deo, quam aliquod causarum genus, quia materia in his inferioribus dat existentiam, & permanentiam propter sui incorruptionem. Vnde fundamentum est existentie creaturæ: cum ergo Deus, siue Deum esse habeat existentiam, siue permanentiam per fundamentum incorruptibile, videtur quod Deo maxime competat ratio materialis principij: ergo, &c.

4. ITEM in rebus creatis finitas à forma venit, sed infinitas à materia: sed omne quod est in Deo est infinitum: ergo cum Deo maxime conueniat passio, maxime consequens principium materiale, maxime competit & ipsum.

5. ITEM quamvis in Deo sit summa, & omnimoda simplicitas, tamen nos ponimus in Deo, quod est & quod est vere, sed tantum per indifferentiam: ergo pari ratione videtur quod in Deo posset poni materia & forma, tamen per indifferentiam.

6. ITEM omnis distinctio est à forma: ergo circumscripta omni forma creata, materia non distinguitur: ergo non est aliud à Deo: ergo est Deus, quia omne quod est, & non distinguitur à Deo, est Deus: vide ut ergo quod materiale principium sit ipse Deus.

CONTRA: Boëtius in lib. de Trin. * Forma sine materia non potest esse subiectum, & loquitur de Deo: ergo in Deo non erit ratio principij materialis.

ITEM materia inter omnia entia est imperfectissimum. Vnde Augustinus dicit in lib. Confess. quod prope nihil est: sed Deus est omnino perfectissimum: ergo omnino in eo nihil inuenitur imperfectionis: ergo nec quod est materiæ.

ITEM materia est principium patiendi: vnde pati est materia. Vnde omne in quo est materia est natum pati, & recipere: sed nihil tale est omnipotens. In hoc enim quod pati potest, deficit à posse: ergo in omnipotente nullo modo est materiale principium.

ITEM si materia in Deo est, aut respectu sui, aut aliorum. Si respectu aliorum, cum ergo materia sit ens in potetia ad alia, nec distinguatur ab aliis reb⁹, sed per eas perficiatur, tunc Deus reciperet complementum à creatura, nec ab ea distingueretur, quod absurdum est. Si autem materia sit in Deo respectu sui, aut pure est materia, aut aliquid aliud. Si pure materiæ: ergo non est ens, & præterea nihil est materia simplicius, ergo oportet quod sit ibi aliquid cum materia: & si hoc, ergo est compositum,

R e s p. Ad Arg. Ad prædictorum intelligentiam est notandum, quod cum fides nostra ponat Trinitatem, & Vnitatem in diuinis, necesse ponit conuenientiam, & distinctionem. Et quia conuenientia non est nisi in communicabili pluribus, & communi: distinctio autem non est nisi in proprio, & incommunicabili, necessario in diuinis ponitur ratio communis, & proprij, communicabilis, & incommunicabilis. Sed cum in Deo & in creaturis sit distinctio suppositorum: aliter est in Deo quam in creaturis. Distinctio enim suppositorum maior est, quam distinctio accidentalis. Vnde quamvis innotescat per accidentia, tamen non fit per accidentia. Accidentibus enim circumscriptis, adhuc est intelligere supposita differre, & cum non fiat per accidentia consequentia, oportet quod fiat ab origine, vel originali principio. Ab origine est, quando vnum differt ab altero, quia emanat ab eo: idem enim à se emanare non potest: talis distinctio suppositorum est in Deo, sed hoc non potest esse in creatura, scilicet distinctio solum per originem: nam nulla creatura potest alteri totam suam essentiam dare. Si ergo dat partem, necesse est quod alia differentia sit ibi quam originis: & ideo est differentia ab originali principio. Hæc autem non est forma in se, quia dicitur communicabile. Nec materia in se, quia dicitur quid indistinctum: ergo hoc facit forma vt adueniens materiæ. Quia enim adueniens materiæ accipit partem non materiam, hinc est quod ipsam distinguit, & ipsam distinguendo trahit in partem, & limitatur, & fit hic, & nunc, & vnum numero, & particulare. Quoniam ergo in diuinis non est additio ad materiam, nec tractio ad partem, ideo non cadit in diuinis vniuersale, vel particulare, sicut ostendunt rationes ad hoc inductæ in opponendo.

1. AD illud ergo quod primo obiicitur de Damasceno, dicendum quod improprie dicitur particulare pro incommunicabili.

2. AD illud quod obiicitur quod vniuersale est quod prædicatur de pluribus, dicendum quod ista est ratio communicabilis, vniuersalis autem non est nisi secundum quod realiter intelligitur multiplicatum in illis. Similiter soluendum de particulari.

3. AD illud quod obiicitur quod est in plus, & est vniocum, &c. Dicendum quod vniuersale est in plus ita quod simplicius, & sic minus per additionem ad illud, non autem sicut in Deo.

4. AD illud quod quaritur, vtrum eodem communicabile, & incommunicabile, dicendum quod alio, & alio: quia sicut dicit Augustinus, alio est Deus, & alio Pater: sed non alio & alio secundum rem: sed secundum rationem, quia Deitate est Deus, Paternitate Pater, & Paternitas non est aliud re ab essentia, quoniam paternitas est essentia: est tamen aliud ratione. Et quia ablatius dicit rationem: ideo non eodem est Deus, quo Pater. Et si obiicias, aut tunc illi rationi respondet aliquid in re, aut nihil, dicendum quod ratio illa per comparisonem ad essentiam non est nisi modus, sed per comparisonem ad aliam personam est res. Et hoc patet, quoniam haberi essentiam ab alio, & non haberi, non dicit rem aliam, sed solum modum: habere autem ab alio, & habere non ab alio, dicit realem differentiam, quia nullus est à se, & ab alio.

5. AD illud quod ultimo obiicitur de simplici, dicendum quod est simplex possibile ad additionem, & tali modo vniuersale est simplex. Alio modo simplex, quia priuat compositionem & additionem, & hæc repugnantia non consonat vniuersalitati, & tali modo diuina

Ad oppositum.

Arist. 2. Phys. context. 26.

Boët. in lib. de Trin. circa fin. principij.

Arist. 3. Phys. context. 72.

Arist. 7. Metaph. context. 49.

*Fundamēta. * Boët. lib. de Trin. circa fin. principij. Aug. lib. 12. confess. c. 7. tom. 1. Arist. 4. Phys. context. 86. c. 2. de gen. context. 53.*

& mixtum : ergo nec Deus habet esse simplex, ac per hoc nec esse primum, & ita non est Deus.

CONCLUSIO.

In Deo nec proprie, nec transumptiue recipitur materiale principium.

RESP. ad Arg. Dicendum quod in Deo nullo modo nec proprie, nec transumptiue recipitur materiale principium. Et ratio huius est, quoniam materia dicit principium passuum, & ita incompletum: & quoniam à diuino esse omnis incompletio, & omnis passio penitus remouenda est: ideo nullo modo genus materialis principij in Deo esse ponitur.

1. AD illud ergo quod obiicitur quod persona est de substantia, & ipsa est distincta, & substantia non, dicendum quod hic est defectus quantum ad vtramque conditionem. Nam primo hæc non recipitur quod persona sit de substantia sicut vult Augustinus, quia non dicimus tres personas ex eadem essentia, licet hæc communiter recipiatur quod filius est de substantia patris, vbi non materia sed originis consubstantialitas designatur, sicut supra ostensum est distinct. 5. Alia est conditio quæ deficit. Nam materia est indistincta, & possibilis ad distinctionem per formam; sed substantia, vel essentia, nullo modo distinguitur, nec per se, nec per accidens, & ita patet quod non conuenit ei ratio materiæ.

2. AD illud quod obiicitur quod efficiens ad finem refertur, & forma ad materiam, dicendum quod nullius causæ habitudo cadit in Deum respectu sui, sed respectu creaturarum, & aliarum causarum habitudines in Deo recipiuntur, circumscripta dependentia, propter hoc quod sonat imperfectionem: sed materia sonat omnino imperfectionem. Et quod obiicitur quod forma dicitur ad materiam, dicendum quod est forma constitutiva, & forma exemplaris. Et forma constitutiva dicitur ad materiam, & hæc nō cadit in Deo, sed forma exemplaris: sicut si dicatur quod Deus est forma in se, hoc est dictu, quia est actus purus non dependens à possibili. Nec tamen simile est de correspondentia formæ, & materiæ, & efficientis & finis. Efficiens enim & finis possunt incedere in idem numero: sed forma, & materia nunquam. Forma vero tantum constitutiva incidit cum efficiente & fine in idem specie, non numero: forma vero exemplaris in idem numero.

3. AD illud quod obiicitur quod materia est fundamentum existentia, dicendum quod modus illius fundamenti Deo non competit, quia esse fundamentum, & esse quod recipit aliud, & aliunde perficitur, scilicet à forma: Deus autem à nullo recipitur: ideo non cadit in ea materia.

4. AD illud quod obiicitur de infinitate, dicendum quod est infinitas ex defectu perfectionis, & hæc competit materiæ, sed non Deo. Et est infinitas ex priuatione limitationis, & hæc Deo & formæ liberrime non materiæ competit, & ita patet illud.

5. AD illud quod obiicitur quare materia & forma non ponuntur per indifferentiam, dicendum quod ista duo: quo est, & quod est, de ratione sua, nullam important imperfectionem, sed ratione eius quod differunt. Vnde sublata eorum differentia, manet completio, & ideo in diuinis recipiuntur. Sed materia non tantum quia differt à forma dicit incompletionem, sed etiam quia materia est, & ideo nullo modo ponitur in Deo.

6. AD illud quod ultimo obiicitur quod circumscripta omni forma, materia non distinguitur, dicendum quod ista propositio: omnis distinctio est à forma, non habet veritatem nisi intelligatur de distinctione perfecta. Quod enim habet esse distinctum habet esse completum, distinctione autem qualicunq; falsum est. Materia enim differt à forma, & constat quod seipsa distat ab ea. Sic potest dici & in proposito quod materia differt à Deo seipsa, tamen ex parte sua, quia non est perfecta,

non cadit perfecta distinctio: sed ex parte Dei, quia perfectissimus est, perfecta cadit distinctio: incausatum enim distinguitur à causato: ens actu ab ente in potentia: & istæ sunt primæ differentia, & summæ.

QUESTIO IV.

An in diuinis differentia secundum numerum ponenda sit.

Alexander Alensis 1. p. q. 45. Membro 1. per totum.

Egid. Rom. 1. Sent. dist. 24. q. 3.

Richardus 1. Sent. dist. 19. art. 3. q. 3.

Marsilius Inguen. 1. S. nt. q. 23. art. 1.

Steph. Brulef. 1. Sent. dist. 19. q. 8.

Vtrum in diuinis sit ponere differentiam secundum numerum. Et quod sic, videtur per Damascenum in 1. lib. In numero non natura differunt hypostases, & loquitur de diuinis hypostasibus.

2. ITEM omnia quæ contingit vere numerari, necesse est differre numero: sed hypostases vere contingit numerari, vt dicantur duæ & tres: ergo vere cadit in eis differentia secundum numerum.

3. ITEM omnia quæ differunt re, aut differunt genere, aut specie, aut numero, aut nullo modo differunt. Sed impium est dicere quod hypostases nullo modo differant: ergo saltem numero differunt.

4. ITEM vnitas secundum materiam siue numerum, non respicit vnitatem formæ, sed suppositi, & hoc patet. Hoc enim album, & hic sedens, demonstrato Petro, est vnum numero: ergo ab oppositis, diuersitas secundum numerum non respicit diuersitatem naturæ, sed suppositorum: sed in Deo est pluralitas suppositorum, quamvis non sit diuersitas naturarum: ergo, &c.

5. ITEM idem & diuersum sufficienter diuidunt ens: ergo omne quod est ad alterum comparatum, aut est idem specie, aut diuersum: aut idem numero, aut diuersum. Si ergo Pater comparatur Filio, aut est idem numero, aut diuersus. Si idem, quodcumque aliqua duo sunt eadem numero, vnum vere prædicatur de altero: ergo possum dicere: Pater est Filius, quod est contra fidem. Si diuersus numero: ergo in diuinis cadit diuersitas secundum numerum.

SED CONTRA: Ambrosius super 2. epist. ad Corinthios, & Magister recitat in litera. Ibi vere vnitas, vbi nulla diuersitas: ergo non est ibi diuersitas secundum numerum.

ITEM Boëtius in lib. de Trin. cap. 5. Nulla est in Deo diuersitas, nulla ex diuersitate pluralitas, nulla ex accidentibus multitudo: ergo nec differentia secundum numerum.

ITEM diuersitas secundum numerum. solum venit ex parte materiæ. Vnde dicit Philosophus quod omnino materia numerabiliter est: sed in diuinis nō cadit materia aliqua: ergo nec diuersitas secundum numerum.

ITEM quæcumque differunt numero, numerant omnia quæ sunt in seipsis, saltē omnia quæ sunt ibi ex parte principij formalis: hoc patet, quia enim Petrus, & Paulus sūt duo: ideo duo homines, duo animalia, duo alba, & sic de singulis: ergo si pater & filius sūt numero E differentes: ergo habent duas naturas, & duas essentias: ergo sunt duo Dij, quod est contra Catholicam fidem.

ITEM quæcumque differunt numero, sunt separabilia imaginatione, vel intellectu: sed Pater, & Filius nullo modo sunt separabiles nec re, nec modo, nec intellectu in diuinis: quia vna persona est in alia, & econuerso: ergo nec differunt numero.

ITEM quod non est multiplicabile, nec multiplicatum est vnum numero: sed diuina natura non est multiplicabilis, nec multiplicata: ergo est vnum: sed quæcumque vnum sunt numero, non possunt differre numero: ergo si essentia, vel natura diuina cæteras complectitur personas, impossibile est quod personarum numero differant.

CONCLUSIO.

In diuinis non est ponenda differentia secundum numerum, cum Essentia diuina nullo modo sit multiplicabilis.

R. S. P. Ad Arg. Dicendum quod in diuinis non est ponere differentiam secundum numerum. Et huius ratio sumi potest & à posteriori, & à priori. A posteriori, quoniam omnia quæ differunt numero, consequitur ista passio, quæ est numerus: numerus autem est aggregatio multitudinis, in qua plus est in toto, quam in singulis partium. Hæc autem aggregatio est ex his solum quæ habent unitatem limitatam, quæ plus est cum alio, quam per seipsam. Limitatio autem venit per additionem. Additio autem perducit ad compositionem cum materia, quæ facit esse hic, & nunc, & tantum, & non plus, & ita non est diuersitas secundum numerum, nisi in his in quibus est distinctio per additionem & compositionem, & materiam: sed hæc distinctio non cadit in Deo, ideo nec diuersitas secundum numerum. Alia ratio est à priori: Quia in quolibet quod intelligimus ut completum, intelligimus sub ista duplici conditione, scilicet per modum: *Quo est, & Quod est*, & unitas quidem siue identitas secundum speciem, vel genus est veniens à parte eius. *Quod est, Quo*, secundum diuersos status, siue completionem maiorem, & minorem. Unitas vero, vel diuersitas secundum numerum venit à parte ipsius. *Quo est*, secundum esse, siue prout est in supposito indiuiduo. Sic autem ista duo coniuncta sunt in omnibus, quod numerato ipso, *Quod est*, necesse est numerari ipsum, *Quo est*. Cum ergo in omnibus quæ differunt numero numeretur ipsum, *Quod est*, necesse est, quod in illis multiplicetur ipsum, *Quo est*: quia ad diuersitatem secundum numerum concurrunt diuersitas ipsius, *Quo est*, & *Quod est*, & *Qui est*, id est, naturæ, rei naturæ, & suppositi, siue hypostaseon, sed principaliter ipsius, *Quod est*. Cum ergo in diuinis, *Quo est*, siue essentia propter summam simplicitatem nullo modo sit multiplicabilis: ideo necesse est quod ipsum, *Quod est*, similiter remaneat indistinctum: & ideo impossibile est quod cadat ibi diuersitas secundum numerum, nec tamen est vnum numero, quia ipsum, *Quod est*, in creaturis non est dicibile de pluribus: sed in diuinis ipsum, *Quod est*, quamvis sit vnum, est tamen de pluribus dicibile. Et ratio huius est, quia idem est ibi, *Quo est*, & *Quod est*, quantum ex parte rei. Et ideo sicut, *Quo est*, est communicabile pluribus, quamvis non multiplicabile, ita ipsum, *Quod est*. Vnde possumus dicere quod pluralitas personarum medium tenet inter idem numero, & diuersum. Quamvis enim ipsum, *Quod est*, non numeretur: numeratur tamen ipse, *Qui est*. Vnde sunt hi plures, *Qui*.

1. Et hoc vult dicere Damasc. cum dicit: Numero, non natura differunt hypostases. Per hanc enim additionem, *Non natura*, ipse contraxit differentiam secundum numerum, siue distinxit ad differentiam ratione, ut ipse dicit in lib. primo: Oportet, inquit, scire quod aliud est differre re, aliud ratione. In omnibus creaturis hypostasum diuisio re consideratur, cõmunitas vero ratione: in sũma videlicet, & in supersubstantiali Trinitate, est econuerso. Vnde cum diuersitas secundum numerum faciat, siue notet diuersitatem in re & natura, proprie loquendo, nisi nomen diuersitatis secundum numerum distrahat ad distinctionem suppositorum, non est concedendum quod sit ibi diuersitas secundum numerum personarum, siue hypostasum. Et hoc vult dicere Damascenus, quando dicit quod hypostases differunt numero, non, inquam, numero qui dicit diuersitatem in re, & natura, sed qui dicit differentiam in proprietatibus, & relatione, natura semper manente vnica, & indiuisa. Ex hoc patet illud Damasceni.

2. Ad illud quod secundo obiicitur quod numero differunt ea quæ numerantur, dicendum quod verum est, quia eo modo differunt, quo modo numerantur: sed

A non numerantur nisi quantum ad personas, & ita non differunt, nisi numero hypostasum, & proprietate.

3. Ad illud quod obiicitur quod quæ differunt, &c. Distinguendum est in hoc nomine *Re*, quia potest dicere naturam, siue essentiam: & potest dicere personam. Si dicat essentiam & naturam, verum est. Si personam, falsum est, & non habet locum illa diuisio.

4. Ad illud quod obiicitur quod unitas numero respicit identitatem suppositi, dicendum quod si suppositum dicatur ipsum quod est, tunc veritatem habet. Si autem dicatur ipse qui est, siue persona, non habet veritatem, nisi in his in quibus differt, *Quo est*, & *Quod est*. Vnde proprie loquendo, diuersitas secundum numerum sequitur ipsum *Quod est*, & in diuinis non habet locum.

5. Ad illud quod idem & diuersum sufficienter diuidunt ens: ergo in idem numero, vel diuersum, dicendum quod illud verum est in ente quod natum est numerari, sicut ens creatum, sed in ente increato hoc deficit. Vnde Hilarius de Trinitate Detim ex Deo natum, nec eundem natiuitas, nec alium esse natura permittit: ita sicut dictum est, tenet medium inter idem & diuersum numero.

DISTINCTIO XX.

Ostenso quod aliqua Personarum aliam non superat, Magnitudine: nunc ostenditur quod alia non excellit aliam, Potentiâ.



VNC ostendere restat, quomodo aliqua harum personarum aliam non excellat potentiâ: ut sicut vna & indifferens est magnitudo trium, ita vna & indifferens monstretur potentia trium. Sciendum est ergo, quia non est potentior Pater Filio, nec Filius, vel Pater Spiritu sancto, nec maiorem potentiam habent duo vel tres simul, quam singulas eorum: Quia nec plus potest Pater & Filius simul, quam solus Spiritus sanctus: nec hi tres simul plus possunt quam singulus eorum. Quia omnipotentiam quam habet Pater & Filius accepit nascendo, & Spiritus sanctus procedendo. Quod Augustinus rationibus & auctoritatibus probabiliter astruit in lib. 3. contra Maximinum, qui dicebat Patrem meliorem, ac potentiorum Filio.

Non potest minus Filius, quam Pater.

Nihil, inquit, patre minus habet ille qui dicit: Omnia quæ habet pater, mea sunt. Nam si minus habet in potestate aliquid quam pater: non sunt eius omnia quæ habet pater. Sed eius sunt omnia quæ habet pater: tantam ergo habet potestatem Filius quantum pater: aqualis ergo est patri. Non enim potest qui accepit, inæqualis esse ei qui dedit. Tu autem hoc de potentia sapis quod potens sit Filius, sed potentior pater: ut secundum doctrinam vestram potens potentem potuerit generare vel gignere, & non omnipotens omnipotentem. Habet ergo pater omnipotentiam quam non habet Filius. Et si hoc est falsum est quod ait Filius: Omnia quæ habet Pater, mea sunt.

Concl. quæ est tertia pars conclusionis principalis habet in præcedenti dist.

Ca. 14. 10. 6.

Lib. 3. c. 14. ad fin. tom. 6.

ibid. c. 12. in princ. tom. 6.

104m. 16. d

Hoc verum fatebatur hæreticus, ex quo progrediebatur ad falsa.

Sed, inquis, Pater potentiam à nemine accepit, Filius autem à Patre. Fatemur & nos Filium accepisse potentiam ab illo de quo natus est potens: Patri vero potentiam nullus dedit, quia nullus eum genuit. Gignendo enim dedit Pater potentiam Filio, sicut omnia quæ habet in substantia sua, gignendo dedit ei, quem genuit de substantia sua.

Quæstio Augustini qua arctat hæreticum.

Sed queritur, utrum ei tantam quanta ipsi est, potentiam Pater Filio dederit, an minorem. Si tantam, non solum potentem, sed etiam omnipotentem genuisse omnipotens intelligitur: si vero minorem, quo modo omnia quæ habet Pater, Filij sunt? Si Patris omnipotentia Filij non est, non omnia proculdubio quæ habet Pater, Filij sunt. At omnia quæ habet Pater, Filij sunt: omnipotentia ergo Patris etiam est Filij: Non est ergo Pater potentior Filio.

Aliter probat Filium æqualem Patri.

Item alio modo probat Filium æqualem Patri contra Maximinum, ita dicens: Tu dicis quod Pater genuit Filium minorem seipso, in quo & Patri derogas: Qui si Filium unicum minorem genuit, aut non potuit, aut non voluit gignere æqualem. Si dicis, quia non voluit, eum invidum esse dixisti: si autem non potuit, ubi est omnipotentia Dei Patris? Prorsus ad hunc articulum res colligitur, ut Deus Pater æqualem sibi gignere Filium, aut non potuerit, aut noluerit. Si non potuit, infirmus: si noluit, invidus inuenitur. Sed utrumque hoc falsum est: Patri ergo Filius verus æqualis est. Genuit ergo Pater sibi æqualem Filium, & ab utroque procedit utrique æqualis Spiritus sanctus. Si enim formam suam (ut ait Augustinus contra eundem) Pater in unico Filio plenam gignere potuit, nec tamen plenam genuit, sed minorem, cogimini patrem invidum dicere. Plenum ergo Deum, & æqualem sibi genuit Filium.

Per simile ostenditur quod non minorem Pater Filium genuit.

Hoc autem per similitudinem humanam ita esse demonstrat, inquit: Homo pater si potuisset, æqualem Filium genuisset. Quis ergo audeat dicere quod hoc omnipotens non potuit? Adde etiam, si posset homo, maiorem melioremque seipso gigneret Filium. Sed maius vel melius Deo quidquam esse non potest. Deus ergo cur non æqualem (ut ais) Filium genuit, cui nec anni necessarij fuerunt, per quos adimpleretur æqualitas, nec omnipotentia defuit. An forte noluit? ergo (quod absit) invidit: sed non invidit: æqualem ergo genuit Filium? Credamus ergo Filium esse æqualem.

Opinionem hæretici ponit, ut destruat.

Sed forte dicis, eo ipso Pater est maior Filio, quia de nullo genitus, genuit tamen æqualem. Ad quod cito respondebo: immo ideo non est Pater maior Filio, quia æqualem sibi genuit. Originis enim quæstio ista est, quis de quo sit: æqualitatis autem, qualis aut quantus sit: quod est dicere: Ad originem pertinet quæstio qua queritur, quis de quo sit: ad æqualitatem vero il-

A la qua queritur, qualis aut quantus quis sit. Nec cum dicitur Filius à Patre genitus, ostenditur inæqualitas substantia, sed ordo natura, non quo alter prior est altero, sed quo alter est ex altero. Non ergo, secundum hoc quod Pater genuit, & Filius genitus est, vel Spiritus sanctus ab utroque procedit, æqualitas vel inæqualitas ibi existit: quia non secundum hoc alia persona alij æqualis vel inæqualis dicitur. Ecce æqualitas Trinitatis, & una eademque substantia, quantum breviter potuimus, demonstrata est in superioribus: qualiter scilicet aliquarum personarum quamlibet aliam nec æternitate, nec magnitudine, nec potentia excellat.

DISTINCT. XX.

De trium Personarum æqualitate quantum ad Potestatem.

Nunc ostendere restat quo modo aliqua harum personarum, &c.

Expositio Textus.

SVPRA ostendit Magister æqualitatem personarum quantum ad magnitudinem, hic ostendit quantum ad potentiam & virtutem. Et habet hæc pars, tres partes. In prima proponit quod intenditur, scilicet quod alia persona non excedit aliam, potentia. In secunda probat ibi: *Nihil, inquit, Patre minus habet*, &c. In tertia dubium siue objectionem in contrarium soluit, ibi: *Sed forte eo ipso maior est*, &c. Prima & ultima parte manentibus indiuisis, media diuiditur in tres, secundum tres probationes siue rationes, quarum prima sumpta est ab auctoritate Domini: Quia quæ habet Pater, mea sunt. Secunda sumpta est per deductionem ad impossibile, quia si non genuit æqualem, aut potuit, aut noluit, & ita fuit invidus. Aut voluit & non potuit, & ita fuit impotens, & hæc ponitur, ibi: *Item alio modo probat Filium æqualem Patri*. Tertia ratio est ostensiva sumpta per simile in generatione creata, & ponitur, ibi: *Hoc autem per similitudinem humanam*.

Omnia quæ habet Pater, mea sunt, &c. Dub. I.

Ex litera formatur prima ratio, quod aliqua personarum non excellit aliam, potentia: & tali modo. Omnia quæ habet pater, filius habet: ergo quantum potentiam habet pater, habet filius. Istud argumentum non videtur valere, quia mutatur quid in quantum: nam, omnia, distribuit pro substantia, quantum, autem dicit quantitatem.

R E S P. Dicendum quod quamvis talis modus arguendi non valeret si differret quantitas & substantia: tamen ubi idem est, omnimodam habet necessitatem: & quia hoc in diuinis, ideo argumentum bonum. Posset tamen dici quod prædictum argumentum in qualibet materia est bonum. Habere enim non dicitur aliquis solum substantialia, sed etiam proprietates: ergo sequitur cum, omnia, distribuat pro omnibus habitibus, quod habeat & etiam proprietates: ergo cum nullam potentiam habeat vnus, quam non habeat alter, ergo nihil potest vnus quod non potest alter: ergo si vnus omnipotens, & alter: & ita patet quod hic non est figura dictionis, quia omnia, distribuit hic pro rebus omnium generum.

Non enim potest qui accipit, inæqualis esse ei qui dedit. Dub. II.

Videtur dicere falsum, quia si hoc, cum omnis creatura sit accipiens, nulla esset inæqualis Deo: sed hoc falsum: ergo & primum.

RESP.

RESP. Dicendum quod Augustinus non loquitur generaliter & de quolibet accipiente, siue de quolibet modo: sed de eo qui accipit omnia, & talis accipiens non potest esse inæqualis.

*Non potuit: ubi est ergo omnipotentia Dei Patris?
Dub. III.*

Ex litera formatur secunda ratio ad idem tali modo. Si pater non potuit gignere Filium æqualem: ergo pater non est omnipotens. Videtur male arguere, quia similiter posset argui de Filio, & Spiritu sancto, si non potuit Filium æqualem producere: ergo, &c.

RESP. Ad hoc quod non competit generatio nisi hypostasi Patris, sicut alibi tactum est, ideo non valet nec est simile.

Potuit producere, &c. Dub. IV.

ITEM dubitatur de alia parte rationis, quia illud argumentum non videtur valere: Potuit producere æqualem & non produxit siue genuit ergo invidus fuit: quia similiter potest argui: potuit istam creaturam facere meliorem & non fecit, ergo invidit. Si tu dicas quod invidia semper considerat parem vel superiorem, sicut dicit Gregorius super illud Iob: Parvulum occidit invidia: obicitur tunc, quia si filium genuisset minorem, non habuisset ibi locum invidia: ergo videtur quod ista solutio non soluit. Item in creaturis nō valet: Iste artifex potuit facere istam rem meliorem & non fecit, ergo fuit invidus: quare etiam non tenet in Deo.

RESP. Dicendum quod invidia artificis producentis non attenditur in productione rei inæqualis vel minus bonæ: sed ubi res de sui natura exigit tale esse: tunc enim necessario concluditur quod aut produciens non potuit, aut invidit: si potuit & non produxit, quia non fecit ut debuit: & quoniam filius eo ipso quo filius est, natus est perfecte imitari, si non genuit Filium in perfecta imitatione, concluditur quod aut produciens impotens fuit aut invidit: & ideo patet quod non est simile de creatura & Creatore, arca & artifice.

Homo pater si potuisset, &c. Dub. V.

Ex litera formatur tertia ratio ad idem tali modo. Homo pater si potuisset, æqualem Filium genuisset: ergo & Deus, **CONTRA**: Illud argumentum non valet. Homo habet alium hominem sibi æqualem vel habere potest: ergo & Deus similiter: quoniam Deus de sua nobilitate, hoc habet quod nullus potest ei æquare: & ita videtur ratio Augustini non valere.

RESP. Dicendum quod si æqualitas poneret de necessitate in æqualibus diversitatem in natura, quod tunc non valeret. Sed supposito quod Deus generet Filium connaturalem sibi, de necessitate sequitur, quod si homo æqualem genuit, quod Deus multo fortius. Quamvis enim imperfectionis sit æquare diverso in natura, tamen æquare connaturali, perfectionis est: alioquin divina natura esset in aliquo imperfecte, quod si hoc est impossibile, patet, &c.

Æqualitati autem qualis aut quantus sit. Dub. VI.

CONTRA: Videtur dicere falsum, quia quale dicit qualitatem, & secundum eam attenditur similitudo non æqualitas, quia proprium est qualitatis secundum eam simile vel dissimile dici.

RESP. Dicendum quod de qualitate est loqui dupliciter. Vno modo prout dicitur denominans. Alio modo prout dicitur dispositio nobilitatis: & secundum hanc attenditur maior & minor nobilitas, & ita nobilior res dicitur. Et quia in spiritualibus idem est maius & melius: ideo quæstio de qualitate spectat ad æqualitatem,

A non ex propria ratione nominis, sed ex consequenti, ut visum est.

ARTICVLVS I.

Ad intelligentiam eorum quæ dicuntur in præfenti distinctione duæ principaliter quærentur. Primo quæritur, utrum in diuinis sit ponere potentiam adæquationem. Secundo utrum in diuinis sit ponere ordinem. Quantum ad primum quærentur duo. Primo quæritur utrum in diuinis sit ponere adæquationem quantum ad extensionem possibilem. Secundo utrum sit ibi æquatio quantum ad intensionem potentie.

QVÆSTIO I.

B *An in diuinis adæquatio potentie quoad possibilem extensionem ponenda sit.*

Alexander Alensis 1. p. q. 21. Membr. 3.

S. Thom. 1. p. q. 42. art. 6.

Et 1. Sent. dist. 20. q. 1. art. 2.

Scotus 1. Sent. dist. 20. q. unica.

Ægid. Rom. 1. Sent. dist. 20. q. 1. & 3.

Henricus in summa, art. 52. per totum.

Richard. 1. Sent. dist. 20. q. 1.

Franciscus de Mayr. 1. Sent. dist. 20. q. 2.

Thom. Arg. 1. Sent. dist. 20. q. 1. art. 3.

Marsilius Inguen. 1. Sent. q. 23. art. 2.

Gabriel Biel. 1. Sent. dist. 20. q. unica.

Quod sit ibi ponere adæquationem potentie quantum ad numerum possibilem, ostenditur sic: Quæcumque habent eandem naturam, habent eandem potentiam naturalem: sed quæcumque habent omnino eandem potentiam, quidquid potest vnum, & alterum: sed pater & filius & Spiritus sanctus habent eandem potentiam: ergo, &c.

ITEM quæcumque habent omnino eandem operationem, nihil potest vnum operari sine altero: sed Pater & Filius habent eandem operationem: ergo nihil potest pater sine filio: Quæcumque pater facit: hæc omnia similiter facit.

ITEM nullus potest plura omnipotente: sed verbum Dei est omnipotens, sicut dicitur: Omnipotens sermo tuus Domine. Maior patet, quia qui omne dicit, nihil excipit.

ITEM infinitis non est ponere aliqua esse plura, sed filius potest infinita, quia non potest tot quin plura ergo: pater non potest plura quam filius, pari ratione nec quæ Spiritus sanctus.

1. CONTRA: Quanto producta sunt magis distantia, tanto potentia produciens est latior, siue amplior: sed potentia Patris se extendit ad creatum & increatum, potentia Filij ad creatum tantum, & magis distat creatum, & increatum quam creatura solum: ergo, &c.

2. ITEM Filius Dei & creatura sunt aliud, & aliud, quia creatura est quid creatum: sed Filius est essentia increata: ergo filius & creatura sunt aliud, & aliud: ergo plura: ergo potentia quæ potest in Filium & creaturam, potentior est quam quæ potest in creaturam tantum, siue potens est in plura: sed potentia patris est talis: ergo, &c.

3. ITEM tantum vel æque magnum vel maius est producere personam æqualem, sicut creaturam, sed pater potest sine Filio producere personam: ergo & producere creaturam: ergo videtur quod potentia in patre se extendat ad plura.

4. ITEM quamvis Spiritus sanctus & Filius non sint aliquid plus, tamen plures sunt quam Filius solus: ergo cum in patre potentia possit in productionem vtriusque, in Filio in alteram tantum, in plura potest potentia in patre quam in filio: ergo extensione possibilem est maior.

Fundamenta,

Joan. 6. c

Sap. 18. c

Ad oppositum.

CONCLUSIO.

*In diuinis est ponenda potentia essentialis secundum
numerum possibilium adæquatio.*

RESP. Ad Arg. Dicendum quod loquendo de potentia essentiali que est respectu actus essentialis sue productionis, ad nihil se extendit in patre, ad quod pariter non extendat se in Filio. Et ideo quia æqualitas personarum consistit quantum ad potetiam essentialem, concedendum est sine calumnia quod Pater & Filius æqualiter sint potentes quantum ad extensionem possibilium.

1. AD illud ergo quod obiicitur in contrarium quod latius est potentia que potest in magis distantia, dicendum quod istud verum est de potentia eodem modo dicta, & quantum ad consimilem modum producendi: sed patrem posse producere quid creatum, est potentia essentialis & operis creationis: patrem vero posse producere filium, est potentia ut in persona, & generationis: ideo illa ratio non valet.

2. AD illud quod obiicitur quod creatura & filius sunt plura, dicendum quod verum est quod sunt plura, tamen non plura producta quamvis enim filius sit aliud quam creatura, tamen non est aliud productum: filius enim est essentia & natura, sed tamen non essentia vel natura producta, quia producere filium non est producere aliquid, sed aliquem: & ideo non sequitur quod producere filium & creaturam sit posse producere plura quam posse producere alterum.

3. AD illud quod obiicitur quod producit personam sine filio, dicendum quod non est simile, quia cum producere creaturam sit producere essentiam, tam productio quam potentia est essentialis: & quia essentia est individua in patre & filio: ideo & potentia & actio: proinde & illa productio: quia vero producere filium est producere personam, ideo productio illa & potentia dicit quid personale: & quoniam pater & filius non conueniunt in persona, sed essentia: patet, &c.

4. AD illud quod obiicitur quod Filius & Spiritus sanctus sunt plures: &c. dicendum quod verum est quod potest etiam in plures: sed quantum ad hoc non attenditur æqualitas, vel inæqualitas, ut visum est.

QVÆSTIO II.

*An in diuinis æqualitas quoad potentia intensiorem
ponenda sit.*

*Agid. Rom. 1. Sent. dist. 20. q. 2.
Richard. 1. Sent. dist. 20. q. 2.
Thom. Arg. 1. Sent. dist. 20. q. 1. art. 1.
Gabr. Biel. 1. Sent. dist. 20. q. unica, dub. 3.*

VTrum in diuinis sit æqualitas quantum ad intensiorem potentia. Et quod sic, ostenditur hoc modo. Nihil est potentius sua virtute: sed Christus est Dei virtus: ergo pater non est potentior filio: similiter pari ratione, nec Filius Spiritu sancto.

ITEM substantia æque nobili æque nobilis & excelsus est potentia: sed substantia æque nobilis est in filio, ut in patre: ergo & potentia æque nobilis: ergo nihil potentius potest Pater quam filius.

ITEM ea potentia qua quis potest supra infinitam & summam distantiam nihil est potentius: sed potentia verbi potest super infinitam & summam distantiam, quæ est inter ens & non ens, quia per ipsum omnia facta sunt: ergo, &c.

ITEM ea potentia cui nil potest resistere, nec aliquid potest eam retardare, nihil est potentius: sed potentiam Filij nihil potest retardare, nec aliquid potest ei resistere quia subito facit & libere: patet, quia dixit & facta sunt: ergo, &c.

1. CONTRA: Potentior est potentia in eo qui solum potest agere, quam in eo qui agere & pati: sed in pa-

tre est solum agere, in Filio agere & pati: ergo, &c.

A 2. ITEM potentius aliquid potest quod est primum principium, quam quod non est primum, quia omnis causa primaria prius influit quam secunda: sed Pater est primum principium: ergo vnum & idem potentius potest Pater, quam Filius.

3. ITEM potentius potest qui habet potentiam à se, quam qui ab alio. Qui enim aliquid à se habet, multo melius habet quam si ab alio recipiat: ergo cum filius habet posse à patre, pater autem per se & à se: ergo, &c.

4. ITEM plus potest aliquis, qui potest & per se & per alium, quam qui tantum per se: sed pater potest operari per Filium, Spiritus sanctus non potest per Filium, nec etiam ipse Filius proprie loquendo: ergo, &c.

CONCLUSIO.

*Persona diuina sunt æquales quantum ad intensiorem
potentia, cum in omnibus sit æque nobilis
atque summa.*

RESP. Ad Arg. Dicendum quod potentia in Patre & Filio est æque intensa. Quod in utroque summa est, & æque nobilis: quia in utroque vna per naturam non de enerās: similiter & in Spiritu sancto est. Et hoc loquendo de Filio secundum diuinam naturam, secundum quam æqualis est patri.

1. AD illud ergo quod obiicitur quod Filius potest pati, dicendum quod istud non est secundum potentiam diuinam: sed secundum infirmitatem humanam, & secundum illam inferior est patre & minus potens: secundum autem diuinam non potest pati sicut nec pater.

2. AD illud quod secundo obiicitur quod primum principium magis potest, dicendum quod primum principium aut solum dicit ordinem, aut substantialem differentiam. Si solum ordinem, cum vnum & idem sit utrobique, non est potentius hic quā ibi. Si autem differentiam substantialem cum ordine, sic verum est quod potentius est primum quam secundum quia secundum addit aliquid supra primum, quod dum facit magis compositum, magis reddit limitatum, & ita minus potens.

3. AD illud quod obiicitur tertio, iam solum est: quia habere ab alio, hoc est aut differente substantialiter, aut personaliter. Si substantialiter, sic verum est, quia cum habeat ab alio per essentiam non habet essentialiter sed participatione: sed quando habet ab alio personaliter, eodem tamen essentialiter, tunc habet æque nobiliter, quia totaliter & essentialiter. Vnde dicitur sicut pater habet vitam in semetipso, sic dedit & Filio, &c.

4. AD illud quod obiicitur quarto quod pater potest per se & per alium, dicendum quod posse per alium est dupliciter: aut per aliquam causam inferiorem simul agentem: aut per aliam personam. Primo modo potentius est posse per se & per alium, quam per se tantum: quia posse per alium dicit dominium, & ita potestatem: sed posse per alium, per personam consubstantialem non dicit dominium, sed tantum auctoritatem. Auctoritas autem non dicit maioritatem: sed solum dicit originem, sicut posse ab alio & non ab alio, non dicit minoritatem in potentia: sed solum subauctoritatem & originem: sic intelligendum est in proposito de posse per alium, & non posse per alium.

ARTICVLVS II.

Consequenter est quæstio secundo loco de secundo articulo, utrum in diuinis sit ordo. Et circa hoc quærentur duo. Primo quæritur, utrum in diuinis sit ordo ponendus. Secundo utrum in diuinis sit ordo naturæ.

QVÆSTIO I.

An inter diuinas personas ordo sit ponendus.

Alex. Alenf. 1. p. q. 46. Memb. 1.
Ægid. Rom. 1. Sent. dist. 20. q. 4.
Richardus 1. Sent. dist. 20. q. 3.

QUOD in diuinis sit ordo, ostenditur primo per Augustinum ad Maximinum vbi dicit: Cum dicitur filius à patre, non significatur inæqualitas substantiæ, sed ordo naturæ.

ITEM hoc videtur auctoritate Ecclesiæ, quia Ecclesia nominationem Trinitatis exprimit ordinate. Dicitur enim in nomine Patris, & Filij, & Spiritus sancti, & hic ordo nunquam mutatur: ergo, &c.

ITEM ordo dicit rationem completi esse & boni: esse enim, vt dicit Boëtius, est quod ordinem retinet, seruatque naturam, similiter & bonum: sed in diuinis est perfectissime ratio boni & esse: ergo ibi est ratio ordinis.

ITEM vbiunque sunt plures inter quos non est ordo, sunt inordinati: sed in diuinis personis est pluralitas: ergo si non est ibi ordo, est inordinatio & confusio: sed inordinatio & confusio repugnat diuinis: ergo est ibi ordo.

1. CONTRA: per Eusebium: In diuinis est numerus, sed non ordo.

2. ITEM hoc ipsum videtur ex ratione ordinis. August. de Ciu. Dei dicit: Ordo est partium disparium, sua vnicuique tribuens loca, dispositio: sed in diuinis non est distinctio locorum: ergo, &c.

3. ITEM ordo contrariatur simultati: ergo vbi est ordo, non est omnimoda simultas: sed vbi non est omnimoda simultas, non est perfecta æqualitas: ergo cum in diuinis sit omnimoda & perfecta æqualitas, nullus est ibi ordo.

4. ITEM si ordo est in diuinis, aut est quid essentiale, aut notionale. Non essentiale, quia vbi ordo ibi distinctio: in diuinis autem non est distinctio secundum essentiam: ergo, &c. Nec quod notionale, quoniam idem est notio & proprietas: sed ordo nullius personæ est proprietas: ergo, &c.

5. ITEM vbi est ordo, ibi est dependentia & inclinatio, nihil enim ordinatur ad aliquid, nisi ad illud habeat inclinationem: in diuinis autem nulla est dependentia: ergo ibi nullus omnino ordo.

6. ITEM ordo præsupponit numerum: sed in diuinis non cadit differentia secundum numerum, & ostensum est supra: ergo nec ordo.

CONCLUSIO.

Cum inter personas diuinas sit ratio producentis, & producti, inter eas ordo originis est ponendus.

RESP. Ad Arg. Dicendum quod triplex est ordo, scilicet secundum positionem, secundum antecessiorem, & secundum originem. Ordo secundum positionem, dicitur aliquorum, quorum vnum est superius, aliud est inferius. Et hoc potest esse dupliciter, vel in loco, vel in dignitate: & hic ordo non cadit in diuinis, sicut ostendit prima ratio sumpta ab Eusebio, & secunda sumpta ab Augustino, sicut patet.

3. Ordo vero secundum antecessiorem dicitur esse eorum quorum vnum prius est, alterum vero posterius, & hoc dicitur dupliciter: aut quia antecedit duratione sue tempore: aut prius naturali intelligentia sue cognitione: & hic ordo non est in diuinis, sicut probat ratio tertia, quia hic ordo tollit æqualitatem, & simultatem, quorum vtrumque perfecte est in diuinis. Ordo autem secundum originem sue secundum emanationem, est producentis ad productum: Et iste ordo est in diuinis, quia ibi est ordo principij, & principij, sue producentis. & producti: & hunc ordinem esse in diuinis probant rationes primæ.

A 4. Ad illud quod obiicitur quarto quod ordo non est quid notionale, nec essentiale, dicendum quod est notionale: sed notione contingit dupliciter significare, aut sub propria ratione, vt cum dicitur generatio: aut sub communi ratione, communitate inquam rationis, vt cum dicitur ordo, notio, proprietas, sicut indiuiduum est communis intentio, & sub hac communitate non distinguit, tamen in suis inferioribus distinctionem supponit.

5. Ad illud quod obiicitur: Vbi est ordo ibi dependentia: dicendum quod ordo importat habitudinem, & quia habitudo in creaturis ratione imperfectionis dicit dependentiam, ideo in creaturis importat dependentiam: in diuinis autem solum ponit comparisonem & connexionem, & nullam dependentiam & inclinationem.

6. Ad illud quod vltimo obiicitur quod ordo præsupponit numerum, dicendum quod sicut in diuinis numerus distrahit à ratione numeri, quia ibi est distinctio hypostasum tantum, ita ordo à ratione ordinis simpliciter, quia quamvis sit ibi ordo non tamen est ibi antecessio, sed solum originis emanatio. Vel aliter dicendum quod non semper præsupponit distinctionem secundum numerum, nisi intelligatur de ordine locali, siue secundum positionem. Nam ordo secundum naturam & secundum naturalem intelligentiam, attenditur inter superius, & inferius, inter quæ non cadit numerus. Et ita patet illud.

QVÆSTIO II.

An in diuinis sit ordo natura.

Alex. Alenf. 1. p. q. 45. Memb. 2.
S. Thom. 1. p. q. 42. art. 3.
Et 1. Sent. dist. 20. q. 1. art. 1.
Et de potentia q. 10. art. 3.
Richardus 1. Sent. dist. 20. q. 4.

Vtrum in diuinis sit ordo naturæ. Et quod sic videtur per Augustinum, qui dicit in litera, quod cum dicitur filius à patre, non dicitur inæqualitas substantiæ, sed ordo naturæ.

ITEM vbi est naturalis origo, ibi est naturalis ordo: sed in diuinis est naturalis origo: ergo & naturalis ordo: ergo ibi ordo naturæ.

ITEM vbi est causa & effectus, ibi est prius & posterius, sed vbiunque hoc, ibi est ordo naturæ: ergo cum in diuinis contingat reperire causam & effectum, sicut dicit Chrysostomus, super principium ad Hebræos: & Dam. sc. lib. 1. Pater est causa Filij, patet, &c.

1. CONTRA: Cuiuscunque est ordo, ipsum ordinatur: ergo si in diuinis est ordo naturæ, natura ordinatur, sed quod ordinatur distinguitur, & numeratur. Si hoc: ergo in diuinis natura distinguitur & numeratur, sed hoc falsum est: ergo, &c.

2. ITEM in diuinis idem est natura & essentia, quia natura nomen est essentiale: sed in diuinis nullo modo ponitur ordo essentiæ: ergo nec naturæ.

3. ITEM vbi est ordo naturæ ibi est prius ac posterius secundum naturam: ergo si in diuinis est ordo naturæ, ibi est prius & posterius: sed hoc nullo modo recipitur: ergo nec ordo naturæ. Quod autem in diuinis non sit prius ac posterius, ostenditur sic. Relatiua sunt simul natura: ergo pater & filius secundum quod pater & filius, simul sunt natura: & quia relationes in diuinis non sunt aduenientes, nec tantum sunt ratio referendi, sed etiam existendi: ergo pater & filius secundum suas hypostasies, simul sunt natura: ergo non est ibi ordo naturæ.

4. ITEM in causis creatis videmus gradus, quia substantia creata quanto citius potest, velocius operatur. Vnde quædam operantur in tempore, quædam repente, quædam subito. Et illa causa quæ operatur subito, aliquando non præcedit tempore, sed natura. Si ergo Deus producit filium secundum omnem nobilitatem, & virtutem suæ potentie: & virtus suæ potentie infinitæ ma-

Fundamēta.
Lib. 3. contra
Max. c. 14.
c. 6.
Super Gen.
ad l. c. 34.
c. 35. & ex
orat. de
quinque
Harasibus
à med. 11. 6.
Cap. 8.

Ad opposi-
tum.

Arist. 4.
metaph.
conex. 43.

In postpra-
dicam. cap.
de Priori.
Arist. in
pradic. c. de
Relat.

ior est quam finitæ, non ergo tantum simul duratione: sed etiam simul natura producit: ergo non est ibi ordo naturæ.

5. ITEM videmus in cognoscibilibus quod quædam habent sui cognitionem inuestigando, & posterius tempore, & loquor de actuali, non de habituali, vt anima humana, & quædam simul duratione vt Angelus: ergo si Dei cognitio & dictio siue locutio non est accedens, sed multo nobilior & virtuosius quam omnis creatura, habet verbum intelligentiæ, non tantum simul duratione, sed etiam natura: ergo, &c.

CONCLUSIO.

Diuina persona habent ordinem naturæ, non quod altera sit posterior altera, sed quod altera ex altera: vel ordinem naturæ, id est, naturalis originis.

RESP. Ad arg. Dicendum quod ordo dicitur esse alicuius dupliciter. Aut sicut ordinati, aut sicut rationis ordinandi. Ordo in diuinis sicut ordinati dicitur personæ Patris & Filij & Spiritus sancti: sicut rationis ordinandi, dicitur naturæ. Natura enim dicit vim productiuam secundum quod dicit Philosophus, quod est vis insita rebus ex similibus similia procreans. In diuinis autem est ordo secundum productionem, ideo dicitur ibi ordo naturæ, id est naturalis originis. Vnde genitiuus ille, non construitur subiectiue sicut cum dicitur albedo parietis, sed ex vi declarationis essentiae, vt cum dicitur albedo claritatis. Et ideo resoluitur in duos vt sit sensus, ordo naturæ, id est naturalis.

1. 2. Ex hoc patet primum quod obiicitur quia obiicit, ac si diceretur ordo esse naturæ vt rei ordinatæ. Patet etiam secundum quod essentia dicitur in absolute omni moda, non vt alterius principium: natura vero dicit vt alterius principium: ideo dicitur comparisonem ad productionem siue emanationem naturalem. Vnde ulterius attendendum, quod ordo secundum naturalem originem in his inferioribus duo dicit, scilicet emanationem, & antecessorem: & ratio huius est, quia emanatio in his inferioribus ponit diuersitatem substantialem. Vnde omne quod emanat in his inferioribus est effectus: & quod producit, est causa: & ideo dicitur causa ad cuius esse sequitur aliud: & quia aliud in natura, ideo posterius in natura. In diuinis autem est emanatio ad quam non consequitur essentiae diuersitas, vel nature, ideo nec prius nec posterius natura, sed simul natura, & ideo in diuinis non accipitur ratio cause, vel effectus secundum Latinos: sed nomen principij, quamvis Græci extenso nomine vtantur nomine causæ pro nomine principij: & ideo in diuinis est ordo naturæ, non quo alter sit posterior altero, sed quo alter ex altero. Et hoc est quod dicit Augustinus in littera.

3. Ex hoc patet quod tertio obiicitur: quamvis enim in creaturis ordo posterieritatem ponat, non tamen in Deo. Et quamvis non sit ibi posterioritas, non sequitur quin bene sit ibi ordo. Ex his patent obiecta ad utramque partem. Concedendum est ergo quod aliquo modo reperitur in diuinis ordo naturæ, sicut ostendunt primæ rationes. Tertia tamen ratio deficit, quia nomen causæ non reperitur in diuinis secundum Latinos proprie. Quod obiicitur ad oppositum patet, quia ordo non est naturæ, vt rei ordinatæ.

4. PATET etiam quod obiicitur de diuina essentia, quia est nomen absolutum, nec importat rationem originis.

5. Vltimum patet, quia non est ibi ordo naturæ, quo alter prior altero, sed quo alter ex altero.

DISTINCT. XXI.

Quæritur quo modo possit dici, solus Pater, vel solus Filius, vel solus Spiritus sanctus, cum sint inseparabiles.

HIC oritur quæstio trahens originem ex prædictis. Dictum est enim supra quod tantus est solus Pater, vel solus Filius, vel solus Spiritus sanctus, quantum simul illa tres: & quod dua vel tres persona simul non sunt maius aliquid, quā una persona sola. Ideo querit Aug. in 6. lib. de Trin. Quo modo hæc sane dici possint, cum nec Pater sit solus, nec Filius, nec Spiritus sanctus, sed semper & inseparabiliter & Filius cum Patre, & Pater cum Filio, & Spiritus sanctus cum utroque: inseparabiles enim sunt hæc tres persona. Ad quod ita respondet Aug. in eodem: Solum Patrem dicimus Patrem, non quia separatur à Filio, vel à Spiritu sancto, sed hoc dicentes significamus, quia illi simul cum eo non sunt Pater. Solus enim Pater, Pater est. Quod non dicitur quia ipse sit solus, id est, sine Filio, vel Spiritu sancto, sed per hoc Filius vel Spiritus sanctus à paternitatis consortio excluduntur. Ita & cum dicitur: Solus Filius, Filius est, vel solus Spiritus sanctus, est Spiritus sanctus, non diuiditur Filius à Patre, vel Spiritus sanctus ab utroque, sed à consortio filialis proprietatis excluduntur Pater, & Spiritus sanctus: & à consortio processibilis proprietatis Pater & Filius. Cum ergo dicitur. Tantus est solus Pater, quantum simul illi tres: per hoc quod dicitur: Solus Pater, id est Pater, qui ita Pater est, quod nec Filius, nec Spiritus sanctus, tantus est, &c. Similiter intellige, cum dicitur: Solus est Filius, vel solus est Spiritus sanctus, Solus ergo Pater dicitur, vt ait August. in eodem, quia non nisi ipse ibi Pater est: & solus Filius, quia non nisi ipse ibi Filius est, & solus Spiritus sanctus, quia non nisi ipse ibi Spiritus sanctus est.

Vtrum possit dici, solus Pater est Deus, solus Filius est Deus, vel solus Spiritus sanctus est Deus, vel Pater est solus Deus, vel Spiritus sanctus est solus Deus.

Post hæc queritur, vtrum sicut dicitur, Solus Pater est pater, vel solus Filius est filius, ita possit dici, solus Pater est Deus, vel solus Filius est Deus, ita & de Spiritu sancto. Aut, pater est solus Deus, filius est solus Deus. Ad quod dicimus, quia Pater & Filius & Spiritus sanctus dicitur, & est vnus Deus: Et hæc Trinitas simul proprie dicitur esse solus Deus, sicut solus sapiens, solus potens. Sed non videtur debere dici à nobis verbis nostris vtentibus, nisi ubi sermo auctoritatibus occurrit, Solus pater est Deus, vel pater est solus Deus, ita de Filio & Spiritu sancto dicimus. Vnde Aug. in sexto lib. de Trin. ait: Quoniam ostendimus quo modo possit dici solus pater, vel solus Filius, considerata est illa sententia qua dicitur, Deum verum solum non esse Patrem solum, sed Patrem & Filium & Spiritum sanctum. Ecce habes, quia non solus pater dicendus est esse verus Deus. Item in eodem: Si quis interrogat vtrum pater solus sit Deus, quo modo respon-

debemus

debimus non esse, nisi forte dicamus ita, *Esse quidē patrem Deum, sed non esse solū Deum? Esse autem solum Deum dicamus Patre & Filium & Spiritum sanctū.* Ecce & hic habes, quia pater nō debet dici solus Deus: Atque hic solum in parte subiecti tantū accipere quidam volunt, in parte vero predicati sic cōcedunt, quod pater est solus Deus. Sed ex verbis Aug. videtur ostēdi quod proprie solus Deus dici debeat tota Trinitas. Hac Trinitas, ut ait Aug. contra Maximinū, intelligitur, cum Apostolus dicit: *Beatus & solus potens.* Et ibi: *Soli sapienti Deo.* Et ibi: *Inuisibili soli Deo.* Nō enim de solo patre hac accipienda sunt, ut contendebat Maximinus, & alij haretici, sed de Trinitate. Sicut & illud: *Solus habet immortalitatem, quia secundum rectam fidem, ipsa Trinitas est unus solus Deus, beatus, potens, sapiens, inuisibilis.* Vnde Aug. in eodē: *Cum unus Deus sit Trinitas, hac sit nobis solutio questionis, ut intelligamus solum Deum sapientē: solum potentem Patre & Filio & Spiritum sanctum, qui est unus & solus Deus.*

Quo modo dicitur Trinitas solus Deus, cum ipsa sit cum Spiritibus & animabus sanctis.

Sed iterum queritur, quo modo ipsam Trinitatē dicimus solū Deum, cum sit cum Spiritibus & animabus sanctis. Ad quod respondet Aug. in lib. de Trin. dicens: *Trinitatem dicimus Deum solum, quamvis semper sit cum Spiritibus & animabus sanctis, sed solū dicimus, quia non aliud quam ipsa Trinitas Deus est. Non enim illi cum illa Deus sunt, vel aliqua alia, sed ipsa Trinitas tantum, non illi, vel alia Deus est.*

Et si de Patre solo prædicta dicerentur, non tamen excluderentur Filius & Spiritus sanctus.

Veruntamen, ut ait Aug. & si de solo Patre prædicta dicerentur, nō tamen excluderetur Filius, vel Spiritus sanctus, quia hi tres unum sunt: sicut in Apocalypsi de Filio legitur quod habet nomen scriptū quod nemo scit nisi ipse. Non enim inde separatur Pater, vel Spiritus sanctus. Et cum dicitur: *Nemo novit Patre nisi Filius:* non inde separatur Pater, vel Spiritus sanctus, quia inseparabiles sunt. Aliquando etiā nominatur Pater, & Filius, & tacetur Spiritus sanctus: ut Veritas ad Patrem loquens ait: *Ut cognoscant te, & quem misisti Iesum Christum esse unum verum Deum.* Cur ergo (inquit Aug.) tacuit de Spiritu sancto? Quia consequens est, ut ubicumq; nominatur unus, sicut Pater & Filius, tanta pace vni adherēs intelligatur etiam ipsa pax, quamvis non commemoretur. Vno ergo istorū nominato, etiam reliqui intelliguntur, quod in pluribus scriptura locis occurrit, ut ibi exemplificat Augustinus.

DISTINCTIO XXI.

Qualiter Dictiones exclusivæ accipiantur in Divinis.

Hic oritur questio trahens originem ex prædictis.

Expositio Textus.

VPRA probavit Magister æqualitatē personarum, hic quia in probatione dubias rationes dixerat propter dictiones exclusivas, monet illas dubitationes, & soluit. Et habet hæc pars tres partes, secundū tria dubia, quæ proponit. Primo enim querit de hac ratione: *Tantus est solus Pater, quantus Pater & Filius.* Secundo proponit hanc, siue querit de hac: *Solus Pater est Deus, & hoc facit ibi: Post hoc queritur,*

utrum sicut dicitur solus Pater, &c. Tertio queritur de hac: Trinitas est solus Deus: & hoc facit, ibi: Sed iterum queritur quo modo ipsam Trinitatem. Et in qualibet istarum partium primo movetur dubitatio, secundō soluitur.

Hac Trinitas simul proprie dicitur esse solus Deus.

Dub. I.

CONTRA: Videtur per hoc velle negare istam: Pater est solus Deus: sed videtur hæc esse vera per expositionē, quia pater est Deus, & non aliud à Deo, vel aliud: ergo: &c. **I**TEM prædicatum quod dicitur de tota Trinitate, non potest esse nisi prædicatum essentiale quia aliter non diceretur de tota Trinitate: & essentiale prædicatum dicitur de qualibet persona sigillatim: ergo pater est solus Deus.

RESP. Dicendum quod quando *Solus* per se additur ad prædicatum, ita quod non intelligitur à parte subiecti, improprius est sermo, siue dicatur de Trinitate tota, siue de Patre. Nec vult dicere August. quod solus Deus prædicetur de tota Trinitate, ita quod non de patre. Sed in illis locutionibus: *Soli Deo honor & gloria, & cōsimilibus, solus Deus,* non accipitur pro unica persona, excludendo alias personas: sed pro tota Trinitate, excludendo alias naturas, & Magister ita accipit, ac si August. vellet dicere, non quod hoc, scilicet. *solus Deus,* prædicaretur de Trinitate, & non de patre: sed ipse vult quod supponat pro ipsa Trinitate. Pro Patre vero si supponat, non tamen præcise supponit pro solo patre: & ideo August. concedit quod sola Trinitas est solus unus Deus, non tamen solus Pater. Vnde & Magister non dicit quod Pater non sit solus Deus, sed quod non proprie dicitur: & illud manifestum est, si inspiciatur qualiter *Solus* debet addi ad prædicatum.

Quo modo ipsam Trinitatem dicimus solum Deum, cum sit cum Spiritibus, & animabus sanctis. Dub. II.

Queritur cum inseparabilis sit à rebus aliis, & intimus omnibus, propter quid magis dicitur esse cum sanctis, quam cum aliis.

RESP. Dicendum quod quamvis Deus sit cum omnibus, & in omnibus, tamen specialiter dicitur esse cum sanctis, propter effectum gratiæ inhabitantis, per quam ipsi conformantur, & chari, & similes ei fiunt. Vnde: *Deliciæ meæ esse cum filiis hominum,* dicit sapientia Dei. Vnde, *Dominus vobiscum,* dicitur hominibus, nō bestiis.

Nemo novit Patrem nisi Filius. Dub. III.

CONTRA. Cum, *Nemo,* componatur ex non, & homo, ergo, *Nemo,* idem est quod nullus homo: sed dictio exceptiva non excipit nisi contentum sub termino. Vnde nihil est dictum: *Nullus homo currit nisi alinus.* Cum ergo pater non contineatur in suppositione huius nominis, *homo,* patet, &c. Si tu dicas quod ampliatur ex usu distributio importata per istum terminum, *nemo,* ultra quam ad homines: tunc ego quero pro quo stat, aut pro creato aut pro increato. Si pro creato, nulla est exceptio, quia simpliciter vera: & præterea pater non est ibi contentum. Si pro increato, simpliciter & totaliter est falsa: ergo per exceptionem non potest verificari. Si tu dicas quod pro utroque, quo modo potest hoc esse, cum nihil habeant commune? Et si habent commune, aut hoc quod hoc est, *nemo,* distribuit pro essentiis, aut pro personis. Si pro essentiis, ergo non debet excipi Pater. Si pro personis, ergo debet excipi Spiritus sanctus, sicut & Pater alioquin locutio est falsa.

RESP. Dicendum quod, *Nemo,* distribuit communiter pro communi cognoscente, siue habente vim cognitivam: & distribuit, non pro supposito tantum, siue pro persona, sed pro natura. Vnde Pater non excipitur, quia persona, sed quia eiusdem naturæ cum Filio: & ideo implicatur in illa exceptione Filius & Spiritus sanctus: & ideo locutio habet veritatem. Vel dic quod, *Nemo:* distribuit pro omnibus, & tenetur ly, *Nisi,* non exceptivæ, sed aduersativæ, sicut dicitur: *Ad nihil utile est, nisi ad subversionem audientium.*

ARTICVLVS I.

AD intelligentiam huius partis est hic quæstio de dictionibus exclusiuis. Et circa hoc principaliter quærenda sunt duo. Primo quæritur: Vtrum dictio exclusiua in diuinis vere addatur termino substantiali. Secundo vtrum vere addatur termino relatiuo. Et quantum ad primum quærentur duo. Primo: Vtrum dictio exclusiua vere addatur termino substantiali à parte subiecti. Secundo, si vere addatur à parte prædicati.

QVÆSTIO I.

An vere dicatur: Solus Deus est Pater.

Alexand. Alensis 1. p. q. 65. Membro 3. art. 1.
S. Thom. 1. Sent. dist. 21. q. 1. art. 3.
Scot. 1. Sent. dist. 21. q. unica.
Egid. Rom. 1. Sent. dist. 21. q. 3.
Richard. 1. Sent. dist. 21. q. 3.
Durandus 1. Sent. dist. 21. q. 1.
Franciscus de Mayr. dist. 21. q. 1.
Tho. Arg. 1. Sent. dist. 21. q. 1. art. 3.
Marfilus Inguen. 1. Sent. q. 24. art. 1.
Steph. Brulef. 1. Sent. dist. 21. q. 1.
Petrus de Tarantaf. 1. Sent. dist. 21. q. 1.
Gabriel Biel. 1. Sent. dist. 21. q. 1.

QUOD vere ly, *solus*, addatur huic termino, *Deus*, à parte subiecti, ostenditur hoc modo: Deus habet aliquid proprium, sed proprium est quod inest solitergo, &c. Et quia constat quod exclusio vere additur termino substantiali respectu prædicati essentialis, vnde bene dicitur: Solus Deus creat. Quæritur, vtrum vere addatur ei respectu prædicati proprii, sicut termini relatiui: vtrum scilicet vere dicatur: Solus Deus est Pater. Et quod sic, videtur per suam expositionem quæ est: Solus Deus est Pater, id est, non alius quam Deus est Pater: ergo solus Deus est Pater. Et quod sit ista eius expositio, hoc habetur à communi visu, & à Philosopho, qui dicit quod solus idem est quod non cum alio.

ITEM hoc videtur à conuertibili, quoniam istæ duæ conuertuntur. Nihil præter Petrum currit, ergo solus Petrus currit: ergo & istæ duæ, nihil præter Deum est Pater, ergo solus Deus Pater. Sed prima est vera, quia hæc est falsa: Nihil est Pater, & non habet instantiam nisi in Deo: ergo, &c.

ITEM à quocunque remouetur hoc quod est in plus, remouetur quod est in minus: sed esse in Deum, est in plus quam se Patrem: ergo à quocunque remouetur Deus, remouetur Pater. Sed quæcunque sic se habent quod à quo remouetur vnum, & alterum: vnum præcise prædicatur de altero, nec habet instantiam: ergo Pater præcise prædicatur de Deo: sed si præcise: ergo cum exclusionem: ergo, &c.

1. CONTRA: Terminus accidentalis implicat rem suam circa suum subiectum, vt patet cum dicitur: Homo albus currit, circa hunc terminum, *homo*, implicatur albedo: ergo similiter cum dicitur solus Deus est Pater, circa Deum implicatur, *Solitudo*. Sed Hilarinus dicit quod Deus non est solitarius confitendus: ergo, &c. Et ratio ista concludit quod non possit vere addi nec cum prædicato proprio, nec communi.

2. ITEM ostenditur quod non possit vere addi respectu prædicati communis, vt cum dicitur: Solus Deus creat, hoc enim nomen, *Deus*, de se habet suppositionem quasi indefinitam respectu personarum: ergo reddit locutionem veram pro aliquo: sed pro quolibet est falsa. Hæc est enim falsa: Solus Pater creat: ergo cum omne prædicatum essentialis conueniat tribus, & non solum vni, nullo potest modo addi dictio exclusiua respectu talis prædicati subiecto communi.

3. ITEM quod non respectu proprii, videtur. Quia si hæc est vera: Solus Deus est Pater: ergo à simplici conuersa, & hæc: Solus Pater est Deus: sed ista est falsa:

A ergo, &c. Si dicas quod non conuertitur simpliciter. **CONTRA:** Habet intellectum vniuersalis negatiue, & particularis affirmatiue, & vtraque conuertitur simpliciter, &c.

CONCLUSIO.

Hæc dictio, Solus, categorematice, id est, prout dicit solitudinem in diuinis non dicitur: syncategorematice vero, ita vt vel personali, vel substantiali iungatur prædicato, vtrique dici potest.

RESP. Ad arg. Dicendum quod hæc dictio, *Solus*, potest esse categorema, vel syncategorema. Secundum quod est categorema, sic est nomen adiectiuum: absolutum ponens rem suam circa suum substantiam, & res sua est solitudo. Vnde tantum valet hic, *Solus*, quantum solitarius. Et quia solitudo nullo modo recipitur in diuinis quantum ad substantiam, quia est in multis personis, hoc nomen, *Solus*, non recipitur in diuinis substantialibus, sicut ostendit prima ratio. Si autem accipiat in quantum est syncategorema, sic priuat associationem, & importat aliquam negationem. Et sic, cum aliquod prædicatum & substantiale & personale præcise dicatur de nomine substantiali: sic vere dicitur in diuinis & respectu prædicati substantialis, vt cum dicitur: Solus Deus creat. Et respectu personalis, vt cum dicitur: Solus Deus est Pater.

1. Ad illud ergo quod obiicitur de albo quod ponit rem suam circa substantiam, dicendum quod non est simile secundum quod hoc nomen, *Solus*, tenetur syncategorematice, quia *albus*, est dispositio subiecti absoluta, vnde absolute ponit rem suam circa terminum: sed *Solus*, ratione negationis non absolute, & ideo non ponit solitudinem, sed præcisionem.

2. Ad illud quod obiicitur secundo quod terminus substantialis debet reddere locutionem veram pro aliqua persona, dicendum quod terminus, cui additur exclusio, respectum habet ad prædicatum, & respectum habet ad exclusionem: & licet respectu prædicati possit habere suppositionem personalem, vt cum dicitur: Solus homo currit, tamen regula est apud Sophistas quod per comparisonem ad dictionem exclusiuam talis terminus habet suppositionem simplicem, vnde nullo modo licet descendere. Et hoc est quod dicitur in libro de regulis fidei, quod dictio exclusiua facit exclusionem quantum ad genus rei, non quantum ad rem generis: quia ratione formæ communis, quæ est genus rei, non ratione suppositi, quæ est res generis.

3. Ad illud quod obiicitur ultimo quod conuersa est falsa, dicendum quod illa non est sua conuersa: quia ista Solus Deus est Pater, habet intellectum affirmatiue, scilicet Deus est Pater, & hæc conuertitur simpliciter: habet etiam intellectum negatiue huius: Nullus alius à Deo est Pater, & hæc similiter conuertitur simpliciter: sed hæc non est sua conuersa: Nullus alius à Patre est Deus, sed hæc: Nihil quod est Pater, est aliud à Deo: idem enim quod subiiciebatur in prima, debet prædicari in secunda, & sic patet illud.

QVÆSTIO II.

An dictio exclusiua vere addi possit termino substantiali à parte prædicati.

Alexander Alensis 1. p. q. 64. Membro 3. art. 3.
S. Thom. 1. p. q. 31. art. 3.
Et 1. Sentent. dist. 21. q. 1. art. 1.
Egid. Rom. 1. Sent. dist. 21. q. 1.
Richardus 1. Sent. dist. 21. q. 2.
Thom. Arg. 1. Sent. dist. 21. q. 1. art. 2.
Marfilus Inguen. 1. Sent. q. 24. art. 2. dub. 2.
Petrus de Tarantaf. 1. Sent. dist. 21. q. 2.

VTRUM dictio exclusiua vere possit addi termino substantiali à parte prædicati, Et quod sic ostendi-

Aug. 7. de
Trin. c. 7. &
9. in princ.
rom. 3.

Lib. 3. c. 9.
rom. 6.

Aug. lib. 3.
cap. 9. 10. 6.

tur hoc modo. Aug. 7. de Trinitate: Patrem dicimus esse Deum sed non esse solum Deum: esse autem solum Deum dicimus Patrem, & Filium & Spiritum sanctum. Si tu dicas ly *solum*, intelligitur à parte subiecti, obicitur expressius per hoc quod dicit Augustinus contra Maximinum. Ipsa Trinitas est vnus solus verus Deus: constat quod ly *solum*, non potest esse dispositio ex parte subiecti, quia sic esset sermo incongruus: ergo, &c.

ITEM hoc videtur per expositionem. Trinitas est Deus, & non aliud quam Deus: ergo Trinitas est solus Deus: præmissæ sunt veræ, ergo & conclusio.

ITEM ratione videtur per simile: Quando prædicatum non inest alij quam subiecto vere, hæc dictio *solum*, accipitur ex parte subiecti: ergo quando subiectum non subest alij quam prædicato, vere accipitur à parte prædicati, sed istud subiectum, *Trinitas*, non inest alij quam Deo: ergo, &c.

1. CONTRA: Hæc dictio *solum*, est dispositio subiecti, sicut hoc signum *omnis*: sed quando *omnis* additur ad prædicatum, locutio est falsa, & impropria: ergo similiter quando hæc dictio *solum*.

2. ITEM hæc dictio *solum*, addita alicui termino, excludit alium. Vnde sensus est: Solus homo, homo & non alius: sed *alius*, respicit suppositum, & terminus subiicitur ratione suppositi, & prædicatur ratione formæ: ergo hæc dictio *solum*, de sui ratione respicit subiectum: ergo falso, & improprie additur prædicato.

3. ITEM secundum quod additur prædicato, aut tenetur categorematicè, aut syncategorematicè. Si categorematicè, tunc est nomen adiectiuum, & non recipitur in diuinis. Si syncategorematicè, sic importat negationem implicitam: sed negatio antecedit quod negat: ergo necesse est quod antecedit compositionem quam negat: sed cum dicitur: Pater est solus Deus, non sequitur compositionem: ergo videtur quod non possit ipsam negare: ergo, &c.

4. ITEM ego quero quid excludat, quando additur ad prædicatum. Si aliud à prædicato vt sit sensus: Est solus Deus, id est, Deus, & non aliud, tunc est ibi superfluitas, quia forma prædicati excludit aliam formam disparatam quantum est de se. Vnde sequitur: Iste est homo, ergo non est aliud ab homine: ergo videtur quod dictio exclusiua faciat superfluitatem, & negationem, non ergo tenetur exclusiue: & ita videtur quod teneatur adiectiue solum, & quod importet solitudinem circa hunc terminum Deus, & sicutæ sunt falsæ.

CONCLUSIO.

Dictio exclusiua potest addi ad prædicatum termini substantialis vere, sed non proprie, nisi cum additione termini partitui, & numerali.

RESP. Ad Arg. Ad hoc voluerunt aliqui dicere quod hæc dictio *solum*, proprie non debet addi ad prædicatum, sed tantum ad subiectum: & cum additur prædicato, improprie sunt locutiones, & tunc idem est dicere, *solum*, & *tantum*: sed tamen si aliquis inspiciat, non tantum cum hac dictione *solum*, sed cum hac dictione *tantum* videbit improprietatem, & superfluitatem. Quid enim aliud est dicere: Trinitas est tantum Deus, nisi est Deus, & non aliud quam Deus: hoc improprie satis dictum est, quia hoc ipso, quod Deus est, excluditur, quod non sit aliud à Deo. Si enim Deus est, ergo non est aliud à Deo. Et nullus hæreticus vnquam dixit, Trinitatem esse Deum, qui diceret aliud ipsam esse à Deo: & ideo non videtur magnum quid Aug. dicere, si hoc voluit dicere. Propterea aliter dicendum est quod hæc dictio *solum*, dupliciter potest addi termino substantiali à parte prædicati, aut per se, aut cum termino numerali, siue partitiuo. Per se improprie additur, & si addatur secundum vocem, tamen secundum intellectum stat à parte subiecti. Idem enim est dicere: Homo albus est, & est albus homo. Vnde sensus est, non dicimus Patrem esse solum

A Deum, id est non dicimus solum Patrem esse Deum. Si autem aliter ponatur, videtur sermo habere superfluitatem, & improprietatem, quia hoc excludit quod excludebatur ex natura ipsius prædicati. Aliter additur hæc dictio *solum*, termino substantiali cum termino numerali, sicut cum termino *vnus*: & tunc excludit pluralitatem, & hoc modo bene additur prædicato, & sic accipit Aug. contra Maximinum cum dicit: Trinitas est vnus solus verus Deus, ita quod non plures, & tunc est verus sermo, & proprius, & contra hæreticos qui dicebant Trinitatem esse plures Deos: & importatur per istum terminum *solum*, priuatio multitudinis, & ita distinctio: & magis proprie dicitur de Trinitate quod Trinitas sit vnus solus Deus, quam de Patre, cum tamen posset dici de vtroque. Et nullus vnquam dixit, Patrem esse plures, sed de Trinitate, siue de tribus aliqui dixerunt: & ideo congruentius dicitur: Trinitas est vnus solus Deus. Concedendum est ergo quod, *solum*, potest addi ad prædicatum termini substantialis vere in diuinis, sed non proprie, nisi cum determinatione, & ad iunctione termini partitui.

1. Ad illud ergo quod obicitur quod, *solum*, est dispositio subiecti, sicut hoc signum, *omnis*, dicendum quod non est ita propria dispositio subiecti sicut hoc signum, *omnis*. Quia *omnis* distribuit pro suppositis, pro quibus terminus subiicitur, non pro quibus prædicatur, saltem simul sumptis. *Solum* autem, non solum dicitur ratione suppositi verum etiam ratione formæ, quia excludit alium, & etiam potest excludere aliud.

2. Et per hoc patet sequens, quia non semper excludit alium masculine: sed etiam potest excludere aliud neutraliter, vel etiam pluralitatem, quando additur termino numerali, vt visum est.

3. AD illud quod queritur, vtrum teneatur syncategorematicè, vel prout est nomen importans formam denominantem, vt idem sit *solum*, quod *solitarius*, dicendum quod syncategorematicè. Quod obicitur quod sequitur compositionem, dicendum quod, *solum*, importat duo in se, scilicet intellectum huius nominis, *alius*, & intellectum negationis. Quantum ad intellectum huius nominis, *alius*, respicit terminum circa quem ponitur, & sequitur actum. Quantum ad intellectum negationis præcedit, & hoc non est conueniens quantum ad diuersa præcedere, & sequi: hoc patet exponenti. Si enim dicam: Video solum Conradum. Sensus est: Video Conradum, & non video alium à Conrado. Similiter intelligendum est in proposito.

4. AD illud quod queritur quid excludit cum additur prædicato, dicendum quod quando additur sine determinatione, excludit aliam formam, & tunc re vera est ibi superfluitas, & improprietas, est nihilominus veritas: sed quando additur cum termino partitiuo, tunc excludit pluralitatem, & tunc potest locutio habere veritatem: Pater enim & Filius sunt vnus Deus & non plures, & ita vnus solus Deus, &c.

ARTICVLVS II.

CONsequenter secundo loco est questio de secundo articulo questionis, scilicet vtrum dictio exclusiua possit addi termino relatiuo. Circa hoc queruntur duo. Primo queritur, vtrum dictio exclusiua vere addatur termino personali respectu prædicati proprii. Secundo, vtrum vere addatur termino personali respectu prædicati communis, vt vere dicatur: Solus Pater est Deus.

QUESTIO I.

An Dictio exclusiua, Solus, vere addatur termino personali respectu prædicati proprii.

Egid. Rom. 1. Sent. dist. 21. q. 2.
Henricus in summa p. 2. in fine.
Richardus 1. Sent. dist. 21. q. 4.
Ioan. Barcon. 1. Sent. dist. 11. q. unica.

Tho. Arg. 1. Sent. dist. 21. q. 1. art. 1.
Marsilius Inguen. 1. Sent. q. 24. art. 2. dub. 1.
Steph. Brulef. 1. Sent. dist. 21. q. 2.
Petrus de Tarantaf. 1. Sent. dist. 21. q. 3. & 5.

Quod respectu prædicati proprii vere addatur, ut scilicet hæc sit vera: Solus Pater est Pater. Videtur per August. 7. de Trinitate sic: In illa Trinitate solus Pater dicitur Pater, quia nullus nisi ipse est ibi Pater.

ITEM hoc videtur per expositionem, quia persona Patris est Pater, & nulla alia est Pater: ergo hæc est vera: Solus Pater est Pater.

ITEM Nihil est magis proprium alicui, quam quod est idem sibi re & ratione: sed Pater est idem sibi re & ratione: ergo propriissime dicitur de se: sed quod proprie convenit alicui, convenit soli: ergo Pater dicitur de solo Patre.

1. CONTRA: Solus, ut vult Philosophus, idem est quod non cum alio: sed impossibile est, Patrem non esse cum alio: ergo semper quando additur huic termino, Pater, vel alij termino personali, est locutio falsa.

2. ITEM Solus, excludit alium: sed alio est Deus, alio est Pater: ergo addita huic termino Pater, excludit Deum: ergo si hæc est vera: Solus Pater est Pater, & hæc similiter: Deus non est Pater: quod si hæc est falsa, ergo & prima.

3. ITEM Solus, excludit hoc relatum, alius, sed alius, ita est relatum diversitatis quod nihilominus implicat aliquam identitatem. Vnde sequitur: Ille vadit cum alio homine: ergo ille est homo: si ergo excludit alium ab hoc quod est Pater, aut alium Patrem, aut alium Deum: sed quocumque modo dicatur, est locutio falsa, & implicatio falsa, ergo, &c.

CONCLUSIO.

Hæc dictio, Solus, categorematice, id est, prout dicit similitudinem in divinis non dicitur: Syncategorematice vero, ita ut vel personali, vel substantiali iungatur prædicato, utique dici potest.

R E S P. Ad Arg. Dicendum quod secundum quod hæc dictio Solus, tenetur syncategorematice, importat privationem associationis, & locutio simpliciter est vera, excluso illo sensu quo importat solitudinem, quia sic non accipitur in divinis, sicut supra dictum est. Secundum enim quod importat privationem associationis vera est. Quia cum tripliciter possit eam importare, in quolibet sensu locutio est vera. Potest enim hæc dictio Solus, importare privationem associationis respectu formæ termini subiecti, ut dicatur solus Pater, id est, ille qui est solus Pater, & sic absque dubio veritatem habet: Solus Pater est Pater. Vel potest importare privationem associationis respectu prædicati, & hoc dupliciter, vel in participando, ut quia alij, non conveniat, & adhuc vera est, quia hoc prædicatum quod est Pater, soli personæ Patris convenit: illa enim proprietas Patri convenit, & ita quod nulli alij. Vel potest importare privationem associationis in comparticipando, ut cum dicitur: Petrus comedit solus, vel vadit Romam solus, non quia alius non eat Romam, vel non comedat: sed quia nullus comparticipat cum eo, quamvis participet, & sic locutio adhuc est vera, quia persona Patris non participat, vel comparticipat cum alia in proprietate paternitatis: & ideo secundum quod solus exclusivè tenetur, iudicatur locutio vera.

1. Ad illud ergo quod obiicitur quod Solus, idem est quod non cum alio, dicendum quod negatio illa non simpliciter excludit alium in eo existendo, sed excludit alium respectu formæ subiecti, vel prædicati, in comparticipando, ut visum est: & quamvis Pater cum aliis existat, & non possit sine alio esse, quia tamen proprietatem paternitatis cum alio non communicat, ideo habet simpliciter locutio veritatem.

2. Ad illud quod obiicitur quod alio est Deus, alio est Pater, dicendum quod sicut dictum est supra, aliud dicit diversitatem secundum rationem dicendi, vel intelligendi in verbo proposito: sed in expositione huius dictionis, Solus, dicit diversitatem, siue distinctionem in supposito. Et quia Deus in supposito non differt à Patre, immo supponit pro Patre: ideo non sequitur quod dictio exclusivæ addita Patri, excludat Deum.

3. Ad illud quod obiicitur quod, Alius, implicat formam aliquam secundum quam conveniat: dicendum quod istud non oportet, quod ista sit forma per terminum importata, vere enim dicitur: Homo est aliud ab asino, nisi quando advenit illi termino immediate, ut cum dicitur alius asinus, includitur convenientia in natura communi: sed cum dicitur: Solus Pater, non est dicere quod Pater, & non alius Pater, sed Pater, & non alius à Patre: & ideo non importatur convenientia in forma proprietatis paternitatis cum alietate, sed sufficit quod sit alia persona: Pater enim est alia persona, vel etiam alia essentia: & ista excludit hoc quod non est Solus, & sic patet illud.

QUESTIO II.

An dictio exclusivæ, Solus, vere addatur termino personali respectu prædicati communis.

S. Thom. 1. p. q. 31. art. 4.
Et 1. Sent. dist. 21. q. 1. art. 2. & 4.
Et de Pot. q. 10. art. 4. ad 12.
Securus in Reportatis 1. Sent. dist. 21. q. 1.
Agid. Rom. 1. Sent. dist. 12. princ. 2. q. 1.
Richardus 1. Sent. dist. 21. q. 1.
Thom. Arg. 1. Sent. dist. 21. q. 1. art. 4.
Marsilius Inguen. 1. Sent. dist. 24. art. 2. dub. 5.
Steph. Brulef. 1. Sent. dist. 21. q. 3.
Petrus de Tarantaf. 1. Sent. dist. 21. q. 4.

Vtrum dictio exclusivæ vere addatur termino personali respectu prædicati communis, ut vere dicatur: Solus Pater est Deus. Et quod sic, videtur auctoritate & ratione. Auctoritate sic: Ecclesia cantat: Tu solus altissimus Iesu Christe. Et illud: Deo Patri sit gloria, eiusque soli Filio, &c. & consimiles multæ inveniuntur.

2. ITEM Nemo novit Filium nisi Pater: sed nemo nisi Pater & solus Pater convertuntur: ergo solus Pater novit, & hoc prædicatum est essentiale, ergo, &c.

3. ITEM ratione videtur, quia dictio exclusivæ addita alicui, non excludit nisi alium: sed tres personæ non habent alietatem respectu prædicati substantialis: ergo addita vni non excludit aliam respectu talis prædicati: sed si non excludit, locutio est vera, ergo, &c.

4. ITEM dictio exclusivæ addita alicui, non excludit quod est in eo ut pars, ut si dictio exclusivæ additur Petro, non excludit pedem Petri: ergo cum maiori identitate sit Filius in Patre quam pes in Petro, dictio exclusivæ addita Patri non excludit Filium.

CONTRA: Nec Pater solus, nec Filius solus, nec Spiritus sanctus solus Deus est: ergo non vere additur respectu termini communis.

ITEM omnis propositio in qua prædicatum commune est subiecto addita exclusionem ad subiectum est falsa, quia nullum tale præcise convenit subiecto: sed talis est hæc, & consimiles. Solus Pater est Deus: ergo, &c.

ITEM dictio exclusivæ addita alicui, excludit omne illud quod ponit associationem cum termino, & hoc patet, quia priuat associationem: sed Filius ponit associationem cum Patre, vnde Pater cum Filio, est Pater cum alio.

ITEM dictio exclusivæ excludit omne aliud, & maxime oppositum, sed relatiua sunt vna differentia oppositionis, ergo addita vni relatiuo, excludit aliud: ergo addita Patri excludit Filium, & si hoc, omnes tales sunt falsæ.

CON

CONCLUSIO.

A

*Dictio exclusiua vere additur termino personali respectu
prædicari communis, si faciat conclusionem expositionis
intellecta circa subiectum, non autem exclusionem
respectu compositionis principalis.*

DISTINCT. XXII.

De nominum differentia, quibus utimur
loquentes de Deo.

sponsio
orum.

obatio.

onfio
a.

de
p.8.

9.
3.



POST prædicta nobis differendum vide-
tur de nominum diuersitate, quibus lo-
quentes de Unitate ac Trinitate ineffa-
bili utimur. Deinde demonstrandum
est, quibus modis de ea aliquid dicatur. Illud ergo præ-
cipue teneamus, quadam esse nomina distincte ad sin-
gulas personas pertinentia, ut ait Augustinus in 8. de
Trinitate qua de singulis tantum dicuntur personis.
Quadam vero unitatem essentia significantia sunt,
qua & de singulis sigillatim, & de omnibus commu-
niter dicuntur. Alia vero sunt qua translatiue, ac per
similitudinem de Deo dicuntur. Vnde Ambrosius in
secundo libro de Trinitate, ait: Quo purius niteat fi-
des, tripartita videtur deriuanda distinctio. Sunt enim
nomina quadam, qua euidenter proprietatem, perso-
narumque deitatis ostendunt. Et sunt quadam, qua per-
spicuum diuina maiestatis exprimunt unitatem. Alia
vero sunt qua translatiue & per similitudinem de
Deo dicuntur. Proprietatis itaque indicia sunt, Ge-
neratio, Filius, Verbum, & huiusmodi: Unitatis ve-
ro aterna, sapientia, virtus, & veritas, & huius-
modi. Similitudinis vero, splendor, character, specu-
lum, & huiusmodi.

Sex nomi-
num diffe-
rentiar.
In prin. pro-
logi ad sent.
sum.

In prin. pro-
logi tom.4.

Hebr. 1. a
Sap. 7. d.

Cap. 16. 10. 3.

Præmissis addit quædam esse nomina, quæ tempora-
liter Deo conueniunt, & relatiue
dicuntur.

His adiiciendum est, quadam esse nomina, ut Augu-
stinus ait in 5. lib. de Trinitate, qua ex tempore Deo
conueniunt, & relatiue ad creaturam dicuntur: quo-
rum quadam de omnibus dicuntur personis, ut Domi-
nus, Creator, Refugium: quadam autem non de om-
nibus, ut donatus, datus, missus.

De hoc nomine, Trinitas, addit.

Præterea est unum nomen, quod de nulla perso-
na sigillatim dicitur, sed de omnibus simul, id est,
Trinitas, quod non dicitur secundum substantiam:
sed quasi collectiuum pluralitatem designat perso-
narum.

De aliis omnibus quæ temporaliter Deo congruunt,
& non relatiue dicuntur.

Sunt etiam quadam nomina, qua ex tempore Deo
conueniunt, nec relatiue dicuntur, ut humanatus,
incarnatus, & huiusmodi. Ecce sex nominum diffe-
rentias assignauimus, quibus utimur loquentes de Deo.
De quibus singulis agendum est.

Quod nomina, quæ ad singulas pertinent personas,
proprie relatiue dicuntur: ea vero quæ unitatem
essentia significant, ad se dicuntur, & de singulis,
& de omnibus communiter dicuntur personis, &
singulariter non pluraliter in summa accipiuntur.

Sciendum est ergo, quod illa quæ proprie ad singu-
las personas pertinent, relatiue adinuicem dicuntur.

sicut Pater, & Filius, & vtriusque donum, Spiritus A sanctus. Ea vero qua unitatem essentia significant, ad se dicuntur. Et ea qua ad se dicuntur, substantialiter utique dicuntur, & de omnibus communiter, & de singulis sigillatim dicuntur personis, & singulariter non pluraliter accipiuntur in summa, ut Deus, bonus, potens, magnus, & huiusmodi. Qua autem relative dicuntur, substantialiter non dicuntur. Vnde Augustinus in 5. lib. de Trinitate ait: Quidquid ad se dicitur, prestantissima illa, & diuina sublimitas substantialiter dicitur. Quod autem ad aliquod dicitur, non substantialiter dicitur, sed relative. Tantaque est vis eiusdem substantia in Patre & Filio, & Spiritu sancto, ut quidquid de singulis ad seipsos dicitur, non pluraliter in summa, sed singulariter accipitur. Dicimus enim, Pater est Deus, & Filius est Deus, & Spiritus sanctus est Deus, quod secundum substantiam dici nemo dubitat. Non tamen dicimus hanc Trinitatem esse tres deos, sed unum Deum. Ita dicitur Pater magnus, Filius magnus, & Spiritus sanctus magnus: non tamen tres magni, sed unus magnus. Ita enim omnipotens Pater, omnipotens Filius, omnipotens Spiritus sanctus: non tamen tres omnipotentes, sed unus omnipotens. Quidquid ergo ad seipsum dicitur Deus, & de singulis personis similiter dicitur, & simul de ipsa Trinitate, non pluraliter, sed singulariter dicitur. Et quoniam non est aliud Deo esse, & aliud magnum esse, sed idem est illi esse quod est magnum esse: propterea sicut non dicimus tres essentias, sic non dicimus tres magnitudines: sed unam essentiam, & unam magnitudinem.

Quod Deus magnus est ea magnitudine, quia Deus est, sic de bonitate, & de omnibus quæ secundum substantiam dicuntur.

Deus enim non est magnus ea magnitudine, quæ non est quod ipse, ut quasi particeps eius sit, alioquin maior esset illa magnitudo quam Deus: Deo autem non est aliquid maius: ea ergo magnitudine magnus est quæ ipse est. Ideoque nec tres magnitudines dicimus, sed unam magnitudinem: nec tres magnos, sed unum magnum: quia non participatione magnitudinis Deus magnus est, sed seipso magno magnus est, quia ipse est sua magnitudo. Ita & de bonitate, & eternitate, & omnipotentia Dei dicendum est, & de omnibus omnino quæ de Deo possunt pronuntiari substantialiter: quibus ad seipsum dicitur, non translatiue ac per similitudinem, sed proprie, si tamē de illo proprie aliquid ore hominis dici potest. Ecce aperte docuit quod nomina unitatem diuinæ maiestatis significantia, & ad se dicuntur de Deo, id est, sine relatione, & de omnibus personis communiter, & de singulis diuisim dicuntur, nec pluraliter, sed singulariter in summa accipiuntur. Illa vero nomina, quæ proprie ad singulas pertinent personas, relative, non substantialiter dicuntur. Quod enim proprie singula in Trinitate persona dicitur, ut ait Augustinus in eodem, nullo modo ad seipsum, sed ad aliam inuicem, vel ad creaturam dicitur. Et ideo relative non substantialiter dici manifestum est.

DISTINCTIO XXII.

De Trinitate & Vnitate secundum quod credita & intellecta rationabiliter & catholicè exprimitur.

Post prædicta nobis differendum videtur de nominum diuersitate.

Expositio Textus.

SVPRA egit Magister de sacra Trinitate, secundum quod catholicè creditur & intelligitur. In hac parte agit de ea, secundum quod credita & intellecta per Catholicos sermones exprimitur. Vnde sicut ipse Magister dicit in litera, intendit hic agere de nominum diuinorum diuersitate. Et hæc pars habet duas partes. In prima parte determinat de nominibus diuinis in generali. In secunda in speciali, & hoc dist. 23. Prædictis adiiciendum est, quod cum omnia nomina, &c. Prima pars diuiditur in duas. In prima parte ponit Magister multiplices nominum diuinorum differentias. In secunda omnes reducit ad duas, secundum illud Boëtij in libro diuisionum, quod omnis diuisio est bimembris, vel ad bimembrem reducibilis, & hoc ibi: Sciendum est igitur, quod illa quæ proprie pertinent. Item, prima diuiditur in duas. In prima ponit Magister differentias nominum diuinorum secundum Augustinū, & secundum Ambrosium. In secunda ad maiorem explanationem superaddit alias tres differentias, ibi: His adiiciendum est quadam nomina esse, &c. Similiter secunda pars in qua reducit hæc membra ad duas, habet duas partes. In prima ostendit quod nomina in diuinis quædam dicuntur relative, & hæc pertinent ad personas: quædam ad se, & hæc dicuntur de omnibus simul. In secunda ostendit hoc esse verum ibi: Deus enim non est magnus ea magnitudine.

His adiiciendum est, quadam etiam nomina, &c.
Dub. I.

Obiicitur, quia aut diuisiones Augustini & Ambrosij sunt sufficientes aut non. Si sic, ergo Magister superflue addit. Si dicantur insufficientes, pro inconuenienti est habendum.

RESP. Dicendum quod nec diuisio Augustini, nec Ambrosij est diminuta, nec additio Magistri superflua. Nam membra diuisionis Magistri includuntur in membris diuisionis Ambrosij: illa enim est per immediata: cum enim sit trimembris, reducitur ad has diuisiones, quia omne nomen Dei aut proprium, aut translatiuum. Si proprium, aut spectat ad substantiam, aut personas. Magister autem ista membra magis specificat, quia nomen aliquod potest spectare ad unitatem substantiæ, vel ab æterno, vel ex tempore, similiter ad personas vel ab æterno vel ex tempore. Et ad personas dupliciter, vel diuisim, ut hoc nomen, Pater: vel simul & coniunctim, ut hoc nomen, Trinitas, & ista sunt sex membra.

Quasi collectiuum. Dub. II.

Videtur male dicere quod Trinitas est quasi collectiuum, quia vnitas collectiua, ut dicit Bernardus est minima vnitas: sed vnitas Trinitatis arcem tenet inter omnes vnitates, ergo, &c.

RESP. quod hoc nomen, Trinitas, differt in duobus à nomine proprie collectiuo. Primo, quia illa quæ nomen collectiuum colligit, habent simpliciter diuersitatem. & secundo, quia habent unitatem secundum quid, & e contra est in nomine Trinitatis. Tamē in hoc est similitudo,

T. i. f. fides med. tom.

quia

quia sicut nomen collectivum plures simul dicit, & de nullo per se prædicatur, ita nec hoc nomen, *Trinitas*, prædicatur de aliqua personarum, & tamen omnes simul importat: ideo Magister non dicit quod sit collectivum simpliciter, sed quasi.

Sciendum est ergo quod illa quæ proprie, &c.

Circa hoc notandum quod ex verbis Augustini quæ hic ponuntur & in libro de Trinitate, eliciuntur quædam regulæ de nominibus divinis. Prima est hæc: Omne nomen quod dicitur de Deo, dicitur vel secundum substantiam, vel secundum relationem, excepto hoc nomine, *homo*. Secunda est hæc: Omne nomen, quod dicitur de tribus personis, ita quod de qualibet singulariter, dicitur secundum substantiam exceptis nominibus participiis. Tertia est hæc: Omne nomen dictum secundum substantiam, prædicatur de tribus personis simul sumptis singulariter, excepto hoc nomine, *persona*. Quarta est hæc: Omne nomen dictum de Deo respectu creaturæ, indicat essentiam, exceptis his quæ pertinent ad unionem. Quinta est hæc: Omne nomen quod dicitur de Deo ex tempore, & non dicitur de personis singularis, prædicat notionem vel quasi, & hoc dicitur propter hoc nomen, *missus*, quod dicit esse ab alio.

Non tamen tres omnipotentes, &c. Dub. III.

Contra, quia cum dicamus tres potentes, videtur quod pari ratione possumus dicere tres omnipotentes.

RESP. Dicendum quod verbum semper adiectivum & in adiacentia significat, & ideo semper trahit numerum à supposito. Similiter participium manens participium, quia habet naturam verbi. Sed nomen, quia inquiete significat, aliquando substantiatur: & quando numeratur, tunc numeratur sicut nomen substantivum à parte suæ formæ. Et ideo quia potens, potest esse participium, omnipotens est nomen tantum, ideo non sic recipitur. *Tres omnipotentes*, sicut, *Tres potentes*, nisi omnipotens sit adiectivum, & adiectivum tantum. Ratio autem quare omnipotens non potest esse participium, est propter compositionem quam non admittit verbum. Participium enim, ut dicit Grammaticus, transit in nomen quatuor modis, compositione, ut indoctus: comparatione, ut doctior: constructione, ut amans illius: temporis amissione, ut amandus, secundum quod idem significat vel idem sonat, quod amari dignus.

Deus enim non est magnus ea magnitudine, &c. Dub. IV.

Quæritur de ista ratione Augustini. Si Deus est participatione magnus: ergo magnitudo est maior quam Deus. Et videtur ista ratio non valere. Non enim vallet: Iste est albedine albus per participationem: ergo albedo est albius quam ipse.

RESP. Dicendum quod ratio Augustini bona est, & fundatur supra ipsam nominis expositionem, quia participare est partem capere, etsi partem capit, ergo minus est quam totum. Quod ergo obicitur de albedine, dicendum quod est maius dupliciter, vel quantum ad esse, vel quantum ad posse: dicendum ergo est quod participatio subiecti attenditur respectu formæ universalis, & quamvis ipsa sit tota in subiecto quantum ad esse, non tamen quantum ad posse, quia potest in aliis esse: Deo tamen nihil potest esse maius nec quantum ad esse, nec quantum ad posse, & ideo argumentum Augustini bene tenet quod Deus nihil possit participare. Aliter potest dici quod argumentum Augustini bene tenet in his formis quæ naturæ sunt aliquid denominare per essentiam, & in talibus, quod est per participationem, reducitur ad illud quod est per essentiam: & quodcumque sic est, illud quod est

ens per essentiam, excellit illud quod est ens per participationem. Si ergo magnitudo est magna per essentiam, & Deus per participationem, necessario sequitur quod magnitudo est maior quam Deus. Non sic est de albedine, quia non est nata se denominare, nec de aliquo per essentiam prædicari denominando illud.

ARTICVLVS I.

AD intelligentiam eorum quæ in hac parte dicuntur de nominibus divinis, quatuor quæritur. Primo quæritur utrum Deus sit nominabilis. Secundo, utrum solo nomine vel pluribus debeat nominari. Tertio, supposito quod plura sint nomina divina, quæritur utrum omnia dicantur translativæ, aut etiam quædam dicantur proprie. Quarto, utrum nomina dicta de Deo dicantur secundum substantiam, an etiam aliquo alio modo.

QVÆSTIO I.

An Deus nominabilis sit.

Alexander Alensis 1. p. q. 48. Membr. 1.
S. Thom. 1. p. q. 13. art. 1.
Et 1. Sent. dist. 22. q. 1. art. 1.
Scotus 1. Sent. dist. 22. q. unica.
Egid. Rom. 1. Sent. dist. 22. q. 1.
Henricus in summa, q. 1. & 3.
Richardus 1. Sent. dist. 22. q. 1.
Durandus 1. Sent. dist. 22. q. 1.
Franciscus de Mayr. 1. Sent. dist. 22. q. 1.
Thom. Arg. 1. Sent. dist. 22. q. 1. art. 1.
Marfilus Inguen. 1. Sent. q. 25. art. 2.
Petrus de Tarantaf. 1. Sent. dist. 22. q. 1.
Gabriel Biel. 1. Sent. dist. 22. q. 1. Dub. 2.

QVOD Deus sit innominabilis ostenditur auctoritatibus & rationibus. Auctoritatibus sic. Dionysius de divinis nominibus: Deum neque dicere, neque intelligere possibile est.

2. ITEM: Dei neque nomen est, neque Verbum, neque ratio, neque opinio, neque phantasia: ergo Deus est omnino innominabilis.

3. ITEM Philosophus in libro de causis: Prima causa superior est omni narratione: sed quod est superius omni narratione, est inenarrabile, & omne tale innominabile: ergo, &c.

4. ITEM ratione ostenditur sic: Nomen proportionem, & similitudinem aliquam habet ad nominatum, ut vox ad significatum: sed Deus est infinitus omnino, vox autem omnis finita: ergo cum nulla sit proportio finiti ad infinitum, nulla per vocem erit expressio: ergo nec nominatio.

5. ITEM omne nomen imponitur à forma aliqua, sed in Deo non est ponere certam formam. Vnde Augustinus: Deus qui omnem formam subterfugit, intellectui peruius esse non potest: ergo, &c.

6. ITEM omne nomen significat substantiam cum qualitate: sed in Deo est substantia mera sine quantitate, & qualitate: ergo non convenit Deum significari per nomen.

7. ITEM quod nec Deus sit nominabilis per pronomen. Pronomen enim non habet significationem determinatam nisi per demonstrationem, vel relationem. Demonstratio autem fit median-
tibus accidentibus quæ possunt oculis conspici: sed hæc non sunt in Deo: ergo videtur quod Dei neque sit nomen, neque pronomen.

CONTRA per Psalmum: Dominus nomen est illi. Et iterum: Quam admirabile est nomen tuum in universa terra: ergo Deus habet nomen.

ITEM Dionysius fecit librum de divinis nominibus. Aut ergo Deus est nominabilis, aut scientia ibi tradita cassa est & inutilis.

Ad oppositum.
Cap. 1. & 3.
& libello de
Myf. Theolo-
gia cap. 5.

Auctor libro
de causis,
propositione
6.

Aristot. 2.
phys. context.
15. & 1. de
Cælo context.
52.

Super Iohan-
nem sermo
38. tom. 1. 6.

Fundameta.
Psalm. 67. a
& 8. a

ITEM

ITEM ratione videtur, quia omne quod se exprimit A verbo, potest se exprimere signo verbi: sed signum verbi est vox: ergo cum Deus suo verbo exprimitur, potest exprimi voce: sed quod potest voce exprimi, potest nominari: ergo, &c.

ITEM quod conuenit intelligi, conuenit significari siue enuntiari: sed contingit Deum à nobis cognosci, hoc certum est, & supra probatum est: ergo, &c.

ITEM quod conuenit laudare, conuenit & nominare: sed Deum conuenit laudare, imo ipse summe laudabilis: ergo & nominabilis.

CONCLUSIO.

Deus, licet secundum perfectam expressionem innominabilis sit, secundum tamen semiplenam nominationem, nominabilis dicitur.

RESP. Ad arg. Dicendum quod sicut intelligere dicitur dupliciter, sic effabile & nominabile. Vno enim modo intelligere dicitur per perfectam comprehensionem. Alio modo per semiplenam cognitionem. Sic effabile dupliciter dicitur. Vno modo per perfectam expressionem. Alio modo per semiplenam narrationem. Sic etiam nominabile.

1. Si dicatur effabile siue nominabile secundum perfectionem expressionis, sic dicendum quod sicut Deus sibi soli est intelligibilis, sic sibi soli est effabilis & nominabilis, non alio nomine quam ipse sit, nec alio verbo quam ipse sit: & sicut nobis est incomprehensibilis, ita & ineffabilis, ita etiam & innominabilis, & per hunc modum loquitur Dionysius & Philosophus. Si vero dicatur effabile & nominabile secundum qualemcunque nominationem: sic quemadmodum Deus est nobis cognoscibilis, ita & effabilis & nominabilis, & qui melius cognoscit, melius effatur, & melius nominat & expressius. Vnde expressius nominat Fides, & Scriptura quæ fidei suffragatur, vt sacra Scriptura, quam ratio vel Philosophia. Et hoc modo procedunt rationes & auctoritates ad secundam partem.

2. 3. AD illud ergo quod secundo obiicitur de Dionysio, & Philosopho iam patet responsio, per hoc quod loquitur de nominatione in qua est perfecta expressio.

4. AD illud quod obiicitur quod vox in homine est proportionabilis verbo interiori, siue significato, dicendum quod hoc intelligitur de nominatione quæ totam rei significationem includit, aliter non habet veritatem, nisi intelligatur esse proportio ad rem sub ratione cognoscibilis, & sic potest esse nominabilis: quamvis enim Deus sit infinitus, tamē finite cognoscitur à nobis.

5. AD illud quod obiicitur quod Deus non habet formam, dicendum quod non habet formam peruiam nostro intellectui, cuiusmodi est forma cuius est imago in sensu: habet tamen formam, quia ipse est forma quæ est ratio cognoscendi, quoniam etsi nos non cognoscimus in se, ipse cognoscit se in se, & nos eum in forma creata. Vnde à forma creata nos nomina imponimus, quam intelligimus & videmus.

6. 7. AD illud quod obiicitur quod nomen significat substantiam & qualitatem, dicendum quod substantia & qualitas non accipiuntur proprie, sed communiter, prout substantia dicitur quod cognoscitur, qualitas dicitur quo cognoscitur, & hoc per modum quietis, & hoc dico propter verbum, & participium, & aduerbium quod est dispositio verbi. Et quoniam in creaturis vt plurimum differt quod cognoscitur, & quo, ideo nomen in creaturis vt plurimum hoc importat per diuersitatem. In Deo vero idem est cognitum & ratio cognoscendi quantum est de se, ideo significat nomen diuinum illa duo per indifferentiam rei: & ita saluatur ibi ratio substantiæ, & qualitatis, vt congruit nomini.

QVÆSTIO II.

An Deus habeat vnum nomen, vel plura.

Alex. Alensis 1. p. q. 48. Memb. 3.

S. Thom. 1. p. q. 13. Art. 4.

Et de Potentia, q. 7. Art. 6.

Ægid. Rom. 1. Sent. dist. 22. q. 2.

Richard. 1. Sent. dist. 22. q. 2.

Franciscus de Mayr. 1. Sent. dist. 22. q. 2.

Thom. Arg. 1. Sent. dist. 22. q. 1. Art. 2.

Marfilus Inguen. 1. Sent. q. 25. Art. 3. dub. 1.

Petrus de Tarant. 1. Sent. dist. 22. q. 2.

VTRVM Deus habeat vnum solum nomen, an plura. Et quod plura, videtur auctoritate Scripturæ, quæ ipsum diuersis nominibus appellat. Legitur in Exodo: Nomen meum magnum, Adonai, non indicaui eis.

ITEM: Omnipotens nomen eius. Et in psalmo: Dominus nomen illi. Si ergo ista sunt diuersa nomina, patet auctoritate Scripturæ quod Deus habet plura nomina.

ITEM Dionysius in lib. de diuinis nomin. plura assignat nomina Dei, & Ambrosius similiter in lib. de Tr. & Magister similiter in litera.

ITEM hoc ipsum ratione videtur, quia nullum nomen sufficienter exprimit esse diuinum, nec in se, nec in comparatione ad intellectum. Quod patet, quia omnis perfectio & est, & intelligitur esse in Deo, & nullum nomen exprimit omnis conditionis perfectionem: ergo cum non possit fieri per vnum, indigemus pluribus.

ITEM illud in quo res conueniunt & in quo differunt, aut necesse est pluribus modis dicere, aut necesse est vnum æquiocari. Sed æquiocatio generat ambiguitatem, & tollenda est: ergo congruum est diuersis exprimere nominibus: cum ergo in diuinis sit commune & proprium, & hoc in pluribus, necesse est plura nomina esse.

ITEM quamvis sit veritas vna, tamen articuli fidei sunt multi: si ergo fides de Deo multos articulos credit, & quod corde creditur ad iustitiam, oportet ore confiteri ad salutem, multos potest & debet articulos ore confiteri, sed multi articuli vno nomine non expresse & explicite exprimuntur: ergo oportet habere plura nomina.

1. CONTRA per Hilarium: Non sermoni res, sed rei sermo est subiectus: ergo cum in Deo sit omnimoda realis vnitas: ergo & vocis & nominis.

2. ITEM omne quod est in Deo est Deus: ergo quod significat aliquid quod est in Deo, est Deus: sed Deus vnus est: ergo diuina nomina habent vnum significatum: sed omnia talia sunt Synonyma, nominibus autem Synonymis non plus dicitur pluribus quam vno: ergo videtur quod omnia alia ab vno non sint necessaria.

3. ITEM multiplicatio diuinorum nominum aut venit à parte rei, aut à parte intellectuū, aut à parte effectū. Si à parte rei, tunc bonitas, & veritas non sunt nomina diuersa, quia res omnino vna. Si à parte effectū: tunc ergo vnitas, & æternitas non sunt diuersa, cum non connotent effectum. Si à parte intellectuū solum: ergo videtur quod huiusmodi nomina cassa sint & vana, cum non habeant aliquid correspondens in re.

4. ITEM in Scriptura nomen Dei singulariter proponitur siue additur vni, vt cum dicitur: Dominus nomen illi. Siue pluribus, vt cum dicitur: In nomine Patris, & Filij, & Spiritus sancti: ergo cum eadem sit ratio rei, & vnus rei: & nominis, & vnus nominis: ergo Deus tantum vnum habet nomen.

CONCLUSIO.

Dei est vnum nomen, si nomen capiatur pro re significata essentiali, & pro ratione innotescendi ex parte Dei: plura si pro voce, & pro significato personali, & pro ratione innotescendi ex parte creaturarum.

RESP. Ad arg. Dicendum quod in nomine tria sunt,

scilicet

scilicet vox, & significatio, & ratio innotescendi. Vnde & nomen multipliciter accipitur. Aliquando pro voce significante, ut cum dicitur. Petrus est nomen Apostoli, & sic constat quod in Deo sunt plura nomina. Aliquando nomen accipitur pro re significata: ut cum dicitur, bonum, & honestum sunt idem nomine, & sic in diuinis quodam modo est dicere nomen vnum, quodam modo plura. Si enim res significata dicatur essentialiter, sic omnia vnum. Si personaliter, sic plures, & plura nomina correspondentia. Aliquando nomen accipitur pro ipso notamine, siue ratione innotescendi, & sic dicendum quodam modo nomen vnum, quodam modo plura. Si enim accipitur ratio innotescendi ex parte Dei, sic innotescit per virtutem quæ vna & magna est, & sic vnum nomen Dei est, & magnum siue maximum. Vnde Hieremias: Magnus es tu & magnum nomen tuum, id est, quantum ad rationem innotescendi, siue virtutem per quam innotescit, secundum quod dicitur in psalmo: Notus in Iudæa Deus, in Israël magnum nomen eius. Si autem accipiat ratio innotescendi ratione effectuum siue creaturarum, sic diuersa sunt nomina. Nam Deus innotescit nobis tripliciter, scilicet per causalitatem, per ablationem, & per excellentiam, & secundum hoc est multitudo nominum. Si enim nominetur per causalitatem, multa sunt nomina, quia multos habet effectus. Si per ablationem multa sunt nomina, quia multa remouentur, scilicet omnia creata. Si per excellentiam, multa, quia in multis, in omnibus, scilicet conditionibus nobilitatis excedit creaturas.

Ex prædictis patent obiecta. Quod enim obiicit quod Scriptura nomen Dei exprimit singulariter, dicendum quod Scriptura, ut plurimum nomen Dei prædicat magnum, admirabile, sanctum, & laudabile, & sic non loquitur de nomine, secundum quod vox, sed secundum quod ratio innotescendi à parte Dei, & sic vnum: tamen non sequitur: Loquitur singulariter, ergo vnum solum: quia frequenter quod dicitur singulariter, dicitur & vniuersaliter, ut patet in multis exemplis in lege cum dicebatur, homo de Israël, vel homo qui fecerit hoc vel illud, intelligebatur de quolibet homine.

Ad illud quod obiicitur quod pluralitas à parte rei est, dicendum quod pluralitas à parte rei est ut accipiat res pro persona. Si autem pro natura, & sic non sit pluralitas in se, tamen in quantum innotescit. Et ideo plura nomina.

Ad illud quod obiicitur quod nomina talia sunt synonyma, dicendum quod tunc sunt synonyma cum dicuntur à parte vocis solum. Hic autem est differentia, secundum rationem innotescendi, & ideo non synonyma. Alia ratio dicta fuit supra in primo problemate.

Ad illud quod obiicitur quod si venit à parte intelligendi solum: ergo talia nomina sunt vana, dicendum quod non venit ab hoc solum, quoniam illi rationi innotescendi respondet pluralitas in creaturis, & in Deo respondet vera vnitas complectens illam totam pluralitatem. Vnde quia intelligimus Dei potentiam, & sapientiam per diuersa, diuersimode nominamus: & quia in Deo vera est sapientia, & potentia, ideo non est ibi vanitas.

Q V Æ S T I O I I I.

An omnia diuina nomina translative sint.

Alexander Alensis 1 p. q. 48. Membrum 1. art. 1.

S. Thom. 1. p. q. 13. art. 3.

Et 1. Sent. dist. 8. q. 4. art. 3.

Et dist. 22. q. 1. art. 3.

Et de Pot. q. 7. art. 4.

Egidius Rom. 1. Sent. dist. 22. q. 3.

Henricus in summa, art. 32. per totum.

Richardus 1. Sent. dist. 22. q. 4.

Thomas Argent. 1. Sent. dist. 22. q. 1. art. 3.

Marsilius Inguen. 1. Sent. q. 25. art. 3. dub. 3.

Petrus de Tarantaf. 1. Sent. dist. 22. q. 3.

Vtrum omnia nomina diuina dicantur translative, an etiam quedam dicantur proprie. Et quod omnia dicantur translative, videtur. In regulis fidei dicitur:

A Omne simplex proprie est, & improprie dicitur: sed quod improprie dicitur, improprie nominatur: cum ergo Deus sit simplex, nominatur improprie: sed improprietas reducit ad proprietatem: ergo nomina diuina de Deo dicuntur improprie, de aliis proprie: sed quod dicitur de aliquo improprie, dicitur translative: si de alio proprie: ergo, &c.

2. I T E M vnumquodque sicut contingit intelligere: contingit & significare: sed non contingit Deum intelligi nisi per proprietates & conditiones creaturarum: ergo nec nominare: sed quod nominatur secundum alias proprietates, semper translative nominatur: ergo, &c.

3. I T E M non est nisi duplex Theologia scilicet mystica & symbolica secundum quod vult Dionysius: sed utraque Deum nominat translative. Nam mystica per creaturas spirituales & invisibiles: sed symbolica per corporales: ergo omnis nominatio Dei translative est.

4. I T E M omne nomen diuinum est impositum propter nostram instructionem: sed omnis nostra doctrina incipit à sensu: ergo omne nomen Dei accipitur secundum aliquod sensibile: sed in Deo nulla est proprietas sensibilis secundum veritatem, sed solum translative: ergo, &c.

C O N T R A hoc dicit Apostolus loquens de Deo: Ex quo omnis paternitas in celo & in terra nominatur: sed si paternitas in terris nominatur, à paternitate Dei: ergo Deus proprius & principaliter dicitur Pater, quam alia: non ergo translative: hoc ipsum dicit Dionysius, & Damascenus innitentes huic auctoritati Apostoli. Inquit enim Damascenus. Sciendum quod non est à nobis translatus ad beatam deitatem paternitatis, & filiationis, & processioneis nomen, sicut ait diuinus Apostolus: Ex quo omnis paternitas: ergo, &c.

I T E M beatus Ambrosius dicit, & habetur in litera quod triplex est nominum diuinorum differentia, & vna ex illis sunt nomina translative: non ergo omnia dicuntur translative.

I T E M quedam dicuntur de Deo quæ habent oppositum in omni creatura, ut æternitas, & immensitas: sed nomen translative attenditur secundum aliquam similitudinem: ergo talia nomina non sunt translative.

I T E M quedam dicuntur de Deo, quorum significatum est proprie in solo Deo, ut hoc nomen Bonum, & Qui est: Nemo bonus nisi solus Deus. Et Augustinus dicit quod solus Deus vere est, cuius comparatione cætera non sunt.

C O N C L U S I O.

Non omnia nomina quæ de Deo dicuntur translative censeri debent, cum quadam proprie dicantur, licet nonnulla secundum similitudinem de ipso verificentur.

R E S P. Ad Arg. Ad hoc voluerunt quidam dicere quod quedam sunt nomina quæ Deus sibi imposuit: quedam quæ nos ei imposuimus. Si loquamur de nominibus quæ Deus sibi imposuit, cum ipse se proprie intelligat, huiusmodi nomina sunt propria, & talia dicuntur esse Bonum, & Qui est. Vnde Dionysius videtur velle quod illud nomen, Bonum, solum sit proprium & principale. Damascenus quod illud nomen, Qui est, solum est proprium & principale, & vnus attendit in nomine perfectionem, alter absolutionem, uterque tamen proprietatem. Si autem loquamur de nominibus quæ nos ei imposuimus, sic cum nos non cognoscamus Deum nisi per creaturas, nos eum non nominamus nisi per nomina creaturarum, ideo solum translative, siue quia proprius & prius cōueniūt creaturæ: siue quia prius imposita sūt creaturæ, quævis non proprius conueniant creaturæ. Et hæc est translatio quedam, quamvis proprie loquendo sit translatio, quando proprius conueniunt iis à quibus transferuntur, ut ridere hominibus proprius, quam pratis. Sed hæc positio non videtur stare. Cum enim nos cognoscamus Deum tripliciter, scilicet per effectum

Dionysius
Epist. 9. ante
medium, &
de diuinis
nom. c. 1. &
lib. de myst.
Theol.

Fundamēta.
Ephes. 3. c.

Damasc. de
fide orth. li.
1. c. 9.

In pr. prologi
li. 1. de fide
ad Gratiā, lib.
1. c. 4.

Matth. 19. b
Ex 3. de Tr.
cap. 1. & ex
lib. 63. q. 17.

De diu. no-
minib. c. 3. in
prin.
Damasc.
lib. 1. de or-
tho. fide, ca.
12.

effectum, per excellentiam, & per ablationem, constat A quod omnibus his modis contingit Deum nominare. Si per effectum, nulla est ibi translatio. Pariformiter si per excellentiam. Similiter si per ablationem. Quoniam translatio attenditur secundum aliquam similitudinem. Omnes enim transferentes, secundum aliquam similitudinem transferunt. Et propterea aliter dicendum quod quædam sunt nomina quæ significant rem, cuius veritas est in Deo, & oppositum in creatura, ut immensus & æternus, & talia nullo modo transferuntur, nec secundum rem, nec secundum impositionem. Quædam significant rem cuius veritas est in Deo, & similitudo eius in creatura, ut potentia, sapientia & voluntas, & talia nomina transferuntur à creaturis ad Deum, non secundum rem, sed secundum impositionem, quia prius imposita sunt creaturis quam Deo, licet prius sint in Deo. Quædam sunt nomina quæ significant rem cuius veritas est in creatura, & consimilis proprietas in Deo, ut lapis & leo, res enim significata est in creatura, sed similitudo proprietatis, ut stabilitas & fortitudo est in Deo, & ista sunt proprie translativa. Concedendum ergo quod in divinis sint aliqua nomina translativa, non omnia.

1. AD illud ergo quod obiicitur quod simplex improprie dicitur, dicendum quod dicere ibi non est nominare, sed enuntiare, quia in simplici non est compositio in essendo: sed compositio est in enuntiando, & ideo improprie, non sic in nominando. Vel dic quod non omne dictum improprie, est dictum translativum.

2. AD illud quod obiicitur quod solum per creaturas intelligitur, dicendum quod quamvis intelligatur solum per creaturas, non tamen solum per similitudinem, immo per negationem, & dissimilitudinem est cognoscibilis.

3. AD illud quod obiicitur quod symbolica & mystica Theologia nominat Deum translativum, dicendum quod quamvis mystica nominet Deum translativum, quantum ad proprietates excellentiæ, non tamen solum sic nominat, sed etiam per abnegationem, & ideo non solum translativum.

4. AD illud quod obiicitur quod omnis nostra doctrina incipit à sensu, dicendum quod verum est quod omne nomen habet aliquid sensibile secundum vocem, ut audiatur, sed non oportet quod habeat sensibilem significationem, quia verbum intelligentiæ quod est insensibile, induit vocem sensibilem.

Q V Æ S T I O I V.

An nomina dicta de Deo secundum substantiam dicantur.

Alexander Avenis 1. p. q. 46. Membr. 4. art. 3.

S. Tho. 1. p. q. 13. art. 2.

Et 1. Sent. dist. 22. q. 1. art. 2.

Et de Pot. q. 10. art. 1.

Agid. Rom. 1. Sent. dist. 22. q. 4.

Richardus 1. Sent. dist. 22. q. 3. & 4.

Thom. Arg. 1. Sent. dist. 22. q. 1. art. 4.

Marsilius Inguen. 1. Sent. q. 25. art. 3. dub. 2.

Petrus de Tarentas. 1. Sent. dist. 22. q. 4.

Steph. Brulef. 1. Sent. d. 22. q. 4.

Vtrum omnia nomina dicta de Deo dicantur secundum substantiam. Et quod non, imo aliter ostenditur auctoritate August. 5. de Trin. Illud præcipue teneamus quidquid ad se dicitur, præstantissima illa & divina sublimitas substantialiter dicitur: quod autem dicitur ad aliud, non substantialiter, sed relative dicitur, sed pater, & Filius dicitur ad aliud: ergo, &c.

ITEM Boetius in lib. de Trinitate. Deus est sine quantitate magnus, sine qualitate bonus, sed non est sine relatione relatus: ergo vere, & proprie manet in Deo, ergo & modus dicendi relative.

ITEM hoc ipsum videtur ratione, quia in divinitate sunt aliqua nomina incommunicabilia, ut patet in om-

bus personalibus: sed substantia est communicabilis, cum sit una in tribus: ergo talia nomina non indicant substantiam: ergo in divinis est alius modus dicendi quam secundum substantiam.

ITEM in divinis est alio, & alio modo se habere, quia aliter se habet ad Patrem Filius, quam Spiritus sanctus: sed non est aliud, & aliud esse siue subsistere: ergo cum hoc contingat intelligere, & intellectum dicere, necesse est quod sit ibi alius modus dicendi, & intelligendi, quam secundum substantiam, ergo, &c.

1. CONTRA: Omne quod dicitur, aut dicitur secundum substantiam, aut secundum accidens, quia substantia, & accidens sufficienter dividunt ens: sed in divinis nihil dicitur secundum accidens: ergo secundum substantiam.

2. ITEM omne quod dicitur, aut dicitur per se aut non per se. Si per se, tunc secundum substantiam, si non per se, tunc ergo per aliud, & in alio: sed omnia quæ dicuntur de Deo dicuntur per se: ergo omnia dicuntur secundum substantiam.

3. ITEM dici secundum substantiam, aut secundum relationem, aut dicitur diversitatem a parte rei, aut à parte modi intelligendi, siue modi dicendi. Si à parte rei, ergo in Deo est diversitas & compositio. Si à parte modi dicendi, tunc cum diversus sit modus dicendi, in hoc quod est bonus, & in hoc quod est magnus, & in hoc quod est Deus, quia si quæretur quantus est Deus, respondetur magnus, non respondetur bonus; similiter si quæretur, qualis est Deus, respondetur bonus, non magnus: ergo non tantum essent duo modi, sed etiam multo plures quam duo.

4. ITEM quod respondetur ad quæstionem factam per quid, dicitur secundum substantiam & quantum ad rem, & quantum ad modum: sed nomina relativa respondentur ad quæstionem factam per quid de Deo: ergo dicuntur secundum substantiam. Probatio minoris: Augustinus in libro de Doctrina Christiana. Si quæretur quid est Deus, convenienter respondetur, Pater, & Filius, & Spiritus sanctus.

5. ITEM cum quædam sint in divinis, quæ non dicuntur secundum substantiam, sed nec secundum relationem, ut hoc nomen, incarnatus, hoc nomen, ingenuus, videtur quod ista divisio non complectatur omnia nomina divina.

C O N C L U S I O.

Nomina quæ de Deo dicuntur, non omnia secundum substantiam de ipso prædicantur, cum quadam secundum relationem de ipso vere & proprie dicantur.

RESP. ad Arg. Ad prædictorum intelligentiam est notandum quod est dici diversimode, secundum triplicem differentiam. Vno modo dici diversimode, attenditur secundum diversum modum essendi qui est per se & per accidens: & hoc quidem modo non est dici diversimode in divinis, quia ista diversitas modi ponit diversitatem essentialem in re dicta: & quantum ad hoc unus solus modus dicendi est in Deo. Nam omnia quæ dicuntur de Deo, sunt ipse Deus, & eius substantia. Alio modo dici diversimode est secundum diversum modum intelligendi, qui quidem attenditur secundum aliam, & aliam rationem, siue modum cognoscendi, & sic non tantum est dici diversimode in nominibus divinis, imo omnimode: quia Deus non tantum cognoscitur per diversam, imo per omnia rerum genera: & sic nomina dicta de Deo quædam dicuntur per modum substantiæ ut Deus: quædam per modum qualitatis, ut bonus, & sic de aliis omnibus. Tertio modo dici diversimode est secundum diversum modum se habendi, quod quidem attenditur quantum ad absolutum, & ad comparatum, siue relatum, & hic quidem modus diversitatis minor est quam primus, & maior quam secundus. Minor quam primus, quia secundum

dum

Concordat
S. Tho. 1. p.
q. 13. art. 6.

Fundamēta.
Cap. 6. & 8.
10m. 3.

Idem Aug.
5. de Trin. c.
9. in fine
10m. 3.

dum primum ostenditur diuersitas essentialis, & compositio. Maior quam secundus quia secundum illum non omnino attenditur in re distinctio. Secundum autem istum modum attenditur in eo vnitas, & pluralitas: Vnitas secundum absolutum, pluralitas secundum respectum. Et quantum ad hunc modum solum sunt duo modi dicendi, scilicet secundum substantiam ad se: & secundum relationem, vt illa quæ dicuntur ad aliquid. Quia vero hæc non dicunt alium modum essendi, ideo hæc prædicantur de illis, & sunt vnum. Et quia dicunt alium modum se habendi, ideo secundum illa vnitas, secundum hæc pluralitas: Ex his patent obiecta.

1. Quid enim obiicitur quod omne quod dicitur, dicitur secundum substantiam, vel secundum accidens: dicendum quod in diuinis habet instantiam, vbi relatio non est accidens, nec tamen dicitur secundum substantiam.

2. Ad illud quod obiicitur secundo quod omne quod dicitur in diuinis, est ens per se, dicendum quod verum est; sed tamen non sequitur, dicitur vt ens per se: ergo secundum substantiam: quia non dicitur nomen dici secundum substantiam, vt substantia dicitur per se, sed vt dicitur ad se.

3. Ad illud quod obiicitur, quæ sit hæc diuersitas, aut secundum rem, aut secundum modum intelligendi, dicendum quod secundum modum habendi, qui non tantum est in nostro intellectu, sed etiam in re.

4. Ad illud quod obiicitur quarto, quod nomina relatiua respondentur ad interrogationem factam de substantia, dicendum quod substantia dicitur dupliciter, aut ens per se, aut ad se. Si vt ens per se, tunc omnia, & relatiua & absoluta dicunt in Deo substantiam, & quia hoc modo substantia respondetur ad questionem factam per quid, ideo omnia possunt responderi. Si autem dicatur substantia vt ens absolutum non comparatum, sic dicitur secundum substantiam quod dicitur ad se. Et sic non accipit Augustinus, & sic Pater, & Filius, & relatiua secundum substantiam non dicuntur.

5. Ad illud quod ultimo obiicitur quod multa dicuntur de Deo, quæ non dicuntur secundum substantiam nec secundum relationem: dicendum quod dici relatiue in diuinis potest esse dupliciter. Quædam enim nomina dicuntur relatiue ex principali nominis intellectu, quædam ex consequenti. Prima differentia diuiditur in tres: Quia quædam significant relationem, & dicuntur relatiue, vt Pater. Quædam significant relationem, vt paternitas, quæ non dicitur ad alterum, sed est ipsum quo alterum refertur. Quædam dicuntur relatiue, quia priuant relationem, vt ingenuus, improcessibilis, tamen ista non est priuatio pura, vt infra videbitur. Quæ autem important relationem ex consequenti intellectu, similiter sunt secundum triplicem differentiam. Quædam enim dicuntur dici relatiue, quia ponuntur pro relatiuis: vt cum dicitur, Deus generat Deum, id est, Pater Filium. Quædam dicuntur relatiue, quia claudunt in suo significato interius relationem, vt cum dicitur incarnatus, sensus enim est, id est, carni vnitus: vnio enim dicit relationem, quæ singularem personam respicit, siue assumere carnem, & huiusmodi. Quædam dicuntur relatiue, quia claudunt relationem in suppositis, vt similis & æqualis, non enim sunt similes, nisi qui referuntur, & distinguuntur.

DISTINCT. XXIII.

De hoc Nomine, quod est Persona, quod cum secundum substantiam dicatur, tamen pluraliter non singulariter in summa accipitur.

PRÆDICTIS adiucendum est quod cum omnia nomina, quæ secundum substantiam de Deo dicuntur, singulariter, & non pluraliter de omnibus in summa dicantur personis, vt supra ostensum est, est tamen vnum nomen, scilicet persona, quod secundum substantiam dicitur de singulis personis, & pluraliter, non singulariter in summa accipitur. Dicimus enim: Pater est persona, Filius est persona, Spiritus sanctus est persona, & hoc secundum substantiam dicitur. Nec tamen dicitur Pater, & Filius, & Spiritus sanctus sunt vna persona, sed tres persone. Hoc ergo nomen excipitur à prædicta regula nominum, quæ secundum substantiam de Deo dicuntur, quia cum hoc ad se dicatur, & secundum substantiam, pluraliter tamen, non singulariter in summa accipitur.

Auctoritas quod persona ad se dicatur, & secundum substantiam.

C Quod autem persona secundum substantiam dicatur, Augustinus ostendit in 7. lib. de Trinitate, dicens: Non aliud Deum esse, aliud personam esse, sed omnino idem. Item in hac Trinitate cum dicimus personam Patris, non aliud dicimus quam substantiam Patris. Quocirca vt substantia Patris ipse Pater est, non quo Pater est, sed quo est: ita & persona Patris, non aliud quam ipse Pater est. Ad se quippe dicitur persona, non ad Filium, vel Spiritum sanctum: sicut ad se Deus dicitur, & magnus, & bonus, & iustus, & huiusmodi. Et quemadmodum hoc est illi esse, quod Deum esse: quod magnum esse: quod bonum esse: ita est hoc illi esse, quod personam esse. Ecce expresse habes, quod persona secundum substantiam dicitur, vt cum dicitur: Pater est persona, hic sit sensus, Pater est diuina essentia. Similiter cum dicitur: Filius est persona, Spiritus sanctus est persona, id est, essentia diuina.

Cur Pater, & Filius, & Spiritus sanctus non dicantur vna persona, vt vna substantia, & vnus Deus.

Ideo oritur hic questio diffilis quidē, sed non inutilis, qua queritur: Cur non dicantur hi tres vna persona, sicut vna essentia, & vnus Deus. Quam questionem Augustinus diligenter tractat, atque congrue explicat in 7. lib. de Trinitate, ita dicens: Cur non hæc tria simul vnā personam dicimus, sicut vnā essentiam, & vnum Deum: sed dicimus tres personas, cum tamen tres Deos, aut tres essentias non dicamus. Quia volumus vel vnum aliquod vocabulum seruare huic significationi, qua intelligitur Trinitas, ne omnino taceamus interrogati, quid tres essent; cum tres esse fateamur. Cum ergo queritur, quid tres, vt ait Augustinus in lib. 5. de Trinitate: Magna prorsus inopia humanum laborat eloquium: dictum est tamen, Tres, Personæ, non vt illud diceretur, sed ne taceretur omnino. Non enim rei ineffabilis eminentia hoc vocabulo explicari valet. Ecce ostendit qua necessitate dicatur pluraliter, Personæ, videlicet vt hoc vno nomine quærentibus de tribus respondeamus.

Cap. 6. in pr.
tom. 3.

Cap. 6. in pr.
tom. 3.

Cap. 9. in fine
tom. 3.

Qua necessitate dictum sit, Tres personæ, à Latinis: & à Græcis, Tres hypostases, vel substantiæ.

Cap. 4. 10. 3.

Qua necessitate non solum Latinus sermo, sed etiā Græcus, eadē pene super hac re laborans nominū penuria conuētiatur. Vnde Augustus quid à Græcis, vel Latinis necessitate de ineffabili Trin. dictum sit, aperiens in 7. lib. de Trinit. ait: Loquendi causa de ineffabilibus, ut fari aliquo modo possemus, dictum est à Græcis, una essentia, tres substantiæ, id est, una vñia, tres hypostases. Aliter enim Græci accipiunt substantiā quam Latini. A Latinis autem dictū est, una essentia, vel substantia, Tres personæ: quia non aliter in sermone nostro, id est, Latino, essentia quam substantia solet intelligi. Et ut intelligatur saltē in æmigmatē, placuit ita dici, ut diceretur aliquid cum quaereretur quid tria sint. Qua tria, esse tria, fides vera pronuntiat, cum & Patrem non dicit esse Filium, & Spiritum sanctum, scilicet donum Dei, nec Patrem dicit esse, nec Filium: Cum ergo quaeritur, quid Tria, vel quid Tres, cōferimus nos ad inveniendū aliquod nomen, quo cōplectamur hac tria. Neque occurrit animo, quia supereminētia diuinitatis vsitati eloquij facultatē excedit. Verius enim cogitatur Deus, quam dicitur, & verius est, quam cogitatur.

Quid hoc nomine, Tres, significetur.

Ibidem infra.

Pater ergo, & Filius, & Spiritus sanctus, quoniā tres sunt, quid Tres sint, queramus, & quid cōmune habeant. Non enim possunt dici tres Patres, quia tantum Pater ibi Pater est: nec tres Filij, cum nec Pater ibi sit Filius, nec Spiritus sanctus: nec tres Spiritus sancti, quia Spiritus sanctus propria significatione, qua donū Dei dicitur, nec Pater est, nec Filius. Quid ergo tres? Si tres personæ esse dicuntur, commune est eis id quod persona est. Certe enim quia Pater est persona, & Filius est persona, & Spiritus sanctus est persona: ideo tres personæ dicuntur. Propterea ergo dicimus tres personas, quia cōmune est eis id quod persona est. Ex prædictis aperte intelligi potest, qua necessitate dictum sit à Latinis, tres personæ, cum persona secundum substantiam dicatur. Vnde & tribus commune est id quod persona est, id est, hoc nomen Persona.

Quare non dicamus tres Deos esse, Patrem, & Filium, & Spiritum sanctum, ut dicimus tres personas, cum id quod Deus est, sit eis commune: quia Pater est Deus, & Filius est Deus, & Spiritus sanctus est Deus.

Sed quaeritur hic, cum dicamus Patrem, & Filium, & Spiritum sanctum esse tres personas, quia commune est eis quod persona est, id est, quia Pater est persona, & Filius est persona, & Spiritus sanctus est persona: cur non dicamus similiter tres Deos, cum & Pater sit Deus, & Filius sit Deus, & Spiritus sanctus sit Deus. Quia scilicet illud scriptura contradicit: hoc autem, & si non dicit, non tamen contradicit. Vnde Aug. hanc mouens quæstionē, atque definiens in libro septimo de Trinitate ait: Si ideo dicimus Patrem, & Filium, & Spiritum sanctum esse tres personas, quia cōmune est eis id quod persona est: cur non etiam tres Deos dicimus? Certe, ut prædictum est, quia Pater est persona, & Filius est persona, & Spiritus sanctus est persona, ideo tres personæ dicuntur. Quia ergo Pater est Deus, & Filius est Deus, & Spiritus sanctus Deus, cur non dicuntur tres Dij? Ecce proposuit hanc quæstionē. Attende quid respōdeat subdēns: An ideo nō dicuntur tres Dij, quia Scriptura nō dicit tres Deos? Sed nec tres personas alicubi Scriptura textus commemorat. An

ideo licuit, loquendi & disputandi necessitate, tres personas dicere, non quia Scriptura dicit, sed quia Scriptura non contradicit? Si autem diceremus tres Deos, cōtradiceret Scriptura dicens: Audi Israël, Deus tuus, Deus unus est. Ecce absolutio quæstionis: quare potius dicamus tres personas, quam tres Deos, quia scilicet illud non contradicit Scriptura.

Alia quæstio, cur non dicamus tres essentias, ut tres personas, cum Scriptura non contradicat.

Verum & hic alia emergit quæstio, quam Augustinus consequenter amittit dicens: Cur (inquit) & tres essentias non licet dicere: quod similiter scriptura sicut non dicit, ita non contradicit? At si dicis quod propter unitatem Trinitatis non dicuntur tres essentia, sed una essentia: quaero, cur non propter eandem unitatem Trinitatis dicantur una persona, & non tres persona. Ut enim est illis cōmune nomen essentia, ita ut singulus quisque dicatur essentia: sic illis commune est persona vocabulū. Quid igitur restat, nisi ut fateamur loquendi necessitate à Græcis & Latinis, parta hac vocabula aduersus insidias, vel errores hereticorum? Cumq; conaretur humana inopia loquendo proferre ad hominū sensus, quod in secretario mentis de Deo tenet, siue per piā fidē, siue per qualemcumq; intelligentiā, timuit diceret tres essentias, ne intelligeretur in illa summa aequalitate vlla diuersitas. Rursum nō poterat dicere, non esse tria quadam: quia dixit Sabellius, in hæresim lapsus est. Quæsiuit ergo, quid tria diceret? & dixit tres personas, siue tres substantias secundū Græcos.

Sicut nos dicimus tres personas, ita Græci tres substantias, quas dicunt hypostases, aliter accipientes substantiam quam nos.

Quod enim de personis secundum nostram, hoc de substantiis secundum consuetudinem Græcorum oportet intelligi. Sic enim illi dicunt tres substantias unam essentiam, id est, tres hypostases unam vñiam, quemadmodum nos dicimus tres personas unam essentiam, vel substantiam. Quanquam & illi si vellent, sicut dicunt tres substantias, tres hypostases, possent dicere tres personas, tria + Prosopa. Illud autem maluerunt dicere, quia fortasse secundum linguā suā consuetudinem aptius dicitur.

Quod in Trinitate non est diuersitas, nec singularitas, vel solitudo: sed Vnitas, & Trinitas, & distinctio, & identitas.

Iam sufficienter (ut puto) ostensum est, qua necessitate dicamus tres personas, & quare non similiter tres Deos, vel essentias: quia, scilicet in altero obuiat Scriptura, in altero diuersitatis intelligentia, quia ibi nulla penitus est diuersitas, sicut nec singularitas vel solitudo, sed Vnitas & Trinitas. Vnde Aug. in lib. 7. de Tr. ait: Humana inopia quaerens quid diceret tria, dicit tres personas, vel substantias. Quibus nominibus non diuersitatem voluit intelligi: sed singularitatem noluit, ut non solum ibi vnitas intelligatur ex eo quod dicitur una essentia: sed Trinitas, ex eo quod dicuntur tres persona. Hilarius quoque in lib. 7. de Trin. ait, Dominus dicit: Qui me videt, videt & Patrem. Cum hoc dicitur, excluditur singularitas, atque vnici, id est, solitarij intelligentia. Nā nec solitarium sermo significat, & indifferentē tamen naturam professio docet. Visus est enim in Filio Pater per naturæ unitatē similitudinē. Vnum enim sunt natus, & generans: vnū sunt neque vnus. Nō itaque solitarius Filius est, nec singularis,

nec

nec dispar. Item in eodem: Sicut in Patre, & Filio credere duos Deos impium est: ita Patrem, & Filium singularem Deum predicare sacrilegum est. Nihil in his nouum, nihil diuersum, nihil alienum, nihil separabile est: De hoc etiam Augustinus in lib. questionum veteris ac nouae legis ait: Vnus est Deus, sed non solitarius. Item Ambrosius in lib. de fide ait: Quod vnus est substantia, separari non potest: etsi non sit singularitatis, sed unitatis, Deus vnus cum dicitur nequaquam Deitatis Trinitatem excludit: & ideo non quod singularitatis, sed quod unitatis est predicatur. Ecce ex predictis ostenditur, quia nec singularis, nec diuersus, nec vnicus, vel solitarius confitendus est Deus, quia singularitas, vel solitudo personarum pluralitatem excludit, & diuersitas unitatem essentiae tollit. Diuersitas inducit separationem diuinitatis, singularitas adimit distinctionem Trinitatis. Ideo Ambrosius in secundo lib. de fide ait: Non est diuersa, nec singularis aequalitas. Nec iuxta Sabellianos, Patrem filiumque confundens: nec iuxta Arrianos Patrem filiumque secernens. Pater enim & filius distinctionem habent, separationem vero non habent. Item in eodem: Pater & Filius diuinitate sunt vnum, nec est ibi substantia differentia, nec ulla diuersitas: alioquin quo modo vnum Deum dicimus? Diuersitas enim plures facit. Constat ergo ex predictis, quia in Trinitate nulla est diuersitas: Si tamen aliquando in Scriptura inuenitur dictum: Tres diuersae personae, & huiusmodi, diuersas dicit distinctas.

Quod non debet dici Deus multiplex.

Et sicut in Trinitate non est diuersitas, ita nec multiplicitas, & ideo non est dicendus Deus multiplex, sed Trinus & simplex. Vnde Ambrosius in 1. lib. de fide ait: Est in Patre & Filio non discrepans, sed vna diuinitas: nec confusum quod vnum est, nec multiplex esse potest quod indifferens est: Multiplex itaque Deus non est.

DISTINCTIO XXIII.

De Substantialibus nominibus diuinis in speciali.

Prædictis adiiciendum est, quod cum omnia nomina quae secundum substantiam, &c.

Expositio Textus.

SUPRA Egit Magister de diuersitate diuinorum nominum in generali. Hic incipit secunda pars in qua agit de eadem in speciali. Et quoniam quaedam sunt nomina substantialia, quaedam relatiua, & hæc contingit considerare absolute, & ad se inuicem, ideo hæc pars habet tres partes. In prima agit de nominibus substantialibus. In secunda de relatiuis, infra distinct. 26. Nunc de proprietatibus personarum quas frequenter, &c. In tertia de substantialibus, & relatiuis ad se inuicem, infra distinct. 33. Post supra dicta interim considerari. Et quoniam inter nomina substantialia, hoc nomen, *persona*, excipitur à generali regula, quæ est, quod substantiale dicitur de tribus singulariter, ideo nomen istud primo à generali regula excipit, ostendens quod debemus dicere tres personas, & hoc in præsentis distinctione. Secundo determinat quid significetur per hoc nomen, *Tres*, & per hoc nomen, *Personas*, cum dicimus tres personas, infra distinctione proxima ibi: *Hic diligenter inquiri oportet.* Prima pars habet quatuor. In prima Magister, illud nomen excipit à generali regula. In secunda rationem huius exceptionis inuestigat, ibi: *Ideo oritur hic questio difficilis*, ostendens quod fuit inopia

humani eloquii. In tertia Magister contra assignationem opponit, & determinat ibi: *Sed queritur, cum dicamus Patrem & Filium & Spiritum sanctum: In quarta epilogat determinata, vt addat, ibi: Iam sufficienter, vt putato, ostensum est.* Harum partium subdiuisiones per se patent.

Vna vsia, tres hypostases. Dub. I.

Videtur hoc esse contra id quod dicit Hieronymus, *Taceamus tres hypostases: non bonæ suspicionis nomen est, igitur non debet dici.* Præterea videtur quod nomen *hypostasis* nullo modo debeat recipi, vel nomen *vsia*, quia Boetius dicit, super libro prædicamentorum quod hypostasis est materia, vñs forma, vñs compositum: sed in diuinis non recipitur materia nec compositum, igitur, &c.

RESP. Dicendum quod Hieronymus non dicit non tres esse hypostases, quia falsum eilet vel erroneum. Sed quia nomen erat inuetum, & videbatur sonare idem quod substantia: & substantia, secundum communem acceptionem, non dicitur pluraliter de personis: & ideo volebat tunc taceri, ne hæretici acciperent occasionem malignandi. Nunc autem illud nomen specificatum est & expressum: ideo modo conceditur.

Ad illud quod obiicitur secundo, dicendum quod huiusmodi nomina aliter accipiuntur in Philosophia, aliter in Theologia, & hoc patet per Boetium quia aliter accipit loquens vt Philosophus, aliter loquens vt Theologus in libro de duabus naturis, & vna persona Christi.

Verum enim cogitatur Deus, quam dicitur. Dub. II.

Videtur falsum, quia omnis fidelis cogitat Deum esse Trinum & Vnum, & nihil est verius isto: igitur non est verius quam cogitatur.

ITEM videtur falsum quod dicit, quod verius cogitatur quam dicatur: multa enim dicimus quæ non intelligimus, igitur plus se extendit veritas sermonis quam interioris cogitationis.

ITEM ego dico Deum esse summe verum: sed nihil potest verius hoc cogitari: nec esse magis verum summe vero, igitur, &c.

RESP. Dicendum quod sermo Augustini est duplex. Potest enim esse comparatio entis ad ipsum cogitatum, & cogitati ad dictum, & sic non habet veritatem: quia vnus & idem est Deus qui est, & qui cogitatur, & qui dicitur, & æqualiter verus. Potest iterum fieri comparatio ad actum essendi, & cogitandi, & loquendi, & sic habet sermo Augustini veritatem: quoniam Deus in suo esse habet summam veritatem. Cogitatio vero nostra cum sit creata, & exemplata à summa veritate, non potest esse summe vera, similiter nec locutio, & ideo minus de veritate habet. Et rursus cum magis assimiletur summo vero actus cogitandi interior quam actus loquendi exterior, magis habet de veritate cogitatio quam locutio, quia Deo est similior. Rationes vero ad oppositum procedunt secundum primam viam.

An ideo licuit loquendi disputandi de necessitate tres personas dicere, &c. quia Scriptura non contradicit. Dub. III.

CONTRA: Quia Scriptura non contradicit, igitur licet dicere Patrem, Filium & Spiritum sanctum non esse tres personas: sed non licet dicere nisi verum, igitur huius oppositum est falsum.

RESP. quod ista non fuit tota ratio dicti, sed Augustinus subicit partem causæ. Ratio enim fuit sicut ipse aperit in sequentibus, quia ratio consonabat, & scriptura non contradicebat. Nam si scriptura contradiceret, quantumcunque ratio dictaret, non esset dicendum, & propter hoc non licuit dicere tres essentias, quia ratio non consonabat.

Hier. tom. 3. ad Damas. epist. Quoniam verus, circa med.

Quare autem ratio magis consonet in hoc nomine, *persona*, quam in hoc nomine, *essentia*, patet si attendatur significatum utriusque ex verbis Augustini quæ Magister dicit. Quare dictum est ab Ecclesia: Tres personæ: patet quia triplex fuit ratio. Prima fuit, quia necessitas imminebat. Secunda, quia ratio consonabat. Tertia, quia Scriptura in nullo contradicebat, immo etiam consonabat. Vnde minus dicit, & plus intelligit, quando dicit quod Scriptura non contradicit.

Ibi nulla penitus est diuersitas, sicut nec singularitas.
Dub. IV.

CONTRA: Quia si hoc est verum, igitur ibi est omnis identitas, igitur naturæ, & personæ.

RESP. Dicendum quod faciendum est vis in verbo. Diuersitas enim attenditur quantum ad principia essentialia siue substantialia. Quia igitur in diuinis quantum ad substantialia nulla cadit differentia, ideo dicit quod nulla diuersitas: ideo non sequitur, quod penitus omnino est identitas, nisi addatur determinatio, scilicet quo ad essentialia, & sic patet illud.

ARTICULVS I.

AD intelligentiam eorum quæ dicuntur in præsentia distinctione de his nominibus, *Persona*, *Substantia*, & *Essentia*, duo principaliter quærentur. Primo quæritur de translatione istorum nominum ad diuina. Secundo, de numeratione eorundem in diuinis. Circa primum quærentur tria. Primo, utrum ad diuina debeat transferri nomen personæ. Secundo vero, utrum nomen substantiæ. Tertio, utrum nomen essentiae.

QVÆSTIO I.

An Nomen personæ ad diuina transferri debeat.

Alex. Alenf. 1. p. q. 57. Membr. 1.
S. Thom. 1. p. q. 29. art. 3.
Et 1. Sent. dist. 23. q. 1. art. 2.
Et de Potentia, q. 9. art. 3.
Ægid. Rom. 1. Sent. dist. 23. q. 2.
Henricus in Summa, art. 53. q. 1. & 2.
Richardus 1. Sent. dist. 23. q. 1.
Thom. Arg. 1. Sent. dist. 23. q. 1. art. 2.
Marfil. us Inguen. 1. Sent. q. 26. art. 2.

Ad oppositum.
Lib. 7. cap. 4.
tom. 3.

UTRUM debuerit transferri nomen personæ ad diuina. Et quod nomen personæ non debeat dici in diuinis, ostenditur sic: Aug. in lib. de Trin. & habetur in litera: Dictum est: Tres personæ, non ut illud diceretur, sed ne taceretur: ergo videtur quod solum ad fugam hæreticorum & non secundum veritatem & proprietatem dicatur persona in diuinis.

2. ITEM hoc ipsum videtur ratione, quia persona nominat particulare, & non quodcunque, sed rationalis naturæ: sed à quocunque remouetur superius, & inferius: ergo cum in diuinis non sit dicere particulare, similiter nec erit dicere personam.

3. ITEM particulare rationalis creaturæ est compositissimum inter omnia creata. Nam compositum est ex substantia corporali & spiritali: & rursus, corporalis inter omnes videtur habere maiorem compositionem: ergo cum persona sit nomen particularis, & hoc summe compositi, & in diuinis est summa simplicitas, patet quod in diuinis non oportet dici nomen personæ.

4. ITEM vocabula nostra debent respondere Græcis, ut vnitas fidei ostendatur: sed Græci non vtuntur vocabulo, *Prosopon*, in diuinis, quod est idem, quod persona: ergo cum ipsi proprius habeant vocabula quam nos, & non vtuntur, nec nos debemus uti.

CONTRA: Persona dicitur quasi per se sonans, siue per se vna: sed per se vnum propriissime recipitur in Deo: ergo & persona secundum suum nomen.

ITEM persona dicitur habens suam naturam intelle-

ctualis ab aliis distinctam: sed in Deo est ponere habentem naturam intellectualem ab aliis distinctam, sicut supra ostensum est de pluralitate personarum: ergo, &c.

ITEM persona nominat mihi vltimum in genere rationalis naturæ: sed rationalis, siue intellectualis natura est nobilior inter creata: & rursus, vltimum in illa est completissimum, quia ei nulla potest fieri additio: ergo si quidquid completionis est, ponendum est in Deo propriissime: ergo patet, &c.

ITEM persona dicit dignitatem. Vnde in Ecclesiis personæ dicuntur habentes dignitatem aliquam notabilem: ergo cum dignitas propriissime sit in Deo, nomen personæ propriissime in Deo ponendum est.

CONCLUSIO.

Persona nomen, non incongrue Spiritu sancto dictante, ad supposita diuina est translaturum, cum in illis dignitas & distinctio vere reperiantur.

RESP. Ad Arg. Dicendum quod persona de sui ratione dicit suppositum distinctum proprietate ad dignitatem pertinet. Et hoc patet in sua etymologia, & in æquipollenti suo. In etymologia, quia persona dicitur quasi per se vna: per se autem vnū, proprie dicitur vnū, quod est omnino distinctum ab aliis, & in se indistinctum. Rursus, persona dicitur à personando, quasi per se resonando, resonare autē dicitur quod in sono præminet aliis, & ideo persona dicitur suppositum distinctum habens dignitatem: & ratione huius dignitatis cum deberet per naturam vocabuli dici persona penultima correpta, dicitur persona penultima producta. Similiter ratio huius significationis accipitur ab æquipollenti in lingua Græca, quod est *Prosopon*. Apud Græcos *prosopon* dicebatur, sicut narrat Boëtius, homo lanuarius, qui quidē solebat fieri in tragædiis, & hoc fiebat propter duo. Vna ratio erat ad distincte representandū eum de quo fiebat sermo. Alia ratio erat ad melius personandū, vel resonandū, & ista duo conueniunt prædictis duabus proprietatibus: & ideo ab hoc nomine, *Prosopon*, apud Græcos, tractum est hoc nomen, *persona* apud Latinos. Et quia in Ecclesiis maxime attenditur distinctio dignitatum, tractum est primo ad significandū honorem in Ecclesiis: deinde quia indiuiduum rationalis naturæ distinctum est ab aliis, & hoc, proprie dignitatis inter creaturas, hinc est quod extensum est ad significandū suppositum rationalis naturæ. Deinde quia in Deo est reperire suppositum distinctum proprietate nobilissima, Spiritu sancto dictante, translaturum est ad diuina, quia ibi res nominis propriissime inuenitur, quāvis ipsum nomen prius aliis sit impositum. Concedendum est ergo quod in diuinis proprie & conuenienter nomen personæ accipitur.

1. AD illud ergo quod obiicitur quod dictum est, non ut diceretur, dicendum quod Augustinus loquitur de tempore illo in quo nomen personæ secundum vsum æquiualebat substantiæ: & ideo dictum est non ut diceretur quod persona consueuerat significare: sed dictum est quasi translaturum ne taceretur, id est, ne confessio fidei diminuta esse probaretur.

2. AD illud quod obiicitur quod persona nominat particulare, dicendum quod particulare de ratione sui nominis importat partē, & imperf. & onē: sed persona de ratione sui nominis importat completionem: ideo ponitur in diuinis quamvis nō particulare, & bene: quia in diuinis nomen speciei proprie dicitur, & nomē generis improprie.

3. AD illud quod obiicitur quod persona nomen compositissimū, dicendum quod hoc accidit, quia indiuiduum rationalis naturæ creatæ est in genere, & ideo multis differētiis distat, cū distinguatur qualitate: sed in diuinis est distinctio sola origine, & præterea non est in genere: & ideo nō oportet quod sit ibi aggregatio differentiarum.

4. AD illud quod obiicitur quod Græci non vtuntur æquipollenti, scilicet *Prosopon*, dicendum quod ratio vtendi apud Latinos non tam fuit proprietas quam penuria,

quia

Personæ
quasi p
vna, v
se sona

S. Tho. 1.
q. 29. art.

apud
De dub
naturis
vna per
Christi.

apud
De dub
naturis
vna per
Christi.

apud
De dub
naturis
vna per
Christi.

apud
De dub
naturis
vna per
Christi.

apud
De dub
naturis
vna per
Christi.

apud
De dub
naturis
vna per
Christi.

apud
De dub
naturis
vna per
Christi.

apud
De dub
naturis
vna per
Christi.

quia non habebant quod responderent : ratio huius A
fuit, quia substantia secundum communem vsum idem
sonat, quod essentia : Græci autem habebant proprium
vocabulum scilicet hypostasis, quo vtuntur : & ideo
non sunt, vt nos, coacti transferre.

QVÆSTIO II.

An in diuinis nomine substantia, & subsistentia
utendum sit.

Alex. Alens. 1. p. q. 57. Memb. 1.
S. Thom. 1. p. q. 29. art. 2.
Et 1. Sent. dist. 23. q. 1. art. 3.
Et de Pot. q. 9. art. 3.
Ægid. Rom. 1. Sent. dist. 23. q. 2.
Richard. 1. Sent. dist. 23. q. 2.
Thom. Arg. 1. Sent. dist. 23. q. 1. art. 3.
Marfilus Inguen. 1. Sent. q. 26. art. 3.

Vtrum nomen substantiæ dici debeat in diuinis,
etiam subsistentiæ. Et quod sic, videtur per Aug.
lib. 5. de Trinit. Deus absque vlla dubitatione dicitur
substantia, vel, si melius appellatur, essentia.

ITEM tam Boëtius quam August. de Trinit. di-
cunt quod aliorum nominum genera, vt magnitudo,
bonitas, &c. transeunt in substantiam: si ergo substan-
tia non transeat in aliud, constat substantiæ nomen
proprie dici, nam si non proprie, æque diceretur quod
substantia transeat in alia, sicut è conuerso.

ITEM ratio substantiæ secundum Philosophum est,
quod est ens per se: sed solus Deus propriissime est
per se.

ITEM ratio substantiæ secundum Augustinum est
dici ad se, & absolute: sed ibi est proprie dici ad se,
vbi nulla est dependentia: ergo si hoc est in Deo: ergo,
&c.

1. CONTRA: per Augustinum de Trinit. Inconue-
niens est dicere de Deo: quod subster bonitati suæ: sed
si de bonitate, eadem ratione & de qualibet propieta-
te: ergo simpliciter loquendo, inconueniens est dice-
re ipsum esse substantiam.

2. ITEM Boëtius in lib. de Trin. Deus non est sub-
stantia, sed supra omnem substantiam: ergo hoc no-
men, substantia, proprie est in creaturis & non in Deo.

3. ITEM hoc ipsum videtur ratione: Omne quod
substat: habet aliquid inhærens: sed in Deo non est
inhærens, neque inhærentia: ergo nec substantia.

4. ITEM omne quod substat, aliquid illi componitur:
ergo vbi non est compositio, nec nomen compositio-
nis, ibi nec nomen substantiæ: ergo cum in diuinis
non sit compositio, patet, &c.

CONCLUSIO.

Quamvis substantia vt à per se stando dicitur, in diui-
nis vere & proprie dicatur: non tamen, vt di-
citur à substando.

RESP. Ad Arg. Dicendum quod nomen substantiæ à
duplici proprietate potest dici, videlicet à per se stando,
non per aliud: sic proprie est in diuinis, & magis pro-
prie quam in creaturis: Vel à stando alij vel aliis. Et
hoc est tripliciter. Vel alij inhærenti: & sic false & E
improprie dicitur in diuinis: quia proprietates in di-
uinis non sunt accidentes, nec inhærentes. Vel alij di-
stinguendi: sic dicitur in diuinis non omnino impro-
prie, nec omnino proprie, quia proprietas illa non in-
hæret, & ideo non facit subsistere siue substat quasi
sub alio stare, sed existere, quasi ab alio esse: & hinc
est quod Richardus dicit in lib. de Trinit. quod me-
lius dicitur existentia quam subsistentia. Vel quia sub-
stat vt perficienti, & sic dicitur res naturæ substat
respectu essentia. Et iste modus magis est circa no-
strum intelligere, quam circa diuinum esse, & sicut
patebit in sequenti problemate, ex nostro intellectu
euenit talis modus dicendi, non ex proprietate diuini
esse.

QVÆSTIO III.

An in diuinis nomine essentia utendum sit.

Alexander Alensis 1. p. q. 57. Membro 1.
S. Thom. 1. p. q. 39. art. 1.
Richardus 1. Sent. dist. 23. q. 3.
Marfilus Inguen. 1. Sent. q. 26. art. 4. dub. 1.

Vtrum nomen essentia dici debeat in diuinis. Et
quod sic, videtur per August. de Trinit. Essentia
vere ac proprie dicitur in diuinis, ita vt forte solum
Deum dici oporteat per essentiam.

ITEM hoc nomen, Qui est, est nomen quod ipse
Deus sibi imposuit: ergo si ipse proprie se nominat,
Deus proprie dicitur, Qui est. Sed de quocunque pro-
prie dicitur, Qui est, proprie potest dici de ipso, essen-
tia: ergo & in diuinis dicitur essentia.

ITEM inter omnia nomina, nomen essentia est ab-
solutissimum. Vnde essentia secundum Auicennam di-
citur rei quidditas nomine absoluto: cum ergo in diui-
nis sit omnimoda absolutio: ergo nomen essentia.

1. CONTRA: Non intelligimus Deum nisi in crea-
turis & per creaturas: sed nominatio Dei est propter
nostrum intelligere: ergo nullum absolutum nomen
omnino debet poni in Deo.

2. ITEM quæro in quo differant nomen substantia,
& nomen essentia. Nam substantia aut dicit commune,
aut suppositum. Si suppositum: ergo superfluit nomen
personæ. Si commune: ergo superfluit nomen essen-
tia: ergo cum debeamus labia nostra circumcidere in
loquendo de Deo, nequaquam debet poni hoc nomen
in Deo.

3. ITEM quæritur gratia huius de necessitate & suf-
ficientia, & differentia istorum quatuor nominum: Es-
sentia, Subsistentia, Substantia, & Persona.

CONCLUSIO.

Essentia nomen, quod vsa Græco vocabulo correspondet,
sicut vsiosis substantia, hypostasis subsistentia, & pro-
sopon persone, congrue in diuinis dicitur.

RESP. Ad Arg. Ad intelligentiam prædictorum est
notandum quod ista quatuor nomina, siue vocabula res-
pondent quatuor vocabulis in Græco, quæ sunt Vsa,
Vsiosis, Hypostasis, & Prosopon, vt vsa respondeat
essentia: vsiosis, substantia: hypostasis, subsistentia:
prosopon, personæ. Ratio autem & sufficientia istorum
quatuor nominum aliquando accipitur sic. In diuinis
est accipere communicabile & incommunicabile, &
hoc ex veritate & necessitate fidei, quæ dicit Deum
Trinum & Vnum: & cum debeamus intelligere in Deo,
quod vere per illud quæ videmus in his inferioribus,
maxime secundum notabiles & primas & præcipuas
conditiones, cum in communi in inferioribus inuenia-
tur, Quod est, & Quo, ratione cuius significatur in con-
cretionem & in abstractionem, vt dicatur homo, & huma-
nitas, sic in diuinis intelligimus, quamvis non intelli-
gamus indifferentia illa duo: ideo & in abstractionem si-
gnificatur per hoc nomen, Deitas, & in concretionem
per hoc nomen, Deus: & ideo imposuimus ei nomen
quo significaremus ipsum, Quo est, & hoc est essentia,
& ipsum, Quod est, & hoc est substantia, & ita hæc
duo nomina accipiuntur ex parte communis. Et est in
diuinis accipere, quod est incommunicabile & hoc est
quid distinctum, siue quis distinctus. Et hoc quidem
dupliciter cōtingit intelligi siue significari. Vel inquan-
tum distinguibile & hoc per nomen subsistentia siue
hypostasis. Vel in quantum distinctum, & hoc per no-
men Personæ. Et licet in Deo nihil differant distingui-
bile & distinctum, quia potentia in eo semper actui
est coniuncta, tamen contingit duplici nomine
significari. Vnde differunt ista quatuor nomina
secundum modum intelligendi sicut, Quo est, &

Fundamēta.
Li. 7. de Tr.
cap. 5. in fi.
tom. 3.

Ad opposi-
tum.

Fundamen-
tum respon-
sionis.

Quod est, & Quies est, & Quis est, & quoniam in Deo idem est, *Quod est*, & *Quod est*, ex una parte, & distinguibile & distinctum, ex alia secundum rem, Sancti accipiunt & substantiam & essentiam pro eodem: similiter & hypostasis nomine utuntur Græci pro supposito actu distincto. Vnde distinctio per, *Quo*, & *Quod est*, & per distinguibile & distinctum, in omnibus diuinis non facit diuersitatem nisi secundum rationem intelligendi. Fuerunt etiam alij volentes dicere quod substantia & essentia accipiuntur ex parte communis: sed differenter, quia illud commune contingit intelligi sub duplici ratione. Vna est quod omnia indigent eo ut sint. Alia est quod ipsum non eget aliis. Primo dicitur essentia à qua, & per quam omnia sunt. Secundo modo substantia, quoniam per se stat, aliis circumscriptis. Subsistentia vero siue hypostasis, & persona accipiuntur ex parte incommunicabilis, & differunt: quamvis enim utrumque nomen dicat quid distinctum, tamen hypostasis dicit suppositum substantiæ distinctum: sed persona dicit distinctum proprietate nobili. Fuerunt alij qui voluerunt dicere quod ista quatuor nomina distinguuntur per communicabile & incommunicabile, secundum quod potest vnumquodque dupliciter significari, scilicet vel in abstractione, vel in concretionem. Nam communicabile potest significare in abstractione, & sic dicitur essentia: vel in concretionem ad suppositum, & sic dicitur substantia. Similiter incommunicabile potest significari in abstractione, & sic dicitur substantia siue hypostasis: vel in concretionem, & sic dicitur persona. Sed tamen omnes isti modi habent calumniam. Primus quidem qui sumitur per distinguibile & distinctum, quia Græci utuntur vocabulo hypostasis, ubi nos utimur persona, & ita pro supposito distincto. Et Damascenus dicit, quod hypostasis est substantia cum proprietatibus, & ita significat actu distinctum. Secundus modus similiter habet calumniam, quia essentia non videtur aliquo modo significari ut in ratione causæ respectu aliorum, cum sit nomen absolutissimum. Tertius modus habet calumniā, quia substantia significatur in abstractione sicut essentia: & præterea est dubium, utrum sit intelligere hypostases, abstractis proprietatibus: & ideo si non est intelligere, quo modo contingit significare? Et propterea quartus modus dicendi est quod cum fides dicat Deum esse Trinum & Vnum: in quantum dicit vnum, non possumus intelligere vnum, quin intelligamus, *Quod est, & Quo* est, vnum: & *Quo est* vnum, est id, *Quo est*, & *Quod est*, vnum & illud, *Quod est*. Primum est Essentia: secundum Substantia. Si intelligamus Trinum, necesse est quod intelligamus eum, qui distinguitur, & quo distinguitur. Quo distinguitur, est proprietas: ille autem qui distinguitur semper significatur, ut distinctus. Et hoc potest esse dupliciter, vel ut distinctus proprietate quacunque, vel ut distinctus proprietate nobili. Primum significatur nomine subsistentiæ, quæ dicitur prima substantia: & non tantum conuenit indiuiduo hominis, sed etiam animi. Secundum significatur per hoc nomen, *persona*, quod importat nobilem proprietatem, & non conuenit nisi supposito rationalis creaturæ: Pro qua Græci utuntur hypostasis nomine, sicut nos nomine personæ: ut dicit Boëtius qui ait quod Græci utuntur nomine hypostasis pro supposito rationalis creaturæ. His visis patent obiecta.

1. 2. 3. Quod autem obiicitur quod non debemus Deū nominare absolute, dicendum quod quamvis nomine mus Deum per creaturas, tamen etiam per creaturas, cognoscimus eum habere esse absolutum. Alia patent.

ARTICVLVS II.

Consequenter est quæstio de numeratione nominum prædictorum: & supposito quod numeretur hoc nomen, *Persona*, quæritur utrum in diuinis numeretur hoc nomen, *Substantia*. Secundo quæritur, si

numeretur, *Essentia*. Tercio, si hoc nomen, *Deus*, utrum scilicet catholice possimus dicere plures Deos.

Q V Æ S T I O I.

An nomen substantia in diuinis numeretur.

Alexand. Alensis 1. p. q. 55. Membro 3.

S. Thom. 1. p. q. 30. art. 1. ad 4.

Marsilius Inguen. 1. Sent. q. 26. art. 3. dub. 3.

Quod numeretur hoc nomen, *Substantia*, ostenditur sic. Hilarius de Synodis: Sunt quidem per substantiam Tria: sed Vnum per consonantiam.

ITEM per Anselmum in fine Monol. Aptius tres dicuntur substantiæ.

ITEM Boëtius in lib. de duabus naturis & vna persona Christi: Dicimus vnam essentiam, & tres substantias.

ITEM hoc ipsum videtur ratione, quia substantia est medium inter essentiam & personam: sed medium sapit naturam extremorum: ergo pari ratione qua dicitur vna substantia ab vnitatem essentiæ, poterit dici, *plures*, à pluralitate personarum.

ITEM omnis numerus ad substantiam reducitur originaliter, nunquam enim accidentia vel proprietates numerantur nisi per substantiam: sed actus numerantur, & pluraliter dicuntur in diuinis: ergo necesse est ponere numerum secundum substantiam, quod autem pluraliter dicantur, patet: dicitur enim: Pater & Filius & Spiritus sanctus creant.

ITEM idem est relatiuum substantiæ, sicut talis & qualis qualitatis: sed hæc est falsa: Pater est idem cum filio, quia dicit Hilarius quod non possumus dicere Deum eundem: ergo necesse est quod cadat distinctio in substantia: si ergo propter distinctionem personarum dicamus plures personas: ergo & plures substantias.

CONTRA. Nihil magis dicitur secundum substantiam quam hoc nomen *Substantia*: si ergo nomina substantialia dicuntur de omnibus singulariter, sicut patet ex regula Augustini supra posita: ergo, & c.

2. ITEM inter quæcunque cadit distinctio secundum substantiam, cadit vera diuersitas: sed inter Patrem & Filium non est confitenda diuersitas: ergo nec numerus secundum substantiam: ergo non est dicere plures substantias.

3. ITEM per Augustinum dicitur quod idem est Deo subsistere & esse: ergo cum vnum sit esse, vnum subsistere est: ergo sicut ab vno esse dicitur vna essentia vel è conuerso, ita & ab vno subsistere debet dici vna substantia, siue subsistentia.

4. ITEM Hieronymus ad Damasum Papam: Quis vnquam nisi ore sacrilego tres substantias prædicauerit.

CONCLUSIO.

Substantia, ut dicit naturam vel vsiam, numerari eam, non est dicendum: quod si ad proprietatem habeat respectum, cum tantumdem valeat hypostasis, numeratur & plurificatur.

RESP. Ad Arg. Dicendum quod tam nomen substantiæ quam subsistentiæ dupliciter accipitur in diuinis: quia quodlibet istorum habet in se intellectum actus, & præpositionis, potest ergo dici substantia, quasi per se stans, & quasi stans sub alio, siue sub proprietate. Primo modo, vna tantum est, siue non numeratur, quia vnum est ibi quod est. Alio modo prout dicit respectum ad proprietatem, tunc numeratur siue plurificatur. Primo modo tantum valet quantum vsiosis: secundo modo tantum valet, quantum hypostasis. Omnino eodem modo distinguitur subsistentia, & secundum alterum intellectum æquipollet vsiosis, & secundum alterum hypostasi. Et secundum alterum plurificatur, secundum alterum vero minime. Et quia substantia dicitur dupliciter, & subsistentia: ideo venit diuersitas modi loquendi inter Doctores: Nam Tullius

lius

CONCLUSIO.

Quamvis in Creaturis plurificatis habentibus eandem naturam, ipsa quoque essentia multiplicetur: in diuinis tamen propter summam simplicitatem, multiplicatis personis, essentia non multiplicatur neque numeratur.

RESP. Ad arg. Dicendum quod in omni substantia cuius est esse, & operari, necessario intelligimus naturam, & habentem naturam. Cum ergo hoc sit in Deo, intelligimus in Deo naturam, & habentem naturam. Et naturam dicimus essentiam vel substantiam: habentem naturam, dicimus personam. Quo modo ergo in creatura rationali contingit, vnam personam habere plures naturas, scilicet corporalem & spirituales: sic & à contrario sensu, contingit in Deo propter summam simplicitatem vnam naturam haberi à pluribus, quia contingit eam haberi alio & alio modo, & hoc non potest esse ab eodem. Quia ergo eadem est natura tantum habita & non numerata, ideo tantum dicitur vna substantia & essentia: Quia vero plures habentes, ideo plures personæ, nulla omnino repugnantia existente.

1. 2. Ad illud ergo quod obiicitur de essentia per hoc quod Augustinus dicit: *Hæc tria*, dicendum quod minus expresse loquitur & improprie: & ideo verbum eius est exponendum.

3. Ad illud quod obiicitur quod ideo *Tres*, quia persona est commune & quælibet est persona, &c. dicendum quod non dicit totam rationem, sed partem quantum ad verbum exterius: ideo oportet intelligere quod ibi additur, quia est commune quod distinguitur. Vnde Pater est persona, & Filius est persona, non eadem, sed alia & alia.

4. Ad vltimum quod obiicitur, dicendum quod ens aliquando dicitur substantiæ, & sic non trahit numerum aliunde. Aliquando tenetur adiectiue, & sic trahit numerum à supposito, & sic non numeratur forma: & hoc modo non sequitur quod sint plures entitates, nec de hoc verbo, quod plura esse.

QVÆSTIO III.

An Catholice dicere plures Deos possimus.

*Alex. Alensis 1. p. q. 14. Membr. 2.
S. Thom. 1. p. q. 11. art. 3. & 4.
Scotus 1. Sent. dist. 2. q. 3.
Ægid. Rom. 1. Sent. dist. 2. q. 1.
Henricus in summa, art. 25 q. 1.
Durandus 1. Seno. dist. 2. q. 1.
Tuom. Arg. 1. Sent. dist. 2. q. 1. art. 3.*

Vtrum catholice possimus dicere plures Deos, & quod sic, ostenditur hoc modo. Hoc nomen, *Deus*, recipit distinctiuum terminum ratione suppositionis, vt cum dicitur, *Deus generat Deum*: ergo cum eadem distinctio importetur per hoc quod est *Generat*, & per hoc quod est *Tres*, quia personalis: ergo hæc pari ratione est Catholica: *Tres Dij sunt*.

2. **ITEM** idem est *Deus* quod habens deitatem: sed plures sunt habentes Deitatem, hoc dicitur Catholice: ergo similiter plures *Dij sunt*.

3. **ITEM** hoc nomen, *Deus*, quamvis sit substantiale, tamen impositum est ab operatione. Sed contingit operationem pluraliter dici de personis, vt patet: *Faciamus hominem*, &c. ergo hoc nomen, *Dij*.

4. **ITEM** ad numerationem alicuius veram, non plura requiruntur quam vera multiplicatio suppositorum & formarum: sed hæc est in Deo, quia tres sunt personæ diuinæ, *Persona*, dicit suppositum, *Diuina*, dicit formam: ergo, &c.

5. **ITEM** cum omne generale contingat specificari, & persona sit nomē generale, videtur quod possit speci-

lius & Boëtius dicunt quod substantia & substantia æquipollent hypostasi: & ideo dicit ipse Boëtius eam plurificari, & secundum hunc modum loquitur Hilarius. Anselmus, & Boëtius, sed Hieronymus, & Augustinus volunt quod substantia æquipolleat vñosi: & ideo dicunt eam non plurificari: & substantia hypostasi: & ideo dicunt eam plurificari. Ex his patet responsio ad vtramque partem. Patet etiam quare Græci non transulerunt nomen, *Prosoyon*, sicut Latini, quia oportuit nos transferre nomen, *Persona*, propter ambiguitatem: & ideo maluit Ecclesia etiam respondere, *Tres personas*, quam *Tres substantias*, siue *substantias*.

TAMEN ad Argumentum quod facit quod substantia tenet medium, dicendum quod substantia provt æquipollet hypostasi, plus se tenet cum persona, & ideo numeratur sicut persona siue plurificatur: provt tamen æquipollet vñosi, plus se tenet cum essentia, & ideo non numeratur, nec plurificatur, sicut nec essentia. Omnes autem illæ rationes præcedentes & sequentes loquuntur de substantia, provt æquipollet hypostasi, siue supposito, & hoc modo plurificatur.

RATIONES autem ad oppositam partem currunt secundum aliam acceptionem huius nominis, *Substantia*. Similiter iudicandum est de hoc nomine *Substantia*. Sed quoniam Augustini auctoritas, & mos vñentium nomine illo, *Substantia* sc. accipitur magis in illa acceptione in qua dicit ipsum, *Quod est*, siue vñosim, siue ipsum commune: ideo communiter non recipitur, vt dicantur *Tres substantia* in diuinis.

QVÆSTIO II.

An Nomen essentia in diuinis numeretur.

*Alex. Alensis 1. p. q. 57. Memb. 1.
S. Thom. 1. p. q. 13. art. 2.
Et 1. Sentent. dist. 24. q. 1. art. 2.
Ægid. Rom. 1. Sent. dist. 23. princ. 3. q. 1.*

De enumeratione illius nominis, *Essentia*. Et quod non numeretur ostenditur sic, quia in diuinis est vnitas absolutissima quæ non multiplicatur: ergo cum nullum nomen sit adeo absolutum sicut nomen essentia: ergo per illud significatur vnitas non multiplicata: ergo nomen essentia non numeratur, & hoc est quod dicit Augustinus quod ratio repugnat.

ITEM hoc ipsum videtur à minori. Hoc enim nomen *Deus* est nomen essentia in comparatione ad personam: sed secundum scripturam in lege, scilicet *Deus* dicitur vnus & non plures, & secundum symbolum, non tres *Dij* sed vnus est *Deus*: ergo hoc nomen *Essentia* minus plurificatur, cum dicatur absolutius.

ITEM natura diuina non multiplicatur in tribus: sed hoc nomen *Essentia* est nomen naturæ diuinæ, vt hoc nomen *Substantia*: ergo nec essentia, nec substantia multiplicatur sub propriis nominibus, vt videtur.

1. **CONTRA**: per Augustinum lib. de Trinit. Cum hæc tria non dicantur vna persona, & loquitur de tribus personis: sed *Tria* in neutro genere, respicit essentiam proprie: ergo cum dicantur tria: ergo tres essentia.

2. **ITEM** ratione videtur. Aug. in eod. lib. dicit quod Pater & Filius & Spiritus sanctus dicuntur tres personæ, quia commune est eis hoc quod est *Persona*, sed hoc nomen *Essentia* est commune: ergo potest dici, *Tres essentia*.

3. **ITEM** Ibidem dicit & habetur in litera quod ideo dicuntur tres personæ, quia Pater est vna persona, & Filius vna persona, & Spiritus sanctus vna persona. Similiter tres essentia sunt, quia pater est essentia, &c.

4. **ITEM** Pater & Filius sunt entes: ergo plures habent entitates. Sequitur enim: Sunt plures *Dij*: ergo plures deitates. Similiter: Pater & Filius sunt: ergo plura esse: ergo plures essentia.

ficari cum dicitur: Tres personæ, ut dicatur adhuc specialius, qui tres: sed hoc non potest esse nisi addatur nomen commune tribus, nec est aliud dare quam hoc nomen, *Deus*; ergo &c.

CONTRA: Quod cum dicatur Catholice patet ex mandatis: Audi Israël, Deus tuus Deus unus est. Vnde in Symbolo: Non tres Dii, sed unus est Deus.

ITEM hoc ipsum videtur ratione, quia hoc nomen, *Deus*, dicit diuinam naturam: sed diuina natura non numeratur siue specificatur: ergo nec hoc nomen, *Deus*.

CONCLUSIO.

Catholice, plures Deos non possumus dicere, tametsi unaquaque persona sit Deus, cum forma importata per hoc nomen, Deus, non multiplicetur.

RESP. Ad arg. Dicendum quod non est dicere plures Deos catholice, quia numerus pluralis significat plurificationem termini secundum suppositum: & formam in nomine substantiuo, cum plurale geminet suum singulare: & ideo, cum plura importata per hoc nomen, *Deus*, non sit multiplicata, non debet dici: Plures Dii.

1. **AD** illud quod obiicitur quod catholice dicitur: Deus generat, dicendum quod non est simile, quia *Generat*, simul importat distinctionem cum conuenientia: sed, *plures Deos*, simpliciter importat distinctionem quantum ad suppositum & formam.

2. **AD** illud quod obiicitur quod idem est Deus, & habens deitatem. **RESPON.** quod ista locutio est duplex, quia habens deitatem vno modo potest dici neutraliter, & sic est vnum solum, & æquipollet, ei, quod est *Deus*, quod quidem dicit, quod est. Alio modo masculinè, & sic non habet æquipollens, & sic multiplicatur. Potest tamen aliter dici, quod *Deus* non significat habentem, sed significat deitatem in comparatione ad habentem, & ideo non multiplicatur.

3. **AD** illud quod dicitur de operatione, dicendum quod nomen, ut potest significare operationem per modum adiacentis, & sic trahit numerum aliunde: vel per modum substantiuo, & sic non multiplicatur, & taliter significat hoc nomen, *Deus*.

4. **AD** illud quod obiicitur quod ibi est multiplicatio suppositorum & formæ, dicendum quod hoc nomen diuinum est quasi possessiuum: vnde imponitur à duplici forma, scilicet possessionis & possessoris. Et forma diuinitatis est in ratione possessoris, & forma possessoris, existens in diuinitate, numeratur forma possessionis, ut oues Socraticæ, & sic in proposito. Vnde non numeratur forma habita.

5. **AD** illud quod obiicitur quod generale contingit specificari, dicendum quod persona cum nominat indiuiduum intellectualis naturæ, dupliciter potest specificari, scilicet per propria personarum, ut cum dicitur: Tres personæ, id est Pater, Filius, & Spiritus sanctus, potest etiā specificari per naturæ determinationem, ut si dicatur: Personæ diuinæ, vel angelicæ, vel humanæ. Et si tu quæris, quare non specificatur per *Vnum*, nomen, sicut est in creaturis ubi tres personæ angelicæ dicuntur tres angeli. **RESPONDERI** potest quod hoc est propter inopiam humani eloquii: qua laborat tam lingua Græca quā Latina, sed magis Latina. Vel potest dici quod hoc non permittit natura ipsorum nominum, quoniam nomen speciale à speciali forma imponitur. Aut igitur impositum est à natura communi, aut à proprietate personæ. Si est impositum à natura communi, cum illa non multiplicetur, non potuit per vnum nomen specificari. Si autem est impositum à proprietate personæ, tunc cum illa non conueniat tribus, non potest per illud specificari, & ideo Ecclesia, compulsa necessitate, imponit nomen generale, siue quod importat communitatem nominis, quod est commune & multiplicabile: & ideo non est quærenda specificatio per aliud nomen nisi per nomen adiectiuum, & per nomina personarum.

DISTINCTIO XXIV.

Quid significetur his nominibus Vnus vel Vna, Duo vel Duæ, Tres vel Tria, Trinus vel Trinitas, Plures vel Pluralitas, Distinctio vel Distinctæ, cum his vtimur de Deo loquentes.



HIC diligenter inquiri oportet, cum in Trinitate non sit diuersitas, vel singularitas, nec multiplicitas, vel solitudo, quid significetur his nominibus, scilicet Vnus vel vna, Duo vel dua, Tres vel tria, Trinus vel Trinitas, Plures vel pluralitas, Distincta vel distinctio, cum dicitur vnus Deus, dua persona, vel tres persona, plures persona, distincta sunt persona. Vel cum dicitur, distinctio personarum, pluralitas personarum, Trinitas personarum, & huiusmodi. Videmus enim hoc dicentes, numerorum quantitates, & rerum multitudinem, & multiplicitem in Deo ponere. Quid ergo ista sibi significant, ipso de quo loquimur aperiente, insinuare curemus.

Magis illa dicuntur ad excludendum ea quæ non sunt in Deo, quam ad ponendum aliqua.

Si diligenter premissis auctoritatem verbis intendimus, ut dictorum intelligentiam capiamus, magis videtur horum verborum usus introductus ratione remouendi, atque excludendi à simplicitate deitatis, qua ibi non sunt, quam ponendi aliqua.

Quid per vnum significetur cum dicitur, vnus Deus.

Dum enim dicitur, vnus Deus, multitudo Deorum excluditur, nec numeri quantitas in diuinitate ponitur: tanquam si diceretur, Deus est, nec multi sunt, vel plures Dii. Vnde Ambrosius in lib. de fide ait. Cum vnum dicimus Deum: unitas excludit numerum Deorum, nec quantitatem in Deo ponit, quia nec numerus, nec quantitas ibi est.

Quo sensu dicitur, vnus est Pater, vel vnus est filius.

Similiter cum dicitur, vnus est Pater, vel vnus est Filius, & huiusmodi: ratio dicti hæc est, quod non sunt multi Patres, vel multi Fili, ita & de similibus. Item cum dicimus plures esse personas, singularitatem atque solitudinem excludimus, nec diuersitatem, nec multiplicitem ibi ponimus, quasi diceretur: Sine solitudine, ac singularitate personas confitemur. Vnde Hilarius in lib. 4. de Trinit. sic ait: Dixit Deus: Faciamus hominem ad imaginem, & similitudinem nostram: Quæro nunc, an solum Deum sibi locutum existimes, an hunc sermonem eius intelligas ad alterum extitisse. Si solum fuisse dicis, ipsius voce argueris, dicentis. Faciamus, & Nostram. Sustulit enim singularitatis, ac solitudinis intelligentiam professio consortij, quia aliquod consortium esse non potest ipsi solitario, neque solitudo solitarij recipit. Faciamus, nec alieno à se diceret, Nostram: Atten de lector his verbis, & vide, quia nomine consortij pluralitatem significat.

Lib. 1. c. 2.
& lib. 3. d.
Spiritu / a
Ro, cap. 14.

Quid vnus
Pater.

Quid plures
personæ.

In medio.
Gen. 1. c.

uit.

uit. Professio ergo consortij est processio pluralitatis, quā professus est dicens, Faciamus, & Nostram. Pluraliter enim utrumque dicitur. Sed hac professione pluralitatis non diuersitatem, vel multitudinem posuit, sed solitudinem, & singularitatem negauit. Sic ergo cum dicimus plures personas, vel pluralitatem personarum, singularitatis, & solitudinis intelligentiam excludimus.

Quid per Ternarium significetur cum dicitur
Tres personæ.

Ita etiam cum dicimus tres personas, nomine ternarij non quantitatem numeri in Deo ponimus, vel aliquam diuersitatem: sed intelligentiam, non ad alium nisi ad Patrem, & Filium, & Spiritum sanctum dirigendam significamus, ut sit huius dicti intelligentia: Tres persona sunt, vel tres sunt Pater, & Filius, & Spiritus sanctus, id est, nec tantum Pater nec tantum Filius, nec tantum Pater, & Filius in deitate sunt, sed etiam Spiritus sanctus, & non alius ab his. Similiter non tantum est ibi hac persona, vel illa, vel hac & illa, sed hac, & illa, & non alia. Et hoc fore ita intelligendum Augustinus satis ostendit, ubi dicit, quod illo nomine, non diuersitatem intelligi voluit, sed singularitatem noluit.

Quid per duo, cum dicitur: Duæ personæ: vel
Pater, & Filius duo sunt.

Similiter cum dicitur, duo sunt Pater, & Filius, non dualitatis quantitatem ibi ponimus, sed hoc significamus quod non est tantum Pater, nec tantum Filius: sed Pater & Filius, & hic non est ille: ita & de aliis huiusmodi. Ita etiam cum dicimus: Pater, & Filius sunt duæ persona, hoc significamus, quod non tantum Pater est persona, nec tantum Filius est persona, sed Pater est persona: & Filius est persona, & hac non est illa.

Ex quo sensu dicitur in personis distinctio,
vel personæ distinctæ.

Cum autem dicimus, distincta persona, vel distinctio est in personis, confusionem, atque permixtionem excludimus, & hanc non esse illam significamus. Cumque addimus, distinctæ sunt personæ proprietatibus, siue differentes proprietatibus, aliam esse hanc personam, & aliam illam suis proprietatibus significamus. Et cum dicimus, aliam, & aliam, non diuersitatem, vel alienationem ibi ponimus, sed confusionem Sabellianam excludimus.

Quo modo ibi accipitur discretio.

Ita & cum dicuntur discreta persona, vel cum dicitur discretio in personis esse, eandem intelligentiam facimus. Eodem enim modo ibi accipitur distinctio, quo discretio. Et congrue dicitur ibi esse discretio, vel distinctio, non diuersitas, vel diuisio, siue separatio. Vnde Ambrosius in 1. lib. de Trinit. Non est ipse Pater, qui Filius, sed inter Patrem & Filium expressa distinctio est.

Quo modo Trinitas ibi accipitur.

Cum vero dicitur, Trinitas, id significari videtur quod significatur, cum dicitur, Tres personæ: ut sicut non potest dici Pater est Tres personæ, vel Filius est Tres personæ, ita non debet dici Pater est Trinitas, vel Filius est Trinitas.

Hoc videtur contrarium esse prædictis.

Hic non est præmittendum quod cum supra dictum

A sit Deum nec singularem, nec multiplicem esse confitendum, idque Sanctorum auctoritatibus sit confirmatum, in contrarium videtur sentire Isidorus dicens: Distingendum est inter Trinitatem, & Vnitatem. Est enim Vnitatis simplex & singularis, Trinitas vero multiplex, & numerabilis, quia Trinitas est trium Vnitatis. Ecce unitatem dici esse singularem, & Trinitatem multiplicem, & numerabilem. Sed ad hoc dicimus, quia singularem accepit, sicut & alij accipiunt unum: multiplicem vero numeralem, sicut dicunt Trinum.

DISTINCT. XXIV.

B Quid significetur per nomen numerale, cum loquimur de diuinis.

Hic diligenter inquiri oportet, cum in Trinitate.

Expositio Textus.

SVPRA excipit Magister hoc nomen persona, à generali regula nominum substantialium, ostendens quod dicendum est: Tres personæ, non tres essentia, vel tres Dii, vel tres substantia. Hic incipit secunda pars, in qua determinat quid significetur, cum dicitur. Tres personæ, & hæc pars habet duas partes. In prima ostendit quid significetur per nomen numerale, siue per dictionem numeralem In secunda quid significetur per hoc nomen, Persona dist. 25. Considerandum est cum hoc nomen, Persona, ut prædictum est. Prima pars iterum habet duas. In prima querit, & soluit generaliter. In secunda solutione suam adaptat nominibus distinctis in speciali, ibi: Cum enim dicitur unus Deus. Et hæc pars habet quatuor partes. In prima determinat quid significetur per unus, & plures. In secunda quid significetur per duo, & tres, ibi: Ita etiam cum dicimus tres personas nomen ternarij. In tertia quid significet discretus, & distinctus, ibi: Cum autem dicimus: distincta sunt persona. In quarta quid significant Trinitas, & Trinus, ibi: Cum vero dicitur Deus Trinus.

Cum dicimus plures esse personas, singularitatem, atque solitudinem excludimus.

Notandum quod in diuinis recipimus vnitatem, non singularitatem, nec solitudinem, quia singularitas excludit communicabilitatem, solitudo excludit pluralitatem, & nos ponimus vnā essentiam in pluribus: ideo hoc non recipimus. Similiter notandum ex parte pluralitatis quod recipimus ista quatuor, alietatem, pluralitatem, discretionem, atque distinctionem: sed hæc quatuor e contrario non recipimus, scilicet diuersitatem, multiplicitatem, diuisionem, & separationem. Ratio autem huius est, quia separatio supponit diuisionem, diuisio multiplicitatem, multiplicitas diuersitatem, diuersitas autem ponit formam vel naturæ distinctionem. Et quia in diuinis est naturæ omnimoda vnitatis, ideo cum non recipiatur diuersitas, nec aliquod istorum quatuor. E contra, discretio supponit distinctionem, distinctio pluralitatem, pluralitas alietatem. Alietas autem non tantum attenditur, quantum ad formam sed etiam quantum ad suppositum: & quia sunt plures hypostases, ideo prædicta quatuor in diuinis recipiuntur. Distinctio autem nominum prædictorum hæc est. Nam de primis quatuor alietas, & pluralitas, important distinctionem à parte rei: sed distinctio & discretio per comparisonem ad nostram cognitionem: sed alietas per modum substantia, pluralitas per modum quantitatis, quamvis non sit ibi vere quantitas. Distinctio autem, & discretio differunt, quia discretio dicitur in cōparatione ad visum: sed distinctio in cōparatione ad tactum

tactum. Alia autem quatuor differunt sic, quia diuersitas attenditur secundum substantiam, multiplicitas quantum ad veram quantitatem: diuisione quantum ad positionem, siue ad discontinuationem: sed separatio quantum ad vbi. Vel aliter, diuersitas quantum ad principium intrinsecum, multiplicitas quantum ad numerum, diuisione ad terminum, separatio vero attenditur quantum ad medium interiectum.

ARTICVLVS I.

AD intelligentiam eorum quæ dicuntur in presenti distinctione est questio de terminis numeralibus qualiter accipiantur in diuinis. Et circa hoc principaliter tria queruntur. Primo queritur de termino numerali & partitione, sicut est hoc nomen, *Vnus*. Secundo de termino simpliciter numerali, sicut est hoc nomen, *Tres*, Tertio de nomine complectente vtrumque, sicut hoc nomen *Trinus*. Et quantum ad primum duo queruntur. Primo queritur vtrum hoc nomen, *Vnus*, dicatur, positue, vel priuatiue in diuinis. Secundo vtrum dicatur secundum substantiam, vel secundum relationem.

QVÆSTIO I.

An nomen hoc, Vnus, positue, vel priuatiue dicatur in diuinis.

Alexander Alensis 1. p. q. 45. Membro 1.

S. Tho. 1. p. q. 30. art. 3.

Et 1. Sent. dist. 24. q. 1. art. 3.

Et de Pot. q. 9. art. 7.

Scotus 1. Sent. dist. 24. q. unica.

Egid. Rom. 1. Sent. dist. 24. q. 1.

Henricus in summa, art. 25. q. 5.

Richardus 1. Sent. dist. 24. q. 1.

Durandus 1. Sent. dist. 24. q. 1.

Franciscus de Mayr. dist. 24. q. 1. art. 1.

Gregor. Arim. 1. Sent. dist. 24. q. 1. art. 2.

Thom. Arg. 1. Sent. dist. 24. q. 1. art. 1.

Marsilius Inguen. 1. Sent. q. 27. art. 1.

Gabriel Biel. 1. Sent. dist. 24. q. 1.

QUOD priuatiue dicatur in omnibus videtur per rationem. Nam Philosophus dicit quod vnum est quod non diuiditur: sed ista ratio data est per priuationem, igitur vnum dicitur priuatiue.

2. **I**TEM Commentator dicit super Metaphysicam quod vnum, & multa opponuntur sicut priuatio, & habitus: quia vnum dicit priuationem, multitudo dicit habitum quod si verum est, vnum non tantum in Deo: sed in omnibus dicit priuationem.

3. **I**TEM hoc ipsum videtur ratione, quia vnum opponitur ei quod est multa: aut ergo contradictorie, aut relative, aut contrarie, aut priuatiue. Non contradictorie, hoc patet.

4. **I**TEM nec relative, quia relatiua sunt simul, & vnum dependet ab alio mutuo, sed vnum non dependet à multis. Nec contrarie, quia vnum contrarium non est alterius principium. Sed vnum est principium multorum, igitur per locum à diuisione, opponitur priuatiue. Sed constat quod, *Multa*, dicit positionem, igitur vnum non dicit nisi priuationem.

5. **I**TEM quod in Deo specialiter dicatur priuatiue, videtur: quia vnum quod dicitur positue est principium multitudinis, & quantitatis: sed in Deo nulla est omnino quantitas, igitur nec vnum positue dicitur.

6. **I**TEM hoc ipsum videtur: quia si Deus est positue vnus, & lapis est vnus, videtur igitur quod lapis, & Deus sunt duo: igitur Deus & creatura constituunt numerum: & si hoc, Deus est pars numeri, quod supra improbatum est. Si dicis quod non sequitur, quia vnum non dicitur vniuersale, illud certe nihil est ut videtur, quia si aliquid ponit, cum illud etiam possit conuenire creaturæ, ad minus analogice, & secundum analogiam attendatur numeratio, ut cum dicitur humanitas, & albedo sunt duæ essentia: ergo hoc non soluit.

A **C**ONTRA: Ab eodem habet aliquid esse, & vnum quoniam forma, quæ dat esse, dat esse distinctum: si igitur ens non dicitur priuatiue, sed positue, pari ratione nec vnum de aliquo dicitur priuatiue.

ITEM quod sonat in complementum, sonat in habitum, non priuationem: sed vnum sonat in complementum, quia quanto aliquid perfectius, tanto magis accedit ad unitatem: igitur vnum non priuatiue dicitur.

ITEM si vnum est priuatiuum, constat quod non nisi respectu multitudinis. Sed contra: Nihil priuatio antecedit habitum naturaliter, sed vnum naturaliter antecedit multa: igitur vnum non est priuatio.

ITEM nulla priuatio constituit suum habitum, nec saluatur in illo: sed vnum saluatur in multis, & illa constituit: igitur non opponitur ut priuatio: igitur non accipitur priuatiue.

CONCLUSIO.

Vnum in Deo positue dicitur, & non priuatiue, quoniam immo, cum vbi sit vnum omnino secundum formam, solum de Deo positue dicitur.

RESP. ad Arg. Quod quorundam opinio fuit, & Magistri principij aliter, quod quidquid sit in creaturis de hoc nomine, *Vnum*, in Deo non dicitur positue, sed priuatiue, ut dicit in litera, & assumit auctoritatem ab Hilario, quamvis Hilarius nō dicat expresse, nisi quod horum nominum vsus in Deo inuentus est magis causa priuandi, quam aliquid ponendi. Et ratio sua fuit, quia vnum positue dictum est principium quantitatis, & numeri: Deus autem in se non habet quantitatem, nec in se est numerabilis, nec alij connumerabilis. Sed quamvis hæc positio probabilis habeatur, tamen communiter non tenetur. Et ratio huius est, quia cum vnū multo completius sit in Deo quam in creaturis, multo formalius ibi dicitur positue. Et rursus, cum omnis unitas ad primam unitatem reducatur, & non est reductio habitus ad priuationem, necesse est quod vnum in Deo aliquid ponat. Et propterea dicendum quod est loqui de hoc nomine *Vnus*, in creaturis, vel quantum ad rem intellectam, vel quantum ad rationem intelligendi. Si enim loquamur quantum ad rationem intelligendi, sic dico quod dicitur priuatiue: vnde & ratio eius assignatur per priuationem diuisionis, siue multitudinis: & hoc est quia vnum est primum, & prima non habent intelligi à nobis, & notificari nisi per posteriora, & inde est quod priuatiue dicitur vnū: unitas autem in substantia, quantitate, & qualitate, quia habet aliquid prius, per quod possit intelligi, dicitur positue, ut identitas, æqualitas, similitudo, & eorum opposita priuatiue. Si autem loquamur quantum ad rem intellectam, si vnum habet respectum ad materiam, & habet respectum ad formam. Ratione respectus ad materiam, est in se indiuisum, tamen potentia diuisibile, & quia potentia materialis se habet per modum priuationis, similiter & vnum. Ratione respectus ad formam, quæ dat esse distinctum, & limitatum, sic dicit positionem. Quoniam igitur in Deo est vnum omnino secundum formam, in creaturis attenditur & secundum formam, & secundum materiam, hinc est quod solum in Deo positue, in creaturis vero aliquando accipitur positue, aliquando priuatiue, secundum rem.

1. **A**D illud quod obicitur primo quod diffinitur siue notificatur priuatiue, patet responsio, quia secundum rationem sui nominis, eo quod primum, sic debet notificari.

2. **A**D illud quod obicitur secundo quod opponitur ut priuatio, dicendum quod vnum per respectum ad materiam accipitur priuatiue, & sic accipit Commentator. Per respectum ad formam contrarie accipitur secundum quod multitudo formaliter accipitur. Per respectum ad actum consequentem, qui est mensurare, accipitur relative, & secundum genus relatiuorum, in quo

vnum non dependet ab altero, sicut patet in scientia, & scibili, & sic diuersæ super hoc opiniones sunt veræ.

3. 4. 5. 6. Ad illud quod obiicitur quod in Deo non est principium numerandi, & c. dicendum quod vnum dicit priuationem multitudinis secundum generalem nominis rationem: sed illa priuatio, & si nomine tenus est priuatio, tamen realiter est positio: quia quanto magis est priuatio diuisionis in aliquo, tanto illud est completius, & perfectius: cum igitur in Deo sit perfectissima vnitas, ibi accipitur secundum omnimodam priuationem multitudinis: hoc autem modo dicitur vnum quod non habet actu multitudinem, nec est in potentia ad multitudinem, neque per diuisionem, neque per aggregationem. Hoc autem vnum est perfectissimum, & summum, & infinitum, & illud non est in potentia ad numerum, & hoc non est aliq. connumerabile, & hoc modo est in solo Deo. Et sic patet quod dicitur: Deus vnus positue, & quo modo differat vnitas eius à creatura.

Quod igitur obiicitur quod vnum est principium multitudinis dicendum quod verum est in vnitate creata: sed non est verum in vnitate perfecta, & increata, dico principium intra se sicut pars. Vnde non est verum si dicatur: Deus & creatura sunt duo, aut hoc improprie dictum est, & duo, cadit à ratione numeri secundum rem. Aut si dicat numerum, hoc est solum à parte intelligentis, quia cum intelligit diuersa, & distincta, accipit sub ratione numeri, sicut cum intelligit intellectus noster, concernit tempus.

QVÆSTIO II.

An Vnus, in diuinis secundum substantiam, vel secundum relationem dicatur.

Alexander Alensis 1. p. q. 65. Membr. 1.

Egid. Rom. 1. Sent. dist. 24. q. 4.

Richardus 1. Sent. dist. 24. q. 2.

Franciscus de Mayr. 1. Sent. dist. 24. & 25. q. 3.

Ioan. Bacon. 1. Sent. dist. 24. q. unica.

Marsilius Inguen. 1. Sent. q. 27. art. 3. dub. 1.

Petrus de Tarentas. 1. Sent. dist. 24. q. 3.

VTRVM vnus dicatur secundum substantiam, an secundum relationem. Quod secundum substantiam videtur, quia ens & vnum conuertuntur sicut vult Philosophus, & Boëtius: sed ens dicitur secundum substantiam, igitur & vnum.

2. **I**TEM hæc conceditur: Pater & Filius, & Spiritus sanctus sunt vnus Deus: sed si sunt vnus Deus, cum Deus non diminuat de ratione vnus: ergo sunt vnus. Sed nihil dicitur in summa de tribus singulariter, quod nõ dicatur substantialiter: igitur, & c. Si dicatur quod quãdo adiectiue tenetur, tunc non dicitur substantialiter.

CONTRA: Eadem est significatio termini quando tenetur substantiue, & quando tenetur adiectiue. **I**TEM cum substantiatur, in neutro genere dicitur substantialiter: cum igitur eadem sit significatio termini in masculino & in neutro, cum eadem sit impositio, igitur dicitur substantialiter in masculino. Præterea alia nomina in masculino dicuntur substantialiter, vt hoc nomen, *Aternus*. Vnde in Symbolo: Non tres æterni: sed vnus æternus: similiter ergo vnus.

3. **I**TEM cum dicitur: Pater est vnus, aut tenetur substantialiter, aut notionaliter. Si substantialiter: habeo propositum. Si notionaliter: sed Pater habet duas notiones: igitur non debet vnus dici, sed duo.

4. **I**TEM notio & proprietas sunt idem: igitur cum proprietas dicatur quod conuenit vni soli, nulla notio potest dici de tribus: sed hoc nomen, *vnus*, prædicatur de qualibet persona, igitur non dicitur notionem.

CONTRA: Regula est superius habita dist. 22. Omne quod prædicat substantiam vel essentiam, dicitur de tribus singulariter in summa: sed hoc non conuenit huic nomini *Vnus*: igitur, & c.

ITEM nihil pertinet ad essentiam, siue substantiam

A multiplicatur, siue plurificatur: sed hoc quod est *Vnus*, plurificatur, quia Pater est vnus, & Filius est vnus: & sunt duo, quia vnus, & vnus: ergo, & c.

ITEM idem est esse vnum, & esse distinctum: sed cum dicitur pater est distinctus: hoc quod est, *distinctus*, non dicitur substantialiter: igitur nec hoc quod est, *Vnus*.

ITEM respectu cuiuscunque termini est dicere alium in diuinis, ille terminus dicit relationem, vnde non dicitur alius Deus: sed respectu eius, quod est *Vnus*, est dicere alium. Nam Pater est vnus, & Filius est alius: ergo, & c.

CONCLUSIO.

Vnum in diuinis potest dici & secundum substantiam, si cum essentia concipiatur: & secundum relationem, si cum persona intelligatur.

RESP. Ad arg. Dicendum quod cum ratio vnitatis sit ratio distinctionis cum indiuisione, in diuinis autem ponamus essentiam distinctam ab aliis essentiis per se ipsam: & personam distingui ab aliis per proprietatem. Necesse est etiam in diuinis ponere & vnitatem essentialem, & personalem. Quoniam igitur persona non est aliud ab essentia: Vnitas essentia, & personæ non sunt duæ vnitates secundum rem, sed vna ratione differens. Ideo vnitas de hac & illa non dicitur æquiuoce, quoniam nec illi, nec isti imponitur specialiter: quia ergo concretum accipit specialem significationem ab abstracto: Hoc nomen, *vnus*, importat in diuinis vnitatem essentialem, & personalem. Et cum adiectiue tenetur, indifferenter importat vtramque: determinatur autem per adiunctum: cum enim additur termino essentiali, importat essentialem: cum additur termino notionali, importat personalem: cum autem substantiatur, necesse est quod seipso determinetur. Et ideo cum neutrum genus importet quod dicit sub indistinctione: in neutro conuenienter attributum est, siue appropriatum vnitati essentiali. In masculino vero, quia importat distinctionem, & suppositum certum, & quia dicit rationem producentis, appropriatum est vnitati personali. Et ideo patet quod sic non accipitur vt ens, neque vt conuertibile cum eo: sed solum in neutro. Patet etiam secundum quod ibi est fallacia figuræ dictionis ex mutatione istius termini, *vnus*: Quamvis enim non varietur significatio per substantiationem, neque per generis diuersitatem, potest tamen nihilominus diuersificari modus supponendi, maxime si vsus hoc facit, & ratio sit conueniens vsui.

1. 2. **A**D illud quod obiicitur quod æternus dicitur essentialiter, sed vnitas personaliter. Aliqui tamen dicunt quod hoc est speciale in hoc nomine, *vnus*: quia est nomen partitium, & habens in se articulum.

3. **A**D illud quod obiicitur, aut prædicat notionem, & c. dicendum quod prædicat notionem: sed attendendum quod non quamcunque, sed personalem, quæ facit esse vnum, & illa est vna in qualibet persona.

4. **A**D illud quod obiicitur, notio dicitur de vno, dicendum quod est significare notionem sub ratione pro vt per hoc nomen, *Paternitas*. Et communiter, vt per hoc nomen *Relatio*, *notio*, *vnitas* & *proprietas*, quæ idem dicunt sub rationibus diuersis: sensus est enim persona vna, id est vnica personali proprietate in se indistincta, & ab aliis distincta.

ARTICVLVS II.

Secundo principaliter queritur de nominibus pure numeralibus, vt sunt, *Duo*, & *Tres*, & c. Et circa hoc similiter queruntur duo. Primo, vtum dicantur positue, aut priuatiue. Secundo vtum dicantur secundum substantiam, aut secundum relationem.

QVÆSTIO I.

An nomina pure numeralia in diuinis positine vel priuatine dicantur.

Alexander Alensis 1.p.q.51.Membro 2.

S.Tho.1.p.q.13.art.1.

Egid.Rom.1.Sent.dist.24.q.2.

Richard.1.Sent.dist.24.art.2.q.1.

Stephanus Brulef.1.Sent.dist.24.q.3.

Petrus de Tarantaf.1.Sent. dist.24.q.5.

QUOD dicantur priuatine solum, videtur auctoritate Magistri qui dicit quod horum vsus magis est inductus causa priuandi, quam ponendi: & videtur per auctoritates aliorum firmari auctoritas Magistri. Dicit enim Boëtius in lib. de Trinit. Illud vere est vnum in quo nullus est numerus: sed in diuinis vnum est verissime, igitur in diuinis non est numerus: ergo isti termini in diuinis aut falso dicuntur, aut non prædicant numerum. Sed non dicunt aliud quam numerum si aliquid ponunt, igitur, &c.

2. ITEM per Isidor. dicitur: Numerus virtus est meritis, id est diuisionis secundum Etymologiam: sed in Deo non cadit diuisio: ergo numerus: igitur idem quod prius.

3. ITEM dicit Philosophus quod numerus est multitudo mensurata per vnum: sed in Deo non cadit mensuratio, cum ipse sit immensus, igitur, &c.

4. ITEM videtur hoc per rationem: A quocunque remouetur genus, & species: sed genus quantitatis remouetur a Deo: ergo, &c.

5. ITEM in quocunque est genus, necesse est ponere aliquam specierum, igitur si numerus est in Deo, vel ibi est trinaris, vel binarius, vel aliquis aliorum. Sed sancti omnes species negant, igitur & genus, igitur idem quod prius.

CONTRA: Si tantum priuatine, *Tres*, diceretur, quia non sunt vnus, vel duo, tunc igitur pari ratione posset dici: *Chimæra* sunt tres, quia non sunt vna, vel duæ: sed illud non dicitur, igitur, &c.

ITEM quod dicat numerum videtur. Eusebius dicit: In diuinis est numerus, sed non ordo. Sed si est ibi numerus, tunc contingit illum significare: & si hoc: ergo positine tenentur dictiones quæ illum significant.

ITEM Bernardus: Si vna est essentia, & tres personæ, quis numerum neget? quasi dicat nullus, igitur, &c.

ITEM hoc ipsum videtur ratione, quia discreta quantitas est maioris abstractionis, quam continua, igitur discretio magis quam duratio. Sed nomen dicens in diuinis durationem, dicit positine, vt æternus, igitur & nomen dicens discretionem.

ITEM in quocunque est ponere speciem positine, est ponere genus: sed in Deo est ponere Trinitatem, igitur & pluralitatem.

CONCLUSIO.

Nomina numeralia, ut duo, & tres, non tantum priuatine, ut censuit Magister, sed etiam positine in diuinis prædicantur.

RESP. Ad arg. Ad prædictorum intelligentiam, notandum quod positio Magistri fuit, quod huiusmodi nomina numeralia non poneret aliquid in diuinis, sed priuaret, sicut patet in litera. Et ratio huius positionis fuit, quia huiusmodi nomina si aliquid ponunt, vtique numerum ponunt: sed numerum non esse ponendum in diuinis, & ratio dicit, & auctoritas Sanctorum confirmat. Cum enim in diuinis non sit diuisio & separatio, non sit etiam aggregatio, non sit etiam mensuratio, & numerus separationem importat antecederet, & aggregationem & mensurationem consequenter, numerus in diuinis non est ponendus: ideo etiam dictiones numerales in diuinis

A non dicunt aliquid, sed magis priuant, maiorem scilicet numerum & minorem. Sed nec positio, nec ratio positionis videtur esse conueniens, si interius attédatur. Positio enim destruit seipsam. Ponit enim quod nomina designantia pluralitatem dicantur priuatine, similiter & nomina significatia vnitatem. Et si hæc sic inuicem opponuntur, vt vtrumque sit priuatio alterius, erit ibi circulario in notificando: & si vtrumque, alterius priuatio est, cum priuatio non sit priuationis, sed habitus: vtrūque aliquid ponit, & ita si dicuntur priuatine, dicuntur positine, & sic positio non est conueniens. Ratio similiter positionis non est conuenienter assumpta. Nam numerus importat distinctionem, & super hoc compositionem aggregationis: & quamvis in diuinis non sit aggregatio, nihilominus est distinctio, ideo numerus non simpliciter remouendus est a diuinis, sed numerus talis. Et Magister omnino remouet: ideo in positione sua defecit. Et in illo articulo communiter non tenetur a Magistris Parisien. Concedendum igitur quod huiusmodi nomina dicuntur positine, sicut probant rationes ad hoc inductæ. Et concedendum quod in diuinis aliquo modo est numerus, aliquo modo non. Nam secundum quod dicit distinctionem personalem secundum originem, sic dicendum est, numerum esse in diuinis: secundum autem quod aggregationem & diuisionem substantialem dicit, non est ponendus numerus in diuinis.

1. 2. 3. 4. Ex his patent obiecta. Nam rationes ad primam partem procedunt de numero, secundum eam acceptionem qua sumitur in istis inferioribus quantum ad conditiones prædictas. Vnde in sensu suo verum concludunt quod ibi non est numerus. Similiter rationes ad partem oppositam procedunt secundum quod numerus distinctionem certam importat, & hoc quidem est ponere in diuinis: & ideo verum concludunt in suo sensu. Vnde in diuinis negandum est, esse numerum simpliciter, sed concedendum est numerum esse personarum.

Ad illud tamen quod obiicitur de quantitate continua, & specie numeri, dicendum quod nec quantitas continua est in Deo, quia æternitas non est quantitas, nec Trinitas est species numeri.

QVÆSTIO II.

An item nomina numeralia in diuinis secundum substantiam, vel secundum relationem dicantur.

Alexander Alensis 1.p.q.52.Membro 1.

S. Thomas 1.p.q.13.art.2.

Et de Pot. q.7.art.4. & 5.

Richard.1.Sent.dist.24.art.2.q.3.

Steph. Brulef.1.Sent.dist.24.q.5.

Petrus de Tarantaf.1.Sent. dist.24.q.6.

VTRUM prædicta nomina dicantur in diuinis secundum substantiam, aut secundum relationem. Et quod secundum substantiam videtur, quia sicut dicit Boëtius, & Augustinus: Quantitas in substantiam transit: sed numerus quantitate non dicit: ergo transit in substantiam: ergo dictiones numerales secundum substantiam dicuntur.

2. ITEM omne nomen quod dicitur ad se, dicitur secundum substantiam: sed *Duo* & *Tres* est nomen quod dicitur ad se, non aliud: ergo dicuntur secundum substantiam.

3. ITEM cum dicitur. Pater, & Filius, & Spiritus sanctus sunt hoc, quod est, *tres*, aut dicitur notionaliter aut essentialiter. Non notionaliter, quia nulla est notio quæ communiter dicatur de tribus, igitur dicitur essentialiter.

4. ITEM notiones sunt quinque: sed termini numerales important pluralitatem notionum, igitur erit numerus quinaris in diuinis, igitur non tres, sed quinque sunt: sed hoc est falsum, igitur non dicuntur notionaliter: sed dicuntur essentialiter, siue substantialiter.

CONTRA: Omne nomen pertinens ad substantiam

Hanc sententiam sequitur Scot. & consentit S. Tho. in distinctione presenti.

Ad oppositum.

Boët. in lib. de Trin. Aug. 7. de Trin. c. 10. tom. 3.

Fundam

non

non dicitur pluraliter, sed singulariter: sed *Tres*, tantum dicitur pluraliter: ergo nullo modo dicitur secundum substantiam: ergo dicitur secundum relationem.

ITEM omne nomen substantiale prædicatur de qualibet persona: sed, *Tres*, de nulla persona prædicatur: ergo, &c.

ITEM si hoc nomen, *Tres*, secundum substantiam dicitur: ergo licet addere terminum substantialem: igitur possumus dicere tres Deos, vel tres substantias, quorum utrumque est contra fidem.

CONCLUSIO.

Nomina numeralia dicuntur in diuinis secundum relationem, & notiones important.

RESP. ad arg. Dicendum quod aliqui voluerunt dicere quod huiusmodi termini numerales nihil aliud dicant in Deo, quam hoc nomen personæ pluraliter. Vnde si dicatur: Personæ sunt tres, idem subiicitur, & prædicatur. Et ratio & modus intelligendi hic est, quia si ponerentur formæ esse ab æterno, sicut imponitur Platoni quod posuit, tunc plures essent, & in aliquo certo numero: sed numerus ille nec esset proprietas, nec passio consequens, sed ipsæ formæ numeratæ, & per hunc modum dicere *Tres* in diuinis, non est dicere nisi tres personas. Sed illud nõ oportet dicere quoniam si idẽ esset omnino, tunc videretur esse nugatio, si diceretur: *Tres personæ*, vna persona: & videretur nõ plus dici cū dicitur: *Tres* sunt personæ, quā personæ sunt personæ. Et propter hoc alius modus dicendi est quod huiusmodi termini numerales dicuntur secundum relationem, & important notiones. Et hoc patet, quia in diuinis importat distinctionem, distinctio autem est à proprietatibus. Vnde *Tres*, important proprietatem trium personarum in cōcreatione. Notio autem inquantū conuenit soli, dicitur esse proprietas: inquantum verò ab alio distinguit, dicitur esse vnitas. Vnde dicuntur personæ tres tribus proprietatibus distinctæ. Et si tu quæris, quid dicitur quando dicitur: *Tres* notiones, dicendum quod seipsis distinguuntur proprietates, ideo non dicit nisi notiones ipsas.

1. AD illud igitur quod obiicitur quod quantitas trāsit in substantiam, dicendum quod numerus in creaturis est quantitas, sed in Deo dicit relationem, & hoc patet sic. Distinctio in creaturis est per alicuius proprietatis, vel qualitatis appositionem, & ita per additionem: vbi autem additio, ibi limitatio: vbi limitatio, ibi vnus ab alio diuisio: & vbi hæc sunt, ibi aggregatio diuersorum, & mensuratio: & quia quantitatis est mensurare, ad distinctionem in inferioribus sequitur numerus, & est modus essendi consequens materiam cum forma. In diuinis autem est distinctio per originem, non per additionem alicuius, & ideo nulla additio, nulla limitatio: & vbi hoc non est, nec mensuratio, & ideo nec quantitas. Sed vbi origo, ibi habitudo & relatio, & ideo, in diuinis numerus non dicit quantitatem, sed magis relationem: sed quoniam relatio non transit in substantiam, igitur nec termini numerales.

2. AD illud quod obiicitur quod dicuntur ad se, dicendum quod nomen dici ad aliud, potest esse dupliciter. Vno modo intra, vel extra: vel implicite, vel explicite. Et illud nomen substantialiter dicitur quod non dicitur ad aliud, nec intra, nec extra, nec implicite, nec explicite. Sed terminus numeralis dicit relationem ad aliquid intra, quia importat distinctionem numeratorum, & implicat relationem.

3. AD illud quod obiicitur: Nulla notio dicitur de tribus, dicendum quod verum est, nulla notio determinata: sed commune ad notiones secundum rationem dicitur de tribus, vt hoc nomen *relatum*, & hoc nomen *distinctum*, & alia nomina consimilia.

4. AD illud quod obiicitur quod notiones sunt quinque, dicendum quod *Tres*, non quasunque notiones importat, sed solum personales. Illa enim notio quæ fa-

cit illam personam esse personam, & ab omnibus distinctam, illa dicitur vnitas personæ inquantum dat esse distinctum: & illa notio est vna vnus, sicut vna est vnitas vnus, & illæ sunt tantum tres: & ideo cum sint tres vnitates in tribus personis, hinc est quod personæ solummodo tres dicuntur.

ARTICVLVS III.

Tertio principaliter quæritur de differentia nominū numeralium, sicut est hoc nomen, *Trinus*, vel, *Trinitas*. Et circa hoc quærentur duo. Primo, vtrum huiusmodi nomina importent vnitatem. Secundo, dato quod sic, quæritur cuiusmodi sit illa vnitas quam important.

QVÆSTIO I.

An nomina numeralia vnitatem importent.

Alex. Alensis 1. p. q. 65. Membr. 2.

Richardus 1. Sent. dist. 24. art. 3. q. 2.

Franciscus de Mayr. 1. Sent. dist. 24. & 25. q. 4.

QVod importent vnitatem, videtur primo per etymologiam: Trinitas enim dicitur quasi trium vnitatis, similiter & trinus.

ITEM hoc videtur, quia in diuinis reperitur hoc nomen, *Trinitas*, sed non hoc nomen, *Trinarius*. Sed hæc duo eandem pluralitatem important: ergo hoc nomen, *Trinitas*, si recipiatur in diuinis, hoc non est ratione pluralitatis: ergo hoc nomen, *Trinitas*, vltra pluralitatem aliquid importat, & non nisi vnitatem: ergo, &c.

ITEM in diuinis recipitur hoc nomen, *Trinus*, sed non recipitur hoc nomen, *Triplex*: non enim dicitur Deus triplex, sicut dicitur multipliciter in litera: sed fides communiter dicit Deum trinum: igitur aliquid dicit vltra hoc, quod est triplex, sed non pluralitatem, igitur vnitatem.

ITEM Magister dicit supra: Trinitas est nomen quasi collectiuium: sed nomen collectiuium non tantum importat pluralitatem, sed etiam vnitatem: ergo, &c.

1. CONTRA: Ex tribus personis nihil vnum fit, sed ex pluribus vnitatibus creatis aliquid fit, siue resultat: ergo numerus in creaturis dictus, potius debet importare vnitatem quam in diuinis: sed cum dicitur in creaturis binarius vel trinarius, ita importat numerum quod nec vnitatem: ergo nec hoc nomen *Trinitas*, debet in diuinis importare.

2. ITEM si Trinus & Trinitas important pluralitatem & vnitatem, cum nullum nomen sit distinctum & indistinctum, nec habeat pluralitatem distinctionis, & vnitatem indistinctionis, de nullo nomine in diuinis poterit dici.

3. ITEM si vnitatem importat: ergo cum idem non debeat sibi copulari, male & nugatorie dicitur in hymno Confessorum in fine.

*Qui supra Cali residens cacumen,
Totius mundi machinam gubernat
Trinus & vnus.*

CONCLUSIO.

Nomina numeralia in diuinis important vnitatem & pluralitatem: non tamen sunt nomina collectiua, sed quasi collectiua, ut dicit Magister.

RESP. ad arg. Dicendum quod quia in diuinis singulari modo est numerus, scilicet ex distinctione suppositorum cum vnitatem formæ, speciali debuit exprimi nomine, quod simul dicit pluralitatem & vnitatem. Quia ergo huiusmodi nomina important pluralitatem & vnitatem, ideo sunt similia nominibus collectiuis. Sed quia vnitas collectiuorum est vnitas aggregationis quæ cō-

sequitur pluralitatem: hic autem est vnitas formæ quæ A non est pluralitatem consequens, ideo non est collectiuum tale nomen. Et ideo dicitur Magister quod est, quasi collectiuum. Et per hoc patet primum in contrarium. Concedendum ergo quod importat pluralitatem & vnitatem.

1. 2. Ad illud quod obiicitur, nullum nomen importat simul vnitatem, & pluralitatem, dicendum quod hoc verum est ratione formæ: sed cum sit vnum in forma, potest habere pluralitatem suppositorum, & hoc non est inconueniens vel impossibile.

3. Ad illud quod obiicitur de negatione, dicendum quod sicut hoc verbum, *cede*, habet intellectum huius verbi dandi & loci: sed cum dicitur *cede* locum cadit ab intellectu alterius: similiter in proposito, & similiter intelligendum de relatiuis cum dicitur: Filij Pater.

QVÆSTIO II.

An Vnitas importata per hoc nomen, Trinitas, vel Trinus, Essentia vel suppositi Vnitas sit.

S. Thom. 1. Sent. dist. 24. q. 1. art. 5.

Richardus 1. Sent. dist. 24. art. 3. q. 3.

Franciscus de Mayr. 1. Sent. dist. 24. q. 2. 25. q. 2.

Marfilus Inguen. 1. Sent. q. 27. art. 3. dub. 2.

Steph. Bru'ef. 1. Sent. dist. 24. q. 6.

Petrus de Tarantasi. 1. Sent. dist. 24. q. 4.

Gabriel Biel. 1. Sent. dist. 24. q. 2.

undamēta.

Cuiusmodi sit illa vnitas quam importat hoc nomen, *Trinitas* vel *Trinus*, vtrum videlicet suppositi vel essentia. Et quod essentia videtur: quia hoc quod est, *Trinitas*, dicitur de omnibus simul in singulari. Sed hoc conuenit solum termino importanti vnitatem substantialem: ergo, &c.

ITEM nulla vnitas est trium nisi essentia vel essentialis vnitas, sed Trinitas est trium vnitas: ergo hoc nomen, *Trinitas*, dicit essentialem vnitatem, pari ratione, & hoc nomen, *Trinus*.

ITEM nec hoc nomen, *Trinitas*, nec hoc nomen, *Trinus*, dicitur de persona: ergo non importat vnitatem personalem. Non enim hæc conceditur: Persona est trina, vel persona est Trinitas.

Ad opposi-
tum.

1. CONTRA: Huiusmodi nomina simul important vnitatem & pluralitatem: sed sola vnitas personæ est plurificabilis non essentia: ergo importat vnitatem personæ.

2. ITEM vnitas essentia prædicatur de Patre, sed neque hoc nomen, *Trinus*, neque hoc nomen, *Trinitas*, prædicatur de Patre: ergo, &c.

3. ITEM vnitas essentia prædicatur de essentia: sed nequaquam dicitur essentia diuina est trina, igitur non dicit vnitatem essentialem. Quæritur igitur quam vnitatem importent, & vtrum dicantur ista nomina secundum substantiam, an secundum relationem. Et cum dicantur de omnibus simul in singulari, videntur dici secundum substantiam: cum iterum non dicantur de aliquo sigillatim, non videntur dici secundum substantiam.

CONCLUSIO.

Nomen numerale quod est, Trinitas, significat vnitatem trium: non autem trinam vnitatem, vel vnum ter.

RESP. ad arg. Ad prædictorum intelligentiam, dicendum quod ad hoc conuenit dici quod hoc nomen, *Trinitas*, duplicem habet etymologiam: Vno modo Trinitas dicitur Vnitas ter, & sic nomen numerale cadit in eo vt complementum, & sic dicitur secundum relationem, sicut termini numerales: & vnitas quam importat, est vnitas personalis, non essentialis, quia illa plurificatur. Alia etymologia est, Trinitas est. Vnitas trium,

& tunc vnitas non numeratur, sed significatur vt communicabilis tribus: & quoniam hæc vnitas est essentialis, ideo importat vnitatem essentialem. Et hæc quidem etymologia absque dubio habet veritatem. Sed prima non videtur habere veritatem: Nam cum eadem significationem habeat Trinus & Trinitas, si illa est etymologia: Trinitas Vnitas ter, tunc trinus diceretur vnus ter. Hoc autem non potest dici de Deo, videlicet Ter vnus, cum tamen dicatur Trinus. Propter quod dicendum quod huiusmodi nomina important vnitatem formalem siue essentia, cum pluralitate suppositorum, & ideo habent quodam modo naturam termini substantialis in hoc, quod dicuntur de tribus singulariter: & termini numeralis in hoc quod dicuntur de nullo per se.

1. Ad illud quod obiicitur quod sola vnitas personæ est plurificabilis, dicendum quod Trinitas non importat pluralitatem circa vnitatem in recto, sed solum in obliquo, quod sit trium vel in tribus, & hoc est essentia.

2. Ad illud quod obiicitur quod vnitas essentia prædicatur de Patre, dicendum quod verum est, sed non ratione hac, qua plures in ea conueniunt: sicut animal prædicatur de homine non ea ratione qua diuersa specie in eo conueniunt: & quia Trinitas importat illam vnitatem vt in pluribus, ideo, &c.

3. Ad illud quod obiicitur quod non dicitur essentia trina, neque Trinitas trina, dicendum quod hoc nomen *Trinus*, importat vnitatem vt in concretionem, & ita vt inhaerentem pluribus. Et ideo de eo solo, dicitur quod importat vnitatem vt in concretionem; vt hoc nomen Deus, quod quidem supponit personas: & quia tale est hoc nomen, *Deus*, ideo conceditur: Deus est Trinus, non deitas est Trina: quia deitas non supponit personam, similiter nec hoc nomen, *Trinitas*, & sic patent obiecta.

DISTINCTIO XXV.

Quid significatur cum dicitur pluraliter: Tres personæ, vel duæ Personæ. Et cum dicitur singulariter: Alia est Persona Patris, alia Filij, alia Spiritus sancti.



RÆTERE A considerandum est, cum hoc nomen persona, vt prædictum est secundum substantiam dicatur, quæ sit intelligentia dicti cum pluraliter proferatur: Tres persona, vel duæ personæ: & cum dicitur: Alia est persona Patris, alia est persona Filij, alia est persona Spiritus sancti. Si enim in his locutionibus persona vocabulum essentia intelligentiam facit, plures essentias confiteri videmur, & ita plures deos. Si vero essentia significationem ibi non tenet, alia est huius nominis ratio, cum dicitur: Pater est persona, vel Filius est persona, & alia cum dicitur: Pater & Filius & Spiritus sanctus sunt tres personæ: & cum dicitur: Alia est persona Patris, alia Filij, & huiusmodi.

Quod videtur secundum essentiam dici: Alia est persona Patris, alia Filij, siue Tres personæ, vt cum dicitur: Pater est persona, Filius est persona.

Persona enim, vt supra ait August. ad se dicitur, & ideo est Deo esse personam quod esse: sicut idē est ei esse, quod Deum esse. Vnde manifeste colligitur quod essentiam diuinam prædicamus, dicentes: Pater est persona,

Filius

Filius est persona. Spiritus sanctus est persona, id est essentia diuina: & omnino unum & idem significatur nomine persona id est essentia diuina, cum dicitur: Pater est persona, & Filius est persona, quod significatur nomine Dei, cum dicitur: Pater est Deus, Filius est Deus. Ita etiam idem significatur, cum dicitur: Deus est Deus, & Deus est persona. Vtroque enim nomine essentia diuina intelligitur, quia utrumque secundum substantiam dicitur. Cum vero dicitur: Pater, & Filius & Spiritus sanctus sunt tres persona, quid nomine persona significamus, an essentiam? Hoc enim videtur, si supra posita verba Augusti diligenter scrutemur. Supra enim dixit quod ideo tres personas dicimus, quia id quod persona est, commune est tribus. Et item, quia Pater est persona, & Filius est persona, & Spiritus sanctus est persona, ideo tres persona dicuntur. Videtur ergo eandem tenere significationem hoc nomen Persona, cum dicitur: Tres persona, quam habet, cum dicitur: Pater est persona, Filius est persona, Spiritus sanctus est persona. Quia, ut ostendit Augustinus, hoc dicitur, id est, Tres persona propter illud, quia id quod persona est, commune est eis. Id ergo quod commune est eis, id est, Patri & Filio & Spiritui sancto, videtur significari nomine persona, cum dicitur: Tres persona.

Aliter etiam videtur posse ostendi, quod secundum essentiam dicatur etiam cum pluraliter profertur.

Aliter etiam videtur posse ostendi, quod ibi nomine persona significetur essentia, cum dicitur, Tres Personæ. Ut enim supra dixit Augustinus: Ea necessitate dicimus tres personas, ut responderemus querentibus quid Tres, vel quid Trium. Cum ergo queritur quid Tres, vel quid Trium, conuenienter respondetur, cum dicitur: Tres persona. At cum queritur, quid Tres, vel quid Trium, per quid de essentia queritur. Non enim inuenitur quid illi tres sint, nisi essentia. Si ergo questioni recte respondemus, oportet ut respondendo, essentiam significemus: alioquin non ostendemus quid tres sint. Si vero respondentes, essentiam significamus, ipsam essentiam persona nomine intelligimus, cum dicitur: Tres persona.

Opinio quorundam, qui putant essentiam significari nomine personæ, cum dicimus, Tres personas.

Quibusdam videtur quod nomine persona significetur essentia cum dicitur: Tres persona, propterea quia Augustus dicit ideo dici tres personas, quia commune est eis id quod est persona: ut sit talis intelligentia: Pater & Filius & Spiritus sanctus, sunt tres persona, id est, sunt tres id habentes commune quod est persona, id est, tres sunt quorum quisque est persona, id est, essentia. Sed quo modo iuxta hanc intelligentiam dicitur: Alia est persona Patris, alia Filij? Et hoc etiam ita volunt intelligere, scilicet, alius est Pater, & alius est Filius, id tamen commune habentes quod est persona. Et hoc confirmant auctoritate Augustini, qui in 7. lib. de Trinitate ait: Tres personas eiusdem essentia, vel tres personas unam essentiam dicimus. Tres autem personas ex eadem essentia non dicimus: quasi aliud ibi sit quod essentia est, aliud quod persona est. Hac auctoritate & premissis conantur asserere in predictis locutionibus nomen persona essentiam significare. Sed quid respondebunt ad id quod ipse Aug. in lib. de fide ad Petrum dicit, scilicet quod alius est Pater in persona siue personaliter, alius personaliter Filius, alius personaliter Spiritus sanctus? Quo modo enim alius personaliter

A Pater, alius personaliter Filius, alius personaliter Spiritus sanctus, si in esse personam, omnino conueniunt, id est, si persona essentia tantum intelligentiam facit? Ideo nobis videtur aliter hoc posse dici congruentius iuxta catholicorum Doctorum auctoritates.

Quod hoc nomen, Persona, tripliciter in Trinitate accipitur: & hæc est vtilis & catholica doctrina de persona & personis.

Sciendum est igitur quod hoc nomen Persona, multiplicem intelligentiam facit, non unam tantum. Et ut Hilarius ait in lib. 4. de Trinitate: Intelligentia dictorum ex causis est assumenda dicendi, quia non sermoni res, sed rei sermo subiectus est. Discernentes ergo dicendi causas huius nominis, scilicet, Persona, significationem distinguimus dicentes quod hoc nomen, scilicet, persona, proprie secundum substantiam dicitur, & essentiam significat, sicut supra ostendit Augustus, cum dicitur: Deus est persona, Pater est persona. Quadam tamen necessitate, ut supra dixit Augustus, translatum est hoc nomen, ut pluraliter diceretur: Tres persona, cum quareretur, quid Tres, vel quid Trium: ubi non significat essentiam, id est naturam diuinam qua communis est tribus personis, sed subsistentias vel hypostasises secundum Græcos. Græci quippe, ut supra dicit Augustinus, aliter accipiunt substantiam id est, hypostasim, aliter nos. Nos enim substantiam dicimus essentiam siue naturam: Personas autem dicimus, sicut illi dicunt, substantias, id est, hypostasises. Sic ergo nos ita accipimus personas, ut illi accipiunt substantias vel hypostasises, & illi aliter accipiunt hypostasises, quam nos substantiam: aliter ergo nos accipimus personas, quam substantiam. Cum ergo dicimus, Tres personas, non ibi persona nomine essentiam significamus. Quid ergo dicimus? Dicimus quia Tres persona sunt, id est, tres substantia, scilicet tres entes: pro quo Græci dicunt Tres hypostasises.

Ostendit, verba Augustini conuenire huic sententia.

Et hic sensus adiunatur ex verbis Augustini premissis, si interius intelligantur. Quia enim Pater est persona, id est, essentia, & Filius persona, & Spiritus sanctus persona: ideo dicuntur Tres persona, tres subsistentia, tres entes. Non enim possent dici tres subsistentia vel entes, nisi singulus eorum esset persona, id est, essentia. Quia ergo eis commune est id quod est persona, id est, essentia: ideo recte dicuntur Tres persona, id est, subsistentia vel subsistentes: ut sicut essentia qua est eis communis, vere ac proprie est: ita illi tres ac proprie subsistentia vel entes intelligantur. Ideoque Augustinus causas dictorum discernens, dicit Tres personas esse, unam essentiam, vel eiusdem essentia, non ex eadem essentia: ne aliud intelligatur ibi esse persona, aliud essentia. Tres enim persona, id est, subsistentia, una sunt essentia, & unus essentia, non autem sunt una persona, vel unus persona: licet persona secundum substantiam dicatur aliquando. Nam si hoc diceretur, confusio fieret in personis.

Obiectioni illorum hic respondet, qui nituntur probare personas secundum essentiam accipi: quia respondemus querentibus quid Tres, vel quid Trium.

Ad hoc autem quod illi dicunt, cum queritur, quid Tres, vel quid Trium, de essentia queritur, quia non inuenitur

quid illi Tres sint nisi essentia: per hoc volentes nos inducere ut nomine Persona essetiam intelligamus, cum respondemus: Tres personas, ita dicimus. Indubitabiliter verum est, quia non inuenitur unum al: quid quod illi Tres sint, nisi essentia. Vnum enim sunt illi Tres, id est, essentia diuina. Vnde Veritas ait: Ego & pater unum sumus. Veruntamen cum quaritur, quid Tres, vel quid Tria, non de essentia quaritur, nec ibi quid ad essentiam refertur. Sed cum fides catholica Tres esse profiteretur, sicut Ioannes in epistola canonica ait: Tres sunt qui testimonium perhibent in cælo: quarebatur quid illi Tres essent, id est, an essent Tres res, & quæ Tres res, & quo nomine illæ Tres res significarentur. Et ideo loquendi necessitate inuentum est hoc nomen, Persona, ad respondendum, ut dictum est: Tres persona.

Quid tres res, & quid vna res hic dicatur.

Non autem te moueat quod dicimus Tres res. Non enim hoc dicentes diuersarum rerum numerum ponimus in Trinitate, sed ita Tres res dicimus, ut easdem esse unam quandam summam rem confiteamur. Vnde August. in 1. lib. de doctrina Christiana sic ait: Res quibus fruendum est, nos beatos faciunt: Res ergo quibus fruendum est, sunt Pater & Filius & Spiritus sanctus. Eademque Trinitas una quadam summa res est, communisque fruentibus ea, si tamen res, & non rerum omnium causa sit. Non enim facile potest inueniri nomen, quod tanta excellentia conueniat: nisi quod melius dicitur: Trinitas hæc unus Deus. Sicut ergo Tres res dicuntur, & hæc sunt una res: ita Tres substantie dicuntur, & hæc sunt una essentia. Ecce ostensum est quæ sit intelligentia huius nominis, Persona, cum dicimus Tres personas.

Ex quo sensu dicatur: Alia est persona Patris, alia Filij alia Spiritus sancti.

Nunc inspiciamus, utrum secundum eandem rationem, & causam dicatur: Alia est persona Patris, alia Filij, alia Spiritus sancti. Quod utique sane intelligi potest, ut sit sensus talis: Alia est substantia vel hypostasis Patris, alia substantia Filij, alia substantia Spiritus sancti. Et alia substantia Pater, alia Filius, alia Spiritus sanctus.

Quo modo hæc intelligentur: Alius in persona Pater, alius Filius, alius Spiritus sanctus.

Deinde quaritur, utrum secundum eandem rationem accipiatur, cum dicitur: Alius est Pater in persona, alius in persona Filius, alius in persona Spiritus sanctus: siue, alius personaliter Pater, alius personaliter Filius, alius personaliter Spiritus sanctus. Ad quod dicimus, quia etsi possit eodem modo accipi, congruentius tamen ex ratione dicti alia variatur intelligentia, ut hic persona nomine proprietas persona intelligatur, ut sit sensus talis: Alius est in persona vel personaliter Pater, id est, proprietate sua Pater alius est quæ Filius, & Filius proprietate sua alius quam Pater: paterna enim proprietate distinguitur hypostasis Patris ab hypostasi Filij, & hypostasis Filij filiali proprietate discernitur à Patre, & Spiritus sanctus ab utroque processibili proprietate distinguitur.

Quo modo secundum hunc modum etiam in prædictis locutionibus potest accipi.

Hoc etiam modo sane potest accipi: persona in præmissis locutionibus cum dicitur. Alia est persona Patris, alia Filij, id est, alia est proprietas, qua Pater est Pa-

ter: alia qua Filius est Filius, alia qua Spiritus sanctus est Spiritus sanctus. Ita etiam nomine persona quidam proprietates intelligere volunt, cum dicuntur tres persona, sed melius est ut substantias vel hypostasies intelligamus, cum dicimus Tres personas. Ex prædictis quod colligitur nomen, Personæ, in Trinitate triplicem tenet rationem. Est enim ubi facit intelligentiam essentia, & est ubi facit intelligentiam hypostasis, & est ubi facit intelligentiam proprietatis.

Auctoritatibus Sanctorum ostenditur quod dictum est.

Quod autem secundum substantiam dicatur, & essentia aliquando significet, supra ex dictis Aug. aperte ostendimus. Quod vero pro hypostasi atque proprietate accipiatur, ex auctoritatibus Sanctorum ostendi oportet, ne coniecturis nostris aliquid ausi dicere videamur. De hoc Hieronymus in expositione fidei Catholica ad Damasum ita ait: Non est prorsus aliquis in Trinitate gradus, nihilque quod inferius superiusve dici possit, sed tota diuinitas sui perfectione aequalis est, ut exceptis vocabulis, qua proprietatem indicant personarum, quidquid de una persona dicitur de tribus possit dignissime intelligi. Atque ut confutantes Arrium, unam eandemque Trinitatis dicimus esse essentiam vel substantiam, & Deum unum in tribus personis fatemur: ita etiam impietatem Sabellij declinantes, Tres personas expressas sub proprietate distinguimus: non ipsum sibi Patrem, ipsum sibi Filium, ipsum sibi Spiritum sanctum esse dicentes, sed aliam Patris, aliam Filij, aliam Spiritus sancti esse personam. Non enim nomina tantummodo, sed etiam nominum proprietates, id est, personas, vel, ut Græci exprimunt, hypostasies, id est, substantias confitemur. Nec Pater Filij, vel Spiritus sancti personam aliquando excludit. Nec Filius, vel Spiritus sanctus Patris nomen, personamque recipit, sed Pater semper Pater, & Filius semper Filius, & Spiritus sanctus semper Spiritus sanctus. Itaque substantia unum sunt, sed personis ac nominibus distinguuntur: Ecce hic aperte dicit Hieronymus, proprietates esse personas, & personas esse substantias. Vnde manifestum fit quod diximus, scilicet persona nomine significari & hypostasim & proprietatem: Ioannes etiam Damascenus, personas dicit esse hypostasies, & eas dicit entes, ita inquit: In deitate unam naturam confitemur, & tres hypostasies secundum veritatem entes, id est, personas.

DISTINCT. XXV.

Quid significet hoc nomen, Persona.

Præterea considerandum quod cum hoc nomē, Persona, &c.

Expositio Textus.

SUPRA respondet Magister quid significetur per terminum numeralem cum dicitur: Tres personas, hic subdit quid significetur per istum terminum Persona. Et diuiditur hæc pars in duas. In prima quærit & opponit. In secunda soluit, ibi: Quibusdam videtur quod nomine Persona. Prima pars habet tres partes. In prima mouet dubitationem. In secunda opponit per auctoritatem August. ostendens quod dicitur secundum substantiam, ibi: Persona enim, ut supra Augustinus. Tercio opponit per rationem, ibi: Aliter etiam videtur posse ostendit quod nomine Persona: ubi monstrat illud idem. Similiter secunda pars, in qua soluit diuiditur in duas. In prima soluit secundum opinionem aliorum qui di-

cunt

cunt quod persona accipitur secundum essentiam, tamen relata ad suppositum. In secunda soluit secundam opinionem suam per distinctionem, ibi: *Sciendum est igitur quod hoc nomen, Persona, multiplicem intelligentiam facit.* Et hæc pars diuiditur in duas. In prima parte ostendit quo modo accipiat hoc nomen, *Persona*, in plurali. Secundo quo modo accipiat in singulari, cum dicitur: *Alius est Pater, alius est Filius*, ibi: *Nunc inspicimus utrum secundum eandem rationem.* Prima pars habet tres partes. In prima ponit distinctionem per quam soluit. In secunda confirmat per auctoritatem Augustini, ibi: *Et hic sensus adiunatur ex verbis.* In tertia ad objectionem respondet, ibi: *Ad hoc autem quod illi dicunt.* Similiter sequens pars habet tres partes. In prima determinat quo modo accipiat persona, cum dicitur: *Alia est persona Patris.* Secundo quo modo accipitur cum dicitur: *Alius est Pater in persona.* Tertio hoc confirmat auctoritatibus. Primum facit, ibi: *Nunc inspicimus*, & c. Secundum, ibi: *Deinde queritur, utrum secundum eandem rationem.* Tertium, ibi: *Quod autem secundum substantiam dicatur.*

Tres Persona, id est, Subsistentia. Dub. I.

Contrarium dicit Boëtius in libro de duabus naturis & vna Persona Christi, assignans differentiam inter subsistere, & substat, quod subsistit illud quod non indiget alio ad hoc quod sit. Substat vero quod subiectum aliis, ut esse valeat, subministrat. Videtur ergo quod subsistere sit idem quod essentia, ergo nullo modo potest dici quod sint plures subsistentia.

RESP. Dicendum quod Boëtius accipit ibi hoc nomen *Subsistentia*, secundum Marcum Tullium, prout accipit significationem secundum actum subsistendi, siue per se standi, & sic tantum vna est subsistentia. Sed nunc Doctores Scripturæ accipiunt prout magis importat respectum ad proprietatem cui subest, & sic plurificatur. Ratio autem huius est communis usus. Quia accipiunt substantiam pro natura rei: ideo pro supposito magis voluerunt accipere subsistentiam.

Tres Personas esse unam essentiam, vel eiusdem essentia, non ex eadem essentia. Dub. II.

Videtur hoc falsum. quia Pater generat Filium de sua substantia, & spirat Spiritum sanctum: ergo videtur quod omnes personæ sint de eadem substantia. Item queritur quare non conceditur ista: Personæ sunt ex eadem essentia, sicut conceditur ista: Personæ sunt eiusdem essentia. Et videtur quod debeat concedi. Quia *Ex*, dicit in diuinis habitudinem originis, & similiter genitiuus originem importat. Si tu dicas quod propter transitiones. CONTRA: Sicut præpositiones sunt transitivæ, ita & obliqui casus sunt transitivi. Præterea hæc recipitur: Personæ sunt in eadem essentia, & tamen hoc quod dico *In*, est præpositio.

RESP. Dicendum quod aliquando aliquid comparatur ad aliud, ut informans, siue denominans, & tamen non ponitur propter hoc diuersitas, siue distinctio vnius ad alterum: sic enim comparatur Deitas ad Deum: Alio modo comparatur aliquid ad aliud, sicut principium ad principiatum, & tunc de necessitate importatur distinctio. Quoniam ergo hæc præpositio *Ex*, importat habitudinem causæ, vel saltem principij: ideo de necessitate dicit distinctionem inter extrema: ideo hæc non potest esse vera quod personæ sint ex eadem essentia. Sed quia genitiuus non tantum construitur in ratione principij, immo ex vi declarationis essentia, cum dicitur: *Mulier egregiæ formæ*, ut dicit Priscianus: ideo cum genitiuo hæc est vera, Tres personæ sunt eiusdem essentia.

Tres res. Dub. III.

Accipit hoc ab Augustino in lib. 1. de doctrina Christi.

stiana. Et videtur male dicere, dicendo: Tres res, quia res est nomen absolutum, & generale: ergo videtur quod si aliquid dicat in diuinis quod dicat essentiam, siue substantiam: ergo sicut nullo modo accipitur, Tres essentia, ita nullo modo debet recipi, Tres res. Et si tu dicas: Tres entes, hic non est simile, quia ens est participium, & ita trahit numerum aliunde & non numeratur secundum formam propriam entitatis: res autem est nomen substantiuum. Si tu dicas mihi quod res nominat formam a parte animæ, vel istud nomen impositum est a parte animæ, & hoc nihil est, quia illa sunt nomina intentionum, & res diuiditur contra intentionem.

RESP. Dicendum quod res potest considerari tripliciter. Aut secundum proprietates, quas habet in propria natura: aut secundum modum, per quem fit apud animam: aut secundum proprietatem communem, quæ inest ei ab actibus animæ, qui sunt subiicere, & prædicare, componere, & diuidere: secundum hæc ergo triplicem acceptionem contingit rem tripliciter nominari. Vno modo per nomen, quod indicat existentiam a parte suæ naturæ, sicut dicitur album, & nigrum, & huiusmodi. Alio modo secundum quod anima accipit per modum entis, hoc modo nominat res. Vnde omne illud res dicitur quod anima cogitat, ut existens in natura. Alio modo contingit nominare per intentiones secundas, sicut dicitur, genus, species, subiectum, prædicatum. Quoniam ergo hoc nomen *Res*, dicit medium inter nomen quod dicit pure formam naturæ, & nomen quod dicit formam intentionis, ideo non tantum essentia conuenit, sed etiam personis: & ideo, Tres res, dicimus Tres personas, non sic tres essentias, & huic significationi adludit ipsum nomen: Res enim dicitur a reor reus, quod dicit actum a parte animæ: & alio modo res venit ab hoc quod est ratus quod dicit stabilitatem a parte naturæ: & sic res dicit stabilitatem, siue ratitudinem ex parte entitatis: Et sic patent obiecta, quia vno modo est nomen naturæ, alio modo est nomen rationis.

Non est prorsus aliquis in Trinitate gradus. Dub. IV.

Videtur hic Hieronymus dicere contra illud quod dicit Augustinus 9. Confess. Pater & Filius non differunt substantia, sed causa & gradu. Item in diuinis est substantia: igitur ibi est *Sub*, sed *Sub* dicitur relative ad superius, igitur ibi est *Sub*, & *Super*: ergo inferius, & superius, igitur gradus. Item, ubique est auctoritas, & subauctoritas, ibi est gradus: sed hæc est in Patre, & Filio: ergo, & c.

RESP. Dicendum sicut dicit Glossa: Non ascendas per gradus ad altare, & c. Per gradus ascendit ad altare, qui dicit Patrem maiorem Filio, & Filium Spiritu sancto sicut Arrius dixit. Vnde cum gradus de ratione sui nominis tollat personarum æqualitatem, ideo bene dicit Hieronymus quod non est prorsus in diuinitate gradus, nihilominus ponitur ordo. Differunt enim gradus & ordo, sicut punctus & vnitas. Nam punctus est substantia posita: ideo solum est in corporalibus. Vnitas vero est substantia non habens positionem, ideo est in spiritualibus. Sic gradus dicit superpositionem, vel loci, vel dignitatis. Ordo vero dicit habitudinem ad principium sine positione. Ad illud igitur quod dicit Augustinus: Dicendum quod improprie loquitur in utroque verbo, & causa sumitur ibi pro principio, gradus vero sumitur pro ordine. Ad illud quod obiicitur de *Sub*, dicendum quod *Sub*, in diuinis non dicit inferioritatem, sed solum habitudinem secundum rationem intelligendi. Ad illud quod obiicitur de auctoritate, dicendum quod verum est secundum quod auctoritas sonat in rationem dominij, quod ponit gradum: sed sic non est in diuinis, sed solum prout sonat in rationem principij: & hoc ponit ordinem in cognoscendo.

ARTICVLVS I.

AD intelligentiam huius partis duo principaliter quærentur. Primo quæritur de quidditate huius nominis, *Persona*. Secundo quæritur de communitate eiusdem. Quantum ad primum duo quærentur. Primo de persona secundum rem quid sit. Secundo quid sit secundum diffinitionem.

QVÆSTIO I.

An nomen Persona, secundum substantiam, vel secundum relationem in diuinis dicatur.

Alexander Alenf. 1. p. q. 56. Membro 1.

S. Thom. 1. p. q. 29. art. 4.

Et 1. Sent. dist. 23. q. 1. art. 3.

Et de Pot. q. 9. art. 4.

Scot. 1. Sent. dist. 25. q. 1.

Ægid. Rom. 1. Sent. dist. 23. q. 3.

Henricus in summa, art. 5. q. 4.

Richardus 1. Sent. dist. 23. q. 1.

Durandus 1. Sent. dist. 22. q. 1.

Franciscus de Mayr. 1. Sent. dist. 25. q. 4.

Marsilius Inguen. 1. Sent. q. 28. art. 1.

Gabr. Biel. 1. Sent. dist. 25. q. 1.

QUOD persona dicatur secundum substantiam, videtur ex verbis Aug. in 7. de Trin. Idem est Deo esse, & personam esse. Et iterum, cum dicimus personam patris, non aliud dicimus, quam substantiam patris: ergo persona dicitur secundum substantiam.

2. **ITEM** Anselm. in fine Mono. quot sunt personæ tot sunt substantiæ, igitur nomen personæ dicitur secundum substantiam.

3. **ITEM** Hugo de sancto Victore in lib. de Sacramentis, in prima parte libri tertij: Vnum solum nomen est substantiale quod de singulis dicitur singulariter. In summa tamen non dicitur singulariter, sed pluraliter pronuntiatur, vt persona: igitur hoc nomen, *persona*, est nomen substantiale.

4. **ITEM** Boëtius in lib. de duabus naturis, & vna persona Christi, personam diffiniens dicit, quod est rationalis naturæ substantia indiuidua: sed si substantia prædicatur in recto, & non per accidens, sed secundum se, tunc ergo persona dicit substantiam secundum omnes Doctores.

5. **ITEM** hoc ipsum videtur ratione. & hoc per diffinitionem. Boëtius enim venando diffinitionem personæ dicit, quod aut est substantia, aut accidens: & dicit quod non est accidens, ergo substantia. Si ergo persona in his inferioribus dicit substantiam, & quid per se existens, ergo & in Deo.

6. **ITEM** hoc ipsum videtur par eius absolutionem, quoniam omne nomen quod dicitur ad se, dicit substantiam in diuinis, quia tale non secundum relationem dicitur: sed hoc nomen, *persona*, est huiusmodi, vt patet. Et August. dicit 7. de Trin. Ad se quippe dicitur persona, vt bonus, magnus, &c.

7. **ITEM** hoc etiam videtur per Ecclesiæ responsionem, quia omne nomen quod conuenienter respondetur ad interrogationem factam per *quid*, indicat substantiam: quia *quid*, quærit substantiam: sed hoc nomen *persona* ab Ecclesiâ hæreticis responsum est quærentibus quid *Tres*, sicut dicit Augustinus & Magister: ergo indicat substantiam.

8. **ITEM** hoc ipsum videtur relationis abstractione. Intelligamus, quod nulla relatio sit in diuinis, & quod in vna sola hypostasi sit natura diuina, sicut intelligunt Gentiles: tunc contingit, quod adhuc est intelligere naturam intellectualem, & habentem illam: ergo & personam, & naturam: igitur si circumscripta omni relatione saluus est intellectus personæ: persona non dicitur secundum relationem: & dicitur secundum relationem, vel secundum substantiam, ergo dicitur secundum substantiam.

CONTRA: per Boëtium in lib. de Trinitate, in fine: Si personæ diuine sunt, necesse est vocabulum quod ex personis trahit originem, ad substantiam non pertinere. Si ergo quæ trahunt originem à personis non pertinent ad substantiam: multo fortius nec nomen personæ. Vnde Richardus de sancto Victore dicit quod persona idem est, quod per se existens, iuxta quendam singularis existentie modum naturæ rationalis: sed singularis existentie est relatio in diuinis, &c.

ITEM ratione videtur, quia omne nomen quod recipit multitudinem, vel plurificationem, pertinet ad relationem, quia secundum omnes substantia remanet indiuisa. Et Boëtius dicit quod substantia continet unitatem: relatio multiplicat Trinitatem: si ergo nomen personæ est multiplicabile, patet quod dicitur secundum relationem.

ITEM omne nomen de se importans distinctionem dicitur secundum relationem: sed nomen personæ importat distinctionem, quia persona est hypostasis proprietate distincta. Et Boëtius dicit quod est indiuidua, & indiuiduatio non est aliud, quam distinctio: ergo, &c.

CONCLUSIO.

Persona in diuinis dicitur secundum substantiam, & secundum relationem: principalius tamen secundum substantiam, quam secundum relationem.

C **R E S P.** Ad arg. Dicendum quod aliqui voluerunt soluere distinguendo significationem personæ secundum diuersitatem numeri, vt in singulari diceretur secundum substantiam, in plurali secundum relationem. Sed hæc solutio neque valet in se, neque valet ad propositum. In se quidem non valet: quia omne plurale geminat suum singulare, ergo non mutat significationem. Ad propositum non valet, quia dicitur in singulari: Alia persona patris, alia filij, quod dici non potest si esset terminus substantialis, cum non sit alia substantia patris, alia filij. Alij voluerunt per distinctionem significationem soluere secundum diuersa tempora, videlicet, quod ante responsionem Ecclesiæ diceretur substantialiter, & secundum substantiam, post responsionem diceretur secundum relationem. Sed hæc solutio non valet nec in se, nec ad propositum. In se non valet, quia Ecclesiâ aliqua ratione respondet magis illud nomen, quam aliud substantiale, & tunc non imposuit significationem: ergo responsio Ecclesiæ nihil facit ad mutationem significationis. Ad propositum non valet, quia secundum significationem, quam habet post responsionem Ecclesiæ, loquuntur Doctores, & currunt rationes ad vtramque partem. Et propterea est intelligendum, quod persona dicitur rationalis naturæ suppositum proprietate distinctum, secundum omnes qui intelligunt eius significationem specialem: sed suppositum rationalis naturæ constat esse substantiam: proprietatem distinguentem constat esse relationem: ergo cum persona vtrūque importet, scilicet suppositum, & proprietatem: Necesse est dici secundum substantiam, & secundum relationem. Et cum dicatur secundum substantiam, & secundum relationem, principalius dicitur secundum substantiam quantum est de generali, & primo nominis intellectu. Persona enim dicit suppositum certum substantiæ, siue in Deo, siue in creaturis. Et huic consonat modus dicendi à parte nominis. Sed quantum est de speciali, & ultimo nominis intellectu, quia dicit suppositum distinctum proprietate, quæ est relatio: dicitur in Deo secundum relationem. Et hinc est quod Sancti, & Doctores dicunt nomen personæ secundum substantiam dici, licet etiam secundum relationem dicatur. Sed obiciet aliquis: Cum isti modi, dici secundum substantiam, & dici secundum relationem, diuidant nomina diuina ex opposito, vt videtur, aut non poterunt inueniri

inueniri in eodem, aut illud nomē implicat in se opposita. Et propterea intelligendum sicut dicit Richardus de sancto Victore, dici secundum substantiam, est dupliciter. Aut indicando substantiam secundum naturam communē, & sic dicitur homo secundum substantiam. Aut indicando substantiam, vt suppositum certum, vt quidam homo. Primo modo dicere substantiam est dicere quid, secundo modo est dicere aliquem. Dico ergo quod nomen essentiae, vel substantiae dicitur secundum substantiam, quia indicat naturam communem: sed persona dicitur secundum substantiam, quia indicat suppositum certum, & distinctum. Natura autem communis non multiplicatur, nec refertur, & ideo quod dicit substantiam secundum naturam communem, ita dicitur ad se, quod nullo modo potest dici secundum relationem, & hoc quidem modo diuiditur ex opposito. Suppositum autem, siue hypostasis, natum est plurificari: & ad aliud comparari, & ita referri. Et quod sic dicitur secundum substantiam, nihil impedit ratione relationis superadditæ dici secundum relationem, & hoc vult dicere Richardus de sancto Victore.

1. 2. 3. 4. 5. 6. Patet ergo responsio ad obiecta secundum utramque partem. Concedendum est enim nomen, *Persona*, secundum substantiam dici, vt explicatum est, sicut dicunt sancti, & rationes probant. Ita enim intelligunt dici secundum substantiam. Concedendum est nihilominus dici relationem, licet non ita principaliter, sicut probant rationes sequentes, quoniam multitudo relationum plurificat ipsam personam.

7. Ad illud tamen quod obiicitur quod responderetur ad interrogationem factam per *Quid*, & ex hoc potest concludi quod non tantum dicit substantiam, vt suppositum, sed etiam, vt naturam communem: Dicendum quod *Quid*, aliquando quærit essentiam, supposito quid est quod per nomen dicitur, vt quid est homo: & quod responderetur ad hanc quæstionem indicat substantiam pure, & essentiam, quando est quæstio de substantia. Aliquando supposita voce indeterminate quærit quid per nomen dicitur, sicut si dicatur: Brunellus currit, & quæatur quid Brunellus, vtrum scilicet homo, vel alius. Aliquando supposita quidditate, & significatione, quærit de eo, respectu cuius dicitur nomen dependens, vt si dicatur albi currunt: & si quæatur quid albi, potest responderi: homines, vel alini, & hoc modo quæserunt hæretici quid *Tres*, quia beatus Ioannes dicit in Canonica: Tres sunt qui testimonium dant, &c. quæserunt quid *Tres*, cū sit adiectiuum, sine substantiuo, & tunc magis quærit suppositum quam essentiam: & ideo suppositum, est responsum, & sic per hoc nomen, *Persona*. Vnde Spiritu sancto suggerente peroptimè, & nobiliter, & catholice, sicut dicit Richardus, respondet Ecclesia, & valde bene: & instinctu Spiritus sancti, sicut dicit Richardus, magis respondet hoc nomen quam aliud. Sed tunc posset quæri, quare hæreticus non quæsiuit per hoc interrogatiuum, *Qui*, & videtur quod debuiſſet. Si enim quærebat de supposito, & qui quærit de supposito, debuit quære qui *Tres*. Et ad hoc est responsio quod qui quærit de supposito certo, siue reali, & de illo non quærebant, quia in eadem auctoritate subditur: Pater, Verbum, & Spiritus sanctus, sed quærebant de supposito respectu cuius hoc quod est *Tres*, significat inadiacentia: & ideo magis quæserunt quid *Tres*, quam qui *Tres*. Sic enim oportuit vnico nomine respondere, & ipsi hoc quærebant.

8. Ad vltimum argumentum quod non recte procedat, patebit melius infra, responsio. Tamen potest dici quod etsi intellectus personæ possit abstrahi ab hac proprietate determinate, tamen de suo generali intellectu, claudit intellectum proprietatis, & quia in diuinis proprietates est relatio: ideo de speciali intellectu claudit relationem. Vnde sicut hæc persona in diuinis, quæ est Pater, non potest abstrahi à paternitate, quæ est relatio personalis, salua sua personalitate, sic nec persona à

relationis intellectu in speciali. Et sic patet quod non sequitur quod dicatur secundum substantiam tantum.

QVÆSTIO II.

An Persona sit rationalis natura indiuidua substantia.

Alexander Avenensis 1. p. q. 56. Membrum 3.
S. Tho. 1. p. q. 29. art. 1.
Et 1. Sent. dist. 25. q. 1. art. 1.
Et de Pot. q. 9. art. 2.
Egidius Rom. 1. Sent. dist. 25. q. 3.
Richardus 1. Sent. dist. 25. q. 2. c. 3.
Thomas Argent. 1. Sent. dist. 23. q. 1. art. 1.
Steph. Brulef. 1. Sent. dist. 25. q. 2.
Petrus de Tarantasia. 1. Sent. dist. 25. q. 1.
Marfilus Ingen. 1. Sent. q. 128 art. 3. dub. 2.
Gabriel Biel. 1. Sent. dist. 23. q. 1.

DE hoc nomine, *Persona*, quid sit secundum diffinitionem, & diffinit eam Boëtius sic: Persona est rationalis naturæ indiuidua substantia, sed quod ista diffinitio sit conueniens diuinæ personæ, ostenditur per intentionem Auctoris: quia Boëtius intendit agere de persona Christi: constat autem personam Christi esse increatam: ergo intendit assignare rationem personæ diuinæ, siue increatæ.

ITEM quod hæc sit ratio in diuinis videtur. Nam in Deo constat ponendum esse suppositum incommunicabile, & hoc suppositum est substantia diuina, & hoc etiam est rationalis naturæ, & non conuenit ei nisi de quo dicitur persona: igitur est eius ratio, vt videtur.

1. CONTRA: Omnis diffinitio dicit aggregationem, cum constet ex pluribus, alioquin esset ibi nugatio. In simplici autem nulla est aggregatio: igitur nullum simplex est diffinibile, sed persona in diuinis est omnino simplex: ergo, &c.

Si dicas secundum quod dicunt aliqui quod quamvis sit simplex secundum rem, tamen non est simplex secundum rationem.

CONTRA: Aut illi rationi respondet aliquid in re, aut nihil. Si aliquid: ergo aliqua compositio est in re. Si nihil: ergo ratio omnino vana est, sed propter rationem vanam non est aliquid diffiniendum: ergo, &c.

2. ITEM ratione suarum partium non videtur conuenire diuinæ personæ. Nam rationale est differentia animalis: ergo cui non conuenit esse animal, non conuenit natura rationalis. Sed animal non conuenit Deo cum sit species corporis: ergo nec hoc quod est rationale.

3. ITEM videtur quod substantia non dicatur in recto de persona, quia multiplicato diffinito, necesse est multiplicare diffinitionem, & partes diffinitionis: ergo si persona est substantia, cum sint plures personæ, igitur plures substantiæ.

Si tu dicas quod substantia stat ibi pro hypostasi. Contra: Hypostasis dicitur substantia indiuidua, sicut dicit Boëtius: ergo sicut est nugatio, si diceretur: homo rationalis, sic & in prædicta notificatione. Quæritur ergo, vtrum hoc nomen, *Substantia*, stet pro communi, vel pro hypostasi.

4. ITEM videtur esse non conuertibilis. Nam anima hominis est naturæ rationalis substantia indiuidua: ergo, &c. Vltimo quæritur cum diuersæ sint diffinitiones, siue assignentur de persona, quo modo differant.

CONCLUSIO.

Persona est rationalis natura indiuidua substantia, est diffinitio, qua conuenit diuinis personis.

RESP. Ad Arg. Dicendum quod sicut patet ex intentione Auctoris, hæc diffinitio conuenit, & assignatur diuinæ personæ.

1. Ad illud vero quod obiicitur quod simplex non est diffinibile, dicunt aliqui quod dupliciter est aliquid diffinibile. Vno modo in recto & per differentiam dicentem positionem, vt cum dicitur: Homo est animal rationale, mortale: & hoc modo verum est quod diffinitio dicit ag-

gregationem, & compositionem, & hoc modo solum aggregatum est diffinibile. Alio modo contingit aliquid diffinire in obliquo, & per differentiam dicentem priuationem, vt cum dicitur simitas est curuitas nasi: & tunc non significatur substantia rei aggregari ex diuersis, quoniam quod ponitur in obliquo non intrat essentiam de necessitate. Vltius, differentiam priuans non ponit aliquam compositionem, siue appositionem, & talis est dicta ratio. Nam hoc quod est *rationalis natura* cadit in obliquo, & hæc differentia *indiuia* non ponit, sed priuat. Sed hæc responsio non potest stare. Primum quidem quia quod diffinitur per obliquum, aut diffinitur sicut accidens per substantiam, aut sicut per rem eiusdem generis: sed siue sic, siue sic, est ibi additio. Nam diffinitiones accidentium, sicut dicit Philosophus sunt ex additamento. Similiter si per rem eiusdem generis: tunc ergo intrat essentiam, & non dicit totam, cum sit pars diffinitionis: ergo necesse est illud quod apponitur aliquid addere secundum rem, & ita siue in recto, siue in obliquo necesse est dicere aggregationem. Et propterea dicendum aliter quod hæc ratio intellecta de persona creata, est notificatio dicens aggregationem. In Deo autem non dicit aggregationem secundum rem, sed secundum intelligendi rationem: quæ tamen non est vana, eo quod omnia quæ dicuntur in ratione personæ inveniuntur in Deo, licet non per diuersitatem, & hoc quidem potest intelligi sic. In creaturis specificatio per additionem complementem est, indiuiduatio per additionem, siue appositionem contrahentem. Et ideo cum dicitur *substantia indiuidua*, indiuiduum realiter addit supra substantiam, vnde & substantia indiuidua supra naturam: & ideo necesse est esse compositam personam in creatura. Sed indiuiduatio, vel distinctio est in Deo per solam originem. Et quia persona oritur seipsa, & ideo nulla est ibi additio, sed plurificatio, & per plurificationem distinctio, & indiuiduatio, & ideo nec *indiuia* addit supra substantiam, nec substantia supra naturam: ideo vere dicitur, & vera est ratio intelligendi: & notificatio ista conuenit personæ diuinæ, nec significatur in ea aliqua compositio, vnde tenet rationem cuiusdam notificationis, & cadit à ratione diffinitionis: quia nec Deus, nec diuina persona est diffinibilis, est tamen cognoscibilis & notificabilis.

2. Ad illud quod obiicitur de differentiis positis, siue de membris, dicendum quod rationale dicitur vno modo, quod habet potentiam discernendi bonum à malo, verum à falso, & sic Deo, & creaturæ conuenit. Alio modo quod habet potentiam discernendi per acquisitionem, & collationem & discursum, & hoc est animæ coniunctæ carni: & sic differentia talis, primo modo ponitur in diffinitione, sed secundo modo obiicit.

3. Ad illud quod obiicitur, substantia indiuidua dicitur in recto, dicendum quod numeratur, sicut persona, quia sicut dicit Anselmus, plures substantiæ sunt indiuiduæ, sicut plures personæ.

Ad illud quod quæritur, vtrum hoc nomen, *Substantia*, stet pro communi, aut pro hypostasi, consuevit dupliciter responderi. Primo modo quod substantia stet pro communi. Et si tu obiicis quod illa non indiuiduatur, dicunt quod differentia adueniens respicit substantiam ratione suppositi, & non ratione formæ, vt patet cum dicitur, indiuiduum animal. Hæc autem responsio non videtur conueniens, quia hoc nomen substantia secundum quod stat pro communi, non supponit personam. Vnde hæc est falsa: Essentia generat: Similiter hæc, substantia generat. Secundo modo dicitur quod ibi substantia tantum valet, quantum hypostasis, nec est nugatio. Nam indiuiduatio attenditur in persona quantum ad triplicem incommunicabilitatem, scilicet per prædicationem, & hæc conuenit hypostasi. Et per compositionem: quia non est alteri componibilis. Et per vñionem, prout aliquid vnitur digniori, Et ista differentia indiuidua dicit istas duas incommunitates.

Vnde patet quod non est ibi nugatio, patet etiam quod diffinitio est conuertibilis. Per istam duplicem incommunitatem excluditur anima hominis, quæ est alteri componibilis, & humana natura in Christo, quæ est vnita digniori. Sed tamen illud licet rationabiliter sit dictum, adhuc restat quæstio de hypostasi, quia hypostasis est substantia indiuidua. Quæritur similiter quomodo ibi accipiatur substantia, & non potest accipi nec pro communi, nec pro hypostasi. Et propter hoc dicitur tertio quod hoc nomen, *Substantia*, stat ibi secundum quod hoc nomen, *Substantia*, diuiditur in primam, & secundam, & ita in quadam communitate ad substantiam vniuersalem, & particularem, & illud colligunt ex verbis Boëtij, quando venatur diffinitionem personæ per prædictam diuisionem substantiæ, vt ibi patet. Vnde hoc nomen, *indiuia*, coarctat illam indifferentiam illius nominis substantia, vt stet pro substantia prima, & sic non est ibi nugatio, nec substantiæ communis indiuiduatio.

4. Ad illud quod vltimo quæritur de assignatione diffinitionum, dicendum quod persona diffinitur à Boëtio: Persona est rationalis naturæ indiuidua substantia. Richardus sic: Persona est intellectualis naturæ incommunicabilis existentia. Diffinitur etiam alio modo sic: Persona est existens per se iuxta singularem quandam rationalis existentie modum. A Magistris diffinitur sic: Persona est hypostasis distincta proprietate ad nobilitatem pertinente. Et notanda est differentia harum diffinitionum, quia Boëtius & Magistri diffiniunt personam, secundum quod communiter dicitur in Deo, & in creaturis: sed Boëtius magis considerat rationem rei: Magistri vero addunt rationem translationis. Diffinitio Boëtii fuit data, & videbatur improprietatem sonare, ideo posuit Richardus aliam magis per propria verba, & sic vsque ad quartam.

ARTICVLVS II.

Secundo quæritur de secundo articulo, scil. de communitate huius nominis, *Persona*. Et circa hoc quærentur duo. Primo quæritur, vtrum hoc nomen, *Persona*, sit vere commune personis increatis: secundo, vtrum sit commune vniucum personis creatis, & increatis.

QVÆSTIO I.

An nomen, *Persona*, sit commune personis increatis.

Alex. Alenf. 1. p. q. 56. Membro 4. art. 2.
S. Thom. 1. p. q. 30. art. 4.
Et 1. Sent. dist. 25. q. 1. art. 3.
Et de Potentia, q. 8. art. 3.
Ægid. Rom. 1. Sent. dist. 25. q. 1.
Richardus 1. Sent. dist. 25. q. 1. art. 1.
Thom. Arg. 1. Sent. dist. 28. q. 1. art. 2.
Marfilus Inguen. 1. Sent. q. 28. art. 2.
Steph. Brulef. 1. Sent. dist. 25. q. 4.
Petrus de Tarantaf. 1. Sent. dist. 25. q. 2.

Quod hoc nomen, *Persona*, sit vere commune personis increatis, ostenditur per Augustinum 7. de Trinitate. Ideo, inquit, dicuntur Tres personæ, quia commune est eis, quod est persona: sed constat quod ad plurificationem non sufficit communitas nominis solum: ergo vere est commune secundum rem.

Item hoc ipsum videtur ratione, quia omne nomen quod recipit supra se nomen distributivum, est vere commune ad illa in quæ distribuitur: sed tale est hoc nomen, *Persona*, ergo est commune ad tres.

Item omne quod secundum idem nomen est, & secundum eandem rationem dicitur de pluribus, est vere commune ad illa: sed persona est huiusmodi: ergo, &c.

Item cū dico: Pater est persona, hoc nomē. *Persona*,

prædica

Lib. de
bus nat
cap. 2.
Rich. lib
de Tr. c.

Fundan
cap. 4. in
tom. 3.

prædicatur: aut ergo tanquam ens de ratione Patris, aut tanquam accidentale. Constat quod non tanquam accidentale: ergo tanquam ens de ratione Patris: aut ergo dicit totum quod est Pater, aut non. Si totum, sicut ergo Pater prædicatur de solo Patre, ita & persona: quod falsum est: ergo non dicit totum: ergo in plus est hoc quod est persona, quam Pater: & in plus quod est de ratione Patris, & similiter de ratione Filij: ergo est vere commune.

1. CONTRA: Omne commune ad aliqua, quod numeratur in illis est vere vniuersale ad illa, maxime si non dicitur accidentaliter de illis: hoc patet, quia Augustinus dicebat supra quod non ob aliud essentia non est vniuersale, nisi quod non numeratur in singularibus. Si ergo persona est commune ad Tres, & vltius numeratur siue plurificatur in illis: ergo est vniuersale: ergo in diuinis est ponere vniuersale: quod est contra prædeterminata & contra Augustinum, qui vult quod in diuinis non sit vniuersale, nec particulare.

2. ITEM nihil est commune quod de sua ratione, & nomine priuat communitatem: sed persona dicit indiuiduum, siue incommunicabile de ratione sui nominis: ergo, &c.

3. ITEM omne quod dicitur secundum substantiam, & est commune, dicitur secundum substantiam commune: sed nihil quod dicitur secundum substantiam communem plurificatur: ergo persona non plurificatur. Constat autem quod plurificatur: & tamen dicitur secundum substantiam: ergo non dicit quid commune.

4. ITEM si dicit quid commune, aut nominis tantum: aut nominis, & rationis tantum: aut nominis, & rationis & rei: si tantum nominis, ergo est æquiuocatio: ergo non est commune: si tantum nominis, & rationis, ita quod nihil est commune in re, ergo est analogum: si vero nominis, & rationis, & rei: & communitas realis, vt vult Damascenus, non est nisi communitas substantiæ, & naturæ, & hæc nullo modo plurificatur: ergo hoc nomen, *Persona*, nullo modo potest esse commune.

CONCLUSIO.

Persona nomen est vere commune personis increatis: quia communitas cum sit diuersa ab ea quæ est diuina essentia, dicit communitatem priuationis, & proportionis.

RESP. Ad arg. Ad prædictorum intelligentiā est notandum quod persona absque dubio est communis tribus, & essentia communis: sed tamen alius modus communitatis est in essentia, & persona, & huius signum est quod plurificatur persona, non essentia: differentia autem communitatum differēter accipitur à diuersis. Quidam enim dicunt quod dupliciter contingit aliquid esse commune, scilicet secundum positionem, & secundum priuationem. Secundum positionem dicunt animal esse commune ad hominem, & asinum. Secundum priuationem vero, vt non animal est commune ad lapidem, & ad lignum, & dicunt quod communitas secundum positionem, est in natura, & essentia, & in nomine hoc significante. Communitas vero secundum priuationem est in persona, quia dicitur persona quasi incommunicabilis, id est, secundum priuationem communitatis. Alij dicunt quod duplex est communitas. Quædam secundum vnitatem naturæ absolutæ: quædam secundum similitudinem habitudinis comparatæ. Communitas secundum vnitatem naturæ absolutæ, est humanitas respectu Petri, & Pauli: quia vna natura vniuersalis reperitur in vtriusque. Communitas vero secundum similitudinem habitudinis relatæ, est illa quæ attenditur in consimili operatione, sicut modus regendi communis est naturæ ad regendam nauem, & doctoris ad regendas scholas, quia vterque non debet esse sorte, sed arte peritus. Et primus quidem modus attenditur in essentia. Secundus vero attenditur in persona. Nam persona dicitur quasi proprietate

distincta, & ita dicit habitudinem ad proprietatem, quæ consimilis est in qualibet personarum. Non enim dicitur quæ est de se vnam formam naturalem, nisi in obliquo: sed substantia siue essentia dicit formam, & naturam absolutam in qua communicant. Alij dicunt tertio modo quod duplex est communitas, rei scilicet & rationis. Rei, sicut vniuersale ad singularia. Rationis vero sicut aliqua intentio accepta ab anima secundum consimilem modum accipiendi: & sic hoc nomen indiuiduum est commune secundum rationem ad Petrum, & ad Paulum. Primo modo dicunt essentiam esse communem. Secundo modo dicunt esse communem personam. Quia hoc dicit persona in diuinis quod indiuiduum in creaturis. Omnes autem isti modi dicendi, si diligentius attendamus, conuenientes sunt, & sumpti sunt ex significatione huius nominis quod est persona, siue ex distinctione. Persona enim dicit incommunicabile secundum rationem, & hoc dicit priuationem communitatis. Persona vltius, quia incommunicabilitatem habet ratione eius quod subest proprietati distinguendi, dicit habitudinem ad proprietatem, sicut per nomen hypostasis. Rursus ex his habetur quod persona ponit circa suppositum, de quo dicitur intentionem subiiciendi, & non prædicandi de pluribus. Et ita patet quod de ratione sui nominis importat communicabilitatis priuationem, & intentionem rationis. Et quia communitas eius accipitur secundum rationem nominis, ideo importat communitatem secundum priuationem, & proportionem, siue analogiam, & rationem. Tamen inter omnes hos modos medius magis accedit ad naturam rei, quia re vera priuatio illa in persona magis est positio quam priuatio. Rursus nominis intentio fundamentum & radicem habet in re. Concedendæ ergo sunt rationes quod persona dicit commune in diuinis.

1. AD illud quod obiicitur quod plurificatur, iam patet responsio, quia vniuersale dicit communitatem secundum positionem & secundum vnitatem naturæ, & secundum rem, non solum secundum rationem: & quoniam persona hoc modo non importat communitatem, ideo non est vniuersale. Nihilominus tamen ratio non valet: quia vniuersale plurificatur, & vere numeratur propter veram additionem, propter quam contrahitur ad indiuiduum, & hic persona non addit supra essentiam, quoniam vt prædictum est, non est distinctio in diuinis per additionem, sed per originem: ideo persona nec vere numeratur, nec trahitur in partem illo modo quo vniuersale.

2. AD illud quod obiicitur quod priuat communitatem, dicendum quod illud quod priuat communitatem, non est commune secundum illam communitatem, quam priuat: sed persona priuat communitatem rei, sed non communitatem rationis, & secundum illam non est communis, sed secundum communitatem rationis.

3. AD illud quod obiicitur quod est commune, & dicitur secundum substantiam communem, dicendum quod hic est accidens, sicut hic est albus, & iste est monachus: ergo est albus monachus: ergo aliam rationem denominandi importat iste terminus albus in præmissa, & in conclusione. Sic recte dicendum de hoc termino, *Commune*, quia primo secundum habitudinem, secundo secundum naturæ vnitatem accipitur.

4. Quid queritur, aut est communitas rei, aut nominis, aut rationis, dicendum quod omnibus his modis: sed communitas realis duplex est, sicut visum est, scilicet secundum naturæ vnitatem, & secundum similem habitudinem, & primo modo loquitur Damascenus, & ideo patent cetera.

QVÆSTIO II.

An persona vniuoce dicatur de creatis, & increatis personis.

Alexander Alensis 1. 2. q. 56. Membr. 4. art. 1.

Egid. Rom. 1. Sent. dist. 25. q. 4.

Henricus in summa, art. 53. q. 3.

Richardus 1. Sent. dist. 25. art. 2. q. 2.

Tho. Arg. 1. Sent. dist. 25. q. 1. art. 2.

Marfilinus Inguen. 1. Sent. q. 28. art. 3.

Stephanus Brulef. 1. Sent. dist. 25. q. 3.

Petrus de Taranaf. 1. Sent. dist. 25. q. 3.

Vtrum hoc nomen. *Persona*, sit commune vniuo- cum creatis, & increatis personis. Quod sic, vide- tur: quia eadem est ratio, & idem nomen, *Persona*, secun- dum quod dicitur de his, & de illis.

2. **I**TEM hoc videtur, quia communitas personæ est communitas consimilis habitudinis: sed consimilis ha- bitudo quæ reperitur in Deo, reperitur & in creatura. Quia sicut Pater est suppositum diuinæ naturæ, ita Pe- trus humanæ: ergo, &c.

3. **I**TEM complementum rationis personæ consistit in incommunicabilitate: sed incommunicabilitas commu- nis est personis diuinis, & creaturis: ergo, &c.

CONTRA: Deus, & creaturæ summe distant: ergo ni- hil habent commune, ergo nihil vnicum.

ITEM persona est substantia: ergo quæ vniuoquantur in persona, vniuoquantur in substantia. Sed creator, & creatura non vniuoquantur in substantia, quia tunc Deus esset in genere: ergo nec in persona.

ITEM quæ vniuoquantur in aliquo, æqualiter sunt in illo: sed nihil participat æqualiter creatura cum Deo: ergo hoc ipsum quod est persona, non dicitur vniuoce de Deo, & creatura.

ITEM queritur de quo per prius dicatur persona. Et videtur quod per prius persona dicatur de creatura, quia inde translatum est ad diuinam. Contra: Natura intelle- ctualis, & substantia, & distinctio est in Deo per prius quam in creaturis, & non sunt plura de ratione perso- næ, ergo, &c.

CONCLUSIO.

Persona dicitur analogice de creatis atque increatis per- sonis: quia tamen analogia respicit res diuersorum gene- rum: in diuinis vero personis nequaquam. ideo ibi non est prius neque posterius.

RESP. Ad arg. Dicendum quod hoc nomen, *Persona*, sicut prius visum est: non dicit nisi communitatem ha- bitudinis, super quam fundatur communitas rationis. Quoniam ergo consimilis habitudo reperitur in perso- nis creatis, & increatis, hinc est quod hoc nomen, *Per- sona*, non dicitur æquiuoce, sed analogice. Sed atten- dendum quod communitas habitudinis potest esse per respectum ad res eiusdem generis, & tunc est vniuo- catio, & analogia secundum æqualitatem: ut Petrus est indiuiduum, & Paulus, & æqualiter conuenit eis ratio indiuidui. Potest etiam esse per comparisonem ad tres diuersorum generum: ut Petrus & albedo Petri, in hoc quod est esse indiuiduum, vniuntur: & per prius conue- nit ratio indiuidui Petro, quam eius albedini. Sic dicen- dum quod hoc nomen, *Persona*, dictum de personis di- uinis, quia dicitur secundum comparisonem rerum eiusdem naturæ, ideo analogice, & æqualiter, & ideo quodam modo vniuoce. Similiter cum dicitur de perso- nis creatis. Cum autem dicitur de personis creatis, & increatis, dicitur per comparisonem rerum diuersarum naturarum, & ideo per prius & per posterius. Et sic persona prius dicitur de personis creatis secundum no- men, sed secundum rem nominis per prius dicitur de personis increatis. Et quod queritur, vtrum persona sit communis personis creatis & increatis, dicendum

quod si dicatur commune vniuoce, non. Et rationes ad hoc concedendæ sunt.

1. QVOD ergo obiicitur quod eadem est ratio, &c. Dicendum quod non est eadem ratio, nisi secundum analogiam, quia longe nobilior, & aliter est natura intel- lectualis, & hypostasis, & distinctio, & proprietas in Deo, quam in creaturis.

2. AD illud quod obiicitur quod est habitudo consi- milis, dicendum quod non est similitudo æqualitatis, & præterea talis similitudo non facit vniuoocationem, sed analogiam solum.

3. AD illud quod obiicitur de incommunicabilitate, dicendum quod non est pura priuatio immo importat distinctionem: & cum alia ratio distinguendi distans multum ab illa sit in Deo, & hoc non tantum secun- dum rem, imo etiam secundum rationem rectam, intel- lectus non attribuit Deo modum distinguendi, qui competit compositis. Ideo nec ratione vniuoce est, sed solum analogum.

DISTINCT. XXVI.

De Proprietatibus Personarum, sed prius de hoc nomine, Hypostasis.



NUNC de proprietatibus personarum, quas frequenter in hoc Tractatu com- memorauimus, aliquid loqui nos oportet.

Sed primum audiamus quid de hoc no- mine, Hypostasis, Hieronym. dicat: Ait enim sub hoc nomine venenum latere. Sed hoc dicit secundum quod hæretici eo utebantur ut simplices seducerent, scilicet pro persona, & pro essentia, ut siue diceretur una tan- tū hypostasis, siue Tres, minus peritos ad inconueniens deducerent: cum non erat hoc nomen ita apud Catho- licos vulgatum, nec ita eius significatio determinata ut modo. Et ideo Hieronymus dicit hoc nomine non utendum fore sine distinctione vel expositione, tunc scilicet, quando cum hæreticis contendeatur, ita scri- bens de fide Catholica ad Damasum Papam: Ab Ar- rianorum præfule hypostation nouellum à me homi- ne Romano exigitur. Interrogamus, quid Tres hyposta- ses arbitrentur intelligi: Tres personas subsistentes, aiunt. Respondemus non ita credere. Non sufficit eis sensus: ipsum nomen efflagitant: quia nescio quid ve- neni in syllabis latet. Clamamus: Si quis tres hyposta- ses, id est, tres subsistentes personas non confitetur, ana- thema sit. Si quis autem hypostasim vsiam intelligens, non tribus personis unam hypostasim indicit, alienus à Christo est: qui scilicet tres hypostases dicens, sub nomine pietatis, tres naturas conatur asserere. Sufficiat nobis dicere unam substantiam, & Tres personas perfectas æquales: tacemus tres hypostases, si placet: Nomen hoc bona suspicionis est, cum in eodem verbo sensus dissen- tiunt. Aut si rectum putatis tres hypostases cum inter- pretationibus suis debere nos dicere, non negamus. Sed mihi credite, venenum sub melle latet. Transfigurat enim se angelus Satana in angelum lucis. His verbis non negat utendum esse nomine hypostasis, sed hære- ticos eo prauè vsos ostendit: contra quos cautela opus erat in distinctione significationis: Alioquin sibi con- tradiceret, qui supra tres Hypostases confitetur.

De proprietatibus personarum, & de nominibus earum relatiuis.

Iam de proprietatibus personarum videamus, quæ etiam notiones siue relationes in Scriptura plerunque dicuntur, in illa sancta Trinitate: quæ ideo à nobis reperitur, ut cordi nostro tenacius infigatur. Ait Aug. in libro de fide ad Petrum: Aliud est genuisse quam natum esse: aliudque est procedere quam genuisse, vel natum esse. Vnde manifestum est quod alius est Pater, alius Filius, alius Spiritus sanctus. Et est proprium solius Patris, non quia non est natus ipse: sed quia unum Filium genuerit: proprium solius Filij, non quia ipse non genuit: sed quia de Patris essentia natus est. Proprium vero Spiritus sancti est, non quia nec natus est ipse, nec genuit, sed quia solus de Patre filioque procedit. Ecce breuiter assignauit tres proprietates trium personarum: quarum una non est alia. Hoc enim significauit, cum dixit: Aliud est genuisse quam natum esse, aliudque procedere: id est, alia proprietas siue notio, est generatio: & alia natiuitas, alia processio, quæ aliis nominibus dicuntur paternitas, filiatio. Has proprietates designat nomina personarum, scil. Pater, Filius, & Spiritus sanctus. Quæ relatiua sunt: & ad se inuicem dicuntur, quia notant relationes. Quæ non sunt Deo accidentales, sed in ipsis personis ab æterno sunt immutabiliter, ut non modo appellationes sint relatiuæ, sed etiam relationes siue notiones in rebus ipsis, scil. in personis sint.

Quod non omnia quæ de Deo dicuntur, secundum substantiam dicuntur: quædam enim secundum relationem in dicuntur, nihil tamen secundum accidens.

Quocirca sciendum est, non omne quod dicitur de Deo, dici secundum substantiam, quia quædam dicuntur secundum relationem, quæ non est accidens, quia non est mutabilis. Vnde Aug. in 5. lib. de Trinitate ait: Nihil in Deo secundum accidens dicitur, quia nihil ei accidit. Nec tamen omne quod dicitur de Deo, secundum substantiam dicitur. In rebus creatis atque mutabilibus, quod non secundum substantiam dicitur, restat ut secundum accidens dicatur. In Deo autem nihil quidem secundum accidens dicitur, quia nihil in eo mutabile est aut amissibile: nec tamen omne quod dicitur de Deo, secundum substantiam dicitur. Dicitur enim ad aliquid, sicut Pater ad Filium, & Filius ad Patrem, quod non est accidens: quia & ille semper est Pater, & ille semper est Filius, & ita semper: quia semper natus est Filius, nec cepit unquam esse Filius. Quod si aliquando esse cepisset, aut aliquando desineret esse Filius, secundum accidens diceretur. Et quia Pater non dicitur pater, nisi ex eo quod est ei Filius: & Filius non dicitur Filius, nisi ex eo quod habet Patrem: non secundum substantiam hæc dicuntur, sed adinuicem ista dicuntur: neque tamen secundum accidens: quia & quod dicitur pater, & quod dicitur Filius, æternum atque incommutabile est eis. Ecce aperte his verbis ostenditur, quædam dici de Deo secundum substantiam quædam secundum relationem, nihil tamen secundum accidens. Ostenditur etiã proprietas Patris esse, quod habet Filium: & proprietas Filij, quod habet Patrem. Ideoque cum dixerit æternum & incommutabile esse quod ter dicitur, & quod Filius dicitur: ita intelligi voluit, id est, proprietas; quia Pater est Pater: & proprietas, quia Filius est Filius, æterna est & incommutabilis: quia & Pater semper Pater, & Filius semper Filius. Vnde &

A Hilarius proprietates personarum assignans in 12. lib. de Trinit. ait: Si semper Patris proprium est quod semper est Pater, necesse est semper Filio proprium esse quod semper est Filius. Vbi enim sæper Pater est, semper & Filius est: ergo qui non semper Pater est, non semper genuit. Item in eodem: Nato Deo manifestum est proprium esse quod Filius est.

Quare dicatur esse proprium Vnigeniti quod est Filius Dei, cum etiam homines sunt Filij Dei.

Hic quaritur, quo modo dicatur proprium nato Deo quod est Dei Filius vel genitus ex Deo: cum etiam homines Filij Dei dicantur, & fiant secundum illud: Filij excelsi omnes. Et ad Moysen de populo Israel Dominus ait: Filius meus primogenitus Israel. Sed magna est distantia Homines enim Filij Dei sunt factura, non natiuitatis proprietate: Deus autem Filius originis proprietate Filius est, & veritate natiuitatis, non factura vel adoptione: & illi quidem ante sunt, quam Filij Dei sint: sunt enim, non nascuntur Filij Dei: Vnde Hilarius solum Deum natum originis proprietate Dei filium ostendens, inter ipsum & homines filios Dei euidentissime distinguit in 12. lib. de Trinitate dicens: Vero Patri solus qui ex eo nascitur vere Filius est: & nos quidem Filij Dei sumus, sed per facturam. Fuimus enim aliquando Filij iracundia, sed filij Dei per adoptionem effecti sumus potius quam nascimur. Et quia omne quod fit antequam fiat, non fuit: nos cum Filij non fuisset, efficitur. Ante enim non filij eramus, sed per gratiam facti sumus, non nati neque generati, sed acquisiti: Acquisiuit enim nos Deus sibi, & per hoc dicitur nos genuisse. Genuisse enim Deum filius nunquam cum proprietatis significatione cognoscimus dici. Ex adoptione enim homo factus est Filius Dei, non ex generatione: neque ei proprietas est, sed nuncupatio: ac per id non vere Filius est, quia nec proprie natus dicitur, nec semper fuit Filius. Vnigenitus autem Deus nec fuit aliquando non Filius, nec fuit aliquid antequam filius, nec quidquam ipse nisi filius. Atque ita qui sæper est Filius, nascibilitatis proprietate ac veritate filius est eius solus, qui genuit, & ille tantum qui genuit, Pater ipsius est: quia sicut ille filius, origine, ita ille pater generatione.

Quod homo dicitur Filius Trinitatis, & Trinitas potest dici Pater hominum.

Homo vero, qui filius Dei est factura, non tantum Patris sed Filij, & Spiritus sancti Filius est, id est, totius Trinitatis: & Trinitas ipsa Pater eius dici potest. Vnde Aug. in 5. lib. de Tr. dicit: Non potest dici Trinitas Pater, nisi forte translatiue ad creaturam, propter adoptionem filiorum. Quod enim scriptum est: Audi Israel, Dominus Deus tuus Deus unus est: non utique excepto Filio aut Spiritu sancto oportet intelligi: quoniam unum dominum Deum nostrum recte dicimus, etiam Patrem nostrum, per gratiam suam nos regenerantem. De hoc etiam Hilarius in 6. lib. de Tr. ait: Omnibus per fidem Deus Pater est, quibus est Pater per eam fidem, qua Iesum Christum Dei Filium confitemur. Ecce ostensum est, quare proprium dicatur esse Dei nati, quod filius est, quia scilicet ipse solus natus proprie dicitur. Vnde Hilarius in lib. 3. de Trinitate ait: Dominus dicens, clarifica filium tuum, non solo nomine contestatus est se esse filium, sed & proprietate. Nos filij Dei sumus, sed non talis hic filius. Hic enim verus & proprius est filius origine, non adoptione: veritate, non nuncupatione: natiuitate, non creatione.

Circu

Psal.

Exod

Aug.

de no

adu

Man

paul

princ

habe

in se

Eph.

Inte

mul

verb

pon

apu

riur

Ca

De

Pa

me

lo

Quod

Quod Spiritus sanctus dicitur proprie donum Dei, quia proprietate est donum, ut Filius natiuitate: & utroque modo dicitur relatiue, & secundum eandem relationem.

Ita etiam de Spiritu sancto dicendum est, qui proprie dicitur donum Dei, cum tamen & alia plura sint dona Dei. Sed Spiritus sanctus ita proprietate immutabili & aeterna donum est, sicut Filius natiuitate est Filius. Eo enim dicitur donum, quo Spiritus sanctus, & utroque utique nomine relatiue dicitur: eademque relatione dicitur Spiritus sanctus & donum: licet ipsa relatio non ita appareat in hoc nomine, Spiritus sanctus, sicut in hoc nomine, donum. Vnde Augustinus in 5. lib. de Trinitate ait: Spiritus sanctus, qui non est Trinitas, sed in Trinitate intelligitur, in eo quod proprie dicitur Spiritus sanctus, relatiue dicitur, cum ad Patrem & Filium refertur: quia Spiritus sanctus & Patris & Filij Spiritus est. Sed ipsa relatio non apparet in hoc nomine, apparet autem cum dicitur donum Dei. Donum enim est Patris & Filij, quia à Patre procedit & à Filio. Ergo Spiritus sanctus ineffabilis quedam Patris Filijque communio est. Et ideo fortasse sic appellatur, ut iam diximus, nec iterare piget, quia Patri & Filio potest eadem appellatio conuenire. Nam hoc ipse proprie dicitur, quod illi communiter, quia etiam Pater Spiritus, & Filius Spiritus, & Pater sanctus, & Filius sanctus. Ut ergo ex nomine quod utrique conuenit, utriusque communio significetur, vocatur donum amborum Spiritus sanctus: Ecce habes quare Spiritus sanctus proprie dicatur donum, & quod relatiue dicitur, siue donum, siue Spiritus sanctus, & quod nomen sibi proprium tenet, quod communiter Patri & Filio conuenit, sed diuissim. Et est sciendum quod cum Pater vel Filius dicitur Spiritus, siue sanctus, neutrum relatiue dicitur, sed secundum substantiam.

An Pater, vel Filius: vel Trinitas ipsa possit dici Spiritus sanctus.

Hic queri potest, utrum Pater, vel Filius, vel etiam ipsa Trinitas possit dici Spiritus sanctus, sicut diuinitas dicitur Spiritus & sanctus. De hoc Augustinus in 5. lib. de Trin. sic ait: Trinitas nullo modo potest dici Filius: Spiritus uero sanctus potest quidem uniuersaliter dici, secundum id quod scriptum est: Quoniam Deus Spiritus est. Itaque Pater & Filius & Spiritus sanctus, quoniam unus Deus est, & utique Deus sanctus est, & Deus Spiritus est: potest appellari Trinitas, & Spiritus sanctus. Sed tamen tunc Spiritus sanctus relatiue non dicitur, sed secundum essentiam, quia proprie Spiritus sanctus, qui non est Trinitas, sed Trinitate dicitur relatiue.

Quidam putant, Spiritum sanctum non dici relatiue ad Patrem & Filium: quia non vicissim respondent sibi vocabula, sed falso.

Quidam tamen putant Spiritum sanctum, vel donum non dici relatiue ad Patrem vel ad Filium. Si enim, inquit, hac relatiue ad se dicuntur, suis inuicem sibi respondent vocabulis: ut sicut dicitur pater filij pater, & filius patris filius, ita dicatur Pater Spiritus sancti, vel doni Pater: & Spiritus sanctus vel donum patris spiritus vel donum. Sed non ita est in omnibus relatiuis. Non enim omnia quae relatiue dicuntur, suis ad se inuicem respondent vocabulis: Vnde Augustinus horum elidens opinionem, in 5. lib. de Trinitate. Non te moueat, inquit, quoniam diximus Spiritum

sanctum non ipsam Trinitatem: sed eum qui est in Trinitate, relatiue dici, licet non ei respondeat vicissim vocabulum eius ad quem refertur. Dicimus enim Spiritum sanctum Patris sed non vicissim dicimus Patrem Spiritus sancti, ne Filius eius intelligatur Spiritus sanctus. Item dicimus Spiritum sanctum Filij: sed non dicimus Filium Spiritus sancti, ne Pater eius intelligatur Spiritus sanctus. In multis enim relatiuis hoc contingit, ut non inueniatur vocabulum quo sibi vicissim respondeant. Cum ergo dicimus donum Patris & Filij, non quidem possumus dicere patrem doni aut filium doni: sed ut hac vicissim respondeant, dicimus donum donatoris, & donatorem doni: quia hic potuit inueniri visitatum vocabulum, illic non potuit. Donum ergo donatoris, & donator doni cum dicimus, relatiue utrumque ad inuicem dicimus: Donator tamen non fuit Deus, nisi ex tempore, cum Spiritus sanctus sit donum, & ab aeterno.

DISTINCTIO XXVI.

De his quae proprie, & aeternaliter dicuntur de Deo secundum relationem, siue proprietatem personalem, secundum quod ipsis personis assignatur.

Nunc de proprietatibus personarum quas frequenter, &c. Expositio Textus.

SUpra Magister multipliciter egit de his quae dicuntur de Deo secundum substantiam. Hic secundo agit de his quae dicuntur de eo secundum relationem. Diuiditur autem haec pars in duas. In prima agit de his quae dicuntur de Deo proprie, & aeternaliter. In secunda agit de his quae dicuntur de Deo proprie, & temporaliter, infra distinct. 30. Sunt enim quedam quae ex tempore. Prima pars iterum diuiditur in duas. Quia quedam sunt proprietates, siue relationes personales, & de his agit primo. Quedam non personales, & de his agit secundo, infra distinct. 28. Prater ea considerari oportet, quod non tantum tres, &c. Prima pars iterum diuiditur in duas. In prima assignat proprietates personarum secundum quod in personis assignantur. In secunda vero agit de ipsis secundum quod eas contingit diuersis nominibus exprimi: infra distinct. 27. Hic queri potest utrum proprietates, &c. Prima pars habet duas. In prima Magister assignat proprietates personarum. In secunda vero circa assignationem mouet dubitationem, ibi: Hic queritur, quo modo proprium dicatur esse nato, &c. Prima pars habet tres partes. In prima determinat quibus assignentur proprietates, quia hypostasibus. In secunda assignat quae sint illae proprietates, ibi: Iam de proprietatibus personarum videamus. Tertio ostendit quid sint illae proprietates, quoniam sunt relationes, siue dictae secundum relationem, non tamen secundum accidens, ibi: Quocirca sciendum est non omne, &c. Similiter secunda pars in qua mouet dubitationes iuxta praedictas assignationes, habet duas. In prima mouet dubitationes contra assignationem proprietatis Filij. In secunda contra assignationem proprietatis Spiritus sancti, ibi: Hic queri potest, utrum Pater. Prima pars habet duas. In prima proponit questionem, & soluit auctoritate Augustini, & Hilarij. In secunda illam solutionem applicat etiam circa proprietatem Spiritus sancti quae est donum, ibi: Ita etiam de Spiritu sancto dicendum est. Similiter secunda pars habet duas partes. In prima querit, & soluit. In secunda quorundam positionem improbat. Primum facit, ibi: Hic queri potest, utrum Pater, &c. Secundum facit, ibi: Quidam tamen putant Spiritum sanctum.

Ab Arrianorum presule hypostafion nouellum nomen à me homine Romano existitur. Dub. I.

Obiicitur, si est nouellum nomen, cum Apostolus dicat ad Timotheum, vtrum nouitates esse vitandas, nullo modo debuit concedere. Præterea Damas. Dicit quod hypostasis est substantia cum accidentibus: sed in diuinis non cadit accidens, igitur nec nomen hypostasis, igitur, &c.

RESP. Dicendum quod nouitas vno modo sonat in vitium, alio modo non. Quando est talis adinuentio, quod sententiam etiam facit quæ non habet ortum ex veritate antiqua, tunc est vere nouellum, & sic dicit Apostolus esse fugiendum, vnde addit prophanas: sed illud verbum quantum ad intellectum sanum, non erat nouum, sed quantum ad intellectum quem hæretici supponebant. Quod obiicitur de auctoritate Damasceni, dicendum quod nomen hypostasis de se non importat respectum ad accidens, sed solum ad proprietatem distinguentem, quæ quia in creaturis est accidens, ideo dicit subiectum cum accidentibus, non sic autem est in Deo.

Venenum sub melle later, &c. Dub. II.

Obiicitur, quia cum hoc non dicat nisi per errorem coniunctum, videtur, quod talia nomina omnino essent fugienda.

RESP. Dicendum quod venenum non latebat sub nomine, sed sub eorum intentione, siue occasione, qui ex hoc occasionaliter volebant inducere in hæresim. Vel potest dici, quod venenum latebat non quantum ad significationem, sed propter dubitationem: ideo nunc cum determinata sit eius significatio, absque dubio est tenendum.

Aliud est gennisse, quam natum esse. Dub. III.

Videtur maledicere, quia cum aliud, dicat diuersitatem in essentia, secundum hoc, quod generatio actiua & natiuitas differant per essentiam, quod est contra fidem.

RESP. Dicendum quod aliud non dicit ibi diuersitatem à parte rei absolutæ, sed per comparisonem ad dicentem & intelligentem, quasi dicat aliud est intelligere, siue dicere, patrem generare, & huiusmodi: & huic alietati non subest diuersitas essentia, sed alietas proprietatis.

Et est proprium solius patris, non quia non est natus ipse. Dub. IV.

Videtur dicere contra illud, quod dicitur infra dist. 28. vbi dicitur quod hoc, quod est, ingenuus, est proprium patris, sed ingenuus non est aliud dicere, quam non genitum.

RESP. quod Aug. loquitur de hoc quod est, non natus, secundum quod dicit putam negationem, & sic non dicit proprietatem. Ingenuus enim prout est proprietas, non est pura negatio.

Nihil in Deo secundum accidens dicitur, quia nihil est in Deo mutabile, aut amissibile. Dub. V.

Videtur ista ratio non valere, quia aliqua sunt accidentia inseparabilia, & talia non sunt amissibilia.

RESP. Dicendum, sicut ipse Augustinus dicit, omne accidens aut est per suam naturam mutabile, aut amissibile, aut potest circa subiectum suum intendi, vel remitti. Et ipse non dicit quod sit accidens tantum, quia potest amitti, sed quia potuit ad-

A uenire rei prius existenti, vel recedere à re iam existente, vel saltem intendi, vel remitti, siue variari. Et si tu obiicias, quod accidentia non possunt variari, secundum Boetium, verum est de alteratione à subiecto in subiectum, tamen certum est, quod in eodem intenduntur, & remittuntur. Aliter potest dici quod accidens potest comparari ad subiectum primum, & ad subiectum proximum. Et habito respectu ad subiectum primum, omne accidens dicitur adueniens, quod est possibile etiam abesse, quamvis non respectu subiecti, quod est subiectum, & causa. Tertius modus dicendi est iste, quod id solum est per naturam immutabile, quod est omnino simplex. Si igitur Deus est omnino immutabilis, igitur est omnino simplex: & in nullo simplici est accidens: igitur in nullo immutabili accidens est ponere. Si igitur pater est immutabilis, & in eo est paternitas, igitur non est accidens.

Homines enim filij Dei sunt factura. Dub. VI.

Obiicitur, quod secundum illum modum dicendi, cum asinus sit factus, videtur quod possit dici Dei filius. Et similiter quod arca, quæ facta est ab artifice, possit dici filia artificis, quorum neutrum conceditur. Si tu dicas quod oportet, quod sit ad imaginem Dei factus: Contra: Diabolus est ad imaginem Dei factus, igitur Diabolus est filius Dei.

RESP. Dicendum quod hoc quod dico, filius, duo dicit, scilicet ortum, & imitationem. Dicendum igitur, quod est imitatio per omnimodam assimilationem, & sic filius naturalis imitatur patrem: & quia non habet socium in imitando, sic ideo solus ipse est filius naturalis. Et iterum est imitatio expressa, & hæc consistit in imagine, & hæc tenet adhuc rationem filij, & facturæ. Est iterum imitatio longinqua, & hæc tenet tantum rationem facturæ, non filij. Sed attendendum est quod imitatio expressa, vt consistit in sua conditione, aut est insignita vltius sua perfectione, & decore, aut est priuata honore, & deformata à sua conditione. Primo modo dicitur filius factura. Secundo modo filius factura & adoptione. Tertio neutro modo dicitur filius, nisi valde improprie, & cum additione ditrahente: quia Dominus dicit, peccatores habere patrem diabolum, propterea quod à Deo recedunt, & imitantur eum.

Hic enim verus & proprius est Filius origine. Dub. VII.

Ponit tres proprietates nominum, quibus Deus Filius Dei est, scilicet originem, veritatem, & natiuitatem: quæritur ergo de distinctione illorum nominum, dicendum quod tria dicit ad excludendum tres hæreses.

Contra Fotinum dicit, origine, non adoptione: quia Fotinus dicebat Christum esse filium Dei adoptiuum. Contra Sabellium dicit, veritate, non nuncupatione, quia ipse dicebat quod idem ipse primo Pater nuncupabatur, postea filius. Contra Arrium dicit, nuncupatione, non creatione, quia Arrius dicebat esse Dei Filium creaturam.

Sed eum qui est in Trinitate relatiue dici, licet non ei respondet vicissim vocabulum. Dub. VIII.

Videtur hoc falsum, quia proprium est relatiuorum dici ad conuertentiam: ergo si non dicuntur ad conuertentiam, non dicuntur relatiue.

RESP. dicendum quod illud verum est, si nomen impositum est vtrique extremo: alioquin si deficit ex vna parte, non dicitur: vt si dicatur remus nanis. Similiter vult dicere Aug. sub istis nominibus: Pater & Filius non referuntur ad Spiritum sanctum. Sed tamen vbi deficient nomina, decet fingere: sed in diuinis melius est tacere, quam fingere propter vitandum errorem.

Quia hic potuit inueniri vsitatum vocabulum : illic non potuit. Dub. I X.

Videtur hoc falsum, quia ita bene spirator dicitur ad Spiritum, sicut donator ad donum.

RESP. Vnus modus dicendi est quod Augustinus non loquitur simpliciter de hoc nomine, *Spiritus*: sed de hoc toto, *Spiritus sanctus*: Vel aliter, hoc dicit, quia spirator tunc non erat nomen vsitatum, vt donator.

Donator tamen non fuit Deus, nisi ex tempore. Dub. X.

Obiicitur, quia secundum hoc nec donum dicitur nisi ex tempore, cum relatiua sint simul natura.

Ad hoc dicendum quod potest dici ab actu donandi, vel ab habitu. Primo modo dicitur solum ex tempore, & sic donum. Secundo dicitur ab æterno.

ARTICVLVS I.

AD intelligentiam eorum, quæ in ista distinctione dicuntur, quatuor quærentur. Primo vtrum in diuinis sit ponere proprietates personarum. Secundo, dato quod sic: Quæritur quid sint illæ proprietates. Tertio, quæritur quis sit actus ipsarum. Quarto & vltimo, quæritur de numero ipsarum.

QVÆSTIO I.

An in diuinis ponenda sint proprietates personales.

Alexander Alensis 1. p. q. 58. Membro 1.

S. Thom. 1. p. q. 40. art. 1.

Et 1. Sentent. dist. 26. q. 2. art. 1.

Egid. Rom. 1. Sent. dist. 26. q. 1.

Richard. 1. Sent. dist. 26. q. 1.

Marsilius Inguen. 1. Sent. q. 29. art. 1.

Petrus de Tarantaf. 1. Sent. dist. 26. q. 1.

QUOD in diuinis sit ponere proprietates personarum, non solum vocaliter, sed etiam realiter, ostenditur sic: Hieronymus dicit, & habetur in fine præcedentis dist. Non tantum nomina, sed etiam nominum proprietates confitemur: ergo, &c.

ITEM Augustinus dicit in lib. de fide ad Petrum: Proprium est Patris quod vnum filium genuit: ergo à coniugatis, generatio est proprietas Patris: sed constat quod generatio realiter est in Deo, & constat quod conuenit soli Patri: ergo secundum rem est proprietas Patris.

ITEM proprietatis est distinguere: ergo vbi est vera distinctio, ibi est vera proprietas, sed in diuinis est vera distinctio: vnde per Damascenum: Differentiam hypostaseon, id est, personarum in tribus proprietatibus, paternali, filiali, & processibili cognoscimus.

ITEM hoc ipsum videtur ratione, quia sicut est alius modus quærendi de essentia, & persona, ita est alius modus quærendi de essentia & proprietate. De essentia enim quæritur per *Quid*, de proprietate per, *Quo modo*, se habet: ergo sicut ponitur essentia in diuinis, & persona secundum veritatem, ita debet poni proprietas.

ITEM supra probatum est quod differunt generatio, & processio realiter, alioquin non differrent personæ: ergo generatio, & spiratio differunt realiter: sed tam generatio, quam spiratio est in vna persona non multiplicata, vt est in persona patris: ergo cum persona sit realiter vna, & proprietates realiter plures: ergo est ponere proprietates realiter in diuinis differentes: sed non differentia essentiali, nec personali, cum sint in eadem persona: ergo notionali. Quod si non differunt generatio, & spiratio, sicut hæc est vera: Pater spirat Spiritum sanctum: & hæc, Pater generat Spiritum sanctum, & tunc sequeretur quod Spiritus sanctus esset Filius.

ITEM Pater, & Filius sunt vnum principium Spi-

ritus sancti, hoc supra probatum est, & est ratio in promptu, quia vnus omnino est qui spiratur. Et hoc quod est, *Vnum*, dicit vnitatem, non essentiam, nec personam: ergo oportet, quod proprietatis: & si hoc, necesse est poni proprietates in diuinis realiter, non nominaliter, nec tantum in voce.

ITEM in Patre est paternitas, & innascibilitas: aut ergo eadem proprietas, aut alia. Si eadem proprietas: ergo & relatio eadem: sed secundum paternitatem refertur ad filium: ergo & secundum innascibilitatem: sed hoc est falsum, igitur alia: & persona est vna: ergo necesse est ponere proprietates in diuinis personis, etiam realiter differentes.

1. CONTRA: per Hilarium de Trinit. Pater, & Filius, & Spiritus sanctus solis differunt nominibus: igitur si differunt solis nominibus, non sunt ibi reales proprietates, sed vocales.

2. ITEM Damascenus dicit in lib. 1. Oportet scire quod aliud est differre re, aliud ratione: & dicit quod in creaturis est differentia re, & conuenientia ratione: sed in diuinis econtrario: cum ergo sit distinctio secundum proprietates, videtur igitur quod sint ibi solum secundum modum loquendi, vel intelligendi, non à parte rei.

3. ITEM hoc ipsum videtur ratione, quia in summo simplici non cadit differentia aliqua: sed diuina persona est summe simplex. Aut igitur ibi non est proprietas, aut solo modo loquendi: ergo, &c.

4. ITEM ita simplex est persona, sicut essentia: sed proprietates essentiae non differunt nisi solo modo loquendi, non secundum rem: ergo similiter proprietates personarum.

5. ITEM diuina essentia propter summam simplicitatem seipsa refertur ad creaturam: & ideo relatio essentialis solo modo loquendi differt ab essentia, vt cum dicitur, *Dominus*, omnino enim in substantiam transit: ergo pari ratione persona seipsa refertur ad personam.

6. ITEM creatura propter essentialem comparisonem ad suum principium, seipsa refertur ad suum Creatorem. Alioquin inter creaturam, & Creatorem caderet medium, quod non esset nec creatura, neque Creator: ergo si multo essentialior est comparatio personarum ad personam: ergo seipsa refertur: & si hoc, igitur videtur quod ipsa proprietas, vel relatio non differat nisi solo modo loquendi, à persona.

CONCLUSIO.

Proprietates personales non solum secundum vocem sunt in diuinis, sed realiter à se inuicem, & personis aliquo modo differentes.

RESP. Ad arg. Dicendum quod omnes catholici Tractatores posuerunt proprietates personarum in diuinis. Cum enim sint plures personæ, & distinctæ, necesse est quod sit ibi distinguens: hoc autem proprietatem appellamus, sed diuersificati sunt in modo positionis. Quoniam ergo viderunt aliqui summam simplicitatem in persona, sicut in essentia: posuerunt quod sicut in essentia omnino est idem *Quo est*, & *Quod est*, ita in persona omnino idem est, *Qui*, distinguitur, & *Quo*, & ita suppositum, & proprietas omnino est idem, differens autem solo modo loquendi: sicut si dicatur: Rogo te benignum, vel benignitatem tuam. Sed ista positio non potest stare, quoniam sicut in opponendo probatum est, in eadem persona sunt proprietates differentes, non solum modo loquendi, sed & realiter. Videmus etiam quod vno modo vna persona comparatur ad vnam, vt Pater ad filium, & videmus vnam personam, vno modo siue vna habitudine comparari ad plures, & Spiritus sanctus ad Patrem, & Filium. Et iterum vnam personam pluribus modis comparari ad plures, vt Filius ad Patrem, & Spiritum sanctum. Similiter videmus plures personas eodem modo com-

parari

parari ad vnam, vt pater, & filius ad Spiritum sanctum: A
ergo vnitas habitudinis non potest accipi à parte es-
sentia: certum est, nec à parte personæ, quæ refertur,
nec ex parte personæ ad quam refertur. Restat ergo,
quod sit alius modus dicendi à parte rei sumptus. Et
ideo nunc communis opinio tenet in diuinis esse pro-
prietates personarum realiter differentes à se inuicem,
& per hoc etiam differentes à personis aliquo modo.
Sicut enim quia in vna essentia non plurificata, plures
ponimus personas, modo dicendi essentialiter, & perso-
naliter differunt, non solum differentia sumpta à parte
nostra, sed etiam à parte rei. Sic est dicendum de modo
dicendi personaliter, & notionaliter. Et ideo distinguunt
Magistri tres modos dicendi in diuinis, qui sunt à parte
rei, scilicet essentialiter, personalem notionaliter. Et dicitur
communiter, quod tres sint modi prædicandi, in diuinis,
scilicet in *quid*, in *quis*, & in *quæ*, siue in *quo modo* se ha-
bet. Et incidit in peccatum, scilicet figuram dictionis ex
commixtione horum modorum, sicut in creaturis ex
commutatione prædicamentorum. Sicut igitur in diui-
nis vera est essentia, & veræ sunt personæ, ita veræ
sunt personarum proprietates.

1. Ad illud quod obiicitur in contrarium, primo de
Hilario, dicendum quod ipse non accipit nomina pro
ipsis vocibus, sed pro intellectibus, siue significatis im-
portatis per illa tria nomina. Important enim proprie-
tates. Nam *solum* ibi non excludit proprietatis verita-
tem, sed excludit diuersitatem formæ, vel substantiæ,
vel naturæ.

2. Ad illud quod obiicitur de Damasceno, quod dif-
ferunt solum ratione, dicendum quod differre ratione est
tripliciter. Vno modo à parte nostræ apprehensionis,
sicut differunt in Deo bonitas, & magnitudo. Alio mo-
do differre ratione est secundum differentiam attributi-
onis, quia aliquis modus ponitur circa vnum, vel at-
tribuitur vni, qui non attribuitur alteri, & sic differunt
ratione, essentia, persona, & notio. Tertio modo differ-
re ratione, est differre secundum pluralitatem distin-
ctionis: quæ non inducit diuersitatem in essentia, vel in
natura, tamen tantum inducit differentiam, quod vnum
non dicitur de altero: & sic differt ratione, persona à
persona, & proprietates à proprietate. Et prima quidem
differentia secundum rationem est minima: quia nihil
ei respondet à parte rei, sed vltimæ respondet. Non
vult Damascenus igitur diuidere rem contra rationem,
nisi secundum quod res accipitur pro natura, nec etiam
sic omnino diuidit, sed quasi à principali denominat,
Nam in creaturis non solum est communitas rationis,
imo etiam naturalis. Nam Petrus & Paulus non tantum
in ratione conueniunt, sed etiam in natura communi.

3. Ad illud quod obiicitur, quod hæc tollit summam
simplicitatem, dicendum quod differentia rationis quæ-
dam fundatur super quid absolutum, siue substantiale,
siue accidentale. Quædam autem super respectum, siue
modum se habendi. Et prima differentia omnino repu-
gnat simplicitati, & non potest esse in Deo: secunda ve-
ro non repugnat: nam videmus respectum aliquem de
nouo esse circa aliquid, illo nullo modo mutato. Vide-
mus etiam aliquid etiam habere plures respectus, ipso
sine compositione existente. Dicendum igitur, quod
proprietates personales sunt respectuæ non absolutæ:
& ideo possunt differre ratione respectuum, quia perso-
na, suppositum siue hypostasis dicitur: sed proprietates di-
citur habitudinem ad alterum.

4. Ex hoc patet sequens. Quia enim proprietates es-
senciales sunt absolutæ, non possunt dicere realem dif-
ferentiam, nisi essentialiter habeant: ideo solo modo lo-
quendi differunt. Non sic proprietates personales. Vnde
proprietates esenciales omnino transeunt in essen-
tiam, sed personales non.

5. Ad illud quod obiicitur, quod essentia seipsa re-
fertur. Dicendum quod essentia diuina non potest re-
ferri nisi ad aliam essentiam: ad aliam autem non refer-

tur quoniam relatio dicit ordinem, & habitudinem. Si-
cut autem vult Philosophus, Deus non ordinatur ad
res, sed res ad ipsum: & ideo ibi non est relatio nisi solo
modo loquendi: sed cum persona ad personam refertur,
ibi vere est ordo originis: & ideo habitudo, & ideo
vera relatio: & sic patet illud.

6. Ad illud quod obiicitur, quod creatura seipsa re-
fertur. Dicendum quod referri seipso potest intelligi
tripliciter. Aut quia inter rei respectum, & essentiam
non cadit medium, quia ipsa essentia essentialiter depen-
det: & sic quidem reperitur in creaturis: sic enim refer-
tur materia ad formam, & forma ad materiam, Vnde di-
cit Philosophus, quod materia hoc ipsum quod est,
ad alterum est: tamen nec materia est suus respectus, nec
forma est suus respectus, quia non habet omnimodam
simplicitatem. Alio modo est referri seipso, quia inter
id quod refertur, & suum correlatiuum non cadit ali-
quod medium, quod non sit alterum illorum, & sic Pa-
ter refertur seipso ad Filium, & è conuerso. Nam Pater
est sua paternitas, & hoc propter summam simplicitatem.
Tertio modo referri seipso est, quia ipsum quod refer-
tur non est nisi relatio, & respectus durus, & hoc est
impossibile, esse neque in Deo, neque in creatura. Quia
sicut dicit Augustinus, omne quod refertur est aliquid,
excepto eo quod relatiue dicitur. Alioquin relationis
esset relatio, & sic patet quod omnis proprietates relati-
ua, siue sit in Deo, siue in creaturis, necessario differt ali-
quo modo ab eo cuius est proprietates, & magis in crea-
tura quam in Creatore. Et intelligantur omnia hæc;
sicut prius assignatum est, quoniam omne respectiuum
fundatur super aliquod absolutum.

QVÆSTIO II.

Quid sint in diuinis proprietates personales

Alexander Alexf. 1. p. q. 58. Membro 2.

S. Thom. 1. p. q. 32. art. 2.

Egid. Rom. 1. Sent. dist. 26. q. 1.

Richardus 1. Sent. dist. 26. q. 2.

Marfilus Inguen. 1. Sent. q. 29. art. 2.

Petrus de Tarantasia. 1. Sent. dist. 26. q. 2.

DE proprietatibus quid sint. Et quod sint relationes
videtur, quia dicit Hilarius 12. de Trin. Proprium
est Deo nato esse filiū, sed filiatio est relatio: igitur, &c.

ITEM Damascenus: Dicamus diuinam Verbi hypo-
stasim, natiuitatis modo, & habitudine à paterna hypo-
stasi differentem: sed modus habitudinis est relatio:
igitur, &c.

ITEM Richardus de sancto Victore, in libro de Tri-
nitate dicit quod personæ distinguuntur proprietate
originis: sed origo in diuinis non est motus, sed habi-
tudo: ergo, & relatio.

ITEM hoc ipsum videtur ratione, quia proprium est
quod conuenit soli: sed nihil absolutum est incommu-
nicabile in diuinis, & conueniens soli: igitur omnis
proprietates personalis est relatio.

1. CONTRA: Sicut paternitas est relatio, sic magnitu-
do quantitas, & bonitas qualitas: sed magnitudo Dei nõ
est quantitas, nec bonitas qualitas: igitur nec paternitas
est relatio: sed paternitas est proprietates: igitur, &c.

S1 dicas quod non est simile, quia alia transeunt in
substantiam, relatio non: contrarium ostenditur primo
sic: Sicut quantitas est vnum genus distinctum à sub-
stantia, ita & relatio: sed quia in Deo non cadit diuersi-
tas, ideo necessario genus quantitatis transit in substan-
tiam, cum ibi non sit accidens, nec diuersitas generum:
igitur pari ratione relatio.

2. ITEM: Sicut Deus est sua magnitudo, ita Deus est
sua paternitas: sed quia Deus est sua magnitudo, ideo
quantitas non differt à substantia, sed in eam transit: er-
go & paternitas similiter.

3. ITEM videtur quod relatio magis trāsit, quia inter
omnia genera accidentium, relatio importat maiorem
dependētiā, quia ad obiectū, & subiectum: sed Deus

omnino est independens, igitur & relatio minime manet in Deo.

4. ITEM: Inter omnia genera entium, relatio minus habet de entitate: sic patet, quia aduenit, & recedit sine mutatione illius quod refertur: sed in summo ente non debet poni nisi quod multum habet de entitate: igitur, &c.

CONCLUSIO.

Proprietates personales sunt relationes, cum incommunicabiles sint, solique conueniant, & realiter differant.

RESP. Ad Arg. Dicendum quod proprietates personales necesse est esse relationes. Et hoc duplici ratione, tum quia sunt incommunicabiles, & soli conueniunt: tum etiam quia realiter differunt: ut ostensum est prius. Sola autem relatio manet in diuinis.

AD cuius intelligentiam notandum quod relatio in aliquibus conuenit cum aliis prædicamentis, in aliquibus differt: Conuenit enim in hoc, quod est prædicamentum, & genus entis: & in hoc quod est accidens: & disconuenit in hoc, quod præter alia genera habet respectum non solum ad subiectum, sed etiam ad obiectum, secundum habitudinem, & dependentiam. Quantum ad primas conditiones impossibile est relationem manere in diuinis, sicut alia genera, & hoc propter summam simplicitatem. In Deo enim relatio non est prædicamentum, nec accidens, sed substantia est. Quantum vero ad condiciones quas habet respectu obiecti, necesse est quodam modo manere, & hoc propter veram distinctionem, quæ est in diuinis, & veram originem, & habitudinem. Et necesse est quodam modo non manere, scilicet quantum ad dependentiam, & hoc propter omnimodam abolutionem, quæ est in diuinis. Alia igitur genera simpliciter transeunt, sed relatio quodam modo manet, & quodam modo transit. Quia alia genera respectum solum ad subiectum dicunt, & secundum illum transeunt. Sed relatio ultra dicit respectum ad obiectum. & secundum illum respectum dicit pluralitatem, quæ vere est in diuinis, & ita relatio manet. Patet etiam quo modo transit, videlicet, quantum ad omne quod dicit compositionem. Vnde non est genus, neque in genere, nec est accidens, nec aliud.

1. 2. 3. Et sic patent prima tria obiecta circa hoc, quia vnum sumitur à natura generis, aliud à natura accidentis, tertium à prædicatione identitatis. Patet etiam quo modo manet, scilicet quantum ad illud quod dicit distinctionem, non quantum ad illud quod dicit dependentiam, & inclinationem, quia sic priuat abolutionis perfectionem, & per hoc patet quartum argumentum, quod obicit de dependentia relationis.

4. AD illud quod obiicitur, quod minus habet de ente. Dicendum quod hoc est verum cum differt essentialiter à substantia: in Deo non sic est. Possit tamen præter rationem prædictam hæc ratio reddi, quod non transit: quia enim minimum habet de ente, ideo minimam vel nullam facit compositionem, & tamen manet secundum suam proprietatem. Alia vero quæ habent aliquid de ente absolute, faciunt compositionem, & hinc est quod relatio melius valet in summo simplici, quam aliquod aliorum.

QVÆSTIO III.

An actus personalium proprietatum sit hypostases distinguere, vel distinctas ostendere.

S. Thom. 1. p. q. 40. art. 2.

Et 1. Sent. dist. 26. q. 1. art. 1.

Et de Pot. q. 8. art. 3.

Scotus 1. Sent. dist. 26. q. unica.

Agid. Rom. 1. Sent. dist. 26. q. 3.

Richardus 1. Sent. dist. 26. art. 2. q. 1.

Durandus 1. Sent. dist. 26. q. 1.

Franciscus de Mayr. 1. Sent. dist. 26. q. 1.

Thom. 2. p. q. 1. Sent. dist. 26. q. 1. art. 2.

Greg. Arim. 1. Sent. dist. 26. q. 1.

Ioan. Bacon. 1. Sent. dist. 26. q. 2.

Marfilus Inguen. 1. Sent. dist. 26. q. 29. art. 3.

Gabr. Biel. 1. Sent. dist. 26. q. 1.

DE proprietatibus quantum ad actum. Et quaeritur utrum actus huiusmodi proprietatum sit hypostases distinguere, aut distinctas ostendere. Et quod sit distinguere, videtur per Boetium in libro de Trinitate: Substantia continet unitatem, relatio multiplicat trinitatem: sed si multiplicat, igitur distinguit.

ITEM Richardus de sancto Victore de Trinitate dicit, quod persona distinguitur per proprietatem originis: sed proprietates dicit originem, & relationem: igitur, &c.

5. ITEM hoc ipsum videtur ratione, quia cum personæ distinguantur, aut distinguuntur per aliquod absolutum, aut respectuum. Per absolutum non, quia sicut vult Augustinus, quod ad se dicitur, de singulis dicitur: igitur necesse est quod differant per aliquod respectum.

ITEM proprietates patris aut accidunt ipsi hypostasi, aut est consubstantialis ei: quia si accidunt, igitur sunt ibi accidentia, igitur est ibi aliqua compositio. Si autem est consubstantialis, & connaturalis: igitur cum non consequatur esse hypostasis, non tantum est ratio innotescendi: sed etiam distinguendi.

ITEM in summo simplici idem est omnino ratio essendi, & cognoscendi: sed persona Patris est summe simplex: igitur eodem modo distinguitur, quo distinguatur cognoscitur: hoc autem est per proprietatem: igitur, &c.

1. CONTRA: Omne respectuum reducitur ad absolutum: sed quod reducitur ad aliquid secundum rationem intelligendi, sequitur illud: igitur cum proprietates sint respectuum, hypostases absolutæ, proprietates reducuntur ad hypostases: igitur hypostases sunt priores. Sed quod prius est, non distinguitur eo quod est posterius, quia ab eodem est esse, & esse distinctum: ergo, &c.

2. ITEM omne quod distinguit aliquid, dat ei tale esse, quale ipsum est, vel habet: sed proprietates habent de se solum esse respectuum: igitur si hypostases per proprietates distinguuntur, habent solum esse respectuum: sed hoc est falsum, quia cum sint supposita essentialia, habent esse substantiæ absolutum.

3. ITEM in diuinis personis est plurificatio per originem: igitur & distinctio. Sed origo dicit emanationem, vel exitum: relatio autem per se non emanat nisi prius alio emanante, quia in ad aliquid non est motus: igitur prius oritur hypostasis ab hypostasi secundum rationem intelligendi, quam sic intelligere relationem esse: & si hoc, relatio consequitur esse distinctum in hypostasibus: ergo, &c.

4. ITEM omne quod relative dicitur, est aliquid, excepto eo quod relative dicitur, sicut ratio dicitur, & Augustinus ait in lib. de Trin. Sed Pater, & Filius dicuntur relative: igitur uterque eorum est aliquid excepto eo quod relative dicitur, igitur abstracta relatione contingit aliquid intelligere. Quæro igitur, quid sit illud, aut essentia, aut hypostasis. Si essentia, igitur relatio est in essentia, igitur multiplicat eam. Si hypostasis, aut igitur una, aut dua. Non una, quia impossibile est intelligere, quod Pater, & Filius, sint una hypostasis: igitur dua: & si hoc, patet, &c.

5. ITEM abstractis omnibus proprietatibus duorum indiuiduorum, scilicet Petri & Pauli, solis hypostasibus remanentibus, adhuc contingit intelligere remanere distinctionem: igitur pari ratione in hypostasibus diuinis: quod si verum est, tunc igitur sunt solum ratio distinguendi quo ad nos.

CONCLUSIO.

Proprietates personales sunt rationes non tantum innotescendi distinctionem, verum etiam distinguendi.

RESP. Ad Arg. Dicendum quod circa hoc duplex opinio fuit. Quidam enim dixerunt quod abstractis proprietatibus, impossibile est intelligere hypostasias distinctas, quia huiusmodi proprietates in diuinis non solum dant personis innotescere, imo dant etiam esse, vnde ipsis abstractis abstrahitur esse, & esse distinctum. Aliorum opinio fuit, quod proprietatibus abstractis, adhuc est intelligere distinctionem in hypostasis, quoniam proprietas secundum ipsos non est ratio distinguendi secundum rem. Vnde dicunt quod abstracta paternitate, & filiatione, adhuc contingit intelligere qui ab alio, & à quo alius. Et si quæras quomodo distinguitur, dicunt quod seipsis, sicut principia & generalissima seipsis distinguuntur, & differunt. Vnde hæc est immediata: Substantia non est quantitas. Et si recipiamus interius, vtraque opinio continet aliquid probabilitatis, & hoc patet sic: In diuinis enim hypostasis intelligimus originem, siue emanationem, intelligimus etiam habitudinem: Secundum rationem intelligendi, origo præcedit ipsum qui oritur, & secundum rationem intelligendi, relatio consequitur ipsum qui refertur. Potest igitur proprietas relatiua importare solum habitudinem, & hoc modo consequitur rationem distinctionis, & est ratio innotescendi distinctionem, non distinguendi, sicut secunda opinio dicit, & probant rationes inductæ ad secundam partem de ipsa relatione. Potest enim intelligi tunc distinctio, quia intelligitur qui ab alio, & à quo alius. Potest etiam ad vtrumque proprietas importare, scilicet habitudinem, & originem: & tunc non tantum est ratio innotescendi, sed etiam distinguendi. Circumscripta enim origine, siue emanatione: impossibile est in diuinis intelligere pluralitatem: imo sicut essentia est vna, sic & intelligitur hypostasis vna. Et sic procedit prima opinio, & rationes ad primam partem. Sed notandum quod cum idem sit personis diuinis oriri, & esse, & ad alterum se habere, tamen secundum rationem intelligendi sunt ordinata, vt primum sit oriri, deinde esse intelligatur in his quæ habent esse ab alio: & deinde se ad alterum habere. Quia vero idem sunt in Deo: ideo eodem nomine designantur. Vnde generatio dicit originem, & habitudinem: Tamen proprie loquendo generatio dicit originem, & paternitas habitudinem. Quoniam igitur proprietates diuina secundum communem vsum loquendi importat habitudinem, & originem, ideo tenendum quod proprietates non solum sunt ratio innotescendi distinctionem, sed etiam distinguendi.

1. ET ad illud quod obiicitur quod respectuum reducit ad absolutum, dicendum quod reduci ad aliquid est dupliciter: aut sicut ad principium, aut sicut ad terminum. Proprietas originis his duobus modis reducit ad absolutum. Ad hypostasim Patris reducit in nascibilitas sicut ad principium, ad hypostasim autem geniti, & spirati, sicut ad terminum. Quoniam igitur quod reducit ad aliquid sicut ad principium ipsum consequitur, ideo abstracta origine, solum intelligitur Deus innascibilis, non ens ab alio, & ita in vnitatem hypostasis: quia vero quod reducit ad aliud sicut ad terminum, intelligitur præcedere, hinc est, quod abstracta origine, iam non est intelligere hypostasim procedentem. Vel illud intelligendum vbi respectuum dicit dependentiam, ratione cuius deficit à summa simplicitate, quod non est in Deo.

2. AD illud quod obiicitur, quod esse respectuum solum dat esse respectuum, dicendum quod hoc verum est de respectiuo quod dicit solum habitudinem: sed non est verum de respectiuo, quod dicit originem.

3. AD illud quod obiicitur quod relatio non oritur per se, dicendum quod relatio est proprietas secundum

A quod ipsa est: origo vero prout est id quod oritur: & quia origo proprie non oritur, sed est illud quo oriens oritur: ita quod non consequitur tempore, vel natura, sed secundum rationem intelligendi, vel est simul necessario, vel præcedit: ideo patet illud.

4. AD illud quod obiicitur quod omne quod relative dicitur, est aliquid, excepto eo quod relative dicitur, dicendum quod illud non habet veritatem in summo simplici, quod sic differat esse, & referri, quod vnum possit ab altero separari siue abstrahi secundum rem, quia ibi vnum sunt: sed solum secundum intellectum nostrum, nec adhuc intellectus noster sic abstrahit, vt intelligat hypostasias distinctas, abstractis proprietatibus, & relationibus. Si enim ab hypostasi patris abstraheretur paternitas, vel è conuerso, iam non haberet aliquid speciale, quod sit principium intelligendi ipsam, & ita consideratur sub ratione generali, & incompleta. Vnde & bene videntur mihi dicere qui dicunt, quod remanet intellectus huius nominis res, secundum quod est generale vocabulum, & sic patet quod abstractis proprietatibus non remanet distinctio nec re, nec intellectu, & ideo vtroque modo sunt ratio distinguendi.

5. AD illud quod ultimo obiicitur quod Petrus & Paulus distingui intelliguntur abstractis proprietatibus, dicendum quod non est simile. Nam distinctio est ibi à parte propriæ materiæ, & à parte propriæ formæ, quæ innotescit per proprietates accidentales: sed in diuinis solum est distinctio per originem. Ideo patet illud.

QVÆSTIO IV.

Quod sint proprietates personales in diuinis.

Alexander. Avenis 1. p. q. 58. Membro 7.

S. Tho. 1. p. q. 28. art. 4.

Et quæst. 32. art. 3.

Egidius Rom. 1. Sent. dist. 26. pr. 2. q. 2.

Richard. 1. Sent. dist. 26. art. 2. q. 3.

Henricus in summa, art. 55. q. 2. c. 3.

Thomas Argent. 1. Sent. dist. 26. q. 1. art. 4.

Petrus de Tarantasia. 1. Sent. dist. 26. q. 8.

DE proprietatibus quantum ad numerum. Et videtur quod sint infinitæ, quia proprietates sunt respectus per quos Deus innotescit: sed illi sunt infiniti, sicut patet ex respectibus idealibus: ergo, &c.

2. ITEM Pater, & Filius adinuicem assimilantur secundum omnes conditiones essentielles: igitur secundum omnes comparantur, & secundum omnes innotescunt nobis: sed illæ sunt in numero infinito: ergo, &c.

3. ITEM Quanto aliquid est simplicius, tanto plures habet respectus, vt punctus quam linea, & linea quam superficies: sed diuinum esse est simplicissimum: igitur in eo sunt infiniti respectus: sed omnes sunt ratio innotescendi, igitur notiones sunt infinitæ. Sed quod tres sint tantum, videtur per Damascenum, qui dicit quod in diuinis omnia sunt vnum præter generationem, in generationem, & processionem: sed istæ non sunt nisi tres proprietates: igitur, &c.

4. ITEM Videtur ratione, quia proprietas convertitur cum eo cuius est proprietas, sed proprietas est personæ: sed personæ sunt tres: igitur, &c.

5. ITEM fiat talis ratio: Omnis persona est aliqua trium, hæc est vera. Omnis notio est persona: igitur omnis proprietas, siue notio est aliqua trium, igitur, &c.

QVOD autem sint plures tribus, sic ostenditur. Notiones, siue proprietates sunt relationes. In omni autem habitudine sunt duæ relationes secundum duo extrema: sed in diuinis sunt duæ origines, igitur saltem quatuor relationes.

ITEM proprietas est quæ conuenit vni soli: sed innascibilitas conuenit soli Patri, igitur est proprietas, & non est aliqua illarum quatuor relationum, igitur sunt quinque. Quæritur ergo sufficientia, & numerus notionum in diuinis, & penes quid accipiantur, & vtrum sit idem numerus proprietatum & relationum.

CONCLUSIO.

Proprietates in diuinis non sunt infinite, sed secundum numerum notionum numerari debent, quæ notiones quinario numero complectuntur.

RESP. Ad arg. Notandum quod vis consuevit fieri inter ista tria nomina, Proprietas, Relatio, & Notio. Nam proprietas dicitur in quantum conuenit soli: relatio in quantum dicitur habitudinem ad alterum: notio in quantum proprium cognoscendi. Et quia omnis proprietas est ratio cognoscendi, similiter & omnis relatio: & ideo nomen notionis est in plus quam ista duo. Et quia quædam proprietas est relatio, ut paternitas: quædam non, ut innascibilitas, quæ non dicit respectum, sed priuat. Similiter quædam relatio est proprietas, ut filiatio: quædam non, ut actiua spiratio: ideo quia pluribus, non vni soli conuenit. Et hinc est quod nomen proprietatis, & nomen relationis habent se ut excedentia, & excessa. Nomen vero notionis est in plus. Vnde plures sunt notiones quam proprietates, plures etiam quæ relationes. Sed proprietates & relationes mutuo se excedunt, & æqualiter: ideo sunt numero æquales: non tamen oportet facere vim. Nam omnis relatio distinguit aliquo modo ab alio, & ita est aliquo modo proprietas. Similiter omne quod distinguit, aliquo modo importat relationem, igitur omnis relatio proprietas, & omnis proprietas relatio. Sed omnis notio est proprietas, vel relatio, igitur omnis notio est proprietas, & similiter relatio. Et ita extenso nomine sunt æqualia: ideo idem est numerus, & eadem ratio assignandi numerum in omnibus istis nominibus. Intelligendum igitur quod circa numerum proprietatum tres fuerunt opiniones. Quidam dixerunt quod infinitæ: quidam quod tres: quidam quod quinque. Ratio autem diuersæ opinionis fuit, quia diuersimode notiones considerauerunt. Qui considerauerunt illas in comparatione ad eos quibus innotescunt, dixerunt eas infinitas esse, quia per infinitas comparationes & similitudines & respectus Deus nobis innotescit. Qui vero considerauerunt in comparatione ad hypostasies quæ distinguuntur, vel innotescunt, dixerunt tantum tres, quia tantum tres sunt personæ: ideo tantum tria sunt propria per quæ sufficienter innotescunt. Qui vero considerauerunt quantum ad rationes quibus innotescunt, dixerunt esse quinque. Eadem enim est ratio innotescendi, & distinguendi. Sed ratio distinguendi accipitur à parte originis, aut igitur positivæ, aut priuativæ. Si priuativæ aut priuat originem per modum producentis, & hoc non dicit nobilitatem, scilicet non producere: ideo non est notio. Aut priuat originem per modum producti, & hoc vel specialiter, vel generaliter. Si specialiter, non dicit nobilitatem. Si generaliter, sic dicit nobilitatem, & ideo notio priuatiua est vna sola, scilicet innascibilitas. Si autem accipitur à parte originis positivæ, cum duplex sit origo, & cuilibet respōdeat de necessitate duplex habitudo, de necessitate erunt quatuor, generatio actiua, & passiva, & spiratio actiua, & passiva, & in vniuerso quinque. Prima opinio sumpsit rationem magis à longinquo, & magis à veritate recessit. Secunda magis de propinquo, ideo magis veritati appropinquauit. Tertia sicut debuit: ideo veritatem dixit, posuit, & inuenit. Et hæc est positio, quam tenet communis opinio Magistrorum notiones esse quinque: & ratio huius prius visa est.

1. AD illud igitur quod obiicitur de respectibus, & comparationibus infinitis, dicendum quod nec proprietates, nec relationes sunt notiones, nisi quæ important respectum distinguentem personam à persona, & hoc est respectus originis, qui tantum quinque modis spectatibus ad dignitatem potest comparari: ideo patet illud.

2. AD illud quod obiicitur quod tantum tres per Verbum Damasceni, dicendum quod sub generatione comprehendit duas relationes, similiter sub processione.

4. AD illud quod obiicitur quod proprietas debet conuerti cum persona, dicendum quod verum est de illa quæ est proprietas personalis faciens personam esse personam: tamen non sequitur, si conuertitur, quod tot sint, & non plures, quoniam vnum & idem potest habere plura conuertibilia.

5. AD illud quod obiicitur de syllogismo illo, dicendum quod in processu illo est fallacia accidentis sicut hic: Pater est innascibilitas, & pater paternitas, igitur paternitas est innascibilitas. quia quod attribuitur subiecto siue hypostasi, attribuitur habitudini. Posset tamen poni figura dictionis ex modi prædicandi mutatione, quia in diuinis essentia prædicatur ut quid, persona ut quis, notio ut quæ, & proceditur à persona ad notionem.

DISTINCT. XXVII. PARS I.

An easdem Proprietates assignent Augustinus, & Hilarius: Et an istæ sint quæ dicuntur, Paternitas, Filiatio, & Processio.

IC quæri potest, utrum proprietates, quas Hilarius supra assignauit, scilicet, quod Pater semper est Pater, & Filius semper est Filius, sint illæ eadem proprietates, quas Aug. superius distinxit, dicens: proprium esse Patris, quod genuit Filium, & proprium Filij quod genitus est à Patre, & Spiritus sancti quod ab utroque procedit. Ac deinde utrum & istæ sint illæ quæ dicuntur: Paternitas, Filiatio, Processio. Videtur quod non sint eadem proprietates, quas ponit Hilarius: & illæ, quas ponit Aug. Si enim eadem sunt: id est ergo Patri esse patrē, & genuisse filiū: quod utique quidam concedunt. Si autem hoc est, cui ergo conuenit ut sit Pater, ei conuenit genuisse filium. Natura ergo diuina si pater est, genuit filium: si vero non genuit, Pater non est. Sed quis audeat dicere, aut quod ipsa genuit filium, aut quod ipsa pater non sit: Si autem ipsa pater est, nec filium genuit: non est ergo idem dicere aliquid esse patrem, & gignere filium. Et ita non videbitur vna eademque esse proprietates.

Responsio, vbi ostendit easdem esse proprietates.

Ad quod sine præiudicio aliorum dicimus, quod easdem proprietates notauit uterque, licet diuersis verbis. Quod enim Hilarius ait, ita intelligi debet: Proprium patris est quod semper pater est, id est, proprietas patris est, quæ semper pater est, semper vero pater est, quia semper genuit filium. Ita & proprium filij est, quod semper filius est, id est, proprietas filij est, quæ semper filius est. Filius vero semper est, quia semper genitus est. Ergo proprietas quæ pater, pater est, est quia semper genuit: & hæc eadem dicitur paternitas, vel generatio. Et proprietas, quæ filius semper est filius, est quia semper genitus est à patre, & hæc eadem dicitur filiatio, vel genitura, vel natiuitas, vel origo, vel nascibilitas. Sic & proprietas quæ Spiritus sanctus est Spiritus sanctus vel donum, est quia procedit ab utroque: & hæc eadem dicitur processio. In præmissis ergo locutionibus eadem significata sunt proprietates.

Quo modo non est omnino idem dicere, esse Patrem & genuisse, vel habere Filium, ita & de aliis.

Nec tamen videtur nobis omnino esse idem dicere aliquid esse patrem, & genuisse filium; vel aliquid esse Filium, & habere Patrem: vel esse Spiritum sanctum, & procedere ab utroque. Alioquin Pater non esset nomen hypostasis, id est, persona, sed proprietatis tantum similiter Filius & Spiritus sanctus: & ita per haec tria nomina non significarentur tres personae: ideoque dicimus quia patris nomen non tantum relationem notat, sed etiam hypostasis, id est substantiam significat, ita & Filius, & Spiritus sanctus. Relationum vero vocabula, scilicet paternitas, filio, processio, vel gignere, gigni, procedere, ipsas tantum relationes, non hypostases significant, siue habere filium, & habere patrem. Ut verbi gratia, cum dicimus Deus est pater, nomine patris & relationem notamus, & diuinam hypostasis significamus: ut sit intelligentia talis, Deus vel diuina essentia est pater, id est, ille qui genuit, id est, hypostasis qua habet filium. Similiter, Deus est Filius, id est, hypostasis genita vel habens patrem. Ita etiam Deus est Spiritus sanctus, id est, hypostasis procedens ab utroque siue ille qui procedit. Cum vero nomina relationum ponimus in predicatis, notiones ipsas tantum significamus, non hypostases: ut cum dicimus: Deus genuit, id est, habet filium: & Deus genitus est, id est, habet patrem. Et tunc oportet intelligi in subiectis hypostases tantum, non essentiam, qua illis proprietatibus determinantur.

Quod proprietates determinant hypostases, non substantiam, id est naturam.

Illae enim proprietates singula singulis proprie conueniunt personis, & per eas personae determinantur, & à se inuicem differunt: sed à se non secedunt. Vnde Ioannes Damascenus: Non differunt ab inuicem hypostases secundum substantiam, sed secundum characteristicam idiomata, id est, determinatiuas proprietates. Characteristica vero, id est, determinatiua sunt hypostaseon, & non naturae: etenim hypostases determinant. Item: Esse quidem in temporaliter & aeternaliter dicimus diuinam verbi hypostasis, simplicem, omnia habentem, quae habet Pater, ut eius homouison, id est, consubstantialitatem, natiuitatis modo & habitudine à paterna hypostasi differentem, nunquam vero à paterna hypostasi secedentem. Idem apertius exprimens personales proprietates, in eodem ait: Differentiam hypostaseon, id est, personarum in tribus proprietatibus, id est, paterna & filiali & processibili recognoscimus. Insecessibiles autem ipsas hypostases & indistabiles inuicem & unitas quidem inconfusibiliter: tres enim sunt, et si unitas diuisas autem indistanter. Etenim singula perfecta est hypostasis, & propriam proprietatem, scilicet, existentiam modum proprium possidet: sed unita sunt substantia, & non distant neque secedunt à paterna hypostasi. Ecce hic habes distinctas tres illas proprietates, quae supra diuersis significatae sunt modis.

DISTINCT. XXVII. PARS I.

Quod sunt alia nomina personarum easdem proprietates notantia, scilicet Genitus, Genitor, Verbum, Imago.

Hic non est praetermittendum, quod sicut Pater & Filius & Spiritus sanctus nomina personarum sunt, & pro-

prietates personales designant: ita etiam sunt & alia nomina personarum, id est, quae ipsas personas significant, & earum proprietates denotant, & easdem quas & nomina praedicta, unde & relatiue dicuntur, sc. Genitor, Genitus, Verbum, Imago. Vnde Aug. in 5. libr. de Trinit. ait: Videndum est, inquit, hoc significari, cum dicitur genitus, quod significatur, cum dicitur filius. Ideo enim filius, quia genitus, & quia filius utique genitus. Sicut autem filius ad patrem, sic genitus ad genitorem refertur, & sicut pater ad filium, ita genitor ad genitum. Idem in 6. lib. de Trin. Verbum quidem solus filius accipitur, non simul pater & filius, tanquam ambo sint unum verbum. Sic enim verbum dicitur, quo modo imago, non autem pater & filius simul ambo imago: sed filius solus est imago patris, quemadmodum filius. Idem in 7. lib. de Trinit. Verbum, secundum quod sapientia est & essentia, hoc est quod pater: secundum quod verbum, non hoc est quod pater, quia verbum non est pater, & verbum relatiue dicitur, sicut filius. Item in eodem, Sicut filius ad patrem refertur, ita & verbum ad eum cuius est verbum refertur, cum dicitur verbum. Et propterea non eo verbum, quo sapientia dicitur: quia verbum non ad se dicitur, sed tantum relatiue dicitur ad eum cuius est verbum, sicut filius ad patrem. Eo quippe est filius, quo verbum: & eo est verbum quo filius, sapientia vero, quo essentia: & ideo pater & filius sunt una essentia, & una sapientia. Item in eodem: Non est pater ipse verbum, sicut nec filius, nec imago. Quid autem absurdius quam imaginem ad se dici? Idem in 5. Dicitur relatiue filius, relatiue dicitur verbum, & imago, & in omnibus his vocabulis ad patrem refertur, nihil autem horum pater dicitur.

Epilogus praedictorum.

Aperte ostensum est, quod sicut filius vel genitus relatiue dicitur ad patrem, ita verbum & imago: & quod eo dicitur verbum siue imago, quo filius, id est, eadem proprietate, siue notione dicitur verbum & imago qua filius, sed non eo quo verbum, dicitur sapientia vel essentia, quia non notione qua dicitur verbum, dicitur sapientia. Nam sapientia dicitur secundum essentiam, non secundum relationem.

Regula Generalis.

Et est hic aduertenda quadam generalis regula eorum quae ad se, & eorum quae relatiue dicuntur de patre & filio. Quidquid enim ad se dicuntur, ut ait Aug. in 6. lib. de Trin. non dicitur alter sine altero, id est, quidquid dicuntur quod substantiam eorum ostendat, ambo simul dicuntur. Ergo nec Pater est Deus sine Filio, nec Filius sine Patre, sed ambo simul Deus, sed non ambo simul pater, non ambo simul filius, vel verbum, vel imago.

An secundum substantiam dicatur Deus de Deo, & huiusmodi.

Hic queritur, cum dicitur Deus de Deo, lumen de lumine, & huiusmodi, utrum dicantur secundum substantiam. Nam secundum relationem constat ista non dici. Si vero secundum substantiam dicuntur: simul ambo, scilicet Pater & Filius, possunt dici Deus de Deo, lumen de lumine, secundum praedictam regulam. Ad quod dicimus, quia licet Deus secundum substantiam dicatur & lumen, & sapientia, & huiusmodi: & nunquam relatiue accipiantur: aliquando tamen pro relatiuis, id est, pro personis, sed non relatiue

accipiuntur, ut cum dicitur: Deus genuit Deum, alterum pro patre, alterum pro filio ponimus: similiter cum dicitur: Deus de Deo, lumen de lumine. In aliis quoque locutionibus saepe reperiuntur nomina essentia ad significationem personarum deducta, ut cum dicitur: Deus natus, Deus mortuus, Deus passus, ubi Filius tantum significatur. Ita & de solo filio intelligitur cum dicitur: Deus de Deo, & huiusmodi. Vnde Augustinus querens quomodo huiusmodi dicatur, in 6. lib. de Trinitate ait: Quo modo Deus de Deo, lumen de lumine dicitur? Non enim simul ambo Deus de Deo, sed solus Filius de Deo, scilicet patre: nec ambo simul lumen de lumine, sed solus Filius de lumine Patre.

Quod tantum secundum nomen substantiae dicatur illud de illo, non secundum nomina personarum.

Et est sciendum quod secundum nomina substantiae tantum dicitur illud de illo, licet ibi illa nomina substantiam non significant. Secundum vero eadem nomina personarum nunquam dicitur illud de illo, sicut Verbum de Verbo, vel Filius de Filio: quia huiusmodi nomina diuersis personis conuenire non possent: Quod Augustinus, licet obscure, in eodem lib. ita dicit: Hoc solum de eis dici non potest illud de illo, quod simul ambo non sunt: id est, illo solo nomine non possumus uti ad ostendendum unum de uno, quod simul ambobus non conuenit: sicut Verbum de Verbo dici non potest, quia non simul ambo Verbum, nec imago de imagine, nec Filius de Filio, quia non simul ambo Filius vel imago. Et sicut nomina substantiae aliquando intelligentiam personarum distincte faciunt, ita etiam interdum totius Trinitatis simul. Vnde Augustinus in quinto libro ait: In patris nomine, ipse Pater per se pronuntiatur: in Dei vero nomine, & ipse Pater, & Filius, & Spiritus sanctus, ut cum dicitur: Nemo bonus nisi solus Deus, quia Trinitas est unus solus Deus.

DISTINCT. XXVII. PARS I.

De Proprietatibus Personarum secundum quod diuersis nominibus exprimuntur per vocabula magis vsitata.

Hic queri potest, Vtrum proprietates, &c.

Expositio Textus.

SUPRA assignauit Magister proprietates personales, hic agit de ipsis proprietatibus secundum quod per diuersa vocabula exprimuntur. Et quoniam contingit eas exprimi per vocabula magis vsitata & minus vsitata: ideo haec pars habet duas partes. In prima agit de expressione proprietatum per vocabula magis vsitata. In secunda per vocabula minus vsitata, infra dist. eadem. Hic non est praemittendum. Prima pars habet quatuor. Cum enim Hilarius & August. proprietates aliis & aliis vocabulis assignent, uterque tamen consuetis, quia vnus, sc. Augustinus per generare & generari: alter, sc. Hilarius, per esse Patrem, & esse Filium. Et ideo Magister primo querit, vtrum sint eadem proprietates ab utroque assignatae. Secundo soluit, ostendens quod sint eadem, ibi: Ad quod sine prauidicio aliorum. Tertio ne credat aliquis, quod omnino sint eadem, ostendit quod re eadem sunt, sed differunt quantum ad modum significandi, id est in concretionem, & in abstractionem, ibi: Nec tamen videtur nobis omnino eadem. Quarto vero, quia dixerat proprietates significari

in concretionem, queri posset respectu cuius, & ostendit quod respectu hypostasum, ibi: Illa enim proprietates singula singulis.

Proprium Patris est, quod semper est Pater. Dub. I.

Videtur dicere falsum. Omnis enim proprietas differt ab eo cuius est proprietas, vel re, vel ratione: sed Pater, & Pater conueniunt re, & ratione, & nomine: ergo vnum non est proprietas alterius.

RESP. Dicendum quod in Patre intelligimus & illum qui est Pater, & quo est pater. Quando ergo pater praedicatur de se, ratione vnus subiicitur, & ratione alterius praedicatur. Similiter quando assignatur esse Patrem proprium patris, quia assignatur ut in ratione attributi, ideo ratione ipsius proprietatis attribuitur ipsi hypostasi. Vnde dicit quod esse Patrem est proprium patris, non quod pater sit pater.

Vel natiuitas vel origo. Dub. II.

Videtur dicere contra illud, quod dictum est supra distinct. 3. cap. de vestigio. Et tractum est ab Augustino de vera Religione, scilicet quod origo appropriatur patri.

RESP. Dicendum, quod origo semper dicitur relatio. Potest ergo accipi origo, vel respectu creaturae, vel respectu personae. Si respectu creaturae, sic est respectu totius Trinitatis, & appropriatur Patri. Si autem respectu personae, sic potest accipi actiue, vel passiue. Si actiue, sic est Patris, & Filij: sed appropriatur Patri. Si passiue, sic Filij, & Spiritus sancti, & appropriatur Filio non secundum quod simpliciter dicitur, sed secundum quod origo dicit emanationem per modum naturae. Sic enim cum id sit proprium Filij, similiter & origo secundum quod sic accipitur, & hoc modo accipitur hic, & ideo non est contra illud.

Gignere, vel gigni, vel procedere, ipsas tantum relationes non hypostasas significant. Dub. III.

Videtur hoc falsum, quia relationes significant in concretionem, & ideo non tantum importat relationes, sed etiam suppositum. Sed quando tantum importat relationes, significant abstracte. Si ergo hoc quod est gignere, non importat relationem abstracte, sed concrete, videtur quod non tantum importent relationes.

RESP. Dicendum quod differenter importatur concretio. Aliter enim importatur per verbum, aliter per nomen adiectiuum. Quia enim verbum importat actum, ut egredientem: ideo in quadam distantia, & ideo importat in quadam inclinatione. Et propter hoc quia in distantia importat, non claudit intra se suppositum, immo oportet quod addatur extra, nisi locum exterioris additionis suppleat demonstratio, quae est in actu proprie primae, & secundae personae, quoniam semper sunt praesentes, & demonstratiuae. Et ideo quamvis importet in concretionem, tamen non importat nisi relationem quantum est de se, non suppositum: sed nomen adiectiuum idem significans, significat ut proprietatem informantem: & ideo in quadam vnione, & indistantia: & ideo formam simul importat & suppositum, ut cum dicitur album, nisi significet formam in abstractione, ut cum dicitur albedo. Hoc attendens Magister dicit, quod Paternitas, & Filiatio: gignere, & gigni dicunt tantum relationes.

Cum vero nomina relationum ponimus in predicatis, notiones ipsas tantum significamus, non hypostasas. Dub. IV.

CONTRA: Quia si hoc verum est, quando dicitur: Essentia est pater, cum pater ponatur in predicato, stat tantum pro notione: ergo idem est dicere: Essentia est Pater, ac si diceretur: Essentia generat: sed haec est falsa: ergo, &c.

RESP.

RESP. Dicendum quod quædam ponuntur in prædicato per naturam propriam, & significationem, & talia sunt quæ important compositionem, sicut verba, & de talibus loquitur Magister. Quædam ita ponuntur in prædicato, quod sunt nata subiici, ut hoc nomen *Pater*, & hoc nomen *filius*: & talia, quia non solum nata prædicari, verum etiam subiici, possunt importare intellectum hypostasis. Vnde verbum Magistri intelligendum est cum præcisione, scilicet de illis quæ ita nata sunt prædicari quod non subiici, & ita non habet instantiam.

Characteristica vero, id est, determinatiua sunt hypostaseon, & non natura, &c.
Dub. V.

Videtur male dicere, quia proprietates quæ non determinant naturam, sunt non naturales: quia omnis proprietas naturalis, eo ipso quod naturalis est, naturam determinat: ergo si proprietates in diuinis, non determinant naturam, non sunt naturales: ergo præter naturam: ergo accidentales.

RESP. Dicendum quod sicut ordo naturæ dicitur dupliciter, aut quo natura ordinatur, aut in quo natura est ratio ordinandi, sic etiam de proprietatibus intelligendum: & quoniam dicimus proprietatem naturalem, non oportet quod proprietas habeat naturam ut subiectum, sed quod sit consonans naturæ ipsius subiecti, sicut filius naturalis non dicitur, quia sit à natura vel essentia, sed à patre naturaliter producente: sic & in proposito est intelligendum.

ARTICVLVS I.

AD intelligentiam huius partis quatuor quærentur. Primo, quæritur *utrum, esse patrem, & generare*, sit vna notio. Secundo, quæritur quæ illarum sit alterius ratio. Tertio, utrum proprietates contingat abstrahi. Quarto, utrum circa eas liceat contrarie opinari.

QVÆSTIO I.

An esse Patrem, & generare, vna & eadem notio sit.

Alexand. Alensis 1. p. q. 59 Memb. 3.
Scotus in Reportariis 1. Sent. dist. 27. q. 2.
Richardus 1. Sent. dist. 27. q. 2.
Petrus de Tarantasia 1. Sent. dist. 27. q. 2.
Gab. Biel 1. Sent. dist. 27. q. 1.

Quod sit eadem notio, ostenditur sic. Vna sola proprietas est hypostasis, quæ dat esse distinctum. (Nam non est in ratione accidentis, sed formæ: sed illa est vna sola vnius:) sed *generare* est proprietas, per quam hypostasis Patris distinguitur, similiter & esse patrem: igitur ibi eadem est notio.

ITEM Patris ad Filium est vna sola ratio, quia vna tantum origo, & vnus modus emanandi. Sed *generare* dicit relationem Patris ad Filium, similiter & esse Patrem: eadem relatio, vel notio. Vel si sint diuersæ proprietates: tunc igitur notiones erunt plures, quam quinque, immo infinitæ. Sicut enim ad *generare* sequitur esse patrem, ita sequitur ad referri ad patrem, distinguere à patre, &c. quæ si sint notiones aliæ, tunc igitur infinitus est numerus notionum: hoc autem est inconueniens, & sequitur: si illæ proprietates sint diuersæ: ergo, &c.

1. CONTRA: Si eadem proprietas est, esse patrem, & generare, igitur omnino idem importatur nomine patris, & nomine genitoris igitur sicut quis est baptizatus, si baptizetur in nomine Patris, ita semper in nomine Genitoris: sed hoc communiter negatur.

2. ITEM proprietates, & notiones sunt diuersæ, & cognoscuntur esse diuersæ, quia de diuersis prædicantur, quia de vno prædicatur vna, de quo non prædicatur alia: sed hæc conceditur. Essentia est Pater: & hæc

negatur: Essentia generat: igitur, &c. Si dicas quod hoc est propter diuersum modum significandi. **CONTRA:** Hoc nihil est: quia tam *esse Patrem*, quam *Generare*, utrumque in concretionem dicitur.

3. ITEM diuersæ probantur esse proprietates: quia vna de alia non prædicatur ut paternitas, & innascibilitas: sed *generare*, ut patebit infra, non dicitur de paternitate: hæc enim non admittitur: Paternitas generat: igitur sunt diuersæ.

CONCLUSIO.

Pater & generatio sunt vna Notio secundum rem, licet generatio vario modo significetur.

RESP. ad arg. Dicendum quod omnino sunt eadem proprietates secundum rem. Huius ratio manifeste apparet. Nam vna dicitur de altera non solum in concretionem, ut pater generat, sed & in abstractionem, ut paternitas est generatio: quod non esset, si differrent. Cum autem eadem sit proprietas, differenti tamen modo significatur, & hoc quantum ad tria. Primum quidem, quia generatio proprietatem personæ generalius exprimit quam hoc, quod est Pater. Nam sicut dicit Augustinus, & habetur in lib. 3. dist. 5. Ad esse Patrem sequitur generare, sed non conuertitur. Homo enim dicitur generare pediculos, non tamen est pater eorum. Alia ratio est, quia hoc, quod est Pater, importat intra se hypostasim, circa quam notat proprietatem. Sed hoc verbum *generat*, non importat hypostasim, immo eget sibi apponi ab extra, & hanc ponit Magister in litera. Tertia est quia cum proprietas duo importet, scilicet emanationem & habitudinem, quæ quamvis idem re, differunt tamen ratione intelligendi. Hoc quod est *generare*, importat productionem, & generatio emanationem, Sed hoc quod est *esse Patrem* proprie importat habitudinem.

1. Ex his patent obiecta. Nam quod non sit baptizatus in nomine Genitoris, hoc non est propter diuersitatem rei, sed modi exprimendi, & utrumque consideratur ibi, sicut patebit in quarto.

2. Ad illud quod obiicitur quod non prædicatur: Dicendum quod hoc est propter diuersum modum significandi. Nam hoc quod est *generare*, quia non habet suppositum intra, ponit rem circa essentiam, & ideo ipsam significat distinguere, non autem sic hoc quod est Pater cum habeat suppositum intra, sensus enim est: Essentia est Pater, id est, ille qui generat.

3. Ad illud quod ultimo obiicitur quod vna non prædicatur de altera, dicendum quod est prædicatio per modum denominationis, & hæc est per concretionem. Et est prædicatio per modum identitatis, & hæc est per abstractionem: quoniam ergo generare, & *esse Patrem*, est vna & eadem proprietas: ideo non secundum modum denominationis tantum, sed per abstractionem prædicatur, ut paternitas est generatio.

QVÆSTIO II.

An generatio sit ratio Paternitatis, vel e conuerso.

Alex. Alens. 1. p. q. 59. Memb. 5.
S. Thom. 1. p. q. 40. art. 4.
Et 1. Sent. dist. 27. q. 1. art. 2.
Et de Potentia, q. 10. art. 3.
Egid. Rom. 1. Sent. dist. 27. q. 2.
Henricus in Summa, art. 58 q. 1. & 2.
Richardus 1. Sent. dist. 27. q. 3.
Petrus de Tarantasia 1. Sent. dist. 27. q. 3.
Gab. Biel 1. Sent. dist. 27. q. 2.

Quæ istatum sit ratio intelligendi alteram, id est utrum hypostasis Patris siue Pater, ideo generet quia Pater est: vel ideo sit Pater, quia generat. Et quod ideo sit Pater quia generat, hoc videtur auctoritate Magistri in litera. Sæpè est Filius, quia semper est genitus,

ideo

ideo generatio passiva est ratio essendi Filium : igitur pari ratione generatio activa est ratio essendi Patrem:

ITEM secundum rationem intelligendi prius est generari quam esse: & prius est esse quam referri : igitur prius est generari quam esse Filium: igitur pari ratione prius est generari quam esse Patrem secundum ordinem intelligendi. Si igitur prius est ratio posterioris, & non e converso: igitur, & c.

ITEM hypostasis Patris est Pater: aut ergo quia Deus, aut quia Deus generans. Non quia Deus, quia pari ratione & Filius: ergo quia Deus generans: igitur, & c.

1. CONTRA : Non generat nisi persona distincta, quoniam *generare* non convenit essentiae, sed personae: sed persona Patris non est distincta nisi per paternitatem: igitur non convenit *generare* illi hypostasi nisi per paternitatem: igitur non generat nisi quia Pater.

2. ITEM : In his quae non acquiruntur per actum, prius est habitus quam actus secundum rationem intelligendi: quia enim non sumus boni per opus, sed magis e converso: prius etiam sumus boni quam operemur boni: sed paternitas non acquiritur in Deo per actum: ergo prius ordine intelligendi intelligitur esse Pater, quam generet.

3. ITEM : Pater generat, iste est quidam actus divinus, qui per se inest soli Patri: quare per quid. Aut enim quia Deus, aut quia Deus Pater, aut quia innascibilis. Non quia Deus, quia tunc etiam inest Filio. Non quia innascibilis quia innascibilitas dicit natiuitatis priuationem, non positionem : igitur à diuisione, quia Deus Pater.

CONCLUSIO.

Cum generatio originem dicat, paternitas vero habitudinem, generatio est ratio paternitatis, & non e converso.

RESP. Ad arg. Ad intelligentiam huius notandum quod hic est duplex opinio. Quidam dicunt quod cum proprietates relatiuae e contrario sint in Deo quam in creaturis: quia in creaturis, ut aduenientes, in Deo ut insistentes. In creaturis enim actus est relationis ratio. Vnde in inferioribus ideo est Pater quia generat. Sed in diuinis e contrario, relatio est ratio actus. Vnde simpliciter concedunt quod Pater generat, quia Pater : & negant conuersum. Sed quamvis illud posset aliquo modo capi ab intellectu ex parte Patris, tamen si illud consideramus in Filio, omnino non videtur intelligibile quod ideo sit Pater, quia Filius generetur. Nam communiter dicitur, & ratio concordat quod Filius, & quod sit: & quod Filius sit, hoc habet per generationem: igitur generatio secundum rationem intelligendi praecedit filiationem, & relatiua sunt simul natura in intelligendo, non tantum in essentia : igitur generatio est ratio dicendi paternitatem in Deo Patre. Sicut enim se habet generatio passiva ad filiationem, ita activa ad paternitatem. Et propterea est alia opinio quod ideo est Pater, quia generat. Et quod illud sit bene dictum patet per differentiam assignatam inter generationem, & esse Patrem. Nam secundum propriam rationem, generatio dicit emanationem suae originem : paternitas dicit habitudinem. Constat autem quod origo est ratio habitudinis, non habitudo ratio originis est. Et ideo generatio est ratio paternitatis, non e converso: ideo conceduntur rationes ad hoc.

1. AD illud igitur quod obiicitur in contrarium quod non generat nisi persona distincta, dicendum quod verum est secundum rationem intelligendi. Necesse est enim ante generationem esse hypostasim (secundum rationem intelligendi loquor) sed non oportet praestelligere eam actu distinctam, quia ipsa distinguitur per proprietatem generationis distinctione completa, sicut melius patebit infra: tamen secundum rationem intelligendi ratio distinguendi inchoatur in innascibilitate: ideo generat, non ut prius distincta quodam modo innascibilitate.

2. AD illud quod obiicitur, quod non acquiritur per actum, dicendum quod in diuinis nulla proprietas acquiritur: quia quaelibet est essentia: tamen secundum rationem intelligendi, origo siue emanatio originis, est ratio relationis, sicut in his inferioribus est ratio secundum esse. Vnde sicut actus generationis est aeternus, ita & proprietas paternitatis aeterna. Vnde quamvis non acquiratur per actum, inest tamen per actum: unde illa propositio est falsa, & debet generaliter exponi sic: In his quae non insunt per actum, & c. & tunc minor est falsa. Potest tamen dici quod illud est verum de actu, qui elicitur ex habitu, sicut opus meritorium ex gratia: sed actus generationis non elicitur, nec intelligitur elici ex paternitate: ideo non oportet praestelligere paternitatem ad hoc quod intelligatur generare.

3. AD illud: Aut generat, quia Deus, aut quia pater, & c. dicendum, quod generat, quia Deus innascibilis: & spirat, quia improcessibilis. Quod obiicitur, quod innascibilitas dicitur secundum priuationem, dicunt aliqui, quod priuatio non est ratio habitus, sc. pura : sed priuatio aliqua cum habitu subtrahato, est ratio. Vnde sicut aliquis homo liberalis inuitat ad comedendum, quia solus, sic pater generat ex liberalitate, & ne sit solus : & ideo cum semel genuerit, & spirauit, non amplius generat, quia iam non amplius est solus, quamvis sit liberalis. Aliter tamen est dicendum sicut dictum fuit, quod innascibilitas est priuatio, quae secundum rem est perfecta positio. Innascibilis enim dicitur pater, quia non est ab alio, & non esse ab alio est esse primum, & primitas est

nobilis positio. Primum enim ratione primi, adeo dicit nobilem positionem, & conditionem, ut videbitur, quod ad positionem primi sequitur positio secundi. Vnde quia primum, ideo principium, quia principium, ideo vel actu, vel habitu est principiatum. Quoniam igitur ratio primitatis in aliquo genere est ratio principii in illo, ideo quia pater est primum respectu emanationis, generationis, & processionis, generat, & spirat. Et quoniam esse primum in genere generationis quia innascibilis, est esse primum in genere spirationis, quia Deus improcessibilis: ideo generat quia Deus innascibilis, & ultra non est ponere quare est innascibilis. Cum enim innascibilitas dicat primitatem, & status sit in primo, ideo, & c. Et hoc est quod dicitur infra dist. 29. circa principium. Pater est principium totius diuinitatis, quia à nullo : & hoc est, quod in pluribus locis supra positum est.

QVOD autem mouet ad hoc, dicendum primum: Est antiqua positio magnorum Doctorum, qui dixerunt quod innascibilitas in patre dicit fontalem plenitudinem. Fontalis autem plenitudo consistit in producendo. Sed constat quod non ideo quia creaturam producit, dicitur in eo fontalis plenitudo, quia hoc conuenit tribus : nec ideo quia producit Spiritum sanctum, quia hoc conuenit filio: igitur fontalis plenitudo in patre ponit generationem in eodem. Si ergo innascibilitas est fontalis plenitudo, patet, & c.

MOVER etiam communis opinio, quae dicit innascibilitatem esse proprium patris, sed non potest esse proprium, & maxime proprium quod importat notionem, secundum quod importat puram priuationem, sic enim conuenit essentiae, & Spiritui sancto: igitur aliquid ponit. Non absolutum, constat quia ratione illius non potest esse proprietas: sed non potest ponere respectiui positum respectu producentis, igitur de ratione sua ponit respectu producti. Sed secundum rationem intelligendi, prima ratio respiciendi aliquem, ut productum, est generatio: ergo ad innascibilitatis positionem sequitur positio generationis: igitur, & c.

MOVER etiam verbum Hilarij 12. de Trinit. ubi dicit quod pater est auctor filij. Constat autem, quod per auctorem intelligit non factorem, sed genitorem. Eo ergo conuenit patri esse genitorem, quo conuenit ei esse auctorem: auctorem autem esse conuenit ei per id quod dicit auctoritatem esse in patre. Sed summa auctoritas est in patre ratione innascibilitatis, ergo conuenit hypostasi

passa
contra
actum
4. ubi
tra i
ratio

Aug
de T
20. l.

Dist.
c. 1

patris

patris ratione innascibilitatis generare, & hoc videntur dicere verba Hilarij. 1. 2. de Trinitate: si quis attendat, & similiter in quarto.

MOVET etiam verbum Philosophi, qui dicit quod principia quanto sunt priora, tanto potentiora, & quod causa prima plus influit, & quod quæ est simpliciter prima, summe habet influere per omnem modum. Si ergo videmus in ordine causarum, inter quas est ordo essentialis, quod primitas facit esse summam influentiam in causa, & maiorem influentiam secundum essentiam, pari ratione ubi est ordo personarum, primitas in prima persona est ratio producendi alias: & quia innascibilis dicit primitatem, hinc est quod dicit fontalem plenitudinem respectu productionis personalis. Et huius signum videmus, quod prima in generibus sunt principia aliorum, & quæ sunt simpliciter prima, ita quod in eis sit status, ut in pluribus habent potentiam infinitam, sicut punctus respectu linearum, & unitas respectu numerorum, sic etiam diuina essentia, quia prima respectu creaturarum. Vnde fortassis, quia diuina essentia est prima, ideo est omnipotentissima. Et quia omnis essentia sequitur essentiam trium personarum, impossibile est, quod una persona producat aliquid sine altera. Quamvis autem potentia producendi respectu personarum infinitarum non debuerit esse, sicut supra demonstratum est, attamen si per impossibile poneretur quod mille personæ producerentur, necesse esset quod omnes immediate procederent à persona patris. Quia sicut causa prima necessario in omni productione sequenti immediate operatur: sic suo modo in personis.

AD hoc autem mouet ratio. Sicut enim possibile est intelligi hypostasim Patris, & Filij, non intellecta hypostasi Spiritus sancti, sic etiam possibile est intelligi hypostasim patris, nulla alia persona intellecta. Et tunc quidem intelligeretur, non intellecta paternitate. Et certum est quod possibile est hoc intelligi. Possumus enim non intellecta personarum pluralitate intelligere diuinam naturam, & habentem illam, & quod illam non habeat ab alia, ita intelligunt gentiles. Igitur sic intelligendo, contingit de isto dicere & intelligere quod possit generare. Per quid ergo potest? Nihil inuenio in illa hypostasi non commune præter innascibilitatem. Si ergo generatio non potest ei inesse per illud quod est commune, inest ei per illud quod est proprium, hoc autem est innascibilitas: ergo, &c.

RURSUS sicut videmus plures personas in una natura, sic plures proprietates in una persona: ergo sicut ad perfectionem completissimam necesse est omnes personas reduci ad unam, quæ sit principium aliarum, sic omnes proprietates personæ reduci ad unam, quæ sit ratio illarum. Sed in patre est paternitas, & innascibilitas, & spiratio: sed innascibilitas non est reducibilis ad alias, ergo necesse est quod alias reducantur ad innascibilitatem, quæ est, sicut dixerunt, fontalis plenitudo.

AMPLIUS: Paternitatis & generationis proprietas quantum est de generali sua significatione communicabilis est, ut patet in creaturis, quia genitus generat, & filius vnus sit pater alterius. In diuinis autem paternitas est communicabilis: ergo cum hoc non sit de ratione paternitatis in quantum paternitas, erit de ratione alicuius quod est incommunicabile: hoc autem erit innascibilitas, siue primitas, quia primum non potest dare alij primitatem: & innascibilis non potest generare innascibilem, ergo videtur quod in diuinis hypostasis Patris ideo generet, quia innascibilis.

POSTREMO: Cum idem sit primum, & principium, sicut patet, & Philosophus dicit, aut ideo est primum quia principium, aut econuerso. Constat quod ei conuenit ratio principij, quia est primum, ideo per se hoc habet. Et constat quod status est in primo principio, non quia principium, sed quia primum. Et constat quod illa est conditio nobilitatis: ergo cum Pater sit totius deitatis principium, ut dicit August. hoc est quia primum ac per hoc quia innascibilis. Hoc sine præiudicio alio-

Arum dictum est. Vtraque enim harum positionum magna est, & neutra est contemnenda: hæc autem videtur magis cadere in intellectu quàm prima: maxime si respiciatur ipsius paternitatis propria acceptio, quæ est vere relatio, & simul natura cum filiatione, nec potest abstrahi à natura, & proprietate relationis: unde ita importat habitudinem ad Filium, sicut & generare: Ideo & illa positio intelligibilior videtur, & melius patebit infra, cum agatur de innascibilitate.

QVÆSTIO III.

An diuinarum proprietatum sit aliqua abstractio.

*S. Tho. 1. 2. q. 40. art. 3.
Et de Pot. q. 8. art. 4.
Agid. Rom. 1. Sent. dist. 26. q. 3.
Henricus in summa, art. 55. q. ult.
Richard. 1. Sent. dist. 26. art. 2. q. 1.*

Vtrum contingat proprietates abstrahi. Et quod non, videtur: quia omnis abstractio supponit concretionem, sed in eis solum proprie est concretio, in quibus est denominatiua prædicatio: ergo si hoc est in accidentibus tantum, videtur quod vbiicumque est ponere proprietatem abstrahibilem, ibi est etiam ponere proprietatem accidentalem: sed talis nullo modo ponitur in diuinis: ergo, &c.

ITEM vbiicumque est abstractio, abstractum est simplicius concreto, hoc non habet instantiam: sed in diuinis non est maior simplicitas, & minor, cum omne quod est ibi sit simplicissimum, & in fine totius simplicitatis est: ergo in diuinis non cadit abstractio.

ITEM: Omnis abstractio, aut est vniuersalis, à particulari, aut formæ à materia. Sed in diuinis nec est vniuersale, nec particulare, nec forma, nec materia: ergo in diuinis non est abstractio.

ITEM: Quandocumque abstrahitur aliquid ab aliquo, minus est quod remanet quam ante abstractionem erat, quia vtrumque aliquid est: nihil enim non abstrahitur ab aliquo, nec nihil à nihilo, sed aliquid ab aliquo: ergo si paternitas à persona vel hypostasi est abstrahibilis: ergo minus haberet de entitate quam cum paternitate. Sed contra: Paternitate abstracta, intelligitur hypostasis esse Deus: ergo si minus haberet de entitate quam cum paternitate, intelligeretur Deus non habere summum esse.

1. CONTRA: Magister dicit in litera, paternitas, filiatio, processio, ipsas tantum relationes significant: aut ergo aliquid adhuc respondet in re, aut nihil. Si nihil, ergo falso, & inaniter significant. Si aliquid, ergo videtur quod sint abstrahibile à parte rei.

2. ITEM: Non intellecto filio, nihilominus potest intelligi hypostasis Patris esse: sed non intellecto Filio non potest intelligi paternitas: ergo abstracta proprietate, adhuc potest intelligi hypostasis illa esse, cuius erat proprietas. Sed quandocumque aliqua duo sic se habent quod vnum potest intelligi sine alio, vnum potest abstrahi ab altero: ergo vere potest intelligi proprietates abstrahi ab hypostasi.

3. ITEM: Cum dico personam, intelligo habentem naturam cum proprietate incommunicabili, sed constat hoc totum non simul intelligi: ergo prius vnum, postea alterum: ergo prius intelligo naturam, deinde habentem, & tertio proprietatem incommunicabilem: ergo vnumquodque per se est intelligibile: ergo & proprietas sine subiecto: ergo ab ipso abstrahibilis. Si tu dicas mihi quod à parte intellectus potest abstrahi non à parte rei. Contra: Secundum hoc si abstractio est à parte modi intelligendi: ergo notio, & persona non differunt nisi solo modo loquendi, & hoc est supra probatum.

4. ITEM: Relatio in diuinis est vera relatio, quia ut dicit Boëtius, Deus non est sine relatione relatus. Sed vbi

est vere quantitas & quantum, ibi vera abstractio, non tantum à parte intellectus, sed etiam à parte rei: ergo etiam pari ratione ubi est vera relatio, & vere relatus, ibi est abstractio.

5. ITEM: Quodcumque aliqua proprietas habet distinguere ab alia secundum rem à qua non distinguitur secundum suppositum, ibi est abstractio non solum à parte intellectus, sed etiam à parte rei: sed paternitas differt ab innascibilitate, non autem differt ab innascibili Patre, ergo vere & proprie est abstrahibilis proprietas, siue notio à persona, non solum à parte nostra, sed etiam à parte rei.

CONCLUSIO.

In diuinis personis realis abstractio non reperitur, quamvis secundum quendam modum intelligendi abstrahatur communicabile ab incommunicabili.

RESP. Ad Arg. Dicendum quod abstrahi aliquid ab aliquo est dupliciter. Vno modo, abstractione, quæ habet totum à natura rei, & sic abstrahitur vniuersale à particulari, & forma à materia, quoniam utrobique est compositio, & diuersitas. Alio modo est abstractio, quæ totum habet ab intellectu nostro. Intellectus enim noster cum intelligit, aliquid completum, de necessitate dupliciter intelligit, siue sub duplici ratione, scilicet modum ipsius quod est & ipsius quo. Semper enim cum aliquid intelligit, considerat ipsum intelligibile per aliquam relationem, per quam etiam ipsum capit, & ita intellectus noster est resolubilis in intellectum ipsius quod est, & ipsius quo, quia compositio erat circa ipsum. Quoniam igitur realis abstractio præsupponit compositionem, quæ nullo modo est in Deo, nec quantum ad essentiam, nec quantum ad personam, ideo nullo modo est ibi abstractio à parte rei. Rursus: Quoniam Deum intelligimus secundum possibilitatem intellectus nostri, intellectus noster intelligit Deum per modum ipsius quod, & ipsius quo, & intellectus noster est resolubilis: & quia resolubilis, etiam compositus, quamvis res non sit composita: quantum ad ipsum potest esse abstractio, & separatio, ut intelligat ipsum quo est, quod est non intellecto. Et quoniam modus significandi consequitur modum intelligendi: ideo contingit significare ipsum quo in abstractione, & hoc ex parte communicabilis, ut cum dicitur Deitas, & ex parte incommunicabilis, ut cum dicitur paternitas. Concedo ergo, sicut manifestant primæ rationes quod non est ibi realis abstractio.

1. 2. 3. AD illud quod obiicitur in contrarium de significatione, dicendum quod aliquid respondet à parte nostri intellectus, nec oportet quod respondeat abstractio. Sicut enim intellectus noster, licet sit compositus, vere intelligit simplex per modum compositi, quia ponit illam compositionem circa se, non circa rem intellectam, ita est omnino intelligendum de abstractione. Et ita patent duo sequentia, quæ sunt sumpta à ratione intelligendi.

AD illud quod obiicitur quod tunc differunt solum modo loquendi, dicendum quod sicut tactum fuit in distinctione præcedenti, relatio secundum comparisonem ab subiectum transit: secundum comparisonem ad obiectum, siue terminum manet, quia abstractio est formæ à subiecto, non à termino: quia paternitas abstrahit à Patre non à Filio, & quantum ad comparisonem ad subiectum est omnino idem, ideo nullo modo est abstrahibilis à parte rei. Nihilominus tamen differre potest aliquo modo per comparisonem ad obiectum, quæ quidem differentia sumitur à parte rei: sed sicut illa differentia nihil facit ad compositionem, ita nihil facit ad abstractionem.

4. 5. ET sic patent duo sequentia, quia relatio manet, & distinguitur ab alia: sed hoc est per comparisonem ad obiectum non ad subiectum.

QVÆSTIO VI.

An liceat contrarie opinari de notionibus.

Alexander Avenensis 1. p. q. 68. Membrum 1. art. 2.

S. Thomas 1. p. q. 33. art. 4.

Et 1. Sent. dist. 32. q. 1. art. 5.

Egid. Rom. 1. Sent. dist. 34. p. 2. q. 2.

Vtrum peccatum sit, contrarie de notionibus, siue proprietatibus opinari. Et quod non videtur, quoniam Sancti contrarias opiniones habuerunt de Scripturis, & tamen non peccauerunt, sed solum erat eis pœna. Vnde Augustinus: Falsa pro veris approbare non est natura hominis instituti, sed pœna damnati.

ITEM Hieronymus: Quod de Scripturis veritatem non habet, eadem facilitate contemnitur, qua probatur: sed notionem non habent veritatem à Scripturis, sed inuentæ sunt à Magistris: ergo licet multa ibi eadem ratione contemnere, qua probare.

ITEM hoc videtur ratione, quia numerus notionum, & huiusmodi non sunt de illis, quæ sunt necessaria ad salutem: sed contraria opinari licet in his quæ non spectant ad viam salutis, & hoc sine peccato.

ITEM: Si est ibi peccatum, ergo aut fidei, aut morum. Non fidei, quia non est contra articulos. Non morum, quia credere falsum non respicit mores: ergo nulum peccatum.

1. CONTRA: De duobus contrarie opinantibus circa notiones, necessarium est alterum dicere falsum circa diuina: sed mendacium circa diuina est mendacium in Christiana religione, & hoc est grauissimum peccatum: ergo, &c.

2. ITEM: Duobus contrarie opinantibus circa notiones, necesse est alterum decipi, & errare: sed error circa diuina est periculosissimus. Vnde Augustinus de Trinitate: Nec periculosius alibi erratur, nec fructuosius aliquid inuenitur. Si ergo error circa humanitatem Christi est peccatum: ergo & circa notiones multo fortius.

3. ITEM: Cum proprietates sint ipse Deus, qui dicit vel credit proprietates esse quod non sunt, vel non esse quod sunt, dicit de Deo quod non est: sed qui dicit Deum non esse quod est vel econuerso, errat errore peccati, ergo cum alter opinantium sit huiusmodi: ergo, &c.

4. ITEM Sicut dicit Augustinus, non solum ille mentitur qui dicit falsum, sed etiam qui asserit dubium: sed vterque opinantium dicit quid dubium, quia nulla opinio duorum est certa, ergo vterque mentitur: sed qui mentitur circa verum peccat mortaliter, vel venialiter, sed plus qui mortaliter: ergo vterque peccat.

CONCLUSIO.

De notionibus licet aliter opinari sine peccato, non tamen asserere, quia ubi est præsumptio, non deest peccatum.

RESP. Ad arg. Dicendum quod contra opinari, vel potest esse circa ea spectant ad doctrinam Christianæ religionis, vel circa ea quæ spectant ad doctrinam humanæ inquisitionis. Circa ea quæ spectant ad doctrinam humanæ inquisitionis licet contraria opinari, & asserere, quia illa non faciunt ad salutem. Asserere autem contraria in his quæ spectant ad Doctrinam Religionis distinguendum est. Nam quædam sunt de necessitate fidei, quædam de necessitate Scripturæ, quædam sunt his annexa, ut sunt quæ faciunt ad fidei explicationem, & Scripturæ expositionem. Circa ea quæ sunt de necessitate fidei opinari contraria simpliciter est peccatum in altero, scilicet qui falsum opinatur. Et si sit simplex opinio, est peccatum erroris: si autem assertio, & defensio, non tantum error, sed hæresis dicenda est. In his autem quæ sunt de certitudine Scripturæ, ignorantes Scripturas licet contrarie opinari, nec est culpa, ut si vnus simplex homo credat, quod Iacob fuit Pater Isaac,

alter

alter non, sed econuerso. Et primus quidem licet suspi-
cetur, vel opinetur falsum, tamen non peccat, quia igno-
rat Scripturam. Scienti autem Scripturam non licet: im-
mo peccat si simpliciter opinetur. Si autem defendat,
hæreticus est iudicandus: quoniam contradicit Scriptu-
ræ sacræ. In his autem quæ sunt annexa fidei, vel Scri-
pturæ, aut vna opinio sequitur ad fidem, vel Scriptu-
ram, & ad alteram sequitur oppositum, & tunc dicen-
dum quod ante percontationem licet contrarie opinari,
sed post percontationem non licet, immo peccatum est,
sicut in his quæ determinata sunt per fidem, & Scri-
pturam, sicut fuit de opinione Porretani circa proprie-
tates. Dicebat enim illas non esse Deum, & ad hoc con-
sequitur contrarium fidei. Cum enim Ecclesia adoret
proprietaem, tunc adoraret non Deum, & non Deus
esset adorandus. Vnde postquam ostensum est sibi in-
conueniens, nisi retractasset errorem, fuisset ab Ecclesia
hæreticus iudicatus: sed hoc retractauit in cōcilio Rhe-
mensi, ut dicit Bernardus: In quæ sunt annexa fidei, &
non sequuntur nec repugnant ei, quia dubia sunt, licet
opinari: sed non licet asserere dubium circa Deum, quia
opinari est rationis conferentis, sed asserere dubium
circa Deum, est rationis superbientis. Concedendum
ergo quod uterq; opinans si asserat, peccat, non pro-
pter errorem, sed propter præsumptionem, & sic con-
cedendum quod licet ibi contrarium opinari.

1. AD illud quod obiicitur, quod mendacium in
Christiana religione, &c. Dicendum quod non est men-
dacium quia neuter dicit contra credulitatem in Chri-
stiana religione, quia non est de necessitate fidei, vel C
morum.

2. AD illud quod obiicitur, quod error ille est peri-
culosus, dicendum quod verum est inquantum est con-
trarius fidei: sed si est de his quæ non spectant ad fidem,
non est verum.

3. AD illud quod obiicitur, quod peccat qui dicit
Deum non esse quod est, &c. Dicendum quod illud ve-
rum est si sit determinatum per fidem vel Scripturam,
aliter non peccat nisi asserat, vel defendat.

4. QVOD ultimo obiicitur concedendum est: nam
qui propria auctoritate de Deo asserit vel affirmat quod
nec scriptura nec fides dicit, nec ad illa sequitur, præ-
sumptuosus est iudicandus etiam si verum dicat: & si
dubitet corde, & affirmet ore, mendax est: si utroque
modo asserit, superbus est.

DISTINCT. XXVII. PARS II.

De Proprietatibus Personarum secundum
quod diuersis nominibus exprimuntur
per vocabula minus vñtata.

*Hic non est pratermittendum quod sicut Pater, &
Filius, &c.*

Expositio Textus.

SVPRA egit Magister de proprietatibus per-
sonalibus secundum quod exprimuntur per
nomina magis vñtata, hic agit secundo de
eisdem prout exprimuntur per vocabula minus vñtata.
Et habet hæc pars quatuor partes. In prima Magister
assignat nominum differentias, per quæ conuenit ipsas
proprietates exprimi, auctoritatibus confirmans nomi-
na illa esse propria. In secunda vero assignat quandam
regulam in qua discernuntur propria à communibus,
ibi: *Et hic est aduertenda quadam generalis regula.* In
tertia opponit contra prædictam regulam, & determi-
nat, ibi: *Hic queritur cum dicitur Deus de Deo.* In qua-
ta ex illa solutione elicit aliam regulam, ibi: *& est scien-
dum quod secundum nomina substantia.*

A *Secundum quod sapientia est, & essentia, hoc est quod
Pater: secundum quod verbum, non hoc est
quod Pater. Dub. I.*

CONTRA: quia aut hoc tenetur essentialiter, aut per-
sonaliter. Si essentialiter, non solum secundum quod sa-
pientia est vnum per essentiam cum Patre, sed etiam in-
quantum verbum. Si personaliter tunc est falsum quod
secundum quod sapientia, sit hoc quod personaliter Pa-
ter. Itē: Cum hoc sit neutrius generis, videtur quod stet
pro essentia, & ita verbum semper est hoc quod Pater,
scilicet vnum per essentiam vel substantiam.

RESP. Dicendum quod hoc stat ibi pro significato
termini, ut sit sensus: Verbum secundum quod sapien-
tia, hoc est, quod Pater quia secundum quod sapientia
aliquid ei attribuitur quod etiam Patri, scilicet signifi-
catum huius nominis, *sapientia*. Similiter altera est vera,
Filius secundum quod verbum non est hoc, quod Pater
quia aliquid attribuitur Filio secundum quod verbum
quod non conuenit Patri. Vnde *secundum* dicit ibi ha-
bitudinem sub ratione & formali, & pronomen hoc im-
portat & demonstrat proprium significatum termini: &
ideo quia sapientia significat essentiale tenetur in pri-
ma essentialiter: quia significatum verbi ei personale,
tenetur in secunda personaliter. Vel aliter potest dici
quod tenetur essentialiter, & secundum quod dicit habi-
tudinem per modum formalis, vnde sicut alio est Deus
alio est Pater, quia diuinitate est Deus, paternitate Pa-
ter, ita quod nec paternitate Deus, nec Deitate Pater,
ita accipit Augustinus, cum dicit secundum quod ver-
bum non est hoc quod Pater, ut non negetur vnitas
in natura: sed ut negetur habitudo eius, quod est *se-
cundum*, quia verbum inquantum verbum non dicit
vnitatem essentia, sed distinctionem personæ, econtra
sapientia.

*Eadem proprietate sue notione dicitur Verbum, & Imago,
qua Filius. Dub. II.*

CONTRA: quia si hoc est verum, ergo ibi est syno-
nymia, vel inculcatio verborum, aut aliqua differentia.

RESP. Dicendum quod differentia est, & vna diffe-
rentia potest accipi sic, ut verbum dicatur, quod proce-
dit ab interioribus: imago, quod imitatur in exteriori-
bus, & Filius completitur vtrumque, & ideo magis &
communius dicitur Filius quam aliquid aliorum. Vel
aliter: Omnia hæc tria important similitudinem alte-
rius: sed si Filius importat illam similitudinem natura-
liter emanantem, imago ut expresse imitantem, ver-
bum ut aliis exprimentem quantum est de se, siue na-
tum exprimere, ideo Filius frequentius nominatur illa
persona propter hoc quod ipsam emanationem & ha-
bitudinem illam nomine importat proprio. Vel aliter:
Imago importat illam similitudinem ut conformem,
verbum importat illam ut mentalem, siue spirituales:
sed Filius connaturalem, & sic patet diuersa ratio si-
gnificandi eandem habitudinem, & illa eadem proprie-
tas est, nec tamen synonymia. Et in prima acceptione
præit intentio Verbi. In secunda intentio Filij. In ter-
tia intentio Imaginis. Tamen inter omnes, modus me-
dius est conuenientior.

Ita & de solo Filio, &c. Dub. III.

Videtur falsum dicere quod solus Filius est Deus de
Deo, quia Spiritus sanctus est Deus de Deo, non ergo
solus Filius.

RESP. Dicendum quod ista exclusio arctatur ex mo-
do loquendi. Quod patet, quia non dicit simpliciter
hoc: sed loquens de Patre & Filio dicit, non ambo Deus
de Deo, sed solus Filius, ita quod ex ipso modo lo-
quendi solus arctatur ad faciendam exclusionem pro
Patre.

Secundum nomina substantia tantum dicitur illud de illo. Dub. IV.

Videtur hoc falsum, quia bene dicitur Filius de Patre per nomina quæ non sunt nomina substantiæ. Si tu dicas quod intelligit secundum idem nomen. Obiicitur quod bene dicitur procedens de procedente, & principium de principio, siue spirans de spirante, hæc tamen nomina non dicuntur secundum substantiam. Item quæritur de hoc quod statim additibi: *Licet illa nomina substantiam non significant*, quia si hoc, ergo significat relationem, ergo hoc nomen, *Deus*, significat relationem. Et iterum si non significat substantiam, sed relationem: ergo possent pro eis poni nomina relatiua: ergo Pater de Patre.

RESP. Dicendum quod dici hoc de hoc, est dupliciter scilicet secundum idem nomen, vel secundum aliud. Secundum idem non potest esse nisi conueniat duobus: & quia nomina duabus personis conuenientia fere omnia sunt essentialia, licet aliqua sint notionalia, ideo regula Magistri vt in plurimum veritatem habet. Tamen quidam libri habent *maxime*. In quibus non est, potest poni pro Glossa & sic cessat obiectio, quia Magister non intendit excludere nisi nomina propria quæ dicuntur de vno solo. Quod obiicitur quod nomina non significant substantiam, dicendum quod significationem accipit pro suppositione, & tantum valet non significant, quantum non supponunt.

ARTICVLVS I.

AD intelligentiam eorum, quæ dicuntur de verbo, in parte ista quatuor quærentur. Primo de verbi significatione. Secundo de connotatione. Tertio de ipsius comparatione. Quarto de translatione.

QVÆSTIO I.

An Verbum in diuinis dicatur essentialiter, vel notionaliter.

Alexander Alensis 1. p. q. 62. Membr. 2.

S. Tho. 1. p. q. 34. art. 1.

Et de Verit. q. 4. art. 2. & 4.

Scotus in Reportatis 1. Sent. dist. 27. q. 4.

Egidius Rom. 1. Sent. dist. 27. pr. 2. q. 2.

Richard. 1. Sent. dist. 27. art. 7. q. 2.

Franciscus de Mayr. 1. Sent. dist. 26. q. 4.

Thom. Arg. 1. Sent. dist. 27. q. 1. art. 4.

Gab. Biel 1. Sent. dist. 27. q. 3.

Fundamēta. **V**trum verbum dicatur essentialiter, vel notionaliter. Et quod dicatur notionaliter ostenditur primo auctoritate per canonicam beati Io. elegantissime exprimentis incarnationem: Verbum caro factum est, sed vnio non est facta nisi in persona filij, ergo verbū non exprimit nisi personā filij, & proprie: ergo, &c. **Cap. 1. b**

Cap. 11. **ITEM** August. 15. de Trin. In Trinitate non dicitur verbum nisi filius, neque donum nisi Spiritus sanctus.

Cap. 37. **ITEM** Anselm. in Monol. Apertissimum est, quia nec ille cuius est verbum potest esse verbum suum, nec verbum potest esse ille cuius est verbum.

ITEM ratione videtur, quia verbum est quod emanat à mente per modum conceptionis: ergo verbum de se dicit conceptum: sed esse conceptum, & genitum sunt idem: sed genitum est notionale, ergo, &c.

ITEM Verbum dicitur, quod emanat per modum perfectæ expressionis: sed esse imaginem est proprium filij, ergo & verbum.

ITEM omne verbum dicit respectum ad dicentem, sed esse respectum in diuinis est notionaliter dictum, si dicat respectum ad personam: sed dicens non potest esse nisi persona, &c.

CONTRA: quod dicatur essentialiter, ostenditur sic. Sicut dicit Aug. 9. de Trinitate: Verbum est cum amore notitia, sed notitia est essentialiter dictum: ergo, &c.

A **ITEM** verbum est quo res manifestatur, & exprimitur, sed manifestari est cuiuslibet personæ, & manifestatio est essentialis, ergo & verbum. Si tu dicas quod non dicitur manifestatio simpliciter, sed manifestatio alterius, obiicitur tunc, quia Spiritus sanctus est manifestatiuus filij per Ioannem: Ille me clarificabit, &c.

3. ITEM hoc ipsum ostenditur per comparisonem ad dicentem, quia verbum dicitur respectu dicentis: sed dicentes sunt tres, sicut dicit Ansel. in Monol. Vnusquisque in Trinitate se dicit, ergo verbum est trium: sed nihil est trium nisi essentialiter, ergo, &c.

4. ITEM: sicut dicit Ansel. in Monol. Dicere nihil aliud est quam cogitando intueri, sed hoc est essentialiter, ergo & verbum. Si dicas, quod dicere secundum quod essentialiter dicitur non habet correspondens verbum. Contra: Sicut dicit Anselmus, Pater se dicendo generat verbum: sed omnis actus secundum quem persona reflectitur supra se est essentialis, ergo & dicere prout est essentialiter respondet verbum: ergo, &c.

5. ITEM hoc ostenditur per comparisonem ad id quod per verbum dicitur. Nihil medium inter creaturam, & Creatorem est notio, vel notionale, quoniam medium, qualiter distat ab extremis: sed verbum est medium, quoniam omnia per verbum facta sunt: ergo, &c.

CONCLUSIO.

Verbum æternum in diuinis tantum notionaliter, & non essentialiter.

RESP. Ad Arg. Ad hoc dixerunt aliqui quod *dicere*, tripliciter accipitur in diuinis. Vno modo *dicere*, est idē quod intelligere. Alio modo, quod generare. Vnde August. exponit illud Genes. 1. Dixit, id est, filium genuit in quo omnia disposuit. Tertio modo *Dicere* idem est quod creare, & verbum non respondet ei, quod est *Dicere* in quantum creatum, nisi secundum quod *Dicere* idem est, quod generare, & ita conuenit soli Patri. Sed istud non videtur intelligibile, quod sit loqui sine verbo, & quod aliquid sit dicere, cui non respondeat verbum, sicut nec generare sine genito, nec nosci sine notitia, Et hoc etiam ipse modus loquendi & intelligendi abhorret quod dicat & loquatur sine omni verbo. Ideo voluerunt aliqui dicere, quod cum dicere accipitur essentialiter, & personaliter, quia tres sunt qui dicunt, & qui dicuntur, sicut dicit Anselmus. Ideo verbum dicitur essentialiter & personaliter. Et secundum

D istam viam soluere nituntur obiecta ad vtramque partem. Sed hoc est contra Aug. & contra Ansel. expresse. Nam Aug. dicit quod verbum eo ipso quod verbum, dicitur ad alterum. Similiter Ansel. Apertissimum est quod verbum non est ille cuius est verbū. Et hoc patet etiam per auctoritates Aug. quas Magister adducit in litera, & Ansel. in Monol. hoc expresse negat. Propter hoc intelligendum, quod *Dicere*, est idem quod loqui: *Loqui* autem est dupliciter, vel ad se, id est apud se, vel ad alterum. Loqui ad se, nihil aliud est quam aliquid mente concipere. Mens autem concipit intelligendo: & intelligendo aliud, concipit simile alij: intelligendo se, concipit simile sibi, quia intelligentia assimilatur intellecto. Mens igitur dicendo se, apud se concipit per omnia simile sibi, & hoc est verbum conceptum. Loqui autem siue dicere ad alterum, est conceptum mentis exprimere, & huic dicere respondet verbum prolatum. Dicendum ergo, quod sicut in nobis dupliciter accipitur *Dicere*, ita in Deo. Nam *Dicere* Dei apud se, vel ad se, hoc est intelligendo, concipere, & hoc est generare prole similem: & huic *Dicere* respondet verbum natum, id est, verbum æternum. Alio modo *Dicere* est exterius se exprimere, & sic idē est *Dicere*, quod se per creaturam declarare, & huic *dicere* respondet verbum creatum, & verbum temporale. Concedendum ergo quod verbum sicut & *Dicere* dupliciter accipitur, scilicet æternaliter, & temporaliter. Et verbum temporaliter

Ad oppositum.
Cap. 10.

est

est creatum, nec est Deus, nec est in Deo, sed creatura A respectu Dei. Verbum æternum est Deus, & est illius solius cuius est concipere, sicut *Dicere*, est illius solius cuius est intelligere. Ideo rationes probantes: verbum dici notionaliter, sunt simpliciter concedendæ.

1. 2. AD illud quod obiicitur, quod verbum est notitia, & verbum est manifestativum. Dicendum, quod ista non est tota ratio verbi, sicut nec nosse est tota ratio *Dicere*, & manifestare, sed necesse est quod cadat ibi conceptum: & quia notitia concepta & manifestatio per conceptum fit per solum filium non Spiritum sanctum, ideo patet illud quod obiicitur secundo.

3. AD illud quod obiicitur de verbo in comparatione ad dicentem. Dicendum quod dicere non dicitur essentialiter nisi secundum quod dicitur respectu verbi creati, & secundum quod notat effectum temporalem: B secundum vero quod dicit respectum æternum, sic solus vnus est dicens.

Quod ergo obiicitur, quod dicere non est aliud quam cogitando intueri. Dicendum quod verum est vbi intuitus non est sine conceptu, vt in nobis, & in Patre, sed in Filio non est, nec similiter in Spiritu sancto. Quamvis enim se intelligant, tamen non concipiunt prolem, quia non est in eis fecunditas ad generandum. Si quæras rationem huius: Augustinus te docet 15, de Trinitate, quia nos non intelligimus nisi per intelligentiam, & illa semper est genita. In illa autem Trinitate beata, aliter est quam in imagine, quia quilibet persona intelligit. Et ideo intelligere non dicit ibi rationem concipiendi, ac per hoc non complectens totam rationem dicendi, vel verbi in Deo, vt in nobis.

4. AD illud quod obiicitur quod actus reflexus supra se, &c. Dicendum quod siue dicatur apud se, siue exterius ad alterum, vtroque modo implicat apud se actum absolutum, & respectivum. Dicere enim apud se est cogitando, siue intelligendo se, conceptum gignere, & ratione primi est reflexio, sed ratione secundi est relatio. Similiter dicere exterius, est se, vel conceptum declarando aliquid extra formare. Vnde dicere vtroque modo reflectitur supra dicentem & dictum. Supra dicentem ratione absoluti supra dictum, ratione comparati, & sic manifesta est illa obiectio, quoniam dicere non tantum est absolutum: & ideo non est essentialiter semper.

5. AD illud quod obiicitur quod verbum est medium, dicendum quod duplex est medium, scilicet essentialiter, intelligentiæ, & verbum non est medium in essendo, sed extremum, quoniam ipsum verbum omnia fecit: sed solum in intelligendo, quia Pater per Verbum fecit: & hoc infra melius dicetur.

QVÆSTIO II.

An nomine Verbi importetur respectus ad creaturas.

Alexander Ales. 1. p. q. 62. Membr. 1. art. 4.

S. Thom. 1. p. q. 34. art. 3.

Et 1. Sentent. dist. 27. q. 2. art. 2.

Et de Ver. q. 7. art. 5.

Scot. in Reportariis 1. Sent. dist. 27. q. 5.

Egid. Rom. 1. Sent. dist. 27. princ. 2. q. 4.

Richardus 1. Sent. dist. 27. art. 2. q. 3.

Franciscus de Mayr. 1. Sent. dist. 27. q. 3.

Gab. Biel. 1. Sent. dist. 27. q. 3. dub. 1.

DE Verbi æterni connotatione, & est quæstio vtrū Verbum æternum connotet aliquid ex parte creaturæ. Et quod sic, videtur primo auctoritate Psalmi: Dixit, & facta sunt: ergo cum *dicere*, nõ sit aliud quā Verbum proferre, & ad *dicere* sequatur *facere*, & ad *facere* ipsum *factum*, ergo ad verbum sequitur factum: ergo videtur quod verbum connotet aliquid creatum. Si tu dicas hoc esse dictum de *dicere* prout accipitur temporaliter, & respondet ei verbum creatum. Contra Aug. 11. cõfessionū: Verbo tibi cõeterno dicis quicūq; dicis, & fit quicquid dicis, vt fiat, nec aliter quā dicendo facis: ergo videtur quod illud sit intelligendum de verbo æterno.

ITEM: Augustinus in lib. 83. q. tractans illud Evangelij: In principio erat Verbum, dicit: Melius in hoc loco Verbum interpretatur, vt signetur non tantum ad Patrem respectus, sed etiam ad ea quæ facta sunt operatiua potentia, ergo Verbum dicit respectum ad facta: sed constat quod de Verbo æterno loquitur, scilicet quod erat in principio.

ITEM super illud Psalmi: Semel locutus est Deus, dicit Augustinus: id est, Filium genuit in quo omnia disposuit. Si ergo Verbum non tantum importat generationem, imo etiam dispositionem omnium, ergo ad omnia dicit respectum.

ITEM Anselmus in Monolog. Cum summus Spiritus seipsum dicit, dicit omnia quæ facta sunt: ergo eodem verbo dicit se, & creaturas: sed Verbum dicit respectum ad illud quod per Verbum dicitur, ergo non tantum ad Patrem, sed etiam ad ea quæ facta sunt, dicit respectum: ergo, &c.

1. CONTRA: Omne quod connotat temporale, dicitur temporaliter: sed verbum non dicitur temporaliter in diuinis, quia in principio erat verbum: ergo Verbum non connotat temporale, quia omnis creatura vel creatum temporaliter incipit, accipiendo large tempus: ergo verbum nihil connotat in comparatione ad creaturas. Si tu dicas quod connotat in habitu non actu, sicut æterna dispositio & prædestinatio. CONTRA: Si nunquā aliquid fieret, vel fiendum esset, adhuc Pater seipsum diceret: ergo & verbum mente conciperet: ergo verbum esset si nunquam vlla creatura esset futura & præsens: ergo, &c.

2. ITEM: Dicere verbum est necessarium, quoniam sicut in præcedentibus probatum fuit, productio personæ est necessaria: sed productio creaturæ est contingens. Vnde cum producit eam, posset non producere: si ergo simpliciter necessarium non claudit in se contingens, verbum non dicit respectum aliquem ad creaturam.

3. ITEM: Creator & creaturæ summe sunt distantia, ergo in nullo communicant: si ergo verbum Patris est vnum, & summe vnum, ergo illo verbo cum dicatur Deus Pater, impossibile est creaturam dici: ergo si creatura non dicitur illo verbo, non ergo dicit respectum ad creaturam.

4. ITEM Si verbum dicit respectum ad creaturam: ergo poterit dici verbum creaturæ: quod expresse negat Anselmus in Monolog. verbum quod creaturam dicit nequaquam est verbum creaturæ. Si tu dicas mihi quod dicit respectum ad dicentem principaliter: vnde non potest dici nisi verbum Patris: eadem ratione cum Spiritus dicat respectum ad spirantem principaliter, non poterit dici Spiritus Moyse, vel Helie, quod est contra Scripturam.

5. ITEM si dicit respectum ad creaturam, cum omne nomen dicens respectum ad creaturam, sit essentialiter, non personale, verbum nullo modo dicitur personaliter, quod est contra prædeterminata.

CONCLUSIO.

Verbum æternum de se connotat respectum ad creaturam per modum exemplaritatis, dispositiue virtutis, & operatiue in potentia, & non in actu.

RESP. ad arg. Dicendum est, sicut dicit Augustinus: Tunc verbum dicitur vel generatur, quando mente similitudo, vel imago alicuius cognoscibilis concipitur: & verbum illud respicit quod respicit similitudo cõcepta: Quoniam igitur mens nostra, nec simul, nec vno & eodẽ videt se, & alia: ideo alio verbo dicit se, & alio alia, immo aliis: tot enim in eo sũt verba quot intellecta. Summus autẽ Spiritus in Patre, se & omnia vno aspectu & eodem cognoscit: & cum intelligit se & alia, cognoscit vt aliorũ principium: & quia in ipso vis conceptiua cõcipit similitudinem omnia circumplectentem sub intuitu vno, siue aspectu: concipit, siue generat vnum verbum, quod est similitudo Patris imitatiua, & similitudo

rerum exemplativa, & similitudo operativa: & ita tenet quasi medium: & dicitur Pater operari per verbum: & ulterius ipsi verbo attribuitur quod sit Dei virtus, & Dei sapientia. Et ita patet quod verbum diuinum dicit respectum ad Patrem, dicentem ipsum, à quo generatur per omnia non similem. Dicit etiam respectum ad creaturam per modum exemplaritatis dispositiue & virtutis operatiue. Et quia ista non dicunt respectum in actu, sed solum in habitu: & dico quod sicut exemplar dicit respectum in habitu, & potentia similiter, quia multa scit Deus, & potest, quæ non facit, sic & verbum æternum. Vnde sicut supra dictum est de dono, ita etiã nunc intelligendum de verbo. Concedendũ igitur sunt rationes probantes, quod dicit respectum, sed non connotat effectum actualiter. Vnde prima ratio quæ probat de effectu actuali, soluenda est sicut in opponendo tactum est, quia ibi loquitur de *dicere* secundum quod ei respondet verbum creatum, quod est quasi verbum prolatum, sed tamen illud *dicere* est per verbum increatum, sicut pater dicitur operari per filium, & hoc est quod dicit August. quod æterno verbo dicis quæcũq; dicis, & sit quidquid dicis. Potest tamen dici, quod illud *dicere* est æternum, & tantum valet quantum *disponere*: sed hoc nõ dicit effectum, sed respectum in habitu, & hoc concessum est, quod verbum dicit, Et quod iste sit intellectus Augustini, patet per litteram sequentem, & *simul & sempiternè dicis*. Nec tamen simul & sempiterna, fiunt quæcunque facis. Ex hac auctoritate patet veritas responsionis, quod verbum dicit habitualem respectum.

Ad illud quod obiicitur in contrarium, quod nullum æternum connotat temporale, dicendum quod verum est in actu, vnde verbum proprie loquendo non connotat effectum, sed dicit respectum, non ad creaturam iam existentem, vel etiam futuram tantum, verum etiam possibilem fieri, & sic patet responsio ad instantiam quam inducit in contrarium.

2. Ad illud quod obiicitur, quod productio verbi est necessaria & æterna, sed creatura, contingens, dicendum quod quamvis actualis productio creaturæ sit voluntaria, tamen potentia producendi, & scientia, est necessaria. Impossibile enim est, Deum non posse: & impossibile est Deum nescire creaturas producere.

3. Ad illud quod obiicitur, quod non communicant in aliquo, dicendum quod verum est de communitate essentiali, & prædicatione, & hoc modo non communicant in verbo, quia verbum est Deus, non creatura: nihilominus tamen secundum aliquam rationem possunt habere respectum ad idem. Nihil enim impedit, quod vnus & eiusdem Deus sit principium, & creatura sit effectus, & ita est de verbo æterno quod dicit respectum ad Patrem, vel ad principium, ad creaturam autem, vt ad effectum.

4. Ad illud quod obiicitur, quod tunc potest dici verbum creaturæ, dicendum quod sicut patet ex ratione nominis verbum dicit respectum, vt ad producentem, quia dicitur verbum dicentis, similiter donum: & quia principalis respectus importatus per nomen, solum dicitur respectu personæ, ideo nec filius dicitur verbum creaturæ, nec Spiritus sanctus donum creaturæ. Et si tu obiicias de hoc nomine *Spiritus*, dicendum quod pro vt de spiritu Helix dicitur, non accipitur sub actu personali, quia Spiritus sanctus dicitur spiritus Patris, & Filij tantum, sed accipitur ab actu spirandi. De quo Ioannes: Spiritus ubi vult spirat, & iste est actus essentialis, vnde sicut dicitur Deus Helix, quia fouet Heliam, vel ab aliquo alio actu, ita dicitur Spiritus Helix, quia spirat Helix: ita etiam posset dici Spiritus sanctus Helix, sicut dicitur in Daniele: Suscitauit Deus Spiritum sanctum pueri iunioris. Nec hoc est contra Magistrum, quia ipse loquitur de spiritu pro vt est nomen impositum à proprietate personali, & magis determinatum est illud totale nomen, quod stet pro persona quam hoc nomen *spiritus* per se, & ideo frequentius inuenimus spiritum dici alicuius hominis quam Spiritum sanctum alicuius

hominis: attamen inuenitur alicubi, quia sicut dicitur Spiritus Helix, quia in eum spirat, & inspirat, ita Spiritus sanctus Helix, quia ei sancta inspirat: & ideo fortassis ibi dictum est, quod suscitauit Spiritum sanctum, quia non fuit ad futura prædicendum, sed ad iniquum iudicium retractandum.

5. Ad illud quod obiicitur, quod nomen dicens respectum ad creaturam non est notionale, dicendum, quod verum est si illum pure dicat: sed verbum non tantum ipsum dicit, nec principaliter dicit, sed principaliter dicit respectum ad Patrem, sicut & de dono dictum est. Magis autem Filius & Spiritus sanctus nominantur nominibus dicentibus respectum ad creaturam quam Pater: quoniam secundum rationem intelligendi, & appropriandi, quasi mediũ sunt inter nos & Deum, & secundum rationem appropriandi sunt reducentes ad Deum. Vnde secundum August. Pater est principium ad quod reducimur: Filius forma quam sequimur, & Spiritus sanctus gratia qua reconciliamur. Vnde & ipsi magis proprie nobis dari dicuntur quam Pater, &c.

QVÆSTIO III.

An prius sit secundum rationem intelligendi, Verbum, an sapientia, sine notitia.

Alexander Alensis 1. p. q. 62. Membro 1. art. 2.

S. Thom. 1. p. q. 34. art. 2.

Et de Verit. q. 3. art. 3.

Et 1. Sentent. dist. 27. q. 2. art. 1.

Richardus 1. Sent. dist. 27. art. 2. q. 4.

Steph. Brulef. 1. Sent. dist. 27. q. 3.

De comparatione verbi ad sapientiam. Et cum filius sit verbum & sapientia queritur quod istorum sit prius secundum rationem intelligendi. Et quod sapientia prius sit, videtur per August. 9. de Trin. cap. 10. Verbum est cum amore notitia: ergo verbum secundum rationem intelligendi addit supra notitiam: sed quod se habet per additionem ad aliud, præsupponit illud, ergo, &c. Item notitia dicit essentialia, sed verbum personale: ergo cum essentialia sit communis, & esse communis secundum rationem intelligendi sit prius, ergo, &c.

ITEM verbum dicit respectum ad creaturas, sapientia autem dicit quid absolutum de ratione sui nominis: ergo cum absolutum secundum rationem intelligendi sit prius respectu, & sapientia quam verbum.

CONTRA per Eccl. 1. Fons sapientiæ verbum Dei in excelsis, fons dicit rationem principij: ergo verbum est principium sapientiæ: sed quod est principium, est prius secundum rationem intelligendi necessario, ergo verbum prius quam sapientia.

2. ITEM verbum sicut dicit Aug. in lib. 8. quæstionum dicit operatiuum potentiam: sed potentia sicut dicit Richardus, secundum rationem intelligendi prior est quam sapientia, ergo, &c.

3. ITEM verbum dicit similitudinem interius conceptum, sapientia dicit habitum, vel habilitatem ad cognoscendum. Sed conceptio similitudinis & specierum præcedit ipsam habilitatem, ergo & verbum præcedit sapientiam in intelligendo. Iuxta hoc queritur, cum filius dicatur verbum & sapientia, propter quid sapientia solum est appropriatum non proprium, verbum autem est proprium. Et iterum, cum filius sit filius, & imago & verbum proprie, queritur quæ sit differentia istorum nominum. Si enim non est differentia nisi in voce, tunc videntur esse nomina synonyma.

CONCLUSIO.

Notitia atque sapientia intellectus in filio, est prior secundum rationem intelligendi, ipsius verbi intellectu.

RESP. ad arg. Dicendum quod in intellectu verbi cadunt istæ conditiones, sc. intellectus cognitio, similitu-

dinis

dinis conceptio, & alicuius expressio. Et patet si consideremus generationem verbi secundum Anselm. in suo Monol. qui dicit sic: Cum cogito notum hominem absentem, format acies cognitionis in se talem imaginem eius qualem illam per visum oculorum in memoriam attraxi, quæ imago in cogitatione verbum est eiusdem hominis quem cogitando dico. Habet igitur mens rationalis cum cogitando se, intelligit secum imaginem suam ex se natam, id est, cogitationem sui ad sui similitudinem quasi sua impressione formatam: quæ imago eius verbum est. Hoc itaque modo quis negat summam sapientiam cum se dicendo, intelligit, gignere substantialem sibi similitudinem, id est, verbum suum? Verbum autem non est aliud quam similitudo expressa, & expressiva, concepta vi spiritus intelligentis, secundum quod se, vel aliud intuetur. Vnde patet, quod intellectus verbi præsupponit intellectum notitiæ, & generationis, & imaginis: intellectum notitiæ, intuitu spiritus intelligentis: intellectum generationis, in conceptione interiori: intellectum imaginis, in similitudine per omnia conformi, & superaddit his omnibus intellectum expressionis. Quoniam igitur intuitus intelligentis non dicit respectum, ideo ipsa sapientia & notitia non dicit proprium. Sed quoniam conceptio & similitudo dicunt respectum, ideo necesse est tam nomen filii, quam imaginis, quam etiam verbi proprie dici. Et rursus patet ordo in dicendo, & patet etiam differentis modi dicendi ratio. Nam sapientia, vel notitia dicit primum in intelligendo, deinde filius qui dicit ipsam emanationem siue conceptionem, deinde imago quæ dicit modum expressum emanandi, & tertio loco verbum, quod dicit hæc omnia, & superaddit rationem exprimendi, & manifestandi. His visis, facile est ad obiecta respondere. Concedo enim, quod secundum rationem intelligendi, intellectus notitiæ & sapientiæ sit prior.

1. Ad illud quod obiicitur, quod est fons sapientiæ, dicendum quod illud intelligitur de sapientia creata.

2. Ad illud quod obiicitur, quod dicit potentiam operatiuam, dicendum quod Verbum, etsi habeat omnipotentiam sicut Pater, tamen ipsum Verbum non dicit potentiam operatiuam de ratione sui nominis, nisi in quantum illa potentia est operatiua, prævia dispositione: & quoniam dispositio est actus sapientiæ, ideo sapientia prior in intelligendo est.

3. Ad illud quod obiicitur, quod similitudo est prior habilitate in intelligendo, dicendum quod istud verum est in quibus est sapientia per acquisitionem, sicut in nobis, sed non sic in Deo, immo è conuerso, quia ex intuitu mentis summe sapientis oritur Verbum quod dicitur esse summa sapientia, ita quod similitudo concepta non dat sapientiam concipienti, immo magis accipit. Quod ultimo quæritur iam determinatum est.

QVÆSTIO IV.

An nomen Verbi recte sit translatum ad diuina.

Alex. Alenf. 1. p. q. 62. Membro 1. art. 1.

Richard. 1. Sent. dist. 27. art. 2. q. 1.

Steph. Brulef. 1. Sent. dist. 27. q. 4.

DE translatione huius nominis *Verbum*, ad diuina. Et quod nullo modo debeat transferri, videtur. Omnis translatio est secundum similitudinem: sed nihil in creatura vanius est verbo, quia statim dum fit, transit, & non est. Verbum autem Domini manet in æternum: ergo, &c.

2. ITEM cum sit verbum intelligibile & sensibile secundum duplex dicere, quæritur, quod istorum transferatur. Et quod non exterius vult Aug. 15. de Trinit. Verbum exterius non est verbum, sed signum verbi: ergo si Verbum diuinum est verum verbum: ergo, &c.

3. ITEM exterius verbum exit à dicente, Verbum autem diuinum semper est in dicente: quia ego in patre, dicit Veritas: ergo, &c.

ITEM videtur quod nec ad similitudinem interioris cognitionis, quia dicit Augustinus. 16. de Trin. Cogitatio est quid volubile, in Deo autem nihil est volubile: ergo, &c.

4. ITEM cogitationes mortalium timidae sunt & incertae providentiæ nostræ: sed in Verbo diuino nulla est falsitas, nulla dubietas: ergo, &c.

5. ITEM multa cogitamus quæ nobis displicent: sed Verbum diuinum est per omnia placens: ergo, &c. Item multa cogitamus quæ non possumus: sed Verbum diuinum est omnipotens: ergo, &c.

CONTRA: Inter omnia creata imago est expressior, ergo inter omnes emanationes ea est expressior quæ est in imagine: sed emanatio similis Verbo increato in imagine, est emanatio verbi à mente, ergo expressior: ergo conuenienter transfertur.

ITEM quod dicatur per comparisonem verbi intellectus, hoc videtur per comparisonem ad res extra, quoniam Ecclesiasticus secundum aliam translationem 70. Principium omnis operis verbum: sed per Dei filium omnia sunt facta: ergo, &c.

ITEM quod verbum vocis sit simile, videtur quia verbum dicitur, quia expressum, & manifestatum, vnde nec patrem quis nouit nisi filius, & cui voluerit filius reuelare, sed hoc maxime est in verbo vocis. Nam verbum interius non patet nisi per verbum vocis: ergo Verbum increatum dicitur ad similitudinem exterioris verbi.

ITEM Basilii: Filio Dei attribuitur sensus, sapientia, virtus, verbum, & lumen. Sensus quo cogitantur omnia, sapientia qua omnia disponuntur, virtus quæ cuncta fiunt, verbum quo annuntiantur, lumen quo clarescunt. Si ergo verbum dicitur ratione annuntiationis, & hoc pertinet ad verbum vocis, patet quod illud verbum dicitur ad similitudinem verbi prolati.

CONCLUSIO.

Verbi creati interioris nomen conuenienter ad diuina dicitur translatum.

RESP. Ad Arg. Dicendum quod sicut ratio paternitatis per prius reperitur in Deo quam in creaturis, tamen ipsum nomen est translatum à nobis ad Deum: sic ratio lucis, sic sapientiæ, & horum similium, sic etiam ratio verbi: & significatum per prius & nobilius est in Deo quam in hominibus, vel in nobis: tamen nomen translatum est à nobis ad Deum: Translatio autem fit propter duo. Vna ratio est propter similitudinem expressam. Alia ratio est propter instructionem nostram, & hæc duo hic sunt. Primum quidem est expressa similitudo verbi creati ad increatum ad quam insinuandam distinguit B. Aug. in lib. 15. de Trin. verbum secundum triplicem differentiam. Nam vnum est verbum sensibile, aliud est verbum intelligibile, tertium est verbum medium. Verbum sensibile attenditur in prolatione vocis, verbum intelligibile in cogitatione rei, verbum medium in cogitatione vocis. Et est ordo, quia primo cogitat aliquid homo quid sit, secundo quid debet cogitatum pronuntiare, tertio pronuntiat. Sicut ergo ratio Trinitatis reperitur in sensu, reperitur in ratione conuersa ad sensum; reperitur in ratione secundum se, sic & ratio verbi: Et quemadmodum trinitas, in qua consistit expressa similitudo, non est in sensu, nec in inferiori parte rationis, sed in ratione secundum se, sic cum tripliciter dicatur verbum, in nullo consistit similitudo expressa nisi in verbo intelligibili, & hoc est verbum quod ad nullam pertinet linguam. Vnde dicit, quod qui hoc potest videre, aliquo modo videt illius verbi similitudinem. Similitudinem autem istius verbi ad illud assignat quantum ad tria, scilicet quantum ad emanationem siue originem, quantum ad dispositionem, quantum ad vñionem. Nam hæc tria in filio Dei est considerare: Originem, secundum quam dicitur Filius: dispositionem æternam, secundum quam

dicatur mundus archetypus & ars plena omnium rationum viventium: & vnionem, secundum quam dicitur homo factus. Similitudo est in origine. Nam sicut filius per modum naturæ procedit per omnia Patri similis, sic verbum intellectus a mente procedit per modum naturæ per omnia ei simile & æquale, unde dicitur mentis conceptus. Quantum ad dispositionem est similitudo, nam sicut homo nihil operatur rationabiliter quod non præcogitet & mente concipiat, sic Deus Pater in verbo omnia disposuit. Et sicut dispositio nostra vel præconceptio potest esse etiam si non sequatur opus, sic & dispositio æterna, & præcognitio non ab opere dependet. Quantum vero ad vnionem, est similitudo. Nam sicut verbum mentis vnitur voci vt innotescat, & tamen non transit in vocem, sed manet integrum in mente, sic per omnia in verbo æterno intelligendum est quod vnitum est carni, & non transit in carnem, sed manet integrum apud Patrem, & hæc igitur est similitudo. Sed tamen hæc similitudo non attenditur in verbo mentis generaliter. Nam sicut dicit idem Aug. frequenter cogitamus quæ nescimus, & sic verbo nostro coniuncta est fallacia: Frequenter quæ nolumus, & tunc coniuncta est displicentia: Frequenter quæ non possumus: & tunc iuncta est impotentia. Diuinum autem verbum est verissimum, placitissimum, omnipotentissimum, ideo expressa eius similitudo non consistit in verbo nostro nisi sit verbum certæ notitiæ, & complacentiæ, & potentiæ, & hoc est verbum quod consistit in cogitatione iuncta sibi affectui, & operatiua. Vnde August. 9. de Trinitat. Verbum est cum amore notitia, & si addatur virtus, tunc est ratio perfecta, & sic verbum est cum amore, & virtute, & notitia. Transfertur igitur verbum a verbo interiori secundum prædictas similitudines, & prædeterminatas condiciones, & hæc est ratio ex parte rei. Ratio autem ex parte nostra est, quia diuina intelligimus per creatura: quoniam ergo cum audimus Patrem & Filium, cogitamus de Patre carnali & Filio, vt subleuemur ad cogitandum generationem spirituales, ideo diuinissimus Ioannes qui totus erat in contemplatione diuinitatis eleuatus, verbi nomine vsus est dicens: In principio erat Verbum: quod Verbum qui intelligit, multum proficit in cognitione Filij Dei.

His visis, patent obiecta. Concedo enim, quod verbum exterius non habet expressam similitudinem, tum quia vanum, tum quia procedit exterius, tum etiam, quia non est verbum, sed verbi signum, verbum autem interius habet horum opposita. Concedo etiam quod verbum interius dubium, vel falsum, vel impotens, vel displicens non habet expressam similitudinem, sed verbum quod habet oppositas condiciones.

1. 2. 3. 4. 5. Ad illud quod obiicitur ad oppositum, quod verbum intelligibile habet similitudinem, concedendum est. Quod autem obiicitur de verbo sensibili, dicendum quod aliquam habet similitudinem: sed non expressam, ideo translatio non est secundum ipsum, sed secundum interius quod est similis, vt patet. Nullum autem verbum potest per omnia illi assimilari, nam illud solum habet cum dicente identitatem substantialem, & simultatem naturalem, quia est simul natura & duratio: quæ condiciones, vt dicit B. Augustinus, non insunt nostro verbo, & ideo quamvis sit similitudo, est tamen nonnulla dissimilitudo: & ideo potest recte dici translatio, quia non est per omnia similis, & sic omnia patent.

DISTINCT. XXVIII.

Quod non tantum tres prædictæ Proprietates sunt in Personis, sed etiam aliæ quæ de aliis significantur nominibus, vt Ingenitus.



PRÆTEREA considerare oportet quod non tantum tres prædictæ proprietates siue notiones in personis sunt, verum etiam alia, quæ aliis notantur nominibus.

Nam etiam hoc nomen, ingenitus, relatiue dicitur de patre tantum, & aliam designat notionem quam Pater vel Genitor. Non est enim idem esse Patrem & esse Ingenitum, id est, non ea notione Pater dicitur qua ingenitus. Pater enim, vt prædictum est, dicitur secundum proprietatem generationis, ingenitus autem secundum proprietatem inascibilitatis. Differt ergo Pater à Filio auctoritate generationis, differt etiam proprietate inascibilitatis, id est, quia ingenitus. Vnde Augustinus distinguens inter proprietatem qua Pater dicitur, & illam qua dicitur ingenitus, in 5. libro de Trinitate, sic ait: Non est hoc dicere ingenitum quod est Patrem dicere: quia etsi filium non genuisset, nihil prohiberet dicere eum ingenitum. Et si gignat quisque filium, non ex eo ipse est ingenitus, quia geniti homines gignunt alios. Non ergo ideo dicitur Pater quia ingenitus. Idem: Cum de Deo Patre vtrumque dicitur, alia notio est qua intelligitur genitor, alia qua ingenitus. Genitor enim dicitur ad genitum, id est, filium. Cum vero ingenitus dicitur, non quid sit, sed quid non sit, ostenditur. Hoc exemplis planum faciendum est; Quod dicitur ingenitus, hoc ostenditur quod non sit filius: sed genitus, & ingenitus commodè dicuntur: Filius autem latine dicitur, sed vt dicatur, infilius, non admittit loquendi consuetudo: nihil tamen intellectui dicitur si dicatur, non filius: quemadmodum etiam si dicatur non genitus pro eo quod dicitur ingenitus, nihil aliud dicitur. Ideo non est in rebus considerandum quid vel sinat, vel non sinat, dici vsus sermonis nostri, sed quis rerum ipsarum intellectus eluceat. Non ergo iam tantum dicamus ingenitum, sed etiam non genitum quod tantum valet. Nunquid ergo aliud dicimus, quam non filium? Negatiua porro particula non id efficit, vt quod sine illa relatiue dicitur, eadem præposita substantia liter dicatur, sed id tantum negatur quod sine illa aiebatur: sicut in aliis predicamentis cum dicimus: Homo est, substantiam designamus. Qui ergo dicit: Non homo est, non aliud genus predicamenti enuntiat, sed tantum illud negat. Sicut ergo secundum substantiam aio: Homo est: sic secundum substantiam nego, cum dico: Non homo est: At si tantum valet quod dicitur genitus quantum valet quod dicitur Filius: tantumdem ergo valet quod dicitur non genitus, quantum valet quod dicitur non Filius. Relatiue autem negamus dicendo, non genitus. Ingenitus porro quid est, nisi non genitus? Non ergo receditur à relatiuo predicamento, cum ingenitus dicitur. Sicut enim genitus non ad se dicitur, sed quod ex genitore sit: ita cum dicitur ingenitus, non ad se dicitur, sed quod ex genitore non sit, ostenditur. Vtrumque tamen relatiue dicitur. Quod autem relatiue pronuntiatur, non indicat substantiam. Quamvis ergo diuersum sit genitus, & ingenitus, non tamen indicat

diuersam

diuersam substantiam, quia sicut filius ad Patrem, & non Filius ad non Patrem refertur, ita genitus ad genitorē, & non genitus ad non genitorem referatur necesse est. Ecce euidenter ostendit quod ingenuus relatiue dicitur, & de solo Patre accipitur: alia notio est qua dicitur ingenuus, alia qua pater. Atque tantum valet cum dicitur ingenuus: quantum non genitus, vel non filius.

An sicut solus Pater dicitur ingenuus, dici debeat non genitus, vel non Filius.

Ideo solet queri: Vtrum sicut solus pater dicitur ingenuus, ita ipse solus debeat dici non genitus, vel non Filius: ut nec etiam Spiritus sanctus possit dici non Filius, vel non genitus. Quibusdam videtur quod Pater solus debeat dici non genitus, vel non Filius: Spiritus vero sanctus sicut non dicitur ingenuus, ita inquit, non est dicendus non genitus, vel non filius. Debet quidem dici, & credi Spiritus sanctus non esse genitus, vel non esse filius, sed non debet dici esse non genitus, vel non Filius. Aliis autem videtur quod cum Spiritus sanctus non possit dici ingenuus, potest tamen dici non genitus, vel non filius. Quod autem Augustinus supra ait, tantum valere cum dicitur, ingenuus, quantum cum dicitur non genitus, vel non filius, etymologiam nominis ostendendo eum hoc dixisse dicunt, non ratione predicationis.

Qua sit proprietas secundum quam dicitur Pater ingenuus.

Si autem vis scire qua sit proprietas secundum quam dicitur pater ingenuus, audi Hilarium ipsam vocantem inuiscibilitatem in 5. lib. de Trinitate, ita aientem: Est unus ab uno, scilicet ab ingenito genitus, proprietate videlicet in unoquoque & originis, & inuiscibilitatis. Significata ergo in scripturis personarum intelligentia, & distinctio inuiscibilitatis, natiuitatisque sensu, solitarius Deus non est opinandus. Discretio ergo, vel distinctio personarum in scripturis posita est, in nullo autem natura distinctio.

Arriani nitebantur probare alterius substantiae Patrem, alterius Filium, quia ille ingenuus: iste genitus: quibus respondens Ambrosius, dixit se hoc nomen in Scripturis non legisse diuinis.

Illud etiam taceri non oportet, quod Arriani ex eo probare nitebantur alterius substantiae esse Patrem, alterius Filium, quia ille ingenuus, & iste genitus dicitur, cum diuersum sit esse ingenuum, & esse genitum. Vnde Ambrosius eorum quaestioni respondens, dicit se in diuinis Scripturis hoc nomen, scilicet, ingenuus, non legisse, ita inquit in libro de incarnationis Dominica Sacramento. Cum dudum audierint quidam, dicentibus nobis filium Dei qui generatus est, Patri qui generauit inaequalem esse non posse, quamvis ille generatus sit, iste generauit, quia generatio non potestatis, sed est natura, aduersus quidem illam quaestionem vocem sibi arbitrantur oclusam, sed tergiversatione damnabili in eodem loco vestigium vertunt, ut putent mutationem fieri quaestione mutatione sermonis, dicentes: Quomodo possunt esse ingenuus, & genitus unius natura atque substantia? Ergo ut respondeam mihi proposita quaestioni: Primo omnium in diuinis Scripturis, ingenuus, nusquam inuenio, non legi, non audiui. Cuius ergo mutabilitatis sunt homines huiusmodi, ut nos dicant ea usurpare, quae non sunt scripta, cum ea quae sunt scripta dicamus, & ipsi obiciant quod scriptum non sit?

Nonne ipsi aduersantur, & auctoritatem calumniae sua derogant? Attende lector, quoniam hoc nomine, ingenuus, nolebat uti Ambrosius propter haeticos. Ita & nos subtrahere quadam oportet propter calumniantium insidias, quae catholicis ac aliis lectoribus secure credi possunt. Sunt etenim quadam quae non tanta sunt religionis, & auctoritatis, ut eis nos oporteat semper confitendo ac recipiendo inferuire. Verum silentio aliquando praeferiri queunt, nec illius tamen sunt peruersitatis, quin, cum opportunum fuerit, eis uti liberum habeamus.

An diuersum sit esse Patrem, & esse Filium.

Præterea quaeri solet, cum supra dictum sit, quia aliud est dicere ingenuum, aliud Patrem, & quod diuersum sit genitus, & ingenuus, utrum similiter diuersum sit esse Patrem, & esse Filium, an idem. Ad quod dicimus, quia ex eodem sensu quo dicitur diuersum genitus, & ingenuus, & quo dicitur non esse idem dicere genitum, & ingenuum, potest dici non esse idem, sed diuersum, esse Patrem, & esse Filium, vel esse Spiritum sanctum: quia non ea notione Pater est Pater, qua Filius est Filius, vel qua Spiritus sanctus est Spiritus sanctus. Ideoque ex hoc sensu concedimus quod aliud est esse patrem, & aliud est, esse Filium, quia alia notio est, qua Pater est Pater, alia qua Filius est Filius. Sed si transponas, ut dicat, aliud est Patrem esse, aliud Filium esse, variatur intelligentia: & ideo non conceditur. Est enim sensus talis, ac si dicatur, aliud est quo Pater est, non quidem Pater, sed est: aliud quo Filius est, non quidem Filius, sed est: quod penitus falsum est. Eo enim Pater est, quo Pater Deus est, id est, per essentiam, vel naturam: at Filius eo Deus est, quo Pater Deus est. Eo ergo Filius est, quo Pater est, & ita idem est Patrem esse, quod Filium esse: sed non est idem esse Patrem, & esse Filium. Vnde Augustinus in quinto libro de Trinitate ait: Quamvis diuersum sit esse Patrem, & esse Filium, non est tamen diuersa substantia, quia non hoc secundum substantiam dicitur: sed secundum relatiuum, quod tamen relatiuum non est accidens, quia non est mutabile. Ecce diuersum esse dicit esse Patrem, & esse Filium: quod iuxta rationem praedictam accipi oportet, quia scilicet alia notio est qua est Pater, alia qua est Filius. Non enim secundum essentiam Pater dicitur Pater, vel Filius, Filius, sed secundum relationem.

Quo modo dicatur sapientia genita, vel nata, an secundum relationem, an substantiam.

Sciendum quoque est quod sicut solus Filius dicitur verbum, vel imago, ita etiam ipse solus dicitur sapientia nata, vel genita. Et ideo quaeritur utrum hoc relatiue dicatur, & si relatiue dicitur, an secundum eandem relationem qua dicitur verbum, & imago. De hoc Augustinus in septimo libro de Trinitate, ita ait: Id dici accipiamus cum dicitur verbum, ac si dicatur nata sapientia, ut sit & Filius, & Imago. Et haec duo cum dicuntur, id est, nata sapientia in uno eorum, eo quod est nata, & Verbum, & Imago, & Filius intelligatur. Et in his omnibus nominibus non ostendatur essentia, quia relatiue dicuntur. At in altero quod est sapientia, etiam essentia demonstratur, quoniam & ad se dicitur. Seipsa enim est sapiens, & hoc est eius esse quod sapere: unde Pater & Filius simul una sapientia, quia una essentia. Caue lector qualiter hoc intelligas quod hic dicit Aug. Videtur enim dicere quod cum dicitur

nata sapientia, ibi sapientia, essentiam significet, & A
 nata relationem notet. Quod si ita est, cogimur dicere
 essentiam diuinam esse natam: quod superioribus re-
 pugnat. Sed ad hoc dicimus quod in altero, id est, in eo
 quod nata est, eadem notio intelligatur, quæ notatur
 cum dicitur verbum, & imago. In altero vero, sc. sapien-
 tia, demonstratur essentia, id est, demonstratur quod
 Filius sit essentia, quia sapientia secundum essentiam
 dicitur. Et ideo cum dicitur nata sapientia, intelligi-
 tur quod ipse, qui natus est, essentia est: Ibi tamen sa-
 pientia non pro essentia, sed pro hypostasi facit intelli-
 gentiam, ut sicut quando dicitur verbum, vel Filius,
 intelligitur hypostasis cum sua proprietate: Ita cum di-
 citur nata sapientia, idem intelligitur, id est, genita
 hypostasis. Ideo vigilanter ait idem esse intelligendum
 cum dicitur verbum, & cum dicitur nata sapientia, id
 est, eadem relatio, eademque hypostasis: cui inest illa
 proprietas. Ex hoc adiuvatur illud quod superius di-
 ximus, scilicet cum dicitur Pater, vel Filius, vel Spi-
 ritus sanctus, non tantum illæ proprietates significan-
 tur, ut cum dicitur paternitas, filiatio, sed etiam hy-
 postases cum suis proprietatibus.

Quod imago aliquando dicatur secundum essentiam.

Illud etiam sciri oportet, quia cum supra dictum sit,
 imaginem relative dici de Filio, sicut verbum, vel Fi-
 lius, interdum tamen reperitur secundum substantiam C
 dici. Unde Aug. in libro de fide ad Petrum dicit, quod
 una est sanctæ Trinitatis essentialiter diuinitas, &
 imago, ad quā factus est homo. Hilarius etiam in quin-
 to libro de Trinitate ait: Homo fit ad communem ima-
 ginem. Nomen non discrepat, natura non differt. Vna
 est enim, ad quā homo creatus est, species. Ex his ver-
 bis ostenditur quod imago aliquando essentia intelli-
 gentiam facit, & tuæ ad se dicitur, & non relative.

DISTINCTIO XXVIII.

De his quæ proprie, & æternaliter dicuntur de
 Deo, secundum relationem, seu proprietatem D
 non personalem, quæ est innascibilitas.

Præterea considerari oportet, quod non tantum, & c.

Expositio Textus.

SUPRA agit Magister de proprietatibus, quæ
 sunt personarum, & personales; hic incipit se-
 cunda pars, in qua agit de proprietatibus, siue
 relationibus non personalibus. Et dividitur hæc pars in
 duas, quia proprietas non personalis est duplex, scilicet
 innascibilitas, & communis spiratio, quæ significantur
 per hoc nomen principium. Ideo primo agit de innas-
 cibilitate, secundo de communi spiratione infra distinct.
 29. Est præterea aliud nomen, & c. Prima pars habet duas.
 In prima determinat de proprietate innascibilitatis. In
 secunda, quia opposita circa opposita clarius elucescunt,
 tangit incidenter de proprietate innascibilitatis, & nas-
 cibilis infra distinctione eadem: Sciendum quoque est,
 quod sicut filius. Item prima pars habet quatuor partes.
 In prima ostendit quid sit significatum huius nominis
 ingenuus, in se ostendens, quod sit proprium personæ
 patris, & differens à paternitate, & dictum secundum
 relationem. Secundo determinat significationem in
 æquipollenti, sicut in hoc nomine non genitus, & in
 hoc nomine innascibilis, ibi: Ideo solet quæri verum, si-
 cut solus, & c. Adiungens quæ sit proprietas secundum
 quam pater dicitur ingenuus, ibi: Si autem vis scire.

Tertio determinat huius nominis vsum, ostendens quod
 quamvis non habeat ortum ex scriptura, quod tamen
 licet eo uti, quamvis Ambrosius videatur dicere con-
 trarium, hoc enim facit ad reprehendendum hæreticos,
 & hoc facit ibi: Illud etiam tacere non oportet. In quar-
 ta vero determinat quoddam dubium quod ex præde-
 terminatis habet ortum, ibi: Præterea quæri solet, & c.
 Similiter secunda pars, in qua incidenter determinat
 de proprietate filij, siue nati, habet duas, secundum
 duo quæ ibi tangit. Quia enim supra dictum fuerat,
 quod sapientia diceret commune, & imago proprium:
 ideo quia hoc posset generare dubium, quia inuenimus
 e contrario aliquando: ideo primo ostendit, quod sa-
 pientia nata proprie dicitur de filio. Secundo vero osten-
 dit quod imago aliquando accipitur essentialiter, ibi:
 Illud etiam sciri oportet.

Si filium non genuisset, nihil prohiberet dicere eum
 ingenuum, Dub. I.

Videtur secundum hoc quod accadat personæ ingeni-
 tæ generare, & ita esse partem. Item ex hoc videtur se-
 qui, quod remota paternitate adhuc remaneat persona
 patris, & ita paternitas non est proprietas personalis.

R E S P. Dicendum, quod est loqui de intentione huius
 nominis ingenuus & pater, vel simpliciter, vel prout po-
 nuntur in persona diuina. Si loquamur simpliciter, sic
 diuersæ sunt intentiones, & una præter aliam est intelli-
 gibilis, & separabilis secundum rem, sicut patet in gene-
 ratione hominum. Alio modo est loqui de his prout po-
 nuntur circa personā diuinā, & sic dicunt aliam rationē
 innotescendi, & illæ duæ secundū rem omnino sunt in-
 separabiles, tamen secundum intellectum una potest ac-
 cipi præter alteram, & sic loquitur August. non quod re-
 separari possit, sed quantum ad intellectum nostrum. Sed
 quod possit intelligi aliquid præter alterum, hoc potest
 esse multipliciter, aut quantum ad intellectum apprehen-
 dendem, aut quantum ad intellectum resoluentem.
 Si primo modo, sic non potest intelligi aliquid sine ali-
 quo quod est ei ratio intelligendi, sicut Deus præter
 deitatem, & homo præter humanitatem: potest tamen in-
 telligi effectus, non intellecta causa. & inferius non in-
 tellecto superiori, quia potest quis apprehendere homi-
 nem non intellecto aliquo superiorum, sicut dicit Phi-
 losophus, quod qui vnum dicit, quodā modo multa di-
 cit, non simpliciter, sed quodā modo, quia implicite. Alio
 modo cōtingit aliquid intelligere præter alterum, intel-
 lectu resolvente: & iste intellectus cōsiderat ea, quæ sunt
 rei essentialia, sic potest intelligi subiectum sine propria
 passione. Et hoc potest esse dupliciter, aut intellectu re-
 solvente plene, aut intellectu sumi plene, & deficiente.
 Intellectu resolvente semiplene, potest intelligi aliquid
 esse non intellecto primo ente. Intellectu autem resol-
 uente perfecte, non potest intelligi aliquid, primo ente
 non intellecto. Secundum hunc triplicem intellectum,
 de, comparatione patris & ingenui, contingit loqui tri-
 pliciter: si enim loquamur de intellectu apprehendente,
 possibile est vnum istorum duorum intelligi altero non
 apprehenso, eo quod aliud est signatum vnius, aliud al-
 terius. Si loquamur de intellectu resolvente, adhuc semi-
 plene resoluit, accipiendo intellectum huius nominis in-
 genitus solū priuatiue, sicut accipiunt gentiles: sic potest
 intelligi vnū sine altero. Si loquamur de intellectu plene
 resolvente, cum ingenuus secundum quod est proprietas
 patris non dicatur solum priuatiue, imo ponat respectū
 positium, de necessitate ponit paternitatem, & sic ve-
 rum est, quod ad esse ingenuum, necessario ponatur esse
 pater, cum ponatur plenitudo fontalis per ipsum tan-
 tum. Quando ergo dicit August. quod non ideo dicitur
 pater, quia ingenuus: ipse loquitur de intellectu apprehen-
 dente, quia vnum non est propria ratio & prima in-
 telligendi alterum: immo vtrumque scilicet ingenuus &
 pater, dicunt aliam rationem innotescendi, tamen se-
 cundum plenam resolutionem una ponit aliam necessa-
 rio.

Lib. 2.
dist. 2.

Arist.
Metaph.
contra

rio. Vnde distinctio personæ patris quasi inchoatur in innascibilitate, & consummatur in paternitate, & ideo non intellecta paternitate, non potest intelligi persona illa complete distincta: & ideo paternitas est notio personalis, quamvis in ratione intelligendi prius cadat innascibilitas.

Negativa porro particula non id efficit, ut quod sine illa, &c. Dub. II.

Videtur hoc falsum: quia homo dicitur secundum substantiam: tamen albedo potest dici non homo: ergo quia homo, & non homo contradictorie opponuntur, & de quolibet affirmatio, vel negatio: ergo albedo est non homo, & albedo est qualitas. ergo, &c.

Si tu dicas quod Augustinus loquitur secundum quod facit negationem in genere, tunc obiicitur de hoc quod est non substantia. constat quod non potest facere negationem in genere: ergo cum non substantia non dicatur nisi de aliis generibus, patet, &c.

RESP. Dicendum quod modus dicendi secundum substantiam circa terminum negatum, siue infinitum, est dupliciter accipere: aut quantum ad significatum, aut quantum ad suppositum. Si quantum ad significatum, quoniam tunc terminus negatus trahit significationem ab affirmato, idem est modus dicendi quantum ad significationem in termino negato, & affirmato. Vnde sicut homo dicitur secundum substantiam quantum ad significationem, ita & non homo. Quando enim dicitur hoc est homo, substantiam prædico. Quando autem dicitur, hoc est non homo, substantiam remoueo. Si autem loquamur quantum ad suppositum, tunc pro alio supponit terminus negatus, & affirmatus: sic opponit, & sic non intelligit Augustinus.

Non genitus ad non genitorem referatur. Dub. III.

Videtur dicere falsum: quia omnis relatio ponit duo extrema: ergo si non genitus refertur ad non genitorem, necesse est ad hoc quod aliquis sit ingenuus, quod sint duo, quorum unus sit non genitus, alter non genitor.

CONTRA: Esto per impossibile quod nullus esset nisi unus solus, ille utique esset non genitor.

RESP. Dicendum quod referri ad aliquem, hoc potest esse dupliciter, aut secundum rationem existendi, aut secundum rationem intelligendi. Secundum rationem existendi, quando importatur habitudo realis: secundum rationem intelligendi, quando priuatur habitudo realis. Ad hoc enim quod intelligatur priuatio habitudinis, necesse est intelligere habitudinem: & ad hoc quod habitudo intelligatur, necesse est intelligi duo extrema, ut affirmata: & ita ad hoc, ut intelligatur priuatio habitudinis, siue relationis, necesse est intelligi duo extrema negata: & quantum ad hoc dicit Augustinus, non genitum referri ad non genitorem, quia non potest capi intellectus eius nisi per intellectum illius: & ita quantum ad rationem dicendi, dicitur secundum relationem, sicut non homo dicitur secundum substantiam.

Cum dicitur nata sapientia, ibi sapientia essentiam significet. Dub. IV.

CONTRA: Ergo secundum hoc licebit loco sapientiæ ponere essentiam, cum faciat eius intellectum: quod falsum est.

RESP. Dicendum quod est loqui de nomine sapientiæ vel quantum ad significatum, vel quantum ad suppositum. Quantum ad significatum, dicitur essentiam: sed tamen supponit personam, & ita adiectiuum respicit ipsum ratione suppositi, cum dicitur sapientia nata, non ratione significati: nec sequitur propter hoc, quod loco

A sapientiæ poni possit essentia, quia cum sapientia sit de nominibus mediis, potest supponere pro persona, & trahi ad suppositum: sed essentia cum sit abstractissimum nomen, non.

Imago aliquando essentia intelligentiam facit, &c. Dub. V.

Videtur hoc falsum, quia imago semper connotat imaginatum: sed non potest esse idem imago & imaginatum: ergo semper dicitur relatiue.

RESP. Dicendum quod imago semper dicit respectum ad increatum, vel ad creatum, & quando dicit respectum ad increatum, dicitur personaliter, & relatiue, secundum rem. Quando autem respectum creaturæ, essentialiter dicitur & ad se, non quantum ad modum dicendi: sed quia toti Trinitati conuenit.

ARTICVLVS I.

AD intelligentiam eorum quæ dicuntur in præsentia distinctione, quatuor quærentur. Primo quæritur, utrum hoc nomen, *ingenitus*, siue *innascibilis*, dicatur secundum substantiam, vel secundum relationem. Secundo, supposito quod secundum relationem dicatur, quæritur, utrum dicat eandem relationem, quam hoc nomen, *Pater*. Tertio quæritur utrum innascibilitas sit proprietas, siue relatio personalis personæ Patris. Quarto, & ultimo quæritur, utrum improcessibilitas dicat aliquam notionem in Patre.

QVÆSTIO I.

An ingenuus, siue innascibilis secundum substantiam vel relationem dicatur.

Alexand. Alensis 1. p. q. 69. Membro 1.

Scot. 1. Sent. dist. 28. q. 3.

Egid. Rom. 1. Sent. dist. 28. q. 2.

Richardus 1. Sent. dist. 28. art. 2. q. 1.

Franciscus de Mayr. 1. Sent. dist. 28. q. 3.

QVod hoc nomen, *ingenitus*, dicatur secundum relationem, ostenditur per Augustinum qui dicit in lib. 10. de Trin. & habetur in litera, non receditur à relatione prædicamento cum ingenuus dicitur: ergo dicitur secundum relationem.

ITEM in eodem libro, sicut dicitur genitus ad genitorem, ita ingenuus ad non genitorem: sed quod dicitur ad aliud, dicitur relatiue, siue secundum relationem: ergo, &c.

ITEM hoc ipsum videtur ratione, quia omne illud in quo differt persona à persona, dicitur secundum relationem, hoc patet: sed secundum hoc quod est ingenuus, differt Pater à Filio: ergo, &c.

ITEM nulla negatio priuat modum significandi, siue dicendi, sed genitus secundum relationem dicitur: ergo addita negatione, adhuc dicitur: ergo, &c.

1. CONTRA: Omnis relatio in diuinis aliquid ponit, illud certum est: sed ingenuus nihil ponit: ergo, &c. Probatio mediæ, si hoc nomen aliquid ponit, aut ergo secundum quod negative, aut secundum quod priuatiue tenetur. Non secundum quod negative, hoc constat. Si ergo secundum quod priuatiue tenetur, sed priuatio tollit actum, & ponit aptitudinem: ergo secundum hoc *ingenitus* idem erit quod aptus generari: sed nondum genitus, sed hoc nulli conuenit: ergo, &c.

2. ITEM omnis relatio in diuinis in concretionem significata importat distinctionem: & ideo nulla dicitur de essentia secundum modum denominationis: hæc enim est falsa: Essentia generat: sed ingenuus dicitur de essentia, nam diuina essentia est non genita, cum eius oppositum de essentia non prædicetur, scilicet genitus: ergo, &c.

3. ITEM

3. ITEM negationes se habent e contrario affirmationibus : sed genitus est in minus quam relatus, & generatio quam relatio: ergo ingenuus est in plus quam non relatus, & ingeneratio quam non relatio, sed non relatus vel non relatio non dicitur secundum relationem, quia tunc opposita implicaret: ergo cum in plus sit hoc quod est *ingenitus*, non est in genere relationis: ergo, &c.

4. ITEM omnis relatio in diuinis aut est respectu principij, aut respectu principij: ergo si hoc quod est *ingenitus* dicit relationem, aut respectu principij, aut respectu principij. Sed non respectu principij, quia tunc pater haberet principium, quod est inconueniens. Si respectu principij, tunc non eius est negatio cuius fuit affirmatio, nam *genitus* dicitur respectu principij, quia ab aliquo: ergo si *ingenitus* non dicitur respectu principij, tunc negatio non dicitur respectu eius, respectu cuius fuit affirmatio: ergo non dicit relationem ad principium, quia non permittit nomen: nec ad principium, quia non permittit res.

CONCLUSIO.

Nomen, Ingenitus, dicitur secundum relationem priuatiue, & positiue, secundum quod proprie ipsi persona Patris conuenit.

RESP. ad arg. Dicendum est quod circa hoc diuersæ sunt positiones, omnes enim posuerunt, quod hoc quod est *ingenitus*, dicitur secundum relationem, sed differenter. Quidam enim dixerunt, quod *ingenitus* solum dicit relationis priuationem, & illud solum sufficit ad hoc quod dicatur non rationaliter, quoniam priuatio potest esse principium distinguendi & innotescendi, sicut ouis non signata à signata. Et iterum negatio dicit nobilitatem, sicut non regi in rege, non causari in causa, non produci in principio. Sed ista positio non potest stare, quia pura negatio nec distinguitur nec dicit nobilitatem, nec distinguit. Non distinguitur: nam negatio relationis dicitur de essentia. Non dicit nobilitatem, nam omnis nobilitas ponit aliquid per modum positionis. Non distinguit, quia non est relatio. Alij posuerunt quod hoc quod est *ingenitus*, dicitur secundum relationem, & positiue, quia priuatio vnam, ponit aliam, sicut inæquale priuat æqualitatem, & ponit relationem illi oppositam. Similiter & hoc quod est dissimile, unde & relationem importat positiue. Sic hoc quod est *ingenitus*, priuando relationem ad genitorē, ponit relationem oppositam ad non genitorē, & hoc dicunt sensisse August. qui dicit, quod sicut genitus ad genitorē, ita non genitus ad non genitorē dicitur. Sed ista positio non potest stare, quia non genitus, aut dicitur ad principium, aut ad principium. Si ad principium: ergo respectu illius non potest dici hoc nomen, *ingenitus*, cum genitus dicatur in respectu ad principium, & idē significatum sit in hoc nomine *genitus*, & *ingenitus*, & *ingenitus* differat sola negatione: ergo necesse est quod hoc nomen, *ingenitus*, dicatur respectu principij. Si autē hoc est verum: ergo secundum hoc poneretur Pater habere principium respectu cuius dicatur, & iterum illud principium dicitur non genitor, sed non generare non dicit principium, sed priuationem illius. Tertius modus dicendi est quod hoc nomen, *ingenitus*, secundum quod assimilatur notio patris, dicitur secundum relationem partim priuatiue, partim positiue. Propter hoc notandum, quod sicut dicit August. idem est *ingenitus*, & non genitus. Non genitus autem tripliciter potest accipi, sicut non album, quia potest esse negatio in genere, vel extra genus, vel partim in genere, & partim extra genus. Et secundum quod est negatio extra genus, sic generaliter priuat, & non ponit aliquam qualitatem, sicut potest dici non album, quod non est in genere coloris, vel qualitatis. Secundum quod est negatio in genere, sic priuat albedinem, & ponit qualitatem contrariam ut non album, quia caret albedine, sed tamen est nigrum. Secundum quod partim in genere, partim extra genus, in

genere scilicet, & extra genus proximum, sic non album dicitur quod caret tā albedine quam colore, habet tamen qualitatem. Per hunc modum intelligendum est in proposito, nam hoc quod est *ingenitus*, importat ordinem in ratione generis remoti, & ordinem ad principium in ratione proximi, & ordinem talem per modum naturæ in ratione cōpletui. Si igitur *ingenitus* sit negatio extra genus, sic dicitur *ingenitus* quod non generatur, nec etiā habet ordinem vel relationem, & hoc modo pure dicit priuationem, & dicitur de essentia, nec dicitur secundum substantiam, nec secundum relationem, eo quod priuatio solum est. Alio modo potest esse negatio in genere, & tunc *ingenitus* dicitur quod non generatur, habet tamen ordinem ad principium, & hoc modo dicit relationem substratam: sed tamen ex hoc non dicit nobilitatem, & sic conuenit Spiritui sancto, nec tamē est notio. Tertio modo potest esse negatio quodā modo in genere, quodā modo extra genus, & sic dicitur *ingenitus* quod non generatur, habet tamen ordinem: sed non ad principium, & hoc modo dicit priuationem relationis respectu principij. Si enim habet ordinem, & non ad principium: ergo ipsum est primum & principium & hoc modo dicit nobilitatem, sicut & principium: & decuit illam per negationem significari, quia prima cognoscuntur per negationem & hoc modo est notio. Sed quoniam *ingenitus* de ratione sui nominis non videtur dicere nisi priuationem vel negationem generationis. Propter hoc dicendum est quarto modo quod hoc nomen, *ingenitus*, secundum quod conuenit Patri proprie, dicit relationem priuatiue, sed ex hoc ipso ex consequenti dicit relationem positiue. Quod patet sic. Non generari enim dicitur qui simpliciter non generatur, & sic conuenit non tantum Patri, sed essentia, & Spiritui sancto, sed ultra hunc intellectum, prout proprie conuenit Patri, addit, quia Pater non generatur, nec per generationem accipitur, & sic excluditur essentia quæ per generationem accipitur, sed adhuc conuenit Spiritui sancto. Provt autem conuenit soli Patri, sic dicitur *ingenitus*, quia non generatur, nec per generationem accipitur, nec generationem consequitur. Per primum membrum excluditur Filius, per secundum Essentia, per tertium Spiritus sanctus, cuius processio presupponit generationem secundum ordinem originale, quia procedit ut nexus à Patre, & Filio. Quamvis enim in diuinis non sit prius & posterius, tamen secundum originem, & rationem intelligendi prior est generatio filij quæ processio Spiritus sancti, ut supra ostensum fuit, & tamen sunt simul natura. Sic ergo large accepto verbo consequendi, cum ibi proprie non sit præcedere & sequi, tripliciter dicitur aliquis esse *ingenitus*, aut quia non producit per generationem: nec per generationem accipitur, siue habetur: aut quia nec producit, nec accipitur, nec consequitur: hoc igitur modo *ingenitus* importat nullo modo esse ab alio, & ita primitatem ac per hoc fontalem plenitudinem, sicut ostensum fuit in principio dist. præcedentis, & sicut patet ex principio dist. sequentis, ubi dicitur quod Pater est principium totius diuinitatis, quia à nullo est, & ita in principali intellectu dicit relationem priuatiue, ex consequenti positiue, & ita non dicit negationem quæ nihil ponit. Vnde concedendæ sunt rationes ad hoc.

1. AD illud quod obiicitur quod nihil ponit secundum quod negatiue, dicendum quod falsum est, quia non est negatio extra genus, sicut si dicatur: chimæra est *ingenita*, imo est negatio cum constantia subiecti, & talis negatio in subiecto summam relinquit nobilitatem.

2. AD illud quod obiicitur quod dicitur de essentia, dicendum quod verum est: sed secundum quod solum dicitur priuatiue, & sic non est proprietas Patris, secundum autem quod proprietas Patris, non dicitur de essentia.

3. AD illud quod obiicitur quod negationes e contrario se habent affirmationibus, dicendum quod illud non semper est verum de negatione in genere: sed extra genus. Non album enim prout est negatio in ge-

nere,

Videtur concordare S. Th. hic ca. sic. 1.

Dist. 12. q. ult.

Quæst. 2. ult.

nere, non dicitur superius ad hoc quod est non quale : A
similiter *ingenitum* ad hoc quod est non relatum non est
superius.

4. Ad illud quod obiicitur ultimo, quod dicit rela-
tionem, dicendum quod secundum quod importat rela-
tionem priuatiue, dicitur respectu principij, & ex hoc
non sequitur quod Pater habeat principium, imo quod
non habeat, quia non dicitur secundum positionem, sed
secundum remotionem. Vnde bene dicit Augustinus
quod dicitur ad non genitorem, quia *ingenitus* signifi-
cat remotionem genitoris. Secundum vero quod im-
portat relationem positue, & ex consequenti, sic re-
spectu principij, & sic non est inconueniens, quod
aliquod nomen priuatiuum aliquid ex consequenti im-
portet, quod non importat affirmatiuum sibi opposi-
tum, & sic patent cætera.

QVÆSTIO II.

*An innascibilitas eandem relationem dicat, quam
paternitas.*

Henricus in summa, art. 55. q. 5.

Stephanus Brulef. 1. Sent. dist. 28. q. 2.

Petrus de Tarantasia. 1. Sent. dist. 28. q. 6.

SVpposito quod hoc nomen, *Ingenitus*, dicatur secun-
dum relationem, quæritur vtrum importet eandem
relationem quam hoc nomen *Pater*, vtrum scilicet ea-
dem relatio sit innascibilitas, & paternitas. Et quod nõ,
ostenditur sic per Aug. in lib. de Trin. Aliud est Patrem
esse dicere, & aliud ingenitum : sed non secundum es-
sentiam: ergo secundum relationem.

ITEM hoc videtur per rationem, quia possibile est
aliquem intelligi esse ingenitum, & non esse Patrem, vt in
Adam: & econuerso, vt in Abel. Si ergo vna relatio po-
test intelligi, altera non intellecta, & econuerso: & po-
ni, altera non posita: ergo sunt diuersæ relationes.

ITEM relationes diuersificantur penes terminos,
quia relatio secundum quod huiusmodi ad alterum est,
sed *ingenitus* dicitur per priuationem prioris, scilicet
Patris, & Pater secundum positionem germinis vel Fi-
lij: ergo dicunt respectum secundum aliam, & aliam
partem: ergo, &c.

ITEM plus differt generatio & ingeneratio, quã ge-
neratio, & spiratio: nam hic est oppositio propria, ibi au-
tem solum disparatio: sed alia relatio est generatio, &
spiratio: ergo & generatio & ingeneratio: sed generatio,
& paternitas est eadem, vt supra ostensum est: ergo in-
nascibilitas & paternitas non sunt eadem relationes.

1. CONTRA: Omnis relatio in diuinis est personæ ad
personam: si ergo *ingenitus* dicit relationem, aut ergo
ad Filium, aut ad Spiritum sanctum, aut ad vtrumque.
Non ad vtrumque, quia pater non comparatur vnica
relatione: sed diuersis ad Filium, & Spiritum sanctum.
Non ad personam Spiritus sancti hoc constat: ergo ad
Filium: si ergo relatio ad Filium est paternitas: ergo
innascibilitas est eadem relatio.

2. ITEM relationes in diuinis personis non accidunt,
sed esse tribuunt personæ: ergo si vnus personæ vni-
cum est esse, vnica eius erit relatio: sed Pater est vna
persona, & conuenit ei innascibilitas, & paternitas: E
ergo, &c.

3. ITEM sicut se habet nascibilitas in Filio ad filia-
tionem, ita innascibilitas in Patre ad paternitatem, sed
in filio eadem est relatio, nascibilitas, & filiatio: er-
go, &c.

4. ITEM Philosophus ait: Primum & principium
idem dico: sed innascibilis dicit illud quod dicit ratio-
ne primi, pater in ratione principij: ergo dicunt eandem
habitudinem, & relationem: ergo non sunt duæ rela-
tiones, sed vna tantum.

CONCLUSIO.

*Innascibilitas aliam rationem importat in persona Patris,
siue quantum ad principalem, siue quantum ad conse-
quentem intellectum, cum ex principali dicat respectum
ad principium per modum priuationis: Pater vero dicit
habitudinem ad principium per modum positionis.*

RESP. ad Arg. Dicendum quod hoc quod est *Innasci-
bilis* aliam relationem importat, quã hoc quod est *Pater*,
siue quantum ad principalem intellectum, siue quantum
ad consequentem. Quantum ad principalem, manifestum
est, quia importat respectum ad principium per modum
priuationis, pater autem importat respectum ad princi-
piatum per modum positionis, & generationis: & ita di-
cunt diuersas habitudines, quarum vna est habitudo
vera, altera priuatio habitudinis. Quantum ad conse-
quentem intellectum similiter differunt, licet non tan-
tum. Nam pater dicit rationem principij solum respectu
Filij, & per modum generationis, sed innascibile vniuer-
salem dicit principalitatem, siue fontalem plenitudinem in
producendo: non tantum quantum ad generationem, sed
etiam quantum ad spirationem: non tantum respectu Fi-
lij, sed etiam respectu Spiritus sancti. Et hoc patet, quia
innascibilis dicitur eo quod non generatur, nec genera-
tionem consequitur: ergo in nomine *innascibilis* aufer-
tur ratio nascendi & procedendi: & si hoc, ponitur ratio
omnimodæ principalitatis, & ideo fontalis plenitudinis.

1. AD illud ergo quod obiicitur quod dicit respec-
tum personæ ad personam, dicendum quod priuatiue
siue negatiue non dicit respectum ad personam. Et
quod dicit quod omnis relatio dicit respectum ad per-
sonam, intelligitur de illa quæ dicit positionem. Secun-
dum autem quod accipitur quantum ad consequentem
intellectum, dicit respectum ad vtramque personam.
Quod obiicitur quod non est vna communis relatio,
dicendum quod verum est quantum ad principalem
intellectum, tamen bene potest esse quantum ad conse-
quentem, vt aliquod nomen dicat plenitudinem re-
spectu vtriusque.

2. AD illud quod obiicitur quod relatio dat personæ
existere, dicendum quod non quæcunque, sed quæ est
relatio personalis. Quæ autem sit illa, infra patebit.

3. AD illud quod obiicitur quod in filio idem est nas-
cibilitas & filiatio: ergo, &c. dicendum quod non sequi-
tur, quia non opponuntur eodem genere oppositionis:
quia paternitas & filiatio opponuntur relatiue, non sic
nascibilitas, & innascibilitas, immo magis contradicto-
rie vel contrarie.

4. AD illud quod obiicitur quod primum, & princi-
pium est idem, dicendum quod primum dicitur dupli-
citer, aut per priuationem prioris, & sic primum, &
principium idem sunt in re, & non ratione. Alio modo
primum dicitur respectu secundi, & sic primum &
principium idem sunt re, & ratione, & sic non signifi-
catur primum per hoc nomen *innascibilis*, importat
enim primitatem per priuationem prioris, vt patet ex
ipsa nominis impositione.

QVÆSTIO III.

*An innascibilitas vel Paternitas Patris proprietas
vel relatio sit.*

Alexander Alensis 1. p. 69. Membr. 3.

S. Tho. 1. p. q. 33. art. 4.

Et 1. Sent. dist. 28. q. 1. art. 1.

Scotus 1. Sent. dist. 28. q. 1. c. 2.

Agid. Rom. 1. Sent. dist. 28. q. 1. c. 3.

Henricus in summa, art. 57. q. 4.

Richard. 1. Sent. dist. 28. art. 2. q. 2.

Durandus 1. Sent. dist. 28. q. 2.

Franciscus de Mayr. 1. Sent. dist. 28. q. 1.

Tho. Arg. 1. Sent. dist. 28. q. 1. art. 1.

Gabriel Biel. 1. Sent. dist. 28. q. 1.

Vtrum innascibilitas sit proprietas, siue relatio perso-
nalis personæ Patris, an paternitas. Et quod sit pa-
ternitas,

ternitas, videtur, quia illa est proprietas personalis per quam persona ab omnibus separatur: sed talis est hæc relatio, paternitas: ergo, &c.

ITEM illa est proprietas personalis per quam persona propriissime nominatur & exprimitur: sed persona patris propriissime exprimitur per paternitatem: ergo, &c.

ITEM sicut filiatio se habet ad filium, sic paternitas ad patrem, sed filiatio est personalis relatio personæ filij: ergo & paternitas patris.

ITEM illa est proprietas personæ quæ dicitur per modum positionis, & propriæ habitudinis: sed inter omnes relationes quæ dicuntur de patre, sola paternitas est talis: ergo, &c.

1. CONTRA: Proprietas siue relatio personalis dat esse personæ: sed paternitas non dat esse personæ patris, quia nihil habet esse ex hoc quod alteri dat esse: sed persona patris dicitur pater, quia alteri dat esse: ergo, &c.

2. ITEM non intellecta proprietate personali, impossibile est intelligere personam, sed non intellecta paternitate est intelligere habentem diuinitatem, & innascibilitatem: cum ergo innascibilitas sit proprietas personæ patris: ergo, &c.

3. ITEM proprietas personalis debet dicere totum esse personæ, sed paternitas non nominat personam patris secundum omnem plenitudinem fecunditatis, sed innascibilitas: ergo, &c.

4. ITEM Damasc. In diuinis omnia sunt vnum præter generationem, ingenerationem, & processionem. Constat quod non nominat omnes proprietates: ergo solum personales: ergo ingeneratio est proprietas personalis, & non nisi patris: ergo, &c.

CONCLUSIO.

Paternitas, & non innascibilitas est proprietas siue relatio personæ patris, cum primam dicat habitudinem per modum positionis, & completionis.

RESP. ad arg. Dicendum quod sicut dicit communis opinio & habetur ex verbis Magistri & Sanctorum, scilicet Hilarij & Aug. paternitas est notio personalis patris. Ad hoc enim quod aliqua relatio sit personalis, oportet quod dicat illius personæ primam, & propriam habitudinem, & per modum positionis, & completionis: sed constat quod innascibilitas quantum ad primum intellectum non dicit positionem: quantum ad consequentem intellectum non dicit specialem relationem, sed fontalem plenitudinem. Similiter spiratio non dicit propriam relationem, & ideo necesse est quod paternitas dicat: unde & rationes ad hoc inductæ concedendæ sunt.

1. AD illud ergo quod obiicitur, quod proprietas dat esse personæ: Dicendum quod illud non est intelligendum de esse simpliciter, sed de esse personali, siue de esse distincto, & ipsa paternitatis auctoritas in diuinis non accedit illi hypostasi, immo dicit illius personæ complementum, ratione cuius est hoc. Quamvis ergo pater non habeat esse ex hoc quod dat alteri esse, tamen nihil impedit ipsum ex hoc esse personam distinctam.

2. AD illud quod obiicitur quod est intelligere personam patris, &c. Dicendum quod intellectu plene apprehendente & rationabiliter procedente, non est intelligere personam patris, vel hypostasim sine paternitate, quia si intelligatur innascibilis, & ita quod non adsit paternitas, innascibilis dicit priuationem, nec aliquid dicit circa patrem quod non dicat etiam circa essentiam, & ideo non intelligitur vt proprietas personalis, nec est alia immo sunt proprietates naturales, & ideo non intelligitur persona Patris, vt distincta, siue hypostasis illa. Nam proprietas innascibilitatis, vt proprietas, includit proprietates, & relationes respectu principij: alioquin (vt supra ostensum est) non est proprietas.

3. AD illud quod obiicitur quod proprietas personalis dicit totum esse personæ, dicendum quod si dicatur to-

tum esse, id est perfectum, completum, & proprium, sic habet veritatem. Si autem intelligatur, quod dicit totum esse, id est, omnem habitudinem, sic falsum est: quia non debet dicere omnem: sed necesse est, quod dicat vnam determinatam, aut nullam determinatè diceret, & ita non erit notio personalis.

4. AD illud quod obiicitur de Damasc. dicendum quod non enumerat omnes proprietates personales, secundum quod personales, sed intendit relationes sub illis comprehendere, & sub generatione duas personales comprehendit: sub processione duas, vnam personalem, aliam non personalem: sed sub ingeneratione dicit solum innascibilitatem, quæ proprietas est, licet non personalis.

QVÆSTIO IV.

An improcessibilitas sicut innascibilitas notionem dicat in Patre.

Alex. Alens. 1. p. q. 69. Memb. 4.

Soph. Brulef. 1. Sent. dist. 28 q. 4.

Petrus de Tarantaf. 1. Sent. dist. 28 q. 2.

VTVM improcessibilitas sit notio Patris, sicut innascibilitas. Et quod sic, videtur: quia sicut Pater differt à Filio per innascibilitatem, ita à Spiritu sancto per improcessibilitatem: ergo sicut innascibilitas est notio Patris, similiter videtur quod improcessibilitas.

2. ITEM sicut nobilitas est Patris, non generari, ita est non spirari: ergo si propter rationem nobilitatis, est patris non generari, ita est non spirari: ergo si propter rationem nobilitatis ponitur innascibilitas eius notio, similiter debet poni improcessibilitas.

3. ITEM sicut generare conuenit Patri per hoc quod innascibilis, ita & spirare per hoc quod est improcessibilis siue inspirabilis: ergo sicut innascibilitas notio est, quia non tantum dicit priuationem, sed etiam positionem, ita videtur quod improcessibilitas. Si tu dicas quod improcessibilitas clauditur sub innascibilitate, obiicitur: quia filio conuenit improcessibilitas, & tamen nunquam innascibilitas: ergo est alia notio saltem in filio: ergo saltem in eo debet esse notio. Si tu dicis quod non, dicit nobilitatem.

CONTRA: Omne quod dicitur in diuinis ad nobilitatem pertinet, alioquin non dicitur ibi: ergo si dicitur improcessibilitas de filio, videtur sonare nobilitatem.

IVXTA hoc queritur, cum pater communicet alicui improcessibilitatem siue inspirabilitatem, quare non similiter communicet innascibilitatem.

CONTRA: Si improcessibilitas est notio: ergo notiones plures sunt quam quinque, quod est contra communem opinionem.

ITEM si improcessibilitas est notio, aut hoc est quia simpliciter priuat esse ab aliquo, aut quia priuat spirationem. Si primo modo, non differt ab innascibilitate. Si secundo modo, tunc non differt à spiratione actiua, quia non spiratur qui spirat.

ITEM si non procedere, esset notio, eadem ratione non producere: sed hoc est falsum: ergo, &c.

Si dicatur quod non est simile, quia non producere non dicit nobilitatem. Contra: Non producere personam, dicit statum emanationis: & sicut ratio principij ante quod non est aliquid dicit nobilitatem, similiter ratio status ultra quem non est procedere: ergo nobilitatem dicit: si ergo non est aliud quare non dicatur notionaliter, videtur quod non producere, sit notio, vt non spirari.

CONCLUSIO.

Improcessibilitas, notio ipsius patris dici non debet, cum neque primo, neque ex consequenti positine significet aliquid.

RESP. Ad arg. Ad prædictorum intelligentiam est notandum, quod nihil potest esse notio in diuinis nisi dicat respectum positinum, vel ex primo intellectu, vel ex consequenti. Si enim solum priuat relationem, ita dicitur de essentia sicut de persona. Vnde sicut dicitur quod Pater non producit, nec Spiritus sanctus personam producit: ita etiam essentia produci non dicitur, & etiam personam non producere: & sicut non potest esse notio hoc quod est *ingenitus* nisi ponat respectum positinum, ex consequenti & hunc ponit sicut visum est: similiter nec hoc quod est *inspirabilis* potest esse notio nisi ponat respectum positinum: hunc autem non ponit nisi secundum quod ponit primitatem respectu spirationis, sicut innascibilitas respectu generationis: ut sicut innascibilis dicitur qui nec generatur nec generationem consequitur: ita improprocessibilis qui nec procedit, nec processionem consequitur. Et quoniam omnis emanatio vel est generatio, vel ad generationem consequitur: quia generatio dicit primum emanationem: ideo innascibilis priuat omnem emanationem: & ideo dicit fontalem plenitudinem, nec tantum respectu generationis, sed spirationis: & ideo innascibilitas nec generatio est, nec spiratio. Sed improprocessibilis dicitur, quia nec spiratur, nec spirationem consequitur, & sic non excluditur filius siue generatus. Filius enim generatur, & tamen non spiratur, nec spirationem consequitur. Improprocessibile igitur non priuat nisi unam solam emanationem: & ideo dicit solum partem istius fontalis plenitudinis: & ideo improprocessibilitas non potest esse notio distincta in Patre ab innascibilitate, nec in filio, à spiratione, nec importat fontalem plenitudinem, sed solum in spirando.

1. 2. 3. QVAMVIS igitur improprocessibilitas possit dicere nobilitatem, tamen quia non distinguit ab aliis assignatis, ideo non ponit in numerum cum aliis: & sic patientia tria prima obiecta quod improprocessibilitas distinguit, & dicit nobilitatem, & dicit fecunditatem: quia rationes non valent, eo quod hoc totum in aliis rationibus assignatis clauditur: ideo contra alias non distinguitur.

AD illud quod queritur, quare non communicatur innascibilitas, sicut improprocessibilitas, dicendum quod sicut patet, quia improprocessibilitas non claudit in suo intellectu non esse ab alio, sicut facit innascibilitas: sed solum dicit non spirari. Pater autem nulli potest communicare, quod non sit ab alio: potest tamen communicare alij, quod non spiretur.

AD illud quod obicitur quare non producere non est notio: dicendum quod non est nobilitatis: & esto quod esset, quia illud non videtur principaliter considerari in ratione sui nominis, dicendum quod illud est ratio, quia non dicit respectum positinum quantum est de ratione sui nominis: & ideo simpliciter potest convenire essentiae, & ideo non est notio. Non sic autem est de innascibilitate, ut in præcedentibus visum est.

A

DISTINCTIO XXIX.

De Principio quod relative dicitur, & multiplicem notat relationem.



ST præterea aliud nomen multiplicem notans relationem, sc. principium. Dicitur enim principium semper ad aliquid. Et dicitur Pater principium, & Filius principium, & Spiritus sanctus principium: sed differenter. Nam Pater dicitur principium ad Filium, & ad Spiritum sanctum. Vnde Aug. in lib. 4. de Trin. ait: Pater est principium totius diuinitatis, vel si melius dicitur, deitatis: quia ipse à nullo est. Non enim habet de quo sit, vel de quo procedat, sed ab eo & Filius est genitus, & Spiritus sanctus procedit: Non ergo dicitur principium totius Deitatis, quod vel sui, vel diuine essentia principium sit, sed quia principium est Filij, & Spiritus sancti, in quibus singulis tota diuinitas est. Filius ad Spiritum sanctum dicitur principium. Spiritus vero sanctus non dicitur principium nisi ad creaturas: ad quas Pater etiam dicitur principium, & Filius, & Trinitas ipsa simul, & singula personarum principium dicitur creaturarum. Pater ergo principium est sine principio: Filius principium de principio: Spiritus sanctus principium de utroque, id est, de Patre & Filio.

Quod ab æterno Pater est principium, & Filius, sed Spiritus sanctus non. imo cæpit esse principium.

Et Pater ab æterno principium est Filij, & Pater & Filius principium Spiritus sancti: quia Filius est à Patre, & Spiritus sanctus ab utroque. Spiritus vero sanctus non ab æterno principium est, sed esse cæpit: quia non dicitur principium nisi ad creaturas. Cum ergo creatura esse cæperunt, & Spiritus sanctus esse cæpit principium earum. Ita etiam Pater & Filius esse cæpit cum Spiritu sancto unum principium creaturarum: quia creatura esse cæperunt à Patre, & Filio, & Spiritu sancto: Et dicuntur hi tres, non tria, sed unum principium omnium creaturarum: quia uno eodemque modo principium rerum sunt. Non enim aliter sunt res à Patre, & aliter à Filio, sed penitus eodem modo. Ideo Apostolus intelligens hanc Trinitatem esse unum principium rerum ait: Ex ipso, per ipsum, & in ipso sunt omnia. Cum vero audimus omnia esse ex Deo, ut ait Augustinus de natura boni, omnes utique naturas intelligere debemus, & omnia quæ naturalia sunt. Non ex ipso sunt peccata, quæ naturam non seruant, sed vitiant, quæ ex voluntate peccantium nascuntur. Omnium ergo quæ naturaliter sunt, unum principium est Pater cum Filio & Spiritu sancto, & hoc esse cæpit. Ab æterno autem Pater principium est Filij generatione, & Pater & Filius unum principium Spiritus sancti. Vnde Augustinus in quinto libro de Trinitate ait: Dicitur relative Pater, idemque relative dicitur principium. Sed Pater ad Filium dicitur principium vero ad omnia quæ ab ipso sunt. Et principium dicitur Filius. Cum enim diceretur ei: Tu quis es? Respondit, Principium, qui & loquor vobis. Sed nunquid Patris principium est? immo Creatorem se voluit ostendere, cum se dixit esse principium: sicut & Pa-

ter principium est creatura, quia ab illo sunt omnia. A Cum vero dicimus & Patrem principium, & Filium principium, non duo principia creatura dicimus, quia Pater & Filius simul ad creaturam unum principium est, sicut unus Creator. Si autem quidquid in se manet & gignit, vel operatur aliquid, principium est eius rei quam gignit, vel eius quam operatur, non possumus negare etiam Spiritum sanctum recte dici principium: quia non eum separamus ab appellatione Creatoris: quia scriptum est de illo, quod operetur, & utique in se manens operatur. Non enim in aliquid eorum qua operatur, ipse mutatur & vertitur. Vnum ergo principium ad creaturam cum Patre & Filio est Spiritus sanctus. non duo vel tria principia. Ecce aperte ostendit Augustinus Patrem & Filium & Spiritum sanctum esse unum principium rerum creatarum, id est, uno eodemque modo esse principium, & illum modum satis aperit, quia scilicet operantur omnia, & quia similiter operantur hi tres, ideo unum principium esse dicuntur.

Hic ostenditur quo modo Pater sit principium Filij, & ipse & Filius principium Spiritus sancti.

Deinde in eodem libro continue ostendit quo modo Pater dicatur principium ad Filium, & ad Spiritum sanctum ipse & Filius, dicens, ideo esse Patrem principium Filij, quia genuit eum, & Patrem & Filium esse principium Spiritus sancti, quia Spiritus sanctus procedit vel datur ab utroque, ait enim ita: Si gignens ad id quod gignitur principium est, Pater ad Filium principium est, quia genuit eum. Vtrum autem & ad Spiritum sanctum principium sit Pater, quia dictum est: De Patre procedit, non parua questio est. Quod si ita est, non iam principium eius tantum erit rei quam gignit, vel facit, sed & eius quam dat, & qua procedit ab ipso. Si ergo quod datur vel quod procedit principium habet à quo datur vel procedit, fatendum est Patrem, & Filium unum principium esse Spiritus sancti non duo principia. Sed sicut Pater & Filius ad creaturam relative unus Creator & unus Dominus dicitur, sic relative ad Spiritum sanctum unum principium. Ad creaturam vero Pater & Filius & Spiritus sanctus unum principium sunt, sicut unus Creator & unus Dominus. Ecce habes quod Pater principium Filij dicitur, quia genuit eum. Qua ergo notione est Pater, ea principium Filij dicitur, id est, generatione, secundum quam etiam dicitur auctor Filij. Vnde Hilarius in quarto libro de Trinitate ita ait: ipso, quo Pater dicitur, eius, quem genuit, auctor ostenditur, id nomen habens, quod neque ex alio perfectum intelligatur, & ex quo is, qui genitus est substituisse doceatur. Novit Ecclesia unum innascibilem Deum, novit Unigenitum Dei Filium. Confitetur Patrem ab origine liberum, confitetur & Filij originem ab initio, non ipsum ab initio, sed ab initiabili: non per seipsum, sed ab eo, qui à nemine est, natum ab aeterno, natiuitatem scilicet ex paterna aeternitate sumentem. Edita est hic fidei professio, sed professionis ratio nondum exposita est: & ideo quarendum, scilicet quo modo intelligendum sit quod ait, filij originem esse ab initio, & non ipsum esse ab initio, sed ab initiali. Hoc utique subdens determinavit, quo modo acceperit initium, inquires originem Filij esse ab initio, ac si diceret: Non ita intelligas originem Filij, esse ab initio, quasi ipse Filius habeat initium, sed quia ipse est ab initiabili, id est, à Patre à

quo sunt omnia. Nam licet Filius sit principium de principio, non est tamen concedendum quod Filius habeat principium. Cumque Filius sit principium de principio, & Pater principium non de principio, non est principium de principio, principium sine principio, sicut Filius non est Pater, neque tamen duo principia, sed unum, sicut Pater, & Filius, non duo Creatores, sed unus Creator.

Cum Pater, & Filius sint unum principium Spiritus sancti, quaeritur an eadem notione.

Vnum autem principium sunt Pater & Filius, non tantum creaturarum, ut dictum est supra, sed etiam Spiritus sancti, ideo quaeri solet, utrum eadem notione Pater sit principium Spiritus sancti, & Filius, an sit alia notio, qua Pater dicatur principium Spiritus sancti, & alia qua Filius. Ad quod dicimus, cum Pater dicatur principium Spiritus sancti, & Filius, quia Spiritus sanctus procedit vel datur ab utroque, nec aliter procedit vel datur à Patre quam à Filio, sane intelligi potest Patrem & Filium eadem relatione, vel notione principium dici Spiritus sancti. Si vero quaeritur qua sit illa notio, quam ibi notat principium, nomen eius non habemus, sed non est ipsa paternitas vel filio, immo notio quadam Patris est & Filij, qua ab aeterno Pater, & Filius unum principium est Spiritus sancti. Donator autem (ut praedictum est) dicitur Pater vel Filius ex tempore, sicut Spiritus sanctus datum vel donatum.

DISTINCT. XXIX.

De his, quæ proprie & æternaliter dicuntur de Deo secundum relationem, seu proprietatem, seu personalem, quæ est communis spiratio significata per hoc nomen principium.

Est præterea aliud nomen multiplicem notans relationem.

Expositio Textus.

SUPRA egit Magister de proprietate non personali, quæ est innascibilitas. Hic secundo agit de proprietate, siue notione non personali, quæ est communis spiratio significata per hoc nomen principium. Et quoniam illud nomen non tantum notionaliter accipitur, immo etiam essentialiter: ideo distinguit primo huius nominis multipliciter, secundo manifestat huius nominis unitatem secundum quod dicitur de Patre & Filio respectu Spiritus sancti ostendens quod sunt unum principium Spiritus sancti, & hoc ibi deinde in eodem libro, continue. Prima pars habet duas. In prima distinguit huius nominis multipliciter. In secunda vero membra suæ distinctionis explanat, ostendens per auctoritates quod principium habet omnes illas acceptiones, & hoc, ibi: Et Pater ab aeterno principium est Filij. Similiter secunda pars, in qua agit de hoc nomine, principium, specialiter propterea dicitur notionaliter, & essentialiter, habet duas. In prima ostendit quod Pater, & Filius sunt unum principium, ibi: Deinde in eodem libro. In secunda, qua unitate sunt unum, scilicet unitate notionis, ibi: Vnum autem principium sunt, &c. ubi ostendit quod eadem notione sunt principium, & quod illa notio est spiratio.

Pater

Pater est principium totius diuinitatis, &c.
Dub. I.

Quæritur pro quo stat ibi hoc nomen, *principium*, Nō enim potest stare pro essentia, nec pro persona, quia vtrumque dicit quantum est de se absolutum: aut ergo stat pro paternitate, & hoc falsum, quia non est Pater Spiritus sanctus. Nec pro spiratione, quia spiratio non est respectu Filij. Nec communiter ad vtrumque, quia nihil habent commune nisi essentiam. Nec pro innascibilitate, quia innascibilitas non dicit respectum ad personam, sed priuationem respectus: ergo omni modo est falsa.

RESP. Dicendum quod sensus locutionis hic est: **P**ater est principium totius deitatis, id est, omnium personarum in deitate, & est distributio accommodata, sicut dicitur cælum continet omnia, se scilicet excepto. Si autem quærat pro quo stat hoc nomen, *principium*, dicendum quod stat pro paternitate simul, & spiratione, quia per paternitatem est principium Filij, per spirationem principium Spiritus sancti: per vtrumque principium vtriusque. Quod ergo obiicitur quod non habent commune, dicendum quod non conueniunt in notione vnica conuenientia formali: tamen conuenientia originali, in eadem persona, & eiusdem personæ proprietate. Quia enim persona patris à nullo est ut dicitur in littera: ideo enim modo productionis producit, & ideo est principium totius deitatis. Vnde idem importatur nomine principij cum dicitur principium deitatis intellectu principali, quod importatur nomine innascibilitatis quantum ad intellectum consequentem, & ex hoc verbo, & ex hac ratione verbi confirmationem recipit ista positio, quæ dicit quod innascibilitas dicit in Patre plenitudinem fontalitatis, siue fontalem plenitudinem, licet ex consequenti intellectu.

Pater ergo principium est sine principio, &c.
Dub. II.

Quæritur de huiusmodi locutionibus qualiter accipitur ibi hoc nomen, *principium*, cum dicitur principium sine principio, principium de principio. Aut enim accipitur essentialiter, aut personaliter. Non personaliter, ut videtur, quia Spiritus sanctus dicitur esse principium de principio, & principium non conuenit ei nisi temporaliter. Præterea sicut dicit Magister distinct. 27. Non potest dici hoc de illo nisi quantum ad nomina substantialia: ergo principium non potest accipi notionaliter. Et iterum pro qua notione acciperetur cum dicitur, Filius principium de principio: quia non pro filiatione, quia hoc conuenit Spiritui sancto, scilicet principium de principio. Non pro communi spiratione, quia communis spiratio conuenit Patri, cui non conuenit esse principium de principio.

Si tu dicas quod accipitur essentialiter. **C**ONTRA: Essentia non est personæ principium, nec dicit respectum ad personam: ergo cum principium dicat respectum ad personam, non potest accipi essentialiter: & ita nullo modo.

RESP. Posset dici quod hoc nomen, *principium*, accipitur in comparatione ad creaturam, & trahitur ad personas per propositiones additas, sicut cum dicitur, Deus de Deo, & Deus non de Deo, & consimilia, & sic cessant obiectiones. Aliter potest dici quod hoc nomen, *principium*, non est impositum ad significandum respectum essentialem, vel personalem quantum est de se: sed indifferenter se habet ad vtrumque, & eius acceptio determinatur per adiunctum. Quando ergo dicitur de Patre, stat pro notione paternitatis, & spirationis communiter, & arctatur per proprietatem innascibilitatis per hoc quod dicitur non de principio. Similiter in Filio stat pro communi spiratione cum filiatione, quæ importatur per hoc quod dicitur de principio. De Spiritu san-

Acto vero dicendum quod stat essentialiter tantum, & hoc arctatur ad personam per hoc quod dicitur de vtroque.

Spiritus sanctus esse cæpit principium earum, scilicet creaturarum. Dub. III.

Videtur dicere contra illud quod dictum est supra dist. 3. Ex perpetuitate creaturarum intelligitur Conditor æternus: si ergo Spiritus sanctus est æternus conditor: ergo æternaliter principium. Item in hymno.

Æterne rerum Conditor.

Item ratione videtur quia res ab æterno fuerunt in Deo, sed non nisi sicut in principio: ergo ab æterno fuit principium.

RESP. Dicendum quod nomina, quæ dicunt effectum in creatura, possunt illum dicere actu, vel habitu. Si actu ex tempore dicuntur. Si habitu, possunt dici æternaliter. Et quoniam principium potest sonare in actum, vel in habitum: ideo non potest dici solum temporaliter, imo etiam æternaliter: sed quoniam vsus magis accipit hoc nomen, *principium*, prout dicitur in actu, quam in habitu: ideo dicit Magister quod dicitur temporaliter. Quod obiicitur quod dicitur Conditor æternus, dicendum quod locutio duplex est. Tum ex parte eius quod est Conditor, quia potest dicere actum, vel habitum. Tum ex parte eius quod est æternus, quia potest teneri adiectiue, vel substantiue. Et si æternus teneatur substantiue, sic non ponit æternitatem circa conditionem, sed circa suppositum, & est locutio vera. Si adiectiue, & Conditor tenetur habitualiter, adhuc est locutio vera. Si actualiter, tunc falso. Sensus sunt manifesti. Nam vno modo sensus est, æternus conditor, id est, conditor, qui est æternus. Alio modo æternus conditor, id est, ab æterno potest condere in tempore. Et tertio modo æternus conditor, quia æternaliter condidit. Duobus primis sensibus est vera locutio, sed tertio sensu est falsa.

Ab æterno autem Pater principium est Filij. Dub. IV.

Obiicitur: Pater, & Filius, & Spiritus sanctus non sunt principium nisi ex tempore: ergo secundum hoc, cum æternum sit ante temporale, per prius dicitur principium notionaliter in diuinis quam essentialiter.

Sed contra: Omne essentialiter dictum est communius: & quanto aliquid communius, tanto prius: ergo per prius debet dici principium essentialiter, quam notionaliter.

RESP. Dicendum quod dupliciter est loqui de hoc nomine, *principium*, aut respectu subiecti, sic cum intellectus essentia sit ante intellectum personæ, sic principium essentialiter dictum secundum rationem intelligendi præit principium notionaliter dictum, sicut opponit Si autem respectu termini, sic principium essentialiter dictum respicit quod est diuersum per essentiam, & creatum: sed principium notionaliter dictum respicit personam consubstantialem, & increatam, & æternam: & ideo principium notionaliter dictum, dicitur æternaliter, & quantum ad hanc viam prius dicitur in Deo non solum quantum ad intellectum, sed etiam quantum ad rem: & sic patet de qua acceptione hoc nomen *principium*, dicitur per prius secundum diuersas comparationes.

Creatorem se voluit ostendere. Dub. V.

Videtur falsum quod cum filius se dixerit principium, Creatorem se voluit ostendere, quia ipse respondit ad quæstionem Phariseorum quærentium: Tu quis es? Sed quis, quærit de persona: sed principium secundum quod pro Creatore accipitur, tenetur essentialiter: ergo aut Dominus non respondit conuenienter, aut principium non stat pro Creatore ibi. Si dicas quod appropriatur filio.

CONTRA: Tam ratio creationis quam ratio principij appropriatur Patri: ergo non Filio.

RESP. Dicendum quod principium tenetur essentialiter, sicut dicitur in litera: sed tractum est ad personam Filij. Sed quod obicitur quod appropriatur patri, dicendum quod principium de ratione sui nominis non appropriatur filio, nisi per additionem, & sic in proposito, quia appropriatur per actum Verbi. Non enim dixit simpliciter: Ego principium, sed ego principium, qui & loquor vobis.

Nam licet Filius sit principium de principio, non est tamen concedendum, quod Filius habeat principium.

Dub. VI.

CONTRA. Videtur debere concedi, quia omne relationum debet habere correlativum sibi correspondens: ergo si Filius cum dicitur principium de principio dicitur relative, debet habere correlativum quod est principium.

RESP. Dicendum quod habere principium dicitur dupliciter. Aut sicut correlativum, sicut Filius dicitur habere Patrem, & sic filius habet principium. Aut sicut dispositionem sui, & sic dicitur habere principium quod incipit esse, & sic filius non incipit esse, quia non incipit. Vel aliter. Est habere principium essendi, aut durandi. Primo modo filius habet principium, secundo modo, non.

ARTICVLVS I.

AD evidentiam eorum, quæ dicuntur in presenti distinctæ, duo quærentur de hoc nomine, *principium*. Primo quæritur de ipso quantum ad multipliciter. Secundo, quantum ad unitatem. Et quantum ad primum, duo quærentur. Primo supposito quod hoc nomen, *principium*, accipitur essentialiter, quæritur, utrum possit accipi personaliter, siue notionaliter. Secundo dato quod essentialiter, & notionaliter: quæritur, utrum de illis duobus modis accipitur uniuoce, vel æquiuoce.

QUÆSTIO I.

An nomen hoc, Principium, personaliter vel notionaliter accipi possit in diuinis.

Alex. Alensis 1.p.q.70. Membr.2.

S.Thom. 1.p.q.33. art.1.

Et 1.Sent. dist.29.q.1. art.2.

Scotus 1.Sent. dist.29.q.1.

Ægid. Rom. 1.Sent. dist.30.q.4.

Richardus 1.Sent. dist.29.q.4.

Durandus 1.Sent. dist.29.q.1.

Tho. Arg. 1.Sent. dist.29.q.1. art.1.

Stephanus Brulef. 1.Sent. dist.29.q.1.

Petrus de Tarentas. 1.Sent. dist.29.q.1.

QUOD hoc nomen, *principium*, accipitur notionaliter videtur sic per Aug. 5. de Tr. Pater ad Filium principium est quia genuit eum: ergo idem importatur nomine principij quod nomine generationis: ergo tenetur personaliter, siue notionaliter.

ITEM hoc videtur ratione, quia ubiunque est ratio emanationis, & originis, ibi est vera ratio principij: sed in diuinis vere & proprie est ratio emanationis: ergo ibi vere & proprie est ratio principij.

1. CONTRA. Principium & primum sunt idem: ergo ubi cadit ratio principij, est dicere primum, & ubi est dicere primum, est dicere prius, quia superlativum præsupponit comparativum: & ubi prius, ibi posterius: ergo à primo, ubi est ratio principij, ibi est ratio posterioris: sed in diuinis nullo modo recipitur quod una persona sit posterior alia: ergo nullo modo persona est principium personæ.

2. ITEM in creaturis idem est principium & initium, sicut patet per Philosophum: ergo ubi non recipitur initium, nec principium: sed omnes personæ in diuinis sunt sine initio: ergo & sine principio: ergo principium non dicit respectum personæ ad personam: ergo non accipitur personaliter, siue notionaliter.

3. ITEM idem est causa, & principium re, differens ratione, quia principium dicitur quantum ad fieri, causa quantum ad esse: ergo si maioris nobilitatis est esse, quam fieri, proprius debet ibi accipi ratio causæ, quam prin-

AD cipij: sed non recipitur quod una persona sit causa, & alia sit effectus: ergo nec debet ibi recipi intentio principij.

4. ITEM Deus est alpha, & omega, principium, & finis, & utrumque est æqualis nobilitatis. Sed intentio finis ita dicitur de Deo essentialiter, quod nullo modo personaliter: Deus est enim ita finis creaturæ quod non est finis personæ: ergo similiter videtur quod ita est principium creaturæ quod nullo modo sit principium personæ.

CONCLUSIO.

Principij nomen absque ulla imperfectione recipitur in diuinis: ibidemque tum notionaliter, tum essentialiter accipi potest.

BUT **RESP.** ad Arg. Dicendum quod in diuinis est vera origo, siue emanatio, non tantum vera, sed etiam completissima. Ad hoc autem quod sit perfectissima, necesse est quod emanans habeat cum producente æqualitatem omnimodā, ac unitatem in substantia, quia nihil potest æquari Deo nisi Deus: si ergo emanatio, & origo debet exprimi conuenienter, & catholice, debent recipi nomina dicentia originis veritatem, & non recipi nomina importantia imperfectionem, vel diuersitatem, vel inæqualitatem. Quoniam ergo principium, & principiatum dicunt originis veritatem, ideo utrumque recipitur in diuinis, maxime autem intentio principij. Sed quoniam posterius dicit imperfectionem, & initium similiter, quia dicit imperfectam durationem, scilicet inceptionem, & intentio causæ importat diuersitatem, quia causa est ad cuius esse sequitur aliud, & intentio finis inæqualitatem, quia finis melior est his, quæ sunt ad finem: Ideo nec intentio prioris & posterioris, nec initij & initiati, nec causæ & effectus, nec finis & eius quod est ad finem, recipitur in persona respectu personæ: sed intentio producentis & producti, quia possibile est quod productus sit summe perfectus, & æquetur producenti, ideo recipitur in diuinis, similiter & intentio principij.

1. AD illud quod obicitur quod ad principium sequitur prius, & ad prius posterius, dicendum quod sicut dicitur secundum Hilarium, Pater maior est Filio, nec tamen Filius minor, quia sonat imperfectionem hoc quod est minor: ideo quamvis recipiatur quod Pater sit prior Filio, quia iste est ab illo, non econuerso: non tamen recipitur quod iste sit posterior. Attamen nec ratio prioris omnino recipitur proprie, quia cum in diuinis sit ordo & origo, proprius est origo, & minus proprie ordo, nec est nisi solum ratione originis. Quoniam ergo principium principaliter importat originem & prius ordinem, ideo simpliciter recipitur intentio principij. Intentio vero prioris minus proprie, & cum determinatione. Intentio autem principij prout prius antequam, propriissime recipitur in Deo, maxime quantum ad personam Patris: & ideo non sequitur quod ita proprie dicatur prius, quod tantum dicit respectum ad posterius.

2. AD illud quod obicitur de initio: dicendum quod initium uno modo accipitur large ad principium essendi, & durandi. Alio modo proprie ad principium durandi, ut illud dicatur habere initium quod incipit esse. Primo modo potest accipi in diuinis, & sic accipit Hilarius in litera: secundo vero modo non potest, & sic non æquiualeat principio.

3. AD illud quod obicitur de causa quod idem est quod principium, dicendum quod in creaturis idem est principium & causa, & hoc est, quia productum differt à producente: & ideo potest dici effectus eius, & illud potest dici causa, & in idem concurrunt intentio causæ, & principij, & similiter nomen: sed non ita in diuinis, quia ibi potest esse unius substantiæ producens cum productum: ideo non valet illud.

4. AD illud quod obicitur de fine, iā patet responsio, quia finis quantum est de se dicit excessum bonitatis respectu eius quod est ad finem, non sic principium respectu ei⁹ quod est ex illo, & ideo Deus non potest esse finis,

nisi

nisi creaturæ inæqualis : potest tamen esse, & est principium personæ omnino æqualis : & ideo vna persona non est finis alterius, est tamen principium.

QVÆSTIO II.

An hoc nomen, Principium, essentialiter, vel notionaliter sumptum vniuoce, vel æquiuoce dicatur.

Alexander Alensis 1. p. q. 76. Membro 1.
 Scotus in Reportatis 1. Sent. dist. 28. q. unica.
 Egid. Rom. 1. Sent. dist. 29. q. 4.
 Richardus 1. Sent. dist. 29. q. 2.
 Steph. Brulef. 1. Sent. dist. 29. q. 2.
 Gab Biel 1. Sent. dist. 29. q. unica.

Vtrum hoc nomen principium, cum accipitur essentialiter, & notionaliter, dicatur vniuoce, vel æquiuoce. Et quod vniuoce, videtur. Basilius dicit, quod Filio Dei accipere, cum creaturis est commune: sed habere per essentiam, proprium. Si igitur commune est accipere : ergo & dare, & si hoc, cum penes hoc accipitur ratio principij, respectu Filij, & respectu creaturæ, videtur quod dicatur vniuoce.

2. ITEM sic differt principium essentialiter dictum, & notionaliter, sicut sapientia, & sapientia genita: sed non dicitur æquiuoce sapientia sic & sic: ergo, &c.

3. ITEM nihil dicitur multipliciter ex hoc quod dicitur de genere, & de specie, siue ex hoc quod habet vnum suppositum, & plura, & hoc quia multiplicitas respicit significationes diuersas, non supposita: sed principium essentialiter dictum est in plus, & pluribus conuenit quam notionaliter & conuenit eisdem ipsis: ergo non dicitur multipliciter: sed vniuoce.

4. ITEM quod non dicatur analogice; videtur, quia vbi est analogia, ibi est prius, & posterius: sed in diuinis non est prius, & posterius: ergo nec analogia. Et iterum quod nec æquiuoce. Quia vbi est æquiuocatio, ibi est diuersitas significationis: sed persona, & essentia non sunt diuersa: ergo nec potest dici æquiuoce.

Sed contra: Quod dicatur multipliciter, videtur primo per Magistrum in litera, qui dicit quod hoc nomen, principium, multiplicem facit intelligentiam: ergo dicitur multipliciter.

ITEM hoc ipsum videtur ratione, quia isti actus generare, spirare, creare, sunt ipsius principij secundum quod differenter accipitur: sed non est vnam communem rationem inuenire ad istos actus: ergo nec ad principium quod dicit respectum sic differentem.

ITEM regula est Philosophi, quod si aliquid in vna sui acceptione habet vnum oppositum, & in alia aliud, dicitur multipliciter: sed principium essentialiter dicitur respectu creati, & notionaliter respectu increati: ergo multipliciter sic, & sic.

ITEM principium essentialiter dictum dicitur temporaliter, notionaliter dictum dicitur æternaliter, sed nihil est commune vniuoce æterno & temporali: ergo, &c.

CONCLUSIO.

Principij nomen secundum quod commune est ad notionale, & essentialiter dictum, non vniuoce, neque æquiuoce, sed analogice dicitur.

Resp. Ad Arg. Dicendum quod nomen accipi differenter in diuinis potest esse tripliciter. Aut quantum ad suppositum, aut quantum ad significatum, aut quantum ad connotatum. Primo modo accipitur differenter hoc nomen Deus, cum dicitur Deus est Trinitas, & Deus generat: quia in prima stat pro natura, in secunda pro persona, & illud non inducit aliquam multipliciter. Alio modo contingit terminum differenter accipi quantum ad significatum secundum quod ipse terminus in vna sui acceptione significat essentiam: in alia, personam, sicut hoc nomen Pater propterea Deus dicitur Pater Filij, & propterea dicitur Pater noster, & hoc inducit æquiuoca-

tionem, quia est diuersitas significationis non in re ipsa, sed in significando. Tercio modo contingit differenter accipi ratione connotati, ut pote hoc nomen, principium, dictum essentialiter, connotat effectum creatum, dictum personaliter, nihil connotat creatum, & illud inducit multipliciter secundum analogiam, non secundum æquiuocationem. Secundum analogiam quidem, quia accipitur pro diuersis, siue diuersa importat, quæ non habent nisi vnitatem proportionis, & ideo necessario oportet quod incidat ibi analogia: sed non æquiuocatio, quia æquiuocatio habet plures institutiones, & determinate accipitur pro qualibet, sicut patet in hoc nomine canis: sed non sic se habet hoc nomen, principium. Nam principium de sua impositione impositum est ab actu producendi, non creandi, nec generandi. Vnde sicut producere, de productione Filij & creaturæ non dicitur æquiuoce, sed analogice, ita & hoc nomen, principium, secundum has tres accipitur comparationes differenter. Concedo ergo quod ibi est multiplicitas quædam, quamvis non sit multiplicitas simpliciter, sicut æquiuocationis proprie dictæ, & concedendæ sunt rationes ad hoc, quia non concludunt, quod sit æquiuocatio vera. Tamen illud verbum Philosophi intelligitur quando nomen habet diuersa opposita, quæ non vniuntur in aliquo, nec vniuoce, nec analogice, quod sit illi termino oppositum: sed primo, & per se, opponuntur, non sic autem est in proposito, quia principium non dicitur primo ad filiū, vel ad creaturam, sed ad quod est productum, siue principiatum, quod quidem dicitur de Filio, & creatura, quamvis non vniuoce, sed analogice.

1. Ad illud quod obiicitur de Basilio, dicendum quod Basilius accipit commune pro analogo, quod est medium inter pure vniuoce, & æquiuoce.

2. 3. Ad illud quod obiicitur de sapientia, & sapientia nata, dicendum quod non est simile, quia ibi non est diuersificatio nisi solum quantum ad suppositum, hic autem est quantum ad connotatū, & per hoc patet sequens.

4. Ad illud quod obiicitur ultimo quod non cadit prius ibi, &c. dicendum quod quamvis non cadit ibi prius, & posterius in se: cadit tamen respectu effectus, quia in comparatione ad effectum accipitur analogia. Quod autem dicitur quod non est ibi diuersitas, dicendum quod verum est in re, tamen in significando, & intelligendo aliud est intelligere essentiam, aliud intelligere personam, ita & dicere: ac per hoc & significare, ideo quamvis non sit diuersitas a parte rei absolute, nihilominus potest esse a parte significationis.

ARTICVLVS II.

Consequenter est quæstio de secundo articulo, scilicet de vnitatem huius nominis Principium, & circa hoc quærentur duo. Primo quæritur, utrum Pater, & Filius possint dici vnum principium Spiritus sancti. Secundo, utrum possint dici vnus Spirator, vel idem principium Spiritus sancti.

QVÆSTIO I.

An Pater & Filius vnum principium Spiritus sancti dici possint.

Alexander Alensis 1. p. q. 70. Membro 3. art. 3.
 S. Thomas 1. p. q. 36. art. 4.
 Scotus 1. Sent. dist. 12. q. 1.
 Egid. Rom. 1. Sent. dist. 29. q. 3.
 Richardus 1. Sent. dist. 29. q. 1.
 Durandus 1. Sent. dist. 11. q. 3.
 Franciscus de Mayr. 1. Sent. dist. 12. q. 1.
 Ioan. Bascon. 1. Sent. dist. 12. q. 1.
 Thomas Argent. 1. Sent. dist. 11. q. 1. art. 1. & 2.
 Petrus de Tarantasia. 1. Sent. dist. 29. q. 5.
 Steph. Brulef. 1. Sent. dist. 29. q. 3.

Quod possunt dici vnum principium esse Spiritus sancti, videtur in litera vbi dicitur: Fatendum est Patrem & Filium vnum principium esse Spiritus sancti. Itē ratione videtur, quia vni⁹ principiati vnū est prin-

ciplum in vno genere: sed Spiritus sanctus vnus est: ergo habet vnum principium: ergo si immediate & perfecte est à Patre, & Filio, sunt ergo Pater, & Filius vnum principium.

ITEM Pater, & Filius spirant, aut ergo vna potentia, aut duabus. Constat quod vna, quia cum in eis est vna essentia, est & vna potentia: ergo cum ipsi dicantur esse principium ratione potentia, & vna sit potentia in Patre, & Filio, patet, &c.

ITEM sicut tres personæ vnica creatione creant, ita duæ vnica spiratione spirant: sed tres, quia vnica creatione creant, sunt vnum principium creaturæ: ergo duæ, vnum principium Spiritus sancti.

1. CONTRA: Cum dicitur, sunt vnum principium Spiritus sancti, aut vnum dicit unitatem essentia, aut unitatem personæ, aut notionis. Non essentia, quia tunc Spiritus sanctus esset principium Spiritus sancti. Non personæ, quia tunc Pater, & Filius, essent vna persona. Ergo notionis.

SED CONTRA: Si Pater & Filius propter unitatem notionis dicuntur vnum principium: ergo ab oppositis Pater propter pluralitatem notionis potest dici plura principia.

2. ITEM si Pater est principium Spiritus sancti, & Filius principium, & hoc principium non est illud: ergo duo principia.

3. ITEM Pater & Filius sunt vnum principium: ergo vnum principium est Pater, & Filius, & si hoc: ergo Pater est Filius.

4. ITEM si vnum sunt principium, aut vnum quod est Pater, aut vnum quod non est Pater. Si vnum quod est Pater ergo Pater, & Filius sunt Pater. Si vnum quod non est Pater: ergo principium Spiritus sancti non est Pater: ergo Pater non est principium Spiritus sancti.

CONCLUSIO.

Recipitur à Patribus orthodoxis hac sententia: Pater, & Filius sunt vnum principium Spiritus sancti, quod quidem principium dicit unitatem communis notionis, in comparatione ad essentia, & vis spiratiua unitatem.

RESP. Ad Arg. Dicendum quod omnes istam concedunt: Pater, & Filius sunt vnum principium Spiritus sancti, quoniam Augustinus istam proponit, & dicit: sed in modo intelligendi diuersificantur. Nam quidam dicunt quod hoc nomen, *principium*, non dicit ibi essentiam, nec notionem, nec personam: sed dicit conuenientiam duarum personarum in vnica notione. Et dicunt quod sicut hoc nomen, *Trinus*, specialiter est impositum ad insinuandam Trinitatem suppositorum, vt conueniunt in unitate naturæ, sic in proposito dicunt se habere. Sed tamen cum non sit facile huiusmodi positionem siue translationem ex virtute vocabuli accipere, hæc positio nullam dignoscitur habere firmitatem. Et ideo fuerunt alij qui dixerunt quod hoc nomen *principium*, importat notionem in adiectiua, & est nomen adiectiue tentum, & ideo hoc adiectiuum nominis numerale quod est vnum, cadit à ratione nominis & tenetur aduerbialiter, vt sit sensus: Pater & Filius sunt vnum principium, id est, vno modo producant siue spirant Spiritum sanctum: sed quoniam hoc nomen, *principium*, de sua impositione est nomen substantiuum, vt patet, non videtur adhuc positio ista rationabilis. Et ideo fuerunt tertij qui dixerunt quod hoc nomen, *principium*, quantum est de se, stat pro essentia, & contingit ipsum per additionem trahi ad personam. Et cum dicitur: Pater est principium Filij, trahitur ad personam Patris: quando vero dicitur: Pater, & Filius vnum sunt principium Spiritus sancti, stat pro essentia vel natura: inquantum tamen est in duabus personis, & illud videtur consonare Anselmo dicehti quod Pater & Filius spirant inquantum vterque idem Dens. Et dicunt quod vnum dicit unitatem circa hunc terminum *principium*,

non personæ: sed essentia vel naturæ vt est in duabus personis. Sed quoniam Augustinus videtur dicere quod principium dictum de Patre & Filio dicat notionem communem, similiter Magister dicit ultimo capit. quod dicit unitatem notionis, & principium importat relationem, & essentia non refertur: ideo necesse modus est adhuc omnino conueniens, licet sit alis probabilior. Et ideo est quartus modus, dicendi quod hoc nomen *principium*, stat pro notione, non tamen in comparatione ad suppositum, sed ad naturam, & vim spiratiuam: & vnum importat unitatem circa ipsum, secundum quod competit eius acceptioni. Et hoc patet sic: Cum enim Pater & Filius spirent Spiritum sanctum inquantum vnus Deus improcessibilis, & inquantum vnus Deus sit in eis voluntatis unitas, inquantum improcessibilis sit voluntatis fecunditas, inquantum Deus improcessibilis sit voluntatis vna fecunditas, & vna fecunditas dicat unitatem principij, dicendum quod sine distinctione concedendum, est quod Pater & Filius sunt vnum principium Spiritus sancti. Et ad illud quod quæritur, quam unitatem dicat hoc quod est vnum circa principium, dicendum quod cum hoc nomen, *principium*, de pluribus simul dicatur, non potest stare pro persona: & cum iterum dicat respectum ad personam, non potest stare pro essentia, ergo necesse est quod stet pro notione. Cum ergo dicitur Pater & Filius sunt vnum principium, vnum dicit unitatem notionis, in comparatione tamen ad unitatem naturæ, & vis spiratiua, sicut patebit in alio problemate, vt patet ex prædictis.

1. AD illud quod obiicitur postmodum quod hoc principium non est illud, demonstrato Patre & Filio, responderi potest dupliciter. Primo quod non potest dici hoc, & illud, quia ad regulam non cadit distinctio nisi vbi est ex diuersis causis vnio, quoniam igitur vnio omnimoda est in nomine principij, ita quod non multiplicetur: ideo non est ibi hoc & illud. Aliter potest dici quod cum dicitur hoc & illud, aut demonstrat formam, aut suppositum, aut vtrumque. Si formam, falsa est. Si suppositum, vel vtrumque, vera est ratione suppositi: & ideo non sequitur quod duo, quia forma non multiplicatur. Similiter potest argui in hoc nomine, *Deus*.

2. 3. AD duo sequentia respondent quidam quod hoc nomen *principium*, non potest subiici, nec ad ipsum potest fieri relatio, quia tenetur adiectiue. Sed illud nihil est, quia nomen est substantiuum: ergo potest subiici & prædicari, & ad eum relatio fieri. Et si dicant quod ad hoc inuentum est illud, nihil est, quia non potest probari, & iterum inuentio debet habere rationem & nos videmus quod potest fieri relatio, vt si dicatur. In principio erat Verbum, in quo principio erat Spiritus, quia non in alio erat, sed in eodem. Etiam potest subiici, quia si Pater est principium, Spiritus sanctus à simplici conuersa, principium Spiritus sancti est Pater. Propter quod aliter respondendum est, quia cum dicitur vnum principium, vnum dicit unitatem notionis, quæ communis est duobus, & quia unitatem dicit communem: ideo est hic consequens, vnum principium Spiritus sancti est Filius & Pater: ergo Filius est Pater, sicut hæc, vnus Deus est Pater & Filius: ergo Pater est Filius.

4. AD vltimum quod obiicitur, aut vnum quod est Pater, &c. dicendum quod quia vnum dicit communem spirationem vt est in pluribus: ideo non contingit diuidere aut vnum quod est Pater, aut vnum quod non est Pater, vt si dicatur, omnis homo est animal, aut animal quod est album, aut animal quod non est album, neutrum est dari, quia animal communiter stat pro animali albo & non albo, itaque pro vtroque simul reddit locutionem veram. Similiter in proposito, principium stat pro principio quod est Pater & quod est Filius: & ideo non licet ibi diuidere & descendere, imo est ibi figura dictionis ex mutatione suppositionis, &c.

QVÆSTIO II.

An hæc propositiones sint admittendæ: Pater & Filius sunt vnus spirator: Pater & Filius sunt idem principium Spiritus sancti.

Alexander Alensis 1. p. q. 70. Membro 3. art. 5.

Secutus 1. Sent. d. 12. q. 2.

Ægid. Rom. 1. Sent. dist. 11. q. 4.

Richardus 1. Sent. dist. 11. q. 5.

Franciscus de Mayr. 1. Sent. dist. 12. q. 1. ibi: Nunc secundum &c.

Thomas Argent. 1. Sent. dist. 11. q. 1. art. 3.

VTRVM sint istæ concedendæ: Pater & Filius sunt vnus Spirator, vel sunt idem principium Spiritus sancti. Et quod hæc sit concedenda, sunt vnus spirator, videtur, quia Pater & Filius non sunt vnum principium nisi quia spirant vnica spiratione: ergo cum hoc nomen *Spirator*, importet ipsam spirationem, Pater & Filius sunt vnus spirator.

1. ITEM quia Pater & Filius vnica creatione creant, non tantum dicuntur vnum principium creaturæ: sed etiam vnus creator: ergo cum similiter vnica spiratione spirant, sunt vnus spirator.

3. ITEM quod sint idem principium, videtur, quia vnitas non multiplicata facit identitatem omnimodam: sed Pater & Filius sunt vnum principium Spiritus sancti: ita quod vnitas principij nullo modo multiplicatur: ergo sunt idem principium.

4. ITEM hæc est vera: Pater & Filius eadem spiratione spirant, sed idem importatur hoc nomine *principium*, quod hoc nomine *spiratio*: ergo ab æquipollenti, Pater & Filius sunt idem principium.

CONTRA: Spirator & qui spirat æquipollent: ergo si est vnus spirator: ergo vnus & qui spirat: sed hæc est falsa: Vnus spirat, quia non vnus, sed duo sunt qui spirant: ergo, &c.

ITEM spirator importat ipsam spirationem in concretionem ad suppositum: aut ergo illud est essentia, aut persona. Non essentia: ergo persona: ergo si Pater, & Filius sunt vnus spirator, sunt vna persona vel hypostasis.

ITEM quod non sit concedendum quod sint idem principium, videtur. Si enim sunt idem principium, sunt idem, sed hæc est falsa, quod Pater & Filius sunt idem: ergo & prima est falsa. Quod autem sequatur, manifestum est, bene enim sequitur: sunt idem animal: ergo idem. Quod iterum hæc sit falsa: sunt idem, patet quia sunt distincti: ergo non sunt idem.

ITEM hoc quod est idem, est pronomen relatiuum: ergo cum pronomen certam designet personam, & relatiuum sit notans identitatem in eo, pro quo refert, significat identitatem in supposito: sed illud non est essentia, sed persona, ergo significat quod sint eadem persona: quod cum sit falsum, restat quod illa locutio sit falsa.

CONCLUSIO.

Tametsi concedatur quod Pater atque Filius sint vnum principium Spiritus Sancti, non tamen illud est concedendum quod Pater & Filius sint vnus Spirator.

RESP. ad Arg. Dicendum quod hæc locutio: Pater & Filius sunt vnum principium Spiritus sancti, simpliciter recipitur: hæc autem, Pater & Filius sunt vnus spirator, non recipitur. Et hæc similiter non admittitur, Pater & Filius sunt idem principium: quamvis enim videantur æquipollere illi, non tamen æquipollent. Differenti enim modo in his locutionibus spirationis notio significatur. Propter quod notandum quod notio potest significari dupliciter, scilicet in abstractione, vel in concretionem. In abstractione vt si dicatur, spiratio. In concretionem, vt si dicatur, principium vel spirator. In

A concretionem autem potest significari vel in conparatione ad subiectum in ratione suppositi, vel in conparatione ad subiectum in ratione actiui, vel vtroque modo. Significatur ergo notio spirationis in concretionem ad subiectum in ratione suppositi per hoc nomen spirator, quod est nomen verbale, & quia suppositum huius notionis est persona, & non vna persona, sed duæ: ideo dicimus spiratores, non vnum. Nec est simile de hoc quod est. Creator: quia cum sit nomen essentiale significat in concretionem ad subiectum quod est substantia, & illud est vnum in tribus, sed notio ad personam, quæ de se multiplicatur: ideo non est vna in duabus. Significatur etiam notio in conparatione ad subiectum in ratione actiui, vt per hoc nomen principium quod dicit originem: & quoniam subiectum agit per virtutem, & virtus respicit naturam, cum in Patre, & Filio sit vna natura & vna virtus non multiplicata, per hoc nomen *principium* significatur notio spirationis, vt nullo modo multiplicata. Ideo dicimus: Pater & Filius sunt vnum principium Spiritus sancti, vt vnum dicat vnitatem notionis, & vis spiratiuæ, & naturæ in spirantibus. Hinc est quod Pater non dicit plura principia, licet plures habeat notiones, quia non habet secundum diuersas vires & naturas. Significatur etiam notio in conparatione ad subiectum, vt in ratione suppositi & actiui, cum dicitur idem principium, quoniam pronomen idem, quod certam desiderat personam significare, respicit suppositum: & principium, sicut dictum est, respicit ipsum, vt actiuum: & quoniam suppositum non est idem, nec vnum: ergo hæc est falsa, Pater & Filius sunt idem principium. Hæc igitur est vera, Pater & Filius sunt vnum principium. Hæc autem est falsa. Sunt vnus spirator. Hæc iterum falsa, Sunt idem principium Spiritus sancti, & ratio horum omnium patet ex prædictis.

1. AD illud ergo quod obiicitur primo quod sint vnum principium, quia vnica spiratione spirant, dicendum quod hæc non est tota ratio: sed hæc est tota ratio, quia vnica spiratione, & vnica virtute, & in vnitatem naturæ spirant eundem: & principium hoc modo importat illam notionem, & ideo sunt vnum principium. Non sic autem significatur illa notio per hoc nomen, *Spirator*, quod est nomen verbale, & descendit à verbo quod concernit suppositum personale. Spirator enim dicitur ille qui spirat, & ille est persona.

2. AD illud quod obiicitur de creatione, iam patet responsio quia creatio non tantum habet vna virtute fieri: sed etiam habet vnum suppositum, & ipsum est substantia: Pater enim non creat tanquam proprium subiectum, sed ipsa substantia diuina quæ vnica est: sed suppositum spirationis non potest esse substantia, sed persona, ideo non dicitur quod Pater & Filius vnus sunt spirator.

3. AD illud quod obiicitur quod identitas est vnitas non multiplicata, dicendum quod illud non sufficit nisi sit talis vnitas quod non multiplicetur, nec compatietur secum pluralitatem suppositorum, quam excludit identitas: & quia vnitas principij compatitur pluralitatem personarum, ideo patet illud.

4. AD illud quod obiicitur quod eadem spiratione spirant, dicendum quod non sequitur ex hoc quod sint vnus spirator, quamvis enim eadem sit notio, tamen suppositum non est idem. Et cum dicitur idem principium, notatur identitas in vtroque. Cum dicitur eadem spiratione, notatur identitas in altero: ideo hæc non sequitur ex illa, nec vna infert aliam.

DISTINCTIO XXX.

De his quæ Temporaliter de Deo dicuntur,
& Relatiue secundum accidens, quod
non Deo sed Creaturis accidit.

SVNT enim quadam qua ex tempore de Deo dicuntur, eique temporaliter conueniunt sine sui mutatione: & relatiue dicuntur secundum accidens, non quod accidit Deo, sed quod accidit creaturis, ut Creator, Dominus, refugium, datum vel donatum, & huiusmodi. De his August. in. 5. lib. de Trin. ait Creator, relatiue dicitur ad creaturam, sicut Dominus ad seruum. Item. Non aliquem moueat quod Spiritus sanctus cum coæternus Patri, & Filio, dicitur tamen aliquid ex tempore: veluti hoc ipsum quod donatū diximus. Nam sempiternus Spiritus sanctus est donum, temporaliter autē donatum. Et si dominus non dicitur, nisi cum habere incipit seruum, etiam appellatio relatiua ex tempore est Deo. Non enim sempiterna creatura est, cuius ille dominus est: ergo dominum esse non sempiternum habet, ne cogamur etiam creaturam sempiternam dicere: quia ille sempiternus non donaretur, nisi etiam ista sempiternus famularetur. Sicut autem non potest esse seruus qui non habet dominum, sic nec dominus qui non habet seruum.

Oppositio quod non ex tempore sit dominus, quia est dominus temporis, quod non est ex tempore.

Sed hic aliquis dicet quod non ex tempore competit Deo hac appellatio qua dicitur dominus, quia non est tantum dominus rerum qua ex tempore cæperunt, sed etiam illius rei qua non cæpit ex tempore, id est, ipsius temporis quod non cæpit ex tempore, quia non erat antea tempus quam inciperet: & ideo nō cæpit esse dominus ex tempore. Ad quod dici potest, quia licet non cæperit ex tempore dominus esse temporis, cæpit tamen esse dominus temporis: quia non semper fuit tempus: & ipsius hominis ex tempore capit esse dominus. De hoc Augustinus in eodem libro continue ita ait: Quisquis extiterit qui æternum Deum solum dicat, tempora vero non esse æterna propter varietatem & mutabilitatem: sed tamen ipsa tempora non in tempore esse cæpisse, quia non erat tempus antequam tempora inciperent: & ideo non in tempore accidere Deo, ut dominus esset, quia ipsorum temporum dominus erat, qua utique non in tempore esse cæperunt: quid respondebit de homine qui in tempore factus est, cuius utique dominus non erat antequam esset? Certe ut dominus hominis esset, ex tempore accidit Deo: & ut omnis amoueatur controuersia, certe ut tuus dominus esset vel meus, qui modo esse cæpimus ex tempore habuit. Quo modo ergo obtinebimus nihil secundum accidens dici de Deo, nisi quia ipsius naturæ nihil accidit quo mutetur: ut ea sint accidentia relatiua, qua cum aliqua mutatione rerum de quibus dicuntur, accidunt: sicut amicus relatiue dicitur. Non enim amicus esse incipit, nisi cum amare cæperit. Fit ergo aliqua mutatio voluntatis, ut amicus dicatur. Nummus vero cum dicitur pretium, relatiue dicitur: nec tamen mutatus est cum esse cæperit pretium, nec cum dicitur pignus & huiusmodi.

Si ergo nummus potest nulla sui mutatione toties dici relatiue, ut neque cum incipit dici, neque cum desinit, aliquid in eius natura vel forma qua nummus est, mutationis fiat: quanto facilius de illa incommutabili Dei substantia debemus accipere, quod ita dicatur relatiue aliquid ad creaturam, ut quamvis temporaliter incipiat dici, non tamen ipsi substantia Dei accidisse aliquid intelligatur, sed illi creatura ad quam dicitur? Qualiter etiam refugium nostrum dicitur? Refugium enim nostrum dicitur Deus relatiue, ad nos enim refertur: & tunc refugium nostrum fit, cum ad eum refugimus. Nunquid tunc fit aliquid in eius natura, quod antequam refugeremus ad eum, non erat? In nobis ergo fit aliqua mutatio, qui ad eum refugiendo efficiuntur meliores: in illo autem nulla. Sic & Pater noster esse incipit, cum per eius gratiam regeneramur, qui dedit nobis potestatem filios Dei fieri. Substantia erga nostra mutatur in melius, cum filij eius efficiuntur. Similiter & ille Pater noster esse incipit, sed nulla commutatione sua substantia. Quod ergo temporaliter dici incipit Deus, quod antea non dicebatur, manifestum est relatiue dici: non tamen secundum accidens Dei, quod aliquid ei acciderit, sed plane secundum accidens eius ad quod dici aliquid Deus incipit relatiue. Ex his aperte ostenditur quod quadam de Deo temporaliter dicuntur relatiue ad creaturas, sine mutatione deitatis, sed non sine mutatione creatura, & ita accidens est in creatura, non in Creatore: & appellatio qua creatura dicitur relatiue ad Creatorem, relatiua est, & relationem notat qua est in ipsa creatura. Appellatio vero illa qua Creator relatiue dicitur ad creaturam, relatiua quidem est, sed nullā notat relationē qua sit in Creatore.

Hic soluitur quæstio qua quærebatur, utrum Spiritus sanctus dicatur datum relatiue ad se, cum ipse de se.

Hic potest solui quæstio superius proposita, ubi quærebatur, cum Spiritus sanctus datum dicatur vel donatum, quod autem datur, refertur & ad eum qui dat, & ad illum cui datur, & cum Spiritus sanctus de se ipsum, utrum ad se ipsum relatiue dicatur, cum dicitur dari vel donari. Cui quæstioni respondentes, dicimus Spiritum sanctum dici datum vel donatum relatiue ad dantem, & ad illum qui datur. Dans autem siue donator, est Pater cum Filio & Spiritu sancto. Nec tamen dicimus Spiritum sanctum referri ad se, sed appellatio dati vel donati refertur & ad dantem & ad recipientem: quia non potest aliquid dici datum, nisi ab aliquo, & alicui detur. Cum autem Spiritus sanctus dari a se, vel datus a se dicitur, relatiue quidem dicitur ad illum cui datur, & est appellatio relatiua: & in illo cui datur mutatio fit, non in dante.

DISTINCT. XXX.

De his quæ proprie & temporaliter dicuntur
de Deo.

Sunt enim quadam qua ex tempore de Deo dicuntur.

Expositio Textus.

SUPRA egit Magister de relatiuis quæ cōueniunt Deo proprie, & æternaliter. Hic agit de his quæ cōueniunt Deo proprie & temporaliter, & habet hæc pars duas. In prima Magister agit de relatiuis quæ ex tempo-

re de Deo dicuntur. In secunda de his quæ pluribus personis conveniunt, sed tamen appropriari possunt, ut similis & æqualis, infra: *Præterea considerari oportet, cum tres persona.* Prima pars habet quatuor partes. In prima ostendit aliqua nomina dici de Deo ex tempore exemplificans de pluribus. In secunda quia exemplum videbatur inconueniens de hoc nomine *Dominus*, opponit & soluit, ibi: *Sed hic aliquis diceret quod non ex tempore.* In tertia vero quia dictum videbatur falsum quod aliquid ex tempore diceretur de Deo, & ideo mouet & soluit dubium, ibi: *Quo modo ergo obtinebitur nihil secundum accidens.* In quarta vero ex prædeterminatione soluit quoddam dubium in præcedentibus quæsitum, ibi: *Hic potest solui quæstio superius proposita.*

Creator Dominus, &c. Dub. I.

Videtur quod Magister false dicat ista nomina Deo ex tempore convenire, quia dominium, ut dicit Boëtius est potestas coercendi subditos: sed hoc est in Deo ab æterno: ergo, &c. Item Dominus, ut dicit Ambrosius, est nomen naturæ: ergo si natura est æterna, & dominium. Item de hoc nomine Creator obicitur, quia non dicitur lector quia actu legit, sed quia habilis est ad legendum, sed Deus ab æterno habilis est ad creandum: ergo, &c. Iuxta hoc quæritur de horum nominum significatione, & connotatione, unde habuit rationem connotandi, cum diuina essentia sit principale significatum.

RESP. Dicendum quod quamvis diuina essentia non habeat vere respectum ad creaturam, tamen contingit eam intelligere & significare per modum respectus, nec tamen intellectus est vanus propter hoc quod totam rationem respectus realis ponit in creatura. Quoniam igitur huiusmodi nomina dicunt respectum, a quo imponuntur, quamvis imponantur essentia, ideo dicuntur secundum exigentiam illius respectus: ideo intelligendum quod quædam dicunt respectum solum, ut dominus: quædam etiam effectum, ut Creator & iustus; & ytraque sunt sub duplici differentia, quia aut important respectum ad rem præsentem aut ad rem futuram, siue ad rem in actu vel habitu. Primo modo, quia ponunt creaturam in actu, dicunt solum respectum, cum creatura incipit. Secundo modo ab æterno. Secundum hoc ergo, si Dominus & Creator important respectum in actu, ab æterno non possunt dici. Si autem in habitu, possunt. Tamen usus communis accipit huiusmodi nomina ut connotant in actu: & ideo dicit Augustinus ea dici cum tempore. Quod ergo dicit Boëtius, intelligendum quod non est potestas coercendi subditos habitos, sed habendos. Quod dicit Ambrosius patet quod non cogit, quia quamvis imponatur naturæ, tamen imponitur à proprietate naturæ, ut dicit respectum ad creaturas, & ideo connotat quid creatum, & sic patent omnia, quia ratio connotandi est modus significandi.

Temporis quod non cœpit ex tempore, &c. Dub. II.

Videtur hoc falsum, quia omne quod incipit, est temporale, & omne temporale mensuratur tempore, & omne tale cœpit in tempore, &c. Si tu des instantiam in perpetuis, obicitur quod nihil magis est variabile quam tempus: sed omne tale est temporale, ergo, &c. Item, si tempus non incepit in tempore, ergo cœpit extra tempus, ergo fuit tempus extra omne tempus.

RESP. Dicendum quantum ad præsens pertinet, quia de initio temporis debet dici in secundo, differt incipere ex tempore, & in tempore, & cum tempore. Quia ex, dicit ordinem, & ita præsupponit tempus tanquam antæius, & ideo nihil cœpit ex tempore nisi quod sequitur tempus. In tempore dicit temporis existentiam, sed tempus non fuit in sui initio cum sit successuum, ideo quæ sunt æqualis durationis cum tempore, non cœperunt, nec ex tempore, nec in tempore, sed cum

tempore, id est, cum tempus cœpit. Si quæras, quo modo tempus cœpit, breuiter dicendum quod nullo prædictorum modorum, sed cœpit in sui principio, & ideo non cœpit extra tempus. Ad illud quod obicitur, quod ex tempore mensuratur temporale, dicendum quod temporale quod exceditur à tempore, mensuratur, & incipit à tempore: sed illud non exceditur quod incipit cum tempore, & ratio est.

Nummus vero cum dicitur pretium, &c. Dub. III.

Videtur falsa dicere, quod nummus mutatus non est, cum cœperit esse pretium, quia esse pretium est accidens nummi, & modo inest, & prius non inerat, ergo nummus mutatus est.

B RESP. Dicendum quod relatio non prædicat ordinem ad alterum: ordo autem respicit dispositionem ordinatorem. Quædam igitur sunt ordinabilia, ita quod utrumque est in potentia: & tunc relatio introducit per mutationem factam in utroque. Quædam sunt ordinabilia ita quod alterum quantum est de se, in actu est, sed alterum in potentia, sicut patet de duobus, quorum vnus qui est actu albus, actu habet proprietatem secundum quam attenditur similitudo. Non ergo oportet quod relatio semper inducat mutationem in utroque extremorum propter sui corruptionem vel defectiorem, sed sufficit quod in altero. Et ratio visa est, quia respicit duplex extremum. Et quia vnum potest esse de se in actu, altero existente in potentia, sicut in nummo qui est in potestate possidentis quod sit pignus, vel pretium, vel arrha, secundum mutationem factam in ipso. Nec aduenit nummo aliquid absolutum, sed ordo qui ex parte nummi erat in actu, ex parte illius quod erat in potentia fit in actu: ideo mutatur illud non mutato nummo.

Accidens est in creatura. Dub. IV.

Obicitur: Cum relatio sit creaturæ ad Creatorem, videtur hoc falsum: quia contingit rem intelligi accidente remoto: ergo si relatio ad Creatorem accidit creaturæ, ergo illo remoto contingit rem creatam intelligi esse, circumscripto respectu ad Creatorem. Item relatio qua creatura refertur ad Creatorem, est accidens: cum illud sit creatum refertur, & ita per accidens: & sic de alio, & ita est abire in infinitum.

D RESP. Dicendum quod creatura quantum ad esse primum essentialiter dependet, & talis relatio quæ exprimit illam dependentiam non est creaturæ accidentalis, sed magis essentialis. Quantum autem ad esse secundum siue ad bene esse, dependet accidentaliter, quia illud bene esse accidentale est: ideo talis relatio secundum accidens dicitur, ut filiatio secundum quod dicit adoptionem, & de tali intelligit Augustinus.

Ad illud quod obicitur quod relatio relatione alia refertur: aliqui volunt dicere quod creatura seipsa refertur: tamen illud non videtur esse dicendum, quia nulla creatura est sua relatio, cum non sit summe simplex, imo hoc ipsum quod refertur aufert simplicitatem: ideo dicendum quod sicut relatiua referuntur proprie, quæ dicunt rem substratam cum respectu: ipsæ autem relationes siue respectus non referuntur, immo magis alia referunt, quia non sunt entia sed entium. Sic in proposito, dicendum quod ipsæ relationes per se non referuntur, sed cum subiectis, ita quod vnum cum alio & per aliud: ideo non est ultra quærere aliud quo referuntur.

Nec tamen dicimus Spiritum sanctum referri ad se. Dub. V.

Contra: Videtur posse referri ad se, quia Spiritus sanctus

ctus est donum:& donum refertur ad donantem, & A ipse est donans: ergo necessario concluditur quod refertur ad se.

RESP. Licendum quod hoc nomen, *Spiritus sanctus*, dicit relationem secundum esse: & ideo quia relatione secundum esse nihil refertur ad seipsum secundum idem, nullo modo Spiritus sanctus inquantum spiritus ad se refertur: sed donum non tantum importat relationem secundum esse, ut puta cum dicit auctoritatem in dante: sed etiam secundum modum dicendi, ut quando dicit largitatem & potestatem in donante: & quia taliter potest secundum modum intelligendi comparari ad se, datum inquantum datum dicitur ad se, inquantum dans, non: ideo concedit quod appellatio dati vel donati refertur ad Spiritum sanctum, non autem Spiritus sanctus.

ARTICVLVS I.

AD intelligentiam eorum, quæ dicuntur in hac distinctione, tria quærentur. Primo utrum aliquid dicatur de Deo ex tempore. Secundo dato quod sic, quæritur utrum ea quæ dicuntur de Deo ex tempore dicantur per se vel per accidens. Tertio utrum dicantur secundum substantiam, an secundum relationem.

QVÆSTIO I.

An de Deo nomen aliquod ex tempore dicatur.

Alexand. Alensis 1. p. q. 53. Membr. 1.

S. Thom. 1. p. q. 13. art. 7.

Et 1. Sentent. dist. 30. q. 1. art. 1.

Secus 1. Sent. dist. 30. q. 1.

Ægid. Rem. 1. Sent. dist. 30. q. 1.

Richardus 1. Sent. dist. 30. q. 1.

Durandus 1. Sent. dist. 30. q. 5.

Franciscus de Mayr. 1. Sent. dist. 30. q. 1.

Ioan. Bacon. 1. Sent. dist. 30. q. unica.

Thom. Arg. 1. Sent. dist. 30. q. 1. art. 1.

QVod aliqua dicantur de Deo ex tempore, ostenditur sic. Non est dominus nisi habeat seruum, sicut dicit Augustinus: sed Deus dicitur dominus, & non habuit ab æterno seruum, ergo ex tempore: ergo, &c.

ITEM actioni respondet passio, ita quod sunt simul: sed Deus creat, ergo aliquid creatur: sed non creatur aliquid nisi ex tempore: ergo non creat nisi ex tempore: ergo, &c.

ITEM nulli conuenit esse hominem nisi ex tempore, eo quod esse humanum habet principium: sed Deo conuenit esse hominem: ergo ex tempore.

ITEM sicut se habet temporale ad temporale, ita æternum ad æternum: ergo mutata proportionem, sicut se habet æternum ad temporale, ita temporale ad æternum: sed æternum sic se habet quod dicitur de temporali, ut cum dicitur: Petrus est prædestinatus: ergo & temporale poterit dici de æterno.

1. CONTRA: Omne temporale est creatum: sed Deus est increatus, & horum est summa distantia: sed illorum inter quæ est summa distantia, vnum non prædicatur de altero: ergo, &c.

2. ITEM omne temporale est mutabile & variabile sed omne illud de quo prædicatur mutabile, ipsum est mutabile, cum igitur Deus non sit mutabilis & variabilis, patet, &c.

3. ITEM nihil æternum est ex tempore, sed omne quod prædicatur de Deo, est Deus, & ita æternum: ergo nihil potest tale dici ex tempore.

4. ITEM omne quod est aliquid ex tempore, incipit esse aliquid quod non erat prius: & omne tale est mutabile, ergo nihil tale est in Deo: ergo, &c.

Si dicas quod non prædicatur aliquid de Deo ex tempore prædicatione per essentiam vel inhærentiam: sed per causam quæ non ponit aliquid in Deo, sed in effectu.

CONTRA: Cum dicitur, Deus est Creator, hoc dici-

tur ex tempore, & non per causam: ergo responsio illa nulla. Probatio: Omne quod dicitur de aliquo per causam, de alio dicitur per essentiam, vel inhærentiam: sed Creator de nullo alio à Deo dicitur, nec per essentiam, nec per inhærentiam: ergo, &c.

ITEM quod dicitur de alio per causam, potest inferri per modum habitudinis causalis, ut dies est sol lucens super terram, ergo dies est à sole: ergo si per causam Deus est Creator, pari ratione Deus à creatura, vel è conuerso.

ITEM quod prædicatur solum per causam, non est idem illi de quo prædicatur: sed cum dicitur Deus creat, actio Dei est Deus: ergo non prædicatur per causam.

ITEM cum dicitur Deus, Dominus, vel consimilis dominus non dicit aliquod genus causæ, & tamen dicitur de Deo: ergo prædicta responsio non est sufficiens.

CONCLUSIO.

Nihil est incommodi quod de Deo qui æternus est, aliqua nomina ex tempore dicantur, quæ ex principali significatione essentiam in respectu ad creaturas significant.

RESP. Ad Arg. Dicendum quod aliquid dici ex tempore, est dupliciter: aut quia ipsum est temporale, aut quia dicit respectum ad temporale. Primo modo, nihil prædicatur de Deo per essentiam vel per inhærentiam, sicut probant quatuor rationes ad hoc inductæ: prædicatur tamen per causam, ut si dicatur: Deus est patientia mea: vel per unionem, ut si dicatur: Deus est homo: & hoc non ponit mutationem, vel esse temporale circa Deum, sed circa creaturam. Alio modo dicitur aliquid ex tempore, eo quod de ratione sui nominis dicit comparisonem ad aliquid temporale, ut Dominus & Creator: sed tamen de sua principali significatione importat essentiam: nam dominus importat dominium, quod est potestas coercendi subditos: & hæc est diuina essentia. Similiter Creator, importat diuinam actionem, quæ est diuina essentia: utrumque tamen significat in respectu ad creaturam: & ita connotat creatum & temporale. Quoniam ergo quod implicat in se contingens & necessarium, denominatur totum contingens: similiter quod æternum & temporale totum denominatur temporale propter naturam totius copulat, quod ponit utramque partem, & falsificatur pro utraque parte, & pro altera. Hinc est quod talia dicunt ex tempore non ratione principalis significati, sed ratione connotati in creatura, & per hoc patent quatuor argumenta sequentia. Concedendum enim est quod non omne quod ex tempore dicitur de Deo, dicitur per causam, sed vel dicitur per causam, vel per unionem, vel per quandam comparisonem ad temporale, & sic patent omnia.

1. 2. AD illud ergo quod obiicitur quod temporale est creatum & mutabile, dicendum quod loquitur de temporali primo modo, & hoc non dicitur de Deo nisi per causam vel unionem.

3. AD illud quod obiicitur quod omne quod prædicatur de Deo est æternum, dicendum quod hæc est duplex, quia æternum potest teneri adiectiue, vel substantiue. Si adiectiue, sic falsa est. Aliquid enim prædicatur de Deo, cuius duratio non est æterna. Si substantiue, vera est, & sic est sensus: omne quod prædicatur de Deo est aliquid æternum. Nec tamen sequitur: Est æternum, immo est ibi fallacia accidentis: sicut hic, creatio est Deus, & Deus est æternus, ergo creatio est æterna, ita in prædicta. Aliquid enim quod est æternum ratione principalis significati, id est, quod est aliquid æternum, ratione connotati dicitur temporale.

4. AD illud quod obiicitur quod illud quod est ex tempore, incipit aliquid esse, dicendum quod illud non est, in Deo propter mutationem aliquam factam in ipso, sed in creatura: & illud determinatum est supra distinctione 8.

Fundamēta.

Aug. 15. de Trin. c. 16. tom. 3. Arist. in predicamentis, c. 8. phys.

Ad oppositum.

Resp.

Replie.

QVÆSTIO II.

An omnia quæ de Deo ex tempore dicuntur, per se, vel per accidens dicantur.

Alex. Alenf. 1. p. q. 53. Memb. 4.

S. Thom. 1. p. q. 13. art. 3.

Scot. 1. Sent. dist. 30. q. 2.

Ægid. Rom. 1. Sent. dist. 30. q. 3.

Ri. hard. 1. Sent. dist. 30. q. 2.

Henricus in Quod. q. 1.

Franciscus de Mayr. 1. Sent. dist. 30. q. 2.

Thom. Arg. 1. Sent. dist. 30. q. 1. art. 2.

Gab. Biel. 1. Sent. dist. 30. q. 5.

Secundo queritur, utrum quæ dicuntur de Deo ex stem ore, dicantur per se vel per accidens. Et quod secundum accidens, ostenditur hoc modo: Augustinus 5. de Trinit. & habetur in litera quod dominus esset hominis, ex tempore accidit ei.

2. **I**TEM hoc ipsum videtur ratione: quia omne quod adest & abest præter eius, de quo dicitur, corruptionem, prædicatur secundum accidens, hæc est per se nota: sed omnia hæc quæ temporaliter dicuntur de Deo, sunt huiusmodi: ergo, &c.

3. **I**TEM quod prædicatur per se de aliquo, semper inest illi: ergo ab oppositis: Quod prædicatur de aliquo, & non semper inest, prædicatur non per se, ergo per accidens: sed talia sunt huiusmodi nomina ergo, &c.

4. **I**TEM omne quod prædicatur de aliquo, aut est convertibile cum subiecto, aut de ratione subiecti aut prædicatur per accidens: sed huiusmodi nomina nec sunt de ratione Dei, nec convertibilia, ut patet de hoc nomine, Dominus, ergo &c.

CONTRA: Augustinus 5. de Trinitate, nihil secundum accidens dicitur de Deo.

ITEM ostenditur ratione: quia in quocunque est ponere accidens, est ponere compositionem, & per consequens varietatem: sed neutrum est in Deo: ergo, &c.

ITEM omne per accidens reducit ad per se: sed reductio est posterioris ad prius, non econverso: Deus autem non habet prius, nec simpliciter, nec secundum quid ergo nihil de Deo dicitur secundum accidens.

ITEM omne quod dicitur de duobus, de vno per se, de altero per accidens, perfectiori modo dicitur de eo, de quo dicitur per se: sed quicquid dicitur de Deo, dicitur perfectissime, ergo nihil dicitur de Deo secundum accidens: ergo huiusmodi nomina non dicuntur de Deo per accidens, ergo per se.

CONCLUSIO.

Quæ de Deo ex tempore dicuntur, prædicantur per accidens, pro quanto de eo non necessario dicuntur.

RESP. Ad arg. Dicendum quod dici secundum accidens est tripliciter. Vno modo accidens dicitur per oppositum ad substantiam: & sic dicitur accidens proprietas alij inhærens, quæ non est de rei essentia. Et hoc quidem modo nihil dicitur de Deo secundum accidens, sicut dicit Aug. eo quod hoc modo accidens ponit compositionem & varietatem in eo de quo dicitur. Alio modo dici secundum accidens, est per oppositionem ad per se: & sic dicitur secundum accidens, aut quod dicitur per aliud in essentia, ut si dicatur paries disgregat: aut per aliquid cui est quodam modo idem, quodam modo diversum, ut puta cum dicitur de superiori per inferius, ut figura habet tres, vel de inferiori per superius, ut Isocheles habet tres. Hoc modo non est aliquid dici de Deo secundum accidens. Hoc enim dici per accidens ponit in aliquo posterioritatem & imperfectiorem, sicut ostendunt rationes ad hoc inductæ: Deus autem nihil habet imperfecte, nihil habet ab alio quod sit omnino aliud, nec a superiori vel inferiori, quia hæc non cadunt

A in Deo. Tertio modo dici secundum accidens, est per oppositionem ad necessarium, ut illud dicatur accidere quod necessario non inest. Et hoc modo huiusmodi dicuntur de Deo secundum accidens, quia non dicuntur de ipso necessario, sed dicuntur de ipso per se, quia per comparisonem ad creaturam. Comparatio autem ad creaturam per se est, quia Deus est sua actio: sed tamen quia Deus agit per voluntatem quæ non semper, nec de necessitate coniuncta est actui, ideo non necessaria: & quantum ad hoc cadit ibi ratio dicendi secundum accidens. Unde hic modus dicendi per accidens, opponitur per se in creaturis ratione eius quod ad dici per se sequitur necessarium in creaturis. In Deo autem non: quia nihil idem seipso facit, & voluntarie facit: & ideo in Deo non habet oppositionem ad per se. Rationes ergo ostendentes quod non dicuntur de Deo secundum accidens, procedunt secundum primam & secundam acceptionem

1. **Q**UOD autem obiicitur quod esse Dominum accidit: sic intelligendum est, id est, non est necessarium, nec semper convenit.

2. **A**d illud quod obiicitur quod abest præter corruptionem: dicendum quod ista diffinitio est accidentis secundum quod abesse est per inhærentiam: sed sic non convenit Deo ut visum est, sed solum creaturis unde patet illud.

3. **A**d illud quod obiicitur de per se: dicendum quod loquitur de per se in creaturis. Ad per se enim in creaturis sequitur necessarium, sed non sic in Deo.

QVÆSTIO III.

An Nomina quæ de Deo ex tempore dicuntur realem in Deo dicant relationem.

Alex. Alenf. 1. p. q. 53. Memb. 4. art. 2.

S. Tho. 1. p. q. 13. art. 2.

Et de Pot. q. 7. art. 4.

Ægid. Rom. 1. Sent. dist. 30. q. 4.

Richard. 1. Sent. dist. 30. q. 3.

Franciscus de Mayr. 1. Sent. dist. 30. q. 1.

Thom. Arg. 1. Sent. dist. 30. q. 1. art. 3.

Gabr. Biel. 1. Sent. dist. 30. q. 1.

Vtrum ea quæ dicuntur de Deo ex tempore, dicantur secundum substantiam, an secundum relationem quæ sit vera relatio. Et quod secundum relationem videtur hoc modo: Sicut pater seipso generat, ita seipso creat: tamen quamvis seipso generet, generatio, & paternitas dicitur vere in ipso secundum relationem ergo pari ratione quamvis seipso creet, & dicitur minetur, tamen quia sunt ad alterum, dicuntur realiter relative.

2. **I**TEM: Huiusmodi nomina, aut pure dicunt divinam substantiam, aut superaddunt aliquem respectum. Si pure divinam substantiam dicunt (sed substantia est æterna, & ab æterno) ergo dicuntur de Deo ab æterno quod falsum est: ergo superaddunt aliquem respectum, ergo relationem. Si dicas quod non addunt respectum secundum rem, sed secundum modum.

3. **C**ONTRA: Aut illi modo respondent aliquid in re, aut nihil. Si aliquid in re, ergo realiter dicuntur relative. Si nihil, ergo falsus est modus intelligendi, & inconueniens modus dicendi.

4. **I**TEM: Sunt quedam relativa secundum esse, quedam secundum dici. Sed in relativis secundum dici, est modus respectus in relativis secundum esse, est veritas respectus: sed servus, & Dominus sunt relativa secundum esse, ergo utrumque importat respectum, non tantum secundum modum, sed etiam secundum rem, ergo, &c.

5. **I**TEM: Dominium dictum de Deo, ita bene dicit superpositionem, sicut dictum est de creatura illa igitur superpositio, aut ponitur in Deo aut in creatura. Non in creatura, constat quia tunc idem sibi superponeretur: ergo ponitur in Deo: sed superpositio est vere relatio: ergo, &c.

6. **I**TEM

6. ITEM : Cum dico, Deus creat, hic notatur duplex A respectus, scilicet causæ ad effectum, & econverso. Aut ergo uterque est in creatura, aut uterque in Deo : aut unus in Deo, alter in creatura. Constat quod impossibile est utrumque esse in Deo, quia Deus non est effectus, & similiter in creatura, quia creatura non est sui causa : ergo necesse est quod alter sit in Deo, ergo, &c.

7. ITEM Cum dico, Deus creat, Deus verissime est causa : & si vera ratio causæ ponit veram relationem, huiusmodi nomina dicta de Deo ponunt veram relationem.

CONTRA Per Dionysium : In causalibus, & causis non recipimus reciprocationem : ergo cum Deus sit causa perfectissima creaturæ, non refertur ad creaturam, quamvis econverso creatura referatur ad ipsum.

ITEM Philosophus dicit quod scientia secundum esse refertur ad scibile, sed non convertitur : ergo si minor est dependentia Dei ad creaturam, quam scibilis ad scientiam, ergo nulla in eo est relatio.

ITEM ratione videtur, quia huiusmodi nomina si dicunt relationem circa Deum, aut illa est pure divina essentia, aut aliquid superadditum. Si pure Dei essentia, ergo æternum quid, ergo respectus huiusmodi nominum est æternus : ergo de necessitate dicuntur ab æterno. Si autem dicunt aliquid superadditum : ergo in Deo est aliqua compositio.

ITEM omnis relatio dicit aliquam dependentiam, vel saltem ordinem & habitudinem ad illud, respectu cuius dicitur : sed Deus non ordinatur nec terminatur : ergo nihil de Deo dicitur relatiue respectu creaturæ.

CONCLUSIO.

Nomina qua de Deo ex tempore dicuntur, non important aliquam relationem secundum rem in Deo, sed solum secundum modum intelligendi.

RESP. ad Arg. Ad hoc intelligendum, est sciendum quod dici secundum relationem, dupliciter est, aut secundum rem, aut secundum modum. Realis autem relatio triplex est. Aliquando enim fundatur super proprietatem accidentalem, ut similitudo in duplici albedine. Aliquando super dependentiam essentialem, sicut respectus vel relatio materiæ ad formam. Nam sicut dicit Philosophus : Materia hoc ipsum quod est, ad alterum est. Aliquando super originem naturalem, sicut effectus ad causam, & Filius ad Patrem. Prima relatio non potest esse in Deo, quia in Deo nulla est proprietas accidentalis. Secunda non potest esse in eo, quia nulla in Deo est dependentia. Tertia est in Deo, sed non respectu creaturæ, sed respectu personæ : hæc enim non dicit compositionem, nec dependentiam inclinationem, sicut prima, & secundas sed ponit distinctionem, & ordinem : & quoniam vere una persona ordinatur ad aliam, & habitudinem habet, & alio modo secundum rem se habet ad unam quam ad aliam, ideo hæc relatio est in persona respectu personæ, non respectu creaturæ. Nam Deus ad creaturam non habet ordinem, nec habet aliam & aliam habitudinem. Et ideo nullo modo est realiter in Deo relatio respectu creaturæ. Creatura autem ad Deum habet ordinem, & habitudinem mediante proprietate accidentali, & dependentia essentiali, & origine naturali, ideo secundum omnem modum refertur creatura ad Deum. Quoniam igitur intellectus noster cum intelligit aliquid referri ad aliquid, intelligit etiam comparari illud ad aliud, ideo intelligit Deum per modum respectus & relationis, cui respectui in Deo nihil respondet nisi divina essentia : ex parte tamen creaturæ bene aliquid respondet, & ideo non est vanus. Concedendum ergo quod huiusmodi nomina dicta de Deo non important relationem in Deo secundum rem, sed solum secundum modum intelligendi. Ex his patent quæ sita.

1. Quid enim obiicitur de Patre dicendum quod non est simile, quia Patris ad filium est ordo, & habitu-

do, & alia habitudo ad Filium quam ad Spiritum sanctum : Deus autem sicut dicit Philosophus in Metaph. non habet ordinem, nec aliquam habitudinem, nam prima causa eodem modo se habet ad omnia, quamvis alia alio & alio modo se habeant ad ipsam, ut in prima Philosophia dicit quod primum & summum bonum non ordinatur ad hæc creata.

2. Ad illud quod obiicitur, si non dicunt relationem, ergo pure substantiam, dicendum quod pure circa Deum dicunt substantiam secundum rem, sed relationem secundum modum intelligendi, in creatura vero secundum esse.

3. Et quod obiicit quod vanus est intellectus dicendum quod falsum est, quia intellectus fundatur super aliquid, scilicet super relationem creaturæ, cui respondet relatio secundum dici in Deo.

4. Ad illud quod obiicitur, quod quædam sunt relatiua secundum esse, &c. Dicendum quod quædam sunt relatiua secundum esse ex parte utriusque extremi, ut Dominus & seruus in creatura : quædam ex parte alterius, ut scibile, & scientia, & mensurabile, & mensura, sic in proposito.

5. Ad illud quod obiicitur, quod Dominus dicit superpositionem, & similiter creatio causalitatem, dicendum quod superpositio in Deo est vere superpositio, & vere causalitas, quia vere alij superponitur Deus, & vere efficit. Tamen illa superpositio non est vere relatio, similiter nec causalitas, sed est vere divina essentia, quia seipsa superponitur & efficit.

6. 7. Ad illud quod obiicitur, quod est ibi respectus causæ, & effectus, dicendum quod respectus effectus ibi est vere respectus, & vere relatio, sed respectus causæ non est respectus, nec relatio in Deo secundum rem : sed secundum modum intelligendi, secundum rem vero substantia, vel essentia.

DISTINCT. XXXI. PARS I.

Quomodo dicatur Filius æqualis Patri an secundum substantiam, an secundum relationem, ita & similis : Atque incidenter de Appropriatis agitur.

PRÆTEREA considerari oportet cum tres persona coæuales sibi sint, utrum relatiue hoc dicatur, an secundum substantiam : & si relatiue, utrum secundum relationem, an secundum essentiam consideranda sit aequalitas, deinde quid sit ipsa aequalitas. Ad quod dicimus, quia sicut simile nihil sibi est : similitudo enim (ut ait Hilarius) sibi ipsi non est. ita & æquale aliquid sibi non dicitur, ac per hoc sicut simile, ita & æquale relatiue dicitur. Dicitur ergo relatiue filius æqualis patri, & utrique Spiritus sanctus. Est tamen æqualis Patri Filius, & utrique Spiritus sanctus, propter summam simplicitatem essentia, & unitatem. Æqualis est ergo filius Patri secundum essentiam, non secundum relationem. Vnde Augustinus lib. de Trin. ait : Quærimus secundum quid æqualis sit patri filius. Non secundum quod ad patrem dicitur filius, æqualis est patri : restat ergo, ut secundum id æqualis sit, quod ad se dicitur. Quidquid autem ad se dicitur, secundum substantiam dicitur. Restat ergo, ut secundum substantiam sit æqualis. Eadem ergo est utriusque substantia. Item in 6. lib. Satis est videre, nullo modo Filium æquale esse Patri, si in aliquo, sc. quod pertineat ad significandam eius substantiam

Aristot. 1.1.
Metaph. con-
ex. 36. &
seq.
ibidem.

Lib. 3. cir-
finem.

Cap. 5. a
finem.

stantiam, inaequalis inuenitur. In omnibus ergo aequalis est Patri Filius, & est eiusdem substantia. Aequalis est etiam Spiritus sanctus Patri & Filio, & in omnibus aequalis propter summam simplicitatem illius substantia. Ex his perspicuum fit, quod secundum substantiam Filius est aequalis Patri, & utrique Spiritus sanctus, & appellatio tantum relatiua est. Aequalitas ergo Patris, & Filij non est relatio, vel notio, sed naturalis unitas, & identitas.

Hic quo modo dicatur similis, & quid sit similitudo.

Hoc idem etiam dicimus de simili & similitudine. Cum enim dicitur Filius similis Patri, relatiue quidem dicitur, sed similis est Patri propter unitatem essentiae. Est ergo appellatio tantum relatiua, similitudo indifferens essentiae. Vnde quibusdam non indocte videtur nomine aequalitatis, vel similitudinis non aliquid poni, sed remoueri, ut ea ratione dicatur Filius aequalis Patri, quia nec maior est eo, nec minor, & hoc propter unitatem essentiae. Ita & similis dicitur, quia nec diuersus, nec alienus, nec in aliquo dissimilis, & hoc propter essentiae simplicitatem. Non ergo secundum quod Filius est genitus à Patre, aequalis est Patri, nec similis, vel dissimilis, sed aequalis & similis secundum substantiam.

DISTINCT. XXXI. PARS I.

De Sententia sancti Hilarij, qua in Trinitate personarum propria ostendit.

Non est igitur hic pratermittendū, quod vir illustris Hilar. proprietates personarum assignans, dicit in Patre esse aeternitatem, speciem in imagine, usum in munere. Qua tanta difficultatis sunt verba, ut in eorum intelligentia, atque explanatione vehementer laborauerit Aug. ut ipse ostendit in sexto libro de Trinitate ita dicens: Quidam cum vellet breuissime singularum in Trinitate personarum insinuare propria: Aeternitas est, inquit, in Patre, species in imagine, usus in munere. Et quia non mediocris auctoritatis in tractatione scripturarum, & assertionem fidei vir extitit, (hac enim Hilar. & in libris suis posuit) horū verborum, id est, patris, & imaginis, & muneris, aeternitatis, speciei, & usus, abditam scrutatus intelligentiam, quantum valeo, non eum secutum arbitror in aeternitatis vocabulo, nisi quod pater non habet patrem de quo sit: filius autem de patre est ut sit, atque ut illi coaeternus sit. Imago enim, si perfecte implet illud, cuius imago est, ipsa coaequatur ei, non illud imagini suae, in qua imagine speciem nominauit, Credo propter pulchritudinem, ubi tanta est congruentia, & prima aequalitas, & prima similitudo nulla in re dissidens, & nullo modo inaequalis, & nulla ex parte dissimilis, sed ad identitatem respondens ei cuius imago est, ubi est prima & summa unitas, cui non aliud viuere, & aliud esse, sed idem & primus ac summus intellectus, cui non est aliud viuere, & aliud intelligere, sed idem hoc unum tāquam verbum perfectum, cui non desit aliquid, & ars quadam omnipotentis, & sapientis Dei plena omnium rationum viuientium incommutabiliū, & omnes unum in ea, sicut ipsa unum de uno, cum quo unum, ibi nouit omnia Deus qua fecit per ipsam.

Hic de Spiritu sancto quare usus dicatur.

Est autem ineffabilis quidam complexus Patris, & imaginis, qui non est sine perfruitione, sine charitate, sine gaudio. Illa ergo dilectio, & delectatio, felicitas

vel beatitudo (si tamen aliqua humana voce digne dicitur) usus ab illo appellata est breuiter, & si in Trinitate Spiritus sanctus non genitus, sed genitoris genitque suauitas, ingenti largitate atque ubertate perfundens omnes creaturas pro capto eorum. Itaque illa tria, & à se inuicem determinari videntur, & in se infinita sunt. Qui videt hoc vel ex parte, vel per speculum in enigmate, gaudeat cognoscens Deum, & gratias agat. Qui vero non videt, tendat per pietatem fidei ad videndum, non per cecitatem ad calumniandum, quoniam unus est Deus, sed tamen Trinitas. Ecce habes qualiter verba Hilarius praemissa accipienda sint, licet tanta sint profunditatis, ut etiam adhibita expositione vix aliquatenus ea intelligere valeat humanus sensus, cum & ipsa eorum explanatio, quam hic Augustinus edidit, plurimum in se habeat difficultatis, & ambiguitatis.

Quod secundum hanc expositionem non distinguuntur ibi proprietates personarum tres.

Non enim secundum praemissam expositionem distinguuntur hic tres ille proprietates superius assignatae, sed ipsa hypostases distinctae ab inuicem monstrantur: aeternitas tamen nomine eadem videtur designata proprietas, quam notat hoc nomen, ingenitus. Sed videamus quid sit quod ait: Imago si perfecte implet, cuius imago est, ipsa coaequatur ei, non illud suae imaginis: Videtur enim dicere, quod filius qui est imago Patris, Patri coaequatur, non Pater Filio, cum & Filius dicatur aequalis Patri in scriptura, & Pater Filio: sed Filius hoc habet à Patre, ut sit aequalis, Pater autem non habet à Filio, & tamen Filius plene, ac perfecte aequalis est Patri, id est, imago ei, cuius est imago.

Quare dicatur Hilarius propria personarum assignasse in verbis praedictis: cum ibi non sint expressae proprietates.

Propria ergo personarum in praedictis verbis assignasse dicitur Hilarius, quia relatiua nomina personarum posuit, sc. imaginis, & muneris, quae relatiue dicuntur de personis, & proprietates notat, quibus distinguuntur persona. Ita enim dicitur Spiritus sanctus munus relatiue, sicut donum. Verum tamen ipsas proprietates aliis tribus nominibus non significauit, iuxta praedictam Augustini expositionem, nisi solo nomine aeternitatis, quo non ipsam paternitatem, sed eam voluit intelligi notionem qua dicitur ingenitus.

Quod earundem personarum distinctionem notat Augustinus aliis verbis sine expressione trium personarum.

Illud etiam sciri oportet, quod earundem trium personarum distinctionem Aug. ostendere volens sine expressione illarum trium proprietatum superius commemoratarum, ut in 1. lib. de doctr. Christiana, sic ait. In Patre est unitas, in Filio aequalitas, in Spiritu sancto unitatis, aequalitatisque concordia. Et hac tria unum, omnia propter patrem, aequalia omnia propter Filium, connexa omnia propter Spiritum sanctum. Itaque Pater, & Filius, & Spiritus sanctus, & singulus quisque horum Deus est, & simul omnes unus Deus, & singulus quisque horum plena substantia est, & simul omnes una substantia. Pater nec Filius est, nec Spiritus sanctus: & Filius nec Pater est, nec Spiritus sanctus: Spiritus sanctus nec pater est, nec filius, sed pater tantum pater, & filius tantum filius, & Spiritus sanctus,

tantum Spiritus sanctus. Eadem tribus aternitas, eadem incommutabilitas, eadem maiestas, eadem potestas. In his verbis aperte insinuat personarum trium distinctio.

Quare Patri attribuitur unitas, & Filio æqualitas.

Sed plurimos mouet quod Patri attribuit unitatem, Filio æqualitatem. Cum enim unitas dicatur secundum substantiam, non tantum in Patre est, sed etiam in filio, & in Spiritu sancto: & æqualitas una est Patris & Filij & Spiritus sancti. Cur ergo Patri attribuitur unitas, & Filio æqualitas? Forte eadem ratione attribuitur Patri unitas secundum Augustinum, qua supra eidem aternitas secundum Hilarium, quia videlicet Pater ita est, ut ab alio non sit, & quia filium genuit unum secum Deum, & Spiritus sanctus ab eo procedit unus cum eo Deus. Unitas ergo in Patre esse dicitur, quia nec est aliquid aliud à quo sit. Non enim ab alio est, nec ab eo aliquis, vel aliquid est ab aeterno quod unum cum eo non sit: filius enim & Spiritus sanctus unum sunt cum patre. Vnde veritas ait: Ego & Pater unum sumus.

Sic enim ad unum in initiabile omnium initium per filium uniuersa referimus. Filium innaſcibilem æterni, impiſſimum eſt. Iam enim non erit vnus Deus: quia Deum vnũ prædicari, natura vnũ innaſcibilem Dei exigit. Cum ergo Deus vnus ſit, duo innaſcibiles eſſe non poſſunt: cum idcirco Deus vnus ſit, cum Pater Deus ſit, & Filius Dei Deus ſit, quia innaſcibilitas ſola penes vnũ ſit: filius autem idcirco Deus, quia ex innaſcibili eſſentia natus eſt. Reſpicit ergo innaſcibilem filium prædicari filius ſanctus, ut per vnũ innaſcibilem, Deum vnũ prædicet, ut naturam vnigenitã ex innaſcibili genitã eſſentia, in vnũ innaſcibilem Dei nomen complectatur. Caput enim omnium filius eſt: ſed caput filij Deus eſt: & ad vnũ Deum omnia hoc gradu, & hac confeſſione referuntur, cum ab eo ſumant vnũ, & a principio, cum ipſe principium ſit. Idem in eodem, propoſ. 24. Omnibus creaturis ſubſtantiam voluntas Dei conſulit: ſed naturam dedit filio ex innaſcibili ac non nata ſubſtantia perfectã natiuitas. Talia enim cuncta creata ſunt, qualia Deus eſſe voluit. Filius autem natus ex Deo, ſubſiſtit talis, qualis Deus eſt, nec diſſimilem ſupedit natura naturam: ſed ex ſubſtantia Dei genitus, natura ſecundum originem attulit eſſentiam, non ſecundum creaturam voluntatis eſſentiam.

Quare Pater & Filius dicantur eſſe vnũ, vel vnus Deus, ſed non vnus, quia res eiſdem naturæ recte poſſunt dici vnũ ſimpliciter eſſe, & cum adiectione: res vero diuerſæ naturæ, non poſſunt dici vnũ, niſi dicitur quid vnũ.

Hic dici oportet, quod Pater & Filius, & Spiritus ſanctus recte dicuntur eſſe vnũ & vnus Deus, ſed nõ vnus. Res enim due, vel plures recte poſſunt dici vnũ eſſe, ſi ſint vnũ eſſentia, & earum vna ſit natura. Vnus autem, vel vna non poteſt dici de diuerſis rebus, niſi addatur quid vnus, vel vna: quo addito, recte poteſt dici de rebus & vnus & diuerſa ſubſtantia. Vnde Aug. in 6. lib. de Trin. cap. 3. ſic ait: Neſcio vtrum inueniatur in ſcripturis dictum, vnũ ſunt, quorum eſt diuerſa natura. Si autem & aliqua plura ſunt eiſdem naturæ, & diuerſa ſentiant, non ſunt vnũ in quantum diuerſa ſentiant. Cum ergo ſic dicitur vnũ, ut non addatur quid vnũ, & plura vnũ dicuntur, eadem naturæ, atque eſſentia: non diſſidens, neque diſſentiens ſignificatur. Vnde Paulus & Apollo 1. Cor. 3. qui & ambo homines erant, & idem ſentiebant, vnũ eſſe dicuntur, cum dicitur 1. Cor. 6. Et qui plantat, & qui rigat vnũ ſunt. Cum vero additur quid vnũ, poteſt ſignificari aliquid ex pluribus vnũ, quamvis diuerſa natura: ſicut anima, & corpus non poſſunt vtrique dici vnũ, quid enim tam diuerſum? niſi addatur, vel ſubintelligatur quid vnũ, ſcil. vnus homo. Vnde Apoſtolus: Qui adhæret, inquit, Domino, ſpiritus vnus eſt. Non dixit vnus eſt, vel vnũ ſunt, ſed

addit: ſpiritus. Diuerſi ſunt enim natura ſpiritus hominis, & ſpiritus Dei, ſed inherendo ſit ſpiritus hominis vnus ſpiritus cum Deo, quia particeps ſit veritatis, & beatitudinis illius. Si ergo de his quæ diuerſa ſubſtantia ſunt, recte dicitur quod ſint vnus ſpiritus, quanto magis qui vnũ ſubſtantia ſunt recte dicuntur vnus Deus eſſe? Pater ergo & filius vnũ ſunt vtrique ſecundum unitatem eſſentia, & vnus Deus. In quo & Arriana hæreſis damnatur, quæ Patrem, & Filium, & Spiritum ſanctum, ut ait Auguſtinus in libro de hæreſibus Tomo 6. art. 49. non vult eſſe vnũ eiſdemque ſubſtantia, atque natura, vel ut expreſſius dicatur, eſſentia, quæ Grace dicitur uſia, ſed filium eſſe creatum. Nec non & Sabelliana, quæ ut ait Auguſtinus in eodem lib. eodem to. art. 41. dicebat Chriſtum eundem ipſum, & Patrem & Spiritum ſanctum eſſe: ut eſſet Trinitas nominum ſine ſubſiſtentiã perſonarũ. Vtramque peſtem, ut ait Aug. ſuper Ioan. tom. 9. tract. 36. elidit Veritas dicens: Ego & pater vnũ ſumus. Vtrumque audi, & aduerte & vnũ, & ſumus, & à Charibdi, & à Scylla liberaberis. Quod enim dixit vnũ, liberat te ab Arrio: quod dixit ſumus, liberat à Sabellio. Si vnũ, ergo non diuerſum: ſi ſumus, ergo pater & filius. Sumus, enim non diceret de vno, nec vnũ de diuerſo. Erubeſcant ergo Sabelliani, qui dicunt ipſum eſſe Patrem, qui eſt filius, confundentes perſonas, qui & dicti ſunt Patreſſiani, qui dicunt patrem fuiſſe paſſum. Arriani vero dicunt aliud patrem eſſe, aliud filium, non vnũ ſubſtantiam, ſed duas: patrem maiorem, filium minorem. Noli hoc dicere tu Catholice. In medio ergo nauiga, vtrumque periculoſum latus deuota: & dic, Pater, Pater eſt: & Filius, Filius eſt: alius pater, alius filius, ſed non aliud, imo hoc ipſum, quia vnus Deus. Ecce oſenſum eſt quare unitas in patre eſſe dicatur, cum tres illi vnũ ſint.

ro vnũ: non habet calumniam: quia cognominato ſp̄ritu, id eſt, p̄ceto, conſonantia potius quam eſſentia per ſimilitudinem ſubſtantia prædicat unitatem, in eodem. Item cum Deum Patrem conſitemur, & Chriſti Dei filium prædicamus, & inter hac diuortium Deorũ ſit irreligioſa confeſſio poſſunt ſecundum naturam indiſſerentiam, & nomen indiſſerens, non vnũ eſſentia generatione: quorum eſſentia nomen non licet eſſe niſi vnũ. Non religioſa unitas nominũ ex indiſſerentiã naturæ eſſentia conſtituta perſonam, ra adem eſſentia: ut unica ac ſingularis Dei ſubſtantia per unionem non intelligatur, cum vtriuſque eſſentia nomen vnũ, id eſt vnus Deus, ob indiſſerentiam in vtroque natura indiſſimilem ſubſtantiam prædicetur.

Quare dicatur eſſe æqualitas in filio, cum ſit vna æqualitas trium.

Nunc videamus quare æqualitas dicatur eſſe in Filio, cum vna & ſumma æqualitas ſit trium. Hoc ideo forte dictum eſt: quia Filius genitus eſt à Patre æqualis gignenti, & dono, quod ab vtroque procedit & ideo illa tria dicuntur eſſe æqualia propter Filium. Filius enim habet à Patre, ut ſit ei æqualis & Spiritui ſancto: & Spiritus ſanctus ab vtroque habet, ut ſit æqualis vtrique. Hoc autem ſine aſſertionis ſupercilio & maioris intelligentiæ præiudicio dicimus, malentes in apertione tam clauſorum ſermonum peritiores audire, quam aliquid aliis influere.

Quare in Spiritu ſancto dicatur eſſe vtriuſque concordia vel connexio.

Quod autem in Spiritu ſancto dicitur eſſe vtriuſque cõcordia, & per eum omnia cõnexa, facilius eſt intelligentiã nobis præmiſſa ad mentem reuocantibus. Supra enim ſecundum auctoritates ſanctorũ dictum eſt, quod

Spiritus

Spiritus sanctus amor est quo Pater diligit Filium & Filius patrem. Recte ergo Spiritus sanctus dicitur con-
nexio vel concordia Patris & Filij, & per eum omnia
connexa. Vnde August. in 5. libro de Trinit. cap. 11.
Communio quadam consubstantialis Patris & Filij
est amborum Spiritus sanctus. Idem in 6. lib. de Trin.
cap. 3. Spiritus sanctus est summa charitas utrumque
coniungens, nosque subiungens.

DISTINCT. XXXI. PARS II.

De significatione relatiuorum, quæ communi-
 ter & æternaliter de Deo dicuntur, ut
 similis & æqualis.

Præterea considerari oportet, cum tres persone coæquales
 sibi sint, &c.

Expositio Textus.

N præcedenti proxima particula egit Magister de
 relatiuis quæ dicuntur de Deo proprie, & tem-
 poraliter. In hac parte agit de his quæ dicuntur de
 Deo communiter & æternaliter. Et quoniam hæc sunt
 appropriabilia, ideo hæc pars habet duas partes. In pri-
 ma determinat eorum significationem. In secunda eo-
 rum appropriationem ibi: *Non est igitur hic prætermis-*
tendum. Prima pars habet duas. In prima determinat
 significationem huius nominis æqualis. In secunda
 huius nominis similis, ibi: *Hoc etiam dicimus de simili &*
similitudine.

Præterea considerari oportet. Dub. I.

Dubitatur de situ huius partis, quia cum supra dist.
 19. actum est de æqualitate, videtur hic Magister su-
 perflue repetere.

RESP. Dicendum quod de æqualitate, & similitu-
 dine, est loqui dupliciter, scilicet à parte rei, & parte
 nominis. Et primo modo agitur de æqualitate & simi-
 litudine in præcedentibus, secundo modo hic.

Simile nihil sibi est. Dub. I I.

Videtur hoc falsum, quia aliquis differt à se, sicut Sor-
 tes senex à se puero: ergo pari ratione potest esse ali-
 quid simile sibi. Item: Christus homo est sibi similis,
 quia nullus est beatus nisi sit Deo assimilatus, sed Chri-
 stus est maxime Deo assimilatus: ergo, &c.

RESP. Dicendum quod sicut differentia aliquando
 notat alietatem suppositi à supposito, ut cum dicitur
 Petrus est alius à Paulo. Aliquando alietatem in natu-
 ra, ut cum dicitur Christus secundum quod homo dif-
 fert à Deo. Aliquando alietates status à statu, ut Petrus
 senex differt à se puero. Per hunc modum intelligendum
 de similitudine. Quando igitur similis dicit similitudi-
 nem suppositi ad suppositum, non potest esse idem si-
 milis sibi: quando vero dicit similitudinem naturæ ad
 naturam, vel status ad statum, potest idem esse sibi si-
 milis, quia hæc concurrunt in eadem persona, & ita in-
 telligit Magister.

Æqualitas ergo Patris & Filij, non est relatio vel notio.
Dub. I I I.

Obiicitur, quia statim prædixit quod simile & æ-
 quale est relatiuum: ergo similitudo est relatio.

RESP. Dicendum quod Magister intelligit de notio-
 ne quæ est personæ proprietas, non de relatione com-
 muniter intellecta. Vel aliter dicendum, quod verbum
 Magistri est causaliter intelligendum, sicut patet ex
 præcedentibus, quia æqualitas non consistit in proprie-
 tatibus personalibus, sed magis in essentialibus, quæ
 supra visa sunt.

ARTICVLVS I.

AD intelligentiam huius partis est quæstio de his
 nominibus *similis & æqualis*, & circa hæc tria
 quærentur. Primo quæritur, utrum hæc nomina dicantur
 secundum positionem, an secundum priuationem. Secundo
 quæritur, utrum dicantur secundum substantiam, an
 secundum relationem. Tertio quæritur, utrum
 dicant mutuum relationem in patre & filio.

QVÆSTIO I.

An æqualitas & similitudo possint vel priuatiue
de Deo dicantur.

Alex. Alensis 1. p. q. 54. Membr. 1. art.

S. Thom. 1. p. q. 42. art. 1.

Et 1. Sentent. dist. 19. q. 1. Art. 1.

Secundum 1. Sent. dist. 31. q. unica.

Ægid. Rom. 1. Sent. dist. 31. q. 3.

Richardus 1. Sent. dist. 31. q. 1.

Durandus 1. Sent. dist. 31. q. 1.

Franciscus de Mayr. 1. Sent. dist. 31. q. unica.

Ioan. Bacon. 1. Sent. dist. 31. q. 1.

Tho. Arg. 1. Sent. dist. 31. q. 1. art. 2.

Gabriel Biel. 1. Sent. dist. 31. q. 1.

QUOD dicatur secundum priuationem videtur per
 auctoritatem Magistri in litera. Quibusdam vi-
 detur nomine æqualitatis & similitudinis non aliquid
 poni, sed remoueri, ut dicatur filius æqualis patri, quia
 nec maior nec minor est eo.

2. ITEM hoc potest probari sic: Euclides diffinit æ-
 quale sic: *Æquale est quod alteri suppositum non exce-*
dit, nec exceditur: ergo cum hæc diffinitio sit data se-
cundum priuationem, patet, &c.

3. ITEM: *Æquale & simile* non tantum dicunt unita-
 tem, sed etiam diuersitatem, sed non est ponere diuersi-
 tatem in diuinis: ergo huiusmodi nomina non dicuntur
 secundum positionem, sed secundum priuationem.

4. ITEM: *Æquale* secundum quod dicit positionem,
 dicit commensurationem, sed in diuinis non est com-
 mensuratio, nec excessus: ergo dicuntur per priuatio-
 nem excessus, non per positionem.

CONTRA: Similitudo & æqualitas in his inferiori-
 bus, dicuntur positue: sed hæc completius sunt in Deo:
 quia ut dicit Augustinus in filio primo reperitur ratio
 similitudinis & æqualitatis: ergo multo fortius in Deo
 dicunt positionem.

ITEM: Omnis negatio quæ non est pura negatio, fun-
 datur supra positionem: ergo cum hoc quod dico æ-
 quale, importet remotionem excessus, & non importet
 puram negationem, quia tunc chimæra esset æqualis
 Deo, oportet quod importet positionem.

ITEM: Hæc est falsa, pater & filius sunt inæquales:
 ergo hoc quod est inæquale, aliquid priuat quod est in
 Deo: sed hoc non est nisi importatum per æqualitatem:
 ergo æqualitas aliquid ponit: quia si eius oppositum
 priuat, necesse est ipsum ponere.

ITEM: Hæretici dicunt hanc falsam: Pater est æqua-
 lis filio, aut quia aliquid ponitur, aut quia aliquid remo-
 uetur. Non quia remouetur: quia dicunt hanc veram:
 Pater est inæqualis, quæ remouet: ergo quia aliquid po-
 nitur: ergo, &c. & fundatur vtraque istarum positionum
 supra oppositionem inæqualis ad æquale. Si enim æqua-
 le & inæquale acciperentur remotiue, tunc eorum oppo-
 sita acciperentur positue.

CONCLUSIO.

Æqualitas, & similitudo non dicuntur de Deo priuatiue
ut opinatus est Magister, sed positue.

RESP. Dicendum quod secundum quod in litera in-
 nuitur & Doctores antiqui dicunt, positio Magistri fuit,

quod nomina quæ non dicunt personalem proprietatem, A vel essentia unitatem, priuatiue accipiuntur. Vnde quia similis & æqualis dicit respectum patris ad filium, & ille respectus non est personalis proprietas, nec essentia: voluit ponere quod omnia talia secundum priuationem dicerentur, sicut duo, tres, similes, & æquales, & similia. Tamen ista positio stare non potest, sicut supra probatum est de unitate & pluralitate nominum diuinorum. Si enim in diuinis est unitas positue, & pluralitas, & hæc duo faciunt similitudinem & æqualitatem, necesse est hæc positue accipi in diuinis. Et concedenda sunt rationes ad hoc inductæ.

1. AD illud ergo quod obiicitur, quod æquale est quod non excedit. Dicendum quod illi negationi subternitur affirmatio, & positio, quæ notificatur per priuationem oppositi, scilicet excessus.

2. AD illud quod obiicitur, quod non est diuersitas in diuinis. Dicendum quod non indicant diuersitatem nisi suppositi, non formæ de se: & quia in diuinis est pluralitas suppositorum, patet, &c.

3. AD illud quod obiicitur, quod secundum quod dicuntur positue dicuntur commensurationem. Dicendum quod in diuinis non est commensuratio simpliciter, sed tamen est commensuratio respectu infiniti, & hæc non ponit simpliciter commensurationem. Aliter potest dici quod æquale & simile de suo primo intellectu ponunt unitatem quantitatis & qualitatis.

QVOD autem ponat commensurationem, hoc quod est æquale, est quia quantitas illa est mensurata: quoniam ergo in diuinis est immensa, dicit ibi conuenientiam in quantitate virtutis, quamvis non ponat ibi commensurationem.

QVÆSTIO II.

An æqualitas & similitudo secundum substantiam, vel secundum relationem in diuinis dicantur.

Alexander Alensis 1. p. q. 54. Membrum 1. art. 3.

S. Thom. 1. p. q. 42. art. 4.

Et de Potentia, q. 2. art. 3.

Secus. in Reportis 1. Sent. dist. 31. q. 1.

Agid. Rom. 1. Sent. dist. 31. q. 1.

Richard. 1. Sent. dist. 31. q. 2.

Petrus de Tarantasia 1. Sent. dist. 31. q. 2.

Thom. Arg. 1. Sent. dist. 31. q. 1. art. 3.

VTRUM nomina prædicta dicantur secundum substantiam, an secundum relationem. Et quod secundum substantiam, videtur auctoritate Magistri in litera. *Æqualitas*, inquit, non est relatio vel notio, sed naturæ unitas vel identitas. Et Hilarius, de Trinit. Similitudo est indifferens essentia: ergo tam similitudo quam æqualitas dicit diuinam essentiam.

2. ITEM: *Æqualitas* dicitur secundum quantitatem, similitudo secundum qualitatem, sed in diuinis qualitas & quantitas transeunt in substantiam: ergo, &c.

3. ITEM: Omne quod dicitur secundum relationem, importat distinctionem de suo principali intellectu: sed simile & æquale dicunt conuenientiam: ergo non dicuntur secundum relationem.

4. ITEM: Nihil quod dicitur secundum relationem, dicitur de duobus, nisi importet relationem in communi, hoc dico propter hoc nomen *relatus* & *distinctus*, sed simile & æquale important relationem specialem, si eam, inquam, important, quia non est assignare speciales sub ipsis, & dicuntur de pluribus: ergo, &c.

CONTRA: Hilarius de Trinit. Similitudo sibi non est: sed omne quod dicitur secundum substantiam dicitur ad se: ergo, &c.

ITEM omne quod dicitur secundum substantiam, dicitur de pluribus singulariter: sed similis & æqualis, dicitur pluraliter: ergo, &c.

ITEM: *Æqualitas* refertur pater ad filium, & filius ad patrem, sed non essentia: ergo æqualitas non dicit essentiam.

ITEM: Aut pater est æqualitas filij ad patrem, aut non. Si sic: ergo cum filius æqualitate illa sit æqualis patri, pater est æqualis sibi, quod non conceditur: quod si pater non est æqualitas filij ad patrem: ergo æqualitas non dicitur de omnibus: ergo non dicit essentiam. Essentia enim filij est pater.

CONCLUSIO.

Æqualitas, & similitudo dicuntur in diuinis secundum relationem formaliter, sed secundum substantiam causaliter, relatiue nihilominus principaliter, secundum substantiam vero ex consequenti.

RESP. Dicendum quod secundum communem omnium opinionem cum simile & æquale dicant conuenientiam plurimum in vno, de se important distinctionem in suppositis, & unionem siue unitatem in essentia. Et quia distinctio personarum spectat ad modum dicendi secundum relationem, unitas essendi ad modum dicendi secundum substantiam. Ideo huiusmodi nomina nec omnino dicuntur secundum substantiam, nec omnino secundum relationem, sed quodam modo secundum substantiam, quodam modo secundum relationem. Sed quia non possunt secundum hunc duplicem modum dici principaliter, necesse est quod secundum alterum. Ideo ulterius oportet querere, secundum quem modum accipiendi, accipiuntur principaliter in diuinis. Et hic sunt diuersæ opiniones. Quidam enim dicunt quod huiusmodi nomina secundum concretione significata, dicuntur principaliter secundum relationem. Nam similes dicuntur habentes eandem qualitatem. Quia ergo respicit suppositum per se, secundum quod concretum, ideo dicitur secundum relationem. Sed in abstractione, quia similitudo est unitas naturæ, vel essentia, quia respicit unitatem formæ primo, non distinctionem suppositorum nisi ex consequenti, principaliter dicitur secundum substantiam. Sed iste modus soluendi non est conueniens. Nam est eadem significatio in concreto & in abstracto in principali significato: ergo si dicitur secundum substantiam vnum, & reliquum similiter: ergo hoc non soluit quod dictum est.

Secunda opinio, quod huiusmodi nomina & in concretione & in abstractione dicuntur principaliter secundum substantiam, & connotant distinctionem in suppositis. Et ratio ipsorum est, quia cum similitudo respiciat ista duo, scilicet conuenientiam & differentiam, immediatius & completius respicit conuenientiam. Dicuntur enim differentes esse similes in quantum conueniant, conuenientes vero non dicuntur similes in quantum differunt. Respicit ergo similitudo distinctionem per modum materiæ, sed per modum formæ respicit unitatem essentia, & ideo completiue dicitur secundum substantiam tam similitudo, quam similis. Sed ista positio non potest stare. Certum enim est quod similitudo dicitur respectus aliquorum ad inuicem, sed in diuinis non est nisi respectus personæ ad personam. Respectus autem personæ ad personam, non potest dici secundum substantiam: ergo necesse est quod hoc nomen *simile* quod à similitudine imponitur secundum substantiam non dicatur. Et ideo est tertia opinio, quod huiusmodi nomina dicantur secundum relationem, formaliter loquendo: dicunt enim respectum suppositorum distinctorum conuenientiam in aliquo vno: & ita respectus cadit ibi per modum formalis, sed unitas essentia & pluralitas suppositorum cadit per modum causæ. Ideo proprie & principaliter secundum relationem, ex consequenti vero secundum substantiam dicuntur, causaliter loquendo. Et hoc magis patet si consideremus significationem horum nominum in creaturis, unde fit translatio. Similitudo enim est relatio secundum qualitatem, similiter & æqualitas secundum quantitatem, & similitudo dicit relationem formaliter, sed qualitatem cau-

saliter.

saliter. Similiter æqualitas dicit quantitatem causaliter, A ergo pater est similis: quæro cui, aut sibi aut alij. Non sibi, ergo alij.

Æquale & simile, prout convenientiam in quantitate & qualitate dicunt, reciprocā & mutuam dicunt relationem: si vero rationem originis superaddant, nequaquam.

RESP. Ad Arg. Dicendum quod *similis*, & *æqualis* dupliciter accipiuntur. Aut prout dicunt convenientiam in quantitate, vel qualitate: aut prout supra convenientiam addunt imitationem vel expressionem perfectam. Primo quidem modo sunt relatiua æquiparantiæ, & dicuntur ad conuertentiam secundum quod probant rationes secundo inductæ. Alio modo *similis* & *æqualis* addunt super hoc rationem originis. Vnde *æqualis* dicitur quasi adæquatus, & *similis* quasi assimilatus: hoc modo non conuenit nisi ei qui est ab altero, & hoc modo procedunt primæ rationes, quod pater non dicitur similitudo filij per imitationem, nec æquatur Filio per emanationem ab alio, sed æquat sibi Filium. Quod tamen dicit Dionysius quod non recipimus reciprocationem, &c. loquitur de causa proprie & prout differt ab effectu per essentiam: hoc autem modo Pater non est causa Filij, immo bene est habitudo Filij ad Patrem, sicut è conuerso, & sic patent omnia.

DISTINCT. XXXI. PARS II.

C De Appropriatione relatiuorum quæ communiter, & æternaliter de Deo dicuntur, ut similis, & æqualis.

Non est igitur hic pratermittendum quod vir illustris Hilarius.

Expositio Textus.

DETERMINATA parte illa in qua agit de significatione horum nominum *similis* & *æqualis*, hic incipit secunda pars in qua agit de horum nominum appropriatione, & habet hæc pars duas partes. In prima assignat appropriationes: In secunda mouet & soluit dubitationem quæ ex huiusmodi appropriatione habet originem, infra dist. 32. Hic oritur quæstio ex prædictis deducta. Prima pars diuiditur in duas partes. In prima assignat appropriata secundum Hilarium. In secunda secundum Augustinum, ibi: *Illud etiam scire oportet quod earundem trium personarum distinctionem.* Prima pars habet tres. In prima assignat Hilarius appropriationem & eius explanationem propter sui obscuritatem. In secunda ostendit quod illa quæ Hilarius assignat, non sunt propria sed appropriata, ibi: *Non enim secundum præmissam expositionem.* In tertia vero ostendit quod illa quibus hæc appropriat, sunt propria. Appropriatio enim est communis respectu proprii, & hoc facit ibi: *Propria igitur Personarum.* Similiter secunda pars in qua assignat Magister appropriationem Augustini, habet duas. In prima ponit ipsam appropriationem. In secunda ponit eius expositionem, ibi: *Sed plurimos mouet quod Patri attribuit, &c.* Et hæc pars habet tres secundum illam triam appropriata. In prima ostendit qualiter Patri appropriatur vnitas, ostendens etiam incidentaliter, qualiter aliqua dicuntur vnū, ibi: *Hic dici oportet.* In secunda vero ostendit quo modo Filio appropriatur æqualitas, ibi: *Nunc videamus qualiter æqualitas.* In tertia vero ostendit quo modo Spiritui sancto appropriatur concordia, ibi: *Quod autem in Spiritu sancto dicitur esse vtriusque concordia.*

Non est igitur hic pratermittendum. Dub. I.

Cum Magister agat de appropriatione dist. 24. & de appropriatis dist. 25. vsque ad finem, videtur quod male situet hic tractatum de appropriatis.

QUESTIO III.

An æquale & simile secundum mutuam relationem in diuinis dicantur.

Alexander Ales. 1. p. q. 54. Membro 1. art. 2.
Scotus in Reportariis 1. Sent. dist. 31. q. 2.
Ægid. Rom. 1. Sent. dist. 31. q. 2.
Sreph. Brulef. 1. Sent. dist. 31. q. 3.
Petrus de Tarentas. 1. Sent. dist. 31. q. 7.

VTRUM prædicta nomina, scilicet *æqualis* & *similis* dicant mutuam relationem, secundum quam pater filio, & filius patri sit æqualis. Et quod non, videtur, quia secundum Dionysium: In causalibus non recipimus reciprocationem, sed pater est principium filij, ergo non cadit ibi reciprocatio, ut dicatur pater æqualis filio.

2. ITEM hoc videtur ratione, quia enim filius similis est patri, ideo dicitur similitudo patris: ergo si è conuerso pater est similis filio perfecte, ergo pater est similitudo filij, hæc autem non recipitur, ergo, &c.

3. ITEM: Qui est æqualis alij, secundum æqualitatem sibi adæquatur: si ergo pater est æqualis filio, ergo si adæquatur, quæro à quo: aut à se aut ab alio. Non à se, quia quicumque æquat se alij aliquid agit in se, sed pater nihil agit in se, ergo non adæquat se, nec alij adæquatur, ergo non est æqualis filio.

CONTRA: Simile, & æquale sunt relatiua æquiparantiæ: sed ista denominant vtrumque extremum, ergo si filius est similis patri, pari ratione pater est similis filio.

ITEM: Ratio similitudinis est convenientia vel indifferentia in qualitate vel substantia. Sed convenientia æqualiter respicit vtrumque extremum, & indifferentia: si ergo filius est indifferens patri, & è conuerso, pater est similis filio.

ITEM: Omne plurale geminat suum singulare, sed hæc conceditur, pater & filius sunt similes & æquales

R E S P. Dicendum quon duplici de causa ponit hic Magister tractatum de appropriatis. Vna est, quia egerat de nominibus quæ dicunt relationem secundum relationem communem, secundum quam appropriatio attenditur, sicut sunt *similis*, & *equalis*, & ita incidenter hæc pars hic introducitur. Alia ratio est, quia appropriata faciunt ad euidenciam propriorum, & ideo statim post tractatum de propriis, egit de appropriatis, & hoc maxime propt facit ad euidenciam propriorum, ideo de his agit hic quæ non dicunt respectum ad creaturas. Infra vero agit de his appropriatis quæ respectum ad creaturas dicunt, patet ita & distinctio huius partis ab illa: unde tria appropriata Hilarij manifestant personarum emanationem. Tria vero appropriata Augustini nobis manifestant personarum ordinem, si quis inspiciat.

Imago est eius rei ad quam imaginatur species indifferens.
Dub. II.

Primo videtur quod ratio ista quam Hilarius ponit in notula, non sit conuertibilis, quia totum videtur conuenire Spiritui sancto.

I T E M species aut accipitur personaliter, aut essentialiter. Si essentialiter, ergo idē sensus est qui est species indifferens: qui esset etiam si diceretur essentia indifferens, sed hoc conuenit Patri non tantum Filio. Item essentia non dicitur ut alicuius, si stat pro persona, ergo sensus est idem, species indifferens, qui est cum dicitur persona indifferens, hoc autem falsum.

Imago ergo est rei ad rem coaquandam, & imaginata & indiscreta similitudo. *Dub. III.*

Videtur hoc falsum, quia frequenter imago non coaquatur ei cuius est imago.

I T E M si est ad rem coaquandam tunc videtur esse æqualitas, non similitudo.

I T E M videtur falsum dicere cum dicit, indistincta similitudo, quoniam omnis imago & similitudo distinguitur ab eo cuius est imago.

I T E M cum vnius rei vna sit diffinitio, queritur quomodo differenter istæ rationes assignentur, dicendum, quod hic diffinitur imago increata, propt est proprium solius Filij, & sic semper dicit respectum ad Patrem, & ideo in prima ratione ponitur genitivus ut in ratione principij, in secunda, ut in ratione termini: quoniam imago debet comparari ad Patrem, non solum tanquam ad aliquam rem, siue ad quid, siue in quid ducit, sed etiam à quo emanat, & ita patet harum diffinitionum ratio & ordo. Et prima ratio tres condiciones continet. Per primam notatur Filius esse ab alio, cum dicitur imago eius rei ad quā imaginatur, & per genitivum & verbū quod est passivum. Per secundam notatur quod est secundum modum expressum emanandi, scilicet per hoc quod dicitur species, quæ includit perfectam similitudinem cognoscendi. Per tertiam vero notatur quod sit indifferens secundum substantiam, scilicet per hoc quod est indifferens. Et per primam conditionem differt à Patre, & ab essentia: per secundam à Spiritu sancto, & per tertiam ab imagine creata. Et per hoc quod species, et si de se sit essentialis, tamen accipitur hic ut tractum est ad personam: & indifferens non dicit indistinctionem in hoc nomine species, sed in substantia, & sic patent obiecta de ratione prima. Hac visa similiter patet ratio secunda quæ datur in comparatione ad ipsum Patrem ut ad terminum, & hoc patet cum dicitur ad rem coaquandā rei, id est, personā Filij personæ Patris, & per hoc excluditur persona Patris, & per hoc quod dicitur imaginata excluditur persona Spiritus sancti. Per hoc quod dicitur indiscreta excluditur ipsa imago creata. Et indiscreta non dicit indifferenciam personalem, sed solum essentialem.

A D illud ergo quod obiicitur de æqualitate, dicendum quod illud non est necessarium de creata imagine. Et rursus, quoniam imago dicit de ratione sui nominis

qualitatem in quantitate, ideo prima dicitur similitudo ad rem coaqualem, id est, similitudo secundum quam res coaquatur rei.

Et quia imago, &c. Dub. IV.

Queritur de differentia horum trium nominum quæ attribuit, scilicet speciem, naturam, & essentiam quomodo hic distinguantur.

Dicendum quod vniuscuiusque forma substantialis & completiva, dicitur species, natura, & essentia, & hoc secundum multiplicem considerationem. Potest enim considerari in se, & sic dicitur essentia. Potest considerari in comparatione ad operationem propriam, & sic dicitur natura. Potest iterum considerari in comparatione ad nostram cognitionem, & sic dicitur species. Speciem ergo habet imago auctoris, eo quod similitudo est eius: naturam autem habet, quia similitudo genita vel imaginata naturaliter: essentiam vero, quia similitudo indiscreta per substantiam.

Ars quadam omnipotentis, &c. Dub. V.

Videtur male dicere quod Verbum Dei est ars quædam omnipotentis & sapientis Dei, quia unusquisque non intellecta arte est iners, ergo si filius est ars Patris, non intellecto Filio esse, Pater est iners, ergo videtur quod rationabiliter operari habeat Pater à Filio suo.

R E S P O N D. Dicendum quod facienda est vis in verbo, quia non dicit quod sit ars simpliciter, sed quod sit ars quædam, quia non est ars qua Pater nouit, sed ubi nouit. Non est ars Patris qua Pater sit sapiens, sed quæ est à Patre sapiente, per quam Pater omnia operatur, omnia produxit per Filium. Et notandum quod cum ars includat & intentionem virtutis & sapientiæ, & similiter verbum, tamen differenter, quia verbum dicit emanationem & respectum, ideo est proprium, ars autem appropriatur.

Ingenti largitate, atque ubertate perfundens omnes creaturas. *Dub. VI.*

Obiicitur: Ergo secundum hoc videtur quod omnibus donetur Spiritus sanctus.

R E S P. Dicendum quod Spiritus sanctus non dicitur de ratione cuiuslibet effectus, sed proprie ratione eius qui facit Spiritum sanctum haberi, & ita inhabitare in aliquo ut in templo: & quia huiusmodi rationalis creatura capax est, & soli iusti capiunt, ideo patet quod illis solis Spiritus sanctus datur. Ideo autem Spiritus sanctus dicitur perfundere cæteras creaturas, non quia ei attribuitur actus creandi, sed quia attribuitur ei actus conservandi.

Si quis innascibilem & sine initio dicat Filium. *Dub. VII.*

Videtur quod Hilarius non dicat bene. Quod qui dicit duos innascibiles, dicit duos Deos, quia innascibilitas in diuinis non est proprietas essentiae sed personæ, ergo non sequitur quod si sunt duo innascibiles, quod duæ essentiae, sed quod duæ personæ. **I T E M** innascibilitas dicit priuationem eius quod est natus, unde tantum valet innascibilis, quantum non filius: sed non sequitur, sunt duo Filij in diuinis, ergo duo Dij: ergo pari ratione non sequitur, sunt duo innascibiles: ergo duo Dij.

R E S P. Dicendum quod innascibilis, sicut supra dictum est, priuat, siue negat esse ab alio, & ex hoc ponit fontalem plenitudinem in illo qui innascibilis dicitur, & ex utraque parte concluditur, quod si sint duo innascibiles, quod sint duo Dij. Sequitur enim: Sunt duo quorum quilibet non est ab alio: ergo non distinguuntur per originē, ergo necesse est quod distinguantur per substantiam. **I T E M** si sunt duo in quorum quolibet est fontalis plenitudo, ergo quilibet potest esse Trinitatis principium,

Dist.

cipium, & principium totius deitatis, sicut dicitur de Patre: sed si principia sunt distincta, & principia: ergo si quilibet est principium totius deitatis, & sunt duo, ergo duæ deitates: quamvis ergo ingenuus non sit proprietas substantiæ, sed personæ, quia tamen est primæ personæ, & in vna persona non potest esse nisi vna innascibilitas: ideo de necessitate ponit Deorum diuersitatem.

Caput enim omnium Filius est. Dub. VIII.

Videtur male dicere, quia aut dicitur caput ratione deitatis aut ratione conformitatis in natura. Si ratione deitatis eadem ratione Spiritus sanctus potest dici caput.

ITEM si ratione deitatis, tunc Filij caput non potest dici Deus: quia caput superexcellit, & maiorem nobilitatem tenet, quam non habet Pater respectu Filij. Si tu dicas quod caput non dicit nobilitatem, siue superexcellentiā, obicitur ex litera sequenti, ubi dicitur quod hoc gradu omnia differunt: sed constat, quia inter Patrem & Filium ratione deitatis non est gradus: ergo non potest accipi ratione deitatis. Si ratione conformitatis, Filius cum non habeat conformitatem in natura cum omnibus, sed tantum cum hominibus, non erit caput omnium.

RESP. Dicendum quod caput secundum quod proprie accipitur importat rationem influentiæ, & conformitatis naturæ: ideo dicitur Christus caput esse totius Ecclesiæ: sed Hilarius extensiori modo accipit, prout caput dicit originale principium: & quoniam Deus pater est principium Filij, & Filius principium omnium, ita quod Filius producit, & producit, ideo caput est, & habet caput. Sed Pater quoniam caput non habet cum sit innascibilis, est caput omnium, & ideo dicitur fontale principium à quo omnia, & in quem omnia per Filium reducuntur: & in hac reductione gradus est, comparando creaturas ad Filium, sed ultra comparando Filium ad Patrem non est gradus, sed ordo, & origo. Et ideo Hilarius non dicit his gradibus, sed hoc gradu. Quod obicitur de Spiritu sancto, dicendum quod ipse Spiritus sanctus cum procedat à Filio, per Filium cum aliis ad Patrem reducit, & propterea Filio appropriatur reductio.

Vt sint quidem per substantiam tria, per consonantiam vero vnum. Dub. IX.

Videtur hæc confessio fidei non esse conueniens: quia de tribus hominibus concordantibus potest illud dici quod per substantiam sunt tria, per consonantiam vero vnum.

Quia cognominato Spiritu sancto, id est, Paraclito, consonantia potius quam essentia per similitudinem substantia predicari conuenit unitatem. Dub. X.

Videtur illud falsum quod debeat dici per consonantiam propter Spiritum sanctum, quia Spiritus sanctus est eiusdem essentia cum Patre, sicut Filius.

RESP. Dicendum quod sicut Hilarius intendit ostendere catholicam patrum confessionem, cum dixerunt quod sunt per substantiam tria, per consonantiam vnum, sancti Patres volentes elidere hæresim Sabellianam, quæ eludebat, id est, euacuabat veritatem Patris & Filij per nominationem solum, quam dicebat ibi esse, non rem, confessi sunt adeo expresse pluralitatem, ut minus expresse confiterentur essentia unitatem, non tamen recesserunt à veritate, quia per tria, tres res intelliguntur, id est, tres hypostases. Per substantiam vero, non vna intelligitur, sed persona: & ideo ex hac parte verum dixerunt. Ex parte consonantiæ similiter verum dixerunt, & irreprehensibiliter. Nam sicut per Patris & Filij no-

men innuitur vnitas naturæ, quia Filius est connaturalis Patri, ita per Spiritum sanctum qui est amor, datur intelligi vnitas consonantiæ, & ideo verbum hoc non habebit calumniam & propter hoc ipsum dixerunt, & hoc vult dicere Hilarius, cum dicitur quod potius consonantiæ quam essentia: non quia vtrumque non sit verum, sed quia hoc est expressius, & habet minorem calumniam: tamen adhuc sequitur illud, quod si Pater & Filius vnum ex se producant Spiritum, ratione cuius est ibi vnitas per consonantiam, necesse est quod unitatem habeant in essentia.

ARTICVLVS I.

AD intelligentiam eorum quæ dicuntur in hac parte, duo principaliter quærentur. Primo quæritur de appropriatione Hilarij. Secundo de appropriatione Augustini. Et quantum ad primum quærentur tria. Primo quæritur vtrum imago dicatur in diuinis secundum substantiam, an secundum relationem. Secundo dato quod secundum relationem, quæritur vtrum imago sit proprium Filij. Tercio quæritur de ratione appropriationis illorum trium, scilicet eternitatis, speciei, & vsus.

QVÆSTIO I.

An Imago in diuinis secundum substantiam, vel secundum relationem dicatur.

Alex. Alex. 1. p. q. 61. Memb. 2.

S. Thom. 1. p. q. 35. art. 1.

Et 1. Sent. dist. 28. q. 2. art. 2.

Egid. Rom. 1. Sent. dist. 28. princ. 2. q. 3.

Richardus 1. Sent. dist. 28. art. 3. q. 1.

QUOD imago dicatur secundum substantiam, ostenditur hoc modo. Hilar. 4. de Trin. Deus ad communem sibi cum Deo imaginem, eandemque similitudinem reperitur hominem operari.

ITEM Beda super illud: Faciamus hominem, &c. In hoc quod dicit imaginem, notatur vna & æqualis substantia Trinitatis: ergo imago cum pertineat ad communem & unitatem substantia, dicitur secundum substantiam.

ITEM hoc ipsum videtur ratione, quia illud idem dicitur exemplar actiue, dicitur imago passiue: sed exemplar in diuinis dicitur secundum substantiam, non secundum relationem, ergo, &c.

ITEM imago consistit in representando aliquid, non tantum in substantia, sed etiam in distinctione, & ordine distinctorum: si ergo in diuinis non cadit distinctio in vna persona, necesse est quod in diuinis attendatur imago secundum quod vnitas essentia est in tribus personis: ergo non notionaliter, sed essentialiter dicitur imago in diuinis.

CONTRA per August. in 7. de Trin. Quid absurdius quam imaginem dici ad se? sed omne quod dicitur secundum substantiam dicitur ad se: ergo cum imago non dicatur ad se, non dicitur secundum substantiam.

ITEM Hilarius 4. de Trin. Imago sola non est: ergo imago in diuinis est eum alio, sed essentia non est cum alio: ergo, &c.

ITEM hoc ipsum videtur per diffinitionem imaginis, quia Hilarius dicit, quod imago est rei ad rem coæquatio: sed res quæ coæquatur rei est persona, ergo imago est personæ ad personam: sed quod dicit respectum ad alterum, dicitur secundum relationem: ergo imago.

ITEM hoc videtur per etymologiam. Imago enim dicitur quasi imitatio: ergo ubi est ratio imaginis ibi est imitatio: sed diuina essentia non imitatur aliquid: quia omne tale est ab aliquo: ergo imago non dicitur secundum substantiam, vel essentiam.

CONCLUSIO.

*Imago proprie in diuinis dicitur notionaliter, cum dicat
expressionem alterius in unitate naturæ & respectum
ad aliam personam.*

RESP. Ad Arg. Dicendum quod sicut exemplar secundum proprietatem vocabuli dicitur expressionem per modum actiui, vnde exemplar dicitur ad cuius imitationem fit aliquid, sic e contrario, imago per modum passiu: & dicitur imago quod alterum exprimit, & imitatur. Et hoc modo accipitur imago dupliciter, secundum quod duplex expressio, sc. vel in naturæ unitate, vel in naturæ diuersitate. In naturæ communitate, siue unitate, sicut filius Imperatoris dicitur imago patris. In naturæ diuersitate, sicut imago Imperatoris est in nummo. Sic respectu Dei dicitur imago per expressionem secundum identitatem naturæ: & sic est imago increata, & dicitur notionaliter, siue secundum relationem: quia imago dicit emanationem, emanatio autem in unitate naturæ non est nisi personæ. Dicitur etiam imago per expressionem in diuersitate naturæ: & sic dicitur imago creata respectu totius Trinitatis: & sic patet quod imago in diuinis accenta dicitur secundum relationem personæ ad personam, & hoc secundum vocabuli proprietatem, sicut probant rationes ad hoc inducitur. Sed quoniam contingit abuti nomine exemplaris, ut etiam dicatur exemplar quod ad imitationem alterius fit, sic e contrario contingit abuti imagine, ut dicatur imago ad cuius expressionem fit aliquid: & sic cum creatura fiat ad expressionem unitatis essentiæ in Trinitate personarum, potest dici imago de tota Trinitate, & sic dicitur imago ipsum imaginans: cum de ratione nominis dicatur imaginatum, sicut exemplar dicitur exemplatum abusiue, quamvis exemplar sit exemplans: & secundum istum modum dicitur accepisse Hilarius, & Beda: ut dicit Magister 16. dist. 2. lib. Tamen potest dici quod vterque loquitur de imagine creata, quæ cum sit respectu vnius essentiæ, est communis imago trium personarum, & indicat unitatem substantiæ in tribus. Vnde nunquam imago pure dicitur ad se, quia semper dicit respectum, vel personæ ad aliam personam, vel essentiæ ad creaturam, siue creaturæ ad diuinam naturam. Nunquam etiam dicitur pure secundum substantiam quia semper notat vel distinctionem interius, vel exterius. Vnde imago non dicatur essentia simpliciter, sed essentia ut in tribus personis considerata. Tamen proprietatem sermonis seruando, imago dicitur secundum relationem personalem, prout dicitur imago æternæ.

1. 2. Et concedendæ sunt auctoritates, & rationes ad hoc. Ad auctoritates in oppositum patet responsio.

3. Ad illud ergo quod obiicitur, quod exemplar dicitur essentialiter, ergo, &c. dicendum quod non est simile, quia tota Trinitas est principium. Et ideo quia exemplar rationem producentis dicit, vnde secundum substantiam dicitur, & conuenit toti Trinitati, sed non tota Trinitas est principiata: & quia imago dicit rationem producti proprie, ideo non conuenit toti Trinitati, nec dicitur secundum substantiam.

4. Ad illud quod obiicitur quod ad hoc quod sit imago debet exprimere distinctionem, & ordinem, dicendum quod illud verum est in imagine quæ est imago rei habentis distinctionem & ordinem, sicut habet homo in partibus, & tota Trinitas in personis: sed cum res, cuius est imago, non habeat distinctionem, ut puta ut persona, non oportet sic exprimi. Vel potest dici quod illud verum est quando imago substantialiter differt. Tunc enim ad hoc quod expresse exprimat, necesse est imitari in conditionibus consequentibus substantiam, sed cum imitatur in eadem forma substantiæ, non oportet.

QVÆSTIO II.

An imago in diuinis proprie de Filio dicatur.

Alex. Alensis 1. p. q. 61. Memb. 3.

S. Thom. 1. p. q. 35. art. 2.

Et 1. Sent. dist. 31. q. 3. art. 1.

Ægid. Rom. 1. Sent. dist. 29. q. 3.

Henricus Quod. 4. q. 1.

Steph. Brimley. 1. Sent. dist. 31. q. 4.

Vtrum imago sit proprium Filij. Et quod sic, videtur per Hilariū in proposita appropriatione. Æternitas in Patre, species in imagine, vltus in munere. Pater dicitur proprie similiter munus, ergo si recte ponuntur, ex quo imago dicitur proprie de Filio.

ITEM Augustinus 6. de Tri. Solus Filius est imago Patris, & eo expressius Filius quo imago, & Verbum. ergo secundum hoc cum Filius dicat personalem relationem, patet, &c.

ITEM imago est similitudo expressa, & in diuinis similitudo expressissima: sed similitudo expressissima non potest esse plurium distinctorum: si ergo Filius est ab vno Spiritus sanctus æqualiter à duobus, ergo non poterit esse imago.

ITEM imago in diuinis attenditur secundum imitationem personæ, non essentiæ, quia persona non est imago essentiæ, sed personæ: ergo ad hoc quod vna persona sit imago alterius, necesse est quod illam imitetur in eo quod respicit personam, ut personam: sed emanatio vel productio personæ respicit personam ut personam: nam productio creature respicit substantiam. Cum ergo solus Filius imitetur Patrem in productione personæ, solus Filius est imago.

1. CONTRA: Damascenus dicit quod Spiritus sanctus est imago Filij: ergo non est Filij proprium esse imaginem.

2. ITEM hoc videtur per vtramque diffinitionem Hilarij, & prima est, Imago est eius rei ad quam imaginatur species indifferens: sed hoc conuenit Spiritui sancto, ergo & imago.

3. ITEM hoc videtur per rationem, quia ad imaginem ista duo sufficiunt, scilicet imitatio secundum similitudinem & secundum æqualitatem sed hæc duo est esse reperire in persona Spiritus sancti, ergo, &c.

4. ITEM: Sicut Filius procedit à Patre, ut exprimens Patrem, ita Spiritus sanctus à Filio, ut exprimens Filium: ergo quemadmodum Filius est imago Patris, ita Spiritus sanctus est imago Filij.

CONCLUSIO.

Imago cum dicat expressionem in summo, quia est vnius ad vnum & secundum omnem modum proprie solum dicitur de Filio.

RESP. Ad Arg. Dicendum quod imago in diuinis nō tantum dicit expressionem personæ, sed etiam expressionem in summo. Expressio autem in summo duo ponit, scil. quod sit vnius ad vnum, & quod sit secundum omnem modum. Quod sit vnius ad vnum ponit per hoc quod illud quod per superabundantiam dicitur vni soli conuenit, & si sit essentialiter, essentiæ: si personale, personæ. Nam vnum in summo, non potest exprimere plura, vel plures, vnum inquam, in quo nulla est diuersitas. Similiter vnum summe non potest exprimi à pluribus, ut plures sunt, quia tunc omnino differentes essent. Ponit etiam aliud videlicet, ut sit expressio secundum omnem modum. Nam si ex aliquo respectu non habet exprimere, non exprimeret summe. Propter primam rationem: Solus Filius est imago, quia solus ab vno procedit Spiritus autē sanctus à duobus, & ideo æqualiter vtrumque exprimit, & neutrum in summo. Propter secundam rationem: Solus Filius est imago, quia secundum omnem respectum habet rationem exprimendi, & inquam: cum

compa

comparatur ad illum à quo est, & in quantum comparatur ad illum qui ex ipso est. In quantum comparatur ad illum à quo est: quia exit per modum naturæ, & ita per modum verbi, & speciei, & per modum similitudinis expressæ. In quantum comparatur ad illum qui est ex eo, quia per omnia, & eodem modo spirat Filius, ut Patet Spiritus sanctus autem in nullo horum convenit, ideo ratio imaginis est in solo Filio, quia ab vno tantum procedit, & quia per modum naturæ: quia etiam consimiliter producit sanctum Spiritum. Media tamen ratio, quia per modum naturæ est ratio propria, aliæ vero faciunt ad congruitatem. Concedendum igitur quod solus Filius, proprie loquendo, est imago, & eo quo Filius, eo est imago, & eo ipso Verbum: sed & Filius dicit solum respectum ad Patrem, imago principaliter ad Patrem, sed consequenter respectum ad aliam personam. Verbum principaliter respectum ad Patrem, & consequenter respectum ad creaturam. Vnde eadem notio sunt ipsius Filij, tamen alio, & alio modo significata. Vnde non est superfluitas.

1. Ad illud ergo quod obiicitur de Damasceno, dicendum quod Damascenus fuit Græcus: Græci autem non ita proprie accipiunt rationem imaginis, ut Latini, quia nec de origine personarum sic sane intelligunt. Vel potest dici quod sermo Augustini, & Damasceni causaliter intelligitur, quia reformat nos ad imaginem Christi.

2. Ad illud quod obiicitur quod diffinitio imaginis convenit Spiritui sancto: dicendum, sicut infra patebit, quod species, ut vbi accipitur, convenit solo Filio.

3. 4. Ad illud quod obiicitur de assimilatione, & æqualitate, dicendum quod Filius non dicitur imago propter assimilationem in substantia, sed propter modum emanandi, & secundum hoc non habet Spiritus sanctus, expressissimam similitudinem nec cum Filio nec cum Patre: ideo nullus est imago.

QUESTIO III.

An Aternitas approprietur Patri, species imagini, & usus muneris.

Alexander Avenis 1. p. q. 67. Membrum 1.

S. Tho. 1. p. q. 39. art. 8.

Et 1. Sent. dist. 31. q. 2. art. 1.

Agid. Rom. 1. Sent. dist. 31. princ. 2. q. 1.

Richardus 1. Sent. dist. 31. art. 2. q. 1.

Vtrum æternitas approprietur Patri, species imagini, & usus muneris. Videtur quod non sit bona appropriatio Hilarij: quia omnes divinæ personæ simul æternæ sunt coæquales, & æternitas abstrahit ab actu personæ: ergo non est appropriabilis.

2. **ITEM** queritur quare species appropriatur imagini. Aut enim sumitur ibi species, ut species dicitur forma, aut pulchritudo. Si forma, sed sicut natura nulla est appropriabilis, sic nec species. Si autem pulchritudo, sed pulchritudo imaginis refertur ad prototypum: ergo ad patrem, ergo illi debet appropriari.

3. **ITEM** Hilarius dicit quod oportet imaginem habere essentiam, & naturam, & speciem auctoris: quare ergo magis diffinit imaginem per speciem, quam aliquid aliorum?

4. **ITEM**: Non est utendum Deo, sed solum creatura: ergo usus nulli personæ est appropriabilis, ergo nec Spiritus sanctus.

5. **ITEM** Dionysius dicit quod bonum, & pulchrum idem est: ergo cum bonitas sit appropriabilis Spiritui sancto: ergo & pulchritudo.

CONCLUSIO.

Congrue appropriatur Aternitas Patri propter carentiam principij. Vfus, ut dicit generaliter actum voluntatis Spiritui sancto, propter modum emanationis, id est, secundum voluntatem. Filio autem species, quia species dicit similitudinem, rationem cognoscendi, & pulchritudinem: quæ omnia illi congruunt, quia emanat per modum naturæ.

RESPONDETUR Ad Arg. Dicendum quod illa appropriatio Hilarij fuit ad explicandum personarum originem, siue emanationem. Quoniam ergo persona Patris emanatione, & origine caret: ideo id debuit ei appropriari: quod importat privationem principij. Tale autem est hoc nomen æternitas. Aternitas enim est quod principio caret. Et licet de suo nomine non dicat nisi privationem initij durationis, per appropriationem tamen dicit privationem omnis principij. Et sic patet prima obiectio. Spiritus vero sanctus procedit per modum voluntatis, & amoris: & ita debuit ei appropriari nomen quod actum exprimit voluntatis, hoc autem est hoc nomen usus. Nam uti est assumere aliquid in facultatem voluntatis, siue ad utendum, siue ad fruendum. Quoniam ergo assumptio ad fruendum est per amorem, similiter ad utendum, quia amor est pondus, & ordo: ideo usus recte appropriatur Spiritui sancto. Et sic patet ultimo queritum, sc. quod usus accipitur hic non pro ut dividitur contra fruitionem, sed pro ut dicit amoris complexum, & actum liberum: Filius vero emanat per modum naturæ: ideo emanat per modum perfectæ, & expressæ similitudinis. Nam natura producit sibi simile, & æquale. Et quia habet in se rationem expressæ similitudinis, ideo & cognitionis, quia expressa similitudo est ratio cognoscendi. Et quia per modum perfectæ similitudinis, & rationis, habet in se rationem cognoscendi, & exemplar omnium: inde est quod habet rationem perfectæ pulchritudinis. Quia enim est perfecta, & expressa similitudo: ideo pulcher est in comparatione ad eum quem exprimit. Quia vero rationem cognoscendi habet, & non vnius tantum, sed totius universitatis: ideo pulchrum pulcherrimus ipse mundum mente gerens, ut ait Boëtius; pulchritudinem habet in comparatione ad omnem pulchritudinem extraneam. Ex his duobus relinquitur perfectissima pulchritudo. Sicut enim dicit Augustinus: Pulchritudo non est aliud, quam æqualitas numerosa. Quoniam igitur in comparatione ad Patrem habet pulchritudinem æqualitatis, quia perfecte exprimit sicut pulchra imago: in comparatione vero ad res habet omnes rationes secundum quod dicit August. quod est ars plena omnium rationum viventium: ita patet quod in filio recte reperitur ratio omnis pulchritudinis. Eo igitur quo Filius per modum naturæ emanat, habet rationem perfectæ & expressæ similitudinis. Eo quod habet rationem perfectæ similitudinis, habet rationem cognitionis: & ratione utriusque habet rationem pulchritudinis. Quoniam igitur nomen speciei importat similitudinem, & importat cognoscendi rationem, & importat pulchritudinem, ut species quidem Priami digna est imperio: ideo elegantissime appropriatur Filio. Patet ergo quare illud nomen magis appropriat Hilarius filio quam aliud, quare etiam magis diffinit imaginem per illud nomen quam aliquod aliud.

2. Ad illud ergo quod obiicitur, quod pulchritudo imaginis refertur ad prototypum, dicendum quod verum est, sed tamen aliter refertur honor, aliter pulchritudo. Quia honor imaginis, siue picturæ ita refertur ad prototypum quod in ipsa non est secundum se honor, sicut patet si honoretur iconia beati Nicolai. Sed pulchritudo ita refertur ad prototypum quod nihilominus est in imagine pulchritudo, non solum in eo cuius est imago.

Et

Et potest ibi reperiri duplex ratio pulchritudinis, quam vis in eo cuius est, non nisi una inteniatur. Quod patet, quia imago dicitur pulchra quando bene procurata est, dicitur etiam pulchra, quando repræsentat illum ad quem est. Et quod ista sit alia ratio pulchritudinis, patet, quia contingit unam esse sine alia: quemadmodum dicitur iconia beati Nicolai pulchra, quia decorem illius repræsentat, & tunc placida est: & imago diaboli pulchra, quando bene repræsentat fœditatem diaboli, & tunc fœda est. Et ideo Hilarius approprians speciem siue pulchritudinem Filio, magis appropriat sub nomine imaginis quam sub nomine Filij.

Ad illud quod obiicitur quod idem est bonum, & pulchrum, dicendum quod Dionysius non vult dicere quod sint unum ratione. Sed quod sint unum re: sed quoniam ratione differunt, ideo alicui potest ita appropriari unum, cui non approprietur alterum, &c.

ARTICVLVS II.

Consequenter est quæstio principalis de appropriatione Aug. quæ est in Patre unitas, in Filio æqualitas, in Spiritu sancto unitatis æqualitatisque concordia. Et ita hic quærentur tria. Primo quæritur utrum Deus possit dici esse unum cum creatura. Secundo utrum creatura possit dici unum cum alia creatura. Tercio de ratione appropriationis illorum trium.

QVÆSTIO I.

An Deus unum cum creatura esse, dici possit.

Alexand. Alexsis 1. p. q. 10. Membro 5.

S. Thom. 1. p. q. 8. art. 1.

Stephanus Brulef. 1. Sent. dist. 31. q. 7.

Quod Deus possit dici esse unum cum creatura, ostenditur per auctoritatem Apostoli ad Corinthios: Qui adhæret Deo vnus Spiritus est: Si vnus Spiritus, ergo vnus ens, & vna res: & si hoc, ergo vnum.

Item: Homo qui adhæret Deo vnus Spiritus est: aut ergo creatus, aut increatus. Non creatus, quia Deus non est creatura: ergo ad minus increatus: sed Spiritus increatus est omnino vnus. ergo homo adhærendo Deo est simpliciter vnus cum Deo.

Item: Magis vnitur medium extremo, quam extremum extremo: sed Spiritus sanctus est medium vnians viros iustos, & viri iusti per ipsum vniti sunt. Vnde Ioannes: Vt sint vnus, sicut & nos vnus sumus: ergo iustus vir cum Spiritu sancto potest dici vnus.

Item: Magis vnitur membrum capiti, quam membrum cum membro: ergo cum Christi membra sint vnus in Christo, multo fortius membrum est idem Capiti, sed Christus est caput non tantum secundum humanitatem, sed etiam secundum diuinitatem: ergo, &c.

Contra: Ex illo verbo quod dicitur in Ioann. Ego & Pater vnus sumus, impugnant sancti hæresunt Arrianam, & maxime Augustinus, ex hoc concludens Arrium errare qui dicit Filium aliam habere naturam. Si ergo ratio Augustini bona est, vnus dicit unitatem in natura: sed tali modo non est vnus Creator cum creatura: ergo, &c.

Item hoc videtur alia ratione, quia quæ maxime distant, minime sunt vnus: sed Creator & creatura maxime distant: ergo non possunt simpliciter dici vnus.

Item: Si sunt vnus, ergo aliquid vnus: sed si aliquid vnus sunt: ergo Deus, & creatura habent aliquod commune: & si hæc, vniuocantur in aliquo: ergo cum vniuocum simplicius sit quam quæ vniuocantur in ipso, aliquid est simplicius Deo.

Item: Si Deus & creatura sunt vnus, cum in infinitum distet à qualibet, qua ratione dicitur vnus cum vna, & cum qualibet: sed quæcunque vni, & eidem

sunt eadem, inter se sunt eadem: ergo secundum hoc omnia sunt vnus.

CONCLUSIO.

Deus non potest absolute dici vnus cum creatura quantumvis in voluntate cum eo conformata: cum determinatione, vnus Spiritus potest dici.

Resp. Ad Arg. Dicendum quod sicut dicit Augustinus, ad hoc quod aliqua sint vnus, non sufficit conformitas voluntatis, sed necesse est præsupponi conuenientiam in natura. Cum ergo Deus, & creatura summe differant in natura, ideo non debent dici vnus, sicut probât rationes ad hoc inductæ. Quia vero vir iustus conformatur per charitatem voluntati diuinæ, & ei adhæret magis quam alicui alij, recte dicitur vnus cum determinatione, ut puta vnus Spiritus. Spiritus enim voluntas dicitur, & amor: unde qui adhæret Deo vnus Spiritus est, quia vnus, & conformis voluntatis est.

Ad illud quod obiicitur, est vnus Spiritus: ergo vna res, dicendum quod ibi est fallacia secundum quid, & simpliciter. Nam vnus, distrahitur à ratione sua per hoc quod est Spiritus, & dicit ibi unitatem non per indiuisiōnem siue unitatem naturæ, sed per conformitatem voluntatis.

Ad illud quod obiicitur, aut vnus Spiritus creatus, aut increatus, &c. Dicendum quod nec creatus, nec increatus. Nam Spiritus non stat ibi pro substantia, sed pro actu voluntatis: & vnus non importat nisi conformitatem affectus humani ad diuinam voluntatem, siue ad diuinum amorem, quia amor transformat amantem in amatum.

Ad illud quod obiicitur quod Spiritus est medium vnians, dicendum quod vnus quantum ad voluntatem, sed non quantum ad conformitatem naturæ: & non dicuntur vnus ratione conformitatis voluntatis solum, ideo non valet, quia ligamen Spiritus non est tota eausa quod sint vnus.

Ad illud quod obiicitur quod membra Christi sunt vnus, dici potest quod membra Christi non dicuntur vnus simpliciter, sed vnus corpus: & sic etiam Christus est vnus commembrum: sed hoc est ratione humanitatis assumptæ, &c.

QVÆSTIO II.

An creatura cum creatura simpliciter vnus dici possit.

Steph. Brulef. 1. Sent. dist. 31. q. 8.

Vtrum vna creatura possit dici vnus cum alia, & quod sic ostenditur hoc modo. Apostolus dicit: Qui plantat, & qui rigat vnus sunt: sed alius erat plantans, ut Paulus: alius rigans, ut Apollo: ergo secundum hoc patet quod omnis creatura potest dici vnus cum alia.

Item Augustinus dicit, & Magister ponit in littera quod recte dicuntur vnus, quæ conueniunt in natura, & voluntate: sed hoc habet vna natura cum alia: ergo, &c.

Item: Dominus ait: Itaque iam non duo, sed vna caro, hæc dicit de viro, & vxore: sed si sunt, & non sunt duæ: ergo sunt vnus: ergo vir cum vxore potest dici vnus, & sic, &c.

Item: Ab unitate principij materialis venit unitas simpliciter, quæ est unitas numero: sed corpus est materiale principium in homine: qui autem adhæret meretrici, vnus corpus efficitur, sicut dicitur: ergo vnus simpliciter, & sic, &c.

Contra: Idem simpliciter dictum, stat pro eodem, numero:

Lib. 1. de Doctr. Chr. cap. 5. tom. 1.

Ad oppositum.

1. Cor. 6. d.

10 an. 17. d.

Fundamēta. De Tr. lib. 4. cap. 9. tom. 3. Et contra Maximin. lib. 3. c. 20. tom. 6.

Aristot. 1.

numero: ergo vnum simpliciter dictum, stat pro vno, numero: sed duæ creaturæ non sunt vnum numero quantumcunque conueniant: ergo non debent dici vnum.

ITEM: Si aliqua dicuntur vnum propter conuenientiam in natura, tunc ergo cum homo, & asinus conueniant in natura, sunt vnum: quod non conceditur. Si dicas quod ultra requiritur conformitas voluntatis.

CONTRA: Cum ergo viri peccatores conueniant & in natura, & in voluntate, ergo debent dici vnum: quod cum non dicantur, non sufficit ergo conformitas naturæ, & voluntatis.

ITEM: Si homo ex coniunctione meretricis sit vnum, cum omnis vnitas sit à prima vnitate, hæc vnitas erit à prima vnitate, sed talis vnitas est detestabilis: ergo prima vnitas facit vnitatem detestabilem: ergo ipsa est vituperabilis.

CONCLUSIO.

Illa qua natura, voluntatis, & operationis conformitatem retinent, vnum possunt commodè dici simpliciter: aliqua tamen istarum conditionum deficiente, nequaquam.

RESP. Ad arg. Dicendum quod duæ creaturæ distinctæ non possunt habere vnitatem nisi per conformitatem: quælibet autem conformitas non facit dici vnum simpliciter, sed illa quæ est conformitas simpliciter, non secundum quid. Ad plenam autem conformitatem requiritur triplex conformitas, sc. in natura, in voluntate, & in operatione: & quia illa tria concurrunt ad aliquam duo, dicuntur vnum. Sicut Paulus & Apollo in natura erant conformes: quia vterque homo: in voluntate similiter, quia vterque salutem fidelium cupiebat, actione similiter, quia vterque ad eam procurandam se exercebat, ille plantando, & hic rigando: & vtraque actio conformis, quia vtraque erat per diuini Verbi prædicationem: Verbum enim diuinum primo iactatum, est semen, deinde accipit irrigationem pluuiæ. Si autem sit conformitas in natura solum, non debet dici vnum nisi secundum quod, sc. cum determinatione diminuentem, vt vnum genere, vel specie. Si solum in voluntate, tunc sunt vnus Spiritus qui dicit amorem. Si vnum in natura & voluntate, tunc vnum corpus & vna anima. Si vnum in natura, & actione, possunt dici vnum cum determinatione, vt fornicator cum meretrice potest dici vnum corpus, tamen non potest dici vnum simpliciter, sicut vir & vxor. Nec viri mali ita vnum, sicut viri boni, quia disconueniunt in volitis principaliter intentis. Quilibet enim malus bonum proprium querit, & non commune.

Ex his patent quæ sita Concedendum enim est, aliqua duo dici vnum simpliciter, si habeant conformitatem, sicut dictum est, sicut probant primæ rationes tres.

Ad illud quod quarto obiicitur, dicendum quod non concludit, quia fornicator, & meretrix non dicuntur vnum corpus ratione substantiæ corporalis: sed ratione operis carnalis in quo vniuntur: & ideo non sequitur quod debeant dici vnum simpliciter.

Ad illud quod obiicitur de vno in numero, dicendum quod duplex est vnitas, scilicet indiuisiōis, & conformitatis. Vnitas indiuisiōis attenditur in vno numero, & hæc vnitas est simpliciter. Vnitas vero conformitatis non est in vno numero: sed in his quibus contingit aliis conformari, vt dictum est.

Ad illud quod obiicitur, si propter conformitatem in natura dicuntur vnum, &c. dicendum quod propter conformitatem in natura, & voluntate, & in natura non solum secundum quod est rei essentia, sed ex qua pullulat pullulans, hoc est in quantum est operationis principium, sic patet quod homo & asinus non dicuntur vnum. Patet etiam quod mali homines non dicuntur vnum: quia etsi concordant in fine propinquo & in opere, differunt tamen in remoto, quia quilibet querit quod suum est: iussi autem econuerso: si enim aliquan-

do dissentiant voluntates eorum in fine propinquo, conueniunt in remoto.

Ad illud quod obiicitur quod vnitas meretricis nullo modo est à Deo, siue à prima vnitate, dicendum quod sicut in peccato est substantia actionis, & hæc est à Deo: & deformitas, & hæc non est à Deo: sic in vnitate tali intelligendum est, &c.

QVÆSTIO III.

An Vnitas approprietur Patri, Æqualitas Filio, Concordia Spiritui sancto.

Alexander Alensis 1. p. q. 67. Membr. 2.
Egid. Rom. 1. Sent. dist. 31. pr. 2. q. 2. & 3.
Richardus 1. Sent. dist. 31. art. 2. q. 2.
Steph. Brulef. 1. Sent. d. 31. q. 9.
Petrus de Tarantaf. 1. Sent. dist. 35. q. 7.

DE ratione appropriationis trium nominum prædictorum, & primo de vnitate. Et quod non sit appropriabilis, videtur, quia vnum, & ens conuertuntur: ergo vnitas, & essentia: sed essentia nulli est appropriabilis: ergo nec vnitas.

2. ITEM si appropriatur, cum Spiritus sanctus sit amborum vnitas, vt dicit Augustinus, videtur quod debeat appropriari personæ Spiritus sancti.

3. ITEM obiicitur de æqualitate quæ appropriatur Filio. Nihil enim magis est indifferens in rebus æqualibus quam ipsa æqualitas: sed indifferens non est appropriabile: ergo nec æqualitas est appropriabilis.

4. ITEM si appropriatur, debet patri appropriari, quia æqualitas non est aliud quam vnum, siue vnitas in quantitate: sed vnitas appropriatur Patri: ergo æqualitas.

5. ITEM obiicitur de concordia quæ appropriatur Spiritui sancto. Si enim concordia plures reducit ad vnitatem, videtur potius de proprio facere commune quam de communi proprium: ergo si appropriari est de communi facere proprium, concordia nulli est appropriabilis.

6. ITEM videtur quod debeat appropriari Filio, quoniam Filius est pax nostra, qui fecit vtraque vnum.

7. ITEM: Pacificans per sanguinem crucis eius, siue quæ in terris sunt, siue quæ in cælis sunt.

8. ITEM obiicitur contra rationem Augustini: Omnia æqualia propter Filium, &c. ergo Pater est æqualis propter Filium: ergo habet aliquid à Filio quod falsum est.

9. ITEM quæro quam causam dicit, propter, vtrum efficientem: aut finalem, quamcunque harum dicat, cum tota Trinitas sit efficiens, & finis omnis rei, tam vnitas, quam æqualitas, quam concordia est propter Patrem, similiter propter Filium: ergo nulla est ratio appropriandi.

CONCLUSIO.

Cum Patris persona ea sit, antequam non est alia, & ipsa non ex alia producat, ea ratione propriè sibi appropriatur vnitas.

RESP. Ad Arg. Intelligendum est quod sicut appropriatio Hilarij fuit ad explicandam personarum originem, sic ista est ad explicandum ordinem. Quoniam igitur persona Patris est prima, antequam non est alia, & quæ non est ex alia: ideo appropriatur ei vnitas, quæ est prima in numero, antequam nihil est in numero.

1. 2. 3. 4. 5. 6. 7. Ex hoc patet responsio ad duo prima, quia accipitur hic vnitas secundum rationem qua dicit primitatem, non essentiam indiuisiōem, quia sic conuertitur cum ente, aut voluntatis conformitatem, quia sic appropriatur

priatur Spiritui sancto. Ut prima autem, Patri appropriatur. Similiter quia persona Filij secundum rationem intelligendi est secunda, & perfecte exprimens Patrem, & hoc facit æqualitatem: ideo æqualitas ratione ordinis primo reperitur in Filio. Tunc enim primo intelligitur, cum Filius intelligitur nasci, & ex hoc patet obiectum. Quod enim æqualitas approprietur, hoc non est ratione unitatis, sed ratione primæ associationis, & perfectæ. Æqualitas enim tunc primo intelligitur, quando intelligitur associatio: & hæc intelligitur primo in Filio, qui est secunda persona. Similiter quia persona Spiritus sancti secundum rationem intelligendi est tertia: concordantem autem ponit duos concordabiles, & etiam concordantem, ideo primo incipit concordia, ubi primo intelligitur oriri persona tertia. Et sic patet illud quod concordia appropriatur alicui, non quia de communi aliquid faciat proprium, sed quia distinctos connectit, & hoc secundum rationem suæ emanationis, quod non convenit Filio ratione emanationis, sed ratione mediaticis, quia mediator Dei, & hominis. Ex his patent omnia obiecta.

8.9. Ad illud vero quod ultimo quaeritur, omnia sunt æqualia propter Filium, dicendum quod si omnia, distribuat pro creatis, tunc, propter, dicit causam formalem exemplarem secundum rem, & appropriationem, quia omnis æqualitas habet exemplar in æqualitate filij, & sic de alijs. Si autem distribuit pro creatis, & increatis: tunc, propter, dicit causam formalem exemplarem secundum rationem intelligendi appropriatam, quia intellectus noster non intelligit æqualitatem in Patre, nisi propter hoc, quod habet Filiū per omnia exprimentem eius naturam, & potentiam, similiter, & de alijs, & tunc propter, non dicit causam exemplaritatis secundum rem, sed secundum rationem intelligendi. Et sic non notatur quod Pater habet aliquid à Filio, sed quod intellectus noster aliquid cognovit de Patre, per hoc, quod cognoscit Filium.

DISTINCT. XXXII.

Vtrum Pater vel Filius per Spiritum sanctum diligat, & sit sapiens genita Sapiencia, similesque alie quaestiones.

Ic oritur quaestio ex prædictis deducta. Dictum est enim supra, atq̃, Sanctorum auctoritatibus ostensum, quod Spiritus sanctus est communio Patris & Filij, & amor quo Pater & Filius se inuicem diligunt. Ideo queritur, vtrum Pater vel Filius per Spiritum sanctum diligat. Quod utique videtur oportere dici secundum auctoritates supra positas: quibus ostenditur, Spiritum sanctum esse, quo genitus à gignente diligitur, genitoremque suum diligit. Sed contra: Si Pater vel Filius dicatur diligere per Spiritum sanctum, videtur esse per Spiritum sanctum: quia non est aliud Deo esse, & aliud diligere, sed idem: quia ut ait Augustinus in 15. lib. de Trin. Quidquid secundum qualitates in illa simplici natura dici videtur, secundum essentiam est intelligendum, ut bonus, magnus, immortalis, sapiens, diligens, & huiusmodi. Ideoque si Pater vel Filius diligit per Spiritum sanctum, per ipsum Spiritum esse videtur: neque tantum essentia sua diligit, sed etiam dono.

A Hæc quaestio insolubilis est humanum superans sensum: in qua auctoritates sibi occurrunt.

Huic quaestioni, cum altitudinem nimia profunditatis contineat, id solum respondemus, quod Augustinus significare videtur, scilicet quod Pater & Filius se diligant, & unitatem seruent non solum essentia sua, sed suo dono proprio: quod licet supra positum sit, iterari tamen non piget, quia sic expedit. Ait ergo Aug. in 6. lib. de Tr. ita: Manifestum est quod non aliquis duorum est, quo uterque coniungitur, quo genitus à gignente diligitur, genitoremque suum diligit, sintque non participatione, sed essentia sua, neque dono superioris alicuius, sed suo proprio seruantes unitatem pacis. Ecce hic dicit quod essentia sua, & dono suo seruant unitatem. Idem in 15. lib. de Tr. ait: In illa Trinitate quis audeat dicere, Patrem nec se, nec Filium, nec Spiritum sanctum diligere, nisi per Spiritum sanctum? Hic aperte ostendit, Patrem non tantum per Spiritum sanctum diligere, non autem simpliciter dicit Patrem non diligere per Spiritum sanctum.

Vtrum Pater sit sapiens sapientia quam genuit, sicut diligit amore qui ab ipso procedit,

Præterea diligenter inuestigari oportet vtrum Pater sapiens sit sapientia quam genuit, qua tantum Filius est. Quod videtur à simili posse probari. Si enim Pater diligit amore qui ab ipso procedit, cur non & sapientia vel intelligentia, quam ipse genuit, sapit, vel intelligit? Hanc quaestionem urgere videtur, ut ait Aug. in lib. 7. de Tr. quod scripsit Apostolus, dicens, Christum Dei virtutem & Dei sapientiam. Vbi queritur, vtrum ita sit Pater sapientia & virtutis sua, ut hac sapientia sapiens sit quam genuit, & hac virtute potens, quam genuit. Sed absit ut ita sit: quia si hoc est ibi esse quod sapere, non per illam sapientiam quam genuit sapiens dicitur Pater: alioquin non ipsa ab illo, sed ille ab ipsa est. Si enim sapientia quam genuit, causa est illi ut sapiens sit, etiam ut sit ipsa illi causa est: quod fieri non potest, nisi gignendo eum, aut faciendo: sed nec genitricem, nec conditricem Patris ullo modo quisquā dixerit sapientiam. Quid enim est insanius? Ergo & Pater ipsa sapientia est, quia sapiens est. Filius vero dicitur sapientia Patris, & virtus Patris: non quia Pater per eum sit sapiens vel potens, sed quia Filius sapientia & virtus est de Patre sapientia, & virtute. Ex his ergo patet quod Pater non est sapiens sapientia genita, sed seipso sapientia ingenita.

Vtrum Filius sit sapiens sapientia genita vel ingenita.

Post hac queri solet à quibusdam, vtrum Filius sit sapiens sapientia genita, vel ingenita. Si enim non est sapiens sapientia genita, nec seipso sapiens est: si vero sapientia genita sapiens est, non videtur sapiens esse sapientia ingenita: & ita non videtur esse sapiens à Patre, cum à Patre habeat omnia. Ad quod dicimus, quod una est sapientia Patris & Filij & Spiritus sancti, sicut una essentia: quia sapientia in illius natura simplicitate est essentia: & tamē Filius tantū est sapientia genita, & Pater tantum est sapientia ingenita: & sapientia genita est de sapientia ingenita, vel à sapientia ingenita. Et cū idē sit ibi esse, quod sapientē esse, relinquitur ut sapientia genita sit sapiens de sapientia ingenita. Nō ergo Filius dicitur sapientia Dei, tanquam ipse solus intelligens sit, vel sapiens sibi &

Patri,

Ca. 5. 10. 3.

Ca. 7. 10. 3.

Aug. in lib. 83. q. 23. q. 9. To. 4. Cum sapiens Deus dicitur, & sapientia sapiens dicitur, sine qua cū vel fuisse aliquid vel esse posset, nefas est credere, non participatione sapientia sapiens dicitur sicut anima, quæ esse & non esse sapiens potest: sed quod ipso eam genuerit, quia sapiens dicitur sapientia. Animaduerte lector, Patrem dici sapientem genita sapientia: quia alijs obuiis testimonijs Verum hoc Aug. corrigi in lib. Retract. ca. 26. inquit Dixi in lib. 83. q. 23. q. 9. quæ est de Patre, quod eam genuit quia sapiens dicitur, sapientia: malis istis quaestiones in lib. post de Trinitate tractauit. Lib. 7. de c. 1. in san. 1. Cor. 1. d. ibidem a litteram. Lib. 6. de c. 1. & 2. lib. 3. cap. 7. tom. 3.

Tr. Patri & Spiritui sancto : quia, ut ait Aug. in 15. lib. A de Trinitate. Si solus ibi Filius intelligit & sibi & Patri & Spiritui sancto : ad illam reditur absurditatem, ut pater non sit sapiens de seipso, sed de filio : nec sapientia sapientiam genuerit, sed ea sapientia pater dicatur sapiens esse quam genuit. Vbi enim non est intelligentia, nec sapientia potest esse. Ideoque si Pater non intelligit ipse sibi, sed Filius intelligit Patri, profecto filius patrem sapientem facit. Et si hoc est Deo esse quod sapere, & ea illi est essentia qua sapientia, non filius à patre, quod verum est, sed à filio potius pater habet essentiam : quod absurdissimum atque falsissimum est. Est ergo Deus pater sapiens ea, qua ipse est, sua sapientia : & filius sapientia patris, est sapiens de sapientia qua est pater, de quo est genitus filius. Ita & pater est intelligens, ea, qua ipse est, sua intelligentia. Non enim esset sapiens, qui non esset intelligens. Filius autem intelligentia patris, de intelligentia genitus est, qua est pater : de qua & intelligens est. Proinde pater est sapientia, & filius sapientia, & uterque una est sapientia, & tamen solus pater est ingenita sapientia, & filius solus genita sapientia, nec tamen alia sapientia pater alia sapientia filius, sed una eademque est : sicut pater est Deus ingenitus, & filius est Deus genitus, neque Deus genitus, est Deus ingenitus, non ideo tamen alius Deus est pater, alius Deus filius : sed unus Deus uterque non autem unus. Alius est enim genitus, alius ingenitus, sed non alius Deus, immo uterque unum, siue unus Deus. Ita non est sapientia genita, sapientia ingenita : sed alia est sapientia genita, alia ingenita : non tamen est alia sapientia, sed una eademque sapientia. Ex prædictis constat, quod filius non est sapiens à se, neque de se, sed de patre, & à patre.

An Filius sit sapiens seipso, vel per seipsum.

Quæri autem solet, utrum filius sit sapiens seipso, vel per seipsum. Quidam dicunt multipliciter hic fieri intelligentiam, & ideo distinguendum fore : ita ut cum dicis filium esse sapientem seipso, vel per seipsum, si sui naturæ & essentia sapientem intelligas, verus sit intellectus : si vero à seipso vel de seipso sapientem esse intelligas, falsitatis subiectam habes intelligentiam. Alij vero simpliciter & absque determinatione concedunt huiusmodi locutiones : Filius est sapiens per se, sed non à se, vel de se : & filius est Deus per se, & est per se, sed non à se, vel de se. Hoc confirmantes verbis Hilarij, qui filium non à se, sed per se agere, in lib. 9. de Trin. ait : Natura, inquit, cui contradicis hæretice, hac unitas est, ut ita per se agat filius, ne à se agat, & ita non à se agat, ut per se agat. Intellige filium agentem, & per eum patrem agentem. Non à se agit, cum pater in eo manere monstratur. Per se agit, cum secundum naturam filij agit ipse qua placita sunt. Infirmus sit non à se agendo nisi à Deo ipse agat : non sit vero in unitate naturæ, si qua agit & in quibus placet non per se agit. Sicut ergo, inquit, filius per se agit, sed non à se, ita & filius debet dici sapiens per se, sed non à se. Sic & ipse per se Deus est, vel esse dicendus est, ut aiunt, sed non à se vel de se.

An una tantum sit sapientia Patris.

Post hæc à quibusdam solet quæri, utrum una tantum sit sapientia patris. Quod non esse nituntur probare hoc modo : Filius, inquit, est sapientia patris genita, qua pater sapiens non est : est igitur aliqua sapientia patris, qua sapiens non est. Est autem & sapientia patris ingenita,

& ea pater sapiens est. Est ergo quadam sapientia patris, qua sapiens est : & ipsa non est illa sapientia patris, qua pater sapiens non est : non est ergo una tantum sapientia patris. Item sapientia ingenita est sapientia patris : & sapientia genita est sapientia patris, non est autem sapientia ingenita, sapientia genita, non est igitur una tantum patris sapientia. Hæc & his similia, tanquam Sophistica & à veritate longinqua, cunctis que in Theologia peritis patentia abiicimus responso indigna aduertentes. Id tamen adicientes, quia una est tantum sapientia patris sed non uno modo dicitur. Nam sapientia patris dicitur illa quam genuit, & sapientia patris dicitur ea qua sapiens est : diversa est ergo ratio dicti. Illa enim dicitur patris, quia ea genuit : & ea dicitur sapientia patris, quia ea sapit. Una est tamen sapientia patris, quia sapientia genita est eadem sapientia, & ea qua sapiens est, siue ea qua sapiens est, intelligatur persona patris, siue essentia patris, quia persona patris qua intelligitur cum dicitur sapientia ingenita, & persona filij qua significatur cum dicitur sapientia genita, una eademque sapientia est, qua essentia diuina intelligitur communis tribus personis.

Quod in Trinitate est dilectio quæ est Trinitas : & tamen Spiritus sanctus est dilectio quæ non est Trinitas : nec ideo duæ sunt dilectiones, ita & de sapientia.

Et sicut in Trinitate dilectio est, qua est Pater, Filius, & Spiritus sanctus, qua est ipsa essentia deitatis, & tamen Spiritus sanctus dilectio est, qua non est Pater vel Filius, nec ideo duæ dilectiones sunt in Trinitate, quia dilectio qua proprie Spiritus sanctus est, est dilectio qua Trinitas est, non tamen ipsa Trinitas est : sicut Spiritus sanctus est essentia qua Trinitas est, non tamen ipsa Trinitas est, ita in Trinitate sapientia est, qua est Pater & Filius & Spiritus sanctus, qua est essentia diuina : & tamen Filius est sapientia, qua non est Pater vel Spiritus sanctus. Nec ideo duæ sapientia ibi sunt : quia sapientia, qua proprie est Filius, est sapientia qua est Trinitas, ipsa tamen non est Trinitas, sicut Filius est essentia qua est Trinitas, ipse tamen non est Trinitas.

D Qua ratione Pater non dicitur sapiens ea sapientia quam genuit, eadem videtur debere dici quod non sit diligens Pater vel Filius dilectione, quæ ab utroque procedit

Præterea diligenter notandum est quod ea ratione qua Pater non dicitur sapiens ea sapientia quam genuit, videtur fore dicendum quod Pater non diligit Filium, vel Filius Patrem ea dilectione qua ab utroque procedit, sc. qua proprie Spiritus sanctus est. Sicut enim idem est Deo sapere & esse, ita est ei idem diligere quod esse. Ideoque sicut negatur Pater esse sapiens sapientia quam genuit, quia si ea diceretur sapiens, non ipsa ab eo, sed ipse ab ea intelligeretur esse, ita videtur non debere concedi, quod Pater vel Filius diligit dilectione qua tantum Spiritus sanctus est, quia si ea diligit Pater vel Filius, non Spiritus sanctus videtur esse à Patre & Filio, sed Pater & Filius à Spiritu sancto, quia idem est ibi diligere quod esse. At supra dictum est, atq. auctoritate Aug. sancitum quod in Trinitate tria sunt, unus diligens eum qui de illo est, & unus diligens eum de quo est, & ipsa dilectio, & non est aliquis duorum quo genitus à gignente diligitur, & genitorum suum diligit. Quibus verbis aperte significauit Patrem Filium, & Filium Patrem diligere, ea sc. dilectione qua non est aliquis eorum, sed tantum Spiritus sanctus. Cum idem

ergo sit ibi diligere quod esse, quo modo dicitur Pater vel Filius non esse ea dilectione qua alter alterum diligit, cum ideo Pater negetur sapere sapientia quam genuit, ne ea esse intelligatur?

Quod & hæc quæstio inexplicabilis est, quæ excellit infirmitatem hominum.

Difficillimam mihi fateor hanc quæstionem, præcipue cum ex prædictis oriatur, qua similem videntur habere rationem, quod mea intelligentia attendens infirmitas turbatur, cupiens magis ex dictis Sanctorum referre, quam afferre. Optimus enim lector est, inquit Hilarius in 1. libro de Trinitate, qui dictorum intelligentiam expectat ex dictis potius quam imponat: & retulerit magis quam attulerit, neque cogat id videri dictis contineri, quod ante lectionem præsumpserit intelligendum. Cum ergo de Rebus Dei sermo est, concedamus Deo sui cognitionem, dictisque eius pia veneratione famulemur. Inuestiget ergo diligenter pius lector rationem dictorum, si forte dictorum aliquam valeat reperire causam, qua nota, ipsa præmissa quæstio aliquatenus explicari valeat. Ego autem hanc quæstionem non absolvens, sed errorem excludens, profiteor non esse dictum, Patrem diligere Filium, vel Filium Patrem, ea dilectione qua ab utroque procedit: qua non est aliquis eorum, sed tamen Spiritus sanctus, tanquam ea dilectione Pater sit, vel Filius. Sed sic ea Pater diligit Filium, & Filius Patrem: ut etiam pater per se ea, qua ipse est, dilectione diligit, sic & Filius: non autem sic, ut Pater per se non diligit, & Filius, sed per eam tantum. Quis hac, in illa Trinitate, inquit Augustinus, opinari vel affirmare præsumat? Eam tamen quæstionem lectorum diligentia plenius diiudicandam atque absolucendam relinquimus, ad hoc minus sufficientes.

DISTINCTIO XXXII.

Mouet & soluit dubitationem ortam ex appropriatione, quâ Spiritui sancto appropriatur concordia, in fine præcedentis distinct. ibi: Quis autem in Spiritu sancto.

Hic oritur quæstio ex prædictis deducta.

Expositio Textus.

SUPER præposuit Magister multipliciter appropriata, in quorum explanatione dixit Spiritum sanctum esse concordiam, quia Pater & Filius diligunt se Spiritu sancto, ideo hic mouet quæstionem de illa locutione. Et hoc facit in ista distinctione. Habet autem hæc distinctio tres partes. In prima mouet Magister principalem quæstionem prius positam, sc. vtrum Pater & Filius diligant se Spiritu sancto. In secunda vero mouet aliam quæstionem huic consimilem quæ facit ad eius explanationem, & hoc facit, ibi: Præterea diligenter inuestigari oportet, & est illa quæstio: Vtrum Pater sit sapiens sapientia genita, vel sapientia quam genuit. In tertia reddit ad principalem quæstionem determinandam, & hoc facit, ibi: Præterea diligenter notandum est. Prima pars habet duas partes. In prima mouet Magister quæstionem, & opponit. In secunda respondet quæstioni, sed non respondet obiectioni, ibi: Huic quæstioni cum alitudo, &c. Similiter secunda pars in qua determinat Magister quæstionem annexam, sc. vtrum Pater sit sapiens, sc. vtrum Filius sit sapiens sapientia genita, vel sapientia quam genuit, diuiditur. Et quia ad determinationem huius quæstionis tria alia dubia concurrunt, ideo habet hæc

A pars quatuor partes secundum quatuor dubitationes quas mouet & determinat, & prima determinat istam quæstionem: Vtrum Pater sit sapiens sapientia quam genuit, vel sapientia genita quod idem est: quam determinat in partem negatiuam. Secundo mouet hanc quæstionem. Vtrum Filius sit sapiens sapientia genita vel ingenita. Et determinat eam affirmatiue quantum ad primam partem, scilicet quod sit sapiens sapientia genita, ibi: Post hæc queri solet, &c. Tercio mouet hanc quæstionem, vtrum Filius sit sapiens per seipsum vel seipso, quam determinat per distinctionem quod seipso potest teneri originaliter, & formaliter, & hoc ibi: Quæri autem solet vtrum Filius. Quarto hanc mouet quæstionem: Vtrum Pater duplicem habeat sapientiam: quam determinat in partem negatiuam, ostendens hanc quæstionem & eius rationem non esse responsione dignam, & hoc facit ibi: Post hæc queri solet a quibusdam: Vtrum una sit tantum sapientia. Et determinat cum hoc quod in Trinitate est dilectio quæ est Trinitas, & in Spiritu sancto est dilectio quæ est Trinitas. Et hoc ibi: Et sicut in Trinitate. Similiter tertia pars in qua reddit Magister ad quæstionem primo positam, habet duas partes. In prima obicit accipiens rationem ex determinatione alterius quæstionis. In secunda vero loco solutionis suam insufficienciam ostendit, & hanc quæstionem determinandam lectori relinquit, & hoc ibi: Difficillimam mihi hanc quæstionem fateor.

Hac sapientia sapiens, &c. Dub. I.

Ex litera elicitur talis ratio Augustini: Si Pater est sapiens sapientia genita quam genuit, & hoc est ei esse quod sapere: ergo est sapientia genita. Videtur illud argumentum non valere, quia illud non valet: hoc est Patri esse quod operari, sed operatur per Filium, ergo est per Filium: ergo nec similiter illud argumentum valet.

Si tu dicas quod non est simile, quia operari connotat effectum, obicitur quod idem est Patri esse quod esse Patrem: sed tamen illud argumentum non valet, Pater deitate est Deus, ergo deitate est Pater: ergo similiter non valet hoc argumentum: Est sapiens sapientia genita.

RESP. Dicendum quod argumentum Augustini est necessarium: quoniam esse sapientem, & esse, in diuinis non differunt modo dicendi à parte rei, sed solum à parte nostra: non sic autem est esse & operari: quoniam etsi operari quantum ad principale significatum sit idem quod esse, tamen quantum ad connotatum differt, & potest esse extraneum, & ita potest ibi esse accidens: tamen hoc quod est esse Deum, & esse Patrem, quamvis non differant quantum ad essentiam vel modum essendi, differunt tamen quantum ad modum se habendi: quod est vere in diuinis absolutum, & comparatum: & ideo non transit paternitas in substantiam, sicut & sapientia: ideo habet alium modum dicendi, qui potest esse extraneus respectu alicuius attributi: ideo ibi est accidens, non autem in argumento Augustini.

Pater non est sapiens sapientia genita, sed seipso sapientia ingenita. Dub. II.

Videtur male dicere, quia sicut æternitas appropriatur Patri, ita sapientia Filio: sed æternitas non debet dici genita, sicut dicit Anselmus in libro de incarnatione Verbi: ergo nec sapientia debet nec potest dici ingenita. Item si potest dici ingenita sapientia, pari ratione potest dici sapientia procedens, & ita videtur quod sapientia sit appropriabilis Spiritui sancto, sicut & Filio. Iuxta hoc queritur quare non dicitur potentia de potentia, sicut sapientia de sapientia.

RESP. Dicendum quod sapientia est de nominibus mediis quæ sunt nata supponere pro persona. Et ideo sicut dicitur de Deo Deus, & Deus genitus & ingenitus, ita dicitur etiam sapientia, non tamen ita proprie, quia nomen abstractum est quodam modo: magis tamen dicitur sapientia de sapientia quam æternitas de æternitate, quia æternitas significat in maiori abstractione quam sapientia, & ideo magis

abstract

abstrahit à ratione originis. Secundum hoc etiam est concedendum quod possit dici sapientia procedens, licet adhuc minus proprie. Nec valet istud argumentum, quamvis enim sapientia non sit appropriabilis, Spiritus sanctus tamen per determinationem adiunctam potest trahi.

Ad illud quare non dicitur potentia de potentia: dicendum quod non ita proprie dicitur sicut sapientia de sapientia. Quoniam sapientia appropriatur Filio, qui est ab alio, & ab alio habet omne quod habet: ergo & sapientiam ab alio, ideo sapientia genita ex sua appropriatione præsupponit sapientiam ingenitam: sed potentia appropriatur Patri qui non est ab alio: ideo non sic dicitur potentia de potentia, vel potentia genita.

Sed melius istam questionem postea in libro de Trinitate tractari. Dub. III.

Videtur Augustinus ista verba in notula posita male & inconuenienter recitare, quia cum comparatio in utroque extremorum præsupponat rem sui positiui, si ibi melius: ergo utrobique bene: ergo si ibi dicit quod Pater est sapiens sapientia quam genuit, videtur quod dicat verum.

RESP. Dicendum quod abusua est comparatio, quoniam in lib. de Trin. dicit contrarium huius, & ideo si ibi bene, constat quod hic male. Quantum ad hoc tamen quod aliqua vera dixit in lib. 83. q. de hac questione, ideo non omnino male, sed quodam modo bene, quodam modo male: & ideo dicit quod ibi melius, innuens quod aliquid ibi sit male dictum: qui enim vnum oppositorum destruit, per consequens destruit alterum.

Sapientia genita sit sapiens de sapientia ingenita. Dub. IV.

Videtur ista ratio non esse bona, quia non videtur respondere ad questionem. Non enim queritur de sapientia genita, siue an Filius sit de Patre, sed hoc queritur, utrum Filius sit sapientia ingenita.

RESP. Dicendum quod Magister respondet, licet in verbis paucis, in quibus innuit hanc distinctionem quod aliquem esse sapientem aliquo, hoc est dupliciter. Aut ita quod ablatius teneatur formaliter, & sic Filius est sapiens sapientia genita, & Pater sapientia ingenita. Aut ita quod teneatur originaliter, & sic cum sapientia genita sit de sapientia ingenita, Filius est sapiens sapientia ingenita. Sed quia ablatius ut plurimum construitur in ratione formæ: ideo Magister caute locutus dixit quod Filius qui est sapientia genita est de sapientia ingenita sapiens, ut verbum non haberet calumniam, & ideo bene respondet.

Utrque una est sapientia, & tamen solus Pater sapientia est ingenita. Dub. V.

Videtur hic dicere duo opposita, quia istæ duæ proprietates sapientiam contrahunt: & cum sint proprietates distinctæ distinguunt, & hoc patet, quia solus Pater est sapientia ingenita, quia si sapientia distinguitur: ergo est alia, & alia sapientia ergo non una. Item videtur falsum dicere cum dicit quod solus Pater est sapientia ingenita: aut enim dicitur sapientia essentialiter, aut personaliter. Si personaliter: ergo non una sapientia est genita, & ingenita, cum Pater & Filius non sint una persona. Si vero essentialiter, non ergo solus Pater est sapientia ingenita.

RESP. Dicendum quod in hoc nomine sapientia, duo est considerare, scilicet significatū & suppositū. Et quantum ad significatum dicit essentialiter: sed suppositum est persona. Et illæ determinationes genita, & ingenita, non respiciunt significatum, sed suppositum, & ita distinguunt suppositum manente eadē unitate in significato, siue in forma: & sapientia genita & ingenita est alia &

alia persona, sed non est alia & alia sapientia, sicut non est alia essentia: & ideo Magister bonum exemplum ponit in hoc termino *Deus*, quod significat essentiam, & supponit personam. Quando ergo queritur utrum dicatur essentialiter, aut personaliter, dicendum quod quantum ad significatum, dicitur essentialiter, sed quantum ad suppositum, dicitur personaliter, & ita nulla est controuersia.

Non à se agit, cum Pater in eo manere monstratur. Dub. VI.

Obiicitur contra, quia similiter & Filius manet in Patre: ergo pari ratione Pater à se non agit. Item videtur falsum dicere, cum dicit: Infirmus sit non à se agendo, nisi à Deo ipse agat, quia secundum hoc, cum omnis creatura agat à Deo, tunc videtur esse agens infirmum, nec in hoc videtur Filius differre ab aliis.

RESP. Dicendum quod Hilarius duo intendit ostendere in his verbis Domini in Ioannē, & illa duo ostendit deducendo ad impossibile. Ipse enim Dominus dicit: Verba quæ ego loquor vobis à meipso non loquor: Pater enim in me manens facit opera. Ex hoc ergo arguitur quod Filius non agit à se, sed à Patre manente in se, non tantum ut consubstantialis, sed ut principium: sic autem non manet Filius in Patre, sed tantum ut consubstantialis. Alia est auctoritas Domini, ubi dicit: Qui misit me non reliquit me solum, quia quæ placita sunt ei facio semper. Si ipse agit semper vnā cum Patre: ergo est vnā virtus eius & Patris, & sic agunt vnā virtute, tunc ergo per se agit, hæc duo probat per deductionem ad impossibile: quia omnis potentia est à prima potetia, quæ primo residet in Patre: ergo si Filius non potest à Deo simpliciter est impotens vel infirmus, quia infirmus habet potentiam deficiendi à se, non à Deo. Item si Filius non agit per se, non agit per virtutem propriam sibi connaturalem: ergo alia est virtus Patris, & alia Filij. A se enim & non à se, non facit distinctionem in natura; sed solum in persona, quia dicit rationem principij, vel originis. Per se autem & non per se, quia per se dicitur contra per accidens, siue cōtra per aliud, ponit diuersitatem in natura, & ideo Filius agit per se, quamvis non à se.

Vna est tantum sapientia Patris, sed non vno modo dicitur. Dub. VII.

Videtur male dicere, quia sapientia semper est essentialiter: ergo falsum dicit, cum dicit, non vno modo dicta.

RESP. Magister non vult quod sapientia sit dicta multipliciter: sed quod sapientia Patris, quia genitiuus potest construi in ratione originis, & sic dicitur Filius sapientia Patris, vel ipsa sapientia genita sapientia Patris, quia est à Patre. Vel potest intelligi in ratione subiecti, ut dicatur sapientia Patris, sicut albedo Patris, & sic sapientia genita non dicitur esse Patris, sed Filij. Quia ergo ratio passiuā importata per hoc adiectiuum genita, non est in persona Patris & Filij vnā, falsa est locutio ratione determinationis non ratione eius quod est sapientia, quia vnā & eadem est sapientia Pater & Filius & Spiritus sanctus: & illa est sapientia Patris & Filij & Spiritus sancti.

ARTICVLVS I.

AD intelligentiam præsentis distinctionis duo principaliter queruntur secundum duas questiones quas determinat Magister. Primo queritur de hac locutione, Pater & Filius diligunt se Spiritu sancto. Secundo queritur de ista alia; Pater est sapiens sapientia genita. Quantum ad primum duo queruntur. Primo queritur utrum illa locutio sit admittenda. Secundo queritur in qua habitudine construatur ille ablatiuus.

QVÆSTIO I.

*An Pater & Filius diligant se Spiritu sancto.**Alexander Alensis 1.p.q.67.Membro 3.art.3.**S. Thomas 1.p.q.37.art.2.**Et 1.Sent.dist.32.q.1.art.1.**Et de Pot. q.2. art.10. & 11.**Scotus 1.Sent.d.32.q.1.**Agid.Rom.1.Sent.dist.32.q.1.**Richardus 1.Sent.dist.32.q.1.**Durandus 1.Sent.dist.32.q.1.**Franciscus de Mayr.1.Sent.dist.32.q.3.**Thom. Arg.1.Sent.dist.32.q.1.art.1.**Stephanus Brulef.1.Sent.dist.32.q.1.**Petrus de Tarantaf.1.Sent.dist.32.q.1.**Gabr.Biel.1.Sent.dist.32.q.2.*

Foudamēta.

Cap.5.10.3.

Hierony.
Psal. 13.
tom.7.Bernard. de
Amore Dei
cap.7.tom.2.Ad opposi-
tum.

Replie.

Quod ista locutio, Pater & Filius diligunt se Spiritu sancto, sit admittenda, ostenditur auctoritate, & ratione. Primo auctoritate sic: Augustinus 7. de Tr. Non est aliquis duorum quo genitus à gignente diligitur, genitoremque suum diligit: si ergo est aliquis, & non est pater vel Filius, ergo est Spiritus sanctus.

ITEM Hieronymus super Psalmum: Spiritus est amor Patris ad Filium, & Filij ad Patrem: sed amore qui est Patris ad Filium, Pater amat Filium, & econverso: ergo, &c.

ITEM Bernardus de amore Dei: Amas te, inquit, amabilis Domine, cum à Patre & Filio procedit Spiritus sanctus, amor Patris ad Filium, & Filij ad Patrem: & tantus amor ut sit unitas.

ITEM idem ostenditur ratione sic: Magister Hugo de sancto Victore facit talem rationem in quadam epistola ad Bernardum: Si recte diceris amare amore qui à te procedit, cur non Pater & Filius recte dicuntur amare amore qui ab ipsis procedit? Et iterum ibidem: Si Spiritus sanctus esset amor cordis tui ac Patris & Filij, quis quæso posset negare Spiritu sancto, hoc est, amore tuo te diligere?

ITEM alia ratio formatur sic: Sicut se habet verbum ad dicere, sic amor ad diligere: sed Pater verbo suo quod ab ipso procedit, seipsum dicit: ergo Pater & Filius amore qui ab ipsis procedit seipsos diligunt.

ITEM sicut filius non potest produci nisi generando, sic nec amor nisi diligendo: ergo Pater & Filius diligendo se, producant Spiritum sanctum qui est amor personalis: aut igitur diligendo amore qui est Spiritus sanctus, aut qui non est Spiritus sanctus. Si amore qui non est Spiritus sanctus, aut amor ille est personalis, aut essentialis. Non personalis, quia tunc essent duæ personæ in diuinis, quibus conueniret amor proprie: quod est impossibile. Similiter nec essentialis, quia ille est Spiritus sanctus. Et iterum, si essentialis, tunc ergo cum conueniat Spiritui sancto, Spiritus sanctus similiter produceret. Restat igitur quod producant Spiritum sanctum diligendo se amore, qui est Spiritus sanctus. Aut igitur diligendo se, aut diligendo aliud à se. Non aliud, quia tunc aliud exigeretur ad productionem Spiritus sancti: ergo diligendo se Spiritu sancto producant Spiritum sanctum: ergo Pater & Filius diligunt se Spiritu sancto.

1. SED contra: Diligere idem est quod velle bonum, & velle idem quod esse: ergo cum hæc sit falsa, Pater & Filius sunt Spiritu sancto, hæc similiter, diligunt se Spiritu sancto.

2. ITEM sicut se habet sapere ad Patrem respectu Filij, ita diligere ad Patrem, & Filium respectu Spiritus sancti: sed hæc est falsa: Pater est sapiens sapientia genita: ergo & illa similiter.

3. ITEM omne plurale infert singulare: sed hæc est falsa: Pater diligit se Spiritu sancto: ergo & prima. Si dicas quod diligere tenetur notionaliter.

CONTRA: Nulla notione contingit mutuo reflecti unam personam super aliam: sed secundum dilectionem est mutua reflexio in prædicta locutione: ergo diligere non tenetur notionaliter: ergo idem quod prius.

4. ITEM nulla notio conuenit tribus: sed diligere Spiritu sancto conuenit tribus. Nam Pater diligit Spiritu sancto, & Filius diligit Spiritu sancto, & Spiritus sanctus diligit Spiritu sancto, quia seipso: ergo non tenetur notionaliter: ergo idem quod prius.

5. ITEM: Pater & Filius amore eodem diligunt se, & nos: sed dilectio Dei ad nos est essentialis, cum connotet effectum in creatura: ergo similiter cum diligunt se.

6. ITEM: Si tenetur notionaliter, quæro pro qua notione: non est dare nisi spirationem: ergo aut passive, aut active. Si active: ergo idem est, diligunt se, quod spirant: sed hæc falsa: Spirant se: ergo & prima passive, contra: Illa notio non prædicatur de Patre & Filio: sed de solo Spiritu sancto. Si dicas quod denominatiue prædicatur, contra: Omnis proprietas quæ de persona prædicatur in diuinis in concretionem, prædicatur & in abstractione: ergo cum processio non conueniat Patri & Filio in abstractione: ergo nec denominatiue.

CONCLUSIO.

Patrem & Filium se diligere Spiritu sancto concedere possumus, si dilectionem notionaliter intelligamus: quod si essentialiter eam sumamus, falsus reddetur sermo.

RESP. Ad Argum. Ad prædictorum intelligentiam est notandum, quod quidam prædictam locutionem simpliciter negauerunt, & dixerunt omnes consimiles esse retractatas à beato August. in sua simili, in hac, scil. Pater est sapiens sapientia genita. Sed hæc solutio non potest stare, quia non solum eam dicit August. sed etiam sancti alij quorum dicta August. non retractat. Ideo fuerunt alij qui eam simpliciter concesserunt dicentes hanc locutionem debere intelligi per appropriationem, non per proprietatem, ut sit sensus: Pater & Filius diligunt se amore quia appropriatur Spiritui sancto. Sed ista solutio non potest stare, quia tunc similiter hæc esset concedenda: Pater, & Filius sunt boni, Spiritu sancto, cum Spiritui sancto approprietur bonitas, quæ tamen nullo modo conceditur. Igitur prima opinio non potest stare, quæ simpliciter tales locutiones negat, cum multiplex auctoritas eas dicat. Similiter sequens, quæ eas simpliciter concedit, non potest stare, cum multiplex ratio contradicat. Restat igitur eligere opinionem mediam, sc. quod vno modo sit vera, alio modo falsa. Nam hoc quod est diligere, potest teneri essentialiter, vel notionaliter. Secundum quod tenetur essentialiter, sic dicit voluntatis complacentiam, quæ communis est tribus. Secundum quod tenetur notionaliter, sic dicit voluntatis fecunditatem ad producendam personam ex se quæ quidæ fecunditas solum est in duobus, quamvis voluntas sit in tribus. Si ergo tenetur essentialiter: falsa est locutio, quia tunc sequitur quod Pater & Filius sunt Spiritu sancto. Et in hoc sensu pronomen cum verbo construitur reciproce. Si autem notionaliter, vera est, sicut probant rationes ad oppositum. Et in hoc sensu pronomen construitur cum verbo retransitiue. Vnde sensus est: Pater & Filius diligunt se, id est, Pater diligit Filium, & Filius Patrem, & tunc vera est locutio, quia amor, qui est Spiritus sanctus, est amor nectens Patrem cum Filio, & econverso, & tunc nō licet inferre: ergo Pater diligit se Spiritu sancto.

1. 2. 3. Ex hoc patent tria prima. Nam primum procedit secundum quod diligere tenetur essentialiter. Secundum etiam similiter: nam sapere non dicitur notionaliter, sicut diligere: sed vel est commune, vel appropriatum. Tertium similiter, quia procedit secundum quod obliquus construitur reciproce, & tunc diligere tenetur essentialiter.

4. Ad illud quod obiicitur quod non possit teneri notionaliter: intelligendum est quod sicut generatio dupliciter potest significari, vno modo, ut dicit emanationem, alio modo, ut dicit modum emanandi superaddita expressione: & primo modo per hoc verbum *generare*: secundo modo per hoc verbum *dicere* signi-

ficatur,

ficatur, sic & spiratio dupliciter potest significari. Primo modo per hoc verbum, quod est *spirare*: secundo modo per hoc verbum, quod est *diligere*. Quemadmodum enim dicere importat generationem, & ulterius quandam expressionem circa personam, sic & diligere. Vnde sicut *dicere*, importat actum generandi, & dicendi siue exprimendi, & ratione actus dicendi, siue exprimendi dicitur: Pater se dicit verbo, hoc est dicendo, siue exprimendo generat verbum, vel generando verbum, se exprimit verbo; sic in proposito: *Diligere* actum importat connectendi, siue concordandi, & spirandi, & ratione actus connectendi dicitur: Pater & Filius diligunt se Spiritu sancto, hoc est inuicem concordando spirant Spiritum sanctum, vel spirando Spiritum sanctum inuicem connectuntur. Ex his patent obiecta.

Quod enim obiicitur de mutua reflexione, patet responsio, quia hæc est ratione actus notionalis communiter intellecti.

5. Ad illud quod obiicitur quod diligere Spiritu sancto conuenit tribus, & dicitur respectu creaturæ, dicendum quod non conuenit tribus ratione spirationis, quam importat: & ideo quamvis dicatur respectu creaturæ, non tamen dicitur essentialiter omnino: sed connotat aliquid essentialiter, dicit tamen notionem respectus quem importat ad personam, sicut supra dictum est de verbo, & dono.

6. Ad illud quod obiicitur pro qua notione stat: patet quod stat pro communi spiratione, tamen non licet pro ea ponere verbum spirandi, quia alio modo importat illam notionem. Vnde sicut conceditur hæc: Pater dicit verbo, non tamen hæc Pater generat Filio, & tamen dicere importat ipsam generationem. Sic in proposito intelligendum est.

QVÆSTIO II.

Pater & Filius diligunt se Spiritu sancto, in qua habitudine construatur.

Aegid. Rom. 1. Sent. dist. 32. q. 2.

Richardus 1. Sent. dist. 32. q. 2.

Franciscus de Mayr. 1. Sent. dist. 32. q. 5.

Petrus de Tarantasia. 1. Sent. dist. 32. q. 3.

In qua habitudine construatur ille ablatius cum sic dicitur: Pater & Filius diligunt se Spiritu sancto. Et quod in habitudine formæ videtur per simile, quia Pater diligit amore à se procedente formaliter: ergo pari ratione Pater, & Filius diligunt se formaliter Spiritu sancto.

ITEM nihil denominat aliquid ad quod comparatur, ut ad principium solum, nisi comparetur, ut informans. Nam quamvis cursus sit à Deo, non tamen Deus dicitur currere: sed amor est à Patre, & Filio, & illi dicuntur amare: igitur amor est in ratione formæ.

ITEM omni nexu aliqui necuntur formaliter: sed Spiritus sanctus est nexus: ergo aliqui illo necuntur, & non nisi Pater, & Filius, &c.

ITEM omni albedine aliquis est albus formaliter: ergo omni amore aliquis est amans formaliter: sed non est amans formaliter amore, nisi ille cuius est amor: cum ergo Spiritus sanctus sit amor Patris, & Filij, patet, &c.

1. CONTRA: Omne quod diligit formaliter alio à se, habet diligere solum per participationem: ergo si Pater, & Filius diligunt formaliter aliquo alio à se: ergo diligunt per participationem: sed hoc est inconueniens: ergo, &c.

2. ITEM si aliquis diligit aliquo formaliter, illo circumscripto, impossibile est intelligere amorem in eo, siue ipsum amare: ergo si Pater, & Filius diligunt se Spiritu sancto, impossibile est intelligere Patrem amare, non intellecto Spiritu sancto: sed hoc est falsum: ergo & primum.

3. ITEM nulla hypostasis est forma: sed amor, qui est Spiritus sanctus, est hypostasis: ergo non est forma: ergo nullus illo amore diligit formaliter.

4. ITEM nullum relatiuum potest esse forma sui correlatiui, quia ex forma & formato fit vnum: relatiuum autem distinguitur à correlatiuo: sed amor, qui est Spiritus sanctus, correlatiue se habet ad Patrem, & Filium: ergo, &c.

5. ITEM omnis forma est ante illud cuius est forma: ergo si Pater & Filius diligunt se Spiritu sancto formaliter, amor ille præcedit diligere Patris, & Filij, sed hoc est falsum, quia dilectio producit: ergo, &c.

CONCLUSIO.

Cum dicimus Patrem, & Filium se inuicem Spiritu sancto diligere, ablatius ille construi debet in ratione quodam modo effectus, vel produci, & quodam modo in ratione forma non inhareris.

RESP. Ad Arg. Dicendum quod aliquorum positio fuit quod ille ablatius construitur in ratione signi, non in ratione formæ. Nam Spiritus sanctus se habet per modum producti respectu dilectionis Patris, & Filij: ideo illius est signum. Vnde dicunt quod is est sensus locutionis: Pater & Filius diligunt se, & huius signum est quod concorditer spirant Spiritum sanctum, qui est amor vnicus, & indiuisus. Sed hæc positio est insufficientis. Nam si ablatius posset construi vere in ratione signi cum verbo, hæc esset vera: Pater & Filius diligunt se amore creato, quia amor creatus signum est illius: quam nullus concedit.

Si tu dicas quod illud non est signum propinquum, obiicitur: quia tunc hæc esset vera simpliciter: Pater est sapiens sapientia genita, cum sapientia genita sit maxime signum sapientiæ in Patre generante. Aliorum positio fuit quod ablatius ille construitur in ratione formæ. Dicunt enim quod diligere se, nihil aliud est dictu de Patre & Filio, quàm inuicem connecti. Et quoniam nexu formaliter connectuntur, & Spiritus sanctus est ille nexus; ideo formaliter loquendo, ista est vera: Pater & Filius diligunt se Spiritu sancto, sicut hæc formaliter est vera: Pater & Filius necuntur nexu. Sed hæc positio non potest omnino stare, quia cum dicitur, Pater & Filius necuntur, aut necuntur dicit aliquid quod sit in Patre & Filio à Spiritu sancto; in quod est in eis, ut principium Spiritus sancti. Si quod est in eis à Spiritu sancto, ergo Pater & Filius aliquid recipiunt à Spiritu sancto. Si aliquid, cum non possit recipere partem, ergo totum: ergo sunt à Spiritu sancto, quod est inconueniens. Restat ergo quod hoc quod est, necuntur, dicat aliquid quod est in Patre, & Filio, ut principium Spiritus sancti: quamvis enim sit passiva secundum modum, actiua tamen est secundum rem. Et si hoc, Spiritus sanctus comparatur ad connexionem, ut ad principium: non ergo ut in ratione formæ omnino. Patet ergo quod prima positio dicit minus sufficienter: secunda dicit nimis abundanter, quia nimis exprimit. Et prima fuit Magistri Simonis Tornacensis. Secunda fuit Magistri Guillelmi Altisiodorensis. Et licet neutra sit omnino sufficiens, tamen utraq; habet in se aliquid veritatis. Nam prima dicit, quod Spiritus sanctus se habet ad Patrem, & Filium per modum producti, & hoc quidem verum est. Secunda dicit quod amor comparatur ad amantes, ut in ratione formæ, & hoc quidem verum est. Et ideo ex his duabus positionibus quarum una est insufficientis, alia excedens, colligitur media positio sobria, & sufficiens, scilicet quod ille ablatius, construitur in ratione effectus formalis, si licet nominare effectum: quod est ex principio. Et hæc fuit positio Magistri Hugonis de sancto Victore, qui hæc clare vidit veritatem. Vnde redarguit illos, qui reputant hanc questionem insolubilem. Vnde dicit, quod sicut cum dicitur: Ego diligo te amore à me procedente, ibi est constructio in ratione effectus formalis, sic in proposito. In hoc tamé est differentia, quia amor à re procedens, est in re requiescens, ut vnienis, & inharés, quia est accidens: sed in diuinis amor à Patre, & Filio procedens, est in eis requiescens.

vt vnians, non tamen vt inhærens, quia non est accidens, sed substantia, & hypostasis: & ideo adhuc minus habet rationem formæ. Concedendæ sunt igitur rationes ad hoc inductæ, quia ablatius habet aliquo modo rationem formæ. Quod tamen vltimo loco obiicitur, non valet, quia omnis albedo est forma: sed aliquis amor non est forma, sed est hypostasis.

1. Ad illud ergo quod obiicitur quod formaliter diligunt, ergo per participationem, dicendum quod diligere alio per essentiam, facit participationem: sed alietas personalis non. Vnde Hugo: Animus humanus amor non est, sed ab ipso procedit amor: ideo seipso non diligit: Pater vero amor est, & Spiritus sanctus eius est amor: ideo diligit seipso, diligit etiam Spiritu sancto, & ideo patet quod non per participationem: & ideo patet sequens. Quia enim Pater seipso diligit amore essentiali, ideo potest intelligi amare Pater, Spiritu sancto non intellecto, non sic autem est de amore notionali.

2. 3. 4. RATIONES sequentes procedunt de forma, secundum quod habet perfectum actum formæ. Formæ enim est inhære: & idem non est hypostasis: ideo etiam non distinguit. Ibi vero ablatius cadit ab actu formæ, qui est inhære, & tenet actum formæ, qui est vnire.

5. Ad illud quod obiicitur quod forma præcedit illud cuius est forma, dicendum quod loquitur de forma secundum quod habet rationem causæ, quia sic præcedit: sed ablatius cadit à ratione causalitatis, quia constituitur per modum effectus formalis. Patet ergo quod quodam modo est ibi ratio formæ, quodam modo ratio signi, & in hoc patet responsio ad omnia quæ sita.

ARTICVLVS II.

Consequenter est quæstio de hac locutione. Pater est sapiens sapientia genita. Et circa hoc quæruntur duo. Primo quæritur vtrum illa locutio sit admittenda. Secundo, ad intellectum huius, vtrum sit admittenda: Pater est potens virtute quam genuit.

QVÆSTIO I.

An recte dici possit: Pater est sapiens sapientia genita.

Alex. Alenf. 1. p. q. 67. Membro 3. art. 2. § 3.

Scotus 1. Sent. dist. 32. q. 2.

Ægid. Rom. 1. Sent. dist. 32. pr. 2. q. 1.

Richard. 1. Sent. dist. 32. art. 2. q. 1.

Franciscus de Mayr. 1. Sent. dist. 32. q. 4.

Thom. Arg. 1. Sent. dist. 32. q. 1. art. 3.

Marsilius Inguen. 1. Sent. q. 34. art. 2.

Gabriel Biel. 1. Sent. dist. 32. q. 1.

Quod prima locutio sit admittenda, ostenditur hoc modo: Christum dicimus Dei virtutem, & Dei sapientiam: sed vnusquisque est sapiens sua sapientia: ergo si Christus est sapientia Patris, & sapientia genita, Pater est sapiens sapientia genita.

2. ITEM pet Aug. 6. de Tr. Filius est ars quædam omnipotentis, & sapientis Dei, vbi omnia nouit: sed vnusquisque artifex est sapiens sua arte: ergo Pater est sapiens Filius: ergo, &c.

3. ITEM hoc videtur ratione per simile, quia omnia amans à quo procedit amor, est amans amore à se procedente: ergo omnis sapiens à quo procedit sapientia, est sapientia à se emanante: sed Pater est huiusmodi: ergo, &c.

4. ITEM Aug. 15. de Tr. Nouit Deus Pater omnia in seipso, nouit & in Filio: sed idem est nosse omnia, & sapientem esse: si ergo omnia nouit in Filio, non tantum seipso, sed etiam Filio est sapiens.

5. ITEM: Deus Pater omnia dicit verbo, sicut dicit Aug. 11. Confess. Verbo tibi coeterno dicis quæcunque dicis. Sed dicere, vt dicit Anselm. est intelligere: ergo Pater omnia intelligit mediante Verbo: ergo cum idem sit esse sapientem, & intelligere, patet, &c.

CONTRA: In diuinis sapere est esse: ergo si Pater est sapiens sapientia genita: ergo est sapientia genita: hoc est autem falsum: ergo & primum.

ITEM non intellecta generatione, adhuc est intelligere Deum sapientem: ergo sapientia genita non est ratio sapientie Dei.

CONCLUSIO.

Cum esse sapientem dicatur essentialiter solum (licet sapientia Filio approprietur) nihilominus hac sententia nullatenus est admittenda: Pater est sapiens sapientia genita.

RESP. Ad Arg. Dicendum quod sine distinctione, cum esse sapientem dicatur essentialiter, quod locutio est simpliciter falsa: et si alicubi legitur, ab aliquo sancto est exponenda. Vnde Aug. in lib. Retractionum illa retractat dicens, quod melius illam quæstionem in libro de Trinitate tractauit, vbi scilicet dicit contrarium, ostendens illam rationem non valere. Si Pater fuit sine Filio, cum Filius sit eius sapientia, Pater fuit insapiens: quia sapientia non tantum conuenit Filio, sed Patri & Filio, & Spiritui sancto. Et hoc ipsum in lib. de Trin. dicit in pluribus locis: sed maxime in 6. & 15.

1. Ad illud ergo quod obiicitur quod Filius est sapientia, & virtus Patris, dicendum quod ista conceditur: Filius est sapientia Patris sapientis, nec tamen ista: Pater est sapiens sapientia genita. Vnde notandum quod cum dicitur sapientia alicuius, hoc dicitur dupliciter. Aut sicut subiecti, vt albedo Petri: aut sicut principij, genitiuus enim originem importat: quoniam ergo filius est sapientia habens originem à Patre, ideo hæc est vera: Filius est sapientia Patris. Cum autem dicitur. Pater est sapiens sapientia genita, ablatius constituitur in ratione alicuius causalitatis, vel in habitudine formæ, vel principij, & maxime formæ, & ideo falsa, quia Filius nec forma. nec principium est Patris. Si tu quæras quare non constituatur in ratione formalis effectus, sicut amor cum amante à quo procedit, dicendum quod non est simile: & huius duplex est ratio, vna communis, & alia specialis. Communis, quæ sumpta est à creaturis, quoniam quidam sunt actus qui dicunt motum à rebus ad animam, vt sapientia: quidam ab anima ad res, vt amor: ideo comparatio amoris est ad amantem in ratione exeuntis, non in ratione impatiens: & ideo amor de se importat formam, & effectum. Sed sapientia, quia dicitur, vt ad intelligentem non vt ab intelligente, ideo ablatius tantum importat formam, non effectum: & ideo est locutio falsa. Et alia ratio est specialis in diuinis, quia amor procedens est amor proprie, non per appropriationem. Et diligere est similiter dictum notionaliter, vnde importat originem, vt supra monstratum est: sed sapientia semper essentialiter: & hoc quod est esse sapientem, nullo modo dicitur notionaliter, quia nullo modo importat originem: & ideo locutio est falsa.

2. 3. 4. Ad illud quod obiicitur quod Pater nouit omnia in Filio, dicendum quod differunt dicere: nouit Filio, & in Filio. Nam cum dicitur: nouit Filio, ablatius importat rationem formæ, vel principij cognoscendi: & ideo falsa est simpliciter. Hæc tamen est distinguenda, nouit in Filio, quia præpositio, in, cum suo causali potest determinare hoc verbum nouit, in comparatione ad subiectum, & tunc est locutio falsa: est enim sensus quod Filius sit Patri ratio cognoscendi. Vel potest verbum determinare in comparatione ad obiectum, & tunc vera est, & est sensus, quod Filius sit in rebus cognitis ratio, & exemplar, & causa exemplandi. Et quod iste possit esse sensus locutionis, patet. Qui enim perfecte cognoscit aliquid, cognoscit omne quod est in illo: si ergo Pater perfecte cognoscit Filium & in Filio sunt omnia: ergo omnia cognoscit in Filio: nec tamen ex hoc sequitur quod sit sapiens Filio, quia tunc significatur: quod Filius sit ratio cognoscendi ipsi Patri.

5. Ad illud quod obiicitur vltimo quod Pater dicit omnia verbo, dicendum quod hoc quod est dicere, importat

Fundamta.

Hoc dixerat Aug. lib. 83. q. 23. 20. 4. sed retractauit lib. 1. retract. cap. 26. 20. 1. lib. 7. cap. 1. 20. 3.

tat

tar originem, importat etiam effectum in creatura, quem dicit per verbū, siue efficit: sed *intelligere* non importat de se nisi solummodo actum essentialem, ita quod nec importat de se respectum ad personam, nec ad creaturam: ideo non omnino idem est dicere, dicit omnia verbo, & intelligit omnia verbo: dicere enim idem est, quod intelligere, sed amplius importat.

QVÆSTIO II.

An recte dictum sit: Pater est potens potentia, siue virtute, quam genuit.

*Marfilus Inguen. 1. Sent. q. 35. art. 1.
Steph Brulef. 1. Sent. dist. 32 q. 4.*

Vtrum hæc locutio sit admittenda: Pater est potens potentia quam genuit, siue virtute. Et videtur quod sic. Quia quicumque operatur per aliquem, & non potest operari sine eo, habet potentiam ab eo: sed Pater operatur per Filium, & non potest operari sine Filio, ergo, &c.

2. **ITEM** in diuinis idem est virtus, & operatio: ergo cum Pater operetur per Filium, potest per Filium: sed quicumque potest per alterum, est potens potentia illius: ergo Pater est potens potentia genita.

3. **ITEM** sicut se habet nosse ad sapientiam, ita operari ad potentiam: sed bene sequitur: Iste nouit per illum, ergo est sapiens per illum: ergo bene sequitur: Iste operatur per illum, ergo habet potentiam ab illo, siue per illum: ergo, &c.

4. **ITEM** cum dicitur: Pater operatur per filium, hæc præpositio, *per*, aut importat causam, aut instrumentum. Non instrumentum, quia tunc Filius non vere cooperaretur Patri, & iterum esset indigens si ageret per instrumentum: ergo in ratione causæ: & si hoc, ergo Filius dat operari Patri: ergo & potentiam. Si tu dicas quod non dicit rationem causalitatis, sed subauctoritatem: cum ergo similiter habeat Spiritus sanctus subauctoritatem in operando sicut Filius, qua ratione dicitur Pater operari per Filium, eadem ratione per Spiritum sanctum. Si tu dicas quod hoc est dictum per appropriationem, quæro rationem appropriandi. Cum enim operatio sit per potentiam, & potentia approprietur Patri non Filio, non ergo Patri poterat appropriari operari per Filium.

5. **ITEM** cum immediata causa operationis sit voluntas, & illa approprietur Spiritui sancto, videtur quod magis debeat dici operari per Spiritum sanctum, quam per Filium.

CONTRA: Idem est esse potentem quod esse: ergo si Pater est potens potentia genita: ergo habet esse ab illa.

ITEM potentia appropriatur Patri: ergo nec per proprietatem, nec per appropriationem conuenit Filio: ergo talis locutio magis est impropria, quam ista: Pater est sapiens sapientia genita.

ITEM potentia qua aliquis est potens, secundum ordinem intelligendi antecedit posse: sed generatio ordine intelligendi sequitur posse: ergo hæc omnino falsa: Pater est potens potentia genita.

CONCLUSIO.

Tamet si concedere debemus quod Pater per Filium operetur, non tamen quod sit potens per Filium, cum hic auctoritas, ibi vero subauctoritas significetur.

RESP. ad arg. Dicendum quod hæc est falsa simpliciter: Pater est potens potentia genita, & magis impropria quam aliqua prædictarum. Ad intelligentiam autem prædictorum notandum quod hæc regula consuevit dari de hac præpositione, *per*, quod cum verbo absoluto importat auctoritatem, ut cum dicitur: Iste

est bonus per illum, vel sapiens, vel potens. Cum verbo vero transitiuo, importat subauctoritatem, ut Rex punit per ballium, dicendum est igitur quod hæc est falsa: Pater est potens per Filium: hæc est vera, Pater operatur per Filium. Et non valet argumentum. Operatur per illum, ergo potest per illum, quia, *per*, primo importat causalitatem respectu effectus, & postmodum respectu Patris.

1. Ad illud ergo quod primo obiicitur quod qui operatur per aliquem potest per illum, dicendum quod falsum est quia hoc non est quod habeat potentiam ab illo, sed quod habeat potentiam cum illo indiuisam, & dat illi posse: ideo per illum operatur, & non potest sine illo.

2. Ad illud quod obiicitur, quod non differt operatio, & potentia in Deo, dicendum quod verum est per comparisonem ad Deum, differt autem quantum ad effectum connotatum.

3. Ad illud quod obiicitur, quod sequitur: Nouit per Filium: ergo, &c. dicendum quod non est simile de *nosse*, & *operari*: quamvis enim nosse sit verbum transitiuum, tamen non connotat effectum sicut operari. & ideo præpositio, *per*, non potest cum ipso importare subauctoritatem, ubi enim est subauctoritas, notatur quod aliquid sit à duobus, & ab vno per alterum, & sic patet illud.

4. 5. Ad illud quod obiicitur, utrum dicat rationem causæ, vel instrumenti, dicendum quod neutrum dicit proprie: sed subauctoritatem, quæ importat rationem vtriusque, quantum ad illud quod est ibi completionis.

QUOD obiicitur quod Filio appropriatur operari per ipsum: Respon. quod operatio est per virtutem, & virtus appropriatur Filio, sicut dicitur ad Corinth. Christum dicimus Dei virtutem, & Dei sapientiam. Ratio autem quare virtus Filio approprietur, est, quia virtus est vltimū potentiæ, siue est potentia vltimata: quoniam igitur Filius producit à Patre secundum omnimodam perfectionem potentiæ, quia generare est actus perfectæ potentiæ: perfectum est enim vnumquodque quando potest generare tale quale ipsum est: quia igitur Filius accipit potentiam producendi &que perfectum sicut ipse & Pater est, ut Spiritum sanctum: ideo virtus ei appropriatur: ideo dicitur virtus Patris, & brachium, & dextera, & Pater operari per filium. Aliter potest dici, quod virtus dicit immediatiorem ordinem ad actum, quam potentia, quia potentia ordinatur ad opus per dispositionem, & Filio appropriatur dispositio: ideo & potentia disposita, & sic patent omnia quæ sita.

DISTINCT. XXXIII.

Vtrum Proprietates Personarum sint ipsæ Personæ, vel Deus, & diuina Essentia.

RESP. supradicta: interius considerari atque subtiliter inquiri oportet, utrum proprietates personarum, quibus ipsa persona determinatur, sint ipsa persona, & sint Deus, id est, diuina Essentia: an ita sint in personis, ut non sint persona, ac per hoc nec diuina Essentia. Quod enim in personis sint proprietates, nemo inficari audet, cum aperte clamat auctoritas quod in personis est proprietas, & in essentia unitas. Superius quoque multis Sanctorum testimonijs astruximus, personas per proprietates distingui atque determinari, ipsasque proprietates, res se propriis expressimus vocabulis. Cū ergo proprietates ipsa ab aeterno fuerint, quibus ipsa persona de-

terminantur, & differunt: quo modo essent si in eis non essent, & quomodo in eis essent, & ipsa persona non A essent, quin ibi esset multiplicitas? Quocirca sicut proprietates esse in personis, ita & eas personas esse confitemur: sicut supra auctoritate Hieronymi, ut non piget reuocare ad mentem, protestati sumus, in expositione fidei ita dicentis, Sabellij haesim declinantes: Tres personas expressas sub proprietate distinguimus. Non enim nomina tantummodo, sed etiam nominum proprietates, id est personas, vel (ut Graci exprimunt) hypostases, hoc est subsistentias confitemur. Ecce aperte dicit personas proprietatibus distingui, & ipsas proprietates esse personas: cuius hic verba perstringimus, quia supra latius posuimus.

Quod proprietates sint personae, & diuina Essentia.

Cumque de simplicitate deitatis supra differeremus, auctoritatibus Sanctorum, scilicet Augustini, Hilarij, Isidori, nec non & Boetij euidenter monstrauimus, Deum hoc esse omnino quod in se habet: excepto quod Pater habet Filium, nec est Filius: Filius habet Patrem, nec est Pater, & sic esse in natura trium, ut qui habet, hoc sit quod habet, & totum quod ibi est, unum esse, unam vitam esse: qua modo non iteramus, ne fastidium lectori ingeramus. Si ergo proprietates ibi sunt, singula earum est id in quo est, & unum eademque vita singulae sunt. Fateamur ergo & proprietates esse in tribus personis, & ipsas esse personas atque diuinam essentiam.

Auctoritate asruit, quod proprietas sit natura.

Quod enim proprietas etiam diuina natura sit, ostendit Hilarius, dicens natiuitatem Filij esse naturam. Vnde in lib. 7. de Trinit. ait: Vtriusque natura non differt: unum sunt Pater & Filius. Habet ergo hoc Sacramenti natiuitas, ut complectatur in se & nomen, & naturam, & potestatem: quia natiuitas non potest non esse ea natura, unde nascatur Filius. Idem in 6. Natiuitas est, proprietas est, veritas est. Idem in 7. dicit quod natura natiuitas sit intelligenda esse in natura Dei. Supra enim dixit, quod proprium Patris est, quod semper Pater est, & proprium Filij est, quod semper Filius est, significans quod proprietas Patris est Pater: & proprietas Filij est Filius. His aliisque pluribus auctoritatibus aperte significari videtur, quod proprietas Filij Filius sit, sic & Deus: ita & proprietas Patris, & proprietas Spiritus sancti.

Quidam negant, scilicet proprietates esse personas & diuinam naturam, & quare.

Hoc autem aliqui negant, dicentes quidem proprietates in personis esse, sed non esse personas ipsas: quia ita dicunt esse in personis vel essentia diuina, ut non sint interius: sicut ea sunt quae secundum substantiam dicuntur de Deo, ut bonitas, iustitia: sed extrinsecus affixae sunt. Atque ita esse rationibus probare contendunt. Si enim, inquirunt, proprietates sunt personae, non eis personae determinantur. Contra quod dicimus, quia etiam seipsis personae differunt, sicut supra Hieronymus loquens de Patre & Filio & Spiritu sancto dicit: Substantia unum sunt, sed personis ac nominibus distinguuntur. Sed iterum addunt: Si proprietates ipsa diuina Essentia sunt, cum essentia non differant tres personae, nec proprietatibus differunt. Quo modo enim differt Pater a Filio, eo quod diuina essentia est, cum in essentia unum sint.

Responsio ad praemissa, auctoritate nitens.

Horum doctrinis nouis & humanis commentis, verbo Hilarij respondeo: Immensum est quod exigitur & incomprehensibile: extra significantiam est sermonis, extra sensus intentionem: non enuntiatur, non attingitur, non tenetur: verborum significantiam rei ipsius natura consumit, sensus contemplationem imperspicabile lumen obacat, intelligentia capacitatem quod sine nullo continetur, excedit. Mihi ergo in sensu labes est, in intelligentia stupor est, in sermone vero non iam infirmitatem, sed silentium confitebor, periculosum nimis est de rebus tantis ac tam reconditis B aliquid ultra praescriptum caeleste proferre, ut ultra praefinitionem Dei, sermo de Deo sit. Forma fidei certa est. Non ergo aliquid addendum est, sed modus constituendus audacia: quidquid ultra quatitur, non intelligitur.

Quo modo improbi haeretici insistant alia addentes.

Ceterum haeticorum improbitas instinctu diabolica fraudulentia excitata, nondum quiescit: sed in tanta rerum quaestione addit: Si paternitas & filiatio in Deo, siue in diuina essentia sunt, eadem ergo res est sibi Pater & Filius. Nam in quo paternitas est, Pater est: & in quo filiatio est, Filius est: Si ergo una eademque res habet in se paternitatem & filiationem, ipsa generat & generatur: quod dicentes in Sabellianam haesim pertrahuntur, extendentes Patrem in Filium, cum ipsum sibi Filium proponat & Patrem. Si vero negauerint in una Dei essentia paternitatem esse & filiationem: quo modo ergo dicunt esse Deum? His atque aliis argumentorum aculeis utuntur in sua opinionis assertionem, ut veritatis formam dissecant.

Responsio contra hanc eorum oppositionem, ubi traditur, proprietates non penitus ita esse in Dei Essentia, sicut in Hypostasis dicuntur.

Quorum audacia resistentes, atque ignorantia prouidentes, audebimus aliquid super hoc loqui. Paternitas & filiatio non ita esse omnino in diuina substantia dicuntur, sicut in ipsis hypostasis: in quibus ita sunt, quod eas determinant, ut ait Ioan. Damasc. Characteristica idiomata sunt, id est, determinatiuae proprietates hypostaseos, & non naturae: etenim hypostasis determinat & non naturam. Idcoque licet paternitas & filiatio sint in diuina Essentia, cum eam non determinent: non ideo potest dici quod diuina Essentia & generet & generetur, vel quod eadem res sit sibi Pater & Filius. Ita enim proprietas determinat personam, ut hac proprietate hypostasis sit generans, & illa alia hypostasis sit genita: & ita non idem generat & generatur, sed alter alterum.

Quaeritur quo modo proprietates possunt esse in natura, ut tamen eam non determinent.

Sed forte quares, cum haec proprietates non possint esse in personis, quin eas determinent, quo modo in diuina Essentia esse possint, ita ut non eam determinent. Respondeo tibi, & hic cum Hilario: Ego nescio: non requiro, sed consolabor me tamē: Archangeli nesciunt, Angeli non audierunt, saecula non tenent, Propheta non sensit,

Apostolus

Lib. 2. de Trinit. statim a princ.

Eccl. 43. 6

Lib. de orthodoxa fide cap. 6.

Lib. 1. de Trinit. ante med.

Apostolus non interrogauit, Filius ipse non edidit. Cesset ergo dolor querelarum: non putet homo sua intelligentia generationis Sacramentum posse consequi. Absolute tamen intelligendus est Pater, & Filius & Spiritus sanctus. Stat in hoc fine intelligentia verborum: Est filius à Patre, qui est unigenitus ab ingenito, progenies à parente, uiuus à uiuo, non natura deitatis alia & alia, quia ambo unum. Hoc credendo incipe, percurre, persiste, etsi non perueniturum sciam, tamen gratulabor profecturum. Qui enim pie infinita proficitur, etsi non contingat, aliquando tamen proficiet prodeundo. Sed ne te inferas in illud secretum & arcanum inopinabilis natiuitatis, ne te immergas, summam intelligentia comprehendere presumens, sed intellige incomprehensibilia esse. His aliisque multis euidenter ostenditur nobis nullatenus licere maiestatem perscrutari, ius ponere potestati, modum circumscribere infinito.

Quibus auctoritatibus opinionem suam, scilicet quod proprietas Patris vel Filij non sit Deus nuntiant.

Veruntamen nondum desistunt impatientia spiritu agitati, sed opinionem suam etiam Sanctorum auctoritatibus munire conantur, quibus ostendere volunt proprietatem qua Pater est Pater, & proprietatem qua Filius est Filius, non esse Deum, ad hoc inducentes verba Augustini super illum locum Psalmi: Et non est substantia, ita dicentis: Deus enim quadam substantia est. Vnde etiam in fide Catholica sic edificamur, ut dicamus Patrem & Filium & Spiritum sanctum unius esse substantia. Quid est unius substantia? Quidquid est Pater quod Deus est, hoc est Filius, hoc est Spiritus sanctus. Cum autem Pater est, non illud est quod, vel quo est. Pater enim non ad se, sed ad filium dicitur: ad se autem Deus dicitur. Eo igitur quod, vel quo Deus est, substantia est. Et quia eiusdem substantia est Filius, proculdubio & Filius est Deus. At vero quod Pater est, quia non substantia nomen est, sed refertur ad Filium, non sic dicimus Filium Patrem esse, sicut dicimus Filium Deum esse. Ex his verbis significari dicunt, quod proprietas Patris vel proprietas Filij non sit Deus vel Essentia diuina. Cum enim dicit: eo quod Deus est, substantia est: sed quod Pater est, substantia non est: aperte, inquit, ostendit id esse substantiam, quo Deus est, id vero quo Pater est, non esse substantiam. Item cum ait: Pater non illud est, quod est, ostendit eum non esse Patrem eo quod substantia est. Non enim simpliciter dixit: Pater non est illud quod est, sed ait, cum Pater est, non est illud quod est, significans quo Pater est non esse illud quo est, id est essentiam. Hac illi ita exponentes, sua commenta simplicibus & incautis, vera videri faciunt. Nos autem aliter fore ista intelligenda dicimus. Dicens enim: eo quod Deus est, substantia est: sed quod Pater est, substantia non est, hoc intelligi voluit, quia Essentia Deus est, & deitate substantia est. Eo enim substantia est, quo Deus est, & e converso, cuius ea est deitas quæ est substantia, & substantia quæ deitas: sed quod Pater est, non est substantia, id est, non quo Pater est, eo substantia est, quia proprietate generationis Pater est, quæ substantia non est. Ipsam tamen proprietatem substantiam esse non negauit. Ita etiam illud intelligendum est quod ait: Cum Pater est, non illud est quod est, id est, non illo Pater est, quod vel quo ipse est, id est, essentia, sed notione.

Aliis etiam verbis Augustini vtuntur, ut asserant quod dicunt, scilicet proprietates personarum non esse Dei substantiam.

Item illis verbis Augustini vehementer insistant superius positus, scilicet quod verbum secundum quod sapientia est & essentia, hoc est quod Pater, secundum quod verbum, non hoc est quod Pater. Si, inquit, verbum non est hoc quod Pater, secundum hoc quod est verbum, id ergo quo verbum est, non est illud quo Pater est, proprietas ergo qua verbum est, non est quod Pater est, non est igitur diuina essentia. Ad quod dicimus, quia licet secundum quod verbum, non sit hoc quod Pater est, ea tamen proprietas qua verbum est, est id quod Pater est, id est, diuina essentia, sed non est hypostasis Patris.

DISTINCT. XXXIII.

De Nominibus substantialibus, & Proprietatibus in comparatione secundum conuenientiam, & differentiam ad Essentiam, & Personas.

Post supradicta interius considerari, &c.

Expositio Textus.

SUPER A egit Magister de nominibus substantialibus, & proprietatibus per se & sigillatim. Hic tertio loco agit de his in comparatione, & hoc secundum conuenientiam, & differentiam, & habet pars ista duas partes. In prima querit Magister de proprietatibus in comparatione ad essentiam & personas. In secunda vero agit de comparatione personarum, siue rei nature ad naturam, infra dist. 34. *Prædictis adiiciendum est, &c.* Prima pars habet duas partes secundum duo opera sapientis. Quorum primum est non mentiri, de quibus nouit. Et secundum est mentientem posse manifestare. Vnde in prima parte primo ostendit, & probat veritatem. In secunda eam defendit contra falsitatem, ibi: *Hoc autem aliqui negant.* Prima pars habet quatuor partes. In prima ostendit quod proprietates sunt personarum, & in personis per naturam ipsius proprietatis, quia æterna est, & distincta. In secunda ostendit illud idem per violentiam auctoris Sabellij, ibi: *Sabellij hæresim declinantes, ubi ponit auctoritates Hieronymi.* In tertia ostendit hoc ipsum per naturam diuinæ simplicitatis, ibi: *Cumque de simplicitate diuinitatis.* In quarta ostendit quod proprietates non tantum sunt personarum, sed etiam diuina essentia. Et hoc probat efficacia auctoritatis, ibi: *Quod vero proprietates etiam diuina natura sit, ubi ponit auctoritatem Hilarij.* Similiter secunda pars in qua ponit Magister veritatis probatæ defensionem ponendo aliorum rationes, & suas responsiones, secundum quod duplex est modus impugnandi veritatem, scilicet per rationes & auctoritates, ita hæc pars habet duas partes. In prima ponit rationes, & responsiones. In secunda auctoritates, ibi: *Veruntamen nondum desistunt, &c.* Prima pars habet quatuor partes. In prima ponit obiectionem quod proprietates non sint personarum, & quia rationalis, erat, respondet ad veritatem. Secundo vero subiugit aliam rationem, & quia curiosa videtur, respondet ad hominem non ad rationem ibi: *Sed iterum addunt, &c.* Tertia adhuc resumit rationem illorum, & respondet ad veritatem, ibi: *Ceterum hæreticorum improbitas, &c.* Quarto & ultimo subiungit eorum interrogationem, & quia curiosa erat, præfigit terminum humanæ inquisitioni, ibi: *Sed forte quæres, cum hæc proprietates, &c.* Et quælibet istarum partium posset subdiuidi, scilicet quod primo ponit oppositionem, & secundo responsionem, & illud manifestum in litera est. Vltima pars in qua respondet Magister auctoritatibus quas inducunt, similiter habet

duas partes secundum duas auctoritates Aug. quas inducūt, & prima sumpta est ab expositione Psalmistæ, secūda vero sup̄ta est ab Aug. Prima pars ponitur ibi: *Veruntamen nondum desistunt*. Et secunda ponitur ibi: *Item illis verbis August.* Et qualibet harum potest subdividi, quia primo ponit auctoritatem siue rationem, secundo vero dissolvit.

Horum doctrinis novis & humanis, &c. Dub. I.

Videtur insufficienter respondere, quia non soluit argumentum: sed dicit quod est incomprehensibile: & videtur quod ista evasio nulla sit, aut enim argumentum necessario concludit, aut sophistice. Si necessario, tunc ergo cum procedit ex veris, conclusio est vera. Si non necessario, tunc ergo sophisticum est, sed vnum sophisticum non est incomprehensibile, & ita videtur quod male applicet auctori atheni Hilarij.

RESP. Dicendum quod ad argumentum facile est respondere, quia ibi est sophisma secundum accidens: proprietas est essentia & essentia non distinguit: ergo nec proprietas, sed hoc Magister non dicit incomprehensibile, sed dimittit tanquam sophisticum, & indignum discussione maiorum. Sed illa quæstio veritatis, quæ sequitur, incomprehensibilis est secundum statum viæ, quoniam si per omnimodam identitatem prædicatur essentia de proprietatibus, & e converso, hæc distinguit, & illa non, & hoc est nobis incomprehensibile. Quia enim videmus per speculum, intelligimus per similitudinem sumptam à creaturis, & hoc nullum sub cælo habet simile, immo solius Dei proprium propter summam simplicitatem, ideo dicit Magister esse incomprehensibile. Nec est simile de genere, & differentia, quia genus prædicatur de differentia, & hæc distinguit, & illud non, quia non prædicatur per identitatem. Ideo cum Hilarius dicit quod est incomprehensibile, & describit incomprehensibilitatem quantum ad triplicem vim: Quantum ad receptivam, cum dicit incomprehensibile, &c. Quantum ad expressivam, cum dicit extra sermonis significationem. Quantum ad indicativam, cum dicit extra sensus intentionem: & alia quæ sequuntur, his tribus aptantur, ut patet inspicienti.

Quorum audacia resistentes, &c. Dub. I I.

Dicit quod proprietates quæ sunt in hypostasis, & eas determinant, in essentia sunt, sed eas non determinant. Videtur esse oppositio, quia omnis proprietas est determinativa eius in quo est, alioquin in illo non est: ergo si proprietates non determinant essentiam, non sunt in essentia.

RESP. Dicendum quod Magister bene respondet, quia hæc præpositio, *in*, notat diversas habitudines. Aliter enim dicitur Pater in Filio, aliter paternitas in Patre. Pater enim in Filio esse dicitur non sicut proprietas distinctiva, sed sicut persona consubstantialis: paternitas vero in Patre, sicut proprietas distinctiva. Sic vult dicere Magister quod aliter sunt, siue dicuntur esse proprietates in essentia, quam in persona. Nam in essentia dicuntur esse propter identitatem, ita quod *in*, omnino dicit identitatem. In personis dicuntur esse, sicut veræ proprietates in hypostasis, & determinationes in determinatis. In creaturis autem non est vnus modus sine alio, quia proprietas non omnino idem est cum eo cuius est proprietas, & ideo in creaturis non dicitur esse proprietas in aliquo nisi in eo cui inhæret, non sic in divinis.

Respondeo tibi, & hic cum Hilario, &c.

Dub. I I I.

Videtur falsum quod dicit quod solutionem istius quæstionis Archangeli nesciunt, cum enim sint comprehensores, constat quod omnia cognoscunt quæ

A sunt de substantia gloriæ: ergo cognoscunt distinctionem personarum, & essentiarum unitatem & modum: ergo vident quare proprietates determinant hypostasim, non essentiam. Et iterum, si comprehensio erit de quibus est modo fides, & nos modo fide tenemus: ergo in patria cognoscemus.

RESP. Dicendum quod sicut dicit Augustinus de Trin. sicut fouea dicitur esse cæca, non quod ipsa non videat, sed quia quod habet, non ostendit aliis: sic Angeli dicuntur ignorare, & sancti, propter hoc quod non reuelant talia, sed magis intelligibilia, & quia talia non habent simile in creatura, immo magis dissimile, dicuntur nobis incomprehensibilia. Et remouet Hilarius triplicem cognitionem quam habemus de rebus diuinis. Vna est per Angelorum reuelationem, alia per Prophetarum illustrationem, tertia per Apostolorum prædicationem. Et dicit Angelos non audire, quia ipsi recipiunt reuelationem à maioribus, & nobis non exprimunt: Magister ergo bene respondet, ostendendo insufficientiam. Si enim quæratur quare proprietas est in persona, ut distinguens, in essentia non: respondetur quod persona se habet ad aliam, & refertur, & distinguitur: & si hoc respondeatur, adhuc manet quæstio quare persona refertur: ergo respondetur quia vna est essentia, tres personæ. Si tu quæras huiusmodi omnino simile, non inuenies, & ideo in fundamento fidei oportet sistere.

C *Nos autem aliter fore ista intelligenda, &c. Dub. IV.*

Notandum super ista solutione Magistri quam ponit hic quod locutiones istæ quas proponit Aug. scilicet Pater non est eo substantia, quo est Pater & consimiles, duplices sunt, quia ablatiuus importat habitum in ratione formæ, siue causæ formalis, quamvis in diuinis non cadat vere habitudo causæ quantum ad rem, tamen quantum ad rationem intelligendi. Potest ergo causalitas cadere sub negatione, ut sit negatio causalitatis, & tunc locutio est vera, & in hoc sensu accipit Augustinus, & Magister exponit. Est enim sensus: Non eo est Deus quo Pater, quia paternitate est Pater tanquam ratione dicendi vel intelligendi: non sic autem paternitas est ratio dicendi ipsum esse Deum vel intelligendi, & tunc locutio vera est, & nihil facit pro Porretano. Potest iterum esse causalitas negationis, & tunc est falsa, & est sensus: Non eo est Deus quo Pater, id est, quantum ad id quod est Pater, non est Deus, & in hoc sensu accipit Porretanus, & ita est falsus intellectus, & sic non accipit Augustinus.

Aug. 7. de Trin. cap. 6. tom. 3.

ARTICVLVS I.

AD intelligentiam præsentis distinctionis quatuor quæruntur. Primo quæruntur de comparatione ad personam. Secundo de comparatione proprietatis ad essentiam. Tertio de comparatione vnus proprietatis ad aliam. Quarto de comparatione eiusdem proprietatis ad seipsam.

QVÆSTIO I.

An proprietas sit persona.

Alexander Alensis 1. p. q. 68. Membr. 5. art. 1.

S. Thom. 1. p. q. 40. art. 1.

Et 1. Sent. dist. 26. q. 2. art. 1.

Scotus 1. Sent. dist. 33. q. unica.

Agid. Rom. 1. Sent. dist. 33. q. 1.

Richard. 1. Sent. dist. 33. q. 2.

Franciscus de Mayr. 1. Sent. dist. 33. q. 2.

Thom. Arg. 1. Sent. dist. 33. q. 1. art. 2.

Marsilius Inguen. 1. Sent. q. 36. art. 1.

Gab. Biel 1. Sent. dist. 33. q. unica.

DE comparatione proprietatis ad personam. Et quæritur utrum proprietas sit persona. Et quod non, ostenditur hoc modo: Vbiunque est vere determinans & determinatum secundum rem, ibi determinans dif-

Ad oppositum.

fert

fert à determinato. Nam si non differt: non est determinans vere, sed totum est determinatum: sed persona in diuinis est vere determinatum, & proprietas vere determinans, quia proprietas vere, & non secundum modum dicendi solum distinguit personam: ergo proprietas differt à persona: sed differentia non prædicatur de se in abstractione: ergo nec proprietas de persona, vel è conuerso.

2. ITEM: Vbiunque est vere abstractum & concretum, ibi differt quod abstrahitur ab eo à quo abstrahitur: sed proprietas significatur in concretionem ad personam cum dicitur, Pater: & in abstractione cum dicitur, Paternitas, & non tantum est differentia in modo loquendi, quia aliquid dicitur de Patre quod non de paternitate: ergo vere differt paternitas à persona: sed quod vere differt ab alio, non prædicatur de eo in abstractione: ergo, &c.

3. ITEM: Vbiunque est absolutum & respectuum, absolutum non est ipse respectus quantumcunque se ipso referatur. Vnde quamvis materia seipsa referatur ad formam, tamen non est ipse respectus ad formam: ergo cum in diuinis persona fere sit substantia absoluta, relatio sit verus respectus, quantumcunque seipsa referatur persona, non est verus respectus, siue ipse respectus, nec è conuerso: ergo proprietas non est ipsa persona. Ex his tribus suppositionibus arguebat Porretanus quod persona non est proprietas, nec è conuerso: & quia omne quod est in persona, est persona propter summam simplicitatem, arguebat vltius quod proprietates non sunt in personis, sed assistunt. Et quod ista positio sit conueniens: videtur auctoritate Boëtij de Trinitate. Dicit enim quod relatio in eo quod est esse, consistit, sed in comparatione.

4. ITEM: Hoc ipsum ostenditur ratione, quia omne quod aduenit alicui, & recedit sine sui mutatione, non prædicat aliquid quod sit in illo, sed solum est assistens, sed relatio est huiusmodi, ut patet in dextro & sinistro, ergo, &c. Cum ergo proprietates sint relationes, non sunt personæ, nec in personis, sed assistunt.

5. CONTRA: Omne simplicissimum est id quod habet excepto eo ad quod relative dicitur. Hæc est Augustini in 11. de Trinit. & per se nota est: sed diuina persona est simplicissima, aliter non esset Deus, & non dicitur relative ad proprietatem: ergo est proprietas.

I TEM: Omne perfectissimum est omne illud à quo perficitur, & denominatur, hæc est per se nota, quia aliter denominans & perficiens esset perfectus eo. Et Augustinus istam proponit 6. de Trinit. dicens quod ipse Deus est maximus, ideo est sua magnitudo: sed persona diuina est perfectissimum quid, & denominatur sua proprietate: ergo persona est sua proprietas, & Pater est paternitas.

I TEM: Omne simpliciter primum est, quidquid habet excepto eo quod est ex illo. Nam si habet aliquid quod non sit ab ipso, vel quod non sit ipsum, illud est æque primum ut ipsum: ergo ipsum non erit simpliciter primum: sed Pater habet paternitatem, & paternitas non est ab ipso, & ipse est simpliciter primus, ergo Pater est paternitas, eadem ratione Filius est filiatio, & Spiritus sanctus processio. Ex his concluditur quod proprietates non sunt tantum personæ, sed etiam in personis. Et quod istud verum, videtur auctoritate Hieronymi in lib. de expositione fidei catholicæ: Tres, inquit, personas expressas sub proprietatibus distinguimus.

I TEM hoc videtur ratione. Quia omne quod est, aut est ens per se, aut in se, aut in alio. Proprietates igitur aut sunt per se entes, & ita substantia: aut in alio. Si in alio, non nisi in personis, quia proprietas non est nisi in eo cuius est proprietas. Si per se, ergo proprietas est substantia: aut ergo creata, aut increata, aut media. Sed non creata, nec media, istud constat, ergo restat quod increata: ergo sunt personæ.

CONCLUSIO.

Proprietas & persona licet in modo se habendi differant, proprietas tamen est persona, & in persona.

RESP. Ad arg. Dicendum quod de comparatione proprietatis ad personam triplex fuit opinio. Prima positio fuit quod proprietates non sunt personæ, nec in personis: sed assistunt personis, sicut relationes. Et ratio quæ mouit istos, fuit personarum pluralitas, & diuina simplicitas. Quia enim personæ plures sunt, plures habent proprietates, quæ vere differentes sunt: si essent in persona, auferrent ei simplicitatem. Quæ cum non possit auferri à diuinis, posuerunt proprietates esse assistentes personis, & non esse personas. Et huic videtur consonare natura relationis, quæ non videtur esse in substantia, nec prædicare aliquid in subiecto, sed dicere respectum ad aliud. Et hæc positio etsi rationabilis aliquo modo fuit, tamen stare potest, quia ponebat relationes in diuinis, nec Deum esse, nec creaturam. Vnde etsi in principio sui modicum continet errorem, tamen ducebat ad magnum, & ideo retractata fuit in Concilio Rhemensis, & Magister Gilbertus Porretanus ore proprio retractauit. Ideo fuit secunda opinio multum differens ab ista, videlicet quod proprietates omnino sint personæ, nec differant nisi solummodo in modo loquendi, & tantum sunt tres proprietates, sicut sunt tres personæ. Et ista positio fundata est similiter super diuinam simplicitatem. Quia enim personæ sunt simplicissimæ, seipsis distinguuntur, & ipsæ sunt suæ proprietates, nec habent alias differentes res, sed solo modo loquendi. Et ista positio fuit Magistri Præpositiui, & magis est probabilis quam præcedens. Attamen ipsa improbata est supra dist. 26. quia vna persona plures habet relationes, quæ sunt veræ relationes: & plures personæ habent vnā proprietatem: & vna persona alio & alio modo se habet ad Filium, & ad Spiritum sanctum, etiam secundum rem. Ex quo necessario sequitur quod realiter aliquo modo differt proprietas à persona, & non solum in modo loquendi, sicut dicebat Magister Præpositiuus. Et propter hoc intelligendum, quod vtrique prædictarum positionum aliquid veri dicat, & in aliquo deficiat. Nam prima quæ dicebat quod proprietates aliquo modo differant à personis, verum dixit: sed in hoc male quod dixit simpliciter differre. Sequens quæ dixit quod proprietates sint personæ, verum dixit: sed in hoc excessit quod dixit quod nullo modo differant à personis. Ideo ex his duabus positionibus conflatur vna vera, & communis positio quam tenent modo Magistri communiter quod proprietates sunt personæ, & in personis, tamen aliquo modo differunt à personis. Et quod ista positio sit conueniens, patet, si quis inspiciat naturam proprietatum. Dictum enim est supra, cum quærebatur quid esset proprietas in diuinis, quod erat relatio. Dictum est etiam quod relatio ratione comparationis quam habet ad subiectum, transit in substantiam in diuinis, & ideo de subiecto suo omnino vere prædicatur, ut paternitas. Ratione vero comparationis quam habet ad obiectum manet verissime in diuinis, & habet quodam modo differentiam à persona. Nec facit secundum hoc compositionem sed distinctionem respectu cuius est. Compositio enim attenditur per comparationem proprietatis ad subiectum, distinctio respectu obiecti. Et ex hoc patet quod proprietas est persona, & in persona, quia idem est per essentiam siue modum essendi, differt tamen quantum ad modum se habendi. Concedendæ igitur sunt rationes quod proprietates sunt personæ, & in personis. Et patet ex dictis responsio.

1. Ad primum argumentum. Quia enim aliquantulum habent differentiam proprietas & persona penes modum se habendi, ideo proprietas vere determinat, & distinguit: hoc tamen non tollit prædicationem, quia modus ille non addit aliam essentiam.

2. Ad illud quod obiicitur secundo de abstractione. A Dicendum quod non est abstractio secundum rem, sed solum secundum modum intelligendi, & loquendi, quia abstractio respicit subiectum in quo, & secundum illum respectum transit in substantiam. Quia tamen manet in comparatione ad terminum, hinc est quod relatio non tantum modo loquendi differt, nec tamen oportet quod sit vera abstractio.

3. Ad illud quod obiicitur tertio quod absolutum non dicitur de respectivo. Dicendum quod verum est in creatura, quia respectus ipse verus aut est alius per essentiam, aut in comparatione ad aliud per essentiam, ut materia & forma, quorum neutrum est in diuinis: unde respectus in creaturis ponit dependentiam, & ideo priuat summam simplicitatem, & ideo non prædicatur in creatura. Omne enim simplicissimum est independens B omnino. In diuinis autem relationes dicunt respectum sine dependentia, & ideo non priuant summam simplicitatem, & ideo dicuntur de hypostasi.

4. Ad illud quod obiicitur quod omnes relationes sunt assistentes, dicendum quod esse in comparatione dicuntur à Boëtio, non quia non sint in re, sed quia cum sint in re, non sint in ea absolute, sed in comparatione ad alterum: quo quidem mutato & corrupto, contingit relationem pariter corrupti & desinere, propter hoc quod non est in subiecto absolute, sed ad alterum, nihilominus est in subiecto. Ex hoc patet responsio ad illud quod obiicit. Nam illud non habet veritatem nisi in ente absoluto, non respectivo. Et trahitur ex ratione & verbis Boëtij. Ex ratione, quia quando dico hoc esse ordinatum ad aliquid, non nihil dico de illo de quo dicitur, & quando de aliquo quod non habet ordinem sit habens ordinem, quia non erat illud ad quod ordinaretur, & ideo ordo erat in potentia in hoc non ratione sui: sed ratione eius ad quod est, quantum ex parte sui erat in actu: tunc nulla mutatione facta in ipso, sed in obiecto, introducit in esse & desinit, & hoc patet ex verbis Boëtij, quia Boëtius non negat simpliciter quod relatio non in eo quod est esse consistit, sed non totaliter consistit. Unde dicit, non potest prædicatio relatiua quidquam rei de qua dicitur per se addere, vel minuire, vel mutare: quia non tota in eo quod est esse consistit. Ex hoc inquit quod aliquo modo consistit, & ideo nec in creaturis, nec in Deo verum est dicere quod relatio non sit in aliquo: sed verum est dicere quod non tota est in aliquo absolute.

QVÆSTIO II.

An proprietas sit essentia.

Alexander Ales. 1. p. q. 68. Membr. 5. art. 2.

S. Thom. 1. p. q. 40. art. 2.

Scot. 1. Sent. dist. 30. q. unica.

Ægid. Rom. 1. Sent. dist. 33. q. 2.

Richardus 1. Sent. dist. 33. art. 2. q. 1.

Franciscus de Mayr. 1. Sent. dist. 33. q. 3.

Thomas Argent. 1. Sent. dist. 33. q. 1. art. 1.

Gregor. Arim. 1. Sent. dist. 33. q. 1.

Marsilius Inguen. 1. Sent. dist. 36. art. 2.

Gab. B. el. 1. Sent. dist. 33. q. unica.

Fundamēta.

De consideracionib. 5. in mod. tom. 2.

Secundo quæritur de comparatione proprietatis ad essentiam. Et quæritur utrum proprietas sit essentia. Et quod sic videtur, quia Ecclesia cantat: In personis adoretur proprietas: sed nihil est adorandum latria, nisi diuina essentia, ergo, &c. Unde Bernardus: Illam proprietatem quæ Deus non est, non mihi adorabilem credo.

ITEM: Essentia est in persona, similiter & proprietas: aut ergo sunt ibi per differentiam, aut per indifferentiam. Si per differentiam: ergo persona est composita: quod est inconueniens. Si per indifferentiam omnimodā: ergo proprietas est essentia, & essentia est proprietas.

ITEM: Proprietas est aliquid, aut nihil. Si nihil: ergo aut persona non distinguitur, aut distinctio personæ nihil est. Si aliquid est: sed omne quod est aliquid est es-

sentia vel creata, vel increata: sed proprietas non est essentia creata, hoc manifestum est, ergo increata.

ITEM: Omne quod est, aut est Deus, aut melius Deo, aut minus bonum, aut maius. Proprietas ergo aut est Deus, aut melius, aut maius, aut minus. Sed maius non potest esse, quia Deus est quo maius excogitari non potest. Minus non potest esse quia tunc Pater esset minor quam sit ipse: ergo Deus est.

CONTRA: Augustinus dicit & habetur supra: Non eo est Deus quo Pater, sed deitate est Deus, paternitate est Pater: ergo deitas non est paternitas, immo aliud & aliud. Ad oppositum. Dist. 18.

2. ITEM hoc videtur ratione. Hæc est conceptio animæ per se vera quod non est idem principium distinguendi, & vniendi, formaliter loquendo: sed essentia est ratio vniendi, proprietas est ratio distinguendi: ergo essentia & proprietas non sunt idem.

3. ITEM: Nulla proprietas proprie prædicatur de aliqua essentia siue substantia, nisi sit in illa: ergo si proprietates dicuntur de diuina essentia: ergo sunt in illa: sed proprietas ponit rem suam circa subiectum in quo est: ergo cum rei proprietas sit respectus, & ad respectum sequatur distinctio, de necessitate proprietates ponunt distinctionem circa diuinam essentiam, si sunt in illa: sed hoc est inconueniens: ergo, &c.

4. ITEM: Si essentia est proprietas, aut ergo per se, per accidens. Si per se: ergo cuicumque inest essentia, & paternitas: sed hoc est falsum: ergo si est vera, est vera per accidens: ergo cum in diuinis non sit ponere accidens, nec per accidens, patet, &c.

5. ITEM: si proprietas est diuina essentia, cum diuina essentia, vel substantia sit creatrix & creetur: ergo proprietates creat quod non conceditur. Quæritur ergo, quare conceditur quod paternitas sit essentia, & quod etiam sit adoranda, non tamen quod sit creatrix, vel sapiens.

CONCLUSIO.

Quamquam essentia & proprietas habeant diuersum modum se habendi, quia essentia dicit absolute, proprietates vero respectum ad terminum: essentia nihilominus est proprietas, & vice versa.

RESP. Ad Arg. Sicut Magister tangit in l.tera, aliquorum positio fuit, & imponitur Pictauiensi quod proprietas nec sit essentia, nec in essentia, sed solum assistens. Sed ista positio manifeste improbata est, quia necesse est quod si diuina essentia, si est aliquid, propter hoc ad intelligentiam obiectorum intelligendum, sicut prænotatum est quod relatio ratione comparationis ad subiectum transit in substantiam, & ideo proprietas est diuina substantia. Ratione vero comparationis ad terminum siue obiectum, remanet, & quantum ad hoc est distincta, & differt ab essentia, non quia dicat aliam essentiam, sed alium modum se habendi, qui per comparationem ad essentiam, vel personam solum dicit modum nihil addens. In comparatione vero ad correlatiuum, vere dicit rem & distinctionem, & ideo non est unitas in ratione intelligendi, nec compositio in re, sed vera distinctio. Et quoniam iste respectus non dicit aliud, quam essentiam ipsi comparatus, similiter nec aliud quam personam, ideo vere est essentia & persona. Sed quia ulterius respectus ille non est essentia ad aliud, sed personæ ad personam, ideo respectus ad relationes proprie loquendo, sunt in personis, non in essentia: quia personæ secundum eos referuntur & distinguuntur, essentia autem nec refertur, nec distinguitur. Sunt tamen in essentia diuina loquendo communiter & improprie, ut dicatur in diuina essentia esse, omne quod est diuina essentia, vel omne quod est in essentia, vel persona.

1. Ad illud ergo quod obiicitur, quod alio est Deus, alio est Pater Dicendum, quod ablatius dicit rationem dicendi, vel denominandi, unde & alietas per ablatiuū

Dissentit Scot. dist. 2. par. 2. q. 1. & 4. dist. 8. de attributis, & d. 1. primi de distinctione emanationum.

significata

significata, attenditur solum quantum ad modum, non quantum ad essentiam, ut patet.

2. Ad illud similiter quod obiicitur quod non idem est principium distinguendi, & uniendo, patet responsio, quia proprietas distinguit in eo quod differens, non essentia sed modo: qui modus non dicit compositionem quia transit in substantiam, nec dicit solum intellectum, quia res est & manet respectu obiecti.

3. Ad illud quod obiicitur quod non prædicatur de substantia quod est in substantia, dicendum quod non prædicatur de substantia ut de subiecto, nec per inhaerentiam, sed solum de persona sic prædicatur. Vnde de essentia prædicatur, quia essentia & proprietas sunt unum in persona, non quia unum sit in alio.

4. Ad illud quod obiicitur, utrum prædicetur per se, aut per accidens, dicendum quod non per se, quia per personam. Non per accidens, quia persona non est aliud ab essentia. Quoniam igitur sicut res diuinæ superexcedunt res inferiores, sic & prædicatio prædicationem.

5. Ad illud quod ultimo obiicitur quod si essentia creat, & proprietas. Dicendum est ad hoc, quod quamvis proprietas sit essentia, tamen essentia non supponit proprietatem, nec econuerso. Vnde non sequitur quod illud quod conuenit essentia, conueniat personæ, vel econuerso, aliqua tamē conueniunt essentia, & proprietati, aliqua non. Vnde notandum quod quædam dicuntur de diuina essentia in se, ut puta illa, quæ dicuntur in oppositione ad creaturam, ut immanens, increata, & huiusmodi, & hæc dicuntur de proprietatibus. Aliqua dicuntur de diuina essentia, ut in personis, ut esse communicabilem, & esse in tribus vnam. Talia conueniunt essentia, ut habent rationem formæ, & in hoc differt ratio essentia, & proprietatis, & talia non dicuntur de proprietatibus. Rursus aliqua dicuntur de essentia ut esse principium operationum, ut esse potentem, sapientem, volentem, & creare, & talia non dicuntur de proprietatibus. Vnde notandum quod adiectiua essentialia, quæ essentiam in se respiciunt, ut diuersam à creatura, dicuntur de proprietatibus: quæ autem de ipsa formaliter, siue ut est forma, vel ut est principium, non dicuntur, & sic patent omnia quæ sita.

QVÆSTIO III.

An Notio de notione prædicetur.

Alex. Alensis 1. p. q. 68. Membr. 5. art. 4.

Egid. Rom. 1. Sent. dist. 33. q. 4.

Richardus 1. Sent. dist. 33. art. 3. q. 1.

Tho. Arg. 1. Sent. dist. 33. q. 1. art. 2.

Franciscus de Mayr. 1. Sent. dist. 33. q. 3.

DE comparatione vnius notionis ad aliam. Et quaeritur utrum vna notio, siue proprietas vnius personæ prædicetur de alia: Et quod sic, videtur syllogismo expositorio. De necessitate enim sequitur, ut dicitur in arte priorum: hoc A est B, hoc A est C, eodem demonstrato: ergo C est B, & fundatur iste syllogismus super illud principium per se notum: Quæcumque vni, & eidem sunt eadem, inter se sunt eadem. Fiat ergo talis syllogismus: Pater est paternitas, Pater est innascibilitas, ergo paternitas est innascibilitas. Si tu dicas quod accidens peccat contra istam consequentiam, & contra istud principium, ut patet hic: Petrus est indiuiduum, Petrus est homo: ergo homo est indiuiduum.

CONTRA hoc obiicitur, quia ubi est accidens, ibi est accidentalis prædicatio: sed cum dicitur, Pater est paternitas, Pater est innascibilitas, non est accidentalis prædicatio, quia est in abstractione: ergo non est ibi accidens.

2. ITEM: Bene sequitur concretive, Pater generat, Pater est innascibilis: ergo innascibilis generat, & tamen sic magis importatur prædicatio per modum accidentis: ergo multo fortius sequitur in abstracto: ergo hæc est vera, paternitas est innascibilitas.

3. ITEM hoc ostenditur à minori sic: Maior est vnio proprietatum in vna persona, siue in supposito incommunicabili, quam proprietatum in vna natura communi: sed tanta est vnio proprietatum in vna natura communi quod vna est alia, ut bonitas est sapientia: ergo multo fortius in persona vna proprietas prædicatur de alia.

4. ITEM: Maior est vnio proprietatum in vna persona, quam proprietatis, & essentia in persona, quia ibi vnio quantum ad rem est æqualis, & quantum ad modum magis conuenit proprietas cum proprietate, quam proprietatis cum natura, siue essentia: sed tanta est vnio essentia, & proprietatis in persona quod vna de alia prædicatur, ut paternitas est deitas, ergo, &c.

5. ITEM: Maior est vnio proprietatis in vna persona, quam duarum naturarum in eadem persona: Sed propter conuenientiam naturarum in vna persona Christi est communicatio idiomatum, quia Deus est homo, & homo Deus: ergo pari ratione propter conuenientiam proprietatum in vna hypostasi, vna de alia prædicatur.

CONTRA: Sicut se habet persona ad personam, ita notio ad notionem: sed vna persona non prædicatur de alia persona: ergo nec vna notio de alia notione.

ITEM: Quod prædicatur de aliquo in abstractione non facit numerum cum illo: ergo si notio de notione prædicatur, non sunt plures: sed vna.

ITEM: Si notio prædicatur de notione: ergo spiratio est generatio, & spirare est generare: ergo cum hæc sit vera, Pater spirat Spiritum sanctum: & hæc erit vera, Pater generat Spiritum sanctum.

CONCLUSIO.

Dua Notiones vnius Persona, in concreto de se inuicem prædicari possunt, in abstracto vero nequaquam.

RESP. ad Arg. Dicendum quod est prædicatio per identitatem, & prædicatio per inhaerentiam. Prædicatio per inhaerentiam est in concretionem, & hoc est ratione suppositi, ut album est musicum. Prædicatio vero per identitatem est in abstractionem, & ratione formæ, non suppositi, ut iustitia est bonitas. Dico ergo quod notio ad notionem dupliciter potest comparari, vel in concretionem, vel in abstractionem. Si in concretionem, sic vna prædicatur de alia, ut generans est spirans, & Pater est innascibilis, & hoc quia conueniunt in supposito. Si autem in abstractionem, quia tunc notio pure importat ipsum respectum, & in vna eademque persona sunt diuersi respectus sine sui compositione, & hoc secundum diuersas comparationes. Sic vna de alia non prædicatur.

1. AD illud ergo quod obiicitur de syllogismo. Dicendum quod contra illum syllogismum peccat accidens, sicut patet in exemplo prius posito, unde non valet forma syllogismi. Similiter illud principium intelligendum est secundum idem. Non enim sequitur quod si aliqua duo sunt similia vni quod sint similia inter se, nisi sint similia secundum idem. Similiter etiam oportet in relationibus ab hoc quod sit idéitas vnius ad aliam quod non tantum eadem sint & sint secundum idem, verumetiam ad idem sint. Quoniam ergo relationes diuersæ in eadem persona non sunt ad idem, siue ad eundem, ideo non sequitur quod si conueniant in supposito quod propter hoc conueniant inter se, & sic patet quod nec syllogismus nec principium conuenit.

2. AD illud quod obiicitur quod non est ibi accidens. Dicendum quod fallacia accidentis non solum attenditur quantum ad prædicatum accidentale, sed etiam attenditur quantum ad prædicati variationem, ita quod in vna sola acceptione conueniat, in alia sit extraneum, sic est in proposito. Nam Pater secundum aliam com-

parationem est innascibilitas, secundum aliam est paternitas: ita quod paternitas nullo modo dicit comparationem ad prius, nec positivè, nec privativè, quantum est de sua ratione: & ideo patet, &c.

3. 4. Ad illud quod obiicitur per similitudinem unius duorum in tertio. Dicendum quod prædicatio per identitatem potest esse tripliciter. Aut ita quod essentia comparatur ad essentiam, aut essentia ad proprietatem, aut proprietatem ad proprietatem. Quando ergo est prædicatio per identitatem per comparationem essentiae ad essentiam, notatur identitas essentialis, ut cum dicitur, magnitudo est bonitas. Quando iterum per comparationem essentiae ad proprietatem. Similiter notatur identitas essentialis. Quando vero est comparatio proprietatis ad proprietatem, quia proprietatem non importat nisi rationem, & relationem, siue respectum. tunc notatur identitas rationis. Et hinc est quod una proprietatem essentialis prædicatur de altera, & proprietatem de essentia, quia uniformis modus prædicandi est in his ad se invicem, & ad illud in quo conveniunt, quia per identitatem essentiae. Sed non sic est cum proprietatem prædicatur de proprietate. Nam cum proprietatem prædicatur de persona, notatur convenientia in substantia, & essentia, & supposito. Cum autem prædicatur de alia proprietate, notatur convenientia in ratione, & respectu. Et ideo non est simile, immo est ibi accidens: conveniunt in substantia, ergo in respectu.

5. Ad ultimum de convenientia naturarum in una persona patet responsio, quia non est communicatio idiomatum in abstractione, sed in concretionem, quia deitas non est humanitas: sed Deus est homo, similiter in proposito est, ideo patent omnia.

QVÆSTIO IV.

An Notiones siue Proprietates seipsas denominare possint.

Alexander Alensis 1. p. q. 68. Membro 5. art. 5.

Ægid. Rom. 1. Sent. dist. 33. pr. 2. q. 1.

Richard. 1. Sent. dist. 33. art. 3. q. 2.

Thom. Arg. 1. Sent. dist. 33. q. 1. art. 4.

DE comparatione eiusdem proprietatis ad seipsam. Quæritur ergo utrum eadem proprietatem siue notio prædicatur de se denominativè. Et quod sic, videtur per simile, quia adiectiva essentialia denominant abstracta, ut magnitudo est magna, & bonitas est bona: ergo pari ratione generatio generat, & spiratio spirat.

2. **ITEM:** Quia in primis est status, ideo seipsis denominantur, unde unitas seipsa est una, ergo cum proprietatem personales non habeant priores, immo ipsæ primæ sint, seipsas denominant.

3. **ITEM:** Indefinita affirmativa æquipollet particulari, ergo simpliciter convertitur: sed hæc simpliciter conceditur, generans est paternitas, siue generatio: ergo generatio est generans.

4. **ITEM:** Si hæc non conceditur, Paternitas est generans, aut hoc est propter repugnantiam à parte rei, aut à parte modi. Non à parte rei, quia eadem res est. Non à parte modi, quia eadem proprietatem, & relatio importatur: ergo nullo modo est ibi repugnantia: ergo locutio simpliciter est vera.

CONTRA: Sicut proprium proprietatis est distinguere, sic proprium est personæ aliam producere: sed hæc est falsa, persona distinguit, quia non distinguit, immo distinguitur, ergo hæc est falsa, proprietatem generat.

ITEM: Omne quod refertur, est aliquid, excepto eo quod relativè dicitur: sed proprietatem non est nisi relatio, ergo proprietatem non refertur: sed generare est referri, ergo proprietatem non generat.

ITEM: Proprietatem importat originem, & relationem: ergo si supra se reflectitur, & seipsam denomi-

nat, tunc ergo originis erit origo, & relationis relatio, quod habet Philosophus, & omnis ratio pro inconuenienti.

ITEM: Dum dicitur, generatio generat, aut verbum construitur ratione suppositi, aut ratione formæ: non formæ, quia respectus non agit: nec ratione suppositi, quia supposita notione non supponitur persona, aliquid enim convenit personæ quod non notioni, ut supra ostensum est: ergo locutio simpliciter est falsa.

CONCLUSIO.

Notiones, & Proprietates personales non possunt seipsas denominare: cum tales denominationes notionum emanationem, quæ ad personam terminatur, consignant.

RESP. ad Arg. Dicendum quod prædictæ locutiones sunt falsæ: nulla enim notio denominat seipsam. Et ratio huius est, quia denominatio notionis importat emanationem ut actum, importat & relationem. Et quoniam productio propriæ suppositi non formæ, similiter relatio est alicuius ut suppositi: ideo omnis talis denominatio concernit suppositum. Non sic est de proprietatibus essentialibus vel ut est de primis, ut de uno, & vero, immo respiciunt formam, ideo denominant seipsas. Quod quia non est in huiusmodi adiectivis notionalibus, non possunt locutiones esse veræ ratione formæ. Ratione vero suppositi non possunt esse veræ, quia notio non supponit personam, quia plures notiones sunt in eadem persona. Essentia tamen supponit substantiam, quia est una essentia, & una substantia: & ideo hæc est vera, Deitas creat, quia Deitas supponit Deum: hæc autem falsa, paternitas generat, quia non supponit patrem.

1. 2. Quod obiicitur de conditionibus essentialibus, & de primis, patet quod non est simile ratione iam dicta. Potest tamen nihilominus alia ratio assignari, quia respectus reflexus supra absolutum ibi quietatur: itaque absolutum respectui dat fundamentum, & respectus dat complementum: sed cum respectus reflectitur supra se, quia uterque dicit comparationem ad alterum unus non potest dare fundamentum, nec alter complementum: & ideo non potest reflecti, sed in simplicibus primis, cuiusmodi est veritas, quia aut non important relationem, aut si important, important relationem quæ communiter respicit substantiam, & eius proprietatem, ut puta, esse à Deo, ideo supra se reflectuntur, non sic in proposito, quia productio respicit personam.

3. Ad illud quod obiicitur, quod hæc est vera, generans est paternitas. Dicendum quod generans subiicitur ratione hypostasis, & ita notatur prædicatio per identitatem: sed cum prædicatur, accipitur ratione formæ, ideo mutatur modus accipiendi, ideo non sequitur. Si tamen intelligeretur ratione suppositi prædicari, vera esset, tunc enim esset sensus, paternitas est ille qui generat: sed tunc non sequitur, generatio generat, immo est ibi accidens.

4. Ad illud quod obiicitur, quod repugnantia non sit ibi: Dicendum quod ibi est repugnantia à parte modi intelligendi, nam notio non denominat nisi suppositum, unde talis modus non convenit notioni. Unde sicut hæc est falsa, albedo est alba: sic in proposito est intelligendum.

DISTINCTIO XXXIV.

Error Dicentium non idem esse Personam, & Essentiam: Vel Naturam & eandem Essentiam non posse esse Patrem, & Filium, & Spiritum sanctum.

Docet autem Magister, quod quamvis dicatur una Essentia trium personarum, & tres personæ unius Essentiæ, non dicitur tamen unus Deus trium personarum, nec tres personæ unius Dei. Et supradicta in pluribus distinctionibus concludens ait quod attributa de Deo dicuntur secundum substantiam, eorum tamen quædam personis appropriantur, & huius appropriationis rationem assignat, demum de nomine homouision, ac nominibus translatis.

PRÆDICTIS autem adiiciendum est, quod quidam peruersi sensus homines in tantam profilierunt insaniam, ut dicerent non idem esse naturam Dei, & personam, siue hypostasim, dicentes eandem essentiam non posse esse Patrem, & Filium sine personarum confusione. Si enim, inquit, ea essentia, quæ Pater est, est Filius, idem sibi Pater est, & Filius. Si hanc rem dicis esse Patrem, aliquam quare quam dicas esse Filium. Si vero aliam non quasieris, sed eandem dixeris, idem genuit & genitus est. Propter hæc & huiusmodi inter naturam, & personam diuidunt, ita ut non recipiant unam deitatis naturam, & simplicem esse tres personas. Idque testimonio Hilarij defendere nituntur, qui in 8. lib. de Trinit. querens, utrum Apostolus spiritum Dei nominans, & spiritum Christi, idem significauerit utroque verbo, inquit ita: Gentium prædicator volens naturam unitatem in Patre, & Filio docere, ait: Spiritus Dei in vobis est. Si quis autem spiritum Christi non habet, hic non est eius. Si autem spiritus eius, qui suscitauit Iesum, &c. Spirituales omnes sumus, si in nobis est Dei spiritus, sed & hic spiritus Dei est, & spiritus Christi. Et cum Christi spiritus in nobis est, eius spiritus in nobis est, qui suscitauit Christum. Et cum eius, qui suscitauit Christum, in nobis est spiritus, & spiritus in nobis est Christi, nec tamen non Dei est spiritus, qui in nobis est. Discerne ergo, ô hæretice, spiritum Christi à spiritu Dei, & excitati à mortuis spiritum Christi à spiritu Dei Christum à mortuis excitantis. Cum qui habitat in nobis spiritus Christi, spiritus Dei sit, & spiritus Christi à mortuis excitati spiritus Dei tantum sit Christum à mortuis excitantis. Et quæro nunc, in spiritu Dei utrum naturam, an rem naturam significatam existimes. Non est enim idem natura, quod res natura, sicut non idem est homo, & quod hominis est, nec idem est ignis, & quod ipsius ignis est, & secundum hoc non est idem Deus, & quod Dei est. Huius dicti occasione præfati hæretici dogmatizauerunt non idem esse personam, & naturam Dei, asserentes naturam Dei non esse tres personas, intelligentes in his præmissis verbis Hilarij per rem naturam personam, & nomine naturam diuinam naturam, Et ideo dicunt Hilarium interrogasse hæreticum, utrum per spiritum Dei putaret significatam esse naturam, an rem

A natura, ut sic ostenderet distinguendum esse inter naturam, & rem naturam, id est, personam.

Hic docet quo modo eis obuiat ipsius Scripturæ circumstantia, & qualiter prædicta intelligi debeant, & quod Spiritus sanctus est res unius naturæ Patris & Filij, & est ipsa natura.

Hoc quidem dicunt, non intelligentes pia diligentia Scripturæ circumstantiam, quæ considerata, percipi potest quo modo præmissa dixerit Hilarius. Subsequenter enim in eadem serie ostendit in spiritu Dei aliquando significari Patrem, ut cum dicitur, spiritus Domini super me. Aliquando significari Filium, ut cum dicitur: In spiritu Dei eiicio demonia, natura sua potestate se demones eicere demonstrans. Aliquando spiritum sanctum, ut ibi: Effundam de spiritu meo super omnem carnem. Quod dicit consummatum fuisse, cum Apostoli spiritu sancto misso, omnibus linguis locuti sunt. Deinde quare hanc distinctionem fecerit, & quod in superioribus per verba Apostoli idem spiritus sanctus significatus sit, & quod ipse sit res unius naturæ Patris, & Filij, aperte ostendit inquit ita: Hac idcirco sunt demonstrata, ut quacumq; parte hæretica falsitas se cõtulisset, finibus veritatis cõcluderetur. Habitat enim in nobis Christus, quo habitante habitat Deus, & cum habitat in nobis spiritus Christi, non aliud habitat quam spiritus Dei. Quod si per spiritum sanctum Christus in nobis intelligitur esse, hunc tamen ita spiritum Dei, ut spiritum Christi esse noscendum est. Et cum per naturam Dei natura ipsa habitat in nobis, indifferens natura filij creditur esse à Patre, cū spiritus sanctus, qui est spiritus Christi, & spiritus Dei res natura demonstratur unius. Quæro nunc ergo quo modo non ex natura unū sunt. A Patre procedit spiritus veritatis, à Filio mittitur, & à Filio accipit. Sed omnia quæ habet Pater Filij sunt. Idcirco qui ab eo accipit, Dei spiritus est, & idem spiritus Christi est. Res natura Filij est, sed & eadem res & natura Patris est, & Dei excitantis Christum à mortuis spiritus est, & idem spiritus Christi est à mortuis excitati. In aliquo differt Christi, & Dei natura, ne eadem sit, si præstari potest, ut spiritus, qui Dei est, nō sit etiā Christi. Est ergo in nobis spiritus Dei, & est in nobis spiritus Christi, & cum spiritus Christi inest, inest spiritus Dei. Ita cū quod Dei est, & Christi est, & quod Christi est, Dei est, non potest quid aliud diuersum Christus esse, quā Deus est. Deus igitur Christus est unus cum Deo spiritus, secundum illud: Ego & Pater unum sumus. In quo docet veritas unitatē esse naturam, non solitudinem unionis. Ecce si hæc verba diligenter attendas, inuenis spiritum sanctum rem naturam dici Patris & Filij, & eundem dici esse naturam Dei, ubi dicitur, per naturam Dei natura ipsa habitat in nobis, si per spiritum sanctum Christus est in nobis. Itaque in Trinitate non ita distinguendum est inter naturam, & rem naturam, sicut in rebus creatis, quia, ut ait Hilarius, comparatio terrenorum ad Deum nulla est: & si quæ comparationum exempla interdum afferuntur, nemo ea existimet absolute in se rationis perfectionem continere. Non enim humano sensu de Deo loquendum est.

Quod propter res creatas illud dixerit, non idem est natura, & res naturæ.

Ad naturam ergo rerum creatarū respiciens, inquit: Non idē est natura quod res natura, subiiciēs exempla de ipsis creaturis. Inde ostendens errorem esse sub men-

Paulo inferius.

Isa. 61. a

Matt. 12. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

1. Cor. 3. c

surā creaturarū metiri Creatorem, addit: Et secundū A
hoc non idē est Deus, & quod Dei est, ac si diceret: Si ad
nstar creaturarū de Creatore sētis, cogere fateri, quia
non idē est Deus, & quod Dei est: quod dicere impium
est, cum spiritus Dei Deus sit, & Dei filius sit Deus.

Quod non aliud est Deus, & quæ sua sunt, ita ut insint:
alia enim sunt quæ insunt, alia quæ non insunt.

Non ergo secundum corporales modos, ut in eadem
subdit serie, accipienda sunt hæc quæ de Deo dicuntur.
Vbi euasians opinionem eorum qui ita putant aliud
Deum esse, & aliud quod Dei est, aliudque naturam
Dei & rem naturæ, ut est in creaturis, aperte docet nō
aliud esse Deum, & aliud quod Dei est, aliudque natu-
ram Dei, & quæ sua sunt, ita ut insint illi, sic dices: B
Homo, aut aliquid ei simile cū alicubi erit, alibi nō erit:
quia id quod est, illic cōtinetur ubi fuerit in forma, ut
non ubique sit qui insistens alicubi sit: Deus autē im-
mensa virtutis, uiuens potestas, quæ nusquam non ad-
sit, nec desit usquam: quæ se omnem per sua edocet, &
sua non aliud quam se esse significat, ut ubi sua insint,
ipse esse per sua intelligatur. Non autem corporali mo-
do cum alicubi sit, non etiā ubique esse credatur, cum
per sua in omnibus esse non desinat. Non autem aliud
sunt quam quod ipse est, quæ sua sunt. Et hæc propter
naturā intelligentiā dicta sunt. His verbis aperte
significatur (si tamen intelligis hæretice) quia diuina
natura non aliud est ab his, quæ sua sunt, ita ut insint, C
& per illa in omnibus suis est, quæ non insunt. Sua
enim sunt etiā quæ nō insunt, id est, omnes creaturæ:
& sua sunt, quæ insunt, ut tres personæ, quæ sunt eius-
dem naturæ, & eadem naturā, sicut supra Augustini
testimonio firmauimus dicentis: Tres personas esse
eiusdem essentiæ, vel eandem essentiā, sed non ex
eandem essentiā, ne aliud intelligatur essentiā, aliud
persona. Nō tamen diffitemur aliquā distinctionem
habendam fore secundū intelligentiæ rationem, cum
dicitur hypostasis, & cum dicitur essentiā: quia ibi si-
gnificatur quod est commune tribus, hic vero non. Est
tamen hypostasis essentiā, & econuerso. Fateamur er-
go unum atque idem esse tres personas secundū essen-
tiam, differentes autem proprietatibus. Vnde August. D
super locum prætaxatum Psalmi ait: Queris quid sit
Pater: Respondetur, Deus. Queris quid sit Filius: Res-
pondetur, Deus. Queris quid sit Pater & Filius? Res-
pondetur, Deus. De singulis interrogatus, Deum res-
ponde. De utroque interrogatus, non Deos, sed Deum
responde. Non sic in hominibus. Tanta enim est ibi sub-
stantiā unitas, ut aequalitatem admittat, pluralita-
tem non admittat. Si ergo tibi dictum fuerit, cum di-
cis Filium Dei esse quod Pater est, profecto Filius Pa-
ter: Responde: Secundum substantiam tibi dixi hoc
esse Filium quod Pater est, non secundum id quod ad E
aliud dicitur. Ad se enim dicitur Deus, ad Patrem di-
citur Filius. Rursumque Pater ad se dicitur Deus, ad
Filiū Pater dicitur. Quod dicitur ad Filium Pater,
non est Filius: quod dicitur Filius ad Patrem, non est
Pater: quod dicitur Pater ad se, & Filius ad se, hoc est
Pater & Filius, id est, Deus.

Vtrum ita possit dici vnus Deus trium personarum, vel
tres personæ vnus Dei, ut dicitur vna essentiā
trium personarum, & tres personæ
vnus essentiæ.

Hic considerandum est: cum Deus sit diuina essen-
tia, & ita dicatur vnus Deus esse tres personæ, sicut

vna essentiā dicitur tres personæ, vtrum ita valeat
sane dici vnus Deus trium personarum & tres perso-
næ vnus Dei: sicut dicitur vna essentiā trium perso-
narum: & tres personæ vnus essentiā. In his locutio-
nibus Scripturæ usus nobis amulandus videtur, ubi
frequenter reperitur ita dictum: Vna est essentiā
trium personarum, & tres sunt personæ vnus essen-
tiæ: nusquam autē occurrit legisse vnū Deum trium
personarum, vel tres personas vnus Dei. Quod ideo
puto sanctos doctores vitasse, ne ita forte acciperetur
in diuinis personis, ut accipitur cum de creaturis simi-
le quid dicitur. Dicitur enim Deus Abraham, Isaac, Ex 3.6
& Iacob, & Deus omnis creaturæ. Quod utique dicitur
propter principium creationis, vel gloria priuile-
gium, vel creaturæ subiectionem, vel seruitutem. Cum
ergo in Trinitate nihil sit creatum, vel seruient, vel
subiectum, non admisit fides in Trinitate talem locu-
tionis modum. Ita etiam econuerso, non dicitur de Dei
essentiā, quod ipsa sit essentiā Abraham, Isaac, & Ia-
cob, vel alicuius creaturæ, ne Creatoris & creaturæ
naturam confundere videamur.

Quod licet potentia, sapientia, bonitas de Deo secun-
dum substantiam dicantur in Scriptura: tamen
solent hæc nomina distincte ad personas
interdum referri.

Ex prædictis constat, quod sicut essentiā, ita poten-
tia, sapientia, bonitas de Deo dicuntur secundum sub-
stantiam, Quæ autem secundum substantiam de Deo
dicuntur, tribus personis pariter conueniunt. Vna est
ergo potentia, sapientia, bonitas Patris & Filij & Spi-
ritus sancti, & hi tres eadem potentia, eadem sapien-
tia, eadem bonitas. Vnde aperitur in Trinitate summa
esse perfectio. Si enim ibi deesset potentia, vel sapien-
tia, vel bonitas, non esset summum bonum. Sed quia
ibi est perfecta potentia, infinita sapientia, incompre-
hensibilis bonitas, recte dicitur & creditur summum
bonum. Cumque vnū & idem penitus sit in Deo po-
tentia, sapientia, bonitas: in sacra tamen Scriptura
frequenter solent hæc nomina distincte ad personas
referri, ut Patri potentia, Filio sapientia, Spiritui san-
cto bonitas attribuat. Quod quare fiat, non est otio-
sum inquirere.

Quare Patri potentia, Filio sapientia attribuat. ur.

Id ergo sacri eloquij prudentia facere curauit, ne
Dei immensitatem similitudine creaturæ metiremur.
Dixerat enim Scriptura sacra, quia Deus Pater est,
& quod Deus Filius est: & audiuit hoc homo qui ho-
minem Patrem viderat, Deum Patrem non viderat:
cogitare cepit ita esse in Creatore, ut viderat esse in
creaturis, a quibus hæc nomina trāsata sunt ad Crea-
torem: in quibus Pater est prior Filio, Filius est poste-
rior Patri, & ex antiquitate in Patre defectus, ex po-
steritate in Filio imperfectio sensus solet notari. Ideo
occurrit Scriptura dicens, Patrem potentem, ne vi-
deatur prior Filio, & ideo minus potens, & Filium
sapientem, ne videatur posterior Patri, & ideo mi-
nus sapiens.

Quare Spiritui sancto bonitas attribuat. ur.

Dictus est etiā Spir. sanctus Deus, & dictus est habere
spiritū Deus: & videbatur hoc quasi nomen inflatio-
nis, & tumoris. Vnde humana conscientia ad Deū pro
rigore & crudelitate accedere metuit. Ideo, scriptura

temperauit

Philos. lib. 8.
de Trin. in
loco superioris
signato, &
lib. 4. in pr.

Diff. 5. &
lib. 25.

Tomo 8. in
explanatio-
ne 68. Psal-
mi super illo,
& non est
substantia.

temperavit sermonem suum, spiritum bonum nominans, ne crudelis putaretur qui mitis erat: Non quod Pater solus sit potens vel magis potens, & Filius solus sapiens vel magis sapiens, & Spiritus sanctus solus bonus vel magis bonus. Vna est ergo potentia, sapientia, bonitas trium, sicut una essentia. Idcoque sicut dicitur Filius hominis, id est, consubstantialis Patri, ita & omnipotens.

De hoc nomine, homousion, ubi in auctoritatem receptum sit, & quid significet.

Hic non est pratermittendum quod Augustinus in libro 3. contra Maximinum dicit de hoc nomine, homousion, quo Latini tractatores frequenter utuntur. Pater, inquit, & Filius unius sunt eiusdemque substantia. Hoc est illud homousion, quod in Concilio Nicano adversus haereticos Arrianos a catholicis Patribus veritatis auctoritate firmatum est. Quo postea in Concilio Ariminensi, propter novitatem verbi minus quam oportuit intellectam (quam tamen fides antiqua pepererat) multis paucorum fraude deceptis, haeretica impietas sub haeretico Imperatore Constantino labefactare tentavit. Sed post non longum tempus libertate fidei catholica praevalente, postquam vis verbi, sicut debuit, intellecta, homousion illud catholice fidei sanitate longe lateque diffusum est & diffusum. Quid enim est homousion, nisi unius eiusdemque substantia? Quid est, inquam homousion, nisi ego & Pater unum sumus? Non ergo inter profanas vocum novitates hoc vitandum est.

De nominibus quae translativae, & per similitudinem de Deo dicuntur.

Præterea sciendum est, quod in assignatione distinctionis nominum, inter alia quae supra diligenter executi sumus, quadam diximus translativae & per similitudinem de Deo dici, ut speculum, splendor, character, figura & huiusmodi. De quibus pio lectori breviter trado quod sentio, ut scilicet ratione similitudinis considerata ex causis dicendi, dictorum intelligentiam assumat, sed catholicam.

Nihil dignum excellentia ineffabilis Trinitatis se tradidisse dicit ad alia transitorius.

De Sacramento Unitatis atque Trinitatis summa ineffabilis multa iam diximus. Nihil tamen eius ineffabilitate dignum tradidisse profiteamur, sed potius ex nobis mirificam eius scientiam nec potuisse nos ad illam pervenire.

DISTINCT. XXXIV.

De Comparatione Personarum, siue rei naturae ad naturam. Vel de comparatione Personarum ad Essentiam.

Prædictis adiiciendum est, quod quidam peruersi sensus homines, &c.

Expositio Textus.

SU PRA agit Magister de comparatione proprietatum ad personas & essentiam, hic secundo agit de comparatione personarum ad essentiam. Et hoc facit in hac distinctione, quae in tres partes diuiditur. In prima agit de comparatione secundum praedicationem. In secunda secundum appropriationem, ibi:

Ex prædictis constat quod sicut essentia, ita potentia, &c. In tertia annectit capitulum de translatione, ut sic tractatum istum perducatur ad consummationem, & hoc ibi: Præterea sciendum est quod in assignatione. Prima pars habet quatuor partes. In prima ponit errorem quorundam dicentium personas non esse naturam, & hoc cum summa confirmatione, sc. auctoritate Hilarij. In secunda ipsius auctoritatis sanum intellectum ex verbis Hilarij sequentibus elicit, per quae etiam errorem illorum elidit, ibi: Hoc quidam dicunt non intelligentes, &c. In tertia quandam quaestionem incidentem dissolvit, quare non dicuntur tres personae unius Dei, sicut dicuntur tres personae unius essentiae, ibi: Hic considerandum est cum Deus sit divina essentia, &c. Similiter secunda pars in qua Magister agit de appropriatione habet tres partes. In prima dicit & ostendit quod communia appropriantur. In secunda rationem, reddit appropriationis, ibi: Id ergo sacri eloquij, &c. In tertia: quia hoc nomen homousion dicit comparationem essentiae, siue naturae ad personas, usum eius determinat esse catholicum, & veritati fidei esse consonum, ibi: Hic non est pratermittendum quod Augustinus, &c. Item tertia pars in qua agit Magister de nominum translatione, posset diuidi contra totum tractatum praecedentem de diuinis nominibus. Sed quia Magister parum aut nihil determinat de his nominibus, ideo potius incidenter cum epilogatione est posita. Vnde haec particula duas habet partes. In prima quandam generalem de nominibus translativis tradit instructionem. In secunda vero ponit praedictorum epilogationem, in qua tractatum de Sacramento Trinitatis: & Unitatis finit, ostendens se in hoc tractatu potius defecisse propter materiae altitudinem, & hoc facit ibi: De Sacramento Unitatis atque Trinitatis, &c.

Huius dicti de occasione praefati haeretici, &c.
Dub. I.

Videtur quod Magister male reputet haereticos illos, qui dicebant naturam non dici de personis. Quia videtur Damascenus dicere idem quod illi dicebant cum dicit, de hypostasi non est deitatem dicere: ergo cum deitas dicat naturam, patet, &c.

R E S P O N. Dicendum quod verbum Damasceni simpliciter intellectum, generat sinistrum intellectum, & qui sic intelligeret sicut sonat, haeticus esset: sed ipse Damascenus intelligit cum praecisione, scilicet quod deitas non dicitur de vnica hypostasi tantum, immo de omnibus.

In spiritu Dei aliquando significari Patrem, sicut illud: Spiritus Domini super me, &c. Dub. II.

Videtur male dicere, quia Hieronymus dicit ibi in Glossa, quod de illo spiritu intelligitur de quo dicitur: Requiescet super eum: & constat quod ibi accipitur pro persona Spiritus sancti. Item hoc videtur alia auctoritate, quia alius Evangelista dicit: Si in digito Dei eiicio daemones. Glossa exponit digito pro Spiritu sancto, qui est tertia in Trinitate persona.

R E S P. quod istae rationes non concludunt contrarietates, quia vna scriptura pluribus modis potest exponi. Nam in illa auctoritate in qua dicitur: Spiritus Domini super me, &c. agitur de missione filij: & quoniam filius potest intelligi missus secundum diuinam naturam, & sic intelligitur (proprie loquendo) missus a Patre solum, ideo Spiritus Domini, stat ibi pro Patre. Si autem intelligatur de missione secundum humanam naturam, sic intelligitur de Spiritu sancto, propterea est tertia in Trinitate persona. Similiter intelligendum de auctoritate sequenti quod potest intelligi utroque modo, sed tamen spiritus accipitur aliter & aliter.

In aliquo differt Christi, & Dei natura, ne eadem sit, si præsari potest, ut spiritus qui Dei est, non sit etiam Christi. Dub. III.

Videtur sic male dicere, quia argumentum hoc non valet: Filius est filius Patris, & non Spiritus sancti, ergo differt natura Patris & Spiritus sancti: ergo cum Spiritus dicat personam, argumentum illud non valet quod fecit Hilarius.

RESP. Potest dici quod Hilarius loquitur de spiritu secundum quod nominat naturam, sic autem non habet instantiam suum verbum. Nihilominus tamen si intelligatur de spiritu prout dicitur personaliter, adhuc veritatem habet: nam cum verbum non possit esse sine spiritu, tunc haberent Pater & suum verbum duos spiritus, ita non essent unius naturæ. Præterea si spiritus Patris non esset Filij, non oriretur à Christo: & si non procederet ab eo, non distingueretur originaliter, ergo essentialiter: sed spiritus Dei & Deus sunt unum essentialiter, ergo oportet quod spiritus & Deus essentialiter differrent, siue distinguerentur.

Non idem est natura quod res natura: hanc sententiam intelligit Hilarius solum in creaturis. Dub. IV.

CONTRA: Videtur illa solutio non esse conueniens: quia Hilarius loquitur de spiritu Dei prout significat naturam, & rem naturæ: quod si nulla est differentia, nullam deberet vim facere ut videtur: quod si facit vim in spiritu, prout significat naturam & rem naturæ, ergo videtur distinctio inter huiusmodi facienda.

RESP. Dicendum, quod cum dicitur ab Hilario: aliud est natura, aliud res naturæ, aut intelligitur de aietate à parte rei, sic illi hæretici intelligebant, & sic habet veritatem solum in creaturis. Alio modo potest dicere aietatem, siue differentiam secundum rationem, & sic habet veritatem in diuinis, & sic intelligit Hilarius, & dicit Augustinus quod aliud est esse Patrem, aliud esse Deum: non, inquam, aliud secundum rem, sed aliud secundum rationem significandi, & intelligendi, & se habendi.

Utrum ita valeat sane, &c. Dub. V.

Innit hic Magister quod non debet dici: Tres personæ unius Dei, quia nihil est in Trinitate creatum, vel seruiens, vel subiectum. Videtur hoc male dicere, quia genitiuus de sui ratione non importat subiectionem nec dominium, ergo non videtur sufficiens ratio. Si dicas quod hoc venit à parte termini, nihil est, quia terminus de se non importat respectum domini. Item quæritur, quare hoc nomen *essentia*, non importat superexcellenciam in genitio, sicut hoc nomen *Deus*. Item, quare non dicitur: Tres personæ essentia, sicut unius essentia.

RESP. Dicendum quod ad hoc quod genitiuus vere construat & proprie, necesse est aliquam habitudinem importari, vel secundum rem, vel secundum modum intelligendi. Genitiuus autem importat habitudinem principij iati ad principium, vel econuerso, ut possidentis ad possessum, vel formæ ad formatum, vel specificantis ad specificatum: habitudinem autem formæ non importat nisi cum termino abstracto: quod significat per modum formæ, & quoniam forma se habet per modum exprimentis & declarationis, ideo talis constructio non attenditur nisi cum genitio nominis abstracti alio determinato. Vnde conuenienter dicitur mulier egregiæ formæ, sed nihil est dictum mulier formæ, ideo bene dicitur: Tres personæ unius essentia: Deus autem non est nomen abstractum, ideo construitur cum genitio in habitudine subiecti, ut forma Dei: vel in habitudine specificantis, ut persona Dei, sicut creatura salis: vel in habitudine principij, ut creatura Dei. Et quoniam quando dicitur: Tres personæ unius Dei, nulla habitudinem

A importatur proprie, nisi habitudo principij siue possessoris. Hinc est quod cum in illo sensu sit falsa locutio, non est recipienda. Alia ratio est ista, quia locutio quæ est in vi declarationis essentia conuertitur, ut cum dicitur mulier egregiæ formæ, potest dici egregia forma mulieris: ergo si diceretur: Tres personæ unius Dei, diceretur unus Deus trium personarum, & iste intellectus non est sanus, ut videtur: sic enim posset intelligi, sicut si dicitur unus Deus trium hominum.

Sed quia ibi est perfecta potentia, &c. Dub. VI.

Innit Magister quod in istis tribus consistit summum bonum, scilicet potentia, sapientia, bonitate. Contra: Videtur hoc male dicere, quia summum bonum specificat bonum: ergo si bonitas distinguitur contra potentiam & sapientiam, pari ratione summum bonum. Item non videtur in his tribus esse, quia summum bonum est aggregatum omnium bonorum & collectivum: ergo non tantum horum trium.

RESP. Dicendum quod vno modo distinguitur contra sapientiam & potentiam, alio modo non. Si enim accipitur pro bonitate moris, sic consistit in voluntate, & distinguitur contra alia duo. Si autem bonum accipitur communiter, sic complectitur omnia: est enim bonum naturæ, & hoc ad potentiam, & bonum gratiæ: & hoc aut perficit intellectum, & ita est scientia: aut affectum, & ita bonitas, & hæc tria complectitur bonum in sua vniuersalitate, & summum in sua integritate: quoniam ergo omne bonum ad hoc reducibile est, ideo summum bonum in his tribus consistit.

Ideo occurrit scriptura, &c. Dub. VII.

Innit Magister quod scriptura appropriat Patri potentiam, ne videatur minus potens. Contra: Videtur hoc plus debere dici de filio quod minus potens est, cum fuerit passus & mortuus: ergo magis debere ei potentia appropriari.

RESP. Dicendum quod quia propter passionem visus est fecisse stultitiam, & habuisse impotentiam, propter quod Iudæis prædicatio crucis erat in scandalum, & Græcis in stultitiam: ideo ipse Apostolus egregius doctor non tantum sapientiam appropriat Christo, immo etiam virtutem, ut sic excludat à diuinitate infirmitatem: & maluit ei appropriare virtutem quam potentiam, quia virtus dicit potentiam ultimam, & summum de potentia, sicut vult Philosophus quod virtus est ultimum de potentia, ideo maluit ei appropriare virtutem, nec est inconueniens ex diuersis considerationibus idem modo appropriare vni, modo alij, cum æqualiter conueniat tribus, vnde Patri attribuimus potentiam, ne videatur impotens propter antiquitatem: Filio virtutem, ne videatur impotens siue debilitatus propter assumptam humanitatem. Nihilominus tamen facienda est vis inter potentiam, & virtutem, sicut dictum est dist. 32.

ARTICVLVS I.

E AD intelligentiam præsentis distinctionis quatuor quærentur. Primo quæritur, utrum in diuinis sit ponere additionem. Secundo utrum in diuinis sit ponere prædicationem. Tertio, utrum sit ponere appropriationem. Quarto, utrum sit ponere translationem.

QUESTIO I.

An in diuinis res natura, addat supra naturam.

Richardus 1. Sent. dist. 34. q. 2.

Steph. Brulef. 1. Sent. d. 34. q. 1.

Petrus de Tarentais. 1. Sent. dist. 34. q. 2.

Vtrum sit ponere in diuinis additionem. Vtrum scilicet res natura addat supra naturam: & quod Ad oppositum. Lib. 8.

sic,

sic, videtur hoc modo: Hilarius in Trinitate, ait: Aliud A est natura, aliud res naturæ: sed intellectus naturæ clauditur in re naturæ: ergo si est aliud, necesse est quod in ratione alicuius additi.

2. ITEM Boët. de duabus naturis & vna persona Christi: Natura & persona distinguenda sunt, & propriis nominibus separanda: sed quorum diffinitiones sunt diuersæ, ipsa sunt diuersa: ergo cum natura cadat in diffinitione personæ, necesse est quod diuersitas veniat à ratione additi: ergo, &c. Si dicas quod diffinitiones naturæ, & personæ non sunt diuersæ re, sed secundum rationem intelligendi, tunc concluditur quod intellectus ille cassus est & vanus, cum in re sibi nihil respondeat.

3. ITEM hoc videtur ratione, quia quanto aliquid in pluribus inuenitur, tanto simplicius est: sed essentia vel natura est in pluribus, persona vero in vno solo: ergo natura simplicior: sed non est aliquid minus simplex quam aliud, nisi per aliquam additionem: ergo, &c.

4. ITEM quanto aliquid est maioris abstractionis, tanto simplicius est: sed natura est maioris abstractionis quam persona, quoniam abstractis proprietatibus est intelligere naturam, sed non personam: ergo persona addit supra naturam: ergo, &c.

5. ITEM hoc est principium per se notum: De nullo eodem, & secundum idem vera est affirmatio & negatio: sed aliquid vere affirmatur de persona, vt distingui, quod negatur de natura: ergo non secundum idem: ergo in persona aliquid est quod non est natura, vel econuerso: etsi hoc, ergo vnum addit supra alterum.

6. ITEM hoc est principium per se notum: Quæcunque sunt eadem vni, & eidem secundum omnimodam indifferentiam, etiam inter se sunt eadem: cum ergo natura sit eadem & vna, si personæ omnino idem sunt cum natura, & nihil addunt: ergo personæ ad inuicem sunt eadem, & sic redit error Sabellij quod vna personæ secundum rem sit alia: ergo, &c.

CONTRA: Non est aliud Deo esse, & aliud personam esse: ergo personam nihil addit supra esse: ergo nec supra naturam.

ITEM in summe simplici nulla potest esse additio: sed diuina persona siue res naturæ est summe simplex: ergo, &c.

ITEM quæcunque duo sic se habent, quod quidquid est in vno, est alterum per essentiam, vnum nihil addit super reliquum: sed quidquid est in persona est deitas: ergo, &c. Maior manifesta est, minor patet sic. In persona non est nisi substantia, & proprietas, & substantia illa est deitas, quia est Deus, & Deus non alio quam seipso, quia tunc esset per participationem: ergo seipso est Deus & deitate est Deus, & substantia quæ est de intellectu personæ, est ipsa natura per essentiam, & similiter proprietas est essentia, vt supra probatum est. Restat ergo primum, quod nihil addit.

ITEM si addit, aut addit aliud, aut idem. Addere idem sibi, non est intelligibile. Si aliud: aut ergo aliud substantialiter, aut accidentaliter. Non accidentaliter, quia non est accidens in diuinis. Nec substantialiter, quia tunc essent diuersæ ibi substantiæ. Ergo natura secundum essentiam differret à persona, & hoc est manifeste falsum.

ITEM: Si addit aliquid, aut illud est materiale, aut formale. Non materiale, quia Deus est purus actus. Non formale, quia formale non est, nisi respectu materialis. Ergo cum in Deo non sit aliquid materiale, non poterit addi aliquid formale: ergo nullo modo.

ITEM si aliquid addit supra diuinam naturam, aut est melius diuina natura, aut æquale, aut minus. Non melius, constat. Etiam non minus, quia tunc esset creatura. Non æquale, quia nihil potest æquari diuinæ naturæ: ergo omnino nihil.

CONCLUSIO.

Persona, siue res natura nihil omnino addit secundum rem supra naturam, licet secundum modum intelligendi aliquid ultra dicat persona, quod non dicit natura.

RESP. Dicendum quod cum quæritur vtrum persona, siue res naturæ addat aliquid supra naturam, respondendum est quod est loqui de additione dupliciter, aut quantum ad rem, aut quantum ad intellectum. Si quantum ad intellectum, cum intellectus huius nominis persona siue hypostasis, siue rei naturæ includat intellectum naturæ, adhuc tamen dat intelligere aliquid quod necessario est, compositio circa intellectum, & additio. Et hoc patet: Persona enim dicitur suppositum rationalis naturæ distinctum proprietate. Ecce intellectus personæ ex pluribus intellectibus componitur, & cadit ibi intellectus naturæ: ergo constans est, quod quantum ad intellectum addit persona supra naturam. Iste autem intellectus falsus non est, quia nec naturam per illam additionem distinguit, nec componit personam. Non distinguit naturam, quoniam etsi addat supra intellectum naturæ proprietatem, non tamen addit in recto, vt intelligas personam esse naturam proprietate distinctam: sed in obliquo est intelligendum personam esse suppositum rationalis naturæ distinctum, siue quod est hypostasis distincta, & ideo non ponit distinctionem circa naturam, nec intelligit eam distingui. Rursus, personam non componit, nec aliquid ei quod non sit in ipsa imponit: & hoc patet, quia intellectus sanus & fidelis intelligit, & credit personam esse simplicissimam, intelligit eam nihilominus esse perfectissimam. Vnde sicut circa essentiam propter hoc quod perfectissima est, intelligit omnes condiciones nobilitatis & vere, quia ibi sunt, & tamen illas condiciones quamvis intelligat vt multas, scilicet potentiam, sapientiam, bonitatem, cum credat & sciat omnia hæc in Deo vnum esse, intellectus nec est falsus, nec vanus, quia non ponit in Deo quod non sit, nec componit Deum. Per hunc modum se habet circa intellectum personæ. Vnde ipsam dicit simplicem, quia quamvis in ipsa dicat naturam esse & vere naturam, & suppositum quod est vere suppositum, & proprietatem quæ vere est proprietas, tamen dicit hæc omnia esse vnum, & vnum esse alterum: re ergo existente simplicissima vere est additio, & compositio circa intellectum sine vanitate & falsitate. Si autem loquamur à parte rei, sic dicendum, quod cum additio ex parte rei ponat compositionem, & diuina persona simplicissima sit, quod impossibile est omnino quod ibi sit aliqua additio, & ita secundum rem nihil addit res naturæ supra naturam. Sed tamen videtur illud non intelligibile, quod persona sit distincta secundum rem, & essentia non: & cum hoc nulla est additio, & nulla differentia secundum rem inter personam, & naturam. Et ad hoc qualitercunque intelligendum, cum hoc sit supra vires humani intellectus, notandum sicut vult Richar. quod est distinctio per qualitatem, & distinctio per originem. Distinctio per qualitatem est in creaturis, nec potest esse sine additione, quia hæc distinctio habet ortum ex additione materiæ ad formam. Distinctio autem per qualitatem dicitur, quia vnus distinguitur ab alio per proprietates absolutas, vt patet cum vnus est albus & alter niger. Distinctio per originem, est cum vnus producit, & alter producit. Et quemadmodum dist per qualitatem vera distinctio est, & secundum rem, ita dist per veram originem vera est distinctio. Sicut enim vnus non potest simul esse albus & niger, ita non potest vnus, & idem producere seipsum. Quoniam ergo in diuinis intelligitur esse vera origo, ideo intelligitur ibi esse vera distinctio. Rursus, cum intelligo Patrem producere, intelligo ipsum seipso producere, sicut cum intelligo diuinam substantiam agere, intelligo ipsam seipsa agere: pari ratione & filium seipso produci: ergo productio nihil addit. Similiter non ponit aliquam compositionem circa filium: ergo

cum ubi est vera origo, ibi sit vera distinctio: & origo intelligitur ibi esse sine additione, & distinctio sine additione intelligitur ibi esse. Quamvis autem persona siue res naturæ non se habeat ad naturam per additionem, tamen nihilominus differt secundum rationem, alioquin non esset intelligibile, quod plurificaretur persona natura existente vnica. Differentia autem secundum rationem est, quia essentia non oritur ab essentia, nec se habet ad aliam essentiam, sed persona bene oritur à persona, & se habet ad illam. Si tu quæras rationem huius. Respondeo, quia vnitas & nobilitas diuini esse non admittit circa essentiam plurificationem, sicut circa personam, & huius ratio tacta est supra dist. 9. Quoniam ergo modus se habendi ad alium, & oriendi ab alio, non ponit compositionem in persona secundum rem, sed distinctionem realem ab alia persona: ideo modus ille comparatus ad essentiam, vel personam cuius est, modus tantum est: comparatus vero ad illum ad quem est, cum faciat distinctionem secundum rem, vere res est: & ita vno modo facit differre re, alio modo ratione. Hinc est quod quamvis vna persona non sit alia, tamen res naturæ est natura. Patet ergo quod ista sunt compossibilia, quod persona simplex sit, & nihil addat supra naturam, nec differant nisi ratione: & tamen hæc est communicabilis, scilicet natura: illa incommunicabilis, scilicet persona: hæc distincta, illa indistincta. Concedendæ ergo sunt rationes probantes quod persona, siue res naturæ nihil omnino addat secundum rem supra naturam.

1.2. AD illud quod obiicitur quod aliud est res naturæ, aliud natura, & similiter quod aliam habent rationem persona & natura, potest dici, quod Boëtius & Hilarius loquuntur in creaturis. Si autem intelligamus in Deo, tunc dicemus, quod est diuersitas rationis quæ fundatur non super absolutum, sed super respectum, quod nullam inducit compositionem. Nam essentia non refertur, persona autem refertur & oritur, nec tamen est composita, quia ipsa est suus respectus.

3. AD illud quod obiicitur quod simplicius est quod in pluribus reperitur, dicendum quod reperiri in pluribus, hoc est dupliciter. Aut ita quod vnum illorum alicubi potest esse ubi non est alterum, vt homo est in pluribus hominibus, & sic habet propositio veritatem. Aut ita in pluribus quod vnum non est sine alio, & sic est in personis, nam vna non est sine alia, & sic non habet veritatem. Nam sicut natura est semper, & vbique, ita & persona, & sic patet quod nihil addit, à quo ardetur.

4. AD illud quod obiicitur quod maioris est abstractionis, &c. dicendum quod illud habet veritatem, ubi illud à quo abstrahitur, aliquam facit compositionem cum eo quod abstrahitur, sic autem non est in Deo.

5. AD illud quod obiicitur quod affirmatio & negatio non est simul vera de eodem, dicendum quod quantumtuncque differentia rationis sufficit ad affirmationem, & negationem. Vnde intelligenda est propositio de eodem, re & ratione, & persona aliquo modo differt à natura, licet non per additionem realem.

6. AD illud quod obiicitur quod quæcunque sunt eadem vni & eidem, inter se sunt eadem, &c. Dicendum quod illud fallit ubi est conuenientia plurium tanquam in communi, vt differentiarum in genere. Fallit etiam ubi aliqua plura distinguuntur per suas origines, vt radij diuersarum stellarum in vno puncto aeris vniuntur, & tamen ad inuicem distinguuntur. Quoniam ergo diuinæ personæ in natura conueniunt tanquam in vno communi: & personæ distinguuntur ad inuicem per originem, ideo patens est quod non valet. Potest tamen dici quod regula ubique vera est si sane intelligatur. Propter quod notandum quod quædam sunt absoluta, quædam respectiua. Diuersitas autem in respectiuis venit non tantum à parte subiecti, verum etiam rei ad quam referuntur, in his non tenet regula nisi intelligatur ad idem. Quoniam ergo personæ per suas proprietates referuntur, quamvis vnum sint in natura, quia tamen non sunt ad vnum, ideo non sequitur quod sint idem, & sic patet illud.

QVÆSTIO II.

An in diuinis persona prædicetur de natura: & natura de persona.

S. Thom. 1. p. q. 39. art. 3.

Richard. 1. Sent. dist. 34. q. 1.

Agid. Rom. 1. Sent. dist. 34. q. 1.

Steph. Brulef. 1. Sent. dist. 34. q. 2.

Petrus de Tarentasia. 1. Sent. dist. 34. q. 3.

VT RVM in diuinis sit ponere prædicationem, scilicet vt res naturæ, siue persona prædicetur de natura, vel econuerso. Et quod non, videtur per Boët. in lib. de Trin. Deus est forma sine subiecto: sed ubi non est subiectum, non est prædicatum: ergo, &c.

2. ITEM Dionysius dicit quod negationes de Deo sunt veræ, affirmationes vero incompactæ: sed ubi est vere aliquid de aliquo prædicare, est & vere affirmare: sed in Deo non contingit vere affirmare: ergo, &c.

3. ITEM hoc ipsum videtur ratione: quia vbicumque est prædicatio, ibi est complexio: ergo & compositio: sed in Deo nulla est complexio: ergo & nulla compositio: ergo & nulla prædicatio.

4. ITEM in omni prædicatione subiectum se habet ad modum materiæ: sed in diuinis nec est reperire materiam, nec modum materiæ: ergo nec prædicationem.

5. ITEM si est ibi prædicatio: aut prædicatur idem de eodem, aut aliud de alio. Si idem de eodem: nullus ex hoc capitur intellectus alius, quam si non esset prædicatio, vt patet cum dicitur: homo est homo. Si aliud de alio: ergo in diuinis est aliud, & aliud: ergo compositio.

6. ITEM si est ibi prædicatio, aut prædicatur res naturæ de natura, aut econuerso. Res naturæ non potest prædicari de natura: quia res naturæ se habet per modum suppositi: ergo eius est subiici, non prædicari: ergo si prædicatur, tunc ergo natura de re naturæ.

SE D contra: Natura est forma, sed omnis forma dicitur relative ad informatum: nullum autem relatiuum dicitur de suo correlatiuo: ergo natura non prædicatur de re naturæ: ergo non est prædicatio.

7. ITEM quæ habent oppositas proprietates, vnum non prædicatur de altero, sed essentia vel naturæ proprietas est communicabilitas, personæ vero incommunicabilitas: ergo vnum de altero non prædicatur, nec vna persona de altera: constat ergo ibi nullam esse prædicationem.

CONTRA per Damascenum: Substantia de hypostasis prædicatur.

ITEM ratione videtur: quia fides habet obiectum verum, & habet obiectum Deum: ergo verum est ponere in diuinis: sed falsitas & veritas circa compositionem sunt: veritas, inquam, circa quam est credulitas vel opinio: ergo in diuinis est ponere compositionem: ergo & prædicationem.

ITEM vbicumque est vere commune & proprium, ibi est vere ponere prædicationem: sed in diuinis est vere reperire commune & proprium, quia natura vere est communis: & persona, proprium siue incommunicabile: ergo, &c.

ITEM hoc verbum. Est, est nota identitatis, sed omnis prædicatio est mediante hoc verbo, est: ergo omnis prædicatio signum est identitatis: sed ubi vere est significatum, vere est & signum: sed in Deo propriissime & verissime est identitas, sicut probatum est, quia res naturæ non addit supra naturam: ergo propriissime prædicatio. Et hoc est quod dicit Boëtius, quod nulla est prior prædicatio illa, in qua idem de se prædicatur: si ergo hoc est in diuinis: ergo omnes prædicationes in diuinis sunt verissimæ.

Ad oppositum.

Boët. de Trin. circa finem.

Dion. de celest. hier. c. 1. Et de Myst. Theol.

† Arist. 1. Perihorm.

Replic.

Fundamēta. Lib. de orib. fid. c. 4.

1. Perihorm.

† Huius prædicationis meminit Arist. 1. Topi. de 4. prædic. in f.

CONCLV

CONCLUSIO.

Prædicatione identica, persona prædicatur de natura: hac enim est vera: Pater est essentia, & vice versa: formali vero, commune de proprio.

RESP. Ad Arg. Dicendum quod est prædicatio per identitatem, & est prædicatio per inhærentiam: & utramque est in Deo reperire. Per inhærentiam, ut cum dicitur: Pater generat, vel Deus creat. Per identitatem, ut cum dicitur: Pater est generatio, vel Deus est creatio. Prædicationem autem per identitatem, est reperire in Deo propriissime, propter ipsius rei qualitatem, quoniam ibi est summa identitas: unde omnes locutiones importantes unitatem, ibi sunt verissime. Prædicationem autem per inhærentiam est ibi reperire propter intellectus nostri defectibilitatem. Quoniam licet actus in diuinis sit Dei substantia & ipsa proprietas etiam, tamen quia intellectus noster intelligit per res inferiores, & enuntiat per vocabulum rerum inferiorum, tenet modum annuntiandi quem habet circa inferiora: & ideo prædicat per modum inhærentiæ, quamvis omnia quæ in Deo sunt realiter habeant modum substantiæ. Intellectus tamen iste non est falsus: quoniam quemadmodum intellectus abstrahens lineam à materia non est falsus, quia modum illum non ponit circa rem, sed circa suum intelligere: similiter intellectus noster in diuinis compositionem non ponit circa rem, sed circa suum intelligere, & suum exprimere. Quamvis enim in Dei sit summa simplicitas, tamen exprimi non potest nisi per compositionem, & ideo bene dicit Augustinus quod verius est Deus, quam cogitatur: & verius cogitur, quam dicitur. Nam etsi intellectus aliquo modo per intelligentiam ascendat ad contuitum simplicitatis: non tamen potest hoc exprimere voce simplici, sed composita.

1. AD illud ergo quod obiicitur quod in Deo non est subiectum, dicendum quod verum est quantum ad rem, est tamen quantum ad modum intelligendi, siue enuntiandi.

2. AD illud quod obiicitur quod affirmationes sunt incompactæ, dicendum quod hoc dicitur, quia nullum nomen exprimit diuinam essentiam, sicut est, omnino. Vel dic, quod in affirmatione notatur identitas: & hæc vere est in Deo à parte rei, & est compositio: & respectu huius est incompactio, quia nulla est ibi realis compositio.

3. AD illud quod obiicitur de compositione, vel complexione, dicendum quod illa complexio in sermone significat compositionem in intellectu, sed unitatem in re.

4. AD illud quod obiicitur quod modus materiæ non cadit in Deo, dicendum quod verum est, quia non cadit modus materiæ, ut ex qua: modus autem, ut de quo, & in quo, bene addit.

5. AD illud quod obiicitur: Aut idem prædicatur de eodem, dicendum quod aliquando idem est re, diuersum tamen secundum rationem intelligendi, & dicendi, ut bonitas, & substantia. Aliquando idem secundum substantiam, diuersum secundum modum se habendi, ut persona est substantia, siue relatio est substantia, & Deus generat: & ideo aliquis intellectus capitur ex complexione, qui non capitur ex simplici voce.

6. AD illud quod queritur, utrum res naturæ prædicetur de natura, dicendum quod prædicatione per identitatem utrumque de altero prædicatur: nec est prædicatio ratione formæ, nec ratione materiæ: si autem per inhærentiam. tunc commune prædicatur de proprio, ut Pater est Deus. Quod ergo obiicitur quod natura est forma, respondeo quod forma vno modo dicitur relatiue ad informatum, & sic non est accipere in Deo. Alio modo absolute, quod caret materia, & sic est in Deo, & sic pa-

ter illud. Aliter potest dici quod dici relatiue est dupliciter, vel secundum esse, vel secundum dici. Secundum dici, ut videns ad visum, & intelligens ad intellectum, & sic vnum de altero prædicatur. Secundum esse, ut Pater ad Filium: & sic non prædicatur. Natura enim non dicit respectum ad personam secundum esse, sed secundum dici, & talis respectus importatur, cum dicitur quod natura est forma respectu rei naturæ, hinc est quod dicitur ratione illius respectus, tres personæ vnius essentia vel naturæ, & vna natura trium personarum, non tamen dicitur: Tres personæ vnius Dei. Nam hoc nomen, Deus, non importat respectum secundum dici ad personam, sed solum ad creaturam. Ideo dicitur Deus Abraham, Isaac, & Iacob.

7. AD vltimum dicendum quod communicabilitas & incommunicabilitas non sunt oppositæ proprietates: sed sic differunt, sicut habere proprietatem, & non habere. Quia enim persona habet proprietatem relatiuam: ideo distinguitur, & est incommunicabilis: sed quia essentia caret illa proprietate: ideo communis est, & communicabilis pluribus: & ideo non distinguitur ad inuicem. Vel potest dici quod communicabilitas non est proprietas distinguens etiam in creaturis. Unde quamvis homo sit commune, & Petrus proprium, non tamen impeditur quin homo dicatur de Petro: quanto magis in Deo. Illa autem propositio intelligitur de proprietatibus separantibus, & distinguentibus illa in quibus sunt, ab inuicem.

QVÆSTIO III.

An in diuinis sit ponere appropriationem.

Richardus 1. Sent. dist. 34. art. 2. q. 1.

Steph. Brulef. 1. Sent. d. 34. q. 3.

Petrus de Tarentas. 1. Sent. dist. 34. q. 5.

Et alij supra citati dist. 31. p. 2. art. 2. q. 3.

Verū in diuinis sit ponere appropriationem. Et quod sic, videtur, quia per communia est deuenire ad intellectum propriorum, sicut patet quod per memoriam, intelligentiam, & voluntatem venit in cognitionem Trinitatis: similiter per unitatem, per veritatem, & bonitatem in quibus consistit ratio vestigijs, sed non deuenitur à communibus ad propria, nisi communia aliquo modo approprientur, cum ergo sit deuenire in diuinis per communia ad cognitionem proprij: est ibi appropriatio. Ad hoc est auctoritas sacre Scripturæ, quæ appropriat communia personis, ut potentiam Patri, sapientiam Filio, & bonitatem Spiritui sancto.

1. SED contra: Sicut se habet proprium ad commune, ita commune ad proprium: sed proprium non potest communicari nisi falso: ergo nec commune appropriari: sicut ergo proprium Patris nunquam aliis sit commune, sic nec commune proprium.

2. ITEM appropriatio in diuinis, aut est secundum rem, aut secundum intellectum. Si secundum rem, tunc ubi est appropriatio secundum rem, aliquid per prius dicitur de illo cui appropriatur: ergo in diuinis est prius, & posterius quantum ad essentialia, quod est inconueniens. Si secundum intellectum, cum intellectus illi appropriatur, cui magis iudicat conuenire: ergo cum magis iudicet intellectus inesse sapientiam patri tanquam antiquiori, illi debet appropriari: sed appropriatur in contrarium: ergo appropriatio est contra intellectum, non ergo attenditur secundum intellectum.

3. ITEM ubi est appropriatio, prius est secundum rationem intelligendi proprium quam appropriatum: ratio enim appropriationis per prius est in proprio: ergo cum appropriatum sit commune, secundum rationem intelligendi, prius erit proprium quam commune, quod est inconueniens.

CONCLUSIO.

Communia quæ in diuinis reperiuntur quantum ad id quod significant, uni non sunt appropriabilia persona: quo vero ad eorum ordinem propter quandam conuenientiam uni persona possunt congrue appropriari.

RESP. Ad arg. Dicendum quod de appropriatis est loqui dupliciter. Aut quantum ad id quod significant: aut quantum ad ordinem quem connotant. Si quantum ad significatum, cum illud sit commune, & omnibus conueniat personis per indifferentiam, non conuenit appropriari ratione sumpta à parte rei, appropriatur tamen ratione sumpta à parte intellectus nostri, propter errorem amouendum. Quoniam enim intellectus carnalis in patre carnali videt defectum potentie, & in filio defectum sapientie, & in Spiritu intelligit furorem iracundie: ideo spiritualis intellectus, ut eleuet à carnalitate, potentiam Patri attribuit, quamvis non magis conueniat ei: sed ne minus videatur conuenire, & sic de aliis. Si autem loquamur quantum ad ordinem, vel origi- em quem connotant, sic appropriantur à parte rei propter conuenientiam cum propriis personarum: Vnde quia Pater à nullo est, & Filius à Patre, & Spiritus sanctus ab utroque: & huiusmodi ordo attenditur in potentia, & sapientia, & bonitate: ideo patet ratio appropriandi. Vnde illa quæ non connotant aliquo modo ordinem, vel originem, non sunt appropriabilia.

1. **AD** illud quod ergo obiicitur quod proprium non communicatur: ergo, &c. dicendum quod non est simile, quia ex hoc quod commune appropriatur, non attribuitur nisi ei cui conuenit: sed si proprium fiat commune, tunc attribuitur ei cui non conuenit: & ideo non est simile.

2. **AD** illud quod queritur, utrum appropriatio sit secundum rem, vel secundum intellectum, dicendum quod per hoc quod est, *secundum*, potest dici vis appropriatiua, siue principium approprians, vel potest hoc quod est, *secundum*, importare rationem appropriandi. Si primo modo, sic cum appropriare sit virtutis cognoscens, sic appropriatio est secundum intellectum nostrum. Si autem, *secundum*, dicat rationem appropriandi, sic vno modo est secundum rem, scilicet quantum ad ordinem connotatum: alio modo secundum intellectum quantum ad significatum. Vnde intellectus appropriatur propter intellectum: sed non idem intellectus propter se: sed intellectus sanus, & fidelis, propter intellectum carnalem, non ut cum eo concordet, sed ut ei obuiet. Et ideo cum intellectus carnalis credat parum de potentia in Patre, spiritualis appropriat ei potentiam. Nec tamen intellectus est falsus: quia non intelligit plus esse de potentia in Patre, minus in Filio. Si autem potentia appropriaretur Filio, tunc intellectus carnalis plus crederet esse in Filio: & ideo falsus est, & sic patet illud.

3. **AD** ultimum, dicendum quod appropriatum secundum id quod est, prius est secundum rationem intelligendi, quam proprium: appropriatum autem sub hac intentione, consequitur rationem proprii, & hoc nullum est inconueniens.

QVÆSTIO IV.

An in diuinis sit ponere translationem.

Egid. Rom. 1. Sent. dist. 34. p. 2. q. 1. & 2.

Richardus 1. Sent. dist. 34. art. 3. q. 1. & 2.

Steph. Brulef. 1. Sent. dist. 34. q. 4.

Petrus de Tarantaf. 1. Sent. dist. 34. q. 3.

Vtrum in diuinis sit ponere translationem. Et quod sic, videtur per Ambros. in lib. de Trinitate: Sunt nomina quæ translatiue, & per similitudinem de Deo dicuntur.

A ITEM per Dionysium de diu. nominibus: Theologi tanquam innominabilem Deum laudant & omni nomine: sed hoc non potest esse nisi per translationem: ergo in diuinis est ponere translationem.

ITEM hoc videtur ratione, quia sacra Scriptura dicit Deum irasci, & dolere: sed hoc non potest dici proprie: ergo necesse est quod dicatur translatiue: sed inter omnia quæ contingit nominare, dolor, & ira maxime distant à Deo: ergo si hæc contingit transferre, & omnia alia nomina.

ITEM per quæ contingit rem intelligere, contingit & significare: & quæ contingit significare, contingit & nominare: sed per omnia creata contingit Deum intelligere: ergo & nominare.

1. **S**ED contra: Omnes transferentes secundum aliquam similitudinem transferunt: sed Dei ad creaturam nulla est similitudo, cum sit summa distantia: ergo, &c.

2. **ITEM** similitudo est relatio æquiparantie: ergo si propter similitudinem contingit nomina naturarum transferre ad Creatorem, pari ratione & econuerso: sed alia non transferuntur: ergo nec ista.

3. **ITEM** similitudo est ratio translationis: ergo nomina rerum magis Deo similia, magis debent ad Deum transferri: talia autem sunt nomina Angelorum: ergo illa transferuntur: queritur ergo quæ nomina debeant transferri, & quæ non.

CONCLUSIO.

Ut laudibus Deum possimus extollere, atque ad Dei cognitionem promoueamur, necessaria sunt nobis translationes ad diuina.

RESP. Ad arg. Dicendum quod ratio, vel finis translationis duplex est. Vna in qua est laus Dei: alia manu- ductio intellectus nostri. Propter laudem Dei, necessaria est translatio. Et quoniam Deus multum est laudabilis, ne propter inopiam vocabulorum contingeret cessare à laude, sacra Scriptura docuit nomina creaturarum ad Deum transferri: & hoc in numero indefinito, ut sicut omnis creatura laudat Deum, sic Deus laudetur ex omni nomine creaturæ: & qui non poterit vno nomine laudari, tanquā superexcellens, omne nomen, laudaretur ex omni nomine. Alia ratio est manu- ductio intellectus nostri. Quia cum per creaturas ad cognoscendum Creatorem venimus, ut plurimum, fere omnes creaturæ habent proprietates nobiles, quæ sunt ratio intelligendi Deum, ut Leo fortitudinem, Agnus mansuetudinem, Petra soliditatem, Serpens prudentiam, & consimilia: ideo oportuit plura nomina transferri ad Deum. Quoniam ergo finis imponit necessitatem his quæ sunt ad finem, cum translatio sit ad laudem Dei: ideo nomina importantia deformitatem non debent transferri: ut diabolus, bufo, vulpes, quia magis transferuntur ad vituperium, quam ad laudem. Rursus quia translatio est propter nostram instructionem, & similitudo incipiens à notiori, est via cognoscendi: ideo est translatio à creaturis tanquam à notioribus ad Creatorem: sed non conuertitur: & quia magna similitudo mater est falsitatis, ideo non transferuntur nomina multum similia, sicut sunt nomina Angelorum, ne forte Angelus credatur esse Deus. Per hoc patet quod translatio est in diuinis quantum ad nomen multifor- mitatem, ratione cuius dicitur Deus omninominalis, & patent omnia præter primum.

1. Quod enim obiicitur quod nulla est similitudo, quia summa est distantia, dicendum quod si non est similitudo per vnius naturæ participationem, est tamen similitudo secundum analogiam, & habitudinem, & hoc in comparatione ad effectus. Sed de hoc magis alibi habitum est.

Dion. de diu. nom.

Ad opposi- tum. Lst. 1. Top.

Auer. 5. me. 1. 1. b. c. de simil.

DISTINCT. XXXV.

De quibusdam, quæ secundum substantiam de Deo dicuntur, quæ specialem efflagitant tractatum, scilicet, de Scientia, de Præscientia, de Providentia, de Dispositione, Prædestinatione, Voluntate, & Potentia.

QUAE supra differuerimus, ac plura dixerimus de his quæ communiter secundum substantiam de Deo dicuntur: eorū tamen quadam specialem efflagitant tractatum: de quibus modo tractandum est, id est, de Scientia, Præscientia, Providentia, Dispositione, Prædestinatione, Voluntate, & Potentia. Sciendum est ergo quod sapientia, vel scientia Dei cum sit una, & simplex, tamen propter varios rerum status, & diuersos effectus, plura ac diuersa sortitur nomina. Dicitur enim non tantum scientia, sed etiam præscientia, vel providentia. Et est præscientia, siue providentia de futuris tantum, sed de omnibus, de bonis scilicet, & de malis. Dispositio vero, de faciendis, Prædestinatio, de omnibus saluandis, & de omnibus bonis, quibus & hic liberantur, & in futuro coronabuntur. Prædestinavit enim Deus ab æterno homines, ad bona eligendo, & prædestinavit, eis bona præparando. Quod homines prædestinavit: Apostolus ostendit dicens: Prædestinavit quos præsciuit fieri conformes imaginis Filij sui. Et alibi: Elegit nos ante mundi constitutionem, ut essemus sancti, & immaculati. Quod autem bona eis præparauerit, Prophetæ Isaias ostendit dicens: Oculis non vidit Deus absque te, quæ præparasti diligentibus, vel expectantibus te. Ergo ab æterno prædestinavit quosdam futuros bonos, & beatos, id est, elegit, ut essent boni, & beati, & bona eis prædestinavit, id est, præparavit. Providentia autem est gubernandorum, quæ utique eodem modo videtur accipi, quo dispositio: Interdum tamen providentia accipitur pro præscientia. Sapientia vero, vel scientia de omnibus est, scilicet bonis, & malis, & de presentibus, præteritis & futuris, & non tantum de temporalibus, sed etiam de æternis. Non enim ita scit Deus ista temporalia, ut seipsum nesciat: sed ipse solus seipsum perfecte novit, cuius scientia comparatione omnis creatura scientia imperfecta est.

Utrum scientia, vel præscientia, vel dispositio, vel prædestinatio potuerit esse in Deo, si nulla fuissent futura.

Hic considerari oportet, utrum scientia, vel præscientia, vel dispositio, vel prædestinatio potuerit esse in Deo, si nulla fuissent futura. Cum enim præscientia sit futurorum, & dispositio faciendorū, & prædestinatio saluandorum, si nulla essent futura, si nihil esset factururus Deus, vel aliquos saluaturus, non videtur potuisse in Deo esse præscientia, vel dispositio, vel prædestinatio: potuit autem Deus nulla præscire futura: potuit non creare aliquid, vel non saluare aliquos, potuit ergo in Deo non esse præscientia, vel dispositio, vel prædestinatio. Ad hoc autem ita a quibusdam opponitur: Si inquirunt, potuit præscientia Dei non esse in Deo ab æterno, & potuit non esse: si vero potuit non esse, cū præscientia Dei sit eius scientia, & scientia sit eius essentia: potuit ergo non esse ab æterno, id quod est eius diuina Essen-

tia. Ita & de dispositione, & prædestinatione, quæ est diuina Essentia, obiciunt. Addunt quoque, & alia ita loquentes: Si potuit Deus non præscire aliqua, cum idem sit Deo præscire quod scire, & scire quod esse: potuit ergo non esse. Item, cum idem sit Deum præscire esse, & Deum esse, si potuit non esse præscius, potuit non esse Deus. Potuit autem non esse præscius, si potuit nulla præscire. At potuit nulla præscire, quia potuit nulla facere.

Responsio quod præscientia, & dispositio, & prædestinatio quæ relatiue dicuntur ad futuras res, vel ad faciendas.

Ad hoc iuxta modulum nostræ intelligentiæ ita dicimus: Præscientia, vel dispositio, vel prædestinatio ad aliquid dici videntur. Sicut enim Creator ad creaturam relatiue dicitur, ita præscientia, vel præscius ad futura referri videtur, & dispositio ad faciendā, ac prædestinatio ad saluandā. Verū tamen Creator ita relatiue dicitur ut essentiam non significet. Præscientia vero, vel præscius, & in respectu futurorum dicitur, & essentiam designat: ita etiā dispositio, & prædestinatio. Ideo, cum dicitur: Si nulla essent futura, non esset in Deo præscientia, vel non esset Deus præscius, quia varia est ibi causa dicendi, distinguere oportet rationem dicti. Cū ergo dicis: Si nulla essent futura non esset in Deo præscientia, vel non esset præscius, si in dicendo, hanc causā attendis, sc. quia nulla essent subiecta eius præscientiæ, unde ipsa possit dici præscientia, vel ipse præscius, quod utrumque, dicitur propter futura: verus est intellectus. Si autem ea ratione id dicis, quod non sit in eo scientia quæ præscit futura, vel quod ipse non sit Deus, qui est futurorum præscius, falsa est intelligentia. Similiter & illæ locutiones determinanda sunt. Potuit non esse præscientia Dei, vel potuit non esse præscius, & potuit Deus non præscire aliqua, id est, potuit esse quod nulla futura subiecta essent eius scientiæ, & ita non posset dici præscius, vel præscire, vel scientia eius, præscientia, non tamē eo minus ipse esset, vel eius scientia. Sed non posset dici præscius, vel præscire, vel præscientia, si eius scientia futura nulla forent subiecta. Similiter de dispositione, & de prædestinatione, vel providentiā. Hac enim (ut dictum est) ad temporale referuntur, & de temporalibus tantum sunt.

Quod scientia Dei non tantum est de temporalibus, sed etiam de æternis.

Scientia vero, vel sapientia non tantum de temporalibus, sed etiam de æternis est. Ideo, et si nulla fuissent futura, esset tamen in Deo scientia eadem, quæ modo est, nec minor esset, quam modo, nec maior est, quam esset. Sciuit ergo Deus ab æterno æternū, & omne quod futurum erat, & sciuit immutabiliter. Scit quoque non minus præterita, & futura quā presentia, & sua æterna sapientia & immutabili scit ipse omnia quæ sciuntur. Omnis enim ratio superna, & æterna sapientia, ut ait Ambrosius, in eo est, quia omnem sapientiam, & essentiam capit sua immensa scientia.

Quare omnia dicantur esse in Deo, & quod factum est habet vitam in eo.

Propterea omnia dicuntur esse in Deo, & fuisse ab æterno. Vnde Augustinus super Genesim: Hac visibilia, inquit, antequam fierent, non erant. Quo modo ergo nota Deo erant, quæ non erant? Et rursus: Quo modo ea faceret, quæ sibi nota non erant? non enim quidquam fe-

cit ignorans. Nota ergo fecit, non facta cognouit. Proinde antequam fierent, & erant, & non erant. Erant in Dei scientia, non erant in sui natura. Ipsi autem Deo non audeo dicere alio modo innotuisse cum ea fecisset, quam illo quo ea nouerat, ut faceret, apud quem non est transmutatio, nec vicissitudinis obumbratio. Ecce hic habes quod hac visibilia antequam fierent, in Dei scientia erant. Ex hoc ergo sensu omnia dicuntur esse in Deo: & omne quod factum est dicitur vita esse in ipso: non ideo quod creatura sit Creator, vel quia ista temporalia essentialiter sint in Deo: sed quia in eius scientia semper sunt, qua vita est.

Quod eadem ratione dicuntur omnia ei presentia.

Inde est etiam quod omnia dicuntur ei presentia B esse, non solum ea, qua sunt, sed etiam ea, qua praterierunt, & ea, qua futura sunt, secundum illud: Quia vocat ea, qua non sunt, tanquam ea, qua sunt. Quia, ut ait Ambrosius in libr. de Trinitat. ita cognoscit ea, qua non sunt, ut ea qua sunt. Et hac ratione omnia dicuntur esse in eo, vel apud eum, siue ei presentia: Unde Augustinus super illum locum Psalmi: Et pulchritudo agri mecum est, ideo, inquit, mecum est, quia apud Deum nihil praterijt, nihil futurum est. Cum illo sunt omnia futura, & ei non de- C trahuntur iam praterita. Cum illo sunt omnia cognitione quadam ineffabili sapientia Dei. Ecce hic aperit Aug. ex qua intelligentia accipienda sint huiusmodi verba, omnia sunt Deo presentia, in Deo sunt omnia, vel cum Deo, vel apud Deum, vel in eo vita, quia ineffabilis omnium cognitio in eo est.

DISTINCT. XXXV.

De Scientia Dei in generali secundum se.

Cumque supra differuerimus, ac plura dixerimus.

Expositio Textus.

Diuisio. **S** V P R A egit Magister de Sacramento Trinitatis, & Vnitatis: in hac parte agit de conditionibus, secundum quas est in Deo ratio causalitatis, quæ sunt Potentia, Sapientia, & Voluntas. Habet autem hæc pars tres partes. In quarum prima agit de scientia. In secunda de potentia, infra distinct. 42. *Nunc de omnipotentia Dei agendum est.* In tertia de voluntate, infra distinct. 45. *Iam de voluntate Dei, &c.* Prima pars habet tres. In prima agit de scientia in generali secundum se. In secunda agit de modis diuinæ cognitionis, utrum Deus cognoscat mutabiliter, vel immutabiliter, & quo modo, distinct. 38. *Nunc ergo ad propositum reuertentes.* In tertia vero agit quantum ad speciales effectus, infra distinct. 40: *Prædestinatio vero est de bonis salutaribus.* Prima pars diuiditur in tres. In prima Magister determinat de ipsa Dei scientia. In secunda, quia res agnitæ sunt in sciente per modum scientis: ideo determinat quo modo res sunt in Deo, infra distinct. 36. *Solet hic quæri, cum omnia dicantur esse in Dei cognitione.* In tertia vero incidenter determinat quo modo Deus est in rebus, infra distinct. 37. *Et quoniam demonstratum est ex parte.* Prima pars quæ continet præsentem distinctionem, tres habet partes. In prima, cum Dei scientia sit vna, determinat quo modo sortitur plura nomina. In secunda cum Dei scientia, vel præscientia sit æternitas, determinat quo modo se habeat ad temporalia, vel creatura, ibi: *Hic considerari oportet utrum scientia, vel præscientia.* In tertia cum Dei scientia sit ens, quo modo cognos-

cat nō entia, ibi: *Propterea dicuntur omnia esse in Deo, &c.* In prima parte seipsum continuans dicit quod diuina Essentia plura habet nomina propter nomina connotata. In secunda dicit quod Dei scientia esset, si nihil futurum esset, & esset scientia: sed non diceretur præscientia. In tertia ostendit, quod omnia habent rationes in Deo: per quas cognoscuntur, & sunt in ipso, & ita omnia sunt sibi præsentia, & sic patet diuisio, & sententia. Subdiuisiones enim partium manifestæ sunt in litera.

Eorum tamen quadam specialem efflagitant tractatum. Dub. I.

CONTRA: Aut enim ista efflagitant specialem tractatum, quia sunt difficilia, aut quia sunt appropriata. Si, quia sunt difficilia, alia etiam sunt difficilia, sicut simplicitas, veritas, immutabilitas. Si, quia sunt appropriata, similiter etiam vnitatis, & æqualitas.

RESP. Dicendum quod ista efflagitant specialem tractatum triplici ex causa: tum quia sunt difficilia, tum quia multa de ipsis in Scriptura sunt determinata: tum etiam: quia dicunt respectum ad creaturam, & secundum has condiciones attenditur ratio causæ in diuina natura. Ideo quia debebat facere transitum ad creaturas, siue ad creationem, & ad hæc præexigitur in causa posse: scire, & velle, quæ faciunt causam esse perfectam, ideo tractatum istum in medio collocauit inter tractatum de Trinitate, & tractatum de rerum vniuersitate: sed quia huiusmodi plus se tenent cum Deo, & à Deo, cum sint Deus: ideo tractatus iste in primo libro ponitur.

Amodo tractandum est, id est, de scientia, &c. Dub. I I.

Videtur hic male dicere, quia potentia præcedit scientiam & voluntatem: ergo male ordinat in proposito, & male in exequendo.

RESP. Dicendum quod dupliciter est loqui de istis, aut in sua generalitate, aut ut concurrunt ad vnum effectum. Si in sua generalitate, sic cum scientia sit respectu bonorum & malorum faciendorum & non faciendorum, prior est secundum rationem intelligendi, quam potentia. Et potentia cum sit respectu faciendorum & non faciendorum prior est voluntate quæ est respectu faciendorum bonorum tantum. Si autem loquamur de his prout concurrunt ad vnum effectum: sic potentia, in quantum potens, est prima: in quantum est exequens, est vltima: prius enim est posse, deinde scire, & post velle, & postremo est facere quod est ipsius potentia. Et quantum ad hunc actum Magister ponit hic vltimo loco potentiam, sed in executione considerat ordinem, secundum maiorem generalitatem, & minorem.

Sapientia vel scientia Dei, &c. Dub. I I I.

Diuerfa sortitur nomina, quæ scilicet sunt Scientia, Præscientia, Prouidentia, Dispositio, Prædestinatio. Quæritur quo modo distinguuntur hæc nomina, & videtur quod insufficiens enumeret, quia non solum est ponere in diuinis prædestinationem, verum & reprobationem.

RESP. Dicendum quod huiusmodi nomina distinguuntur sic: Diuina cognitio potest considerari aut in se, aut in comparatione ad creaturas. Si in se, aut prout dicit pure cognitionem per modum speculationis, aut prout dicit speculationem iunctam affectioni. Primo modo est scientia: secundo modo est sapientia. Vel sic, aut dicit cognitionem simplicem, aut per rationem nobilissimam, siue per causas nobilissimas, quæ ipse Deus sunt. Primo modo est scientia, secundo modo est sapientia. Si autem consideretur comparatione ad res, hoc potest esse dupliciter. Aut connotat euentum, & sic est præscientia: aut effectum, & hoc dupliciter, aut in conseruando, siue gubernando, & sic est prouidentia: aut in efficiendo, & hoc

dupli

dupliciter, aut quantum ad bonum naturæ, & sic est dispositio: aut quantum ad bonum superadditum, & sic est prædestinatio: aut quantum ad eius priuationem, & sic reprobatio. Sed quia priuatio gratiæ non est effectus, sed defectus, ideo reprobatio non hic numeratur, sed continetur sub præscientiæ nomine, & ipsum sibi appropriat. Vnde diuisio potest sic formari: Cognitio Dei aut est in se, aut in comparatione: si in se, aut per rationem nobilissimam, & sic sapientia: aut per qualemcunque rationem, & sic est scientia. Si in comparatione, aut euentuum, & sic præscientia: aut euentuū & effectuum, & hoc vel in gubernando, & sic est prouidentia: vel in efficiendo, & sic, si respectu cuiuscunq; naturæ, sic est dispositio: si respectu rationalis, sic prædestinatio: aut euentuum, & effectuum, & defectuum, & sic reprobatio, quæ est præscientia nominata per appropriationem.

Creator ita dicitur relative, ut essentiam non significet.
Dub. IV.

Videtur dicere falsum: nam creatio significat modum actionis, non relationis: ergo Creator similiter ergo non dicitur secundum relationem à parte modi, nec à parte rei, istud constat: ergo nullo modo.

ITEM videtur falsum dicere, cum dicit quod essentiam non significat, quia Creator significat aliquid: aut ergo creatum, aut increatum. Si creatum: ergo non dicitur de Deo. Si increatum ergo cum non significet personam, significat essentiam.

RESP. Dicendum quod relative dici aliquid, est dupliciter. Aut quia significat relationem, sicut nomina quæ sunt in prædicamento relationis. Aut quia habet respectum annexum: sic, cum omnis actio dicat respectum ad passum siue factum, & passum ad agentem, sic dicitur relative, & sic intelligit Magister de hoc nomine *Creator*, & bene.

AD illud etiam quod dicit quod non significat essentiam, dicit propter hoc, quod quamvis imponatur diuinæ Essentiæ, (& ideo de sola essentia dicitur secundum omne:) tamen de eo à quo imponitur fuit controuersia. Quidam enim volunt dicere quod nomina sex generum non prædicant aliquid in Deo, sed comprædicant. Vnde actio videtur dicere aliquid in agente, sed ab agente. Et huic videtur consonare ratio, quia actio & passio videntur esse eadē. Et iterum huic videtur consonare verbum Boëtij de Trinitate quod alia genera rerum nec de Creatore nec de creaturis prædicantur. Ista opinio fuit satis probabilis, & huius fuit Magister & ideo dicit quod præsentia ratione scientiæ importat essentiam: sed Creator tantum relationem. Veruntamen illud hodie communiter non tenetur. Dicimus enim Deum esse suā actionem vtputa creationem. Et quoniam essentia est diuina actio, & hoc nomen, *Creator*, imponitur ab actione: ideo non tantum impositum est essentiæ, verum etiā ab essentia: sed illam significat in relatione. Nec Boëtius intendit dicere quod talia non prædicantur, sed quod non prædicantur absolute. Si tamen velimus sustinere Magistrum secundum communem opinionem, dicamus quod Magister non vult dicere, quod creatio non importet diuinam Essentiam, sed quantum ex vi vocabuli non dicit Essentiam absolute: sed per modum relationis, siue sub appellatione relativa. Sed præscientia duo dicit, & scientiam & præcessionem. Ratione scientiæ, dicit essentiam absolutam, vnde manet scientia, re ipsa nō manente. Non sic est de creatione, non enim est creatio, nisi etiam sit creatura, & secundum hoc verbum Magistri non habet calumniam.

Si nulla fuissent futura, esset tamen in Deo scientia eadem.
Dub. V.

Videtur male dicere, quia scientia nostra ponit res, & quando non ponit, non est scientia, sed opinio, vel alia acceptio minus nobilis: ergo cum de nobilitate scientiæ sit ponere rem, videtur multo fortius quod diuina scientia ponat quæ est nobilissima.

RESP. Ad hoc breuiter dicendum quod est scientia qua habeo cognitionem de re, & est scientia qua scio rem esse. Prima scientia, nec in nobis, nec in Deo ponit existentiam rei in proprio genere: nec de præsentia, nec de futuro: quod patet, quia artifex habet cognitionem faciendi domum quam nunquam faciet. Secundo vero scientia ponit rem tam in Deo quam in nobis: sed in nobis, quia dependet: in Deo, quia connotat: & quantum ad primum modum loquitur Magister quod eadem scientia esset: sed non respectu eiusdem, & respectu tot, respectu quot modo est quantum ad secundum modum.

Inde est etiam, &c. Dub. VI.

Vult Magister quod omnia sint Deo præsentia non solum quæ sunt, sed etiam quæ præterierunt. Quo modo ergo intelligitur illud: Aut enim intelligitur de præsentia secundum veritatem, aut de præsentia secundum cognitionem. Primo modo falsum est. Constans enim est quod Antichristus non est in Deo secundum veritatem præsens. Si secundum cognitionem, quia habet cognitionem præsentium, præteritorum, & futurorum: sed si sic, cum hanc habeat etiam anima: ergo similiter omnia sunt ei præsentia.

RESP. Dicendum quod non omnia dicuntur esse præsentia Deo secundum veritatem existentiae rerum, sed secundum cognitionem, quia actu cognoscit præsentia, præterita, & futura, & circa actum suæ cognitionis se per est præsentia, ita quod nulla successio cognitionis Dei est in nunc quod complectitur omnem successionem sine mutatione: & ideo omnia sunt ei præsentia ex hac duplici causa. Quamvis autem creatura habeat cognitionem de præsentibus, præteritis, & futuris, quia tamen cognitio eius transit in præteritum, & futurum, & noua generatur cognitio ex rei existentia, ideo non dicitur quod omnia sint præsentia creaturæ, sicut dicitur quod omnia præsentia sunt Deo: & ideo non ponitur memoria in Deo, quoniam memoria respicit præteritum, nec tantum in re, sed vt etiam actus illius cognitionis transit in præteritum: sed præscientia non dicit rationem siue actum scientiæ vt futurum, & ideo in Deo conuenienter ponitur.

ARTICVLVS I.

AD intelligentiam præsentis distinctionis queritur de ratione diuinæ cognitionis, quæ idea conuenit appellari. Primo queritur, vt in Deo sit ponenda ratio idealis. Secundo dato quod sic, queritur vt in Deo habeat pluralitatem secundum rem. Tertio, vt in Deo habeat pluralitatem secundum rationem. Quarto, vt in Deo habeat pluralitatem secundum numerum vniuersalium, an singularium. Quinto, vt in Deo habeat pluralitatem secundum numerum finitum vel infinitum. Sexto, vt in Deo sit pluralitas secundum numerum ordinatum vel confusum.

QUESTIO I.

An ponere sit Ideas in Deo.

- Alexand. Alensis 1. p. q. 23. Membro 4. art. 1.*
S. Tho. 1. p. q. 15. art. 1.
Et 1. Sent. dist. 36. q. 2. art. 2.
Et de Veris. q. 3. art. 1.
Scot. 1. Sent. dist. 35. q. unica.
Ægid. Rom. 1. Sent. dist. 36. pr. 2. q. 1.
Henricus Quod. 7. q. 1.
Richardus 1. Sent. dist. 36. art. 2. q. 1.
Thom. Arg. 1. Sent. dist. 36. q. 1. art. 1.
Steph. Brulef. 1. Sent. dist. 35. q. 1.
Franciscus de Mayr. 1. Sent. dist. 47. q. 1.

Vtrum in Deo sit ponere ideas Et quod sic, ostenditur primo auctoritate Aug. lib. 8. q. quod ideas

sunt formæ æternæ & incommutabiles, quæ in diuina intelligentia continentur. Ex his tribus conditionibus concluditur, quod idea sit in Deo.

ITEM ratione ostenditur sic. Omne agens rationabiliter non à casu vel ex necessitate, præ cognoscit rem antequam sit: sed omnis cognoscens habet rem cognitam vel secundum veritatem, vel secundum similitudinem: sed res antequam sint, non possunt haberi à Deo secundum veritatem: ergo secundum similitudinem: sed similitudo rei per quam res cognoscitur & producitur, idea est: ergo, &c.

ITEM omne quod determinate ducit in alterum cognoscendum, habet penes se similitudinem cogniti, vel ipsum est eius similitudo: sed speculum æternum mentes se videntium ducit in cognitionem omnium creatorum, sicut dicit Augustinus, quod rectius ibi cognoscunt quam alibi: ergo restat quod in eo resident similitudines: & constat quod sunt in eo sicut in cognoscente: quia non tantum aliis repræsentat, sed sibi: sed hæc est tota ratio ideæ: ergo, &c.

ITEM quia res à Deo producuntur, ideo sunt in Deo tanquam in efficiente, & Deus verissime est efficiens: similiter quia ab ipso finiuntur, ideo verissime est finis: ergo pari ratione, quia ab ipso cognoscuntur & exprimuntur, per seipsum Deus est verissime exemplar: sed exemplar non est nisi in quo sunt rerum exemplarum ideæ: ergo, &c.

1. CONTRA per Dion. de diu. nom. Cognoscit diuinus intellectus, sed ex seipso & per seipsum, non secundum ideam singulis innitens: sed secundum vnam excellentiæ causam omnia noscens & continens: ergo Deus singula non cognoscit per ideam.

2. ITEM ratione videtur: quia idea dicit rationem similitudinis, & similitudo dicit rationem conuenientiæ: Dei autem ad creaturam cum sit summa distantia, nulla est ibi conuenientia: aut si est, minima est: ergo aut nulla similitudo, aut minima: aut ergo non est idea in Deo, aut si est, secundum rationem imperfectam est: sed nihil imperfectum ponendum est in Deo: ergo, &c.

3. ITEM nobilissimus modus cognitionis est Deo attribuendus: sed cognitio per rei essentiam est nobilior quam per similitudinem rei: ergo Deus cognoscit per essentiam rei, non per similitudinem: sed idea est similitudo, non essentia rei: ergo, &c.

4. ITEM idea non est necessaria nisi ad dirigendum in cognoscendo, & regulandum in operando: sed nihil indiget dirigente vel regulante nisi quod potest errare & deuiare, Deus autem nullum horum habet: ergo frustra ponuntur in Deo ideæ.

CONCLUSIO.

Deus habet rationes, atque similitudines omnium rerum quas ipse cognoscit: quæ similitudines Idea à Theologis, & à Philosophis nuncupantur.

RESP. ad Arg. Dicendum quod circa hoc duplex fuit opinio. Quidam enim dixerunt, quod Deus non cognoscit secundum rationem ideæ, sed secundum rationem causæ. Et ponunt simile, sicut si punctus cognosceret suam virtutem, cognosceret lineas, & circumferentiam. Similiter si vnitas haberet potentiam cognitionis per quam conuerteret se supra se, cognosceret omnes numeros. Per hunc modum dicunt in Deo esse. Quoniam enim Deus virtutem habet producendi omnia, & cognoscit totam suam virtutem: ideo cognoscit omnia. Et hoc dicunt Dionysium sensisse cum dixit quod non secundum idem, sed secundum vnam excellentiæ causam cognoscit omnia. Sed hæc positio non potest stare. Primum quidem, quia Deus cognoscit non per collationem deueniendi à principio ad principiatum, sed simplici aspectu. Et iterum, omne cognoscens in quantum huiusmodi, simile est cognoscibili: ergo habet eius similitudinem, vel ipsum est similitudo. Rursus,

omnis cognoscens ideo distincte producit, quia distincte cognoscit, non econuerso: ergo ratio producendi non est ratio cognoscendi. Et iterum, aliqua cognoscit quæ ab ipso non sunt. Propter hæc & similia, est aliter dicendum. Ideo est alia positio, & secundum Sanctos, & secundum Philosophos, quod Deus cognoscit per ideas, & habet in se rationes, & similitudines rerum quas cognoscit: in quibus non tantum ipse cognoscit, sed etiam aspicientes in eum: & has rationes vocat Augustinus ideas, & causas primordiales.

Ad intelligentiam autem obiectorum, intelligendum quod idea dicitur similitudo rei cognitæ. Similitudo autem dupliciter dicitur. Vno modo secundum conuenientiam duorum in tertio, & hæc est similitudo secundum vniuocationem. Alio modo est similitudo secundum quod vnum est similitudo alterius, & hæc similitudo non concernit conuenientiam in aliquo communi, quia similitudo seipsa est similis, non tertio, & hoc modo dicitur creatura similitudo Dei, vel econuerso. Deus similitudo creaturæ. Hoc modo sumendo similitudinem, similitudo est ratio cognoscendi, & hæc dicitur idea. Sed aliter est nobis, aliter in Deo. In nobis quidem ratio cognoscendi est similitudo, cognitum est veritas. Nā in nobis est similitudo accepta & impressa ab extrinseco, propter hoc quod intellectus noster respectu cogniti, est passibilis, & non actus purus: ideo fit in actu per aliquid cogniti, quod est similitudo eius. In Deo autem est econuerso, quia ratio cognoscendi est ipsa veritas: & cognitum est similitudo veritatis, scilicet ipsa creatura. Et quia ratio cognoscendi consistit in ipsa veritate prima, ideo ratio cognoscendi in Deo est in summe expressiua. Et quoniam omne id quod summe exprimit, perfectissime assimilatur cognitum assimilatione cōpetente cognitioni, ideo patet quod ipsa veritas, ex hoc quod facit cognoscere, est similitudo expressiua, & idea. Econtrario est in nobis, quia eo ipso quod est similitudo, facit cognoscere. Ex his patent obiecta.

1. QVOD enim obicitur quod non est secundum ideam singulis innitens, dicendum quod Dionysius ex hoc non vult remouere rationem ideæ à Deo, sed vult dicere quod non sic est similitudo, & differentia idearum secundum singula, sicut in nobis.

2. AD illud quod obicitur quod nulla est conuenientia, vel minima, dicendum quod est similitudo vniuocationis siue participationis, similitudo imitationis, & similitudo expressionis. Similitudo participationis, nulla est omnino, quia nihil est commune. Similitudo imitationis est modica, quia in modico potest finitum imitari infinitum, vnde semper maior est dissimilitudo quam similitudo. Similitudo vero expressionis est summa, quia causatur ab intentione veritatis, ut visum est, quæ est ipsa expressio, ideo Deus summe omnia cognoscit.

3. AD illud quod obicitur tertio quod nobilior est cognitio per essentiam, dicendum quod est similitudo causata à veritate rei extra, & de hac verum est quod nunquam ita perfecte exprimit rem, sicut ipsa res, si præsentialiter esset apud animam, & hac similitudine non cognoscit Deus. Et alia similitudo, quæ est ipsa veritas expressiua cogniti: & eo similitudo quo veritas: & hæc similitudo melius exprimit rem quam ipsa res seipsam exprimat, quia res ipsa accipit rationem expressionis ab illa, & secundum hanc est perfectior cognitio, & hac cognoscit Deus.

4. AD illud quod obicitur quod idea est ad regulandum & dirigendum, dicendum quod regulari & dirigi potest esse dupliciter, aut per regulam differentem à directo & regulato, & hæc ponit imperfectionem & possibilitatem erroris. Aut per regulam, quæ est idem quod regulatum, & hæc ponit impossibilitatem erroris. Quia enim regula errare non potest, & Deus est ipsa regula, & idea, ideo impossibile est eum errare, & sic patet quod idea in Deo non ponit defectum & imperfectionem, sed complementum.

QVÆST.

QVÆSTIO II.

An unam, vel plures Ideas ponere sit in Deo.

Alexander Alenf. 1. p. q. 23. Membra 4. art. 1. §. 1.

S. Thom. 1. p. q. 15. art. 2.

Et 1. Sent. dist. 36. q. 2. art. 3.

Et de Ver. q. 3. art. 2.

Ægid. Rom. 1. Sent. dist. 36. p. 2. q. 2.

Henricus Quol. 9. q. 2.

Richardus 1. Sept. dist. 36. q. 1. art. 2.

Thomas Argent. 1. Sent. dist. 36. q. 1. art. 2.

Stroph. Brulef. 1. Sent. dist. 35. q. 2.

Franciscus de Mayr. 1. Sent. dist. 47. q. 2.

Vtrum sit ponere pluralitatem in Ideis secundum rem. Et quod sic videtur, quia August. dicit quod Ideæ sunt formæ æternæ & incommutabiles: sed si sunt formæ, sunt plures: & cum forma dicat ipsum quod est Idea absolute, tunc videtur quod sint plures secundum id quod sunt absolutæ.

1. **ITEM** Idea est similitudo exprimens ideatum secundum totum: sed quæcunque vni & eidem secundum totum sunt similia, nullo modo differunt ab inuicem: ergo si Idea omnium secundum id quod est, esset vna, tunc omnia essent indifferentia.

3. **ITEM** Idea est vnum quid, aut vna communis, aut vna propria similitudo. Si vna communis: ergo per ipsam nunquam res distinguuntur. Si vna propria: ergo per ipsam nunquam plura cognoscuntur.

4. **ITEM** si Idea est ratio cognoscendi, cum vnumquodque cognoscens cognoscat secundum exigentiam rationis cognoscendi: ergo si Idea est vnum quid, cum in vno non cadat distinctio, Deus non cognoscit res distincte, sed indistincte.

CONTRA: Augustinus 6. de Trinitate: Filius est ars quædam omnipotentis Dei plena omnium rationum viuendum, & omnia in ipso vnum sunt.

ITEM quod perfectius est, Deo est attribuendum: sed perfectius est vno posse cognoscere plura, & operari quam pluribus, ergo Deo est attribuendum: ergo Deus vna Idea cognoscit.

ITEM in omni genere causæ, status est in vno simplici, utpote in genere efficientis & finis: ergo cum Deus sit exemplar in quo est omnimode status: ergo in Deo est summa vnitatis: sed exemplar quod continet multa non est omnino vnum & simplex: ergo in diuino exemplari non est nisi vna Idea secundum rem.

CONCLUSIO.

Idea in Deo cum secundum rem sit ipsa diuina Veritas, non plurificatur realiter, sed re ipsa omnes Idea sunt vnum.

RESP. Ad Arg. Ad intelligentiam prædictorum est notandum quod hic fuit duplex opinio. Quidam enim dixerunt, quod Ideæ in Deo secundum rem habent distinctionem. Dixerunt enim quod est considerare vniuersitatem formarum in Deo, in anima, & in mundo, siue in materia. Et in materia siue in vniuerso, habet distinctionem, & compositionem, & oppositionem, quia sunt ibi materialiter. In anima vero humana habent distinctionem & compositionem, sed non habent oppositionem: & hoc quia sunt ibi aliquo modo spiritualiter: non tamen omnino, quia sunt à rebus extrinsecis: ideo est compositio: differunt enim ab anima. In Deo habent distinctionem, sed non compositionem, nec oppositionem propter summam simplicitatem. Et quamvis in Deo distinctæ, sunt tamen vni exemplar, sicut plures formæ particulares in sigillo faciunt vnum sigillum. Sed ista positio quamvis in sui initio videatur probabilis, in fine tamen continet errorem. Nam si in Deo esset ponere Ideas realiter differentes siue distinctas, tunc esset ibi alia pluralitas realis quam sit pluralitas personalis: quod abhorrent aures pie. Si dicas quod non est pluralitatem abso-

Alteram ponere, sed respectiuam, tunc quæro de illo respectu, aut est aliquid, aut nihil. Si nihil: nulla est ibi realis distinctio. Si aliquid: non est dare nisi diuinam essentiam: sed omnia essentialia in Deo vnum sunt. Et ideo est alia positio, quod Ideæ sunt vnum secundum rem: & hoc patet sic: Idea in Deo dicit similitudinem, quæ est ratio cognoscendi: illa autem secundum rem est ipsa diuina veritas, sicut supra monstratum est: & quia illa est vna, patet quod per eam omnes Ideæ vnum sunt. Et hoc dicit August. expresse, quia in illa arte omnia sunt vnum.

1. **AD** illud ergo quod obiicitur quod sunt formæ, dicendum quod forma duplex est, scilicet forma quæ est perfectio rei, & forma exemplaris. Et Augustinus accipit Ideas in ratione formæ pro forma exemplari: vtraque tamen relatiue dicitur: illa ad materiam quam informat, sed ista ad exemplatum: & ideo quia forma dicitur vbi ad alterum, sicut similitudo: quando dicuntur plures formæ, non ex hoc notatur quod in Ideis sit pluralitas secundum rem, siue secundum id quod sunt, sed secundum id ad quod sunt, id est, ad ea quæ sunt extra, scilicet ratione connotatorum, ut sunt ipsa ideata.

2. **AD** illud quod obiicitur quod Idea est similitudo exprimens secundum totum: ergo, &c. Ad hoc est vnus modus dicendi quod Idea non dicit similitudinem aliquam per quam cognoscens assimilatur aliis, sed cui multa assilantur, & multa possunt assilari vni: sicut si à forma sigilli eadem fiat expressio figuræ in cera, possunt esse ab eadem forma vna multæ, & variæ impressiones secundum quod sigillum magis & minus imprimitur. Sic in Deo intelligunt: quoniam multitudo in rebus venit secundum gradus, & approximationem ad ipsum esse diuinum. Sed illud non sufficit dicere: quia Deus facit omnia diuersa secundum formam, non tantum secundum gradum & dignitatem: & illa cognoscit per vnum secundum rem: quod quidem est similitudo cogniti. Si tu dicas quod hoc est, quia Deus seipso cognoscit, sicut seipso agit: ideo sicut vno agit multa, ita vno cognoscit multa. Adhuc non est solutum: quia adhuc manet quæstio, quo modo ipse Deus possit assilari multis. Propter hoc dicendum quod similitudo quædam est secundum proprietatem generis: & de hac non est dubium quod non potest esse vna plurium genere differentium: & hæc est similitudo quæ exprimitur & causatur à re generis determinate. Alia est similitudo simpliciter extra genus: & hæc quia ad hoc genus non arctatur, qua ratione est huius, eadē ratione est & illius:

D& qua ratione est huius secundum partem, eadem ratione secundum totum: & talis similitudo est diuina veritas, & idea in Deo. Si tu, quæras, quo modo hoc possit intelligi. Aliqualiter intelligi potest, quamvis non possit aptari omnino simile. Cum enim illa similitudo sit actus purus, & ipsa veritas, sicut dictum est, & omnia alia cognoscibilia quantumcunque nobilia secundum id quod sunt, comparentur ad ipsam per modum possibilis, sicut vnum secundum formam potest assilari pluribus, secundum materiam diuersis: sic in proposito, vna realis similitudo potest esse omnium cognoscibilium: Et potest poni exemplum in luce aliquo modo: quæ vna secundum numerum exprimit multas & varias species colorum. In cognitione autem nostra, quoniam se habet per modum possibilis respectu cogniti, & quodammodo informabilis ab illo, non potest inueniri similitudo, imo inuenitur dissimilitudo: & ideo aspiciendo ad cognitionem nostram videtur nobis in Deo non esse intelligibile.

3. **AD** illud quod quæritur, vtrum illa similitudo sit propria vel communis, dicendum quod Deus non dicitur causa vniuersalis, nec particularis simpliciter: sed aliquid habet de nobilitate causæ vniuersalis, quia potest in plurimos effectus. Similiter aliquid de causa particulari, quia immediate & sufficienter potest in effectum quemlibet. Sic in cognitione Dei intelligendum quod nec omnino est in vniuersali, nec omnino in particulari. Similiter de similitudine & Idea intelligendum est, quod communis est

est quantum ad indifferentiam, & amplitudinem: propria vero quantum ad discretissimam expressionem. Ratio huius est, quia similitudo exprimens, non impressa, nec expressa. Quia omnino exprimens: ideo summe exprimit, & secundum omnes conditiones. Et rursus, ex hoc quod non est expressa, ideo non est arctata nec limitata, sed extendit se ad omnia, sicut diuina essentia: quamvis tota sit in vno, non tamen sic est in vno, sic quod non sit in alio.

4. Ad illud quod obiicitur ultimo quod cognoscit secundum exigentiam rationum, dicendum quod sicut ratio cognoscendi est vna, & tamen plura cognita distinctissime repræsentat secundum proprias conditiones: sic diuina cognitio, quantum ad modum cognoscendi qui est in ipsa, est vna, & simplex, non distincta: sed in comparatione ad obiectum distincte cognoscit. Quando ergo dicitur: Deus cognoscit omnia distincte, si distinctio ponitur in cognitione per comparationem ad cognoscentem, falsa est: si autem per comparationem ad cognitum, sic habet veritatem.

QVÆSTIO III.

An Idea plures sint secundum rationem.

Richardus 1. Sent. dist. 36. art. 1. q. 2.

Franciscus de Mayr. 1. Sent. dist. 47. q. 3.

Stephanus Brulef. 1. Sent. dist. 35. q. 3.

Vtrum in Ideis sit pluralitas secundum rationem. Et quod sic, ostenditur hoc modo: August. lib. 83. quæstionum dicit: Alia ratione conditus est homo, alia equus: ergo si Idea dicit ipsam rationem cognoscendi, necesse est quod plurificetur secundum rationem.

ITEM hoc ipsum ostenditur ex modo loquendi & diffiniendi: quia Aug. loquitur in plurali, & diffinit in plurali ipsas Ideas, dicens quod sunt formæ: ergo plurificantur, reuel ratione sed non re, ergo ratione.

ITEM Idea dicit similitudinem ad cognitum: sed similitudo quamvis in Deo sit quid absolutum, habet tamen modum dicendi ad alterum, siue respectum: sed plurificatio similitudinis relatiue est ad re cui assimilatur: ergo cum res ideatæ sint plures, Ideæ sunt plures secundum rationem dicendi.

ITEM Deus antequam res producat, distincte cognoscit, & actu: sed non est distinctio in Deo cognoscente, nec in cognito: ergo oportet quod sit in ratione cognoscendi.

CONTRA: Si est plurificatio secundum rationem, cum non sit re, tunc videtur illa pluralitas non esse aliud quam vanitas.

2. **I**TEM si est in hoc nomine, *Idea*, pluralitas, aut ratione eius quod est, aut ratione eius ad quod est. Non ratione eius, quod est: quia est diuina essentia. Si ratione eius ad quod est: ergo cum verbum, & exemplar, & ars dicant respectum ad creaturam, saltem secundum nomen debent plurificari, quod tamen falsum est.

3. **I**TEM si Ideæ sunt plures, non propter significatum, sed propter connotatum: tunc quæro, aut connotatum illud est æternum, aut temporale, aut temporale. Si æternum: ergo videtur quod plura sint ab æterno. Si temporale: ergo videtur quod Idea non dicatur de Deo nisi ex tempore, sicut nec Dominus nec Creator dicuntur nisi ex tempore.

4. **I**TEM Ideæ si sunt plures propter ideata: aut ergo secundum esse quod habent ideata in Deo, aut in proprio genere. Si propter esse quod habent in Deo.

CONTRA: In Deo sunt vnum: ergo ratione illius esse, non possunt dici plures. Si propter esse quod habent in proprio genere: sed non habent nisi ex tempore: ergo vel Ideæ non sunt plures nisi ex tempore: vel temporale est causa æterni: quorum vtrumque est inconueniens.

5. **I**TEM Idea aut dicit aliquid, aut nihil. Si nihil: ergo nec pluralitatem habet, nec unitatem. Si aliquid dicit: ergo si sunt plures Ideæ, sunt plures res: ergo si

plures Ideæ sunt ab æterno, plures res sunt ab æterno: sed non plures res personaliter, quia Idea non dicit quid personale: ergo plures essentialiter.

CONCLUSIO.

Idea cum sit similitudo rei cognita, mediumque inter cognoscens & cognitum, plurificatur in Deo secundum rationem, licet non re ipsa.

RESP. Ad Arg. Dicendum quod sicut patet ex prædictis, quamvis in Deo nullus sit respectus ad creaturam à parte rei, tamen contingit ipsam essentiam significari in respectu ad creaturam per multa nomina. Nec tamen hoc nomen siue vocabulum, *Idea*, est vanum. Intelligendum igitur est quod hoc nomen, *Idea*, significat diuinam essentiam in comparatione, siue in respectu ad creaturam. Idea enim est similitudo rei cognitæ. Quæ quamvis in Deo sit quid absolutum, tamen secundum modum intelligendi dicit respectum medium inter-cognoscens & cognitum. Et quamvis ille respectus secundum rem plus se teneat ex parte cognoscentis, quia est ipse Deus, tamen ratione intelligendi siue dicendi, similitudo plus se tenet ex parte cogniti. Et quoniam cognoscens est vnum, & cognita sunt multa. Ideo omnes Ideæ in Deo sunt vnum secundum rem: sed tamen plures secundum rationem intelligendi siue dicendi. Vnde concedendæ sunt omnes rationes in Deo esse vnum quid: sed non vnam Ideam siue rationem, sed plures.

1. Ad illud ergo quod obiicitur quod isti rationi nihil subest ex parte rei, dicendum quod falsum est, quia respectui subest ex parte Dei essentia, non respectus: ex parte vero creaturæ subest verus respectus, & ideo respectus ille signatus non inducit falsitatem: sic pluralitati respectuum; quamvis non subsit pluralitas ex parte Dei, subest tamen ex parte connotatorum, unde respectus ille sic plurificatus non habet falsitatem nec vanitatem.

2. Ad illud quod obiicitur quod verbum & ars dicunt respectum, dicendum est quod dicunt: sed aliter quam Idea vel ratio, quia Idea siue ratio cognoscendi plus se tenet secundum rationem intelligendi ex parte cogniti. Similitudo enim secundum quod huiusmodi non dicit respectum ad id in quo est, sed cuius est: sed verbum plus se tenet à parte dicentis, similiter & ars & exemplar ex parte producētis: & quia multa cognita & vnū cognoscens, ideo Ideæ sunt plures, & ars tantum vna. Vel aliter, ratio & Idea dicunt respectum ad res in quantum distinctæ sunt, non sic alia vocabula.

3. Ad illud quod obiicitur quod connotata sunt plura ab æterno, dicendum quod pluralitas est in Ideis ratione connotatorum, sed de connotatis est loqui dupliciter, aut in quantum sunt, aut in quantum connotata. In quantum sunt, sic sunt solum ex tempore: in quantum autem connotantur, sic possunt connotari & æternaliter, & temporaliter. Æternaliter, quando respectus importatur in habitu, sicut per hoc nomen *prædestinatio*, ideo prædestinatio est æterna, quia connotat effectum non in actu, sed in habitu. Temporaliter vero, quando respectus importatur in actu, sicut per hoc verbum *creare*. Quoniam ergo connotantur temporalia, vt futura sunt, & futura sunt multa, ideo connotantur vt multa: sed tamen sic connotata, quamvis ab æterno connotentur, non tamen sunt ab æterno, sed ex tempore, ita multitudo connotatorum quamvis ab æterno dicatur, tamen non ponit realem multitudinem nisi ex tempore.

4. Ad illud quod quæritur, vtrum secundum esse ideatorum sint Ideæ plures, dicendum quod sic, secundum esse quod habituræ sūt res ideatæ in proprio genere: & quamvis illud non habeant nisi ex tempore, tamē ab æterno fuerunt habituræ, & Ideæ sunt rerum, vt futuræ sunt: ideo intelliguntur non tantum plures ex tempore, verum etiam ab æterno. Sic dicitur prædestinationē fuisse ab æterno, & reprobationē, nō ratione eius quod

fuit

fuit ab æterno, sed ratione eius quod futurum erat ex A tempore.

5. Ad illud quod obiicitur, si plures ideæ, ergo plures res, dicendum quod idea non dicit tantum quid est, sed respectum ad id quod futurum est, vel etiam potest esse: & ratione illius respectus recipit plurificationem. Et quia ille nihil ponit in actu, sed solum in potentia, hic est quod pluralitas idearum æterna non ponit aliquam pluralitatem actualem, sicut non ponitur si dicatur quod potest facere plura. Sed hoc nomen, *Res* absolute importat quod dicit: & ideo cū dicit plures res esse, ponitur pluralitas in actu, & ideo argumentum non valet, & ideo est ibi quid, & simpliciter. Sicut si dicatur plura sunt possibilia Deo, vel plura sunt cognita, ergo plura sunt. Sic nec valet, plures ideæ sunt, ergo plures res sunt, quia ideæ non sunt plures ratione eius quod sunt, sed ratione eius ad quod sunt.

QVÆSTIO IV.

An Idea plurificentur in Deo secundum plurificationem Ideatorum in specie tantum, vel etiam in indiuiduis.

S. Thom. 1. p. q. 15. art. 3.
Et 1. Sent. dist. 26. q. 2. art. 3.
Et de Verit. q. 3. art. 4. §. 6. et 7.
Egid. Rom. 1. Sent. dist. 36. q. 4.
Richard. 1. Sent. dist. 36. art. 2. q. 4.
Franciscus de Mayr. 1. Sent. dist. 47. q. 4.
Steph. Brulef. 1. Sent. dist. 35. q. 3.

Vtrum Ideæ plurificentur per comparisonem ad ideata secundum multitudinem ideatorum quantum ad diuersitatem vniuersalium, vel singularium. Et quod singularium videtur, quoniam per ideas est ratio distinguendi: sed Deus non tantum distinguit vniuersale ab vniuersali, sed etiā singulare a singulari. Sed quia distinguit vniuersale ab vniuersali, ideo habet pluriū vniuersalium ideas & rationes. Vnde alia ratione conditus est equus, alia ratione conditus est homo: ergo, & c.

ITEM cognitio rei verissima, est rei secundum totalitatem, sed singulare aliquid addit supra vniuersale: ergo cum Deus totum cognoscat, non tantum habet ideam vniuersalis, sed etiam superadditi, sc. singularis, similiter & alterius singularis: ergo si addita sunt diuersa secundum rationem, siue multitudinem idealem, & c.

ITEM Deus quosdā ex hominibus prædestinat, quosdam reprobat: sed alia ratione quosdam prædestinat, & alia ratione quosdam reprobat: ergo secundum aliam rationem & ideā sunt præsciti, & prædestinati in Deo: sed hæc est diuersitas indiuidualis, siue numeralis: ergo, & c.

ITEM idea multiplicatur in diuinis ratione respectus & relationis ad ideatū: ergo multiplicato vno, multiplicatur & reliquum: & cum homo qui est ideatum multiplicetur in diuersis indiuiduis secundum rem, multiplicabitur idea respectu illorum secundum rationem.

1. CONTRA per Augustinum ad Nebridium: Dico quantum ad hominem faciendum pertinet, tantum quandam hominis non meam, vel tuam, ibi esse rationem: ergo multiplicatio vel distinctio ideatorum attenditur solum secundum diuersitatem vniuersalium.

2. ITEM artifex creatus per vnā ideam producit multa: ergo cum hoc sit nobilitatis, Deus per vnā ideam re, & ratione multa, diuersa numero producit.

3. ITEM singulare vt singulare, est compositius vniuersali: ergo si est idea in Deo singularis vt singularis, tunc ergo est vna idea altera simplicior, sed hoc est inconueniens: ergo, & c.

4. ITEM singulare magis proprium est quā vniuersale: si ergo in Deo est idea vniuersalis vt vniuersalis, & singularis vt singularis, ergo vna idea cōmunis, altera propria: sed cōmune prius est & simplicius est, quā propriū: ergo vna idea est altera prior, & simplicior: ergo in Deo est ponere ordinem, & compositionem essentialem, & c.

CONCLUSIO.

Idea, non solum quo ad ipsum vniuersale, sed respectu etiam singularium plurificantur.

RESP. Ad arg. Dicendum quod idea in Deo secundum rem est diuina veritas, secundum rationem est similitudo cogniti. Hæc autem similitudo est ratio expressiua cognoscendi non tantum vniuersale, sed etiam singulare, quamvis ipsa non sit vniuersalis nec singularis, sicut nec Deus: & ideo non tantum est similitudo vniuersalis vt vniuersale est, sed etiam singularis vt singulare: & ideo quia similitudo est vtrorumque, non solum multiplicatur secundum multitudinem vniuersalium, sed etiam singularium. Et hoc est quod dicit Augustinus ad Nebridium, dico quantum ad hominem faciendum pertinet hominis tantum esse rationem: quantum vero ad ordinem temporis, varias hominum rationes in illa sinceritate viuere.

1. Ex hoc patet solutio illius verbi Augustini, quia Augustinus dicit quod quamvis vniuersalis vt vniuersale est, vna sit idea: tamen singularium vt singularia, sunt plures. Vnde ibidem dicit quod si quis velit facere angulum, sufficit habere anguli rationem. Si quis autem velit pingere quadrangulum, necesse est quod rationem habeat quatuor angulorum.

2. Ad illud ergo quod obiicitur quod artifex creatus producit multa per vnā ideam, dicendum quod hoc facit per applicationem ipsius ad diuersas materias. Vnde si habet solum ideam vnā, impossibile est intelligere quod secundum illam simplici aspectu cognoscat diuersa, Deus autē simplici aspectu cognoscit singularia vt diuersa, ita quod secundum totum & secundum proprias differentias & proprietates, ideo non est simile.

3. 4. Ad illud quod obiicitur de compositione, & prioritate, dicendū quod nec secundum rem, nec secundum rationem oportet, quod idea habeat ideati proprietates. Nam rei corporalis est similitudo spiritualis, & compositi est similitudo, simplex etiam in creaturis: ideo non oportet quod vna idea sit simplicior vel prior. Similitudo tamen secundum rationem intelligendi, habet proprietatem ideati secundum distinctionem, tum propter correlationem, quia oportet quod vno relatiuorum multiplicato multiplicetur & reliquum, saltem secundum rationem, vbi est relatio secundum rationem: tum etiam, quia similitudo illa est ratio exprimendi, & distinguendi, & ideo quamvis recipiatur proprietas distinctionis, non oportet tamen de aliis.

QVÆSTIO V.

An Idea in Deo sit finita, vel infinita numero.

Richardus 1. Sent. dist. 36. art. 2. q. 5.
Steph. Brulef. 1. Sent. dist. 35. q. 5.

Vtrum in Deo sit ponere multitudinem idearum secundum numerum finitum vel infinitum. Et quod secundum numerum infinitum, videtur Augustinus 9. de Ciuitate Dei. Vna est sapientia, in qua infiniti sunt thesauri omnium rerum intelligibilium.

ITEM Augustinus 6. de Trinitate dicit quod Filius est ars plena omnium rationum viuentium: sed constat quod ars illa est infinita: ergo non impletur nisi infinitis, ergo sunt ibi infinitæ rationes.

ITEM ratione videtur, quia constat quod Deus cognoscit omnes species numeri, ergo omnes habent ideas in Deo: sed species numeri sunt infinitæ: ergo, & c.

Si dicas quod sunt infinitæ species quoad nos, non secundum rem.

CONTRA: Ponatur quod omnes species numeri sint in re: hoc posito, de necessitate sequitur quod infinita simpliciter actu sint: ergo si omnium specierum numeri sunt in Deo ideæ, & sunt infinitæ actu, patet, & c.

ITEM Deus potest infinita producere: sed nihil potest producere cuius non habeat cognitionem & ideam: ergo habet ideas infinitorum: sed plurimum sunt ideæ plures: ergo infinitorum sunt infinitæ.

ITEM omnibus finitis possunt excogitari plura: quia omni finito potest excogitari aliquid maius: sed nec Deus nec homo habet plura cogitare his quæ Deus cognoscit, quia tunc Dei scientia non esset summa: etsi hoc cum cognoscat per ideas, patet &c.

1. CONTRA per Aug. de civitate Dei: Quidquid scitur, scientis comprehensione finitur: sed constat quod rationes cognoscendi sciuntur: ergo finiuntur: sed quæcunque finiuntur, sunt finita: ergo, &c.

2. ITEM multitudo idearum est secundum multitudinem ideatorum: sed constat omnia alia à Deo de necessitate esse finita actu: ergo similiter & ideas.

3. ITEM ubi est infinitas, ibi est confusio & inordinatio: sed in exemplari æterno nulla cadit confusio & inordinatio: ergo, &c.

4. ITEM ponere infinitatem actu in creatura, est ponere imperfectionem. Vnde omnè creatum eo est finitum quo perfectum: sed omnis conditio imperfectionis est à Deo releganda: ergo, &c.

CONCLUSIO.

Idea cum sint rationes cognoscendi in Deo, cuius sapientia non est numerus, infinito numero poni non debent.

RESP. ad arg. Dicendum quod sicut dicitur in Psalmo: Divinæ sapientiæ non est numerus: ac per hoc nec rationum per quas divina sapientia cognoscit: & quoniam non habent numerum, non sunt numerabiles, ideo non sunt in numero finito. Et concedendæ sunt rationes & auctoritates ad hoc inductæ.

1. AD illud quod obiicitur quod omne scibile est finitum, dicendum quod omne scibile per comprehensionem est finitum comprehendenti: rationes autem æternæ per comprehensionem à solo Deo sciuntur: ideo soli Deo sunt finita, sed quemadmodum non sequitur: Hoc æquatur infinito, ergo est finitum, imo est ibi quid & simpliciter, & potius sequitur oppositum, ergo non est finitum: sic etiam in proposito iudicandum. Rationes autem illæ non sunt comprehensibiles ab aliquo intellectu finito: ideo patet illud.

2. AD illud quod obiicitur quod multitudo idearum est à multitudine ideatorum, dicendum quod sicut dictum est, non venit à multitudine ideatorum in quantum creata, sed in quantum connotata: idea autem ideatum connotat non secundum actualem existentiam, sed solum secundum potentiam: & quia Deus potest facere infinita, quamvis nunquam faciat nisi finita, ideo ideæ vel rationes cognoscendi sunt in Deo infinitæ, quia non tantum sunt entium & futurorum, sed omnium Deo possibile. Nihil enim potest Deus quod non actu cognoscat.

3. AD illud quod obiicitur quod infinitas ponit confusioem, dicendum quod est ponere infinitatem secundum diversitatem realem: & sic prius & distinctionem & ordinem si ponatur actu: sed multitudo idearum non est rerum diversarum, sed dicit immensitatem divinæ veritatis in exprimendo & cognoscendo omne quod est Deo possibile: & hoc quidem secundum rem & actum, est vnum: ideo non est confusio.

4. AD illud quod obiicitur quod imperfectionis est infinitas in creatura, dicendum quod quamvis sit imperfectionis in creatura, non tamen est in Creatore, quia est intelligere infinitatem per defectum, & per excessum. Infinitas per defectum, potest esse in creatura ut in materia, & hoc est imperfectionis: hoc autem nullatenus est in Creatore. Infinitas autem per excessum non potest simpliciter esse in creatura, quoniam habet esse creatum, & compositum, & limitatum: Deus autem nihil horum habet, & ideo habet infinitatem, & hoc est summæ perfectionis.

QVÆSTIO VI.

An Idea ordinem habeant.

*Sec. in Reportariis 1. Sent. dist. 36. q. unica.
Richard. 1. Sent. dist. 36. q. 6. art. 2.
Steph. Brulef. 1. Sent. dist. 35. q. 6.
Io. Baccob. 1. Sent. dist. 36. q. unica.*

Vtrum in ideis sit ponere numerum ordinatum. Et quod sic, videtur per Augustinum: Alia ratione conditus est homo, quam equus, quia alius est homo, alius equus: ergo cum homo sit nobilior equo, pari ratione nobiliori idea, vel ratione est conditus homo quam equus: sed ubi est magis nobile & minus, ibi est ordo: ergo, &c.

2. ITEM: Sicut Deus per ideas cognoscit, & producit res distinctas, ita cognoscit, & producit res ordinatas: ergo sic ponitur pluralitas in ideis ex pluralitate cognitorum, & ideatorum, ita debet poni ordo ex ordine.

3. ITEM: Vbi est pluralitas, siue distinctio, aut est ordo, aut inordinatio: sed in Deo non cadit inordinatio, nec confusio: ergo in Deo habent ordinem.

CONTRA: Ideæ sunt plures, quia per eas Deus distincte cognoscit: sed Deus nō cognoscit vnum post aliud, sed omnia simul: ergo ideæ habent in Deo simultatem.

ITEM: Si est ordo, aut ergo prioritatis, aut dignitatis, aut originis. Non prioritatis: quia tunc esset vna idea altera posterior, quod est inconueniens dicere. Non nobilitatis, quia quælibet in Deo est summe nobilis. Non originis, quia si vna de altera oriatur, tunc esset ibi vere distinctio secundum rem, ergo nullo modo, ut videtur, est in eis ordo.

ITEM: Omnis infinitas aut omnino priuat ordinem, aut tollit perfectionem ab ordine, quia tollit statum, & complementum: sed in Ideis est infinitas, ut visum est in alio problemate: ergo aut nullus ordo, aut incompletus: sed non incompletus, ergo nullus.

CONCLUSIO.

Inter Ideas nullus est ordo, cum vna non sit altera prior, nec nobilior, nec vna originetur ex alia.

RESP. ad Arg. Dicendum sicut tactum est in opponendo, non est ordo in ideis siue rationibus cognoscendi ad inuicem, nec secundum originem, nec secundum rationem prioritatis, aut dignitatis. Habent quippe ordinem ideæ ad ideata, sed ad inuicem non: quo nec est vna prior altera, nec posterior: nec est vna ab alia, nec nobilior est: & ideo non ponitur ibi ordo. Et ratio huius est, quia ideæ dicunt respectum ad res cognitās de ratione sui nominis. Et quia illæ sunt plures, ideo ideæ ex primo respectu nominis plures sunt. Sed ordo dicit novum respectum & novam habitudinem, cum vna idea comparatur ad aliam. Et quoniam illo respectu circumscripto qui est ad ideata, in Deo ideæ simpliciter sunt vnum, nec habent ordinem ad inuicem: ideo non est concedendum quod ideæ habeant pluralitatem cum ordine ad inuicem.

1. AD illud quod obiicitur quod alia & alia est idea, quia alius est homo, alius est equus, &c. dicendum quod non est simile. Similitudinem enim eo quod ad alterum comparatur, habet distingui: sed non habet nobilitari ab illo ad quod comparatur, nisi aliquid recipiat ab illo: & quoniam idea hominis nihil recipit ab homine, nec idea equi ab equo: ideo vna non dicitur altera nobilior.

2. AD illud quod obiicitur quod Deus cognoscit res ordinatas, dicendū quod quamvis res ordinatas cognoscat, tamen simul, & æque nobiliter cognoscit: & ideo sic ut ponebatur distinctio in ideis, quia distincte per eas cognosce

Ad oppos.
Lib. 8. q. 9.
46. 10. 4.

Fundamēta.

gnoscebat, ita debet poni simultas, & æqualis nobilitas, quia simul & æque nobiliter cognoscit: & ita non debet poni ordo. Sicut enim quamvis Deus cognoscat res albas, non sunt idæ albe in Deo, sic quamvis cognoscat ordinatas, non oportet quod sint in Deo ordinatæ.

3. Ad illud quod obiicitur quod ubi est pluralitas sine ordine, est confusio & inordinatio, dicendum quod falsum est, quia potest ibi esse simultas, & sic est in ideis: vel dicendum quod illud habet locum, ubi est pluralitas realis, non est autem talis in ideis: quia omnes vnum sunt, & ideo non potest esse inordinatio.

DISTINCTIO XXXVI.

Vtrum concedendum sit, omnia esse in Dei Essentia, vel in eo per Essentiam, ut omnia dicuntur esse in Dei Cognitione, vel Præscientia.

SOLETHic queri, cum omnia dicantur esse in Dei cognitione, seu præscientia, vel in Deo per cognitionem, & eius cognitio, vel præscientia sit diuina essentia, utrum concedendum sit, omnia esse in diuina essentia, vel in Deo per essentiam. Ad quod dicimus, quia Dei cognitio eius utique essentia est, & eius præscientia, in qua sunt omnia, ipsius cognitio est, nec tamen omnia, quæ sunt in eius præscientia vel cognitione, in eius essentia esse dici debent. Si enim hoc diceretur, intelligeretur esse eiusdem cum Deo essentia. In Deo enim dicitur esse per essentiam, quod est diuina essentia, quod est Deus. Habet ergo Deus apud se in præscientia sua, quæ non habet in sui natura. Vnde Augustinus de verbis Apostoli ita ait: Elegit nos ante mundi constitutionem. Quis sufficit hoc explicare? Eliguntur qui non sunt, nec errat qui elegit, nec vane elegit: Elegit tamen, & habet electos quos creaturus est eligendos, habet autem apud semetipsum non in natura sua, sed in præscientia sua. Nondum erat quibus promittebatur, sed & ipsi promissi sunt, quibus promittebatur. Ecce hic aperte dicit Deum apud semetipsum habere electos ante mundi constitutionem, non in natura sua, sed in præscientia sua, cum tamen eius præscientia non aliud sit, quam eius natura, quia ipsius præscientia, eius est notitia. Potest tamen ad electos referri cum ait: In natura sua, id est, illorum. Illos quippe habuit ab æterno apud se, non in natura sui, id est, illorum, qui nondum erant, sed in sua præscientia, qui eos ita nouit ac si essent.

Vtrum mala debeant dici esse in Deo, ubi sunt omnia bona, cum vtrique sint in eius cognitione, & præscientia, omnia enim cognoscit.

Post prædicta queritur, cum omnia dicantur esse in Deo non per essentiam naturæ, sed per cognitionem scientiæ, & Deus sciat bona, & mala, utrum concedendum sit simpliciter mala esse in Deo, siue esse in Deo per cognitionem. Scit enim Deus, & sciuit semper omnia, tam bona, quam mala, etiam antequam fierent, & præsciuit ab æterno ea futura. Ideoque cum omnia bona diximus esse in Deo propter præscientiam cognitionis, eadem ratione videtur dicendum, omnia mala esse in eo, cum ea semper nouerit, & per cognitionem ei præsentia fuerint. Præcognouit enim Deus ab æterno quosdam futuros malos, & eorum malitiã,

ut ait Aug. Præsciuit, sed non præparauit. Cum ergo peccata omnium sciat, nunquid intelligendum est ea includi in illa generalitate locutionis, quæ dixit Apostolus, omnia esse in Deo? Ex ipso, inquit, & per ipsum, & in ipso sunt omnia. Sed quis, nisi insanus dixerit mala esse in Deo? Illa enim esse in Deo intelliguntur, quæ ex ipso, & per ipsum sunt: ea vero per ipsum sunt, & ex ipso, quorum auctor est, sed non est auctor nisi bonorum. Non ergo ex ipso, & per ipsum sunt, nisi bona: ita ergo non in ipso sunt nisi bona, non ergo mala in Deo sunt: quia licet ea noscat, non tamen ita omnino noscit, ut bona. Mala ergo quasi de longe cognoscit, ut ait Propheta: & alta à longe cognoscit, id est, superbiam. Et alibi ad ad Deum loquens de malis ait: De absconditis tuis adimpletus est venter eorum. Quod expones Aug. Abscondita, inquit, peccata sunt, quæ à lumine tuæ veritatis absconduntur. Sed quomodo peccata à lumine veritatis diuina absconduntur, cū à Deo sciuntur? Si enim non sciret, quo modo de illis iudicaret, & pro illis malos damnaret? Alibi Propheta: Quia neq; ab Oriente, neq; ab Occidente deest. Quod expones Cassiodorus, inquit, Neq; à bonis, neq; à malis deest Deus, sed omnibus præsens, & cognitor est. Cognoscit ergo Deus, & bona & mala per scientiã, sed bona cognoscit etiã per approbationem, & per beneplacitum: mala vero non. Vnde Cassiodorus super Psalmum dicit: Peccata abscondita Deo sunt, quia non nouit, id est, non approbat. Et ex eo sensu Aug. dixit ea abscondita à lumine Dei. Qui etiam in lib. ad Heluidium insinuat cognitionem Dei variis modis accipiendam, inquit: Si ad scientiam referas, non ignorat Deus aliquos, vel aliqua, qui tamen in iudicio quibusdam dicit, Non noui vos, sed eorum improbatio, hoc verbo insinuata est. Ecce non cognoscere dicitur Deus, qui non approbat, quæ ei non placent Apparet itaque verum esse quod diximus, scilicet quia quodammodo cognoscit Deus bona quo non cognoscit mala. Pariter quidem vtrique eodem modo noscit quantum ad notitiã, sed bona etiam approbatione, & beneplacito cognoscit.

Hic aperit quare bona tantum dicantur esse in Deo, & non mala.

Et inde est, quod bona tantum dicuntur esse in Deo, non mala, & illa prope, hæc longe, quia licet in Deo aliqua dicantur esse propter cognitionis præsentiam, & Deus bona, & mala cognoscat, mala tamen non cognoscit nisi per notitiã: bona vero non solum per scientiã, sed etiam per approbationem, & beneplacitum. Et ob talem cognitionem aliqua dicuntur esse in Deo scilicet, quia ita scit, ut etiam approbet, & placeant, id est, ita scit, ut eorum sit auctor.

Quod idem est omnia esse ex Deo, & per ipsum, & in ipso.

Proinde si diligenter inspiciamus, idem videtur esse ex Deo, & per ipsum, & in ipso. Vnde Ambrosius in 3. lib. de Spiritu sancto: Hæc tria, ex ipso, & per ipsum, & in ipso, omnia vnum esse supra diximus. Cum dicit per ipsum esse omnia, non negauit in ipso esse omnia. Eandem vim habent omnia hæc, scilicet cum ipso, & in ipso, & per ipsum, & vnum in his atque consimile, non contrarium intelligitur. Ecce habes, quia ex eadem intelligentia scriptura dicit esse omnia in ipso, & per ipsum, & ex ipso, & cū ipso. Cum ergo ex eadẽ ratione omnia dicantur esse ex Deo, vel per ipsum, nõ solũ quia scit, sed et etiã quia eorũ auctor est, consequitur, ut

eadem ratione ea esse in Deo dicantur, scilicet quia & A
eorum auctor esse dicitur, quia in illo uiuimus, & mo-
uemur, & sumus, quia eo auctore sumus, mouemur, &
uiuimus. Cum ergo non sit auctor nisi bonorum, me-
rito sola bona in eo esse dicuntur, sicut ex ipso, & per
ipsum. Cum ergo in eius cognitione, vel præscentia
sint omnia, scilicet bona, & mala, in eo tamen non di-
cuntur esse nisi bona, quorum auctor est. Vnde Augusti-
nus in lib. de natura boni: Cum audiuius, inquit, ex
Deo, & per ipsum, & in ipso esse omnia, omnes utique
naturas intelligere debemus, & omnia qua naturali-
ter sunt. Neque enim ex ipso sunt peccata, qua natu-
ram non seruant, sed vitiant, qua ex voluntate pec-
cantium nascuntur omnia. Hic aperte dicitur quod
illa generalitate locutionis bona tantum continentur. B

Quod omnia ex Patre, & per Patrem, & in patre sunt,
 ita & de Filio, & de Spiritu sancto est dicendum,
 licet propter personas fiat
 distinctio.

Præterea sciendum est, quod licet ibi indicetur di-
 stinctio personarum cum dicitur, ex ipso, & per ipsum,
 & in ipso, omnia tamen ex Patre, & per Patrem, &
 in Patre sunt. Similiter de Filio, & de Spiritu sancto
 accipiendum est. Vnde August. in 1. lib. de Trinitate:
 Non confuse, inquit, accipiendum est quod ait Aposto-
 lus, ex ipso, & per ipsum, & in ipso. Ex ipso dicens pro-
 pter Patrem: per ipsum, propter Filium: in ipso, pro-
 pter Spiritum sanctum. Vigilanter autem attende: ne
 quia Patrem volens intelligi, dixit ex ipso, sic intelli-
 gas omnia esse à Patre, ut neges omnia esse ex Filio,
 vel ex Spiritu sancto, cum ex Patre, & per Patrem
 & in Patre omnia esse sane dici possunt; similiter &
 de Filio, & de Spiritu sancto dicendum est.

Quod non omnia quæ ex Deo sunt, etiam de ipso
 sunt; sed e conuerso.

Illud etiam hic annexendum est, quod non omnia,
 qua dicuntur esse ex Deo, etiam de ipso esse dici de-
 beant. Quia, ut ait Augustinus in libro de natura bo-
 ni. Non hoc significat penitus, ex ipso, quod de ipso.
 Quod enim de ipso est, potest dici esse ex ipso: sed
 non omne quod ex ipso est, potest dici esse de ipso, quia
 non est de sua substantia. Et ex ipso enim sunt cælum,
 & terra, quia ipse fecit ea: non autem de ipso, quia
 non de substantia sua. Sicut aliquis homo si generat
 Filium, & faciat domum, & ex ipso est Filius, & ex
 ipso est & domus: sed Filius de ipso, domus vero de
 terra, & ligno, non de se ipso.

Quæ dicta sunt summam colligit.

Ex præmissis apertum est, quod in Dei cognitione,
 siue præscentia sunt omnia, scilicet bona, & mala, E
 sed non omni modo sunt ibi mala, quo bona: & quod
 in Deo bona tantum sunt, sicut ex ipso, & per ipsum,
 non mala. Et ex quo sensu hæc accipienda sint assi-
 gnatum est. Et quod de ipso non dicitur esse proprie,
 quod aliud est ab ipso. Ex ipso autem esse dicuntur
 omnia, qua eo auctore sunt.

DISTINCT. XXXVI.

Quo modo res sint in Deo.

Solet hic queri cum omnia dicantur esse in Dei
 cognitione.

Expositio Textus.

SUPRA egit Magister de cognitione Dei, quia Diuisio.
 cognoscit creata omnia. Et quoniam cognitum
 dicitur esse in cognoscente: ideo determinat
 hic modum quo modo res sunt in Deo. Et quoniam res
 creatæ non tantum dicuntur esse in Deo, sed etiam ex
 Deo, & per Deum: ideo primo agit de existentia rerū
 in Deo: secundo vero comparat ad alias habitudines,
 scilicet ex ipso, & per ipsum, ibi: *Proinde si diligenter*
inspiciamus. Prima pars habet duas. In prima ostendit
 qualiter res dicantur esse in Deo à parte eius in quo
 sunt, vtrum scilicet sint in Dei essentia sicut sunt in Dei
 præscentia. In secunda qualiter dicantur esse in Deo à
 parte ipsarum rerum, ibi: *Post prædicta queritur, cum*
omnia dicantur esse in Deo, ubi querit, vtrum mala sint
in Deo, & soluit quod non. Qualibet harum partium
 potest diuidi: quoniam primo querit, & opponit, &
 postmodum determinat, & partes manifestæ sunt in li-
 tera. Secunda quoque pars, in qua comparat hoc quod
 esse in Deo ad alias habitudines importatas per alias
 præpositiones, habet quatuor partes. In prima ostendit
 horum trium conuenientiam. In secunda, differentiam,
 & appropriationem, ibi: *Præterea sciendum est.* In tertia
 differentiam eius quod dicitur de ipso ad hoc quod di-
 citur ex ipso ostendit, ibi: *Illud etiam hic annexendum.*
 In quarta breuiter prædicta epilogat, ibi: *Ex præmissis*
apertum est. Et hæc pars potest diuidi contra totam præ-
 cedentem. Intellectus partium patet in litera.

Dei cognitio eius vtrique essentia est, nec tamen omnia,
 qua sunt in cognitione, &c. sunt in eius
 essentia. Dub. I.

Videtur hic male dicere, quia hoc argumentum vi-
 detur esse necessarium, si aliqua duo sunt omnino ead-
 em, si aliquid est in vno, & in alio. Si dicas quod dif-
 ferunt penes connotata, videtur falsum, quia Dei præ-
 scientia non connotat. Vel si dicas quod præscientia
 connotat, obicitur de hoc nomine *Deus*, quod non con-
 notat, & tamen dicuntur omnia esse in Deo: ergo pari
 ratione, & in essentia. Præterea contra Magistrum vi-
 detur esse verbum Anselmi in Monolog. quod creatu-
 ra in Creatore est creatrix essentia: ergo videtur quod
 vere sint in Dei essentia.

RESP. Dicendum, quod hæc præpositio, *in*, aliquan-
 do notat inhaerentiam, ut si dicatur accidens in subie-
 cto. Aliquando notat identitatem, ut si dicatur, *ideæ* re-
 rum sunt in Deo, quoniam sunt Deus, non à Deo. Ali-
 quando notat causalitatem, ut si dicatur, creaturæ sunt
 in ipso Deo. Et potest hæc præpositio, *in*, dici secundum
 quatuor genera causarum: sed in Deo non dicitur nisi
 secundum tria. Quoniam ergo causa dicit respectum ad
 creaturam secundum rationem intelligendi: ideo hæc
 præpositio, *in*, secundum quod dicit causalitatem, non
 additur nisi terminis dicentibus respectum ad creatu-
 ram. Et quoniam nomen substantiæ, vel naturæ, vel es-
 sentiæ non dicit respectum: ideo si dicatur: Creaturæ sunt
 in Dei substantia, hæc præpositio, *in*, aut notat identita-
 tem, aut inhaerentiam, quorum verumque falsum est: &
 ideo tales locutiones non recipiuntur, & in illo argu-
 mento est sophisma secundum accidens: ideo dicit Ma-
 gister quod non valet: quamvis enim idem sint re, dif-
 ferunt tamen in modo significandi, & intelligendi. Ad
 illud quod obicitur quod Deus non dicit respectum,

dicendum

dicendum quod falsum est, quia imponitur ab actu quæ habet ad creaturam, sicut dicit Damascenus. Vnde bene dicitur: Deus creaturarum. Ad illud quod obiicitur quod creatura in Creatore est creatrix essentia, dicendum quod creaturam in Creatore esse, est ideam, vel similitudinem eius apud Deum esse: & Anselmus vult dicere, quod similitudo illa est creatrix essentia, non quod illa creatura sit essentia: vnde bene concedendum, quod idæ rerum sunt in diuina essentia, quia, *in*, notat identitatem, & vere: sed hoc non potest dici de creatura secundum esse: quod habet in proprio genere.

Illæ enim esse in Deo intelliguntur, quæ ex ipso, & per ipsum sunt. Dub. II.

Videtur male dicere, quia cum talia non sint nisi presentia: ergo in Deo non sunt nisi ea quæ præsentia liter existunt, quod est manifeste falsum, & contra Augustinum qui dicit, quod res sunt in Deo ab æterno. Si dicas quod accipit esse in Deo, ut in conseruante, quia sic accipit Apostolus in præfata auctoritate. Ex ipso, & per ipsum, & in ipso: tunc nihil facit ad propositum, quia Magister accipit, *esse in*, secundum quod dicuntur res esse in Deo æternaliter. Si tu dicas, quod res actualiter sunt ex Deo, vel per Deum ex tempore, sed habitualiter ab æterno: tunc quæro qualiter actualiter sunt in Deo ab æterno, & non ex Deo, vel per Deum.

R.ESP. Dicendum, quod esse ex Deo, vel per Deum, potest accipi, vel secundum aptitudinem, vel secundum actum, vel secundum habitum. Si secundum actum, sic prædicta auctoritas non est intelligenda præcise, quod illa sola sint in Deo, quæ sunt ex Deo, vel per Deum, quia multa Deus cognoscit, quæ sunt in Deo, quæ tamen non sunt ex ipso, nec per ipsum, nec erunt. Potest it. rum accipi secundum habitum, & sic adhuc non est intelligenda præcise, quia multa Deus cognoscit, & potest facere, quæ non faciet, & tamen sunt in ipso, nec vnquam erunt ex ipso, nec per ipsum. Potest iterum intelligi, secundum aptitudinem, & tunc præcise habet veritatem, quia nihil est in Deo, nisi sit aptum esse ex ipso & per ipsum, & sic valet ad propositum, & sic intelligit Magister, & per hoc excluduntur mala, quia Deus non potest facere mala, nec mala possunt esse ex ipso, nec per ipsum. Quod queritur, quare non dicuntur res æternaliter esse ex Deo, &c. Dicendum quod non est simile, quia aliæ præpositiones significant per modum fieri, & motus & actus, sed hæc præpositio, *in*, per modum quietis. Et quoniam Deus non fecit nisi ex tempore, nec fuit causa actualiter causans nisi ex tempore, licet habitualiter ab æterno: ideo magis dicuntur res æternaliter in Deo, quam ex Deo.

Mala non sunt in Deo: & paulo post subiungit: bona cognoscit etiam per approbationem & per beneplacitum: mala vero non, supple, cognoscit Deus per approbationem. Dub. III.

Videtur male dicere, quia approbatio respicit voluntatem: sed esse in Deo respicit ab æterno exemplaritatem: ergo notitia approbationis nihil ad hoc facit. Item Magister videtur insufficiens in diuisione diuinæ cognitionis, quia sicut bona cognoscuntur notitia approbationis, ita mala notitia reprobationis. Item approbatio aut nihil, aut aliquid addit supra notitiam simpliciter, aut non. Et si non: ergo non est in Deo distinguere notitiam, & notitiam approbationis. Item si nihil addit: ergo sicut sunt in Deo, quæ cognoscit approbando, ita etiam illa quæ cognoscit simpliciter. Si aliquid addit: ergo videtur, quod diuina notitia sit composita. Si dicas, quod addit secundum intellectum, sed intellectus noster non facit res esse in Deo: ergo nec notitia approbationis.

R.ESP. Dicendum quod approbatio supra cognitionem, secundum intellectum addit beneplacitum voluntatis: hic autem beneplacitum connotat bonitatem in Deo respectu cuius est, quia Deo non placet nisi bonum, &

esse bonum in quantum huiusmodi Deo simile est. si ergo idea dicit rationem cognoscendi secundum assimilationem, omnia quæ Deus cognoscit notitia approbationis, sunt in ipso. Sed notandum quod approbatio potest connotare bonitatem in actu, & sic non est præcise verum, quod omne quod est in Deo, sit cognitum notitia approbationis. Potest iterum connotare bonitatem in potentia, sicut exemplar connotat rei entitatem, non quia sit: sed quia Deus potest eam facere, & sic nihil est in Deo nisi quod cognoscit notitia approbationis, quia sic cognoscit omne bonum quod est, vel quod potest facere, & illius habet exemplar, & ideo illud tantum est in Deo. Quod ergo obiicitur quod voluntas non facit quod sint in Deo. Dicendum quod hoc non est, quia voluntas in actu, sed quia Deus nihil potest facere quod non approbet tanquam bonum: vnde approbatio totius dicit ibi iudicium rationis, quam affectum voluntatis. Quod queritur, si addit. Dicendum quod addit à parte nostri intellectus, & à parte connotati, à parte ipsius Dei non. Non sic autem addit reprobatio: ideo Magister non ponit notitiam reprobationis pro membro.

Eandem vim habent omnia hæc, scilicet ex ipso, & in ipso, & per ipsum. Dub. IV.

Obiicitur contra hæc Ambrosij verba, quod si habent eandem vim: ergo videtur hic esse inculcatio verborum. Item aut accipitur esse *in ipso* sicut in exemplari aut sicut in causa conseruante. Si tanquam in exemplari, constat quod aliud est esse *in ipso*, & *ex ipso*, sicut præostensum est. Si tanquam in conseruante, adhuc est aliud produci, aliud conseruari. Item, si eandem vim habent, sicut *ex ipso* appropriatur Patri, ita potest appropriari filio, & similiter Patri erit appropriare *in ipso*.

R.ESP. Dicendum quod est loqui de illis tribus, circumlocutionibus quantum ad illud quod significant, aut quantum ad ordinem quem connotant. Si loquamur quantum ad illud quod significant, sic omnia dicuntur esse ex Deo, tanquam ex principio primo non aliunde moto. Omnia dicuntur esse per Deum, tanquam per principium sufficientissimum, quod omnia agit per seipsum. Omnia dicuntur esse in Deo tanquam in principio infinito, quod non potest facere aliquid extra se, sed omnia ambit eius virtus, & in his tribus circumlocutionibus significatur quod Deus est principium primum, & sufficientissimum, & infinitissimum. Et quia omnia hæc in Deo sunt vnum, & conueniunt tribus: ideo quantum ad significatum dicit Ambrosius quod habent eandem vim, nec tamen est inculcatio, quia diuersimode important secundum rationem intelligendi. Si autem loquamur quantum ad ordinem quem connotant præpositionum habitudines, sic sunt appropriatæ tribus. Quia *ex ipso* dicit rationem primi: & *per ipsum*, dicit rationem medij: & *in ipso*, dicit rationem vltimi, siue quietatiui. Et ideo, *ex ipso*, appropriatur personæ Patris, quæ est prima in Trinitate: *per ipsum*, appropriatur filio qui est persona media: & *in ipso*, Spiritui sancto qui est persona tertia. Ex his patent obiecta.

ARTICVLVS I.

AD intelligentiam huius partis queritur de existentia rerum in Deo, & circa hoc tria principaliter queruntur. Primo vtrum creaturæ fuerint in Deo æternaliter. Secundo queritur de modo existendi ipsarum rerum in Deo. Tertio quantum ad generalitatem rerum in Deo existentium, vtrum scilicet omnia quæ Deus præcognoscit, fuerint & sint in Deo. Ita quod primo de existentia. Secundo de modo. Et tertio de numero. Quantum ergo ad primum articulum duo queruntur. Primo queritur, vtrum res fuerint in Deo ab æterno. Secundo vtrum sint in Deo ratione essentiae, vel personæ.

QVÆSTIO I.

*An res fuerint in Deo ab æterno.**Alex. Alenf. 1. p. q. 23. Membro 4. art. 1. §. 6.**S. Thomas 1. p. q. 14. art. 1.**Et de Verit. q. 3. art. 5.**Scotus 1. Sent. d. 36. q. 1.**Ægid. Rom. 1. Sent. dist. 35. q. 3.**Richard. 1. Sent. dist. 35. q. 4.**Durandus 1. Sent. dist. 36. q. 2.**Steph. Brulef. 1. Sent. dist. 36. q. 1.*

Quod res fuerint in Deo ab æterno, videtur quia agens cognoscens agit per speciem rei quam pene se habet: sed res est in anima, quia similitudo eius est in ea: ergo & in Deo similiter. Si dicas quod illud exemplar nihil est rei: ergo secundum illud non deberet dici res esse in Deo. Contra: Plus facit ad esse rei exemplar, quod est cognitivum & productivum, quam quod est productum à re: si ergo ratione exemplaris producti à re, res est in anima, multo fortius debet dici in Deo esse ratione exemplaris producentis, sed hoc ab æterno: ergo, &c.

ITEM similitudo producta non est vere aliquid, sed alienius: sed exemplar per quod cognoscit Deus vere est ipse Deus: ergo verius est exemplar rei in Deo quam in anima: ergo multo fortius res in Deo quam in anima, & sic, &c.

ITEM quia res potest exire de materia, res est in materia, & tamen non taliter est in potentia materiae, imo agentis: ergo si res quæ sunt in potentia Dei totaliter ibi sunt multo fortius debent dici esse in ipso, sic, &c.

1. CONTRA: Quod exit per creationem, omnino nihil est antequam creetur: sed creaturæ sic exeunt: ergo omnino nihil sunt antequam producantur: sed quod non est, nec est hic, nec ibi: ergo non est in aliquo, & ita nec in Deo.

2. ITEM quod est in aliquo, est in illo vel secundum se, vel secundum aliquid sui: sed res non est in Deo secundum se, quia tunc essentialiter esset in Deo: nec secundum aliquid sui, quia nihil de ipsa est æternum, sed totum ex tempore: ergo, &c.

3. ITEM quod est in aliquo, est in illo secundum esse actuale vel potentiale: sed creatura non est in Deo secundum esse actuale, quia tunc actu esset: ergo si est in Deo, est secundum esse potentiale: sed omne esse potentiale secundum quod huiusmodi, est permutabile: si ergo creatura ab æterno est in Deo secundum esse potentiale, ab æterno est in Deo secundum esse mutabile: sed hoc est falsum: ergo & primum.

4. ITEM si creatura dicitur esse in Deo, quia potest esse à Deo: ergo cum ab æterno esse à Deo sit impossibile, non erit creatura ab æterno in Deo ratione potentiae.

CONCLUSIO.

Res sunt in Deo ab æterno secundum similitudinis præsentiam, atque secundum causativam potentiam, licet non secundum realem existentiam.

RESP. ad Arg. Dicendum quod aliquid dicitur esse in aliquo tripliciter, vel secundum actualem existentiam, vel secundum similitudinis præsentiam, vel secundum causativam potentiam. Primo modo sunt res in uniuerso. Secundo modo in cognitiua substantia. Tertio modo in sua causa. His duobus modis ultimis res sunt in Deo, quia est cognoscens res antequam fiant, & potens producere. Vnde quia ab æterno cognoscit, & potentia qua produxit ex tempore, in Deo fuit ab æterno, ideo dicuntur res fuisse in Deo ab æterno.

1. AD illud quod obiicitur: Quod nihil est, non est in aliquo. Dicendum quod verum est secundum primum

A modum existendi, sed falsum secundum secundum, & secundum tertium: quia illud quod nihil est modo, Deus potest facere.

2. AD illud quod obiicitur quod illud quod est in aliquo est in illo secundum se, &c. Dicendum quod quantum ad secundum modum res sunt in Deo secundum aliquid sui, quia secundum exemplar. Sed aliquid rei potest dici tripliciter, scilicet essentialiter, effectiue, & causatiue, scilicet sicut pars, effectus, & causa. Hoc tertio modo est illud exemplar aliquid rei, videlicet ut causa, scilicet quantum ad tertium modum, scilicet potentiam causatiuam, est res secundum se non in actu, sed potentia, quia solum esse potest produci à Deo. Similiter ad sequens, dicendum quod ratione exemplaritatis res actualiter sunt in Deo: ratione creationis, potentialiter, quia possunt produci.

3. QVOD obiicitur: Quod est in Deo est immutabile, dicendum quod hoc est verum de eo quod est actu in Deo: sed quod potest produci à Deo est mutabile. Vel dicendum quod potentia se habet per comparisonem ad diuinam potentiam quæ est immutabilis, & sic est immutabile. Vel ad connotatum temporale extra, & sic habet esse mutabile.

4. AD illud quod obiicitur de creatione, dicendum quod quamvis actus creandi non potuerit esse ab æterno, tamen potentia creandi fuit in Deo ab æterno.

QVÆSTIO II.

*An res ratione essentia, vel personæ sint in Deo.**S. Thom. 1. p. q. 14. art. 6.**Et 1. Sent. dist. 35. q. 1. art. 3.**Et dist. 36. q. 1. art. 1.**Et de Verit. q. 2. art. 4.**Steph. Brulef. 1. Sent. dist. 36. q. 2.*

Vtrum res sint in Deo ratione essentia, vel personæ. Et quod ratione essentia videtur, quia quod inest ratione personæ est proprium: quod inest ratione essentia, est commune: si ergo hoc est commune tribus, patet, &c. Præterea res in Deo sunt ratione exemplaritatis, sed exemplar creaturæ in Deo est diuina essentia, quia Deus seipso producit & cognoscit: ergo &c.

ITEM regula est, quod quicquid de Deo dicitur in relatione ad creaturam, est essentialiter dictum: sed res esse in Deo est taliter dictum: ergo, &c.

1. CONTRA quod ratione personæ videtur, quia res sunt in Deo in quantum possunt ab ipso exire: sed producere cum sit actus, est ipsius suppositi: ergo personæ.

2. ITEM sicut dicit Augustinus: Verbum dicit operatiuam potentiam: si ergo res sunt in Deo ratione potentia operatiue, sunt in eo ratione verbi: ergo cum verbum sit persona, sunt in Deo ratione personæ.

3. ITEM Augustinus dicit quod cum dicitur: Dixit, ut fiat, intelligitur Pater: in verbo dicendi Filius: in visione Spiritus sanctus: ergo cum eius sit producere in quo sunt: patet ergo quod sunt ratione personæ.

E

CONCLUSIO.

Res sunt in Deo non ratione essentia, nec ratione personæ, sed sunt in Deo, ut in causa.

RESP. ad Arg. Dicendum quod in diuinis est considerare essentiam, quæ est communis ut communis, & absoluta: est considerare proprietates, & est considerare commune ut in relatione ad propria. Primum dicitur in omnimoda absolute, secundum, scilicet proprietates dicit relationem ad personam: tertium dicit relationem ad res, & illa appropriata significant Deum ut causam. Cum ergo queritur, utrum res sint in Deo ratione essentia, vel personæ, dicendum quod proprie loquen-

do

do nec sic, nec sic, sed sunt in Deo ut in causa, & sic ratione appropriatorum, quæ sunt essentialia considerata in personis. Cum ergo obiicitur quod sint in essentia, dicendum quod illæ rationes concludunt quod sunt in essentia communiter dicta, secundum quod comprehendit appropriata, non secundum quod in omnimoda absolute consideratione consideratur.

1. 2. 3. Quid obiicitur ad oppositum non concludit de persona ratione priorum, sed ratione appropriatorum.

ARTICULVS II.

Consequenter quantum ad secundum articulum queritur de modo existentie rerum in Deo, & circa hoc queruntur duo. Primo queritur, utrum omnia quæ sunt in Deo sint in ipso vita. Secundo queritur, utrum res verius sint in Deo quam in vniuerso, siue in proprio genere.

QVÆSTIO I.

An omnia sint vita in Deo.

Alex. Alensis 1. p. q. 23. Membr. 4. art. 1. §. 4.

S. Thom. 1. p. q. 18. art. 4.

Et de Ver. q. 4. art. 8.

Stephan. Brulef. 1. Sent. dist. 36. q. 3.

Quod omnia sint in Deo vita videtur: Quod factum est, in ipso vita erat: sed omnis creatura est facta: ergo omnis creatura est in ipso vita.

ITEM Augustinus super Genesim ad literam: Omnia dicuntur in ipso fuisse vita, non in sua natura, quia omnia nouerat antequam fierent.

ITEM ratione videtur, quia diuina essentia est vita: ergo quod diuina essentia est, etiam vita est: sed creatura in Deo est diuina essentia: quia quidquid est in Deo, est Deus: ergo est vita, & hoc est quod dicit Anselmus in Monolog. quod creatura in Deo creatrix est essentia.

ITEM intelligere est vna differentia eius quod est viuere, cum viuere dicatur quadrupliciter secundum Philosophum, si ergo intelligere est viuere, omnis ratio intelligendi est ratio viuendi: sed res sunt in Deo secundum suas rationes intelligendi: ergo sunt in Deo viuentes: sed non per participationem: ergo sunt vita simpliciter.

1. CONTRA: In ipso viuimus, mouemur, & sumus. Ergo si quia viuimus, sumus in Deo vita: ergo & quia mouemur, sumus in eo motus: sed hoc non dicitur: ergo nec illud debet dici.

2. ITEM si res dicuntur in Deo vita, aut ergo ratione potentie, aut notitie, aut voluntatis. Non ratione potentie, quia res ex hoc non potest produci per creationem, antequam producat nihil omnino est, quia secundum totum producit: si nihil est, ergo nec vita. Nec ratione notitie, quia tunc cum mala sint à Deo cognita, tunc mala essent in Deo vita, quia absurdum est. Nec ratione voluntatis, cum voluntas Dei non sit nisi futurorum: sic enim sola futura viuerent in Deo: sed alia quam futura sunt in Deo per Ideam: ergo non omne quod est in Deo, est in ipso vita.

3. ITEM hoc videtur, quia exemplar æternum repræsentat res expressissime secundum quod sunt, & ab ipso exeunt: ergo cum quædam viuant, quædam non, quædam repræsentat per modum viuientium, quædam per modum non viuientium: ergo quædam sunt in Deo vita, quædam non.

4. RATIONE huius queritur quare magis dicuntur res esse in Deo vita, quam sapientia, vel essentia, vel intelligentia.

CONCLUSIO.

Quia res sunt in Deo tanquam in exemplari, propterea quacunque in ipso sunt, vita in eo sunt.

Ad arg. hoc voluerunt quidam dicere quod non om-

nia quæ dicuntur esse in Deo, sunt in illo vita, sed ea solum quæ sic sunt in Deo ut disposita fieri. Et ratio huius est, quoniam verbum, & ita dicunt actum, vel dispositionem, & ideo dicit Anselmus: Quoniam verbum non est nisi eorum quæ sunt, vel futura sunt: & ideo ea solum sunt in Deo vita. Et ideo dicunt quod ad rationem dicendi vitam concurrat necessario, quod res sint in Deo quantum ad potentiam, notitiam, & voluntatem producendi. Sed hoc non potest stare secundum Augustinum: Filius enim ut ipse dicit lib. de Trinitate, est ars plena omnium rationum viuientium, sed constat quod non impletur nisi rationibus infinitis: ergo infinitæ rationes rerum viuunt in Deo: ergo non solum præsentium, vel futurorum, sed etiam omnium possibile. Et iterum Augustinus dicit quod ratio est etiam, si nunquam aliquid per illam fiat, sed constat quod ratio in mente artificis viuit, non quia res extra producit, viuit enim etiam si res corrumpatur, & exterius esse, omnino nihil facit ad vitam. Et ideo patet quare non solum præsentia vel futura viuunt in Deo. Et propterea aliter dicendum, quod res tripliciter sunt in Deo, videlicet ut in principio producente, & sic sunt ibi ratione potentie, ut in exemplari exprimente, & sic sunt ibi ratione notitie. Et ut in fine conseruant, & sic sunt ibi ratione voluntatis. Primo modo quia sunt in Deo sicut in principio producente, cum totum ex nihilo producat Deus, nihil omnino sunt in Deo, nec vita, nec aliquid. Quia vero sunt in Deo tanquam in fine conseruante, cum conseruentur secundum esse quod habent, sic sunt quædam vita, quædam non. Vnde quædam sunt tantum, quædam sunt & mouentur, quædam (ut homines) & sunt & mouentur, & viuunt. Quia vero sunt in Deo ut in exemplari exprimente, sic sunt in ipso vita. Et quia non solum in illo exemplari exprimuntur entia, sed entia omnia cognoscibilia, ideo omnia sunt in Deo vita quæ in ipso sunt. Et ideo dicit beatus Ioannes: Quod factum est, in ipso vita erat. Et sic patet quod esse in Deo attenditur secundum triplex genus causæ: & similiter patet, quo modo ratione potentie, & notitie, & voluntatis. Et sic soluitur illa quæstio secundum quod genus causæ, vel secundum quam trium conditionum dicuntur res esse in Deo. Patet etiam quod in Deo dicuntur vita, omnia quæ sunt in ipso, tanquam in exemplari.

1. Ad illud ergo quod obiicitur quod in Deo mouemur, &c. intelligendum est quantum ad tertium modum essendi in Deo, scilicet per conseruationem. Deus enim conseruat in nobis vitam, & operationem, & essentiam: & quantum ad hoc intelligitur dictum illud verbum.

2. Ad illud quod obiicitur, cuius ratione res dicuntur in Deo vita, &c. Dicendum quod ratione potentie, & notitie simul: quia ista duo concurrunt ad rationem exemplaris: non enim est exemplar Dei nisi eorum quæ cognoscit, & potest.

3. Ad illud quod obiicitur, quod res in illo exemplari repræsentantur ut sunt. Dicendum quod verum est: tamen non oportet quod ratio repræsentationis sit talis omnino quale est repræsentatum, sicut supra ostensum est: & ideo sicut corporalium est Idea spiritualis, ita non viuientium viuens.

4. Ad illud quod ultimo queritur, quare magis dicuntur res esse in Deo vita quam alia. Dicendum quod quamvis prædictum verbum multas habeat expositiones, quo dicitur: Quod factum est, in ipso vita erat: tamen specialiter circa hoc verbum consideranda est veritas dicti, & ratio dicendi. Veritas dicti ut dicit Augustinus, est quod omnes res factæ à Deo, vel etiam possibile fieri, habent rationes per quas intelliguntur: quæ quidem rationes viuere dicuntur, quia sunt in substantia viuente secundum quod viuens: & sunt etiam ratio intelligendi qui est actus vitæ: ideo in artifice creato dicuntur viuere, sed in Deo non tantum dicuntur viuere, sed etiam ipsa vita, quia ipsa ratio cognoscendi est ipsa intelligentia. Ratio autem dicendi fuit hæc: Cum enim res habeant esse in Deo, & in vniuerso, & diuer-

simode

Opinio
aliorum

Improb

Aug. lib.
de Trin.
cap. 10.

Aug. lib.
9. q. 46.

Ioan. 1.

Censuræ
S. Thom.
hic art.
q. 1.

Lib. 83
46. 10. 4

simode: quia aliquas proprietates habent secundum existentias in mundo, quæ non competunt eis secundum quod sunt in Deo: ideo non solum dixit: Quod factum est in ipso erat: sed vita, ut omnes illæ conditiones excluderentur. Creaturæ enim in mundo habent esse corporale, variabile, & corruptibile. Quoniam enim vita est actus spiritualis, & continuus fluens ab ente quieto & sempiterno, dictum est quod res sunt in Deo vita, ut per spiritualitatem excludatur corporeitas, per quietem variabilitas, per sempiternitatem corruptibilitas.

QVÆSTIO II.

An Res verius esse habeant in Deo, quam in proprio genere.

S. Thom. 1. p. q. 14. art. 5.

Et 1. Sent. dist. 35. q. 1. art. 2.

Et de Ver. q. 2. art. 4.

Ægid. Rom. 1. Sent. dist. 35. q. 3.

Richardus 1. Sent. dist. 35. q. 3.

Steph. Brulef. 1. Sent. dist. 35. q. 4.

Petrus de Tarantaf. 1. Sent. dist. 36. q. 4.

Ad oppositum.

Aug. lib. 5. cap. 15.

Arist. 2. Metaph. contex. 4.

Lib. 3. de anima contex. 4.

Fundamēta.

Vtrum res sint in Deo verius quam in vniuerso siue in proprio genere. Et quod verius sint in Deo, videtur per Augustinum super Genesim ad litteram: Omnia prius quam fierent erant in notitia facientis: & utique ibi veriora, vbi æterna, & incommutabilia.

2. ITEM vnumquodque sicut se habet ad esse, ita ad cognitionem sed creaturæ verius cognoscuntur in Deo, quam in proprio genere: ergo & verius sunt in Deo.

3. ITEM omne quod est in aliquo, est in eo per modum eius in quo est: sed Deus est in infinitum nobilior mundo: ergo in infinitum nobiliori & veriori modo sunt res in Deo, quam in vniuerso.

4. ITEM nobilior & verius est esse vitæ quam non viuētis: sed omnia viuunt in Deo, ut supra monstratum est: non autem in genere proprio: ergo, & c.

CONTRA: Verius est res vbi est simpliciter, quam vbi est solum secundum quid: sed in Deo solum dicitur esse secundum quid, quia non sequitur: alius est in Deo, ergo alius est: sed in proprio genere sunt simpliciter: ergo verius.

ITEM verius est res, vbi est secundum principia intrinseca, & proxima, quam vbi est in principio extrinseco, & remoto: sed res in mundo sunt secundum principia intrinseca, in Deo autem ut in principio extrinseco: ergo, & c.

ITEM verius est res vbi est secundum propriam entitatem, quam vbi solum secundum similitudinem: sed in Deo est homo & lapis, & alia secundum similitudinem: ergo, & c.

CONCLUSIO.

Res si comparentur ad seipsas secundum diuersum modum existendi, habent verius esse in proprio genere quam in cognoscente: si vero conferantur cum sua similitudine qua in Deo est, tunc similitudo verius habet esse quam ipsa res in mundo.

RESP. Dicendum quod triplex est existentia rerum, scilicet in exemplari æterno, & in intellectu creato, & in ipso mudo. In exemplari æterno, & in intellectu creato sunt res secundum similitudinem. In ipso mundo secundum entitatem propriam. Quando ergo quæritur, in quo sint verius, hoc dupliciter potest queri, aut ita quod fiat comparatio eiusdem rei ad se secundum diuersum modum existendi, ut sit sensus, ut lapis verius habet esse, vel cum est in cognoscente, vel producēte, vel cum est in se, & hoc modo concedendum est quod verius est vnaquæque res in proprio genere quā in Deo: sicut pro-

bant rationes ad hoc inductæ. Alio modo potest fieri comparatio rei ad suam similitudinem, ut sit sensus quætionis, quid habet esse verius & nobilior, vtrum ipsa res, vel eius similitudo? & hoc modo simpliciter concedendum quod similitudo rei verius & nobilior esse habet in Deo quam ipsa res in mundo ratione eius quod est, quia est ipse Deus, & concedendæ sunt rationes ad hoc inductæ. Adhuc similitudines rerum in intellectu creato verius & nobilior habent esse, quam res in vniuerso, ut dicit Augustinus in lib. de Trinitate. non ratione eius quod sunt, sed ratione eius in quo, quia sunt nobiliori & spiritualiori modo similitudines in intellectu cognoscente, quam sint ipsæ res in mundo contentæ. Et sic patent rationes ad vtramque partem.

2. Tamen ad illud argumentum quod fit de comparatione esse ad cognoscere. Dicendum quod illud generaliter intellectum quod res ibi est verius, vbi verius cognoscitur, non habet veritatem. Contingit enim cognoscere quod non est. Et ideo sicut ad cognosci non sequitur esse, ita nec ad vere cognosci, vere esse: nec ad verius cognosci, verius esse. Quando ergo dicitur quod vnumquodque sicut se habet ad esse, ita ad cognitionem, hoc intelligitur, quia eadem principia quæ sunt principia essendi, sunt etiam principia cognoscendi: sed tamen principia conferunt esse per seipsa: sed cognitionem non conferunt per se, sed per suas similitudines.

ARTICVLVS III.

Tertio loco est quæstio de tertio articulo, scilicet generalitate existente rerum in Deo, & circa hoc quærentur duo. Primo quæritur, vtrum mala sint in Deo. Secundo vtrum in Deo sint imperfecta secundum quod huiusmodi.

QVÆSTIO I.

An mala sint in Deo.

S. Thom. 1. p. q. 15. art. 3.

Et de Ver. q. 3. art. 4.

Ægid. Rom. 1. Sent. dist. 36. p. 2. q. 4.

Henricus Quod. 79. 1.

Richardus 1. Sent. dist. 36. q. 2.

Steph. Brulef. 1. Sent. dist. 36. q. 5.

Petrus de Tarantaf. 1. Sent. dist. 36. q. 8.

D

Quod mala non sint in Deo, videtur per Augustinum de lib. arb. In tantum res recte vituperantur, in quantum earum vituperator attem, in qua facta sunt, videt, ut hoc in eis vituperet quod in arte non videt. Si ergo vituperantur quantum ad malitiam, siue in quantum mala, & hoc modo non videntur in Deo: ergo hoc modo non sunt in Deo.

ITEM omne quod est in Deo est ex ipso & per ipsum, ut dicit Augustinus, & Magister in littera: sed mala nunquam sunt ex Deo, nec per Deum: ergo nec in Deo.

ITEM omne quod est in Deo, aut est sicut in principio producente, aut sicut in exemplari exprimente, aut sicut in conseruante sed constans est quod Deus non est principium producens mala, nec etiam conseruans.

ITEM non est exemplar exprimens, quia ratio exemplaris attenditur secundum assimilationem: sed Dei ad malum nulla est assimilatio: ergo mala nullo modo sunt in Deo.

ITEM quanto aliquid melius est, tanto magis distat à malo: sed Deus est optimus, quo nihil melius potest cogitari: ergo tanta distantia differt, quanta nulla maior potest cogitari: sed magis distat à malo quod nec habet veritatem malitiæ, nec similitudinem, quam quod habet saltem similitudinem, & in quo nullo modo est malum, quam in quo, aliquo modo est: ergo, & c.

1. CONTRA: Omne quod cognoscitur ab aliquo qui est sua cognitio, est in illo tanquam in cognoscente: sed Deus cognoscit mala, quia ea punit & reprobat, &

Deus

Idem habet S. Thom. de veritat. q. 4. art. 6. Et 1. p. q. 18. art. 4. ad 3.

Fundamēta. *Lib. 3. de lib. arb. c. 15. in princip. tom. 1.*

Aug. lib. 1. de pradi. sanct. c. 10. tom. 7.

Ad oppositum.

Deus est sua cognitio : ergo mala sunt in Deo. Minor patet, maior similiter, quia omne cognitum est in cognitione: si ergo idem est cognitio & cognoscens : ergo si est in cognitione, & in cognoscente.

2. ITEM omne quod cognoscitur in aliquo, est in illo in quo cognoscitur : sed mala cognoscuntur in Deo: ergo sunt in Deo. Probatio minoris Mala cognoscuntur à Deo, conllat, aut intra se, aut extra. Non extra, hoc constat, quia diuinus aspectus non exit extra, tunc enim indigeret alio ad cognoscendum. Restat ergo quod intra se, & iterum Angeli cognoscunt mala in Deo. Vnde Augustinus super Genesim ad literam : Angeli vident in illo bona nostra quæ eis placent, & mala nostra quæ eis displicent.

3. ITEM omne quod cognoscitur in aliquo, & non per accidens, est aliquo modo in illo sicut in exemplari: sed mala cognoscuntur à Deo, sed non per accidens, quia nihil per accidens cognoscit, sed omnia per se: ergo mala sunt in Deo.

4. ITEM omne quod cognoscitur ab aliquo non per priuationem, cognoscitur per similitudinem, & ideam : sed in Deo non cadit cognitio per priuationem, quia nulla potest in illo exemplari esse priuatio, cum sit purus actus : ergo si cognoscit mala, non cognoscit per priuationem, sed per similitudinem : sed similitudo est idea in Deo : ergo mala habent ideam in Deo.

CONCLUSIO.

Licet Deus mala cognoscat, ipsa tamen non sunt in Deo, atque ob id potissimum, quod eum causam non habeant exemplarem.

RESP. ad Arg. Dicendum quod mala à Deo cognoscuntur, non tamen in Deo existunt secundum quod mala, quia sic loquimur in proposito. Ideo, inquam, cognoscuntur, quia sicut rectum est iudex sui & obliqui, sic summa veritas, & lux, & actus est ratio cognoscendi non tantum veritatem & lucem & actum, sed etiam obliquitatem, tenebram, & priuationem. Vnde lux seipsa tenebram cognoscit. Non sunt autem mala in Deo, quoniam illa dicuntur esse in Deo ad quæ cooperatur Deus secundum aliquod genus causæ, & maxime secundum genus causæ formalis, & exemplaris: malum autem non habet Deum pro causa formali, & pro exemplari : quia malum ratione malitiæ dicit solum priuationem, exemplar autem secundum quod huiusmodi dicit assimilationem. Hinc est quod nec malum nec falsitas habet ideam in Deo: suum autem oppositum est assimilabile. Vnde cum vno & eodē cognoscat Deus bonum & malum sibi oppositum, bonum cognoscit secundum rationem assimilationis: & ideo bonum est in Deo ut in exemplari, & ut cognitum per se, & per modum positionis. Malum autem cum cognoscatur à Deo, non habet in ipso ideam, ideo non est in Deo, quamvis sit in Dei cognitione, quia quamvis cognoscatur à Deo, non tamen cognoscitur per ideam sui, sed boni cuius est priuatio: & ideo dicitur cognosci per accidens & per priuationem.

1. AD illud ergo quod obiicitur quod malum est in Dei cognitione, & cognitio est Deus, igitur, &c. Dicendum quod hic est fallacia secundum accidens. Quamvis enim idem sit cognitio Dei quod Deus, tamen aliud connotat, sicut potentia, & sapientia. Vnde sicut non sequitur: Est in Dei notitia : ergo & in potentia : imo est ibi accidens & consequens: sic & in proposito.

2. AD illud quod obiicitur quod malum cognoscitur in Deo. Dicendum quod illud non sequitur, plus enim dicit esse in Deo, quam cognosci à Deo, vel in Deo. Cum enim dicitur aliquid cognosci à Deo, per hoc intelligitur quod Deus sit ratio cognoscendi illud : sed cum additur quod hoc sit in Deo, significatur quod Deus sit ratio cognoscendi ut exemplar, & per assimilationem, & ideo est ibi consequens.

3. AD illud quod obiicitur quod cognoscit non per

accidens mala, &c. dicendum quod cognosci per accidens hoc est dupliciter, aut à parte cognoscentis, aut cogniti. In Deo nulla cadit cognitio per accidens à parte cognoscentis, quia omnia cognoscit seipso, tamen cadit à parte cogniti, quoniam aliquid cognoscit per similitudinem suam, ut bonum: aliquid per similitudinem sui oppositi, & ita est ibi per accidens, non in discurrendo, sed in assimilando: cum enim Deus cognoscit malum, non intelligitur assimilari ei, sed suo opposito.

4. Similiter soluendum est de priuatione, quia cognoscere per priuationem est dupliciter. Aut ita quod sit priuatio in virtute cognoscente, sicut cognoscit aliquis silentium & tenebram per aurem & oculum, & sic ponit imperfectionem. Aut ita quod sit priuatio in cognito non cognoscente, sicut lux cognosceret tenebram si haberet vim cognitiuam, sonus silentium, & sic cognoscit Deus, quoniam est actus purus, & lux, & veritas

QVÆSTIO II.

An imperfecta sint in Deo.

Steph. Brulef. 1. Sent. dist. 18. q. 6.

VTVM imperfecta secundum quod huiusmodi sint in Deo. Et videtur quod non, quia mala ut mala non possunt habere similitudinem cum summo bono: ergo pari ratione cum imperfecta non habeant similitudinem cum perfectissimo, non sunt in Deo.

2. ITEM illa sola sunt in Deo quæ possunt esse à Deo, & per Deum sed imperfecta à Deo non sunt, quia dicitur : Dei perfecta sunt opera.

3. ITEM specialiter obiicitur de materia & potentia, diuersitate & compositione. Cum enim exemplar sub ratione exemplaris sit forma, sit actus purus, & ita omnino simplex, videtur quod rationes materiæ, & passionis, & diuersitatis, & compositionis repugnent exemplari: & si hoc, cum nihil dicatur esse in Deo, nisi ratione exemplaritatis, patet, &c.

4. ITEM sicut veritas est generalis conditio entium, ita & vnitas: sed oppositum veritatis non habet ideam in Deo, similiter & bonitatis: ergo pari ratione oppositum unitatis: sed oppositum unitatis est multitudo: ergo, &c.

CONTRA: Augustinus ad Nebridium : Quia totum condidit, non potuit & partium non habere rationes: ergo cum partes sub ratione partium sint imperfectæ, patet quod habet rationes imperfectorum.

ITEM omnis cognitio diuina est à priori: cum ergo in omni creatura prius cadat ratio imperfecti quam perfecti, ut materiæ quam formæ, principiorum quam principiat, partium quam totius : ergo per prius hæc cognoscit Deus: ergo si perfecta habent ideam in Deo, necesse est quod habeant etiam imperfecta.

ITEM diuinum exemplar exprimit rem secundum totum, alioquin non perfecte cognosceret : sed materia est de rei constitutione, & imperfectum de constitutione perfecti: ergo, &c.

ITEM omnis effectus assimilatur suæ causæ aliqua assimilatione : sed minima assimilatio sufficit ad rationem exemplaris: ergo omne quod est à Deo, habet ideam in Deo, per quam priusquam fiat, est exemplar in Deo: sed materia est à Deo, & passio, & compositio, & diuersitas, quia omnia dicuntur ens : ergo omnia sunt in Deo.

CONCLUSIO.

Imperfecta sunt in Deo, non ratione imperfectionis, quæ priuationem dicit : sed ratione illius, quod imperfectioni subest.

RESP. Ad arg. Ad hoc dixerunt aliqui quod imperfecta non sunt in Deo, nec cognoscuntur à Deo per aliquam ideam propriam, sed per ideam suorum op-

Improbatio.

Positio propria.

positoꝝ, vt materia per ideam formæ, potentia per A ideam actus, multitudo per ideam vnitatis. Sed illud stare non potest. Cum enim ista dicant entitatem aliquam, & ita veritatem, de necessitate aliquam assimilationem habent ad primam veritatem, & ita rationem exéplaritatis, & ideo necessario sunt in Deo. Propterea intelligendū quod cum quæritur, vtrum imperfecta habeant idem in Deo, hoc dupliciter potest intelligi, aut ratione ipsius quod subest, aut ratione imperfectionis. Si ratione imperfectionis, cum imperfectio sit priuatio, & priuatio non dicat ens, nec aliquid à Deo, nec assimilabile, sic non habet ideam. Si autem ratione eius quod subest, sicut materia dicitur quid imperfectum, & materia aliquam essentiam dicit, habet ideam: sed non imperfectam. Quia sicut non viuendum est idea viuens, & corporalium spiritualis, sic temporalium æterna, & imperfectorum perfecta: nec tamen malorum est idea bona. Vnde notandum quod idea, sicut supra dictum fuit in quæstione de ideis dicit assimilationem extra genus. Prima autem assimilatio est in ratione entitatis in Deo. Omne igitur quod de se dicit rationem entitatis, siue sit compositum, siue imperfectum, siue materiale, siue possibile, siue in actu siue in potentia, potest Deo assimilari & produci, & ideo habet esse in Deo. Quod autem dicit priuationem, hoc ipso amittit rationem effectus, & rationem assimilationis, & ideo falsitas & malitia ideam non habent, nec sunt à Deo, nec in Deo. Ex his patet quod imperfecta sunt in Deo, patent etiam quæsitæ. Quod enim obiicitur de malo, patet responsio, quia malum dicit simpliciter priuationem in eo quod malum, non sic imperfectum.

1. A d illud quod obiicitur quod imperfecta non sunt à Deo, dicendum quod imperfecta secundum id quod sunt, à Deo sunt, licet in eis non remaneat imperfectio, quia Deus perficit.

2. A d illud quod obiicitur quod non habent assimilationem, dicendum quod quamvis non habeant in conditionibus specialibus, habent tamen in generalibus, & hoc sufficit. Omnia enim habent rationem boni, & pulchri, & entis.

3. A d illud quod obiicitur de opposito vnitatis dicendum quod non est simile: nam vnitatis saluatur in multitudine, non sic bonitas in malitia, nec veritas in falsitate, quia illæ sunt priuationes: non sic autem vnitatis priuatio est multitudo, & ideo patet totum.

DISTINCT. XXXVII. PARS I.

Quibus modis dicatur Deus esse in rebus.

Requoniam demonstratum est ex parte, quo modo omnia dicantur esse in Deo: addendum videtur hic quibus modis dicatur Deus esse in rebus, si tamen id humana mens vel ex parte digne valeat cogitare, vel lingua sufficiat eloqui. Sciendum ergo est quod Deus incommutabiliter semper in se existens, presentialiter, potentialiter, essentialiter est in omni natura siue essentia sine sui definitione, & in omni loco sine circumscriptione, & in omni tempore sine mutabilitate. Et præterea in sanctis spiritibus & animabus est excellentius, scilicet per gratiam inhabitans: & in homine Christo excellentissime: in quo plenitudo diuinitatis corporaliter inhabitat, vt ait Apostolus. In eo enim Deus habitauit, non per gratiam adoptionis, sed per gratiam unionis. Ne autem ista (quia capacitatem humana intelligentia excedunt) falsitatis argueret aliqui præsumant, sanctorum auctoritatibus munienda mihi videntur. Beatus Gregorius super Cantica Cant. inquit: Licet Deus communi modo omnibus

rebus insit presentia, potentia, substantia: tamen familiariori modo per gratiam dicitur esse in illis qui mirificentiam operum Dei acutius & fidelius considerant. De hoc enim eodem Augustinus ad Dardanum in libro de presentia Dei ait: *Cum Deus sit natura incorporea & incommutabiliter viuua, æterna stabilitate in seipso manens, totus adest rebus omnibus, & singulis totus: sed in quibus habitat, habent eum pro sua capacitatis diuersitate, alij amplius, alij minus: quos ipse sibi dilectissimum templum gratia sua bonitatis adificat. Hilarius quoque in libro 8. de Trinitate apertissime docet Deum ubique esse. Deus, inquit, immensa virtutis, viuens potestas, qua nusquam non adfit, non desit vsquam, se omnem per sua edocet, vt ubi sua sint, ipse esse intelligatur. Nō autem corporali modo cum alicubi sit, nō etiam ubique esse credatur, cum & in omnibus esse non desinat. Ambrosius 1. lib. de Spiritu sancto: Spiritum sanctū probat non esse creaturam, quia ubique est, quod est proprium diuinitatis, ita dicens: Cum omnis creatura certis naturæ suæ sit circumscripta limitibus: quo modo quis audeat creaturam appellare Spiritum sanctum, qui non habet circumscriptam determinatamque virtutem, qua & in omnibus, & ubique semper est: quod vtrique diuinitatis & dominationis est proprium. Item in eodem: Domini est omnia complere qui dicit: Cælum & terram ego compleo. Si ergo Dominus est qui cælum complet & terram, quis ergo potest Spiritum sanctum iudicare dominationis & diuinæ potestatis exortem, qui repleuit orbem? & quod plus est, repleuit & Iesum, totius mundi Redemptorem. Ex his aliisque pluribus auctoritatibus aperte monstratur, quod Deus ubique in omni creatura essentialiter, presentialiter, & potentialiter est.

Quod Deus in sanctis non modo est, sed etiam habitat: qui non vbicumque est, ibi habitat.

In sanctis vero etiam habitat, in quibus est per gratiam: Non enim vbicumque est, ibi habitat, ubi vero habitat, ibi est. In solis bonis habitat qui sunt templum eius, & sedes eius. Vnde per Isaiam Dominus ait: Cælum mihi sedes est, terra autem scabellum pedum meorum: quia in electis qui sunt cælum, habitat Deus & regnat: qui eius voluntati deuoti obtemperant: malos vero qui sunt terra, iudicii districtione calcant. Vnde in lib. Sapient. dicitur: Thronus sapientia anima iusti: quia in iustis specialius est quam in aliis rebus, in quibus tamen omnibus totus est: Quemadmodum anima (ait Augustinus in epist. ad Hieronymum de origine anima) per omnes particulas corporis tota adest simul, nec minor in minoribus, nec maior in maioribus, sed tamen in aliis intensius, & in aliis remissius operatur, cum in singulis particulis corporis essentialiter tota sit: Ita & Deus cum sit in omnibus essentialiter ac totus, in illis tamen plenius esse dicitur quos inhabitat, id est, in quibus ita est, vt faciat eos templum suum. Et hi tales cum eo sunt iam ex parte, sed in beatitudine perfectæ. Mali vero, etsi ibi sint ubi ipse est qui nusquam deest, non tamen sunt cum eo. Vnde Augustinus super Ioannem: Non satis fuit dicere: Vbi ego sum, & illi sint: sed addidit, mecum, quia & ibi miseri possunt esse ubi & ille est qui nusquam deest. Sed beati sunt cum illo, quia nō sunt beati nisi ex eo quod cū illo sunt, qui fruuntur eo, & vident illum sicut est. Mali vero non sunt cum illo,

Non inueni-
tur super
Cantica, sed
ad sensum
lib. 2. Mo-
ral. cap. 8.
+ To. 2. ep. 57.

Non longe
à medio lib.
c. 7. in prin.

Hier. 23. d

Isai. 66. a

Sap. 7. d
& 9. a

To. 2. epist.
28 post prin-
cipium.

Ioan. 17. d
Tom. 9. tract.
111. in me-
dio in sen-
tentia spar-
sim.

Coloss. 2. b

vs

ut cæci in luce, non sunt cum luce. Nec boni ita nunc sunt cum eo ut videant per speciem, etsi sunt aliquo modo cum eo per fidem. Quo modo autem Deus habitet in bonis, ex illis aliquatenus intelligere valebis, qua supra dicta sunt, cum de Spiritu sancti processione temporali ageretur, ubi (licet ex parte) exponitur: Ex parte enim cognoscimus, & ex parte prophetamus, quo modo Spiritus sanctus habitet in nobis qui non sine Patre, & Filio inhabitat.

Vbi erat vel habitabat Deus, antequam esset creatura.

Si autem queris, ubi habitabat Deus antequam Sancti essent. Dicimus quia in se habitabat: unde Aug. in lib. 3. contra Maximinum: In templo, inquit, suo habitat Deus, scilicet in sanctis qui sunt templum Dei, modo secundum fidem ambulantes; & templum Dei erunt aliquando secundum speciem; qualiter etiam nunc Dei sunt Angeli. Sed dicit aliquis: Antequam faceret Deus cælum, & terram, antequam faceret sanctos, ubi habitabat? In se habitabat Deus, apud te habitat, & apud se est. Non ergo sancti sic sunt domus Dei, ut ea subtrahenda cadat Deus. Immo sic habitat Deus in sanctis, ut si ipse discesserit, cadant.

Multa hic breuiter docet, quæ confirmant prædicta.

Sciendum est etiam, quia (ut ait Augustinus in libro ad Dardanum) dici nisi stultissime nequit, Spiritum sanctum non habere locum in nostro corpore, quod totum anima nostra impleuerit. Stultius dicitur etiam angustis alicubi impediri Trinitatem, ut Pater, & Filius, & Spiritus sanctus alicubi simul esse non possint. Verum illud est multo mirabilius, quod cum Deus ubique sit totus, non tamen in omnibus habitat. Quis porro audeat opinari, nisi inseparabilitatem Trinitatis penitus ignoret, quod in aliquo possit habitare Pater, & Filius, in quo non habitet Spiritus sanctus? aut in aliquo Spiritus sanctus, in quo non habitet Pater, & Filius? Fatendum ergo est ubique esse Deum per diuinitatis presentiam, sed non ubique per inhabitationis gratiam. Propter hanc enim inhabitationem gratia non dicimus: Pater noster qui es ubique, cum & hoc verum sit: sed qui es in cælis, id est, in sanctis, in quibus est quodam excellentiori modo.

Quod Deus inhabitator est quorundam nondum cognoscentium Deum, & non quorundam cognoscentium.

Illud quoque mirabile est, quia, ut ait Augustinus in eodem, Deus est inhabitator quorundam nondum cognoscentium Deum, & non quorundam cognoscentium Deum. Illi enim ad templum Dei non pertinent qui cognoscentes Deum non sicut Deum glorificant. Ad templum Dei pertinent paruuli sanctificati sacramento Christi, & regenerati Spiritu sancto qui nondum valent cognoscere Deum. Ergo quem potuerunt illi nosse, nec habere, isti potuerunt habere antequam nosse. Beatissimi sunt illi, quibus hoc est Deum habere quod nosse. Hic aliquatenus aperit Augustinus quo modo Deus habitet in aliquo, id est, habeatur, cum videlicet ita est in aliquo, ut ab eo cognoscatur, & diligatur.

Quo modo Deus totus ubique sit per essentiam, non potest intelligi ab humano sensu.

Ex prædictis patet quod Deus ubique totus est per essentiam, & in sanctis habitat per gratiam. Cumque

superius, licet tenuiter, ostensum sit, quæ ratione dicatur habitare in quibusdam, tunc efflagitaret ordinis ratio id etiam assignari, quo modo utique per essentiam, & totus sit, nisi huius considerationis sublimitas, atque immensitas humana mentis sensum omnino excederet. Vt enim ait Chrysostomus super epistolam ad Hebr. Sicut multa de Deo intelligimus, quæ loqui penitus non valeamus: ita multa loquimur, quæ intelligere non sumus idonei. Verbi gratia quod ubique Deus est, scimus & dicimus: quo modo autem ubique sit, intellectu non capimus. Item quod est incorporea quædam virtus quæ est omnium causa bonorum scimus, quo modo autem, vel quæ ista sit, penitus ignoramus.

Quorundam opinio, qui præsumunt ostendere, quo modo Deus ubique sit per essentiam, potentiam, presentiam.

Quidam tamen immensa ingenio suo metiri præsumentes, hoc ita fore intelligendum tradiderunt quod Deus ubique per essentiam esse dicitur, non quod Dei essentia proprie sit in omni loco, & in omni creatura: sed quia omnis natura, atque omne quod naturaliter est, in quocumque loco sit, per eum habet esse, & omnis locus in quo illud est. Idem etiam dicunt ideo Deum ubique dici esse per presentiam, vel per potentiam, quia cuncta loca sunt ei presentia, & quæ in eis sunt, nec in eis aliquid operari cessat. Nam & ipsa loca, & quidquid in eis est, nisi ipse conseruet, manere non possunt. In eis ergo per substantiam Deus esse dicitur, ut aiunt, quia per virtutem propriam substantia sua facit, ut etiam loca sint, & omnia quæ in eis sunt. Sed licet hæc vera sint, quæ asserunt in explanandis intelligentiis prædictorum, in illis tamen verbis quibus dicitur Deus ubique esse per essentiam, plus contineri credendum est: quod homo viuens capere non valet.

Quod Deus cum sit in omnibus rebus, non tamen sordibus rerum inquinatur.

Solet etiam ab eisdem quari, quo modo Deus substantialiter insit omnibus rebus, & corporalium sordium iniquationibus non contangatur. Quod tam frivolum est, ut nec responsione sit dignum, cum etiam spiritus creatus sordibus corporeis etiam leprosi, vel quantumcumque polluti inquinari non possit. Sol quoque radios suos sine sui pollutione effundit super loca, & corpora non solum munda, sed etiam immunda, ac sordibus factentia, quorum contactu homines, & alia quedam res inficiuntur: solis vero radij impolluti, & incontaminati ea contangentes existunt. Non est ergo mirandum si essentia diuina omnino simplex, & incommutabilis omnia repleat loca, & omnibus creaturis essentialiter insit, nec tamen cuiusquam rei sordibus contaminatur, vel contangitur. Unde Augustinus in libro de natura boni: Cum in Deo, inquit, sint omnia quæ condidit, non tamen inquinant eum illi qui peccant. De cuius etiam sapientia, quæ attingit à fine usque ad finem fortiter, dicitur: Attingit omnia, propter suam munditiam, & nihil inquinatum in eam incurrit. Timent quidam quod fieri non potest, scilicet ne humana carne veritas, & substantia Dei inquinetur, & tamen prædicant istum visibilem solem radios suos per omnes facies, & sordes spargere, & eos mundos, & sinceros seruari. Si ergo visibilia munda à visibilibus immundis contangi possunt, & non inquinari, quanto magis inuisibilis, & incommutabilis veritas? Postremo respondeant quid potius de Deo respondendum

existiment, vel quod nusquam per essentiam sit, vel A quod ubique, vel alicubi, ita quod non ubique? Sed an deat dicere quod nusquam diuina essentia sit, vel quod alicubi, & non ubique sit? Si enim ita est alicubi quod non ubique, ergo localis est. Est ergo ubique tota quae continet totum, & penetrat totum, quae nec pro sui simplicitate diuidi, nec pro sui puritate maculari, nec pro sui immensitate ullo modo comprehendi potest. Vnde Augustinus: Deus ubique est, cui non locis, sed actionibus propinquamus.

DISTINCT. XXXVII. PARS II.

Quod Deus ubique sit, & in omni tempore, non tamen localis est, non circumscriptibilis, nec loco, nec tempore mouetur. B

Cumque diuina natura veraciter, & essentialiter sit in omni loco, & in omni tempore, non tamen mouetur per loca, vel per tempora, nec localis, nec temporalis est. Localis non est, quia peritus non circumscribitur loco, quia nec ita est in vno loco quod non sit in alio, neque dimensionem habet, sicut corpus, cui secundum locum assignatur principium, medium & finis, & ante, & retro, dextrum, & sinistrum, sursum, & deorsum quod sui interpositione facit distantiam circumstantium. Duobus namque his modis dicitur in Scriptura aliquid locale, siue loco circumscriptibile, & econuerso scilicet, vel quia dimensionem capiens longitudinis, altitudinis, & latitudinis distantiam facit in loco, ut corpus: vel quia loco definitur, ac determinatur, quoniam cum sit alicubi, non ubique inuenitur: quod non solum corpori, sed etiam omni creato spiritui congruit. Omne ergo corpus omni modo locale est. Spiritus vero creatus quodam modo est localis, & quodam modo non est localis. Localis quidem dicitur, quia definitione loci terminatur, quoniam cum alicubi praesens sit, totus alibi non inuenitur. Non autem ita localis est, ut dimensionem capiens, distantiam in loco faciat. Diuina ergo sola essentia omnino illocalis, & incircumscriptibilis est, quae nec locis mouetur aliquo modo, scilicet, vel determinatione finita, vel dimensione suscepta, nec temporibus, scilicet affectu & cognitione mouetur. His enim duobus modis, scilicet loco vel tempore, fit mutatio creatura, quae longe est à Creatore. Vnde Augustinus super Genes. Deus, inquit, omnipotens incommutabili aeternitate, voluntate, veritate, semper idem, mouet per tempus creaturam spiritualem: mouet etiam per tempus & locum creaturam corporalem, ut eo motu naturas quas condidit administret. Cum ergo tale aliquid agit, non debemus opinari eius substantiam qua Deus est, temporibus locisque mutabilem, siue per tempora, & loca mobilem, cum sit ipse & interior omni re, quia in ipso sunt omnia: & exterior omni re, quia ipse est super omnia: & antiquior omnibus, quia ipse est ante omnia: & nouior omnibus, quia ipse idem post omnia, scilicet post omnium initia. Ecce hic aperte ostenditur quod nec locis, nec temporibus mutatur, vel mouetur Deus. Spiritualis autem creatura per tempus mouetur, corporalis vero, etiam per tempus, & locum.

Quid sit mutari secundum tempus.

Mutari autem per tempus est variari secundum qualitates interiores, vel exteriores, quae sunt in ipsa re, quae mutatur, ut quando suscipit vicissitudinem gaudij, doloris, scientiae, obliuionis, vel variationem forma, siue alicuius qualitatis exterioris. Hac enim mutatio, quae fit secundum tempus, variatio est qualitatum, quae fit in corporali, vel spiritali creatura, & ideo vocatur tempus.

Opinio quorundam, qui dicunt spiritus creatos non moueri loco, nec esse locales.

De mutatione vero loci, magna inter conquirentes disceptatio versatur. Sunt enim qui dicunt nullum spiritum aliquo modo posse mutari loco, ab omni spiritu locum vniuersaliter remouere volentes: quoniam secundum dimensionem tantum, & circumscriptionem locum constare asserunt, atque id solum esse locale, vel in loco esse dicunt quod dimensionem recipit, & distantiam in loco facit. Et hoc dicunt Augustinum sensisse, mutationem temporis tantum spiritali creatura tribuentem: loci vero & temporis, corporea.

Hic respondetur eis.

Sed, ut supra diximus, dupliciter dicitur esse res localis, vel circumscriptibilis, scilicet vel quia dimensionem recipit, & distantiam facit, vel quia loci termino definitur, quorum utrumque conuenit corporeae creaturae, alterum vero tantum spiritali. Nam, ut supra diximus, corporalis creatura ita est localis, vel circumscriptibilis quod determinatur definitione loci, & quod dimensionem recipiens distantiam facit. Spiritalis vero tantum definitione loci concluditur, cum ita sit alicubi quod non alibi: sed nec dimensionem recipit, nec distantiam in loco facit, quia si multi essent spiritus hic, non eo coangustarent locum, quo minus de corporibus contineret. Ideoque Augustinus attribuit mutationem loci corpori non spiritui, quia licet spiritus transeat de loco ad locum, non tamen ita ut dimensionibus circumscriptus, interpositione sui faciat distantiam circumstantium, sicut corpus.

Conclusio ex praedictis quod spiritus creati sunt locales, & circumscriptibiles quodam modo, spiritus vero Dei omnino incircumscriptibilis.

Sunt ergo spiritus creati in loco, & transeunt de loco ad locum, & quodam modo locales, & circumscriptibiles, sed non omni eo modo, quo creatura corporea. Spiritus autem increatus qui Deus est in loco quidem est, & in omni loco: sed omnino illocalis est, & incircumscriptibilis. Vnde Beda super Lucam ait: Cum ad nos Angeli veniunt, sic exterius implent ministerium, ut tamen ante Deum interius per contemplationem assistant, quia etsi Angelus est spiritus circumscriptus, summus tamen spiritus qui Deus est, incircumscriptus est: intra quem currit Angelus quocumque mittatur. Ecce hic dicitur, quia spiritus angelicus circumscriptus est spiritus autem qui Deus est, incircumscriptus. Alibi etiam * Ambrosius distantiam ostendens inter spiritum increatum, & spiritum creatum, dicit Seraphin de loco ad locum transire, inquit ita in libro de Trinitate. Dixit Isaias: Quia missus est ad me

Commentariorum lib. I. ad cap. I. circa illud: Ego sum Gabriel, qui sto ante Deum. Et Gregor. Hom. 34. super Luc. 15. cap.

* Lib. I. de Spiritu sancto, cap. 9. & 10. l. 6. b

Vnus

unus de Seraphin. Et Spiritus quidem sanctus dicitur A missus: sed Seraphin ad unum, spiritus vero ad omnes. Seraphin mittitur in ministerio, spiritus operatur mysterium. Seraphin de loco ad locum transit: non enim complet omnia: sed ipse repletur à spiritu. Hic aperte ostenditur quod Angeli quodam modo locales sunt.

Cum repetitione superiorum confirmat auctoritatibus Deum esse ubique sine locali motu.

Fateamur itaque diuinam naturam pro immensitate sui nusquam deesse eamque solam omnino illocalē, & omnino incircumscriptibilem, nullo concludi loco, sed à fine usque ad finem attingere, non tamen spatiosa magnitudine, nec locali motu, sed immensitate, atque immobilitate sua essentia. Vnde August. ad Dardanum ait: Non quasi spatiosa magnitudine opinemur Deum per cuncta diffundi, sicut fumus, aut lux ista diffunditur: sed potius sicut in duobus sapientibus, quorum alter altero corpore grandior est, sed sapientior non est: una sapientia est, nec est in maiore maior, nec in minore minor, nec minor in uno quam in duobus: ita Deus sine labore regens, & continens mundum, in cælo totus est, in terra totus, & in utroque totus, & nullo contentus loco: sed in seipso ubique totus. Idem quoque super Psal. ait: Ad verbum Dei pertinet non esse in parte: sed ubique esse per seipsum. Hæc enim est sapientia Dei, quæ attingit à fine usque ad finem fortiter, non tamen motu locali: sed immobilitate sui: veluti si moles aliqua saxea impleat aliquem locum, dicitur quod attingit à fine illius loci usque ad finem, cum tamen alterum non deserat alterum occupando. Non ergo habet motum localem verbum illud: & sapientia illa solida est. & ubique. Ex prædictis innoscit, quod Deus est ubique per essentiam, quod non spatiosa magnitudine diffundatur, nec uno deserto loco alium occupat, quia localem motum, non habet. Ideoque August. volens præscindere à Dei puritate omnem localem motum, & localem circumscriptionem, potius dicit omnia esse in illo quàm ipsum esse alicubi, nec tamen ipsum esse locum, qui non est in loco, in lib. 83. quæst. ita inquit: Deus non alicubi est. Quod enim alicubi est, continetur loco, quod continetur loco, corpus est: Deus autem non est corpus: non ergo alicubi est. Et tamen quia est, & in loco non est, in illo sunt potius omnia quàm ille alicubi; nec tamen ita in illo, ut ipse sit locus. Locus enim in spatio est, quod longitudine, & latitudine, & altitudine corporis occupatur, nec Deus tale aliquid est. Et omnia ergo in ipso sunt, & locus non est: locus tamen Dei, sed improprie, dicitur templum Dei, quod eo contineatur. Id autem nihil melius quam anima munda intelligitur: Ecce hic dicit Deum non esse in loco. Sed intelligendum est eum non esse in loco localiter, scilicet quia nec circumscriptionem, nec localem motum habet.

Oppositio, quia videtur probari quod Deus mutetur loco.

Ad hoc autem solet opponi sic: Quotidie fiunt creatura, quæ ante non erant, & in eis Deus est, cum ante non esset in eis: est ergo ubi ante non erat; ideoque mutabilis esse videtur. Sed licet quotidie incipiat esse in creaturis, in quibus ante non erat: quia illa non erant: hoc tamen fit sine sui mutatione, qualiter in mundo cepit esse quæ fecit, tamen sine sui mutabilitate: & similiter desinit esse in quibus ante erat sine sui mutatione, nec tamen ipse deserit locum, sed locus desinit esse.

Epilogus, ubi exponitur quare in prædictam venerit disceptationem.

Iam sufficienter demonstratum esse videtur, quo modo omnia dicantur esse in Deo, & Deus in omnibus: quæ disceptationem quasi incidenter suscepimus, quia id videbatur postulare res, circa quam noster versabatur sermo. Discrebamus enim de scientia, siue sapientia Dei, & cum diceremus Deum scire omnia: quasi tum est, utrum propter cognitionem quam de omnibus habet, dicerentur omnia esse in Deo, an alia ratione hoc diceret Scriptura. Huius ergo quæstionis occasio in præmissam nos deduxit disputationem.

DISTINCT. XXXVII.

Quo modo Deus est in rebus & locis corporalibus.

Et quoniam demonstratum est ex parte quo modo omnia dicantur esse in Deo.

Expositio Textus.

SUPRA egit Magister, quo modo omnia sunt in Deo. Hic secundo agit quo modo Deus sit in rebus & in locis corporalibus. Et quoniam ad esse in loco & in re mutabili, sequitur mutatio in eo quod in illo est, ideo agit de Dei immutabilitate quantum ad locum, infra eadem distinctione: Cumque diuina natura: & c. Prima pars habet tres partes. In prima narrat quo modo Deus est in locis & in rebus, & per auctoritates confirmat. In secunda nititur doctorum aperire intelligentiam, ibi: Quo modo autem Deus habet in bonis; & c. In tertia ostendit intellectus nostri ad hoc capiendum insufficientiam, ibi: Ex prædictis patet quo modo Deus ubique totus est. Prima pars habet tres partes. In prima ostendit modos essendi Deum in rebus. In secunda vero confirmat auctoritatibus quod Deus est ubique per essentiam, ibi: Ne autem ista quia capacitatem humana intelligentia, & c. In tertia ostendit quod Deus in solis sanctis habitat per gratiam, ibi: In sanctis vero etiam habitat, in quibus, & c. Similiter secunda pars in qua recitat doctorum intelligentiam, habet tres partes. In prima rationabiliter manuducit. In secunda stultam rationem excludit, ibi: Sciendum est etiam quia ut ait Aug. In tertia in admirationem erigit, ibi: Illud quoque mirabile est, Sacramenta enim diuina magis sunt mirabilia quam intelligibilia. Item tertia pars in qua ostendit insufficientiam ad cognoscendum quo modo Deus est ubique per essentiam, habet tres partes. Primo enim ostendit quod intellectus nostri non sufficiunt. Secundo excludit eos qui præsumptuose solvunt ibi: Quidam tamen immensa ingenio suo metiri, & c. Tertio vero abiicit eos qui irrationabiliter quærun, ibi: Solet etiam ab eisdem quæri quo modo Deus, & c. Vbi ostendit quæstionem eorum esse friuolam & responsione indignam.

Mali vero non sunt cum illo, & c. Dub. I.

CONTRA: Videtur maledicere, quia mali sunt in Deo, quia in illo viuunt, mouentur, & sunt: ergo si non importatur maior conuenientia per hoc quod est esse cum aliquo, quam in aliquo, videtur quod sicut mali dicuntur esse in Deo, ita debeant dici esse cum Deo. Item. Quæ est magis impropria, Deus est cum malis, vel mali cum Deo: videtur quod hæc. Mali sunt cum Deo. Vnde Augustinus in lib. Confess. Mecum eras, & tecum non eram, loquitur pro statu peccati. Sed contra: Cum, dicit auctoritatem in casuali, ergo videtur quod melius dicitur homo cum Deo, quam econuerso.

RESP. Dicendum quod hæc præpositio, cum dicit associationem. In locutione autem considerantur duo, scilicet

cet mutuum auxilium, & conformitas voluntatis: quoniam ergo soli boni habent voluntatem conformem, & sunt coadiutores Dei, ideo de eis solis proprie dicitur, quod sint cum Deo, & e converso, quia tunc hoc quod est, cum, non dicit auctoritatem. Quia vero mali non conformantur, nec auxiliantur Deo in sua salute, sed contradicunt, & tamen Deus adiuvat eos in multis, ideo dicit Augustinus: Mecum eras, &c.

In se habitabat Deus, &c. apud se est.
Dub. II.

Videtur male dicere, quia præpositiones sunt distinctivæ, quia transitivæ: si ergo Deus à se non distinguitur, male dicitur quod apud se erat. Si tu dicas quod transitionem solum dicunt quantum ad modum. Contra est Glos. super illud Ioannis: Apud Deum: quæ dicit B quod, apud, notat distinctionem Patris ad Filium.

RESP. Dicendum quod Deus non solum est in creaturis, sed etiam apud se. Vnde Augustinus in libro Confessi. Deus est in se ut alpha, & omega: in mundo, ut Creator & Rector: in angelis, ut sapor & decor: in liberatis vel electis, ut liberator & adiutor: in reprobis, sicut terror & horror. Quod obicitur quod præpositio dicit transitionem, & distinctionem, dicendum quod quantum est de virtute suæ significationis, non dicit transitionem quantum ad modum: quod autem dicit quantum ad rem, hoc est ratione materiæ, siue terminorum quibus additur.

Quo modo Deus habet in aliquo, &c.
Dub. III.

Videtur non bene dicere, quia habitat in parvulis, qui eum non cognoscunt: ergo non videtur hæc ratio conveniens.

RESP. Est cognoscere actu, & est cognoscere habitu, & quamvis parvuli non cognoscant actu, cognoscunt tamen habitu, eo quod gratiam habent, & habitum virtutum, sicut dicitur in quarto libro.

Quo modo autem ubique sit, intellectu non capimus.
Dub. IV.

Videtur falsum dicere, quia quod intelligimus debetur rationi, sicut dicit Augustinus: sed habemus rationes per quas scimus Deum esse in rebus potentialiter, præsentialiter, & essentialiter. Si tu dicas quod non comprehendimus. Obicitur quod similiter nec alia quæ dicuntur de Deo, comprehendimus: ergo non magis de hoc quam de supradictis deberet dicere Magister quod sit ineffabile.

RESP. Dicendum quod quædam sunt pure intelligibilia, & talibus non contradicit imaginatio, sed deficit. Quædam sunt sensibilia & in talibus sufficit: Quædam sunt quodam modo imaginabilia, & quodam modo intelligibilia, & in talibus frequenter intellectus deficit, & imaginatio contradicit, & deficit, ut cum cogitamus Deum esse ubique, Deum solo intellectu capimus, locum autem imaginamur: & quoniam nostra imaginatio non capit quod aliquod unum sit in pluribus locis, & intellectus claritatem lucis non aspicit: hinc est quod talia nobis non intelligibilia iudicantur magis quam alia.

Spiritus creatus sordibus, &c. Dub. V.

Videtur contrarium esse ei quod dicitur: Corpus quod corrumpitur aggruat animam. Et iterum: Anima contrahit originale à carne, & inficitur ab illa.

RESP. Sicut generatio uniuoca est, quæ est similis ex simili, & æquiuoca quæ est rei dissimilis, ita est infectio secundum rationem uniuocam, ut leprosus facit leprosum, & secundum rationem æquiuocam, ut infectio generat infectionem: primo modo loquitur Magister, quia anima leprosi non est leprosa, secundo modo obicitur.

A *Cum in Deo, inquit, sint omnia quæ condidit, non tamen inquinant eum, &c. Dub. VI.*

Videtur male dicere, quia sordes corporales inquinant res corporales: ergo sordes spirituales res spirituales. Item si Deum non inquinant: ergo videtur quod posset dici quod Deus est in diabolo: quod est contra omnem usum.

RESP. Dicendum nuod sicut tangit Magister in littera, sordes corporales non coinquinant corpus spirituale, quia nec communicant in materia, nec dependent, ut patet in radio, qui non inficitur sæcibus, quia nec dependet, nec comunicat in transmutabili materia, & quoniam Deus neutrum habet: ideo non valet illud. Quod obicitur quod Deus est in peccatoribus, dicendum quod nullum inconueniens esset dicere: tamen quia hoc videbatur sonare in contumeliam, ideo ponenda est determinatio, ratione cuius sermonis intellectus sanus appareat: ut si dicatur, Deus est in diabolo, vel in adultero quantum ad conseruationem naturæ.

ARTICVLVS I.

AD intelligentiam huius partis queritur de existentia Dei ubique: & circa hoc tria principaliter queruntur. Primo queritur utrum esse ubique conueniat Deo. Secundo, utrum esse ubique sit proprium Dei. Tertio qualiter conueniat Deo esse ubique. Et quoniam ad primum, quia esse ubique potest distribui pro omnibus rebus, & pro omnibus locis, duo queruntur. Primo, utrum Deus sit in omnibus rebus. Secundo, utrum sit in omnibus locis.

QVÆSTIO I.

An Deus sit in omnibus rebus.

Alex. Alensis 1. p. q. 9. Memb. 3.

S. Tho. 1. p. q. 8. art. 1.

Et 1. Sentent. dist. 37. q. 1. art. 1.

Agid. Rom. 1. Sent. dist. 37. q. 1.

Richardus 1. Sent. dist. 37. q. 1.

Stephan. Brulef. 1. Sent. dist. 37. q. 7.

Petrus de Tarentas. 1. Sent. dist. 37. q. 1.

D Quid sit in omnibus rebus, ostenditur sic. Philosophus in prima philosophia: Quanto aliquid simplicius, tanto à pluribus indiget, & in pluribus inuenitur: sed Deus est simplicissimus in fine simplicitatis: ergo inuenitur in omnibus: sed non reperitur nisi ubi est: ergo est in omnibus.

ITEM: Quanto causa prior, tanto vniuersalior: ergo causa prima est vniuersalissima: sed quanto aliquid vniuersalius, tanto influit in plura: ergo cum prima causa sit vniuersalissima, influit in omnia: sed omne quod influit in aliquid, est illi præsens secundum virtutem: nusquam enim, & nunquam operatur agens, nisi per præsentiam virtutis: sed Deus propter suam simplicitatem est idem quod sua virtus: cum ergo virtus Dei sit in omnibus, & substantia est in omnibus.

ITEM hoc videtur per impossibile: quia omne quod est in vna re limitata, ita quod non est in alia, est limitatum, & arctatum: sed hoc est impossibile circa Deum: ergo non est in vna re, quin in omnibus sit.

ITEM: Si Deus est in vna re, ita quod non in alia, aut potest esse in illa in qua non est, aut non: si non potest, ergo non est omnipotens. Si potest esse & non est, cum res non mutetur: ergo mutari potest: ergo si Deus non est in omnibus rebus, aut non est omnipotens, aut mutabilis, quorum utrumque est impossibile.

1. CONTRA: Quanto aliquid magis seiungitur à natura tenebrosa, tanto est impermixtius, & sub nobiliore luce cognoscitur: sed Deus clarissime cognoscitur, ergo maxime à natura tenebrosa seiungitur: sed omnis crea-

Fundameta.
12. Metaph.

Ad opposi-
tum.

tura

tura tenebra, ergo Deus, aut in nullis, aut in paucis. *is est rebus creatis.*

2. **ITEM:** Quando motor magis distat à mobili, tanto sufficientius mouet. Vnde sufficientius mouet anima quam forma materialis vel naturalis, & intelligentia quam anima: sed Deus est motor, & operator sufficientissimus: ergo summe distat ab omni mobili: ergo aut in nullis est rebus, aut in paucis.

3. **ITEM:** Omnis virtus vnita plus est infinita quam multiplicata: sed diuina virtus est infinitissima, ergo vnitissima: sed quanto aliquid magis est vnitum, tanto minus diffusum, & in paucioribus repertum: ergo, &c.

4. **ITEM:** Quæritur quæ necessitas est Deum ponere in rebus omnibus. Videtur quod nulla ex parte Dei. Nobilitatis est enim in agente, quod possit agere vbi non est: similiter quod possit facere effectum per se stantem: alioquin opera Dei magis sunt debilia, quam opera artificum creatorum, quæ saluantur in esse ipsis absentibus: ergo si nulla necessitas est, videtur ergo esse superfluitas: sed impossibile est in Deo esse superfluitatem: ergo, &c.

CONCLUSIO.

Deus cum sit summe simplex, in omnibus est: quia cum creatura vanitatem habeant, eius virtute & presentia conseruantur.

Rsp. Ad Arg. Dicendum quod Deus in omnibus rebus est, sicut ipse David testatur, dicens: Si ascendero in cælum, tu illic es, &c. Necessitas autem existendi Deum in omnibus, sumitur tum à parte perfectionis ipsius, tum à parte indigentiarum rerum. A parte ipsius, propter summam immensitatem, & summam potestatem: & vtriusque ratio est summa simplicitas. Quia enim summe simplex est, ad nihil arctatur: ideo in omnibus inuenitur tanquam immensum. Quia summe simplex, ideo in infinitum virtuosissimum: & ideo virtus eius in omnibus: & virtus idem est quod substantia, & ideo necesse est, quod sit in omnibus. Ex parte creaturæ est necessitas, quia creatura habet in se possibilitatem, & vanitatem, & vtriusque causa est, quia producta est de nihilo. Quia enim creata est, & accepit esse ab alio, qui eam fecit esse, cum prius non esset, ex hoc non est suum esse: & ideo non est purus actus, quia habet possibilitatem: & ratione huius habet fluxibilitatem, & variabilitatem, ideo caret stabilitate: & ideo non potest esse nisi per præsentiam eius qui dedit ei esse. Et exemplum huius apertum est in impressione formæ sigilli in aqua, quæ non conseruatur ad momentum nisi præsentia sigillo. Et iterum, quia creatura de nihilo producta est, ideo habet vanitatem: & quia nihil vanum in seipso fulcitur, necesse est quod omnis creatura sustentetur per præsentiam veritatis: & est simile, si quis poneret corpus ponderosum in aëre, quod est quasi vanum, non sustentaretur: Sic & in proposito.

1. Ad illud ergo quod obiicitur de distantia, & permixtione, dicendum quod tripliciter vnitur quid alicui. Aut secundum præsentiam tantum, aut secundum præsentiam, & dependentiam, aut secundum præsentiam, & dependentiam, & concomitantiam in materia. Primo modo est radius in aëre: secundo modo anima in corpore: tertio modo liquor in liquore. Quod primo modo est in aliquo, non permiscetur: similiter quod secundo modo est, non permiscetur proprie, sed solum quod tertio. Et primo quidem modo est Deus in rebus, non secundo, vel tertio.

2. Ad illud quod obiicitur de distantia Motoris à mobili, dicendum quod est distantia per absentiam: & hæc impedit, & non iuuat ad motum. Et est distantia per independentiam, & hæc iuuat: quia quanto Motor perfectior est & absolutior, minus dependet, & est sufficientior, & hoc modo distat etiam Deus præsens.

3. Ad illud quod obiicitur quod virtus vnita est magis infinita, &c. Dicendum quod vnio virtutis quæ

A facit ad eius magnitudinem, per se attenditur respectu subiecti, per accidens respectu obiecti. Respectu autem subiecti attenditur per subiecti simplicitatem: respectu autem obiecti per indistantiam à virtute, quia virtus tanto potentior, quanto obiecto propinquior. Quoniam ergo virtus diuina in substantia est simplicissima, & nunquam à substantia elongatur, ideo in multis est infinitissima, quia vnitissima in multis, vt in vno: vbiq; enim est centrum illius potentie, sicut dicit Trismegistus. Quod vltimo obiicitur iam solutum est, quia necessitas est ex parte Dei, & creaturæ, sicut visum est.

4. Quod ergo obiicitur quod agens creatum vbi non est, operatur, & effectum producit qui sine ipso stat, dicendum quod non est simile in Deo. Nam si attendatur hoc in artifice creato, hoc venit ex defectu perfectionis, quia enim agens creatum limitatum est, & differt à sua virtute, potest operari per virtutem vbi non est. Rursus, quoniam agit ex suppositione & non potest in totum, ideo effectus non totaliter dependet ab ipso: Deus autem habet conditiones oppositas, quia infinitus, & idem est in eo virtus, & substantia, & totum producit, ideo non est simile.

QVÆSTIO II.

An Deus sit vbiq;.

Alex. Alenf. 1. p. q. 9. Memb. 1.

S. Thomas 1. p. q. 8. art. 2.

Et 1. Sent. dist. 37. q. 2. art. 1.

Scotus 1. Sent. dist. 37. q. unica.

Egid. Rom. 1. Sent. dist. 37. p. 2. q. 1.

Richardus 1. Sent. dist. 37. q. 4.

Durandus 1. Sent. dist. 37. q. 1.

Franciscus de Mayr. 1. Sent. dist. 37. q. 1.

Thomas Argent. 1. Sent. dist. 37. q. 1. art. 1.

Stephanus Brulef. 1. Sent. dist. 37. q. 8.

Petrus de Tarantaf. 1. Sent. dist. 37. q. 4.

Vtrum Deus sit vbiq; localiter, id est, vtrum sit in omnibus locis. Et quod non, videtur. Boëtius in libro de Trinitate: Deus ita esse vbiq; dici videtur, non quod in omni loco, sed quod omnino in loco esse non potest.

ITEM hoc ipsum videtur ratione, quia, sicut vult Philosophus, locus ad locatum magis comparatur in ratione formæ quam in ratione alterius generis causæ: sed Deus est forma excellentissima: ergo respectu eius nulla est forma: ergo nullus locus.

ITEM alia ratione videtur, quia quadruplex est conditio loci in respectu ad locatum, scilicet continere, saluare, mensurare, & terminare. Continet, vt vas. Mensurat, vt quantitas. Saluat, vt natura. Terminat, vt finis: sed Deus secundum nullam harum conditionum comparatur ad locum: ergo, &c.

ITEM: Prima & propria passio essendi in loco est dimensio: ergo quod magis recedit à dimensione, minus est in loco: & quod maxime, minime: & quod omnino recedit, nullo modo est in loco: sed Deus est huiusmodi: ergo, &c.

CONTRA per Hieremiam dicitur: Cælum, & terram ego impleo: sed omne quod est in loco ipsum implendo, est in loco secundum quod locus.

2. **ITEM** hoc videtur ratione, quia loci secundum quod locus est indigentia ad locatum, vt ab ipso repleatur: sed omnis creatura vanitas, vanitas autem non implet nisi per veritatis præsentiam: ergo ad hoc quod locus repleatur, necesse est Deum adesse: sed hoc posito, ponitur Deus esse in loco, vt locus est.

3. **ITEM:** Maior est indiuisio formæ ad materiam, quam locati ad locum: sed forma non vnitur materie, nec permanet, nisi per Dei præsentiam: ergo multo minus nec locatum loco: sed quia per Dei præsentiam forma vnitur materie, Deus est in qualibet re, vt natura: ergo cum per Dei præsentiam vniatur, & saluetur locatum in loco, Deus est in loco vt est locus.

Ad Quæst. incident.

Fundamēta. Boëtius ad Symmac. circa mod.

Aristot. 4. Phys. cont. 14. Et 4. cæl. cont. 35.

Ad oppositum.

4. ITEM : Est præsentia, & simulas secundum locum, & secundum tempus: sed Deus perfectissime est præsens cuilibet rei: ergo secundum locum, & tempus, sed quæ sunt præsentia secundum tempus, sunt in eodem tempore: ergo & illa quæ sunt præsentia secundum locum, sunt in eodem loco: si ergo Deus est præsens omni loco, Deus est in loco, non tantum ut est res, sed etiam ut est locus.

CONCLUSIO.

Deus cum ab alio non conservetur, neque mensurabilis sit, loco non ambitur: est tamen in omni loco, quia per præsentiam suam supplet loci indigentiam.

RESP. ad Arg. Dicendum quod triplex est conditio secundum quam comparatur locatum ad locum. Una secundum quam locatum excellitur, & hæc est proprietas saluationis. Si enim locatum indiget loco, & locus complet eius indigentiam, & conservat naturam, & secundum hanc proprietatem sola corporalia sunt in loco, non autem spiritualia, quia non recipiunt influentiam à loco corporeo. Alia est proprietas, secundum quam locatum æquatur & proportionatur loco, & hæc est proprietas commensurationis, & secundum hanc conditionem proprie corporalia sunt in loco: quia illa sunt commensurabilia, unde circumscribuntur. Spiritualia autem minus proprie: nam non sunt commensurabilia respectu partium, sunt tamen diffinibilia respectu totius. Tertia est conditio, secundum quam locatum excellit locum, videlicet quod per sui præsentiam replet & supplet indigentiam loci. Locus enim sine locato primatus est, & indigens, sicut concavitas oculi sine organo. Quoniam ergo Deus ad nullam creaturam comparatur, nec secundum rationem inferioritatis, nec æqualitatis, sed superioritatis, & excellentiæ: Deus non est in loco quantum ad primam, & secundam proprietatem, sed solum quantum ad tertiam, scilicet quod per præsentiam supplet loci indigentiam. Nam locatum per præsentiam replet distantie vacuitatem: Deus autem per præsentiam replet vacuitatem essentiae, & illa quidem sine hac esse non potest.

Ex his patet responsio ad obiecta. Nam rationes probantes Deum esse in loco, ut est locus, procedunt secundum tertiam conditionem, ut patet: rationes vero ad oppositum secundum primam & secundam, scilicet saluationis, & terminationis.

ARTICVLVS II.

Consequenter quantum ad secundum articulum quæritur. Vtrum esse ubique sit proprium Dei. Et quia proprium est quod soli convenit, & semper, ideo quantum ad hoc, duo quærentur. Primo, vtrum esse ubique conveniat soli Deo. Secundo, vtrum conveniat ei semper, siue ab æterno.

QUÆSTIO I.

An esse ubique soli Deo conveniat.

Alexander Alensis 1. p. q. 6. Membr. 5.
S. Thom. 1. p. q. 9. art. 4.
Scotus 1. Sent. d. 37. q. 2. art. 2.
Scotus in Reportatis 1. Sent. dist. 37. q. unia.
Ægid. Rom. 1. Sent. dist. 37. princ. 2. q. 2.
Richard. 1. Sent. dist. 37. q. 3.
Aristotelenensis 1. Sent. s. 15. q. 1.
Steph. Brulef. 1. Sent. dist. 37. q. 3.
Patrus de Tarentas. 1. Sent. dist. 37. q. 3.

Qvod soli Deo conveniat, videtur. Aug. in libro de Symbolo: Vtique esse est Deum esse, sed nulli creaturæ convenit Deum esse, imo hoc est Dei propriissimum: ergo nulli creaturæ convenit esse ubique.

ITEM Ambrosius in lib. de Spiritu sancto: Cum om-

nis creatura certis sue naturæ sit circumscripta limitibus, esse ubique, & in omnibus rebus Dei virtutis est, & dominationis est proprium.

ITEM hoc ipsum videtur ratione, quia omnis creatura per se existens & in se, est hoc aliquid: sed omne quod est hoc aliquid est singulare, & omne singulare est hic, & nunc, & nihil tale natum est esse ubique: ergo solius Dei est esse ubique.

ITEM: Condicio est qua Deus est ubique, conuenit Deo ratione sue immensitatis: sed immensitas est proprietas solius Dei, quæ nulli creaturæ potest conuenire: ergo nec esse ubique.

1. CONTRA: Hoc obiicitur de vniuersali, quoniam vniuersale est semper, & ubique, & tamen non est Deus.

Si tu dicas quod est ubiq; respectu suorum singularium, & non simpliciter. Obiicitur tunc quod aliquid est vniuersale cuius singularia sunt ubique: & impossibile est aliquid fieri quod non sit eius singulare, vel in singulari: ut hoc vniuersale substantia: ergo est ubique.

2. ITEM obiicitur de numero, qui est in omnibus entibus, & nihil potest fieri in quo non sit numerus, & præterea in omnibus entibus est vnus numerus: ergo cum numerus non sit Deus, esse ubique non est proprium solius Dei.

Si dicas quod non est ibi totus, sed secundum partem, obiicitur de voce quæ est in auribus diuersorum tota, & in toto aere, esto quod vox esset ita magna, quod per totum mundum audiretur, tunc esset ubique tota, & vna prolatio: quia si multa, cum infinita sint partes aeris, & vox sit in qualibet parte: tunc ergo infinita sunt voces actu: quod est impossibile.

3. ITEM obiicitur de anima quæ est in qualibet parte animalis tota, ut supra monstratum est: esto ergo quod fieret animal giganteum ita magnum quasi totus mundus, tunc anima esset ubique: ergo quod non sit, hoc est propter defectum corporis, & non sum.

Si dicas quod esset in pluribus tanquam in vno loco, unde nunquam vna anima est nisi in vno corpore: Obiicitur de corpore Christi quod totum & integrum est in diuersis altaribus distinctis.

4. ITEM obiicitur per rationem. Cum enim de natura singularis sit esse hic & nunc, tamen alicui dat Deus semper esse, ut angelis: ergo pari ratione alicui dabit esse ubique.

5. ITEM: Si aliqua duo inseparabiliter sunt vnita, vbicunque est vnum, & alterum: sed humana natura, & diuina in Christo inseparabiliter sunt vnita: ergo vbi est diuina, est & humana: sed diuina natura est ubique: ergo & humana. Et sic, &c.

CONCLUSIO.

Soli Deo proprie & singulariter conuenit esse ubique, & nihil aliud à Deo, ubique potest esse.

RESP. ad Arg. Dicendum quod esse ubique, sicut dicunt sancti, conuenit soli Deo proprie & singulariter, ita quod nulli conuenit alijs, nec intelligi potest conuenire si recte intelligatur. Nam Deus dicitur esse ubiq; ita quod ex parte Dei intelligitur identitas, & totalitas, ex parte loci pluralitas, & vniuersalitas. Per conditionem identitatis excluditur vniuersale, quod quamvis sit in omnibus singularibus, tamen secundum aliud & aliud suppositum, & ita numeratum. Per conditionem totalitatis excluditur numerus. Nam quamvis numerus sit ubique, tamen secundum aliam & aliam partem. Per conditionem pluralitatis à parte loci excluditur Spiritus creatus, qui quamvis sit in pluribus partibus corporis, non tamen in omnibus nisi ut vnitis. Per conditionem vniuersalitatis excluditur corpus Christi sub Sacramento, quod quamvis sit in pluribus non tamen est in omnibus, nec esse potest, quia hoc solum conuenit ei sub Sacramento Et ita patent primæ instantiæ.

QVOD

Aristot. in
predic. de
Substantia.Ad opposi-
tum.

Replic.

Dist. 3. q. 3.
art. 3.Solutio ar-
gum. pro
vtraque
parte.

Fundamēta.

Lib. 1. c. 7. in
p. 20. 4.Solutio 3.
arg. patet
ex corp.
quæst.

QVOD tamen obiicitur de voce, intelligendum quod generatio sensibilium in medio est per diffusionem, unde non numeratur vox sicut nec lux nisi ad numerationem susceptibilis: unde quot sunt aures, tot sunt voces, quoniam vox in aëre multiplicabilis, & non multiplicata: & ideo patet quod nec tota ubique ante numerationem, sicut nec lux diffusa, nec eadem vox post numerationem, & ideo exemplum de existentia vocis non est multum simile.

AD illud quod obiicitur quod Deus dat sempiternitatem, dicendum quod tam esse ubique, quam semper, importat quandam infinitatem, & infinitas sempiternitatis est infinitas durationis, quæ est secundum potentiam, & hæc repugnat creaturæ, quia non impedit durationem creaturæ esse finitam actu, & infinitam potentia, & ideo omni durationi creaturæ necesse est aliquid adiacere. Sed esse ubique, dicit immensitatem actu, quia importat simultatem locorum, & hoc repugnat creaturæ, & ideo non potest ei omnino communicari: communicatur tamen secundum possibilitatem creaturæ, secundum quod participat maius & minus de natura spiritualitatis. Nam nihil est omnino spirituale, nisi solus Deus, sicut dicit Augustinus de Moribus Ecclesiæ: Solus Deus est incorporeus, quia omnia replet. Creaturæ autem quedam sunt spirituales per abstractionem, ut vniuersale & numerus, & ita possunt esse in pluribus propter communitatem ad plura, & ita secundum sui plurificationem. Quedam spirituales sunt per separationem a materia corporali, ut animæ, & istæ sunt in pluribus, tamen non multiplicatis. Quedam autem spirituales per unionem, ut corpus Christi est cibus spiritualis animæ, quamvis sit verum corpus, & ideo quasi est medium inter animam, & Deum, & ideo in quantum cibus plus sapit naturam spiritualitatis, & ideo est in pluribus, ut sunt plura loca, non tamen in omnibus: quia ratio cibationis non se extendit ad omnia, & sic patet quare sub sacramento est in pluribus.

4. QVOD obiicitur de inseparabiliter vnitis, soluendum est per interemptionem, cum alterum excedit alterum, ut patet in genere, & specie.

5. QVOD obiicitur per unionem. Homo est Deus, dicendum quod hoc intelligitur per communicationem idiomatum. Similiter & esse ubique conuenit per idiomatum communicationem.

QVÆSTIO II.

An esse ubique ab æterno Deo conueniat.

Alexander Alensis 1. p. q. 9. Membrum 4.

S. Thomas 1. Sent. dist. 37. q. 1. art. 5.

Egid. Rom. 1. Sent. dist. 37. p. 2. q. 3.

Alfiodorensis 1. Sent. c. 15. q. 4.

Franciscus de Mayr. 1. Sent. dist. 37. q. 2.

Stephanus Brulef. 1. Sent. dist. 37. q. 5.

Petrus de Tarantaf. 1. Sent. dist. 37. q. 5.

Verum esse ubique conueniat Deo semper siue æternaliter. Et quod sic videtur, quia sicut semper se habet ad tempus, ita ubique ad locum: sed ante omne tempus Deus fuit semper, ergo ante omnem locum fuit Deus ubique.

2. ITEM: Proprium Dei essentialius ei conuenit, quam propria passio alicui subiecto: sed propter necessariam conuenientiam passionis ad subiectum, distributio suppositorum includit distributionem temporum, unde dici de omni est, quod non est in quodam sic, in quodam non, nec aliquando sic, aliquando non, sed in quolibet, & semper: ergo similiter hoc quod est ubique includit sempiternitatem: ergo esse ubique semper conuenit Deo, ergo ab æterno.

3. ITEM: Res sunt in Deo, & Deus in rebus, sed res sunt in Deo ab æterno: ergo à reatiuis cum dicantur hæc ad conuertentiam, Deus est in rebus ab æterno, sed non nisi in omnibus: ergo, &c. Si dicas quod non dicuntur correlatiue.

CONTRA: Cum dicitur Deus est in rebus, non signi-

ficatur respectus, nec dependentia Dei ad res, sed rerum ad Deum: ergo nihil aliud est dicere, Deum esse in rebus, quam res esse in Deo.

4. ITEM: Si Deus non fuit ubique, ab æterno, & fuit, ergo fuit alibi, quæ ubique, & modo est ubique, ergo mutauit locum: ergo in Deo cadit mutatio: sed hoc falsum, ergo primū. Si tu dicas quod mutatio est in connotato.

CONTRA: Cum dicitur Deus est in loco, non notatur effectus, sed solum Dei præsentia: ergo videtur quod secundum hoc non significetur mutatio in connotato, sed solum in ipso Deo: restat ergo per impossibile, quod Deus est ubique æternaliter.

CONTRA: Ubique præsupponit ubi, & ubi præsupponit locum, & locum non est ponere, nisi ex tempore: ergo & Deum esse ubique, non est ponere nisi ex tempore.

ITEM bene sequitur: Deus est ubique, ergo est in cælo: ergo destructo conueniente, destruitur & antecedens, sed ab æterno non fuit in cælo: ergo, &c.

ITEM bene sequitur Deus est ubique: ergo in ista domo: sed ista domus non fuit nisi ex tempore, & post initium temporis, ergo & esse ubique.

CONCLUSIO.

Esse ubique, conuenit Deo æternaliter, prout dicit præsentialem diuinam immensitatis, per quam est præsens omni ei quod est, siue sibi, siue alij: temporaliter vero prout connotat locum creatum, siue rem.

RESP. ad Arg. Dicendum quod esse ubique dupliciter potest accipi de Deo, sicut & esse semper. Vno enim modo, semper, importat diuinam immensitatem secundum durationem, & sic idem est quod æternitas, & conuenit Deo æternaliter. Alio modo connotat simultatem temporis, & sic conuenit ei à principio temporis. Sic esse ubique vno modo importat præsentialem diuinam immensitatis, per quam est præsens omni ei quod est, siue sibi, siue alij, & sic idem est esse ubique, quod Deum esse immensum.

1. ET sic conuenit Deo æternaliter, & secundum hoc procedit prima ratio. Alio modo prout connotat locum creatum, siue rem. Et sic conuenit ei ab initio rerum, & locorum propter connotatū, & conuenit semper, & adhuc est proprium, quia conuenit soli, & semper vno modo, licet non æternaliter: sicut etiam est in demonstratiuis.

2. ET sic procedit secunda ratio. Et iste modus accipiendi Deum esse ubique est visitator, & secundum hanc modum non conuenit ei æternaliter.

3. QVOD vero obiicitur contra hoc, quod conueniat æternaliter per suam conuersam, dicendum quod non est sua conuersa. Cum enim dicitur quod res sunt in Deo, hoc intelligitur ratione exemplaritatis, & nihil connotatur actu: sed cum dicitur Deus esse in rebus, connotatur aliquid creatum. Nam nihil est in eo quod non est: ergo si Deus est in rebus & locis, res & loca sunt: non ens tamē secundum se bene est in exemplari tanquā in principio. Unde hæc: Deus est in rebus, non est conuersa huius, res sunt in Deo, sed hæc: Deus est exemplar rerum, & utraq; est vera æternaliter. Et huius: Deus est in rebus, conuersa est, res continentur à Deo, & conseruantur ab ipso.

4. AD illud quod obiicitur quod si Deus non fuit ubique, & modo est, ergo est mutatus: dicendum quod non sequitur, quia hoc non est propter mutationem Dei, sed rerum.

QVOD obiicitur quod ubique non connotat effectum, sed solum præsentiam: dicendum quod præsentia importat habitudinem ad duo, scilicet eius qui præsens est, & cui est præsens, & ideo potest esse inceptio ratione rei cui præsens est, non noui effectus.

QVOD obiicitur ad oppositum, procedit secundum quod ubique connotat locum creatum.

QVOD tamen ultimo obiicitur non valet, immo est ibi fallacia accidentis, sicut hic: Iste triangulus incipit habere tres: non ergo omnis triangulus semper habuit tres: quia non fuit distributio de tribus ut nunc, sed ut simpliciter, &c.

ARTICVLVS III.

DE tertio articulo principaliter quæritur, scilicet qualiter Deus sit in rebus. Et circa hoc duo quæ-
runtur. Primo quæritur, vtrum Deus sit in omnibus
rebus æqualiter, siue vniformiter. Secundo quæritur
quibus modis, & qualiter Deus sit in rebus.

QVÆSTIO I.

An Deus æqualiter sit in omnibus rebus.

Alexander Alensis 1.p.q.9.Membro 2.

Richardus 1.Sent.diff.37.q.2.

Steph. Brulef. 1.Sent. diff.37.q.6.

Petrus de Tarantaf. 1.Sent. diff.37.q.2.

Quod sit vniformiter, videtur, quia sicut dicit Phi-
losophus: Prima causa vno modo se habet ad om-
nia, licet omnia non habeant se vno modo ad ipsam:
sed omnia in Deo sunt vniformiter, quia sunt vita,
& creatrix essentia: ergo multo fortius Deus in omni-
bus rebus est æqualiter & vniformiter.

ITEM: Quod est vbique totum, est æqualiter & vni-
formiter: sed cum Deus sit simplicissimus, est vbique
totus, ergo æqualiter & vniformiter est in omnibus re-
bus.

ITEM: Vnicuique rei intima est materia & forma:
sed forma non vnitur materiæ nisi mediante appetitu,
appetitus autem ortum habet ab essentia: sed hoc non
posset nisi per Dei præsentiam: ergo Deus magis est in-
timus omni rei quam sua forma: sed forma vnicuique
rei est summe intima: ergo Deus intimior intimus, est
intimus cuilibet: sed quod habet esse in intimo, est
vniformiter: ergo, &c.

ITEM: Hoc ostenditur per impossibile: quia si Deus
non est æqualiter in rebus: ergo cum magis intime est
in vna quam in alia, ergo in aliqua non est summe inti-
ma: ergo aliquid est in re intrinsecum in quo non est
Deus: ergo Deus non est in omni quod est: sed hoc est
impossibile, ergo & primum.

1. SED CONTRA: Omne quod recipitur in aliquo, est
ibi per modum recipientis, & non recepti: sed creatu-
ræ non sunt æqualiter capaces Dei, ergo non est æqua-
liter in eis Deus.

2. ITEM: Sicut se habet intellectus ad primam lu-
cem, sic ens ad primam essentiam, & viuens ad primam
vitam: sed maior intellectus magis participat diuinam
lucem: ergo perfectius ens, & perfectius viuens diui-
nam essentiam & vitam: ergo Deus perfectius est in
vno quam in alio.

3. ITEM: Existencia Dei in rebus est conseruatio re-
rum: sed non omnes res æqualiter conseruantur: ergo
non est æqualiter in omnibus.

4. ITEM: cum Deus sit vbique, solum dicitur habi-
tare in iustis: sed hoc non esset si æqualiter & vnifor-
miter esset in omnibus: ergo, &c.

CONCLUSIO.

*Deus secundum præsentialem vniformiter est in omni-
bus rebus, secundum vero connotationem effectus, &
impressionem suæ similitudinis, difformiter.*

RESP. ad Arg. Ad prædictorum intelligentiam est
notandum quod Deum esse in rebus dupliciter potest
intelligi. Vno modo vt idem sit quod esse præsentem
cuilibet rei, non connotando effectum: & sic vnifor-
miter est in omnibus rebus, eo quod intimus est cuili-
bet rei, & summe præsens, & totus in qualibet re. Alio
modo potest connotare effectum, sicut artifex dicitur
in artificio esse per connotationem effectus, & per
impressionem suæ similitudinis: & sic cum vni crea-
turæ plus det quam alij, magis est in vna quam in

A alia. Et hoc potest esse dupliciter, scilicet extensue
quantum ad ea quæ habent esse diuturnius, vt in cor-
pore incorruptibili plus quam in anima sensibili. Vel
intensue quantum ad ea quæ habent esse nobilius,
vt in anima sensibili, quam in corpore incorruptibi-
li. Vel vtroque modo, vt in anima rationali, quam
in corpore corruptibili. His visis patent obiecta ad
vtramque partem. Procedunt enim his duabus viis
vt patet, exceptis duabus primis ad vtramque par-
tem.

QUOD enim obicitur quod Deus vniformiter se
habet ad omnes res, si intelligatur vniformitas ex
parte diuini esse, verum est: si autem intelligatur ex
parte effectus, falsum est. Quoniam Deus vnifor-
miter & stabiliter existens, cætera mouet, & multos
& varios effectus producit, & efficiendo diuersa in
rebus, facit quod res non se habeant vniformiter ad
ipsum. Quoniam ergo cum dicitur Deus esse in re-
bus, vno modo connotatur effectus, alio modo non
ideo vno modo conceditur quod sit vniformiter, alio
modo non. Similiter e conuerso cum dicitur, omnia
sunt in Deo, vno modo potest connotari effectus, sicut
patet in prædestinatione, & reprobatione, & sic non est
vniformiter: alio modo non connotatur effectus, & sic
vniformiter.

QUOD obicitur iterum ad oppositum quod omne
quod recipitur, est per modum recipientis: dicen-
dum quod verum est, vbi receptum dependet à re-
cipiente, vt species à virtute cognoscente: in pro-
posito autem non sic est. Vnde diuina essentia exi-
stens in re, non accipit modum rei, & sic patet
illud.

QVÆSTIO II.

Quibus modis Deus in rebus esse dicatur.

Alexander Alensis 1.p.q.9.Membro 1.

S. Thom. 1. p.q.8.art.3.

Et 1.Sent.diff.37.q.1.art.2.

Scotus 1.Sent. in Reportatis, diff.37.q.2.

Ægid. Rom. 1.Sent. diff.37.q.2.

Alfiodorensis 1.Sent. c.15. q.2.

Marfilus Inguen. 1.Sent. q.39.art.1.

Steph. Brulef. 1.Sent. diff.37.q.2.

Petrus de Tarantaf. 1.Sent. diff.37.q.6.

Gab. Biel. 1.Sent. diff.37.q. unica.

QUibus modis, & qualiter sit Deus in rebus. Et
assignat Magister duplices modos existendi Deum
in rebus. Et vnum modum accipit ab Augustino de
præsentia Dei ad Dardanum, qui dicit quod aliter est
Deus in omnibus creaturis, aliter in sanctis, aliter
in Christo per vnionem. Alium modum accipit à Gre-
gorio qui dicit super quintum cap. Cantic. quod Deus
est in rebus tripliciter, scilicet potentialiter, præ-
sentialem, & essentialiter. Quæritur ergo de distin-
ctione, sufficientia, & ordine istorum modorum. Et
obicitur contra assignationem Augustini: Aut enim
accipiuntur modi illi quantum ad diuinam substantiam,
aut quantum ad creaturam, aut quantum ad effe-
ctus. Si quantum ad effectus, cum innumerabiles
sunt modi essendi. Si quantum ad creaturam susci-
pientem: cum solum duplex sit suscipiens, scilicet natu-
ra, & voluntas, videtur quod tantum duo sint modi,
scilicet per naturam, & per gratiam. Si quantum ad Dei
substantiam: cum in ea non cadat diuersitas, erit tantum
vnus modus.

ITEM sicut oratio est effectus superadditus naturæ,
ita operatio miraculosa: ergo sicut in habentibus gra-
tiam est aliter Deus quam in non habentibus, ita & in
re in qua operatur miraculose, vt in asina Balaam, erit
alio modo essendi.

ITEM sicut gratia gratum faciens est supra naturā, ita
gratia gratis data, vt prophetia, ita etiā pœna, & gloria:
ergo cum ista differant genere, & specie, debent secun-

Ad arg. pro
Fundament.

Ad 1. arg.
ia oppos.

Ad opposi-
tum.
Epist. 57.
rom. 2.

In cap. 5. om-
ni inuenitur,
sed in scilicet
id dicitur
proprie vi-
detur in 2.
Mor. c. 8.

dum

dum hoc diuersi modi essendi distingui: ergo non distinguit Magister sufficienter.

ITEM obiicitur contra assignationem Gregorij: Aut enim illa assignatio est secundum effectus, aut conditiones & proprietates Dei. Si secundum effectus: tunc cum essentia nullum connotet effectum, non deberet poni. Si secundum conditiones Dei: sed non tantum est Dei potentia, sed etiam sapientia, & voluntas: ergo videtur quod insufficienter assignet.

ITEM videtur esse præposteratio in ordine. Nam secundum rem & rationem intelligendi, essentia præcedit potentiam, & potentia præsentiam: ergo male ordinat.

ITEM verborum inculcatio videtur: quia in Deo idem est potentia, essentia, & præsentia: quæritur ergo distinctio.

CONCLUSIO.

Virque assignatio modorum essendi Deum in rebus conueniens est, tam illa quæ est Augustini, quam quæ Gregorij: illa enim respicit diuersitatem modorum essendi in rebus, hac conditiones eorundem modorum.

RESP. Ad Arg. Dicendum quod assignatio Augustini respicit diuersitatem modorum essendi Deum in rebus: sed assignatio Gregorij respicit conditiones modorum essendi. Vbiunque enim est Deus siue per naturam, siue per gratiam, est essentialiter, potentialiter, præsentialiter. Diuersitas autem modorum essendi accipitur penes diuersitatem effectuum, & non qualemunque, sed solum trimembrem. Quidam enim est effectus secundum quem comparatur res ad Deum per modum exeuntis: & hi omnes continentur sub modo naturæ, extenso nomine. Quidam per modum redeuntis: & hic est effectus gratiæ inchoatæ, vel consummatæ, vt gloriæ: & quantum ad hunc est secundus modus essendi. Quidam est effectus secundum quem comparatur creatura ad Deum, vt perueniens, vel perficiens: & hic est effectus vnionis, in qua vnuntur in vnitate personæ creaturæ, & Creator, vt homo & Deus. Quoniam ergo tres sunt modi effectuum, secundum quos creatura diuersimode comparatur ad Deum: ideo tantum tribus modis dicitur esse in rebus. Et primus qui attenditur quantum ad exitum, assimilatur lineæ rectæ. Secundus quantum ad seditionem, lineæ reflexæ. Tertius quantum ad perfectionem assimilatur circulo. Et primus quidem modus similis est lineæ: secundus, quia includit primum, similis est superficiæ: tertius, quia vtrunque, similis est soliditati. Et ideo optime dicit Apostolus quod in Christo tota diuinitas habitat corporaliter: est enim perfectissime in eo, quia est ad modum circuli qui est figura perfecta, & per modum altitudinis quæ est quantitas perfecta. Ex his patet sufficientia, & distinctio, & solutio obiectorum. Assignatio autem beati Gregorij accipitur quantum ad conditiones modorum essendi. In his enim tribus circumloquitur beatus Gregorius perfectionem modorum existendi Deum in omnibus, in quibus est hoc modo. Aliquid enim est in aliquo secundum præsentialitatis indistantiam: vt contentum in continente, vt aqua in vase. Aliquid secundum virtutis influentiam, vt motor in mobili. Aliquid secundum intimitatis existentiam, vt illud quod est continens intra, vt anima in corpore. Et omne quod perfecte est in re, necesse est esse quantum ad hanc triplicem conditionem, & hoc modo est Deus. Et ideo dicitur esse potentialiter, præsentialiter, & essentialiter: quia secundum præsentialitatis indistantiam, secundum virtutis influentiam, secundum intimitatis existentiam, & sic patet distinctio, sufficientia, & ordo. Quoniam secundum rationem intelligendi conditiones istæ se habent per additionem, & ideo bene ordinat beatus Gregorius primo præsentialiter, & c. Aliqui tamen huiusmodi conditiones volunt distinguere penes substantiam, virtutem, & operationem. Sed licet modus existendi essentialiter respondeat sub-

stantiæ, & potentialiter virtuti: tamen præsentialiter, principaliter non respondet operationi: nam præsens est aliquis alicubi, etiam si non operetur. Aliqui accipiunt penes genera causarum. Sed nec illud videtur conueniens, quia essentialiter consistere, non connotat genus causalitatis. Aliqui penes Trinitatem vestigij, scilicet modum, speciem, & ordinem: sed omnia hæc præcedit essentia secundum rationem intelligendi.

DISTINCT. XXXVII. PARS II.

De Dei immutabilitate quantum ad locum.

Cumque diuina natura veraciter, & essentialiter.

B

Expositio Textus.

SVPRA ostendit Magister qualiter Deus sit in locis, & in rebus omnibus, & quoniam ad existentiam in loco sequitur circumscribilitas, & locabilitas in creatura locata: ideo intendit hic à Deo has conditiones remouere. Et diuiditur hæc pars in duas. In prima ostendit Deum incircumscribibilem, & immutabilem. In secunda vero concludit, & per auctoritates confirmat, ibi: *Fateamur itaque diuinam naturam, & c.* Prima pars habet tres partes. In prima ostendit quod immobilitas, & incircumscribilitas conuenit Deo. In secunda hoc remouet à natura Angelica, & omni natura creata, ibi: *Spiritus vero creatus quodammodo, & c.* In tertia ponit opinionem quorundam, qui dicunt Spiritus creatos non moueri loco, nec esse locales, ibi: *De mutatione vero loci, & c.* In quarta suam conclusionem infert, quod solus Spiritus increatus est incircumscribitus, ibi: *Sunt ergo Spiritus creati, & c.* Item secunda pars in qua suam refutit conclusionem, vt addat, habet tres partes. In prima concludit prædeterminata, & auctoritatibus confirmat. In secunda vero mouet oppositionem, & soluit illam, ibi: *Ad hoc autem solet opponi.* In tertia breuiter epilogat prædeterminata, & ostendit rationem situs præsentis capituli, ibi: *Iam sufficienter demonstratum est.*

Diuisio.

Neque dimensionem habet sicut corpus, & c. Dub. I.

Videtur male dicere, quia dicitur: Vt possitis comprehendere cum omnibus Sanctis, quæ sit longitudo, & c. & Glossa exponit illud de Deo.

Ephes. 3. d.

RESP. Magister loquitur proprie ad literam, sed Apostolus loquitur metaphorice. Vnde multipliciter exponuntur illa verba. In Deo enim longitudo est longanimitatis, latitudo charitatis, sublimitas misericordiæ, & profundum iustitiæ, siue sapientiæ, quantum ad Dei iudicia.

Mouet etiam per tempus & locum creaturam corporalem. Dub. II.

Videtur mala ista diuisio Augustini: Primo quia à Philosopho ponitur nulla mutatio secundum tempus. Et iterum sua diuisio non videtur sufficiens, quia Philosophus ponit sex species motus.

RESP. Dicendum, quod secundum Philosophum omnes species motus ad hunc duplicem motum reducuntur, scilicet ad motum ad situm, & ad motum ad formam: Augustinus autem motum ad situm intelligit per motum secundum locum, qui est entis completi, & perfecti, siue de inuolutione circa qualitatem, siue proprietatem substantiæ, eatenus quæ ad situm est, nisi pariter sit ad formam: motum autem ad formam, qui subdiuiditur per quinque species, comprehendit sub mutatione secundum tempus: propter hoc, quod de se dicit mensuram variabilem, & rei variabilis. Vnde omnem mutationem, quæ est secundum proprietates rei absolutas, & intrinsecas, siue secundum qualitates corporales, siue secundum spirituales, vt sunt affectiones in animabus, ipse vocat mutationem secundum tempus, & ita patet ratio diuisionis, & sufficientia.

Aristot. 3. Phys. cont. 6.

Aug. lib. 8. de Tr. c. 16. tom. 3.

Spiritua

Spiritualis autem creatura per tempus mouetur.
Dub. III.

Videtur falsum dicere, quia spiritualis creatura mensuratur æuo, cum sit perpetua: ergo si mouetur, non per tempus mouetur, sed per æuum.

ITEM intellectus Angelicus est Deiformis, sicut vult Philosophus: ergo intelligit in instanti, pari ratione, & afficitur: nõ ergo in tempore. Præterea, tempus per prius est mensura motus primi mobilis: ergo illud solum mensuratur tempore quod subiaceret illi motui: sed tale non est Angelus, nec eius motus: ergo, &c.

RESP. Ad præsens notandum quod tempus vno modo dicitur proprie, & sic dicit mensuram rei mutabilis in quantum mutabilis, tamen sub ratione continui: & quoniam motus primi mobilis est motus maxime evidens, & continuus inter omnes: ideo tempus hoc modo dicitur proprie esse in primo mobili, sicut in subiecto, in quo primo est, & in quo primo apparet. Alio modo dicitur tempus mensura cuiuslibet rei mutabilis, secundum quod mutabilis, siue moueatur instantanee, siue continue, & sic non tantum est in motu primi mobilis, & in his, quæ ei subiacent, sed etiam in omni creato, circa quod accidit variatio, & sic est in Angelis. Et per hoc patent obiecta.

Quod enim obiicit de æuo, dicendum quod æuum est mensura Angelorum quantum ad esse substantiale, quod est inuariabile, & incorruptibile: sed tempus quantum ad proprietates, quæ variantur, & quædam subito: & quædam successiue, sicut patet in Angelis per naturam paulatim intendi aliquam affectionem, & sic patent cætera.

In duobus sapientibus, quorum alter altero, &c.
Dub. IV.

Videtur falsum dicere quod eadem sapientia est in duobus neque maior, neque minor, quia sapientia est accidens, & qualitas sapientis, & accidens per subiecta numeratur.

RESP. Dicendum quod ad hoc voluerunt aliqui dicere quod eadem sapientia creata esset in duobus sapientibus, & hoc dant intelligere per duas suppositiones. Vna est quod species rei in anima non differant per essentiam à re extra. Alia suppositio est quod eandem rem nosse possunt duo sapientes, scilicet vnum enuntiabile quod dictum est singulare, & hoc vltimum non indiget persuasionem: sed prius quod species in anima non differat à re extra secundum essentiam, ostendunt sic, quia per eadem res cognoscitur, per quæ res habet esse: si ergo per formam suam habet esse: ergo & cognosci, & forma rei vere est in anima: & cū intellectus sit sciens per illam formam, & contingat aliquos duos omnino idem scire, & cogitare, illa non est tantum vera forma, sed etiam vna. Et quod hoc verum sit, persuadent per hoc quod si forma potest secundum veritatem consimilem formam in materia producere, & seipsam facere in aliena materia, quare non est simile in anima, quæ habiliior est ad recipiendum? Vnde & hoc dicunt sensisse Augustinum. Vnde dicunt quod sapientia non est ad modum aliarum proprietatum. Sed hæc positio deuiat ab Augustino, quia Augustinus vult, & alij Sancti quod esse in pluribus omnino distinctis non conuenit vni, & eidem creaturæ, nisi per miraculum, & ideo positio ista super falsum fundatur, & fundata est. Quia si veritas asini esset in anima, quare non diceretur anima esse asinus? Et iterum. Si esset veritas, adhuc non esset eadem, quia nulla forma cum generat se, generat se omnino eandem: sed de necessitate plurificatur essentia in generante, & generato, præterquam in Deo: & ideo non valet ad propositum. Et ideo secundus modus dicendi est quod Augustinus intelligit de sapientia increata, quæ est in sapientibus, & attingit vbiq[ue] pro-

pter sui munditiam. Sed cum Augustinus intendit ponere exemplum in creaturis, non videtur adhuc hoc esse secundum eius intellectum. Et iterum ipse dicit quod ipsa sapientia est æqualis in duobus, qui sunt æqualiter sapientes, nõ autem in aliis: ergo videtur loqui de habitu. Et ideo est tertius modus quod ipse loquitur de vnitatem per conformitatem. Sed illud non est sufficienter dictum, quia tunc maior esset in duobus, quam in vno, sicut patet in duobus dinitibus qui sunt in diuitiis conformes, & æquales. Propter hoc dicendum quod similitudo, siue intentio in anima habet comparari ad animam, in qua est, & ad illud cuius est: & quoniam ortum habet ab eo, cuius est, & ad illud dicitur: ideo similitudines vnius rei in animabus pluribus, quia in vnam, & eandem veritatem ducunt, est tantum vna, quantum duæ: hinc est quod per comparisonem ad illud, cuius sunt, habent vnitatem, nec maius sunt duæ quam vna, similiter nec sapientia. Sed in comparatione ad animas quæ per illas cognoscunt, habent pluralitatem, & plus sunt duæ quam vna, & ideo patet quod non potest poni omnino simile, quia res differunt ab intentione, siue similitudine sua: in Deo autem in quo non differunt, patens est, quod vnus potest esse in multis, & sic patent cætera obiecta.

ARTICVLVS I.

AD intelligentiam huius partis, duo principaliter quæruntur. Primo quæritur de incircumscribilitate, siue illocabilitate Dei. Secundo, de mutabilitate Spiritus Angelici per locum: hæc enim duò prosequitur in litera. Quantum ad primum articulum, quæruntur tria. Primo quæritur, vtrum Deus sit localis intra locum. Secundo, vtrum sit mutabilis de loco ad locum. Tertio, vtrum sit separabilis à loco, siue sit extra omnem locum.

QVÆSTIO I.

An Deus sit localis.

Steph. Brulef. 1. Sent. dist. 37. q. 8.

Petrus de Tarantaf. 1. Sent. dist. 37. q. 6.

QUOD Deus sit localis, ostenditur hoc modo: Esse in loco, & esse locatum conuertuntur: sed Deus est in loco, vt in præcedentibus probatum est, ergo Deus est locatum: sed omne locatum est locale: ergo Deus est localis.

2. ITEM quod est in vno loco tantum locale est: ergo si plus possunt omnia loca, quam vnum: & magis sapientiam rei quod habet esse in toto, quam quod in parte habet: multo magis est locale quod est in omni loco: sed Deus est in omni loco, quia vbiq[ue]: ergo videtur maxime esse localis.

3. ITEM Deus est vbiq[ue]: ergo est hic: sed quod hic est, est in loco determinato: & quod est in loco determinato, est locale: ergo, &c.

4. ITEM Deus est in loco aliquo determinato: aut ergo secundum totum, aut secundum partem: si secundum partem: ergo habet partem & partem, quod est inconueniens. Si secundum totum, sed quod secundum totum est in aliquo, comprehenditur ab illo, & quod comprehenditur ab aliquo loco determinato, est locale: ergo Deus est localis.

CONTRA: Magister in litera: Localis non est, quia penitus non circumscribitur loco.

ITEM ratione probatur sic: Nihil dicitur temporale, nisi quod exceditur à tempore. Temporalia enim in tempore sunt corruptibilia: ergo nihil dicitur locale, nisi quod exceditur à loco: sed Deus non exceditur à loco: ergo, &c.

ITEM locus est accidens: ergo non denominat illud nisi ad quod comparatur, vt accidens: sed ad Deum non potest comparari, vt accidens: ergo non denominat Deum: ergo Deus est localis.

Ad oppositum.
*Art. medium
 se præced.*

*August. ad
 Dard. epist.
 57. tom. 2.
 Ambr. lib. de
 Spiritu sancto,
 c. 7. to. 4.*

*August. ad
 Dard. epist.
 57. tom. 2.*

ITEM

ITEM locus est quantitas continua diuisibilis, punctus autem est principium quantitatis indiuisibile: ergo magis conuenit cum Deo punctus, quam locus quantum ad proprietates: sed Deus non dicitur punctualis, nisi improprie, & falso: ergo non debet dici localis.

CONCLUSIO.

Deus, quoniam sic præsens est loco, ut nihil ab eo omnino recipiat, sed solum eius indigentiam repleat, detque ei virtutem continendi, localis non est.

RESP. Ad Arg. Dicendum quod locale dicitur quod sequitur leges loci, sicut temporale quod sequitur leges temporis. Leges autem loci sunt quantum ad actum continendi, mensurandi, saluandi, terminandi, secundum quas locus se habet ad locatum per modum impatiens, & locatum se habet ad locum per modum suscipiens. Et quoniam Deus sic est præsens loco, ut nihil ab eo omnino recipiat: sed solum eius indigentiam suppleat, & det loco virtutem continendi, & locato virtutem replendi. Hinc est quod Deus nullo modo dicens est localis, sicut dicit Magister in litera, & rationes ad hoc inductæ concedendæ sunt.

1. Ad illud ergo quod obiicitur quod esse in loco, & esse locatum conuertuntur, dicendum quod conuertuntur ratione materiæ circa ipsum corpus, tamen ratione virtutis vocabuli non. Nam hæc determinatio in loco, ad hoc quod habeat veritatem locutio, non exigit, nec ponit nisi præsentialem, & indistantiam: sed esse locatum ponit ambitum, & continentiam, esse locale ponit idoneitatem ad proprietates loci, & indigentiam aliquam & ideo hæc conceditur: Deus est in loco, quamvis aliquid habeat improprietatis: propter hoc quod hæc præpositio, in, videtur importare continentiam ambientem: sed hæc est magis impropria: Deus est locatus. Et adhuc ista est plus impropria Deus est localis, & ideo non est recipienda, sed exponenda.

2. Ad illud quod obiicitur: Quod est in vno loco, est locale, dicendum quod illud est, quia locus super excellet ipsum locatum. Vnde illud determinat, & diffinit, sed quando est, in omnibus, ipsum super excellet omnia loca. Et ideo super hoc non tantum possunt omnia loca, quantum potest vnus locus super illud quod est tantum in vno loco: & ideo non est localis dicendus Deus.

3. Ad illud quod obiicitur quod Deus est hic, & c. dicendum quod, hic, potest teneri dupliciter. Aut demonstratiue tantum, aut demonstratiue, & discretiue. Si tantum demonstratiue: sic verum est: Deus est hic, quia non est signare locum, cui Deus non sit præsens. Si autem discretiue, falsum est esse hic, & non sequitur ex prima, & hoc sensu procedit sua ratio.

4. Ad illud quod quæritur, aut Deus est secundum totum, & c. dicendum quod in Deo sunt simul simplicitas, & infinitas: quando ergo apponitur circa Deum nomen importans totalitatem, potest dupliciter apponi, vel ratione simplicitatis, & sic priuat partem, & partem & sic significatur per nomen, Totum, ut si dicatur: Totus Deus: & quoniam Deus in omni loco simplex est: & quodlibet est capax simplicitatis diuinæ: ideo ratione simplicitatis Deus est in quolibet totus. Potest iterum totalitas apponi ratione infinitatis: & hoc fit per aduerbium: ut si dicatur: Deus est totaliter in loco hoc. siue secundum totum, & sic cum diuina infinitas a nullo loco includatur: Deus in nullo loco est secundum totum. Quando ergo quæritur, aut secundum partem, aut secundum totum, dicendum quod non diuidit per immediata, quia Deus non secundum partem, quia simplex: nec secundum totum, quia infinitus: & ideo dicendus est totus in quolibet loco, non tamen totaliter.

QVÆSTIO II.

An Deus sit mutabilis secundum locum.

Alexander Alensis 1. p. q. 13. Membr. 3.

Sepp. Brulef. 1. Sent. dist. 37. q. 9.

Petrus de Tarantasia. 1. Sent. dist. 37. q. 7.

Vtrum Deus sit mutabilis secundum locum. Et quod non, videtur sic. Magister in litera dicit, & accipit ab Augustino super Genesim: Deus est in omni tempore, & in omni loco: non tamen mouetur per loca, vel tempora.

ITEM ratione ostenditur, quia motus est actus imperfectus: sed in Deo nulla est imperfectio: ergo nec secundum locum mutatio.

ITEM per omnem motum aliquid acquiritur: sed Deus nullum locum potest acquirere, quia est vbique: ergo impossibile est, Deum secundum locum mutari.

ITEM nobilior dispositio est quies quam motus, sed quod nobilior est, Deo est attribuendum: ergo impossibile est Deum secundum locum mutari: sed semper quiescit.

1. **CONTRA** per Augustinum ad Orosium: Deus mouet se sine tempore & loco: ergo videtur quod Deus moueatur: sed perfectissimus motuum est motus secundum locum: ergo & c.

2. **ITEM** Isidorus: Cum sit illocalis Deus, localiter tamen ambulat in Sanctis: ergo saltem videtur mutari per accidens.

3. **ITEM** hoc videtur ratione, quia mouentibus nobis, mouentur ea, quæ in nobis sunt. Hoc dicit Philosophus, & dicit propter formas, quæ non sunt in vno determinate: ergo si Deus est in nobis, Deus mouetur in nobis saltem secundum accidens.

4. **ITEM** quamvis Deus quantum ad existentiam, per essentiam non determinet locum, tamen quantum ad habitationem diffinit est in aliquibus, ita quod non in aliis: ergo saltem quantum ad hunc modum est mutabilis.

CONCLUSIO.

Deus propter suam summam immensitatem, vel incipiat, vel desinat esse in rebus, nullo modo mutabilis est.

RESP. Ad Arg. Dicendum quod sicut dicit Magister in litera, Deus nullo modo mutatur per locum: & hoc verum est, quia nec per se, nec per accidens mutatur: & hoc est propter summam immensitatem, quia adest omnibus, & nulli abest. Et si incipiat esse in re, vel desinat, hoc solum est secundum rei mutationem, non secundum mutationem eius. Ut puta, si aëre illuminato intelligatur creari crystallus, radius incipit esse in eo: & crystallo amoto, desinit esse, nulla facta mutatione in radio.

1. 2. Ad illud ergo quod obiicitur quod Deus mouet se, & c. dicendum quod Augustinus non dicit simpliciter quod mouet se, sed cum his additionibus, sine tempore, & loco. Et quoniam omnis motus secundum Augustinum comprehenditur sub mutatione secundum tempus, & secundum locum: ideo tantum est hoc, quantum est dicere, mouet se sine motu, & ita non mouetur vere, nec implicatur contradictio. Sed cum in motu sint duo, scilicet quod est actus, & quod est variatio, siue imperfectio, vult dicere Augustinus quod mouet se sine motu, quia semper est in actu, sed non ita in actu imperfecto, imo perfecto. Quod dicit Isidorus est intelligendum metaphorice, vel causaliter, quia sanctos facit ambulare, id est, proficere de virtute in virtutem.

3. Ad illud quod obiicitur quod mouentibus nobis, & c. dicendum quod illud non habet veritatem nisi in illis, quæ sunt in aliis per dependentiam, & diffinitionem. Vnde quia radius est in aëre, & non dependet ab aëre, id-

eo non mouetur moto aëre: & quia anima est in manu, A nec diffinitur manu: ideo non mouetur, mota manu. Deus autem non dependet a rebus, non diffinitur: ideo non mouetur ad motum rerum.

4. Ad illud quod obicitur de habitatione Dei, dicendum quod determinate est in aliquibus non ratione immensitatis, sed ratione influentiae gratiae, & ideo non determinatur ipse Deus, sed effectus tantum: hinc est quod non per se, nec per accidens mouetur nec moueri potest, quia a nullo dependet, nec dependere potest: a nullo diffinitur, nec potest diffiniri, & non solum non est possibile, sed etiam non intelligibile. Obicitur autem aliquis sic: Intelligamus corpus egredi à loco nullo introeunte, tunc remanet vacuum: aut ergo ibi est Deus, aut non. Si sic: ergo in eo est quod nihil est, quod stultum est dicere. Si non est, & ibi prius fuit: ergo videtur esse mutatus, saltem per accidens: ergo videtur quod Deus exeat cum re, & cum re alia ingrediatur, quia si res tantum exiret, Deus exiret. Ad hoc respondeo quod si per impossibile ponatur, locum euacuari, tunc remanere intelligitur capacitas loci priuata: capacitas aliquid est, & in illa Deus est, priuatio autem nihil est, & in illa Deus esse non potest: non ergo definit Deus esse ab eo, quod remanet post recessum corporis. sed cum res priuatur, aufertur comparatio eius ad Deum. Quod enim nihil est, nullam habet comparisonem: sed cum res mouetur, Deum non dimittit, nec ad Deum accedit, nec Deus cum re venit: quia sic est in re, ut sit extra rem idem, ideo nec res eum dimittit, nec nouum inuenit. Et hoc est intelligibile, si quis potest intelligere quod Deus sit simplex, & infinitus, & immensus. Quia enim est immensus, ita est intra, quod extra: quia simplex, secundum vnum & idem est intra, & extra: ideo nec dimittitur, nec acquiritur aliud in re, nec ab ipso itur ad ipsum, nec dimittitur, ut alibi, & alibi inueniatur.

QVÆSTIO. III.

An Deus ab omni loco sit separabilis, & existat extra omnem locum.

Alex. Alensis 1. p. q. 10. Memb. 1.

Richardus 1. Sent. dist. 37. q. 4.

Stephan. Brulef 1. Sent. dist. 37. q. 10.

Petrus de Tarantasia 1. Sent. dist. 37. q. 8.

Fundamēta.

Vtrum sit Deus ab omni loco separabilis, vel extra omnem locum. Et quod non, videtur, quia extra omnem locum nihil est: ergo si Deus est extra omnem locum: ergo vel in nihilo.

ITEM hoc quod est, *extra*, aduerbium loci est: ergo si Deus extra omnem locum est, est in loco, & præter omnem locum: sed hoc est falsum & non intelligibile: ergo Deus non potest nec re nec intellectu separari ab omni loco.

ITEM cum dicitur: Deus est extra mundum, *extra* aut stat pro aliquo, aut pro nihilo. Si pro nihilo, ergo chimæra est, *extra mundum*. Si pro aliquo: ergo vel pro creato: vel increato. Non pro creato, constat: ergo pro increato, ergo esse extra mundum, est esse in Deo: sed omnia sunt in Deo, ergo omnia sunt extra mundum.

ITEM in nullo est Deus quod non sit in ipso: sed nihil quod sic extra mundum est in Deo: ergo Deus non est extra mundum.

Ad oppositum.

1. CONTRA, quod locus possit separari à Deo secundum intellectum, videtur, quia possibile est secundum intellectum locum priuari omni locato, & remanere vacuū: sed vacuum est priuatio. Deus autem in nullo est quod non sit in ipso: priuatio autem non est in Deo, nec Deus in priuatione: ergo nec in vacuo, & sic est separabilis à loco.

2. ITEM quod Deus separatur à loco secundum rem, videtur, quia sicut se habet Dei æternitas ad omne tempus, ita & immensitas ad omnem locum: sed Dei æternitas fuit ante omne tempus: ergo Dei immensitas fuit extra omnem locum: sed quod est extra aliquid, est separatum ab eo: ergo, &c.

3. ITEM si Deus est tantum in locis creatis, cum illa sint finitæ dimensionis, & quod commensurat se finito est diffinibile, & finitum: ergo Deus esset finitus.

4. ITEM Deus est adeo bonus quod melior cogitari non potest: ergo adeo magnus, & immensus, quod maior eo cogitari non potest: sed toto mundo potest cogitari linea maior, si intelligatur protendi extra circumferentiam cœli: ergo si ibi est Deus, Deus est extra, aut non est maximus.

5. ITEM Angelus potest esse extra mundum: sed non extra Deum: ergo Deus est extra mundum.

CONCLUSIO.

Secundum independentiam Deus à loco separabilis est, non tamen secundum distantiam: sed locus à Deo, neutro modo.

RESP. Ad Arg. Dicendum quod aliquid separari ab alio est dupliciter, vel secundum distantiam, vel secundum independentiam. Primo modo aliqua duo, quæ sunt in eodem loco separantur, cum vnū elongatur ab alio. Et hoc modo impossibile est esse, nec intelligi Deum separari ab omni loco. Nam ista separatio includit distantiam spatii, & hoc de necessitate includit locum, & ita implicatur duo opposita, scilicet quod Deus sit in loco, & distet ab omni loco. Si autem loquamur de separatione per independentiam: Sic dicendum quod Deus & re & intellectu est separatus à loco, quia in se ipso omnino est independens à loco, sicut ante productionem loci. Locus autem econtra non est separabilis à Deo nec re, nec intellectu, sicut probant rationes ad hoc inductæ.

2. 3. Similiter cum queritur vtrum Deus sit extra omnem locum, dicendum quod, *extra*, vno modo dicitur, & positionem. Et sic est impossibile sicut impossibile est, si *ante*, dicitur tempus, quod sit ante tempus. Alio modo, *ante & extra*, dicuntur excessum, & superexcellētiā diuinæ æternitatis, & immensitatis respectu temporis, & loci: & sic concedendum quod Deus est ante tempus, & extra omnem locum. Nec ex hoc sequitur quod separatur à loco: sed quod summa immensitas superexcedat omnem locum, nec ad illum arctatur: & hoc vult dicere Gregorius quod Deus est extra omnia, non exclusus, quia non distat: & intra omnia, non inclusus, quia nō arctatur, quia in seipso est omnino immensus, ita quod extra ipsum nihil potest esse, nec cogitari, siue nihil potest cogitari ita immensum, sicut Deus est in seipso. Ex hoc patet sequens quia quod non est extra, non est propter limitationē suam, sed loci defectionem.

4. 5. Ad illud quod obicitur de linea, dicendum quod statim dum intelligitur aliquid extra mundum, ex hoc datur intelligi quod Deus sit ibi. Sicut si intelligatur nouus mundus fieri, absque dubio Deus esset in illo, tamen non sequitur quod ibi sit, quia illud nihil est. Similiter si fieret Angelus extra, tunc Deus esset extra non secundum motum suum, sed Angeli: sed forte hoc est magis fictionis, quam veritatis quod Angelus extra vniuersum exeat, sicut patebit. Attamen illud cogitandum est quod diuinum esse, sicut non potest cogitari habere terminum in duratione, sic non potest cogitari, nec debet habere terminum in existentia, & presentia. Et sicut non potest cogitari habere intercessionem in duratione, sic nec in presentia. Hic intellectus est habendus: caueat tamen qualiter quis imaginetur, & exprimat per sermonem.

ARTICVLVS II.

Consequenter de secundo articulo queritur, scilicet de mutabilitate Angeli & circa hoc queruntur tria. Primo queritur, vtrum Angelus possit moueri localiter sine corpore. Secundo queritur, vtrum moueatur per medium, vel non. Tertio, vtrum pertranseat medium modo subito, vel successiuo.

QVÆSTIO

QVÆSTIO I.

An Angelus possit moueri localiter sine corpore.

Alexander Alensis 1. p. q. 33. Membro 1. & 3.

S. Thom. 1. p. q. 53. art. 1.

Et 1. Sent. dist. 37. q. 4. art. 1.

Egid. Rom. 1. Sent. p. dist. 37. q. 1.

Henricus Quod. 1. q. 9.

Richard. 1. Sent. dist. 37. art. 3. q. 1.

Thom. Arg. 1. Sent. dist. 37. q. 1. art. 2.

Franciscus de Mayr. 2. Sent. dist. 2. q. 10.

Steph. Brulef. 1. Sent. d. 37. q. 11.

Petrus de Tarant. 1. Sent. dist. 37. q. 10.

Gabr. Biel. 2. Sent. dist. 2. q. 3.

QUOD Angelus non possit moueri sine corpore, ostenditur sic per Bernard. super Cantic. Discurre, & de loco ad locum transire, non est nisi corporum: ergo si hoc conuenit Angelo, non conuenit nisi per corpus assumptum.

2. **ITEM** ratione videtur: Quia quod mouetur, aut mouetur per se, aut per accidens. Sed Angelus non mouetur per se localiter, quoniam hoc est proprium corporum, & illi soli inest res per se, cui inest proprie: ergo si mouetur, hoc est per accidens: sed quod per accidens mouetur, mouetur alio moto, vt nauta, mota nauis: ergo videtur quod Angelus non potest moueri nisi moto corpore, & ita corpore assumpto.

3. **ITEM** omne quod mouetur, mouetur propter indigentiam: sed in Angelis beatis nulla est indigentia: ergo, &c. Si tu dicas propter indigentiam nostram: ergo circumscripta indigentia nostra non videtur, quod Angelus possit moueri: si ergo indigentia nostra nullam dat virtutem Angelo, patet, &c.

4. **ITEM** omne quod mouetur differt à motore sicut ponit Philosophus: sed Angelus non distat à se, ergo Angelus non mouetur à se, nec ab alio: ergo non potest moueri nisi mouendo aliud, sicut mouendo corpus.

CONTRA: Ad Hebræos dicitur: Omnes sunt administratores Spiritus missi propter eos, &c. sed aliquod ministerium consequuntur sine corpore, vt suggerere bona, & reuelare secreta, & huiusmodi: ergo possunt sine corpore moueri.

ITEM per Damasc. confessum innentur vbi diuinus inserit nutus velocitate naturæ: si ergo velocitas est dispositio ad motum, ex sui natura sunt mobiles.

ITEM Angelus in vno loco tantum est, & ibi est, vbi operatur: ergo virtus eius aut est ad vnum tantum actum: aut si non est actum, nec substantia est actum ad vnum locum: sed non potest esse simul in pluribus: ergo cum in vno loco est, est in potentia ad alterum: sed quod est in potentia ad vnum, non fit actu in illo, nisi per motum secundum locum: ergo, &c.

ITEM quod moueatur sine corpore assumpto ostenditur per simile in anima. Anima enim exuta à corpore fertur in cælum, vel descendit in infernum localiter, sed constat quod anima non assumit aliud corpus quam suum: ergo mouetur sine corpore: ergo pari ratione Angelus.

ITEM Angelus in empyreo potest esse sine corpore, pari ratione & in terra: ergo si per eandem vim per quam quiescit in terra, facit se esse in terra, siue transfertur, ergo videtur quod sine corpore.

CONCLUSIO.

Angelus mouetur non solum assumpto corpore, verum etiam corpore non assumpto.

RESP. Ad Arg. Dicendum quod Angelus, sicut dicit Scriptura, habet moueri: Mouetur autem non solum assumpto corpore, sed etiam corpore non assumpto, cum non sit minoris libertatis, nec virtutis, nec nobilitatis sine corpore, quam est cum corpore.

Ad intelligentiam autem obiectorum est notandum quod sicut esse in loco est dupliciter, siue esse localem, sicut tangit M. gister in litera, scilicet quia circumscri-

bitur, & quia diffinitur. & illud proprie est locale quod circumscribitur, aliud autem quodam modo est locale, quodam modo non. Ita moueri per locum. Vno modo est per circumscriptionem ferri de loco ad locum, & sic est tantum corporum. Alio modo moueri est minus proprie secundum diffinitionem transire, & sic est spirituum. Proprie ergo per circumscriptionem non mouetur Angelus, nisi corpore assumpto, minus proprie per diffinitionem mouetur Angelus etiam sine corpore.

1. Ex hoc patet responsio ad primum obiectum, quia Bernardus accipit discurre, & transire secundum proprietatem loci: quæ est circumscriptio.

2. Ad illud ergo quod quaritur, vtrum per se aut per accidens, dicendum secundum prædictam diuisionem de motu, quod secundum primum motum non mouetur spirituale nisi per accidens, scilicet alio moto. Sicut enim nauta, mota nauis, mouetur, sic spiritus moto corpore in quo est. Quantum ad secundum motum sicut Angelus per se ipsum, & sine corpore diffinitur loco, ita per seipsum transfertur, ita quod non alio mouente, nec per alium motum: ipse autem obicit de primo motu tantum, qui per se conuenit corpori soli.

3. Ad illud quod obicitur quod omne quod mouetur, mouetur propter indigentiam, dicendum quod illud verum est in motu naturali in quo natura non mouet nisi per appetitum alicuius rei, qui ponit imperfectionem in natura: quia natura, habita perfectione sua quiescit: sed non est verum in motu voluntario in quo mouetur aliquis, siue propter aliud acquirendum, siue ad virtutem demonstrandam, sicut mouetur miles in stadio. Vel dicendum quod illud verum est in omni motu, generaliter accipiendo indigentiam ad suam indigentiam & alienam: suam autem quantum ad illud cuius priuatio ponit imperfectionem, vel cuius priuatio non imperfectionem ponit, sed limitationem, & sic est in Angelo. Angelus enim volens aliquid operari in terra, indiget transire ad terram, quia non potest simul esse in cælo, & in terra, propter hoc quod habet virtutem finitam: & sic patet illud quod limitatio non repugnat summæ perfectioni creaturæ.

4. Ad illud quod obicitur quod omne quod mouetur differt à motore, dicendum quod in naturali motu verum est, vbi nihil mouet se, quia nihil reflectitur supra se propter alligationem cum materia: sed non est verum in voluntate quæ est instrumentum seipsum mouens, & virtus quæ est in substantia spiritali, potest supra substantiam reflecti, & ita mouens idem est cum mobili, tamen non secundum idem, quia Angelus habilis est ad moueri ex parte ipsius quod est siue substantiæ vel materiæ, si habet materiam: sed ad mouere, ex parte formæ, siue ipsius quo est, vel virtutis actiue.

QVÆSTIO II.

An Angelus moueatur per medium.

Alexander Alensis 2. p. q. 33. Membro 3.

S. Thom. 1. p. q. 53. art. 2.

Et 1. Sent. dist. 37. q. 4. art. 2.

Egid. Rom. 1. Sent. 2. p. dist. 37. princip. 2. q. 2.

Richard. 1. Sent. dist. 37. art. 3. q. 2.

Franciscus de Mayr. 2. Sent. dist. 2. q. 11.

Steph. Brulef. 1. Sent. dist. 37. q. 12.

Petrus de Tarant. 1. Sent. dist. 37. q. 13.

VTRUM Angelus moueatur per medium, vel non. Et quod per medium, videtur per Damascenum, qui dicit quod Angelus cito pertransit velocitate, & potestate naturæ: sed pertransire est per medium transire: ergo, &c.

ITEM Angelus mouetur à termino à quo ad terminum in quem aut ergo mouetur in termino à quo, aut in termino in quem, aut in spatio intermedio. Sed in termino à quo, est non motum esse: in termino vero in quem, est motum esse: ergo cum moueri sit medium inter vtrumque, oportet quod sit in spatio intermedio.

Ansel. lib. de Cōcord. præscientiæ, & lib. arb. longe ante fin.

Fundamēta. Damas. de fide orth. lib. 1. c. 17.

ITEM quod possit moueri per medium videtur, quia A certum est quod Angelus existens Parisiis potest esse Romæ eadem virtute, & in quolibet intermedio loco, & prius in propinquiori, & deinde in singulis locis consequenter se habentibus: sed hoc est transire per medium: ergo, &c.

ITEM quodcumque inter aliqua extrema cadit medium quod habet naturalem ordinem ad extrema, impossibile est quod agens virtutis finitæ possit peruenire ab extremo in extremum sine medio, ut patet: quia inter album, & nigrum est medius color, impossibile est quod aliquid agens creatum faciat de albo nigrum, quin faciat per colorem medium: sed inter cælum & terram naturali ordine sunt alia corpora media: ergo impossibile est quod à cælo in terram veniat, sine moneatur sine medijs transitione.

1. CONTRA per Aug. super Gen. ad literam, & Magister ponit in litera: Deus mouet creaturam spiritua- lem per tempora, non per loca: ergo quamvis fiat de vno loco in alium, hoc non est per locum medium.

2. ITEM conclusio probata est in sexto Physico- rum, quod impossibile est impartibile moueri super magnitudinem: sed Angelus non assumpto corpore est impartibilis: ergo, &c.

3. ITEM ratione videtur quod si pertransit, aut ergo per simplicia, aut composita. Si per composita: ergo est compositus. Si per simplicia, sed illa sunt infinita in quolibet continuo, & impossibile est infinita pertransi- re: ergo, &c.

4. ITEM si per simplicia, sed ex simplicibus non fit aliquod continuum: ergo motus ille non erit con- tinuus: ergo pertranseundo illa nunquam pertransit spatium: ergo si per medium mouetur, nunquam per- uenit ad terminum.

5. ITEM impossibile est quod aliquid pertranseat spatium maius se, quin prius pertranseat spatium mi- nus vel æquale: ergo si Spiritus Angelicus transit per spatium, prius transit æquale sibi vel minus quam ma- ius: sed æquale simplici non est simplex: sed simplex, additum simplici non facit maius: ergo in primo transi- tu tantum est ac si nihil transeat, similiter nec in secun- do transit: ergo nec in tertio, & sic nunquam per- transit spatium aliquantum.

CONCLUSIO.

Angelus dum mouetur, per medium moueri iure dicitur.

RESP. Ad Arg. Notandum est hic quod circa hoc diuersimode dixerunt diuersi. Quidam enim dixerunt quod cum Angelus sit simplex, non potest medium pertransire. Vnde mouetur ab extremo in extremum sine medio, & omnis locus ad quem mouetur, se habet ad illum per modum immediati, vnde loci mutatio in Angelo non est motus: sed mutatio tantum sine medio. Sed ista positio non videtur conueniens. Certum enim est quod Angelus qui est custos hominis potest ita cu- stodire quod non deserat ipsum, & sine corpore custo- dire potest: ergo homo cum vadit per medium, & An- gelus non deserit eum, pariter & Angelus vadit per medium. Et ideo fuerunt alij qui dixerunt quod Ange- lus & per medium, & sine medio potest moueri, quia motus eius est ad nutum suæ voluntatis secundum vir- tutem diuinitatis sibi collatam: & cum vult, facit se in extremum immediate, & cum vult pertransit. Et po- nunt simile quod intellectus noster potest cogitare de Parisiis, & de Roma dupliciter, aut ita quod immedia- te cogitet de vno & post de alio, vel ita quod primo de vno, & post de via, & tertio de tertio: & quia Ange- lo ita facile est ferri sicut nobis cogitare, cum non sit alligatus corpori: dicunt quod sic, & sic habet moueri. Sed quidquid sit de positione, exemplum non est con- ueniens, quoniam cogitans penes se habet speciem Ro- mæ, & speciem Parisiorum, nec ista habent situm in

anima, nec ordinem secundum situm, imo quælibet æqualiter est præsens aspectui, & ideo ad libitum po- test de vna & alia cogitare. Sed in re est ordo & situs naturalis, & necessario interiacet medium inter vnam ciuitatem, & aliam, & propter hoc exemplum illud non est conueniens. Nec propter hoc aperitur nobis via ad intelligendum. Et quoniam illud est intelligibile aliquo modo quod feratur per medium, & ratio concordat & auctoritas, ideo videtur rationabiliter illud esse dicen- dum. Sed illud membrum quod dicit quod possit sine medio, arbitror reiiciendum, non quia asseram esse fal- sum, sed quia non est auctoritas in promptu quæ hoc dicat, & ratio non cogit, imo non capit. Possibile tamen est quod Deus aliquid dederit substantiis illis spiritua- libus, quod carnales intellectus non capiunt. Concede- ndæ ergo sunt rationes probantes quod Angelus moueatur per medium.

1. AD illud ergo quod obiicitur quod Deus non mo- uet per locum Angelum, dicendum quod faciendæ est vis in verbo secundum intellectum Augustini: quod pa- tet ex litera. Ipse enim Angelus dixit non moueri per loca, quia proprietates loci, scilicet circumscriptionem, & dimensionem non obtinet cum transfertur de loco ad locum: sed proprietatem temporis quæ est variatio & innouatio aliqua, vere & proprie admittit Spiritus. Nam nouæ affectiones succedunt spiritibus per naturam, & cogitationes, & vterius illæ intenduntur, & remittun- tur, ita quod vere potest esse partibilitas à parte for- mæ, sive proprietatis acquirendæ.

2. AD illud de Philosopho quod impartibile non mo- uetur supra magnitudinem, dicendum quod Philoso- phus probat, & concludit de impartibili, quod habet si- tum in magnitudine, quod est impartibile, & situatur situ impartibili: hoc enim non potest moueri suprâ magnitudinem, quia si mouetur, mouetur ad acquiren- dum situm, & quod acquiritur, per modum acquiritur, ita quod pars post partem, & situs impartibilis non po- test acquiri, ita quod pars post partem acquiratur: & ideo verum est quod tale impartibile non potest moueri supra ipsam magnitudinem. Sed Angelus tale impar- tibile est quod non habet situm in partibili, nec est di- cere quod Angelus sit in loco impartibili, sicut patebit: & ideo demonstrationes Philosophi non habent hic locum.

D 3. 4. 5. AD illud quod queritur, aut pertransit simpli- cia, aut composita.

RESP. Dicendum est quod transit per composita, quia non est in loco simplici sed composito, hoc suppono ad præsens, sed suo loco probabitur. Nec valet: Transit per composita, ergo est compositus: sicut nec valet: Anima est in composito, ergo est composita, quia sic est in illo ut non sit pars in parte, sed ipsum totum simplex sit in qua- libet parte, ita tamen quod istæ partes sint vnus locus. Posset tamen dici, si quis vellet se huiusmodi implicare quod etiam si pertransiret per simplicia, non propter hoc pertransiret infinita, & hoc patet, quia si quis ima- ginetur sphaeram moueri super planum, non tangit nisi in puncto: ergo non tangit nisi per simplicia, nec tamen pertransit infinita actu, quoniam sphaera illa fertur su- per planum & non quiescit in quolibet situ, & ita nulli puncto committitur, sed nec numerat puncta in illo, sed cum sit in continuatione, respicit illa indiuisibilia ut vnita, & ita ut sunt in continuo: & sic cum continuum sit finitum actu, & infinitum in potentia, & illa potentia non reducat ad actum, non pertransit infinita actu, quia non respicit illa ut actu numerata. Verumtamen quia exemplum habet calumniam, & dictum non vide- tur esse consonum dicto Philosophi, qui omnino dicit impartibile non moueri, prioris responsionis magis adhæ- reo, & per illam patet sequens. Obiicit enim ac si Ange- lus esset in puncto: quod omnino falsum credo, quia non esset in loco, cum punctus non sit locus, nec sit actu in continuo: sed hoc totum melius patebit in secundo libro.

QVÆSTIO III.

CONCLUSIO.

*An Angelus pertranseat medium modo subito;
vel successiuo.*

Alexander Alensis 2.p.q.35.Membro 3.

S.Thom.1.p.q.53.art.3.

Et 1.Sent.dist.37.q.4.art.3.

Et Quod.1. q.3. art.2.

Scotus 2.Sent. dist.2.q.9.

Egid.Rom.1.Sent.dist.37.p.2.q.3.

Richardus 1.Sent.dist.37.art.3.q.3.

Franciscus de Mayr.2.Sent.dist.2.q.12. q.13.

Steph. Brulef.1.Sent.dist.37 q.13.

Petrus de Tarentisf.1.Sent.dist.37.q.14.

Gabr.Biel.2.Sent.dist.2.q.3.art.3.

Vtrum Spiritus angelicus pertranseat medium motu subito vel successiuo. Et quod successiuo, videtur. In aliquo instanti est in termino à quo, & in alio instanti est in termino ad quem: sed inter qualibet duo instantia cadit tempus medium, & in medio illorum instantium est moueri: ergo moueri ipsius Angeli est in tempore: ergo mouetur motu successiuo.

ITEM hoc ipsum ostenditur à parte spatij sic: Angelus si pertransit medium in aliquo instanti, simul est in medio, & in partibus medij: sed impossibile est quod aliquod vnum præter Deum & corpus Christi simul & semel sit in pluribus locis: ergo impossibile est quod Angelus in eodem instanti sit in toto medio, & in fine: ergo non mouetur subito: ergo necessario oportet quod successiue.

ITEM hoc ostenditur à parte virtutis. Quia sicut vult Philosophus, si tanta virtus mouet in tanto tempore, & maior in minori, & maxima in minimo, & infinita in nunc, ergo secundum quod potentior est virtus, secundum hoc velocior est motus: sed instans excedit tempus improporcionabiliter: ergo virtus quæ mouet in instanti, superexcedit illam quæ mouet in tempore in infinitum: sed nulla virtus creata super excedit aliam in infinitum, & virtus angelica est creata: ergo cum omnis motus naturalis localis sit successiuus, patet quod motus Angeli sit successiuus.

ITEM si Angelus mouetur, aut ergo motus ille est vere motus, aut mutatio. Si mutatio: aut generatio vel corruptio: quod constat esse falsum. Si omnis motus proprie dictus habet prius & posterius, & situm & tempus, & omne tale est successiuum: ergo, &c.

1. CONTRA per Augustinum in lib.5. Responsionum: Radius non citius peruenit ad loca propinquiora quam loca remotiora, & constat quod pertransit medium: ergo si virtus angelica non est minus potens sed magis, patet, &c.

2. ITEM Philosophus probat quod si esset vacuum non esset motus: sed idem facit ipsum spatium Angelo quod facit vacuum corpori moto, quia ei nullo modo resistit sicut nec vacuum: ergo videtur quod ipse Angelus subito ipsum pertranseat.

3. ITEM omne quod successiue mouetur partim est in termino à quo, partim in termino ad quem: sed omne tale est partibile: ergo necesse est Angelum esse partibilem, aut non mouetur successiue.

4. ITEM omne quod simul se transfert, & totum simul, non successiue mouetur: sed Angelus simul se transfert, cum sit omnino simplex: ergo in instanti, & non successiue mouetur.

5. ITEM motus successiuus est compositus & accidens, & nullum accidens compositum est in subiecto simplici: sed Angelus est simplex: ergo non est subiectum motus successiuus: sed mobile est subiectum motus, ergo, &c.

Angelus mouetur per medium successiuo motu, tum propter distantiam medij, tum propter suam virtutis limitationem: & cum non sit ibi resistentia, successio illa dicitur imperfecta.

RESP. Ad Arg. Dicendum quod circa hoc senserunt aliqui diuersimode. Quidam enim dixerunt quod quia Angelus est simplex, & spatium compositum, quod tam Angelus quam eius virtus est spatio improporcionabilis: & ideo virtus eius omnino vincit supra spatium, adeo quod subito & motu improporcionabili spatium pertransit, & est huiusmodi motus supra naturam. Et quoniam difficile videtur intelligere quod pertranseat medium, quin sit in pluribus partibus medij: & ponere quod subito moueatur & sit in pluribus partibus medij, est ponere in illo motu quod sit pluribus in locis simul: & hoc omnino absurdum est dicere de Angelo, sicut dicunt sancti, & Philosophi, & doctores catholici in hoc concordant. Ideo dicendum est quod Angelus non mouetur per medium motu subito, sed successiuo. Propter quod notandum quod in motu qui successiuus est in successione perfecta, est successio ex quadruplici causa. Prima est medij distantia. Secunda medij resistentia. Tertia est partibilitas mobilis. Quarta est finitas virtutis, eo quod finitæ virtutis proprie est mouere in tempore maxime per medium. Quinta potest esse finitas & limitatio mobilis. Concedendum est ergo quod motus Angeli per medium non est perfecta successione successiuus, quia deficit ibi resistentia spatij, & partibilitas mobilis, est tamen successiuus ratione distantie spatij, in qua non potest esse simul per totam, & ratione finitatis virtutis mouentis, quæ non excedit medium improporcionabiliter, ideo nec facit motum improporcionabile medio omnino. Et concedendæ sunt rationes probantes motum illum per spatium esse successiuum. Tamen prima ratio Sophistica est: sed alibi dissoluetur cum agatur de transiitione panis in corpus Christi, vbi habet locum suum.

1. AD illud quod obiicitur quod radius nō citius peruenit, dicendum quod Augustinus loquitur secundum perceptibilitatem sensus: quod sensus non percipit radium citius peruenire ad propinquiora loca quam ad remotiora, non quia secundum rem non sit ibi vere prius & posterius. Vnde si dicatur radius moueri subito, intelligitur subito pro repente, & repentinum dicitur illud quod habet moueri in tempore imperceptibili. Aliter etiam potest dici quod lux subito mouetur, quia motus lucis in medio non est motus localis tantum, sed est motus diffusionis, qui est generatio, sicut generatur idolum ab obiecto, & quia lux simul est & lucet: simul cum est, generat splendorem, & ita in eodem instanti. Similiter de alio intelligi potest, & sic deinceps. Vnde si simul esset homo, & generaret, in primo instanti fuisset mundus plenus hominibus. Hoc modo potest respondere qui nescit melius.

2. AD illud quod obiicitur de vacuo quod si esset vacuum, non esset motus, dicendum quod circa hoc multi multa dixerunt, quorum dicta longum esset dicere. Nunc autem Philosophum sustinendo dici potest quod si esset vacuum, nō esset motus successiuus, recte intellecto vacuo secundum quod credo Philosophum intelligere quod dicit simpliciter priuationem, si esset vacuum ibi, vbi intelligimus vacuum, ibi intelligimus nihil esse: ergo non solum deest corporis resistentia, verum etiam nulla distantia est ibi: vbi autem nulla distantia est, non est prope nec longe: vbi autem est motus localis, necessario est approximatio vel elongatio: ergo si est vacuum, non est motus, non propter defectum resistentiæ, sed distantie. Sed quoniam medium comparatum ad Angelum habet rationem distantie, quia vere facit distantiam inter extrema, ideo sufficit ad successionem qualemcumque pro-

pter distantiam: sed ubi est vacuum, non est distantia: & hoc præexigitur necessario ad localem motum. Partibilitas enim mobilis, & finitas virtutis non faciunt successione nisi sit prius & posterius in magnitudine, supra quam est, siue in eo quod acquiritur per motum.

3. Ad illud quod obiicitur, illud quod mouetur successive partim est in termino à quo, & partim in termino ad quem, dicendum quod in successiuo ubi est plena successio est ponere partem & partem, & quantum ad magnitudinem substratam, & quantum ad magnitudinem motam, & quantum ad dispositionem acquisitam. Quia naturalis motus ad situm, est motus ad formam quodam modo: sed in motu Angeli non est successio secundum omnimodam completionem, & ideo non secundum omnes has differentia, sed solum secundum prioritatem & posterioritatem magnitudinis supra quam. Quod ergo dicitur, quod partim est in termino à quo, partim in termino ad quem, hoc non est secundum diuersitatem partium mobilis, sed est solum per accessum & recessum.

4. Ad illud quod obiicitur quod simul se transfert totum: dicendum quod quamvis ex parte sua se totum simul transferat, non tamen transfert se simul super totum, propter distantiam medijs in qua tota non potest esse simul.

5. Ad illud quod obiicitur quod compositum & accides non potest esse in re simplici, dicendum quod verum est de composito quod habet partes actu: sed de composito quod est in successione, non est verum. Sicut enim duratio successiua potest esse in Angelo secundum quod manet, eo quod de illa nunquam est nisi nunc, ita motus successiuus potest esse in eo secundum quod fertur, & hoc quidem secum nullum habet inconueniens. His visis, patent obiecta. Est enim prædictorum summa quod Angelus mouetur sine corpore assumpto, & quod mouetur in medio siue per medium, & quod mouetur motu successiuo, licet non omnimoda successione posita, ut prædictum est.

DISTINCT. XXXVIII.

Hic redit ad propositum Præscientiæ, an videlicet sit causa rerum, vel ut sit causa eius.



VNC ergo ad propositum reuertentes capto insistamus. Supra dictum est quod præscientia Dei futurorum tantum est, sed omnium tam bonorum quam malorum. Scientia vero, vel sapientia non modo de futuris, sed etiam de presentibus & futuris: nec tantum de temporalibus sed etiam de æternis, quia seipsum nouit Deus. Hic oritur questio non dissimulanda, utrum sc. scientia vel præscientia sit causa rerum: an res sint causa scientia vel præscientia Dei. Videtur enim præscientia Dei causa esse eorum quæ ei subsunt, ac necessitate eueniendi eis facere: quia nec aliqua futura fuissent nisi Deus ea præscisset, nec possunt non euenire, cum Deus ea præsciuerit. Si autem impossibile est ea non euenire, quia præscita sunt, videtur ergo ipsa præscientia quæ præscita sunt, eis esse causa eueniendi. Impossibile est autem ea non euenire, cum præscita sint: quia si non euenirent, cum præscita sint, falleretur Dei præscientia. At Dei præscientia falli non potest. Impossibile est ergo ea non euenire cū præscita sint. Sic ergo præscientia causa eorum esse videtur quæ præscita sunt. Hoc idem & de scientia dicitur, scilicet quod, quia Deus aliqua nouerit, ideo sint. Cui sententia Aug. attestari videtur in 15. libro de Trinit. dicens: Non ista ex aliquo tempore cognouit Deus, sed futura omnia temporalia: atque in

eis etiam quid & quando ab illo petitori fueramus, & quos & de quibus rebus vel exauditurus, vel non exauditurus esset, sine initio ante præsciuit. Vniuersas autem creaturas & spirituales & corporales, non quia sunt, ideo nouit: sed ideo sunt, quia nouit: Non enim nesciuit quæ fuerat creaturus: Quia ergo sciuit, creauit, non quia creauit, sciuit: nec aliter sciuit creata, quam creanda. Non enim eius sapientia aliquid accessit ex eis: sed illis existentibus, sicut oportebat, & quando oportebat, illa mansit ut erat. Vnde in Ecclesiastico: Antequam crearentur, omnia nota sunt illi, sic & postquam consummata sunt. Ecce his verbis videtur Augustinus innuere scientiam, vel præscientiam Dei causam esse eorum quæ sunt, cum dicit, ideo ea esse, quia Deus nouit. Idem quoque in sexto libro dicere videtur. Cum, inquit, decedant & succedant tempora, non decedit aliquid vel succedit scientia Dei, in qua nouit omnia, quæ fecit per ipsam. Non enim hac, quæ creata sunt ideo sciuntur à Deo, quia facta sunt: sed potius ideo facta sunt, quia immutabiliter ab eo sciuntur. Et hic etiam significare videtur Dei scientiam causam eorum esse, quæ sunt, dicens, non ideo Deum ea nouisse, quia facta sunt: sed ideo facta, quia nouit ea Deus. Ideoque videtur Dei scientia, vel præscientia causa esse eorum, quæ nouit.

C Inconuenientia ostendit quæ sequerentur, si diceretur scientia vel præscientia causa omnium rerum quæ ei subsunt.

Quod si ita est, est ergo causa omnium malorum, cum omnia mala sciuntur & præsciuntur à Deo: quod longe est à veritate. Si enim Dei scientia vel præscientia causa esset malorum, esset utique Deus auctor malorum: quod penitus falsum est. Non ergo scientia vel præscientia Dei causa est omnium quæ ei subsunt.

Quod res futuræ non sunt causa scientiæ, vel præscientiæ Dei.

Neque etiam res futura causa sunt Dei præscientia, licet enim non essent futura nisi præscirentur à Deo, non tamen ideo præsciuntur quia futura sunt. Si enim hoc esset, tunc eius quod æternum est, aliquid existeret causa, ab eo alienum, ab eo diuersum, & ex creaturis dependeret scientia Creatoris, & creatum causa esset increati. Origenes tamen super epistolam ad Romanos ait: Non propterea aliquid erit, quia id scit Deus futurum: sed quia futurum est, ideo sciitur à Deo antequam fiat. Hoc videtur præmissis verbis Augustini obuiare. Hic enim significari videtur quod res futura causa sint præscientiæ, ibi vero quod præscientia causa sit rerum futurarum.

Quid ex prædictis tenendum sit, cum determinatione auctoritatum.

Hanc igitur quæ videtur repugnantiam de medio tollere cupientes, dicimus res futuras nullatenus causam esse præscientiæ vel scientiæ Dei, nec ideo præsciri, vel sciri, quia futura vel facta sunt: ita exponentes quod ait Origenes, quia futurum est, ideo sciitur à Deo, antequam fiat, id est, quod futurum est, sciitur à Deo antequam fiat, neque sciretur nisi futurum esset, ut non notetur ibi causa, nisi sine qua non fieret. Ita etiam dicimus scientiam, vel præscientiam Dei non esse causam eorum, quæ sunt, nisi talem, sine qua non fiunt, si tamen scientiam ad notitiam tantum referamus. Si

Recl. 13. d

Cap. 10. m. 1.

In To. 4. explanatione ad Rom. 8. in lib. 7.

vero nomine scientia includitur etiam beneplacitum, A
atque dispositio, tunc recte potest dici causa eorum, qua
Deus facit. His enim duobus modis (ut superius praes-
notitia sola, vel pro notitia simul, & beneplacito. Hoc
modo forte accipit Augustinus: dicens: Ideo sunt: quia nouit,
id est, quia scienti placuit, & quia sciens disposuit. Hic
sensus ex eo adinuenitur, quia de bonis ibi tantum ait
Augustinus, scilicet de creaturis, & de his qua Deus fa-
cit: qua omnia nouit non solum scientia, sed etiam be-
neplacito ac dispositione. Sic ergo ibi accipitur Dei co-
gnitio, ut non modo notitiam, sed etiam beneplacitum
Dei significet. Mala vero scit Deus & praescit antequam
fiant: sed sola notitia, non beneplacito. Praescit enim B
Deus & praedicat etiam qua non est ipse factururus, sicut
praesciuit & praedixit infidelitatem Iudaorum: sed non
fecit. Nec ideo quia praesciuit, ad peccatum infidelita-
tis eos coegit, nec praescisset vel praedixisset eorum ma-
la, si essent ea habituri. Unde Augustinus super Ioan-
nem: Deus, inquit, futurorum praescius per prophetam
praedixit infidelitatem Iudaorum, sed non fecit, neque
praescisset mala eorum, nisi ea haberent. Non enim ideo
quod nunquam ad peccatum cogit, quia futura hominum
peccata iam nouit: illorum enim praesciuit peccata, non
iua. Ideoque si ea qua ille praesciuit, ipsorum non sunt:
non vere ille praesciuit. Sed quia illius praescientia falli
non potest: sine dubio non alij, sed ipsi peccant, quos C
Deus peccatores esse praesciuit. Et ideo si non malum:
sed bonum facere voluissent, non malum facturi pra-
uiderentur ab eo qui nouit quid sit quisque factururus.
His verbis aperte ostenditur, si diligenter attendamus
praescientiam Dei non esse causam malorum qua pra-
escit, quia non ea praescit tanquam factururus, nec tanquam
sua, sed illorum qui sunt ea facturi vel habituri. Pra-
esciuit ergo illa sola notitia, sed non beneplacito aucto-
ritatis. Unde datur intelligi quod Deus econuerso pra-
escit bona tanquam sua, tanquam ea qua factururus est,
ut illa praesciendo simul fuerit ipsius notitia, & aucto-
ritatis beneplacitum.

Contra hoc quod dictum est, praescientiam Dei
non posse falli, oppositio.

Ad hoc autem quod supra dictum est, sc. praescientiam
Dei falli non posse, solet a quibusdam ita opponi: Deus
praesciuit hunc lecturum, vel aliquid huiusmodi, sed
potest esse ut iste non legat, ergo potest aliter esse quam
Deus praesciuit, ergo potest falli Dei praescientia. Quod
omnino falsum est. Potest equidem non fieri, aliquid, &
illud tamen praescitum est fieri, non ideo tamen potest
falli Dei praescientia: quia si illud non fieret, nec a Deo
praescitum esset fieri. Sed adhuc uigent quaestiones di-
centes: Aut aliter potest fieri quam Deus praesciuit, aut
non aliter: si non aliter, ergo necessario cuncta eueniunt:
si vero aliter, potest ergo Dei praescientia falli vel mu-
tari. Sed potest aliter fieri, quia potest aliter fieri quam
fiat, ita autem fit ut praescitum est, aliter ergo potest fieri
quam praescitum est. Ad quod dicimus illam locutionem
multiplicem facere intelligentiam, scilicet. Aliter potest
fieri quam Deus praesciuit, & huiusmodi, ut, Potest non
esse quod Deus praesciuit, & Impossibile est non esse
quod Deus praesciuit, & Impossibile est non esse praesci-
ta omnia qua fiunt, & huiusmodi. Possunt enim haec
coniunctim intelligi, ut conditio sit implicita, & disiun-
ctim. Si enim ita intelligas: Non potest aliter fieri quam
Deus praesciuit, id est, non potest utrumque simul esse,

sc. quod Deus ita praesciuerit fieri, & aliter fiat: verum
intelligis. Si autem per disunctionem intelligas, ut di-
cas hoc aliter non posse euenire, quam euenit, & quo
modo futurum Deus praesciuit, falsum est. Hoc enim ali-
ter potest euenire, quam euenit, & tamen Deus hoc
modo futurum praesciuit. Similiter & alia determina-
tio, scilicet, Impossibile est illud non euenire, quod Deus
praesciuit, vel cum Deus praescierit, si coniunctim in-
telligas, verum dicis: si disiunctim, falsum. Ita etiam,
& illud: Impossibile est non esse praescitum omne quod
fit, id est, non potest esse utrumque simul, scilicet, ut
fiat, & non sit praescitum, hic sensus verus est. Si ve-
ro dicis Deum non potuisse, non praescire omne quod fit,
falsum est. Potuit enim facere, ut non fieret, & ita
non esse praescitum.

DISTINCT. XXXVIII.

De modis diuinæ scientiæ vel cognitionis.
Vtrum Deus cognoscat mutabiliter, vel
immutabiliter, & quo modo.

Nunc ergo ad oppositum reuertentes cepto insistamus, &c.

Expositio Textus.

D Ec est secunda pars huius partis totalis, in qua Diuisio.
agitur de ipsa diuina scientia. Terminata enim
prima parte in qua agitur de ipsa quantum ad
substantiam in generali, hic agit de ipsa quantum ad
modum. Et quoniam duplex est modus nobilis cogni-
tionis, scilicet certitudo & perfectio, siue infallibilitas
& immutabilitas, ideo haec pars habet duas partes. In
prima agit de praescientia infallibilitate siue certitudi-
ne. In secunda vero de eius immutabilitate siue perfe-
ctione, infra dist. 39. Præterea quæritur solet vtrum scientia
Dei, &c. Prima pars spectat ad præsentem distinctio-
nem, in qua Magister intendit quærere & determinare
vtrum diuina præscientia infallibiliter ponat præscitum.
Et habet haec distinctio duas partes. In prima parte re-
diens ad propositum propter digressionem prius fa-
ctam breuiter epilogat prædeterminata. In secunda pro-
sequitur suum principale propositum ibi: *Hic oritur
quaestio non dissimulanda, &c.* Et haec pars habet duas. In
prima Magister inquit vtrum præscientia ponat præ-
scitum per modum cause, vel effectus. In secunda vtrum
per modum necessitatis, vel contingentia, vel infallibi-
litis, ibi: *Ad hoc autem quod supra dictum est, &c.* Pri-
ma pars duas habet. In prima opponit ad vtramque par-
tem, scilicet quod præscientia est causa præsciti, & etiam
effectus, pro, & contra. In secunda soluit, ibi: *Hanc igitur,
qua videtur repugnantiam, &c.* Similiter & secunda
duas habet, in prima opponit, in secunda soluit, ibi: *Ad
quod dicimus illam locutionem.*

E Nec aliter sciuit creata quam creanda. Dub. I.

Videtur hic Aug male dicere, quia res si vere cogno-
scatur, cognoscitur sicut est: sed aliter fuerunt, cum fue-
runt creanda quam cum erant creata. Primo enim res
fuerunt in causa, & secundum quid, & postea in pro-
prio genere & simpliciter: ergo aut Deus non vere co-
gnoscat, aut aliter cognouit.

Item Angelus cognoscit res in verbo, cognoscit
etiam eas in proprio genere, & alius, & alius modus
cognoscendi est hic ab illo: ergo cum non sit latere
Deum quod nouit Angelus, videtur quod Deus vtro-
que modo cognoscat, & ita aliter, & aliter.

Resp. Dicendum quod cum dico rem aliter cognosci,
dupliciter potest intelligi, aut ita quod aduerbium di-
cat alietatem quantum ad cognitionem, aut quantum ad

esse rei cognitæ. Si quantum ad esse rei cognitæ sic est verum, & est sensus: Deus cognoscit rem istam aliter esse, vel se habere quam se prius habuit, & sic non intelligit Augustinus. Si autem dicat alietatem quantum ad cognitionem, sic est falsa, & est sensus: Deus cognoscit aliter rem factam quam prius faciendam cognouit, & ita est falsum, quia sic significatur diuina cognitio alterata, & quod aliquid receperit à re extra. Et per hoc patet obiectum primum. Quod obicitur quod Deus cognoscit res in proprio genere sicut Angelus, dicendum quod cognoscere res in proprio genere dupliciter intelligitur, aut ita quod esse illud quod habet in proprio genere cognoscatur, & hoc perfectionis est, & non latet Deum, & sic non dicit nouum modum cognoscendi à cognitione in verbo. Aut ita quod aspectus intelligentiæ siue vis cognitiuæ reflectatur supra rem ut est in proprio genere, & est imperfectionis, quia vis cognoscens egreditur extra se, & hoc nullo modo potest poni in Deo, & ita facit in Angelo alium modum cognoscendi, & sic patet illud.

Tunc eius quod æternum est, aliquid existeret causa, &c. Dub. II.

Vult dicere quod præscientia dicat quid æternum: sed hoc videtur falsum: quia præscientia dicit respectum ad creaturam futuram, sed nihil est futurum, secundum esse quod habet in Deo, sed in proprio genere: ergo connotat aliquid temporale, ergo videtur quod dicatur ex tempore. Præterea, respectus ille nihil dicit à parte Dei, nisi solum nostrum modum intelligendi: ergo tunc cœpit ille respectus quando cœpit noster intellectus, non ergo fuit ab æterno.

RESP. Dicendum quod, sicut dicit Magister, præscientia dicit quid æternum, & ab æterno: cum enim non importet nisi duo, scilicet antecessorem & scientiam, & antecessio omnis creature sit ante omnem creaturam, & scientia naturaliter, patet quod præscientia quid æternum dicit. Quod ergo obicitur quod importat rei futuritionem, dicendum quod futuritio vno modo importat successionem temporis, & ita non est de ratione præscientiæ: hoc enim modo futurum cœpit cum tempore. Alio modo futurum importat ordinem temporalis ad æternum secundum consecutionem, sicut præscientia antecessorem: & quoniam iste ordo solum exigit primum extremum in actu, & illud fuit ab æterno, ideo futuritio & præscientia. Quod obicitur quod respectus à parte Dei nihil dicit secundum rem, dicendum quod falsum est, quia respectus ille est diuina essentia: sed verum est quod non dicit respectum siue dependentiam nisi solum secundum modum intelligendi, & ideo non cœpit secundum rem, sed solum modus significandi cœpit. Et quando Magister dicit quod præscientia dicit æternum, non loquitur de ratione nominandi, sed de eo quod significatur per nomen.

Scientiam, vel præscientiam Dei non esse causam, &c. Si tamen scientiam ad notitiam tantum referamus. Si vero nomine scientia includitur beneplacitum atque dispositio, tunc recte potest dici. Dub. III.

Videtur male dicere. Quia aut scientia hoc modo, & illo dicto dicit eundem modum sciendi, aut alium. Si eundem: ergo si vno modo est causa, & alio. Si alium modum: ergo in Deo est multiplex modus sciendi, non ergo vniformis per omnia. ITEM: Scientia simplicis notitiæ est Deus, & Deus est causa omnium: ergo scientia illa est causa omnium.

RESP. Dicendum quod in nobis notitia simplex, & notitia beneplaciti dicunt diuersas cognitiones, & diuersos modos cognoscendi, & per consequens connotant diuersa: in Deo autem vna tantum cognitio est: sed illa vna facit Deus, quod nos multis, & ideo illa vna

dupliciter potest significari, scilicet per modum approbationis, & per modum notitiæ simplicis. Et cum significatur per modum approbationis, connotat effectum, & bonitatem: quando vero per modum simplicis notitiæ, solum euentum. Et quoniam esse causam alicuius connotat effectum, siue respectum quamvis eadem sit scientia, siue sapientia à parte principalis significati, tamen diuersimode signatur: ideo dicitur quod hæc est causa illorum, quæ præscit, & illa non. Et hoc dicitur, non quia res significata non sit causa: sed quia, ut sic significata est, non significatur per modum causæ, quoniam comparatur ad ea, quæ nullo modo sunt à Deo, & ita patet illud.

Deus, inquit, supra, &c. Indeorum. Dub. IV.

Obicitur, quia cum dictum Prophetæ fuerit verum certitudinaliter: videtur quod Deus reuelauerit Iudæis suum casum, siue damnationem: quod est contra ipsum super Gen. ad litteram, ubi dicit quod nulli debet reuelari, ne cogatur desperare.

RESP. Dicendum quod casus potest prædicti: sed non propter hoc reuelatur, siue quia dicenti non creditur, siue quia dictum sub conditione intelligitur, siue intellectus intelligit de alio, non de seipso. Et quia verbum Isaia Prophetæ comminatorie, & generaliter erat dictum, & hominibus iam in parte incredulis non aduertentibus, omnibus his modis potuit intelligi, ut esset prædictio, & non reuelatio.

ARTICVLVS I.

AD intelligentiam præsentis distinctionis duo principaliter queruntur. Primo de præscientia diuina quantum ad causalitatem. Secundo quantum ad necessitatem. Et primo queruntur duo. Primo, utrum præscientia diuina sit causa rerum. Secundo utrum sit causata à rebus.

QUESTIO I.

An præscientia diuina sit causa rerum.

*Alexander Alensis 1. p. q. 24. Membr. 2.
S. Thom. 1. p. q. 14. art. 8.
Et 1. Sent. dist. 38. q. 1. art. 1.
Et de Ver. q. 2. art. 14.
Egid. Rom. 1. Sent. dist. 38. q. 1.
Richardus 1. Sent. dist. 38. q. 1.
Thom. Arg. 1. Sent. dist. 38. q. 1. art. 1.
Franciscus de Mayr. 1. Sent. dist. 38. q. 1.
Steph. Brulef. 1. Sent. dist. 38. q. 1.
Petrus de Tarantaf. 1. Sent. dist. 38. q. 1.*

QVOD præscientia diuina sit causa rerum, ostenditur sic: Aug. de Trin. Ideo res futuræ sunt, quia Deus eas nouit.

2. ITEM: ratione sic: Omne illud quod antecedit aliud, & ipso posito ponitur aliud, ipsum est causa illius: hoc patet per definitionem causæ: sed diuina præscientia præcedit omne futurum, & iterum ponit futurum respectu cuius est: ergo præscientia est causa.

3. ITEM: Omnis res est à Deo, aut à natura, aut à lib. arb. & accipio causas istas large prout comprehendunt casum, & fortunam: sed nulla res à natura esse potest, nec à lib. arb. nisi operante Deo: ergo omnis res est à Deo, siue omne futurum: sed non est nisi à Deo agente, secundum artem & cognitionem: ergo, &c.

4. ITEM: Omne quod scitur, aliquo modo est in sciente, ut in sua causa: ergo quod præscitur à Deo est in Deo, ut in causa: sed omne quod est in Deo, est à Deo: ergo omne futurum præscitum necessario est à diuina præcognitione, ut causa: ergo, &c.

5. ITEM: Omne quod scitur aut scitur per causam, aut per speciem, aut per effectum: ergo si Deus præscit, ergo

aliquo

Ad oppositum.
Lib. 1. c. 13.
tom. 3.

aliquo trium modorum. Non per effectum, quia effectus sequitur. Non per speciem, siue similitudinem, quia illa est simul, vel est post rem. cuius est similitudo: ergo per causam: ergo diuina præscientia est causa præsciti.

CONTRA: Deus nullius est causa nisi per voluntatem: sed multa præscit ad quæ non est eius voluntas: ergo, &c. Probatio mediæ, præscit te mentiri, & tamen non est dicere quod velit te mentiri: ergo non est causa illius.

ITEM: Si præscientia est causa, aut ratione scientiæ, aut ratione antecessoris. Ratione antecessoris non, quia hoc quod est ante, non dicit nisi ordinem. Ratione scientiæ non, quia multa cognoscit Deus, quæ nunquam faciet: ergo nullo modo est causa.

ITEM: Si præscientia causa est præsciti, cum præsciat mala, Deus erit causa mali, hoc autem falsum.

ITEM: Si est causa, cum communicet alicui præscientiam rei creandæ, per consequens communicat causalitatem respectu illius: sed hoc est impossibile: ergo, &c.

ITEM: Ansel de concordia præscientiæ, & lib. arb. dicit quod tantum est dicere: si Deus præscit, erit, quantum hoc: si erit, de necessitate erit: sed hic nulla notatur causalitas: ergo nec ibi.

CONCLUSIO.

Præscientia, & scientia diuina aliquo modo respectu futurorum est causa, licet in sua generalitate, non semper respectu præsciti dicat causam, ut respectu mali.

RESP. ad Arg. Dicendum quod præscientia dicit præcognitionem futuri. Est ergo loqui de præscientia, aut quantum ad rem significatam, aut prout significatur per illud nomen. Si quantum ad rationem nominis, sic non significat in ratione causæ. Si quantum ad rem importatam, sic dicit causam: sed tamen non semper respectu præsciti, siue futuri. Futurum enim in triplici differentia est. Quoddam enim est cuius Deus est tota causa, ut sunt illa quæ creantur. Quoddam, cuius creatura, aut eius voluntas est tota causa, ut sunt defectus, & peccata. Quoddam, cuius Deus, & creatura simul sunt causa, ut sunt opera naturalia, & opera moralia, quia Deus cooperatur creaturæ. Secundum hoc intelligendū quod respectu primi futuri, diuina præscientia est tota causa: respectu vero secundi futuri, nec est causa tota, nec causa: quia non habet causam efficientem, sed deficientem: est tamen causa sui oppositi: respectu vero tertij est causa, sed non tota. Concedendum ergo est quod diuina scientia, vel præscientia aliquo modo respectu futurorum est causa. Tamen si accipiat in sua generalitate, dicendum quod diuina præscientia semper importat causalitatem aliquam, sed non semper respectu præsciti, ut puta cum præscitum est malum. Et in hac ratione procedunt argumenta ostendentia quod non sit causa.

1. **AD** illud ergo quod primo obiicitur quod est causa præsciti per verbum August. dicendum quod Aug. loquitur de scientia rerum, siue bonorum quæ à Deo procedunt.

2. **AD** illud quod obiicitur quod causa quæ præcedit, etiam ponit aliud: dicendum quod ponere aliud est dupliciter, scilicet secundum productionem, vel secundum consecutionem: & quod ponit secundum productionem, est causa vere in essendo: quod vero ponit secundum consecutionem, non est causa in essendo, sed solum in consequendo.

3. **AD** illud quod obiicitur quod illud quod est à lib. arb. est à Deo: dicendum quod verum est de eo, quod est à lib. arb. efficiente: sed vitia, & peccata sunt ab ipso deficiente.

4. **AD** illud quod obiicitur quod de necessitate omne futurum scitur à Deo per causam: dicendum quod sicut supra tactum fuit de cognitione mali, in omni cognitione est assimilatio: nihil autem assimilatur Deo ni-

si quod est ab illo: & ideo est omni cognitione Dei causalitas. Et si quidem est respectu eius, quod dicit entitatem simpliciter: respectu illius est causa, & idea: si autem respectu priuationis est præcognitio, & tunc ratio causalitatis, & idea est respectu oppositi. Dicendum ergo quod ad hoc quod aliquid cognoscatur, necesse est quod ipsum vel eius oppositum habeat esse in re, vel in causa: non solum autem oppositum mali, sed etiā ipsa voluntas, quæ est mali principium, est in Deo, ut in causa: tamen malum non est in Deo ut in causa, nec per se, nec per accidens, quia mutatur ratio causandi, sicut postea dicitur. Exemplum huius manifestum est: Si artifex operetur secundum materiam nodosam, quæ non esset idonea ad receptionem speciei, præsciret, quod defectus futurus est in imagine, sed non ab ipso. Similiter intelligendum in Deo, & libero arbitrio, quod facit vitium in opere, dum non conformatur se, & obedit Deo operanti: & ideo sufficit quod oppositum mali, siue illud, à quo est malum, sit in Deo tanquam in causa, ad hoc quod præsciat.

QUESTIO II.

An præscientia diuina sit causata à rebus.

Alex. Alenf. 1. p. q. 14. Memb. 3.

Egid. Rom. 1. Sent. dist. 38. p. 2. q. 2.

Richardus 1. Sent. dist. 38. q. 2.

Steph. Brulef. 1. Sent. dist. 38. q. 2.

Petrus de Tarantaf. 1. Sent. dist. 38. q. 2.

C Vtrum præscientia diuina sit causata à rebus. Et quod sic, ostenditur hoc modo: Orig. super epistolam ad Romanos dicit: Quia aliquid est futurum: ideo scitur à Deo antequam fiat. Quia, ergo aut dicit causam essendi, aut consequendi. Si consequendi, sequitur: hoc est futurum, ergo præscitum, ita econuerso: ergo sicut dicit, quia futurum est, ideo præscitur: ita deberet dicere econuerso, quia scitur ideo futurum est, & hoc negat in litera: Non propterea aliquid erit, quia scit Deus: ergo dicit causam essendi.

2. **ITEM** ratione videtur, quia intellecto quod Deus nihil præsciat, potest intelligi aliquid futurum: sed non econuerso: ergo hæc est ratio, & causa illius.

3. **ITEM** hoc argumentum est bonum: Ille mentitur: ergo Deus præscit eum mentiri: ergo est ibi aliqua habitudo localis, & nulla potest inueniri nisi causæ ad effectum: sed Deus non est causa mendacij, restat ergo quod futurum est causa præscientiæ.

4. **ITEM:** Quæcunque duo sic se habent, quod inuicem se consequuntur, aut ambo causantur à tertio, aut vnum est causa alterius: sed sic habent ista duo, scilicet istum mentiri, & Deum præscire, & non est dicere, quod ambo causentur à tertio: ergo vnum est causa alterius.

CONTRA per Augustinum: Non enim quæ causata sunt, ideo Deus nouit, quia facta sunt.

ITEM ratione videtur, quod non sit causata à rebus, quia omnis causa nobilior est suo effectui: si ergo diuina præscientia causatur à re aliqua, cum diuina præscientia sit increata, & res creatæ: ergo creatum nobilius increato.

ITEM: Præscientia est æterna: ergo cum res sit temporalis, si causatur à rebus, temporale est causa æterni: & cum causa sit prior effectui: ergo temporale prius æterno.

ITEM: Si res sunt causæ præscientiæ, aut ratione principalis significati: sed cum illud sit diuina essentia, ergo sunt res causæ Dei. Si ratione connotatiuum connotata sint res ipsæ, tunc sunt causa sui.

CONCLUSIO.

Præscientia diuina aliquorum est causa essendi, licet non omnino præscita vero ipsa ipsius præscientia sunt causa illarum, & secundum modum dicendi.

RESP. ad Arg. Aliqui voluerunt dicere, quod causa dicitur dupliciter, proprie, & communiter. Proprie; quod dat alteri esse, & sic nullo modo res sunt causa præscientiæ diuinæ. Alio modo dicitur causa communiter illud, sine quo res non est: & sic dicitur causa sine qua non, & hoc modo quia præscientia Dei non est quin res sint futura: ideo hoc modo dicuntur causa. Sed quoniam hoc nomen *causæ*, semper importat honorabilitatem respectu cuius dicitur causa, & quandam superpositionem, ideo non videtur illud adhuc omnino sanum dicere, quod sit causa sine qua non. Et præterea illud non soluit auctoritatem Origenis, quia ipse negat conuersam. Est propterea aliter dicendum, quod est causam accipere secundum triplicem modum, scilicet secundum rationem essendi, & secundum rationem inferendi, & secundum rationem dicendi. Dico ergo, quod secundum rationem essendi, præscientia potest esse causa aliquorum præscitorum, licet non omnino, sed nullo modo econuerso. Secundum rationem inferendi, sunt mutuo causæ, quia mutuo antecedunt, & consequuntur: & antecedens est causa consequentis. Secundum rationem dicendi, futurum est causa præscientiæ, & non econuerso. Nam præscientia dicitur scientia ante rem. Constat ergo quod importat ordinem ad posterius, & quod si scitum esset semper præsens, esset scientia, sed non præscientia. Nam ad hoc, quod præscientia dicatur, venit ex futuritione rei. Et sic intelligit Origenes, & patet primum.

2. AD illud quod obiicitur secundo de habitudine locali, dicendum quod est locus à conuertibili.
3. AD illud quod ultimo obiicitur, dicendum, quod instantiam habet in proposito, & quia in hoc solo est instantia, ideo ferenda est. Ratio autem huius est, quia Dei præscientia est respectu veri, & respectu omnis veri: ideo ponit & ponitur. Et quia potest esse respectu veri quod non est ab ipso, nisi secundum id quod subest, nec econuerso: ideo nec causa est, nec causatur. Quia ergo præscientia est respectu veri, quia diuina: respectu omnis veri, quia nihil latet Deum: ideo ponit, & ponitur. Rursum, quia scientia est quæ dicit simplicem notitiam, ideo non causat: quia diuina, ideo non causatur: ideo ponit, & ponitur, & non causat, nec causatur.

ARTICVLVS II.

Consequenter est quæstio de secundo articulo, scilicet de diuina præscientia quantum ad rationem necessitatis. Et circa hoc quaruntur duo. Primo quæritur utrum diuina præscientia ponat necessitatem circa præscitum. Secundo, utrum diuina præscientia habeat in se necessitatem.

QVÆSTIO I.

An præscientia Dei rebus præscitis necessitatem imponat.

Alexander Alensis 1. p. q. 24. Adembro 5.
S. Thom. 1. p. q. 14. art. 13.
Et de Ver. q. 2. art. 3.
Scot. 1. Sent. dist. 38. q. unica.
Richardus 1. Sent. dist. 38. q. 4.
Marfilus Inguen. 1. Sent. q. 40. art. 1.
Franciscus de Mayr. 1. Sent. dist. 38. q. 39 q. 5.
Steph. Brulef. 1. Sent. dist. 38 q. 3.
Petrus de Taranaf. 1. Sent. dist. 38 q. 3.

QVod diuina præscientia ponat necessitatem, ostenditur sic: Anselmus in libro de concordantia præ-

scientiæ, & liberi arbitrij: Quæ præscit Deus necesse est futura esse.

2. ITEM ratione sic: Ex maiori de necessario, & minori de inesse semper concluditur de necessario, sicut dicit Philosophus in 1. Priorum. Fiat ergo talis syllogismus. Omne præscitum necesse est esse futurum. Hoc per Anselmum patet: sed hoc est præscitum, quolibet demonstrato: ergo necesse est esse futurum.

3. ITEM: Omne quod Deus præscit, est verum: sed ut dicit Philosophus in 1. Perihermen. * Omne quod est, quando est, necesse est esse: ergo si præscitum est modo verum, necesse est nunc esse verum, & futurum est præscitum: ergo modo necessarium est esse futurum: ergo de necessitate eueniet.

4. ITEM hoc ipsum ostenditur per impossibile: Deus præscit aliquid in partem affirmatiuam: quæro ergo utrum illud non possit non esse. Si non: ergo est necessarium si sic: ergo potest aliter euenire, quam Deus præscit: ergo diuina præscientia est fallibilis, & incerta, & hoc est argumentum Augustini, & etiam Boetij, de consolatione. Si aliorum quam præscitæ sunt deterqueri valent res præscitæ, non erit firma futuri præscientia.

5. ITEM Deus præscit aliquid esse futurum: aut ergo possibile est non esse futurum aut impossibile. Si impossibile non esse: ergo necesse est esse: si autem possibile: sed omne possibile ponibile, & falso possibili posito in esse, quod sequitur, non est impossibile: ponatur ergo hoc non esse, & Deus præscit hoc esse: ergo Deus præscit falsum: sed hoc est impossibile: ergo impossibile est aliquid præcedentium.

CONTRA quod non inferat necessitatem, ostenditur auctoritate Augustini sumpta à simili de libero arbitrio: Sicut mea memoria non cogit facta esse, quæ præterierunt: sic Dei præscientia non cogit facienda esse quæ futura sunt.

ITEM ratione ostenditur id idem: Intelligamus Deum nihil præscire: ergo ex hoc nihil accrescit libero arbitrio: ergo positio præscientiæ nihil ei aufert: ergo cum liberum arbitrium de se sit causa rerum ad verumlibet contingentium, diuina præscientia hoc non tollit.

ITEM sicut supra probatum est, diuina præscientia in pluribus, aut non est causa, aut non est tota causa: sed quod dat alicui necessitatem, habet rationem causæ, quia à quo est esse, & esse necessarium: cum ergo diuina præscientia multorum futurorum non sit causa, ut maiorum, nullam rebus imponit necessitatem.

ITEM diuina præscientia præscit res sicut sunt euenturæ, cum nihil præsciat nisi verum: ergo cum præscit aliquem peccaturum, cum peccatum non sit nisi per voluntatem, præscit illum per voluntatem hoc facere, & præscit aliud posse facere: ergo si omne quod præscit, est verum, verum est quod sic per voluntatem hoc faciet, & poterit aliud facere: & si hoc est contingens: ergo, si cum diuina præscientia est contingencia circa res, non ergo necessitas.

ITEM hoc ipsum ostenditur rationibus ducentibus ad impossibile. Si imponit præscientia rebus necessitatem: perit ergo casus, & fortuna. Secundum impossibile est, quod perit liberum arbitrium, & consilium. Tertium, quod perit meritum, & demeritum. Quartum, quod perit laus, & vituperium.

CONCLUSIO.

Cum præscientia diuina sic res præcognoscat eo modo, quo futura sunt, rebus nullo pacto imponit necessitatem.

RESP. AD Arg. Dicendum quod tres circa hoc fuerunt positiones. Quidam enim dixerunt, quod præscientia necessario cum sit infallibilis, imponit necessitatem, & ideo abieuerunt liberum arbitrium, & peccatum: ista positio fuit hæretica, & iniqua, quia destruit bonos mores. Alia positio fuit, quod diuina præscientia si esset, ne-

Parum post principium. Cap. de mixtionibus in prima figura, sed videtur aduersari Scoti in 2. vol. q. 5. art. 1. q. 14. art. 1. q. 14. in 2. d. 3. q. 4. q. 1. in 3. dist. 13. q. unica. q. 1. in 4. d. 12. q. 1. Arist. 1. Perih. c. 6.

Boetius lib. de Cons. profa 3.

Fundameta. Lib. 1. c. 4. q. 2.

Articulo præcedenti. q. 1. c. 2.

Aristot. 1. Perih. cap. 6.

Hæc refert August. de cin. Dei cap. 9. 10. 5.

cessitatem imponeret, & sic omnis virtus, & laus periret. Et quia dilexerunt rem publicam, ideo abstulerunt à Deo præscientiam, & à propositionibus de futuro abstulerunt veritatem. Et hæc hæretica fuit, & impia, quia derogavit nobilitati diuinæ. Tertia positio est catholica, quæ Deum honorat, & bonos mores conseruat: & ideo iusta, pia, & vera: quia diuina præscientia est, & tamen non imponit rebus necessitatem. Omnia enim sic prægnoscit esse euentura sicut euentura sunt: & ideo cum multa sint euentura contingenter, vt illa quæ sunt à libero arbitrio, & à casu, & fortuna, sicut præscit hæc esse futura ab istis, sic præscit modum contingentia secundum quem sunt ab istis.

1. Ad intelligentiam autem obiectorum notandum, quod duplex est necessitas, scilicet absoluta, & respectiua. Necessitas absoluta quæ opponitur contingentia, dicitur necessitas consequentis. Necessitas respectiua dicitur necessitas consequentia, & hæc non opponitur contingentia. Nam aliquod contingens necessario sequitur: vt si ambulat, necessario sequitur, quod mouetur. Dicendum ergo, quod in præscito non est necessitas absoluta, sed solum consequentia, quia necessario sequitur, Deus præscit hoc, ergo hoc erit: & hoc modo intelligitur auctoritas Anselmi, & conuincit auctoritates quæ proponuntur cum modo necessitatis, & sic patet primum.

2. Ad illud quod secundo obiicitur de syllogismo ex maiori de necessario, & minori de inesse, dicendum, quod sicut patet, & Philosophus exponit, hoc intelligitur de ea propositione, quæ est de inesse simpliciter, quod æquale necessario: sed minor huius syllogismi, scilicet, hoc est præscitum, non est de inesse simpliciter: sicut enim infra patebit, non est necessaria.

3. Ad illud quod obiicitur de præscito, quod verum est, & si verum est necessario est: dicendum quod istam rationem facit Philosophus ad ostendendum, quod in futuris non est veritas, & est sophistica. Nam quando dicitur, omne quod est, quando est necessario est: intelligitur de eo, quod ponit aliquid in actu circa suppositum, quod ex quo positum est, impossibile est non esse positum, sed verum de futuro nihil ponit circa subiectum, quia non est verum pro præscito, sed solum pro futuro: & ideo nulla est necessitas, neque simpliciter, neque vt nunc, quia nihil ponit, vt nunc.

4. Ad illud quod obiicitur per impossibile, quod si posset aliter esse, posset falli, &c. dicendum, quod sicut veritas venit ex concordia intellectus ad rem cognitam, hæc autem concordia non est aliud, quam adæquatio rei, & intellectus: sic falsitas venit ex discordia intellectus ad cognitum, similiter potentia fallendi ex potentia discordandi: dico ergo quoniam necessario præscitum sequitur ad præscientiam: ideo non possunt discordare: & ideo nunquam fallitur, nec potest falli.

5. Quod ergo obiicitur quod aliter potest esse: dicendum quod aliter potest esse, quia Deus potest aliter præscire: & cum ponitur quod aliter scit, ponitur quod aliter præscit. Quando ergo infertur, potest aliter esse, quæ sit, & Deus præscit sic: ergo aliter quæ Deus præscit, distinguenda est conclusio, quia potest intelligi diuinitus, sic vera est. Et est sensus: Deus præscit hoc euenire, & possibile est illud non euenire. Si autem coniunctum, falsa est, & est sensus, illud est possibile, quod Deus præscit vno modo, vt eueniat alio modo. Et est fallacia compositionis in illo processu, sicut hic: Currere potest non moueri: ergo possibile est quod aliquis currat, & non moueatur, non sequitur. Similiter cum quæritur: quod ponitur ponendum est, sed cum assumit, Deus præscit, hoc est oppositum posito: & ideo est negandum.

QVÆSTIO II.

An necessario Deus præsciat quæ præscit.

Alex. Alenf. 1. p. q. 24. Memb. 4.
S. Thom. 1. p. q. 14. art. 9.

Et 1. Sentent. dist. 38. q. 1. art. 4.
Et de Verit. q. 2. art. 8.
Scolast. 1. Sent. dist. 39. q. 3.
Ægid. Rom. 1. Sent. dist. 38. p. 2. q. 3.
Richardus 1. Sent. dist. 38. q. 5. & 6.
Tho. Arg. 1. Sent. dist. 38. q. 1. art. 2.
Marfilus Inguen. 1. Sent. q. 40. art. 2.
Franciscus de Mayr. 1. Sent. dist. 38. & 39. q. 4.
Steph. Brulot. 1. Sent. dist. 38. q. 4.
Petrus de Tarantol. 1. Sent. dist. 38. q. 4.
Gab. Biel. 1. Sent. dist. 38. q. unica.

Vtrum diuina præscientia habeat in se necessitatem, hoc est, vtrum necesse sit Deum præscire quod præscit. Et quod sic, ostenditur primo per auctoritatem Anselmi lib. de concordia prædestinationis, & liberi arbitrii: Quod præscit Deus, impossibile est non præscire: ergo ab æquipollenti, necesse est præscire.

2. **ITEM**: Ratione videtur, quia omne dictum de præterito verum, est necessarium. Vnde si cucurrit, necesse est cucurrisse: sed si præscit, præscit: ergo cum hoc sit dictum de præterito: ergo necessarium.

3. **ITEM**: Licet de potentia Dei sit indifferens ad ex-eundum, & non ex-eundum, tamen ex quo exiit in actum, necesse est exisse. Vnde quamvis poterit creare, & non creare antequam crearet, tamen ex quo creauit, necesse est creasse: ergo ex quo præscit, necesse est præscisse.

4. **ITEM**: Si homo voluit, & præscit aliquid, necesse est hominem sciuisse, & voluisse. ergo si circa scientiam Dei non est minor certitudo, immo maior, quam circa scientiam hominis, multo fortius est necesse. Si tu dicas, sicut aliqui dicunt, quod in hac: Deus præscit, totum ex futuro est secundum rem, quamvis intelligatur sub ratione præteriti. Vnde nihil plus est dicere, Deus præscit, nisi Deus est, & hoc erit. **CONTRA**: Tunc, esto, quod Deus nullam haberet cognitionem, dum tamen res esset futura, hæc esset vera: Deus præscit: quod manifeste est falsum. Præterea, esto, quod præscientia addatur actui transiens in præteritum, vt promissio, vel prædictio, vel prophetatio, ibi transit in præteritum aliquid, vt vere sit idem sophisma, & idem dubium, & hoc non soluit.

5. **ITEM**: Plus distat esse, & non esse, quam necessarium & contingens: sed aliquid quod simpliciter non est, habet esse in Dei præscientia: ergo multo fortius aliquid quod in se contingens est, potest esse necessarium in præscientia Dei: ergo, &c.

6. **ITEM**: Omne immutabile est necessarium: sed cum dicitur: Deus præscit, est immutabile: ergo est necessarium. Prima est manifesta: secunda patet, quia cum dicitur: Deus præscit: si mutatur, vt fiat non præsciens, aut hoc erit secundum mutationem rei, aut Dei. Rei non, quia res adhuc nihil est: ergo non mutatur, nec mutari potest. Si secundum mutationem Dei: ergo Deus mutatur.

7. **ITEM**: Omne æternum est necessarium, quia vnum solum est æternum, & illud est, in quo non cadit contingentia, sed summa necessitas: sed præscire Dei est æternum: ergo necessarium est Deum præscire.

CONTRA: Regula est, si antecedens bonæ consequentia est necessarium, & consequens: & si consequens non est necessarium, nec antecedens. Sed sequitur: Si Deus præscit hoc esse futurum, hoc erit quocumque contingenti demonstrato, quia oppositum non potest stare: ergo cum consequens non sit necessarium, nec antecedens.

ITEM: Regula est quod necessarium compatitur se cum omni possibili. Omne enim repugnans necessario est impossibile. Demonstrato tamen aliquo qui præscit, est damnari, possibile est istum saluari: ergo ista duo possunt simul stare quod iste sit præscitus damnari, & saluetur, & hoc est impossibile, &c.

ITEM: Regula est quod oppositum contingentis est contingens, & oppositum, & necessarium est impossibile. Et regula iterum est quod si ad antecedens sequitur consequens, ad oppositum consequentis sequitur oppositum

antecedens

Ad oppositum.

Ansel. de Concord. prædest. & lib. arb.

Fundamēta.

antecedentis. Ex his arguo sic: Sit, A, contingens præscitum à Deo, si Deus præscit A, erit ergo per regulam, si A non erit, Deus non præscit: sed A non esse fuit contingens, Deum non præscisse, fuit impossibile: ergo ad contingens sequitur impossibile, hoc est contra artem: necesse est ergo hoc esse contingens Deum, scilicet præscire hoc.

ITEM: Omnis diuina actio quæ respicit obiectum quod potest non esse, potest desinere. Vnde cum Deus conseruet rem creatam, potest desinere conseruare: ergo cum præscire sit respectu contingentis, erit contingens.

CONCLUSIO.

Licet præscire in Deo sit actus æternus, & necessarius, cum tamen versetur circa futurum contingens, ex parte futuritionis, dicitur contingens.

RESP. Ad Arg. Dicendum quod sicut probatum est, illud constat, & non est dubium quod Deum præscire contingens aliquod cum antecedit ad contingens, & connotat aliquid quod habet veritatem contingentem, quod ipsum iudicandum est contingens: sed aliqui voluerunt ipsum iudicare contingens, quia totum quod dicit, dicit de futuro. Sed illud improbatum est, quia falsum est, & non intelligibile. Omnis enim intellectus qui intelligit hoc, quamvis non intelligat tempus circa Deum, intelligit quod actus diuinæ præcognitionis ab æterno fuit in Deo, & ille differt à re futura: & propterea, sicut dictum est, hoc non soluit. Alij voluerunt iudicare contingens, quia cum sit dictum de præterito, pendet tamen ex futuro. Et hoc dicunt in credito, & prophetico, & dicto à Christo, & consimilibus, quæ inferunt de necessitate propositionem de futuro. Et illud est improbatum, ut videtur. Quoniam si actus diuinæ præcognitionis pendet ex futuro, tunc cum in futuro, quantum est ex parte rei contingentis, nulla sit certitudo, nec in diuina præcognitione esset. Præterea, quo modo dependet, cum ab eo non causetur aliquo modo? Et iterum, quo modo dependet illud quod necessarium est fuisse, ut actus cognoscendi, & credendi, & prædicendi ab eo quod futurum est? Non videtur nec probabile, nec intelligibile. Et ideo alio modo dicendum, quod quoddam est dictum de præterito & pro præterito sicut si dicatur, Petrum legisse. Quoddam de præterito, sed pro futuro, ut antichristus fuit nasciturus. Quoddam pro præterito, tamen dependet ex futuro, ut hoc dictum, Petrum dixisse verum, nauale bellum fore: ad hoc enim quod dictum habeat veritatem, exigitur belli euentus, & ab illo dependet veritas nostræ assertionis quæ causatur à re. Quoddam est dictum de præterito quod non dependet, sed connotat veritatem circa illud futurum, sicut si dicatur: Deus præsciuit hoc futurum. Quia enim Dei scientia est solum respectu veri: ideo connotat veritatem circa illud dictum futurum, sed quoniam diuina cognitio non habet certitudinem à re, quia ab ipsa nec causatur, nec oritur, ideo ab illa non dependet: & propterea falli non potest, quamvis connotet futurum. Vnde in præscientia hæc duo dicuntur, scilicet actus diuinæ cognitionis: & hunc necessarium est esse, siue fuisse: & ordinatio futuri ad illum actum: & hæc ordinatio futuri ad illum actum, non est necessaria, & iudicanda est contingentia in totali dicto, non ratione totalitatis, siue principalis significati, sed connotati. Et si ponatur, Deum non præscire aliquid quod præscit, potest & debet intelligi, non per remotionem principalis significati, sed ipsius connotati, siue illius ordinis ipsius temporalis ad æternum, qui quidem est contingens ratione alterius scilicet temporalis. Contingentia ergo est in totali dicto, quia connotat aliquid esse verum de futuro, quod quidem est contingens, & hoc patet sic. Cum enim dicitur: Deus præscit te saluandum: hic duplex includitur actus, & compositio, videlicet hic tu saluaberis, & hic, Deus habet cognitionem de salute tua, & habuit cogni-

tionem ab æterno. Habere quidem cognitionem est actus æternus & necessarius, quia non dependet à re, sed saluari est actus futurus, & contingens. Quoniam ergo actus diuinæ cognitionis non dependet à cognito: ideo potest esse certitudo in ipso, re contingente existente. Sed quando significatur per modum præscientiæ, connotat futurum contingens, & omne dictum quod claudit in se contingens, iudicandum contingens est: ideo totale contingens iudicatur. Et illa solutio est vera, & generalis. Nam actus credulitatis, actus prophetationis, & diuinæ assertionis, per hoc quod currunt secundum illustrationem diuinæ præscientiæ, ideo connotant & non dependent: ideo certi, & infallibiles sunt de rebus in se non certis.

1. Ad illud ergo quod obiicitur de Anselmo, quod necesse est præscire quod præscit, dicendum quod hoc intelligit quantum ad actum præcognitionis quem necesse est fuisse: sed non quantum ad connotationem futuritionis.

2. 3. Ad illud quod obiicitur, quod dictum est de præterito dicendum quod quantum est de ratione præteritionis, necessarium est: sed quoniam connotatur futurum, ideo est contingens. Ex hoc patet sequens, quia quantum ad illud futurum non est adhuc potentia in actu, immo adhuc potest non exire, ideo, &c.

4. 5. Ad illud quod obiicitur quod est cognitio sine existentia rei: ergo necessitas sine rei necessitate, dicendum quod verum est, quod in actu cognitionis est necessitas, sed non in toto. Nec est simile, quia præcognitio non connotat actualem rei existentiam, sed connotat rei futuritionem, & ad hoc quod dictum sit necessarium, necesse est quod sit necessitas in connotato.

6. Ad illud quod obiicitur, quod omne immutabile est necessarium, dicendum quod ad esse mutabilis duo concurrunt, quod se habeat vno modo prius, alio modo posterius. Et per oppositum immutabile potest dici dupliciter: aut quia nihil actu est, aut quia actu est, & non potest aliter se habere, & hoc conuertitur cum necessario: sed illud immutabile quod non est aliquid actu non conuertitur, & sic est verum contingens de futuro antequam res sit. Et sic hoc dictum, Antichristum fore, est modo verum immutabile, quia si ponatur esse verum, ponitur quod semper fuerit, & similiter si falsum, & hoc quia nihil actu ponit: quoniam ergo Deum præscisse, connotat futurum contingens, ideo est dictum immutabile, nec ex hoc sequitur quod sit necessarium, ut visum est. Tamen aliqui volunt aliter dicere, quod Deum præscire hoc futurum contingens, est immutabile à parte præscientis, sed à parte rei præscitæ est mutabile, & ideo ex parte illa contingens. Sed tamen illud difficile est dicere, quod enim præscitur semel, semper præscitum fuit, & Deus non potest præscire futurum contingens, ita quod nihil fiat circa futurum, & ita nulla mutatio. Et propter hoc modus alius dicendi est rationabilior.

7. Ad illud quod ultimo obiicitur, quod nihil æternum est contingens, dicendum quod ens æternum est dupliciter: aut pure æternum, aut connotat temporale de futuro, & pure æternum est necessarium: sed connotans temporale de futuro ratione connotati, potest iudicari contingens, sicut & ratione illius potest desinere. Summa dictorum est ista, quod Deum præscire futurum contingens, est quoddam dictum quod claudit in se actum diuinæ cognitionis æternum, & ordinationem dicit ad futurum contingens. Et quamuis actus diuinæ cognitionis ponat aliquid existens necessarium, & æternum, illa tamen ordinatio ponit futurum quod contingens est. Et iterum, quamuis dicat ordinationem, non tamen dicit dependentiam: sed solum connotationem, & ideo non ponit incertitudinem. Hinc est quod Deum præscire futurum est contingens ratione connotationis ad contingens. Est immutabile ratione ordinationis ad futurum, quod potest non esse nulla facta mutatione. Est certum ratione independentiæ ab eodem, & hoc patebit infra planius in distinctione de prædestinatione.

S. Tho. 1. p.
2. 1. 4. ad 13.

Aduersatur
is Scot. d. 39.
ad 4. q. 5.

DISTIN

DISTINCT. XXXIX.

Vtrum scientia Dei possit augeri vel minui:
vel aliquo modo mutari: vtrumque enim
videtur posse probari.

RÆTERE A quari solet, Vtrum
scientia Dei possit augeri, vel minui.
Vtrumque enim videtur posse probari.
Quod enim diuina scientia possit auge-
ri vel mutari, hoc modo probatur: quia potest Deus
scire quod nunquam scit. Est enim aliquis qui non est
lecturus hodie, & tamen potest esse ut legat hodie: po-
test enim hodie legere. Nihil autem potest fieri, quod
non possit à Deo sciri. Potest ergo Deus scire hunc le-
cturum hodie: potest ergo aliquid scire quod non scit:
ergo potest eius scientia augeri vel mutari. Eademque
videtur posse minui. Est enim aliquis hodie lecturus,
quem Deus scit lecturum. At potest esse, ut non legat,
ergo potest Deus non scire hunc lecturum: potest ergo
non scire aliquid quod scit: ergo potest minui eius scien-
tia, vel mutari. Ad quod dicimus, quia Dei scientia
omnino immutabilis est, nec augeri potest, vel minui.
Nam, ut ait Augustinus in 15. lib. de Trinitate, Scien-
tia Dei est ipsa sapientia, & sapientia est ipsa essen-
tia, siue substantia Dei: quia in illius natura simpli-
tate mirabili, non est aliud sapere, & aliud esse: sed
quod est sapere, hoc est & esse. Ideoque nouit omnia
verbum, quia nouit Pater: sed ei nosse de Patre est, si-
cut esse: nosse enim, & esse, illi vnum est. Et ideo Pa-
tri sicut esse non est à Filio, ita nec nosse. Proinde tan-
quam seipsum dicens. Pater genuit verbum sibi co-
equale per omnia. Non enim seipsum integre perfecte-
que dixisset, si aliquid minus, aut amplius esset in eius
verbo, quam in seipso. Hoc est ergo omnino verbum
quod Pater, non tamen Pater: quia iste Filius, ille
Pater. Sciunt ergo inuicem Pater & Filius, sed ille gi-
gnendo, iste nascendo. Et omnia quæ sunt in eorum
scientia in eorum sapientia, in eorum essentia, unus-
quisque eorum simul videt, non particulatim aut si-
gillatim velut alternante conspectu hinc illinc, & in-
de huc, & rursum inde, vel inde in aliud atque aliud:
ut aliqua videre non possit, nisi non videns alia: sed
omnia simul videt, quorum nullum est quod non sem-
per videat, & sciat. Eius itaque scientia inamissibilis,
& inuariabilis est. Nostra vero scientia & amissibilis,
& variabilis, & receptibilis est, quia non hoc est nobis
esse, quod sapere, vel scire. Propter hoc sicut nostra
scientia illi scientiæ Dei dissimilis est, sic & nostrum
verbum quod nascitur de scientia nostra, dissimile est
illi verbo quod natum est de Patre scientia. Ex hac
auctoritate clare ostenditur scientiam Dei omnino in-
uariabilem esse, sicut ipsa essentia omnino inuariabi-
lis: & quod Pater & Filius cum Spiritu sancto simul
omnia sciunt & vident. Sicut ergo non potest augeri
vel minui diuina essentia, ita nec diuina scientia. Et
tamen conceditur posse scire quod non scit: & posse
non scire quod scit, quia posset aliquid esse subiectum
eius scientiæ, quod non est, & posset non esse subiectum
aliquid quod est, sine permutatione ipsius scientiæ.

A Oppositio, an Deus possit nouiter vel ex tempore
scire vel præscire aliquid.

Hic opponitur à quibusdam ita: Si Deus potest ali-
quid scire vel præscire quod nunquam sciuit vel præ-
sciuit, potest ergo ex tempore aliquid scire vel præsci-
re. Ad quod dicimus: Potest quidem Deus scire vel
præscire omne, quod potest facere, & potest facere, quod
nunquam fiet. Potest ergo scire, vel præscire, quod nun-
quam fiet, nec est, nec fuit. Nec illud scit, vel sciuit, ne-
que præscit vel præsciuit: quia scientia eius non est nisi
de his, quæ sunt, vel fuerunt, vel erunt: & præscien-
tia non est nisi de futuris. Et licet possit scire, vel præ-
scire, quod nunquam est vel erit, non tamen potest, ali-
quid scire, vel præscire ex tempore. Potest utique scire
vel præscire quod nunquam est, nec erit, nec illud sci-
tum vel præscitum est ab aeterno, nec tamen potest in-
cipere scire vel præscire illud, sed ita potest modo scire
vel præscire, sicut potest scisse vel præscisse ab aeterno.
Si enim dicas eum modo posse scire vel præscire quod
ab aeterno non sciuit vel præsciuit, id est, ita quod ab
aeterno non sciuerit vel præsciuerit, quasi vtrumque si-
mul esse possit: falsum est. Si vero dicas eum posse mo-
do scire vel præscire quod ab aeterno non sciuit vel præ-
sciuit, id est, habere potentiam sciendi vel præsciendi
ab aeterno, & modo aliquid: nec tamen illud præsci-
tum est vel futurum, verum est. Non potest ergo noui-
ter vel ex tempore scire vel præscire aliquid, sicut non
potest nouiter vel ex tempore velle aliquid, & tamen
potest velle quod nunquam voluit.

Vtrum Deus possit scire plura quam scit.

Item à quibusdam dicitur Deus posse plura scire
quam sciat, quia potest omnia scire, quæ scit, & potest
aliqua facere, quæ nunquam erunt, & illa potest scire.
Non enim aliqua incognita facere potest. Si vero om-
nia essent quæ modo sunt, & alia quadam faceret, quæ
non sunt, nec erunt, & illa omnia sciret, pro certo plu-
ra sciret quam modo sciat. Nec tamen eius scientia
augeri potest, quia hoc totū fieri posset sine mutabilitate
scientiæ. Constat ergo Dei scientiæ omnino esse im-
mutabilem, nec augeri posse vel minui, sed ei subiecta.

Quod videtur aduersum illi sententiæ, quæ supra
dictum est, Deum semper & simul
scire omnia.

Ei vero quod prædictum est, scil. quod Deus omnia
semper videt & simul, videtur obuiare quod ait Hieronymus in expositione Abacuc. Absurdum est, inquit,
ad hoc deducere Dei maiestatem, ut sciat per momen-
ta singula quot culices nascentur, quotve moriantur,
quot a pulicum & muscarum sit multitudo, quotve pi-
sces natent in aquis, & similia. Non sumus tam fatui
adulatores Dei, ut dum providentiæ eius etiā ad ima
retrudimus, in nos ipsos, iniuriosi simus, eandem irrationa-
bilitatem & rationabiliū providentiā esse dicentes.
Hic videtur dicere Hieronymus quod Deus illorū mi-
nimorum scientiam siue providentiā non habeat.
Quod si hoc est, tunc non omnia simul scit & semper.
Ex tali itaque sensu illud dictum esse nouerimus, ut
Deū illa alternatim, vel particulatim scire negat, nec
per diuersa temporum momenta sic illa cognouit, sicut
per varia momenta illorum quadam deficiunt, qua-
dam incipiunt. Neque illis aliisque irrationabili-
bus ita providet, quemadmodū rationabilibus. Num-

Tom. 6. in
explanatio-
ne capitis.
Abacuc.

quid enim, ut ait Apostolus, cura est Deo de bobus? Et sicut non est cura de bobus, ita nec de aliis irrationabilibus. Dicit tamen scriptura, quia ipsi est cura de omnibus. Providentiam ergo & curam universaliter de cunctis quæ condidit, habet, ut habeat unumquodque quod sibi debetur & convenit. Sed specialem providentiam atque curam habet de rationabilibus, quibus præcepta tradidit, eisque recte vivendi legem præscripsit, ac præmia promisit. Hanc providentiam & curam de irrationabilibus non habet. Ideo dicit Apostolus, quia non est cura Deo de bobus. Providet tamen omnibus, & curat, id est, gubernat omnia, qui omnibus solem suum facit oriri, & pluviam dat. Scit itaque Deus, quanta sit multitudo pulicum, culicum, & muscarum, & piscium, & quot nascentur, quotve moriantur: sed non scit hoc per momenta singula, immo simul & semel omnia. Neque ita scit, ut eandem habeat providentiam irrationabilium & rationabilium, id est, ut eodem modo penitus provideat irrationabilibus & rationabilibus. Rationabilibus enim & præcepta dedit, & angelos ad custodiam delegavit.

Brevis summa prædictorum, cum additione quorundam.

Simul itaque, & immutabiliter scit Deus omnia, quæ fuerunt, & sunt, & erunt, tam bona quam mala: præscit quoque omnia futura tam bona quam mala.

DISTINCT. XXXIX.

De immutabilitate, vel perfectione divinæ scientiæ, vel cognitionis.

Præterea queri solet, utrum scientia Dei possit augeri, vel minui.

Expositio Textus.

VPRÆ egit Magister, de scientiæ divinæ certitudine, hic agit de perfectione. Et quoniam vere perfectum est, cui non est possibilis conditio, ideo Magister querit utrum divina scientia possit augeri, vel minui. Et habet hæc pars tres partes. In prima Magister querit, & determinat quod divina scientia nō recipit augmentum nec diminutionem, nec alterationem, sed omnia simul, & vno aspectu cognoscit. In secunda opponit contra hoc, quod divina scientia non potest augeri, per hoc quod videtur aliquid posse scire ex tempore, & determinat, & hoc facit, ibi: *Hic opponitur à quibusdam*. In tertia obicit auctoritate Hieronymi contra hoc, quod dictum erat, divinam scientiam esse respectu omnium, & hoc ibi: *Et vero quod prædictum est, scilicet quod Deus*, &c. Et quælibet harum trium partium potest subdividi, quia primo in eis opponit, secundo solvit. Et ponit duplicem responsionem, & in tertia post responsionem epilogationem subiungit, ibi: *Simul itaque*.

Sciunt ergo, se invicem Pater & Filius: sed iste gignendo, ille nascendo. Dub. I.

Videtur male dicere, quia scire est essentiale in divinis, ergo si scit nascendo, cum nasci dicat proprietatem personalem, proprietas personalis est ratio rei essentialis, quod non est sane, neque vere dictum.

RESP. Dicendum: Aliqui voluerunt dicere, quod scire Dei reatum ad creaturas, ita quod vna persona sciat seipsam, est dictum essentialiter. Si secundum quod vna persona sciat aliam, dicit respectum personæ ad personam, & est dictum notionaliter. Sed hoc non est convenienter dictum, quia sicut in præcedentibus habitum est, sapien-

tia & sapere essentialiter tantum dicitur. Et propterea dicendum, quod ablativus ille non tantum dicit causam siue rationem dicendi, sed rationem concomitantiam. Gerundia enim, sicut dicit Priscianus, habent exponi per *si*, vel per *dum*, vel per *quia*, & primo modo dicit convenientiam, secundo concomitantiam, & tertio causam.

Et omnia quæ sunt in eorum scientia, in eorum sapientia, & in eorum essentia, unusquisque eorum simul videt. Dub. II.

CONTRA: Dictum est quod creaturæ sunt in Dei notitia, sed non in Dei essentia: ergo contradictio. Supra dist. 36.

RESP. Dicendum est quod in divina scientia sunt scibilia, in divina vero essentia sunt attributa, sicut potentia, sapientia, & bonitas. Et Augustinus vult dicere quod Pater & Filius simul vident omnia cognoscibilia creata & creanda, & omnia essentia attributa. Vnde litera legenda est diuim: Omnia quæ sunt in eorum scientia, vtpote creata, simul scit quilibet: similiter omnia quæ sunt in eorum essentia, vtpote attributa, simul sciunt siue scit quilibet, & ideo non vult dicere quod creaturæ sint in divina essentia.

Quia scientia Dei non est nisi de his quæ sunt, vel fuerunt, vel erunt. Dub. III.

Videtur hoc esse falsum, quia Deus scit omne quod potest facere, sed potest facere quod nunquam fuit, nec est, nec erit: ergo scientia Dei est de aliquo, quod nunquam fuit, vel est, vel erit. Et præterea est infinitorum, sicut vult Augustinus 11. de Civit. Dei, non tantum quæ fuerunt, vel erunt.

RESPON. Dicendum quod Magister loquitur de scientia visionis, quæ est illorum tantum, quorum ab æterno fuit prævisio, sed iste obicit de scientia intelligentiæ, quæ nullius connotat existentiam, quod patet. Intelligit enim Deus omne quod potest, & ita non recte currit obiectio.

Nec tamen potest incipere scire, vel præscire, &c. Dub. IV.

Videtur male dicere, quia nihil scitur nisi verum: ergo antequam sit verum, non scitur: ergo si aliquid incipit esse verum, aliquid incipit à Deo sciri: ergo Deus potest incipere aliquid scire. Item creatio est divina essentia, & tamen ratione connotati Deus potest aliquid incipere creare: ergo similiter & aliquid scire.

RESP. Scire dupliciter dicitur. Vno modo scire hoc est quod habere cognitionem de aliquo, & sic non connotat actualement existentiam cogniti, & sic non potest Deus aliquid incipere scire, id est, alicuius cognitionem incipere habere. Alio modo scire, hoc est, quod nosse aliquid esse verum, & hoc tunc primo scitur esse verum quando incipit esse, & sic incipit Deus scire, sic & desinit præscire, non ratione principalis significati quod est scientia, sed ratione connotati quod quidem est veritas rei scitæ.

Non potest ergo noviter ex tempore scire vel præscire aliquid, sicut nec potest noviter vel ex tempore velle aliquid, & tamen potest velle quod nunquam voluit. Dub. V.

Videtur hic dicere duo contradictorie opposita, quoniam illud est novum quod prius non fuit, & modo est: ergo si posset quod prius non voluit, videtur quod incipiat velle.

RESP. Dicendum quod cum dico Deum velle, hic duo dico, & actum divinæ voluntatis, & ulterius ordinationem ipsius effectus ad illum actum. Et primum quidem est necessarium, & semper, nec potest incipere, vel desinere: voluntas enim divina est semper in actu suo, ita

quod

quod nec potest illo carere, nec alium habere: sed ordinatio alicuius effectus ad illum actum, est ordinatio rei futurae quæ nondum est, & ideo potest esse & non esse, & ordinari & non ordinari. Quando ergo dicitur quod Deus potest velle, quod nunquam voluit, & tamen non ex tempore: intellectus est quod effectus ille potuit ordinari ad diuinum velle, & quoniam ordinatio effectus est ordinatio rei futurae, & quod est futurum, semper fuit futurum, & quod semel fuit ordinatum, semper fuit ordinatum ad illam. Quando ergo dicitur quod Deus potest velle aliquid, idem est dicere quod aliquid potuit esse futurum siue habere ordinem ad diuinam voluntatem quod tamen non habet ordinem: sed si haberet, ab æterno habuisset, & ideo non incipit ex tempore, & ideo exemplum Magistri bonum est, si velle Dei importat ordinem ad volitum in ratione futuri: sed secundum quod importat concomitantiam in ratione præsentis, potest Deus ex tempore velle hoc esse, siue hoc approbare hodie, non quia non incipiat actus, sed quia incipiat connotatum.

Sed specialem providentiam atque curam habet de rationabilibus. Dub. VI.

Obiicitur quod videtur esse contra illud quod dicitur: Aequaliter est illi cura de omnibus.

RESP. Dicendum quod æqualitas non priuat ibi ordinem diuinæ distributionis: sed priuat acceptionem personæ. Et, omnibus, distribuit ibi tantum pro hominibus, tam pro magnis & parvis, pauperibus & diuitibus, & sic est ei æqualiter cura de omnibus, quia ita vult salutem pauperum, vt diuitum.

ARTICVLVS I.

AD intelligentiam præsentis distinctionis quæritur de perfectione diuinæ cognitionis, & circa hoc duo principaliter quærentur. Primo quæritur de perfectione diuinæ cognitionis quantum ad numerum cognoscibilem. Secundo quæritur de ipsa quantum ad modum cognoscendi. Quantum ad primum quærentur tria. Primo quæritur, vtrum Deus cognoscat alia à se. Secundo quæritur, vtrum Deus cognoscat omnia alia à se. Tertio, vtrum Deus possit scire, vel præscire plura quam sciat.

QVÆSTIO I.

An Deus cognoscat alia à se.

*Alexander Alensis 1. p. q. 23. Membr. 3. art. 1.
S. Thomas 1. p. q. 14. art. 5.
Et 1. Sent. dist. 38. q. 1. art. 3.
Et de Verit. q. 2. art. 9.
Scotus 1. Sent. dist. 39. q. 1.
Ægid. Rom. 1. Sent. dist. 39. q. 1.
Richardus 1. Sent. dist. 39. q. 1.
Steph. Brulef. 1. Sent. dist. 39. q. 1.*

QVOD Deus cognoscat alia à se ostenditur auctoritate, & ratione. Auctoritate sic per Psalm. Qui platurit autem non audierat: aut qui finxit oculum non considerat: quasi dicat hoc est impossibile quod det aliis potentiam cognoscendi, & ipse non cognoscat.

ITEM: Domino Deo antequam crearentur omnia sunt agnita, & post perfectum respicit omnia: ergo si non creat se, sed aliud, non tantum se cognoscit, sed etiam aliud.

ITEM probatur ratione ostensiva sic: Omne producat secundum ordinem & libertatem, producat eas præcognoscens: si enim producat ordinate, necesse est quod producat secundum sapientiam. Rursum si secundum libertatem, necesse est quod secundum sapientiam propriam non alienam: ergo in ipso est omnium cognitio.

ITEM in entibus est status: ergo pari ratione & in cognoscibilibus: sed primum ens in quo est status est principium à quo est omnis entitas, & sine quo nihil est, nec

aliquid est nisi ab eo: ergo eadem ratione in primo cognoscente, si status est, necesse est quod ab ipso sit omnis cognitio, & quod per ipsum omnia cognoscantur, & sine ipso nihil: si ergo propter quod vnumquodque, & illud magis, patet, &c.

ITEM hoc ipsum ostenditur per impossibile, quia si non cognoscit aliud à se, aut ergo quia non potest, aut quia non vult. Non quia non vult, quia in Deo voluntas non præcedit cognitionem: ergo quia non potest: sed omne cognoscens quod non potest cognoscere aliquid quod est cognoscibile, habet cognitionem deficientem, & arctatam: quod impossibile est esse in Deo: ergo, &c.

ITEM nihil potest Deus nisi quod nouit, alioquin aliquid posset ignorans, quod absurdum est: ergo si non nouit aliquid aliud à se, nec potest supra aliud à se, nec in se potest, cum non sit supra se: ergo nihil in toto mundo potest: ergo Deus est impotentissimus, quod est absurdissimum dicere.

1. SED contra opponitur per rationem Philosophi: Intelligibile est perfectio intellectus: ergo si Deus intelligit aliud à se, intellectus eius perficitur ab alio: & si hoc, sequitur triplex inconueniens. Primum quod eius cognitio vilescit cum perficiatur à re minus nobili quàm sit Deus. Secundum quod eius cognitio, vel ipse Deus transmutatur: omne enim quod ab alio perficitur, habet potentiam passivam quæ est principium transmutandi. Tertium inconueniens est quod Deus non sit sua actio, cum actio sit à perficiente: & Deus perficiatur, &c.

2. ITEM si Deus cognoscit aliud à se, cum non omne quod cognoscit Deus sit idem quod Deus, necesse est quod illud quod cognoscit sit extra Deum: ergo si cognoscit aliud, cognoscit aliquid extra se. Et ex hoc similiter oritur triplex inconueniens, scilicet quod cognitio eius sit indigens exteriori, sit etiā transmutabilis, & quod sit aliud quam ipse, quæ omnia sunt inconuenientia.

3. ITEM illud idem ostenditur per rationem cognoscendi, quoniam ratio cognoscendi est ipsa veritas: sed veritas idem est quod rei entitas, vt dicit August. ergo nihil cognoscitur à Deo nisi ens: sed Deus nihil cognoscit nisi ab æterno: ergo nihil cognoscitur ab ipso nisi ens quod est ab æterno: sed tale est vnum solum, scilicet ipse Deus: ergo, &c.

4. ITEM ratio cognoscendi est assimilatio, vbi est enim cognitio, necesse est quod ibi sit assimilatio cognoscentis ad cognoscibile: ergo vbi summa cognitio, ibi summa assimilatio: & quia Dei cognitio est summa & perfectissima: ergo debet attendi secundum summam assimilationem: sed nihil summe assimilatur Deo nisi ipse: ergo solum seipsum cognoscit.

5. ITEM videtur quod nulla necessitas sit ponere Deum cognoscere alia à se. Quoniam sicut potentia se habet ad productionem, ita & intelligentia ad cognitionem: sed Dei potentia, etiam si nihil producat, non est minus potens: ergo si intelligentia Dei nihil aliud à se cognoscit, nihilominus est summe intelligens.

6. ITEM bonitas creaturæ comparata ad bonitatem Creatoris est sicut punctus ad lineam: ergo similiter veritas ad veritatem. Sed si intelligatur punctus amoueri à linea, non est linea minor, nec imperfectior: ergo si Deus veritatem suam cognoscit sine veritate creaturæ, nihilominus sua cognitio perfecta est.

CONCLUSIO.

Pium & necessarium est dicere, Deum alia à se cognoscere per se ipsum.

RESP. ad Arg. Dicendum quod pium & necessarium est dicere quod Deus aliud à se cognoscat. Pium quidem, quia omnis rectus animus hoc dicit, quia non latet Deum quod cognoscit noster animus. Necessarium, quoniam non potest opus latere sapientissimum opificem. Et ideo oppositum est dicere impium, & impossibile. Et propterea ad intellectum obiectorum notandum quod co-

gnoſcere aliud eſt dupliciter, aut per aliud à ſe cognoſcente, aut per ſe. Quando cognofcens cognofcit aliud, & per aliud, tunc verum eſt quod perfectionem habet aliunde, & tunc eius intellectus eſt in potentia, & recipit aliunde perfectionem, & ideo additionem, & tranſmutationem, & hoc omnino impoſſibile eſt circa Deum. Eſt iterum aliud cognofcere per ſe, & tunc cognofcens eſt actus reſpectu cognofcibilis, & tunc nō recipit perfectionem à cognofcibili: ſed magis econverſo, & hoc modo ponimus Deū aliud cognofcere à ſe per ſeipſum, & ſic non procedit prima ratio, ſed ſecundum primam viam, & ita intelligit Philoſophus, ſi verum dixit.

2. Ad illud quod obiicitur ſecundo, quod ſi Deus cognofcit aliud à ſe, ergo aliquid extra ſe, dicendum quod cognofcere aliquid extra ſe eſt tripliciter. Aut per aliquid conceptum ab extra, & ſic dependet cognitio ab extrinſeco, & ſic non eſt poſſibile ponere in Deo. Aut eſt cognofcere aliquid extra, quia aſpectus cognofcentis deſlectitur extra, ſicut cognofcit Angelus. Aut quia illud quod eſt aliud & diuerſum, habet ortum ab intra, & ita quod eſt extra, cognofcitur per omnino intrinſecum, & hoc modo cognofcit Deus, ſcilicet per exemplar, quod eſt idem quod ipſe à quo res cognofcuntur: & hoc modo nihil valet obiectio.

3. Ad illud quod obiicitur tertio, quod ab æterno fuit, vnum ſolum ens, dicendum quod duplex eſt rei eſſe, ſcilicet in ſe, & in ſua cauſa, id eſt, in proprio genere, & in exemplari. Et ad cognitionem rei ſufficit exiſtentia eius in cauſa, ſive in exemplari, & quia per exemplar repræſentatur ſicut futura eſt in proprio genere, ideo per exiſtentiam in exemplari omnino cognofcitur ſicut futura eſt, nec aliter cognofcitur poſtquam facta eſt. Quod ergo obiicitur quod ab æterno fuit vnum ſolum ens, dicendum quod verum eſt in proprio genere, ſive in ſe actuāli, multa tamen fuerunt in cauſa: nec eſſe illud, erat ratio cognofcendi ſecundum vtrumque modum eſſendi.

4. Ad illud quod obiicitur quarto de aſſimilatione, dicendum, ſicut ſupra dictum fuit in quæſtione de idæis, quod ad cognitionem requiritur aſſimilatio, non per convenientiam in genere, vel ſpecie, ſed ſecundum rationem exprimendi: & quoniam diuina veritas vna, & ſumma expreſſione exprimit ſe, & alia: ideo ſumma aſſimilatio eſt, non tantum reſpectu ſui, ſed etiam reſpectu aliorum: & ita patet illud.

5. Ad illud quod obiicitur quod potentia dicitur perfecta etiam ſi nihil faciat: ergo, &c. dicendum quod non eſt ſimile de actu faciendi reſpectu potentie, & ſciendi reſpectu intelligentie. Nam facere eſt actus ut actus, & ut egrediens, qui non facit perfectionem: ſed conſequitur, & ei atteſtatur: ſed ſcire eſt actus ut habitus, qui ſignificatur ut perfectio potentie. Quoniam ergo diuina intelligentia eſt perfectiſſima: ideo non tantum cognofcit aliqua: ſed omne quod poteſt cognofci, non autem facit omne quod poteſt fieri.

6. Ad illud quod obiicitur ultimo quod veritas creaturæ nihi facit ad primam veritatem, &c. dicendum quod verum eſt: & ideo æque nobilis & perfecta erat prima veritas ante creationem veritatum aliarum ſicut poſt: ſed tamen ponere quod aliqua veritas ſit, & non ſit à veritate æterna, eſt ponere primam veritatem non eſſe ſummam: ſic ponere aliquam veritatem eſſe, & non eſſe cognitam, tollit rationem perfectæ veritatis, ut eſt ratio cognofcendi: & ideo patet quod de perfectione ſummæ veritatis eſt cognitio creaturæ, ſicut & potentia producendi.

QVÆSTIO II.

An Deus cognofcat omnia alia à ſe.

Alexander Alenſis 1. p. q. 23. Membr. 4. art. 4.

Secund. 1. Sent. diſt. 39. q. 2.

Egid. Rom. 1. Sent. diſt. 39. p. 2. q. 2.

Richardus 1. Sent. diſt. 39. q. 2.

Thom. Arg. 1. Sent. diſt. 39. q. 1. art. 4.

Seeph. Brulaf. 1. Sent. diſt. 39. q. 2.

Petrus de Tarentaſ. 1. Sent. diſt. 39. q. 2.

Dato quod Deus cognofcat alia à ſe, quæritur vtrum cognofcat omnia alia à ſe. Et quod ſic videtur auctoritate Hieremiæ: Præuū eſt cor hominis, &c. & poſt: Ego Dominus ſeruans corda, & reneſ: ſed nihil incertius, nihil occultius noſtris cogitationibus: ergo ſi Haſ cognofcit, & omnia alia.

ITEM: Omnia ſunt nuda & aperta oculis eius ad quem nobis ſermo. Et iterum: Viuus eſt ſermo Dei & efficax, uſque ibi, & non eſt aliqua creatura inuiſibilis in conſpectu eius.

ITEM per Ioannem: Domine tu omnia noſti.

ITEM Auguſtinus 3. de Trin. Nihil ſit viſibile nec intelligibile, quod non de aula interiori atque inuiſibili ſummi Imperatoris aut iubeatur, aut permittatur, ſecundum ineffabilem iuſtitiam pœnarum & præmiorum, & gratiarum & meritorum. Et ſi hoc: ergo omnia cognofcit.

ITEM ratione videtur: quia quanto ſubſtantia eſt ſpiritualior atque ſimplicior, tanto plurium eſt cognitua: ſed Deus eſt ſubſtantia ſimpliciſſima & ſpiritualiſſima: ergo eſt omnium cognitua.

ITEM Deus eſt Creator, & remunerator: ſed in quantum Creator eſt artifex, in quantum remunerator iudex: ſed perfectus artifex cognofcit omnia producta, perfectus iudex omnia remuneranda: ſed omnis creatura ſpectat ad artificium, & omne bonum & malum ad iudicium: ergo Deus omnem creaturam cognofcit, & omnem bonitatem, & militiam.

ITEM impoſſibile eſt aliquid eſſe in quo non ſit Deus per præſentiam eſſentie, ut ſupra probatum eſt: ſed cuiusque præſens eſt per eſſentiam, & cognitionem: ergo impoſſibile eſt aliquid Deo eſſe incognitum.

ITEM ſi eſſet in vna re ita quod non in alia, eſſet eius eſſentia limitata: ergo ſi ita cognofceret quod aliqua eſſent incognita, eſſet eius cognitio limitata & arcata, & ita imperfecta.

1. **SED** contra: Omne nobilius Deo eſt attribuentum: ſed quædam melius eſt nescire quam ſcire, ſicut dicit Auguſtinus in Enchir. ergo necelle eſt ponere quod Deus illa non ſciat.

2. **ITEM** intellectus noſter propter ſui immaterialitatem non intelligit ſingularia. Vnde ut dicit Philoſophus, intellectus eſt vniuerſalium, & ſenſus ſingularium. Sed diuinus intellectus multo magis eſt immaterialis quam noſter: ergo ſi noſter non intelligit ſingularia, nec diuinus.

3. **ITEM** noſter habitus ſcientialis propter ſui certitudinem non eſt niſi neceſſariorum, & non contingentium: quia dicit Boëtius quod ſcientia eſt eorum quæ ſui immutabilem exiſtentiam fortiuntur. Si ergo diuina cognitio eſt multo certior quam noſtra ſcientia, patet, &c.

4. **ITEM** ſicut Deus dicitur omniſciens, ita eſt omnipotens: ſed potentia mali non eſt de omnipotentia, nec de perfectione potentie naturaliter: ergo ſimiliter cognitio mali non eſt de perfectione ſcientie: ergo, &c.

5. **ITEM** hoc ipſum oſtenditur auctoritatibus. Et primo auctoritate Abacuc: Mundi ſunt oculi tui Domine, ne videant malum: ergo.

6. **ITEM** de malis dicitur: Nescio vos.

7. **ITEM** quæ neceſſitas eſt, Deum ponere cognofcere omnia. Et videtur quod nulla: quia cognitio noſtra non minus dicitur perfecta ſi non cognofcit vnam muſcam: ſi ergo diuina cognitio multo minus perficitur à ſcibili, non erit imperfecta ſi non cognofcit iſta vilia.

CONCLUSIO.

Deus cognitione ſimplicis notitia omnia cognofcit bona, & mala: approbationis vero tantum bona.

RESP. ad Arg. Dicendum ad intelligentiam obiectorum quod in Deo eſt cognitio approbationis, & ſimplicis

notitia

notitiæ. Et notitia approbationis connotat complacentiam voluntatis. Hac non cognoscit Deus omnia, quia nec mala nec malos: sed tantum bona & bonos: & de hac intelliguntur duæ ultimæ auctoritates. Est alia cognitio simplicis notitiæ: & hæc quia habet rationem cognoscendi à veritate quæ est lux summa cui nihil potest occultari, nec etiam tenebræ obscurantur ab ipsa: ideo de necessitate cognoscit omnia, magna & parva, bona & mala, sicut ostendunt rationes ad primam partem.

1. **Ad illud ergo quod primo obiicitur**, quod omne nobilius Deo est attribuendum, dicendum quod est melius simpliciter, & est melius huic, & secundum statum. Dico ergo quod omnia scire, simpliciter melius & nobilius est: sed homini corrupto qui accipit occasionem peccandi ex cognitione, melius est quædam nescire: ideo non sequitur quod sit Deo attribuendum.

2. **Ad illud quod obiicitur de immaterialitate intellectus**, dicendum quod hoc quod non cognoscat singularia non tantum venit ex immaterialitate, immo & materialitate coniuncti, & immaterialitate sua. Quoniam enim coniungitur corpori, ideo habet potentias secundum quas dependet à corpore quantum ad operationem, & per quas intellectus quandiu est in corpore exit ad exteriora, quia illæ sunt mediæ, scilicet sensus particularis, & imaginatio. Quoniam ergo singulare non pervenit ad intellectum nisi per istas potentias, & ascensus per has est secundum abstractionem & depurationem, & abstractio facit de singulari universale: ideo non potest singularia cognoscere ut intellectus, nisi intellectus sit separatus vel divinus.

3. **Ad illud quod obiicitur de certitudine scientiæ**, dicendum quod hoc non est propter certitudinem simpliciter, sed propter certitudinem causatam à re. Et quoniam causatur certitudo in nostra cognitione, ut pendet ex re: ideo non potest nostra cognitio esse certa nisi res sit necessaria. Divina autem cognitio quoniam à re non causatur, nec dependet, ideo potest esse certa de re contingenti.

4. **Ad illud quod obiicitur quod potentia mali non est de omnipotentia: ergo, &c.** dicendum quod non est simile, quia rectitudo manens rectitudo, est ratio cognoscendi malum: sed rectitudo non est causa mali, nisi declinando à rectitudine, & deficiendo: ideo scire malum est de perfectione scientiæ: sed posse malum non est de perfectione potentiæ.

5. **Ad illud quod queritur quæ necessitas est cognoscendi Deum omnia**, dicendum quod infinitas & immensitas veritatis quæ non patitur aliquid latere Deum, sicut immensitas divinæ præsentis non patitur aliquid abscondi à Deo.

QVÆSTIO III.

An Deus possit scire plura, quam sciat.

Alex. Alensis 1. p. q. 23. Memb. 4. art. 5.

S. Thom. 1. p. q. 14. art. 12.

Et 1. Sentent. dist. 39. q. 1. art. 4.

Et de Veris. q. 2. art. 10.

Ægid. Rom. 1. Sent. dist. 39. q. 3.

Richardus 1. Sent. dist. 39. q. 3.

Tho. Arg. 1. Sent. dist. 39. q. 1. art. 3.

Steph. Brulef. 1. Sent. dist. 39. q. 3.

Petrus de Tarentais. 1. Sent. dist. 39. q. 3.

Gab. Biel. 1. Sent. dist. 39. q. unica.

Vtrum Deus possit scire vel præscire plura quam sciat. Et quod possit plura scire ostenditur sic. Nihil scitur nisi ens & verum: sed multa possunt esse quæ non sunt, & verificari quæ falsa sunt: ergo multa possunt sciri à Deo, quæ tamen non sciuntur.

Item quod possit plura præscire, videtur: quia præscientia est tantum futurorum: sed multa possunt esse futura, quæ nunquam fiunt, nec erunt: ergo multa possunt præsciri, quæ non præsciuntur: ergo Deus potest plura præscire, quam præsciat.

1. **SED** contra: Quod non possit plura scire videtur, quia scientia Dei est infinitorum cum sit infinita, sicut probatum est supra: sed infinitis non possunt esse plura, nec cogitari: ergo, &c.

2. **ITEM** potest scire plura, aut plura incomplexa, siue plures res, aut plura complexa, siue evanescibilia. Non plura incomplexa, quia res scit Deus etiam si nunquam sint, scit enim omnia quæ possunt fieri. Similiter non plura complexa, quia cuiuslibet contradictionis semper altera pars est vera, altera falsa: ergo de complexis semper tot sunt vera quot sunt falsa: ergo qui scit omnia, non potest scire plura, quia non possunt esse plura vera.

3. **ITEM** quod non possit plura præscire, quam præsciat, videtur, quia quæcunque Deus præscit simul præscit, nec potest præscire nisi simul: si ergo potest plura præscire, quam præsciat: aut ergo simul, aut successive. Simul est impossibile, successive similiter impossibile, quia in æternitate non est successio: ergo nullo modo.

4. **ITEM** si potest plura præscire: ergo cum maior sit præscientia plurium saltem extensivè: & quod potest esse maius potest augeri: ergo divina præscientia potest augeri: sed ubi augmentum, ibi mutatio, & variatio: ergo divina scientia potest mutari, & variari.

CONCLUSIO.

Scientia Dei approbationis & visionis augeri potest: ea vero quæ est simplicis intelligentiæ, nequaquam.

RESPOND. Ad Arg. Dicendum quod cum queritur, utrum Deus possit plura præscire, vel scire, aliter est iudicandum de præscientia, quam de scientia. Nam sicut dici consuevit, triplex est Dei cognitio, non quantum ad diversitatem cognitionum, sed cognitorum, scilicet cognitio approbationis, intelligentiæ, & visionis. Cognitio approbationis est solummodo de eis ad quæ se extendit beneplacitum voluntatis, & hoc est solummodo de his, quæ fiunt & bona sunt. Et hæc absque dubio potest esse plurium. Cognitio vero intelligentiæ dicitur cognitio qua Deus cognoscit omne possibile, & sibi & aliis, & hæc cognoscit Deus infinita. Et hæc nullo modo potest esse plurium. Cognitio visionis est eorum quorum ab æterno fuit præiudicium, & hæc solum est eorum, quæ sunt, vel fuerunt, vel erunt: & hæc cognitio potest esse plurium, quam sit. Et quia eiusdem est hæc cognitio, cuius est præscientia, præscientia potest esse plurium. Concedendum ergo quod quædam scientia potest esse plurium, quædam non. Et per hoc patet responsio ad obiecta de scientia.

1. 2. **Q**UOD enim obiicit quod scientia Dei est infinitorum, & quod nihil connotat circa incomplexum, dicendum quod verum est de scientia intelligentiæ: sed non est verum de scientia visionis. Quod autem obiicitur de præscientia, concedendum est, quod potest esse plurium.

3. **Q**UOD autem obiicitur ad oppositum quod si potest scire plura, aut simul, aut non simul, dicendum quod simultas potest attendi dupliciter. Aut quantum ad substantiam præscientiæ, siue cognitionem, sic est verum, quod simul, quia ab æterno præsciuit quædam, & ab æterno potuit præscire plura, & potuit præscisse. Si autem consideretur simultas quantum ad rationem paucitatis, & pluralitatis, sic est implicatio oppositorum & sic est sensus, quod simul præsciat plura, & pauciora, & primo sensu obiectio habet veritatem.

4. **Ad illud quod obiicitur**, si potest plura præscire, quod potest præscientia augeri, dicendum quod esto quod præscita possint augeri non tamen augetur præscientia, quia vno & eodem præscit Deus, & multa, & vnum & plura, & pauca: tamen quævis præscita possint esse plura, non tamè possunt augeri, quia augeri est de paucioribus fieri plura: sed hæc posse esse plura, habet duas causas ve-

ritatis, aut quia de paucioribus possunt fieri plura, aut quia ab initio potuerunt esse plura, & hoc ultimo sensu est oratio vera. Et ideo cum procedat à pluribus causis veritatis ad unam, facit sophisma secundum consequens.

ARTICVLVS II.

Consequenter est quæstio de secundo articulo, sc. de modo diuinæ cognitionis. Et circa hoc queruntur tria. Primo queritur, utrum Deus cognoscat se, & alia uniformiter. Secundo, utrum cognoscat mutabilia immutabiliter. Tertio, utrum cognoscat omnia præsentia, vel præsentia.

QVÆSTIO I.

An Deus eadem cognitione cognoscat se, & alia à se.

Stephan. Brulef. 1. Sent. dist. 39. q. 4.

Quod cognoscat se, & alia eodem modo, siue uniformiter, ostenditur sic: Scientia Dei est sua essentia, & suum scire est suum esse: ergo & modus cognoscendi est modus essendi: sed unus est modus essendi in Deo essentialis: ergo & unus modus cognoscendi.

ITEM Deus seipso, & non alio cognoscit se, & seipso, & non alio cognoscit alia: ergo una & eadem ratione cognoscit se & alia: sed modus cognoscendi attenditur penes rationem cognoscendi: ergo si est eadem ratio cognoscendi se & alia, & idem modus, & sic, & c.

ITEM hoc ipsum videtur per impossibile, quia si alio modo cognoscit se, alio modo creaturas, ergo cum cognoscit se & creaturas, variatur in cognoscendo: ergo apud Deum est transmutatio, & vicissitudinis obumbratio.

ITEM si alio modo, tunc ego quero, aut modus ille est Creator, aut creatura. Non creatura, quia cognitio & modus cognoscendi est æternus. Si creator, aut dicit quid personale, aut quid essentialis. Non personale, quia omnis cognitio est communis tribus: ergo dicit quid essentialis: ergo si alius, & alius modus: ergo alia, & alia essentia: sed hoc est impossibile: ergo & primum.

1. CONTRA: Deus cognoscendo alia à se, cognoscit per ideam, se autem non cognoscit per ideam: ergo si cognoscere per ideam, dicit modum cognitionis, & se non cognoscit per ideam patet, quod alio modo cognoscendi, sic, & c.

2. ITEM in cognitione qua cognoscit se, idem est cognoscens, & cognitum, & ratio cognoscendi: sed in cognitione qua cognoscit creaturam non est idem, ratio cognoscendi cum cognito: ergo non idem modus.

3. ITEM nihil est commune Creatori, & creaturæ, secundum rationem essendi: ergo neque secundum rationem cognoscendi: cum ergo aliud sit esse creaturæ, quam Creatoris, & alius modus essendi: ergo alia cognitione, & alio modo cognoscitur quæ Creator. Si ergo alio modo cognoscitur à Deo, & idem est creaturam cognosci, & Deum cognoscere: ergo Deus alio modo cognoscit se, & alia.

4. ITEM omnis cognitio in qua cognitum est nobilius, præsentius, & intelligibilius, est cognitio nobilior, scilicet quantum ad rem, & modum. Quantum ad rem quia de re magis nobili. Quantum ad modum, quia de re præsentiori. Sed in cognitione qua Deus cognoscit se, cognitum est nobilius, præsentius, & intelligibilius, quam in cognitione creaturæ: ergo nobilior cognitio quantum ad rem & modum.

CONCLUSIO.

Deus cognoscendo se, alia à se inuenitur: & cum eius cognitio ipsemet sit Deus, eodem modo cognoscit se, atque alia.

RESP. Ad Arg. Dicendum quod est quædam cogni-

tio quæ causatur, & ortum habet à cognoscibili, & hæc quoniam à cognoscibili causatur, & dependet, variatur secundum exigentiam cognoscibilis quantum ad rem, & modum. Et est alia cognitio, quæ secundum rem idem est quod cognoscens, & à cognoscibili non causatur, nec depēdet, & hæc accipit identitatē quātum ad rem, & modum à parte cognoscentis, non à parte cogniti. Quoniam ergo diuina cognitio à rebus non dependet, nec causatur, sed est idem quod Deus, & Deus eadem essentia, & eodem modo se habens: Ideo una cognitione, & eodem modo cognoscit Deus se, & alia à se, quia per seipsum nullo modo variatum, nec diuersificatum.

Ad intelligentiam autem obiectorum notandum quod per respectum ad cognoscentem, cognitio eodem modo comparatur, & eodem modo est, quia secundum illam comparisonem habet esse, & sic procedunt primæ rationes ostendentes quod eodem modo cognoscit se, & alia. Sed per respectum ad cognitum, licet sit eadem, tamen alio modo comparatur: nam ad Deum secundum rationem identitatis, ad creaturam secundum rationem diuersitatis, & causalitatis, & ideo ad creaturam secundum rationem ideandi, ad Deum vero minime, & hoc probant rationes inductæ ad secundam partem, quod alio modo comparatur, & hoc modo sunt concedendæ. Si ergo inferas quod alio modo est sic ratio, non valet, quia cognitio Dei non recipit modum essendi: nec nobilitatem à cognito.

1. 2. Et sic patent duo obiecta de idea, & diuersitate.

3. Ad illud quod obiicitur tertio, nihil est commune Creatori, & creaturæ, dicendum quod verum est de communitate secundum eandem comparisonem, vel secundum aliam & aliam, nihil prohibet quod aliquid sit veritas creaturæ, & similitudo Dei: similiter quod aliquid sit veritas Dei, & similitudo creaturæ: & quoniam ratio cognoscendi accipitur penes utrumque modum, ideo cognitio potest esse communis.

4. Ad illud quod obiicitur ultimo, dicendum quod tenet, cum cognitio causatur à cognito, non autem tenet, cum non causatur, sicut in proposito.

QVÆSTIO II.

An Deus mutabilia immutabiliter cognoscat.

Stephanus Brulef. 1. Sent. dist. 39. q. 5.

UTrum Deus cognoscat mutabilia immutabiliter. Et quod sic ostenditur auctoritate Dionysij de diu. nom. Cognoscit Deus omnia materialia immutabiliter, impartite partita, uniformiter multa, immutabiliter mutabilia.

ITEM per August. de Trin. Eius scientia inamissibilis est, & inuariabilis: sed omne tale immutabile: ergo, & c.

ITEM hoc ipsum ostenditur ratione, quia quod nobilius est, Deo attribuendum est: sed nobilior est cognitio qua cognoscitur res immutabiliter, quam qua cognoscitur mutabiliter: ergo, & c.

ITEM quod est in aliquo, est in eo per modum eius, in quo est, & hoc verum est maxime in Deo, in quo omne quod est, est ipsum, siue ipse Deus: ergo cum scientia rerum, & ipsæ res cognitæ sint in Deo, & ipse sit omnino immutabilis: sunt ergo in Deo immutabiliter.

ITEM ad hoc est ratio Augustini ducens ad impossibile: Dei enim scire est suum esse, & scientia sua, est sua essentia. Si ergo sciret mutabiliter, esset mutabilis: quod omnino in ipso est impossibile.

ITEM ubi est mutabilitas, ibi nulla est certitudo: si ergo Deus sciret res mutabiliter, sciret incerte: sed incertitudo est conditio dedecorans cognitionem, ergo non haberet Dei cognitio perfectam nobilitatem.

1. CONTRA: Cum res est præsens, scit Deus eam esse præsentem: & cum præterita, scit eam esse præteri-

Fundamēta.

Cap. 7.
Lib. 15. c. 13.
tom. 9.Arist. 3. de
anim. con-
tex. 4.Ad opposi-
tum.
tam:

tam: & cum futura, scit eam esse futuram, non præteritam: ergo videtur, quod sicut nos cognoscimus res mutabiliter, ita & Deus cognoscat.

2. **ITEM** ad hoc quod scientia sit vera, necesse est scibile & scientiam proportionari, alioquin non est vera scientia: cum ergo mutabilis ad immutabile non sit proportio, sed mutabilis ad mutabile: ergo Deus non cognoscit res mutabiles immutabiliter, sed mutabiliter, alioquin non vere cognoscit, ut videtur.

3. **ITEM** quidquid scitur est verum: ergo quod immutabiliter scitur, immutabiliter est verum: sed res mutabiles non habent veritatem immutabilem: ergo non possunt sciri immutabiliter.

4. **ITEM** quia res sunt contingentes, ideo Deum præscire futura contingentia est contingens, sicut in præcedentibus ostensum est: ergo quia res sunt mutabiles, Deum scire res mutabiles, est mutabile: ergo mutabiliter cognoscit Deus mutabilia: aut si non est hoc verum, quæro quare non. Et iterum, quo modo potest illud intelligi quod rei mutabilis scit scientia immutabilis.

CONCLUSIO.

Deus mutabilia immutabiliter cognoscit ex parte sue cognitionis, licet cognita obiecta mutabilia existant.

RESP. AD ARG. Dicendum quod cum quæritur, utrum Deus sciat res immutabiliter: hoc est duplex, quia hæc est determinatio, *immutabiliter*, potest determinare actum sciendi Dei, vel actum essendi rerum. Si actum sciendi Dei, sic omnino verum est, quod immutabiliter scit, quia circa eius actum, & cognitionem non cadit transmutatio, nec vicissitudinis obumbratio. Si autem determinet actum essendi rerum, sic falsum est de rebus mutabilibus, quia Deus scit eas mutabiles, & novit ipsarum mutabilitatem, & scit se habere nunc aliter quam prius: sed tamen novit immutabiliter. Et ratio huius est, quoniam in eius cognitione non est receptio, non est successio, nec est obliuio: & ideo quantumcunque res sint mutabiles, ipse non mutatur in cognoscendo mutabilitatem earum. Et quamvis nullum sit simile, potest tamen cogitari, si intelligitur, vel cogitetur oculus fixus in pariete, qui se ipso videat transeuntes sine receptione, & unico aspectu omnes videat, & omnes motus ipsorum, quantumcunque res mutantur, tamen nec oculus mutatur, nec eius cognitio, & sic est in Deo. Exemplum autem ad hoc intelligendum potest sumi à contrario sic. Quia enim scientia causata pendet à scibili, & non e converso, ideo potest esse mutatio circa scientiam per obliuionem, & errorem, & successivam considerationem, nulla facta mutatione in scibili. Sic contrario modo, quia scientia diuina non pendet ex re scita, potest esse mutatio circa scibile, nulla mutatione existente in diuina scientia, & tamen illa scientia totum scit.

1. **ET** per hoc patet responsio ad primum obiectum, de hoc quod scit fuisse, & esse: dicendum enim, quod hoc dicit mutationem à parte scibilis non scientiæ.

2. **AD** illud quod obiicitur de proportionem, dicendum quod in specialibus conditionibus non oportet proportionari etiam scientiam causatam, quia rei corporalis est scientia spiritalis: sed sufficit quod sit proportio in veritate.

3. **AD** illud quod obiicitur quod quidquid scitur est verum: ergo quod scitur immutabiliter, immutabiliter est verum, dicendum quod hic est accidens. Quamvis enim scientia requirat veritatem in scito de ratione sue intentionis generalis, maxime scientia respectu enuntiabilis: tamen scientia non semper dicit conformitatem in immutabilitate, maxime diuina scientia, quæ à scibili non dependet.

4. **AD** illud quod obiicitur, quod futurum contingens non præscit Deus necessario, dicendum quod non est simile, tum ex parte actus præsciendi, tum ex parte dispositi-

tionis. Ex parte actus non est simile, quia præscire semper notat euentum rei, sed scire non semper connotat rei existentiam, scit enim Deus quæ potest facere, & nunquam facit. Præterea non est simile de dispositione, quia modus immutabilitatis respicit actum, sed contingens respicit non tantum actum, sed ordinationem ad futurum, & actus quidem diuinæ cognitionis est immutabilis, & necessarius: sed comparatio ad futurorum contingens est contingens.

QUESTIO III.

An Deus cognoscat vniuersa præsentem.

Steph. Brulef. 1. Sent. dist. 39. q. 6.

Vtrum Deus cognoscat omnia præsentem. Et quod sic, videtur: Nam Glossa super illud: Mille anni, &c. ait: In agnitione diuinæ veritatis præterita, & præsentia, & futura æqualiter præsentia sunt.

ITEM per Aug. super Ioannem: In veritate quæ manet præteritum, & futurum non inuenio: sed solum præsens, & hoc incorruptum.

ITEM quanto res est præsentior, tanto cognitio est nobilior, quia hoc facit ad nobilitatem cognitionis: sed Deus omnia cognoscit nobilissime: ergo omnia quæ cognoscit, præsentissime cognoscit.

ITEM si non cognoscit omnia præsentem, ergo non cognoscit omnia simul: quod si simul, tunc ergo in eodem, nunc, cognoscit omnia, & ita præsentem. Si autem non cognoscit simul: ergo vnum post aliud: sed in omni tali cognitione est transmutatio: ergo in cognitione Dei caderet transmutatio, quod est omnino falsum, & impossibile.

1. **CONTRA:** Præscientia non est nisi futuri, & ut futurum est: ergo si Deus cognoscit omnia præsentem, ergo nihil omnino præscit: sed præscit, ergo, &c. Si tu dicas, quod improprie dicitur præscire. Contra: In præscientia non sunt nisi duo, scilicet scientia, & antecessio respectu cogniti: sed constat quod in Deo proprie est scientia: constans enim etiam est, quod in ipso proprie est antecessio, quia proprie antecedit Deus omnia alia: ergo responsio illa nulla est.

2. **ITEM** omne præsens secundum statum suæ præsentialitatis est necessarium: ergo si Deus omnia cognoscit præsentem, & semper præsentem: ergo omnia cognoscit necessario: sicut ergo quod præsens est non potest non esse, ita si Deus aliquid præscit, necesse est præscuisse, & si præsciuit, erit: ergo necesse est esse.

3. **ITEM** hoc ostenditur per impossibile, quia si omnia cognosceret præsentem: ergo plura simul, ergo simul se conuertit ad multa: sed simplex ad quod se conuertit, totaliter se conuertit ergo cum vnum intelligit, non potest in alterum,

4. **ITEM** si cognoscit omnia præsentem: ergo simul scit duo contradictorie opposita: sed quidquid scitur est verum: ergo duo contradictorie opposita sunt simul vera.

CONCLUSIO.

Deus cognoscit omnia præsentem cum omnium ideas habeat, non tamen sic quod cognoscat omnia esse vera præsentem.

RESP. AD ARG. Dicendum quod cognoscere omnia præsentem dupliciter potest intelligi. Aut quod notetur præsentialitas à parte cognitorum, & sic est falsa, quia non cognoscit omnia esse vera præsentem, & simul. Aut ita quod notetur præsentialitas à parte cognoscentis, & sic habet veritatem. Et ratio huius est, quia Deus omnium ideas habet præsentem, & simul, per quas cognoscit res futuras ita certitudinaliter, sicut si essent præsentem. Et iterum, super omnes illas simul, & præsentem se conuertit, & ita simul, & præsentem cognoscit. Et iterum, præsens suæ cognitionis est præsens simplicissimum quod circumplectitur omnia tem-

pora. Ex his tribus rationibus simul iunctis dicitur Deus A omnia præsenter cognoscere. Et rationes istæ ortum habent ex hoc quod præsentialitas diuinæ cognitionis, quæ quidem æternitas est, & simplex, & infinita. Quia simplex est, ideo semper præsens. Quia infinita, ideo sunt ei omnia præsencia. Et exemplum huius ponitur in præsentialitate Dei quantum ad rem existentiam secundum quam Deus totus est in vna: & ita est in vna, ut nihilominus sit & in alia, & hoc est, quia simplex est, & infinitus: ideo Deus iudicat aliquid esse futurum, sed non futurum sibi: & omnia præsenter cognoscit, & tamen nihilominus præsicit.

1. 2. Et per hoc patet primum & secundum, quia procedunt secundum quod præsentialitas est dispositio rei cognitæ in sua natura, non in cognitione diuina.

3. PATET etiam tertium, quia hoc est simplex, & infinitum, & in vno multa cognoscit: ideo simul supra multa se conuertit.

4. QVOD obiicitur de oppositis, similiter patet, quia quamvis cognoscat opposita simul ex parte sua tamen scit vnum alteri esse impossibile, & vnum scit alteri posse succedere.

DISTINCT. XL.

Quid sit Prædestinatio, & quid Reprobatio.

PRÆDESTINATIO vero de bonis salutaribus est, & de hominibus saluandis: Vt enim ait Augustinus in libro de prædestinatione Sanctorum, prædestinatio est gratia preparatio quæ sine præscientia esse non potest. Potest autem sine prædestinatione esse præscientia. Prædestinatione quippe Deus ea præsciuit, quæ fuerat ipse factururus: sed præsciuit Deus etiam quæ non esset ipse factururus, id est, omnia mala. Prædestinauit eos, quos elegit, reliquos vero reprobauit, id est, ad mortem æternam præsciuit peccaturos.

An aliquis prædestinatorum possit damnari, vel reprobatorum saluari.

Prædestinatorum nullus videtur posse damnari, nec reprobatorum aliquis posse saluari. Vnde Augustinus in libro de correctione, & gratia. In Apocalypsi, inquit, dicitur: Tene quod habes, ne alius accipiat coronam tuam. Si alius non est accepturus, nisi iste perdidit, certus est electorum numerus, id est, non potest augeri, vel minui. Ad hoc autem obiiciunt quidam, niten- tes probare numerum electorum posse augeri, & minui, sic: Posset Deus non apponere gratiam quibus apponit, & posset subtrahere quibus non subtrahit: Quod si faceret, utique damnarentur: Posset ergo damnari isti, qui tamen saluabuntur. Posset itaque minui electorum numerus: Ita etiam posset augeri, quia posset apponi gratia quibus non apponitur, per quam saluarentur. Posset ergo saluari habita gratia, qui tamen sine ea damnabuntur. Posset itaque augeri numerus electorum. Quibus respondemus ex ea ratione dictum esse, & verum esse, numerum electorum non posse augeri, vel minui, quia non potest utrumque simul esse, scilicet, ut aliquis saluetur, & non sit prædestinatus, vel ut aliquis prædestinatus sit, & damnetur. Intelligentia enim conditionis implicitè veritatem facit in dicto, & impossibilitatem in vero. Si vero simpliciter intelligatur, impossibilitas non admittitur: ut cum dicitur: Prædestinatus potest, vel non potest damnari, & reprobatus potest saluari. In

his enim, & huiusmodi locutionibus, ex ratione dicti diiudicanda est sententia dictionis. Alia namque sit intelligentia, si per coniunctionem hac accipiantur dicta, atque si per disjunctionem, ut supra cum de præscientia agebatur, prætaxatum est. Si enim cum dicis: Prædestinatus non potest damnari, intelligas ita, id est, non potest esse, ut prædestinatus sit, & damnetur, verum dicis, quia coniunctim intelligis: falsum autem si disiunctim, ut si intelligas istam non posse damnari quem dico prædestinatum. Potuit enim non esse prædestinatus, & ita damnetur.

Quo modo adhuc instant quæstioni.

Veruntamen adhuc instant, & secundum coniunctionem argumentando ita procedunt: Non enim inquirunt, potest esse, ut aliquis prædestinatus sit, & damnetur. Vtrumque istorum simul esse non potest: sed alterum horum non potest non esse, scilicet quin iste sit prædestinatus, ab æterno enim prædestinatus est, & non potest modo non esse prædestinatus. Cum ergo impossibile sit simul utrumque esse, & impossibile sit alterum non esse, videtur non posse alterum esse, scilicet ut damnetur. Quod si est, ergo non potest esse, ut non saluetur. In huius quæstionis solutione, malle alios audire, quam docere: Dicimus tamen de præscientia similem posse moueri quæstionem. Ideoque tam hic, quam ibi, vnam facimus responsionem dicentes, determinandum fore illud cui inuitur tota hæc quæstio, scilicet impossibile est alterum istorum non esse, scilicet quin iste modo sit prædestinatus: Ab æterno enim iste prædestinatus est. Distinguendum enim est cum ait: Iste non potest modo non esse prædestinatus, vel non potest modo esse quin sit prædestinatus: Hoc enim coniunctim, vel disiunctim intelligi potest. Non enim potest esse ut ab æterno sit prædestinatus, & modo non sit prædestinatus: nec potest esse simul ut sit prædestinatus, & non sit prædestinatus: sed tamen potuit esse ab æterno quod non esset prædestinatus, & potuit ab æterno non esse prædestinatus. Et sicut ab æterno Deus potuit eum non prædestinare, ita conceditur a quibusdam quod & modo potest Deus eum non prædestinasse. Ab æterno ergo potest Deus non prædestinasse eum: ergo potest iste non fuisse prædestinatus. Si vero non fuisset prædestinatus, nec modo esset prædestinatus: Ergo modo potest non esse prædestinatus. Ita & de præscientia & de præscitis dicunt. Quod in actionibus vel in operationibus Dei & hominum nullatenus concedunt. Ex quo enim aliquid factum est vel dictum, non concedunt quod possit non esse vel non fuisse, imo impossibile est non esse vel non fuisse, quod factum est vel dictum, referentes possibilitatem vel impossibilitatem ad naturam rei existentis. Cum vero de præscientia vel prædestinatione Dei agitur, possibilitas vel impossibilitas ad potentiam Dei refertur, quæ semper eadem fuit & est: quia prædestinatio, præscientia, potentia, vnum in Deo est.

Quid sit reprobatio Dei, & in quibus consideretur, & quis sit prædestinationis effectus.

Cumq; prædestinatio sit gratia preparatio, id est, diuina electio quæ elegit quos voluit ante mundi constitutionem, ut ait Apostolus. Reprobatio e converso intelligenda est præscientia iniquitatis quorundam, & preparatio damnationis eorumdem. Sicut enim prædestinationis effe-

Diff. 38. cap. ult.

Eph. 1. a.

Etus

Etus illa gratia est, quia in presenti iustificamur, atque ad recte vivendum, & in bono perseverandum adiuvamur, & illa qua in futuro beatificamur: ita reprobatio Dei, qua ab aeterno eligendo quosdam reprobavit, secundum duo consideratur: quorum alterum prascit, & non praparat, id est, iniquitatem: alterum prascit & praparat, scilicet aeternam pœnam. Vnde August. ad Prosperum & Hilarium, Hac, inquit, regula inconcusse tenenda est, peccatores in peccatis prascitos esse non praparat, pœnam autem esse praparatam. Prapara-uit enim Deus, ut ait August. in libro de bono perseve- rantia, in prascientia sua, quibus voluit bona sua: & quibusque donat, proculdubio se donaturum esse prasciuit. Praparauit etiam Deus, ut ait Fulgentius, malis ignem aeternum: illis utiq, quos iuste prapara-uit ad luenda supplicia: nec tamen praparauit ad faciēda peccata. Praparauit enim Deus quod divina aequitas redderet, non quod humana iniquitas admitteret. Non enim, sicut praparauit sanctos ad iustitiam percipien- dam, sic praparauit iniquos ad iustitiam amittendā: quia pravitatis prapparator nunquam fuit. Sicut ergo prapdestinatio Dei proprie est prascientia, & prapara- tio beneficiorum Dei, quibus certissime liberantur qui- cunque liberantur, ita reprobatio Dei est prascientia malitia in quibusdam non definienda, & prapparatio pœna non terminanda. Et sicut prapdestinationis effe- ctus est gratia appositio, ita reprobationis aeterna quo- dam modo effectus esse videtur obduratio. Nec obdu- rat Deus, ut ait Augustinus ad Sixtum, impartiendo malitiam, sed non impartiendo gratiam, sicut nec di- gni sunt. Quibus enim non impartitur, nec digni sunt, nec merentur, potius ut non impartiat, hoc digni sunt, hoc merentur. Vnde Apostolus ait: Cuius vult mi- seretur Deus, & quem vult indurat: misericordiam appellans prapdestinationem, & prapcipue prapdestina- tionis effectum, id est, gratia appositionē: obdurationē vero gratia priuationē. Non enim, ut ait Aug. ad Sim- plicianū, intelligendū est quod Deus ita induret, quasi quenkam peccare cogat: sed tamen quibusdā pecca- toribus misericordiam iustificationis suae non largitur, & ob hoc eos indurare dicitur, quia non eorū misere- tur, non quia impellit ut peccent. Eorum autē non mi- seretur, quibus gratiam non prabendam esse aequitate occultissima, & ab humanis sensibus remotissima iu- dicat, quam non aperit, sed miratur Apostolus dicens: O altitudo diuitiarum sapientia & scientia Dei.

DISTINCT. XL.

De Scientia Dei quantum ad speciales effectus, scilicet de Prapdestinatione & Reprobatione.

Prapdestinatio vero est de bonis salutaribus, &c.

Expositio Textus.

Ec est tertia pars in qua agit Magister de diui- na scientia contracta ad speciales effectus. Et diuiditur hæc pars in duas partes. In prima agit de prapdestinatione & reprobatione quantum ad causa- litatem actiuam. In secunda inquit, vtrum habeant causalitatem passiuam, vtrum videlicet sint ex meritis nostris, infra dist. proxima: Si autem querimus meritum obdurationis, &c. Prima pars habet duas. In prima agit de prapdestinatione. In secunda de reprobatione, ibi: Cū- que prapdestinatio sit prapparatio gratia, &c. Prima iterū pars diuiditur in duas. In prima agit de prapdestinationis quidditate. In secunda inquit de eius necessitate, ibi: Prapdestinatorum autem nullus videtur posse, &c. In qua

parte, primo mouet dubitationem, & opponit, & deinde soluit. Deinde opponit contra responsionem, & vltimo soluit: partes manifeste apparent in litera. Similiter se- cunda pars dist. in qua agit Magister de reprobatione habet duas. In prima ostendit quid sit, & quid connotet in quantum prapcognitio. In secunda vero, cuius est cau- sa, siue quis sit eius effectus, & hoc, ibi: Et sicut prapde- stinationis effectus est gratia appositio.

Prapdestinatio vero est de bonis salutaribus. Dub. I.

Queritur ergo quid intelligatur per bona salutaria. Si tu dicas quod gratia, & gloria: ergo sicut homo dicitur prapdestinatus, ita gratia debet dici prapdestinata.

RESP. Dicendum quod prapdestinatio est prapordina- tio. In prapordinatione autem tria concurrunt, quid ordi- netur, & per quid, & ad quid. Primum est homo, secū- dum est gratia, tertium gloria, quoniam ille solus dicen- dus est prapdestinatus, qui prapdestinatione ordinatur: ideo patet quod gratia & gloria non debet dici prapde- stinata: sed homo solum qui prapdestinatur ad salutem.

Et de hominibus saluandis. Dub. I I.

Videtur insufficienter dicere. Quia cum prapdestina- tio sit prapparatio gratia, & gloria: ergo non tantum est hominum, sed etiam Angelorum.

RESP. Dicendum quod prapdestinatio vno modo dicit prapparationem boni, & sic conuenit hominibus, & An- gelis, & etiam Christo. Alio modo dicit prapparationem boni, & liberationem a malo, & sic dicitur prapdestina- tio propositum miserendi, & sic proprie est hominum, & sic accipit Magister hic.

Prapdestinatio est gratia prapparatio, qua sine prascientia esse non potest. Dub. I I I.

Videtur male dicere, quia prascientia est malorum. Vnde prasciti dicuntur mali: sed prapdestinatio bonorū: ergo potest esse prapdestinatio sine prascientia, sicut e- conuerso. Si dicas mihi quod prapdestinatio est speciale, sed prascientia est commune & speciale, tunc quæro, quare magis prascientia approprietur reprobationi quā prapdestinationi. Ad hoc est vnus modus respondendi, quod quia prapdestinatio addit, ideo habuit nomen pro- prium, reprobatio vero non: ideo retinuit nomen com- mune. Sed quo modo habet illud veritatem, cum repro- batio sit prascientia pœna, cuius Deus est causa?

Et propterea est dicendum quod non tantum addit, quod ita distrahat. Nā prapdestinatio dat intelligere be- neplacitum, quod trahit ipsam in genus scientia practi- cae simpliciter, eo quod beneplacitum est simpliciter, & absolute respectu totius connotati: sed non sic est de re- probatione, quia voluntas non est respectu mali culpe, sed respectu pœnae. Est & consequens, non antecedens, & quasi tracta, & propter hoc quod minus distrahit a ratione scientia, retinuit sibi nomen prascientia.

Quibus respondemus ex earatione dictum esse, &c. Dub. I V.

Videtur quod non soluat propter suam distinctionem Ead quætionem de augmento, quoniam demonstrato aliquo damnando, verum est dicere, istum posse saluari: ergo potest esse prapdestinatus: ergo plures possunt esse prapdestinati quam sunt: ergo potest numerus prapdestinatorum augeri.

RESP. Dicendū quod Magister in hac prima respon- sione principaliter respondet ad quætionem primā, vtrū prapdestinatus sit possibile dānari, & bene scilicet per cō- positionē, & diuisionem. & per istam solutionē patet ali- quo modo responsio ad illud de augmento, sed non plene: ideo annectit solutionem sequentem quæ est explica- tio huius in qua dicitur, quod aliquis non potest incipe- re esse prapdestinatus, quāvis possit esse prapdestinatus,

quia

quia hoc est dicere quod ab æterno potuit. Et quoniam augmentum dicit maiorem numerum quam prius cum præsuppositione priori, & noua additione: ideo patet quod ex sui ratione distinctionem & successionem dicit in partibus. Vnde si aliquis statim cum est, esset ita magnus quantus futurus est, non diceretur augeri, sed tamen potuisset esse maior ita in proposito intelligendum. Vel aliter solui potest per compositionem, & diuisionem sicut Magister soluit: possunt enim plures esse quam sint: ergo potest numerus augeri.

Intelligentiam enim conditionis implicite veritatem facit in dicto, & impossibilitatem in uerbo. Dub. V.

Quæritur quo modo sit intelligibile. Si enim idem non est causa oppositorum, & conditio implicita facit veritatem, quo modo facit impossibilitatem?

RESP. Dicendum quod Magister vult dicere quod illud est falsum, demonstrato aliquo istum damnari, vel saluari est impossibile: sed si addatur & implicetur conditio prædestinationis, facit veritatem in dicto, & impossibilitatem in uerbo, id est facit illud dictum cum modo impossibilitatis esse verum, utpote si dicatur, istum damnari & esse prædestinatum simul, est impossibile: siue istum saluari & non esse prædestinatum, est impossibile. Vel aliter potest dici quod dictum falsum alicuius conditionis implicite verum sit: ut demonstrato reprobato, istum saluari, est falsum: adde conditionem prædestinationis, & fiet verum istum saluari, si est prædestinatus, est verum. Item: Eodem demonstrato, istum damnari est verum, adde conditionem prædestinationis, & fiet impossibile, istum damnari, si est prædestinatus, est impossibile, & hoc coniunctim intelligendo.

Ex quo enim aliquid falsum est vel dictum, non concedunt quod illud possit non esse, &c. Dub. VI.

Videtur falsum: quia Christus dixit, Petrum peccaturum: ergo postquam dixit, fuit necessarium dixisse, & necessario sequitur, si Christus dixit, hoc erit: quia da oppositum, & tunc sequitur Christum esse mentitum, quod est impossibile: ergo videtur, cum antecedens sit necessarium, quod necessarium fuit, Petrum negare.

RESP. Dicendum quod in dictione Christi duo sunt, sc. verbi prolatio, & assertio. Et verbi prolatio simpliciter est præterita, & necessaria, & ex illa non sequitur consequens. Non enim sequitur: Christus hoc dixit, ergo hoc erit: Protulit enim hoc verbum: Ero similis vobis mendax. Est iterum assertio, & illa sequitur illustrationem diuinæ præscientiæ. Sicut ergo diuina præscientia est certa, & infallibilis cui non potest subesse falsum, & tamē aspiciat futurum, & connotat circa ipsum veritatem: ideo non est necessarium Deum præcisse quod præcuiuit, quamvis sit certum & infallibile. ita intelligendum de Christi assertionem quod certitudinem habet & infallibilitatem à diuina præscientia: sed tamen non est necessarium Christum hoc asseruisse, & ideo si ponatur hoc non contingere, ponitur & Christum non asseruisse. Et sic patet illud & consimilia. In assertionem enim Christi duo sunt, sc. actus mentis, & relatio ad futurum contingens, siue ordinatio. Et quamvis vnum sit necessarium, reliquum tamen est contingens.

Sicut enim prædestinationis effectus illa gratia est, qua in presenti iustificamur, &c. Dub. VII.

Ex hoc ostenditur quod prædestinatio sit causa gratiæ. Quæritur ergo in quo genere causæ. Cum enim sit scientia, videtur dicere causam exemplarem. Et iterum, hoc non videtur sufficere, quia exemplar non necessario infert exemplatum, sed præscientia ponit. Et iterum sic: est causa, aut vniuersalis, aut particularis. Non vniuersalis, quia tunc indigeret particulari alia adiu-

uante. Non particularis, quia tunc determinata esset ad vnum effectum tantum. Et iterum, aut necessaria, aut contingens. Non necessaria, quoniam per voluntatem operatur. Non contingens, quia hæc est fallibilis & incerta.

RESP. Dicendum quod prædestinatio est causa gratiæ sicut dicit, & tota causa: sed non causa salutis ut excludatur cooperans & disponens. Adiutores enim sumus, & nullus saluatur inuitus. Quod ergo quæritur, in quo genere causæ, sit dicendum quod prædestinatio claudit in se scientiam & beneplacitum voluntatis, & dispositionem voluntatis per quam placuit Deo nos saluare, quæ est summa bonitas. Ratione primi, dicit causam in genere formæ, ratione secundi in genere efficientis, ratione tertij in genere finis. Quod quæritur, utrum necessaria, vel contingens, vniuersalis, vel particularis, dicendum quod de omnibus istis modis causandi habet quod est perfectionis, non quod est imperfectionis. Nam de proprietate vniuersalis habet extensionem ad multa: de proprietate particularis, sufficientiam ad singula: de proprietate causæ necessariæ, immutabilitatem: de proprietate contingentis, habet arbitrij libertatem, quia potest facere, & potest non facere. Conditiones autem imperfectionis non habet, quia nec habet insufficientiam, sicut causa vniuersalis: nec limitationem, sicut causa particularis: nec inuitabilitatem, sicut causa necessaria: nec vertibilitatem, sicut causa contingens.

Prædestinationis effectus est gratia appositio. Dub. VIII.

Videtur male dicere, quia causa & effectus sunt correlatiua: cum ergo relatiua simul sint natura, quandoque est prædestinatio, est gratiæ appositio: ergo nullus est prædestinatus, nisi qui habet gratiam. Sed contra hoc est, quia prædestinatio est non entium, sicut dicit Augustinus in lib. de fide ad Petrum.

RESP. Dicendum, quod prædestinatio non semper est in actu causæ, sed in habitu: & ideo non oportet quod respondeat effectus in actu, sed in habitu. Vnde ex hoc patet quod quæri consuevit, utrum prædestinatio aliquid ponat in prædestinato, dicendum quod non necessario ponit aliquid de presenti, siue mali, actu, quoniam multi sunt prædestinati, qui non sunt mali: & multi qui mali sunt: sed ponit aliquid secundum habitum, siue de futuro, ratione cuius homo potest gaudere, scilicet, quia nomen eius scriptum est in cælo, & cum illud positum erit, erit magnum, & illud erit ratio persistendi in bono, & perueniendi ad magnum, & summum bonum, & ideo hoc bonum habituale præponendum est gratiæ, quæ est secundum præsentem iustitiam.

ARTICVLVS I.

AD intelligentiam præsentis dist. tria principaliter quæritur. Primo quæritur de prædestinatione. Secundo de electione. Tertio de reprobatione. Primus articulus duo habet: Primo enim quæritur de prædestinatione quantum ad entitatem. Secundo quantum ad necessitatem. De entitate autem duo quærentur. Primo quæritur utrum prædestinatio sit quid æternum, aut temporale. Secundo quid sit prædestinatio secundum rem.

QUESTIO I.

An prædestinatio sit quid æternum vel temporale.

Alexander Alanus 1. p. q. 28. Membro 1.
Richardus 1. Sent. dist. 40. q. 2.
Franciscus de Mayr. 2. Sent. dist. 40. q. 1.
Stephanus Brulef. 1. Sent. dist. 40. q. 1.
Petrus de Tarantasia. 1. Sent. dist. 40. q. 5.

Quod prædestinatio sit quid æternum, videtur. Quod est ante mundi constitutionem est quid æternum

*Eliditur
ex c. 34. m. 3.*

Fundamēta.

ternum, prædestinatio est huiusmodi, quia prædestinatio est electio: Elegit nos ante mundi constitutionem: ergo, &c.

ITEM prædestinatio est præscientia beneficiorum: sed quidquid Deus præscit, æternaliter præscit: ergo cum omnis præscientia sit æterna, & omnis prædestinatio est scientia, omnis prædestinatio est æterna.

ITEM prædestinatio est propositum miserendi: sed propositum est quid proponentis præcedens res quæ proponuntur: ergo cum sit propositum Dei, & Deus æternaliter proponit, patet, &c.

ITEM de ratione sui nominis prædestinatio dicit præcessionem, siue antecessorem, sed non nisi prædestinantis ad prædestinatum: sed prædestinans est æternum: ergo dicit ordinem, & antecessorem æterni ad temporale: sed antecessio illa est æterna, ergo, &c.

* 1. CONTRA: Prædestinatio importat relationem ad prædestinatum: sed omnis relatio ponit respectum verum, vel in utroque extremorum, vel saltem in altero: sed prædestinatio non potest verum respectum ponere in prædestinante: ergo ponit respectum verum in prædestinato: sed verus respectus non fundatur nisi supra quid creatum, & temporale.

2. ITEM prædestinatio importat actionem, & omni actioni respondet passio: cum ergo actio, & passio non sint in eodem, quia non est idem prædestinans & prædestinatus, necesse est quod sit in alio: sed aliud non est nisi quid temporale & creatum: ergo prædestinatio importat quid temporale, & creatum: ergo non est æterna.

3. ITEM prædestinatio importat ordinem prædestinantis ad prædestinatum, aut ergo secundum esse quod habet in Deo, aut secundum esse quod habet in proprio genere. Non secundum esse quod habet in Deo, quia sic est Deus, & non sequitur Deum: ergo secundum esse quod habet in proprio genere: sed esse quod habet in proprio genere est quid temporale, & creatum: ergo & prædestinatio similiter: & sic, &c.

4. ITEM omnis actus diuinus qui non reflectitur supra essentiam, vel personam, transit extra: & omnis actus transiens extra ex tempore dicitur de Deo: cum ergo prædestinatio non transeat in personam, vel essentiam, sed extra: ergo est temporalis.

5. ITEM prædestinatio est præparatio: sed nihil dicitur præparari antequam incipiat aliquid fieri secundum principia intrinseca: artifex enim non dicitur præparare domum ante ligna, & lapides sola cogitatione: ergo necesse est quod ponatur in re.

CONCLUSIO.

Prædestinatio cum importet ex principali significato diuinam essentiam, & ex connotato gratiam & gloriam, creaturamque saluandam cum antecessione unius ad alterum, talis vero antecessio sit æterna, ipsa quoque dicitur quid æternum.

RESP. AD ARG. Dicendum quod in prædestinatione non sunt nisi duo, scilicet connotatum & principale significatum. Significatum principale est diuina essentia: connotatum vero est creatura, ut gratia, & gloria, & persona saluanda: & hæc duo importat prædestinatio cum ordine antecessoris unius ad alterum ratione præpositionis. Quoniam ergo significatum principale est æternum, ita prædestinatio est quid æternum. Rursus, quoniam importat antecessorem significati ad connotatum, & illa antecessio est ab æterno: ergo prædestinatio est quid æternum, & ab æterno. Et cōcedenda sunt rationes ad hoc.

1. AD illud quod obiicitur de relatione, dicendum quod res, siue relatio potest significari in Deo dupliciter, vel respectu existentis in actu, vel respectu existentis in potentia, futuri aliquando in actu: & quando est respectu existentis in actu, tunc necesse est quod respondeat verus respectus: quando vero respectu existentis in potentia, sufficit quod respondeat in potentia, & talis fundatur supra ens in potentia: & ideo actu nihil ponit nisi Deum.

2. AD illud quod obiicitur de actione, dicendum, quod est actio secundum rem, & est actio secundum modum. Actioni secundum rem quæ est principium efficiens aliquid, respondet passio differens secundum rem, ut creationi creatio, actioni passio. Actioni vero secundum modum non respondet nisi passio secundum modum differens, ut cognitioni actione ipsius Dei respondet ipsum cognosci, & hoc quidem realiter non est aliud secundum modum: quoniam ergo prædestinatio non importat nisi præcognitionem, siue actiue, siue passiue: ideo est quid æternum, & non est aliud quam Deus.

3. AD illud quod obiicitur de ordine, dicendum, quod est ordo secundum nobilitatem, & secundum durationem, & ordo secundum nobilitatem ponit extrema simul: ordo vero secundum durationem eo ipso quod ordo est, ponit extrema non esse simul, & secundum rationem antecedendi ordo simul est cum antecedente, siue cum præcedente, similiter secundum rationem subsequendi simul est cum subsequente. Quoniam ergo prædestinatio importat ordinem secundum rationem præcedendi, ideo æterna est, quamvis sit respectu temporalis: quoniam non est simul cum illo, sed antecedit.

4. AD illud quod obiicitur quod prædestinatio transit extra, dicendum quod transire extra est dupliciter, aut in aliquid quod est extra, aut in aliquid quod est intra, sed erit extra. Primo modo connotat aliud in actu, & dicit quid temporale, ut creare, & conseruare, secundo modo non ut prædestinare.

5. AD illud quod obiicitur de præparatione, quod anteceditur secundum principia intrinseca, non secundum causam efficientem, dicendum quod quædam est causa efficiens, quæ operatur secundum materiam præiacentem: ista quidem quia alio indiget non dicitur præparare, quando solum vult, & disponit intus: sed quando materiam aptat exterius. Quædam est causa efficiens, quæ nullo indiget ad operandum: sed statim cum vult operatur, & in tali præparatione non est aliud quam disporre, & proponere, & talis est Deus, quia nullo alio indiget à se ad operandum.

QVÆSTIO II.

An prædestinatio sit Dei scientia, vel voluntas.

Alexand. Alex. 1. p. q. 28. Membr. 1. art. 3.

Steph. Bruley. 1. Sent. dist. 40. q. 2.

Petrus de Tarant. 1. Sent. dist. 40. q. 2.

Franciscus de Mayr. 1. Sent. dist. 40. q. 3.

Quid sit prædestinatio: utrum scilicet Dei scientia: vel voluntas. Et supposito quod dicat aliquid quod sit in utroque genere, est enim, sicut dicit Augustinus, præscientia beneficiorum & propositum miserendi, quæritur quod istorum importet principaliter, & per modum complementi. Quod importet scientiam, videtur, quia compositum trahit significatum à componentibus: sed destinatio cum dicatur & missio, & ordinatio in ratione prædestinationis accipitur ut ordinatio. Nam, sicut dicit Augustinus, prædestinare idem est quod præordinare: sed artifex licet volens, & sciens præordinet, non tamen ordinat in quantum volens, sed in quantum sciens: ergo, &c.

2. ITEM scientia non diuiditur secundum rationem accipiendi in virtutes, vel in ea quæ sunt voluntatis: sed in ea quæ sunt cognitionis. Sed nos diuidimus diuinam scientiam in prædestinationem, & reprobationem: ergo prædestinatio, secundum quod huiusmodi, ad scientiam spectat.

CONTRA: Prædestinatio est causa gratiæ, & gloriæ: sed gratia, & gloria immediate sunt à voluntate: ergo prædestinatio de se dicit quid in genere voluntatis. Si dicas quod ex vi nominis non importat illam causalitatem. CONTRA: Est quod Deus præsciret aliquem habiturum gratiam, & gloriam aliunde quam ab ipso, non diceretur prædestinare: ergo de se dicit causalitatem.

ITEM

ITEM prædestinatio importat scientiam, & voluntatem: sed quoties hæc duo in aliquo importantur, voluntas se habet per modum consequentis, & addentis ad scientiam: sed quod consequitur & addit, se habet per modum differentie, & complementi, & à tali est res denominanda: videtur ergo quod completius importet voluntatem, & ita quod male situer Magister.

CONCLUSIO.

Prædestinatio importat essentiam diuinam, ut causam gratiæ & gloriæ, & hoc ordinate, ideo importat voluntatem, & potentiam diuinam: & cum talis causalitas tribuatur voluntati, ut efficienti, principalius est in genere voluntatis.

RESP. ad Arg. Dicendum quod cum prædestinatio significet diuinam essentiam ut causam gratiæ, & gloriæ, & hoc secundum ordinatam distributionem gratiæ, & gloriæ, quantum est de se non tantum importat scientiam, sed etiam voluntatem, & potentiam: sed quoniam causalitas gratiæ, & gloriæ attribuitur proprie voluntati ut efficienti, sed scientiæ ut disponenti, & potentie ut exequenti. Ideo etsi prædestinatio importat illa tria, tamen principalius est in genere voluntatis. Et ideo ab Augustino diffinitur prædestinatio per illa tria. Primo per illud quod respicit potentiam, in lib. de fide ad Petrum: Prædestinatio est gratuita donationis præparatio. Secundo per illud quod respicit scientiam, in lib. de bono perseverantiæ: Prædestinatio est præscientia beneficiorum Dei. Tercio per illud quod respicit voluntatem, & propriissime, in lib. de prædestinatione sanctorum: Prædestinatio, inquit ibi, est propositum miserendi.

1. **AD** illud ergo quod obiicitur quod dicit ordinem, dicendum quod est ordo simplex. Vnus, dispositio rerum in vniuerso, & hic appropriatur scientiæ. Alius, directio in finem, & hic appropriatur bonitati, siue voluntati, & hoc modo est de ratione prædestinationis.

2. **AD** illud quod obiicitur, quod est pars præscientiæ, dicendum quod quemadmodum fides & prudentia sunt in genere cognitionis, tamen addunt supra cognitionem aliquid quod distrahit in genus virtutis, quod respicit voluntatem, per hunc modum & in proposito est intelligendum: & quoniam scientia non tantum accipitur pro simplici notitia, sed etiam ut frequenter, pro practica, & hoc modo complectitur scientiam cum voluntate, & Magister sic accipit generaliter: ideo enumerat prædestinationem inter ea quæ sunt scientiæ. Voluntatem tamen aliquid dicere, quod principalius est in genere scientiæ, eo quod in ratione prædestinationis cadit scientia in recto: sed voluntas in obliquo. Est enim prædestinatio scientia beneplaciti. Vterque modus dicendi satis est probabilis: sed primus magis.

ARTICVLVS II.

SECUNDO quantum ad hunc primum articulum quaeritur de necessitate prædestinationis. Et circa hoc quaeruntur duo. Primo, utrum inferat necessitatem salutis lib. arb. Secundo, utrum inferat certitudinem in euentu.

QUESTIO I.

An prædestinatio inferat salutis necessitatem.

*Alexander Alensis 1. p. q. 25. Membro 1. art. 2.
S. Thom. 1. p. q. 23. art. 6.
Et 1. Sent. dist. 40. q. 3. art. unico.
Et de Ver. q. 6. art. 3. & 5.
Egid. Rom. 1. Sent. dist. 40. art. 2. q. 2.
Richard. 1. Sent. dist. 40. art. 2. q. 2.*

*Sepp. Boules. 1. Sent. dist. 40. q. 3.
Petrus de Tarentas. 1. Sent. dist. 40. q. 6.*

Quod inferat necessitatem, ostenditur sic: Omnis causa quæ necessaria est in se, & necessario ponit effectum, infert simpliciter necessitatem effectui: sed prædestinatio respectu salutis est huiusmodi: ergo, &c. Minor patet. Prædestinatio enim, cum sit Deus in se, dicit quid necessarium: & iterum necessario infert effectum, quia necessario sequitur: si est prædestinatus, saluabitur: ergo, &c.

1. **ITEM** omnis causa quæ nullo modo potest cassari, necessitatem ponit circa productionem effectus, nam causa dicitur cassari cum nullum ponit effectum: sed prædestinatio nullo modo potest cassari: ergo prædestinatio ponit necessitatem.

3. **ITEM** quotiescunque duæ causæ concurrunt ad aliquem effectum, quas impossibile est discordare, si vna est immutabilis, necesse est alteram esse immutabilem, & effectum per consequens, hæc manifesta est per se, nam si altera est mutabilis, reliqua existente immutabili, possibile est eas discordare: sed impossibile est quod prædestinatio, & lib. arb. discordent: ergo cum prædestinatio sit causa immutabilis, necesse est quod lib. arb. sit immutabile: & similiter cum totum sit immutabile, restat ergo quod necessitatem imponat prædestinatio libero arbitrio & saluti.

4. **ITEM** videtur quod prædestinatus nullo modo possit dānari, etsi hoc, tunc necessario saluatur, & ostenditur hac ratione: Ista duo conuertuntur, esse præscitū & dānari, esse prædestinatum & saluari: sed prædestinatus non potest esse præscitus: ergo non potest dānari. Probatio mediæ. Quando aliqua duo sic se habent quod impossibile est vnum alteri succedere, nec possunt simul inesse, si alterū inest, impossibile est reliquum inesse: sed esse prædestinatum & esse præscitū sic se habent, quod impossibile est simul inesse eidem, impossibile etiam alterū alteri succedere, scilicet quod homo primo sit prædestinatus, & postea præscitus: ergo cum est prædestinatus, nullo modo potest esse præscitus: ergo, &c.

5. **ITEM** de omni quod æternū est, cum non est, impossibile est esse: quia impossibile est quod non ens sit æternum: sed præscitus si est, æternaliter est præscitus: ergo illum qui non est præscitus, impossibile est esse præscitū: sed prædestinatus non est præscitus ergo, &c.

6. **ITEM** de eo quod non est, idem est dicere, hoc posse esse, & posse incipere esse: sed præscitum est quid non ens respectu prædestinati: ergo idem est dicere prædestinatum posse esse præscitum, quod posse incipere præsciri, siue dānari: sed non potest incipere esse præscitus: ergo, &c.

CONTRA: Prædestinatio diuina nullum facit indigne saluari: ergo cum dignitas in saluando respiciat meritum, & meritum liberum arbitrium: ergo prædestinatio non tollit arbitrij libertatem secundum quod liberum arbitrium: ergo non imponit necessitatem.

ITEM prædestinatio nihil aufert libero arbitrio, sed tantum ponit in eo gratiam: sed gratia nullam infert libero arbitrio necessitatem: ergo nec prædestinatio: ergo cum salus pendeat ex libero arbitrio, patet, &c.

7. **ITEM** si prædestinatio imponit necessitatem: ergo in omni casu contingente necesse est, eum qui prædestinatus est, saluari: ergo frustra laborat aliquis benefacere: quia siue faciat bonum, siue malum, necesse est eum saluari.

ITEM nullus laudatur in eo, quod necessitatis est, neque vituperatur: si ergo necesse est, prædestinatum saluari, & præscitum dānari: neque prædestinatus laudandus est, si saluatur, neque præscitus vituperandus, si dānatur: quod est contra statum gloriæ, & poenæ.

Ad oppositum.

Fundamenta.

Aristot. 1. Ethic. c. 5. in fine.

CONCLUSIO.

Prædestinatio importat rationem præscientiæ, & rationem causæ non tamen totalis, quia ad effectum suum concurrat liberum arbitrium: ideo tamen ratione causæ libere causantis, & concausa libere cooperantis, saluti non imponit necessitatem.

RESP. Ad Arg. Dicendum quod prædestinatio non infert necessitatem salutis, nec infert necessitatē libero arbitrio. Quoniā prædestinatio non est causa salutis, nisi includendo merita, & ita saluando liberum arbitrium. Ad intelligentiam autem obiectorum notandum, quod prædestinatio duo importat, & rationem præscientiæ, & rationem causæ. In quantum dicit rationem causæ, non necessario ponit effectum, quia non est causa per necessitatem, sed per voluntatem: & iterum, non est tota causa, sed cum alia causa contingente scilicet cum libero arbitrio. Et regula est, quod quotiescunque effectus pendet ex causa necessaria & variabili, necessaria tanquam ab vniuersali, à variabili tanquam à particulari denominatur: à variabili, quia denominatio est à causa particulari: & effectus quia dependet à causa contingente est contingens. Et præter rationem causæ importat rationem præscientiæ, & præscientia quidem totum includit in cognitione lib. arb. & eius cooperationem, & veritabilitatem, & totum. Et præterea non est nisi veri, & etiam de vero contingente est infallibilis, sicut supra monstratum est in questione de præscientia: ideo prædestinatio infert salutē, & non potest cassari, nec discordare à libero arbitrio. Et quia præscientia nullā imponit necessitatē consequenti, sed solū consequentiæ, similiter nec prædestinatio.

1. 2. 3. Ex hoc patent prima obiecta de necessitate inferendi, impossibilitate cassandi, impossibilitate discordandi: hæc enim omnia dicunt necessitatem consequentiæ solum, quia insunt prædestinationi non per rationē causalitatis sed præcognitionis, quæ est concors, certa, & infallibilis. Concors, quia præscientia, siue præcognitio vera. Qui enim cognoscit vere, cognoscit rem præsentem esse sicut est, & futuram sic euenire sicut eueniet. Est enim veritas ad æquationem rei ad intellectū. Est iterum certa: quia independēs, quia nullo modo pendet ex præcognito: non enim secundum eius existentiam cognoscit, sed secundum exigentiam luminis, & claritatis æternæ, in qua nulla cadit dubietas, sed certitudo summa: & ideo de omnibus æqualiter certa est. Et iterum infallibilis: quoniam est totū posse præcisci circumplectens: & ideo in nullo potest falli, nec circumueniri. Et est exemplum Boët. in lib. de conso. quæ si aliquis aspiceret de loco eminenti circumiacentem regionem, vbi est multitudo viarum, quas omnes simul & vno aspectu videret: ambulans per locū, suū quāvis possit per diuersas vias ire, non tamen posset visum eius latere, pro eo quæ nullam viam posset ire, quam ille non videret. Si ergo intelligatur vnus esse visus qui posset omnes vias prævidere, & totum posse euntis, nullo modo quis eum prævidentem circumuenire posset. Et talis est aspectus diuinæ præscientiæ, quia ab æterno cognouit quæ cogitare poteramus, vel velle: & simul cum hoc vidit in quam partem nostra voluntas, & operatio inclinatur. Et quia totum posse, & velle, & agere complectitur: ideo non potest falli. Et quia prædestinatio claudit præscientiam, hinc est quod concordat cum libero arbitrio, & non potest discordare, & non potest cassari: & necessario infert salutem, sed non necessario efficit.

4. AD illud quod quaritur, vtrum prædestinatus possit damnari, dicendum, quod sic sine distinctione, quia quamvis hæc possit distinguī de re, vel dicto, prædestinatum damnari est possibile, sicut hæc, album possibile est esse nigrum: hæc tamen non est distinguenda secundū artem: prædestinatus potest damnari, sicut nec hæc, homo albus potest esse niger. Non enim potest esse de dicto, cum non sit dictum. Propter quod intelligendum, quod ista habet tres causas veritatis, prædestinatus potest damnari: sicut hæc, prædestinatus potest esse præsci-

A tus. Aut quia forma prædicari potest inesse subiecto cum forma implicata, vel sine forma implicata: quocumque enim modo prædicatum possit inesse, iudicanda est locutio simpliciter vera. Et dico quod in tertio sensu locutio est vera, prædestinatus potest esse præscitus: prædestinatus enim potest nō esse prædestinatus, & necesse est omnem hominē esse prædestinatum, vel præscitum, & ideo sequitur quod possit esse præscitus. Et hoc quidem necessarium est poni, nam fides dicit, & ratio, quæ sequitur: si est prædestinatus, saluabitur. Rursus fides dicit & ratio, quia istum saluari est contingens: & qui diceret contrariū & assereret, respuendus esse secundum omnium iudicium certum. Et iterum, ars dicit quod si consequens est contingens, impossibile est antecedens esse necessarium, & hoc supra probatum est per tres regulas, & qui diceret huius contrarium, totum, totam artem syllogisticam destrueret, cuius vis illationis est, vt oppositum consequentis non possit stare cum antecedente. Certum est autem quod oppositum cōtingentis non stat cum necessario: istum ergo esse prædestinatum non est necessarium, & est necessarium vel contingens, vel impossibile: & non est impossibile, vel necessarium: ergo est contingens: & contingens potest non esse: ergo iste qui est prædestinatus, potest non esse prædestinatus. Et hoc quidē credo quod necesse sit poni: hoc tamen difficile est intelligi. Potest tamen sic capi, si præsupponamus quatuor vera. Primū est quod præsens diuinæ æternitatis circumplectitur omne tempus idem, & vniforme, & hoc dicit Ansel. in lib. de concordia præscientiæ, & liber. arb. quod sicut præsens tempus circumplectitur omnem locum, & omne quod in loco est, ita præsens æternitatis omne tempus, & hoc necessarium est poni, quamvis non possimus hoc plene intelligere. Videmus enim eius oppositum esse falsum, & impossibile: quia si hoc non esset, tunc mutaretur præsens diuinæ æternitatis. Secundum est illud, quod Deus vno & eodē modo cognoscit omnia: ita quod est vnica Dei cognitio qua cognoscit hoc, & qua cognoscit eius oppositū, & hoc supra probatum est auctoritate, & ratione, non solum quantum ad illud per quod cognoscitur, sed etiam quantum ad actum diuinæ cognitionis. Tertium est, quod cum dicimus diuinam cognitionem, vel voluntatem ordinari ad hoc cognoscibile & ad aliud: non ponitur ordo, vel respectus in Deo actu, sed solum ex parte rei creatæ vel cognitæ: & ille quidem, sicut præuisum est, non ponitur in actu, sed in habitu: nec de præsentī, sed de futuro. Quartum est, quod futurum sub ratione futuri quod ponitur semel esse verum, ponitur semper fuisse verum, & quod ponitur semel esse falsum, ponitur fuisse semper falsum: & ideo cū ponitur posse esse, non ponitur nec mutari, nec incipere. His præsuppositis facile est intelligere quod prædestinatus potest esse præscitus, & quod Deus quæ præscinit, potuit prædestinare. Constans enim est quod salus istius qui præscitus est, potuit ab æterno prævideri, cum possit esse: siue fieri in tempore: & si potuit ab æterno ordinari ad diuinam cognitionem, & voluntatem, post & nunc. Et enim quia præsens totum est, & nihil transit in præteritum, & nihil factum est, quod sit necessarium esse factum, hinc est quod sicut potest cogitari vere potuisse, & non prædestinare ab æterno, ita etiam quod possit nūc in suo scilicet nūc æternitatis non prædestinare: & hoc dicit Magister in litera. Actus tamen æternus diuinæ cognitionis non potest cogitari non fuisse, vel ad hoc futurū contingens ordinatū non esse, & si hoc non ponitur, non ponitur aliqua mutatio in æterno præsentī: quia nulla ponitur successio, nec ponitur mutatio in cognitione, quia non ponitur in Deo alia cognitio: nec in ordine ex parte cognoscentis, quia non ponitur in Deo alius ordo: nec in ordine ex parte cogniti, quia ex parte illa nō ponitur nisi futurū: & illud cū non est, potest intelligi esse, & non esse futurū sine mutatione. Et hoc totum clarius aperitur, si veniamus ad significationem horum vocabulorum, *præscitus*, &

prædestinatus. Prædestinatus enim, & præscitus duo sunt vocabula, & quantum ad principale significatum important diuinam essentiam, quantum ad connotatum important futura contingentia. Quantum ergo ad principale significatum idem sunt, quantum vero ad connotatum, quia sunt contingentia quæ non de necessitate insunt, potest vnum esse alterum. Quia vero connotata non tantum sunt contingentia, sed etiam de futuro quæ nihil ponunt actu, possunt non inesse, & inesse sine mutatione. Cum enim ponantur inesse vera de futuro, ponuntur semper fuisse, & c. sicut patet, & Anselmus dicit: Si dicatur aliquid esse futurum de contingenti, constat quod possibile est non esse futurum: etsi futurum est, semper verum fuit ipsum esse futurum: & ideo hæc est vera sine mutatione, & sine inceptioe, prædestinatus potest esse præscitus. Nulla enim repugnantia est nec ex parte significati, nec ex parte connotati, & hoc patet si resoluiatur. Sensus enim est: iste est prædestinatus, id est, iste est à Deo præcognitus, & saluabitur per Dei gratiâ. Similiter, iste est præscitus, sensus est, Iste est præcognitus, & damnabitur per suâ culpam. Constat enim quod in diuina cognitione non est differentia in se, sed solû in connotato: cum ergo saluandus possit damnari, prædestinatus potest esse præscitus sine aliqua mutatione.

4. 5. 6. Ex hoc patent tria obiecta: nam primum, & vltimum intelligitur in formis quæ aliquid ponunt actu circa subiectum: secundum vero de eo quod est æternû quod nihil temporale connotat, talia autem non sunt esse præscitum, & esse prædestinatum. Et sic patent omnia.

QVÆSTIO II.

An prædestinatio ponat necessitatem in euentu.

Alexand. Alensis 1. p. q. 28. Membr. 4. art. 2. & 3.

S. Thom. 1. p. q. 23. art. 3.

Et 1. Sent. dist. 40. q. 1. art. 1.

Scotus 1. Sent. dist. 40. q. unica.

Agid. Rom. 1. Sent. dist. 40. q. 1.

Richardus 1. Sent. dist. 40. art. 2. q. 2.

Franciscus de Mayr. 1. Sent. dist. 40. q. 2.

Thom. Arg. 1. Sent. dist. 40. q. 1. art. 3.

Steph. Brulef. 1. Sent. dist. 40. q. 5.

Petrus de Tarantaf. 1. Sent. dist. 40. q. 7.

Supposito, quod prædestinatio non inferat necessitatem libero arbitrio, quod non possit aliter esse, quaeritur vtrum ponat certitudinem in euentu, scilicet vt nunquam aliter eueniat, nisi sicut Deus prædissiniuit. Et quod sic, ostenditur primo auctoritate: Ego scio quos elegerim. Et: Nouit Deus, qui sunt eius: ergo si diuina cognitio est certa, & infallibilis, & falleretur si non saluaretur illi quos nouit esse suos certitudinaliter: ergo verû est, quod sic eueniet sicut prædissiniuit Deus, & sic, & c.

ITEM: Ex nobis exierunt: sed ex nobis non erant: ponit illud pro signo, scilicet quod illud est signum, quod homo non fuit electus, quando non perseverauit in bono finaliter: si ergo illud signum est rectum: certum est, quod omnes prædestinati, & soli in gratia finaliter perseverant: etsi hoc certum est, quod soli saluantur, & omnes: ergo certitudo est in euentu.

ITEM Augustinus in lib. de bono perseverantiæ. Prædestinatio est præscientia beneficiorum Dei per quæ certissime liberantur quicunque liberantur. Si ergo liberantur certissime, patet quod certitudo salutis est respectu personarum, & sic, & c.

ITEM Aug. in libro de correctione, & gratia: Certus est numerus electorû, qui non potest minui, nec augeri: ergo videtur, quod certitudo sit in quodam numero.

ITEM hoc videtur ratione, quia in domo Patris sunt multæ mansiones, sicut dicitur in Ioan. Aut ergo prauidit Deus, qui debeât ibi habitare, aut non. Constat quod prauidit qui debeant ibi esse: ergo si aliquis eorum desit, aliqua mansio vacua remanebit: sed hoc est inconueniens, & indecens in Ciuitate superna: ergo certum est, quod quilibet prædestinatus locum suum habebit.

ITEM numerus electorum a Deo præfinitus est, opti-

ma & decentissima ratione, & proportionem: si enim fecit omnia ordinatissime, multo fortius supernam ciuitatem: sed optima proportio fœdatur, & perditur per augmentum, & diminutionem, ergo si non potest esse, vt sit ibi defectus ordinis, & proportionis congruentis, certitudinaliter tot saluabuntur, & non plures, nec pauciores, quot Deus præuidit.

1. SED contra: Quod non sit certitudo euentus quantum ad personas videtur sic. Tene quod habes, ne alius accipiat coronam tuam. Glossa, ibi: Dum alius labitur, alius in locum eius subinducitur: ergo si vnus vendicat sibi locum alterius, non euenit sicut Deus ordinauit, imo tota die fit transmutatio.

2. ITEM super illud Iob: Conteret multos. Gregorius ibidem: Locum vitæ aliis cadentibus, alij sortiuntur.

3. ITEM quod non sit certitudo quantum ad numerum, videtur: Rumpatur rete. Glossa. Non tot intrant de Iudæis quot sunt prædestinati: ergo pauciores saluantur, quam sunt prædestinati.

4. ITEM legitur in Deut. Addat Deus ad hunc numerum multa millia. Glossa: Ad hunc numerum prædissinitum in Dei præscientia, quia nouit, qui sunt eius: ergo si Deus addit ad numerum prædissinitum, non est certitudo quantum ad numerum saluandorum.

5. ITEM quod quantum ad neutrum sit certitudo, videtur. Intelligamus enim A. B. C. esse numerum prædestinatorum. D. E. F. numerum præscitorum: tunc quaero A. ita bene potest damnari sicut & D. Et econuerso D. ita saluari sicut A. Ergo nulla est certitudo quantum ad personas. Rursus A. potest damnari, & tunc solum remanent duo: & D. saluari, & tunc erunt quatuor: ergo nulla est certitudo quantum ad numerum.

6. ITEM hoc ipsum ostenditur deducendo ad inconueniens. Si enim certum est, qui & quot saluabuntur, ita quod sic eueniet, & non aliter: ergo certum est, quod nullus prædestinatus damnabitur aliquo casu, vel euentu, & nullus præscitus saluabitur: ergo nullus debet curare vtrum faciat bene, vel male, quia si præscitus est, quidquid faciat, in fine damnabitur: si prædestinatus, quidquid faciat in fine saluabitur: stultus est ergo, qui non comedit, & lætatur, & non habet bona in vita sua.

CONCLUSIO.

Prædestinatio à parte rei euenientis, nullam ponit certitudinem in euentu, licet à parte Dei præcognoscentis, infallibilitatis, & immutabilitatis certitudinem ponat.

RESP. AD Arg. Dicendum quod est dicere certitudinem à parte rei euenientis, & à parte Dei præordinantis. Si loquamur de certitudine à parte rei euenientis, cum hæc dicatur contra contingentiam, sic dico quod non est maior certitudo in numero electorum, quam sit in numero aliorum futurorum contingentium: quia pendet euentus nostræ salutis & damnationis ex nostri arbitrij libertate. Si autem loquamur de certitudine à parte Dei præcognoscentis, sic certus est euentus salutis, nostræ certitudine infallibilitatis, quia diuina præscientia non fallitur: & ideo euenit, vt præsciuit. Certus etiam est certitudine immutabilitatis, quia diuina dispositio, & ordinatio non variatur, vt modo eligit vnum, & modo alium: sed qui semel electus est, semper fuit, & erit, & non alius. Rationes ad primam partem inductæ procedunt de certitudine effectus euentus, non quantum ad necessitatem, sed quantum ad infallibilitatem præcognitionis, & quantum ad inuariabilitatem æternæ prædestinationis.

1. 2. AD illud ergo quod obiicitur, quod alius alterius locum accipit & coronam, dicendû quod locus æternæ mansionis, & corona retributionis alicui debetur secundum reputationem præsentis iustitiæ, alicui secundum prædissinitionem præscientiæ. Et contingit quod vnus locus debetur alicui secundum præsentem iustitiâ, & quod

illo

Ad appo-
tum,
Apoc. 3. c.

Iob. 34. c.

Luc. 5. b.

Deut. 1. c.

Vide sancti
Tho. 1. p. q.
116. art. 3.

illo cadente alius intrat, cui debetur secundum prædifi-
 nitionem æternam. Quando vero alicui debetur locus
 secundum prædificationem æternam, potest quidem ca-
 dere, & locum perdere, & alius, qui non est prædestina-
 tus potest acquirere: sed tamen hoc nunquam eueniet.
 Quia ergo præscitus iustus frequenter locum æternæ
 mansionis perdit, quem alius pariter meriti acquirit, &
 nemo scit utrum sit præscitus, vel prædestinatus: ideo
 quamvis sciat se esse iustū, timere debet ne amittat lo-
 cum. Et ad hunc timorem hortatur beatus Ioannes in
 prædicta auctoritate Apocalypsis: Et hic timor bonus
 omnibus, & præscitis, & prædestinatis: quia humiliat, &
 sollicitat. Ecce contra, certitudo de electione electi in torpore,
 & deprimat in torpore: ideo secundum ordina-
 tissimam dispositionem hoc factum est, ut nulli reuele-
 tur an sit prædestinatus, nisi sit à Deo confirmatus in
 bono, ut non possit eleuari per superbiam, vel torpere
 per negligentiam. Patet ergo, quod illa auctoritas non
 significat mutationem fieri in præscientia, vel aliter eue-
 nire, quam Deus præscit: sed quod qui actualiter iustus
 est, potest locum quo dignus est perdere perdendo ius-
 titiam, & quod qui peccator est, potest sibi locum debi-
 tum acquirere acquirendo iustitiam, & hoc tota die
 contingit. Exemplum in veteri testamento manifestum
 fuit de Saule, & Dauid in regno, cui scilicet Sauli recte
 potuit dici: Tene quod habes, id est, humilitatem, &
 iustitiam, ne alius accipiat coronam tuam tibi debi-
 tam secundum statum præsentem, alij tamen debitam
 secundum dispositionem æternam. Exemplum etiam est
 in coronis quadraginta martyrum.

3.4. Ad illud quod obiicitur de diminutione, & au-
 gmento. Dicendum quod totum referendum est illud ad
 statum præsentis iustitiæ. Nam illa Glossa: Non tot in-
 trant: intelligitur tempore primitiæ Ecclesiæ, quia
 multi intrabunt in tempore finalis Ecclesiæ. Similiter
 quod dicitur, quod Deus addat ad hunc numerum, in-
 telligitur iustificando plures, & vocando ad fidem.

5. Ad illud quod obiicitur, quod possunt esse plures,
 & pauciores, & alij quam sint præsciti, ergo ibi non est
 certitudo: dicendum quod non est certitudo necessitatis,
 est tamen certitudo infallibilitatis: quamvis enim pos-
 sint esse alij, & plures, tamen nunquam erunt, etiam es-
 sent, tunc ab æterno prædestinati essent: ideo non po-
 test ibi cadere aliqua mutatio.

6. Ad illud quod obiicitur, quod si ita euenit, tunc fru-
 stra laborat præscitus, & prædestinatus, dicendum, quod
 illud est argumentum, quod ducit eos in torpore, &
 impietatis excusationem: & ideo primo ostendendum
 est eos stultè arguere inferendo à simili, dicendo sic: Deus
 prædestinavit utrum tu debeas cras vivere an non: ad
 quid ergo comedis, & bibis? Qui sic argueret, & tali
 rationi consentiret, argueretur dementia: similiter in
 proposito. Secundo responderetur argumentando. Tu di-
 cis quod Deus prædestinat, & ego dico, quod Deus tan-
 quam iustus iudex, iuste remunerat. Nullum bonum er-
 go irremuneratum, nullum malum impunitum: ergo nul-
 lus laborat sine fructu, nullus torpet sine damno. Et
 propterea dicendum, quod prædicta argumentatio de-
 ficit: procedit enim ac si Deus prædestinaret, & præ-
 sciret in euentum omnem: sed non prædestinat homi-
 nem ad salutem, nisi per meritum: nec reprobatur, ut perue-
 niat in damnationem sine meritis. Et ideo non solum est
 nostra salus ex parte Dei, sed ex parte nostra, & cum
 ipse velit omnes saluos fieri, & omnibus gratiam im-
 pertiri, solum ex nostra malitia, vel negligentia venit
 defectus nostræ salutis.

ARTICVLVS III.

Consequenter quantum ad tertium articulum qua-
 ritur de diuina electione. Et circa hoc quaeruntur
 duo. Primo quaeritur, utrum electio sit in Deo æterna-
 liter vel ex tempore. Secundo quaeritur, quid sit ele-
 ctio secundum rem.

QVÆSTIO I.

An electio sit in Deo ab æterno, vel ex tempore.

Alexander Alensis 1. p. q. 30. Membrum 1.
 S. Thom. 1. p. q. 13. art. 4.
 Et 1. Sent. dist. 41. q. 1. art. 1. & 2.
 Et de Ver. q. 6. art. 1.
 Egid. Rom. 1. Sent. dist. 41. q. 1.
 Richard. 1. Sent. dist. 41. q. 1.
 Steph. Brulef. 1. Sent. dist. 40. q. 6.
 Petrus de Tarentais. 1. Sent. dist. 41. q. 1.

Quod electio in Deo sit æternaliter, ostenditur pri-
 mo auctoritate Apostoli: Elegit nos ante mundi
 constitutionem, ut essemus sancti, & immaculati coram
 ipso.

CONTRA: Ego scio quos elegerim: sed omnes ele-
 gerat temporaliter qui erant eius discipuli: ergo non est
 alia electio in Deo quam temporalis.

ITEM quod electio sit in Deo, videtur per rationem,
 quia omnis agens discrete & ordinate, est agens per
 electionem: sed Deus est huiusmodi: ergo in Deo est
 ponere electionem.

ITEM quod ab æterno, videtur, quia omnis dile-
 ctio, quæ est specialiter aliquorum, non tantum est
 dilectio, sed etiam electio: sed prædestinatio Dei non est
 omnium hominum, sed solum saluandorum, & præde-
 stinatio non est sine electione: ergo neque sine electio-
 ne: sed illa ab æterno: ergo & ista.

C 1. **SED** contra per Damascenum: Electio non cadit in
 Deum: quia diuina natura non est possibilis ad ignoran-
 tiam.

2. **ITEM** eligere est alterum alteri præoptare: sed Deus
 vult omnes homines saluos fieri: ergo videtur, quod
 electio non sit in Deo.

3. **ITEM** videtur quod solum sit in Deo temporali-
 ter: electio enim non esset si homo perstitisset: ergo vi-
 detur, quod lapsus hominis facit ad electionem: sed
 temporale non facit ad esse æternum: ergo electio non
 est æterna, sed temporalis.

4. **ITEM** electio est dissimiliter enim: sed omnia in
 Deo æternaliter sunt vnum, & similiter: ergo electio
 est rerum existentium in proprio genere: sed in proprio
 genere non sunt nisi ex tempore: ergo nec electio.

5. **ITEM** electio est præoptatio: sed Deus nihil præ-
 optat alij quantum ad intentionem effectus: ergo solum
 quantum ad excellentiam effectus: sed effectum non
 est ponere nisi ex tempore: ergo, & c.

6. **ITEM** in plus est vocatio, quam electio. Multi
 enim sunt vocati, pauci electi. Sed vocatio est tempora-
 lis: ergo videtur similiter quod electio. Consequenter
 ergo cum vocatio sit temporalis, prædestinatio vero æ-
 terna: queritur, unde hoc est, quod electio & tempora-
 lis est & æterna.

CONCLUSIO.

*Electio, ut dicit dilectionem cum discretionem solum, æterna
 est: si vero dilectionem cum discretionem, deliberationem,
 & inquisitionem præcedente, cum talis sit in creatura,
 temporalis est.*

RESP. Ad Arg. Dicendum quod electio dicitur du-
 pliciter. Vno modo prout dicit dilectionem cum di-
 cretione solum. Alio modo, ut dicit dilectionem cum di-
 cretione præcedente, & deliberatione, & inquisitione.

1. **ET** primo modo est in Deo, secundo modo in crea-
 tura, in qua cadere potest ignorantia: & hoc secundo
 modo loquitur Damascenus.

2. **AD** illud quod obiicitur, quod voluntas Dei, &
 dilectio est sine discretionem, dicendum quod est voluntas
 antecedens, & consequens. Antecedens, qua vult quan-
 tum in se est: consequens, qua vult cum præsciencia nostræ

salutis, & prima quidem est omnium, secunda vero non. Secundum hunc modum est dilectio duplex. Vna quæ respicit voluntatem antecedentem, & hac diligit omnes: & alia quæ respicit consequentem, & hac diligit omnes saluandos: & hæc est electio.

3. Ad illud quod obiicitur, quod electio non esset si homo non peccasset: dicendum quod est electio qua eligitur, & separatur bonus à malo, & est electio qua separatur melior à minus bono. Hæc secunda esset, si homo non peccasset: prima autem non esset, si homo non peccasset: non quia lapsus aliquid faciat ad rationem eligendi, sed præuisio lapsus. Et quamvis lapsus hominis fuerit temporalis, præuisio tamen eius fuit æterna.

4. Ad illud quod obiicitur, quod electio est dissimilium entium, dicendum quod sicut dilectio duplex est, quædam quæ oritur ex consideratione bonitatis, quædam quæ est principium bonitatis: sic electio duplex est. Quædam quæ causatur à diuersitate, & præminuentia eligibilium, & hæc consequitur eligibilia, vt electio humana. Quædam quæ est ratio diuersitatis in eligendo, vt diuina, & hæc est dissimilium, non quæ sunt, sed quæ futura sunt, & talis præcedit, & est æterna: nisi enim esset diuina electio, omnes elicerentur reprobi, & mali: & sic patet illud.

5. Ad illud quod obiicitur, quod electio est præoptatio, dicendum quod præoptatio ratione maioritatis effectus potest esse dupliciter, aut per modum appropriationis, siue operationis, vel applicationis, aut per modum dispositionis, & præordinationis. Per modum appropriationis ponit effectum in actu: per modum præordinationis, & dispositionis ponit in potentia tantum: & sicut dispositio est æterna, ita & præoptatio.

6. Ad illud quod obiicitur de vocatione, quod solum est temporalis, dicendum quod vocatio dicit actum, vt exteriorem: electio dicit actum vt interiorem: prædestinatio dicit actum, vt anteriorem. Quoniam ergo actus, vt exterior connotat effectum vt exteriorem: ideo vocatio solum est temporalis. Rursus, quoniam actus, vt anterior non habet rationem initiandi: ideo prædestinatio est solum æterna. Sed quoniam actus interior per manifestationem fit exterior: hinc est quod electio est æterna, & temporalis. Quod ergo obiicitur de vocatione, quod in plus est, ergo prior, dicendum quod prior est secundum rationem intelligendi tanquam communior: sed non quantum ad ordinem durandi: non enim est superius essentiale, sed effectum consequens: & sic patent omnia.

QVÆSTIO II.

An electio sit idem quod prædestinatio.

Alexander Alesis 2. p. q. 30. Membro 4.

Agid. Rom. 1. Sent. dist. 41. q. 1. ar. 2.

Richardus 1. Sent. dist. 41. q. 2.

Stephan. Brulef. 1. Sent. dist. 40. q. 7.

Petrus de Tarantaf. 1. Sent. dist. 41. q. 2.

Quid sit electio, & quod sit idem quod prædestinatio, videtur. Magister enim dicit in litera: Cum autem prædestinatio sit electio, qua Deus elegit quos voluit ante mundi constitutionem: ergo, &c.

ITEM ratione videtur, quia omnis prædestinatus est electus, & omnis electus prædestinatus: ergo prædestinatio est electio, cum per se prædicentur adinuicem.

ITEM: Quorum opposita sunt eadem, ipsa sunt eadem: sed oppositum electionis est reprobatio: & hæc est oppositum prædestinationis: ergo, &c.

1. CONTRA: Quæcunque sunt diuersorum, ipsa sunt diuersa: sed prædestinatio est solum bonorum, electio vero saluandorum, & aliquorum damnandorum: ergo, &c. Probatio minoris habetur in Ioanne: Nonne duodecim vos elegi, & vnus ex vobis diabolus est? Si tu dicas, quod illud intelligitur de electione temporali. **CONTRA**: Electio temporalis signum est æternæ: aut ergo concordant, aut est signum falsum.

2. ITEM: Si nunquam esset aliquis malus, esset præ-

destinatio, sed non esset electio: secundum hoc ergo aliud obiectum respicit electio, aliud prædestinatio: ergo non sunt omnino idem.

3. ITEM: Agens secundum propositum dicitur agere per electionem, & non dicitur agere secundum prædestinationem: ergo differt prædestinatio, & electio. Quæritur ergo quæ sit differentia, & quod sit prius secundum rationem intelligendi.

CONCLUSIO.

Electio secundum affectionem dilectionis, idem est quod prædestinatio: electio vero secundum effectum finalis gratificationis, est signum prædestinationis infallibile.

RESP. AD ARG. Dicendum quod electio tripliciter dicitur. Est enim electio secundum affectionem dilectionis, & secundum effectum finalis gratificationis, & secundum statum prælationis. Prima est æterna, & est idem quod prædestinatio. Secunda est temporalis, & signum primæ infallibile. Tertia similiter temporalis, nec est effectus, nec signum æternæ electionis. Multi enim præficiuntur mali, & reprobi, & vtinam non sint plures mali, quam boni.

1. Ad illud quod obiicitur de verbo Domini, dicendum quod intelligitur de electione prælationis: & hæc non est tantum bonorum, nec omnium bonorum: & ideo vere patet, quod non est idem quod prædestinatio. Et quod obiicitur quod est signum, dicendum quod non est signum certum, nec Deus dat pro signo, & stultus est, qui huic signo credit. Sed electio secundum effectum finalis gratificationis, hæc est signum certum simpliciter, sed non est certum nobis. Et hæc differt à vocatione, quia multis datur gratia qui non perseuerant: ideo dicuntur vocati, sed non electi, & de his dicitur: Multi sunt vocati, pauci vero electi.

2. Ad illud quod obiicitur quod electio respicit malum, & conuenit omni agenti à proposito, non sic prædestinatio. Notandum quod in Deo idem sunt propositum, prædestinatio, & electio secundum rem, tamen differunt secundum rationem intelligendi. Nam propositum simpliciter dicit voluntatem faciendi aliquid. Ille enim dicitur proponere, qui firmiter vult facere aliquid. Electio vero, & prædestinatio addunt supra voluntatis conceptionem, sed differenter, quia prædestinatio addit ordinem, & directionem in finem: sed electio discretionem, siue separationem à suo opposito. Vnde propositum dicit firmam voluntatis conceptionem, prædestinatio cum conceptione dicit præordinationem, & electio quandam discretionem. Secundum ergo hoc patet, quod propositum est prius secundum rationem intelligendi, & deinde electio, quia prius est intelligendum aliquid separari à malo, siue à malitia, quam dirigi in finem, & sic patet diuersitas & ordo.

3. Et ex hoc patet illud quod ultimo quæritur, quare agens à proposito non semper dicitur agere secundum prædestinationem, sicut secundum electionem, quia omnis agens à proposito deliberans, alteram partem contradictionis præcipit: ideo omnis talis dicitur eligere: sed non omnis agens sic ordinat effectum in finem, sed vt plurimum seipsum. Prædestinare autem est præordinare alterum in finem, & hoc quidem competit Deo proprie, & ideo patet illud. Prædestinatio enim tria connotat, scilicet præordinatum, & hoc est homo: & rationem præordinandi & hæc est gratia: & rationem finis, & hæc est gloria: & sic sunt tria, scilicet quod, & per quod, & ad quod.

ARTICVLVS IV.

Consequenter est questio de quarto articulo, scilicet de reprobatione. Et cū ea quæ dicta sunt de præ-

stinatione

stinatione æterna, sint dicenda, vel aptari possint reprobationi, quæritur specialiter de obduratione quæ est eius connotatum, de qua duo quærentur. Primum est, vtrum sit pœna, vel culpa. Secundum, vtrum obduracione sit à Deo.

QVÆSTIO I.

An obduratio sit pœna, vel culpa.

Alexander Alensis 1. p. q. 29. Membro 4 art. 1. §. 1.

Richard. 1. Sent. dist. 40. art. 3. q. 2.

Steph. Brulef. 1. Sent. dist. 40. q. 9.

Petrus de Tarantasia 1. Sent. dist. 40. q. 10.

Gabriel Biel. 1. Sent. dist. 41. q. unica.

Quod autem obduratio sit pœna, sic ostenditur per B illud: * Cuius vult miseretur, &c. Glossa Augustini: Obduratio est nolle misereri: sed nolle misereri non est culpa, sed pœna: ergo, &c.

ITEM ibidem: Miseretur secundum gratiam quæ gratis datur: obdurat autem secundum iudicium quod meritis redditur: sed constat, quod non redditur bonis meritis, ergo malis: sed quod malis meritis redditur est pœna: ergo obduratio est pœna.

ITEM hoc ipsum videtur ratione, quia in hoc differt culpa & pœna, quia culpa est affectio voluntaria, pœna est affectio inuoluntaria. sed obduratio cordis est inuoluntaria, quia nullus vult dehabilitari, siue obdurari: ergo, &c.

ITEM sicut se habet excæcatio ad intellectum, sic obduratio ad effectum: sed excæcatio dicit pœnam, non culpam: ergo & obduratio.

1. CONTRA: per illud Apostoli: Secundum duritiam, &c. Glossa ait: Induratio est perseveratio mentis in malitia pertinaci, per quam fit homo impœnitens: sed hoc dicit culpam: ergo, &c.

2. ITEM Augustinus de prædestinatione Sanctorum: Obduratio nihil aliud est quam Dei obuiare mandatis: sed obuiare mandatis dicit inobedientiam: sed peccatum, ut dicit Ambrosius, nihil aliud est quam præuicatio legis diuinæ, & cœlestium inobedientia mandatorum: ergo obduratio dicit peccatum.

3. ITEM ratione videtur, quia nulla pœna temporalis secundum quod huiusmodi opponitur gratiæ gratificanti: sed obduratio opponitur gratiæ gratificanti, & maxime gratiæ finali: ergo obduratio non est pœna, sed culpa.

4. ITEM in hoc est differentia inter pœnam & culpam quia, ut dicit Augustinus, pœna est malum quod patimur, culpa vero malum quod agimus: sed obdurationem vnusquisque facit sibi, sicut dicit Augustinus in lib. de gratia, & libero arbitrio: Induravit Deus Pharaonem iusto iudicio: sed ipse se per liberum arbitrium. Et quod obduratio sit à nobis, patet: quia in Psalmo dissuadetur: Nolite obdurare corda vestra: ergo, &c.

CONCLUSIO.

Obduratio, ut dicit inhabilitatem ad impressionem gratiæ, sic est pœna peccati: ut vero significat stabilitatem in peccato, est dispositio præcedentis peccati: ut vero dicit voluntatem impugnandi Deum, præcepta, & gratiam suam, est peccatum in Spiritum sanctum.

RESP. ad arg. Dicendum quod obduratio in spiritibus est translatiue dicta ab obduratione in corporibus. In corporibus autem duritiam sequitur triplex proprietas, quamvis insit corpori per eandem naturam: non sic spiritui. Durum enim est quod est inhabile ad suscipiendū, est stabile ad permanendum, est iterum forte ad rebelandum, siue resistendum. Secundum hunc triplicem modum cor obdurari dicitur tripliciter. Primo modo dicitur cor obdurari ex hoc, quod est inhabile ad impressionem gratiæ suscipiendam: & hoc modo sonat in passionem. Et est pœna consequens culpam. Secundo modo

adicitur cor obduratum, quod est in peccato stabilitum, quod est multum compactum ad amorem peccati: & hoc modo obduratio est peccatum cum dispositione, siue dispositio peccati præcedentis. Tercio modo dicitur cor obduratum cor rebelle, quod vult Deum, & eius mandata, & gratiam impugnare. Et hoc modo est speciale peccati genus, scilicet peccatum in Spiritum sanctum.

1. 2. Et secundum illum modum triplicem diuersæ auctoritates procedunt de obduratione, quæ videntur sibi obuiare: sed diuersis viis procedunt secundum membra distinctionis prædictæ. Concedendum est ergo, quod obduratio vno modo est pœna: concedendum nihilominus, quod aliis modis est culpa, siue dispositio culpæ.

3. Ad illud ergo, quod obiicitur, quod pœna gratiæ non repugnat, & etiam sonat in passionem: dicendum quod triplex est pœna. Est enim quædam pœna inflicta, quædam contracta, quædam acta. Pœna inflicta simpliciter est passio, & non repugnans gratiæ, ut fames, sitis, & ægrotudo. Pœna contracta est fomes, & concupiscentia, & hæc quidem passio est, & ideo gratiæ repugnat, non quantum ad substantiam, sed quantum ad inclinationem. Pœna acta est sicut obduratio, & gratiæ expulsio, & hæc quidem pœna est, quia passio est: sed quia ex mala actione, siue ex peccato est, & illud concomitatur inseparabiliter, ideo opponitur gratiæ: & ita patet, quod nihilominus est pœna, & passio. Quamvis enim contingat per propriam actionem, nihilominus pœna est, sicut patet in scabioso, qui in scalpendo se delectat, sed postea sentit in carne ardorem.

QVÆSTIO II.

An obduratio sit à Deo.

Alex. Alensis 1. p. q. 29. Memb. 4. §. 5.

S. Tho. 1. Sent. dist. 40. q. 2. art. 3.

Richardus 1. Sent. dist. 40. art. 3. q. 3.

Steph. Brulef. 1. Sent. dist. 40. q. ultima.

Petrus de Tarantasia 1. Sent. dist. 40. q. ultima.

Vtrum obduratio sit à Deo, siue sit effectus Dei reprobantis. Et quod sic videtur: Cuius vult miseretur, & quem vult indurat: sed idem est aliquid fieri Deo auctore, & Deo volente: si ergo obduratio est Deo volente, ergo & Deo auctore.

2. ITEM ibidem est Glossa: Obduratio est nolle misereri aut ergo hic est prædicatio per causam, aut per inhærentiam, aut per essentiam. Non per inhærentiam vel essentiam, in Deo enim est voluntas non miserendi, nec tamen obduratio: ergo est dictum per causam: sed Deus non vult misereri aliquorum ut præscitorum, ut dicit Aug. ergo ab ipso est eorum obduratio.

3. ITEM super illud Exodi: Ego indurabo cor eius, dicit Augustinus: Induravit Deus Pharaonem iusto iudicio: ergo secundum hoc fuit iustum, Pharaonem indurari: sed omne iustum à summa iustitia procedit, quæ Deus est: ergo, &c.

4. ITEM ratione videtur, quia omne quod est aliquid, est à Deo, obduratio est aliquid: ergo secundum id quod est, est à Deo. Quod sit aliquid, patet, quia durum dicit naturalem potentiam: sed molle dicit impotentiam: ergo si durities est & in corporibus, & spiritibus, est aliquid quod habet Deum causam, patet, &c.

5. ITEM: Quicumque habet curam alienius, si permittit eum malefacere, cum possit prohibere, vel perire cum possit adiungere, non inconuenienter dicitur causa sui maleficij, vel peccati, siue mali. Vnde Prælati qui subditos non corrigunt, causa dicitur malorum in subditis. Similiter qui habet unde pascat fame morientem, & non pascit, causa est mortis eius, si ergo Deus potest prohibere ut affectus noster duret, & potest pascere ut non deficiat, & non facit, videtur quod sibi sit ratio & causa indurationis attribuenda.

6. ITEM Philosophus dat maximam : Si aliquid est A
causa alicuius, & oppositum est causa oppositi, ut si ha-
bere pulmonem est causa respirandi, non habere est
causa non respirandi : sed velle misereri est causa grati-
ficationis : ergo nolle misereri est causa obdurationis.

7. ITEM : Si aliquid per sui praesentiam causa est ali-
cuius, per sui absentiam est causa oppositi, hæc alia ma-
xima est Philosophi, ergo si Deus per sui praesentiam
est causa mollificationis cordis, per sui absentiam est
causa obdurationis.

8. ITEM : Si aliqua duo sunt omnino similia, aut pro-
prietates aliqua non inest uni quæ non inest alij, aut si
inest, aliunde inest. Ponantur autem hic duo paruuli Ia-
cob & Esau. Deus vnum obdurat ut Esau, alterum non
obdurat ut Iacob : ergo cum sint similes omnino quo B
ad naturam, & quantum ad merita, aliunde venit obdura-
tio : sed non est dare nisi à Deo, ergo, &c. Si tu dicas
quod à diabolo.

CONTRA : Esto quod diabolus nullo modo se intro-
mittat, nihilominus iste obdurabitur.

9. ITEM omnis effectus siue positivus, siue defectivus
habet causam proximam, & immediatam : quæro ergo
quæ sit causa obdurationis proxima : aut enim culpa ori-
ginalis, aut actualis, aut usus liberi arbitrij, vel aliquod
aliud. Non culpa originalis, quia tunc omnes obdura-
rentur. Similiter nec culpa actualis, quia tunc omnis
actualiter peccans obduraretur. Nec usus liberi arbi-
trij, quia obduratio, ut est connotatum reprobationis, est
in paruulis in quibus non est usus lib. arb. Restat ergo C
quod voluntas Dei sit causa, & hoc videtur, quia ea
posita ponitur effectus. Si enim Deus non vult istius
misereri, necesse est eum obdurari.

CONTRA : Omnis qui venit ad me non eiiciam eum
foras : ergo paratus est Deus omnes complecti : ergo de-
fectus illustrationis non venit ex parte Dei, sed ex par-
te nostra.

ITEM : Ecce sto ad ostium, & pulso, si quis mihi
aperuerit, introibo ad eum, &c. Sed si peregrinus, volens
hospitari non recumbit in domo, non est causa ex parte
sui, sed solum ostij : ergo similiter & obdurationis
non est causa, nisi qui non recipit Deum pulsantem.

ITEM Aug. super illud : Lux in tenebris lucet, dicit :
Sicut cæco posito in sole est praesens lux, & ipse absens
est luci, sic in omni iniquo qui cæcus est corde, praesens D
est sapientia, & ipse est absens. Si ergo bonum est simi-
le, cum cæcitas, siue privatio actus videndi non sit à so-
le, patet quod nec obduratio est à Deo. Item Anselmus :
Non ideo non habet homo gratiam, quia Deus nō dat,
sed quia homo non accipit : ergo non debet dici obdu-
ratio esse à Deo. Item ratione videtur, quia optimi est
optima adducere : sed obduratio est pessimum inter
omnia mala : ergo ipsam non efficit Deus qui est opti-
mus. Item obduratio animæ reddit animam impoten-
tem ad bonum : ergo est defectus, sed defectus aut non
habet causam, aut si habet, habet causam deficientem :
Deus autem nullius est causa deficiens : ergo obdura-
tio nullo modo est à Deo.

CONCLUSIO.

*Obduratio pro defectu, non est effectus Dei : sed prout E
ordinatur à retribuente divina iustitia in merce-
dem culpa, est à Deo.*

RESP. Ad arg. Dicendum quod obduratio inquan-
tum pœna est, dicit animæ ineptitudinem, & ita dicit
defectionem pœnalem : & pœna omnis in quantum ta-
lis, est iusta & ordinata : ideo dicit defectum ordinatum.
In quantum ergo defectus est, non habet causam nisi de-
ficientem, hæc autem non est Deus, quia Deus non
est causa deficiens, sed liberum arbitrium destitutum. In-
quantum vero ordinatum habet causam merentem, sci-
licet ipsam culpam, & causam ordinantem, scilicet re-
tribuentem divinam iustitiam.

1. 2. 3. ILLÆ ergo tres auctoritates Apost. Aug. & Glof-

fæ, & consimiles, quæ dicunt Deum obdurasse aliquem,
intelliguntur quantum ad rationem ordinis, non quan-
tum ad rationem defectus, quia per comparisonem ad
defectum solum comparatum in ratione permittentis,
non efficientis. Et est exemplum : sicut si aliquis esset di-
gnus fame perire, & alius posset eum pascere, & iusto
iudicio nollet eum pascere, si quæreretur quæ fuit in
isto causa mortis, responderetur quod defectus cibi, ille
vero non diceretur occidisse, sed permisisse. Si rursus
quæreretur, utrum iste iuste fecerit, diceretur quod sic,
cum tamen nihil fecerit, quia ipsum non facere ordina-
tum fuit auctoritate eius ad merita illius, & per conse-
quens ille ordinatus est in pœna sibi debita : per hunc
modum est intelligendum in proposito.

4. AD illud ergo quod obiicitur, quod obduratio di-
cit positionem : dicendum quod in corporibus dicit po-
sitionem : quia per naturam suam nata sunt resistere : sed
in spiritibus dicit defectum, quia de naturali aptitudine
Spiritus debet esse habilis ad susceptionem influentiæ
diuinæ. Vndeabilitas talis est potentiæ, & habitus : sed
econtra, obduratio & ineptitudo est per modum pravi-
sionis, & privationis.

5. AD illud quod obiicitur quod qui permittit subdi-
tum perire, est causa, &c. dicendum quod verum est si
tenetur, & debeat facere, sed si non tenetur, nec debet
hoc facere, imo magis contrarium : nullatenus potest illi
imputari periculum, sed iustitiæ, & ita est in Deo.

6. 7. AD illud quod obiicitur, quod si aliquid est causa
alicuius, quod oppositum est causa oppositi, dicendum
quod illud tenet in naturalibus & necessariis, sicut in
habere pulmonem, & non habere, & respirare & non
respirare, non autem habet locum in voluntariis, sicut
dicit Anselmus. Causa autem quare iste habet gratiam,
est, quia Deus dat. Causa quare non habet, est quia non
accipit. Sed ista solutio non videtur competens, quo-
niam si maxima Philosophi bona est, necesse est quod
teneat in omni materia. Et propterea est dicendum, quod
ipse loquitur de causa proxima, & immediata, & quæ
est tota causa exigens aliam, & in omni tali tenet. Sed
quamvis voluntas Dei sit causa efficiens gratificationis,
tamen ad salutem concurrunt liberum arbitrium ut con-
sentiens. Quia ergo ista duo concurrunt, quodlibet ho-
rum potest causare defectum, & non causat divina vo-
luntas, quæ est liberalissima, sed causat liberum arbi-
trium : quod quamvis non possit neque sufficiat effice-
re, potest tamen esse deficiens causa, quæ sufficiens
est ad defectum effectus : in bonis enim facilius est de-
struere, quam construere.

8. AD illud quod obiicitur de absentia, dicendum
quod cum absentia alicuius est malum, aut ille est causa
suz absentia, aut non. Si ille est causa suæ absentia, di-
citur per consequens esse eius, quod incurritur ex ab-
sentia. Si autem ipse non est causa, imo quantum est de
se semper paratus est praesens esse, tunc reuera nullo
modo dicendus est causa, sed illud ratione cuius iuste
se absentat, ideo vere nostrum peccatum, & non
Deus : peccata enim nostra diuiserunt inter nos &
Deum nostrum, & sunt quasi nubes densissimæ, aufe-
rentes nobis illustrationem gratiæ.

9. AD illud quod quæritur, quæ sit causa efficiens ra-
tione cuius inest, dicendum quod causa meritoria est pec-
catum, siue originale, siue actuale. Causa vero deficiens,
quæ ponit defectum, est liberum arbitrium deficiens,
& in defectu suo permanens, siue quia ipsum negligit,
siue quia peccatis exigentibus, alius non succurrit.
Quia vero duobus existentibus similibus potest alter
habere subleuantem, alter non : ideo vnus obduratur
ex se, alter vero subleuatur ab alio, & per hunc mo-
dum intelligendum est in Iacob, & Esau. Esau enim
iacuit propria infirmitate : sed Iacob releuatus est alie-
na virtute.

1/a. 59. a

DISTINCT. XLI.

Quod sit meritum obdurationis, misericordiae
verò non : Et de Scientia , & Præscientia.

SI autem quarimus meritum obdurationis
& misericordiae : Obdurationis meritum
inuenimus, misericordiae autem meritum
non inuenimus, quia nullum est misericor-
diae meritum, ne gratia euacuetur, si non gratis done-
tur, sed meritis reddatur. Miseretur itaque secundum
gratiam, quæ gratis datur : obdurat autem secundum
iudicium, quod meritis redditur. Vnde datur intelligi,
ut sicut reprobatio Dei est nolle misereri, ita obduratio
Dei sit non misereri : ut non ab illo irrogetur aliquid
quo sit homo deterior : sed tantum quo sit melior non
erogetur. Ex his aperte ostenditur quid misericordiam,
quid obdurationem intellexerit Apostolus, & quia
misericordia nullum aduocat meritum, obduratio
vero non est sine merito, sed habet nolle misereri. Et
misericordia verbo hic accipitur prædestinatio, &
præcipue prædestinationis effectus : obdurationis vero
non ipsa Dei aeterna reprobatio quia eius nullum est
meritum, sed gratia priuatio siue subtractio, quæ quo-
dam modo est reprobationis effectus. Accipitur tamen
aliquando reprobatio pro obduratione, sicut & præde-
stinatio pro suo effectu, qui est gratia appositæ. Gratia
enim quæ apponitur, effectus est prædestinationis. Cum
ergo gratia quæ apponitur homini ad iustificationem,
nulla sint merita, multominus & ipsius prædestinati-
onis, quæ ab aeterno elegit Deus quos voluit, aliqua pos-
sunt existere merita. Ita nec reprobationis, quæ ab
aeterno quosdam præsciuit futuros malos & damnan-
dos, sicut elegit Iacob & reprobauit Esau, quod non
fuit pro meritis eorum quæ tunc habebant, quia nulla
habebant, quoniam nec ipsi existebant, nec propter fu-
tura merita quæ prauideret, vel illum elegit, vel il-
lum reprobauit.

Opinio quorundam, in qua fuit aliquando Augustinus,
sed postea retractauit.

Opinati sunt tamen quidam Deum ideo elegisse Ia-
cob, quia talem futurum præsciuit qui in eum crederet,
& ei seruiret. Quod aliquando Aug. se sensisse dicit in
lib. Retract. ubi aperte ostendit quod si propter futura
merita electus esset, iam non ex gratia esset electio.
Non ergo ideo electus est à Deo, quia talis futurus erat,
sed ex tali electione talis est factus, ita dicens: Dispu-
tans ergo quid elegerit Deus in nondum nato, cui dixit
seruiturum esse maiorem, & quid in eodem maiore simi-
liter nondum nato reprobaucrit, ad hoc perduxit ratio-
cinationem, ut dicerem : Non ergo elegit Deus opera
cuiusquam in præscientia, quæ ipse daturus est, sed fi-
dem elegit in præscientia : & quem sibi crediturum esse
præsciuit, ipsum elegit cui Spiritum sanctum daret, ut
bona operando, etiam aeternam vitam consequeretur.
Ecce hic aperte dicit non propter opera eum elegisse,
sed propter fidem, quæ eum prauiderit crediturum. Sed
quia & in fide meritum est, sicut & in operibus, hoc
retractauit dicens : Nondum diligentius quæsiueram,
nec adhuc inueneram qualis sit electio gratia, de qua
dicit Apostolus : Reliquia per electionem gratia salua-

A sient : quæ utique non est gratia, si eam merita præce-
dant, procedit ut iam quod datur non secundum gra-
tiam, sed secundum debitum reddatur potius meritis,
quam donetur. Proinde quod continuo dixi: Dicit enim
idem Apostolus: Idem Deus qui operatur omnia in om-
nibus. Nusquam autem dictum est: Deus credit omnia
in omnibus. Ac deinde subiunxi. Quod ergo credimus,
nostrum est : quod vero bonum operamur, illius est qui
credentibus dat Spiritum sanctum. Profecto non dice-
rem, si scirem etiam ipsam fidem inter Dei munera re-
periri, quæ dantur in eodem spiritu. Vtrumque ergo no-
strum est propter arbitrium voluntatis, & utrumque
datum est per Spiritum fidei, & charitatis. Et quod
B paulo post dixi : Nostrum enim est credere & velle, il-
lius autem dare credentibus, & volentibus facultatem
bene operandi per Spiritum sanctum, per quem chari-
tas Dei diffunditur in cordibus nostris, verum est qui-
dem, sed eadem regula, & utrumque ipsius est, quia
ipse præparat voluntatem: & utrumque nostrum, quia
non fit nisi volentibus nobis: ergo & meritum fidei de
misericordia Dei venit. Non ergo propter fidem, vel
aliqua merita elegit Deus aliquos ab aeterno, vel appo-
suit gratiam sanctificationis in tempore, sed gratuita
bonitate sua elegit, ut boni essent: Vnde Augustinus in
libro de prædestinatione Sanctorum: Non quia futuros
nos tales esse præsciuit, ideo elegit, sed ut essemus tales
C per ipsam electionem gratia sua, quæ gratiscauit nos
in dilecto filio suo.

His videtur contrarium quod alibi ait Augustinus.

His tamen aduersari videtur quod dicit Aug. lib. 83.
quaestionum: Cui vult, inquit, miseretur Deus, & quem
vult indurat. Sed hac voluntas Dei iniusta esse non
potest. Venit enim de occultissimis meritis: quia & ipsi
peccatores cum propter generale peccatum unam mas-
sam fecerunt: tamen nonnulla inter eos est diuersitas.
Præcedit ergo aliquid in peccatoribus, quo quamvis
nondum sint iustificati, digni efficiantur iustificatione.
Et item præcedit in aliis peccatoribus, quod digni sunt
D obfusione. Ecce hic videtur Augustinus dicere quod &
ipsa Dei voluntas, quæ alios eligit, alios reprobat, ex
meritis proueniat: sed occultissimis, id est quod pro me-
ritis alios voluerit eligere, alios reprobare, & quod pro
meritis aliis apponitur gratia iustificationis, aliis non,
unde obtunduntur. Sed quid intelligere voluerit, igno-
ratur: nisi forte hoc dicatur intellexisse quod supra di-
ximus eum retractasse. Nam ibidem quadam alia
continuo subdit, quæ in lib. Retract. aperte retractat:
quod utrumque legenti patebit. Vnde verisimile est in
præmissis etiam hoc retractasse. Quidam tamen ex
eo sensu accipiunt fore dictum, non quia aliquis præde-
stinetur pro meritis, vel iustificationis gratiam mereat-
E tur: sed quia aliqui non adeo mali sunt, ut mereantur
sibi gratiam non impartiri. Nullus enim Dei gratiam
mereri potest, per quam iustificatur: potest tamen me-
reri ut non apponatur, ut penitus abiiciatur. Et qui-
dem aliqui in tantum profundum iniquitatis deueni-
runt, ut hoc mereantur, ut hoc digni sint: alij vero ita
viuunt, ut etsi non mereantur gratiam iustificationis,
non tamen merentur omnino repelli, & gratiam sibi
subtrahi. Ideoque dixit in quibusdam peccatoribus
præcedere quo digni sunt iustificatione, & in aliis quo
digni sint obfusione. Sed hoc friuolum est.

Opinio quorundam falsa, de occultis Dei
differentium carnaliter.

Multi vero de isto profundo quarentes reddere rationem, atque secundum coniecturas cordis sui inscrutabilem altitudinem iudiciorum Dei cogitare conantes, in fabulas vanitatis abierunt, dicentes quod anima sursum in caelo peccant, & secundum peccata sua ad corpora pro meritis diriguntur, & dignis sibi quasi carceribus includuntur. Ferunt hi tales post cogitationes suas, & volentes disputare de Dei profundo, versi sunt in profundum, dicentes animas in caelo ante conuersatas, & ibi aliquid boni vel mali egisse, & pro meritis ad corpora terrena detrusas esse. Hoc autem respuit catholica fides propter euentem Apostoli sententiam, qua ait: Cum nondum nati essent, aut aliquid boni, vel mali egissent, &c. Melior est ergo fidelis ignorantia, quam temeraria scientia. Elegit ergo eos quos voluit gratuita misericordia, non quia fideles erant, sed ut fierent. Ait enim Apostolus: Misericordiam consecutus sum, ut fidelis essem. Non ait, quia fidelis eram. Datur quidem fideli, sed data est etiam prius ut esset fidelis. Ita etiam reprobat quos voluit, non propter futura merita qua praecidet: veritate tamen rectissima, & à nostris sensibus remota.

Quaestio.

Sed quaeritur, Vtrum sicut dicitur elegisse quosdam ut boni fierent & fideles, ita etiam concedi debeat, reprobasse quosdam, ut mali essent & infideles, & obdurare ut peccent: quod nullatenus concedi oportet. Non enim reprobatio ita est causa mali, sicut praedestinatio est causa boni, neque obduratio ita facit hominem malum, quemadmodum misericordia facit bonum.

An ea quae semel scit & praescit, semper sciat & praesciat, & semper scierit vel praescierit.

Præterea considerari oportet, vtrum ea omnia quae semel scit vel praescit Deus, semper sciat & scierit, ac praesciat & praescierit: an olim scierit vel praescierit quod modo non scit vel praescit. De praescientia primo respondemus, dicentes, multa eum praescisse quae modo non praescit. Cum enim eius praescientia non sit nisi de futuris, ex quo illa quae futura erant, praesentia sunt vel praetercunt, sub Dei praescientia esse desinunt, sub scientia vero semper sunt. Praesciuit ergo Deus omnia ab aeterno quae futura erant, neque praescire desinit, nisi cum futura esse desinunt. Neque cum praescire desinit aliqua quae ante praesciebat, minus ea nescit quam ante cognoscebat. Non enim dicitur ex defectu praescientiae Dei quod aliqua praescierit aliquando, quae modo non praesciat: sed ex ratione verbi quod est praescientia. Praescire enim est ante scire aliquid quam fiat. Ideoque non potest dici Deus praescire, nisi ea quae futura sunt.

An Deus semper sciat quae semel scit.

De scientia autem aliter dicimus. Scit enim Deus semper omnia quae aliquando scit. Omnem enim scientiam quam aliquando habet, semper habuit, & habet, & habebit. Ad hoc autem opponitur ita: Olim sciuit hunc hominem nasciturum qui natus est, modo non scit eum nasciturum, sciuit ergo aliquid, modo non scit. Item sciuit mundum esse creandum, modo non scit eum esse creandum, aliquid ergo sciuit quo modo non scit, & alia huiusmodi infinita dici possunt. Sed ad hoc dicimus: quod idem de natiuitate huius homi-

nis, & mundi creatione, nunc etiam scit, quod sciebat antequam fierent, licet tunc, & nunc hanc scientiam eius diuersis exprimi verbis oportet. Nam quod tunc futurum erat, nunc praeteritum est: ideoque commutanda sunt ad ipsum designandum. Sicut diuersis temporibus loquentes, eandem diem modo per hoc aduerbiū, cras, designamus, dum adhuc futura est: modo per hodie, dum praesens est: modo per heri, dum praeterita est. Itaque antequam crearetur mundus, sciebat Deus hunc creandum: postquam creatus est, scit eum creatum. Nec est hoc scire diuersa, sed omnino idem de creatione mundi. Sicut antiqui patres crediderunt Christum nasciturum & moriturum, nos autem credimus eum natum & mortuum, nec tamen diuersa credimus nos & illi, sed eadem. Tempora enim, ut ait Augustinus, variata sunt: & ideo verba sunt mutata, non fides. Indubitanter ergo teneamus Deum semper omnia scire, quae aliquando scit.

* Aug. in
Sententia
tom. 9. Tract.
49. in Ioan.
inter prin.
& medium.

DISTINCT. XLI.

Vtrum Praedestinatio, & Reprobatio sint ex
meritis nostris.

Si autem quarimus, meritum obdurationis &
misericordia, &c.

Expositio Textus.

¶ VPRae egit Magister de causalitate adinæ praedestinationis, & reprobationis. In hac parte inquit de causalitate passiva, vtrum sc. praedestinatio & reprobatio habeant in nobis causam meritoriam: & hoc quidem principaliter intendit in ista distinctione, quae duas habet partes. In prima Magister inuestigat principale propositum. In secunda mouet quandam quaestionem quae ex praecedentibus habet ortum, sc. vtrum Deus desinat aliquid scire, vel praescire. Ex cuius manifestatione patefacit diuinæ scientiae interminabilitatem, ibi: Præterea considerari oportet. Prima pars quatuor habet partes. In prima Magister determinat veritatem, ostendens quod reprobatio habet causam meritoriam quantum ad connotatū quod est obduratio: non sic praedestinatio quantum ad connotatum quod est gratificatio. In secunda vero Magister remouet quandam opinionem quae posset hominem ducere in errorem, ibi: Opinati sunt tamen quidam. In tertia remouet eius defensionē, ibi: His tamen aduersari videtur, &c. In quarta remouet praesumptuosam in hac quaestione inquisitionem, ostendens aliquos volentes reddere rationem de hoc profundo diuinæ praedestinationis, lapsos esse in profundum erroris, ibi: Multi vero de isto profundo quarentes reddere rationem, &c. Similiter secunda pars in qua determinat Magister quaestionem, vtrum Deus desinat aliquid scire, vel praescire, & similiter est quaestio, vtrum desinat aliquem praedestinare, partes habet duas. In prima determinat de praescientia quod contingit desinere aliquid praescire. In secunda vero determinat de scientia, ibi: De scientia autem aliter dicimus, vbi dicit quod Deus nihil desinit scire: & in utraque parte primo mouet quaestionem, secundo determinat.

Opinati sunt tamen quidam Deum ideo elegisse Iacob, quia talem futurum praesciuit. Dub. I.

Videtur quod ista positio non sit opinio, sed haeresis manifesta, quia qui hoc ponit, ponit gratiam homini non gratis, sed ex meritis dari à Deo, & iste est error pessimus, scilicet error Pelagij.

RESP. Dicendum quod hoc potest dicere causam meritoriam, vel rationem congruitatis. Si dicat causam

meritoriam,

Diuisio.

meritoriam, si quamvis prima fronte non dicat errorem, tamen ad ipsam sequitur error. Si vero dicat rationem congruitatis, sic non dicit errorem: sed tamen temeritatem quandam habet, quia occulto Dei profundum nititur reddere rationem: & ideo utroque modo erat digna retractatione.

Reliquia per electionem gratia salva fient. Dub. I I.

Quæritur hic de illo verbo Apostoli quod assumit Augustinus in qua habitudine construatur ille genitivus, quia gratia nec videtur eligens, nec electa, & iterum gratia est solum ex tempore: ergo & electio.

RESP. Dicendum quod si intelligatur de electione temporali, tunc electio gratiæ dicitur, quia fit per gratiam. Si autem de æterna, sic dicitur electio, non ut gratia dicat habitum, sed ut construatur sicut genitivus ex vi declarationis essentia, unde dicitur electio gratiæ, id est, gratuita, quæ merita non considerat. Et si obicitur quod unus genitivus non construitur ex illa vi, dicendum quod verum est nisi habeat virtutem duorum. Unde bene dicitur vir sanguinis, & homo auctoritatis, similiter electio gratiæ, id est, gratuita bonitatis.

Præcedit ergo aliquid in peccatoribus quo, quamvis non sunt iustificati, digni efficiantur iustificatione. Dub. I I I.

Videtur falsum dicere, quia peccator ante iustificationem manet in peccato, & quandiu est in peccato est indignus pane quo vescitur, sicut dicit auctoritas, ut etiam ipsa vita, ut puta Dei inimicus: ergo, &c.

RESP. Dicendum quod verbum illud Augustini retractatum est, & retractatum intelligitur in præfata retractatione, quæ ponitur in præcedenti capitulo. Aut dignitas ibi tantum valet quantum congruitas solum, & multæ possunt esse congruitates in peccatoribus ad gratiam gratum facientem, per multiplicem gratiam gratis datam.

Neque præscire desinit, &c. Dub. I V.

Innuat Magister quod Deus præscire futura desinit, cum futura esse desinant. Contra: Videtur falsum dicere, quia præscientia dicit quid æternum: sed nullum æternum desinit esse: ergo nec præsciens desinit præscire.

ITEM: Richardus dicit quod quatuor sunt combinationes: quia quoddam est quod habet principium & finem: quoddam quod caret principio & fine: quoddam quod habet principium, & non finem, ut anima: quartum quod habet finem, & non principium, est impossibile. Quod enim caret principio, non habet esse aliunde: quod autem tale est, seipso est: si ergo est omnino immutabile: ergo non potest desinere: si ergo præscire caret principio, necesse est quod careat fine.

RESP. Dicendum quod absque dubio Magister bene dicit quod Deus desinit aliqua præscire cum sunt præsentia: si enim præsciebantur, quia futura, & iam desinunt esse futura, constans est quod desinunt præsciri, non ratione eius quod est scire, sed ratione præpositionis.

Ad illud ergo quod obicitur de æterno, dicendum quod aliquid nomen, pure æternum importat: aliquid vero nomen importat æternum connotando temporale. Hoc nomen, *Deus*, pure æternum importat: sed hoc vocabulum, *præscire*, dicit æternum connotando temporale. Secundum hoc, notandum, quod quædam connotant temporale, ut ens in actu. Et quia tale temporale esse potest, & desinere potest, ideo tales actus circa Deum dicuntur habere initium, & terminum, ut puta si dicatur: Deus conservat hanc rem, conservare dicit essentiam connotando actu effectum: ideo incipit, & desinit conservare. Quædam connotant temporale, ut non ens actu, ens tamen in potentia sine futurum: & quoniam temporale non potest incipere esse non ens, siue esse futurum

antequam sit: sed potest desinere esse non ens, cum incipit esse ens, & desinere esse futurum cum incipit esse præsens: hinc est quod præscientia Dei respectu creati dicitur desinere, sed nunquam incipere, & desinit ratione temporalis non desinentis, sed incipientis. Et ex hoc patet illud Richardi, quia cum dicitur: Deus desinit præscire, non significatur quod aliquid ens desinat, sed solum quod aliquid incipiat, & sic patet illud.

ARTICVLVS I.

Ad intelligentiam præsentis distinctionis duo principaliter quærentur. Primo quæritur de prædestinationis causalitate. Secundo de diuinæ scientiæ sempiternitate, siue interminabilitate. Quantum ad primum quærentur duo. Primo quæritur utrum prædestinatio, vel reprobatio in nobis habeat causam meritoriam. Secundo utrum habeat in Deo rationem motiuam.

QVÆSTIO I.

An prædestinatio, vel reprobatio habeant in nobis causam meritoriam.

*Alex. Alensis 1. p. q. 28. Membr. 3. art. 1.
S. Thom. 1. p. q. 23. art. 5.
Egid. Rom. 1. Sent. dist. 41. q. 2. art. 1.
Richardus 1. Sent. dist. 41. art. 2. q. 1.
Steph. Brulef. 1. Sent. dist. 41. q. 1.
Petrus de Tarentas 1. Sent. dist. 41. q. 3.
Gab. Biel. 1. Sent. dist. 41. q. unica.*

Quod autem habeant in nobis causam meritoriam, ostenditur sic: Primo de reprobatione, super illud: Esau odio habui. Glossa: Esau, subtrahita gratia, per iustitiam est reprobatus: sed iustitia respicit merita: ergo reprobatio est ex meritis.

2. ITEM: Per reprobationem non dicuntur nisi ista tria, scilicet odium æternum, obduratio temporalis, & damnatio finalis: sed omnia ista habent in nobis meritum, quia Deus neminem odit nisi propter demerita: nec obdurat, nec damnat: ergo, &c.

3. ITEM voluntate antecedente vult Deus omnes homines saluos fieri: si ergo aliquem reprobat, hoc est voluntate consequente neminem enim de se creat ad supplicium: sed voluntas consequens est consequens ex nostra causa: sed non ex alia causa quam meriti: ergo, &c.

4. ITEM de prædestinatione similiter ostenditur. Gregorius dicit & Augustinus quod prædestinatio innatur Sanctorum orationibus: Sed plus valet unicuique fides sua quam fides aliena: ergo merito suo, & alieno potest quis impetrare, quod sit prædestinatus.

5. ITEM nullus est prædestinatus nisi finaliter in gratia perseverans, & e contra: sunt ergo convertibilia: sed aliquis potest mereri finalem perseverantiam: ergo potest mereri quod sit prædestinatus.

6. ITEM quod potest in maius, potest in minus, vel æquale pari ratione: sed homo potest mereri habere Deum quod est maximum inter omnia, potest etiam mereri salutem quod est æquale ei quod est esse prædestinatum: ergo, &c.

SED contra: Omne meritum antecedit illud cuius est meritum, quia disponit ad illud: sed prædestinatio, & reprobatio præcedunt nostrum esse: ergo non cadunt sub nostro merito.

ITEM omne meritum aliquo modo est causa eius quod meretur: sed prædestinatio, & reprobatio sunt æterna, merita vero sunt temporalia: ergo temporale est causa æterni: quod est impossibile.

ITEM specialiter de prædestinatione videtur: Non ex operibus iustitiæ quæ fecimus nos, sed secundum suam misericordiam saluos nos fecit.

ITEM gratia est effectus prædestinationis, sed prima gratia antecedit omne meritum, & est causa omnis meriti: ergo non cadit sub merito, & eo ipso gratia est, quia sine meritis datur: ergo nec prædestinatio.

CONCLV

CONCLUSIO.

Prædestinatio respectu æterni propositi non habet causam meritoriam, respectu vero gratia habet secundum quid: reprobatio similiter pro odio æterno non habet causam, pro temporali vero obduratione habet causam demeritoriam.

RESP. ad Arg. Ad hoc intelligendum, notandum quod in prædestinatione tria intelliguntur. Primum est propositum æternum. Secundum est temporalis gratificatio. Tertium vero æterna glorificatio. Similiter in reprobatione intelliguntur tria, scilicet æternum odium, temporalis obduratione, & æterna damnatio. Quantum ad primum, & ultimum similiter est iudicandum: nam ultimum, scilicet poena, & gloria simpliciter cadunt sub merito. Primum vero scilicet propositum æternum, eo ipso quod æternum est, meritum habere non potest. Quantum vero ad medium quod est gratificatio & obduratione, differenter est iudicandum. Nam obduratione simpliciter cadit sub demerito, siue sub malo merito: Gratificatio vero nec simpliciter sub merito, nec simpliciter extra. Est enim meritum congrui, digni, & condigni. Meritum congrui est, quando peccator facit quod in se est, & pro se. Meritum digni, quando iustus facit pro alio. Meritum condigni, quando iustus operatur pro se ipso, quia ad hoc ordinatur gratia de condigno. Gratia autem alteri promerenda non est omnino ex condigno, quia peccator omni bono est indignus. Nec solū ex congruo, quia iustus dignus est exaudiri. Gratificatio ergo sub merito congrui potest cadere quo ad ipsum gratificandum: sub merito digni, quantum ad aliū virum sanctum: sub merito condigni, quantum ad neutrum, & hoc proprie loquendo est meritum. Respondendum est ergo ad quæstionē cum quæritur, utrum prædestinatio, & reprobatio cadat sub merito, quod simpliciter loquendo quantum ad principale significatum, neutra cadit sub merito: quantum vero ad connotatum, reprobatio cadit sub merito simpliciter, prædestinatio vero secundum quid. Concedendæ sunt ergo rationes probantes quod prædestinatio non cadit sub merito. Similiter quod nec reprobatio.

1. AD illud quod primo obiicitur de Glossa: quod Esau per iustitiam reprobatus est, dicendum quod ibi accipitur reprobatio pro connotato: quod est obdura-

2. AD illud quod obiicitur quod odium æternum cadit sub merito, dicendum quod odium æternum duo dicit, & principale significatum, & connotatum, quia neminem odit Deus quantum ad affectum, sed solum quantum ad effectum. Et primum non est ex meritis, sed secundum: quod patet si resoluatur, quia odium est propositum puniendi, propositum autem nullus meretur, sed poenam.

3. AD illud quod obiicitur quod neminem reprobat voluntate consequente, dicendum quod voluntas consequens non dicitur, quia consequatur merita nostra ratione voluntatis, sed solum ratione voliti: Vult enim aliquid Deus quod nos meruimus, & ideo quia volitum est connotatum, patet, &c.

4. AD illud quod obiicitur de prædestinatione quod inuatur orationibus Sanctorum, dicendum quod illud intelligitur ratione connotati quod est gratia quam sancti viri possunt aliis suis orationibus impetrare: non tamen sequitur quod homo possit impetrare sibi, quia ad hoc quod impetret, necesse est quod sit dignus mereri, & hoc non est nisi per gratiam.

5. AD illud quod obiicitur quod idem est esse prædestinatum, & in gratia finaliter perseverare, dicendum quod non est idem, sed conuertibile: sed illud non sequitur quod si aliquis possit mereri vnum conuertibile quod possit & reliquum, sicut non sequitur, si aliquid est causa vnius conuertibile quod sit causa

alterius, illud manifestum est.

A 6. AD illud quod obiicitur: Quod potest in maius, potest in minus: dicendum quod verum est si æqualiter ordinatur ad utrumque. Nam si habet ordinationem ad maius, & non habet ordinationem ad minus, quamvis possit in maius, non tamen sequitur quod in minus: similiter in proposito, gratia enim ordinatur ad merendum Deum, ut glorificantem, non ut prædestinantem, similiter ad gloriam, non ad primam gratiam.

QUESTIO II.

An prædestinatio & reprobatio habeant in Deo causam motiuam.

Alex. Alensis 1. p. q. 28. Memb. 3. art. 3.

S. Thom. 1. Sent. d. 41. q. 1. art. 3.

Et de Ver. q. 6. art. 2.

Scot. 1. Sent. dist. 41. q. 1.

Agid. Rom. 1. Sent. dist. 40. p. 2. q. 2.

Richardus 1. Sent. dist. 41. art. 2. q. 2.

Durandus 1. Sent. dist. 41. q. 2.

Steph. Brulef. 1. Sent. dist. 41. q. 2.

Petrus de Tarant. 1. Sent. dist. 41. q. 4.

Vtrum prædestinatio, & reprobatio habeant in Deo rationem motiuam. Et quod sic videtur per Canonem. Dixit Dominus: Num celare potero Abraham quod gesturus sum, cum futurus sit in gentem magnam, & præcepturus domui suæ ut custodiat pactum meum? Dominus ergo voluit reuelare ipsi Abraham propter considerationem bonorum futurorum: ergo cum illa ab æterno provideat, pari ratione prædestinat ex præscientia bonorum futurorum.

ITEM Ambrosius super epistolam ad Romanos: Dabo gratiam ei quem sciuerō toto corde ad me post errorem reuersurum, loquitur in persona Domini, ergo ratio quare Dominus proponit dare gratiam, est quia aliquod futurum præuidet in homine.

ITEM ratione ostenditur, quia omnis voluntas eo ipso quod voluntas, est rationalis: ergo si hoc perfectionis est in voluntate quod sit ex ratione, hoc maxime reperitur in voluntate diuina: ergo cum prædestinatio dicatur diuinum propositum, erit ex ratione.

ITEM omnis sapienter eligens eligit illos in famulos in quibus videt meliores mores præteritos, & similiter quos nouit fideliores fuisse, & si posset futura cognoscere, multo fortius eligeret, & respiceret propter præuisionem bonorum futurorum, & malorum, quam præteritorum. Si ergo Deus est sapientissime eligens: ergo rationem eligendi siue reprobandi accipit à præuisione, siue à præscientia.

ITEM: Nullus sapientem eligens præeligit omnino indistantia seu differentia, maxime si possit accipere omnia æque congrue: sed Deus præfert vnum alteri in electione: ergo, &c.

ITEM: Si diuinum propositum, siue prædestinatio solum haberet rationem, voluntatem Dei, & non aliam, tunc ergo videtur parcitas in diuina voluntate: si enim vellet omnes saluare, omnes saluarentur, & non est alia ratio nisi quia non vult: ergo voluntas eius non est liberalissima, nec optima.

ITEM: Si non esset alia ratio quam voluntas, ergo cum Deus reprobando proponit damnare, si sine omni ratione sola voluntate vellet damnare aliquem, ergo videtur crudelissimus, eo quod fecisset homines ad supplicium.

ITEM: Si sola voluntate prædestinat, & reprobat non præcognita ratione, videtur ergo secundum quod sit acceptor personarum: quod est contra illud quod dicitur: In veritate comperi quod non est acceptor personarum Deus.

1. SED CONTRA: Miserebor, cui miserebor, & clemens ero super quem placuerit mihi: ergo ratio prima & potissima diuinæ misericordiæ, & prædestinationis, est Dei beneplacitum, & voluntas.

Fundamēta.

Gen. 18. 6

1o c. 9. in 3.

AB. 10. f

Ad oppositum.
Exo. 33. d

2. ITEM

2. ITEM in Matthæo dicit Filius : Reuelasti ea par-
uulis, & abscondisti hæc à sapientibus : ita Pater quo-
niam sic placitum fuit ante te:ergo si Filius reddit opti-
mam rationem, solum diuinum beneplacitum est ratio.

3. ITEM Apostolus super hac quæstione dicit: Nun-
quid non habet sigulus potestatem de eadem massa fa-
cere alia quidem vasa in honorem, alia in contumeliã ?
Sienim quæreretur ab artifice, quare de vna parte mas-
sæ facit vasa pulchra, & ex alia vilia, cum æque sit bo-
na tota massa, non est alia ratio, nisi quia placet: ita enim
bene faceret, si faceret, econuerso: ergo, &c.

4. ITEM August. de prædestinatione Sanctorum: Non
quia tales nos futuros sciuit, ideo elegit: sed vt tales ef-
semus.

5. ITEM ratione videtur, quia voluntas Dei est causa
causarum: ergo ibi est status: sed vbi est status, non est
vltra quærere ratione: ergo, &c. Quod sit ibi status, pa-
tet. Quod etiam status non patitur quærere rationem,
videtur, quia quoties causam, vel rationem quærimus,
quærimus eam vt distantem: si enim omnino essent idẽ
causa & cuius est ratio, statim illo viso. videretur causa,
& nõ quæreretur: sed non est status nisi in summe sim-
plici, & ita nulla distantia: ergo nec ratio, nec quæstio.

6. ITEM: Si Deus prædestinat istum propter præui-
sionem, aut ergo bonorum, aut malorum, aut indifferen-
tium. Non propter præuisionem indifferentium, & ma-
lorum: ergo propter præuisionem bonorum: sed bona
nulla futura sunt in isto, nisi quæ Deus sua voluntate fa-
cturus est: ergo præuisio est propter voluntatem, &
non econuerso.

7. ITEM: Si quis quæreret, cum potuerit Deus produ-
cere vnum alium mundum similem huic, quare magis
istum quam illum, nulla esset quæstio: quia hoc solum
fuit, quia voluit: ergo pari ratione nulla est causa quare
prædestinat, & reprobatur, nisi quia vult.

CONCLVSIO.

*Prædestinatio, atque reprobatio quantum ad rationem vo-
liti & ordinationem ad voluntatem diuinam, non ha-
bent causam meritoriam: habent autem causam con-
gruentiam bona & mala opera in generali: quid vero sit
causa in speciali, est ignotum.*

RESP. Ad Arg. Dicendum quod cum quæritur,
vtrum æternum Dei propositum, siue electio, vel repro-
batio in Deo motiuam rationem habeat, hoc non intel-
ligitur quantum ad voluntatem diuinam, vel eius actum
qui Deus est: sed quantum ad ordinationem voliti ad
eius voluntatem. Et si quæzatur ratio causalis, vel meri-
toria, respondetur quod dari non possit. Si autẽ quæza-
tur ratio congruitatis, & decentiæ: respondent quidam
quod ipsa Dei voluntas sibi ipsi est ratio, nec est alia ra-
tio quare istum elegit, nisi quia placet: & hæc est suffi-
ciens per omnem modũ, quia est causa causarum, & ra-
tio rationum: & eo ipso quod placet, ideo rectum est
propter summã ipsius voluntatis rectitudinẽ, quia non
tantum est recta, sed etiam regula. Sed cauendum est, ne,
dum voluntatem Dei magnificare volumus, potius vo-
luntati eius derogemus. Si enim non esset alia ratio, qua-
re Deus istum elegit, & illum non, nisi quia placet, certe
iam non occulta dicerentur diuina iudicia, sed manife-
sta, cum quilibet hanc rationem capiat, nec dicerentur
mirabilia, sed potius voluntaria. Et propter hoc est dicẽ-
dum quod propositum illud æternum, sicut dicit Augu-
stinus, & habetur in litera, & voluntas illa est rationa-
bilissima, & rationem habet, & sicut ab æterno fuit, ab
æterno rationem habuit, non aliam propter essentiam,
sed propter connotatum. Quid autem sit illud in ele-
ctione hominum, vel reprobatione, nobis non est omni-
no notum, nec omnino ignotum. Propter hoc notan-
dum quod quædam sunt opera, quæ exeunt à voluntate
diuina cũ alio ad hoc ordinato ordine necessitatis, siue
necessitatem sumamus in causando, siue in merendo, vel
disponendo, vt plere, & remunerare, siue damnare, &

A saluare, & respectu talium diuina voluntas habet ratio-
nẽ in generali, & speciali. Vnde si quæzatur, quare Deus
vult plere, respondetur, propter nostram vtilitatem. Si-
militer habet rationem in speciali, vt si quæzatur, quare
vult Deus plere in hieme, non in æstate: tunc respon-
detur, quia vapores aquosi magis in hieme abundant,
quàm in æstate. Similiter si quæzatur, quare magis vo-
luit saluare Petrũ, quã Iudam: Respondetur quod iste ha-
buit bona merita, ille vero mala. Quædã autẽ sunt ope-
ra, quæ sunt à diuina volũtate cum alio ad hoc ordinato
ordine congruitatis, sicut est nostra gratificatio, vel ius-
tificatio, quæ est à diuina volũtate cum operatione, &
præparatione lib. arb. & hoc, quia qui creauit te sine te,
non iustificabit te sine te. Et hoc dictum est secundum
congruentiã. Adiutores enim Dei sumus, Attamen Deus
sine præparatione, & cooperatione iustificat, vt patet de
sanctificatis in vtero, & vt dicunt de Paulo, & respectu
talium operum habet rationem volũtatis in generali, &
habet in speciali: sed in generali certam, in speciali oc-
cultã. Si enim quæritur, quare Deus vult iustificare: Re-
spondetur ad misericordiã suã ostensionem. Et si quæ-
ritur, quare non vult omnes homines iustificare volun-
tate beneplaciti, dicendum quod hoc est propter iustitiẽ
suã ostensionem. Vnde August. de Ciuitate Dei: Si re-
manerent omnes in pœnis iustæ damnationis, non appa-
reret misericors gratia redimentis. Rursus: Si omnes
transferrentur de tenebris ad lucem, in nullo appareret
seueritas vltionis: in qua propterea multo plures quam
in illa sunt, vt sic appareret quid omnibus debebatur. Si
quæzatur in speciali, quare magis vult iustificare vnum
quam alium duobus similibus demonstratis: quia multæ
possunt esse rationes congruentiæ: ideo non est certitu-
do à parte rei. Et ideo cum cognitio nostra pendeat à
certitudine rei, nullus certam potest inuenire rationem,
nisi habeat per reuelationem illius cui dubia sunt certa.
Et quia non fuit nobis expediens ad salutẽ ista cog-
nitio, sed vtilior fuit ignorantia propter humilitatem: ideo
Deus noluit reuelare, & Apostolus non fuit ausus in-
quirere: sed ostendit defectũ nostræ intelligentiæ cũ ex-
clamauit: O altitudo diuiciarũ sapientiæ, & scientiæ Dei,
quam incomprehensibilia sunt iudicia eius, & inuesti-
gabiles viæ eius, &c.

1. Ad illud ergo quod quæritur, vtrum prædestinatio
habeat rationem. Dicendum quod habet in generali, si-
militer in speciali, & hæc ratio nota est diuinæ præ-
scientiæ, non nobis ratione prædicta.

2. 3. Ad illud quod obiicitur de sacra Scriptura quod
assignat beneplacitũ pro ratione, dicendũ quod quãvis
assignet pro ratione, & aliam non exprimat, non tamen
est ideo concludendum quod non sit alia: quia non sunt
omnia scripta, sed nobis vtilia. Vtile autem fuit scire
quod diuinum beneplacitum est causa, & ratio, vt disca-
mus eum timere, & nihil meritorum nobis attribuere.

4. 5. Ad illud quod obiicitur quod non elegit, quia
præuidit tales, dicendum quod Augustinus negat secũ-
dum quod hoc quod est, quia dicit causam non secun-
dum quod dicit rationem, quia quamvis diuina volun-
tas possit habere rationem, ex qua dicitur congruenter
operari: tamen non causam, siue rationem causalem: cum
sit causa causarum & maxime respectu voliti: quod
quidem est ex mera Dei liberalitate, vtpote est gratia
Eius iustificans impium: & per hoc patet sequens de statu.

6. Ad illud quod quæritur, propter quorum præui-
sionem, dicendum quod potest esse propter præuisionem
bonorum, vt aliquo modo sunt à libero arbitrio:
propter quorum tamen præuisionem nec scio determi-
nare, nec volo quærere, nec est ratio nisi congruitatis.
Vnde & alia potest esse, quam hæc.

7. Ad illud quod obiicitur de mundi creatione, dicen-
dum quod non est simile de mundi creatione, quia mũ-
di creatio à diuina voluntate, & beneplacito est tanquam
à tota causa. Et rursus per creationem non præsupponi-
tur aliquid. Rationes vero ad oppositum probant quod
diuina voluntas rationabiliter facit, siue quod ha-

August. de
verbis A-
post. ser. 15.
tom. 10.

Lib. 1. Cap.
12. ro. 5.
In Ench. c.
99. in fine
tom. 5.

Rom. 11. d

bet

bet rationem congruitatis ratione voliti. Et quia hoc verum est, ideo concedendæ sunt. Et quamvis aliquæ earum possint habere calumniam, tamen conclusio principalis non habet calumniam. Nam Augustinus dicit hoc in libro Retract. post omnes retractationes quod proponit, & eligit, & reprobat veritate certissima, & à nostris sensibus remotissima. Et quia à sensibus nostris est remotissima ideo nullus debet ipsam inquirere, quia in hac vita non possumus inuenire. Et ideo in nostræ intelligentiæ insufficientiam, sermo de prædestinatione claudendus est, vt obstruatur omne os, & subditus fiat omnis mundus Deo, cuius iudicia non sunt scrutabilia, sed formidolosa, silentio veneranda.

ARTICVLVS II.

Consequenter quantum ad secundum articulum quæritur de secundo, scilicet interminabilitate diuinæ cognitionis. Et circa hoc quærantur duo: Primo, quia dubium habet per comparisonem ad complexa, quæritur, vtum Deus cognoscat res per modum complexionis. Secundo quæritur, vtum enuntiabilia, siue quæ Deus semel cognoscit, semper cognoscat.

QVÆSTIO I.

An Deus cognoscat res per modum complexionis.

Alexander Avenensis 1. p. q. 23. Membro 3. art. 1.

S. Thomas 1. p. q. 14. art. 9.

Et 1. Sent. dist. 38. q. 1. art. 4.

Et de Veris. q. 2. art. 8.

Ægid. Rom. 1. Sent. dist. 38. p. 2. q. 1.

Richardus 1. Sent. dist. 41. art. 3. q. 1.

Steph. Brulef. 1. Sent. dist. 41. q. 3.

Petrus de Tarantasi. 1. Sent. dist. 41. q. 7.

Quod cognoscat Deus per modum complexionis ostenditur sic. Eandem rem quam cognoscit sensus, cognoscit intellectus: sed sensus per modum incomplexiōis, intellectus vero per modum complexionis: sed intellectus est potentior in cognoscendo quam sensus: ergo cognoscere per modum complexionis, est maioris potentiae: sed omne tale est Deo attribuendum, ergo, &c.

Item: Differenter significatur res per vocem incomplexiā, & per complexionem, quia per vocem incomplexiā quantum ad esse simpliciter: sed per orationem quantum ad esse tale, vel tale: sed Deus non tantum cognoscit res quantum ad esse simpliciter, sed etiam quantum ad esse tale, vel tale: ergo cognoscit secundum complexionem.

Item: Ordo vnius rei ad alteram cui coniungitur in re, facit compositionem in cognitione, vel in sermone complexionem: sed Deus non tantum intelligit in se rem ipsam: sed etiam in ordine ad rem aliam cui vnitur: ergo non solum per modum simplicem, sed compositionis.

Item: Deus intelligit nostrum intelligere, & nostrum dicere: sed nos dicimus, & intelligimus rem per modum complexionis: ergo Deus hoc modo intelligit.

1. SED CONTRA per Dionysium de Diuin. nomin. Cognoscit Deus omnia immaterialiter materialia: impartite partita: vniuniformiter multa: immutabiliter mutabilia: ergo si partita cognoscit impartite: ergo composita per modum simplicem: sed modus simplicitatis & complexionis opponuntur: ergo non cognoscit per modum complexionis.

2. Item cum intellectus cognoscat per modum complexionis, aut modus ille est in re, aut in intellectu. Nō in re, quia cum sensus apprehendat eandem rem, apprehenderet eam per modum complexionis: ergo est in intellectu: sed omnis talis intellectus in quo est complexio realiter est complexus, & compositus: sed diuinus intellectus non est huiusmodi: ergo, &c.

3. Item si cognoscit res per modum complexionis, cum modus diuinæ cognitionis sit ei coæternus, ab æterno cognouit per modum complexionis: ergo complexio fuit ab æterno: sed multa intellexit, ergo multæ sunt complexiones ab æterno: ergo veræ, vel falsæ. Si veræ: ergo plura sunt vera ab æterno: si falsæ: ergo plura sunt falsa ab æterno.

4. Item si cognoscit per modum complexionis, cum eadem res modo vere significetur sub ratione futurationis, modo sub ratione præteritionis, modo ratione præsentialitatis: ergo his omnibus modis Deus cognoscit. SED CONTRA: Omnia cognoscit, vt præsentia. Vnde dicitur: Vnus dies apud Deum sicut mille anni, &c. ergo non cognoscit omnibus his modis.

CONCLUSIO.

Cognitio diuina rerum, non est per modum complexionis prout complexio cadit in intellectu: sed bene res complexas in se, vel complexas per intellectum nostrum cognoscit.

RESP. ad Arg. Dicendum quod cognoscere res per modum complexionis potest intelligi tripliciter. Aut enim modus cōplexionis cadit circa rem, & sic est sensus: Deus cognoscit res existere, vel se habere per modum complexionis, siue compositionis. Et hoc est verum: cognoscit enim res esse sicut sunt. Alio modo, vt modus complexionis cadat circa rem, vt ex expressa per intellectum nostrum, & tunc est sensus, quod Deus cognoscit res non tantum vt sunt, sed etiam vt intellectus exprimit: cognoscit enim res, & voces, siue intellectus illas significantes. Et hoc verum est. Tertio modo potest intelligi, vt modus cōplexionis cadat circa intellectum diuinum. Et hoc modo falsum est: hoc enim spectat ad intellectum, qui intelligit multa, & per multa, quæ oportet cōplecti: Deus autem multa intelligit vno, & ita simplici modo, nec magis est simplex intellectus eius intelligendo vnum, quā multa. Vnde intelligere multa per modum cōplexionis, nec est omnino virtutis, nec omnino imperfectionis, & ideo nō ponitur nec in cognitione infirmæ, vt sensitivæ: nec in cognitione supremæ, vt in diuinæ: & fortassis nō etiā est in cognitione supremæ ipsius animæ quæ dicitur intellectiua, prout est in suo summo: cognoscit enim per modum simplicis aspectus. Rationes probantes quod cognoscit per modum complexionis, procedunt secundum primam, & secundam viam: ideo verum concludunt præter primum, quod iam solutum est.

2. AD illud quod obiicitur quod complexio venit ab intellectu, dicendum quod complexio dupliciter potest comparari ad intellectum: aut sicut ad causam, aut sicut ad subiectum. Si ad subiectum in quo, & quod informat, & denominat, sic comparatur ad intellectum humanum à quo est complexio, qui etiam complectitur. Si ad causam, sic comparatur ad intellectum diuinum. Nā intellectus diuinus cognoscit complexione non circa se, sed circa nostrum intelligere: quoniam cōplexio non est ab intellectu nostro, nisi cooperante diuino in intelligendo.

3. AD illud quod obiicitur quod si cognoscit res per modum complexionis quod tunc complexiones sunt æternæ, dicendum quod ex primo, vel secundo sensu non sequitur quod complexiones sint æternæ, quia non est complexio circa Deum: sed bene sequitur quod veritas significata per aliquam complexionem est æterna, sicut veritas huius, mundum esse futurum: tamen propositio, & complexio est ab intellectu nostro intelligente illam veritatem æternam. Vnde sicut vox temporalis significat rem æternam, vt hoc nomen, *Deus*, non tamen sequitur quod sit æterna: sic multa enuntiabilia significant veritatem æternam, nec tamen sunt æterna.

4. AD illud quod obiicitur quod tunc cognoscit res sub ratione futurationis, & præteritionis, dicendum sicut tactum est, quod modus diuinæ cognitionis potest accipi, vel secundum se, vel à parte cogniti. Si à parte cogniti, sic

dicto

dico quod omnino cognoscit rem esse, & ita mutabiliter esse, ita composito modo esse sicut est, & ita de omnibus: & sic cognoscit rem præteritam esse præteritam, & futuram esse futuram, & non præteritam esse præsentem. Potest iterum accipi à parte sui: & sic cum cognitio Dei sit omnino simplex, omnino præsens, omnia cognoscit per modum simplicitatis, & per modum præsentia-
litas. Vnde quod dicit: omnia sunt præsentia apud Deum: hoc dictum est quantum ad cognitionem, in qua nulla cadit successio: ideo nec nouum, nec vetus, nec præteritum, nec futurum: in actu autem cognitionis angelicæ, & humanæ cadit successio: & ideo præteritum, & futurum. Et præterea non ita dicuntur omnia præsentia animæ cognoscenti, sicut Deo: & hoc manifestum est, quia nunc æternitatis quod est semper præsens, complectitur omnia temporalia: & ideo patet quo modo sit intelligendum.

QVÆSTIO II.

An enuntiabilia quæ semel Deus cognoscit, semper cognoscat.

Alexand. Alensis 1. p. q. 23. Membro 3. art. 5.

S. Thom. 1. p. q. 14. art. 14.

Et 1. Sent. dist. 38. q. 1. art. 3.

Et dist. 41. q. 1. art. 5.

Et de Verit. q. 2. art. 7.

Ægid. Rom. 1. Sent. dist. 38. p. 2. q. 2.

Et dist. 41. p. 2. q. unica.

Richard. 1. Sent. dist. 38. q. 4.

Thom. Arg. 1. Sent. dist. 38. q. 1. art. 2.

Gregor. Arim. 1. Sent. dist. 43. q. 1.

Franciscus de Mayr. 1. Sent. dist. 39. q. 1. art. 3 & 4.

Stephanus Brulef. 1. Sent. dist. 41. q. 4.

Petrus de Tarantaf. 1. Sent. dist. 38. q. 4.

Vtrum enuntiabilia, siue complexa quæ Deus semel cognoscit, semper cognoscat, vel sciat. Et quod sic videtur: quia Deus non cognoscit enuntiabile nisi ratione veritatis: sed veritas enuntiabilis, quæ semel fuit, semper fuit, & est, & erit: ergo enuntiabile quod semel cognoscit, semper cognoscit. Probatio mediæ: Omnis veritas complexi fundatur super rem complexam: sed eadem res primo est futura, postea præsens, deinde præterita, & una & eadem: ergo una & eadem veritas est in ea secundum omnes hos modos: sed necesse est, quod sit semper sub aliquo horum modorum: ergo, &c.

2. **I**TEM hoc ipsum videtur alia ratione, quia quæcunque scit Deus, scit immutabiliter: alioquin, cum scire Dei sit suum esse, si mutaretur suum scire, & esse, quod est impossibile: sed omne quod habet immutabilitatem, habet sempiternitatem, quia si desinit, mutatur: ergo quod Deus semel cognoscit, semper cognoscit.

3. **I**TEM quod scriptum est in illo libro, deleri non potest: sed Deus cognoscit non aspiciendo extra, sed legendo libro suæ præscientiæ: ergo quod semel cognoscit, semper cognoscit. Præterea patet, quia super illud Exodi: Aut dele me de libro tuo, &c. Glos. Securus hoc dicit, quia non delebitur. Et idem dicit super Psalmos.

4. **I**TEM quod desinit, vel perditur aliquo desinente, de necessitate pendet ex illo, sed diuina cognitio non dependet ex veritate creanda: ergo quamvis enuntiabile desinat esse verum, tamen Deus non desinit illud scire: & si hoc: ergo quod semel scit, & semper.

SED contra: Sicut præscire habet se respectu futuri, ut futurum est, sic scire respectu veri: si enim actu scitur, actu est verum: sed dicit Magister: Deus desinit præscire rem, cum res de futuro sit præsens: ergo similiter desinit scire, cum de vero sit falsum.

ITEM sicut diuina acceptio respicit bonitatem, ita visio veritatem: sed Deus desinit hominem acceptare, cum perdit bonitatem: ergo desinit rem cognoscere, siue enuntiabile, cum perdit veritatem.

ITEM hoc ipsum ostenditur per impossibile, quia si quodcunque enuntiabile sciuit, modo scit & sciuit Christum esse moriturum, ergo & modo scit: sed quidquid

A scit, est verum: ergo Christum esse moriturum est verum, quod est contra fidem.

ITEM sic: Quidquid sciuit, modo scit: sed aliquando sciuit non esse te, cum non eras: ergo scit te non esse, & scit te esse, quia verum est: ergo simul duo contradictorie opposita: ergo duo contradictorie opposita sunt simul vera, quod falsum est, & impossibile.

CONCLUSIO.

In quantum scire dicit apprehensionem, quacunque Deus scit, semper scit: in quantum vero dicit assensum, quamvis scire Dei in se sit inuariabile, ratione tamen connotati quod est variabile, non quacunque semel scit: semper scit.

RESP. Ad Arg. Dicendum quod scire dicitur dupliciter. Vno modo prout reflexitur in se: & sic sensus est: iste scit hoc, id est habet cognitionem de hoc, & hoc modo dicendum quod scire nihil connotat à parte sciti actuale, nec veritatem, nec præsentiam. Deus enim de omni enuntiatione habet perfectam cognitionem, utrum sit enuntiatio perfecta, & congrua, utrum vera, &c. similia. Alio modo scire dicitur secundum quod est verbum proæreticum, & sic transit in actum extra: & sic connotat veritatem in obiecto: tunc ergo scire enuntiabile aliquod, idem est quod scire ipsum esse verum. Vnde scio te sedere, hoc est dicere: non tantum habeo cognitionem de hoc, sed etiam cognosco ipsum esse verum. Primo modo scire importat nudum intelligere. Secundo modo intelligere cum assensu. Si ergo scire accipiat

Cipiat primo modo, sic dico, quod quidquid est, & omne enuntiabile, & omne quod sciuit, adhuc scit, & habet cognitionem de illo, quia de omni eo quod est, & quod potest esse, habet cognitionem: nec sequitur, scit hoc, ergo hoc est verum: immo est ibi consequens. Si autem accipiat scire secundo modo prout connotat veritatem circa enuntiabile, sic fuerunt quidam qui dixerunt quod desinit aliquid enuntiabile scire, quia posuerunt, quod enuntiabile, quod est verum potest esse falsum. Alij dixerunt contrarium, quia posuerunt quod enuntiabile quod semel verum est, semper est verum, & ita semper scitur. Et ut melius pateat: videnda est eorum positio, & ratio positionis. Fuerunt qui dixerunt quod albus alba album, cum sint tres voces, & tres habeant modos significandi: tamen quia eandem significationem important, sunt unum nomen. Per hunc modum dixerunt, quod vnitas enuntiabilis, accipienda est non ex parte vocis, vel modi significandi, sed rei significatæ: ideo vna res est, quæ primo est futura, deinde præsens, tertio præterita: ergo enuntiare rem hanc primo esse futuram, deinde præsentem, tertio præteritam, non faciet diuersitatem enuntiabilium, sed vocum. Rursus: Cum idem tempus sit primo futurum, deinde præsens, tertio præteritum, tempus scilicet quod est mensura rei quæ significatur per rationem, quamvis esse vel fuisse, vel fore consignificent tria tempora, ratione tamen significati non diuersificant enuntiabile, sed variatur solum à parte temporis significati. Vnde si dicam semel: Sortes currit hodie, & cras dicam, cecurrit, cum hoc verbum non det intelligere aliud tempus, & ita nec aliam actionem, enuntiabile non est mutatum quantumcunque mutata consignificatione, & quia retenta eadem significatione, enuntiabile semper est idem, & non est idem, nisi cum eadem significatio retinetur: ideo dixerunt quod illud quod semel est verum, semper est verum: & ideo cum Deus nihil obliuiscatur, dicunt quod omne enuntiabile quod Deus sciuit, scit. Et respondet illi rationi: Omne enuntiabile quod sciuit, scit: sed sciuit te nasciturum, vel te esse nasciturum, ergo, &c. non debet sic inferri: ergo scit te esse nasciturum, sed sic: ergo scit te fuisse nasciturum. Aliter est ibi figura dictionis, quia procedit ab identitate in modo significandi, ad identitatem rei, & hoc modo soluit Magi-

ster. Et ista fuit opinio nominalium, qui dicti sunt nominales, quia fundabant positionem suam super nominis unitatem. Sed ista fuit positio contra Philosophum, qui dicit in prædicamentis, quod eadem ratio primo est vera, postea falsa. Fuit etiam contra communem opinionem. Fuit etiam contra veritatem. Ratio huius est, quia nec bonum fundamentum habet, nec bonam adaptationem. Primo enim si queratur utrum albus alba album sint tria nomina, respondendum est: aut loqueris grammaticè, aut logicè: si grammaticè, cum grammaticus consideret impositionem nominis, & modum principalem significandi substantiam cum qualitate, sic dicit unum nomen esse: si logicè, cum logicus consideret nomen in quantum est vox expressiva, unde diffinit nomen, verbum, & orationem per vocem tanquam per genus, & multiplicato superiori necesse est multiplicari inferius: si sunt multe voces significatiue, sunt de necessitate multa nomina: & ideo patet, quod male accipiebant nominis unitatem secundum quod congruit ad propositum. Mala etiam fuit adaptatio, quia enuntiabile non significat rem, sed modum se habendi: & cum per verbum præsentis, præteriti, & futuri temporis significetur res alio modo se habere: patet de necessitate, quod aliud enuntiabile est te esse nasciturum, & te esse natum. Rursus deficiebant in ultimo, quia sicut homo non significat istum hominem, vel illum, sic verbum præsentis temporis non significat illud, vel illud præsens: sed præsens in communi, siue copulet, siue significet. Et inde est, quod sicut homo non habet aliam significationem, nec est aliud nomen, nec equiuocum, si modo supponat pro Ietro, modo pro Conrado: sic nec verbum præsentis temporis, siue pronuntietur hodie, siue cras, habet aliam significationem, & ideo non facit aliud enuntiabile. Et præterea patet, quod quocunque tempore proferatur te esse nasciturum, idem est enuntiabile, quod prius fuit verum, modo falsum. Secundum ergo quod scire connotat veritatem circa enuntiabile scitum: illud, quod sciuit, modo non scit, nulla facta mutatione in Dei scientia, sed solum in connotato. Concedendum igitur quod in secunda acceptione non omne quod scit, temper scit.

1. Ad illud quod obiicitur quod veritas est una in præsentis, præteriti, & futuro, dicendum quod quamvis sit re lucibilis ad unam rei veritatem sicut accidens ad subiectum, & modus essendi ad entitatem, tamen cum modus essendi habeat suam veritatem, & tres sint modi essendi, ideo tres sunt veritates.

2. Ad illud quod obiicitur de indelebilitate, & immutabilitate, & independentia, dicendum quod iam solutum est, quia nulla fit transmutatio in Dei cognitione, nec definit scire enuntiabile propter mutationem in se, sed in connotato.

DISTINCT. XLII.

De Omnipotentia Dei, quare videlicet dicatur omnipotens: Quia scilicet omnia potest, & quo modo hoc intelligatur.



NUNC de omnipotentia Dei agendum est. Vbi prima consideratio occurrit: Quo modo vere Deus dicatur omnipotens: an quia omnia possit, an tantum quia ea possit quæ vult. Quod enim Deus omnia possit, pluribus auctoritatibus comprobatur. Ait enim Augustinus in lib. quæst. veteris ac nouæ legis: Omnia quidem potest Deus: sed non facit nisi quod conuenit veritati eius, & iustitiæ. Idem in eodem: Potuit Deus cuncta facere simul: sed ratio prohibuit, id est, voluntas. Rationem nempe ibi voluntatem Dei appella-

uit, quia Dei voluntas rationalis est & æquissima. Fatendum est ergo Deum omnia posse.

Quo modo dicatur Deus omnia posse, cum nos multa possimus, quæ ipse non potest.

Sed queritur quo modo omnia posse dicatur, cum in quadam possimus quæ ipse non potest. Non potest enim ambulare, loqui, & huiusmodi, quæ à natura diuinitatis sunt penitus aliena, cum horum instrumenta nullatenus habere queat incorporea & simplex substantia. Quibus id respondendum arbitror, quod huiusmodi actiones, ambulatio scilicet & locutio, & huiusmodi à Dei potentia aliena non sunt, sed ad ipsam pertinentes. Licet enim huiusmodi actiones in se Deus habere non possit, non enim potest ambulare, vel loqui, & huiusmodi, eas tamen in creaturis potest operari. Facit enim ut homo ambulet, & loquatur, & huiusmodi. Non ergo per istas actiones diuina potentia detrahitur aliquid, quia & hoc potest facere omnipotens.

De aliis obiicitur.

Sed sunt alia quadam quæ Deus nullatenus facere potest, ut peccata, non enim potest mentiri, non potest peccare. Sed non ideo omnipotentia Dei in aliquo detrahitur vel derogatur, si peccare non posse dicitur: quia non esset hoc potentia, sed infirmitatis. Si enim hoc posset, omnipotens non esset. Non ergo impotentia sed potentia imputandum est, quod ista non potest. Vnde Aug. in 15. lib. de Trin. Magna, inquit, Dei potentia est non posse mentiri. Sunt enim quadam quæ in aliis rebus potentia deputanda sunt, in aliis vero reprehensibilia sunt. Non ergo ideo Deus minus potens est, quia peccare non potest, cum omnipotens nullatenus possit esse, qui hoc potest.

Item de aliis opponit.

Sunt etiam & alia quadam quæ Deus non potest, unde videtur non omnia posse. Non enim potest mori, vel falli. Vnde Augustinus in lib. de Symbolo: Deus omnipotens non potest mori, non potest falli, non potest miser fieri, nec potest vinci. Hac utique & huiusmodi absit ut possit omnipotens. Si enim huiusmodi passionibus, atque defectibus subiaci posset, omnipotens minime foret. Et ideo monstratur omnipotens, quia ei hac propinquare non valent: potest tamen hac in aliis operari.

Omnipotentia Dei secundum duo consideratur.

Hic ergo diligenter considerantibus, omnipotentia eius secundum duo apparet, scilicet quod omnia facit quæ vult, & nihil omnino patitur. Secundum utrumque Deus omnipotens verissimè predicatur: quia nec aliquid est quod ei ad patiendum corruptionem inferre valeat, nec aliquid ad faciendum impedimentum afferre. Manifestum est itaque Deum omnino nihil posse pati, & omnia facere posse, præter ea sola quibus eius dignitas laderetur, eiusque excellentia derogaretur: in quo tamen non est minus omnipotens. Hoc enim posse non esset posse, sed non posse. Nemo ergo Deum impotentem in aliquo dicere presumat, quia omnia potest quæ posse potentia est: & inde vere dicitur omnipotens.

Quibusdam

Quibusdam auctoritatibus traditur, quod ideo dicitur omnipotens, quia potest quidquid vult.

Ex quibusdam tamen auctoritatibus traditur, ideo vere dici omnipotens, quia quidquid vult potest. Vnde Aug. in Ench. Non ob aliud veraciter vocatur omnipotens, nisi quoniam quidquid vult potest: nec voluntate cuiuspiam creatura voluntatis omnipotentis impeditur effectus. Idem in lib. de Spiritu & Littera: Non potest Deus facere iniusta, quia ipse est summa iustitia & bonitas. Omnipotens vero est, non quod possit omnia facere: sed quia potest efficere quidquid vult, ita ut nihil valent eius voluntati resistere quin compleatur, aut aliquo modo impedire eandem. Ioan. Chrysost. in Homil. quadam de expositione symboli ait: Omnipotens dicitur Deus, quia posse illius non potest inuenire non posse, dicente Propheta. Omnia quacumque voluit, fecit. Ipse est ergo omnipotens, ut totum quod vult, possit. Vnde Apostolus, Eius (inquit) voluntati quis resistit? His auctoritatibus videtur ostendi, quod Deus ex eo tantum dicatur omnipotens, quod omnia potest quae vult, non quia omnia possit.

Determinatio praemissarum auctoritatum.

Sed ad hoc potest dici, quod Augustinus, ubi dicit: Omnipotens non dicitur quod omnia possit, &c. Tam ample & generaliter accepit omnia, ut etiam mala includeret, quae Deus non potest, nec vult. Non ergo negavit eum posse omnia quae conueniunt ei posse. Similiter cum dicit: Non ob aliud veraciter dicitur omnipotens, nisi quoniam quidquid vult, potest: non negat eum posse etiam ea quae non vult: sed aduersus illos qui dicebant Deum multa velle quae non poterat, affirmat eum posse quidquid vult, & ex eo vere dici omnipotentem, non ob aliud, quam quia potest quidquid vult. Sed caue quomodo intelligas. Potest quidquid vult an quidquid vult se posse, an quidquid vult facere, an quidquid vult fieri. Si enim dicas ideo omnipotentem vocari, quia potest quidquid vult se posse: ergo Petrus similiter omnipotens dici potest, vel quilibet Sanctorum Beatorum, quia potest quidquid vult se posse, & potest facere quidquid vult facere. Non enim vult facere nisi quod facit, nec posse nisi quod potest: sed non potest facere quidquid vult fieri. Vult enim saluos fieri qui saluandi sunt: verumtamen eos saluare non valet. Deus autem quidquid vult fieri, potest facere. Si enim vult aliquid fieri per se, potest illud facere per se, & per se facit: sicut caelum & terram per se fecit, quia voluit. Si autem vult fieri per creaturam & per eam operatur: sicut per homines facit domos, & huiusmodi artificia. Et Deus quidem ex se, & per se potest: homo autem vel angelus, quantumcumque beatus est, non est potens ex se, vel per se.

Oppositio.

Sed forte dices, nec Dei Filius potest à se, nec Spiritus sanctus, sed solus Pater. Ille enim potest à se, qui est à se: Filius autem quia non est à se, sed à Patre, non potest à se, sed à Patre: & Spiritus sanctus ab utroque. Ad quod dicimus, quia licet Filius non possit à se, nec operetur à se, potest tamen & operatur per se: sic & Spiritus sanctus. Vnde Hilarius in lib. 9. de Trin. Natura (inquit) cui contradicis haeretice, hac unitas est, ut ita per se agat Filius, ne à se agat, & ita non à se agit, ut per se agat. Per se autem dicitur agere & potens esse, quia naturalem habet potentiam eandem quam

A & Pater, qui potens est & operatur: sed quia illam habet à Patre, non à se, ideo à Patre non à se dicitur posse & agere. Homo autem vel Angelus gratiam habet potentiam, quae potens est. Ideo ergo vere ac proprie Deus Trinitas omnipotens dicitur, quia per se id est, naturali potentia potest quidquid vult fieri, & quidquid vult se posse. Nihil enim vult fieri, quod non possit facere per se, vel per creaturas, & nihil vult se posse, quod non possit, & omne quod vult fieri, vult se posse: sed non omne quod vult se posse, vult fieri. Si enim vellet, fieret: quia voluntati eius nihil resistere potest.

DISTINCT. XLII.

De Potentia Dei in comparatione ad possibilia quae potest.

Nunc de omnipotentia Dei agendum est.

Expositio Textus.

VPRAE agit Magister de scientia diuina, hic agit de potentia. Et quia potentiam tripliciter contingit considerari, sc. quantum ad quidditatem possibilem, & quantum ad quantitatem, & quantum ad modum operandi: ideo haec pars tres continet partes, siue tres distinctiones. In prima determinat Magister de potentia in comparatione ad possibilia quae potest. In secunda determinat de potentia quantum ad quantitatem, ostendens eius immensitatem, infra dist. 43. Quidam tamen de suo sensu gloriantes. In tertia determinat de ipsa quantum ad modum, infra distinct. 44. Nunc illud restat discutiendum verum melius, &c. Prima pars quae continet praesentem distinctionem, habet quatuor partes. In prima Magister ostendit, quod Dei potentia est omnipotentia, quia est respectu omnium possibilem quae possibile est esse. In secunda remouet illa possibilia, quae posse non est potentiae, ibi: Sed queritur quo modo omnia posse dicatur. In tertia ponit rationes quae attestantur diuinae potentiae, ibi: Hic ergo diligenter considerantibus, omnipotentia eius, &c. In quarta Magister alias rationes omnipotentiae docet ad praedictas duas reducere, ibi: Ex quibusdam tamen auctoritatibus traditur ideo, &c. Et ibi primo ponit auctoritates, deinde docet eas exponere: & hoc, ibi: Sed ad hoc potest dici quod Augustinus, &c.

Omnia quidem potest Deus: sed non facit nisi quod conuenit veritati eius, & iustitia. Dub. I.

Videtur hoc verbum Augustini esse falsum, quia in Psalmo dicitur: Misericordia Domini super omnia opera eius: ergo magis deberet dicere, quod non facit nisi quod conuenit misericordiae. Et iterum, quae differentia est inter veritatem, & iustitiam.

RESP. Dicendum quod iustitia vno modo est idem quod exigentia meritorum, & sic diuiditur contra misericordiam. Alio modo dicit concedentiam bonitatis, & hoc modo comprehendit misericordiam, & iustitiam proprie dictam, & sic accipit Augustinus in praedicto verbo, & hoc modo differt à veritate secundum rationem dicendi, quamvis idem sit secundum rem. Nam veritas respicit vnamquamque rem secundum se: sed iustitia respicit vnam rem comparatam ad alteram secundum quod per leges debitas colligatur vna alteri.

Potuit Deus cuncta facere simul: sed ratio prohibuit. Dub. II.

Videtur male dicere, quia posse prohiberi est impotentiae: ergo si diuina potentia potest prohiberi, est impotens.

ITEM: Illa ratio autem est quid creatum, aut increatum.

Si creatum: ergo aliquid aliud à Deo prohibuit diuinam A virtutem: ergo aliquid potest resistere Deo. Si increatum: quo modo potest prohibere, cum sit omnino idem? Præterea hoc non videtur prohibitum, quia dicitur: Qui vixit in æternum creauit omnia simul.

RESP. Dicendum quod ratio hic vocatur voluntas rationalis, & rationabilitas in voluntate, & ista quamvis non dicat aliquid aliud quantum ad principale significatum à diuina essentia, connotat tamen aliquid, scilicet congruitatem in voluto, quæ quidem non reperitur in eius opposito. Quod patet. Si omnia simul producta essent quantum ad esse singulare, nulla creatura aliquid faceret, & non esset propter hoc cursus in vniuerso, qui est. Voluntas ergo rationalis hoc exigebat, vt Deus non faceret omnia simul quamvis posset: vnde prohibitio non accipitur hic pro repugnantia, sed pro arctatione potentie quantum ad actum, non quantum ad posse. Et hæc est determinatio indifferentie ad hoc opus, non ad oppositum, & sic patet obiecta. Nam Ecclesiasticus intelligit quantum ad partes principales, siue priores: sed Augustinus loquitur quantum ad individua.

Deus omnipotens non potest mori, &c. Dub. III.

Quæritur de differentia horum quatuor quæ remouet Augustinus à Deo, scilicet mori, falli, miserum esse, & vinci.

RESP. Dicendum quod ista dicunt defectus ipsius hominis, siue animæ in corpore. Quadruplex autem est actus, & quadruplex potentia. Prima est viuificatiua, & huius actus est viuere, & contra hunc est defectus mori. Secunda est cognitiua, cuius actus est nosse, & contra hunc est falli. Tertia est affectiua, & huius actus est velle, siue amare, & delectari, & contra hunc est miserum esse. Quarta est operatiua, & huius actus est agere, & contra hunc est vinci, & superari. Et nota quod ex his quæ dicuntur, quatuor genera actuum remouentur à Deo, scilicet corporales siue instrumentales, vt currere. Actus culpabiles, vt peccare, mentiri. Actus passivi, vt vinci, & superari. Actus defectiui vt mori, & falli, quia habent potentiam coniunctam defectui. Et inde elicit Magister perfectam rationem potentie, quæ potest omnia facere, & nihil pati.

Tam ample & generaliter accepit omnia, vt etiam mala includeret. Dub. IV.

Videtur falsum dicere, quia aut malum includitur ratione substrati, aut ratione deformitatis. Non ratione substrati includitur, quia actio mala ratione actionis substrati est à diuina potentia. Non ratione deformitatis, quia cum illa sit simpliciter non ens, non videtur posse includi.

RESP. Dicendum quod malum accipitur ratione deformitatis, & quoniam, omnia, distribuit ibi pro possibilibus, & possibile potest accipi generaliter tam à potentia actiua quam defectiua, sic accipitur ample, & comprehendit malum, & sic intelligit Augustinus. Alio modo vt possibile dicatur à potentia quæ secundum rem & modum est potentia, & tunc proprie accipitur, & tunc non continetur ibi malum, & sic accipitur in communi vsu cum dicimus Deum omnipotentem. Et sic patet quod quamvis non contineatur sub ente, non tamen est simile de potentia.

Homo autem, vel Angelus gratuitam habet potentiam quæ potens est. Dub. V.

Videtur male dicere, quia generatio est actus naturalis cum quis generet similem in natura: ergo est potentia naturalis: sed non Dei, quia Deus non naturaliter producit hominem: ergo est hominis: ergo homo habet potentiam naturalem.

RESP. Dicendum quod naturale dicitur dupliciter. Vno modo dicitur naturale quod habetur à natura & secundum consonantiam nature, & sic creature multe habent potentias naturales. Alio modo dicitur naturalis potentia, quæ inest alicui per propriam naturam, ita quod non per aliam nec dantem, nec conseruantem: & hoc modo sola virtus diuina est naturalis, omnis autem alia à Deo est liberaliter data, & liberaliter conseruatur, & adiuuatur vt agat, & ideo gratuita.

Vere, ac proprie Trinitas Deus omnipotens dicitur. Dub. VI.

Videtur non verum dicere, quia non dicitur proprie omnisciens: ergo nec omnipotens. ITEM: Data est mihi omnis potestas in cælo, & in terra. Et de aliis videtur, quia: Si potes credere, omnia possibilia sunt credenti.

RESP. Dicendum quod omnipotentia est solius Dei proprie: quia dicit potentiam infinitam, quæ in nulla potest esse creatura, nec in Christo, nec in alio secundum humanam naturam. Et hoc melius patebit alibi. Vnde si dicatur de Christo omnipotentia, hoc intelligitur secundum idiomatum communicationem. Si autem dicatur de credentibus, distributio est accommodata solum de miraculis, & sic patet illud.

ARTICVLVS I.

AD intelligentiam huius distinctionis quatuor quæruntur. Primo, vtum Deus possit aliquid aliud à se. Secundo, dato quod possit, quæritur vtum possit in omne quod alij agenti est possibile. Tertio, vtum diuina potentia se extendat ad omne illud, quod alij agenti est impossibile. Quarto, vtum possibile dicatur aliquid simpliciter secundum causas superiores, siue secundum potentiam diuinam, vel secundum inferiores, siue secundum potentiam creatam.

QVÆSTIO I.

An Deus possit in omne aliud à se.

D Alex. Alensis 1. p. q. 21. Memb. 1. art. 1.

S. Thom. 1. p. q. 25. art. 1.

Et 1. Sent. dist. 42. q. 1. art. 1.

Et de Pot. q. 1. art. 1.

Scot. 1. Sent. dist. 42. q. unica.

Egid. Rom. 1. Sent. dist. 42. q. 1.

Henricus in summa, art. 25. q. 1.

Richardus 1. Sent. dist. 42. q. 1.

Durandus 1. Sent. dist. 43. q. 1.

Tho. Arg. 1. Sent. dist. 42. q. 1. art. 1.

Marsilius Inguen. 1. Sent. q. 42. art. 1.

Steph. Brulef. 1. Sent. dist. 42. q. 1.

Petrus de Tarantasia 1. Sent. dist. 42. q. 1.

Gab. Biel. 1. Sent. dist. 42. q. unica.

E Quid autem non possit Deus aliud à se ostenditur sic: Omnis potentia quæ agit in aliud à substantia in qua est, vel cuius est, egreditur ab illa substantia, potetia enim non operatur, nisi vbi est. Si ergo diuina substantia operatur per suam potentiam in aliquid aliud à se, potentia eius incipit esse, vel fieri in alio: ergo egreditur à substantia: sed omnis potentia quæ egreditur à substantia, elongatur à substantia, & omnis potentia distans à substantia repugnat simplicitati: cum ergo hoc sit impossibile in Deo, videtur quod Deus non agat aliud à se.

2. ITEM omnis potentia cuius opus est in aliud, habet dependentiam ab illo. Probatio: Opus enim quod transit in materiam subiectam, aliquo modo pender ex illa: sed potentia pender ex eodem ex quo pender actus, quia perficitur per actum: ergo si potentia diuina est in aliud, habet dependentiam.

3. ITEM

3. **ITEM** omnis potentia quæ est in aliquid quod non A
semper est coniunctum suo actui, habeat indigentiam:
non enim est perfecta nisi quando agit, & non agit nisi
cum obiectum est præsens: ergo quando non est sem-
per præsens, est incompleta, hoc autem repugnat po-
tentia diuinæ: ergo, &c.

4. **ITEM** in Deo idem est posse, & esse: sed Deus non
est aliud à se: ergo non potest in aliud à se. Si tu dicas
quod potentia connotat, sed non essentia. Contra: Deus po-
test aliquid facere quod nec est, nec fuit, nec erit: ergo
nihil connotat. Si tu dicas, quod connotat quod est in po-
tentia, sed potentia Dei non est aliud quam Deus, &
quod est in Deo, est Deus: ergo nihil aliud connotat.

SED CONTRA: Bonum est diffusivum sui: sed diffu-
sio secundum quod huiusmodi est in aliud: ergo bonum
secundum quod bonum potest in aliud: aut ergo secun-
dum potentiam suam, aut alienam. Si secundum alienam:
ergo non est perfecte bonum, cum non habeat actum
bonum per se. Si propter potentiam suam: ergo bonum
secundum quod bonum potest in aliud: sed Deus est
summe bonus: ergo, &c.

ITEM perfectio creaturæ est in hoc quod possit aliud
à se producere: si ergo omne quod perfectionis est, Deo
est attribuendum, potentia producendi aliud, Deo est
attribuenda.

ITEM si nihil aliud à se potest: ergo nulli alij à se
præstet: ergo nec aliquid Deo subest: ergo à nullo est
colendus, à nullo est adorandus, & nihil ab ipso omni-
no est querendum: quod est summum inconueniens se-
cundum omnes.

ITEM si nihil potest in aliud à se: ergo nihil est ad C
ipsum, neque propter ipsum: sed bonitas est in rebus, &
ordo per relationem ipsorum ad summum bonum à
quo est omne bonum: ergo secundum hoc nulla res est
bona, nec ordinata in vniuerso: hoc autem est summum
inconueniens: ergo necesse est ponere quod possit in
aliud à se. Prima consequentia est manifesta. Ad illud
enim solum stat ultima resolutio in redeundo, in quo est
prima origo in exeundo, ut manifestum est.

CONCLUSIO.

*Deus potest in aliud à se, & hoc absque elongatione po-
tentia à substantia, absque dependentia ab obiecto, &
absque indigentia, cum diuina essentia intime sit in om-
nibus, & potentia eius sit ab illa omnimoda indiuisione
indiuisa.*

RESP. ad arg. Ad hoc intelligendum, notandum est
quod posse aliud, siue in aliud à se, hoc est dupliciter.
Aut in aliud sicut indistinctum secundum essentiam, &
remotum secundum distantiam, sicut vnum contrarium
agit in aliud: quia impossibile est duo contraria esse in
eodem subiecto: & hoc modo posse in aliud est per
egressum potentia à substantia, & ideo est ibi elonga-
tio, & distantia. Et quia elongatur à sua substantia, ideo
pendet à substantia in quam agit, & ideo est ibi depen-
dentia: & quia distantia, & dependentia, ideo imperfectio
& indigentia. Hoc modo posse in aliud Deo non com-
petit propter tres condiciones prædictas, sicut ostensum
est: quia repugnat diuinæ potentia, sicut distantia, depen-
dentia, & indigentia. Alio modo posse in aliud dicitur
sicut indiuisum secundum formam & essentiam, non ta-
men in remotum secundum aliquam distantiam, quia
diuina essentia dum operatur, intime est in illo. Et hoc
modo nec ponit distantiam, nec dependentiam, nec in-
digentiam. Cum enim diuina essentia sit omni perfe-
ctione perfecta, & potentia eius sit omnimoda indiu-
sione indiuisa, à nullo alio dependet, nullo alio indiget:
hoc ergo modo ponendum quod Deus potest in aliud
à se, siue aliud à se. Ex his patet primo obiectum.

1. **Q**UOD enim obicit, potentia quæ est in aliud egre-
ditur ab agente in passum, dicendum quod hoc verum
est ubi agens in aliud non est in illo secundum veritatē:
ubi autem est omnino, nulla necessitas est egrediendi.

2. **AD** illud quod obicitur, quod potentia quæ est in
aliud pendet ex illo, dicendum quod hoc verum de illo
cuius actio est in aliud tanquam in sustentans, diuina
autem potentia non indiget alio sustentante: quod pa-
tet, quia non indiget materia subiecta, sed facit ex nihi-
lo. Et ratio huius est, quia cum potentia est omnino in-
differens, & ab essentia, & actu, sicut essentia non indi-
get sustentante, sic nec potentia.

3. **AD** illud quod obicitur quod potentia quæ est in
aliud habet perfectionis indigentiam, dicendum quod
potentia agens in aliud est duplex. Quædam quæ est
suis actus, & talis nihil plus habet quando agit in aliud
quam quando non agit, & hæc nullo modo indiget, &
talis est potentia diuina propter summam simplicita-
tem. Alia est potentia agens in aliud per actum à se dif-
ferentem: talis plus habet quando agit quam quando
non agit, & talis est quæ habet indigentiam aliquo modo
ut potentia creata, non sic est de potentia diuina: & ideo
quamvis sit in aliud, quod non semper est præsens pro-
pter hoc tamen nec indigens est, nec incompleta.

4. **AD** vltimum dicendum quod potentia connotat
possibile, & possibile ampliatur ad ens, & ad non ens: &
sicut possibile ampliatur, ita & diuersitas connotati: &
ideo non tantum dicitur posse in aliud, quia potest in aliud
quod est: sed quia potest in aliud quod potest esse: Deus
autem à se non potest esse aliud: ideo patet illud.

QUESTIO II.

An Deus possit in omne, in quod potest agens creatum.

*Alex. Alensis 1. p. q. 21. Membr. 1. art. 2.
S. Thom. 1. p. q. 25. art. 3.
Et de Potentia, q. 1. art. 6. & 7.
Ægid. Rom. 1. Sent. dist. 42. princ. 1. q. 1.
Richardus 1. Sent. dist. 42. q. 3.
Steph. Brulef. 1. Sent. dist. 42. q. 2.
Petrus de Taranaf. 1. Sent. dist. 42. q. 7.
Gab. Biel. 1. Sent. dist. 42. q. unica. dub. 1.*

VTRUM Deus possit in omne illud in quod potest
omne agens creatum. Et quod sic videtur. Qui
enim omne dicit, nihil excipit: sed non tantum dicimus,
& credimus Deum potentem, sed Deum omnipoten-
tem: ergo, &c.

ITEM quia Deus est omnisciens, ideo scit omnia
quæcunque scit alius sciens. Si enim aliquis sciret ali-
quid quod non sciret Deus, Deus non diceretur omni-
sciens: ergo pari ratione non diceretur omnipotens, nisi
posset omne quod omnis alius.

ITEM Deus non dicitur omnivolens, quia non vult
omnia quæ alij volunt: ergo pari ratione si non posset
omnia quæ alij possunt, non esset omnipotens.

ITEM omne esse est à primo esse: ergo omne posse
est à primo posse: ergo omnis potentia potest quidquid
potest, propter diuinam potentiam: sed propter quod
vnumquodque, & illud magis: ergo, &c.

1. **SED** contra: Aliqua creatura potest omnia recipere
corporaliter, ut materia: aliqua potentia potest
omnia recipere spiritualiter, ut spiritus rationalis
creatur: sed Deus nihil potest recipere: ergo non po-
test omne quod potest aliud à se. Si dicas quod non
est potentia, sed impotentia, Contra: Nulla im-
potentia est à Deo siue à potentia diuina: ergo se-
cundum hoc potentia materia, siue animæ non esset
à Deo.

2. **ITEM** homo potest pati miseriam, siue sustinere
pœnam: Deus non potest pati: ergo, &c. Si dicas quod
illud est impossibile. Contra: Nullum opus virtutis est
impossibile: sed sustinere est opus fortitudinis, quæ
propriissime est virtus: ergo, &c.

3. **ITEM** homo potest peccare, Deus autem non po-
test: ergo, &c. Quod si potest peccare, potest esse malus:
quod est inueniens. Si dicas quod hoc posse non est
possibile. **CONTRA** per Augustinum de Ciuit. Dei.
Melior est natura quæ potest peccare, quam quæ non

potest peccare : ergo posse peccare spectat ad bonitatem, & perfectionem naturæ : ergo non dicit impotentiam. Item, homo potest currere, & comedere, Deus hoc non potest : ergo, &c. Si dicas quod hoc est impossibile. Contra: Omne illud quod dicit positionem, est à potentia quæ vere est potentia: sed currere & comedere non dicunt actus priuationis, sed positionis: ergo sunt à potentia in quantum potens est, non in quantum impotens : ergo manifestum, &c.

CONCLUSIO.

Deus potest omne quod potest agens creatum, dummodo posse dicat potentiam, & non imperfectionem claudat, vel impotentiam significet.

Arist. 5.
Met. cont. 17.

RESP. Ad Arg. Dicendum quod sicut dicit Philosophus in philosophia prima: Quædam sunt quæ dicunt potentia quantum ad modum dicendi: dicunt tamen impotentiam à parte rei, ut posse mori, posse corrumpi. Propter hoc intelligendum, quod quædam sunt quæ posse est potentia simpliciter & perfecta, ut posse intelligere, diligere, & operari. Quædam sunt quæ posse est potentia, tamen imperfecta, ut currere & ambulare: isti enim actus dicunt simul actionem, & passionem, siue defectum in agente. Quædam quæ posse simpliciter est impotentia, ut priuationes, ut posse peccare, deficere, loquendo de his, ratione priuationis. Secundum hoc intelligendum, quod cum potentia Dei sit perfectissima, illa potest Deus per se & in se, quæ sunt potentia simpliciter, ut intelligere, & operari: illa vero quæ sunt imperfecta potentia, potest quidem non in se, sed per se. Per se potest ex hoc quod est ibi perfectionis, & potentia. In se non potest, propter illud quod est ibi impotentia & imperfectionis, quæ in eo non cadunt. Illa autem quæ sunt simpliciter impotentia, nec potest in se nec potest per se. Per se non potest, quia nihil est à Deo, quod non sit à Deo per se, & immediate, hoc autem quod est defectus, non potest esse in Deo, nec à Deo, quia Deus non deficit in essendo, nec in agendo. Si ergo queratur, utrum Deus possit omne quod potest aliud agens, respondendum est non simpliciter, sed cum determinatione, scilicet quod potest omne quod est potentia: & in se potest omne quod est potentia simpliciter, & perfecta, in alio potest quod est potentia imperfecta: nec in se nec in alio, quod est omnimoda impotentia, & hoc ipso dicitur omnipotens, quia potentia eius ad omnia sufficit: & in nullo deficit.

1. 2. AD illud ergo quod obiicitur, quod non potest recipere res, nec rerum similitudines, dicendum ad hoc & ad omnia de quibus obiicit, quod illa posse non est potentia perfecta. Secundum hoc intelligendum, quod est potentia omnino sufficiens & activa, ut potentia producendi res. Et est potentia pure passiva, ut potentia suscipiendi. Et est potentia defectiva, ut potentia peccandi. Et est potentia partim activa, partim passiva, ut potentia ambulandi. Et est potentia partim activa, & partim defectiva, ut potentia suscipiendi poenam. Et potentia partim passiva, & partim defectiva, ut potentia moriendi. Dicendum ergo quod nihil horum in se potest Deus, quamvis enim hæc sint potentia alicuius, derogant tamen perfectioni potentia. Nec est simile de scientia, quia scitum non diminuit de ratione scientia, sicut possibile de ratione potentia, quia scitum non causatur à scientia, sicut possibile à potentia.

3. AD illud tamen quod obiicitur de potentia peccandi, intelligendum quod si peccare dicat effectum cum deformitate, siue actum, si non tantum dicit potentiam defectivam sed activam ratione actus substrati, & sic dicit nobilitatem. Si ratione deformitatis, sic dicit simpliciter defectum. Quocumque tamen modo dicatur, quia semper concernit defectum, nullo modo convenit Deo.

QVÆSTIO III.

An Deus possit quacunque agenti creato impossibilia sum.

Alexand. Alensis 1. p. q. 21. Membrum 5. art. 4.
S. Thom. 1. Sent. d. 42. q. 1. art. 5.

Scotus 1. Sent. dist. 43. q. 1.
A. Gid. Rom. 1. Sent. dist. 42. p. 2. q. 2.
Richard. 1. Sent. dist. 42. q. 6.
Durandus 1. Sent. dist. 42. q. 2.
Fran. isem de Mayr. 1. Sent. dist. 43. q. 2.
Steph. Brulef. 1. Sent. dist. 42. q. 3.
Petrus de Tarantaf. 1. Sent. dist. 42. q. 8.

UTRUM divina potentia se exteudat ad omne illud quod alij agendi est impossibile. Et quod sic, videtur. Dicitur enim aliquid impossibile propter naturæ ordinationem, ut de cæco fieri videntem. Aliquid propter præteritionem, ut te non fuisse, ex quo fuisti. Tertio propter oppositionem, ut idem esse nigrum, & album. Primum est impossibile secundum naturam: secundum secundum tempus, siue per accidens: tertium potest dici impossibile secundum disciplinam, quia omnis scientia supponit illud principium, quod opposita non sunt simul vera de eodem. Ostenditur ergo quod Deus possit omne tale impossibile. Non erit impossibile apud Deum omne verbum: sed omnia contingit verbo dicere: ergo nullum tale est impossibile apud Deum.

2. ITEM: Et autem quia potest facere supra quā possumus intelligere: ergo potest Deus plura facere quā possit intellectus fingere: sed potest fingere omne impossibile quod potest enunciare: ergo & Deus potest illud facere.

3. ITEM Hilar. Perfecta potestatis est id naturam posse facientis, quod potest significare sermo dicentis.

4. ITEM Basilus: Plus potest Deus facere quā tu potes intelligere: ergo per auctoritates Canonis, & Sanctorum, videtur quod Deus possit omne impossibile.

5. ITEM ratione videtur, quia illud est potentius, cui nihil omnino est impossibile, quam cui aliquid est impossibile: sed Deus est potentissimus in summo: ergo nihil omnino est ei impossibile.

6. ITEM si aliquid impossibile non est Deo possibile, aut hoc est propter priuationem, aut propter positionem. Si propter priuationem. Contra: Nulla maior priuatio quam omnino non entis: sed Deus de nihilo facit aliquid, non ergo propter priuationem. Si propter positionem: ergo videtur quod aliquid sit quod non subiaceat divinæ potestati, quod & ei non obediat: ergo potentia Dei habet resistens.

7. ITEM ostenditur specialiter quod possit impossibile secundum naturam, ut de trunco facere vitulum. Quia plus distat, non ens ab ente, quam vnum ens ab alio: sed Deus de non ente facit ens: ergo de vno ente potest facere aliud.

8. ITEM quod possit impossibile secundum tempus videtur, quia illud est impossibile per accidens, quod nullā ponit resistantiam, quia non est: ergo si Deus potest impossibile per se, & quod habet resistantiam cum illud sit magis impossibile: ergo potest impossibile per accidens.

9. ITEM quod possit impossibile secundum disciplinā, videtur, quia plus distat Creator à creatura, quam vnum ens creatum ab alio: sed Deus potuit facere quod creatura Creatori vniretur in eadem hypostasi simplicissima: ergo multo fortius potest facere quod opposita simul sint in eodem, ut quod aliquid sit simul album & nigrum, & hoc videtur factum esse in Christo, quia vnus & idem erat æternus, & temporalis: passibilis, & impassibilis, visibilis, & invisibilis, & sic de aliis.

10. ITEM Deus fecit virginem parere, quod est impossibile secundum naturam, quia potentia naturæ nullo modo est ad hoc, & est ibi impotentia secundum disciplinam, quia simul sunt opposita vera de eodem, & quod est maius impossibile quam impossibile secundum accidens, scilicet corruptam integrare, siue fieri virginem, magis enim videtur partus impossibilis virginitati, quam coitus: ergo, &c.

11. SED contra quod Deus non possit impossibile secundum naturam, videtur Augustinus dicere in lib. de vera Innocentia. Deus, inquit, ita est omnipotens, ut nunquam rationis suæ instituta euellat: ergo si aliquid est impossibile secundum institutionem naturæ, simpliciter est Deo impossibile.

12. ITEM ratione videtur, quia Deus non potest face-

re contra ordinē rationis rectæ, vt pote mēiri, & confimilia: ergo non potest facere contra institutionē naturæ ordinatæ: non ergo potest impossibile secundū naturam.

Sed contra: Quod non possit impossibile per accidēs, videtur per Hieron. Cum cetera possit Deus, non potest de corrupta facere virginē: sed cōstat quod hoc nō dicitur quod nō possit reparare claustra, sed quia eā quæ corrupta est, impossibile est nō fuisse corruptam. ergo, &c.

Item per Aug. contra Faustum: Hanc sententiam quam dicimus præteritam fuisse, Deus falsam facere nō potest. Et rationem reddit: Si enim hoc faceret, hoc esset facere, vt ea quæ vera sunt, eo ipso quod vera sunt, essent falsa, & ita esset contrarius veritati.

Item quod non possit impossibile secundū disciplinam scilicet vt duo opposita sint simul in eodē, videtur. Quia sicut se habent opposita ad vnionem, ita vnita ad diuisionem: sed Deus non potest facere quod duo & tria non sint quinque, quia dicit Aug. quod est verum veritate quæ non incipit, nec desinit: ergo pari ratione non potest facere quod opposita sint simul vera.

Item Deus non potest facere cōtra veritatē iustitiæ. Fidelis permanet, negare seipsū non potest. ergo potest facere contra ordinem sapientiæ: sed confundere opposita est facere contra ordinem sapientiæ: ergo, &c.

CONCLUSIO.

Deus potest omne illud quod creato agenti est impossibile propter limitationem virtutis, vel imbecillitatem intelligentiæ: non autem quod est impossibile propter priuationem omnis existentia, & secundum illustrationem veritatis æternæ.

Resp. ad arg. Ad prædictorum intelligentiam notandū, quod nos indicamus aliquid impossibile quatuor causis. Vno modo per limitationem naturalis potentia, vt de trunco fieri vitulum, & virginem parere, mulier enim sine semine non potest concipere naturaliter. Itē: Partus, clausa porta propter corpulentiam, non potest exire, similiter natura statim non potest truncum in vitulum conuertere, cum habeat potentiam limitatam. Secundo modo dicitur impossibile non propter limitationem potentia, sed propter limitationem nostræ intelligentiæ, vt duo corpora esse in eodem loco, vel idē corpus in diuersis, vel maius in minori loco, quia nullo modo possumus capere, cū nostra imaginatio semper dicat oppositum. Vnde etiam quando Deus sic facit in sacramento altaris, necesse est vt ratio contra se eleuetur, vt credat. Tertio modo dicitur impossibile propter priuationem omnis existentia secundū omnem comparationem, sc. principij, medij, & vltimi, vt præteritum nō fuisse præteritum. Omnis enim potentia quæ intelligitur aliquid facere, respicit ens vel in ratione principij, vel termini, vel vtroque modo. Vnde de ente potest facere non ens, & è conuerso, & de vno aliud: sed de nō ente facere non ens, hoc nullius omnino potentia est. Vnde quāvis Deus de omni ente creato possit facere quod nō sit, siue de oratione, siue de re: tamen de eo quod fuit, & non est, facere quod non fuerit, hoc omnino Deo est impossibile, quia hoc facere est nihil facere sicut iam melius patebit. Quarto modo dicitur impossibile, secundū illustrationem veritatis æternæ, & ordinem diuinæ sapientiæ, vt verbi gratia, quod duo opposita insint eidē, & secundum idem, hoc ipsa veritas æterna, eo ipso quod veritas est, indicat, & illustrat, vt indicetur impossibile: sicut & hoc, duo, & tria non esse quinque. Quando ergo queritur, vtrum Deo sit possibile omne impossibile, dicendū de impossibili, quod est impossibile propter limitationē potentia, vel propter limitationem intelligentiæ, quod Deo est possibile. Propter hoc quod eius potentia non est limitata, sed infinita: & ideo supra naturā, & intelligentiam potest, quarum vtraque est arctata. Illud autem impossibile quod est impossibile propter priuationem omnis existentia, & propter illustrationē veritatis æternæ, non potest omnino. Primū quidem non potest, quia illud posse est nihil posse. Secundum non potest, quia

illud est posse inordinate, & contra ordinem sapientiæ posse. Et quoniam Deus sic est omnipotens, vt nihil possit nisi quod decet suam potentiam, & non deordinat sapientiam: ideo hæc impossibilia non potest: Sed obiciet aliquis, quod illud est falsum, scilicet, quod impossibile per accidens sit impossibile propter priuationem omnis existentia. Nam propositio de præterito est vera, & veritas illa non fundatur supra nihil, nec super ens increatum, cum incipiat esse vera: ergo supra ens creatum, & illud est præteritum: ergo præteritum dicit aliquo modo ens: sed omne creatum quantumcumque habeat parum de ente, potest illud amittere si Deus velit: ergo Deus potest facere, quod illud quod fuit, non fuerit. Et iterum, cum dico hoc esse præteritum, aut dico aliquid, aut nihil. Si aliquid: ergo responso nulla. Si autem nihil: dico quod ita tunc potest dici, quod chimæra sit præterita, & quod non præteritum quod nihil est, sit præteritum, quod manifeste falsum est: non ergo dicit priuationem omnis existentia. Et ita illud non videtur subtrahere quin subiaceat potentia diuinæ: nam futurū non dicit ens, & tamen Deus potest facere quod futurum secundum veritatem nunquam sit futurum. Similiter non præsens nihil dicit entitatis: & Deus potest facere, quod illud quod nunquam est præsens sit præsens: Nec adhuc videtur euadi posse: quærit enim potest, vtrum Deus possit facere de præterito præsens, & constat, quod in altero extremo ponitur ens: si ergo potest facere, quod præteritum sit præsens, & quod est præsens non est præteritum: potest facere de præterito, quod non sit præteritum: Propter hæc & his similia fuit opinio Gilberti Porretani, quod Deus potest super impossibile per accidens: potest enim facere quod præteritum nunquam fuerit. Et illud Beati Hieronymi exponunt, qui sequuntur eum, quod non potest facere de corrupta virginem, id est, non ostendit se posse, cum nunquam fecerit. Et similiter illud de Augustino quod Deus sententiam de præterito non potest facere falsam, hoc intelligitur saluare. Sed certe huiusmodi expositiones valde sunt extraneæ. Si enim Hieronymus dicit quod non potest de corrupta facere virginem, id est, non ostendit, similiter non potest de trunco vitulum facere, cum non ostendat: non recte ergo dicit, cum cetera possit Deus, &c. Et iterum: Si sermo Augustini intelligitur, quod non potest facere Deus illam sententiā falsam supposito præterito, similiter nec sententiam de futuro salua futuritione. Et propter hoc cum auctoritates dicant magnorū Doctorem, quod Deus de eo quod fuit non potest facere, quod non fuerit, & intellectus in nullo dicat contrarium, nec fides, ad hoc nos moueat, vel compellat: tanquam rationabilius & securius dicendum est cum sanctis, quod Deus de eo quod fuit non potest facere, quod non fuerit. Et huius rationem ad præsens aliam nescio, quam eam quæ prædicta est. Nisi forte dicatur hoc esse propter omnimodam indiuisiōē, vt sicut opposita manentia opposita, non potest vnire, sic nec idem à se diuidere: & ideo, quod fuit, pro tempore quo fuit omnimode est vnitum, & similiter præsens in tempore, in quo est, siue in instanti. Vnde hoc esse idem à se diuidere, facere sc. quod præteritum non fuerit præteritū, & hoc repugnat ordini diuinæ sapientiæ, sicut facere, quod sit triangulus, & non sit figura, & hoc claudit in se duo contradictorie opposita. Ratio tamen prædicta satis est conueniens, si quis recte intelligat. Cum enim dicitur præteritum carere existentia: non dico propter hoc quod cum dicitur aliquid fuisse, dicatur omnino nihil: sed propter hoc quod aliquid est verum fuisse, quod habuit aliquando esse, etiā si de eius esse nihil omnino remanserit. Vnde si totus Cæsar cesserit in nihil, verum est, Cæsarem fuisse. Et hoc dicit Anselm, quod si omnia creata omnino cedant in nihil, verum est mundum fuisse. Ob aliam etiam rationem dicitur carere existentia, quia nec est præsens, nec ordinatum ad præsens. Vnde veritas propositionis de præterito, non dicit à parte rei nihil omnino, nec vere ens

Gilberti Porretani opinio

Opinio propria

Ratio lib. 26. tra Fan. 6.

Aug.

Anselm Monol. tom. 3.

in actu: sed aliud quod fuit, & non est, & hoc quidem A non dicitur creatum quod sit, sed quod fuit. Si ergo Deus dicatur posse aliquid super hoc, quod non fuerit, hoc est, aut quiescendo, siue nihil operando, aut faciendo aliquid, aut destruendo: si quiescit, & nihil facit, propter hoc nihilominus præterit, nec fuisse definit: quia cum non sit nec actu, nec potentia, nec indiget conseruante, nec indiget producente. Secus est de futuro, quia futurum est ordinatum adesse, ideo indiget producente: & ideo si Deus non velit facere futurum, non fit: & ita non erit futurum. Si ergo potest aliquid ut faciat hoc quod fuit non fuisse, aut hoc erit faciendo, aut destruendo. Sed facere, quod non fuisset, est nihil facere: cum non fuisse non dicat ens: ergo Deus faciendo nihil facit, quod est imperfectio, & contradictionis implicatio. Similiter non est aliquid destruere, cum fuisse non dicat aliquid esse: ergo si destruendo hoc facit, destruendo nihil destrueret, quod est simile inconueniens. Non ergo potest nihil agendo, nec faciendo, nec destruendo: ergo de præterito, quod non fuerit præteritum, non potest facere. Patent ergo instantiæ. Nam veritas propositionis de præterito non necessario fundatur supra aliquid creatum quod sit, sed quod fuerit: & ideo manet, omni creato interempto. Patet etiam, quod præteritum non dicit omnino nihil: sed dicit aliquid quod fuit, & non est, nisi forte præteritum dicat successionem temporalem, quam utique potest Deus destruere, sed largius accipitur hic fuisse. Patet etiam instantia in ipso futuro, quia non est simile. Patet instantia, quod præteritum potest fieri præsens, & esto quod nunc intelligatur hoc, adhuc nihilominus intelligatur fuisse. Patet etiam quod Deus potest destruere omnem propositionem, & omne dictum: sed salua propositione, & eius significatione, non potest ipsam falsificare, quoniam hoc non potest esse, nisi rem signatam mutaret: alioquin faceret orationem eo ipso quo vera est, esse falsam, & hoc esset contra suam veritatem à qua habet quod sit vera: rem autem mutare non potest, & ita nec orationem falsificare. Ex his quæ dicta sunt, satis potest præhabita responsio roborari.

1. 2. 3. 4. Ad illud ergo quod obiicitur, quod potest omne dicibile, & cogitabile. Dicendum quod hoc intelligitur de his solum, quæ dicuntur, & cogitantur secundum rationem recte intelligentem, & recte pronuntiantem: nihil enim rationabile potest dici, vel cogitari, quod Deus facere non possit, & etiam plus potest.

5. Ad illud quod obiicitur, quod potentius est illud, cui omnia sunt possibilia, dicendum, quod verum est de his, quæ posse est potestatis nobilis: nam si posset aliquid quod non sit de nobilitate potestatis: quanto magis illud posset, tanto magis aduersitas, & peruersitas posset in illum, secundum Anselmum, & ita tanto minus esset potens.

6. Ad illud quod obiicitur, aut propter priuationem &c. Dicendum, quod propter priuationem omnis existentiae in utroque extremo, & propter priuationem distinctis, & propter positionem ex parte Dei: quia potentia Dei respicit aliquid ut obiectum effectum, & sapientia respicit ordinatum.

7. Ad illud quod obiicitur, quod possit impossibile secundum naturam: dicendum quod illud verum est.

8. Ad illud quod obiicitur, quod possit impossibile per accidens, quia nullam dicit resistantiam. Dicendum, quod hoc non est propter resistantiam, sed propter omnimodam non existentiam, ob quam posse illud, est nihil posse.

9. Ad illud quod obiicitur de Creatore, & creatura, dicendum quod omnis creatura est materialis, & passibilis respectu Dei, & Deus est in omni creatura per intimitatem substantiae, non sic oppositum respectu oppositi. Quod ergo obiicitur, quod magis distant, verum est quantum ad naturarum differentiam, quia in nullo communicant: sed non est verum secundum simultatis existentiam.

10. Ad illud quod obiicitur de hoc, quod est virgi-

nem parere, dicendum quod est impossibile secundum naturam, sed non impossibile secundum oppositionem, quia esse virginem, & parere non sunt opposita: similiter nec esse virginem, est concipere, sed iudicantur opposita propter naturæ impotentiam sed ista sunt opposita, coisse, & esse virginem: & ideo patet illud.

11. Ad illud quod obiicitur, quod non potest impossibile secundum naturam propter ordinem. Dicendum, quod est ordo naturæ specialis, & generalis. Ordo naturæ specialis transmutari potest, & destrui, quia potest in alteram differentiam res relabi, sed generalis non: sic dicendum, quod specialis ordo attenditur secundum potentiam naturæ specialis: generalis ordo secundum potentiam obedientiae quæ est generalis: contra hunc ordinem non facit, sed contra alium.

12. Ad illud quod obiicitur, quod non potest contra dictamen rationis rectæ dicendum, quod verum est pro ut recta ratio dicit malum non esse faciendum, quia hoc facere est deficere: non sic autem deficit faciendo contra naturam, & ratio huius patebit infra.

QVÆSTIO IV.

An possibile dicatur aliquid simpliciter secundum causas superiores, & inferiores.

Alexander Alensis 1. p. q. 21. Membr. 1. art. 4.

S. Thom. 1. p. q. 25. art. 3. ad 4.

Et de Pot. q. 1. art. 4.

Scotus 1. Sent. dist. 43. q. 1.

Agid. Rom. 1. Sent. dist. 42. q. 3.

Richardus 1. Sent. dist. 42. q. 7. p. 2.

Steph. Brulef. 1. Sent. dist. 42. q. 4.

Petrus de Tarantasia 1. Sent. dist. 42. q. 9.

VTRUM possibile simpliciter dicatur aliquid secundum causas superiores, vel secundum causas inferiores, hoc est secundum potentiam diuinam, an secundum potentiam creatam. Et quod secundum potentiam creatam, siue secundum causas inferiores, videtur. Ab eodem enim est in rebus possibilitas, à quo est necessitas, & contingentia simpliciter: sed necessitas, & contingentia attenditur in rebus non tantum secundum causas superiores, immo secundum inferiores causas proximas, & particulares: ergo & possibilitas.

ITEM sicut aliquid dicitur potens à potestate actiua; ita dicitur possibile à possibilitate passiua: sed possibilitas passiua primo est in eo in quo primo est potentia ad fieri, & per illud in aliis: ergo cum hoc sit principium materiale, & causa creata, possibile simpliciter dicitur secundum causas inferiores.

ITEM si possibile simpliciter diceretur secundum causas superiores tantum, tunc cum a, ud Deum non sit impossibile omne verbum, nihil iudicandum esset impossibile.

ITEM si secundum causas superiores, tunc cum Deus posset facere quod cæcus recipiat visum, possibile est cæcum videre: sed si possibile esset videre, posset videre, & si posset, haberet potentiam visuam: sed hoc falsum, ergo, &c.

1. CONTRA: Possibile dicitur denominatiue à potentia: ergo possibile simpliciter à potentia simpliciter: sed potentia quæ summe & simpliciter est potentia, est potentia diuina, quæ dicitur secundum causas superiores: ergo possibile simpliciter dicitur secundum causas superiores.

2. ITEM mundum creari & animam Antichristi creari, vel esse, consimilia simpliciter dicuntur possibilia, & sunt possibilia solum secundum causas superiores: ergo, &c.

3. ITEM hoc ostenditur, quia si aliquid sequitur ad aliquid, si antecedens est possibile, vel consequens, sed demonstrato aliquo impossibili, ut truncum fieri ex vitulo, sequitur, Deum facere hoc, est possibile: ergo hoc scilicet truncum fieri ex vitulo, est possibile simpliciter.

ITEM

Anselm. de casu Diaboli, c. 12. r. 3.

Fundamēta.

Luc. 1. d.

Ad oppositum.

4. ITEM omne verum est possibile, & omne quod A
erit verum, potest esse verum: & omne quod potest esse
verum, est simpliciter possibile, & est possibile solum se-
cundum causas superiores: ergo, &c.

CONCLUSIO.

Possibile dicitur aliquid simpliciter secundum causas su-
periores, & secundum causas inferiores ratione
potentia actiua.

RESP. ad Arg. Dicendum quod circa hoc fuerunt di-
uersi modi dicendi. Quidam enim dixerunt quod secun-
dum utrasque causas accipitur possibile simpliciter: &
fundant se super illud: Stultam l'ens fecit sapientiam,
&c. Glossa: Stultam fecit, possibile declarando, quod
ipse impossibile iudicat, quia possibile dicit commune
ad utramque. Tamen illud non videtur conuenienter
posse stare, cum non admittatur, quod possibile simplici-
ter sit de cæco fieri videntem, immo dicitur impossi-
bile: ergo simul esset possibile, & impossibile, quod est in-
conueniens: nam illud est possibile secundum causas su-
periores. Et fundamentum positionis eorum non est
conueniens, quia Glossa non dicit tantum declarando, sed
etiam dicit faciendo possibile: ergo non erat possibile
prius. Et iterum dicit, quod stulta facta est, quia sapien-
tia mundana iudicabat ita impossibile, quod nulli esset
possibile, & Deus declarauit sibi possibile esse. Et ideo
est alia positio, quod secundum quod descendunt scien-
tiæ, ita & nomina scientiarum, ita in naturali philoso-
phia iudicandum est possibile simpliciter secundum
causas inferiores: sed in Theologia secundum causas su-
periores. Tamen adhuc non videtur conueniens esse po-
sitiō: quia ipse Ansel. & Philosophus, & Theologus di-
cit, quod impossibile est de trunco fieri vitulum, & quod
impossibilia simpliciter Deo sunt possible. Propter
hoc aliter dicendum, quod possibile simpliciter potest
dicere ordinem potentia ad illud respectu cuius est, or-
dinem, inquam, qui est, vel qui futurus est, siue potentia
præsentem, siue futuram. Si dicat futuram, tunc est sen-
sus: Possibile est hominem currere, hoc est habere po-
tentiam ad currendum. Si dicat potentiam præsentem,
tunc est sensus: possibile est hominem currere: id est ho-
mo habet potentiam ad currendum, & iste duplex mo-
dus dicendi accipitur à Philosopho, qui istam exponit
duplicitur. Omne B. contingit esse A. id est omne quod
est B. vel omne quod potest esse B. contingit esse A. Pro-
ut autem dicit potentiam de futuro, sic potest accipi
possibile secundum quascunque causas, siue superiores,
siue inferiores. Hoc patet, quia nihil aliud dicitur tunc,
nisi quod habebit potentiam ad hoc: & à quocumque
habeat, siue à Deo, siue ab Angelo, siue à se, verum est
quod potentiam habebit: & sic dicendum quod possibi-
le est istum videre, demonstrato cæco illuminando, &
virginem parere, & cætera talia, quia talibus dari potest
potentia. Alio autem modo hoc quod est possibile, dicit
actualiter potentiam in re, quo signatur ad alterum or-
dinari, & sic generalis est regula, quod si in re cui attri-
buitur possibile simpliciter est potentia simpliciter, tunc
dicitur possibile simpliciter. Si autem potentia secundum
quid tunc dicitur possibile secundum quid: cum enim
possibile dicat ordinem potentia ad actum, siue alicuius
siue ad aliquid mediante potentia: ideo ratio dicendi in
ipso possibili sumitur à potentia. Nomen autem poten-
tia dicitur dupliciter, scilicet de potentia actiua, quæ est
principium transmutandi aliud, & de potentia passiva,
quæ est principium transmutandi ab alio. Et potentia
actiua reperitur & in Deo, & in creatura, & utraque
potentia est simpliciter completa respectu sui actus.
Nam potentia actiua eo ipso quod actiua, dicit ordina-
tionem completam ad actum quantum est de se. Poten-
tia vero passiva reperitur solum in creatura. Et hæc qui-
dem potentia potest esse actui propinqua, & ab actu re-
mota: ideo potentia passiva dicitur simpliciter, & se-
cundum quid. Quædam enim potentia est nata reduci ad

actum à potentia inferiore cooperante superiori, vt
quando est cum dispositione propinqua, vt potentia,
quæ est in ligno ad combustionem. Quædam est nata
reduci à potentia superiori, aliquo modo consonante
inferiori, vt puta impij ad iustificationem, & utraque
dicitur propinqua. Quædam ita distat ab actu, quod si re-
ducatur, non potest nisi à potentia superiori reduci, &
hoc quidem omnino deficiente, vel nullo modo conso-
nante potentia actiua inferiori, vt pote: quod ex mortuo
possit fieri viuus, & ex trunco fieri vitulus, & hæc est
potentia secundum quid. Ex quo patet, quod potentia
passiua simpliciter attenditur secundum inferiores, &
superiores. Et quia secundum quid dicitur per defectum
respectu simpliciter: potentia passiva, quæ potest reduci
ad actum solum secundum causas superiores, deficiente
potentia actiua creata disponente, vel consonante, dicitur
potentia secundum quid, & dicitur potentia obe-
dientia, & de hac dicit August. quod in costa erat, non
vnde fieret mulier, sed vnde fieri posset, scil. potentia
obedientia. Possibile ergo quod dicitur à potentia non
dicitur vniiformiter, nec dicitur omnino æquinoce, sed
analogice, sicut sanū: & ideo eius acceptio determinatur
per adiunctum. Potest ergo hoc quod est possibile di-
cere ordinem substantia ad agere, & tunc dicit poten-
tiam actiuam, & hoc determinatur per adiunctum. Nam
si dicat ordinem substantia increata ad actum, dicit po-
tentiam secundum causas superiores: vt si dicatur Deum
creare mundum est possibile, vel illuminare cæcum. Si
autem dicat ordinem substantia creata ad actum, dicit
potentiam actiuam creatam, vt si dicatur possibile est
Antichristum currere, vel cæcum possibile est videre,
signatur potentia in cæco: ideo falsa est simpliciter. Po-
test iterum dicere ordinem alicuius ad fieri: & hoc po-
test esse dupliciter. Aut in comparatione ad aliquid ex
quo, aut sine comparatione. Si in comparatione ad ali-
quid ex quo, vt cum dicitur, possibile est ex aère fieri
ignem, tunc importat potentiam passiuam secundum
rem, & si sit potentia passiva simpliciter, vt illa quæ est
secundum causas superiores, & inferiores, dicitur possi-
bile simpliciter. Si autem sit potentia passiva reducibi-
lis solum secundum causas superiores, est solum possi-
bile secundum quid, vt si dicatur: ex trunco possibile
est fieri vitulum: & ideo negandum est simpliciter, nisi
addatur determinatio contrahens: vt si dicatur possibile
potentia obedientia, vel possibile Deo. Si autem dicit
ordinem alicuius ad fieri sine comparatione ad princi-
pium ex quo, tunc importat potentiam passiuam secun-
dum modum, sed actiuam secundum rem, vt si dicatur
possibile est, animam Antichristi creari, vel possibile est
vitulum fieri, hoc est dicere, aliquis potest facere: &
ideo sine determinatione est possibile, siue secundum
causas superiores, siue secundum causas inferiores, quia
ratione potentia actiua utrobique saluatur simpliciter.
Potest etiam tertio hoc quod est possibile dicere ordi-
nem, vel comparationem entis ad esse, vt cum dicitur,
hoc potest esse, quocumque demonstrato: & sic nec po-
tentiam actiuam, nec potentiam passiuam dicit deter-
minate, nec secundum causas superiores, nec secundum
causas inferiores: vnde simpliciter dicitur, quocumque
horum modorum sit possibile. Solum ergo in vno casu
possibile secundum quid dicitur secundum causas su-
periores: videlicet cum dicit potentiam passiuam secun-
dum modum, & rem, vt cū dicitur: ex cæco potest fieri
videns, & ex trunco vitulus, & ex asino possibile est
fieri hominem. Ex his patent omnia obiecta ad utram-
que partem: nam obiecta ad primam partem procedunt
de possibili, secundum quod dicit potentiam passiuam.
I. Ad illud quod obiicitur ad oppositum quod
possibile dicitur denominatiue à potentia. Dicendum
quod possibile potest dici denominatiue à potentia
passiua, vel actiua: & quia in Deo proprie est poten-
tia actiua; ideo dicitur possibile simpliciter secundum
quod ab illa denominatur, non secundum quod à
passiua.

2. Ad illud quod obiicitur de hoc, quod est mundum creari, dicendum quod quamvis dicat potentiam per modum passionis: tamen secundum rem non dicit nisi potentiam actiuam, quia ante mundi creationem nihil est nisi potentia actiua: & ideo dicitur simpliciter secundum causas superiores..

3. Ad illud quod obiicitur, quod sequitur, si Deus potest facere, quod res potest fieri, dicendum quod verum est secundum quod potest dicit eandem potentiam per modum passionis, & hoc cum simpliciter dicitur. Si autem vere dicat potentiam passiuam, non sequitur, quia variatur hoc quod est possibile: ut patet, si dicatur: Deus potest facere de cæco videntem: ergo cæcus potest esse videns, vel ex cæco potest fieri videns: prius enim dicebat potentiam actiuam simpliciter, & postmodum passiuam: & ideo non sequitur: ergo quando dicitur, si antecedens est possibile, & consequens: intelligendum est eadem possibilitate.

4. Ad illud ergo quod ultimo obiicitur, quod omne verum potest esse verum antequam sit, dicendum quod verum est, & demonstrato cæco hoc dictum: iste potest videre, esse verum est possibile, quia possibile accipitur ibi respectu veri, & dictum est quod possibile quando dicit ordinem ad esse, vel ad esse verum, dicit potentiam communiter ad actiuam, & passiuam superiorem, & inferiorem: sed tunc non sequitur de re, ergo iste potest videre, quia dicit potentiam passiuam creatam, scilicet potentiam visiuam. Nec sequitur: ergo de cæco poterit fieri videns, secundum quod potest, ponit potentiam actu in isto, quia dicit potentiam passiuam dispositam, immo est ibi fallacia consequentis: quia cum possibile accipitur in sua generalitate, habet tres causas veritatis, aut in cæco est potestas ad videndum, aut potestas ad recipiendum, aut quia in alio est potestas ad dandum: ratione huius dictum est possibile, & fiet aliquando verum, sicut patet, & ita patent cætera obiecta.

DISTINCT. XLIII.

Opinio quorundam dicentium, Deum nil posse nisi quod facit, cum pluribus rationibus, quas omnes soluit.



VIDAM tamen de suo sensu gloriantes, Dei potentiam sub mensura coartare conati sunt. Cū enim dicunt, hucusque potest Deus, & nō amplius: quid hoc est aliud quam eius potentiam, qua infinita est, concludere & restringere ad mensuram? Atque enim: Non potest Deus aliud facere quam facit, nec melius facere id quod facit, nec aliquid pratermittere de his qua facit. Istamque primam suam opinionem verisimilibus argumentis, causisque commentitiis, necnon & sacrarum auctoritatum testimoniis munire conantur, dicentes: Non potest Deus facere nisi quod bonum & iustum est fieri. Non est autem iustum & bonum fieri ab eo, nisi quod facit. Si enim aliud iustum est & bonum eum facere quam facit: non ergo facit omne quod iustum est & bonum eum facere. Sed quis audeat hoc dicere.

Secunda ratio.

Addunt etiam, non potest facere, nisi quod iustitia eius exigit: sed non exigit eius iustitia, ut faciat nisi quod facit: non ergo potest facere, nisi quod facit. Eademque iustitia exigit, ut id nō faciat quod non facit, non autem potest facere contra iustitiam suam, non ergo potest aliquid eorum facere qua dimittit.

Responsio ad prius dictum.

His autem respondemus, duplicem verborum intelligentiam aperientes, & ab eis inuoluta euoluentes sic: Non potest Deus facere nisi quod bonum est & iustum, id est, non potest facere nisi illud quod si faceret bonum & iustum esset, verum est: sed multa potest facere qua non bona sunt, nec iusta, quia nec sunt, nec erunt; nec bene fiunt, nec fient, quia nunquam fient. Item quod secundo oppositum fuit: Non potest facere nisi quod iustitia sua exigit: & non potest id facere quod iustitia sua exigit, ut non fiat: Dicimus: quia exactionis verbum de Deo congrue non dicitur, nec proprie accipitur. Et in illis locutionibus duplex est sensus. Si enim intelligas, non potest facere nisi quod sua iustitia exigit, id est, nisi quod voluntas sua iusta vult, falsum dicis. Iustitia enim ipsius Dei aquissima voluntas accipitur, qualiter accipit Augustinus illa verba Domini, in Genesi, loquentis ad Lot: Non possum quidquam facere donec illo introeas, exponens: Non posse, inquit, se dixit, quod sine dubio poterat per potentiam: sed non poterat per iustitiam: Quod poterat quidem, sed non volebat, & illa voluntas iusta erat. Si vero per hac verba intelligis eum posse facere, nisi illud quod si fieret, iustitia eius conueniret, verum dicis. Similiter distingue illud: Non potest facere quod sua iustitia exigit ut non faciat, id est, non potest facere id quod ipse qui est summa iustitia, non vult facere, falsum est. Si autem his verbis intelligas eum non posse facere id quod iustitia eius conuenire non potest, verum dicis.

Tertia illorum ratio.

Addunt quoque & alia dicentes: Non potest Deus facere nisi quod debet, non autem debet facere nisi quod facit. Si enim debet alia facere, non ergo facit omne quod debet: si vero facit omne quod debet, nec potest facere nisi quod debet: non ergo potest facere nisi quod facit. Item: Aut debet dimittere quod dimittit ne faciat, aut non debet. Si non debet, non recte dimittit. Si vero debet dimittere: ergo non debet facere. Si autem non debet, nec decet, non oportet eum facere, & si non decet, nec oportet eum facere: ergo non potest facere: non ergo potest facere, nisi quod facit. Nec potest illud dimittere quod facit quin faciat, quia debet illud facere: & quod debet facere, non potest illud dimittere. Sed ut mihi videtur, hoc verbum, debet, venenum habet. Multiplicem enim & inuolutam continet intelligentiam: nec Deo proprie competit, qui non est debitor nobis, nisi forte ex promisso, nos vero ei debitores sumus ex commisso. Ut autem venenum euacuetur, distingue verbi sensus: Non potest Deus facere nisi quod debet, id est, nisi quod vult, falsum est: Sic enim potest ipse dici debere aliquid, quia vult illud. Si autem dicatur: Non potest nisi quod debet, id est, non potest nisi illud, quod si facere, ei bene conueniret, verum est. Addunt quoque illi dicentes, nihil facit aut dimittit, nisi optima & rationabili causa, licet nobis occulta sit: secundum quam oportet eum facere ac dimittere, qua facit vel dimittit. Ratio enim penes eū est: quia illa facit, & illa dimittit, qua ratio aterna est, & semper manēs, prater q̄ nō potest aliquid facere vel dimittere. Illa ergo manēte, non potest q̄ facit dimittere, nec quod dimittit facere, & ita nō potest facere, nisi quod facit. Et ad hoc respondemus, ambiguitatem locutionis determinantes. Cum enim dicitur: Ratio vel

Gen. 19. 6
In lib. contra
secundam
Gaudensij
epist. cap. 22.
tom. 7.

causa

causa optima penes Deum est, qua facit cuncta qua facit, & dimittit ea qua dimittit, verum quidem est: quia in eo voluntas est aequissima & rectissima, qua facit, & dimittit qua vult, contra quam facere non potest, nec prater eam facere potest. Nec utique contra eam faceret, nec prater eam, si ea qua facit dimitteret, vel qua dimittit faceret: sed eadem manente ratione, & causa, alia potuit facere, & ista dimittere. Licet ergo ratio sit penes eum, qua alia facit, & alia dimittit, potest tamen secundum eandem rationem & dimittere qua facit, & facere qua dimittit. Ipsi etiam addunt. Ratio est, eum facere qua facit, & non alia, & non potest facere, nisi quod ratio est, eum facere, & ita non potest facere nisi quod facit. Item: Ratio est eum dimittere qua dimittit, & non potest non dimittere quod ratio est, eum dimittere, & ita non potest non dimittere quod dimittit. Et ad hoc dicimus, locutiones ambiguas esse, & ideo determinandas. Si enim cum dicitur, non potest facere nisi quod ratio est eum facere, intelligas eum non posse facere nisi ea qua rationabilia sunt, & ea qua si fierent, rationabilia essent, verus est sensus. Si autem intelligas eum non posse facere alia rationabilia & bona, nisi ea qua vult & facit, falsus est intellectus. Item aliud adiungunt dicentes: Si potest Deus aliud facere quam facit, potest ergo facere quod non praesciuit, & si potest facere quod non praesciuit, potest sine praescientia operari: quia omne quod facturum se praesciuit, facit: nec facit aliquid quod non praesciuit. Quod si prater praescientiam eius aliquid fieri impossibile est: omne ergo quod praesciuit, fieri necesse est: ergo aliud fieri quod sit, nulla ratione possibile est: ergo non potest a Deo fieri nisi quod sit. Hac autem quaestio de praescientia facile determinari potest per ea qua superius dicta sunt, cum de praescientia ageretur.

Auctoritatibus vtuntur in assertionem suae opinionis.

His autem illi scrutatores, qui defecerunt scrutantes scrutinia, Sanctorum annectunt testimonia: dicit enim Aug. in lib. de Symbolo: Hoc solum non potest Deus quod non vult. Per quod videtur non posse facere aliquid nisi quod vult: sed non vult nisi quod facit, & ita videtur non posse nisi quod facit. Illud autem ita intelligendum est. Id solum non potest Deus quod non vult, scilicet se posse. Idem in 7. lib. confes. ad Deum loquens ait: Non cogeris inuitus ad aliquid, quia voluntas tua non est maior quam potentia: esset autem maior, si te ipso tu ipse maior esses. Ex hoc videtur quod Deus non possit plura quam vult, sicut non vult plura quam potest. Sicut enim voluntas non est maior potentia, ita nec potentia maior est voluntate. Ideoque, sicut plura non vult quam potest, ita eum non plura posse quam velle dicunt. Sed ad hoc dicimus, quia nec voluntas potentia, nec potentia voluntate maior est, quia una & eadem res est potentia & voluntas, scilicet ipse Deus, qui esset maior seipso, si voluntas maior esset potentia, vel potentia voluntas. Nec hac auctoritate negatur, Deum plura posse quam velle, quia plura sunt subiecta eius potentia quam voluntati. Fateamur itaque Deum plura posse facere qua non vult, & posse dimittere qua facit. Quod ut certius firmitusque teneatur, scripturae testimonium asseramus, Deum plura posse facere quam facit. Veritas ipsa secundum Matthaeum ait: An putas quia non possum rogare Patrem meum, & exhibebit mihi modo plus quam duodecim legiones Angelorum? Ex quibus verbis patenter innuitur, quia & Filius poterat rogare quod non rogabat, & pater exhibere, quod non exhi-

bebat. Vterque ergo poterat facere quod non faciebat. Aug. etiam in Enchiridio ait: Omnipotentis voluntas multa potest facere qua non vult, nec facit: potuit enim facere ut duodecim legiones Angelorum pugnarent contra illos qui Christum ceperunt. Item in eodem: Cur apud quosdam non facta sunt virtutes, qua si facta fuissent, egissent illi homines penitentiam: & facta sunt apud eos qui non erant credituri? Tunc non latebit quod nunc latet. Nec utique iniuste Deus noluit saluos fieri, cum possent salui esse si vellet. Tunc in clarissima sapientia luce videbitur, quod nunc piorum fides habet, antequam manifesta cognitione videatur, quam certa & immutabilis & efficacissima sit voluntas Dei: qua multa possit & non velit, nihil autem quod non possit, velit. Idem in libro de natura & gratia: Dominus Lazarum suscitauit in corpore. Nunquid dicendum est, non potuit Iudam suscitare in mente? Potuit quidem, sed noluit. His auctoritatibus, aliisque multis aperte docetur, quod Deus multa possit facere qua non vult: quod etiam ratione probari potest. Non enim vult Deus omnes homines iustificare, & tamen quis dubitat eum posse? Potest ergo Deus aliud facere quam facit, & tamen si aliud faceret, alius ipse non esset. Et potest aliud velle quam vult, & tamen eius voluntas nec noua, nec mutabilis aliquo modo potest esse. Quod etsi possit velle quod nunquam voluit, non tamen nouiter, nec noua voluntate, sed sempiterna tantum voluntate velle potest. Potest enim velle quod ab aeterno potest voluisse: Habet enim potentiam volendi & nunc & ab aeterno, quod tamen nec modo vult, nec ab aeterno voluit.

DISTINCT. XLIII.

De Potentia Dei in comparatione ad quantitatem ostendens eius immensitatem, siue quantum Deus possit.

Quidam tamen de sensu suo gloriantes.

Expositio Textus.

SVPRA ostendit Magister, quid Deus possit, in hac parte intendit ostendere quantum possit. Et quoniam quidam Dei potentiam limitabant, ideo intendit Magister ostendere huius opinionis falsitatem, & huius positionis falsitate ostensa, reperitur Dei potentia esse infinita. Et haec pars habet tres partes, in prima proponit siue narrat eorum erroneam opinionem. In secunda dissoluit multiplicem rationem eorum, ibi: Istamque prauam suam opinionem verisimilibus argumentis. In tertia concludit, & confirmat veritatis assertionem, quae est in huius opinionis contrariam partem, ibi: Fateamur ergo Deum, &c. Prima & vltima parte remanentibus indiuisis, media pars diuiditur secundum numerum rationum quas adducit. Prima sumpta est a ratione boni, & iusti. Et hanc format duobus modis, & ponitur, ibi: Non potest Deus facere, nisi quod bonum & iustum est fieri. Secunda sumpta est a ratione debiti, & hanc ponit, ibi: Addunt quoque & alia dicentes, non potest, &c. Tertia sumpta est a ratione faciendi, & dimittendi, & hanc format duobus modis, ibi: Addunt quoque illi dicentes, &c. Quarta sumpta est ex ratione praescientiae Dei & haec ponitur, ibi: Item aliud adiungunt dicentes, &c. Quinta sumpta est ab auctoritate Aug. & hoc duplici auctoritate, & ponitur, ibi: His autem illi scrutatores. Et in qualibet harum partium Magister ponit primo obiectiones secundo vero ponit solutionem, & partes manifestae sunt.

His

In Ench. 95. 20. 3. Mat. 7. 11

Cap. 7. 10. 11

Diuisio.

His autem respondemus, duplicem verborum intelligentiam aperientes. Dub. I.

Quæritur unde veniat duplicitas huiusmodi, non potest Deus nisi quod iustum est. Si dicas quod hoc verbum, *est*, potest significare iustitiam quæ est, vel iustitiam quæ esset, si Deus faceret: hoc enim nihil videtur: quia si dicatur, iustum est hoc fieri, intelligitur iustum esse, ut nunc similiter in proposito.

RESP. Dicendum quod distinctio Magistri est rationabilis. Ratio autem huius multiplicis est, quod hoc verbum, *est*, potest dicere præsens ut nunc, vel simpliciter, & ita iustitiâ quæ nunc est, vel quæ esset si res fierent. Potest autem multiplicitas assignari à tribus. Prima à ratione attributi, sicut enim hoc verbum, *currit*, per se dictum dicit præsens ut nunc: sed quando additur determinatio, potest stare pro præsentis simpliciter, ut puta si dicatur de equo iacente in stabulo: iste equus bene currit, ita potest esse de hoc verbo, *est*, ratione eius quoque additur bonum, & iustum. Aliter potest assignari à parte ampliacionis huius verbi, *potest*, quia si ampliatio huius verbi, *potest*, totum dictum respiciat, ita quod implicatio cadat sub ampliacione, ita dicit præsens simpliciter. Si autem cadat extra, sic dicit præsens ut nunc & secundum hoc accipitur duplex sensus, quem Magister assignat. Tertio modo potest assignari ratio à parte eius quod est, *nisi* quia potest tenei exceptivæ, vel consecutivæ. Si exceptivæ, tunc stat actus, siue exceptum pro præsentis ut nunc, & est sensus: Non potest Deus nisi quod iustum est, id est, nihil potest Deus præter hoc quod est iustum. Vel potest tenei consecutivæ. Et nunc necesse est quod hoc verbum, *est*, teneatur simpliciter, quia regula est quod termini in conditione ampliatur ad omne tempus, & tunc est sensus: Non potest Deus nisi quod iustum est, id est nisi sit iustum, & sic ampliatur ibi ad omne tempus. Ex quacunque tamen causa accipiat locutio, vere multiplex est.

Poterat per potentiam: sed non poterat per iustitiam. Dub. II.

CONTRA: Quia iustitia stat ibi pro voluntate, videtur male dicere, quia nihil potest Deus facere quod non possit velle: ergo si iustitia Dei est voluntas, omne quod potest simpliciter, potest de iustitia, & e converso. Itē: Possibili posito in esse, non sequitur impossibile: si ergo Deus poterat per potentiam Loth subvertere, siue comburere, ponatur: tunc quæro, aut hoc fuit iustum, aut non. Si sic: ergo poterat per iustitiam. Si non: ergo facit contra iustitiam, ergo inique: quod est omnino impossibile.

RESP. Dicendum quod iustitia non stat ibi pro voluntate divina simpliciter considerata, sic enim poterat velle, quia & poterat facere: sed stat ibi pro voluntate pensante merita, & volente retribuere secundum merita. Et quoniam Loth non meruerat submergi cum illis peccatoribus, non poterat iuste submergi quantum fuit de exigentia meritorum: nihilominus tamen poterat Deus hoc facere, quia ex hoc laudem suam, & Loth utilitatem poterat elicere, cum non sit malum secundum se, iure iustum affligere: potest enim hoc Deus facere ad bonum suum. Et per hoc patet responsio ad illud quod obicit. Posito enim quod hoc factum fuerit, ponitur etiam fuisse iustum quantum ad condecenciâ, licet non quantum ad merita. Contra enim exigentiam meritorum Deus potest facere, & facit. Unde Glossa: Quod facere cogitabam propter iustitiam, non feci propter clementiam.

Hoc verbum, debet, venenum habet, &c. Dub. III.

Innuat Magister quod hoc verbum, *debet*, proprie non convenit Deo nisi forte dicatur ex promisso. Contra: Videtur male dicere, quia sicut qui debet ex commissio, obligatur ne incurrat ingratitudinem: ita qui debet ex promisso, si non reddit, incurrit falsitatem: ergo Deus vere est obligatus: ergo vere & proprie est debitor.

RESP. Dicendum quod debitum ex commissio est debitum proprie, quia præit voluntatem, velit enim nolit, obligatus est quia accepit beneficium, si necessario eget beneficio: debitum autem ex promisso, quod est meræ liberalitatis, est debitum quod sequitur largitatem promittentis, & ideo secundum rem plus habet de ratione gratiæ quàm debiti: & hoc modo Deus est debitor: primo modo non: ex sua enim liberalitate promittit ut alliciat, sed nihil recipit. Unde obsequia nostra non acceptat propter indigentiam: ideo ratio debiti secundum quod obligationem dicit, proprie in Deo non cadit: si autem abutamur nomine, ut debitum sonet incontinentiam bonitatis Dei, sic recipitur in Deo.

Potest tamen secundum eandem rationem. Dub. IV.

Innuat Magister quod eadem ratione manente, Deus potuit alia facere, & ista dimittere. Contra: Videtur hoc esse falsum, quia Augustinus dicit, alia ratione conditus est homo, alia ratione conditus est equus: ergo alia, & alia ratione sunt opposita: ergo eadem ratione manente non potuit facere opposita.

RESP. Dicendum quod Magister vocat hic rationem, voluntatem Dei æquissimam: & sicut dictum est supra, quod quia Deus novit omnia, ideo potest scire opposita sine innovatione, scientiæ, ita etiam & de voluntate. Unde non intelligitur voluntas mutari, quando Deus potest velle quod non vult: sed aliquod volitum ad ipsam comparari, ipsa una & eadem & immutabili remanente: sed alio modo comparata, siue ad aliud & aliud: & ita intelligit Magister.

Hac autem questio de præscientia facile determinari potest per ea quæ superius dicta sunt. Dub. V.

Quæritur per quid determinatur superius dictum. Videtur enim argumentatio necessaria: si ergo Deus nihil potest operari nisi illud præsciat, & non præscit nisi quæ facit: ergo, &c. dicendum est ad hoc, quod Deus potest præscire plura quam præscit, sicut potest plura operari. Unde huiusmodi solutio est, quod præscientia Dei potest esse alicuius, cuius non est: & ita Deus potest facere illud: & alicuius non esse cuius est, & ita Deus potest illud non facere, & nunquam ponitur aliquid facere sine præscientia. Ex hoc manifestum est quod est necessarium Deum præscire quod præscit: si enim hoc esset, tunc impossibile esset Deum aliud facere, quam illud quod facit: & hic est error manifestus.

An putas, quia non possum rogare Patrem, &c. Dub. VI.

Videtur illud non bene dictum, quia aut Pater volebat dare, aut non. Si volebat, & Christus non volebat: ergo in voluntate discordabant. Si autem nolebat, & Christus poterat petere: ergo poterat à voluntate Patris discordare: ergo peccare: quod est contra veritatem aperte.

RESP. Dicendum quod Pater nolebat dare, & Christus nolebat petere: sed pater poterat velle, & Christus similiter petere, & ita non discordare: tunc autem discordantia esset, si Christus posset petere, & Pater non posset velle: quo modo autem Deus possit aliquid velle quod non velit, supra habitum est.

Nunquid dicendum est, non potuit Iudam suscitare in mente. Dub. VII.

Ex hoc videtur quod Deus possit saluare Iudam: ergo pari ratione damnare Petrum. Contra: Iustus est, & negare seipsum non potest: ergo nec facere contra iustitiam. Si tu dicas, quod hoc potest. Contra: Posset Deus destruere, omnia quæ facit, quod maius est, ergo multo fortius hoc potest.

RESP. Aliqui distinguunt hic potentiam Dei dupliciter, dicentes Deum posse aut potentia absoluta, & sic

Epist. III.
com. 2. ad
Nobrid.

Dist. 38. ar.
tic. 2.

Dist. 40.
sic. 1. q. 3.

Opin. 1.

Glossa in
20. cap. Hieron.

potest

potest Iudam saluare, & Petrum damnare: aut de potē-
tia ordinata, & sic non potest. Sed hæc distinctio non
videtur esse conueniens, cum nihil possit Deus, quod
non possit ordinate. Possē enim inordinate facere, est
non posse, sicut posse peccare, & posse mentiri. Vnde
nec potentia absoluta, nec ordinata potest mentiri. Alier
dicunt alij, quod potest saluare Iudam, sed non dama-
nare Petrum, quia misericordia eius super omnia ope-
ra eius, & misericordia superexaltat iudicium, & saluare
Iudam esset superabundantis misericordiae: sed damnare
Petrum esset crudelitatis maximæ: sed tamen cum Deus
summe iustus sit, summe misericors, sicut non potest fa-
cere contra misericordiam, sic nec contra iustitiam. Ideo
aliter dicunt alij, quod Deus neutrum potest, & hoc
non derogat eius potētiæ, quia vtraque essent iniusti-
tia, & inordinatio, reuocare quem finaliter damnauit, &
qui finaliter damnari meruit. Nec est simile de Traiano,
quia Deus sic disposuerat ad honorem Sanctorum, &
suum aliqua specialia facere, & ideo mors illa Traiani,
& damnatio licet secundum causas inferiores finalis
videretur, tamen secundum diuinam dispositionem, &
consilium aliter erat. Sed tamen quis hoc audeat dicere
quin Deus de Iuda hac dispositione potuerit quod dis-
posuit de Traiano: & quin generaliter de omnibus pos-
sit facere quod probatur fecisse vni? Et iterum Augu-
stinus dicit quod Deus ipsi diabolo bonam voluntatem
posset dare. Propter hoc dicendum quod quando quæ-
ritur, vtrum Deus possit saluare Iudam, & damnare Pe-
trum, dicendum quod aut loqueris saluis meritis, aut
non saluis. Si saluis meritis, sic dico quod non possit:
hoc enim idem est dicere, & querere, ac si quære-
tur, vtrum posset iudicare iniuste: quod quidem absque
dubio Deus non potest. Si autem intelligatur non saluis
meritis, sic absque dubio posset saluare Iudam auferen-
do per gratiam peccata, & demerita, & dando merita.
Petro autem non potest dare merita mala: sed tamen si-
cut liberaliter dedit bonam voluntatem Petro, ita etiam
liberaliter conseruat: similiter & naturam, & sic pa-
tent obiecta.

ARTICVLVS I.

AD intelligentiam præsentis distinctionis quæritur
de quantitate diuinæ potētiæ, siue de infinitate.
Et circa hoc quærentur quatuor. Primo quæritur, vtrū
potentia Dei sit infinita. Secundo, dato quod sic, quæri-
tur vtrum ipsa essentia diuina sit infinita, sicut potentia.
Tertio, vtrum Deus possit producere opus infinitum.
Quarto, vtrum ratio operandi sit infinita. Prima quæstio
respicit infinitatem in possendo. Secunda in ellendo.
Tertia in operando. Quarta in ratione operandi.

QVÆSTIO I.

An potentia Dei secundum quod huiusmodi infinita sit.

*Alexander Alensis 1. p. q. 21. Membrum 1.
S. Thom. 1. p. q. 25. art. 2.
Et 1. Sent. dist. 43. q. 1. art. 2.
Secundus 1. Sent. dist. 43. q. 1.
Et 1. Rom. 1. Sent. dist. 43. q. 1.
Henricus in summa, art. 25. q. 6.
Richardus 1. Sent. dist. 43. q. 2.
Thom. Arg. 1. Sent. dist. 43. q. 1. art. 3.
Marfilus Inguen. 1. Sent. q. 42. art. 2.
Ioan. Bacon. 1. Sent. dist. 43. q. 1.
Scoph. Brulef. 1. Sent. dist. 43. q. 2.
Petrus de Tarantaf. 1. Sent. dist. 43. q. 1.*

Vtrum Dei potentia sit infinita, & quod ipsa po-
tentia secundum quod huiusmodi sit infinita,
ostenditur sic. Infinitum dicitur quod non habet ter-
minum: sed diuina potentia quantum ad posse non ha-
bet terminum: ergo, &c. Prima manifesta est. Secunda
patet per Chrysost. in quadam Homil. Omnipotens di-
citur: quia eius posse non inuenit non posse: ergo si
semper inuenit posse, & semper quantitatem potētiæ

accipientibus est vltra accipere: ergo infinita.

ITEM omnis potentia actiua quæ potest in effectus
infinitos, est actu infinita, diuina potentia est huiusmo-
di: ergo, &c. Probatio primæ. Si potentia est pure in
actu: ergo habet totum actualiter, quod potest habere:
ergo si totum habet actualiter, & nihil potest ei accref-
cere, nec de nouo aliquid dare, & potentia vt potens se
extendit ad infinita: ergo actu habet in se infinitatem.
Minor patet, quia diuina potentia nunquam potest in
tot effectus, quin adhuc possit in plures: ergo manife-
stum est quod sit infinita.

ITEM omnis potentia quæ potest in actum infini-
tum, si omnino est in actu, est simpliciter infinita: sed
diuina virtus est huiusmodi: ergo, &c. Maior patet sic.
Sicut se habet potentia ad potentiam, sic actus ad
actum: sed actus infinitus excedit finitum in infinitum:
ergo & potentia potentiam: ergo si potentia est omni-
no in actu, est infinita. Minor patet, quia Deus dicitur
durare in infinitum: & potest creaturam conseruare in
infinitum: ergo, &c.

ITEM omnis potentia quæ potest super extrema in
infinitum distantia, est infinita: sed potentia diuina est
huiusmodi, quia de nihilo aliquid facit, & inter aliquid
& nihil est infinita distantia: ergo, &c.

ITEM omnis potentia quæ omnino indifferens est ab
essentia, est infinita: sed diuina potentia est huiusmodi:
ergo, &c. Probatio primæ: Quodcumque aliqua duo
sunt omnino indistantia, vbicumque est vnum, ibi & re-
liquum: ergo si potentia est omnino indifferens ab es-
sentia, vbicumque est potentia, & essentia: sed vbi est
essentia, ibi est centrum potētiæ: ergo vbicumque po-
test potentia talis, potest in centro: ergo cum nulla po-
tentia limitetur in centro suo: sed amplius possit, aut di-
uina potentia nihil potest, aut potest quantum vult: &
sic in infinitum: ergo, quantum est de se, potentia illa
potest in infinitum operari: sed potentia illa omnino est
indifferens, & simplex: ergo idem est idem latum, & in-
tensum: ergo si extensue est infinita, & intensue: ergo
omnino est infinita. Et hoc est quod dicit Philosophus
in lib. de causis: quod virtus quanto magis vnita, tanto
magis infinita: cum ergo diuina potentia sit infinitissi-
ma, quia est omnino idem cum sua origine, vbique po-
test tanquam in sua origine: ergo nunquam inuenit non
posse.

1. CONTRA: Omne illud est finitum, in quo est repe-
rire statum: sed in diuina potentia est reperire statum,
quia est assignare aliquid quod non potest (sicut supra
ostensum est) vt actus corporales, & actus deformes:
ergo, &c.

2. ITEM quod exceditur ab aliquo, est finitum, quia
infinitum nullo modo exceditur: sed scientia excedit
potentiam respectu scibilium, plurium enim est scientia,
quam potentia, scit enim mala, & non potest: ergo, &c.

3. ITEM videmus in potentiis creatis, quod infinitas
est à materia: sed finitas est à forma: ergo cum potentia
Dei sit omnino forma, siue formalis, nihil omnino ha-
bens materialitatis: ergo simpliciter est finita, & nullo
modo infinita.

4. ITEM inter contradictorie opposita est distantia
infinita: sed creaturæ virtus vnum reducit ad alterum,
vt non currentem facit currere, & tamen est finita: ergo.

5. ITEM video quod anima habet potentiam omni-
no indifferentem ab essentia, sicut potentia viuificandi
corpus, habet etiam potentiam ad actum infinitum, si-
cut ad durandum siue permanendum infinitum: habet
potentiam nihilominus ad actus infinitos, & tamen ip-
sa potentia est finita in se: ergo videtur pari ratione de
diuina potentia, cum anima sit expressa imago Dei.
Vnde videntur rationes prædictæ nihil valere.

Vide Scot.
sup. dist. 2.
q. 2. lib. 1.

Auctor
causis pr.
posit. 18

Ad op.
tum.

Aristot.
Physic.
49.

CONCLUSIO.

Potentia diuina est infinita, in virtute, in actu, & in habitu.

RESP. ad Arg. Dicendum quod diuinam potentiam est ponere omnino in actu, & in habitu infinitam, sicut probatum est per effectum à posteriori, quia habet effectum infinitum duratione, & infinitos appositione, ad quos comparatur ut actus purus, & ut tota causa & ratio habens in se plenam, & perfectam actualitatem respectu infinitorum: & necesse est cum habeat totum quod vnquam habitura est, & ex se habeat quod ipsa infinita sit. Alia ratione ostenditur hoc à priori. Propter enim summam indiuisiorem virtutis cum essentia, & propter summam vnitatem ipsius virtutis: vbicunque potest, tota potest, & tantum in extremum mundi, quantum in medio: & tantum in summo, quantum in latius, & omni modo infinitatis. Nec est similis ratio in aliqua creatura, nec quantum ad causalitatem effectus, nec quantum ad vnitatem. Non quantum ad causalitatem effectus, quia nulla virtus creaturæ respectu durationis infinitæ est pure actiua, immo necesse est per diuinam influentiā conseruari. Similiter nec quantum ad productionem actus, vnde habet infinitatem passiuam etiam in recipiendo, & ideo nulla est actu infinita, sed solum in potentia. Et quia infinitum in potentia pendet ex infinito in actu: ideo omnis infinitas durationis creaturæ, & operationis pendet ex infinitate virtutis increatæ. Et hoc est quod dicit Philosophus in lib. de causis, quod omnes virtutes infinitæ pendentes sunt per vnū infinitum primum, quod est virtus virtutum. Similiter non est simile de simplicitate, siue vnitatem. Nam potentia diuina est omnino in se simplex, & omnino habet essentiam, siue substantiam simplicem: Omnino etiam ab illa est indifferens, & ideo omnimoda vnione est vnitissima, & ideo infinita: sed nullius creaturæ quantuncumque nobilis, potentia est omnino simplex, quia omnis talis potentia dicit aliquem respectum dependentiæ, nec fundatur in substantia omnino simplici, nec omnino est indifferens, quia nulla creatura est sua potentia, loquendo essentialiter. Et ideo quia deficit omnis creatura à ratione summæ simplicitatis, & infinitatis per consequens: & sic patet, quod diuina potentia est infinita, & quod sola est infinita, & ratio infinitatis est summa simplicitas. Et patet responsio ad vltimam rationem ostendentem prædictas rationes non valere.

1. Ad illud ergo quod obicitur quod inuenit terminum & quod inuenit excessum, dicendum quod diuina potentia est infinita respectu eorum quæ posse est potentia, respectu aliorum quæ posse est impotentia, nec est finita, nec infinita, quia nihil ex eis potest. Quando enim dicitur quod inuenit terminum, vel excessum, dicendum quod falsum est, quia excessus, & terminus rei attenditur secundum ea ad quæ res se extendit, & diuina potentia se extendit solū ad bona, & quantum ad alia nunquā est plurimum scientia, quam potentia, nec quantum ad talia inuenit terminum, & ideo patet illud. Potest tamen aliter dici, quod dupliciter est loqui de potentia, & scientia: aut in se, aut per comparationem ad obiectum. Si in se, sic vna non excedit aliam, quia quidquid scit, potest scire: & qui quid potest, scit se posse. Vel per comparationem ad obiectum, & sic est loqui dupliciter, aut secundum formā, siue speciem, aut secundum numerum. Si secundum numerum: sic cum potentia possit infinita, non exceditur à scientia. Si autem secundum formam: sic quia potentia est respectu bonorum tantum, scientia vero bonorum, & malorum, ideo exceditur, tamen ex hoc non sequitur quin sit infinita, & est exemplū. Si quis imaginetur duas lineas infinitas, plures sunt duæ quam vna, quia non habebunt vnā infinitatem secundum numerum, sed solum secundum longitudinem: & sic non sunt maiores, vel longiores duæ quam vna. Similiter in proposito intelligitur. Potentia enim dicitur infinita respectu

obiectorum secundum numerum, sed non secundum qualitatem: quia non potest in mala, vel priuatoria, & per hoc patet primum, & secundum. Quamvis enim inueniat terminum respectu mali, non tamen respectu boni, & ille terminus, vel excessus potius facit ad infinitatem, quia non est posse, sed non posse: & ideo quavis hoc videatur dare terminum secundum rationem intelligendi, secundum veritatem non dat, quia quod non possit mala, hoc totum est propter immensitatem virtutis.

2. Ad illud quod obicitur quod infinitum est passio potentie materialis, dicendum, quod hoc verum est de infinito per priuationem completionis, siue completi esse: sed non est verum de infinito per priuationem limitationis. Primum enim est infinitum potentia passiva, siue receptiua, & ita primo inest materiæ. Secundum est infinitum actu, & ideo in illo solo vere est, & proprie, qui tantum est actus, & actus purus, & perfectissimus.

3. Ad illud quod obicitur, quod creatura potest super ea quæ summe distant, dicendum quod ens, & non ens non dicuntur summe distantia, quia opponuntur contradictorie: sed quoniam nihil habent commune, nec quantum ad genus subiectum, nec quantum ad genus prædicabile, sed quiescere, & moueri, vel moueri, & non moueri, quod pro eodem accipitur, utroque modo habet commune & ita non est distantia infinita, nec est simile.

4. Ad illud quod obicitur de potentia viuificandi dicendum, quod viuere vno modo dicit actum consequentem, sicut moueri: & sic est ab anima mediantibus potentiis differentibus ab ipsa essentia. Alio modo dicitur viuere secundum quod est actus primus, & est ab essentia animæ, ut in ratione formæ, non in ratione agentis: & propter hoc non consideratur ibi esse tantum in operando, sed in informando, sicut albedo se ipsa dealbat, ita quod non notatur ibi, nec est egressus alicuius, ut à potentia agente: nos autem hic loquimur de potentia ut agente, & producente aliquid: potentia vero animæ quantumcunque sit idem, tamen dicit aliquam inclinationem, & ideo dependentiam, & ideo priuat simplicitatem, ac per hoc priuat infinitatem: in Deo autem non sic: & ideo ratio illa non habet instantiam, recte intellecta.

QVÆSTIO II.

An diuina essentia, siue potentia sit infinita.

S. Thom. in quæst. de Pot. q. 1. art. 2.

Et 1 contra Gent. c. 43.

Richardus 1. Sent. dist. 43. q. 1.

Steph. Brulef. 1. Sent. dist. 43. q. 1.

Petrus de Tarantasia. 1. Sent. dist. 43. q. 1.

Et omnes alij in superiori quæst. citati.

UTrum essentia sit infinita, siue diuina potentia sit infinita quantum ad esse. Et quod sic videtur, quia nulla potentia nobilior est substantia: sed diuina potentia est infinita: ergo cum non sit nobilior, nec maior substantia, necesse est substantiam esse infinitam.

ITEM si aliqua duo (liceat sic dicere) sint omnino idem, si vnum est infinitum, & reliquum: sed substantia, & potentia sunt idem, & esse & posse: ergo cum diuinum posse sit infinitum, & esse, & ita essentia.

ITEM quandocunque aliqua duo sic se habent, quod ad nihil se extendit vnum, ad quod pariter se non extendat reliquum, si vnum est infinitum, & reliquum: sed ad nihil omnino se extendit potentia, ad quod se non extendat essentia: nunquam enim Deus potest facere tot, quin etiam substantia possit esse in tot, secundum quod dicitur. Si cælum & cæli cælorum, &c.

ITEM omni finito potest aliquid cogitari maius, scilicet infinitum ipsum: sed diuina essentia est ita bona, & magna, quod nihil maius, nec melius cogitari potest, alioquin non esset Deus: ergo, &c.

ITEM omne finitum bonum, melius est cum alio bono quam per se tantum, quia finitum additum finito facit maius: ergo si diuina essentia est finita, maius aliquid

cum

cum filio erit, quam per se tantum: ergo non est perfectissima, nec optima: quod omnino nefas est dicere.

ITEM omne finitum bonum, contingit aliquando æquari, & reddi per duplicationem finiti, ut patet in linea: & hoc dico, si illud quod duplatur facit maius, hoc dico propter punctum: si ergo diuina essentia est finita secundum nobilitatem, & bonitatem, si dupletur bonitas creaturæ ascendendo, aliquando peruenietur ad bonitatem æqualem diuinæ bonitati, hoc autem est falsum & impossibile, quod creatura sit proportionalis Creatori: & hoc dicit August. de Trinit. ergo & illud ex quo sequitur, scilicet quod diuina essentia sit finita.

1. Sed contra: Finitum, & infinitum, ut dicit Philosophus, sunt propriæ passionis ipsius quantitatis: sed essentia, ut essentia, non habet quantitatem: ergo si consideratur ut in abstractione à quantitate ut essentia, diuina essentia nec est finita, nec infinita.

2. **ITEM** omnis potentia quæ potest vnum solum ita quod non aliud, est potentia finita: ergo pari ratione omnis essentia quæ est vnum solum, ita quod nihil aliud est essentia finita: sed diuina essentia est Deus, & nihil aliud ergo, &c.

3. **ITEM** omne illud quod est finitum summæ veritati est simpliciter finitum: & hoc patet, quia prima veritas indicat de vnoquoque, sicut est. Patet etiam in simili, ut hoc est album, & nigrum, & bonum Deo: ergo simpliciter bonum: sed diuina essentia est veritati diuinæ cognitionis finita, quia Deus ipsam comprehendit, & nouit perfecte: & quod scitur, ut dicit Augustinus, scientis comprehensione finitur: ergo, &c.

4. **ITEM** nullum infinitum finit aliud: quia nihil dat aliud quod non habet: ergo si diuina essentia est infinita, ergo nihil finit: ergo nullius est finis: & si hoc: ergo nihil bonum.

5. **ITEM** nullum infinitum comprehenditur à finito: sed Deus comprehenditur à beatis, quia aliter non essent beati, nisi Deum perfecte cognoscerent, semper enim appetitus ferrentur ad amplius, & non quiescerent, & ita non essent beati: si ergo comprehenditur, non est infinitus.

6. **ITEM** nulla priuatio est habitu nobilior: ergo cum infinitum dicat priuationem & finitum dicat habitum, & omne nobilius Deo est attribuendum, patet, &c.

CONCLUSIO.

Essentia diuina est infinita in actu quantum ad esse.

RESP. ad arg. Ad hoc voluerunt quid in dicere, quod diuina essentia sub ratione essentiae est finita: sub ratione potentiae est infinita. Nam essentia nominat Deum ut in se, & sic est finitus, quia perfectus finitus etiam, quia comprehenditur à finito, ut à beatis, & hoc dixerunt propter essentiae simplicitatem, quam dixerunt totum videri. In quantum autem consideratur sub ratione potentiae, sic dicit respectum ad effectus. Et quia non est status ibi, quia semper est aliquid extra accipere: dixerunt quod sub ratione potentiae erat infinita. Sed ista positio erronea fuit manifeste. Nam ista duo sunt incōpossibilia, quod potentia sit infinita, omnino existente substantia finita: & quia idem sunt omnino, & quia prius secundum rationem intelligendi est substantia, & quia ad quidquid se extendit potentia sub ratione potentiae, & essentia, ut ostensum est. Et propter dixerunt aliqui quod est finitum simpliciter, & infinitum nobis. Et voluerunt dicere, quod tam essentia, quam potentia est finita secundum veritatem, quia est finita Deo qui est veritas, sed tamen utraque nobis est infinita: quia impropotionaliter nos excedit. Vnde Deus infinitus dicitur, quia nec loco, nec tempore, nec comprehensione comprehenditur, sicut dicit Damascenus. Sed iterum ista positio non potest stare, quoniam sicut supra probatum est de potentia, quod ipsa non habet statum in possendo, & iterum est omnino actus, & ideo ponitur infinita: sic etiam probari potest de essentia. Necesse est ergo quod omnino in-

finita sit actu. Et hoc concedendum est, vel tenendum est tanquam verum, eo quod magis est consonum fidei, quæ dicit Deum immensum, & magis est consonum auctoritatibus Sanctorum, quæ omnes dicunt ipsum infinitum. Vnde per Damascen. dicitur quod Deus est quoddam pelagus substantiae infinitum: magis etiam consonum sententiis Magistrorum, magis etiam consonum rationi.

1. Ad intelligentiam ergo obiectorum in oppositum notandum quod infinitum dicitur per abnegationem finis. Potest ergo dupliciter dici infinitum scilicet à parte negationis, & similiter à parte finis. A parte finis, nam finis dicitur dupliciter, vno modo quod est complementum, & sic infinitum dicitur per priuationem complementi, & hoc modo infinitum dicitur in materia, & in genere substantiae, & in aliis generibus, & hoc modo non cadit in Deo: quia ipse est perfectissimus. Alio modo finis dicitur terminus sicut finis agri, & sic infinitum dicitur quod caret termino, & statu. Et hoc potest esse dupliciter secundum negationem, quia potest intelligi priuatiue, & negatiue. Priuatiue, quia non habet terminum: sed tamen natum est habere propter hoc quod habet esse limitatum, & hoc modo dicit incompletionem, & non est in Deo. Alio modo negatiue, quod non habet terminum, nec etiam natum est habere, & hoc modo ponitur in Deo propter summam immensitatem.

2. Ad illud ergo quod obiicitur quod infinitum est passio quantitatis, dici potest quod sicut nomen quantitatis, extenditur ad quantitatem virtutis, similiter nomen in finiti: quantitas autem virtutis non tantum attenditur: quantum ad opus, sed etiam quantum ad nobilitatem valoris, & hoc patet, quia dicit Augustinus: In spiritualibus idem est maius & melius.

3. Ad illud quod obiicitur quod est vnum ita quod non est aliud, dicendum quod aliquid comparari ad multa potest esse dupliciter, aut secundum comparisonem causalitatis, aut secundum comparisonem identitatis. Comparari ad multa sub ratione causalitatis hoc conuenit infinito quia infinitum: sed secundum rationem identitatis, non. Vnde quia infinitum in Deo se extendit ad multa, quia potentia, vel essentia eius comparatur ad multa, ex hoc tamen non sequitur quod sit multa. Vnde si essentia, vel potentia compararetur secundum rationem identitatis ad res, neutra est plurium: vnde nec potentia diuina est aliarum potentiarum, nec essentia aliarum essentiarum: sed secundum rationem causalitatis sic conuenit & essentiae, & potentiae: nam sicut potentiae conuenit facere plura, sic essentiae in pluribus esse.

4. Ad illud quod obiicitur, illud quod est finitum summæ veritati, dicendum quod hæc est duplex. Aut enim est finitum summæ veritati, quia veritas indicat ipsum esse finitum, aut quia non excedit eius comprehensionem. Primo modo non est Deus sibi finitus, sed infinitus: vere enim scit se esse infinitum. Secundo modo est finitus, quia se non excedit cum sit infinitus, & sic non valet argumentum, & est ibi fallacia secundum quid, & simpliciter: non excedit infinitum: ergo est finitum simpliciter.

5. Ad illud quod obiicitur quod infinitum non finit, dicendum quod infinitum per priuationem perfectionis non finit: sed infinitum per negationem limitationis habet rationem finiendi: quia cum sit summum, in ipso est omnis status: in hoc enim infinitas non repugnat simplicitati, nec complemento.

6. Ad illud quod obiicitur quod comprehenditur, dicendum quod non comprehenditur per inclusionem, comprehenditur autem per perfectam visionem, & dilectionem, & tentionem, & hoc à parte comprehendētis, & non comprehendēti: & ideo quia perficitur res secundum suam capacitatem, quiescit, quamvis ultra non attingat.

7. Quod ultimo obiicitur solutum est: obiicit enim de infinito secundum quod dicitur priuatiue, sed prout dicitur de Deo, non dicit priuationem secundum rem, sed solum quantum ad modum significandi, & respondet ei summa potentia: nihil enim dicitur immensum, nisi quod habet summam, & perfectissimam actualitatem, & nihil coar-

tens, & determinans: unde et si videatur dici priuatiue, A est à Deo: ergo non est effectus: & sic patet, &c.

QVÆSTIO III.

An diuina potentia possit in effectum actu infinitum.

Alexander Aletis 1. p. q. 6. Membr. 2.

S. Thom. 1. p. q. 7. art. 3.

Et 1. Sent. dist. 43. q. 2. art. 1.

Et de Pot. q. 1. art. 2.

Richardus 1. Sent. dist. 43. q. 4. & 5.

Franciscus de Mayr. 1. Sent. dist. 43. & 44. q. 10.

Marcellus Inguen. 1. Sent. q. 42. art. 3.

Steph. Brulef. 1. Sent. dist. 43. q. 3.

Petrus de Tarentas. 1. Sent. dist. 43. q. 3.

Ad opposi-
tum.

DE infinitate diuinæ potentie quantum ad opus, vtrum videlicet diuina potentia possit in effectum actu infinitum. Et quod sic, ostenditur hoc modo: Potentia se habet proportionaliter ad opus, unde tanta potentia potest in tantum opus: ergo & maior, in maius, & infinita actu in infinitum actu.

2. **ITEM** omnis potentia quæ operatur ex se tota, si est infinita, producit infinitum, cum operetur ex tota sua virtute: sed diuina potentia cum sit simplicissima, se tota operatur: ergo videtur quod producat effectum infinitum. Si tu dicas, quod hoc non potest esse propter defectum, & limitationem ipsius effectus.

3. **CONTRA:** Frustra est potentia quæ non reducit ad actum: unde & Philosophus dicit, quod frustra est potentia actiua, cui non respondet passiua: ergo aut potentia diuina frustra est infinita: aut ei respondet effectus infinitus, & potentia passiua infinita.

4. **ITEM** omnis potentia potest seipsam manifestare: ergo diuina potentia cum sit infinita potest suam infinitatem manifestare: sed infinitas non manifestatur, nisi in effectu infinito: ergo, &c. Si tu dicas, quod manifestatur in productione Filij, & Spiritus sancti, tunc obicitur quod Spiritus sanctus habet potentiam infinitam: ergo potest ipsam manifestare, sed non in productione personæ infinitæ: ergo in productione creaturæ.

5. **ITEM** omne possibile est ponibile in esse: sed Deus potest producere infinita: ergo infinita produci est possibile: ergo ponibile: sed ponibili posito in esse, nullum accidit inconueniens: ergo posito, quod Deus faciat infinita, nullum accidit inconueniens: sed Deus potest omne illud quod non est inconueniens posse, vel facere: ergo Deus potest facere quod sint infinita actu.

6. **ITEM** appelletur A, omne creabile: tunc quæro, A, aut est finitum, aut infinitum. Si finitum, & Deus non potest nisi A: ergo non potest nisi finita: ergo potentia eius est finita. Si infinitum, & Deus potest facere A, ergo, potest facere aliqua actu infinita.

7. **ITEM** continuum est diuisibile in infinitum: quæro vtrum Deus possit reducere potentiam continui ad actum. Si non potest: ergo potentia continui excedit potentiam Dei, quod est absurdum, quia tunc potentia Dei esset finita. Si eam potest reducere ad actum omnino: sed hoc non est, nisi cum est actu, diuisum in in partes infinitas: ergo, &c.

SED CONTRA: Quod non possit in effectum intentione infinitum videtur, quia infinito simpliciter nihil est maius: ergo si producit effectum infinitum: tunc ergo illo nihil est maius: ergo Deus non est maior. Si ergo hoc est summæ nobilitatis in Deo, quod nihil possit ei æquari, producere talem effectum est contra nobilitatem diuinæ potentie: ergo, &c.

ITEM omne quod est actu infinitum, est summe simplex. Nam si est aliqua compositio, tunc ibi est coarctatio, & limitatio. Si ergo Deus produxit effectum infinitum, illud est simplicissimum, sed in simplicissimo idem est essentia, bonitas, & potentia: ergo si effectus est infinitus in potentia, & bonitate: ergo summum bonum: ergo non bonum propter aliud: ergo non bonum propter Deum: ergo nec à Deo, quia vniuersa propter semetipsum operans est Dominus, & idem est finis quod & primum principium: ergo si est infinitus, non

ITEM si Deus potest in effectum actu infinitum, quæro à te, vtrum possit in aliud. Si non: ergo in agendo amittit potentiam, & sua potentia agendo debilitatur. Si ergo potest in effectum alium con similem illi, esto quod faciat, ponatur ergo. Isti duo effectus sunt con similes in natura: ergo sunt in eodem genere: tunc habent aliquod superius in quo conueniunt, & aliqua propria per quæ differunt: ergo exceduntur ab aliquo, & arctantur per aliquod: sed omnia talia sunt finita: ergo, &c.

ITEM quod non possit facere infinita actu, ostenditur, quia non sunt plura infinitis: ergo si produceret infinita actu, non posset producere plura: ergo Deus est impotens: sed nihil potest facere Deum impotetem: ergo, &c.

ITEM vbi est infinitas actualis secundum numerum, ibi deficit status, & ordo, & distinctio: sed diuina sapientia non patitur Deum aliquid facere sine modo, & mensura: ergo, &c.

CONCLUSIO.

Potentia diuina quanquam sit infinita, in effectum tamen infinitum non potest, cum id neque sibi, neque creatura conueniat.

RESP. ad Arg. Dicendum quod duplex est infinitum, scilicet in actu, & in potentia. Infinitum, in potentia Deus potest facere, & facit. Infinitum in actu non potest facere, nec facit. Non potest, inquam, facere, quia nec conuenit sibi, nec conuenit creaturæ. Sibi non conuenit: cum enim summe bonus sit, non potest aliquid facere nisi bonum, & ita non potest facere nisi rem ad se ordinatam. Quoniam ergo ordo præsupponit numerum, & numerus præsupponit mensuram, quia non ordinatur ad aliud nisi numerata, & non numerantur nisi limitata: ideo necesse fuit Deum facere omnia in numero, pondere, & mensura: nec aliter facere potuit nec potest, nec infinitum, nec infinita in actu. Ratio est etiam, quia hoc nullo modo conuenit creaturæ. Infinitum enim in actu, est actus purus, alioquin si aliquid haberet de limitatione & arctatione esset finitum: sed quod est actus purus, est suum esse per essentiam, & nihil tale accipit esse ab alia essentia, nec ex nihilo: si ergo creatura, eo ipso quod creatura: aliunde est, & ex nihilo, nullo modo potest esse actus purus, nullo modo potest esse infinita: & si non potest esse vna infinita, nullo modo possent esse infinitæ secundum numerum, quia necesse est illas plures ad aliquam vnam creaturam reduci: sed finita ad finitum reduci, est impossibile: patet ergo, &c. Et quod ad aliquod finitum reducuntur, patet: quia necesse est ponere ordinationem in creaturis, non tantum ad Deum sed etiam ad se inuicem. Summa ergo rationis est, quia non deceat Deum facere creaturam, nisi ordinem habeat, & mensuram: ratio est ex parte creaturæ, quia necesse est omnem creaturam esse limitatam, eo quod ex nihilo, & eo ipso quod composita est.

1. **AD** illud ergo quod obicitur quod potentia tanta potest in tantum effectum, siue opus, dicendum quod est opus operans, & opus operatum. Opus operans, vt creare: opus operatum, vt creatura. Dicendum ergo quod opus operans est infinitum, sicut ipse Creator: sed opus operatum necesse est esse finitum. Quod ergo obicitur quod opus proportionatur potentie: Respondeo: Si intelligatur de opere operante, siue de actione generaliter, verum est. Si autem intelligatur de opere operato, non habet veritatem nisi cum causa, & effectus se habet per vniocationem, & sunt eiusdem generis: hoc autem non est hic.

2. **AD** illud quod obicitur quod Deus operatur ex tota potentia, dicendum quod agens ex tota potentia, quoddam agit per naturam, & hoc agit tantum quantum potest, & tantum quantum ipsum est, vbi est productio similis. Quoddam agit per deliberationem, & voluntatem, & tale non agit nisi secundum ordinem, & quantum vult: unde ex eadem potentia facit magnum, & paruum, & sic agit Deus.

3. *Ad illud quod obiicitur quod frustra est potentia, A* quæ non reducitur ad actum: verum est de potentia quæ completur per actum: sed diuina potentia non completur per actum: & ideo non est frustra, etiam si non habeat potentiam passiuam correspondentem. Tamen illa propositio non intelligitur habere veritatem in potentia, quæ potest habere infinita, si intelligatur quod omnino reducatur in actum: reducitur tamen, & reduci potest secundum partem, & ideo non est frustra.

4. *Ad illud quod obiicitur quod diuina potentia cū sit infinita, debet suam infinitatem manifestare in infinito effectu, dicendum quod Deus suam infinitatē manifestat in infinito secundū potentiam, sicut patet, quia sicut supra est monstratum, interminabilis duratio manifestat virtutem infinitam: in infinito autem secundum actum non potest manifestari simpliciter, quia non decet: sed proportionabiliter, quia ens in infinitum excedit non ens: & tamen Deus ex nihilo facit ens, inter quæ est distantia infinita. Vnde cum diuina potentia dicatur infinita, hoc est tripliciter. Durationis æternitate, virtutis immensitate, & effectuum generalitate, siue numerositate. Prima manifestatur per infinitum duratione, quod est finitum actu, infinitum potentia. Secunda per creationem de nihilo, ubi est distantia infinita propter omnimodam improportionem. Tertia manifestatur partim per potentiam, partim per priuationem, quia tot fecit, & adhuc potest in plura, & non tot fecit, quin adhuc possit in plura, tamen hoc manifestatur alia infinitate duplici manifestata: & ita patet quod non oportet quod sit infinitum actu. Potest tamen dici, sicut tactum est, quod virtus Patris manifestatur in productione Verbi, per consequens tota virtus diuina, cum virtus Filij, & Spiritus sancti sit vna, & æquales sint in virtute.*

5. *Ad illud quod obiicitur de possibili quod potest poni, dicendum quod est possibile à potentia infinita, & possibile secundum potentiam infinitam. Possibile secundum potentiam finitam potest poni, quia omnino potest esse ad actum reductum: sed possibile secundum potentiam infinitam non potest poni, quia semper est in reducendo, & nunquam in reductum esse.*

6. *Ad illud quod ponitur quod A, appelletur omne creabile, & quod quærit, vtrum A, sit finitum, vel infinitum, dico, quod infinitum: sed non est infinitum actu, sed potentia: & ideo non sequitur, quod si Deus possit A, quod possit in infinitum actu. Et si dicatur: ponatur quod Deus faciat A, dicendum, quod non est ponibile ratione prædicta.*

7. *Ad illud quod obiicitur, vtrum possit potentiam continui reducere ad actum, dicendum quod sicut potentia in continuo passiva infinita est ob diuisionem, sic in Deo actiua infinita. Vnde sicut continuum potest diuidi in infinitum, tamen impossibile est, quod totaliter sit diuisum, alioquin non esset infinitum: sic diuidere in infinitum est possibile, ad actum reducere impossibile. Et sicut impossibile est diuinam potentiam terminari, ita impossibile est, quod sit in termino diuisionis. Vnde Deus potest potentiam continui reducere ad actum, quia potest esse in reducendo, & semper in reducendo, ita quod nunquam plus se extendat potentia, quam diuina actio: sed tamen continuum nunquam potest esse in reductum esse, sicut nec Deus in reductum esse. Concedendum ergo, quod impossibile est, quod sit aliquid actu in infinitum, nisi solum Deum, & eius potentiam: & hoc est quod dicit Hugo de sancto Victore: Sicut æternitatem Dei non æquat tempus, nec immensitatem locus: sic nec sapientiam sensus, nec bonitatem virtus, nec potentiam opus. Vnde quando dicitur, quod Deus potest facere infinita, notatur infinitas circa potentiam, non circa opus. Vnde aliqui distinxerunt hanc: Continuum potest diuidi in infinitum, quia illa determinatio potest determinare hoc verbum potest, vel hoc verbum diuidi, tamen quocunque modo distinguatur, semper intelligendum est infinitatem actuale, esse proprium solius Dei.*

QVÆSTIO IV.

An diuina potentia extendat se ad infinita.

Alexander Alensis 1. p. q. 6. Membro 2.

S. Thom. 1. p. q. 7. art. 1. & 2.

Et 1. Sentent. dist. 43. q. 1. art. 2.

Et 1. contra Gent. cap. 43.

Egid. Rom. 1. Sent. dist. 39. q. 3.

Richardus 1. Sent. dist. 43. q. 6.

Franciscus de Mayr. 1. Sent. dist. 43. & 44. q. 9.

Steph. Brulef. 1. Sent. dist. 43. q. 4.

Petrus de Tarantasia. 1. Sent. dist. 43. q. 4.

DE infinitate diuinæ potentie quantum ad rationem operandi, an se extendat in infinitum. Et quod sic, videtur. Quia quidquid Deus potest, rationabiliter potest: sed potest infinita: ergo rationabiliter potest infinita. & si hoc, ergo ratio operandi ipsius potentie se extendit ad infinita.

ITEM sicut se habet ratio sciendi ad scientiam, ita ratio producendi ad potentiam: sed quia diuina scientia est infinita, habet in se rationes infinitas cognoscendi: ergo cum diuina potentia sit infinita, similiter & rationes producendi habet infinitas.

ITEM ratio operandi in Deo non est aliud quam bonitas, & sapientia: sed sapientia, & bonitas est infinita: ergo ratio operandi.

ITEM ratio operandi in Deo, non est aliud quam Deus siue diuina essentia, quidquid dicat illa ratio: sed diuina essentia est infinita: ergo & ratio operandi.

1. CONTRA: Potentia se extendit ad opera secundum exigentiam rationis: nihil enim omittit de his quæ ratio exigit: ergo si ratio se extendit ad infinita: ergo videtur quod diuina potentia producat infinita, quod falsum est.

2. ITEM ratio operandi est ipsa diuina iustitia, quia vniuersæ viæ domini misericordia, & veritas, &c. sed iustitia non est nisi finitorum: ergo videtur quod ratio operandi similiter.

3. ITEM ratio operandi est ipsa ars & dispositio: sed dispositio non est nisi finitorum: ergo ratio operandi non est nisi finitorum.

4. ITEM obiicitur de præscientia quæ similiter est ratio operandi, & est in plus quam potentia, quia respectu malorum: & tamen non est respectu infinitorum. Si tu dicas, quod dispositio, vel præscientia, vel iustitia non complectitur plenam rationem, per quam potest operari diuina potentia.

CONTRA: Si non totum complectitur: ergo diuina potentia sine his potest rationabiliter operari: ergo possibile est Deum operari præter dispositionem, præter iustitiam, & præter scientiam: sed nullus talis operatur sapienter, nec recte: ergo, &c. Restat ergo, quod totam complectitur rationem.

CONCLUSIO.

Ratio in habitu est ad infinita sicut potentia respectu actus qui est posse. Ratio in actu ad finita sicut potentia respectu actus qui est facere.

RESP. ad argum. Sicut dicit Magister in litera. Aliqui voluerunt dicere quod ratione diuinæ potentie est finita. Et ex hoc voluerunt diuinam potentiam limitare, tum quia nihil potest facere nisi ex optima ratione, nec dimittere: tum quia nihil potest facere nisi præsciens, nihil nisi iuste: & ideo cum hæc finitorum sint, vtpote eorum, quæ facit, dixerunt diuinam potentiam non posse alia, quam quæ facit. Sed hæc positio est erronea sicut ostendit Magister in litera, quia nobilitati diuinæ potentie derogat, eius immensitatem limitando, & dicitur fuisse Magistri Petri Balaardi. Ratio autem huius stultæ positionis fuit: quia nescierunt distinguere rationem potentie, & actus eius. Actus enim potentie duplex est: vnus per modum

habitus, scilicet posse, alius per modum actus, scilicet operari. Quando ergo queritur, utrum ratio diuinæ potestatis sit infinita, dicendum quod sicut duplex est actus, ita etiam dupliciter potest accipi ratio. Respectu enim actus, qui est posse, accipitur ratio in habitu, scilicet diuina scientia, & diuinæ bonitatis condecencia: Et hæc ratio extendit se ad infinita, quemadmodum & ipsa potentia respectu actus, qui est posse. Respectu vero actus, qui est facere accipitur ratio in actu, scilicet diuina dispositio, siue præscientia, & meritorum exigentia. Nihil enim facit, nisi quod disponit, nihil etiam retribuit nisi secundum quod merita exigunt, quando retribuit: quia nullum rem gubernat, nec regit aliter quam natura eius, siue iustitia naturalis exigat.

1. Et secundum hanc distinctionem patet responsio ad primo quesitum, & rationes inductas: quedam enim procedunt secundum unam viam, quedam secundum aliam.

2. 3. Ad illud quod postea obiicitur de iustitia, dicendum quod iustitia secundum quod dicit condecenciam diuinæ bonitatis, & potestatis, sic est generalis ratio, quæ complectitur totum posse: sed in quantum connotat exigentiam a parte meritorum, sic non complectitur totum posse, nec totum agere. In quantum vero connotat condecenciam bonitatis respectu cuiuslibet operis in actu, sic complectitur agere: sed posse non. Dispositio similiter, & præscientia agere complectuntur, sed non posse: sed agere est respectu finitorum, sicut & illa sunt: sed posse est respectu infinitorum.

4. Quod ergo obiicitur tunc, quod Deus potest sine eius rationabiliter operari, dicendum quod falsum est, nec sequitur ex illo. Quamvis enim Deus possit plura, quam velit, tamen non potest operari sine voluntate, cum nihil possit facere, quin possit velle, sicut & præscire, & disponere. Necesse est enim potentiam exequentem illis adæquari, scilicet dispositioni, & voluntati: sed non oportet de potentia, ut potente: & ideo non sequitur, ut possit facere sine illis.

DISTINCT. XLIV.

An Deus possit facere aliquid melius quam facit, vel meliori modo: Possitque semper quod potuit semel.

NUNC illud restat discutiendum, utrum melius aliquid possit facere quam facit. Solent enim scrutatores dicere, quod enim quæ facit Deus, non potest meliora facere: quia si posset facere, & non faceret, inuidus esset, & non summe bonus. Et hoc ex simili asseruere conantur. Ait enim Aug. in lib. 8. 3. q. Deus quem genuit, quoniam meliorem se generare non potuit (nihil enim Deo melius) debuit aequalem. Si enim voluit, & non potuit, infirmus est. Si potuit, & noluit, inuidus. Ex quo conficitur, aequalem genuisse filium. A simili volunt dicere, quod si potest Deus rem meliorem facere quam facit, inuidus est. Sed non valet huius similitudinis inductio, quia filium genuit de substantia sua. Ideoque si posset gignere aequalem, & non gigneret, inuidus esset. Alia vero quæ non de substantia sua facit, meliora facere potest.

Quæstio qua illi ardeantur.

Verum hic ab eis responderi de posco, cur dicunt rem aliquam siue etiam rerum vniuersitatem, in qua maior consummatio expressa est, non posse esse meliorem quam est: siue ideo, quia summe bona est, ita ut nulla omnino boni perfectio ei desit: siue ideo, quia maius

A bonam quod ei deest, capere ipsa non valeat. Sed si ita summe bonum dicitur, ut nulla ei perfectio boni desit, iam creatura Creatori aequatur. Si vero ideo non potest melior esse, quia bonum amplius, quod ei deest, capere ipsa non valeat: iam hoc ipsum non posse, defectionis est, non consummationis: & potest esse melior si finis capax melioris boni, quod ipse potest qui eam fecit. Potest ergo Deus meliorem rem facere quam facit. Vnde Augustinus super Genes. Talem potuit Deus hominem fecisse, qui nec peccare posset, nec vellet: & si talem fecisset, quis dubitat eum meliorem fuisse? Ex prædictis constat, quod potest Deus, & alia facere quam facit, & quæ facit meliora ea facere quam facit.

B Vtrum alio, vel meliori modo possit facere quam facit.

Post hac considerandum est, utrum alio modo, vel meliori quam facit, possit ea facere quæ facit. Si modus operationis ad sapientiam opificis referatur, nec alius, nec melior modus esse potest. Non enim potest facere aliquid aliter, vel melius quam facit, id est alia sapientia, vel maiori sapientia: Nihil enim sapientius potest facere quàm facit. Si vero referatur modus ad rem ipsam quam facit Deus, dicimus, quia & alius, & melior potest esse modus. Et secundum hoc concedi potest, quia ea quæ facit, potest facere melius, & aliter quam facit, quia potest quibusdam meliorem modum existendi præstare, & quibusdam alium. Vnde Augustinus in 1. 3. lib. de Trinitate, dicit, quod fuit & alius modus nostræ liberationis possibilis Deo, qui omnia potest: sed nullus alius nostræ miserie sananda fuit conuenientior. Potest ergo Deus eorum quæ facit quedam alio modo meliori, quedam alio modo aequo bono, quedam etiam minus bono facere quam facit: ut tamen modus referatur ad qualitatem operis, id est, creaturæ, non ad sapientiam Creatoris.

Vtrum Deus semper possit omne quod olim potuit.

Præterea quartum solet, Vtrum Deus semper possit omne quod olim potuit. Quod quibusdam non videtur dicentibus: Potuit Deus incarnari, & potuit mori, & resurgere, & alia huiusmodi, quæ modo non potest. Potuit ergo quæ modo non potest, & ita habuit potentiam, quam modo non habet. Vnde videtur potentia eius imminuta. Ad quod dicimus, quia sicut omnia semper scit quæ aliquando sciuit, & semper vult quæ aliquando voluit, nec unquam aliquam scientiam amittit, nec voluntatem mutat, quam habuit: ita omnia semper potest quæ aliquando potuit, nec unquam aliqua potentia sua priuatur. Non est ergo priuatus potentia incarnandi vel resurgendi, licet non possit modo incarnari, vel resurgere. Sicut enim potuit olim incarnari, ita & potest modo incarnatus esse, quo eiusdem rei potentia monstratur. Vt enim olim sciuit se resurrecturum, & modo scit se resurrexisse: nec est alia scientia, illud olim sciuisse, & hoc modo scire, sed eadem omnino: & sicut voluit olim resurgere, & modo resurrexisse, in quo vnius rei voluntas exprimitur: Ita potuit olim nasci, & resurgere, & modo ipse potest natus fuisse, & resurrexisse: & est eiusdem rei potentia. Si enim posset modo nasci, & resurgere, non esset idem posse. Verba enim diuersorum temporum diuersis prolata temporibus, & diuersis adiuncta aduerbiis eundem faciunt sensum: ut modo loquentes dicimus, iste potest legere hodie: Cras autem dicimus, iste potest legisse, vel potuit legere heri, ubique

Lib. 11. de
Genesi ad
litteram 1. 7.
in sensu 10. 3.

Cap. 10. 10. 3.

Quæst. 51.
10. 4. & lib.
3. contra
Maximin.
1. 7. 10. 6.

vnius

unius rei monstratur potentia. Si autem diuersis temporibus loquentes eiusdem temporis verbis, & aduerbiis utamur, dicentes hodie: iste potest legere hodie: & dicentes cras, iste potest hodie legere: non idem, sed diuersa dicimus eum posse. Fateamur ergo Deum semper posse quidquid semel potuit, id est, habere omnem illam potentiam quam semel habuit, & illius omnis rei potentiam cuius semel habuit: sed non semper posse facere omne illud quod aliquando potuit facere: potest quidem facere, aut fecisse aliquando quod potuit. Similiter quidquid voluit, & vult, id est, omnem quam habuit voluntatem, & modo habet: & cuiuscumque rei voluntatem habuit, & modo habet, non tamen, vult esse, vel fieri omne quod aliquando voluit esse, vel fieri, sed vult fuisse, vel factum esse. Ita & de scientia Dei dicendum est.

DISTINCT. XLIV.

De Potentia Dei in comparatione ad modum, siue qualitate rerum.

Nunc illud restat discutiendum, &c.

Expositio Textus.

VPRÆ egit Magister de potentia in comparatione ad possibile secundum substantiam, & quantitatem, hic tertio agit de potentia quantum ad modum, siue qualitate rerum. Et hæc pars habet duas partes. In prima agit Magister de potentia quantum ad qualitatem possibilem, quæ quidem est maior, & minor bonitas. Secundo, quantum ad qualitatem potentia, quæ quidem est immutabilitas, ibi: *Præterea queri solet utrum Deus, &c.* Prima pars habet duas. In prima querit, utrum Deus potuerit aliquid melius facere, quam facit. In secunda, utrum res quas fecit, possit facere meliori modo, vel alio modo, & hoc, ibi: *Post hæc considerandum est, &c.* Vbi agit quantum ad modum. Similiter secunda pars, vbi querit de diuinæ potentia immutabilitate, querens utrum Deus possit quidquid potuit, habet duas. In prima querit, utrum Deus semper possit omne quod olim potuit, & opponit quod non possit. In secunda vero soluendo contrarium asserit ibi: *Ad quod dicimus, &c.*

Non valet huius similitudinis inductio quia filium genuit de sua substantia. Dub. I.

Videtur responsio ista non esse sufficiens. Nam inuidia potest attendi respectu diuersi in substantia, & natura, sicut Angelus inuidit homini: ergo propter hoc non excluditur inuidia à Deo respectu creaturæ.

RESP. Dicendum quod ad inuidiam ista duo concurrunt, possibilitas scilicet ad æqualitatem, & exigentia rei factæ. Non enim inuidet aliquis alicui nisi quia parificatur ei aliquis, vel excedit, vel quia timet ne parificetur. Item Artifex non dicitur inuidus nisi quando non facit secundum quod exigit, & ipse potest: & propter hoc, quia ex parte rerum non erat exigentia, & quia in nullo poterant parificari: ideo qualescumque faceret, non conuincitur in Deo esse inuidia, etiam si nullas res faceret: sed in filio Dei erat potentia ad æqualitatem, & vltèrius exigentia, propter hoc quod erat de substantia patris. Hinc est quod non est simile, ut dicit Magister, & est responsio eius bona, ponit enim antecedens pro consequente, non quia velit dicere quod inuidia sit solam, vel possit esse respectu similis in natura: sed propter rationem prædictam, exigentia scilicet, & æqualitatis quæ erant in generatione filij, quia erat de substantia patris. *Talem potuit Deus hominem fecisse, qui nec peccare posset, nec vellet: & si talem fecisset, quis dubitat eum meliorem fuisse? Dub. II.*

Videtur dici contrarium ei, quod dicitur: Potuit

transgredi, & non est transgressus, hoc dicit in laudem sancti viri. Augustinus ipse dicit, super Genes. ad litteram, quod meliores iudicauit Deus homines, si ei liberaliter deseruirent. Et iterum in lib. de Ciu. Dei dicit, quod melior est substantia quæ peccare potest, quam quæ non potest.

RESP. Dicendum quod melius dicitur dupliciter, aut simpliciter, aut in ordine ad finem. Si simpliciter loquamur, melior est homo confirmatus in gratia, quæ potens labi. Si in ordinatione ad finem, quæ quidem consistit in perueniendo: sic melius fuit facere hominem in libertate peccandi: sed tamen primum melius est simpliciter, hoc autem est melius secundum quid. Et ideo verbum August. simpliciter loquendo, habet veritatem. Quod autem dicitur de viro iusto, laus accidentalis est, siue quantum ad gloriam accidentalem. Constat enim Christum non potuisse peccare, & tamen erat gloriosissimus. Similiter intelligendum est verbum illud Aug. super Gen. Sed quod dicitur, quod melior est natura quæ potest peccare, quam quæ non potest. Dicendum, quod posse peccare, est duplici de causa, aut quia caret voluntate, aut vertibilitate voluntatis, & primo modo intelligit Augustinus non secundo.

Potest Deus & alia, &c. Dub. III.

Innuat Magister quod hominem potuit Deus meliorem facere quam fecit. Contra: Videtur istud non habere veritatem in omnibus, & specialiter in Christo, quæ videtur nullo modo posse facere meliorem per illud quod dicitur: Dedit illi nomen quod est super omne nomen. Item: Datus est ei spiritus non ad mensuram: ergo quia nullo modo potuit Deus dare Christo plus de spiritu: ergo non potuit eum facere meliorem.

RESP. Dicendum quod Magister loquitur de vniuerso, & eius partibus, & quoniam Christus nec est de vniuerso, nec est eius pars: ideo non habet locum in ipso. Verum etiam adhuc in Christo habet dubitationem: si enim quidquid habet humanitas Christi finitum est: ergo cum Deus possit supra omne finitum potuit maius. Et iterum Christus factus fuit passibilis & mortalis, & potuit fieri immortalis. Et propter hoc dicendum quod tripliciter est loqui de Christo, aut quantum ad vnionem, aut quantum ad gratiam singularis personæ: aut quantum ad proprietates naturæ. Si quantum ad vnionem, nec Deus potest plus dare, nec creatura recipere, quia vnionis gratia ex parte alterius extremi est dignitatis infinitæ, scilicet quod homo sit Deus, quamvis ex parte humanitatis quidquid est ibi sit finitum, & ita non ponitur limitatio ex parte Dei, nec ex parte creaturæ capacitas infinita nisi per vnionem, videlicet, quia vnitur homo bono infinito, ita quod homo est Deus qui est bonitatis infinitæ. Si autem loquamur quantum ad gratiam singularis personæ, sic concedendum quod Deus potuit plus dare: sed rationalis creatura non potuit amplius recipere: non quia capacitas animæ ad gratiam per collationem gratiæ minuitur, quia nec minuitur, nec augetur: sed consummatur, & completur: & ideo non est possibilis ad amplius. Si autem loquamur quantum ad proprietates naturæ, sic Deus plus potuit de bonitate dare, & rationalis creatura recipere quantum ad ea scilicet, quæ sunt corporis, quia nunc plura habet quam quando factus est: ideo non potuerunt fini & saluti naturæ effici congruentiores: nunquam enim salus nostra potuisset per substantiam incorruptibilem, & immortalem ita reparari, sicut per mortem, & passionem eius reparata est: patet ergo quomodo melior potuisset esse Christus, & quo modo non.

ITEM obicitur de B. Virgine. Videtur enim quod non potuerit fieri melior, quia Ansel. de conceptu virginali dicit: Decebat quod illius hominis conceptio fieret de matre purissima, qua puritate maior nequit sub Deo intelligi: ergo videtur quod non potuit fieri melior, & tamē ipsa fuit pars vniuersi. Item: Super omnes choros Angelorum exaltata est in gloria: ergo facta est in summa gratia.

RESP. Dicendum quod est loqui de B. Virgine quantum ad tres condiciones, sc. quantum ad gratiam conceptionis, quantum ad gratiam iustificationis, quantum ad naturam corporis. Si quantum ad conceptionem prolis, sic quia fuit mater Dei quo nihil nobilius cogitari potest: & mater nobilissimi filij, sic tantam habuit bonitatis dignitatem, quod nulla mulier amplius capere potuit. Si enim omnes creaturæ, quantumcumque ascenderent in gradibus nobilitatis, essent præsentis, omnes deberent reuerentiam matri Dei. Si autem loquamur quantum ad gratiam iustificationis, tantam habuit quantum pura creatura humana siue rationali, quæ facta est, sic recipere potuit. Si quantum ad corpus: naturalia optima habuit secundum quod fini competens fuit, simpliciter tamē meliora potuit recipere, & Deus dare, & ita patet quod in nullo creato habet instāciam hoc verbum Magistri, quod Deus ea quæ fecit, potuit facere meliora. Patet quod aliquibus capacitate gratiæ compleuit & impleuit: sed in Christo per omnem modum in matre secundum quod capit pura creatura rationalis: in sexu feminino quantum ad ea quæ spectant ad corpus: & in anima humana quantum ad ea quæ sunt gratiæ.

ARTICVLVS I.

AD præsentis intelligentiam distinctionis, queritur de modo, siue qualitate diuinæ potentie. Et circa hoc queruntur principaliter duo. Primo queritur, vtrum mundum Deus potuerit facere meliorem. Secundo queritur de immutabilitate diuinæ potentie, vtrum quod semel potest Deus, semper possit. Circa primum queruntur quatuor. Primo queritur vtrum Deus potuerit facere mundum meliorem quo ad substantiam partium integrantium. Secundo vtrum potuerit ipsum facere meliorem quo ad ad partium integrantium proprietates. Tertio queritur, vtrum potuerit facere mundum meliorem quantum ad ordinem. Quarto vtrum potuerit facere mundum antiquiorem.

QVÆSTIO I.

An Deus potuerit mundum facere meliorem quo ad substantiam partium integrantium.

Alexander Alenf. 1. p. q. 21. Membro 3. art. 1.
S. Thom. 1. 2. q. 15. art. 6.
Et 1. Sent. dist. 44. q. 1. art. 1. & 2.
Et de Potentia, q. 6. art. 16.
Scotus 1. Sent. dist. 44. q. unica.
Ægid. Rom. 1. Sent. dist. 44. q. 1.
Richard 1. Sent. dist. 44. q. 1.
Durandus 1. Sent. dist. 44. q. 1.
Thom. Arg. 1. Sent. dist. 44. q. 1. art. 1.
Marsilius Inguen. 1. Sent. q. 43. art. 1.
Stephanus Brulef. 1. Sent. dist. 44. q. 1.
Petrus de Tarantaf. 1. Sent. dist. 44. q. 1.
Gabriel Biel. 1. Sent. dist. 44. q. unica.

Fundamēta.

QVOD potuerit facere mundum meliorem quo ad substantiam partium integrantium, ostenditur sic: Partes integrantes mundum sunt finitæ bonitatis, & intensiue & extensiue: sed omni finito potest aliquid maius, & melius cogitari: sed Deus plus potest facere, quam homo possit intelligere: ergo, &c. Si tu dicas quod mundus non potuit amplius capere, hoc non soluit, quia Deus facit capacitatem: ergo maiorem potuit capacitatem dare, cum eius potentia sit infinita.

ITEM suprema creatura in vniuerso est finita: ergo distat à Deo infinitus: sed in distantia infinita est ponere gradus infinitos: ergo vltra bonitatem creaturarum est intelligere creaturas, gradus bonitatis habentes, & ex his potuit integrari mundus: ergo, &c.

ITEM constat quod Deus potuit facere mundum ex partibus maioribus mole, vt cælum amplius, & terram latius: ergo si potuit facere maius mole, eadem ratione maius virtute: & si hoc, ergo simpliciter melius.

ITEM materia secundum se totam capax est formæ nobilissimæ, vt patet: si ergo Deus dare potuit quod natura materiæ potuit ea, erit ergo potuit dare toti mate-

riæ, & omnibus partibus perfectionem formæ nobilissimæ, vt puta rationalis naturæ: ergo potuit facere mundum, qui conlaret ex solis substantiis rationalibus: & si hoc, tunc mundus haberet omnes partes secundum substantiam meliores: ergo, &c.

1. CONTRA: Aug. in libr. de lib. arb. Quidquid vera ratione melius tibi occurrerit, scias fecisse Deum, bonorum omnium Conditorum: non esse autem, quod vera ratione cogitas, non potest. Neque enim tu potes aliquid melius in creatura cogitare, quod creaturæ artificem fugerit. Ergo non potest aliqua creatura nobilis cogitari, quæ non sit de constitutione mundi.

2. ITEM Aug. ix. confes. Duo fecisti domine, vnum prope te, aliud prope nihil, sc. Angelicam creaturam, & materiam primam: sed non potest maior ambitus cogitari quam à propinquitate Dei ad nihil: ergo non potuit fieri mūdus qui natus est amplecti plures naturas rerū: ergo non potuit mundus fieri melior quantum ad capacitatem. Sed constat, capacitatem illam non esse vacuam quantum ad aliquem gradum, alioquin nec mundus perfectus esset, nec vniuersum perfectum dici posset: ergo nec iste plus capere, nec alius capacior potuit fieri.

3. ITEM materia prima est creata in omnimoda possibilitate, & in perfecta obedientia respectu Creatoris: ergo si capacitas ipsius materiæ attenditur secundum suam possibilitatem & obedientiam quam habuit ad Deū, & in summa possibilitate, & in summa obedientia est creata: ergo mūdus quantum ad capacitatem non potuit fieri melior: si ergo dedit Deus vnicuique quantum capax erat: ergo nullo modo potuit fieri melior.

4. ITEM Quantumcumque creatura fiat bona, necesse est esse finita: ergo necesse est aliquando ponere statum, ita quod creatura nullo modo possit fieri melior, in nullo derogando diuinæ potentie: sed qua ratione statum in aliqua specie creaturæ, statum in suprema specie creaturæ spiritalis: nulla ergo creatura vel species potest illa fieri nobilior, & si optimum in vno genere est melius optimo in alio, & simpliciter hoc illo melius: ergo si optimum in vniuerso est optimum omnis creaturæ, quæ possit esse creatura: & simpliciter mundus iste est ita bonus, quod eo non fieri potest melior.

CONCLUSIO.

D Deus potuit facere hunc mundum meliorem quo ad augmentum substantiæ, non autem quantum ad specificam gradus nobilitatem.

RESP. Ad arg. Dicendum quod excessus bonitatis substantialis in rebus potest attendi dupliciter. Aut quantum ad essentiarum nobilitatem & gradus, & sic dicitur quod species hominis melior est, & nobilior specie asini. Aut quantum ad esse prout concernit additionem, siue augmentum, sic dicitur quod marca auri melior est vncia, non quia nobiliorem habet formam, vel essentiam, sed quia plus habet de auri substantia, ac per hoc de bonitate & valore. Quando ergo queritur, vtrum Deus potuerit mundum facere meliorem quantum ad substantiam partium, si tu intelligas de excessu quantum ad primum modum, quod mundus constaret ex nobilioribus essentiis, dico quod idem mūdus qui est nunc, nō potuit fieri melior, quia nō esset iste, sed alius: sicut si iste qui factus homo, fuisset factus Angelus, nō esset ille qui est: quia tamen posse eius nō est arctatum, nec limitatum, non video quare non potuisset alium mundum meliorem facere hoc genere melioritatis. Si autem intelligas quantum ad secundum modum: sic dico, quod non solum alium, verum etiam hunc potuit facere meliorem sicut & maiorem: & si fecisset, nō esset alius: sicut posset facere quod iste puer esset ita magnus vt gigas, & plus haberet de substantia & virtute, & tamē nō esset alius quā est. Concedo ergo rationes probātes, quod Deus simpliciter potuit alium mundum quantum ad substantiam partium fecisse meliorem: & etiam hunc quantum ad magnitudinem partium & virtutem, non tamen quantum ad essen-

tiam

Ad oppositum.
Aug. lib. 3. c. 5. tom. 1.
Ibidem infra.

Aug. 12. confes.
c. 7. tom. 1.

tiarum nobilitatem maiorem. Et hoc vult Augustinus dicere in præmissa auctoritate de libero arbitrio, quod nulla essentia nobilior potest cogitari esse in hoc mundo rationabiliter, quæ non sit ibi. Nam si cogites meliores esse partes, hoc est, aut secundum totum, aut secundum partem: si secundum totum, iam non istum mundum cogitas, sed alium. Si secundum partem: tunc ergo tollis ordinem, & perfectionem de hoc mundo: ut si cogites quod Deus fecisset lunam ita lucidâ ut esset sol, vel terram sicut cælum, non rationabiliter cogitas, quia perimis vniuersum: non enim esset omnia, si essent æqualia: & hoc est quod dicit August. de libero arbitrio: Non est vera ratio, sed inuidiæ infirmitas, cum aliquid melius faciendum fuisse cogitaueris, iam nihil aliud inferius fieri velle: tanquam si perfectio cælo nolles terram factam esse, utique omnino inique cogitares: & sic patet vltimâ obiectionem quo ad primam partem esse sophisticam, pro eo quod non competeat vniuerso ut materia secundum se totam perfectâ esset forma nobilissima.

1. Ad illud ergo quod obiicitur in contrarium per auctoritatem Augustini de libero arbitrio, iam patet responsio, quia intelligitur de hoc mundo, & de meliortate secundum essentiam, ut patet ex textu.

2. Ad illud quod obiicitur quod summa distantia est in vniuerso, dicendum quod *prope Deum*, potest dupliciter intelligi, sc. quantum ad immediatam receptionem & conuersionem in Deum, aut quantum ad summam imitationem, & assimilationem. Primo modo est natura Angelica prope Deum, simpliciter loquendo: sed secundo modo non nisi in cõparatione, quia magis est dissimilis quam similis, & plus deficit, quâ exprimit, immo infinitis gradibus distat, & ideo maior propinquitas est nobis cogitabilis, & Deo possibilis, quamvis nunc non sit.

3. Ad illud quod obiicitur quod materia prima est creata in omnimoda possibilitate, dicendum quod possibilitatem obedientiæ Deus in nulla creatura complet totaliter, quia hoc est secundum omnimodum imperium Creatoris: sed complet capacitatem & possibilitatem, ut disponatur per alias dispositiones: & sic Deus complet materiam, quia eius capacitatem debitis dispositionibus limitauit, & illas formas completiuas, & perfectiuas adiunxit, ita quod nihil dimisit incompletum. Quis tamen audeat dicere, quin Deus nobilior disponere, & nobilioribus formis perficere posset, secundum suæ sapientiæ, & potentiæ infinitatem? Quando ergo dicitur: dedit vnicuique quantum erat capax, hoc intelligitur de capacitatem non prout dicit longinquam possibilitatem, & obedientiam respectu Creatoris, sed prout cum hoc dicit dispositionem, & exigentiam: & hanc constans est Deum potuisse maiorem facere.

4. Ad illud quod obiicitur quod in creaturis necesse est stare, dicendum quod sicut numerus semper habet statum in actu, tamen nunquam est dare statum aliquem, ultra quem diuina potentia non possit se extendere, sic intelligendum est in magnitudine molis, & bonitatis, & quantumcumque sit in creatura status & semper, quia finita, bene agit Deus hucusque, ita quod non agit amplius, nunquam est dare ut credo: & ideo si alium mundum meliorem hoc fecisset, adhuc erit ultra quærere, quare non fecit meliorem cum possit: & sic procedendo ulterius, & ita talis quæstio est irrationalis: & solutio non potest dari nisi hæc, quia voluit, & rationem ipse nouit. Attamen si non fecit, nemo potest arguere: quia hoc totum quod fecit, fuit gratia: nec erat aliqua exigentia, ratione cuius possit poni in eo fuisse inuidia.

QVÆSTIO II.

An mundus potuerit fieri melior quantum ad proprietates partium integralium.

Alexander Alensis 1. p. q. 21. Membr. 3. ar. 2.

S. Thomas 1. Sent. dist. 44. q. 1. ar. 2.

Egid. Rom. 1. Sent. dist. 44. q. 1.

Scotus in Reportatis 1. Sent. dist. 44. q. 1.

Richardus 1. Sent. dist. 44. q. 4.

Thom. Arg. 1. Sent. dist. 44. q. 1. ar. 2.

Marsilius Inghen. 1. Sent. q. 43. ar. 2.

Petrus de Tarentas. 1. Sent. dist. 44. q. 2.

Vtrum mundum potuerit fieri melior quantum ad partium integralium proprietates. Et quod sic videtur: Erit lux Lunæ sicut lux solis, & lux solis sicut lux septem dierum: hoc erit, ergo potest esse: ergo Deus potest condere: & ita de aliis corporibus: & si hoc, essent vtiue res meliores: ergo, &c.

Item per Aug. super Gen. ad literam, & Magister adducit hanc auctoritatē, Potuit, inquit, Deus talem facere hominem, qui nec peccare veller, nec posset: & si talem fecisset, quis dubitat eum meliorem fuisse: ergo, &c.

Item: Melior est proprietas incorruptibilitatis, & quietis, quam corruptionis, & motus: sed omnia quæ fecit Deus aut fecit corruptibilia, aut aliquo modo mobilia: ergo omnia potuit facere meliora.

Item: Si non potuerunt creaturæ fieri meliores, hoc fuit, aut quia Deus non potuit dare plus: aut quia creaturæ non potuerunt plus capere. Si quia Deus non potuit amplius dare: ergo diuina potentia est limitata. Si quia creaturæ non potuerunt amplius capere. **CONTRA:** Videmus tota die creaturam meliorari, & deteriorari, salua substantia, & capacitate: ergo, &c.

1. **CONTRA:** Optimi est optima adducere, sicut dicit Dionysius: sed optimo non potest esse melius: ergo si Deus cum sit optimus, adducit res optime: patet ergo, &c.

2. **I**tem: Plato addit rationem. porro quia optimus est, ab optimo vero omnis inuidia relegata erat: & ideo dedit vnicuique creaturæ tantum de bonitate, quantum potuit capere. Si tu dicas quod Platonis verbum non valet, quia inuidia non est respectu inferioris. **CONTRA:** Aug. super Genesim ad literam: Si bona facere non posset, nulla esset potentia. Si posset, sed nollet: magna esset inuidia: ergo pari ratione, si posset facere meliora, & nollet, esset inuidus.

3. **I**tem ratione videtur quia omne agens ex tota sua substantia facit rem optimo modo quo potest fieri, si potentiam eius nihil omnino impedit: sed Deus est agens ex tota sua potentia in omni sua actione: & potentia eius nullam habet indigentiam, neque resistentiam: ergo quidquid facit, ita bonum facit, quod nullo modo potest fieri melius.

4. **I**tem: Hæc est vera per se: Bonum est diffusivum sui: ergo magis bonum, magis diffusivum: & maxime bonum, maxime diffusivum: sed Deus est agens maxime bonitatis: ergo maxime se diffundit: ergo videtur quod vnumquodque optimum facit, & quantum ad substantiam, & quantum ad proprietates.

CONCLUSIO.

Partium integralium mundi, quæ à Deo pendet immediate, proprietates si absolute considerentur, meliores fieri potuerunt: si vero relative adinuicem & ad finem nequaquam.

Resp. ad Arg. Dicendum quod cum quæritur de meliortate partium vniuersi, potest quæri quantum ad duplex genus partium: aut quantum ad partes manentes, sicut natura intellectualis, rationalis, cælestis, & elementaris: aut quantum ad partes transeuntes, sicut hic homo, & hic equus. Si quantum ad partes transeuntes, sic sine distinctione concedo quod possunt, ut in pluribus quantum ad proprietates fieri meliores: quia non sunt de substantia vniuersi, nec sunt à solo Deo, sed à Deo simul operante cum agente particulari quod impeditur, & deficit. Si autem intelligamus de partibus quæ sunt de constitutione, & integritate mundi, & immediate sunt à Deo, cum quæritur utrum potuerint fieri meliores quantum ad proprietates, distinguendum est: quia aut loqueris de ipsis absolute, aut de ipsis in relatione ad finem. Si de ipsis absolute: patet quod meliores condiciones potuerunt habere. Si de ipsis in relatione adinuicem, vel ad finem, optimas habuerunt proprietates: quod patet, quia sicut dicit Augustinus: Meliores iudicauit Deus homines, si ei liberaliter deferuissent. Similiter melius

fuit

fuit quod omnes homines essent ex vno, & ita quod haberent corpus animale, & secundum exigentiam eius necesse fuit alias creaturas corporales disponi in motu, & corruptibilitate. Ex his patent rationes inductæ ad primam partem: procedunt enim de proprietatibus rerum secundum se considerata.

1. AD illud quod obiicitur in contrarium de Dionysio, dicendum quod illud intelligitur secundum ordinem, sicut iam patebit.

2. AD illud quod obiicitur de Platone, dicendum quod non habet veritatem nisi intelligatur salvo ordine vniuersi: & hoc quantum ad bonitatem essentialem, considerata dispositione in materia: nec ratio sua est necessaria, sed solum persuasio in simili: sicut in homine qui potest alij benefacere, & non facit: quod ex hoc iudicatur inuidia, & frequenter dimittit propter inuidiam: & qui caret inuidia e conuerso facit: & sic intelligitur verbum Augustini.

3. AD illud quod obiicitur quod agens ex tota potentia producit optime, dicendum quod agens ex potentia tota quoddam agit secundum impetum, quoddam secundum artem, & sapientiam. Et quod secundum impetum agit, facit quanto melius potest. Quod agit secundum artem, & sapientiam, agit quantum vult, & quantum congruit, salvo ordine, quia sapientis est ordinare. Ideo quædam facit bona, quædam meliora, quædam optima: & sic patet quod illud non sequitur.

4. AD illud quod obiicitur quod bonum summum summe se diffundit, dicendum quod hoc verum est de diffusionem naturali: sed de voluntario, siue à proposito, non est verum. Primo modo est diffusio in productione personarum: secundo modo in productione creaturarum.

QVÆSTIO III.

An Deus potuerit facere mundum meliorem, quantum ad ordinem partium.

*Alex. Alensis 1. p. q. 21. Membr. 3. art. 6.
S. Thom. 1. Sent. d. 44. q. 1. art. 3.
Secus in Report. in 1. Sent. dist. 44. q. 2.
Egid. Rom. 1. Sent. dist. 44. q. 3.
Richardus 1. Sent. dist. 44. q. 5.
Thom. Arg. 1. Sent. dist. 44. q. 1. art. 3.
Petrus de Tarantasia 1. Sent. dist. 44. q. 3.*

Fundamēta.

Gen. 1. d.

Lib. 13. de
Tri. cap. 10.
tom. 3.

Arist. 2.
Metaph.
context. 2.

Ad opposi-
tum.

VTRUM Deus potuerit mundum facere meliorem quantum ad ordinem partium. Et quod non, primo videtur auctoritate: Vidit Deus cuncta quæ fecerat, & erant valde bona. Glossa Augustini: Singula quæque bona in se: sed in vniuerso optima: sed optimo nihil est melius, ergo, &c.

ITEM Augustinus dicit quod alius quamvis modus nostræ liberationis esset Deo possibilis, nullus tamen fuit nostræ leuandæ miseræ congruentior: sed sicut Deus fuit sapientissimus Redemptor, ita & sapientissimus Conditor: ergo si ordinatissime redemit, ita quod nullus modus melior, vel congruentior esse potuit: ergo similiter se habuit in faciendo res: & sic patet, &c.

ITEM: Si consideremus ordinem elementorū in mundo, constat ea optime esse ordinata: vnde non potest cogitari quod illa quatuor corpora ordinentur melius, siue secundum qualitates, siue secundum formas nobiles, siue secundum proportionem numerales, sicut ligantur viij & xxvij, qui sunt duo primi numeri solidi cubi, ligantur per duos intermedios, scilicet xij. & xvij, ergo, &c.

ITEM: Sapientis est ordinare: ergo summe sapientis summe, siue optime ordinare: ergo Deus res ita bene ordinavit quod nullo modo potuit ordinare melius.

1. SED contra: Ordo ille est bonitatis finitæ: ergo si sapientia Dei est infinita, & infinitum excedit finitum, ergo Deus sciuit melius ordinare: sed quidquid sciuit, potuit: ergo, &c.

2. ITEM: Melior est & nobilior ordo in quo nulla cadit inordinatio, quam in quo cadit: sed in vniuerso cadunt multæ inordinationes, & deformitates: ergo alius ordo potuit fieri melior.

3. ITEM: Quod propinquius est fini, melius est ordinatum: ergo si omnia sunt optime ordinata, omnia sunt æqualiter coniuncta fini: ergo omnia participant beatitudinem: quod absurdum est.

4. ITEM: Bonitas ordinis pendet ex bonitate partium, sicut respectum ab absoluto: sed res secundum esse absolutum non sunt optimæ: ergo nec in ordine.

CONCLUSIO.

Deus non potuit partes primas vniuersi melius ordinare, neque secundum suam sapientiam, neque secundum finem.

RESP. AD Arg. Dicendum quod est ordo partium in toto, & est ordo partium in fine. Primus ordo respicit sapientiam, secundus ordo respicit bonitatem. Et sunt isti duo ordines ita coniuncti, vt vnus alteri conformetur, & ordo partium in vniuerso est propter ordinationem ad finem. Si autem loquamur de ordine partium in vniuerso, aut hoc est quantum ad partes primas & substantiales, & sic absque distinctione optime sunt ordinatæ, ita quod melius ordinari non potuerunt, quia in eis consistit ordo substantialis, & pulchritudo vniuersi immutabilis. Vel quantum ad partes corruptibiles, & remotas, & hoc dupliciter. Aut absolute, & vt nunc, & sic potuerunt melius ordinari, & aliquando erunt melius ordinatæ. Aut simpliciter & in relatione ad finem, & sic sunt res optime ordinatæ in vniuerso, secundum quod conuenit ordini in finem. Simpliciter enim optime ordinatæ sunt res in fine, salvo ordine vniuersi, quia vniuersum est tanquā pulcherrimum carmen quod decurrit secundum optimas consonantias, aliis partibus succedentibus aliis quousque res perfecte ordinantur in finem. Vnde sicut in productione rerum manifestatur potentia, sed in comparatione, siue in ordine non entis ad ens, ostenditur summa potentia creans ex nihilo, sic ordo rerum in vniuerso in se ostendit sapientiam, & ordo ad finem, bonitatem: sed in comparatione vnus ad alterum, ostenditur summa sapientia, & summa bonitas, quia nihil potest hunc ordinem deordinare, sicut melius infra patebit. Concedendæ ergo sunt rationes probantes quod res sunt optime ordinatæ, quia respiciunt vtrumque ordinem.

1. AD illud quod obiicitur quod sapientia est infinita, dicendum quod quamvis sapientia est infinita, tamen res non sunt capaces nisi ordinis finiti: & ipsa sapientia summa, summum dat ordinem quem habere possunt.

2. AD illud quod obiicitur quod in vniuerso cadit inordinatio, dicendum quod si consideremus hos ordines, scilicet ad finem, & in vniuerso, ita se adinuicem complectuntur quod non potest ibi esse inordinatio.

3. AD illud quod obiicitur de propinquitate, dicendum quod hoc est verum secundum propriam ordinationem: sed secundum decursum vniuersi necesse est quod res sit primo longe à fine, & post appropinquet.

4. AD illud quod obiicitur quod ordinis bonitas pendet ex partibus, dicendum quod sicut aliqua contingit in se habent esse absolutum contingens, sed ordinem necessarium, sic & in proposito intelligendum quod quamvis aliquid non sit optimum in se, tamen optime ordinatur. Et exemplum huius patet in partibus corporis, & in re artificiali in qua est consonantia, & harmonia, sicut in cithara. Quamvis enim nobilior sit trus oculi quam pedis, tamen si consideremus vtrumque secundum suum officium, tam oculus quam pes optime situati sunt in toto, ita quod nec oculus melius pede, nec e conuerso, & ita dicit Augustinus super Ioannem, quod sicut Angelus optime in cælo, ita vermiculus optime in imo, sicut in terra. Et similiter apparet in cithara: possunt enim omnes chordæ ita proportionari quod si aliqua tendatur, vt detur ei melior sonus, nunquam remanebit consonantia. Similiter dictiones possunt ordinari ad faciendum versum, ita quod ex illis dictionibus impossibile est fieri versum melius ordinatum, sic in proposito intelligendum.

QVÆSTIO

QVÆSTIO IV.

An Deus potuit facere mundum antiquiorem.

Richard. 1. Sent. dist. 44. q. 3.

Steph. Brulef. 1. Sent. dist. 44. q. 4.

Petrus de Tarentas. 1. Sent. dist. 44. q. 4.

VTRUM potuerit facere mundum antiquiorem. Et quod sic videtur: Mille anni apud Deum sicut vna dies. Et in psalm. Mille anni ante oculos tuos tanquam dies hesternæ quæ præterit, pari ratione centum millia annorum: ergo si Deus potuit facere mundum ante diem hesternam, potuit per centum millia annorum ante: & si hoc esset antiquior: ergo, &c.

ITEM: Diuina potentia & operatio non dependet nec à materia, nec à tempore: ergo qua ratione potest in vno instanti, potest in alio: sed qua ratione in posteriori, eadem ratione in priori: & si hoc, mundus potuit fieri antiquior: ergo, &c.

ITEM: Diuina essentia & potentia fuit ante temporis principium, aut ergo fuit potens producere ante, aut non. Si non: ergo erat impotens. Si sic: ergo potuit facere mundum antequam faceret.

ITEM: Ego quæro, vtrum potuerit facere post. Si sic: sed non est maior ratio de post, quam de ante: ergo pari ratione potuit facere ante. Aut si non potuit post, nec ante, & ita necesse fuit quod nunc: ergo videtur quod compulsus, & non voluntarius mundum fecit tunc.

1. **Sed contra:** Ante principium temporis nihil erat nisi æternitas: ergo si potuit mundum facere ante principium temporis, potuit facere & in æternitate: sed quod habet esse in æternitate, caret principio, & nihil tale potest esse creatum ex nihilo: ergo, &c.

2. **ITEM:** Si potuit facere ante, ponatur similiter ergo quæro, vtrum ante: & sic in infinitum: sed infinitum à parte ante est æternum: ergo si potuit in infinitum ante facere, potuit etiam ab æterno: si ergo non potuit facere mundum æternum, quia non esset factus, ergo nec antiquiorem.

3. **ITEM:** Necesse est mundum habere finitam durationem à parte ante: sed in omni finito necesse est alicubi stare, ultra quod non potest fieri progressus: sed qua ratione statur in aliquo instanti finito, statur in illo in quo conditus est mundus: ergo, &c.

4. **ITEM:** Principio totius antiquitatis non potest aliquid fieri, vel cogitari antiquius: sed tempus, vel æuum quod incepit cum mundo, est totius antiquitatis principium: ergo etiam non potuit aliquid esse antiquius.

CONCLUSIO.

Deus potuit mundum antiquiorem creare in quantum potuit facere tempus ante hoc, & in illo facere mundum: non tamen sic facere quin haberet principium.

RESP. AD ARG. Quod cum quæritur, vtrum Deus potuerit facere mundum antiquiorem: potest intelligi dupliciter. Aut ita quod ipsum creauerit ab æterno, cum produxerit ex tempore: & tunc esset antiquior. Aut ita quod mundus durasset tempore longiori, tamen finito. Primum credo impossibile simpliciter: quoniam implicat in se contradictionem. Ex hoc enim quod ponitur fieri, ponitur habere principium. Ex hoc autem quod ponitur æternus, ponitur non habere principium. Vnde idem est quætere, vtrum Deus potuerit ante mundum facere quod mundus habendo principium non haberet principium, hoc includit contradictionis vtramque partem. Similiter, quantum ad secundum sensum videtur aliquibus impossibile, quia implicat in se oppositionem: quoniam anterioritas siue antiquitas incipit simul cum tempore. Nam in æternitate non est ante, & post: & tempus incipit de necessitate simul cum mundo, sicut situs incipit cum loco, & locus cum orbe primo. Vnde sicut si quæreretur, vtrum primus orbis potuerit fieri altior, nulla esset omnino quæstio, immo implicat contradictionem, scilicet extra omnem locum esse locum: & venit ex falsa imaginatione, quia imaginamur totum mundum esse in locali

A spatio: sicut imaginamur terram circumdari aqua: similiter intelligendum est in proposito quod est implicatio contradictionis, & venit ex falsa imaginatione: quia imaginamur ante principium mundi fuisse durationem temporis, in qua mundus potuisset ante fieri. Vnde si quæritur: vtrum totus mundus potuisset extra totum mundum, vel supra, vel infra fieri, stulta est quæstio, & implicans opposita, & veniens ex mala imaginatione. Per hunc modum respondet, si quæritur vtrum mundus potuerit fieri ante, vel antiquior. Vnde dicunt quod si aliquid præcessisset ante mensurans temporaliter potuisset vtiq; ante fieri. Similiter si locus esset extra, potuisset altior fieri. Ratio autem istius malæ imaginationis est: cum enim imaginamur æternitatem in infinitum ante tempus fuisse, intelligimus eam quasi durationem extensam, in qua sunt diuersa nunc, in quorum quolibet potuisset fieri tempus. Sed hoc omnino nihil est: quia æternitas est simplicissimum, in quo nulla omnino cadit diuersitas. Concedendum ergo, sicut probant rationes inductæ ad hoc: quod sicut non potuit mundum facere in loco altiore, quia non est in loco: sic nec ante, quia nulla est antiquitas nisi in eo.

AD illud quod obicitur quod apud Deum non est via aliqua in aliquanto tempore, & quod potentia eius non depedet, &c. Dicunt ad omnia vnica responsione quod quavis diuina virtus ad nihil arctetur, tamen principium non potest facere sine principio, & temporale non sine tempore, & primum temporale non potest facere, nisi in principio temporis, & principium temporis non nisi in principio temporis. Oppositum enim non dicit potentiam, sed magis contradictionem, & repugnantiam: nec tamē arctatur ad sic faciendum, quia posset omnino non facere. Vnde sicut stulta est quæstio, si quæritur, vtrum potuerit facere principium temporis ante principium temporis, similiter & prædicta. Sed quoniam durum videtur dicere, quod Deus non potuerit facere mundum antiquiorem, & quin alium mundum facere potuerit, sed tantum istum: propterea dicunt alij, quod sicut Deus potuit facere mundum ampliorem, ita potuit facere antiquiorem sine omni distinctione. Et tamen illud non est omnino simile: quia Deus posset facere cælum amplius & magis distare à terra, salua vtriutque natura: sed si Deus intelligatur fecisse quod illud nunc magis distat à principio temporis, intelligitur illud, nunc, esse aliud, quia etiam si intelligatur mundus factus ante, adhuc non esset antiquior respectu istius nunc: quia tantum distaret quantum distat à principio: & ita non esset antiquior. Et ideo non est simpliciter neganda, nec simpliciter concedenda sicut nec ista, Deus potuit facere mundum altiore. Si enim intelligas de hoc absolute, falsum est, sicut dicit prima opinio, & non intelligibile, & implicatio contradictionis. Si autem intelligas per concomitantiam alterius loci, sc. quia Deus potuit facere alium mundum amplectentem istum, in quo situm posset habere magis altum, & minus verum est. Similiter iudicandum de antiquitate. Et ideo si quæritur, vtrum Deus potuerit ante facere mundum, distinguendum sicut & hic: Vtrum Deus potuerit facere mundum in alio loco, vel alibi: quia aduerbialis determinatio potest cadere sub ampliatione verbi vel extra. Si sub ampliatione verbi: tunc est vera, & est sensus quod Deus potuit alium locum facere, & in illo mundum istum totum ponere: potuit enim facere centum tales mundos, & adhuc vnum complectentem omnes, & vnum in loco altiori quàm alium: sic & in tempore intelligendum est quod Deus potuit facere tempus ante hoc, & in illo facere mundum. Alio modo potest cadere aduerbialis determinatio extra ampliationem de ly potest, & est sensus: Deus potest facere mundum istum in alio loco, qui est extra mundum: & hic est implicatio falsi, quia non est locus nisi intra mundum, & similiter de tempore intelligendum.

1. **AD** illud quod obicitur quod ante non erat nisi æternitas, dicendum quod verum est: sed tamen Deus poterat facere quod ante esset tempus.

2. Ad illud quod obiicitur de infinito à parte ante, dicendum quod infinitum à parte ante, potest esse apponendo, aut secundum actum, aut secundum potentiam. Primo modo dicit æternitatem, secundo modo minime, quia æternitas dicit infinitum actu.

3. Ad illud quod obiicitur quod necesse est ponere statum, dicendum quod verum est: sed status possunt esse infiniti, & licet in potentia non sit ponere statum, tamen quia actus non consequitur totam potentiam, sed in aliquo statu est, ideo in statu finito. Si quæritur, quare magis in hoc quam in alio, ratio summa & potissima est voluntas facientis.

4. Ad illud quod obiicitur quod antiquitas cœpit cum modo, dicendum quod verum est: sed Deus potuit facere quod ante inciperet: ideo non valet ratio illa. Rationes ad oppositum sunt concedendæ, procedunt enim secundum primam viam.

ARTICVLVS II.

Consequenter quantum ad secundum articulum quæritur de immutabilitate diuinæ potestatis: vtrum videlicet quod semel Deus potest, semper possit.

QVÆSTIO VNICA.

An Deus quod semel potest, semper possit.

Alexander Alexsis 1. p. q. 25. Membrum 4.

S. Thomas 1. Sent. q. 1. art. 4.

Egid. Rom. 1. Sent. dist. 44. p. 1. q. 1.

Richardus 1. Sent. dist. 4. art. 4. q. 1.

Petrus de Tarentas. 1. Sent. dist. 44. q. 5.

Stephan. Brulef. 1. Sent. dist. 44. q. 5.

Ad opposi-
tum.
3. Phys. con-
tex. 32.

ET quod sic, videtur, quia omnis potentia quæ est idem cum essentia, habet idem posse quod esse: & omne illud cuius posse est idem quod esse, si habet esse immutabile, & æternum, habet & posse: sed quod Deus semel est, semper est, quia eius esse est immutabile: ergo & quod semel potest, semper potest.

2. ITEM: Omnis potentia quæ est infinita, & non potest non esse infinita, semper est respectu æqualium: quia si respectu paucorum esset, aliquando desineret esse infinita, & desineret esse omnipotens: sed diuina potentia semper est infinita, & omnipotens, ergo nihil possibile accrescit ei, nec decrescit: ergo quod semel potest, semper potest.

3. ITEM: Omnis potentia quæ est omnino sufficiens, & nullo modo dependens à possibili, omne quod potest, semper potest, si in seipsa maneat non mutata: sed diuina potentia est semper huiusmodi, & non mutatur in se: ergo, &c.

4. ITEM: Quidquid Deus potuit, adhuc potest, si nihil factum est quod non subleuet eius virtutem: sed nihil potest fieri quod non subleuet diuinæ virtuti: ergo propter illud factum non impeditur, quin adhuc possit: ergo potest quidquid potuit.

Fundamēta. SED contra: Si Deus potest semper quidquid potuit semel, sed potuit Christum resuscitare à mortuis, & mundum creare: ergo & modo potest: quod stultum est dicere. Item sic: Quidquid semel potest, semper potuit: sed modo potest mundum creare: ergo ab æterno potuit creare.

ITEM: Si quidquid potest semel, & semper: sed ante mundum potuit facere quod mundus non fuisset: ergo & modo potest facere quod mundus non fuisset.

ITEM cum dicitur: Deus potest hoc facere, aliquo demonstrato, aut connotatur aliquid, aut nihil. Si nihil: ergo æque vere potest dici quod Deus potest malum, vt bonum. Si autem aliquid connotatur: hoc non est nisi possibilitas ad fieri: sed quod factum est idem ipsum non habet possibilitatem ad fieri: ergo Deus non potest facere quod factum est, & prius potuit: ergo non potest quidquid potuit.

CONCLUSIO.

Quamvis Diuina potentia in se sit immutabilis, ratione tamen connotati quod fuit aliquando possibile, & postea factum est impossibile, nō quidquid potuit, semper potest.

RESP. AD ARG. Ad hoc est duplex modus respondendi sicut ad sophisma de scientia. Concessio enim quod diuina potentia secundum veritatem omnino sit immutabilis, secundum positionem tamen nominalium concedunt hanc. Potest quidquid potuit: & respondent illationi, sed potuit Christum suscitare: ergo & modo potest, respondet quod non debet inferri sub illo tempore, sed sub alio, ergo potest Christum resuscitare. Et hoc enuntiabile adiunctum verbis diuersorum temporum est idem: ideo dicunt quod propositio est vera: et si aliter inferatur, assignant peccatum in processu secundum fallaciam figuræ dictionis, vel secundum accidens. Tamen, sicut supra probatum fuit, hæc positio non habet veritatem, quāvis illa positio videatur fuisse probabilis: & Magister fuit huius positionis, quia per hoc soluit: & iterum non soluit in proposito. Primum, quia si diceretur Deus posse quidquid potuit, quia potest fecisse quod potuit facere: pari ratione qui nunc est cæcus, potest quidquid potuit: & truncatus, quia potest fecisse quod potuit facere: & potest nunc vidisse quod potuit videre. Præterea dantem oppositum huius solutionis adhuc contingit soluere hoc modo formata ratione. Potest quidquid potuit: sed potuit non fecisse mundum antequam faceret: ergo & modo potest non fecisse: loco eius quod est non fecisse, non est aliud dare æquualis: ergo illa responsio non soluit, maxime cum ipse Magister dicat in litera quod Deus non potest facere omne quod potuit aliquando facere, nec vult facere, vel esse, vel fieri quod aliquando voluit facere, esse, vel fieri. Ideo dicendum sicut dictum fuit de scientia, quod diuina scientia in se omnino immutabilis, desinit scire aliquod enuntiabile ratione connotati: quia scibile desinit esse verum, & ipsa scientia huc scire, connotat vno modo in cognito veritatem. Similiter intelligendum quod diuina potentia connotat in eo, respectu cuius dicitur, possibilitatem, & talem, inquam, possibilitatem quæ respicit potentiam agentem sub ratione potentie, non impotentie. Quoniam ergo ita est quod multa possibilia sunt impossibilia per accidens, & multa possibilia sunt entia, & iam sunt impossibilia ad fieri (facere enim quod non ens non sit, nihil est facere, similiter facere quod factum est, nihil est facere, & ita impossibile est fieri) hinc est quod quia Deus non potest nisi possibile quod posse est potentie: & quia nulla mutatione facta in potentia, sed æqualiter Deo existente potente fit aliquid Deo impossibile propter mutationem à parte rei, hæc concedenda est quod diuina potentia est immutabilis: & hæc neganda est: quidquid Deus semel potest, semper potest.

2. AD illud ergo quod obiicitur quod diuinum posse est esse, & infinitum, & independens: totum illud concludit quod ipsa non mutetur: sed nihil sequitur de connotato. Verum est tamen quod posse Dei respectu connotati semper est infinitum, quia si auferatur finitum ab infinito, nihilominus remanet infinitum: & ideo quamvis desinat aliquid posse facere, semper tamen infinita potest.

3. AD illud quod obiicitur ultimo (quia alia patet) ex hoc quod diuina potest dominatur omnibus quæ sunt, dicendum quod omnia ei subsunt, & tamen non sequitur quod possit facere quod factum est, potest tamen illud destruere: sed facere non potest, quia faciendo, aut facit aliquid, aut nihil. Si aliquid: ergo aliquid plus est nunc, quam prius: ergo non facit quod factum est. Si nihil: ergo faciendo nihil facit. Similiter de eo quod fuit, facere quod non fuerit, aut facit hoc quiescendo, aut operando, aut destruendo. Quiescendo non: si enim Deus nihil faciat, cum hoc est præteritum, semper est præteritum. Si vero faciat operando, cum nihil ex hoc

Sup. d. 41.
q. vltima

dist. 4.
vlt. in

Sup.
q. 3.

fiat,

fiat, hoc enim non fuisse præteritum non est aliquid. A ergo faciendo, nihil facit. Si vero destruendo, cum præteritum, siue quod fuit non sit, nihil facit destruendo: & destruendo nihil destruit. Concedendum est ergo quod non potest quidquid potuit, quia fuit aliquando possibile quod factum est impossibile, non propter actionem potentie, sed propter hoc quod necessario connotat impotentiam: & sic patent obiecta.

DISTINCT. XLV.

De Voluntate Dei, quæ Essentia Dei est una & æterna, & de Signis eius.

In *A M* de voluntate Dei aliquid pro sensus nostri imbecillitate dicendum est. Sciendum est ergo, quia voluntas, siue volens, de Deo secundum essentiam dicitur. Non est enim ei aliud velle, & aliud esse, sed omnino idem. Et sicut idem est ei esse bonum quod esse Deum, ita idem est ei esse volentem quod esse Deum. Nam voluntas quæ semper volens est, non affectus vel motus est qui in Deum cadere non valet, sed diuina usia, quæ volens est Deus, & huiusmodi.

Quod licet idem sit Deo velle quod esse, non tamen potest dici Deus, esse omnia quæ vult.

Et licet idem sit Deo velle quod esse, non tamen dicendum est Deum esse omnia quæ vult. Quod quidam de Dei voluntate non recte sentientes nobis obiiciunt dicentes: Si idem est Deo velle quod esse, ergo cum dicimus Deum velle omnia, quæ facit, dicimus eum esse omnia quæ facit, alioquin non ibi illo verbo idem significatur quod significatur hoc verbo esse, cum de Deo dicitur. Et si ita est, non semper dicitur de Deo velle secundum essentiam. Si vero secundum essentiam non dicitur aliquando, quo modo ergo dicitur de Deo? Relatiue enim nunquam dicitur. Ad quod dicimus, quia dici esse omnia quæ vult, sicut idem est Deo esse quod scire: nec tamen sicut dicitur scire omnia, ita quoque potest dici esse omnia.

Quis sit sensus horum verborum, Deus scit, vel Deus vult. Item Deus scit omnia, vel vult aliquid, & quid de Deo in his prædicetur.

Et Vbi cumque Deus dicitur scire, vel sciens, vel velle, vel volens, hac de eo secundum essentiam dicuntur. Cum enim dicitur Deus scit, vel Deus vult, siue Deus est sciens, vel volens, essentia diuina prædicatur, & Deus esse enuntiatur. Cum autem additur: omnia, vel aliquid, vel aliqua, & dicitur Deus scit omnia, vel vult aliquid, vel aliqua: essentia quidem diuina prædicatur non simpliciter & absolute, sed ita ut scientia quæ ipse est, omnia subiecta monstrantur, & voluntati quæ ipsa eadem est, aliquid, vel aliqua subiecta esse dicantur: ut talis fiat sensus: Deus scit omnia, id est, Deus est cuius scientia, quæ ipsius essentia est, omnia subiecta sunt. Similiter Deus vult hac, vel illa, id est, Deus est, cuius voluntati quæ ipse est, hac, siue illa subiecta sunt. Volens ergo, siue velle dicitur Deus secundum essentiam, cuius voluntas essentia est sempiterna, & immutabilis, licet ea variantur, & transeant, quæ ei subiecta sunt, quæ non potest esse iniusta, vel mala, quia Deus est.

Quod Dei voluntas summe bona, causa est omnium quæ naturaliter sunt, cuius causa non est querenda, quia nullam habet, cum sit æterna.

Hæc itaque summe bona voluntas, causa est omnium quæ naturaliter sunt, vel facta, siue futura sunt, quæ nulla præuentæ est causa, quia æterna est. Ideoque causa ipsius querenda non est. Qui enim eius causam querit, aliquid maius ea querit, cum nihil ea maius sit. Vnde August. in lib. 83. q. Qui querit quare voluerit Deus mundum facere, causam querit voluntatis Dei. Omnis autem causa efficiens maior est eo quod efficitur. Nihil autem maius est voluntate Dei. Non ergo eius causa querenda est. Idem in libro de Genesi contra Manichæos: Si qui dixerint, quid placuit Deo facere cælum & terram: Respondendum est eis: Qui voluntatem Dei nosse desiderant, causas voluntatis Dei scire querunt, cum voluntas Dei omnium quæ sunt ipsa sit causa. Si enim habet causam Dei voluntas, est aliquid quod antecedit voluntatem Dei quod nefas est credere. Qui ergo dicit, quare fecit Deus cælum & terram? Respondendum est illi, quia vult. Voluntas enim Dei causa est cæli, & terræ, & ideo maior est voluntas Dei, quam cælum, & terræ. Qui autem dicit, quare voluit facere cælum, & terram? maius aliquid querit quam est voluntas Dei: nihil autem maius inueniri potest. Compescat se ergo humana temeritas, & id quod non est, non querat, ne id quod est non inueniat. Ecce his auctoritatibus aperte insinuat quod voluntatis Dei causa nulla est, & ideo querenda non est.

Quod voluntas Dei prima & summa causa est omnium.

Voluntas ergo Dei, ut ait Aug. in 3. lib. de Trin. prima, & summa causa est omnium specierum, atque motionum. Nihil enim sit quod non de interiori, atque intelligibili aula summi Imperatoris egrediatur secundum ineffabilem iustitiam. Vbi enim non operatur quod vult Dei omnipotentis sapientia, quæ pertingit à fine usque ad finem fortiter, & disponit omnia suauiter: & non solum facit ea quæ perseverantia consuetudinis admirationem amiserunt: sed etiam ea: quæ propter raritatem, & insolitum euentum mira videntur: ut sunt defectus luminarium, & terræ motus, & monstri animantium partus, & his similia: quorum nihil sit sine voluntate Dei, sed plerisque non apparet. Ideoque licuit vanitati Philosophorum etiam causis aliis ea attribueri, cum omnino videre non possent superiorem ceteris omnibus causam, id est, voluntatem Dei. Itaque non nisi Dei voluntas causa prima est sanitatis, agnitiois, premiorum, atque pænarum, gratiarum, & retributionum. Hæc ergo sola est unde ortum est quidquid est, & ipsa non est orta, sed æterna.

Quibus modis accipiat Dei voluntas.

Hic non est prætereundum nobis, quod sacra Scriptura de voluntate Dei variis modis loqui consuevit, & tamen non est Dei voluntas diuersa, sed locutio diuersa est de voluntate, quia nomine voluntatis diuersa accipit. Nam voluntas Dei vere, ac proprie dicitur quæ in ipso est, & ipsius essentia est: & hæc una est, nec multipliciter recipit nec mutabilitatem, quæ inexplata esse non potest: de qua Propheta ait: Omnia quæcumque voluit Dominus, fecit. Et Apostolus: Voluntati eius quis resistit? Et alibi: Ut probetis quæ sit voluntas Dei bona, & beneplacens, & perfecta. Et hæc voluntas recte appellatur beneplacitum Dei, siue dispositio.

Quod secundum figuram dicitur voluntas Dei præceptio, prohibitio, consilium, permissio, operatio: & ideo pluraliter dicit Scriptura voluntates.

Aliquando vero secundum quandam figuram dicendi voluntas Dei vocatur quod secundum proprietatem non est voluntas eius, ut præceptio, prohibitio, consilium, nec non permissio, & operatio. Ideoque pluraliter aliquando Scriptura voluntates Dei pronuntiat. Vnde Propheta: Magna opera Domini exquisita in omnes voluntates eius. Cum non sit nisi una voluntas Dei qua ipse est, pluraliter tamen dicit voluntates: quia voluntas Dei variis modis, ac pro diuersis accipitur, ut dictum est: Ita etiam idem Propheta propter multos effectus misericordiae, & iustitiae pluraliter dicit: Misericordias Domini in aeternum cantabo. Et alibi: Iustitiae Domini rectae, latificantes corda: cum tamen in Deo una sit misericordia, una iustitia, & una eademque sit misericordia qua iustitia, scilicet diuina usia.

Quare præceptio, & prohibitio, & consilium dicuntur Dei voluntas.

Ideo autem præceptio, & prohibitio, atque consilium cum sint tria, dicitur tamen unumquodque coram Dei voluntas, quia ista sunt signa diuina voluntatis, quemadmodum & signa irae dicuntur ira, & dilectionis signa dilectio appellantur: & dicitur iratus Deus, & tamen non est ira in eo aliqua: sed signa tantum quae foris fiunt, quibus iratus ostenditur, ira ipsius nominantur. Et est figura dicendi, secundum quam non est falsum quod dicitur: sed verum quod dicitur sub tropi nubilo obumbratur. Et secundum hos tropos diuersae voluntates Dei dicuntur, quia diuersa sunt illa quae per tropum voluntas Dei dicuntur.

Vbi voluntas Dei pro præcepto, & consilio accipitur.

Pro præcepto Dei atque consilio potest accipi voluntas, ut ibi: Fiat voluntas tua sicut in caelo, & in terra. Et alibi: Qui facit voluntatem patris mei qui in calis est, ipse frater meus, & soror, & mater est. Et contra hanc voluntatem multa fiunt. Vnde Aug. in lib. de spiritu & litera. Infideles, inquit, contra voluntatem Dei faciunt, cum eius Euangelio non credunt.

Quod Deus non vult hominibus fieri omnia quae præcipit, vel non fieri quae prohibet.

Et si illa tria dicuntur Dei voluntas, ideo quia signa sunt diuina voluntatis: non est tamen intelligendum Deum omne illud fieri velle quod cuiusque præcepit: vel non fieri quod prohibuit. Præcepit enim Abrahae immolare filium, nec tamen voluit, nec ideo præcepit, ut id fieret: sed ut Abrahae probaretur fides. Et in Euangelio præcepit sanato, ne cui diceret: ille autem prædicauit ubique, intelligens Deum non ideo prohibuisse quin vellet opus suum prædicari: sed ut daret formam homini laudem humanam declinandi.

De permissione, & operatione, vbi dicantur Dei voluntas.

Permissio quoque Dei & operatio voluntas Dei appellantur, qualiter accipit Aug. in Euch. dicens: Non fit aliquid nisi omnipotens fieri velit: vel sinendo ut fiat, vel ipse faciendo. Nec dubitandum est Deum facere bene etiam sinendo fieri quaecumque fiunt male: non enim hæc nisi iusto iudicio sinit, & profecto bonum est omne quod iustum est. Ecce hic manifeste habemus Dei voluntatem appellari ipsius operationem, vel per-

missionem, cum dicit non fieri aliquid nisi omnipotens fieri velit, ubi includit & bona, & mala omnia quae fiunt. Ideoque aperte distinguit quomodo Deum velle dixerit, ne eadem ratione intelligeretur velle bona, & mala subdens, vel sinendo ut fiat, hoc quantum ad mala dicit: vel ipse faciendo, hoc quantum ad bona. Mala enim sinit fieri, sed non facit: bona vero ipse facit. Ideoque dixit eum velle, quia & nolens, mala sinit: volens, bona operatur: & ob hoc permissio, & operatio voluntas Dei dicuntur.

Quinque supra sunt proposita, quae dicuntur secundum tropum, ut ideo distinguat lector ubique pro quo eorum accipitur voluntas.

Quinque ergo supra posita sunt, quae dicuntur secundum tropum Dei voluntas, quia signa sunt diuina voluntatis, quae una est, & immutabilis, scilicet Dei beneplacitum. Ideoque diligenter distinguat lector ubi de voluntate Dei scriptura commemorat, iuxta quem modum accipi oporteat, utrum pro beneplacito Dei, an pro aliquo signorum eius. Magna enim est adhibenda discretio in cognitione diuina voluntatis, quia & beneplacitum Dei est voluntas eius, & signum beneplaciti eius dicitur voluntas eius. Sed beneplacitum eius aeternum est, signum vero beneplaciti eius non: & consonat rerum effectibus beneplacitum ipsius, & ipsi effectus rerum ab illo non discordant. Fit enim omne quod beneplacito vult fieri: & omne quod non vult fieri, nequaquam fit. Non ita autem est de signis quia præcipit Deus multis, ea quae non faciunt, & prohibet quae non cauent, & consilium quae non implent.

DISTINCT. XLV.

De Quidditate voluntatis Dei.

Iam de voluntate Dei aliquid pro sensus nostri imbecillitate, &c.

Expositio Textus.

SUPRA egit Magister de scientia, & potentia, hic iam tertio agit de voluntate. Et habet hæc pars tres partes. In prima agit de voluntate secundum suam quidditatem. In secunda secundum eius impletionem respectu operis, qualiter scilicet impleatur, infra distinct. 46. Hic oritur quaestio: dictum est enim. In tertia determinat qualiter voluntas nostra diuina conformatur, & hoc distinct. 48. Sciendum quoque est, quod aliquando mala est voluntas. Prima pars habet tres partes. In prima ostendit, quod voluntas Dei est ipsa diuina essentia. In secunda quod ipsa est omnium causa, ibi: Hac itaque summe bona voluntas causa est. In tertia ostendit, quod ipsa voluntas Dei est multipliciter dicta, ibi: Hic non est prætermittendum nobis, &c. Prima pars habet duas. In prima ostendit, quod velle est in Deo esse, & voluntas est essentia. In secunda soluit dubitationem, ibi: Et licet idem sit Deo velle: Secunda pars similiter habet duas. In prima ostendit quod diuina voluntas est causa prima. In secunda ostendit, quod est causa generalissima, ibi: Voluntas ergo Dei, ut ait Augustinus. Tertia pars, in qua agit de istius nominis multiplicitate, & hæc non est multiplicitas æquiuocationis, sed analogiae: habet tres particulas. In prima ponit modum principalem accipiendi circa hoc nomen, quod est voluntas, quia scilicet accipitur pro voluntate beneplaciti. In secunda ponit modos non principales: sed tropologicos, secundum quod accipitur pro signo voluntatis: & hoc facit, ibi: Aliquando vero secundum quandam dicendi figuram, &c. In tertia breuiter epilogat prædeeliminata, ibi: Quinque ergo supra posita sunt quae dicuntur, &c.

Rela

Relatiue enim voluntas nunquam dicitur. Dub. I.

Videtur falsum, quia sicut Creator dicitur ad creaturam, & præscientia ad præscitum, ita velle dicitur ad volitum: sed est supra habitum dist. 35. quod illa dicuntur relatiue: ergo & velle.

RESP. Dicendum quod Magister accipit hic relatiue, prout relatiuus modus dicendi distinguitur à modo dicendi secundum substantiam, & hic est personalis, & ita accipitur hic. Ipse autem obiicit de relatione respectu creaturæ quæ est quantum ad modum intelligendi, nec distinguitur à modo dicendi secundum substantiam. Vel potest dici, quod Magister loquitur secundum generalem nominis intellectum, quia velle non est tantum respectu creati, vt præscire, & creare: sed etiam respectu Dei.

Deus scit omnia, &c. Dub. II.

Videtur male dicere, quia similiter diuinæ voluntati subiecta sunt omnia, quia voluntati eius nullus resistit: ergo Deus vult omnia, quod non conceditur.

ITEM ego quæro: cum omnia scibilia sint subiecta diuinæ scientiæ, & essentiæ, & similiter volita: quare non dicimus quod Deus volendo se, velit alia, sicut sciendo se, scit alia. Quod si tu concedis, tunc cætera essent æterna. Si tu dicas, quod non est simile, quæritur quare non: & videtur quod sit simile, quia sicut diuinæ scientiæ actus non deflectitur extra Deum, & ita sciendo se, scit omnia ita & de voluntate videtur.

RESP. Dicendum quod subiecta diuinæ scientiæ non dicuntur, quia sunt inferiora, sed subiecta dicuntur respectu quorum est actus diuinæ cognitionis & hæc quidem sunt omnia cognoscibilia: & ideo nouit omnia: similiter subiecta voluntati dicuntur, respectu quorum est actus diuinæ volitionis: & hæc non sunt omnia volibilia, ideo patet illud. Quod quæritur, vtrum volendo se, velit omnia, dicendum, quod velle vno modo dicit complacentiam. Alio modo dicit causam. Prout dicit complacentiam, credo quod bene potest dici, quod volendo se, velit omnia: quia omnia placent ei quæ ab ipso, & ad ipsum sunt. Prout tamen dicit progressum effectus ab ipso, quamvis actus non egrediatur, tamē res egrediuntur: & ideo dicit respectum ad extra. Vnde sicut non conceditur, possiendo se, potest omnia, sic & in proposito.

Quare fecit Deus cælum & terram. Respondendum est illi, quia voluit. Dub. III.

Videtur mala responsio, quia tunc videtur facile omnia determinare: videtur etiam quod voluntas Dei non habeat rationem. Sed contra, super illud ad Ephesios: Secundum consilium voluntatis suæ. Glossa: Voluntas Dei est ex ratione: ergo est quærere rationem.

RESP. Dicendum quod voluntas nostra cum excite- tur à volito, causam & rationem ab eo habet, & quantum ad volitum, maxime quando vult aliquid, quod est propter finem: sed voluntas Dei cuius actus est ipse, maxime cum vult se, quia non excitatur aliqua ratione alia à se, tamen causam quantum ad se habere non potest. Volitum autem aliquando habet aliam causam, quam voluntatem, & tunc respectu eius habet rationem & causam, aliquando solam voluntatem, vt in mundi creatione, & tunc voluntas habet rationem, sed non causam, quia non est irrationalis, vnde non habet rationem tanquam diuersum à se, sed idem re, & ideo voluntas Dei non potest esse irrationalis: & propter hoc in actibus qui totaliter sunt ab ipsa, sufficit ipsam scire, nec oportet ulterius aliam rationem quærere, & sic patet illud.

Voluntas ergo Dei, &c. Dub. IV.

Videtur male dicere, quia tunc cum voluntas Dei sit agens per intentionem, videtur quod nihil fiat casu, & fortuna.

S. Bonauent. Operum Tom. IV.

A RESP. Dicendum quod Deus quamvis sit causa omnium, non tamen est tota causa: sed ipse cum causis creatis. Propter hoc notandum, quod effectus habet comparari ad causam supremam quæ Deus est, & sic nihil euenit casu, & fortuna. Habet etiam comparari ad voluntatem, siue causam creatam quæ est natura, vel intelligentia, & sic cum multa eueniant præter intentionem, multa fiunt casu, & fortuna.

Nihil enim fit, quod non de interiori, atque intelligibili aula summi Imperatoris, &c. Dub. V.

Videtur falsum, quia peccata fiunt, & non egrediuntur ab ipso.

B RESP. Dicendum quod Magister non assumit hanc auctoritatem sicut habetur in originali. Nam ibi dicitur, quod non iubeatur, aut permittatur, & ita non habet locum obiectio. Nihilominus potest dici quod materia restringit distributionem suam ad res quæ sunt aliqua natura. Vel dicendum, quod ampliat verbum egrediendi ad facere, & permittere.

Defectus luminarium, & terramotus, & monstrosi animalium, &c. Dub. VI.

Videtur falsum dicere, quia monstrum dicit deordinationem aliquam in natura: ergo non est à causa suprema.

C RESP. Aliquibus dicendum videtur, quod monstrum dicit deordinationem aliquam in natura: & dicit etiam substantiam aliquam. Substantia causam habet positiuam, quæ Deus est, inordinatio illa non habet causam positiuam sed priuationem, & hæc est vt plurimum improportio virtutis agentis ad materiam. Aut enim materia superabundat, aut deficit secundum proportionem caloris operantis, & virtutis: & Augustinus loquitur de monstris quantum ad id quod habent substratum. Tamen aliter posset dici, quod monstra etiam sunt à Deo puniente, quando pœnæ sunt, & sic habent rationem ordinis. Quamvis enim Deus non faciat contra ordinem in finem, facit tamen contra solitum cursum naturæ frequenter, vel ad vindictam, vel ad misericordiam.

Placuit vanitati Philosophorum, &c. Dub. VII.

Videtur quod non bene dicat, quia Philosophi causis aliis attribuerunt vere: ergo in hoc vani non fuerunt, vt pote luna eclipsatur, eo quod terra interponitur.

RESP. Dicendum, quod non ideo dicuntur vani, quia aliis tribuerunt: sed quia sic aliis tribuerunt, vt ad causam præcipuam non referrent. Et ideo euanuerunt, quia ad causam primam, & præcipuam non venerunt, quæ sola est causa simpliciter prima, & simpliciter generalissima.

Nam voluntas Dei, &c. Dub. VIII.

Videtur falsum dicere, quia plures sunt ideæ eo quod plurium ideatorum: ergo similiter plures voluntates, quoniam plurium volitorum.

E RESP. Dicendum quod non est simile, sicut patet in questione de ideis, quia voluntas dicit quod plus se tenet ex parte volentis & secundum esse, & secundum rationem dicendi: & ideo re, & ratione vna est voluntas beneplaciti: sed idea secundum rationem dicendi plus se tenet ex parte ideati, quia similitudinem eius dicit. Et cognitio secundum rationem intelligendi, & dicendi modum dicit in nobis à rebus ad animam secundum rem: sed in Deo secundum rationem intelligendi, voluntas autem non: ideo hac duplici ratione conceditur de ideis, non de voluntate.

Nec mutabilitatem, &c. Dub. IX.

Videtur falsum, quia Deus nunc vult aliquid esse, quod postea non vult esse: ergo videtur quod desinat velle: & similiter incipiat: ergo videtur diuina voluntas mutari.

H h 2

RESP.

RESP. Dicendum quod in huiusmodi locutionibus est solum respectu connotati mutatio, quod comparatur ad diuinam voluntatem, ratione cuius ponitur inceptio, & definitio in actibus illis qui connotant aliquid de presenti. Si enim dicatur: Deus vult hoc esse futurum, ab æterno voluit: sed tamen causa in actu siue actualiter causans non fuit nisi quando facere voluit, id est, pro illo instanti, in quo actus voluntatis copulatur operi, non autem ipsi subiecto volenti, & sic patet quo modo sit causa actualis in tempore, nulla facta in ea mutatione, quia continue voluit, & ita in actu fuit: sed causans in actu non fuit, nisi pro tempore pro quo voluit, ita nulla circa Deum voluntas inceptit: sed solus effectus inceptit.

Dicitur iratus Deus, & tamen non est ira in eo aliqua, &c. Dub. X.

Videtur male dicere, quia in Deo est vis rationalis, & concupiscibilis: ergo pari ratione ponenda est in Deo irascibilis: ergo sicut vere in eo est actus cognitionis, & amoris, ita proprie actus furoris.

RESP. Dicendum quod irascibilis aliquo modo sonat imperfectionem de ratione sui nominis, & ideo dicunt aliqui, quod nullo modo recipitur in Deo nisi transumptiue. Contra: actus huiusmodi vis in nobis sunt gloriari, & damnari, & hi sunt in Deo, quare non similiter & hæc vis; Et est propterea dicendum, quod in Deo vere est vis gloriandi, & dominandi quæ est ipsa diuina substantia, tamen quia ira habet passionem coniunctam de ratione sui nominis, ideo non recipitur in Deo vis irascibilis, nec ira, nisi transumptiue, & sermone tropico. Et notandum, quod Deus habet signa iræ, non quæ significant iram in ipso: sed quæ significant iram in nobis, & vere quando in nobis sunt.

Præcipit enim Abraham immolare filium, nec tamen voluit, &c. Dub. XI.

CONTRA secundum hoc videtur quod præceptum falsum signum fuit.

RESP. Dicendum quod voluntas Dei volebat fidem, & deuotionem Abraham manifestare in præparatione obediendi, & hoc Deus volebat, & hoc signum importabat, & vere: sed tamē secundum æstimationem Abraham plus importabat, & per illud plus quod Abraham intelligebat, Dominus fidem eius probabat: ita quod nec in signo falsitas, nec in Abraham deceptio fuit: sed probatio.

ARTICVLVS I.

AD intelligentiam præsentis distinctionis tria principaliter quærentur. Primo de voluntate diuina quantum ad quidditatem. Secundo, quantum ad causalitatem. Tertio quantum ad rationem significandi. Quantum ad primum duo quærentur. Primo quæritur, utrum sit in Deo ponere voluntatem. Secundo, utrum ipsum sit dicere omnivolentem, sicut dicitur omnipotens.

QVÆSTIO I.

An in Deo sit ponere voluntatem.

Alexander Alensis 1. p. q. 34. Membr. 1.

8. Thom. 1. p. q. 19. art. 1.

Et 1. Sentent. dist. 45. q. 1. art. 1.

Et de Verit. q. 23. art. 1.

Egid. Rom. 1. Sent. dist. 45. q. 1.

Henricus in summa, art. 45. q. 1.

Richardus 1. Sent. dist. 45. q. 1.

Thom. Arg. 1. Sent. dist. 45. q. 1. art. 1.

Steph. Brulef. 1. Sent. dist. 45. q. 1.

Petrus de Tarantasia. 1. Sent. dist. 45. q. 1.

QUOD in Deo non sit ponere voluntatem, ostenditur auctoritate, & ratione. Primo, sic: Augustinus in lib. de libero arbitrio: Voluntas est rationalis motus sensui præsidens, & appetitui: sed in Deo non est motus nec sensus, nec appetitus: ergo neque voluntas.

2. **ITEM** Augustinus in lib. de duabus animabus. Voluntas est animi motus ad aliquid prosequendum, vel

fugiendum: sed in Deo non est ponere fugam, nec persecutionem: ergo nec voluntatem.

3. **ITEM** ratione videtur, quia voluntas est potentia in nobis maxime vertibilis, unde alia potentia non possunt in malum: sed sola voluntas est à qua est peccatum: sed in Deo nulla est omnino vertibilitas ad malum: ergo, &c.

4. **ITEM** voluntas, eo ipso quod voluntas, est ad opposita: eo quod ad opposita, est contingens & variabilis: in Deo autem nulla cadit contingentia, nec varietas: ergo, &c. Probatio primæ. Voluntas eo ipso quod voluntas est, est potestas rationalis: sed potestates rationales sunt ad oppositum, sicut dicit Philosophus: ergo, &c. Similiter eo ipso quo est voluntas, est libera: & si hoc, non est determinata ad vnum: quia tunc non haberet libertatem, sicut nec potentia naturales: ergo est ad opposita, est igitur variabilis.

SED contra dicit Apostolus: Secundum consilium voluntatis suæ. Et iterum ibidem, secundum propositum voluntatis suæ, & tota scriptura est plena hoc nomine voluntatis ut est in Deo: ergo, &c.

ITEM Philosophus in 12. concludit, quod voluntas est actio ipsius Dei.

ITEM ratione videtur, quia voluntas est illud penes quod residet inter creata summa potestas: ergo si voluntas de se dicit potestatem, quia omnibus præsidet in regno animarum, & nihil potest sibi imperare: sed Deus est potentissimus, & omne quod possibile est sibi attribuendum est: ergo, &c.

ITEM voluntas est in qua consistit voluptas summa, siue felicitas. Beatus enim est qui habet omne quod vult, unde nihil delectatur nisi habens voluntatem, vel aliquid simile voluntati: sed Deus est felicissimus, in quod est omnis felicitas, & iucunditas: ergo, &c.

ITEM voluntas est illud penes quod residet iustitia, & æquitas. Iustitia enim non est aliud, quam rectitudo voluntatis: unde non habentia voluntatem, non sunt capabilia iustitiæ, sed Deus est iustissimus secundum omnem intellectum: ergo habet voluntatem.

ITEM voluntas est vis secundum quam attenditur summa liberalitas: omnis enim liberalitas venit ex amore, sed constat quod amor est actus voluntatis: in Deo autem ponere est summam liberalitatem: ergo & amorem, & voluntatem.

CONCLUSIO.

Voluntas est in Deo quamvis non habeat condiciones sequentes voluntatem creatam, ut sunt appetitus, fuga, tristitia, vertibilitas, vel malitia.

RESP. Ad arg. Dicendum quod in Deo est ponere voluntatem, sicut ostendunt quatuor rationes prædictæ, propter quatuor condiciones, sc. potestatis, voluptatis, æquitatis & liberalitatis, quæ sunt circa voluntatem, & magis proprie in Deo, & completiori modo quam in nobis. Voluntas enim in nobis est per differentiam à substantia, & actu, & per distantiam à fine: in Deo autem per omnimodam indifferentiam horum, sc. substantiæ, virtutis, actus, & finis. Et quia in nobis est per differentiam à substantia, & ab actu: ideo aliis præsidens, & secundum diuersos actus variabilis. Propter differentiam enim à substantia in qua possunt & alia potentia radinari præsidet aliis potentiis, ut sensui, & appetitui. Propter differentiam ab actu, est variabilis secundum alterationem affectionum: in Deo autem neutrum: ideo nec regit inferiores potentias, nec habet variari secundum affectiones varias. Et quia in nobis est per distantiam à fine: inde est quod est indigens, & ideo in ea est fuga, & appetitus: & cadit in ea tristitia, & malitia, quia potest à fine obliquari, cum non sit illi coniuncta. In Deo autem est omnino fini coniuncta: ideo nec fugam nec appetitum habet, nec iustitiam, nec malitiam: sed omnimodam lætitiā, & iustitiam. Et sic patet responsio ad prima tria, quia quamvis istæ condiciones appetitus, fuga, malitia, siue

vertibilitas

Cap. 1. sec. 6.

Arist. 9. Metaph. & Phys. 3.

Fundamēta. Ephes. 1. 6

Aristot. 12. Metaph. com. 10. 39. ad verba: Sic se habent Voluntas & actus eius: de voluntate vero ibi nullum verbum.

Hoc probat Scot. dist. 2. q. 2. 5. Thom. 1. p. q. 19. art. 1.

Ad oppositum.

vertibilitas, conditiones sint voluntatis creatæ, tamen omnino à voluntate diuina semotæ sunt.

4. Ad illud quod obiicitur, quod est contingens, & variabilis, dicendum quod est contingentia in actu, vel in effectu. Si loquamur de contingentia in effectu, non tantum est in effectu nostro, sed etiam in multis, quæ à Deo sunt. Multa enim facit Deus, quæ posset non facere nullo repugnante. Si autem loquamur de contingentia in actu, quod voluntas modo vult aliquid, modo desinit aliquid velle, & incipit velle, modo vult aliquid, modo vult oppositum, hoc cadit in voluntate humana, quia inter voluntatem humanam, & actum, est differentia, unde nec semper est in vno actu, nec in actu vniiformi, diuina autem voluntas propter identitatem sui cum actu, omnino variari non potest, nec habet in se aliquam contingentiam, & ideo patent omnia quæ sita.

QVÆSTIO II.

An Deus dicatur omniulens, sicut omniulens, & omniulens.

Richard. 1. Sent. dist. 45. q. 5.

Stephanus Brulef. 1. Sent. dist. 45. q. 2.

Petrus de Tarantasi. 1. Sent. dist. 45. q. 3.

SUPPOSITO quod in Deo sit ponere voluntatem: Quæritur, vtrum ipsam sit ponere omniulentem: & ita dicatur à voluntate omniulens, sicut à potentia, & scientia omniulens, & omniulens. Et quod sic, videtur quia Deus non dicitur omniulens eo quod possit omnia, sed quia potest omne quod decet eius potentiam: non enim potest mala. Similiter vult Deus omne quod decet voluntatem eius velle: ergo debet dici omniulens, sicut omniulens.

2. **I**TEM sicut se habet cognitiua Dei ad verum, ita se habet affectiua, siue voluntas ad bonum: sed cognitiua, siue intellectiua amplectitur omne verum: unde qui diceret Deum aliquid verum ignorare, derogaret eius intelligentiæ: ergo pari ratione cū intelligentia non sit lator, nec est perfectior quam voluntas, voluntas erit respectu omnis boni: ergo sicut dicitur omniulens, quia scit omne verum: ita omniulens, quia omne bonum.

3. **I**TEM sicut dicitur Deus verum omnis veri, à quo scilicet omne verum habet veritatem: ita est bonum omnis boni, à quo omne bonum habet bonitatem: sed Deus in cognoscendo suam veritatem, quia est ratio omnium, omnia cognoscit: ergo similiter diligendo suā bonitatem, omne bonum diligit sed omne quod diligit, vult: ergo vult omne bonum, sicut & cognoscit omne verum, & sic, &c.

4. **I**TEM bona voluntas est quæ se extendit ad multa bona: ergo melior ad plura, & optima ad omnia: ergo infinita ad infinita: ergo sicut potentia, & scientia se extendunt ad omnia, & infinita, ita & voluntas: ergo quæ ratione dicitur omniulens, & omniulens, pari ratione debet dici omniulens.

CONTRA in Psalmo: Omnia quæcūque voluit, fecit: ergo nihil vult nisi quæ facit: sed plura potest facere, & non potest nisi volens: ergo plura potest velle: sed si Deus plura posset scire, non esset omniulens: ergo, &c.

ITEM si aliquid sciret homo quod non sciret Deus, non esset omniulens Deus: cum ergo aliquid velit homo quod Deus non velit, vt puta facere furtum: ergo Deus non est omniulens.

ITEM si posse malum esset posse, Deus non esset omniulens, quia non potest mala: cum ergo velle malum, sit velle, & Deus non velit mala: Deus non est omniulens. Probatio minoris. Malum non est malum, nisi quia voluntarium: quia secundum Augustinum peccatum adeo est voluntarium, &c. ergo ratio voluntatis saluatur in malo, similiter & actus voluntatis in volendo malum: ergo, &c.

ITEM velle malum, aut est velle, aut est nolle. Si velle, habeo propositum: Si nolle, sed nolle malum est bonum: ergo velle malum est bonum: ergo si Deus vult omne

bonum, Deus vult omne malum, quod est falsum. Restat ergo quod velle malum est velle, & Deus non vult malum: ergo Deus non est omniulens: sed illud argumētum est sophisticum, quia similiter posset obici de potentia. Sed quæritur, unde est hoc quod velle malum, est velle: sed posse malum non est posse, vel potentia, sed impotentia. Iuxta hoc quæritur de comparatione potentia, sapientia, & voluntatis ad sua obiecta secundum ambitum.

CONCLUSIO.

Tametsi concedamus Deum esse omniulens: atque omniulentem, non tamen omniulentem admittimus, quia scientia est omnium tam futurorum, quam possibilium, tam bonorum quam malorum. Potentia est omnium bonorum, etiam possibilium. Voluntas autem non est nisi bonorum, quæ sunt vel erunt.

RESP. Ad Arg. Dicendum quod cum quæritur, vtrum Deus sit omniulens, duplicem intellectum potest facere ista locutio, ex eo quod hoc quod est, omne, potest facere distributionem simpliciter, vel vt nunc. Si distributionem simpliciter quantum ad actum & habitum facit, tunc dicitur omniulens, quia vult omne volibile. Si vt nunc, dicitur omniulens, quia vult omne volitum. In vtroque sensu falsitatem habet. Et quia in vtroque sensu veritatem habet in potentia, & in scientia, ideo simpliciter conceditur, quod Deus sit omniulens, & omniulens, & simpliciter negatur quod sit omniulens. Intellectus huius, & ratio patet. Si enim simpliciter accipiat, Deus scit omne scibile, & potest omne possibile: sed non vult omne volibile, quia diuina voluntas importat causam actuale, potentia vero abstrahit à ratione actualitatis, & ponit rationem habituale causæ: scientia vero abstrahit à ratione vtriusque. Quia ergo Deus non est causa actualis omnium quæ potest facere, vel velle, sicut non facit omne volibile, ita non vult. Quia vero potentia abstrahit à ratione actualitatis: ideo non dicitur solum respectu faciendorum in actu, sed etiam respectu possibilium fieri à Deo. Quia vero scientia abstrahit à ratione vtriusque hinc est quod scientia non tantum est respectu faciendorum, sed etiam respectu possibilium, non tantum Deo, sed etiam aliis, vt pote possibilium malorum. Hæc ergo est ratio, quia actus scientia, vt scire, est per modum habitus: similiter & potentia per modum habitus, vt posse: voluntatis, per modum actus, vt velle. Ideo scientia est omnium scibile, potentia omnium possibile, quæ sunt potentia: sed non voluntas omnium volibile: & ideo non potest Deus plura scire, vel posse, potest tamen plura velle. Similiter, si accipiamus omne vt nunc respectu rei præscitæ, & respectu factæ, & volitæ, scientia est respectu omnis rei in qua saluatur ratio scientia, & potentia in qua saluatur ratio potentia: sed voluntas non est respectu omnis rei in qua ratio voluntatis saluatur. Scientia enim est respectu omnium futurorum, & præsentium, & præteritorum, bonorum, & malorum, quia ibi saluatur ratio scientia, & nobilitatis: quia scire malum, scire est, & scire malum, nobilitatis est. Similiter potentia est respectu omnium bonorum, in quibus solum saluatur ratio potentia. Nam posse malum, non est posse. Vnde posse malum non tantum derogat perfectioni potentia, sed etiam ipsi potentia, quia posse deficere non est posse, & ideo adhuc dicitur omniulens. Voluntas vero est respectu bonorum tantum, non respectu malorum. Et quamvis in volendo malum non saluetur dignitas voluntatis, saluatur tamen ratio volendi, quia velle malum velle est. Et hinc est quod Deus non dicitur omniulens, quia non vult malum, sed tamē omniulens dicitur, quamvis non possit malum. Si quærat quare ratio potentia non saluetur respectu mali, sicut & ratio voluntatis, dicendum quod potentia idipsum quod dicit, dicit per modum habitus, & positionis, de potentia actiua loquendo. Vnde quando est respectus priuationis, iam non est potentia, sed defectus potentia: sed voluntas idipsum quod dicit, dicit per modum cuiusdam adhæren-

tia & complacentia: quia ergo in malo saluatur ratio A
consensus, & complacentia, sicut & respectu boni: ideo
velle malum, velle est: sed posse malum, non est posse.

1. Ad illud quod obiicitur, quod Deus vult omne
quod decet, dicendum quod illa non est ratio quare di-
catur omnipotens: sed illa quæ præassignata est, scilicet
quia potest omne, quod posse potentia est.

2. Ad illud quod obiicitur, quod cognitua ample-
ctitur omne verum, & affectiva omne bonum, dicendū
quod aliter amplectitur hæc, aliter illa. Cognitua enim
amplectitur habitualiter cognoscendo omne quod est
verum, & quod potest esse: sed affectiva, quia actus eius
est in ratione actus amplectitur & vult solum bonum
quod est, vel erit. Rursus: Verum amplectitur totum
actū cognitua: quia nihil scitur nisi verum, nam falsum
scire, non est scire: sed bonum non amplectitur omnino
actum voluntatis, nam velle oppositum boni est velle,
& hinc est quod Deus sciendo omne verū, dicitur om-
nisciens, sed non sic volendo omne bonum, omnivolens.

3. Ad illud quod obiicitur quod Deus cognoscendo
se qui est veritas ipsa, omne verum cognoscit: ergo, &c.
Dicendum quod verum est, sed aliter: quia cognoscen-
do se verum, est causa exemplaris: & causa exemplaris
non tantum est futurorum, sed etiam possibilium à Deo
fieri. Sed diligendo se bonum, est causa actualis ut pate-
bit: & ideo non sequitur quod velit nisi bona quæ erūt,
vel fient: propter hoc non potest dici omnivolens. Alia
tamen est huius ratio, sicut patet in litera.

4. Ad illud quod obiicitur de voluntate quo melior
est quæ se extendit ad plura, dicendum quod voluntas
est actus rationalis: unde non dicitur voluntas melior,
quia simpliciter ad plura, sed quia ad plura rationabili-
ter, & quoniam ratio recta dicitur creaturas fieri in nu-
mero definito, quia numerus infinitus rebus non com-
petit: ideo optima voluntas & perfectissima in aliquo
numero vult res bonas esse, sed tamen finito, & ex hoc
non sequitur quod voluntas sit infinitorum, vel om-
niam possibilium nec etiam omnium. Potest tamen dici
quod illud si alicubi habet veritatem, ibi tantum habet
ubi voluntas aliquid recipit à voluto: sed voluntas Dei
nihil recipit, & ideo non est melior volendo tria bona
quam vnum, & mille quam tria, & ideo non valet illa
ratio in proposito.

Ex hoc patet illud quod consuevit queri: vtrum vo-
luntas, & potentia, & sapientia sint æqualia, dicendum
enim quod est loqui de his quantum ad actum, & quan-
tum ad effectum, & quantum ad obiectum. Si quantum
ad actum: sic est ibi omnimoda æqualitas, & circumin-
cessio, ut patet, quia quicquid scit Deus & potest, vult
scire & posse: & econverso. Si quantum ad effectum: sic
adhuc sunt æqualia: quia nihil efficit Deus nisi per po-
tentiam, sapientiam, & voluntatem. Sed quantum ad
obiectum, siue connotatum sunt inæqualia, scientia
enim hoc modo est in plus, & potentia in minus, & vo-
luntas in minus: nam scitum est bonum & malum: pos-
sibile est bonum tantum, sed futurum; & non futurum:
volitum vero est bonum, & futurum tantum.

ARTICVLVS II.

Quantum ad secundum articulum queritur de vo-
luntate diuina, scilicet quantum ad causalitatem.
Et circa hoc queruntur duo. Primo queritur in genera-
li, vtrum voluntas Dei sit causa rerum. Secundo, vtrum
sit causa prima & immediata.

QVÆSTIO I.

An voluntas Dei sit causa rerum.

Alexander Alensis 1. p. q. 35. Membrum 2.

S. Thom. 1. p. q. 13. art. 4.

Et 1. Sent. dist. 45. q. 1. art. 3.

Et de Pot. q. 3. art. 15.

Egid. Rom. 1. Sent. dist. 45. p. 2. q. unica.

Richardus 1. Sent. dist. 45. art. 2. q. 1.

Steph. Brulef 1. Sent. dist. 45. q. 3.

Petrus de Tarantaf. 1. Sent. dist. 45. q. 4.

Tho. Arg. 1. Sent. dist. 45. q. 1. art. 2.

Marfilus Inguen. 1. Sent. q. 44. art. 1.

QVOD voluntas Dei sit causa rerum, ostenditur sic. Fundam.
Hilarius in lib. de Synodis: Omnibus creaturis Lib. 1. c.
substantiam voluntas attulit: sed filio natura dedit.

ITEM Augustinus in lib. contra Manichæos. Respon-
dendum est eis qui voluntatem Dei nosse desiderant,
quod voluntas Dei omnium quæ sunt, ipsa sit causa.

ITEM ratione videtur: quia Deus est causa rerum: sed
omnis rei cuius est Deus causa, est per scientiam, po-
tentiam, & voluntatem: aut ergo est causa, quia potens,
aut quia sciens, aut quia volens. Non quia potens: quia
multa potest, quæ non facit. Similiter nec quia sciens,
ergo quia volens, ideo facit: sed causa est ad cuius esse
sequitur aliud: ergo, &c.

ITEM Deus est causa rerum creaturarum: aut ergo per
naturam, aut per voluntatem, aut per casum & for-
tunam. Non per casum & fortunam, quia tales sunt
causæ secundum imperfectam rationem: non per natu-
ram, quia sic simile ex simili producitur: restat ergo
quod per voluntatem, ergo, &c.

1. Contra: Si voluntas Dei est causa, aut ratione princi-
palis significati, aut ratione connotati: si ratione princi-
palis significati, ergo cū idē sit sapientia, potentia, volū-
tas, & essentia: eadem ratione debent dici causæ. Si ratio-
no connotati: quæro quid sit illud, non est dare nisi effe-
ctum: sed effectus consequitur rationē causæ, non à con-
uerso: non ergo ratione connotati. Et iterum: Si connotat
effectum: ergo nullo modo potest dici Deus vult se esse,
cum circa se nihil omnino efficiat: quod est falsum.

2. ITEM: Aut voluntas est causa per proprietatem, aut
per appropriationem. Si per proprietatem: tunc ergo sa-
pientia, & potentia non sunt causæ. Si per appropriatio-
nem, aut ergo quia in voluntate per prius est ratio cau-
salitatis, aut quia immediatius. Non quia prius: nam po-
tentia & scientia antecedunt voluntatem secundum ra-
tionem intelligendi. Nec quia immediatius, quia dicit
Augustinus quod Deus per voluntatem mouet, per sa-
pientiam disponit, & per potentiam exequitur, ergo
immediatorem cooperationem habent ad opus scientia
& potentia, quam voluntas, ergo, &c.

3. ITEM: Aut est causa propter virtutem agendi, aut
propter modum. Non propter virtutem agendi: quia vo-
luntas non dicit virtutem, sed potentia dicit. Si propter
modum agendi. Contra: Modus agendi per modum natu-
ræ nobilior est: ergo natura magis est causa. Probatio:
illud agēs est virtuosius quod est sufficientius, & nobi-
liorem effectum producit: sed natura sufficientior est in
agendo, & paucioribus indiget, & nobiliorem effectum
producit quam ars, siue agens voluntarium, ergo, &c.

4. ITEM quod non quantum ad modum, videtur.
Quia agens quod dat productio proprietates naturales
conformes, agit per modum naturæ: sed Deus effectibus
suis dat vnitatem, veritatem, & bonitatem: nec potest fa-
cere sine his: & istæ sunt proprietates naturales diuinæ
substantiæ, ergo Deus agit per modum naturæ, non
voluntatis.

ITEM: Omne agens voluntarie est agens præconci-
piendo, sed Deus non agit præconciendo: sicut dicit
Dionysius de di. no. quia sicut sol non præconciendo
illuminat: sic Deus non præconciendo creat, ergo, &c.

CONCLUSIO.

Cum ratio causandi res, sit ipsa diuina bonitas, in ratione
effectui & in ratione finis: voluntas autem coniungat
effectum cum fine: ea propter dicimus voluntatem
diuinam esse rerum causam.

RESP. ad arg. Ad prædictorum intelligentiam est
notandum quod quamvis diuina essentia sit vnum quia
simplicissimum, tamen est pelagus substantiæ infinitum:
& ideo omnia quæ in nobis reperiuntur per diuersitatem
omnia, inquam, in Deo nobiliter per omnimodam re-
periuntur identitatem: nihilominus tamen secundum
omnimodam perfectionem & veritatem. Vnde sicut in

nobis

nobis sapientia, & potentia, & voluntas vere est ens, & causa rerum quæ à nobis sunt: sic & in Deo sunt: sed tamen vnum sunt: & quia intellectus noster non potest infinitatem illius substantiæ comprehendere, nec per vnum verbum exprimere: ideo multis modis intelligimus Deum, & diuersis nominibus exprimimus, & secundum quod per illos modos intelligimus, plura enuntiamus, ita quod Deo aliquid attribuimus secundum vnum modum quod non secundum alium: & vere quidē, quia omnia in Deo habent verā existentiam. Et ideo cum aliquo modo intelligamus Deū, cum dicimus Deum bonū, alio cum dicimus Deum æternū, concedimus se diffundere, quia bonus est, non quia æternus: hæc enim est proprietas bonitatis non durationis. Hinc est quod cum intelligimus vere voluntatē esse in Deo, & proprietas voluntatis sit producere ea quæ exeunt per modum liberalitatis; quod dicimus Deū inquantum voluntas est, esse causam rerum. Ratio autem quare voluntati attribuitur causalitas, hæc est; quia ratio cauſandi est bonitas & in ratione effectiui, & in ratione finis. Nam bonum, dicitur diffusiuum, & bonum est propter quod omnia: effectiuum autem non sit efficiens in effectu nisi propter finem. Illud ergo quod dicit coniunctionem principij effectiui cum fine, est ratio cauſandi in effectu: sed voluntas est actus secundum quem, bonum reflectitur supra bonum, siue bonitatem: ergo voluntas vnit effectiuum cum fine. Et hinc est quod voluntas est ratio cauſare faciens in effectu: & ideo attribuimus Deo rationem causalitatis sub ratione voluntatis, non sic sub aliis rationibus. Et hoc colligitur ex verbis Dionysij in 4. de diuin. nominib. vbi dicit quod bonitatem vt principium, & vt cōtinentiam, & vt finem omnia appetunt. Vt principium, à quo sunt: vt cōtinentiam, per quam saluantur: vt finem, in quem tēdunt. Vnde diuinus amor est quidam actus æternus, ex optimo, per optimum, & in optimum: ex quo colligitur quod dicit coniunctionem principij cum fine, & ideo causam actu quando vult facere, ita quod actualitas in cauſando referatur ad voluntatem, non pro instanti in quo habet voluntatem, sed in quo facere vult, sicut ergo volo cras audire missam: & voluntas faciet me cras esse in actu respectu voliti: sic suo modo est in Deo.

1. Ad illud quod quæritur, vtrum conueniat voluntati ratio causalitatis propter connotatum, vel propter rem significatam, dico quod nec propter rem significatā tantum, nec propter connotatum, sed propter rem sic significatā: quia significatur diuina essentia vt voluntas, cui modo significandi respondet veritas. Vnde sicut quando nos dicimus quod lapis assimilatur Deo inquantū ens, animal inquantum viuens, & homo inquantū intelligens: reuera essentia, intelligentia, & vita idem sunt in Deo, cum idem ipsum alio modo datur intelligi, non propter connotationem, sed propter eiusdē substantiæ infinitatem, in qua omnes nobiles proprietates sunt vnum: non tamen possunt significari nisi per diuersa.

2. Ad illud quod obiicitur, vtrum sit causa per proprietatem, aut per appropriationem, dico quod simpliciter loquendo propriissime est causa. Comparādo vero voluntatem ad scientiam, & potētiam, dicitur causa per appropriationē: & hoc, quia ipsa volūtas significat Deū vt causam actualem. Vnde in volūate primo inuenitur ratio actualitatis. Potentia enim, & scientia, etsi habeāt rationē causæ habitualis, nō tamen actualis, nisi per voluntatem. Vnde volūtas facit de scientia dispositionem: siue facit scientiam esse disponentē, & potentiam exequentem: idē enim disponit, quia vult, & sic patet illud.

3. Ad illud quod quæritur, quare voluntas dicitur causa, vtrum propter virtutem agendi, aut propter modum agendi: dico quod propter vtrumque. Deo enim velle est posse: principalius tamen ratione modi agendi: productio enim diuersi in forma, & natura ex sola liberalitate agentis spectat ad agentem per voluntatem. Quod obiicitur quod modus agentis naturalis est nobilior: verum est vbi voluntas non est omnipotens, sed

si ars posset facere omne quod vellet, non minus nobilius ageret quam natura. Potest tamen dici quod modus producendi naturalis competit personæ respectu personæ, non autem essentiæ diuinæ respectu creaturarum, quia non possunt conuenire in forma.

4. Ad illud quod obiicitur quod Deus producit simile secundum proprietates, dicendum quod natura producit simile in proprietatibus specialibus, si est agens particulare, vel si est agens vniuersale, producit necessario non ex sua liberalitate: Deus autem neutro modo.

5. Ad illud quod obiicitur quod Deus non est agens præcipiens, dicendum quod hoc verum est de præconceptione quæ præconcedit voluntatem, sed non est verum de præconceptione respectu operis. Primo modo loquitur Dionysius: ipse vero opponit secundo modo.

QUESTIO II.

An voluntas Dei sit immediata causa rerum.

*Alex. Alenf. 1. p. q. 35. Memb. 2. §. 1.
Richardus 1. Sent. dist. 45. art. 2. q. 3.
Steph. Brulef. 1. Sent. dist. 45. q. 4.
Petrus de Tarantaf. 1. Sent. dist. 45. q. 5.
Gab. Biel. 1. Sent. dist. 45. q. unica.*

VTRUM voluntas diuina sit causa prima & immediata. Et quod sic, videtur per Augustinum in 3. de Trin. Voluntas Dei est prima & summa causa omnium specierum & motionum.

ITEM omnis causa cuius actus primus & proprius est rei productio, est causa prima & immediata: sed voluntas diuina est huiusmodi, ergo, &c. Probatio media. Super illud psalmi: Iustus Dominus in omnibus viis suis. Glossa: Deo hoc est velle quod facere: quia ex eius voluntate res habent esse.

ITEM ratione videtur, quia omnis causa est prima & immediata, qua non est altera prior: sed diuina voluntas est causa qua non est altera prior, cum sit idem quod Deus: ergo voluntas est causa prima & immediata.

ITEM omnis causa est prima & immediata, quæ est in totum effectum per actionem suam: sed omne quod fit, est à Deo, & nihil poteit operari sine ipso, cum non possit inesse saluari, & Deus toti cooperatur, & in totum: ergo, &c.

ITEM omnis qui cognoscit rem certissime, & nobilissime cognoscit per causam proximam & immediatam: sed cognoscens Deum & videns cognoscit in eo res certissime & nobilissime tanquam in causis prioribus, vt dicit August. ergo in Deo est causa proxima & immediata, sed non nisi voluntas: ergo, &c.

ITEM quod Deo attribuitur, debet attribui ei in fine totius nobilitatis: si ergo ratio causalitatis conuenit ei, nobilissima causalitas debet ei attribui: sed hæc est ratio causæ primæ, & immediatæ: ergo, &c.

1. CONTRA: Vnius est vna causa immediata: ergo si Deus est causa omnium immediata, nihil habet aliā causam quam Deum: & si hoc, cessat omnis operatio, & ita potentia cessat, cessat & bonitas, & cætera sunt otiosa.

2. ITEM si diuina voluntas est omnium causa proxima & immediata: posita causa proxima & immediata, ponitur effectus: ergo cum diuina voluntas fuit ab æterno, cætera sunt æterna.

3. ITEM omne quod habet causam proximam, & immediatam, & necessariam, est demonstrabile: sed si diuina voluntas est omnium causa prima, & immediata, omnia sunt demonstrabilia.

4. ITEM cognita causa proxima & immediata non est ultra quærere: ergo scito quod Deus velit aliquid, stulte laborat qui quærīt causam aliam: sed de omni bono sic scimus Deum causam esse: ergo non est vltior quærēda: pereunt ergo & vana sunt scientiæ doctrinales, immo omnes scientiæ.

Fundam.
Cap. 4. 10.

Psal. 114.

Arist. 1.
Poster. c.
context. 6.

Ad oppo.
tum.

1. Poster.
context. 6.

2. Physic.
context. 3.
8. Metaph.
context. 12.

CONCLUSIO.

Voluntas est causa immediata rerum, cum sit causa prima, universalissima, & actualissima.

RESP. ad Arg. Ad huius intelligentiam est notandum quod cum in creaturis sit reperire causam vniuersalē, & particularem, causa vniuersalis vno modo plus influit in effectum quam particularis, alio modo minus. Quantum enim ad intimitatem, causa vniuersalis (quia agens potior est) magis influit: sed quantum ad actualitatem, & quantum ad ea quæ sunt propria rei, minus influit. Et ratio huius est, quia causa vniuersalis creata nō habet omnimodam actualitatem, nec perfectam potentiam, & ideo non potest peruenire ad formam specialem nisi per accidēs, vt per formam agentis particularis, quæ non est ab ipsa. Diuina autem voluntas est causa prima & vniuersalissima & actualissima: ideo potest in totū effectū, & in totā rei substantiā etiā sine adminiculo alterius causæ, nec aliqua causa potest aliquid vel modicū sine ipsa: & ideo necesse est quod ipsa sit causa immediata in omni actione & re. Et concedēdæ sunt rationes ad hoc.

1. AD obiecta in contrarium, intelligendum quod cū Deus sit omnium causa immediata, quorundam tamen est tota causa, sicut eorum quæ creantur. Quorundā autem est causa cum alia causa particulari, vt eorum quæ sunt à natura peculiari: & hæc quidem causa concurret non propter indigentiam diuinæ voluntatis, sed propter summam liberalitatē, quæ non tantum deuit rebus esse, sed & operationē & diffusionem. Et propter ordinem & connexionem vniuersi ad inuicem. Nec vna causa derogat alteri, sed totus effectus est à causa creata, & totus à voluntate infinita increata. Et sic patet responsio ad primum obiectum: obicit enim de causa immediata respectu alterius causæ creatæ, quia duæ causæ creatæ non sunt immediatæ in eodem genere causæ.

2. AD illud quod obicitur quod posita causa immediata &c. dicendum, quod causā poni est dupliciter, vel in esse, vel in operari. Et posita causa in esse, nō ponitur in actu nisi ponatur in operando: & sic non fuit ab æterno, sed in tempore in quo disposuit, & voluit ab æterno producere rem.

3. AD illud quod obicitur, quod omnia sunt demonstrabilia: dicendum quod verum est si causa illa sit propria, & determinata ad tales effectus.

4. AD illud quod obicitur quod non debet quæri alia causa, dicendum quod si plene cognosceretur Dei voluntas & dispositio in se, nullus vnquam desideraret scire aliam causam, ita plene cognosceretur in causis primordialibus: attamen quia diuina voluntas non cognoscitur, nec ipsa excludit in agendo operationem causæ creatæ, nec excludit etiam in cognoscendo cognitionem rationis humanæ, ideo bonum est & perutile exerceri in consideratione causarum creaturarum, vt aliquo modo semiplene veniamus in cognitionem illius causæ suæ re-mæ, quæ est finis omnis cognitionis.

ARTICVLVS III.

Consequenter quantum ad tertium articulum quæritur de voluntate diuina quantum ad rationem significandi, & circa hoc duo principaliter quærentur. Primo de de convenientia illius diuisionis diuinæ voluntatis in voluntatem beneplaciti & voluntatem signi. Secundo quæritur de numero & sufficientia signorum diuinæ voluntatis.

QUESTIO I.

An voluntas diuina conuenienter diuidatur in voluntatem signi & beneplaciti.

Alexander Alensis 1. p. q. 36. Membr. 1.

5. Thom. 1. p. q. 9. art. 9.

Et 1. Sent. dist. 45. q. 1. art. ultim.

A

Et de Verit. q. 13. art. 3.

Regid. Rom. 1. Sent. dist. 45. princ. 3. q. 1.

Richardus 1. Sent. dist. 45. art. 3. q. 1.

Marfilus Inguen. 1. Sent. q. 44. art. 2.

Steph. Brulef. 1. Sent. dist. 45. q. 5.

Petrus de Tarantasia. 1. Sent. dist. 45. q. 7.

QVod prima diuio non sit conueniens, videtur. Quia sicut voluntas est respectu rerum, ita & potentia, & scientia: sed scientia non distinguitur per scientiam veritatis, & scientiam signi, similiter nec potentia: ergo nec voluntas. Si tu dicas quod illa non habent signa. Contra: Sicut creaturæ sunt signa voluntatis, ita etiam innunt ex suo ordine scientiam, & ex sua magnitudine monstrant potentiam: ergo si signum ducit in aliud: patet.

1. ITEM si contingit diuinam voluntatem signari, aut per signa naturalia, aut per signa voluntaria. Non per naturalia: quia præceptio, & prohibitio non sunt à natura, sed à voluntate. Non per voluntaria, quia signum voluntarium est quod signat ex institutione: sed præceptio, & prohibitio non signant ex institutione voluntatem, sed ipsum quod præcipitur: ergo, &c.

2. ITEM res significat non communicat nomen suum signo. Vnde quamvis circulus sit signum vini, nō tamen est vinum: ergo quamvis præceptio & prohibitio, &c. sint signa diuinæ voluntatis, non tamen debent dici voluntates: ergo non debet diuidi voluntas in voluntatem signi, & voluntatem beneplaciti.

4. ITEM præceptio & prohibitio, & huiusmodi, aut sunt signa ratione actus, aut ratione obiecti sine connotati. Si ratione actus: sed idem est actus quod diuina voluntas & Deus, quia cum dico: Deus præcipit, dicitur de Deo, & ita prædicat diuinam essentiam: ergo secundum hoc idem esset signum sui ipsius. Aut ratione effectus, & tunc cum præceptio, & prohibitio nullum connotent effectum, nec consilium, nullum omnino erit signum, & ita nullo modo videntur signa.

SEd contra: Scriptura dicit plures esse voluntates Dei: sed constat vnā esse voluntatem beneplaciti: ergo si plures sunt, oportet quod stet pro alia voluntate quam beneplaciti: sed nulla voluntas Dei est nisi beneplaciti, vel signum illius: ergo, &c.

ITEM contingit cognoscere voluntatem Dei: sed non possumus cognoscere eam per se: necesse est ergo, quod cognoscamus per signa: sed sic nominamus secundum quod cognoscimus: ergo non tantum debemus dicere voluntatem beneplaciti esse voluntatem, sed etiam signum eius.

ITEM præceptio alicuius recte dicitur voluntas illius: ergo & præceptio Dei: sed non est voluntas causans, quia præceptio etiā si nihil facit: ergo est voluntas significans.

CONCLUSIO.

Ratio, & auctoritas compellunt nos distinguere voluntatem beneplaciti, à voluntate signi.

RESP. ad Arg. Dicendum ad hoc, quod & ratio & auctoritas compellit nos distinguere voluntatem signi, & voluntatem beneplaciti. Auctoritas quidem: quia dicit Apostolus: Hæc est voluntas Dei, sanctificatio vestra, sed illud non est dictum per essentiam: ergo vel per causam, vel per significationem: non autem per causam: ergo per significationem. ITEM ratio dicitur: quia communi vsu loquendi consueuimus præceptum nostrum voluntatem appellare. Propter hoc intelligendum, quod sicut non absurde intellectus dicitur vis intellectiva & ipsum intellectum, ita voluntas dicitur ipsa vis volendi & ipsum volitum. Et quia voluntas Dei innotescit nobis per volitum tanquam per visibile signum, & signum est quod facit in aliud venire dum offert se sensui: inde est quod voluntatem Dei diuidimus in voluntatem beneplaciti, & in voluntatem signi.

1. AD illud quod obicitur de scientia, & potentia, dicendum, quod ipsa voluntas se habet immediatius ad

res

res, & tamen sic determinate in futuris indifferentibus: A ideo indiget certis signis. Et præterea cum debeamus nos illi conformare, oportet nos illam cognoscere: sed diuina scientia est respectu omnium: similiter & potentia, & præterea neutri oportet nos conformare, ideo non sic dicitur scientia signi, vel potentia, sic ut voluntas dicitur.

2. Ad illud quod obiicitur, utrum sint signa naturalia, vel voluntaria, dicendum quod signum est ens, & est signum: potest ergo dici naturale inquantum ens, vel inquantum signum. Signa ergo voluntatis inquantum entia voluntaria sunt: quia à voluntate: sed naturalia sunt inquantum signa, quia naturaliter significant: sicut effectus naturaliter significant causam.

3. Ex hoc patet sequens: quia res non communicant signo dato: communicant tamen signo naturali, ut patet, nam vrina dicitur sana, quia est signum sanitatis: est enim signum quod causatur naturaliter: hoc tamen non est generaliter verum, nec secundum sermonis proprietatem, sed secundum tropum loquendi, sicut tangit Magister in litera: & ratio transferendi est similitudo comperta inter signum quod naturaliter signat, & signatum.

4. Ad illud quod obiicitur ratione cuius sunt signa, dicendum quod ratione actus creati per comparisonem ad obiectum: obiectum enim innotescere facit voluntatem ut est sub actu præceptionis, & prohibitionis, & huiusmodi. Vnde hoc quod præcipitur, signum est voluntatis inquantum præcipit.

QVÆSTIO II.

Quæ & quot sint signa diuinæ voluntatis.

Alexander Alensis 1. p. q. 36. Membr. 1.

S. Thom. 1. p. q. 9. art. 12.

Et 1. Sent. dist. 45. q. 1. art. 4.

Et de Verit. q. 13. art. 3.

Egid. Rom. 1. Sent. dist. 45. p. 3. q. 1.

Richardus 1. Sent. dist. 45. art. 3. q. 1.

Franciscus de Mayr. 1. Sent. dist. 45. d. 3.

Marfilus Inguen. 1. Sent. q. 44. art. 2.

Sepb. Brulef. 1. Sent. dist. 45. p. ult.

Petrus de Tarantaf. 1. Sent. dist. 45. q. 8.

DE numero, & sufficientia signorum diuinæ voluntatis. Et ponit Magister quinque signa quæ continentur in hoc versu:

Præcipit, & prohibet, permittit, consulit, implet.

Et videtur quod debeat ponere pauciora, quoniam signum, & signatum dicuntur correlatiue, & si vnum oppositorum dicitur multipliciter, & reliquum. Et si vnum non dicitur multipliciter, nec reliquum per artem Topicorum: sed voluntas Dei est vna, & vno modo se habens: ergo vnum debet habere signum.

2. ITEM aut signa hæc distinguuntur ratione modi significandi, aut ratione rei significatæ. Si ratione rei significatæ: ergo tot debent esse signa quod res, quia omnis res signum est diuinæ voluntatis tanquam causæ. Si ratione modi significandi: sed eodem modo signant diuinam voluntatem præceptio & prohibitio: ergo sunt vnum signum.

3. ITEM voluntas Dei sicut infra patebit, non est respectu mali: ergo nullum signum eius debet accipi per comparisonem ad malum: cum ergo permissio, & prohibitio sint respectu mali, non sunt signa voluntatis diuinæ.

CONTRA: Quod sint plura videtur, quia cuilibet bono respondet malum ex opposito: immo vni bono plura mala: ergo tot, vel plura signa debent accipi à parte mali sicut ex parte boni: cum igitur ex parte boni sint tria: patet, &c.

5. ITEM sicut impletioni respondet permissio, ita & prohibitio: immo multo fortius, & & magis ex opposito: ergo videtur quod plura sint signa.

6. ITEM sicut præceptioni opponitur prohibitio: ita consilio dissuasio: ergo videtur quod sint plura.

CONCLUSIO.

Voluntatis diuinæ signa sufficienter enumerantur in impletionem, prohibitionem, permissionem, præceptum, & consilium.

RESP. Ad Arg. Dicendum quod numerus signorum vno modo consuevit accipi sic. Voluntas enim diuina, proprie loquendo, est præsentium, & futurorum: præteritorum autem alio modo non est quam præsentium. Secundum hoc notandum quod si est respectu præsentis, aut illud est bonum, & sic impletio: aut malum, & sic permissio. Si respectu futuri, hoc est tripliciter. Aut est malum, & sic prohibitio. Aut bonum necessarium, & sic præceptio, aut bonum supererogationis, & sic consilium: bonum autem supererogationis non habet malum oppositum: ideo nec consilium habet signum oppositum. Alio modo possunt distinguere sic: Voluntas diuina, sicut infra patebit, aut vult simpliciter, aut vult conditionaliter siue quantum in se: & utroque modo contingit eam signari. Voluntas ergo absoluta potest ad aliquid comparari, aut per modum complacentiæ, aut per modum displicentiæ. Si per modum displicentiæ, illud nullo modo fit: & ita hanc non contingit significari, nec sciri aliquo signo exteriori. Si per modum complacentiæ, aut quia placet illud quod fit, & sic impletio. Aut quia placet aliud ex illo, & sic permissio: & sic habemus duo signa. Potest iterum significari diuina voluntas, ut antecedens, siue conditionalis, & hoc dupliciter. Aut per modum complacentiæ, ita quod oppositum displicet, & sic præceptio. Aut per modum displicentiæ, & sic prohibitio. Aut per modum complacentiæ, ita tamen quod oppositum non displicet, & sic consilium. Per modum vero displicentiæ, ita quod oppositum non placet, non est possibile reperiri: & secundum hoc patet numerus, & sufficientia, & solutio obiectorum.

1. QVOD enim obiicitur quod voluntas beneplaciti non est multiplex, dicendum quod hoc verum est quantum ad substantiam, tamen quantum ad connotata multiplex est, ut visum est: voluntas enim absoluta connotat naturalem ordinationem rei ad euentum, sicut omnium ad salutem.

2. AD illud quod quæritur, utrum distinguantur ratione modi significandi, &c. dicendum quod ratione modi significandi. Est enim aliquis modus significandi voluntatem, ut detestantem; quod facit prohibitio: alius modus ut approbantem quod facit præceptio.

3. AD illud quod obiicitur quod voluntas non est respectu mali, dicendum quod per modum approbantis non est respectu mali, sed ex malo elicit: per modum vero detestantis, est respectu mali in se.

4. AD illud quod obiicitur quod cuilibet bono respondet malum ex opposito, dicendum quod verum est: sed tamen bono supererogationis potest opponi malum, & non malum: inquantum supererogationis opponitur minus bonum: inquantum autem bonum opponitur malum, sed non aliud quam illud quod opponitur bono præcepti: & ideo cadit sub prohibitione.

5. AD illud quod obiicitur de cohibitione, dicendum quod illa impedit effectum, & propter hoc priuat rationem significandi, ut visum est.

6. AD illud quod obiicitur quod consilio opponitur dissuasio, dicendum quod sicut opinio est vna contrariorum, quia est acceptio vnius partis cum formidine alterius: sic consilium, quia non accipit alteram partem determinate, quia comprehendit suasionem & dissuasionem. Nam qui suadet, consulit: & qui dissuadet similiter aliquid consulit.

DISTINCT. XLVI.

Illi Sententiæ, qua dictum est, Dei voluntatem non posse cassari, quæ ipse est, quædam videntur obuiare: & ea soluit, ostenditque mala à Deo non esse.



HIC oritur questio. Dictum est enim in superioribus, & auctoritatibus communium, quod voluntas Dei qua ipse est, qua beneplacitum eius vocatur, cassari non potest, quia illa voluntate fecit quacunque voluit in cælo, & in terra: cui teste Apostola, nihil resistit. Quæritur ergo quomodo accipiendum sit quod Apostolus de Domino ait: Qui vult omnes homines saluos fieri: Cum enim non omnes salui fiant, sed plures damnentur: videtur utique non fieri quod Deus vult fieri, humana scilicet voluntate impediende voluntatem Dei, Dominus quoque in Evangelio impiam civitatem compellās: Quoties, inquit, volui congregare filios tuos, sicut gallina congregat pullos suos sub alas, & noluiisti: Ita etiam hæc dicuntur tanquam Dei voluntas superata sit hominum voluntate: & infirmis volendo impediētibz non potuerit facere potentissimus quod volebat. Vbi est ergo illa omnipotentia, qua in cælo & in terra, secundum Prophetam: Omnia quacunque voluit fecit? Et quo modo voluntati eius secundum Apostolum nihil resistit, si colligere filios Hierusalem voluit, & non fecit? Hæc enim prædictis plurimum obuiare videntur.

Solutio, quo modo intelligendum sit illud: Volui congregare, & noluiisti.

Sed audiamus solutionem: ac primum quo modo accipiendum sit illud quod Dominus ait, videamus: Non enim ex eo sensu illud dictum est, ut ait Aug. in Ench. Prædictam questionem solvens, quasi Dominus voluerit congregare filios Hierusalem: & non sit factum quod voluit, quia ipse noluerit, sed potius ipsa quidam filios suos ab ipso colligi noluit, qua tamē nolente filios eius colligit ipse omnes quos voluit: quia in cælo, & in terra non quadam voluit: & fecit, quadam vero voluit, & non fecit, sed omnia quacunque voluit fecit: ut sit sensus. Quoties volui congregare filios tuos & noluiisti: id est, quotquot congregavi mea voluntate semper efficaci, te nolente feci. Ecce in euidenti positum est, quod illa Domini verba superioribus non repugnant.

Quo modo intelligendum sit illud: Qui vult omnes homines saluos fieri.

Nunc videre restat, quo modo etiam præmissa verba Apostoli prædictis non contradicant, qui de Deo loquens ait: Vult omnes homines saluos fieri. Quorum occasione verborum multi à veritate deuiauerunt, dicentes Deum multa velle fieri qua non sunt: Sed non est intelligendum ea ratione illud esse dictum, quasi Deus velit aliquos saluari, & non saluentur. Quis enim tam impie desipiat, ut dicat Deum malas hominum voluntates quas voluerit, & quando voluerit, & ubi voluerit in bonum non posse conuvertere? Non est utique verum quod in Psalmo dicitur: Quacunque voluit fecit: si aliqua voluit & non fecit: & quod est indignus: ideo non fecit: quoniam ne fieret quod volebat omnipotens, voluntas hominis impediuit. Ideoque cum audimus, & in sacris literis legimus, quod velit omnes homines saluos fieri (quamvis certum sit no-

A bis non omnes homines (saluos fieri) non tamen ideo debemus omnipotentissima Dei voluntati aliquid derogare, sed ita intelligere quod scriptum est: Vult omnes homines saluos fieri, tanquam si diceretur, nullum hominem fieri saluum, nisi quem saluum fieri ipse voluerit, non quod nullus sit hominū, nisi quem saluum fieri velit, sed quod nullus fiat saluus, nisi quē velit saluari, & ideo rogandus est, ut velit, quia necesse est fieri, si voluerit. Non est enim credendus omnipotens aliquid voluisse fieri, quod factum non sit. Si etiam intelligitur illud: Illuminat omnem hominem venientem in hunc mundum, non quia nullus hominum est qui non illuminetur, sed quia nisi ab ipso nullus illuminatur. **B** Potest & alio modo illud intelligi, dum tamen credere non cogamur omnipotentem aliquid fieri voluisse, factumque non esse, qui sine ullis ambiguitatibus, in cælo, & in terra, sicut veritas cantat, omnia quacunque voluit fecit: profecto facere non voluit quacunque non fecit? Ex his aperte ostenditur quod Deus ea voluntate qua ipse est, non vult aliquid fieri quod non fiat, neque non fieri quod fiat.

Vtrum mala Dei voluntate fiant, an eo nolente.

Ideoque cum constet omnia bona qua sunt, eius fieri voluntate, qua si fieri nollet, nullatenus fierent: recte quæri solet: Vtrum & mala omnia qua fiunt, id est, peccata, Dei sunt voluntate, an nolente eo fiant. Super hoc diuersi varia sentientes sibi contradicere inueniuntur. Alij enim dicunt quod Deus vult mala esse, vel fieri, non tamen vult mala. Alij vero quod nec vult mala esse, nec fieri. In hoc tamen conueniunt, & hi, & illi, quod utique fatentur Deum mala non velle. Vtrique vero rationibus & auctoritatibus innituntur ad muniendam suam assertionem.

Quare dicunt quidam Deum velle mala esse vel fieri.

Qui enim dicunt Deum mala velle esse, vel fieri, suam his modis muniunt intentionem. Si enim inquirunt, mala non esse vel non fieri vellet, nullo modo essent vel fierent: quia si vult ea non esse, vel non fieri, & non potest id efficere, scilicet ut non sint, vel non fiant, voluntati eius & potentia aliquid resistit, & non est omnipotens, quia non potest quod vult, sed impotens est, sicuti & nos sumus, qui quod volumus quandoque non valeamus. Sed quia omnipotens est, & in nullo impotens, certum est non posse fieri mala, vel esse nisi eo volente. Quo modo enim inuito eo, & nolente posset ab aliquo malum fieri, cum scriptum sit: Voluntati eius quis resistit? Supra etiam dicit Augustinus, quia necesse est fieri si voluerit. Sed vult mala fieri, aut non fieri. Si vult non fieri, non sunt: sunt autem: vult ergo fieri. Item bonum est mala esse vel fieri: alioquin summe bonus non permetteret ea fieri. Vnde Augustinus in Enchir. Quamvis ea, inquit, qua mala sunt, in quantum mala sunt, non sunt bona, tamen ut non solum bona, sed etiam sint & mala, bonum est. Nam nisi esset hoc bonum ut essent & mala, nullo modo esse sinerentur ab omnipotenti bono, cui proculdubio quam facile est quod vult facere, tam facile est quod non vult esse, non sinere. Hæc nisi credamus, periclitatur nostra confessio, qua nos in Patrem omnipotentem credere cōitemur. Ecce hic aperte habes, quod bonum est mala esse, omnis autem boni Deus auctor est, qui vult omne bonum esse quod est. Cum ergo bonum sit mala

fieri

Dist. 45.

Psalm. 113.
Rom. 9. d
1. Tim. 2. b
Mat. 23. d
Ex Aug. in
Ench. c. 97.

Psalm. 113.
Rom. 9. d

Cap. 97.

Psalm. 113.

1. Tim. 2. b
Dist. præc.
Ex Aug. in
Ench. c. 95.
& 98.
Psalm. 113. b

In Enchir.
cap. 105.

Ioan. 1. a

Rom. 9.
In Ench.
c. 103. d

Cap. 9

fieri, vel esse, ergo & mala vult fieri, vel esse. His atque aliis huiusmodi rationibus, & auctoritatibus utuntur, qui dicunt Deum velle mala esse, vel fieri.

Hic ponit rationes illorum, qui dicunt Dei voluntate non fieri mala, vel non esse.

Illi vero qui dicunt Dei voluntate mala non fieri, vel non esse, inductionibus pramissis ita respondent: dicentes Deum, nec velle mala fieri, nec velle non fieri vel nolle fieri: sed tantum non velle fieri. Si enim vellet fieri, vel esse, faceret utique ea fieri, vel esse: & ita esset auctor malorum, non est autem auctor malorum, ut sanctorum protestantur auctoritates, non ergo eius voluntate fiunt mala. Itē, si nollet mala fieri, vel vellet non fieri, & tamen fierent, omnipotens non esset: cum eius voluntas humana voluntatis effectu impediretur. Ideoque non concedunt Deum velle mala fieri, ne malorum auctor intelligatur: nec cōcedunt eum velle mala non fieri, vel nolle fieri, ne impotens esse videatur: sed tantum dicunt eum non velle mala fieri, ut non auctor, sed permissor malorum monstretur: Vnde & Euangelista ubi ostendit Deum auctorem esse omnium bonorum dicens: Omnia per ipsum facta sunt, consequenter malorum auctorem esse negat, dicens: Et sine ipso factum est nihil, id est peccatum. Non dixit per eum factum esse, vel nolente, & inuito: sed tantum sine eo, id est sine eius voluntate, quia non eius voluntate fit peccatum. Non ergo Deo volente, vel nolente: sed non volente fiunt mala: quia non subest Dei voluntati, ut malum fiat, vel non fiat: sed ut fieri sinat, quia bonum est sinere mala fieri, & utique volens finit non volens mala: sed volens sinere finit, ut ipsa fiant, quia nec mala: sunt bona, nec ea fieri vel esse, bonum est.

Quomodo intelligendum sit illud Augustini, mala fieri bonum est.

Quod vero Augustinus ait: Mala fieri bonum est, nec sinerentur mala ab omnipotenti bona fieri, nisi hoc esset bonum, ut ea essent: ea ratione dictum esse asserunt: quia ex malis qua fiunt, Deus bona elicit: nec ipse permetteret ea fieri, nisi de eis boni aliquid faceret. Vnde Aug. in eodem lib. Enchir. aperte indicans praedictorum verborum esse talem intelligentiam ait: Deus omnipotens, cui rerum est summa potestas, cum summe bonus sit, nullo modo sineret aliquid mali esse in operibus suis, nisi usque adeo esset omnipotens, & bonus, ut benefaceret etiam de malo. Item in eodem: Melius iudicauit Deus de malis bona facere, quam mala nulla permittere. Ex hoc itaque sensu dictum est ac verum est, bonum est mala fieri: quia ex malis qua fiunt bonis, (qui secundum propositum vocati sunt Sancti) accidit bonitas, id est, utilitas. Talibus enim (ut ait Apostolus) in bonam cooperantur omnia, etiam mala, quia eis profunt, qua aliis facientibus obsunt. Vnde etiam aliquando in Scriptura legitur malum appellari bonum, ut Hieronymus super Marcum. Malum, inquit, Iuda bonum fuit, scilicet nobis: Nec si bonum est illi vel illi: inde sequitur quod simpliciter bonum sit. Proprie enim ac simpliciter bonum est, quod in se, & facienti bonum est.

Quadripartita boni acceptio.

Est enim aliquid quod in se bonum est, & cui fit, sed non est bonum facienti, ut cum subuenitur pauperi, sed non propter Deum. Et est aliquid bonum in se, & facienti, sed non ei cui fit: ut cum veritas propter Deum alicui non obediens praedicatur Et est aliquid in se, &

A facienti, & ei cui fit bonum: ut cum veritas praedicatur propter Deum credēti. Vnde Apostolus: Bonus odor sumus Deo, aliis odor vitae, aliis odor mortis. Est autem aliud, quod nec in bonum est, & facienti nocet, & damnat, nisi peniteat, ut malum: valet tamen ad aliquid. Ut enim ait Augustinus in Enchirid. A summe, & aequaliter & immutabiliter bona Trinitate, creata sunt omnia, nec summe, nec aequaliter, nec immutabiliter bona: sed tamen bona etiam singula. Simul vero vniuersa valde bona quia ex omnibus consistit vniuersitatis admirabilis pulchritudo. In qua etiam illud quod malum dicitur bene ordinatum, & loco suo positum, eminentius commendat bona, ut magis placeant, & laudabiliora sint, dum comparantur malis.

Quod mala vniuersitati valent, & facientibus sua propria, vel patientibus aliena profant, electis tamen.

Hinc patet quod ex malis qua fiunt, aliquod prouenit bonum, dum bona magis placent, & laudabiliora existunt. Ipsi etiam facientibus ex malis qua faciunt, interdum bona proueniunt, si secundum propositum vocati sunt Sancti. Talibus enim, ut ait Augustinus in lib. de correctione, & gratia, usque adeo Deus omnia cooperatur in bonum, ut si qui horum deuiant, & exorbitant, etiam hoc ipsum eis faciat proficere in bonum, quia humiliores redeunt, atque doctiores, ut Petrus. Illa etiam mala qua ab iniquis fideles pie perferunt, ut ait Augustinus in lib. de Trin. Ipsi utique profunt, vel ad delenda peccata, vel ad exercendam probandamque iustitiam, vel ad demonstrandam huius vitae miseriam. Ideoque & Iob Dei manum, & Apostolus Satana stimulum sensit: & uterque bene profecit, quia malum bene portauit.

Ex praedictis concludit ostendens esse bonum, fieri mala, multis modis.

Si quis igitur diligenter attendat qua scripta sunt, facile est ei percipere, ex malis bona prouenire, & ex ea ratione dictum esse, quod bonum est mala fieri vel esse, non quia malum sit bonum, vel quia bonum sit malum fieri. Non est enim bonum malum fieri ab aliquo, quia non est bonum ut aliquis faciat malum. Si enim hoc esset bonum, profecto huius Deus auctor esset, qui est auctor omnis boni. Quod si huius Deus auctor est, eo ergo auctore homo agit mala, & ita eo auctore homo fit deterior. Et si eo auctore homo fit deterior, tunc eo volente homo fit deterior. Idem est enim dicere aliquid fieri Deo auctore, quod Deo volente: Deo autem auctore homo non fit deterior: ergo non Deo volente, ut Aug. in 83. quaest. aperte astruit à minori dicens ita: Nullo sapiente homine auctore fit homo deterior: tanta enim est ista culpa qua in sapientem hominem cadere nequit. Est autem Deus omni homine sapiente praestantior: multo minus ergo Deo auctore fit homo deterior. Multo enim est praestantior Dei voluntas, quam hominis sapientia. Illo autem auctore cum dicitur, illo volente dicitur. Ergo est vitium voluntatis humana quo est homo deterior. Quod vitium si longe abest à Dei voluntate, ut ratio docet, à quo fit, quarendum est. Ecce aperte dicit Augustinus Deo auctore vel volente hominem non fieri deteriore, sed vitio voluntatis suae: Non est ergo Deo auctore, quod malum sit ab aliquo: & ita Deo volente mala non fiunt.

Quod

2. Cor. 2. d

Cap. 10. 10. 3
Vide lib. 1.
contra Ma-
nicha. c. 21.
tom. 1.

Ench. c. 11.

Rom. 8.

Cap. 9. ad fi.
tom. 7.

Luc. 22. 8

Aug. 13. cap.
16. tom. 3.

Iob. 19. a
2. Cor. 12. 6

Quaest. 3.
10. 4.

Quod in Deo non est causa ut sit homo deterior. A

Partem questionis approbat illorum qui dicunt
Deum non velle mala fieri.

Deinde idem Aug. quarens quæ sit causa ut homo sit deterior, in Deo eam non esse asserit, in eodem lib. dicens: Ut sit homo deterior, aut in ipso causa est, aut in alio, aut in nihilo. Si in nihilo nulla causa est: si in alio, aut in Deo, aut in alio quolibet homine, aut in eo quod neque Deus, neque homo sit: sed non in Deo, (bonorum enim Deus tantum causa est) si ergo in homine est, aut vi aut suasionem, sed neutro modo est: neque etiam in eo est, quod neque Deus neque homo sit: & ex his aperte ostenditur quod non est bonum ut sit homo deterior: quia non est Deus eius rei causa, qui tantum causa bonorum est. Et si non est bonum ut homo fiat deterior, non est ergo bonum ut ab eo fiat malum, non ergo vult Deus ut ab eo fiat malum.

Hac igitur & alia huiusmodi inania relinquentes, præmissa questionis parti saniori fauentes, quæ Sanctorum testimoniis plenius approbatur, dicamus Deum non velle mala fieri, nec tamen velle non fieri, neque nolle fieri. Omne ergo quod vult fieri, fit, & omne quod vult non fieri, non fit. Fiunt autem multa quæ non vult fieri, ut omnia mala.

DISTINCT. XLVI.

De impletionem Voluntatis Dei qualiter impleatur.

Hic oritur questio: dictum est enim in superioribus.

Expositio Textus.

Ecce est secunda pars huius totalis tractatus de voluntate, in qua Magister agit de diuinæ voluntatis impletionem. Et habet hæc pars duas partes: In prima, supposito ex præcedentibus quod voluntas beneplaciti semper impleatur, hic remouet dubitationes quæ ex hac suppositione oriuntur. In secunda explicat veritatem, infra dist. proximi. *Voluntas quippe Dei semper efficax est.* Prima pars habet duas partes. In prima Magister mouet dubitationem per comparisonem ad bona. In secunda per comparisonem ad mala, ibi: *Ideoque cum constet omnia bona quæ fiunt.* Prima pars habet duas partes. In prima Magister obiicit. In secunda soluit, ibi: *Sed audiamus solutionem.* Similiter secunda pars in qua Magister inquit utrum voluntas Dei impleatur respectu malorum, habet duas partes. In prima Magister opponit ad partem falsam. In secunda opponit ad partem veram, ibi: *Si quis ergo diligenter attendat.* &c. Prima pars habet duas. In prima adducit rationes ad defensionem falsæ opinionis. In secunda parte ponit solutiones quas assignant illi qui sunt contrariæ positionis, & hoc, ibi: *Illi vero qui dicunt Dei voluntate, mala non fieri.* Et vtrique partium duas habet: nam in opponendo duas inducit obiectiones, quarum vna rationi innuitur, alia auctoritati: & secundum hoc pars in qua soluit, diuiditur: quia opponuntur ibi duæ rationes iuxta duas obiectiones. Similiter illa pars in qua conatur Magister ad veram partem astruendam, habet duas. In prima inducit responsiones veras. In secunda dissoluit quandam rationem sophisticam, & hoc, ibi: *Iam sufficienter ostensum est,* &c. Prima pars habet tres partes secundum tres rationes quas inducit. Prima sumpta est ab hoc: quia idem est Deo fieri auctore, & Deo volente, & ponitur, ibi: *Si quis igitur diligenter,* &c. Secunda sumpta est ab hoc quod eadem est causa qua malum sit, & homo sit deterior, & ponitur, ibi: *Deinde idem August. quarens,* &c. Tertia sumpta est ad hoc quod malum facit tendere ad non esse, & ponitur ibi: *Item etiam aliter ostenditur quod Deo auctore,* &c. Similiter secunda pars in qua dissoluit rationem sophisticam, tres habet. In prima ponit illam, ibi: *Iam sufficienter ostensum est,* &c. In secunda dissoluit ibi: *Quibus facile est nobis respondere.* In tertia redit ad veritatis assertionem dicens, hanc partem esse veram, quod Deus non vult mala fieri, ibi: *Hac igitur & alia huiusmodi,* &c.

Nisi usque adeo Deus esset omnipotens, & bonus, ut beneficeret etiam de malo. Dub. I.

Videtur indebito modo loqui, quia malitia est priuatio: ergo non est materia boni. Si dicas quod accipitur ratione substrati, scilicet de malo, id est, de illo qui est malus facit bonum. Contra: Hoc nihil est aliud quam malum destruere: ex hoc ergo non habetur quod Deus habeat mala finire, cum eius sit facta destruere.

Disiunctio.

Aliter probat quod Deo auctore non fiunt mala.

Item aliter etiam ostenditur quod Deo auctore, id est, volente non fiunt mala: quia ipse non est causa tendendi ad non esse. Tendere enim ad non esse, malum est. Ipse autem auctor mali non est: tendit vero ad non esse qui operatur malum: non ergo Deo auctore est, quod aliquis operatur malum, quia tantum boni Deus auctor est. Hoc autem Aug. in eodem lib. aperte explicat ita dicens: Qui omnium quæ sunt auctor est, & ad cuius bonitatem id pertinet ut sit omne quod est, boni tantummodo causa est. Quocirca mali auctor non est, & ideo ipse summum bonum est, à quo in nullo deficere bonum est, & malum est deficere. Non est ergo causa deficiendi, id est, tendendi ad non esse, qui (ut ita dicam) essendi causa est, quia omnium quæ sunt auctor est, quæ in quantum sunt, bona sunt. Ecce aperte habes quod deficere à Deo, qui summum est bonum, malum est, mala ergo facere malum est: non ergo Deo auctore vel volente mala fiunt.

Obiectio quorundam sophistica, qua probare nituntur ex Deo esse quod mala fiant.

Iam sufficienter ostensum est, quod Deo auctore non fiunt mala. Quidam tamen sophistice incedentes, & ideo Deo odibiles, probare conantur ex Deo auctore esse quod mala fiunt, hoc modo. Quod mala fiunt, verum est, omne autem verum quod est, à veritate est quæ Deus est: à Deo ergo est quod mala fiunt. Quod autem omne verum à Deo sit, confirmant auctoritate Aug. in lib. 83. quæst. ita dicentis: Omne verum à veritate verum est, est autem veritas Deus, Deum ergo habet auctorem omne verum. Est autem verum quod mala fiunt vel sunt: Deo ergo auctore est quod sunt vel fiunt mala.

Responsio, vbi concedit omne verum esse à Deo, & sophisma aperit.

Quibus facile est nobis respondere, sed indignum responsione videtur quod dicunt. Omne namque verum à Deo est, ut ait Augustinus, cui consonat Ambrosius, qui tractans illud verbum Apostoli: Nemo potest dicere: Dominus Iesus, nisi in Spiritu sancto, dicit quod omne verum à quocunque dicitur, à Spiritu sancto est. Cum itaque verum sit quod mala fiunt, hoc verum quod dicitur illa locutione, scilicet mala fiunt, à Deo est: sed non inde sequitur quod à Deo sit, ut mala fiant. Si enim hoc diceretur: aut hor malorum Deus esse intelligeretur. Quod ex simili manifeste falsum ostenditur, Deus prohibet furtum fieri, sed furtum fieri verum est, ergo prohibet verum. Non sequitur.

Quæst. 4.
tom. 4.

Quæst. 2.
verba multum
inuersa &
aliter con-
texta in Au-
gust.

Eccl. 37.0

Quæst. 10.
Ioh. 14.0

In prolog.
lib. de Doctr.
Christ. 10.4.
in explana-
tione. 1. Co-
rinth. 12.0

RESP.

RESP. Dicendum quod, *de*, non est ibi causale nec A materiale, sed occasionale, quasi dicat de malo facit bonum, occasione sumpta à malo: ipse autem obicit ac si hoc quod est, *de*, teneretur causaliter, sine materialiter.

Quod malum dicitur bene ordinatum, & loco suo positum, &c. Dub. II.

Videtur male loqui, quia quod non est, non est locari. Si tu dicas quod habet locum ratione substrati. Contra: Locus debitus & conueniens naturæ rationali est gloria: ergo malum locatur in gloria.

RESP. Dicendum quod cum dico infernum, sine locum pœnalem, duo dico, & partem vniuersi, & vilitatem: in quantum locus est, debetur naturæ substratæ: sed in quantum vilis est, debetur deformitati culpæ, & ita malum locum & vilem: sed locum ratione substrati, vilem vero ratione deformitatis.

Si qui horum deniant & exorbitant, etiam hoc ipsum faciat eis proficere in bonum. Dub. III.

Si hoc: ergo videtur quod mala proficiant sine cooperentur. Contra: Mali est bonum corrumpere: ergo nullo modo est in bonum cooperari, sine proficere.

RESP. Dicendum quod proficere, siue cooperari in bonum aliquid alicui potest esse tripliciter, sc. adiuuando, vt gratia cooperatur libero arbitrio vel econuerso: Vel excitando, vt paupertas & miseria quæ excitant ad amorē Dei, siue pungunt & impellunt sicut dicit Greg. Vel etiam obliuendo, sicut aqua calida fortius congelatur, quia dum resistit, vigoratur actio contrarij, & sic malum dicitur cooperari: vel quia facit hominem ad bonum magis excitari: vel magis, quia dum obliuiscitur, & homo præualeat, vigoratur virtus gratiæ & feruescit.

Augustinus in lib. 8. aperte astruit à minori. Dub. IV.

Videtur falsum dicere, quia locus à minori non est destructiuus, sed positiuus: sed illud argumentum est destructiuum: Sapiens non potest facere hominem deterius: ergo nec Deus ergo non est à minori.

RESP. Dicendum quod reuera locus iste non est à minori, propriè loquendo, sed à maiori; quia non dicitur ibi minus vel minor, sed illud quod minus videtur inesse: magis autem videtur quod homo possit facere malum quam Deus: sed sapiens homo non potest, ergo nec Deus: & ita est à maiori locus. Nihilominus potest dici quod est à minori: sed reducitur ad rationem affirmatiuam, sic: Minus videtur, quod impossibilitas faciendi malum in sit homini quam Deo: sed sapiens manens sapiens, est impotens ad faciendum aliquem deterius: ergo multo fortius Deus.

Culpa qua in sapientem hominem cadere, &c. Dub. V.

Videtur hoc falsum, quia sicut se habet sapientia ad ignorantiam, ita virtus ad culpam: ergo permutatim, sicut virtus ad ignorantiam, ita sapientia ad culpam: sed virtus simul stat cum ignorantia ergo sapientia simul stat cum culpa.

RESP. Dicendum quod sapientia vno modo dicit cognitionem veram. Alio modo cognitionem veram, & nobilissimam; quia per causas altissimas. Tertio modo dicit cognitionem veram, nobilem & sapidam. Quarto modo sapientia non dicit aliam cognitionem quam religionem diuinam, siue cultum, secundum quod dicitur quod + pietas ipsa est sapientia, siue theosebia, & hæc consistit, vt dicit August. in fide, spe, & charitate, & hoc modo claudit in se virtutem, & ita opponitur culpæ, & sic patet responsio.

Deus non est causa tendendi ad non esse.

Dub. VI.

Videtur falsum dicere: quia in Canon. Deuteronomio, dicitur: Ego occidam, & ego viuere faciam: percutiam & ego sanabo: ergo videtur cum mors sit corruptio tendendi ad non esse, quod Deus sit huius causa.

RESP. Dicendum quod non esse non appellatur hic per priuationem qualiscunque esse, sed illius quod diffinit Boët. dicens: Esse, est quod ordinem retinet, seruaturque naturam: & ad illud Deus non deducit, ipse autem obicit de esse naturali. Vel potest dici quod loquitur hic secundum naturæ institutionem, secundum quam dicitur: Deus mortem non fecit. Quod autem dicitur, quod ipse occidit, hoc est secundum punitionem iustitiæ, hoc tamen in secundo melius dicitur.

Tendere enim ad non esse, malum est. Dub. VII.

Videtur male dicere, quia si tendit ad non esse, aut hoc dicitur quantum ad esse naturæ, aut gratiæ. Si naturæ: ergo malum corrumpit naturam, quod est contra Dionys. qui dicit quod malum nihil corrumpit ex habentium in eo quod essentia vel natura. Si autem intelligatur quantum ad gratiæ, hoc similiter falsum videtur, quia post primam culpam non remanet esse gratuitum secundum aliquid sui, quia totaliter per mortale expellitur gratia: ergo non tendit ad non esse, sed etiam est in termino.

RESP. Dicendum quod in homine iusto & bono est tria considerare, esse naturæ, & ordinabilitatem, & gratiam, quæ communi nomine diciturabilitas: & ordinem gratiæ, siue gratiæ ordinationem: Malum ergo, per se loquendo, corrumpit ipsam ordinabilitatem, & ex hoc elongat à gratia, & facit tendere ad non esse: & quiaabilitas nunquam omnino tollitur, salua natura, & natura non corrumpitur, semper malum facit tendere ad non esse, ita quod nunquam est in termino.

Verum à quocunque dicatur à Spiritu sancto est.

Dub. VIII.

Videtur male dicere: quia si hoc est verum: ergo cum detractor detrahendo dicat verum, videtur quod dicat à Spiritu sancto. Similiter diabolus multa vera dicit. Similiter de verbo illo obicitur: Nemo dicit Dominus Iesus nisi in Spiritu sancto. Multi enim peccatores hoc dicunt tota die. Item: Veritas appropriatur Filio: ergo magis deberet dicere Ambr. quod omne verum est à Filio.

RESP. Dicendum quod aliquid dicitur à Spiritu sancto illustrante intellectum, & mouente affectum, & illud est verum & bonum. Et aliquid dicitur verum ex charitate à Spiritu sancto mouente affectum, sed non illuminante intellectum, sicut dicit Apostolus se iturum ad Hispanos: falsum enim dixit, sed tamen in dicendo meruit, quia charitas mouebat eum velle hoc & dicere. Aliquid est dictum à Spiritu sancto illustrante intellectum: sed non reificante affectum: & illud potest esse malum, & tamen verum est dicere: ergo perfectum vtrumque includit, & sic dicitur à Spiritu sancto & in Spiritu sancto: & ita intelligit Apostolus. Ambr. autem largius dicit. Et sic patet illud quod obicitur, quod veritas appropriatur Filio: respondetur quod Spiritui sancto appropriatur interpretatio. Vel dicendum quod hoc non dicitur tanquam appropriatum, vel sicut appropriatum, hoc est, ratione doni.

ARTICVLVS I.

AD euentiam eorum quæ determinat Magister in præsentī distinctione sex querantur. Primo queritur vtrum Deus velit omnes homines saluos fieri voluntate beneplaciti. Secundo queritur vtrum Deus velit mala fieri. Tertio vtrum mala fieri sit bonum. Quarto vtrum mala fieri sit verum. Quinto vtrum mala ordinentur à Deo. Sexto & vltimo vtrum mala augeant decorem in vniuerso.

QVÆSTIO I.

An Deus velit omnes homines saluos fieri voluntate beneplaciti.

Alex. Alensis 1. p. q. 36. Membr. 2.

S. Thom. 1. p. q. 23. art. 3.

Et 1. Sent. dist. 40. q. 4. art. 1. & 2.

Scot. 1. Sent. dist. 46. q. unica.

Egid. Rom. 1. Sent. dist. 46. q. 1.

Richardus 1. Sent. dist. 46. q. 1.

Marfil. Inguen. 1. Sent. q. 45. art. 1.

S. cph. Brulef. 1. Sent. dist. 46. q. 1.

Petrus de Tarantaf. 1. Sent. dist. 46. q. 1.

Ad opposi-
tum.
1. Tim. 2. b.

*D. m. lib. 1.
cap. penult.*

*Arist. 12.
Met. contex.
52.*

Rationes
etiam sol-
uendæ.

Mat. 22. b.

QUOD Deus velit omnes homines saluos fieri voluntate beneplaciti, ostenditur sic: Vult omnes homines saluos fieri: sed constat quod hoc non est dictum de voluntate signi, quia nec præcepti, nec impletionis, nec alicuius alterius: hoc enim non cadit sub præcepto: ergo constat esse dictum de voluntate beneplaciti.

1. ITEM Dam. Oportet sciri, quoniam Deus vult antecederet omnes homines saluos fieri, & regni sui potiri fortuna, non enim ad puniendum plasmauit nos Deus: ergo cum voluntas antecedens sit voluntas beneplaciti quæ est bonorum quæ sunt bona irrefragabiliter, vult voluntate beneplaciti, vult ergo omnes homines saluos fieri, siue saluari.

3. ITEM omne habens charitatem vult omnes homines saluos fieri quantumcumque modicam habeat dilectionem & charitatem. Cum ergo Deus summam habeat dilectionem & charitatem, videtur quod ipse velit omnes homines saluos fieri.

4. ITEM sicut vult Philosophus, primum ens scilicet Deus vno modo se habet ad omnia siue ad omnes: ergo quantum est de se, omnes vniiformiter diligit: ergo si vult aliquos saluari, & omnes: vel si de aliquibus non vult, pari ratione de nullis.

CONTRA hoc primo est instantia quam adducit Magister, in litera. Si vult omnes homines saluari, & de omnibus plures damnatur quā saluantur: ergo voluntas eius frustratur & cassatur, quod est contra veritatem aperte.

ITEM omnes quos vult Deus saluari eligit ad salutem: electio enim Dei non dicit aliud quam dilectionem ad saluandum: ergo si omnes vult saluos fieri, omnes sunt electi. Contra: Multi sunt vocati, pauci vero electi.

ITEM in prædestinatione non sunt nisi duo, sc. præcognitio & voluntas saluandi, ratione cuius Deus dicitur prædestinare. Dum enim proponit dare gratiam, & gloriam præparare, prædestinare dicitur: ergo cum præcognitio Dei omnibus sit communis, si voluntas salutis est respectu omnium, ergo omnes sunt prædestinati: sed omnes prædestinati saluabuntur: ergo omnes saluabuntur, quod est contra fidem. Si tu dicas mihi quod duplex est voluntas, absoluta & conditionalis, & Deus absoluta voluntate solum vult saluare quos præscit conformes fieri imagini filij sui, & istos prædestinauit: voluntate vero conditionali vult omnes, si ipsi velint: tunc obicitur quod voluntas conditionalis non videtur convenire Deo, quia hæc est voluntas semiplena, Deus autē quidquid vult, plene vult. Et iterum quidquid facit plene facit. Et iterum hæc conditionata voluntas, aut est voluntas beneplaciti, aut voluntas signi: Si signi, tunc nihil ad propositum, quia voluntate signi non vult omnes homines saluos fieri. Si voluntas beneplaciti: sed hæc vno modo tantum est, & dicitur, & semper impletur: ergo omnes homines saluantur. Et præterea hæc voluntas conditionata qua dicitur quod vult, si ipsi velint, locum non potest habere in partu qui moriuntur: ergo adhuc non soluit distinctio ista.

ITEM cum sic dicitur, vult hunc saluari aliquo demonstrato, aut hoc quod est, velle, aliquid connotat, aut nihil, si nihil: ergo pari ratione potest dici de lapide: quod Deus vult hunc saluari. Si aliquid, nō nisi salutem, ergo sequitur si vult hunc saluari, quod iste saluabitur quali erumque accipiat velle. Si dicas quod connotat possibilitatem, & ordinabilitatem ad salutem: obicitur,

A tunc quod de quolibet ordinabili ad aliquid potest dici quod Deus velit: sed quilibet clericus est ordinabilis ad episcopatum, & quilibet miles ad dignitatem regiæ: ergo Deus vult omnes clericos esse episcopos, & omnes milites esse reges, quod non conceditur.

CONCLUSIO.

Deus voluntate beneplaciti vult omnes homines saluos fieri, voluntate antecedenti, vel pro generibus singulorum intelligendo.

RESP. AD ARG. Dicendum quod cum Apostolus dicat quod Deus hoc vult, sc. omnes homines saluos fieri, necesse habemus concedere quod Deus velit. Et cum non possit exponi de voluntate signi, necesse habemus exponere de voluntate beneplaciti. Sed cum non omnes saluentur, & voluntas Dei nunquam frustratur: ideo necesse est quod fiat vis in modo distribuendi, vel in modo volendi. Et egregius doctor Augustinus duplicem facit vim in modo distribuendi in Enchirid. Vno modo, quod distributio sit accommodata, sicut & hic: omnis homo timet in mari, secundum communem modum loquendi intelligitur, qui est in mari. Similiter August. exemplificat, si dicatur: Magister iste docet omnes pueros de ciuitate, quia, scil. docet omnes qui addiscunt. Nullus enim docetur nisi per ipsum. Similiter, Deus vult omnes homines saluos fieri, quia nullus saluatur nisi velit Deus, & ideo orandus est, vt velit. Facit etiam alio modo vim in distributione secundum omnem modum distribuendi, quæ potest fieri pro signis generum, & sic est falsa, & non intelligit Apostolus sic: vel pro generibus singulorum, & est sic vera, quia Deus de omni gente voluit, & vult aliquos saluari, & de Græcis, & de Latinis, & de prælatis, & subditis, & de omni gente: ideo dicit Apostolus pro omnibus esse orandum. Hæc est responsio August. cui Magister innititur, & necesse est sic, vel sic soluere: supposito quod velle dicat ibi velle Dei, secundum quod dicitur velle placito, quietato, siue voluntate absoluta, de qua verum est dicere: Omnia quæcunque, voluit fecit. Sed Damasc. facit vim in modo volendi: Distinguit enim in Deo voluntatem antecedentem, & voluntatem consequentem. Et voluntas antecedens est voluntas respectu eius propter quod Deus hominem fecit, & est irrefragabiliter bonorum. Voluntas autem consequens est voluntas non quæ sequitur merita, sed quæ vult aliqua secundum scientiam meritorum. Prima scilicet antecedens dicitur a Magistris voluntas conditionalis, siue voluntas qua Deus vult quantum in se est. Secunda autem, sc. consequens, dicitur absoluta. Differentia autem inter hanc voluntatem, & illam, non est secundum diuersitatem affectionis, siue modi, volendi qui sit in Deo: sed secundum rationem connotandi, & intelligendi. Provt enim Deus dicitur velle omnium salutem quantum in se est, & antecederet connotatur in omnibus ordinatio ad salutem, tum ex parte naturæ datæ, tum ex parte gratiæ oblatæ. Dedit enim eis Deus naturam, secundum quam possent eum cognoscere, & cognitum quærere, & quæsitum inuenire, & inuento inhaerere, ac per hoc salutem obtinere. Gratiam similiter obtulit, dum Filium misit, & obtulit, cuius pretium omnium salutis sufficit. Leges etiā, & mandata tribuit salutis, & ostendit. Ipse etiam præsto est omnibus inquirentibus, & prope est omnibus inuocantibus eum. Velle ergo hominem antecederet saluare, est ordinatum ad salutem facere, & volenti peruenire, non deesse. Vnde velle antecederet saluare, non connotat salutem: sed ordinabilitatem ad salutem. Velle autem consequenter, siue absolute saluare, est velle dare salutem ei, quem præscit ad salutem perueniturum, per suum auxilium, & gratiam, & connotat salutis euentum. Et sic non est dicere, quod Deus velit omnes homines saluos fieri.

Huic responsioni magis consonant Magistri, quamvis

vtique

utraque bona sit. Secundum hanc ergo respondendum, quod Deus vult omnes homines saluos fieri quantum in se est voluntate antecedente, non autem voluntate absoluta siue consequente: & quia illa non connotat effectus euentum: ideo non impeditur in hoc quod non omnes saluentur. Patet etiam responsio ad illud quod obiicitur de prædestinatione, siue electione, quia in illis clauditur voluntas absoluta, non solum antecedens. Patet etiam responsio ad vltimum de connotato. Ad illud tamen quod obiicitur quod voluntas conditionata non cadit in Deum, dicendum quod non ponitur in Deo velleitas quantum ad defectum plenitudinis voluntatis, nec propter diuersos modos volendi: sed propter aliam comparisonem in connotando, & sic patet illud.

1. 2. Ad rationes vero ad oppositum, quod Deus vult omnes homines saluos fieri, responderi potest ad duas primas, quod verum concludunt, & vere.

3. Ad illud autem quod obiicitur de charitate hominum, dicendum quod non est simile, quia nos nescimus merita hominum futura finaliter, & si quis sciret aliquos esse præfatos, quamvis quantum in se est, deberet eos velle saluari, non tamen voluntate absoluta: sed hæc melius infra patebunt.

4. Ad illud quod obiicitur quod Deus vno modo se habet ad omnes, dicendum quod illud verbum Philosophi habet locum quantum ad rerum gubernationem, non quantum ad eorum productionem, vel quantum ad naturalia, non quantum ad gratuita.

QVÆSTIO II.

An Deus velit mala fieri.

Alexander Alesis 1. p. q. 40. Memb. 1.

S. Thom. 1. p. q. 19. art. 9.

Et 1. Sent. dist. 46. q. 1. art. 4.

Et de Pot. q. 2. art. 6.

Et Quod. 5. q. 3. art. 2.

Ægid. Rom. 1. Sent. dist. 46. p. 2. q. 2.

Richardus 1. Sent. dist. 46. q. 2.

Thom. Arg. 1. Sent. dist. 46. q. 1. art. 3.

Steph. Brulef. 1. Sent. dist. 46. q. 2.

Petrus de Tarantasia 1. Sent. dist. 46. q. 2.

Vtrum Deus velit mala fieri. Et quod sic, ostenditur per Anselmum: Deus non vult, inquit, quod impossibile est fieri: ergo per consequentiam econuerso, quod possibile est fieri, Deus vult illud: sed malum est possibile fieri: ergo malum fieri est Deo volibile.

2. **I**TEM duobus oppositis propositis inter quæ non est medium, necesse est alterum esse à Deo scitum: ergo pari ratione necesse est alterum esse volitum: sed demonstrato peccante istum peccare, istum non peccare, sunt opposita: ergo Deus vult alterum: sed quidquid Deus vult, illud fit: ergo si vult illud non peccare, iste non peccat, quod est contra positionem: vult ergo istum peccare: sed hoc est malum: ergo malum fieri, est à Deo volitum.

3. **I**TEM omnis iustus vult omne quod iustum est: sed omnis pœna iusta est, vt dicit August. & omne malum pœna: ergo omne malum quod fit, à Deo est volitum fieri. Quod omne malum sit pœna, patet per August. 1. Confes. Iussisti, inquit, Domine, & sic est quod omnis inordinatus animus sibi sit pœna.

4. **I**TEM omne aliquid volens voluntate consiliata, & deliberata, vult omne illud sine quo illud non potest esse: quamvis enim aliquis velit esse Abbas, sed non monachus: tamen si deliberatiue velit esse Abbas, vult pariter esse monachus: sed Deus vult aliquid bonum quod nunquam potest esse sine malo, sicut sanctos suos probari, & pati, & filium suum: ergo, &c.

CONTRA: Nihil est ab aliquo volitum vel volibile, quod omnino displicet ei, & est odiosum: sed in Ecclesiastico dicitur: Altissimus odio habet peccatores: sed non nisi ratione peccati, siue mali: ergo multo magis odit malum: ergo non vult illud fieri.

ITEM August. in lib. 8. q. Idem est fieri Deo volente, & Deo auctore: sed malum non fit Deo auctore: ergo

malum non fit Deo volente. Primam supponit ipse, secundam probat: quia nullo homine sapiente fit homo deterior: ergo multo fortius nec Deo.

ITEM ratione videtur: Quia omnis voluntas aut denominatur à voluto, aut denominat volitum. Si Ergo Deus vult malum: aut ergo voluntas est mala: aut si voluntas est bona, volitum est bonum: ergo aut nihil est malum, aut Deus est maius, si vult malum fieri: sed vtrumque falsum: ergo, &c.

ITEM omnis volens malum, vult sub ratione apparentis boni: ergo omnis volens malum decipitur: ergo si Deus vult fieri mala, Deus decipitur, quod est impossibile.

ITEM omnis qui vult aliquid quod non potest, est miser: sed Deus non potest malum, sicut supra probatum est: ergo si vult illud, est miser, sed hoc est impossibile: ergo, &c.

C O N C L U S I O.

Cum malum culpa nullo pacto sit à Deo volibile: Idcirco Deus non vult mala fieri.

RESP. Ad Arg. Dicendum quod (sicut probant vltimæ rationes) malum non est à Deo volibile, malum, inquam culpæ, quia omnis voluntas inordinata est, cui placet illud malum: & hoc omnes concedunt. Sed tamen aliqui voluerunt dicere, quod Deus vult malum fieri, cum ipse non sit causa eius: sed alius, Deo volente. Et hoc quidem dicebant Deum velle non ratione sui: sed ratione eius quod inde elicit. Sed hoc est cōtra Augustinum sicut ostendit Magister in litera, qui hanc opinionem improbat: ideo neutrum est concedendum: sed si alicubi legitur, exponendum.

Ad illud ergo quod obiicitur in contrarium quod Deus non vult quod impossibile est fieri, dicendum quod non velle dicitur dupliciter, aut negative, aut priuatiue. Si negative, non est verum illud: nec Anselmus ita intelligit. Si priuatiue, tunc non velle vna dicto est, & tertia persona eius, quod est nolo: & hoc modo dicitur Deus nolle, quod absolute vult non fieri. Hoc autem modo non est dicere, quod Deus nolit mala fieri: & hoc modo non tenet consequentia à contrario, quia non tenet in contrariis, sed in contradictoriis.

2. **A**d illud quod obiicitur quod duobus oppositis propositis, necesse est alterum scire: ergo necesse est alterum velle, dicendum quod loquendo de voluntate beneplaciti non est simile: nam scientia est respectu omnium quæ sunt: voluntas autem beneplaciti non est nisi respectu eorum, quæ sunt ab ipso.

3. **A**d illud quod obiicitur, quod quilibet iustus vult iustitiam, &c. dicendum quod aliquid dicitur iustum dupliciter in se, scilicet & ex ordine. Quod iustum est in se secundum id quod est, est à Deo volitum. Quod vero est iustum ex ordine, est volitum à Deo secundum quod ordinatum: & malum non est volitum secundum quod malum, sed secundum quod punit, & ita secundum quod ordinatum, & ita secundum id quod est, non est volitum.

4. **A**d illud quod obiicitur quod qui vult aliquid, vult omne illi annexum, dicendum quod velle aliquid est dupliciter, aut voluntate antecedente, aut voluntate consequente. Quod vult aliquis voluntate antecedente, vult omne annexum illi necessarie. Quod vero vult voluntate consequente, potest etiam velle sine annexo. Potest enim ex malo bonum elici, quod non elicetur nisi factum illud malum displiceret, & bonum elicere complaceret ei qui nouit elicere. Potest tamen responderi per interemptionem quod volens voluntate consiliata vult aliquid, non tamen vult illud, consequitur: sicut aliquis vult aliquem surgere, sed tamen non vult eum cecidisse: Tamen potest aliter dici, & melius quod velle aliquid sine alio est dupliciter. Aut velle hoc, & non velle aliud, quia vnum placet, & aliud displicet, & sic possibile est his quæ inseparabiliter sunt coniuncta. Alio modo velle aliquid

*Dim. 4. de
din. nom.*

*Vide Aug.
so. 1. de
trib. fia.*

sine alio est velle aliquid sine illo esse, & hoc modo A
vello aliquid sine inseparabiliter annexo est velle im-
possibile. Primo non sequitur, quod velit id quamvis nō
sine illo, sensus enim est, non sine illo ente, sed tamē sine
illo voluto. Et est exemplum sensibile: volo enim aliquē
qui cecidit surgere, ita quod non volo eum cecidisse,
non tamen volo quod surgat, ita quod non ceciderit.

QVÆSTIO III.

An mala fieri sit bonum.

Alexander Alensis 1. p. q. 39 Membro 2.

Agid. Rom. 1. Sent. dist. 46. p. 2. q. 1.

Richardus 1. Sent. dist. 46. q. 3.

Tho. Arg. 1. Sent. dist. 46. q. 1. art. 4.

Marfilus Inguen. 1. Sent. q. 45. art. 2.

Stephan. Brulef. 1. Sent. dist. 45. q. 3.

Petrus de Tarantasia. 1. Sent. dist. 45. q. 3.

Ad opposi-
tum.Lib. 14. cap.
13. to. 5. in fi-
ne capitis.

Vtrum mala fieri sit bonum: & quod sic, ostenditur
hoc modo. Quod expedit facienti ad salutem, illud
est bonum: sed malum est huiusmodi: unde super illud:
Diligentibus Deum omnia cooperantur in bonum, Glos.
etiam ipse casus, & August. in lib. de Civ. Dei: Audeo,
inquit, dicere, superbis vtile esse incidere in aliquod
apertum manifestumque peccatum, ut inde sibi displiceant,
qui iam sibi placendo corruperant: igitur malum
fieri est bonum, & vtile facienti ad salutem: ergo, &c.

2. **ITEM** quod est bonum Deo, & vniuersitati, est bonum
simpliciter, quia bonum commune præfertur bono
priuato: sed malum fieri, est bonum vniuersitati, ergo,
&c. Quod sit bonum, dicit Boëtius in lib. de consol. Sola
diuina vis est cui quæque mala bona sunt. Et Augustin.
in lib. Confess. Tu cui nihil omnino malum: sed nec
vniuersæ creaturæ tuæ: quia nihil est extra te quod cor-
rumpat ordinem quem imposuisti: ergo si malum fieri
est bonum vniuersitati, patet, &c.

3. **ITEM** cuius vsus bonus est, ipsum quoque bonum:
sed vsus malorum factorum est bonus: ergo, &c. Minor
patet per Augustin. lib. 11. de Ciuit. Neque enim Deus
illos crearet quos malos esse præcisset, nisi pari ratione
præciret quibus eos bonorum vsibus commodaret.

4. **ITEM** omne quod iustum est, bonum est: sed mala
fieri iustum est, quia pœna est peccati præcedentis, sicut
vult Gregorius: ergo malum fieri bonum est.

* **CONTRA**: malum fieri est malum in esse produci:
si ergo malum fieri est bonum, productio mali est bona:
sed regula est in arte Topicorum, cuius generatio vel
productio bona est, ipsum quoque bonum: ergo si pro-
ductio mali est bona, malum est bonum.

ITEM malum fieri, est idem quod bonum priuari, siue
corrumpi: si ergo malum fieri est bonum, corruptio bo-
ni est bona: sed regula est: Cuius corruptio bona, ipsum
est malum: ergo si corruptio boni est bona, bonum est
malum, quod absurdum est.

ITEM de conuertibilibus si vnum est bonum & re-
liquum: sed malum fieri & mala facere sunt conuertibi-
lia: ergo si malum fieri est bonum, & malum facere est
bonum, sed pro bono nullus est puniendus: ergo nullus
faciens mala est puniendus.

ITEM: Sicut oppositum in opposito, & propositum
in proposito: si ergo malum fieri est bonum: ergo bo-
num fieri est malum: sed hoc absurdum est quod ma-
lum sit facere bonum: ergo & primum.

ITEM si malum fieri est bonum: aut ergo in se, aut
quia ex ipso euenit, vel consequitur bonum. Non in se,
constat. Si ergo quia inde euenit bonum, qui dicit: Fa-
ciamus mala ut eueniant bona, bene dicit: ergo male
Apostolus reprehendit.

CONCLUSIO.

Mala fieri, nullo pacto bonum est, tamen si malum possit
esse occasio boni.

RESP. AD ARG. Ad prædictorum intelligentiam no-
tandum, quod in operibus illud est dicere bonum vel
velle, siue conferens, quod in finem bonū ducit, siue est

via ad bonum. Ducere autem ad bonum tripliciter dici-
tur aliquid, sc. per modum causæ, vel per modū casus,
vel per modum occasionis. Et differunt hæc tria. Nam
causa per se ducit circa illud, circa quod ponitur quod
est producens, & intendens. Sed casus priuat intentio-
nem, sed non operationem, sicut patet in fodiente, qui
inuenit thesaurum præter intentionem. Occasio autem
priuat vtrumque: Non enim dicit principium producens,
sed magis dicit aliquid quod principium afficit, ut effi-
ciat, sicut aliquis ex verbo audito percutit alium: verbū
auditum fuit occasio, non efficiens percussionē, nec coo-
perans efficienti, sed quodam modo afficiens. Et hæc
ocasio duobus modis est. Quædam enim est quæ quodā
modo habet rationem actiui, quia quodā modo excitat
efficientem, sicut malum exemplum ad peccatum. Vel
B quæ habet rationē passiui, ut ex quo aliquis assumit ra-
tionē, sicut aliquis ex malo alterius excitat se ad facien-
dum bonū. Secundum hoc intelligendum quod malum
duo dicit, sc. priuationem, & naturam ordinabilem, &
ratione malitiæ comparatur ad bonum, quod elicitur si-
cut occasio passiua, ratione boni quod subternitur, si-
cut occasio aliquo modo actiua, propter quod malum
dicitur occasio boni. Cum ergo aliquid ducat in bonū
his tribus modis, habet sic differentiā in ducendo. Ali-
quid enim potest ducere aliquid ad alterum, aux ex se,
aut per aliquid sui, & tūc tenet rationē causæ per se. Aut
potest ducere per alterū, ad quod tamen non ordinatur:
sed illud ordinat ad tertium sumpta occasione ex illo, &
sic tenet rationē occasionis. Aut ducit cum alio, ad quod
tamē non ordinatur, nec illud ad tertium: sed ambo simul:
C & sic tenet rationem casus qui ex concursu est causarū.
Ex hoc ergo patet, quod illud quod ducit per modum
causæ, habet intra se rationem ordinationis in finem, &
ideo in ipso est bonitas: & ideo recte denominatur bo-
num. Quod vero ducit per modum occasionis, nullam
habet intra se rationem ordinationis in finem: ideo nec
bonitatem: & propter hoc non potest denominari bonū
per se, nisi cum additione illius per quod ordinatur, in
quo, sc. consistit ratio ordinationis, & bonitatis: & circa
quod ponitur bonitas. Cum ergo malum non ducat ad
bonū ex se, sed per illud quod elicitur ex ipso à sapien-
te Deo, absolute loquendo, malum fieri non est bonum:
immo omnes consimiles sunt negandæ: quia bonitas
notatur poni circa ipsum malum. Si autem addatur bo-
num quod elicitur, vel ipse eliciens, sic concedendæ sunt
huiusmodi locutiones, malum fieri est bonum ei, qui no-
uit ordinare in bonum: similiter malum fieri est bonum,
ut electi probentur.

1. 2. Ex hoc ergo patent duæ primæ rationes: pro-
cedunt enim cum determinatione, sicut patet in ipsis au-
toritatibus.

3. Ad illud quod obiicitur tertio: Cuius vsus bonus,
&c. dicendum quod duplex est vsus rei. Vnus ad quem
res de se ordinatur, & de tali verum est: sicut patet de
equo qui est ad equitandum. Alius vsus est, qui est ali-
quando, & ex post facto: & iste potest esse bonus ex
bonitate vtentis, non vtilis: quia bonus vtens bene vti-
tur malis: & de tali vsu non est regula vera: de tali autem
loquitur Augustinus.

4. Ad illud quod obiicitur: quod iustum est, bonum
est, &c. dicendum quod iustum dicitur dupliciter. Vno
modo iuste ordinatum per iusticiam quæ est in ipso, &
omne quod sic iustum est, bonum est, quoniam intra se
habet iusticiam. Vel est declaratiuum iustitiæ, & sic po-
test malum ostendere. Sicut enim malum potest ad retri-
butionē iustitiæ disponere, ita & ostendere. Et hoc mo-
do dicit ordinationem iustitiæ in altero, nec sequitur
quod sit bonum, quia iustum plus importat rationem
ordinis. Nihilominus tamen sermo ille non est pro-
prius, quo dicitur: iustum est, ut qui in sordibus est, sor-
descat, immo valde per accidens intelligitur, quia iu-
stum est ut relinquatur à Deo, & ad hoc sequitur, quod
adhuc sordescat: unde per accidens intelligitur.

QVÆSTIO IV.

An mala fieri sit verum.

Richard. 1. Sent. dist. 46. q. 1.

Steph. Brulef. 1. Sent. dist. 46. q. 4.

Petrus de Tarantasia. 1. Sent. dist. 46. q. 4.

Vtrum mala fieri sit verum, & videtur quod sic: Quia de quolibet affirmatio vel negatio vera, de nullo ambo simul: sed hæc est falsa, nulla mala fiunt: ergo oppositum est simpliciter verum, scilicet mala fieri.

ITEM veritas est adæquatio rei, & intellectus: ergo quoties homo intelligit sicut est in re, veritatem habet, & intellectus intellectum: sed qui intelligit mala fieri, vere intelligit: ergo si vere intelligit, intellectum est verum: ergo mala fieri, est verum.

ITEM veritas propositionis asserit veritatem in dicto. Vnde si Sortes currit: Sortem currere est verum: ergo si malum sit, malum fieri est verum: sed malum sit, constat: ergo, &c.

ITEM veritas dicentis ponit veritatem in dicto: sed Deus qui non est mendax, dicit mala fieri: Quid cogitatis mala in cordibus vestris: ergo verum est mala cogitari: pari ratione verum est fieri.

CONTRA: Verum & bonum convertuntur: sed malum fieri, non est bonum, ut supra probatum est: ergo mala fieri, non est verum. Si forte dicas, quod verum est de veritate incomplexi: ostenditur de omni veritate: quia omnis veritas entitas quædam est: & omne quod participat rationem entis, participat rationem boni: ergo, &c.

1. ITEM omnis veritas est à veritate prima: ergo & omne verum à primo vero: si ergo malum fieri est verum, malum fieri est à Deo: sed hoc est supra improbatum: ergo, &c. Si tu dicas quod illud est verum de veritate rei, non signi: hoc nihil est, quia sicut à Deo sunt res, ita & signa: & Ambrosius dicit quod omne verum est à Spiritu sancto, à quocumque dicatur. Loquitur ergo de veritate in sermone: & ita de veritate complexionis, siue signi.

3. ITEM omnis veritas signi, siue complexionis causam & ortum habet à veritate rei: ergo veritas, istum furari, ortum habet à veritate furti: sed furtum non dicit actionem veram, immo defectivam: ergo pari ratione, istum furari: non est simpliciter verum. Si tu dicas quod veritas complexionis triplex est, scilicet positionis, privationis, & negationis: & prima causatur à veritate rei, secunda vero, & tertia non causatur. **C**ONTRA: Philosophus generaliter dicit, quod ab eo quod res est, vel non est, oratio dicitur vera, vel falsa: ergo hoc ubique verum est.

4. ITEM omne quod modo verum est de presenti, ab æterno fuit verum: ergo si malum esse modo est verum, ab æterno fuit verum: sed nihil æternaliter fuit verum, nisi esset Deus, vel in Deo ut in causa: ergo si malum fore fuit verum, & non fuit Deus, fuit in Deo tanquam in causa à Deo: sed hoc falsum: ergo, &c.

CONCLUSIO.

Mala fieri est verum, cum vere hoc enuntiatur, atque intelligatur.

RESP. AD ARG. Dicendum quod sine distinctione concedendum est, quod mala fieri est verum: vere enim enuntiatur, & vere intelligitur. Verum enim dictum de complexo respicit compositionem, sicut dicit Philosophus: quia veritas, & falsitas circa compositionem consistunt: & ideo dicit veritatem signi: signum autem est verum, quando signat rem se habere sicut se habet: tunc enim dicitur adæquari: & ideo cum ita se habeat in re sicut signum exprimit, simpliciter loquendo, verum est mala fieri.

1. 2. AD illud quod obiicitur quod verum & bonum convertuntur, dicendum quod circa idem verum. Vnde

A si res est vera, est bona, & si signum est verum, est bonum, sed tamen non sequitur quod si signum sit verum quod signatum, siue res sit bona, & ideo hic est fallacia accidentis: omne verum est bonum: sed illud furari est verum: ergo istud furari est bonum, ex variatione minoris extremitatis. Verum enim prædicatur de illo dicto ratione compositionis, cum sit dictio modalis, bonum vero ratione attributionis: & hanc instantiam facit Magister in litera. Similis modus arguendi est hic: Audio Angelos cantare: sed cantare Angelos est verum: ergo audio verum. Consimilis modus arguendi est in illa oratione: Omne verum est à Deo, istum furari est verum: ergo, &c. & ideo similiter soluendum.

3. AD illud quod obiicitur quod veritas signi est à veritate rei, dicendum quod falsum est. Tunc enim signum verum est, quando signat rem non esse quæ non est, & non habere veritatem, cum illa non habet. Nam sicut aliquid imperfectum perfecte æquatur alij imperfecto: ita res defectiva plena potest signari. Vnde Philosophus non dicit: Ab eo, quod res est tantum, sed est, vel non est. Et est sensus: Ab eo quod res est, est oratio falsa quæ significat ipsam esse: & ab eo quod non est, est vera, quæ significat esse ipsam: & ab eo quod non est, est vera, quæ significat non esse: & ab eo quod est, est falsa, quæ significat eam non esse. Vnde quamvis furtum sit ens secundum quid, tamen oratio quæ significat aliquem furari, est vera simpliciter. Verum est tamen, quod omnis veritas complexa super aliquid fundatur, sed non oportet quod super rem intellectam, sed super intelligentem, in quo oratio habet esse. Et sic patet illud: Posset tamen dici quod fundatur super ens secundum quid, ratione deformitatis, & tamen verum est simpliciter propter adæquationem quæ est simpliciter. Nota tamen quod de fundamento veritatis propositionis diversimode sentiunt diversi. Aliqui enim distinguunt (sicut tactum est) tripliciter veritatem orationis, scilicet positionis, ut cum dicitur, Cæsar est homo: privationis, ut cum dicitur, Cæsar est homo mortuus: negationis, ut cum dicitur, Cæsar non est. Primam dicunt fundari supra ens simpliciter, secundam supra ens secundum quid, & tertiam non dicunt fundari super aliquid, quia talis oratio nihil ponit. Sed tamen illud non videtur sufficere, quia cum dicitur, hæc oratio vera est, verum prædicat aliquam conditionem entis: ergo necesse est super aliquid fundari, quod sit. Et ideo dicunt alij, quod fundatur super principia Cæsar, sed hoc non sufficit, quia esto quod Cæsar omnino sit corruptus & secundum materiam, & secundum formam: adhuc tamen vera est ista, Cæsar fuit, siue Cæsar non est. Et ideo dicunt alij quod fundatur super intelligentem. Sed adhuc videtur illud non sufficiens, quia esto quod nullus intelligat actu, adhuc oratio est vera scripta in pariete, Cæsar fuit. Ideo dicendum quod veritas orationis sit veritas signi: & veritas signi non dicat qualitatem absolutam, sicut nec necessitas consequentiarum: sed respectivam, sicut signum: cum omne quod contingit significare quid, contingat vere significare, & etiam false. Et sicut ad rationem significandi non oportet rem esse existentem, sed cognoscibilem: sic nec ad rationem veræ significationis. Et quoniam omne quod intellectus capit, vel est ens, vel capit, siue imaginatur per comparisonem ad ens: ideo omnis significatio, & veritas orationis significantis, vel fundatur simpliciter supra ens, ut si dicatur Petrus est, vel in ordine ad ens. Vnde propositio de præterito fundatur super ordinem eius ad præsens: similiter propositio de futuro: sicut propositio negativa: ut si dicatur, Cæsar non est: aliquod enim ens est, quod non est Cæsar, & sic de aliis: similiter si dicatur, chimæra non est hircocerius.

4. AD illud quod obiicitur ultimo quod malitia fore sit verum ab æterno, dicendum quod ad hoc quod aliquid sit verum, non oportet quod sit in Deo tanquam in causa: sed sufficit quod sit Dei præsentia, quæ non est nisi veri. Ad hoc autem quod aliquid sit in Dei præsentia, sufficit quod ipsum, vel eius causa, vel eius

oppositum sit in Deo tanquam in causa, sicut supra dictum est de cognitione Dei.

QVÆSTIO V.

An malum sit ordinabile à voluntate Dei.

Richardus 1. Sent. dist. 46. q. 7.

Steph. Brulef. 1. Sent. dist. 46. q. 5.

Petrus de Tarantaf. 1. Sent. dist. 46. q. 5.

*Fundamēta.
Psal. 7. 6.*

Vtrum malum sit ordinabile à Dei voluntate. Et quod sic videtur, quia super illud Psalmi: Domine Deus meus in te speravi. Glossa: Qui videt merita animarum sic ordinari à Deo, ut pulchritudo vniuersitatis ex nulla parte violetur, in omnibus laudat Deum: distinguens Deum aliquid fecisse, & ordinasse, ut vniuersum bonum: aliud non fecisse: sed ordinasse, ut malum.

ITEM Aug. in Enchiridio: Malum bene ordinatum, & loco suo positum, euidentius commendat bonum.

ITEM ratione videtur, quia omne meritum ordinatur ad primum siue retributionem: sed malum meretur pœnam, sicut bonum gloriam: ergo, & cum bonum gratia sit ordinabile, pari ratione malum culpa.

*Arist. 1. po
et cōtex. 5.*

ITEM peccantes in suppliciis ordinantur: sed propter quod vnumquodque, & illud magis: sed mali non ordinantur in pœnis nisi propter mala: ergo malum multo magis est ordinabile.

Cap. 23.

ITEM omne quod auget decorem in re ordinata, est ordinatum: sed malum auget decorem in vniuerso, quod est ordinatum: ergo, &c. Probatio minoris. Augustinus in vndecimo de Civitate Dei: sicut pictura cum colore nigro, suo loco posita, pulchrior est: ita vniuersitas rerum ex peccatoribus est pulchra.

*Ad opposi-
tum.
De natura
boni cap. 4.
Tom. 6.
Ex 2. peri-
hermen.*

1. CONTRA per Augustinum: Malum est priuatio modi, speciei, & ordinis: sed nulla priuatio participat id cuius est priuatio: ergo si malum eo quod malum priuat ordinem, malum non contingit ordinari.

2. ITEM quod non est, non est ordinabile, nam ordo presupponit esse: sed malum in eo, quod malum, nihil est: ergo non est ordinabile.

3. ITEM omne ordinabile est ordinanti possibile: sed malum non est possibile Deo, quia Deus non potest facere malum: ergo non est à Deo ordinabile.

4. ITEM si malum est ordinabile, aut ordine partium in totum, aut in finem. Non primo modo, quia malum nullius est pars. Si secundo modo: ergo cum bonum est aliquid ex ordine in finem, tunc malum fieret bonum.

CONCLUSIO.

Malum est ordinabile ad bonum, secundum dispositionem, per ordinem iustitiae, & secundum ostensionem, manifestando videlicet ordinem bonorum.

RESP. Ad Arg. Ad prædictorum intelligentiam notandum. Quemadmodum aliquid dicitur esse sanum tripliciter, aut subiectiue, ut animal dicitur sanum: aut dispositiue, ut potio dicitur sana: aut ostensiue, ut vrina sana: sic aliquid ordinabile dicitur tripliciter, aut sicut ordinis susceptum, aut sicut dispositum, aut sicut ostensum. Sicut susceptum, non est aliquid ordinabile nisi quod est ens, & natura aliqua: & ita malum: non est ordinabile, nisi per accidens, scilicet per bonum substratum. Sicut dispositum, malum est ordinabile: sed non sicut dispositio ponens, sed priuans. Duplex enim est ordo, scilicet naturæ, & iustitiæ. Ordo naturæ est institutus: ordo iustitiæ est acquisitus. Malum autem priuat ordinem specialis naturæ, & illum priuando, incurrit in ordinem iustitiæ, quia offendit: unde ratio ordinandi, sicut dispositio in ordine iustitiæ est meritum, vel demeritum. Sicut ostensum: malum est ordinabile, & ordinatum, quia manifestat ordinem bonorum per oppositum: opposita autem

A iuxta se posita magis elucescunt. Rationes ergo probantes, quod malum sit ordinatum, procedunt secundum ordinem iustitiæ, secundum dispositionem, & ostensionem.

1. Ad illud autem quod obiicitur, quod malum est priuatio ordinis. Dicendum quod verum est particularis naturæ: sed non est verum propterea ordo dicit dispositionem vniuersalis prouidentiae, de quo dicit Boëtius: Ordo cuncta complectitur, quo fit, ut si aliquis ab assignata sibi ordinis ratione discesserit, necesse sit, ut in alteram differentiam relabatur. Exemplum ponitur in circumferentia circumplectente centrum.

2. Ad illud quod obiicitur: Esse ordinatum presupponit esse. Dicendum, quod verum est in eo quod per se & in se ordinatur: malum autem non ordinatur nec in se, nec per se, & ideo non oportet, quod ipsum sit, sed sufficit, quod aliud sit in quo substantificatur malum, & hoc est bonum, ut dicit Boëtius.

3. Ad illud quod obiicitur, quod ordinabile est possibile ordinanti. Dicendum, quod esse possibile, siue subesse potentiae diuinæ, & dupliciter, aut potentiae producenti, aut prouidenti: & quamvis malum non subsistat diuinæ productioni, subest tamen prouisioni.

4. Ad illud quod obiicitur, quia ordinatione sit ordinabile. Dicendum quod ordinatione ad finem, sed hoc est solum ex postfacto, & ideo non sequitur quod malum sit bonum, sed quod ex ipso sequitur bonum. Posset tamen dici, quod quamvis malum non sit pars, tamen illud in quo est, pars est, & locum & ordinem partis tenet.

*Lib. 4. de
conf. pro
6. in fine.*

QVÆSTIO VI.

An malum sit de complemento vniuersi.

Alexander Alensis 1. p. q. 40. Membrum 3.

Egid. Rom. 1. Sent. dist. 46. p. 2. q. 3.

Richardus 1. Sent. dist. 46. q. 8.

Stephan. Brulef. 1. Sent. dist. 46. q. 6.

Petrus de Tarantaf. 1. Sent. dist. 46. q. ult.

Vtrum malum sit de complemento vniuersi. Et quod sic, videtur. Contra malum bonum est, & contra mortem vita, & sic intueri in omnia opera Altissimi. Si ergo huiusmodi oppositio spectat ad decorem, & complementum vniuersi: ergo & malum.

2. ITEM Aug. de Civitate Dei, loquens de malis quare sinantur à Deo, dicit quod Deus vniuersum quasi quibusdam antithetis honestauit, & exemplificat in sermone, & in picturis. In sermone, sicut Apostolus vitur. Per gloriam, & ignobilitatem. Et in picturis similiter, sicut enim pictura alba cum colore nigro, suo loco posita pulchra est: sic vniuersum cum malis: ergo malum secundum hoc decorat vniuersum: sed omne tale est de complemento vniuersi: ergo, &c.

3. ITEM ratione videtur, quia sicut malum est priuatio boni, ita silentium est priuatio vocis, & somnus vigiliæ: sed ad perfectionem, & decorem sermonis necesse est interponi silentium: ad perfectionem & decorem animalis necesse est aliquando vigiliis interponi somnum: ergo ad perfectum decorem vniuersi necesse est bonis interponi mala.

4. ITEM Vniuersum est conditum ad Dei manifestationem: sed in operibus Dei maxime manifestatur misericordia, & veritas: sed si malum non fuisset, nec misericordia nec veritas ita perfecte manifestaretur, sicut manifestatur in æterna punitione, & peccatorum remissione, & redemptione: ergo non esset vniuersum complementum.

CONTRA Videt Deus cuncta quæ fecerat, & erant valde bona, & non fecerat mala: constat ergo quod absque malis erant omnia valde bona in vniuerso: sed vniuersum non esset valde bonum, si deesset ei perfectum. Cum ergo deesset ei malum: videtur quod malum non sit de eius perfectione.

*Ad op-
positum.
Eccl. 3.*

*Aug. de
Dei, lib.
cap. 18.*

*2. Cor. 6.
Ibid. ca.*

*1. Phys.
tex. 80.*

*Funda-
ta.
Genes.*

ITEM

ITEM Aug. in 3. de libero arbitrio, loquens de perfectione vniuersi dicit: Quidquid tibi vera ratione melius occurrerit, scias Opificem omnium fecisse: si ergo non fecit mundum cum malis, sed sine malis: ergo mundus sine malis erat perfectior, quam cum malis: ergo malum non est de perfectione vniuersi.

ITEM: ratione videtur: quia albius est, quod est nigro impermixtius: ergo pulchrius, & melius quod est malo impermixtius: sed si in mundo nullum esset malum, nec vniuersum esset malis permixtum: ergo melius: ergo perfectius: ergo ordinatio mali, non est de complemento vniuersi.

ITEM: Bonum & pulchrū idem est, sicut dicit Dionysius. ergo quod est priuatio boni, est priuatio pulchri: sed malum est priuatio boni: ergo est priuatio pulchri: B ergo malum deturpat: sed quod deturpat, & foedit non spectat ad pulchritudinem, siue decorem: ergo nec malum, siue mali ordinatio.

CONCLUSIO.

Malum ex accidenti facit ad decorem vniuersi, ratione subiecti, quod ordinatur in pœnam oppositi, cuius decor magis clarescit ex præsentiā mali, & boni eliciti.

RESP. Ad arg. Ad hoc notandum, quia circa hoc diuersi diuersa sentierunt. Dixerunt enim aliqui, quod est loqui de malo, vt est in potentia facientis, & vt est in opere, siue in facto. Si loquamur, vt est potentia facientis, sic voluerunt dicere, quod posse malum facere erat de perfectione vniuersitatis: quia creatura debebat fieri, quæ posset peccare, & posset abstinere, ad hoc quod vniuersum perfectum esset, sicut in tertio, de libero arbitrio dicitur. Si loquamur de malo, vt est in facto esse, sic dicunt, quod nullo modo spectat ad complementum vniuersi, nec per se, nec per accidens. Sed cum auctoritates dicant contrarium, quod ex ordinatione mali ad bonum, quidam decor resultat, sicut dicit Augustinus. expresse, oportet aliter dicere. Ideo dicunt alij, quod decor vniuersitatis, quidam est substantialis, siue quantum ad esse: quidam accidentalis, siue quantum ad bene esse. Quantum ad primum mala non faciunt ad decorem, nec per se, nec per accidens: sed quantum ad aliquem decorem accidentalem, mala bene ordinata faciunt: non quia mala, sed quia bene ordinata: & ita per accidens sicut per accidens ordinantur, & illo decore circumscripto adhuc esset vniuersum decorum, & perfectum, quamvis hunc decorem non haberet. Ad hunc decorem faciunt mala, non ratione sui, sed ratione subiecti, quod ordinatur in pœnam ad diuinæ iustitiæ manifestationem. Vel ratione oppositi, quia decor magis clarescit ex præsentiā mali, sicut opposita iuxta se posita magis elucescunt, sicut communiter dicitur. Vel ratione boni eliciti: multa enim bona Deus fecit, & facta sunt, quæ non essent facta nisi peccatum præstitisset occasionem, sicut illa quæ gesta sunt in nostra reparatione: tamen sine his omnibus esset vniuersum completum. Si vero quæritur, vtrum tunc esset pulchrius, quam nunc, sic responderi potest, quod se habent sicut excedentia, & excessa: sicut duæ facies, in quarum vna nulla est macula, in altera est cicatrix aliqua bene sita, quæ videtur faciem venustare. Et si ultra procedas, quis decor magis excedit: potest dici sine præiudicio, quod decor qui nunc est: & ratio huius est, quia vis diuina eliciens bonum ex malo, præpotens est malo: & ideo bonum quod inde elicit, præualet bono, quod malum corripit: & ideo plus valet vniuersum nunc, quam valuisset tunc, in quo nunc modo commendatur sapientia Creatoris. Vnde Gregor. in benedictione cerei Pascalis: O felix culpa, quæ talem meruit habere Redemptorem. Et exemplum est de scypho sano, qui frangitur, & religatur filo argenteo, vel aureo, quia melior est post, quam ante, non ratione fractionis, sed ratione religatio-

nis. Et si quæras à me, nonne melius esset si omnes essent beati, quam quod quidam beati, & quidam miseri? Dicendum (sicut credo) si homo stetit, non peruenissent plures ad Hierusalem supernam, quam sic peruenturi sunt. Vnde mali quasi ex abundantia sunt, nec sunt in computatione.

1. 2. Et sic concedendum quod ordinatio mali facit ad complementum accidentale: sicut probant rationes ad primam partem inductæ, sed ad complementum, siue ad decorem substantialem, nec per se, nec per accidens: per se vero ad nullum, sicut illæ rationes ostendunt.

3. Veruntamen quod obicitur ad primam partem, per simile in priuationibus. Dicendum quod illæ priuationes non sunt aliquid adimentes, nec auferentes aliquid de bono, vel pulchro, malum autem aufert, ideo patet illud.

4. Ad illud quod obicitur: quod non manifestaretur misericordia, & iustitia. Dicendum, quod quamvis non manifestaretur in actu, manifestaretur tamen in sua origine. Qui enim Deum in se cognoscit: videt in illo æterno exemplari, quid eum deceat facere, & quid possit, licet non ita clare vt nunc in opere, & ita misericordiam, & iustitiam pariter, nihilominus tamen misericordia ostenderetur in supererogatione, & iustitia in retributione, licet non ita clare, vt nunc.

DISTINCT. XLVII.

Quod voluntas Dei semper impletur de homine, quocunque se vertat.



VOLUNTAS quippe Dei semper efficax est, vt fiat omne quod velit, & nihil fiat quod nolit: quæ de homine semper impletur quocunque se vertat. Nihil enim in libero arbitrio constitutum superat voluntatem Dei, & si faciat contra eius voluntatem, tamen contra eius voluntatem, quæ ipse est, nihil putandum est, ita fieri, tanquam velit fieri, & non fiat, vel nolit fieri, & fiat. Illa enim voluntas (vt ait Augustinus in Enchirid.) semper impletur aut de nobis, aut à nobis. De nobis impletur, sed tamen non implemus eam quando peccamus. A nobis impletur, quando bonum facimus: ideo enim facimus, quia scimus placere Deo. Ita & de homine semper Deus implet suam voluntatem: quia nihil facit homo, de quo Deus non operetur quod vult. Non enim vult Deus, vt peccet homo quilibet. Si autem peccauerit, pœnitenti vult parcere, vt viuat: in peccatis vero perseverantem punire, vt iustitiæ potentiā cōtinue max non euadat. Sicut alios ab æterno præparauit ad pœnam, ita alios præparauit ad gloriam: Et hæc sunt magna opera Domini, exquisita in omnes voluntates eius. Et tam sapienter exquisita, vt cum Angelica, & humana creatura peccasset, id est, non quod ille, sed quod voluit ipsa fecisset, etiam per eandem creaturæ voluntatem: quæ factum est, quod creator non voluit, impleret ipse quod voluit, bene vtens etiam malis, tanquam summe bonus ad eorum damnationem, quos iuste prædestinauit ad pœnam, & ad eorum salutem, quos benigne prædestinauit ad gratiam. Quantum enim ad ipsos attinet, quod Deus noluit, fecerunt: quantum vero ad omnipotentiam Dei nullo modo id facere valuerunt. Hoc quippe ipso quod contra eius voluntatem fecerunt, de ipsis facta est voluntas eius. Propterea namque magna opera Domini exquisita in omnes voluntates eius, vt miro, & ineffabili modo non fiat, præter eius voluntatem, quod etiam fit contra eius vo-

luntatem: quia non fieret si non sineret: nec utique nolens finit: sed volens: nec sineret bonus fieri male, nisi omnipotens etiam de malo posset facere bene. His verbis evidenter monstratur quod voluntas Dei aeterna semper impletur de homine etiam si faciat homo contra Dei voluntatem. Sed attendendum est diligenter quomodo in superioribus dicitur fieri aliquid contra Dei voluntatem, quod tamen non sit prater eam, & qualiter intelligendum sit illud quantum ad se, fecerunt quod Deus noluit: quantum vero ad omnipotentiam Dei nullo modo id facere valuerunt. Videntur enim ista superioribus obviare, ubi dictum est: Voluntati eius nihil resistere.

Rom. 9. d

Hic aperit diuersis modis supra accipi Dei voluntatem.

In tem. 3.
enarratione
ad Psal. 16.

Verum, ut supra diximus, voluntas Dei diuersis modis accipitur, quia diuersitas in praedictis verbis si diligenter notetur, nihil ibi contradictionis reperitur. Vbi enim dicit non fieri prater eius voluntatem, etiam quod sit contra eius voluntatem, dissimiliter accipit voluntatem: & non ipsam voluntatem, quae Deus est, & sempiterna est: sed eius signa praedictis verbis intelligi voluit, id est, prohibitionem: siue praeceptionem, & permissionem. Multa enim fiunt contra Dei praeceptum, vel prohibitionem, quae tamen non fiunt prater eius permissionem. Ipsius namque permissione omnia fiunt mala: quae tamen prater eius voluntatem sempiternam fiunt. Sicut Aug. dicit super illum locum Psal. Ut non loquatur os meum opera hominum. Opera enim hominum dicit ea quae mala sunt, quae prater Dei voluntatem fiunt in sensu, quae ipse est: sed non prater eius permissionem, quae ipse non est. Appellatur tamen ipsa Dei voluntas, quia Deus volens finit mala fieri. Fiunt, & contra eius praeceptionem, vel prohibitionem, sed non contra eius voluntatem, quae ipse est nisi dicantur contra eam fieri, quia prater eam fiunt. Contra eam quippe nihil ita fit, ut velit fieri quod non fiat, vel nolit fieri, & fiat: quod evidenter ibi August. notauit, ubi ait: Quantum ad ipsos attinet, quod Deus noluit, fecerunt: quantum vero ad omnipotentiam Dei, nullo modo id facere valuerunt. Ac si diceret, fecerunt contra Dei praeceptum, quod appellatur voluntas: sed non fecerunt contra Dei voluntatem omnipotentem, quia hoc non valuerunt, illud valuerunt: & ita per hoc quod fecerunt contra Dei voluntatem, id est, praeceptum, de ipsis facta est voluntas eius, id est, impleta est voluntas eius sempiterna, quae eos damnari volebat. Vnde Greg. super Genesim: Multi voluntatem Dei peragunt, unde mutare contendunt, & consilio eius resistentes obsequuntur: quia hoc eius dispositioni militat, quod per humanum studium resultat. Hic aperte ostenditur, quia dum mali consilio ac praecepto Dei resistunt (quod voluntas Dei appellatur) ea faciunt unde voluntas eius, quae ipse est, impletur, quae dispositio, vel beneplacitum vocatur. Nam (ut ait Aug. in Ench.) Quantalibet sint voluntates Angelorum, & hominum, bonorum, vel malorum, vel illud quod Deus, vel aliud volentes, quam Deus, omnipotentis voluntas semper inuicta est: quae mala esse nunquam potest, quae etiam dum mala irrogat, iusta est, & profecto quae iusta est, mala non est. Deus ergo omnipotens siue per misericordiam, cuius vult, miseretur: siue per iudicium, quem vult, obdurat: nec inique aliquid facit, nec nisi volens quidquam facit, & omnia quaecumque vult, facit.

Cap. 101.
Rom. 3.

Summatim perstringit sententiam praedictorum, addens quare Deus praecepit omnibus bona facere, & mala vitare: cum non velit hoc ab omnibus impleri.

Ex praedictis liquet quod voluntas Dei, quae ipse est, semper inuicta est, nec in aliquo cassatur, sed per omnia impletur. Consilium vero eius, & praeceptio siue prohibitio non ab omnibus implentur, quibus proposita, & data sunt. Neque ideo praecepit omnibus bona, vel prohibuit mala, vel consuluit optima, quod vellet ab omnibus, bona quae praecepit fieri, vel mala quae prohibuit vitari. (Si enim vellet, utique, & fierent, quia in nullo potest ab homine superari, vel impediri eius voluntas) sed ut iustitiam suam hominibus ostenderet, & mali essent inexcusabiles. Denique, ut boni ex obedientia gloriam, mali ex inobedientia poenam sortirentur, sicut utrisque ab aeterno praeparauit. Ea ergo quae omnibus praecepit, vel prohibuit, à quibusdam voluit fieri, vel vitari, sed non ab omnibus, & quaedam personaliter praecepit, & in veteri, & in noua lege, quae ab eis quibus praecepit, fieri noluit, ut Abraha de immolatione filij, & in Euangelio quibusdam curatis, quibus praecepit ne cui dicerent.

DISTINCT. XLVII.

Voluntas Dei semper fit efficaciter.

Voluntas quippe Dei semper efficax est.

Expositio Textus.

SUPRA remouet Magister dubitationes, ex quibus videbatur voluntas Dei aliquando impediri. Hic determinat veritatem ostendens voluntatem Dei semper esse efficacem, & nunquam impediri. Et haec pars habet quatuor partes. In prima auctoritate August. ostendit voluntatem Dei semper esse efficacem, & nunquam impediri. In secunda vero (ne hoc intelligeretur de voluntate signi) distinguit voluntatem, ut ostendat hoc esse dictum de voluntate beneplaciti, ibi: Verum & supra diximus. In tertia Magister ostendit, quod contra quandam voluntatem signi bene potest fieri, ibi: Multa enim fiunt contra Dei praeceptum, &c. In quarta vero epilogat breuiter praedeterminata, & hoc ibi: Ex praedictis liquet quod voluntas Dei, quae ipse est, &c.

Dini 60.

Ad eorum damnationem quos iuste praedestinavit ad poenam. Dub. I.

Videtur August. hic improprie loqui, quia supra dicitur, quod praedestinatio est de bonis salutaribus.

Distinct. 49.

ITEM. Damas. Non ad puniendum plasmauit nos Deus: ergo maledicit. Iuxta hoc quaeritur, cum Deus sit summe iustus sicut summe misericors, quare magis dicitur proprium Dei misereri, quam damnare, siue punire.

Lib. 2. c. 29.
in fine.

RESP. quod Damas. distinguit voluntatem Dei in antecedentem, & consequentem. Potest ergo praeparatio esse quantum ad utramque, & sic est praeparatio bonorum, & hoc modo est praeparatio simpliciter, & praedestinatio proprie dicta. Alio modo praeparatio accipitur large, secundum quancumque voluntatem, & sic est malorum, & est praedestinatio large. Magister autem, & Damas. supra accipiunt proprie: sed August. accipit communiter, & sic patet solutio.

Ibidem.

AD illud quod quaeritur de opere misericordiae. Dicendum quod ideo est proprium Dei misereri, quia ad opus misericordiae non requiritur nisi Dei benignitas: sed ad hoc quod seueritatem iustitiae faciat, praesupponitur nostra iniquitas, & ideo illud magis appropriatur ipsi Deo, quam hoc.

Ipsius

Ipsius namque permissione, &c. Dub. II.

Inquit Magister quod mala sunt præter Dei voluntatem: sed non præter permissionem. Contra: Videtur male loqui, quia cum permissio sit signum voluntatis diuinæ, si sunt præter voluntatem: ergo etiam præter permissionem. Item: quæritur quæ differentia est inter fieri præter voluntatem, & contra, & videtur quod nulla: quia qui non est mecum, contra me est.

RESP. Dicendum, quod fieri præter voluntatem, hoc est quia voluntas Dei non est in hoc fieri, nec in eius oppositum, & ita præter voluntatem fit: quod non sit secundum voluntatem, nec contra, & inter hæc medium est: Dominus autem in Matthæo intelligit de præceptis, quæ qui negligit, inimicus Dei efficitur. Quod ergo obicitur, quod permissio est signum voluntatis beneplaciti. Dicendum, quod non est signum quod Deus velit illud quod permittitur: sed quod velit illud, quod ex eo elicitur, & sic patet illud.

Sed non præter eius permissionem qua ipse non est. Dub. III.

Secundum hoc videtur quod permissio non sit Deus. Contra: Deus est sua actio: ergo Deus est sua permissio, cum permissio sit actio Dei. Si tu dicas hoc esse dictum ratione connotati: tunc obicitur, quod voluntas Dei similiter aliquid connotat circa volitum.

RESP. Dici potest quod Magister loquitur secundum opinionem illorum qui dicunt nomina sex generum non prædicare aliquid de Deo, vel in Deo, sed à Deo: sed hæc opinio supra improbat est. Et ideo potest dici, quod Magister loquitur de permissione ratione sui connotati, quod importat ratione sui nominis. Et si tu obicias de voluntate quod connotat: Dicendum quod verum est ex adiuncto: sed non est ita de principali significatione nominis.

Neque ideo præcipit omnibus bona, vel prohibuit mala, vel consuluit optima, &c. Dub. IV.

Videtur falsum dicere, quia præceptum Dei est signum voluntatis Dei, sicut præceptum nostrum est signum voluntatis nostræ: sed rectus homo nunquam præcipit aliquid alicui, nisi quod vult fieri: ergo multo fortius nec ipse Deus.

RESP. Dicendum quod August. & Magister sequens Aug. quando de voluntate beneplaciti loquuntur, semper accipiunt pro voluntate, qua Deus absolute vult aliquid euenire: & de hoc non est dubium illud quod dicit: sed vltimus Ioannes Damasc. distinguit voluntatem etiam in antecedentem, siue quantum in se est, & huius signum est præceptum, & de hac non loquitur Aug. nec Magister.

Præcipit & in veteri, & in noua lege, qua ab eis quibus præcepit, fieri noluit. Dub. V.

Videtur male dicere, quia præceptum est signum diuinæ voluntatis: ergo si præcipiebat quod volebat, videtur quod illos decipiebat, quibus præcipiebat.

ITEM: Videtur falsum dicere, quod noluit immolationem Isaac, quia Abraham volebat: ergo voluntatem suam diuinæ non conformabat: ergo non merebatur, ut videtur. Item: Quare Abraham parauit se ad obediendum, non autem curatus in Euangelio?

RESP. Dicendum quod quædam præcepit Deus ad faciendum, ut præcepta moralia, quædam ad probandum, id est, probatum ostendendum, quædam ad erudiendum: & horum duorum exëpla tanguntur in littera. In præcepto ergo Abraham signatur non quod Deus vel immolationem: sed quod vult Abraham velle, & ideo cum voluit, se illi conformauit. In præcepto autem quod fecit curato, signauit se velle contemptum

A laudis, & ideo Abraham laudandus est in voluntate obedientiz, & curatus in hoc quod non tacuit.

ARTICVLVS I.

AD intelligentiam eorum quæ dicuntur in hac parte, quatuor quærentur. Primo, quæritur, utrum voluntas beneplaciti possit impediri. Secundo, quæritur, utrum aliquis possit facere contra voluntatem signi. Tercio, utrum Deus debeat mala permittere. Quarto & vltimo, utrum Deus possit mala præcipere.

QVÆSTIO I.

An voluntas beneplaciti Dei possit impediri.

Alex. Alenf. 1. p. q. 40. Memb. 4.
S. Thom. 1. p. q. 19. art. 6.
Et 1. Sent. dist. 47. q. 1. art. 1. & 2.
Et de Ver. q. 23. art. 2. & quod. 11. art. 3.
Bgid. Rom. 1. Sent. dist. 47. q. 1.
Richardus 1. Sent. dist. 47. q. 1.
Steph. Brulef. 1. Sent. dist. 47. q. 1.
Petrus de Tarantaf. 1. Sent. dist. 47. q. 1.
Gabr. Biel. 1. Sent. dist. 46. q. 1.

QUOD Voluntas beneplaciti non possit impediri, ostenditur primo auctoritate Genesis: Num Dei possumus resistere voluntati? Quasi diceret, non.

ITEM: Voluntati eius, quis resistit?

ITEM super illud: Qui vult omnes homines saluos fieri. Glos. rogandus est, ut velit, quod si vult, necesse est fieri.

ITEM super illud psalmi: Iustus Dominus in omnibus operibus suis, Glos. apud Deum, hoc est velle, quod facere: sed non potest impediri ne velit, qualibere vult: quod vult: ergo non potest impediri ne fiat.

ITEM: Omnis voluntas quæ potest impediri, potest superari: sed diuina voluntas superari non potest, cum sit suprema: ergo diuina voluntas non potest impediri.

ITEM: Omnis causa quæ impeditur à prosecutione sui effectus, aut deficit, aut mutatur: sed diuina voluntas, nec deficit, nec mutatur, nec potest deficere, nec mutari: ergo, &c.

ITEM: Nobilior agens est, & nobilior causa, quæ non potest impediri, quam quæ potest: sed diuina voluntas est summa & suprema causa omnium, ut supra monstratum est: ergo, &c.

1. CONTR. Omnis causa, cuius effectus contingenter euenit, potest impediri: nam si non potest, tunc effectus euenit necessario: sed diuina voluntas est huiusmodi, quia est multorum contingentium, alioquin aut nihil esset contingens, quod est contra arbitrij libertatem, & consilium, & casum: aut Deus non esset illius causa, quorum vtrunque absurdum est: ergo, &c.

2. ITEM: Omnis causa quæ per aliam agentem expletur, potest per illam deficientem impediri, si illa possit deficere. Hæc propositio per se nota est: sed diuina voluntas est huiusmodi, nam Deus vult multa fieri per causas creatas, quæ non facit sine ipsis, sicut generare hominem, asinum, & similia. Similiter de his quæ sunt ab opere nostro, & hæc possunt deficere: ergo diuina voluntas potest impediri.

3. ITEM: Omnis causa cuius virtus se extendit ad contrarium, voluntate potest aliud velle, quam velit: sed diuina essentia est huiusmodi, aliquid enim vult Deus, ut istum damnari: cuius oppositum potest, hoc certum est, alioquin non esset omnipotens: potest ergo facere oppositum eius, quod vult. Sed omne possibile, est ponibile: ponatur ergo quod Deus faciat oppositum eius quod voluit, si hoc: ergo voluntas Dei est frustra, & impedita: ergo, &c.

4. ITEM: Voluntas vult aliquid quod Deus vult ipsam velle: aut ergo potest velle contrarium, aut non potest. Si potest: ergo diuina voluntas potest impediri. Si non potest: ergo necesse est libertatem eius arctari.

Fundamen-
ta.
Gen. ult. c.

Rom. 9. d
1. Tim. 2. a

Ad opposi-
tum.

Arifor. 9.
Nisaph.
context....

CONCLV

CONCLUSIO.

Dei voluntas antecedens potest cassari, consequens autem atque absoluta, nequaquam.

RESP. ad Arg. Ad intelligentiam prædictorum notandum, quod secundum Ioan. Damasc. Voluntas beneplaciti est duplex, scilicet antecedens siue conditionalis, qua vult, quantum in se est, omnium salutem: & absoluta siue consequens qua determinate, vult aliquid, quod nouit certitudinaliter euenire. Intelligendum est ergo quod nullam Dei voluntatem possibile est superari, nullam possibile est cassari: aliquam tamen, vt antecedentem, possibile est non impleri: aliquam, vt consequentem, necesse est impleri, & impossibile est impediri. Nulla (inquam) est possibile superari: Nam si homo non faciat, quod Deus vult quantum in se est voluntate antecedente, Deus facit de ipso quod vult voluntate consequente, & ita semper impletur, vel de homine, vel ab homine, & sic nunquam vincitur, vel superatur. Non etiam possibile est voluntatem Dei cassari: Nam casum dicitur aliquid dum priuatur effectu proprio ad quem est: voluntas autem nullo priuatur effectu ad quem est proprie. Nam quod dicitur, quod Deus vult omnes homines saluos fieri quantum in se est, hæc voluntas non connotat salutem, nec proprie est ad effectum salutis: sed connotat ordinationem naturæ, siue naturam ordinabilem ad salutem. Vnde nihil plus est dicere, Deus vult istum saluum fieri, quantum in se est, quam Deo placuit dare isti naturam, per quam posset peruenire ad salutem, & quod Deus paratus esset iuuare, ita quod salus non deficit propter defectum à parte Dei. Vnde non cassatur, quia habet proprium effectum. De voluntate autem absoluta planum est, quod non possit cassari, quia omnem effectum suum ponit, nec vnquam remanet inexplata. Cum itaque verum sit voluntatem Dei nullo modo posse superari, nec cassari, tamen voluntatem absolutam necesse est impleri, conditionalem vero minime. Sed attendendum, quod est necessitas consequentis, sicut supra dictum est de præscientia, ipsa non habet necessitatem consequentis, sed consequentis, quia necessario infert, & sequitur; Deus præscit hoc: ergo hoc erit: sed tantum non necessario præscit, quia in actu præsciendi frequenter notatur effectus contingens. Sic in voluntate intelligendum est, quod voluntas Dei absoluta connotat euentum rei, & ideo est ibi necessitas consequentis; sed non consequentis, quia non mutat euentum rei, immo vult Deus, quod eueniat consequens contingens. Vnde sicut præscientia, quia necessario infert effectum, non potest falli, sic voluntas absoluta, quia necessario infert, non potest impediri, immo eam necessarium est impleri: voluntatem autem antecedentem, vel conditionatam non est necesse impleri, nec necessitate consequentis, nec necessitate consequentis, quia non connotat effectum rei: sed connotat illud quod est ordinabile ad euentum, vt prædictum est. Vnde bene sequitur, vult istum saluari voluntate absoluta: ergo iste saluabitur: nunquam enim vellet, nisi pariter præsciret eum esse saluandum. De voluntate vero conditionata, vt visum est, non sequitur. Si ergo obiicitur quod voluntas Dei est necessaria, & necessario infert effectum: ergo omnimodam ponit circa ipsum necessitatem, dicendum, quod quamvis necesse sit Deum velle, & voluntatem eius esse in actu, tamen comparatio eius ad futurum est contingens, & ideo effectus euenit cōtingenter.

1. AD illud quod obiicitur quod potest impediri, cum sit causa contingens, dicendum quod, sicut tactum est, cum comparatio voluntatis ad volitum, & euentus voliti se necessario concomitentur, sicut vnum est contingens, ita & aliud, & ideo non potest impediri: tunc enim impeditur causa, quando manente comparatione & ordinatione eius ad effectum, effectus non euenit. Quod ergo proponitur, omnis causa cuius effectus est contingens, potest impediri, falsa est propositio, & ha-

bet instantiam, si effectus necessario concomitetur & sequatur ad causam, & hæc est instantia in proposito.

2. AD illud ergo quod obiicitur quod potest impediri propter defectum causæ cooperantis, dicendum quod sicut diuina voluntas, siue diuinum velle connotat effectum, ita connotat efficientiam causæ particularis. Cum enim dicitur: Deus vult istum saluari, non est sensus quod velit in omnem euentum, sed quod vult istum saluari, & vult istum velle. Vnde sicut diuina voluntas connotat istum effectum euenire, & ideo necessario sequitur effectus ad ipsam, ita connotat causam creatam concurrere: & ideo necessario sequitur, si Deus vult istum saluari, quod iste etiam velit: & ita nunquam deficit sicut nec effectus, & ita nunquam impeditur.

3. AD illud quod obiicitur quod Deus potest oppositum eius quod vult, dicendum quod diuina voluntas non arctat potestatem in possendo: vnde plura potest quā velit, tamen arctat potentiam in agendo: nunquam enim potentia agit aliquid nisi quod vult, & impossibile est quod actio superexcedat voluntatem. Vnde nihil potest facere nisi quod potest velle. Quando ergo dicitur quod potest contrarium suæ voluntatis, potest intelligi dupliciter. Aut voluntate mouente ad contrarium, & sic notatur repugnantia voluntatis ad potentiam, & hoc est impossibile. Aut voluntate non mouente, & sic notatur non impedimentum nec repugnantia: sed quod voluntas libere potest, quia ita potest hoc quod eius oppositum ita enim vult hoc quod potest velle eius oppositum absque sui mutatione, sicut supra dictum est de præscientia. Et ratio huius est, quia vno & eodem, vult quæcunque vult.

4. AD vltimum dicendum quod voluntas Dei secundum conuenientiam ad præscientiam vult illa quæ vult. Vnde sicut præscientia ambit totum velle, & posse, & agere, & non potest falli aliquid non subtrahendo contingentis rei euenientis, sic etiam in proposito intelligendum.

QVÆSTIO II.

An aliquis possit facere contra voluntatem signi.

Bgid. Rom. 1. Sent. dist. 47. p. 2. q. 1.

Richard. 1. Sent. dist. 47. q. 2.

Stephanus Brulef. 1. Sent. dist. 47. q. 2.

Petrus de Tarantasia. 1. Sent. dist. 47. q. 2.

VTrum aliquis possit facere contra voluntatem signi. Et quod non, videtur, quia signum & signatum conformari debent: ergo quod fit contra vnum, fit contra reliquum: & si non potest fieri contra signatum, nec contra signum. Alioquin si non fit contra signatum, sed contra signum, tunc signum est falsum: si enim signum ducit in signatum, significat quod fit contra ipsum fieri contra signatum.

2. ITEM: Minimum inter omnia signa est permissio, cum sit respectu mali ad quod minime ordinatur beneplacitum Dei: ergo si minime accedit ad voluntatem beneplaciti, si non potest fieri contra permissionem, multominus contra alia: sed non potest fieri contra permissionem, sicut dicit Magister in litera, & Augustinus de Ciuit. cap. 20. sicut nullus hominum agit recte, nisi adiutus diuino auxilio, sic nullus hominum atque demonum agit iniuste nisi eodem diuino atque iustissimo permittatur iudicio.

3. ITEM: Potentior est voluntas cui non potest resisti nec in se, nec in signo, quam cui potest in signo saltem, & si non in re: sed Deus est potentissimus: ergo videtur quod nec voluntati eius nec signo voluntatis possit resisti, & sic, &c.

4. CONTRA: Inter omnia signa voluntatis præceptio, siue imperium videtur esse potentissimum: sed fieri potest, & fit tota die contra diuinum mandatum: ergo contra omnia alia.

5. ITEM

5. **ITEM** videtur quod specialiter contra permissionem, quia permissio non est nisi mali culpæ: sed malum culpæ non est malum nisi voluntarie fiat: & si voluntarie fit, potest non fieri: ergo permittente Deo aliquem male facere, potest non facere: ergo potest facere contra permissionem.

6. **ITEM** super illud psalmi: Eduxit eos cum argento, & auro. Glossa dicit quod idem fuit præceptum, & permissum, scilicet asportatio vasorum: ergo cum possit fieri contra præceptum, pari ratione & contra permissionem, & contra alia: per consequens ergo contra omnem voluntatem signi.

CONCLUSIO.

Potest fieri contra signa diuina voluntatis, qua respiciunt futurum, sed non contra ea qua possunt, cum hac signent voluntatem absolutam, illa vero conditionatam.

RESP. ad arg. Dicendum quod contra aliquod signum diuinæ voluntatis potest fieri, contra aliquod nō. Et ratio huius duplex est, ex duplici modo distinguendi signa. Quædam enim sunt signa respectu præsentis, vt impletio & permissio, Quædam respectu futuri, vt præceptio, & consilium, & prohibitio. Et quoniam de præsentis quod fit, impossibile est in præsentis non fieri, quoniam omne quod est, quando est, necesse est esse: ideo respectu signorum de præsentis non potest esse resistencia, quia si sit resistencia, iam non sunt præsentia. Quia vero futura vel facienda possunt non fieri: ideo quantum ad signa tria sequentia, resistencia potest esse. Alia ratio sumitur secundum alium modum distinguendi. Quia quædam sunt signa diuinæ voluntatis absolute, quædam conditionate: Dico ergo quod quia contra voluntatem absolutam non potest fieri, non potest etiam fieri contra signa voluntatis absolute, vt pote sunt impletio, & permissio. Quia vero contra voluntatem antecedentem, siue conditionatam potest fieri, quia potest homo diuertere ab ordine ad quem ex sui constitutione conditus est, hinc est quod potest fieri contra voluntatem signi, quæ illam signat scilicet contra prohibitionem, & præceptionem, & consilium.

1. **AD** illud quod obiicitur quod contra nullum potest fieri, patet solutio quod est falsum.

2. **AD** illud quod obiicitur quod minimum est permissio, dicendum quod maior significatio, vel minor nihil facit ad hoc: sed præsentia effectus: vel etiam, quia signat voluntatem absolutam, qua aliquid connotat absolute.

3. **AD** illud quod obiicitur quod potentius est illud contra cuius signum non potest fieri, dicendum quod verum est quando voluntas vult omnino quod nihil fiat, nisi quod ostendit se velle: sed diuina voluntas non est talis, immo vult quod vnusquisque habeat propriam libertatem, & faciat quod vult. Vnde potentia faciendi contra diuinam voluntatem est à diuina voluntate: & ideo non esset potentior propter hoc. Vnde distinguendum quod posse facere contra signum voluntatis alicuius aut est contra voluntatem, & sic attestatur impotentia: aut illud posse est à voluntate, cuius est signum: & sic non attestatur impotentia, sed magis potentia.

4. **AD** illud quod obiicitur quod contra omnia, quia fit contra præceptionem quæ est maximum signum. Soluendum est per interemptionem quod non est maximum signum, quia impletio maius est. Præterea hoc nihil facit ad propositum, sed præsentia effectus, & absolutio in significato.

5. **AD** illud quod obiicitur quod fit contra permissionem, quia peccator potest non peccare dicendum quod Deo nō dicitur permittere peccare nisi eū qui actualiter peccat, dū peccat, & tūc impossibile est eū nō peccare.

6. **AD** illud quod ultimo obiicitur quod idē fuit ibi præceptum, & permissum, dicendum quod permissio multis modis accipitur in scriptura. Primo modo dicitur permissio non cohibere: sicut Dominus permittit mala, quia non cohibet: & hoc modo est signum voluntatis

diuinæ distinctum contra præceptum. Alio modo non punire temporaliter: & sic dicitur libellus repudiij permitti in Matthæo: Moyses ad duriciam vestram permittit. Tercio modo non prohibere vt in psalmo: Irascimini & nolite peccare. Glossa permittit quod necessitatis est, id est, non prohibet. Quarto modo permittere est minus bonum indulgere, super illud: Hoc autem dico secundum indulgentiam, &c. Glossa, permittit.

QVÆSTIO III.

An Deus debeat mala permittere.

Scotus 1. Sent. dist. 47. q. unica.

Egid. Rom. 1. Sent. dist. 46. p. 2. q. 2.

Richardus 1. Sent. dist. 47. q. 3.

Steph. Brulef. 1. Sent. dist. 47. q. 3.

Petrus de Tarantasia. 1. Sent. dist. 47. q. 3.

VTrum debeat Deus mala permittere: & quod sic videtur: Abundant tabernacula prædonum, &c. Gregorius: Omnipotens Deus quod fieri non prohibet, iustum est vt fieri sinat.

ITEM: Deus debet conseruare ordinem quem instituit: sed cum Deus creauit hominem, dedit ei liberam voluntatem: sed libera voluntas dicitur eo quod libere potest quidquid vult: ergo si vult malum, potest in malum: ergo cum non debeat auferre homini potentiam quam dedit, debet ipsum permittere peccare.

ITEM: Malum frequenter est occasio maioris boni: sed non fieret nisi malum præcessisset, vt patet in passione Christi: sed decet eum facere, & permittere id quod est via ad melius: ergo cum non possit malum facere, solum debet permittere.

ITEM: Deus omnia facit propter laudem suam: sed in malis manifestatur laus diuinæ iustitiæ, & misericordiæ: ergo si non debet facere contra amplificationem suæ laudis, non debet impedire ne mala fiant: ergo, &c.

1. **CONTRA:** Non solum qui talia agunt digni sunt morte, sed qui consentiunt Glossa: Consentire est facere, cum possis arguere: ergo cum Deus possit corrigere, & impedire malum: si permittit & tacet, consentit: sed qui consentiunt, digni sunt morte: ergo, &c.

2. **ITEM** Augustinus de Ciu. Dei: Ad innocentis officium non solum pertinet nemini malum inferre: sed etiam à peccato cohibere: ergo si Deus non cohibet, cum possit, Deus non est innocens.

3. **ITEM** ratione videtur: Quia omnes virtutes nostræ debent habere exemplar in Deo: sed in nobis est virtus zeli, ergo & in Deo: sed zelus quantum potest obuiare peccato: ergo si Deus habet zelum, quantum potest obuiat: ergo, &c.

4. **ITEM:** Vniuersæ viæ Domini misericordia, & veritas: si ergo permittit iustum peccare, aut est misericordia, aut iustitia. Non misericordia, constat. Nec iustitia: quia iustus non meruit cadere: ergo, &c.

CONCLUSIO.

Deus, tum propter ordinem vniuersi, tum propter ordinem finis, tam in gloriam electorum quam in laudem suam, potest mala permittere.

RESP. Ad arg. Dicendum quod Deus permittit mala fieri, & hoc ordinatissime. Duplex est enim ordo rerum. Vnus in vniuerso, alter in finem, & vterque exigit quod Deus permittat mala fieri. Ordo quippe in vniuerso exigit, quia ad perfectionem vniuersitatis necesse fuit fieri creaturam arbitrio liberam, & peccare potentem: sed administratio vniuersitatis est, vt Deus sic res conditas administret, vt eas agere proprios motus sinat, sicut dicit Augustinus de Ciu. Dei. Ideo cum debuerit dare potentiam peccandi, & debuerit reuocare saluum ordinem suæ conditionis, si voluit peccare, debuit permittere: & si non voluit peccare, debuit conseruare: & ita debet permittere mala. Ordo ad finem hoc exigit: quia duplicem finem contingit reperiri in vniuerso: vnus est salus electorum, alius diuina laus. Quoniam ergo permissio malorum reddit electos gloriosiores per occasionem, & Deus non curat vtum per causam, vel per occa-

sionem

Mat. 19. a

Psalm. 4. a

1. Cor. 7. b

Fundamēta

Iob. 12. a

Ad opposi-

tum.

Rom. 1. d

Aug. de Ciu.

Dei lib. 10.

c. 16. tom. 5.

Psalm. 14. b

Lib. 7. c. 30.

tom. 5.

Lib. 11. c. 17.
c. 18. c. 19.

Lib. 21. de
Ci. Dei. c. 12.
10. 3. & in
Ench. c. 99. in
fine, 10. 3.

tionem electorum gloria augeatur, ideo Deus permittit recte. Vnde Augustinus de Ci. Dei dicit, quod nullum faceret quem malum præsciret, nisi pariter nosset quibus bonorum vñibus accommodaret. Profunt autem eis exercitando. Et ideo dicit de lapsu mundi quod permittit plures esse malos: quia si pauci essent non auderent exercere bonos. Diuina etiam laus hoc exigit: quia occasione mali summe manifestatur diuina misericordia in electis: in filij vnigeniti donatione, pro inimicis secundum tēpus. Summe etiam manifestatur Dei iustitia in æterna punitione reprobatorum. Vnde Augustinus de Ci. Dei: Si omnes remanerent in pœna, in nullo appareret misericordis gratia redimentis. Rursus: Si omnes transferrentur ad lucem, in nullo appareret seueritas vñionis.

1. Ad illud ergo quod obiicitur quod permittere est consentire, dicendum quod permittere malum est dupliciter. Aut non cohibendo manum, vel animum nec in facto, nec in retributione, & sic consentire est. Vel non cohibendo manum, sed tamen puniendo transgressorem, & arguendo continue, & sic non consentit: & hoc modo Deus permittit, & non consentit.

2. Ad illud quod obiicitur quod ad innocentem pertinet cohibere, dicendum quod illud intelligitur de cohibitione quantum ad arguitionem, & punitionem, non quantum ad voluntatis coactionem.

3. Ad illud quod obiicitur quod zelus obuiat peccato, dicendum quod verum est, salvo iure iustitiæ, & iustitia propterea est ordo vniuersi hoc exigit, vt Deus permittat hominem secundum imperium suæ voluntatis.

4. Ad illud quod ultimo obiicitur, patet responsio: quia permittere aliquem peccare, est opus iustitiæ; non, inquam, iustitiæ quæ sit exigentia meritorum, sed concedentia diuinæ sapientiæ, & bonitatis.

QVÆSTIO IV.

An Deus possit mala præcipere.

Egid. Rom. 1. Sent. dist. 47. p. 2. q. 3.

Richardus 1. Sent. dist. 47. q. 4.

Tho. Arg. 1. Sent. dist. 47. q. 1. art. 2.

Marsilius Inguen. 1. Sent. q. 46. art. 2.

Steph. Brulef. 1. Sent. dist. 46. q. 4.

Petrus de Tarant. 1. Sent. dist. 47. q. 6.

Gab. Biel. 1. Sent. dist. 47. q. unica.

Ad opposi-
tum.
Osee 1. 4

Exo. 12. 6

Gen. 22. 4

Fundamēta

VTRUM Deus possit mala præcipere. Et quod sic videtur: quia præcepit Olex vt duceret vxorem fornicariam: Et Bernardus exponit ad literam quod si dicas ad literam non esse intelligendum, obiicitur tunc: quia præcepit non tantum ducere vxorem, sed etiam facere filios fornicarios: quod si esset vxor legitima, non essent filij fornicationis.

2. ITEM in Exodo præcepit facere furtum filiis Israël, sed furtum est malum, & contra legem naturæ: ergo, &c. Si tu dicas quod non est malum secundum se, & ideo potest bene fieri.

3. CONTRA obiicitur: quia præcepit Abraham occidere filium innocentem, & quem sciebat innocentem: & hoc est malum secundum se: ergo videtur quod Deus possit præcipere malum.

4. ITEM ratione videtur: quia Deus est super omnem legem: ergo in omni mandato potest dispensare: ergo potest omnium præceptorum, & prohibitionum contraria præcipere.

5. ITEM: Pius distat non ens ab ente, quam malum à bono: sed Deus solo imperio voluntatis ex non ente facit ens: ergo solo imperio voluntatis ex malo facit bonum: ergo potest præcipere mala, vt videtur.

CONTRA: Præceptum est signum diuinæ voluntatis: ergo aut est falsum, cum significet Deum velle quod præcipit, aut Deus vult illud. Sed si Deus vult malum, est malus. Si non vult, & præcepit, est falsus, & vtrumque est impossibile apud Deum: ergo, &c.

ITEM: Nullus obediens diuino præcepto debet puniri: ergo si Deus potest malum præcipere, potest malum

impune fieri. Sed malum remanere impunitum est contra diuinam iustitiam: ergo Deus potest facere contra se: ergo sibi aduersari: sed hoc est impossibile: ergo, &c.

ITEM: Deus præcepit mala non fieri: si ergo præcepit fieri, præcepit duo opposita: sed duo opposita fieri, est impossibile: ergo Deus præcepit impossibile: sed ad nullum tale præceptum obligamur: ergo Deo possumus non obedire: quod absurdum est. Et iterum: Omnis præcipiens impossibile, est stultus, vel impius: ergo Deus esset stultus, vel impius, quorum vtrumque est impossibile. Et ideo dicit Hieronymus: Qui dicit Deum præcepisse impossibile, anathema sit.

CONCLUSIO.

Mala secundum se cum intrinsece mala sint, Deus præcipere non potest: mala vero in se qua mala non remanent, potest Deus præcipere.

RESP. ad Arg. Dicendum quod cum quæritur vtrum Deus possit præcipere malum, hoc potest dupliciter intelligi. Aut malum manens malum, aut ita quod præcipiendo faciat bonum. Primum simpliciter est impossibile: secundum vero aliquo modo est possibile, licet non omnino. Est enim aliquid malum in se, aliquid malum secundum se. Malum in se potest fieri bene: malum secundum se nullo modo potest fieri bene, immo hoc intelligere quod fiat bene, est intelligere quod idem sit malum, & bonum. Potest ergo dici quod Deus potest præcipere malum in se, & non malum secundum se: quia nihil potest præcipere, quin bonum sit postquam præceptum est: & illud est malum in se, non autem secundum se, & ideo potest illud præcipere, & non aliud. Et hinc habet ortum quod dicit Bernardus, in lib. de dispensatione & præcepto, quod Deus potest dispensare in præceptis secundæ tabulæ, & non primæ. Et ratio huius est, quia in præceptis secundæ tabulæ, quantum est de ratione præcepti, tangitur, siue præcipitur ordinatio ad proximum, & prohibetur deordinatio ad eundem. Deordinatio autem respectu proximi, nisi sit deordinatio respectu Dei, malum est in se. Si autem respectu Dei, malum est secundum se, sicut cognoscere non suam, malum est in se: sed cognoscere alienam ex libidine, siue non suam, malum est secundum se. Sed Deus in præceptis secundæ tabulæ dispensat, & dispensare potest, & contra illa potest præcipere ratione prædicta. Nec ex hoc sequitur quod præcipiat contraria, quia mandatum speciale absoluit à communi, sicut priuilegium speciale. In præceptis autem primæ tabulæ non potest Deus dispensare, quia eorum opposita sunt mala secundum se: ipsa enim præcepta dicunt ordinationem ad Deum siue in finem de sua ratione, & eorum opposita deordinationem. Et ideo si contrarium præciperet, præciperet contra se: contra se autem non potest facere: & si illa præciperet (cum illa sint mala secundum se, ita quod nullo modo possunt bene fieri) aut Deus vellet malum, quod est inconueniens, aut impune fieret malum, aut idem esset bonum, & malum, quorum vtrumque est inconueniens simpliciter. Et ideo concedendæ sunt rationes probantes, quod Deus non potest malum præcipere, vt puta malum manens malum, & hoc est malum secundum se. Tamen vltima ratio, de hoc quod præcipit malum, non valet: & iam soluta est.

1. Ad illud ergo quod obiicitur de Osee, dicendum quod illud fuit malum in se, scilicet cognoscere non suam: & diuino præcepto factum est ei bonum: sed secundum quod fornicatio dicit actum libidinosum & cognoscere aliquam ex libidine, hoc Dominus nunquam præcepit.

2. Ad illud quod obiicitur de auctoritate Exodi quod præcepit filiis Israël furtum, dicendum quod illud similiter præcepit, in quantum fuit malum in se, scilicet accipere rem alienam: sed hoc potuit facere, quia cum sit Dominus omniū, dominium potuit transferre. Sed nun-

quam

quam præcipit quod ex libidine hoc facerent, illud enim est malum secundum se.

3. Ad illud quod obiicitur de eo quod præcepit Abraham de Isaac, dicendum quod illud non erat malum secundum se, quia Isaac quamvis non esset reus mortis sibi infligendæ ab homine, tamen ratione peccati originalis reus erat mortis temporalis sibi infligendæ à Deo, ad quam habebat necessitatē, & ideo Deus habebat auctoritatē, & ita de iure potuit illam Abraham ex causa committere. Tamen aliqui volunt dicere quod non præcepit occidere: sed offerre. Sed contra hoc est Glossa, & textus, quia dicitur quod portauit ignem, & gladium.

4. Ad illud quod obiicitur quod potest super omnem legem datam, dicendum quod verum est quod potest, quia potest ponere: sed non potest destruere iam positam. Quoniam enim ordinationem ad ipsum dicunt aliqua mandata, sicut non potest contra suam iustitiam facere, sic nec contra illa præcipere.

5. Ad illud quod obiicitur quod de non ente potest facere ens, dicendum quod verum est quod potest facere: sed hoc non potest facere quod aliquid sit ens, & non ens, & quia non ens non habet necessitatem ad hoc quod sit non ens, ideo potest fieri ens: sed aliqua sunt mala, quæ si sunt, de necessitate sunt mala, sicut mentiri, & odire Deum: & ideo non est simile quia si faceret ista esse bona, faceret quod idem simul esset bonum, & malum.

DISTINCT. XLVIII.

Quod aliquando homo bona voluntate aliud vult quam Deus, & aliquando mala, id quod Deus bona voluntate vult: & bona voluntas Dei per malam hominis impletur.

SCIENDVM quoque est quod aliquando mala est voluntas hominis idem volentis quod Deus vult fieri: & aliquando bona est voluntas hominis aliud volentis quam Deus. Ut enim bona sit hominis voluntas, oportet attendere quid congruat ei velle & quo fine. Tantum enim interest inter voluntatem Dei, & voluntatem hominis, ut in quibusdam aliud congruat Deo velle, aliud homini. Vnde Aug. in Ench. Aliquando bona voluntate homo vult aliquid, quod Deus non vult, bona multo amplius multoque certius voluntate. Nam illius mala voluntas esse nunquam potest, tanquam si bonus filius patrem velit viuere, quem Deus bona voluntate vult mori. Et rursus fieri potest, ut hoc velit homo voluntate mala quod Deus vult bona, velut si malus filius velit mori Patrem, velit etiam hoc Deus. Nempe ille vult quod non vult Deus, iste vero id vult quod vult & Deus: & tamen bona Dei voluntati pietas illius potius consonat, quamvis aliud volentis, quam huius idem volentis impietas. Multum enim interest quid velle Deo congruat, & ad quem finem suum quisque referat voluntatem, ut approbetur vel improbetur. Potest enim velle bonum quod non congruat ei velle: & potest velle bonum quod congruit, sed non refert ad finem rectum: & ideo non est bona voluntas.

Quod bona voluntas mala hominum voluntate impletur, ut in passione Christi contigit, ubi quiddam factum est quod Deus bona, & Iudæi mala voluntate voluerunt, voluerunt tamen & aliquid quod Deus non voluit.

Illud quoque non est præmittendum quod aliquando Dei voluntas bona per malam hominis voluntatem impletur, ut in crucifixione Christi factum est, quem

A Deus bona voluntate mori voluit: Iudæi vero impia voluntate eum crucifixerunt. Et volebant Iudæi mala voluntate quiddam quod Deus bona voluntate volebat, scilicet ut Christus pateretur, & moreretur: sed volebant & aliquid aliud quod Deus nolebat, scilicet occidere Christum, quod fuit mala actio & peccatum. actum quippe Iudæorum non voluit Deus, passionem vero Christi voluit, sicut & in ipso psalmo Christus ad Patrem ait: Tu cognouisti sessionem meam, id est, & approbasti passionem meam, tibi enim placuit. Voluit itaque tota Trinitas ut Christus pateretur, nec tamē voluit penam Christi, sed non voluit culpam Iudæorum: nec tamen noluit, si enim nolisset, nec fuisset.

Aug. tom. 8
in Psal. 13

B

Oppositio.

Sed ad hoc opponitur sic: Si voluit Deus, ut Christus pateretur, voluit utique ut pateretur à Iudæis, vel nō. Si voluit ut non pateretur à Iudæis, cum passus sit, factum est itaque quod voluit Deus non fieri. Si autem voluit eum pati à Iudæis: voluit itaque, ut Iudæi occiderent eum. Ad quod respondentes dicimus, simpliciter concedendum esse quod Deus voluit Christum pati & mori, quia eius passio bonum fuit, & causa nostra salutis. Cum autem dicitur, volebat eum pati, vel occidi à Iudæis: hic distinguendum est. Si enim intelligitur sic, volebat eum sustinere passionem, siue crucifixionem à Iudæis illatam, verus est sensus: Si vero intelligitur sic, volebat ut Iudæi occiderent eum, falsum est. Non enim volebat Deus actionem Iudæorum, quæ mala erat: sed volebat passionem bonam, & hac voluntas per malas Iudæorum voluntates impleta est. Vnde August. in Enchiridion: Deus quasdam voluntates suas utique bonas implet per malorum hominum voluntates malas: sicut per maleuolos Iudæos bona voluntate Patris Christus pro nobis occisus est. Quod tantum bonum fuit, ut Apostolus Petrus, quando id fieri nolebat, Satanas ab ipso qui occisus est, diceretur. Ecce manifeste habes magnū bonum fuisse quod Christus occisus est, & hoc bonum, quia Petrus nolebat, ideo redargutus est.

Cap. 101.
Tom. 3.

Matt. 16. d

D Vtrum placuerit viris bonis quod Christus pateretur, & moreretur: placuit quidem intuitu nostre redemptionis: sed non ipsius cruciatus.

Ex quo soluitur questio qua queri solet, utrum viris sanctis placere debuerit quod Christus pateretur, vel occideretur. Debit enim eis placere intuitu nostre redemptionis: sed non intuitu ipsius cruciatus. Voluerunt ergo ac vehementer cupierunt Christum mori propter liberationem hominis, & impletionem diuinæ voluntatis: sed non voluerunt delectatione ipsius afflictionis. De eodem ergo latabantur, & tristabantur: sed ob aliud gaudebant, & propter aliud dolebant: Volebant ergo Christum mori pro hominis redemptione: & tamen de morte ipsius diuersis de causis corda eorum varie mouebantur.

Quo modo sentiendum sit de passionibus sanctorum, an velle, an nolle debeamus.

Si vero quaritur utrum eodem modo sentiendum sit de passionibus, & martyriis sanctorum: Dicimus aliquam esse differentiam inter passionem capitis, & membrorum. Christi namque passio, causa est nostra salutis, quod non est passio alicuius sancti: Nullius enim passionem redempti sumus, nisi Christi. Profuerunt quidem non modo eis qui passi sunt, verum etiam aliis fidelibus ipsorum passionibus: verum tamen nostra redem-

passio non sunt: hoc enim passio illius sola potuit qui Deus A
est, & homo. Illius ergo passionem credentium pia men-
tes voluerunt, & optauerunt, fieri sicut futurum crede-
bant: passiones vero sanctorum possumus velle &
nolle: & utrumque bona voluntate si rectos nobis pro-
ponamus fines. Cui enim placuit Pauli passio, eo fine,
quia premium eius per hoc auctum, & paratum cer-
nebat, bonam videtur habuisse voluntatem, qua vo-
luntati eius congruebat, quia cupiebat dissolui, & esse
cum Christo. Qui autem voluit, eum declinare passio-
nem, & effugere manus iniquorum compassione pietatis,
Cap. 101. A. 21. b
& ille habuit bonam voluntatem. Vnde Augustinus
in Enchir. Bona apparebant voluntates impiorum fi-
delium qui volebant Apostolum Paulum Hierusalem
pergere, ne ibi pateretur mala, qua Agabus propheta
predixerat. Et tamen hoc illum Dei pati volebat pro
annuntianda fide Christi, exercens martyrem Christi:
Neque ipse bonam voluntatem suam impleuit per Chri-
stianorum voluntates bonas: sed per Iudaeorum malas:
& ad eum potius pertinebant qui volebant quod vo-
lebat, quam illi per quos volentes factum est quod vo-
lebat: quia id ipsum quidem, sed ipse per eos bona, illi
autem mala voluntate fecerunt. Ita & in passione
Christi factum est: Quod enim Deus voluit, hoc idem
Iudaei, & diabolus: sed illi mala voluntate, Deus vero
bona voluntate, scilicet ut Christus moreretur. Verum-
tamen illi actum voluerunt, quem Deus non voluit.

DISTINCT. XLVIII.

Qualiter Voluntas nostra diuinæ conformetur.

Sciendum quoque est quod aliquando mala est voluntas
hominis, &c.

Expositio Textus.

Næc est tertia pars, in qua agit Magister de con-
formatione voluntatis nostræ ad voluntatem
diuinam. Et diuiditur hæc pars in quatuor par-
tes. In prima Magister ostendit quod ad conformitatem
voluntatis nostræ, & diuinæ, non sufficit conformitas in
volito. In secunda ostendit quod non sufficit conformi-
tas in operatione, siue in opere operato, ibi: Illud quoque
non est pratermittendum. In tertia Magister soluit ex hoc
quandam questionem à latere. Vtrum scilicet sancti de-
beant passionem Christi velle, ibi: Ex quo soluitur questio
qua queri solet. In quarta vero, & vltima Magister mo-
uet questionem iuxta hanc, & determinat, ibi: Si vero
queritur utrum eodem modo sentiendum est. Vbi ostendi-
tur quod dissimiliter iudicandum est de passionibus san-
ctorum, & ipsius CHRISTI.

Multum enim interest, quid velle homini, quid Deo
congruat. Dub. I.

CONTRA: Ex hoc videtur quod aliquid licite, possit
homo velle sciendo, cuius Deus velit contrarium. Pona-
tur ergo per impossibile quod alicui reueletur sua dam-
natio: constans est quod Deus vult istum damnari vo-
luntate absoluta. Aut ergo iste tenetur velle, aut non-
vel (quidquid sit de tentione) quid est perfectius velle,
utrum velle damnari, vel non. Si vult damnari, ergo vult
à Deo separari: bona voluntas recta nunquam potest ap-
petere. Si vult damnari: ergo perfecte se non confor-
mat: ergo perfectior est voluntas opposita.

RESP. Dicendum quod illud est impossibile quod ali-
cui reueletur sua damnatio: & impossibili posito, non est
mirum si sequatur impossibile. Tamen si tu queras quid
est perfectius, respondeo dicendum, quod in æterna
damnatione sunt duo, scilicet pœnæ inflictio, & æterna

à Deo separatio. Separationem æternam à Deo nullo
modo credo quod aliqua anima recte debeat velle, im-
mo semper velle contrarium: sed pœnam velle, si reue-
latum est sibi, debet, & hoc patet, quia quilibet iustus
de se, & de alio debet velle quod omnis peccans finali-
ter, æternaliter puniatur: ergo si ponitur præexistens
cognitio certitudinaliter iuxta se, credo quod quandiu
durat ei bona voluntas, quod hoc vult. Si autem qua-
ras de eo qui peccat, utrum velle debeat gratiam sibi
subtrahi: & videtur quod sic, cum Deus velit, & ipse
sciat hoc esse iustum.

RESP. Dicendum quod gratiam subtrahi alicui sub-
triplici conditione potest respici, aut simpliciter, aut ad
tempus. Et ad tempus adhuc dupliciter, vel in se, vel
propterea habet rationem pœnæ. Hoc modo vult Deus sub-
trahere, & hoc modo debet peccans velle, ut eum
Deus puniat. Vnde regula generalis quod in omnibus
quæ scimus Deum velle absolute, tenemur voluntate
absoluta velle: tamen licet nobis velle contrarium vo-
luntate conditionata, siue quantum in nobis est, quia
hoc decet nos, & propter hoc dicit Augustinus: Multum
interest, &c.

Deus voluit Christum pati, & mori, &c. Dub. II.

CONTRA: Videtur enim male dicere, quia occidere
Christum erat malum facere: ergo Christum occidi, fuit
malum fieri: si ergo Deus voluit Christum pati, Deus
voluit malum fieri: quod supra negatum est.

RESP. Dicendum quod occidere Christum, fuit ma-
lum per comparisonem ad subiectum: quando ergo
accipitur passio, aut simpliciter accipitur, aut in compa-
ratione ad patientem, siue ad sustinentem pœnam, &
sic simpliciter est bonum: aut in comparisonem ad infe-
rentem, & sic ex illo respectu iudicatur malum: quia
malitia moris potius intentionem respicit quam actum.
Et primo modo est sensus: Christum pati à Iudæis est
bonum id est Christum sustinere pœnam, quam Iudæi
intulerunt est bonum. Secundo modo est sensus: Chri-
stum pati à Iudæis est bonum, id est passionem inferri
Christo à Iudæis est bonum, & sic falsum: quia illatio
passionis non fuit nisi mala: sed sufferentia non fuit bo-
na, & sic distinguit Magister.

Non enim volebat, &c. Dub. III.

Innuit quod actio Iudæorum fuit mala. **C**ONTRA:
Videtur falsum dicere, quia actio Iudæorum fuit causa
passionis: sed si causa immediata mala, & effectus: ergo
si actio fuit mala, & passio.

RESP. Dicendum quod istud est verum de actione &
passione in eodem genere bonitatis, secundum quod
vnum est causa alterius, dicendum ergo quod actio
Iudæorum fuit causa passionis in genere naturæ, & in
illo genere sicut actio fuit mala, ita passio, sed non fuit
causa in eodem genere moris: immo Christi bona in-
tentio passionem voluntariam dirigebat in bonum fi-
nem: e contra, in actione Iudæorum non habente re-
ctum finem: & ideo in genere moris actio fuit mala,
& Deo displicens, & passio bona, & Deo placens: &
sic patet totum.

E Quod tantum bonum fuit, ut Apostolus Petrus qui id fieri
nolebat, ab ipso qui occisus est, Sathan diceretur. Dub. IV.

CONTRA: Secundum hoc videtur quod quicumque
dolet, & tristatur circa passionem Christi, esset redar-
gendus: ergo peccauit beatissima mater dum doluit, si-
cut dicitur in Luca: Tuam ipsius animam pertransibit
gladius. Peccauerunt similiter Apostoli. Falsum etiam
dicit Apostolus: Si sustinebimus, & conregnabimus.

RESP. Dicendum quod dolere de aliquo est duplici-
ter. Aut ita quod dolens voluntate rationis absoluta ve-
lit contrarium eius de quo dolet: & sic nulli licuit dolere
de passione Christi. Et Petrus, quia voluntate rationis
contrarium volebat, est redargutus. Alio modo dolere de
aliquo est ferri ad contrarium voluntate pietatis: tamen
nihilominus hoc velle voluntate absoluta, sic bonum est

condolere

condolere Christo, & pie affici circa eum: & sic afficiuntur viri sancti qui magnas gratias agunt Deo de passione Christi: sed tamen moventur in consideratione dolorum, sicut & benignissima Virgo Maria in Filij sui mota est passione.

ARTICVLVS I.

AD intelligentiam præsentis distinctionis queritur de conformitate voluntatis nostræ ad voluntatem Dei. Et circa hoc duo principaliter queruntur. Primo queritur de ipsa conformitate quantum ad quidditatem. Secundo queritur de ipsa quantum ad tentionem. Circa primum articulum duo queruntur. Primo vtrum possibile sit voluntatem nostram conformari voluntati diuinæ. Secundo vtrum conformitas voluntatis nostræ ad diuinam, facit voluntatem nostram iustam.

QVÆSTIO I.

An possibile sit voluntatem nostram diuinæ voluntati conformari.

*Alexand. Alesis 1. p. q. 41. Membr. 1.
S. Thom. 1. Sent. dist. 48. q. 1. art. 1.
Egid. Rom. 1. Sent. dist. 48. q. 1.
Richardus 1. Sent. dist. 48. q. 1.
Stephanus Brulef. 1. Sent. dist. 45. q. 1.
Petrus de Tarentis. 1. Sent. dist. 48. q. 1.
Marfil. Inguen. 1. Sent. q. 47. art. 1.*

QUOD non sit possibile nostram voluntatem conformari diuinæ, ostenditur sic. Sicut exaltantur cæli à terra ita exaltatæ sunt viæ meæ à viis vestris, & cogitationes meæ à cogitationibus vestris. Sed sicut est in viis, & cogitationibus, sic & in voluntatibus: ergo si cælum & terra non habent conformitatem, immo deformitatem, videtur similiter quod nec voluntas nostra & voluntas diuina. Si dicas quod auctoritas intelligitur, & loquitur de malis. **CONTRA**: Super illud Psal. Exultate iusti. Glos. Quantum distat Deus ab homine, tantum distat voluntas Dei à voluntate hominis: ergo, &c.

2. **ITEM** infinite distantium nulla est conformitas: sed Deus & homo distant in infinitum, cum vnum sit finitum, & aliud sit infinitum: ergo nulla est conformitas voluntatum.

3. **ITEM**: Si voluntas nostra conformatur diuinæ, aut ergo in seipsa, vel in tertio. Si in tertio: ergo diuina voluntas & humana conueniunt in aliquo communi: & si hoc, ergo habent simplicius se, quod est inconueniens maxime in diuina voluntate. Restat ergo quod si est conformis quod seipsa conformetur, ergo voluntas est ipsa conformitas: sed conformitas non potest esse difformitas: ergo voluntas nostra non potest discordare à diuina: quod est manifeste falsum.

4. **ITEM**: Si voluntas nostra est conformis diuinæ, aut conuenit essentialiter, aut per participationem: si essentialiter, redit idem quod prius. Si per participationem quero de illo per cuius participationem voluntas est conformis, vtrum sit conforme, vel non. Si non: non potest conformare. Si sic: tunc aut essentialiter, aut participatiue: ergo vel erit abire in infinitum, vel stare in aliquo creato quod sit conforme Deo per essentiam, vel voluntas conformatur Deo per increatum: sed non est abire in infinitum, nec est ponere quod Deus sit conformitas voluntatis humanæ ad Deum: ergo aliquod creatum essentialiter est conforme: sed quod essentialiter est conforme alicui, essentialiter conuenit cum illo, est eiusdem essentia, ergo, &c.

CONTRA: Qui adhæret Deo vnus spiritus est: sed non est vnus spiritus per vnitatem naturæ: ergo est vnus per conformitatem voluntatis.

ITEM: Omnis qui facit voluntatem Patris mei, qui est in cælis, ille meus frater, & soror, &c. Sed non est verum quod sit frater per propinquitatem sanguinis: ergo est frater per conformitatem voluntatis, & dilectionis.

ITEM: Quasunque voluntates contingit velle idem, & velle opposita: contingit conformari, & difformari, siue contrariari: sed voluntas diuina, & humana sunt huiusmodi, hoc patet: ergo, &c.

ITEM: Quasunque voluntates contingit ad inuicem ordinari per perfectam præsentiam, & obedientiam, contingit adinuicem conformari: sed voluntatem humanam contingit diuinæ per omnia subiaccere, & obedire: ergo, &c.

CONCLUSIO.

Voluntas humana potest conformari voluntati diuinæ per similem habitudinem ad actum, ad obiectum, & ad finem.

RESP. AD ARG. Dicendum quod aliquid conformari alicui contingit dupliciter. Aut quantum ad similitudinem, aut quantum ad habitudinem. Quantum ad similitudinem contingit tripliciter. Aut quando aliqua duo participant tertium in quo assimilantur: vt cygnus, & nix in albedine. Aut cum aliqua dō sic se habent quod vnum est similitudo alterius: vt species colori, siue idolum assimilatur siue conformatur loui. Aut quando aliquid participat similitudinem, vt speculum, vel oculus assimilatur, vel conformatur corpori obiecto. Primo modo non est possibile aliquam creaturam Deo conformari. Secundo modo aliqua creatura Deo conformatur, vt puta gratia quæ dicitur similitudo Dei, vel gloria quæ est deiformitas. Tertio modo assimilatur, & conformatur anima quæ habet gratiam, & gloriam: de hac conformitate nihil ad præsens. Alio modo contingit conformari aliquid alicui secundum similem habitudinem, siue comparisonem, quæ potest dici proportio, cum est rerum eiusdem generis: & proportionabilitas, cum est rerum diuersorum generum, siue non communicantium, vt fiat vis in verbo. Largè tamen loquendo vtraque potest dici proportio: & hæc nihil ponit commune, quia est per comparisonem duorum ad duo, & potest esse inter summe distantia. Et secundum hanc potest voluntas nostra conformari diuinæ: videlicet per similem habitudinem ad actum, vt sicut Deus quod vult, vult liberaliter, & charitatiuè, ita & homo: & per similem comparisonem ad obiectum, vt quod vult Deus, velit homo: & eodē fine quo vult Deus, velit homo, hoc totum possibile est esse, & totum possibile est non esse: & ideo possibile est voluntatem nostram diuinæ conformari, & difformari. Et concedendæ sunt rationes ad hoc.

1. 2. **AD** illud ergo quod obiicitur, quod distat Deus ab homine, & humana voluntas à diuina in infinitum, iam patet responsio, quia hoc non impedit conformitatem comparisonis: licet impediat conformitatem æqualitatis, & vniuocationis.

3. **AD** illud quod obiicitur, vtrum in seipsa, vel in tertio conformetur, dicendum quod non in seipsa, nisi loquamur de conformitate longinqua, quæ attenditur in imagine. Si autem loquamur de conformitate propinqua, quæ consistit in similitudine, sic non seipsa conformatur: sed mediante gratia quæ non est tanquam tertium ab vtroque participatum: sed est sicut similitudo vnius, & proprietas alterius. Vnde gratia est similitudo essentialiter, non tamen oportet quod essentialiter conueniat in tertio, quia similitudo seipsa conuenit cum eo, cuius est similitudo: & sic patent obiecta ambo. Similiter si loquamur de conformitate quantum ad habitudinem, dicemus quod voluntas nō seipsa conformatur, sed per comparisonem ad alterum: quod tamen neque est de essentia diuinæ voluntatis, nec humanæ, nec tanquam tertium participatum ab vtroque, & sic patet illud.

4. **AD** illud quod vltimo queritur, vtrum conformetur per essentiam, aut per participationem, dicendum quod nec sic, nec sic: sed conformatur per proportionem, siue per consimilem habitudinem, & sic patet illud.

QVÆSTIO II.

*An conformitas voluntatis nostra ad diuinam
faciat eam iustam.*

*Agid. Rom. 1. Sent. dist. 48. q. 2.
Richard. 1. Sent. dist. 48. art. 2. q. 2.
Steph. Brulef. 1. Sent. dist. 48. q. 2.
Petrus de Tarantaf. 1. Sent. dist. 48. q. 2.*

Fundamēta.
Psal. 2. 3. 6.

2. Cor. 6. 6.

Ad opposi-
tum.

*Cicero de
amicitia.
Enchir. cap.
101. tom. 3.*

VTRUM conformitas voluntatis nostræ ad diuinam faciat eam iustam. Et quod sic, videtur, quia super illud Psalmi: Rectos deest collaudatio. Glossa: Recti sunt qui dirigunt cor suum secundum voluntatem Dei, quæ recta est.

ITEM: Quæ participatio iustitiæ cum iniquitate? aut quæ societas lucis ad tenebras? quasi dicat, nulla. Si ergo diuina voluntas, iustitia est, & lux, & humana voluntas sit iniqua, non potest esse conformis: ergo si est conformis, necesse est esse iustam.

ITEM: Conformari regulæ iustitiæ, nihil aliud est quam iustificari: sed voluntas diuina est regula iustitiæ, quia non potest obliquari ad aliquod iniquum: ergo conformari voluntati diuinæ, est iustificari.

ITEM: Intellectus noster non potest conformari diuino, quin efficiatur verus: ergo nec affectus noster potest conformari diuino, quin efficiatur iustus: sicut enim veritas est rectitudo intellectus, sic iustitia est rectitudo affectus.

1. CONTRA: Magister dicit, & est verbum Augustini quod voluntas Dei bona, per hominum malas voluntates impletur: sed vnus effectus non procedit ab vna causa per aliam, nisi illæ causæ ad inuicem conformentur: ergo contingit malam voluntatem diuinæ conformari.

2. ITEM: Conformitas voluntatum consistit in volendo, & nōlendo idē: sed impius potest velle & nolle quod Deus vult, & non vult, vt ponit exemplum Augustinus de prauo filio qui patrem vult mori: quod & Deus vult: ergo conformitas non facit voluntatem iustam.

3. ITEM: Quamvis voluntas Dei sit beata, tamen voluntas illi conformis non propter hoc est beata: ergo pari ratione quamvis sit iusta, non propter hoc, voluntas conformis est iusta.

4. ITEM: Si conformitas facit voluntatem iustam, cum velit hominem qui patitur iniuriam vindicare: si ille patitur iniuriam vult se vindicare, iuste vult: ergo iustum est exigere vindictam. Si tu dicas quod Deus vult hominem vindicare: sed non vult quod homo vindicet, se, hoc non soluit: quia saltem tuncliceret homini appetere quod Deus ipsum vindicaret.

CONCLUSIO.

Conformitas voluntatis nostræ ad diuinam, secundum actum, & volitum facit eam iustam.

RESP. AD ARG. Dicendum quod conformitas voluntatis nostræ ad diuinam attenditur secundum proportionem, sicut dictum est. Duplex est autem proportio voluntatis, scilicet ad actum, & ad volitum. Similis proportio ad actum consistit in hoc, quod sicut Deus quod vult, vult ex charitate, & liberaliter siue iusto & recto fine, sic etiam homo velit. Similis proportio ad volitum est, vt quod vult Deus, etiam homo velit. Potest ergo conformitas attendi secundum hanc duplicem similitudinem, & comparisonem, & sic est sufficiens, & facit voluntatem iustam. Potest iterum attendi solum secundum alteram, puta secundum volitum, & sic est deficiens cum careat simili habitudine, & hoc non sufficit ad iustitiam.

1. 2. De prima conformitate procedunt primæ rationes, de secunda secundæ.

3. Ad illud quod tertio obiicitur, quod conformitas

A non facit beatam animam, ergo nec iustam. Dicendum quod beatitudo dicit iustitiam consummatam. Vnde plus requiritur ad hoc, vt voluntas fiat beata, quam vt fiat iusta: & ideo non sequitur, quod si non facit beatam, quod non faciat iustam. Tamen sicut conformitas sufficiens, quæ est in voluto & ratione volendi, facit voluntatem iustam, sic conformitas superexcellens, facit eam beatam: illa autem est superexcellens, quando in omnibus diuinæ conformatur: & ex nulla parte est difformis, nec in aliquo, saltem in modico.

4. Ad illud quod obiicitur ultimo, iam patet responsio, quia appetens vindictam non conformat se Deo in modo, siue in ratione volendi. Deus enim tanquam iustus iudex vult hoc zelo iustitiæ: qui autem appetit ultionem sui, siue suæ iniuriæ, vt plurimum vult libidine vindictæ. Si autem aliquis appetat solum zelo iustitiæ sicuti Deus, & ex charitate, tunc dicerem eum habere voluntatem iustam.

ARTICVLVS II.

Consequenter quantum ad secundum articulum, queritur de tentione ad conformitatem voluntatis diuinæ. Et circa hoc duo queruntur. Primo queritur, vtrum teneamur conformare voluntatem nostram voluntati diuinæ in ratione volendi, vt velimus ex charitate quod volumus. Secundo, vtrum teneamur conformare in voluto.

QVÆSTIO I.

An teneamur voluntatem nostram voluntati diuinæ conformare in ratione volendi.

*Alex. Alenfs. 1. p. q. 41. Membr. 2.
S. Thom. 1. Sent. dist. 48. q. 1. art. 2.
Scotus 1. Sent. dist. 48. q. unica.
Agid. Rom. 1. Sent. dist. 48. p. 2. q. 2.
Richardus 1. Sent. dist. 48. q. 2. art. 2.
Durandus 1. Sent. dist. 48. q. 1.
Franciscus de Mayr. 1. Sent. dist. 46. q. 5.
Thom. Arg. 1. Sent. dist. 48. q. 1. art. 3.
Marfilus Inguen. 1. Sent. q. 47. art. 2.
Steph. Brulef. 1. Sent. dist. 48. q. 3.
Petrus de Tarantaf. 1. Sent. dist. 48. q. 3.
Gabriel Biel 1. Sent. dist. 48. q. unica.*

QUOD teneamur in ratione volendi, videtur, quia tenemur, quod facimus, facere iuste. Vnde in Deuteronomio. Iuste quod iustum est exequeris: sed non fit iuste, nisi quod homo facit secundum conformitatem voluntatis quantum ad rationem volendi, vt velit ex charitate, ergo, &c.

ITEM tenemur diligere Deum ex toto corde, quia hoc præcipitur in Deuteronomio, & Dominus idem iterat in Mat. sed hoc non potest fieri nisi ex charitate: ergo tenemur ad conformitatem in ratione, siue in forma volendi.

ITEM tenemur Deo veraciter obedire: sed veraciter non obedit Deo, nisi qui facit ea voluntate quam acceptat Deus. Hæc autem est voluntas informata charitate: ergo, &c.

ITEM: Propter quod vnumquodque, & illud magis: sed propter conformitatem voluntatis, ratione volendi, obligamur ad conformitatem voluntatis in voluto, quia finis præcepti est charitas, vt dicit Apostolus: ergo multo fortius obligamur ad conformitatem in ratione volendi vt quod volumus, velimus, ex charitate.

1. CONTRA: Deus vult, & præcepit parentes honorari: esto quod opportunitas se offerat quod aliquis honoret patrem ex naturali pietate non ex charitate, constat quod non peccat, & non conformat voluntatem suam nisi in voluto: ergo non tenetur ad rationem volendi.

2. ITEM si tenemur conformare voluntatē nostrā diuinæ in ratione volendi, sicut in voluto, ergo quotiescūq; volumus aliquid non ex charitate, deficit illud quod

tenemur:

teneatur : ergo peccamus in omni tali actu. nullus ergo A
actus est indifferens.

3. ITEM si teneamur conformare in ratione volendi , cum ergo peccator habeat voluntatem à Deo continue in hoc deficientem, quia non habet charitatem : ergo continue in omni instanti peccat.

4. ITEM nullus potest conformare voluntatem suam diuinæ in ratione volendi , nisi habeat charitatem : sed non est in nostra potestate habere charitatem : ergo homo tenetur ad impossibile. Si dicas quod potest facere quod in se est, quo facto habebit charitatem , quia potest se disponere ad charitatem.

5. CONTRA : Obiicitur de obstinato , & de eo qui actualiter est in peccato : dum peccat & est in actu illo, non potest se conformare : ergo non tenetur. Quod si nõ tenetur, & alij tenentur, reportat commodum de malitia : quod si hoc non est conueniens, nulli ergo tenetur.

CONCLUSIO.

Voluntas nostra tenetur conformari voluntati diuine in ratione volendi pro loco, & tempore : sed non ad omnem actum, nec ad omne præceptum : sed quando tenemur exire in actum charitatis.

RESP. ad Arg. Quod tenemur conformare voluntatem nostram voluntati diuinæ in ratione volendi , vt scilicet velimus ex charitate : & hoc patet, quia tenemur eam diligere ex charitate. Attendendum autem quod hæc est obligatio per modum præcepti affirmatiui. Differt enim obligatio præcepti affirmatiui, & negatiui. Nam negatiui obligat semper, & ad semper : affirmatiui autem tantum obligat semper, non ad semper, sed pro loco, & tempore : & sicut non obligat ad semper ita nec ad omnem actum voluntatis, nec ad omne præceptum : sed tunc solum quando tenemur exire in actum charitatis. Vnde notandum quod sic tenemur ad hoc, quod nunquam ad contrarium : sicut velle, quod Deus vult ex liberalitate. Ad hoc etiam tenemur pro loco & tempore, si habemus charitatem : si autem non habemus, non ad hoc tenemur, sed ad æquiualens, quia tenemur facere quod in nobis est vt habeamus, & ad hoc similiter pro loco & tempore obligamur. Ex his patet responsio ad obiecta.

1. 2. 3. Quid enim obiicitur, quod aliquis sine peccato honorat parentes etiam ex naturali pietate, dicendum quod verum est, & ex hoc sequitur quod non in omni actu tenetur conformare, non tamen sequitur quod non teneatur : & per hoc patet sequens quod obiicitur de generalitate actuum. Patet etiam aliud quod obiicitur de generalitate temporis.

4. Ad illud quod vltimo obiicitur, quod non est in potestate nostra habere charitatem, dicendum quod in potestate propinqua habentium charitatem est, & in potestate non habentium, non propinqua, sed dispositiua. Potest enim quilibet facere aliquid, quo facto habeat charitatem : & ideo si non faciat, imputatur sibi, nec excusatur per impossibilitatem, quia non est impossibilitas, vbi succurrit aliunde potestas, & non deficit, nisi propter nostram negligentiam.

5. Ad illud quod obiicitur de obstinato, dicendum quod nullus est adeo obstinatus quod non possit facere quod in se est : & qui non possit redire ad cor, & ideo tenetur sicut & alij, licet non pro quolibet instanti, sed pro loco, & tempore. Si autem tu quæras quid sit locus & tempus, melius docet vnctio quam ars : tamen quando Dominus visitat eum interiori allocutione, vel exteriori prædicatione, vel aliquo tali in quo est opportunitas redeundi ad cor, si tunc negligat, incidit in contemptum, & omissionis peccatum.

QVÆSTIO II.

An quo ad voluntatem voluntatem nostram voluntati diuine teneamur conformare.

Alexander Avenis 41. p. q. 1. Membr. 3.
S. Thomas 1. Sent. dist. 48. q. 1. art. 4.
Egid. Rom. 1. Sent. dist. 48. p. 2. q. 1.
Richardus 1. Sent. dist. 48. art. 2. q. 1.
Thom. Arg. 1. ent. dist. 48. q. 1. art. 4.
Seph. Brulef. 1. Sent. dist. 48. q. 4.
Petrus de Tarant. 1. Sent. dist. 48. q. 4.

VTRUM teneamur conformare voluntatem nostram voluntati diuinæ in volito. Et quod sic, videtur : Qui non est mecum, contra me est : ergo si non consonat Deo in volito, est contra Deum : ergo si tenemur Deo non esse contrarij, tenemur velle quod Deus vult.

2. ITEM super illud Psalmi : Non adhæsit mihi cor prauum. Glos. prauum cor, atque distortum habet, qui non vult hoc quod Deus vult : sed tenemur vitare cordis prauitatem : ergo tenemur velle quod Deus vult.

3. ITEM Tullius diffiniens amicitiam dicit, quod amicitia est idem velle, & idem nolle in rebus honestis : sed tenemur Deo seruare amicitiam : ergo & idem velle : ergo idem velle in honestis. Sed Deus non vult nisi iustum, & honestum : ergo debemus nostram voluntatem suæ conformare in omnibus.

4. ITEM omnis intellectus qui discordat à prima veritate in cognito, est falsus : ergo omnis affectus est iniquus, qui non concordat cum diuina voluntate in volito : ergo, &c.

5. ITEM tenemur velle quod Deus præcipiat ergo quia præcipit, aut quia vult. Non quia præcepit, quia illi qui fuerunt mundati, quibus datum est præceptum à Domino de tacendo, non peccauerunt in reuelando, quia diuina inspiratione cognouerunt dominum Deum non velle illud quod præcipiebat : ergo tenemur velle quod Deus vult.

6. ITEM tenemur credere non tantum quod præcipit Deus credere, sed etiam omne quod dicit esse verum : ergo à si nili tenemur velle non tantum quod præcipit Deus velle : sed omne quod indicat se velle tanquā bonum : ergo tenemur velle omne quod scimus Deū velle.

CONTRA : per Aug. in Ench. Aliquando homo bona voluntate vult, quod non vult Deus.

ITEM viri sancti frequentes volunt opposita, sicut Apostolus volebat alligari in Hierusalem, & discipuli nolebant : sed constat quod Deus aliquid illorum volebat : ergo licet contrarium diuinæ voluntati velle meritorie : ergo, &c.

ITEM si tenemur in volito conformare : ergo cum in indifferentibus non sit nobis volūtas diuina determinata, quicunq; vult aliquid indifferens determinate, committit se discrimini : ergo peccat mortaliter, quod absurdum est. Si dicas quod tenetur quando scit Domini voluntatem. CONTRA : Scientia non inducit nouum peccatum, neque tentionem, sed solum aggrauat peccatum : ergo propter scientiam nemo tenetur, sicut nec ignorās.

ITEM Hieremias dolebat super destructionem Hierusalem in Threnis. CHRISTVS flebat super Hierusalem. B. Virgo, & Apostoli super passionem CHRISTI. Si flebant & dolebant : & dolor est de rebus quæ nobis nolentibus accidunt : ergo nolebant. Et constat quod omnes hi merebantur, & sciebant Deum velle contrarium : ergo licite, & meritorie possumus velle contrarium diuinæ voluntati etiam vbi scitur.

ITEM quantumcunque prælatus meus velit aliquid, non teneor illud velle nisi mihi præcipiat, etiam si sciam ipsum velle : ergo pari ratione quantumcunque velit Deus aliquid, non teneor illud velle quantumcunque mihi innotescat, nisi Deus mihi præcipiat.

ITEM quod Deus consulit, vult, & nos scimus eum velle, tamen non tenemur velle, quamvis multum sibi placeat, etiam plusquam præceptum : ergo non tenemur velle omne quod scimus Deum velle.

Ad oppositum.
Nat. 12. d

Psalm. 100. a

Lib. de amicitia, & de offi. Et Salvast. in Catilinario.

Luc. 17. d

Aug. c. 101. com. 4.

Ratio solvenda.

Ratio solvenda.

CONCLUSIO.

Non tenetur voluntas nostra conformari voluntati diuinae in quocunque voluto: sed in eo quod vult, & innotescit absolute Deum velle.

RESP. Ad arg. Ad hoc dicunt aliqui, quod non tenemur conformare voluntatem nostram voluntati diuinæ in omni, quod vult Deus: sed hoc est perfectionis, & supererogationis, & hoc erit in patria: sed ad hoc solum tenemur, quod ipse nos vult velle. Dicunt autem, quod Deus solum vult nos velle quod præcipit, & nolle quod prohibet. Hæc enim sunt signa per quæ sufficienter indicat nobis suam voluntatem, quæ vult nos velle aliquid: in aliis volitis, siue innotescant, siue non, licet velle contrariū sine peccato, & per hoc soluunt ad utramque partem. Vnde dicunt, quod licet nobis aliqua velle proprie, quia non decet velle opposita, ut patet de destructione gentis nostræ, & de calamitatibus iustorum, & consilium. Etiam si Deus pluatur, vel disponat pluuere, oppositum possumus petere, & velle. Sed licet ista via sit facilior, tamen quia Augustinus dicit, quod impius est cui non placet diuina providentia, non tantum videtur quod homo teneatur velle Dei mandata, sed etiam quod teneatur velle Dei opera. Et iterum. Quo modo non recalcitratur voluntas nostra voluntati diuinæ, quando Deus vult aliquid, & nos volumus contrarium, omnino videtur ei repugnare. Et iterum Glo. prædicta videtur dicere, quod homo qui non vult quod Deus vult, habet cor prauum: non dicit, quod Deus vult ipsum velle, vel quod Deus præcipit. Propterea aliter dicendum, quod reuera non tenemur velle omne quod Deus vult, sed solum quod vult, & innotescit, nec adhuc illud omne. Ideo notandum quod aliquid ostendit se Deus velle absolute, & quantum in se est, ut bona quæ facit. Et hæc tenemur velle simpliciter, & absolute voluntate quantum in nobis est. Aliquid ostendit se velle voluntate absolute: sed oppositum velle quantum in se est, ut mala quæ infligit: & hæc tenemur velle voluntate absolute, & deliberatiua, tamen oppositum possumus velle voluntate pietatis, ut dicit Hugo. Vnde sicut Deus non delectatur in nostris poenis sed magis dicit: Heu heu consolabor super hostibus meis, sic & nos. Vnde Hugo distinguit in nobis triplicem voluntatem, scilicet rationis, pietatis, & carnis, & in Christo quadruplicem, extendens nomen voluntatis. Vnde dicit in lib. de voluntatibus Christi loquens de Christo: Voluntas deitatis per iustitiam sententiam dictabat: voluntas rationis per obedientiam veritatem approbabat: voluntas pietatis per compassionem in malo suspirabat: voluntas carnis per passionem in malo proprio murmurabat. Et ideo voluntate rationis debemus etiam velle malum poenæ, quod scimus Deum velle: sed voluntate pietatis possumus conditionaliter, siue quantum est in nobis, si Deo placet, non velle: nam & ipse Deus, quantum in se est, non vult, sicut prædictum est. Aliquid ostendit se Deus velle quantum in se est, circa quod consistit substantialiter ordo salutis, ut sunt ea quæ præcipit fieri, & quæ præcipit non fieri, & hoc tenemur velle. Aliquid ostendit Deus se velle quantum in se est, circa quod consistit expeditio salutis, ut sunt ea quæ consulit. Et ad talia non obligat, nec vult obligare: vult enim aliquos saluare sic, aliquos via latiori ire.

1. 2. 3. Ex his ergo patet, quod tenemur generaliter

A velle, & conformare voluntatem nostram, non in omni voluto, sed in omni eo quod innotescit tribus modis prædictis: alioquin frangeretur amicitia, & de tali voluto concurrunt rationes, & auctoritates. Ideo enim præcepto diuino tenemur nos conformare, quia vult nos velle quod præcipit, & hoc scimus: & prælato meo teneor conformari in hoc quod expresse scio ipsum velle me velle: sed in prælato nescio nisi per mandata: sed in Deo scio per alia signa, sicut prædictum est.

4. 5. 6. Ad illud quod obiicitur, quod in nullo potest discordare intellectus quin sit falsus, & dicendum quod non est simile de bono, & vero: nam verum dicitur absolute, bonum vero in relatione ad finem. Et quia duo opposita non sunt simul: ideo non possunt intellectus discordantes esse veri: sed bonum dicitur in relatione ad finem. Et quoniam opposita volita possunt ad eundem finem ordinari, ideo simul possunt esse bona, & affectus respectu eorum esse recti: ideo non necesse est in omni voluto conformari, quia oppositum possumus sancte velle, quia ordinare in finem: sed oppositum eius, quod Deus vult nos velle, non possumus ordinare in finem, quia Deus non acceptat illud.

Ad illud quod obiicitur in contrarium, quod non tenemur ad omne volitum, dicendum quod verum est: quia nec ad volitum, quia volitum, nec quia scitum: sed quia scitum esse volitum à Deo, ita quod nos velimus illud. Aliter tamen potest dici quod tenemur, quia absolute volitum: sed excusamur per ignorantiam, maxime ubi adhibetur debita diligentia, sicut aliquis obligatur, ne cognoscat non suam. Vnde de obligatione inducente culpam, falsum est quod dicit, quod scientia non inducit novam obligationem. Sicut enim ignorantia facti excusat à toto, scientia per oppositum, cum diuina voluntas facit aliquem esse obligatum, ut nullo modo possit in contrarium sine culpa, & sic in proposito, & sic patet illud.

Ad illud quod obiicitur de Christo & B. Virgine, & aliis compatiens, dicendum, sicut dictum est, quod voluntate absolute volebant, quod Deus volebat: tamen voluntate conditionata, siue voluntate pietatis debebāt velle contrarium, & hac voluntate merebantur: quoniam hoc non est naturæ tantum, sed etiam rationis. Præcipue autem hac voluntate merebatur in Christi filij passione beatissima Mater, & Virgo Maria, cui patienti, quantum sexus muliebris fragilitas sustinere poterat, compatiabatur. Nullo tamen modo est dubitandum, quin virilis eius animus, & ratio constantissima, velle etiam filium suum pro salute generis humani, ut Mater per omnia conformis esset Patri. Et in hoc miro modo debet laudari & amari, quod placuit ei, quod vni-genitus suus pro salute generis humani offerretur. Et tantum etiam compassa est, ut fieri potuisset, omnia tormenta quæ filius pertulit, ipsa multo libentius sustinisset. Vere ergo fuit fortis & pia, dulcis pariter & seuera, parca, & nobis largissima. Hæc ergo præcipue est amanda, & veneranda post Trinitatem summam, & eius prolem beatissimam Dominum nostrum Iesum Christum, à cuius diuinitatis mysterio enatrando curæ linguæ deficiunt: quia consummatio sermonum ipse est. Ei ergo qui potest omnia facere superabundantius quam petimus, aut intelligimus secundum virtutem quæ operatur in nobis, ipsi sit gloria in Ecclesia, & in Christo Iesu, in omnes generationes sæculi sæculorum. Amen.

Finis primi Libri Sententiarum Sancti Bonaventuræ.

INDEX

QVÆSTIONVM

S. BONAVENTVRÆ,

IN PRIMVM LIBRVM SENTENTIARVM.

PROLOGVS.



TRVM Deus sit subiectum huius libri?
 quest. 1. pagina 3
 Virum causa formalis suo modus agendi
 huius libri sit perscrutatorius siue in-
 sitius secretorum? q. 2. 4
 Virum causa finalis huius libri sit reuelare abscondita?
 q. 3. 5
 Virum Magister Petrus Lombardus Parisiensis Episco-
 pus sit causa efficiens huius Libri? q. 4. 6

DISTINCT. I.

Artic. I.

Virum uti per essentiam sit actus voluntatis vel rationis?
 q. 1. 12
 Virum omni creato contingat uti? q. 2. 13
 Virum solo bono creato sit utendum? q. 3. ibid.

Artic. II.

Virum frui per essentiam sit actus voluntatis vel aliarum
 virum? q. 1. 14
 Virum Deo sit fruendum? q. 2. 15
 Virum solo Deo siue bono increato sit fruendum? q. 3. 16

DISTINCT. II.

Utrum in Deo sit ponere essentia siue natura unitatem?
 q. 1. 20
 Virum sit ponere in Deo personarum pluralitatem? q. 2. 21
 Virum in diuinis personis sit ponere infinitatem? q. 3. 22
 Virum in diuinis personis sit ponere Trinitatem? q. 4. 23

DISTINCT. III.

Artic. I.

Virum Deus sit cognoscibilis à creatura? q. 1. 26
 Virum Deus sit cognoscibilis per creaturas? q. 2. 28
 Virum cognitio per creaturas sit hominis quantum ad om-
 nem statum? q. 3. 29
 Utrum per creaturas possit cognosci personarum plurali-
 tas? q. 4. ibid.

Artic. II.

Utrum in his tribus, scilicet memoria, intelligentia, & vo-
 luntate attendatur ratio imaginis? q. 1. 33
 Virum attendatur imago in eis per comparisonem ipsa-
 rum ad Deum? q. 2. 34
 Virum ista potentia anima sint idem in essentia cum ani-
 ma? q. 3. 35

Artic. III.

Virum imago attendatur in istis ut in potentiis, aut in ha-
 bitibus, aut in potentiis simul & habitibus, an in sub-
 stantia & habitibus? q. 1. 36
 Virum ista conuenienter comparentur adinuicem secun-
 dum rationem ordinis aequalitatis & consubstantialita-
 tis? q. 2. 37

Virum hac Trinitas imaginis, notitia, scil. mentis, & amoris
 ducat necessario in cognitionem Trinitatis? q. 3. 38

DISTINCT. IV.

Artic. I.

Virum hac locutio sit concedenda, Deus genuit Deum?
 q. 1. 41
 Virum unitas essentia admittat hanc: Deus genuit alium
 Deum? q. 2. 42
 Utrum hoc nomen, Deus grammatice significet pluralem
 numerum: siue an possit congrue dici plures dii? q. 3. ibid.
 Utrum hoc nomen, Deus, de se supponat personam vel
 naturam? q. 4. 43

DISTINCT. V.

Artic. I.

Virum substantia vel essentia generet? q. 1. 49
 Virum de substantia Patris generetur aliquis, ut Filius?
 q. 2. 50

Artic. II.

Virum substantia siue essentia generetur? q. 1. 51
 Virum substantia per generationem communicetur? q. 2. ibid.

DISTINCT. VI.

Artic. I.

Virum generatio Filij sit secundum conditionem necessita-
 tis? q. 1. 54
 Virum generatio filij sit secundum rationem voluntatis?
 q. 2. 55
 Virum generatio Filij à Patre sit secundum rationem
 exemplaritatis? q. 3. ibid.

DISTINCT. VII.

Artic. I.

Virum posse generare in diuinis dicat quid vel ad ali-
 quid? q. 1. 59
 Virum potentia generandi sit in Filio? q. 2. 60
 Utrum posse generare & creare sit unicum posse? q. 3. 61
 Virum posse generari & posse creari sit posse uniuocum?
 q. 4. 62

DISTINCT. VIII.

Artic. I.

Virum veritas sit proprietas diuini esse? q. 1. 66
 Virum hac proprietas conueniat Deo in summo, id est
 utrum diuinum esse sit adeo verum quod non possit cogi-
 tari non esse? q. 2. 67

Artic. II.

Virum impassibilitas sit in Deo? q. 1. 69
 Virum immutabilitas sit diuina essentia proprietas? q. 2. ibid.

Artic. III.

Virum in Deo sit summa simplicitas? q. 1. 72
 Virum simplicitas sit Dei proprietas? q. 2. 73

Index Quæstionum.

*Utrum anima rationalis sit in toto corpore ita quod in qua-
libet parte? q. 3.* 74

Utrum Deus sit in aliquo determinato genere? q. 4. 75

DISTINCT. IX.

Artic. I.

Utrum in diuinis sit ponenda generatio? q. 1. 81

Utrum generatio in diuinis sit personarum distinctiua? q. 2. 82

Utrum diuina generatio sit æterna? q. 3. 83

Utrum generatio Filij sit terminata? q. 4. ibid.

DISTINCT. X.

Artic. I.

*Utrum in diuinis sit necesse ponere personam procedentem
per modum liberalitatis? q. 1.* 87

*Utrum in diuinis sit necesse ponere personam proceden-
tem per modum amoris siue charitatis? q. 2.* 88

*Utrum sit necesse ponere tertiam personam procedentem
per modum mutua charitatis? q. 3.* 89

Artic. II.

Utrum amor siue charitas sit proprium Spiritus sancti? q. 1. 89

*Utrum Spiritus sanctus proprie sit nexus vel unitas am-
borum? q. 2.* 90

Utrum Spiritus sanctus proprie sit spiritus? q. 3. 91

DISTINCT. XI.

Artic. I.

Utrum Spiritus sanctus procedat à Patre, & Filio? q. 1. 93

*Utrum Spiritus sanctus procedat à Patre, & Filio inquan-
tum sunt unum, aut in quantum differentes? q. 2.* 96

DISTINCT. XII.

Artic. I.

*Utrum Spiritus sanctus prius procedat à Patre quam à
Filio? q. 1.* 99

Utrum plenius procedat à Patre quam à Filio? q. 2. ibid.

*Utrum Spiritus sanctus procedat à Patre mediante Filio?
q. 3.* 100

*Utrum generatio Filij prius sit secundum rationem intelli-
gendi processione Spiritus sancti, vel e conuerso? q. 4.* 101

DISTINCT. XIII.

Artic. I.

Utrum in diuinis sit ponere processionem? q. 1. 104

Utrum processio Spiritus sancti sit generatio? q. 2. 105

*Utrum processio Spiritus sancti realiter differat à genera-
tione Filij, an solum secundum rationem intelligendi.
q. 3.* 106

Utrum Spiritus sanctus debeat dici ingenuus? q. 4. 107

DISTINCT. XIV.

Artic. I.

*Utrum ponenda sit processio temporalis Spiritus sancti?
q. 1.* 110

*Utrum processio temporalis ponat in numerum cum æter-
na? q. 2.* 111

Artic. II.

*Utrum Spiritus sanctus detur in propria persona homini-
bus, an tantum dicatur ideo dari, quia eius effectus? q. 1.* 112

Utrum Spiritus sanctus detur ab aliquo viro sancto? q. 2. 113

DISTINCT. XV.

Artic. I.

Utrum missio sit in diuinis? q. 1. 117

*Utrum missio in diuinis sit ex tempore tantum, an etiam
ab æterno? q. 2.* 118

Cuius sit missio ut missi? q. 3. 119

Cuius sit missio ut mittentis? q. 4. 120

Artic. II.

*Utrum hac missio sit secundum dona gratia gratum facien-
tis, vel gratia gratis data? q. 1.* 122

*Utrum secundum eadem dona gratia dicatur mitti Filium
& Spiritus sanctus? q. 2.* 123

*Utrum missio Filij & Spiritus sancti sit secundum eadem
dona gratia augmentata? q. 3.* ibid.

DISTINCT. XVI.

Artic. I.

*Utrum visibilis missio non sit aliud quam apparitio exte-
rior? q. 1.* 126

Utrum ad aliquid sit utilis missio visibilis? q. 2. 127

Quibus modis fiat missio visibilis? q. 3. 128

DISTINCT. XVII.

Artic. I.

*Utrum præter donum charitatis increata sit ponere donum
charitatis creata, id est utrum charitas qua diligimus
Deum sit Spiritus sancti? q. 1.* 134

Utrum charitas sit amabilis ex charitate? q. 2. 136

*Utrum charitas sit certitudinaliter cognoscibilis ab habente
te? q. 3.* 137

Utrum charitas sit cognoscibilis à non habente? q. 4. 138

Artic. II.

Utrum charitas possit augeri secundum substantiam? q. 1. 139

De modo augmenti ipsius charitatis? q. 2. 140

Utrum charitas possit diminui? q. 3. 142

*Utrum charitas habeat statum vel terminum ultra quem
non possit augeri? q. 4.* 143

DISTINCT. XVIII.

Artic. I.

*Utrum Spiritus sanctus sit donum quo omnia alia dona do-
nantur? q. 1.* 147

*Utrum Spiritus sanctus sit donum ab æterno vel ex tempo-
re? q. 2.* 148

*Utrum conuenientius dicatur de Spiritu sancto donum
quam datum? q. 3.* ibid.

Utrum donum proprie conueniat Spiritui sancto? q. 4. 149

*Utrum donabilitas sine donum sit proprietas distinctiua
personæ Spiritus sancti? q. 5.* 150

*Utrum ratione donabilitatis dicatur Spiritus sanctus no-
ster? q. 6.* 151

DISTINCT. XIX.

Artic. I.

Utrum in diuinis sit ponere aequalitatem? q. 1. 157

Utrum in diuinis sit summa aequalitas? q. 2. 158

Utrum in diuinis sit aequalitas cum conuersione? q. 3. ibid.

Utrum in diuinis sit aequalitas cum circuminceptione? q. 4. 159

Artic. II.

Utrum in diuinis sit ponere totum integrale? q. 1. 161

Utrum in diuinis sit ponere totum in uniuersale? q. 2. 162

*Utrum in diuinis personis sit ponere principium materia-
le? q. 3.* 163

*Utrum in diuinis personis sit ponere differentiam secun-
dum numerum? q. 4.* 164

DISTINCT. XX.

Artic. I.

*Utrum in diuinis sit ponere potentia adæquationem quan-
tum ad numerum possibilem? q. 1.* 167

*Utrum in diuinis sit aequalitas quantum ad intensiorem
potentia? q. 2.* 168

Artic. II.

Utrum in diuinis sit ponendus ordo? q. 1. 169

Utrum in diuinis sit ordo natura? q. 2. ibid.

DIST.

Index Quæstionum.

DISTINCT. XXI.

Artic. I.

- Verum dictio exclusiua vere addatur termino substantiali, ut huic termino, Deus, à parte subiecti? q. 1.* 172
Verum dictio exclusiua vere possit addi termino substantiali à parte predicati? q. 2. ibid.

Artic. II.

- Verum dictio exclusiua vere addatur termino personali respectu predicati proprii, id est utrum hac sit vera: Pater est Pater? q. 1.* 173
Verum dictio exclusiua vere addatur termino personali respectu predicati communis ut vere dicatur: Solus Pater est Deus? q. 2. 174

DISTINCT. XXII.

Artic. I.

- Verum Deus sit nominabilis? q. 1.* 177
Verum Deus habeat unum solum nomen an plura? q. 2. 178
Verum omnia nomina diuina dicantur translative, an etiam quadam dicantur proprie? q. 3. 179
Verum omnia nomina dicta de Deo dicantur secundum substantiam? q. 2. 180

DISTINCT. XXIII.

Artic. I.

- Verum ad diuina debuit transferri nomen personæ? q. 1.* 184
Verum nomen substantia dici debeat in diuinis vel etiam substantia? q. 2. 185
Verum nomen essentia dici debeat in diuinis? q. 3. ibid.

Artic. II.

- Verum in diuinis numeretur hoc nomen substantia? q. 1.* 186
Verum in diuinis numeretur hoc nomen essentia? q. 2. 187
Verum catholice possimus dicere plures Deos? q. 3. ibid.

DISTINCT. XXIV.

Artic. I.

- Verum hoc nomen unus dicatur positue vel priuatiue in diuinis? q. 1.* 190
Verum unus dicatur secundum substantiam, an secundum relationem? q. 2. 191

Artic. II.

- Verum nomina pure numeralia ut duo, & tres, &c. dicantur positue aut priuatiue in diuinis? q. 1.* 192
Verum prædicta nomina dicantur in diuinis secundum substantiam aut secundum relationem? q. 2. ibid.

Artic. III.

- Verum huiusmodi nomina importent unitatem? q. 1.* 193
Verum illa unitas quam importat hoc nomen Trinitas vel Trinus, sit unitas suppositi vel essentia? q. 2. 194

DISTINCT. XXV.

Artic. I.

- Verum hoc nomen persona dicatur secundum substantiam an secundum relationem? q. 1.* 198
De hoc nomine, persona, quid sit secundum diffinitionem, id est utrum ista diffinitio conueniat diuinæ personæ: Persona est rationalis natura indiuidua substantia? q. 2. 199

Artic. II.

- Verum hoc nomen, persona, sit vere commune personis in creatis.* 200
Verum hoc nomen persona sit commune uniuocum creatis & increatis personis? q. 2. 202

DISTINCT. XXVI.

Artic. I.

- Verum in diuinis sit ponere proprietates personarum? q. 1.* 206
Verum illa proprietates sint relationes? q. 2. 207

- Verum actus huiusmodi proprietatum sit hypostasēs distinguere aut distinctas ostendere? q. 3.* 208
Verum huiusmodi proprietates sint finita vel infinita quantum ad numerum? q. 4. 209
Et ibidem in respon. quod consuevit vis fieri inter hæc tria nomina, proprietates, relatio, & notio.

DISTINCT. XXVII.

Artic. I.

- Verum esse Patrem & generare sit una notio? q. 1.* 213
Quæ istarum sit ratio intelligendi alteram, id est, utrum hypostasis Patris siue Pater ideo generet, quia Pater est, vel utrum ideo sit Pater, quia generat? q. 2. ibid.
Verum contingat proprietates abstrahi? q. 3. 215
Verum peccatum sit contrarie de notionibus siue proprietatibus opinari? q. 4. 216

Artic. II.

- Verum verbum dicatur essentialiter vel notionaliter? q. 1.* 218
Verum verbum æternum connotes aliquid ex parte creature? q. 2. 219
De comparatione verbi ad essentiam, & cum Filius sit verbum & sapientia, queritur quod istorum sit prius secundum rationem intelligendi? q. 3. 220
Verum hoc nomen, verbum, debuerit transferri ad diuina? q. 4. 221

DISTINCT. XXVIII.

Artic. I.

- Verum hoc nomen, ingenuus, siue innascibilis, dicatur secundum relationem aut secundum substantiam? q. 1.* 225
Verum ingenuus dicat eandem relationem, quam hoc nomen, Pater? q. 2. 227
Verum innascibilitas sit proprietas, siue relatio personæ Patris an paternitas? q. 3. ibid.
Verum improcessibilitas sit notio Patris sicut innascibilitas? q. 4. 228

DISTINCT. XXIX.

Artic. I.

- Verum hoc nomen, principium, accipiatur notionaliter, an personaliter, supposito quod accipiatur essentialiter? q. 1.* 232
Verum hoc nomen, principium, cum accipiatur, essentialiter, & notionaliter an dicatur uniuoce, vel æquiuoce? q. 2. 233

Artic. II.

- Verum Pater, & Filius possint dici unum principium Spiritus sancti? q. 1.* 233
Verum ista sint concedenda: Pater, & Filius sunt unus spirator, vel sunt unum principium Spiritus sancti? q. 2. 235

DISTINCT. XXX.

Artic. I.

- Verum aliquid dicatur de Deo ex tempore? q. 1.* 238
Verum quæ dicuntur de Deo, dicantur ex tempore per se vel per accidens? q. 2. 239
Verum ea quæ sic dicuntur de Deo ex tempore, dicantur secundum substantiam aut secundum relationem? q. 3. ibid.

DISTINCT. XXXI.

Artic. I.

- Verum hæc nomina, similis, & æqualis, dicantur secundum positionem, an secundum priuationem? q. 1.* 243
Verum prædicta nomina dicant mutuan relationem secundum quam Pater Filio, & Filius Patri sit æqualis? q. 2. 245

Artic. II.

- Verum imago dicatur in diuinis secundum substantiam an secundum relationem? q. 1.* 247
Verum imago sit proprium Filij? q. 2. 248

Verum

Index Quaestionum.

<i>Utrum eternitas approprietur Patri, species imagini, & usus muneris? q. 3.</i>	249	<i>Utrum esse ubique conueniat soli Deo? q. 1.</i>	296
<i>Utrum nomina dicantur secundum substantiam, an secundum relationem? q. 2.</i>	244	<i>Utrum esse ubique conueniat Deo semper, siue ab aeterno? q. 2.</i>	297
Artic. III.		Artic. III.	
<i>Utrum Deus possit dici esse unum cum creatura? q. 1.</i>	250	<i>Utrum Deus sit in omnibus rebus aequaliter, siue uniformiter? q. 1.</i>	298
<i>Utrum una creatura possit dici unum cum alia creatura? q. 2.</i>	ibid.	<i>Quibus modis, & qualiter sit Deus in rebus? q. 2.</i>	ibid.
<i>De ratione appropriationis trium nominum praeceptorum? q. 3.</i>	251	Artic. IV.	
DISTINCT. XXXII.		<i>Utrum Deus sit localis intra locum? q. 1.</i>	300
Artic. I.		<i>Utrum Deus sit mutabilis de loco ad locum? q. 2.</i>	301
<i>Utrum ista locutio sit admittenda: Pater & Filius diligunt se Spiritu sancto? q. 1.</i>	256	<i>Utrum Deus sit ab omni loco separabilis, vel extra omnem locum? q. 3.</i>	302
<i>In qua habitudine construat ille ablatiuus, cum sic dicitur: Pater & Filius diligunt se Spiritu sancto? q. 2.</i>	257	Artic. V.	
Artic. II.		<i>Utrum Angelus possit moueri localiter sine corpore? q. 1.</i>	303
<i>Utrum hac locutio sit admittenda: Pater est sapiens sapientia genita? q. 1.</i>	258	<i>Utrum Angelus moveatur per medium vel non? q. 2.</i>	ibid.
<i>Utrum hac locutio sit admittenda: Pater est potens potentia quam genuit, siue virtute? q. 2.</i>	259	<i>Utrum spiritus Angelicus pertranscat medium motu subiecto successiuo? q. 3.</i>	305
DISTINCT. XXXIII.		DISTINCT. XXXVIII.	
Artic. I.		Artic. I.	
<i>Utrum proprietas sit persona? q. 1.</i>	262	<i>Utrum praescientia diuina sit causa rerum? q. 1.</i>	308
<i>Utrum proprietas sit essentia? q. 2.</i>	264	<i>Utrum praescientia diuina sit causata à rebus? q. 2.</i>	309
<i>Utrum una notio siue proprietas unius persona prae dicetur de alia? q. 3.</i>	265	Artic. II.	
<i>Utrum eadem proprietas, siue notio prae dicetur de se denominatiue? q. 4.</i>	266	<i>Utrum diuina praescientia ponat necessitatem circa praescitum? q. 1.</i>	310
DISTINCT. XXXIV.		<i>Utrum diuina praescientia habeat in se necessitatem? q. 2.</i>	311
Artic. I.		DISTINCT. XXXIX.	
<i>Utrum in diuinis sit ponere additionem? q. 1.</i>	270	Artic. I.	
<i>Utrum in diuinis sit ponere prae dicationem? q. 2.</i>	272	<i>Utrum Deus cognoscat alia à se? q. 1.</i>	315
<i>Utrum in diuinis sit ponere appropriationem? q. 3.</i>	273	<i>Utrum Deus cognoscat omnia alia à se? q. 2.</i>	316
<i>Utrum in diuinis sit ponere translationem? q. 4.</i>	274	<i>Utrum Deus possit scire, vel praescire, plura quam sciat? q. 3.</i>	317
DISTINCT. XXXV.		Artic. II.	
Artic. I.		<i>Utrum Deus cognoscat se, & alia eodem modo, siue uniformiter? q. 1.</i>	318
<i>Utrum in Deo sit ponere ideas? q. 1.</i>	277	<i>Utrum Deus cognoscat mutabilia immutabiliter? q. 2.</i>	ibid.
<i>Utrum sit ponere pluralitatem in ideis secundum rem? q. 2.</i>	279	<i>Utrum Deus cognoscat omnia praesenter? q. 3.</i>	319
<i>Utrum in ideis sit pluralitas secundum rationem? q. 3.</i>	280	DISTINCT. XL.	
<i>Utrum idea plurificentur per comparisonem ad ideata secundum multitudinem idearum? q. 4.</i>	281	Artic. I.	
<i>Utrum in Deo sit ponere multitudinem idearum secundum numerum finitum vel infinitum? q. 5.</i>	ibid.	<i>Utrum praedestinatio sit quid aeternum aut temporale? q. 1.</i>	322
<i>Utrum idea ordinem habeant? q. 6.</i>	282	<i>Utrum praescientia, sit Dei scientia, vel voluntas? q. 2.</i>	323
DISTINCT. XXXVI.		Artic. II.	
Artic. I.		<i>Utrum praedestinatio inferat necessitatem salutis libero arbitrio? q. 1.</i>	324
<i>Utrum res fuerint in Deo ab aeterno? q. 1.</i>	286	<i>Utrum praedestinatio ponat certitudinem in euentu? q. 2.</i>	326
<i>Utrum res sint in Deo ratione essentiae, vel personae? q. 2.</i>	ibid.	Artic. III.	
Artic. II.		<i>Utrum electio sit in Deo aeternaliter, siue ex tempore? q. 1.</i>	327
<i>Utrum omnia quae sunt in Deo sint in ipso vita? q. 1.</i>	287	<i>Quid sit electio, utrum, scilicet sit idem quod praedestinatio? q. 2.</i>	328
<i>Utrum res sint in Deo verius quam in universo siue in proprio genere? q. 2.</i>	288	Artic. IV.	
Artic. III.		<i>Utrum obduratio sit poena vel culpa? q. 1.</i>	329
<i>Utrum mala sint in Deo? q. 1.</i>	288	<i>Utrum obduratio sit ex Deo, siue sit effectus Dei reprobantis? q. 2.</i>	ibid.
<i>Utrum imperfecta secundum quod huiusmodi sint in Deo? q. 2.</i>	289	DISTINCT. XLI.	
DISTINCT. XXXVII.		Artic. I.	
Artic. I.		<i>Utrum praedestinatio, vel reprobatio in nobis habeat causam meritoriam? q. 1.</i>	333
<i>Utrum esse ubique conueniat Deo, ita quod sit in omnibus rebus? q. 1.</i>	294	<i>Utrum praedestinatio, & reprobatio habeant in Deo rationem motiuam? q. 2.</i>	334
<i>Utrum Deus sit ubique localiter, id est in omnibus locis? q. 2.</i>	295	Artic.	

Index Quæstionum.

Artic. I I.

Verum Deus cognoscat per modum complexionis? q. 1. 336
Verum enuntiabilia, siue complexa qua Deus semel cognoscit semper cognoscat vel sciat? q. 2. 337

DISTINCT. XLII.

Artic. I.

Verum Deus possit aliquid aliud à se? q. 1. 340
Verum Deus possit in omne aliud in quod potest omne agens creatum? q. 2. 341
Verum diuina potentia se extendat ad omne illud quod aliq. agenti est impossibile? q. 3. 342
Verum possibile simpliciter dicatur aliquid secundum causas superiores, hoc est an secundum potentiam diuinam an secundum potentiam creatam? q. 4. 344

DISTINCT. XLIII.

Artic. I.

Verum Dei potentia sit infinita? q. 1. 349
Verum ipsa essentia diuina sit infinita sicut potentia? q. 2. 350
Verum Deus possit producere opus infinitum? q. 3. 352
Verum ratio operandi diuina potentia sit infinita? q. 4. 353

DISTINCT. XLIV.

Artic. I.

Verum Deus potuerit facere mundum meliorem quo ad substantiam partium integrantium? q. 1. 356
Verum mundus potuerit fieri melior quantum ad partium integrantium proprietates? q. 2. 357
Verum Deus potuerit facere mundum meliorem quantum ad ordinem partium? q. 3. 358
Verum Deus potuerit facere mundum antiquiorem? q. 4. 359

Artic. II.

Verum Deus quod semel potest, semper possit? q. unica 360

DISTINCT. XLV.

Artic. I.

Verum sit ponere in Deo voluntatem? q. 1. 364
Verum sit dicere Deum omnivolentem, sicut dicitur omni-

potens? q. 2.

365

Artic. II.

Verum voluntas Dei sit causa rerum? q. 1. 366
Verum voluntas Dei sit causa prima, & immediata? q. 2. 367

Artic. III.

Verum voluntas diuina conuenienter diuidatur in voluntatem beneplaciti & voluntatem signi? q. 1. 368
Verum sufficienter assignentur quinque signa diuina voluntatis? q. 2. 369

DISTINCT. XLVI.

Artic. I.

Verum Deus velit omnes homines saluos fieri voluntate beneplaciti? q. 1. 374
Verum Deus velit mala fieri? q. 2. 375
Verum mala fieri sit bonum? q. 3. 376
Verum mala fieri sit verum? q. 4. 377
Verum malum sit ordinabile à Dei voluntate? q. 5. 378
Verum malum sit de complemento uniuersi? q. 6. ibid.

DISTINCT. XLVII.

Artic. I.

Verum voluntas beneplaciti Dei possit impediri? q. 1. 381
Verum aliquis possit facere contra voluntatem signi? q. 2. 382
Verum debeat Deus mala permittere? q. 3. 383
Verum Deus possit mala precipere? q. 4. 384

DISTINCT. XLVIII.

Artic. I.

Verum possibile sit voluntatem nostram conformari voluntati diuina? q. 1. 387
Verum conformitas voluntatis nostre ad diuinam faciat voluntatem nostram iustam? q. 2. 388

Artic. II.

Verum teneamur conformare voluntatem nostram voluntati diuina in ratione volendi ut velimus ex charitate quod volumus? q. 1. 388
Verum teneamur conformare voluntatem nostram voluntati diuina in voluto? q. 2. 389

Indicis Distinctionum, & Quæstionum in primum
 Librum Sententiarum finis.



S. BONAVENTURÆ
S. R. E. CARDINALIS,
EPISCOPI ALBANENSIS,
EXIMII ECCLESIAE DOCTORIS,
IN LIBRUM SECUNDUM
Sententiarum.

P R O O E M I V M.



OLVMmodo hoc inueni quod A
Deus fecit hominem rectum, &
ipse se infinitis immiscuit quæ-
stionibus. Sollicite consideranti
presentis libri, sc. secundi Senten-
tiarum principalem intentionem,
& totalem continentiam, illud oc-
currit ad quod suam inquisitione

dicat Sapiens esse productam in verbo proposito. Cum enim cuncta tentaret in sapientia, & plus defecisset, quam profecisset: tandem hoc se inuenisse fatetur quod Deus fecerit hominem rectum, &c. In quo verbo duo clauduntur, sc. quod hominis recta formatio, & rectitudo est à Deo, & hoc tangitur cum dicitur: Deus fecit hominem rectum. Aliud est quod hominis miseria, & obliquatio est à seipso: & hoc tangitur cum dicitur: & ipse se infinitis immiscuit quæstionibus. In his autem duobus clauditur terminus totius humanæ comprehensionis, ut cognoscat originem boni, & cognoscendo requirat, & ad illam perueniat, & ibi requiescat. Et ut cognoscat originem, & principium mali, & illud vitet, & caueat. Et in his etiam clauditur tota intentio tractatus libri presentis, qui circa duo versatur, sc. circa hominis conditionem, & eius deuiationem. Hominis autem conditio tangitur cum dicitur: Deus fecit hominem rectum. Qualiter autem illud intelligatur quod Deus fecerit hominem rectum, explicatur ibi, ubi dicitur: Deus creauit hominem de terra: hoc dicit quantum ad corpus. Et secundum imaginem suam fecit illum: hoc dicit quantum ad animæ naturam. Et iterum conuertit illum in ipsam: hoc dicit quantum ad gratiam superadditam, quæ animam conuertit ad Deum per virtutum habitus: & ideo subiungit: & secundum se vestiuit illum virtute. In hoc verbo ostenditur quod Deus non tantum fecit hominem possibilem ad rectitudinem, suam ei imaginem conferendo, sed etiam fecit hominem rectum ad se conuertendo ipsum. Tunc enim homo rectus est, quando intelligentia adæquatur summæ veritati in cognoscendo: voluntas conformatur summæ bonitati in diligendo: & virtus continuatur summæ potestati in operando. Hoc autem est quando homo ad Deum conuertitur ex se toto. Primo igitur homo rectus est, cum intelligentia veritati summæ æquatur: æquari autem

dico non per omnimodam perfectionem, vel impleti-
onem, sed per quandam imitationem. Si enim veritas, ut
dicit Anselmus, est rectitudo sola mente perceptibilis,
& rectitudini non potest æquari nisi rectum: cum intel-
lectus noster æquatur veritati necessario rectificatur.
Tunc autem æquatur, quando actualiter se conuertit ad
veritatem. Veritas enim in actu diffinitur quod est ad-
æquatio rei & intellectus. Intelligentia autem nostra ad
veritatem conuersa verificatur, ac per hoc veritati æqua-
tur, & dum æquatur rectitudini rectificatur: unde sine
veritate nullus recte iudicat, ut dicitur in lib. de vera
Relig. & qui aspicit ad veritatem iudicat, recte secun-
dum quod Dominus dicit Simoni: Recte iudicasti, id
est recte dixisti vel decreuisti. Similiter rectificatur dum
voluntas summæ bonitati conformatur. Summa enim
bonitas est summa æquitas, siue iustitia: tanto enim
melior quis, quanto iustior. Sed ut dicit Anselmus, Iu-
stitia est rectitudo voluntatis: nihil autem conformatur
rectitudini nisi rectum. Dum ergo voluntas bonitati
summæ & æquitati conformatur, necessario rectifica-
tur. Tunc autem conformatur, cum ad ipsum conuertitur
diligendo. Unde Hugo: Scio anima mea quod dum
aliquid diligis, in eius similitudinem transformaris. Qui
enim diligit bonitatem, rectus est. Et hoc est quod dicitur:
Recti diligunt te. Recti enim ad tuam bonitatem
sunt conuersi, & tua bonitas ad eos inclinatur. Unde
anima experta clamat, & dicit: Quam bonus Israël Deus
his qui recto sunt corde. Et quia soli recti experiuntur:
ideo rectos decet collaudatio. Nihilominus rectifica-
tur, dum virtus summæ potestati continuatur. Rectum
enim est cuius medium non exit ab extremis. Extre-
ma sunt primum & vltimum, alpha & omega, princi-
pium & finis. Operatio inter hæc est medium, per
quam efficiens peruenit in finem. Illa ergo virtus recta
est, cuius operatio est à principio primo, & ad finem
vltimum. Quoniam ergo diuina virtus omnia operatur
à Deo, & propter Deum, hinc est quod rectissima est
in operando. Nihil autem continuatur recto nisi re-
ctum, cum ergo virtus nostra summæ potestati conti-
nuatur, absque dubio rectificatur: ex hoc homo non
solum rectus, sed etiam rector, & rex efficitur. Unde
in Deut. Et erit apud rectissimum rex cōgregatis prin-
cipibus populi cum tribubus Israël. Hoc autem erit

In dialogo de
veritate
cap. 12.

Aug. lib. 1.
cap. 31. to. 1.
Lec. 7.8

In dialogo de
lib. arb. c. 9.

De veritate
cap. 13. Et de
conceptu
virg. cap. 5.
Cant. 1.6

Psal. 72.6

Apoc. 22.6

Deut. 33.6

in gloria, quando virtus nostra continuabitur diuinæ A
 virtuti: tunc erimus omnipotentes voluntatis nostræ,
 sicut & Deus, suæ: & ideo omnes reges: & ideo omni-
 bus promittitur regnum cælorum. Fecit igitur Deus ho-
 minem rectum, dum ipsum fecit ad se conuersum. In
 conuersione enim hominis ad Deum non solum rectifi-
 cabatur ad id quod sursum, sed etiam ad id quod deorsum.
 Homo enim in medio constitutus dum factus est
 ad Deum conuersus, & subditus, cætera sunt ei subiecta:
 ita quod Deus omnem veritatem creatam subiecerat
 eius intellectui ad iudicandum: omnem bonitatem eius
 affectui ad vtendum: omnem virtutem eius potestati ad
 gubernandum. Ex hoc namque quod intelligentia con-
 uersa est ad diuinam veritatem, vendicat sapientiam per
 quam omnia diiudicat secundum quod dicitur: Ipsa de-
 dit mihi omnium quæ sunt scientiam, vt scirem orbis
 terrarum dispositionem, & virtutes cælorum: initium, &
 conseruationem, & medietatem temporum, anni cursus,
 stellarum dispositiones, naturas animalium, & iras be-
 stiarum, vires herbarum, vim ventorum, & cognitiones
 hominum, differentias virgultorum, & virtutes radi-
 cum, & quæcunque sunt absconsa, & improuisa. Vnde
 & Adam omnibus nomina imposuit. Subiecit nihilomi-
 nus voluntati omnia ad vtendum: vt posset omnia in
 vsum, & vtilitatem suam conuertere. Vnde Psal. Omnia
 subiecasti sub pedibus eius. Vnde Apostolus dicit ad
 Deum conuersis: Omnia vestra sunt. Subiecit etiam vir-
 tuti ad gubernandum: Subiicite eam, scilicet terram, &
 dominamini piscibus maris, & volatilibus cali. Ista an-
 tem recta hominis conditio quantum ad superius & in-
 ferius simul tangitur in illo verbo: Faciamus hominem
 ad imaginem, & similitudinem nostram, & præsit, &c. C
 Fecit ergo Deus hominem rectum, dum ad se conuer-
 tendo sibi eam assimilauit, & per hoc omnibus præpo-
 suit, & sic patet recta humane nature conditio. Et sequi-
 tur miserabilis deuatio in hoc quod subditur: Et ipse
 infinitis se immiscuit quæstionibus. In quo potest nota-
 ri & modus labendi, & status in quem cecidit. Modus
 labendi in his tribus, quæ dicit secundum tria, quæ in
 peccato considerantur, & tria quæ in hoc verbo propo-
 nuntur. In peccato namque est conuersio, & auersio, &
 bonorum amissio, siue expoliatio. Conuersio intelli-
 gitur per immixtionem, auersio per finis priuationem,
 sed expoliatio per quæstionem. Nam conuersio facit
 prauum, vel impurum, auersio infirmum, expoliatio
 mendicum: & hoc totum tangitur, cum dicitur: Immis-
 cuit se infinitis quæstionibus. Potest etiam notari status
 in quem cecidit. Sic enim cecidit à rectitudine, vt per-
 deret ipsam rectitudinem, non rectitudinis aptitudinem:
 perderet habitum, non appetitum: quia sic amisit simili-
 tudinem, vt tamen pertranseat in imagine. Quoniam igitur
 remansit appetitus sine habitu: ideo factus est ho-
 mo querendo sollicitus. Et quia nihil creatum recom-
 pensare potest bonum amissum, cum sit infinitum, ideo
 appetit, querit, & nunquam quiescit: & ideo declinan-
 do à rectitudine, infinitis quæstionibus se immiscuit.
 Vnde intelligentia aduertendo se à summa veritate, &
 gratia effecta ignara, infinitis quæstionibus se immiscuit
 per curiositatem. Vnde: Est homo qui diebus, & nocti-
 bus somnum non capit oculis, & intellexi quod omnium
 operum Dei nullam possit homo inuenire rationem,
 supple, quæ finiat appetitum, siue inquisitionem: immo
 generat aliam quæstionem, & parit nouam contentio-
 nem, & immiscet inextricabilem dubitationem: pro-
 pter quod dicitur: Honor est homini qui separat se à
 contentionibus: omnes autem stulti miscentur contumeliis.
 Tales sunt miseri homines qui intendunt fabulis,
 & genealogiis infinitis. Quia sicut dicitur: Semper
 sunt discentes, & nunquam ad scientiâ veritatis perue-
 nientes. Voluntas discedendo à summa bonitate ege-
 neta effecta immiscuit se infinitis quæstionibus per concu-
 piscentiam, & cupiditatem. Quia sicut dicitur: Ignis
 nunquam dicit sufficit. Vnde & avarus non implebitur
 pecunia, sicut dicitur. Ideo semper querit, & mendicat.

Similiter concupiscentia non satiatur: immo infinitis
 voluptatum quæstionibus implicatur: Omnia commix-
 ta sunt, sanguis, homicidium, furtum, furtio, corruptio, &
 infidelitas, turbatio, perinrium, tumultus, bonorum Dei
 immemoratio, animarum inquinatio, natiuitatis immu-
 tatio, nuptiarum inconstancia, inordinatio moechiæ, &
 impudiciæ. Hæ sunt quæstiones infinitæ, quæ com-
 mixtæ sunt quibus immiscuit se homo dum volunta-
 tem deformauit à summa bonitate. Virtus autem dis-
 continuando se à summa potestate facta infirma immis-
 cuit se infinitis quæstionibus per instabilitatem, vnde
 semper querit quietem, & non inuenit. Vnde Isaias:
 Dominus immiscuit in medio Ægypti spiritum verti-
 ginis: iste est spiritus instabilitatis pro eo quod nihil
 potest stabilire. Vnde homo peccator est sicut puluis,
 quem proicit ventus à facie terræ. Vnde in Psalmo:
 Auertente te faciem, turbabuntur, auferes spiritum, &c.
 ideo erit tanquam puluis quem proicit ventus à facie
 terræ. Sicut igitur puluis non potest quiescere quandiu
 est ventus vertiginis, sic nec nostra virtus stabilis per-
 manere: & ideo infinita loca querit & mutat, & men-
 dicat suffragia. Immiscuit igitur se homo infinitis quæ-
 stionibus per curiositatem, dum cecidit à veritate in
 ignorantiam: per cupiditatem, dum cecidit à bonitate
 in malitiam: per ineffabilitatem, dum cecidit à potesta-
 te in impotentiam. Sic ergo in verbo proposito nota-
 tur hominis conditio, & eius deuatio: & hoc solum
 inuenio determinatum in hoc libro.



LIBER II. DE CREATIONE.

DISTINCTIO I. PARS I.

Vnum Esse rerum Principium ostendit, non
 plura, vt quidam putauerunt: Et cur homo
 & Angelus creatus sit: cur item
 Mundus totus.



REATIONEM rerum insinuans scri-
 ptura, Deum esse Creatorem initium-
 que temporis, atque omnium visibilium,
 vel inuisibilium creaturarum in pri-
 mordio sui ostendit, dicens: In principio creauit Deus
 cælum, & terram. His etenim verbis Moyses, Spiritu
 Dei afflatus, in vno principio à Deo Creatore mundum
 factum refert, elidens egrorem quorundam plura sine
 principio fuisse principia opinantium. Plato namque
 tria initia existimauit: Deum scilicet, exemplar, &
 materiam, & ipsam increatam sine principio, &
 Deum quasi artificem non Creatorem. Creator enim
 est, qui de nihilo aliquid facit. Et creare proprie est de
 nihilo aliquid facere. Facere vero non modo de nihilo
 aliquid operari, sed etiâ de materia, Vnde & homo,
 & Angelus dicitur aliqua facere, sed non creare, vo-
 caturque factor, siue artifex, sed non Creator. Hoc
 enim nomen soli Deo proprie congruit, qui & de nihilo
 quadam, & de aliquo aliqua facit. Ipse est ergo Crea-
 tor, & opifex, & factor, sed creationis nomen sibi
 proprie retinuit, alia vero etiam creaturis communi-
 cauit. In scriptura tamen saepe Creator accipitur tan-
 quam factor, & creare tanquam facere, sine distin-
 ctione significationis.

Quod hæc verba, scilicet agere, & facere, & huiusmodi
 non dicuntur de Deo secundum eam rationem
 qua dicuntur de creaturis.

Verumtamen sciendum est, hæc verba scilicet creare,

facere,

Sap. 7. o

Psal. 8. b

1. Cor. 3. d
Gen. 1. d

Gen. 1. c

Eccles. 7. d

Tria in pec-
cato confi-
derantur:
Auersio,
conuersio,
& bonorum
expoliatio.

Eccles. 8. d

Prov. 20. b

1. Tim. 3. a

Prov. 30. e

Sap. 14. d

Isa. 19. e

Psal. 103. d

Gen. 1. o
Ambr. in
Exa im. 1. i
cap. 1.

facere, agere, & alia huiusmodi de Deo non posse dici secundum eam rationem, qua dicuntur de creaturis. Quippe cum dicimus, cum aliquid facere, non aliquid in operando motum illi inesse intelligimus, vel aliquam in laborando passionem, sicut nobis solet accidere, sed eius sempiterna voluntatis novum aliquem significamus effectum, id est aterna eius voluntate aliquid noviter existere. Cum ergo aliquid dicitur facere, tale est ac si dicatur, iuxta eius voluntatem, vel per eius voluntatem aliquid noviter contingere, vel esse: ut in ipso nihil novi contingat, sed novum aliquid sicut in eius aterna voluntate fuerat, fiat sine aliqua motione, vel sui mutatione. Nos vero operando mutari dicimur, quia movemur. Non enim sine motu aliquid facimus. Deus ergo aliquid agere, vel facere dicitur, quia causa est rerum noviter existentium, dum eius voluntate res nova esse incipiunt, qua ante non erant absque ipsius agitatione, ut actus proprie dici non queat, cum videlicet actus omnis in motu consistat, in Deo autem motus nullus est. Sicut ergo ex calore solis aliqua fieri contingit, nulla tamen in ipso, vel in eius calore facta motione, vel mutatione: ita ex Dei voluntate nova habent esse sine mutatione auctoris, qui est unum, & solum, & omnium principium. Aristoteles vero posuit principia, scilicet materiam, & speciem, & tertium operatorium dictum: mundum quoque semper esse, & fuisse.

Quod catholicum est docet.

Horum ergo & similium errorem Spiritus sanctus evacuans, veritatisque disciplinam tradens, Deum in principio temporum mundum creasse, & ante tempora aternaliter extitisse significat, ipsius aternitatem & omnipotentiam commendans, cui voluisse, facere est, quia, ut praximus, ex eius voluntate, & bonitate res nova existunt. Credamus ergo rerum creaturarum caelestium, terrestrium, visibilium, vel invisibilium causam non esse nisi bonitatem Creatoris, qui est Deus unus, & verus. Cuius tanta est bonitas, ut summe bonus beatitudinis sua, qua aternaliter beatus est, alios velit esse participes: quam videt & communicari posse, & minui omnino non posse. Illud ergo bonum quod ipse erat, & quo beatus erat, sola bonitate, non necessitate aliis communicari voluit, quia summe boni erat prodesse velle, & omnipotentissimi nocere non posse.

DISTINCT. I. PARS II.

Quare rationalis creatura facta sit.

Et quia non valet eius beatitudinis particeps existere aliquis, nisi per intelligentiam, qua quanto magis intelligitur, tanto plenius habetur: fecit Deus rationalem creaturam, qua summum bonum intelligeret, & intelligendo amaret, & amando possideret, ac possidendo frueretur. Eamque hoc modo distinxit, ut pars in sui puritate permaneret, nec corpori uniretur, scilicet angeli, pars corpori iungeretur, scilicet anima. Distincta est utique rationalis creatura in incorpoream, & corpoream: & incorporea quidem Angelus, corporea vero homo vocatur ex anima rationali, & carne subsistens. Conditio ergo rationalis creatura primam causam habuit Dei bonitatem.

Quare creatus sit homo, vel Angelus.

Ideoque si quaratur, quare creatus sit homo, vel

A Angelus, brevi sermone responderi potest, propter bonitatem eius. Vnde Augustinus in lib. de Doctrina Christiana: quia bonus est Deus, sumus: & in quantum sumus, boni sumus.

Ad quid creata sit rationalis creatura.

Et si quaratur ad quid creata sit rationalis creatura: Respondetur, ad laudandum Deum, ad serviendum ei, ad fruendum eo: in quibus proficit ipsa, non Deus. Deus enim perfectus & summa bonitate plenus, nec augeri potest, nec minui. Quod ergo rationalis creatura facta est a Deo, referendum est ad creatoris bonitatem, & ad creatura utilitatem.

B Breuissima responsio cum quaeritur quare vel ad quid facta sit rationalis creatura.

Cum ergo quaeritur, quare, vel ad quid facta sit rationalis creatura, breuissime responderi potest: Propter Dei bonitatem, & suam utilitatem. Utile nempe ipsi est servire Deo, & frui eo. Factus ergo Angelus siue homo propter Deum dicitur esse, non quia Creator Deus, & summe beatus alterutrius indigeret officio qui bonorum nostrorum non eget: sed ut serviret ei, ac frueretur eo, cui servire regnare est. In hoc ergo proficit serviens, non ille cui servitur.

C Sicut factus est homo, ut serviret Deo, sic mundus ut serviret homini.

Et sicut factus est homo propter Deum, id est ut ei, serviret, ita mundus factus est propter hominem, scilicet, ut ei serviret. Positus est ergo homo in medio, ut ei serviretur, & ipse serviret, ut acciperet utrumque, & reflueret totum ad bonum hominis, & quod accepit obsequium, & quod impendit. Ita enim voluit Deus sibi ab homine serviri, ut ea servitute non Deus, sed homo serviens inuaretur: & voluit ut mundus serviret homini, & exinde similiter inuaretur homo. Totum ergo bonum hominis erat, & quod factum est propter ipsum, & propter quod ipse factus est: Omnia enim, ut ait Apostolus, nostra sunt, scilicet, superiora, & equalia, & inferiora. Superiora quidem nostra sunt, ad perfruendum, ut Deus, Trinitas. Equalia, ad convivendum, scilicet, Angeli. Qui etsi nobis modo superiores sint, in futuro erunt aequales qui & modo nostri sunt, quia ad usum nobis sunt: sicut res dominorum dicuntur esse famulorum, non dominio, sed quia sunt ad usum eorum. Ipsique Angeli in quibusdam scriptura locis nobis servire dicuntur, dum propter nos in ministerium mittuntur.

Quo modo dicitur aliquando in scriptura: Homo factus est propter reparationem angelici casus.

De homine quoque in scriptura interdum reperitur quod factus sit propter reparationem angelica ruina. Quod non ita est intelligendum, quasi non fuisset homo factus, si non peccasset angelus: sed quia inter alias causas, scilicet precipuas, hac etiam nonnulla causa extitit. Nostra ergo sunt superiora & equalia: nostra etiam sunt inferiora, quia ad serviendum nobis facta.

Quare ita sit homo institutus, ut anima sit unita corpori.

Solet etiam quari: cum maioris dignitatis videatur esse anima, si absque corpore mansisset, cur unita sit corpori. Ad quod primo dici potest, quia Deus voluit, & voluntatis eius causa querenda non est.

Lib. I. c. 32.

tom. 3.

Psal. 15. 4

1. Cor. 3. d
Aug. lib. 2.
quaest. Euan
6. 33. tom. 4.

Heb. 1. d.

Aug. lib. 12.
de Civ. Dei
cap. 21. 10. 5.
& in Ench.
cap. 29. 10. 3.

Mat. 22. d
1. Cor. 13. d

1. Cor. 5. a

Gen. 2. b
Job. 4. d.

Aug. lib. de
Spi. & ani-
ma. c. 14.
com. 3.

usque ad
12. dist.

Secundo autem potest dici, quod ideo Deus voluit eam A corpori uniri, ut in humana ostenderet conditione nonum exemplum beate unionis, qua est inter Deum & Spiritum, in qua diligitur ex toto corde, & videtur facie ad faciem. Putaret enim creatura se non posse uniri Creatori suo tanta propinquitate, ut eum tota mente diligeret, & cognosceret, nisi videret spiritum, qui est excellentissima creatura, tam infima, id est, carni, qua de terra est, in tanta dilectione uniri, ut non valeat arctari ad hoc ut velit eam relinquere. sicut ostendit Apostolus dicens: Nolumus corpore ex-
poliari, sed superuestiri: per quod ostenditur spiritum creatum spiritu increato ineffabili amore uniri. Pro exemplo ergo futurae societatis, qua inter Deum & Spi-
ritum rationalem in glorificatione eiusdem perficien-
da erat: animam corporeis indumentis, & terrenis mansionibus copulavit, luteamque materiam fecit ad vita sensum vegetare: ut sciret homo, quia si potuit Deus tam disparem naturam corporis, & animae in federationem unam, & in amicitiam tantam coniungere, nequaquam ei impossibile futuram rationalis creatura humilitatem, licet longe inferiorem, ad sua gloria participationem sublimare. Quia ergo pro exemplo rationalis spiritus in parte usque ad consortium terreni corporis humiliatus est, ne forte in hoc nimis depressus videretur, addit Dei providentia, ut postmodum cum eodem corpore glorificato ad consortium illorum qui in sua permanserunt puritate, sublimetur: ut quod minus ex dispensatione Creatoris sui acceperat conditus, postmodum per gratiam eiusdem acciperet glorificatus. Si ergo Conditor noster Deus rationales spiritus varia sorte pro arbitrio voluntatis sua disponens, illis quos in sua puritate reliquerat, sursum in calo mansionem: illis vero quos corporibus terrenis sociaverat, deorsum in terra habitationem constituit: utrisque regulam imponens obedientiae, quatenus & illi ab eo ubi erant, non caderent: & isti ab eo ubi erant, ad id ubi non erant, ascenderent. Fecit itaque Deus hominem ex duplici substantia corpus de terra componens, animam vero de nihilo faciens. Ideo etiam unita sunt anima corporibus, ut in eis Deo famulantes maiorem mereantur coronam.

Post Sacramentum Trinitatis de creatura tripartita agendum est, & prius de digniori, id est angelica.

Ex praemissis apparet rationalem creaturam in angelicam, & humanam fuisse distinctam, quarum altera est tota spiritualis, id est, angelica: altera ex parte spiritualis, & ex parte corporalis, id est, humana. Cum itaque de his tractandum sit scilicet de spirituali & corporali creatura: de rationali & spirituali, id est de Angelis agendum videtur, ut à consuetu Creatoris ad cognitionem creaturae dignioris ratio nostra intendat: deinde ad considerationem corporeae tam illius qua est rationalis quam illius qua non est rationalis descendat, ut Trinitatis increata Sacramentum tripartita creatura, eique concretorum atque contingentium sequatur documentum.

DISTINCTIO I.

De Creatione humanae naturae quantum ad principium efficiens in generali.

Creationem rerum.

Expositio Textus.

POST QUAM Magister supra in primo libro determinavit de mysterio Trinitatis, consequenter in hoc secundo libro determinat de rebus creatis. Et dividitur ista pars in duas. In prima agit de hominis conditione. In secunda de lapsu eius, & tentatione, infra dist. 2. 1. *Vides igitur diabolus, &c.* Prima pars habet duas, quia enim homo communicat cum omnibus creaturis, & cetera facta sunt propter hominem, ideo primo agit de conditione rerum in generali, secundo vero in speciali, infra dist. 2. *De angelica itaque natura, &c.* Prima pars habet duas. In prima determinat de conditione rerum quantum ad principium efficiens: in secunda vero quantum ad finem, ibi: *Et quia non valet eius beatitudinis, &c.* Prima pars habet tres particulas. In prima ponit veritatem quae exprimitur in Scripturae sacrae auctoritate. In secunda vero auctoritatem explanat, ibi: *Creator enim est, &c.* In tertia vero, quia per illam auctoritatem positiones erroneae eliduntur, concludit ultimo earum evacuationem, ibi: *Horum ergo & similium errorum, &c.* Et quaelibet harum partium habet duas. In prima namque parte proponit auctoritatem veritatis. In secunda Platonis errorem, ibi: *Plato namque, &c.* Similiter & secunda duas habet. In prima explanat auctoritatem, & verba auctoritatis. In secunda ponit errorem Arist. ibi: *Arist. vero duo, &c.* Eodem modo tertia habet duas. Primo enim concludit errorum improbationem, secundo vero fidei confirmationem, ibi: *Credamus igitur, &c.*

Creationem rerum, &c. Dub. I.

Queritur de ordine istius libri ad praecedentem. Cum enim nos cognoscamus Creatorem per creaturas, quia videmus per speculum: & scientia debeat inchoari à notioribus nobis: ergo prius debuit agere de creaturis quam de Creatore: ergo iste liber primus non secundus debet esse.

RESP. Dicendum quod supra cum actum est de Creatore, actum est etiam de creaturis propterea sunt via ad perveniendum in cognitionem: nunc autem agitur de cognitione rerum, propterea cognitio de Creatione administratur ei, quia agitur de conditione & lapsu. Non potest autem cognosci conditio, nisi prius cognoscatur eius principium, principium autem huius conditionis solus Deus est: ideo oportet doctrinam huius libri sequi doctrinam praecedentis, & patet obiectum.

In uno principio à Deo Creatore mundum factum refert. Dub. II.

Quaero pro quo supponat ille terminus, principio, aut pro creato aut pro increato. Non pro increato, quia praepositiones sunt transitivae. Non pro creato, quia nihil creatum erat in quo fieret.

ITEM: Ab aeterno fuerunt res in principio suo, scilicet Deo: si ergo productio respicit egressum à Deo, nullo modo potest stare pro principio increato: Nec pro creato, quia nondum erat aliquid, &c.

RESP. Dicendum quod praepositio cum suo causali tripliciter potest accipi. Uno modo ut dicat pure ordinem, & sic idem est facere in principio, & facere ante alia: ita quod connotet priuationem respectu alicuius temporalis prioris, & connotet praepositionem, posterioris. Alio modo potest importare habitudinem mensurae, & tunc in principio, idem est quod in primo instanti temporis. Tertio modo potest importare habitudinem causae, & tunc sensus est, in principio, id est in filio di-

Diuisio.

Aristot. 1.
Physic. 1.
cont. 2.

citur

sal. 103.

rimocelū
xit esse
ernum.
homistā
men &
aior pars
atinorum
se factum
æterno
cunt.

citur creasse secundum quod dicitur in Psalmo: Omnia in sapientia fecisti Domine: ut sic notetur non tantum causa efficiens, sed etiam exemplaris. Omnes istæ expositiones veræ sunt, & catholicæ, & per eas eliduntur tres errores circa mundi productionem. Ex prima eliditur error quorundam modernorum philosophantium qui dixerunt mundum esse factum ex tempore, sed mediante intelligentia, ita quod Deus primo fecit Angelos, & cum illis condidit mundum, contra quos est prima expositio. Si enim Deus in principio conditionis creauit mundum, non ergo primo Angelos, vel intelligentias ita quod per illos condiderit mundum: & hic error ortum habet ex illo verbo: Faciamus hominem ad imaginem, & similitudinem, quasi Deus loquatur Angelis. Ex secunda expositione eliditur error Aristotelicorum qui dixerunt mundum conditum ab æterno. Si enim in principio temporis factus est ex nihilo, non ergo fuit sine principio: & hic error ortum habuit ex hoc quod non potuerunt videre qualiter mundus incepit, & quare tunc & non ante. Ex tertia expositione eliditur error Platoniorum, qui dixerunt principia mundi tria esse, scilicet Deum, materiam, & exemplar. Si enim Deus in filio sicut per exemplar æternum condidit de nihilo mundum, non ergo requiritur secundum principium quod est exemplar, nec tertium quod sit materia: & ortum habuit ex hoc quod non potuerunt intelligere omnino quo modo aliquid fiat ex nihilo. Ex omnibus his eliditur error Manichæorum qui posuerunt principia mundi effectiua duo, & iste eliditur per subiectum dictæ locutionis: Creauit Deus cælum, & terram, lucem, & tenebras, & hic error est omnibus vilior: & habent se gradatim. Nam primus solum errat in eo à quo. Secundus errat in eo de quo, & quando, quia ex aliquo, & ab æterno. Tertius errat in eo de quo, quia dicit factum esse de materia, & non ex nihilo: & in eo per quod scilicet circa exemplar quod posuit aliud à Deo, ut apparet: & in quando, quia posuit materiam ab æterno, & imperfectam. Et iste error est multo vilior quam error aliorum qui ponunt ab æterno materiam fuisse perfectā suā formā. Quartus error Manichæorum omnibus est abominabilior, quia deficit in primo principio, in quo Philosophi communiter concordauerunt, ponens primo duo principia: ac per hoc auferens ordinem atque decorem vniuersi, & bonitatem & Dei potestatem. Et hunc errorem inter ceteros non humanam malitiam, sed diabolicam astutiam credo adinuenisse, ut se alterum Deum esse persuadeat mentibus peccatorum. Ex dictis igitur patet pro quo supponat hoc nomen principium. Potest enim supponere pro filio, & Deus pro patre, & ex modo construendi fit talis appropriatio. Potest etiam supponere pro creatura, ut pote pro principio temporis: sed non dicit tunc ordinem, sed concomitantiam mensuræ ad mensuratum, scilicet quod cælum & terra cum principio temporis esse cœperunt, & sic patet illud.

Aristoteles vero tria posuit principia, &c. Dub. III.

Phys. & 2.
12. Met.
12.

Quæritur quare distinguit illa duo à tertio. Et iterum non videtur illud esse verum perscrutanti libros Philosophi: quia ipse non ponit nisi ista tria, materiam, & formam, & priuationem, in principio noni Metaph. & in primo Phys. non ergo ista quæ ponit Magister.

RESP. Dicendum quod ideo duo distinguit à tertio, quia duo sunt intrinseca tanquam elementa, & vnum est extrinsecum. Vbi autem Philosophus ista tria distinguit, & ponit, si quærat expresse inuenitur in secundo de generatione circa finem. Sed tunc est quæstio, quia videtur non sufficienter principia in primo Phys. assignasse: immo si ibi assignauit tria præter operatorium, tunc ergo sunt quatuor. Et dicendum ad hoc quod priuatio non differt à forma, vel materia. Siue enim priuatio nominet appetitum formæ cum eius carentia, siue nominet ipsam formæ essentiam, prout est in materia in potentia,

A non differt ab his duobus: scilicet materia, & specie. Nam appetitus ad materiam reducitur, nec est aliud, & essentia formæ ad speciem secundum rem. Et hæc duo principia determinat in primo. Postmodum adiungit tertium, scilicet operatorium, dum omnia reducit ad Motorem primum in viij. & patet quod Magister vere, & proprie loquitur.

*In principio temporum mundum creasse.
Dub. IV.*

CONTRA: Si cœpit cum primo mobili & illud cœpit in secundo die, non ergo in principio temporis, sed ante.

B RESP. Dicendum quod tempus dicitur tripliciter, communissime, communiter, & proprie. Communissime dicitur mensura exitus de non esse in esse. Communiter dicitur tempus mensura cuiuslibet mutationis, maxime illius, quæ fuit ante primum mobile. Tertio modo dicitur proprie mensura motus primi mobilis, ut communiter consuevit distingui. Et quia primo modo dictum, est primum omnium, & in illo conditum est sæculum: ideo dicit, in principio temporum.

Omnipotentissimi est, nocere non posse. Dub. V.

CONTRA: Omnis pœna affligit, & lædit: si lædit, nocet: ergo si Deus non potest nocere, non potest punire.

RESP. Dicendum quod sicut duplex est malum, scilicet culpæ & pœnæ, sic etiam duplex est nocumentum. Cum ergo dicitur quod non potest nocere, non intelligitur quantum ad nocumentum quod facit malum pœnæ: sed quod facit malum culpæ.

ARTICVLVS I.

AD intelligentiam eorum quæ in hac parte dicuntur, quæritur hic de exitu rerum in esse. Primo quantum ad principij entitatem, vel causalitatem. Secundo quantum ad vnitatem. Tertio quantum ad productionis quidditatem. Circa primum duo quærentur. Primo quæritur vtrum res habeant principium causale. Secundo vtrum habeant principium initiale.

QVÆSTIO I.

An res habeant principium causale.

Alex. Alensis 1. p. q. 6. Memb. 2. art. 6.
S. Thom. 1. p. q. 44. art. 2.
Et de Verit. q. 3. art. 5.
Et de Pot. q. 3. art. 5.
Scotus 2. Sent. dist. 1. q. 1.
Durandus 2. Sent. dist. 1. q. 4.
Henricus Quol. 8. q. 9.
Thom. Arg. 2. Sent. dist. 1. q. 1. art. 4.
Gregor. Arim. 2. Sent. dist. 1. q. 1.
Ioan. Bassol. 2. Sent. dist. 1. q. 1. art. 2. & 3.
Steph. Brulef. 2. Sent. dist. 1. q. 1.
Gabriel Biel. 2. Sent. dist. 1. q. 2.
Richard. 2. Sent. dist. 1. art. 3. q. 2.

AD quam sic proceditur. Cum constet secundum sanctos, & Philosophos quod omnes res mudanæ habuerint principium productiuum, tum propter rerum varietatem, tum propter rerum mutabilitatem, tum propter rerum ordinem, tum etiam propter imperfectionem. Multitudo enim ortum habet ab vnitatem, & motus siue mutabile ab immutabili, & ordo ad primum: & imperfectum ad perfectum originaliter reducuntur: ideo hoc supposito, scilicet quod res habeant principium causale aliquo modo est quæstio, vtrum res productæ sint omnino, hoc est secundum principium materiale, & formale, an tantum secundum alterum principiorum. Et quod secundum vtrumque videtur primo à parte producentis sic: Quanto producens est prius & perfectius, tanto plus

Fundamēta.

influit in rem : ergo primum, & perfectissimum influit totum, & in totum: & si hoc, ergo totum producit, sed primum agens est huiusmodi: ergo, &c.

ITEM quanto nobilior & perfectior est agens, tanto paucioribus indiget ad agendum : ergo agens nobilissimum nullo extra se eget: ergo si ipsum solum esset, adhuc res produceret, sed non ex se, cum ipse nullius sit pars: ergo ex nihilo, patet ergo quod Deus potest in totam substantiam creaturæ.

ITEM agens secundum formam potest producere formam, ergo pari ratione agens secundum se totum potest producere totum : sed Deus se toto agit cum sit omnino simplex : ergo producit totum.

ITEM hoc ipsum ostenditur à parte rei conditæ sic. Quod non est ab alio, est à seipso, nihil autem tale quod à seipso est, indiget alio, ut sit : sed omne intrinsicum principium rei indiget alio, ut sit, nam forma indiget materia, & è conuerso: ergo, &c.

ITEM efficiens, & finis sunt causæ correlatiuæ: ergo quod non est ab alio, non est ad aliud: sed omnia sunt ad aliud secundum omne quod sunt: quia secundum omne quod sunt, appetunt bonum, & status non est nisi in summo bono. Et quod ista ratio sit bona, ostenditur. Si enim bonum, & ens conuertuntur: ergo quod est seipso ens, seipso est bonum, & è conuerso: sed quod seipso est bonum, non est propter aliquid aliud: ergo quod non est ab alio, non est propter aliud. Si ergo omnia mundana secundum se tota sunt propter aliud: ergo sunt ab alio.

ITEM: si res non est totaliter ab alio, aut est hoc ratione formæ, aut ratione materiæ. Constat, quod non formæ, quia videmus formas produci, & si formæ non producerentur, omnino nihil produceretur. Si ratione materiæ. Sed contra (ut dicit Philosophus in prima Philosophia) actus est ante potentiam: constat quod non loquitur de potentia actiua, sed passiuæ: ergo cum actus rei ab alio sit, similiter, & materia. Si tu dicas quod intelligatur non de actu qui est forma, sed efficiens, idè concluditur. Et iterum ego quæro, quare materia non sit ab aliq. Si quia est principium ex quo fiunt cætera, nec habet unde fiat, tunc ego quæro de forma, utrum fiat ex aliquo, vel ex nihilo. Si ex nihilo, pari ratione, & materia ex nihilo. Si ex aliquo, quæro quid sit illud. Non essentia materiæ, constat, quia forma simplex est: ergo forma non fit ex materia, ita quod materia sit eius principium constitutum. Nec fit ex materia, ita quod materia fiat forma: fit ergo ex aliquo quod est in materia: tunc ergo quæro, de quo est illud, & constat quod non est ex materia. pari ratione: ergo vel erit abire in infinitum in causando, vel necesse est ponere essetias formarum à primo opifice productas ex nihilo: ergo pari ratione & materiã.

1. AD oppositum sunt rationes primo à parte efficientis. Prima est hæc. Omnis effectus aliquo modo assimilatur causæ: sed principium primū est actus purus nihil habens de possibili, materia autem rerum est potentiale parum per sui essentiam, & nihil habens de actu: ergo cum materia in nullo assimiletur opifici, non est ab ipso.

2. ITEM: Ab agente pulcherrimo, & luminosissimo non procedit turpe, & tenebrosum : sed Deus est ipsa pulchritudo, & ipsa lux: materiale principium est turpe, & tenebrosum: ergo, &c. Ex parte rerum ostenditur de formali principio. Omne enim quod producit, & fit, fit à sibi simili nomine, & specie, ut homo ab homine, secundum quod dicit Philosophus. Si ergo formæ rerum sunt principia producendi, & principium producendi præcedit rerum productionem: ergo res non sunt productæ quo ad principium formale.

3. ITEM : Artifex non potest producere nisi præcognoscat, sed non potest præcognoscere nisi per formas, & non potest præcognoscere per formas, quæ nullo modo sunt : ergo impossibile est quod summus artifex mundum formaret, nisi formæ essent prius per quas cognosceret. & illæ non potuerunt produci similiter nisi per formas: ergo si non est in infinitum abire, est ponere formas rerum non esse productas.

4. ITEM hoc ipsum ostenditur quo ad materiale principium. Omne quod producit, producit ex aliquo, vel ex nihilo. Si ex nihilo: ex nihilo nihil fit: ergo omnia ex aliquo, illud autem est materia: ergo si stare est, & non abire in infinitum, illud non est productum. Quod autem ex nihilo nihil fiat videtur. Productio enim rei est actio, sed omnis actio requirit in quod agat : ergo & omnis productio, ergo omni productioni subiicitur aliquid, non nisi materia : ergo, &c.

5. ITEM: Ego quæro de productione siue creatione passiuæ, utrum illa sit substantia, vel accidens. Non substantia, ergo accidens: sed omne accidens fundatur in aliquo: sed hoc non potest esse creatum, cum illud sequatur naturaliter ipsam creationem: ergo necesse est (ut videtur) quod sit increatū, & aliquid aliud à Deo, quia creatio passio in alio est, ergo necesse est omne quod producit ex aliquo in producto produci, & ideo dicit Philosophus in primo phys. quod materia est ingenua.

CONCLUSIO.

Mundus tam secundum se totum, quam secundum sua principia intrinseca, de nihilo productus est.

RESP. AD ARG. Dicendum quod hæc veritas est, mundus in esse productus est, & non solum secundum se totum, sed etiam secundum intrinseca sua principia, quæ non ex aliis, sed de nihilo sunt producta. Hæc autem veritas, etsi cuiuslibet fides sit aperta & lucida: latuit tamen prouidentiam, vel prudentiam philosophicam, quæ in huius quæstionis inquisitione ex longo tempore ambulauit per denia. Fuerunt enim quidam Philosophi qui dixerunt mundum factum esse à Deo, & de sui essentia, quia non videbant quo modo aliquid posset fieri ex nihilo, & solus Deus fuit in principio, & ideo dixerunt, quod fecit omnia de se ipso. Sed hæc positio non solum fidelibus, sed etiam sequentibus philosophis apparuit improbabilis, quod Dei essentia omnino inuariabilis, & nobilissima fieret corporalium, & variabilium materia, quæ est de se imperfecta, nisi perficiatur per formas. Fuerunt etiam alij qui dixerunt mundum factum esse ex principiis præexistentibus, sc. ex materia, & formas: sed formæ latebant in materia antequam intellectus eas distingueret, & hoc ponit Anaxagoras. Sed quia formas esse omnes simul in materia non capit ratio recta, ideo per sequentes philosophos ista positio improbatæ est. Fuerunt etiam tertij, qui mundum dixerunt ex principiis præexistentibus factum, sc. materia, & forma: sed materiam per se posuerunt, separatas etiam per se posuerunt formas, & postmodum ex tempore ab opifice summo esse coniunctas, & hi Platonici fuerunt. Sed quia illud irrationabile videtur, quod materia fuerit imperfecta ab æterno, & quod eadem forma sit separata pariter, & coniuncta, & absurdum videtur triplicem hominem ponere, sc. naturalem, mathematicum, & diuinum : ideo etiam per sequentes philosophos hæc positio reprobata est. Fuerunt etiã quartij, sc. Peripathetici quorum princeps & dux fuit Aristot. qui veritati magis appropinquantes, dixerunt mundum factum, sicut legitur in secundo Meteororū. Dico igitur, quod mare factum est, ut in primo de cælo, & mundo, & de pluribus aliis locis potest elici. Sed dixerunt non esse factum ex principiis præexistentibus. Sicut enim vult in secundo vegetabilium, mundus semper fuit, plantis & animalibus plenus, ubi loquitur contra Abrutalum. Vtrum autem posuerit materiam, & formam factam de nihilo, hoc ego nescio, credo tamen quod non peruenit ad hoc, sicut melius patebit in problemate secundo: ideo & ipse defecit licet minus quam alij. Vbi autem defecit philosophorum peritia, subuenit nobis sacrosancta Scriptura, quæ dicit omnia esse creata, & secundum omne quod sunt in esse producta, & ratio à fide non discordat, sicut supra in opponendo ostensum est.

QVOD

Aristot. 1. Phys. per longum processum.

Aristot. 1. Phys. con. 71.

Aristot. 1. Phys. con. 81. & 3. cal. con. 81. 61.

Primum error.

Impugnatio.

Secundum error.

Improbatio. Tertium error.

Improbatio.

Quartum error.

Aristot. de plantis.

Aristot. 2. cal. con. 61.

Aristot. 2. Phys. con. 22. & 23.

Aristot. 9. Metaphys. con. 19.

Ad oppositum.

7. Metaph. con. 27.

Aristot. 2. Phys. con. 80.

Quod ergo obiicitur de similitudine, quod materia A est ens omnino in potentia, dicendum quod materia non propter se facta est, sed propter subitrationem seu sustentationem formæ quæ eius est actus: quamvis ergo materia non sit Deo actu similis, tamen assimilabilis est per formam: unde Aug. dicit quod ipsa materia, & si non habeat de se & in se actum formæ, ipsa tamen capacitas formæ est ei pro forma, ideo patet illud.

2. Quod obiicitur quod turpis, &c. Dicendum quod nec turpis nec tenebrosa dicitur nisi comparatione. Nam materia non est priuatio pura, immo ratione suæ essentiaæ habet aliquid de pulchritudine, & aliquid de luce: unde August. dicit quod habet modum, speciem, & ordinem, quamvis imperfecte: non oportet autem quod Deus omnes res producat sibi æqualiter similes, B immo secundum gradum. Et ideo ad hoc quod gradus sint perfecti necesse est aliquid ponere prope Deum, & hoc simillimum, & aliquid prope nihil, & hoc aliquo modo simile, non autem omnino, nec perfecte: quod quamvis in se minimum habeat de bono, tamen optime ordinatum est.

3. Quod obiicitur quod omne quod producit, producit per simile in forma, & cognoscitur similiter, dicendum quod est agens secundum naturam, & secundum intellectum. Agens secundum naturam producit per formas quæ sunt vere naturæ, sicut homo hominem, & asinus asinum. Agens per intellectum producit per formas quæ non sunt aliquid rei, sed ideæ in mente, sicut artifex producit arcam: & sic productæ sunt res: & hoc modo sunt formæ rerum æternæ, quia sunt C Deus, & si ita posuit Plato, commendandus est, & sic imponit ei August. Si autem ultra processerit, ut imponit ei Aristot. absque dubio erravit, & ratio sua quæ prædicta est, nihil cogit omnino. Nam sicut dicit philosophus, formæ rerum extra Deum à singularibus separatae nihil omnino faciunt, nec ad operationem, nec ad cognitionem.

4. Quod ultimo obiicitur de materia quod non potest fieri, quia vel ex aliquo, vel ex nihilo dicendum quod ex nihilo, & hoc per creationem. Quod obiicitur quod actio est in aliquid, dicendum quod creare non est agere sed facere, & in hoc differunt agere & facere, nam agere in quid agat non quid agat, exigit: facere autem, econverso.

5. Quod ulterius quæritur quid, vel in quo sit creatio passio, dupliciter respondetur. Quidam dicunt quod nec est substantia nec accidens, sed via ad utrumque, & tale præcedit illud ad quod est naturaliter, quamvis in eo habeat esse. Alii dicunt alij, quod aliquid creari non est aliud quam nunc primo esse, nec creatio dicit naturam aliquam mediam inter Deum, & creaturam, sed solum dicit esse rei connotando ordinem ad primum efficiens à quo, & ad non esse, ita tamen quod ordo ille totaliter est in re creata, & non in nihilo. Unde cum dicitur ex nihilo aliquid fieri, potest intelligi tripliciter. Aut materialiter, ut ex ferro cultellus. Aut causaliter, ut ex patre filius. Aut ordinaliter, ut de mane fit meridies. Primis duobus modis verum est ex nihilo nihil fieri: tertio modo verum est secundum naturam, sed falsum supra naturam. Per virtutem enim infinitam quæ non indiget fulcimento materiae, ita facilius potest aliquid produci ex nihilo, sicut de aliquo, alioquin non esset virtus primi principij infinita, sed egeret materiae fundamento, & ideo illi virtuti soli hoc attribuendum est necessario, quamvis non posset consimile reperiri in aliquo creato. Hoc enim est eius proprium, sicut & ipsa omnipotentia.

QVÆSTIO II.

An mundus ab æterno, vel ex tempore, productus sit.

Alexander Alensis 2. p. q. 14. Membr. 1. art. 1.
S. Thom. 1. p. q. 46. art. 2.
Et 2. Sent. dist. 2. q. 1. art. 5.
Et Quil. 3. q. 14. art. 2.
Et Opusc. q. 3. art. 17.
Secus 2. Sent. dist. 1. q. 2.
Egid. Rom. 2. Sent. dist. 1. q. 4. art. 1. & 2.
Richardus 2. Sent. dist. 1. art. 3. q. 4.
Durand. 2. Sent. dist. 1. q. 2.
Ioan. Bacc. 2. Sent. dist. 1. q. 4. 5. & 6.
Thom. Arg. 2. Sent. dist. 1. q. 2. art. 2.
Greg. Ar. m. 2. Sent. dist. 1. art. 3.
Stephanus Brulef. 2. Sent. dist. 1. q. 2.
Gabr. Biel. 2. Sent. dist. 1. q. 3.

Vtrum mundus productus fuerit ex tempore aut ab æterno. Et quod non ex tempore ostenditur duabus rationibus sumptis à motu. Prima est ostensiva sic. Ante omnem motum, & mutationem est motus primi mobilis: sed omne quod incipit, incipit per motum, vel mutationem: ergo ante omne illud quod incipit est motus ille, sed ille motus non potuit esse ante se, nec ante suum mobile: ergo impossibile est incipere. Prima propositio supponitur, & eius probatio patet sic, quia suppositio est in philosophicis, quod in omni genere perfectum est ante imperfectum: sed inter omnia genera motuum motus ad situm est perfectior, quia est entis completus, & inter omnia genera motuum localium motus circularis, & velocior est & perfectior: sed talis est motus cæli: ergo perfectissimus: ergo primus, patet: ergo, &c.

2. Item ostenditur per impossibile. Omne quod exit in esse, exit per motum, vel mutationem: ergo si motus exit in esse, exit per motum, vel mutationem, & similiter de illo quæritur: ergo vel est abire in infinitum, vel est ponere aliquem motum sine principio. Si motus: ergo mobile: ergo & mundum. Similiter ratio ostensiva sumitur à tempore sic. Omne quod incipit, aut in instanti, aut in tempore. Si ergo mundus incipit, aut in instanti, aut in tempore: sed ante omne tempus & ante omne instans est tempus: ergo tempus est ante omnia quæ inceperunt: sed non potuit esse ante mundum, & motum: ergo mundus non incepit. Prima propositio necessaria, vel nota est per se. Secunda, scilicet quod ante omne tempus sit tempus, patet ex hoc quod si currit, currebat prius de necessitate. Similiter quod ante omne instans sit tempus patet, sic. Tempus est mensura circularis conveniens motui & mobili: sed omnis punctus qui est in circulo ita est principium quod finis: ergo omne instans temporis ita est principium futuri quod terminus præteriti: ergo ante omne instans fuit præteritum: patet ergo, &c.

3. Item proba per impossibile. Si tempus produci- tur, aut in tempore aut in instanti. Non in instanti cum non sit in instanti: ergo in tempore: sed in omni tempore est ponere prius, & posterius, & præteritum, & futurum: ergo si tempus in tempore fuit productum, ante omne tempus fuit tempus, & hoc est impossibile: ergo, &c. Et hæc sunt rationes philosophi quæ sumptæ E sunt à parte ipsius mundi.

4. Item alia sunt rationes philosophorum quæ sumuntur ex parte causæ producētis, & generaliter ad duas possunt reduci: quarum prima est ostensiva, secunda vero per impossibile. Prima est hæc. Posita causa sufficienti & actuali, ponitur effectus: sed Deus ab æterno fuit causa sufficiens & actualis ipsius mundi: ergo, &c. Maior propositio per se nota est. Minor patet, scilicet quod Deus sit causa sufficiens, quia cum nullo extrinseco indigeat ad mundi creationem, sed solum potentia, sapientia, & bonitate, & hæc in Deo fuerunt perfectissima ab æterno, patet quod ab æterno fuit sufficiens. Quod etiam actualis, patet. Deus enim est actus purus, & suum velle, ut dicit philosophus. Et sancti dicunt, est suum agere: restat ergo, &c.

Ad opposi- tum.

Arist. 8. Physic. con- tex. 54.

Arist. 2. celli conseq. 23.

Aristot. 4. Physic. con- tex. 108.

Aristot. 4. Physic. con- tex. 110. Aristot. 9. Metaphysic. conseq. 10.

Aristot. 12. Metaphysic. conseq. 39.

Aristot. 3.
Physic. com-
tex. 7.

Fundamen-
ta.

Aristot. 3.
Physic. Et
primo de ca-
lo cõtex. 130.

Aristot. 1.
Post. Et 3.
celi 19. &
6. Physic.

5. ITEM per impossibile: Omne illud, quod incipit A agere, vel producere, cum priu non produceret, exit ab otio in actum: si ergo Dens incipit mundum producere, exit ab otio in actum, sed in omni tali cadit otiositas, & mutatio siue mutabilitas: ergo circa Deum est otiositas, & mutabilitas. Hoc autem est contra summam bonitatem, & contra summam simplicitatem: ergo hoc est impossibile, & blasphemū dicere de Deo, ita quod mundus cœperit. Hæ sunt rationes quas Commentatores, & moderniores superaddunt rationibus Aristot. siue ad has possunt reduci.

SED ad oppositum sunt rationes ex propositionibus per se notis secundum rationem, & philosophiam: quarum prima est hæc.

Impossibile est in infinito addi: hæc est manifesta per se, quia omne illud quod recipit additionem sit maius: infinito autem nihil maius. Sed si mundus est sine principio, durauit in infinitum: ergo durationi eius non posset addi: sed constat hoc esse falsum, quia reuolutio additur reuolutioni omni die: ergo, &c. Si tu dicas quod infinitum est quantum ad præterita, tamen quantum ad præsens, quod nunc est, est finitum actu: & ideo ex ea parte qua finitum est actu, est reperire maius. CONTRA: Ostenditur quod in præterito est reperire maius. Hæc est veritas infallibilis: quod si mundus est æternus, reuolutiones solis in orbe suo sunt infinitæ. Rursus. Vna reuolutio solis necesse est fuisse 12. ipsius lunæ: ergo plus est reuoluta luna quam sol: & sol infinitis: ergo infinitorum ex ea parte qua infinita sunt, est reperire excessum: hoc autem est impossibile: ergo, &c.

Secunda propositio est ista. Impossibile est infinita ordinari: omnis enim ordo fluit à principio in medium: si ergo non est primum, non est ordo. Sed duratio mundi siue reuolutiones cœli si sunt infinitæ, non habent primum: ergo non habent ordinem: ergo vna non est ante aliam: sed hoc est falsum: restat ergo quod habeant primum. Si dicas quod statum ordinis non est necesse ponere nisi in his quæ ordinantur secundum ordinem causalitatis quia in causis necessario est status, quæro quare non in aliis. Præterea tu ex hoc non euades: nunquam enim fuit reuolutio cœli, quin fuisset generatio animalis ex animali: sed constat quod animal ordinatur ad animal ex quo generatur secundum ordinem causæ: ergo si secundum philosophum & rationē necesse est ponere statum in his, quæ ordinantur secundum ordinem causæ: ergo in generatione animalium necesse est ponere primum animal: & mundus non fuit sine animalibus: ergo, &c.

Tertia propositio est ista. Impossibile est infinita pertransiri: sed si mundus non cœpit, infinitæ reuolutiones fuerunt: ergo impossibile est illas pertransiri: ergo impossibile fuit deuenire vsque ad hanc. Si tu dicas quod non sunt pertransita, quia nulla fuit prima, aut quod etiam bene possunt pertransiri in tempore infinito, per hoc non euades. Quæro enim à te vtrum aliqua reuolutio præcesserit hodiernam in infinitum, an nulla. Si nulla: ergo omnes finitæ distant ab hac, ergo sunt omnes finitæ: ergo habent principium. Si aliqua in infinitum distat: quæro de reuolutione quæ immediate sequitur illam, vtrum distet in infinitum. Si non, ergo nec illa distat, quoniam finita distantia est inter vtramque. Si vero distat in infinitum: similiter quæro de tertia, & quarta, & sic in infinitum: ergo non magis distat ab hac vna, quam ab alia: ergo vna non est ante aliam: ergo omnes sunt simul.

Quarta propositio est ista. Impossibile est infinita à virtute finita comprehendere: sed si mundus non cœpit, infinita comprehenduntur à virtute finita: ergo, &c. Probatio maioris per se patet. Minor ostenditur sic supponendo Deum solum esse virtutis actu infinitæ, & omnia alia habere finitatem. Rursus supponendo quod motus cœli nunquam fuit sine substantia spiritali creata, quæ vel ipsum faceret, vel saltem cognosceret. Rursus hoc supposito, quod substantia spiritalis nihil obliuiscitur:

si ergo aliqua spiritalis substantia virtutis finitæ simul fuit cum cœlo, nulla fuit reuolutio cœli quam non cognosceret, & non est oblita: ergo omnes actu cognoscit & fuerunt infinitæ: ergo aliqua spiritalis substantia virtutis finitæ simul comprehendit infinita. Si dicas quod non est inconueniens, quod vnica similitudine cognoscat omnes reuolutiones quæ sunt eiusdem speciei, & omnino consimiles, obiicitur quod non tantum cognouerit circulationes, sed earum effectus: & effectus varij & diuersi sunt infiniti: patet: ergo, &c.

Quinta est ista. Impossibile est infinita simul esse: sed si mundus est æternus sine principio, cum non sit sine homine, propter hominem enim sunt quodam modo omnia, & homo duret finito tempore, igitur infiniti homines fuerunt. Sed quot fuerunt homines, tot animæ rationales fuerunt: ergo infinite fuerunt animæ. Sed quot animæ fuerunt, tot sunt, quia sunt formæ incorruptibiles: ergo infinitæ sunt animæ. Si tu dicas ad hoc, quod circulatio est in animabus, vel quod vna anima est in omnibus hominibus, primum est error in philosophia, quia, vt vult philosophus, proprius actus est in propria materia: ergo non potest anima quæ fuit perfectio vnus, esse perfectio alterius etiam secundum philosophum. Secundum etiam magis est erroneum: quia multo minus vna est anima omnium.

Vltima ratio ad hoc est. Impossibile est quod habet esse post non esse, habere esse æternum, quoniam hæc est implicatio contradictionis: sed mundus habet esse post non esse: ergo impossibile est esse æternum. Quod autem habeat esse post non esse, probatur sic: Omne illud quod totaliter habet esse ab aliquo donante per essentiam producit ab illo ex nihilo: sed mundus totaliter habet esse à Deo: ergo mundus producit ex nihilo à Deo: sed non ex nihilo materialiter, nec causaliter: ergo ordinaliter. Quod autem omne quod totaliter producit ab aliquo differente per essentiam habeat esse ex nihilo, patens est: nam quod totaliter producit secundum materiam, & formam: sed materia non habet ex quo producatur, quia non ex Deo: manifestum est igitur, quod ex nihilo. Minor autem scilicet quod mundus totaliter à Deo producatur, patet ex alio problemate.

CONCLUSIO.

Cum res omnes de nihilo productæ fuerint, implicat dicere, mundum ab æterno productum fuisse à principio per voluntatem agente, & non naturaliter operante.

RESP. Ad arg. Dicendum quod ponere mundum æternum esse, siue æternaliter productum, ponendo res omnes ex nihilo productas, omnino est contra veritatem, & rationem sicut vltima ratio probat: & adeo contra rationem, vt nullum philosophorum quantumcunque parui intellectus crediderim hoc posuisse. Hoc enim implicat in se manifestam contradictionem. Ponere autem mundum æternum præsupposita æternitate materiæ, rationabile videtur: & intelligibile, & hoc duplici exemplo. Egressus enim rerum mundanarum à Deo, est per modum vestigiij. Vnde si pes esset æternus, & puluis in quo formatur vestigium, esset æternus, nihil prohiberet intelligere vestigium pedis esse coæternum, & tamē à pede esse vestigium. Per hunc modum si materiæ, siue principium potentiale esset coæternum auctori, quid prohibet ipsum vestigium esse æternum: immo videtur congruum. Rursus aliud exemplum. Rationalis enim creatura procedit à Deo vt vmbra: filius procedit, vt splendor: sed quā cito est lux, statim est splendor, & statim est vmbra, si sit corpus opacum ei obiectum. Si ergo materia coæterna est auctori tanquam opacum luci, sicut rationabile est ponere filium, qui est splendor patris, coæternum, ita rationabile videtur creaturas siue mundum qui est vmbra summæ lucis, esse æternum: & magis rationale est quam suum oppositum, scil. quod materia æternaliter fuerit imperfecta, sine forma, vel diuina in-

fluentia:

Arist. 1. 2. soli
contex. 124.
2. Phys. con-
tex. 24.

Aristot. 3.
Physic. com-
tex. 5.

Aug. de fide
ad Pet. c. 3.
in princ. &
de Civ. Dei,
lib. 12. c. 15.
com. 5.

Aug. de Civ.
Dei, lib. 10.
cap. 3. 1. 10. 5.

fluentia : sicut posuerunt quidam philosophorum : & adeo rationabilius, ut etiam ille excellentior inter philosophos Aristoteles, sicut Sancti imponunt, & commentatores exponunt, & verba eius prætendunt, in hunc errorem dilapsus fuerit. Quidam tamen moderni dicunt philosophum nequaquam illud sensisse, nec intendisse probare quod mundus omnino non cœperit, sed quod non cœperit naturali motu. Quod horum magis sit verum, ego nescio : hoc vnum scio, quod si posuit mundum non incepisse secundum naturam, verum posuit : & rationes eius sumptæ à motu, & tempore sunt efficaces. Si autem hoc sensit, quod nullo modo cœperit, manifeste erravit, sicut pluribus rationibus ostensum est supra : & necesse fuit eum ad vitandam contradictionem ponere aut mundum esse factum ex tempore, aut non esse factum ex nihilo. Ad vitandam autem infinitatem actualem necesse fuit ponere aut animæ rationalis corruptionem, aut unitatem, aut circulationem, & ita auferre beatitudinem : unde iste error & malum habeat initium, & pessimum finem.

1. Quod ergo obiicitur primo de motu primi mobilis qui est primus inter omnes motus, & mutationes, quia perfectissimus, dicendum quod loquendo de motibus & mutationibus naturalibus, verum dicit & non habet instantiam : loquendo autem de mutatione supernaturali per quam ipsum mobile processit in esse, non habet veritatem : nam illa præcessit omne creatum, & ita mobile primum, ac per hoc & eius motum.

2. Quod obiicitur : Omnis motus exit in esse per motum, dicendum quod motus non exit in esse per se, nec in se, sed cum alio, & in alio : & quia Deus in eodem instanti mobile fecit, & ut motor super mobile influxit : ideo motum mobili concreavit. Si autem quæras de illa creatione, dicendum quod ibi stare est sicut in primis, & hoc melius infra patebit.

3. Quod tertio obiicitur de nunc temporis, &c. Dicendum quod sicut in circulo est dupliciter assignare punctum, aut cum sit, aut postquam factus est, & sicut dum sit est ponere & assignare primum punctum, dum vero iam est, non est ponere primum : sic est accipere in tempore nunc dupliciter, & in ipsa productione temporis fuit nunc primum, ante, quod non fuit aliud, quod fuit primum principium temporis in quo omnia dicuntur esse producta. Si autem de tempore postquam factum est, verum est quod est terminus præteriti, & se habet per modum circuli : sed hoc modo non fuerunt res productæ in tempore iam perfecto : & ita patet quod rationes Philosophi nihil valent omnino ad hanc conclusionem. Et quod dicitur quod ante omne tempus est tempus, verum est accipiendo intus diuidendo, non extra antèrè producendo.

Quod obiicitur de tempore, quod cœpit, dicendum quod cœpit in suo principio, principium autè temporis est instans, vel nunc : & ita cœpit in instanti : & non valet illatio : non fuit in instanti, ergo non cœpit in instanti, quoniam successiva non sunt in sui initio. Potest tamen aliter dici, quod dupliciter est loqui de tempore, aut secundum essentiam, aut secundum esse. Si secundum essentiam, sic nunc est tota essentia temporis, & illud nunc cœpit cum re mobili, non in alio nunc, sed in seipso, quia status est in primis, unde non habuit aliam mensuram. Si secundum esse, sic cœpit cum motu variationis : nec cœpit per creationem, sed potius per ipsorum mutabilium mutationem, & maxime primi mobilis.

4. Quod obiicitur de causæ sufficientia, & actualitate, dicendum quod causa sufficiens ad aliquid est duobus modis, aut operans per naturam aut per voluntatem & rationem. Si operans per naturam, sic statim cum est, producit. Si autem operans per voluntatem, quamvis sit sufficiens, non oportuit, quod statim cum est, operetur : operatur enim secundum sapientiam, & discretionem : & ita considerat congruitatem. Quoniam

igitur non conveniebat naturæ ipsius creaturæ æternitas, nec decebat Deum alicui hanc nobilissimam conditionem donare : ideo diuina voluntas, quæ operatur secundum diuinam sapientiam, produxit non ab æterno, sed in tempore, quia sicut produxit, sic & disposuit, & sic voluit : ab æterno enim voluit producere tunc, quando produxit : sicut ego nunc volo cras audire Missam. Et ita patet quod sufficientia non cogit. Similiter de actualitate dicendum quod causa duobus modis potest esse in actu. Aut in se, ut si dicam : sol lucet. Aut in effectu, ut si dicam : sol illuminat. Primo modo Deus semper fuit in actu : quoniam ipse est actus purus, nihil habens admixtum de possibili. Alio modo non semper in actu : non enim semper fuit producens.

5. Quod obiicitur secundo, si de non producente factus est producens, mutatus est ab otio in actum, dicendum quod quoddam est agens cuius actio, & productio addit aliquid supra agentem, & producentem. Tale cum de non agente sit agens, variatur aliquo modo : & in tali, ante operationem cadit otium, & in operatione additur complementum. Aliud est agens quod est sua actio, & tali nihil omnino aduenit cum producit, nec etiam in eo fit aliquid quod non prius infuit : & tale nec recipit complementum in operando, nec in non operando est otiosum : nec cum de non producente fit producens, mutatur ab otio in actum. Tale autem est Deus etiam secundum Philosophos, qui posuerunt Deum simplicissimum. Patet ergo quod stulta est eorum ratio : si enim propter otium vitandum res ab æterno produxisset, sine rebus perfectum bonum non esset, ac per hoc nec cum rebus, quia perfectissimum seipso perfectum est. Rursus, si propter immutationem oporteret res ab æterno esse, nihil posset nunc de nouo producere. Qualis igitur Deus esset, qui nunc nihil per se posset ? Hæc omnia dementiam indicant magis quam philosophiam, vel rationem aliquam. Si tu quæras qualiter possit capi, quod Deus agat seipso, & tamen non incipiat agere, dicendum quod si hoc non possit plene capi propter imaginationem coniunctam, potest tamen necessaria ratione conuinci : & si quis à sensibilibus se trahat ad intelligibilia aspicienda aliquo modo perciperet. Si enim quis quærat, utrum Angelus possit facere lutum figuli cum non habeat manus, vel proicere lapidem : respondebitur, quod potest, quia hoc potest sola virtute sui absque organo, quod potest anima cum corpore, & membro suo. Si igitur Angelus propter suam simplicitatem, & perfectionem tantum excedit hominem, ut possit facere sine organo medio illud, ad quod homo necessario indiget organo, posset etiam facere per vnum quod homo potest per plura : quanto magis Deus, qui est in fine totius simplicitatis, & perfectionis absque omni medio suæ voluntatis imperio, quæ non est aliud quam ipse, potest omnia producere, ac per hoc in producendo immutabilis permanere ? Et sic potest homo manuduci ad hoc intelligendum. Hoc autem perfectius capiet, si quis ista duo potest in suo opifice contemplari, scilicet, quod est perfectissimus, & simplicissimus. Quia perfectissimus, omnia quæ sunt perfectionis ei attribuntur. Quia simplicissimus, nullam diuersitatem in eo ponunt : ac per hoc nec ponunt ullam varietatem, nec mutabilitatem : ideo stabilis manens dat cuncta moueri.

ARTICVLVS II.

Consequenter quæritur de principij unitate. Circa quod duo quærentur. Primo utrum res productæ sint in esse à pluribus principiis. Secundo dato, quod ab vno principio, quæritur utrum illud produxerit omnia à seipso, an mediante alio.

QVÆSTIO I.

An res productæ sint in esse à pluribus principiis

Alexander Avenis 2.p.q.1. Membrum 2. art. 1. & 2.

S. Thom. 1.p.q.44. art. 1. & 2.

Et 2. Sent. dist. 1. q. 1. art. 1.

Egid. Rom. 1. Sent. dist. 2. q. 1.

Et 2. Sent. dist. 1. q. 2. art. 3.

Richardus 2. Sent. art. 4. q. 1.

Thom. Arg. 1. Sent. dist. 1. q. 1. art. 1.

Gabriel Biel. 2. Sent. dist. 1. q. 2. art. 2.

Ad oppo-
situm.

QUOD à pluribus principiis sint productæ res, dicunt Manichæi, qui ponunt aliud esse principium spiritualium, & incorporeum, siue invisibile: aliud corruptibile, & corporale, siue visibile: & primum vocant Deum lucis: secundum vocant Deum tenebrarum. Et quod positio eorum sit vera & catholica, videtur per sacram Scripturam: Regnum meum non est de hoc mundo, dicit ipse rex gloriæ, & Deus lucis: ergo mundus iste visibilis ad Deum lucis non spectat: non ergo est conditus ab eo.

2. ITEM: Venit princeps mundi huius. Rursus: Ioannes vocat diabolum principem huius mundi: & ille Deus est tenebrarum: ergo videtur &c.

3. ITEM Apostolus vocat diabolum Deum huius sæculi: sed non meretur aliquis dici Deus alicuius, nisi eius quod condidit: ergo, &c. Alias plurimas adducit auctoritates de Scriptura: sed his solutis, solvantur & aliæ.

4. ITEM rationibus probant id ipsum hoc modo: Oppositorum oppositæ sunt causæ: sed spiritualia, & corporalia habent repugnantiam. Vnde dicitur: Video aliam legem in membris meis repugnantem legi mentis meæ. Caro concupiscit aduersus spiritum, &c.

5. ITEM: Et nouum & vetus testamentum aduersantur, sicut patet in Matthæo, quia ibi præcipiuntur directe contraria, sicut iurare, & non iurare: occidere, & non occidere: ergo necessarium est ponere duo principia prima, vnum corporale, aliud spirituale: vnum veteris, aliud noui.

6. ITEM: Idem similiter se habens semper natum est facere idem: ergo cum Deus bonus vniuersimode se habeat, & similiter semper facit idem: ergo cum sit causa conditiua, nullus est destructiua: & cum sit causa productionis, non erit causa destructionis, nec corruptibilitatis: ergo corruptibilia sunt ab alio principio.

7. ITEM: Omne quod bonus Deus facit, est bonum: omne quod est bonum, est diligendum, & nihil omnino quod fecerit, est odiendum: sed iste mundus est odiendus, & spernendus: similiter, & vita carnalis: Nolite diligere mundum. Et iterum: Qui amat animam suam, perdet eam: ergo, &c.

In contrarium autem sunt rationes, & auctoritates. Dicitur de verbo: Omnia per ipsum facta sunt: sed verbum est bonus Deus: ergo, &c. Nam si dicas quod omnia non distribuit pro visibilibus: CONTRA: Statim sequitur: Et mundus factus est per eum, &c. Constat quod de hoc mundo loquitur, &c.

ITEM: Data est mihi omni potestas in cælo, & in terra, dicit Deus bonus: ergo aut iuste data est, aut iniuste. Si iuste: ergo cælum & terra sua sunt, & ipse fecit. Si iniuste: ergo videtur quod ipse Deus bonus iniuste usurpauit alienum: & ita quod fuerit iniustus.

ITEM: Idem fuit ille conditor rerum visibilium, qui dedit vetus testamentum: sed iste fuit Deus lucis. Probatio: in Actibus dicit Paulus: Viri fratres, Deus plebis Israël elegit patres nostros. Et post: Qui habitant Hierusalem principes hunc ignorantes, & indicantes impleuerunt: ergo, &c.

ITEM rationibus ostenditur: Omne bonum & pulchrum est à Deo bono: sed omnia visibilia sunt bona & pulchra: ergo, &c. Probatio. Aut sunt bona, aut mala. Si bona: habeo propositum. Si mala: ergo eorum cor-

ruptio est bona: ergo corruptio eorum est à Deo bono, quoniam omne bonum ab ipso: ergo, &c.

ITEM: Quæcumque adinuicem coniunguntur, necesse est coniungi per aliquid in quo communicant: sed in nullo communicant quæ differunt in principiis primis: si ergo anima, & corpus coniunguntur, necesse est quod ab eodem Deo producantur: sed anima est à Deo lucis: ergo, &c.

ITEM: quæritur de istis duobus principiis qualiter se habeant adinuicem: aut enim habent pacem, aut bellum: aliter enim non video quo modo possit esse. Sed Deus lucis non potest bellare cum in eo sit summa pax, & quies. Deus tenebrarum, cum in eo sit omnimoda malitia, non potest quiescere: ergo videtur, quod nec bellant, nec quiescunt.

CONCLUSIO.

Mundus, & qualibet res in mundo existentes, ab uno principio tantum fuerunt productæ: contra Manichæos.

RESP. Ad arg Dicendum quod quæstio de pluralitate principiorum tripliciter potest intelligi: & secundum hoc in diuersis locis tractanda est. Potest enim quæri, vtrum plura sint principia, quorum vtrumque bonum: & illud habet determinari in primo libro: vbi quæritur de vnitæte diuinæ essentia. Potest nihilominus quæri, vtrum plura sint principia: ita quod vnum sit summum bonum, alterum vero summum malum: ita quod ab vno sit omne bonum, ab alio omne malum: & illud habet determinari in tractatu de malo: non enim potest hæc quæstio sciri, nisi sciatur quid sit malum primo. Potest etiam quæri, vtrum plura sint principia, quorum vnum sit principium incorruptibile, & spirituale, aliud sit principium corruptibile & visibile: & hoc debet determinari nunc, vbi quæritur de exitu rerum in esse. Ad hanc quæstionem dicendum, quod error ille de positione duorum principiorum non solum est contra fidem, immo adeo contra rationem, vt vix credam hominem, qui aliquid de philosophia sciuit, hunc errorem posuisse, aut defendisse. Iste error tamen pessimus est, quia præterdit aliquam speciem pietatis. Videtur enim Deo bono attribui bona & pulchra & nobilia: & alij principio, alia: & ideo magis subintravit, & Ecclesiam Dei magis fœdauit: & quia etiam à simplicibus magis potest capi, & falsa imaginatione cogitari. Et ad istum errorem pessimum de multitudine principiorum innumerabiles errores consequuntur vanissimi, sicut illis est notum qui sectam Manichæorum nouere, sicut de iuramento, matrimonio, homicidio, & aliis pluribus, quæ omnia suas habent improbationes per Scripturas. Caput autem & principium erroris omnis damnat philosophia, quod duo sint rerum principia prima: tum quia ordo vniuersi destruitur, hoc posito: tum quia diuina potentia limitatur ex hoc, vt non possit corporalia producere: tum etiam, quia ex hoc diuina essentia circumscriptibilis ponitur, vt tantum sit in regione lucis: & si hæc vera sunt, Deus nec est, nec aliquid est boni.

1. 2. 3. AD auctoritates quas adducunt, dicendum quod mundus dupliciter accipitur in Scriptura, videlicet pro mundana conuersatione, quæ vana est & immunda, & pro mundana creatura. Primo modo damnatur in scripturis & non dicitur esse à Deo tanquam malum, quia peccatum non est à Deo, sicut alibi patebit. Secundo modo commendatur tanquam bonum & pulchrum, sicut dicitur: Vidit Deus omnia quæ fecerat, & erant valde bona, & hoc modo est à Deo. Secundum hanc distinctionem solvantur obiecta. Nam quod dicitur: Regnum Christi: non est de hoc mundo, intelligitur de mundana conuersatione, quia ipse non regnat in malis, sed in bonis, quorum conuersatio est in cælis. Similiter quod dicitur: Diabolus est princeps mundi, & etiam Deus, intelligitur de mundana & seculariter conuersantibus.

Error de
positione
duorum
principio-
rum dan-
natur.

1. 2. Mer-
Summa
capit. 1. 2
3.

Et sic in-
lige illu-
Christi:
Mundu-
non po-
vos dili-
re.

Gm. 1.

Pa tet

Patet ergo quod deceptus est stultus & impius Manichæus, quia nesciuit distinguere Et iterum peccauit in illatione: non enim sequitur: Est princeps mundi: ergo conditor. Sic enim sequeretur: cum rex Franciæ sit princeps Franciæ: ergo fecit eam: qui sic argueret, stultus iudicaretur: certe multo stultius arguit Manichæus. Rursus non sequitur: est Deus, ergo conditor. Nam si sic, cum dicatur: Quorum Deus venter est: ergo Deus venter creauit illos: ista igitur est hæc ratio, quare & Manichæi.

4. Quod obiicitur, quod contrariorum contrariæ sunt causæ, illud intelligitur de causis intrinsicis proximis: nam de causâ extra non habet veritatem: & ideo quia nesciuit distinguere, deceptus est pessimus Manichæus. Et quod ita sit, patet. Si enim contrariorum contrariæ sunt causæ primæ producentes, tot essent principia quot sunt genera contrarietatum: ergo alius Deus fecisset calidum, & alius frigidum, & sic de aliis contrarietatibus. Si quis ita argueret, ab omnibus deridendus esset: quanto magis stultissimus Manichæus.

5. Quod tamen dicitur quod caro contrariatur spiritui, dicendum, quod nomen carnis aliquando accipitur pro natura, sicut: Nemo carnem suam vnquam odio habuit: & sic non contrariantur, immo miro amore neantur. Accipitur etiam pro vicio, & corruptione quæ est in carne, & ratione huius contrariantur, nec tamen habent causam contrariam, quia non habent causam efficientem, sed deficientem.

6. Quod obiicitur, quod idem similiter se habens, &c. Dicendum quod aliquid est agens, quod agit seipso, & illud impossibile est quod producendo diuersa, diuersificetur: immo vno & eodem producit multa. Aliud est agens, quod agit per aliud à se, & illud variatur in agendo diuersa. Deus autem est agens primo modo, & non secundo: & quia hoc non intellexit Manichæus, posuit diuersa principia, & diuersos legistatores, cum videat in legibus diuersitatem, & in rebus. Et quod stulte motus fuit, sensibilibus patet: videmus enim quod idem artifex per eandem artem domificandi facit aniam, & cloacam: nunquid duo artifices oportuit ad hæc facienda inuenire? Rursus: Idem medicus secundum eandem artem medicinæ diuersa eidem ægroto secundum diuersos status apponit medicamenta, & diuersa dat præcepta & contraria secundum diuersitates infirmorum: immo stultus esset medicus, qui eadem daret semper medicamenta, & mandata. Si ergo diuersus fuit status hominum incipientium, vt Iudæorum, & virorum Euangelicorum, quid prohibet vnum & eundem, diuersa & contraria præcepisse? Attamen contraria non sunt spiritualiter intellecta.

7. Quod ultimo obiicitur iam solutum est, quia viciositas mundanorum est contemnenda: sed creatura amanda, & Deus in ea laudandus, & omnes creaturæ laudant Deum, & bonæ sunt. Et hæc sufficiant.

QVÆSTIO II.

An primum principium produxerit omnia seipso, aut mediante alio.

Alexander Alensis 2. p. q. 5. Membro 3.

S. Thom. 1. p. q. 45. art. 5.

Et 2. Sent. dist. 1. q. 1. art. 3.

Et 2. contra Gent. c. 19.

Scotus 2. Sent. dist. 1. q. 4.

Egid. Rom. 2. Sent. dist. 1. q. 1. art. 5.

Et Quæst. 5. q. 1.

Richardus 2. Sent. dist. 1. art. 4. q. 4.

Gabr. Biel. 2. Sent. dist. 1. q. 4.

Supposito quod omnia sint ab vno principio, quæritur vtrum illud produxerit omnia seipso, aut mediante alio. Et quod mediante alio, videtur congruū. De liberalitate enim agentis est, vt non tantum communicet alijs actum, sed etiam potentiam multiplicandi, & diffundendi se: sed Deus est agens liberalissimum: ergo videtur quod primæ creaturæ quam fecit, dederit

potentiam faciendi aliam, & illa dat alijs, & sic procedendo, vsque ad vltimam. Si dicas quod creatura non est capax tantæ potentie.

CONTRA: Maius est facere aliquid cum est resistentia, quam vbi nulla: sed creatura in faciendo aliquid ex contrario habet resistentiam, & faciendo ex nihilo nullam: ergo si capax est primæ potentie, & secundæ.

2. ITEM: de nobilitate agentis est facere nobilissima opera per se ipsum, & minus nobilia per ministrum, vt patet. Decet enim regem iudicare: sed non decet eum coquinam facere: ergo si primus rex est nobilissimus, & producit res secundum quod decet eius nobilitatem, videtur quod ipse debuit aliquid vnum producere, & per illud minus nobilia: & sic procedendo vsque ad vltimum. Si tu dicas, quod non est simile de Deo, & aliquo agente creato, quia Deus non perficitur ab aliquo opere, obiicitur, quia opus regiminis, propagationis, & gubernationis diuinum est: & Deus tamen gubernat, & regit vnam creaturam per aliam: & hoc est ad ostensionem suæ nobilitatis: quare non similiter creat.

3. ITEM ostenditur quod necessarium sit ita esse sic: Omnis effectus qui exit ab aliqua causa vniuersali, exit ab ea, vel per aliam causam propriam, vel per seipsam appropriatam: sed Deus est causa vniuersalissima non valens arctari, nec appropriari, cum nulla possit ei fieri additio: ergo cum producit multa, producit per aliam causam propriam.

4. ITEM ego video quod virtus vnitatis est ad numeros infinitos, tamen vnitas nullum numerum producit, quin producatur pariter à numero qui immediate ipsam sequitur, scilicet dualitate: vnde nullo modo vnitas faceret ternarium, & nonum, procedendo nisi per dualitatem, & sic in aliis procedendo: ergo videtur similiter quod non procedit à Deo multitudo rerum, cum ipse sit summe vnus, nisi per ipsas res.

SED contra: Quod illud non sit congruum, videtur. Quantum homo recipit ab alio, intantum ei tenetur: sed ad solum Deum tenetur creatura ex toto: solum enim Deum debet diligere homo ex toto corde, & nihil aliud æqualiter: ergo solus creat totum: sed creatio est actio in qua totum producit: ergo, &c.

ITEM mains est rem de non esse ad esse producere, quam conseruare & perficere: ergo si Deus mediante alio produceret res, videtur quod mediante alio conseruaret, & perficeret: ergo res nullo modo Deo indigerent: ergo nec ad Deum tenderent: sed omnia sunt bona, quia tendunt ad ipsum, vt ordinata: ergo nihil esset bonum, nec ordinatum. In quo enim principaliter est ratio finis, in eodem est ratio boni.

ITEM quod sit impossibile, videtur: Impossibile est creaturam agere se tota, cum nulla sit omnino simplex: ergo impossibile est quod agat totum: ergo solum partem.

ITEM impossibile est creaturam agere per potentiam infinitam: sed inter omnino nihil, & aliquid, est distantia infinita: ergo non potest educi nisi ab agente virtutis infinitæ: tale autem est solus Deus: ergo, &c.

CONCLUSIO.

E

Deus cum sit actus purus, atque causa omnium rerum sufficiens, immediate omnia produxit.

RESP. Ad arg. Dicendum quod ponere, quod Deus produxerit res per aliud agens, est contra veritatem, & contra fidem, sed solum per filium suū: dixit enim, & facta sunt: nec solum contra fidem, verum etiam contra rationem: ponere enim res omnes productas ex nihilo, omnino est contra rationem: ita vt non possit capi quo modo agens potētia finitæ aliquid ex nihilo producat. Nec credo aliquem Philosophorum hoc posuisse. Sed supposito potētiali, siue materiali principio, plures fuerunt Philosophi, qui posuerunt ordinem in producendo gradatim

descen-

Replie

Fundamēta

Aristot. 1. Ethic. c. 3.

Pf. 148. a

Opinio Philosophorum

descendēdo hoc modo. Cum sit Deus omnino simplex, A cuius actus est intelligere, non produxit nisi intelligentiam primam, & unicam: illa vero propter distantiam à primo intellexit se & primum: & ita aliquo modo fuit composita: & ita produxit orbem suum, & intelligentiā secundi orbis: & sic deinceps vsque ad orbem lunæ, & intelligentiam decimam, quæ irradiat super animas rationales, & sicut ordo est in producendo, ita & in irradiando. Sed iste error falsum fundamentum habet, scilicet quod materiale principium non sit productum, sicut supra probatum est. Item falsam habet rationem. Dicit enim quod quia simplicissimus est Deus: non producit nisi vnum: sed hoc magis est ad oppositum: quia quanto aliquid simplicius, tanto potentius: & quanto potentius, tanto in plura potest: ergo si Deus simplicissimus, hoc ipso potest in omnia sine medio. Rursus hæc ratio repugnat eis. Si enim propter simplicitatem non produxit nisi vnum, cum intelligentia secunda sit simplicior inter omnes, unde venit in orbe eius maior varietas stellarum, quam in aliquo orbium inferiorum: quia videtur per rationem suam quod vniiformes sint: & ita ratio positionis contradicit positioni. Propter hoc dicendum sicut dicit fides nostra, quod omnia in prima conditione immediate à Deo sunt producta. Quia enim creatio est totius substantiæ secundum totum, ideo decuit esse solius Dei, nec potuit esse alterius, siue per alterum, ut probant rationes ad hanc partem inductæ.

1. 2. Quod obiicitur de liberalitate, & nobilitate, dicendum, quod tam liberalitas quam nobilitas supponunt ordinem, & possibilitatem in actu: In actu autem creationis non attenditur ordo, æqualis enim virtutis, & dignitatis est producere aliquid ex nihilo, & Angelum, quia utrumque infinite. Non est etiam in hoc actu possibilitas creaturæ, ut visum est, propter infinitatem, non sic est de actu regiminis, & propagationis: ideo patet quod non est simile.

Quod obiicitur, quod creatura est capax, quia non habet resistens, dicendum quod in contrariis resistantiam confert ad operationem. Præterea: Esto quod impediatur, nihilominus habet iuuans, scilicet fundamentum, & appetitum materiæ: sed in creatione nullum habet iuuamentum: ideo difficilius: ideo non est locus à minori, ut patet.

3. Quod obiicitur quod causa vniuersalis non potest in effectus proprios, dicendum quod causa vniuersalis, quæ non est actus purus, indiget actualitate causæ particularis: sed illa quæ omnino est actus, simul habet in se rationem vniuersalis causæ, & particularis, quia simul habet primitatem, & actualitatem: ideo potest in multa, & secundum totum potest in illa.

4. Quod ultimo obiicitur quod vnitatis non potest in numeros posteriores sine prioribus, dicendum quod nec in puncto est omnino potentia actiua, & sufficiens ad lineam, nec in vnitatis ad numerum. Nam ipsa vnitatis est potentia omnis numerus, non potentia sufficiens per se: & ideo non solum actualis, & omnino actiua, verum etiam aliquo modo passiva est potentia numeri: Deus autem in omnia potest potentia omnino actiua, & ideo sine omni medio potest creare omnia.

ARTICVLVS III.

Viso de entitate, & quidditate principij producentis, quæritur hic tertio de ipsa productione, quæ creatio appellatur. Circa quam quærentur duo. Primum est, utrum dicat mutationem aliquam. Secundum est, utrum dicat aliquid medium inter Creatorem, & creaturam.

QVÆSTIO I.

An creatio mutationem dicat.

Alexand. Alensis 1. p. q. 9. Membrum 1.
S. Thom. 1. p. q. 46. art. 2.

Et 2. Sent. dist. 1. q. 1. art. 2. & 3.
Et de Potentia, q. 3. art. 16.
Secus 2. Sent. dist. 1. q. 3.
Ægid. Rom. 2. Sent. dist. 1. q. 2. art. 4.
Richard. 2. Sent. dist. 1. q. 2.
Franciscus de Mayr. 2. Sent. dist. 1. q. 1.
Durandus 2. Sent. dist. 1. q. 2.
Ioan. Bacon. 2. Sent. dist. 1. q. 4. 5. & 6.
Steph. Brulef. 2. Sent. dist. 1. q. 5.

QVod creatio dicat mutationem, videtur primo per auctoritatem Augustini lib. 12. de Ciu. Dei: Omnia quæ creata sunt, mutabilia sunt, quia de nihilo facta sunt: si ergo creabile est mutabile: ergo creatum, est mutabile: & creatio est mutatio. Si tu dicas quod est mutabile, quia potest in nihil credere, & non quia productum est. CONTRA: Sicut destrui dicit viam veniendi in non esse, ita creari in esse: si ergo destructio ponit mutationem: ergo pari ratione & productio.

ITEM creatio est actio: sed omnis actio est in motu, & omnis motus in actione: ergo qui creat, vere agit: ergo vere mouet. Si tu dicas, quod actio Dei magis est substantia, quam actio, & talis est creatio: obiicitur de passione, quia creari est ipsius creaturæ. Si ergo creatura susceptibilis est vere passionis, & mutationis: ergo creatio passio est mutatio.

ITEM per Damascenum, qui Philosophus & Theologus est: Omne quod à versione incipit, in versionem tendit (loquitur de creatione) ergo secundum ipsum creatio est versio: sed omnis versio est mutatio, sicut ipse idem dicit quod cætera sunt mutabilia, quia veritabilia: ergo creatio est mutatio.

ITEM quanto aliqua sunt magis distantia, tanto in perueniendo ab vno in alterum maior est mutatio, & variatio: sed ens, & non ens summe distant: ergo cum in creatione de non ente fiat ens, creatio verissime est mutatio.

ITEM magis mutatur res quando suscipit formam nouam, quam quando acquirit nouum situm: & rursus adhuc magis quando acquirit formam substantialem, quam quando acquirit dispositionem accidentalem: ergo quando totum de nouo recipit, & accipit, tunc mutatur maxime: sed hoc est in creatione: ergo ibi vere est mutatio.

ITEM si creatio dicit actionem absque omni mutatione: ergo absque omni tempore: & talia possunt inesse, & insunt Deo ab æterno: ergo videtur quod Deus res produxit ab æterno.

1. Ad oppositum Magister dicit, & habetur in litera: Cum dicimus Deum facere aliquid non aliquem in operando motum intelligimus inesse. Si dicas quod creatio actio non dicit motum, sed creatio passio tantum. CONTRA: Idem manet significatum in actiuo & passiuo, ut dicit grammaticus, sicut recti & obliqui: si ergo in actione non dicit motum: ergo nec in passione.

2. ITEM mutari est se aliter habere nunc quam prius: sed quod creatur, non se habet aliter nunc & prius, quia nunquam aliter se habuit, quam nunc se habet in creatione nunquam enim fuit aliquo alio modo, & nec se habuit aliquid aliter, nec ergo aliter quam nunc: ergo non mutatur dum creatur: ergo creatio non est mutatio. Probatio primæ Immutabile & mutabile opponuntur priuatiue, sed immutabile est quod se habet eodem modo, igitur mutabile est quod non se habet eodem modo, sed hoc est aliter se habere nunc quam prius: igitur.

3. ITEM omnis motus & mutatio est perfectio entis in potentia, creatio autem est nullo modo entis: ergo creatio non est motus, nec mutatio. Prima patet per Philosophum, secunda vero per Magistrum.

4. ITEM omnis mutatio fundatur super aliquod mobile: sed creatio non præexigit aliquod mobile, quia omne mobile per creationem inducitur in esse: ergo creatio non est mutatio.

5. ITEM si creatio est mutatio, aut ergo secundum accidens, aut secundum substantiam. Non secundum acci-

dens,

Improbatio.

Conclusio Theologica.

Ad replic.

Fundamentum. Cap. 1. de 3.

Damasc. lib. 1. cap. 3. de fide orthodoxa.

Ad oppositum.

Arist. 5. Physic. context. 7.

Arist. 2. Physic. context. 6.

Arist. 8. Physic. context. 4.

Arist. 5. Physic. context. 7.

dens, quia tunc sola accidentia crearentur. Sed nec secundum substantiam, quia tunc esset generatio, vel corruptio. Si dicas, quod sub nulla harum specierum continetur, obiicitur, quod non solum secundum Philosophum, sed secundum August. omnis motus aut est ad situm, aut ad formam: sed creatio est ad materiam recte ac proprie: ergo videtur, quod non sit mutatio.

6. ITEM ex tanta potentia creat Deus, ex quanta generat, quia utrunque facit per potentiam infinitam: sed Deus potest generare sine mutatione sui, & etiam personæ genitæ: ergo pari ratione potest creare sine mutatione sui, & creaturæ: aut si non, quæro quare non.

CONCLUSIO.

Creatio est mutatio in qua res aliquo modo se habent, & nullo modo prius, cuius terminus est tota rei substantia.

RESP. Ad arg. Dicendum quod quædam est productio in qua productum se habet aliter nunc & prius, quia secundum aliquid sui fuit prius sub vna dispositione, & nunc est sub alia: & talis est productio quæ est ex materiali principio, ut naturalis generatio. Quædam vero est productio in qua productum aliquo modo se habet nunc, & nullo modo prius, & talis est productio quæ est ex nihilo. Tertia est productio in qua productum æque omnino se habet nunc & prius, si tamen est ibi dicere prius, & talis est filij generatio ab æterno. Ab æterno enim sic processit ut nunc. Prima habet rationem motus, & mutationis, & productionis. Motus ratione præparationis materiæ, quæ sit per dispositiones accidentales, & hæc indiget successione, & tempore. Mutationis, ratione exitus in esse, siue receptionis substantialis formæ, quæ sit in instanti. Productionis vero, ratione eius quod illam formam non à se habet, sed ab alio effectivo principio. Secunda caret ratione motus, habet tamen productionis rationem, & mutationis. Ratione motus caret, quia cum non habeat materiam, nulla potest præire dispositio: tamen habet rationem mutationis, quia ibi est subita, & nova formæ inductio: habet rationem productionis, quoniam hoc habet ab alio effectivo principio. Tertia caret ratione motus & mutationis, habet tamen rationem productionis. Ratione motus & mutationis caret, quia nec est ex materiali principio, nec est ex nihilo: sed tamen est ab aliquo, & sempiternaliter est ab ipso. Concedendum est igitur, quod productio creaturæ est mutatio, & concedendæ sunt rationes ad hoc, licet aliquæ videantur sophisticæ.

1. QVOD ergo obiicitur quod est sine motu, dicendum quod illud intelligitur sine motu agentis, non tamen sine mutatione producti. Si enim, ut dicit Philosophus, Anima dum movet corpus, immobilis perseverat, quanto magis Deus, dum creat & mutat omnia, *Stabilis que manens dat cuncta moveri*. Si vero obiiciatur, quod verbum actuum, & passivum significant idem, dicendum quod falsum est, quia actio & passio dicunt diversa genera: tamen in coniugatione vnum ponitur iuxta alterum, quia secundum vocis formationem vnum venit ab alio.

2. QVOD obiicitur quod mutari est aliter se habere nunc & prius, dicendum quod ista non est generalis ratio eius quod est mutari, siue mutationis, sed solius mutationis naturalis.

3. QVOD ergo obiicitur: Immutabile est quod se habet eodem modo, & mutabile quod se habet aliter, dicendum quod hic est consequens, quia si mutabile, & immutabile opponuntur, ut privatio, & habitus: & immutabile est quod se habet eodem modo; tunc mutabile est, siue mutatum, quod non se habet eodem modo. Sed hæc habet tres causas veritatis, aut quia nullo modo se habet prius, & posterius: aut nullo modo prius, & aliquo modo posterius, & ita non eodem modo: aut quia simpliciter aliter se habet prius & aliter posterius: & ideo cum proceditur à pluribus causis veritatis ad vnam, peccatur secundum consequens.

4. 5. AD tres rationes sequentes patet responsio, quia omnes procedunt de mutatione naturali quæ præexistit materiam, & ens in potentia, & quæ est generatio: tali autem modo creatio non est mutatio, sed supra hæc mutationem, unde potest dici supernaturalis mutatio. Et si quæras utrum sit mutatio ad formam, aut ad situm, dico quod est ad totam rei substantiam, & ita ad formam, ac per hoc sub mutatione ad formam potest comprehendi.

6. QVOD obiicitur de generatione Filij, dicendum quod non est simile: quamvis enim utraq; sit ab æquali potentia, tamen creatio est ex nihilo. Sed, ex, non potest dicere identitatem, nec causalitatem: ergo ordinem: ergo fieri ex nihilo est habere esse post nihil, & ita post non esse: ergo aliquo modo se habet nunc, quo modo non se habebat prius: & ideo necessario mutatio ponitur per productionem de nihilo, & ita inceptio. Filius autem est de patris substantia per identitatem: nec oportet quod habeat ordinem ad nihil, siue ad non esse: ergo potest semper esse, & ita produci sine initio, & mutatione. Unde productio rei non ponit inchoationem rei necessario: sed productio ex nihilo necessario ponit, & ideo creatio necessario includit mutationem, generatio vero filij, minime.

QVÆSTIO II.

An Creatio dicat medium inter Creatorem, & creaturam.

Alexander Alenf. 2. p. q. 6. Membro 2. art. 3.
S. Thom. 1. p. q. 45. art. 3.
Et de Potentia, q. 3. art. 3.
Scot. 2. Sent. dist. 1. q. 5.
Egid. Rom. 2. Sent. dist. 1. q. 3. art. 2.
Et Quol. 6. q. 4.
Henricus Quol. 1. q. 3.
Richardus 2. Sent. dist. 1. q. 4.
Ioan. de Bassolis, 2. Sent. dist. 1. q. 6.
Groz. Arim. 2. Sent. dist. 1. q. 6.
Franciscus de Mayp. 2. Sent. dist. 1. q. 3.

UTRUM creatio dicat medium inter Creatorem, & creaturam. Et quod sic, videtur: Sicut se habet generari ad generatum esse: & fieri ad factum esse, ita creari ad creatum esse: sed fieri est medium inter facientem, & factum: & generari inter generantem, & generatum: ergo, &c.

2. ITEM in omnibus creatis entibus differt quod est, & quo est etiam formaliter: ergo differt similiter quod creatur, & quod creatur. Sed quod creatur, est creatura: quo creatur formaliter est creatio: ergo differt creatio actio à creatura: & similiter à Creatore creatio passio: ergo est inter utrumque.

3. ITEM quod transit non est idem cum eo quod permanet: sed creari rei est in instanti, & non amplius: ergo cum esse creaturæ duret, & maneat post creationem, ergo differt creari, & esse: ergo creatio, & creatura.

4. ITEM omnis mutatio est via, & omnis via differt à termino, quia nihil terminatur ad seipsum. Si ergo creatio est mutatio, & habet creaturam pro termino: ergo differt à creatura ut via à termino: sed via cadit media inter extrema: ergo, &c.

5. ITEM per impossibile: Si creatio est creatura, & omnis creatura creatur: ergo creatio creatur: Sed omne quod creatur, creatur per creationem mediam: ergo creatio per aliam creationem, & sic deinceps usque in infinitum: si ergo non est abire in infinitum, patet, &c.

CONTRA: Per Philosophum de causis: prima rerum creaturarum est esse: sed nihil ex parte creaturæ est ante creari: ergo creari non est aliud quam esse: ergo nec creatio aliud quam essentia: ergo nulla est differentia creationis ad creaturam.

ITEM inter ens ab alio, & non ab alio non est medium: sed omne quod non est ab alio, est Creator: omne autem quod est ab alio essentialiter, est creatura: ergo inter ea nihil est medium.

ITEM per impossibile ostenditur. Creatura refertur

Ad oppositum.

Arist. 39. de ani. consex. 36. & 7. Metaphys. consex. 42.

Aristos. 3. Physic. consex. 6.

Fundamēta. Author lib. de Causis proposit. 4.

ad Creatorem aut ergo per se, aut per aliud. Si per aliud
quæritur de illo utrum referatur seipso, aut alio : & sic
procedendo in infinitum. Si vero refertur seipso, sed re-
fertur per creationem : ego creatio non est aliud quam
creatura.

ITEM si creatio est medium inter Creatorem & crea-
turam, aut ergo æternum, aut temporale. Si æternum:
ergo aliquid æternum est aliud à Deo, Si temporale: er-
go ante omnium creationem est aliquid temporale. Ho-
rum autem utrumque est hæreticum dicere: & reproba-
tum in Concilio Senonensi de ideis : quæ ponebantur à
quibusdam mediæ inter Deum & res.

ITEM à proportionem videtur hoc posse ostendi. Sicut
enim se habet Creator ad creaturam, ita creatio actio ad
creationem passionem : ergo à permutata proportionem,
sicut se habet Creator ad creationem act. nam, ita crea-
tura ad creationem passionem: sed Creator non differt se-
cundum rem à creatione actione: ergo, &c.

CONCLUSIO.

*Creatio actio, est medium inter Creatorem, & creaturam
secundum rationem præcisam tantum : sed creatio passio
est medium secundum rationem non præcisam, quia ipsa
nonnihil dicit ultra creaturam.*

RESP. Ad arg. Dicendum quod est loqui de creatio-
ne actione, & de creatione passione. Si de creatione
actione loquamur, sic dico quod non est medium secun-
dum rem : sed solum secundum rationem intelligendi,
pro eo quod Deus cum sit summe simplex, est sua actio.
Si autem loquamur de creatione passione, tunc distingui-
tur, quia per creaturæ nomen potest signari, & importa-
ri omne quod est ab alio: ita quod habet esse post omni-
no non esse. Et hoc modo in nomine creaturæ clauditur
ipsa creatio, quoniam creatura non tantum nominat ip-
sa creata, sed etiam concreata: & sic non est medium nec
re, nec ratione. Alio modo creatura nominat ipsam sub-
stantiam rei ab aliquo producente de nihilo: & sic crea-
tio tenet medium non secundum rem, & naturam, sed
secundum rationem, & habitudinem. Illa tamen ratio
nonnihil dicit: sed non dicit aliquid per essentiam diuer-
sum à creatura, & hoc patet sic. Creatio enim dicitur esse
de nihilo, creatio nihilominus dicitur esse à Deo, unde
habitudinem dicit ipsius ad non esse præcedens &
ad suum producens de ratione sui nominis: creari enim
non significat esse principaliter, sed exire de non esse in
esse, & hoc ab aliquo. Si ergo quærat quæ sit habitu-
do quæ importatur in comparatione ad non esse, dicen-
dum quod illa habitudo dicitur mutatio. Et si quæras
quid sit illa mutatio: dico quod non est aliud quam ipsa
res extra. Et hoc patet, quia est mutatio ad esse, & mu-
tatio ab esse, & mutatio in esse. Mutatio ad esse, nihil
ponit nisi à parte termini. Mutatio ab esse, nihil ponit
nisi à parte principij. Mutatio in esse, ponit ex parte
utriusque : & ideo mutari primo modo nihil aliud est
quam nunc primo esse. Mutatio secundo modo nihil
aliud est, quam nunc ultimo esse, & ideo non ponit ali-
quid aliud ab esse secundum rem, sed solum secundum
intentionem. Mutatio vero in esse, utrumque extremum
habet, & subiectum, quod est prius natura, quam termi-
nus. Et ideo talis mutatio aliquid potest esse natura præ-
cedens terminum, & diuersum ab illo secundum rem,
quamvis non sit ens actu completum : & ideo non sic
creatio est medium inter Creatorem & creaturam sicut
generatio inter generantem, & generatum, dicendo igitur
comparationem ad non esse, dicit medium non diuer-
sum per essentiam, sed secundum rationem: similiter
dicendo comparisonem ad Creatorem. Triplex enim
est relatio. Quædam quæ fundatur super proprietatem
accidentalem, sicut aliqui dicuntur similes, quia albi.
Quædam quæ fundatur super dependentiam essentia-
lem, sicut comparatio materiæ ad formam. Quædam
quæ super originem naturalem. Prima relatio addit aliud
super essentiam. Tertia relatio nihil aliud nisi pure esse,

sicut patet in divinis. Media relatio dicit aliquid quod
est quodam modo idem, quodam modo aliud. Creatio
autem dicit relationem secundum medium modum, quo-
niā ipsa creatura essentialiter, & totaliter à Creatore de-
pendet. Et ideo concedendum quod creatio non est aliud
secundum rem à creatura, nec medium inter ipsam, &
Deum secundum essentiam, sed secundum rationem &
habitudinem : unde est prius natura creari quam esse,
non duratione : plus tamen est idem creatio actio cum
creante, quam creatio passio cum creatura, quia ibi non
est differentia nisi solum secundum modum nostrum
accipiendi. Hic autem est differentia rationis & etiam
habitudinis, quæ non facit diuersitatem per essentiam,
quia habitudo illa est essentialis. Similiter iudicandum
est de vnitatis bonitate, veritate, essentiali. His visis pa-
tent obiecta. Concedendæ enim sunt rationes & roban-
tes quod non est verum medium secundum rem.

1. **QVOD** obiicitur de generari, & generatum esse, pa-
tet responsio ex dictis, quia generatio non est secundum
totum : immo aliquid præexigitur de generando, cuius
est endelichia ipsa generatio natura præcedens ipsam
formam, ac per hoc diuersitatem notat. Non sic creatio,
secundum quam fit tota rei substantia à virtute diuina
immediate, quæ rem creat volendo eam primo esse, cum
non sit.

2. **QVOD** obiicitur quod differt, quod, & quo, dicen-
dum quod illa non est differentia per essentiam. Sed
quodam modo differt, quodam modo conuenit. Vel di-
cendum quod non est simile, quia creatio complectitur
totam rei substantiam, quæ consistere dicitur ex quo est,
& quod est.

3. **QVOD** obiicitur quod transit, dicendum quod non
transit ratione eius quod significationi suæ sub-
ternitur: sed solum ratione connotati, quod patet. Si enim creari
est nunc primo esse, definit creari non ratione eius quod
ponit, sed ratione immediatæ collationis ad nihilum.

4. **QVOD** obiicitur quod mutatio est via, dicendum
quod mutatio quæ habet duo extrema entia positiua,
illa est quæ necessario differt à termino, cuiusmodi est
mutatio in esse : mutatio vero quæ tantum habet vnum
extremum ens non potest dicere medium, sed necessa-
rio oportet quod se teneat cum altero extremorum.

5. **QVOD** obiicitur quod omnis creatura creatur, di-
cendum est quod verum est de creatura proprie dicta:
si autem large dicatur, non solum creatura dicitur quod
creatur, sed quod concreatur, & quod est creaturæ an-
nexum, & hoc modo est creatio. Si ergo quæritur, quo
modo potest esse, dicendum quod imprimis est status,
ut prius tactum fuit. Unde sicut vnitatis quæ facit sub-
iectum vnum, non est vna vnitatis, sic nec creatio qua
substantia exit in esse, per aliam creationem producit
sine concreatur.

DISTINCT. I. PARS II.

Agit in generali de hominis conditione quan-
tum ad finem propter quem creatus est.

Huius Partis Textum supra videre licet.

Et quia non valet, &c.

Expositio Textus.

SUPRA egit Magister de conditione rerum à parte
principij, hic agit à parte finis. Et quoniam res à
fine, & secundum illum respectum accipiunt distinctio-
nem formarum : ideo pars ista habet tres particulas. In
prima præmissis quare rationalis creatura facta sit ex
comparatione rerum ad finem, ostendit rerum distinctio-
nem. In secunda vero secundum illam distinctionem
assignat diuersam comparisonem ad finem, ibi: *Ideoque si
quærat, quare sit creatus homo, &c.* Tercio vero breuiter
epilogat determinata ex ipsis, faciens viam ad cætera se-
quæntia determinanda, ibi: *Ex præmissis apparet.* Prima &

Scopus. Relatio dependens
per se pertinet
ad substantiam
creaturæ, &
sic non dicit
realitatem
aliud à crea-
tura. Item.
alia realitas
est & non
pertinet ad
essentiam
creaturæ.

Scopus in 12.
q. quodlib.
art. 1. ibi.
Dicatur si
q. fundam.
tum, &c.

Huius mo-
dum dicit
di sequens
Thomista.

ultima parte remanentibus indivisibilibus, media dividitur in tres. In prima determinat finem intellectualis substantiæ. In secunda finem substantiæ pure corporalis, ibi: *Et sicut factus est homo propter Deum*, &c. In tertia vero determinat finem compositi ex utroque, in quantum est tale, ibi: *De homine quoque in scriptura*, &c. Et ibi primo determinat veritatem. Secundo soluit dubitationem, ibi: *Solet etiam quæri, cum maioris*, &c.

Quia bonus est Deus, sumus. Dub. I.

Videtur per Augustinum falsum dicere: nam si consequentia est bona: ergo si non essemus, Deus non esset bonus. Si dicas quod non est consequentia necessaria, quia non dicit ibi consequentiam, sed causam. Obiicitur contra hoc quia bonitas Dei aut est causa sufficiens, aut non. Si sufficiens: ergo ponit effectum eodem modo quo inest: sed necessarium est Deum esse bonum: ergo necesse fuit creaturas exire in esse: ergo non voluntarium, cuius oppositum monstratum est in lib. i. in tractatu de voluntate. **ITEM**: Videtur male appropriare. In vestigio enim est correspondentia causæ ad effectum, ita quod essentia creaturæ representat essentiam Creatoris, potentia potentiam, veritas veritatem, & bonitas bonitatem: ergo debet dicere, quia Deus est, sumus. Propter hoc est quæstio. Cum ad nostrum esse concurrat potentia, sapientia, bonitas, quare causalitas nostri esse potius attribuitur bonitati, quam aliis.

RESP. Dicendum quod causa in actu ex cōcursu efficientis, & finis, quia finis movet efficientem in his inferioribus. Et quoniam voluntas dicit illud quo efficiens iungitur fini in habentibus intellectum, hinc est quod voluntas est causa immediata: & ita dictum est, & ostensum in primo lib. Quoniam ergo bonum dicit rationem duplicis causæ, sc. efficientis, & finis, hinc est, quod bonum est ratio quare voluntas est in actu, & ita potissima ratio productionis effectuum. Et ideo esse nostrum attribuitur bonitati, non per modum representandi, vel appropriationis in representando, sed rationis in causando. Unde prima consequentia includit hanc, scilicet quia bonus est Deus, vult se diffundere: & quia vult se diffundere, vult creaturam producere: & quia vult creaturam producere, vult creaturam esse: & ita quia bonus est, sumus.

In quantum sumus, boni sumus. Dub. II.

Ergo videtur quod nos boni sumus per essentiam, quod est contra Boëtium in libro de hebdomadibus, qui dicit quod sumus boni participatione. **ITEM**: si in quantum sumus, boni sumus: ergo non est intelligere esse abstracta bonitate, quod falsum est, cum intelligatur veritas bonitate abstracta.

RESP. Dicendum quod bonitas est duplex in creatura, una quæ est ex forma dante esse, alia quæ est ex forma dante bene esse. Prima est bonitas substantialis, quæ non addit supra formam novum esse, sed solum relationem ad finalem causam ex qua comparatione, omne aliud à Deo habet esse bonum. Et quia illa comparatio ad causam essentialem siue finalem est essentialis, nec unquam esse relinquit, nec potest relinquere, hinc est quod Augustinus dicit in quantum sumus, boni sumus. Ad illud ergo quod obiicitur de Boëtio dicendum quod ipse vocat bonum per essentiam, illud bonum quod est absolute bonum, non est dependentia ad illud. Hoc autem modo nulla creatura bona est, immo ex comparatione, & ideo participatione. Nec sequitur quod accidentaliter: quia participatio non est accidentaliter respectu primæ bonitatis, quæ est ex forma dante esse, quamvis sit accidentaliter, secundum quod est ex forma dante bene esse. Ad illud quod obiicitur quod non est intelligere esse, &c. dicendum quod illud, quod attribuitur alicui secundum quod ipsum, potest dupliciter attribui. Aut enim consequitur, aut præcedit. Si præcedit sic, est ita essentialiter quod sine ipsa non est, nec potest intelligi. Sed si aliquo modo consequitur, nec tamen cadit in aliud

genus, potest quidem intelligi intellectu apprehendente, & intellectu semiplene resolvente, sed intellectu plene ad causas comparante non potest intelligi non intellecto illo: maxime cum illud dicat habitudinem necessariam, & relationem ad causam, sicut verum, & bonum.

Solet etiam quæri, &c. Dub. III.

Assignat Magister causas, quare anima unita sit corpori. Quarum prima est Dei voluntas: secunda instructio nostra. **CONTRA**: Videtur quod utraque sit inartificialis. Prima enim responsio potest ad omnia dari: in secunda videtur principium peti: quia si non esset unita, limpide videret Deum, nec indigeret exempla: ergo si exemplo indiguit, non fuit nisi propter minorationem suæ cognitionis.

RESP. Dicendum quod Magister respondet sufficienter & bene. Sufficienter quidem, quia cum sit duplex via cognoscendi opera Dei, scilicet fide, & intelligentia, ad soliditatem fidei sufficit scire quod Deus voluit, quem credit non velle nisi rationabile: unde in prima responsione satisfacit fidei, & hæc responsio in omnibus fidelis, ut fidelis est, plene sufficit. Ad soliditatem intelligentiæ redditur ratio: & cum non possit reddi ratio, vel causa ex parte Dei, redditur ex parte creaturæ. Et hæc est manifestatio diuinæ bonitatis in suo opere, in quo debet se manifestare non solum propter nostram indigentiam, verum etiam ad suam gloriam: & sic patent obiecta. Respondetur etiam hic, causa efficiens, & finalis, & sic sufficienter, & plene.

ARTICVLVS I.

AD intelligentiam huius partis in qua agitur de rebus productis in comparatione ad finem, secundum ordinem, & distinctionem: quæruntur principaliter tria. Primum est de rerum distinctione. Secundum de ordine. Tertium de differentia Angeli, & animæ. Circa primum quæruntur duo. Primum est de multitudine rerum quantum ad principium. Secundum quantum ad differentias secundum quas distinguuntur.

QVÆSTIO I.

An à primo efficiente debuerit, vel potuerit esse rerum multitudo.

*Alexander Alensis. 1. p. q. 11. Membro 1. & 2.
S. Thom. 1. p. q. 47. art. 1.
Et 2. contra Gent. cap. 39.
Et Opusc. 3. cap. 71. 72. 73. & 101.
Agid. Rom. 2. Sent. dist. 1. q. 3. art. 3.
Et de ess. & essentia, q. 2.*

Vtrum à primo efficiente debuerit vel potuerit esse rerum multitudo. Et quod non, videtur primo sic per Philosophum: Idem uniformiter se habens, natum est efficere idem: sed efficiens primum est unum omnino uniformiter se habens: ergo videtur quod nunquam facere potuerit: ergo unum solum.

2. ITEM à summo bono nunquam possunt esse mala, nec à summo vero nunquam possunt esse falsa: ergo à summo vno non possunt esse multa.

3. ITEM mundus sensibilis dicitur assimilari mundo archetypo, qui est in mente diuina, ad illius enim expressionem factus est: sed in illo omnia sunt unum: ergo & in hoc mundo: ergo videtur quod ab illo non potuerit esse multitudo.

4. ITEM à Deo est exitus per generationem, per spirationem, & per creationem: sed per generationem non emanat nisi una sola persona, & similiter per spirationem: ergo per creationem non egreditur nisi una sola creatura.

CONTRA: Quanto substantia producens est melior, tanto magis est sui diffusiva: & quāto magis est sui diffusiva, tanto pluribus est nata se communicare: sed primum efficiens est ad optimum inter omnia ergo, &c.

Ad oppositum.
Arist. 2. de gen. contex. ult.

Auctor de
causis prop.
24. & 12.
Metaph. com-
tex. 53.

ITEM: Quanto substantia spiritualior, tanto plurimum est cognitiua: sed suprema substantia est spiritualissima. ergo multorum est cognitiua: sed non est cognitiua multorum præcedentium se, vel comitantium: ergo multorum ab ipsa exeuntium.

ITEM: Quanto substantia simplicior, tanto potentior: quia virtus quanto magis est vnita, tanto magis infinita: sed quanto potentior, tanto in plura potest: ergo si substantia primi principij est simplicissima, ergo & potest, & debet ad sui manifestationem producere multa, cum ipsa sit vnica.

ITEM: Quanto causa prior, tanto vniuersalior, unde prima est vniuersalissima: & quanto vniuersalior, tanto plurimum principium: ergo cum principium productuum vniuersale sit simpliciter primum: debuit ergo & potuit exire ab ipso multitudo rerum.

CONCLUSIO.

Primum omnium rerum principium cum sit vnice vnum simpliciter primum, maxime potens, maxima sapientia, & summa bonitatis, sua immensa sapientia potuit, nouit, & voluit rerum multitudinem producere.

RESP. Ad arg. Ad prædictorum intelligentiam notandum est, quod si de principio intrinseco queratur unde veniat multitudo rerum, maxime secundum speciem, patet quod à forma. Si vero queratur unde veniat multitudo formarum tanquam à principio affectivo extrinseco, patet quod ab efficiente vno. Sed qualiter potest venire multitudo à principio summe & perfectissime vno, difficile est intelligere. Et aliqui circa hoc errauerunt. Quidam enim dixerunt quod quamvis vnus esset rerum Conditor, tamen multa & varia facit propter multitudinem formarum idealium: sed illud improbatum est in primo libro, vbi ostenditur quod omnes illæ vnum sunt: nec est in Deo secundum rem alius numerus quam personarum. Aliqui vero dicere voluerunt, quod hoc erat propter multitudinem mediorum. Deus enim cum sit vnus, & summe simplex intellexit se: & se intelligendo, & nihil aliud, produxit primam intelligentiam: & illa intelligentia intellexit se, & Deum: & ideo produxit duo, sc. aliam intelligentiam, & orbem suum. & sic descendendo, & multiplicando. Et ista opinio in lectione præcedenti est improbat, vbi ostenditur quod Deus immediate producit omnia. Tercij dixerunt quod multitudo rerum erat à principio vnico propter multitudinem, & infinitatem reflexionum, quibus diuinus intellectus supra se reflectitur, & intelligit se & intelligit se intelligere: & sic vsq; ad infinitum. Sed illud nihil est. Primum, quia falsum est quod in Deo sit multitudo reflexionum, cum Deus sit vnus intelligere. Item: Ex hoc nunquam perueniret nisi diuersitas secundum numerum. Et ideo positio recta est, quod multitudo in rebus est à principio vno, quia est primum principium vnice vnum. Quia enim est principium simpliciter primum, ideo fecundum & potens est fecunditate infinita, & immensa. Si enim vnitas quæ est prima in genere numeri, est principium à quo possunt infiniti numeri egredi, & punctus à quo infinitæ lineæ: ergo quod est simpliciter primum, est ita potens, quod omnino immensum. Propter ergo immenstatem infinita potest: sed propter immenstatem manifestationem multa de thesauris suis profert: non omnia, quia effectus non potest æquari virtuti ipsius primæ causæ. Quia vero est vnice vnum ideo simplicissimum, & spiritualissimum, & perfectissimum. Et quia simplicissimum: maximæ potentia. Quia spiritualissimum: maximæ sapientia. Quia perfectissimum est: bonitatis summæ. Quia maximæ potentia: multa potest. Quia maximæ sapientia: multa nouit. Quia summæ bonitatis: multa vult producere & se communicare: & ideo à principio vno, quia primum & vnum, exit multitudo.

1. QVOD ergo obiicitur quod idem similiter se habens, &c. dicendum quod intelligitur in his agentibus,

quorum virtus est arcata, & limitata: & hoc non habet locum in Deo.

2. QVOD obiicitur: A bono non sunt mala, dicendum quod non est simile, quia mala & falsa dicunt priuationes & defectus: & ideo non habent causam efficientem sed deficientem, qualem non decet esse Deum: sed multitudo est positio, & ideo causam habet effectiuam.

3. QVOD obiicitur de archetypo & sensibili mundo, dicendum quod ipse imitatur illum in quantum potest, sed deficit. In illo enim est summa pulchritudo per omnimodam vnitatem: hic autem si esset vnitas, non esset pulchritudo, quia non esset ordo, nec perfectio: & ideo ut mundus hic imitaretur in perfectione, & pulchritudine: oportuit quod haberet multitudinem, ut multa facerent quod vnum facere per se non posset.

4. QVOD vltimo obiicitur de generatione, & spiratione iam patet: quia genitus æqualis generanti per omnia implet & imitatur ipsum: similiter & Spiritus sanctus: & ideo superflueret, aliam ponere personam: sed non sic est in creatura quæ bonitatis finitæ est. Ideo quod non potuit capere creatura in se, accepit quodam modo in sibi sociam: ut sic ex multis vna perficeretur mundialis machina.

QVÆSTIO II.

An rerum vniuersitas triplici distinctione distinguatur, creatura spirituali, corporali, & ex utraque media.

Alexander Alensis 2. p. q. 53. Membr. 1. & 2.

S. Thom. 1. p. q. 76. art. 6. & 7.

Et 2. contra Gent. cap. 71.

Et de malo q. 4. art. 4.

Steph. Brulef. 2. Sent. dist. 1. q. 7.

Secundo queritur circa hoc de differentiis, secundum quas res multiplicatæ sunt: quas Magister ponit in litera, sc. substantiam corporalem, & spiritualementem, & ex utraque compositam. Queritur utrum hæc distinctio debeat esse in vniuerso. Et videtur quod non: primo de corporali nam, sicut tactum est, omne quod Deus facit, facit salua ordinatione, ergo propter suam bonitatem: sed non facit propter bonitatem suam augendam, sed participandam: sed sola creatura spiritualis Dei capax est, & eius particeps esse potest: ergo solam spiritualementem debuit facere, non corporealem. Si tu dicas, quod corporalis est particeps in effectu, quamvis non in se, hoc nihil est: quia participare bonitatem diuinam in effectu, non est aliud quam esse: hoc enim ipso quod est, participat effectum bonitatis: ergo idem est dicere creaturam esse factam propter participationem diuinæ bonitatis, quod dicere creaturam esse factam ut sit: sed hoc nihil est: ergo, &c.

2. ITEM de composito videtur. Omne enim compositum quod Deus facit, facit salua proportionem: semper enim formam coniungit materiæ summe proportionabiliter: sed creaturæ spiritualis ad corporealem nulla aut valde modica, & longinqua est proportio: ergo nullo modo deberet Deus hæc vnire ut perfectionem perfectibili. Quod non sit proportio, patet: spirituale enim est simplex: corporale habet partium infinitatem.

3. ITEM corporale est corruptibile, & ita habet durationem finitam: spirituale autem incorruptibile, & ita habet durationem infinitam: si ergo finiti ad infinitum nulla est proportio, patet, &c. Si tu dicas quod corpus fuit incorruptibile à conditione prima, sed peccato factum est corruptibile: tunc ergo saltem postquam corruptibile fuit, debet cessare vno.

4. ITEM de pure spirituali videtur: Omne quod Deus facit, debet facere salua naturarum connexionem: sed natura generis essentialiter est connexa differentiæ: ergo si animatum & sensibile est connexum rationali: ergo impossibile est quod aliquid fiat habens rationem, quin habeat vegetationem, & sensum, siue quin sit animal: sed animal est substantia composita ex spirituali, & corporali: ergo, &c. Et hoc videtur dicere Philosophus quod vegetatiuum est in sensitiuo, sicut trigonum in terragono: & hoc in

rationali

Diff. 31. q. 2.

Art. 2. q. 2.

1. Distinct. 2. q. ult.

1. Distinct. 2. q. ult.

Ad oppositum.

Arist. li. 1. de caliditate context.

2. de context.

rationali sicut in pentagono : sed nunquam Deus facit tetragonum sine trigono , nec pentagonum sine tetragono , & trigono : ergo , &c.

5. ITEM nihil facit Deus nisi ex magna dilectione , aut summa deliberatione : ergo quod semper facit , melius est naturæ unicuique . Aut igitur naturæ spirituali melius est esse separatam , aut melius est esse coniunctam : quocunque dato , altera differentia tollitur .

Sed CONTRA : Decuit Deum ita res facere , ut essent in manifestatione suæ potentiae : sed potentia manifestatur in productione rerum multum distantium , & in earum coniunctione : nam potentia tanto virtuosior ostenditur , quanto potest super magis distantia : Sed prima & summa distantia substantiarum est inter corporeum , & incorporeum , quia primæ differentiae generis sunt : ergo ad hoc quod diuina potentia manifestetur plene , necesse fuit substantiam spirituales , & corporalem producere , & rursus productas vnire .

ITEM decuit Deum ita res producere , ut manifestaretur eius sapientia : sed sapientia artificis manifestatur in ordinis perfectione : omnis autem ordo habet de necessitate & summum , & medium , & infimum . Si ergo infimum est natura pure corporalis , summum natura spiritualis , medium composita ex utraque : nisi hæc omnia fecisset , non ostenderetur perfecte Dei sapientia , oportuit igitur hæc omnia fieri . Vnde Aug. Duo fecisti Domine , vnum prope te , aliud prope nihil .

ITEM Deum decuit sic res producere , ut manifestaretur eius bonitas : sed bonitas consistit in diffusionione , & communicatione sui in alterum : si ergo sua bonitas consistit in communicatione actus nobilissimi , qui est viuere , & intelligere , decuit ut non tantum daret alij potentiam viuendi , & intelligendi , sed etiam potentiam alij communicandi . Si ergo viuens , & intelligens est substantia spiritualis , quod autem viuificatur : & per intellectum perficitur , est corpus : ergo ad perfectam bonitatis manifestationem necesse fuit fieri substantialem , spirituales , & corporalem : sed hæc non perfecte manifestarent nisi vna alteri communicaret , & hoc non potest esse nisi per vniōem : ergo necesse fuit facere compositā ex utraque .

ITEM hoc non solum videtur ratione Theologica , sed etiam Philosophica : quia si est ponere vnam differentiam contrarietatis , & alteram : si ergo corporale , & spirituale : & si ponere est extrema componibilia : ergo & medium : ergo , &c.

CONCLUSIO.

Cum vniuersi perfectio iis tribus compleatur , ambitus amplitudine , ordinis sufficientia , & bonitatis influentia , hac triplici substantia debuit ornari , spirituali , corporali , & mixta .

RESP. ad Arg. Dicendum quod ad perfectionem vniuersi hoc triplex genus substantiæ requiritur , & hoc propter triplicem perfectionem vniuersi , quæ attenditur in amplitudine ambitus , sufficientia ordinis , influentia bonitatis : in quibus tribus exprimit in causa triplicem perfectionem : videlicet sapientiæ , potentiae , & bonitatis . Vnde concedendæ sunt rationes ad hoc inductæ .

1. QVOD obiicitur quod in operibus salua debet esse ordinatio , ut omnia fiant propter diuinam bonitatem participandam , dicendum quod fieri propter diuinam bonitatem est dupliciter , aut ostendendam , & sic facta sunt cuncta : omnia enim diuinam exprimunt bonitatem : aut participandam , & hoc dupliciter , aut quia sunt nata participare , aut quia seruiunt participantibus . Primo modo conditæ sunt creaturæ spirituales : secundo modo corporales : ipsæ tamen aliquo modo participant : sed in earum participatione status non est , sed ordinatur ad ulteriorem .

2. QVOD obiicitur quod in omni coniunctione debet esse salua proportio , dicendum est quod in coniunctione animæ ad corpus salua est proportio , & absolute , & in relatione ad finem . Absolutam nam quamvis supremum spiritus , & infimum corporis multam habeant

elongationem : tamen supremum corporis , & infimum spiritus summam habent vicinitatem . Spiritus enim animalis siue rationalis habet potentiam viuificandi , potentiam vegetandi , & sensificandi : corpus autem humanum habet complexionis æqualitatem , habet organorum multipliciter , habet rursus spirituum subtilitatem , & secundum triplicem differentiam . Habet enim spiritum vitalem , spiritum naturalem , & spiritum animale . Comparando igitur complexionem æqualem ad vim viuificationis per medium , & vinculum spiritus vitalis , optimus est nexus . Similiter comparando non solum complexionis æqualitatem , sed & organizationem , & organizationis perfectionem ad vim vegetandi , & sentiendi mediante spiritu naturali , & animali , optima est proportio , & mirabilis nexus : vnde sicut terra & ignis quæ multum distant , ne tunc duplici medio : vno , quod magis communicat cum terra : & reliquo , quod magis cum igne : similiter est in proposito . Attenditur etiā perfecta proportio in relatione ad finem . Cum enim animæ humanæ data sit libertas arbitrij , vertibilis , & reuertibilis , id est , potens stare , cadere , & resurgere : datum est ei corpus potes mori , & potens non mori : & deinde potes in sempiternum viuificari . Rursus , cum anima creata sit veluti tabula nuda , datum est ei corpus humanum habens organa multiplicia , ut in illo posset perfici scientiis . Similiter ex parte corporis est optima proportio in relatione ad finem . Cum enim sit ordo in formis corporalibus , quod patet , quia formæ elementi est ad formam mixti , & forma mixtionis ad formam complexionis , & rursus vegetabilis ad sensibile ; & non sit status in re corporali & imperfecta , non est status ibi , sed ulterius disponunt huiusmodi formæ ad animam rationalem , per quam etiam corpus & natura corporalis efficitur particeps æternæ beatitudinis . Aut ergo omnis intentio naturæ corporalis soluitur , aut necesse est peruenire mediante anima rationali in vltimum finem .

3. QVOD obiicitur : In opere Dei debet saluari naturarum colligatio , dicendum quod verum est : sed sensibile , & vegetabile non sunt de necessitate rationalis , nisi secundum quod est rationale per vniōem . Anima enim ut prius tactum est , cum sit spiritus simplex , & purus : non potest vniri carni , nisi duplici medio ex parte sui . Similiter nec corpus complexionatum , & ideo necesse est quod interueniat natura viuificandi , siue vegetandi , & natura ulterius sensificandi , & ideo in omni homine hæc cadunt : sed quia Angelus est spiritus purus : ideo istis non indiget . Patet igitur quod contra fidem , & veritatem errant Saducæi , qui negant esse spiritum . Patet nihilominus error Manichæorum , qui negant animam vniri corpori , id est , non ut perfectibili , sed ut carceri .

4. QVOD obiicitur vltimo , quod Deus dat unicuique quod melius est , dicendum , quod Deus non dat unicuique simpliciter melius , quia tunc non faceret res ordinatas , sed æqualiter perfectas : & hoc repugnaret perfectioni , quia si omnia essent æqualia , non essent omnia , ut dicit Augustinus . Cum ergo dicitur , quod Deus dat unicuique quod sibi melius est , hoc intelligendum est secundum exigentiam ordinis , & naturæ : naturæ autem animæ competit vniri corpori , naturæ autem Angelicæ , separatam esse à corpore : & ideo illa ratio non valet , quia dilectio Dei non excludit ordinem .

ARTICVLVS II.

Consequenter secundo loco queritur de rebus productis quantum ad ordinem . Et circa hoc queruntur duo . Primum est de ordine rerum in comparatione ad finem . Secundum est de ordine earum quæ habent ad inuicem .

QVÆSTIO I.

An Deus ad gloriam sui , vel ad rerum utilitatem , res ipsas produxerit .

Sepp. Brulef. 2. Sent. dist. 1. q. 9.

CVm omnes creaturæ conditæ sint propter diuinam gloriam , & utilitatem propriam , sicut dicit Magister ,

Arist. 3. de anima , com. 14.

Tom. 4. lib. 83. q. 41. & contra aduers. Leg. & Prophet. cap. 4. 50. 6.

Fundamēta.

ster, & accipi potest ex scriptura: & Augustinus dicit in A lib. de Doctr. Christ. quod Deus nos fecit, & diligit non propter utilitatem suam, sed propter bonitatem suam, & utilitatem nostram: Quæritur ergo quis sit finis principalior conditionis rerum. Vtrum divina gloria, vel utilitas nostra. Et quod gloria Dei, videtur. Ille est finis principalior, qui est ulterior: finis enim ultimus est potissimus: sed ulterior finis est Dei gloria, quam utilitas nostra: non gloria Dei propter utilitatem, sed utilitas ad gloriam ordinatur: ergo videtur quod gloria sit principalior.

ITEM ille finis est principalior, qui est perfectior: sed gloria Dei est perfectior: ergo, &c. Probatio mediæ. Perfectior finis est qui perfectiorem reddit operationem ordinatam ad ipsum: sed multo melius est opus quod quis facit propter gloriam Dei, quam propter utilitatem suam. Vnde Apostolus. Omnia in gloriam Dei faciunt: ergo, &c.

ITEM ille est finis principalior, qui est essentialior: sed gloria Dei est essentialior unicuique rei conditæ, maxime rationali, quam utilitas sua: nam res propter malitiam potest priuari sua utilitate: sed non potest unquam quin sit ad Dei gloriam.

ITEM ille est principalior finis, qui est universalior: propter hoc quod principalis finis totum debet complecti: sed gloria Dei est finis, quem assequitur omnis natura, siue humana, siue Angelica, siue bona, siue mala: ergo, &c.

1. CONTRA: Ille est finis principalior rei conditæ, quem efficiens magis intendit: sed Deus magis intendit in conditione creaturæ eius utilitatem, quam gloriam suam: ergo, &c. Probatio mediæ. Sicut dicit Apostolus: Charitas non querit quæ sua sunt, sed quod alterius: sed Deus quæ agit, facit ex perfectissima charitate: ergo nec querit, nec intendit quod suum est: ergo non suam gloriam, sed utilitatem nostram.

2. ITEM ille finis est principalior conditionis rei, quem res condita magis appetit: sed unaquæque res ita appetit suum commodum vel utilitatem, quod nullo modo potest velle oppositum: sed oppositum gloriæ divinæ potest velle, sicut patet in blasphemis: ergo utilitas, &c.

3. ITEM ille finis est potior conditionis rei, ad quem efficiens non pervenit nisi perfectum: hoc patet: quia si æque bene defendor à pluviis absque domo sicut cum domo, si facerem domum propter talem defensionem, facerem frustra. Si ergo Deus non est magis gloriosus post conditionem rerum quam antea: si faceret res principaliter propter gloriam suam, faceret frustra: quod si non frustra facit, non producit: ergo principaliter propter gloriam suam, sed propter utilitatem alienam.

4. ITEM ille finis principalior est, qui effectum magis perficit cum ad ipsam pervenit: sed Dei fruitio magis animam perficit, quam Dei laudatio: ergo principalius facta est anima propter fruitionem, quam propter Dei gloriam, & laudem.

CONCLUSIO.

Rerum conditarum principalior causa, est Dei omnipotentis gloria, non quidem augenda, sed manifestanda. & communicanda, ex cuius manifestatione creatura utilitas summa proficiscitur.

RESP. Ad arg. Dicendum quod finis conditionis rei, siue rerum conditarum principalior, est Dei gloria, siue bonitas, quam creaturæ utilitas. Sicut enim patet: Vniuersa propter semetipsum operatus est Dominus: sed non propter suam utilitatem, vel indigentiam, qui ait in Psalmo: Dixi Domino Deus meus es tu, quoniam bonorum meorum non eges: ergo propter sui gloriam, non inquam propter gloriam augendam, sed propter gloriam manifestandam, & propter gloriam suam communicandam: in cuius manifestatione, & participatione attenditur summa utilitas creaturæ, videlicet eius glorificatio, siue beatificatio.

1. Quid ergo obicitur quod charitas alienum commodum querit, dicendum quod secus est in nobis, & in Deo. Nam in nobis bonum proprium differt à bono communi: sed in Deo bonum suum est bonum commune: ipse est bonum omnis boni. Si ergo effectum non ordinaret ad se, vel non faceret propter se (cum ipse sit bonum à quo omne bonum) iam effectus non esset bonus. Quoniam ergo utilitas creaturæ tota attenditur in ordinatione ad bonum quod Deus est: ideo charitas Dei omnia rectissime facit, & convertit ad se, & si non est in nobis.

2. Quod obicitur quod ille finis est principalior, quem natura magis appetit, dicendum quod est loqui de natura dupliciter. Aut de natura ut deficiente, aut ut perfecta. Dico ergo quod natura deficiens in se recuratur: ideo proprium bonum desiderat, & ideo suum commodum. Natura vero perfecta amore charitatis sursum eleuatur, & multo magis impropotionaliter Dei gloriam desiderat, quam utilitatem propriam, ut patet in habentibus charitatem.

3. Quod ergo obicitur quod ille finis est principalior, quem magis natura desiderat: verum est de natura recta, & perfecta.

4. Quod obicitur quod ille est principalior finis conditionis rei, ad quem res per effectum pertingit. Respondi potest dupliciter. Primo quod hoc habet veritatem quando operans operatur propter indigentiam alicuius finis, ad quem non potest pervenire, nisi per opus quod producit: sed talis operans non est Deus, sicut patet: & ideo non habet locum hic. Vel aliter dicendum quod res factæ sunt propter Dei gloriam, non inquam acquirendam, vel ampliandam, sed ostendendam, & communicandam. Et quamvis gloria Dei sit sine rebus factis, non tamen communicatur, vel manifestatur, nisi per res productas. Quod obicitur quod fruitio magis perficit, dicendum quod laus dupliciter est, scilicet perfecta, & imperfecta. Laus imperfecta minus perficit animam quam fruitio: sed non sic laus perfecta, quia anima magis lætatur in gloria: & plus gaudet de Dei gloria, & honore, quam de sua glorificatione: & plus incundabitur in laudando, quam in considerando proprium bonum, & ideo patet, quod ille finis est ulterior.

QVÆSTIO II.

An Angelus sit prestantior homine.

Richardus 2. Sent. dist. 1. art. 5. q. 4.
Steph. Brulef. 2. Sent. dist. 1. q. 10.

DE ordine rerum adinuicem: nam hunc tangit Magister in litera. Vtrum videlicet natura spiritualis dignitate naturæ præcellat compositam ex spirituali & corporali. Certum est enim, quod utraque præcellit corporalem: & quod sic videtur. In omni genere nobilius est illud propter quod est alterum sicut finis eo quod est ad finem: sed homo est propter Angelum: nam, sicut dicunt sancti, & Magister recitat in litera, homo factus est ad reparationem Angelicæ ruinæ: ergo, &c.

ITEM spirituale, simpliciter loquendo, nobilius est corporali: ergo nobilius est illud quod pure est spiritus nihil habens de corpore, quam quod est spirituale, & coniunctum corpori: ergo nobilior Angelica natura, quam humana.

ITEM: In quolibet genere immortale, & incorruptibile nobilius est mortali, & corruptibili: sed Angelus per naturam est immortalis, & incorruptibilis, homo vero e contrario: ergo, &c.

ITEM quod similis est meliori est melius, si non sit similis in ridiculosis, ut simia homini quam equus, sed Angelus est Deo similior, & deiformior quā homo: hoc manifestum est, & non in ridiculosis, sed in optimis: ergo simpliciter melior est natura spiritualis, quam composita.

1. CONTRA per Aug. Mente humana solus Deus est maior. Vnde in lib. de Trin. 15. & in lib. 83. q. dicit, quod immediate ipsa mens à prima veritate formatur, & inter ipsam & Deum nihil cadit mediū: ergo Angelus non est supra mentem

Fundamentum
Aristot. 1.
Ethic.

Ad oppositum.
Lib. 15. de
Tri. cap. 1.
lib. 14. c. 1.
& lib. 11.

mentem humanam : ergo per se adeo bona est ut Angelus. Sed anima propter conjunctionem sui cum corpore non deterioratur, immo maius bonum est, cum corpus sit bonum, ergo simpliciter totus homo est Angelus melior.

2. **ITEM** in omni genere quod tenet rationem finis illud est melius: sed in genere creaturarum homo tenet rationem finis, non Angelus. Vnde Remigius dicit & Philosophus quod si nos sumus finis quodam modo omnium quæ sunt: quod non dicit de Angelo: ergo &c.

3. **ITEM** si optimum in vno genere est melius optimo in alio, & simpliciter hoc illo melius: sed optimus in genere hominum est melior optimo in genere Angelorum, ut puta, quia Christus: ergo, &c. Si tu dicas, quod non in quantum homo, sed in quantum Deus: obicitur de beata Virgine quæ est pure femina, & tamen domina Angelorum.

4. **ITEM** maior est qui recumbit, quam qui ministrat teste Domino: sed Angelus ministrat homini: Omnes sunt administratorij spiritus, &c.

CONCLUSIO.

Angelus, & homo si ordinem ipsorum ad finem, qui est beatitudo, attendas, pares esse dicuntur: quod si natura nobilitatem respiciamus, Angelus ipso homine natura dignior est censendus.

RESP. AD ARG. Dicendum quod cum quæritur de ordine spiritus rationalis, siue uniti ad spiritum angelicum, vel separatum, de duplici ordine potest intelligi: aut de ordine quantum ad finem, aut quantum ad naturæ dignitatem. Si quantum ad finem: sic dico quod sunt pares: nam ad eundem finem, sc. ad æternam beatitudinem immediate ordinantur: & eadem est mensura hominis quæ & Angelus: nec homo propter Angelum, nec Angelus propter hominem. Tamen sicut lex charitatis facit in membris corporalibus, & conciuibus ciuitatis quod vnum membrum supplet indigentiam alterius, ut patet, quia oculus videt sibi viam & pedi, & pes fert seipsum & oculum: & in ciuibz terrenæ ciuitatis similiter contingit. Similiter intelligendum est de homine, & Angelo qui sunt ciues ciuitatis supernæ: nam homo habet habilitatem ad labendum frequenter, & possibilitatem ad resurgendum. Angelus vero stans, perpetuitatem in stando: & cadens impossibilitatem in resurgendo, ideo Angelus stans sustentat hominem, siue infirmitatem humanam: & homo resurgens reparat ruinam angelicam. Ideo quodam modo Angelus propter hominem, & quodam modo homo propter Angelum: & ideo hoc ordine partes sunt. Si autem loquamur de ordine quantum ad naturæ dignitatem, dicendum quod simpliciter loquendo, Angelus est creatura superior homine. Natura enim angelica, sicut patet ex multis scripturæ locis nobilior est humana, & in superiori gradu consistit. Concedendæ igitur sunt rationes manifestantes quod Angelus natura dignitate præcellit hominem, præter primam ad quam solutum est.

1. **QVOD** ergo obicitur in contrarium, quod nullum cadit medium inter mentem, & Deum, dicendum quod est medium secundum dignitatem naturæ, vel secundum causalitatem influentiar. Primo modo cadit medium. Secundo modo non. Nam Deus immediate influit in mentem, & propterea ipsa mens immediate à prima veritate formatur.

2. **QVOD** obicitur secundo, quod homo tenet rationem finis, dicendū quod aliquid propter quod res est, dupliciter, sc. aut ad supplendum indigentiam, sicut domus propter hominem, & calceus propter pedem aut ad fuscipiendum eius influentiam, sic homo propter Deū. Quod ultimo modo habet rationem finis, nobilior est, quod primo modo, non. Quia enim homo omnibus indiget, Angelus nullo nisi Deo: ideo omnia propter hominem, non omnia propter Angelum. In cuius rei signum Angelus conditus est in principio: homo vero in die sexto.

3. **QVOD** obicitur de optimo, intelligendum est per se, & præcise. Sed nec beata Virgo, nec Christus excedunt Angelos pure ratione naturæ, sed ratione multiplicitatis gratiæ.

4. **QVOD** ultimo obicitur de ministerio, infra melius patebit: ad præsens tantum sufficiat dicere, quod alicui ministratur dupliciter: aut propter se, sicut regi, & domino, & talis est nobilior: aut propter alium, sicut ministrat miles garrisoni regis: & per hoc est argumentum soluendum. Angelus enim ministrat homini propter Deum, sicut diues pauperi, fortis ægrotanti.

ARTICVLVS III.

Consequenter tertio loco quæritur de modo distinguendi spiritum angelicum ab anima rationali. Et quærentur duo. Primo quæritur, utrum differant specie, an tantum numero. Secundo, quæ sit illa differentia per quam differunt.

QVÆSTIO I.

An Angelus & Anima differant specie.

*Alex. Alensis 2. p. q. 26. Membr. 5.
S. Thom. 1. p. q. 75. art. 7.
Et 2. Sent. dist. 3. q. 1. art. 6.
Et 2. contra Gent. cap. 94.
Scot. 2. Sent. dist. 1. q. 6.
Ægid. Rom. 2. Sent. dist. 3. q. 2. art. 5.
Albertus de 4. Coenit. q. 5. art. 25.
Steph. Brulef. 2. Sent. dist. 1. q. 11.
Gabriel Biel. 2. Sent. dist. 1. q. 6.*

Quod autem differant specie, videtur. Quæ differunt specie, habent diuersas perfectiones secundum speciem: sed homo & Angelus differunt specie, constat: & anima dat speciem homini, & æquum specificum: ergo & anima, & Angelus.

ITEM: Quæ sunt similia specie, vel simul producuntur, vel vnum facit ad productionem alterius ubi producuntur, per propagationem: sed animæ non simul cum Angelis sunt productæ: nec Angeli faciunt ad animarum productionem: ergo, &c. Si tu dicas quod similiter potest argui de animabus: hoc falsum videtur, quia pater facit ad generationem proles.

ITEM plus conuenit sensibile cum sensibili, & vegetabile cum vegetabili, quam sensibile & vegetabile cum non sensibili, & vegetabili: sed anima humana per essentiam est sensibilis, & vegetabilis, alioquin non faceret animal: ergo cum differat specie ab anima sensibili tantum & vegetabili: multo plus differt à spiritu angelico, qui nec est sensibilis, nec vegetabilis.

1. **CONTRA:** Quorum perfectio & complementum ultimum est vnum specie, ipsa sunt vnum: sed ad eandem beatitudinem ordinatur homo, & Angelus, quæ est visio, & fruitio Dei: ergo homo, & Angelus, siue anima, & Angelus sunt specie vnum.

2. **ITEM** quorum differentia ultimo completiua est specie vna, ipsa sunt vnum: sed differentia ultimo completiua animæ rationalis & Angeli est vna & eadem, sc. hoc quod est rationale, siue intellectuale, & in hac comunicant, sicut dicit Grego. quod homo communicat esse cum lapidibus, intelligere cum Angelis: ergo, &c.

3. **ITEM**, quorum optimum naturale est vnum ipsa sunt specie vnum, sed optimum naturale hominis, & Angeli est vnum, sicut dicit Bernardus ad Eugenium, Optimum, inquit, tui & Angeli ratio est, ergo cum species accipiat ab optimo, patet, &c.

CONCLUSIO.

Anima rationalis, tamen si, pressius loquendo, species dici non debeat sed potius speciei forma, ab Angelo nihilominus specie differre dicitur.

RESP. AD ARG. Ad prædictorum intelligentiam notandum, quod circa hoc fuit triplex opinio. Quidam namque dicere voluerunt, quod quæstio ista nulla est. Cum

Dist. 12.

Fundamēta.

Ad oppositum.

Hom. 29. in Enang. non longe à princip. Et Moral. lib. 6. c. 8. Lib. 5. post initium.

Opinio 1.

enim quæritur vtrum aliqua differant specie, supponi-
tur quod vtrumque sit in genere, vt species: & quoniam
anima non est species, sed speciei pars: nec est in genere
secundum rectam lineam, vt species, vel indiuiduum, sed
à latere, vel magis per reductionem sicut principium:
ideo dicunt quod quæstio nulla est, cum anima non sit
species. Sed hæc responsio potius est euasio ad homi-
nem, quam solutio ad rem. Nam adhuc restat quæstio.
Cum anima sit substantia, & forma substantialis, vel
habens formam substantialem, in qua omnes animæ
conueniunt: vtrum in eadem conueniant anima, & An-
gelus: an sit ibi solum differentia accidentalis. Præterea:
Anima separata spiritus est, & substantia, prout est res
per se existens, & per se subsistens accidentibus, & se-
cundum sui mutationem susceptibilis contrariorum: er-
go proprie est substantia, & recte in genere substantiæ,
sicut substantia prima, & angelus similiter constat. Si
ergo de omnibus primis substantiis rationabiliter con-
tingit quærere, vtrum specie conueniant, vel differant:
patet: quod quæstio est bona, & recta, & responsio
est fuga. Secunda vero positio est, quod si considera-
tur anima vt spiritus, est eadem specie cum Angelo: sed
differt in hoc, quod animarum ad animas est aliqua va-
lidior similitudo, sicut aqua eadem aquæ dicitur esse: &
ratio quæ mouet eos, est propter conuenientiã in opti-
mo, & nobilissimo esse suo, sicut ostensum est in obii-
ciendo. Sed hæc positio communiter non tenetur, quia
planum est, hominem & Angelum non solum specie,
sed etiam genere differre: ergo & perfectio, siue forma
dans speciem homini ab Angelo differt: hæc autem est
anima: ergo differt specie ab Angelo, & hoc melius
patebit infra. Tertia positio est, quod Angelus & anima
specie differant: quæ sit autem illa differentia, quæretur
iam. Nunc autem iuxta positionem omnium tenendum
est, quod essentialiter differant & in genere, & specie.
Vnde concedendæ sunt rationes probantes Angelum, &
animam esse specie differentes, eo modo quo licet di-
cere animã rationalem esse speciem: nam, proprie loquen-
do, potius est forma speciei, siue pars formalis quam
species: extenso tamen nomine potest species appellari.

1. QVOD obicitur quod perfectio Angeli, & homi-
nis eadem sunt specie, dicendum quod est perfectio in
esse primo, & in esse secundo: quorum perfectio in esse
secundo est eadem, ipsa propter hoc non sunt eadem:
nam cygnus, & nix sunt alba eadem albedine secundum
speciem: sed illud habet veritatem in perfectione, quan-
tum ad primum esse: hoc autem modo non est gloria,
vel gratiæ perfectio.

2. 3. QVOD obicitur: Quoniam differentia vltimo
completiva est eadem, &c. dicendum quod rationale se-
cundum quod est differentia animæ & Angeli, dif-
fert. Nam rationale Angeli est intelligere: sed ratio-
nale animæ proprie est rationale. Nam Angelus natus
est intelligere secundum intellectum simplicem, & dei-
formem: anima secundum intellectum inquisitum, &
possibilem. Et per hoc patet solutio ad sequens. Nam
quamvis ratio sit optimum mei & Angeli, tamen ratio
mea, & Angeli, est alia & alia, non tantum secundum
accidens, sed etiam secundum speciem & essentiam,
vt patet.

QVÆSTIO II.

*Qua sit differentia per quam Angelus, &
anima differunt.*

Alexander Alensis 2. p. q. 20. Membrum 5.

S. Thom. 1. p. q. 76. art. 2.

Et 2. Sent. dist. 3. q. 1. art. 6.

Scotus 2. Sent. dist. 1. q. 6.

Agid. Rom. 2. Sent. dist. 3. p. 2. art. 5.

Franciscus de Mayr. 2. Sent. dist. 3. q. 1.

Iohn. de Bassol. 2. Sent. dist. 3. q. 2.

Gab. Biel. 2. Sent. dist. 1. q. 6.

Fundamēta.

QVæ sit illa differentia per quam Angelus & anima
differunt. Quod autem differant essentialiter per
hoc quod est vnibile, videtur primo sic: Sicut se habet
corpus humanum ad corpus non vnibile, sic se habet

spiritus humanus ad spiritum non vnibilem: sed corpus
humanum differt specie, immo etiam genere, vt videtur,
à corpore non vnibili, vt pote à lapide, per hoc quod
est vnibile animæ viuificantis: ergo, &c.

ITEM esse vnibile conuenit rationali animæ: aut ergo
essentialiter, aut accidentaliter. Quod non accidentaliter,
constat: quia tunc ex homine, & anima non fieret
vnum per essentiam, ergo essentialiter hoc conuenit
animæ: sed quæcunque differunt in aliquo essentiali,
differant specie: & sic anima & Angelus: ergo, &c.

ITEM pars sum esse completum non habet nisi se-
cundum quod est in toto: ergo & similiter anima ratio-
nalis cum sit pars hominis: sed non est pars hominis nisi
in quantum est vnibilis: ergo in vnibilitate ad corpus
consistit complementum animæ: sed per illud habet vnum
quodque essentialiter differre, siue distingui ab aliquo,
in quo consistit eius complementum: ergo, &c.

ITEM viuificare est actus animæ rationalis quem
habet in corpus: aut ergo actus accidentaliter, aut essen-
tialiter. Si accidentaliter, ergo vita accidit homini: quod
manifeste falsum est, quia tunc acciderit ei esse animal.
Si est actus substantialis, siue essentialis, ergo inest ani-
mæ ratione sui quo est, siue formalis, & completiui. Ergo
si penes illud accipitur differentia formalis, & comple-
tiua vniuscuiusque, quod est formale, & completiuium,
penes illud quo anima nata est viuificare corpus, sumi-
tur illa differentia: sed eo ipso nata est anima vniri cor-
pori, quo nata est corpus viuificare: ergo penes vni-
bilitatem sumitur animæ ad Angelum differentia essen-
tialis specifica.

1. CONTRA: Omnis differentia prior est per natu-
ram, quam id cuius est differentia: sed vnio siue vni-
bilitas ad corpus consequitur animam, quia dicit rela-
tionem ad alterum, siue quo potest anima esse, & intel-
ligi: ergo vnibilitas, siue vnibile non est illud per quod
differt Angelus, & anima.

2. ITEM differentia completiua debet esse propria
eius, cuius est differentia: sed esse vnibile non solum ra-
tionali animæ conuenit, sed etiam vegetabili & sensibili:
ergo non est anima rationalis completiua differentia.

3. ITEM differentia specifica debet accipi penes id,
quod in re est optimum: nam vnumquodque debet dif-
finiri per id quod est optimum in ipso: sed esse vnibile
conuenit animæ penes suum infimum: ergo penes illud
differentia completiua non potest accipi.

4. ITEM differentia completiua ita essentialiter adhæ-
ret, quod eius oppositum non potest inesse, vel si inest
actu, non tamen inest naturaliter: sed anima rationalis
sic est vnibilis, quod separabilis: & præterea separabile
esse conuenit animæ per naturam, & per hoc differt à
vegetabili, & sensibili: ergo esse vnibile corpori nullo
modo potest esse specifica differentia, per quam diffe-
runt Angelus & anima.

CONCLUSIO.

*Anima rationalis differt ab Angelo, quia ipsa vnibilis est
corpori humano: non autem Angelus.*

RESP. AD ARG. Dicendum quod circa hoc triplex est
modus dicendi. Quidam enim conati sunt assignare dif-
ferentiam specificam Angeli & animæ per comparatio-
nem ad Deum. Et ratio quæ mouit eos hæc fuit, quia
differentia vltimo completiua penes id quod est in re
nobilis, debet accipi: & ideo voluerunt dicere,
quod anima & Angelus differant, quia Angelus ha-
bet intellectum dei formem, vt vult Dionysius. Vnde
habet sibi species innatas, & videt aspectu sim-
plici: sed anima habet intellectum potentialem, siue
collatiuum, & inquisitum, & hoc per naturam, quid-
quid sit de gloria. Sed iste modus assignandi differen-
tiam, non videtur esse omnino conueniens. Primo, quia
differentiæ rerum accipiuntur secundum comparatio-
nem rerum, quam habent inter se, non in relatione
ad

ad Deum, respectu cuius potius conveniunt. Amplius: Deiformitas intellectus respicit potentiam intellectivam: nos autem querimus de differentia essentialium, non de differentia potentiarum. Postremo: Quod obtinetur per gratiam, non est contra naturam institutam, sed deiformitatem acquirit intellectus per gloriam, ergo hæc differentia intellectui humano non est aliena: ergo per hanc non differt Angelus ab anima. Et quod plus est, anima separata modum intelligendi habet quem habet Angelus: & anima Adæ habuit species innatas, ut habet Angelus: & hoc totum quid accidentale videtur dicere ergo penes hoc essentialis differentia non debet sumi. Alij vero fuerunt, qui conati sunt differentiam inuenire secundum comparisonem rerum adinuicem: & quia non potuerunt inuenire actus differentes formaliter, per quos venirent in cognitionem diuersarum differentiarum, sed inuenierunt actus differentes gradu & dignitate, dixerunt quod anima & Angelus differunt specie propter maiorem excessum in simplicitate, & bonitate naturæ: & iste excessus in essentialibus variat speciem, quando excessus ille exit limitem speciei debitum, sicut calidum in quarto gradu est alterius speciei, quā calidū in primo: sic dicunt esse in proposito. Sed hoc valde dubium est, quod Angelus tantum excedat animam, quod ex ipso excessu differentia specierum fiat, cum optima anima, sc. Christi nobilissima sit creatura: nec exeat speciem humanam. Et præterea, esto quod esset ibi excessus, penes ipsum non debet sumi differentia specifica, quia potius videtur consequi differentiam specificam, quam econverso. Potius enim res diuersarum bonitatum gradum habent in nobilitate propter naturas diuersas specierum quæ sunt naturæ capere plus & minus, quam econverso. Et iterum: Hæc differentia valde generalis, & transcendens esse videtur: quia si ita potest accipi hic, pari ratione ubique. Et ideo tertius est hic modus dicendi quem probabiliorē æstimo, quia sumitur per comparisonem animæ rationalis ad corpus humanum, ex qua parte innotescit nobis anima non solum secundum accidentia, sed etiam secundum substantiam, & naturam: & non solum secundum id quod indignitatis est, sed etiam secundum id quod nobilitatis. Hoc enim quod est animam vniri corpori humano, siue viuificare corpus humanum, non dicit actum accidentale, nec dicit actum ignobilem. Non accidentalem, quia ratione illius est anima forma substantialis. Non ignobilem, quia ratione illius est anima nobilissima forma omnium: & in anima stat appetitus totius naturæ. Corpus enim humanum nobilissima complexione, & organizatione, quæ sit in natura, est organizatum, & complexionatum: ideo non completur, nec natum est compleri, nisi nobilissima forma, siue natura. Illud ergo quo anima est vnibilis corpori, tale dicit quid essentialē respiciens quod est nobilissimum in anima: & ita penes illud recte sumitur specifica differentia secundum quam differt anima à natura angelica: unde rationes ad hoc inductæ concedendæ sunt.

1. Ad illa quæ obijciuntur in contrarium ex dictis patet. Quod enim dicit primo, quod differentia debet esse prior, dicendum quod verum est: sed differentia illa, quæ est esse vnibile, non dicit puram relationem, sed naturalem aptitudinem, quæ inest animæ secundum principia intrinseca quæ priora sunt animæ per naturam, sicut rationale respectu hominis.

2. 3. Quod obijciitur, quod differentia completiua debet esse propria dicendum quod vniri corpori non est proprium animæ rationalis: sed tantum vniri corpori humano, sicut dicit illud quod est animæ essentialē, & nobile: sic etiam importat, quod est proprium. Et per hoc patet responsio ad illud. Nam illud quo mediante anima perficit corpus humanum, est illud quo anima est anima rationalis, & quod etiam est principium aliarum nobilium operationum: nam perficit illud non mediante potentia, sed perficit seipsa: seipsa enim anima perficit corpus, sicut forma seipsa vnitur materiæ.

4. Quod obijciitur vltimo, quod differentia essentialiter adhæret, dicendum quod esse vnibile adhæret inseparabiliter, quia aptitudo semper inest, quamvis non semper inest actus, sicut patet in rationabilitate, & gressibilitate: & sicut gressibilis truncatur, & rationalis anima stulta efficitur non natura, sed propter defectum naturæ, ita quod anima separatur, hoc est in pœnam peccati: & ideo esse separabile non sic assignatur differentia animæ, sicut esse vnibile. Amplius: Anima rationalis eo ipso quod nata est perficere corpus, sic perfectum & ordinatum per naturam ad immortalitatem, est immortalis, & eo ipso natura est separari ab hoc corpore iam mortuo propter peccatum: ita nunc non dicit aliam differentiam, quam hoc quod est esse vnibile: sed consequitur illam. Quia sicut non est separatio, nisi prius vniti: sic non est separabilitas in aliquo, nisi prius fuerit vnibilitas per naturam. Et ideo si aliquid potest esse differentia animæ, videtur quod hoc maxime sit, id est, illud quod per hoc nomen significatur. Intellectus enim noster rarissime peruenit ad cognitionem formæ substantialis, nisi à posteriori, & quia sicut cognoscit, sic nominat: ideo differentias per naturam priores, ut plurimum nominat à posteriori, & sic patent quæ sita.

DISTINCT. II. PARS I.

Quæ consideranda sunt de Angelica natura, & agitur de tempore & loco creationis eius.

DE angelica itaque natura hæc primo consideranda sunt: quando creata fuerit, & ubi, & qualis facta sit dum primum conderetur. Deinde qualis effecta auersione quorundam, & conuersione quorundam. De excellentia quoque, & ordinibus, & donorum differentia, & de officiis, ac nominibus, aliisque pluribus aliqua dicenda sunt.

Quando facti sint Angeli: & in quo videantur sibi obuiare auctoritates.

Quædam auctoritates videtur innuere, quod ante omnem creaturam creati sunt Angeli. Unde illud: Primo omnium creata est sapientia, quod intelligitur de angelica natura, quæ in scriptura sæpe vita, sapientia, & lux dicitur. Nam sapientia illa quæ Deus est creata non est. Filius enim sapientia patris est genita, non facta, nec creata: & tota Trinitas una sapientia est, quæ non facta, nec creata est, nec genita, vel procedens. De angelica ergo vita illud accipiendum est, de qua dicit Scriptura, quando facta est, scilicet primo omnino. Sed rursum alia scriptura dicit: In principio creauit Deus cælum, & terram. Et in Propheta: Initio tu domine terram fundasti, & opera manuum tuarum sunt cæli: Et videtur contrarietas quedam oriri ex assertionibus illis. Nam si primo omnium creata est sapientia, omnia post ipsam facta videntur, & ita post ipsam facta videtur calum & terra, & ipsa facta ante calum, & terram. Item si in principio creauit Deus calum, & terram, nihil factum est ante calum, & terram: nec ipsa sapientia facta est ante calum & terram. Cum ergo hac contraria videantur, nec in diuina scriptura fas sit sentire aliquid esse contrarietatis, requiramus intelligentiam veritatis.

Quid tenendum sit docet, præmissas auctoritates determinando.

Videtur itaque hoc esse tenendum, quod simul creata est spiritualis creatura, id est, angelica, & corporalis, secundum quod potest accipi illud Salomonis: Qui viuunt in æternum creauit omnia simul: id est, spirituales & corporales naturas: & ita non prius tempore creati sunt Angeli, quā illa corporalis materia quatuor elementorum. Et tamen primo omnium creata est sapientia, quia etsi non tempore, præcedit tamen dignitate, quod autem

simul

Concord.
Scot. dist. 2.
q. 6. & dist.
3. 7. 4.

Eccles. 1. a
Ibid. lib. 1. de
summo bono
cap. 11.

Gen. 1. a
Psal. 101. d

Eccles. 1. a

simul creata fuerit corporalis spiritualisque creatura. Aug. super Genes. ad litteram aperte ostendit, dicens, per calum, & terram spirituales corporalesque creaturas intelligi: & hac creata sunt in principio scilicet temporis, vel in principio, quia primo facta sunt. Quod nihil factum est ante calum, & terram, nec etiam tempus, cum tempore enim creata sunt, sed non ex tempore.

Antea enim nihil factum est, nec etiam tempus factum est ante spirituales, scilicet angelicam naturam, & ante corporalem, scilicet materiam illam quatuor elementorum confusam. Illa enim cum tempore creata sunt, nec ex tempore, nec in tempore. Sicut nec tempus in tempore creatum est, quia non fuit tempus antequam esset calum, terra. Vnde Augustinus in libro de Trinitate dicit, quod Deus fuit Dominus antequam tempus esset, & non in tempore cepit esse Dominus, quia fuit Dominus temporis, quando cepit esse tempus, nec utique tempus cepit esse in tempore, quia non erat tempus antequam inciperet tempus.

Quod simul cum tempore, & cum mundo cepit corporalis, & spiritualis creatura.

Simul ergo cum tempore facta est corporalis, & spiritualis creatura, & simul cum mundo: nec fuit ante angelica creatura quam mundus, quia ut ait Augustinus. Nulla creatura est ante secula, sed à seculis cum quibus cepit. Hieron. tamen super epistolam ad Titum aliud videtur sentire dicens: Sex millia necdum nostri temporis implentur annorum, & quantas prius aternitates, quanta tempora, quantas seculorum origines fuisse arbitrandum est, in quibus Angeli, Throni, Dominationes, ceterique ordines seruierunt Deo absque temporum vicibus, atque mensuris, & Deo iubente subsisterunt! His verbis quidam adherentes dixerunt cum mundo cepisse tempus seculare, sed ante mundum extitisse tempus aeternum sine mutabilitate, & in eo immutabiliter, & intemporaliter astruunt Angelos Deo iubente subsistisse, eique seruasse. Nos autem quod prius dictum est pro captu intelligentia nostra magis approbamus, salua tamen reuerentia secretorum, in quibus nihil temere asserendum est, & illud Hieronymum dixisse non ita sentiendo, sed aliorum opinionem referendo arbitramur.

DISTINCT. II. PARS II.

Vbi Angeli mox creati fuerint, in empyreo scilicet, quod statim factum repletum est Angelis.

Iam est ostensum quando creata fuerit angelica natura. Nunc autem attendendum est ubi facta fuerit. Testimonium quorundam auctoritatum cuidetur monstratur Angelos ante casum fuisse in calo, & inde corruisse quosdam propter superbiam, alios vero qui non peccauerunt, illic perstitisse. Vnde Dominus in Euangelio ait: Videbam satanam tanquam fulgur de calo cadentem. Nec appellatur hoc calum firmamentum quod secunda die factum est, sed calum splendidum quod dicitur empyreum, id est, igneum à splendore non à calore, quod statim ut factum Angelis est repletum, quod est supra firmamentum, & illud empyreum quidam expositorum sacra Scriptura nomine cali intelligi volunt, ubi Scriptura dicit: In principio creauit Deus calum & terram. Calum, inquit Strabus, non visibile firmamentum hic appellat, sed empyreum, id est, igneum, vel intellectuale, quod non ab ardore, sed à splendore dicitur: quod statim factum repletum est Angelis. Vnde Iob: Vbi

oras cum me laudarent astra matutina? &c. De hoc quoque Beda ita ait: Hoc superius calum quod à volubilitate mundi secretum est, mox ut creatum est, sanctis Angelis impletum est, quos in principio cum calo, & terra conditos testatur Dominus dicens: Vbi eras cum me laudarent astra matutina, & iubilarent omnes filij Dei? Astra matutina & filios Dei eosdem Angelos Dei vocat. Calum enim in quo posita sunt luminaria, non in principio, sed secunda die factum est. Ex his liquet quod in empyreo omnes Angeli fuerunt ante quorundam ruinam: simulque creati sunt Angeli cum calo empyreo, & cum informi materia omnium corporaliū.

Quod simul creata est visibilium rerum materia, & inuisibilium natura, & utraque informis secundum aliquid, & formata secundum aliquid.

Simul ergo visibilium rerum materia, & inuisibilium natura condita est, & utraque informis fuit secundum aliquid, & formata secundum aliquid. Sicut enim corporaliū materia confusa, & permixta, quae secundum Gracos dicta est chaos, in illo exordio ordinationis primaria, & formam confusionis habuit, & non habuit formam distinctionis, & discretionis, donec postea formaretur, atque distinctas reciperet species: ita spiritualis, & angelica natura in sua conditione secundum naturam habitum formata fuit: & tamen illam quam postea per amorem, & conuersionem ad creatorem suum acceptura erat, formam non habuit, sed erat informis sine illa. Vnde Augustinus multipliciter exponens praemissa verba Genes. per calum dicit intelligi informem naturam vitae spiritualis, sicut in se potest existere non conuersa ad Creatorem in quo formatur: Per terram, corporalem materiam sine omni qualitate, quae apparet in materia formata.

Quomodo dicat Lucifer secundum Isaiam. Ascendam in calum, & ero similis Altissimo: cum esset in calo.

Hic queri solet, si in calo empyreo fuerunt Angeli statim ubi facti sunt, quomodo, ut legitur in Isaiam, dicit Lucifer: Ascendam in calum, & exaltabo solium meum, & ero similis Altissimo? Sed ibi calum vocat Dei celsitudinem, cui parificari volebat, & est tale: Ascendam in calum, id est, ad aequalitatem Dei.

DISTINCT. II. PARS I.

Agitur in speciali de conditione spirituali creaturae, scilicet angelicae, qualis facta sit.

De angelica itaque natura, &c.

Expositio Textus.

SUPRA egit Magister de rerum productione in generali. In hac autem parte agit de productione rerum in speciali. Et quoniam triplex est differentia creaturae, scilicet spiritualis, & corporalis, & composita ex utraque, ideo haec pars habet tres. In prima agit de conditione spiritualis creaturae. In secunda de conditione corporalis creaturae, infra distinctione 12. Haec de angelica natura, &c. In tertia de conditione naturae ex utrisque compositae, scilicet humanae, infra distinctione 16. His excursus qua supra de homine. Prima pars habet duas. In prima determinat quales facti sint Angeli ex prima conditione. In secunda determinat quales facti sint auersione, & conuersione, infra distinctione 5. Post hac consideratio adducit, &c. Prima pars habet duas. In prima determinat

quando

quando, & ubi creati sint Angeli. In secunda vero quales creati sint, infra dist. 2. *Ecce ostensum est ubi Angeli, &c.* Prima pars habet duas. Primo enim determinat quando Angeli creati fuerint. In secunda ubi, infra dist. eadem. *Iam ostensum est, &c.* Prima pars habet quatuor particulas. In prima præmittit procemium, in quo aperit suam intentionem. In secunda vero mouet ex auctoritatibus dubitationem circa durationem, siue initium, vel mensuram angelicæ conditionis: ibi: *Quædam auctoritates videntur.* In tertia determinat veritatem, & configmat, ibi: *Videtur itaque hoc esse tenendum.* Quarto vero, & ultimo veritatem prædeterminatam, & probatam concludit: & auctoritatem in oppositum determinat, ibi: *Simul ergo cum tempore, &c.*

Tu in principio Domine terram fundasti. Dub. I.

Videtur hoc falsum. Primo ex hoc quod dicit terram esse fundatam, quia non videtur esse fundata, sed potius appensa secundum quod dicitur: Qui appendit tribus digitis molem terræ. Et: Quando appendebat fundamenta terræ. Item falsum videtur dicere cum ait: In principio terram fundasti, quia terra facta fuit tertio die: ergo non fuit fundata in principio. Iuxta hoc quæritur, supra quid terra fundata sit. Videtur quod super aquas propter illud psalmi: Qui fundauit terram super aquas. Contrarium autem videtur per Scripturam quæ dicit: Qui fundauit terram super stabilitatem suam, & per naturam quæ dicitur aquam esse minus grauem, quam terram, & ita secundum ordinem naturæ non terram super aquam, sed econuerso.

RESP. Dicendum quod nomine terræ in Scriptura intelligitur materia corporalium, intelligitur etiam elementum terræ, & utroque modo accipi potest in prædicta auctoritate, & vere. Si enim terra accipiat pro materia informi, sic recte dicitur: In principio Domine terram fundasti, id est, in principio fecisti materiam informem, quasi fundamentum omnium formarum. Quæ ideo dicitur esse fundata, quia omnes formæ sustentantur à materia: & ipsa non sustentatur ab alio, nisi à Deo. Ideo autem dicitur fundata in principio, quia nihil ante ipsam creatum est. Si autem nomine terræ intelligitur elementum terræ, adhuc verus est prædictus sermo. Terra enim fundata dicitur propter sui stabilitatem, secundum illud: Generatio præterit, & generatio aduenit: terra autem in æternum stat. Hoc elementum, sc. terræ, & dicitur fundatum: & dicitur appensum. Fundatum super stabilitatem suam, & fundatum etiam super aquas. Fundatum dicitur, quia sicut fundamentum est infimum inter omnes partes domus, sic terra est infimum inter omnia corpora mundi, & in centro existens, tenet locum fundamenti. Et cum virtute propria sibi diuinitus data centrum appetat ut in centro requiescat, fundata dicitur super stabilitatem suam. Et hoc dictum esse intelligendum est secundum veritatem. Secundum autem nostram imaginationem, & vulgarem opinionem cum aquæ cooperiant inferiorem superficiem terræ respectu nostri, & ultra aquam sit aer, & ultra aerem sit ignis, dicitur terra fundata super aquas. Nos enim æstimamus terram esse super aquam, dum consideramus aquam sub pedibus nostris. Dicitur etiam esse tribus digitis appensa, pro eo quod tribus elementis intermediis distat à cæli circumferentia, & mediantibus illis videtur esse quasi appensa. Et per hoc patet responsio ad omnia obiecta. Nota tamen quod aliter accipitur principium secundum quod nomine terræ intelligitur materia aliter secundum quod intelligitur elementum terræ. Secundum enim quod nomine terræ intelligitur materia nunc dicitur fundata in principio, id est, in primordio productionis rerum: sed secundum quod terra dicitur elementum, tunc dicitur esse fundata in principio, id est in primis operibus sex dierum.

Nec utique tempus cepit esse in tempore. Dub. II.

CONTRA: Omne enim quod cepit esse, aut cepit

esse in tempore, aut in æternitate: sic igitur tempus cepit esse, & non cepit esse in æternitate: ergo cepit esse in tempore. Item dicit quod Deus non cepit esse Dominus ex tempore. Et videtur esse falsum, quia non fuit Dominus antequam haberet seruum: sed non habuit seruum nisi ex tempore: ergo cepit esse Dominus ex tempore. Iuxta hoc quæritur, utrum cepit esse Dominus. Et quod non, videtur quia dominum est potestas coercendi subditos, & hoc fuit semper in Deo. Contrarium autem videtur, quia relativa simul sunt natura, & seruus non fuit ab æterno: ergo nec Dominus.

RESP. Dicendum quod differt dicere secundum August. aliquid fieri ex tempore, & in tempore, & cum tempore: Ex enim importat ordinem: in importat continentiam: cum importat simultatem, & ideo nihil est factum in tempore, nec ex tempore, nisi quod exceditur à tempore. Quia igitur tempus, & ea quæ in primordio temporis creata sunt, à tempore non exceduntur: ideo dicit ea esse creata cum tempore, non in tempore. Et ideo cum Deus dicatur Dominus respectu omnis rei creatæ, Deus non potuit incipere Dominus esse ex tempore, nec in tempore proprie accipiendo habitudinem eius, quod est Ex & in, nos autem in communi sermone large accipimus. Quod autem quæritur, utrum Deus inceperit esse Dominus, dicendum quod Dominus vno modo importat potestatem coercendi subditos, & sic dicit præsentiam secundum habitum, & conuenit Deo ab æterno. Alio modo importat præsentiam actualem respectu serui, & sic incepit esse Dominus non ratione mutationis factæ in ipso, sed ratione mutationis factæ in suo correlatiuo.

ARTICVLVS I.

AD intelligentiam huius partis in qua quæritur de mensura conditionis Angelicæ naturæ, duo principaliter quærentur. Primo de mensura eius in se. Secundo per comparisonem ad mensuram esse corporalis naturæ. Circa primum tria quærentur. Primo, utrum spiritualia habeant mensuram propriam. Secundo, utrum habeant mensuram vnicam. Tertio, utrum habeant mensuram simplicem, aut compositam, siue stantem, vel successiuam.

QVÆSTIO I.

An spiritualia habeant propriam mensuram.

Scotus 2. Sent. dist. 2. q. 2.
Durand. 2. Sent. dist. 2. q. 1.
Franciscus de Mayo. 2. Sent. dist. 2. q. 1.
Thom. Arg. 2. Sent. dist. 2. q. 1. art. 1.
Guil. Vorillon. 2. Sent. dist. 2. q. 1.
Stephanus Brulef. 2. Sent. dist. 2. q. 1.
Gabr. Biel. 2. Sent. dist. 2. q. 1.

QVOD habeant propriam mensuram primo videtur per Philosophum, in lib. de causis in penultima propositione. Inter rem cuius substantia, & operatio est in æternitate, & rem cuius substantia & operatio est in tempore, est res media, cuius substantia est in æternitate, & actio in tempore: sed hoc non potest intelligi de æternitate increata: ergo de creata, & hanc distinguit à tempore, & ponit mensuram substantiarum spiritualium, & incorruptibilium: ergo videtur, &c.

ITEM: Omnis sapientia à Dño Deo est: vsq; ibi, ante æuum: ergo æuum dicit quid creatum, non substantiam: ergo mensuram non rerum materialium, sed spiritualium, & hæc differt à tempore, vnde Boëtius de consolacione.

Qui tempus ab æuo,

Ire inhes.

ergo, &c. Omne enim quod exit ab alio differt ab eo.

ITEM: per Dion. de diu. nominib. in cap. de æuo. Proprietas æui est inueteratum, & antiquum secundum totum esse mensurans: temporis vero in alteratione aliter & aliter se habens: ergo si idem non se habet sic & aliter simul & semel, non est eadem mensura, tempus & æuum: sed æuum est mensura durantium, perpetuo, & talis est natura angelica: ergo, &c.

Lib. 11. de Ciu. Dei cap. 6. tom. 5.

Fundamēta. Auctōr de causis prop. 7.

Ecc. 1. 8.

Lib. 3. metro 9. in princ.

ITEM

ITEM: Sicut se habet *unitas* ad distinctionem, ita *nunc* ad durationem: sed in spiritualibus non solum est reperire distinctionem secundum substantiam, verum etiam eius mensuram: ergo pari ratione & esse angeli mensuram durationis habet: sed non temporis, cum non varietur nec mutetur: ergo aliam mensuram propriam.

ITEM omne quod habet esse limitatum actu habet mensuram, per quam potest cognosci eius limitatio: sed tale est esse omnis creati: ergo, &c. arguatur ut prius.

ITEM mensura durationis respicit modum durandi: sed spiritualia habent modum suæ durationis differentem à corporalibus, maxime à mutabilibus, cum durent perpetualiter, & immutabiliter: ergo per istam mensuram habent mensurari.

1. CONTRA August. ad Orosium: Deus movet spirituales naturam per tempora: corporealem vero per loca & tempora: ergo spiritualis naturæ mensura, est tēpus.

2. ITEM Beda: Quatuor feruntur primo creata, angelica natura, materia prima, cælum empyreum, & tempus. Si ergo tempus stat pro mensura, ergo aut spiritualia in principio non habuerunt mensuram, aut non habuerunt aliam à corporalibus: aut Beda fuit insufficiens in illa numeratione.

3. ITEM ratione videtur. Vnus est locus qui est contentia visibilium, & invisibilium, ut empyreum ergo si mensura, quæ est tempus, non est maioris appropriationis quam locus, videtur quod unum sit tempus in quo sint spiritualia, & corporalia: non ergo habent mensuram propriam.

4. ITEM: Sicut idem est numerus quo mensurantur & numerantur decem canes & decem homines, sic idem est numerus quo numerantur decem Angeli, & decem homines: si ergo spiritualia non habent aliam mensuram distinctionis quam corporalia, ergo nec aliam mensuram durationis.

5. ITEM homo beatus & Angelus mensurantur eadem mensura, quia omnes beati: sed homo beatus idem esse cum se non beato, ergo & eandem mensuram: ergo eadem mensura mensurantur homo viator & Angelus: ergo & quælibet natura corporalis: non ergo habet mensuram propriam.

6. ITEM per impossibile: Si habet mensuram, aut est substantia, aut est accidens. Non substantia, ergo accidens. Si accidens: in quo genere? Non nisi in genere quantitatis: non discretæ, ergo continuæ. Sed non est linea, neque superficies, nec corpus, nec locus: ergo vel est tempus, vel nihil: ergo aut angelica natura nullam habet mensuram: aut si habet, non habet propriam.

CONCLUSIO.

Creatura spirituales habent diversam à tempore mensuram in genere mensura: quæ dicitur æternitas.

RESP. AD ARG. Dicendum quod cum queritur, utrum angelica natura habeat mensuram propriam diversam à tempore, distinguendum est, quia aut loquimur de mensura spiritualium secundum esse quod non mutatur, aut secundum affectiones: si ergo de mensura loquimur quæ respicit esse, & quæ dicit ætē, hoc modo consuevit ab antiquis doctoribus responderi. Aut loqueris de diversitate in genere mensuræ, aut in genere entis. Si in genere mensuræ: sic oportet ponere differentiam, sicut ostendunt auctoritates, & rationes inductæ. Si vero loqueris de diversitate in genere entis: sic triplex fuit opinio. Nam quidam dixerunt, quod sicut locus & superficies idem sunt per essentiam, differentia secundum comparisonem, sic idem est nunc ætē, & temporis, sola comparatione differens. Nunc ætē respicit substantiam rei, substantia autem primi mobilis quantum ad esse omnino est immobilis, comparata autem ad situm, est mobilis. Et primo modo mensuratur nunc ætē, secundo modo nunc temporis, ita quod idem est nunc, diversimode comparatum, sicut idem ultimum comparatum ad corpus ambiens est superficies, comparatum

ad corpus ambitum est locus. Sed illud non potest stare: quia circa ultimum corporis illæ duæ comparationes non sunt impossibiles sed nunc temporis, & ætē habent proprietates impossibiles circa idem. Nam sicut dicit Augustinus in lib. 83. quæst. hoc, sc. nunc ætē, est stabile: illud, sc. nunc temporis est fluxibile: sed impossibile est quod unum & idem, & secundum idem simul moveatur & stet. Et ideo est secunda positio quod ipsum nunc sequitur essentia materiæ primæ: Sicut igitur materia in omnibus est eadem per essentia differens per esse, sic nunc temporis & ætē idem est per essentia, non sicut individuum, sed ad modum materiæ, differens autem solum quantum ad esse: & hi posuerunt quod omnis rei quidditas mensura eadem per essentiam mensuratur. Sed nec illud multum est intelligibile: Cum enim ætē esse stabile & quietum respiciat, quod quidem habet materia à forma perfecta, & hæc mensura non respiciat nisi esse actuale, & modum essendi completum, videtur quod ætē non possit sic accipi ex parte materiæ, quidquid sit de tempore. Cum ergo modus durandi essentialiter, & formaliter differat hinc inde, patet etiam quod mensura propria. Et ideo est tertia positio, quod spiritualia habent mensuram diversam à tempore, non solum in genere mensuræ, verum etiam in genere entis: & hoc non solum comparatione, sed etiam secundum substantiam, & formam. Quidquid autem sit de diversitate in genere entis, diversitatem tamen secundum modum mensurandi nemo est qui negare possit. Et hoc sufficit quæstioni præsentī, quia queritur utrum spiritualia habeant mensuram diversam à tempore: dicendum, enim quod sic. Quod si quæras quæ sit illa: respondendum, secundum Sanctos & Philosophos, quod dicitur æternitas creata, aut ætē: sed quoniam æternitas proprie accipitur pro increato, & ætē frequenter accipitur pro tempore, ideo proprio nomine potest æternitas appellari. Sic respondendum est, si queratur de mensura quæ respicit ipsum esse spiritualis creaturæ, esse inquam immutabile, & perpetuum. Si autem queratur de mensura angelicarum affectionum, utrum illa sit à tempore diversa, & hoc habebit quæstionem infra. Nunc autem planum est, quod illa mensura quæ dicitur æternitas, variationem affectionis non mensurat, ut dicit August. ad Orosium. Ætē enim solus esse incommutabilis est mensura. Concedendum igitur, secundum quod ostendunt rationes, quod aliquo modo spiritualia habent mensuram propriam respectu temporis, & temporalium.

1. QVOD ergo obiicitur, quod spiritualis natura moveatur per tempora, iam patet responsio: hoc enim dicit quantum ad affectiones, non quantum ad esse.

2. QVOD autem obiicitur de quatuor primo creatis, dicendum quod nomen temporis extenditur ibi ad omnis durationis mensuram, cuius est ponere principium: unde valde large accipitur, & comprehendit ætē: ut melius infra patebit.

3. QVOD obiicitur de loco, non valet, quia locus corporalis non est mensura spiritualium, quamvis contineat: ætē autem mensurat, & conformatur: ideo non valet, est unus locus continens, ergo unū tempus mensurans. Si quæras à me, unde hoc, dicendū quod Angelus vere habet durationem: sed non habet extensionem: & ideo habet mensuram durationis, non extensionis.

4. QVOD obiicitur de numero, dicendum quod non est simile, quia idem est modus distinctionis in spiritualibus, & corporalibus: sed non est idem modus durationis: ideo eadem est secundum speciem mensura distinctionis, non sic eadem mensura durationis.

5. QVOD obiicitur de homine beato & Angelo, dicendum quod mensura consimili mensurantur, scilicet ætē, quia consimilem habent modum durandi: sed homo viator non mensuratur consimili mensura, quia quamvis habeat idem esse, habet tamen modum essendi, & durandi alium, & mensura non tantum esse, sed etiam modum durandi respicit.

Improbatio.

248.71.

Secunda positio.

Improbatio.

Tertia positio.

4. Physicor. context. 100. & sequen.

6. QVOD

6. Quid queritur in quo genere sit mensura angelicæ durationis, dicunt aliqui quod non est quantitas nisi quantitas virtutis: & ideo non est in genere quantitatis proprie. Sed si vere mensura est, quo modo non est quantitas vera? Ideo dicunt alij, quod est in genere quantitatis sicut principium. Si tamen queratur cuius sit principium, cum dicat mensuram diuersam à tempore, ut ostensum est, difficile erit assignare. Et ideo sanius dici potest, quod sicut tempus ponitur in substantiis spiritualibus quantum ad affectiones secundum Aug. licet consideratio Philosophi ad illud non conscenderit: sic & mensura ponitur differens specie ab aliis quantitatibus, licet de illa non loquatur Philosophus, quia mensuras rerum inferiorum determinare intendebat. Nec ponitur ex hoc in ipso insufficientia, & si etiam poneretur, non esset propter hoc à veritatis tramite aliquatenus discedendum.

QVÆSTIO II.

An omnium æternorum sit vnum æuum.

S. Thom. 1. p. q. 10. art. 6.
Et 2. Sent. dist. 2. q. 1. art. 2.
Et Quod. 5. art. 7.
Secus 2. Sent. dist. 2. q. 3.
Egid. Rom. 2. Sent. dist. 2. q. 1. art. 2.
Et de mensura Aug. q. 2.
Richardus 2. Sent. dist. 2. q. 1. art. 2.
Durand. 2. Sent. dist. 2. q. 5.
Ioan. Bacc. 2. Sent. dist. 2. q. 4. & 5.
Franciscus de Mayr. 2. Sent. dist. 2. q. 3.
Thom. Argent. 2. Sent. dist. 2. q. 1. art. 4.
Steph. Brulef. 2. Sent. dist. 2. q. 2.

VTRUM spiritualia habeant mensuram vnā per essentiam, & hoc est querere ytrum vnum sit æuum æternorum. Et quod non, videtur per Dionys. de diuinis nominibus: Ipse est æuum æuorum: ergo plura sunt æua non per interruptionem, ita quod vnum post aliud: ergo per diuersitatem simul existentium.

ITEM: Vnitatis accidentaliter venit ab vnitatis subiecti: sed non est ponere vnum subiectum omnium æternorum, cum quedam spiritualia non habeant aliquod commune ad cuius aspectum mensurentur: ergo non est ponere æuum esse vnum. Quod autem nullum habeant tale subiectum quod sit contentiuum spiritualium, hoc apparet, quia illud haberet excellentiam, & influentiam, & continentiam respectu æternorum, sicut primum mobile respectu temporalium: sed tale respectu substantiarum spiritualium inueniri non potest, ut patet discurrenti per singula: ergo, &c.

ITEM: Omnibus aliis corruptis, possibile est vnicum Angelum remanere, cum non dependeat ab aliis Angelis: & si remanet in esse completo, habet mensuram consequentem illud esse, & hoc est æuum: ergo remanet æuum quolibet Angelo remanente, & totum remanet, & perfectum: ergo quot sunt Angeli, tot sunt æua.

ITEM: Æuum est mensura rei perfectæ, & multum habentis de specie, siue de forma: si ergo æuum maxime consequatur esse completum, cum illud non sit vnum numero, sed tantum specie, videtur quod æuum sit vnum tantum secundum speciem.

1. CONTRA hoc arguitur à simili: Sicut se habet tempus ad temporalia, ita æuum ad æterna: sed tempus est vnum quod mensurat omnia temporalia, sicut dicit Anselmus, & Philosophus: ergo & similiter vnum est æuum quod mensurat omnia æterna.

2. ITEM hoc videtur à minori. Maior est varietas & diffinitas in rebus mutabilibus, quam in rebus immutabilibus: ergo si mutabilia omnia possunt vnica mensura per essentiam mēsurari: ergo multo fortius æterna.

3. ITEM hoc videtur à causa. Positio enim multorum est, quod causa, quare tempus vnum potest esse, est quia quamvis sit accidens, tamen est mensura extrinseca sicut locus, & quia non est accidens situale: sed hoc totum inuenitur in æuo: ergo, &c.

4. ITEM: Si plura sunt æua, aut ergo simul, aut conse-

quenter, non consequenter; cum quodlibet sit infinitum à parte post. Non simul; quia quæ sunt simul, sunt in eodem instanti: ergo si æterna sunt simul, sunt in eodem nunc æui: ergo si omnium æternorum est vnum nunc: ergo vnum æuum per essentiam.

CONCLUSIO.

Omnium æternorum non datur æuum vnum numero: sed quot sunt æterna, tot æua sunt ponenda, licet omnium temporalium sit vnum tempus.

RESP. ad Arg. Ad huius quæstionis intelligentiam principaliter prænotandum est, qualiter intelligatur vnitatis in tempore. Sciendum autem quod tripliciter tentauerunt aliqui vnitatem temporis accipere, secundum quod accidens habet tripliciter comparari ad sub-

Biectum. Habet enim ibi causam, existentiam, & apparentiam. Dixerunt ergo aliqui quod tempus est vnum ratione subiecti in quo primo est, & per se, quo remoto remouetur & tempus. Vnde dixerunt quod tempus est vnum, quia est in primo mobili, cuius motu cessante, cessat & tempus. Sed illud non sufficit dicere, quia, sicut dicit Augustinus, si cessaret motus primi mobilis, adhuc posset moueri rota figuli, & constat quod mensuraretur ille motus: ergo non tantum est ibi, immo & in aliis rebus mobilibus. Item: Tempus est in affectionibus, & cogitationibus lib. arbit. quod non subest motui cœlesti, sicut vult August. Et ideo dixerunt alij quod tempus est vnum ratione subiecti in quo primo apparet. Cum enim tempus sit numerus, siue mensura

Cmotuum, & numerus iste secundum essentiam & habitum sit in re mobili, vel mota, in qua est prius & posterius, secundum actualementem vero numerationem sit à parte animæ, sicut vult Philosoph. & August. cum anima omnes motus & mutationes numeret aspiciendo ad mensuram motus primi mobilis, scilicet per diem, annum, & horam, voluerunt dicere quod vnum est tempus ratione subiecti in quo primo apparet. Quia etsi omnia habeant proprias periodos, tamen omnia numerantur, & mensurantur per mensuram motus regularis & certi, & nobis notissimi, scilicet motus mobilis primi. Sed illud non sufficit, quia, dicit Philosoph. de cœlo & mundo, quod si essent duo mobilia prima, adhuc vnum esset tempus, & tunc non posset dici vnum ratione subiecti in quo primo esset, nec in quo primo apparet, cum

Dutrumque esset æque primum & euidens. Nec ratione animæ, quia tempus non est numerus numerans, sed numeratus, ut Philosoph. vult, & tempus est dispositio rei extra, non fictio animæ. Et ideo dixerunt tertij profundius, quod vnitatis temporis sumitur ab vnitatis subiecti à quo causatur: subiectum autem à quo causatur, est materia, ut mutabilis, & ita ut ens in potentia. Nam materia ut est in acquisitione formæ mutatur, & sic est ens in potentia, & ideo tempus maxime inter omnia accidentia se tenet plus cum materia. Sicut igitur materia vna est per essentiam differens per esse, vna non vnitatis vniuersalitatis, nec singularitatis, sed medio modo: sic & tempus in omnibus temporalibus. Et si quæras vnde est hoc quod tempus est vnum, cum tamen motus sint varij dicendum quod motus diffinitur per id ad quod est, vnde motus respicit motorem, & mobile, & terminum: tempus autem respicit ipsam durationem variam, & successiuam, quæ venit ex potentia rei mobilis. Et quia tempus naturæ duranti consimilius est, & natura illa supra quam fundatur est vna numero, ideo tempus non tantum est vnum specie in omnibus temporalibus, immo etiam quantum ad essentiam vnum numero differens per esse, sicut posuerunt omnes sapientes qui circa hanc materiam locuti sunt. Si autem quæras quare non sic est in aliis quantitatibus, cum omnes respiciant materiam, dicendum quod alie omnes, etsi esse incompletum habeant in materia, (nam sunt in materia dimensiones infinitæ) tamen esse completum ipsarum est à materia existente sub forma. Tempus autem habet esse

Prima opinio.

Improbatio.

Secunda opinio.

Aristot. 4. Physic. c. 102. & 131. & 2. de anima. 64. Improbatio.

4. Physic. c. 131. & 132. Tertia opinio.

ex hoc quod materia tendit ad formam, propter hoc quod causatur à motu, qui est endelechia entis in potentia, & ideo tenet se maxime ex parte materiæ, & ideo minime distinctū. Nec dico quod tempus sit in ipsa materia, omni forma circūscripta, quia hoc esset cōtra Aug. quia non est vicissitudo aliqua in materia, nisi cum in ea est aliqua forma: sed quamvis sit in materia quæ est sub forma, & ab ipsa causetur, magis tamen causatur à materia, ut tendit ad formā, & sic est in materia ratione sue potentiz. Secundum hunc triplicem modum nixi sunt aliqui vnitatem in æuo ponere, primo ratione subiecti in quo primo est. Posuerunt enim ordinem in intelligentiis secundum continentiam virtualē, sicut inuisibilibus est reperire continentiam localem. Et sicut tempus in primo mobili fundatur, sic æuum in prima intelligentia, quæ virtualiter alias continet, & in alias influit. Sed ista positio non potest stare. Primo, quia omnes intelligentiæ in incorruptione habent æqualitatē, sicut in sequenti dist. dicitur. Secundo quia conservatio intelligentiarum immediate pendet ex Deo. Tercio, quia si illa intelligentia destrueretur, tunc fundamentum æui periret, & possibile fuit illam peccasse, immo forte peccauit, cū credatur Diabolus fuisse excellentissimus Angelorum. Et ideo alij conati sunt assignare vnitatem ratione subiecti in quo primo apparet, quod quidem est cælum empyreum, in quo non cadit variatio, immo omnimode quietum est. Sed nec illud sufficit: quoniam immortalitas, & immutabilitas per prius est substantiis spiritualibus quam corporalibus, cum sint digniores: & dignius non habet mensurari per aspectum ad minus dignum. Et ideo tentauerunt alij accipere vnitatem ex parte causæ: qui dixerunt quod duratio intelligentiarum continuatur, & conservatur per diuinam influentiam: quæ quoniam vna est, & æuum mensurans ipsam. Sed nec illud potest stare: quoniam influentia illa aut actiue, aut passiue intelligitur. Si est actiua: non est aliud quā Deus, & ita non habet æuum mensuras. Si de passiuā: tot sunt quot sunt suscipientes. Et ideo non restat alius modus nisi per vnitatem materiæ, sicut prius dictum est de tempore. Sed multi negant intelligentias habere materiam. Sed quidquid sit de hoc, tamen æuū respicit esse actuale, & esse stabile, sed tempus materiam, ut in potentia. Et ideo sicut vnitatis temporis conformatur materiæ, sic vnitatis æui conformatur formæ, non inquam formæ in quantum hæc vel illa, sed in quantum immutabilis. Unde sicut linea in corporibus quantumcunque diuersis ponitur eadem specie, sic æuum habet vnitatem vniuersalis non vnitatem quam habet tempus. Et sic concedendæ sunt rationes probantes non esse vnum æuum æuiternorum, sed multa: sicut sunt plures formæ.

1. Quod ergo obiicitur: Sicut se habet tempus ad temporalia, dicendum quod non est simile: quia cum tempus, quantum est de se, respiciat variationem & motum: consequitur ipsa quorum est mensura ratione illius principij per quod sunt entia in potentia: & quia illud vnicum dicitur esse per essentiam, ideo & tempus, æuum autem de sui ratione propria respicit esse completum, & stabile, & ideo magis respicit formam: & ideo non habet nisi vnitatem vniuersalitatis, siue conformitatis, sicut & alia accidentia.

2. Quod arguitur à minori, quod temporalia habent vnā mensuram: iam patet quod non est locus à minori: quia illa variatio patet quod dicitur esse in potentia, respicit ipsum materiale principium: & ideo facit recedere à distinctione: non est sic in æuo.

3. Quod obiicitur, quod tempus est vnum, quia est accidens extrinsecum, non situatum, vel situale, dicendum quod falsum est: ista enim non est causa, sed magis illa quæ prædicta est.

4. Quod obiicitur: Si sunt plura æua, aut simul, aut non simul, dicendum quod simul. Quod ergo obiicitur: ergo in eodem nunc: dicendum quod esse simul in duratione est dupliciter: aut per mensuræ concomitantiam, aut per mensuræ vnitatem, & indifferentiam. Cum au-

tem dicitur Deus, homo, & Angelus esse simul, dicendum quod hoc dicitur per mensuræ concomitantiam. Cum autem dicitur: Petrus & Paulus simul sunt, vel currunt, hoc potest dici per mensuræ vnitatem, & indifferentiam: & ideo non sequitur quod si æua æuiternorum sunt simul quod sint vnum.

QVÆSTIO III.

An spiritualia habeant permanentem, vel successiuam mensuram.

S. Thom. 1. 2. q. 10. art. 5.

Et 2. Sent. dist. 2. q. 1. art. 1.

Scotus 2. Sent. dist. 2. q. 1.

Agid. Rom. 2. Sent. dist. 2. q. 2. art. 3.

Richardus 2. Sent. dist. 2. q. 3.

Henricus Quod. 5. q. 13.

Ioan. Baer. 2. Sent. dist. 2. q. 2. art. 2. 4. & 5.

Durandus 2. Sent. dist. 2. q. 3.

Thom. Arg. 2. Sent. dist. 2. q. 1. art. 3.

Steph. Brulef. 2. Sent. dist. 2. q. 3.

Gabr. Biel. 2. Sent. dist. 2. q. 1. art. 1.

VTRUM spiritualia habeant mensuram permanentem, aut successiuam. Et quod permanentem carentem priori & posteriori, videtur primo auctoritate, deinde ratione. Et auctoritate sic: Immortalitas Angelorum non transit in tempore, nec est præterita, quasi iam non sit: nec futura, quasi nondum sit: ergo tota est præsens: ergo permanens non succedens.

2. **I**TEM: Si præsens tempus staret, & non transiret in præteritum, esset æternitas: sed non propter hoc esset æternitas increata: ergo esset æternitas creata: & hoc est æuum: ergo æuum habet nunc non transiens: ergo, &c.

3. **I**TEM Philosophus. In perpetuis non differt esse, & posse: ergo potentia est in toto suo actu: ergo nihil expectatur: ergo totum simul: ergo nulla est ibi successio, vel prioritas, & posterioritas.

4. **I**TEM ratione: Prioritas debet respondere substantiæ: ergo substantiæ simplicis mensura debet esse simplex: sed substantia spiritualis est simplex: ergo & eius mensura, sed eius mensura est æuum: ergo simplex est: ergo non habet prius, & posterius.

5. **I**TEM: Omne successiuum reducitur ad permanens: ergo prius, & posterius successiuum ad prius, & posterius permanens: sed prius & posterius permanens est in sola magnitudine: ergo quod caret priori & posteriori permanente, caret & successiuo: sed talis est Angelus: ergo, &c.

6. **I**TEM: Vbi est prius & posterius, ibi necessario cadit aliquid nouum, quod de posteriori sit prius, & propter hoc lapsus in præteritum, & aliquid in vetus: sed in perpetuis non est aliqua mutatio, nec innouatio: ergo nec successio.

7. **I**TEM: Vbi est prius, ibi est aliqua expectatio respectu eius quod posterius est, & nondum habitum est: sed in beatis perfecte nulla cadit expectatio, quia euacuatur omnino fides, & spes, & habent omne quod habituri sunt: ergo nullo modo est ibi prius, & posterius.

CONTRA per Hieronymum ad Marcellam: Tantum Deus est, qui non nouit fuisse, vel futurum esse: omnis ergo creatura in sui esse habet præteritionem, siue fuisse, & fore: ergo habet in sui duratione successionem.

ITEM: Anselmus in Prosol. tractans illud verbum: Dominus regnabit in æternum, & ultra: dicit, quod hoc dictum est, non quia post æternitatem sit aliquid: sed quia Dei æternitas, quæ tota simul est, excedit æternitatem creaturæ, quæ non omnino est tota simul: ista est sententia: ergo idem quod prius.

ITEM ratione videtur: Vnitas Angelica deficit ab vnitatis diuina: ergo simplicitas æternitatis creatæ à simplicitate æternitatis increatæ: si ergo hoc verum est, habet ergo compositionem aliquo modo: sed compositio in duratione ponit prius & posterius: ergo, &c.

ITEM

Ad oppositum.

Aug. 12. de Civit. Dei, c. 15. 16. 17.

Aug. 11. de fess. c. 14.

Aristot. 3. Physic. com. 10. 32.

Aristot. 3. Physic. com. 10. 10.

Fundamēta

Prosol. c. 18. & Monita c. 18. 19. 3. Psal. 9. d

ane ratio-
em quærit
firmare
c. q. a. hu-
us dist.

ITEM hoc ipsum videtur, quia mensura durationis angelicæ non est ipse angelus, immo differt ab angelo sicut mensura à mensurato: sed mensura secundum veritatem est in genere quantitatis, & talis est diuisibilis: ergo habens partes: ergo, &c. Si tu dicas, quod est quantitatis principium sicut punctus. Contra: Punctus non habet complete rationem mensuræ, sed est principium mensuræ: æuum autem vere & proprie est mensura: ergo non potest esse sicut principium.

ITEM: Angeli duratio est infinita: si ergo est tota simul, & in actu: ergo aliquod creatum est infinitum actu: sed hoc est impossibile: ergo, &c.

ITEM: In eo quod habet totum esse simul, idem est fuisse, & esse, & futurum esse: sed quod fuit, impossibile est cogitari non fuisse, si intelligatur fuisse: ergo si æuiterno idem est fuisse, & fore: ergo impossibile est cogitari non fore: hoc autem falsum est, quia hoc est proprium solius Dei: ergo, &c.

ITEM: Si totum esse est præsens: ergo non differt esse, & fuisse: ergo quod nunc non est, nunquam fuit: & si fuit, est. Sed Deus non potest facere quod fuit non fuisse: ergo non potest facere æuiternum non esse: sed hoc manifeste falsum: ergo, &c.

ITEM: Si totum esse æuiterni simul est, & tota duratio sine priori, & posteriori: ergo non est ibi magis longum, & minus longum: ergo anima Petri nec prius nec diutius fuit in gloria, quam anima beati Francisci: sed hoc manifeste falsum est: ergo, &c.

CONCLUSIO.

Æuum est de natura successiuorum, licet alio pacto quam tempus: & prius, atque posterius in ipso reperitur, absque tamen inuolutione.

RESP. ad Arg. Dicendum quod circa hoc duplex fuit opinio. Quidam enim dixerunt, quod æuum est totum simplex, sicut & illud quod mensurat & esse substantiæ æuiterne, & eius duratio est tota simul non habens successionem prioris, & posterioris. Vnde dixerunt æuum non esse proprie quantitatem: sed in genere quantitatis solum esse per reductionem: vnde simplex est extensione: sed tamen est quantum virtute, & adeo quantum, quod sua virtute excedat omne esse temporale ad similitudinem æternitatis increatæ. Nā sicut anima simplex est quantum ad quantitatem molis, tamen propter suam virtutem, & simplicitatem est in qualibet parte sui corporis: sic in proposito intelligendum est. Sed, sicut in opponendo tactum est, si quis ponat æuum omnino simplex, ponet ex hoc non esse veram mensuram: ponet etiam durationem creatam actu infinitam: ponet etiam durationem creatam à Deo existentem, quod nec Deus destruere nec intellectus possit cogitare non esse: quæ omnia cum non sint intelligibilia, faciunt prædictā positionem nec esse rationabile, nec intelligibilem. Et ideo cum Sanctorū auctoritates aliud videantur sonare: est aliorū positio probabilior, & intelligibilior: quod in æuo est ponere prius, & posterius: & est ponere aliquā successionem, aliam tamen successionem quam in tempore. In tempore enim est successio cum variatione: & prius & posterius cum inueteratione, & renouatione. In æuo vero est prius & posterius, quod dicit durationis extensionem: quod tamen nullā dicit varietatem, nec inuolutionem. Et per hanc distinctionem omnia obiecta in contrarium facile est soluere, si quis eam intelligat. Quod si forte quærat, quo modo posset esse prius, & posterius sine nouitate circa esse, dicendum quod sicut videmus quod aliter egreditur fluuius à fonte, aliter radius à sole, sic in proposito videmus. Nam riuulus sic egreditur à fonte quod noua aqua semper exit, non eadem: radius à sole continue egreditur: non quia semper nouum aliquid emittatur, sed quia quod emissum est continuatur: vnde solis influentia non est aliud quam continuatio dati. Similiter in motu, & in esse rei mobilis aliqua proprietas habita amittitur, vel non habita ac-

quiritur: sed in esse rei æuiterne quod primo datum est per continuam Dei influentiam continuatur. Nulla enim creatura est omnino actus, nec aliqua eius virtus: vnde continue indiget diuina virtute cooperante. Ideo, etsi esse totum habeat, tamen continuationem esse non habet totam simul: & ideo est ibi successio sine aliqua inuolutione circa esse, vel proprietatem absolutam: tamen ibi est vera continuatio, respectu cuius creatura habet esse quodam modo in potentia, ac per hoc habet successionem. Deus igitur solus, qui est actus purus, est actu infinitus: & totum esse & posse sui esse simul habet. His visis, satis de facili soluuntur obiecta.

1. 2. Quid enim obiicitur de præterito, & futuro, & de transitu, dicendum breuiter quod intelligitur de istis, vt dicunt varietatem.

3. Quid obiicitur quod non differt esse, & posse, dicendum quod verum est de posse & esse quod non differt, id est quod non distat: motus enim, & tempus facit distare: in solo tamen æterno verum est quod potentia omnino sit actu, non in aliqua creatura.

4. Quid obiicitur quod substantiæ simplicis proprietas non potest esse composita, dicendum quod verum est, si illa proprietas habeat compositionem partium simul existentium: nūc non est sic: immo de æuo nunquā est nisi nunc, sicut & de tempore dicitur. Et ita bene potest esse in simplici, vt in cōposito: vnde tantā extensionē habet duratio vnius grani milij, sicut & vnius motus.

5. Quid obiicitur quod prius & posterius reducitur ad permanentem, dicendum quod verum est quod ad permanentem reducitur; sed non oportet quod ad prius & posterius permanentem. Empyreum enim durationem habet æuiternam, & æque simplex est, sicut duratio Angelij: ergo prius & posterius in partibus permanentibus non facit aliquid ad hoc.

6. Quid obiicitur de nouo & veteri, iam patet: quia nihil est ibi alterationis; est tamen ibi crementum durationis absque omni alteratione absolutæ proprietatis. Verum enim est dicere quod nunc diutius fuit anima Petri, quam quando in gloriam introuit; sed tamen non ita est circa Deum; non enim diutius durauit hodie, quam ante heri.

7. Quid obiicitur de expectatione, dicendum quod sicut est successio non per noui acquisitionē, sed per prius dati continuationem, ita etiam est expectatio non noui habendi, sed continuationis prius habiti; quod quia iam habent, & certi sunt se habituros, ideo potius dicitur tentio & cōprehensio, quā expectatio; & sic patet illud.

ARTICVLVS II.

CONSEQUENTER quæritur de mensura substantiæ spiritualis in comparatione ad mensuram rei corporalis. De qua tria quærentur. Primum est, vtrum æuū præcedat tempus aliquo prioritatis genere. Secundum, vtrum inter æuum & tempus cadat mensura mediæ naturæ. Tertiū, vtrum res corporales, & spirituales, siue æuiterne, & temporales fuerint simul productæ.

QVÆSTIO I.

An æuum præcedat aliquo modo tempus.

2. Thom. 1. p. q. 10. art. 4.

Et 2. Sentent. dist. 2. q. 1. art. 1.

Et Quod. 5. q. 4.

Ægid. Rom. 2. Sent. dist. 2. q. 1. art. 5. dub. 1.

Richardus 2. Sent. dist. 2. art. 2. q. 2.

Thom. Arg. 2. Sent. dist. 2. q. 1. art. 3.

QUOD æuum sit prius tempore ostenditur per illud Boetij loquentis ad Deum.

Qui tempus ab æuo

Ire iubet.

sed tempus ire ab æuo non potest intelligi, nisi vel ratione causalitatis, vel durationis, vel excellentiæ, quia deficit ab æuo; ergo videtur omni modo intelligendum quod æuum sit tempore prius.

Ad oppositum.
Lib. 3. de ci-
sol. Metro 9.
in princ.

l. exom-
i. acci-
cor. q. 2.
2. ibi:
spōdet.

2. **ITEM** omnis motus & mutatio ad immobile redu-
citur tanquam ad prius: ergo & mensura rei mobilis
ad mensuram rei immobilis: ergo & tempus ad ævum
tanquam ad prius. Prima consequentia manifeste est ve-
ra: quia omne fluxibile ad stans, tanquam ad prius redu-
citur. Secunda consequentia tenet secundum rationem
proportionis: quia sicut se habet mensuratum ad men-
suratum, sic mensura ad mensuram: ergo, &c.

ITEM: A priori & posteriori in magnitudine cau-
satur prius & posterius in motu: & a priori & poste-
riori in motu causatur prius & posterius in tempore: er-
go per naturam est prior magnitudo, & magnitudinis
esse, quam sit esse temporis: sed esse substantiale primi
corporis mensuratur ævo, motus vero tempore: ergo
ævum prius est tempore.

4. **ITEM**: Ævum fuit à principio creaturæ, sicut &
Angeli: sed tempus cœpit cum motu primi mobilis qui
incepit, ut dicitur, die quarto, vel saltem ante secundum
diem non incepit: ergo ævum duratione præcedit tēpus.

CONTRA: Beda dicit quod quatuor fuerunt primo
creata, & inter illa enumerat tempus: ævum autem
non numeratur inter primo creata, & fuit creatum: er-
go posterius.

ITEM: Richardus de sancto Victore dicit, & accepit
ab Augustino quod omne quod cœpit, cœpit ex tem-
pore: sed ævum cœpit, ergo cœpit ex tempore: sed quod
incipit ex tempore, non antecedit tempus, sed potius
consequitur vel concomitatur: ergo ævum non potest
esse ante tempus.

ITEM: Tempus est mensura mutationis: sed ævum
est mensura esse stabilis, & fixi: ergo cum ante esse crea-
tum præcedat ipsa creatio, quæ est mutatio: ergo tem-
pus est ante ævum.

ITEM: Prius est quod imperfectum est, deinde quod
perfectum: sed tempus est mensura secundum esse im-
perfectum quod est esse in potentia: ævum vero se-
cundum esse actuale, & completum: ergo tempus per
naturam est ante ævum. Quæritur igitur de ordine tem-
poris ad ævum, & è conuerso.

CONCLUSIO.

*Ævum secundum propriissimam rationem temporis, præ-
cedit ipsum tempus duratione, & dignitate: licet proprie
considerando tempus, simul duratione existat cum tem-
pore, & dignitate præexcellat.*

RESP. Ad arg. Dicendum quod tempus accipi con-
suevit quadrupliciter in Scripturis sanctorum, scilicet
communissime, communiter, proprie, & magis proprie.
Communissime tempus dicit mensuram cuiuslibet du-
rationis creatæ per quem modum accipitur à Beda cum
dicit quod quatuor fuerunt primo creata, inter quæ enu-
merat tempus. Communiter: sic dicit mensuram muta-
tionis cuiuscunq; siue illius, quæ est de non esse in esse,
siue alterius quæ est de vno esse in aliud esse, & sic ac-
cipitur illud quod dicit Richardus, quod omne quod cœ-
pit, ex tēpore cœpit, & habetur in Glos. in principio
Genesis: In principio creavit Deus cœlū, & terrā, scil. tē-
poris. Tertio modo accipitur proprie: & sic dicit mēsu-
ram variationis successivæ, siue sit successiva successio-
ne regulari & continua, siue non, & sic dicit Augustinus ad
Orosium: Affectiones variz Angelorum mensurantur
tempore, & omnis variatio rerum. Quarto modo accipi-
tur magis proprie, & sic dicitur mensura motus, siue va-
riationis successivæ, & continuæ, & regulatæ secundum
regulam motus octavæ sphaeræ: & sic consuevit accipi
à Philosopho: sed ista est coarctata temporis acceptio.
Cum ergo quæritur de ordine, dicendum quod si tem-
pus accipitur primo modo, sic includit ævum: & sic tē-
poris ad ævum nullus est ordo: si autem secundo modo,
sic tempus præcedit ævum secundum rationem intelli-
gendi, sicut creatio esse creatum. Si autem tertio modo,
ævum & tempus simul sunt duratione: sed ævum prius

est dignitate. Si autem quarto modo, sic ævum præ-
cedit tempus & duratione & dignitate. Ex his patet
quæstio principalis, & obiectiones adductæ pro magna
parte.

Quod enim obiicitur quod ævum præcedit tempus,
intelligitur vel tertio modo, & ita præcedit dignitate:
vel quarto modo, & ita duratione.

Quod tamen obiicitur quod præcedat causalitate,
dicendum quod illud non oportet: neutra enim harum
mensurarum est ab alia: sed à Deo producente utrum-
que indivisibile, scilicet nunc ævi, & nunc temporis.
Vnde quod dicitur quod tempus exit ab ævo, hoc dicitur
quia deficit ab illo, & defluit continua deperditione:
sed in ævo est fixio sine deperditione, & novi acquisi-
tione.

Quod obiicitur de reductione ad immobile, dicen-
dum quod verum est à parte motoris: & illud non
oportet esse creatum: & similiter mensuram non oportet
esse creatam: & ideo non oportet tempus reduci ad
ævum sicut ad prius.

Ad illud quod obiicitur de priori, & posteriori ma-
gnitudinis & motus & temporis, dicendum quod non
causatur à priori & posteriori in magnitudine, prius, &
posterius in motu, vel tempore, nisi secundum quod
magnitudo illa est mobilis: & sic habet mensurari per
nunc temporis non ævi nam sicut tempus mensurat
motum, sic nunc temporis mensurat ipsum mobile in-
quantum mobile.

Quod ultimo obiicitur, patet quod procedit in quar-
ta acceptione temporis.

RATIONES vero ad oppositum procedunt tem-
pore secundum primam acceptionem, vel secundam, si-
cut patet aspicienti, excepta ultima quæ accipitur in cō-
paratione imperfecti ad perfectam. Ad quam respon-
dendum quod imperfectum præcedit perfectum: verum
est ubi sunt circa idem: sed circa diversa est econ-
verso: Et ideo potius potest argui ad oppositum per
illud medium.

QUÆSTIO II.

An inter tempus & ævum sit alia mensura media.

UTRUM inter tempus & ævum sit aliqua mensura
media. Et quod non, videtur primo per Philoso-
phum qui dividit substantias mēsuratas in lib. de causis
D sic: Quod inter substantiam cuius substantia, & actio est
in momento æternitatis, & substantiam cuius substan-
tia, & actio est in momento temporis, est substantia
media cuius substantia est in momento æternitatis, &
actio in momento temporis. Si ergo omnis substantia
creata ad aliquam istarum habet reduci, & ad has men-
surandas sufficiunt tempus & ævum: ergo, &c.

ITEM hoc ipsum videtur per Dionysium de div. no.
Ævi proprietas est esse sine alteratione, & secundum
totum metiri: temporis vero quod in alteratione est aliter
& aliter se habens media vero entium, quæ illinc
quidem ævo, illinc tempore participant. Ergo omnia
quæ sunt, vel totaliter ævo, vel totaliter tempore, vel
partim ævo, & partim tempore mensurantur: ergo non
est tertia mensura alia ab his.

ITEM: Omne creatum aut est stabile, & incorrupti-
bile, aut variabile, & corruptibile: sed primum mensura-
tur ævo, & secundum tempore: ergo nihil est medium
inter ævum, & tempus.

ITEM: Esse omnis creati aut est terminabile, aut inter-
minabile. Si est terminabile: sic mensuratur tēpore: quod
est principium corruptionis, quia facit distare quod est.
Si vero interminabile, sic ævo: ergo non videtur quod
sit aliquod tertium mensurans præter hæc duo.

CONTRA: Ante quartam diem non erat tempus, quia
dicitur in factione luminarium: Erunt in signa, & tem-
pora, & dies, & annos, & constat quod non solum erat
ævum, cum essent aliqua corporalia, ut herbe, & arbu-
sta: ergo erat alia mensura: ergo, &c.

*Solut. ad
Arg. pro
fundam.*

*Fundamēta.
Auct. lib.
de causis
prop. 31.*

*Dionys. de
div. nomina-
post medium
cap. 10.*

*Ad opposi-
tum.*

ITEM

ITEM: Post diem iudicii non erit tempus, secundum quod iuravit Angelus in Apoc. & erit successio, & variatio in tormentis, quæ non poterit æuo mensurari: ergo necesse est mensuram tertiam ab his ponere.

ITEM in affectionibus Angelorum est intensio, & variatio, & ipsi sunt supra tempus, sicut dicitur in lib. de causis: ergo mensura illa affectionum est supra tempus: sed non potest esse æuum, cum in æuo non cadat variatio: ergo oportet quod sit in alia mensura.

ITEM Angelus cum conuertitur ad Deum, elenatur supra tempus: ergo & illa conuersio, & illud quod in illa conuersione accipitur, supra tempus est, & mensura supra tempus debet mensurari: sed Angelus ibi aliquid cognoscit quod potest desinere cogitare: saltem ergo illud non potest mensurari æuo quod est mensura rei interminabilis, nec tempore: ergo, &c.

CONCLUSIO.

Si tempus capiatur proprie, inter æuum, & tempus datur aliquo modo medium, secundum rationem tantum differens ab extremis: si autem capiatur propriissime, aliquo modo datur medium re differens, quod quidem dicitur sæculum.

RESP. AD ARG. Dicendum quod secundum quod tempus diuiditur contra æuum, in duabus scilicet acceptionibus ultimis prius positis, dupliciter potest accipi, aut scilicet prout dicit mensuram cuiuslibet durationis variæ, siue variationis successiuæ: & sic inter æuum, & tempus non est medium re, sed solum ratione: non, inquam, est medium differens ab utroque in genere mensuræ, sed medium in genere mensuratorum participans utrumque: ut est illa substantia, quæ est in confinio æternitatis, & temporis: & sic procedunt omnes rationes ad primam partem, ut patet aspicienti de facili. Aliter vero accipitur tempus prout est mensura variationis, in qua est successio habens continuationem, & regulationem à motu orbis primi: & hæc mensura habet finem, & desinet esse: & inter hanc & æuum est ponere mediā mensurā, in qua est variatio, nec oportet quod sit desitio, vel primi motus regulatio, cuius modi fuit in triduo conditionis rerum, & qualis erit in inferno post diem extremum. Et hæc ab antiquis Doctoribus appellata est sæculum: & hoc concludunt rationes ad oppositum: & sic patet totum.

QVÆSTIO III.

An spirituales & corporales substantia simul creata sint.

*Alex. Alensis 2. p. q. 19. Memb. 1.
S. Thom. 1. p. q. 61. art. 2. & 3.
Et de Pot. q. 3. art. 18. & 19.
Egid. Rom. 2. Sent. dist. 2. q. 1. art. 10.
Gregor. Arim. 2. Sent. dist. 2. q. 1.
Richard. 2. Sent. dist. 2. art. 2. q. 3.
Steph. Brutus 2. Sent. dist. 2. q. 6.*

UTRUM spirituales substantiæ, & corporales sint simul creatæ. Et videtur quod sic. In Genesi: In principio creauit Deus, &c. Glossa: id est corporalem, & spiritualement naturam.

ITEM: Duo inuenio quæ fecisti carentia temporibus: vnum quod tua immutabilitate perfruitur: alterum quod ita informe erat, ut ex forma, in quam formam mutaretur, non haberet.

ITEM ratione videtur. Constat quod Angeli non sunt creati sine loco, quia tunc vnus non haberet ordinem ad alium secundum existentiam: oportuit ergo quod fieret empyreum: & iterum illius concavitas non potuerat esse vacua: ergo, &c.

ITEM distinctio dierum attenditur secundum distinctionem rerum corporalium: ergo productio ex nihilo præcedit omnem diem: ergo cum materia rerum corporalium sit ex nihilo producta, sicut & natura angelica, quemadmodum natura angelica est ante tempus, simili-

ter videtur quod materia: & si hoc: ergo in principio durationis: ergo simul.

1. CONTRA: Prior omnium creata est sapientia: constat quod loquitur de sapientia non diuina, sed quæ est creata: hæc autem est Angelus ut dicit Glossa. Si tu dicas quod prius est dignitate: obicitur per Hilar. 12. de Trin. Quid magnum, ut ante omnem creaturam Deus Dominum nostrum Iesum Christum genuerit, cum & Angelorum origo elementi creatione reperitur antiquior?

2. ITEM hoc videtur ratione quam facit Isidorus. In rerum conditione primaria conditus est locus pœnarum: sed Deus non præparauit pœnam innocenti: ergo diabolus peccauit ante productionem rerum.

3. ITEM videtur quod non simul potuerunt, quia nullius virtus maior est infinita: sed ad productionem vnius creaturæ necesse est virtutem infinitam exponi: ergo si ad hunc effectum requiritur virtus infinita, & infinito nihil plus potest: ergo virtus illa non potest pro tempore illo alterum effectum producere.

4. ITEM: Simplex ad quod se conuertit, totaliter se conuertit: ergo si diuina virtus est simplicissima: cum se conuertit ad aliquem effectum producendum, impossibile est quod ad aliud se conuertat: & ita quod alia producat: ergo impossibile est quod simul plura producat.

5. ITEM: quæritur quare tantum ista quatuor dicuntur prima esse creata.

CONCLUSIO.

Quatuor primo fuerunt simul creata: Angelus, cælum empyreum, materia prima, & tempus, quantum ad mensurarum concomitantiam.

RESP. ad ARG. Ad prædictorum intelligentiam notandum quod sicut extrahitur à Glossa, quatuor fuerunt primo creata, scilicet cælum empyreum, angelica natura, materia prima, & tempus. Huius autem ratio duplex potest assignari: vna quia in principio debuerunt prima in omni genere creari, scilicet in rebus, & mensuris, & rebus corporalibus, & spiritualibus, & in corporalibus actiuis, & passiuis. Quoniam igitur prima inter substantias spirituales est Angelus, prima inter substantias corporales actiuas est empyreum, & prima inter passiuas est materia elementorum, & prima inter mensuras est tempus, quia non tantum dicit mensuram durationis, sed etiam egressionis, & ideo hæc quatuor dicuntur primo creata. Alia ratio potest reddi quod substantia spiritualis angelica primum debuit fieri tanquam caput, & minus dependens, & cum facta fuit simul, habuit distinctionem & ordinem: sed ordinem existentie non habuit nisi in aliquo continente: ergo simul factum est cælum empyreum supremum corpus: & ideo capacissimum. Rursus: Cum non posset esse vacuum, necesse fuit fieri materiam corporalem, siue molem: & quia omnis productio est in aliqua mensura, hæc tria de necessitate consequitur tempus. Concedendum igitur quod quatuor sunt primo creata, & quod angelica natura & corporea simul sunt creatæ quantum ad mensurarum concomitantiam, quia simul cœpit duratio materiæ & intelligentiæ, sicut probatum est.

1. 2. QVOD obicitur quod prior omnium, &c. Dicendum quod sicut dicit Augustinus in fine 12. confess. Prius dicitur quatuor modis, scilicet æternitate, tempore, electione, origine. Æternitate Deus præcedit omnia, tempore flos fructum, electione fructus florem, origine sonus cætum. Prioritate ergo durationis, nec corporalis natura ante angelicam, nec è conuerso: prioritate autem electionis, siue dignitatis prior omnium creata est sapientia. Ad auctoritates Hilarij & Isidori, dicendum quod ipsi loquuntur secundum illam positionem quæ posuit creationem tempore præcedere distinctionem. Vnde in principio temporis Angelus, & materia sūt creatæ: sed res non fuerunt distinctæ vsque ad tertiū diem. Vel potest dici quod Hilarius loquitur secundum opinionem aliorum, & Isidorus de prioritate secundum præuisionem.

Ad oppositum.
Eccles. 1. 6

Prius quod modis dicatur.

3. Quid obicitur quod Deus totam potentiam exponit ad productionem vnius rei, dicendum quod quamvis totam exponat, non tamen totaliter exponit. Virtus enim diuina non tantum dicitur infinita, quia possit de non ente facere ens, sed etiam quia non potest tot, quin possit plura: unde nunquam tot simul producit, quin adhuc possit plura, unde potest, quantum est de se, infinitum intensioe & extensione: & ideo non valet illud.

4. Quid obicitur de simplici: illud habet locum cum illo simplici, in quo simul est simplicitas, & finitas: sed de illo quod simplex est, & infinitum simul & semel, veritatem non habet. Illud enim etsi ratione simplicitatis totum se conuertat ad id ad quod se conuertit, tamen ratione immensitatis nunquam se totaliter ad effectum producendum conuertit.

DISTINCT. II. PARS II.

Vbi Angeli fuerint creati.

Huius Partis Textum supra videre est.

Iam est ostensum, &c.

Expositio Textus.

SUPRA ostendit magister quando Angeli fuerint creati: in hac parte ostendit vbi fuerint creati, quia scilicet in celo empyreo. Et diuiditur pars ista in tres partes. In prima determinat vbi creati fuerint. In secunda vero repetit quando creati fuerint, ibi: *Simul ergo visibilibus, &c.* In tertia vero remouet dubitationem, ibi: *Hic queri solet si in celo empyreo, &c.* Et sic circa duo versatur intentio partis presentis, scilicet circa loci angelici quidditatem, & quantum ad actum locandi, officium quod dicitur habere celum empyreum respectu Angelorum.

Cum me laudarent astra matutina. Dub. I.

Dicit hoc de Angelis intelligi. Sed contra hoc est quod dicit Damascenus. Tradunt sibi consilia sermone sine voce prolato: si ergo Angeli non loquuntur: ergo non laudant. **ITEM:** Angeli sunt substantie spirituales: ergo non habent organa corporalia: ergo nec vocem possunt formare. **ITEM:** Vox formatur ex percussione, & fractione aeris: si ergo in empyreo non est aer, ergo non videtur quod possit ibi esse vox, nec sonus: ergo nec laus, non solum ab Angelis, verum etiam nec ab hominibus beatis. Si dicas quod intelligitur de laude mentali, non vocali, in contrarium sunt reuelationes sanctorum, qui audierunt multas animas. Maximum exemplum est in beato Martino, quem audiuit quidam vir sanctus cum laudibus ferri in celum. In contrarium est etiam auctoritas Isaiæ: Clamant alter ad alterum, &c. Et in Apocalypsi: Requiem non habebant. **ITEM:** Ratio videtur illud persuadere quod ibi erunt organa vocum: quia in hoc maxima est iucunditas, & in hoc manifestatur diuina gloria: ergo videtur quod laus vocalis erit in patria.

RESP. Dicendum quod super hoc non habetur certitudo nec per auctoritates, nec per cogentes rationes. Cum enim utraque pars sit probabilis, utraque tenetur à diuersis. Quidam namque dicunt quod in celo empyreo non erit nisi laus mentalis tam ab Angelis, quam ab hominibus beatis. Tum quia non competit loco, tum quia non competit locatis, maxime Angelis: & si Angeli sunt monstrati laudare vocaliter, hoc fuit per visionem imaginatiuam, non corporalem: nec oportet huiusmodi corporalem laudem esse, quia tanta erit mentalis quod hæc locum non habebit. Aliis magis placet quod laus vocalis erit in patria quantum ad homines qui habebunt organa, ut sic non solum animus laudet Deum, verum etiam & lingua: & totus homo feratur in laudem diuinam.

Et si queratur quo modo hoc possit esse, dicunt quod vel illa vocis formatio non erit per spirationem, & respirationem, sed per aerem, qui quasi naturaliter erit beatis complantatus, sicut patet in quibusdam animalibus, ut in apibus: vel certe ita deseruiet empyreum glorificatis, sicut aer corporibus non glorificatis. De Angelis vero dicunt quod quia incorporei sunt per naturam propriam, non competit eis nisi laus mentalis. Unde Gregorius: Laus Angelorum est in ipsa admiratione contemplationis. Sed quia Angeli dum ministrant nobis, corpora assumunt ad nostrum solatium, & in illis loquuntur, & voces formant ad nostram instructionem aliquando: ita etiam in illis vocaliter Deum laudant ad nostram consolationem. Quæcunque pars teneatur, satis plana est solutio obiectorum. Et quæcunque istarum positionum teneatur, planum est quod textus Iob intelligitur de Angelis bonis, qui dicuntur astra propter fulgorem matutinae cognitionis quam habent in verbo: & de laude mentali, quantum ad exultationem quam habent de Deo.

Ascendam in celum. Dub. II.

Cum lucifer esset in empyreo, videtur quod ultra empyreum sit aliud celum. Si tu dicas quod non est aliud celum corporale, sed spirituale. **CONTRA:** Extra ultimum celum corporale nihil est, quia est continentia visibilibus & inuisibilibus: ergo videtur quod non sit aliud celum spirituale ultra empyreum, quin etiam sit aliud corporale. **ITEM:** Christus sedet à dextris Dei, & beata virgo est exaltata super omnes choros Angelorum: & tam Christus quam beata Virgo est in celo corporali: ergo si Angeli sunt in empyreo, videtur quod ultra empyreum sit aliud celum corporale: ergo non intelligitur de spirituali. Queritur igitur si ultra empyreum est celum spirituale, quid sit, quid contineat, & pro quanto dicatur celum.

RESP. Dicendum quod celum est nomen impositum corpori secundum suam impositionem: & corpus quod est sursum, dicitur celum, quia est contentium, secretum, & quietum: & quia hæc triplex proprietas reperitur in celsitudine diuinitatis, ideo dicitur celum. Est enim ampla immensitate virtutis, secreta profunditate cognitionis, quæta tranquillitate delectationis. Hoc enim celum est ad quod lucifer ascendere voluit, quia ad hæc celsitudinem: hoc est superius omni celo, non sita, sed dignitate: & maius est omni celo, non extensione, sed ex sua immensitate, per quam est extra omnia non exclusus, sicut dictum est in 1. lib. In hoc autem celo sunt solum tres personæ, scilicet Pater, & Filius & Spiritus sanctus, qui soli sunt omnino, & perfecte æquales, omnia autem creata, siue corporalia, siue spiritualia intra empyreum sunt. Quod obicitur de Christo quod sedet à dextris, dicendum quod hoc si dicitur secundum diuinam naturam, dicitur per omnimodam æqualitatem. Si autem secundum humanam, sic dicitur sedet à dextris, quia in posterioribus bonis Patris, unde in empyreo ceteros excellit tam Angelos, quam homines, & loco, & dignitate. Post ipsum credimus beatam Virginem super omnes alios: deinde ceteri ordinantur secundum dignitatem ipsorum. Huius autem imaginatio facilius potest haberi, si quis imaginetur aues in aere, & pisces in aqua: sic in empyreo intelligenda sunt collocari corpora, quia corpus illud multum habet de altitudine, sicut & alij celi. Unde non debet quis imaginari quod ibi sint beati sicut in solatio, nec tamen intelligendum est quod unus sit directe super caput alterius: sed sicut si esset mons rotundus, & aliquis esset in culmine, & aliqui circa: sic potest aliquis imaginari, qui melius nescit, dispositione beatorum in celo empyreo, & Christi. Vix tamen potest aliquis imaginari quod perueniat ad cogitandam dispositionem per eum modum per quem est, & ideo magis est desideranda, quam in imagine describenda. Nota tamen quod in dispositione celorum siue numero videtur contradicere doctores sacre Scripturæ Philosophis. Nam Philosophi sphaeras octo esse dicunt,

Greg. 1.
Metaphis.
c. 4.

Arist. 10.

cunt,

cunt, doctores aliqui 12. ponunt, aliqui octo, aliqui 7. cœlos, & ideo sibi ipsis videntur contrariari. Ratio autem huius contrarietatis hæc est, quia Philosophi nihil de empyreo sunt locuti, nihil etiam de igne, & aëre quando loquuntur de cœlis. Scriptura sacra aërem etiam cœlum appellat, & aquas supra cœlum & ipsum empyreum & ipsum Deum. Ratio autem diuersitatis inter doctores ex hoc euenit quod quidam numerant cœlum spirituale cum corporalibus, vt Beda. Quidam vero omit- tant vltimum. Quidam diuidunt firmamentum in duos, scilicet in cœlum sidereum, & planetarum, quidam coniungunt simul. Similiter quidam diuidunt aërem in duos, quidam coniungunt: similiter de igneo, tamen secundum maiorem computationem, nouem ponuntur cœli largissime accipiendo, scilicet aërem, æthereum, igneum, olympicum, cœlum planetarum, firmamen- tum, aqueum, empyreum, & cœlum Trinitatis. Horum autem sufficientia patebit infra.

ARTICVLVS I.

AD intelligentiam huius partis quæ est de loco creationis Angelorum, cuiusmodi est empyreum cœlum, circa duo incidit dubitatio. Prima circa naturam empyrei in se. Secunda in quantum habet locare spiri- tus sublimes. Circa primum quærentur duo. Primum est quantum ad quidditatem naturæ. Secundum quantum ad virtutem influentiæ.

QVÆSTIO I.

An cœlum empyreum sit, & cuiusmodi natura sit.

*Alexander Alensis 2. p. q. 47. Membr. 1.
S. Thom. 1. p. q. 66. art. 3.
Et 2. Sent. dist. 2. q. 1. art. 5.
Albertus de 4. Coenit. q. 4. art. 13.
Egid. Rom. 2. Sent. dist. 2. q. 1. art. 1.
Durandus 2. Sent. dist. 1. q. 1.
Richardus 2. Sent. dist. 2. art. 3. q. 2.
Sseph. Brulef. 2. Sent. dist. 2. q. 7.*

DE cœlo empyreo quantum ad quidditatem natu- ræ, quæritur, vtrum cœlum empyreum sit: & si sit, cuiusmodi naturæ sit. Et quod sit, videtur. In quolibet genere mobile præsupponit immobile, quia omne flu- xibile ad fixum terminatur: sed corpus cœli syderei, est mobile: ergo supra illud de necessitate est ponere vlti- rius corpus quod sit immobile, hoc autem dico empy- reum. Si tu dicas quod non requiritur, quia motus cir- cularis est circa locum, & non requirit immobilitatem nisi à parte medij. **CONTRA**: Totum cœlum mouetur. Tunc quæro de vltima superficie cœli vtrum mouea- tur: constat quod sic: sed omne mobile est in loco, quia non quæreretur motus nisi esset locus: ergo, &c.

ITEM: In quolibet genere multiforme præsupponit vni- forme, sicut multa præsupponunt vnum: sed cœ- lum sydereum est multiforme: ergo vltra illud & su- pra, est corpus vniforme, hoc autem dicimus empy- reum: ergo, &c.

ITEM: In quolibet genere in quo est ponere infimum & medium, est ponere supremum: sed gradus in corpo- ribus attenditur secundum gradus perspicui, & lucis. Sed inuenitur corpus opacum simpliciter & secundum totum, vt terra: ergo si complementum est in corpo- ribus, debet esse corpus simpliciter, & secundum to- tum luminosum, hoc dico empyreum: ergo, &c.

ITEM: Habitatio habitatori debet respondere: er- go cum aliquis locus tenebrosus damnatis debeat: ergo per oppositum videtur quod lucidus debeat beatis.

1. CONTRA: Quod non conueniat vniuerso quod illud sit corpus vniforme, videtur, quia corpora mundi principalia creata sunt ordinata, & ornata: ergo cum ornatus consistat in maiori distinctione, & pulchri- tudinis additione, impossibile est corpus illud esse vniforme.

2. ITEM: Lux se diffundit secundum omnem differen- tiam positionis, ergo sursum, & deorsum: sed lux solis maxime est diffusionis inter corpora mundi: ergo sur- sum se diffundit cum nō habeat obstaculum: ergo cum non se habeat semper vniiformiter, modo illuminat vnam partem empyrei, modo aliam: ergo corpus illud non est vniiforme in luminositate, vt videtur.

3. ITEM quod non conueniat esse aliquod cœlum im- mobile, videtur, quia omne cœlū necessario est sphericum figuræ, sicut probat Philosophus, & rei veritas est: sed sphericæ figura apta est omnino motui: ergo omne cœ- lum, eo ipso quod cœlum, est mobile: ergo, &c.

4. ITEM quod propinquius est motori, citius & ve- locius mouetur: sed corpus supremum est tale: ergo non solum moueri, sed etiam velocissime moueri competit sibi.

5. ITEM hoc nobilitatis est in cœlo, vt moueatur, vnde orbis primus, sc. cœli stellati mouetur velocius, & ratio huius est, vt affimiletur suo motori. Sed quanto aliquod corpus superius tanto nobilius, & motori si- milius, & tanto mobilius: ergo si empyreum est vltra firmamentum: ergo non est immobile.

CONCLUSIO.

Cœlum empyreum ponendum est: est autem vniiforme im- mobile, & perfecte luminosum.

RESP. AD ARG. Dicendum quod quamvis sancti pa- rum loquuntur de hoc cœlo, quia latet nostros sensus, & Philosophi adhuc minus: tamen ponere est cœlum em- pyreum, sicut dicit sacra Scriptura: In principio creauit Deus cœlum & terram. Strabus exponit de empyreo, & hoc probat per litteram sequentem, quia firmamentum & cœlum aqueum facta sunt secundo die. Et Damasce- nus hoc exponit: In principio creauit Deus cœlū, id est, sine stellis sphericæ formæ. Ponendum est etiam illud cœlum, quia persuadet ratio finis triplex. Vna est perfe- ctio vniuersi, alia est propter motum firmamenti, tertia principalis propter habitationē hominis beati. Et quo- niam finis imponit necessitatem his quæ sunt ad finem propter perfectionē vniuersi, necesse est ipsum esse vni- forme. Quia cum sit cœlum luminosum difforme, si non esse cœlum vniiforme, non esset vniuersum completum. Propter motum firmamenti ponendum est ipsum im- mobile, vt motus mobilis fiat circa immobile, sc. cen- trum, & intra continens immobile, & locans, sc. empy- reum. Propter habitaculum hominis beati ponendum est ipsum luminositatis perfectæ, vt habitatio congruat suo habitatori. Ex his ergo colligitur quare sit factum, & cuius sit dispositionis inter alios cœlos, quia vni- forme, & immobile, & luminositatis perfectæ.

1. Quod obicitur quod non vniiforme, quia non or- natum, dicendum quod ipsa lux propter sui nobilitatem est sibi ornatus: quoniam ergo corpus illud est lumino- sum per totum, alio ornatu non indiget. Vel potest dici quod sicut illud cœlum decoratū est astris, ita illud An- gelis, qui sunt quasi astra cœli empyrei iuxta illud Iob: Cum me laudarent astra matutina. Et iterum: Astra eius erunt homines beati, & quasi sol eius erit Agnus Dei.

2. Quod obicitur quod sol diffundit lumen in ipsum empyreum, dicendum quod illius corporis non est reci- pere lumen maius ab inferioribus. Et ratio huius est li- mitatio virtutis à parte solis, quia nihil agit vltra termi- nū sibi à Deo constitutum. Vnde sicut ignis stat cū per- uenit ad horizontē, nec vltra progreditur: & terra cum peruenit ad centrum, ita solis radij non protenduntur extra firmamentū, quia lucerna est huius visibilis orbis. Alia ratio est, quia maior influentia absorbet minorem, & ideo tanta illius cœli est influentia, quod ad ipsum non peruenit minor, sicut candela non illuminat solem.

3. 4. Quod obicitur quod est mobile, quia sphericum, & motori propinquum, dicendum quod ad mo- tū non sufficit sphericæ figura, sed etiam necessarius est,

*Lib. 2. de
Celo & mō-
do, cōtra 5.*

*Habent in
Glossa ordi-
naria.
Damas. lib.
2. cap. 6.*

Job. 38. 4

vt dicunt aliqui, locus continens: & rationabile videtur. Necellarius est etiam absque dubio effectus, videlicet utilitas mobilis, vel alterius. Quoniam ergo cælum illud non est in alio, & quoniam est vniforme per totum, per sui motum nihil facere: & ideo est immobile. Similiter, quia est vniforme, non habet moueri, quia non habet dextrum, & sinistrum. Sed prima ratio de immobilitate non habet multam necessitatem, cum motus circularis secundum Philosophum non requirat locum in quo, sed circa quem. Secunda de utilitate non similiter, quia similiter posset dici de aqueo: eodem modo de tertia, quia dextrum & sinistrum sunt in cælo non ratione diuersitatis partium, sed ratione influentiæ motoris: & illud satis facilius probatur, quia dextrum, & sinistrum non mutantur, quamvis omnes partes cæli mutentur. Et ideo ratio quare non mouetur est, quia Deus non influit super ipsum ad motum sed ad quietem tantum: & sicut influentia Dei mouet firmamentum, sic quietat empyreum. Ratio autem huius est: quia locus ille est regio deputata his qui omni modo in statu sunt & quiete: & ita patet quod non magis appropinquat motori, vt est motor, sed vt est stabiliens. Ex hac ratione, scilicet quia est, vt sit locus beatorum accipitur triplex eius proprietas, scilicet immobilitas, vniformitas, & luminositas. Et hæc est ratio magis catholica, quia etiam motus cæli stellati non est nisi propter obsequium hominis viatoris: vnde numero electorum completo non erit amplius reuolutio. Rationes autem Philosophi, quæ assignantur de motu cæli, apud fideles plus habent vanitatis quam veritatis, si quis diligenter aspiciat.

5. Quid enim obicit de assimilatione responderi potest quod illa causa nulla est: sed impletio numeri electorum. Vel dicendum quod est assimilatio in essendo, & est assimilatio in causando. Verbum Philosophi non habet veritatem primo modo, quia Deus & motor cæli est immobilis: sed secundo modo per sui motum est causa generationis. Quia ergo empyreum non magis assimilaretur in causando si moueretur, & esset minus simile in essendo: ideo simpliciter dicendum est immobile, & sic patent omnia.

QVÆSTIO II.

An cælum empyreum influat in hæc inferiora.

S. Thom. 2. Sent. d. 2. q. 2. art. 3.

Et Quæst. 5. art. 19.

Egid. Rom. 2. Sent. dist. 2. q. 2. art. 4.

Richardus 2. Sent. dist. 2. art. 3. q. 3.

Duran. 2. Sent. dist. 2. q. 2.

Steph. Brulef. 2. Sent. dist. 2. q. 8.

De empyreo quantum ad virtutem influentiæ. Et quæritur vtrum empyreum influat in hæc inferiora, an non. Et quod sic, videtur. In quolibet creato quod est perfectum & completum, est substantia, virtus, operatio: ergo in ipso empyreo. Si ergo habet virtutem, aut operatur in id quod supra, vel in id quod iuxta, vel in id quod infra. Non in id quod supra, planum est: nec in id quod iuxta, quia ipsum est supra omnia corpora: ergo videtur quod per illam virtutem influit in id quod infra, aut virtus & substantia eius erit otiosa: quod est plane inconueniens.

ITEM: Omnia corpora propter humanum obsequium sunt facta: vnde sumus nos finis quodam modo omnium eorum quæ sunt: ergo si empyreum aliquid est, in aliquo seruit huiusmodi: sed hoc non faceret nisi aliquid in hæc inferiora influere: ergo, &c.

ITEM: Quanto aliquod corpus situ est superius, tanto inter corpora nobilior est: & quanto nobilior, tanto potentius & melius: & quanto potentius, & melius, tanto in agendo & influendo efficacius: si ergo cælum empyreum est supremum: ergo videtur quod sit maxime influens in hæc inferiora.

ITEM: Quanto lumen est maius, tanto magis se diffundit & multiplicat: si ergo empyreum inter corpora est luminosum maxime, ergo maxime diffusiuum: sed lu-

men illud non priuatur efficaci vegetandi, & conservandi, quemadmodum nec lumen firmamenti: ergo videtur quod empyreum in hæc inferiora magis sit influens.

1. CONTRA: Influentia cælestis corporis maxime consistit in diffusionem luminis, & caloris: sed empyreum non calefacit, quia non est in motu, nec ista corpora inferiora, sicut patet, irradiat: ergo videtur quod nulla sit influentia empyrei in hæc inferiora.

2. ITEM: Corpora quæ sunt infra firmamentum, sufficienter influunt ad vegetationem, & generationem in his inferioribus faciendam: ergo si natura nihil frustra facit, videtur quod alterius cæli influentia nulla sit, cum nullius sit opportunitatis.

3. ITEM: Influentia cæli debet esse conformis ei à quo est: debet etiam nihilominus esse conformis ei in quo recipitur: sed cælum empyreum est incorruptibile, vniforme, quietissimum, statui, & quieti gloriæ deputatum: hæc autem quæ infra sunt, habent omnino oppositas condiciones: ergo videtur quod nullo modo super corpora inferiora influere habeat.

4. ITEM: Si influit super corpora, aut ergo ad nobiliorem effectum quam sit influentia octauæ Ipharæ, aut ad minus nobiliorem, aut ad eundem effectum. Ad eundem non oportet. Ad minus nobilem non decet, cum illud corpus sit nobilius. Ad magis nobilem non potest: ergo nullo modo fluit. Probatio. Quod non possit in magis nobile, videtur. Nam, sicut Philosophi volunt & communiter tenent viri philosophici, influentia cæli est operans ad productionem animæ sensibilis: sed supra animam sensibilem non est nisi rationalis. Hæc autem nulli corpori est subiecta, immo est à creatione pura: ergo nullo modo potest eminentior esse influentia, quæ supra animam sensibilem: & supra hanc influit firmamentum sufficienter cum his qui sunt infra: ergo videtur quod nulla sit influentia empyrei existentis supra. Si tu dicas quod influit non ratione animæ in se, sed ratione dispositionis à parte corporis. CONTRA: Anima rationalis vnitur mediante vi sensitiva, & vegetatiua: & corpus disponitur ad susceptionem animæ mediante complexione æquali, & spiritu triplici, scilicet vitali, naturali, & animali: & ad hæc omnia influit hoc cælum sidereum sufficienter: ergo redit idem quod prius.

CONCLUSIO.

Cælum empyreum in corporibus inferioribus aliquam habet influentiam, cum maximum sit in virtute.

RESP. AD ARG. Dicendum quod circa hoc duplex fuit opinio. Quidam namque dixerunt quod cælum empyreum influit in hæc inferiora, & influentia nobilissima: cum enim sit corpus, necesse est influentiam suam, si qua est esse corporalem. Rursus: Cum sit excellentissimum inter corpora cælestia, influit super corpora nobilissima, & talia sunt corpora humana, quæ sunt ordinata ad nobilissimam formam, scilicet ad animam rationalem, quæ maiorem, & nobiliorem dispositionem exigit in sua materia. Cum igitur natura lucis disponat ad vitam, & triplex sit vita secundum triplicem differentiam animæ, differens gradu & dignitate, tres Deus condidit cælos ordinatos inter se gradu, & dignitate, non solum naturæ, sed etiam influentiæ: ita quod cælum sidereum de se ordinatur ad conciliationem elementorum, ad susceptionem vegetabilis: crystallinum ad susceptionem sensibilis: sed empyreum ad susceptionem rationalis. Et hoc quidem rationabile videtur, non solum ratione ordinis influentiæ, sed etiam ratione conformitatis naturæ. Cælum enim Emphyreum est locus spiritualium substantiarum, locus etiam corporum glorificatorum. Et quoniam conuenientia est loci ad locatum, vel manifesta, vel occulta, videtur influentia illius cæli esse consona corporibus nostris &

animabus

animabus amica non ratione sui, sed ratione suorum corporum quæ perficiunt, & informant. Alia vero opinio fuit circa hoc omnino isti contraria, quæ dixit, quod cœli Empyrei in hæc inferiora nulla est omnino influentia, quia non habent corpora influere nisi secundum ordinem Conditoris, habito respectu ad finem. Quoniam ergo Empyreum ad perfectionem vniuersi est conditum, ut sit locus beatorum: ideo regio, & lux est à nobis semota, & occulta, sicut & ipsa gloria, quam per gratiam expectamus, & amamus, & credimus, licet non videamus. Et ideo dicunt, quod Empyreum non est ad obsequium hominis in præfenti, sed ad obsequium perpetuum: nec melioratur, sed vniiformiter in sua dignitate subsistit. Et ideo rationes adductæ ad influentiam ostendendam in hæc inferiora secundum hos non valent, quia ordinatio illius corporis ad aliud officium secundum dictamen & imperium conditoris, huiusmodi influentiam non admittit, & hoc solum omnes rationes illas dissoluit. Quælibet harum opinionum satis est probabilis: quæ autem sit magis vera, non plane patet. Quis enim nouit, si Deus illi cœlo hanc occultam influentiam dedit super corpora nostra, tum ratione nobilitatis, tum ratione conformitatis, hoc non est, ut credo, facile reuellere, nec per violentiam auctoritatis, nec per efficaciam rationis. Rursus, quæ sit necessitas huius influentiæ, nec ratio, nec auctoritas manifestat, cum satis videatur sufficere aliorum inferiorum corporum influentia: ideo in neutram partem omnino declinando, dicendum videtur, quod cum cœlum Empyreum sit primum creatum inter corpora, quod est maximum mole & virtute. Quia est maximum mole, omnia corpora locat per ambitum, & continentiam. Quia maximum virtute, cætera vegetat, & conseruat per suam influentiam. Omittendo igitur istam influentiam, quam dicitur habere super humana corpora, sustineri potest quod aliquem effectum, & aliquam influentiam habeat super omnia corpora inferiora, tanquam primum creatum super sequentia, & rationes adductæ ad hoc sunt concedendæ.

1. 2. Quid ergo obiicitur de influentia luminis & caloris, dicendum quod influentia luminis potest esse dupliciter, vel manifesta, vel occulta. Manifesta influentia est per diaphanum corpus, maxime quando sensu percipitur. Occulta influentia est non solum per diaphanum corpus, sed etiam per opacum, sicut virtus stellarum est in mineralia quæ latent sub terra. Vel potest dici quod est influentia mediata, & immediata, & possibile est quod influentia cœli sideri vigoretur ex adiumento luminis superiorum cœlorum, & virtutem susceptam de superius deriuat, & transmittat ad hæc inferiora: & videtur nobis esse propria, cum tamen non sit propria, sed etiam aliena. Et per hoc patet aliud quod non est causa sufficiens virtus inferiorum cœlorum, nisi per adiumentum superiorum.

3. Quid obiicitur de conformitate, dicendum quod conformis est natura spiritus, qui disponit ad vitam, ipsi luci cœlesti quantum ad puritatem, & hac ratione nata est recipere: sed non oportet in omnibus consonare.

4. Quid obiicitur utrum ad nobiliorem effectum, dicendum secundum primam opinionem, quod ad nobiliorem effectum, quia ad generationem spirituum, qui sunt dispositio ad susceptionem animæ rationalis. Et si tu obiicias, quod non sunt alij, quam illi qui disponunt ad sensibilem, dicendum quod etsi non sint omnino alij secundum formam, tamen sunt puriores, & excellentioribus, & nobilioribus potentiis nati ministrare: secundum quam etiam rationem nobiliorem oportet esse complexionem, & organizationem tam humani corporis, quam brutalis. Potest tamen sustineri, quod ad eodem effectus influunt, nec tamen alterum eorum superfluit, quia virtus cœli inferioris, & influentia adiuuatur per virtutem superioris, & virtus superioris operatur mediante virtute, & influentia inferioris: ideo neutrum superfluit: sed ad hæc inferiora conseruanda, & perficienda virtus vtriusque concurrit.

ARTICVLVS II.

Consequenter circa secundum articulum quæritur quatuor. Primum est, utrum substantiæ spirituales sint in loco corporeo. Secundum est, utrum Angelus sit in pluribus locis simul, aut tantum in vno. Tertium est, utrum sit in loco punctali, an composito. Quartum est, utrum plures angeli possint esse in eodem loco primo.

QVÆSTIO I.

An Angeli sint in loco corporeo.

Alexander Alensis 2. p. q. 32. Membrum 1.

Scotus 2. Sent. dist. 2. q. 6.

Steph. Brulef. 2. Sent. dist. 2. q. 9.

Marsilius Inguen. 2. Sent. q. 2. art. 2.

UTRUM loci corporalis sit locare Angelos. Et quod sic videtur. Dicit Strabus: Statim ut factum est cœlum empyreum, repletum est Angelis.

ITEM per Damascen. Cœlum est continentia visibilium, & inuisibilium, loquitur de Empyreo: ergo, &c.

ITEM omne creatum est de vniuerso: ergo est intra primum continens, siue vltimum corpus: sed supremum corpus ambiens dicitur Empyreum: ergo omnis creatura continetur infra ipsum: ergo & Angelicus spiritus.

ITEM nulla substantia operatur nisi ubi est virtus eius: sed nulla virtus potest elongari à substantia nisi distantia proportionabili. Nam virtus infinita nullo modo elongatur: virtus finita non potest elongari nisi finite: ergo necesse est Angelum esse in loco ubi operatur, vel prope. Ergo cum operatur in loco corporali, ut patet in corpore quod mouet, ergo ibi est, vel in loco proximo est: ergo si locus maxime aptus contemplationi est Empyreum, videtur quod ibi sit.

ITEM: Spiritus maligni in eodem loco tormentorum habebunt collocari, in quo & homines damnati, sicut dicitur: Ite maledicti, &c. ergo ab oppositis, vel à simili in contrario angeli cum beatis hominibus in eodem loco corporali erunt: sed locus aptus hominibus beatis, est ille qui prædictus est, scilicet cœlum Empyreum, quod est supremum, quietum, clarum, vniiforme, & spatiosum: ergo, &c.

ITEM maior requiritur proportio perfectionis ad perfectibile, quam locati ad locum: sed videmus quod substantia spiritualis, adeo potest proportionari corporali, & è conuerso quod vna vnitur alteri ut perfectio, ut patet in homine: ergo multo fortius potest vna vniri alteri, ut locatum loco. Ergo cum cœlum Empyreum sit nobilissimum corporum simplicium, vel erit in Angelo, vel Angelus in eo: sed ipsum non est in Angelo: ergo è conuerso.

1. SED contra per Boëtium de hebdomadibus: Communis animi conceptio quæ omnibus videtur, est incorporeum in loco non esse.

2. ITEM Gregor. Locus animæ Deus est: sed non est spiritualior locus animæ quam Angeli: ergo si Deus est locus animæ, & angeli.

3. ITEM ratione videtur. Quia loci ad locatum est mutua indigentia, sicut patet: locatum enim indiget loco suo, ut terra centro: & locus etiam indiget locato, vnde refugit vacuitatem: & impossibile est quod locus sit sine locato, quin aliquid impleat indigentiam loci: sed cœlum empyreum non indiget angelis, nec aliquis locus, nec similiter angelus loco: quia omni corpore circumscripto, adhuc angelus remaneret, & secundum substantiam, & secundum operationem, quæ est contemplatio: ergo nullo modo est locus angeli.

4. ITEM locus habet influentiam, & potentiam super locatum: vnde superiora nobiliora locant minus nobilia: sicut patet ex hoc, quod aqua terram, aër aquam: & sic de aliis: sed corporale non habet influere in spirituale, nisi secundum ordinem iustitiæ, sicut in anima peccatrice vel spiritu: ergo spiritus non habet locum in corpore nisi per culpam.

Fundamēta. Glos ordin. Gen. 1. In principio creauit.

Dam. 2. de fide Orb. cap. 6.

Mat. 25. d.

Ad oppositum.

Physic. cont. Physic. cont. 14. & 4. celi, 18. & 34.

Aristot. 4. Physic. cont. 43. 79. & 4. celi cont. 75.

5. ITEM

Aug. 6. de
Trin. c. 10.
10m. 3. &
11. de Ci-
uit. 2. cap.
38. som. 5.

5. ITEM omne locatum habet pondus, & inclinatio-
nem ad locum: sed Augustinus dicit quod est ponendus
in corporibus, hoc est amor in spiritibus: sed inclinatio
amoris Angelici est ad bonum spirituale, non ad locum
corporalem: ergo non habent locari corporaliter, sed
solum spiritualiter.

CONCLUSIO.

*Cælum Empyreum locat Angelos quanquam sint spiritus,
cum limitata sint substantia, & illud ordo
vniuersi expostulet.*

RESP. AD ARG. Dicendum quod cælum empyreum
locat angelos, & est locus Angelorum, sicut probant
rationes ad primam partem. Ad intelligentiam autem
obiectionum, dicendum quod locus habet triplicem com-
parationem ad locatum. Comparatur enim primo in ra-
tione continentis: secundo in ratione mensurantis: tertio
in ratione conseruantis. Continet enim vt vas: mensurat
vt quantitas: conseruat vt natura. Secundum hanc tri-
plicem habitudinem sunt in loco substantiæ finitæ cor-
porales, & corruptibiles. Quia finitæ, & limitatæ: sunt in
loco continente. Quia corporales: in mensurante. Quia
corruptibiles: in loco conseruante. Secundum duas com-
parationes primas, quæ sunt continere, & mensurare,
sunt in loco substantiæ finitæ, & corporales, sed incor-
ruptibiles: secundum primam vero, quæ est continere,
sunt in loco substantiæ finitæ spirituales, & incorrupti-
biles, vt Angeli. Et hoc dico in loco corporali: nam An-
gelus habet locum spirituale, & conseruantem, sc. Dei
virtutem: locum mensurantem, siue circumscribentem
propriæ substantiæ, virtutis limitationem, siue clausio-
nem: locum vero continentem, non tantum spirituale,
sed etiam corporalem. Ratio autem quare Angeli conti-
neantur loco, siue aliquo ambiente est ordinatio partium
vniuersi. Si enim non haberent aliquid continens, non
esset eorum existentia ordinata adinuicem: quia ordinem
non haberent in creatione, eo quod creata sunt simul:
nec haberent ordinem vnius ad alterum: hoc autem
non decet vniuersum, nec summum opificem. Ratio an-
tem quare continentur loco corporali, duplex est. Vna
est limitatio ipsius spiritus creati. Cum enim spiritus
increatus, qui Deus est, habeat in se simplicitatem per
quam est intra omnia, & immensitate per quā continet
omnia, & est extra omnia, communicat illas condiciones
creaturæ eatenus, quatenus nata est recipere: vnde sim-
plicitatem communicat spiritui: sed spiritus non potuit
recipere virtutem continentis. Quia enim simplicitas eius
est finita, ideo est hic, & quia non habet partem & par-
tem, ideo secundum totum est hic & nunc: & ideo non
potest habere vniuersalem capacitatem rerum. Corpus
autem, quia compositum est, & habet partes innumera-
biles, non potuit participare simplicitatem, sed propter
partium extensionem potuit recipere capacitatem: ideo
Deus fecit vnum corpus nobilissimum, quod esset natū
omnia ambire: & extra quod omnino nihil esset, & hoc
est empyreum, & ideo necesse est Angelum esse intra
ipsum. Alia ratio est, quia in solo corpore est distinctio
secundum hic & ibi. Quia enim cæteræ creaturæ ordinē
habent in mundo, distinctionem, & positionem habent
secundum gradus perfectionum: & ita vna est hic, &
alia ibi: vna sursum, & alia deorsum: & quia in solo
corpore est potentialis distinctio secundum hic, & ibi:
ideo inter creaturas soli corpori debet dari vniuersalis
potentia locandi: & respectu visibilibus & inuisibilibus:
vt sic vniuersum esset vnum in omnibus suis partibus
ordinatum. Et sic patet ratio duplex, quare data est cor-
pori potentia locandi spiritum, & spiritum contineri à
corpore. Hoc enim exigebat ordo vniuersi: tum pro-
pter limitationem spiritus creati, tum quia in solo cor-
pore distinctio est secundum hic, & ibi. Concedendæ
sunt igitur rationes monstrantes, quod cæli empyrei
est locare Angelos.

1. Quod ergo obiicitur in contrarium, primo quod in-
corporeum non est in loco, dicendum quod intelligitur
de esse in loco, sicut mensuratum in mensura.

2. Quod obiicitur quod locus Angeli, & animæ Deus
est, dicendum quod intelligitur de loco cōseruante, non
de loco diffiniēte. Et iterū hoc non cogit: quod si Deus
est locus animæ, quod nihil creatum locet spiritum.

3. Quod obiicitur quod loci ad locatum est mutua in-
digentia, dicendum quod verum est de his quæ locantur
propter defectum sui: sed non est verum de his quæ lo-
cantur propter seruandum ordinem vniuersi. Vnde si
queratur, vtrum lapis possit esse extra cælum, dicendum
quod non: tum propter suam indigentiam, quia non
haberet locum conseruantem, tum quia non patitur
hoc ordo vniuersi, Sed de Angelo quod cælum non
exeat, non est ratio loci corporalis indigentia, sed cor-
poris vltimi vniuersalis continentia: secundum quod
vniuersum est perfectum & ordinatum.

4. 5. AD alias duas rationes patet responsio: quod
proceditur de esse in loco tanquam in conseruante: ra-
tione cuius ponitur influentia in locante, ponitur etiam
inclinatio in locato: iste autem modus essendi in loco
non conuenit Angelo.

QVÆSTIO II.

An Angelus simul & semel sit in pluribus locis.

Alexand. Alensis 2. p. q. 32. Membrum 2.
S. Thom. 1. p. q. 52. art. 2.
Et de Pot. q. 3. art. 19. ad 1.
Scotus 2. Sent. dist. 2. q. 7.
Egid. Rom. 1. Sent. dist. 37. p. 2. q. 2.
Richardus 1. Sent. dist. 37. art. 1. q. 1.
Gregor. Arim. 2. Sent. dist. 2. q. 3.
Thom. Arg. 1. Sent. dist. 37. q. 1. art. 1.
Durand. 1. Sent. dist. 37. q. 1.
Ioan. de Bassolis 2. Sent. dist. 1. q. 4. art. 3.
Gabriel Biel 2. Sent. dist. 2. q. 2.

VT RUM vnus Angelus simul & semel sit in pluri-
bus locis, an tantum in vno. Et quod in pluribus,
videtur. Primo per August. qui dicit quod Angelus ibi
est vbi vult, in lib. de Ciu. Dei: sed existens in cælo,
vult esse in terra: ergo existens in cælo, est in terra:
ergo simul est in pluribus locis.

2. ITEM: Damasc. dicit quod ibi est, vbi operatur: sed
Angelus vel est, vel potest esse motor cæli: & motor
operatur super totum mobile: ergo vnus Angelus in
vtraque parte circumferentiæ cæli potest esse simul, &
semel: ergo si magis distat vna pars circumferentiæ ab
alia, quam cælum à terra: patet, &c.

3. ITEM quanto aliquid simplicius est, tanto in pluri-
bus reperitur. Et ratio huius est: quia tanto magis rece-
dit à coarctatione, & magis appropinquat ad diuinum
esse, quod vbique est. Ergo si Angelus inter creaturas
maxime ad Deum appropinquat: videtur quod simul &
semel in pluribus locis esse possit: sicut vniuersale pro-
pter suam simplicitatem est vbique, & semper.

4. ITEM glorificatus spiritus non habet cogitationes
volubiles, immo potest per donum gloriæ simul multa
cogitare: sed intellectus per naturam in vnico instanti
non aspicit nisi ad vnum intelligibile, & per gloriam
simul videt multa: ergo pari ratione videtur quod An-
gelus glorificatus simul possit esse in locis diuersis.

5. ITEM corpus nunquam potest eleuari nec per
gloriam nec per vnionem: vt sit excelsius spiritu glo-
rioso: sed corpus Christi per gratiam vnionis potest
esse in locis diuersis: ergo pari ratione, vt videtur, &
Angelus gloriosus.

CONTRA per Ambrosium in lib. de Spiritu sancto:
Omnis creatura certis suæ naturæ est circumscripta li-
mitibus: sed quod potest esse vnum, & idem totum,
& secundum actum, ita in hoc loco quod etiam in
alio, non est circumscriptum: ergo vel Angelus non
est creatura, vel si sit, in pluribus locis simul esse non
potest.

ITEM Damasc. in lib. 1. Angelus dicitur esse in loco,

quia

Ad opposi-
tum.

Dam. lib. 1.
c. 17. de fide
Orthod.

Fundamēta.
Lib. 1. cap. 7.
in principio.

Dam. lib. 1.
c. 17. de fide
Orthod.

quia adest intellectualiter, & circumscribitur vbi & operatur: non enim potest secundum idem in diuersis locis operari.

ITEM si Angelus simul esset in diuersis locis: non indigeret mitti, nec moueri: sed mouentur Angeli, sicut patet per scripturam vet. & noui Test. ergo, &c.

ITEM si Angelus simul & semel esse posset in diuersis locis, simul & semel posset in vno loco tacere, & in alio loco loqui: in vno moueri, & in alio quiescere: ergo dua opposita simul & semel essent vera de eodem.

ITEM ponatur, eundem Angelum simul esse Parisiis, & Romæ: quæro utrū de vrbe Roma posset ire Parisios. Si non: quæro quid impedit: & non est dare. Si sic: sed nihil mouetur ad id quod habet: ergo non potest ire Parisios. Aut si vadit Parisios, & ibi se inuenit: simul fuit prius præsens, & absens: & post, bis est ibi præsens: quæ omnia sunt inconuenientia, & absurda: ergo, &c.

CONCLUSIO.

Angelus cum sit indiuiduata substantia, & limitata virtutis, simul & semel non potest esse nisi in vno loco primo.

RESP. AD ARG. Dicendū quod cum Angelus habeat esse indiuiduatum, habet esse hic & nunc: quia vero habet esse limitatum, & virtutem limitatam, habet esse in vno hic, siue in vno loco tantum. Quoniam ergo tam indiuiduatio, quam limitatio naturaliter & inseparabiliter inest Angelo: hinc est quod Angelum simul, & semel oportet esse tantum in vno loco: & hoc dicunt auctoritates, & rationes probant: & ideo concedendæ sunt pro eo quod verum concludunt.

1. AD illud quod obiicitur primo, quod ibi est, vbi vult, dicendum quod illud non est dictum per concomitantiam simultatis, quod in eodem instanti in quo est velle esse in quocunque loco sit esse: sed ideo dictum est, quia esse in loco voluto sequitur velle sine mora temporis magna, propter velocitatem angelicam, vt Damasc. dicit. Sequitur etiam esse in loco tali velle Angeli ad nutum: quia Angelus non vult nisi quod competit naturæ suæ. Vnde non vult ibi esse in instanti: sed in eo tempore in quo scit se posse venire: eo modo intelligendum est verbum prædictum de corpore glorioso.

2. AD illud quod obiicitur quod ibi est, vbi operatur, dicendum quod operari alicubi est dupliciter: mediate, vel immediate. Immediate: vtputa anima operatur in manu, sed mediante manu: anima nauis operatur in tota naui, quia mouendo manum, mouet temonem: & mouendo temonem, totam nauem mouet: nec tamen oportet quod sit in tota naui, sed vbi operatur primo. Per hūc modum intelligendum est in proposito, quod etsi Angelus esset motor cæli, vel mouens primo, moueret illā partem super quam esset influentia motoris, & in illa esset, non in tota re mobili, vel mota. Sic etiam intelligendum est de Angelis, qui subuerterunt Sodomam.

3. AD illud quod obiicitur de simplicitate, dicendum quod esse simplex est dupliciter. Aut per priuationem partium componentium in esse naturæ aut per priuationem partium constituentium in esse diffinito siue in genere. Quando ergo dicitur, quod quando aliquid simplicius, tanto in pluribus: hoc dicitur de simplicitate secundo modo, quam scilicet habet genus respectu speciei, & ideo in pluribus reperitur, quam species. Cum autem dicimus Angelum simplicem, hoc est secundum aliud genus simplicitatis, ideo nihil ad propositum.

4. AD illud quod obiicitur de pluralitate cognoscibilium, quæ intelligit simul & semel, dicendum quod non est simile duplici ratione, quia vis cognitiua magis efficitur deiformis per gloriam quamvis motiua motu exteriori. Præterea aliud est, quia idem exemplat diuinum in glorificatis est ratio cognoscendi secundum rem, & essentiam: ideo intellectus glorificatus multa cognoscit, ita quod non dispergitur, sed circa vnum colligitur: sed

Angelum esse in pluribus locis, hoc non potest esse per collectionem virtutis ad vnum locum, sicut intellectus ad vnum primū cognoscibile, & ideo nō est consimile.

5. AD illud quod obiicitur de corpore Christi, dicendum quod non est locus à minori, nec à simili, quia corpus Christi in pluribus locis est, quia multa conuertuntur in ipsum: & si quæras quare magis congruit aliqua in ipsum conuerti, quam in aliud corpus, ratio huius est, quia est cibus in quo vniuntur, & reficiuntur omnia mēbra Christi. Etsi quæras qualis cibus huiusmodi est, eadem quæstio est de carbone, quare calefacit propter conuersionem cum igne: sic caro Christi repleta est delectatione, vt carbo ignis igne, & hoc totum tactum est diffusum in primo Libro, & in Quarto.

QVÆSTIO III.

An Angelus sit in loco partibili, vel punctali.

Alex. Alensis 2. p. q. 32. Membr. 3.
S. Thom. 1. p. q. 52. art. 2.
Scotus 2. Sent. dist. 2. q. 6.
Agid. Rom. 1. Sent. dist. 37. q. 2.
Richardus 1. Sent. dist. 37. art. 2. q. 2.
Franciscus de Mayr. 2. Sent. dist. 2. q. 6.
Greg. Arim. 2. Sent. dist. 2. q. 2.
Ioan. de Bassol. 2. Sent. dist. 2. q. 4.
Steph. Brulef. 2. Sent. dist. 2. q. 11.
Gab. Bigl. 2. Sent. dist. 2. q. 2.

DE modo essendi Angelum in loco. Et quæritur, Vtrum sit in loco impartibili, siue punctali. Et quod sic, videtur. Damascenus dicit quod Angelus est in loco, non figuratim, sed intellectualiter: cum ergo nihil ipsius loci sit in figurabile, & intelligibile, nisi punctus, est in puncto, &c.

1. ITEM proportio debet esse locati ad locum: sed Angelus est simplex, & impartibilis: ergo ei debetur locus simplex, & impartibilis: sed hic est solus punctus loci, ergo, &c.

3. ITEM ponamus Angelum esse in loco in quo minori non potest esse, quæro an ille locus est partibilis, aut impartibilis. Si partibilis: ergo cum Angelus sit simplex, adhuc potest esse in minori. Quod si non potest esse in minori, videtur quod ille sit impartibilis: sed nihil est impartibile in loco nisi punctus, ergo, &c.

4. ITEM quod recipitur in aliquo, recipitur ibi per modum recipientis, non per modum recepti: si ergo Angelus est in loco partibili, est partibiliter: sed impossibile est Angelum recipere partitionem: ergo, &c.

5. ITEM si Angelus est in loco partibili tanquam in loco primo, aut ergo est totus in qualibet parte, aut est ita in toto, quod pars est in parte. Si totus est in toto, ita quod pars est in parte, ergo est partibilis. Si ita quod in qualibet parte totus: cum ergo partes loci sint multæ, erit in pluribus locis. Si tu dicas quod est in omnibus illis, tanquam in loco vno, sicut anima est in omnibus partibus corporis. Contra: Est quod corpus illud diuidatur, & locus est in quo est Angelus: constat, quod nihilominus potest esse in omnibus partibus, cū non pendeat ex aliqua parte principaliter. Et si hoc, cum sit ibi locorum multitudo, erit Angelus in pluribus locis.

CONTRA: Punctus, nec est locus, nec pars loci: ergo quod est in puncto, vel in loco punctali, non est in loco.

ITEM punctus, vt dicit Philosophus, est substantia posita, id est, essentia habens positionem, in quo differt ab vnitate: ergo si Angelus est in puncto secundū proportionem puncto conuenientem, ergo Angelus habet positionem: sed forma habens positionem in materia, non est motor sufficiens eius in quo est: ergo, &c.

ITEM si Angelus est in puncto primo: ergo influit virtutem supra punctum, ergo cum punctus sit improporcionabilis corpori, impossibile est quod virtus eius se extendat ad corpus: & ita nunquam mouebit corpus.

ITEM anima est in toto corpore: sed hoc nō facit vnio: quia ex hoc ipso habet dependentiam, & ita arctationē.

Ad oppositum.

Arist. 3. de Ani. contex. 4. & 5.

Fundamēta.

ergo

ergo hoc est ratione simplicitatis. Cum ergo angelus sit æque simplex, vel magis quàm anima: videtur quod multo fortius in maiori loco, vel æquali totus possit esse.

CONCLUSIO.

Angelus est in loco partibili tanquam in primo, & cum non sit extensa substantia, necesse est quod sit in toto totus, & totus in qualibet parte.

RESP. Ad Arg. Triplex circa hoc fuit positio. Fuerunt enim quidam dicentes quod Angelus quamvis sit in loco corporali, non tamen est in eo corporaliter, sed spiritualiter. Quoniam vero non est in loco situaliter: ideo nec secundum totum, nec secundum partem, nec secundum impartibile: quia nulla omnino est commensuratio angeli ad locum. Sed ista ratio non intelligibilis esse videtur, quo modo scilicet aliquid possit esse in aliquo, & diffiniri, & contineri, nec tamen primo immediate sit in toto, vel in parte, vel in impartibili. Omne enim quod est in aliquo loco toto, vel est ratione totius, vel ratione alicuius partis. Et ideo fuit circa hoc secunda positio, scilicet quod angelus est in loco impartibili, siue punctali. Et ratio eorum erat ista, quia angelus habet materiam omnino differentem à corporali materia secundum esse scilicet, quod non est extensa. Vnde cum materia sit simplex, ut punctus de se, dicunt angelum habere simplicitatem proportionalem puncto: & ita in loco punctali. Sed hæc positio falsa est, & non intelligibilis. Quidquid enim sit de materia, sicut infra dicitur, hoc tamen est verum, quod omnis locus corporeus est partibilis: ergo sicut est oppositio in adiecto dicere corpus impartibile, siue punctale, ita & dicere locum punctalem. Et iterum: Cum punctus non sit locus, ponere angelum in puncto est ipsum ponere non esse in loco. Et ideo est tertia positio, quod angelus cum contineatur à loco corporali, est in loco partibili, tanquam in loco primo: & quoniam non potest extendi in eo, ideo necesse est quod sit in toto, ita quod totus in toto, & totus in qualibet parte. Et in hoc est similis quodam modo simplicitas Angeli simplicitati diuinæ: sed deficit, quia angelus in vno loco est, Deus autem ubique.

1. ET ex hoc dicit Ioan. Damasc. quod angelus est in corporali loco, sed intellectualiter, non figuraliter: quia hoc solum capit intellectus, quo modo substantia videlicet tota sit in partibus, & tota in toto: & ita patet responsio ad verbum Damasceni.

2. QVOD obiicitur, quod debet esse proportio, dicendum quod non oportet quod sit proportio secundum speciales conditiones & proprias angeli & loci: quia angelus non ponitur esse in loco proprie: est tamen ibi proportio quo ad finitatem, & limitationem: per quæ duo, angelus diffinitur, & est in loco, sicut enim angelus habet virtutem finitam, & substantiam, sic locus eius arctatus, & limitatus est.

3. QVOD quaeritur de hoc: Si Angelus ponatur in loco: in quo minori non possit esse, dicendum quod in hoc differt existentia angeli in corpore, & animæ, quod anima quia est perfectio corporis nati viuificari vita rationali: & illud est in determinata quantitate: ideo potest esse in corpore ita paruo, quod non in minori: quia minus non esset organizabile, & viuificabile: angelus autem, quia non est ut perfectio, & simplex est, quia in qualibet parte loci totus, quantumcumque parua est ratio loci, saluatur in qualibet: & ideo non potest accipi locus iste ita paruus, quin adhuc possit esse in minori: & ideo non est dari locus in quo minori non possit esse: est tamen dari locus in quo maiori non potest, sicut & anima, quia hoc venit ex limitatione. Sicut ergo in corporibus status est in ascendendo, sed nunquam est ponere statum in diuidendo, nec vnquam deuenitur ad impartibile: sic intelligendum est circa existentiam angeli in loco.

4. QVOD obiicitur, quod est per modum recipien-

tis, &c. dicendum quod verum est, ubi receptum dependet à recipiente: sicut species recipitur in organo, & recipitur in intellectu: & existentia eius dependet ex eo, in quo recipitur: & se habet ad illud per modum informantis. Hinc est quod recipit modum suæ existentie ab eo, in quo recipitur: non sic angelus recipitur à loco: quia non pendet ex illo. Quod obiicitur: Si totus sit in qualibet parte loci, cum sint plura loca, &c. dicendum quod totus est in qualibet parte, nec tamen in pluribus locis: sicut nec anima dum viuificat totum corpus, non viuificat diuersa corpora, sed vnum.

5. QVOD autem obiicitur: Esto quod corpus illud, siue locus in quo est angelus, diuidatur, dico quod si diuideretur in mille partes, dum tamen partes non sequestrentur longe ab inuicem, totus esset in omnibus, & omnes essent ei vnus locus: quia nullam habent rationem ambiendi, vel diffiniendi angelum: sed illud quod complectitur omnes partes. Locus enim non numeratur secundum numerum corporum locantium, sicut patet, quia vnus corpus potest esse partim in aëre, partim in aqua, partim in terra: nec tamen in tribus locis, sed in vno est.

QVÆSTIO IV.

An plures Angeli sint simul in eodem loco.

Alexander Alensis 2. p. q. 32. Membrum 3.

S. Thom. 1. p. q. 52. art. 3.

Et 1. Sent. dist. 37. q. 2. art. 2.

Scotus 2. Sent. dist. 2. q. 8.

Ægid. Rom. 1. Sent. dist. 37. q. 3.

Richardus 1. Sent. dist. 37. art. 2. q. 2.

Franciscus de Mayr. 2. Sent. dist. 2. q. 7.

Greg. Arim. 2. Sent. dist. 1. q. 3.

Ioan. de Bassol. 2. Sent. dist. 2. q. 4. art. 4.

Stephanus Brulof. 2. Sent. dist. 2. q. ult.

Gabriel Biel. 2. Sent. dist. 2. q. 2.

VTVM plures Angeli sint simul in eodem loco primo. Et quod sic, videtur ratione multiplici. Et prima hæc est: Angelus non est in loco corporaliter, sed spiritualiter: ergo cum dicat Philosophus quod anima locus est specierum, in quo scilicet sunt spiritualiter: similis est modus existendi angelum in loco, & speciem in anima: sed in anima simul possunt esse plures species, ita quod vna non est in alia: ergo pari ratione plures angeli in vno loco corporali.

2. ITEM angelus non est minoris simplicitatis, quam punctus: sed duo puncta possunt esse simul, ergo plures angeli. Probatio minoris. Philosophus dicit, quod contigua sunt quorum vltima sunt simul: & dicit, quod simul sunt quæcumque in eodem loco primo sunt: ergo cum contingat lineas contingui, & ita vltima esse simul: ergo duo inuisibilia sunt simul.

3. ITEM per aliud simile. Quia angeli sunt lumina spiritualia, sicut dicit Dionysius: sed lumina corporalia, quæ sunt minoris simplicitatis, & magis dependent à loco corporali, simul sunt, sicut dicit Dionysius, & plures species in eodem medio simul sunt, sicut patet: ergo pari ratione, immo à fortiori plures angeli in eodem loco.

4. ITEM rationalis anima magis appropriat sibi corpus, in quo tota est, quam angelus locum, quia maiori nexu illi vnitur: sed dæmon potest obsidere, & esse in eodem corpore cum anima: ergo, &c.

5. ITEM sancti dicunt, & infra habebitur, quod corpus glorificatum pertransit per non glorificatum: ergo possunt simul esse duo corpora: ergo multo fortius duo spiritus. Si dicas quod non valet in spiritibus, quia vnus non est materialis respectu alterius: sicut corpus non glorificatum respectu glorificati: obiicitur tunc. Sint simul duo corpora animata, quorum vnum sit glorificatum, & alterum non: constat quod duæ animæ sunt simul: & tamen vna non est materialis respectu alterius: ergo pari ratione duo spiritus.

6. ITEM Spiritus rationalis non occupat locum. Intel-

natur

Ad oppositum.

Arist. 3. de Anima com. 22. 22.

Arist. 6. Physic. Auer. 5. Physic. com. 22.

Dionys. 6. de celesti hierarchia.

De diuin. nomin. cap. 2. in medio.

naturæ ibi spiritus : nihilominus erit vacuus sicut prius : & natus tantum recipere , quantum prius : ergo cum æque bene possit ibi esse corpus : sicut si non esset spiritus , pari ratione videtur , quod alius spiritus.

CONTRA : Strabus dicit , & habetur in litera , quod statim cum empyreum est factum , repletum est sanctis Angelis : sed non est repletum quo ad vacuitatem : ergo quo ad ornatum totalitatem : ergo loca distincta & diuersa habent in empyreo : ergo si ita eos produxit Deus , sicut nati sunt esse : non ergo in eodem loco nati sunt esse , sed in diuersis.

ITEM : Augustinus de fide ad Petrum : Inest singulis spiritibus naturalis terminus , quo ad se inuicem distinguuntur , & vnus in altero non est : ergo si distincti sunt per terminos naturales , impossibile est eos esse simul , & in eodem loco simul existere.

ITEM : locus dicitur ad locatum relatione essentiali : ergo cum multiplicato vno relatiuorum , multiplicatur & alterum , quot sunt locata , tot sunt loca , eodem modo quo locus dicitur ad locatum : ergo cum locus Angeli dicatur ad locatum non per modum mensurantis , sed per modum diffiniens : ergo quot sunt Angeli diffiniti , tot sunt loca diffinitia.

ITEM : sicut se habet locus ad locatum , ita econuerso : ergo sicut vnum locatum ad plura loca , ita vnus locus ad plura locata . Sed vnum locatum , vt Angelus , non potest esse in pluribus locis : ergo vnus locus non potest esse plurium Angelorum : ergo , &c.

CONCLUSIO.

Angeli plures non possunt esse in eodem loco primo , quantum Angelus locum non occupet : quod propter ordinem vniuersi est ponendum.

RESP. Ad Arg. Ad prædictam quæstionem dixerunt aliqui , quod Angeli poterant esse plures simul nullo repugnante , & hoc propter suam simplicitatem , & propter hoc quod locum non replent ratione suæ spiritualitatis . Vnde hæc minuunt loci capacitatem , quemadmodum nec lumina , nec idola in medio nec species in anima : quæ in eodem , & secundum idem in multitudine : nec tamen ponitur idolum in idolo , nec lumen in lumine : sic dicunt se habere in proposito . Nec cogit obiectio de repletionem cæli , quia hoc dictum est propter spirituum multitudinem : nec de virtute , siue loco spirituali , quia semper distinguuntur propria virtute , & natura : nec vnus illabitur alteri : nec de relatione , quia vnus ad alterum non est habitudo : nec dependentia necessitatis , sed solum cuiusdam congruitatis . Alij dixerunt , quod quamvis Angelus spiritualiter sit in loco : tamen plures Angeli in eodem loco simul esse non possunt , repugnante habitudine distinctionis , quæ est loci ad Angelum . Sicut enim duæ species albedinis in eadem anima esse non possunt , non propter hoc , quod repugnet repletio , sed propter hoc quod repugnat ipsius animæ informatio , quia informatæ specie albedinis , non potest iterum consimili specie informari . Similiter in proposito locus diffiniens aliquid , non potest aliud quo eodem modo est in loco , diffinire : vnde sicut vnum corpus non potest perfici à duabus animabus : sic nec vnus locus primus deputari duobus spiritibus . Sed multo melius istam quæstionem terminare possumus , si respiciamus ad rationem , ob quam Angeli ponimus in loco corporali : hoc enim non est propter indigentiam Angeli , quia omni corporali loco destructo , posset spiritualis substantia permanere . Nec etiam est propter indigentiam loci , quia per præsentiam Angeli nulla remouetur indigentia loci : sed hoc est propter ordinem vniuersi . Quoniam igitur Angelus locum non occupat , Angelus indigentiam loci corporalis non terminat nec simpliciter , nec in parte . Ideo quantum est de

A spirituali natura eius , & loci , nihil prohiberet plures spiritus simul esse sicut plura idola , vel species in anima . Sed quoniam ordo vniuersi ita tollitur per omnimodam indistantiam , sicut per distantiam infinitam : sicut non patitur ordo vniuersi , vt Angelus infinite distet ab Angelo , immo omnes intra vnâ circumferentiam cæli vltimi clauduntur : sic non patitur , quod Angelus in eodem loco primo simul sit cum Angelo . Ex his patent obiecta.

1. 2. 3. Quod enim obiicitur de speciebus in anima , & punctis , & luminaribus , patet responsio , quod non est simile , pro eo quod diuersæ species diuersas indigentias animæ complent : non sic plures Angeli indigentiam loci . Amplius , non sic attenditur ordo in illis quantum ad existentiam in loco sicut in Angelis.

4. 5. Similiter sequentia duo non valent : quia nihil est ibi quod repugnet ordini vniuersi , quia dæmon , & anima sunt in corpore diuerso modo essendi , & corpus non glorificatum est materiale respectu glorificati .

6. Vltimum vero concludit à parte naturæ Angeli : sed aliud est quod impedit.

Scot. de potentia naturali tenet , quod non possunt esse de potentia diuina problematicus est , nec implicare sibi videtur.

DISTINCT. III. PARS I.

Quales facti fuerint Angeli , & quod quatuor eis attributa sunt initio suæ Creationis , & in quibus fuerunt differentes inter se : in quibus vero æquales , quod boni creati sunt , & quæ tunc eorum cognitio , & dilectio .

HIC ostensum est , ubi Angeli fuerint , mox ut creati sunt . Nunc cōsequens est inuestigare quales facti fuerint in ipso primordio suæ conditionis . Et quatuor quidē Angelis videntur esse attributa in initio subsistentiæ suæ , scilicet : Essentia simplex , id est , indiuisibilis , & immaterialis , & discretio personalis , & per rationem naturaliter instam intelligentia , memoria , & voluntas , siue dilectio : Liberū quoq; arbitrium , id est , libera declinandæ voluntatis , siue ad bonum , siue ad malum facultas . Poterant enim per liberum arbitrium sine violentia , & coactione ad vtrumlibet propria voluntate deflecti .

An omnes Angeli fuerint æquales in tribus , scilicet in sapientia , in essentia , in libertate arbitrij .

Hic considerandum est , utrum in sua substantia spirituali , & sapientia rationali , & libertate arbitrij , qua omnibus inerat , omnes æquales fuerint : ut sit prima consideratio de substantia , secunda de forma , tertia de potestate . Persona quippe substantia est , sapientia , forma , arbitrium , potestas . Et ad substantiam quidē pertinet natura subtilitas : ad formam vero intelligentia perspicacitas : & ad potestatem rationalis voluntatis habitus . Illa ergo essentia rationales , quæ persona erāt , & spiritus erant naturæque simplices , & vita immortales , differentem essentia tenuitatem , & differentem sapientia perspicacitatē , atque differentem arbitrij libertatem , & habitatem recte habuisse intelliguntur : sicut in corporibus nonnulla differentia est secundum essentiam , ac formam , & pondus : quadam enim alius meliorem ac digniorem essentiam , & formam habent , & alia aliis leuiora , atque agilia sunt . Ad hunc ergo modum credendum est illas spirituales naturas cōuenientes suæ puritati , & excellentiæ ,

& in essentia, & in forma, & in facultate differentias accepisse in exordio sua conditionis, quibus alij inferiores, alij superiores Dei sapientia constituerentur, aliis maiora, aliis minora dona praestantis, ut qui tunc per naturalia bona aliis excellebant, ipsi etiam post per munera gratia eisdem praessent. Qui enim natura magis subtiles, & sapientia amplius perspicaces creati sunt, hi etiam maioribus gratia muneribus pradi sunt, & dignitate excellentiores aliis constituti. Qui vero natura minus subtiles, & sapientia minus perspicaces conditi sunt, minora gratia dona habuerunt, inferioresque constituti sunt sapientia Dei, a quo moderamine cuncta ordinantis. In ipsa facultate arbitrij differentia animaduertenda est secundum differentem naturam virtutem, & differentem cognitionis, & intelligentiam vim. Et sicut differens vigor, & subtilitas natura infirmitatem non adducit, minorque cognitio sapientia ignorantiam non ingerit, sic libertas inferior nullam arbitrio necessitatis voluntatem imponit.

Quae communia, & aequalia habuerint Angeli.

Et sicut in praedictis Angeli differebant, ita & quadam communia & aequalia habebant, quod spiritus erant, quod indissolubiles, & immortales erant, commune omnibus, & aequale erat: In subtilitate vero essentia, & intelligentia sapientia, & libertate voluntatis differentes erant. Has distinctiones intelligibiles inuisibilium naturarum ille solus comprehendere potuit, & ponderare, qui cuncta fecit in pondere, numero, & mensura.

DISTINCT. III. PARS II.

An boni, vel mali, iusti, vel iniusti creati sint Angeli, & an aliqua mora fuerit inter creationem, & lapsum.

Illud quoque investigatione dignum videtur quod etiam a pluribus queri solet, utrum boni, vel mali, iusti, vel iniusti creati sint Angeli, & an aliqua mora fuerit inter creationem, & lapsum, vel sine mora in ipso creationis exordio ceciderint.

Opinio quorundam dicentium Angelos in malitia creatos, & sine omni mora ruisse.

Putauerunt enim quidam Angelos, qui ceciderunt, creatos esse malos, & non libero arbitrio in malitiam declinasse: sed in malitia à Deo factos esse, nec aliquam fuisse moram inter creationem, & lapsum, sed ab initio apostatasse, alios vero creatos fuisse plene beatos. Qui opinionem suam muniunt auctoritate Augustini super Genes. ita dicentis: Non frustra putari potest ab initio temporis diabolus cecidisse, nec cum Sanctis Angelis pacatum aliquando vixisse, & beatum: sed mox apostatasse: unde Dominus ait: Ille homicida erat ab initio & in veritate non stetit, ut intelligamus, quia in veritate non stetit ex quo creatus est qui staret, si stare voluisset. Idem in eodem: Nō frustra (inquit) putandum est ab ipso initio temporis, vel conditionis sua diabolus cecidisse, & nunquam in veritate stetisse. Unde quidam in hanc malitiam libero arbitrio non esse flexum, sed in hac quamvis à Deo putant esse creatum secundum illud beati Iob,

A Hoc est (inquit) initium figmenti Dei quod fecit Deus, ut illudatur ei ab Angelis eius. Et Propheta ait: Draco iste quem formasti ad illudendum ei. Tanquam primo factus sit malus, inuidus, & diabolus, non voluntate deprauatus. His aliisque testimoniis utuntur, qui dicunt Angelos, qui ceciderunt, creatos fuisse malos, & sine mora corruisse: eos vero qui perstiterunt, perfectos, & beatos fuisse creatos asserunt auctoritate Augustini, qui super Genes. dicit, per caelum significari creaturam spirituales, qua ab exordio quo facta est, & perfecta, & beata est semper.

B Aliorum sententia probabilis, qui dicunt omnes Angelos creatos esse bonos, & aliquam morulam fuisse inter creationem, & lapsum.

C Aliis autem videtur omnes Angelos creatos esse bonos, & in ipso creationis initio bonos extitisse, id est, sine vitio, iustosque fuisse, id est, innocentes: sed non iustos, id est, virtutum exercitium habentes. Non dum enim pradi erant virtutibus, qua stantibus appositae fuerunt in confirmatione per gratiam, aliis per liberum arbitrium superbientibus, & ideo cadentibus. Aliquam etiam fuisse morulam aiunt inter creationem, & lapsum, ac confirmationem, & in illa breuitate temporis omnes boni erant, non quidem per usum liberi arbitrij: sed per creationis beneficiū, & tales erant qui stare poterant, id est, non cadere per bona creationis, & cadere per liberum arbitrium. Poterant enim peccare, & non peccare: sed non poterant proficere ad meritum vitae, nisi gratia superadderetur, qua addita est quibusdam in confirmatione. Et ad hoc confirmandum utuntur testimonio Augustini, qui super Genes. dicit Angelicam naturam primo informiter creatam, & caelum dictam: postea formatam, & lucem appellatam, quando ad Creatorem est conuersa perfecta dilectione ei inhaerens: unde prius dictum est: In principio creauit Deus caelum & terram. Et postea subditum: Dixit Deus: Fiat lux, & facta est lux, quia in primo agitur de creatione spiritualis naturae informis, postea de formatione eiusdem. Ratio quoque obuiat illis, qui dicunt Angelos creatos fuisse malos. Non enim potuit Creator optimus auctor mali esse: & ideo totum bonum erat quod ex ipso illis erat, & totum bonum erat, quoniam ex ipso totum erat. Hoc modo probatur, quod boni erant omnes Angeli quando primo facti sunt: sed ea bonitate, quam natura incipiens acceperat.

Probationem Augustini contra illos inducit, qui dicunt Angelos factos malos: verba etiam Iob determinat, quae illi pro se inducebant.

E Ideoque August. exterminans opinionem eorum qui Angelos creatos fuisse malos putant, auctoritate & ratione probat bonos fuisse creatos, & verba praemissa beati Iob quae illi pro se inducebant, quo modo sint intelligenda, aperit dicens super Gen. Omnia (inquit) fecit Deus valde bona. Naturam ergo Angelorum bonam fecit. Et quia iniustum est, ut nullo merito hic in aliquo quod creauit Deus damnet, non naturam, sed voluntatem malam puniendam esse credendum est, nec eius naturam significatam esse cum dicitur, hoc est initium figmenti Dei, &c.

Sed

Sed corpus æereum: quod tali voluntati aptavit Deus: vel ipsam ordinationem Dei, in qua eum inivitum etiā fecit utilem bonis, vel ipsius Angeli facturam: quia etsi præsiceret Deus voluntate malum futurum, fecit tamen eum providens quanta de illo sua bonitate esset factururus. Figmentum ergo Dei dicitur, quia cum sciret eum Deus voluntate malum futurum, ut bonis noceret, creavit tamen illum, ut de illo bonis proderet, hoc autem fecit, ut illudatur ei. Illudatur enim ei cum sanctis proficit tentatio eius. Sicut & mali homines, quos Deus malos futuros providens, creavit tamen ad Sanctorum utilitatem, illuduntur cum praestatur sanctis eorum tentatione profectus. Sed ipse est initium, quia praecedit antiquitate, & principatu malitia. Hæc autem illusio fit Angelis malis, & hominibus malis, per Angelos sanctos, quia subdit eis Angelos malos, & homines malos, ut non quantum nituntur, sed quantum sumuntur possint. Ecce aperte ostendit qualiter prædicta verba Iob intelligenda sint, & Angelicam naturam bonam creatam esse asserit.

Quo modo intelligenda sint verba præmissa Domini, disserit evidenter: tradens Angelos esse creatos bonos, & post creationem cecidisse.

Deinde qualiter verba Domini qua supra posuit, accipienda sint, August. aperit, ubi etiam sua qua prædixit verba determinat, evidenter dicens Angelos bonos fuisse creatos, & post creationem interposita al qua morula cecidisse ita inquit: Quod putatur diabolus nunquam in veritate stetit, nunquam beatam vitam duxisse, sed ab initio cecidisse, non sic accipiendum est, ut malus à bono Deo creatus esse putetur, quasi ab initio non cecidisse diceretur. Nō enim cecidit, si talis, sc. malus factus est, à quo enim caderet? Factus ergo prius, statim à veritate se auertit propria potestate delectatus: beatæque vitæ dulcedinem non gustavit, quam non utique acceptam fastidiuit: sed nolendo accipere, amisit. Sui ergo casus præsciens esse non potuit quia sapientia fructus est pietatis. Continuo autem ut factus est, cecidit, non ab eo quod accepit, sed ab eo quod accepisset, si Deo subdi voluisset. Ecce hic aperte declarat Angelos bonos creatos fuisse, & post creationem cecidisse, & fuit ibi aliqua morula, licet brevissima. Quod Origenes confirmat super Ezechielem, dicens: Serpens hostis contrarius veritati non tamen à principio, nec statim supra peccatus, & ventrem suū ambulavit, sicut Adam, & Eva non statim peccaverunt, ita & serpens aliquando fuit nō serpens, cum in paradiso deliciarum moraretur, Deus enim malitiā non fecit. Ecce aperte dicit post creationem interposita morula cecidisse. Ideoque illa verba sic accipienda videntur: Homicida erat ab initio, vel mendax, id est, statim post initium, quando sibi aequalitatem Dei promissit, & seipsum occidit, qui homo dicitur in Evangelio. Nec in veritate stetit quia in ea non fuit, sed ab initio temporis, id est, statim post initium temporis apostatavit. Potest etiam & sic accipi illud: Ab initio homicida fuit, vel mendax, id est, ex quo homo fuit conditus, quem per invidiam in mortem præcipitavit, & fallaciter seduxit. Ex prædictis ergo liquet Angelos bonos omnes esse creatos, & post creationem quosdam cecidisse à bono quod habuissent, si perstiterissent.

Quod triplex fuit sapientia in Angelis ante casum, vel confirmationem.

Hic inquiri solet quam sapientiam habuerunt ante casum vel confirmationem. Erat in eis triplex naturalis

A cognitio, qua sciebant quod facti erant, & à quo facti erant, & cum quo facti erant, & habebant aliquam boni & mali notitiam, intelligentes quid appetendum vel respiciendum illis foret.

An aliquam Dei habuerint dilectionem, vel sui innicem.

Solet etiam queri, utrum aliquam Dei vel sui dilectionem innicem habuerint. Ad quod dici potest, quod naturalem dilectionem habebant, ut memoriam, intellectum, & ingenium, qua Deum & se aliquatenus diligebant, per quam tamen non merebantur.

DISTINCT. III. PARS I.

Quales creati sint Angeli.

Ecce ostensum est, &c.

Expositio Textus.

UPRÆ egit Magister, quando, & ubi creati sint Angeli. In parte ista ostendit quales facti sint.

Et quoniam qualitas Angeli potest attendi, aut quantum ad naturales habilitates, siue qualitates respuccientes dispositionem naturæ, aut meritum, aut præmii: ideo hæc pars habet tres. In prima determinat de primis, scilicet de attributis. In secunda de habitibus malitiæ, & bonitatis, ibi: Illud quod inuestigatione. In tertia de habitibus beatitudinis, & miserie, infra distinct. 4. Post hac videndum utrum perfectis. Prima pars habet tres. In prima enumerat, & distinguit illa attributa. In secunda ostendit quo modo recipiunt magis, & minus, ibi: Hic considerandum est utrum, &c. In tertia ostendit in aliquibus aliis æqualitatem, ibi: Et sicut in prædictis, Angeli differebant, &c.

Quatuor quidem Angelis videntur esse attributa. Dub. I.

CONTRA: Videtur sibi contradicere in enumeratione: enumerat enim sex sicut patet, quæ sunt essentia simplicitas personalis discretio, memoria, intelligentia, voluntas, & liberum arbitrium. **I**TEM videtur sibi contradicere in repetitione: dicit enim in seq. cap. quod circa tria est consideratio, scilicet circa substantiam, formam, & potestatem. Quæritur ergo de sufficientia illorum quatuor. Videtur enim quod multo plura debeant attribui, scilicet incorruptibilitas, spiritualitas, & huiusmodi ex parte essentia: ex parte potentiarum, irascibilis, & concupiscibilis, & ita campetit eis ingenium, sicut memoria.

ITEM videtur superfluitas, quia liberum arbitrium non discernitur à ratione, & voluntate: ergo non debet quarto loco connumerari. **I**TEM: Tertium attributum quod est ratio, aut accipitur pro cognitiva tantum, aut pro cognitiva, & motiva. Si primo modo: ergo male dividitur in intelligentiam, & voluntatem. Si secundo modo: ergo superfluit liberum arbitrium.

RESP. Dicendum quod ista attributa sunt convenientia Angelo per naturam suam, & sui creationem tantum principalia, à quibus alia habent ortum. Et sumitur sufficientia sic: In Angelo est considerare esse, & posse, siue substantiam, & personam. Et circa substantiam duo, scilicet quo est, & penes hoc est substantia, & simplicitas. Vel ipsum quod est, & penes hoc est personalis discretio. Similiter circa posse est considerare ipsam potentiam, & penes hoc tertium, scilicet ratio naturaliter insita. Est iterum considerare facultatem potentia, & penes hoc est quartum attributum, scil. liberum arbitrium. Vel aliter: Angelus habet quadrupliciter considerari, scilicet in se, & sic essentia simplicitas. Ad alterum Angelum, & sic personalis discretio. Ad Deum, & sic memoria, intelligentia, & voluntas, in quibus confi-

fit ratio imaginis. In comparatione ad ea quæ subiecta A sunt eorum regimini, & sic habet liberum arbitrium. Vel aliter, & magis secundum consonantiam ad ea quæ dicantur in litera. Quia in Angelo est considerare substantiam, formam, & potentiam. Substantia autem considerari potest dupliciter, sicut dictum est, & sic competit ei simplicitas, & personalitas. Formæ attribuitur imaginis pulchritudo, siue venustas. Potentiæ attribuitur libertas: & sic patet quo modo quatuor reducuntur ad tria. Patet quod tertium attributum in tria diuiditur, in quibus consistit imago. Patet etiam quo modo tertium attributum differt à quarto. Patet etiam sufficientia, & responsio ad obiecta, quia hic enumerantur attributa principalia.

Differentem essentia tenuitatem, &c. Dub. II.

CONTRA: Simplicitas respicit essentiam siue substantiam, sicut dicitur in litera: sed substantia non recipit magis, & minus: ergo, &c.

ITEM: Simplex dicit priuationem compositionis: sed priuationes non recipiuntur magis, & minus, ergo, &c.

ITEM magis & minus si alicui imponitur, hoc est per mixtionem cum suo opposito: sed simplex spiritus non est permixtus alicui compositioni quæ sit opposita simplicitati Angelicæ, & omnes habent easdem compositiones: ergo omnes sunt æqualiter simplices.

RESP. Ad hoc dicendum quod in Angelis est gradus simplicitatis, & hoc manifestat gradus virtutis, quia vnus Angelus est potentior altero: & quanto in spiritualibus aliquid est simplicius, tanto virtuosius. Hoc etiam manifestat approximatio ad Deum: si enim per naturam vnus est Deo proximior altero, & similior: ergo magis accedit ad diuinam simplicitatem. Manifestat vltius hoc, ipsa cognitio, quia vnus alterum purgat pellendo ignorantiam: ergo vnus altero prior, & simplicior: ideo bene dicit Magister quod est gradus in simplicitate essentia.

Quod obiicitur quod substantia non recipit magis & minus, responderi potest per interemptionem, quia vna creatura veriori modo est ens, quam alia. Et quod dicitur, substantiam non recipere magis & minus, hoc intelligendum est logice. Vel dicendum quod aliud est dicere essentiam, aliud simplicitatem essentia, & simplicitas est proprietas essentia.

Quod obiicitur quod dicit priuationem, dicendum D quod etsi dicat priuationem, non tamen pure priuationem, quia aliquid ponit: & ideo potest recipere magis & minus.

Quod obiicitur de permixtione, dicendum quod illud non habet vbique veritatem: sed in his oppositis quorum vtrumque est aliqua natura: in aliis vero est per maiorem accessum ad suum Summum. Vnde maior simplicitas est in Angelo non propter paucitatem compositionis, sed propter accessum maiorem ad summe simplex: hoc autem est propter maiorem nobilitatē formæ, sicut ignis potest dici in corporalibus simplicior aere.

In ipsa facultate arbitrii differentia animaduertenda est. Dub. III.

CONTRA: Liberum arbitrium est liberum à boni coactione, nec potest aliquo modo cogi: ergo in libertate arbitrii non potest esse gradus.

RESP. Dicendum quod libertas arbitrii dupliciter potest considerari. Aut in quantum dicit facultatem ad exeundum in opus, & sic dicit positionem, & consequitur rationem, & voluntatem, & istæ potentiæ consequuntur substantiam: & secundum quod substantia simplicior, sic etiam potentiæ excellentiores, & facultas maior: sic ibi gradus, & hoc modo loquitur Magister. Alio modo accipitur priuatiue, vt dicatur libertas per priuationem coactionis: & hoc modo est æqualitas, quia priuatio in termino, & sic opponit.

Quod spiritus erant, quod indissolubiles, &c. Dub. IV.

CONTRA: Ideo sunt spiritus mortales, quia sunt simplices: sed non sunt æqualiter simplices: ergo, &c.

RESP. Dicendum quod secundum quod spiritus priuat corpulentiam, & immortalitas priuat corruptionem, quia vtroque, & respectu omnium Angelorum est priuatio horum vniuersalis: ideo dicit ista æqualia, nihilominus tamen si attendatur ad id quod positionis est ibi, sic potest esse gradus sicut opponit. Magister accipit secundum sensum verborum magis consuetum, & secundum quod huiusmodi nomina consueuerunt intelligi à nobis.

ARTICVLVS I.

AD intelligentiam huius partis duo quærentur, secundum duo attributa, quia de aliis habebitur infra. Et primo quæritur de simplicitate essentia. Secundo vero de discretione personali. Circa primum quærentur tria. Primo, vtrum Angelus sit simplex, an compositus ex materia, & forma. Secundo, dato quod sic, quæritur vtrum eadem sit materia in spiritualibus, & corporalibus per essentiam. Tertio quæritur, vtrum sit vna numero, aut secundum identitatem aliam.

QUESTIO I.

An Angeli sint compositi ex materia, & forma.

Alexander Alensis 1. p. q. 19 per totum.

S. Thomas 1. p. q. 50. art. 2.

Et 2. Sent. dist. 3. q. 1. art. 2.

Et Quod. 9. art. 6.

Ægid. Rom. 2. Sent. dist. 2. q. 1. art. 1.

Et dist. 8. q. 1. art. 1.

Et Quod. 1. q. 8.

Richardus 2. Sent. dist. 3. q. 2.

Henricus Quod. 4. q. 16.

Durandus 2. Sent. dist. 3. q. 1.

Thom. Argen. 2. Sent. dist. 3. q. 1. art. 1.

Steph. Bru'ef. 2. Sent. dist. 3. q. 1.

VTRVM Angelus sit compositus ex diuersis naturis, scilicet ex materia, & forma. Et quod sic ostenditur per rationē mutationis. Nullum mutabile est simplex: sed Angelus de sua natura est mutabilis, & mutatur: ergo habet compositionem. Sed vltius quod ex materia. Cuicumque inest mutatio, inest principium mutabilitatis, & principium mutabilitatis est materia: ergo, &c. Prima manifesta est, secunda patet per August. 12. Confession. Omne mutabile insinuat notitiæ nostræ quandam informitatem, qua forma capitur, vel mutatur, vel vertitur. Et Boëtius de Trinit. Nihil quod est mere forma accidentibus potest subiici. Et ibidem expresse dicit quod forma non suscipit accidentia, quia hæc non suscipit nisi materia subiecta. Si tu dicas mihi quod mutabilitas venit rebus, quia sunt ex nihilo, sicut in pluribus locis dicit August. Sed constat quod mutabilitas non est pura priuatio, immo dicit aliquam positionem: ergo non habet causam ipsam, puram priuationem: necesse est ergo quod habeat causam ipsam dicentem positionem: sed non positionem omnimodam cum etiam dicat priuationem: ergo aliquid quod non est omnino aliquid, nec omnino nihil: sed aliquid quod est medium inter aliquid, & nihil: hoc autem dicit August. materiam: ergo, &c.

ITEM hoc ipsum ostenditur per rationem actionis & passionis: quia nihil idem, & secundum idem agit & patitur: sed Angelus idem agit, & patitur: ergo habet aliud & aliud principium, secundum quod agit, & secundum quod patitur. Sed principium secundum quod agit, est forma: principium vero secundum quod patitur, nō potest esse nisi materia: ergo, &c. Maior per se manifesta est, & minor similiter patet: nam Angeli est recipere illumi-

nationes,

nationes, & dare, &c. Si forte des instantiam quod medium per eandem naturam recipit lumen, & dat, ut patet in aëre, nulla est instantia, quia medium non habet rationem actiui, nec cooperatiui. Et rursus: Hæc instantia non potest fieri in vera actione, & passione: Angelus enim agit & patitur: dum enim agit quod non debet, patitur quod debet: dum agit culpam, patitur poenam, ut nullo modo sit dedecus peccati sine decore iustitiæ, & hoc est passio propriè.

ITEM hoc videtur per rationem indiuiduationis. In Angelis enim est distinctio hypostasum, non per originem. Fiat ergo talis ratio: Omnis distinctio secundum numerum venit à principio intrinseco & substantiali, quia omnibus accidentibus circumscriptis, differentia numero sunt diuersa: sed non venit à forma: ergo venit à principio materiali: ergo, &c. Maior per se manifesta est, minor patet per Philosophum, qui dicit de cælo, & mundo: Cum dico cælum, dico formam: cum dico hoc cælum, dico materiam, & idem in pluribus locis dicit quod omnino materia numerabiliter se habet. Si dicas quod materia vocatur ipsa hypostasis, siue ipsum quod est, tunc quæro à te de hypostasi, aut addit aliquid super essentiam, & formam, aut nihil. Si nihil addit: ergo non contrahit: ergo sicut ipsum vniuersale est natum semper esse & vbique, sic ipsa hypostasis, sicut patet in diuinis, quia persona non addit super essentiam: est vbique, & immensa, sicut essentia. Ergo cum hypostasis Angeli sit finita, & arctata, & limitata, & ita hic, & nunc, necessario oportet quod ultra formam addat aliquid arctans substantialia sibi, hoc autem non potest esse nisi materia.

ITEM hoc ipsum ostenditur per naturam essentialis compositionis. Angelus enim diffinitur & ita participat naturam generis, & differentie naturam in qua conuenit cum aliis, & naturam in qua differt. Ergo cum necesse sit totam veritatem diffinitionis realiter inueniri in quolibet Angelo, necesse est in eo ponere naturarum diuersitatem. Sed impossibile est plures naturas concurrere ad constitutionem tertij, quin altera habeat rationem possibilem, altera rationem actus. quia ex duobus entibus in potentia nihil fit, similiter nec ex duobus entibus in actu: ergo necesse est, &c. Si tuferas mihi instantiam in albedine, & in alijs formis, quæ habent diffiniri, & habent genera, & differentias, nec tamen habent materiam partem sui, instantia omnino nulla est, quia secus est de naturis accidentium, quæ habent ortum à substantia & eius principiis, & de naturis siue differentiis substantiæ, quæ non habent ortum ex alio genere. Vnde necessario sequitur vel quod albedo habeat diuersas naturas in se, vel quod natura speciei, & generis primi, & subalterni causentur à diuersis naturis repertis in subiecto: quod si ita non potest poni in Angelo, primum ponendum est.

1. SED contra per Boëtium in fine lib. de duabus naturis, & vna persona Christi: Omnis natura incorporea substantiæ nullo materiæ fundamento innititur: nullum vero corpus est, cuius materia non sit subiecta. Et iterum: Cum alia res fundamento materiæ innitatur, ut corpus: alia vero omnino subiecto materiæ non egeat, ut incorporeum: nullo modo fieri potest, ut corpus in corporealem spiritum mutetur. Ex hac auctoritate expresse habetur quod Angelus non habet materiam.

2. ITEM Philosophus de anima dicit, quod neque corpus est, neque forma in corpore est, neque mixtum cum materia omnino: & hoc dicit esse verum de intellectu: sed Angelus est huiusmodi, ergo non habet materiam.

3. ITEM ostenditur ratione: Vniuersum est perfectissimum secundum ordinem naturarum: ita quod perfectius non potest cogitari rationabiliter aliqua substantia spiritualis, & immaterialis: ergo, illa est in vniuerso: ergo, &c. Maior patet per hoc, quod Deus fecit omnia valde bona: patet etiam per Damascenum: Omnia quæ per Dei prouidentiam fiunt, deductionem conuenientem suscipiunt, & ut est melius, facta sunt. Et Augustinus de libero arbitrio: Potest esse aliquid in rerum natura, quod tua ra-

tionem non cogitas: non esse autem, quod vera ratione cogitas, non potest. Minor patet, quia rationabiliter cogitatur substantia Deo similis per spiritualitatem & immaterialitatem, & hoc videtur: cum enim sit aliqua natura, quæ secundum substantiam, & esse est actus materiæ, ut formæ materiales, & corporales: alia, quæ secundum actum essendi, non secundum essentiam, ut anima rationalis: erit igitur tertia, quæ secundum actum, & essentiam erit separata.

4. ITEM videtur per deductionem ad inconueniens. Inconueniens enim est, quod aliqua natura creata sit nobilior Angelo: sed omnis causa nobilior est suo effectu: ergo Angelus non habet aliam causam, quam increatam: sed illa non potest esse causa materialis, nec formalis: ergo Angelus non habet materiam, nec formam aliam: sed essentialiter est forma.

CONCLUSIO.

Angelus tamen si non sit compositus ex partibus quantitatis neque heterogeneis, aut ex corporali, & spirituali: est tamen compositus ex materia, & forma.

RESP. AD ARG. Dicendum quod certum est Angelum non habere essentiam simplicem per priuationem omnis compositionis: certum enim est, quod Angelus compositus est compositione multiplici. Potest enim considerari in comparatione ad sui principium, & sic in tantum est compositus, in quantum habet ad ipsum dependentiam. Simplicissimum enim absolutum est, & omne dependens hoc ipso cadit in aliquam compositionem: quia differt quo est, & quid est. Habet secundo considerari in comparatione ad suum effectum, & sic habet componi ex substantia, & potentia. Habet nihilominus considerari ut ens in genere, & sic secundum Metaph. componitur ex actu, & potentia: secundum Logicum vero ex genere, & differentia. ITEM: habet considerari ut ens in se: & sic, quantum ad esse actuale, est in ipso compositio entis, & esse: quantum ad esse essentiale, componitur ex quo est, & quod est: quantum ad esse indiuiduale, siue personale, sic in illo reperitur quod est, & quis est. Cum ergo Angelica essentia dicitur simplex, hoc non est per priuationem harum compositionum: sed hic certum est aliquas compositiones remoueri à substantia Angeli, utpote compositionem ex partibus quantitatis, & compositionem ex partibus heterogeneis, & compositionem ex natura corporali, & spirituali, qualis est in homine. Sed de compositione materiæ & formæ, siue materialis & formalis, de hac dubium est. Et voluerunt aliqui dicere, quod talis remouetur ab Angelo, & sunt in eo compositiones prius dictæ. Sed sicut ostensum est supra: cum in Angelo sit ratio mutabilitatis, non tantum ad non esse, sed secundum diuersas proprietates: sit iterum ratio possibilitatis, sit iterum ratio indiuidualitatis, & limitationis, postremo ratio essentialis compositionis secundum propriam naturam: non video causam, nec rationem, quo modo defendi potest, quin substantia Angeli sit composita ex diuersis naturis: & essentia omnis creature per se entis sic composita est diuersis naturis, illæ duæ se habent per modum actualis, & possibilis, & ita materiæ & formæ: & ideo illa positio videtur verior esse, scilicet quod in Angelo sit compositio ex materia, & forma.

1.2. Quod ergo obiicitur in contrarium de auctoritate Boëtij, dicendum quod loquitur de materia appropriata, scilicet ratione potentiæ passiue, quæ est principium patiendi, & transmutandi ab alio. Et hoc patet, quia ipse vult probare, quod corporalia non conuertuntur in spiritualia, nec econuerso. Similiter Philosophus vult dicere, quod anima denudata sit à ratione materiæ, secundum quod est causa permixtionis, & corruptionis: & ideo non loquuntur generaliter de materia, sed appropriate: alioquin ipse Boëtius contradiceret sibi in lib. 1. de Trinit. vbi dicit quod nihil subiicitur accidentibus, nisi per materiam, & ibidem quod solus Deus est immaterialis.

3. Quod obiicitur quod creatura simplex rationabiliter potest cogitari, &c. dicendum quod consideratis proprietatibus creaturæ, eo ipso quod creatura non est actus purus, oportet quod habeat possibilitatem: quia mutabilis est, oportet quod habeat fundamentum: quia limitata, & in genere, oportet quod compositionem habeat: unde non potest rationabiliter cogitari, quod non potest esse, nec fieri. Et si obiicias mihi, quod Deus potest facere, quod forma accidentalis sit sine materia, ut in Sacramento altaris, dicendum quod nunquam fecit, quin semper sit nata esse in materia: & ad illam, quantum est de sui natura, habeat inclinationem. Si ergo Deus res condidit, secundum quod competit naturis ipsarum, patet quod nunquam debuit facere formam stare sine materia in conditione rerum, quamvis in miraculis faciat contra naturam, & supra naturam. In conditione enim rerum non querimus, quid Deus possit: sed quid congruat naturæ ipsius creaturæ, sicut dicit Augustinus.

4. Quod obiicitur quod causa nobilior est effectu, verum est de efficiente, & finali, quæ proprie tenent rationem causæ: sed de materiali, & formali, quæ sunt principia ordinata ad compositionem, non habent veritatem simpliciter, sed solum secundum quid.

Q V Æ S T I O II.

An materia ex qua compositi sunt Angeli, sit eadem cum materia corporalium.

Rich. 2. Sent. d. 1. art. 2. q. 1.
Steph. Brulef. 2. Sent. dist. 3. q. 2.

DATO quod Angelus habeat compositionem ex materia & forma, largo sumpto nomine materiæ ad omne potentiale, quod cum alio venit ad constitutionem, tanquam fundamentum rei. Queritur de illa materia, utrum sit eadem cum materia corporalium non loquor de identitate secundum essentiam nymeralem, sicut Sortes senex est idem sibi puero secundum substantiam: sed loquor secundum identitatem naturæ communis: ut sicut omnes annuli de auro dicuntur habere eandem materiam, siue essentiam, cum tamen numeraliter varietur, & alia pars secundum substantiam sit in vno, alia in alio. Et quod sit idem per essentiam, videtur auctoritate August. de mirabilibus sacræ Scripturæ: Omnipotens Deus ex informi materia, quam ipse prius de nihilo condidit, cunctarum rerum, hoc est sensibilium, & insensibilium, intellectualium, & intellectu carentium, species multiformes diuisit. Quid hoc expressus?

ITEM ratione videtur: In quolibet genere est reperire vnum primum, quo mensurantur omnia quæ sunt in illo genere, ut vult Philosophus in 11. primæ Phil. & etiam in 10. sed substantia est vnum genus, non tantum secundum Logicum, qui considerat rerum intentiones, sed secundum Metaphysicum qui considerat essentias rerum: ergo in genere substantiæ est vnum aliquod, quo mensurantur omnia in illo genere: sed illud non potest esse principium extrinsecum, cum secundum huius maiorem & minorem participationem intrinsecam, res illius generis magis & minus fuit: ergo cum principium intrinsecum non sit nisi forma, vel materia, erit vel materia, vel forma: si materia, habeo propositum: si forma, sed unitas formæ necessario præsupponit unitatem materiæ: ergo, &c.

ITEM quodcumque aliqua communis passio inest aliquibus subiectis, necesse est quod insit eis secundum aliquod commune: sed numerus est in spiritualibus, & corporalibus vniiformiter: quia eodem modo, quo numerus 10. homines, & 10. Angelos, numerus enim Angelorum supplebitur ex hominibus: ergo necesse est aliquam naturam communem in eis esse, secundum quam hæc passio insit: sed hoc non potest esse forma, restat ergo quod materia.

ITEM abstrahatur materia corporalium ab omni forma: abstrahatur etiam materia spiritualium ab omni for-

ma: quæro tunc, aut distinguitur, aut non. Si non; ergo sunt idem per essentiam. Si sic: cum omnis distinctio sit à forma: ergo habent formam. Si tu dicas quod distinctio perfecta sit à forma: sed sicut materia habet esse incompletum, ita & distinctionem incompletam. Contra: Illud in quo maxime differunt spiritualia & corporalia est simplicitas, & compositio: sed materia abstracta ab omni forma est ita simplex ut punctus: ergo nullam partibilitatem habet: ergo si in hoc non differunt, non videtur quod in alio. Si dicas quod per capacitatem. Contra: Materia non est sua capacitas per essentiam, ergo contingit eam abstrahi à capacitate: abstrahatur ergo materia spiritualium & corporalium à capacitate, quæro per quid differant: nullam omnino est assignare differentiam: ergo essentia est eadem per naturam.

ITEM forma generis est abstrahibilis à forma specierum, siue à differentiis: sed substantia dicit formam generis: corporeum & incorporeum sunt differentiæ: ergo ab his potest abstrahi: sed forma generis naturaliter est prior quam forma differentiarum, sicut dicit Philosophus, quod prius est animal, quam homo: consideretur igitur materia spiritualium, & corporalium sub forma generis, non differunt quantum ad formam, quæ consequitur ipsam essentiam materiæ: ergo multo fortius non differunt quo ad ipsam materiam, ut videtur.

ITEM cum dicitur: Materia rerum corporalium est materia spiritualium, materia, est materia aut est convenientia in solo nomine, aut in habitudine, aut in essentia. Si in solo nomine, ergo cum sit æquivocatio in primo principio, ergo nulla est vniucatio. Si in comparisonem, abstrahatur ab illa comparisonem, tunc aut erit dictum per convenientiam in essentia, aut æquivocatio pura.

1. CONTRA: Duo fecisti Domine, vnum prope te, aliud prope nihil. Et iterum in 12. Duo sunt carentia temporibus: vnum quod sine vlllo defectu contemplationis, & sine vlllo interuallo mutationis tuæ aternitate perfruatur: alterum quod ita informe erat, ut ex alia forma, in quam formam mutaretur, non haberet. Si ergo, quæ recte diuiduntur, vnum non intrat in constitutionem alterius, si Angelica natura diuiditur contra corporalem naturam, siue corporalium: ergo, &c. Si tu dicas, quod loquitur de ea secundum esse: hoc nihil est, quia loquitur de ea, sicut patet in antecedentibus, & consequentibus, secundum quod omni forma erat priuata, siue ut intelligitur sub omnimoda informitate, & consideratur immutabilis: ergo, &c. Beda etiam, & alij sancti sic diuidunt.

2. ITEM quæcumque communicant in materia, sunt adinuicem transmutabilia, sicut dicit Boëtius de duabus naturis, & vna persona CHRISTI: sed spiritualia & corporalia non sunt huiusmodi: ergo, &c.

3. ITEM ratione videtur. Sicut agendi potentia essentialiter consequitur formam, ita potentia suscipiendi essentialiter, immo essentialius consequitur materiam: sed necessario sequitur, quod si sunt diuersæ potentiæ primæ, & essentielles aliquarum formarum, ita quod ad aliquem effectum, vel actum ordinatur vna forma, ad quem non alia, quæ differunt per essentiam. Cum ergo materia subiecta corporalibus formis nullo modo possit capere formas spirituales per indiuiduam perfectionem, nec e converso, quia nunquam de Angelo potest fieri corpus, nec e converso: ergo differunt per essentiam.

4. ITEM partibilitas inest rebus corporalibus: aut ergo à parte formæ, aut à parte materiæ radicaliter. Non à parte formæ, quia omnis forma est simplici essentia consistens: ergo principaliter à parte materiæ, & originaliter. Aut igitur consequitur materiam secundum se, aut non. Si non, ut si materia sit simplex quantum est de se, ut punctus: ergo sicut punctus non potest esse materia, vel pars superficiæ, ita nec materia pars corporis: quod si hoc absurdum est, quia dimensiones secundum rationem infinitam consequuntur materiam secundum se: cum ergo ipsa materia secundum se sit in corporalibus, & spiritualibus, patet: &c.

5. ITEM

5. ITEM ostenditur hoc à parte finis, quia Angeli facti sunt ad videndam claritatem summæ lucis: sed materia corporalium de se tenebra est, & quod magis permiscetur, & magis vnitur ei, tanto minus cognoscit, & magis est tenebrosum. Si ergo forma Angeli vnitur suæ materiæ maxime in diuisione, substantia eius esset ineptissima ad contemplandam lucem: si ergo propter hoc solum factus est, nunquam habet materiam conformem per unitatem naturæ materiæ corporali.

6. ITEM videtur quod non sit ponere materiam tantquam mensuram generis substantiæ rerum, quia quæ magis participant de ratione materiæ, minus sunt entia, & ipsa est quid ignobilium in genere entium, quia prope nihil. Si ergo illud vnum quod est mensura generis, debet esse perfectissimum in genere illo, vt albedo in genere coloris: patet, &c.

CONCLUSIO.

Secundum varias considerationes, materia recte dicitur quod Angelorum & corporum eadem sit & non sit: profundius tamen illam considerantes, & nobilius vt Metaphysici, eandem omnium esse iudicauerunt.

RESP. Ad Arg. Dicendum quod circa hanc quæstionem sapientes videntur contrariari sapientibus. Nam magni, & profundi clerici & in Theologia, & in Philosophia, qui magis fuerunt veritatis inquisitores, diuersificati sunt. Quidam enim posuerunt, quod materia in spiritualibus & corporalibus differt, nec habet unitatem nisi analogiæ. Alij posuerunt, quod est vna per essentiam. Si quis autem diligenter velit considerare, quæ istarum positionum sit probabilior, & verior, & attendere ad rationes mouentes, videbit quod vtraque opinio secundum diuersas vias rerum dicat, ita quod neutri sunt decepti. Ratio autem huius diuersæ positionis fuit diuersus modus cognoscendi materiam. Materia enim dupliciter est scibilis, scilicet per priuationem, & per analogiam. Cognitio per priuationem est prius remouendo formam, deinde disponens ad formam, & considerare ipsam essentiam nudam in se quasi tenebram intelligibilem. Cognitio autem per analogiam est per consimilem habitudinem: habitudo autem materiæ est per potentiam, & ita hæc cognitio per comparisonem materiæ ad formam est mediante potentia. Potentia autem materiæ dupliciter potest comparari ad formam. Aut in quantum præbet ei fulcimentum in ratione entis, & sic considerat Metaphysicus. Aut sub ratione mobilis, & sic considerat naturalis Philosophus. Considerantes igitur materiam secundum priuationem omnis formæ tam substantialis quam accidentalis, dixerunt quod eadem est in spiritualibus, & corporalibus per essentiam: si enim ab omnibus formis, & ab omnibus accidentibus separetur vtraque materia, nulla omnino diuersitas apparebit. Considerantes autem materiam secundum analogiam, scilicet sub ratione potentiæ in quantum præbet fulcimentum formæ in ratione entis, dixerunt esse eandem secundum analogiam, quia est ibi consimilis habitudo. Sicut enim materia corporalium sustinet, & dat suis formis existere, & subsistere, ita etiam materia spiritualium. Est etiam ibi ratio participationis secundum plus, & minus. Nam in spiritualibus subsistat formæ substantiali tantum, in corporibus superioribus formæ substantiali, & quantitati: & in inferioribus formæ substantiali, & quantitati, & contrarietati. Et quoniam quod pure est in genere substantiæ, plus participat de ratione per se stantis, & independentis: quod autem plus accedit ad naturam accidentium, magis elongatur: hinc est quod substantiæ spirituales per prius & verius sunt substantiæ, deinde corpora superiora, postremo corpora inferiora: & hi dixerunt quod non esset eadem proprie, quia nec materia corporalium est nata sustinere formas spirituales, nec e conuerso. Considerantes autem secundum analogiam sub ratione potentiæ in quantum præbet fulcimentum formæ in ratione mobilis, etiam dixerunt esse

eandem per analogiam. Quoniam sicut in corporibus est aliquid quod sustinet variationes, quo ad proprietates corporales, ita in spiritualibus quo ad spirituales: & est ibi ratio prioris, & posterioris in participando. Nam materia potest esse fulcimentum variationis secundum situm, & formam, vt in corporibus corruptibilibus: aut situm tantum vt in superioribus: aut ad receptionem influentiæ, & habituum, & perditionem, vt in substantiis spiritualibus: & secundum hanc considerationem proprie est materia in corporalibus, & corruptibilibus, minus proprie in corporibus incorruptibilibus, minime in spiritibus. Et inde etiam est quod dicuntur aliquando immateriales, quia minimum habent de hac possibilitate, & secundum hoc materia est quid infimum. Et hi non posuerunt materiam vnā; quoniam materia in

Angelis non habet possibilitatem ad transmutationem formarum substantialium, nec est possibilis ad recipiendum formas corporales: & inde est quod dicit Philosophus quod spirituum, & corporalium non est materia vna, considerans potentiam materiæ in relatione ad formam, vt mobilem. Ex his patet ratio diuersitatis, & via harum positionum, & quod verum dicunt secundum diuersas vias, & secundum diuersos modos intelligendi, sic currunt diuersæ rationes, & auctoritates inueniuntur ad partes oppositas. Et patet responsio obiectorum. Nec est contradictio, si quis recte intelligat vtrumque. Vel aliter potest dici quod cum loquimur de unitate materiæ, loquimur de ipsa, prout ad eam stat resolutio principiorum: ideo tripliciter possumus loqui secundum quod tres sunt qui docent resolutionem facere ad principium materiale. Nam ad materiam resoluit Naturalis, qui considerat generationem, & corruptionem. Ad eam resoluit Physicus vniuersalis, qui considerat omne corpus mobile, siue ad situm, siue ad formam. Ad eam resoluit Metaphysicus qui considerat omne ens, vt vnusquisque resoluit secundum amplitudinem suæ considerationis. Nam Philosophus inferior, qui negotiatur circa generationem, & corruptionem, considerat materiam vt est principium generationis, & corruptionis, & sic est solum in his inferioribus: & quoniam omnia talia sunt adinuicem transmutabilia, ideo solum dicit eandem materiam generabilem, corporalem, & corruptibilem. Philosophus superior considerat ipsam materiam mutabilem, siue ad situm, siue ad formam: & videt eandem passionem in inferioribus, & superioribus, per quam mutabilia sunt ad situm, vt partibilitatem mobilis, cuius principium est materia: & ideo resoluit ad materiam omnis rei corporalis, & secundum hunc philosophum est eadem materia in omnibus corporalibus. Metaphysicus considerat naturam omnis creaturæ, & maxime substantiæ per se entis, in qua est considerare actum essendi, & hunc dat formam: & stabilitatem per se existendi, & hanc dat & præstat illud cui innitur forma: & hæc est materia. Et quoniam per se esse in spiritualibus, & corporalibus dicit communitatem non æquiuocam, sed communitatem generis & rei non analogiæ solum, ideo debet recurrere ad principij unitatem, ideo secundum Metaphysicum in omnibus per se entibus est ponere unitatem materiæ. Omnium istorum Philosophorum consideratio vera est, sed differenter iudicant. Philosophus enim non dicit, eandem esse materiam, nisi in corporalibus, quia nunquam venit ad considerandum materiam secundum essentiam, sed solum secundum esse: & absque dubio aliquid habet esse in corporalibus quod non in spiritualibus, & aliquid in corruptibilibus quod non in incorruptibilibus. Metaphysicus vero non tantum secundum esse, sed secundum essentiam considerat: & quia abstracto omni esse, non est reperire, nec etiam fingere diuersitatem in materia, ideo dicit esse materiam vnā per essentiam: & ideo cum hanc questionem tractat Theologus, aut pertractat eam sicut Naturalis, aut sicut Metaphysicus, quia ipse potest accipere modos omnium scientiarum, cum ei famulentur. Si, vt Naturalis: sic dicit non esse eandem. Si,

12. Met. 1. & Auer. de sensu. disp. 4.

Arist. dicit: Etenim & corruptibili non est materia vna, nec usus est isto nomine spirituum, vbi materiam reseruitur. Auer. tamen vocat calum corpus rationale, quia transmutabilibus non subicitur, præterquam ad vbi. Vide Arist. & Auer.

Opinio 1.

Opinio 2.

Phys. & 7. Metaph.

8. Met. 14. & 1. de generatione context. 43. & 55. & 2. de generatione context. 2.

vt Metaphysicus, sic dicit eandem esse per essentiam differenciam secundum esse. Et quoniam nobiliori modo iudicat Metaphysicus quam scientiæ inferiores, ideo hi qui posuerunt materiam eandem in spiritualibus, & corporalibus, altius eleuari melius iudicauerunt, quamvis secundum diuersas considerationes utriusque potuerint dicere verum, vt prius est ostensum. Concedendæ ergo sunt rationes probantes eandem esse materiam per essentiam in spiritualibus, & corporalibus, sicut manifeste innuit Augustinus in lib. de mirabilibus, sacre Scripturæ, qui fuit altissimus Metaphysicus.

1. QVOD obiicitur ergo quod distinguitur materia contra angelicam naturam, dicendum quod loquitur de materia secundum esse, non secundum essentiam. Vel aliter, distinguitur ratione actualitatis, quæ est in angelo, ratione cuius summe inter creaturas appropinquat Deo: & ratione passibilitatis, quæ est in materia de se, ratione cuius est prope nihil.

2. QVOD obiicitur: Quoniam materia est vna, &c. dicendum quod loquitur de materia secundum esse, hoc est de materia transmutabili, ratione cuius dicuntur res adinuicem transmutabiles: & ideo sermo ille secundum physicum, & in genere physici est intelligendus, & alij sermones consimiles qui dicunt materiam esse diuersam: omnes enim loquuntur de materia secundum esse.

3. QVOD obiicitur de potentia suscipiendi, dicendum quod potentia materiæ secundum se considerata, non est magis ad hanc formam, quam ad aliam: imo indifferenter se habet ad omnem. Nam materia in se considerata, nec est spiritualis, nec corporalis: & ideo capacitas consequens essentiam materiæ, indifferenter se habet ad formam, siue spiritualem, siue corporalem: sed quia materia nunquam expoliatur ab omni esse: & quæ semel est sub esse corporali nunquam exiit, & similiter illa quæ est sub esse spirituali: hinc est quod materia consequens esse in spiritualibus & corporalibus, est alia, & alia.

4. QVOD obiicitur de partibilibus, dicendum quod hoc non est ratione ipsius materiæ: quia materia abstracta omni forma simplex est, non tamen habet actualem simplicitatem, vt punctus: sed simplex, quia caret actuali extensione, habet tamen possibilitatem ad illam: & cum natura formæ corporalis illi materiæ datur, tunc reducitur ad actum. Vnde cum dicitur quod extensio est à materia: non est intelligendum quod à materia secundum essentiam suam, sed secundum esse, prout suscipit formam corporalem, quæ non est nata esse in materia nisi cum extensione, quamvis ipsa in se sit simplici essentia consistens.

5. QVOD obiicitur quod materia est tenebra, dicendum quod tenebra dicitur ratione priuationis formæ, quia forma lumen est: & ideo materia cum priuatione repugnat contemplationi. Et quia in Angelis facta est sub actu perfecto, sublata priuatione: & sic patet illud. Non enim est tenebra per essentiam: nisi quis forte dicat tenebram comparatiue, sicut creatura omnis tenebra est respectu summe lucis, sic & materia tenebra potest dici respectu Dei, & respectu formæ, qua perficitur.

6. QVOD obiicitur quod materia non est illud, quo omnia mesurantur, dicendum quod licet aliqui voluerint dicere quod materia, ratione qua est fundamentum, dat esse fixum, & in ea ratione est ratio mensurandi, quia plus sapit, & participat de natura generis substantiæ, quod magis in seipso fulcitum est: tamen illud non est conueniens dicere quod ipsa materia sit illud vnum, cum hoc debeat esse completissimum, sicut dicitur in 10. primæ Philosophiæ quod albedo est mensura omnium colorum. Et ideo dicendum quod non ponimus materiam vnā, quia ipsa sit mensura, sed quia si non est materia vna, impossibile est, ponere aliquod vnum mensurans, cum illud præsupponat illam. Quid autem sit illud vnum quod est mensura omnium quæ sunt in genere substantiæ: hoc est alterius inquisitionis.

QVÆSTIO III.

An materia corporalium, & incorporealis sit vna numero.

Alex. Alenf. 2. p. q. 42 Memb. 2.

S Thom. 1. p. q. 66. art. 2.

Et 2. Sent. dist. 12. art. 1.

Scot. 2. Sent. d. 12. q. 1.

Egid. Rom. 2. Sent. dist. 12. q. 3. art. 4.

Richard. 2. Sent. dist. 3. art. 2. q. 1.

Duran. 2. Sent. d. 12. q. 1.

Ioan. Barc. 2. Sent. d. 14. q. 1.

Tho. Argent. 2. Sent. d. 12. q. 1. art. 4.

VTrum materia spiritualium, & corporalium sit vna secundum numerum, aut secundum unitatem aliā. Et quod sit vna numero, videtur sic: Omne illud quod ita est vnum quod non recipit distinctionem, est vnum numero: materia per essentiam suam ita est vnum quod omnino nullam habeat distinctionem secundum suam essentiam, quia omnis distinctio est à forma: ergo necesse est materiam in omnibus esse vnā numero.

ITEM: Omne quod est vnum, est vnum vel genere, vel specie, vel numero: sed materia non est eadem in spiritualibus, & corporalibus unitate generis, vel speciei, cum illa sit solum à forma: ergo à diuisione sufficienti, materia est vna numero.

ITEM: Status perfectus non potest esse nisi in vno: ergo sicut est status in genere efficientis, & finis, ita in genere materiæ: sed in genere efficientis primi, & finis ultimi sic est status quod vnum solum est primum efficiens per essentiam, ad quod omnia reducuntur: ergo videtur similiter cum ex parte resolutionis sit status in essentia materiæ, quod illa sit vna numero.

ITEM: Cum dicitur materia lapidis est materia, & materia Angeli est materia, aut dicitur vniuoce, aut æquiuoce, aut idem prædicatur de se. Sed non æquiuoce, quia tunc Angelus, & lapis æquiuoce dicerentur substantiæ. Non vniuoce, quia vniuocatio est solum in formis, & in his quæ dicunt formam: ergo oportet, quod idem prædicatur de se: ergo si materia lapidis & materia Angeli non sunt plures materiæ, sed vnica, restat quod materia est in spiritualibus, & corporalibus numero vna.

ITEM: Intelligamus materiam siue spiritualium, siue corporalium per abstractionem ab omnibus formis, intelligitur materia vt simplex, intelligitur materia, vt vnica, nullo modo multiplicata, nec distincta: sed formæ superuenientes non mutant essentiam materiæ: sed solum esse: ergo si prius erat materia quantum ad essentiam, vnica numero, ergo & nunc cum habet formas.

ITEM: Intelligamus per impossibile quod Deus de vno lapide faceret Angelum: tunc mutaretur forma, & esse materiæ, sed essentia esset salua: ergo materia cum sit vna per essentiam, etiam in hac transmutatione est illius mutationis subiectum: sed illa mutatio est vna numero: ergo materia per essentiam manet vna numero. Arguitur ergo sic: Si in illo Angelo sic producto, & lapide præexistente est materia vna numero: & tantum distat ille Angelus à natura corporali, quantum alius Angelus: ergo videtur quod in aliis rebus corporalibus sit materia vna numero.

1. CONTRA: Vnum numero respicit esse indiuiduum siue indiuiduatum: sed materia in corporalibus, & spiritualibus non est vna unitate indiuiduali: ergo non est vna secundum numerum. Maior patet. Minor probatur per hoc quod quæcunque sunt eadem numero alicui indiuiduo, inter se sunt eadem, & vna numero: sed Angelus à sua materia non differt numero, nec lapis à sua: ergo si materia lapis, & Angeli est vna numero: ergo lapis, & Angelus sunt vnum numero: quod falsum est.

2. ITEM: Vnum & multum sunt differentie entis in actu: sed materia est omnino ens in potentia: ergo si diuidentia non conueniunt nisi eis, quibus conuenit diui-

Funda
menta

Arif.

Arif.
Met.
8. Phys.

Ad
futu

1. Ph
res.

sum

sum : ergo nullo modo potest esse materia per essentiam vna numero.

3. ITEM : Si de auro vno fiant diuersa vasa : postquam facta sunt , iam illud aurum definit esse vnum propter distinctionem superinductam : cum ergo de materia fiant creaturæ , genere & specie differentes , videtur quod materia numeretur in illis : ergo, &c.

4. ITEM : Opposita non sunt compossibilia circa idem numero : hoc planum est , quia mutuo se expellunt : sed oppositæ formæ sunt circa materiam , vt est in diuersis : ergo impossibile est materiam esse vnâ numero.

5. ITEM : Impossibile est idem numero esse ens , & non ens , quia inter ens , & non ens summa est distantia : sed Angelus secundum suam formam , & materiam est in actu. Anima Antichristi nec est secundum materiam , nec secundum formam , immo creanda est secundum suum totum : ergo impossibile est quod Angeli , & animæ sit eadem materia , vel alterius creaturæ diuersæ.

6. ITEM : Creatio non solum terminatur ad esse , sed etiam ad essentiam : ergo vbi sunt diuersæ creationes , oportet diuersos esse terminos per essentiam : sed creatio animæ Petri , & animæ Antichristi est alia , & alia , & vtroque producit essentia materiæ : ergo necesse est materiam hic & ibi aliam esse per essentiam : ergo impossibile est esse numero vnâ.

7. ITEM : Esse simpliciter vnum in pluribus , hoc est proprietas Dei , siue esse vnum in omnibus : ergo non competit alijs , vel si competit alijs , minime competit ei , quod maxime distat à Deo , sed materia maxime distat à Deo , cum sit prope nihil , ergo nullo modo videtur ipsi conuenire quod ipsa sit vna numero in omnibus , vel etiam in pluribus.

CONCLUSIO.

Materia spiritualium, & corporalium est vna numero, non unitate formalis, aut actuali, sed unitate homogeneitatis, qua latiore in ea ponit capacitatem.

RESP. AD ARG. Dicendum quod positio philosophorum , & physicorum virorum hæc fuit & est , quod materia in quibuscunque est per essentiam , est vna & vna numero. Et rationem huius assignant , quia materia hoc ipsum quod est , omnino est ens in potentia : & ideo oportet quod in quibuscunque est , sit per essentiam numero vna : hæc autem ratio bona est : quod melius patet si pertractetur. Quia enim materia omnino est ens in potentia : ideo per sui essentiam nullum habet actum , nullam formam : ergo nullam distinctionem habet , & non est nihil : oportet ergo quod sit vna sine multitudine , & ita numero vna. Amplius : Quia ens omnino in potentia : ideo nec genus , nec species esse potest. Quia dicit aliquo modo actum : ideo non potest esse communis eis , quibus est communis unitate vniuersalitatis , vel vniucationis : ergo nec genere , nec specie est vna , & tamen nihilominus est vna : & ita est vna numero. Rursus : Quia est ens omnino in potentia , ideo de se est infinita , & ad formas infinitas : sed Deus , quia infinitus est , vbiq; est sua infinitate , quæ venit ex actualitatis summæ perfectione. Sic & materia quia infinita , in omnibus materiatis est vna propter infinitatem eius , quæ venit ex summæ potentialitatis imperfectione. Postremo : Quia materia est ens in potentia , unitas eius non potest esse unitas indiuiduationis , siue per continuitatem : sicut mons est vnus : siue per actuale simplicitatem , sicut Angelus est vnus : sed si habet unitatem , unitatem habet homogeneitatis. Hæc autem unitas simul manet in diuersis , sicut patet si de eodem auro fiant multa vasa , illa sunt de eodem auro per homogeneitatem : sed aurum quod est in vno , differt ab auro quod est in alio : adeo vt non sit vnum per continuitatem. Si igitur materia non est ,

vna actuali simplicitate , vt Angelus , nec continuitate vt mons , vel auri frustum , sed solum homogeneitate : & hæc non tollitur per aduentum formarum : ita est materia vna sub omnibus formis , sicut omnibus formis abstractis : sed abstractis omnibus formis , nulla est distinctio in materia : immo intelligitur , vt simpliciter vna : nunc igitur materia est in omnibus materiatis numero vna , quia est ens omnino in potentia : & hæc est recta ratio , & causa. Ex his pro magna parte patent obiecta , quoniam ex prædictis colligi potest , qualis est illa unitas qua materia dicitur vna. Non enim est unitas actualis , cuiusmodi est unitas Chorischi in foro , & theatro , & cuiusmodi est unitas Dei : sed illa unitas magis est possibilitatis , & potest dici homogeneitatis , quæ adeo ampla est , vt sustineat receptionem maioris multitudinis diuersitatis formarum superadiectarum , quam unitas formæ alicuius vniuersalis , & generis generalissimi , & hoc est propter summam possibilitatem. Vnde dicitur vna numero , quia est vna sine numero : quemadmodum ouis carens signo respectu ouium habentium signum , dicitur esse signata : per hunc modum intelligi potest materia numero vna.

1. Quod obicitur ergo , vnum numero respicit indiuiduum , dicendum quod verum est , prout vnum numero dicit accidens , vel prout consequitur esse actuale : non autem est verum prout respicit essentiam , quoniam hoc modo se extendit ad unitatem maioris capacitatis , quam sit unitas indiuidualis , & de illa nõ sequitur quod quæ sunt eadem vni , &c. sicut nõ sequitur quod homo , & asinus vniuntur in animali , ergo sunt vnum inter se.

2. Quod obicitur quod vnum numero est differentia entis in actu , dicendum quod verum est de vno quod dicit unitatem completam. Unitas enim , & veritas , & bonitas proprie , & complete sunt in creatura completa : nihilominus tamen , sicut dicit Augustinus de vera Religione , incomplete reperiuntur in materia. Sicut enim materia incompleta est de se : ita unitatem secundum se habet incompletam , possibilem tamen quantum ad esse completi per formam , cuius aduentu constituitur indiuiduum numero vnum , unitate actuali , & completa : ex cuius etiam aduentu fit distinctio , & surgit in rebus multitudo.

3. Quod obicitur de auro , non est simile , quia aurum habet unitatem continuitatis , & indiuiduationis , quæ opponitur numerationi & discontinuitati , & hoc est , quia aurum etsi sit materia scyphi , est ens in actu : non sic materia prima respectu materiæ , vt ostensum est prius.

4. 5. 6. Quod obicitur quod opposita non possunt se compati circa vnum , & quod idem non potest esse simul ens , & non ens , & diuersis mutationibus introduci in esse. Ad hæc tria , vnica est responsio , scilicet quod illud verum est de eo quod est ita vnum , quod eius unitas repugnat multitudini , sicut est vnũ indiuiduum : sed de eo quod ita vnum quod multitudini non repugnat , immo propter suam possibilitatem admittit omnem diuersitatem , non habet veritatem , immo simul & semel habet opposita. Simul etiam & semel potest esse in re , & potest esse in potentia agentis , & diuersis productionibus produci , sicut diuersis formis informari. Et hoc patet , quia forma humanitatis est vna unitate vniuersalitatis : & ideo simul verum est , quod est homo qui generatur , & est homo qui generandus est , & est homo albus , & est homo niger : in omnibus his est forma vna vniuersalis. Quod si dicas , quod non est simile , quia humanitas non est vna numero , vt materia , dico quod quamvis non sit vna numero , sed specie , tamen unitas materiæ , quæ est unitas homogeneitatis , maioris amplitudinis est , quam humanitas ipsa , & maiorem diuersitatem admittit. Et ideo nulla est oppositio , nulla omnino contradictio ex comparatione oppositorum ad unitatem materiæ per essentiam : sed solum ex comparatione oppositorum ad unitatem materiæ secundum esse. Vnde sicut si duo scyphi facti sunt de

auro

Doctrina
peripatetica
singularis.

t. ponens
ere exi-
riã pro-
m tenet
ere uni-
m pro-
m posi-
m.

auro contornia, potest vnus destrui altero remanente, vel vnus produci altero in esse producto, sic intelligendum est in proposito. Si quis enim vult vnitatem materię intelligere: oportet ab vnitatem individuali animi abstractare, & super actum imaginationis conscendere: & omnino ens in potentia per priuationem cogitare: & sic poterit aliquantulum capere. Quandiu enim materia vt moles extensa cogitur, ad vnitatem essentię nullo modo pertingitur.

7. QVONIAM vltimo obiicitur, satis planum est. Sicut enim Deus est infinitus, & materia infinita, alio tamen modo infinitatis, qui potius est per recessum, quam per accessum, vnde non competit formæ, sed materię: sic intelligendum est de illa vnitatem, Deus enim est vnus in pluribus: ita quod perfectissimus, & omnino actus, & hoc est eius solius. Sed materia est vna in omnibus: & hoc quia per suam essentiam non potest esse distincta: non sic est de forma: & sic patent omnia.

ARTICVLVS II.

Consequenter queritur de secundo attributo, scilicet de discretione personali. Circa quam tria queruntur. Primò queritur. Vtrum in Angelis sit mera discretio personalis. Secundò: Vtrum hæc proprietas sit accidentalıs, aut substantialis. Tertiò verò: Vtrum sit materialis, vel formalis.

QVÆSTIO I.

An in Angelis sit mera discretio personalis.

Alexander Alex. 2. p. q. 20. Membr. 6.

8. Thom. 1. p. q. 50. art. 4.

Et 2. Sentent. dist. 3. q. 1. art. 4.

Et 2. contra Gent. c. 94.

Scotus 2. Sent. dist. 3. q. 7.

Agid. Rom. 2. Sent. dist. 3. q. 2. art. 1.

Durandus 2. Sent. dist. 3. q. 3.

Richardus 2. Sent. dist. 3. art. 6. q. 1.

Thom. Argem. 2. Sent. dist. 3. q. 2. art. 2.

Franciscus de Mayr. 2. Sent. dist. 3. q. 3.

Ioan. de Bassol. 2. Sent. dist. 3. q. 1.

Gabr. Biel. 2. Sent. dist. 3. q. 1.

QVOD in Angelis sit mera discretio personalis, ita quod Angeli aliqui differant solo numero, videtur: Millia millium ministrabant ei. Constat quod non tot habebant ministeria differentia specie, quo Daniel enumerat: ergo nec ministri omnes differebant specie: ergo aliqui, vel omnes differebant numero solo. Quod si dicas, quod tot ministeria: obiicitur de secunda parte auctoritatis. Et decies centena millia assistebant. Constat quod tanta diuersitas non poterat cadere ibi, nisi secundum numerum, cum haberent vnum statum, scilicet assistere.

ITEM: Gloria est Regi habere multos ministros vni-formes: ergo si gloriosum est regnum, in quo cum Christo gaudent omnes Sancti: videtur quod multi sint vni-formes in illo superno palatio: & ita solo numero, vel persona differentes.

ITEM: personalis discretio est in Deo, Angelis, & hominibus: & cum natura angelica sit diuinæ propinquior quam humana, ergo & discretio personalis: sed in Deo sunt plures persone differentes sola personalitate, similiter in hominibus: ergo videtur quod similiter in Angelis: ergo sunt ibi aliqui solo numero differentes, aut omnes.

ITEM: Omne animal per naturam desiderat societatem similis in specie: nam omne animal ad sibi simile copulabitur, & volatilia ad sibi similia conueniunt: ergo Angelus per naturam desiderat societatem similis in specie: sed desiderium eius non est frustra, maxime in Angelo beato: ergo, &c. Si tu dicas quod illud est verum in animalibus, non in substantiis spiritualibus: tunc quero, vtrum in Angelis sit socialis, & amicalis affectus: constat quod sic. Sed in quocunque est ponere

aliquid talem, est amare similem, & appetere habere: ergo redit idem quod prius.

1. CONTRA: Diuersitas quæ est numero solo, causatur à diuersitate materię: inde est quod sol non multiplicatur, quia eius essentia est ex tota sua materia: ita quod materia eius non est diuisibilis, nec multiplicabilis sed talis ratio est in Angelis: ergo, &c.

2. ITEM: Ratio finalis multiplicationis secundum numerum venit ex parte corruptibilitatis: ideo enim multiplicatur secundum numerum, vt quia non poterat saluari in vno, ipsa species saluaretur in pluribus: vnde sol, & luna quia perpetua sunt, non habent nisi vnum solum indiuiduum in eadem specie: ergo, &c.

3. ITEM: Si reperire contingit extrema, & medium similiter est possibile esse. Sed contingit reperire pluralitatem personarum in vna natura in Deo, & e converso pluralitatem naturarum in vna persona, vt in homine, & in Christo: ergo contingit pluralitatem naturarum reperire in pluribus personis, vt tot sint naturæ differentes, quot sunt supposita: & tot species quot indiuidua.

4. ITEM: Distinctio personalis pura est, in Deo, quantum ad originem, & in homine similiter: ergo videtur quod origo sit tota, & principalis ratio discretionis personalis: cum ergo in Angelis non reperiatur origo: nec pura distinctio personalis per consequens.

CONCLUSIO.

Angelorum quidam solo numero inter se discrepant, nullamque specificam habent differentiam: nonnulli verò & numero, & specifica inter se discrepant differentiam.

RESP. AD ARG. Dicendum quod hic fuit duplex positio. Quidam enim dixerunt, quod in Angelis est discretio personalis: sed nunquā purē, immo sunt ibi tot species, quot indiuidua: similiter dicunt in luminaribus mundi. Sed licet hoc aliquam probabilitatem habeat in corporalibus non tamen videtur rationabile in spiritalibus, vt nullus communicet cum alio in natura spiritali, & specifica. Sicut enim innotescit per scripturam, multi Angeli ad idem officium ordinantur, & communem videntur habere operationem eandem, Nobis etiā nec per scripturam, nec per dicta sanctorum, nec per officia innotescit tanta diuersitas: ideo non videtur nisi præsumptio hoc dicere: maxime cum non appareat in promptu aliqua ratio cogens. Alia est positio sobria, & catholica quod in Angelis est ponere distinctionem, quantum ad personalitatem tantummodo, aut in omnibus, aut in aliquibus: & concedendæ sunt rationes ad hoc inductæ tum ex parte ministerij, tum ex parte assimilationis ad Deum tum ex parte assimilationis mutue.

1. 2. QVOD ergo obiicitur quod diuersitas secundum numerum venit ex diuisione materię, dicendum quod falsum est: sed multitudo per generationem venit ex diuisione materię, quia generans dat generato partem suæ substantię. Diuersitas autem Angelorum non est per multiplicationem vnus ab altero: sed omnium Angelorum diuersitas, est à Deo. Et per hoc patet sequens obiectum de fine, quia ille non est finis multiplicationis, sed multiplicationis successiuæ. Sed ratio potissima multiplicationis in hominibus & in Angelis, est diuinæ potentie, & sapientie, & bonitatis declaratio, & collaudatio, quæ manifestantur in multiplicatione, & gloriæ beatorum amplificatione: quia amor charitatis exultat in multiplicatione bonæ societatis. Vnde credo quod erant in magno numero, & perfectissimo: secundum quod decet illam supernam ciuitatem omni decore fulgentem.

3. QVOD obiicitur de medio, dicendum quod Angelus non potest esse medium, quia, sicut in præcedentibus probatum est, quamvis in Angelo non sit tanta

naturarum

naturarum diuersitas, quanta in homine: nihilominus aliqua est. Et præterea, quamvis non diuersificetur in hominibus pluribus humana natura, tamen multiplicatur in illius: & ideo non est quætere aliud medium.

4. Quod ultimo obiicitur de origine quod est principalis ratio discretionis, dicendum quod quamvis Richardus dicat quod personæ in hominibus distinguuntur origine: tamen hoc non habent ratione principij: nam pauci homines sic distinguuntur per illam habitudinem. Ad solum enim vnum hominem habet homo illam habitudinem: & tamen ab omnibus differt personaliter. Sed ratio distinctionis personalis, quantum ad veritatem, venit ex principiis constituentibus, & particulantibus: quantum ad notitiam, venit ex qualitatibus: quorum vtrumque est in Angelis reperire secundum diuersitatem: diuersa enim habent principia indiuiduantia, & diuersas proprietates innatas. Sicut enim homines diuersas habent facies, sic diuersas habent mentes & proprietates mentales: ita intelligendum est in Angelis suo modo.

QVÆSTIO II.

An personalis proprietas in Angelis sit substantialis, vel accidentalis.

Alexander Alensis 2. p. q. 18. Membro 4. art. 3.
S. Thom. 3. Sent. dist. 3. q. 1. art. 2.
Securus 2. Sent. dist. 3. q. 6.
Egid. Rom. 2. Sent. dist. 3. q. 2. art. 1. dub. 1.
Richard. 2. Sent. dist. 3. q. 7.
Durandus 2. Sent. dist. 3. q. 2.
Thom. Arg. 2. Sent. dist. 3. q. 2. art. 1.
Gul. Vorilon. 2. Sent. dist. 3. q. 2.

VTRUM personalis proprietas sit in Angelis, accidentalis, vel substantialis. Et quod accidentalis, videtur sic. Boëtius dicit quod omne proprium manat de genere accidentium non solum proprium indiuidui, sed etiam speciei: sed indiuiduum magis approximat accidentibus quam species: ergo multo fortius proprietas indiuidualis de genere accidentium est, sed discretio personalis est proprietas indiuidualis: ergo, &c.

2. **ITEM** Richardus de sancto Victore ait, quod in diuinis est personalis discretio per originem in Angelis, per qualitatem: in hominibus vtroque modo: si ergo tam qualitas, quam origo dicit proprietatem accidentalem in creaturis, patet, &c.

3. **ITEM** Porphyrius dicit quod indiuiduum constat ex proprietatibus, quarum collectionem impossibile est in altero reperire: sed tales sunt proprietates accidentales: ergo indiuiduatio est per accidentia: sed per eadem est personalis discretio, per quæ est indiuiduatio: ergo, &c.

4. **ITEM** humana natura in Christo non habuit personalitatem, nec discretionem personalem: sed constat quod habuit quæ sunt essentia substantiæ rationali: ergo personalis discretio non est substantialis siue essentialis, nec homini: nec Angelo.

5. **ITEM**: Circumscriptis omnibus accidentibus, res non cadit in sensu: sed solum in intellectu: sed vniuersale dum intelligitur, singulare dum sentitur: ergo circumscriptis accidentibus circumscribitur indiuiduatio, ergo & personalis discretio, & sic idem quod prius.

6. **ITEM** discretio personalis est discretio secundum numerum: sed circumscripta quantitate non est intelligere numerum, ergo nec discretionem personalem: sed substantiale intelligitur circumscripto accidentali: ergo si discretio personalis non potest intelligi accidentibus circumscriptis: ergo non est substantialis Angelo, sed potius accidentalis.

CONTRA arguitur primo per textum. Magister enim dicit quod prima consideratio est de substantia & sub prima consideratione comprehendit personalem discretionem: ergo videtur quod personalis discretio est Angelo substantialis.

ITEM: Persona non est aliud quam indiuidua substantia rationalis naturæ: sed indiuidua substantia, in quantum huiusmodi, est in genere substantiæ non per reductionem, sed directe secundum lineam rectam: ergo, in quantum huiusmodi, est in genere substantiæ: ergo personalitas non est in genere accidentis, quia in eodem genere est album in quantum album, & albedo: ergo in eodem genere personalitas, & persona.

ITEM: Nullum accidens est nisi in substantia indiuidua: ergo omne accidens consequitur indiuiduitatem essentia, & tam in rationali quam in irrationali hoc habet: veritatem: ergo prius per naturam est aliquid indiuiduum substantiæ rationalis, quam habet accidens: ergo per prius persona: ergo discretio in personalitate.

ITEM: Quæ differunt personalitate, differunt in suis principiis substantialibus, sicut patet in Petro, & Paulo: & quæ sic differunt, substantialiter discernuntur: ergo discretio personalis dicit differentiam substantialem: ergo non est proprietas accidentalis.

ITEM: Non est maior discretio in accidentibus, quam inter opposita: sed opposita non faciunt discretionem personalem, quia vnus homo prius est albus, postea niger: prius puer postea senex: & tamen idem indiuiduum est, & vna persona: ergo, &c.

ITEM: Accidentia diuersa cum sint in vno supposito, sunt vnum numero, vt grammaticum, & musicum: sed hoc non esset, si diuersitas secundum numerum, vel secundum discretionem personalem veniret ab accidentibus: ergo, &c.

CONCLUSIO.

Angelorum personalis proprietas & discretio, potest dici substantialis, si substantiale dicatur id quod immediate sequitur substantiam, & accidentale quod causatur ab accidentibus. At partim sic partim vero non, si substantiale dicitur id quod substantia genus non exist.

RESP. Ad Arg. Ad prædictorum intelligentiam notandum quod circa hoc est triplex modus dicendi. Quidam enim dicere voluerunt quod personalis discretio est accidentalis proprietas: quia dicunt quod est in genere accidentis, & quod etiam causatur ab accidentibus, sicut discretio numeralis. In hoc autem differentia est: quia discretio numeralis causatur à diuersitate proprietatum, in quibus communicant creatura rationalis & irrationalis: sed discretio personalis à proprietatibus quæ insunt proprie rationali creaturæ. Sed illud improbat in opponendo per multas rationes: nec potest habere veritatem quod distinctio indiuidualitatis sit ab accidentibus; cum indiuidua differant secundum substantiam, non solum secundum accidens: & similiter de discretionem personali intelligendum est. Et ideo alius modus est dicendi quod discretio personalis dicit proprietatem accidentalem, quæ non causatur ab accidentibus, sed à substantia siue principiis substantialibus: sicut vnitas quæ est principium numeri, est in genere accidentis: tamen immediate habet ortum à substantia. Sed cum persona dicat idem quod suppositum rationalis naturæ, vt est in genere substantiæ, non videtur probabile quod personalis discretio dicat proprietatem accidentalem solum. Et ideo est tertius modus dicendi quod discretio personalis, etsi videatur dicere accidentis, quia dicit per modum accidentis, tamen principaliter dicit quid substantiale, & si aliquo modo importat accidens, hoc est consequenter: illud tamen immediate habet ortum à principiis substantialibus, & hoc patet sic: Discretio personæ addit super discretionem indiuidualem: discretio autem indiuidualis duo dicit, indiuiduam, & consequenter distinctionem. Indiuiduatio autem est ex principiorum indiuiduone, & appropriatione: ipsa enim rei principia dum coniunguntur, innic se appropriant, & faciunt indiuiduum.

Aristot. in
Prædic. c. de
Substantia.

Opinio 1.

Improbatio.

Opinio 2.

Improbatio.

Opinio 3.

Sed

Sed ad hoc consequitur esse discretum, siue esse distinctum ab alio, & surgit ex hoc numerus, & ita accidentalis proprietas dicit consequens ad substantiam & sic individualis discretio dicit aliquid accidentale, & aliquid substantiale: personalis autem addit super hanc dignitatem personalitatis. Dignitas autem illa duo dicit, scilicet nobilitatem rationalis naturæ, quæ est quod natura rationalis tenet principatum inter naturas creatas: unde non est ordinabilis ad perfectiorem formam. Et hæc nobilitas etsi per modum qualitatis habeat intelligi, tamen essentialis est naturæ rationali. Dicit etiam illa nobilitas actualem eminentiam, ita quod in supposito nulla sit alia natura ita principalis, ut natura rationalis, ut sit quasi per se sonans: & ideo quia hoc deficit ei in Christo, natura rationalis creata non facit personalitatem & hoc est accidentale: dicendum igitur quod quemadmodum individualis discretio est existentia formæ naturalis in materia: sic personalis discretio est existentia naturæ nobilis, & supereminentis in supposito. Et ideo quamvis utrobique importetur quid substantiale, & similiter accidentale consequens, hoc dico in creatura, tamen importatur accidentale quod causetur, vel ortum habeat ab accidente: sed potius consequitur formam in materia, vel naturam in supposito. Ex his patet veritas problematis, & dissolutio obiectionum pro parte. Si enim queratur, utrum personalis discretio sit proprietas substantialis, vel accidentalis. Si substantialis proprietas dicatur, quia immediate sequitur substantiam: sic dicendum est esse substantiale. Si substantiale dicatur, quia non exit genus substantiæ, dicendum quod quodammodo sic, & quodam modo non. Similiter si dicitur accidentalis proprietas, quia causatur ab accidentibus: sic dicendum simpliciter quod non. Si verò accidentalis, quia est in genere accidentis: sic potest dici quod quodam modo non, secundum distinctionem primo factam.

Quod ergo obiicitur quod personalis discretio pertinet ad substantiam, & non causatur ab accidentibus: hoc totum concedendum est.

1. Quod obiicitur in oppositum quod omne proprium manat de genere accidentium, dicendum quod Boëtius loquitur de propria passione: & hanc dicit manare de genere accidentium: non quia non causetur ex principiis subiecti, sed quia, etsi ex ipsis formatur causaliter, tamen est in genere accidentium. Dupliciter ergo deficit illa ratio: primo quia peccat in intellectu huius nominis *proprium*. Est enim proprietas quantum ad rem, & quantum ad modum: & Boëtius intelligit de eo quod realiter est propria passio, non de eo quod est proprietas quantum ad modum. Proprietas autem individualis aut proprietas personalis, & si videatur dicere proprietatem consequentem esse sicut accidens: realiter tamen non dicit nisi appropriationem principiorum per diuisionem: hoc dico quantum ad proprietatem individualement. Similiter proprietas personalis, non dicit ultra hoc nisi dignitatem, siue nobilitatem naturæ rationalis: quæ nobilitas non est ei accidentalis, imo simpliciter, & omnino essentialis. Peccat & prædicta ratio in malo intellectu prædicati: quia proprium dicitur manare de genere accidentium: non quia manat ab accidentibus, sed quia manat à substantia existens de genere accidentium: sic in proposito. Unde sicut vnitas quæ est principium numeri, ortum habet à principiis substantiæ accidentaliter ad ipsam relatis; non à principio aliquo quod sit in genere accidentis: sic intelligi potest de discretione personali secundum id quod in ea est accidentale: utpote comparatio ad alteram personam respectu cuius habet distinguere, & numerari: & eminentia dignitatis in supposito respectu alterius naturæ, quam non habuit, nec habet humana natura in Christo.

2. 3. Quod obiicitur quod discretio personalis est per qualitatem, dicendum quod intelligit de qualitate quæ est in genere qualitatis quantum ad modum, non autem quantum ad rem. His enim duobus distinguuntur prædicamenta, vel quantum ad essentiam, vel quan-

tum ad modum: & aliquid est in genere substantiæ; quod nihilominus habet modum accidentis: unde etiam consuevit distinguere, qualitas duplex, scilicet substantialis, & accidentalis. Vel dicendum quod Richardus loquitur de distinctione personali quantum ad nostram cognitionem: & quia cognitio nostra est per qualitates accidentales, dixit personas creatas distinguere qualitate: & per hunc modum intelligitur verbum Porphyrij, qui dicit indiuiduum constare ex collectione proprietatum: loquitur enim secundum rationem & cognitionem, non secundum rem, & sic patet tertium.

4. Quod obiicitur quod in Christo humana natura non habet personalitatem, dicendum quod hoc est ratione illius eminentiæ quæ consequitur ad nobilitatem: & illa sua preminencia dicit quandam dignitatem accidentalem, sicut prius ostensum est: quæ amitti potest non solum per deperditionem, sed etiam per dignioris superinductionem, sicut alibi melius dicitur.

5. Quod obiicitur de sensu, & intellectu, dicendum quod etsi sensus solum modo sit singularium, intellectus tamen potest esse non solum vniuersalium, sed etiam singularium: unde non est intelligenda illa differentia cum præcisione. Et hoc patet: quia solus intellectus comprehendit intrinseca principia Petri, & Platonis: & circumscriptis omnibus accidentibus, dicit eos esse discretos, & distinctos.

6. Quod obiicitur de numero, dicendum quod sicut vnitatem substantialem consequitur vnitas accidentalis inseparabiliter, quæ non est principium indiuiduationis, sed consequens ad illam: sic diuersitatem substantialem consequitur numerus inseparabiliter: tamen secundum rem & naturam, distinctio illa est à substantiali principio, non accidentali: sic patet totum.

QVÆSTIO III.

An discretio personalis sit à parte principij formalis, vel materialis.

*S. Thom. 1. 2. q. 77. art. 2.
Egid. Rom. 2. Sent. dist. 3. q. 2. dub. 2.
Et Quod. 2. q. 7.
Thom. Arg. 2. Sent. dist. 3. q. 2. art. 1.
Et omnes alij in superiori quæst. citati*

Verum discretio personalis sit à parte principij formalis, vel materialis. Et quod à parte principij formalis. Richardus dicit quod tam in Angelis, quam in hominibus est discretio personalis per qualitatem: sed qualitas aut est forma, aut tenet se ex parte formæ: ergo, &c.

Item: Si aliquid inest aliquibus, & est in eis commune per analogiam, necesse est quod inest per aliquid analogice repertum in eis. Personalis aut discretio est in diuinis, & in Angelis analogice: sed in diuinis nullo modo est à materia, quia Deus est pura forma: ergo, &c.

Item: Personalis discretio in creatura dicit maximam nobilitatem: sed quod magis nobile est, magis elongatur à materia, & maxime accedit ad formam: ergo, &c.

Item: Personalis discretio dicit maximam auctoritatem, seu actualitatem in creatura, quia quod tale est, nullo modo est ad alterum possibile seu potentiale: omne autem tale consequitur formam, non materiam: ergo, &c.

Item: Nihil quod est vnum in omnibus, est principium discretionis: materiæ, quantum est de se, vnica est: ergo nullo modo est principium discretionis: ergo discretio personalis.

Item: Diffinitio, ut vult Philosophus, est aggregati: ergo cum diffinitur homo, non forma tantum, sed compositum ex materia, & forma diffinitur: ergo si homo in communi claudit in se materiam, & natura rationalis similiter: sed si persona addit aliquid super naturam, cum non possit addere materiam, oportet quod addat aliquid formale.

CONTRA

CONTRA per Boëtium. Species est totum esse indiuiduorum. Sed esse est à forma: ergo indiuiduum supra speciem non addit formam: ergo nec persona supra naturam. Sic ergo aliquid addit, aut materiam, aut accidentia sed per accidentia non potest esse discretio personalis, vel indiuidualis: ergo necesse est per materiam.

ITEM Si persona adderet aliquam formam supra naturam: ergo sicut species est diffinibilis, quia addit differentiam, & formam supra genus: ita etiam indiuiduum esset diffinibile: quod falsum est.

ITEM: Si indiuiduum siue persona addit formam indiuiduantem supra speciem specialissimam: quæro utrum additio possit facere aliā formam per omnia illi consimilem. Constat quod sic: quia nulla est forma accidentalis, cuius similem non possumus cogitare: ergo similiter in substantiali. Sed si facit similem, illa est communis pluribus: sed nihil tale est indiuiduum: ergo impossibile est discretionem personalem esse à principio formali superaddito speciei.

1. **CONTRA**: Ab eodem est discretio personalis, à quo est distinctio secundum numerum: sed illa est à materia, sicut dicit Philosophus in prima philosophia: Omnino materia numerabiliter se habet: ergo, &c.

2. **ITEM**: Ab eodem est personalis discretio, à quo est esse hoc, siue hic: & nunc. Sed hoc est materia, quia in libro de cælo, & mundo, dicitur quod differt dicere cælum, & hoc cælum: cum dico cælum, dico formam: cum dico hoc cælum, dico materiam: ergo, &c.

3. **ITEM**: In creaturis in quibus est personalis discretio per originem, non est ob aliud, nisi quod generans generat aliud: sed, ut dicit Philosophus, generans non generat aliud nisi propter materiam: ergo in rebus creatis est personalis discretio propter materiam.

CONCLUSIO.

Creaturarum principium indiuiduationis est coniunctio materia cum forma: ita & personalis discretio qua dicit indiuiduationem: qua vero dicit dignitatem, est à forma

RESP. Ad arg. Dicendum quod hæc eadem est quæstio de indiuiduatione quæ nunc mouetur de personali discretionem: & de ipsa fuit contentio inter philosophicos viros. Quidam enim innitentes verbo philosophi dixerunt quod indiuiduatio venit à materia: quia indiuiduum supra speciem non addit nisi materiam. Et hoc ponebant: quia dixerunt vniuersalia solum dicere formas: & tunc primo tangitur materia, quando peruenitur ad hoc aliquid. Aliis vero aliter visum est, scilicet quod indiuiduatio esset à forma: & dixerunt quod ultra formam speciei specialissimæ, est forma indiuidualis. Et quod mouit hos ponere illud, fuit quia intellexerunt ordinem informis secundum generationem, & naturam esse per eundem modum, per quem ordinatur in genere: ita quod forma generis generalissimi primo aduenit materiæ: & sic descendendo usque ad speciem. Et adhuc, illa forma non constituit indiuiduum, quia non est omnino in actu, sed ultra hanc formam indiuidualis subsequitur, quæ est omnino in actu, sicut materia fuit omnino in potentia. Quilibet istarum positionum aliquid habet, quod homini multum intelligenti rationabiliter videri poterit improbabile. Quomodo enim materia, quæ omnibus est communis, erit principale principium, & causa distinctionis, valde difficile est videre. Rursus: Quo modo forma sit tota, & præcipua causa numeralis distinctionis, valde difficile est capere: cum omnis forma creata, quantum est de sui natura, nata sit habere aliam sibi similem: sicut & ipse Philosophus dicit etiam in sole, & luna esse: vel quo modo dicimus duos ignes differre formaliter: vel etiam alia quæ plurificantur, & numero distinguuntur ex sola diuisione continui: ubi nullius nouæ formæ inductio. Ideo est tertia positio satis plana, quod indiui-

A duatio confurgit ex actuali coniunctione materiæ cum forma, ex qua coniunctione vnum sibi appropriat alterum: sicut patet cum impressio, vel expressio sit multorum sigillorum in cera, quæ prius erat vna, nec sigilla plurificari possunt sine cera, nec cera numeratur nisi, quia fiunt in ea diuersa sigilla. Si tamen quæratur à quo veniat principaliter: dicendum quod indiuiduum est hoc aliquid: quod sit hoc, principaliter habet à materia, ratione cuius forma habet positionem in loco, & tunc potest. Quod sit aliquid: habet à forma. Indiuiduum enim habet esse: habet etiam existere. Existere dat materia formæ, sed essendi actum dat forma materiæ. In indiuiduatione igitur in creaturis confurgit ex duplici principio. Personalis autem discretio dicit singularitatem, & dignitatem. In quantum dicit singularitatem, hoc dicit ex ipsa coniunctione principiorum, ex quibus resultat ipsum quod est. Secundum dignitatem dicit principaliter rationem formæ: & sic patet, unde sit personalis discretio originaliter, in creaturis loquendo, siue in hominibus, siue in Angelis. Quæ ergo obiciuntur ad primam partem, procedunt ratione nobilitatis, & dignitatis, prout tamen est in ipso supposito, siue quod est: cuius distinctio venit in diuinis, ex origine: in creaturis ex principiis originalibus, sicut in primo libro fuit ostensum. Si autem quæratur quid est illud commune secundum quod inest, dicendum quod proprietas dignitatis incommunicabiliter existens in hypostasi: aliter tamen reperitur hic aliter ibi. Omnes rationes sequentes procedunt via prædicta.

1. 2. **Q**UOD obicitur ad oppositum, quod non possit esse à forma, sed à materia, dicendum quod rationes illæ probant, ut patet, quod non totaliter est à forma, quia forma nulla est indiuidua, nisi propter coniunctionem sui cum materia. Et vniuersalia similiter: quia dicunt formas, non concernunt materiam nisi ratione suorum indiuiduorum, pro quibus supponunt quando diffiniuntur: vel subiiciuntur. Vnde illæ rationes concedendæ sunt, quod indiuiduum non addit aliam formam, quæ sit indiuidualis de se.

3. **Q**UOD obicitur, quod indiuiduatio est à materia, dicendum quod per illas auctoritates non datur intelligi, quod materia sit principium indiuiduationis, nisi sicut causa sine qua non, non autem sicut tota causa. Nec tamen ita potest attribui materiæ personalis discretio, sicut indiuiduatio: propter hoc quod dicit dignitatem, quæ principaliter respicit formam, sicut ostendunt rationes ad partem primam.

DIST. III. PARS II.

De habitibus malitiæ, & bonitatis, Angelorum.

Huius Partis Textum supra videre est.

Illud quoque inuestigatione dignum videtur.

Expositio Textus.

VPRA egit Magister de naturalibus attributis ipsis Angelis. In hac parte agit de habitibus superadditis: & hoc per naturam. Diuiditur autem hæc pars in tres. In prima agit de naturali bonitate. In secunda de naturali cognitione, ibi: *Hinc inquiri solet quam sapientiam.* In tertia de naturali dilectione, ibi: *Soler etiam queri, &c.* Prima pars habet tres. In prima opinionem falsam ponit cum confirmatione sua. In secunda vero ponit opinionem veram, similiter cum sua confirmatione, ibi: *Aliis autem videtur, &c.* In tertia opinionem falsam exterminat, & rationes eius, & auctoritates explanat, ibi: *Ideoque Ang. exterminans, &c.* Et sic in vniuerso tria determinat. Primo quales creati sint Angeli quantum ad bonitatem, & malitiam. Secundo, quantum ad cognitionem. Tertio, quantum ad dilectionem.

Diuisio.

Hoc est, inquit, initium figmenti Dei, &c. Dub. I.

Quæritur de intellectu illius verbi Iob, quare dicitur figmentum. Si ratione corporis aptari, ut infra exponit, quo modo hoc verum est, cum illud non habuerit ab initio? Item Deus vult omnes saluos fieri: ergo fecit Angelum illum ut beatificaretur, non illuderetur: igitur male dicitur, ut illudatur ei, &c.

Dicendum quod omnes creaturæ ratione suæ fragilitatis figmentum dicuntur: maxime rationalis, quando non consolidatur per gratiam. Quoniam igitur Lucifer excellens fuit inter ceteras creaturas, & ipse precepit gratiam, & in veritate non itetit: ideo dicitur initium figmenti Dei. Vnde & alia translatio habet, ipse principium viarum Dei. Nunc autem quamvis Deus præsciret futurum esse malum, tamen cum fecit, quia & simul prævidit quibus bonis vitiis accommodaret, scilicet sanctorum victoriæ, & amplificandæ coronæ. Potest igitur intelligi hæc coniunctio, ut, consecutivæ, vel causaliter. Consecutivæ, sicut frequenter accipitur in Evangelio, hoc autem factum est ut impleretur quod consecutum est ad hoc: sic diaboli ludificatio subsecuta est, quamvis propter illam non fuerit factus. Si autem intelligatur causaliter, tunc ponitur consequens pro antecedente. Finaliter enim diabolus factus est ad exercitium, & promotionem bonorum, ad quod consequitur ipsius diaboli ludificatio, qui dum intendit deicere, promouet. Vnde sensus est, quod Deus fecit diabolum, quem prævidit malum, ad exercitium bonorum, ad quod consequitur eius ludificatio.

Sapientia fructus est pietatis, &c. Dub. II.

Quæritur quomodo sit intelligendum, quia magis videtur esse principium pietatis, quam fructus. Item nihil videtur ad propositum, quia præscientia casus non est sapientia: sed tantum scientia.

RESP. Dicendum quod sapientia non dicitur hic à sapote, sed à sapere: & dicitur hæc sapientia cognitio defursum descendens per inspirationem, siue per revelationem. Hæc autem est duplex, quædam est à verbo quædam est in verbo. Præscientia enim casus non potuit esse nisi cognitio defursum descendens, quia futurum est contingens, de quo nulla potest haberi certitudo secundum causas inferiores: aut igitur est in verbo, aut à verbo: Si in verbo, sic est fructus pietatis, nemo enim pervenit ad visionem verbi, nisi per pietatem animi: & quia hanc non habuit diabolus, ideo non potuit hoc nosse in verbo. Si à verbo, sic est fructus pietatis, quia à misericordia Dei excludente ignorantiam. Et hoc modo si præscientia casus daretur innocenti, non esset ex pietate: sed crudelitate sicut infra patebit, quia cruciaretur innocens, sine culpa: & sic patet intellectus verbi illius, & taliter valet ad propositum.

Triplex naturalis cognitio, &c. Dub. III.

Quæritur an distinguat formaliter, an materialiter. Si materialiter, tunc sunt multo plures. Si formaliter, contra: Vnus erit modus cognoscendi.

RESP. potest dici quod est distinctio quantum ad numerum cognoscibilem, & quantum ad gradum. Quantum ad numerum, quia cognoscibile aut est Creator, aut creatura. Si creatura, aut corporalis, aut spiritualis. Ordo etiam est, quia cognoscibile, aut supra, aut infra, aut iuxta, & sic clauditur omnis cognoscibilis differentia, ratione cuius Magister distinguit cognitionem magis quam ratione modi cognoscendi.

ARTICVLVS I.

AD intelligentiam huius partis, circa tria incidit hic quæstio secundum tria, quæ Magister determinat. Primo quæritur de qualitate, quam Angelus habuit in sua

A creatione. Secundo quæritur de naturali sua cognitione. Tercio vero de naturali dilectione. Circa primum quæritur duo. Primo utrum Deus fecerit ipsum malum. Secundo dato, quod non, utrum in primo instanti suæ creationis ex propria voluntate fuerit malus.

QVÆSTIO I.

An Deus malum condiderit Angelum.

S. Thom. 1. p. q. 46. art. 4.

Et 2. Sent. d. 3. q. 1. art. 2.

Et de malo q. 1. ar. 1.

Et 2. contra Gent. cap. 117.

Egid. Rom. 2. Sent. 1. p. q. 1. ar. 1.

Durandus 2. Sent. dist. 4. q. 1.

Thom. Argent. 2. Sent. d. 3. q. 1. art. 1.

Steph. Brulef. 2. Sent. dist. 3. q. 7.

QUOD Deus fecerit ipsum malum videtur, per auctoritates, quas adducit Magister in litera. Videtur etiam per rationes, quia oppositio mali ad bonum decorat universum, & confert salutem, & gloriæ beatorum: cum ergo Deus posset in omnem decorem, & in omne quod utile est salutem electorum, & iterum ipsum facere sit conveniens, videtur quod Deus non tantum fecerit Angelos bonos, sed etiam malos, & caput malorum scilicet ipsum Luciferum. Et hoc est quod videtur dici in Ecclesiastico: Contra malum bonum, & contra mortem vitam, & contra virum iustum peccator: & sic intueri in omnia opera Altissimi.

C. 1. ITEM hoc videtur ex ordine. Inter naturam quæ est apta nata habere iustitiam, & habet, & inter naturam quæ non est apta nata habere, nec habet, cadit media illa natura, quæ est apta nata habere, & non habet iustitiam: sed Deus potest facere extrema, & congruit eum facere: ergo pari ratione potest, & congruit ei facere mediam naturam, quæ est apta nata habere iustitiam, & non habentem congruit Deum facere: sed talis est natura mala, scilicet creatura rationalis mala: ergo, &c.

D. 3. ITEM hoc ipsum videtur à simili. Sicut natura rationalis est mala, quæ non habet iustitiam, ad quam est nata, ita creatura irrationalis. Vnde canis cum sit natus ad latrandum, si non habet latratum, est malus: ergo cum Deus possit creaturas facere deficientes operationibus, ad quas nate sunt, ut puta canem non latrantem, & oculum cæcum: pari ratione potest facere voluntatem carentem iustitia. Si tu dicas, quod non est simile: Quia creatura rationalis immediate ordinatur ad Deum, non sic irrationalis. Obiicitur tunc ulterius, quod intellectus noster immediate ordinatur in Deum: sed Deus potest facere intellectum carentem scientia, ad quam est, siue quam debet habere, scilicet ignorantem: sicut dicit Aug. in libro arbitrio, quod si Deus talem condidisset hominem ante peccatum, qualis nunc est, nemo posset ex hoc accusare.

E. 4. ITEM hoc ipsum videtur à minori. Plus dependet materia à forma perfectiva, & magis est imperfecta in genere creaturarum siue entium, quam facit rationalis natura à iustitia: sed hoc manifestum est, quod materia sine forma est epi omnino incompletum: sed creatura rationalis sine iustitia habet quodam modo esse completum. Cum igitur Deus fecerit materiam informem ad minus sine distinctione formatam, sicut dicunt multi sancti: ergo pari ratione potuit facere Angelum sine iustitia, quam debebat habere: sed Anselmus dicit quod malum nihil aliud est, quam privatio boni, ubi debet esse: ergo videtur, &c.

CONTRA: Vidit Deus cuncta quæ fecerat, & erant valde bona: ergo, cum valde bona supponat bonum cuncta quæ Deus fecit, erant bona: ergo nihil malum.

ITEM per Dion. Optimi est optima producere: ergo si Deus est optimus: non potest ergo producere malum, ita quod faciat malitiam in eo: & eodem libro de divinis nominibus dicit, quod sicut à calido non egreditur nisi calidum, ita nec à summo bono nisi bonum.

ITEM:

ITEM : Omne quod Deus indidit unicuique rei à sua conditione, est ei naturale : ergo si Deus fecisset Angelum malum, malitia esset ei naturalis : sed pro naturalibus nemo est vituperandus, imo puniendus : ergo nec vituperandus, nec puniendus esset diabolus.

ITEM : Si aliquod vitium factum facit aliquem dignum : poena, magis facit auctorem dignum quam alium : si ergo diabolus ob suam malitiam dignus est poena : si Deus fecisset eum malum : magis esset Deus dignus poena quam diabolus.

C O N C L U S I O .

Angelus à Deo malus creatus non est : quin immo impossibile est Deum, Angelum malum condidisse, cum quodlibet Dei opus laudabile, ordinabile, acceptabile, & perfectum debeat esse & sit.

RESP. Ad arg. ponere quod diabolus à Deo habuit originaliter sibi innatam malitiam voluntatis, non tantum falsum est, immo hæreticum : & ita est falsum, quod in se habet evidentiam suæ falsitatis, si quis advertat. Nam opus Dei eo ipso quod opus Dei est, necesse est ipsum esse laudabile, esse ordinabile, esse acceptabile, esse perfectum, vel perfectibile : nihil enim facit Deus quod nõ deceat suam maiestatem. Si enim magnus Deus & laudabilis nimis, & intantum laudabilis, quod non tantum in se, sed etiam in nullo opere potest vituperari iuste, immo in omnibus digne laudari : impossibile est quod faciat opus vituperabile, quantum est de ipso auctore : sed malum eo ipso quod malum culpæ, dignum est vituperio : ergo impossibile est quod aliqua creatura ab ipso habeat istam conditionem. Rursus, non tantum, malum dignum est vituperio, immo etiam quodam modo in Dei vituperium. Si ergo Deus faceret creaturam malam, ipse faceret sibi vituperium, & contumeliam. Necesse est etiam esse ordinabile, quia nihil facit, nisi quod deceat suam sapientiam : sed nihil quod Deus facit, est ordinabile in poena, quia tunc destrueret opera sua, & ita se prævaricatorem constitueret : Deus enim illius est vltor cuius non actor : ergo si Deus facit creaturam malam malitia culpæ, erit ergo ordinabilis, & non in poena : ergo malum culpæ maneret inultum, siue impunitum, salvo ordine vniuersi : sed hoc est impossibile per se, quia tunc malum esset bonum per se, si aliter esset ordinatum : ergo si Deus faceret creaturam malam, creatura non esset mala. Necesse est etiam quod sit acceptabile : non enim facit Deus nisi quod vult : sed omne quod vult Deus iusta & bona voluntate vult : ergo cum omne quod iusta & bona voluntas approbat, sit omnibus acceptabile : ergo acceptare malum esset bonum, pari ratione & facere : ergo malum esset bonum. Necesse est etiam quod omne quod Deus facit, sit perfectum, vel perfectibile : cum Dei perfecta sint opera : ergo omne quod est in opere Dei à Deo, vel est de perfectione, vel inclinatur ad perfectionem : si ergo malitia est à Deo in creatura rationali, ergo vel est de perfectione Angeli, vel disponitur ad perfectionem : sed nihil tale deordinatur : ergo malum non deordinaret, & si non deordinaret, non noceret : ergo malum esset aliquid, & non noceret. Cum ergo hic sint quatuor impossibilia manifesta, manifestum est, quod falsum est & impossibile Deum fecisse Angelum originaliter malum, & venit ista impossibilitas ex summa perfectione, & nobilitate operantis, & vilitate mali culpæ : priuat enim illas quatuor conditiones nobiles, quas necesse est esse in omni diuino opere, non quod Deus teneatur operi illas dare : sed quia non decet eius voluntatem aliter operari, vel facere.

Ad illud ergo quod obiicitur, quod facit ad decorem, dico quod est mali productio, & producti ordinatio. Productio mali foedat, & turpat quantum est de se : sed ordinatio decorat. Et quoniam Deus non potest foedare, sed decorare : ideo non potuit producere, sed ordinare secundum antithesim : & secundum hoc intelligitur

Ad illud : Contra bonum malum : non quia Deus fecerit, sed quia Deus in suis operibus quod factum inuenit, ordinauit.

2. Ad illud quod obiicitur de natura, quæ nata est habere iustitiam, &c. Dicendum quod cum dico naturam priuatam iustitia, duo dico, scilicet quod natura est, & quod priuata : in quantum natura, tenet medium, & sequitur argumentum : in quantum vero priuata, non tenet medium, immo locum infimum, immo ipsa priuatio nullum habet medium quantum est de se, quia nihil est : ideo non valet quod eam priuatam fecerit. Et si tu obiicias quod maior priuatio est non habere nec actum nec aptitudinem, quam habere aptitudinem & non actum, dicendum quod maior est priuatio si accipiatur large priuatio : sed ista est deformis : illa vero non, vt cum dico : lignum non videt, dico negationem, sed non deformitatem : cum dico homo non videt, dico vtrumque, & sic patet illud.

3.4. Ad illud quod obiicitur à simili in aliis naturis, & à minori in prima materia, dico quod nec est ibi locus à simili, nec à minori si bene consideretur. Malum enim culpæ magis importat deordinationem, siue priuationem ordinis, quam malum naturæ, vel poenæ : quia sicut dictum est dist. 43. Primi Lib. Malum culpæ dicit deordinationem, siue priuationem ordinis principalis, quæ scilicet est imaginis ad Deum immediate. Malum vero naturæ, vel poenæ deordinationem ordinis non principalis, sed particularis. Et hinc est quod Deus salua condecencia suæ bonitatis, & sapientiæ, potest facere rem malam malitia poenæ, vel defectu naturæ, non sic priuatam ordine iustitiæ ex ea parte qua procedit ab ipsa dispositione diuinæ sapientiæ : vnde non sequitur : Potest Deus facere hominem cæcum, ergo potest facere iniquum.

Q V Æ S T I O II.

An Angelus in primo instanti suæ creationis fuerit malus.

- S. Thomas 1. p. q. 63. art. 5.
- Et 2. Sent. dist. 3. q. 1. art. 7.
- Et 3. contra Gent. c. 117.
- Et de Dam. q. 16. art. 4.
- Scotus 2. Sent. dist. 5. q. 2.
- Egid. Rom. 2. Sent. 2. p. q. 1. art. 2.
- Richard. 2. Sent. dist. 3. art. 8. q. 2.
- Henricus Quol. 8. q. 9.
- Durandus 2. Sent. dist. 5. q. 2.
- Thom. Argon 2. Sent. dist. 6. q. 1. art. 2.
- Greg. Arim. 2. Sent. dist. 3. q. unica. art. 2. & 3.
- Gabr. Biel 2. Sent. dist. 4. q. 1.
- Franciscus de Mayr. 1. Sent. dist. 4. q. 2.
- Ioan. de Bassolis, 2. Sent. dist. 4. q. 1.

VTRUM Angelus in primo instanti suæ creationis fuerit malus actu propriæ voluntatis. Quod sic videtur auctoritate Ioannis : Diabolus ab initio peccauit : sed nihil est ante initium durationis : ergo nulla creatura præcessit duratione angelicum peccatum.

2. **ITEM** per Aug. Nec frustra putari potest in initio temporis diabolum superbia cecidisse, nec fuisse vllum ante tempus quo cum Angelis sanctis pacatus vixerit, & beatus : sed in ipso primordio creaturæ à suo Creatore apostatasse. Si tu dicas mihi : quod hoc non dicat secundum suam opinionem, & bene, quia ibidem vbi Aug. ponit istam opinionem, multas etiam alias ponit quas non tenet. Obiicitur, quod hoc dixerit secundum suam opinionem, quia ipsius opinio fuit, omnia simul esse condita, & per lucem intelligit Angelicam naturam formatam, per tenebras intelligit auersam à Deo : ergo si simul lux facta est, & à tenebris diuisa, simul cum rerum prima conditione fuit peccatum angeli : & ita videtur quod nulla fuit omnino ibi mora.

3. **ITEM** ratione videtur : Aliqua creatura corporalis est, quæ simul in eodem instanti est, & operatur, sicut lux statim cum est, lucet : & Aug. dicit quod lux & splendor

Recl. 33. b

Ad oppositum.

1. Ioan. 3. d

Lib. 1. c. 19. super Gen. ad litteram com. 3.

6. de Tri. c. 1. & 9. contra Maxi. c. 14. In Ioan. act. 20. post med.

sunt coæua, & si esset lux æterna, splendor ei et æternus : ergo cum spiritualis natura sit magis, vel æque actualis, ut corporalis : ergo potest esse quod in primo instanti cum est, sit in suo actu : sed actus eius est velle : ergo cum statim est, potest velle, ita quod esse non præcedit velle tempore, siue duratione, sed solum natura : sed quia ratione velle potest bonum, eadem ratione malum : ergo cum volens malum sit malus, in primo instanti potuit esse malus. Si tu dicas, quod potest habere operationem coæuam naturalem : sed non liberam arbitrium. **CONTRA** : Liberum arbitrium est sub Deo potētissimum, sicut dicit Bernardus & nihil habens retardans in Angelo, nec ligans : sed statim cum est, perfectum est, & potest operationem illam habere.

4. ITEM : Si oculus crearetur cum actualitate virtutis visivæ, & impressione speciei, simul esset, & videret. **B** Cum ergo Angelus à sui propria conditione habuerit intellectum agentem, & species rerum innatas, ut post patebit : ergo simul fuit & intellexit, pari ratione & simul fuit & voluit. Si tu dicas quod intelligere, & velle sunt in diuersis instantibus. **CONTRA** : Intelligere Angeli est simplex, & in instanti potest esse, similiter & velle : sed nihil prohibet duo indiuisibilia esse simul : ergo nihil prohibet intelligere, & velle cum sint indiuisibilia, saltem ratione indiuisibilis simul esse, sicut vltima duarum linearum contiguarum simul sunt.

5. ITEM hoc ipsum ostenditur per simile. Quia anima rationalis simul tempore conditur, & vitatur, nec est ibi aliqua oppositio : ergo similiter videtur quod in angelo esse potuerit, quod simul fieret, & vitaretur, non tamen à Deo, sicut nec originale peccatum est à Deo. Aut si non simile : ergo quæro rationem quare anima hæc duo potest habere simul, & non Angelus. Si dicas mihi quod ab actu alieno inficitur anima, scilicet à corpore, sed Angelus à se, hoc nihil est, quia ita cito Angelus fuit cognitus à se sicut ab alio : ergo pari ratione ita infici potuit ab actu proprio, sicut ab alieno.

SED contra : In deliciis paradisi fuisti plenus sapientia, & perfectus decore : ergo, &c. ergo cum hoc intelligatur de diabolo, sicut exponunt glossæ, fuit ergo aliquando sine peccato.

ITEM hoc dicit Aug. In deliciis paradisi Dei fuisti, omni lapide pretioso ornatus es : ubi aliquando intelligitur fuisse sine peccato.

ITEM ratione videtur : Omne peccatum actuale exit in esse per actum deliberationis : sed ubi deliberatio, ibi collatio, & successio de necessitate : ergo si peccatum sequitur deliberationem Angeli, peccatum sequitur Angelum, non tantum natura, verum etiam deliberatione. Si tu dicas quod Angelus propter intellectum deformem deliberat in instanti, & simul videt, & deliberat ostendo quod non potest esse. Angelus enim ad hoc, quod appeteret, necessarium tria præcognouit, appetibit, & cui appetebat, & rationem mouentem, aliqua enim ratio fuit quæ excitauit : sed ista sunt diuersa, & impossibile est per naturam aliquam potentiam simplicem simul, & semel ad plura conuerti : propter quod etiam dicit Philosophus quod intelligimus vnum solum : ergo si non simul, successiue : ergo cognouit.

ITEM Angelus quando cognitus est, aut factus est cum sua operatione actuali, aut absque operatione actuali. Si absque operatione actuali : ergo post tempus peccauit necessario. Si cum sua operatione : sed non deicit Deum concreare alicui rei nisi operationem suæ naturæ conuenientem : cum ergo actio deformis potius sit naturæ inconueniens, patet, &c.

ITEM hæc duo sunt vera per se, quod nullus in illo primo instanti quo peccat, potest vitare peccatum, & nullus peccat actuali peccato in eo quod vitare non potest. Sed si Angelus peccauit in illo instanti, non potuit in illo vitare, nec in aliquo quod esset ante illud, nec post : ergo non potuit vitare : sed si non potuit vitare, non peccauit : ergo si peccauit, in primo instanti non peccauit.

ITEM malum est corruptiuum boni : sed nihil corrumpitur nisi quod est, vel fuit : ergo in Angelo aliquid fuit quod amisit per peccatum. Tunc ergo quæro utrum in primo instanti peccauerit, an non : si non, tunc habeo propositum : sic, ergo peccauit subito. Sed cum in subita mutatione simul sit fieri, & factum esse, simul erit corrumpi, & corruptum esse, & ita non esse : ergo bonum in primo instanti non est : sed non corrumpetur nisi fuerit : ergo in eodem instanti fuit, & non fuit, & ita contradictorie opposita sunt simul vera. Sed hoc est impossibile, & propter hoc vult Philosophus quod intermutationes contrarias de necessitate sit quies media : ergo inter illius boni productionem, & ademptionem fuit quies media, & ita morula. Si tu dicas, sicut dicitur de anima rationali, quia similiter potest ibi obici quod non adimit bonum, quod infuit, sed quod infuisset si non peccasset, nunquam enim fuit iustus, & bonus : sed fuisset, si non peccasset. **CONTRA** hoc est Aug. de correctione, & gratia : ille in veritate non stetit. Dicitur est de diabolo, quia ibi fuit : sed non permanfit : ergo illa responsio nihil valet hic.

CONCLUSIO.

Angelus malus non statim à primo instanti sue creationis peccauit, sed quadam paruula morula inter eius creationem, atque peccatum intercessit.

RESP. ad Arg. Dicendum quod antiqua positio fuit aliquorum, quod simul tempore fuit diabolus, & peccauit, nec vnquam fuit nisi malus, & videtur Aug. illam approbare, & ideo aliqui moderni eam tenuerunt. Sed quoniam, sicut expresse dicit Aug. prædicta positio accedit ad primam quæ est hæretica, & ita quasi hæresim sapit : ideo communis opinio Magistrorum Parisiensium est, quod duratione conditio Angeli præcessit lapsum : & de communis consilio Magistrorum positio opposita excommunicata est ab Episcopo Parisiensi. Ideo tãquam magis veram & Catholicam, & magis probabilem, & communem opinionem dico illam esse tenendam, quod morula fuit inter creationem & lapsum, licet paruula. Propter quã sancti, & expositores, & ipsa scriptura loquitur de malitia diaboli quasi semper fuisset in ea : quia illud modicum quasi pro nihilo reputatur.

1. Ex hoc patet responsio ad primum, quia ut dicit Aug. sensus est : diabolus ab initio peccauit id est, statim post initium.

2. Ad illud quod obicitur de Aug. Dico quod dicit secundum alicuiam opinionem : quod patet, quia contrariū dicit alibi Et quod obicitur, quod ipse posuit omnia simul facta : tendit quod verū est quantum ad esse naturale, sed non quantum ad bene esse : unde posuit quod lux corporalis simul esset, & diuisa esset à tenebris. Similiter quod non est ordo materialium dierum : sed bene posuit ordinem spiritualium dierum secundum septemplex conuersionem intellectus angelici supra res.

3. 4. Ad illud quod obicitur, quod statim fuit in actu, dicendum quod quidam hoc negant in omni creatura : quia tamen Augustinus videtur dicere contrarium in luce & splendore, concedamus tamen in Angelo. Sed tamen non fuit statim in actu electionis : quia illum antecedit deliberatio, & præcognitio plurium. Quia, sicut dictum est in opponendo, non possunt esse simul : non propter oppugnantiam actuum, vel simplicitatem, sed propter simplicitatem intellectus angelici, quia vna conuersione totus capitur intellectus ab vno obiecto : ita quod impossibilis est in illo instanti conuersione ad aliud obiectum, & sic patet responsio ad duo sequentia.

5. Ad illud autem quod obicitur de peccato animæ, dicendum quod non est simile : quia peccatum in anima non fit per actualem deliberationem, sed fit per vnionem ad carnem infectam : & quoniam vnio est in instanti, deliberatio & collatio non : ideo non est simile hic & inde.

4. Phys. com.
127. 6. d. 7.
sequitur.

Cap. 6. post
med. 10. 7.

Opinio antiquorum.
Super Gen.
lib. 11. 10. 3.

Scot. q. 2. d. 5.
ibi : Tenet.
Thom cum
Bonau. 1. p.
q. 43. ar. 5.
q. de malo.
q. 16. ar. 4.
2. Sent. d. 5.
q. 1. ar. 1.

Lib. 11. d.
Cin. cap. 13
tom. 5.

ARTICVLVS II.

Circa secundum principale, & circa Angeli naturalem cognitionem duo quærentur. Primum est de cognitione ipsius creaturæ. Secundum de cognitione creatricis essentiae.

QVÆSTIO I.

An Angelus quacumque cognoscit per species innatas cognoscit.

*Alex. Alenf. 2. p. q. 14. Memb. 3.
S. Thom. 1. p. q. 55. art. 2.
Et de Verit. q. 8. art. 8.
Et Opusc. 3. cap. 224.
Egid. Rom. 2. Sent. dist. 1. p. 2. q. 2. art. 2.
Richard. 2. Sent. dist. 3. ar. 6 q. 1.
Duran. 2. Sent. d. 3. q. 6.
Ioan. Barc. 2. Sent. d. 7. q. 6.
Steph. Brulef. 2. Sent. d. 3. q. 9.*

VTRVM Angelus omnia creata quæ cognoscit, cognoscat per species innatas, an aliqua per species acquiritas. Et quod omnia creata cognoscat per species innatas, videtur sacra Scriptura velle: Tu plenus sapientia, & perfectus decore, dicitur ad diabolum, sed non esset à sui origine plenus sapientia, nisi esset in eo plenitudo specierum per quas contingit res cognoscere: ergo cum plenitudo sufficiat unicuique, videtur quod species innatae sufficiant Angelo ad omnia cognoscendum.

ITEM August. 9. de Trin. Mens ergo ipsa sicut rerum corporearum notitiam per sensum corporis colligit: sic incorporearum per semetipsam. Et huius rationem aliam non assignat, nisi quia species incorporalium non potest fieri in sensu: & species acquiritur mediante sensu: sed Angelus nullum habet sensum. Supponatur modus: ergo nullius notitiam acquirit suscipiendo, siue acquirendo speciem nouam.

ITEM hoc ipsum videtur per auctoritatem in libro de causis: Omnis intelligentia est plena formis: sed si species reciperet, non esset plena: ergo, &c.

ITEM: Talis consuevit assignari differentia inter intellectum Angelicum, & humanum: quod humanus proppter coniunctionem cum corpore est possibilis: angelicus vero est actualis: si ergo recipere non est nisi rei existentis in potentia secundum quod huiusmodi patet, &c.

ITEM: Quod ista differentia sit conueniens, videtur. Intellectus enim diuinus est in omnimoda actualitate, ita quod omnino nihil potest recipere. Intellectus vero humanus, quando creatur, est sicut tabula nuda, & ita in omnimoda possibilitate: ergo si inter hæc extrema possibile est reperire medium possibile, scilicet in quo sit possibilitas actui coniuncta, & talem non est dare nisi angelicum: ergo &c.

ITEM triplex est esse rerum: habent enim res esse in verbo, & in intellectu Angelico, & in mundo secundum triplex esse quod dicit Augustinus, illud esse dictum: Fiat, & fecit, & factum est. Sed esse rerum in intellectu angelico magis accedit ad esse rerum in verbo, quam ad esse rerum in mundo: ergo cum in verbo fuerit plenissime, in maiori plenitudine sunt in Angelo, quam in mundo, vel in æque magna: sed Deus ab initio mundi indidit rebus rationes causales, secundum quas cætera fierent, & nihil diceretur nouum, quia requieuit Deus die septima: ergo multo fortius videtur quod in Angelo impressit similitudines, & rationes secundum quas posset cognoscere cætera faciendæ: ergo sine receptione noua.

Sed contra: Vt innotescat principibus, & potestatibus multiformis sapientia Dei. Glos. dicit ibi, quod Angeli multa didicerunt ab Ecclesia: ergo multorum species receperunt & acquisierunt.

2. ITEM. Si per species innatas omnia cognoscit: ergo à natura sua omnia scit, ergo præsentia & futura, necessaria & contingentia, naturalia & voluntaria: quod manifeste falsum est, & contra Scripturas.

A 3. ITEM. Si omnia cognoscit per species innatas, habet penes seipsum rationem cognoscendi omnia, ergo ita bene cognouit absentia, sicut præsentia: ita longinqua, sicut propinqua: ergo diabolus existens in inferno scit quidquid fit in mundo: & Angelus qui est hic, quidquid fit in Anglia: quod manifeste falsum est, contra Scripturam, quæ de multiplici missione Angelorum loquitur.

4. ITEM: Si omnia cognoscit per species innatas, aut non cognoscit singularia, aut habet species omnium singularium. Primum est falsum, & inconueniens quod Angelus singularia non cognoscat, cum hominibus specialibus ministret, & ad specialia, & singularia ministeria dirigatur. Si autem habet species omnium singularium: ergo cum possint augeri in infinitum, habebit species infinitas: aut fiet aliquando aliquod singulare, quod non poterit cogitare, seu cognoscere. Si tu dicas quod Angelus cognoscit singularia per species vniuersalium.

B Contra: In specie vniuersalium non distinguuntur: ergo non cognoscit distincte. Præterea: Species vniuersalis non assimilatur cuilibet singulari assimilatione perfecta: ergo perfectius cognoscit homo quam Angelus. Si tu dicas quod Angelus appropriat illas species applicando ad singularia. Contra: Omnem applicationem non fortuitam præcedit cognitio: si enim non cognoscit illud, cui applicat, quo modo vult illi speciem applicare? Et iterum, quare magis illi singulari applicabit speciem hominis quam asini? ergo ante applicationem cognoscit singulare. Præterea: Aut cognoscit post applicationem, aut non. Si non: ergo Angelus non potest tenere in memoria cognitionem alicuius singularis, quod manifeste falsum est. Si sic: ergo remanet in memoria aliqua noua species, cum aliquid cognoscit quod prius non cognouit: & ita in illa recepit aliquam speciem: ergo, &c.

CONCLUSIO.

Angelus quidem per innatas species intelligit alia atque necessaria, & per earundem applicationem atque appropriationem singularia, & contingentia.

RESP. AD ARGVM. Dicendum quod omnes qui aliquid intellexerunt, hoc posuerunt quod Angelus cognoscit res creatas per species, nisi sit talis quæ essentialiter sit in Angelo. Cognoscere autem rem omnino per seipsum, hoc est solius illius, qui est actus purus, & perfectissimus: & ideo idem est causa omnium, & efficiens, & exemplaris seipso, non alio quodam. Sed tamen in modo ponendi species diuersificati sunt. Aliqui enim posuerunt, quod Angelus omnia quæ nouit per species, scit per species innatas: & huius positionis tradunt modum, & causam. Modus enim hic est. Quamvis in Angelo sint innatae species in numero finito, scilicet rerum, quæ sunt de prima constitutione mundi: tamen sicut Deus in prima conditione indidit rationes causales & seminales rebus ad se multiplicandas, ita tradidit etiam speciebus, quas impressit angelico intellectui, & ita omnia possunt sine extrinseca receptione cognoscere. Causam autem huius assignant, quia cum receptio fiat per quandam abstractionem, & proportionem, ad quæ concurrunt tanquam dispositiua organum, & medium, & virtutes inferiores, & hoc non fit in Angelo reperire; dicunt, quod nihil ab extra potest recipere. Sed huius positionis modum facile non est intelligere, quia difficile est videre, quare ratione species possint multiplicari. Nam species vnius rei non generat speciem omnino differentis rei; nec eadem species se multiplicat in anima secundum numerum, cum in vna sit anima, sicut vnius obiecti vna est species in vno speculo indiuiso. Causam autem credo esse falsam; quia planum est quod Angelus habet intellectum possibilem, cum non sit purus actus. Planum etiam est, quod habet agentem maioris virtutis, quam si esset corpori alligatus. Si ergo alligatus potest abstrahere, & possibili imprimere; quanto magis intellectus

Positio 1.

Improbatio.

liber, & separatus hoc potest; ideo est alia positio, quod Angelus quædam cognoscit per species innatas, ut puta naturalia, & necessaria, & quæ feruntur cum Angelo cōcreata: sed fortuita, & voluntaria, & futura cōtingentia intelligit per species acquisitas, & receptas. Angelicus enim intellectus est possibilis respectu huiusmodi specierum: non tamen est tanta possibilitate possibilis, ut humanus: quia humanus est possibilis omnino propter nuditatem. Est etiam possibilis propter cōiunctionem cum phantasmatibus: angelicus vero neutro modo, sed possibilis est respectu prædictorum cognoscibilium. Cum enim non habeant causam certā, solus Deus qui seipso cognoscit: est in actu respectu talis cognitionis: & ille qui cognoscit in Deo, vel per reuelationem factam à Deo: Angelus vero qui indiget informatione speciei per naturam: est respectu talium in potentia: non in actu. Sed hæc positio videtur in se claudere duo opposita, scilicet quod Angelus habeat species vniuersalium, & suscipiat post, species singularium. Species enim singularium eiusdem speciei non differunt nisi numero, & impossibile est accidentia eiusdem speciei diuersa numero esse in eodem subiecto: ergo nullus intellectus potest habere species plures hominis: sed si habet vnam innatā, non potest aliam eiusdem speciei recipere, sicut nec duæ albedines sunt in eodem corpore. Quod si dicas duarum albedinum similitudines esse in eodem aere, & diuersa lumina eiusdem naturæ, ut dicit Dionysius, & facies duorum hominum in eadem imagine, non est simile: quia cum idola, & lumina in medio distinguantur per suas origines, diuersæ figuræ possunt in genere figuræ differre specie. Vel aliter sufficit species figuræ cum numero, sicut possum tres species omnino similes confingere: & sic videtur dicta positio contraria implicare. Amplius: Si species est totum esse formale indiuiduorum, ut dicit Boëtius: nec est indiuiduatio nisi ex cōiunctione formæ, cum materia: si species existens in intellectu omnino abstrahit à materia: nullo modo in eodem intellectu est ponere diuersas species, siue formas solo numero differentes: & sic redit idem quod prius, scilicet quod si intellectus angelicus habet omnium vniuersalium species innatas, nullam ulterius speciem recipit, sed sufficienter per illas omnia cognoscit. Et ideo est tertia positio, quod Angelus omnia cognoscit per species innatas: non quia non possit recipere species: tunc enim si Deus crearet aliquod nouum specie, necesse esset Angelum ignorare: quod si falsum est, posset recipere. Et ideo hæc non est ratio: sed hoc, quod Deus intellectum angelicum possibile tot speciebus impleuit, quod per illas poterat omnia cognoscere sine omni receptione noua. Et ideo dicitur intellectus angelicus esse in actu respectu rerum, non quia seipso sit in actu, vel quia sit actus, sed per species factus est in actu: & modus, & intellectus istius positionis est hic. Deus enim in Angelis concreat species vniuersales omnium fiendarum rerum, & per illas certum est, quod potest omnia vniuersalia cognoscere: potest etiam in singularia: sed non nisi componet adinuicem, ut patet. Si ergo habeo penes me speciem figuræ, speciem hominis, coloris & temporis, & componam adinuicem, sine noua receptione speciei, cognoscam indiuiduum, ut in propria natura sed quia talis cōpositio nisi esset secundum certitudinem, & correspondentiam ad ipsam rem, esset fictio, & deceptio: ideo angelus huiusmodi indiuidua, & singularia non cognoscit nisi dirigat aspectum supra ipsum cognoscibile, & secundum illud quod est in re, ipse componat species in se: & tunc habet ita claram, & certam cognitionem de re, sicut si speciem statim reciperet. Et hæc positio magis placet: quia concors est rationi, & Philosophiæ, & sacre Scripturæ: & patet responsio ad omnia obiecta, si bene intelligatur.

1. Ad illud enim quod obiicitur quod angeli didicerunt, & c. dicendum quod hæc positio bene ponit angelos multa discere, sed non propter hoc, species novas recipere, nec illud est impossibile. Ego enim habeo speciem hominis, & animalis, dum scio vnam conclusionem de eis: sed per multiplicem conuersionem, & collationem po-

terit circa easdem res per easdem species noua cognitio generari secundum diuersas operationes, & habitudines: & ita aliquid addiscam, sed non nouam speciem recipiam: sic & angeli multa didicerunt, tum ex propria industria, tum ex reuelatione, tum ex experientia.

2. Ad illud quod obiicitur quod tunc cognosceret contingentia, & absentia, dicendum quod sicut tactum est, ad cognitionem harum rerum particularium, & maxime contingentium, non sufficit habere species innatas, nisi aspectus angelicus conuertatur, & conuersio requirit rei existentiam, vel in se, vel in causa: requirit etiam præsentiam, eo quod virtus angelica est finita: ideo in approximatione aliqua proportionali est, cum se conuertit ad rem extra: & ita patet, quod non propter hoc cognoscit futura, vel etiam contingentia.

3. Ad illud quod obiicitur quod aut non cognoscit singularia, aut habet species infinitas, dico, quod cognoscit singularia per species vniuersalium applicando, & appropriando. Vnde per appropriationem proprie, & distincte cognoscit: nec oportet nouas species recipi, nec oportet infinitas esse, quia singularia ad numerum finitum vniuersalium reducuntur: sed finitæ species infinitis modis componi possunt: & ideo nunquam tot singularia cognoscit angelus, quin adhuc possit cognoscere plura sine receptione speciei nouæ, non tamen sine directione aspectus supra rem. Ex qua directione non recipit speciem à cognoscibili, cum sit in actu per speciem quam habet: sed dirigendo aspectum, speciem appropriat, & appropriando componit: & rem singularem sub sua proprietate cognoscit, & percipit, quia tota cognitio est à forma, & forma hæc species est, quæ est totum esse indiuiduorum.

4. Ad illud quod obiicitur de applicatione, quod supponit cognitionem, dicendum quod verum est, quod supponit cognitionem, & relinquit cognitionem: sed tamen aliam præsupponit, aliam relinquit. Angelus enim sine conuersione aliqua habet cognitionem loci: & cum conuertit se supra locum, cognoscit omnes res, quæ sunt in loco, applicando species vniuersales ad singularia, & componendo: & illæ species sub tali applicatione, & compositione remanent in angelico intellectu: & ita relinquit cognitionem nouam sine receptione speciei. Ponatur etiam quod nullam haberet cognitionem: sed solum speciem vniuersalem in intellectu suo, adhuc poterit applicare, & appropriare non casualiter: sed certitudinaliter. Quod patet sic: Homo enim cum nascitur, non habet cognitionem, nec speciem singularium, nec communem, nec propriam: sola tamen directione aspectus super res cognoscit omnia visibilia, & recipit simul cognitionem certam & speciem, quia denudatus erat à forma recepti, quod si haberet species, multo melius posset, dirigendo aspectum ad res mundanas, eas cognoscere, non suscipiendo species cum iam habeat, sed ex directione: & applicare, & appropriare, & componere, & distincte nosse.

Q V Æ S T I O II.

An Angelus naturali cognitione, sine medio, & creatura adminiculo diuinam essentiam cognouerit.

S. Thom. 1. p. q. 55. art. 1.
Et de Veris. q. 18. art. 1.
Scot. 2. Sent. dist. 3. q. 10.
Egid. Rom. 2. Sent. dist. 3. p. 2. q. 2. art. 1. dub. 1.
Et de Cognitione Ang. q. 2.
Rich. 2. Sent. dist. 3. art. 6. q. 2.
Henricus Quod. 1. q. 14.
Durand. 2. Sent. dist. 3. q. 6.
Ionn. Barch. 2. Sent. d. 6. q. 1.
Steph. Brulef. 2. Sent. dist. 3. q. 10.

DE naturali cognitione angeli respectu creatricis essentię. Et est quæstio, vtrum angelus per cognitionem naturalium diuinam essentiam cognouerit in se ipsa sine

omni

omni medio, & creaturæ adminiculo. Et quod sic, videtur: Angelus per naturam habet deiformem intellectum sicut vult Dionysius in lib. de diuin. nom. sed intellectus humanus quando factus est deiformis cognoscere potest Deum in luce sua: non enim efficitur deiformis, nisi per gloriam: ergo & hoc poterat angelus per naturam.

2. **ITEM** angelus per naturam est speculum clarum ipsius supremi luminis: sed illud lumen semper quantum est de se, & naturaliter supersplendet speculo intellectuali. Si ergo speculum mundum obiectum soli claritatem suscipit per naturam, ergo & angelus claritatem illius supernæ lucis: ergo cum possit oculum ad illam supernam lucem nullo obistente dirigere, sed & dirigendo cognoscere: ergo videtur quod naturali cognitione ipsam diuinam lucem in seipsa cognoscat. Si dicas quod acies intellectus angeli retunderetur propter impropotionabilitatem luminis. Contra: Semper manet impropotionabilitas quidquid detur angelo: ergo nunquam videret.

3. **ITEM** quæ sunt essentialiter, & præsentialiter in potentia cognoscente, cognoscuntur per sui præsentiam, & essentiam, sicut dicit August. de Trin. & super Genes. ad litteram, quod anima seipsam, & habitus suos per essentiam, & præsentiam cognoscit. Si ergo Deus præsentissimus erat intellectui angelico, & hoc per naturam: ergo naturaliter ipsam diuinam essentiam in seipsa cognoscebat.

4. **ITEM** omne illud quod est ens cognoscibile per se, aut cognoscitur per sui essentiam, aut per speciem. Si ergo angelus cognoscebat Deum naturaliter, ut dicit Magister in littera, aut per speciem, aut in sua essentia: sed non per speciem: ergo, &c. Quod autem non per speciem videtur. Species enim est maioris simplicitatis, & abstractionis, & puritatis, quam illud cuius est species: sed nihil Deo simplicius: ergo Deus speciem non habet: ergo non poterat angelus Deum nosse per speciem, & nouit per speciem, vel essentiam: ergo, &c.

5. **ITEM** Angelus per naturalem cognitionem Deum cognoscebat. Aut ergo sub velatione, aut facie reuelata. Nō sub velatione, quia velamen non est nisi propter culpam, vel propter molem carnis coniunctam. Sed in angelo nulla erat macula culpæ, nulla moles carnis coniuncta, nec phantasmatum obistentia: ergo sua naturali cognitione summam essentiam, in sua luce videbat.

6. **ITEM** si angelus cognoscebat Deum: aut ergo per medium, aut sine medio. Si sine medio: ergo videbat in seipso. Si per medium: ergo inter mentem angeli, & Dei, aliquid erat medium, quod est contra Augustinum, & contra rationem. Nam illud mediū, aut esset magis proportionabile Deo, quam mens angeli, aut minus. Si magis, ergo aliqua creatura superior angelo. Si minus: ergo potius impediēbat cognitionem, quam adiuuabat. Restat igitur quod angelus per cognitionem naturalem, cognoscebat diuinam essentiam in seipsa.

CONTRA: Hæc est vita æterna, ut cognoscant te Deum: ergo in visione Dei est beatitudo summa: si ergo hoc habet angelus per naturam: ergo per naturam erat beatus.

ITEM adhuc naturalia salua sunt in angelis, maxime quæ spectant ad intellectum: si ergo per naturam poterant diuinam lucem conspiciere in se: ergo & nunc possunt: ergo non sunt in tenebris damnationis, quod aperte falsum est.

ITEM proximior est Deo anima habens gratiam, quam sit angelus habens sola naturalia: sed anima exura cum gratia non potest aspicere lucem summam, nisi adiuuetur per gloriam, sicut patet de his qui sunt in purgatorio, & fuerunt in limbo: ergo videtur quod nec angelus per naturam.

ITEM lux diuinæ essentiae est supra omnem intellectum creatum, quantumcunque ille intellectus sit excellens in naturalibus: ergo nunquam intellectus creatus in illam intuendam ascendet virtute sua, nisi Deus condescendat per gratiam: ergo impossibile est, quod angelus naturali cognitione cognoscat diuinam essentiam.

A **ITEM** multo plus est Deus supra intellectum angelicum, quam sit angelus supra intellectum humanum: sed homo non potest nosse angelum, nisi angelus condescendat ei: ergo nec angelus ipsam diuinam lucem in seipsa.

ITEM impossibile est quod aliquis oculus perueniat ad cognitionem luminis solaris, nisi per immissionem radiorum solis, quantumcunque habeat alia lumina: ergo impossibile est, quod aliquis ad cognitionem supernæ lucis perueniat per illuminationem aliquam naturalem, vel acquisitam, nisi Deus suæ luminositatis radium immitat: sed missio hæc non est nisi per gratiam: ergo impossibile est, quod aliqua creatura quantumcunque nobilis, diuinam lucem in seipsa per naturam cognoscat.

CONCLUSIO.

Angelus naturali cognitione diuinam essentiam in claritate essentia non poterat videre, cum eius splendor cuiusque virtutis creata vires transcendat.

RESP. Ad arg. Dicendum quod angelus naturali cognitione diuinam essentiam non poterat videre in essentia, siue claritate sua: & hoc patet, quia hæc cognitio est primum præmium, quo habito, mens creata quiescit tamquam beata & perfecta: hoc autem præmium nemo obtinet nisi gratuita Dei influentia. Si autem quæretur ratio huius: sane dici potest, quod diuina lux propter sui eminentiam est inaccessibilis viribus omnis naturæ creatæ: & ideo per quandam benignitatis condescensionem facit se cognosci, ita quod in illa cognitione cognoscens multo plus agatur, quam agit: illa autem condescensio bonitatis quid gratuitum dicit: sed constat, quod non dicit diuinæ essentiae humiliationem, quia non potest minorari: sed dicit alicuius radii gratuitam immissionem, per quam anima clare cognoscit, cum est missio in abundantia, sicut erit in gloria: & ita angelus diuinam essentiam non potest per naturam cognoscere in seipsa, sicut ostendunt rationes inductæ, & sicut colligitur à Dionysio in principio mysticæ Theologiæ.

1. **AD** illud quod obiicitur, quod est deiformis per naturam, dicendum quod hoc non dicitur, quia habeat deiformitatem, quam habet intellectus gloriosus per assimilationem, quæ est in statu perfecto: sed deiformis dicitur, quia sine susceptione specierum per id quod habet in se, actu cognoscit.

2. **AD** illud quod obiicitur, quod est speculum clarum, dicendum quod Deus refulget in omni creatura tantquam causa in effectu suo, & ex omnibus potest cognosci, & maxime in creatura, quæ ipsius Dei est insignita imagine: sed illa refulgentia luminis, per quam videtur Deus facie ad faciem, non est naturæ, sed condescensionis, & gratiæ. Nec est simile de luce corporali, quæ naturaliter influit lumen in hæc inferiora: non sic debet intelligi de luce æterna.

3. **AD** illud quod obiicitur, quod Deus præsentialiter est in anima, &c. dicendum quod esse præsens alicui, hoc est dupliciter. Vel ut principium conservans, & continens vel ut obiectum immutans, & mouens. Primo modo est Deus præsens angelo, & lux cæco, secundo modo non: & ideo non est simile de anima, & eius habitibus, quoniam præsentis sunt animæ utroque modo. Et ratio huius est: quoniam hæc cognoscibilia non superexcedunt cognoscantis potentiam, & naturam.

4. **AD** illud quod obiicitur, quod aut per speciem, aut per essentiam, &c. dicendum quod adhuc est tertius modus cognoscendi, scilicet per effectum: cognoscitur autem Deus per effectus visibiles, & per substantias spirituales, & per influentiam luminis connaturalis potentie cognoscenti, quod est similitudo quædam Dei non abstracta, sed infusa, inferior Deo: quia in inferiori natura, sicut dicit August. 9. de Trin. c. 11. & habitum est in primo: & respondetur illi rationi, quod procedit ex diuisione insufficienti.

5. **AD** illud quod obiicitur de velatione, dicendum

Aliiter Scot qui 2. Sen. dist. 3. q. 9. arguit contra S. The. ibi contra secundum: et animæ arg. militans contra S. Bon.

quod non posse pertingere ad alicuius cognitionem, hoc est dupliciter, vel propter cordis obscuritatem, vel propter cognoscibilis profunditatem. Si primo modo, sic dicitur impediri, velatione. Si secundo modo sic impeditur non propter interpositionem velaminis, sed propter sublimitatem cognoscibilis. Primo modo impeditur homo peccator. Secundo modo angelus. Vnde nec videbat sub velamine ænigmatis, nec tamen facie ad faciem: quia medium est inter vtrumque, videlicet Deum videre in speculo absque ænigmate.

6. Ad illud quod obiicitur quod aut cognoscebat Deum per medium, aut sine medio, dicendum quod per medium, scilicet per effectum: non quia illud medium magis erat proportionale, sed magis erat proportionale intellectui angelico: vnde naturaliter videbatur per speculum, & per vestigium, quamvis non per ænigma. Nec illud est contra Augustinum quia (sicut infra melius patebit) Augustinus vult quod inter mentem, & Deum non cadit medium, scilicet in ratione causæ efficiētis, vel influentis: cadit tamen medium manu ductionis: quod tamen non habet rationem medii proprie, quia magis subseruit potentia cognoscenti, quam præsit.

ARTICVLVS III.

CONSEQUENTER tertio loco quæritur de naturali Angelorum dilectione, & de ipsa duo quærentur. Primo de dilectione qua diligebant Deum. Secundo de dilectione qua vnus Angelus diligebat alterum.

QVÆSTIO I.

An Angeli naturali dilectione dilexerint Deum propter se, & super omnia.

Alex. Alenf. 2. p. q. 31. Membro 3.
S. Tho. 1. p. q. 60. art. 5.
Et 1. 2. q. 109. ar. 3.
Ægid. Rom. 2. Sent. dist. 3. p. 2. q. 3. art. 1. dub. 2.
Richardus 2. Sent. dist. 3. ar. 7. q. 1.
Guilliel. Altfiod. 2. Sent. cap. 1.
Albertus de quatuor Coenit. q. 17.
Stephan. Brulef. 2. Sent. dist. 3. q. 1. 2.

DE modo naturalis dilectionis ad Deum. Et est quæstio vtrum angeli dilectione naturali dilexerint Deum propter se, & super omnia. Et quod non, videtur, quia per Bernardum dicitur quod natura est curua: ergo cum seipsa reflectitur, magis diligit se, quam alia, & alia propter se: ergo, &c.

2. ITEM qui diligit aliquid supra se, eleuatur supra se. Amor enim iungit amantem cum amato. Si ergo magis diligit quod est supra se quam se: ergo supra se eleuatur: sed nihil per se eleuatur supra se: ergo necesse est, quod talis amor aliud principium habeat, quam naturam.

3. ITEM actus dilectionis est nobilissimus inter omnes actus animæ: & motus iste, scilicet diligere propter se, & super omnia, est motus quo nullus potest cogitari nobilior: ergo si natura potest in hunc sine gratia, multo fortius & in quemlibet alium: & ita nulla est opportunitas gratiæ naturæ institutæ. Et iterum. Si nobilissimus est, Deo est placitus, & acceptus: ergo dignus remuneratione: ergo gratia non est necessaria ad merendum.

4. ITEM dilectio naturalis diligit quod diligit per modum desiderij, seu concupiscentiæ: sed omnis concupiscentia naturalis supponit aliquam indigentiam: sed quandocumque aliquis diligit aliquid propter suam indigentiam magis diligit illud, in quo est indigentia, quam illud quod supplet: vt cum appeto vestimentum propter indigentiam corporis, & similiter cibum: magis diligo corpus, quam vestimentum, vel cibum: ergo si angelus naturaliter diligit Deum propter suam indigentiam: ergo magis diligit se quam Deum.

CONTRA per Augustinum de fide ad Petrum: Tales Deus creauit Angelos, vt præ se ipsis illum diligerent, cuius opere se tales creatos esse cognouissent.

A ITEM ratione videtur, quia affectus angelicus amabat bonum naturali dilectione: aut ergo quia bonum, aut quia bonum sibi. Si quia bonum, cum Deus esset summe bonus, magis ergo ipsum Deum quam aliquid aliud diligebat. Si quia bonum sibi: sed Deus adhuc melius erat ei quam aliquid aliud: quia bonus immo optimus est affectui quærenti illum: ergo quocumque modo, videtur quod ipsum propter se & super omnia diligebat.

ITEM gustus sanus non errans in iudicio, id magis desiderat & magis amat, quod est magis delectabile: sed Deus est maxime delectabilis: ergo cum Angelus à sua conditione hoc nosset, & affectum sanum haberet, ergo in eo propter se & super omnia delectabatur: sed illud magis diligit, in quo magis est, & propter se delectatur: ergo, &c.

B ITEM hoc mandatum de diligendo Deum propter se & super omnia, erat scriptum in corde Angeli: ergo conscientia dicebat ei quod ad hoc tenebatur: ergo si non sic diligebat, contra conscientiam faciebat: ergo peccabat: ergo ante peccatum, Deum super omnia diligebat. Si tu dicas quod conscientia non obligabat eum nisi pro tempore gratiæ, quia ante non poterat. Contra: Affectus Angeli ante peccatum non repugnabat intellectui, alioquin ante peccatum erat bellum: sed intellectus dicit nihil esse diligendum super omnia nisi Deum: ergo cum oporteret angelum aliquid diligere super omnia, necesse erat quod aut diligeret Deum propter se & super omnia, aut faceret contra conscientiam, & ita peccaret.

C ITEM angelus diligebat Deum, aut ergo fruens, aut vtens. Si fruens: ergo propter se, & super omnia. Si vtens: ergo cum summa peruersio sit vt fruendis: erat peruersus, & affectus erat in eo inordinatus, cum faceret de via, terminum, & econuerso: patet ergo, &c.

CONCLUSIO.

Angelus atque homo, cum recti creati fuerint à Deo, eorumque relictio in amore consistat, habiles fuerunt ad diligendum Deum propter se, & super omnia naturali dilectione.

RESP. Ad arg. Dicendum quod absque dubio, tempore naturæ institutæ tam homo, quam angelus habilis erat ad diligendum Deum propter se & super omnia. Et hoc patet: impossibile enim erat eum aliter esse rectum. Relectio enim mentis consistit radicaliter in amore. Amor autem rectus esse non potest, si aliquid diligit supra Deum vel æque, vel aliquid diligit propter se, & Deum propter aliud: si ergo Deus fecit hominem & angelum rectum, patet quod unicuique dedit habilitatē ad amandum Deum super omnia, & propter se: Patet etiam hoc planius, si attendamus quid est diligere propter se, & super omnia. Contingit enim aliquid diligi dilectione concupiscentiæ, sicut aliquis amat vinum, vel amicum, sue socium. Propter se vero aliquid diligere est non alterius gratia, sed ibi sistere, sicut ebriosus diligit vinum propter se. Propter aliud & alterius gratia, sicut sobrius diligit potum propter salutem. Similiter in amore amicitia propter se diligere est non alterius gratia velle alteri bonum, sicut dicit Philosophus, quod diligimus amicos propter se, & si nihil omnino boni debeat nobis ab ipsis esse. Propter aliud vero est alterius gratia, sicut aliquis diligit hominem propter commodum suum: sicut dicit idem quod inimicos nostros volumus esse iustos: vt nihil nobis noceant. Diligere vero aliquid super omnia amore amicitia, est nullo commodo, vel incommodo velle ipsum offendere, nec amicitiam soluere: similiter dilectione concupiscentiæ est nullo commodo, vel incommodo velle illud perdere. Quoniam igitur affectus angeli Deum habere cupiebat propter se, quia summe bonum & summe reficiens, non alterius boni gratia, & Deo volebat bonum propter se, multo magis quam amicus amico: similiter nullo commodo, vel incommodo volebat Deum offendere vel perdere vt manifestum est, &

pater

patet intuenti : dico quod Deum diligebat propter se, & super omnia.

1. Ad illud ergo quod obiicitur quod motus naturæ curuus est, dicendum quod aut Bernardus intelligit de natura qua communicamus cum brutis : aut si de rationali, intelligitur propterea lapsa est : aut hoc vocat curuitatem, quod appetit sibi. Sed esto quod Deum appetat sibi non tamen aliquid magis diligit sibi quam Deum, & ita nihilominus propter se, & super omnia.

2. Ad illud ergo quod obiicitur quod eleuatur supra se, dicendum quod eleuari supra se est dupliciter, aut supra suum posse, & hoc est impossibile nisi adiungetur natura : aut supra suum esse, & hoc est impossibile, & naturale : unde bene concedo, quod homo naturaliter natus est eleuari supra se, id est, ad id quod est supra se, contemplando, & amando.

3. Ad illud quod obiicitur quod motus iste videtur nobilissimus, & difficillimus, & Deo gratissimus, dicendum quod motus iste aliter est gratiæ, aliter est naturæ institutæ. Naturæ institutæ est ex quâ habilitate, & rectitudine respectu boni. Gratiæ vero est, quia captiuatur affectus in obsequium Christi : sicut intellectus per fidem, tunc autem captiuatur intellectus in obsequium Christi, quando contra illud quod ratio sua dicitur, assentit primæ veritati, sic & affectus quando id ad quod diligendum naturaliter inclinatur, amore Christi paratus est odire, vel econuerso, quando id ad cuius odium naturaliter inclinatur, paratus est amare, & talis est affectus qui contemnit vitam & honores, & omne desiderabile & amat odientes se, & lædentes propter Deum : & hic est solus affectus qui Deo famulatur, & quem Deus acceptat, & remunerat : & hic non est à natura, sed solum à gratia. Aliter etiam differt hic motus ab illo, quia ille à cognitione naturali, scilicet qui est dilectionis naturalis, aliud est à cognitione fidei. Et differt hæc cognitio ab illa, quia cognitio naturalis cognoscit Deum summe bonum propter diffusionem, siue communicationem bonitatis in effectibus creatis : sed fides dicitur Deum summe bonum per communicationem bonitatis in diuinis personis, & vtraque cognitio dicit Deum summe bonum, & summe diligendum : sed multo nobilius fides, siue cognitio gratuita : per hunc modum vtraque dilectio Deum diligit summe, sed magis & nobilius dilectio gratuita. Alia differentia consuevit dari, quod dilectione naturali diligit Deum animus, siue affectus rectus, quia bonus sibi : & ideo summe diligit, quia summe bonum sibi, & omne bonum quod est, & quod habet, pendet ex ipso, & nihil esset nisi per ipsum : ideo plus Deum diligit, quam etiam seipsum. Sed dilectione gratuita diligit quis Deum quia bonus : & quia summe bonus, diligit summe : & quia non est bonus ipse homo, nisi inquantum est ad Deum, non diligit se nisi propter Deum, & hoc dico dilectione gratuita. Et sic triplex est differentia, prima est à parte modi diligendi : secunda à parte cognitionis disponētis, siue principij : tertia est à parte motui : omnes autem sunt rationabiles, sed primæ magis innitendum.

4. Ad vltimum soluendum est per interemptionem, quia natura rationalis, de qua nunc loquimur, non tantum amat ratione indigentiam, sed etiam ratione conuenientiam, & complacentiam : & ideo magis illud quod natum est summe delectare, & summe placere.

QVÆSTIO II.

An Angelus naturali distinctione magis diligit superiorem, parem, an inferiorem.

Alex. Alenf. 2. p. q. 31. Memb. 4.

S. Thom. 1. p. q. 60. art. 4.

Egid. Rom. 2. Sent. dist. 3. p. 2. q. 3. art. 1. dub. 1.

Richardus 1. Sent. dist. 3. art. 7. q. 2.

Stephan. Brulef. 2. Sent. dist. 3. q. 12.

VTRVM Angelus naturali dilectione magis diligit superiorem, an parem, an inferiorem. Et quod magis superiorem, videtur. Si angelus angelum naturaliter

A diligit : aut ergo, quia bonum, aut quia beneficium : sed quocumque modo Angelus superioris ordinis magis est bonus : & iterum magis est beneficium, quia Angelus inferioris ordinis à superiori recipit illuminationes, per eum modum per quem Dionysius dicit : ergo, &c.

ITEM Angelus per naturam institutam Deum super omnia diligebat : ergo si illud quod magis approximatur ad summum in omni genere est magis intensum : ergo si summe diligebat Deum, id est, super omnia : ergo magis illud quod Deo erat similis, & proximus : sed angelus superioris ordinis est huiusmodi : ergo, &c.

ITEM Angelus inferioris ordinis nolebat æquiparari angelo superioris ordinis, quantum erat de naturali appetitu : ergo magis & eminentius bonum ille volebat quam sibi : sed super omnes angelos pares, & inferiores se diligebat : ergo, &c. Quod autem magis diligeret angelum eiusdem ordinis, videtur : Dilectio naturalis concernit similitudinem. Unde Ecclesiasticus : Omne animal diligit sibi simile : sed angelus eiusdem ordinis similior est angelo sui ordinis quam alterius : ergo magis diligit.

ITEM naturalis dilectio intenditur per familiaritatem, & domesticitatem : unde magis diligit homo naturaliter domesticum & socium suum quam extraneum : sed maior est familiaritas & societas Angelorum eiusdem ordinis : ergo, &c.

ITEM Ecclesia triumphans conformis est Ecclesie militanti : sed in Ecclesia militante est distinctio ordinum, & religionum : & recto ordinato affectu, qui non repugnat gratiæ, plus iungitur homo ei qui est eiusdem professionis : ergo pari ratione & angelus naturali dilectione plus diligebat angelos eiusdem ordinis.

Quod autem magis angelos inferioris ordinis, videtur. Primo, quia probatio dilectionis est exhibitio operis : sed angelus superioris ordinis plus se communicat angelo inferioris quam paris, vel superioris, & ad hoc faciendum ordinatur per naturam, non solum per gratiam : ergo, &c.

ITEM per naturam plus amat rationalis creatura præfese, quam subesse : sed angelus medijs ordinis, ideo subest, quia habet superiores : ideo præest, quia habet inferiores, ergo si magis diligit præfese, magis per naturam diligit habere ordines inferiores quam superiores : ergo, &c.

ITEM nos videmus in linea consanguinitatis carnalis, quod magis diligit homo eum qui est infra : quam eum qui est supra vel iuxta, ut puta magis filium quam patrem, vel fratrem, & hoc est per naturam : ergo videtur pari ratione quod in ordinibus Angelorum magis affectio conuertatur ad eum qui infra est, cum nullum sit vinculum consanguinitatis, nec supra, nec iuxta.

CONCLUSIO.

Angelus ratione optati maioris boni magis diligit superiorem Angelum : ratione vero intensioris affectus, plus diligit equalem : ratione vero impensis beneficii, plus diligit inferiorem.

RESP. Ad Arg. Dicendum quod magis diligere aliquem hoc potest esse tripliciter. Aut ratione boni optati, aut effectus intensi, aut ratione effectus impensis. Ratione boni optati, dicitur quis aliquem magis diligere, quando ei maius bonum optat, & sic dicitur diligere magis, quia ad maius. Hoc modo naturali dilectione procedente ex iudicio rationis rectæ magis diligebat angelus angelum superiorem, volebat enim ipsum excellere, & plus boni habere, sicut & Deus conditor voluit sic ordinare. Ratione affectus intensi dicitur magis alterum diligere, quando affectio eius plus trahit alterum, & magis consolatur de eius societate : & sic dicitur aliquis magis illum diligere cum quo libentius cohabitat. Et sic angelus magis diligebat per naturam angelum eiusdem ordinis : Quia sicut naturali affectu magis diligit quis compatriotas suos, maxime quando conformatur sibi in moribus : & sicut magis diligit homo eum qui est eiusdem professionis, & officij, ubi invidia non interponit partes

suas: sic angelus alterum angelum eiusdem ordinis, magis dilectione naturali amplecti intelligendum est, cum te viderit à Conditor in officij æqualitate, & naturæ, similitudine illi sociatum, nec esset tunc morum diuersitas, nec inuidiæ malignitas. Ratione effectus, siue beneficij impenſi dicitur quis magis eum diligere, cui plura bona impendit, & circa quem magis sollicitatur, sicut magis Magister confouet filium tenellum, & sollicitior est circa illum quam circa adultum, & magis circa infirmum quam circa sanum: & hoc facit consideratio maioris indigentie. Et hoc modo dici potest, quod angelus superioris ordinis magis diligit angelum inferioris, quia angelus paris vel superioris ordinis non indiget sic sua instructione, siue purgatione secundum quod angelus inferioris ordinis. Et sic secundum diuersas vias, membra propositæ quæstionis se habent sicut excedentia & excessa: & ideo rationes ad tria prædicta mēbra decurrentes sibi non obuiant, & concedi possunt, quamvis non sint multum cogentes. Si autem quis ex prædictis omnibus simpliciter velit inferre maioritatem dilectionis, vnica responsione potest omnibus obuiari, scilicet quod omnes procedunt ab insufficienti. Si vero concluditur excessus dilectionis determinatæ, vel in bono optato, vel in affectu intenso, vel in effectu impenſo, satis de plano omnes possunt concedi.

DISTINCT. IV.

An Deus creauerit Angelos perfectos, & beatos, an miseros & imperfectos.

QUOD T hac videndum est, utrum perfectos & beatos creauit Deus Angelos, an miseros & imperfectos. Ad quod dici potest quod nec in beatitudine, nec in miseria creati sunt. Miseri enim ante peccatum esse non potuerunt, quia ex peccato miseria est. Nam si non fuisset peccatum, nulla esset miseria. Beati quoque nunquam fuerunt illi qui ceciderunt: quia sui euentus ignari fuerunt id est peccati & supplicij futuri. Si enim lapsu suum præsciuerunt, aut vitare voluerunt, sed non potuerunt, & ita erant miseri: aut potuerunt, sed noluerunt, & ita erant stulti & maligni. Ideoque dicimus, quia non erant præscij euentus sui: nec eis data est cognitio eorum quæ futura erant super eos. Boni vero & qui perstiterunt, forte sua beatitudinis præscij fuerunt. Vnde August. super Gen. Quo modo, inquit, beatus inter Angelos fuit, qui futuri peccati atque supplicij præscius non fuit? Queritur autem cur non fuerit. Forte hoc Deus reuelare diabolo noluit, quid facturum, vel passurum esset: ceteris vero reuelare voluit quod in veritate mansuri essent. His verbis videtur August. significare, quod Angeli qui corruerunt, non fuerunt præscij sui casus: ideoque beati non fuerunt. Et quod angeli qui perstiterunt, beatitudinem sibi affuturam præsciuerunt, atque de ea certi in spe extiterunt: unde quodammodo iam beati erant. Et reuera si ita fuisset, posset illos dici aliquo modo fuisse beatos, alios vero non, qui nesciuerunt euentum suum.

Quod opinando Augustinus hæc dixit non asserendo, scilicet quod angeli qui perstiterunt, præscij fuerunt futuri boni.

Sed hoc magis opinando & quarendo dicit Augustinus quæ asserendo: unde & huic opinioni opponens consequenter subdit: Sed quare discernebatur illi à ceteris, ut Deus istis quæ ad ipsos pertinerent, non reuelaret, aliis vero reuelaret, cum non prius sit ipse ultor

A quam aliquis peccator, non enim damnat ipse innocentes. His videtur innuere quod nec peccatoris futurum malum, nec permanſuris futurum bonum reuelauerit. Ideoque nec illi qui ceciderunt unquam, nec illi qui perstiterunt usque ad consummationem beati fuerunt, quia beati non poterant esse, si de beatitudine certi non erant: vel si damnationis incerti erant. Vnde Augustinus in eodem, Dicere, inquit, de angelis, quod in suo genere beati esse possent damnationis vel salutis incerti, quibus nec spes esset quod mutandi essent in melius: nimia præsumptio est. Quo modo enim beati esse possunt, quibus est incerta sua beatitudo.

B Summam colligit prædictorum, confirmans omnes angelos ante confirmationem, vel lapsum non fuisse beatos, nisi quis per beatitudinem accipiat illum statum innocentie, in quo fuerunt ante calum.

Ex prædictis consequitur, quod angeli qui corruerunt, nunquam beati fuerunt, nisi beatitudinē aliquis accipiat illum statum innocentie, in quo fuerunt ante peccatum. Illi vero qui perstiterunt, aut suam beatitudinem futuram, Deo reuelante præscierunt, & ita spei certitudine, aliquo modo beati fuerunt: vel incerti extiterunt sua beatitudinis: & ita aliter beati non fuerunt, quam reliqui qui ceciderunt. Mihi autem quod posterius dictum est, probabilius videtur.

C Responsio ad id quod quærebatur, an angeli essent creati perfecti aut imperfecti; & dicitur quod perfecti fuerunt secundum aliquid, & imperfecti secundum aliquid.

Ad hoc autem quod quærebatur, utrum perfecti vel imperfecti fuerint creati, dici potest, quia quodam modo perfecti fuerint, & quodam alio modo imperfecti. Non enim uno modo aliquid dicitur perfectum, sed pluribus.

D Quod tribus modis dicitur perfectum, secundum tempus, secundum naturam, & vniuersaliter perfectum.

Dicitur namque perfectum tribus modis. Est enim perfectum secundum tempus, & perfectum secundum naturam, & est vniuersaliter perfectum. Secundum tempus perfectum est, quod habet quidquid tempus requirit, & conuenit secundum tempus haberi: & hoc modo Angeli erant perfecti ante confirmationem vel lapsum. Secundum naturam perfectum est, quod habet quidquid debitum est, vel expedit natura sua ad glorificationem: & hoc modo perfecti fuerunt angeli post confirmationem, & erunt Sancti post resurrectionem. Vniuersaliter & summe perfectum est, cui nihil unquam deest, & à quo vniuersa proueniunt bona, quod est solius Dei. Prima ergo perfectio est natura condita: secunda natura glorificata: tertia natura increata.

Prædicta breuiter tangit, addens quales fuerint Angeli in conuersione, & auersione.

Quales fuerint Angeli in creatione ostensum est, boni scilicet, & non mali: iusti, id est, innocentes & perfecti quodam modo: alio vero modo imperfecti. Beati vero non fuerunt usque ad confirmationem, nisi beatitudo accipiat (ut iam dictum est) ille status innocentie, & bonitatis in quo conditi sunt.

DIST.

DISTINCT. IV.

De habitus beatitudinis, & miserie Angelorum.

Post hac videndum est, &c.

Expositio Textus.

SUPRA egit Magister de habilitatibus naturalibus, & de habilitatibus ad perfectionem præparatibus. In hac parte agit de habilitatibus in statum perfectum constituentibus, unde inquit, utrum angeli mox ut creati sunt, fuerint beati, & perfecti. Diuiditur autem hæc pars in duas. In prima prosequitur quæstiones de beatitudine. In secunda de perfectione, ibi: *Ad hoc autem querebatur.* Prima pars habet tres. In prima determinat quæstionem quantum ad illos qui ceciderunt, ostendens quod nunquam beati fuerunt. In secunda quantum ad eos qui remanserunt, & hoc ibi: *Boni vero qui persisterunt, &c.* In tertia breuiter resumit prædeterminata de utrisque, ibi: *Ex prædictis consequitur, &c.* Similiter secunda pars in qua prosequitur, utrum angeli sint creati perfecti, habet tres particulas. In prima innuit, quod per distinctionem est respondendum. In secunda subiungit distinctionem, ibi: *Dicitur namque perfectum, &c.* In tertia vero resumit prædeterminata, breuiter ostendens qualis facta fuerit natura Angelica, ibi: *Quales facti fuerunt angeli in creatione.*

Beati quoque nunquam fuerunt qui ceciderunt, quia sub euentus ignari fuerunt. Dub. I.

CONTRA: Ad hoc quod aliquis sit beatus non oportet scire omnia: sed sufficit Deum cognoscere: ITEM beatitudo non est aliud quam clara visio Dei: sed ad hoc non requiritur cognitio euentus: ergo, &c.

RESP. Dicendum quod ad beatitudinem non solum dos visionis requiritur: sed perfectæ retentionis: perfecta autem tentio non est nisi quando est cum securitate: securitas autem non est nisi ubi est securitas de permanione: & quia hoc angelini non potuerunt habere saltem qui lapsuri erant, quia falsum erat ipsos permanentes: ideo beati non fuerunt. Ad illud quod obiicitur quod sufficit Deum cognoscere, dicendum quod falsum est, immo oportet etiam perfecte tenere. Et quod subiungit, quod aperta, & clara visio Dei est tota merces, dicendum est quod hoc est verum per concomitantiam, vix enim aut nunquam est ita aperta Dei visio, quin sit futuræ permanione certitudo: aut si non est, non est in illa perfecta beatitudo: hoc autem visionem apertam quæ est facie ad faciem non habuerunt angeli ante confirmationem, immo simul Dei visionem habuerunt, & retentionem: licet ante aliquatenus cognoscerent, & amarent, siue ad hæc duo habiles essent.

Quia beati esse non poterant, &c. Dub. II.

CONTRA: Certitudo damnationis potius est contraria beatitudini quam consona: sed si certitudo nihil confert ad gloriam: ergo incertitudo nullo modo impedit gloriam, siue beatitudinem perfectam.

RESP. Dicendum quod de aliquo futuro dupliciter potest haberi certitudo, vel in partem affirmatiuam, vel in partem negatiuam: & sicut ad beatitudinem oportet habere certitudinem de eius perpetuitate futura, ita oportet habere certitudinem de miseria nunquam futura; ista enim duo sunt omnino inseparabilia. Certitudo ergo damnationis nunquam futura confert ad gloriam: & quoniam incertitudo æque priuat certitudinem respectu affirmationis sicut & respectu negationis: ideo incertitudo negationis, ita repugnat sicut incertitudo permanione: & sic habet intelligi illud verbum.

Dicitur namque perfectum, &c. Dub. III.

Ista diuisio perfecti videtur insufficiens, quia non tan-

Atom est perfectio secundum naturam, sed etiam secundum gratiam, & gloriam, & secundum gratiam est multiplex genus perfectionis. ITEM quæritur, quare magis accipiat unum genus perfectionis secundum tempus, quam secundum aliud accidens.

RESP. Dicendum quod perfectum dicit complementum, siue completionem in qua est status. Status autem ponitur in aliquo dupliciter: aut simpliciter: aut in genere. Si simpliciter, sic est tertium membrum: si in genere creaturæ, hoc potest esse dupliciter, aut in quantum exit à Deo, ut sic habet rationem vestigij, & reperitur hæc perfectio in omni creatura, quando perducta est ad modum, speciem, & ordinem sibi competentem. Alio modo in quantum creatura redit in Deum, & sic est perfectio gloriæ, & hanc vocat Magister perfectionem secundum naturam; unde ponendum quod est perfectio secundum essentiam, & secundum participationem: & hoc dupliciter, vel secundum egressum, vel secundum regressum.

ARTICVLVS I.

AD intelligentiam huius partis quærentur tria. Primum est quales creati sint angeli quantum ad gloriam. Secundum quantum ad futuri euentus præscientiam. Tertium est quantum ad cognitionem matutina. Circa primum quærentur duo. Primum est utrum in sui creatione habuerint gloriam. Secundum est utrum habuerint gratiam.

QVÆSTIO I.

An Angeli in gloria, vel in beatitudine creati sint.

*S. Thom. 1. p. q. 62. ar. 1.
Et 2. Sent. dist. 4. q. 1. art. 1.
Et Quod. 9. ar. 8.
Scotus 2. Sent. dist. 5. q. 2.
Aegid. Rom. 2. Sent. dist. 4. q. 1. art. 1.
Richardus 2. Sent. dist. 4. ar. 2. q. 1.
Durandus 2. Sent. dist. 4. q. 1.
Tho. Arg. 2. Sent. dist. 4. q. 1. art. 1.
Gabriel Biel 2. Sent. dist. 4. q. unica.
Steph. Brulef. 2. Sent. dist. 4. q. 1.*

VTRUM angeli creati sint in beatitudine, siue gloria. Et quod sic, videtur: Tu plenus sapientia, & perfectus decore in deliciis paradisi fuisti: sed esse in deliciis paradisi, & esse plenum sapientia est ipsa beatitudo quam dicimus æternam gloriam: ergo, &c.

2. ITEM Augustinus in lib. de mirab. sacræ Scripturæ; Angelus in summo sui ordinis honore constitutus lapsus est, loquitur de angelo ante lapsum: sed summus honor ordinis angelici est beatitudo & gloria: ergo, &c.

3. ITEM Augustinus de fide ad Pet. Angelici spiritus pro eo quod rationabiles sunt facti æternitatis, & beatitudinis donum in ipsa naturæ suæ spiritualis creatione diuinitus acceperunt.

4. ITEM idem Aug. de ecclesiasticis dogmatibus; Angeli qui in illa qua creati sunt beatitudine perseuerant, non natura possident, ut non mutantur; ergo si modo habent veram beatitudinem, patet quod in beatitudine creati sunt.

5. ITEM ratione videtur: quia angelus à sua creatione habuit habilitatem ad diligendum Deum propter se, & super omnia: ergo habuit habilitatem ad fruendum Deo: sed ipse non habuit aliquod retardatiuum ex parte affectus, nec obumbratiuum ex parte inrell. Aus; ergo totaliter ferebatur in ipsum Deum amore fruitionis: ergo cum talis status, & actus sit beatitudo, & gloria, patet, &c.

6. ITEM Deus fecit liberum arbitrium vertibile: ergo cum possit habere creatura rationalis ipsum inuertibile, ut patet modo in sanctis angelis, aliquibus debuit hoc modo facere: sed non est inuertibilitas liberi arbitrij in beato nisi per gloriam: ergo, &c. Aut si dias quod non debuit

Ad oppositum.
Ezæc. 28. c.

Lib. 1. c. 2. d.
med. 10. 3.

Aug. cap. 3.
10. 3.

Ca. 59. 10. 3.

facere.

facere, hoc non videtur, quia debuit facere res optimo modo: sed iste est optimus status ipsius angeli: ergo aliquid in hoc statu debuit facere.

CONTRA: Ille in veritate non stetit: sed beatitudo est status omnium bonorum aggregatione perfectus: ergo est status in veritate: ergo Lucifer non fuit factus beatus: sed inter omnes perfectus, & nobilis est conditus: ergo, &c.

ITEM obicitur, quod perseverantia siue securitas est de essentia, siue substantia beatitudinis: beatus enim non est qui potest amittere bonum quod habet: sed angeli potuerunt amittere, quia amiserunt: ergo, &c.

ITEM nullus laudatur, vel vituperatur in his quæ habet à natura vel conditione: sed sicut damnationi essentialis est vituperium, ita beatitudini essentialis est laus: ergo impossibile est, quod aliquis beatus sit à conditione, immo est repugnantia in adiecto.

ITEM aut omnes fecit Deus beatos aut aliquos. Non omnes, constat, quia plures ex eis ceciderunt. Non aliquos, ut videtur, quia tunc illi præcellerent alios quasi præexcellencia improporionali: ergo Lucifer non fuisset ausus se eis præponere: quod si ausus est, videtur quod nulli conditi sunt beati. Si tu dicas quod maiorem audaciam præsumpsit scilicet æquiparari Deo, quanto magis præesse beatis: adhuc non soluit. Si enim Deus beatos condidit angelos ab ipsa conditione: hoc fuit, quia naturæ eorum consonabat ut sub tali perfectione & tam nobili fierent: si ergo Lucifer, ut dicunt Sancti & Magister dicit in sequentibus, splendidissima habuit naturalia, magis debuit, & congruum fuit ipsius naturam gloria insigniri: quod si ipse, ut patet, beatus factus non est, patet, &c.

CONCLUSIO.

Angeli boni non fuerunt creati in statu beatitudinis si beatitudo statum perfectum, cum omnium bonorum plenitudine, visione Dei clara, intentioneque perfecta claudat. Quod si beatitudo tantum dicat privationem cuiusunque mali, tam culpa, quam pena, beati creati fuerunt.

RESP. AD ARG. Dicendum sicut prædictum est supra. Quorundam opinio fuit quod angeli, quia sunt spirituales, & actuales, in instanti suæ creationis fuerunt in actu conuersionis, & auersionis: & sicut in prima auersione sunt damnati æternaliter illi qui auersi sunt, ita in prima conuersione illi glorificati sunt æternaliter qui conuersi sunt: & ita dicunt intellexisse Augustinum & fuisse eius positionem, quod aliqui sint creati beati, & formati, quia simul tempore, licet posterius natura factum est cælum, & lux, id est, angelica natura informis & formata. Lux enim, ut dicit August. de Ciu. dicuntur angeli, quia illuminati sunt ut beate semperque uiuerent. Sed tamen hæc positio supra improbata est tanquam falsa, & erronea, ratione illius partis quæ dicit in primo instanti fuisse auersos. Ratione alterius partis pari ratione improbata est, & patet falsitas per August. de correctione, & gratia: ubi dicit quod angeli, etsi beati sint, erat tamen adhuc quod eorum beatitudini adderetur, si permansissent. Constat quod beatitudini & gloriæ, cum sit inuariabilis, non sit additio: constat etiam quod loquitur communiter de bonis & malis, cum dicitur si permansissent. Et ideo aliter est dicendum quod beatitudo dupliciter potest dici. Vno modo status perfectus plenitudine omnis boni, & hæc ponit visionem Dei claram, & intentionem perfectam. Per hoc modo angeli non sunt creati beati, nec aliqui, nec omnes: sed habuerunt quiddam ex eis in ipsa confirmatione. Alio modo dicitur beatitudo status perfectus priuatione omnis mali tam pænæ, quam culpæ. Et tales creati sunt Angeli, quia innocentes, & impassibiles: & de hac beatitudine loquitur Augustinus: sed hæc non est perfecta, nisi cum additur ei altera, & de hac currunt auctoritates probantes quod beati sunt.

1. AD illud enim quod dicit Ezechiel: In deliciis paradisi fuisti, dicendum quod sicut primus homo condi-

tus est & positus in deliciis paradisi, quæ tamen non erant deliciæ beatitudinis perfectæ; & sicut data est ei sapientia ad cognoscendum omnia mundana, sed non illa quæ est visio Dei in patria, simili modo intelligendum est in angelo.

2. 3. 4. Quid dicit Augustinus de mirab. sacræ Scripturæ, intelligit quantum ad naturalia; quia ita bona habuit quod non erat habiturus meliora. Vnde & in illo loco conditus est, in quo erat beatificandus; duæ vero sequentes auctoritates loquuntur de beatitudine secundum illas duas differentias quas dixi.

5. AD illud quod obicitur, quod habebant fruitionem sine retardatione, dicendum quod verum est, non tamen habebant in perfecta completionem, quia Deum non videbant facie ad faciem: sed in effectibus cognoscebant, & in seipsis maxime, sicut melius patebit infra.

6. AD illud quod obicitur, quod debuit dari aliquibus liberum arbitrium inuerribile, dicendum est quod quantum est de conditione, nullis debuit dari, quamvis possit; quia homines, & angelos meliores iudicauit Deus si ei liberaliter deseruirent. Ideo utrumque posuit in manu consilij sui.

QVÆSTIO II.

An Angeli creati sint in gratia.

Alex. Alenf. 2. p. q. 19. Mem. 2.

S. Thom. 1. p. q. 62. ar. 3.

Et 2. Sent. dist. 4. q. 1. ar. 3.

Et Quod. 9. q. 4. ar. 3.

Scotus 2. Sent. dist. 5. q. 2.

Agid. Rom. 2. Sent. dist. 4. q. 1. ar. 4.

Richardus 2. Sent. dist. 4. ar. 2. q. 2.

Durandus 2. Sent. dist. 4. q. 2.

Tho. Arg. 2. Sent. dist. 4. q. 1. ar. 2.

Greg. Arim. 2. Sent. dist. 4. q. 1. ar. 3.

Steph. Brulef. 2. Sent. dist. 4. q. 3.

SUPPOSITO quod angeli non sint creati in gloria, squiritur utrum sint creati in gratia. Et videtur quod sic per Augustinum de Ciu. Creauit Deus angelos simul in eis condens naturam, & largiens gratiam.

2. **ITEM** super illud Osea: Dilexerunt vinacia vuarum; Gloss. Hieron. Per vinacia intelliguntur demones qui creati sunt in magna pinguedine Spiritus sancti; sed per superbiam atefacti de cælo ceciderunt; constat quod pinguedo Spiritus sancti est gratia Spiritus sancti.

3. **ITEM** Damascenus expressius; Per verbum Dei creati sunt omnes angeli, & à Spiritu sancto per sanctificationem perfecti; si ergo sanctificatio perfecta non est nisi per gratiam gratum facientem, & ipse loquitur de omnibus; ergo, &c.

4. **ITEM** ratione videtur quod Deus cum sit liberalissimus, promptus est gratiam dare omnibus paratis recipere. Vnde & Anselm. Ideo homo non habet gratiam, non quia Deus non dat; sed quia ipse non recipit; sed nulla melior præparatio ad gratiam quam pura innocentia, & voluntas recta; ergo si hæc erant in angelis à sui origine & creatione, per consequens & gratia.

5. **ITEM** fecit Deus creaturam rationalem ad inhabitandum in ea; & hoc quia ipse Deus vult in ea habitare; unde dicitur: Deliciæ meæ esse cum filiis hominum; ergo quod non inhabitetur, vnit ex aliqua praua dispositione ex parte mentis; cum ergo in angelis nulla praua esset dispositio ex parte mentis, immo omnimoda idoneitas ad gratiam, videtur, &c.

6. **ITEM** prior est Deus ad miserendum, quam condemnandum; sed ipse fecit angelos in statu, in quo statim poterant demereri, &c. ergo in statu in quo poterant mereri; sed non contingit mereri sine gratia gratum faciente; ergo, &c.

CONTRA; per Augustinum super Gen. ad literam; Per cælum intelligitur angelica natura informis; sed non fuit informis per defectum formæ naturalis; ergo, informis fuit per defectum formæ superadditæ naturæ; sed hæc est gratia; ergo, &c.

ITEM Gregor. 32. Moral. tractans illud verbum: Au-

Ad oppo-
situm
Lib. 12. c. 9.
10. 5.

Osea 3. 4

Dam. lib. 2.
3. de fide
orth.

Ans. de ca-
Diaboli. 3.

Prov. 8. d

Fundamē-
Lib. 1. c. 9.
10. 3.

Cap. 18.
Ezech. 28. d

rum

rum opus decoris tui, & foramina tua in die qua conditus es: præparata sunt. Huius lapidis in die conditionis suæ foramina præparata sunt: quia videlicet capax charitatis conditus fuit, quasi repleti voluisset stantibus Angelis, tanquam in ornamento regis, positis lapidibus in hære potuisset. Habuit ergo iste lapis foramina, sed per superbiam vitium, charitatis auro non sunt repleta: ecce expresse quod non habuit charitatem.

ITEM ratione videtur, quia gratia in Angelo nullam habet retardationem: ergo si haberet gratiam vniuentem Deo, totaliter Angelus ferretur in Deum: ergo nunquam peccasset: sed peccauit, ergo nunquam charitatem, vel gratiam habuit.

ITEM sicut se habet culpa ad damnationem æternam, ita gratia ad gloriam: sed statim ut habuerunt culpam, fuerunt damnati æternaliter & obstinati: ergo statim ut habuerunt gratiam, fuerunt confirmati: ergo nunquam fuissent lapsi, si gratiam habuissent.

CONCLUSIO.

Angeli non fuerunt creati in gratia gratum faciente, licet oppositum nonnulli defenderint: probabilior tamen est prima opinio quam Magister defendit, & est communis.

RESP. AD ARG. Dicendum, quod hæc quæstio facti est: & quia non inuenimus aliam rationem quam congruitatis, probabiliter possumus vtrumque opinari, sicut & alij ante nos. Fuerunt enim aliqui dicentes quod Angeli omnes creati sunt in gratuitis gratum facientibus. Et ratio quæ mouit eos fuit hæc ex parte Dei, scilicet perfecta liberalitas: & ex parte creatorum, idoneitas. Quia enim ab instanti creationis erant vasa, & receptacula munda, & Deus est promptus suam gratiam impartiri, nisi habeat obstaculum ex parte suscipientis: non dimittit Deus illa ad momentum vacua: sed statim ut condidit, gratia illustrauit: & talia debuerunt de manu Dei exire receptacula, ut statim essent prompta in bonum vltim. Vnde licet probabiliter coniciunt aliqui, quod Deus fecerit arbores plenas fructibus, & alia in statu nobilissimo, & perfectissimo: sic etiam naturam Angeli ornauerit gratia à sui conditione, quæ in primo vltimo bono sine victoria erat perpetuanda: & in prima deordinatione perpetualiter amittenda. Hæc est vna positio: & satis videtur consona Sanctorum auctoritatibus, ut patet inspicienti. Fuerunt etiam alij, qui dixerunt Angelos non habuisse gratiam gratum facientem ab instanti creationis, sed post. Et ratio quæ eos mouit, est dispositio Angelicæ naturæ, quæ fertur in id quod appetit sine retardatione. Vnde sicut ex conuersione ad malum ita profunde conuersi sunt, ut non possent redire, sic immo multo magis ex conuersione ad bonum, siue ex habilitate, ita bono totaliter adhæsisset, si gratiam habuissent, quod nunquam lapsi essent. Vnde non videtur aliquo modo probabile quod Lucifer habuerit gratiam: & si ipse non habuit, cum inter ceteros esset excelsus: à maiori arguitur, nec alios habuisse à sui origine. Hanc positionem videtur acceptare Magister: hanc positionem communiter tenent doctores: & ita huius tanquam probabiliori, & communiori concordant.

1. 2. 3. AD auctoritates in contrarium adductas respondendum est per distinctionem gratiæ. Vno enim modo gratia dicitur communiter, prout comprehendit quidquid naturalibus est superadditum, naturalibus inquam quæ sunt de essentiali rei constitutione: sicut dicitur ex gratia habere bonum ingenium, bene legere, bene cantare, & huiusmodi. Alio modo dicitur quod superadditum est libero arbitrio ad rectitudinem faciendam, & disponens: sicut dicimus virtutes naturales, sicut innocentia, mititas, pietas. Tertio modo quod est superadditum tanquam rectificans, & complens, & eleuans: & hæc dicitur gratia gratum faciens, quia facit hominem acceptabilem Deo: & ideo acceptabilem, quia conformem. Quando ergo dicitur quod Angelo data sunt gratuita, aut non

intelligitur de gratuitis tertio modo dictis, sed primo vel secundo: quia sic multa dona gratuita habuerunt: aut si intelligitur de gratuitis proprie dictis, non intelligitur ab instanti creationis: sed sicut intelligitur peccatum diaboli fuisse ab initio, quia statim post initium, & post primum motum deliberatum cecidit, ita intelligendum est de gratia Angelorum. Aut si intelligitur de gratuitis proprie dictis, & ab instanti creationis, hoc non intelligitur formaliter, siue essentialiter, sed dispositiue: unde dicitur aliquis creatus in aliquo, quia in proxima dispositione ad illud: & ita per hanc triplicem viam ad auctoritates inductas, & multas alias quæ possent induci, potest breuiter responderi.

4. 5. AD rationes autem sumptas à Dei liberalitate, dicendum quod liberalitas est saluo ordine sapientiæ, & iustitiæ. Quamvis enim ab instanti creationis cuiuslibet hominis posset eum beatificare, tamen longo tempore tardat. Similiter quamvis posset cuiuslibet paruulo gratiam dare sine baptismo sicut cum baptismo, tamen non dat. Et ratio huius est, quia gloria est bonum laudabile: & ideo non datur nisi per meritum laudabile: & ideo conuenit eam dare præcedente aliquo merito congrui. Similiter quando confert gratiam, si confert adulto, cum gratia faciat habentem, dignum gloria, non confert nisi ad motum liberi arbitrii, si habet vltim: si vero non habet, ad motum fidei alienæ, siue ad meritum Christi: ideo secundum ordinem sapientiæ non statim debuit dare, sed expectare motum liberi arbitrii, quod & fecit: unde ad se conuersis sine mora dedit gratiam. Patet igitur responsio ad illud quod obiicitur de liberalitate, & inhabitatione: quia non tantum exigit munditiam ut dispositionem, sed motum liberi arbitrii, in adulto: paruulo vero potest alienum meritum suffragari, sicut & demeritum.

6. AD illud quod vltimo obiicitur de statu, quod in malo erat, dicendum quod falsum est: quamvis enim non posset mereri ex his quæ acceperat: tamen quia Dominus ita promptus erat dare sicut ipse accipere, nullum habebat obstaculum in merendo, sicut nec in demerendo, & hoc patet: sicut enim facile fuit diabolo auerti, ita facile bonis Angelis conuerti & sicut auersio fuit demeritoria, ita conuersio facta fuit meritoria statim appolita gratia: unde sicut aliquis non indirecte dicitur habere aliquid, quod statim habet dum indiget, & petit, quamvis non penes se habeat: sic etiam non indirecte potuerunt dici Angeli gratiam habuisse: quod si habuissent maiorem facilitatem ad malum, siue inclinationem & diuinum adiutorium in opportunitate deesset, recte obiiceret.

ARTICVLVS I.

Consequenter circa secundum, duo quæruntur. Primum est, vtrum bonis reuelari debuerit futura permansio. Secundum est, vtrum reuelari potuerit malis sua damnatio.

QVÆSTIO I.

An bonis Angelis reuelari debuerit futura permansio.

Alex. Alensis 2. p. q. 52. Membr. 1.
Richardus 2. Sent. dist. 4. art. 3. q. 1.
Durandus 2. Sent. dist. 4. q. 3.
Gabriel Biel. 2. Sent. dist. 4. q. unica. dub. 1.

CVM nullis in creatione data sit gloria, nullis etiam data sit gratia, vtrum aliquibus data sit futuræ glorificationis præscientia. Et quod sic, videtur: Deus ab instanti suæ creationis Angelos condidit repletos scientia rerum mundanarum: sed Deo magis placet, quod serui sui habeant scientiam de his quæ spectant ad salutem. Si ergo præscientia futuræ salutis erigit animum, & delectat: ergo cum aliqui essent saluandi, videtur quod saltem debuit eis dari præscientia talis: constat enim quod potuit.

Ad oppositum.

2. **ITEM** si non fuerunt de salute certi, ergo potuerunt rationabiliter dubitare, & timere: sed timor poenam habet: ergo poena ante culpam: sed hoc est inconueniens: ergo sequitur quod illi saltem debuerunt certificari, qui erant saluandi.

3. **ITEM** propinquiore erant Angeli ad gloriam quam nos in miseris constituti: ergo saltem tantam certitudinem vel maiorem habebant, quantum nos habemus. Sed nos habemus certitudinem spei: ergo ipsi habebant hanc, vel aliam: sed hanc non habebant, quia spes est certa expectatio futuræ beatitudinis proueniens ex gratia, & meritis. Cum ergo ipsi non haberent gratiam, & merita certitudinaliter, sperare eis fuisset præsumptio: non ergo habebant certitudinem spei. Sed non est aliam dare, quam certitudinem præscientiæ, vel reuelationis: ergo videtur aliquibus saltem esse datam.

Fundamēta.

CONTRA: Plus est dare certitudinem de gloria, quam dare gratiam: multis enim Deus dat gratiam, quibus tamen non reuelat certitudinaliter suam gloriam: ergo cum non habuerint gratiam, sicut supra probatum est, patet quod nec stabilitatis præscientiam.

ITEM diabolus, siue Lucifer non habuit præscientiam de statu, quia non erat permansurus: ergo si ipse fuit plenus sapientia, & perfectus decore inter omnes, videtur quod nulli alij habuerunt.

ITEM ostenditur per deductionem ad duplex inconueniens. Vnum inconueniens est excusatio diaboli, siue sui peccati. Posset enim de peccato suo quodam modo se excusare, quia scientiā non habuit, quam Deus aliis Angelis dedit. Aliud inconueniens videtur accusatio Dei: quia ante videtur puniuisse malos, quam mali fuerint, quod ante gratiam suam, siue donum scientiæ subtraxerit, quam aliis dedit, qui non præcellebant ipsos nec merito vitæ, nec dignitate naturæ.

CONCLUSIO.

Angelo non fuit data præscientia sui status, cum talis notitia potius ad premium, quam ad meritum spectare videatur.

Prima positio.

RESP. AD ARG. Circa hoc duplex fuit opinio sicut tangit Magister in litera. Quidam enim dicere voluerunt quod bonis qui permansuri erant, data est reuelatio, siue præscientia suæ stabilitatis: & hoc loco spei, ratione cuius iam quodam modo beati erant. Et innituntur illi verbo August. quod dicit opinando super Genes. ad litteram, forte Deus diabolo reuelare noluit quid facturus, vel passurus esset: ceteris vero reuelare voluit, quod in veritate mansuri essent. Alia est positio quod nullis data est præscientia sui status: quia habere certitudinem de sua permansione, est cognitio magis spectans ad statum præmij, quam ad statum meriti: & huius signum est, quod Deus aut paucissimis, aut nullis reuelat quantumcumque dilectis & amicis, se certitudinaliter glorificandos. Hæc enim cognitio potius est expediens ad gaudendum, quam ad merendum: unde quia Angeli erant in statu meriti omnes, quia nondum erant beati, ideo nullis data est hæc cognitio. Et hæc positio magis est rationalis, & magis placet Magistro, & magis consonat verbis August. sicut patet in litera. & 11. de Ciuit. ubi dicit quod pares fuerunt Angeli quantum ad conditiones ante lapsum. Unde si alicubi videtur dicere contrarium: si quia inspiciat adiacentia, aut opinando, aut querendo dicit: & ideo hæc positio magis est tenenda.

August. lib. 11. de Ciuit. Dei, cap. 11. 13. 15. 10. 5.

1. **AD** illud ergo quod obiicitur, quod Deus dedit Angelis præcognitionem rerum mundanarum, dicendum quod non est simile, quia cognitio vniuersi spectat ad perfectionem naturalis cognitionis: sed certa cognitio sui status spectat ad perfectionem gloriæ: & ideo solum debet dari quando in statu tali ponitur a quo non potest cadere: & sic patet illud.

2. **AD** illud quod obiicitur, quod si non erant certi, ergo videtur quod rationabiliter poterant dubitare, & ti-

mere, dicendum quod est certitudo ex parte cognitiæ, & ex parte affectiæ. Certitudo ex parte cognitiæ est duplex. Vna scilicet infallibilis, ut quando ita scit aliquid, quod falli non potest. Altera probabilis, ut quando habet verisimiles rationes ad hoc, siue ad vnam partem: ita quod ad oppositum, aut nullas habet, aut paucas: & in Angelis fuit certitudo secundo modo, non primo. Ipsi enim rationabiliter coniecere poterant ex his bonis, quæ acceperant, quod ad beatitudinem parati erant: maxime cum in se nullam viderent maculam. Certitudo ex parte affectiæ est duplex: vna in expectando, alia in tenendo. Expectare est spei: sed tenere est comprehensionis. Secunda non potuit esse in Angelis ante confirmationem: prima fuit semiplebe, & minus plene quam in viris sanctis: quia in his ex gratia & meritis, in illis erat ex affectione naturæ. Ex his patent obiecta: quia certitudo probabilis, quæ non habebat rationes ad oppositum, liberat & a dubitatione, & a pœnali timore.

3. **PATET** etiam ultimo obiectum, quod aliquam certitudinem habuerunt: sed tamen non oportet quod esset maior certitudine spei. Et ad illud quod obiicitur quod proximiores erant, dicendum quod proximiores erant quantum ad statum: quia medij erant inter gloriam, & miseriam. Sed tamen magis distabant quantum ad meritum: quia nondum habebant pignus gloriæ, nec primitias spiritus sicut habent viri sancti in hac vita: de quibus dicit Apostolus: Spes autem non confundit, quia charitas Dei, &c.

QVÆSTIO II.

An mali Angeli potuerint præscire suum casum.

Alexand. Alensis 2. p. q. 25. Membro 2.
S. Thom. 2. Sent. dist. 4. q. 2. art. 2.
Egid. Rom. 2. Sent. dist. 4. q. 1. art. 2.
Richardus 2. Sent. dist. 4. art. 3. q. 2.
Durandus 2. Sent. dist. 4. q. 3.
Albertus de quatuor Coarctat. q. 10. art. 3.
Steph. Brulef. 2. Sent. dist. 4. q. 4.
Gabriel Biel 2. Sent. dist. 4. q. unica, dub. 2.

VTVM malis Angelis reuelari potuerit suus casus. Et quod non, videtur. Omnis certa cognitio futuræ poenæ, & miseræ est pœnalis: sed si Angelus certitudinaliter sciret se peccaturum, cum certo iudicio cognosceret peccatum esse puniendum, & peccatorem a Deo separatum esse miserum, haberet & præcognitionem certam suæ miseræ: ergo poenam ante culpam haberet: Sed hoc est contra ordinem diuinæ iustitiæ: ergo si Deus contra ordinem diuinæ iustitiæ non potest facere: Deus non potuit reuelare.

ITEM omnis certa præcognitio de amissione alicuius boni cogit hominem desperare de illo: Sed Deus neminem innocentem potest cogere ad desperationem, quia non potest cogere ad peccatum: ergo non potuit Angelo reuelare casum suum.

ITEM fiat argumentum Ansel. in lib. de casu diaboli: Si diabolus sciebat casum suum: aut volebat, aut non. Si volebat: ergo iam ceciderat: ergo non præsciebat se casurum. Si præsciebat, & nolebat: sed quāto magis nolebat, tanto plus dolebat: & quanto dolebat magis iustior erat: & quanto magis dolebat, erat inferior: ergo quanto iustior, tanto inferior: sed hoc est inconueniens: ergo, &c.

ITEM fiat argumentum Magistri: Si præsciuerunt, aut ergo vitare voluerunt, & non potuerunt, & ita miseri fuerunt: aut vitare potuerunt & ita fuerunt stulti, & maligni. Si ergo quodlibet istorum est impossibile: impossibile est quod habuerint præscientiam sui casus.

1. **SED** contra: Dominus potuit prædicere Petro sine peccato casum suum, sicut dicitur in Matt. & in aliis Evangeliiis: ergo pari ratione potuit reuelare Luciferi.

2. **ITEM** Ber. de grad. humil. tractans illud verbum: Ponam sedem meam ad aquilonem: Puto per aquilonem reprobandos homines fuisse designatos: per sedem, potestatem in illos. Et in sequentibus dicit, quod in præscientia Dei suum præuidit principatum, scilicet, quod

debebat

debebat præesse malis: & ideo dixit: Ponam sedem. Ergo cum principatus sequebatur casum, & si potuit præuidere principatum, videtur similiter quod potuit præuidere casum.

3. ITEM videtur quod rationes de pœna non valeant, duplici ex causa. Deus enim potest separare, quæ naturaliter sunt coniuncta, vt in igne, calorem à luce, sicut dicit Basilius: ergo multo fortius cognitionem prædictam à pœna. Præterea. Quantumcumque aliquid sit punitivum: tamen non punit nisi subiectum punitibile sit. Vnde si anima Petri esset in inferno, non puniretur: ergo cum Angelus esset in statu illo innocens, & nullo modo ad pœnam dispositus: patet, &c.

4. ITEM videtur, quod ratio de desperatione non valeat: quia sicut præcognitio damnationis est occasio desperationis: ita præcognitio gloriæ est occasio præsumptionis. Sed præsumptio non impedit, quin Deus possit reuelare futuram glorificationem: ergo pari ratione desperatio non impedit quin Deus possit reuelare lapsum. Si tu dicas, quod non est simile: quia ex parte illa est occasio, hic est necessitas. Contra: Desperare est actus voluntatis deliberatiue, & actus qui est peccatum: sed nihil potest cogere voluntatem ad aliquid, maxime ad peccatum: ergo, &c.

5. ITEM præscientia Dei non ponit necessitatem, ergo nec præscientia diaboli: ergo si sciret, quod posset aliter esse, ergo posset adhuc sperare: non ergo cogere tur desperare.

CONCLUSIO.

Angelus malus certam præscientiam habere sui casus non potuit.

RESP. Ad Arg. Dicendum quod Angelus certam præscientiam sui casus habere non potuit. Dum enim hoc esset contingens, scire certitudinaliter omnia non potuit, nisi ab eo qui certitudinaliter omnia cognoscit, & tam necessaria, quam contingentia: quia eius cognitio ex re non pendet: talis est Deus solus. non ergo potuit præscire nisi Domino reuelante. Deus autem sibi reuelare non potuit, quia prædicere quidem potuit sicut prædixit Petro: quod non voco reuelare: sed certam interius illuminationem dare ad præcognoscendum suum lapsum, hoc voco reuelationem. Hanc autem dare Deus non potuit de potentia ordinata: quia talis præcognitio de necessitate habet annexam culpam, aut miseriam. Aut enim sibi placeret, quod laberetur, & ita esset impius: aut displiceret, & ita esset miser & dolorosus. Vtrūque est Deo impossibile, & inordinatum: siue innocenti, infligere pœnam, siue innocentem, dum est innocens, habere culpam: & hoc probat ratio prima Anselmi, & Magistri. Alia vero ratio de desperatione probat, quod non potuit Angelis reuelari sua damnatio: quia impossibile est, certum de damnatione sperare: vnde illa via bona est, & concedenda.

1. AD illud ergo quod obiicitur primo, quod potuit ei Deus reuelare, sicut & Petro: Soluitur, quia Petro non reuelauit, sed prædixit: vnde Petrus nō intellexit simpliciter, sed sub conditione, vel etiam non bene aduertit vsque ad lapsum: sic credo quod potuit prædicere Angelo. Tamen aliqui dicunt, quod non est simile: quia lapsus Petri erat reparabilis: non sic lapsus Angeli.

2. AD illud quod obiicitur, quod præuidit suum dominium: quare similiter non suum præcipitium, dicendum, quod de ipso Bernardus minatur, & soluit, quod ita potuit esse, sicut de Ioseph, qui vidit suum principatum, & non præuidit suam venditionem. Sic etiam diabolo potuit Dominus reuelare dominium, & non præcipitium: quoniam dominium illud non de necessitate habet annexum præcipitium: potest enim aliquis bonus dominari malis. Aliqui tamē voluerunt dicere, quod illud quod dictum est, ad aquilonem, verbum est Prophetæ. Diabolus enim volebat præesse, & aliis sedem damnationis

sue præponere: & propheta prædicens, quod euenturum sibi fuerat, dicit, aquilonem, in hoc signans malos.

3. AD illud quod obiicitur contra rationem de pœna, dicendum quod ab ipsa cognitione separare pœnam sine dolore, est auferre bonam voluntatem, quia qui præuidet se facturum malum, & non dolet, hoc ipso est malus: & ita ista cognitio necessaria dispositione disponit animam vel ad pœnam, vel ad culpam nec debet Deus auferre, & separare pœnam, vt ex hoc redundet culpa: & sic patet illud.

4. AD illud quod obiicitur de desperatione. Dico, quod supposito, quod prævideret lapsum, & impossibilitatem resurgendi, cogere tur desperare, quia hæc cognitio non potest stare cum spe. Vnde si quis non credit aliam vitam, necessario desperat de futura vita, quia hæc necessario exigitur ad spem: sicut qui certus est de damnatione, desperat de salute. Vnde non est simile de præsumptionis occasione, & præscientia Dei: quia illa non auferunt quod est necessarium ad humilitatem, & salutem: sed hæc præcognitio certa, necessario aufert certitudinem ad oppositum, & ita certitudinem spei.

ARTICVLVS III.

Consequenter tertio loco quæritur vtrum creati sint Angeli illuminati cognitione matutina. Et circa hoc quærentur duo. Primum est, vtrum cognitionem matutinam habuerint in ipsa creatione. Secundum est, vtrum vespertinam post glorificationem.

QVÆSTIO I.

An Angeli in ipsa creatione matutinam cognitionem habuerint.

Alexander Alesis 2. p. q. 23. Membr. 1.
S. Thom. 1. p. q. 58. art. 6.
Et de Verit. q. 8. art. 16.
Et Opusc. 3. cap. 214.
Richardus 2. Sent. dist. 4. art. 4. q. 1.
Stephanus Brulef. 2. Sent. dist. 4. q. 5.

QVOD in ipsa creatione habuerunt cognitionem matutinam, ostenditur primo sic: Augustinus super Genes. quasi per totum, sic prosequitur illos septem dies, vt per hoc intelligat septemplex conuersionem Angelorum super res: & dicit, quod simul tempore omnia facta sunt, & ab Angelis cognita. Si ergo quilibet dies habet mane, & vespertinam, & isti dies fuerunt à principio conditionis Angelicæ, quilibet Angelus habuit cognitionem matutinam, & vespertinam à suæ creationis primordio.

ITEM idem August. super Genes. ad literam: Mens Angelica pura charitate inhærens verbo Dei, postea quā illo ordine creata est, vt præcederet omnia, prius vidit in verbo Dei faciendā, quæ facta sunt. Si ergo omnia simul condita sunt, necesse est quod hanc cognitionem habuerit Angelus ab instanti creationis: sed cognitio in verbo est cognitio matutina: ergo, &c.

ITEM Dionysius dicit, quod Angeli sunt lumina: ergo quod Angelus videt in se, videt in lumine: ergo si cognitio matutina eo ipso dicitur matutina, quia est in lumine, cum Angeli hoc habuerint à suā creatione: patet, &c.

ITEM Angeli ante lapsum in principio suæ conditionis nullam habebant impuritatem peccati, nec obscuritatem mentis: ergo videtur quod cognitio eorum esset cognitio clara: ergo videtur, quod matutina: & ita ab instanti creationis, cognitione matutina perfecti sunt.

CONTRA: Cognitio matutina est cognitio qua quis cognoscit in ipso verbo: sed in verbo non potest aliquid aliquid videre, nisi videat verbum: verbum autem nullus potest videre, nisi beatus: si ergo Angeli in principio suæ conditionis non fuerunt beati, sicut supra probatum est: ergo, &c.

ITEM lux faciebat vespere, & mane: sed lux dicit Angelicam naturam formatam, sicut dicit August. & super Genes. & de Ciu. & formata fuit per gratiam, & gloriā. Cum ergo Angeli nec gratiam, nec gloriam habuerint in principio conditionis, quia non essent lapsi: ergo, &c.

Ad oppositum.

Aug. 4. de Genesi ad litteram cap. 32. in medio, 10m. 3.

Lib. 1. Cælest. Hier. e. 32. in medio, 10m. 3.

Fundamēta.

Aug. 11. de Ciu. 19. l. 5. Lib. 1. super Gen. ad litteram, cap. 15. rom. 3.

ITEM si in principio conditionis habuerunt cognitionem matutinam, cum dæmones habeant sibi data integra, & splendidissima, maxime quæ spectant ad cognitionem, ergo adhuc haberent cognitionem matutinam. Sed cognitio matutina est in verbo, & in rationibus æternis: ergo dæmones adhuc haberent istam cognitionem in verbo, quod est contra Aug. de Civ. qui dicit de Christo, quod innotuit dæmonibus non per id, quod est vita, & lumen, & incommutabile: sed per quandam lucis effectum.

ITEM sicut patet ex textu, vespere præcedit mane: unde dicitur: Factum est vespere, &c. ergo cognitio vespertina matutinam: sed cognitio vespertina sequitur existentiam rerum, sicut dicitur super Genes. ad litteram lib. 4. ubi dicit Aug. Nisi prius sit quod cognoscatur, cognosci non potest: ergo cognitio matutina sequitur vespertinam: ergo oportet quod sit post existentiam rerum: ergo non fuit creata Angelis à principio. Est igitur quæstio, quo modo si omnia simul creata sunt: qualiter Angelus potuit cognoscere res fiendas de primo creatis. Rursus: Si matutina cognitio est gloriosa, quo modo potuit esse in Angelis à suo primordio, cum omnes æquales fuerint, sicut Aug. videtur velle dicere ad Orosium, & Magister dicit in littera:

CONCLUSIO.

Angelus à sui creatione matutinam cognitionem non habuit, cum inter creationem, & lapsum, vel meritum aliqua interfuerit mora: quod si secus quandoque videatur dicere Aug. non asserendo, sed inquirendo potius loquebatur.

RESP. AD ARG. Dicendum quod circa hoc diuersæ sunt positiones, quæ consurgunt ex diuersificatione verborum August. in hac materia. Quidam enim attendentes ad verba Aug. super Genes. ad litteram dicunt, quod quando quæritur utrum Angeli à principio suæ creationis cognitionem habuerint matutinam facienda est vis: aut enim quæritur de omnibus, aut de aliquibus. Si de omnibus: sic respondent, quod non omnes habuerunt. Lucifer enim nunquam habuit cognitionem matutinam, quia nunquam diuinam lucem vidit in seipsa, sicut in antecedentibus monstratum est. Si autem quæritur de aliquibus: sic dicunt, quod habuerunt, quia simul tempore sunt creati, & ad Deum per gloriam conuersi, & in eodem instanti sunt formati, & à tenebris diuisi: & in eodem instanti res omnes cognouerunt secundum suum ordinem, & connexionem, & hoc in ipso verbo. Quæ res, & si in eodem instanti, & simul cum Angelis fuerunt conlita, tamen Angelorum conditione, & ipsorum ad Deum conuersione sunt posteriores natura, & dignitate: & ideo dicitur quod Angeli in verbo cognouerunt res faciendas, & illud expresse videntur sonare verba Aug. in 4. super Genes. ad litteram, circa finem. Sed quoniam Aug. de Civ. Dei expresse videtur sentire contrarium: ubi enim dicitur, quod fuerit mora inter creationem & lapsum, & quod ante lapsum nec boni præcij fuerunt beatitudinis, nec mali miseriæ, nec illi lux, nec illi tenebræ erant: ideo ne sibi contradicere videantur, distinguunt aliqui cognitionem matutinam dupliciter. Cognitionem enim matutinam vocat Aug. cognitionem in verbo. In verbo autem dupliciter dicuntur cognoscere. Vno modo perfecte, scilicet speculando, & intuendo ipsum verbum, & in ipso alia: & hæc cognitio facit beatos. Alio modo suscipiendo illuminationem à verbo: & in illa susceptione cognoscendo alia: & hæc cognitio fuit Angelis innata, quia indidit eis Deus omnium species, & lumen super mentes Angelorum expandit quo cognoscerent facta, & facienda. Et hæc cognitio matutina est, de qua loquitur Aug. super Genes. ad litteram, & hæc fuit in Angelis: & per hoc soluit contrarietatem ad utramque partem. Hanc etiam dicunt in dæmonibus remansisse, sed obcuratam propter culpam: ideo non matutinam esse dicendam. Et sicut distinguunt in cognitione,

ita etiam distinguunt & in luce, & in tenebris quod scilicet vno modo dicuntur Angeli lux propter irradiationem ab illa superna luce procedentem secundum statum naturæ, per quæ cognoscunt res in proprio genere, cognitione quæ dicitur vespertina, & referunt ad Deum, & sic dicitur matutina: & tenebra per oppositum dicitur ignorantia, quæ ab Angelis est excelsa: unde dicuntur repleti fuisse sapientia. Alio modo dicitur: lux ipse Angelus propter irradiationem procedentem à summa luce secundum plenitudinem gratiæ consummatæ, siue gloriæ qua dicuntur Angeli illuminati, ut beate sapienterque viuerent: & in hoc statu dicitur matutina cognitio proprie, quæ nunquam fuit nisi in Angelis beatis: & sic diuersis modis loquitur Augustinus.

Ex his patent rationes ad utramque partem. Quia rationes ad primam partem intelliguntur de cognitione matutina large dicta, scilicet primo modo. Rationes vero ad oppositum intelliguntur de cognitione matutina proprie dicta, quæ scilicet est per gloriam: & hoc curialius est dicere, quam dicere quod August. dicat contraria: & tanquam instabilis modo dicat hoc, modo contrarium, Nisi enim distinguatur: quod obiicitur super Genes. dicitur videtur contrariari ei quod dicitur de Civ. Dei. Quidquid autem sit de opinione Augustini in productione rerum ita determinatur. Quia licet aliis sanctis contradicere videatur, non est tamen credendum quod tantus homo sibi contradicat, maxime in his quæ non retractat. Verum qualitercumque intelligantur verba eius, magis standum est his quæ dicuntur in libro de Civitate Dei, ubi loquitur asserendo, quam super Genes. ad litteram, ubi ipsemet protestatur se loqui inquirendo. Cum igitur ibi dicat, quod in Angelo mora fuit inter creationem, & lapsum: ac per hoc inter glorificationem, & creationem, & cognitio matutina proprie sit gloriosa, tenendum est quod illam non habuerunt à sui conditione.

AD AUCTORITATES igitur in contrarium, aut soluendum est, quod ipse locutus fuerit inquirendo, & opinando: aut certe respondendum est per distinctionem, ut prædictum est.

QVÆSTIO II.

An Angeli modo habeant cognitionem vespertinam.

Alex. Alensis 2. p. q. 23. Membr. 2.

S. Thom. 1. p. q. 8. art. 7.

Richardus 2. Sent. dist. 4. art. 4. q. 2.

Steph. Brulef. 2. Sent. dist. 4. q. 1.

UTRUM in Angelis sit cognitio vespertina post glorificationem. Et quod sic, videtur. August. super Genes. ad litteram loquens de Hierusalem superna dicit: Ibi semper est dies in contemplatione incommutabilis veritatis: semper vespere in cognitione creaturæ in seipsa: semper mane ex hac cognitione in laudem Creatoris est.

ITEM ratione eadem lux est, quæ faciebat vespere, & mane: si ergo lux quæ facit mane, est illuminatio gloriæ: ergo in hac illuminatione est vespere: ergo in statu gloriæ est cognitio vespertina.

ITEM cognitio vespertina est cognitio rerum in genere proprio: sed Angelus gloriosus in proprio genere cognoscit res: ergo cognitionem habet vespertinam.

ITEM Angelus gloriosus amplius laudat Deum, quam homo viator: sed homo viator non solum laudat Deum in sua maiestate, sed in operum suorum multiformitate: ergo & Angelus beatus: sed hæc laus præsupponit cognitionem: ergo, &c.

1. CONTRA: Cum venerit quod perfectum est, euacuabitur quod ex parte est: sed cognitio vespertina, ideo dicitur vespertina, quia tenebræ est admixta: Angeli autem vident in luce plena: ergo, &c.

2. ITEM cognitio fieri quæ est per speculum euacuatur adueniente gloriæ cognitione quæ consistit in videndo verbum æternum. Si ergo cognitio vespertina: ideo vespertina est, quia in vmbra creaturæ: ergo non stat cum cognitione gloriæ.

3. ITEM

Respond. a
argum. pro
utraque.

August. a
Civitate Dei,
10. 5. lib. 11.
cap. 11.

Fundamē
Aug. lib. 4.
de Genes.
ad 1. 1. 1.
cap. 26. cl
rima vero
30. in me

Ad oppo
tum
2. Cor. 13

3. **ITEM** mane veniens expellit vespere, & similiter vespere expellit mane: sed in Angelis continue est cognitio matutina, qua vident in ipso verbo sine interpollatione: ergo non habet locum in eis vespertina cognitio.

4. **ITEM** vespere est per declinationem solis ad occasum: sed in Angelis beatis nunquam est proximitas ad occasum: sed continuus fulgor, & calor lucis æternæ: ergo nunquam est in eis cognitio vespertina.

5. **ET** propter hoc est quæstio, cum tam mane quam vespere, utrumque importet approximationem ad noctem, & tenebras, & Angeli distantia omnimoda tam à frigore peccati, quam ab ignorantia veri, videtur quod nec matutina, nec vespertina cognitio sit ponenda: sed potius meridiana. Quæritur igitur pro quanto dicatur cognitio matutina, & pro quanto vespertina, & quare non ponitur differentia, tertia scilicet meridiana. Et iuxta hoc quæritur ad quos pertineant istæ cognitiones, & de ipsarum ordine, & prærogativa, ut sic elucescat harum cognitionum quidditas, & natura.

CONCLUSIO.

Angelus bonus habet cum matutina vespertinam quoque cognitionem, que non temporis, sed dignitatis inter se habent ordinem.

RESP. Ad arg. Ad prædictorum intelligentiam est notandum, quod sicut vult Aug. Omnis creatura, quantum est de se, tenebra est: Deus autem lux est, & tenebræ in eo non sunt ullæ, sicut dicitur in canonica Ioannis, ubi Glos. dies dicit illustrationem à luce procedentem super hæc tenebrosa: mane autem & vespere dicunt media inter diem, & noctem secundum accessum, & regressum. Intelligendū igitur quod diuina lux illuminans Angelum illuminatione perfecta ad cognitionem sui, facit Angelum lucem, & cognitio ipsius Dei in se dies dicitur, quia pura est lux, & cognitio, & cognoscendi ratio. Lux ista Angelica sic illuminata habet cognoscere creaturam, & sic, quia cognoscit id quod est tenebra, est eius cognitio mane, vel vespere appellata: sed vespere, propterea cognoscit creaturam in seipsa: mane propterea ex illa cognitione confurgit ad laudem Dei, siue ad laudandum Deum, & refert ad cognitionem ipsius quam habet in verbo. Vnde August. Scientia creaturæ in comparatione scientiæ Creatoris, quodam modo aduersperascit, itemque lucefcit, & mane fit cum ipsa refertur in laudem, dilectionemque Creatoris, nec in noctem vergitur, nisi cum Creator amore creaturæ relinquitur. Vnde nota quod etsi ad similitudinem huius lucis visibilis dicatur ibi mane, & vespere, sicut dictum est, tamen est duplex differentia. Vna, quia ibi vespere non vertitur in noctem, sicut de luce materiali. Altera vero, quia mane non succedit merides, neque diei vespere, sed totum est simul. Vnde August. Simul (inquit) habent dies vespere, & mane: & sic patet quod in Angelis beatis est nunc cognitio vespertina cum matutina nec habent successionem, vel ordinem temporis: habent tamen ordinem dignitatis. Quia dicit August. Cognitio creaturæ in seipsa decoloratior est, quam cum in Dei sapientia cognoscitur.

1. 2. Ad illud ergo quod obiicitur quod euacuabitur quod ex parte est, dicendum quod falsum est, immo bene potest esse perfecta in proprio genere. Et si dicatur aliquo modo minus perfecta, hoc est respectu cognitionis in verbo. Veruntamen non habent oppositionem, quia hæc imperfectio non venit ex parte cognoscentis, sed ex parte cognoscibilis, vel ipsius medij: & per hoc patet sequens de fide, quod ibi est imperfectio ex parte cognoscentis, non cogniti.

3. 4. **AD** illud quod obiicitur, quod vespere declinat ad occasum, & non cõpatitur mane dicendum quod verum est in his ubi est vespere, & mane propter lucis va-

riationem, nõ ibi ubi simul cõuertit se Angelus ad creaturam, & Deum. Nec est ista diuersitas nisi solū ratione diuersi modi cognoscendi, qui quamvis sint diuersi, nõ sunt tamen oppositi: sed vnus famulatur alteri, & vnus perficit alterum, non excludit.

5. Ex his etiam patere possunt aliæ quæstiones, scilicet in quibus sint istæ cognitiones, quia proprie in B. Angelis, nisi nomina extendantur. Patet etiam quare non dicitur cognitio creaturæ dies siue merides, sed cognitio Dei, quia omnis creatura tenebra. Patet etiam quod cognitio matutina præcellit propter pleniorē lucem, ob quam clarior est, & certior, & altior, & sic patet totum.

B

DISTINCTIO V.

De Conuersione, & confirmatione stantium, & auersione & lapsu cadentium.



POST hac consideratio adducit inquire, quales effecti sint dum diuiderentur auersione, & conuersione. Post creationem namque mox quidam conuersi sunt ad Creatorem suum, quidam auersi. Conuerti ad Deum, fuit ei charitate adherere: auerti, odio habere vel inuidere. Inuidia namque mater est superbia, qua voluerunt se parificare Deo. In conuersis quasi in speculo relucere cepit Dei sapientia, qua illuminati sunt, auersi vero excacati sunt. Et illi quidem conuersi sunt & illuminati à Deo, gratia apposta. Isti vero sunt excacati non immisione malitiæ, sed desertione gratiæ, à qua deserti sunt non ita quod prius habita subtraheretur, sed quia nunquam est apposta ut conuerterentur. Hac est ergo conuersio, & auersio, qua diuisi sunt qui natura boni erant, ut sint alij supra illud bonum per iustitiam boni, alij illo corrupto per culpam mali. Conuersio iustos fecit, & auersio iniustos. Vtraque fuit voluntatis, & voluntas utriusque libertatis.

De libero arbitrio breuiter tangit, docens quid sit.

D

Habebant enim omnes liberū arbitrium, quod est libera potestas, & habilitas voluntatis rationalis. Poterant enim voluntate eligere quodlibet, & ratione indicare, id est, discernere: in quibus constat liberum arbitrium: nec creati sunt volentes auerti, vel conuerti, sed habiles ad volendum hoc vel illud: & post creationem spontanea voluntate alij elegerunt malum, alij bonum: & ita discreuit Deus lucem à tenebris, sicut dicit scriptura, id est, bonos Angelos à malis, & lucem appellauit diem, noctem vero tenebras: quia bonos Angelos gratia sua illuminauit, malos vero excacauit.

Gen. 1. 6

Post creationem aliquid datum est stantibus, per quod conuerterentur, nec merito aliquo, sed gratia cooperante.

Si autem quæritur, Vtrum post creationem conuersis aliquid collatum sit, per quod conuerterentur, id est, diligerent Deum: dicimus, quia est eis collata gratia cooperans, sine qua non potest proficere rationalis creatura ad meritum vitæ. Cadere enim potest per se: sed proficere non potest sine gratia adiuvante.

Qua gratia indiget Angelus, & qua non.

Non indigebat Angelus gratia per quam iustificare-

tur, quia malus non erat: sed qua ad diligendum Deū A
perfecte, & obediendum adiunaretur. Operans qui-
dem gratia dicitur, qua iustificatur impius, id est, de
impio fit pius, de malo bonus. Cooperans vero gratia,
qua iuuatur ad bene volendum efficaciter, & Deum
præ omnibus diligendum, & operandum bonum, &
ad perseverandum in bono & huiusmodi: de quibus
postea plenius dicemus. Data est ergo Angelis qui per-
sisterunt cooperans gratia, per quam conuersi sunt, ut
Deum perfecte diligerent. Conuersi ergo sunt à bono
quod habebant, non perduto, ad maius bonum quod nō
habebant: & facta est ista conuersio per gratiam coo-
perantem libero arbitrio, qua gratia aliis qui cecide-
runt appposita non fuit.

An sit imputandum illis qui auersi sunt.

Ideo quod à quibusdam dici solet non esse impu-
tandum illis qui auersi sunt, & non conuersi: quia si sine
gratia conuerti non poterant: sed illa non est eis data,
nec culpa illorum fuit quod non est data: quia in eis
nulla culpa adhuc præcesserat. Ad quod dici potest,
quoniam quibus appposita est ipsa gratia non fuit ex
meritis eorum, alioqui iam non esset gratia: si ex me-
rito, quod esset ante gratiam daretur.

Qua culpa gratia non est data eis qui ceciderunt.

Quod vero aliis non est data, culpa eorum fuit: quia C
cum stare possent, noluerunt, quousque gratia appone-
retur: sicut alij persisterunt, donec illis cadentibus per
superbiam eis gratia appposita est. Aperte ergo caden-
tium culpa in hoc deprehendi potest: quia licet sine
gratia nequirent proficere, quam nondum acceperant:
per id tamen quod eis collatum erat in creatione pote-
rant non cadere, id est, stare: quia nihil erat, quod ad
casum eos compelleret, sed sua spontanea voluntate
declinauerunt: quod si non fecissent, quod datum est
aliis, utique daretur & istis.

Quod Angeli in ipsa confirmatione beati fuerunt: sed
vtrum eam meruerint per gratiam tunc sibi datam,
ambiguum est: de hoc enim diuersi
diuersa sentiunt.

Hic queri solet, Vtrum in ipsa confirmatione beati
fuerint Angeli: & an ipsam beatitudinem aliquo mo-
do meruerint. Quod in ipsa confirmatione beati fue-
rint, plures contestantur auctoritates: & ideo pro con-
stanti habendum est. Vtrum vero per gratiam tunc
sibi datam ipsam beatitudinem meruerint, ambiguum
est. Quibusdam enim placet, quod eam meruerint
per gratiam quam in confirmatione perceperunt, si-
mulque in eis meritum, & primum fuisse dicunt: nec
meritum præcessisse primum tempore, sed causa. Aliis
autem videtur quod beatitudinem quam receperunt
in confirmatione, per gratiam tunc appositam non
meruerint, dicentes tunc non fuisse eis collatam gra-
tiam ad merendum, sed ad beate viuendum: nec tunc
eis datum esse bonum quo mererentur, sed quo feliciter
fruerentur. Quod autem tunc in primum acceperunt
per obsequia nobis exhibita, ex Dei obedientia
& reuerentia mereri dicunt: & ita primum præces-
sit merita: & hoc mihi magis placere fateor.

DISTINCT. V.

Quales facti sint Angeli auersione & con-
uersione cadentium.

Post hac consideratio, &c.

Expositio Textus.

SVPRA ostendit Magister quales facti sint An-
geli in sua prima conditione. Hic secundo inten-
dit agere quales facti sint auersione, & conuer-
sione. Diuiditur autem hæc pars in tres. In prima agit de
auersione, & conuersione In secunda de confirmatione,
& obstinatione, infra dist. 7. *Supra dictum est quod Ange-
li, &c.* In tertia, de ordinum distinctione, infra distinct. 9.
Post prædicta superest cognoscere. Prima pars habet duas.
In prima agit de conuersione, & auersione. In secunda
de ruina quæ consecuta est auersionem: & hoc infra
dist. 6. *Præterea sciri, &c.* Prima pars habet tres. In pri-
ma ostendit quid sit auerti, & conuerti. In secunda ostē-
dit à quo sit, ibi: *Habebant enim omnes, &c.* In tertia que-
dam dubia circa conuersionem mouet, & soluit ibi: *Si autē
queritur vtrum post creationem.* Et illa tertia pars habet
tres partes secundum tres dubitationes quas determinat,
& explanat. Primo enim determinat vtrum bonis gratia
sit collata, ad hoc, ut efficaciter conuerterentur. Secundo
vero, vtrum malis sit sua auersio imputanda, cum gra-
tiam non habuerint, ibi: *Ideoque quibusdam videtur, &c.*
In tertia vero determinat vtrum conuersio fuerit me-
ritoria confirmationis, ibi: *Hic queri solet vtrum in ipsa
confirmatione, &c.* Et sic tria tanguntur in vniuerso, scili-
cet auersio Luciferi, conuersio aliorum minorum, &
conuersio bonorum.

Auerti, est odio habere, vel inuidere. Dub. I.

CONTRA: Nullius conscientia potest odisse Deum,
cum omnes appetant naturaliter summum bonum: ergo
videtur secundum hoc, quod nullus auertatur.

RESP. Dicendum quod Magister non diffinit hic
quancunque auersionem, sed auersionem consumma-
tam in qua est obstinatio, & rebellio contra Deum, quæ
fuit in diabolo: ex quo vidit se non posse consequi
quod ambiebat.

AD illud ergo quod dicitur, quod nullius conscientia
potest Deū odisse, dicendum quod Aug. illud retractat.
Attamen veritatem aliquo modo habet illud verbum, si
intelligatur de Deo in quantum est summum bonum, ad
quod participandum facta est creatura rationalis: vnde
cum Temper appetat beatificari, nunquam beatificans
odit. Nihilominus contingit Deum considerari ut ius-
tum, ponentem leges, & infligentem pœnas: & sic mul-
ti odiunt qui scilicet peccant in Spiritum sanctum.

Est eis collata gratia cooperans sine qua, &c. Dub. II.

CONTRA: Gratia cooperans est subsequens respec-
tu operantis: sed non habuerunt operantem ut prædi-
ctum est: ergo nec cooperantem.

RESP. Dicendum quod eadem gratia dicitur operans,
& cooperans, ratione diuersorum effectuum: & ideo di-
cuntur non habere gratiam operantem, quia non habue-
runt gratiam mundificantem voluntatem: habent tamen
ipsam eandem gratiam ut adiutantem in bona opera-
tione, isti effectus sunt separabiles. Ad hoc ergo quod
dicitur, quod illa est præueniens, dicendum quod præ-
ueniens non dicitur ratione gratiæ subsequenti, sed
ratione voluntatis. Vel dicendum quod illæ sunt diffe-
rentiæ prout habent esse in libero arbitrio lapso, scili-
cet hominis: & ideo non habent locum in Angelis.
Alia patent.

ARTICVLVS I.

AD intelligentiam huius partis in qua quaeritur quales facti sint Angeli per auersionem, & conuersionem tria quaeruntur. Primo quaeritur de auersione Luciferi, qui fuit caput totius malitiæ. Secundo quaeritur de auersione minorum Angelorum. Tertio de conuersione bonorum. Quantum ad primum duo quaeruntur. Primum est, vtrum peccauerit peccato superbiæ. Secundum est, quid fuerit eius appetibile.

QVÆSTIO I.

An Lucifer peccauerit peccato superbiæ?

*Alexander Alensis 2. p. q. 98. Membr. 2.
S. Thom. 1. p. q. 62. art. 2.
Et 2. Sent. dist. 5. q. 1. art. 3.
Et de Malo q. 16. art. 3. & 4.
Sotus 2. Sent. dist. 6. q. 2.
Ægid. Rom. 2. Sent. dist. 5. q. 1. art. 3.
Richardus 2. Sent. dist. 5. q. 1.
Franciscus de Mayr. 2. Sent. dist. 5. q. 4.
Steph. Brulef. 2. Sent. dist. 5. q. 3.
Gabr. Biel. 2. Sent. dist. 6. q. 1.
Iuan. de Bassol. 2. Sent. dist. 6. q. 1.*

QUOD peccauerit peccato superbiæ, videtur sic. Super illud Lucæ: Videbam Satanam, &c. Gloss. Qui singulariter elatus erat vt in eius casu ceteri de elatione timerent.

ITEM: Initium omnis peccati superbiæ, sed primum inter omnia peccata fuit peccatum diaboli: ergo, &c.

ITEM per August. Factus continue se à luce veritatis auertit superbiæ tumidus, & propriæ potestatis delectatione corruptus.

ITEM per Iud. de summo bono: Mox vt factus est in superbiam erupit, & præcipitatus de cælo est.

ITEM ratione videtur, quia non contingit peccare nisi tripliciter: videlicet aut concupiscentia carnis, aut concupiscentia oculorum, aut superbiæ vitæ. Sed primū peccatum non potuit esse carnis concupiscentia, nec potuit esse appetitus diuitiarum: quia spiritus istis non indiget: ergo necesse est quod fuerit superbiæ vitæ.

ITEM genera peccatorum spiritualium non sunt nisi quatuor, præter auaritiā quæ tenet quasi medium inter carnalia, & spiritualia, scilicet superbiæ, ira, acedia, inuidia. Sed in omnibus tribus generibus est odium: ergo cum omne odium causetur ab amore, odium inordinatum causatur ab amore inordinato: ergo ante ista tria genera oportet aliquod peccatum spirituale præcedere in diabolo: sed hoc non potuit esse nisi superbiæ: ergo, &c.

ITEM nunquam peruertitur affectus, nisi prius peruertatur iudicium: & nunquam peruertitur iudicium in his quæ sunt de necessitate salutis, nisi aliqua excæcatio sit in ratione: ergo excæcatio rationis præcedit omnem appetitum. Sed excæcatio non potest esse quin præcesserit peccatum: & non potuit præcedere peccatum appetitus: ergo præcessit peccatum præsumptionis: sed hoc est peccatum superbiæ: ergo, &c.

1. CONTRA: Quod fuerit primum peccatum omisso videtur, quia si ipse deliberasset vtrum illud esset appetendum, nunquam peccasset, nec aliter vitare poterat: ergo tenebatur deliberare: & ante omisit deliberare, quam illud appeteret: ergo ante omisit, quam superbiret. Si forte dicas, quod per intellectum deiformem poterat sine deliberatione videre quid faciendum. Contra: Ad hoc quod ipse hoc inspiceret, oportuit ipsum considerare circumstantias appetiti, & consequentia, & ista sunt multa. Sed simplex virtutis finitæ, quod cognoscit multa per multa, impossibile est simul multa cognoscere, cum se totaliter conuertat ad cognitum: ergo necesse habuit deliberare: sed tamen hoc non soluit, quia quidquid esset, tenebatur vitare peccatum, tenebatur reprimere cogitationem suam, ne procederet ad consensum, & hoc antequam consentiret: ergo ante omisit: ergo, &c.

A 2. **I**TEM videtur quod peccato ingratitudinis: Bernardus de gradibus humilitatis, quia gratitæ bonitati Dei à qua conditus es, ingratus existis, iusticiam quam expertus non es, non metuis, ideo audacter culpam committis: ergo ante fuit ingratus, quam committeret culpam illam superbiæ.

3. ITEM ratione videtur. Tenetur quis gratias agere de beneficiis quando illa considerat: sed diabolus considerauit beneficia Dei quando respexit suam pulchritudinem, & excellentiam, & non egit gratias, immo oppositum fecit, quia voluit sibi attribuere, quod Dei erat: ergo, &c.

4. ITEM videtur quod peccato infidelitatis, quia Anselmus, de peccato diaboli, & Bernardus de gradibus humilitatis dicunt, quod diabolus non credidit se esse puniendum, sine credidit se non debere puniri: sed qui credidit peccatum à Deo impenitum relinqui, est infidelis: ergo diabolus antequam peccaret appetendo, peccauit per infidelitatem.

5. ITEM ratione videtur, quia diabolus nunquam appetuisset, nisi credidisset sibi esse bonum, vel possibile: sed omnis qui credit creaturam posse æquari ipsi Creatori, est infidelis: ergo diabolus antequam superbiret, infidelis fuit.

6. ITEM videtur quod peccatum curiositatis fuit primum: Bernardus de gradibus humilitatis cap. 12. Per curiositatem à veritate cecidit: quia quod prius spectabat curiose, affectauit illicite, & sperauit præsumptuose.

7. ITEM hoc videtur ratione. Quia curiositatis vitium est diligenter respicere, quod non licet appetere, secundum illud: Non licet intueri, quod non licet concupisci: sed diabolus diligenter aspexit quod supra se erat, quando dixit: In cælum ascendam: ergo manifestum, &c.

8. ITEM quod inuidia fuerit, videtur per August. de sancta virginitate, loquens de superbiæ, & inuidia: His duobus diabolus est: sed in primo peccato factus est diabolus: ergo fuit simul inuidia, & superbiæ: ergo quia ratione superbiæ primum, & inuidia.

9. ITEM ratione Magistri videtur: Sicut conuerti est charitate adhærere, ita ab opposito auerti est odio habere, vel inuidere: cum ergo primo peccato diabolus fuerit auersus, inuidia fuit eius primum peccatum.

CONCLUSIO.

Angeli peccatum à presumptione sumpsit exordium, in ambitione accepit complementum, in inuidia atque odio auersione fuit confirmatum: ideo primum eius peccatum fuit superbiæ.

RESP. AD ARGUM. Ad hoc notandum, quod aliqui voluerunt dicere ad prædictas rationes, & auctoritates, quod diabolus simul tempore peccauit pluribus generibus peccatorum: naturaliter tamen, & principaliter præ aliis peccatis fuit peccatum superbiæ. Et sic respondent vnica, & breui responsione ad omnia obiecta quod verum concludunt. Sed hæc responsio nec verum dicit, nec soluit. Non dicit verum, quia cum affectus diaboli sit simplex sicut intellectus, & intellectus non potest simul plura intelligere, vel plures cogitationes habere: similiter nec affectus simul, & in eodem instanti plura peccata committere, maxime quæ spectant omnino ad diuersas actiones, sicut infidelitas, superbiæ, & inuidia. Præterea: Esto quod vera esset, non soluit, quia prædictæ rationes non tantum probant, quod prædicta peccata comitentur superbiæ, sed antecedant. Et ideo aliter est dicendum, quod est loqui de peccato quantum ad triplicem statum scilicet quantum ad inchoationem, consummationem, & confirmationem. Peccatum diaboli initiatum est in presumptione: statim enim, vt suam vidit pulchritudinem, præsumpsit. Consummatum est in ambitione,

In primo gradu superbiæ.

Angeli de cælo su diabolus. c. 203.

Vbi supra.

In primo gradu superbiæ.

Isai. 14. d

Improbatio.

Concordat
posizioni 8.
Bo. S. Tho. 1. p.
q. 63. art. 2.
& 2. sent.
dist. 5. q. 1.
art. 1. & 3.
contra gent.
cap. 108.

quia præsumens de se appetiit quod omnino supra se A
fuit, & ad quod peruenire non potuit. Sed confirma-
tum est inuidiæ & odij auersione, quia ex quo obtinere
non potuit quod appetiit: ideo inuidere cepit, & affe-
ctum odij contraire. Et in hoc firmatum est, quia hæc
omnino ipsum à Deo separauit, & perfectum obstacu-
lum posuit, sicut perfecta charitas perfecte Deo iungit.
Concedendæ sunt ergo rationes primæ, quod superbia
fuerit primum peccatum: nam superbia præsumptionis
& tumoris primum fuit generatione, superbia ambitio-
nis primum fuit consummatione.

1. Ad illud quod obiicitur de omissione: Notandum
quod ommissio nec fuit, nec potuit esse principale pec-
catum siue primum, quia dimissio boni venit ex timo-
re male humiliante, & omnis talis timor venit ex amo-
re male inflammante. Vnde nullus dimittit aliquid fa-
cere quod debet, nisi aliquid amet, quod non debet, si-
cut aliquis omittit ire ad matutinum, quia amat som-
num & quietem in lectulo: hac eadem ratione non po-
tuit peccatum primum ingratitude, nec etiam inuidia.
Dicendum est igitur quod non quæcunque diuisio
inducit peccatum omissionis. Contingit enim omittere
circumstantiam, & tunc non est peccatum omissionis,
sed negligentia quædam. Contingit omittere actum, &
hoc dupliciter, vel generaliter, vel specialiter. Genera-
liter, secundum quod apprehendit præceptum affirma-
tium, & negatiuum: specialiter contra affirmatiuum,
sicut transgressio contra negatiuum: vnde non omit-
tit qui non vitat fornicationem: sed qui non honorat
parentes: & secundum quod est actus specialis potest C
esse actus principalis, vel non principalis. Et non est
omissio peccatum principale, nisi propter actum prin-
cipalem: sicut patet de eo qui tenetur ire ad matutinas,
tenetur se induere, & surgere de lecto, & sic de aliis,
& quamvis sint multi actus, vna est ommissio. Ad hoc
autem quod sit peccatum aliquod censendum esse pec-
catum omissionis, oportet quod sit ommissio actus non
circumstantiæ, affirmatiui non negatiui, principalis
non annexi. Sicut autem patet, non est sic in proposito,
quia diabolus actum principalem, aliquem ad quem te-
neretur, non dimisit: sed id appetiit, quod non debuit:
& sic patet breuiter de omissione.

2. 3. Ad illud quod obiicitur de ingratitude, dicen-
dum quod ingratitude potest dici dupliciter, scilicet
negatiue vel priuatiue. Negatiue, quando quis non est
gratus Deo ut debet, & est sic circumstantia omnium D
peccatorum. Priuatiue, quando non tantum non est gra-
tus, immo contrarie mouetur, ut puta quando cogitat
de beneficio, ut est beneficium, & paripendit benefi-
cium, vel benefactorem, & sic est speciale peccatum.
Sic autem non peccauit diabolus, quia non cogitauit
de beneficiis Dei in quantum erant Dei, sed in quan-
tum erant bona propria, & ideo elatus est.

4. Ad illud quod obiicitur de infidelitate, dicendum
quod nec peccatum infidelitatis, nec curiositatis fuit
primum peccatum: quia oculus sanus, & clarus ipsius
intellectus non pervertitur in iudicando, vel inqui-
rendo: nisi prius aliqua elatione inclinetur.

5. Ad illud ergo quod obiicitur, quod non credit, &c. E
Dicendum quod ad infidelitatis peccatum duo concu-
runt. Oportet enim quod sit consensus rationis cum
iudicio vniuersali. Si enim aliquis cogitat quod forni-
cari est sibi bonum, vel cogitat in vniuersali quod est
bonum, & non consentit iudicio rationis, non est infi-
delis, ut patet: & de diabolo dico, quod non consensit
iudicio rationis, sed æstimauit sibi bonum.

6. 7. Ad illud quod obiicitur de curiositate, dicen-
dum quod duo faciunt considerationem dici curiosam,
scilicet curæ attentio, & vtilitatis priuatio. Vnde si dia-
bolus ex omnibus quæ respexit suum bonum eliciuisset,
referendo illa in gloriam Dei: illa consideratio nec esset
culpanda, nec curiosa dicenda. Quod ergo fuit curiosa,
ex hoc fuit, quod non suum bonum inde elicit, sed
malum præsumptionis, & ambitionis incurrit: & ita

fuit primo ratio peccati, & in præsumptione, & in con-
sideratione. Et sic patet quod quamvis in diabolo fuerit
curiositas, non tamen fuit culpa antecedens præsum-
ptionem, nec alia: sed conditio illi annexa.

8. 9. Ad illud quod vltimo obiicitur de inuidia: pa-
tet responsio per verbum Augusti. quod non fuit pri-
mum peccatum. Nam Augustus dicit quod est proles su-
perbiæ, in libro de virginitate; & ita etiam consequitur,
& si non in eodem instanti, tamen in eodem tempore
sine moræ intermissione. Vnde in huius proles genera-
tione confirmata est superbia: & diabolus dictus est
diabolus, quia deorsum fluxit: & ex hoc in malitia sua
firmatus fuit. Et ideo Magister describens perfectam
auersionem, qualis est in diabolo, non qualis est in ho-
minibus peccatoribus, dicit quod averti est odio habe-
re, vel inuidere: diabolus enim superbus non valens
conscendere, sed compulsus descendere, odit Deum
iustum, & inuidet excellentiæ eius.

QVÆSTIO II.

An Lucifer appetiuerit Deo equiparari.

Alexander Alesius 2. p. q. 98. Membrum 8.

S. Thom. 1. p. q. 63. art. 3.

Et 2. Sent. d. 5. q. 1. art. 2.

Et de Malo, q. 16. art. 3.

Scotus 2. Sent. dist. 6. q. 1.

Reg. d. Rem. 2. Sent. dist. 5. q. 1. art. 2.

Franciscus de Mayr. 2. Sent. dist. 5. q. 3.

Steph. Brulef. 2. Sent. dist. 5. q. 2.

Durand. 2. Sent. dist. 5. q. 1.

Gabr. Biel. 2. Sent. dist. 6. q. unica, art. 2.

Ioan. de Bassolis 2. Sent. dist. 6. q. 1. art. 1.

QVId appetiit ipse Lucifer. Et quod appetiuerit
Deo æquiparari, ostenditur per textum Isaïæ, ubi
describitur eius peccatum: Ascendam in cælum, & ero
similis Altissimo: sed non dixit de cælo empyreo, quia
ibi erat: ergo de cælo Trinitatis, sed in illo non est nisi
æqualitas: ergo, &c.

ITEM super illud Psalm. Quæ non rapui, Gloss. Quia
Adam, & diabolus voluerunt rapere diuinitatem, ami-
serunt felicitatem: sed non voluerunt rapere diuinita-
tem quantum ad identitatem: ergo quantum ad æqua-
litatem.

ITEM Bernard. de gradu humilitatis. Hæc iniquitas
tua non ira momentanea, sed odio digna est sempiter-
no, quod tuo dilectissimo, & Altissimo Domino desi-
derares æquari.

ITEM quod sit appetibile, videtur ratione, quia si-
militudo est appetibilis: ergo maior similitudo magis,
& maxima similitudo maxime appetibilis: sed similitu-
do æquiparantiæ est huiusmodi: ergo videtur quod
valde facile fuit eam appetere, eo quod magna esset
inclinatio.

ITEM omne quod potest cogitari delectabile, po-
test appeti: sed diabolus potuit cogitare delectabile esse
tale, qualis est Deus: quia summe delectabile est esse
Deum: ergo videtur rationabiliter quod hoc potuerit
appetere.

ITEM quod appetierit, videtur. Diabolus superbus
appetiit aliquid quod vidit supra se, quia hoc est ratio
superbiæ: sed supra Luciferum in statu illo nihil erat
nisi Deus, & eius celsitudo: ergo appetiit diuinam cel-
situdinem.

ITEM tantum excellens fuit superbia, quantum ex-
celluit inuidia, & odij malitia: sed non tantum diabolus
odit, & inuidet creaturis Dei, ut homini, immo etiam
inuidet ipsi Deo: ergo non tantum ipsis creaturis
præesse, sed etiam Deo se voluit æquari.

ITEM licitum est appetere similitudinem conformi-
tatis: si ergo diabolus illicitum appetiit, ultra hanc
progressus est: sed ultra similitudinem conformitatis
non est nisi similitudo æqualitatis: ergo hanc appetiit
Lucifer, ut videtur.

Funda-
menta.
Isa. 14. d

Psalm. 139.

Ad opposi-
tum.
1. Tim. 2. d

Hanc ratio-
nem vilipen-
dit Scot. d. 6.
p. 1. ibi.
Quia tamē.

Ibid. cap. 4.

undamēta.

ro. 2. Sept.
6. q. 1. quod
fuit appe-
re. aquali-
tem Dei
solusam.

Bern. de
d. hum.
1. grad.
erbia.
salm. de
u diabo.
6.

Resp. ad 1.
et ult. pro
fundam.

Fundamēta.
Greg. 2. Moa
ral. c. 25.

Ans. de casu
diaboli. 5. 4.

Ad opposi-
tum.

1. CONTRA: Adam non est seductus, &c. Gloss. Non est credendum quod vir spirituali mente præditus appetierit esse sicut Deus. Si non est credendum de homine, cum adhuc sapientior esset illo Angelus, multo minus est credendum de eo.

2. ITEM Anselmus in libro de casu diaboli: Nihil appetiit ad quod non peruenisset, si stetit: sed nunquam fuisset parificatus Deo: ergo, &c.

3. ITEM quod hoc non sit appetibile, videtur. Diuina immensitas non potest mente capi: ergo nullus potest cogitare æqualitatem ad Deum: sed nihil potest appeti, quod non potest intellectu capi: ergo, &c.

4. ITEM hoc probat Anselmus: Si Deus non potest cogitari nisi ita sol^o, vt nihil ei simile possit cogitari: quo modo potuit diabolus velle, quod non potuit cogitare.

5. ITEM quod diabolus hoc non appetierit, ostenditur: quia nihil appetiit nisi ad quod venire posse se credidit: hoc patet, quia ipse dixit: Ponam sedem meam. Sed nullus nisi demens posset vnquam credere, quod creatura Creatori posset æquari: ergo cum diabolus adhuc omnino stultus non esset, hoc nunquam appetiit.

6. ITEM diabolus diligebat se super omnia: ergo non volebat esse alius, quam ille qui erat: sed si esset par Deo, esset alius quam ille qui erat, quia esset Deus: ergo cum hoc non appeteret, non appetiit Deo omnino æquari. Si tu dicas quod bene appetitur antecedens sine consequente: verum est appetitu desideratiuo: sed electiuo nullus nisi stultus vult esse Abbas deliberatiue, quin velit esse monachus.

7. ITEM omne peccatum est per conuersionem ad bonum commutabile: ergo si diabolus appetiit parificari Deo, diabolus non peccauit: sed peccauit: ergo hoc non appetiit.

CONCLUSIO.

Angelus malus quodam modo æquiparantia, quodam modo imitationis appetiit similitudinem: cum sua auctoritate aliis præesse, & quod sine meritis, nullique subesse appetierit.

RESP. Ad arg. Dicendum quod duplex est similitudo Dei. scilicet æquiparantia, siue æqualitatis, & imitationis. Similitudo imitationis potest appeti ordinate, & inordinate. Ordinate vt appetatur similitudo in his quæ nostræ sūt aptitudinis, & diuinæ acceptionis: cuiusmodi sunt perfectiones, & decore virtutum. Inordinate vero vt homo appetat id quod non decet, vel quod Deo non placet: vt si appetat hominibus præesse, vel se de aduersariis vindicare. Similitudo omnimoda æqualitatis nullo modo potest appeti ordinate: sed aliquo modo est appetibilis, aliquo modo non. Nam omnimoda similitudo non est appetibilis, quia non potest cadere in cognitionem, siue in intellectum, & ideo nec in appetitu: & si quis fingat: non appetit æqualitatem, sed suam fictionem. Alio modo est similitudo æqualitatis in aliqua conditione, vt in domini præsentia, & scientia: & sic credo potest appeti. Notandum est igitur quod diabolus quodam modo appetiit similitudinem imitationis, quodam modo æqualitatis: & hoc apparet si attendatur appetibile, & modus appetendi. Diabolus enim appetiit aliis præesse, sua tamen auctoritate quod appetiit præesse, hoc fuit imitationis, & hoc quidem aliquando obtinisset, si stetit: quod autem propria auctoritate, ita quod sine meritis, & sine datore, ita quod nulli subesset, hoc est solius Dei, & hoc est æquiparantia: & ita patet quid appetiit: & patet multæ auctoritates Sanctorum, quia Gregorius dicit quod appetiit esse sui iuris, ita quod nulli subesset. Bernardus dicit quod appetiit æqualitatem potentia, Anselmus quod appetiit præesse sine meritis: & omnes verum dicunt, & diuersæ auctoritates circumloquuntur hoc, quod est præesse omnibus propria auctoritate.

Ad illud ergo quod obiicitur, quod appetiit diuinam æqualitatem, concedendum est in aliquo: & sic currunt rationes ad illam partem inductæ, quia bene potuit ap-

peti: & maxime ab illo qui fuit superbissimus inter omnes, est appetita. Quod tamen obiicitur vltimo, non valet: quia quamvis licitum esset appetere similitudinem imitationis, non tamen omnem similitudinem, sicut ostensum est.

1. Ad illa quæ obiiciuntur in contrarium facile est respondere per iam dicta. Quod enim obiicitur de Adam non est simile: quia Adam gratiam habuit, & præterea non habuit tantam occasionem efferendi se.

2. Ad illud quod obiicitur de Anselmo, iam patet responsio, quia verum dicit quantum ad ipsum appetibile, non quantum ad circumstantiam sub qua appetiit, scilicet quod propria auctoritate.

3. 4. DVÆ sequentes rationes quæ probant quod non potest appeti, loquuntur de omnimoda assimilatione: B quia si aliquis cogitet Deum in generali, & cogitet ei similem, non cogitat Deum: sed fingit, & ideo non appetit esse similis Deo: sed fictioni suæ.

5. 6. AD illud quod obiicitur, quod non appetiit, dicendum quod illæ rationes probant, quod non appetiit omnino, & hoc verum est.

7. AD illud quod obiicitur vltimo, quod non peccauit si appetiit similitudinem, quia non est conuersus ad bonum commutabile, dicendum quod ipse conuertit se ad bonum incommutabile, vt et est proprium, & ita vt ad commutabile, ac per hoc inordinate. Et ad Deum conuerti superbiendo, est auerti à Deo, & conuerti ad se: & hoc patet, quia diabolus quod Dei erat, appetebat sibi, & ita finaliter ad se conuertebatur, non ad Deum, & sic patent omnia quæ sita.

ARTICVLVS II.

CONsequenter secundo loco quæritur de auersione minorum Angelorum. Et circa hoc duo quærun- tur. Primum est, quo genere peccati peccauerunt minores Angeli. Secundum est de comparatione peccati minorum Angelorum ad peccatum Luciferi.

QVÆSTIO I.

An minores Angeli peccauerint peccato superbia.

Alexander Alesis 2. p. q. 98. Membr. 3. 5. 1. & 2.
R. hardus 2. Sent. dist. 5. q. 2.
Et omnes alij in superiori quæst. citati.

VTRVM minores Angeli peccauerint peccato superbia. Et quod sic, videtur per Greg. Tanto magis homines ad cælestia ascendere inuident, quanto se à cælestibus per immunditiam elationis deiectos vident, loquitur de dæmonibus.

ITEM Hugo de sancto Victore: Omnes in eadem malitia consenserunt, & vnum ordinem perversæ societatis fecerunt: sed si omnes consenserunt in eadem malitia, cum malitia diaboli fuerit superbia: ergo omnes consenserunt in superbiam: sed nullus in superbiam consentit, nisi superbus: ergo, &c.

ITEM Libido est fundamentum ciuitatis diaboli, & radix omnis peccati: ergo cum libidinosus amor, sit amor ad se recur^o, & amor priuatus, quia in hoc differt ab amore casto: ergo quilibet aliquid sibi appetiit: sed non appetiit appetibile oculorū, nec carnis: ergo superbiæ vitæ.

ITEM est amor commodi, & amor honesti, vt vult Anselmus: Si ergo peccauerunt dæmones, aut igitur amore commodi, aut honesti: cum omnis affectio ortum habeat ex amore: sed nō ex amore honesti: ergo ex amore commodi: sed hæc est amor proprii boni: ergo, &c.

1. CONTRA quod non peccauerunt peccato superbia, videtur, quia superbiorum est appetere præesse, & non subesse: sed minores Angeli voluerunt Lucifero subesse: ergo non superbierunt. Maior manifesta est. Minor probatur per Hugonem, & Magistrum, quorum vterque dicit quod Lucifero consenserunt: ergo voluerunt quod præesset sicut optabat.

2. ITEM maioris dignitatis, & sublimitatis est subesse summo Domino quam minori: ergo Deo quam Angelo: Ergo si superbus appetit quod maioris est dignitatis, si superbierunt, potius appetierunt subesse Deo,

quam

quam Lucifero: sed voluerunt à dominio Dei transire omnimodum dominium Luciferi: ergo, &c.

3. ITEM: Omnis superbus appetit aliquam excellentiam: si ergo superbierunt, aliquid appetierunt, scilicet se parificari Deo, ut videtur dicere Magister in litera: quod superbia voluerunt se parificare Deo. Tunc igitur cum minus haberent motum ad hoc quam Lucifer: ergo gravius peccauerunt quod est contra totam Scripturam, quæ dicit ipsum caput malitiæ. Si tu dicas quod voluerunt quiescere sine meritis, & ideo superbierunt. Sed contra: Laus est & gloria consequi præmium per merita: ergo cum superbus appetat laudem & gloriam, appetere beatitudinem sine meritis non erit superbiæ, immo ignauitiæ.

4. ITEM: Aut appetebant sine meritis propter vitandam dilationem, aut propter vitandum laborem. Non propter vitandum laborem: quia Angeli non lassantur, sicut nec motor primi mobilis: ergo propter dilationem: sed sancti viri vitant dilationem qui cupiunt dissolui, & esse cum Christo: ergo videtur tunc quod ipsi superbiant.

CONCLUSIO.

Angeli mali inferiores, superbia peccato deliquerunt, non tantum consentiendo, sed sibi quoque excellentiam appetendo: ad quam non posse sine ipsius Luciferi sublimitate peruenire putauerunt.

RESP. ad Arg. Dicendum quod planum est ex dictis Sanctorum & glossis, quod Angeli minores peccato superbiæ sunt auctores: sed tamen in modo superbiendi diuersitas est inter Doctores. Nam aliqui voluerunt dicere quod superbia eorum fuit in consentiendo superbiæ Luciferi, & consentire superbiæ non potest esse nisi superbientis: sicut etiam Adam dicitur superbisse, quia mulieri superbienti consensit. Sed tamen illud non videtur probabile quod Angeli minores prius appetierint alij aliquid bonum commutabile, quam sibi: cum vniuersiusque affectus maxime sit iunctus sibi, ut primo appetat sibi inordinate quam alij, & si alij, propter se hoc facit. Secunda vero positio est quod Angeli minores superbierunt, non tantum consentiendo, sed sibi excellentiam appetendo: & cum se non crederent posse ad illud peruenire sine ipsius Luciferi sublimitate, qui erat quasi caput, & sibi & illi appetierunt, & ideo superbierunt proprie, & superbiæ etiam consenserunt: & concedendæ sunt rationes ad hanc partem inductæ. Ad intelligentiam autem obiectorum in contrarium notandum, quod superbia dæmonum conformis fuit capiti, totius malitiæ principi, scilicet tenebrarum: ipse autem diabolus attendens suorum naturalium strenuitatem, & excellentiam, & præcellentiam voluit præesse, & requiescere sua auctoritate, hoc est sine meritis, & sine ministerio. Dæmones vero ei subiecti non sunt ausi tantum appetere: sed considerantes naturalium strenuitatem, voluerunt sub vmbra illius requiescere: ita quod non ministrarent, sed quadam sub illo potirentur voluntaria libertate, quam videbant se non posse habere sub diuino dominio. Cognouerunt autem Angeli se esse factos ad participandum quietis beatitudinem, & acquirendum per merita, & ministeria. In hoc ergo superbierunt, quia sine meritis voluerunt beati esse, & sine ministerio quiescere, & sine limite propriam voluntatem implere: & hoc totum est superbire, quamvis non sit tantæ superbiæ, quantæ fuit appetere omnibus præcellere, & nulli subesse. Hæc visis, facile est ad obiecta respondere.

1. 2. AD illud enim quod obiicitur quod non superbierunt, quia non appetierunt, dicendum quod quamvis non appetierint præesse, noluerunt tamen debito modo subesse, quia non voluerunt subesse illi Domino, qui præcepit solum quod bonum est, & restringit voluntatem: sed ei qui permittit laxari frænum concupis-

centiæ: ideo mali homines & superbi potius volunt subesse diabolo, quam Deo: similiter potuit esse de Angelis. Præterea alia fuit ratio, quia non cupiebant ei subesse: sed sub eius dominio, siue seruitio, vel ministerio requiescere, & hoc superbiæ est: & ita patet sequens quod obiicit, quod gloriosius est Deo subesse: verum est secundum veritatem: sed non secundum æstimationem superbi.

3. AD illud quod obiicitur tertio, quid appetierint, utrum parificari Deo, dicendum quod in aliquo voluerunt parificari Deo, in hoc, scilicet quod sine meritis, & obsequio voluerunt esse quieti, & beati in æternum, quod solius Dei est proprium: non tamen adeo parificari voluerunt, ut Lucifer: & ideo non adeo peccauerunt.

4. AD illud quod ultimo obiicitur quod gloria est obtinere cum meritis: dicendum quod superbus magis reputat esse gloriosum, habere à se, & non ab alio, quam per merita ab alio obtinere: tum quia dedignatur seruire: tum quia dedignatur ab alio recipere: & quia Angeli voluerunt propria auctoritate quiescere patet quod secundum æstimationem, superbi excellentiam appetierunt non veram, sed falsam: sicut patet in superbis, qui appetunt magis gloriam & excellentiam vanam, quam veram. Et per hoc patet quod queritur, quare appetebant sine meritis, dicendum quod non: quia laboriosum, nec quia tardum propter desiderium: sed quia vile reputabant obsequium, & ministerium, & hoc superbiæ est.

QUESTIO II.

C. *An peccatum minorum Angelorum habeat ordinem ad peccatum Luciferi.*

S. Thom. 1. p. q. 63. art. 8.

Et 2. Sent. dist. 6. q. 1. art. 2.

Ægid. Rom. 2. Sent. dist. 5. q. 1. art. 3. dub. 1.

Richardus 2. Sent. dist. 5. art. 1. q. 3.

Durandus 2. Sent. dist. 6. q. 2.

Thom. Arg. 2. Sent. dist. 5. q. 1. art. 4.

Steph. Brulef. 2. Sent. dist. 5. q. 4.

DE comparatione peccati minorum Angelorum ad peccatum Luciferi, & queritur utrum habeat ordinem ad ipsum: Et quod habeat ordinem causalitatis cuiusdam, videtur: Draco traxit secum tertiam partem stellarum. Sancti, & Magistri exponunt de Lucifero, & dæmonibus. Si traxit: ergo aliquo modo procurauit causam eorum: ergo, &c.

ITEM in Ioanne dicitur: Ipse mendax est, & Pater eius: ergo diabolus est pater mendacij: ergo cum mendacium ibi vocetur omne peccatum: ergo ipse fuit pater omnis peccati: ergo & peccati minorum Angelorum: & ita videtur quod sit ibi ordo causalitatis.

ITEM quod sit ibi ordo temporis, siue durationis, videtur, quia Hugo dicit Magister, quod peccauerunt peccato consentiendo: sed non potuerunt consentire peccato Luciferi, nisi quod præcellerat: prius enim vult aliquis aliquid, quam requirat consensus: ergo, &c.

ITEM videtur, quia diabolus aliquo modo fuit origo, siue suggerendo, siue exemplum præbendo. Non potuit suggerere nisi postquam appetiit, nec etiam demonstrare aliis conceptum suum, nec ille consentire, nisi postquam cognouerunt: ergo in medio inter peccatum diaboli, & aliorum cecidit suggestio, vel saltem demonstratio, & perceptio, & diiudicatio de præcepto: sed ista non possunt simul esse: ergo fuit ibi ordo temporis.

1. SED contra quod non potuerit ibi esse ordo causalitatis, siue occasionis, videtur: quia statim, ut peccauit, deformatus est: ergo cum Angeli ante peccatum haberent limpidiū visum, si viderunt deformitatem, potius debuerunt à peccato retrahi, quam eius exemplum, vel suggestionem imitari: ergo non peccauerunt eius exemplo, vel suggestionem.

2. ITEM

2. ITEM quod non fuerit ibi ordo temporis, videtur: quia statim, ut diabolus peccauit, corruit: alioquin fuisset dedecus peccati sine decore iustitiæ: sed omnes simul ceciderunt: unde Damascenus dicit quod simul cum eo, scilicet Lucifero conuulsa est innumera multitudo: ergo simul tempore omnes peccauerunt.

3. ITEM potest obijci quod neuter ordo ibi fuerit: quia boni simul conuersi sunt: ita quod nec fuit ibi ordo causalitatis, siue suggestionis, nec temporis: ergo statim diuisa est lux à tenebris, statim boni facti sunt lux, & mali tenebræ: ergo simul non tantum tempore, verumetiam natura.

4. ITEM: Adhuc quod neuter ordo ibi fuerit videtur: quia si fuit ordo causalitatis: ergo videtur quod peccatum aliorum Angelorum sit remediabile, sicut & peccatum hominis quod aliunde habuit remedium, quia aliunde habuit occasionem. Si vero fuit ordo temporis: ergo videtur quod peccatum minorum Angelorum sit grauius, cum non formidauerint diuinum iudicium quod conspexerunt circa Luciferum.

CONCLUSIO.

Inter Luciferi peccatum & ceterorum fuit ordo, tum quo ad grauitatem delicti, tum quo ad occasionem: quia ceteris præbuit exemplum, tum quo ad durationem, quia prius ipse, quam ceteri peccauit.

RESP. ad Arg. Dicendum ad prædictorum intelligentiam, quod hic triplex consuevit poni positio. Quidam enim voluerunt dicere, quod non fuit ibi ordo secundum gradus: quia maius, & excellentius fuit peccatum Luciferi, eo quod magis superbiuit, nec tamen fuit prius peccato aliorum tempore, nec origine: sed statim in eodem puncto quilibet propria voluntate deprauatus, sine exemplo peccauit: & quia aspectum habuerunt ad idem, ideo consimili modo, & eodem genere peccati peccauerunt: & concedunt rationes ad hoc. Aliorum positio fuit quod non tantum fuit ordo excessus, immo causalitatis, ut causalitas large dicatur non tantum ad causam vere, sed etiam ad occasionem: non tantum ad perpetrationem, sed etiam ad suggestionem: non tamen ordo temporis. Et hoc volunt sic dare intelligere, quod in Lucifero simul fuit tempore appetitus, & eius expressio: & in Angelis simul perceptio, & appetitio, & ita simul tempore peccauerunt: tamen peccatum diaboli præbuit eis viam sicut exemplum. Et ponunt simile: Si oculus directe aspiceret in Orientem existens in Occidente, simul fieret coruscatio, & appareret in oculo: à minori volunt hoc esse posse in Angelo, & per hoc soluunt obiecta. Tertia positio est quod fuit ibi ordo, & quantum ad gradum, & quantum ad occasionem, & quantum ad durationem. Quantum ad gradum, quia illud Luciferi fuit maius. Quantum ad occasionem, quia aliis præbuit exemplum. Quantum ad durationem, quia sicut Lucifero necesse fuit tempore ante esse cognitionem, quam peccare: quia non potuit in eodem instanti habere cognitionem, quæ exigitur ad peccatum cum deordinata affectione, sic in minoribus Angelis dicunt fuisse in peccando, & cum peccauerunt aspiciendo quod Angelus volebat, & exinde aspiciendo commodum suum: & hæc positio videtur intelligibilior, unde concedendæ sunt rationes ad hoc inductæ.

1. AD illud ergo quod obiicitur quod deformis fuit statim: potest responderi quod fuit: sed illa deformitas erat intra conscientium, & ideo non apparuit, quia non reuelauit. Vel potest dici quod est deformitas contra naturam, vel contra voluntatem. Deformatatem contra naturam statim natura cognoscit, & respuit, quia non mouetur nisi in vno modo. Sed deformatatem voluntatis non respuit voluntas, eo quod ipsa libera est: & ideo frequenter placet ei actus culpabilis, & deformis, nec vnquam talis actus displicet ei, nisi in quantum ad-

A hæret aliquo modo iustitiæ. Et quia quidam Angeli adhæserunt iustitiæ: ideo eis displicuit motus Angeli, & deformis voluntas. Alij vero non adhæserunt: ideo immunditiam non perceperunt, sed magis, ut apparens bonum acceptauerunt.

2. AD illud autem quod obiicitur, quod simul ceciderunt potest dici quod simul, non quia in eodem instanti, sed quia repente quasi in non perceptibili tempore: & ibi bene potest esse ordo, quamvis non percipiatur. Vel aliter & melius potest dici, quod Satanas non cecidit statim, ut appetiit: sed postquam peccatum eius consummatum, & confirmatum per odium, & inuidiam fuit: & postquam facta est diuisio bonorum Angelorum à malis, de quorum consortio post beatificationem statim repulsi sunt. Nec valet illud quod obiicitur de peccati dedecore, quia peccatum semper habet poenam internam sibi coniunctam: unde sicut statim homo non fuit deiectus de paradiso, ut peccauit, sed tamen statim poenam habuit: ita videtur de Angelo esse dicendum, quod non in eodem instanti cecidit.

3. AD illud quod obiicitur de bonis Angelis: dicendum quod tam conuersionem beatorum Angelorum, quam auersionem dæmonum peccatum Luciferi præcessit: nam ipse prius superbiuit, & superbiam suam omnibus indicauit: & ex tunc quidam adhæserunt sibi, alij vero resisterunt, & adhæserunt Deo, & simul isti lux, illi tenebræ facti sunt. Quamvis enim simul fuerit Angelorum conuersio, & dæmonum auersio, non tamen simul cum peccato Luciferi.

4. AD illud quod obiicitur de excusabilitate, & grauitate, dicendum quod prima pars ratiocinationis deficit dupliciter: primo quia illa non est sufficiens ratio: quare peccatum hominis fuit remediabile, sicut infra patebit melius. Secundo deficit, quia non est simile. Aliter enim diabolus dedit occasionem homini, aliter angelis malis: homini promittendo, & fallendo: sed angelis solum conceptum suum insinuando: unde non dicitur eos tentasse, ut primos parentes. Secundo pars deficit, quia non aduerterunt eius ruinam, nec viderunt diuini iudicii seueritatem in ipsum, quousque peccatum eius fuit consummatum, ut prius tactum est, & determinatum.

ARTICVLVS III.

Consequenter tertio loco queritur de conuersione bonorum. Et circa hoc duo queruntur. Primo queritur de ipsa conuersione in comparatione ad suum principium. Secundo queritur de eadem in comparatione ad primum.

QUESTIO I.

An conuersio bonorum Angelorum fuerit virtute naturæ, vel auxilio gratiæ.

S. Thom. 1. p. q. 62. art. 2.

Et 2. Sentent. dist. 5. q. 2. art. 1.

Egid. Rom. 2. Sent. dist. 5. q. 2. art. 1.

Et Quod. 2. q. 29.

Richardus 2. Sent. dist. 5. art. 2. q. 1.

Thom. Arg. 2. Sent. dist. 1. q. 1. art. 3.

Steph. Brulef. 2. Sent. dist. 5. q. 5.

VTRVM conuersio beatorum Angelorum ad Deum fuerit virtute naturæ, vel auxilio gratiæ. Et quod virtute naturæ, videtur primo auctoritate Magistri in litera: Non indigebat Angelus gratia per quam iustificaretur: ergo iustus erat etiam præter gratiam: sed qui iustus est, recte & ordinate conuertitur ad fontem omnis iustitiæ: ergo videtur quod hoc potuerint Angeli sine auxilio gratiæ.

2. ITEM Philosophus ait quod intellectus semper est rectus: sed hoc non esset, nisi rectitudo esset ei con-

Ad oppositum.

3. de Anim.

natu

naturalis: ergo Angeli intellectus & vere, & proprie de natura sua erat rectus. Sed nullus est rectus, nisi is qui sursum est conuersus, & qui habet caput mentis erectum ad diuinam: ergo videtur quod hoc habuerit per naturam.

3. ITEM: Facilius potest quis aliquid ad quod naturaliter ordinatur, quam illud ad quod non ordinatur: sed Angelus erat ordinatus ad eum magis, quam ad aliud, & natura erat ordinata in ipso: ergo cum sine aliquo adiutorio posset conuerti ad bonum commutabile, & auerti à Deo, multo fortius absque auxilio aliquo potest conuerti ad ipsum.

4. ITEM: Naturale est alicui conuerti ad illud quod naturaliter magis diligit: sed Angelus naturali dilectione magis diligebat Deum, quam aliquod creatum, ut in præcedentibus habitum est: ergo videtur quod naturaliter conuerteretur ad ipsum.

5. ITEM pono quod simus in instanti conuersionis, & auersionis: tunc arguitur sic: Nulla est differentia inter Angelos ante hoc instans: si ergo aliqua alia incipit differentia esse, hoc est auersione, & conuersione: ergo prior est auersio, & conuersio quam gratiæ infusio: ergo conuersio non potuit esse à gratia.

6. ITEM: Si conuersio fuisset à gratia, & non à natura: ergo illis Angelis, qui nunquam habuerunt gratiam, sed sola naturalia, non esset imputandum quod ad Deum non sunt conuersi: ergo nec diabolus esset culpandus, nec puniendus quod Domino non adhæsit.

Ad oppositum arguitur auctoritate, & demonstratione. Auctoritate sic. Magister dicit in litera: Conuersio iustos fecit: sed auersio iniustos: sed nihil facit iustum nisi gratuitum sit: ergo conuersio fuit à gratia. Si dicas quod intelligit de iustitia naturali, hoc nihil est, quia illam habebant omnes Angeli à sua origine.

ITEM: Conuersio creaturæ spiritualis ad Deum, ut dicit Augustinus, est dies, quia ibi est fulgor cognitionis, & calor affectionis: sed per naturam lux præcedit diem: cum ergo Angelus non sit lux nisi per informationem gratiæ, prius suscepit gratiam quam conuerteretur ad bonitatem diuinam.

ITEM demonstratione sic: Non est meritum sine gratia, ut patet infra, quia non hominem propter opus, sed opus propter auctorem acceptat Deus: sed Angeli in sua conuersione meruerunt, sicut alij in auersione demeruerunt: ergo, &c.

ITEM: Si per sola naturalia fuisset conuersio: cum ergo in naturalibus præcelleret Lucifer, potius videtur, quod ipse esset conuersus, quam alij. Si ergo non fuit conuersus, non à virtute naturæ fuit illa conuersio, sed magis ab auxilio gratiæ.

CONCLUSIO.

Angeli qui ad Deum conuersi sunt, quanquam à natura rectitudinem quandam habere potuerint, meritoriam tamen sine gratia habere non poterant.

RESP. Ad arg. Ad intelligentiam obiectorum prænotandum est, quod in conuersione ad Deum attenditur rectitudo substantiæ spiritualis quantum ad eius mentem, maxime ratione partis motiue, nec potest esse recta nisi actu, vel habitu sit ad Deum conuersa. Quemadmodum igitur duplex est rectitudo, sic duplex est conuersio. Est enim quædam rectitudo naturæ institutæ, & penes hanc est iustitia originalis: & est rectitudo gratiæ, & penes hanc est iustitia meritoria, quam acceptat iudex summus ad retributionem æternam. Et quia videt in ea pulchritudinem gratiæ, merito eius animam traducit in sponsam, & opera eius sunt ipsi amabilia. Sic intelligendum est quod duplex est conuersio, quædam à naturali rectitudine, quædam à rectitudine gratiæ. Primam potuerunt habere Angeli absque gratia: sed secundam non sine gratia. Quando igitur quæritur, de quo principio fuerit illa conuersio, dicendum quod conuersio illa fuit meritoria, & Deo placita:

A & ideo non potuit esse sine gratia. Rursus quia per illam conuersionem obtinuerunt gratiam, oportet ponere quod conuersionem illam inchoauerit voluntas libera, sed consummauit gratia: & ideo fuit ibi gratia subsequens, non præueniens: gratia cooperans, non operans, ut dicit Magister in litera. Concedendum est ergo, quod illa Angelorum conuersio, in qua confirmati sunt, non fuit sine auxilio gratiæ.

1. Ad illud ergo quod obiicitur quod non indigebat Angelus gratia iustificante, dicendum quod iustificationis actus dupliciter intelligitur. Est enim iustificare, de non iusto facere iustum. Non iustum autem dupliciter accipitur, scilicet priuatiue, & negatiue. Priuatiue idem est non iustum, quod iniustum: & tunc iustificare idem est, quod de impio facere pium: & hoc modo non fuit gratia in Angelis ad hunc effectum. Alio modo dicitur non iustum negatiue, & sic non tantum dicitur non iustum quod habet impietatem, sed quod non habet iustitiam gratiæ: & sic fuit in Angelis iustificatio per gratiam, & ab hac iustitia fuerunt operum meritoria.

2. Ad illud quod obiicitur quod intellectus semper est rectus, iam patet responsio: quia intelligit de rectitudine naturali. Illud tamen verbum philosophi debet intelligi, ut dicatur semper esse rectus respectu illorum ad quæ mouetur, ut natura, siue naturaliter: & sic nos dicimus in Theologia synderesim semper rectam. Si autem intelligatur respectu eorum ad quæ mouetur, ut deliberans, falsum est: immo circumscripto omni imaginabili, & phantasmate, posset intellectus peccare, siue præiudicari: & sic forte fecit Angelus.

3. Ad illud quod obiicitur quod facilius potest quis in id ad quod ordinatur, &c, dicendum quod verum est, si illud sit intra terminos naturæ: sed conuerti conuersione perfecta, & meritoria, hoc est supra naturam: sed deficere hoc est infra: & ideo ratio illa non cogit. Vel dic quod illud est verum, quando genus operis ad potentiam comparatum, est æqualis difficultatis, sicut in se consideratur: alias non habet veritatem, sicut patet in multis exemplis.

4. Ad illud quod obiicitur de conuersione quod sequitur dilectionem, dicendum quod uniformiter sumpta conuersione cum ipsa dilectione, non habet instantiam. Sicut enim quædam dilectio est à voluntate naturali, qua desideratur Deus ut beatificans: quædam à voluntate electiua, qua quis optat Deo honorem, & gloriam: quædam à gratuita, qua in obsequium diuinum captiuatur ipsa voluntas tota: sic & conuersio per appetitum concupiscentiæ est à natura: conuersio per affectionem amicitiae est à voluntate deliberatiua, siue electiua: conuersio vero per obsequium obedientiæ gratiæ, est ab ipsa gratia, & sic patet illud.

5. Ad illud quod obiicitur, quod in nullo differebant, dicendum quod illud concludit, quod gratia non inchoauerit, sed non excludit quin consummarit: & hoc est verum.

6. Ad illud quod obiicitur, quod non esset imputandum malis, si conuersio esset à gratia, dicendum quod falsum est: quia stare poterant, & non auerti, si volebant: & ideo auersio eis imputatur in culpam.

QVÆSTIO II.

An in conuersione bonorum Angelorum, meritum præcesserit premium.

Alex. Alensis 2. p. q. 109. Memb. 11.

S. Thom. 1. p. q. 62. art. 4.

Et 2. Sent. dist. 5. q. 2. art. 2.

Scotus 2. Sent. dist. 5. q. 1.

Ægid. Rom. 1. Sent. dist. 5. q. 2. art. 2.

Et Quod. 2. q. 19.

Richard. 2. Sent. dist. 5. art. 2. q. 2.

Duran. 2. Sent. dist. 5. q. 3.

Thom.

Thom. Arg. 2. Sent. dist. 5. q. 1. art. 4.
 Gregor. Arim. 2. Sent. dist. 5. q. 1. art. 3.
 Franciscus de Mayr. 2. Sent. dist. 5. q. 1.
 Ioan. de Bassol. 2. Sent. dist. 5. q. 1.
 Gabr. Biel. 2. Sent. dist. 5. q. 1. & 2.

A

CONCLUSIO.

Angelorum primum præcessit meritum, tamen si Magister secus opinatus fuerit: quia meritum requirit fundamentum in perfectione voluntatis, & non in multitudine operationum.

RESP. Ad arg. Dicendum quod circa hoc, sicut dicit Magister, duplex fuit opinio. Quidam enim dixerunt, quod in Angelis primum præcedit meritum, & huius positionis fuit Magister; & ad hoc ponendum moti sunt rationabiliter, & quantum ad motiuium, & quantum ad modum. Quantum ad motiuium; quia enim intellexerunt quod non est meritum sine gratia, nec magnum meritum ubi non est magnum obsequium, & in Angelis propter naturæ velocitatem, & idoneitatem simul duratione datur gratia, & gloria: dixerunt quod in Angelis meritum non potuit præcedere primum, meritum, inquam condigni; sed solum si aliquid præcedit, hoc est meritum congrui, sed sequitur meritum condigni. Hos etiam ad hoc ponendum instigauit, quod meritum rei habendæ sonat indigentiam, quæ non videtur posse stare cum gloria. Modum autem huius meriti satis aduertere possumus in militibus, qui bene pugnando merentur equum ante merita datum. Hæc autem opinio quamvis sit probabilis, tamen plura habet sibi aduersantia, quæ in opponendo tacta sunt. Propter quod fuit alia positio quod in Angelis meritum præcessit primum non tempore, sed natura. Et rationem huius assignant, quia gratia naturaliter præcedit gloriam; & gratia cum inuenit motum in libero arbitrio ordinatum, facit meritum; & pensatur meritum secundum quantitatem gratiæ, non secundum multitudinem operum, ideo cum Angelis data sit perfecta gratia, & liberum arbitrium omnino sit cooperatum gratiæ, dicunt, quod in sua conuersione sufficienter meruerunt glorificationem. Et hæc positio rationabilior est, & melius habet fundamentum; quia meritum requirit & fundatur in perfectione voluntatis, non in multiplicatione operationis; hanc communiter tenent moderni Doctores; ideo huic adhærendum est.

Opinio 1.

Improbatio.
Opinio 2.Richard. art.
2. q. 2.

DE conuersione bonorum in comparatione ad primum. Et quaeritur utrum in eorum conuersione meritum sequatur primum, vel præcedat. Et quod præcedat, videtur per Augustinum de correctione, & gratia: Angeli sancti qui cadentibus aliis steterunt, illius vitæ mercedem recipere meruerunt: si ergo mercedem meruerunt recipere, meritum præcessit receptionem mercedis.

ITEM meritum est via ad primum: sed recto ordine procedendo, prior est status viatoris quam comprehensoris: & vitæ, quam patriæ: ergo in Angelis fuit meritum ante primum.

ITEM dispositio præcedit illud ad quod disponit vel tempore, vel natura: sed gratia est dispositio ad gloriam; ergo si Deus dedit Angelis gratiam, qua possent mereri, & gloriam qua sunt beati, prius habuerunt gratiam quam gloriam; sed gratia quando inuenit liberum arbitrium in actu debito, facit illum motum, siue actum esse meritorium: ergo si liberum arbitrium Angeli in ingressu gratiæ, & gloriæ erat in actu: ergo prius habuit motum meritorium, quam gloriosum.

ITEM per impossibile videtur, quia si Deus dedit Angelis gloriam, aut ergo dignis, aut indignis. Si indignis: iniuste, & inordinate fecit, quod est impossibile: ergo dedit dignis: sed nullus est dignus corona nisi per merita: ergo, &c.

ITEM si mereri contingit habitum, dum quis seruit Deo, & bene utitur habito: ergo cum omnis perseveras in gratia bene utatur ea, qui perseverat in gratia, meretur eam: sed quod est ex meritis, non est ex gratia: ergo merendo gratiam, desineret esse gratia.

ITEM si primum præcedit meritum, quæro quod est illud meritum: aut quantum ad actum contemplationis, aut ministerij. Non quantum ad actum contemplationis: sic enim omnes beati mererentur. Si quantum ad actum ministerij; ergo videtur quod si non esset homo, Angelus non posset mereri, ergo nec dignus esset beatificari: quod falsum est plane.

1. CONTRA: hoc est quod Magister dicit in littera: quod magis placet, scilicet quod merentur iam habitum.

2. ITEM ratione: Angeli dum ministrant nobis, aliquid merentur, cum ex magna charitate, & liberalitate nobis condescendant; & ministerium non sit actus comprehensoris, sed viatoris potius: aut ergo merentur habitum, aut habendum. Si habitum: habeo propositum quod meritum sequitur primum. Si habendum: ergo tunc cum mereantur beatitudinem non sunt beati. Si aliud quam beatitudinem: ergo non est meritum eorum perfectum, nec necessarium. Præterea, Quidquid mereantur, cum spes quæ differtur, affligat animam, videtur quod tale meritum respectu rei habendæ non possit stare cum statu beatitudinis.

3. ITEM magna præmia non debent dari sine magnis meritis, & magna merita non sunt sine magnis obsequiis; ergo cum Angeli magna præmia habeant, & magna obsequia non præcesserint in quibus meruerint; ergo debent sequi.

4. ITEM secundum quod plus dat Deus, plus exigit Deus à creatura; si ergo maius robur virtutis dedit Angelo quàm homini; ergo & maiora obsequia requirit; sed homo non glorificatur nisi per labores multos, & magnos; ergo nec Angelus sine operibus debet glorificari; sed opera non præcesserunt, sed solus motus affectionis; ergo oportet sequi.

1. AD illud quod obiicitur de Magistro, dicendum quod in hac opinione sicut in pluribus aliis non assentitur ei.

2. AD illud quod obiicitur, quod merentur, dicendum quod est primum substantiale, & hoc meruerunt per conuersionem sui in Deum. Et est primum accidentale: & hoc merentur per ministerium quod faciunt homini. Et quia accidit beatitudini: ideo sine tali primum cum eius merito potest stare beatitudo: nec affliguntur ex expectatione, sicut nec animæ beatæ de secundæ stolæ perceptione: & adhuc minus, quia minus inclinantur.

3. AD illud quod obiicitur, quod magna præmia requirunt magna merita, dicendum quod magnitudo meriti non consistit in opere exteriori principaliter, sed interiori. Vnde sicut diabolus multum peccauit propter improbam voluntatem, & si nihil exterius fecerit: sic econuerso multum meruerunt Angeli boni.

4. AD illud quod obiicitur de homine, dicendum quod homo non ita cito mouetur, ut Angelus, ideo tempus meriti habet diuturnius: & ideo non est simile: sed hoc melius patebit infra distinctione 7.

DISTINCT. VI.

Quod de maioribus, & minoribus quidam ceciderunt: unde, quo, & ad quid. Sunt vero inter eos aliqui maiores, aliqui minores. Quorum supremus est Lucifer, ligatus in abyſſo. vsque ad tempus.

PRÆTEREA sciri oportet, quoniam sicut de maioribus, & minoribus quidam perſiterunt: ita de utroque gradu quidam corruerunt. Inter quos unus fuit omnibus alijs cadentibus excellentior, nec inter stantes aliquis eo fuit dignior: sicut testimonijs auctoritatum monstratur. Ait enim Iob: Ipse principium viarum Dei. Et in Ezechiele legitur: Tu signaculum similitudinis plenus scientia, & perfectione, decorus in delicijs paradisi Dei fuisti. Quod Gregorius exponens ait: Quanto in eo subtilior est natura, eo plenius in illo imago Dei similis insinuat impresse. Item in Ezechiele legitur: Omnis lapis pretiosus operimentum eius, id est, omnis Angelus quasi operimentum eius erat: quia ut dicit Gregorius: In aliorum comparatione ceteris clarior fuit. Unde vocatus est Lucifer, sicut testatur Isaias: Quo modo, inquit, cecidisti Lucifer qui mane oriebaris? & cetera: qui non unus ordo, sed unus spiritus accipiendus est: qui teste Isidoro, postquam creatus est, eminentiam natura & profunditatem scientia sua perpendens, in suum creatorem superbiuit, intantum quod etiam Deo se aquare voluit: ut in Isaias dicitur: In cælum ascendam super astra cæli, & exaltabo solum meum, & ero similis altissimo. Similis quidem Deo esse voluit, non per imitationem, sed per aequalitatem potentia.

Vnde & quo deiectus fuerit merito suæ superbiz.

Et tanta superbia merito de cælo, id est, de empyreo, in quocumque alis fuerat, deiectus est in istum caliginosum aërem cum omnibus sua prauitatis consortibus. Nam ut Ioannes ait in Apocalypsi: Draco de cælo cadens secum traxit tertiam partem stellarum: quia Lucifer ille alijs maior non solus cecidit, sed cum eo alij multi qui ei in malitia consenserunt: eosque cadentes huius caliginosi aëris habitaculum excepit. Ex hoc ad nostram probationem factum est, ut sit nobis exercitationis causa. Vnde Apostolus: Colluctatio est nobis aduersus principes, & potestates mundi huius, & aduersus rectores harum tenebrarum, contra spiritualia nequitia in caelestibus: quia demones, qui sunt spirituales & nequam, in hoc turbulento aëre nobis propinquo, quod cælum appellatur, habitant. Vnde & diabolus princeps aëris dicitur.

Quod non est concessum eis habitare in cælo, vel in terra.

Non enim est eis concessum habitare in cælo, quia clarus locus est & amarus: nec in terra nobiscum, ne homines nimis infestarent. Sed iuxta Apostoli Petri doctrinam in epistola canonica traditam, in aëre isto caliginoso, qui eis quasi carcer vsque ad tempus iudicii deputatus est: tunc autem detrudentur in baratrum in ferri, secundum illud: Ite maledicti in ignem æternum, qui parati sunt diabolo & Angelis eius.

Quod demones alij alijs præsumunt, & habent etiam alias prælationes.

Et sicut inter bonos Angelos alij alijs præsumunt: ita & inter malos alij alijs prælati sunt, & alij alijs subiecti, quandiu durat mundus, Angeli Angelis, demones demonibus, homines hominibus præsumunt. Sed in futuro omnis euacuabitur prælatio, ut docet Apostolus. Habent quoque secundum modum scientia maioris vel minoris, prælationes alias maiores vel minores. Quidam enim uni prouincia, alij uni homini, aliqui etiam uni vitio præsumunt. Unde dicitur spiritus superbia, spiritus luxuria, & huiusmodi: quia de illo vitio maxime potest homines tentare, à quo dominatur. Inde etiam est quod nomine demonis diuitia vocantur, scilicet Mammona. Est enim Mammon nomen demonis: quo nomine vocantur diuitia secundum Syriam linguam. Hoc autem non ideo est quod diabolus in potestate habeat dare vel auferre diuitias cui velit: sed quia eis vitur ad hominum tentationem, & deceptionem.

An omnes demones sint in hoc aëre caliginoso, an aliqui sint in inferno.

Solet autem quæri, Vtrum omnes in isto aëre caliginoso sint: an aliqui iam sint in inferno. Quod in inferno quotidie descendant aliqui demonum, verisimile est qui animas illuc cruciandas deducunt: & quod illic aliqui semper sint, alternatis forte vicibus, non procul est à vero, qui illic animas detinent atque cruciant. Quod autem anima malorum illuc descendant, atque illic puniantur, ex eo constat quod Christus ad inferos descendit, ut iustos qui ibi tenebantur, educeret. Si enim iusti descendebant, multo magis iusti: & sicut tradidit auctoritas, cum iustos eduxit, iniquos ibi reliquit: Mamordit enim infernum, non absorbit.

Quidam putant Luciferum esse in inferno relegatum, ex quo tentauit Christum & victus fuit: quem dicunt primum hominem tentasse, & vicisse.

De Lucifero autem quidam opinantur quod ibi relegatus sit, & ad nos tentandos nunc accessum non habeat: quia in Apocalypsi legitur: Cum consummati fuerint mille anni, soluetur Satan de carcere suo, & exiet, & seducet gentes: quod erit nouissimo tempore Antichristi, quando erit tanta tribulatio, ut etiam si fieri potest, moueantur electi. Quem ibi relegatum dicunt ab eo tempore, quo tentauit Christum in deserto, vel in passione, & victus fuit ab eo. Ipsum putant primum hominem tentasse & vicisse: & secundo Deum, sed ab eo victum esse, & ideo in inferno relegatum. Alij autem putant ex quo cecidit: pro peccati sui magnitudine, illuc fuisse demersum.

Quod Lucifer non habet potestatem quam habebit in tempore Antichristi.

Sed siue in infernum demersus sit, siue non, credibile est eum non habere potestatem accedendi ad nos, quam habebit in tempore Antichristi: in quo fraudulenter ac violenter operabitur, & ideo forte dicitur tunc soluendus, quia tunc dabitur ei potestas à Deo tentandi homines, quam modo non habet.

Quod

Quod dæmones semel victi à Sanctis non accedunt amplius ad alios.

1. hom. in Iosue 12.
Aliis quoque, qui à sanctis iuste & pudice viuentibus vincuntur, potestas alios tentandi videtur adimi. Vnde Origenes, Puto inquit, sane quia sanctis repugnantes aduersus istos incentores, & vincentes minuant exercitum dæmonum, & velut quam plurimos eorum interimant: nec ultra fas sit illi spiritui, qui ab aliquo sancto caste & pudice viuendo victus est, impugnare iterum alium hominem. Hoc autem putant quidam intelligendum tantum de illo in vitio in quo superatus est: ut si de superbia aliquem virum sanctum tentat, & vincitur ulterius non liceat in illum vel alium de superbia tentare.

DISTINCT. VI.

De Ruina quæ consecuta est malorum angelorum auersionem.

Præterea sciri oportet, &c.

Expositio Textus.

VPRÆCIPIT Magister de auersione, & conuersione angelorum. In hac parte agit de lapsu, siue ruina malorum. Et diuiditur hæc pars in duas. In prima determinat veritatem. In secunda remouet dubitationem, ibi: *Solet autem quæri, &c.* Prima pars habet tres. in prima determinat qui, & quales ceciderint, ibi: *Et tanta superbia.* In tertia vero qualiter habeant ordinem prælationum, ibi: *Et sicut inter bonos, &c.* Similiter secunda pars habet tres. In prima mouet quæstionem de vnitatem loci quantum ad angelos minores. Secundo quantum ad Luciferum. Tertio occasionaliter ostendit confingendi modum inter nos, & nostrum aduersarium. Primum facit, ibi: *Solet autem quæri, &c.* Secundum autem, ibi: *De Lucifero.* Tertium ibi: *Aliis quoque quia sanctis, &c.* Principaliter igitur in hac distinctione determinatur vnde angeli corruerunt: & deinde quis locus post ruinam: & quis ordo in loco, & officio.

Eosque cadentes huius caliginosi aëris habitaculum recipit, & hoc ad nostram probationem, &c. Dub. I.

CONTRA: Ergo videtur ex hoc quod vltimo dicitur, quod debeant habitare in terra, cum ad nostrum exercitium sint deputati. Item in dialogo legitur quod quædam comedit lactucam, & statim obfessa est à dæmonio: & ibidem ratio redditur, quia diabolus erat in lactuca quam momordit: ergo videtur quod sint in terra.

RESP. Dicendum quod diuina clementia, & prouidentia locum sequelæ præparauit dæmonibus, ne nimis acriter nos tentarent: nec tamen nimis à nobis longinquum, ut possent nos exercitare. Vnde quod inhabitent in caliginoso loco, hoc diuinæ sententiæ est: quod vero ad nos veniant, hoc permissionis est. Vnde cum triplex sit aëris interstitium: si quæratur in qua parte sint, probabile videtur quod sint in medio: vbi est turbulencia, & vexatio, & veritas impressionum; & hinc est quod frequenter commouent ventos, & tempestates.

Aëre isto caliginoso qui eis quasi carcer, &c. Dub. II.

CONTRA: Videtur quod nullo modo sit carcer, quia discurrunt quo volunt: & iterum spirituales sunt: ergo nec prohibentur, nec detinentur corpore. Item: Ventus non potest commouere, nec conturbare radium: ergo multo fortius nec spiritum. Item: Cum non habeant visum corporalem, videtur quod nullus locus sit eis caliginosus: nec puniri videntur tenebris corporalibus.

A RESP. Dicendum quod sicut ex quadam congruitate cælum empyreum est angelis sanctis locus conueniens & aptus, tum ex luce, tum ex spatio sita: ita recte potest dici palatium, attestans claritati, & tranquillitati, & ampliationi charitatis. Sic per oppositum, aër ille caliginosus carcer est, quia paruus, & arctus, & obscurus, non obscuritate quæ obscureret, vel arctitudine, quæ angustet: sed potius quæ attestatur mentis arctitudini, & frigori iniquitatis, & commotioni affectionum: & ideo recte carcer dicitur. Et sicut alio modo locus corporalis locat spiritus, alio modo corpora: ita & etiam alio modo incarcerat. Et sic patent obiecta.

Tunc dabitur ei potestas à Deo tentandi homines, quam modo non habet. Dub. III.

B CONTRA: Non est potestas super terram, quæ possit ei comparari: ergo si vires eius excedunt nostras, potius videtur, quod Deus debebat nobis augere posse quam dæmonibus: aut videtur iniuste agere, & inæqualiter, dum exponit debilem forti, & fatificat fortem contra debilem.

RESP. Dicendum quod potestas illa, de qua loquitur Iob, est potestas virtutis naturalis, non est potestas tentandi: nam potestas tentandi debilis est, nisi fortificetur per consensum tentati. Debilis enim est hostis, qui non vincit nisi volentem. Quia tamen propter nostram concupiscentiam, & ignorantiam multipliciter nos decipit, & allicit: ideo fortis est, & adeo quod pauci essent, qui non vincerentur, nisi Deus astutiam eius, & fallaciam reprimeret, & restringeret, quam in fine iusto iudicio permittit dilatari: & ideo potestatem tentandi dicitur dare non conferendo nouam potentiam, sed sinendo ipsam operari secundum illam potentiam, & astutiam, quam iam habet.

Nec ultra fas sit, &c. Dub. IV

Innuat Magister, quod non est fas vlli spiritui, qui victus est, impugnare aliquem. Contra: Probabiliter creditur quod diabolus magnus, qui tentauit Adam, tentauit Christum, & omni modo est victus: ergo videtur quod nunquam amodo tentet, quod est contra textum Apoc. Item: Si hoc est verum: ergo videtur exercitus dæmonum adeo diminutus in fine, quod tentare non possit: hoc autem falsum est, cum fortius tentet in fine.

RESP. Dicendum quod circa hoc difficile est veritatem determinare: quod autem fiat diminutio in eodem exercitu dæmonum, non videtur improbabile, cum ita videamus contingere secundum legem belli, ut qui superatur, amoveatur à bello: quantum tamen, & quando, difficile est determinare: vnde quidquid dicat Origenes melius est dubitare, quam super hoc aliquid diffinire.

ARTICVLVS I.

AD intelligentiam eorum, quæ in hac parte dicuntur de lapsu Angelorum, tria incidunt quæranda. Primum est, de quo ordine, vel dignitate ceciderint. Secundum est, in quid ceciderint. Tertium est de ordine, siue prælatione eorum post casum. Circa primum duo quæruntur. Primo, de quo ordine fuit Lucifer. Secundo, de quo ordine lapsi sunt minores angeli.

QVÆSTIO I.

An Lucifer fuerit de supremo ordine Angelorum.

S. Thom. 1. p. q. 63. art. 7.

Et 2. Sent. dist. 5. q. 1. art. 1.

Et 3. contra Gent. c. 109.

Et Opusc. 15. cap. 19.

Ag. d. Rom. 2. Sent. dist. 6. q. 1. art. 1.

Richardus 2. Sent. dist. 6. q. 1.

Durandus 2. Sent. dist. 6. q. 1.

Franciscus de Mayr. 2. Sent. dist. 6. q. 1.

Steph. Brulef. 2. Sent. dist. 6. q. 2.

Fundamēta
Iob 10.6

Ezech. 28. d

Vide hom.
34 in Euan-
gelio ante
med.

Ad opposi-
tum.
Ezech. 28. d

Cap. 6. & 7.
caelestis his-
torie.

DE quo ordine fuerit Lucifer. Et quod fuerit de supremo, hoc ostenditur per Iob: Ipse est principium viarum Dei: sed non ordine naturæ: ergo ordine dignitatis: ergo fuit præcellens inter creaturas cæteras: ergo & inter angelos.

ITEM Greg., 2. Moral. tractans illud Ezech. Tu cherub extensus, & protegens, &c. Quia comparatione claritatis suæ cæterorum claritatem obumbrasse creditur, & ideo ipse extensus, & protegens perhibetur, loquitur de Lucifero: ergo &c. Et ibidem iterum: dum cæteris agminibus angelorum prælatus, eorum claritatem transcendit ex eorum comparatione clarior fuit. Et iterum in eodem libro: Illa supernarum virtutum proceræ altitudinis agmina in lætitiæ æternæ viriditate plantata, quamvis excelsa fuerit condita, huic tamen nec prælata sunt, nec cœquata.

ITEM ratione: Lucifer appetiit omnibus præesse, & credidit se posse obtinere ut nulli subesset: sed hoc non est probabile, nisi vidisset se omnes præcellere: ergo fuit de supremo ordine.

ITEM peccatum eius maximum fuit inter peccata omnium angelorum, immo omnium creaturarum: sed tanto magis est vitium, quanto in nobiliori natura: ergo si maximum peccatum habuit omnium aliorum: ergo quantum ad naturam cæteris maior fuit.

1. SED CONTRA in Ezechiele dicitur ad Luciferum: Tu cherub extensus, & protegens, sicut exponit Greg. sed supremus ordo non est ordo cherub sed seraphin, sicut vult Dionysius: ergo non fuit de supremo ordine.

2. ITEM Dam. lib. 2. cap. 4. ex his angelicis virtutibus quæ præerant terrestri ordini, id est, eius qui circa terræna est ordinis, & cui terræ custodia à Deo commissa erat, libero arbitrio sui electione auersus est: ergo Lucifer secundum Damascenum fuit de infimo ordine.

3. ITEM ratione videtur. Quia si ipse fuit supremus: ergo magis fuit deiformis: ergo magis ad peccatum inhabilis: ergo non peccauit: aut si peccauit, non ita profunde sicut alij, ut videtur.

4. ITEM si supremus inter omnes angelos: ergo inter omnes creaturas nobilior: ergo magis à Deo dilectus, qui diligit omnia quæ fecit: ergo cum facillimum fuerit Domino ipsum conservare, non videtur probabile quod ipsum permisisset ruere.

CONCLUSIO.

Lucifer, quantum ad capacitatem naturæ, futurus erat de primo beatorum mentium ordine: qui si stetisset, merito gratia inter primos annumeratus fuisset.

RESP. Ad Arg. Dicendum quod sicut testantur auctoritates sacræ Scripturæ, & sanctorum, Lucifer valde excellens fuit, & si stetisset, in supremo ordine collocatus fuisset: cum ad hoc haberet idoneitatem ex parte naturæ. Sicut enim patebit infra, distinctio ordinum consummata venit ex parte gratiæ: sed dispositio ex parte naturæ: unde concedendæ sunt rationes ad hoc inductæ.

1. AD illud quod obiicitur, quod dicitur de cherub, dicendum quod seraphin interpretatur incendium, & hoc est per charitatem: angelus autem licet à sua conditione habuerit plenitudinem scientiæ, non tamen habuit incendiū charitatis nisi à gratia. Et quia cherubin dicitur plenitudo scientiæ: sed seraphin dicitur incendium charitatis, hinc est quod dicitur cherubin non seraphin: & hoc non ideo, quia esset de ordine cherubin, sed quia habebat habitum illi ordini conuenientem: non sic habitum conuenientem ordini seraphin, quamvis ad illum esset præparatus.

2. AD illud quod obiicitur, quod præerat terrestri ordini, dicendum quod Damasc. hoc dicit quantum ad vim

A administratiuam, quia cæteri ei erant subiecti quantum ad actum ministerij, & quia actus ministerij omnibus aliquo modo competit ex natura sicut infra patebit: quia omnes sunt administratorij spiritus: ideo ex hoc non habetur: quod angelus fuerit de ordine infimo, immo potuit etiam esse de supremo, & præsidere terreno ministerio. Sed tunc est quæstio: cum in angelo esset vis contemplatiua, quare magis per administratiuam eum describat. Et dicendum, quod vis contemplatiua attenditur in comparatione ad superius: sed ministratiua in comparatione ad inferius: & quoniam angelus sumpsit occasionem peccandi, considerando suam præsentiam respectu inferiorum: ideo secundum illam vim eum describit. Vnde Augustinus dicit, quod consideratio angeli in peccando fuit contrario modo considerationi Centurioni, quia dixit: Ego sum homo sub potestate constitutus, habens sub me milites. Angelus e contrario primo considerauit milites, & ministros sibi subditos: ideo eleuatus est in superbiam.

3. AD illud quod obiicitur, quod minus erat habilis ad peccandum, dicendum quod verum est: attamen voluntas in omnibus angelis libera erat, & vertibilis: & ideo sine omni pronitate proterat quo volebat inclinari, & hinc est quod ille grauius peccauit: unde ad peccatum non necessario concurrat pronitas, sed vertibilitas: nec peccatum intenditur ex pronitate, sed magis ex naturæ, & donorum dignitate, & conuersionis profunditate. Et quia altior erat: ideo cecidit profundius. Et quia fortior, ideo ad malum se conuertit fortius, & inseparabilis.

4. AD illud quod obiicitur ultimo, quod videtur incredibile, quod Deus nobilissimam creaturam suam sic perire dimitteret, dicendum quod mira in hoc Dei iustitia ostenditur, quæ tantam seruat iustitiam, ut ordinem institutum nullo modo infringat: tantum peccatum odit, ut propter peccatum quos charissimos reputauit, abiciat. Vnde credo quod tam spectandum monstrum diuinæ seueritatis in angelo nobilissimo & primo homine, quorum vtrumque propriis manibus plasmavit, & decorauit Deus nobis infirmis præposuit, & ostendit, ut discamus quantum Deus odit peccatum, & maxime superbiam, quod pro vno motu cordis nobilissima creatura omnium creaturarum æternaliter & sine spe veniæ est damnata: & pro vno esu pomi, & ipse Adam & tota posteritas vsque ad finem mundi, & mortalitati, & multiplici pœnalitati subiecta, & nisi Dominus reliquisset nobis semen, quasi Sodoma fuisset. Ex his efficacissimum relinquitur argumentum quod horrendum est incidere in manus Dei viuientis: si enim Deus non percutit nobilissimo angelo superbiienti, quid erit de vilissimo cinere, abiectissimo in altum se extollenti, cum iacere debeat in cinere, & cilicio, immo in ipso sterquilinio.

QVÆSTIO II.

An Angeli minores, qui lapsi sunt: fuerint de supremo ordine.

Alexand. Alensis 2. p. q. 110. Membro 3.

S. Thom. 1. p. q. 63. art. 8.

Et 2. Sent. dist. 6. q. 1. art. 2.

Egid. Rom. 2. Sent. dist. 6. q. 1. art. 3.

Durandus 2. Sent. dist. 6. q. 2.

Richardus 2. Sent. dist. 6. q. 2.

DE quo ordine lapsi sunt minores angeli. Et quod de omnibus, videtur per Hugonem: De quolibet ordine aliqui ceciderunt, & vnum ordinem contrarium fecerunt, vbi non est ordo, sed sempiternus horror inhabitat.

ITEM Gregorius dicit in homilia Pentecostes, quod ad omnes angelorum ordines aliqui homines assumuntur: sed hoc non erit nisi ad restaurandam ruinam angelorum: ergo de quolibet aliqui corruerunt.

ITEM probatum est quod Lucifer fuit de supremo ordine: ergo si de illo ceciderunt, videtur quod multo fortius de aliis.

ITEM

ITEM omnes angelorum ordines procurant hominum salutem: unde omnes sunt administratores spiritus, &c. ergo videtur quod omnibus ordinibus suo modo homines recompensant obsequium, ut nutriatur charitatis solatium: sed sicut angeli subveniunt hominibus ministrando, ita homines angeli eorum lapsum reparando: ergo quilibet ordo habuit ruinam

1. SED CONTRA: Deus angelis peccantibus non pepercit: ergo omnes labentes sunt de infimo ordine: quia infimus ordo censetur nomine angelorum, ut inferius patebit.

2. ITEM Apostolus vocat demones principatus, & potestates, & diuersa nomina angelorum dicuntur de demonibus, præter Seraphim, & Thronos: ergo videtur quod de his ordinibus nulli ceciderunt, aut si ceciderunt, cum non possit probari per scripturam nullo modo est asserendum.

3. ITEM angeli eiusdem ordinis sunt similiores in natura: sed qui sunt similiores in natura, similiores sunt in affectibus: quia omne animal ad sibi simile copulabitur: & qui similiores sunt in affectibus, similiores sunt in moribus, similiores sunt in bonitate, & malitia: ergo probabilius videtur ponere quod si de aliquo ordine steterunt aliqui, quod omnes per consequens: & si ruerunt aliqui, quod omnes de illo ordine: ergo non est ponere, quod de omnibus ordinibus aliqui ruerint, aliqui steterint.

CONCLUSIO.

Angelorum qui in peccato lapsi fuerunt de quolibet calisum spirituum ordine nonnulli peccauerunt, ut bene docuit Hugo.

RESP. Ad arg. Dicendum quod secundum quod sancti dicunt, & accipitur ex Scriptura, de omnibus aliqui lapsi sunt, & hoc expresse dicit Hugo de sancto Vict. in lib. de sacramentis, & ratio persuadet. Cum enim de supremo ordine aliqui auulsi sint, ut Lucifer: credendum est quod omnes senserunt aliquam ruinam.

1. AD illud ergo quod obiicitur, quod omnes dicuntur angeli, dicendum quod angelus secundum quid est nomen officij quod est mitti, & commune est omnium, ut patebit infra: appropriatur tamen inferiori ordini, de quo frequentius mittuntur aliqui: & ideo beatus Petrus generaliter loquens comprehendit omnes.

2. AD illud quod obiicitur, quod scriptura non nominat omnia nomina, dicendum quod sicut in malis quedam sunt quæ mox nominata coniuncta sunt malo, ut fornicari, & occidere: ita in bonis quedam sunt quæ mox nominata coniuncta sunt bono, ut Seraphim: quia dicit charitatis incendium, & Throni: qui dicit sedem ubi dominus requiescit ad iudicandum: & ideo nomina horum ordinum demonibus non attribuntur, quamvis ipsi ex natura dispositi essent ad hos ordines sicut ad alios, tamen aliorum nomina tenent: quia communia sunt bonis, & malis, ut principatus, & potestates.

3. AD illud quod obiicitur de amore similitudinis, dicendum quod illud locum habet in amore naturali: in amore vero electiuo ubi quis fertur secundum dominium voluntatis, non habet veritatem: nam Medea occidit filium lib. 7. metamorph. fabul. 4. & plus odit homo hominem quam serpentem frequenter, & maior est discordia voluntatum: sed quia lapsus, & status fuit secundum voluntatum electiuam, non naturalem: ideo non habet hic locum.

ARTICVLVS II.

CONSEQUENTER queritur quantum ad lapsum, in quid ceciderunt. Primo, utrum ceciderunt in infernum quantum ad locum. Secundo, utrum in infernale supplicium.

QUESTIO I.

An Angeli in Infernum ceciderint.

S. Thomas 1. p. q. 64. art. 4.

Agid. Rom. 2. Sent. dist. 6. q. 2. art. 1.

Richardus 2. Sent. dist. 6. art. 2. q. 1.

Steph. Brulef. 2. Sent. dist. 6. q. 3.

Thom. Argen. 2. Sent. dist. 6. q. 1. art. 3.

QUOD ceciderunt in locum infernalem videtur, quia casus tanto profundior quanto gradus excelsior: ergo si ceciderunt de loco altissimo, ut de empyreo, videtur quod detrusi sunt in locum infimum & ita in infernum.

2. ITEM Angelis sanctis propter munditiam, & lucem sapientie debetur locus mundissimus, & lucidissimus sicut empyreum: ergo à contrariis, demonibus immundis, & obtenebratis debetur locus tenebrosissimus, & immundus: sed iste locus est infimus, & subterraneus qui dicitur infernus: ergo, &c.

3. ITEM homines mali post mortem statim descendunt ad infernum, sicut dicit Iob: Ducunt in bonis dies suos, & in puncto ad infernum descendunt: ergo cum hoc sit angelis casus quod hominibus mors: ergo statim ceciderunt in locum infernalem. Si tu dicas quod sunt relictii extra infernum ad nostram exercitationem.

4. CONTRA: homo de se pronus est sufficienter ad malum, & satis potest exercitari à passionibus carnis: ergo videntur superflue exercitationes demonum: & si Deus hoc permittit, videtur misericorditer agere.

CONTRA: Non ambuletis secundum principem potestatis aeris huius, demonstrat aerem materiale: ergo potestas diaboli maxime est in hoc aere: sed ubi est potestas eius, & substantia: ergo, &c.

ITEM constans est, quod diabolus non tentat, & tentauit Christum, ut dicitur in Matt. De nobis autem non tantum Scriptura docet, sed etiam experientia: ergo cum angelus ibi sit ubi operatur, & circa nos operatur: ergo, &c.

ITEM in inferno nulla est omnino redemptio: unde qui descendunt in infernum, nunquam ascendunt: ergo si demones deiectione essent in inferno, nunquam possent ad nos venire: sed veniunt, ergo in infernum nunquam descenderunt.

CONCLUSIO.

Angelorum malorum locus ante diem iudicii non est infernus subterraneus, sed aer caliginosus: licet probabile sit nonnullos eorum ad torquendas animas eo descendere.

RESP. Ad arg. Dicendum quod sicut patet ex Scripturis locus demonum post lapsum usque ad diem iudicii, non est locus subterraneus quem vocamus infernum: sed aer caliginosus, in quo generaliter demonum multitudo inhabitat: utrum autem aliqui detrusi sint in infernum, hoc ego nescio, nec inuenio à sanctis determinatum. Hoc autem bene credo, quod aliqui descendunt ad torquendas animas, secundum quod inter se habent deputata maledictionis officia. Ratio autem quare in hoc aere sunt, est propter humanum exercitium. Sicut enim edicit Aug. nunquam Deus, quos præciebat futuros malos, eos fecisset, nisi pariter nosset, quibus bonorum visibus eos accommodaret. Unde diuina dispositio hoc exigit, ut etiam de præuacatibus angelis obsequium quod modo electorum trahat, & eliciat: scit enim bene uti malorum prauis voluntatibus, & ideo non eos detrusit in infernum, sed locum dedit aptum ipsis demonibus, tum quantum ad statum peccati, tum quantum ad statum exercitij siue belli. Aer enim caliginosus propter caliginem conuenit tenebrositati culpe, sed propter mobilitatem, & subtilitatem conuenit angelicæ velocitati: unde sicut aliquibus viris sanctis ostensum est frequenter, circa nos volitant ut muscæ.

1. AD illud ergo quod obiicitur, quod de altissimo in profundissimum, dicendum quod verum concluderet,

Ad oppositum.

Iob. 21. b.
Dam. lib. 2.
cap. 4. & 18.
de orth. fid.

Fundam. a.
Ephes. 2. d

Matt. 4. a

Lib. 2. de Ci.
Dei cap. 18.
tom. 3.

si esset omnino retributum quod meruerunt: sed Dominus non statim retribuit, sed simul cum hominibus eos illuc expectat proicere, quos ipsi sua perversitate inducunt peccare.

2. Ad illud quod obiicitur, quod angelis beatis locus deberetur altissimus, dicendum quod quamvis sit eis debitus, non tamen sunt ibi semper: sed & circa nos ad explendum suum ministerium. Similiter dico quod quamvis locus infimus & vilissimus sit dæmonibus debitus, tamen eis differtur propter nostrum exercitium.

3. Ad illud quod obiicitur de hominibus malis post mortem, &c. dicendum, quod non est simile omnino, sed solum quo ad statum impoenitentiae, non quo ad statum demeriti vel exercitij, sicut infra melius patebit: anima enim non est deputata ad ministrandum sicut angelus.

4. Ad illud quod obiicitur ultimo, quod Deus immisericorditer cum homine, dicendum quod non, immo misericordia superexaltat iudicium: quia contra fomittem dat scintillam conscientiae: contra dæmones dat bonum angelum: & supra hoc dat suam gratiam & Spiritum sanctum suum qui vincit omnem potestatem: quia neque mors, neque vita, neque principatus, neque potestates, possunt separare à charitate Dei, unde ille amor est adiutorium prævalens omnibus, & omnia vincens. Propter hoc ut habeant exercitium, quia virtus in infirmitate perficitur, dat Deus suis sanctis angelum satanae qui eos colaphizet: sicut colaphizavit Paulum.

QVÆSTIO II.

An Dæmones ubicumque sint, Infernali cruciatu crucientur.

S. Thom. 1. p. q. 64. art. 4. ad 3.

Egid. Rom. 2. Sent. dist. 6. q. 2. art. 2.

Et Quod. 2. q. 9.

Richardus 2. Sent. dist. 6. art. 2. q. 1.

Steph. Brulef. 2. Sent. dist. 6. q. 4.

VTRUM ceciderint in infernale supplicium, utrum scilicet crucientur ubicumque. Et quod sic, Glossa super illud: Lingua inflammata à gehenna, ait: Gehenna est diabolus propter quem facta est. Sicut enim gehenna semper ardet, sic diabolus ubicumque sit vel in aere, vel sub terra, semper fert secum tormenta flammaram.

2. **I**TEM hoc videtur ratione per simile. Angeli conuersi, quamvis non sint à ministerio absoluti, tamen in ipso ministerio habent præmium suæ conuersionis, scilicet beatam visionem: ergo pari ratione dæmones poenam infernalem.

3. **I**TEM videtur à minori, quia grauius est in conspectu Dei iuste omnia ponderantis, peccatum angelicum quam humanum: sed homo decedens in peccato sine aliquo intervallo statim punitur poena gehennali, & incendio: ergo multo fortius videtur de angelis malis.

4. **I**TEM in peccato duo sunt, sc. auersio, & conuersio, & utrique correspondet sua poena, sc. carentia visionis, auersioni: & afflictio ignis, conuersioni: sed statim ut peccauit, amisit irremediabiliter visionem, & punitus est carentia visionis, ergo pari ratione poena afflictionis: sed hæc est poena illius ignis: ergo, &c.

CONTRA in Matthæo dicitur: Iesu fili Dei, ut quid venisti ante tempus torquere nos? ergo angeli nondum torquebantur.

ITEM si punirentur poena ignis materialis, cum ille agat in creaturam passibilem, & condignam pati: ergo cum diabolus corporaliter obsidet aliquem, si secum fert ignem, videtur quod eum totum comburat, nisi virtutem ignis per miraculum Deus restringat: sed non est ibi ponendi in miraculum: ergo, &c.

ITEM si ita torquerentur igne materiali, cum ille sit summe afflictivus, non delectarentur in peccato hominis, siue in faciendo alios peccare: ergo cum multum hoc desiderent, non videtur esse probabile.

ITEM si torquerentur igne materiali, cum non sint nisi

tres species, sc. carbo, flamma, & lux, quæro qua specie. Non luce, constat, quia non affligit, nec decet eos secum ferre lucem: ergo vel flamma vel carbone: sed neutra istarum patet sensui: ergo, &c.

CONCLUSIO.

Licet nonnulli satis probabiliter senserint malos angelos ubicumque, & ante extremi iudicii diem infernali cruciatu torqueri, aliis tamen probabilior censetur sententia dicentium, poenam ignis usque ad nouissimum diem illis differri.

RESP. AD ARG. Dicendum quod circa hoc sunt diuersæ positiones doctorum. Quidam enim innitentes prædictæ Glossæ & considerantes vltionem diuinæ iustitiæ siue rigorem, dicunt dæmones ubicumque sunt, puniri supplicio ignis materialis, licet minus intense quam post vltimam damnationem. Et cum hoc non sit intelligibile quod ignem cremantem ubicumque secum circumferant nisi habeant corpora alligata, coguntur ponere quod dæmones à sui lapsu primario habuerunt sibi aptata corpora in quibus punirentur, & in quibus circumferrent, quasi intrinsecus materiale incendium quocumque decurrant: sicut febricitans ubicumque circumfert ardorem in qualicumque loco ponatur. Sed quoniam illud est difficile sustinere, quod dæmones habeant corpora inseparabiliter vnita, sicut infra melius patebit: & præterea cum non videantur acriter puniri tum ex verbis Euangelij, tum etiam quod intenti sunt mala facere, & mala multa multiplicare: ideo aliorum positio est, quod dæmonibus differtur poena ignis usque post iudicium: tum ut eorum exercitium non omitatur, tum etiam ut diuina misericordia ostendatur: quæ sustinet vasa iræ apta in interitum in multa patientia, usque in diem quo retribuet omnibus secundum fructum adinventionum suarum. Quæ harum positionum sit verior, nescio: hæc tamen, quæ vltimo data est, videtur probabilior.

1. Ad illud ergo quod obiicitur de Glossa, patet responsio si aspiciantur sequentia: quod non intelligit de flamma ignis materialis, sed de flammis vitiorum, scilicet iræ, inuidiæ, quibus etiam torquentur.

2. Ad illud quod obiicitur de angelis bonis, dicendum quod non est simile: quia Deus pronior est ad miserandum, quam ad puniendum. Præterea, ministerium angelorum non impeditur ex gloria, sed expeditur: sed poena omnino retraheret malos ab exercitando.

3. Ad illud quod obiicitur de damnatis omnibus, dicendum quod non est simile: quia damnati sunt extra statum demeriti: & ideo non oportet quod differatur supplicium: non sic dæmones, quia demerentur, ut infra melius patebit.

4. Ad illud quod obiicitur de auersione, dicendum quod non est simile: quia visio Dei non potest stare cum culpa: unde inseparabilis poena à culpa, est visionis carentia: non sic est de poena afflictiva.

ARTICVLVS III.

CONSEQUENTER tertio loco quæritur qualiter dæmones sint post lapsum ordinati. Et quærentur circa hoc duo. Primo quæritur, utrum inter eos sit ordinum distinctio. Secundo, utrum inter malos angelos sit prælatio.

QVÆSTIO I.

An in dæmonibus sit ordinum distinctio.

S. Thomas 1. p. q. 109. art. 1.

Et 2. Sent. 9. q. 1. art. 1.

Stephanus Brulef. 2. Sent. dist. 6. q. 6.

VTRUM inter eos sit distinctio ordinum. Et quod sic, videtur: Nā Apostolus vocat eos principatus, & potestates, & alij sancti nominibus aliorum ordinum:

ergo

ergo videtur quod si tenuerunt nomen & non frustra, A cludunt, scilicet quod non est in eis ordo perfectus, im-
quod aliquo modo tenuerunt rem : & ita quod ordines mo magis peruerius : & sic patent omnia.

QVÆSTIO II.

An in Angelis malis sit prælatio.

Alex. Alensis 2. p. q. 37. Memb. 1. & 2.
S. Thom. 1. p. q. 109. art. 2.
Et 2. Sent. dist. 6. q. 1. art. 4.
Egid. Rom. 2. Sent. dist. 6. q. 2. art. 3.
Richard 2. Sent. dist. 6. art. 3. q. 1.
Albertus de statu Dæmon. q. 17.
Durandus 2. Sent. dist. 6. q. 3.
Steph. Brulef. 2. Sent. dist. 6. q. ult.

VTRVM inter angelos malos sit prælatio. Et quod sit ibi de facto, videtur; Non est potestas super ter-
ram, quæ possit ei comparari. Et iterum: Ipse est rex su-
per omnes filios superbiæ; sed dæmones sunt huius-
modi: ergo, &c.

ITEM: iste maledicti in ignem æternum, qui paratus est diabolo, & angelis eius. Vocat minores dæmones angelos diaboli: ergo cum angelus diaboli nullus dica-
tur quantum ad naturæ conditionem: dicitur ergo quan-
tum ad ministerij subiectionem; ergo, &c.

ITEM quod de inre vnus præsit alteri videtur. Serui-
tus enim introducta est inter homines, vt dicit Ambro-
sius, merito peccati: sed nullum peccatum adeo meretur
seruitutem sicut peccatum ambitionis, & superbiæ: cum
ergo dæmones maxime illo peccauerunt, inter eos ma-
xime debet esse seruitus, & dominium, & ita prælatio.

ITEM habens liberi arbitrij voluntatem, secundum
legem potest se facere seruum sempiternum, sicut dicitur
in Exodo: sed dæmones liberæ potestatis existentes
Lucifero se voluntarie subiecerunt, dum eius superbiæ
conferunt: ergo facti sunt serui.

1. SED CONTRA: Quod ibi non sit prælatio, de fa-
cto videtur. Inter superbos semper iurgia sunt, sicut
dicitur in Prouerbiis. Ergo cum ipsi sint valde superbi,
videtur quod refugiant omne dominium: ergo aut non
est ibi prælatio, aut si est, nullius stabilitatis est.

2. ITEM si est ibi: aut ergo natura, aut violentia, aut
electione voluntatis. Non natura, quia natura etiam post
culpam, & in pœnis eadem manebit: sed tamen post iu-
diciū cessabit omnis prælatio, vt dicit Magister. Si vio-
lencia: ergo quilibet, si potest, subiugat sibi alium: sed
hoc non est sine quadam colluctatione, & pugna: ergo
videtur quod continue sit inter dæmones rixa, & dis-
cordia: quod manifeste falsum est, quia miro modo con-
cordes sunt ad peruertendum homines: quod non esset
si inter se bellarent. Igitur non est nisi electione volun-
tatis: sed hoc est falsum, quia superbi sunt: igitur.

3. ITEM videtur quod non sit ibi de iure. Si enim ser-
uitus & dominium introducta sunt propter peccatum,
ita quod seruitus est pœna peccati: ergo magis deberet
seruitute deprimi, qui magis peccauit; sed Lucifer magis
peccauit: ergo omnibus deberet esse subiectus: sed nulla
est prælatio, in qua vnus subiicitur multis; ergo, &c.

4. ITEM licet homo teneatur hominis imperio obe-
dire, cui subiugatus est, & subditus factus, sicut dicit
Scriptura; Serui obedite per omnia Dominis; tamen
quando præcipit contra Deum non tenetur, nec debet;
& si semper præciperet contra Deum, nunquam deberet
subiici, vel obedire; ergo si nunquam posset aliquid
præcipere nisi contra Deum, nullo modo posset, nec
deberet ei de iure subesse; si ergo diabolus contra
Deum præcipit in omni eo quod mandat, nec aliter po-
test præcipere; patet, &c.

CONCLUSIO.

Inter Angelos malos est prælatio, quod bonos conentur
quanquam falso & imperfecte, imitari, homi-
nesque impugnent.

RESP. Ad Arg. Dicendum quod sicut dicit Magister
in litera, prælatio est inter dæmones; & alij imperant,

ITEM à natura sua sunt conditi distincti, & perfecti,
& ordinati: sed Dionysius dicit quod habent sibi natura-
liter data integerrima: ergo adhuc manet inter eos ordo.

ITEM nihil in vniuerso est inordinatum, quamvis
sit inordinatum in se, quia scdari non potest: ergo dæ-
mones suo modo sunt ordinati vt Angeli: ergo & in-
ter eos est ordo.

ITEM natura Angelorum quantum in se erat, habi-
lis erat ad ordines: & gratia adueniens perfecisset ordi-
nes, quia data eis fuisset secundum naturalium strenui-
tatem: ergo cum similiter per maiorem, vel minorem
naturalium strenuitatem fuerit ordo, & minoritas, siue
maioritas in culpa: videtur quod similiter per culpam
non auferatur ordo, sed magis perficiatur.

1. CONTRA: Hugo de sancto Vi. Omnes in ean-
dem malitiam consenserunt, & vnum ordinem peruer-
sæ societatis effecerunt: ergo non est inter eos ordinum
distinctio.

2. ITEM malum est corruptio modi, speciei, & ordi-
nis: sed per peccatum facti sunt mali: ergo inordinati:
ergo non est inter eos ordo, cum omnes sint mali.

3. ITEM maior est deordinatio in culpa, siue per cul-
pam, quam in pœna: nam pœna reducit culpam ad ordi-
nem aliquem; sed in suppliciis non est ordo naturæ: er-
go nec in existentibus in peccatis. Probatio minoris:
vbi nullus ordo: sed sempiternus horror inhabitat, lo-
quitur de loco pœnarum.

4. ITEM quanto melior est natura, tanto maior est in
ea culpa: ergo quanto quis superior per naturam, tanto
inferior per culpam. quia maior culpa facit peiorem: er-
go culpa peruertit totum ordinem naturæ, & aufert
omnino ordinem gratiæ: ergo nullus ordo est inter eos.

CONCLUSIO.

Angeli in statu gloria habent ordinum distinctionem per-
fectam, quo vero ad naturæ statum, imperfectam: in sta-
tu vero culpa imperfectam & peruersam habent.

RESP. Ad arg. Quod de angelis est loqui quantum
ad statum triplicem, scilicet gloriæ, & naturæ institu-
tæ, & lapsæ. Quantum ad statum gloriæ, est in eis ponere
ordinum distinctionem perfectam. Quantum ad statum
naturæ, ordinum distinctionem, sed imperfectam. Quā-
tum ad statum culpæ, ordinum distinctionem: sed im-
perfectam, & peruersam: imperfectam propter priuationem
gratiæ, quæ habilitatem naturæ perficit: peruersam,
propter præsentiam culpæ, quæ quamvis substantiam
naturalium non corrumpat, tamen scdat & deordinat,
& illud manifestum est, si attendatur. Nam illi qui me-
liora habuerunt naturalia, illi grauius peccauerunt, &
peccant, tum propter hoc quod ardentius appetierunt,
tum quia magis ingrati fuerunt, tum etiam quia modo
acrius vexant. Ratio nobilitatis naturæ præcellunt in
ordine naturæ, & præcellunt in magnitudine culpæ; &
quantum ad hoc deteriores sunt; & ideo inferiores esse
debuerunt. Concedo ergo quod inter dæmones est ordo
secundum præcellentiam naturalium: sed tamen peruer-
sus adiunctione culpæ. Cōcedo igitur rationes probā-
tes quod in eis sit aliquis ordo, licet tenuis, vt dictū est.

AD illud tamen quod vltimo obiicitur, quod culpa
consonat naturæ, dicendum quod illa consonantia ma-
gis est discordantia, quam consonantia; nam magnitudo
culpæ facit in veritate minus, quanto maior est: & ita in
magno natura non seruat dignitatem ordinis, immo ma-
gis peruertit: quia magnificari in culpa, est deteriorari
in natura bene condita, siue instituta. Quod autem Dio-
nysius dicit, quod habent naturalia integerrima: verum
est quantum ad substantiam, non quantum ad habilita-
tem, ad operationem determinatam. Quæ vero ad oppo-
sitū opponuntur, concedenda sunt, eo quod verū con-

Fundamēta.

Iob 41. d

Mat. 25. d

Lib. 2. de
Abraham,
1. circa
Prioc.

Exo. 21. a

Ad opposi-
tum.
Fron. 13. b

Coloss. 3. d

alii obediunt, sicut tangit idem Magister in littera. Et hoc satis videtur probabile, tum quia filij tenebrarum quodammodo imitari conantur, licet falso, & imperfecte, filios lucis: unde sicut videt Angelos ordinate officia sua exequi secundum imperia sapientiorum, & maiorum: similiter ipsi faciunt maleficia. Tum etiam quia filij tenebrarum prudentissimi sunt in generatione sua: & quia habent colluctationem aduersus genus humanum, & regnum eorum, & exercitus si esset diuisus, & sine capite non posset stare: ideo sicut homines præliantes in exercitu, quantumcunque sunt præsumptuosi: tamen propter odium inimicorum libenter subiacent duci imperanti, & habent multos proprios, & vnum principalem ducem: sic credendum est esse in demonibus. Concedendum est ergo, quod inter demones est prælatio.

1. Et patet responsio ad illud quod primo obicitur de superbia: quia malitia, & inuidia, quam non potest superbus exercere sine adiutore, facit eum libenter alij subiici, tum propter appetitum triumphi, tum propter odium inimici.

2. Ad illud quod obicitur quo modo sit ibi prælatio, dicendum est, quod non electione, nec violentia, sed credo quod natura & diuina institutione. Sua enim conditione data est eis vis ministratiua, & potentior vni, quam alij, & Deus ordinauit, ut minus potentes & sapientes magis potentibus, & sapientibus subessent in ministrando. Et Hugo dicit quod id in malum ministerium exercent, quod perficiendum ex conditione acceperunt: & ita sibi inuicem præsumunt, sicut præessent si essent boni: & cum cessabit status ministerij, cessabit status prælationis: sic patet quod de facto est ibi prælatio.

3. 4. Ad illud quod quaeritur, vtrum de iure, dicendum quod nulla omnino est ibi prælatio de iure: quia cum ipsi demones subiectis nihil præcipiant nisi contra ius, eo quod ruperunt ius, & dissipauerunt fœdus sempiternum: ideo nulla manet ibi iuris obligatio, sed solum malevolens confœderatio. Nec est simile de homine, qui iuste potest præcipere seruo: & ideo non valent rationes ad hoc inductæ.

DISTINCT. VII. PARS I.

Quod boni Angeli à Deo sunt confirmati per gratiam, ut peccare non possint: quamvis liberi permanserint, & mali ita obdurati in malo, ut bene velle nequeant: viuaci tamen sensu non sunt priuati, quorum scientia etiam magicæ artes exercentur, non quod illis ad nutum pareant hæc materialia, aut creatores sint.

S V P R A dictum est, quod Angeli, qui perstiterunt, per gratiam confirmati sunt: & qui ceciderunt, à gratia Dei deserti sunt. Et boni quidem instantum confirmati sunt per gratiam, quod peccare nequeunt. Mali vero per malitiam adeo sunt obstinati, quod bonam voluntatem habere, siue bene velle non valent, etsi bonum sit quod aliquando volunt. Volunt enim aliquando aliquid fieri quod Deus vult fieri, & utique illud bonum est, & iustum fieri, nec tamen bona voluntate illud volunt.

Quod utrique liberum arbitrium habent, nec tamen ad vtrumque flecti possunt.

Sed cum nec boni peccare possint, nec mali bene velle, vel bene operari, videtur quod iam non habeant liberum arbitrium: quia in vtramque partem flecti non possunt, cum liberum arbitrium ad vtrumque se habeat. Unde Hieronymus in tractatu de prodigo filio dicit:

A Salus Deus est, in quem peccatum cadere non potest: cetera cum sint liberi arbitrij in vtramque partem flecti possunt. Hic videtur dicere, quod omnis creatura in libro arbitrio constituta flecti potest ad bonum, & ad malum. Quod si est, ergo & boni angeli, & mali ad vtrumque flecti possunt: ergo & boni possunt fieri mali, & mali boni. Ad quod dicimus: Quia boni tanta gratia confirmati sunt, ut nequeant fieri mali, & mali in malitia adeo obdurati sunt, ut non valeant fieri boni, & tamen utrique habent liberum arbitrium: quia & boni non aliqua cogente necessitate, sed propria, ac spontanea voluntate per gratiam quidem adiuti bonum eligunt, & malum respuunt: & mali similiter spontanea voluntate à gratia destituti, bonum vitant, & malum sequuntur: & mali habent liberum arbitrium, sed depressum, atque corruptum, quod surgere ad bonum non valet.

Quod boni post confirmationem liberius arbitrium habent quam ante.

Boni vero arbitrium habent multo liberius post confirmationem, quam ante. Ut enim Augustinus tradidit in Ench. Non ideo carent libero arbitrio, quia male velle non possunt: multo quippe liberius est arbitrium quod non potest seruire peccato. Neque culpanda est voluntas, aut voluntas non est, aut libera dicenda non est, quia beati esse sic volunt, ut esse miseri non solum nolint, sed nec prorsus velle possint. Non possunt itaque boni angeli velle malum, vel velle esse miseri, neque hoc habent ex natura, sed ex gratia beneficio. Ante gratia namque confirmationem potuerunt peccare angeli: & quidam etiam peccauerunt, & demones facti sunt. Unde Ang. in lib. contra Maximinum. Creaturarum natura celestium mori potuit, quia peccare potuit. Nam angeli peccauerunt, & demones facti sunt, quorum diabolus est princeps: & qui non peccauerunt, peccare potuerunt: & cuiusque creatura rationali præstatur, ut peccare non possit, non est hoc natura propria, sed Dei gratia. Ideoque solus Deus est qui non gratia cuiusquam, sed natura non potuit, nec potest, nec poterit peccare. Ecce hic insinuat, quod angeli ante confirmationem peccare potuerunt, sed post confirmationem non possunt. Quod potuerunt, fuit eis ex libero arbitrio, quod est eis naturale: quod vero modo non possunt peccare, non est eis ex natura, id est, libero arbitrio, sed ex gratia, ex qua gratia est ut ipsum liberum arbitrium iam non possit peccato seruire.

Quod post confirmationem angeli non possunt ex natura peccare sicut ante: non quod debilitatum sit eorum liberum arbitrium, sed confirmatum.

Non ergo post confirmationem angeli de natura sicut ante peccare potuerunt: non quod liberum arbitrium eorum debilitatum sit per gratiam: sed ita potius confirmatum, ut iam per illud non possit bonus angelus peccare: quod utique non est ex libero arbitrio, sed ex gratia Dei. Quod ergo Hieronymus ait: Cetera cum sint liberi arbitrij, possunt flecti in vtramque partem: accipi oportet secundum statum, in quo creata sunt. Talis enim & homo & angelus creatus est, qui ad vtrumque flecti poterat: sed postea boni angeli ita per gratiam sunt confirmati, ut peccare non possint: & mali ita in vitio obdurati, ut bene vivere nequeant. Similiter etiam illud Isidori intelligendum est.

Damas. P. am in suo tractatu de filio prodigo.

Cap. 105. 10. 3. de homine loquitur.

Lib. 3. c. 11. ad fin. 10. 6. lob 41. d

Dist. 5.

Inc. 15. a In rom. 3. ad

est: Angeli mutabiles sunt natura, immutabiles sunt A
gratia: quia ex natura in primordio sua conditionis
mutari potuerunt ad bonum, siue ad malum: sed post
per gratiam ita bono additi sunt, ut inde mutari ne-
queant. Ad hoc enim repugnat gratia, non natura.

DISTINCT. VII. PARS II.

Quod Angeli mali viuacem sensum non per-
diderunt, & quibus modis sciant.

Et licet mali Angeli ita per malitiam sint obdu-
rati, viuaci tamen sensu non sunt penitus priuati. Nam
ut tradit Isidorus, triplici acumine scientia vigent B
damones: scilicet subtilitate nature, experientia tem-
porum, reuelatione supernorum spirituum. De hoc etiam
Augustinus ait: Spiritus mali quadam vera de tem-
poralibus rebus noscere permittuntur, partim subtili-
tate sensus, partim experientia temporum callidiores
propter tam magnam longitudinem vita: partim à
sanctis angelis quod ipsi ab omnipotenti Deo discunt
iussu eius sibi reuelantibus. Aliquando iidem nefandi
spiritus, & quæ facturi sunt, velut diuinando prædi-
cunt.

Quod magicæ artes virtute, & scientia diaboli valent;
quæ virtus, & scientia est ei data à Deo, vel ad
fallendum malos, vel ad monendum,
vel exercendum bonos.

Quorū scientia, atque virtute etiam magicæ artes
exercentur: quibus tamen non tam scientia, quam po-
testas à Deo data est, vel ad fallendum fallaces, vel ad
monendum fideles, vel ad exercendam, probandam-
que iustorum patientiam. Vnde Augustinus in libro
tertio de Trinitate. Video, inquit, infirma cogitationi
quid possit occurrere: cur scilicet ista miracula etiam
magicis artibus fiant. Nam & Magi Pharaoni ser-
pentes fecerunt, & alia. Sed illud est amplius admi-
randum, quo modo Magorum potentia, quæ serpentes D
facere potuit, ubi ad muscas minutissimas, scilicet ci-
nifes ventū est, omnino defecit: quæ tertia plaga Ægy-
ptus cadebatur. Ibi certe defecerunt Magi dicentes:
Digitus Dei est hic. Vnde intelligi datur, ne ipsos qui-
dem transgressores angelos, & aëreas potestates in
imam istam caliginem tanquam in sui generis carce-
rem ab illius sublimis aethere puritatis habitatione
detrusos: per quos Magica artes possunt quidquid
possunt: non autem aliquid valere, nisi data desuper
potestate. Datur autem vel ad fallendum fallaces, si-
cut in Ægyptios: & in ipsos etiam Magos data est, ut
in eorum spirituum seductione viderentur admirandi,
à quibus fiebant, à Dei veritate damnandi, vel ad E
monendum fideles, ne tale aliquid facere pro magno
desiderent: propter quod etiam nobis in Scriptura sunt
prolata: vel ad exercendam, probandam, manifestan-
damque iustorum patientiam.

Quod transgressoribus Angelis non seruit ad nutum
materia rerum visibilibus.

Nec putandum est istis transgressoribus angelis ad
nutum seruire hanc visibilibus rerum materiam: sed
Deo potius, à quo hæc potestas datur quantum incom-
mutabilis iudicat.

Quod non sunt creatores, licet per eos Magi ranas,
& alia fecerint; sed solus Deus.

Nec sane creatores illi mali angeli dicendi sunt,
quia per illos Magi ranas, & serpentes fecerunt: non
enim ipsi eas creauerunt. Omnium quippe rerum, quæ
corporaliter visibiliterque nascuntur, occulta quadam
semina in corporeis mundi huius elementis latent, quæ
Deus originaliter eis indidit. Ipse ergo creator est om-
nium rerum, qui creator est inuisibilium seminum: quia
quacumque nascendo ad oculos nostros exeunt, ex oc-
cultis seminibus accipiunt progrediendi primordia, &
incrementa debita magnitudinis, distinctionesque
formatum ab originalibus tanquam regulis sumunt.

Sicut parentes non dicuntur creatores filiorum, nec
agricolæ frugum; ita nec boni Angeli, nec mali,
etiam per eorum ministerium
fiant creaturæ.

Sicut ergo nec parentes dicimus creatores hominum,
nec agricolas creatores frugum, quamvis eorum ex-
trinsècus adhibitis motibus, ad ista creanda Dei vir-
tus interius operetur: ita non solum malos, sed nec bo-
nos angelos fas est putare creatores, si pro subtilitate
sui sensus & corporis semina istarum rerum nobis oc-
cultiora nouerunt, & ea per congruas temperationes
C elementorum latenter spargunt: atque ita & gi-
gnendarum rerum, & accelerandorum incremento-
rum præbent occasiones. Sed nec boni hæc, nisi quan-
tum Deus iubet, nec mali hæc iniuste faciunt, nisi
quantum iuste ipse permittit. Nam iniqui malitia vo-
luntatem suam habet iniustam: potestatem autem
non nisi iuste accipit, siue ad suam pœnam, siue ad
aliorum: vel pœnam malorum, vel laudem bonorum.

cSicut iustificationem mentis, ita creationem rerum so-
lus Deus operatur: licet creatura
extrinsècus seruiat.

Sicut ergo mentem nostram iustificando formare
non potest nisi Deus, prædicare autem extrinsècus
Euangelium etiam homines possunt, non solum boni
per veritatem, sed etiam mali per occasionem: ita crea-
tionem rerum visibilibus Deus interius operatur. Ex-
teriores autem operationes, ab angelis tam bonis, quam
malis, vel etiam ab hominibus exhibentur. Sed hæc ab
hominibus tanto difficilius adhibentur, quantum eis
desunt sensuum subtilitates, & corporum mobilitates
in membris terrenis, & pigris. Vnde qualibuscunque
angelis vicinas causas ab elementis contrahere quan-
to facilius est, tanto mirabiliores in huiusmodi eorum
existunt celeritates: sed non est creator nisi qui prin-
cipaliter ista format: nec quisquam hoc potest, nisi
unus Creator Deus. Aliud est enim ex intimo, ac sum-
mo causarum cardine condere, ac ministrare creatu-
ram: quod facit solus Creator Deus: Aliud autem
pro distributis ab illo viribus, ac facultatibus aliquam
operationem forinsècus admonere: ut tunc, vel tunc,
sic, vel sic, exeat quod creatur. Ista quippe originali-
ter, & primordialiter in quadam textura elementa-
rum cuncta iam creata sunt: sed acceptis opportuni-
tatibus postea procedunt.

Lib. 8. cap.
eisdem.

Lib. 3. cap. 8.
Cap. 9. eius-

In princi-
pio eiusdem
capitis.

Quod

Quod angelij mali multa possunt per naturæ vigorem, quæ non possunt propter Dei, vel bonorum angelorum prohibitionem, id est, quia non permittuntur.

Illud quoque sciendum est, quod angeli mali quædam possunt per naturæ subtilitatem, quæ tamen non possunt propter Dei, vel bonorum angelorum prohibitionem, id est, quia non permittuntur illa facere à Deo, vel ab angelis bonis: possent utique fecisse cinifes, qui ranas, serpentesque fecerunt. Quædam vero non possunt facere, etiam si permittantur ab angelis superioribus: quia non permittit Deus. Unde Augustinus in libro tertio de Trinitate. Ex ineffabili potentia Dei fit, ut quod possent mali angeli si permittentur: ideo non possunt, quia non permittuntur. Neque enim occurrat alia ratio, cur non poterant facere cinifes, qui ranas, serpentesque fecerunt, nisi quia maior aderat dominatio prohibendi per Spiritum sanctum: quod etiam magi confessi sunt, dicentes: Digitus Dei est hic. Quid autem per naturam possint, nec tamen possint propter prohibitionem, & quid per ipsius naturæ suæ conditionem facere non sinantur, homini explorare difficile est, immo impossibile. Nouimus hominem posse ambulare, & neque hoc posse si non permittatur: volare autem non posse, etiam si permittatur. Sic & illi angeli quædam possunt facere, si permittantur ab angelis potentioribus ex imperio Dei: quædam vero non possunt, etiam si ab eis permittantur, quia ille non permittit à quo est illis talis naturæ modus: qui etiam per angelos suos illa plerumque non permittit, quæ concessit, ut possint.

DISTINCT. VII. PARS I.

Quales facti sint Angeli confirmatione, & obstinatione.

Supra dictum est quod Angeli, &c.

Expositio Textus.

SUPRA egit Magister de auersione, & conuersione. In hac parte agit de confirmatione, & obstinatione. Et diuiditur hæc pars in duas partes. In prima agit de confirmatione, & obstinatione. In secunda vero de sequentibus ad hæc infra distinctione eadem; Et licet mali Angeli, &c. Prima pars habet quatuor particulas. In prima ostendit quod aliqui angeli per conuersionem, & auersionem sunt per gloriam confirmati, & aliqui per malitiam obstinati. In secunda querit vtrum habeant libertatem arbitrii, & opponit ad hoc, ibi; Sed cum nec boni peccare possint, &c. In tertia determinat, ibi; Ad quod dicimus quod boni tantæ gratia. In quarta & vltima explanat quandam auctoritatem inductam, ibi; Quod ergo Hieron. ait, &c. Et ita duo hic determinantur. Primo qualiter mali in malitiam sunt obstinati, & boni in gratia confirmati. Secundo quo modo confirmatio, & obstinatio stet cum libero arbitrio.

ARTICVLVS I.

AD intelligentiam huius partis circa duo incidit hic quæstio. Primum est de obstinationis malignitate quantum ad malos. Secundum est de liberi arbitrii mutabilitate quantum ad bonos, & malos. Circa primum tria queruntur. Primo queritur, vtrum in dæmonum voluntate sit possibilis reformatio. Secundo, vtrum sit in eis malæ voluntatis continuatio. Tercio, vtrum sit in eis malæ voluntatis intensio.

QVÆSTIO I.

An affectus vel voluntas dæmonis reformati possit,

S. Thom. 1. p. q. 64. art. 2.
Et 2. Sent. dist. 7. q. 1. art. 1.
Et de Verit. q. 12. art. 1.
Et de Malo, q. 15. art. 5.
Secus 2. Sent. dist. 7. q. 1.
Egid. Rom. 2. Sent. dist. 7. q. 1. art. 2.
Richardus 2. Sent. dist. 7. art. 2. q. 1.
Durand. 2. Sent. dist. 7. q. 2.
Henricus Quod. 8. q. 11.
Greg. Arim. 2. Sent. dist. 7. q. 1.
Marfilus Inguen. 2. Sent. q. 5. art. 1.
Steph. Brulef. 2. Sent. dist. 7. q. 1.
Ioan. de Bassolis, 2. Sent. dist. 7. q. 1. art. 1.

VTRUM affectus, vel voluntas dæmonum possit reformati; Et quod non, videtur. Primo per Damasc. qui dicit, quod hoc est angelis casus, quod hominibus mors; sed homo post mortem non potest recuperare bonam voluntatem & rectam, quam amisit in vita; ergo, &c.

ITEM per Augustinum in libro de fide ad Petrum; Sic creauit Deus Angelos, ut qui vellent, perpetuo boni essent; & qui nolent, nunquam eos diuina misericordia repararet.

ITEM hoc videtur ratione. Similis est ratio confirmationis in bono; & obstinationis in malo; sed angeli statim ut bene moti sunt, confirmati sunt in bono; ergo & mali statim ut peccauerunt, obstinati sunt in malo; sicut ergo boni non possunt cadere, ita nec mali resurgere.

ITEM grauius peccauit angelus, quam homo; ergo & grauius debet puniri; sed peccatum hominis punitum fuit aliqua pœna irremediabili, ut pœna mortis de qua nullus euadit; ergo necesse est peccatum angeli quod erat mors spiritus, puniri pœna mortis: sed non potuit puniri pœna mortis naturæ; ergo necesse fuit, ipsum puniri pœna damnationis æternæ.

SED CONTRA; Ad reformationem voluntatis duo sufficiunt; scilicet condonatio diuinæ misericordiæ, & contritio pœnitentiæ; sed vtrumque eorum est possibile circa angelos lapsos esse; ergo & voluntatem eorum reformati. Quod autem possit esse condonatio misericordiæ diuinæ ostenditur: qui misericordia Dei est infinita; peccatum Luciferi, & dæmonum est finitum; se infinitum vincit & superat finitum; ergo diuina misericordia potest remittere illud peccatum. Si iudicas quod potest de potentia, sed non de condecencia; CONTRA; Decet misericordiam Dei summe manifestare, cum sit summa; ergo si sic manifestatur in summo, scilicet in remittendo maximum omnium peccatorum, & hoc fuit peccatum Luciferi, ergo decet ipsum illud condonare. Quod autem possit esse dolor pœnitentiæ in diabolo, ostenditur. Quandoque aliquis sentit sibi adesse quod odit, & abesse quod diligit, dolet, & tristatur. Quia sicut dicit Augustinus lib. 14. de Ciuit. Dei: Dolor est dissensus ab his rebus quæ nobis nolentibus accidunt; sed diabolus scit ex peccato suo amisisse illam nobilitatem quam habebat in cœlo, & incurrisse pœnam in inferno: & primum maxime diligit, & secundum maxime odit, ergo pœnitet de hoc quod fecit, vel de hoc quod voluit: vel saltem possibile est ipsum aliquando ad hunc statum deuenire, si modo non est: ergo potest ex parte angeli esse dolor pœnitentiæ, & ex parte Dei condonatio misericordiæ; ergo, &c.

2. ITEM ostenditur sic; Quia si voluntas angeli non potest reformati, aut hoc est ex parte Dei, aut ex parte angeli, aut ex parte peccati. Ostenditur igitur primo quod non sit ex parte Dei triplici ratione. Prima est hæc. Obstinatio malæ voluntatis, vel impossibilitatis ad reformationem voluntatis est defectus, non positio; ergo non habet causam efficientem, sed deficientem: sed Deus nullus est causa deficiens; ergo non est causa, vel ratio huius impossibilitatis. Secunda est hæc Deus antecedente,

omnes

omnes homines, & Angelos vult saluos fieri, ut dicit Damascenus: quia non creauit, siue plasmauit ad poenam, sed ad gloriam. Si ergo non vult Angelos malos beatificari, hoc est solum voluntate consequente: sed voluntas consequens est excessus ex causa nostra, vel ex parte nostra: ergo alia ratio est vltior, quare hoc concedit: non ergo voluntas Dei. Tertia est hæc. Si diabolus veniam peteret, Dominus non repelleret: quia sicut dicit Ambrosius: ipse recipit cōfugientes ad se: hoc iustitiæ est: sed contra iustitiam Deus nullo modo facit. Præterea: Quantumcunque homo Deo seruiert, si poenitet de bonis: Deus bona præterita non acceptat: ergo similiter, si poenitet de malo, videtur quod mala remittat, & hoc spectat ad summe misericordem: ergo ratio quare voluntas diaboli non potest rectificari, non potest principaliter venire ex parte Dei, ut patet ex hac triplici ratione. Ostenditur etiã quod non ex parte naturæ Angeli veniat hæc impossibilitas. Primo auctoritate Augustini de fide ad Petrum. Si humana natura postquam à Deo auersa, bonitatem perdidit voluntatis, ex seipsa rursus habere potuisset, multo possibilis hoc natura Angelica haberet: quæ quanto minus grauatur pondere terreni corporis, tanto magis hac esset prædita facultate.

3. ITEM hoc videtur secunda ratione. Quia Angelus peccando non amisit arbitrii libertatem, quoniam libertas arbitrii, est ei naturalis: sed ratione liberi arbitrii, erat susceptibilis rectitudinis à sui natura: ergo adhuc quantum est ex parte naturæ suæ susceptibilis est.

4. ITEM si natura Angeli est causa illius impossibilitatis, & cuiuscunque rei, per modum naturæ est causa: Deus similiter est causa, quia sola voluntas aduersatur Deo: ergo Deus esset causa, qui talem naturam fecit: si ergo nullo modo Deus est causa impossibilitatis ad bonum: ergo nec natura Angeli. Ostenditur etiã quod ratio non sit ex parte peccati angelici: quia peccatum angelicum non excedit peccatum hominis in infinitum, quantum ad aliquam conditionem: ergo non nocuit in infinitum plusquam peccatum hominis: sed peccatum hominis & si aufert rectitudinem, non tamen abstulit possibilitatem ad rectitudinem: ergo videtur quod peccatum Angeli & si magis elongauerit, non elongauit infinite: ergo videtur quod elongauit cum possibilitate ad reditum: & ita non videtur ratio ex parte peccati.

5. ITEM quantulacunque gratia si adueniret voluntati diaboli, expelleret totam culpam, loquor de gratia gratiam faciente: sed morbus qui modico remedio adueniente potest curari, non dicitur de se incurabilis, sed propter defectum remedij si illud non adsit: ergo impossibilitas rectificationis vel rectitudinis in voluntate Angeli non est ratione culpæ principalis.

6. ITEM culpa non inducit necessitatem voluntati, quia est in voluntate secundum quod voluntas est: & ita secundum quod libera & vertibilis: ergo si non inducit necessitatem, ergo non aufert possibilitatem ad oppositum, & ita rectitudinem: ergo non venit illa impossibilitas ex parte peccati: ergo nullo modo.

CONCLUSIO.

Demonum voluntas de potentia habente ordinem ad actum rectificari non potest, tamen si Deo non sit impossibile diabolo bonam restituere voluntatem: cum poenitentiam non possit habere, cum tempus iam præterierit conversionis & meriti.

RESP. ad Arg. Dicendum quod (sicut Sancti dicunt & auctoritates) voluntas diaboli nullo modo potest rectificari secundum quod hoc verbum, *potest*, prædicat quandam potentiam habentem aliquam ordinationem ad actum. Nam si intelligatur de potentia efficientis absolute, absque dubio potens est Deus diabolo restituere bonam voluntatem: tamen ex parte diaboli non est ordinatio aliqua ad hoc, immo facta est voluntas eius impossibilis: ut Sancti dicunt, & rationes ostendant. Si autem queratur causa impossibilitatis ad rectitudinem: in-

tellegendum est ad hoc, quod ad rectitudinem voluntatis per actuale peccatum lapsæ, duo concurrunt, scilicet ex parte voluntatis, poenitentia: ex parte Dei, gratia sanans: & vtrumque deest diabolo: & ideo omnino deest ei via rectificationis. Si queratur vltius quod horum est ratio defectus alterius, dicendum quod defectus poenitentia est ratio, quare deficit gratia gratum faciens: quia ad illam disponit poenitentia informis. Rursus si queratur, quare deficit poenitentia: dicendum quia deficit gratia gratis data, quæ præuenit voluntatem ut poeniteat: & si ne qua nemo vnquā se præparat ad gratiam sicut infra patebit. Si queratur vnde veniat defectus gratia gratis datæ, vel quæ sit ratio: absque dubio defectus gratia gratis datæ, non potest habere nisi causam deficientem: & ita neque Deus, neque natura Angeli potest esse prima causa: sed necessarium est quod ipsa culpa, qua diabolus ita ægrotauit, & ægrotat, ut non pateat aditus gratia: & in hoc consentiunt cōmuniter omnes qui recte sapiunt circa materiam istam. Sed vnde habeat culpa diaboli hanc irremediabilitatem diuersificati sunt varie opinantes. Quidam enim sumpserunt rationem ex comparatione culpæ ad seueritatem iudicantis. Quia enim diabolus, & Angeli eius grauissime peccauerunt, Dominus seuerus Iudex statim condemnauit eos: sicut iudex magnum latronem in turpi latrocinio deprehensum statim facit suspendi, quamvis differat suspendium vnus parui latronis, qui potuit habere aliquā excusationem. Sed hæc ratio cōgruitatis est. Quia est quod diabolus minus peccasset, tunc videretur posse redire, & nos videmus, quod Deus misericordiam facit cum sceleratissimis frequenter: & aliquos aliquādo qui modicum peccauerunt, demergit in infernum: & ideo congruitas tantum est. Alij sumpserunt rationem ex comparatione culpæ ad naturam peccantis, quia peccans fuit substantia spiritalis omnino non habens pondus carnis: & quia substantia spiritalis est semper in actu suo, vnde non lassatur: imo continuo habet inordinatam voluntatem: & cōtinue gratiam impugnat: ideo non offertur sibi gratia. Sed istæ non sunt rationes necessitatis. Tum quia pondus carnis non inclinabat hominem primum ad peccatum: ideo nec adeo excusabat, ut peccatum eius caperet remedium rectitudinis: nec econtra, carentia carnis adeo Angelum impediabat. Similiter nec alia ratio, quia Deus gratiam gratis datam frequenter dat homini existenti in actuali voluntate peccandi: hæc enim simul stat cum culpa. Et huius exemplum patet in Paulo, qui conuersus est, & circumdatus luce in actu persecutionis: sunt tamen congruitates quædam à latere. Alij sumpserunt rationem ex parte culpæ relatæ ad modum peccandi per oppositum ad peccatum hominis: quia enim homo alio suggerente peccauerat: ideo dignum fuit alio releuari. Rursus: Quia totum genus humanum ceciderat, ne totum periret, congruum fuit reduci ad rectitudinem. Econtra est in Angelicis spiritibus, quia non peccauerunt per tentationem, maxime Lucifer: ideo non rediit: vnde Gregorius in Mor. lib. 4. Nunquam lumen pristini status accepit, quia non persuasus amisit. Similiter quia cecidit secundum partem, ita quod peccatum fuit particulare, & personale: ideo non debuit rectificari. Vnde August. in Enchir. Placuit vniuersitatis Conditori, ut quoniam non tota multitudo Angelorum Deum deserendo perierat, ea quæ perierat in æterna damnatione remaneret. Sed istæ similiter sunt rationes congruitatis: quia si homo peccasset propria voluntate, sine suggestione, vel particulariter, non video quo modo non posset recuperare bonam voluntatem, Domino restitente. Alij sumpserunt rationem per comparisonem ad statum peccantis, quia tempus meriti, & status merendi erat ipsis præfixus vsque ad primam bonam operationem vel malam: & ideo sicut homo postquam tempus merendi pertransit, quantumcunque peccauerit parum, dum tamē mortaliter, & qualitercunque peccauerit, vltra non potest bonam voluntatem reacquirere, & sic de Angelis intelligendum est. Et hoc modo assignauit Damasc. cum dixit: Hoc est Angelus

Opinio 1.

Improbatio.

Opinio 2.

Improbatio.

Opinio 3.

Cap. 10.

Ca. 29. 30. 3.

Improbatio.

Opinio 4.

Lib. 2. c. 4. in fine, & 18. de Orib. fid.

Cap. 3. ad
med. in sen-
su.

Hunc dicen-
di modum
sequitur S. O.
7. dist. 7.
ibi: De se-
cundo.

geius casus, quod hominibus mors. Et similiter Aug. de
fi. ad Pet. cum dixit: Sic creauit Deus angelos, ut qui vel-
lent, perpetuo boni essent, & qui nolent nunquam eos
diuina misericordia repararet, ita & tempus meriti, &
statum præfixit usque ad primum conflictum. Et hanc
rationem credo propriam, & necessariam. Et hoc patet:
quia si aliqua passio inest aliquibus subiectis, inest eis
secundum aliquod commune: diabolus autem non potest
voluntatem recuperare, ita est obstinatus, & similiter Iu-
das, & alius homo peccator damnatus. Cõstat quod esse
non potest ratione naturæ, nec ratione modi peccadi, quia
non est commune: si ergo non inuenitur communitas nisi
ex parte status: quia uterque est extra statum meriti, ma-
nifestum est quod ista est ratio potissima, & necessaria.
Et hoc clarius patet in peccato hominis, si diligentius
consideretur. Nam peccatum Iudæ in principio non ab-
stulit possibilitatem ad iustitiam. Et tamen sine additione,
& sine inuolutione solo tempore merendi transeunte,
factus est impossibilis ad bonam voluntatem. Deus enim
decreuit offerre gratiam, quandiu est tempus merendi:
quo transeunte, cum non faciat contra dispositionem, non
offert gratiam quæ præueniat voluntatem, & formet ad
potentiam, & ita remanet voluntas in impoenitencia sem-
piterna, & ita culpa. Et si obiicias, quod cum Deus præ-
uiderit quod diabolus lapsurus erat, siue peccaturus,
quare præfixit ei ita modicum tempus merendi, ut non ha-
beret spatium, redeundi. Notandum ad hoc, quod in con-
ditione rerum non attenditur ratio misericordię, & iusti-
tiæ principaliter: sed sapientiæ. Decreuit enim diuina sa-
pientia in vniuerso facere duplicem creaturam rationa-
lem, ad hoc quod esset vniuersum completum: vnā cor-
pori vnitatem, ut animā rationalem: aliam absolutam, &
spiritualem, ut angelum. Et quoniam substantia omnino
spiritualis omnino est incorruptibilis, & ingenerabilis,
non potuit vnus angelus ex alio produci, ideo simul pro-
ducti sunt: & sicut simul sunt producti, ita etiam simul
glorificandi, siue dispositi ad simul glorificari. Et quia
sunt spirituales, & incorporeales, & incorruptibiles, nul-
lo modo habentes retardatiuum, hinc est quod in loco
gloriæ sunt conditi, sc. in empyreo: & ita de proximo
ad gloriam dispositi, & ratione naturæ, & loci: & ideo
tempus meriti est eis ita breue præfixum sicut potuit: &
ideo usque ad primam auersionem, & conuersionem de-
liberatiuum. Hominis vero quia conditus est in corpore
animali ad procreandam prolem ad cultum Dei, & ita in
dispositione remotiori à gloria, datus est locus distans ad
merendum à sui conditione, scil. paradysus terrestris: &
præfixus est ei terminus diuturnus propter officiū pro-
creandi prolem: & propterea cum peccauit Angelus,
statim exit tēpus meriti statuti, homo vero non: & ideo
iste potuit rectificari, ille vero non. Et hoc est quod dicit
Aug. de mirabilibus sacræ Scripturæ: Angelus de subli-
missimo sui ordinis statu cecidit: ideo refurgere non po-
tuit. Patet igitur quod voluntas angeli non est rectifica-
bilis, nec fuit, à tempore ex quo cecidit: quia enim fuit
extra statum meriti, certissime reuelata est ei sua damna-
tio: & ideo sicut beati non possunt timere damnationem,
ita angelus malus propter certitudinem damnationis
non potest sperare salutem, & propter absentiam gratiæ
non potest poenitere: & ideo nec bonus esse. His visis
facile est omnia obiecta soluere.

1. Ad illud quod obiicitur, quod potest esse condona-
tio misericordię, dicendum quod potest de potentia ab-
soluta: sed de potentia ordinata quæ operatur secundum
ordinem sapientiæ, & illum ordinem, Deus non corrup-
pit, immo inuolabiliter seruat, non debet esse nec potest
esse: quia consilium Dei, & dispositio non potest mutari
aliqua ratione. Ad illud quod dicit, quod summe debet
manifestari misericordia, dicendum quod ita debet mani-
festari misericordia, ut manifestetur & iustitia: & ideo
decreuit diuina bonitas in homine infirmiori, & mise-
rabiliiori, manifestare misericordiam: & summe manife-
stauit, quando vnigenito non pepercit: in angelicis spi-
ritibus placuit iustitiam manifestare, & sapientissime, &

A elegantissime factum est, quia misericordia non auferret
iustitiam, nec econuerso. Et ideo errauit Origenes, qui
totum dedit misericordię Dei, & abstulit locū iustitiæ,
quod quamvis non sit tantæ impietatis in superficie, ta-
men æqualis erroris est auferre à Deo actum iustitiæ,
sicut auferre actum misericordię. Ad illud quod obiicitur
de dolore poenitiæ, quod potest esse in diabolo,
dicendum quod dolor poenitiæ est duobus modis.
Aliquis enim dolet de culpa propter damnum quod in-
currit, & læsionem, & sic dolere potest quis ex puris na-
turalibus, siue gratia gratis data, & tunc dolet quando
maiores sentit læsionem, quam delectationem. Hanc
diabolus modo non habet propter habitudinem peccan-
di: sed tamen habiturus est cum absorbebitur à poenis
post iudicium: sed poenitentia hæc non disponit ad gra-
tiam, immo solum est poena, quia sic poenituit etiam Iu-
das. Alio modo est dolor poenitiæ, quando quis do-
let de culpa, quia Dei offensua: & hic dolor disponit ad
poenitentiam, & hic non est sine gratia gratis data, &
hunc dolorem diabolus, vel dæmones habere non pos-
sunt: quia sunt extra statum in quo datur gratia: & irre-
gressibiliter sunt extra: & ita patet illud.

2. 3. 4. 5. Ad illud ergo quod obiicitur secundo, unde
veniat impossibilitas. Concedendum, quod non venit ex
parte Dei, sicut ostendunt tres primæ rationes, nec ex
parte naturæ angeli quantum est de se, sicut ostendunt
tres rationes secundo loco positæ: nec etiam ex parte
magnitudinis peccati quantum est de se, sicut ostendunt
tres rationes vltimæ: sed hoc habet culpa ratione sta-
tus. Quia enim est voluntas extra meriti statum, abest
omnis gratia, quia in statu damnationis adest desperatio
certissima: quæ duo sunt conditiones omnino dispo-
nentes voluntatem ad impossibilitatem rectitudinis.

6. Tamen illud quod obiicitur, quod non potest veni-
re ex parte peccati, quia non excedit in infinitum pec-
catum hominis: quidam voluerunt soluere, quod immo,
quia intellectus angelicus est deiformis, & ideo intelli-
git in instanti: rationalis siue collatus in tempore. Et
ideo quia peccatum angeli est cõtra deiformem intelle-
ctum excedit impropotionaliter peccatū hominis sicut
linea impropotionaliter excedit punctum, & tempus
instans. Sed hoc non oportet dicere, quia non oportet
quod morbus incurabilis curabilē excedat in infinitum:
quia vnus morbus qui in vno statu est curabilis, per
crementum, siue per diuturnitatem fit incurabilis: ita est
manifeste in morbo corporali. Similiter videmus mani-
feste in morbo spirituali. Peccatum enim ante mortē est
curabile, solo autem excessu mortis fit incurabile. Simi-
liter videmus in casu: qui enim cadit de loco parum emi-
nenti, non moritur: qui autem de turri cadit, sine reme-
dio læditur: sed tamen magnitudo, non est impropor-
tionabilis altitudini: & ideo non valet illa ratio.

QVÆSTIO II.

An in demonibus sit mala voluntatis continuatio.

S. Thomas 1. p. q. 64. art. 4.

Scotus 2. Sent. dist. 7. q. 1.

Richard. 2. Sent. dist. 7. art. 2. q. 2.

Durandus 2. Sent. dist. 7. q. 2.

Ioan. de Bassol. 2. Sent. dist. 7. q. 1. art. 2.

Gabr. Biel 2. Sent. dist. 7. q. unica.

S Vpposito quod in voluntate dæmonum sit possi-
bilis rectificatio, quæritur secundo vtrum sit in eis
malæ voluntatis continuatio. Et quod sic, videtur: Quæ
conuentio Christi ad Belial? Glos. Sicut Christus omnia
bene facit, ita diabolus omnia male facit: sed semper fa-
cit aliquid, quia est substantia spiritualis non lassata in
operando, ergo, &c.

ITEM diabolus ab initio peccat. Glos. Ab initio crea-
tionis suæ incipiens, peccat continue usque in præsens.

ITEM August. de fid. ad Pet. loquens de dæmonibus
dicit: Nec mala possunt voluntate carere, nec poena. Si
tu dicas quod loquitur de habitu non de actu, obiicitur
quod de actu per Hieronymum, qui dicit, quod diabo-
lus adhuc idem sibi arrogat, quod prius præsumperat.

Vide lib. 1.
Periarchon.
cap. 5. 6. 10. 4.

Fundamēta.

2. Cor. 6. b

1. Ioan. 3. b

Cap. 3. 10. 3.

ITEM

ITEM hoc videtur ratione : Diabolus est obstinatus : sed obstinatio est confirmatio in priori malo : ergo voluntas est confirmata in malo quod commisit : ergo ab illo non potest recedere : ergo, &c.

ITEM Angeli confirmati in bono continue habent bonam voluntatem habitu , & actu : & eandem quam habuerunt in sui glorificatione : ergo ab oppositis similiter videtur de demonibus , cum sint obstinati in malo , sicut illi confirmati in bono.

ITEM si posset ab actu malæ voluntatis desistere , posset aliquo modo se ad gratiam præparare : quia dimittere actum peccati , est præparare se ad gratiam : sed ipse nullo modo potest hoc , sicut supra probatum est : ergo , &c.

1. CONTRA : Dæmones credunt , & contremiscunt : sed credere , & timere non sunt actus malæ voluntatis : ergo videtur quod aliquando mouentur sine obliquitate , & ita aliqua est interpolatio.

2. ITEM si contremiscunt , & timor retrahit à malo actu : ergo videtur quod desistant aliquando.

3. ITEM dæmones non portant aduersus se execrabilem iudicium. Glossa : Magnitudine poenarum territi , à iudicio præsumptionis desistunt : ergo videtur quod cessauerit in eis præsumendi peruersitas , saltem quantum ad actum.

4. ITEM dæmones naturaliter diligunt Deum , quia dicit August. quod nullius conscientia potest Deum odisse : & si non diceret verum , videtur , quia vitium non delet extrema naturæ vestigia. Si igitur diligere Deum est naturale : ergo adhuc sunt habiles , & apti ad hunc actum : Esto ergo , quod exeant in actum , cum non moueantur simul pluribus motibus , tunc , ut videtur , cessant ab actu voluntatis malæ.

5. ITEM diabolus tentans hunc hominem potest desistere ab actu exteriori , ita quod nihil mali exterius nec illi , nec alij faciat : sed plus sumus domini actum interiorum , quam exteriorum : ergo potest desistere ut nihil actu male velit.

6. ITEM videtur quod voluntas prima superbiendi in eo desierit , quia cessante causa cessat effectus : sed ratio quæ mouit diabolum ad appetendam diuinam celsitudinem , fuit pulchritudo , & strenuitas naturalium , & præ excellentia respectu omnium : ideo sperauit posse obtinere , & appetiit : sed modo non habet in se istam celsitudinem : ergo ut videtur , nec illam voluntatem : ergo videtur in eo variata affectio.

7. ITEM differt dilectio , & appetitus : quia dilectio est boni , sed appetitus est boni ut vnibilis : quia homo appetit bonum sibi , & bonum sibi est vnibile sibi : sed diabolus bene videt , quod non potest ad Dei celsitudinem peruenire , quia reuelata est ei sua damnatio , ut dicit Augustinus de mirab. sacræ Scripturæ , ad suæ damnationis cumulum desperauit.

CONCLUSIO.

Demon in voluntate mala semper continuitatem habet quo ad deformitatem , quo ad pronitatem , & quo ad actum peccandi : cum macula ab eo non possit separari ; semperque idem appetat quod primo appetiit , omnemque suum actum deforme , atque deprauet.

RESP. AD ARG. Dicendum quod loqui contingit de mala voluntate tripliciter : scilicet quantum ad deformitatem , quantum ad pronitatem , & quantum ad actualitatem. Quantum ad deformitatem est in mala voluntate diabolus continue : ita quod nulla interuenit variatio per deformitatis desitionem , siue minorationem : quia ita adhæsit macula peccati voluntati diaboli , ut nullo modo possit ab illa separari. Quantum ad pronitatem est continuatio eiusdem : ita tamen quod interuenit variatio quantum ad modum inclinandi. Diabolus enim ad ipsum quod primo appetiit , etiam nunc pronitatem habet ,

A sed differenti modo quam prius : prius enim appetiit cum proposito obtinendi , unde dixit : Ponam sedem meam ad Aquilonem , &c. Nunc appetit quantum in se est , sicut ambiciosus , qui sperat obtinere episcopatum : & si non obtineat , non recedit ambitio , sed modus ambiendi variatur : sic & in diabolo est quantum ad actualitatem est continuatio in actu peccandi : tamen interuenit variatio quantum ad genus , quia non peccat continue peccato vnus generis , cum non moueatur simul motibus diuersis. Modo enim peccat superbia , modo inuidia , modo aliis modis : tamen voluntas eius nunquam requiescit : quia nunquam lassatur , cum sit incorruptibilis : & cum in ea regnet peruersitas , semper omnem actum quem elicit , deformat & deprauat , & ita continue peccat : & concedendæ sunt rationes ad hoc inducæ.

1. Ad illud quod obiicitur , quod credunt & contremiscunt , dicendum quod actus iudicatur bonus dupliciter : aut ex se , ut puta , quando est actus virtutis elicentis ipsum , ut abstinere à voluptatibus , & consimiles : aut ex adiuncto : sicut ire ad sanctum Iacobum. Sic actus malus dicitur dupliciter : aut quia directe elicitur à vitio , ut vel le præesse : aut quia vitium deformans concomitatur , ut dare elemosynam propter vanam gloriam , vel cum murmure , & impatientia : & hoc modo deformat diabolus actum credendi : quia cum murmure & impatientia , & displicentia illius quod credit , mouetur in actum illum : & ita credendo peccat , non quia credit , sed quia non eo modo quo credere debet , credit. Similiter iudicandum est , si diabolus Deo obediat.

2. Ad illud quod obiicitur de timore : dico quod verum est quod timet , sed tamen timor ita exilis est , & voluntas peccandi adeo est improba , quod propter hoc cessat , sicut in latrone , qui licet timeat furcas , tamen propter appetitum furandi non cessat à furto : & in ipso timore peccat quod displicet ei diuina iustitia quam formidat.

3. Ad illud quod obiicitur , quod à iudicio præsumptionis desistunt , dicendum , quod sicut dictum est , quamvis non audeant appetere quod primo ausi sunt , tamen improba voluntate non desistunt appetere , etsi viam possent inuenire per quam crederent attingere , absque dubio idem præsumerent nunc. Unde quamvis sit iudicium variatum propter poenarum intuitum , tamen appetitus non est auulsus , nec malum desiderium , immo regnat actu.

4. Ad illud quod obiicitur de motu naturali. Respondent quidam : quod natura , etsi non sit extincta , est tamen adeo consopita , & liberi arbitrij malitia superata , quod in actum suum non potest exire : Aliter tamen potest dici : quod sicut libera voluntas deformat actum credendi , ita etiam deformat actum naturalem , cum ei adiungitur. Exemplum huius est hoc. Licet auarus naturaliter appetat beatitudinem , tanta est tamen peruersitas iudicij in eo , & voluntatis , ut non dicat esse beatitudinem nisi in diuitiis : & ita nunquam exiit ad appetitum beatitudinis , nisi ut est in diuitiis : & ita appetendo illam beatitudinem peccat , quia motum illum , quem natura inchoat inclinando , voluntas consummat deformatando. Sic intelligendum est , quia diabolus naturaliter diligit Deum ut conseruatorem : sed voluntas diaboli illam dilectionem refert ad propriam utilitatem : ideo peccat , quia etsi Deum diligit , tamen propter se diligit : bene igitur concedendo quod exit in actum naturalem : sed nunquam in pure naturalem.

5. Ad illud quod obiicitur , quod potest desistere ab actu exteriori , dicendum quod non est simile , quia diabolus , cum non obdormiat , semper in eo vigent interiores virtutes , & ita semper sunt in actu , velit , nolit , sicut in homine vigilante : sed opus ad alterum subest omnino libero arbitrio , ideo potest cessare ab hoc vel ab illo secundum diuersas conuersiones : sed nunquam ab omni. Quod ergo obiicitur quod magis sumus Do-

mini actum interiorum: si intelligatur quantum ad co-
hibitionem propriam, manifeste falsum est: si quantum
ad cohibitionem alienam, verum est: quia aliquis potest
me cohibere ab actu exteriori, & compellere, non sic
est de interiori.

6. Ad illud quod obiicitur, quod non videtur modo
superbire, quia cessauit causa, dicendum quod est causa
inducens, sed tamen non efficiens nec conseruans: & hac
cessante non causatur effectus, sicut patet manifeste: & ta-
lis fuit in diabolo polchritudo. Et alia efficiens, & con-
seruans, & talis fuit voluntas diaboli obliqua, & auer-
sa, & hæc semper est in diabolo: ideo semper in eo est
superbia: & quamvis non assurgat ad illud obtinendum,
tamen adhuc assurgit ad illud quod potest, & amplius
quam potest, quia ad dominium hominum, & maxime
sanctorum.

7. Ad illud quod ultimo obiicitur, quod appetitus est
rei vniuersalis, dicendum quod appetitus absolutus, & deli-
beratus est rei vniuersalis, & possibilis, & iste est appetitus
cum eligentia. Sed appetitus velleitatis qui est impossibi-
lius, non est rei vniuersalis secundum veritatem, sed rei
quæ desideratur, sicut aliquis appetit esse velox sicut hi-
rundo, & similia. Diabolus autem quod prius appetiit,
eo modo quo appetiit, voluntate scilicet eligentia non
appetit: sed solum quantum est de se. Si tamen aliquis
contendat quod appetit, fatendum est quod iudicium
eius est peruersum, siue æstimatio, saltem intellectus
prædicti quod iudicat se ad aliud posse peruenire, quam-
vis iudicium speculationis dicat contrarium.

Q V Æ S T I O I I I.

An mala voluntas in dæmonibus intendatur.

*Richard. 2. sent. d. 7. art. 2. q. 2.
Steph. Brulef. 2. sent. d. 7. q. 4.*

VTRUM in dæmonibus sit malæ voluntatis intensio.
Et quod sic. Isidorus de summo bono ait: "Diabo-
lus non per hoc contentus est quod Deo æqualem se æ-
stimans cecidit: sed etiam se superiorem Deo dicit: ergo
videtur creuisse superbia.

ITEM ratione videtur. Quia mala facimus, mali su-
mus: ergo quanto plura mala, tanto peiores sumus: sed
diabolus plura mala fecit post lapsum: ergo peior est
tunc quam quando cecidit: ergo creuit in eo voluntatis
deordinatio.

ITEM diabolo debetur maior pœna nunc, quam quando
cecidit: hoc non est dubium: sed præmium in bonis non
augetur: nisi crescat bona voluntas: ergo nec in malis
supplicium nisi crescat mala voluntas: ergo, &c.

ITEM malum est priuatio modi, speciei, & ordinis: sed
ista non possunt totaliter ab aliquo remoueri, alioquin
caderet in non ens: quia dicit Augustinus, quod ubi hæc
nulla sunt, nullum bonum est: ergo si non sunt omnia ab-
lata, possunt adhuc minui: sed hæc diminuuntur per pec-
catum, cum ergo diabolus peccet, tanto magis dimi-
nuuntur quanto magis peccat: sed quanto magis dimi-
nuuntur, tanto peior est voluntas: ergo, &c.

ITEM qui procurat homicidium corporale, est homi-
cida, & quanto plura homicidia procurat: tanto prior est
in eo voluntas: ergo pari ratione immo fortiori qui mor-
tem spirituales procurat, homicida est, & qui plurimum
mortem procurat, peior est: sed diabolus post mortem
primi hominis dicitur fuisse homicida ab initio, quia pro-
curauit eius lapsum: sed processu temporis procurauit
mortem plurimum, ergo in malitia creuit. Si tu dicas, quod
creuit mala voluntas in comparatione ad hominem, non
in comparatione ad Deum.

1. Ostenditur quod ista responsio nulla est. Primò,
quia diabolus inordinate mouetur in Deum sicut in ho-
minem: si ergo multiplicando, & iterando peccatum in
hominem, intenditur, & crescit in eo malitia: pari ratio-
ne, cum odit, & blasphematur Deum: quod nullo modo
potest fieri.

2. Præterea: Non est peccatum in quo non contemna-
tur, & offendatur Deus, & in quo peccans non auerta-
tur à Deo: ergo in omni peccato crescit mala voluntas
in comparatione ad Deum.

3. ITEM: Opposita nata sunt fieri circa idem: sed
dæmones non possunt proficere: ergo non possunt ma-
gis deficere, siue peiores esse.

4. ITEM hoc videtur per simile in hominibus dam-
natis: quia diabolus & homo mortuus, siue damnatus
sunt in consimili statu, sicut dicit Damascenus: quod hoc
est hominibus mors quod est Angelis casus: sed post mor-
tem mala voluntas in homine non crescit: ergo nec in
dæmone post casum.

5. ITEM ostenditur hoc per simile in bonis Angelis:
Similis enim est status bonorum in bono, & malorum
in malo: sed in bonis non potest crescere bona voluntas:
ergo nec in malis mala.

6. ITEM Angelus simplex est, & nullum habet re-
tardatiuum: ergo in prima conuersione tantum se con-
uertit, quod non potest amplius conuerti: ergo similiter
tantum se auertit, quod non amplius potest: ergo, &c.

7. ITEM in nullo crescit mala voluntas in quo non
crescit demeritum: sed demeritum non crescit in eo,
quia non potest euitare peccatum: ergo si necesse est dia-
bolum male velle, impossibile est malam voluntatem
in eo crescere.

8. ITEM Diabolus, & dæmones sunt redditi omni-
no impossibiles ad gratiam in primo lapsu, nec possunt
magis impossibiles esse. Sed quanto crescit mala volun-
tas, tanto fit maior elongatio à gratia: si ergo non pos-
sunt magis elongari, sicut cæcus non potest plus cæcari:
ergo, &c.

C

C O N C L V S I O.

*Dæmonis voluntas mala semper intenditur, quan-
tum ad vim administratiuam, videlicet in com-
paratione ad hominem, licet non quantum ad
vim contemplatiuam, qua est simpliciter auer-
sus à Deo.*

RESPON. Ad Arg. Triplex est hic modus dicen-
di. Quidam enim senserunt, quod sicut in Angelis
bonis voluntas bona creuit in prima conuersione
vsque ad terminum, ita quod amplius in se non
potest crescere, sed solum in effectibus bonis quos
efficiunt circa homines: similiter in Angelis malis
dicere voluerunt, quod in prima auersione auersa est
voluntas eorum in termino, ita quod tantum fuit
deprauata voluntas malorum quod amplius nec deprau-
atur, nec crescit, sed solum in effectibus malis, quo-
niam plura mala ex æquali voluntate semper facit. Et
quia supplicium non tantum respicit intentionem vo-
luntatis, sed etiam actum exteriorem: ideo grauius
punitur diabolus ex malis quæ committit. Rationem
autem huius positionis assignant, simplicitatem & spi-
ritualitatem angelicam, quæ nullum habet retarda-
tiuum: & ideo totaliter, & in termino in prima con-
uersione se conuertit: homo autem non sic. Aliorum
positio est ista, quod in malis Angelis, simpliciter lo-
quendo, crescit malitia, & malæ voluntatis deordinatio.
Sicut enim patet ex problemate precedenti, diabolus
continue peccat, & nouas malitias quotidie excogitat.
Et quoniam quia mala facimus mali sumus, & quod-
libet malum admittit ex habilitate voluntatis, quia
aliter non esset malum: ideo semper habilitas mi-
nuitur, & voluntas magis, & magis deordinatur. Nec
est simile de bonis, quia bonum opus non ita apponit
ad bonitatem gratiæ vel voluntatis, sicut peccatum
quodlibet adimit. Sed quia durum videtur dicere, quod
diaboli malitia non intendatur, cum dicatur in Psalmo:
Superbia eorum qui te oderunt ascendit semper, &
exponitur de dæmonibus: & iterum irrationabile vide-
tur, quod ita crescat in diabolo malitia, sicut in pure via-

*Li. 2. de m-
cho fidei. c. 18.*

Opinio 1.

*Hæc videtur
positio S. Tho.
1. 2. q. 64.
art. 2.*

Opinio 2.

*Improbatio.
Psal. 73. d.*

tore

*Fundamēta.
Isid. de sum-
mo bono li.
1. c. 12. §. 8.*

Isid. 8. f.

*Ad opposi-
tum.*

tore, cum iam sit in statu damnationis, & necessitatem habeat ad aliqua mala. Ideo est tertius modus dicendi, quod in diabolo crescit malitia voluntatis quantum ad vim administratiuam, qua conuertitur ad hominem: sed non quantum ad vim contemplatiuam, qua est simpliciter, & necessario auersus à Deo. Ratio autem huius positionis est ista: Ad crementum enim voluntatis malæ: siue demeriti non sufficit inordinata affectio quia hæc est in damnatis, & erit in sempiternum: sed requiritur ultra tempus meriti, & status merendi, vel demerendi: diabolus autem est in statu demerendi, quantum ad vim administratiuam, non quantum ad contemplatiuam. Et ideo crescit demeritum, & peccatum quantum ad vim administratiuam, & non quantum ad contemplatiuam. Ratio autem huius patet si reuocentur ad memoriam prædicta in solutione præcedentis primi problematis, ubi tactum est de præfixione temporis ad merendum ipsi Angelo. Dictum est enim quod Angelus spiritualis, & incorruptibilis, & propinquus ad gloriam est conditus: ideo est ibi tempus breue præfixum, homini vero terminus longus. Sed quia Deus sic condidit vniuersum, vt maior & potentior minorem adiuuet: ideo non tantum Angelo dedit vim contemplatiuam qua mereretur, & ad Deum conuerteretur sed etiam administratiuam qua homini suffragaretur. Quia ergo vis contemplatiua erat ipsius Angeli in se: quantum ad illam præfixum est ei spatium merendi, & demerendi vsque ad primam conuersionem, vel auersionem. Sed quia administratiua respectum habet ad hominem: ideo præfixum est Angelis spatium merendi, & demerendi vsquequo homines assumentur totaliter ad gloriam. Mansit ergo quantum ad vim istam status merendi, vel demerendi, & manet vsque ad diem iudicii. Sed quoniam meritum, & demeritum non est in vi administratiua, nisi per vim contemplatiuam, & in bonis contemplatiua ita est conuersa ad bonum quod non potest auerti: ideo administratiua non habet nisi locum merendi. E contra, quia in malis ita est auersa contemplatiua, quod non potest conuerti: ideo quantum ad administratiuam non habet nisi locum, & spatium demerendi: & in hoc patet quod diuinum decretum manet iustum, & inuolatum: quia tempus, quod à conditione præfixerat, non debuit auferre nec bonis, nec malis. Et illis quidem diligentibus Deum spatium illud conuersum est in bonum, impiis autem, & peccatoribus angelis conuersum est in malum: & ideo patet quo modo crescit mala voluntas in malis, scilicet quantum ad vim administratiuam solum. Nec est omnino simile in bonis, & malis: quia voluntas in bonis propter influentiam perfectam statim peruenit ad terminum: & ideo quamvis plura bona faciant, tamen voluntas bona propter hoc non intenditur: sed in aliis non est ita, quia corruptio venit ab ipsis: & non potuerunt ita se inficere, quin adhuc magis quandiu durat tempus: vnde & crescit in eis malitia, & etiam appetitus nocendi, & dominandi hominibus: non sic in Angelis bonis. Concedendæ sunt igitur rationes probantes quod mala voluntas in demonibus intendatur, & crescat quantum ad vim administratiuam, siue in comparatione ad hominem.

1. Ad illud ergo quod obiicitur, quod inordinate mouetur in Deum, dicendum quod sicut in damnatis inordinatus motus voluntatis conuersus est eis in poenam, & imputatur in supplicium, non in demeritum: sic in angelis malis in poenam est conuersus ille inordinatus motus.

2. Ad illud quod obiicitur, quod in omni peccato conuenitur Deus, dicendum quod non est peccatum, quin adsit vis contemplatiua, & quin sit in Deum aliquo modo: sed tamen distinguuntur hic ad inuicem quantum ad principalitatem actuum. Dicitur enim aliquod peccatum esse in Deum, aliquod in proximum, aliquod quantum ad vim administratiuam, aliquod quantum ad vim contemplatiuam: & secundum quod distinguuntur, sic loquimur:

3. Ad illud quod obiicitur quod opposita nata fieri sunt circa idem, dicendum quod illud habet instantiam in accidentibus inseparabilibus, siue sit inseparabile per naturam, siue per acquisitionem: quia ergo in Angelis bonis est gratia inseparabiliter, ideo impossibile est quod insit culpa. E contra intelligendum est in malis angelis. Accidens enim inseparabile, aut est naturale, aut quasi in naturam conuersum: & in his quæ naturaliter insunt: habet illud verbum instantiam etiam secundum Philosophum.

4. Ad illud quod obiicitur de statu hominis mortui: iam patet, quod non est simile, quia simpliciter exit statum meriti: Angelus non.

5. Ad illud quod obiicitur de Angelis bonis, quod non augetur in eis bona voluntas: patet quod non est simile: quia voluntas bona non ita est ab operatione, vt malitia.

6. Ad illud quod obiicitur de simplicitate Angeli, dicendum quod illud argumentum deficit dupliciter. Primo quia voluntas deliberatiua, cum sit libera, non mouetur secundum suum totum posse, quamvis nullum habeat retardatiuum, & illud manifestum est: quia Angelus magis diligit vnum quam alium, & magis odit vnum quam alium: sed hoc non esset si totaliter moueretur in quemlibet, ideo ratio non valet. Præterea alius defectus est ibi: quia esto quantum posset se conuerrere prima vice adhuc posset magis peccare: quoniam posse peccare, est posse deficere, & posse moueri inordinate: & quamvis non possit intensius moueri quantum ad motum, potest tamen magis deordinari, quia semper crescere potest pronitas, & inclinatio ad malum: & ita patet illud.

7. Ad illud quod obiicitur, quod non potest euitare, dicendum quod falsum est. Quamvis enim malitiam voluntatis non possit immutare, potest tamen cessare à nocumento quod homini facit: & propterea ipse induxit se in hanc necessitatem, & non poenitet: & ideo non excusatur: nullus enim excusatur per necessitatem inductam, nisi poeniteat de inductione.

8. Ad illud quod obiicitur: quod diabolus est omnino impossibilis ad gratiam, dicendum quod non crescit mala voluntas quantum ad impossibilitatem suscipiendi gratiam, & hoc est æqualiter in omnibus damnatis: sed quantum ad indignitatem: & diabolus est indignus, & potest esse magis indignus, secundum quod magis offendit, & abutitur bonis naturalibus sibi datis.

ARTICVLVS II.

Consequenter secundo quæritur de liberi arbitrij immutabilitate tam in confirmatis, quam in obstinatis. Supposito quod Angeli in sua conditione habuerint liberum arbitrium, sicut homo, quærentur hic tria. Primum est, vtum confirmatio mutauerit liberum arbitrium. Secundum est, vtum obstinatio aufert libertatis vsum. Tertium est, vtum hæc vel illa minuat libertatis dominium.

QVÆSTIO I.

An Confirmatio mutet liberum arbitrium.

Steph. Brulef. 2. Sent. d. 7. q. 4.

VTUM confirmatio mutet liberum arbitrium, ita quod sit aliud ante confirmationem, aliud post. Et quod sic, videtur. Veritabilitas inest libero arbitrio creato per naturam: ergo quod aufert liberi arbitrij veritabilitatem, mutat eius naturam, & variat: sed confirmatio hæc aufert liberi arbitrij veritabilitatem: ergo mutat, & variat.

2. ITEM nihil idem manens idem, potest oppositas differentias participare: sed mutabile, & immutabile sunt oppositæ differentia entis, sicut mortale, & immortale vi-

Ad oppositum.

*Arist. 2. de Gener. con-
tex. 56.*

uentis : si ergo liberum arbitrium ante confirmationem est mutabile, post confirmationem est immutabile: ergo est aliud, & aliud.

3. ITEM rationales potestates sunt ad opposita, sicut dicit Philosophus: ergo cum potentia definit esse ad opposita, definit esse rationalis: sed post confirmationem liberi arbitrij definit esse ad opposita: ergo definit esse rationalis potestas: sed nulla potentia rationalis potest fieri non rationalis, manens eadem: ergo, &c.

4. ITEM potentia distinguuntur per actus, & actus per obiecta: ubi ergo sunt diuersa obiecta, necesse est etiam potentias diuersificari: sed liberum arbitrium ante confirmationem potest malum, post confirmationem non potest: ergo est aliud, & aliud.

CONTRA: Anselmus de libero arbitrio dicit quod liberum arbitrium est potestas seruandi rectitudinem propter se: sed hæc potestas in confirmatione non tollitur, sed fortificatur: ergo liberum arbitrium non mutatur.

ITEM gratia naturam perficit, & confirmat: sed nihil quod alterum secundum naturam perficit, & complet, mutat eius naturam: ergo gratia adueniens libero arbitrio ipsum non mutat: sed confirmatio est per gratiam: ergo, &c.

ITEM omne confirmans alterum, est conseruans: & nihil conseruans est corruptens & nihil mutat aliquid, nisi corrumpat aliquid: quia non est mutatio sine deperditione: ergo nihil confirmans, mutat: sed confirmatio ideo dicta est, quia liberum arbitrium Angeli confirmat: ergo ipsum non mutat.

ITEM gratia confirmationis facit esse liberum à miseria in Angelis, sicut gratia gratum faciens facit liberum à culpa: sed libertas à culpa non mutat liberum arbitrium, nec eius libertatem: ergo nec libertas à miseria: ergo nec confirmationis gratia.

CONCLUSIO.

Liberum arbitrium per confirmationem non mutatur quo ad substantiam, nec fit aliud: licet quo ad statum, & actum alteretur

RESP. AD Arg. dicendum quod est mutatio alicuius dupliciter. Vno modo quantum ad substantiam, siue essentiam: alio modo quantum ad statum. Vel per alia verba. Est mutari quantum ad primum esse, & esse mutari quantum ad bene esse. Si loquamur de mutatione primo modo, sic sine dubio dicendum quod confirmatio liberi arbitrij non mutat, cum perficiat, & conseruet, sicut ostendunt rationes secundo inductæ. Si autem loquamur de mutatione secundo modo, scilicet quantum ad statum vel bene esse, sic etiam absque dubio planum est, quod liberum arbitrium alium habet statum nunc & aliud complementum, quam haberet prius. Huic autem mutationi non obuiant rationes secundo inductæ, sed solum primo: de qua erat quæstio in partem negatiuam terminata, scilicet quod liberum arbitrium per confirmationem, etsi alteretur, non tamen fit aliud.

1. AD illud ergo quod obiicitur primo, quod vertibilitas est libero arbitrio naturalis, dicendum quod aliquid est naturale propter naturæ complementum, utpote igni quod tendat sursum. Aliquid est naturale propter naturæ defectum, sicut ignem posse extinguere. Sic libero arbitrio est aliquid naturale propter naturæ complementum, ut posse in bonum: aliquid propter naturæ defectum, ut posse verti in malum.

2. AD illud quod obiicitur, quod aliquid mutatur secundum substantiam, quando perdidit illud quod habet per naturam, dicendum quod etsi hoc possit habere veritatem in eo naturali quod consequitur complementum, non tamen est verum in eo quod consequitur defectum, & tale quid, est vertibilitas. Sicut enim dicit Anselmus, posse peccare non est libertas, nec pars libertatis.

3. AD illud quod obiicitur de oppositione differen-

tiarum, dicendum quod sicut mortale, & immortale dupliciter possunt comparari ad substantiam viuentem: sic mutabile, & immutabile ad libertatem. Si enim mortale & immortale utrumque sit per naturam: sic dicunt differentias oppositas essentialiter diuersificantes supposita. Si autem mortale sit per naturam, immortale per gratiam auferentem defectum naturæ: sic non sunt differentie oppositæ, sed sunt compossibiles: vel saltem quod est sub vna, potest esse sub altera sola alteritate, quantum ad bene esse, siue complementum gratiæ. Per hunc modum mutabile, & immutabile per naturam, impossibile est esse circa idem manens idem, nec simul, nec successiue: sed mutabile per naturam, & immutabile per gratiam non sic opponuntur, nec essentialiter distinguuntur: & ideo non variant secundum substantiam liberum arbitrium.

4. AD illud quod obiicitur, quod rationales potestates sunt ad opposita, dicendum quod verum est: sed non ad omnia opposita, sed ad aliqua, utpote ad facere aliquid, & non facere, ad incidere tunicam, & non incidere, ut dicit ipse Philosophus: & hoc modo liberum arbitrium confirmatum ad opposita potest esse: & ideo rationalis potestas est sicut & ante. Quod ergo obiicitur: Non est in malum, & bonum, ergo non est ad opposita: manifestum est quod ista ratio est peccans secundum consequens.

5. AD illud quod obiicitur de diuersitate obiecti quod liberum arbitrium confirmatum non est in malum, dicendum quod hoc veritatem habet de obiecto per se: malum autem non est obiectum per se liberi arbitrij, in quantum liberi, sed solum in quantum deficiens: & ideo non sequitur, si non potest in malum quod non sit liberum, vel quod sit aliud: sed sequitur quod non est deficiens confirmante influenza manus omnipotentis, quæ nullo modo finit deficere, quamvis liberum habeat posse, & velle.

QVÆSTIO II.

An obstinatio tollat à demonibus libertatis usum.

*Marsilius Inguen. 2. Sent. d. 5. art. 2.
Steph. Brulef. 2. Sent. d. 5. q. 5.
Gabr. Biel. 2. Sent. dist. 7. q. unica.*

UTRUM obstinatio tollat à demonibus libertatis usum. Et quod sic videtur: Liberum arbitrium, ut dicit Anselmus, est potestas seruandi rectitudinem propter se: ergo seruatio rectitudinis est usus liberi arbitrij: sed hanc non habent, nec possunt habere Angeli obstinati: ergo, &c.

2. ITEM Anselmus: Potestas peccandi non est libertas, nec pars libertatis: ergo peccare nullo modo est uti libertate: sed demones per liberum arbitrium nunquam faciunt actum, qui non sit peccatum, nec possunt facere propter obstinationem in malo: ergo perdidit libertatis usum.

3. ITEM: Libere velle, & necessario velle sunt opposita: sed demones necessario habent malam voluntatem, ergo necessario volunt malum: non ergo libere: sed libere velle est usus libertatis: ergo amiserunt libertatis usum.

4. ITEM: Phrenetici & insani non habent libertatis usum, quoniam plus in eis regnat appetitus phantasticus, quam rationalis: sed in demonibus est furor irrationalis, amens concupiscentia, phantasia proterua, sicut dicit Dionysius, ergo videtur quod amiserunt liberi arbitrij usum.

5. ITEM: Bestiæ non habent usum liberi arbitrij, quia mouentur secundum impetum: sed diabolus maiori impetu mouetur ad malefaciendum, quam bestia: ergo non habent libertatis usum. Quod autem maiori impetu moueatur, videtur in libr. 8. q. quia dicit Augustinus: Videtur ferocissimas bestias timore poenarum à maximis voluptatibus abstrahi: sed diabolus timore poenæ non dimittit superbire: ergo maiori impetu fertur in malum: ergo &c.

CONTRA

Ari. 9. Met. context. 10.

Arist. 2. de anim. context. 42.

Fundamenta.

1. Perib. cap. ult.

Ad oppositum. Ca. 1. q. 9.

Lib. de diu. nom. c. 4. in medio.

Cap. 1. de lib. arb.

CONTRA : In quocumque est usus rationis, & appetitus, est usus liberi arbitrij: sed in dæmonibus est usus rationis, quia conferunt, & disponunt: ergo, &c.

ITEM ei, quod non habet usum liberi arbitrij, non imputatur aliquid quod faciat: sed dæmonibus obstinatis mala quæ faciunt, imputantur: ergo habent usum liberi arbitrij.

ITEM : Potentia incorruptibilis non alligata organo semper est in suo actu, & usu: sed liberum arbitrium in dæmonibus est huiusmodi: ergo nullo modo potest impediri à suo usu.

ITEM: Nihil quod causatur ab usu liberi arbitrij, & sine illo non potest causari, aufert liberi arbitrij usum: sed obstinatio est huiusmodi: ergo obstinatio non aufert liberi arbitrij usum. Prima patet per se, quia effectus proprius non destruit causam. Secunda patet, quia obstinatio est à mala voluntate.

ITEM: Per quæ quis peccat, per eadem debet puniri: sed dæmon libero arbitrio peccauit: ergo in ipso debet puniri: ergo dæmon habet liberum arbitrium: & constat quod ipsum non est otiosum: ergo habet aliquem usum.

CONCLUSIO.

Liberum arbitrium dæmonis per obstinationem amittit usum sic, quod non potest elicere actum ordinatum in finem, non simpliciter, quod non libere eliciat actum suum.

RESPON. AD ARG. Dicendum quod & si multis modis dicatur usus, sicut habitum est in primo libro: tamen quantum ad præsens sufficit, dico quod usus alicuius potentie dicitur dupliciter. Vno modo actus elicitus à potentia. Alio modo actus elicitus à potentia ad eum finem, ad quem est. Primo modo dicendo, usus liberi arbitrij est libere velle, siue eligere. Secundo modo, usus liberi arbitrij est rectitudinem seruare, quoniam ad illam est. Dicendum est igitur quod obstinatio dæmonibus non aufert usum primo modo, quia libere volunt, quod volunt. Sed usum secundo modo sic, quia eorum potentia, etsi in actum exeat, non tamen in actum ordinatum in finem. Rationes autem probantes quod dæmones habent usum liberi arbitrij procedunt de usu secundum primam viam: unde concedendæ sunt.

1. **AD** illud ergo quod obiicitur ad oppositum de Anselmo, dicendum quod Anselmus diffinit liberum arbitrium per actum ordinatum in finem, qui est seruare rectitudinem, & ita quantum ad usum secundo modo dictum, & hunc amittunt dæmones obstinati.

2. **AD** illud quod obiicitur, quod potestas peccandi non est libertas, nec pars libertatis, dicendum quod verum est: nunquam tamen est sine libertate, sicut nec peccare est sine usu libertatis, siue liberæ voluntatis: Omnis enim qui peccat, libere vult. Et ideo continuatio peccati usum liberi arbitrij non excludit, sed includit.

3. **AD** illud quod obiicitur, quod libere velle, & necessario velle opponuntur, dicendum quod duplex est necessitas: quædam à causa extrinseca, utpote necessitas coactionis, & hæc opponitur ei quod est libere velle. Quædam vero est à dispositione intrinseca, & hæc huic non opponitur, immo stat simul cum libertate: talis est in libero arbitrio dæmonum, quod ira conglutinant sibi malum, ut nullo modo velint ab eo separari.

4. **AD** illud vero quod obiicitur de phreneticis, dicendum quod phrenetici sic habent usum phantasie, quod absorbetur usus rationis, & magis aguntur quam agant: dæmon autem sic habet phantasiam proteruam quod usus & actus rationis non excludit. Illa enim proteruitas potius est à libero arbitrio, quam sit ab infirmitate naturæ: sic ponimus in phrenetico.

5. **AD** illud quod obiicitur de bestiis, quod abstrahantur: ergo minori impetu mouentur, dicendum quod illud impetu mouetur, quod non habet retrahens. Habere autem retrahens, hoc est dupliciter, scilicet intra,

A & extra: impetus autem qui magis repugnat libero arbitrio, est illud quod excludit retinaculum interius, non quod exterius excludit: quoniam igitur impetus bestie excludit retinaculum intra, quamvis possit retrahi per illud quod est extra, ideo non habet liberum arbitrium: dæmon autem habet potentiam interioriorem, per quam sine aliquo exteriori repellente potest retrahi, & quæ à nullo extrinseco potest superari: & ideo impetus dæmonem in malum libero arbitrio non repugnat, sed consonat, & sic patet illud.

QVÆSTIO III.

An Confirmatio in bono, vel obstinatio in malo augeant, vel minuant libertatis dominium.

Stephanus Brulef. 2. Sent. dist. 7. q. 6.
Gabr. Biel. 2. Sent. dist. 7. q. unica, ar. 2.

VTRVM confirmatio, vel obstinatio diminuat libertatis dominium. Et quod confirmatio minuat, videtur. Liberior est potentia, & magis suorum actuum domina, quæ omnino subiacet necessitati, quam quæ subest: sed liberum arbitrium confirmatum necessitatem habet ad benefaciendum, non confirmatum vero minime: ergo confirmatio diminuit dominium.

2. **ITEM:** Quanto potentia amplior, tanto liberior: sed confirmatio arctat liberum arbitrium ad bonum, ante vero erat indifferens ad bonum, & ad malum: ergo videtur quod liberius erat ante, & magis domina actuum.

3. **ITEM:** Potentia quæ exit in actum ex seipsa magis est suorum actuum domina, quam quæ exit mediante alieno beneficio, siue gratia: sed liberum arbitrium non confirmatum ex seipso faciebat quod volebat: confirmatum autem quod facit, implet per gratiam: ergo liberius erat ante confirmationem, quam post.

4. **ITEM** hoc ipsum videtur de obstinatione, primo per Anselmum qui dicit quod potentia peccandi addita libero arbitrio ipsum diminuit: ergo multo magis actus peccandi, ergo maxime necessitas peccandi, sed hoc est in obstinatione: ergo, &c.

5. **ITEM:** Liberius est aliquid quod nulli subiaceret seruituti, quam quod subiaceret: sed liberum arbitrium in obstinatis subiaceret seruituti peccandi, ante vero minime: ergo, &c.

6. **ITEM:** Liberior est potentia quanto facilius exit in actum ad quem est, & tanto minus libera, quanto difficilius est ad illud: sed difficillimum est in Angelo obstinato velle bonum: ergo videtur quod in eo liberum arbitrium maxime sit diminutum.

CONTRA quod obstinatio non diminuat videtur. Dionysius de diuinis nominibus: Data ipsis Angelis dona nequaquam mutata dicimus; sed sunt integra, & spendidissima: ergo si liberum arbitrium fuit eis datum naturaliter: ergo non est diminutum.

ITEM: Liberum arbitrium dicitur liberum eo quod non potest cogi: ergo si libertas diminuitur, aliqua coactio introducit: sed liberum arbitrium obstinati nullo modo potest cogi: ergo nullo modo potest diminui.

ITEM: Si diminuitur per obstinationem, & peccatum; ergo cum non sit infinitum, omnino poterit auferri: ergo videtur quod aliquando perdant dæmones liberum arbitrium, quod est supra improbatum. Quod autem confirmatio non diminuat, sed augeat, videtur per Anselmum in libro de libero arbitrio, qui sic dicit, Qui habet quod decet & expedit, nec potest illud perdere, liberior est, quam qui potest; sed liberum arbitrium confirmatum non potest perdere iustitiam, & rectitudinem, quam expedit & decet habere; non confirmatum potest; ergo, &c.

ITEM: Quanto magis aliquid assimilatur illi quod est liberum infinite libertatis, tanto liberius est; sed liberum

Ad oppositum.

De lib. arb. cap. 1.

Fundamenta. Cap. 4. p. 1.

Cap. 1.

arbitrium confirmatum magis assimilatur Deo, & eius arbitrio, quam non confirmatum: ergo est liberius.

ITEM: Omnis potentia quæ habet dispositionem eleuantem, & reddentem facilem ad illud, ad quod est, est liberior quam illa, quæ caret hac dispositione: sed liberum arbitrium confirmatum sic se habet respectu non confirmati: ergo, &c.

CONCLUSIO.

Obstinatio, & in malo confirmatio non minuit libertatis dominium, quod opponitur coactioni, cum tale sit intrinsecum, & de essentia liberi arbitrii: sed bene minuit, vel auget dominium quod opponitur subiectioni seruicis.

RESP. AD ARG. Dicendum quod quando queritur de diminutione domini libertatis arbitrii, distinguendum est in dominio. Quoddam est enim dominium quod opponitur coactioni: quoddam quod opponitur subiectioni. Si autem loquamur de dominio libertatis, quod opponitur seruituti coactionis: sic priuat coactionem, & hoc dominium est essentiale libero arbitrio, & ideo non minuitur, nec augetur. Rursus, quia omnem priuat coactionem, æqualiter est in omnibus tam in bonis quam in malis; tam in Creatore quam in creaturis, sicut dicit Bernardus in libro de libero arbitrio, ubi dicit quod manet libertas voluntatis integra, tam in malis quam in bonis: tam in creatore quam in creaturis. Si autem dicatur dominium quod opponitur seruituti subiectionis, sic recipit magis & minus, nec inest æqualiter omnibus. Nam in miseris subiaceat miseris: in beatis est liberum: in malis subiaceat culpæ: in bonis est liberum, & tanto liberius, quanto magis distat à malis: in creaturis subiaceat mandatis: in Deo vero est supra omne mandatum: & hoc modo accipiendo dominium, per confirmationem augetur, quæ magis elongat à subiectione culpæ & miseris: per obstinationem minuitur quæ ceruicem submittit utrique. Concedende sunt igitur rationes quod obstinatio minuit, & confirmatio auget: quia hac via procedunt, & ideo verum concludunt.

1. AD illud ergo quod obiicitur primo, quod confirmatio diminuitur propter necessitatem, dicendum quod necessitas immutabilitatis ad bonum nullo modo repugnat libero arbitrio, nec in quantum liberum à coactione, quia coactio est ab extrinseco: nec in quantum liberum à culpa, vel miseria, & ideo non diminuit: illa ergo propositio solum habet veritatem de necessitate coactionis, vel peccati ad malum.

2. AD illud quod obiicitur de amplitudine, dicendum quod potentiam ampliari est dupliciter. Aut respectu eorum, quæ posse est posse, & de talibus verum est: aut respectu eorum, quæ posse est non posse, sed deficere, & respectu talium non est verum & tale est malum: unde diuina potentia, quæ est amplissima, & libertissima non est respectu mali.

3. AD illud quod obiicitur de beneficio, & gratia, dicendum quod illud verum est, si æque bene per se posset, sicut potest cum gratia: sed hoc non est verum, quia illud beneficium gratiæ eleuat potentiam ad ea quæ erat: & per se attingere non poterat.

4. AD illud quod obiicitur, quod obstinatio non minuit, quia integra manent data, dicendum quod illud intelligitur quantum ad substantiam naturalium, non quantum ad habilitates: ut melius infra videbitur.

5. AD illud quod obiicitur, quod libertas est dominium propter priuationem coactionis, dicendum quod quantum ad illum non diminuitur, sicut prædictum est.

6. AD illud quod obiicitur, quod totaliter posset tolli libertas, dicendum quod verum est de ea, quæ diminuitur, qualis est libertas à culpa, & miseria: de alia vero non est verum: & sic patet illud. Patent etiam omnia alia literalia per hæc dicta.

DIST. VII. PARS II.

De consequentibus obstinationem Angelorum malorum.

Huius Partis textum supra videre est.

Et licet mali Angeli, &c.

Expositio Textus.

Supra egit Magister de confirmatione, & obstinatione Angelorum: in hac parte agit de consequentibus ad hæc. Diuiditur autem hæc pars in duas. In prima agit de his, quæ consequuntur obstinationem. In secunda de his, quæ consequuntur confirmationem, infra dist. 9. *Post prædicta superest, &c.* Prima diuiditur in duas. In prima agit de demonum statu post obstinationem quantum ad cognitionem. Secundo vero quantum ad vim operatiuam, ibi: *Quorum scientia atque virtute, &c.* Et illa secunda pars duas habet. In prima determinat potentiam demonum respectu creaturarum generaliter. In secunda vero respectu hominum, & hoc infra distinct. 8. *Solet etiam in questione versari.* Prima pars habet tres partes. In prima ostenditur, quid possint, in secunda vero qualiter, in tertia vero quantum permittuntur. Primum facit, ibi: *Quorum scientia atque virtute, &c.* Secundum ibi: *Nec putandum est istis transgressoribus.* Tertium vero facit, ibi: *Illud quoque sciendum est, &c.* Et ita duo generaliter continet ista pars. Primum est de demonum cognitione. Secundum de virtute.

Triplici acumine scientia vigent demones. Dubium I.

Videtur Isidorus in diuisione ista diminute procedere: quia Augustinus super Genesim quatuor modos ponit: quos etiam Magister adducit in litera.

ITEM: Videtur superflua: Philosophus enim non ponit nisi duos modos: dicit enim quod omne quod quis nouit, discens vel inueniens nouit.

RESPON. Dicendum quod diuisio Isidori sufficiens est, & consona verbis Augustini. Sufficiens autem patet sic: Omnes enim quod demones sciunt, aut sciunt cognitione innata, & sic dicuntur scire acumine sensus: aut cognitione acquisita: sed cognitio acquisita potest esse dupliciter, aut de rebus, quæ sub sunt rationi, & hæc per experientiam addiscuntur: aut de rebus, quæ sunt supra & sic per reuelationem superiorum spirituum. Quod ergo obiicitur de Augustino, dicendum quod duo modi reducuntur ad vnum. Et iterum: Augustinus magis assignat modos prædicendi futura, quam cognoscendi. Philosophus autem loquitur de cognitione acquisita: vel si generaliter de omni, tunc sub inuentione comprehendit sensus acumen, & experientiam temporum.

Partim à sanctis Angelis, &c. Dub. II.

Innuat Magister, quod demones aliqua cognoscunt à sanctis Angelis, quæ ab omnipotenti Deo discunt iussu eius sibi reuelantibus. CONTRA: Demones sunt inimici Dei, & Angelorum: si ergo ab inimicis abscondenda sunt secreta consilia: ergo videtur quod Deus eis nunquam reuelari faciat.

ITEM: Ipsi sunt in tenebris damnationis: ergo cum non sint idonei ad gratiam, & reuelatio sit cognitio gratiæ non naturæ, videtur quod nullo modo fiat ipsis demonibus.

RESPON. Dicendum, & pro vero habendum est, quod dicit Isidorus, & Augustinus quod aliqua præsciunt reuelatione supernorum spirituum, cuius reuelationis attendendus finis, & modus. Finis, quia mirabilis sapientia per inimicantes sibi implet voluntatem suam: unde sicut reuelatio semini de exaltatione Ioseph,

facta

Diuisio,

Lib. 2. de
Gen. c. 17.
10. 3.
1. post c. 1.

facta insidiantibus secundum mirabilem Dei dispositionem, fecit ad eius impletionem, licet secundum intentiones illorum esset ad impedimentum: sic Deus ita ostendit per Angelos suos demonibus, ut dum illi obuiant aliquid valde decens & competens, ordinatissime impleat, & eliceat. Et ex hoc patet primum, quia non est simile. Humanum enim consilium potest irritari, non tamen diuinum. Attendendus est etiam modus: duplicem enim modo fit reuelatio. Aliquando mentis illustratione, sicut fiebat sanctis prophetis, & hæc est gratia. Aliquando vero sola prædicatione, sicut homo reuelat aliquando voluntatem suam: & hoc non est gratia aliquo modo perfectantis, vel eleuantis naturam: sed potest esse opus misericordiae, si illud ordinetur ad bonum eius, cui prædicitur, vel iustitiæ si ordinetur ad punitionem alicuius mali: utpote si ad fallendum fallaces: vel utriusque, si simul ad utrumque: & ita est quasi semper, quia huiusmodi futura prædicuntur demonibus & permittuntur miracula fieri ab eis, ut boni talia paruipendant, in quibus se vident à damnatis, & miseris superari: & mali, & fallaces proficiant in poenis errantes, & in errorem mittentes occulto Dei iudicio, tamen iudicio iusto: unde valde stultum est desiderare facere miracula, vel præscire futura: & quasi magna hæc reputare; cum inimicos Dei in his videamus abundare.

Nec sane Creatores. Dub. III.

Innuat Magister, quod Angeli mali, immo etiam boni non sunt creatores, quia non operantur nisi exterius. Sed contra: Hoc non videtur, pari ratione, quia si solus creator operatur interius, tunc ergo natura nihil producit. Item: Creare est producere aliquid de nihilo: sed si demon propria virtute extraheret semen de potentia in actum, non de nihilo faceret: ergo non esset Creator.

RESP. Dicendum quod quædam est virtus, quæ in productione rerum solum operatur exterius: quædam quæ perfecte operatur interius: quædam partim interius, partim exterius. Virtus artificis solum operatur exterius: amouendo, siue iungendo, & applicando vnâ naturam cum alia. Virtus Dei operatur perfecte interius, quia ipsa primordialia, quæ sunt intima, producit semina. Virtus vero, quæ est partim interius, partim exterius, est virtus naturæ, quæ extrinsecus est respectu rationum seminalium, sed interius respectu producendorum ex ipsis. Natura enim dum operatur, immittit virtutem suam vsque ad intima passivæ: & in illa immessione ipsam essentiam formæ, quæ erat in potentia incompleta non producit: sed productam à Deo supponit, ipsam tamen adiuvando ad actum perfectum adducit: solus igitur ille potest illas seminales rationes facere, qui potest creare: quoniam ipsæ non sunt ex aliis, sed ex nihilo, & ex ipsis sunt omnia quæ naturaliter produciuntur. Igitur nec pater est creator filij, nec agricola segetum: quia licet pater operetur interius sicut natura: tamen operatur exterius, & circa aliquid, & ex aliquo, non ex nihilo: licet non operetur adeo exterius, sicut agricola. Operatio autem demonis magis est similis operationi agricolæ, quam paternæ.

Sicut ergo mentem nostram iustificando formare, &c. Dub. IV.

CONTRA: Si hoc verum est, tunc sicut gratia est à Deo, nullo modo à natura, vel potentia creata: videtur, quod similiter omnis alia forma sit à solo Deo: ergo agens creatum nullam formam inducit.

RESP. Dicendum quod B. Augustinus valde subtiliter loquitur, & veraciter, si verba eius sane intelligantur. Vult ergo dicere, quod sicut mentem nostram iustificando formare non potest nisi Deus: quia gratia non est ex aliquo: sed potius ex nihilo, vel esset abire in infinitum: sic formarum seminales rationes, siue formarum primas essentias solus Deus potest producere: alias enim aut necesse est esse ex nihilo, aut in infinitum abire: non ergo intel-

A ligit Augustinus, quo ad deductionem formæ de potentia in actum quam vocat actionem quodam modo exteriorem: sed potius quo ad productionem illius seminalis rationis quæ est essentia rei aliter se habens, cum est in potentia, & in actu.

Illud quoque sciendum, &c. Dub. V.

Innuat Magister, quod Angeli mali, vel demones quædam possent per naturæ subtilitatem, quæ non possunt propter Dei prohibitionem. Contra hoc est quod Deus sic dedit virtutes rebus, & sic administrat eas, ut, eas agere proprios motus sinat: sicut dicit Augustinus. unde peccare volentes non cohibet, sed sinat, prout volunt peccare: ergo pari ratione non debet Angelorum potentiam cohibere.

RESP. Dicendum quod Deus voluntates non cohibet propter legem libertatis, quam eis statuit: sed iusto iudicio de malo in peius ruere permittit: sed virtutem restringit iudicio æque iusto: quia operatio potentie, ut frequenter in his qui potentia abutuntur, est ad aliorum afflictionem, & punitionem. Quoniam igitur omnis poena debet esse iusta, si habens potentiam iniuste affligit, vel vult affligere, debet potentia compesci non ratione eius qui agit, sed ratione eius qui patitur: nisi altissima Dei iudicia aliud requirant. Quod ergo obiicitur, quod res agere proprios motus sinat, non intelligitur quod non compescat virtutem per contrarias potestates: sed quia tantum sinat agere, quantum suam iustitiam decet permittere.

ARTICVLVS I.

AD intelligentiam huius partis secundum duo quæ Magister determinat, duo quærentur. Primum est de cognitione demonum. Secundum est de ipsorum virtute super rerum productione. Circa primum tria quærentur. Primum, utrum cadat in demonibus deceptio, siue error circa præsentia. Secundum, utrum obliuio circa præterita. Tertium, utrum præcognitio circa futura.

QVÆSTIO I.

An in demonibus cadat deceptio circa præsentia.

*S. Th. 1. p. 2. q. 8. art. 5.
Et Quæst. 64. art. 1.
Et de Verit. 9. 8. ar. 4.
Et de Malo, q. 16. ar. 5.
Ægid. Rom. 2. Sent. d. 7. q. 1. ar. 3.
Stephanus Bruloj. 2. Sent. dist. 7. q. 9.*

QUOD deceptio cadat in demonibus circa præsentia, videtur: quoniam non probauerunt habere Deum in notitia, tradidit illos Deus in reprobum sensum: hoc dicit Apostolus de hominibus. Si ergo æque, vel magis seuerus est Deus in Angelos: ergo videtur, quod dati sunt in reprobum sensum: sed in omnibus talibus cadit error: ergo, &c. Si tu dicas, quod illud intelligitur de sensu in agendis, non in cognoscendis. Contra: Augustinus dicit super Genes. ad lit. quod mali Angeli intelliguntur per tenebras, boni vero per lucem: sed tenebra magis dicit priuationem luminis quam caloris: ergo videtur quod cognitio eorum sit obscurata, ergo & errori subiecta.

2. ITEM videtur quod errori sit penitus subiecta, quia Dion. de diuinis nominibus dicit, quod in demonibus est furor irrationalis, amens concupiscentia, phantasia proterua: sed phantasia est principium erroris: ergo videtur quod ratio eorum penitus sit subiugata errori.

3. ITEM per simile: Homini infligta est pro peccato ignorantia, non tantum agendorum, sed etiam

Ad oppositum.
Rom. 1. d

*L. 1. ca. 17.
tom. 3.*

Cap. 4. circa medium.

cognoscendorum: ergo si non minus peccatum Angeli. A cum debuit puniri, patet, &c.

4. ITEM hoc videtur per simile: Sicut se habet affectus ad bonum, ita intellectus ad verum: sed affectus demonum adeo est depressus, quod non potest moveri in amorem boni, aut inordinate mouetur si amat: ergo nec intellectus in speculationem veri. Si tu dicas, quod peccatum magis corrumpit affectum demonum, quam intellectum. Contrarium videtur: nam omnem prauam electionem præcedit prauum iudicium, quia non eligit voluntas deliberatiua, nisi præcedat iudicium: ergo videtur, quod prima ratio deordinandi sit in iudicio, & ita in cognitione: ergo in cognitiua magis quam in voluntate, vel æque debet esse punitio.

5. ITEM hoc confirmatur: quia excecatio, & obstinatio sunt poenæ peccati: ergo sicut affectio præsupponit cognitionem, ita obstinatio quæ est poena affectionis, excecationem, quæ est poena cognitionis: ergo cum diabolus sit obstinatus, etiam est excecatus.

6. ITEM bonum est diffusiuum sui, & verum similiter: & magis est diffusiuum sui, & verum similiter: & magis est diffusiuum sui bonum quam verum, quia hoc habet de sua ratione: si ergo Deus in quantum bonus subtrahit influentiam bonitatis affectui ipsorum demonum: ergo in quantum verum diffusionem luminis, ipsi cognitiua.

7. ITEM: Quidquid sit de conseruatione luminis dati, tamen demonibus, cum sint in statu damnationis, noua dona non debent dari à Deo: sed nihil potest aliquis addiscere nisi Christo docente, sicut dicit Aug. in lib. de Magistro: ergo si Christus non debet noua dona eis donare: ergo nec nouam cognitionem: ergo in his quæ ante lapsum non cognouerunt, ex quo non habent doctorem veritatis, necessario errant, & decipiuntur.

SED contra in Luca dicitur quod filij sæculi huius, prudentiores sunt filiis lucis in generatione sua, loquuntur de malis: ergo, &c.

ITEM Dion. de diuinis nominibus: Data ipsis dona nequaquam mutata dicimus: sed sunt integra, & splendidissima, loquitur de demonibus: ergo si habuerunt naturale iudicium illuminatum, & potens dirigit in cognoscendis, videtur, &c.

ITEM Iſid. de summo bono: Præuariantes Angeli etiam sanctitate amissa, sensum Angelicæ naturæ non amiserunt.

ITEM peccatum non est contra actum, sed contra ordinem actus: ergo non est contra cognitionem simpliciter, sed contra cognitionem ordinatam in finem: si ergo cognitio speculatiua quantum est de se non dicit cognitionem ordinatam in finem, patet, quod per peccatum non debet deprauari.

CONCLUSIO.

In demonibus iudicium intellectus speculatiui est maneat integrum quantum ad substantiam potentia, tamen per culpam est aliquo modo obnubilatum: Iudicium vero intellectus practici est omnino subuersum.

RESP. AD Arg. Dicendum quod deceptio, & error venit ex deordinatione, siue deuiatione iudicij. Iudicium autem duplex est in quolibet ratiocinante. Vnum quod est cognoscendorum, quod est veri sub ratione veri. Aliud agendorum quod est boni sub ratione boni. Et primum est intellectus speculatiui, nec spectat ad liberum arbitrium, secundum vero est intellectus practici, & est pars liberi arbitrij. Primum iudicium, etiam maneat integrum quantum ad substantiam potentia, nihilominus per culpam est in Angelis aliquo modo obnubilatum, quia errant frequenter in iudicando de multis, & in multis decipiuntur, maxime cum iudicant de contingentibus. Aliud iudicium est in eis omnino subuersum, & quantum ad hoc excecati sunt Angeli mali, sicut quantum ad affectum obstinati: & propter istius iudicij subuersionem dicuntur

facti tenebra, & dati in reprobum sensum, & sic patet responsio ad primum.

1. 2. AD illud quod obiicitur de Dionysio, quod est in demonibus phantasia proterua, dicendum quod phantasia dupliciter accipitur: aliquando pro vi sensitiua colatiua sensibilibus receptorum à sensu particulari: aliquando phantasia dicitur apparitio secundum quod dicitur à phanos, quod est apparitio. Et primo modo est in solis corporibus secundo modo in spiritibus. Hæc autem phantasia proterua dicitur esse in demonibus, quoniam, & sic demones intelligentes sint, & multa vera cognoscant, tamen alios nolunt docere, sed à veritate seducere: & ideo quia non possunt nisi per apparentes similitudines, hinc est quod studium demonum maxime circa talia est intentum, sicut magnus clericus, qui veller alios paralogizare, studeret in sophismatibus: & ideo phantastici dicuntur propter rationes phantasticas, & apparentes, quas inueniunt, & hanc phantasiam dicit proteruam. Quia cum secundum iudicium suum veritatem cognoscant, tamen cognitam scienter impugnant. Et hoc est proteruire scilicet veritati intellectus obuiare, ideo habent phantasiam proteruam. Habent etiam concupiscentiam amentem, quia cum non deberent appetere nisi honestum & conferens, appetunt res maxime nociuas, sicut peccare, & alios in peccatum præcipitare, quamvis hoc non intendant finaliter. Ibi etiam est furor irrationalis, quia cum solis malis deberent ex ratione irasci, irascuntur, & furunt contra bonos.

3. AD illud quod obiicitur, quod homini inflicta est ignorantia secundum speculationem intellectus, dicendum quod verum est in posteris: sed Adæ non est inflicta ignorantia cognoscendorum, quia habuit cognitionem sibi innatam. Sic & demones, quia habuerunt cognitionem sibi innatam & Deus vix subtrahit dona sua naturalia, scilicet gratis data: ideo non infixit istam ignorantiam in intellectu speculatiuo: sed tamē ignorantia poena contraria est, & cæcitas in intellectu practico. Paruulis autem dicitur infligere ignorantiam, non subtrahendo scientiam, sed non apponendo. Præterea: Moles carnis corruptæ aggrauat intellectus iudicium, & ideo non est simile.

4. 5. AD illud quod obiicitur, quod affectus est priuatus rectitudine voluntatis, dicendum quod peccatum magis respicit voluntatem, & magis directe opponitur bonitati affectionis, quam veritati cognitionis: & ideo demones non sunt ita priuari lumine cognitionis per culpam, sicut bonitate affectionis. Verum tamen sicut prius tactum est, est quoddam iudicium, quod est coniunctum voluntati, & est subuersum in malis Angelis, & excecatum: ideo patet solutio ad alia duo sequentia.

6. AD illud quod obiicitur, quod bonum est diffusiuum sui, dicendum quod est loqui de diffusione boni simpliciter, vel boni gratuiti. Si loquimur de diffusione boni simpliciter, ad tot se extendit ratio boni, ad quod & veri, quia vtrumque conuertitur cum ente, & in omnibus entibus. Si autem de diffusione boni gratuiti, non est verum: quia multi sunt, qui idonei sunt ad capiendam intelligentiam, qui tamen idonei non sunt ad capiendam gratiam.

7. AD illud quod obiicitur, quod non debent eis dari dona, dicendum quod donum dupliciter potest accipi, proprie & communiter. Proprie donum dicitur quod simpliciter aliunde est, cuiusmodi sunt gratia infusa, siue dona infusa, & talis est gratia gratum faciens, vel ad eam habilitans. Alio modo dicitur donum, quod est per adiutorium diuinum, nihilominus tamen per acquisitionem nostram, & illud non dicitur proprie donum, sed habito respectu ad hoc, quod non acquiritur sine Dei adiutorio: & hoc modo Deus dat dona bonis, & malis. Quia enim Deus dedit lumen cognitionis ab initio, quod poterat in acquisitionem multorum sensibilibus, & ipse non subtrahit quod dedit, nec etiam conseruationem, cum talia possint stare cum peccato mortali: & ideo qui habet pri-

Phantasia
quot modis
dicatur.

mun

munum donum potest multiplicare, etiam reprobis existens, & Deus dicitur docere non inspirando, siue infundendo, sed cooperando lumini dato, & conservando illud. Exemplum huius est: Deus dedit frumentum avaro, & dedit terram potentem fructificare, cum recolligit multum de blado, de bona terra. Deus dat: sed non ita sicut si ipse sterilem terram sine iactu seminis faceret fructificare: hoc enim proprie esset donum. Primo modo solum large, sic Deus dat dona bonis, & malis, & demonibus, & hominibus, quamvis ipsis hæc ipsa bona in mala convertantur.

Ad ea autem, quæ obliuiscuntur ad oppositum, dicendum quod intelliguntur de iudicio speculari, tamen de illo non est intelligendum, quod magis vigeat in malis, quam in bonis, vel etiam tantum sicut ante lapsum: quia reuera, quamvis multa clare cognoscant, maxime illa quorum cognitio est eis innata, ratione quorum dicit Dionysius, quod habent sibi data integra: tamen in multis errant, & falluntur illi nefandi spiritus, quia præsumptuosi, & curiosi sunt, & ideo frequenter iudicant de his, quæ eorum iudicio non subsunt, & ideo à veritatis tramite in errorem labuntur: & sic patent omnia obiecta.

QVÆSTIO II.

An in Demonibus cadat obliuio.

Richard. 2. Sent. d. 7. art. 3. q. 1.

Steph. Brulef. 2. Sent. d. 7. q. 8.

VTRUM in demonibus cadat obliuio circa præterita. Et quod sic, videtur. Nullus de sapiente sit stultus, nisi aliquid obliuiscatur: demones autem de sapientibus facti sunt stulti, maxime Lucifer, de quo Ezech. Tu plenus sapientia. Et de quo Eccle. Melior est puer sapiens rege sene, & stulto. Glo. exponit de Lucifero, siue diabolo: ergo, &c.

1. **ITEM** gratia reparat, & format totam imaginem: ergo & peccatum deformat: sed deformatio memoria, & corruptio est per obliuionem: ergo videtur quod peccatum in vim memoratiuam inducat in Angelis obliuionem.

3. **ITEM** intelligere, & memorari ipsorum demonum est cum variatione ergo in tempore: sed omne quod mensuratur à tempore, senescit, & tendit ad corruptionem, quia tempus facit distare quod est, vt dicit Philosophus: vnde est principium corruptionis per se: ergo cum corruptio circa vim memoratiuam sit tantum per obliuionem, patet, &c.

4. **ITEM** sicut se habet intelligentia ad errorem, ita memoria ad obliuionem: sed in intelligentia Angeli cadit deceptio, & in voluntate obliquatio: ergo in memoria cadit obliuio.

5. **ITEM** opposita nata sunt fieri circa idem: sed memoria Angeli potest proficere addiscendo: ergo pari ratione deficere obliuiscendo, cum status ille sit magis aptus ad defectum, quam ad profectum.

6. **ITEM** mente humana solus Deus superior est, sicut vult Aug. sed contingit in mentem nostram cadere obliuionem: ergo si par est Angelicæ, multo fortius in mente demonum. Quod autem in mente nostra cadat obliuio quantum ad superiorem partem, patet, quia August. dicit quod eorum cognitio, quæ spectant ad diuinitatem est superioris partis: sed frequenter talium obliuiscimur: ergo, &c.

SED contra: Quod est naturale est indelebile: sed species existentes in Angelica memoria sunt ei innatæ, & concretæ, ergo sunt indelebiles: si ergo obliuio venit per deletionem specierum, patet, &c.

ITEM omne quod recipitur in aliquo, & ibi per modum recipientis: ergo species quæ est in Angelica memoria, est ibi per modum recipientis: sed memoria Angelica est incorruptibilis nec dependet à corruptibili, nec quantum ad substantiam, nec quantum ad operationem, nec

A per se, nec per accidens: ergo species, quæ ibi recipitur, est simpliciter incorruptibilis.

ITEM hoc videtur à minori. Vertibilior est voluntas, quam aliqua interiorum potentiarum: sed culpa quæ ad hæret voluntati, adhæret inuertibiliter: ergo multo fortius species, quæ est in memoria est in ea indelebili: si ergo obliuio est propter deletionem speciei, patet, &c.

ITEM omne quod corrumpitur, aut corrumpitur, quia habet contrarium, aut quia est ex contrariis, aut quia est in aliquo, quod habet contrarium, vel est ex contrariis. Hæc scripta sunt à Philosopho in libro de morte & vita: sed species existens in memoria demonis nullo prædictorum modorum est corruptibilis: ergo, &c.

ITEM Philosophus dicit, quod virtus sensitua non senescit quantum est de se, sed solum ratione organi. Vnde in primo de anima dicit: Senex si acciperet oculum pueri, videret vtique sicut videt puer: ergo cum virtus memoratiua ipsius demonis non pendeat ex organo, non senescit, nec lassatur in operando, ergo nec in recipiendo species: & ita, vt videtur, nihil obliuiscitur.

Arist. 1. de anima con-
tex. 65.

CONCLUSIO.

*In demonibus quo ad memoriam qua dicit habitum, nulla cadit obliuio: sed quo ad actum memorandi dicuntur obliui, præsertim sua salutis, & beneficio-
rum Dei.*

C **RESP.** Ad Arg. Dicendum quod actum memoriæ contingit accipere, & per modum habitus: & iste est, retinere speciem: & esse dicitur per modum habitus, quia continue tenet, & dicit magis statum siue conseruationem, quam actionem. Est & alius actus memoriæ per modum vltus siue actus, qui est meminisse siue recordari. Primus quidem actus naturalis est, & non subest voluntati: nec penes illum attenditur meritum, vel demeritum. Secundus vero actus potest ordinari ad bonum, & eius oppositum, scilicet ad malum. Et secundum hunc duplicem modum distinguendum est in obliuione. Nam si dicatur obliuio per oppositionem ad retentionem speciei, sic est deletio speciei de memoria. Si autem dicatur per oppositum ad recordationem, sic dicit habilitationem siue dehabilitationem quantum ad istum actum, qui est meminisse. Et hoc potest esse bonum, scilicet cum obliuiscimur malorum illatorum nobis: & malum, cum obliuiscimur beneficiorum nobis à Deo collatorum, vel obliuiscimur eorum, quæ nobis essent expedientia ad salutem. Contra: Dicitur in Deuteronomio: Caue ne vnquam obliuiscaris Domini Dei tui, &c. Si igitur loquamur de obliuione primo modo: sic dico quod non cadit in demonibus: nulla enim est in eis deletio speciei. Si secundo modo: sic dico quod cadit, immo cecidit magna obliuio: quia obliui sunt suæ salutis. Sunt etiam obliui beneficiorum Dei: quia cum conuertuntur ad mala, inhabiles fiunt ad recolendum bona: hoc modo concedo, quod obliui sunt.

1. 2. Et sic procedunt duæ primæ rationes. Prima quæ sumpta est à stultitia. Secunda quæ sumpta est ab imagine deformata: nam procedunt hac via.

3. 4. Ad illud quod obicitur, quod intelligere cadit in tempore, dicendum quod cadit in tempore extenso nomine temporis, non prout est motus primi mobilis mensurata: quia nec demonum esse, nec intelligere pender ex illo. Tamen aliter potest dici, quod quamvis actus, vt actus cadat sub tempore, vel in tempore, non tamen actus, vt habitus, quia habet modum substantiæ intra, siue in qua est, nec habet variationem: & ideo sicut substantia demonum, non corrumpitur, nec senescit in tempore, nec habitus: ita etiam nec actus, vt habitus, & talis est retentio speciei: & per hoc patet aliud, quod non est simile de intelligere, & obliuisci, quia intelligere non tam est actus naturalis, quam etiam conformis voluntati, & similiter

Deut. 4. d.

errare,

errare: sed speciem tenere, vel amittere, est ex potentia, vel impotentia naturali. Præterea ratio illa non valet, quia cum memoria habeat naturam specularem, siue speculi: intelligentia naturam luminosam siue luminis: & Angelus plus habet de natura speculi, & de potentia recipiendi, quam de natura luminis: illa enim in solo Deo est potissime, vel in his, quæ sunt deiformes per gloriam: ideo non valet, nec est simile. Magis enim potest in tenendo speciem, quam in recte iudicando: aliqua enim sunt supra iudicium Angeli, non sic est de tentione speciei.

5. AD illud quod obiicitur, quod opposita nata sunt fieri circa idem. Verum est, nisi alterum naturaliter insit, & natura Angeli possibilis est ad receptionem per naturam: ad deletionem vero minime.

6. AD illud quod obiicitur, quod solus Deus est maior mente humana, dicendum quod verum est, quantum ad rationem perficiendi: tamen quia mens humana ex coniunctione cum corpore terrestri aliquas contrahit proprietates, & defectus deprimentes: quantum ad hoc est inferior mente Angelica: & ideo sicut mens humana impeditur ab actuali consideratione propter depressionem corporis, ita etiam compellitur obliuisci: intellectus autem Angelicus semper est in actu intelligendi: & ideo non est mirum, si memoria semper est in actu conseruandi: & sic patent obiecta.

Q V Æ S T I O I I I.

An demones futura contingentia præcognoscant.

S. Thom. 1. p. q. 57. ar. 3.

Et de Verit. q. 8. ar. 12.

Et de Malo, q. 16. ar. 7.

Et Opusc. 3. cap. 135. & 136.

Ægid. Rom. 2. Sent. dist. 7. q. 2. ar. 1.

Et de cognit. Ang. q. 10.

Et Quæst. 1. q. 10.

Richardus 2. Sent. d. 7. ar. 3. q. 2.

Durandus 2. Sent. d. 7. q. 3.

Tho. Arg. 2. Sent. d. 7. q. 1. ar. 3.

Ad oppositum.

UTRUM in dæmonibus sit præcognitio quo ad futura. Et quod sic videtur per simile: quia Astronomi, & Mathematici per cursum astrorum præcognoscunt, & dicunt multa futura, & videmus quod in multis vera dicunt: ergo si maior est intelligentia, & cognitio in dæmonibus: videtur, &c.

2. ITEM hoc ostenditur ab effectu: quia isti Magi, non Diuini per pacta cum dæmonibus multa vera prædicunt, & non possunt nisi per reuelationem dæmonum: ergo videtur quod ipsi futura præcognoscunt.

3. ITEM videtur hoc à minori: quia intellectus agens in somniis, & in ecstasi multa vera futura præuidet: sicut patet, quia frequenter somniamus, quod euenit nobis post longa tempora: sed dæmones sunt omnino abstracti à sensibus: ergo, &c.

4. ITEM ratione videtur: quia anima quodam modo est omnia: quia in ea est, quo est omnia fieri, quantum est ex parte intellectus possibilis: & quantum est ex parte intellectus agentis est in ea, quo est omnia facere: ergo si intellectus agens esset liber, vel possibilis reductus ad actum per agentem, tunc non solum esset in potentia ad cognoscendum futura, sed etiam in actu: & hoc est in dæmonibus, qui creati sunt in actualitate plenæ cognitionis: quorum intellectus agens est liber à corpore: ergo, &c.

SED contra quod non præciant futura contingentia videtur. Quanto aliquid magis est præsens alicui, tanto certius est ei: sed voluntas vniuscuiusque sibi præsentior est ei: sed voluntas certior est sibi quid velle debeat, quam alij: ergo certior est sibi quid velle debeat, quam alij: sed homo nullus certitudinaliter scit quid debeat cras velle, vel cogitare: ergo multominus nec alia creatura, quantum est de se, potest præscire.

ITEM omnis cognitio creaturæ pendet à re scita, quia scibile non se habet in comparatione ad scientem crea-

tum per modum possibilis, sed potius per modum actualis & motiui: sed nulla cognitio pendens à cognoscibili potest esse certa de re incerta: sed futurum contingens est res incerta, ergo non potest certitudinaliter ab Angelo cognosci.

ITEM si cognoscit futura: aut ergo scientia acquisita, aut innata. Si acquisita: sed hæc incipit ab existentia rei, quia à re ipsa generatur in cognoscente: cum ergo res nondum sit, non potest cognitionem eius acquirere. Si innata: ergo non potest ignorare aliqua eorum quæ futura sunt: ergo præsciuit casum suum antequam caderet, quod supra improbatum est tanquam impossibile: ergo, &c.

ITEM si præscit futura: ergo scit quis debeat vincere, utrum ipse, an is, quem tentat: ergo cum ipse refugiat victoriam bonorum, nunquam tentaret nisi illos, quos præsciret sibi succumbere: sed aliquos alios tentat, sicut B. patet in Iob: ergo, &c.

CONCLUSIO.

Dæmones futurorum contingentium non possunt certam habere præcognitionem, cum hoc solius sit Dei: licet ob ingenij acrimoniam, longam experientiam, doctam cautelam, & aliam doctrinam aliquando possint vera prædicere.

RESP. AD Arg. Dicendum quod futurorum est triplex genus. Quædam enim sunt futura, quæ habent causam determinatam, & infallibilem, utpote sunt alia, quæ attenduntur circa motum corporum superiorum, in quibus est determinatio, & omnis impediementi remotio: talia possunt certitudinaliter sciri non solum à Deo, sed à creatura, & hoc in sua causa sicut tempus eclipsis, & cōsimilium. Quædam sunt, quæ habent causam determinatam: sed tamen fallibilem, utpote sunt illa, quæ sunt secundum inferiorem naturam. Quæ ideo habent causam determinatam, quia intentio naturæ mouet determinate ad vnum. Ideo vero fallibilem, quia multipliciter potest occurrere impediementum: utpote ager seminatus, si terra pinguis est, & bona dispositio superiorum corporum, affert pinguem fructum: & ista possunt quodam modo sciri, & præsciri, non tantum à Deo, sed etiam à creatura, quæ nouit naturas rerum superiorum, & inferiorum: non tamen ita certitudinaliter sicut prædicta. Quædam autem sunt, quæ habent causam indeterminatam, & fallibilem, sicut sunt ea, quæ sunt à voluntate nostra, quæ indeterminata est propter hoc, quod est ad opposita. Fallibilis etiam, quia possunt etiam volenti proficere, occurrere multa impediementa, & talia non possunt certitudinaliter sciri ab aliqua creatura in seipsa, sed solum à Deo, vel per reuelationem diuinam. Ratio autem huius ista est, quia cognitio creaturæ pendet ex re: quoniam igitur res incerta est & in se, & in sua causa: ideo creatura non potest certitudinaliter illam noscere, aut præscire. Diuina autem cognitio non pendet à re aliqua: immo omnia, quæ nouit secundum modum suæ veritatis nouit: & quia veritas sua est certissima, certissime cognoscit contingentia, ut necessaria: & hoc melius explanatum fuit in primo libro: & sicut certissime nouit, ita potest certitudinaliter denuntiare, & reuelare: ideo hæc præcognitio futurorum, vel Dei est, vel à Deo: & ideo cum talia prædicuntur, prædictio dicitur diuina, quia talis est actus diuinus: & quia dæmones superbi maxime desiderant honorari, ut Deus, maxime conantur ostendere hoc in se habere: & ideo dicere, quod dæmones per se ipsos futura contingentia præciant certitudinaliter, hoc est eis attribuire, quod Dei est: ideo est ibi infidelitas, & infidelitati frequenter annexa idololatria: ideo diuinitas est prohibita. Quamvis autem dæmones non possint per se ipsos futura contingentia scire certitudinaliter: tamen frequenter vera prædicunt, quia euentum futurum aliquo modo præsentunt. Hoc autem est quadrupliciter: sicut dicit Aug. Aut enim

Dist. 4. ar. 2. q. 2.

Dist. 39.

Aug. de Genes. ad lit. lib. 5. c. 21. & li. 13. c. 17. & 3.

sensus,

ſenſus, vel ingenij acrimonia, aut multa experientia, aut dolosa cautela, aut aliena doctrina. Senſus acrimonia, vt quando vident diligenter, & conſiderant ad quid inclinetur affectio noſtra, vel quæ ſint inducentia, vel retrahentia. Experientia temporum, quia ex talibus, vident accidere talia. Dolosa cautela, quando præponit aliquid facere, & prædicir, quod aliquid ſit factururus. Aliena doctrina, quando iuſto Dei iudicio permittitur addiſcere ab Angelis. Et ſic patet, quod dæmones futura contingentia, etſi poſſunt probabiliter præſentire, non poſſunt tamen certitudinaliter præſcire, ſicut oftendunt rationes ad hoc inductæ.

1. Ad illud ergo quod obiicitur, de Aſtronomis, ſiue Mathematicis, quod dicunt frequenter vera, dicendum quod hoc ſolum eſt coniecturando, ſiue ſecundum legem aſtorum, ſiue ſecundum diabolica commercia. Secundum legem Aſtorum, utpote, quando dominatur ſtella, quæ habet impressionem ſuper diuerſos humores, diſponit ſecundum hoc hominem ad diuerſos mores, & affectiones. Secundum diabolica commercia, vt quando volunt vi aſtorum ultra procedere, quam ad illud, ſuper quod poſſunt: tunc enim niſi diabolus adeſſet, ita frequenter falſum, ſicut verum dicerent: nunc autem cum toto auxilio dæmonum frequenter falſa prædicunt, & decipiuntur. Sed tanta eſt dæmonum aſtutia, quod ita ſciunt occultare fraudem ſuam, vt oftendant errorem, ſiue defectum fuiſſe in Aſtronomo conſiderante, non in arte, aut diabolo aſſiſtente. In hoc igitur ſtat reſponſio quod Aſtronomi de contingentibus habentibus cauſam fallibilem, & indeterminatam non præſciunt vera, niſi ex coniectura: & diabolus ex maiori coniectura, illa præſentit, non tamen certitudinaliter præſcit.

2. Ad illud quod obiicitur de Magis, & Diuinis, quod dicunt vera, dicendum quod verum eſt: ſed cum aliquando dicant falſa, patet quod potius dicunt verum calualiter, quam certitudinaliter, coniectura potius, quam ſcientia. Qui enim ſemel dicit futurum in verbo Domini, & non euenit, ſicut in lege dicitur: ſomniator eſt, & non Propheta Domini: & ideo præcipitur occidi.

3. Ad illud quod obiicitur de ſomniis, in quibus præuidentur futura dicendum quod quidquid de hoc ſenſerint Philoſophi, quorum poſitiones longum eſt retexere, quod de eis dicit ſacra Scriptura indubitanter eſt tenendum. Reprehendit enim eos, qui confidentiam habent in ſomniis: vnde Eccleſiaſticus: Sicut parturientis cor tuum phantaſias patitur, niſi ab Altiffimo fuerit miſſa viſitatio: ideo intelligendum, quod quinque de cauſis fiunt ſomnia. Quædam contingunt ex diſpoſitione corporis. Quædam ex ſollicitudine mentis. Quædam ex illuſione diabolica. Quædam ex reuelatione Angelica. Quædam ex viſitatione Diuina. Prima duo ſomnia ſunt præſagia futurorum, quæ habent cauſam in nobis, vt ſomnia, quæ contingunt ex cauſis corporis, ſunt ſigna infirmitatis. ſomnia quæ contingunt ex ſollicitudine mentis, ſunt ſigna eorū, ad quæ faciendæ, vel deſiderandæ noſtra inclinatur affectio. Aliorum vero non ſunt ſigna de ſe, immo ſi ad alia applicentur, potius præbent occaſionem errandi, quam præſciendi. ſomnia, quæ ſunt à diabolica illuſione nullius ſunt roboris, ſicut nec diuinationes aruſpicum. ſomnia vero, quæ ſunt ab Angelis bonis, aut à Deo, ſunt in nobis ſigna vera, & recta, & ita ex hoc non habetur, quod præcognitio futurorum contingentium aliter trabeatur, quam à Deo, niſi per aliquam coniecturam.

4. Ad illud quod obiicitur, quod anima quodam modo eſt omnia, dicendum quod intellectus agens non eſt ens actu plene reſpectu omnium, quia non eſt plene agens, & ideo indiget iuuari à cognoscibili ad hoc quod fiat in actu, vel à Deo, qui eſt omnino actus reſpectu omnium entium, & verorum: & quia futurum contingens non habet eſſe, niſi indeterminatum: ideo non poteſt intellectus iuuare ad certitudinalem cognitionem habendam de ſe.

5. Ad illud ergo quod obiicitur, quod intellectus agens eſt in actu reſpectu omnium, ad quæ poſſibilis eſt in potentia, ſoluendum eſt per interemptionem, non ſolum in hominibus, verum etiam in Angelis. Quædam enim ſunt ad quæ tam agens, quam poſſibilis eſt in potentia, quia ſunt ſupra poſſe creaturæ: vnde illa propoſitio non habet veritatem, niſi de his tantum, quæ ſunt infra poſſe intellectus creati, reſpectu quorum habet intellectus ſe, & in ratione agentis, & poſſibilis, non autem reſpectu eorum quæ ſunt ſupra: & ſic patet illud.

ARTICVLVS II.

CONSEQUENTER quaeritur de ſecundo articulo, ſcilicet de virtute dæmonum. De qua tria quaeruntur. Primum eſt quaſi præambulum, vtum omnis formæ inductio ſit à Creatore, an aliquæ ſint ab agente creato. Secundum eſt vtum verarum formarum inductio ſit à ſpiritu maligno. Tertium eſt, vtum miniſterio dæmonum poſſit quis vt in huiuſmodi operibus line peccato.

QUESTIO I.

An omnes formæ inducantur à Creatore, vel ab agente creato.

S. Tho. 1. p. q. 10. ar. 2.
Et de Pot. q. 6. ar. 3.
Et de Malo q. 16. ar. 9. & 10.
Et Quod. 9. ar. 10.
Ægid. Rom. 2. Sent. d. 7. q. 3. ar. 1.
Et Quod. 3. q. 8.
Richardus 2. Sent. diſt. 7. ar. 4. q. 1.
Durand. 2. Sent. d. 7. q. 4.
Tho. Argent. 2. Sent. d. 8. q. 1. ar. 1.
Stephanus Brulef. 2. Sent. diſt. 7. q. 11.

VT R V M omnis formæ inductio ſit à Creatore, an aliquod agens particulare ſiue creatum poſſit aliquam inducere. Et quod omnis ſit à Creatore, videtur: primo auctoritate Domini in Iohanne: Pater meus vſque modo operatur, & ego operor: ſed ſi res producerentur quantum ad formam à natura, non propter hoc diceretur Deus vſque modo operari: ergo videtur quod omnis forma ſit ab ipſo.

2. I T E M ratione videtur: Nobilius principium eſt forma, quam materia, & magis dicit quid diuinum: ergo cum natura non poſſit in minus, quia non poteſt in productione materiæ, immo eſt à ſola creatione: multo fortius videtur de forma.

3. I T E M principia rerum ſunt incorruptibilia, vt vult Philoſophus: ergo tam materia, quam forma: ſed incorruptibile eſt ingenerabile: ergo tam materia, quam forma eſt ingenerabilis: ergo ſi producit in eſſe, hoc non erit à natura, ſed ſolum per creationem.

4. I T E M omnis actio creaturæ terminatur ad hoc aliquid: ſed forma non eſt hoc aliquid, ergo non terminatur ad formam: ergo cum productio naturalis ad illud terminetur, quod producit per naturam, impoſſibile eſt formam produci ab agente creato. Nec materiam: hoc conſtat, & omne quod producit ſecundum, aliquod horum producit: ergo nihil producit ab agente creato.

5. I T E M cum producit forma, aut ex aliquo aut ex nihilo. Si ex aliquo: ſed omne quod eſt ex aliquo habet aliquid ſui conſtitutum tanquam principium intrinſecum: ergo forma eſt compoſita ex materia & forma, quod abſurdum eſt. Si ex nihilo: ſed omne quod ex nihilo creatur, eſt à Creatore: ergo nulla forma eſt ab agente creato.

Ad oppoſitum.

Ioh. 1. c.

1. Phyſicor. context. 5.

Ariſtot. 6. Metaphyſicor. context. 7.

6. I T E M

6. ITEM cum forma est in potentia materiæ, aut est in potentia, in qua, aut à qua, aut ex qua. Non ex qua, hoc probatum est cum forma non habeat materiale principium, ex quo constet, immo sit in simplici essentia consistens: ergo in qua, vel à qua, quia materiæ non est agere: ergo solum in potentia, ut in qua: sed forma, quæ solum est in potentia, ut in qua, totaliter est ab extrinseco, & nulla talis forma est naturalis, vel à natura: ergo nullum agens creatum potest naturalem formam producere.

CONTRA: Omnis res sicut vult Aug. Dama. & Philosophus, habet propriam operationem, alioquin aliquid esset otiosum in natura: sed omnis operatio boni alicuius est operatrix, alioquin est frustra: ergo videtur quod omnis res aliquid possit producere, siue operari ad alicuius productionem: aut ergo materiæ, aut formæ: non materiæ, ergo formæ.

ITEM vnius corruptio est contrarij generatio, nunquam enim abiicitur frigus, nisi per introductionem caloris, nec e converso: sed constat quod agens creatum potest abiicere & corrumpere contrarium: ergo potest se, vel simile sibi introducere.

ITEM certum est, quod calidum calefacit: qui hoc non nouit, indiget sensu: ergo calor ignis generat calorem: ergo pari ratione, qua calidum generat calidum, ignis generat ignem, cum non sit minoris virtutis.

ITEM certum est, quod obiectum generat sui similitudinem in speculo, quod patet: si obiectum amoueat, nullo modo resultabit ibi similitudo: ergo pari ratione si adsit materia disposita, agens potest generare sibi simile in natura: ergo, &c.

CONCLUSIO.

Cum in materia sint rationes seminales formarum, agens particulare educit, & inducit formas, illasque producit.

RESP. AD Arg. Dicendum ad hoc, quod de educatione formæ in esse triplex fuit positio. Quidam enim posuerunt latitationem formarum sicut imponitur Anaxagoræ. Et illud potest dupliciter intelligi: aut quod ipse poneret formas actualiter existere in materia, sed non apparere extrinseco, sicut pictura cooperta panno: & iste modus impossibilis est omnino, quia tunc contraria simul ponerentur in eodem alio modo potest intelligi sic, ut essentia formarum sint in materia in potentia: non solum latentes, sed entes in potentia: ut materia habeat in seminales omnium formarum rationes sibi à primaria conditione inditas: & illud concordat, & philosophiæ, & sacræ Scripturæ, & per actionem agentis educerentur in actum: sed hic intellectus non fuit huius positionis, sed primus fuit secundum quod expositores dicunt. Hæc enim positio fuit quod agens particulare nihil agat, sed tantum detegat. Alia fuit positio philosophorum modernorum, quod omnes formæ sint à Creatore. Et hæc positio potest dupliciter intelligi: vno modo quod Deus sit principaliter agens, & producat in omni reiectione: & sic habet veritatem: vel ita quod Deus sit tota causa efficiens: & agens particulare non facit nisi materiam adaptare, ut sicut producit animam rationalem, ita & alias formas: & iste intellectus videtur fuisse illorum philosophorum. Et iste intellectus est impossibilis. Quia agens particulare aut inducit aliquid, aut nihil. Et si nihil: ergo nihil agit. Si aliquid inducit ergo videtur quod aliquam efficiat dispositionem: sed qua ratione potest in vnam, & in aliam: quare ista positio non est rationabilis. Tertia positio est, quod formæ naturales fere omnes ad minus corporales, cuiusmodi sunt elementares formæ, & formæ mixtionis sunt in potentia materiæ, & per actionem agentis particularis educuntur in actum: & ista est positio, quam videtur tenuisse philosophus, & modo tenent communiter doctores in Philosophia, & Theologia. Sed tamen hæc duas habet vias. Nam quidam dicunt, quod

huiusmodi formæ sunt in materia, ut in potentia receptiva, & quodam modo activa siue cooperatiua: quoniam materia & habet possibilitatem ad recipiendum, & etiam inclinationem ad cooperandum: & in agente est huiusmodi forma producenda sicut in principio effectiuo, & originali: quia omnis forma per naturam suæ speciei recipit virtutem multiplicandi se: unde inductio formæ est ab agente formam suam multiplicante. Et ponit exemplum in candela, quo modo vna inflamat multas: & ab vno obiecto relucunt multæ imagines in pluribus speculis, & huiusmodi formæ, ut dicunt, non habet ex quo sint materialiter, sed ex quo originaliter: & ideo non dicuntur creati, nec dicuntur esse ex nihilo. Illud enim creatur, quod nullo modo est: sed talis forma sic producta aliquo modo est, tum ratione agentis, tum ratione materiæ. Alia via est, quod formæ sint in potentia materiæ: non solum in qua, & à qua aliquo modo, sed etiam ex qua: & hoc dicunt, non quia ipsa essentia materiæ sit, ex qua res producit, sed quia in ipsa materia aliquid est concreatum, ex quo agens dum agit in ipsum, educit formam: non inquam ex illo tanquam ex aliquo, quod sit tanquam aliqua pars formæ producendæ: quia illud potest esse forma, & sit forma: sicut globus rosæ sit rosæ. Et ista positio ponit, quod in materia sint veritates omnium formarum producendarum naturaliter: & cum producit naturaliter quidditas, nulla veritas essentia inducitur de nouo, sed datur ei noua dispositio, ut quod erat in potentia fiat in actu. Differunt actus & potentia: non quia dicant diuersas quidditates, sed dispositiones diuersas eiusdem: non tamen sunt dispositiones accidentales, sed substantiales, & hoc non est magnum, si esset in potentia agentis creati, ut quod est vno modo faciat esse alio modo. Et hæc positio inter omnes prædictas videtur esse intelligibilior, & veritati vicinior. Hanc positionem credo esse tenendam: non solum quia eam suadeat ratio, sed etiam quia confirmat auctoritas Augustini, quam Magister allegat: quod quæ producuntur à natura, secundum rationes seminales producuntur. Quid autem sint istæ rationes seminales, videbitur infra quando de his erit sermo. Secundum hanc igitur positionem sustinendum est quod agens particulare educit formas, & inducit, & res naturales producit: & rationes ad hoc inducæ sunt concedendæ.

1. AD illud ergo quod obiicitur, quod Deus operatur vsque modo, dicendum quod verum est, quia vel per se operatur, vel cum aliis: unde argumentum non valet: Deus vsque modo operatur, ergo agens creatum ei non cooperatur.

2. AD illud quod obiicitur, quod non potest in materiam dicendum quod non est simile, quia materiale principium non est in alio ut potentia, cum sit de se potentia: tunc enim esset in potentia, & educeretur potentia de potentia, quod non est intelligibile: secus est in forma ut visum est, & ideo non est simile. Potest etiam sumi ratio ex parte agentis: quia productio creaturæ cum sit agens limitatum, est productio similis à simili: sed constat, quod nihil agit ratione materiæ, sed formæ: ideo magis potest in formam, quam in materiam.

3. AD illud quod obiicitur, quod principia rerum sunt incorruptibilia: illud intelligitur in vniuersali, non in particulari. Vel intelligitur secundum essentiam, non secundum esse: & ideo forma in particulari generatur, & corrumpitur. Vel potest dici quod essentia eius remanet in potentia post corruptionem, sicut ante generationem.

4. AD illud quod obiicitur, quod actio creaturæ ad hoc aliquid terminatur, dicendum quod sicut dicit Philosophus, proprie loquendo, forma non generatur, sed compositum. Cum enim producit formam, non producit in se, nec per se, sed ut in materia, & sic facit compositum & ad illud terminatur generatio: nihilominus generatio, vel productio naturalis respicit compositionem principaliter gratia formæ.

Aug. de Gen. ad lit. lib. 3. c. 14. in fine. Dist. 18. art. 1. q. 3.

Aristot. 7. Metaph. c. 17. c. 32.

5. 6. AD

5.6. Ad illud quod obiicitur, vtrum ex aliquo, aut ex nihilo, dicendum quod secundum tertiam positionem tenendo primam viam illius positionis, formæ producuntur ex aliquo: sed non ex aliquo materialiter vel constitutivè, sed ex aliquo originaliter. Vel secundum tertiam opinionem tenendo viam secundam illius positionis, fiunt ex aliquo: non quod ex dicat partem: sed quod dicat consubstantialitatem, sicut rosa ex globo, quia globus fit rosa: & per hoc patet ultimum. Concedo enim, quod formæ naturales sunt in materia quantum ad potentiam, & in qua, & ex qua, & à qua, secundum prædictum modum. Et si tu obiicias, quod materia nõ agit, nec constituit, dicendum quod essentia materiæ solum se habet per modum receptivi: sed seminarium inditum se habet quodam modo per modum activi, quodam modo per modum passivi, quoniam cooperatur agenti: nihilominus ipsum variatur ab vna dispositione in aliam, vt dictum est. Hæc igitur est summa positionis, quod agens creatum nullam quidditatem, nec substantialem, nec accidentalem omnino producit: sed entem sub vna dispositione facit esse sub alia.

QVÆSTIO II.

An dæmones veras rerum formas rebus inducere possint.

*Alexander Alensis 2. p. q. 43. Membr. 2.
S. Thom. 1. p. q. 110. art. 3.
Et 2. Sent. d. 7. q. 3. art. 1.
Et de Malo, q. 16. art. 9.
Et Quod. 9. art. 10.
Richardus 2. Sent. dist. 7. art. 4. q. 1.
Steph. Brulef. 2. Sent. dist. 7. q. 2.*

VTRUM verarum formarum inductio possit esse à spiritu maligno. Et quod sic, videtur. Primo auctoritate sacræ Scripturæ: nam dicitur: Fecerunt autem malefici similiter: sed constat, quod virga Moyfi conuersa fuit in verum draconem, alioquin non esset verum miraculum: si ergo malefici similiter fecerunt, & hoc non nisi virtute dæmonum: ergo dæmones veros serpentes de virgis facere possunt: ergo & veras formas inducere.

ITEM in Glossa habetur idem: Dæmones discurrunt per mundum, & subito semina afferunt, sic quod novas rerum species producant: ex hoc patet, quod specierum, siue formarum inductio sit à spiritu maligno.

ITEM maior est potestas dæmonum, quam hominum per artificium: sed homines, mediante arte alchimie, diuersorum metallorum species faciunt: ergo multo fortius hoc dæmones possunt.

1. CONTRA: Quod subiacet potentie inferiori, subiacet superiori: sed potentia dæmonum per naturam superior est potentiis rerum naturalium, quia dicitur. Non est potestas super terram, quæ ei possit comparari: si ergo natura inferior veras & novas species potest inducere, & inducit: ergo & potentia dæmonum.

2. ITEM formæ secundum seminales rationes latent in materia, vt habetur in litera, & prædeterminatum est supra: & ad hoc quod fiant in actu non indigent nisi extrinseco adiutorio: si ergo diabolus scit modum educendi, & posse habet ad adiuvandum: ergo veras formas potest inducere.

3. ITEM ordo vniuersitatis est, vt superiora per naturam influant in inferiora, sicut patet, quod cælestia influunt in hæc inferiora: sed spiritualia multo sunt superiora respectu corporalium, quam corporalia respectu corporalium: ergo si corporale adeo potest influere in corporale, quod sua influetia, & virtute, & actione educit forma, de potentia in actum, sicut patet tam in actione elementorum, quam corporum cælestium: ergo multo fortius potest hoc spiritus siue bonus, siue malus.

4. ITEM absorbit virga Moyfis virgas Magorum: quod expones Aug. ait, & habetur in Glossa: Moyfi virga absorbit virgas, non dracones. Absorbere enim potuit quod erant, non quod erant: ergo virgæ quæ vide-

bantur versæ in dracones, erant virgæ non versæ in serpentes: si ergo dæmones tunc operati sunt ita excellenter vt potuerunt: videtur quod species rerum non possint vere transmutare, aut educere.

5. ITEM dicitur, quod manifestatio Antichristi erit in signis, & prodigiis mendacibus secundum operationem satanæ: si ergo mendacia erunt prodigia, & signa: ergo non vere faciet, quod videbitur facere: sed tunc maxime operabitur diabolus secundum posse suum: ergo non potest veras formas inducere.

6. ITEM super illud: Immissiones per angelos malos. Glos. Aug. Ea quæ mirabiliter in creaturis fiunt, attribuire malis angelis non audemus: sed subito de virgis facere veros serpentes, est miraculum, quia contra solatiū cursum naturæ: ergo hoc non potest malus angelus.

7. ITEM ratione videtur hoc ipsum sic: Omne quod dat alteri speciem & actum, est ens actu respectu eius quod dat. Hoc probat Philosophus, & dicit in 7. primæ philosophiæ: Nihil enim dat quod non habet: sed angelus malus nec genere, nec specie conuenit cum istis rebus corporalibus: ergo non potest eis formas & species dare.

8. ITEM in productione, siue in transmutatione rerum naturalium angelus operatur: aut ergo naturaliter, aut artificialiter. Si naturaliter: cum natura sit vis infinita rebus, similia ex similibus procreans, tunc faceret angelos. Si artificialiter: sed quod est ab operante artificialiter, & artificiatum: ergo formæ quas inducit sunt artificiales: sed alinus artificialis non est alinus vere, sed æquiuoce, est similiter manus & consimilia: ergo nunquam inducit veras formas.

9. ITEM si inducit veras formas, ergo facit verà miracula: ergo miracula non attestantur potentie diuinæ: ergo non sunt in robur fidei Christianæ. Si dicas, quod differunt ab istis, quæritur quomodo differunt, & quomodo possunt discerni.

CONCLUSIO.

Dæmones artificiatas formas propria virtute possunt inducere: naturales autem per virtutem tantum alienam, non autem propriam.

RESP. Ad Arg. Ad prædictorum intelligentiam est notandum, quod quando quæritur, vtrum dæmon possit inducere veras formas, aut transmutare de forma in formam, non est quæstio de forma artificiali, quia planum est, quod potest facere imagines, & figuras sicut homo: sed de formis naturalibus, vtrum, sc. possit verum serpentem, & veram ranam producere: & sic de aliis. Ad hanc quæstionem respondendum est per distinct. quoniam quod dæmon formam inducat, dupliciter potest intelligi, aut quod virtute propria, aut quod virtute aliena. Si intelligatur, quod inducat virtute propria: sic absq; dubio falsum est, & hoc dicit August. Si intelligatur, quod virtute aliena, sc. per virtutem rerum naturalium, quas coniungit ad inuicem potest: sicut est exemplum in agricola, qui segetes mediante semine iacto, & terrâ germinante, & aqua irrigante fructificare facit, & hoc est virtute aliena: virtute autem propria generat sibi similem. Et ratio huius est: quia forma naturalis non producit nisi à Conditore naturæ, vel à natura condita operante per modum naturæ: & ideo rem naturalem virtute sibi indita producit: sed operando in agricultura operatur, vt artifex: & ideo naturam potest expedire, & adiuvare: sed re naturæ non potest producere: Dicendum igitur quod spiritus maligni possunt formas artificiales inducere per virtutem propriam, & formas naturales per virtutem alienam: per propriam autem non possunt: & ratio huius est, quia operatur per modum artis in hoc, & non per modum naturæ: vnde sicut natura non producit formam artificialem: sic nec ars formam naturalem. Si quærat ratio huius, dico quod est limitatio potentie agentis ad talem, & talem effectum secundum

2. The. 2. d.

August. in Psal. 77. ibi: Immissiones, &c. hoc non affert: 10. d.

Aristot. 7. Meteor.

Aug. lib. 3. de Trin. c. 8. 10. d.

dispositionem Dei, & primariam ordinationem causarum. Rursus, si quæras rationem, quare Deus sic disposuit: dico, quod ordo sapientie hoc requirit. Cum enim sit triplex agens, scilicet Deus, natura, & intelligentia: ista sunt agētia ordinata; ita quod primū præsupponitur à secundo, & secundū præsupponitur à tertio. De^o enim operatur ex nihilo: natura vero non facit ex nihilo, sed ex ente in potentia: ars supponit operationem naturæ, & operatur super ens completū: nō enim facit lapides, sed domum de lapidibus. Vnde sicut natura non potest anticipare operationē Dei, quæ est de nihilo producere: sic nec ars operationem naturæ. Sed tunc quæres, quare non est cōuerſo, ut ars præcedat naturam, dicendum quod operatio naturalis per naturam prius est in eodem, quam operatio artis. Et præterea est alia ratio. Quia agēs per naturam producit ibi simile secundum veritatem: sed agens secundum artem simile solum secundum speciem, vel ideam, vel exemplar. Quia ergo in productione rei naturalis, siue formæ naturalis agens aliquid impartitur passio, & nihil impartitur aliquid nisi id, respectu cuius est in actu secundum veritatem: ideo formas illas de potentia in actu deducere non potest, nisi quod agit per modū naturæ. In artificialibus autem nihil impartitur agēs passio, sed aufert, vel mutat secundū locum, sicut patet in forma compositionis, & figura incisionis: & hinc est, quod agens per artem non potest per virtutem propriam formas naturales producere, nisi ille solus, qui est actus plenus, & perfectus respectu omnium tam in cognoscendo, quā in operando, scilicet solus Deus. Dicamus igitur breuius, quod has formas, de quibus loquimur, dæmones possunt vere transmutare, non tamen virtute sua, sed naturæ. Vnde tantum sunt ministri, non principales agentes: quia si essent principales agentes, cum non producant per conueniens nomen, & speciem, producerent sicut creator, & ita essent creatores; quod August. expresse negat. Vnde tres rationes primæ verum concludunt, quoniam non probant, quod faciant virtute sua, sed virtute seminum adductorum.

1. Ad illud enim quod obiicitur, quod virtute propria, quia potentia eius est excellentior, dicendum quod illa propositio non habet veritatem nisi de virtute, quæ per omnem modum est superior: vel si in aliis habet locum, oportet intelligi in his ad quæ vtrique virtus habet similiter ordinari: aliter patet esse falsum: homo enim potentior est asino, non tamen potest generare asinum, sicut asinus facit, quia virtus eius non est ad hoc: similiter intellige in proposito.

2. Ad illud quod obiicitur, quod formæ sunt in materia seminaliter, dicendum quod illa ratio seminalis valde remota est ab actu completo, nec potest ad actū reduci, nisi multa adminiculātia habeat ex quorum influenza sibi, & naturæ suæ cōueniēte proficiat, quousque ad actū perueniat. Talis non est influenza spiritus propter disconuenientiam in forma & natura; influere enim potest ad motū localem, & regimē, non ad generationē.

3. Ad illud quod obiicitur, quod spiritualia influant in corporalia, & superiora in inferiora, dicendum quod influunt secundum proportionem vnius ad alterum, & secundum quod competit naturæ suscipientis, aliter enim influit sol, aliter angelus. Sol potest influere corporalem, vel formalem proprietatem, communicando scilicet lucem, & calorem: angelus non sic potest influere in corporalia, sed solum localiter mutando non ad formam, sed ad situm, cum non habeat conuenientiam in forma, & natura.

4. Ad illud quod obiicitur, quod nihil fere faciunt, primo per virgas Magorum, dicendum quod veritas est, quod Glossæ videntur sibi obuiare ibidem: verum tamen hoc magis sonant, quod veros serpentes fecerunt, & denominant ibi serpentes à materia præexistente, sicut serpentem Moyſi vocant virgam, licet verus esset serpens: sic & de aliis intelligendum.

5. Ad illud quod obiicitur, quod Antichristus faciet signa mendacia, dicendum quod illud intelligitur non

quia hoc faciet aliqua signa veracia secundum transmutationem formarum; sed non veracia habendo aspectum vel respectum ad finem, siue ad intentionem: quia ad hoc faciet, ut mendacium, & falsum persuadeat.

6. Ad illud quod obiicitur de Glossa Augustini, dicendum quod Augustinus non negat quin aliquid possit dæmonibus attribui, sed quod non omnia sunt eis attribuenda, immo quædam attribuantur bonis angelis.

7. 8. Ad duas sequentes rationes non oportet respondere: verum enim concludant, scilicet quod angelus propria virtute non potest formas naturales transmutare, siue inducere, vel adducere de potentia in actum.

9. Ad illud quod ultimo obiicitur, si vere educit, vere facit miracula: ergo miracula sunt signa fallibilia: ergo non sunt efficacia nostræ fidei testimonia: dicendum ad hoc, quod etsi sint vera opera, non tamen sunt vera miracula: quoniam miracula non sunt per vim naturæ, sed per vim supra naturam, quæ est agentis primi; sunt enim supra facultatem naturæ, & ideo attestantur omnipotentie facientis: sed opera, quæ faciunt dæmones, etsi miracula videantur, quia fiunt in tempore non perceptibili, non tamen sunt vera miracula, quia fiunt vi naturæ. Attamen si obiicias, quod natura non potest ita cito operari, dicendum quod verum est de hac natura per se: sed taliter potest esse adiuta, & confortata, vel cōfita rebus conuenientibus, ut quasi repente prorumpat in effectū, sicut patet de generatione ranarum, quas de quibusdam foliis in modico tempore nasci cōtingit. Si autem quæras, quo modo discernantur huiusmodi miracula, dicendum quod etsi conueniant in materia, differunt

tamen ex parte principalis agentis, & ex parte ministri, ex parte finis, & ex parte facti. Ex parte principalis agentis; nam in miraculis diuinis operatur agens potentie infinitæ, & supra naturam. In miraculis dæmonū operatur virtus naturæ multipliciter adiuta per naturas alias. Ex parte ministri: nam Dei miracula fiunt per publicam iustitiam secundum veritatem, vel secundum apparentiam. Sed miracula dæmonum fiunt per priuatos cōtractus, & quædam arcana. Et hoc est quod dicit Augustinus, quod boni faciunt miracula per publicam iustitiam, hoc est, per fidem veram, quæ vere iustificat, quam veritas omnibus prædicat. Mali Christiani per signa publicæ iustitiæ, quia fidem habent, & videntur habere opera: sed Magi per priuatos cōtractus: & hoc est quod dicitur in Exodo per incantationes, & arcana quædam Huius signum est, quod ibi sunt tenebrarum opera, quia qui male agit, odit lucem. Ex parte finis differunt similiter: quia miracula Dei fiunt ad vtilitatem, & diuinam gloriam: sed Magorum ad deceptionem, & gloriam vanam, & excellentiam, vnde sunt quasi inutilia. Differunt etiam ex parte facti, quia dæmones faciunt huiusmodi vilia, & inutilia: miracula verò diuina sunt valde necessaria, & vtilia. Vnde dæmones maxime faciunt ranas, & serpentes, quia hæc de facili produciuntur operatione naturæ, & quia diuino iudicio magis permittuntur ad prioris facti memoriam. Vnde sic Deus temperat potentiam, & astutiam diabolicam, ut sic patiat eum peruersè imitari, ut in ipsa imitatione possint seducere malos iuxta eorum merita mala, possint etiam deprehendi à bonis: & ut fides simul cum miraculis habeat locum. Si enim solus Deus, & eius serui miracula facerent, quis non credidisset in Deum miraculis compulsus? Nunc autem cum mali faciunt, & boni faciunt: qui diuinitus illustrantur, ut inter hæc possint discernere, per vera miracula adiuantur: & per dæmonum miracula exercentur, & probantur.

QVÆSTIO III.

An magicis artibus vti possimus absque peccato.

S. Thom. 2. Sent. dist. 8. p. q. 3. art. 2.

Agid. Rom. 2. Sent. dist. 7. q. 3. art. 3.

Richardus 2. Sent. dist. 7. art. 4. q. 2.

Guil. Vorillon. 2. Sent. dist. 7. q. 1.

Steph. Brulef. 2. Sent. dist. 7. q. 12.

VTVM

damæta.

10. 4

1. 6

6. 6

pposi-

7. 5. 4

VTRUM aliquis possit uti ministerio dæmonum in faciendis huiusmodi miraculis absque peccato. Et quod non, videtur. Non potest à dæmonibus requiri consilium absque peccato: ergo nec recipi ministerium, sine consilio. Prima probatur auctoritate, & exemplo. Auctoritate, quia in Levitico præcipitur occidi qui sci- scitantur Magos, & ariolos. Exemplo probatur in libro Regum, ubi reprehenditur, & punitur Rex Israël, qui misit ad consulendum Deum Accaron.

ITEM August. de doctrina Christiana dicit diuina- tiones esse damnandas, & fugiendas: quia ibi interce- dunt pacta dæmonum: si ergo plus est facere, quam do- cere, & primum non est sine pactationibus damnabilibus: ergo nec secundum.

ITEM Diabolus est dolosus, & constat quod nullum diligit nisi in malum suum, & ut ipsum pervertat: ergo qui suscipit ab eo obsequium, committit se discrimin- & omnis talis peccat mortaliter: ergo, &c.

ITEM Diabolus est inimicus Iesu Christi, & Dei: ergo qui suscipit ab eo auxilium, vel facit commercium, cum nulla sit cōuentio Christi ad Belial, efficitur Chri- sti inimicus: sed non potest esse sine peccato: ergo, &c.

1. CONTRA: Hoc videtur auctoritate Apostoli, qui tradebat incorrigibiles satanæ in interitum carnis: sicut patet: ergo utebatur ministerio dæmonum ad adimplen- dam iustitiam: ergo pari ratione potest homo quando indiget uti ad alia obsequia.

2. ITEM si indigeo eleemosyna, non tantum à bono, sed à peccatore, & impio possum accipere, & petere: ergo si indigeo pane, & vino possum hæc petere à dæmo- nio, ut procuret, si non adest homo, qui statim tribuat.

3. ITEM à malo seruo potest quis exigere seruitium, & recipere: ergo si quis sanctus diabolum superauit, po- test ei licite imperare, & eius obsequium in creaturis transmutandis accipere.

4. ITEM esto quod huiusmodi artes solis characteri- bus exerceantur sine immolationibus, & aliis commer- ciis, videtur quod ibi nullum sit peccatum: quia illi cha- racteres aut habent aliquam virtutem compellendi dæ- mones, aut nullam. Si nullam: ergo dæmones nihil faciunt. Si aliquam: sed omnis virtus est à Deo, & uti ali- quo ad id ad quod est, non est peccatum: ergo videtur quod miracula ista dæmonum possunt exerceri absque peccato.

5. ITEM si aliquis suscipiat obsequium dæmonum in his quæ expediunt sibi, siue in miraculis, siue in aliis, bene sciens quantum potest: in quo peccat, videtur quod in nullo. Quia in fide non peccat: quia nihil credit diu- nitatis esse in diabolo. In moribus non peccat: ergo nullo modo, ut videtur.

6. ITEM si ego amissem librum meum, non esset peccatum si requirerem à quocunque qui sciret ubi esset: ergo si aliquis amisit cappam, & ego scio bene, quod diabolus potest nosse: videtur quod illud saltem sine peccato potest fieri: quæritur ergo, utrum huius- modi artes, vel diuinationes possint esse absque peccato.

CONCLUSIO.

Dæmonum ministerio, vel auxilio, in magicis artibus, aut quibusvis rebus magnis operandis non possumus uti sine peccato.

RESP. Ad arg. Dicendum quod huiusmodi artes ma- gicæ, siue diuinationes non possunt esse absque pecca- to, nec potest à diabolo requiri consilium, vel etiam au- xilium, sine ministerio absque peccato, nisi fortassis in hoc casu, ubi Deus diabolum subiiceret homini ius- to suo iudicio, & sicut de aliquibus viris sanctis audi- ni narrari: voluntario autem commercio non potest si- ne peccato. Aut enim est ibi peccatum infidelitatis, ut- pote si dæmonio credendo, attribuat diuinum aliquid. Aut est ibi peccatum idololatriæ, utpote in oblationi- bus, & sacrificiis. Aut inobedientiæ saltē, quia facit con-

tra prohibitionem diuinā, & Ecclesiæ. Ratio autē huius prohibitionis est: quia talis peccat in seipsum, dum se committit discriminari. Peccat in Ecclesiam: quia habet commercium cum illo, qui est omnino præcisus, & Ec- clesiæ aduersarius. Peccat etiam in maiestatem diuinam: dum recurrit ad diabolum, quasi non sit omnipotens, & omnino sufficiens, & benignus Deus Christianorum: & ideo prohibitum est, & sine peccato fieri non potest: unde concedendæ sunt rationes ad hoc inductæ.

1. Ad illud ergo quod obiicitur, quod Paulus uteba- tur ministerio diabolico in puniendo malos, dici potest, quod hoc non erat diabolico commercio, sed magis di- uino iudicio, & ipsius Apostoli imperio, cui subiicie- bantur spiritus maligni, non confederabantur, sicut Magis, & Diuinis. Vel dicendum, quod illud tradere non erat aliud, quam exponere vexationi dæmonum.

2. Ad illud quo obiicitur de eleemosyna quam pos- sum accipere ab impio, dicendum quod non est simile duplici ex causa. Primum quidem, quia etsi membrum non sit actualiter vnitum, non tamen est membrum omnino præcisum sicut dæmonum: & possunt recipi, & impendi ex charitate pietatis officia: non sic est de diabolo, & angelis eius, quorum certa est damnatio. Amplius: Eleemosyna quam habet impius, tempore necessitatis est viri iusti: ergo vir iustus cum exigit eam, & recipit, quod suum est accipit, & ideo iuste facit. Non sic est de ministerio diaboli in faciendis miracu- lis, vel præsiidiis indigemus: quia aut Dominus subuenit per se, aut per angelum suum, aut per proximum no- strum, aut tribuit patientiæ meritum.

3. Ad illud quod obiicitur, quod diabolus est seruus, dicendum quod eius seruitium, & ministerium non est ad hoc deputatum à Deo, nisi fiat speciali priuilegio: sed potius deputatus est ad tentandum, & exercendum, & sic seruit, licet intendat expugnare, quia de malo suo Deus facit bonum nostrum.

4. Ad illud quod quæritur, quod peccatum sit in cha- racteribus, dicendum quod magnum peccatū est, quia ad hoc fiunt, scilicet ad ministerium dæmonum implo- randum, quod non licet: & ideo malo sine fit. Quod au- tem quæritur, aut habent virtutem, aut non. Dicendum, quod ex se non habent virtutem, sed solum ex diabo- lica pactatione: sic enim pepigit diabolus cū illis qui fue- rūt ei familiares, quod talia signa recognosceret, & ad talia se præsenderet offerret. Ostendit autem per illa se cogi, ut ostendat aliquid veritatis esse in huiusmodi ar- tibus, in quibus sunt multa nefanda, per quæ abducitur homo & à fide, & à cultu Dei. Vnde nullo modo cre- dendū est quod tales characteres aliquid possint, maxi- me super spiritus, nisi ex pactatione eorum: & ideo omnia talia carmina vana sunt, & perniciofa: nec facit diabolus, quia in illis delectetur, sed in infidelitate facientium.

5. Ad illud quod quæritur, in quo est peccatum, di- cendum quod si aliquis hoc faciat non credens eos ha- bere posse, nec offerens quidquam, peccat peccato in- obedientiæ, & peccato morum: quia ex hac ipsa inuoca- tione dæmonum facit contumeliam Deo suo, & cœtui Christiano: & dum iungit se schismatico, & mendaci, se periculo cōmittit: sed vix, aut nunquam ex hoc solo diabolo satisfacit, nisi aliqua infidelitas, vel idololatria immisceatur. Sicut enim ad diuina miracula plurimum facit fides recta: sicut sonant Euangelia: sic ad dæmonum miracula facit multum fides peruersa, quoniam diabo- lus peruersus est imitator Dei.

6. Ad illud quod obiicitur quod non sit peccatū quæ- rere de perditis, dicendum quod peccatum est, quia cō- tra prohibitionem: & prohibitū est prædictis de causis. Potissima tamen causa est: quia ipse mendax est, & pater eius, & frequētissime veris immiscet falsa. Et ideo peri- culum magnum est credere sibi: quia posset hominē de- facili inducere in errorem, & dicere quod ille habet rem, qui non habet: & videt per hoc posse oriri mala: & quia etiā ad se allicit per huiusmodi renelationes, & ad suam societate quæ perniciofa est valde, quem desiderat

diabo-

diabolus ut decipiat. Et ideo ut homines minus caueant, in suis diuinationibus quædam honesta præten-
dit: utpote quia puero virgini suas diuinationes ostendit: cum tamen in occultis ad turpissima incitet: & ideo dicit Aug. 2. super Gen. ad litteram in fine: Homini Christiano siue mathematici, siue quilibet impie diuinantium, maxime vera dicentes, cauendi sunt: ne confortio dæmonum animam deceptam pacto quodam societatis irretiant: & sic patet totum.

DISTINCT. VIII. PARS I.

Utrum Angeli omnes corporei sint: quod insolutum relinquitur.

SOLET etiam in questione versari apud doctos, utrum angeli omnes, boni scilicet ac mali corporei sint, id est, corpora habeant sibi unita. Quod aliqui putant, innitentes verbis Augustini qui dicere videtur, quod angeli omnes ante confirmationem, vel lapsum corpora ærea habuerunt de puriori ac superiore aeris parte formata, ad faciendum habilia, non ad patiendum: & angelis bonis qui perstiterunt, talia sunt obseruata corpora, ut in eis possint facere, & non pati: quia tanta sunt tenuitatis, ut a mortalibus videri non valeant nisi superuestita aliqua grossiori forma: qua assumpta videntur, depositaque videri desinunt. Angelis vero malis mutata sunt in casu corpora in deteriolem qualitatem spissioris aeris. Sicut enim a loco digniori in inferiorem locum, id est, caliginosum aerem deiectioni sunt: ita illa corpora tenuia mutata sunt & transformata in deteriora corpora & spissiora, in quibus pati possent a superiori elemento, id est, ab igne. Et hoc Aug. sensisse videtur super Genesim ita dicens: Dæmones dicuntur ærea animalia, qui corporum æreorum natura vigent: nec per mortem dissoluuntur, quia praualet in eis elementum aptius ad faciendum quam ad patiendum. Ad patiendum enim humor & humus, ad faciendum aer & ignis aptitudinem præbent. Transgressores vero angeli cum principe suo nunc diabolo, tunc Archangelo, non mirum post peccatum in hanc caliginem detrusi sunt. Neque etiam hoc mirum est, si conuersi sunt ex pœna in æream qualitatem, qua possunt ab igne pati. Caliginosa tamen aeris tenere tantum permitti sunt qui eis quasi carcer sit usque ad tempus iudicii. Ecce his verbis videtur Aug. id tradere, quod quidam opinantur de corporibus angelorum. Hoc autem cum alij dixisse astruunt non ita sentiendo, sed opinionem aliorum referendo, quod ex ipsius verbis diiudicare voluit: quibus ait: Dæmones dicuntur ærea animalia: non ait, sunt: ita enim quidam dicebant. De habitatione vero caliginosi aeris in quem detrusi sunt non opinando, sed rei veritatem asserendo cum tradidisse dicunt: quod ipsius locutionis distinctio ostendit. Dicunt quoque plurimos Catholicos tractatores in hoc conuenisse, atque id concorditer docuisse, quod Angeli corporei sint, nec corpora habeant sibi unita, assumant autem aliquando corpora Deo praparante, ad impletionem ministerij sui sibi à Deo iniuncti, eademque post expletionem deponunt: in quibus corporibus hominibus apparuerunt atque locuti sunt. Et aliquando quidem locuti sunt ex persona Dei sine distinctione alicuius persona: aliquando ex persona patris, vel filij siue Spiritus sancti.

Quod Deus in corporalibus illis in antiquis formis apparuit.

Nec dubitandum est Deum in corporalibus formis apparuisse hominibus: sicut Augustinus in secundo libro de Trinitate ostendit: conferens diuersa Scripturæ testimonia, ex quibus Deum in corporeis figuris hominibus apparuisse probat: & aliquando ex persona Dei sine distinctione: aliquando sub distinctione personarum sermonem eis factum esse.

Aug. cap. 5, 6. & 7. & pluribus sequentibus, tom. 3.

De perplexa questione quam ponit August. quærens, an ad exhibendum has corporales apparitiones creatura noua sit formata, an angeli qui ante erant missi: etli ipsi missi sunt, utrum seruata sui spiritualis corporis qualitate aliquam speciem corporalem de corpulentiori materia assumpserint, an proprium corpus suum mutauerint in speciem actioni suæ aptam.

Sed ubi Deum hominibus in corporalibus imaginibus apparuisse asserit: perplexam questionem proponit, quam nec absoluit: quærens, utrum in illis corporalibus apparitionibus creatura aliqua crearetur ad illud opus tantum, in qua Deus hominibus appareret: an Angeli qui ante erant, ita mitterentur, ut manentes in suis spiritualibus corporibus assumerent ex corpulentia inferiorum elementorum materiam aliquam speciem corporalem: quam coaptatam quasi aliquam vestem mutarent in quolibet species corporales, veras quidem: aut corpus suum proprium verterent in species aptas actionibus suis per virtutem sibi à Deo datam. Ait enim ita August. in 3. de Trinitate. Querendum est in illis antiquis corporalibus formis & visis, utrum ad hoc opus tantum creatura formata sit, in qua Deus sicut tunc oportuisse iudicauit, humanis ostenderetur aspectibus: an angeli qui iam erant, ita mittebantur, ut ex persona Dei loquerentur, assumptes corporalem speciem de creatura corporea in usum ministerij sui: an ipsum corpus suum cui non subduntur, sed subactum regunt mutantes atque vertentes in species quas velent accommodatas atque aptas actionibus suis secundum attributam à Creatore sibi potentiam: Sed fateor excedere vires intentionis meæ, utrum angeli manente spirituali sui corporis qualitate, per hanc occultius operantes assumant ex inferioribus elementis corpulentioribus corpus, quod sibi coaptatum quasi aliquam vestem mutent, & vertant in quolibet species corporales & ipsas veras: sicut aqua vera in vinum verum conuersa est à Domino. An ipsa propria corpora sunt transformant in id quod volunt, accommodata ad id quod agunt. Sed quod horum sit, quoniam homo sum, nullo experimento comprehendere valeo: sicut angeli qui hoc agunt. Attende lector, quia questionem propositam non soluit, sed indiscussam reliquit, utrum angeli qui mittebantur, seruatis suis propriis spiritualibus corporibus superuestirentur aliqua corpulentiori specie, in qua possent videri: an ipsum corpus mutarent & transformarent in quamcunque velent speciem in qua possent cerni. In quibus verbis videtur Augustinus attestari angelos esse corporeos, ac propria & spiritualia habere corpora.

Aug. cap. 3.

1. tom. 1. b.

Quod Deus in specie in qua est Deus, nunquam mortalibus apparuit.

Ceterum hac velut nimis profunda atque obscura relinquentes, illud indubitanter teneamus, quod Deus in specie essentia sua nunquam mortalibus apparuit, sicut famulo suo Moyse dicit: Non videbit me homo, & uiuet. Et in Euangelio Ioan. legitur: Deum nemo uidit unquam. Visibile enim quidquam non est quod non sit mutabile. Ideo substantia siue essentia Dei, quoniam nullo modo mutabilis est, nullo modo per seipsam visibilis est. Proinde illa omnia qua patribus visa sunt, cum Deus illis præsenteretur, per creaturam facta esse manifestum est. Et si nos latet quomodo ea ministris angelis fecerit Deus: per angelos tamen facta esse dicimus. Audeo ergo fiducialiter dicere, nec Deum patrem, nec verbum eius, nec spiritum eius, qui est unus Deus per id quod est, atque idipsum est, ullo modo esse mutabilem: ac per hoc multo minus esse visibilem.

DISTINCT. VIII. PARS II.

Vtrum dæmones intrent in corpora hominum substantialiter, an illabantur mentibus hominum.

Illud etiam consideratione dignissimum videtur, utrum dæmones, siue corporei siue incorporei sint, hominum substantialiter intrent corpora, eorumque animabus illabantur: an ideo intrare dicantur, quia malitia sua ibi effectum exercent Dei permissione, opprimendo atque vexando eos, vel in peccatum pro voluntate sua trahendo. Quod in homines introeant, atque ab eis expulsi exeant, Euangelium aperte declarat, commemorans dæmonia in quosdam ingressa, & per Christum eiecta: sed utrum secundum substantiam fuerit ingressa, an propter mali effectum dicantur ingressa, non adeo perspicuum est. De hoc autem August. in lib. de ecclesiasticis dogmatibus ait: Dæmones per energiam operationum non credimus substantialiter illabi animæ: sed applicatione & oppressione uniri. Illabi autem menti illi soli possibile est qui creauit: qui natura subsistens incorporeus capabilis est sua factura. Ecce hic videtur insinuari quod substantialiter non illabantur dæmones vel introeant corda hominum. Beda quoque super illum locum Act. Apostolorum, ubi Petrus ait Anania, Cur tentauit Satan cor tuum? dicit: Notandum quod mentem hominis iuxta substantiam nihil implere possit, nisi creatrix Trinitas: quia tantummodo secundum operationem, & voluntatis instinctum anima de his, qua sunt creata, impletur. Implet vero Satan cor alicuius, non quidem ingrediens in eum & in sensum eius, neque introiens aditum cordis, si quidem potestas hac solius Dei est, sed callida & fraudulenta deceptione animam in effectum malitia trahens per cogitationes & incentiua vitiorum pluribus plenus est. Impleuit ergo Satan cor Anania non intrando, sed malitia sua virus inferendo. Idem: Spiritus immundus flamma virtutum de cordibus fidelium expulsus: doctoribus veritatis luctantibus venenum persecutionis infundit. His auctoritatibus ostenditur quod dæmones non substantialiter intrant corda hominum, sed propter malitia effectum: de quibus pelli dicuntur, cum nocere non sinuntur.

DISTINCT. VIII. PARS I.

De Potestate dæmonum quam habent super corpora similia humanis.

Solet etiam in questione versari, &c.

Expositio Textus.

VPRÆ egit Magister de potestate dæmonum respectu creaturarum corporalium communiter: in hac parte agit de eorum potestate respectu hominum. Diuiditur autem hæc pars in duas. In prima agit de potestate dæmonum siue angelorum super corpora similia humanis. In secunda vero agit de potestate dæmonum quam habent super homines: infra distinct. eadem: *Illud etiam consideratione, &c.* Prima pars habet duas. In prima determinat qualiter angeli assumant corpora. In secunda vero incidenter dubiam questionem August. inducit, & tangit hanc materiam, ibi: *Sed ubi Deum hominibus in corporalibus, &c.* Prima pars habet duas: In prima determinat modum per quem angeli habent corpora sibi coniuncta. In secunda vero determinat actum, ibi: *Assumunt autem aliquando corpora.* Similiter secunda pars habet duas. In prima mouet questionem. In secunda determinat. Primum facit ibi: *Sed ubi Deum hominibus, &c.* In secunda vero determinat certa relinquens dubia, ibi: *Ceterum hac velut nimis.*

Deum in corporalibus formis apparuisse, &c. Dub. I.

Videtur quod talis apparitio potius sit occasio erroris quam veritatis. Deus enim caret forma, & figura in corpore, & corporeitate secundum veritatem, & qui credit vel opinatur contrarium, errat. Si ergo frequenter opinamur quæ apparent sensibus, videtur quod talis apparitio sit erroris occasio.

RESP. Dicendum quod forma & figura corporalis non ducit immediate in cognitionem Dei: sed mediante spiritu rationali, cuius ministerio fiebat illa apparitio: & quia in ascendendo prius fit abstractio à corporali forma & figura, quam perueniatur ad Deum dum à corpore ad Deum ascenditur mediante spiritu incorporeo: ideo talis apparitio potius scala est perducens ad cognitionem veritatis, quam sit occasio deviandi. Quod ergo obiicitur, quod illa opinamur interius, quæ apparent exterius, dicendum quod illud verum est, si opinio, vel ratio descendat ad sensum, & ei innitatur; cum autem à sensu abstrahit, & innititur fidei, & reuelationi, non habet occasionem errandi, sed potius veritatem inquirendi.

Non videbit me homo, & uiuet. Dub. II.

Contrarium huius habetur in Exodo: Loquebatur Dominus ad Moysen facie ad faciem. Et in Numeris: Palam & non per figuras, & æigmata Deum vidit: dicitur de eodem Moyse.

RESP. Dicendum est ad hoc, quod in prima auctoritate significatur quod Deus non potest videri à viatore in sui essentia & claritate: sed in duobus sequentibus insinuatur familiaritas Dei ad Moysen: quantum ad apparitionem, & quantum ad contemplationem, in quarum utraque prophetas alios excelebat. Familiaritas apparitionis notatur cum dicitur quod loquebatur ei facie ad faciem: subintelligendum est in subiecta creatura. Eminentia contemplationis, cum dicitur: palam, & non per figuras, & in æigmatibus Deum vidit, quia non tantum fulgebat visione corporali aut imaginaria, sed etiam intellectu.

Visibile enim quidquam non est, quod non sit mutabile. Dub. III.

CONTRA: Corpus cæli Empyrei visibile est, & ta-

men non est mutabile. **ITEM**; quæro de qua mutatione intelligat, aut de mutatione ad situm, aut de mutatione ad formam. Si de mutatione ad situm, hoc nihil est, quia ista nihil facit ad visum. Si de mutatione ad formam, illud similiter falsum est: quia corpora supercœlestia sunt incorruptibilia, & inalterabilia, & tamen visibilia. **ITEM**: Quæritur etiam de quo visu intelligat: aut enim intelligit de visu corporali: aut de visu mentali. Si de mentali, falsum est. Si de visu corporali: Quæritur quæ necessitas sit, quod visibile sit mutabile, cum ita bene sensus iste participet corpora incorruptibilia, sicut corruptibilia.

RESPON. Dicendum quod Augustinus intelligit de visu corporali, & de hoc verum est quod dicit, quod omne visibile est mutabile. Nihil enim potest videre sensus corporalis sine extensione quantitatis: vbiunque autem est extensio quantitatis, ibi est compositio: vbi vero compositio est, possibilis est resolutio, & mutatio ad minus quantum est de natura rei. Solum enim omnino simplex est immutabile simpliciter: & ideo necessario sequitur quod si aliquid videtur sensu corporeo, quod sit mutabile. Ad illud ergo quod obiicitur de Empyreum, & de aliis corporibus cœlestibus, dicendum quod nec Empyreum, nec aliud corpus cœleste, nec corpus quod est, vel potest esse, omnino est immutabile. Quamvis enim non mutantur mutatione quæ est de esse in aliud esse, siue de vna forma in aliam; mutabilia tamen sunt mutatione quæ est de non esse in esse, & mutabilia sunt per naturam mutatione quæ est in non esse. & hæc quia sunt composita, ideo non sunt suum esse. Nullum enim ens est suum esse nisi summe simplex, sicut nullum agens est suum agere nisi summe simplex: & propter hoc quod mendicat suum esse aliunde, dicit Hilarius quod omnibus creaturis accidit esse: & ideo per naturam suam omnia sunt possibilia ad non esse: & sic patet responsio ad totum.

ARTICVLVS I.

AD intelligentiam huius partis tria quærentur circa assumptionem corporum ab angelis tam bonis, quam malis, Primum spectat ad corporis, & spiritus unionem. Secundum ad corporis assumpti formationem. Tertium spectat ad corporis formati & assumpti operationem. Circa primum quærentur duo. Primo quæritur, vtrum angeli habeant corpora naturaliter sibi vnita. Secundo, vtrum habeant corpora sibi voluntarie assumpta.

QVÆSTIO I.

An Angeli habeant corpora naturaliter sibi vnita.

Alexander Alenf. 2. p. q. 34. Membr. 1.

S. Thom. 1. p. q. 51. art. 1.

Et 2. Sent. dist. 8. q. 1. art. 1.

Et Quod. 9. art. 6.

Et de Pot. q. 6. art. 6.

Et de Malo, q. 16. art. 1.

Bgid. Rom. 1. Sent. dist. 8. q. 1. art. 1.

Richardus 2. Sent. dist. 8. q. 1.

Durandus 2. Sent. dist. 8. q. 1.

Albertus de motu Ang. q. 5. art. 11.

Steph. Brulef. 2. Sent. dist. 8. q. 1.

Gabr. Biel. 2. Sent. dist. 8. q. 1.

Vide pro hoc art. Concilium Nicanum. 2. quod laudans sententiam B. Iohannis Episcopi Thessalonicensis, qui cum reprehenderet Gentilem quendam, usum pingendi Angelos, contemnentem, dixit: Angeli corporei, & imitabiles pictura existunt, & circumscribi possunt: & in forma hominis pinguntur, quia in ea, & proprio corpore visus sunt. Hac referente Tarasio Patriarcha, libroque B. Ioh. Episc. in quo cum Gentili disputatur, perlecto, sacra Synodus respondit: Etiam Domine. Sed nodus dissoluitur. Quia Synodus non affirmavit Angelos esse corporeos, sed modum convincendi Gentilem approbavit. Nam quandoque licet extremum probare, ut alterum tollatur. Hac autem controuersia nondum Ecclesia censura terminata est.

Ad oppositum.

VTRUM angeli habeant corpora naturaliter sibi vnita. Et quod sic, ostenditur primo auctoritate

Aug. 8. de Ciuit. Dei, vbi diffiniens dæmones dicit: Dæmones sunt genere animalia, mente rationalia, animo passiva, corpore aëria, duratione æterna: si ergo eadem est natura bonorum spirituum, & malorum, patet, &c.

Aug. 16.

2. **ITEM** per Gregor. in Homil. de Epiphania: Iudæis tanquam ratione vtentibus rationale animal id est angelus nuntiari debuit; sed omne animal habet corpus naturaliter sibi vnitum; si ergo angelus est animal: ergo, &c.

Hom. 10. in Enang.

3. **ITEM** per Bernard. in Canticis, Homil. 3. Liqueat omnem creatum spiritum corporeo prorsus indigere solatio: sed angelus habet omne illud quo naturaliter indiget; cum ergo sit Spiritus creatus, habet sibi corpus naturaliter vnitum.

4. **ITEM** ad hoc est ratio. Quanto substantia est nobilior, tanto in potentiis est multiplicior: sed angelus est nobilior substantia, quam anima: ergo si anima nata est viuificare corpus, multo magis & angelus; sed habet illud naturaliter sibi vnitum, ad quod viuificandum est naturaliter natus aptus: ergo, &c.

5. **ITEM** nobiliori modo viuit quod viuit & influit, vitam, quam quod non influit: in fluenta enim signum perfectionis est, & complementi: ergo si angelus est ita nobile viuens sicut anima, & anima potest aliquid viuificare, ergo & angelus: sed non potest viuificare nisi corpus naturaliter sibi vnitum ergo, &c.

Ad oppositum Damascenus diffiniens angelum dicit quod angelus est substantia intellectualis, incorporea: ergo angelus non habet corpus sibi vnitum, quia si haberet corpus sibi vnitum naturaliter, sicut homo dicitur esse corporeus, ita & angelus.

Fundamēta. L. 1. cap. 3. de fide Orthod. 2a.

ITEM Dionysius in pluribus locis dicit quod angeli sunt diuinæ mentes, & spiritualia lumina, immateriales, & incorporei.

Dion. de diuin. nom. c. 4.

ITEM hoc ipsum ostenditur rationibus sic: Tanto substantia est nobilior, quanto est Deo similior: sed Deus omnino caret corpore: ergo substantia spiritualis omnino carens corpore est nobilior inter substantias creatas: ergo vel est eam ponere in vniuerso, vel in vniuerso deficiet nobilissima creatura: & tunc vniuersum esset acphalum, quod est inconueniens.

ITEM si aliquid componitur ex diuersis naturis, & alteram illarum est reperire per se, contingit similiter per se reperire & reliquam, sed homo componitur ex substantia corporali, & spirituali: ergo cum sit reperire substantiam pure corporalem, per se est reperire substantiam pure spiritalem: hanc autem dicimus angelum: ergo angelus non habet corpus.

ITEM quia homo componitur ex corpore, & anima, cum peccauit factus est passibilis, & mortalis: ergo si angelus haberet corpus sibi vnitum, sicut & homo, videtur saltem, quod angeli qui peccauerunt, sint mortales, & corruptibiles; quod si plane falsum est, manifestum est, &c.

CONCLUSIO.

Angeli neque boni, neque mali habent corpora naturaliter sibi vnita: sed sunt substantia mere spirituales.

E **RESP.** Ad arg. Ad prædictorum intelligentiam est notandum, quod circa istam quæstionem dubitauerunt aliquando magni doctores, vtrum sc. angeli habeant corpora naturaliter sibi vnita: vnde super hoc dubio loquitur tam Aug. quam Bern. sed tunc satis certitudinaliter tenetur, & Magister & Richardus affirmant, quod angeli sunt naturaliter incorporei, nec habent corpora naturaliter sibi vnita. De hoc tamen plures dubitant, vtrum dæmones habeant corpora sibi inseparabiliter alligata, in quibus torqueantur. Sed satis planum est quod sicut boni angeli non habent corpora nisi voluntarie sumpta, sic nec mali: & huius signum est, sicut dicit Richardus, quod corpus modicæ quantitatis à maxima mul-

titudine

titudine dæmonum aliquando obsidetur, sicut legitur in Marco de illo qui dicit: Legio mihi nomen est: legio enim videtur Richardus dicit continet sex milia sexcentos 66. unde si dæmones corpora haberent, cum suis corporibus nullo modo possent subintrare corpus ita modicum. Propter quod satis probabiliter dici potest, quod non solum non habent corpora sibi naturaliter vnita, verumetiam nec boni, nec mali habent inseparabiliter alligata quantum est de lege communi. Nec obstat eorum cruciatus: quia, sicut in Quarto Libro ostenditur, spiritus absque corpore secundum ordinem diuinæ iustitiæ potest ab igne materiali puniri. Concedendæ sunt igitur rationes ad hanc partem.

1. Ad illud vero Augustini quod inducitur in lib. 8. de Ciuit. Dei: dicendum quod ibi loquitur August. secundum opinionem Apuleij, & frequenter circa hanc materiam plus loquitur secundum aliorum, quam secundum sententiam suam.

2. Ad illud Gregorij quod angelus est animal, dicendum quod aliquid esse animal dupliciter dicitur: aut ratione formæ, aut ratione operationis animali debita: ibi autem dicitur angelus animal non ratione formæ, sed potius ratione operationis consequentis. Vel aliter. Esse animal dupliciter potest dici, vel secundum veritatem, vel secundum ostensionem, siue apparentiam: Gregorius autem loquitur de secundo modo, quia angelus apparet esse animal cum assumit corpus, ipse autem obicit secundum primum modum accipiendi animal.

3. Ad illud quod obiicitur de Bernardo, quod omnis spiritus creatus indiget corporeo solatio, dicendum quod indigere corpore potest esse dupliciter: aut propter se, aut propter alios. Spiritus indigens propter se, est spiritus brutalis, vel humanus: & de hoc verum est quod habet corpus naturaliter sibi vnitum. Spiritus vero indigens propter alios, est spiritus angelicus, & iste non habet corpus sibi naturaliter vnitum: sed assumptum voluntarie, vt ministrat aliis. Vnde Bernardus: Angelici spiritus ad ea capiendæ quæ beatam faciunt creaturam nullo modo suis corporibus adiunantur: & ideo non habent ea coniuncta propter indigentiam supplendam in seipsis, sed in nobis: & quia hanc suppleant ad tempus: ideo non habent ea vnita simpliciter: sed ad tempus.

4. Ad illud quod obiicitur, quod substantia nobilior est, quæ multiplicior est in potentiis, dicendum quod verum est in aliis potentiis quæ simpliciter attestantur perfectioni, potentia autem viuificandi corpus, & si quodam modo sit perfectionis, nihilominus propter coniunctum habet quandam indigentiam, & imperfectionem: & ideo ab illa substantia quæ perfectissima est inter creaturas, est aliena: hæc autem est substantia angelica, nec de hac potentia concludit ratio supradicta.

5. Ad illud quod obiicitur, quod influens vitam, & habens vitam nobilior est quam habens tantum, dicendum quod aliquid communicare, siue dare vitam aliis potest esse dupliciter: aut per modum efficientis, & hoc simpliciter perfectionis est, & sic competit soli Deo: aut per modum informantis, & sic non est simpliciter perfectionis, immo perfectionis cum imperfectione iunctæ. Et ideo neutrum conuenit angelo, quia perfectio sua maior est, quam sit perfectio viuificantis per modum formæ: & minor quam sit perfectio dantis vitam per modum causæ. Et loquor de vita quæ competit rationali substantiæ.

QVÆSTIO II.

An Angeli quandoque assumant sibi corpora.

Alex. Alensis 2. p. q. 34. Memb. 2.
S. Thom. 1. p. q. 51. art. 2.
Et 2. Sentent. dist. 8. q. 1. art. 3.
Et de Pot. q. 6. art. 7.
Scotus 2. Sent. dist. 8. q. unica.
Ægid. Rom. 2. Sent. dist. 8. q. 1. art. 2.
Richard. 2. Sent. dist. 8. q. 2.

Thom. Arg. 2. Sent. dist. 8. q. 1. art. 1.
Steph. Brulef. 2. Sent. dist. 8. q. 2.
Gabr. Biel. 2. Sent. dist. 8. q. 1. art. 2.

VT R V M angeli aliquando assumant corpora. Et quod sic, videtur per Bernard. in cantica Homil. 3. Discurrete, & de loco ad locum moueri non est nisi corporum: sed angelus malus ad ministerium discurret, & de loco ad locum venit: ergo vel est corporeus, vel habet corpus naturaliter vnitum, vel corpus assumptum: sed non primo modo, nec secundo: ergo tertio.

ITEM nulli potest imponi hospitalitatis obsequium, nisi habeat corpus naturaliter vnitum, vel assumptum: sed angelis aliquando impensa sunt hæc officia, sicut dicitur ad Hebræos quod quidam placuerunt Deo angelis hospitio receptis: ergo vel habuerunt corpora vnita, vel assumpta: sed non habuerunt naturaliter vnita: ergo, &c.

ITEM nulla substantia spiritalis ex sui consortio præbet solatium sensui, nisi per inhabitationem corporis fiat visibilis: sed angeli frequenter præbent solatia non solummodo secundum spiritum, sed etiam secundum sensum, sicut patet in angelo Tobie: ergo inhabitant corpora: sed illa non habent semper vnita: ergo voluntarie assumpta.

ITEM nullus spiritus potest visibiliter demonstrari ad demonstrationem corporis, nisi sit aliquo modo corpori illi coniunctus: sed angelus qui loquebatur Tobie visibiliter, poterat demonstrari, & vere dici: Hic est Raphael, vel, hic est angelus: ergo habebat sibi corpus illud aliquo modo coniunctum, sed non per naturalem coniunctionem: ergo per voluntariam assumptionem.

ITEM nihil est organum, vel instrumentum alicuius immediatum, nisi immediate assumatur ab illo, vel naturaliter coniungatur illi: sed angelus multa exercet opera circa nos, sicut loqui, & manducare, quæ non possunt exerceri nisi mediante corpore organico, vel instrumento: ergo, &c.

CONTRA: Maiorem conuenientiam habet anima rationalis ad corpus, quam habeat angelicus spiritus: sed anima exuta, corpus non assumit, ergo nec spiritus angelicus.

2. **I**TEM proportio debet esse assumentis ad assumptum: sed spiritus angelicus est omnino incorporealis: ergo non habet proportionem ad corpus: ergo nunquam assumit illud.

3. **I**TEM aut competit angelo habere corpus, aut non competit: Si competit habere: ergo videtur quod angeli non sint perfecti, quando non habent corpus. Si non competit: ergo quando assumit, habet quod non decet ipsum: ergo si angelus bonus non facit nisi quod decet ipsum, non assumit corpus.

4. **I**TEM si assumit, aut propter aliquid, aut propter nihil. Si propter nihil: ergo frustra. Si propter aliquid: aut est bonum, aut malum. Si bonum: ergo per corpus assumptum meretur. Si malum: ergo per corpus assumptum demeretur: ergo angelus debet & potest puniri & præmiari eum tempore assumpto, quod est inconueniens, & plane falsum.

5. **I**TEM vbicumque est assumptio, ibi est aliqua vnio vel in persona, vel in natura, sicut patet in assumptione humanæ naturæ à Filio Dei: ergo si angelus assumit corpus, vnit sibi vel in persona, vel in natura. Sed non in natura vnit sibi, quia non resultat tertium, nec in persona, quia non est communicatio idiomatum: ergo nullo modo est ibi vnio: ergo nec assumptio.

CONCLUSIO.

Angeli boni interdum corpora assumunt humana ad operationes aliquas exercendas, ad seipsos manifestandos, atque ad homines consolandos.

RESPON. Ad Arg. Dicendum quod in angelis duplex est, scilicet contemplatiua vis, & administratiua.

Secundum contemplatiuam, conuertuntur ad Deum, & sic non indigent solatio corporis assumpti. Secundum administratiuam descendunt ad nos, & condescendunt nobis, & ut nobis congruentius condescendant indigēt solatio assumpti corporis. Indigent inquam ad aliquas operationes exercendas, indigēt ad seipsos manifestandos, indigent ad nosmetipsos latificandos, siue confortandos, & ideo assumunt corpora sicut instrumenta, vel organa ad operandum, sicut signa ad manifestandum, sicut cooperimenta, vel habitacula ad conuersandum. Unde corpus assumptum coniungitur illis sicut instrumentum motori, sicut signum significato, sicut habitaculum inhabitatori. Hoc autem magis exigit indigētia ex parte nostra quam indigētia ex parte sua: & quia finis imponit necessitatem his quæ sunt ad finem, & corpus effigiatum, vel organizatum humana effigie maxime competit operationibus spiritus rationalis, & expressius significat, & tanquam pulchrum indumentum quodam modo decorat: ideo angelus assumit corpus, non qualecunque, sed humana effigie insignitum, & concedente rationes hoc ostendentes. Ad rationes ad oppositum iam patet responsio.

1. Ad illud enim quod obiicitur de anima exuta, satis plana est responsio: non enim est simile, quia non habet vim ministratiuam, nec vsum administrandi, & ideo nec corpus assumit, nec habere debet potentiam assumendi.

2. Ad illud quod obiicitur quod proportio assumptis. &c. dicendum quod proportio attenditur, & inuenitur ibi per eum modum per quem est assumptio. Cum enim non assumatur in unitatem naturæ, non requiritur quod sit ibi proportio sicut perfectionis ad perfectibile: sed sufficit quod sit proportio sicut motoris ad mobile.

3. Ad illud quod quæritur vtrum competat angelo habere corpus, &c. dicendum quod competit habere corpus ut voluntarie assumptum ad complendum ministerium, sed non competit ad suum esse completum: ideo nec carentia generat indigentiam, nec assumptio generat indecentiam.

4. Ad illud quod quæritur propter quid assumit, vtrum propter aliquid, vel propter nihil, dicendum quod propter aliquid sicut prædictum est: illud tamen propter quod assumit non perficit per corpus tanquam anima per corpus proprium: sed tanquam artifex per instrumentum: & ideo sicut instrumentum per quod quis meretur non remuneratur sic nec corpus ab angelo assumptum.

5. Ad illud quod obiicitur, quod ubi est assumptio, debet esse vnio in persona, vel in natura, dicendum quod non sufficienter diuidit, quia homo assumit vestimentum cum se induit, non tamen vnit sibi in persona nec in natura: sed illud locum habet in illa assumptione in qua est vnio perfecta, qualis est cum Dei filius assumpsit humanam naturam. Ex prædictis igitur patet quæstio proposita, & responsio ad obiecta, patet etiam pro quanto dicitur angelus corpus assumere, quia non solum propter hoc quod moueat vel operetur aliquid circa corpus: sed quia illud accipit ad se ut in illo operetur, ut in illo manifestetur, ut in illo conuersetur: & quia in illa coniunctione siue acceptione corpus potius sequitur modum spiritus quam conuerso, quia ab illa formatur, & conseruatur, & regitur: ideo angelus se habet in ratione assumptis, & habētis, corpus vero in ratione assumpti & habiti.

ARTICVLVS II.

CONSEQUENTER quæritur de secundo articulo, sc. de formatione corporis assumpti. Circa quod duo quærantur. Primo quæritur de ipso corpore assumpto quantum ad principium formale. Secundo quantum ad principium materiale.

QVÆSTIO I.

An Angeli assumant verum corpus humanum.

*Alexander Alensis 2. p. q. 34. Membrum 3. & 4.
S. Thom. 2. Sent. dist. 8. q. 1. art. 3.*

*Egid. Rom. 2. Sent. dist. 8. q. 1. art. 2. dub. 1.
Richardus 2. Sent. dist. 8. q. 4.
Guil. Verilon. 2. Sent. dist. 8. q. 4.
Scep. Brulef. 2. Sent. dist. 8. q. 4.*

VTRVM illud corpus habeat veram formam corporis humani. Et quod ita sit, videtur: quia cum appareat esse corpus humanum: aut est verum, aut est ibi error, & deceptio: sed error & deceptio non competit angelis sanctis: ergo cum assumunt corpora quæ videntur esse humana vere habent formam humanam.

2. ITEM ad corpus humanum nihil plus requiritur nisi æqualis completio, & debita organizatio, sicut dicunt Naturales: sed corpus quod angelus assumit debitam habet organizationem: si ergo organizatio præsupponit completionem: ergo videtur quod habeat totum, quod est de veritate humani corporis.

3. ITEM quod angeli vere possint formare corpus humanum videtur: Corpus humanum, sicut dicit Augustinus est in rationibus seminalibus sicut & alia corpora: sed quia formæ quorundam animalium ut serpentium, & huiusmodi habent rationes seminales dispersas in rebus: ideo dicit Augustinus quod ministerio demonum vere educuntur: ergo pari ratione, ut videtur, & corpora hominum. Si tu dicas quod non valet, quia maior requiritur dispositio ad producendum corpus humanum, hoc non soluit: quia quod potest disponere à remotis in principio operis continuando actionem, cum non sit distantia infinita, poterit venire ad dispositionem immediatam: ergo si angeli possunt veloci operatione producere corpora animalium minus perfecta: ergo & pari ratione corpora animalium magis perfecta: ergo & corpus humanum.

4. ITEM si aliquid agens indifferēter se habet ad aliqua producenda, qua ratione potest in vnum, potest in alterum: sed angeli non habent maiorem cōuenientiam cum corporibus serpentium, quam cum corporibus hominum, immo magis econuerso: ergo si possunt auxilio naturæ producere vera corpora serpentium, possunt auxilio naturæ producere vera corpora hominum: ergo & assumere.

5. ITEM quod potest in maius, potest in minus: sed anima quantumcunque sit modicæ nobilitatis excellit nobilitatem cuiuscunque corporis: sicut dicitur in lib. 8. de Ciuit. Dei, & in aliis locis multis: cum ergo ministerio angelorum educi possint & educantur animæ vegetabiles, & sensibiles quorundam animalium, multo fortius producere possunt vera corpora hominum.

Ad oppositum sic: Eiusdem virtutis creatæ est corpus formare & informare, quia vis formatiua est ab informatiua, sicut perfectiua. Sed nullus Spiritus angelicus potest humanum corpus perficere: ergo nec formare.

ITEM angeli non possunt operari circa creaturas nisi cum adiutorio naturæ: sed nulla natura potest generare corpus humanum nisi illa quæ ei est similis in specie: ergo angelus non potest formare verum corpus humanum nisi mediante homine: sed homo non potest corpus humanum educere nisi generando: ergo nec angelus vera corpora humana formare nisi per generationem hominis: sed cum assumit corpus, non indiget humano auxilio: ergo nunquam verum assumit corpus humanum.

ITEM si possunt corpus de nouo formare ergo pari ratione & corruptum reparare: ergo possunt mortuos suscitare, quod est solius Dei proprium.

ITEM si corpora assumpta ab angelis essent vera corpora humana, haberent appetitum ad animam rationalem: sed Deus complet appetitum naturæ: ergo statim infunderetur eis anima rationalis.

ITEM si corpora vera humana assumerent, aut secundum statum gloriæ, aut secundum statum viæ. Non secundum statum gloriæ, hoc constat, quia iam vltius corpus illud non esset corruptibile, nec ab angelo separabile. Si ergo assumunt, hoc est secundum statum viæ: sed corpora humana secundum statum viæ sunt ponderosa,

Ad oppositum.

Aug. lib. 1. de Cin. Dei c. 14. tom. 5.

Lib. 3. de Tri. c. 8. 10. 3.

Cap. 15. & lib. 9. cap. 9. tom. 5.

Fundamēta.

& grania siue in statu naturæ corruptæ, siue in statu innocentie: ergo non essent habilia ad motum, nec ad velox ministerium: ergo si non assumunt corpora nisi propter ministerium: ergo non assumunt vera corpora humana.

CONCLUSIO.

Angeli vera corpora humana complete organizata, & perfecta non assumunt, cum tale corpus ad ministerium illis non competat: nec veram formam naturalem absque natura auxilio, educere valeant.

RESP. Ad Arg. Dicendum quod corpora assumpta ab angelis non habent veram formam, & completionem corporum humanorum, nec etiam organizationem completam, sed solum effigiem. Et huius ratio est duplex. Vna quia non competit angelis tale corpus ad ministerium, sicut nunc ultimo ostensum est. Alia ratio est, quia angelus non potest educere formam naturalem in esse nisi adiutus à virtute naturæ, sicut habitum fuit in præcedenti distinctione. In virtute autem naturæ est producere corpora omnium animalium: veruntamen aliter, & aliter. Ad quædam enim educenda sufficit causa vniuersalis sine adiutorio agentis particularis consimilis in specie naturæ, cuiusmodi sunt animalia, quæ generantur per putrefactionem. Quædam autem sunt ad quæ non sufficit nisi adiuentur ab agente consimilis speciei sicut corpora animalium, quæ producuntur solummodo per propagationem, & istud planum est ad sensum. Si autem queratur ratio huius. Prima est diuina institutio secundum quam est limitatio in virtutibus, & naturis rerum: & hoc secundum legem quam indidit eis ab initio. Vnde sicut dixit: Germinet terra herbam virentem, non dixit quod germinaret hominem. Homini autem dixit, quod se multiplicaret, sic terra germinat herbam, & homo generat hominem. Hæc autem lex, siue institutio non est absque ratione: quia quædam sunt animalia imperfecta tam in organizatione, quam in duratione: quædam vero perfecta utroque modo. Quia vero quædam corpora animalium sunt imperfecta & in organizatione, & in completionem: ideo non indiguerunt agente tantæ virtutis: sed potuit virtus productiua ipsorum dari terræ tanquam matri, & soli tanquam patri, cum adiutorio aliorum corporum simplicium tam elementarium quam cælestiū. Quia vero sunt imperfecta duratione, & aliquando pereunt: ideo oportuit hoc communicari agenti alterius naturæ, quia ad hoc data est vis generatiua rebus, ut dicit Philosophus: ut perpetuentur in esse. E contrario est de animalibus utroque modo perfectis: & ideo virtus productiua ipsorum maiorem exigit actualitatem, & ratio seminalis cum maiori difficultate profertur in actu: ideo maiori indiget adiutorio. Illa igitur animalia, siue corpora eorum, quæ ad primum genus spectant, educi possunt ab angelis mediante naturæ adiutorio velociter, & quasi subito: veraciter tamen, quia per vim naturæ. Sed animalia, & eorum corpora, quæ spectant ad secundum genus, educi non possunt veraciter nisi cum auxilio naturæ, & cum diuturnitate, & tempore: & quoniam assumptio corporum ab angelis est velociter, & quasi repente: ideo vera corpora humana non assumunt, quia non possunt illa per se formare veraciter: & cum alterius adiutorio non possunt facere, quod exeant in esse velociter: & esto quod educerentur, adhuc non competenter sicut tactum est in obiiiciendo, tum propter appetitum quem habent ad animam rationalem, tum propter grauitatem: quæ duo repugant fini illius corporis. Nam si haberet animam rationalem, non esset competens signum ad apparentum. Si haberet grauitatem, non esset competens instrumentum ad operandum maxime ad motum, non esset etiam competens habitaculum ad inhabitandum. Concedendæ sunt igitur rationes probantes, quod angeli non assumunt vera corpora humana, siue boni, siue mali.

1. Ad illud quod obiiicitur in contrarium, quod est ibi error & deceptio, dicendum quod falsum est, quia non

assumunt illa corpora ut ostendant se esse homines: & veros homines: sed ut ostendant se rationales: & quoniam illa corpora signant illos esse rationales, & ad hoc formata sunt finaliter: ideo vera sunt, quavis non sint vere humana, sicut in primo libro dictum fuit de igne, & Columba.

2. Ad illud quod obiiicitur quod est ibi organizatio, & æqualis completio, dicendum quod falsum est: non enim est ibi vera organizatio, quæ competit corpori humano, quæ quidem est à virtute formatiua cum seminibus delata, sed potius quædam lineamentorum protrahio secundum illius conformitatem: & hæc non supponit æqualitatem completionis, quia talis protrahio potest fieri ab artifice in ligno, & lapide: nec quæcumque qualitas mixtionis est illa, quæ facit ad veritatem humani corporis: sed illa quæ habet veritatem specificatam hominis completionis, & distinctiuam.

3. Ad illud quod obiiicitur quod corpus humanum est in rationibus seminalibus, iam patet responsio, quia quamvis sit ibi, nunquam tamen educitur nisi concurrat virtus agentis exterioris, quæ residet in lumbis viri, & matrice mulieris: & ideo sine his nunquam potest illa ratio seminalis ad actum perfectum educi. Et si obiiicitur, quod potest disponere dispositione remota, &c. dicendum quod illud habet locum ubi dispositio remota sit necessaria sola intentione: tunc enim sufficit virtutis actiue continuatio, & intensio: non autem quando requiritur nouæ formæ, vel alterius formæ secundum speciem operatio: & sic est in proposito.

4. Ad illud quod obiiicitur quod indifferenter se habet angelus ad omnia corpora animalium, dicendum quod et si hoc verum sit de ipso angelo in se, non est tamen verum de virtute naturæ, ex cuius adiutorio angelus operatur: & ideo sicut angelus per se non potest educere corpus humanum, ita nec corpus alicuius animalis: & sicut natura quædam potest faciliter, quædam cum maiori difficultate, ut prius visum est, sic & angelus ipsius virtute adiutus.

5. Ad illud quod obiiicitur quod potest in magis nobile, dicendum quod illud non habet semper veritatem quia homo potest generare hominem, qui est nobilior, & non potest generare asinum: maxime autem tunc deficit, quando res nobilior est facilius productionis sicut frequenter contingit, & sic in proposito: nam facilius educitur anima vegetabilis, siue sensibilis anima per putrefactionem educit, quam educatur & organizetur verum corpus hominis.

Lib. 1. d. 16. q. 3. num. 25

Potes dicere, quod est vera de illis quæ sunt eiusdem ordinis.

QUESTIO II.

An corpora ab Angelis assumpta fiant de natura cælesti, vel elementari.

Alex. Alensis 2. p. q. 34. Memb. 6.
S. Thom. 1. p. q. 51. art. 2. ad 3.
Egid. Rom. 2. Sent. dist. 8. q. 1. art. 3. & dub. 1. 2. & 3.
Richard. 2. Sent. dist. 8. q. 3.
Albertus de motu Ang. q. 9. art. 11.
Steph. Brulef. 2. Sent. dist. 8. q. 3.
Durandus 2. Sent. dist. 8. q. 1.
Gabr. Biel 2. Sent. dist. 8. q. 1.

DE corpore assumpto ex parte principij materialis. Et queritur utrum corpus illud quod assumit angelus, fiat de natura cælesti, an elementari. Et quod sit de natura cælesti, videtur. Finis imponit necessitatem his quæ sunt ad finem: sed angelus assumit corpus ad sui ipsius ostensionem: cum ergo angeli per naturam sint lumina, debent ergo assumere corpora de natura lucis: ergo de natura cælesti.

1. **ITEM** organum, siue instrumentum debet conformari mouenti, siue motori: sed angelus assumens corpus, ut instrumentum, est immutabilis, & impassibilis, & incorruptibilis per naturam: ergo vnde corpus assumptum formatur, debet esse incorruptibile, & impassibile: tale autem non est nisi corpus cæleste: ergo, &c.

Ad oppositum.

3. ITEM

3. **ITEM** locus maxime competens angelo est corpus cœleste, ut cœlum: si ergo angelus in corpore assumpto locatur tanquam in habitaculo, videtur quod corpus illud sit sumptum de cœlo, aut non competit ipsi angelo.

4. **ITEM** corpus assumptum aut est de natura cœlesti aut elementari. Si de natura cœlesti: habeo propositum. Si de elementari aut graui, aut leui. Sed si est de graui, cum difficultate mouetur sursum: si de leui, violente mouetur deorsum. Ergo si neutrum horum competit velocitati angelicæ, corpus quod assumunt non est elementare; ergo corpus cœleste,

5. **ITEM** si est elementare aut est mixtum, aut simplex. Si simplex: ergo non est aptum ad colorem, nec ad effigiem, nec ad organizationem. Si mixtum: ergo cum corpus mixtum sit resolubile, & rarefactibile, videtur quod sicut corpus humanum ex separatione animæ sit putridum, sic & corpus ab angelo assumptum, quod apparet esse falsum, restat ergo, quod non est corpus elementare: sed est elementare, vel cœleste: ergo, &c.

6. **ITEM** si est corpus elementare, habet contrarium, siue sit simplex, siue sit mixtum: ergo si transeat per regionem ignis: videtur, quod quidquid est in eo humidi consumatur. Si vero per regionem aquæ, quidquid est in eo igneum extinguitur. Quod si hoc constat esse falsum: ergo si angelus sine læsione pertransit regiones omnium elementorum cum corpore assumpto, constat illud non esse de natura elementari: sed est de natura elementari, vel cœlesti: ergo, &c.

Ad oppositum arguitur sic: Primo auctoritate Gregorij qui sic ait: Nunquam Abraham angelos videre potuisset, nisi corpus ex aëre assumpsissent. Et Beda de natura rerum: Angeli ad nos venientes corpus ex aëre sumunt.

ITEM ratione sic: Angeli assumunt corpora maxime propter motum, & discursum: sed corpus cœleste non est habile ad motum rectum, sed circularem: ergo non competit in ministerio angelico assumere corpus de cœlo.

ITEM angelus assumit corpus ad apparendum, & hoc in humana effigie: sed corpus cœleste nec est terminationis visus, nec est figurabile: ergo non videtur ad constitutionem corporis assumpti ab angelo tunc habile.

ITEM si assumit corpus de cœlo: cum non assumat de toto assumit de parte: ergo separat, & diuidit partem cœli à toto: sed omne diuisibile est corruptibile: ergo videtur, quod natura cœlestis sit corruptibilis: sed hoc est falsum: ergo & primum.

ITEM si assumit corpus de cœlo, cum assumat partem quam fert deorsum secum, aut aliquid subintrat locum eius, aut nihil. Si nihil: ergo remanet vacuum. Si aliquid, aut oportet illud de nouo creari, aut oportet corpus illud rarefieri: sed si hæc, omnia sunt inconuenientia, patet, &c.

ITEM angelus satanæ frequenter se transfigurat in angelum lucis: & tunc constat, quod assumit corpus ita pulchrum, sicut & angelus bonus: sed demones non assumunt corpora de natura cœlesti, quia vsque ad illam non conscendunt, sed solum de natura elementari: ergo similiter videtur, quod & angeli boni.

CONCLUSIO.

Angeli assumunt corpora elementaria, præsertim aërea cum aliqua alterius elementi imperfecta mixtione, terrei, vel aquei vaporis, non tamen perfecta.

RESP. AD ARG. Ad horum intelligentiam est notandum, quod circa hoc diuersæ fuerunt sapientium opiniones. Quidam enim dicere voluerunt, quod angeli assumunt corpora ex natura elementari: ita tamen, quod non ex vno tantum, sed ex omnibus simul mixtis, aliquo tamen eorum prædominante, vnde dicunt corpus illud ab angelo assumptum esse vere corpus mixtum, quamvis non sit vere corpus humanum. Illam autem formam mixtionis dicunt esse ab angelo tanquam à præ-

parante solum, sed à Domino tanquam à dante, dante inquam non per creationem, vel infusionem, sed per intrinsecam operationem secundum quod dictum est supra, quod indidit rebus naturam, & virtutes seminarias; secundum quas Deo cooperante cunctæ naturales formæ producuntur in esse. Sed cum corpus illud quasi repente formetur, & destruat: aliis non videtur probabile, quod sit plena mixtione mixtum: maxime cum in eius resolutione non appareat temporis, longitudo, nec putrefactionis corruptio: & ideo dixerunt, quod corpus illud est de natura elementari simplici, ex qua dicunt illud corpus assumptum formari hoc modo. Natura enim elementaris ex qua corpus sibi format angelus, est aeris elementum, quod de sui natura est rarefactibile, & condensabile, si adsit virtus quæ hoc possit. Vnde sicut nunc videmus aquam solidari in crystallum, vel glaciem ex frigore: sic contingit aliqua virtute occulta, quæ non later angelos, aërem condensari posse secundum plus & minus ad voluntatem angeli operantis: hoc autem corpus dum condensatur, potest suscipere figuram, & effigiem: & ita corpori organico effici cōforme. Potest nihilominus in vna parte condensari plus, in alia minus, in alia minime, & sic conformari nervo, ossi, & carni. Potest etiam in vna sui parte intercipere plus de luce, in alia minus, & in alia minime, & secundum hoc habere in se diuersos colores: & ita corpori humano effici quasi in omnibus conforme, quamvis non sit in suis principiis multiforme; & ita idoneum esse instrumentum, signum, & habitaculum, ut ab angelo assumatur. Sed adhuc, quia hoc difficile est intelligere, quo modo ex aëre, siue alterius elementi commixtione fiat corpus solidum, & diuersis coloribus coloratum, cum colores producere non sit artis, nisi mediante auxilio naturæ, ideo tertia via videtur adhuc esse probabilior, sc. quod corpus assumptum ab angelo corpus elementare est: non quia sit ex quatuor elementis plena mixtione commixtum, sicut corpus complexionatum, nec quia sit ex puro, & simplici elemento formatum: sed quia principaliter formatur ex aëre cum aliqua admixtione alterius elementi. Sicut videmus in nube, quæ non est corpus plene mixtum, habet tamen in se naturas plurium elementorum: per hunc modum, & corpus ab angelo assumptum principaliter ab aëre intelligitur esse formatum, concurrente ad hoc natura aliqui vaporis terrei, vel aquei, qui quidem faciat tam ad varietatem condensationis, quam ad multiformitatem coloris; hanc autem non oportet angelum de longinquo mendicare: cum aer pro magna sui parte sit commixtus vaporibus. Et hanc positionem mediam inter vtramque, tanquam ex vtraque constitutam, ad præsens possumus sustinere.

Ad quæstionem igitur propositam respondendum breuiter, quod angelus tam bonus, quam malus assumit corpus ex natura non cœlesti, sed elementari, non simplici, nec plene commixta, sed medio modo, utpote ex aëre vaporabili; angelus tamen malus ex parte inferiori, bonus vero ex parte superiori, non inquam superiori in qua nulla reperiatur natura alterius elementi: sed superiori comparatione, & respectu eius partis de qua assumunt corpora angeli mali: ideo concedendæ sunt rationes, quod corpora ab angelis assumpta non sint de natura cœlesti, sed elementari.

1. Ad illud quod obiicitur, quod angelus assumit corpus ad sui ostensionem, dicendum quod angelus non tantummodo ostendit se pensata dignitate, siue nobilitate sua; sed etiam idoneitate signi, & necessitate ex parte nostra. Licet igitur eius dignitas omnis corporis nobilitatem præcellat, quia tamen corpus elementare sufficit ad eius manifestationem secundum quod nostra exigit indigentia, & ad hoc est idoneum, ut sit corporis organici materia: ideo magis competit, ut angelus de ipso sumat corpus, quam de cœlesti natura.

2. Ad illud quod obiicitur quod instrumentum debet conformari motori, dicendum quod verum est, quando organum, siue instrumentum est ei perpetuo coniun-

Improbatio.
Hanc sententiam sequitur Scotus in loco quod sit imperfecta mixtio.

Opinio 2.

Improbatio.

Opinio 3.

oppo-
rum.

Gr. 18.

Etum;

Etum: sed quando coniungitur solum ad tempus, sufficit vt sibi pro opportunitate loci, & temporis, & operis conformetur: & sic est in proposito reperire.

3. AD illud quod obiicitur quod angelus locatur in corpore assumpto tanquam in habitaculo, iam patet responsio: quia non est habitaculum debitum angelo quantum ad excellentiam suæ dignitatis, sed quantum ad indigentiam nostræ infirmitatis. Et quoniam statui nostræ infirmitatis plus conformatur elementaris natura, quam cælestis: ideo etsi habitaculum cæleste plus competat angelo ad contemplandum, tamen habitaculum ex corpore elementari plus competit angelo ad ministrandum.

4. ITEM ad illud quod obiicitur, aut est corpus graue, aut leue, dicendum quod nec simpliciter graue, nec simpliciter leue: tum quia ex aëre, tum quia ex aëre commixto vaporibus: & ideo est habile ad motum secundum omnem positionem: quod non esset, si esset corpus simplex ponderosum, aut leue.

5. AD aliud iam patet responsio, quia nec omnino simplex, immo quodam modo mixtum, vt competat colori, & organizationi, nec adeo mixtum est, vt subiaceat putrefactioni: sed medium tenet, vt prædictum est.

6. AD illud quod obiicitur quod patitur à contrario, dicendum quod sicut formatio illius corporis quamvis sit ex adiutorio naturæ, tamen principaliter est à virtute spiritualis substantiæ propter hoc quod effigies illius corporis plus est artificialis, quam naturalis: sic & conseruatio illius corporis est à virtute angelica. Vnde sicut sua virtute absque manibus corpus illud effigiat, sic sua virtute protegit, & conseruat, & ipso deserente reddit corpus ad præiacentem materiam. Ideo sicut eius conseruatio non pendet ex simili, ita nec corruptio sit à contrario.

ARTICVLVS III.

CONSEQUENTER quæritur de tertio, scilicet quas operationes exerceat angelus in corpore assumpto. Et circa hoc duo quærentur. Primo quæritur, vtrum ibi exerceat operationes animæ, seu potentie vegetatiuæ. Secundo, vtrum ibi exerceat operationes potentie sensitiuæ.

QVÆSTIO I.

An Angelus in corporibus assumptis exerceat operationes anime vegetatiuæ.

Alexand. Alensis 2. p. q. 35. Membro 1.
S. Thom. 1. p. q. 51. art. 3.
Et 2. Sent. dist. 8. q. 1. art. 4.
Et de Pot. q. 9. art. 3.
Et Quod. 3. art. 5.
Secus 2. Sent. dist. 8. q. 1.
Egid. Rom. 2. Sent. dist. 8. q. 2. art. 2.
Richardus 2. Sent. dist. 8. q. 5.
Durandus 2. Sent. dist. 8. q. 2.
Steph. Brulef. 2. Sent. dist. 8. q. 5.

VTVM angelus in corpore assumpto exerceat operationes animæ vegetatiuæ. Et videtur tam de bonis, quam de malis, quod sic. De bono: Cibari, siue comedere, est actus spectans ad potentiam vegetatiuam, sed hunc actum exercent Angeli in corpore assumpto, sicut probatur ex eo quod scribitur in Gen. vbi Abraham exposuit Angelus cibaria: & sicut ibidem legitur, comederunt.

2. ITEM: Non decet nuntios veritatis falsis ostensionibus decipere oculos hominis intuentis: sed Angeli apparentes comederunt cum his, ad quos mittebantur, sicut frequenter legitur in Scriptura: ergo vere cibabantur: sed iste est actus vegetatiuæ potentie: ergo, &c.

3. ITEM: Lingua congruit in duo opera naturæ, in locutionem, & cibationem: sed Angeli in assumptis corporibus per linguam vere, & proprie loquebantur: ergo vere cibabantur: reddit ergo idem quod prius, scilicet

quod boni Angeli in assumpto corpore vegetatiuæ potentie actum exercent.

4. ITEM hoc ipsum ostenditur de malis. Generare enim est actus potentie vegetatiuæ: sed demones mediantibus corporibus assumptis generant, sicut dicit Iosephus narrans illud quod scribitur in Gen. de generatione Gigantum: Videntes filij Dei: ergo, &c.

5. ITEM communis opinio est de Merlino, quod generatus fuit à dæmone incubo: sed si hoc dæmon incubus non potuit nisi mediante corpore assumpto: ergo idem quod prius.

6. ITEM Actus ordinatus ad generationem est per mixtionem cum sexu formineo, vel virili: sed dæmon succubus se viro subiicit subiectione: in qua est effusio feminis, & dæmon incubus mulieri incumbit: ergo videtur, quod si possint coire, quod possint etiam generare: ergo in assumpto corpore exercent actum potentie vegetatiuæ.

AD oppositum arguitur sic, & ostenditur quod bonis Angelis non competat actus cibandi. Scribitur enim in Tobia, & est verbum Raphaëlis Angeli: Videbar vobis quidem comedere, & bibere: ego vero cibo & potu inuisibili vtor: ergo non vere Angelus comedebat cibum corporalem, & si videretur comedere.

ITEM vbicunque est vera cibatio, ibi est deperditi restauratio: sed in corporibus assumptis ab Angelis nulla sit deperditio, quia non est ibi caloris consumptio: ergo, &c.

ITEM vbi est vera cibatio: ibi est separatio puri ab impuro: hoc autem non facit Angelus beatus in corpore assumpto: ergo, &c.

ITEM quod malo angelo non competat generatio, videtur, quia generatio est similis in specie: sed dæmon assumens corpus non assimilatur homini, sed dæmoni: ergo non generat hominem: sed si generat, generat dæmonem quod patet esse falsum: ergo, &c.

ITEM ad hoc quod fiat generatio, necesse est secundum medicos, quod concurrat triplex spiritus, naturalis, vitalis, & animalis: secundum Philosophum triplex calor, videlicet calor animæ, calor cæli, & calor elementi: ergo cum dæmon, nec spiritum animale, nec calorem animale in corpore assumpto possit habere, videtur quod nullo modo possit generare.

ITEM generare non est actus animæ & corporis, sed coniuncti: sed ex dæmone & corpore non sit vnum: ergo nunquam potest per corpus exire in actum generandi.

CONCLUSIO.

Angelus in corpore assumpto nec naturales, neque vitales operationes exercet, cum generatiuam, neque vegetatiuam habeat virtutem, licet aliquo modo iis conformes, & semiplenas habeat functiones.

RESP. AD Arg. Dicendum quod spiritus Angelicus siue bonus, siue malus in corpore assumpto non habet operationem animæ vegetatiuæ, nec quantum ad cibationem, nec quantum ad generationem, quia non habet vim nutritiuam, nec habet vim generatiuam: habet tamen aliquo modo operationes his conformes, licet non plene: & hoc patet si attendatur natura cibationis, & generationis. In cibatione enim est cibi sumptio, & consumptio: est nihilominus conuersio, & vnio, & quantum ad primum, competit Angelo in corpore assumpto cibatio, siue comestio non simulate, sed vere: quia cibum sibi appositum vere sumunt & consumunt: verumtamen cibus assumptus eorum indigentiam, vel deperditionem non restaurat, quia talis cibatio ex potentia non ex indigentia est in Angelis: his vero, qui vegetantur, non tantum est potentia, sed etiam indigentia. Et hoc est quod dicit Augustinus. quod sicut aliter absorbet aquam terra sitiens, aliter radius calefaciens, sic aliter competit cibatio homini, aliter competit Angelo, siue aliter homini viatori, aliter

beato.

Genes. 6. 4.

Ad oppositum.

Tob. vii.

Consentit Sc. dist. præf. sent.

Aug. epist. 49. ad Dec. gratian. q. 2. rom. 2.

beato. Per hunc etiam modum circa actum generationis in aliquo conformatur spiritus assumens corpus, in aliquo vero non. Nam in actu generationis & est feminis constitutio secundum nervos, & virtutes, & calores tali speciei competentes, & est feminis sic perfecti transfusio, & susceptio. Primum est solius illius, cui Deus dedit vim propagatiuam: & hoc nullo modo competit demonibus assumentibus corpus. Secundum vero, sc. feminis susceptio, & transfusio potest eis competere: primo enim succumbunt viris in specie mulieres, & ex eis semen pollutionis suscipiunt, & quadam sagacitate ipsum in sua virtute custodiunt, & postmodum Deo permittente fiunt incubi, & in vasa mulierum transfundunt, ex qua transfusione homines generari possunt. His visis facile respondetur ad quæstionem propositam, & ad argumenta.

1. 2. 3. Ad quæstionem, quia simpliciter conceditur, quod non habent opera potentie generatiue, & vegetatiue, quæ sunt generare, & alimento vti, sicut ostendunt rationes ad hoc inductæ: habent tamen aliquas operationes his conformes, non in toto, sed in parte, & hoc probant rationes ad oppositum inductæ, ostendentes, sc. quod Angeli boni comedunt, & quod mali generant. Verum est enim quod boni angeli cibum sumperunt: sed non ad suam refectionem, sed ad dantium consolationem; & ideo non erat ibi error, nec deceptio, nec illusio, quantum erat ex parte ipsorum Angelorum: licet aliquis ignorans naturam illorum posset ex hoc accipere occasionem opinandi falsum, & sic patet responsio ad res rationes primas.

4. 5. 6. CONCEDENDUM est etiam, quod demones secundum viam prædictam semen possunt suscipere, & transfundere, si Deus permittat: sed non possunt alimentum in verum semen per propriam virtutem conuvertere: ideo dicuntur quodam modo generare, sicut ostendunt tres rationes sequentes: Attamen vltima ratio non cogit; plus enim est generare, quam coire: & ideo non sequitur, si possunt coire cum muliere, quod propter hoc possint eam imprægnare, vel ex ea prolem generare.

QVÆSTIO II.

An Angeli in corporibus assumptis exercent operationes conuenientes potentie sensitivæ.

Alex. Alenf. 2. p. q. 35. Memb. 2.

S. Thom. 1. p. q. 51. art. 3.

Egid. Rom. 2. Sent. dist. 8. q. 2. art. 1. dub. 1. & 2.

Richardus 2. Sent. dist. 8. q. 6.

Stephan. Brulef. 2. Sent. dist. 8. q. 6.

VTRUM Angeli assumptis corporibus habeant operationes conuenientes potentie sensitivæ, & quod sic, videtur; Idem est principium motus, & sensus, sicut dicit Philosophus: sed Angelus corpori assumpto dat motum, ergo & sensum

2. ITEM: Sicut Angelus assumit corpus habens organa apta ad motum, ita assumit corpus habens organa apta ad sensum: Sicut enim corpus illud assumptum habet manus, & pedes; ita habet oculos, & aures, sed organa sentiendi sine sensu sunt inutilia: ergo si non frustra assumit illa organa, videtur quod illa sensifacit, & per illa sentiat.

3. ITEM: Quod habet operationem consequentem proprium speciei, habet operationem consequentem proprium generis; sed sicut proprium hominis est risibile, ita proprium animalis est esse sensibile: ergo sicut Angelus in corpore assumpto potest ridere, vel ludere, sic & potest videre, & audire.

4. ITEM Angelus de natura sua, aut habet sensum, aut non habet. Si non, cum sensus sit cognitivus particularium, non cognoscit particularia, quod est plane falsum. Si vero sensus habet, cum sensus sit potentia, qua mediante sensificantur organa corporalia: patet, &c.

5. ITEM Angelus existens in corpore assumpto cognoscit hæc sensibilia: aut igitur potentia immateriali, aut potentia, quæ nata sit alligari corpori. Si potentia im-

materiali: ergo ita bene cognoscit distans, sicut propinquum: igitur Angelus, qui est Romæ, audit nos loquentes Parisiis: ergo non indiget moveri, & discurrere: quod si hoc est falsum, restat quod illa cognoscit potentia, quæ est corpori proportionabilis, & concernit determinatam distantiam: si ergo ista est sensus, patet, &c.

6. ITEM nihil patitur à corpore, nisi sensum habeat corpori proportionabilem, sed Angelus crematur ab igne: ergo si sensus eius potest pati à corpore, multo fortius potest per corpus sentire: cum per naturam magis sit natus in corpus agere, quam à corpore poenam suscipere.

7. ITEM Angelus aspiciens me in assumpto corpore, suscipit in oculo meam similitudinem: cum oculus sit corpus peruium, & tersum, & ulterius de sua similitudine iudicat, & hoc planum est: si ergo ad sensum nihil plus requiritur quam receptio, & iudicium, videtur quod sentiat per corpus assumptum.

Ad oppositum: Sensus præsupponit vitam, sed Angelus corpus assumptum non vivificat: sicut probatum est supra, ergo nec sensifacit: ergo per ipsum non sentit.

ITEM sensus præsupponit actum vegetatiue: sed Angeli in assumptis corporibus non habent opera vegetatiue: ergo nec opera sensitivæ.

ITEM si Angelus sentiret per corpus, cum sensus ille, qui fit mediante organo corporali sit naturæ corporeæ alligatus; Angelus natus esset, sicut & anima per naturam vniri corpori: ergo quando non haberet corpus, non haberet esse perfectum.

ITEM si Angelus sentiret per corpus, cum sentire sit actio coniuncti: Angelus suas operationes ministeriales communicaret corpori; ergo deberet communicare poenam, & gloriam quod falsum est.

ITEM sentire est proprium animalis: ergo nulli competit sentire, nisi cui competit esse animal: sed hoc nullo modo competit Angelo: ergo, &c.

ITEM si sentire est mediante organo corporeo, ergo non cognosceret hominem clauso oculo, nec cognosceret hominem à tergo, nec cognosceret hominem in obscuro: quæ omnia cum sint falsa, restat quod Angelus in assumpto corpore non habeat opera competentia potentie sensitivæ: queritur igitur, quæ opera conueniant, vel exercentur ab Angelo in corpore assumpto.

CONCLUSIO.

D Angelus in corpore assumpto operationes potentie sensitivæ non exercet, cum corpus non sensifacit, licet motricis virtutis operationes in ipso exercent.

RESP. AD ARG. Ad prædictorum intelligentiam est notandum, quod cum anima vnatur corpori, ut perfectio, & ut motor; quædam sunt operationes, quæ consequuntur ipsam animam in corpore, ut est motor: quædam, ut perfectio, quædam partim sic, & partim sic. Differenti autem modo exercet anima in corpore operationes quæ sequuntur ipsam ut motorem, & ut perfectionem. Nam operationes quæ consequuntur animam ut motorem, sic exercet per corpus, quod illas easdem exercet in corpore, quia non solum mouet alia corpora, sed etiam corpus proprium. Operationes vero quæ consequuntur animam in corpore ut est perfectio, sic exercet anima in corpore per corpus, quod exercet eas cum corpore, sicut patet. Anima clauso oculo corpus aliquod videre non potest. Tertias autem operationes exercet in corpore quasi utroque modo, & ideo primæ competunt animæ ut est hoc aliquid, & motor differens à mobili, secundæ vero ut est forma iuncta materiæ. Quoniam igitur Angelus vnatur corpori assumpto non ut perfectio, sed ut motor: ideo primas operationes exercet plene in eodem corpore, secundas minime, tertias vero quodam modo sic, quodam modo non. Et hoc melius patet si descendamus exemplificando. Motus progressivus, siue quicunque alius sit membrorum exteriorum, est ab ani-

Aug. 15. de
Civit. Dei,
cap. 23. to. 5.

Fundamēta.

1. de gener.
contex. 34.

ma in corpore vt est motor, vel motrix, & ideo competit Angelo: sentire vero per organa corporis competit animæ vt est illorum organorum perfectio. Sicut enim anima perficit totum corpus, ita visus, siue potentia visiva perficit oculum, & hæc non competit Angelo in corpore assumpto. Ridere vero est operatio quæ partim competit animæ vt est motor, partim vt est perfectio. Ibi enim est quædam cordis exhilaratio: & hæc est ab anima vt est perfectio. Est etiam ibi quædam genarum motio, & hæc est ab anima vt est motor: ratione primi non conuenit Angelo, sed solum ratione secundi. Ex hoc patet responsio ad quæstionem propositam. Si enim vocentur opera potentie sensitivæ ipsi actus sentiendi per organa, sic breuiter dicendum quod Angelus non exercet ea per corpus assumptum. Si autem extendantur opera potentie sensitivæ ad ea quæ sunt ab anima vt mouente, sic communicat ea corpori. Rationes igitur probantes Angelum non sensificare corpus assumptum, concedendæ sunt.

1. Ad illud vero quod primo obiicitur in contrarium quod idem est principium motus, & sensus, dicendum quod Philosophus loquitur in animalibus, in quibus vult quod cor sit principium sensus, sicut & principium motus.

2. Ad illud quod obiicitur: quod corpus illud habet organa apta ad sentiendum, dicendum quod Angelus non tantum assumit corpus humanum vt instrumentum ad operandum, sed etiam vt signum conueniens ad se ostendendum: & quia corpus carens organis debitis homini, non esset conuenienter Angelici spiritus ostensium, ideo corpus habens omnia organa assumit, non ad ipsorum organorum sensificationem, sed potius ad sui ipsius ostensionem.

3. Ad illud quod obiicitur, quod communicat corpori operationem consequentem speciem, &c. Dicendum, quod ridere non est actus consequens speciem hominis, prout dicit motum solum genarum exteriorum, quia sic consequitur animam, vt motorem: sed prout cum hoc dicit aliquem actum interiorem qui consequitur existentiam animæ in corpore, vt est perfectio, hoc autem modo non competit Angelo: sed solum primo.

4. Ad illud quod obiicitur, quod Angelus habet sensum, quia cognoscit singularia, dicendum quod sentire potest accipi communiter, proprie, & magis proprie. Communiter sentire idem est quod rem vt præsentem cognoscere, secundum quem modum accipit August. ad Paulinam in libro de videndo Deo. Secundo modo sentire idem est quod rem vt hic, & nunc cognoscere: & sic accipit Boëtius cum dicit, quod sensus est particularium, & intellectus vniuersalium. Tertio modo sentire idem est quod speciem existentem in materia præter materiam mediante organo corporeo suscipere: & sic accipit Philosophus, in secundo de anima, cum dicit, quod sensus est susceptivus specierum in materia præter materiam. Primis duobus modis non differt sensus ab intellectu, re, sed ratione tantum: & hoc modo bene ponitur in Angelo: Angelus enim per suam potentiam intellectuam cognoscit rem vt præsentem, & vt hic, & nunc, dirigendo aspectum super ipsam. Tertio vero modo differt potentia sensitiva ab intellectu, re, & ratione: & illo tertio modo sensus est potentia alligata corpori: & hoc modo spiritui angelico non conuenit.

5. Ad illud quo obiicitur, quod si cognoscat potentia immateriali, tunc nihil facit ad hoc distantia, dicendum quod dum singularia cognoscit, & sentit, potentia immateriali cognoscit, aspectum tamen super rem cognitam dirigit: & ideo si res illa non est ei præsens, siue immediate coniuncta, necesse est, vel virtutem Angeli deferri vsque ad ipsam, vel econuerso: & quoniam tam virtus Angeli quam obiecti est virtus finita, ideo nec cognoscit, nec potest cognoscere in quantacunque distantia: hoc autem non est propter virtutis materialitatem, sicut est in sensu corporis: sed propter virtutis finitatem.

6. Ad illud quod obiicitur, quod patitur ab igne, dicendum quod illud non concludit sicut melius ostenditur in quarto: sensus enim & affectus spiritualis sufficit ad sentiendum verum dolorem, sicut ostenditur ibidem.

7. Ad illud quod obiicitur, quod recipit, & iudicat, dicendum quod cum ista duo sint in sensu, videlicet receptio, & iudicium, receptio est principaliter ratione organi, sed iudicium ratione virtutis. In sensu autem corporeo sic est receptio in organo, quod est receptio pariter & in virtute, & sic est iudicium virtutis illius in organo, quod non præter organum: & ideo tam receptio, quam iudicium est totius coniuncti. In oculo vero Angeli sic est receptio in organo, quod non est receptio in virtute aliqua illi organo alligata: & sic est iudicium à virtute in organo, quod etiam præter organum. Unde Angelus ita bene perciperet aliquem clausis oculis, vt apertis: & ideo non est ibi receptio & iudicium secundum quod competit sensui, ac per hoc non est ibi sensus exterior. Nec etiam oculus Angeli dicitur oculus nisi æquinoce, & tale corpus plus habet ratione instrumenti, quam organi, licet organicum possit dici propter assimilationem quam habet cum corpore naturali: & sic patet totum.

DISTINCT. VIII. PARS II.

De Potestate dæmonum quam habent super corpora humana.

Huius partis textum supra videte est.

Illud quæque consideratione dignissimum, &c.

Expositio Textus.

SUPRA egit Magister de virtute dæmonum, & etiam bonorum spirituum respectu corporum humanorum similium. In hac parte agit de virtute, & potestate dæmonum respectu hominum. Diuiditur autem hæc pars in quatuor particulas. In prima Magister quærit: in secunda determinat per auctoritatem Euangelij, ibi: *Quod in homines introeant*, &c. In tertia vero explanat per auctoritatem Gennadij, ibi: *De hoc autem Gennadius*. In quarta, & vltima illam explanat per auctoritatem Bedæ presbyteri, ibi: *Beda quoque super illum locum*, &c.

Diuisio.

ARTICVLVS I.

AD intelligentiam huius partis sex incidunt dubitalia. Primo ergo quæritur, vtrum dæmones habitare possint in humanis corporibus. Secundo, vtrum illabantur animabus. Tertio, vtrum possint ludificare sensus humanos. Quarto, vtrum possint cogitationes immittere. Quinto, vtrum possint affectiones incendere. Sexto, vtrum possint scrutari secreta nostre conscientie.

Q V Æ S T I O I.

An dæmones habitare possint in corporibus humanis.

*S. Thom. 2. 2. Sent. dist. 8. q. 1. art. 5.
Egid. Rom. 2. Sent. d. 8. q. 2. art. 4.
Richard. 2. Sent. dist. 8. art. 2. q. 1.
Stephanus Brulef. 2. Sent. dist. 8. q. 7.*

VTRUM dæmones in humanis corporibus possint habitare. Et videtur quod sic. Quia nullus spiritus eiicitur de aliquo corpore, vel habitaculo in quo non est, sed dæmones, sicut legitur in Euangelis, de obsessorum corporibus sunt eiecti à Christo, & eius Apostolis: aliquando ergo habitauerunt in eis.

Fundamēta.

ITEM August. de diuinatione dæmonum loquens de dæmonibus dicit : Suadent miris & inuisibilibus modis, per illam subtilitatem suorum corporum hominum corpora non sentientium penetrando : Sed si potest corpus penetrare, cum possit ibi quiescere, potest & inhabitare.

ITEM constans est quod aliqui à dæmonibus obsidentur : ergo obsessi dicuntur, aut quia dæmon habet in eis effectum, aut quia est in eis secundum substantiam. Si quia habent in eis effectum : ergo omnes peccatores essent obsessi à diabolo, quod falsum est : ergo quia sunt in eis secundum substantiam, obsessi dicuntur : ergo habitant in suis corporibus.

ITEM nullum corpus potest præbere obstaculum spiritui : ergo si dæmones spiritus sunt : nullum corpus est eis obstaculum : ergo sicut lumen penetrat aërem vsque in profundum, & ibidem manet : sic spiritus dæmoniacus corpus humanum subintrare potest per totum : ergo si non expellatur ab agente maioris potentie, videtur quod ibi possit inhabitare.

1. **AD** oppositum arguitur sic. Super illud Abacuc : Dominus in templo sancto suo. Gloss. Simulachris assidere potest immundus spiritus, intrinsecus esse non potest : ergo si non potest in simulachris, multo minus nec in corporibus humanis.

2. **ITEM** Beda dicit, & Magister adducit in litera super illud Actorum : Cur impleuit satanas cor tuum ? Implet Satanas cor alicuius, non quidem ingrediens in eum, nec in sensum eius : ergo non videtur quod dæmon ingrediatur secundum substantiam corpus alicuius hominis.

3. **ITEM** anima vnitur corpori ut motor, aut ut perfectio : sed quia coniungitur ut perfectio impossibile est in eodem corpore esse aliam naturam perficientem : ergo cum coniungatur ut motor, impossibile est in eodem corpore esse alium spiritum ut mouentem : si ergo dæmon in corpore humano non potest esse nec ut motor, nec ut perfectio : ergo nullo modo.

4. **ITEM** sicut supra dictum est, nullo modo competit duos spiritus angelicos esse simul in eodem loco primo : ergo pari ratione non videtur quod in eodem loco primo possit esse anima & Angelus : sed anima est in toto corpore suo, sicut vult August. ergo in nulla parte corporis potest esse dæmon.

CONCLUSIO.

Dæmones possunt in humanis corporibus habitare, commouere, conturbare, & ea obsidere, nisi à superiori virtute prohibeantur.

RESP. ad Arg. Dicendum quod sicut innuit textus Euangelicus, & August. etiam in libro de diuinatione dæmonum, dæmones per naturam suæ subtilitatis, & spiritualitatis possunt quæcunque corpora penetrare, & in eis sine aliquo obstaculo, & impedimento subsistere : ratione vero suæ potestatis, possunt ea corpora in quibus sunt commouere, & conturbare. Sicut enim spiritus Spiritui penetrabilis esse non potest, sic nec corpus potest resistere spiritui : ideo dæmones quantum est de potestate, & subtilitate naturæ, possunt corpora humana intrare, possunt etiam & vexare nisi prohibeantur à superiori virtute : & cum permittuntur introire, & vexare, tunc dicuntur corpora obsidere. Permittit autem hoc Dominus siue ad gloriæ suæ ostensionem, siue ad peccati punitionem, siue ad peccantis correctionem, siue ad nostram eruditionem. Sed ex qua istarum causarum determinate permittat, latet hoc humanam industriam, propter hoc quod occulta sunt Dei iudicia : hoc tamen planum est, quod non sunt iniusta : & ideo non permittit talia sine causa. Concedendæ sunt igitur rationes quod dæmones possunt humana corpora subintrare.

1. **AD** illud quod obiicitur de Gloss. quod intrinsecus esse non potest : dicendum quod esse intrinsecus in aliquo, hoc potest esse dupliciter. Aut sicut contentum

respectu continentis, ut aqua respectu vasis, & sic dæmon bene potest esse intrinsecus in simulachris. Alio modo esse intrinsecus dicitur aliquid, quod influit in intimam rei, & influendo conseruat, & perficit : & hoc modo non congruit dæmoni, nec respectu simulachri, nec respectu hominis, & sic loquitur illa Glossa.

2. **AD** illud quod obiicitur de Beda, quod non ingreditur in hominem, dicendum quod non loquitur de ingressu in hominem qui attenditur ex parte corporis : sed qui attenditur ex parte spiritus rationalis.

3. 4. **AD** illud quod obiicitur, quod anima comparatur ad corpus, ut perfectio, & motor, &c. Dicendum quod non est simile de comparatione per modum motoris, & per modum perfectionis, quia vnus perfectibilis vna sola est perfectio, perfectio enim appropriat sibi perfectibile, & e conuerso : sed vnus mobilis potest esse multiplex motor, & vnus motor multa potest mouere. maxime quando illa habent aliquem ordinem. Et quia diuino iudicio anima peccatrix subicitur dæmoni obsidenti sicut tortori, & affligenti, hic est quod simul in eodem corpore esse possunt : & per hoc patet responsio ad vltimum quod obiiciebatur de coexistentia duorum spirituum. Non enim est simile, pro eo quod illi, ut supra dictum est, repugnat ordo vniuersitatis, huic autem consonat ordo æquitatis secundum quam anima peccatrix affligitur. Nec repugnat ordo vniuersitatis, quia diuersimode ad illud habitaculum comparatur.

QVÆSTIO II.

An dæmones animabus illabi possint.

S. Thom. de Verbo, q. 22. art. 9.

Et de Malo, q. 16. art. 11.

Agid. Rom. 2. Sent. dist. 8. q. 2. art. 5.

Richardus 2. Sent. dist. 8. art. 2. q. 2.

Durandus 2. Sent. dist. 8. q. 3.

Thom. Arg. 2. Sent. dist. 8. q. 1. art. 1.

Steph. Brulef. 2. Sent. dist. 8. q. 8.

VTrum dæmones illabi possint animabus. Et quod videtur in Luca : Ecce homo habens dæmonum : ibi Glossa. Intrauerat diabolus, unde exierat Christus : sed Christus non exierat de corpore, sed de spiritu : ergo diabolus subintrat spiritum.

1. **ITEM** si impartibile adiungatur impartibili, secundum totum applicabitur ei : & quod applicatur alicui secundum totum applicatur ei secundum suum intimum : sed illabi non est aliud quam secundum intimum profundari : ergo cum dæmon sit impartibilis, & obsidendo hominem animæ applicetur, videtur quod eidem necessario illabatur.

3. **ITEM** sicut est ordo in corporibus, ita est ordo in spiritibus : sed in corporibus videmus quod agens influit virtutem suam passio vsque ad intimum. aliter enim non alteraret totum : ergo pari ratione, & in spiritibus : ergo dæmon potest influere virtutem suam passio, videlicet animæ, vsque ad intimum animæ : sed virtus dæmonis non est spiritualior, quam substantia : ergo videtur quod dæmon vsque ad intimam animæ illabi possit.

4. **ITEM** sicut homo efficitur templum Dei per gratiam, ita efficitur templum diaboli per peccatum : sed omnino ibidem, vbi prius erat gratia, incipit esse culpa : ergo vbi prius habitabat Deus, potest habitare diabolus.

CONTRA. Augustinus de fide ad Petrum. Inest singulis spiritibus naturalis terminus, quo à se inuicem distinguuntur, & vnus in altero non est : sed anima humana spiritus est : ergo non potest esse in dæmone, nec dæmon in ea : ergo nec illabi : ergo, &c.

ITEM si vnus spiritus illabitur, aut alter potest illabi, aut non. Si sic : ergo pari ratione & tertius, & quartus, & sic de aliis : & ita omnes spiritus mali possunt illabi vni animæ, quod plane falsum est. Si non potest : ergo vnus spiritus implet totam animam : sed hoc est falsum, quia

imagi

Ad oppositum.
Abac. 2. d

Abac. 5. a

Dist. 2. art.
4. q. 4.

Ad oppositum.
Luca 4. f

Fundamēta
Cap. 3.

imaginem Dei nihil minus Deo implere potest, sicut dicit Augustinus & Beda.

ITEM si dæmon illaberetur animæ, esset intimus animæ: ergo per totum dominaretur ei: ergo posset pertrahere ad mala, quæcunque vellet, & ita anima liberum arbitrium non haberet. Quod si anima liberum arbitrium non potest amittere: ergo nec dæmon ei illabi potest.

ITEM si illaberetur animæ, nihil esset ita intimum in anima, in quo non esset, & super quod non posset dæmon: sed sicut Deus illabendo animam rectificat, & conseruat, sic dæmon quod potest deordinat, & deprauat: ergo si dæmon illaberetur animæ, dæmon posset synderesim vel voluntatem naturalem deprauare, & ad malum inclinare, quod est impossibile.

CONCLUSIO.

Dæmones animabus humanis illabi nequeunt, hoc enim solius est Dei, cum in anima idem sit intimum atque supremum: solius autem Deus est superior mente humana.

RESP. ad Arg. Dicendum quod illabi aliquid alicui importat quod illud intimum sit ei, & quod intime operetur in illo: nihil autem tale est respectu animæ nisi solus Deus: ideo solus diuinus spiritus animæ potest illabi. In anima namque humana idem est intimum & supremum: & hoc patet, quia secundum suum supremum maxime approximat Deo, similiter secundum suum intimum: unde quanto magis redit ad interiora, tanto magis ascendit, & vnitur æternis. Et quia solus Deus superior est mente humana, secundum sui supremum, solus Deus potest menti esse intimus: & ideo illabi spiritui rationali est diuinæ substantiæ proprium. Concedendæ sunt igitur rationes ostendentes quod animabus humanis illabi potest malignus spiritus.

1. AD illud ergo quod primo obiicitur de Gloss. quod intrauit diabolus, &c. Dicendum quod hoc non dicitur de ingressu secundum substantiam, sed secundum effectum, siue conformitatis malitiam: unde non vult Gloss. plus dicere, quam quod vbi finit gratia, ibi incipit esse malitia.

2. AD illud quod obiicitur, quod impartibile impartibili applicatur secundum totum, dicendum quod aut intelligitur de iunctura situati, aut de iunctura virtuali. Si de situati: sic potest habere veritatem: sic autem non est intelligere applicationem substantiarum spiritualium, quia non sunt situales. Si autem intelligatur de applicatione virtuali, sic secundum non habet veritatem, quoniam in simplici substantia reperitur magnitudo virtutis, secundum illam considerari potest in anima maior, & minor ratio dignitatis secundum accessum ad originem illius virtutis.

3. AD illud quod obiicitur, quod sicut est ordo in corporibus, ita est in spiritibus, dicendum quod etsi sit aliqua similitudo, non tamen omnino perfecta, nec quantum ad ordinem, nec quantum ad intimitatem. Non quantum ad ordinem, quia omnes substantiæ rationales immediate sunt natæ ferri in Deum, nec quantum ad hoc vna præest alteri: hoc autem non contingit in corporibus inueniri. Non est etiam simile quantum ad intimitatem, quia quod est intus, & extra in re corporali est eiusdem naturæ, non differens dignitate, sed magis partium positione: in anima vero quod est intimum hoc est maxime supremum, & Deo proximum: ideo in rebus corporalibus quod potest influere exterius magis, & magis agendo, potest peruenire ad interius, & ad intimum: non sic in spiritu, vbi idem dicitur intimum esse, quod est in eo supremum, & dignissimum.

4. AD illud quod obiicitur, quod ibidem est culpa vbi fuit gratia, dicendum quod verum est: sed ex hoc non videtur, quod ibidem sit diabolus vbi Deus: quia aliter gratia est à Deo, aliter culpa est à diabolo. Gratia

enim est à Deo vt præfente, & influente, & intime operante, & medullas effectiōis penetrante, secundum quod innuit Apostolus ad Hebr. 4. Virtus est sermo Dei, & efficax, &c. Sed culpa dicitur esse à diabolo solum sicut à suggerente & impellente, quodam modo quasi exterius instigante: & ideo non oportet diabolum habitare in intimo cordis peccatoris quantumcunque medullitus adhæreat peccatum. Vltorius: Peccatum non ponit aliquid, sed potius priuat: ideo secundum ipsum non dicitur aliquid, illabi animæ: sed potius ab eo aliquid corrumpi: & sic patet quod non est simile de culpa & gratia, quamvis sint circa idem.

QVÆSTIO III.

B *An dæmones possint illudere sensus.*

8. Thom. 1. p. q. 111. art. 4.
Et lib. 3. contra Gens. cap. 71.
Et de Veris. q. 11. art. 1.
Ægid. Rom. 2. Sent. dist. 8. q. 2. art. 5. dub. 1.
Richardus 2. Sent. dist. 3. art. 2. q. 3.
Durandus 2. Sent. dist. 8. q. 4.
Thom. Arg. 2. Sent. dist. 8. q. 1. art. 2.
Steph. Brulef. 2. Sent. dist. 8. q. 9.
Marfilus Inguen. 2. Sent. dist. 8. q. 1. art. 1.
Gabr. Biel. 2. Sent. dist. 8. q. 2. art. 3.

VTVM dæmon possit sensus illudere. Et quod sic, videtur. Super illud Exodi: Fecerunt magi per incantationes, & arcana quædam, similiter dicit Gloss. Rabani: Diabolicis figmentis spectantium oculos illudebant: vt res in sua specie remanentes aliæ viderentur.

ITEM in itinerario Clementis dicit Niceta ad Petrum narrans præstigia Simonis: Vidimus canes cantare, & imagines ambulare. Constat quod hoc non fiebat nisi virtute dæmonum: si igitur dæmones hæc, & his similia plura faciunt quæ nullo modo nisi miraculose fieri possunt: ergo oculos spectantium illudunt, maxime cum illa facere videntur ad quæ per auxilium naturæ iuuari non possunt.

ITEM in vitis Patrum legitur, quod quidam adduxerunt quandam puellam ad sanctum patrem: quæ videbatur eis esse equa: sed sanctus pater deprehendit quod esset puella; ergo si hoc fiebat arte diabolica, apparet: ergo, &c.

ITEM plus est decipere intellectum quam sensum, sed dæmones multos decipiunt, & seducunt quantum ad intellectum: ergo multo fortius seducere, vel illudere possunt quantum ad sensum.

1. CONTRA: Sensus particularis non errat, vt dicit Philosophus, circa proprium obiectum: ergo non percipit nisi illud quod verum est: sed delusio sensuum non potest esse sine errore, & deceptione: ergo, &c.

2. ITEM cum diabolus facit aliquem videre asinum, vel aliquod aliud animal vbi non est secundum veritatem, necesse est quod faciat similitudinem illius animalis in oculo: sed illa similitudo non potest generari nisi ab illo animali, cum non possit educi de nihilo: ergo vel oportet quod afferat asinum, vel nunquam faciat eum videri: sed si asinum affert, non est ludificatio: si non affert, non immutat: ergo nunquam potest deludendo immutare, vel immutando illudere.

3. ITEM cum hominem facit videre capram, aut similitudo hominis peruenit vsque ad oculum, aut non. Si sic: ergo cum iudicet secundum similitudinem receptam, indicabit illam esse hominem: ergo non decipietur. Si non peruenit: quæro quid impedit: & videtur quod nihil possit. Existente enim medio illuminato, necesse est obiectum multiplicari per medium, si non adsit corporeum obstaculum: ergo videtur quod nullo modo possit esse ibi ludificatio sensus.

Fundamēta.
Exo. 7. 6

Ad opposi-
tum.

4. ITEM cum facit videre quod non est : aut hoc facit immutando virtutem, aut immutando oculum, aut obiectum. Si immutando obiectum: ergo est verum miraculum: non ergo præstigium. Si immutando organum, vel virtutem: cum hæc sint digniora, tunc erit maius miraculum: ergo falsa miracula erunt maiora veris: quod si hoc est falsum, redit idem quod prius.

CONCLUSIO.

Dæmon sensus nostros deludere potest, id esse præsens ostendendo, quod tamen non est, vel aliter ostendendo quam sit, siue abscondendo quod præsens est.

RESP. ad Arg. Ad prædictorum intelligentiam attendendum est, quod absque dubio dæmones possunt sensus deludere, sicut multiplex experientia docet: modum autem assignare valde est difficile: & ad hoc plures doctores conati sunt diuersimode. Quidam namque voluerunt modum huius delusionis assignare dicentes hoc supra naturam esse, tripliciter autem hoc fieri posse. Potest enim hoc facere dæmon à superiori influendo: ab intrinseco, phantasma mouendo: ab extrinseco, species obiciendo. A superiori influendo dicitur hoc modo fieri posse: quia dæmon per naturam superior est sensu corporeo: & quia superiora nata sunt influere in inferiora, dæmon potest species quas habet in se, sensui imprimere tam interiori, quam exteriori: quæ tamen minus sunt spirituales in suscipiente, quam in dante: quia quod recipitur in aliquo, est per modum recipientis, non per modum recepti. Similiter ab interiori phantasmata mouendo, dicunt sic posse accidere, sicut accidit in somnis ex motu phantasmatum, & de fluxu ab organo excitari virtutem sensitivam interius, & fieri somnium, in quod videtur homini quod videat, vel audiat veritatem, cum phantasma rei pervenit ad organum visus, vel auditus. Sic & in proposito, dæmon potest phantasmata existentia in organo interiori facere diffuere ad organa sensuum: & sic videtur homini quod videat, vel sentiat ipsam rem, dum ex rei phantasmate formatur organum: & intentio sensus super illud convertitur, iudicat de similitudine ac si esset veritas. Ab exteriori vero, species obiciendo potest hoc modo sensum ludificare. Vnaquæque enim res nata est speciem suam susceptibili dare. Et si esset aliquid quod non tantum speciem susciperet, sed etiam tenere posset: posset circumferri, & alicui pro veritate offerri: sicut ostenditur luna in puteo. Quia ergo non latet dæmonem naturæ specularis, non solum susceptiva specierum, sed etiam retentiva: mediante illa potest quamcumque vult, & cuiuscunque rei vult speciem pro veritate sensibus nostris offerre: quam cum pro veritate accipiunt ludificantur. Hunc igitur triplicem modum dicunt dæmoni esse possibilem: & eum modo uti hoc, modo illo, & modo tertio. Sed quilibet horum modorum ut patet interius consideranti, habet aliquid improbabilitatis. Non enim videtur possibile, quod substantia spiritualis quæ habet in se species omnino immateriales, possit eas sensibus imprimere, cum omnino sit virtus impropportionabilis. Nec etiam videtur quod species ab organo interiori regrediantur, cum iste sit ordo retrogradus. Præterea mirum est valde: si dæmon inuenit ita magnum speculum in quo in magnitudine sua, & latitudine possit ostendere vnum castrum, sicut pluribus aliquando est ostensum. Mirum est etiam, si videt quis ita rem, quod non potest videre speculum. Mirabilis est etiam naturalis rei corporalis, quæ potest speciem suscipere, & tenere: cum videamus speciem ab obiecto speculo sensibilibiter separari non posse.

Ideo alius modus dicendi est, qui magis est consonus naturæ, & intelligentiæ: quod dæmon potest ludificare sensus, siue ostendendo præsens esse quod non est, siue aliter ostendendo quam est, siue abscondendo quod præsens est. Primum quidem facit species offerendo: secundum,

facit sensum vel obiectum denariando: tertium vero facit impedimentum præstando. Primum potest intelligi sic: Quando phantasmata existentia interiorius offeruntur fortiter oblatione ipsi virtuti interiori, vel virtus interior fortiter illis intenditur, similitudo rei videtur esse veritas. Hoc manifestum est per naturam: nam phrenetico propter ascensum fumositatum ad cerebrum ex modica occasione exteriori videtur ei quod videat multa, quæ non sunt sibi præsentia, vel quod audiat. Similiter per fortem conversionem intentionis, phantasma videtur veritas: sicut Aug. exemplificat in libro de Trinit. quod quidam tanta conversione recogitabat cuiusdam mulieris imaginem, quod ei carnaliter commisceri videbatur etiam vigilando. Per hunc modum dæmon potest siue intentionem ad imaginem convertere, siue fumos aliquos immittendo spiritum animalemm immutare, & phantasmata diuersimode variare, & intentioni offerre, & sic diuersa homini facere apparere: & hoc modo videtur frequentissime. Et huius signum est: quia nunquam facit hominem aliquid sentire, cuius imaginem non habeat in interiori organo virtutis imaginariæ. Nunquam enim cæcos naturaliter facit somnare de coloribus, nec surdos de sonis, nec eis talia repræsentat in vigilia, vel in somnis. Secundum modum possumus intelligere sic. Quod res alio modo, vel sub alia dispositione appareat sensui, quam sit naturaliter, potest contingere propter variationem aliquam ex parte organi: sicut quando humor sanguineus, vel vapor igneus descendit ad oculos, videtur homini, quod ea quæ exterius sunt, sine rubea: vel propter variationem aliquam ex parte obiecti: sicut contingit aliquando, quod ex positione candelæ factæ de serpentis pinguedine, & dispositione palearum videntur paleæ serpentes esse operatione naturali. Simile est in aliquibus virtutibus quarundam rerum mineralium. Et quia iste modus non latet dæmones, & sunt ministri veloces, potentes, quæ necessaria sunt ad hæc, statim offerre, ideo sensus nostros frequenter deludunt, ostendentes rem aliter quam sit, dum eam faciunt aliter quam se habet apparere: quod quidem fit per variationem modicam, inducendo eam circa organum, vel obiectum: quæ quidem variatio non mutat formam, sed solum est ex quadam accidentali adhærentia, & est ut passio, non passibilis qualitas. Tertium modum sic possumus intelligere: Res siquidem, quæ præsto est, sensum nostrum sine visibili obstaculo potest dupliciter latere, aut quia impeditur virtus sensus, ne perveniat ad sensibile, aut quia impeditur species sensibilis, ne perveniat ad sensum, & utroque modo impeditur sensus, ne percipiat quod sibi est præsto. Vtrumque autem horum satis credendum est, esse possibile virtuti dæmonis, & ideo dicitur posse facere per hanc viam, & hominem reddat invisibilem, quod tamen certum non est: si tamen est, hæc via posse fieri non multum incredibile. His visis patet responsio ad quæstionem propositam, quoniam terminanda est in partem affirmatiivam: patet etiam in parte responsio ad obiecta.

1. AD illud enim quod obicitur, quod sensus non errat circa proprium obiectum, dicendum quod hoc intelligitur quantum est de sui natura, salva scilicet media dispositione organi, mediæ, & obiecti. Intelligitur etiam de sensu particulari per se. In hac autem deceptione sensus communis, siue phantasia quæ dicitur collatiua, admiscetur sensui particulari, & iudicat esse alterius quod est suum.

2. AD illud quod obicitur, quod nulla res potest videri nisi per suam speciem, dicendum quod speciem nec de nouo dat, nec de nouo offert: sed illam quæ erat in phantasia tam viuaciter virtuti illi interiori obicit, ut credat se rem exteriorem sensibilibiter intueri.

3. AD illud quod obicitur, quod facit hominem videri capram: vtrum illa species hominis deferatur ad visum, dicendum quod fortassis impedit ne perveniat ad visum, vel visus ad eam, vel saltem impedit ne perveniat ad iudicium, dum loco illius offert speciem capræ,

Sensus humanus quorundam & quibus modis a dæmonibus deludantur.

Primus modus.

Secundus modus.

Exemplum de candela facta ex pinguedine serpentis.

Tertius modus.

Sensus quomodo circa proprium obiectum non decipiat.

Opin. 1.

Arist. 3. de Anim. con-
tex. 4. & 5.

Improbatio.

Secunda opinio.

quam habet in phantasia : & sic dum aspicit ad corpus humanum, æstimat se videre capram.

4. Ad illud quod quæritur, ubi facit immutationem, vel circa organum, vel obiectum, vel virtutem, dicendum quod potest facere, & facit circa omnia hæc pro loco, & tempore sicut sibi videtur expedire : nec tamen videtur quod sit verum miraculum, quia non est ibi vera formarum transmutatio, aut inductio, sed solum quædam transitoria, & quasi momentanea immutatio, quæ cum ostendat circa rem veram esse transmutationem, non est verum miraculum, sed vanum, & falsum prestigium.

QVÆSTIO IV.

An demones cognitiones immittere possint.

Agid. Rom. 2. Sent. d. 8. q. 2. art. 5. dub. 2.

Richard. 2. Sent. dist. 8. art. 2. q. 4.

Thom. Arg. 2. Sent. dist. 8. q. 1. art. 3.

Steph. Brulef. 2. Sent. dist. 8. q. 10.

VTRUM demon possit cogitationes immittere. Et quod sic, videtur primo auctoritate veteris Testamenti in Psalmo : Immitit Angelus Domini in circuitu timentium eum : si bonus Angelus potest immittere, cum bonus & malus sint eiusdem naturæ, patet, &c.

ITEM auctoritate, Ioannis videtur : Cum diabolus misisset in cor, ut traderet eum Iudas : sed mittere in cor non est aliud quam immittere : ergo, &c.

ITEM Gregorius in Moralibus : Maligni spiritus in cordibus malignorum cogitationes immittere non desistunt.

ITEM : Suggestio est aculeus diaboli : sed suggestio nihil aliud est quam prava cogitationis immissio : si ergo diabolus potest mala suggerere, ergo potest malas cogitationes immittere.

CONTRA in Matthæo super illud : Nihil quod in os intrat coinquinat animam, dicit Glossa Bedæ, quod diabolus non est malarum cogitationum immissor.

ITEM si potest cogitationem immittere, cum in cogitatione formetur acies intelligentiæ : ergo potest mentem nostram formare : quod falsum est, cum hoc dicat Augustinus esse proprium veritatis primæ.

ITEM : Nihil nobis intimius est quam nostra cogitatio : ergo si diabolus potest cogitationes immittere : ergo potest quando vult ad interiora nostra spiritualia introire : sed hoc nihil aliud est quam illabi : ergo menti nostræ illabi potest, quod supra improbatum est.

ITEM : Si potest cogitationes immittere : ergo potest quando vult malum facere cogitare : sed ipse continue nobis optat malum : ergo nunquam permetteret nos a cogitationibus malis desistere, quod manifeste falsum est. Est igitur quæstio quantum posse habeat diabolus respectu cogitationum generandarum in nobis, verum scilicet possit efficere, vel tantum offerre : & si offerre, utrum necessario possit nos compellere ad hoc quod nos recipiamus oblatum. Et quod sic videtur, quia si aliquid præsentatur aspectui oculorum nostrorum, necessarium est nos videre, & sic de aliis sensibus : ergo similiter videtur de cogitationibus. Quod si verum est, videtur quod a malis cogitationibus non possumus evadere, & quod mala cogitare non sit deprehensibile, cum tamen Dominus reprehendat in Matthæo : Quid cogitatis mala in cordibus vestris?

CONCLUSIO.

Demon potest anima humana cogitationes immittere, non quidem ut principale agens talis effectus, sed ut excitans, atque impellens.

RESPON. Ad Arg. Dicendum quod immissio dicit actum, cuius effectus terminatur in eo quod intus est:

S. Bonavent. Operum Tom. I V. Pars II.

A hunc autem actum dupliciter potest dicere, respectu illius effectus, aut sicut causæ principaliter agentis, & efficientis, aut sicut excitantis, vel impellentis. Primo modo proprie accipitur, & sic competit soli Deo respectu animæ : ipse enim solus est qui per modum principalis agentis potest in eius intimis, cogitationes & affectiones gignere, & formare. Alio modo accipitur large, & minus proprie. Et quoniam immissio de ratione sui nominis quandam virtutem & auctoritatem sufficientem respectu effectus importat : ideo quando solummodo dicitur excitationem, vel impulsionem, large accipitur, & minus proprie. Et sic competit dæmoni respectu animæ, quoniam eius officium est, siue perversum studium, eidem malas cogitationes suggerere. Et sic patet responsio ad rationes ad utramque partem. Nam rationes, & auctoritates ad primam partem inductæ procedunt de missione & immissione communiter dicta : rationes vero ad oppositum procedunt de immissione proprie dicta.

Ad illud vero quod quæritur ultimo : quantum posse habeant dæmones respectu malarum cogitationum nostrarum, dicendum quod phantasmata possunt offerre.

Ad illud autem quod quæritur utrum necessario possint compellere : diversimode à diversis respondetur. Quidam enim dicunt quod necessario possint compellere ad cogitationes malorum, non tamen malas. Cogitatio enim quæ est de malo, non est mala, nisi æque comitetur affectio mala, quæ est in potestate nostra. Aliis vero videtur, & probabilius, quod non possunt facere aliquid, quo facto necessario cogitemus malum, nisi in casu, videlicet cum cogitatio animæ non est circa utilia occupata. Cum enim euagatur, & est otiosa ratio, tunc potest ei diabolus offerre imaginem turpem, & vanam : & ideo volenti malas cogitationes, & imaginationes effugere, sollicitè & diligenter cavendum est, ne contingat aliquando animum a bonis & ab utilibus cogitationibus revocari : hoc tamen difficile est, nisi ei qui solitus est in bonis animum exercere : cui multo facilius, & delectabilius est in bonis versari cogitationibus, quam sit viris carnalibus in fœdis, & turpibus imaginibus.

QVÆSTIO V.

An Demones malas affectiones incendere possint.

S. Thom. 1. p. q. 111. art. 2.

Et de Verbo q. 12. art. 9.

Et de Malo, q. 16. art. 11.

Agid. Rom. 2. Sent. dist. 8. q. 2. art. 5. dub. 3.

Henricus Quol. 3. q. 13.

Richardus 2. Sent. dist. 8. art. 2. q. 6.

Durandus 2. Sent. dist. 8. q. 5.

Thom. Argent. 2. Sent. dist. 8. q. 1. art. 4.

Steph. Brulef. 2. Sent. dist. 8. q. 11.

VTRUM dæmones possint malas affectiones incendere. Et quod sic, videtur : Omnes adultærantés sicut clibanus succensus à coquente, & Glossa exponit quod clibanus est fornicator, & coquens diabolus : ergo &c.

ITEM Beda super Acta dicit, quod diabolus fraudulencia, & callida deceptione animam in affectum malitiæ trahit : sed hoc nihil aliud est, quam pravam affectionem incendere : ergo, &c.

ITEM : Diabolus potest carnem nostram commovere, sicut dicitur in Iob. Unde super illud : Terra tradita est in manu impij, exponit Gregorius, id est, caro in manu diaboli : si ergo carne commota excitatur stimulus concupiscentiæ, qui est in nobis tanquam igniculus pravae affectionis : videtur quod diabolus possit in nobis incendere affectionem concupiscentiæ.

ITEM ignem incendere non est aliud, quam igni pabulum ministrare : sed malæ imaginationes, & exteriores opportunitates, & occasiones sunt fomenta concupiscentiæ.

Ad oppositum.

Off. 7. a

AB. 6.

Iob 9. a

piscientia: ergo videtur quod diabolus hunc ignem concupiscentia possit in nobis accendere.

ITEM calidum potest calefacere, ergo inflammatum potest inflammare: sed diabolus totus est inflammatus, immo, & in eo sunt flammæ, & incentiva vitorum, sicut dicitur in Iacob: & Beda dicit & magister in litera: ergo potest diabolus nos ad malum inflammare, ergo & incendere.

1. AD oppositum: Imago maxime perficitur in affectione, & voluntate: ergo si diabolus non habet posse super animam in quantum est Dei imago: ergo non videtur quod possit affectionem nostram incendere.

2. ITEM libertas arbitrij consistit maxime in affectu, siue in voluntate: sed liberum arbitrium est illud super quod minime potest diabolus: ergo videtur quod minime possit in nostrum affectum: ergo si non potest intellectui cognitionem, vel cogitationem immittere: ergo multominus affectionem incendere.

3. ITEM cogitatus præambulus est ad affectionem: sed quod non potest in dispositionem, non potest in complementum: ergo si diabolus non potest immittere cogitatum, non potest incendere affectum.

4. ITEM si potest malas cogitationes incendere: cum huiusmodi affectiones semper sint culpabiles, continue posset nos facere peccare, quod nefas est dicere. Est igitur quæstio, quæ differentia sit inter incendere, & immittere, & pro quanto diabolus magis dicitur incensor, quam immissor, cum econuerso videatur, cum multo plus sit affici quam cogitare.

CONCLUSIO.

Demon potest animas nostras incendere, cogitationes, & affectiones excitando, & subministrando.

RESP. Ad Arg. Dicendum quod incendere est actus translatus à corporalibus ad spiritualia. In corporalibus autem incendere est non ignem generare, sed potius igni pabulum ministrare, vel applicando ignem combustibili, vel combustibile igni: sic in spiritualibus. Ignis autem iste concupiscentia est, siue libido peruersa: pabulum istius ignis sunt cogitationes, & affectiones carnales, & terrenæ, & delectationes sædæ: & ita incendere in spiritualibus non tantummodo accipitur respectu affectionum, immo & cogitationum, & respectu utrarumque non dicit actum sicut principaliter agentis: sed solum sicut excitantis, & subministrantis. Quoniam igitur diabolus potest nos ad malas cogitationes, & affectiones excitare: licet non possit eas in nobis sua potestate efficere: ideo recte, & proprie à sanctis, & à doctoribus sacræ Scripturæ incensor dicitur non immissor, & concedendæ sunt rationes ad hoc.

Fundamēta.

1. 2. AD illud quod obiicitur, quod diabolus non potest super imaginem, nec super liberum arbitrium, dicendum quod non potest sicut agens, & mouens principale: potest tamen sicut suggerens, & inducens, & hoc est quod dicit Damascenus. Violentiam alicui inferre non possunt, in nobis enim est suscipere eorum immisiones.

3. AD illud quod non possit in cogitationem, dicendum quod sicut non potest cogitationem formare, sic nec affectionem principaliter causare, vel mouere: sicut autem potest affectionem incendere, sic etiam cogitationem.

4. AD illud quod ultimo obiicitur, quod tunc posset facere nos peccare, dicendum quod verum est, si potentia incenden. li importaret necessitatem, vel precipuam, & effectiuam potestatem respectu affectionis prauæ: sed sicut prædictum est, non dicit causam efficientem, sed disponentem: quæ quidem dispositio efficaciam non habet, nisi nos demus ei vigorem ex nostra negligentia, vel consensu.

QUESTIO VI.

An demones scrutari possint secreta conscientia nostra.

S. Thom. 1. 2. q. 57. art. 4.

Et de Veris. q. 8. art. 13.

Richardus 2. Sent. dist. 8. art. 2. q. 4.

Durandus 2. Sent. dist. 8. q. 5.

Marsilius Inguen. 2. Sent. dist. 8. q. 2.

Stephan. Brulef. 2. Sent. dist. 8. q. 11.

VERVM demones possint scrutari secreta nostra conscientia. Et quod sic videtur. Dæmonum officium est accusare, secundum quod legitur in Apocalypsi: Proiectus est accusator fratrum, &c. ergo si in iudicio arguemur de secretissimis cogitationibus, videtur quod hæc non lateant accusatorem nostrum.

Ad oppositum.

Apoc. 12. 6.

2. ITEM peccatum est character bestie secundum quod insinuat in Apocalypsi: Sed vnusquisque cognoscit proprium signaculum vbicumque ponitur: ergo diabolus cognoscit peccatum vbicumque sit: sed nihil est in nobis secretius, quam sint peccata cognitionum nostrarum, & affectionum: ergo si hæc diabolus potest videre, secreta conscientiarum nostrarum rimari potest.

3. ITEM Augustinus super Genesim ad literam: Mali angeli cogitationem nouerunt, quia multa prædicunt, quæ non prædicarent, si cogitationes non nouissent.

Cap. 17. in pri. vide etiam c. 12. in fine.

4. ITEM hoc videtur per rationem. Notior est operatio, quam potentia: & potentia quam substantia: quia per cogitationem operationis, & potentia peruenitur ad cognitionem substantia: sed substantia animæ non potest latere diabolus: ergo nec eius operatio nec virtus: ergo si cogitatio, & affectio sunt actiones animæ: ergo non possunt latere dæmonem.

5. ITEM substantia spirituales, sicut dicit Dionysius, per sui naturam sunt specula: sed sic est in speculo materiali, quod quando vnus obicitur alteri, non solum repræsentat ipsum, sed etiam omne quod relucet in ipso: ergo si maioris communicationis sunt specula spiritualia, videtur quod quando dæmon intuetur, & aspicit animam, non solum ipsam videat, sed omne quod est in ipsa.

Dion. de Aug. hier. c. 3. in prin.

6. ITEM nihil potest oculus meus videre in me, quod non possit videre oculus alienus: si ergo sic est in oculo corporali respectu rei visibilis corporalis, pari ratione similiter erit in oculo spirituali respectu cognoscibilis spiritualis: ergo si oculum meum spiritualem non latet secretum conscientia mea: pari ratione nec oculos dæmonum.

AD oppositum: Tu solus nosti corda filiorum hominum: ergo dæmon vel alius.

Fundamēta. 2. Par. 6. Hier. 17. 4.

ITEM: Ego Dominus scrutans corda, & renes: ergo si Dominus hoc sibi attribuit tanquam proprium, videtur quod non communicet diabolo.

ITEM: Nemo scit quæ sunt hominis, nisi spiritus hominis, qui est in illo: sed dæmon nec est spiritus nostrer, nec est in nobis: ergo non nouit secreta conscientia nostra.

1. Cor. 2. 2.

ITEM Augustinus in libro de Ecclesiæ dog. Internas cogitationes nostras diabolus non videre certum est. ITEM ratione videtur. Quia si internas cogitationes cognosceret, cognosceret & virtutes: ergo Iob patientiam cognouisset, quod si cognouisset, non tentasset, cum nolit superari: sed tentauit: ergo nec virtutes, nec cogitationes eius cognouit.

Cap. 31. 2. 1.

CONCLUSIO.

Angelus malus, neque etiam bonus potest secreta conscientia nostra scrutari, quanquam per exteriora quædam signa, conicere possit.

RESPON. Ad Arg. Ad prædictorum intelligentiam est notandum: quod sicut Deus voluntati creaturæ

ture

t. dist. 9.
us q. 2. ibi
arg. 2. q.
leitur sa-
quod
gelus al-
Angelo
potest
ore essen-
n. & in-
tionem.

Lib. 12. c. 17.
10m. 3.

turæ rationale dedit dominium, sine arbitrium, cui nulla potentia præsidet nisi diuina: sic eius cognitio dedit conscientie secretum, cuius secreta, & profunda non penetrat nisi diuina sapientia. Et ideo dico, quod nulla creatura nec humana, nec Angelica potest conscientie humane nosse secreta, nisi per signa, vel coniecturas, vel nisi nouerit Dei reuelatione, aut hominis denuntiatione. Et quoniam pauca sunt ita secreta, quin prodeant in opera exteriora, vel appareant per signa exteriora faciei, vel per signa cordis quod mouetur diuersimode secundum diuersitatem affectionum: hinc est quod multe cogitationes, & affectiones nostræ deprehendi possunt à malignis spiritibus, nisi arceantur Dei virtute: hæc autem cognitio potius est coniectura, quam certæ scientiæ. Et ideo concedendæ sunt rationes ostendentes quod Angelus malus secreta conscientie nostræ persequari non potest.

A subterfugere, & se illi reuelare, quoniam non est ipsi præsens, nec super eum potens: & ideo omnem oculum spiritualem potest conscientia nostra latere: excepto se, & illo qui est supra se. Et ideo dicit Augustinus super Genesim ad litteram, quod sicut substantiæ corporales habent aliqua velamenta quibus se alienis aspectibus occultant, sic & in his substantiis spiritualibus suo modo intelligendum est: hæc est verborum suorum sententia. Et si tu quæras quomodo potest hoc esse vel intelligi, cum substantia spiritualis simplex sit & vniformis per totum: & ita videtur quod qui videt modicum nihil latet, & cum vniformis sit non potest esse ibi aliquid occultans, & aliquid occultatum, dicendum quod ob-
Bstaculum illud non habet intelligi per interpositionem alicuius naturæ opacæ, sicut est in visu nostro corporeo, vel obscure, vel minus clare: sed ibi abscondere idem est quod nolle manifestare. Et licet non sint ibi diuersitates plicarum ex compositione diuersarum naturarum, sunt tamen in anima gradus potentiarum, & statuum, secundum quos quædam dicuntur esse animæ magis intima: vtpote quæ respiciunt potentias superiores, & simpliciores, sine puriores: secundum quas anima magis in seipsa recolligitur, & ei, quod summe vnus est vnitur, & simplicatur: & penes has maxime residet conscientie secretum: & sic patet solutio obiectionum: ex quibus etiam manifestantur omnia quæ in littera dicuntur. Hoc solum autem indiget explanatione, quod dicit Gennadius, quod dæmones per energiam operationem, &c. Quid appellet energiam. Et dicendum quod energia dicitur ab eo quod est in, & ergo quod est labor, & mène quod est defectus, inde energia quasi interior labor, vel interior defectus. Vnde illi dicuntur energumeni, qui interius laborant per vexationem dæmonis interius obsidentis, & animam laborare facientis: & hoc est quod Gennadius dicere intendit. Cætera patent, quæ in littera dicuntur.

Energia
quid.

1. Ad illud ergo quod obiicitur primo in contrarium de accusatoris officio, dicendum quod non solum ipsa dæmon erit accusator, immo etiam cor nostrum: vnde si de exterioribus visibilibus accusari possumus à diabolo, de secretis & occultis non: neutra tamen impunitas relinquentur, quia non deerit accusator & testis.

2. Ad illud quod obiicitur, quod peccatum est character diaboli, dicendum quod peccatum tunc dicitur esse character, quando scribitur in fronte: hoc autem est cum peccat sine rubore, & publice, vt iam possit ei dici: Frons mulieris meretricis facta est tibi, noluit erubescere: & tunc absque dubio peccatum nostrum cognitum est à diabolo: quia iam non est secretum, sed manifestum.

3. Ad illud quod obiicitur, de Augustino, quod cogitationes nouerunt, dicendum quod loquitur de cognitione coniecturæ, non certæ scientiæ.

4. Ad illud quod obiicitur, quod notior est operatio, quam substantia, dicendum quod verum est de operatione extrinseca: de intrinseca autem non habet semper veritatem. Multæ enim res sunt nobis notæ, quarum virtutes & operationes nos latent. Vel dicendum quod hoc locum habet in operatione naturali, non in operatione voluntaria. Operatio enim naturalis secundum quod naturalis est, ita se naturaliter nata est repræsentare, nec se occultare potest sicut nec substantia: immo per ipsam manifestatur substantia, dum plus habet de ratione actualitatis, ac per hoc manifestationis, & lucis. In operatione autem voluntaria secus est. Nam cum substantia se naturaliter repræsentet, sicut naturaliter est, sic se occultare non potest. Operatio voluntaria sicut voluntarie exit in esse, ita & voluntarie manifestatur, & ita occultari potest: immo non manifestatur nisi homo velit: talia autem sunt quæ latent in secreto conscientie nostræ: ideo quamvis diabolus possit videre animam propria virtute, tamen non potest illa conspiciere.

5. Ad illud quod obiicitur, quod speculum repræsentat aliud speculum, & quæ sunt in eo contenta, dicendum quod est duplex speculum, quoddam naturale, & quoddam voluntarium. Speculum naturale sicut naturaliter suscipit, ita & naturaliter reddit, & ita nihil occultat: ideo speculum sibi oppositum non solum ipsum, sed etiam omne quod lucet in eo repræsentat. Speculum autem voluntarium non est in actu manifestationis eorum quæ in se continet, nisi cum hoc facit voluntas, & tale est speculum spirituale: & ideo non est simile.

6. Ad illud quod obiicitur de oculo corporali: per hanc ipsam rationem iam patet responsio. Oculus enim vnus corporalis videt quidquid videt alius, si obiectum sit vtrique reuelatum: si autem vni aperitur, & alteri tegitur, vnus potest videre quod non videt alius: Quia ergo nullus se sibi nec vult, nec potest velare, quia sibi semper præsens est: ideo oculum proprium si quid in se est, non potest latere: alienum vero oculum potest

DISTINCT. IX.

De Ordinum distinctione, qui, & quot sint.

POST prædicta superest cognoscere de ordinibus Angelorum quid Scriptura tradat: quæ in pluribus locis nouem esse ordines Angelorum promulgat, scilicet Angelos, Archangelos, principatus, potestates, virtutes, dominationes, thronos, Cherubim, & Seraphim. Et inueniuntur in istis ordinibus tria terna esse, & in singulis tres ordines, vt Trinitatis similitudo in eis insinuetur impressa: vnde Dionysius tres ordines Angelorum esse tradit, ternos in singulis ponens. Sunt enim tres superiores, tres inferiores, tres medijs. Superiores, Seraphim, Cherubim, throni: medijs, dominationes, principatus, & potestates: Inferiores, Virtutes, Archangeli, Angeli.

Lib. 1 de Ca-
lestib. c. 6.
Greg. hom.
34. Et Ber.
lib. 5. de cõs.

Quid appelletur ordo, & quæ sit ratio nominis cuiusque.

Hic considerandum est, quid appelletur ordo: deinde, vtrum ab ipsa creatione fuerit distinctio illorum ordinum. Ordo autem dicitur multitudo celestium spirituum, qui inter se in aliquo munere gratiæ simulantur, sicut & in naturalium datorum munere conueniunt. Vt verbi gratia, Seraphim, vt beatus Gregorius ait: dicuntur qui præ aliis ardent charitate. Seraphim enim interpretatur ardēs, vel succedēs. Cherubim

Hom. 24. in
Enang.

qui pra aliis in scientia eminent. Cherubim enim interpretatur plenitudo scientia. Thronus dicitur sedes: Throni autem vocantur qui tanta diuinitatis gratia replentur, ut in eis sedeat Deus, & per eos iudicia decernat, atque informet. Dominationes vero vocantur qui principatus, & potestates transcendunt. Principatus dicuntur, qui sibi subiectis, qua sunt agenda disponunt, eisque ad explenda diuina mysteria principantur. Potestates nominantur hi, qui hoc ceteris potentius in suo ordine acceperunt, ut virtutes aduersa eis subiecta eorum refranentur potestate: nec homines tantum tentare valeant, quantum desiderant. Virtutes vocantur illi per quos signa, & miracula frequenter fiunt. Archangeli, qui maiora nuntiant. Angeli qui minora.

Quod hæc nomina non propter se, sed propter nos eis data sunt, quæ sumpta sunt à donis gratiæ, quæ non habent singulariter, sed excellenter, & à præcipuis nominantur.

Hæc nomina illis non propter se: sed propter nos eis data sunt. Qui enim sibi noti sunt contemplatione, nobis innotescunt cognominatione. Et nominantur singuli ordines à donis gratiarum, qua non singulariter, sed excellenter data sunt in participatione. In illa enim cælesti curia, ubi plenitudo boni est, licet quædam data sint excellenter, nihil tamen possidetur singulariter: Omnia enim in omnibus sunt, non quidem aqualiter, quia alij aliis sublimius possident, quæ tamen omnes habent. Cumque omnia dona gratiarum superiores ordines sublimius, & perfectius perceperint, tamen ex præcipuis, sortiti sunt vocabula, inferioribus cetera relinquentes ordinibus ad cognominationem: ut Seraphim qui ordo excellentissimus astitimatur, tam dilectionem quam cognitionem diuinitatis, & cetera virtutum dona ceteris omnibus sublimius, & perfectius percepit, & tamen ab excellentiori dono, id est, à charitate nomen accepit ille superior ordo. Maius enim donum est ipsa charitas, quæ scientia. Item: Maius est scire, quam iudicare: scientia namque informat iudicium: ideoque secundus ordo à secundo dono, id est, cognitione veritatis appellatus est, scilicet Cherubim: ita & de aliis intelligendum est. Assignatur ergo excellentia ordinum secundum excellentiam donorum: & tamen, sicut Gregorius ait: illa dona omnibus sunt communia. Omnes enim ardent charitate, & scientia pleni sunt: sic & de aliis. Sed superiores, aliis excellentius, ut iam dictum est, ipsa acceperunt, à quibus & nominantur: unde Gregorius: in illa summa ciuitate quisque ordo eius rei censetur nomine, quam plenius accepit in munere.

Quæstio ex verbis Gregorij orta.

Sed oritur hic quæstio talis. Si quisque ordo ab illo dono nominatur quod plenius possidet, tunc Cherubim in scientia præminent omnibus, quia à scientia nominantur. Sed qui magis diligit, plus cognoscit. Tantum enim, ut tradit auctoritas, cognoscit ibi quisque quantum diligit. Itaque Seraphim non solum in charitate, sed etiam in scientia præminent. Ideoque auctoritas illa sic videtur intelligenda, ut comparatio non referatur ad omnes ordines, sed ad quosdam, scilicet inferiores. Ille enim ordo non plenius Seraphim accepit scientiam in munere, sed plenius aliis ordinibus, qui sunt inferiores. Nec nominatur quisque ordo ab omni re quam plenius aliis accepit, sed ab aliqua

rerum quas accepit. Vel potest comparatio referri non ad ipsos ordines, sed ad alia dona, nec ad omnia alia dona, sed ad quedam. Sicut enim homines cum plura habeant dona, quadam aliis excellentius possident: ita forte & Angelis quibusdam muneribus magis polent, & aliis quibusdam minus.

Utrum ordines ab initio creationis ita distincti fuerint.

Tam nunc inquirere restat, utrum & isti ordines à creationis initio ita fuerint distincti. Quod ita fuerint distincti à primordio sua conditionis, videtur testimonio auctoritatis insinuari: quæ tradit de singulis ordinibus aliquos cecidisse. De ordine namque superiori Lucifer ille fuit, quo nullus dignior conditus fuit. Apostolus etiam principatus, & potestates tenebrarum nominat, ostendens de ordinibus illis cecidisse: qui cum in malis ministerium exerceant, non tamen penitus nominibus ordinum suorum priuati sunt: Sed non videtur illud posse stare. Non enim tunc charitate ardebant, nec sapientia pollebant, neque in eis Deus sedebat, si enim hoc habuissent, non cecidissent. Non ergo tunc erant Cherubim vel Seraphim, vel Throni. Ad quod dicimus, quia ante casum quorundam non erant isti ordines, quia nondum habebant dona in quorum participationibus conueniunt. Sed quibusdam cadentibus, aliis apposita sunt, eisque qui ceciderunt collata fuissent eadem dona, si perstitissent. Ideoque Scriptura dicit de singulis ordinibus aliquos cecidisse: non quod fuerint in ordinibus, & postea corruerint, sed quia si perstitissent, eorum aliqui in singulis fuissent ordinibus, qui & in natura tenuitate, & in forma perspicacitate differentes gradus habebant, sicut illi qui perstituerunt. Alij enim, ut prædiximus, superiores, alij inferiores conditi sunt. Superiores qui natura magis subtiles, & sapientia magis perspicaces: inferiores, qui natura minus subtiles, & intelligentia minus perspicaces facti sunt. Has autem inuisibiles differentias inuisibilis solus ille ponderare potuit, qui omnia in numero, & mensura, & pondere disposuit, id est, in seipso qui est mensura omni rei modum præfigens, & numerus omni rei speciem præbens, & pondus omnem rem ad stabilitatem trahens, id est terminans, & formas, & ordinans omnia.

Utrum omnes Angeli eiusdem ordinis sint æquales.

Præterea considerari oportet, utrum omnes Angeli eiusdem ordinis æquales sint. Ita esse quibusdam placuit, sed non est hoc probabile, nec assertione dignum: quia Lucifer qui fuit de collegio superiorum, ipsis etiā dignior extitit, qui aliis excellentiores creati fuerant. Ex quo percipitur quod si perstitisset, in ordine superiori fuisset, & aliis eiusdem ordinis dignior extitisset. Sicut enim unus est ordo Apostolorum, & alter martyrum, & tamen in Apostolis alij aliis sunt digniores, similiter & in martyribus alij aliis sunt superiores: ita & in ordinibus Angelorum recte creditur esse.

Quo modo dicat Scriptura decimum ordinem ex hominibus compleri, cum non sint nisi nouem ordines.

Notandum etiam quod decimus ordo legitur de hominibus restaurandus. Sed cum non sint nisi nouem ordines, nec plures fuissent, etiam si illi qui ceciderunt, perstitissent, mouentur lectores quo modo Scriptura dicat decimum ordinem compleri ex hominibus. Greg. namque ait homines assumendos in ordine Angelorum, quorum alij assumuntur in ordine superiorum, qui scilicet magis ardēt charitate: alij in ordine inferiorum, qui scilicet

Ephes. 6.3

Sup. Dist. 1.
Sup. 11. b
Aug. lib. 4.
de Gen. ad
lit. cap. 3.
com. 3.

1. Cor. 13. a

Hom. 34. in
Euang.

Hom. 34. in
per 15. c. La.
ca in (en)u.

licet minus perfecti sunt. Ex quo apparet non esse de hominibus formandum decimum ordinem, tanquam nouem sint Angelorum, & decimus hominum: sed homines qualitate meritorum statuendo in ordinibus Angelorum. Quod ergo legitur decimus ordo complendus de hominibus, ex tali sensu dictum fore accipi potest, quia de hominibus restaurabitur quod in Angelis lapsum est, de quibus tot corruerunt, ut possit fieri decimus ordo. Propter quod Apostolus dicit restaurari omnia in Christo, quae in caelis, & quae etiam in terris sunt, quia per Christum redemptum est genus humanum, de quo fit reparatio ruinae Angelica: tamen non minus saluaretur homo, si Angelus non cecidisset.

Quod homines assumuntur iuxta numerum stantium, non lapsum.

Non enim iuxta numerum eorum qui ceciderunt, sed eorum qui permanserunt homines ad beatitudinem admittuntur. Vnde Gregorius: Superna illa ciuitas ex Angelis, & hominibus constat, ad quam credimus tantos humani generis ascendere, quantos illic contingit Angelos remansisse, sicut scriptum est in cantico Deuteronomij: Statuit terminos populorum iuxta numerum Angelorum Dei.

Quidam dicunt secundum numerum lapsum Angelorum homines reparandos.

A quibusdam tamen putatur, quod homines reparentur iuxta numerum Angelorum qui ceciderunt ut illa caelestis ciuitas nec suorum ciuium numero praeuertatur nec maiori copia regnet. Quod Augustinus in Enchiridion sentire videtur, hoc asserens de hominibus plus saluari quam corruit de Angelis, sed non minus, ita dicens: Superna Hierusalem mater nostra, ciuitas Dei nulla ciuium suorum numerositate fraudabitur, sed uberiore etiam copia fortasse regnabit. Neque enim numerum aut sanctorum hominum, aut immundorum demonum nouimus, in quorum locum succedentes filij Catholicae matris, quae sterilis apparebat in terris, in ea pace de qua illi ceciderunt, sine ullo temporis termino permanebunt: Sed illorum ciuium numerus, sine qui est, siue qui futurus est, in contemplatione eius artificis est, qui vocat ea quae non sunt tanquam ea quae sunt. Ecce aperte dicit non minus de hominibus saluari, quam corruit de angelis: sed plus non asserit.

DISTINCT. IX.

De consequentibus confirmationem Angelorum bonorum quantum ad ordinum distinctionem.

Post praedicta superest cognoscere de ordinibus, &c.

Expositio Textus.

SUPRA egit Magister de consequentibus malorum obstinatione, in hac parte agit de his quae consequuntur bonorum confirmationem. Haec autem sunt duo, sc. distinctio ordinum, & consequens ministerium: ideo haec pars habet duas. In prima agit de angelicorum ordinum distinctione. In secunda de Angelorum ministerio, & missione infra distinct. 10. Hoc etiam inuestigandum est, &c. Prima pars habet duas partes. In prima agit de distinctione ordinum quantum ad propriam conditionem. In secunda vero quantum ad reparationem, ibi: Notandum etiam quod decimus ordo, &c. Prima pars habet quatuor partes. In prima determinat qualiter angelorum ordines distinguuntur. In secunda qualiter nominantur, ibi: Hic considerandum est. In tertia determinat quod sit huius ordinationis principium,

ibi: Iam nunc inquirere restat. In quarta vero, & vltima determinat modum, ibi: Praeterea considerari oportet, &c. Secunda vero pars principalis quae incipit: Notandum, &c. duas habet. In prima determinat de reparatione ordinum Angelicorum facienda quantum ad gradum: in secunda vero quantum ad numerum, ibi: Non enim iuxta numerum, &c.

Ad intelligentiam autem eorum quae in hac parte dicuntur, primo procedendum est via narrationis. Secundo vero via inquisitionis. Via narrationis autem est definitiua, & diuisiua: & ideo oportet hic praenotare quaedam rerum definitiones, & diuisiones. Oportet igitur primo videre quid sit hierarchia. Secundo vero quid Angelus. Tertio quid sit ordo Angelicus. Quibus praestituta maxima via praestabitur nobis ad sequentia terminanda. Sciendum igitur, quod praeter definitionem quid nominis quae hierarchia dicitur a hiera, quod est sacrum, & archi principatus, quasi sacer principatus vel ordo: Ipsius hierarchiae B. Dionysius tres ponit definitiones libro de Angelica hierarchia: quarum prima est haec: Hierarchia est diuina pulchritudo ut simpla, ut optima, ut consummativa. Secunda est haec: Hierarchia est ordo diuinus, scientia, & actio, deiforme, quantum possibile est, similans, & ad inditas ei diuinitus illuminationes proportionabiliter in Dei similitudinem ascendens. Tertia est haec: Hierarchia est ad Deum, quantum possibile est, similitudo, & vnitas, ipsum habens scientiae sanctae, & actionis ducem, & ad suum diuinissimum decorem immutabiliter diffiniens, quantum vero possibile est reformat suos laudatores istarum diffinitionum distinctio, & explicatio potest sic haberi: Quia prima definitio est hierarchiae increatae, duae vero sequentes creatae. Differunt autem, quia prima illarum principaliter attenditur penes egressum a Deo: sed vltima penes regressum, licet utrobique tangatur utrumque. Prima autem definitio quae est hierarchiae increatae, exprimit ipsam quantum ad Trinitatem, & vnitatem, ita quod nec Trinitas praedicit vnitati, nec vnitas Trinitati: sed vnitas spectat ad perfectionem Trinitatis, & Trinitas vnitatis. Ut igitur ostendatur ibi esse vnitatem in Trinitate, dicit: Hierarchia est diuina pulchritudo. Pulchritudo enim consistit in pluralitate, & aequalitate, sicut dicit Augustinus in libro de vera Religione. Ut autem ostendatur quod pluralitas non praedicit vnitati dicit, ut simpla, quia sic est ibi pluralitas, ut tamen non tollatur vnitatis simplicitas. Ut autem ostendatur quod vnitas non praedicit Trinitati, siue pluralitati, subiungit: Ut optima, quia sic est in Deo vnitas, ut tamen sit summa bonitas, per quam est perfecta communicatio, & sic personarum pluralitas. Postremo, ut ostendat quod vnitas spectet ad perfectionem pluralitatis, & e converso, subditur, ut consummativa: in quo signatur quod in Trinitate, & vnitatem consistit omnimoda, & summa perfectio. Secundae vero diffinitionis intellectus sic potest haberi. Diffinitur enim ibi Angelica hierarchia secundum egressum a Deo. Egreditur autem a Deo secundum rationem imaginis, & similitudinis sicut & homo, & ideo in illa notificatione primo describit ipsam hierarchiam egredientem a Deo per modum imaginis, cum dicit: Hierarchia est ordo diuinus, scientia; & actio: ut ordo, id est, ordinata potestas respondeat Patri, & scientia Filio, & actio Spiritui sancto, secundum memoriam, intelligentiam, & voluntatem. Secundo vero describit quantum ad rationem similitudinis, cum subiungit: Deiforme in quantum possibile est similans, &c. Et tangitur ipsa assimilatio quantum ad habitum, cum dicitur: Deiforme in quantum possibile, &c. Et quantum ad actum cum subiungitur: Et ad inditas ei illuminationes, &c. Similitudinis enim, siue gratiae assimilantis actus est sursum ducere, sicut eius origo est desursum descendere. Tertiam autem diffinitionem sic possumus intelligere: describitur etiam, ut praedictum est, Angelica hierarchia per egressum ad Deum principaliter. Notatur igitur in praedicta diffinitione, hierarchia per regrediens, siue per regressum.

Notandum quod ista non sunt dubia litteralia, sed debent praeponi, & legi ante quaestiones distinct. 9. quia seruauit ad intelligentiam quaestionum. Hierarchiae distinctio 1. Cap. 3.

Diff. 1.

Diff. 3.

Ca. 30. 11.

Hierarchiae distinctio 2. consideratur.

Hierarchiae distinctio 3. consideratur.

regressus eius, primo quantum ad habilitatem, cum dicitur: Hierarchia est ad Deum quantum possibile est similitudo, & vnitas Secundo quantum ad actualitatem, cum dicitur: Ipsum habens scientiæ sanctæ, & actionis ducem. Tertio quantum ad immutabilitatem cum subiungit: Et ad suum diuinissimum decorē immutabiliter diffiniens. Quarto ad plenitudinis vbertatē cum subiungit: Quantum vero possibile est reformans suos laudatores, in hoc sc. quod non solum sibi sufficit, sed etiam propter plenitudinem charitatis & gratiæ potens est alios adiuuare. Et sic patet ex prædictis diffinitionibus quid sit hierarchia tam diuina, quam Angelica. Per quarum intellectū elicitur quædam diffinitio magistralis, quæ competit omni hierarchiæ, licet non vniuoce, quæ talis est: Hierarchia est rerum sacrarum, & rationabilium ordinata potestas, in subditis debitum retinens principatum. Hoc autem non solum competit hierarchiæ Angelicæ: sed etiam Ecclesiasticæ, vel humanæ, de qua nihil ad præsens, sed solum de hierarchia Angelica. Et quoniam hæc non potest cognosci nisi cognoscatur quid sit Angelus: ideo prænotandæ sunt & Angeli diffinitiones.

Hierarchiæ
diffinitio.
magistralis.

Angeli diffinitio.
Damas. li. 2.
c. 3. de fide
orth.
Dion. cap.
4. post med.
de diu. nom.

Angeli diffinitio
consideratur.

Imaginis
ratio.

ANGELVS autem sic notificatur à Damasceno: Angelus est substantia incorporea, intellectualis, semper mobilis, arbitrio libera, Deo ministrans, gratia non natura immortalitatem suscipiens. Dionysius autem alias diffinit Angelum sic: Angelus est imago Dei, manifestatio occulti luminis, speculum clarum, splendidissimū, immaculatum, incontaminatum, incoinquinatum, suscipiens sicut conueniens est totam speciositatem boniformitatis, & deiformitatis, & in se resplendere faciens bonitatem silentij, quod est in abditis. Differunt autem hæc duæ notificationes, quia prima describit Angelum quantum ad esse, secunda vero non solum quantum ad esse, sed etiam quantum ad bene esse. Primæ diffinitionis intellectus haberi potest sic. Describitur enim ibi Angelus quantum ad substantiam, quantum ad virtutē, quantum ad operationem & quantum ad durationem. Substantia tangitur in eo quod dicitur: *Angelus est substantia incorporea*: virtus, in hoc quod subiungit, *intellectualis, semper mobilis, arbitrio libera*: vbi notatur triplex virtus Angelica, sc. cognitua, operatiua, & imperatiua. Cognitua, in hoc quod dicitur *intellectualis*: operatiua, in hoc quod dicitur *semper mobilis*, quia sine fatigatione potest operari: sed imperatiua, in hoc quod dicitur *arbitrio libera*: quam non oportet distinguere ab aliis prædictis in re, sed sufficit quod distinguatur ratione. Operatio vero tangitur cum dicitur: *Deo ministrans*. Duratio cum subiungitur, *gratia, non natura immortalitatem suscipiens*. Vocatur autem hic gratia non aliquis habitus gratis datus: sed gratia dicitur gratuita Dei influentia. Intellectus autē secundæ diffinitionis sic potest haberi. Diffinitur namque ibi Angelus non solum quantum ad esse naturæ, sed etiam quantum ad bene esse: & ideo notificatur hic Angelus in quantum habet Dei imaginem per naturam, in quantum habet similitudinē per gratiā, in quantum habet deiformitatem per gloriā. Ratio autem imaginis exprimitur quantum ad duo, sc. quantum ad id quod sursum est, & quantum ad id quod deorsum est. Primum tangitur cum dicit: Angelus est imago Dei. Secundum cum subiungit, manifestatio occulti luminis. Imago enim est, in quantum Dei capax est, & particeps esse potest: sed manifestatio luminis est in quantum illuminationes quas suscipit inferioribus ostendit. Similiter quantum ad similitudinem gratiæ describitur quantum ad duplicem respectum ad sursum per positionem, ad deorsum per priuationem. Comparatio ad sursum tangitur cum dicitur: *speculum, clarum, splendidissimū*: vbi notatur quod gratia desursum veniens naturā conseruat, naturam decorat, naturam conformat: & quantum ad hæc tria dicit, speculum, clarum, splendidissimū. Comparatio vero ad id quod deorsum est per modum priuationis, notatur cum dicit, *immaculatum, incontaminatum, incoinquinatum*: per quæ tria remouet triplicem fœditatem ab Angelo, quæ repugnat gratiæ. Primo fœ-

ditatem actiuam, & hæc est fœditas actualis, & remouetur per hoc quod dicitur, *immaculatum*. Secundo fœditatem adhærentem, siue aduenientem, & hæc est fœditas venialis, & remouetur per hoc quod dicitur, *incontaminatum*. Tertio remouet fœditatem contractam, & hæc est fœditas originalis, & remouetur per hoc quod dicitur, *incoinquinatum*. Similiter deiformitas gloriæ tangitur: secundum duplicem comparisonem, sc. ad id quod sursum est, & ad id quod deorsum est. Ad id quod est sursum, per hoc quod dicit, suscipiens sicut conueniens est, totam speciositatem boniformitatis, & deiformitatis. Comparatione enim ad Deum deiformis efficitur, cum speciositatem à Deo suscipit. Comparatio vero ad id quod inferius est, notatur cum dicitur, & in se resplendere faciens bonitatem silentij, quod est in abditis: hoc autem est dum refulgentiam diuinæ bonitatis quam ipse habet, ostendit aliis. Hoc autem vocat silentium quia nemo potest intime Deo coniungi, quin in illo quietetur, & quin omnis strepitus exterior quiescat, & ideo vocat silentium in abditis. Et sic patet quid sit hierarchia, & quid sit etiam Angelus.

Tertio restat videre quid sit ordo Angelicus. Diffinitur autem sic à Gregorio & in litera adducitur hæc diffinitio à Magistro: Ordo est multitudo cœlestium spirituum, qui inter se aliquo munere gratiæ simulantur, sicut & in naturalium donorum participatione conueniunt. Huius notificationis explanatio in promptu est. Notificatur enim hic ordo quantum ad suum fundamentum, quantum ad suum complementum, quantum ad dispositionem, quæ inter hæc medium tenet locum. Fundamentum tangitur cum dicit: Ordo est multitudo cœlestium spirituum: ordo enim fundatur in natura. Complementum vero tangitur in hoc quod dicit: Qui inter se aliquo munere gratiæ simulantur, ordo enim complementum habet à gratia. Dispositio media inter vtramque, notatur in hoc quod dicitur: Sicut in naturalium donorum participatione conueniunt, quia meliora naturalia disponunt ad maiora gratuita. Ex prædictis notificantur nobis illa tria quæ prius proposita sunt secundum descriptiones conuenientes, quas facile esset secundum Topicum calumniari, & destruere: sed omittendum est, quia valde parum vtile.

Ordo Angelicus
quid sit.

Post hæc ad diuisiones procedendum est. Sunt autem diuisiones tres prænotandæ ad faciliorem explicationē distinctionis Angelicorum ordinum. Prima est hæc: Hierarchiarum alia supercœlestis, alia cœlestis, alia subcœlestis. Secunda hæc est: Hierarchiarum cœlestium, alia superior, alia media, alia inferior, siue, quod idem est, alia Epiphania, alia Hyperphania, alia Hypophania. Tertia hæc est, quia ordo primæ hierarchiæ triplex est, sc. Seraphim, & Cherubim, & Throni. Ordo secundæ hierarchiæ similiter triplex est secundum B. Dionysium, Dominationes, Potestates, & Virtutes, secundum Gregorium, & Bernardū, Dominationes, Principatus, & Potestates. Similiter tertiæ hierarchiæ triplex est ordo secundum Dionysium, Principatus, Archangeli, & Angeli. Secundum Gregor. & Bernard. Virtutes, Archangeli, & Angeli. Primæ diuisionis manifesta est ratio, & intelligentia. Quoniam enim hierarchia non est nisi substantia intellectualis, hæc autē est triplex, diuina, sc. Angelica, & humana: ideo triplex distinguitur hierarchia, & diuina dicitur supercœlestis, Angelica cœlestis, humana autem subcœlestis. Secundæ autem diuisionis ratio, & manifestatio est duplex, vel secundum ea quæ essentialiter respiciunt hierarchiam, quæ sunt ordo, scientia, & actio, vel secundum status, & officia. Si primo modo, sic triplicem oportet esse hierarchiam: nam penes scientiā, & hæc est suprema: alteram penes ordinem, & hæc est infima. Prima enim hierarchia principaliter attenditur penes scientiam diuinam, media vero penes potentiam ordinatam, tertia vero penes actionem administratiuam. Si vero secundum statum, & officia, sic similiter oportet esse tres. Nam quidam est status contemplatiuorum,

Hierarchiarum
diuisiones.

Dionys. c. 9.
circa med.
de Angelico
Hierar.
Bern. lib. 1.
de confid.

quidam

quidam actiuorum, quidam prælatorum. Penes statum contemplatiuorum est hierarchia suprema, penes statum actiuorum est hierarchia infima, penes statum medium, sc. prælatorum, assignatur hierarchia media. Tertiæ autem diuisionis ratio, & explicatio ex ratione secundæ diuisionis habet ortum. Quia enim suprema hierarchia secundum vtrumque modum accipiendi attenditur in scientia, & statu contemplationis, quæ consistit in conuersione ad Deum: ideo cum ad conuersionem necessariò requiratur triplex actus, & triplex donum, sc. intentionis, cognitionis, & dilectionis: ideo triplex ordo ibi ponitur. Quantum ad perfectam intentionem, est ordo Thronorum: quantum ad perfectam cognitionem, est ordo Cherubim: quantum ad perfectam dilectionem, ordo Seraphim: & hoc patet ex suis interpretationibus. Quia igitur tam prima ratio, quàm secunda comprehendit hæc tria: ideo omnes tractatores in hac distinctione concordant, sc. Dionysius, qui distinguit hierarchias penes essentialia, & Gregorius, qui distinguit penes officia. Similiter subdiuio secundæ hierarchiæ pendet ex duplici ratione præassignata. Dictum enim est quod secunda hierarchia vno modo accipitur penes ordinem, siue ordinatam potestatem, habet enim substantia ordinari mediante potentia. Perfectio autem virtutis, siue potentia, consistit in tribus, sc. in præsidendo, & penes hoc attenditur ordo Dominationum. In resistendo, & penes hoc ordo Potestatum. Et in operando, & penes hoc est ordo Virtutum. Et ordinantur hi ordines secundum maiorem dignitatem, & minorem, quia plus est præsidere, quam repugnare: & repugnare, quam per se operari posse: ideo recte sic ordinantur ordines mediæ hierarchiæ à Dionysio, vt primo ponantur Dominationes, secundo Potestates, & tertio Virtutes. Si autem secunda hierarchia sumatur penes statum medium, sc. prælatorum, sic similiter tres habet ordines secundum triplicem prælationem Angelorum. Præsumunt enim Angeli Angelicis spiritibus, & hi dicuntur Dominationes. Præsumunt etiam bonis hominibus, & hi dicuntur Principatus. Præsumunt etiam demonibus, & hi dicuntur Potestates, sic patet ordo secundum dignitatem prælationum. Quia enim plus est præsidere Angelis, quam hominibus, & bonis hominibus quam demonibus: ideo primo Dominationes, secundo Principatus, & tertio Potestates enumerantur à Gregorio, & à Bernardo: diuio autem tertiæ hierarchiæ ex duplici ratione præassignata dependet. Si enim tertia hierarchia sumatur penes actionem ministerialem, sic triplex est ordo Angelicus secundum quod tripliciter contingit deputari ad regimen alterius, vel ministerium. Quidam enim sunt Angeli ordinati ad regimen principum, & hi Principatus sunt. Quidam vero ad regimen multitudinis, & hi dicuntur Archangeli. Quidam ad custodiam personæ singularis, & hi dicuntur Angeli. Et sic patet etiam ordo, & sufficientia illorum ordinum: quia plus est præsidere principi, quàm vni genti, princeps enim præest toti genti. Et plus est deputari ad custodiam multitudinis, quam ad custodiam personæ singularis, & per istum modum distinguit & ordinat Dionysius. Si vero accipiat penes operationem vitæ actiue, sic etiam triplex est ordo secundum quod triplex est ministerium. Aut enim ministerium consistit in operando, aut in docendo, & in docendo aut maiora, aut minora. Primum est Virtutum, secundum Archangelorum, tertium Angelorum. Et patet ordo, quia plus est facere, quam docere: & reuelare maiora, maius est quam reuelare minora, & penes hunc modum sumplit distinctionem tertiæ hierarchiæ Gregorius, & Bernardus.

Ex his apparet ratio harum diuisionum, apparet etiam diuersificatio inter Gregoriū, & Dionysium: quia enim diuersimode distinctionem hierarchiarum considerauerunt: ideo diuisiones ordinum in ipsis diuersimode assignauerunt. Sed cum vtrumque horum simul non possit esse verum, sc. quod Principatus sit de media hierarchia, & infima, & similiter Virtutes, quin confundantur hierarchiæ, & ordines, quæritur quod istorum sit verius, &

cui magis innitendum sit. Et dicendum ad hoc, quod magis innitendum est dicto Dionysio, tum quia ipse dicit, sicut dicitur, à Paulo, & ita tradidit, sicut audiuit, tum quia Gregorius in confirmatione eorum quæ de hac materia dicit, ipsius auctoritatem inducit, tum etiam quia, sicut ex prædictis patet, Dionysius distinctionem hierarchiarum sumplit penes ea quæ sunt ipsis Angelicis spiritibus intrinseca, & essentialia, & ideo sic ordines distinxit, sicut habet collocari in cælis. Gregorius vero plus pensauit opera, & officia, & ideo sic distinguit secundum quod plus potest valere ad eruditionem nostram, nec vnus contradicit alteri, nec verbum alterius retractat: sed alium modum distinguendi assignat, tum propter diuersitatem considerationis in principio, tum propter diuersitatem considerationis in fine.

ARTICVLVS VNICVS.

AD intelligentiam prædictorum, & eorum quæ Magister dicit in litera. vt via inquisitiua procedamus circa ordines Angelorum quæruntur nonem. Primo quæritur de ordinibus in comparatione ad naturam substratam. Secundo in comparatione ad causam completiuam. Tertio in comparatione ad dispositionem præambulam. Quarto quæritur quantum ad nominationem. Quinto quantum ad reparationem. Sexto quantum ad prælationis euacuationem. Septimo quantum ad numerum. Octauo in comparatione ad suum oppositum. Nono, & vltimo in comparatione ad disparatum.

QVÆSTIO I.

An Angeli diuersorum ordinum sint diuersarum specierum.

*Steph. Brulef. 2. Sent. dist. 9. q. 1.
Guil. Vorilon. 2. Sent. dist. 9. q. 1.*

DE ordinibus Angelorum in comparatione ad naturam substratam, vtrum, scil. Angeli diuersorum ordinum sint diuersarum specierum per naturam. Et quod sic, videtur. Multiplicatio Angelorum maxime manifestat diuinam potentiam, & sapientiam, & bonitatem, & maior multiplicatio spectat ad maiorem manifestationem: sed maior est multiplicatio quæ est secundum numerum & speciem, quam quæ est solum secundum numerum. Sed in Angelis reperitur vtraque: ergo Angelus differt ab Angelo secundum speciem: sed differunt maxime Angeli diuersorum ordinum: ergo videtur quod distinguantur secundum speciem.

2. ITEM Angeli diuersorum ordinum magis differunt quam Angeli eiusdem ordinis in simplicitate, quod est primum attributum: ergo pari ratione & in personalitatis distinctione: ergo cum Angeli eiusdem ordinis saltem differant numero, Angeli diuersorum ordinum differunt plusquam numero: sed maior differentia quam ea quæ est secundum numerum, non est nisi ea quæ est secundum speciem: ergo, &c. Si tu dicas quod differunt magis aliqua differentia accidentali, sicut aqua diuersorum fontium, magis quam aqua eiusdem fontis. Obiicitur contra hoc: quia magis differunt in simplicitate essentia: sed simplicitas essentia non est accidens Angelo, cum nullo modo possit intendi & remitti in eodem Angelo, sed essentialis proprietas: ergo facit essentialiter differre: ergo idem quod prius.

3. ITEM hoc videtur à simili: Cum sint tria genera viuientium, scil. vegetabilium, sensibilibus, intellectualium, in genere eorum quæ viuunt vita vegetabili est ponere diuersitatem non solum secundum numerum, sed etiam secundum speciem, sicut in plantis, & similiter in genere eorum quæ participant vitam sensibilem, sicut in animalibus: ergo pari ratione in his quæ participant vitam intellectualem: sicut in Angelicis spiritibus: si ergo est ibi differentia secundum speciem, cum maxime attendatur Angelorum differentia in diuersis ordinibus, patet, &c.

4. ITEM sicut corpora luminosa sua varietate deco-

rant

rant cœlum, & tamen sunt omnia luminosa, ita Angeli A suo modo decorant empyreum, unde dicuntur astra matutina: sed cœli luminaria differunt specie non numero solo: quia habent operationes, & impressiones omnino diuersas & speciales: ergo pari ratione & Angeli qui sunt ornatus empyrei.

CONTRA. Omne quod est procul ab origine dispergitur: & quod approximatur origini colligitur, & vnitur: sicut patet in numeris, patet etiam in lumine & in aliis. Sed Angeli sunt proximi causæ originali omnium, scilicet Deo: ergo debent habere unitatem: sed non possunt vniri secundum numerum: ergo debent secundum speciem completam.

ITEM contingit reperire spiritualement suam naturam coniunctam & separatam: sed coniuncta non est nisi vnus speciei: ergo nec separata. Si tu dicas quod hoc venit ex parte corporis, hoc nihil est: quia non anima propter corpus, sed corpus propter animam. Et iterum, quid impediret corpora secundum speciem diuersa fuisse facta ab initio, si congrueret spiritus rationales esse secundum species diuersas.

ITEM Angelorum multitudo facta est ad illius ciuitatis plenitudinem, & decorem: sed in illa ciuitate maxime attenditur unitas, & nexus & conformitas: ergo cum conformitas vnus naturæ faciat connexionem in charitate, & ipsam adiunget, propter quod etiam ut Sancti dicunt, Deus voluit non tantum homines facere similes, sed etiam omnes homines ex vno homine: ergo videtur, &c.

ITEM Angelica natura est caput vniuersi: ergo cum caput sit ratio vnus speciei, non vnus indiuidui, & caput & status debent esse in vno sicut arca consummata est in cubito: ergo maxima debet esse unitas: ergo & secundum speciem.

ITEM ruina Angelica reparatur per hominem qui est idem specie: si ergo competenter & congrue reparatur, videtur quod omnes ruentes fuerint vnus speciei: sed de quolibet ordine sunt lapsi: ergo omnes eiusdem speciei.

CONCLUSIO.

Angelos omnes omnium ordinum esse eiusdem speciei satis probabile videtur, quauis inter eos sit ordinum, dignitatum, & officiorum disparitas.

RESP. Ad Arg. Dicendum quod circa hoc duplex est opinio, & vtrique probabilis. Vna est, quod in Angelis est diuersitas secundum speciem, & etiam secundum genera subalterna: ut hierarchia sit quasi vnum genus: & ordines faciant species, & ad hoc ponendum moti sunt tum propter diuinæ bonitatis ostensionem, tum propter simile in aliis creaturis, tum etiam propter gradus repertos in ipsis Angelis. Cum enim Angeli eiusdem ordinis aliquo modo se excedant, videtur quod Angeli diuersorum ordinum, & hierarchiarum adeo se excedant, quod etiam habeant in specie, & in genere diuersitatem. Alia positio est quod Angeli omnes sunt eiusdem naturæ, tum propter unionem illius ciuitatis, tum propter vniuersi perfectionem. Licet autem vtrique harum positionum habeat probabilitatem: quia tamen per scripturam non innotescit nobis diuersitas operationum, & videtur quod illi qui aggressi sunt hanc materiam determinare, sicut Dionysius, diuina inspiratione cognouerint & officium, & naturam, & ipsi dicant quod omnia quæ sunt omnium ordinum in omnibus reperiantur, licet magis excedenter in vno: videtur magis Theologica & probabilis positio, nisi occurrat manifesta auctoritas in contrarium, quod omnes Angeli sint eiusdem speciei, sicut & omnes homines. Et quemadmodum in hominibus sunt gradus, & ordines & quo ad naturalia, & quo ad officia commissa, siue dignitates, & quo ad gratuita, salua tamen unitate speciei: sic intelligendum est in Angelis. Unde concedenda sunt rationes ad hanc partem inducæ.

1. AD illud quod obiicitur de manifestatione, dicendum quod Deus non manifestat bonitatem nisi saluo ordine sapientiæ ordinantis mundum, & salua proprietate naturæ: similiter salua condecencia, & perfectione ciuitatis supernæ. Quoniam igitur creatura completior in mundo dat ei consummationem: ideo vna est specie. Rursus: Quia supremum, & optimum Angeli, quod est deiformis intellectus, vnus est, nec habet coniunctionem cum inferiori, ideo natura Angelica debet esse vna. Rursus: Quoniam illa ciuitas debet esse vnita, & perfecte restaurata, ideo debet esse vna: & hæ rationes possunt assignari suo modo circa homines. Si quis autem vellet per hoc ostendere quod homines, & Angeli essent vnus speciei: dicemus quod Angeli non coniunguntur hominibus unitate naturæ, sed obsequio beneficentiæ: & homo similiter Angelo, quia ille istum adiuvat: iste illum reparat: quod non esset, si essent eiusdem naturæ, & ideo vtrumque conuenit ciuitati supernæ.

2. AD illud quod obiicitur de magis & minus, dicendum quod intensio, & remissio secundum proprietates inseparabiles non variant speciem per se: & si aliquando concomitentur diuersitatem speciei in his formis, quæ concernunt diuersam mixturem elementorum, quæ attenditur secundum qualitates actiuas: sicut dicit calidum in quarto gradu differre à calido in primo. Simpliciter tamen loquendo non habet veritatem: quod patet, quia maior est intensio, & gradus in gratiis, & præmiis, quam in naturalibus proprietatibus: & tamen non differunt specie, sed solum accidente: nec valet: si non intenditur in eodem, ergo est essentialis: sicut nec de gloria.

3. 4. AD illud quod obiicitur per simile de aliis viucentibus, & de luminaribus, patet responsio quod non est simile nec in re, nec in ratione. In re non: quia illa habent diuersas operationes específicas: non sic Angeli. In ratione non: quia illa sunt ordinata ad diuersas necessitates: Angeli vero omnes ad vnum principale. Rursus: In vita contemplatiua est unitas, in actiua multiformitas, & habitatio Angelorum est vniuersalis: & præterea illa magis distant ab vno, & summo: ergo, &c.

QVÆSTIO II.

An distinctio Angelorum sit à natura, vel à gratia.

D. S. Thom. 1. p. q. 108. art. 1. & 2.
Et 2. Sent. dist. 9. q. 1. art. 3.
Egid. Rom. 2. Sent. dist. 9. q. 1. art. 2.
Richardus 2. Sent. dist. 9. q. 2.
Thom. Argen. 1. Sent. dist. 9. q. 1. art. 1.
Albertus de Hierarch. q. 7. art. 4.
Steph. Brulef. 2. Sent. dist. 9. q. 2.
Gabriel Biel 2. Sent. dist. 9. q. 2.

QVÆ sit distinctionis ordinum principalis causa: Ad oppositum. Vtrum scilicet sit à natura, vel à gratia. Et quod à natura, videtur per illud quod dicit Magister in litera: Superiores sunt qui natura sunt magis subtiles, & intelligentia amplius perspicaces: ergo si ordo attenditur secundum sub, & supra: videtur quod ordo Angelorum sit à natura.

2. **ITEM** supra dist. 3. In exordio suæ conditionis alij superiores, alij inferiores Dei sapientia constituti sunt: sed quod habuerunt ab exordio suæ conditionis est eis naturale: ergo distinctio ordinum est in eis à natura.

3. **ITEM** quæcumque Deus facit à primaria conditione, facit in modo, specie, & ordine, ita quod ista sunt naturalia vnicuique: ergo nobilissimam creaturam scilicet Angelicam à principio suæ conditionis debuit facere in perfecto modo, specie, & ordine: si ergo hoc est à natura quod est eis ab initio inditum, patet, &c.

4. **ITEM** gratia gratum facientis est vnire & assimilari: si ergo quod est principium vniendi, non est principium ordinis distinguendi, videtur quod distinctio ordinum non sit à gratia: sed est à gratia, vel à natura: ergo, &c.

CONTRA

CONTRA hoc obiicitur per diffinitionem ordinis quam Magister ponit in litera. Ordo est multitudo cælestium spirituum qui inter se aliquo munere gratiæ simulantur : ergo videtur quod absque munere gratiæ in angelis non sit ordo.

ITEM supremus omnium ordinum est ordo Seraphin : sed ordo Seraphin est ab eminentia dilectionis, & charitatis : ergo primus & præcipuus ordo est à gratia : si ergo omnes alij ex illo pendent, videtur quod nullus ordo in angelis sit sine dono gratiæ.

ITEM : Throni dicuntur, sicut dicit Gregorius, quia tanta diuinitatis gratia replentur, ut in eis sedeat Deus : si ergo Deus non dicitur sedere, nec inhabitare nisi per gratiam gratum facientem, ergo ordo Thronorum non est nisi à gratia : ergo pari ratione videtur de aliis.

ITEM Deus non præfert hominem homini propter naturalia, sed propter merita : ergo si distinctio ordinum est secundum diuinam acceptionem, non est secundum naturalia, sed secundum gratuita.

CONCLUSIO.

Angelorum ordinum distinctio principalis esse non potest à natura, sed ab ipsa gratia, quanquam natura præambulam det dispositionem, gratia nihilominus perfectionem præbet.

RESP. AD ARG. Dicendum, quod sicut patet ex diffinitione ordinis supra posita, ordo est à natura, & est à gratia : sed à natura tanquam à præambula dispositione : à gratia tanquam à completiua perfectione. Hoc dico de illis ordinibus secundum quos attenditur distinctio hierarchiarum in supremis spiritibus, sicut manifeste apparet ex officio, & actione, & nominatione ipsorum ordinum : inter quos præcipuus ordo Seraphim, qui nominatur ab ardore dilectionis, quæ non est in angelis consummata, & perfecta nisi per gratiam : & ideo concedo quod ordinum principalis distinctio non potest esse à natura.

1. 2. AD illud ergo quod obiicitur in contrarium de duplici auctoritate Magistri, quod per naturam alij alijs sunt superiores, dicendum quod hoc non concludit quod ordines sint à natura sicut à causa completiua : quia non quilibet superioritas, & inferioritas facit ordinem completum : sed ea solum, in qua consistit rerum ordinabilium complementum quantum ad officium, & statum.

3. AD illud quod obiicitur quod modus & species & ordo est à natura, dicendum quod æquiuocatio est in ordine : ipse enim loquitur ibi de ordine quo creatura dicitur ordinata per comparisonem ipsius ad finem : ordo vero angelorum attenditur secundum præcellentiam ipsorum ordinabilium inter se : & hæc completa non est inter angelos natura consimiles nisi per dona gratuita capacitatem naturæ complementia.

4. AD illud quod obiicitur quod gratia vnit : ergo ordines non distinguit, siue perficit, dicendum quod est loqui de gratia quantum ad habitum, & quantum ad usum, & quantum ad statum. Et si gratia gratum faciens vniat, & conformet quantum ad habitum, quia omnes habitus gratuiti, sunt in omnibus : distinguit tamen quantum ad usum, & ordinat quantum ad statum ; pro eo quod vsus diuersificatur in diuersis, & status vnus in gratia est excellentior statu alterius, & hoc est quod facit in habentibus consimilem gratiam, ordinem & gradum : & hoc modo esse in angelis intelligendum est.

QVÆSTIO III.

An secundum maiorem capacitatem naturalium, dentur à Deo maiora dona gratuita.

Steph. Brulef. 2. Sent. dist. 9. q. 3.

DE ipsis ordinibus quantum ad dispositionem præambulam : & cum hæc sit naturalium capacitas & præcellentia, est quæstio utrum secundum maiorem ca-

A pacitatem naturalium dentur à Deo maiora dona gratuita. Et quod sic videtur per illud quod dicitur in Mathæo : Dedit vnicuique secundum propriam virtutem : constans est quod loquitur ibi de dono, siue dato superaddito naturæ : ergo si secundum virtutem naturæ dedit videtur quod secundum meliora naturalia sint & maiora dona gratuita.

1. ITEM Magister supra dist. 3. Qui natura magis subtiles, & sapientia plus perspicaces creati sunt, hi maioribus gratiæ muneribus præditi sunt : & hoc ipsum dicit in litera : ergo videtur quod maior gratia detur secundum maiora naturalia.

3. ITEM ad hoc videtur esse ratio materiæ dispositæ ad formam : secundum enim quod dignius & melius disponitur, Deus nobiliorem dat formam : ergo cum naturalia sint sicut dispositiones quædam ad gratuita : quanto quis habet meliora naturalia, tanto Deus dabit ei maiora dona gratuita.

4. ITEM ratio quare Deus non dat homini gratiam, est quia homo non accipit : ergo cum ipse sit semper proutus, & paratus dona sua liberalissime infundere, & liberalitas eius superexcedat omnem capacitatem : videtur quod de capacitatem naturæ nihil dimittat vacuum, quando quis plene se conuertit ad Deum. Et si hoc restat quod qui maiora habet naturalia, cum maioris gratiæ sit capax, maiorem etiam habebit gratiam : & hoc videtur sonare verbum Platonis dicentis, quod dedit vnicuique beatitudinem in quantum capax erat.

5. ITEM sicut gratia est dispositio ad gloriam, ita bona natura est dispositio ad gratiam : sed Deus ei qui habet ampliore gratiam, ampliore dat gloriam : ergo ei qui habet meliora naturalia, dat maiora gratuita. Si tu dicas quod non est simile : quia gratia meretur gloriam, non sic natura gratiam. Obiicitur tunc quia qualiscumque sit comparatio dispositionis, hoc tamen verum est : quia gloria perfecte complet naturam, ita quod nullus in ea remanet appetitus incompletus. Si ergo gloria implet naturæ capacitatem : aut natura magis capax magis habebit de gloria, aut non erit glorificata : si ergo secundum maiorem capacitatem naturæ est maioritas gloriæ, & quantitas gloriæ respondet quantitati gratiæ : ergo secundum maiorem capacitatem naturalium attenditur maioritas gratiæ.

6. ITEM finis imponit necessitatem his quæ sunt ad finem, sed natura facta est propter gloriam, non econuerso : si ergo Deus præsciens, & prædestinans facit animam ad hoc quod eam glorificet, tantam dabit ei naturalium capacitatem, quantum scit ei esse daturum gloriam : aut si ultra tribuatur, faciet aliquid frustra : quod si hoc est falsum, restat quod capacitas naturæ, & quantitas gloriæ secum commensurantur : ergo reddit idem quod prius.

CONTRA : Secundum datum suum præbet illam diligentibus se : ergo videtur quod distributio sapientiæ, & gratiæ non pensatur ex parte suscipientis, sed ex parte Dei conferentis.

ITEM possibile est eum qui meliora habet naturalia, nihil habere de gratia, & omni tempore vitæ suæ carere gratia, cum vero qui habet minora naturalia, abundare in gratia : quod si hoc verum est, ergo non est dispensatio gratiæ secundum mensuram naturalium.

ITEM : Deus dat gratiam homini secundum quod se præparat : ergo si habens minora naturalia, frequenter se melius præparat, quam habens maiora : ergo videtur quod maiora suscipiat dona gratuita, quamvis minora habeat naturalia.

ITEM qui meliora habet naturalia frequenter remanet in statu imperfectionis : qui vero minora, frequenter assumit statum perfectionis, siue religionis : ergo si maior est gratia in perfectis, patet, &c.

ITEM gratia in nobis nullam potentiam ita principaliter respicit, sicut arbitrij libertatem : sed libertas arbitrij æqualiter est in omnibus : ergo si maior est gratia in vno quam in alio, non est à natura, sed magis à distributione diuina.

Item distributio gratiæ Dei procedit ex visceribus pietatis, & misericordiæ: sed misericordiæ est magis A compati ei qui magis miser est, cæteris paribus, & qui magis indiget: si ergo qui habet minora naturalia, magis indiget sustentari à gratia, quam qui habet meliora: ergo ubi nulla merita, vel demerita præcedunt, Deus ei qui minora habet naturalia, debet dare maiorem gratiam: ergo distributio gratiæ non est præcise secundum maiorem capacitatem naturæ, sed secundum beneplacitum pietatis diuinæ.

CONCLUSIO.

Non secundum capacitatem naturalium dantur semper dona gratuita, quia non semper correspondet dispositio B requisita. Quia quia in angelis fuit correspondens, ideo habuerunt gratiam secundum capacitatem naturæ.

RESP. AD ARG. Ad prædictorum intelligentiam est notandum, quod gratiam dare secundum maiorem capacitatem naturalium potest intelligi tripliciter. Aut ita quod hoc quod est, secundum, dicat efficaciam causalitatis: & sic secundum omnes falsum est, quia naturalia non sunt causæ gratiæ: aut ita quod dicat dispositionem congruitatis. Et sic ubi non est obstaculum, secundum omnes verum est, quia naturalia bona de congruo disponunt ad gratiam. Aut ita quod dicat dispositionem necessitatis: & sic secundum communem opinionem est falsum, & à doctoribus reprobatur. Tamen secundum aliquorum opinionem aliquando positum est tanquam C verum. Ratio autem huius positionis fuit ista. Isti enim ponebant, quod gratia non erat aliud quam Deus, & quod charitas non esset aliud quam Spiritus sanctus: & quod intensio gratiæ, vel charitatis non erat nisi secundum maiorem depurationem animæ, & remissionem concupiscentiæ, quæ obstitit ne anima possit perfecte Deo vniri: & ideo concupiscentia omnino extincta, anima tantum vnitur Deo, quantum eius potest eleuari natura, & tantam dicitur habere gratiam: & ideo ponebant, quod anima finaliter quæ meliora habebat naturalia, maiorem haberet gratiam. Sed huius positionis fundamentum improbatum est in primo libro, & amplius improbatum infra distinct. 26. Ipsa autem positio de se improbabilis est, & contra bonos mores esse videtur: dum tantum tribuit ei, qui parum laborat, & parum D Deo seruit, quantum ei, qui magis: immo plus, si maiora habeat naturalia, & perseuerat in gratia: quod omnino absurdum est, & per rationes præcedentes improbatum: & ideo concedendæ sunt rationes quæ hoc ostendunt. Ultima tamen ratio non cogit quia in distributione gratiarum nec capacitas naturæ, nec eius indigentia principaliter pensatur: sed diuinæ prædestinationis dispositio, & mensura: secundum quam patitur Deus mensuram fidei, sicut dicit Apostolus, secundum quod in sua prædestinatione mensus est ei.

1. AD illud quod obiicitur in contrarium, quod dedit vniciq; secundum propriam virtutem, dicendū quod, secundum, dicit ibi solummodo causam disponentem de congruo. Et iterum: Virtus ibi vocatur conatus cordis: qui non solum dicit capacitatem, sed etiam actualem E præparationem: & ideo auctoritas illa non cogit.

2. AD illud quod obiicitur, de auctoritate Magistri similiter, dicendum quod ibi dicit dispositionem de congruo: & magis congruam dispositionem dicit circa angelos, quā circa homines, de quibus loquitur Magister. Boni enim Angeli, qui ad Deum conuersi sunt, secundū hoc plus se præparauerunt, secundum quod meliora naturalia habuerunt: quia quilibet mouebatur in Deum secundum totum cordis conatum, cum non haberet retardationem: non sic autem est in hominibus: & ideo illa auctoritas exponi debet, ampliari non debet.

3. AD illud quod obiicitur, quod materiæ melius dispositæ imprimit Deus nobiliorem formam, dicendum quod non est simile: quia materia disponitur ad formā

naturalem dispositione quæ est necessitas: sed maior capacitas naturalium non disponit ad maiorem gratiam dispositione necessitatis, sed solum congruitatis: & quia dispositio congruitatis multis modis potest impediri siue per oppositum, siue per maiorem congruitatem, quæ potest ex aliquo accidente superuenire in alio: ideo illa ratio non concludit.

4. AD illud quod obiicitur, quod homo nō habet gratiam, quia non accipit, dicendum quod verum est: sed ex hoc non sequitur quod ideo habet gratiā, quia accipit, sicut dicit Anselmus, quia in priuatiuis, & contradictorie oppositis non tenet consequentia in ipso: sed è conuerso: & ideo sicut non conceditur, quod maiorem habeat gratiam, quia accipit: sic non est concedendum quod maiorem habeat gratiam ex maiori capacitate.

5. AD illud quod obiicitur, quod natura disponit ad gratiam, dicendum sicut dicebatur, quod non est simile: quia natura non sic meretur gratiā, sicut gratia gloriam.

6. AD illud vero quod subiungitur quod gloria perficit totam capacitatem naturæ, dicendum quod sicut forma perficit capacitatem materiæ non simpliciter sed prout exigit dispositio superinducta: sic gloria perficit naturam non simpliciter, sed secundum quod exigebat gratia, quæ prius libero arbitrio data erat. Cum autem sic perficitur, sufficienter perfecta est: quia rectitudo iustitiæ limitat appetitum naturæ, ut non ultra appetat, quam gratia promeruit, maxime cum plene sufficiat quod Deus sibi retribuit.

7. AD illud quod ultimo obiicitur, quod capacitas naturæ ordinatur ad gloriam finaliter, dicendum quod sic ordinatur à Deo, ut tamen præsupponatur dispositio ex parte voluntatis. Vnde sicut homo, qui capax erat beatitudinis, & propter beatitudinem factus per deordinationem voluntatis deputatur æternis suppliciis, & perdit gloriam: sic homo qui maioris beatitudinis capax est, quia non ex totis viribus suis se disponit ad gratiam, minorem allequitur gloriam, quam allequatur alius minoris capacitatis, qui magis se disponit ad gratiam. Nec sequitur quod aliquid sit ibi frustra: quia ex hoc ostendit Deus, quantum possit gratia super naturam. Veruntamen hoc in bonis Angelis non habet instantiam: cum enim ex totis viribus suis se disposuerunt ad gratiam: secundum quod habuerunt meliora naturalia, data sunt eis maiora gratuita.

QVÆSTIO IV.

An ordo Angelorum denominetur ab aliquo.

S. Thom. 1. p. q. 108. art. 5.

Et 2. Sent. dist. 9. q. 1. art. 4.

Et 3. contra Gent. c. 80.

Ag. d. Rom. 2. Sent. dist. 9. q. 2. art. 1. dub. 2.

Richardus 2. Sent. dist. 9. q. 1.

Steph. Brulef. 2. Sent. dist. 9. q. 4.

Gabriel Biel. 2. Sent. dist. 9. q. 1.

DE ordinum nominatione dicit Gregorius, quod vnusquisque ordo ab eo denominatur, quod plenius accepit in munere. Obiicitur autem contra hoc, quia quod non contingit cognoscere, non contingit nominare: sed angelici spiritus sunt nobis ignoti, ergo sunt innominabiles. Si tamen dicas, quod ipsi se nobis notificant dum reuelantur: tunc ex hoc sequitur quod vno solo nomine debeant nominari: sic enim nominamus, sicut cognoscimus: ergo si per reuelationem cognoscimus, omnes debemus nominare, & dicere reuelatores: ergo non est ibi ponere nomina distinctiones.

2. ITEM à digniori debet fieri denominatio: sed charitas est excellentissimum donum, quod est in angelis: ergo omnes debent denominari à charitate: ergo omnes debent dici Seraphim.

3. ITEM omnia dona sunt omnibus communia: sicut dicit Gregorius, & Magister in littera: sed denominatio angelicorum ordinum fit à donis gratuitis: ergo omnia nomina eorum debent esse communia, quemadmodum & dona.

Ans. de casu diaboli c. 3. vide tamen in lib. 1. dist. 40.

Dist. 36. q. 1.

improbatio.
Dist. 17. art. 2.
q. 2.

Ad oppositum.
In Euang.
Rom. 34.

In eod. Epist.
mil. 34.

4. ITEM

4. ITEM si vnusquisque ordo denominatur ab eo, quod plenius accepit in munere: & supremus ordo omnia dona gratiarum plenius accepit quam ordines inferiores: ergo debet denominari ab omnibus donis: ergo habebit nomina omnium ordinum sicut dona.

5. ITEM si dicitur ordo denominari ab eo quod plenius accepit in munere: aut excessus plenitudinis notatur respectu aliorum ordinum, aut respectu aliorum donorum. Si respectu aliorum ordinum: cum ergo ordo inferior in nullo dono aliquem superiorem ordinem excellat, à nullo debet denominari. Si vero dicitur respectu aliorum donorum: tunc aut dona angelorum erunt inæqualia, aut à nullo fiet denominatio. Sed dona gratiarum in eodem sunt æqualia, sicut infra patebit in tertio: ergo à nullo donorum potest denominari inferior ordo.

6. ITEM in imagine reformata dilectio adæquatur cognitioni: ergo si ordo Cherubin denominatur à plenitudine scientiæ, erit in eo similiter plenitudo dilectionis gratiæ: ergo nomen Cherubin, & Seraphin eidem ordini angelorum debet attribui, & non aliis.

7. ITEM cum ordo Cherubin denominetur à plenitudine scientiæ, aut denominatur respectu inferiorum aut respectu superiorum: non respectu inferiorum; quia: alis in eis non est nobilissima cognitio: denominatur ergo à cognitione respectu superiorum: sed hæc cognitio est sapientiæ: ergo denominatur à plenitudine sapientiæ. Sed sapientiæ est excellentissimum omnium donorum: ergo Cherubin denominatur ab excellentissimo dono: ergo videtur, quod sit ordo supremus, vel quod dignior ordo non denominetur à digniori nomine.

8. ITEM cum angeli habeant quædam nomina, quæ sunt eis propria, quædam quæ sunt communia, quædam quæ sunt propria, & possunt esse communia: quæritur quæ sit istorum nominum ratio, & differentia.

CONCLUSIO.

Angelorum nomina propria in singulis ordinibus à donis gratiarum sumuntur super diuersos status & gradus in quibus distinguuntur & ordinantur.

RESP. AD Arg. Ad horum intelligentiam est notandum quod angeli denominari possunt per ea quæ sunt eis naturalia: nominari etiam possunt per ea quæ sunt eis gratuita: nominari etiam possunt per aliqua, quæ quodammodo sunt eis naturalia, quodammodo gratuita. Si denominantur per quæ sunt eis naturalia, cum eorum natura non innotescat nobis in singulari, sed in communi, habent nominari nominibus communibus sumptis à natura, & forma communi: & hoc dupliciter, vel à communi remoto, & sic dicuntur cælestes essentia: vel à communi propinquo, & sic dicuntur cælestes spiritus. Si autem denominantur secundum dona gratuita: sic quia in ipsis differenter habent statum, & gradum, & ita distinctione, sic per illam habet ordines nominari omnibus propriis inquam siue respectu dæmonum, siue respectu aliorum ordinum, sicut dicuntur Seraphin, & Throni. Si autem fiat denominatio ab his, quæ possunt esse naturalia, vno modo accipiendo; & alio modo accipiendo gratuita: sic nomina possunt esse communia, & propria: nomina inquam communia bonis, & malis, & propria bonis, sicut principatus, & potestates: quæ si dicantur à naturali proprietate, conueniunt etiam dæmonibus: si vero à dono gratuito, conueniunt solum Spiritibus sanctis. Vel communia omnibus ordinibus: propria vero aliquibus, sicut angeli, & virtutes. Si enim dicantur à naturalibus donis, vt pote à limpiditudine scientiæ, & fortitudine potentiæ: sic quia hæc duo sunt in omnibus: omnes possunt dici angeli, scil. habiles ad reuelandum: omnes etiam virtutes, id est, fortes ad operandum. Si autem dicantur à dono gratiæ secundum quod sunt ad hæc officia specialiter deputati, sc. ad mysteria reuelanda, & miracula facienda: sic sunt quorundam ordinum nomina propria. Ex his igitur colligitur, quod denominatio angelorum, quantum ad nomina propria singulis ordinibus,

sumpta est à donis gratiarum secundum diuersos status, & gradus, in quibus distinguuntur, & ordinantur, sicut prædictum est. In modo autem accipiendi nomina ista, tria sunt notanda. Primum quidem, quod vnum donum dignius est altero: sic charitas dicitur esse donum excellens inter alia. Secundum vero est, quod ordo superior in omnibus donis excellit inferiores. Tertium vero est, quod denominatio debet fieri à digniori. Secundum hoc igitur cum nouem sint status, in quibus ordines angelici habent disponi secundum differentem gratiarum præcellentiam: ordo supremus vindicat sibi nomen à dignissimo dono, & statu: ordo sequens, à dono, & statu magis accedente ad summum, & hæc est plenitudo scientiæ, & sic de aliis descendendo vsque ad infimum. Vnde in denominatione consideratur duplex excessus, & doni ad donum: & ordinis ad ordinem: & istud vult dicere Gregorius, quod vnusquisque ordo eius rei censetur nomine, quam plenius accepit in munere, plenius inquam respectu inferiorum: nisi donum illud sit tapæ dignitatis, & excellentiæ, quod ab eo debeat denominari aliquis ordinum superiorum sicut patet: quia ordo Cherubin plenius accepit charitatem quam aliquis inferiorum ordinum: ab ipsa tamen non denominatur: quia cum sit donum præcellentissimum, excellentissimo ordini appropriatur. His visis facile est respondere ad obiecta.

1. AD illud enim quod obicitur, quod non sint noti, dicendum quod verum est de cognitione, quæ est per acquisitionem: sed non de cognitione, quæ est per reuelatione: qualiter cognouit beatus Paulus, & beatus Ioannes Euangelista: & ideo ipsi potuerunt denominare, & alios erudire sicut Paulus erudiuit Dionysium. Omnium tamen angelorum omnia sumpta sunt de sacra Scriptura, sicut Seraphin de Isaia: Cherubim de Psalmis, & de aliis locis scripturæ: throni, de Daniele: dominationes, principatus, potestates, virtutes, ex diuersis locis Epistolarum Pauli. Angeli, & Archangeli tam ex noui, quam ex veteris testamenti diuersis locis. Quoniam igitur sacra Scriptura fuit diuinitus inspirata, non humanitus adinuenta, impositio nominum angelorum potius fuit ex Dei reuelatione quam ex humana inuestigatione.

2. AD illud quod obicitur, quod denominatio debet fieri à digniori, dicendum quod non solum hoc attendendum est, quod denominatio rei fiat à digniori, sed etiam quod nomen quod pluribus conuenit, attribuitur digniori: & ideo quamvis omnes ordines à dono charitatis, & ardoris denominari possent: quia tamen donum illud in supremo ordine præcellit, solus ille ordo ab eo debet denominari.

2. AD illud quod obicitur, quod omnia dona omnibus sunt communia, dicendum sicut supra tactum fuit, quod etsi sit in donis communitas quantum ad habitum, est tamen distinctio quantum ad statum. Denominatio autem non solum respicit substantiam habitus: sed etiam præcellentiam status.

3. 4. 5. AD illud quod obicitur, quod ordo debet denominari ab eo munere quod plenius accepit, dicendum quod hoc non est intelligendum de omni eo, quod plenius accepit, & est in ipso dignissimum: maxime si ille ordo sit ordo dignissimus: & si ordo sit immediate sequens illum, debet denominari ab eo quo immediate sequitur præcellentissimum donum: & sic consequenter descendendo vsque ad infimum. Et sic patet responsio ad hoc, & ad sequens: quoniam supremus à supremo debet denominari, quia illud dignissimum est, & plenissime accepit. Infimus vero ab infimo dono; quia cum in omnibus excédatur ab aliis, nomen sumptum à dono ultimo sibi debet relinqui, non quia illud plenius aliis possidet, sed quia alij denominati sunt ab eo quod plenius possidebant. Et ex hoc consequenter factum est, vt infimus ordo denominaretur ab infimo dono. Et sic obicitur, quod vnum donum non est excellentius altero, quia dona sunt æqualia, dicendum quod etsi sint æqualia intensiue, nihilominus est tamen in eis præro-

Isaia. 6. b.
Isaia. 17. b.
79. a. 98. a.
Gen. 3. d.
Exo. 25. d.
Isa. 37. c.
Ezec. 10. a.
Dan. 7. c.
Coloss. 1. b.
Eph. 1. b.
Eph. 3. d.
1. Timoth. 5. c.

1. Cor. 13. d

gatiua alicuius excellentiæ, sicut charitas ab Apost. dicitur maior esse fide, & spe.

6. Ad illud quod obiicitur: vbi maior est cognitio, maior est dilectio, dicendum quod verum est ad minus in gloria. Vnde sicut in Seraphin est maior plenitudo dilectionis, est amplior plenitudo cognitionis: nec Cherubin dicuntur, quia sit in eis amplior plenitudo cognitionis simpliciter, sed respectu inferiorum ordinum.

7. Ad illud quod obiicitur, quod donum sapientiæ est excellentissimum, dicendum quod sapientia secundum quod est donum excellentissimum, est dicta à sapore, non à sapere, & ita includit charitatem: sed sapientia, siue scientia à qua denominatur Cherubin, nominat cognitionem Dei, quæ etsi sit nobilissima cognitio, & ordinata ad affectionem, & ideo possit dici sapientia; non tamen est ita nobilis vt dilectio à qua est sapor; & ideo in illa ratione in nomine sapientiæ fit æquiuocatio.

8. Ad illud vero quod ultimo quæritur, iam patet responsio ex prædictis.

QVÆSTIO V.

An ad singulos ordines Angelorum fiat assumptio saluandorum.

S. Thom. 1. p. q. 108. art. 8.

Et 1. Sentent. dist. 9. q. 1. art. 7.

Egid. Rom. 1. Sent. dist. 9. q. 3. art. 1.

Richardus 2. Sent. dist. 9. art. 2. q. 5.

Durandus 2. Sent. dist. 9. q. 2.

Thom. Arg. 2. Sent. dist. 9. q. 1. art. 2.

Steph. Brulef. 2. Sent. dist. 9. q. 5.

Gabr. Biel. 2. Sent. dist. 9. q. 1. art. 3. dub. 3.

Fundamēta.

Psal. 44. d.

Ios. 1. d.

Diffin. 6.

Ad opposi-
tum.

DE ordinum reparatione. Et quæritur vtrum ad singulos ordines angelorum fiat assumptio saluandorum. Et quod sic, videtur. Quia super illud Psal. Constitues eos principes super omnem terram; dicit Glos. Elegit pauperes, vt exaltaret ad ordines cœli, qui fiunt ex hominibus, & angelis.

ITEM super illud Iosue: Omnem locum quem calcauerit pes vester, &c. dicit Glos. Si diabolus vincere potuero, & meruero, vt Deus conterat eum sub pedibus meis: consequenter locum eius in cœlo habebō: ergo si diabolus fuit de excellentissimo ordine, sicut supra monstratum fuit, videtur, quod homo possit ascendere ad supremum ordinem angelorum.

ITEM ruina Angelorum restauranda est; aut superna ciuitas remanebit imperfecta: sed non restauratur ex angelis, quia casus angelorum est irreparabilis: ergo restaurabitur ex hominibus bonis.

ITEM distinctio ordinum principaliter venit ex donis gratiarum: sed in via videmus, quod aliqui assimilantur Seraphin in vsu gratiæ, aliqui Cherubin, & sic de aliis; ergo si Deus retribuit unicuique, secundum quod meruit, videtur quod ad diuersos ordines angelorum homines debeant assumi, & ex eis angelorum ordines restaurari.

1. **C**ONTRA; Maior est vnitas in suprema Hierusalem, quam in Ecclesia militante: sed nunc in via ordo hominum non admittit intra sui vnitatem diuersum in natura: ergo videtur cum homo differat specie ab angelo, quod ex angelis, & hominibus non debet fieri vnus ordo.

2. **I**TEM sicut ordo notat quandam differentiam inter eos, qui sunt ordinum diuersorum, sic ponit quandam convenientiam inter eos, qui sunt eiusdem ordinis: quod patet ex ipsa diffinitione ordinis; sed plus differt homo ab angelo, quam differat ordo infimus à supremo: si ergo angelus superioris ordinis, & infimi non possunt in eodem ordine collocari, multominus de hominibus & angelis idem ordo integrari.

3. **I**TEM corpus nunquam sublimatur ad dignitatem spiritus: ergo nunquam debet ibidem collocari corpus humanum, vbi collocatur spiritus angelicus, cum semper sit minus dignum quantumcunque gloriosum: si ergo qui conueniunt in ordine, conueniunt in sedium collocatione: videtur ex hominibus, & angelis eundem ordinem constare non posse.

4. **I**TEM Angelus in naturali capacitate excellit animam; sed gratia data est angelis secundum suam naturam capacitem, sicut supra dictum fuit, & Magister dicit in litera: ergo cum non possit dari gratia animabus supra suam capacitem, nunquam possunt animæ, & angeli in gratuitis adæquari: ergo nec ex eis idem ordo constitui.

CONCLUSIO.

Sicut de quolibet ordine Angelorum quidam ceciderunt, sic singuli angelici ordines per homines restaurantur: quanquam enim homo in natura præstantia angelo assimilari non possit, in gratia tamen ei æquari non est inconueniens.

RESP. Ad arg. Ad prædictorum intelligentiam est notandum quod sicut prædictum fuit, ad perfectionem ordinis duo concurrunt, scilicet natura & gratia. Natura tanquam fundamentum, & dispositio: gratia vero vt complementum, & consummatio. Et quia aliquid tunc dicitur esse secundum quid, quando est in sola dispositione: tunc esse simpliciter, quando est in sua perfectione, cum demones, & angeli in naturalibus communicent, dicitur, aliquando demones fuisse de diuersis ordinibus angelorum, quamvis nunquam plene fuerint in aliquo ordine: vnde hoc intelligitur secundum quid, non simpliciter. Quia vero homines possunt ad eminentiam gratiæ & gloriæ in qua sunt angeli, eleuari, potest ex hominibus, & angelis idem ordo constitui: quia quamvis non conueniant in natura, assimilantur tamen & æquantur in hac gratia, & per hunc modum reparatur angelorum ruina. Et si tu obiicias, quod non potest esse conformitas in perfectione, vbi non est cōuenientia in præambula dispositione, dicendum quod hoc non habet locum in proposito; quia illud verum est de dispositione necessitatis, non autem de dispositione solius congruitatis. Concedendum est ergo, quod sicut de singulis ordinibus aliqui ceciderunt, sic etiā singuli angelici ordines per homines restaurantur, sicut primæ rationes ostendunt.

1. Ad illud quod obiicitur in contrarium, quod ad vnitatem Ecclesiasticam non admittit homo rem alterius speciei, dicendum quod non est simile, quia nullum animal inuenire potest homo sibi simile in conformitate rationis: homo autem, & angelus in participatione communicant rationis, & quod plus est in deformitate gloriæ: & ideo possunt in eandem societatem & eiusdem societatis ordinem conuenire: cum maior sit vnitas voluntatum, quam facierum & plus facit ad vnitatem pacis, & societatis, & ordinis conseruandam.

2. Ad illud quod obiicitur, quod plus differt homo ab angelo, &c. dicendum quod verum est de diffinitate, quæ opponitur vnitati naturæ: sed non est verum de diffinitate, quæ opponitur vnitati gratiæ in statu, & dignitate: vnitas autem ordinis plus respicit hanc quam præcedentem: & ideo illud non valet.

3. Ad illud quod obiicitur, quod corpus non sublimatur ad dignitatem spiritus, dicendum quod verum est: sed tamen ex hoc non sequitur, quod non debeat locari cum angelis. Sicut enim in statu viæ, & meriti anima sequitur locum corporis, & in terra habitat, cum sit nata esse sursum: sic è contra in statu patriæ, & præmij corpus sequitur locum spiritus: & ibidem erit, vbi natus est esse ipse spiritus: non propter se, sed propter eum cui coniungitur: & ideo in eisdem sedibus locatur cum angelicis spiritibus, ad quorum dignitatem per gratiam est humanus spiritus sublimatus.

4. Ad illud quod obiicitur, quod angelus habet capacitatem maiorem, quam anima, dicendum quod ratio illa calumniabilis est, & quantum ad maiorem, & quantum ad assumptionem. Quamvis enim angelus excedat animam in naturalibus secundum comparisonem creaturæ ad creaturam, tamen secundum comparisonem ad Trinitatem summam, cuius est imago tam angelus quam anima, non oportet esse præcellentiam, cum magis videamus humanam naturam exaltatam quam angelicam, tum per gratiam vnionis in Christo, tum etiam per gratiam

comprehen

comprehensionis in Virgine beata. Sed esto, quod adhuc ista propositio haberet veritatem, adhuc remaneret in assumptione dubietas. Cum enim dicitur quod angeli susceperunt gratiam secundum capacitatem naturalium non est intelligendum præcise ita, quod tantam susceperint, quod plus non potuerint capere, quia hoc non de facili posset probari nec auctoritate, nec ratione: sed ita intelligitur quod naturalia meliora habentibus plus datum est de gratia, quam habentibus minora: quamvis isti, & illi plus possent accipere. Et ex hoc non videtur quod anima humana non possit ad æqualitatem cum angelis ascendere: immo absque dubio concedendum est posse: cum in Christo, & beata Virgine videamus præcellere.

QVÆSTIO VI.

An pralatio Angelorum, euacuetur post Iudicium.

*S. Thom. 1. p. q. 108. art. 7.
Et 2. Sent. dist. 11. q. 2. art. 6.
Et 4. Sent. dist. 47. q. 1. art. 2.
Egid. Rom. 2. Sent. dist. 9. q. 3. art. 1. dub. 1.
Richardus 2. Sent. dist. 9. art. 2. q. 6.
Albertus de Hierarch. 7. art. 32.
Steph. Brulef. 2. Sent. dist. 9. q. 6.
Gabriel Biel 2. Sent. dist. 9. q. 1. art. 3. dub. 5.*

amēta.
r. 15. d.

DE ordinibus angelorum quantum ad prælationis euacuationem. Et est quæstio, utrum prælatio, quæ est in ordine respectu ordinis, euacuetur post iudicium. Et quod sic, videtur: Cum euacuauerit omnem principatum, potestatem, & virtutem: ergo in die iudicii principatus, & potestates, & virtutes euacuabuntur.

ITEM supra dist. 6. cap. Et sicut inter bonos dicit Magister: Quamdiu durat mundus, angeli angelis, demones demonibus, homines hominibus præstant: sed in futuro euacuabitur omnis prælatio.

ITEM nomina ordinum accipiuntur penes officia ministrandi, ut in pluribus, maxime in his, qui subiiciuntur: ergo cum cessabit ministerium, cessabit subiectio: ergo & cessabit prælatio.

ITEM prælatio ordinis ad ordinem est secundum actum illuminandi, & purgandi, & perficiendi: sed post iudicium erit status in completionem scientiæ, & gratiæ: ergo non erit ultra illuminatio, purgatio, & perfectio: igitur nec aliqua in ordinibus prælatio.

1. **AD** oppositum: Præcellentia ordinis ad ordinem est secundum maioritatem, & minoritatem gratiæ: ergo si quantitas gratiæ in angelicis spiritibus non mutatur, præcellentia ordinis ad ordinem non tollitur, nec euacuatur.

2. **ITEM** angeli statim, ut confirmati sunt, beati effecti sunt beatitudine perfecta: ergo nihil remansit in eis quod esset ex parte. Sed prælatio ordinis ad ordinem fuit in eis, ergo non fuit ex parte: sed nihil euacuatur nisi quod ex parte est: ergo, &c.

3. **ITEM** pulchritudo consistit in ordine: & ordo in præcellentia unius ad alterum, & præcellentia ponit prælationem ordinis ad ordinem: ergo si ab angelicis spiritibus tollitur prælatio, tollitur & pulchritudo.

4. **ITEM** sicut summus ordo denominatur ab eo quod est sibi inseparabile, sic medij & infimi: sed Seraphin nunquam desinit esse Seraphin: ergo nec principatus desinit esse principatus: ergo nunquam desinet principari: ergo non cessabit ibi prælationis ordo.

CONCLUSIO.

Angelorum pralatio post iudicium euacuabitur quo ad influentiam unius ad alterum, & quo ad imperium, licet quo ad dignitatis excessum debeat remanere.

RESP. AD ARG. Ad prædictorum intelligentiam est notandum, quod tripliciter aliquid dicitur præferri alteri. Aut per modum excedentis solum, sicut præfertur aurum argento. Aut per modum excedentis, & influen-

tis, sicut præfertur coelestis natura elemento. Aut per modum imperantis, sicut præfertur dominus ministro. Ad rationem autem perfectæ prælationis ista tria concurrunt, ut qui præfertur natus sit eum, cui præfertur, excedere, & in ipsum aliquo modo influere, & idem præcipere. Hoc modo est nunc in prælatione quæ attenditur inter ordinem, & ordinem in hierarchiis Angelicis, & etiam in hierarchia Ecclesiastica. In Angelis enim ordo qui ordini præfertur, excedit in naturalibus, & gratuitis, etiam quodam modo influit purgando, illuminando, & perficiendo, & etiam ministeria complenda iniungit. Cum ergo quæritur utrum cesset prælatio ordinis ad ordinem, dicendum, quod si intelligatur de prælatione quantum ad primam conditionem, sc. ratione excessus, non euacuabitur, sed manebit: quia ordo excedit ordinem tam in gratuitis, quam in naturalibus, ita post iudicium, sicut & nunc. Si autem intelligatur ratione duorum sequentium, sc. ratione præsentitæ, & influendo, & imperando, sic cessabit, & euacuabitur, quia illuminatio quam dicitur recipere angelus ab angelo, & imperium si quod est ibi, attenditur per comparisonem ad nos quibus ministrant, non per comparisonem ad Deum, in quo quiescunt, & beatitudinis completionem perfecte illuminantur: & secundum viam hanc procedunt rationes & auctoritates, ostendentes quod post iudicium cessabit prælatio ordinis ad ordinem. Sic enim dicit Magister: & Apostolus, quod Deus euacuabit prælationem, euacuando potestatem, principatum: dum enim tollitur ministerium, tollitur subiectio, & imperium.

1. **AD** illud ergo quod obiicitur, quod prælatio ordinis ad ordinem attenditur in præcellentia naturalium, & gratuitorum, dicendum quod hæc non est tota causa: unde si ex hoc arguat, ab insufficienti arguit.

2. **AD** illud quod obiicitur quod angeli beati beatificati sunt perfecte, dicendum quod licet ex parte virtutis contemplatiuæ perfectam sint beatitudinem assecuti, & ex illa parte nihil sit in eis ex parte, sunt tamen adhuc viatores ratione ministerij, nam quantum ad illam vim, ut supra dictum fuit, sunt in statu merendi, & ideo adhuc aliquid habent quod euacuabitur post diem iudicii.

3. **AD** illud quod obiicitur, quod pulchritudo consistit in ordine, dicendum quod verum est, nam sicut ab Angelis non tollitur pulchritudo, ita etiam nec tollitur ordo. Sed ex hoc non sequitur, quod non tollatur prælatio, quia prælatio non tantummodo includit in se præcellentiam, sed etiam præsentiam, quæ plus respicit indigentiam viæ, quam pulchritudinem & perfectionem patriæ: ideo cum tollitur prælatio, pulchritudo non minuitur.

4. **AD** illud quod obiicitur, quod ita est inseparabile ab ordine Angelorum, quod est esse principatum sicut esse Seraphim, dicendum quod principatus secundum quod nominat ordinem, non dicit præsentiam actuale, sed donum gratiæ: vel datum secundum quod Angelus natus est aliis præsidere: & hoc manere potest, ablata actuali prælatione: & ideo non sequitur: desinit principari, ergo desinit esse principatus, quia principatus non dicit actum, sed habitum, vel statum.

QVÆSTIO VII.

An ordines Angelorum sint novem vel plures.

*S. Thom. 1. p. q. 112. art. 3.
Et 2. Sent. dist. 8. q. 1. art. 3.
Egid. Rom. 2. Sent. dist. 9. q. 2. art. 1.
Steph. Brulef. 2. Sent. dist. 9. q. 7.
Gabr. Biel. 2. Sent. dist. 9. q. 1. art. 7. dub. 1.*

DE illis ordinibus Angelorum quantum ad numerum. Et quæritur, utrum sit status in nouenario, an protendatur numerus usque ad denarium. Et quod sic, videtur: Sicut habetur in Luca, in parabola de dragma, homo intelligitur per dragmam decimam: sed non dicitur

Fundamēta.

Luca 15. d.

dragma decima nisi respectu nouenarij, qui est in angelis: ergo si decima dragma reinuenta est, videtur quod nouem ordinibus decimus ordo adiunctus est.

ITEM si angelus nunquam peccasset, homo factus esset, & ad beatitudinem perueniret, sed non assumeretur ad restaurandos angelorum ordines: ergo si non careret ordine, in aliquo ordine poneretur: sed siue in vno, siue in pluribus, nouem ordinibus adiceretur ordo vltterius. Si ergo ciuitas Hierusalem per Christum perfecte restaurata est, videtur quod non sit status ordinum in nouenario, immo quod eis adiciatur saltem decimus ordo.

ITEM proportio reperitur in numeris. & quia omnia producta sunt secundum debitam proportionem, omnia dicuntur esse producta secundum rationes numerales tã ab Aug. quam à Boëtio. Si ergo ciuitas superna Hierusalem est ciuitas perfectissima, & optime proportionata, videtur quod numerus ordinum, & graduum eius non stabit citra eum numerum, in quo est perfectio, & status: sed hic non est nouenarius, sed denarius: ergo videtur quod saltem vsque ad denarium protendatur.

ITEM beatissima Virgo Maria in patria non erit præter ordinem: cum ergo sit supra omnes ordines, per se constituet ordinem: ergo videtur quod sint ibi plures quam nouem ordines.

1. AD oppositum arguitur sic: Omnis ordo reducit ad aliquam hierarchiam: sed non sunt ibi nisi tres hierarchiæ, sicut patet ex sufficientia prius assignata, suprema, media, & infima, & quælibet earum sufficienter completur triplici ordine: ergo non videtur, quod debeant esse plures.

2. ITEM: Trinitas manifestatur in omnibus creaturis secundum plus, & minus, maxime autem manifestari debet in beatis: sed numerus maxime expressius Trinitatis, est ille qui consistit in Trinitate super se reflexa, sicut sunt tres Trini: ergo videtur, quod in tali numero ordines beatorum habeant à summa Trinitate institui.

3. ITEM distinctio ordinum est secundum dona gratiarum: sed nullum donum gratiæ est in hominibus, quod non sit in angelis: ergo nullum ordinem constituent homines præter ordines angelorum, sed illi non sunt nisi nouem: ergo non videtur quod sit ponere numerum maiorem.

4. ITEM si ponitur ordo hominum per se præter assignatos ordines angelorum, cum in omni ordine angelorum sint de hominibus, tunc homines distinguenter secundum decem gradus: ergo videtur quod perfectioris numeri sit ordo in hominibus, quam in beatis spiritibus: quod non videtur, cum ipsi per naturam sint Deo proximiores, & similiores, ac per hoc constitui debeant in ordinis & numeri nobilissima perfectione.

CONCLUSIO.

Vltra nouem Angelorum choros addetur etiam decimus, qui in meritis ceteris inæqualis, ad sanctam Angelorum sublimitatem ascendere non potuit.

RESP. AD Arg. Dicendum ad hoc, quod quia rationes prædictæ solum sunt congruitatis, & auctoritates super hoc non inueniuntur expressæ, super hoc sunt opiniones variæ. Quidam namque dicere voluerunt, quod omnes homines assumerentur ad angelorum ordines, nec essent in illa superna Hierusalem nisi ordines nouem: & sic competeat ut esset expressa configuratio ad supermundanam hierarchiam, quæ in Trinitate consistit: & si angeli steterent, ad ordines eorum assumpti essent, sicut nunc assumentur. In hoc tamen differt, quod tunc illa assumptio esset hominum beatificatio solum, nunc autem est hominum beatificatio, & ruinæ angelorum per quandam æquivalentiam reparatio. Nec obstant rationes ad hoc inductæ, quia solæ congruitatis sunt: nec illud quod obicitur de beata Virgine: quia sicut privilegiū speciale non est reducendum ad legem communem, sic singu-

laris prærogatiua, quæ est in beata Virgine, non est numeranda cum ordinum distinctione, quæ est secundum legem communem. Et ista opinio satis probabilis esse videtur. Veruntamen, quia textus euangelicus hoc sonare videtur, dum hominem decimam drachmam vocat, & Anselmus hoc videtur innuere in lib. de casu diaboli, videtur aliis magis esse probabile, quod homines per se constituent communiter vnum ordinem, quem vocat decimum, respectu nouem ordinum angelorum. Non enim decet, ut dicunt, quod homines assumantur ad ordines angelorum, nisi illi qui in hac vita eis similes extiterunt. Hi autem sunt virgines, qui nec nubuntur, nec nubent, ideo solæ virgines ad ordines angelorum debent assumi, & ex eis solum ruina angelica restaurari, pro eo quod angelis multum est cognata virginitas. Sed hæc positio non videtur esse conueniens, tum quia per decimam drachmam non solummodo corrupti, sed etiam virgines homines intelliguntur, tum etiam, quia multi carne corrupti multis virginibus præferuntur, ut beata Maria Magdalena, & Petrus Apostolus multis aliis virginibus masculis, & fœminis absque dubio sūt superiores. Et ideo tertia positio est adhuc, quod supra nouem ordines angelorum addetur ordo decimus ex his, qui in vita ista non perueniunt ad tantam meritorum excellentiam, ut exalantur ad ordines angelorum: sed meritis Christi saluati decimum tenent gradum, sicut pro eorū salute sol iustitiæ Christus per decem gradus descendit, quod signatum fuit in facto miraculo Ezechie. Et ista positio videtur esse satis probabilis, tū propter imperfectionem meritorum quam habent multi in via, tum propter perfectionem electorum quantum ad numerum, quæ erit in Hierusalem superna. Perfectio autem maxima in denario consistit, sicut infra dicitur, quando agitur de decalogo, vel decimatione, & ideo positionem istā possumus sustinere, quia eam probabiliter reddit decimationis signatio, & decimæ drachmæ inuentio, & solis per decem gradus descensio, & ipsius denarij perfectio.

1. AD illud quod obicitur, quod quilibet ordo est in aliqua hierarchia, dicendum est quod sicut præter angelicam hierarchiam est nunc ponere hierarchiam Ecclesiasticam, sic præter illas angelicas hierarchias erit intelligere in decimo saluari gradu simul rationem ordinis, & hierarchiæ: hierarchiæ, inquam, per comparisonem ipsorum adinuicem, quia non habebunt omnimodam æqualitatem, sed ordinis per comparisonem ad ordines superiores.

2. AD illud ergo quod obicitur de expressa representatione summæ Trinitatis, dicendum quod sicut vnitas addita nouenario nouenarium non perimit sed saluat. & ad perfectionem numerum deducit, sic decimus ordo ex hominibus constitutus representationem summæ Trinitatis ab angelicis spiritibus non tollit, sed salua illa expressa representatione facit ad supernæ ciuitatis maiorem perfectionem.

3. AD illud quod obicitur quod est distinctio secundum dona gratiarum, dicendum quod non est secundum dona tantum, sed secundum dona quantum ad statum. Infra autem omnes status ordinum angelorum adhuc est intelligere statum magis infimum in hominibus, & ita ordinem decimum: quamvis ex diuina benignitate, & largitate contingit in gratia homines æquiparari Angelis, quibus sunt inferiores per naturam.

4. AD illud quod obicitur quod tunc erit maior perfectio in hominibus, dicendum quod falsum est, quia hoc non est propter maiorem perfectionem, sed propter maiorem à Deo elongationem. Infimus enim ordo inter omnes magis distat à Deo, sicut primus maxime appropinquat: & quia homo pluribus gradibus natus est distare à Deo, quam angelus, licet ex diuina misericordia factus sit ei magis proximus: ideo tenet decimum locū, ut sic ostendatur, quod excellat angelus hominem per naturam, ostendatur etiam nihilominus quantum Deus sibi inuiscerauerit hominem per misericordiam.

Anselm. 6. de casu diaboli.

Opinio 1.

Mar. 11. 2.

Improbatio.

Opinio 3.

4. Re. 20.

Aug. lib. 3. dist. 37. ar. 3. 9. 1.

Aug. de Genes. ad lit. lib. 3. c. 16. 107. 3.

Ad oppositum.

Opinio 1.

QVÆSTIO VIII.

An omnes Angeli eiusdem ordinis sint aequales.

Richard. 2. Sent. dist. 9. art. 2. q. 4.

Stephanus Brulef. 2. Sent. dist. 9. q. 8.

Gabriel Biel. 2. Sent. dist. 9. q. 1. art. 3. dub. 6.

DE ordinibus angelorum in comparatione ad suum oppositum. Et est quæstio, utrum in angelis ordo compatiatur secum æqualitatem. Et quod sic, videtur per Dionysium. Dicit enim Dionysius quod illi, qui sunt in vna hierarchia, æquipotentes sunt: sed qui sunt æquipotentes, sunt æquales: ergo in eadem hierarchia angeli sunt æquales: ergo multo fortius in eodem ordine.

2. ITEM per Augustinum de vera Relig. In omnibus actibus convenientia placet, quia vna salua, etiam pulchra sunt omnia, ipsa vero convenientia vnitatem & æqualitatem appetit: ergo si in angelicis spiritibus est perfecta pulchritudo, & est convenientia, & æqualitas, sed non est æqualitas inter angelos diuersorum ordinum: ergo inter angelos eiusdem ordinis.

3. ITEM quorum donum, & præmium vnum est, ipsa habent æqualitatem: sed donum, & præmium angelorum eiusdem ordinis est vnum, & status vnus: ergo videtur quod habeant æqualitatem.

4. ITEM Hierarchia angelica maxime est representatiua supremæ Hierarchie: sed in illa ordo non excludit æqualitatem: ergo videtur quod in Hierarchia angelica debeat esse ordo cum æqualitate: sed non est æqualitas in angelis diuersorum ordinum: ergo in angelis eiusdem ordinis.

CONTRA: Magister dicit in litera: Sicut in Apostolis alij alijs sunt digniores, ita in ordinibus angelorum creditur recte esse.

I TEM perfectiori modo participatur ratio ordinis vbi est ordo in omnibus, quam vbi est ordo in aliquibus tantum: sed angeli perfectissimo modo inter cæteras creaturas participant ordinem: ergo non solum inter angelos diuersorum ordinum, sed inter angelos eiusdem ordinis contingit ordinem assignare.

I TEM sapientis est ordinare, & magis sapientis magis ordinare: ergo & maxime sapientis in eius effectu nobilissimo est res maxime ordinatas producere: ergo videtur quod non solum sit ibi ordo inter angelos diuersorum ordinum, sed etiam inter angelos eiusdem ordinis.

I TEM Lucifer dicitur fuisse maximus inter omnes angelos, & constat quod de aliquo ordine fuit: ergo angeli illius ordinis non erant sibi æquales, pari ratione videtur, quod in alijs ordinibus alij sint superiores, alij inferiores.

CONCLUSIO.

Probabile est inter angelos eiusdem ordinis quandam reperiri gradationem, licet inter eos non sit tantus excessus, quantus inter Angelos vnius, & alterius ordinis reperitur.

RESP. Ad arg. Dicendum quod sicut in suprema Hierarchia propter summam perfectionem reperitur pulchritudo ex perfectissima æqualitate, & similitudine parium, sic in angelica Hierarchia reperitur pulchritudo perfecta in genere creaturæ ex quadam gradatione disparium. In his enim duobus modis consistit pulchritudo, & convenientia, sicut dicit Aug. de vera Religione: sed in suprema Hierarchia ex sola similitudine, & æqualitate potest esse perfectissima pulchritudo: quia in qualibet personarum æqualium est omnimoda, & summa perfectio, in angelica vero Hierarchia, quia illi spiritus qui ordinantur, non habent sigillatim summam perfectionem, necesse est quod ex quadam conuenienti diuersitate in quadam proportionabili gradatione confurgat quædam convenientia ordinata, & pulchritudo in genere creaturæ perfecta. Et ideo sicut in Sanctis intelligimus quod vnus est ordo Apostolorum, alter martyrum, alter

A confessorum, & sic de alijs, & tamen in his ordinibus est gradatio quædam, nec potest omnimoda reperiri æqualitas, cum de quolibet sancto possit dici: Non est inuentus similis illi qui conseruaret legem excelsi: sic suo modo intelligendum est in spiritibus angelicis. Ideo & in eodem ordine ponenda est quædam gradatio, & quidam ordo, licet non sit tantus excessus, quantum reperitur in angelis diuersorum ordinum: unde rationes hoc probantes concedendæ sunt, quamvis non sint multum cogentes, hoc enim videtur sentire tam Magister in litera, quam Dionysius in libro de Angelica Hierarchia.

1. AD illud quod obiicitur quod æquipotentes sunt, dicendum quod æqualitas illius posse attenditur, vel accipitur secundum conformitatem conuersionis, secundum quam attenditur distinctio vnius Hierarchie ab alijs: sicut prima Hierarchia, & ordines, qui sunt in illa, accipiuntur penes actum conuersionis in Deum, non quia omnino æqualiter conuertantur, sed quia ad hoc indifferenter omnes ordinantur, & principaliter ab isto actu omnes denominantur.

2. AD illud quod obiicitur, quod convenientia facit pulchritudinem, dicendum quod, sicut ibidem dicit Augustinus, convenientia non tantum surgit ex æqualitate, sed etiam ex disparium congruenti gradatione, & sic in angelis intelligendum est esse.

3. AD illud quo obiicitur, quod habent idem donum, & præmium, dicendum est quod si intelligatur de præmio communi, & increato, quod Deus est, verum est. Si autem intelligatur de beatitudine creata, vel de donis gratiarum quantum ad statum, & dignitatem, & prærogatiuam aliquam, sic non habet veritatem, sic enim quilibet respectu alterius aliquam habet prærogatiuam secundum plus, & minus.

4. AD illud quod obiicitur, quod hæc Hierarchia representat summam, &c. dicendum quod representat in quantum potest, & cum in illa suprema Hierarchia sit ordo, & perfecta pulchritudo in summa vnitatem, & æqualitate, & hæc in Hierarchia creata non possunt simul coexistere propter limitationem creaturæ, ideo est ibi ponere ordinem, & pulchritudinem cum diuersitate, & quadam disparitate, ut quia non poterat hoc fieri ex vnitatem, saltem impleteretur ex plurium diuersitate. Et hæc est ratio quare Deus cum habeat vnum filium non tamen produxit vnum solum angelum, sed multos, quia filius perfecte implet patrem, & imitatur, ut dicit Aug. sed angelus perfecte non exprimit creationem, ideo deuit eos creari in magna multitudine, vel in multiformi ordine.

QVÆSTIO IX.

An alijs substantiis quam Angelis competat per ordines distinguui.

Alex. Alenf. 2. p. q. 37. per totam.

S. Thom. 1. p. q. 109. art. 1.

Et 2. Sent. d. 9. q. 1. art. 4.

Ægid. Rom. 2. Sent. dist. 9. q. 3. art. 1. dub. 2.

Albertus de Damon. q. 10. art. 17.

Stephan. Brulef. 2. Sent. dist. 7. q. ult.

Gabr. Biel. 2. Sent. dist. 9. q. 1. art. 3. dub. 7.

DE ordinibus angelorum in comparatione ad suum disparatum. Et est quæstio utrum alijs substantiis rationalibus, quam angelis competat per ordines distinguui. Et quod sic, videtur. Sicut enim in angelis est præcellencia naturalium, & gratuitorum, ita etiam in animabus rationalibus: ergo si penes hoc attenditur ordo in angelis, pari ratione in animabus exutis.

I TEM si diuina bonitas, & sapientia manifestatur in conditione angelorum, ita etiam in conditione spirituum humanorum: ergo sicut facit angelos in diuersis ordinibus, ita videtur quod faciat homines.

I TEM ad reparationem ruinæ angelicæ ex diuersis ordinibus assumuntur homines: ergo eisdem gradibus, & eisdem ordinibus ordinabuntur in gloria, quibus ordinem

Eccl. 44. c.

Dion. c. 4. p. 4. de Ang. Hierarch.

Aug. de vera Relig. c. 30. in med.

Aug. lib. 6. de Tri. c. 10. tom. 3.

ordinantur & angeli: ergo videtur quod non solum angelis, sed etiam hominibus competat.

ITEM ordo est nunc in Ecclesiastica Hierarchia, & ordines varij, cum tamen ipsa Ecclesiastica Hierarchia ex puris hominibus constet: ergo videtur quod homines nati sint ordinari.

Ad oppositum arguitur sic: Si ita competit ordo hominibus, sicut competit angelis: ergo sicut angelorum beatorum novem ordines assignantur, ita videtur quod & hominum: ergo saltem erunt decem & octo, quod tamen non ponitur.

ITEM omnes homines ex vno processerunt: ergo videtur quod quantum est de natura sua sint pares: ergo non videtur quod hominibus competat ordo per naturam. Quia si tu dicas quod competit eis per gratiam. Contra: Gratia præsupponit naturam: ergo & ordo gratiæ, ordinem naturæ: ergo si non est ordo naturæ, nec gratiæ.

ITEM ordines angelorum distinguuntur penes vim contemplativam, & vim administrativam: sed in animabus exutis non est ponere vim administrativam: ergo nec ordinum distinctionem.

ITEM si ponatur ordo in gloria, debet poni ordo correspondens ordinibus repertis in via: ergo cum in cælo sint multi ordines, in religiosis sunt etiam multæ ordinum distinctiones, in sanctis etiam multi ordines, ut ordo Patriarcharum, Prophetarum, Apostolorum, &c. videtur quod multo plures essent ordines hominum, quam angelorum.

CONCLUSIO.

Inter homines presentis status non est proprie ordinum distinctio, licet officia, & status professionum ordinentur in Ecclesia: quia inter eos naturalium, & gratuitorum præcellentia reperiatur, inter se tamen ut plurimum hac non correspondent.

RESP. ad Arg. Dicendum quod cum ad perfectam rationem ordinis concurrant præcellentia naturalium, & gratuitorum sibi correspondentium, in eis solum proprie, & perfecte est ponere ordinum distinctionem, in quibus est hæc duo simul concurrentia reperire. Quoniam ergo in angelis gratia correspondet naturæ, & creati sunt in naturalium præcellentia, & beatificati in differentiæ donorum prærogativa: hinc est quod proprie est in eis & ordo, & Hierarchia, maxime cum illa prærogativa ita habeat stabilem permanentiam, & distinctionem, quod nullam admittat confusionem. In hominibus vero etsi sit reperire præcellentiam in naturalibus, & etiam in gratuitis, tamen hæc duo ut plurimum sibi non correspondent; quia ubi melior est natura, frequenter minor est gratia: & qui hodie minor est in merito, cras fortassis erit maior in præmio. Ideo in hominibus secundum statum præsentem non est proprie ordinum distinctio, secundum gratuita, licet aliquo modo secundum auctoritates, & officia, & status professionum ordinetur Ecclesia. Dicendum est igitur, quod proprie, & perfecte in solis angelis ponenda est distinctio ordinum: in hominibus vero etsi aliquo modo reperiatur in præsentem, reperitur imperfecte, & incerte. In futuro vero quavis reperitur stabiliter, non tamē reperitur undique: ut sic oporteat eos qui præcellunt in gratia, præcellere in natura.

Resp. ad
Argument.
pro utraque
parte.

Ex his patet responsio ad rationes ad utramque partem. Rationes autem probantes quod non solum angelis competit ordo, loquuntur de ordine secundum qualemunque completionem, siue perfectam, siue semiplenam. Rationes vero ad oppositum ostendentes quod in hominibus non sit ordo, procedunt alia via: non enim concludunt, quod nullus sit ibi ordo, sed quod ipsa humana natura non habeat tantam ordinum distinctionem, quantum habet angelica: quia hæc habet solummodo per quandam conformationem ad illam. Illa tamen ratio non concludit: non est ibi ordo per naturam,

ergo non per gratiam. Cum enim non oporteat gratiam adæquari naturæ, non oportet ordinem gratiæ præsupponere ordinem in natura: quamvis gratia præsupponat naturam, sicut accideas præsupponit subiectum. Et quia gratia nostra conformis est gratiæ angelorum, quamvis natura nostra non sit eiusdem speciei cum eorum natura: ideo si qua in nobis erit ordinum distinctio, attenditur per conformitatem ad ordines angelicos; ideo non oportebit plures, & novos ordines ex hominibus esse: nisi fortassis decimum, qui ad angelorum perfectionem non poterit pervenire. Hoc tamen quod nunc dictum est, dubium est: & Magister non videtur acceptare, quamvis, sicut prædictum fuit, videatur satis probabile. Nec illa ratio cogit de vi administrativa: quia in distinctione ordinum magis consideratur status gratiæ, quam operatio alicuius potentie. Ex his manifesta sunt quæ tanguntur in litera.

DISTINCT. X.

An omnes Spiritus Cœlestes mittantur.



OC etiam investigandum est, Vtrum omnes illi cœlestes spiritus ad exteriora nuntianda mittantur. Quidam putant aliquos in illa multitudine esse qui foras pro officio exeunt, alios qui intus semper assistunt, sicut scriptum est in Daniele: Millia millium ministrabant ei, & decies centena millia assistebant ei. Item Dionysius in Hierarchia qua sacer principatus dicitur, de pralatione spirituum ait: Superiora illa agmina ab intimis nunquam recedunt: quoniam ea quæ præminent, usum exterioris officij nunquam habent. His auctoritatibus innituntur, qui angelos mitti nisi inferiores, inficiantur.

Deu. 7. c

Cap. 7.

Obiectio contra illos.

Quibus obicitur quod Isaias ait: Volavit ad me unus de Seraphim: qui ordo superior est & excellentior: ideoque si de illo ordine mittuntur, non est ambigendum quin etiam & de aliis mittantur. Apostolus quoque ait: Omnes sunt administratores spiritus in ministerium missi. His testimoniis assunt quidam omnes angelos mitti. Nec debet indignum videri, si etiam superiores mittantur, cum & ille qui Creator est omnium, ad hæc inferiora descenderit.

Isaia 6. c

Hebr. 1. d

Quæstio: Si omnes mittuntur cur vnus tantum ordo, nomine Angelorum censetur.

Hic oritur quæstio: Si omnes mittuntur & nuntij Dei existunt, quare vnus tantum inter novem ordines, angelorum nomine censetur? At quod quidam dicunt, omnes quidem mitti, sed alios sapius, & quasi ex officio inuncto, qui proprie Angeli vel Archangeli nominantur: alios vero rarius mitti, scilicet maiores, causa extra communem dispensationem oborta: qui cum angelorum ministerium suscipiunt, etiam nomen assumunt. Vnde in Psalmo: Qui facit Angelos suos spiritus, & ministros: quia illi qui natura spiritus sunt, aliquando Angeli, id est, nuntij sunt.

Psal. 103. a

Putant quidam Michaël, Gabriel, Raphaël de superiori ordine fuisse: sed sunt nomina spirituum & non ordinum.

Et putant illi, Michaël, Gabriel, Raphaël de superiori ordine fuisse. Michael interpretatur, quis ut Deus?

Greg. lxx. 34. in Ezech. rom. 3.

Gabriel,

Gabriel, fortitudo Dei: Raphaël, medicina Dei, nec sunt ista nomina ordinū, sed spirituum. Et dicunt quidam singulum horum unius proprie ac singulariter spiritus esse nomen. Alij vero non unius singulariter, & determinate, sed nunc huius nunc illius esse nomen, secundum qualitatem eorum ad qua nuntianda vel gerenda mittuntur: sicut & demonum quadam nomina sunt qua quidam putant esse unius propria, alij vero pluribus communia. Diabolus quippe, qui Græce ita vocatur & criminator interpretatur vel deorsum fluens: Hebræice dicitur Satan, id est, aduersarius. Dicitur & Belial, id est, apostata & absque iugo. Dicitur etiam Leviathan, id est, additamentum eorum: & alia plura reperies nomina qua vel unius spiritus sunt propria, vel pluribus communia.

Quo modo determinent prædictas auctoritates, quæ videntur aduersari, qui dicunt omnes Angelos mitti.

Qui autem omnes angelos mitti asserunt, prædictas auctoritates Danielis scilicet & Dionysij ita determinant. Dicuntur superiora agmina Deo assistere, & ab intimis nunquam recedere, non quin aliquando mittantur, sed quia rarissime ad exteriora prodeunt: neque tunc ab intimis recedunt, sed Dei præsentia & contemplationi semper assistunt: quod etiam faciunt qui frequenter mittuntur.

Quos alij dicant mitti, & quos dicant non mitti, cum determinatione auctoritatum quæ videntur sibi aduersari.

Alij vero dicunt tres ordines supremos, scilicet Cherubim, Seraphim, & Thronos ita Creatori assistere quod ad exteriora non exeunt: inferiores autem tres ad exteriora mitti: tres vero medios inter utrosque consistere, non modo dignitate vel loco, sed etiam officio: quia præceptum diuinum à superioribus accipiunt, & deferunt ad inferiores. Ideoque cum supremi mediis, & mediis imis, atque hi hominibus præceptum Dei nuntiant, merito omnes Angeli nominari debent. Et ob id forte Apostolus ait: Omnes spiritus administratores esse filij, & mitti in ministerium: vel per omnes, non singulos ordines, sed de inferioribus ordinibus singulos angelos complexus est. Illud vero quod Isaias ait, per verba Dionysij determinant dicentes: Hi spiritus qui mittuntur, percipiunt horum vocabulum, quorum gerunt officium. Vnde dicunt illum Angelum qui missus est ad Isaiam, ut mundaret, & incenderet labia prophetae, fuisse de ordine inferiorum. Sed ideo dictus est forte de Seraphim, quia veniebat incendere & consumere delicta Isaiæ.

DISTINCT. X.

De Ministerio, & missione Angelorum quantum ad Angelos ministrantes.

Hoc etiam inuestigandum est, &c.

Expositio Textus.

UPRÆ egit Magister de consequentibus confirmationem Angelorum, quantum ad distinctionem ordinum: in hac vero parte agit quantum ad ministerium. Et quoniam ministerium respectum habet, & ad eum qui ministrat, & ad eum cui ministratur, & ideo pars ista duas habet partes. In prima determinat de ministerio Angelorum quantum ad ipsos Angelos ministrantes. In secunda vero determinat per comparationē

ad homines quibus ministrant, infra dist. 11. Illud quoque sciendum est, &c. Prima pars in qua querit quibus Angelis competit ministrare, siue mitti, habet tres partes. In prima ponit diuersas opiniones cum suis confirmationibus. In secunda vero parte mouet dubitationes, & determinat, ibi: *Hic oritur questio, si omnes mittuntur, & nuntij Dei existunt.* In tertia vero parte illas duas opiniones reducit ad quandam concordantiam, formans quasi ex illis duabus, opinionem vnam inter utramque mediam, ibi: *Alij vero dicunt tres ordines supremos, &c.* Harum partium subdivisiones manifestæ sunt in litera.

Quia illi à natura spiritus sunt, aliquando Angeli, id est, nuntij sunt. Dub. I.

CONTRA: Cum non sint tantum boni Angeli, sed etiam mali, videtur quod Deus non tantummodo bonos spiritus, immo etiā malos mittat. Et hoc videtur per illud quod dicitur quando Dominus dixit ad spiritum mendacij: Egredere, & fac ita, videtur enim quod Deus miserit Angelum malum. Et expressius in Psalmo super illud: Immissiones per Angelos malos: ibi dicit Glossa quod Angeli mali mittuntur. Et expressissime in Mattheo: Mitte nos in porcos. Ad oppositum: Quia cum intentio malorum Angelorum sit perdere omnes, & Dei intentio sit saluare: non videtur quod aliquo modo debeat eos mittere, immo potius impedire. **ITEM:** Si hos mittit: tunc ergo sunt nuntij Domini, ergo debent dici Angeli Domini: quod tamen non dicit Scriptura.

RESP. Dicendum quod in exercitio quo nos diabolus exercitat, duo considerantur: & potestas, & vsus. Potestas à Deo ei collata est: vsus vero potestatis non est à Deo præcipiente, sed potius permittente. Quoniam igitur missio proprie dicit imperium, & auctoritatem: ideo dæmones non dicuntur proprie mitti à Deo ut Angeli eius, sed potius dicuntur Angeli diaboli: quia à suo principe diriguntur, & ei obedire intendunt. Ad omnes autem illas auctoritates respondendum est: quod intelliguntur non imperatiue, sed potius permissiue.

Tres vero medios, &c. Dub. II.

Innuat Magister quod medijs ordines præceptum diuinum à superioribus accipiunt, & referunt ad inferiores. **CONTRA:** Ex hoc videtur quod vnus Angelus mittat alterum: cui concordat expositio Gregorij in Moral. arguens ex eo quod legitur in Zacharia, quod vnus Angelus dixit ad alium: Loquere ad puerum illum: vbi dicit Gregorius: Ad prophetā Angelus Angelum mittit: quē secum gaudere de Deo cōmuniter prospicit, & docet, & dirigat. Hoc etiam per simile probatur tam in demonibus, quam in hominibus, vbi superiores mittūt inferiores. Ad oppositum: Si Angeli mittuntur ab Angelis, ergo Angeli sunt nuntij Angelorum, & Angelus est minister Angeli, & Angelus habet auctoritatem super Angelum: si ergo solus Deus est penes quem relictæ auctoritas, & solius Dei dicuntur Angeli ministri, & nuntij, sicut dicitur in Psalmo: Qui facit Angelos suos spiritus, videtur quod à solo Deo debeant mitti.

RESP. Dicendum quod mittere dicit auctoritatem: potest igitur dicere auctoritatem principalem, vel potest dicere potestatem aliquo modo, vel auctoritatem subiectam auctoritati principali. Si mittere dicat primam, & præcipuam auctoritatem: sic solius Dei est mittere Angelos tam superiores, quam inferiores: totum enim ministerium Angelorum ad diuinam auctoritatem, & eius complendam voluntatem refertur: & ideo dicuntur nuntij, & ministri solius Dei. Si autem mittere dicat auctoritatem secundo modo: sic vnus Angelus ab altero potest mitti, sicut dicit Gregorius: & ostendunt auctoritates, & sic intelligitur illud verbum Magistri in litera.

Hi spiritus qui mittuntur, &c. Dub. III.

CONTRA: Hoc repugnat verbo Dionysij. Aut enim spiritus mittitur ad suum officium, aut ad non suum. Si ad suum, cum ergo denominetur à suo, non debet sortiri aliud nomen quam proprium. Si ad non suum: ergo usurpat sibi quod est alienum, & hoc est inordinatum.

RESP.

RESP. Dicendum quod mitti ad suum officium dupliciter est. Aut ad suum per veritatem, quia ad hoc deputatus est: aut ad suum per appropriationem. Primo modo omnis qui mittitur, mittitur ad suum officium, id est, ad illud ad quod est idoneus. Secundo modo aliquando mittitur Angelus ad perficiendum illius doni usum, quod sibi non appropriatur: ideo nec ab illo secundum primam impositionem nominis denominatur: nihilominus tamen sortitur nomen competens illi dono, ut ostendatur, ad quid mittatur.

ARTICVLVS I.

AD intelligentiam huius partis incidit hic quæstio circa tria. Prima quæstio est, utrum boni Angeli mittantur. Secundo, quæritur ad quid mittantur. Tercio, quæritur, qualiter illud officium exequantur. Circa primum duo quærantur: Primo quæritur, utrum aliqui Angeli mittantur. Secundo quæritur, utrum omnes mittantur.

QVÆSTIO I.

An boni Angeli mittantur.

Alexand. Alensis 2. p. q. 36. Membr. 1.
S. Thom. 1. p. q. 112. art. 1.
Scotus 2. Sent. dist. 10. q. 1.
Egid. Rom. 2. Sent. dist. 10. q. 2. art. 1.
Richardus 2. Sent. dist. 10. q. 1.
Thom. Arg. 2. Sent. dist. 10. q. 1. art. 1.
Steph. Brulef. 2. Sent. dist. 10. q. 1.
Gabi. Biel. 2. Sent. dist. 10. q. 1.

CIRCA quam sic proceditur, & ostenditur quod Angeli mittantur: Missus est Gabriel Angelus à Deo, &c. & in pluribus aliis Scripturæ locis.

ITEM Angelus nomen est nunciij, & officij, sicut dicit Glossa super illud Psalmi: Qui facit Angelos suos spiritus: ergo si vere & proprie dicuntur Angeli, vere & proprie sunt nunciij: ergo si nuntiorum est mitti, patet, &c.

ITEM, quanto aliquis habet maiorem charitatem, tanto sollicitior est circa eum quem potest iuuare: sed Angeli habent perfectam charitatem, & possunt nostram indigentiam subleuare: ergo videtur quod sint solliciti nos adiuuare; sed hoc non faciunt propria auctoritate, sed Dei: ergo videtur quod mittantur à Domino.

ITEM Angeli quantum ad statum, & dignitatem sunt medij inter nos, & Deum; ergo videtur quod ad Deum ferant petitiones nostras, & à Deo nobis reuelationes referant diuinas: sed hoc proprium nuntiorum est: ergo, &c.

1. CONTRA: Frustra mittit quis nuntium, ubi ipse præsens est, & melius potest facere per se ipsum: ergo si Deus nobis præsentissimus est, & omnia potest facere per se ipsum: ergo ad nos frustra mittit Angelum: sed ipse nihil frustra facit: ergo, &c.

2. ITEM Deus Pater misit Filium, & Spiritum sanctum ad procurandam nostram salutem: aut ergo sufficienter procuratur salus nostra per Filium, & Spiritum sanctum, aut non. Si non: ergo imperfectus mediator est Filius, & etiam Spiritus sanctus: quod profanum est dicere. Si sic: ergo frustra mittitur Angelus.

3. ITEM cum Angelus mittitur ad nos: aut ad nos conuertitur, aut non. Si non: ergo frustra mittitur. Si sic, cum non possit simul, & semel moueri diuersis motibus: ergo desinit esse beatus.

4. ITEM videtur ex hoc generari Angelo præiudicium: quia quantumcunque quis sit feruentis charitatis, feruentius mouetur, quando mouetur in Deum, quam quando mouetur in proximum: ergo feruentius mouetur Angelus cum Deo assistit, quam cum nobis ministrat; sed cum minuitur feruor dilectionis, minuitur dilectio deuotionis: ergo missio Angelorum ad nos, & minuit in eis feruorem charitatis, & delicias iucunditatis: ergo est in præiudicium eorum.

5. ITEM hoc ipsum videtur. Anima quamvis habeat plures potentias, tamen quia illæ potentie in vna substantia simplici radicanur, cum intenditur vna, remittitur altera: ergo pari ratione in Angelis, cum Angelus sollicitatur circa ea quæ sunt virtutis ministratur, minuitur eius contemplatio: ergo & dilectio.

6. ITEM Angelus beatus locatur in cælo empyreo tanquam in loco sibi congruo, & deputato: ergo appetit ibi esse. Si ergo egreditur extra empyreum: aliquis appetitus erit in eo incompletus: ergo videtur quod missio in Angelis ponat incompletionem. Si ergo Angeli beati sunt in statu omnimodæ perfectionis, videtur quod nullo modo competat eis mitti.

CONCLUSIO:

Bonos Angelos ad nos mitti, competit charitati diuinæ, quæ per hoc manifestatur: Angelicæ, quæ per hoc nos adiuuat: & nostræ, quæ cum sit paruula, per hoc fouetur, nutritur, & excitatur.

RESP. ad Arg. Dicendum quod absque dubio beati Angeli ad nos mittuntur à Deo: etsi de hoc possint assignari plurimæ rationes, vna tamen potissima sumitur ex lege charitatis. Hæc enim missio concordat, seu competit charitati diuinæ, & charitati angelicæ, & humanæ. Charitati diuinæ, quia in hoc manifestatur diuina bonitas quantum nostram salutem diligit, dum nobilissimos spiritus, qui ei intima charitate iunguntur, dirigit, & transmittit ad procurandam salutem nostram. Et competit etiam charitati angelicæ; cum enim charitatis ardentis sit, maxime desiderare aliorum salutem, ob quam etiam dicit Dominus, sicut dixit Isaias. Ecce ego Domine, mitte me: & Angeli possint nos iuuare pro eo quod vident nos suo auxilio indigere, & malos angelos indesinenter nos impugnare: ideo quod ad nos mittantur, lex exigit charitatis angelicæ. Competit etiam hoc charitati humanæ quæ quoniam paruula est, quandiu sumus in via, indiget foueri, & nutriri, & excitari. Et quoniam Angeli sunt concines hominibus, cum non sint eis iuncti per similitudinem naturæ quæ excitat ad amorem, oportuit iungi per obsequium beneficentiæ: unde rationes ad hoc inductæ concedendæ sunt.

1. AD illud quod obiicitur in contrarium, quod Deus nobis præsens est, dicendum est, quod quamvis Deus sit præsens, tamen propter cæcitatem, & caliginem intellectus nostri in qua sumus, ipsum cognoscimus, ut absentem. Et quia illi spiritus propter claritatem luminis, & beatitudinis perfectionem semper vident Deum facie ad faciem, & tunc ei præsentem, quemadmodum illi qui sunt in camera regis, indicat his, qui sunt exterius, regis voluntatem: & ad hoc mittuntur à suo Domino: sic intelligendum est in proposito. Nec valet: Dominus per se potest facere: ergo non debet ad hoc nuntium mittere. Multa enim potest ille, qui præest per se facere, quæ tamen coniungit seruo, vel nuntio ut saluetur in ministerio & actionibus decens, & congruus ordo.

2. AD illud quod obiicitur, quod Filius, & Spiritus sanctus sufficienter procurant salutem nostram, dicendum quod etsi sufficienter procurent quantum est ex se, non tamen excludunt nostri arbitrij libertatem. Adiutores enim Dei sumus, sicut dicit Apostolus, & quia nostrum arbitrium pigrum est, & non bene gratiæ cooperatur: ideo indiget excitatore. Ad hoc autem nullus est magis idoneus quam sit Angelus: & ideo cōueniens est ut ad nos mittatur, non propter indigentiam procurationis salutis nostræ ex parte Filij, vel Spiritus sancti; sed propter negligentiā cooperationis ex parte nostri.

3. 4. 5. AD illud quod obiicitur, quod si conuertitur ad nos, non ergo ad Deum, dicendum quod illud argumentum peccat dupliciter: primo quidem, quia non mouetur erga nos nisi propter Deum: unde motus eius non quiescit in nobis, sed nos semper refert ad Deum: & ideo motus iste non aufert motum in Deum, sed potius dispo-

nit

Fundamēta
Lucæ 1. c.

Psalm. 103. a

Ad opposi-
tum.

Isaiæ 6. c.

1. Cor. 3. b

nit ad illum. Alia etiam ratio est: quia quamvis una substantia, vnica potentia, simul & semel non possit se conuertere ad diuersa per naturam, potest tamen per dispositionem diuinam, siue per gratiam perfectam, cuiusmodi est gloria: unde Angelus simul & semel, & de nobis cogitat, & de Deo Sic etiam erit in beatis. Et per hoc patent duo sequentia, scilicet de amissione feruoris charitatis, & remissione actionis virtutis agentis: hoc enim verum est, vbi vna conuersio impedit alteram, quod quidem non est in proposito. Et istud satis clarum est intelligere ei, qui potest hoc capere, quo modo anima beatificata simul & semel intelligit multa.

6. Ad illud quod obiicitur de loco, dicendum quod sicut in præcedentibus habitum est, locus non debetur Angelo propter eius necessitatem, vel indigentiam: sed solum propter quandam congruentiam. Hæc autem congruentia recompensari potest per maiorem: & tunc nullam ponit imperfectionem, vel indecentiam per sui ipsius absentiam: & sic est in proposito. Plus enim delectatur Angelus implere voluntatem Domini sui, & adiuuando hominem placere Deo, quam delectetur esse in empyreo.

QVÆSTIO II.

An omnium Angelorum sit mitti.

Alexander Alensis 2. p. q. 36. Membr. 2.
S. Thom. 1. p. q. 112. art. 2.
Et 2. Sent. d. 10. q. 1. art. 2.
Scotus 2. Sent. dist. 10. q. unica.
Ægid. Rom. 2. Sent. dist. 10. q. 2. art. 1. dub. 1.
Richardus 2. Sent. dist. 10. q. 2.
Durandus 2. Sent. dist. 10. q. 1.
Thom. Arz. 2. Sent. dist. 10. q. 1. art. 1.
Marfilus Inguen. 2. Sent. q. 7. art. 3.
Stephanus Brulef 2. Sent. dist. 10. q. 2.
Gabr Biel. 2. Sent. dist. 10. q. 1.

VTRUM omnium Angelorum sit mitti. Et videtur, quod non: Millia millium ministrabant ei, &c. ergo ibi sit distinctio inter ministrantes, & assistentes: ergo non omnium est ministrare: ergo nec mitti.

ITEM Dionysius in libro de Angelica Hierarchia ait: Superna illa agmina ab intimis nunquam recedunt, quia ea quæ præminent, vltim exterioris officij nunquam habent.

ITEM ratione videtur. Plus distat actus ministrandi ab actu contemplandi, quam ministerium à ministerio: & hoc patet, quia penes primam differentiam sit distinctio Hierarchiarum, penes secundam sit distinctio ordinum: si ergo secundum diuersos ordines, distincta sunt ministeria, vt vnus ordo ministerium alterius ordinis non assumat, videtur quod aliqui ordines Angelorum ita contemplationi assistant, quod ad ministeria complenda non mittantur, nec exeant.

ITEM maius est ordinatio in Hierarchia angelica, quam sit in Ecclesiastica: sed in Ecclesiastica ita sunt aliqui intenti contemplationi, quod non actioni: ergo multo fortius videtur in Hierusalem superna: ergo non omnium Angelorum est mitti.

1. Ad oppositum arguitur sic: Primo auctoritate Omnes sunt administratorij spiritus missi propter eos, qui hereditatem capiunt salutis.

2. ITEM Volauit ad me vnus de Seraphim: ergo aliquis de ordine Seraphim missus fuit ad Isaiam prophetam: sed constat quod ordo Seraphim est ordo supremus: ergo si ille mittitur, videtur quod omnes alij mittantur.

3. ITEM ratione videtur: Tantum Deus dilexit salutem nostram, vt mitteret Filium, & Spiritum sanctum: sed non fecit nisi quod decebat: ergo si missio ad nos non derogauit filio, videtur quod non derogat alicui Angelo: ergo videtur omnibus competere.

4. ITEM de hominibus assumuntur ad omnes ordines Angelorum: ergo si quilibet Angelus debet restorationem sui ordinis procurare, & Deus debet ad hoc

A mittere: videtur quod omnes Angeli aliquando ad nos mittantur.

5. ITEM charitas Angelorum eminens facit eos sollicitari circa salutem nostram, & per hoc ad nos venire diuina iussione: si ergo in supremis ordinibus est maxima charitas: videtur quod ipsi maxime salutem nostram procurent: ergo & eos maxime debet Deus ad nos mittere.

6. ITEM promptior est charitas ad adiuuandum, quam sit nequitia ad nocendum: ergo si ab Angelis, qui ceciderunt de omnibus ordinibus impugnantur: multo fortius videtur quod ab Angelis persistentibus de singulis ordinibus adiunemur: ergo si ad hoc mittuntur vt nos iuuent, patet, &c.

CONCLUSIO.

Exteriori missione inferiores tantum Angeli ad nos mittuntur, licet interiori missione propter nos superiores ad inferiores quoque mittantur.

RESP. ad Arg. Ad hoc dicendum quod sicut dicit Magister in litera, diuersæ sunt opiniones propter diuersas auctoritates, quæ videntur in hac materia sibi contrariæ. Vnde quidam adherentes quibusdam, & intelligentes eas ad literam: alij vero exponentes formauerunt sibi opiniones varias. Quidam enim dixerunt, quod soli Angeli vltimæ Hierarchiæ ad nos mittuntur, & dicunt hoc sensisse Dionysium, nec esse hoc contra Apostolum: quia illa distributio quam facit Apostolus, intelligenda est, esse accommodata, cum dicit: Omnes sunt administratores, &c. intelligitur de illis, qui sunt de vltima Hierarchia: sed quia ista expositio sensui, & intentioni Apostoli non concordat, vult enim hoc probare, quod Christus melior est omnibus Angelis: non tantum inferioribus, sed superioribus: Ideo est opinio secunda quod omnium Angelorum est mitti: quæ innititur illi auctoritati Apostoli. Et hæc opinio dicit verbum Apostoli non esse contrarium verbo Dionysij, quia dicit superiora agmina non mitti, aut quia non ita frequenter mittuntur, aut quia non ex officio competit eis mitti, sicut Angelis inferioris Hierarchiæ. Sed quia expositio ista verbi Dionysij videtur esse valde extranea, cum ipse dicat quod vltim exterioris officij nunquam

D habent: sed pro indubitanti credendum est, esse verum in hac parte tam verbum Apostoli, quam verbum Dionysij. Ideo est tertius modus dicendi per distinctionem vtrumque verbum saluans, & ad concordiam reducens, & ex illis duobus expressam veritatem eliciens: distinguendum enim oportet in missione. Est enim missio exterior, quæ est ad nos. Et est missio interior, quæ est ad Angelos: sed propter nos. Si de missione exteriori loquamur, sic non competit omnibus Angelis, quia non competit superioribus agminibus, sicut dicit Dionysius, quia ea quæ præminent, vltim exterioris officij nunquam habent: in quo significat quod intelligit de missione exteriori, quæ est ad nos. Si autem intelligamus de missione interiori, quæ est ad Angelos propter nos, sic mitti competit omnibus: quoniam superiores mittuntur ad medios, & medij ad infimos, dum reuelando purgant, & illuminant ea quæ nobis expediunt, & hoc totum est propter nos: & ideo signanter dicit Apostolus: Missi propter eos: non inquit, missi ad eos.

1. CONCEDENDÆ sunt ergo rationes ostendentes, quod non omnium est ad nos mitti: & patet ex iam dictis responsio ad verbum Apostoli.

2. Ad illud quod obiicitur de Isaiâ, dicendum quod Angelus missus ad eum non dicitur esse vnus de Seraphim, quia esset de supremo ordine: sed quia mittebatur labia eius incendere: & hæc responsio sumitur à Dionysio in libro de Angelica Hierarchia.

3. Ad illud quod obiicitur, quod missio competit filio: ergo cuilibet ordini angelico, dicendum quod non valet. Missio enim aut est ad redimendum, & ad saluandum:

Opinio 1.

Improbatio.

Opinio 2.

Improbatio.

Opinio 3.

Hunc modum

dicendi sequitur Scotus.

hic, licet videatur dicere

quod aliqui ex superioribus etiam

ad extra mittantur.

dum: aut est ad ministrandum. Prima est tantæ dignitatis, quod nulli alij potest competere: nisi soli Deo. Secunda vero non est tantæ dignitatis, quod competat agmini supremo.

4. 5. 6. Ad illud quod obiicitur, quod Angelorum ordines omnes restaurabuntur per homines, dicendum tam ad hoc, quam ad duo sequentia, quod reuera omnes Angeli sunt nobis in adiutorium, & omnes nos iuvant vel mediate, vel immediate, siue in ministrandis relationibus, siue in perferendis, siue in offerendis nostris orationibus. Dum enim agmina suprema, quæ sunt nobis necessaria, inferioribus agminibus reuelant, dum simul cum illis pro nobis ad Deum interpellant, & petitiones nostras Deo exponunt, non ut Deum instruant, sed ut petitiones nostras igneis suis affectionibus Deo acceptas faciant, sicut aduocati decoris orationibus aliorum causam defendunt, & ornant, absque dubio magnum auxilium nobis præstant: & sic faciunt ad ordinem suorum reparationem, & nihilominus sequuntur charitatis sollicitudinem: & efficacius nos adiuuant, quam alij impugnent.

ARTICVLVS II.

CONSEQUENTER quæritur de secundo articulo, scilicet ad quid mittuntur. Et est prima quæstio, utrum mittantur ad accendendum affectum. Secunda, utrum mittantur ad illuminandum intellectum.

QVÆSTIO I.

An Angeli mittantur ad inflammandum affectum.

Steph. Brulef. 2. Sent. dist. 10. q. 3.

Ad oppositum.

QVOD mittantur ad inflammandum affectum nostrum, videtur. Angelus qui missus est ad Isaiam sicut dicit Dionysius, dicitur esse vnus de Seraphim, quia missus ad incendendum, & inflammandum: sed inflammatio respicit affectum: ergo, &c.

Dionys. c. 3. in medio de Angel. Hierar.

2. ITEM actus Hierarchiarum, sicut vult Dionys. de angelica Hierarchia, sunt illuminare, purgare, perficere, ergo si purgatio respicit remotionem sordium, & sordidatio respicit affectum quantum ad concupiscentiæ vitium: videtur è contrario, quod Angelus mittatur ad inflammandum affectum per amorem sanctum, & mundum.

3. ITEM hoc videtur ratione: Bonum secundum quod bonum, est diffusivum sui: sed Angelus beatus est perfecte bonus: ergo potest bonitatem suam diffundere. Sed bonum, ut bonum respicit affectum: ergo videtur quod cum affectus noster secundum susceptionem bonitatis habeat perfici, & inflammari, quod ad hoc possit, & debeat Angelus mitti, ut nostrum affectum inflammet, & perficiat.

4. ITEM nos videmus in naturalibus, quod illud quod est inflammatum, dum alteri rei inflammabili approximat, ipsam inflammat: ergo si affectus angelicus est igne diuini amoris inflammatus, & repletus, & in sua missione nobis approximat; ergo affectus nostros inflammat.

Fundamēta.

Ad oppositum arguitur ita: Secundum affectum nostrum potissime consistit libertas arbitrij: sed nihil nisi solus Deus potest super liberum arbitrium, cum sit sub Deo potentissimum: ergo nulla creatura quantumcunque nobilis & perfecta, potest inflammare, vel perficere affectum nostrum.

ITEM secundum affectum nostrum maxime consistit iustitia, & æquitas; iustitia enim est rectitudo voluntatis propter se seruata, ut dicit Anselmus: sed solius summæ iustitiæ est voluntatem nostram rectificare: ergo ipsius solius est affectum inflammare.

ITEM secundum rectam inflammationem affectus consistit charitas: ergo si charitas vel est Spiritus sanctus vel immediate à Spiritu sancto, inflammatio affectus nostri, ut videtur, ab aliquo alio non potest esse.

ITEM secundum affectum nostrum maxime consi-

stet animæ nostræ deformitas: si ergo solius Dei est deformæ efficere, solius Dei est affectum nostrum inflammare: ergo illud non spectat ad ministerium Angeli.

CONCLUSIO.

Angeli boni mittuntur ad affectum nostrum inflammandum non tanquam causa agentes, sed tantum excitantes, atque adiuuantes.

RESP. ad Arg. Ad prædictorum intelligentiam est notandum, quod affectum nostrum inflammari ab aliquo dupliciter potest intelligi. Aut ita quod inflammetur ab aliquo sicut à principali agente, & efficiente: aut sicut ab excitante, & adiuvante. Et secundum istum duplicem modum intelligendi dupliciter intellexerunt aliqui affectum nostrum ab Angelis inflammari, & perfici: sed primus intellectus est hæreticus, secundus Catholicus. Primum vero intellectum habuerunt aliqui Philosophorum. Posuerunt enim quod anima esset instrumentum intelligentiæ, & quod intelligentia influeret super animam, sicut influit agens super instrumentum: unde dixerunt quod anima triplicem habet operationem: animalem, intellectualem, & diuinam. Animalem ex seipsa, intellectualem ex influentia angelica, & diuinam ex influentia diuina. Sed ista positio est contra veritatem Catholicam, & piam. Qui enim hoc posuerunt, non intellexerunt libertatem arbitrij, nec animæ dignitatem, nec beatitudinis sublimitatem: qui si intellexissent, sicut beatus Augustinus egregius doctor, qui posuit animam immediate à Deo compleri, & moueri, & beatificari, dixissent, ut beatus Augustinus. Unde beatus August. vbiunque de mente loquitur, istum errorem extirpat: ostendens quod ita immediate anima secundum mentem unitur Deo, sicut & mens angelica. Si autem intelligatur secundo modo, sic habet veritatem: & hoc modo intellexit beatus Dionysius in libro de Hierarchia, & per hunc etiam modum ab Angelo dicitur Propheta fuisse incensus. Et per hoc patet responsio ad duo prima obiecta.

Opinio hæretica.

Improbatio.

Opinio Catholica. 4. de Trin. cap. 8. 10. 3.

Dionys. de Hierar. angel. c. 13. in fine.

1. 2. 3. Ad illud vero quod obiicitur, quod bonum est diffusivum sui, dicendum quod diffusio dupliciter potest esse à bono. Aut per modum multiplicationis: sicut calor, vel lumen dicitur se diffundere. Aut per modum utilis operationis: per quem modum dicitur bonus homo bonitatem suam diffundere, dum ad hoc operatur, & laborat, ut alij bonitatem non ab ipso, sed à Deo suscipiant: & per hunc modum intelligenda est diffusio in bonitate, vel charitate angelica.

4. Ad illud quod obiicitur, quod inflammatum iunctum inflammabili inflammat, dicendum quod verum est quando illa inflammatio est per reductionem alicuius de materia: ibi enim quod est in actu, potest educere aliquid quod est in potentia. Quando vero aliquid habet inflammari per caloris infusionem, non habet veritatem: quia hoc modo non inflammatur aliquid nisi per coniunctionem sui cum principio caloris, quod calorem natum est infundere: & per hunc modum est inflammari in spiritualibus, vbi flamma est amor diuinus non ex ipsa anima productus, sed potius à Deo infusus; & ideo hunc calorem non potest in nobis angelicus spiritus efficere, quanquam aliquo modo ad eius susceptionem possit nos excitare.

QVÆSTIO II.

An Angeli mittantur ad illuminandum nostrum intellectum.

*Franciscus de Mayr. 2. Sent. dist. 7. q. 3.
Steph. Brulef. 2. Sent. dist. 10. q. 4.
Ioan. de Bassolis, 2. Sent. dist. 9. q. 1.
Gabriel Biel 2. Sent. dist. 9. q. 1.*

UTRUM Angelus mittatur ad illuminandum nostrum intellectum. Et quod sic, videtur. Quia ita dicitur.

Dionysius

Ad oppositum.

Dionysius in libro de Angelica Hierarchia. Ordinatio congruæ dilucidationis claritatem primo apparentem, & in copiosis effusionibus excellentissimas manifestat essentias: & per eas, quæ possunt, essentia diuinum participant radium. Ex hac litera manifeste colligitur, quod Deus nos illuminat mediantibus Angelis.

2. ITEM in libro de motu cordis ita diffinitur anima: Anima est substantia incorporea, intellectualis, earum illuminationum, quæ sunt à primo vltima reuelatione perceptiua: ergo inter reuelationem animæ, & Deum, cum percipit illuminationem, cadit ibi alia reuelatio media: sed hæc non est nisi reuelatio substantiæ Angelicæ ergo videtur quod anima illuminetur à Deo, mediante Angelo.

3. ITEM Angeli sunt lumina spiritalia: sed quia intellectus noster agens lumen est, dum se convertit super phantasmata, abstrahit, & deputat, & hoc modo illuminat: ergo si Angelicus intellectus multo magis in actu est, quam noster: ergo multo magis intellectum nostrum possibilem illuminare potest.

4. ITEM plarium est quod Angeli multa nobis reuelant spiritalia, quæ non sunt nata cadere, & recipi nec in sensu, nec in imaginatione: ergo videtur quod immediate possint intellectui nostro similitudines imprimere: sed talis impressio non potest esse sine illuminatione: ergo, &c.

5. ITEM Angelus dicitur purgare, illuminare, & perficere: ergo si hoc solum conueniret ei per modum excitationis, cum similiter vnus homo excitet alterum, videtur quod homo diceretur purgare, illuminare, & perficere: quod si homo non dicitur esse purgator nec illuminator sicut Angelus, videtur quod Angelus possit animam à superiori illuminare.

6. ITEM multo plus potest Angelus beatus, quam diabolus: sed dæmon potest in nobis varias cogitationes excitare, & ab inferiori suggerere: ergo videtur quod Angelus illuminatus per gloriam, cum sit anima nostra superior, & luminosior, ipsam possit à superiori illuminare.

Ad oppositum: Augustinus lib. 8. 3. q. Mentem dicimus, quæ ita ad imaginem Dei facta est, vt immediate à prima veritate formetur: & in pluribus locis dicit, quod inter mentem, & Deum nihil cadit medium: ergo cum intelligentia nostra attenditur secundum animæ supremum, videtur quod non possit illuminari ab Angelo.

ITEM supet illud Psalmi: Manus tuæ Domine fecerunt me, &c. dicit Glossa: Deus per semetipsum irradiat piās mentes: ergo non videtur, quod per Angelicum ministerium.

ITEM facilius est producere formas corporales, quam sit dare illuminationes spirituales: sed Angelus formam naturalem non potest producere tanquam principale agens, sed solum exterius disponere: ergo multo fortius nec illuminationem spirituales dare.

ITEM si Angelus illuminat animam, aut illuminat immittendo ei lumen proprium, aut dando nouum. Si immittendo lumen proprium, cum lumen suum non sit extra ipsum: ergo Angelus illabitur animæ: quod est solius Dei proprium. Si dando nouum: aut producendo ex aliquo, aut de nihilo. Si ex aliquo: quæro ex quo: quod cum non sit dare, sequitur quod Angelus producat ex nihilo: & ita quod sit Creator.

ITEM si Angelus illuminat animam, aut per medium, aut sine medio: Si per medium, quæro quid sit illud medium deferens spirituales illuminationem: & cum deferens spirituales illuminationem non possit esse nisi spiritus: inter animam illuminatam, & Angelum illuminantem est ponere medium spiritum. Et iterum quæritur de illo sicut de primo: ergo vel erit abire in infinitum, vel non est ponere medium. Et si immediate illuminat ipsam animam: ergo videtur quod sit in ipsa anima, & ita illabitur animæ.

ITEM ita immediate nata est ferri in Deum intelli-

gentia, vt voluntas: ergo si Angelus non potest voluntatem rectificare, non poterit illuminare intelligentiam.

IVXA hoc quæritur penes quid accipiantur isti tres actus, videlicet illuminare, purgare, & perficere.

CONCLUSIO.

Angelus bonus mittitur ad inferiorem animæ portionem illuminandam non irradiando, vel deferendo: sed tantum exprimendo, & suggerendo.

RESP. Ad Arg. Ad hanc dicendum quod animam quod ad superiorem portionem rationis illuminare, solius Dei est proprium, sicut in pluribus locis ostendit Augustinus: quamvis aliqui non intelligentes totius veritatis principium, posuerunt aliud: videlicet intellectum nostrum non peruenire ad lumen primum: sed perfici, & illuminari à primo lumine per lumen intelligentiæ mediū. Sed hoc est simpliciter tanquam erroneum respondendum, cum in multis locis B. August. ostendat contrariū, & etiam sacra Scriptura hoc dicat: sicut Ioannes dicit: Erat lux vera, quæ illuminat, &c. Quæ quidem non est lux creaturæ, sed lux diuinæ sapientiæ, & veritatis æternæ. In qua hæc animaduertenda sunt, quod est quod intelligit, & quod cætera intelligere facit, sicut videmus in isto sole materiali respectu sensibiliū. Et huius potissimum signum est, vel fuit quod intellectus noster in aspectu summi luminis natus est beatificari, nec vnquam aliquo potest esse contentus, quovsq; ducatur ad illius clarū aspectum. Animam igitur quo ad supremā partem Angelus non potest illuminare: sed quantum ad inferiorem partem rationis posuerunt Catholici Tractatores animas nostras à beatis Angelis per eorū reuelationes illuminari: hoc autem tripliciter potest intelligi. Vno modo vt intelligatur Angelus inferiorem portionem illuminare per modū luminis irradiantis. Alio modo, vt intelligatur illuminare per modum speculi deferentis. Tertio modo, vt intelligatur illuminare per modum linguæ viuaciter exprimentis. Omnes hi modi, etsi aliquo modo sint intelligibiles, cum Angelus sit lumen & speculum, & habeat etiā spiritualis interpretationis siue locutionis officiū, sustineri possunt: tertius tamen modus intelligibilior est. Non enim multū bene apparet quo modo Angelus irradiet, nec quo modo se offerat aspectui animæ: sed hoc satis intelligibile est quo modo possit animæ, quod cōcept, suggerere. Et sicut doctor dū exterius loquitur incitat intellectū, & viam parat ad intelligendum, & viuā, & efficax locutio quadam sua viuacitate ad intellectum nostrum habet ingressum, dum sonat in aure corporis exterius, ratione cuius etiam libentius audit homo bonum clericum, cuius sermo est efficax, & viuus, cum habeat aliquid latentis energię viuæ vocis actus, vt dicit Hieronymus, sic & suo modo intelligendum est, quod Angelus hoc possit facere interius, & sic illuminare non lumen infundendo, nec solum offerendo sicut obiectum vel speculum, sed etiam viuaciter excitando, sicut doctor exterior, & adhuc efficaciori modo.

His visis patet responsio pro magna parte ad obiecta ad vtramque partem. Nam rationes ostendentes, quod Angelus non potest intellectum nostrum illuminare: loquuntur de intellectu quantum ad superiorem portionem, scilicet mentem & de illuminatione, quæ quidem est per luminis infusionem, & hoc solius Dei proprium est, sicut prædictum est: vnde rationes illæ concedendæ sunt.

1. AD illud verò quod obiicitur de Dionysio iam patet responsio. Dico enim quod loquitur de illuminatione secundo modo, non primo.

2. AD illud quod obiicitur de illa diffinitione animæ, dicendum quod vltima, vel secunda reuelatione dicitur anima illuminationes à Deo percipere, non quia Angelus cadat medium inter Deum, & animam per modum influentis, sed quia perfectius, & nobilius illuminatur à

Errat And. cen. 6. natur. radium c. 6.

Improbatio.

Ioan. 1. 4

Etet. 20. 6. in c. 4. ad Gal. super illud: Velle mutare vocem meā, &c.

Deo Angelus, quam anima per naturam: & ideo dicitur ista illuminatio secunda, non ordine causalitatis, sed dignitatis.

3. Ad illud quod obiicitur, quod Angeli sunt lumina, dicendum quod verum est: sed non ideo dicuntur lumina, quia lumen suum diffundant exterius in alia, sed quia intra se nitent. Non enim est simile de corporali lumine, & spiritali. Lumen enim spirituale propter sui dignitatem à fonte luminis immediate procedit, cum non possit habere medium deferens. Lumen autem corporale per medium recipitur, & deferitur, & sic potest deferri, & recipi: sic etiam potest reddi, & sic illuminatum potest illuminare, sicut patet in Luna.

4. Ad illud quod obiicitur, quod multa nobis reuelat quæ nobis per sensum non exprimunt, dicendum quod illud non concludit, quod immediate influant in intellectum, hoc enim potest fieri si immediate intellectui suggerant. Nec adhuc illud oportet, sed etiam potest fieri mediante virtute phantastica. Sicut enim videmus quod ego non possum tibi aliquid ostendere nisi mediante virtute sensibus, & viribus inferioribus, quia intellectus tuus non est natus à superiori aliquid recipere, nisi à Deo influente: tamen nihil est in me adeo spirituale, quin mediante verbo sensibili possim illud intelligere: tua depromere, & ita tecum loqui de spiritualibus sicut de corporalibus, multo fortius potest hoc Angelus facere in virtute interiori, quia eleuatus est quæ sensus exterior quadam spiritali locutione, & phantasmatum excitatione.

5. Ad illud quod obiicitur, si solum posset per modum excitantis, tunc non posset amplius quam homo, vel etiam malus Angelus, dicendum quod etsi non posset alia via nos instruere, & nobis loqui quam possit homo, vel Angelus malus, tamen ex hoc non videtur quod adæquatur in potentia, & virtute exprimendi, quia per eandem viam contingit & bene & melius docere, sicut patet. Per aures enim exteriores addiscimus à sapiente doctore, & fatuo: sed multo melius nos docet qui lumen sapientie habet, quam qui illo caret: sic in Angelo intelligendum est se habere. Et per hoc patet illa duo vltima, quia non est simile nec de homine, nec de dæmone, neuter enim potest instruere ita efficaciter, cum non habeant tantum lumen sapientie.

6. Ad illud quod vltimo quærebatur, quomodo fiat distinctio istorum actuum, dicendum quod vnus modus dicendi est, quod illi tres actus respiciunt intellectum, vt purgatio sit in initio, illuminatio in progressu, & perfectio in termino. Vel aliter, vt notentur ibi tria ad quæ ordinatur eruditio, vel doctrina Angelica. Primum est ad remotionem impedimentorum. Secundum est ad cognitionem verorum. Tertium est ad dilectionem beatorum. Ad hæc autem ordinatur per modum excitantis, sicut sermo bene prædicantis: & ideo non irrationabiliter bonus doctor, & prædicator dicitur illuminare, & purgare, & perficere suos auditores, sicut expresse B. Dionysius in libro de Angelica Hierarchia dat intelligere.

ARTICVLVS III.

CONSEQUENTER quæritur de tertio articulo sc. E qualiter iniunctum sibi officium exequantur: & cum hoc faciant discutiendo, & denuntiando, incideret hic quæstio de Angeli motu, & de locutione. Sed quia de motu est dictum in primo libro distinct. 37. nunc quærendum est de locutione Angelica: & supposito, quod competat Angelis loqui absque assumpto corpore, sicut dicunt plures auctoritates scripturæ locutione spiritali, quæ quidem est sine voce, circa modum loquendi duo quærentur. Primum est, vtrum locutio Angeli idem sit quod eius cognitio. Secundum est, vtrum eadem locutio possit esse à Deo, & Angelo.

QVÆSTIO I.

An Angelorum locutio, & cogitatio sint idem.

Alex. Alensis 2. p. q. 26. Memb. 1.
S. Thom. 1. p. q. 107. art. 5.
Securus 2. Sent. dist. 9. q. 2.
Egid. Rom. 2. Sent. d. 10. q. 3. art. 1.
Et de cognit. Ang. q. 11.
Steph. Brulef. 2. Sent. dist. 10. q. 5.
Gabriel Biel 2. Sent. dist. 9. q. 2.

CIRCA quam sic proceditur, & ostenditur quod spiritalis Angeli locutio non est idem quod eius cognitio, vel cogitatio. Primo per illud quod dicitur: Si linguis hominum loquar, &c. ibi Glos. Angeli præpositi significant minoribus, quod de Dei voluntate præsentant, quod sit aliquibus nutibus, aut signis: si ergo nutus cognitionis aliud est quam cognitio: ergo cognitio aliud est quam locutio.

ITEM differt in Angelo actus virtutis intellectus, & operatus: ergo pari ratione differt actus virtutis cognitius & interpretatus: si ergo cogitare est actus virtutis intellectus, & loqui actus virtutis interpretatus: ergo non sunt idem.

ITEM non est eadem conuersio, qua intellectus conuertitur ad se, & qua conuertitur ad alterum: si ergo cogitando conuertitur intellectus ad se, & loquendo conuertitur ad alterum: ergo cogitare, & loqui in Angelo non est idem, sed diuersum.

ITEM per locutionem est manifestatio cogitatus Angelici: si ergo idem esset loqui, & cogitare, quidquid cogitaret alteri manifestaret: ergo nihil quod est in vno Angelo, lateret quod esset in alio: ergo quidquid sciret Angelus superioris ordinis, sciret ille qui est inferioris ordinis: quod est plane falsum: ergo, &c.

1. CONTRA: Greg. in Moral. diffiniens vocem Angelorum dicit: Vox Angelorum in laude Conditoris est admiratio intimæ contemplationis: si ergo admiratio, siue contemplatio non est actus differens à cognitione: ergo nec locutio, siue vociferatio.

2. ITEM Damas. Non lingua, & auditu indigent Angeli: nam sine sermone voce prolato tradunt sibi suas intentiones: ergo videtur quod aut locutio Angelica nihil sit, aut si aliquid est, non est aliud quam cogitare.

3. ITEM locutio non est aliud quam conceptus manifestatio: Angelus autem in quantum est substantia cognitiua, habet naturam luminis, & speculi: sed lux corporalis per hoc quod lucet, se manifestat, & speculum per hoc quod speciem recipit & retinet, speciem representat: ergo videtur, quod Angelus hoc ipso quod intelligit, cogitationes suas declarat: ergo cum cognitionis declaratio sit locutio, idem est in eo cogitatio, & locutio.

4. ITEM loqui non est aliud quam dicere, & dicere non est aliud quam verbum gignere, siue formare: sed cogitatio nihil aliud est quam verbi formatio, vel verbi conceptio, sicut vult Anselmus, & Aug. ergo cogitatio nihil aliud est quam interior locutio: sed locutio quæ conuenit Angelo secundum se, est tantum interior: ergo idem est, quod cogitatio.

5. ITEM si locutio differt à cogitatione cum præsupponat eam, quæro quid addit supra ipsam. Si tu dicas mihi quod addit manifestationem, quæ fit per quandam speciei oblationem, & transfusionem in alterum quasi in audientem, tunc videtur, cum Angelus superioris ordinis nihil recipiat ab Angelo inferioris, quod Angelus inferioris ordinis non possit loqui alicui Angelo superioris ordinis, quod plane falsum est. Si enim potest Angelus loqui Deo, multo magis potest loqui alteri Angelo.

6. ITEM locutio quæ differt à cogitatione, addit aliud quod signum exprimens: si ergo Angelus vult speciem intelligibilem quæ habet in se alteri Angelo manifestare loquendo, & in ipso differt locutio, & cogitatio, oportet ergo quod differat species qua intelligit, aut signum

Fundameta.

1. Cor. 13. 8

Ad oppositum.
Lib. 2. c. 4.Damas. lib.
2. c. 3. de fide
orthodoxa.Anselmus in
Monolog.
cap. 9.

quo

Sec. dist. 9.
3. unica
multum la-
borat ad in-
uestigandum
quid possit
Angelus cir-
ca virtutem
phantasticam
sine cuius
informatio-
ne, non vide-
tur Angelum
illuminare,
vt etiam te-
net S. Bon.

Cap. 7.

quo exprimit: tunc quæro de illo signo aut est species, aut res. Si species: ergo pari ratione indiget alio signo, & similiter quæreretur de illo alio tertio, nec erit ibi status sicut nec in primo. Si autem est res: aut intelligibilis, aut sensibilis. Sensibilis non, quia quidquid est in Angelo est spirituale. Si intelligibilis: quæro quare magis illam apprehendit Angelus cui fit sermo, quam ipsam speciem quæ est in intellectu Angelico, & iterum illa res quæ est in vno Angelo non potest fieri in veritate in alio Angelo: ergo oportet quod fiat secundum similitudinem, & tunc pari ratione species existens in intellectu vnius Angeli potest generare sui similem in alio: aut si non, quæratur quare non.

7. **ITEM** quomodo potest illud intelligi, & quid est ibi medium deferens, & quæ est ibi lux abstrahens, & quæ est ibi vis vel virtus excitans, & imprimens: omnia enim hæc videntur esse necessaria si differt in Angelo locutio, & cogitatio.

CONCLUSIO.

Angelorum locutio non est idem quod cogitatio, quia locutio supra verbum addit respectum ad alterum, & effectum protendendi speciem intelligibilem ad alterum.

RESP. Ad arg. Ad prædictorum intelligentiam est notandum quod loqui dupliciter est. Vno modo loqui dicit actum in se, siue intrinsecum. Alio modo actum ad alterum, siue quodam modo extrinsecum. Primo modo loqui idem est quod verbum formare siue gignere. Secundo modo idem est quod verbum formatum depromere siue exprimere. Primo modo locutio siue in Deo, siue in homine, siue in Angelo, non est aliud quam cogitatio. Secundo modo plus dicit quam cogitationem, sed differenter in diuersis. In Deo enim loqui ad alterum, supra intellectum notat effectum, vel reuelationem. Non enim dicitur Deus nobis loqui solum, quia intelligit: sed etiam quia reuelando aliquid aliquam illustrationem in nobis efficit. Vnde Greg. in Moral. Dei locutio ad nos intrinsecus facta videtur potius quam auditur, quia dum semetipsum sine mora sermonis insinuat, repentina luce nostræ ignorantie tenebras illustrat. In homine vero non solum addit effectum in alterum: sed etiam actum, & signum medium: cum enim homo loquitur alteri non solum cogitat, sed cogitationem suam formando vocem sensibilem alij interpretatur, & explicat. Ratio autem quare locutio hominis non solum addit actum, sed etiam signum medium, hæc est: quia in anima alius est actus conuersionis supra se, & alius actus conuersionis ad alterum, & in cogitatione conuertitur anima supra illud quod habet in se, in locutione vero offert alteri, & ita oportet quod alius sit actus cogitare, & loqui: & ita addit actum locutio supra cogitationem in homine. Addit etiam signum, quia anima quādiu est cum corpore, non est nata suscipere nisi mediante vi sensitiua: vnde qui amittunt vnum sensum, necesse habent amittere vnam scienciam. Ideo ad hoc quod anima conceptum suum alteri exprimat, oportet quod ipsum voci sensibili per organa formatæ mediante via imaginaria coniungat: & sic similitudo intelligibilis, siue signatum intelligibile, per illud suum signum sensibile mediantibus virtutibus sensitiuis ad intellectum alterius animæ ascendat. Et hoc conueniens est, vt sicut homo compositus est ex anima, & corpore, ita eius locutio aliquid habeat spirituale, aliquid corporale. In spiritualibus autem substantiis medio modo est: nam locutio supra cogitationem addit effectum, siue respectum: sed non addit sensibile signum. Respectum quidem, & effectum addit propter hoc, quod cogitatio quantum est de sui natura, est secreta, & ideo nunquam fit manifesta nisi ipse cogitans aliquid tāquam audienti offerat: & aperiendo se, quasi quodam nutu mediante, quod in se habet ad intellectum alterius, quasi ad aurem perungere faciat. Necessarius est etiā actus nouus, quia non ea-

dem conuersione se supra se conuertit, & supra alterum, vel ad alterum: sed tamen non est necessarium sensibile signum, nec deferens medium, quia cum ipse intellectus Angelicus sine potentiis sensitiuis natus sit suscipere: Angelus loquens sine sensibili medio natus est similiter offerre, & ideo ad loquendum sufficit ipsi Angelo ipsa species intelligibilis, quæ ex virtute intellectiva ipsius Angeli per vim voluntatis potest ad alterum protendi. Et sicut illa species dum eam sibi, & in se contuebatur intellectus, erat verbum interius, sic dum eam protendit ad alterum, efficitur quasi nutus, & verbum exterius: & quia tam illa species, quam virtus protendens illam ad alterum, & ipsa protensio spiritualis est: ideo non indiget corporali medio deferente. Sed quia virtus illa finita est, necesse est ad hoc quod vnus Angelus intellectum alterius Angeli loquendo, hoc est illam speciem protendendo excitet, quod finita distantia adinuicem distent. Ex his igitur patet quod non tantum differat in Angelo locutio, & cogitatio, quantum differt in homine: differt tamen aliquo modo. Ideo rationes inductæ ad hanc partem concedendæ sunt.

1. **AD** illud quod obiicitur de Greg. Dicendum quod Greg. loquitur de locutione Angeli in comparatione ad Deum, apud quem loqui cogitare est, quia aurem eius nihil latet.

2. **AD** illud quod obiicitur de Damasc. dicendum quod quamvis locutio Angeli non differat a cogitatione propter hoc quod vltra cogitationem dicat vocem sensibilem, nihilominus tamen non est omnino indifferens, quia etsi non addat vltra cogitationem exterius signum, addit tamen vltiorem actum, atque respectum, ratione cuius concernit distantiam finitam, quamvis cogitatio, & intellectus ab omni distantia abstrahat.

3. **AD** illud quod obiicitur de manifestatione lucis, & speculi, dicendum quod non est simile, quia lucis, vel speculi manifestatio est naturalis. Vnde nec lux potest lucere, nec speculum suscipere, quin etiam se manifestent: sed non sic est de Angelica cogitatione, cuius manifestatio est voluntaria, sicut dicit Aug. super Gen. ad literam. Ipsi Angeli cogitationes suas ad nutum voluntatis, modo occultant, modo communicant quibusdam spiritualibus obstaculis positis, vel remotis, sicut sensibilibus videmus circa corpora.

4. **AD** illud quod obiicitur, quod nihil aliud est loqui quam dicere, dicendum quod sicut loqui est dupliciter, in se, & ad alterum, sic etiam & dicere: & quamvis dicere in se idem sit quod cogitare, vel cogitando intelligere, tamen dicere ad alterum vltiorem habet actum.

5. **AD** illud quod obiicitur, quod si locutio addit aliquid supra cogitationem, quod tunc non poterit Angelus inferioris ordinis loqui ad Angelum superioris, dicendum, quod verum est, si loqui adderet influentiam veram in alterum: sed actus locutionis superadditus actui cogitationis non dicit nisi quandam speciei protensionem ad alterum, quæ quidem protensio non est illius speciei impressiua: sed potius excitatiua intellectus audientis, vt propria virtute suscipiat, & in seipso faciat. Vnde locutio ex parte loquentis non ponit nisi excitationem actiuā, ex parte audientis non nisi excitationem passiuam. Ex hoc patet quid sit auditus Angeli, & quo modo differat audire & videre, nam tam audire, quam videre est in Angelo intelligere: sed tunc videt, cū ex proprio motu intelligit aliquid. Tūc audit, quādo per oblationem speciei intelligibilis ab alio intelligente excitatus ipsum quod profertur, intelligit, & sic competit Angelo non solum respectu superioris, sed etiam respectu paris vel inferioris, quia sic audit supremus Angelus ab infimo, sicut Magister audire potest à discipulo, non quia ab eo suscipiat doctrinam, siue illuminationem: sed quia melius cognoscit eius defectus per sui ipsius defectionem.

6. 7. **AD** illud quod obiicitur, quod si locutio differt à cogitatione, quod nutus differt à specie, dicendum quod illud non oportet quod differat res: sed sufficit quod dif-

Scot. d. 9. huius 9. 2. ibi: Ad questionem istā, &c. dicit Angelum loquentem formam conceptum in Angelo audientem.

Lib. 12. c. 22. in §. 10. 3.

ferat comparatione. Eadem enim species est, quæ consideratur in se, & quæ potest protendi ad alterum relatione differens, sed actus considerandi eam in se, qui quidē est cogitatio, & actus protendendi ad alterū, qui est locutio, actus est alius, & alius: nā his actibus intellectus Angelicus eadem similitudine diuersimode utitur: ita quod in vno illa similitudo, & intelligibilis species, dicitur tantum species, & verbum: in altero vero non tantum species, sed etiam nuntius. Verū tamen posset dici: quod sicut species quæ est in speculo dum protendit se ad oculū, non est omnino eadē, sed se multiplicat: sic etiam potest intelligi spirituali modo de specie, quæ est in intellectu Angelico. Si autē quæzatur de medio, dicendum quod nulla est quæstio; quia cū sit actio spiritualis & intellectualis, non indiget medio corporali. Si vero quæzatur de virtute per quam sit, siue de luce spirituali, dicendum quod concurret ibi lux intellectus Angelici offerentis, & lux etiam supernæ veritatis. Nam sicut in luce corporali ad immutandum visum videmus concurrere, & lucem incorporatam, & lucem insuper insuetem, & absolutam, utpote lucem solis: sic etiam & spirituali cognitione duplicem lucem concurrere intelligamus, secundum quod in pluribus locis innuit Augustinus.

QVÆSTIO II.

An eadem locutio possit esse à Deo, & ab Angelo.

Alexander Avenensis 2. p. q. 26. Membr. 2. art. 2. & Membr. 3.
S. Thom. 1. p. q. 107. art. 1.
Et de Verit. q. 9. art. 4 & 5.
Scotus 2. Sent. dist. 9. q. 2.
Egid. Rom. 2. Sent. dist. 10. q. 3. art. 1. dub. 5.
Greg. Arim. 2. Sent. dist. 9. q. 2.
Franciscus de Mayr. 2. Sent. dist. 9. q. 1.
Steph. Brulef. 2. Sent. dist. 10. q. 5.
Thom. Arg. 2. Sent. dist. 10. q. 1. art. 2.
Gabr. Biel. 2. Sent. dist. 9. q. 2.

Fundamēta.
Apoc. 1. a

VTRUM eadem locutio possit esse à Deo, & Angelo. Et quod sic, videtur per Io. in Apocal. Loquens per Angelum suum seruo suo Ioanni, &c. Sed quandoque aliquis artifex agit per instrumentum: eadem est actio agentis, & instrumenti, sicut cum quis incidit per securim, eadem est incisio: ergo eadem est locutio Dei, & Angeli.

ITEM cum loquitur Deus nobis per Prophetam, locutio illa dicitur esse Dei, & Spiritus sancti, & similiter locutio illa est ipsius Prophetæ: sed constat quod non est nisi vnica: ergo pari ratione cum Deus loquitur nobis per Angelos.

ITEM quando audita fuit vox illa: Hic est filius meus dilectus. Constat quod illa fuit locutio Dei, quia nullus poterat hoc vere dicere nisi Deus: sed illa locutio successionem habuit, & variationem: ergo fuit ab aliqua creatura spirituali ergo videretur quod vna & eadem locutio possit esse Dei, & Angeli.

ITEM videtur quod nulla locutio sensibilis possit esse Dei, quin etiam sit Angeli. Locutio enim sensibilis fit mediantibus organis: ergo sicut Deus per se non potest currere, quia cursus fit mediantibus organis corporalibus, quæ non habet Deus: ergo similiter nec per se ipsum sensibilibus loqui: ergo saltem locutio sensibilis Dei, sic est Dei quod Angeli.

1. CONTRA: Diuersarum substantiarum agentium diuersi sunt actus: sed Deus & Angelus omnino sunt diuersi agentes: ergo diuersas faciunt locutiones.

2. ITEM locutio Dei non est aliud quam verbum Dei, & verbum Angeli est omnino aliud, & aliud: ergo locutio Dei & Angeli est omnino alia, & alia.

3. ITEM nullus actus quiper se, & proprie conuenit Deo ut subiecto, si dicatur de creatura est idem prout dicitur de Deo, & de creatura, sic patet: aliud enim est intelligere hominis, aliud intelligere Dei: ergo pari ratione alia erit locutio Angeli.

4. ITEM cum Deus loquitur mentibus nostris, loqui-

tur anima quantum ad supremam partem: cum vero Angelus loquitur, suggerit ab inferiori: ergo non videtur quod eadem possit esse locutio Dei & Angeli.

IXTA hoc quæritur: Cum Angelus appareat & loquatur in persona Dei: vtrum similiter possit adorari in persona Dei. Quæritur etiam vtrum apparitiones omnes in subiecta creatura quibus Deus apparuit, & locutiones etiam factæ sint mediantibus Angelis.

CONCLUSIO.

Eadem saepe numero est Dei, & ipsius Angeli locutio, quamvis à Deo sit per modum imperantis, ab Angelo vero per modum ministerij, licet interdum Deus per semetipsum nobis loquatur aliquid mentibus nostris reuelando.

RESP. ad Arg. Dicendum quod sicut tripliciter dicimur videre Deum, scilicet visione corporali, imaginaria, & intellectuali. In visione intellectuali videtur Deus in seipso lucens. Visione autem imaginaria, & corporali videtur Deus in subiecta creatura apparens. Sic etiam tripliciter dicimur audire. Aut per aliquod signum exterioribus auribus oblatum: sicut pluries auditum fuit, & in veteri, & in nouo testamento. Aut per aliquod signū in interiori sensu, vel in interiori imaginatione formatum. Aut per aliquod inspirationis verbum nostris mentibus instillatum. Et sicut tripliciter audiunt: ita etiam dicitur tripliciter loqui secundum quod in nobis triplicem excitat auditum. Sicut enim sensum nostrum ad sui ipsius apprehensionem excitat, mediante signo sensibili, in quo apparet Angelus ex persona Dei, vel Deus apparet ex ministerio Angeli, mentem autem nostram per semetipsum informat, ut ipsum videat, & cognoscat: sic in locutione intelligendum est. Nam locutio illa qua Deus loquitur per signum sensibile, siue exterius, siue interius, aut semper, aut frequenter fit per Angelum, sicut dicit Greg. in Moral. Ait enim: Cum loquitur Deus nobis per Angelum, aliquando voluntatem suam rebus indicat, aliquando imaginibus oculis cordis ostendit, aliquando imaginibus ante corporeos oculos ex aëre assumptis, aliquando substantiis celestibus, aliquando terrenis, aliquando simul celestibus & terrenis: & de omnibus exemplificat. Locutio vero qua Deus inspirat aliquid cordibus nostris, etsi possit fieri per Angelum excitantem ab inferiori, sicut dicit Greg. quod nonnunquam Deus humanis cordibus ita per Angelum loquitur, ut ipse mentis obrutibus præsentetur: fit tamen principaliter ab ipso Deo. Primus igitur, & secundus modus loquendi, & Angeli est & Dei: sed Dei tanquam imperantis. Angeli vero tanquam exequentis: ita quod sermo exequentis referatur ad personam imperantis. Hoc autem potest esse dupliciter. Vel cum Angelus loquitur in persona Dei: sicut cum format illam vocem: Hic est filius meus dilectus: siue sicut locutus est ad Moysen: Vel cum loquitur ut nuntius Dei proferens illud verbum quasi à Deo, per quem etiam modum dicitur Dominus loqui per Prophetas.

Tertius vero modus loquendi est proprius ipsius Dei: & ita non potest eadem esse locutio Dei, & Angeli secundum illum modum. Ex his patet responsio ad quæstionem, & pro magna parte ad obiecta. Nam rationes quæ probant quod eadem locutio possit esse Dei & Angeli, procedunt secundum eum modum loquendi, secundum quod Deus loquitur per Angeli ministerium: & tunc eadem est locutio, sicut eadem est operatio & principaliter mouentis, & instrumenti, quamvis sit ibi diuersa relatio: & omnes illæ rationes hac via procedunt, ut patet: & ita concedendæ sunt.

1. AD illud vero quod obicitur in contrarium, quod diuersarum substantiarum agentium diuersi sunt actus, dicendum quod illud intelligitur de actu primo, & immediato respectu virtutis agentis. Si enim intelligatur

Ad oppositum.

Luc. 3. c
Matth. 4. d

Lib. 2. c. 1.

Ibidem.

Luc. 3. c
Exo. 33. b

de

de opere operato : sic non habet veritatem simpliciter, maxime quando plura agentia nata sunt concurrere ad vnum effectū: & sic est in proposito. Nam locutio Angeli sic est ab Angelo vt nō excludat, sed includat operationem Dei: actio tamen Dei quæ est idem quod ipse Deus, non potest esse eadem cum locutione Angeli: sed istius locutionis effectus, & Dei & Angeli esse potest.

2. Ad illud quod obiicitur, quod locutio Dei non est aliud quam verbum Dei, dicendum quod sicut prius dictum est, sicut loqui est interius, & exterius, ita est sermo interior, & exterior. Et sermo, siue verbum interius non potest esse idem cum sermone vel verbo Angeli: sed sermo exterior potest. Sermo enim interior Dei; siue verbum eius est ipse Deus, sermo vero exterior est illius verbi effectus.

3. Ad aliud dicendum quod loqui, prout Deus dicitur loqui per Angelum, non comparatur ad Deum sicut ad subiectum, sed sicut ad causam. Non enim dicitur illa locutio esse Dei; quia sit Dei dispositio, sed quia est ab eius imperio: ipse autem obicit de locutione interna, & increata, de qua nihil ad propositum.

4. Ad illud quod obiicitur, quod ex alia & alia parte loquitur Deus, & Angelus dicendum quod obiectio illa procedit de locutione secundum tertium modum.

Ad illud quod queritur, vtrum similiter competat ei adorari ex persona Dei, sicut competit ex persona Dei apparere, & loqui, dicendum quod sicut sermo quem format Angelus in subiecta creatura dupliciter potest referri ad Deum, aut mediate, aut immediate. Immediate, cum Angelus pronuntiat tanquā si Deus pronuntiaret. Mediate, quando Angelus pronuntiat vt nuntius Dei: sic intelligendum est in apparitione sensibili, quia forma illa aut principaliter ducit in Angelum qui est nuntius Dei, aut principaliter ducit in Deum: & primo modo potest adorari Dulia: & secundo modo potest adorari Latria, sicut adorauit Abraham.

5. Ad illud quod vltimo queritur: vtrum huiusmodi apparitiones, & locutiones sensibiles, fiant semper mediante ministerio Angeli. De hoc dubie respondet Aug. in lib. 3. de Trin. Magis tamen hanc partem innuit, quod omnes fiant mediante Angelico ministerio, siue fuerint in veteri testamento, siue in nouo. Sed Greg. expressius hoc affirmat, quod omnes fiant mediante rationali aliqua creatura. Ait enim sic in Moralibus. Per Angelum loquitur Dominus, cum supernæ reuelationis verba audiuntur: sicut dicitur in Ioan. Clarificauit, & iterum clarificabo. Neque enim Deus qui sine tempore, vi intimæ impulsione clamat, in parte vocem suam per substantiam edidit quam circumscriptam tempore per humana verba distinxit: sed de cœlestibus loquens, verba sua quæ audiri ab hominibus voluit, rationali administrante creatura formauit. De his autem apertius habitum est in primo libro distinct. 16. vbi habitum est de apparitione, siue visibili missione.

DISTINCT. XI.

Quod quæque anima habet Angelum bonum ad sui custodiam delegatum, & malum ad exercitium: & vtrum boni proficiant in merito, & in præmio vsque ad iudicium.

ILLUD quoque sciendum est, quod Angeli boni deputati sunt ad custodiam hominum, ita vt quisque electorum habeat Angelum ad sui protectum, atque custodiam specialiter delegatum. Vnde in Euangelio veritas à pusillorum scandalo prohibens ait: Angeli eorum semper vident faciem patris. Angelos dicit eorum esse, quibus ad custodiam deputati sunt. Super quem locum Hieron. tradit, vnamquamque animam ab exordio natiuitatis habere Angelum ad

A sui custodiam deputatum, inquiens ita. Magna dignitas animarum est, vt vnaquæq; habeat ab ortu natiuitatis in custodiam sui Angelum delegatum. Gregorius quoque dicit: quod quisque bonum Angelum sibi ad custodiam deputatum, & vnum malum ad exercitium habet. Cum enim omnes Angeli boni nostrum bonum velint, communiterque saluti omnium student: ille tamen, qui deputatus est alicui ad custodiam, eum specialiter hortatur ad bonum: sicut legitur de Angelo Tobia, & de Angelo Petri in actibus Apostolorum. Similiter & mali Angeli cum desiderant malum hominum: magis tamen hominem ad malum incitat, & ad nocendum fortius instat ille qui ad exercitium eius deputatus est.

B Vtrum singulis hominibus singuli Angeli, an pluribus deputatus sit vnus.

Solet autem quari: Vtrum singuli Angeli singulis hominibus, aut vnus pluribus ad custodiam, vel exercitium deputatus sit. Sed cum electi tot sint, quot & boni Angeli sunt, plures constat esse, omnes simul bonos & malos homines, quam boni Angeli sint. Et cum tot sint electi quot Angeli boni, & Angeli boni plures sint quam mali, pluresque sint homines mali, quam boni, non est ambigendum plures esse bonos homines quam sint mali Angeli, & plures esse malos homines quam sint mali Angeli, vel boni Angeli.

Confirmat vnum Angelum pluribus hominibus deputari, siue simul, siue temporibus diuersis.

Ideoque dici oportet vnum eundemque Angelum, bonum vel malum, pluribus hominibus deputari ad custodiam vel exercitium, siue eodem tempore, siue diuersis temporibus. Ideo autem dicimus eodem tempore diuersis temporibus, quia videtur quibusdam quod omnes homines qui sunt simul in aliquo tempore, singuli singulos Angelos habere possint, bonos vel malos: quia licet maior sit numerus hominum computatis in vnum omnibus qui fuerunt, & sunt, & futuri sunt, quam Angelorum: tamen quia homines decedentibus hominibus succedunt, & ideo nunquam simul sunt in hac vita: Angeli vero nunquam decedunt, sed simul omnes sunt: ideo esse potest vt singuli hominum dum in hac vita sunt, singulos habeant Angelos bonos vel malos ad sui custodiam vel exercitium destinatos. Ceterum siue ita sit siue non, non est dubitandum vnumquemque habere Angelum sibi deputatum, siue pluribus simul destinatus sit, siue vni singulariter. Nec est mirandum vnum Angelum pluribus hominibus ad custodiam deputari, cum vni homini plurium custodia deputetur, ita vt eorum quisque suum dicatur habere Dominum, vel Episcopum, vel Abbatem.

Vtrum Angeli proficiant in merito, vel in præmio vsque ad iudicium.

Præterea illud considerari oportet: Vtrum Angeli boni in præmio, vel in merito proficiant vsque ad iudicium. Quod in meritis proficiant, atque quotidie magis ac magis mereantur, quibusdam videtur, ex eo, quia quotidie hominū utilitatibus inseruiunt, eorumque profectibus student. Quibus etiā nihilominus videtur, quod & in præmio proficiant, sc. in cognitione, & dilectione Dei. Licet enim, vt aiunt, in confirmatione beatitudi-

nem acceperint aternam atque perfectam, augetur tamen quotidie eorum beatitudo, quia magis ac magis diligunt, atque cognoscunt, & est eorum charitas qua Deum & nos diligunt, & meritum & primum. Meritum, quia per eam, & obsequia ex ea nobis impensa merentur, & in beatitudine proficiunt: & ipsa eadem est primum, quia ea beati sunt.

Auctoritatibus confirmant quod dicunt.

Et quod Angeli proficiant in cognitione, per hoc in beatitudine, testimoniis sanctorum confirmant. Dicit enim Isaias ex persona Angelorum Christi ascendentis magnificientiam admirantium: Quis est iste qui venit de Edom, tinctis vestibus de Bosra? Et in Psalmo: Quis est iste rex gloria? Ex quibus apparet, quod mysterium Verbi incarnati plenius cognouerunt Angeli post impletionem, quam ante. Et sicut in cognitione huius mysterii profecerunt: ita dicunt eos in deitatis cognitione proficere: Quod autem in huiusmodi mysterii cognitione profecerint, euidenter docet Apostolus dicens: Que sit dispensatio sacramenti absconditi a seculis in Deo, ut innotescat multiformis sapientia Dei per Ecclesiam Principibus, & Potestatibus in celestibus. Super quem locum dicit Hieronymus: Angelicas dignitates prefatum mysterium ad purum non intellexisse, donec completa est passio Christi, & Apostolorum predicatio per gentes dilatata.

Quod in hac sententia videtur Augustinus aduersari Hieronymo.

His autem videtur contradicere August. super eundem locum Epistola dicens: Non latuit Angelos mysterium regni celorum, quod opportuno tempore reuelatum est pro salute nostra. Illis ergo a seculis innotuit supra memoratum mysterium: quia omnis creatura non ante secula, sed a seculis est. Attende lector, quia videntur dissentire in hac sententia illustres Doctores. Ideoque ut omnis repugnantia de medio tollatur prædicta verba, Haimonem sequentes ita determinemus, ut illis Angelis qui maioris dignitatis sunt, & per quorum ministerium illa nuntiata sunt ex parte cognita a seculis fuisse, utpote familiaribus & nuntiis. Illis vero qui minoris dignitatis sunt, incognita extitisse dicamus, usquequo impleta sunt & per Ecclesiam predicata: & tunc ab omnibus Angelis perfecte fuerunt cognita. Constat itaque omnes Angelos in cognitione diuinorum mysteriorum secundum processum temporis profecisse. Unde non incongruenter ipsi idem dicunt Angelorum scientiam ac beatitudinem augeri usque ad futuram consummationem, quando in scientia ac beatitudine ita perfectissimi erunt, ut nec augeatur amplius, nec minuat.

Aliorum opinio qui dicunt Angelos in quibusdam prædictorum non profecisse.

Alij autem dicunt Angelos in confirmatione tanta deitatis dilectione atque notitia fuisse præditos, ut in his ulterius non profecerint, nec profecturi sint. Profecerunt tamen in scientia rerum exteriorum, sicut in cognitione sacramenti incarnationis, & huiusmodi, sed non in contemplatione deitatis: quia Trinitatem in unitate, atque unitatem in Trinitate non plenius intelligunt sine intellecturi sunt, quam ab ipsa confirmatione perceperunt. Ita etiam dicunt eos in charitate non profecisse post confirmationem, quia eorum

charitas postea non est aucta: & sic dicunt eos non profecisse in meritis, sed hoc quantum ad vim merendi, non quantum ad numerum meritorum. Plura enim bona fecerunt postea, quæ tunc non fecerant: sed eorum charitas ex qua illa processerunt, non est aucta, ex qua tantum meruerunt antequam ista adderentur, quantum postea his adiectis. Illud vero quod alij superius dicunt, probabilius videtur, scilicet quod Angeli usque ad iudicium in scientia & aliis proficiant.

Quædam auctoritates videntur obuiare probabiliori sententia.

Quibus tamen videntur obuiare quorundam auctoritatum verba. Ait enim Isidorus de summo bono: Angeli in verbo Dei omnia sciunt antequam fiant: sed nec omnes, nec omnia perfecte Angelos scire dixit, & ideo eos in scientia proficere non remouit. Gregorius ait: Quid est quod ibi nesciant, ubi scientes omnia sciunt? Vbi videtur dicere quod omnia sciunt Angeli, & nihil sit quod nesciant. Sed accipiendum est hoc de his, quorum cognitio beatum facit cognitorem, ut sunt ea quæ ad mysterium Trinitatis & unitatis pertinent.

DISTINCT. XI.

De Angelorum Ministerio, & Missione per comparisonem ad hominem, cui ministrant.

Illud quoque sciendum est, quod Angeli boni, &c.

Expositio Textus.

VERA determinauit Magister de Angelorum ministerio quantum ad ipsos Angelos ministrantes. In hac parte determinat de Angelorum ministerio per comparisonem ad hominem cui ministrant. Et quoniam omne officium, siue ministerium laudabile & bonum debet habere præmium: ideo pars ista habet duas partes. In prima determinat qualiter Angeli hominibus ministrando eos custodiunt. In secunda querit, utrum Angeli ex ipso actu ministrandi in merito, vel in præmio proficiant: & incipit secunda pars, ibi: Præterea illud considerari oportet, &c. Prima pars habet duas. In prima ostendit quod boni Angeli deputantur ad custodiam, & mali ad exercitium hominum. In secunda querit, & determinat, utrum singuli deputentur ad custodiam singulorum, ibi: Solet autem queri utrum singuli. Similiter secunda pars principalis duas habet secundum duas opiniones. secundum quas dupliciter determinat quæstionem propositam. In prima parte ponit primam opinionem quæ incipit, ibi: Præterea illud considerari oportet, &c. In secunda secundam, ibi: Alij autem dicunt Angelos in confirmatione, &c. Subdiuisiones autem partium, & intellectus Magistri patent in litera. Nam totalis intentio distinctionis versatur circa duo, videlicet circa custodiam, & eius consequentia vel annexa.

Unamquamque animam ab ortu uirginis habere Angelum. Dub. I.

Videtur hoc verbum Hieronymi falsum, quia cum anima paruuli in ortu suæ natiuitatis non possit mereri nec demereri, nec sit capax disciplinæ, videtur quod frustra Angelus se occupet circa illam pro tempore: sicut si aliquis doctor vellet erudire paruulum vagientem. Quod si tu dicas: quod Angelus custodit non erudien-

Isa. 63. a
Psal. 3. b

Ephes. 4. b

To. 6. in Ex-
planatione
3. capit.
Ad Ephes.

Originali-
ter super
Gen. lib. 5.
cap. 19.
Super episto-
lam Pauli
ad Eph. 3.

Lib. 1. c. 12.
post modum.

Lib. 2. Mor.
cap. 2. et 3.

Diuisa.

do quantum ad spiritum, sed defendendo quantum ad corpus: tunc videtur quod cum in pari periculo sit puer non natus, & natus quantum ad corpus, quod debeat custodiri ante natiuitatis ortum.

RESPON. Dicendum quod Hieronymi auctoritas, quod ad custodiam hominis Angelus intelligatur deputari ab ortu natiuitatis, non solum intelligenda est de natiuitate ex vtero, sed etiam de natiuitate in vtero. Ex tunc enim non ante debet angelica custodia circa eum qui nasciturus est, deputari: quia illa custodia principaliter respicit spiritum, quam corpus: & ideo non debet specialem Angelum ad sui custodiam habere, antequam spiritus infundatur. Non debet etiam differre, quia ex tunc defendere potest & adiungere: magis tamen secundum tempora diuersa. Dum enim in vtero est paruulus, potest interiri & damnari. Dum est extra vterum, ante adultam ætatem potest à baptisinate impediri: dum est in adulta ætate ad diuersa peccata potest pertrahi. Contra: Hæc omnia in his tribus statibus debet angelica custodia sibi deputari, vt per eam ab his malis possit erui, & ab aduersario defendi: & hi effectus satis dicuntur plani, qui sunt per liberationem à malo. Vtrum autem paruulus, quandiu caret vsu rationis, aliquem occultum effectum habeat quantum ad habilitationem, & directionem in bonum, assignare est difficile: sed negare non est tutum.

Constat itaque omnes angelos in cognitionem diuinorum mysteriorum secundum processum temporis profecisse. Dub. II.

Hoc videtur esse contra Greg. qui dicit in dialogo: Quid est quod non videat, qui videntem omnia videt? Si ergo videtur quasi à principio temporis exemplar diuinum, videtur quod in nullius cognitione defecerunt, Si tu dicas quod intelligit de omnibus, quæ sunt de necessitate salutis, sicut dicit Magister in litera: obicitur contra hoc. Vnum solum est illud, quod est de essentia salutis: ergo non deberet dicere, ratione illius, quod omnia sciant, quasi beatitudo esset in multis. Præterea: Si illud exemplar diuinum est ratio omnium: & qui cognoscit rationem rei, cognoscit ipsam rem: videtur quod Angelus omnes res creatas cognoscat, dum illud vnum cognoscit. Et si profecerunt secundum processum temporis: ergo videtur quod eorum cognitio, subiaceat transmutationi temporali, & ita non viderentur esse beati.

RESP. Dicendum quod cognitio in Angelis quædam est à natura, quædam vero est à gratia. Cognitio vero quæ est à natura duplex est. Quædam enim dicitur esse à natura, quia naturaliter inserta: vt cognitio eorum quæ sunt de prima mundi constitutione: & quantum ad hanc, Angeli non proficiunt, nec deficiunt, quia quantum ad hanc habent vniuersales species omnium. Alio modo cognitio in natura dicitur cognitio quæ est per naturalem potentiam, siue sit innata, siue sit acquisita: & quantum ad hanc profecerunt Angeli secundum processum temporis per multiplicem experientiam, & conuersionem super his quæ de nouo fiunt: Similiter cognitio à gratia duplex est. Quædam à gratia fixa, quædam à gratia fluente. Sicut enim in membris corporalibus ponuntur quædam virtutes fluentes, quædam fixæ: siue vita quædam fluens, quædam fixa: sic intelligendum est & spiritualibus membris, siue spiritibus Angelicis. Quia gratia fixa dicitur esse gratia confirmationis. Cognitio producens ab hac gratia est visio æternæ lucis, in qua nec proficiunt Angeli: nec decrescunt: cognitio vero quæ est à gratia fluente, est cognitio reuelationis: quæ ideo vocatur fluens, quia non semper reuelat Deus mysteria, sed pro loco, & tempore: & secundum hæc intelligit Magister Angelos magis profecisse, non quia apertius viderint verbum: sed quia reuelatio aliqua facta est eis à verbo: Ad illud quod obicitur, quod non proficiunt, quia vident omnia, videndo verbum, dicendum quod illud dictum est non per proprie-

tatem, sed per æquivalentiam, & sufficientiam: quia cognitio solius verbi adeo sufficit Angelis, sicut si haberent cognitionem omnis rei, etiam in particulari. Ad illud quod obicitur, quod vident omnem rationem, dicendum quod speculum æternum est speculum voluntarium, & exemplar illud est voluntarie ductum: ideo quantumcunque quis in eo aspiciat: nihil in eo videt, nisi quantum vult reuelare. Ad illud vero quod obicitur de transmutatione temporis, dicendum quod etsi cognitio beatitudinis temporis non subiaceat, tamen cognitiones, & affectiones, & etiam cogitationes Angelorum circa res creatas nihil impedit variari per tempora. Dicit enim August. super Genesim ad literam, quod Deus spirituales creaturas mouet per tempora, non per loca. Et hæc de Angelis dicta sufficiant.

ARTICVLVS I.

AD intelligentiam huius partis circa duo incidit hæc dubitatio. Primo circa Angelorum custodiam. Secundo circa ei annexa. Quantum ad primum quærentur tria. Primo quæritur, vtrum Angeli deputari debuerint ad custodiam hominis lapsi. Secundo, vtrum si homo stetisset deputati fuissent ad custodiam hominis instituti. Tertio, vtrum aliquis Angelus deputatus sit ad custodiam Christi.

QVÆSTIO I.

C An Angeli debuerint deputari ad custodiam hominis.

*Alexander Avenis 2. p. q. 41. Membro .1. & 2.
S. Thom. 1. p. q. 113. art. 1.
Et 2. Sent. d. 11. q. 1. art. 1.
Secus 2. Sent. dist. 11. q. 1.
Egid. Rem. 2. Sent. dist. 11. q. 1. art. 2.
Alfisdorenfis 1. Sent. tract. 4. c. 4.
Steph. Brulef. 2. Sent. dist. 11. q. 1.
Gabr. Biel. 2. Sent. dist. 11. q. 1.*

Circa quam sic proceditur, & ostenditur, quod Angeli non debuerint deputari ad custodiam hominis. Et primo ostenditur ratione sumpta ex parte hominis sic. Cui nulla potest fieri violentia, nulla indiget custodia: sed liberum arbitrium humanum ad peccatum non potest violentari: ergo non indiget ab Angelo custodiri: frustra ergo sunt Angeli ad eius custodiam deputati sed Deus nihil frustra: ergo, &c.

2. **ITEM** quanto aliquis paucioribus auxiliis extrinsecis triumphat de aduersario, tanto gloriosior est victoria: ergo gloriosius esset homini vincere diabolum per seipsum, quam per angelicum suffragium: ergo carentia angelici præsidij auget gloriam. Igitur ab oppositis, custodia angelica minuit nostram gloriam: sed Deus nihil debet facere, quod sit nostræ gloriæ detrimentum: ergo, &c.

3. **ITEM** hoc ipsum ostenditur rationibus sumptis à parte Angeli: Maior est qui recumbit, quam qui ministrat: ergo si Angelus, qui custodit hominem, ei ministrat, homo viator est maior Angelo beato: quod si hoc falsum est: ergo Angelus non ministrat homini: igitur Angelus non custodit hominem, aut in custodia peruertitur ordo.

4. **ITEM** si Angelus custodit hominem, aut hoc habet à natura, aut à gratia. Si à natura: cum eadem sit natura in bonis, & in malis, videtur quod mali sint custodes hominum. Si à gratia: cum vna anima excedat aliam in gratia: videtur quod vna debeat ad custodiam alterius deputari.

5. **ITEM** hoc ostenditur à parte ipsius Dei: Deus enim custos perfectus est, secundum quod dicitur in Psalmo. Ecce non dormitabit, neque dormiet, &c. ergo si sufficiens est diuina custodia, videtur quod superfluat angelica: aut si angelica est necessaria, videtur diuina custodia esse diminuta.

*Aug. lib. 3.
c. 20. 22. 23.
tom. 3.*

Ad oppositum,

Luc. 22. 6

Ps. 120. 6

6. ITEM custodia est ad conseruandum in bonum: A sed non minus est conseruare in bono, quam liberare à malo: nam, Non minor est virtus quam quærere, parta tueri. Si ergo non decuit hominem liberari, nec erui de potestate diaboli nisi per Deum: videtur, quod non debeat custodiri per Angelum, aut honor diuinus transfertur in Angelum.

Fundamēta.
Ira. 6.2. b
Eccl. 17. b

SED contra: Super muros tuos Hierusalem, &c. Glos. Muri sunt Apostoli, custodes sunt Angeli.

ITEM: In vnamquamque gentem præposuit rectores Glos. id est Angelos.

Mat. 18. b

ITEM: Angeli eorum semper vident faciem patris mei. Glos. Non sunt contemnendi ad quorum custodiam mittuntur Angeli: Ex his auctoritatibus colligitur, quod Angeli deputati sunt ad custodiam hominum.

Eccl. 33. b

ITEM hoc ipsum ostenditur ratione. Ordo vniuersi hoc exigit: vt omne malum habeat bonum sibi oppositum, Quod confirmatur per illud quod dicitur in Ecclesiastico: Contra malum bonum: si ergo tētamur per Angelos malos, videtur, quod defēdi debeamus per bonos.

Dionys. de
hierar. an-
gel. 8. in fin.

ITEM lex diuinitatis hoc exigit: vt media reducantur per prima, & postrema per media ad suum primum principium: & hoc confirmatur per illud quod dicit Dionys. in libro de Hierar. angelic. Lex diuinitatis est in nullo negligere ordinem, sed per prima media, & per media postrema reducere: ergo si Angelus beatus superior est homine viatore, videtur quod homo mediante auxilio Angeli ab beatitudine debeat peruenire: auxilium autem illud maxime est in custodiendo: ergo, &c.

ITEM lex pietatis hoc exigit, vt sustentetur indigens à potente. Si ergo homo viator fragilis, & indigens sustentante, & custodiēte, & Angelus beatus fortis est, & potens: videtur quod homo committi debeat angelicæ custodiæ.

CONCLUSIO.

Dei potentiam, sapientiam, & misericordiam decebat, & homini lapsō in peccato plurimum conducebat, angelica custodia ipsum deputari.

RESP. Ad Arg. Dicendum quod conueniens est hominem lapsum deputari angelicæ custodiæ, & Angelum deputari ad custodiendum hominem: tum quia decet altitudinem diuinæ potentie, tum quia decet ordinem sapientie: tum quia etiam decet dulcedinem misericordie. Altitudinem namque decet diuinæ potentie duplici ex causa. Vna est, quia Deus non solummodo vult honorari in se: sed etiam in suis seruis. Vnde non sufficit altitudini diuinæ potentie, quod Angeli ministrent sibi: sed etiam ad ostensionem excellentis sue potentie hoc ab eis exigit: vt ministrent etiam creaturæ sue. Alia est ratio: quia cum Deus habeat diabolū, & eius demones aduersarios, magis decens est, quod ipse eos vincat per suos ministros, vt per hoc ostendatur potentia manus Dei, quia non solum potens est in se, sed etiam in seruis suis, & vt non indebite possit Dominus exercituum appellari. Ordinem vero sapientie similiter decet: Nam hic est ordo quem diuina lex in suis operibus exequitur, & conseruat, vt postrema per media deducat ad summa. Quoniam igitur Angelus tum ratione immortalitatis nature, tum etiam ratione gratie consummate medium tenet inter Deum, & hominem lapsum: decens fuit, vt Deus hominem adiuuaret, & custodiret per Angelum. Dulcedinem etiam decet diuinæ misericordie, quæ aperuit sinum homini lapsō, nec in aliquo ei defecit, quod spectat ad salutis sue promotionem. Et ideo cum homo lapsus esset venundatus, vt faceret malum, ei ministravit pretium sanguinis filij sui, per quem est redemptus, vt faciat bonum. Et quia habet aduersarium impugnantem, dedit ei ministrum custodiētem, vel custodem auxiliantem: vt sic ex nulla parte miseria remaneret humana sine diuinæ misericordie subsidio: & beneficio. Competebat igitur homini lapsō dari ex hac

triplici ratione angelicam custodiam. Sunt etiam alie rationes, quæ in obiciendo tactæ sunt. Rationes ergo ad hanc partem inductæ concedendæ sunt.

1. Ad illud quod primo obiicitur, quod homini non potest fieri violentia, dicendum quod etsi non possit fieri violentia quantum est ex parte liberi arbitrij, posset tamen fieri quantum ex parte sui. Et iterum. Quamvis Angelus non possit sufficienter liberum arbitrium violentare, tamen nisi haberet contrariam potestatem arcentem, adeo posset inducere, & circumuenire, quod valde pauci essent, quos non deiceret: & ideo per necessaria est custodia angelica, quæ comprimat potestatem diabolicam.

2. Ad illud quod obiicitur, quod carentia angelici præsidij auget gloriam, & triumphum, dicendum quod verum esset, si ita bene triumpharet homo absque Angelo, sicut cum adiutorio angelico. Nunc autem non est ita: si enim ei deesset angelicum subsidium, multo frequentius vinceretur, quam vinceret: & multo melius est cum angelico præsidio vincere, quam sine præsidio perdere. Et iterum. Præsidium Angeli non excludit liberum arbitrium, nec minuit de substantia meriti, vel præmij, vel de nobilitate triumphij quantum ad id quod est substantiale.

3. Ad illud quod obiicitur, quod non conuenit ex parte Angeli, quia maior est qui recumbit, quam qui ministrat, dicendum quod verum est, quando minister recumbenti ministrat propter seipsum: sicut seruus Regis ministrat Regi propter eius dignitatē, & imperium: sed non habet veritatem, quando aliquis ministrat alicui habendo respectum ad alium: sicut aliquando magnus miles deseruit non tantum Regi: sed etiam toti familie: nec aliquem abiicit, nec despicit, vt ei nō ministret propter vtilitatem persone: non enim considerat quis est, sed cuius seruus est: sic & in proposito intelligendum est se habere, Angelus enim homini non propter se ministrat, sed propter Deum cuius gerit imaginem. Vel aliter dici potest, quod verbum illud intelligitur de ministerio subiectionis, non præsentie: custodire autem hominem, etsi ministerium dicat, magis tamen importat Angelum præsidere homini, quam esse subiectum.

4. Ad illud quod quæritur: vtum habeat à gratia, vel à natura, dicendum quod ab utroque habet, Quia ei de natura sua fortior est homine, & potentior: & similiter in gratia est excellentior, & stabilior, adeo vt plus excedat hominem, quam excedit pædagogus paruulum: ideo conuenit Angelo & ex natura, & ex gratia, vt homo committatur eius custodiæ, & tutelæ.

5. Ad illud quod obiicitur ex parte Dei, quod Dominus est custos perfectus, dicendum quod perfectio diuinæ custodiæ non excludit vtilitatem angelicæ. Sicut enim Deus operatur in omnibus rebus, & tamen eius operatio operationes creaturarum non excludit, sed conseruat, & adiuuat, nec tamē eius operatio est imperfecta aut operatio creaturæ superflua: sic intelligendum est de custodia. Sicut enim Deus propter sue bonitatis manifestationem, & ordinis sapientie ostensionem creaturis communicauit posse operari, & in alias creaturas effectū suū imprimere, ipso tamen non deferente, sed cooperante, sic dedit Angelis posse hominem custodire, cum tamen à seruorum suorum custodia ipse nunquam desistat: quia tale posse competebat angelicæ nature, & gratie. Et vna istarum custodiarum alteri non præiudicat: immo diuina facit ad angelicæ custodiæ perfectionem: angelica vero ad perfectionis diuinæ custodiæ manifestationem.

6. Ad illud quod obiicitur, quod Deus per seipsum debuit redimere, ergo per seipsum debuit custodire, dicendum quod non est simile. Redimere enim æque magnum est sicut condere: & ideo sicut nullus debuit esse conditor nisi solus Deus, sic nullus alius debuit esse redemptor: custodire autem dicit aliquem effectum beneficentie, qui magis est exterius, quam interius, & ideo non est tantus. Nec valet illud quod obiicitur, quod non minor est virtus tueri bona, quam acquirere, dicen-

dum

dam enim quod tunc illud verum est, quando conseruatio & acquisitio est in potestate eiusdem virtutis.

QVÆSTIO II.

An stante homine, Angeli deputati fuissent ad custodiam hominis.

*Alexand. Alex. 2. p. q. 4. Membr. 4. art. 2.
Seph. Brulef. 2. Sent. dist. 11. q. 2.*

VTRUM si homo stetit, fuissent Angeli deputati ad hominis conditi custodiam. Et quod non, videtur. Angelus deputatur ad custodiam hominis propter supplendos eius defectus: sed in homine secundum statum naturæ institutæ nulli erant defectus: ergo ad eius custodiam non debebat deputari aliquis Angelus.

2. **I**TEM homo secundum statum naturæ institutæ non erat magis pronus ad malum, quam vnus Angelus in suis naturalibus constitutus: ergo si Angelus conditus nullius custodiæ est commissus nisi soli diuinæ, videtur similiter quod nec homo in statu innocentie constitutus.

3. **I**TEM custodia dicit quandam præsentiam in custodiendo respectu custoditi: sed anima humana solus Deus maior est nisi deprauetur per culpam: ergo si homo in statu innocentie nulla culpa erat deprauatus, non debuit ei per officium custodiæ præsidere aliquis Angelus.

4. **I**TEM si ad custodiam hominis instituti deputatur angelicus spiritus, ergo cum virtus hominis sit modo per peccatum multipliciter deiecta, videtur, quod vni homini non sufficiat vnus Angeli custodia: ergo si nunc vni homini lapsus sufficit vnus, videtur, quod tunc non indigebat custodia alicuius.

CONTRA: Super illud Angeli eorum, &c. Gloss. Hieronymi: Magna dignitas est animarum: vt vnaqueque ab ortu natiuitatis suæ habeat ad sui custodiam Angelum deputatum. Si ergo deputatio angelicæ custodiæ pertinet ad dignitatem animæ, cum anima secundum statum naturæ institutæ dignior esset, quam secundum statum naturæ lapsæ, videtur quod si nunc habeat Angelum ad sui custodiam deputatum, quod multo magis tunc.

ITEM pronior est Deus ad miserendum, quam ad condemnandum: ergo si homo in statu naturæ institutæ habuit angelum malum tentantem: ergo multo fortius misericordia diuina debuit sibi dare Angelum custodientem.

ITEM Angeli deputati sunt nobis custodes, vt per eorum operationem retrahamur à malo: sed homo in statu innocentie indigebat à malo retrahi, cum posset peccare: ergo debebat ab Angelo custodiri.

ITEM homo viator committitur angelicæ custodiæ, vt per sustentationem, & auxilium angelicum, & per subsidium operationis eius possit de bono in melius ascendere: sed homo in statu innocentie proficere poterat: ergo videtur quod ad ipsius custodiam Angelus deputari debebat.

CONCLUSIO.

Homini non modo in statu lapsa natura: sed instituta quoque conueniebat angelica custodia, licet in statu isto magis expediat, cum collustationem habeat non aduersus carnem, & sanguinem, sed aduersus mundi retores.

RESP. AD ARG. Dicendum, quod etsi Angelus deputatus ad custodiam hominis in multis profit ei, & subueniat: specialiter tamen ad hoc deputatur, vt ab inuisibili aduersario defendat. Quia enim homo non habet collustationem aduersus carnem, & sanguinem: sed aduersus mundi retores, & aduersus spiritualia nequitie in celestibus, qui sunt hostes inuisibiles, debet per

A oppositum habere inuisibiles adiutores ad sui ipsius defensionem. Et quia aduersarius vndique nos impugnat, nam rationem seducit per astutias, voluntatem allicit per blanditias, virtutes opprimit per violentiam: ideo bonus Angelus specialiter ad hoc nobis datur, vt hominem defendat ab oppressione contra violentiam: vt hominem erudiat, & dirigat contra fallaciam: vt hominem exhortetur, & inducat ad bonum contra blanditias. Quia igitur aduersarius noster diabolus etiam homine instituto erat fortior, & astutior, & in proposito malitiæ pertinacior: ideo competebar homini dari angelicam custodiam quæ comprimeret potestatem aduersariam, non solum secundum statum naturæ lapsæ, sed etiam institutæ, licet magis nunc, quam tunc indigeret: vnde concedendæ sunt rationes ad hoc inducæ.

1. **A**D illud vero quod obiicitur primo, quod Angelus datur homini ad custodiam propter supplendos defectus, dicendum quod illa non est tota causa, nisi large vocetur suppletio defectus siue quantum ad defectum, qui inest, siue etiam quantum ad defectum qui potest inesse, vt non inest: & licet in primo homine non esset defectus actualis, erat tamen in eo defectibilitas: & si ex se non haberet defectum, in defectum tamen præcipitari poterat per suum aduersarium.

2. **A**D illud quod obiicitur, quod Angelus non deputatur ad custodiam alterius Angeli, dicendum quod etsi Angelus possit alteri Angelo præsidere, tamen proprie non dicitur ipsum custodire: nam ille solus indiget custodia, qui potest impugnari, & per custodiam superare, vel absque custodia perdere: & ille solus debet custodire, qui non potest expugnari, nec perdere. Et hinc est, quod Angelus potest deputari ad custodiam hominis instituti, & non alterius Angeli: nam Angeli simul conditi sunt & simul etiam, qui beatificantur beatificati sunt: & simul etiam, qui peccauerunt irreuerabiliter lapsi sunt, & ideo Angelus non potest deputari ad custodiam alterius Angeli: quia bonus post confirmationem non indiget, malo autem post obstinationem non prodest: ante vero confirmationem & obstinationem non erat qui posset defendere, nec erat qui posset impugnare, cum omnes essent æqualiter vertibiles: in homine vero viatore secus est. Nam homo erat in statu vertibilitatis, & pugne, in quo poterat amittere, vel lucrari: Angelus in statu beatitudinis erat, à quo non poterat commoueri.

3. **A**D illud quod obiicitur quod menti humanæ, quæ non est per peccatum corrupta, solus Deus debet præfici, dicendum quod verum est de ea prælatione, quæ habet oppositam seruitutem: sic enim homo conditus soli Deo dicebatur esse subiectus: & solius Dei erat seruus, non alterius. De prælatione vero, quæ attenditur secundum excellentiam status, & secundum præsentiam respectu alicuius actus, non habet veritatem: sic enim Angelus præest Angelis, in quibus nunquam fuit peccatum.

4. **A**D illud quod obiicitur, quod etsi homo tunc habuerit Angelum ad custodiam deputatum, quod nec vnus homo debet habere multos, dicendum quod illud argumentum non cogit: quia effectus angelicæ custodiæ dupliciter potest crescere, vel propter multitudinem custodientium, vel propter maiorem succursum custodientis: & ideo licet homo lapsus maiori indigeat officio custodiæ, quam institutus: tamen quia idem Angelus secundum diuersas opportunitates potest magis, & magis succurrere, & indigentias releuare, ideo non oportet per augmentationem indigentie in custodito numerum custodum multiplicare.

QVÆSTIO III

An Christus habuerit Angelum custodiam.

Alex. Alenf. 2. p. q. 41. Memb. 4. art. 2.
 S. Thomas 1. p. q. 113. art. 2. & 4.
 Et 2. Sent. dist. 11. q. 1. art. 3.
 Egid. Rom. 2. Sent. dist. 11. q. 1. art. 2.
 Richardus 2. Sent. dist. 11. q. 1.
 Albertus de Virt. assir. q. 8. art. 8.
 Durandus 2. Sent. dist. 11. q. 1.
 Thom. Argent. 2. Sent. dist. 11. q. 1. art. 3.
 Gab. Biel. 2. Sent. dist. 11. q. 1. dub. 1.

Ad opposi-
tum.
Psal. 90. 6

Luc. 22. 6

Mat. 4. 6

Fundamēta.

VTRUM aliquis Angelus deputatus fuerit ad custodiam Christi. Et quod sic, videtur per illud Psalmi: Angelis suis Deus mandauit de te, vt custodiant te in omnibus viis tuis: ergo si hoc intelligitur de capite, sicut Gloss. exponit ibidem, patet, &c.

2. **I**TEM super illud: Ecce apparuit ei Angelus Domini confortans eum: Beda: In testimonium vtriusque naturæ, & Angelus eum confortasse, & Angelus ei ministrasse describitur: si ergo actus confortandi pertinet ad officium Angeli custodientis, videtur, &c.

3. **I**TEM videtur hoc ratione. Quia Christus secundum naturam humanam, maxime secundum statum passibilitatis minoratus est paulominus ab Angelis: ergo si erat mortalis, & passibilis, & etiam minoratus ab Angelis, indigebat, & competebat, vt videtur, ab Angelis præsentibus, & immortalibus custodiri.

4. **I**TEM ordo vniuersitatis hoc exigit, vt contra malum sit bonum: cum igitur Christus habuerit malum angelum ad exercitium, & pugnam, sicut legitur quod tentatus est à diabolo: ergo debuit habere bonum Angelum ad custodiam.

5. **I**TEM ad dignitatem spectat humanæ animæ, quod committatur tam nobili custodiæ sicut angelicæ: ergo si anima Christi fuit nobilissima omnium, videtur quod sibi maxime competat custodia Angelorum.

6. **I**TEM sapiens Dominus illud quod habet charius facit custodiri diligentius: sed Deus chariorem habebat Christum, quam aliquē alium: ergo videtur, quod si aliis non deest Angelorū custodia, quod nec animæ Christi, quæ inter omnes, & super omnia erat Deo charissima.

CONTRA: Christus ab instanti suæ conceptionis fuit beatus, & perfectissime beatus: si ergo beati potius est custodire, quam custodiri, videtur quod Christo nullo modo competat custodia angelica.

ITEM Christus ab instanti suæ conceptionis & secundum animam, & secundum corpus, fuit diuinitati vnitus tanta vnione, qua maior nequit intelligi: ergo si diuina virtus omnipotentissima est, & per omnia ad nutum suæ voluntatis prompta erat: ergo videtur, quod nulla indigeret aliena custodia.

ITEM qui ab alio custoditur, ex hoc quod custoditur est quodam modo illi obnoxius: ergo si Christus nulli debet esse obnoxius, à nullo Angelo debuit custodiri.

ITEM esto quod Christus non habeat Angelum ad sui custodiam, quæro vtrum ex hoc incurrat aliquod damnum vel incommodum, vel peccatum, vel omittat aliquod bonum: & cum nullum horum sit, nihil tollit à Christo absentia angelicæ custodiæ, ergo nihil adiicit præsentia: ergo si ponitur Christus ab Angelo custodiri, videtur quod aliquid circa ipsum fiat frustra, quod est inconueniens.

CONCLUSIO.

Cum Saluator noster Christus Iesus vinci à diabolo non potuerit, nec per blanditias seduci, nec reluctanter carnem habuerit, nec præsentia angelica subiectus fuerit, custodia angelica ei non fuit destinata.

RESP. AD ARG. Dicendum quod Christo non est datus Angelus ad custodiam, tum quia Christus non indigebat, tum etiam quia non competebat. Non egebat,

A quia aduersarius eius nec poterat opprimere per violentiam corpus diuinitati vnitum, nec poterat seducere per astutias intellectum à vero plenarie illustratum: nec poterat allicere per blanditias affectus plenitudine gratiæ confirmatum: ideo Christus non indigebat Angelo bono nec quantum ad defensionem corporis, nec quantum ad eruditionem rationis, nec quantum ad incitationem affectionis. Non solum autem non indigebat angelica custodia, sed nec etiam ei competebat. Custodia etiam in custodiente respectu custodiri dicit præsentiam quandam: & quia Angeli Christo Domino suberant, non præerant, ideo nec aliquod officium præsentia ipsi Angelis respectu Christi committi debebat, & propterea nullus Angelus debuit deputari ad custodiendum Christum, sed Angelorum multitudo debuit deputari ad eius ministerium.

1. **A**D illud quod obiicitur in contrarium de Psalm. Angelis suis Deus mandauit de te, &c. dicendum quod illud intelligitur de capite ratione membrorum. Vnde sicut dicit August. diabolus male exposuit siue intellexit, dum capiti attribuit ratione sui, quod scriptura attribuit ei ratione membrorum.

2. **A**D illud quod obiicitur quod Angelus eum confortabat, dicendum quod Angelus non confortabat eum confortatione potestatiua, sicut confortat illos quos custodit, sed solum ministeriali, sicut confortat armiger strenuum militem.

3. **A**D illud quod obiicitur, quod Christus est ab Angelis minoratus, dicendum quod etsi Christus minoratus dicatur ratione passibilitatis, nunquam tamen sic minoratus est, vt aliquis Angelus auderet ei præsidere: cum ita bene sit adorandus Christus in cruce, & in sua infirmitate, sicut etiam cum in sua apparebit virtute.

4. **A**D illud quod obiicitur quod habuit malum angelum ad exercitium, dicendum quod illud exercitium solum fuit exterius non interius, nec fuit ad ipsius probationem, sed potius ad nostram instructionem, & aduersarij confutationem: ex quo Christi dignitas nõ minuebatur, sed manifestabatur: Sed nõ sic est in officio custodiendi: nam si Angelus ad eius custodiam deputaretur, potius esset defectibilitatis offensio, quam virtutis, & dignitatis manifestatio, vel etiam alicuius instructio.

5. **A**D illud quod obiicitur, quod dignitatis est habere custodiam angelicam, dicendum quod quædam sunt dignitatis simpliciter: quædam vero sic sunt dignitatis, vt etiam annexum habeant aliquid indignitatis siue infirmitatis: custodiri autem ab Angelo ita dicit dignitatem in anima respectu illarum creaturarū quæ committuntur angelicæ custodiæ, vt tamen dicat imperfectionem respectu beatorum, qui aliena custodia nunquam egent. Et quia animæ Christi non est attribuendum aliquid quod derogat eius beatitudini, ideo etsi ab Angelo custodiri aliquo modo dicat dignitatem, non tamen Christo debet attribui, quia simul cum hoc in custodito quandam importat defectibilitatem.

6. **A**D illud quod obiicitur, quod id quod charius est, melius custoditur, dicendum quod verum est quando illud quod magis est charum ita indiget custodia, sicut illud quod minus: sic autem non est in proposito, nam Christi anima non sic indigebat custodiri, quæ peccare non poterat. Vel aliter potest dici, quod Deus diligentius custodiat animam Christi quam animam alicuius alterius hominis: plus enim facit per seipsum quam vlli alij animæ faciat per se: & per Angelum.

ARTICVLVS II.

CONSEQUENTER de secundo articulo, scil. de annexis angelicæ custodiæ queruntur tria. Primo queritur, vtrum Angelus propter nostram obstinationem subtrahat custodiæ beneficium. Secundo queritur, vtrum ex nostra beatificatione accrescat ei nouum gaudium. Tertio queritur, vtrum Angelus custodiens ex damnatione custoditi incurrat aliquod derimentum.

QVÆSTIO

QVÆSTIO I.

An Angeli custodire desinant, ubi nos obstinatos compererint.

Alexander Alensis 2. p. q. 41. Membr. 5.
S. Thom. 1. p. q. 113. art. 6.
Et 2. Sent. dist. 11. q. 1. art. 4.
Ægid. Rom. 2. Sent. dist. 11. q. 1. art. 4.
Alfiodorensis 1. Sent. tract. 4. c. 5.
Albertus de Virg. affir. q. 8. art. 9.
Richardus 2. Sent. dist. 11. q. 2.
Thom. Argen. 2. Sent. dist. 11. q. 1. art. 3.
Stephan. Brulef. 2. Sent. dist. 11. q. 3.

Circa quam sic proceditur, & ostenditur quod Angelus subtrahat ab homine custodiæ beneficium propter obstinationem per illud: Curauimus Babylonem, & non est curata: derelinquamus eam, &c. ibi Glossa: Medici sunt Angeli quos à nobis repellimus, dum eorum consilio non acquiescimus.

1. **ITEM** per aliam Glossam ostenditur illud idem ibidem: Caue ne quando relinquit te medicus: si enim reliquerit, patet quod abscissio medici damnatio tua sit: ergo Angelus hominem quem custodit aliquando derelinquit: sed hoc non est nisi quando obfirmat faciem suam per obstinationem: ergo, &c.

3. **ITEM** per Damascenum dicitur quod Antichristus carebit Angelorum præsidio: sed hoc non est nisi quia ipse erit obstinatus in malo: ergo videtur quod præsidium custodiæ obstinatis subtrahatur ab Angelis.

4. **ITEM** Angelus neminem inuitum potest compellere ad bonum: sed obstinatus factus est inuitus ad bonum: ergo frustra circa ipsum laborat Angelus: ergo si stultus est qui aliquid frustra facit, maxime qui hoc nouerit, videtur quod propter obstinationem perdat homo angelicum præsidium.

5. **ITEM** maioris benignitatis & misericordiæ Deus est quam sit Angelus: sed Deus propter peccati commissionem relinquit cordis humani habitaculum: ergo multo fortius videtur quod propter obstinationem Angelus subtrahat ministerium.

6. **ITEM** propter rebellionem, & obstinationem excommunicatur quis, & eiicitur extra cætum fidelium, & subtrahitur ei orationum Ecclesiasticarum beneficium: ergo si tantus zelator iustitiæ, vel maior est Angelus quam sit Ecclesiæ prælatus, & prælatus rebeli, & obstinato subtrahit beneficium communionis, & orationis, videtur quod multo fortius Angelus subtrahat præsidium custoditionis.

7. **ITEM** grauius peccat ille cui suggerunt bona, & facit mala, quam qui facit mala sine aliqua exhortatione bonorum, & hoc propter contemptum: ergo obstinatus in malo grauius peccat, quando contempta exhortatione angelica persistit in malitia, quam si esset omnino ad Angelo derelictus: ergo si Angelus bonus non debet aliquid facere quod vergat in malum eius quem custodit, videtur quod ex quo obstinatus est, non debeat eum amplius custodire.

CONTRA: Paratior est bonus angelus ad conseruandum in bono, quam sit malus angelus ad præcipitandum in malum: sed malus angelus quantumcumque homo sit bonus, vsque ad mortem non desinit ipsum infestare: ergo videtur quod nec bonus quantumcumque malum vsque ad mortem desinat custodire. Maior propositio manifesta est. Minor probatur per illud, quod dicitur in Gloss. super illud: Apprehende branchiam eius. Diabolus vsque ad crucem secutus est Christum.

ITEM quanto aliquis peior, tanto est pronior ad malum: & quanto pronior ad malum, tanto magis indiget retrahente: ergo si Angelus deputatus ad custodiam, ad hoc ordinatur vt retrahat à malo, videtur quod non debeat subtrahi obstinato.

ITEM de nemine desperandum est, dum est in via: ergo quantumcumque quis sit obstinatus, non est desperandum de eo: ergo si medicus non relinquit ægrotum

A nisi illum de quo desperat, videtur quod Angelus nullum relinquat, quantumcumque sit obstinatus.

ITEM in ægritudine corporali sic est, quod quamvis aliqua ægritudo sit incurabilis, tamen si potest intendi per utile, est habere consilium medici: si ergo nullus est adeo obstinatus in hac vita, quin possit in eo malitia intendi, videtur quod cuilibet competat custodia Angeli: si ergo Angelus non subtrahit custodia, ab eo qui est idoneus custodiri, videtur quod nullus quantumcumque obstinatus beneficio angelicæ custodiæ, quam diu est in via, debeat destitui.

CONCLUSIO.

Quamquam Angelus bonus in malo obstinatos quo ad malum euitandum semper dum viuunt, custodiat, ad bonum tamen exequendum tantum eis custodiæ beneficium subtrahit.

RESP. Ad Arg. Ad prædictorum intelligentiam notandum est, quod communiter tenetur à doctoribus sacre Scripturæ, quod Angelus non omnino relinquit obstinatos, quamdiu sunt viatores, nec tamen adeo diligenter custodit bonos, aut mediocriter malos: ideo communiter dicitur quod quodam modo deserit, & quodam modo semper custodit. Explicatio autem huius potest diuersimode fieri. Nam aliquem custodiri ab Angelo hoc potest dupliciter intelligi, vel secundum habitum vel secundum actum. Vouerunt ergo aliqui dicere, quod Angelus obstinatum secundum actum custodiendi relinquit pro eo quod ipse custodienti Angelo non obedit, immo contra eius monita faciem obfirmavit: quantum vero ad habitum non deserit, quia semper promptus est ei subuenire, si quo modo ipsum ad viam veritatis videat inclinari. Et hic quidem modus dicendi non sufficit, quia nullus est adeo malus, & peruersus, quin Angelus bonus possit ei aliquod beneficium custodiendi largiri: ergo si semper est ei promptus facere bonum, videtur quod numquam subtrahat omnem actum. Et ideo secundus modus dicendi est quod duplex est custodiæ angelicæ actus, vnus respectu corporis, alter respectu spiritus. Vnus consistit in repulsione hostis, ne opprimat corpora: alter in arcendo ipsum, ne peruertat animas. Primi actus efficacia est in Angelo, secundi vero non solum est in Angelo, sed etiam in nobis. Quantum ad primum actum bonus Angelus hominem vsque ad mortem non derelinquit, quia non patitur ipsum à dæmone opprimi vel occidi, nisi quando aliter exigit fieri sententia diuini iudicii. Quantum vero ad secundum actum, quia actus illius efficacia non tantum est in Angelo, sed etiam in nobis, subtrahit custodiæ beneficium ab his circa quos videt se frustra exerceri, vtpote ab excæcatis, & obstinatis, qui nec recipiunt instructionem, nec exhortationem. Sed cum custodia magis respiciat animam, quam corpus, adhuc non videtur omnino probabile, quod Angelus omnem actum custodiæ subtrahit respectu animæ. Et ideo est adhuc tertius modus dicendi probabilior prædictis, quod effectus angelicæ custodiæ & est respectu boni, & respectu mali. Respectu boni conseruandi, vel acquirendi, vel agendi; Respectu vero mali deferendi, vel euitandi, vel minuendi.

1. 2. 3. 4. Bonus igitur Angelus obstinatos non deserit, quantum ad actum custodiæ, qui respicit malum, quia semper retrahit hominem ne labatur in peius, & hoc ostendunt rationes prædictæ secundo inductæ, & concedendæ sunt. Quantum vero ad actum qui respicit bonum, obstinatos deserit, & Antichristum non custodiet: & sic intelliguntur tres auctoritates ad illam partem inductæ: vna quæ dicit: quod Angeli nos relinquunt, & nos eos repellimus: alia quæ dicit, quod abscissio Angeli est damnatio infirmi. Et tertia Damas. quæ dicit quod antichristus carebit Angelorum præsidio. In omnibus enim his intelligitur Angelus recedere, vel abesse, non quia non defendat

Prima explicatio.

Improbatio.

2. Explicatio.

Improbatio.

3. Explicatio.

defendat ab aduersario, vel non retrahat à malo: sed A quia conseruat in bono, nec perducit ad bonum, & per hoc patet ratio sequens. Non enim probat quod Angelus simpliciter derelinquit obstinatum: sed solum quantum ad effectum custodiæ, qui est in exhortando, & promouendo ad bonum.

5. Ad illud quod obiicitur, quod Deus deserit habitaculum cordis propter peccatum, dicendum quod non est simile, quia peccatum priuat gratiæ habitum per quem disponitur anima, vt homo sit Dei habitaculum, & ideo efficit cor hominis ineptum ad hoc, quod in ipso habitet Deus. Habitatio enim Dei in eo in quo habitat, requirit dignitatem. Custodia vero angelica in custodito non exigit dignitatem, sed potius respicit indigentiam, & necessitatem.

6. Ad illud quod obiicitur, quod Ecclesia subtrahit orationis beneficium ab eis quos excommunicat, dicendum quod hoc facit ad ipsorum confusionem, & correctionem, sicut patet infra cum agitur de excommunicatione: nunquam tamen subtrahit omnino orationum beneficium. Sic & in proposito intelligendum est, quod Angelus aliquando iusto Dei iudicio non compellit hominem quod non ambulet in inuiis, & abominationibus, & ignominie passionibus secundum impetum cordis sui: nunquam tamen sic deserit, quin aliquo modo à malo retardet, licet non omnino impediat.

7. Ad illud vero quod obiicitur, quod ex hoc peccatum hominis aggrauatur, dicendum quod sicut peccator ex Dei misericordia, & patientia thesaurizat sibi iram, & conuertit misericordiam Dei ad cumulum reatus sui, & hoc non est à Deo, sed ab ipso peccatore, Dei tamen iudicio permittente: sic in proposito intelligendum est se habere. Potest etiam dici, quod nunquam sic conuertitur peccator in malum, quin melius sit sibi custodiri quam deferri: quia etsi contemptus aggrauet peccantis reatum, tamen frequentatio peccatorum quam homo incurreret, si Angelus desereret, aggrauaret multo fortius quam contemptus. Credendum est enim quod multis modis Angeli, qui nos custodiunt, & studeant promouere ad bonum, & studeant retrahere à malo, quamvis hoc non percipiat hebetudo spiritus nostri: propter quod multi superbiunt, multi sunt ingrati, & frequenter sibi attribunt quod est ex beneficio angelico, & ex hoc minus efficiuntur digni, vt ab Angelis adiuentur: & propter hoc perutile est effectus angelicæ custodiæ nosse, & intelligere. Consueuerunt autem à Magistris effectus 12. assignari qui eliciuntur ex scripturis. Primus est pro delictis increpare: Ascendit Angelus Domini de Galgala ad locum flentium, & ait: Eduxi vos de terra Egypti. Et post: Non audistis vocem meam. Secundus est à vinculis peccatorum absolvere: Angelus astitit: Et post: Ceciderunt catenæ de manibus eius: hoc tamen intelligendum est dispositiue. Tertius est impediencia ad bonum auferre, quod signatur in Exodo, vbi Angelus percussit primogenita Egypti. Quartus est dæmones arceri: Dæmonium ab vxore mea compescuit, dicit Tob. de Raphael. Quintus est docere: Nunc egressus sum vt docerem te, & intelligeres. Sextus est secreta reuelare: Tres Angeli ministerium Trinitatis, & vnitatis expresserunt, & ibidem sequitur: Nunc celare possum Abraham, &c. Septimus est consolari: Forti animo esto, in proximo est vt à Deo cuteris, &c. Octauus est in via Dei confortari: Surge, & comede: grâdis enim tibi restat via. Nonus est in via deducere, & conducere: Ego ducam, & reducam eum, &c. Decimus est hostes deicere: Egressus Angelus Domini percussit in castris Assyriorum, &c. Undecimus tentationes mitigare: & hoc assignatur in Genesi, vbi Iacob luctatus est cū Angelo, vbi benedictione accepta confortatus est post luctum, & emarcuit nervus femoris eius. Duodecimus est orare, & orationes deferre: Quando orabas cum lachrymis, ego obtuli, &c. Hi omnes sunt effectus custodiæ Angeli, ex quibus omnibus tam Deo quam Angelis debemus esse obnoxij, & grati.

QVÆSTIO II.

An Angelo custodienti amplifietur gaudium ex beatificatione custoditi.

Alexander Alensis 2. p. q. 41. Membrum 6.

S. Thom. 2. Sent. dist. 11. art. 2. q. 1.

Egid. Rom. 2. Sent. dist. 11. q. 2. art. 1.

Richardus 2. Sent. dist. 11. art. 2. q. 2.

Stephan. Brulef. 2. Sent. dist. 11. q. 4.

Gabriel Biel 2. Sent. dist. 11. q. 1. dub. 2.

VTVM ex beatificatione custoditi Angelo custodienti amplifietur gaudium. Et quod sic, videtur: Gaudium est Angelis Dei super vno peccatore penitentiam agente, quam super nonaginta nouem iustis. Ex hoc textu patet quod ex conuersione peccatoris Angelis Dei accrescit gaudium: ergo multo fortius de beatificatione eiusdem.

ITEM Angelus in ministrando homini aliquid meretur: sed non meretur illud quod habet, sicut probatū est supra: ergo meretur habendum: sed quod retribuitur pro merito, hoc est gaudium: ergo meretur maius gaudium.

ITEM Angelus habet perfectam charitatem: etsi diligit proximum sicut seipsum: sed vbi est par dilectio de pari bono, est par gaudium: si ergo Angelus diligit illum quem custodit sicut seipsum, tantum gaudet de eius saluatione, quantum de sua: ergo videtur eius gaudium duplicari.

ITEM vbi cumque est desiderij completio, ibi est gaudium, & delectatio: ergo vbi de nouo completur aliquod desiderium, de nouo accrescit gaudium: sed Angelus desiderat illum quem custodit saluari: ergo cum saluatur, necesse est ipsum gaudere de eius salute: sed prius de hoc non gaudebat, quia non erat: ergo videtur quod nouum gaudium sibi accrescat.

ITEM in Angelis custodientibus homines, crescere potest cognitio, sicut probat in litera Magister: sed quæ ratione crescit cognitio eadem ratione & dilectio: & si dilectio: ergo gaudium, & delectatio.

ITEM in eo qui ordinate gaudet, sicut crescit materia gaudiendi, ita crescit & gaudium: sed in suprema Hierusalem creuit, & crescit materia gaudiij ex Christo, & eius membris quibus ministrant Angeli beati: ergo videtur quod in illis crescat gaudium. Quod autem materia gaudiij creuit, patet tum propter Christi exaltationem, tum propter minæ angelicæ reparationem, tum propter hominis perditam reinuentionem, quæ omnia affectui ordinato sunt materia gaudiij, maxime affectui angelico, cum sit maxime ordinatus.

1. SED contra: Beatitudo est status omnium bonorum aggregatione perfectus: sed vbi est status perfectus, ibi non est perfectius: ergo si in Angelis beatis est perfectum, & plenum gaudium: ergo non videtur, quod ex aliquo suscipiant incrementum.

2. ITEM gaudium est de essentia beatitudinis, sicut & charitas: ergo si potest in eis crescere gaudium, potest etiam in eis charitatis habitus crescere: sed si charitas potest crescere, potest in eis alterari: ergo potest in eis amitti.

3. ITEM bonum creatum comparatum ad increatum est sicut punctus ad lineam: ergo si Angelus beatus gaudet de vnoquoque sicut gaudendum est, improporcionabiliter plus gaudet de eo, quam gaudeat de aliquo creato: ergo sicut punctus adueniens lineæ non anget lineam, sic creaturæ cum Creatore non est maior gaudendi materia, quam ipsa creatrix essentia per seipsum: ergo cum Angelus gaudeat de ipsa veritate æterna: propter aliquod creatum, non videtur quod gaudium in eo crescat.

4. ITEM si crescit gaudium in Angelo propter beatitudinem eius quem custodit, & ille qui custoditur, potest impedire suam beatitudinem: ergo potest impedire gaudiij angelici perfectionem, quod si hoc est falsum, cum sit contra rationem veræ beatitudinis: ergo & primum.

CONCLV

Lib. 4. d. 18.
Sens. 4. q. 1.

Effectus
Angelice
custodiæ.
Iudic. 2. c.
Exo. 12. c.

Ab. 12. b.

Tob. 5. b.
Dan. 10. c.

Gen. 18. a.

Tob. 5. b.
3. Reg. 19. a.
Tob. 5. c.
Isa. 37. g.

Gen. 32. f.

Tob. 5. b.

Ad oppos.
tum.
Beati. de c. 1.

CONCLUSIO.

A *Albertus de Virg. assist. q. 8. art. 10.*
Gabriel Biel 2. Sens. dist. 11. q. 1. dub. 3.

Angelorum gaudium essentiale augeri non potest, cum in ipso essentiale præmium consistat: accidentale vero & extensivum, & intensivum ampliari non est incommodum.

RESP. Ad Arg. Dicendum quod gaudium in angelo crescere, potest intelligi dupliciter, vel extensivum, vel intensivum: extensivum dicitur crescere, quando quis de pluribus gaudet: intensivum vero quando affectus eius de aliquo copiosius gaudet. Si vero intelligamus de incremento gaudij secundum primum modum, sic absque dubio verum est, & doctores communiter hoc sentiunt, quod ipsis beatis Angelis accrescit gaudium, quia de pluribus gaudent secundum quod plures salvantur. Si autem loquamur de cremento gaudij quantum ad modum secundum: sc. quantum ad intensiorem, sic distinguendum est. Nam gaudium duplex est. Est enim gaudium in quo consistit præmium substantiale: & hoc est gaudium de bono increato quod habet Angelus de Deo, & in Deo. Est iterum gaudium in quo consistit præmium accidentale: & hoc est gaudium quod habet Angelus de bono creato sue proprio, sue alieno. Fuerunt igitur qui dixerunt, quod in angelis beatis crescit utrumque gaudium intensivum, quia nondum sunt perfecte beati, quamvis sint confirmati, de quorum opinione videtur fuisse Magister. Sed quia hoc non videtur probabile, sicut supra improbatum fuit distinct. 5. ubi agitur de conversione angelorum, ideo fuerunt qui dixerunt, quod neutrum gaudium in eis crescit intensivum, sed solum extensivum, sicut charitas eorum non est maior quam fuit ab initio, quamvis plures nunc diligant, quam tunc. Sed quia illud non videtur adhuc multum probabile, quod angelis accrescat gaudij materia, quin etiam aliquo modo intendatur & gaudium. Ideo est tertius modus dicendi, quod Angelis nullo modo accrescit gaudium in quo consistit præmium essentiale, quia quantum ad illud perfecte beati sunt: sed gaudium in quo consistit præmium accidentale accrescere potest non solum extensivum, verum etiam intensivum, & ratione boni proprii, & ratione coniuncti, quia ministrando, aliis bona opera faciunt, in quibus præmium accidentale merentur, & etiam concives suos ad beatitudinem perducunt: super quibus absque dubio gaudent & gratulantur: & hæc positio tertia videtur esse probabilior: & secundum hanc patet responsio ad partes oppositas. Nam rationes ostendentes quod ex nostra beatificatione angelis accrescat gaudium, concludunt solum de gaudio accidentali, quod est circa bonum creatum, in quo tamen non consistit essentialis præmij augmentatio.

1. 2. 3. 4. RATIONES vero ad oppositum procedunt, siue concludunt de gaudio substantiali, ratione cuius est angelus perfecte beatus, & quod respondet quantitati habitus, & quod est circa bonum increatum, & hoc quidem non crescit in eo, sicut illæ rationes ostendunt. Ultima vero ratio non concludit, quod homo possit gaudium angelicum impedire, quia, sicut iam melius patebit: sic Angelus congratulatur de hominum salute, ut tamen non tristet de damnatione. Et ita nostræ salutis impedimentum, nullum in angelico gaudio, vel præmio ponit defectum: nullum tamen inconueniens esse videtur si concedatur quod impediri possit ipsius angeli aliquod accidentale gaudium: sed illud melius declarabitur per sequens problema.

QVÆSTIO III.

An Angelus ex damnatione custoditi aliquod detrimentum incurrat.

Alex. Alenf. 2. p. q. 41. Memb. 6. art. 2.
 S. Thomas 1. p. q. 113. art. 7.
 Et 2. Sens. dist. 11. q. 1. art. 5.
 Egid. Rom. 2. Sens. dist. 12. q. 2. art. 4.
 Richardus 2. Sens. dist. 11. art. 2. q. 3.
 Alfisiodorensis 2. Sens. tract. 4. c. 14.

UTRUM ex damnatione custoditi incurrat Angelus aliquod detrimentum: & quod sic, videtur: nam in lib. Regū scribitur: Custodi virum iustum, qui si lapsus fuerit, erit anima tua pro anima illius: ex quo colligitur quod Dominus eo pacto committit ad custodiendam: quod si custoditus amittitur, de manu custodis requiratur. Si ergo homo perditur: videtur quod Angelus ipsum custodiens incurrat salutis suæ periculum: & hoc videtur dicere Origenes super illud: Initiati sunt Beelphegor, Glossa: Præest angelus bonus qui pro delictis culpatur, & pro bene gestis laudatur.

2. ITEM: Angeli pacis amare flebunt: constat autem quod non flebunt nisi propter miseriam, & damnationem hominum: ergo si illis maxime compatiuntur quos custodiunt, videtur quod de damnatione eorum incurrant gemitum, & planctum, & ita aliquod gaudij detrimentum.

3. ITEM si oppositum est causa oppositi, & propositum propositi: sed saluatio hominum custoditorum generat in angelis custodientibus gaudium, & congratulationem: ergo damnatio generabit gemitum, & compassionem.

4. ITEM sicut completio desiderij delectat animam, ita frustratio contristat: sed Angelus, quia cupit saluare eum, quem custodit, gaudet cum ille saluatur: quia desiderium eius impletur: ergo cum ex eius damnatione frustratur, videtur, &c.

5. ITEM poena Arii semper crescit propter multitudinem eorum, quos per errorem suum trahit ad damnationem: ergo per oppositum ex nostra saluatione crescit angelorum præmium nos custodientium: si ergo nos damnamur, cum ipsi gloriari debeant in nobis, siue de nobis, videtur quod patiantur gloriæ detrimentum.

6. ITEM Angeli mali gaudent dum possunt hominem pertrahere ad supplicia, & hoc est, quia homines odiunt quos exercitant & tentant: ergo si boni Angeli diligunt illos, quos custodiunt, videtur quod doleant per oppositum.

CONTRA: Bonus Angelus est beatus: sed beatus est cui ad nutum cuncta succedunt: ei autem qui huiusmodi est, non potest aliquod accidere detrimentum: ergo videtur quod ex damnatione eorum quos custodiunt, nullum detrimentum incurrant.

ITEM Angelus bonus voluntatem suam divinæ voluntati conformat: ergo si Deus non vult saluare nisi prædestinatos, videtur quod nec Angelus bonus: ergo si nullus prædestinatus damnatur, nullus damnatur quem Angelus bonus non velit damnari, ergo videtur quod ex nullius damnatione tristetur.

ITEM dolor, & tristitia non est sine poena, & poena non est sine culpa prævia: sed in beatis angelis nunquam fuit culpa: ergo nec fuit, nec esse potest tristitia.

ITEM Angelus non magis meretur in ministrando bono quam malo: cum ex voluntate æqualiter bona ministrat utrique: ergo si remuneratio pensatur secundum meritum, non minus remuneratur Angelus cum custodit præscitum, quam cum custodit prædestinatum: ergo videtur quod ex illa damnatione nullum incurrat Angelus detrimentum. Iuxta hoc queritur, utrum Angelus velit illum quem custodit, saluari, cum reuelatum est sibi esse præscitum. Si non vult ipsum saluari: ergo videtur eum custodire inuite. Si vult: ergo videtur quod voluntas eius voluntati divinæ non conformetur, nec quod etiam impleatur.

ITEM cum custodit præscitum: quero quod præmium ei ex hoc redditur, Substantiale non constat. Accidentale non, ut videtur: quia illud consistit circa saluationem eorum quos custodiunt, sicut patet in præmio aureolæ: quod habent prædicatores.

Ad oppositum.

3. Reg. 20. 8

Num. 25. 6.

Isa. 34. 6.

Fundamenta.

CONCLUSIO.

Angeli ex damnatione eorum quos custodiunt nec misericordia gemitum, nec aliquod suæ gloriæ detrimentum incurrunt.

Opinio 1.

Improbatio.

Gregor. in
Evang. hom.
40. hom. 2.

Opinio 2.

Gen. 8. b.

RESP. AD ARG. Ad prædictorum intelligentiam est notandum, quod circa hoc diuersimode senserunt diuersi. Quidam enim dicere voluerunt: quod Angeli beati ex damnatione eorum quos custodiunt, & si non incurrant detrimentum gloriæ, concipiunt tamen gemitum misericordiæ: Quamvis enim sint ex sublimitate gloriæ immortales, & impassibiles, non tamen sunt incompassibiles: & hoc accipiunt ex quodam verbo Bernardi, qui videtur hoc dicere: & dicunt verbum Isaïæ superius dictum sic intelligendum esse. Sed tamen illud non videtur intelligibile, quo modo aliquis possit compati, & non pati: nec illud videtur probabile, quod Angeli aliqua pietate, & misericordia flectantur ad reprobos, cum ipsi maxime zelent iustitiam, & diuinam gloriam: utpote qui iam sunt confirmati in perfecto statu iustitiæ. Propter quod dicit Gregorius in quadam homilia, quod ad reprobos non habent compassionem iustorum animæ. Ait enim sic: Iustorum animæ, etsi bonitate naturæ suæ misericordiam habent, iam tamen auctoritatis sui iustitiæ coniunctæ tanta rectitudine constringuntur, ut nulla ad reprobos compassione moveantur, de beatis loquitur. Et propter hoc est alia positio, quod Angeli custodientes ex damnatione eorum quos custodiunt, nec concipiunt gemitum, nec incurrunt aliquid gloriæ detrimentum. Gemitum non concipiunt propter plenitudinem gaudij, quod adeo perfectum est, ut nullo modo suscipiat admixtionem contrarij. Detrimentum etiam non patiuntur propter stabilitatem boni adepti: nihil enim habent quod possint amittere nec ex parte meriti, nec ex parte præmij, cum sint in gloria, & in iustitia confirmati. Et quoniam detrimentum dicitur amissionem alicuius boni habiti, ideo ex nullo euentu detrimentum aliquod possunt pati: & concedendæ sunt rationes quæ ad hoc inducuntur.

1. 2. **AD** illud vero quod obiicitur: quod Deus requirit animam custoditi de manu custodientis, dicendum quod verum est cum petit propter custodis negligentiam. Et quia in beatis angelis nulla cadit negligentia, ideo de manu ipsorum nullus damnatus requiritur. Et propterea verbum Origenis, quod sequitur, si simpliciter intelligatur, est falsum. Nullo enim modo Angeli boni culpabuntur, nec in iudicium adducentur: nisi forte quis dicat, hoc debere intelligi quod adducentur in iudicium non ad suam condemnationem, sed ad manifestandum quod reprobi ex malitia sua sunt damnati, non ex suorum custodum negligentia. Vel nisi quis intelligat verbum Origenis, ut Angeli dicantur ibi prælati: & per hunc modum verbum Isaïæ quod subsequitur, potest intelligi vel exponi, ut Angeli pacis dicantur ibi boni prælati. Si tamen quis intelligit de angelis beatis secundum veritatem, amaritudo fletus non indicat veritatem doloris, sed aliquam conformitatem indicat in signo, vel effectu exteriori, & potest illud intelligi dictum per anthropothon: sicut dicitur Deus tactus fuisse dolore cordis intrinsecus.

3. **AD** illud quod obiicitur, quod si oppositum est causa oppositi, &c. dicendum quod ista maxima habet instantiam, vel alterum inest per naturam, siue ad modum naturæ: sicut & illa quod opposita nata sunt fieri circa idem: & quoniam Angelus beatus est susceptibilis gaudij, sed non tristitiæ, ideo gaudere potest de salute quamvis non tristetur ex damnatione.

4. **AD** illud quod obiicitur, quod frustratio desiderij contristat, dicendum quod tunc desiderium frustratur, quando quis aliquid appetit in omnem euentum, siue absolute, & illud non euenit: quando vero appetit sub conditione, & illa conditio non stat, si illud quod appetit, non euenit, propter hoc non dicitur desiderium

frustrari: & sic est in proposito. Nam angelus appetit eum quem custodit beatificari, si ipse voluerit fidehiter adherere Christo: & hoc nunquam fallit, quin eueniat: & quia ille, qui dānatur, recedit ab apposta conditione, ideo in desiderio Angeli nullam ponit frustrationem, dum non ad id peruenit, quod sibi Angelus appetebat.

5. **AD** illud quod obiicitur, quod ex nostra saluatione crescit Angelorum præmium, dicendum quod verum est, quod crescit præmium accidentale, non tamen sequitur ex hoc, quod ex defectu salutis incurrant Angeli detrimentum, vel damnum: quia detrimentum, vel damnum est respectu rei iam habitæ. Si autem sit respectu rei habendæ, hoc solum est, quando ex impedimento aliqua remanet indigentia, & imperfectio in eo qui impeditur. Sic autem non est in proposito. Quia quantumcunque ille, qui custoditur, damnetur, nihilominus Angelus habet suum præmium saluum, & quantum ad gaudium, quod habet in Deo, & quantum ad gaudium, quod habet in seipso, siue de bono proprio. Gaudebit enim de bonis operibus, quæ circa illum fecit, quem custodiuit. Et quantum etiam ad gaudium, quod habet in altero: quia cum vnus cadit, alter coronam suam accipit: sicut fuit expositum in primo libro. Ideo etsi ruina angelica non reparatur ex illo quem custodit, reparabitur tamen ex alio. Quamvis ergo propter culpam illius ne de eo gaudeat, patiatur impedimentum, & ex tali tropo fortassis dicat Origines ipsum esse culpandum, nullum tamen ex hoc incurrat detrimentum.

6. **AD** illud quod obiicitur, quod Angelus malus gaudet de damnatione: ergo, &c. dicendum quod non est simile. Quia sicut non est reperire malum omnino impermixtum bono: est tamen reperire bonum omnino impermixtum malo: sic reprobatio Angelorum aliquo modo admittit gaudium licet impurum: sed perfecta beatitudo nullum patitur secum tormentum, vel gemitum. Ex prædictis patent illa duo, quæ ultimo quærebantur, scilicet de voluntate, & præmio Angelorum custodientium malos. Volunt enim malos quos nouerunt esse præscitos, voluntate absoluta damnari: quantum autem in se est, vellent eos saluari: & ideo non custodiunt inuite. Quia quamvis sciant se frustra laborare ad perducendum eos ad salutem: tamen sciunt se fructuose laborare in hoc, quod retrahunt, ne incurrant maiorem damnationem. Quadruplex enim consuevit principalis effectus custodiæ angelicæ assignari circa animas. Vnus est, ut proficiat anima in bonum gratiæ. Alius, ut non cadat in malum culpæ. Tertius est, si cadat, quod postmodum resurgat. Quartus, ne toties, vel in tantum malum cadat, quoties, vel ad quantum aduersarius incitat. Posset tamen aliter dici, quod non est angelis reuelatum, qui ex eis, quos custodiunt, saluari debeant, vel damnari: hoc tamen non est certum. De præmio vero dicendum quod sicut duplex est finis artificis, vnus in se, & alter in alio, sicut patet in Rhetore, cuius finis est loqui ornate, & hic finis est in se: & alter, alij persuadere, & sic est finis in alio: sic etiam duplex est præmium angeli accidentale: vnum, quo gaudet de bonis operibus quæ fecit: aliud, quo gaudet de salute eius, quem custodiuit. Et quemadmodum artifex, si habet finem primum, & caret secundo, nihilominus perfecte dicitur habere methodum, si ex contingentibus nihil omisit: sic Angelus, qui fideliter custodiuit eum, qui ex sua culpa damnatur, perfectum habet præmium: & meritum, dum de bonis suis operibus gloriatur. Gaudium autem illud, quod est de multiplicatione bonorum operum, non est præmium substantiale, cum non sit de summo bono, sed accidentale: nec tamen est aureola, quia non omne præmium accidentale est aureola, sed illud solum, quod habet præexcellentiā.

DISTIN

DISTINCT. XII.

Post considerationem de Angelis habitam,
agitur de aliarum rerum creatione,
& præcipuè de operum sex
dierum distinctione.



HÆC de angelica natura conditione dicta sufficiant. Nunc superest de aliarum quoque rerum creatione, ac præcipue de operum sex dierum distinctione nonnulla in medium proferre. Cum Deus in sapientia sua angelicos condidit spiritus, alia etiam creauit, sicut ostendit supradicta Scriptura Genesis, quæ dicit, in principio Deum creasse cælum, id est, angelos, & terram, scilicet materiam quatuor elementorum adhuc confusam & informem, quæ à Grecis dicta est chaos, & hac fuit ante omnem diem. Deinde elementa distinxit Deus, & species proprias atque distinctas singulis rebus secundum genus suum dedit: quæ non simul, ut quibusdam sanctorum patrum placuit, sed per interualla temporum ac sex volumina dierum, ut aliis visum est, formauit.

Quod Sancti Tractatores videntur super hoc quasi aduersa tradidisse, aliis dicentibus omnia simul facta in materia & forma, aliis per interualla temporum.

Quidam namque sanctorum patrum, qui verba Dei atque arcana excellenter scrutati sunt, super hoc quasi aduersa scripsisse videntur. Alij quidem tradiderunt omnia simul in materia & forma fuisse creata: quod August. sensisse videtur. Alij vero hoc magis probauerunt ac assruerunt, ut prima materia rudis atque informis, quatuor elementorum commixtionem atque confusionem tenens, creata sit: post modum vero per interualla sex dierum ex illa materia rerum corporalium genera sint formata secundum species proprias. Quam sententiam Gregorius, Hieronymus, & Beda, aliique plures commendant ac præferunt. Quæ etiam Scriptura Genescos, unde prima huius rei ad nos manauit cognitio, magis congruere videtur.

Quo modo per interualla temporis res corporales conditæ sint.

Secundum hanc itaque traditionem, ordinem, atque modum creationis formationisque rerum inspiciamus. Sicut supra memoratum est: In principio creauit Deus cælum, id est, angelicam naturam, sed adhuc informem, ut quibusdam placet. Et terram, id est, illam confusam materiam quatuor elementorum, quam nomine terra, ut August. ait contra Manichaos, ideo appellauit Moyses, quia terra inter omnia elementa minus est speciosa: & illa inanis erat, & incomposita propter omnium elementorum cõmixtionem. Eandem etiam vocat abyssum dicens: Et tenebra erant super faciem abyssi, &c. quia confusa erat & commixta specie distincta carens. Eadem etiã materia informis dicta est aqua, super quam ferebatur spiritus Domini, sicut superfertur fabricandis rebus voluntas artificis: quia subiacebat bonæ voluntati Creatoris, quod formandum perficiendumque inchoauerat: qui sicut Dominus & conditor præerat fluitanti & confusa materia, ut distingueret per species varias quando vellet, & sicut vellet. Hac ergo ideo dicta est

A aqua: quia omnia quæ in terra nascuntur siue animalia, siue arbores, vel herbe & similia, ab humore incipiunt formari atque nutriri. His omnibus vocabulis vocata est illa informis materia, ut res ignota notis vocabulis insinuaretur imperitiis, & non uno tantum: nam si uno tantum significaretur vocabulo, hoc esse putaretur quod consueuerant homines in illo vocabulo intelligere. Sub his ergo nominibus significata est materia illa confusa & informis, quæ illa specie cerni ac tractari poterat, id est, nominibus visibilium rerum, quæ inde futura erant propter infirmitatem paruulorum, qui minus idonei sunt inuisibilia comprehendere, & tunc erant tenebra, id est, lucis absentia. Non enim tenebra aliquid sunt, sed ipsa lucis absentia: sicut silentium non aliqua res est, sed ubi sonus non est, silentium dicitur. Et nuditas non aliqua res est, sed in corpore ubi tegumentum non est, nuditas dicitur sicut & inanitas non est aliquid: sed inanis dicitur locus esse ubi non est corpus, & inanitas est absentia corporis.

Quo sensu tenebræ dicantur non esse aliquid, & quo dicantur esse aliquid.

Attende quia hic Augustinus tenebras dicit non esse aliquid, cum alibi tenebra inter creaturas ponatur quæ benedunt Dominum. Unde dicitur: Benedicite lux & tenebra Domino. Ideoque sciendum est tenebras diuersis modis accipi, scilicet vel pro lucis absentia, qualiter supra accepit Augustinus: iuxta quã acceptionem non sunt aliquid: ut pro aere obscurato, siue aeris obscura qualitate, & secundum hoc aliqua res creata sunt. Ideo ergo dicit tenebras tunc fuisse super faciem abyssi, quia nondum erat lux: quæ si esset, & superesset, & superfunderetur: sed nondum lucis gratia opus suum Deus venustauerat, quæ postea in primo die formata est.

Duo hic consideranda sunt: quare illa materia confusa, sit dicta informis, & ubi ad esse prodit, quantumque in altitudine ascenderit.

De qua re priusquam tractemus, duo nobis discutienda occurrunt. Primum, quare illa materia confusa informis dicatur: an quia omni forma caruerit, an propter aliud. Secundo, ubi ad esse prodierit, & quantum in altum ascenderit. Ad illud ergo quod primo positum est, breuiter respondentes, dicimus illam primam materiam non ideo dictam fore informem, quod nullam omnino formam habuerit, quia non aliquid corporeum tale existere potest, quod nullam habeat formam, sed ideo non absurde informem appellari posse dicimus, quia in confusione, & permixtione quadam subsistens, nondum pulchram, apertamque & distinctam receperat formam, qualem modo cernimus. **E** Facta est ergo illa materia in forma confusionis ante formam dispositionis. In forma confusionis prius omnia corporalia materialiter simul, & semel sunt creata, postmodum in forma dispositionis sex diebus sunt ordinata. Ecce absolutum est quod primo in discussione propositum fuit, scilicet quare illa materia dicatur informis.

lib. 1. 4. &
5. & in 10. 6.
lib. contra
Epi. Man-
chaos, c. 30.

Dama. f

Aug. lib. 1.
de Gen. cap.
15.

Hic ad id quod secundo quærebatur, respondet.

Nunc superest quod secundo proponebatur explicare, ubi scilicet illa materia subsisterit, & quantum in altitudine porrigebatur. Ad quod, nihil temere asserentes, dicimus, quod illa prima rerum omnium moles quando creata est, ibidem ad esse videtur prodixisse, ubi nunc formata subsistit. Eratque terreum hoc elementum in uno loco, eodemque medio subsistens, ceteris tribus in una confusione permixtis: eisdemque circumquaque in modo cuiusdam nebula oppressis ita obvolutum erat, ut apparere non posset quod fuit. Illa vero tria in una permixtione confusa circumquaque suspensa, eorumque in altum porrigebantur, quorumque nunc summities corporea natura pertingit. Et sicut quibusdam videtur, ultra locum firmamenti extendebatur illa moles, qua in inferiori parte spissior, atque grossior erat, in superiori vero, rarior, ac leuior, atque subtilior existeret, de qua rariori substantia putant quidam fuisse aquas, quæ super firmamentum esse dicuntur. Talis fuit mundi facies in principio, priusquam reciperet formam, vel dispositionem.

Ostenso qualis fuit mundi facies in ipso primordio, incipit prosequi operum sex dierum distinctionem.

Nunc superest, ut dispositionem illam qualiter perfectam sit, ordine prosequamur. Sex diebus, sicut docet Scriptura Genesis, distinxit Deus, & in formas redegit proprias cuncta quæ simul materialiter fecerat. Perfecitque opus suum in die sexto: & sic deinde die septimo requieuit ab omni opere suo, id est, cessavit novam creaturam facere. Sex enim diebus sex rerum genera distinxit, nihilque postea fecit, quod in aliquo illorum non contineatur: operatus est tamen postea, sicut veritas in Euangelio, ait: Pater meus operatur usque nunc, & ego operor illud.

De quatuor modis diuinæ operationis.

Quatuor enim modis, ut ait Alcuinus super Genesim, operatur Deus. Primo, in verbo omnia disponendo. Secundo, in materia informi quatuor elementorum, de nihilo eam creando, unde: Qui vivit in æternum, creavit omnia simul. Omnia, scilicet elementa, vel omnia corpora materialiter simul creavit. Tertio, per opera sex dierum varias distinxit creaturas. Quarto, ex primordialibus seminibus non incognita oriuntur natura, sed nota sæpius reformantur, ne pereant.

DISTINCT. XII.

De corporalis creaturæ productione quantum ad principium materiale, & hæc productio dicitur creatio.

Hæc de angelica natura conditione, &c.

Expositio Textus.

Divisio.

SUPERÆGIT Magister de conditione naturæ spiritualis in hac secunda parte agit de conditione corporalis. Et quoniam creaturæ corporalis duo sunt principia, videlicet materiale, & formale: ideo pars ista habet duas. In prima agit de productione corporalis creaturæ quantum ad principium materiale: & hæc productio dicitur creatio. In secunda agit de productione ipsius quantum ad principium formale: & hæc productio dicitur distinctio, infra distinct. 13. Pri-

AMA AUTEM distinctionis operatio fuit, &c. Prima pars continet præsentem distinctio in qua intendit agere de materiæ rerum corporalium productione. Et quoniam circa productionem materiæ corporalis duæ fuerunt solennes opiniones: ideo pars illa duas habet. In prima unam ex illis eligit. In secunda iuxta illam opinionem de materia illa tractat, & inquit, ibi: De qua re priusquam tractemus, &c. Prima pars habet quatuor particulas. In prima dicta dicendis continuat. In secunda diversas Sanctorum opiniones circa productionem materiæ corporalium explicat, ibi: Quidam namque Sanctorum, &c. In tertia alteram ex illis opinionem eligit, & explanat, ibi: Secundum hanc itaque traditionem, &c. In quarta, & ultima quoddam dubium determinat, ibi: Attendende, quia hic dicit Augustinus, &c. Similiter secunda pars principalis, in qua de ipsa materia secundum opinionem plus electam inquit, quatuor habet partes. In prima determinat qualiter fuerit informis, & confusa. In secunda determinat ubi fuerit locata, ibi: Nunc superest quod secundo proponebatur. In tertia vero anticipando determinat quibus diebus, vel in quor fuerit distincta, ibi: Nunc superest ut distinctionem, &c. Quarto vero, & ultimo auctoritate Alcuini confirmat, ibi: Quatuor enim modis, ut dicit Alcuinus.

Illam confusam materiam quatuor elementorum quam nomine terra, ut Augustinus ait contra Manichæos: ideo appellavit, &c. Dub. I.

CONTRA: Hoc videtur esse quod dicit Hugo: Per terram hoc elementum terræ signari puto cum dicitur; In principio creavit Deus cælum, & terram: Ergo non videtur signare illam materiam informem in sua generalitate. Item: Si per terram signatur materia informis, cum in illa conveniat cælum, & terra, videtur quod non bene distinguantur illa duo. Iuxta hoc est quæstio propter quid illis tribus nominibus illa informis materia appellatur, scilicet nomine terræ, abyssi, & aquæ, cum non magis esset ibi de ratione terræ, & aquæ quàm ignis, vel aëris. **R**ESP. Dicendum quod etsi multæ sint expositiones huius verbi; In principio creavit Deus cælum, & terram: quatuor tamen sunt principales, & secundum has differenter exponitur nomen terræ. Una expositio est quod cælum, & terram unam & eandem materiam nominant, scilicet materiam informem omnium corporalium: propterea tamen de ipsa debebant fieri duorum corporum genera, scilicet cælestia, & elementaria: ut sit sensus: In principio creavit Deus cælum, & terram, id est, materiam ex qua debebat fieri cælum, & omnia elementa: & ista expositio confirmatur per subsequentem litteram. Subsequente enim exprimitur qualiter factum est cælum, & qualiter facta est terra.

Alia vero expositio est ab hac expositione valde longinqua: quia nomine cæli vult intelligere naturam spirituales: nomine terræ naturam corporalem: ut sit sensus. In principio creavit Deus cælum, & terram, id est, angelicam naturam, & materiam primam: & hæc expositio confirmatur per litteram sequentem: quia in secundo die productio cæli corporali exprimitur: ergo in principio temporis, si qua fuit productio cæli, non fuit cæli corporalis: sed spiritualis.

Tertia expositio quasi media inter has duas, est expositio Hugonis, qui dicit per terram intelligi terrenum elementum, & per cælum tria alia elementa, quæ similiter super terram circumquaque in modum nebulae erant expansa, & in una confusione permixta, siue potius in una permixtione confusa circumquaque suspensa, quæ eorumque in altum protendebatur, quorumque nunc summities corporum naturæ pertingit, & illud videtur similiter per litteram sequentem confirmari.

Quarta expositio, quæ communior est secundum expositores, planior est: quod per cælum intelligatur cælum empyreum, quod est angelorum habitaculum, in quo angeli sunt creati: per terram vero materia omnium corporum intra ipsum contentorum, siue cælestium, siue terre-

strum

Beda circa illud Ge. 1. Et tenebrae erant super, &c.

Joan. 5. 0

Ecc. 1. 8. a

Gen. 1. a

strum. Hæc expositio sequenti literæ concordat, qua A exprimit de illa materia facta esse corpora cœlestia, & elemētaria. Et si tu quæras, quare illa duo distinguit, plana est responsio: quia cœlum empyreum completum erat & immutabile, & habebat mensurari æternitate cum suis contentis: materia vero illa incompleta erat, & subiecta mutabilitati, tam ipsa, quam ea quæ ex ipsa futura erant: & ideo debebat mensurari tempore. Et per hoc patet quod scriptura distinxit illa duo valde rationabiliter, & eleganter, cum in primaria conditione diuersas haberent mensuras, secundum quas adinuicem differrent, siue eorum differentia innotescerent, & per hoc patent duo obiecta prima. Ad illud quod quæritur, quare his tribus nominibus appellata est, dicendum quod etsi ad hoc satis sufficienter respondeat Magister in litera, potest tamen dici quod insinuat ipsa materia B informis istis tribus nominibus sub triplici conditione se habere in comparatione ad formam. Ipsa enim materia dat formæ fixationem: & propter hoc appellatur nomine terræ, quæ inter cætera elemēta plus habet de stabilitate. Ipsa etiam materia à forma recipit speciositatem, & completionem, & per se est quasi tenebra: & ideo assignatur nomine abyssi tenebrosæ. Ipsa quoque materia ad formam habet aptitudinem, & inclinationem: & ita quandam fluxionem, quæ signatur nomine aquæ.

Non enim tenebra aliquid sunt.
Dub. I I.

CONTRA: Si tenebra nihil est: ergo non est alicubi: ergo non videtur quod essent super faciem abyssi. ITEM C tenebra nihil dicit nisi negationem præsentia lucis corporalis: cum ergo ab æterno esset verum dicere, quod lux corporalis non erat ab æterno, esset verum dicere quod esset tenebra: quod falsum est. ITEM: Si tenebra nihil est, & quod nihil est, non potest ab alio diuidi: ergo non potuit tenebra diuidi à luce, cuius contrarium habetur in litera Genesis. ITEM: Si tenebra nihil est, & quod nihil est, non benedicit Dominum: ergo tenebræ non benediciunt Dominum.

RESPON. Dicendum quod tenebræ semper accipiuntur priuatiue: & quoniam priuatio requirit constantiam alicuius subiecti, tenebra semper aliquid præsupponit in obliquo: nunquam enim est tenebra, nisi sit aliquid quod tenebretur. Vnde tenebra non dicit tantum non existentiam lucis: sed etiam cum hoc addit aptitudinem corporis illuminabilis: quia ergo tenebra priuationem dicit, ideo dicitur esse facta: quia vero aliquid ponit in obliquo, ideo non est æterna. Si ergo alicubi dicatur, quod tenebra nihil est, hoc dicitur quantum ad illud quod dicit tenebram in recto, sicut dicitur cæcitas nihil est. Si vero dicatur quod tenebræ aliquid sunt, vel quod diuisæ sunt, vel quod benediciunt Dominum: hoc dicitur ratione eius circa quod sunt: & sic patent obiecta. Sed adhuc posset obiici, quod habitus naturaliter præcedit priuationem: ergo si tenebra dicit priuationem luminis, prius fuit lux quam essent tenebræ. Præterea: Nox est differentia temporis: ergo non est priuatio pura: sed Scriptura dicit quod tenebras appellauit noctem: ergo videtur quod falsum dicat, cum dicit quod tenebræ non aliquid sunt. Et propterea oportet distinguere, quod tenebra dupliciter potest importare priuationem. Vno modo, quia simpliciter dicit lucis absentiam, & hoc modo non sequitur lucem: & sic nihil est, formaliter loquendo. Sic etiam intelligit Scriptura, quod tenebræ erant super faciem abyssi: & sic intelligit Augustinus, cum dicit tenebræ non aliquid sunt. Alio modo tenebra dicit priuationem lucis in vna parte cum positione illuminationis in alia, & hoc modo tenebra appellatur vmbra, quæ resultat ex obiecto corporis opaci: & sic tenebra etsi aliquo modo sit priuatio, non tamen priuatio pura: & per hunc modum accipiendo, à luce dicitur esse diuisa, & signatur nomine noctis, & inuitatur ad laudem Creatoris, & consequitur habitum lucis.

Deus operatur primo in verbo omnia disponendo.
Dub. III.

CONTRA: Omni operationi respondet aliquis effectus: ergo si Deus operatur omnia disponendo in verbo, cum operatio ista fuerit ab æterno, videtur quod multa produxit ab æterno. ITEM: In sapiente operatore dispositio præcedit operationem: ergo cum Deus sit sapiens in omnibus operibus suis, videtur quod nulla eius operatio debeat dici dispositio.

RESP. Dicendum quod Alcuinus indiget hic pio expositore. Multum enim loquitur improprie, dum ipsam æternam dispositionem vocat operationem; ipse enim extendit nomen operationis ad omnem productionem. Sed quoniam pater generando, & producendo verbum omnia in ipso disposuit: ideo largo modo, sed improprie ipsum ab æterno disponendo in filio operari dixit.

ARTICVLVS I.

AD intelligentiam huius partis secundum duo, quæ Magister determinat de informi materia corporali: circa duo hic incidit dubitatio. Primo circa materiae informitatem. Secundo vero circa eius quantitatem. Circa primum quæruntur tria. Primo quæritur, vtrum materia corporalium creata sit in omnimoda possibilitate. Secundo, vtrum creata sit in perfecta actualitate. Tercio, vtrum creata sit sub aliqua formarum diuersitate.

QVÆSTIO I.

An materia corporalium creata sit in omnimoda possibilitate.

Alexand. Alensis 2. p. q. 12. Membr. 2. art. 1.
S. Thom. 1. p. q. 66. art. 1.
Et de Pot. q. 4. art. 1.
Scotus 2. Sent. dist. 12. q. 1.
Ægid. Rom. 2. Sent. dist. 12. q. 3. art. 2.
Et Quod. 1. q. 7.
Henricus Quod. 1. q. 10.
Richardus 2. Sent. dist. 12. q. 1. & 4.
Durandus 2. Sent. dist. 12. q. 2.
Franciscus de Mayr. 2. Sent. dist. 12. q. 1. & 2.
Thom. Arg. 2. Sent. dist. 12. q. 1. art. 2.
Greg. Arim. 2. Sent. dist. 12. q. 1. & 2.
Ioan. de Bassol. 2. Sent. dist. 12. q. 1.
Steph. Brulef. 2. Sent. dist. 12. q. 1.
Ioan. Bacc. 2. Sent. dist. 12. q. 1.
Gabr. Biel. 2. Sent. dist. 12. q. 1.

CIRCA quam sic proceditur, & ostenditur quod materia creata sit in omnimoda possibilitate, ita quod nullam habuerit formam. Primo per Augustinum in lib. de Symbolo, qui ait sic; Primo omnium formarum capacitas facta, est, vt ordinatissimo Dei munere cætera formarentur, quæ formata sunt: ergo videtur, quod in materia secundum quod primo condita fuit, fuerit solum formarum capacitas, & nulla forma.

2. ITEM August. in lib. 12. Confess. Nonne tu Domine docuisti me? Quia priusquam istam informem materiam formares, atque distingueres, non erat aliquid, non color, non figura, non corpus, non spiritus: tamen non omnino nihil erat informitas sine vlla specie. Et post: illud totum prope nihil erat; quoniam adhuc omnino informe erat: iam tamen erat quod formari poterat. Ex his duobus verbis expresse colligitur quod materia corporum sub omnimoda informitate, & possibilitate producta fuerit.

3. ITEM quod illud sit possibile, videtur; Possibile est prius esse sine posteriori: sed materia prior est omni forma: ergo possibile fuit, eam fieri absque omni forma.

4. ITEM ad rerum conditionem concurrunt duplex potentia, sc. potentia actiua, & potentia passiua, vel potentia agentis, & potentia materiae: sed possibile est potentiam agentis præcedere effectum & naturam & durationem: ergo possibile est, quod possibilitas, vel capacitas materiae natura, & duratione præexistat omni formæ.

Ad oppositum.

Cap. 2. tom. 1.

Hoc argumentum magis facit.

Scotus q. 2. huius dist.

5. ITEM quod illud sit congruum, videtur sic. Si aliquid vnum reperitur in vniuerso quod constitutum est ex pluribus naturis, & alteram illarum est per se inuenire similiter contingit per se inuenire & reliquam, ad hoc quod vniuersitas sit completa. Sed res mundanæ per materiam & formam componuntur, & est inuenire puram formam, in qua nihil est de possibilitate materiæ, utpote Deum: ergo erit reperire puram materiam, in qua nihil erit de actualitate formæ: sed hoc non fuit nisi in mundi exordio; ergo videtur, quod materia producta sit sine omni forma.

6. ITEM Deus est agens ordinatissimum: ergo ab extremo in extremum peruenit per medium: sed medium inter omni no non ens, & ens in actu, est ens omnino in potentia: ergo videtur quod Deus in productione rerum prius de non ente fecit ens in potentia, quam produxerit aliquam formam.

Fundamēta.
Lib. I. parte
I. cap. 4.

Boetius de
unitate, &
vno, & de
Trinitate ad
Symmachum
post princ.
I. Physicorum.
19. & 3.
I. Physicorum.
con-
text. 16.

Ad oppositum Hugo in libro de Sacramentis. Credo illam primam materiam non ideo dictam informem fore, quia nullam omnino formam habuerit, quia nunquam aliquid tale corporeum existere potest, & hoc idem Magister dicit in littera.

ITEM Boetius: Omne esse est à forma: sed omne quod creatur statim post creationem est: ergo vel est forma, vel habet formam. Si igitur materia prima creata fuit; vel fuit forma, vel habuit formam in suæ educationis principio: sed non fuit forma: ergo, &c.

ITEM Philosophus: Impossibile est materiam separari ab omni forma: sed si materia tempore præexisteret omni formæ posset ab ea separari: ergo non fuit creata in carentia omnis formæ.

ITEM vnitas, bonitas, veritas, siue modus, species, & ordo sunt in rebus ex parte principij formalis; sed impossibile est aliquid esse, vel produci, in quo non sit vestigium Creatoris: ergo impossibile est, quod aliquid educatur carens omni forma.

ITEM si materia illa careret omni forma, ergo & omni accidente: ergo non haberet extendi, nec locari, nec esse in motu, nec in quiete: sed nihil tale in rerum natura potest exillere: ergo materia non potuit in sui conditione omni forma carere.

ITEM materia hoc ipsum quod est dicitur esse ad formam: ergo essentialiter habet dependentiam à forma: si ergo impossibile est aliquid separari ab eo quod essentialiter sibi inhæret, impossibile est materiam præter omnem formam existere.

CONCLUSIO.

Materia prima potest considerari informis: existere autem non potest omni forma spoliata.

RESP. AD ARG. Ad prædictorum intelligentiam est notandum, quod dupliciter est loqui de materia. Aut secundum quod existit in natura, aut secundum quod consideratur ab anima. Si secundum quod consideratur ab anima: sic potest considerari informis siue per priuationem formæ distinctæ, siue per priuationem etiam omnis formæ, & sic dicit Augustinus. 12. confess. essentialiter materiam intelligi. Nam materia secundum sui essentialitatem est informis per possibilitatem omnimodam, & dum sic consideratur, formarum ipsa capacitas, siue possibilitas est sibi pro forma. Est iterum loqui de materia secundum quod habet in natura, & sic nunquam est præter locum, & tempus, siue præter quietem, & motum: & hoc modo non solummodo non congruit, immo etiam impossibile est materiam informem existere per priuationem omnis formæ. Et hoc est quod dicit Magister, & Hugo de S. Victore, & omnes in hoc Tractatores consenserunt quod illa materia, quæ primo producta est per creationem, non fuit in omnimoda possibilitate, siue in carentia omnis formæ: unde concedendæ sunt rationes ad hanc partem inductæ.

1. 2. AD illud quod obiicitur, quod primo facta est

omnium capacitas, & similiter de eo quod dicitur in 12. Confess. dicendum quod Aug. loquitur de prioritate naturæ, non de prioritate durationis. Secundum enim ordinem naturæ prius est materia omnimode in potentia, quam sit sub aliqua forma: & ita omnimode informis, quam aliquo modo formata, quia formationem habet aliunde, sed informitatem & possibilitatem habet ex propria natura; non tamen potest esse prior duratione. Nunquam enim informitas est nisi per aliquam formam; nec possibilitas nisi per aliquem actum.

3. AD illud quod obiicitur, quod prius potest esse sine posteriori, dicendum quod illud non habet veritatem, quando prius à posteriori dependet, vel quando ad ipsum necessariam habet ordinationem, vel etiam quando illud quod est prius in vna consideratione, posterius est in altera: omnibus his de causis fallit prædicta ratio in proposito. Materia enim à forma dependet, & ad ipsam habet necessariam ordinationem, & quamvis sit prior productione, siue generatione, posterior est tamen in completionem.

4. AD illud quod obiicitur de potentia agentis, & materiæ, dicendum quod non est simile, quia potentia agentis non sic dependet, & completur per effectum, licet potentia materiæ dependet, & completur per actum.

5. AD illud quod obiicitur, quod est reperire formam per se: ergo & materiam, dicendum quod propositio illa non habet necessitatem, sed solum congruitatem. Peccatum est etiam in assumptione; quia forma illa quæ cum materia facit compositum, nunquam sine materia reperitur. Cum enim dicitur Deus est pure forma; æquiuocatur nomen formæ, quia non dicitur ibi forma prout est perfectio materiæ: neque forma nominat ibi essentialitatem, quæ habet esse in omnimoda actualitate, & completionem, & nullo modo potest peruenire ad alterius compositionem.

6. AD illud quod obiicitur de ordine in producendo, dicendum quod ad hoc quod seruetur ordo in productione, non oportet quod quæcunque habent ordinem naturæ, habeant ordinem durationis successive: contra hoc enim innumerabiles sunt instantiæ: & ideo quamvis ens in potentia simpliciter inter non ens & ens actu sit melius, non oportet tamen quod duratione sequatur vnum, & præcedat alterum.

QVÆSTIO II.

An materia producta sit in perfecta actualitate.

S. Thom. 2. Sent. dist. 12. q. 1. art. 4.
Secundum 2. Sent. dist. 12. q. 1.
Egid. Rom. 2. Sent. d. 12. q. 3. art. 2.
Et Quod. 2. q. 12. & 13.
Henricus Quod. 1. q. 10.
Ioan. Bacc. 2. Sent. dist. 12. q. 4.
Richardus 2. Sent. dist. 12. q. 5.
Steph. Brulef. 2. Sent. dist. 12. q. 2.
Gabr. Biel. 2. Sent. dist. 12. q. 1. art. 2.

VT V materia illa producta sit in perfecta actualitate. Et quod sic, videtur primo per textum Genesim; illæ sunt generationes cœli, & terræ in die qua creauit Deus cœlum, & terram, & omne virgultum agri, &c. ergo in eodem die producta sunt, quæ prius dixit per sex dierum numerum fuisse distincta.

2. ITEM: Qui viuit in æternum creauit omnia simul. Si omnia simul sunt creata: ergo corporalia, & spiritalia, & omnis corporalium differentia.

3. ITEM: Ecce Behemoth quem feci tecum. Sed Behemoth est Angelus primo factus, & homo ultimo die factus: ergo omnia simul facta sunt. His auctoritatibus arguit Aug. pro sua opinione in hac parte.

4. ITEM hoc ipsum ostenditur ratione. Ab agente perfectæ potentie debet exire effectus secundum quod magis est manifestatiuus summæ potentie: sed maioris potentie est posse simul omnia producere, quam successive: ergo magis est declaratiua diuinæ potentie productio materiæ cum perfecta actualitate formæ simul &

Cap. 12. &
Lib. 2. super
Gen. ad lit.
c. 11. item 3.

Ad opposi-
tum.
Gen. 2. 6.

Ecd. 11. 4.

Job. 40.

Lib. 4. de Cr.
c. 32. & 16.
5. 6. 34. 16.

semel

semel sibi collatæ, quam postmodum ex illa successiue educat: si ergo Deus operatur secundum quod eius potentiam magis decet, videtur, &c.

5. **ITEM** Perfecte sapientis est ordinate operari: ergo si confusio repugnat ordinationi, videtur quod Deus nihil produxerit cum confusione, cum sit perfecte sapiens: produxit igitur sub ordine: sed ordo præsupponit distinctionem: ergo, &c.

6. **ITEM** perfectio effectus attestatur perfectæ bonitati in efficiente: si ergo Deus est bonitatis perfectissimæ, videtur quod statim cum produxit materiam, debuerit ipsam formis plene perficere, cum ipse hoc posset, & materia etiam exigeret. Si tu dicas quod hoc non concludit quod statim debuit perficere: sed quod ex rationabili causa & potuit, & debuit differre: obijciunt contra hoc, quia natura & ars operatur quam citius potest: & de excellentia virtutis, & bonitatis est quod effectum suum compleat velociter. Si ergo tam natura, quam ars est imitatrix diuinæ artis, & virtutis, videtur quod Deus cum statim complere potuerit, quod nulla temporis mora vel durationis distulerit.

SED CONTRA: Primo per tex. Genes. arguitur; ubi dicitur quod per sex dierum spatium compleuit Dominus opus quod inchoauerat: ergo videtur quod non subito materia sit in perfecta actualitate producta secundum sacre Scripturæ sententiam. Si igitur maior est huius Scripturæ auctoritas, quam omnis humani ingenij perspicacitas, ut dicit Aug. magis standum est huic sententiæ, quam omni persuasioni humanæ. Si tu dicas quod rudibus loquebatur Legislatores, nec potuit simul dicere, quod simul potuit Deus facere: neutra istarum responsionum videtur sufficiens, quia propter ruditatem auditoris non debet ei dare aliquis occasionem deceptionis. Moyses autem bene nouerat quod ipsi verba eius ad litteram intelligerent: ergo scienter docebat eos id, unde possent decipi & errare.

ITEM quamvis simul non potuerit omnia dicere, & opera illa exprimere, tamen potuit exprimere simul omnia facta esse.

ITEM Chrysostomus super Ioannem ait, quod simul extitit per substantiam materiæ, non simul apparuit per speciem formæ: ergo non videtur quod simul producta sit sub formis.

AD hoc sunt auctoritates communiter Sanctorum, & Doctorum, ut Ambrosius, Hieronimus, Gregorius, Basilides, Dionysius, & Damascenus, & aliorum plurimum tam Græcorum, quam Latinorum.

ITEM per rationem videtur hoc ipsum. Quamvis Deus posset statim hominem in beatitudine collocare, & vniuersum in ea perfectione in qua erit post iudiciū facere, maluit tamen ordinem seruare non solum in mundi existentia, sed etiam in decursu, quia efficacius sic manifestatur eius sapientia: ergo similiter videtur quod in primario rerum exitu non tantummodo seruauerit ordinem, quantum ad ipsum esse: sed etiam quantum ad ipsum producere, siue facere: ergo non videtur quod omnia simul produxerit, sed successiue.

ITEM diuina potentia non tantum manifestatur in productione formæ, sed etiam tantum & amplius manifestatur in educatione materiæ: materia autem secundum maiorem sui capacitatem magis declarat efficientis potestatem. Sed tanto maior est capacitas in materia, quanto maior est in ea informitas: si ergo ad manifestationem diuinæ potentiæ debuit materia produci capax secundum quod erat possibile, videtur quod Deus debuit eam producere in tanta informitate, in quanta materia posset aliquo modo subsistere: ergo non sub perfecta formarum distinctione.

ITEM impossibile est dies materiales simul esse: ergo impossibile est hoc intelligere, quod Deus simul omnia produxerit, & tamen ea produxit per sex dies. Oportet ergo secundum positionem quæ ponit omnia simul esse producta, senarium illum dierum intelligere spiritualiter, & ita lucem spirituales, & noctem spirituales. Er-

go si hæc omnia simul producta sunt, in primo instanti diuisa est lux à tenebris, id est boni Angeli à malis: ergo non fuit mora inter creationem, & lapsum, quod est supra improbatum, & ostensum est esse contra Augustinum.

ITEM cum sacra Scriptura ordinat opera sex dierum, aut ordinat quantum ad ordinem durationis, aut quantum ad ordinem naturæ, aut quantum ad ordinem dignitatis. Si quantum ad ordinem dignitatis: ergo cum homo sit dignissima creaturarum, debuit eius productio attribui primæ diei. Si quantum ad ordinem naturæ: ergo productio solis, & lunæ fuit ante productionem planetarum, & herbarum. Restat igitur hoc esse dictum quantum ad ordinem temporis, siue durationis.

CONCLUSIO.

B *Deum, materiam primam non perfecte statim formatam creasse, sacra Scriptura testimoniis probabilius est, licet oppositum humane rationi magis consonum videatur.*

Rsp. Ad arg. Ad prædictorum intelligentiam notandum est, quod circa hanc quæstionem diuersæ sunt Sanctorum opiniones. Quidam enim Sancti in hac quæstione magis secuti sunt viam Theologicam trahentes rationem ad ea quæ sunt fidei. Quidam vero, inter quos præcipuus fuit Aug. magis secuti sunt viam philosophicam, quæ illa ponit quæ videntur magis rationi consona: unde & intellectum Scripturæ trahit ad rationis confirmationem, & attestationem. Vnde cum videatur rationabilius à summa potentia omnia produci simul, & mora temporis interiacentis nullius videatur esse utilitatis vel necessitatis, posuit omnia simul esse producta: suam positionem confirmans per auctoritates sacre Scripturæ, & exponens illud quod videtur sibi contradicere, videlicet de dierum distinctione, ostendens quod illi dies non fuerunt dies materiales, sed potius spirituales, qui omnes simul potuerunt esse, & hæc positio multum fuit rationalis, & valde subtilis. Verumtamen quia ad hanc positionem videtur intellectus Scripturæ distrahi, & securius est, & magis meritorium intellectum nostrum, & rationem omnino Scripturæ supponere, quam ipsam, aliquo modo distrahere. Ideo communiter aliqui doctores, & qui præcesserunt Augustinum, & qui secuti sunt, sic intellexerunt, & posuerunt, sicut textus in littera sacre Scripturæ Genes. sonare videtur. Vnde posuerunt omnia materialia, & corporalia simul esse creata in materia, sed per senarium dierum esse distincta in forma. Hanc positionem, etsi minus videatur rationalis quam alia, non tamen est irrationabile sustinere. Quamvis enim ratio non percipiat huius positionis congruitatem prout considerationi suæ innititur, percipit tamen prout sub lumine fidei captiuatur. Est enim huius successiue formationis, & distinctionis ratio quadruplex, videlicet literalis, moralis, allegorica, & anagogica. Literalis in hoc quod Deus non tantum intendit facere, quantum potest, tantum etiam communicare creaturæ quantum potest recipere. Vnde cum possit dare beatitudinem absq; meritis, vult tamen quod mereamur. Sic cū possit statim perficere materiam: maluit tamen ipsam sub quadam informitate, & imperfectione facere, ut ex sua imperfectione quasi materia ad Deum clamaret ut ipsam perficeret: & hoc idem voluit per senarium dierum differre, ut in perfectione numeri simul ostenderetur perfectio vniuersi. Secundum enim Arithmeticum, senarius est numerus perfectus, quia constat ex omnibus suis partibus aliquoties, ita quod non deficit, nec excrecit. Partes autem aliquoties dicuntur quæ sumptæ aliquoties reddunt totum. Ratio moralis est, ut in hoc erudiatur homo quod sicut materia corporea per se ipsam informis existit, tunc autem formatur cū diuina bonitas eius informitati tribuit formam: sic anima formari non potest per se ipsam, nisi Deus gratiam suam infundat, cui etiam numerus senarius attestatur, quia tempus est merendi per vniuersum tempus vitæ præsentis, ut postmodū detur homini quies: quia non peruenitur

Opinio 1.

Improbatio.

Opinio 2.

Literalis ratio.

Aug. de Genes. ad lib. 4. c. 3.

Ratio moralis.

Ratio allegorica.
De Gen. lib. 4. c. 4. 20. 3.
Ch. lib. ult. de Civ. Dei. c. ult. in fi. l. 5.
Ratio anagogica.
Lib. 4 per totum.

Aug. 12. confess. in multis capitulis præsertim medio, tom. 1.

Gen. 2. 8

ad perfectionem meriti vsque ad consummationem gratiæ finalis, post quā nulla sequitur vespere, & ideo dies septimus non habet sibi assignatum vespere in Scriptura. Allegorica vero ratio est, quia sicut expresse August. ostendit, in illa prima mundi conditione quæ est distincta per senarium, totum spatiū decursus mundi præsentis secundum sex ætates præsignatur: ut primus dies ætati primæ respondeat, secundus secundæ, & sic deinceps secundū quod plane adaptat Aug. super Gen. ad litteram quod hic longum esset repetere. Ratio autē anagogica est, ut in illa dierum distinctione intelligatur perfectio cognitionis in Angelica natura beatificata, secundum quod plane ostendit Aug. supra Gen. ad litteram quasi per totum. Quod ideo vocat ad litteram, quia expositionem istam quam alij reputabant anagogicam, dicit legislatorem intendisse ad litteram: nihil tamen ibi asserendo dicit, sed protestatur ipse modo inquisitorio se ibi procedere. Et sicut patet ex eius intentione ibidem, magis volebat intellectū ex Scriptura elicere, ex quo Scriptura non posset à viris philosophicis derideri, nec propter hoc aliquis naturali philosophia imbutus à fidei veritate retardari, sicut ipse aliquando fuerat retardatus, magis inquam quam intellectum principalem exponere, quem ibi habuit legislator, & magis intendit ostendere, quid creatum fuerit, vel tunc potuerit, quam quid factum fuerit. Et in 12. confess. ostenditur quod vna, & eadem Scriptura multipliciter potest intelligi, & in omnibus sensibus vere, quorum nullus Spiritum sanctum latuit, ex cuius inspiratione Scriptura edita fuit, & in hoc manifeste ostendit quod aliis non contradicit. Hanc igitur positionem sustinendo ad obiecta in contrarium respondendum est.

1. Ad illud enim quod primo obiicitur de textu Gen. Dicendum quod illud dictum est per recapitulationem, & iste terminus *die*, ibi confunditur ut teneatur pro diuersis diebus, vel tenetur zeugmaticè, ut reddatur aliis singulis membris illius recapitulationis.

2. Ad illud quod obiicitur de Ecclesiastico. Qui viuit in æternum, &c. Dicendum quod Scriptura facit vim inter *creare*, & *facere*. Nam creationē vocat productionem ex nihilo, factionem vero ipsam distinctionem, & hoc bene signatur in Genesi, vbi dicitur quod cessauit ab omni opere suo quod creauit ut faceret: omnes igitur Sancti in hoc concordant, quod omnia sunt simul producta in materia, & ideo omnia concedunt simul esse creata, sed tamen non simul facta.

3. Ad illud quod obiicitur de Iob, dicendum quod Greg. exponit quod *tecum* dicit ibi similitatem non temporis, sed similitatem rationis: quasi dicat, ecce Beemoth quem feci tecum, id est, tibi similem in rationis capacitare.

4. 5. 6. Ad illud quod obiicitur, quod maioris potentia est declaratiuum, producere multa simul, dicendum quod Deus potentiam suam magis intendebat manifestare in productione de non esse in esse, quam postmodum in formatione, ibi enim magis manifestat sapientiam, & bonitatem: & ut sigillatim, & distinctim, & appropriatim in productione effectuum manifestaretur perfectio potentia, sapientia, & bonitatis, placuit diuino auctori præmittere opus creationis, postmodum subiungere opus distinctionis, postremo vero opus ornatus, & decorationis. Et in primo manifestatur potentia, in secundo sapientia, in tertio vero bonitas perfecta, licet omnia in quolibet horum manifestari possint à Deo: & ideo ita bene sunt manifestata post consummatum esse rerum illa tria, sicut si in principio statim materia fuisset producta, & distincta, & ornata. Et per hoc patet duo sequentia quæ procedunt consimili via, videlicet de bonitatis, & sapientia perfectione. Illæ enim rationes non concludunt nisi quod Deus materiā in informitate non debuit relinquere, quia hoc esset contra ordinē, & perfectionem: sed tum fecit informem ut formaret, & imperfectam ut perficeret, ostendit & perfectionem, & ordinem à se materiæ dari. Et si tu obiicias quod ad

perfectionem omnium horum spectat velociter effectum perficere, & ornare, & distinguere, dicendum quod illud verum est, vbi agens agit secundum totum suum posse: vbi vero condescendit possibilitati, & infirmitati & utilitati alienæ non habet veritatem: & sic est in proposito. Sicut enim Deus sacram Scripturam nobis tradidit quasi rudi modo, & inepto, ut quilibet posset capere, & intelligere: cum tamen in ipso sint infiniti thesauri sapientia, & scientia: sic etiam in formatione rerum quantum decebat condescendit modo naturæ, & etiam eruditioni rationalis creaturæ. Et quia ex illa dilatione erudiebatur homo, sicut prius visum est, ideo placuit diuinæ potentia, bonitati, & sapientia rerum formas sub dierum successione distinguere, cum tamen posset eis subito materiam distinguere, & ornare.

QVÆSTIO III.

An materia corporalium creata sit sub aliqua diuersitate formarum.

Aegid. Rom. 2. Sent. dist. 12. q. 3. art. 2. dub. 2.
Steph. Brulef. 2. Sent. dist. 12. q. 3.

VTRVM materia illa corporalium creata sit sub aliqua formarum diuersitate. Et quod sic, videtur per textum: In principio creauit Deus cælum, & terram: ergo videtur quod in principio suæ conditionis habuerit formam cælestem, & formam elementarem. Si dicas quod cælum stat ibi pro cælo empyreo, & terra pro materia corporalium, obiicitur per textum sequentem: Congregentur aquæ in locum vnum, & appareat arida: ergo videtur quod tertio die terra solummodo manifestata fuit, non producta: ergo in ipso chaos videbantur iam esse elementa.

2. **ITEM** Hugo de sancto Victore: Nomine terræ elementum signatum puto: si ergo erat ibi elementum terræ, pari ratione & alia elementa. Si tu dicas, quod ibi vocat elementum terræ, non quia iam erat, sed quia futurum erat: obiicitur per illud quod subditur: eratque terrenum hoc elementum in medio, & in vno loco subsidens cæteris in confusione permixtis: si ergo permixtio non est eiusdem, sed diuersorum, videtur quod ibi iam erant diuersæ formæ elementares.

3. **ITEM** ratione hoc videtur. Primæ formæ quæ insunt materiæ, sunt formæ elementares, sicut patet: quia ultra illas non est resolutio nisi ad primam materiam: ergo si materia illa aliquam formam habuit corporalem, videtur quod habuerit formam elementarem: sed formæ elementares sunt æque primæ: ergo videtur quod simul habuerit omnes.

4. **ITEM** constans est secundum positionem Sanctorum, quod lux illa faciebat noctem, & diem: sed diem non poterat facere, nisi esset corpus transparent, & illuminabile: noctem non poterat facere nisi esset corpus opacum, quod umbram proiiceret: videtur igitur quod in primaria conditione materia in quadam sui parte fuerit transparent, in quadam opaca: & ita quod in se habuerit formas diuersas.

5. **ITEM** nihil est in genere, quod non sit in aliqua eius specie: ergo si illa materia erat quid corporeum, erat igitur aliquod corpus: ergo vel simplex, vel mixtum: sed non erat corpus simplex, quia nec cæleste, nec elementare: ergo permixtum: ergo habebat in se diuersitatem formarum.

6. **ITEM** materia illa cum esset imperfecta, habebat aliquem appetitum: aut ergo ad vnam formam, aut ad plures. Si ad vnam: ergo videtur quod cum Deus compleuerit appetitum eius, quod debuerit dare vnam solam formam corporalem. Si ad plures: ergo cum multiformitas appetituum veniat ex multiformitate dispositionum, & multiformitas dispositionum ex multiformitate formarum: ergo videtur quod illa materia condita fuerit sub formarum diuersitate.

Coloss. 1. 8

Ad oppositum.
Gen. 1. 8

Arist. 2. Topicorum.

SED contra: Terra autem erat inanis & vacua: seu si esset in materia formarum diuersitas, non esset inanis & vacua.

ITEM alia translatio. Terra erat inuisibilis, & incomposita: sed si esset ibi forma cælestis, & elementaris, esset iam ibi materia aliquo modo, & visibilis, & composita.

ITEM si ibi formæ plures erant, aut ergo erant permixtæ, aut distinctæ. Si distinctæ: ergo non erat materia illa informis. Si permixtæ, ergo videtur, quod haberet formam permixtionis, & ita non erat informis, immo magis formata quam si haberet solam formam elementarem.

ITEM miscibilia præcedunt mixtum: ergo si ibi erant formæ permixtæ, per naturam prius sunt elementa, quam illa materia quæ primo est condita: ergo videtur ordo præposterus: quando Deus ex materia illa fecit elementa in sequentibus diebus.

ITEM si permixtæ ibi erant formæ: ergo materia illa magis approximabat mixto perfecta mixtione quam approximet elementum: ergo magis approximabat ad opus quintæ diei, & sextæ, quam elementorum distinctio: ergo videtur quod non debuerit productio illius materiæ determinari in rerum primordio.

ITEM si erat ibi formarum diuersitas: ergo videtur quod esset ibi actio, & passio: & ita generatio & corruptio, & alteratio: & ita non erat dicenda materia informis, cum in tali statu essent operationes quæ competunt formis distinctis.

CONCLUSIO.

Materia prima in sua creatione imperfecta quadam forma fuit formata, qua non omne desiderium ad formam expleret: sed esset dispositio quadam ad ulteriores recipiendas formas.

RESP. AD ARG. Ad prædictorum intelligentiam notandum, quod informatem illius materiæ corporalis diuersimode intellexerunt diuersi. Quidam namque voluerunt dicere, quod materia illa diceretur chaos propter formarum multitudinem, & contrarietatem, quæ erat in partibus materiæ: ita quod illæ partes non distinguebantur adinuicem secundum loca determinata, nec ita proportionaliter inuicem iungebantur, vt ex eis resisteret aliquod mixtum completum: & ideo erat ibi quædam permixtio non proportionis, sed confusionis: & sicut non erat ibi proportionalis mixtio, ita nec ibi erat regularis actio, immo cuiusdam pugnæ confusio, ita vt calida pugnarent frigidis, & humida siccis, & sic recte posset materia illa chaos appellari. Sed iste modus ponendi potius est Poëticus quam Philosophicus: quia magis sequitur imaginationis fictionem quam rationem, cum secundum istam positionem ponantur elementa illam materiam sic productam naturaliter præcedere, quod nec rationi consonat, nec sacræ Scripturæ. Et ideo est alius modus dicendi rationabilior, quod materia illa producta est sub aliqua forma: sed illa non erat forma completa, nec dans materiæ esse completum, & ideo non sic informabat, quin adhuc materia diceretur informis: nec appetitum materiæ adeo finiebat, quin adhuc materia alias formas appeteret: & ideo dispositio erat ad formas vltiores, non completa perfectio. Et quoniam ad multas formas materia informis appetitum & inclinationem habebat: ideo quamvis illa forma non haberet in se naturas diuersas, tamen materia in diuersis suis partibus quandam diuersitatem imperfectam habebat, non ex diuersis actibus completis, sed magis ex appetitibus ad diuersa: & ideo permixta dicitur, & confusa. Sicut exemplum ponitur in embryone, quod actu habet vnam formam, & figuram quandam massæ carnis: illa tamen est dispositio ad diuersas membrorum figurationes. Istud tamen non est omnino simile, quia forma illa non erat tanta actualitatis sicut est forma embryonis, nec in tanta propinquitate ad educationem formarum sequentium, sicut forma embryonis

ad educationem membrorum. Forma enim embryonis est visibilis, & per vim naturæ ad perfectam completionem est perducibilis, illa vero materia sub tali forma incomposita erat, & inuisibilis, & ad formas subsequentes sola diuina virtute, & operatione poterat perducere: & ideo propter imperfectionem formæ illius, materia illa dicitur informis, & propter indeterminatum appetitum multarum formarum confusa dicitur, & permixta: & hæc positio satis videtur esse intelligibilis, & probabilis. Et iuxta hanc positionem concedendum est, quod materia non fuit creata sub formarum diuersitate, sicut rationes ad hoc inducunt ostendunt.

AD illud ergo quod primo obiicitur in contrariū de textu, dicendum quod cælum stat ibi pro empyreo. Et si obiicitur quod scriptura consequenter dicit, terram apparuisse, non formatam esse, dicendum quod sicut artifex facit apparere effectum producendo, non ostendendo solum, sic intelligendum est quod Deus fecit terram apparere non solum separando elementa ab inuicem, sed etiam producendo: ita quod productio fuit cum distinctione, & distinctio cum productione.

2. AD illud vero quod obiicitur, quod Hugo dicit per terram intelligi elementa terræ, dicendum quod hoc dicit non propter formam terræ, quæ iam inesset illi materiæ, sed propter quandam aptitudinem incompletam quæ inerat illi parti materiæ, vt perficeretur postmodum forma terræ per eum modum secundum quem consuevit aliquid appellari eius nomine ad quod ordinatur. Materia enim illa non poterat nisi quodam modo balbutiendo describi: quia nedum sermo perfecte non explicat, sed etiam intellectus in imaginatione deficit, vnde & illud quod ipse subiungit de permixtione, non est sic dictum quod ibi fuerit vera oppositarum formarum coniunctio, sed quia non erat ibi perfecte formarum distinctio.

3. AD illud quod obiicitur, quod formæ elementares sunt primæ in materia corporali, dicendum quod de formis quæ dant materiæ esse completum verum est: forma vero illa quam habebat informis materia, non dabat sibi esse completum: & ideo tam formas simplices, quam compositas quæ esse completum tribuunt, præcedebat vel præcedere poterat.

4. AD illud quod obiicitur, quod erat ibi corpus opacū, & transparentes, dicendum quod nec erat ibi perfecta opacitas, nec perfecta transparentia, erat tamē in diuersis partibus materiæ, secundū quod Conditor ordinauerat ex eis diuersas formas producere, aliquis diuersus dispositionis modus, qui non ponebat diuersitatem formarum. Sicut si intelligatur quod aliquod corpus in vna parte sit rarius, & in alia magis compactum salua formæ vnitatem, sic intelligi debet in illa materia quæ formam habebat maxime ad multa possibilem.

5. AD illud quod obiicitur, quod nihil est in genere, quod non sit in aliqua eius specie, dicendum quod illud verum est de eo quod est in genere tanquam ens completum: sed materia illa non sic erat corporea, quod esset completa in genere corporum: sed sic habebat extensionem, & corporeitatem quod non habebat perfectam formæ actualitatem, sicut dictum est prius.

6. AD illud vero quod obiicitur de diuersitate appetituum, dicendum quod appetitus non semper sequitur formam completam: sed etiam attenditur secundum appetentis indigentiam, & aliquam dispositionem semiplenam, nisi fortassis sit talis appetitus qui consequatur dispositionem quæ est necessitas: sed talis non erat in illa informi materia: sed secundum quandam maiorem subtilitatem & raritatem in partibus materiæ erat dispositio longinqua ad formas alias, & alias.

ARTICVLVS II.

CONSEQUENTER queritur de secundo articulo, scilicet de ipsius materiæ quantitate, circa quam triplex versatur inquisitio. Primum quantum ad numerū. Secundū, quantum ad tempus: Tertiū quantum ad locum.

QVÆSTIO I.

A

CONCLUSIO.

*An horum inferiorum cum celestibus una sit materia.**Alexand. Alusis 2. p. q. 44. Membr. 2.**S. Thom. 1. p. q. 66. art. 2.**Et 2. Sent. d. 12. q. 1. art. 1.**Egid. Rom. 2. Sent. dist. 12. q. 3. art. 4.**Richardus 2. Sent. dist. 12. q. 3.**Albertus de Quat. Cocum, q. 2. art. 5. 6 & 7.**Durandus 2. Sent. dist. 12. q. 1.**Ioan. Baer. 2. Sent. dist. 14. q. 1. art. 4.**Thom. Arg. 2. Sent. dist. 12. q. 1. art. 4.**Franciscus de Mayr. 2. Sent. dist. 12. q. 3.**Steph. Brulef. 2. Sent. dist. 12. q. 4.**Gabr. Biel. 2. Sent. dist. 12. q. 1.**Fundamēta.
Distinct. 3.
art. 1. q. 2.**Gen. 1. 6*

CIRCA quam sic proceditur, & quæritur, utrum cæ-
lestium, & terrestrium una sit materia quantum ad
esse. Supra enim quæsitum est de unitate materiæ quā-
tum ad essentiam. Et quod sit una, videtur communiter
secundum expositores nomine terræ cum dicitur. In
principio creavit Deus cælum, & terram, &c. Intelligi-
tur materia omnium visibilium citra cælum empy-
reum: ergo si illa una fuit, & habuit aliquam formam
ut supra visum est: ergo videtur, quod cælestia, & terre-
stria ex una materia quantum ad esse sint producta.

ITEM materia illa, ex qua formata sunt corpora, nec
habebat formam cælestem, nec elementarem, nec con-
sequentem ad has: ergo si aliquam habebat formam, ha-
bebat formam ad has communem, & indifferentem:
ergo videtur, quod secundum aliquod esse formale, sit
parere cælestium, & terrestrium materiam esse commu-
nem.

ITEM extensio consequitur materiam non secun-
dum suam essentiam, sed secundum aliquod esse, cum sit
accidens: ergo si communiter reperitur extensio in cor-
poribus superioribus & inferioribus: ergo videtur
quod una sit materia communis secundum esse in cæle-
stibus, & terrestribus.

ITEM lux est natura communis reperta in omnibus
corporibus tam cælestibus quam terrestribus, siue sit
substantia, siue accidens: ergo si forma ista corporalis
non est in materia nisi secundum aliquod esse, videtur
idem quod prius.

ITEM perspicuitas est natura similiter reperta in om-
nibus corporibus tam superioribus quam inferioribus
secundum plus & minus: sed perspicuitas non tantum
consequitur materiam, sed etiam formam: & esse mate-
riæ, non tantum essentiam: ergo videtur quod in omni-
bus corporibus, siue cælestibus, siue terrenis est ponere
materiam unam secundum esse.

ITEM rari & densi secundum esse ponitur una ma-
teria: ergo pari ratione luminosi, & opaci: & si hoc: er-
go cæli & elementi.

*12. Metaph.
contex. 26.*

CONTRA: Corruptibilem, & incorruptibilem, si-
cut vult Philosophus, non est materia una: sed corpora
superiora sunt incorruptibilia, & inferiora corruptibi-
lia: ergo, &c.

ITEM quæ habent eandem materiam sunt adinuicem
transmutabilia: sed corpora terrestria, & cælestia non
sunt adinuicem transmutabilia: ergo, &c.

ITEM materia subiecta priuationi, & quæ non est
subiecta priuationi: differunt secundum esse: sed in cæ-
lestibus materia non est subiecta priuationi, in terrestri-
bus vero est subiecta: ergo, &c.

ITEM corpus cæleste, & elementare non tantum-
modo differunt forma, ac qualitate, sed etiam disconti-
nuitate: si ergo continuitas venit ab unitate materiæ se-
cundum esse, cum ista adinuicem sint discontinua, quod
patet, quia unum movetur, reliquum quiescit, videtur
quod secundum esse cælestium & terrestrium non pos-
sit esse materia una.

*Cælestium, & sublunarium rerum ante productionem, una
& eadem esse materia, habens videlicet esse incomple-
tum: post productionem vero, ut habet esse completum
non eadem.*

RESP. AD ARG. Dicendum, quod cum quæritur,
utrum corpora cælestia, terrestria sint ex eadem materia
secundum esse, hoc dupliciter potest intelligi. Aut se-
cundum esse quod materia habuit ante productionem:
aut secundum esse quod materia habet post productio-
nem. Si secundum esse quod habuit materia ante pro-
ductionem, sic sine dubio una fuit materia corporū cæle-
stium, & terrestrium, quia una fuit moles habens unam
formam incompletam. Si secundum esse quod habet
materia post productionem, quod quidem est esse com-
pletum, sic absque dubio differt materia cælestium, &
terrestrium quantum ad esse: tum quia sub una forma
est corruptibilis, sub alia est incorruptibilis: tum quia
sub una forma est subiecta priuationi, sub alia non: &
hoc non solum facit diversitatem in materia secundum
esse quantum ad actum, immo etiam quantum ad poten-
tiam ordinatam ad actum: quæ quidem diversitas non
est in materia secundum quod est formis elementaribus
subiecta. Nam, etsi materia igni subiecta & aëri habeat
aliud, & aliud esse actuale, tamen quia utrobique sub-
iecta est transmutationi, & priuationi, & possibilis ad
utrumque: ideo dicuntur habere unam materiam se-
cundum esse: in cælestibus autem corporibus, & ele-
mentaribus non contingit hoc reperire.

Ex his patent obiecta ad utramque partem. Primæ
enim rationes quæ ostendunt, quod cælestia corpora, &
elementaria communicant in materia secundum esse, lo-
quantur de materia quantum ad illud esse quod habuit
ante productionem, & quantum ad proprietates, quæ
sequuntur illud esse, sicut sunt extensio, & perspicuita-
tis participatio. Ultima tamen ratio non concludit quæ
procedit per simile de raro, & denso, & cælesti, & ele-
mentari. Non enim est simile, quia rarum, & densum
sunt ad invicem transmutabilia, non sic corpora cæle-
stia, & elementaria, & loquor de possibilitate transmu-
tandi secundum naturam, non secundum virtutem divi-
nam. Rationes vero ad oppositum concludunt quod
materia secundum esse non sit eadem in cælestibus &
terrestribus post ipsorum productionem, sicut patet di-
scutendo per singulas. Aliter posset dici, & quasi in idē
redit, quoniam quadrupliciter potest intelligi esse unitas
in materia, aut quantum ad essentiam, aut quantum ad
esse incompletum & à completionē remotum: aut se-
cundum esse incompletum completionē proximum,
aut secundum esse simpliciter completum. Et secundum
hoc distinguitur materia, quod quædam est subiecta
formæ substantiali tantum, quædam formæ substantiali,
& extensioni, siue quantitati: quædam formæ substan-
tiali, & quantitati, & contrarietati: quædam formæ sub-
stantiali, & quantitati, non contrarietati, sed in omnibus
suis partibus uniformitati. Primo modo dicitur esse eadē
materia spiritualium, & corporalium, sicut supra fuit
ostensum. Secundo modo cælestium, & terrestrium, siue
corruptibilem corporum & incorruptibilem. Tertio
vero modo corporum elementarium, & adinuicem
transmutabilem. Quarto modo corporum specie, &
natura similium. Primo igitur, & secundo modo eadem
est materia cælestium, & terrestrium, sicut primæ ratio-
nes ostendunt: tertio, & quarto modo non, sicut con-
cludunt rationes inductæ ad oppositum.

*Resp. ad
omnia argu-
menta pro
utraque
parte.*

QVÆSTIO II.

*An materia prima producta sit in die, vel
ante omnem diem.*

*Egid. Rom. 2. Sent. dist. 12. q. 2. art. 5.**Richard. 2. Sent. dist. 12. q. 7.**Steph. Brulef. 2. Sent. dist. 12. q. 5.*

De

DE informi materia quantum ad tempus suæ productionis: & est quæstio, vtrum producta fuerit in die, an ante omne diem. Et quod ante omnem diem, videtur primo per textum Genesis. In principio creauit Deus cœlum, & terram, &c. constans est hoc factum fuisse ante productionem lucis, sicut ipsa Scriptura insinuat, sed cum luce cœpit dies: ergo ante omnem diem fuit productio informis materiæ.

ITEM Aug. 12. confess. Informem materiam fecisti ante omnem diem.

ITEM Hugo de S. Victo. in lib. de Sacra. Primo momento temporis in quo creata est omnium visibilium, & inuisibilium materia. Et ita neque nox, neque dies fuit.

ITEM ratione videtur. Qualitas temporis debet respondere qualitati rei productæ: sed materia prima nec est producta omnino sub priuatione formæ, nec sub completa distinctione: ergo eius productio nec diei competeat, nec nocti: ergo ante omnem diem.

1. SED CONTRA: Istæ sunt generationes cœli, & terræ, quando creata sunt in die quo fecit Deus cœlum, & terram: sed quando Deus fecit cœlum & terram, tunc creauit illam primordiale materiam: ergo in die ipsam creauit.

2. ITEM Creator omnium est Deus lucis: ergo omnia quæ facit, facit in luce: ergo si creauit materiam, in luce creauit, & ita in die.

3. ITEM arguit Manichæus. Si Deus creauit aliquid in tenebris, erat in tenebris, quomodo ergo habitat lucem inaccessibilem? si ergo hoc inconueniens est, inconueniens est ipsam creasse in tenebris, sed creauit in tenebris, vel in die: ergo, &c.

4. ITEM nox, & dies immediate diuidunt tempus, sed materia rerum corporalium producta fuit cum tempore: ergo cum nocte, vel cum die, sed non cum nocte, ergo cum die.

CONCLUSIO.

Materia quo ad prioritatem natura præcessit omnem diem secundum omnes: sed quo ad prioritatem temporis arripit magis quibusdam, & probabilius est, quod etiam ante lucis creationem fuerit producta.

RESP. ad Arg. Dicendum quod creatio cœli & terræ, secundum omnes fuit ante omnem diem quantum ad ordinem naturæ; quantum vero ad ordinem temporis, siue durationis, diuersimode senserunt diuersi. Quidam senserunt, quod non fuit aliqua mora inter creationem, & distinctionis inceptionem: immo statim cum producta fuit illa materia & lux, quæ diem faciebat: non fuit morula aliqua intermedia. Aliis autem videtur, quod fuit mora temporis interiacens inter terræ creationem, & lucis factionem: & istud videtur magis consonum sententiæ exppositorum, sicut patebit in distinctione sequenti. Vtrumque tamen potuit esse verum, nec aliquid horum vsquequaque certum.

1. SVSTINENDO tamen illud vltimum, respondendum est ad primum obiectum de textu Genes. quia creare æquiuoce sumitur in Scriptura, & ibi dicitur creatio cœli & terræ, vtriusque factio, siue formatio; & sic exponit August. super Genes. ad litteram 3. vbi innuit quod creare cœlum & terram, dicitur dupliciter: vel informem materiam facere, vel per formas, & species distinguere.

2. 3. AD illud ergo quod obiicitur, quod Deus est in luce, dicendum quod intelligendum est de esse lucem spiritualem, non corporalem, quæ est lux sapientiæ, & in hac fecit quidquid produxit, quia omnia in sapientia fecit. Et ideo quod obiicitur de tenebris corporalibus nihil facit ad propositum: quia non magis est Deus in tenebris in loco corporaliter tenebroso, quam in luminoso.

4. AD illud quod obiicitur quod nox, & dies im-

mediate diuidunt tempus, dicendum quod verum est secundum esse quod habent nunc, quod quidem attenditur secundum reuolutionem corporum cœlestium: sed tunc erat tempus secundum mutabilitatem, quæ erat in materiæ partibus: quæ quidem mutabilitas erat absque præsentia corporis luminosi, & absque vmbra corporis opaci; & ideo tempus illud non erat habens vicissitudinem diei, & noctis ante formationem lucis. Si quis autem velit sustinere oppositum: plane poterit ad rationes, & auctoritates ad oppositum respondere, quod intelligantur insinuare ordinem naturæ, non temporis, secundum quem informis materia omnem diem antecessit.

QVÆSTIO III.

An materia prima alicubi habuerit situm.

Solut. 2. Sent. dist. 12. q. 2.

Steph. Brulef. 2. Sent. dist. 12. q. 6.

DE illa informi materia quantum ad locum. Et est quæstio, vbi habuerit illa materia situm. Et quod illa materia corporalium habuerit situm, videtur. Hugo de sancto Victore: Erat terrenum hoc elementum medio vno loco subsidens, cæteris in vnam confusionem permixtis circumquaque in modum nebulae expansis: sed hoc non potuit esse absque situ corporali: ergo, &c.

ITEM quod repleuit locum videtur: quia cœlum empyreum, sicut dicit Beda, cum ipsa materia corporalium fuit creatum: sed constans est quod empyreum intra concauitatem suam natum est omnia corporalia continere: ergo vel erat vacuum, vel ab illa mole corporea replebatur: sed natura non sustinet vacuum: ergo videtur quod moles illa replet locum.

ITEM videtur quod haberet sursum & deorsum: quia summitas eius, sicut dicit Hugo, porrigebatur quovsq; nunc summum creaturæ corporeæ pertingit: ergo erat ibi circumferentia, & centrum.

ITEM materia illa, sicut Magister dicit in litera, in partibus superioribus erat rarior, leuior, & subtilior: in inferiori parte spissior, & grossior: ergo erat ibi grauitas, & leuitas: sed secundum has proprietates corpora habent locari sursum, & deorsum: ergo redit idem quod prius.

1. AD oppositum: Nihil est per se in loco, nisi quod est hic, & nunc: & nihil est hic & nunc nisi quod est, hoc aliquid: & nihil est hoc aliquid, nisi quod est indiuiduum: & omne tale est ens completum: ergo à primo ad vltimum nihil est in loco, nisi quod est ens completum: sed materia illa non erat ens completum: ergo in loco non habebat situm.

2. ITEM quod non replet locum, videtur: Nihil inane, & vacuum replet locum: sed materia illa erat inanis, & vacua, sicut dicitur in principio Gen. ergo locum non replebat.

3. ITEM quod non haberet differentias positionis secundum sursum & deorsum, videtur: quia istæ sunt positionis secundum quas distinguuntur & ordinantur diuersa corpora mundi in vniuerso: sed tunc non erat ibi distinctio, nec ordo, nec huiusmodi: ergo nec erat ibi diuersa positio.

4. ITEM: Grauitas & leuitas sunt proprietates consequentes formas elementares: sed in materia illa nondum erant formæ elementares: ergo nec erat ibi graue, nec leue: ergo nec sursum nec deorsum: cum hæ positionis differentia attendantur secundum illas proprietates.

CONCLUSIO.

Materia prima fuit creata in loco, locumque replebat, & cum haberet grossitatem, & subtilitatem sursum, & deorsum semipleno habebat.

RESP. Ad Arg. Dicendum quod cum materia illa esset moles habens extensionem, & cœlum empyreum haberet ambiens, quod ipsa in loco erat, & cum

esset

esset substantia corpulenta, locum replebat. Rursus : Cum in partibus distinctionem quandam haberet secundum subtilitatem, & grossitiam, sed semiplenam, sic etiam positionis secundum sursum, & deorsum: quodam modo, sed imperfecte habebat: & ideo concedendæ sunt rationes quæ ad istam partem inducuntur sunt.

1. Ad illud ergo quod obiicitur in contrarium, quod nihil est in loco nisi ens completum, dicendum quod est falsum si intelligatur de completionem perfecta: embryo enim in loco est, quamvis sit quid incompletum. Nec valet illa deductio: peccat enim in hoc quod dicit quod omne quod est hoc aliquid, est completum. Hoc enim falsum est: nam ipsum individuum, & forma individualis habet esse completum, & minus completum.

2. Ad illud quod obiicitur quod non replebat locum, quia erat inanis & vacua, dicendum quod vacuitas loci, & vacuitas materiæ est æquinoce dicta. Vacuitas enim loci est per priuationem corporis contenti, sed vacuitas materiæ est per priuationem formæ, & complementi. Attendendum tamen, quod sicut locus dupliciter dicitur vacuus: aut proprie, ut per priuationem corporis solidi, & sensibilis, sicut dicitur arca vacua propter absentiam panis, & dolium vacuum propter absentiam vini: sic etiam intelligendum est in vacuitate materiæ, quod dicitur dupliciter vacua, aut quia non habet aliquam formam, & sic nunquam fuit vacua: aut quia non habuit formam omnimode perfectam: & sic quamvis esset vacua, tamen locum poterat reple- re, quia erat extensa, & corporea.

3. 4. Ad illud quod obiicitur quod non habebat sursum, & deorsum, quia carebat ordine, & distinctione, & elementari proprietate: Ad illas duas rationes simul dicendum est, quod sicut illa tria proposita non habebat nisi imperfecte, & semiplene ratione cuiusdam inclinationis, & longinquæ dispositionis, sic & sursum & deorsum non habebat proprie, habebat tamen quodam modo, scilicet incomplete, & propter quasdam dispositiones quas habebat ad grane & leue. Dicit enim Magister leuiorem fuisse in superiori parte, & grauiorem in inferiori: non quod istas proprietates perfecte participaret, sed in quadam longinqua, & præambula dispositione, sicut supra ostensum est expresse, siue ex parte.

DISTINCT. XIII.

De Opere primæ diei, quid lux: vbi fuerit facta, & quo pacto Deus dixit.



P R I M A autem distinctionis operatio fuit formatio lucis, sicut ostendit Scriptura Genesis, qua commemorata rerum informitate, earum dispositionem à luce inchoauit, subdens: Dixit Deus: Fiat lux, & facta est lux: & diuisit lucem à tenebris, appellauitque lucem diem, & tenebras noctem. Et factum est vespere & mane dies unus. Congruè mundi ornatus à luce caput: unde cetera qua creanda erant, viderentur.

Qualis fuerit illa lux, corporalis an spiritualis.

Si queritur, qualis illa lux fuerit, corporalis scilicet an spiritualis: Id respondemus quod sanctis legimus traditum. Dicit enim Augustinus, quia lux illa, corporalis vel spiritualis intelligi potest. Si spiritualis accipitur, angelica natura intelligitur, qua prius informis fuit, sed postea formata est, cum ad Creatorem conuersa ei charitate adhesit: cuius informitatis creatio superius significata est, vbi dictum est: In principio creauit Deus cælum & terram. Hic vero eiusdem formatio ostenditur cum ait: Fiat lux, & facta est lux. Hac ergo angelica natura, qua prius tenebra, &

postea lux fuit, quia prius habuit informitatem & imperfectionem, deinde formationis perfectionem: & ita diuisit Deus lucem à tenebris. Nam, ut ait Augustinus super Genesim: Huius creatura informitas & imperfectio fuit, antequam formaretur, in amore conditoris. Formata vero est, quando conuersa est ad incommutabile lumen verbi. Si vero corporalis fuit lux illa, quod utique probabile est, corpus lucidum fuisse intelligitur, velut lucida nubes: quod non de nihilo, sed de præiacenti materia formaliter factum est, ut lux esset, ut vim lucendi haberet: cum qua dies prima exorta est, quia ante lucem nec dies fuit, nec nox, licet tempus fuerit.

Quod lux illa facta est, vbi sol apparet, quæ in aquis lucere poterat.

Si autem queritur: Vbi est facta lux illa, cum abysus omnem terram altitudinem tegeret: dici potest in illis partibus facta, quas nunc illustrat solis diurna lux. Nec mirum lucem in aquis posse lucere, cum etiam nautarum operatione sæpius illustrentur: qui in profundum merfi, misso ex ore oleo aquas sibi illustant: qua multo rariores fuerunt in principio quam modo sunt: quia nondum congregata fuerant in vno loco. Facta est ergo lux illa, qua vicem, & locum solis tenebat: qua motu suo circumagitata, noctem diemque discernebat. Ibi ergo primum lucem apparuisse verisimile est, vbi sol quotidiano cursu circumuectus apparet, ut eodem tramite lux circumcurrrens, ac primo ad occasum descendens, vespere faceret: deinde reuocata ad ortum, auroram, id est, mane illustraret: & ita diuisit Deus lucem, & tenebras, & appellauit lucem diem, & tenebras noctem.

Quod dies diuersis modis accipitur.

Hic notandum est, quod dies diuersis modis accipitur in scriptura. Dicitur enim dies lux illa, qua illo triduo tenebras illuminabat: & dicitur dies illuminatio ipsa aeris. Dicitur etiam dies spatium viginti quatuor horarum: qualiter accipitur cum dicitur: Factum est vespere & mane dies unus. Quod ita distinguendum est: Factum est vespere prius, & postea mane: & ita fuit dies unus expletus viginti quatuor horarum. Dies scilicet naturalis, qui habuit vespere, sed non mane. Mane enim dicitur finis præcedentis, & initium sequentis diei quod est aurora: qua nec plenam lucem, nec omnino tenebras habet. Mane ergo primus dies non habuit, quia nec dies præcesserat, qui sequentis diei initio terminaretur: & eo præcipue, quia luce apparente, mox super terram plenus atque præclarus dies exiit, qui non ab aurora, sed à plena luce inchoauit, & mane sequentis diei consummatus est. Vnde Beda super Genesim: Dicebat, ut dies à luce inciperet, & in mane sequentis diei tenderet: ut opera diei à luce inchoasse, & in lucem completa esse significarentur. Reliqui autem dies mane habuerunt, & vespere: quorum quisque à suo mane incipiens, usque ad alterius diei mane tendebatur.

De naturali ordine computationis dierum, & de illo, qui pro mysterio introductus est.

Hic est naturalis ordo distinctionis dierum, ut distinguantur, atque computentur dies à mane usque ad mane. Postea vero in mysterio factum est, ut dies compu-

Gen. 1. 5

De Gen. ad
lit. lib. 1. c. 3.
20. 3. & 20. 6.
lib. 22. con-
tra Faustū
c. 10.

Lib. 2. cap. 5.
in sensu.

Aug. super
Gen. 1. c. 10.
quærit quid
sit.

Glossa super
primam.
Gen. 1. c. 10.
1. 10.

tentur

tentur à vespera in vesperam, & adiungatur dies precedenti nocti in computatione: cum iuxta naturalem ordinem precedens dies sequenti nocti adiungi debeat: quia homo à luce per peccatum corruit in tenebras ignorantia, & peccatorum: deinde per Christum à tenebris ad lucem rediit. Vnde Apostolus: Eramus aliquando tenebrae, nunc autem lux in Domino. Prius itaque dies non ab aurora, sed à plena luce incipiens, & post vesperam paulatim occidente luce excipiens mane sequentis diei, expletus est. Vnde Beda. Occidente luce, & paulatim post spatium diuinae longitudinis inferiores partes subeunte, factum est vespere: sicut nunc visitato cursu solis fieri solet. Factum est autem mane eadem super terram redeunte, & alium diem inchoante: & dies expletus est unus viginti-quatuor horarum. Fuitque nox illo triduo omnino tenebrosa, qua post creata sidera aliqua luce clariuit.

Cur sol factus est, si lux illa sufficiebat.

Solet autem quari, quare factus est sol, si lux illa ad faciendum diem sufficiebat. Ad quod dici potest, quoniam lux illa forte superiores partes illustrabat, & ad illuminationem inferiorum solem fieri oportebat. Vel potius ideo, quia facto sole, diei fulgur factus est. Ampliori enim multo luce radiauit dies postea, quam ante. Si autem quaritur quid de illa luce factum sit, cum modo non appareat: potest dici, aut de ea corpus solis formatum, aut in ea parte cali esse, in qua sol est: non quod ipsa sit sol, sed sit sic ei unita, ut discerni non valeat.

Quo modo accipiendum sit illud: Dixit Deus, an sono vocis id Deus dixerit, an aliter.

Præterea inuestigandum est, quo modo accipiendum sit quod ait: Dixit Deus, utrum temporaliter, vel sono vocis illud dixerit, an alio modo. Augustinus super Genesim tradit, nec temporaliter, nec sono vocis Deum locutum fuisse: quia si temporaliter, utique mutabiliter. Et si corporaliter dicatur sonuisse vox Dei, nec lingua erat, qua loqueretur, nec erat quem oporteret audire, & intelligere. Bene ergo vox Dei ad naturam verbi, per quod omnia facta sunt, refertur. Dixit ergo Deus: Fiat, &c. non temporaliter, non sono vocis: sed in verbo sibi coeterno, id est, verbum genuit intemporaliter, in quo erat: & disposuit ab aeterno, ut fieret in tempore, & in eo factum est.

Quo modo accipiendum sit quod dicitur Pater operari in Filio, vel per Filium, vel in Spiritu sancto.

Hic quari solet, quo modo accipiendum sit quod dicitur Pater operari in Filio, vel per Filium, vel in Spiritu sancto. Hac enim scriptura frequenter nobis proponit, ut: Omnia in sapientia fecisti Domine, id est, in Filio. Et: In principio, id est, in Filio creauit Deus caelum, & terram. Et illud: Per quem fecit & secula. Super illum quoque Psalmi locum: Verbo Domini caeli firmati sunt, &c. dicit Augustinus quod Pater operatur per verbum suum, & Spiritum sanctum. Quo modo ergo hoc accipiendum est? Putauerunt quidam haeretici quod Pater velut auctor & artifex Filio & Spiritu sancto in rerum operatione quasi instrumento uteretur: ex predictis verbis ferendi occasionem sumentes: quod velut blasphemum, atque sana doctrina aduersum abiicit pia fides. Non est itaque intelligendum ideo Scripturam frequenter commemorare Patrem operari in Filio, vel per Filium tanquam Fi-

lius non posset facere, si ei non porrexisset Pater dexteram, vel tanquam aliquod instrumentum fuerit Patris operantis: sed potius illis verbis Patrem intelligi voluit cum Filio, & Spiritu sancto operari, & sine eis nihil facere.

Contra hanc expositionem surgit haeticus.

Sed dicit haeticus, hac ratione hoc posset dixisse, Filium operari per Patrem, vel in Patre, & Spiritum sanctum cum utroque, vel per utrumque: quia Filius cum Patre, & Spiritus sanctus cum utroque operatur. Cui breuiter respondetur, ideo illud dictum esse, & non istud, ut in Patre monstraretur auctoritas. Non enim B Pater à Filio: sed Filius à Patre operatur, & Spiritus sanctus ab utroque. Ideoque etiam Filius per Spiritum sanctum legitur operari, quia cum Spiritu sancto operatur hoc ipsum à Filio habente, ut operetur.

Alia praedictorum expositio.

Potest & aliter illud accipi, ut dicatur Pater in Filio, vel per Filium operari, quia eum genuit omnium opificem, sicut dicitur Pater per eum iudicare, quia genuit iudicem: ita & per Spiritum sanctum dicitur operari, sine Patre, sine Filio, quia ab utroque procedit Spiritus sanctus factor omnium. Vnde Ioannes Chrysostomus in expositione epistolae ad Hebraeos, sic ait: Non C ut haeticus inaniter suspicatur, tanquam aliquod instrumentum Patris extitit filius: neque per eum Pater dicitur fecisse, tanquam ipse facere non posset: sed sicut dicitur Pater iudicare per Filium, quia iudicem genuit: sic etiam dicitur operari per Filium, quia eum constat opificem genuisse. Si enim causa eius Pater est, secundum quod Pater est, multo amplius eorum causa est, qua per Filium facta sunt. Hac de opere prima dici dicta sint.

DISTINCT. XIII.

De Productione creaturae corporalis quantum ad principium formale, generale omnibus corporibus quod est forma lucis. Et dicitur hæc productio distinctio.

Prima autem distinctionis operatio, &c.

Expositio Textus.

SUPRA egit Magister de productione naturae quantum ad principium materiale: in hac vero parte intendit agere de eius completionem, siue formationem quantum ad principium formale. Et quoniam duplex est informatio materiae corporalis, quaedam generalis, quaedam specialis: Generalis per formam communem omnibus corporibus, & hæc est forma lucis: Specialis vero per alias formas siue elementaris, siue mixtionis: ideo Magister primo agit de formatione, siue productione lucis, in hac, scilicet distinctione. Secundo vero agit de productione cuiuslibet alterius formae corporalis infra distinct. 14. Dixit quoque Deus, fiat firmamentum, &c. Vel aliter, ut primo agat de eo quod est generale principium diffundendi in corporibus: hoc est de luce. Secundo vero de specialibus formis distinguendis. Primum spectat ad opus primae diei. Secundum vero ad opera dierum consequentium. Diuiditur autem pars ista in tres. In prima determinat de lucis productione in se. In secunda in comparatione ad eius effectum, sc. diem quem faciebat, ibi: Hic notandum est, quod dies diuersimode accipitur. In tertia in comparatione ad eius principium, scil. ad verbum per quod fiebat, ibi: Præterea inuestigandum est quo modo accipien-

dum sit, &c. Prima pars habet tres particulas. In prima determinat quando lux illa facta fuerit: quia ante omnia alia. In secunda vero qualis fuerit, ibi: *Sed queritur qualis illa lux.* In tertia vero ubi facta fuerit, ibi: *Si autem queritur ubi facta est lux.* Similiter secunda pars principaliter habet particulas. In prima determinat de ipso effectu lucis, siue de die quantum ad spatium. In secunda quantum ad modum distinguendi, ibi: *Hic est naturalis ordo distinctionis dierum.* In tertia quantum ad complementum, ibi: *Solet autem queri, quare factus est.* Similiter tertia pars, in qua determinat de lucis formatione per comparisonem ad suum principium, quod quidem est pater operans per verbum, habet tres partes. In prima explanat qualiter intelligendum sit quod Deus dixit: *Fiat*, ibi: *Præterea inuestigandum est, &c.* In secunda explanat illud quod dixit Scriptura, scilicet Patrem in Filio, & per Filium operari, ibi: *Hic queri solet quo modo accipiendum sit.* In tertia vero remouet opinionem hæreticorum, insinuans aliam esse expositionem verbi prædicti: & hoc facit, ibi: *Sed dicit hæreticus hac ratione hoc posse, &c.*

In mysterio factum est, ut dies computentur à vespera in vesperam. Dub. I.

CONTRA hoc videtur quod ad ieiunij observationem oportet ieiunare diem præcedentem cum nocte sequenti. ITEM videtur quod non congrue significetur mysterium redemptionis, computato die à vespera in vesperam: immo potius in prima computatione dierum, qua Christus à tenebris nos produxit ad lucem.

RESP. Dicendum quod duplicem modum computandi diem accipimus in Scriptura. Primus, in quo dies præcedens copulatur nocti sequenti, & hoc quidem fuit in prima dierum enumeratione, in quo, ut dicit Magister, præfigurabatur lapsus futurus à luce gratiæ in tenebris culpæ. Alius modus computandi dies attenditur in solemnitate custoditione, in quo nox præcedens connumeratur diei sequenti, & hoc vult dicere à vespera in vesperam, ut præcedat nox, & sequatur dies: quia eramus aliquando tenebræ, nunc autem lux in Domino. Et quod obiicitur de obseruantia ieiuniorum, dicendum quod tempus ieiunij competit tempori miseriæ: & ideo computatio diei in obseruatione ieiunij debet fieri secundum conformitatem ad distinctionem temporis primi, in quo erat præfiguratio lapsus humani. Et quod obiicitur quod non debet terminari à vespera in vesperam, dicendum quod prima vespera ponitur ibi in quantum est noctis principium, & secunda in quantum est finis diei: & ita pro nocte, & die. Licet autem hæc duæ distinctiones in scriptura maxime exprimantur, quatuor tamen modis secundum diuerforum computationes, dies distinguere consueuerunt. Græci enim computant diem à mane in mane, quia tunc primo apparet sol. Hebræi vero à vespera in vesperam: quia tunc incipiunt solemnizare. Astronomi vero à meridie in meridiem: quia tunc est sol in maiori virtute. Sancta Ecclesia à media nocte usque ad mediam noctem: quia tunc natus est Christus. Vnde versus:

*Mane diem Græca gens incipit, astra sequentes
In medio lucis: Iudæi vespere: sancta
Inchoat Ecclesia medio sub tempore noctis.*

Si autem queritur quid de luce illa, &c. aut de ea corpus solis formatum, aut in ea parte cali esse in qua sol est. Dub. II.

CONTRA. Primum videtur esse falsum, quia non est ordo de perfecto ad imperfectum: sed lux illa perfectissima erat, sicut dicit Damascenus quod opera primæ diei perfectiora sunt. ITEM textus videtur esse contrarius: dicitur enim ibi: *Vidit Deus lucem quod esset bona: & Aug. explanat: vidit, id est, placuit voluntati Dei, ut*

pro modo sui generis maneret quod placuit, ut fieret: ergo adhuc manet lux illa in seipsa. ITEM si sol factus est de illa luce, unde facta sunt alia luminaria? Si tu dicas quod de illa luce, tunc videtur quod una pars illius lucis corporalis cessit in corpora luminosa, quæ sunt supra solem, & in corpora luminosa, quæ sunt infra solem: ergo si nullum corpus habet moueri oppositis motibus, nullum etiam est corpus cæleste quod natura habeat moueri motu recto, sed orbiculari: videtur quod prima luminarium productio fuerit per violentiam, & præter naturam. Secundum etiam videtur falsum: quia non potest esse in ea parte, in qua est sol primo, quia duo corpora non possunt esse simul: secundo etiam, quia sol sufficienter illuminat: ergo videtur quod lux illa sit ibi frustra.

RESP. Dicendum quod cum queritur quid de illa luce factum sit, quatuor modis ad hoc consuevit responderi, quorum duos tangit Magister in litera. Primus est, quia luminaribus cæli factis lux illa rediit ad præiacentem materiam, quia non erat facta nisi ad faciendam quandam distinctionem dierum semiplenam qua perfecta inde rediit unde sumpta est. Sed hæc positio est contra rationem, & contra literam: quod Deus destrueret opera sex dierum principalia, vel quod sineret perire. Secundus modus dicendi est: quod illa lux simpliciter manet in forma sua non mutata: nec discernitur quantum ad sensum propter coniunctionem sui ad solem, nec tamen est frustra, quia ipsius auget effectum. Sed quia difficile est assignare quem effectum habeat cum sole. Ideo est tertius modus dicendi quod ex ipsa factus sit sol, & in ea saluatur tanquam in re eiusdem generis. Sed quoniam non videtur Scriptura exprimere, quod Deus post primum diem produxerit nouam lucem, sed solummodo luminaria distinxit: ideo est quarta opinio, quod ex illa luce facta sunt corpora luminosa, inter quæ principatum tenet sol: nec fuit ibi aliqua violentia, quia vnaquæque creatura eum locum accipiebat quem tibi Dominus per naturam deputabat: & sic patent obiectiones, quia nec fuit illius lucis corruptio, nec etiam violentia: sed maior quædam & perfectio, & distinctio. Quod autem dicit Damascenus opus primæ diei fuisse perfectissimum: hoc dicit per comparisonem ad alia corpora, quæ à luce habent recipere influentiam, non per comparisonem ad luminaria, quæ ex ipsa luce sunt formata.

Dixit ergo Deus: Fiat, &c. non temporaliter, non sono vocis, sed in verbo sibi coeterno. Dub. III.

Videtur hoc esse falsum: statim enim, ut dixit Deus, res factæ sunt, sicut dicitur in Psalmo: *Dixit, & facta sunt*: ergo cum productio rerum sit temporalis, distinctio non fuit æterna. ITEM in dictione æterna non dicit Deus nisi semel, sicut dicitur in Psalmo: *Semel locutus est Deus*: sed cum produxit opera sex dierum, in productione cuiuslibet operis dixit: ergo illud dicere non est æternum, siue generare Filium. Si tu dicas quod illud dicere non fuit nisi vnum solum, iteratur tamen propter multos effectus: tunc videtur quod ad dicere sequitur facere: & simul dixit: ergo simul omnia fecit, & non simul fecit, sicut dicit Scriptura, & supra probatum est: ergo non simul dixit. Propter hoc queritur, utrum dicere accipiat hic temporaliter, vel æternaliter. Et si æternaliter: quo modo dictum possit esse temporale. Et si temporaliter: quo modo dicere temporale potuit omnem creaturam præcedere. ITEM: Quæstio est utrum accipiat notionaliter, aut essentialiter. Si accipiat notionaliter quo modo poneret effectum, aut quo modo effectus creationis quem Deus dicendo produxit, competat toti Trinitati. Si vero essentialiter: quo modo poterit illud referri ad naturam verbi per quod facta sunt omnia? cum verbum dicatur personaliter, sicut in primo libro ostensum est.

RESP.

Ephes. 5. b.

Psal. 148. a

Psal. 61. b

*Lib. 1. de
Gen. cap. 8.
tem. 3.*

RESP. Dicendum quod dicere vno modo connotat effectum in actu: alio modo connotat effectum in habitu non in actu. Dixit enim vno modo quasi actum exterius, & sic dicere est aliquem effectum efficere in quo dicens exprimit se: & hoc modo dicitur Deus dicere, siue creaturam producendo, in qua se declarat, siue aliquid inspirando animam, in quo voluntatem suam demonstrat: & sic pluries accipitur in Scriptura, & connotat effectum actualiter. Alio modo dicere, dicit actum quasi exterius, nihilominus tamen relatum: & hoc modo dicitur comparationem ad verbum conceptum, per quod dicens se & omnia loquitur: per quem modum accipitur in Psal. Semel locutus est Deus. Glossa, ibi: Filium genuit, in quo omnia disposuit: & sic dicere connotat effectum in habitu: quia dicere importat dispositionem, & ad dispositionem sequitur opus. Tertio modo dicere dicit actum intrinsecum, & absolutum: & hoc modo dicit Ansel. quod dicere non est aliud, quam videndo intueri: & sic quilibet persona dicit se, & aliam: & huic dicere non respondet verbum conceptum, quia secundum hunc modum idem potest esse dicens, & dictum: Quilibet enim persona seipsam videt, & seipsam intuetur: & sic non connotat effectum, nec actu, nec habitu. Si ergo queritur quo modo accipiat *dicere* in rerum productione, dicendum quod potest accipi primo modo, sc. pro ut connotat effectum in actu: & tunc dicere idem est quod producere, nec est ibi nugatio cum dicitur: Dixit Deus, fiat, quia non tantum importat ipsam actionem in se, sed etiam pro ut est ad ipsius manifestationem: & præmittit Scriptura verbum dicendi verbo faciendi: ut in hoc ostendat quod Deus maxima facilitate produxit singula, non quia aliqua vox creata rerum productionem antecedit. Et sic dicere in diuersis diebus potest plurificari, non ratione principalis signati, sed connotati, sicut patet, quia plurium productorum plures sunt productiones passiuæ, & ratione connotati actiua, dici potest, plurificari. Potest nihilominus accipi secundo modo: & est sensus: Dixit, id est filium genuit, in quo omnia disposuit, & per quem omnia produxit: & sic exponit August. cum dicit quod vox Dei ad naturam verbi per quem omnia facta sunt, refertur. Et ad illud dicere sequitur creaturam fieri, sicut ad dispositionem sequitur opus, non immediate: ut tunc fit, quando quis primo disposuit, sed pro loco, & tempore, sicut dicentis dispositio ordinauit, & sic est in proposito: nam Deus produxit non tunc cum filium genuit in quo disposuit: sed sicut generando filium ab æterno disposuit se producturum in tempore, sic produxit in tempore. In ipsa enim dispositione Dei æterna non solū erat quod res producerentur, sed etiam quando producerentur: & hoc modo dicere in diuersis diebus dictum, eandem importat dispositionem, & æternam, in qua simul disponuntur æternaliter quæ successiue producuntur & tempore. Sic igitur primo, & secundo modo potest hic accipi dicere: sed secundo modo magis proprie, tertio autem modo non videtur hic accipi, quia non connotatur ibi aliquis effectus nec actu, nec habitu: nec videtur etiam illo tertio modo magis proprie accipi actus dicendi: nam, sicut dictum fuit in primo libro distinct. 27. Dicere proprie non est sine verbo: sicut nec proprie ibi dicitur esse locutio, ubi nullus est sermo. Nihilominus tertius modus accipiendi dicere, non videtur esse omnino improbandus, pro eo quod satis rationabiliter videtur posse concedi quod quilibet persona loquatur se alteri. Si enim iste actus quis est dicere conuenit cuilibet personæ creatæ, quod potest conuenire cuilibet personæ increatæ vel vere, vel modo transumptio: iste tamen accipiendi non competit proposito, & per hoc patet quæ obiecta sunt.

In principio, id est, in Filio creauit Deus calum, & terram, &c. Dub. IV.

CONTRA: Si enim creatio mutatio est, & in Filio nihil mutatur: ergo in Filio nihil creatur. **ITEM** queritur quare ista recipitur, Pater est in Filio, & creauit in Filio;

A ita quod hæc præpositio *In*, refertur ad verbum essendi, & ad verbum operandi: hæc autem non recipitur: Pater est per Filium, quamvis ista recipiatur: Pater operatur per Filium. Queritur etiam quam habitudinem importet hæc præpositio *Per*, cum dicit: Deus Pater creat per Filium.

RESP. Dicendum quod hæc præpositio *In*, potest importare causalitatem, & potest importare identitatem. Causalitatem, ut cum dicitur: Omnia sunt in Deo. Identitatem, ut cum dicitur: Pater est in Filio. Hæc autem præpositio *Per*, quatum est de se, importat causalitatem. Dico igitur quod conuenienter dicitur Deus operari in Filio: & ratione identitatis, quia Pater operans est in Filio: & ratione causalitatis, quia Filius est causa effectus producti à Patre: & ideo hæc præpositio *In*, cum suo causali accipitur in diuinis cum verbis absolutis, & cum transitivis ratione duplicis habitudinis, sc. causalitatis, & identitatis: hæc autem præpositio *Per*, quando importat habitudinem causæ, & principij, non recipitur nisi in illis verbis quæ important aliquem effectum, respectu cuius Filius habet causalitatem: & ideo recipitur quod Pater operatur per Filium: sed tamen non recipitur quod Pater sit per Filium: sed hæc planius dicta sunt in primo lib. dist. 32. & ideo ad præsens hæc sufficiant.

ARTICVLVS I.

AD intelligentiam huius partis in qua agitur de formatione lucis, quæ est opus primæ diei queruntur tria. Primum est de ipsa lucis productione. Secundum est ipsius lucis essentia, & natura in se. Tertium est de ipsius lucis effectus, & illustratione. Circa primum duo queruntur. Primo queritur, utrum per illam lucem quæ dicitur esse opus primæ diei, intelligat Scriptura lucem corporalem, vel spiritualement. Secundo, dato quod intelligat corporalem, est quæstio qualiter faciebat diem, & noctem.

QVÆSTIO I.

An lux primo die facta fuerit corporalis, vel spiritualis.

*S. Thom. 1. p. q. 67. art. 2.
Ægid. Rom. 2. Sent. dist. 13. q. 2. art. 1.
Richard. 2. Sent. dist. 13. q. 1.
Thom. Arg. 2. Sent. dist. 13. q. 1. art. 3.
Steph. Brulef. 2. Sent. dist. 13. q. 1.
Marfilus Inguen. 2. Sent. q. 9. art. 1.
Franciscus de Mayr. 2. Sent. dist. 13. q. 1.*

CIRCA quam sic proceditur, & ostenditur, quod illa lux, quæ dicitur primo die fuisse creata non erat lux corporalis. Lux corporalis est ad decorem: & complementum cæli sideri, siue firmamenti. Si ergo quod ornat, & decorat aliquod corpus, non potest, nec debet ante ipsum fieri, cum productio firmamenti spectet ad opus secundæ diei, videtur quod primo die lux corporalis, nec potuit, nec debuit fieri. Sed fuit facta lux corporalis, vel spiritualis: ergo, &c.

1. ITEM in enumeratione operum sex dierum intendit Scriptura explicare productionem illorum, quæ constituunt vniuersum, sicut manifestum est: ergo vel creatura spiritualis, utpote Angelus, non est de constitutione vniuersi, vel Scriptura rerum productionem insufficienter explicat, & tradit, vel oportet per aliquid ibi positum exprimi: sed primi duo modi sunt inconuenientes, restat ergo, quod Scriptura explicat productionem creaturæ Angelicæ: sed creatura Angelica fuit in principio creata, sicut ostensum est supra, quia prior omnium creata est sapientia: ergo eius productio exprimitur per opus primæ diei vel saltem formatio: sed opus primæ diei non fuit nisi productio lucis: ergo per lucem intelligit Scriptura naturam spiritualement.

3. ITEM lux de spiritualibus, & corporalibus dicitur proprie, magis tamen proprie de spiritualibus, quam de

Ad oppositum.

Aug. de Ge-
nes. ad lit.
lib. 4. cap. 22.

corporalibus, sicut dicit Augustinus super Genesim ad A
literam. Propriissime enim Deus lux est, & quæ ad ipsum
magis accedunt plus habent de natura lucis: ergo in
productione lucis illa creatura debet principaliter in-
telligi, cui principaliter conuenit: sed hæc est crea-
tura spiritualis: ergo, &c.

4. ITEM lux illa corporalis est ad fomentum planta-
rum, & animalium, & etiam ad solatium hominum: si
ergo primo, & secundo die non erant plantæ, quæ fo-
uerentur, nec animalia, nec homines, quibus illa lux
aliquod ferret obsequium, videtur quod Deus frustra
fecisset eam in primo dierum, quod si Deus nihil fru-
stra facit, restat quod per illam lucem non intelligitur
lux corporalis: sed intelligitur lux corporalis vel spi-
ritualis.

5. ITEM si lux illa, quæ primo die creata est, erat
lux corporalis: ergo diem & noctem corporaliter faciebat: ergo videtur ex hoc quod productio solis fue-
rit superflua.

6. ITEM si lux illa fuit corporalis, cum esset bona,
debit à diuina bonitate in suo esse conseruari: sic enim
exponit Augustinus. Vidit Deus quod esset bonum: id
est quod placuit ut fieret, placuit etiam, ut in suo ge-
nere permaneret: ergo videtur quod si lux illa facta
esset in principio, adhuc maneret: ergo si magnæ cla-
ritatis esset illa, impossibile esset, quod sensum no-
strum lateret: si igitur lumen eius non percipimus sen-
su, & vsum eius non capimus intellectu, ipsa non est:
ergo nunquam fuit.

Super Gen.
lib. 1. cap. 8.
v. 3.

Fundamēta.

SED contra hoc obiicitur, & ostenditur per textum,
quod lux illa corporalis fuerit primo: quia ante forma-
tionem lucis præmittitur quod tenebræ erant super fa-
ciem abyssi: ergo si per abyssum intelligitur materia
corporalis, lux quæ facta est ad expulsionem illarum
tenebrarum erat corporalis.

ITEM hoc ipsum ostenditur per multos exposito-
res, & primo per Bedam: Occidente luce paulatim,
& post spatium diurnæ lucis inferiores partes subeunte,
factum est vespere, sicut nunc vñtato cursu solis fieri
solet: ergo si hoc non potest intelligi nisi de luce cor-
porali, patet, &c.

ITEM quod de luce corporali intelligatur, videtur,
Scriptura numerat senarium dierum & constat, quod
dies isti omnes sunt eiusdem naturæ, alioquin non es-
sent insimul connumerabiles, sed post formationem
solis à quarto die in antea fuerunt dies corporales: ergo
in tribus antecedentibus diebus fuerunt dies corpora-
les: sed tales dies non possunt esse nisi à luce corporali:
ergo, &c.

ITEM quod non possit intelligi de luce spirituali, vi-
detur: quia diuisio lucis spiritualis à tenebris, est sepa-
ratio bonorum Angelorum à malis: ergo si simul est di-
uisio lucis à tenebris, & formatio lucis, & hoc fuit to-
tum in primæ diei initio, videtur quod lapsus malorum
Angelorum fuerit absque aliquo spatio temporis inter-
iecto: si ergo hoc est impossibile, sicut supra proba-
tum est, patet, &c.

CONCLUSIO.

*Lux, quæ primo die à Deo creata fuit, corporalis erat,
quamvis Augustinus aliter senserit.*

RESP. Ad Arg. Dicendum quod in hac quæstione
differentiter senserunt August. & alij doctores, sicut etiam
in quæstione de informis materiæ productione. August.
enim voluit, quod per cælum intelligeretur natura spi-
ritualis informis, & quia lux respondebat cælo, per con-
sequens per ipsam lucem spiritalem, Angelicam natu-
ram formatam dixit intelligi ad literam: per diem vero
dixit intelligi ipsam considerationem Angelicam: per
septenarium dierum septemplex considerationem &
per vespere diei, considerationem creaturæ in seipsam,
quia creatura est sicut tenebra: per mane vero reductio-

Opinio Au-
gustini.
Lib. 1. cap. 3.
rom. 3.

nem ipsius cognitionis creaturæ in suo genere proprio,
ad cognitionem quæ est in summa luce, & ad laudem ipsius
Dei: & quia post perfectam conuersionem à laude Dei
non cessat: ideo septimum diem, in quo est requies con-
templationis, dixit non habere vespere. Ad hæc autem
positionem manifestandam, sacra Scriptura confirmatur
super Genesim ad literam, vbi ostendit quod multa di-
cuntur de illa sex dierum enumeratione, quæ magis com-
petunt diebus spiritualibus, & luci spirituali, quam luci
materiali: propter quod in productione omnium rerum
corporaliū dicitur, *fiat, fecit, & factum est*: in productione
vero lucis non dicitur, nisi *fiat, & factum est*. Et huius
ratio est, quia omnes aliæ res à creatura spirituali habent
triplicem modum essendi, videlicet in sua causa produ-
cente, & in mente rationali, & in corporali materia sub-
sistente. Creatura autem rationalis non habet nisi dupli-
cem essendi modum videlicet in verbo, & in se. Multa
etiam ad hoc adducit, quæ ostendunt ipsam positionem
esse consonam tam fidei quam Scripturæ, quam etiam ra-
tioni: & per hoc veritatem fidei, & Scripturæ à rectora-
tionis tramite nullatenus etiam deniare ostendit: unde
super Genesim ad literam lib. 1. habemus quod secundum

Aug. lib. 4.
super Gen.
cap. 32.

Cap. 11.

fidem respondendum est omnibus, qui calumniari libris
nostræ salutis affectant: ut quidquid ipsi de rerum natura
veracibus documentis demonstrare potuerunt, ostenda-
mus literis nostris non esse contrarium, quidquid autem
de quibuslibet suis voluminibus his nostris literis, &
Catholicæ fidei contrarium protulerunt: aut aliqua etiam
facultate ostendamus, aut nulla dubitatione credamus
esse falsissimum. Quantumcumque autem hæc positio
probabilis esset & rationabilis, Catholici tamen Tracta-
tores qui August. secuti sunt, viam aliam approbauerunt
magis, scilicet quod dierum distinctio esset materialis,
seu sensibilis, & primæ diei operatio esset formatio lucis
corporalis quæ tres dies fecit ante productionem solis.
Et quia istam positionem magis insinuat textus Scri-
pturæ, eam magis sequuntur expositores, etiam illi qui
August. libenter secuti sunt: ideo positio ista securius, &
utilius est sustinenda. Secundum hanc igitur positionem
dicendum est, quod Scriptura per lucem illam quam di-
cit primo esse factam, corporalem lucem insinuat, &
concedendæ sunt rationes quæ illud probant.

Opinio
aliorum
Doctorum.

1. AD illud vero quod obiicitur primo quod lux est
ad decorem, & ornatum cæli, dicendum quod non qua-
litercumque, sed prout est in distinctione completa se-
cundum numerum, & proprietatem corporum cæle-
stium, stellarum scilicet & planetarum, & hoc non
fuit ante diem quartum.

2. AD illud quod obiicitur, quod conditio Angelicæ
naturæ debet in sex diebus explicari, dicendum quod
illud non oportet explicite dici: sicut etiam nec de lapsu
naturæ Angelicæ in Scriptura legitur historialiter: sed
magis allegorice. Et ratio huius est: quia Scriptura
principaliter intendit agere operibus reparationis hu-
manæ, sicut dicit Hugo, & propterea ut illa melius ex-
plicentur agit de lapsu hominis, & conditione naturæ
humanæ institutæ, & ratione huius determinat de his
quæ faciunt hominis conditionem, & conuersionem.
Et quia in Scriptura non agitur de lapsu naturæ Ange-
licæ, nec etiam in ea agitur de conditione Angeli insti-
tuti. Aliter posset dici, quod quia Scriptura tradebatur
genti rudi, quæ versabatur circa sensibilia: ideo primo
in operibus sex dierum conditionem sensibilibus insi-
nuat: nihilominus tamen præbens viam per hæc sensi-
bilia ad intelligenda spiritualia, hoc enim fecit ad illa in-
sinuanda. Unde non indocte per conformationem lucis
intelligi potest formatio naturæ spiritualis, principalis,
tamen insinuat formatio corporalis: & sic patet qua-
liter processus Scripturæ, quamvis videatur esse vulga-
ris, tamen est sufficiens, & rationalis.

3. AD illud quod obiicitur quod lux principalis con-
uenit naturæ spirituali, dicendum quod verum est quan-
tum ad proprietatem vocabuli, non est tamen verum, quan-
tum ad vsum communem. Nominata enim luce, nisi

determinaretur

determinetur per antecedentia & consequentia, lucem intelligimus corporalem, per quam tamen producimus ad intelligendam spiritualement: quia cognitio nostra incipit à sensu, & sic docet Dion. in libro de diuinis nominibus.

4. AD illud quod obiicitur, quod lux corporalis est ad fomentum viuientium, & solatium animalium, dicendum quod lux corporalis non solummodo habet istam utilitatem, immo etiam alias multas quæ fortasse nos latent quantum etiam vsum potuit tunc habere: sicut multæ creature habent virtutes & utilitates quas nos ignoramus, & tamen eas habere non dubitamus. Posset tamē dici quod vsum eius fuit diem & noctem facere: non ad animalium illustrationem, sed ad diuinorum operum distinctionem: unde etsi tunc non faceret ad illustrationem humani sensus, facit tamen nunc ex ipsa distinctione ad illustrationem intellectus, dum ex illa intellectus capit distinctionem diuinorum operum.

5. AD illud quod obiicitur, quod superfluum fuit facere solem, dicendum quod falsum est: quia etsi lux illa perfecte illuminaret, & diem faceret secundum quod sufficiebat pro illo tempore ad diem distinctionem, placuit tamen de rebus ad maiorem perfectionem educis, utpote ad ornatum, lucem facere pleniorē, quæ etiam diem faceret elatiorē: & propter hoc ex ipsa etiam luce, siue nube lucida solem fecit in maiori lumine, sicut dicitur postea.

6. ET per hoc patet illud quod obiicitur ultimo, scilicet quod illa lux debuit manere, dicendum enim quod verum est, quod manet secundum formam, & naturam: sed non oportet quod maneat secundum illum statum secundum quem primo formata erat: manet autem in sole, qui ex ipsa formatus est, sicut innunt expositores, & melius patet super literam.

QVÆSTIO II.

An illa lux fecerit diem & noctem.

Richardus 2. Sent. dist. 13. q. 2.

Steph. Brulef. 2. Sent. dist. 13. q. 2.

QUALITER illa lux faciebat diem, & noctem. Et dicit Damas. quod faciebat emissionem radiorum, & contractionem. Ait enim sic: In primis tribus diebus refluxo, & contracto lumine, Dominico præcepto, dies & nox faciebat. Et Basilus in hexaëm. Tunc autem nō solaris corporis motu, sed diffusionē principalis luminis modo se subducentis, modo denuo reducentis, secundum diuinam præceptionem diem faciebat, noxque reuertebatur. Beda autem, & alij expositores Latini dicunt quod diem, & noctem faciebat sua reuelatione: & hoc habitum fuit in auctoritate prius posita quæ inducitur in litera: Occidente luce paulatim, &c.

CONTRA primum dicendi modum obiicitur sic: Primo Scriptura dicit: Diuisit Deus lucem à tenebris: ergo simul fuerunt lux, & tenebræ: sed si lux illa faceret diem, & noctem per missionem, & retractionem radiorum, cum non sit simul emissio, & retractio, non esset simul lucis, & tenebrarum diuisio.

ITEM Scriptura dicit, quod lux illa faciendo diem faciebat vespere, & mane: sed si sola radiorum emissionem fieret dies, & sola contractionem fieret nox, nunquam esset vespere, & mane, sed semper esset clarus dies, vel obscura nox: ergo ille modus dicendi non competit sacre Scripturæ.

ITEM emittere, & contrahere radios sunt comparationes oppositæ: ergo cum solæ potestates rationales sint ad opposita, videtur quod lux illa esset rationalis substantia: si ergo hoc est absurdum dicere, videtur, &c.

ITEM quod lux illuminet, iste est actus naturalis & necessarius, si ergo nulla substantia potest seipsam priuare sua necessaria, & naturali operatione, videtur quod lux ubi erat, non poterat non illuminare: ergo non poterat radios suos contrahere.

A CONTRA secundum modum obiicitur sic: Ad hoc quod fiat motus alicuius corporis regularis, & vniformis, non solum requiritur virtus motoris, sed etiam congrua dispositio ex parte mobilis, & ex parte spatij: ergo si adhuc non erat facta orbium distinctio, videtur quod nulla fieret huius corporis reuolutio.

2. ITEM materia ex omni parte sua erat vniformis: si ergo motus est propter aliquam diuersitatem, vel in eo quod mouetur, vel in eo circa quod mouetur, videtur quod lux non moueretur: ergo non faciebat diem & noctem per suum motum.

3. ITEM materia illa ex omni parte erat æque illuminabilis: ergo si lux illa vbicumque esset, illuminabat quocumque moueretur, diem continue faciebat: ergo nunquam faciebat mane & vespere.

B 4. ITEM si per suum motum faciebat diem, & noctem, cum illa lux ante fuerit producta, quam mota, fuit producta ante omnem diem: ergo non erat opus primæ diei. Si tu dicas mihi: quod simul cœpit esse moueri, & illuminare: quæro ubi primo incepit moteri, aut enim ex oriente, aut ex occidente, aut ex aliqua alia parte cœli. Si ex oriente: ergo videtur quod primo fecerit mane, & postea vespere, & hoc est contra Scripturam quæ dicit: Factum est vespere, & mane. Si ex occidente: ergo videtur quod lux cœpit in occasu, quod est inconueniens. Si in aliqua parte alia, ut in meridie: tunc videtur quod dies ille non habuerit viginti quatuor horas, quod est contra expositores: & propter hoc est quæstio, ubi lux illa sit facta, & qualiter diem, & noctem faciebat.

C Ō N C I V S I O.

Lux prima die creata, non faciebat diem, & noctem, vel per radiorum emissionem & contractionem, ut Græci expositores dixerunt: vel quod rationabilis videretur, per motum, quem supra superiorem, & rariorem materia partem faciebat.

RESP. Ad Arg. Dicendum quod, sicut prædictum fuit in principio, duplex est hic modus dicendi, vnus secundum doctores Græcos, videlicet Basilium, & Greg. & Damas. alius secundum Latinos. Dixerunt enim Basilus, & Damas. quod lux illa emissionem, & contractionem radiorum diem, & noctem faciebat: hoc autem dicebāt esse in potestate ipsius lucis, non per virtutem propriā, sed per præceptionem diuinam, & huius simile legimus in Scriptura: Extendit Moyses manum in cœlum, & factæ sunt tenebræ horribiles in tota terra Ægypti tribus diebus. Constat enim quod in illo triduo sol erat in hemisphærio terræ nostræ habitabilis, & in terra Iessen, & in alias habitabiles regiones radios suæ lucis emittebat, & à terra Ægypti radios suæ lucis contrahebat. Simile etiam forte factū est in passione Domini, ubi sol dicitur obscuratus fuisse, & hoc totum factum est non natura, sed diuino præcepto. Et per hunc modum intellexerunt doctores Græci fuisse in illo primo triduo, & propterea rationes prius inductæ de naturali potestate in nullo eos lædunt. Auctoritates etiam sacre Scripturæ non videntur contrariæ, quia diuisio illa lucis à tenebris non intelligitur quantum ad situm localem, sed quantum ad distinctionē formalem, sicut distinguitur habitus à sua priuatione. Et quia ab hoc habitu in priuationem, & processus erat & regressus: quantum ad regressum in habitum dicitur fecisse mane, quod quidem fiebat radiorum emissionem: quantum vero ad progressum in priuationem dicitur fecisse vespere, quod quidem fiebat radiorum contractionem. Alius modus dicendi secundū Latinos doctores, qui videtur esse rationabilior, quia virtuti naturali possibilior est, quod lux illa noctem & diem faciebat suo motu sicut sol sua facit actione. Intelligitur enim lux illa facta fuisse, ubi nūc est sol, nam ex illa formatus creditur esse sol, producta autem fuit super eam partem, supra quam nostrū est hemisphærium, & illud hemisphærium illu-

Ad oppositum.

Gen. 1.4

Opinio 1.
Basilus
Hom. 7. in
Hexaëm. à
medio.

Exod. 10.6

Opinio 2.

minando fecit diem, & progrediens peruenit ad occasum, & fecit vespere, & post deinde regrediens ad ortum fecit mane. Vnde respectu vnus & eiusdem hemisphærij noctem & diem faciebat successive: respectu vero hemisphærij nostri, & alterius simul faciebat diem ex vna parte, & noctem ex obiectu illius nature densæ quæ erat in medio illius materie: quæ quamvis non esset adhuc in forma completa, erat tamen in illa parte ita densata, vt posset proicere vmbra, sicut in parte superiori pro sua raritate, & quadam subtilitate poterat suscipere lucis influentiam. Et ideo vtrumque eorum insinuans. Scriptura dicit: Diuisit Deus lucem à tenebris, quantum ad existentiam lucis in vno hemisphærio, & tenebræ in alio: & factum est vespere, & mane quantum ad recessum à nostro hemisphærio, & quantum ad regressum. Hunc igitur modum tanquam probabiliorē sustinēdo.

1. Ad illud primum quod obiicitur in contrarium, quod non erat ibi idoneitas spatij, nec corporis, per quod fieret motus alicuius orbis, dicendum quod sicut sol in claritate illam lucem excedit, ita etiam in motus regularitate propter orbium distinctionem, & complementum: sicut lux illa claritatem habebat sufficientem pro illo statu, sic etiam superior pars materie, quæ rarior erat, & purior viam sibi præbebat ad motum habilem, quamvis non esset in tanta perfectione, in quanta nunc est æther.

2. Ad illud quod obiicitur, quod materia ex omni parte vniformis erat, dicendum quod etsi ex omni parte esset influentiam lucis æqualiter nata suscipere, illa tamen lux non poterat vndique illuminare, sicut & sol non potest. Et ideo cum ex vna parte illuminabatur, ex alia parte erat obscura: & quia ad lumen vniformiter erat disposita, cum non posset simul illuminari, oportebat illuminari successive, & ita oportebat fieri noctem, & diem. Si tu quæris quare Deus non fecit lucem ita sufficientem, quod vndique posset illuminare, dicendum quod si sic fecisset, per illam lucem esset illuminatio, sed non horarum distinctio, nec temporalis successio. Diuina autem dispositioni placuit mundum quasi carmen pulcherrimum quodam decursu temporum venustare.

3. Ad illud quod obiicitur, quod semper illuminabat, ergo semper diem faciebat, dicendum quod non sequitur, quia non quæcunque illuminatio dies appellatur, sed illuminatio quæ est in nostro hemisphærio, quæ magis dies dicebatur quam illuminatio alterius hemisphærij: non propter illud quod tunc erat solum, sed etiam propter id quod futurum erat.

4. Ad illud quod obiicitur, quod ante fuit producta quam mota, dicendum quod in die naturali duo sunt, videlicet claritas aeris, siue rei transparentis & successio temporis. Claritatem autem faciebat lux radiorum multitudine in parte materie transparentis, & quia lux simul est, & lucet, & illuminat, simul cœpit esse isto modo dies cum luce. Successionem autem temporis faciebat, vel ipsa mutabilitas, quæ erat in materia informi ante productionem lucis, vel etiam ipsa lux mota quæ erat nubes lucida: & ita vtroque modo successio temporis, vel simul cum luce incipiebat, vel ante: & illa successio ad primum diem spectabat: & ideo quocunque modo dicatur dies, formatio lucis est opus primæ diei, non quia prima dies ipsam lucem præcesserit, sed quia simul incœpit dies cum luce. Quamvis enim motus sequatur esse secundum naturam, tamen duratione potest simul cum mobili incipere. Et si quæras vbi incœpit moueri, dico quod vbi facta est: sed de loco vbi facta est, duæ sunt opiniones. Quidam enim dicunt quod lux illa facta est in meridie, & rationem huius assignant duplicem: vnā, quia lux illa primo faciebat vespere, & postea mane, sicut dicit Scriptura: ergo videtur quod prius tenderet ad occasum, quam rediret ad ortum. Alia est ratio, quia Dei perfecta sunt opera: & ideo diem, & lucem fecit in sua plenitudine, & ita meridie: & hoc modo videtur sentire Beda, & alij expositores, qui dicunt primum diem à prima luce cœpisse: Et si tu obiicias quod à principio diei

vsque ad mane non sunt viginti quatuor horæ: respondent, & dicunt quod sex horæ huius diei præcesserant, successionem temporis pertranseunte propter ipsius materie mutabilitatem, & postmodum sexta hora, quæ est in numero perfecta, facta est lux quæ est corpus perfectum in sui natura, in plena & perfecta irradiatione, vt pote in meridie: & cum esset tunc tempus æquinoctiale vsque ad occasum fuere sex horæ, & postmodum vsque ad ortum sequentis diei fuerint duodecim, & sex præcesserant ante formationem lucis post creationem cœli & terræ, & ita factus est dies naturalis perfectus & integer. Alia opinio est quod non fuerit mora temporis interiecta inter creationem, & distinctionem, immo statim post creationem cœli, & terræ produxit Dominus lucem, ita quod posterius natura, sed simul duratione. Et isti dicunt quod lux illa cœpit in oriente, & sua reuolutione perfecta tendendo ab eodem puncto in idem, fecit diem naturalem: & hoc videtur Hugo sentire in lib. de sacram. Ait enim quod non fuerit mora interiecta inter creationem, & distinctionis inchoationem quæ incipit in lucis formatione: & illud videtur satis probabile quod ibi cœperit lux illa in primo die, vbi conditus est sol in die quarto. Creditur enim sol quarto die conditus fuisse in oriente, non in meridie, & luna in occidente. Et si tu obiicias quod prius deberet dicere factum est mane, & vespere, dicendum quod sicut dicit Magister in litera, mane dicit finem præcedētis noctis, & ex hoc dicit quādam obscuritatem propter hoc quod non tantum dicit diei initium, immo dicit noctis consummationem. Et quia in prima lucis formatione non processerat nox, sed statim lux incœpit secundum suam totam potestatem illuminare: & ideo dicitur dies illa cœpisse à plena luce, adeo enim lucebat ibi vbi cœpit, sicut si esset in meridie. Ideo non dicitur fecisse mane, quia non præcesserat nox, sed prius vespere quod est finis diei, & postmodum mane quod est finis noctis, quia prius fecit diem, & postmodum noctem. Et tam hic modus dicendi quam præcedēs satis est probabilis, nec facile discernitur quis eorum plus habeat veritatis: & ideo quocunque istorum modorum dicatur, non est facienda magna vis.

ARTICVLVS II.

CONSEQUENTER quæritur de essentia, & quidditate lucis corporalis in se. Et circa hoc duo quærentur, vtrum lux sit corpus, vel forma corporis. Secundo quæritur, vtrum sit forma substantialis, vel accidentalis.

QVÆSTIO I.

An lux sit corpus, vel forma corporis.

Steph. Brulef. 2. Sent. dist. 13. q. 3.

CIRCA quam sic proceditur, & ostenditur quod lux sit corpus. August. de libero arb. In corporibus lux primum locum tenet.

1. ITEM Aug. super Gen. ad literam: Anima omnem corpoream materiam dignitate nature præcellit: per lucem tamen, & aerem quæ in mundo præcellentia sunt corpora, corpus administrat.

3. ITEM August. in Epistola ad Volusianum: Hominum (inquit) iste sensus est nihil nisi corpora valentium cogitare, siue ista grossiora, sicut sunt humor, aut humus: siue subtiliora, sicut aer, & lux: sed tamen corpora.

4. ITEM hoc videtur: ratione. In spiritibus est reperire spiritum qui est pure lux: ergo similiter in corporalibus videtur quod sit reperire corpus quod sit pura lux: ergo similiter videtur quod illud, quod est luminosum in corporibus, sit lux pura: sed illud est corpus, cum habeat extensionem sicut patet in sole: ergo videtur quod lux sit corpus.

5. ITEM lux in sole est plena actualitate, & potestate, multiplicandi se: ergo non videtur quod sit permixta

possibilitati

Opinio 1.

Opinio 1.

Dens. 32. a

Ad oppositum.
Lib. 2. cap. 5.
tom. 1.
Lib. 7. c. 19.
de Gen. 14. 3.

Epist. 3. m. 3.

possibilitati materiæ : constat autem solem esse corpus: A
ergo videtur quod pura lux sit corpus.

6. ITEM nihil mouetur localiter motu dimensiuo, &
successiuo nisi corpus: sed lux illa quæ primo creata fuit,
suo motu faciebat diem & noctem. ergo erat corpus.

AD oppositum: Damasc. Lumen est qualitas naturalis
ipsius ignis: sed nulla qualitas est corpus: ergo lux non
est corpus, sed qualitates corporis.

ITEM dicit Philosophus quod forma est principium
agendi: ergo illud quod maxime est principium agen-
di, illud maxime est forma: sed lux inter cætera corpo-
ralia est maxime actiua: ergo videtur quod sit pure for-
ma: sed nullum corpus est pure forma, cum omne cor-
pus sit compositum: ergo lux non est corpus.

ITEM per August. super Genes. ad litteram: Lux est
subtilissimum in corpore, & ob hoc animæ vicinissi-
mum: sed quod est vicinissimum nobilissimæ formæ,
illud maxime participat rationem formæ: ergo videtur
quod ipsa lux sit pure forma.

ITEM nulli corpori opponitur aliquid priuatiue se-
cundum quod corpus est, sed luci secundum quod lux est,
opponitur tenebra priuatiue: ergo lux non est corpus.

CONCLUSIO.

*Lux secundum abstractionem concepta corpus non est,
sed simplex forma in concretionem vero accepta,
corpus dici potest.*

RESP. Ad arg. Dicendum quod quidam non atten-
dentes, nec interius considerantes verba Aug. dixerunt
lucem esse corpus, pro eo quod posuerunt aliquod cor-
pus pure esse lucem, ita quod in eo nihil esset admixtū
de tenebrositate materiæ, sicut est corpus solare à quo
cætera corpora mundi recipiunt illuminationē. Sed cum
supra probatum sit: quod nulla substantia per se existens
siue corporalis, siue spiritalis, est pure forma nisi solus
Deus: satis planum est quod nullum corpus potest esse
pure forma: cum enim nullum corpus careat extensio-
ne, & omnis extensio fundetur super materiam corpora-
lem, nullum corpus potest esse sine materia. Et iterum:
Nullum corpus potest esse pure forma: si ergo lux for-
mam dicit, non potest esse lux ipsum corpus, sed aliquid
corporis: si enim lux esset ipsum corpus, cum lucis sit
ex se ipsa seipsam multiplicare, aliquod corpus posset se-
ipsum multiplicare ex se sine appositione materiæ aliū-
de: quod est impossibile alicui creaturæ, cum materia
non habeat educi nisi per creationem. Et ideo aliter di-
cendū quod sicut humor, & calor dupliciter accipiun-
tur: aliquando enim dicunt proprietates, siue qualitates
corporeæ substantiæ, sicut dicuntur humor esse aquæ,
& calor ipsius ignis: aliquando nominant ipsam substā-
tiam sub tali forma: sicut dicit Aug. quod humor, & hu-
mus sunt elementa: & philosophi dicūt, quod calor est
substantia quædam subtilis: sic intelligendum à parte lu-
cis, quod lux potest dici in abstractione, & sic nominat
formam corporis luminosi, per quam illud corpus ha-
bet lucere, & agere: & sic dicit Damascenus quod est
qualitas ignis. Aliquādo nominat in concretionem ipsam
substantiam, scilicet luminosam: & sic accipitur in illa
dimissione, scilicet quod tres sunt species ignis, scilicet
carbo, flamma, & lux. Et per hunc modum loquitur
Augustin. quando dicit: quod lux tenet primum locum
in corporibus, & lux, & aer sunt corpora subtiliora. Vo-
cat enim ibi lucem quod nos vocamus ignem: sicut
ex verbis ipsius Augustini colligitur expresse.

1. 2. 3. Et per hoc patent obiecta ad vtramque partem.
Nam auctoritates, & rationes quæ dicunt, & probant
lucem corpus non esse, sed qualitatem, accipiunt lucem
in abstractione, sicut patet. Auctoritates vero quæ ad
oppositum inducuntur, loquuntur de luce prout acci-
pitur concretive: rationes vero quæ probant quod ali-
quod corpus sit pure lux, non sunt cogentes.

4. AD illud enim quod obiicitur de similitudine spi-
ritualium & corporalium, non est simile: quia lux spi-

ritualis communis est Creatori, & creaturæ secundum
analogiam. Et quia Creator pure actus est: ideo potest
reperiri in spiritalibus lux in omnimoda actualitate,
ita quod nihil habeat de possibilitate materiæ, nec de
tenebrositate ignorantia. Corporalis vero lux non re-
peritur nisi in creatura, quæ ad hoc ut per se existat,
indiget sustentari à materia: & ideo non potest inueniri
lux pura per omnimodam exclusionem possibilitatis
materiæ: potest tamen inueniri pura lux per exclusio-
nem opacitatis, & tenebræ: & sic est in sole.

5. AD illud quod obiicitur, quod si lux solis esset
permixta materiæ, non posset se multiplicare perfecte,
dicendum quod præsentia materiæ non tollit actualita-
tem formæ, maxime, quando corpus multum habet de
specie, & parum de materia: & quia in sole est abun-
dantia lucis, quamvis sit ibi materia, non impeditur ab
actione sua. Ea autem quæ dicuntur habere lucem in-
corporatam, non habent perfectam potestatem multi-
plicandi se: non quia lux sit solum ibi in materia: sed
quia corpora illa multum habent de materia, & parum
de specie.

6. AD illud quod obiicitur, quod lux primo creata
mota fuit dimensiuo, & successiuo, dicendum quod lux
ibi vocatur nubecula lucida, quæ vere corpus erat: &
illa non fuit creata, pro eo quod fuit ex præexistenti
materia forma lucis sibi diuinitus impressa, vel educa.
Sic igitur ex prædictis patet, quod lux proprie, & ab-
stracte loquendo, non est corpus: sed forma corpo-
ris.

QVÆSTIO II.

An lux sit forma substantialis, vel accidentalis.

S. Thom. 1. p. q. 67. art. 3.
Thom. Arg. 2. Sent. dist. 13. q. 1. art. 2.
Richardus 2. Sent. dist. 13. q. 3.
Steph. Brulef. 2. Sent. dist. 13. q. 4.

VTRUM lux sit forma substantialis, vel accidentalis. Fundamēta.
Et quod sit forma substantialis, videtur. Prior est
generatio substantiæ, quam accidentis: sed lux inter
omnes formas corporales describitur primo fuisse crea-
ta: ergo non videtur accidens, sed substantia: aut illa
operatio fuit inordinata.

ITEM forma substantialis est nobilior quam acciden-
talis: sed lux nobilissima forma corporalium, sicut in
multis locis dicit Augustinus: ergo cum multæ aliæ
formæ corporales sint substantiæ: videtur quod lux sit
forma substantialis.

ITEM lux inter omnia corporalia maxime assimila-
tur luci æternæ, sicut ostendit Dionysius de diuin. nom.
& maxime in virtute, & efficacia: ergo si hoc totum
magis competit formæ substantiali, quam accidentali,
videtur quod lux sit substantia.

ITEM nullum accidens est causa substantiæ: sed lux
corporis cælestis est principium educendi animam ve-
getabilem, & sensibilem, quæ sunt formæ substantiales:
ergo videtur quod lux sit substantia.

ITEM nullum accidens est per semetipsum actiuum,
cum nullum sit per se existens: ergo sicut per se non
est, ita etiam nec per se agit: sed corpus luminosum in-
quantum luminosum, est per se actiuum: ergo videtur
quod lux non sit ei accidens: sed substantialis forma.

ITEM nullum accidens facit gradum, & nobilitatem
in rebus secundum differentias específicas propter sui
ipsius participationem maiorem, & minorem: sed cor-
pora mundi secundum quod plus & minus participant
de luce, sunt magis & minus nobilia, quantum ad esse
substantiale & specie, & differentia, sicut patet respi-
ciendo gradus in corporibus mundi: ergo impossibile
est lucem esse accidens corpori luminoso.

1. CONTRA: Nihil est de constitutione accidentis
nisi accidens: sed lux est de constitutione coloris. cum
color non sit aliud quam lux incorporata: ergo cum co-
lor sit accidens, lux est forma accidentalis.

Fundamēta.

Aug. lib. 3.
de lib. arb.
c. 5. à med.
tom. 1.

Dion. de diu.
nom. cap. 4.
post princ.

Ad opposi-
tum.
Arist. 6. na-
tural. lib. 3.
cap. 3.

Hanc ratio-
nem magni
facit Scot.
ibi.

Hic tria
sunt dist. 13.
9. unica.
Lib. 12. c. 16.
& lib. 7. cap.
13. de Gen.
tom. 3.

1/a 30 f

2. ITEM nihil est per se obiectum sensus nisi acci-
dens, quia omne obiectum sensus ponitur in tertia spe-
cie qualitatis: sed lux seipsa videtur, & percipitur sensu
visus, & est illud quo mediante cætera sentiuntur, sicut
dicit Augustinus super Genesim ad litteram: ergo lux est
accidens. Ait enim Aug. sic, Visus agit pura luce, dein-
de incorporata in subtilissimo aëre, deinde lux mixta in
aëre caliginoso, deinde in corpulento humore, deinde
cum terrena crassitudine, & sic quinque sensus efficit.

3. ITEM quod augetur in aliquo salua eius substan-
tia, & natura, ipsum est sibi accidens: sed lux augetur
in corporibus præcipue luminosis, sicut dicitur: Erit lux
lunæ sicut lux solis, & lux solis septemplex, & c. ergo
lux non est substantia, sed accidens, cum substantia
non recipiat magis, & minus.

4. ITEM sicut ignis naturaliter lucet, ita & naturaliter
calet, nec maior est virtus in ipso lucere quam cale-
re, siue calefacere: sed caliditas est qualitas accidentalis
ipsius ignis: ergo, & luminositas.

5. ITEM si lux in igne est forma substantialis: aut
ergo vltima & completiua, aut citra vltimam. Si est for-
ma vltima, & completiua: ergo non videtur quod ignis
differat a cælesti natura, nec quod aliqua luminosa dif-
ferant specifica differentia. Si est forma citra vltimam:
ergo minus est forma perfecta, quam forma ignis spe-
cifica, cum forma vltimo completiua sit in re perfectis-
sima: ergo non videtur quod in igne lux sit nobilissi-
ma forma: si ergo in cælo est forma vltima, videtur
quod digniora siue nobiliora sint corpora elementaria,
quam cælestia: quod si falsum est: restat, & c.

6. ITEM in creaturis qualitas est immediatum prin-
cipium actionis: unde forma substantialis agit tanquam
mediantibus proprietatibus accidentalibus: sed lux est
immediatum principium actionis: ergo videtur quod
lux sit accidens.

CONCLUSIO.

*Lux qua dat esse corpori lucido forma substantialis est:
à qua fulgor apparens exit, qui est forma acciden-
talis & secundum hoc est accidens.*

Opinio 1.

RESP. AD arg. Prænotandum est quod in hac quæ-
stione sapientes opinantur contraria sapientibus. Qui-
dam enim dicere voluerunt, quod lux est accidens cor-
pori luminoso, sicut sapientia siue scientia quæ est lux
spiritualis, est accidens ipsi animæ, & color est accidens
corpori terminato, & calor est accidens corpori calido.
Dixerunt enim quod sic se habebat corpus luminosum
ad lucem, sicut anima ad cognitionem, & sicut corpus
calidum ad calorem: quoniam per ipsam decoratur, per
ipsam sentitur, & per ipsam operatur: & ideo si dicatur
forma nobilis, hoc non intelligitur quantum ad esse pri-
mum, sed quantum ad esse secundum: sicut scientia, &
gratia nobilissimæ formæ ponuntur, quamvis acciden-
tia esse dicantur. Et sic pro magna parte rationes eva-
dunt. Sed quoniam sacra Scriptura lucem inter cæteras
formas pure corporales commendat, & Catholici Tra-
ctatores, sicut Dionysius in 4. de diu. nom. & Augustinus in
multis locis, & philosophi etiam principatum operandi
in corporibus luci attribuant: ideo lucem magis esse
substantiam quam accidens sentire videntur. Et ideo est
alia positio, quod lux est forma substantialis corporum,
secundum cuius maiorem & minorem participationem
corpora habent verius & dignius esse in genere entium.
Unde sicut nobilissimum corporum scilicet empyreum
est præcipue luminosum, ita infimum scilicet terra est
maxime opacum: intermedia vero secundum quod sunt
magis & minus nobiliora, participant plus & minus. Et
quod omnia corpora naturam lucis participant hoc fa-
tis de plano ostenditur, quia vix est corpus opacum,
quin per multam tersionem, & politionem possit effici
luminosum: sicut patet cum de cinere fit vitrum, & de
terra carbunculus. Vtraque autem harum positionum

Improbatio.
Dion. de diu.
nom. cap. 4.

Opinio 2.

A magnorum est, & quælibet valde probabilis, nec de fa-
cili improbari potest. Si autem interius considerare ve-
limus, quæ istarum positionum sit verior, inuenimus
quod vtraque harum fundata fuit super aliquod verum.
Verum est enim quod lux cum sit forma nobilissima in-
ter corporalia, sicut dicunt philosophi & Sancti secun-
dum cuius participationem maiorem & minorem, sunt
corpora magis & minus entia, est substantialis forma.
Verum est etiam quod cum lux sit per se sensibilis, sit
etiam instrumentum operandi, sit etiam augmentabi-
lis & minuibilis, salua forma substantiali, quod ipsa
habet formam naturæ accidentalis. Et ideo notandum
est ad intelligentiam auctoritatum & rationum, quod
sicut lux incorporata est principium coloris in ipso cor-
pore terminato, qui quidem color est accidens, &
passibilis qualitas, & sensu percipitur: sic etiam lux in
corpore luminoso est principium cuiusdam fulgoris,
qui ad modum coloris est accidens, & mediante quo lu-
minosum corpus à sensu apprehenditur. Et secundum
hoc dupliciter potest lux accipi. Vno modo dicitur lux
ipsa forma, quæ dat esse corpori lucido, & à quo lu-
minosum corpus principaliter est actiuum, sicut à pri-
mo mouente, & regulante. Alio modo dicitur lux esse
fulgor, qui est circa corpus luminosum, qui consequitur
existentiam lucis in tali materia, & qui etiam est sensus
obiectum, & operis instrumentum: & sic est accidentale
complementum. Et sic patet responsio ad quæstionem
propositam: pro magna parte patet responsio ad obie-
cta. Rationes enim ostendentes lucem esse substantia-
lem formam procedunt secundum primam viam, sicut
patet intuenti: Rationes autem ad partem oppositam
procedunt via alia, exceptis quibusdam, ad quas satis
de facili responderi potest.

1. AD illud enim quod obiicitur, quod lux est de com-
positione coloris, dici potest, quod lux non dicitur esse
de compositione coloris, tanquam principium intrinse-
cum, sed tanquam principium effectuum, cum acciden-
tia simplicia sint: forma autem substantialis bene potest
esse effectuum principium accidentis.

2. AD illud quod obiicitur, quod est forma sensibilis,
dicendum quod hoc non videtur ratione suæ essentia,
sed ratione fulgoris, vel coloris eam inseparabiliter con-
comitantis, maxime, ubi est vehementia lucis.

3. AD illud quod obiicitur, quod augetur, dicendum
quod augmentum illud attenditur ratione fulgoris, non
ratione lucis, quæ est forma substantialis: & si ratione
illius attendetur, adhuc ratio non valeret: quia quam-
vis forma substantialis secundum se non recipiat ma-
gis & minus, habet tamen intendi & remitti secundum
esse ipsius in materia: & hoc maxime verum est in for-
mis generalibus, in quibus magis consistit communitas
analogiæ secundum magis & minus, & prius ac poste-
rius, quam vniuationis.

4. AD illud quod obiicitur, quod calor non est forma
substantialis calidi, dicendum quod non est simile: quia
non est tantæ dignitatis, & perfectionis forma caloris,
sicut forma lucis. Et hoc patet, quia forma lucis plus re-
cedit à natura contrarietatis, corruptionis, & alterationis.

5. AD illud quod obiicitur quod non est forma vltima
in igne, dicendum quod si lux ponitur esse forma sub-
stantialis corporum specie diuersorum, utpote cæli, &
ignis, neutrius est forma vltimo completiua: ideo ex hoc
non concluditur quod natura elementaris sit nobilior
cælesti: nec ex hoc potest etiā concludi, quod alia forma
sit nobilior forma lucis, quāvis sit vltior. Forma enim
lucis non ponitur in eodē corpore cum alia forma, sicut
dispositio imperfecta, quæ nata sit perfici per vltimam
formam: sed ponitur tanquam forma, & natura omnis
alterius corporalis formæ conseruatiua, & dans agendi
efficaciam: & secundum quam attenditur cuiuslibet for-
mæ corporalis mensura in dignitate, & excellentia. Et
quod obiicitur, quod forma vltimo completiua nobilior
est: hoc verum est, ubi forma illa habet compleri, & per-
fici per vltimam, sc. ubi forma communis habet perfici

Vtraque
opinio pro-
babilis.

per

per ultimam & specialem. Vel dicendum, quod hoc veritatem habet, ubi utraque forma scilicet communis, & ultima est in suo potissimo esse: sic autem lux non est nisi in cælesti corpore.

6. Ad illud quod obiicitur, quod est immediatum principium operandi, dicendum quod illud non cogit necessario, ut videtur: forma enim specialis per se posse agere videtur. Sed quia exemplum huius non de facili inuenitur in aliis, quamvis non irrationabiliter credatur in forma lucis possibile esse, cum sit maxime actiua, concedi potest, quod quamvis lux interius perficiens sit substantialis forma, tamen fulgor ille quo corpus illud instrumentaliter operatur, sentitur, & decoratur, ad naturam accidentis, sicut prædictum est, pertinere indote credi potest.

ARTICVLVS III.

CONSEQUENTER queritur de lucis effectu, & irradiatione. Et circa hoc duo queruntur. Primo queritur, utrum lumen quod emittitur à corpore luminoso, sit corpus, an qualitas corporis. Secundo, dato quod sit qualitas, est quæstio, utrum sit substantialis vel accidentalis.

QVÆSTIO I.

An lumen quod exit à corpore luminoso, sit corpus.

S. Thom. 1. p. q. 67. art. 3.
Egid. Rom. 2. Sent. d. 12. q. 2. art. 2.
Et Quol. 5. q. 10.
Richardus 2. Sent. dist. 13. art. 2. q. 1.
Durand. 2. Sent. d. 13. q. 2.
Iam. Bacc. 2. Sent. d. 13. art. 1. 3. & 4.
Thom. Argen. 2. Sent. dist. 13. q. 1. art. 3.
Franciscus de Mayr. 2. Sent. dist. 13. q. 4.
Stephanus Brulef. 2. Sent. dist. 13. q. 5.

CIRCA quam sic proceditur, & ostenditur primo, quod lumen quod exit à corpore luminoso, sit corpus. Omne quod per se mouetur localiter, & dimensionis est corpus: sed radius, siue lumen egrediens à sole mouetur localiter, utpote ab oriente in occidentem: ergo tam radius, quam lumen est corpus.

2. ITEM nihil repercutitur, & repellitur à corpore nisi corpus: impossibile enim est non corpus à corpore moueri: sed luminis & radiorum fit repercussio ad corpus opacum: ergo tam lumen quam radius est corpus.

3. ITEM impossibile est esse contractionem, & intersectionem nisi corporum: sed ex repercussione luminis ad speculum concauum fit radiorum intersectio: & contractio: ergo videtur quod tam lumen, quam radius sit corpus.

4. ITEM omne quod habet trinam dimensionem est corpus: sed lumen in medio habet trinam dimensionem, quia diffunditur secundum omnem positionem, nec tantum est in superficie, immo etiam penetrat aërem vsque ad profundum: ergo videtur quod lumen in medio sit corpus.

5. ITEM esto quod sol esset, & circa ipsum esset spatium vacuum, cum sol potens sit ex virtute lucis absque adiutorio extrinseco lumen suum diffundere, nisi habeat resistens, & in illo spatio vacuo nullam habeat resistantiam, ibidem lumen suum diffunderet: sed lumen illud non esset in alio corpore sustinente: ergo videtur quod esset substantia per se ens, & non spiritualis: hoc constat: ergo corporalis.

6. ITEM quod potest generare corpus, est corpus: sed lumen in medio diffusum potest generare corpus, scilicet ignem per sui multiplicationem: ergo lumen in medio est corpus.

Ad oppositum: Philosophus in secundo de Anima: Lumen nec est corpus, nec defluxus corporis.

ITEM hoc, ratione videtur per suum oppositum:

A Lumina enim opponitur tenebri principaliter: si ergo priuatio non est corporis: sed formæ lumen non est corpus, sed forma.

ITEM hoc videtur per motum. Nullum enim corpus mouetur subito secundum locum: sed lux subito alterat, quia in instanti ab oriente venit in occidentem: ergo lumen non est corpus. Si tu dicas quod non mouetur subito, sed repente mouetur, id est, imperceptibiliter in aliquo spatio: tunc sequitur quod in maiori spatio posset sentiri successio, sicut patet in sono: ergo, &c.

ITEM nullum corpus velocius mouetur quam corpus mobilis primi, pro eo quod ille motus est perfectissimus omnium motuum, & ideo velocissimus: sed lumen ab oriente in occidentem multo citius mouetur, quā B moueatur orbis primus, quia lux in instanti, & illud saltem duodecim horis: ergo lumen non est corpus.

ITEM nullum corpus simul & semel mouetur ad oppositas partes: sed lumen simul, & semel mouetur ad partes oppositas, quia diffunditur sursum & deorsum, ante & retro, à dextris & à sinistris: ergo non potest esse corpus.

ITEM impossibile est duo corpora impermixta, & non sese augmentantia esse simul: sed lumen cum aëre est impermixtum, & ipsum aërem non augmentat, & tamen est simul: ergo non est corpus. Quod autem impossibile sit duo corpora simul esse, Philosophus dicit: & ad hoc sunt rationes quæ possunt omitti ad præsens, quæ inducuntur in Quarto, ubi agitur de penetrabilitate corporis gloriosi.

C ITEM nullum corpus habet suum esse in fieri continue: sed lumen in aëre habet suum esse in fieri continue, quia continue egreditur à sole, sicut dicit Augustinus: ergo impossibile est corpus esse.

ITEM si lumen est corpus, aut est ex aliquo, aut ex nihilo. Si ex nihilo: ergo est à Creatore: ergo lumen est à solo Deo, cum ipse sit creare. Si ex aliquo, quæro ex quo: aut ex corpore à quo causatur, aut ex corpore in quo suscipitur. Constat quod non ex corpore in quo suscipitur, quia lumen non producit ex aëre: tunc enim ibi posset manere recedente sole. Si ex corpore à quo causatur: ergo videtur quod corpus luminis in emissionem luminis aliquid perdat de sua substantia, & materia, & ita videtur quod iam sol deberet esse consumptus.

CONCLUSIO.

Lumen & radius, prout proprie accipitur, non est corpus.

RESP. Ad arg. Ad prædictorum intelligentiam est notandum, quod circa hoc quatuor sunt opiniones. Quidam enim voluerunt dicere, quod tam lumen quā radius in medio corpus est, & egressus ipsorum radiorum ab ipso sole est, sicut egressus riunlorū à fonte. Sicut enim à fonte procedunt riunli, qui sunt corpora, & eiusdem naturæ cum fonte, sic dicunt esse in radiis, & sole. Et si tu obiicias eis, quod videtur quod substantia solis, & aliorum luminarium iam esset pene consumpta: dicunt quod sicut consumitur substantia fontis, pro eo quod sicut sit emissio, ita sit etiam restauratio: sic dicunt quod non consumitur substantia solis, pro eo quod sicut exterius emittit lumen suum inferius, sic virtute radiorum vapores ad se trahit superius, ex quibus restauratur, sicut corpora alimento, adeo ut nec deficiat, nec decreseat, & hoc videtur sensisse Seneca. Positio tamen ista est contra philosophiam, quæ dicit corpora cælestia omnino esse incorruptibilia. Secunda vero positio est quod lumen est corpus, & similiter radij, & processus ipsorum radiorum à sole est, sicut ramorum à radice: maxime si ita esset, quod statim radix posset ex se producere arborem adiuta diuina virtute, sicut forte fuit in prima rerum conditione, & sicut radix non diminueretur, si ita produceret arborem, & tamen dicerentur semper rami ab illa radice exire, non quia de nouo egrediantur

4. hys. con-
tex 46.
Dist. 49. art.
4. q. 1.

Aug. de Gen.
lib. 3. tom. 3.

Opinio 1.

Opinio 2.

Opinio 3.

Improbatio
omnium.Aug. de Ge-
nesi, ad lit.
cap. 3 circa
medium.
Opinio 4.Lib. 2. c. 7. &
9. de orb.
sede.

diantur, sed quia cum sua origine continuantur: sic dicunt, & in solis radiis se habere. Cum enim Deus solem tanquam originem, & principium lucis fecit simul cum hoc ramificationem radiorum sibi dedit: & ita sol continue dicitur illos radios emittere, quia illi radij nunquam separantur à sua origine: sed sicut sol mouetur, sic radij circumferuntur, non noui generantur: eisdem enim radios quos emisit à principio super terram, emittit & etià nunc. Sed esto quod sol obscuraretur, sicut in passione Christi creditur esse factum: tunc videtur quod oporteret ex tunc radios renouari: & ita de nouo creari, si corpora essent. Tertia positio est quod tam lumen, quàm radius in medio corpus est: & productio eius quantum ad formam à sole est: quantum vero ad materiam est à Creatore, dicunt enim quod hoc spectat ad perfectionem vniuersitatis: ut sicut est aliqua creatura, quæ quantum ad materiam, & formam immediate est à Deo, ut Angelus: quædam autem quantum ad formam est à Deo immediate, & quantum ad materiam est à natura, ut homo: sic & tertium genus est quod quantum ad formam est à creatura, & quantum ad materiam à Deo. Sed illud non videtur probabile, cum Deus nunquam creet materiam præter formam aliquam. Licet autem quælibet harum trium positionum specialiter dicat aliquid improbabile circa originem luminis ex lumine, omnes tamen communiter improbantur per hoc, quod dicunt lumen in medio esse corpus: tum propter ipsius diffusionem, quæ subita est: tum etià propter existentiam cum aëre quæ impermixta est: tum etià propter ipsius productionem, quæ nec est ex materia, nec vnquam separatur ab eius existentia: immo sicut continue est, ita continue generatur, ut dicit Aug. quod lumen habet permanentiam per continuam solis influentiam. Et ideo est quarta positio concors rationi, & philosophiæ, quod lumen & radius, si nominetur illud præcise quod à luce habet ortum, nec est corpus nec corporis defluxus, sicut rationes ad hoc inductæ ostendunt. Si autem dicatur radius aër illuminatus secundum diametrum, & lumen aër illuminatus secundum profundum: sic isto modo radius, & lumen poterit dici corpus: prout tamen proprie accipitur lumen, & radius in medio, corpus non est.

1. Ad illud ergo quod primo obiicitur, quod mouetur localiter, dicendum quod sicut videmus in specie generata à calore, quod dupliciter mouetur, & vnus motus est per diffusionem procedendo à corpore obiecto vsque ad speculum, alius autem motus secundum quod videtur moueri in speculo ad motum corporis obiecti: & prius non est motus localis, sed generationis: secundo vero motu non mouetur per se, sed per accidens: sic intelligendum est in proposito, quod motus luminis, qui est per egressum ipsius à corpore lucido, non est proprie loci mutatio, sed magis luminis generatio, & diffusio: & hoc patet ex eo, quod fit subito in spatio quantuncumque magno. Modus vero alius, qui est per delationem ipsorum radiorum super terram cum ipso sole: iste est solum per accidens, sicut mouetur virtus ipsa ad motum sui principij influentis, & tamen virtus corpus non est. Sic intelligendum est de lumine quod se habet ad corpus luminosum per modum virtutis influxæ. Vnde Damascenus: Dicimus propter lumen quod ex ipso prouenit, lucere ignem, & non ponimus ministeriale organum ignis esse, quod ex ipso est lumen, virtutem vero magis naturalem.

2. Ad illud quod obiicitur, quod radij reperiuntur à corpore, dicendum quod repercussio alicuius ab aliquo potest esse dupliciter. Quædam ex collisione duorum sibi inuicem obuiantium, sicut pila repercutitur à pariete. Quædam ex ineptitudine patientis ad suscipiendam virtutem agentis, & sic repercutitur radius à corpore etià opaco. Sol enim, siue quodcumque aliud corpus luminosum habet virtutem diffundendi lumen vsque ad spatium aliquod determinatum, cum sit virtutis finis, & quandiu se protendit illa virtus, multiplicatur lumen, si susceptibile sit idoneum: cum vero ante terminationem illius virtutis obuiat aliquod corpus, quod non est ido-

neum ad eius susceptionem, hoc ipso quod lumen non poterat se multiplicare in antea, multiplicat se retrorsum, non ex virtute corporis resistentis, sed ex virtute primi mouētis: unde cum fit repercussio radij in aqua mota mouetur radius, non quia aqua sit primū mouens, sed prima virtus radium producēs: quæ occasione accepta ab aqua poterit radium reflectere, & occasione accepta ab eodem potest reflexionem variare, & ita radiū mouere. Quod enim dicitur, impossibile est non corpus à corpore repelli, dicendum quod si est aliquid ita non corpus, quod sit spiritus, hoc est verum. Si autem est ita non corpus, quod quidem indiget corpore deferente, sic absque dubio repelli potest sicut prædictū est in lumine, & manifestū est in imagine, quæ relucet in speculo propter appositionem plumbi cum vitro, quod est corpus opacum. Si enim esset solummodo vitrum per se quod est corpus peruium transiret species, & non rediret ad oculum, sicut patet per sensibile experimentum.

3. Ad illud quod obiicitur, quod fit intersecatio & confractio radiorum, dicendum quod hoc dicitur ratione aëris coniuncti qui ex virtute radiorum ibi concurrentium habet subtiliari, & moueri: & ratione illius dicuntur etiam radij confringi, dum ex multiplicatione, secundum oppositas vias per progressum, & regressum, fit quædam multiplicatio & aggregatio luminis, & subtiliatio aëris circa corpus tersum: ex qua contingit effectum calorem radij intendi, & ignem ibidem per caloris intensionem ex aëre sic subtiliato generari.

4. Ad illud quod obiicitur, quod lumen habet trinam dimensionem in medio, dicendum quod dimensionem potest habere aliquid dupliciter. Vel ex se, vel ex ratione eius, in quo est. Si ex se, sic est corpus. Si aliunde, non oportet. Sic enim habet trinam dimensionem albedo in cerussa, & nunc, quæ sunt albæ intra, & extra.

5. Ad illud quod obiicitur, quod circa solem esset vacuum quod illuminaret, dicendum quod licet hoc alij dixerint, tamen non videtur verum, nec prebabile. Philosophus enim contrariū sentit in lib. 2. de Anima, cum dicit, quod per vacuum non est videre. Et Aug. similiter in lib. 12. Confess. in principio dicens sic: Vbi lux esset, si esset nisi superesset eminendo, & illustrando? Ratio etiam est contra hoc, quia cum lumen sit forma corporalis, indiget medio deferente. Et si tu quæras quid impediatur. Dico quod hoc non est propter præsentiam impediens, sed propter absentiam adiutorij: sicut si aliquis habens magnam famem, & carens cibo, non potest comedere, non quia impediatur, sed quia non adiuvatur.

6. Ad illud quod obiicitur, quod lumen generat corpus, dicendum quod lumen non agit propria virtute: sed virtute corporis luminosi: corpus autem luminosum non educit corpus quantum ad materiam, sed solum modo quantum ad formam: ideo cum lumen sit illud per quod agit, non oportet lumen esse corpus, sed sufficit quod sit forma corporalis.

QVÆSTIO II.

An lumen sit forma substantialis, siue accidentalis.

S. Thom. 1. p. q. 67. art. 3.
Egid. Rom. 2. Sent. dist. 13. q. 2. art. 2. dub. 1.
Richard. 2. Sent. dist. 13. art. 2. q. 4.
Thom. Arg. 2. Sent. dist. 13. q. 1. art. 2.
Steph. Brulef. 2. Sent. dist. 13. q. ult.
Gabr. Biel 2. Sent. dist. 13. q. 1. dub. 3.

VT R V M lumen sit forma substantialis, vel accidentalis. Et quod sit forma accidentalis, videtur. Quod aduenit iam completo in esse est accidentale: sed lumen aduenit aëri iam completo esse: ergo est accidentale.

ITEM quod adest, & abest præter subiecti corruptionem, est accidens: lux abest, & adest præter aëris corruptionem, quod est subiectum eius: ergo, &c.

ITEM sicut se habet color ad corpus terminatum, ita se habet

Phys. cum.
66.
Cap. 3. n. 1.

Fundamēto

Porph. c. 4.
Accidens.
c. Arist. 1.
Top. c. 4.

habet lumen ad corpus transparens : sed color est accidens in corpore terminato : ergo lumen est accidens in corpore transparentem : ergo, &c.

ITEM si vnum oppositorum in subiecto existens est accidens, & reliquum est accidens : sed obnubilatio accidit ipsi aëri : ergo pari ratione & illuminatione.

1. CONTRA: Impossibile est duo accidentia eiusdem speciei esse in eodem subiecto, quia accidens numeratur per subiectum, in quo est : sed duo lumina, sicut dicit Dionysius, sunt in eodem aëris medio : ergo impossibile est lumen esse accidens aëris.

ITEM accidens cum generatur ex propriis principiis subiecti habet ortum : & cum resoluitur, resoluitur in suum subiectum : sed lumen nec educitur ex aëre, nec resoluitur in aërem : ergo lumen non est accidens aëris, & constat quod est in aëre : ergo si eius non est accidens, nullius est accidens.

ITEM nullum accidens transit à subiecto in subiectum : sed radius mutatur ab vna parte aëris in aliam, & lumen similiter : ergo lumen accidens esse non potest.

ITEM nullum accidens manet immobile moto eo, in quo est : sed radius manet immobilis moto aëre, ergo radius accidens non est. Si tu dicas quod hoc est propter hoc quod lumen in medio habet esse spirituale, sicut idolum. Obiicitur cōtra hoc, quia radius, & lumen habet ibi operationem naturalem, & est principium operationis naturalis : ergo videtur quod sit ibi naturaliter, & concrete : non spiritualiter, & abstracte.

CONCLUSIO.

Lumen atque radius illud precise dicunt quod exit à corpore luminoso, & à luce ortum habent, nec corpus sunt, nec corporis defluxus, quamvis aër illuminatus per diametrum possit dici.

RESP. AD ARG. Ad prædictorum intelligentiam est notandum quod circa hoc triplex est modus dicendi, quorum quilibet supponit lumen in medio esse formam, siue qualitatem aliquam. Quidam enim dicunt quod lumen in medio est substantia : existit tamen in medio per modum accidentis, quia non est ipsi aëri substantialis : & hoc dicunt propter hoc quod generatio luminis à luce est secundum viam vniocationis : & ideo cum lux sit forma substantialis in suo fonte, dicunt lumen substantiam esse in medio, licet medium essendi habeat accidentalem : maxime cum luminis, & lucis non videatur aliena essentia esse, sed solummodo differre videatur per modum essendi, siue per esse. Sed quia lumen in medio & est illud quod potissime sentitur, & facit alia sentiri, ideo est secunda positio, quod lumen in medio est accidens : non enim causatur à corpore luminoso, nisi inquantum fulgidum est : & ita est accidens per comparisonem ad principium à quo. Dicunt etiam quod est accidens per comparisonem ad subiectum in quo, quia aduenit iam completo, & potest adesse, & abesse præter subiecti corruptionem : & ita plenam rationem accidentis habet lumen in medio : non tamen per comparisonem ad idem : Accidens enim habet comparari ad substantiam, sicut ad subiectum, & causam : lumen vero et si his duobus modis habeat comparari ad substantiam, non tamen ad eandem, quia ad aërem comparatur sicut ad subiectum, quia est in illo : ad corpus luminosum, sicut ad principium, quia est ab illo. Sed quia lumen prout est in medio existens habet seipso sentiri : ita quod positum supra sensum facit : & iterum in eadem parte medijs habet sine confusione multiplicari secundum positionem Dionysij, ideo est tertia positio, quod lumen in medio nec est substantia, nec accidens proprie, quia non habet ibi esse naturale, & materię concretum : sed spirituale, & abstractum. Vnde dicunt quod sicut cōparatur species coloris in medio ad colorem existentem in corpore obiecto, sic lumen in medio ad lumen existens in corpore luminoso. Sed cum lumen in medio non solum habeat operationem spirituales in animā, sed etiam naturalem in corpora naturalia : non solum videtur esse in aëre per

modum spirituales siue esse ibi per modum habitus, sed etiam aliquo modo esse naturale : & ita videtur, quod illud non sufficiat dicere, quamvis videatur esse valde verisimile. Præterea intelligendum est, quod omnes modi prædicti aliquid veritatis in se continēt, & ex omnibus his dicitur vna veritas integre : quod patet sic : Lumen enim in medio dicit virtutem actiuam egredientem à corpore luminoso, per quam corpus luminosum agit, & imprimit in hæc inferiora, & hæc est virtus substantialis ipsi corpori. Et de hac dicit Damascenus, quod lumen quod est ex igne non est aliud ministeriale ipsius ignis, vel accidentale : sed virtus ei connaturalis, & consubstantialis, sicut patet in auctoritate inducta in præcedenti problemate : & hæc virtus non est sensu perceptibilis, nec solum modo operatur in sensu visus, sed etiam facit ad educationem omnium sensuum in actum, sicut dicit Augustinus in lib. 7. super Genes. ad literam : quod habitum est in quadam auctoritate prius inducta. Sic etiam dicunt Philosophi, quod corpus cæleste mediante suo lumine influit vsque ad profundum terræ, vbi mineralia corpora generari habent, & quantum ad hoc verum dicunt, qui dicunt, quod lumen dicit substantiam accidentaliter ad aërem comparatā, sicut virtus agentis ad deferens quodā modo comparatur accidentaliter. Non solum autem lumen dicit illam vim actiuam, quam non percipit sensus, sed etiam quandā qualitatem sensibilem, qua sensus visus efficitur sentiens in actu, & illa est qualitas accidentalis in tertia specie qualitatis : & secundum hoc dicit Avicenna in lib. de sufficientia naturali, quod lumen est affectio corporis habentis lucem cum appositum fuerit illi, sc. peruium. Et sic verū dicebat illa secunda opinio, quæ dicebat lumen esse accidens, non solum per comparationem ad aërem in quo recipitur, sed etiam in comparatione ad corpus à quo causatur, quia ab ipso oritur, inquantum illud est fulgidum, & habet esse obiectū sensus. Secundū autem utramque naturarum istarum in lumine repertarum, lumen ad aërem comparatur, non sicut ad primum subiectum, sed sicut ad deferens, & ad medium : & ideo per comparisonem ad ipsum aërem non habet modum existendi naturalem : sed per modum habitus : nec est forma naturalis, sed potius similitudo eius, sc. lucis : sic species coloris in medio non est proprie color, sed vt color, siue similitudo coloris. Maximam tamen habet approximationem ad illum, & adeo illi innititur, vt non indigeat principio intrinseco ex quo educatur. Vnde lumen in medio non habet principium materiale ex quo, sed potius originale à quo fluit, & ad quod etiā redit, cū in medio definit esse, sicut dicitur de similitudine. Et hoc modo dicit Commentator super secundum de Anima, quod lux est habitus diaphani, & quod hoc est in ipso, sicut intentio, siue species, vel similitudo. Et quantum ad hoc verum dicebat tertia opinio. Ex his igitur patet, quod lumen in medio inquantum dicit vim actiuam, dicit substantiam habentem modum accidentis : inquantum dicit qualitatem sensibilem, dicit accidens : sed accidens illud relatum ad aërem non habet plene rationem accidentis naturalis, sed similitudinis, vel intentionis, quæ est ibi non sicut in subiecto sustinente, sed sicut in deferente. Ex his patent rationes ad utramque partem.

Quod enim obiicitur, quod aduenit iam completo in esse, & recedit præter subiecti corruptionem, hoc ostendit quod habet modum accidentis secundum quod est in medio. Quod vero obiicitur, quod se habet ad modum coloris, & est qualitas sensibilis, de lumine loquitur, secundum quod in se habet naturam accidentis. Rationes vero ad oppositum quæ probant quod non sit accidens, quia non numeratur numeratione subiecti, quia non mouetur ad motum aëris, quia non causatur ab aëre, nec resoluitur in aërem : concludunt solum quod non habet ibi plene rationem accidentis naturalis, quod comparatur ad illud in quo est sicut ad subiectum & causam : & quod etiam sustinetur & dependet ab eo in quo est principaliter, & ei coniungitur inseparabili vinculo : hoc autem non est in proposito : quia

Lib. 2. c. 7. &
9 de orb. fid.

Cap. 13. to 8
Ex 1. de ca-
16, & ex 1.
Meteor.

Com. 63.

quia lumen quamvis sit in aëre, causatur à corpore luminoso, & ab illo principaliter dependet: nec est in aëre sicut in sustentante, sed sicut in deferente: & ideo durationem, & mutationem, & numerationem potius recipit à lucido influente quam ab aëre suscipiente. Et ob hoc dicit Dionysius plura lumina esse in eodem medio inconfusa, & conuelli siue separari ab inuicem secundum absentionem corporum illuminantium. Distinctio enim illa est propter continuationem luminum cum sua origine, à quo procedunt naturaliter, & in virtute eius agunt: quamvis in medio sint quodam modo spiritaliter & abstracte, & sic cætera circa hoc quæ sita iam parent.

Dio. de diu.
nom. cap. 2. in
medio.

DISTINCT. XIV. PARS I.

B

De Opere secundæ diei, qua factum est firmamentum. Et tertiæ qua congregatæ sunt aquæ. Et quartæ qua luminaria facta sunt.

DIXIT quoque Deus, Fiat firmamentum in medio aquarum, & diuidat aquas ab aquis. Diuisitque aquas quæ erant sub firmamento, ab his quæ erant super firmamentum. Sciendum est quod illius calis describitur hic creatio, sicut ait Beda super Genesim, in quo fixa sunt sidera, cui supposita sunt aqua in aëre & in terra, & supposita alia, de quibus dicitur. Qui tegit aquis superiora eius. In medio ergo firmamentum est, id est, sidereum calum, quod de aquis factum esse credi potest. Chrysostomus enim lapis, cui magna est firmitas & perspicuitas, de aquis factus est. Si quæ vero mouet quo modo aqua natura fluida & in ima labiles, super calum possint consistere: de Deo scriptum esse meminerit: Qui ligat aquas in nubibus suis. Qui enim infra calum ligat aquas ad tempus vaporibus nubium retentas, potest etiam super calis sphaeram non vaporali tenuitate, sed glaciali soliditate aquas suspendere ne labantur. Quales autem, & ad quid condita sint, ipse nouit qui condidit. Ecce ostensum est his verbis quod calum factum sit, scilicet illud in quo sunt fixa sidera, id est quod excedit aërem: & de qua materia, scilicet de aquis & quales sint aqua quæ super illud calum sunt, scilicet ut glacies solidata.

Gen. 1. 6

Ambros. in
hexa. lib. 2.
c. 2. 3. & 4. de
his agit.
Psalm. 103. 6

Job. 26. 8

Alij putant calum illud esse igneæ naturæ, quibus consentit Augustinus.

Aug. de Gen.
lib. 1. cap. 6.
rom. 3.

Ibid. cap. 4.

Quidam vero calum quod excedit aëris spatia, igneæ naturæ dicunt, asserentes super aërem purum ignem esse, qui dicitur esse calum: de quo igne sidera & luminaria facta esse coniectant: quibus Augustinus consentire videtur. Vtrum vero nomine firmamenti calum quod excedit aërem, an ipse aër hic intelligatur, idem August. querit nec soluit. Magis tamen approbare videtur calum illud hic accipi, quod spatia aëris excedit. Aquas autem quæ super illud calum sunt, dicitur vaporali ter trahi, & leuissimis suspendi guttis. Sicut aër iste nubilofus exhalatione terra aquas vaporali ter trahit, & per subtiles minutias suspendit, & post corpulentius conglobatas pluuiatiter refundit. Si ergo potest aqua sicut videmus ad tantas minutias peruenire, ut feratur vaporali ter super aërem aquis naturaliter leuiorem, cur non credamus etiam super illud leuius calum minoribus guttis & leuioribus exanare vaporibus: sed quoquo modo ibi sint, ibi esse non dubitamus.

Quæ sit figura firmamenti.

Quæritur etiam solet, cuius figura sit calum. Sed Spiritus sanctus, quamvis auctores nostri sciuerint per eos dicere noluit, nisi quod profuit salutis. Queritur etiam, si stet, an moueatur calum. Si mouetur, inquit, quo modo est firmamentum? Si stat, quo modo in eo fixa sidera circumeunt? Sed firmamentum dici potest, non propter stationem, sed propter firmitatem vel terminum aquarum intransgressibilem. Si autem stat, nihil impedit moueri & circuire sidera.

Ibid. cap. 10.

Quare tacuit Scriptura de opere secundæ diei, quod in alijs dixit.

Post hoc queri solet, quare hic non est dictum sicut in aliorum dierum operibus. Vidit Deus, quod esset bonum. Sacramentum aliquod hic commendatur. Ideo enim fortassis non est dictum, quod tamen sicut in alijs factum est: quia binarius principium alteritatis est, & signum diuisionis.

De opere tertiæ diei, quando aquæ congregatæ sunt in vnum locum.

Sequitur, Dixit Deus: Congregentur aqua in locum vnum, & appareat arida. Tertia diei opus est congregatio aquarum in vnum locum. Congregatae sunt enim omnes aqua calo inferiores in vnam matricem: ut lux qua præterito biduo aquas clara luce lustrauerat, in puro aëre clarior fulgeat, & appareat terra qua coopta latebat, & qua aquis limosa erat, fieret arida & germinibus apta. Eodem enim die protulit terra herbam virentem, lignumque faciens fructum. Si autem queratur, ubi congregatae sint aqua quæ totum texuerant spatium usque ad calum: Potuit fieri ut terra subsidens concavas partes praberet, ubi fluctuantes aquas reciperet. Potest etiam credi primarias aquas rariores fuisse, sic ut nebula tegeret terras, sed congregatione esse spissatas: & ideo facile in vnum posse redigi locum. Cumque multa constet esse maria & flumina, in vnum tamen locum dicit aquas congregatas propter continuationem vel congregationem omnium aquarum, quæ in terris sunt: quia coniuncta flumina & maria magno mari iunguntur. Ideoque cū dixerit aquas congregatas in vnum locum, deinde dicit pluraliter, congregationes aquarum, propter multifidos sinus earum, quibus omnibus ex magno mari principium est.

Amb. in hexa.
lib. 1. cap. 2. de hac
re prolino, &
Beda super
hunc locum
Gen.

Aug. lib. 1.
cap. 12. de
Gen. 1. 11.

DISTINCT. XIV. PARS II.

De Opere quartæ diei, quando facta sunt luminaria.

Sequitur, Dixit Deus: Fiant luminaria in firmamento cali, & diuidant diem ac noctem. In præcedenti triduo disposita est vniuersitatis huius mundi machina, & partibus suis distributa. Formata enim luce prima die quæ vniuersa illustraret, duo sequentes dies attributi sunt supremæ & infimæ parti mundi, firmamento scilicet aëri, terra, & aqua. Nam secunda die firmamentum de super expansum est. Tertia vero aquarum molibus intra receptula sua collectis, terra est reuelata, atque aër serenatus. Quatuor ergo mundi elementa illis diebus suis locis distincta sunt & ordinata. Tribus autem sequentibus diebus ornata sunt illa quatuor elementa. Quarta enim die ornatum est firmamentum sole & luna, & stellis. Quinta aër in volatilibus: & aqua in piscibus ornamenta acceperunt.

Eccl. 17. 4

Sexta

Sexta accepit terra iumenta & reptilia & bestias: A hac parte, cœlorum naturam, figuram, & motum. post qua omnia factus est homo de terra & in terra: non tamen ad terram, nec propter terram: sed ad cælum, & propter cælum.

Ante aliade ornaui cœli agitur, sicut prius factum est.

Quia ergo cælum cateris elementis speciem præstat, priusquam aliis factum est, ideo ante alia ornatur in quarto die quo fiunt sidera: qua ideo facta sunt, ut per ea illustretur inferior pars, ne esset habitantibus tenebrosa. Infirmis atque hominum prouisum est, ut circumcunte sole potirentur homines diei noctisque vicissitudine propter dormiendi vigilandique necessitatem: & ideo etiam ne nox indecora remaneret, sed luna ac sideribus consolarentur homines, quibus in nocte operandi necessitas incumberet: & quia quadam animalia sunt, qua lucem ferre non possunt. Quod autem subditur: Et sint in signa, & tempora, & dies, & annos: quo modo accipiendum sit, quari solet. Ita enim dictum videtur, quasi quarto die capissent tempora, cum prius triduum sine tempore non fuerit. Ideoque tempora qua fiunt per sidera, non spatia morarum, sed vicissitudinem aereæ qualitatis debemus accipere: quia talia motibus siderum fiunt, sicut dies & anni quos uisitate nouimus. Sunt enim in signa serenitatis & tempestatis, & in tempora, quia per ea distinguimus quatuor tempora anni, scil. uer, æstatem, autumnum, hyemem. Vel sunt in signa & tempora, id est, in distinctionem horarum: quia priusquam fierent, ordo temporum nullis notabatur indicis: vel meridiana hora, vel qualibet hora. Hac quarta die facta sunt.

DISTINCT. XIV. PARS I.

De productione simplicium, & insensibilium continentium.

Dixit quoque Deus fiat, firmamentum, &c.

Expositio Textus.

SUPRA egit Magister de productione illius forme quæ est quali generale principium distinguendi cæteras corporales formas. In hac parte agit de productione rerum quantum ad formas speciales. Et quoniam quædam res sunt simplices, quædam mixtæ, siue quædam sunt insensibiles, quædam sensibiles: ideo pars ista habet duas. In prima agit Magister de productione simplicium, & insensibilium. In secunda vero de productione mixtorum, & sensibilium, infra dist. 15. *Dixit etiam Deus: Producant aqua reptile, &c.* Et quoniam corpora simplicia, siue insensibilia sunt in duplici differentia, quædam enim sunt continentia, quædam contenta: ideo pars prima habet duas. In prima agit de productione, & distinctione corporalium quantum ad res continentes. In secunda vero quantum ad res contentas, ibi: *Sequitur: Dixit Deus: Congregentur aquæ, &c.* Prima pars in qua sc. agitur de rebus continentibus utpote de cœlis, & cœlorum distinctione, habet quatuor partes. In prima determinat cœlorum naturam. In secunda tangit quæstionem de figura, ibi: *Quari etiam solet cuius figura.* In tertia quærit de motu, ibi: *Quæritur etiam si stet aut moueatur.* In quarta vero remouet quandam dubitationem, ibi: *Post hac quari solet quare, &c.* Omnes hæ partes remanent indiuisæ præter primam, quæ diuiditur in duas. In prima determinat naturam cœlorum secundum veritatem. In secunda secundum quorundam opinionem, ibi: *Quidam vero cælum, &c.* Et sic breuiter tria inquit Magister in

Glaciali soliditate aquas suspendere, &c. Dub. I.

CONTRA: Ex hoc videtur supponere, quod aquæ illæ sint de se ponderosæ, & quod ibi teneantur per violentiam soliditatis, quod est contra ordinem vniuersitatis.

RESP. Dicendum ad hoc, quod aquas illas comparat soliditati, non propter grauitatem, sed propter continuitatem & stabilitatem: quia non fluunt, nec refluunt, nec deorsum descendunt.

Super illud lenius cælum minoribus guttis, &c. Dub. I I.

CONTRA: Si hoc verum est, videtur firmamentum porosum esse cum per illud possint guttæ aquæ emanare. Videtur etiam illud esse alterabile, si suscipit peregrinas impressiones.

DICENDUM ad hoc, quod non vult dicere, quod aquæ modo per subtiliationem caloris pertranscant cælum sidereum, quia nunquam illuc ascenderunt: sed per comparisonem naturæ quæ modo vsque super aërem eleuat aquas, vult quasi à minori arguere quod diuina virtus aquas supra firmamentum sine naturæ præiudicio potuit constituere, cum in sua potestate esset magis, & magis corpus subtiliare.

Ideo enim fortassis, &c. Dub. I I I.

CONTRA: Videtur ista ratio ita bene esse ad oppositum, sicut ad propositum, cum binarius plus accedat ad vnitatem, quam aliquis alius numerus.

RESPONDENDUM est ad hoc, quod ista ratio Magistri est allegorica, vera tamen est. Quamvis enim binarius inter numeros minus ab vnitatem recedat, primo tamen habet rationem recessus in se; & propter hoc per ipsum intelligitur diuisio magis quam per alios numeros, & recessus ab vnitatem virtutis & perfectionis. Alia tamen ratio literalis est, quam facit Magister in historiis, quia secundo die notatur facta esse distinctio aquarum ab aquis: quæ distinctio, etsi inchoata fuerit in secundo die, fuit tamen consummata in tertio, cum dicitur: Congregentur aquæ in locum vnum. Et quia diuina visio signat approbationem post perfectionem, hinc est **D** quod Scriptura tacuit secundo die verbum videndi.

ARTICVLVS I.

AD intelligentiam huius partis incidit hic quæstio de cælis. Et quærentur hic tria. Primo quæritur de cælis quantum ad naturam. Secunda quæstio est de eis quantum ad figuram. Tertia quæstio est quantum ad motoris influentiam. Circa primum quærentur duo. Primo quæritur de natura cæli crystallini. Secundo de natura cæli firmamenti.

QVÆSTIO I.

E *An cælum crystallinum sit de natura aquæ.*

*Alexander Alenf. 2. p. q. 50. Membr. 1.
S. Thom. 1. p. q. 115. art. 3.
Et 2. Sent. d. 14. q. 1. art. 1.
Et Quol. 4. art. 4.
Agid. Rom. 2. Sent. d. 14. q. 1. art. 1.
Richardus 2. Sent. dist. 14. q. 1.
Durand. 2. Sent. d. 14. q. 1.
Steph. Brulef. 2. Sent. dist. 14. q. 1.
Gabr. Biel. 2. Sent. dist. 14. q. 1.*

VTRUM crystallinum cælum sit de natura aquæ. Et quod sic, videtur per auctoritatem Scripturæ: Fiat firmamentum in medio aquarum, & diuidat aquas ab aquis; quæ autem sola diuisione distinguuntur, sunt eiusdem naturæ: ergo ea quæ sunt super firmamentum, & quæ sub firmamento, sunt eiusdem naturæ. Si tu dicas quod

Fundamēta.
Gen. 1. b

firmamentum ibi vocatur non cœlum sidereum sed aër: obuiat textus sequens, vbi dicitur quod stellæ positæ sunt in firmamento. Obuiat etiam illud quod scribitur in Daniele: Benedicite aquæ quæ super cœlos sunt Domino: & postea subditur: Benedicite sol & luna Domino: ergo aquæ illæ sunt super solem, & lunam. Si tu dicas aquas illas esse spirituales: obuiat illud quod dicitur in Psalmo; Extendens cœlum sicut pellem, qui tegis aquis superiora eius: sed cœlum extensum, est corporale: ergo aquæ quæ tangunt, sunt corporales.

Dan. 3. f

Psal. 103. a

Aug. lib. 2.
c. 5. in fine,
tom. 3.

ITEM hoc videtur auctoritate doctorum. Augustinus super Gen. ad litteram loquens de aquis ait: Qualitercunque sint ibi: ibi esse eas non dubitamus: maior est enim huius Scripturæ auctoritas, quam omnis humani ingenij perspicacitas. Si tu dicas quod sint ibi aquæ: sed tamen non materiales, sed spirituales. Contra hoc dicit Basilius: Aquam illam intelligamus aquam esse veram: ergo videtur quod vere aquæ illæ habent speciem, & naturam aquæ. Quod si tu dicas, quod formam habent aquæ: sed tamen non proprietates. Contra hoc est verbum Bedæ, quod adducit Magister in littera: Qui infra cœlum ligat aquas ad tempus vaporibus nubium retentas, potest etiam supra cœli sphaeram non vaporabili tenuitate, sed glaciali soliditate aquas suspendere ne labantur.

ITEM ratione videtur: Ordo partium in microcosmo, siue in minori mundo respondet ordini partium in maiori mundo: sed hic videmus in natura corporis humani, quod supra cor, quod est calidum & igneæ naturæ, ponitur cerebrum, quod est frigidum, & aqueæ naturæ: ergo & in maiori mundo supra solem, & alia corpora calefacientia erit ponere naturam aqueam.

ITEM aqua de sui natura est perspicua, & per hoc apta ad susceptionem luminis: ergo conformis est naturæ cœlesti: ergo apta est, vt de ea aqua possit aliquod cœlum fieri: ergo si aliquod cœlum habet fieri ex aqua, cum nullum sit infra firmamentum cœlum aqueum, videtur quod sit supra firmamentum.

Lib. 2. c. 4.

ITEM quod illud sit possibile, videtur per rationem, quam facit Augustinus super Genes. ad litteram. Aqua per sui subtiliationem potest eleuari, vt sit supra aërem: ergo maiori subtiliatione poterit amplius eleuari: ergo si omne corpus diuisibile est in infinitum, si adsit potentia diuidentis, poterit aqua tantum diuidi, & subtiliari, quod supra firmamentum naturaliter poterit consistere: & si hoc: ergo est aliquod cœlum aqueum.

ITEM illud est naturale vnicuique, quod Creator ei indidit à prima constitutione: ergo si in prima diuisione aquarum quædam positæ sunt supra firmamentum, quædam sub firmamento, ita naturale est illis esse supra firmamentum, sicut istis esse infra firmamentum: ergo sicut existentibus supra firmamentum stultum esset dubitare, vtrum aquæ possint esse infra firmamentum, sic nobis existentibus infra firmamentum, stultum est credere esse inconueniens supra firmamentum esse cœlum aqueum.

Ad opposi-
tum.
Cap. 13. 10. 1.

1. Ad oppositum arguitur sic: Primo auctoritate August. in lib. confess. Sunt alie aquæ, quæ supra firmamentum sunt immortales, & ab omni corruptione secretæ: ergo videtur quod cœlum aqueum non sit de natura istius aquæ.

2. ITEM corpus habens speciem aquæ per naturam est ponderosum: ergo si aliquod cœlum est aqueæ naturæ, illud est ponderosum; sed ponderosum non oportet collocari nisi deorsum per naturam: ergo videtur quod inordinatum sit ponere, quod aliquod sit cœlum aqueum, quod sit sursum.

3. ITEM corpora mundi ordinantur secundum maiorem nobilitatem, & minorem: & corpus, quod nobilius est, superius locatur: ergo si aqua minus nobilis est, quam firmamentum: ergo nunquam locanda est supra firmamentum.

4. ITEM corpora mundi ordinantur sub, & supra secundum maiorem subtilitatem, & minorem, & secun-

dum maiorem raritatem, & minorem: sed aër subtilior est, quam aqua, & rarior, & similiter ignis: ergo nunquam aqua adeo poterit rarefieri, vt sit subtilior aëre, & igne: ergo nunquam videtur quod possit conuenienter supra ignem, & aërem collocari.

5. ITEM habentium eandem naturam idem est locus: quia enim eadem est natura glebæ, & totius terræ, idem est locus glebæ, & totius terræ: ergo idem est locus huius aquæ, & totius aquæ: ergo si aliqua aqua naturaliter est iuxta terram: ergo & omnis aqua: ergo videtur quod nullum sit cœlum aqueum. Si tu dicas, quod non est querenda hic ratio naturæ, quia hoc fit virtute diuinæ potentie, hanc responsionem refutat Aug. super Gen. ad litteram inquires: Nec quisquam dicat hæc omnipotentia Dei fieri: qualiter enim Deus naturas fecerit, queritur, non quid de his per miraculum suæ potentie operetur.

Lib. 2. c. 1.
Paulo post
initium.Aug. lib. 1.
super Gen.
c. 5. 10. 3.

6. ITEM quæto ad quid positæ sunt ibi aquæ. Si ad refrigerandum calorem igneum, quod quidem videtur propter hoc, quod Saturnus, qui supremus est inter planetas, & velocissime mouetur, & ita ex motu debet esse calidior, tamen frigidissimus est, & hoc non nisi propter aquas illas, vt videtur. Obicitur contra hoc, quia si aquæ illæ possunt infrigidare calorem solis, & aliorum corporum: ergo eadem ratione possunt ab eis calefieri: ergo & consumi: & ita aliquando totaliter corrumperentur, quod est inconueniens. Queritur ergo cuius naturæ sunt illæ aquæ, & pro quanto cœlum illud dicatur aqueum: si enim propter naturam perspicuitatis, tunc omne cœlum debet dici aqueum.

CONCLUSIO.

Supra firmamentum est cœlum quod aqua dicitur propter transparentiam & frigiditatem virtuales.

RESP. ad Arg. Ad prædictorum intelligentiam est notandum, quod in hac quæstione propter diuersitatem positionum, & debilitatem rationum vix potest aliquid certum dici, sed ex quadam proprietate, & coniectura ex diuersis positionibus potest eligi vna quædam sobria, quæ inter fidem, & rationem incedat quasi quadam media via. Propter quod notandum est, quod aliqui sequentes viam rationis, & mundanæ philosophiæ dixerunt, quod supra firmamentum, quod est cœlum sidereum, D nullæ sunt aquæ corporales, & Scriptura sacra intelligi debet de aquis spiritualibus. Quod si alicubi in Scriptura legatur de istis aquis materialibus, quod sint supra firmamentum eleuata, tunc nomine firmamenti intelligitur aër: & vtrumque horum dictorum eliciunt ex verbis Aug. Primum ex hoc, quod dicit in lib. 1. 3. Confess. quod illæ aquæ sint immortales. Secundum vero ex hoc quod dicit super Genes. ad litteram, quod hoc potest intelligi de aquis, quæ suspenduntur in nubibus. Sed ista positionem improbat Basilius in hexameron: reprobat etiam ipse textus, qui dicit stellæ esse positas in firmamento, per quod firmamentum dixerat supra aquas ab aquis diuisas: si ergo firmamentum illud est cœlum sidereum, & aquæ illæ sunt materiales, positio prædicta nullo modo videtur posse stare. Et ideo alij inuites textui sacre Scripturæ secundum quod videtur sonare, dixerunt quod aliquod celū sursum est aqueæ naturæ, quod diuina dispositio sursum posuit ad refrigerandum ardorem ætheris. Et ad omnes rationes ad oppositum respondent per hoc quod Deus in ordinatione mundi plus considerat finis vtilitatem, quam formæ qualitatem: & ideo sicut in minori mundo posuit cerebrum sursum ad calorem cordis mitigandum, sic supra cœlum sidereum posuit cœlum aqueum, & ibidem aquæ illæ quiescunt, & sustentantur, vel à sua soliditate sicut videtur Beda dicere, vel sua subtilitate, vel etiam Dei virtute, qui sic ordinavit. Sed quia credendum est opificem summum corpora mundi optimo ordine ordinasse, non solum videtur quod in ordinando considerauerit, finis vtilitatem, sed

Opinio 1.

Cap. 4. 10. 1.
Improbatio.
Hom. 3. in
Hexam.

Opinio 2.

Improbatio.

etiam

etiam perfectionis dignitatem: ideo non videtur verum elementum aquæ super firmamentum collocasse, cum per naturam sit minus nobile. Et ideo est tertius modus dicendi, quod supra firmamentum, sicut dicit Scriptura, sunt aquæ, quæ tamen non habent naturam, & speciem aquæ elementi, censentur tamen aquæ nomine propter convenientiam in aliqua proprietate. Vnde notandum est, quod aqua ista tres habet proprietates: habet enim perspicuitatem, habet frigiditatem, habet nihilominus gravitatem. Quantum ad naturam perspicuitatis hæ aquæ, & illæ conveniunt, eo quod habent naturam receptivam luminis, & quodam modo retentivam, sicut experimento patet in aliquibus lapidibus, qui de nocte non videntur per se, nisi ponatur in aqua. Quantum autem ad naturam gravitatis simpliciter differunt: illæ enim aquæ nullo modo sunt graves, nec appetunt deorsum. Quantum vero ad naturam frigiditatis, partim conveniunt, partim differunt. Conveniunt enim in hoc, quod utraque sunt frigida effectivè, differunt autem in hoc, quod istæ sunt frigida formaliter, illæ vero minime. Et secundum hoc patet, quod nomen aquæ tripliciter accipitur in primaria rerum distinctione. Aliquando pro informi materia, ut ibi: Spiritus Domini ferebatur, &c. Aliquando pro natura transparenti, & luminis retentiva, ut ibi: Fiat firmamentum in medio aquarum. Aliquando pro ipso elemento aqueo, ut ibi: Congregentur aquæ in locum unum, & sic patet quod super firmamentum veræ sunt aquæ, sicut dicit Scriptura, & auctoritates Sanctorum: quia illud intendunt persuadere. Patet etiam quod non sunt ibi aquæ elementares, siue eiusdem naturæ, cuius sunt aquæ istæ, nec quantum ad corruptibilitatem nec quantum ad gravitatem, nec quantum ad ignobilitatem, nec quantum ad grossitiam, nec quantum ad transfundendi possibilitatem, sicut ostendunt rationes ad oppositum adductæ. Hanc autem viam tertiam satis sustinere possumus probabiliter, cum nihil videatur sibi obviare. Hoc autem præcipue attendendum est: ne in incerta materia aliquid certitudinaliter asseratur: melius est enim pie dubitare, quam aliquid temerarie diffinire.

Ad illud vero quod ulterius quaeritur, scilicet quare nomine aquarum censeatur cælum illud, cum non sit de natura aquæ, iam patet responsio. Hoc enim dictum est propter convenientiam non solum in perspicuitate, sed etiam in frigiditate, sed in perspicuitate formaliter, in frigiditate effectivè. Et si tu obicias, quod firmamentum convenit similiter in perspicuitate: arguis ab insufficiēti. Præterea non convenit eo modo firmamentum cum aqua in perspicuitate, secundum quem modum cælum aqueum creditur convenire. Aquæ enim habent perspicuitatem, quæ non tantum modo est luminis susceptiva sicut perspicuum aeris, sed etiam quodam modo retentiva: sicut per experientiam ostenditur, cum metallū aliquod ponitur in fundo vasis in tenebris superfusa aqua liquida, videbitur sub luce retenta ab aqua. Sic etiam dicuntur probari Rubini, qui per se non lucent de nocte. Convenit etiam cum aqua in frigiditate, sed effectivè, sicut dicit Basiliius: nec tamen ex hoc videtur, quod possit calefieri, vel consumi, sed potest effectus eius reprimi: sicut nec sol, quamvis calefaciat, habet formaliter infrigidari, sed solum modo per frigiditatem ei oppositam potest effectus eius reprimi: & sic patent omnia quæ sita circa illius cæli aquei naturam.

QVÆSTIO II.

An firmamentum sit idem cum igne elemento.

Alexander Alensis 2. p. q. 50. Membro 6. art. 3.

S. Thom. 2. Sent. dist. 14. q. 1. art. 2.

Ægid. Rom. 2. Sent. dist. 14. q. 1. art. 2.

Richardus 2. Sent. dist. 14. q. 3.

Steph. Brulef. 2. Sent. dist. 14. q. 2.

DE natura firmamenti, & est quæstio: Vtrū sit eiusdem naturæ cū igne elemento. Et quod sic, videtur.

S. Bonavent. Operum Tom. IV. Pars II.

A Primo per auctoritatem Scripturæ, quæ nullam facit mentionem de productione ignis: ergo si ipse supremum est & nobilissimum elementum, eius productio non debuit præmitti: propterea videtur quod saltem intelligatur nomine cæli.

2. ITEM hoc videtur auctoritate Augustini qui super Genesim ad literam, & in libro de Civitate Dei dicit tantum quatuor corpora esse mundi, scilicet humor, & humus, aer, & lux: si ergo firmamentum est aliquod de corporibus mundi, & non est terra, nec aqua, nec aer: ergo est ignis.

3. ITEM Hugo de sancto Victore exponens illud: In principio creavit Deus cælum, & terram, dicit circa principium libri de sacramentis: Namque terra erat ipsum terræ elementum, & cælum, erat levis & mobilis circumfusio reliquorum trium, quæ in circuitu medio iacentis terræ suspensa ferebatur, & illud opus omnium corporum, siue cælestium, siue terrestrium formando- rum materiam continebat: ex hoc videtur quod firmamentum sit de natura alicuius elementi.

4. ITEM hoc videtur ratione. Tantum quatuor sunt qualitates primæ: ergo videtur quod tantum quatuor debent esse corpora, quæ sunt de constitutione mundi primaria: ergo vel firmamentum est corpus mixtum, vel est de natura alicuius quatuor elementorum: sed non est mixtum, nec de natura trium elementorum inferiorum; ergo est de natura ignis.

5. ITEM triplex est species ignis, scilicet ignis carbo, ignis lux, ignis flamma: sed natura firmamenti est ut natura lucis; ergo videtur contineri sub tertia specie ignis.

6. ITEM caliditas inest igni in summo: ergo si aliquid maxime calefacit, illud habet naturam ignis: sed corpora cælestia maxime calefaciunt inferiora, sicut patet in sole: ergo habent igneam naturam.

Ad oppositum est auctoritas Philosophi in libro de cælo, & mundo, qui præter hæc quatuor corpora ponit esse corpus quintum.

ITEM hoc ipsum ratione ostenditur. Corruptibile, & incorruptibile per naturam non habent eandem formam completivam: sed firmamentum naturaliter est incorruptibile, ignis elementum naturaliter corrumpitur: ergo non sunt eiusdem naturæ.

ITEM corporum habentium diversos motus naturales diuersæ sunt naturæ: sed firmamentum, & ignis habent diversos motus naturales, quia ignis naturaliter movetur motu recto, firmamentum movetur naturaliter motu orbiculari: ergo ignis, & firmamentum sunt alterius, & alterius naturæ. Si tu dicas quod ille motus non est naturalis firmamento: Obicitur contra hoc, quia si aliquis motus inest alicui corpori non naturalis, est reperire aliquod corpus, cui sit naturalis: ergo si hoc esset verum, tunc esset ponere aliquod corpus, cui magis conveniret moveri orbiculariter, quam firmamento: quod falsum est.

ITEM si firmamentum esset igneæ naturæ: ergo naturaliter inflammaret corpora sibi proxima: cum igitur sit maximæ quantitatis, videtur quod statim totum aerem absorberet. Si tu dicas quod à Deo reprimatur: hoc non videtur, quia Condidit naturæ sic res, quas condidit, administrat, sicut dicit Augustinus de Civitate Dei, ut eas agere proprios motus sinat. Præterea: Si hoc verum esset, tunc mundus non subsisteret naturaliter, sed miraculosè.

ITEM nobilius est corpus quod non habet contrarietatem, quam corpus quod habet contrarietatem: ergo si ponere est corpora habentia contrarietatem: erit ponere corpus à contrarietate im- mune: sed hoc non est nisi corpus cæleste: ergo firmamentum non habet contrarium. Sed ignis elementum habet contrarium: ergo non erit de natura eius.

ITEM si aliqua diuersa reducantur ad concordiam

August. de Gen. ad lit. lib. 3. c. 10.

Lib. 1. de Sacramentis pars 1.

Fundamēta. Lib. 1. à contex. 8. vsque ad 20. 1. de Cælo à contex. 16. vsque ad 32.

1. de Cælo contex. 14.

Aug. de Civ. Dei lib. 7. cap. 30. 10. 5.

per aliquod, videtur quod illud non habet naturam alicuius illorum, sed quod potius sit super omnia: sed firmamentum sua influentia facit elementa contraria concurrere ad corpora mixta: ergo non est de natura alicuius elementi.

CONCLUSIO.

Firmamentum, & ignis elementum diuersam sortiuntur naturam, quamvis propter analogiam, quam habent in caliditate & lumine, firmamentum ignem dixerint Patres sancti.

Opinio 1.

Opinio 2.

RESP. Ad Arg. Hic notandum est, quod in huius quæstionis determinatione videtur Sancti, & Expositores sacre Scripturæ contradicere Philosophis. Communiter enim Philosophi præter quatuor elementa posuerunt essentiam quintam, quam dixerunt esse corpus incorruptibile, & eleuatum à contrarietate, & per hoc esse principium conciliatum, & conseruatum. Sancti vero non videntur ponere nisi solum modo quatuor corpora, & sentire videntur naturam firmamenti esse igneam: sed cum recta ratio satis euidenter persuadeat firmamentum esse alterius naturæ, quam sit aliquod elementum, tum propter motum, qui non latet sensus nostros, tum etiam propter effectus varios, tum etiam propter vniuersi perfectionem, non absurde credi potest Philosophos in hac parte verum sensisse, & Doctores veritatis ab eis in sensu non discrepasse, quamvis vocetenus videantur contraire. Sicut enim patet ex verbis Augusti in pluribus locis, ipse Augustinus elementum ignis denominat à perfectione lucis: naturales autem Philosophi maxime ignem notificant per proprietatem caliditatis, & quoniam natura lucis reperitur in corpore quinto, & in igne elemento, ideo ipsum firmamentum & ignem dixit Augustinus corpus vnius naturæ esse: non inquam vnius, quia habeant vnam formam speciei specialissimæ, sed quia naturam lucis participant secundum quandam rationem analogiæ: quia vero illud corpus, scilicet firmamentum subleuatum est à natura contrarietatis, & lucem participat in quadam puritate ignis vero naturam habet contrarietatis: hinc est quod Philosophi dixerunt ignem, & firmamentum alterius, & alterius esse naturæ. In cuius testimonium adducunt quod ignis, quia contrariatur terræ, mouetur directe motu contrario, scilicet sursum: cælum vero, quia contrarietatem non habet, mouetur orbiculariter: is enim solus motus est simplex qui caret contrarietate, & in hoc verum dixerunt, & Sanctis, vt prædictum est, non contradixerunt: vnde rationes ostendentes, quod firmamentum, & ignis elementum non sint eiusdem naturæ, concedendæ sunt.

1. de celo
context. 23.

1. Ad illud ergo quod obiicitur, quod Scriptura non facit mentionem de igne, dicendum quod similiter non facit mentionem de aëre, in separatione autem aquarum à terra intelligenda est distinctio elementorum facta fuisse: sicut infra melius patebit.

2. Ad illud quod obiicitur de Hugone patet responsio. Ideo enim cælum comprehenditur sub igne propter conformem lucis participationem. Vnde sicut dictum est supra quod cælum crystallinum censeretur nomine aquæ, quia aliquam proprietatem eius in se habet, sic & in proposito intelligi potest. Triplex enim est ignis proprietas, sicut dictum est supra de aqua, vna luminositas, altera caliditas, & tertia leuitas, per quam mouetur motu, qui est sursum. In proprietate prima ignis & firmamentum conueniunt. In tertia ignis, & firmamentum simpliciter differunt. In media vera partim differunt, partim conueniunt vtique in hoc, quod tam ignis quam firmamentum est calidum effectiue. Differunt vero in hoc quod ignis est calidus formaliter, firmamentum vero minime: si enim haberet caliditatem informantem, haberet vtique contrarietatem.

3. Ad illud quod obiicitur, quod tantum quatuor

sunt primæ qualitates, dicendum quod verum est de qualitatibus actiuis, & passiuis secundum contrarietatem: & ideo non sequitur quod omnia corpora, quæ sunt in prima constitutione mundi, habeant aliquam illarum qualitatuum: sed solum modo illa, quæ habent contrarietatem. Ad constitutionem autem mundi non solum hæc corpora requiruntur: sed etiam aliud, quod sit supra hæc, sicut prius ostensum est.

4. Ad illud quod obiicitur, quod lux est species ignis, dicendum quod non quæcunque lux est species ignis, sed illa, quæ est in materia transmutabili: & hæc est, quæ habet caliditatem annexam informantem eandem materiam: huiusmodi non est lux corporis quinti, quamvis aliquo modo sit isti conformis.

5. Ad illud quod obiicitur, quod corpus quintum calefacit, respondetur quod corpus quintum non calefacit per naturam caliditatis, quam in se habeat, sed per vim luminis: & hoc apparet cum ex concursu, & reflexione radiorum circa speculum concuum generatur ignis. Et si obiicias quod nihil dat alteri quod non habet: ergo si cælum non habeat in se naturam igneam, non magis generabit ignem, quam aërem: Respondetur quod illud habet instantiam in generatione æquiuoca, sicut patet quando aliquid calefacit à motu: sic & in proposito intelligitur esse. Et si tu dicas, Quare magis generat ignem, quam aërem cum non habeat cum ipso conformitatem in forma, dicendum quod etsi non habeat conformitatem in forma vltima, tamen ignis maxime accedit ad eius naturam. Præterea: Cum aliquid habet potestatem educendi multa, quæ sunt in potentia in materia, esto quod sit illa indifferens, magis educit, quod nobilius est. Natura enim semper desiderat quod melius est: & ideo cum ignis sit nobilior, magis educit ignem. Sed adhuc manet quæstio. Si corpora celestia calefaciunt per naturam luminis, vnde est hoc quod Luna humectat, & infrigidat: sed de hoc fortassis aliquid dicetur infra. Ad præsens autem tantum sufficiat, quod generatio caloris à corpore celesti in his inferioribus, vel est propter radiorum aggregationem, & intensionem ex qua subtiliatur aër suscipiens illuminationem, vel est ab aliqua virtute diuinitus ei data à prima sui conditione tota specie consequente, sicut ponitur in adamantis virtute, quæ etsi non faciat corpora celestia formaliter calida, quia sua materia non est ad formam contrarietatis apta influens tamen in hæc inferiora, inflammat ea, cum sint transmutabilia propter dispositionem repertam in materia.

1. de Cælo
context. 34.

2. de Cælo
context. 42.

ARTICVLVS II.

CONSEQUENTER quæritur de cælis quantum ad figuram. Et circa hoc quærentur duo. Primo quæritur, vtrum cæli habeant figuram orbicularem. Secundo quæritur, vtrum habeant dextrum & sinistrum.

QUÆSTIO I.

An cælum sit figura orbicularis.

Richard. 2. Sent. dist. 14. q. 4.

QVOD habeant orbicularem figuram, videtur. Et primo experientia sensus. Nam in quacunque partem terræ vel aquæ quis eat, cælum semper videtur æqualiter distare à terra: hoc autem non esset, nisi haberet orbicularem figuram: ergo, &c.

Fundamēta

ITEM videmus eos sensibilibiter moueri circulariter: sed motus circularis non competit nisi figuræ orbiculari: ergo cælum est orbicularis figuræ.

ITEM simplicissimo corpori simplicissima debetur figura: sed cælum est simplicissimum inter corpora: cum sit subtilissimum: ergo simplicissimam debet habere figuram: sed hæc est figura circularis: ergo, &c.

ITEM ei corpori, quod est maxime contentiuum, debetur figura capacissima: sed cælum est contentiuum

2. de Cælo
context. 31.

omnium

asc. lib.
de fide
de Cæ-
19.

omnium, sicut dicit Damascenus, & figura orbicularis est capacissima, sicut manifeste conuincit ratio, & sensus: ergo, &c.

ITEM corpori perfectissimo debetur perfectissima figura: sed cælum est perfectissimum omnium, & figura orbicularis est perfectissima omnium figurarum, sicut probatur in alia scientia, maxime cum in ea reperitur perfectio senarij: sexies enim tantum reperitur in circumferentia, quantum est à circumferentia ad centrum: ergo, &c.

ITEM corpori velocissimo debetur figura maxime ad modum idonea, sed cælum est velocissimum corpus: figura autem maxime apta ad motum est orbicularis: ergo, &c.

pposi-
103.

1. Ad oppositum arguitur. Primo per illud Psalmi: Extendens cælum sicut pellem: alia translatio, sicut cameram: ergo videtur quod cælum se habeat per modum tentorij: & ita videtur esse figuræ semicircularis.

2. ITEM ratione videtur, quia in vniuerso nihil est superfluum: sed omnia facta sunt propter hominem: ergo nihil ponendum est quod non valeat ad hominis vsum: sed si cælum esset semicircularis figuræ, sufficeret ad tegendam terram inhabitatam ab hominibus: ergo videtur quod superfluat alius semicirculus.

d

3. ITEM cæli sunt solidissimi & firmi, quasi ære fusili, sicut dicit Iob: & hoc innuit ipsum nomen octauæ sphaeræ, quæ dicitur firmamentum: ergo maxime competit eis figura, secundum quam maxime stabiliuntur: hæc autem magis est semicircularis, quam circularis: ergo, &c.

4. ITEM si cælum est figuræ orbicularis: ergo aut aliqua pars cæli erit vacua, aut multo plus distabit corpus Christi ab aliquibus beatis, quam cælum à terra, cum ab vna circumferentia cæli ad aliam, terra in medio consistat: ergo si non est congruum ponere, quod aliqua pars empyrei vacua sit à continetia beatorum, nec est ponere tantam distantiam inter Christum, & alia corpora beata: videtur quod empyreum non sit orbicularis figuræ: & si hoc: ergo nec crystallinum, nec firmamentum.

CONCLUSIO.

Et si sacrarum Scripturarum interpretes dubie de cælorum figura loqui videantur, iuxta tamen rationis, & sensus attestationem, propter simplicitatem, capacitatem, perfectionem, & mobilitatem, orbicularem retinere, est opinandum.

RESP. ad Arg. Dicendum quod ad istam quæstionem secundum philosophiam satis planum est respondere, quamvis expositores sacræ Scripturæ de ea videantur loqui dubie: hoc enim faciunt propter ipsius sacræ Scripturæ reuerentiam, non audentes explicare quod illa diuina dispositione voluit subticere, vel hoc faciunt ad reprimendam nostram curiositatem, volentes nos in his, quæ dicuntur in Lege & Prophetis, contentos esse, & nihil ultra hoc inquirere. Quia tamen curiosorum instantia non desistit, necessario habent doctores sacræ Scripturæ multa determinare, quæ sine salutis dispedio possent de facili pertransire. Propter quod ad prædictam quæstionem respondent, & iuxta rationis, & sensus attestationem dicunt, cælum habere figuram orbicularem, & hanc maxime sibi competentem: tum ratione simplicitatis; tum ratione capacitatis: tum ratione perfectionis; tum ratione mobilitatis, sicut patet pertractanti.

1. AD illud ergo quod obiicitur de sacra Scriptura, quæ dicit cælum sicut pellē esse extensum, vel sicut cameram, dicendum quod Scriptura condescendens paruitati simplicium modo vulgari frequenter loquitur: & ideo cum loquitur de cælo, loquitur de ipso secundum quod apparet sensui nostro, & dicit ad modum pellis, vel cameræ extensum quantum ad nostrum hemisphaerium.

2. AD illud quod obiicitur, quod pars inferioris hemisphaerij non est utilis ad vsum humanum, dicendum

quod falsum est, immo est necessaria, si cælum debet super nos moueri, vel reuolui circulariter: & vna pars seruit nobis de die, alia de nocte.

3. AD illud quod obiicitur, quod cæli solidissimi sunt, dicendum quod firmitas illa non excludit mobilitatem quancunque, sed illam solum qua aliquid mouetur sursum & deorsum secundum motum rectum: vnde firmum dicitur cælum, quia non mouetur ad locum: nihilominus tamen est mobile, quia mouetur circa locum, vel in loco, & tali dispositioni competit figura orbicularis magis quam aliqua alia.

4. AD illud quod quæritur, quo modo empyreum sit circulare est, vndique Sanctorum corporibus replebitur, dicendum quod etsi non sit certum qualiter ibi sint Sancti, & per quē modo locentur: tamen quocunque modo dicatur, siue quod sint in vno semicirculo empyreo, siue quod in toto, nihil impedit vtrumque poni. Si enim in toto sunt, virtutem visuam habebunt adeo potentē, quod Christum videre poterunt vbicunque sit: si vero sint in media parte cæli: altera nec est vacua, nec superflua, sicut magnū palatium non est vacuum: quando est vnus magnus inhabitator, quamvis non impleat omnem partem: magnitudo enim curiæ, & spatiofitas, etsi non impleatur totaliter, facit tamen ad ostensionem regalis magnificentiæ: sed hoc melius sciemus, quādo videbimus.

QVÆSTIO II.

An in Cælo sit ponere dextrum, & sinistrum.

S. Thom. 1. p. q. 66. art. 3.
Richardus 2. Sent. dist. 14. q. 5.
Steph. Brulef. 2. Sent. dist. 14. q. 3.

VTVM in corpore cæli sit ponere dextrum & sinistrum. Et quod sic, videtur per illud quod dicit Philosophus in libro de cælo, & mundo. Ait enim sic: Est orbi proculdubio virtus diuersa, scilicet dextra & sinistra: quoniam sunt ei loca iniectionis, & status ex opere factionis suæ.

ITEM ostenditur per rationem suam ibidem: Omnis motus finitus habet principium à quo incipit: sed cuiuslibet cæli reuolutio est finita: ergo habet aliquem situm à quo incipit: sed dextra dicitur in corporibus, vnde est motus principium: sinistra ad quam est motus finis: ergo cum cæli sint mobiles, cæli habent dextrum & sinistrum.

ITEM dextrum & sinistrum sunt termini latitudinis, sicut sursum, & deorsum termini longitudinis: & ante & retro termini profunditatis: sed omne corpus completum, & terminatum habet tres dimensiones, & terminos dimensionum: corpus autem cæli est huiusmodi: ergo videtur quod habeat dextrum, & sinistrum.

ITEM perfectiori motu mouentur corpora cælestia, quam inferiora: sed propter completionem motus animalia habent dextrum & sinistrum: ergo multo fortius corpora cælestia.

1. CONTRA: Sicut dicit Philosophus in lib. de cælo, & mundo: In plantis nec est dextra, nec sinistra: sed multo magis plantæ accedunt ad distinctionem organizationis, quam cælum: ergo videtur quod cælum non habeat dextrum & sinistrum.

2. ITEM dextrum & sinistrum causantur in nobis: vt dicit Commentator super librum de cælo: & mundo, à qualitatibus actiuis, & passivis scilicet ab abundantia caloris naturalis procedente à corde, & spirituum plus vigentium in parte dextra, quam sinistra: si igitur hoc non est reperire in cælesti natura: videtur, &c.

3. ITEM dextrum & sinistrum præsupponunt sursum, & deorsum: sicut latitudo præsupponit longitudinem, & habet secum annexa ante & retro: in cælo autem non est ponere sursum & deorsum, cum hæc sint contraria: non est etiam ponere ante & retro, cum ante dicatur, vbi est sensus, sicut dicit Philosophus: ergo videtur quod non sit ibi dextrum, & sinistrum.

Fundamēta.
2. de Cælo,
context. 19.

2. de Cælo
context. 8.

Ad opposi-
tum.
Arist. lib. 2.
de cælo con-
text. 12.

Arist. 2. de
cælo context.
8. & 12.

Ariff. I. bid.
context. 13.

4. ITEM nihil quod habet extra se principium, & finem sui motus habet dextrum, & sinistrum: sed corpus cæli est huiusmodi, cum motor eius sit separatus: ergo habet dextrum, & sinistrum.

5. ITEM dextrum est unde principium motus: sed vna parte circuli mota, mouentur omnes: ergo non magis incipit motus ab vna parte circuli, quam ab alia: ergo in circulo, vel quolibet pars erit dextra, vel nulla: sed cælum est corpus circulare, quia mouetur circulariter: ergo, &c.

6. ITEM, Si aliquod corpus habet dextrum, & sinistrum, illa pars quæ est semel dextra, semper est dextra, qualitercunque corpus illud moueatur localiter: ergo si cælum habet dextrum & sinistrum, illa pars quæ semel est in ipso, dextra, semper est dextra: sed non est dare aliquam partem cæli, quæ modo non sit in Oriente, modo in Occidente, modo in alio loco secundum regyrationem cæli: ergo dextra cæli aliquando esset Oriens, aliquando Occidens: quod nullo modo concedi potest.

CONCLUSIO.

Cælum cum moueatur, & in vna parte immediatius suscipiat motoris influentiam, habet dextrum & sinistrum.

Explicatio.

Quæst. Sequenti.

RESP. Ad arg. Dicendum quod quamvis dextrum & sinistrum dicant terminos latitudinis, & sursum & deorsum longitudinis, & ante & retro profunditatis: non tamen nominat terminos illos simpliciter, sed per comparationem ad motum: unde in nullo corpore ponitur proprie dextra, & sinistra, nisi quod diuersimode suscipit motoris influentiam: ita quod primo in vna parte, quam in alia: unde dextrum, & sinistrum non ponitur esse nec in lapide, nec in planta, nec etiam in statua ponuntur nisi similitudinarie: quia non habent moueri localiter à motore sufficiente: in eis vero corporibus, quæ mouentur ad locum, & magis in vna parte, quam in alia suscipiunt motoris influentiam, proprie ponitur dextra, & sinistra, sicut in animalibus, quæ mouentur motu progressiuo, & in quibus virtus cordis, & motoris magis viget in parte dextra, cuius signum est maior fortitudo animalium in parte illa: propter quod & partem illam primo mouent, quando incipiunt ambulare: secundum hoc intelligendum est, quod cum corpus cæleste quoddam habeat moueri ab Oriente in Occidentem, vel è conuerso: sicut firmamentum, & orbis planetarum: quoddam vero minime: sicut empyreum. Quod dextra & sinistra cælis competant, satis proprie videtur, non tamen vniuersaliter: conueniunt enim orbibus mobilibus, sed non orbi immobili. Attendendum autem est, quod cum in animalibus, & in cælo ponatur dextra, & sinistra, secundum rationem cuiusdam conformitatis, scilicet propter influentiam motoris: differenter tamen accipiuntur propter diuersam comparationem mobilis ad motorem. Quia enim animalia mouentur à motore sibi vnito: ideo dextrum, & sinistrum dicit distinctionem in partibus animalium: ita quod illa pars, quæ modo est dextra, nunquam est sinistra quia vniiformiter operatur ad ipsius motoris influentiā, pro eo quod ipsum habet sibi vnitum, & nunquam ab eo magis elongatur. Corpus vero cæleste motorem habet separatum, cum non sit corpus animatum, sicut postea videbitur: & ideo motor secundum Dei dispositionem principaliter influit ex aliqua parte cæli, & creditur probabiliter, quod in ea parte, ex qua motus corporum cælestium primo nobis apparet, utpote in Oriente, cum omnia corpora facta sint propter hominē: & quia motor semper ex illa parte influit vniiformiter, quæcunque pars ibi veniat immediatius, & propinquius, suscipit motoris influentiā: & ideo semper est ibi dextra, nec mutatur cum partibus mobilibus, pro eo quod non est dispositio, absoluta, sed relata ad motoris influentiam, quæ semper manet fixa, & per hunc modum locus cuiuslibet rei dicitur esse im-

mobilis, propter hoc, quod dicit situm relatum ad centrum, & circumferentiam mundi, quæ nunquam possunt moueri. Ex prædictis patet quæstio proposita: patet etiam responsio ad obiecta. Concedendum est enim quod in cælo sit dextra, & sinistra. Et rationes ad hoc inducuntur similiter concedendæ suat, quia verum concludunt, licet tertia ratio sumpta à dimensionibus procedat ab insufficienti.

1. Ad illud vero quod obiicitur in contrarium, quod planta non habet dexteram, & sinistram, quamvis sit organica, dicendum quod dextrum & sinistrum non facit principaliter membrorum distinctio: hoc enim accidit, & frequenter contingit, quod eiusdem dispositionis est animal in parte dextra & sinistra: sed hoc facit influentiæ motoris principalior, & minus principalis susceptio, secundum quam attenditur inchoatio motus: & terminatio: & sic reperitur in cælo.

2. Ad illud quod obiicitur, quod dextrum, & sinistrum in nobis est à qualitibus actiuis, & passiuis: iam patet responsio ex prædictis, quia dextrum, & sinistrum in animalibus concernunt partes determinatas, propter unionem motoris ad mobile, non solum per modum motoris, sed etiam per modum perfectionis: & ideo ad hoc, quod vna pars magis suscipiat influentiam motoris requiritur dispositio alia, & alia, quæ quidem sit per qualitates actiuas, & passiuas: in cælo autem non sic est, sicut ostensum est supra.

3. Ad illud quod obiicitur, quod dextrum & sinistrum præsupponunt sursum & deorsum, responderi potest, quod verum est, prout sursum, & deorsum dicunt terminos dimensionis: non autem est verum, prout dicunt inchoationem, & terminum alicuius transmutationis. Secundum enim sursum & deorsum proprie attenditur augmentum, siue motus ad locum: sed secundum dextrum, & sinistrum attenditur motus in loco. Ideo et si in cælo ponatur dextrum, & sinistrum, non tamen oportet sic poni sursum, & deorsum. Aliter potest responderi magis secundum opinionem Philosophi, quod in cælo est ponere sursum & deorsum & ante, & retro, sicut ponitur dextrum & sinistrum: non quia dicunt terminos diuersorum motuum: sed quia in eodem motu considerantur vltima trium dimensionum, licet magis proprie dextrum, & sinistrum. Et hoc patet: ad hoc enim quod cælum reuoluatur, necesse est ponere duos polos, quorum vnus habet rationem sursum, & alter rationem deorsum. Est etiam ponere duo hemisphæria, quorum vnū habet rationem ante, & alterum habet rationem retro. Necesse est etiam ponere quod in hemisphærio vna pars sit ex qua cælestia corpora primo apparere incipiant, altera vero pars, ex qua desinant: & hoc totum de facili est imaginari, si quis imaginetur hominem, qui pedes habeat in polo arctico, & caput in polo antarctico, & habet faciem versam ad nostrum hemisphærium: statim imaginabitur harum differentias positionum.

4. Ad illud quod obiicitur, quod cælum habet extra se principium sui motus, & ita non habet dextrum, & sinistrum, dicendum quod illud verum est, quando dextrum, & sinistrum nominant partes determinatas: sed quando nominant ordinem mobilis ad motoris influentiam, non habet veritatem: nihil enim facit ad hoc, utrum sit motor intra, vel extra.

5. Ad illud quod obiicitur, quod vna parte circuli mota, mouentur omnes, dicendum quod verum est: sed tamen ex hoc non sequitur, quod æque primo recipiant motoris influentiam, quod patet cum aqua mouet rotam, primo mouet illam partem, quam contingit.

6. Ad vltimam quod obiicitur, quod pars dextra semper est dextra, iam patet responsio, quia hoc intelligitur de illo dextro, & sinistro quod dicit dispositionem partium in comparatione ad motorem coniunctum, sic est in animalibus: hoc autem modo non ponitur in corporibus cælestibus, sicut prius tactum est.

ARTICVLVS III.

CONSEQUENTER quæritur tertio loco in comparatione ad motoris influentiam. Et circa hoc duo quærentur. Primo quæritur: Vtrum primum mobile moueatur à Deo immediate tantum, an mediante aliqua virtute creata. Secundum est: Vtrum moueatur ab intelligentia, an à propria forma.

QVÆSTIO I.

An Cælum immediate moueatur à Deo.

Egid. Rom. 2. Sent. dist. 14. q. 1. dub. 3.

Richardus 2. Sent. dist. 14. q. 2.

Stephan. Brulef. 2. Sent. dist. 14. q. 5.

QVOD cælum immediate moueatur à Deo, ostenditur primo per Philosophum, qui in libro de cælo, & mundo dicit: Causa prima mouet causatum primum: causa autem prima non est nisi Deus: ergo, &c.

2. ITEM Boëtius de cons. loquens ad Dominum.

Stabilisque manens das cuncta moueri.

ergo videtur quod maxime moueat illud, quod est primum mobile: hoc autem est cælum: ergo, &c.

3. ITEM ratione videtur: Primi mobilis motor debet esse primus: sed primus motor est immobilis omnino, quia nunquam est status nisi in immobili: sed nihil est omnino primum immobile, nisi solus Deus: ergo motus primi mobilis solus est Deus principium.

4. ITEM ex motu, & influentia cælestis corporis est conseruatio omnium corporum viuientium: ergo ex motore eius erit conseruatio omnium spirituum viuificantium: quia sicut se habet mobile ad mobile, sic se habet motor ad motorem: sed solus Deus est ille, qui est conseruator, & viuificator spirituum: ergo solus ipse mouet primum cælum.

SED CONTRA: Immenfitas potentiae, & sapientiae, & bonitatis requirit, vt Deus communicet virtuti creatæ actum, quem illa est nata suscipere: sed actus, qui est mouere secundum locum quodcumque corpus, natus est conuenire virtuti creatæ: ergo videtur quod Deus nullum corpus moueat absque virtute alicuius creaturæ.

ITEM virtus motoris debet proportionari mobili: sed virtus cæli finita est: virtus autem Dei infinita est: ergo ad hoc quod saluetur in mundo proportio debita, videtur quod inter Deum mouentem, & cælum motum sit ponere aliquam virtutem creatam, & finitam.

ITEM Philosophus dicit quod si tanta virtus mouet in tanto tempore, & maior in minori, & maxima in minimo, & infinita in nunc: ergo si Deus infinitæ virtutis est, & ipse immediate mouet cælum: videtur quod instanti reuoluat ipsum ab Oriente in Occidentem, quod manifeste falsum est. Si tu dicas quod Deus in mouendo non exercet totius virtutis suæ effectum, quia cum sit mouens voluntarium potest mouere & cito, & tarde: tunc redit prima obiectio, quia cum actus iste, scilicet mouere successiue sit virtutis finitæ, erit natus conuenire creaturæ.

ITEM ea quæ sunt immediate à diuina potentia procedunt in esse secundum cursum mirabilem, vt patet in creatione, & iustificatione, & miraculorum operatione: ergo si cælum immediate mouetur à Deo, motus eius est mirabilis, non naturalis, quod si est naturalis, non est ergo à Deo immediate.

C O N C L V S I O.

Deus quamvis in quolibet opere immediate operetur, mouet tamen primum mobile mediante virtute diuina: cum eius sit motionis capax ad sua bonitatis manifestationem.

RESP AD ARG. Ad prædictorum intelligentiam est notandum, quod in omni operatione Deus operatur intime, & immediate, cum Dei voluntas, sicut dicit Angu-

stinus, & habitum est in primo libro: sit prima, & summa causa omnium specierum, & motionum. In aliquibus autem sic operatur, vt ipse sit tota causa: in aliquibus sic operatur, & mouet, vt virtutem agendi, & mouendi communicet creaturæ: prima quidem dicuntur mirabilia, secunda vero naturalia: vel voluntaria quantum ad egressum. Quando ergo quæritur: Vtrum motus primi mobilis immediate sit à Deo, non est quæstio, vtrum virtus diuina intime operetur, & immediate ad illam mutationem exercendam, quia nihil mouetur sic, nisi ipse moueat, & cooperetur virtuti motiue: sed est quæstio, vtrum motus primi mobilis sit à Deo tanquam à tota causa, an simul cum virtute diuina mouente, moueat, aliqua virtus creata. Et ad istam quæstionem satis de plano responderi potest, quia cum motus ille sit natus conuenire virtuti finitæ propter sui successionem, & diuina bonitas ad sui manifestationem communicet creaturæ, quod ipsa nata est suscipere, quod Deus primum mobile mouet mediante aliqua virtute creata, sicut & alia mobilia: & concedendæ sunt rationes ad hoc inductæ, quamvis aliquæ non necessario cogant.

1. AD illud vero quod obiicitur de Philosopho, dici posset satis probabiliter, quod Philosophus non intellexit quod primi orbis motor per modum efficientis esset Deus: ipse enim ponit virtutem motoris adeo proportionari mobili, quod si minimum, vel modicum corpus apponeretur corpori, lassaretur virtus motoris in mouendo, sicut dicit in libro de cælo, & mundo: sed ponit quod Deus moueat primum causatum metaphorice, sicut finis, & desideratum: aut si ponit, quod moueat per modum efficientis, non ponit quod ipse solus moueat, sed cooperante virtute mobili proportionata. Vnde verbum suum potest intelligi esse dictum per quandam appropriationem, & primariam influentiæ suæ infusionem.

2. AD illud quod obiicitur de Boëtio, quod Deus cuncta mouet, dicendum quod ex illa auctoritate non concluditur, quod solus Deus cuncta mouet: sed quod non mouentur absque diuinæ virtutis influentia. Nulla enim virtus alicuius motoris potest vel modicum operari sine beneficio, & auxilio eius, quæ penitus est immobilis, sicut in primo libro ostensum fuit, & in sequentibus ostendetur, cum quæritur, vtrum omnis actio sit à Deo.

3. AD illud quod obiicitur, quod motor primi mobilis est primus, & immobilis, dicendum quod non oportet motorem primi mobilis esse omnimode primum, vel omnimode immobilem: sed sufficit quod sit primus respectu aliorum motorum, siue virtutum mouentium, & quod sit immobilis secundum eum modum per quem mouet. Non enim oportet esse statum in motore primi mobilis simpliciter, sed in genere creaturarum. Omnes autem creaturæ defectiue sunt, & reducuntur ad ipsum Deum, qui est principium, & finis omnium, citra quem nec est perfecta quies, nec perfectus status.

4. AD illud quod obiicitur, quod sicut influentia mobilis conseruat mobilia, ita influentia motoris motores alios, dicendum quod illud non oportet, quia non est consimilis proportio, pro eo quod ordo est in corporibus mundi secundum tantam prædominantiam, & excellentiam, quod vnum potest simpliciter influere in alterum: spiritus vero rationales, qui sunt viuificatores, & motores corporum sic habent gradum, & ordinem, vt tamen secundum suum supremum à Deo immediate perficiantur, & formentur: & hoc est propter rationem imaginis, per quam immediate sunt ipsius Dei capaces.

QVÆSTIO II.

An motus calis sit à propria forma, vel ab intelligentia.

Alexander Alensis 2. p. q. 47. Membrum 3.

S. Thom. 1. Sent. dist. 14. q. 1. art. 3.

Egid. Rom. 2. Sent. d. 14. q. 1. art. 3.

Richardus 2. Sent. dist. 14. q. 6.

Thom. Argem. 2. Sent. dist. 14. q. 1. art. 1.
 Steph. Brulef. 2. Sent. dist. 14. q. 5.
 Gabr. Biel. 2. Sent. dist. 14. q. 1. art. 3. dub. 2.

si ergo cælum aliquando quietabitur, & non violenter:
 A ergo motus eius non est à virtute formæ intrinsecæ.

CONCLUSIO.

A Deo mediante intelligentia Cælum non est animatum,
 difficile autem potest sustineri quod moueatur: concordat
 autem fidei & rationi quod moueatur.

RESP. AD ARG. Dicendum quod in hac quæstione
 duæ sunt positiones probabiles concordantes rationi, &
 Scripturæ, præter illam tertiam viam, quam quidam
 Philosophi posuisse videntur, scilicet quod cæli haberent
 animas, & quod cælum esset magnum animal, & quod
 moueretur à propria forma perfectiua, sicut mouetur
 animal: & hanc animam motricem posuerunt regi, &
 dirigi à Deo mediante intelligentia: sed hæc positio fal-
 sa est, & erronea. Sicut enim dicit Damascenus, cæli sunt
 inanimati, & insensibiles: & quod dicuntur, Deum ali-
 quando benedicere, hoc est dictum per prosopopœiam,
 & ista est communis sententia Sanctorum: & ideo Au-
 gustinus retractat illud verbum, quod dixerat in libro de
 immortalitate animæ quod mundus animatur: etsi ali-
 qui Sancti videantur hoc dicere, sicut Hieronymus su-
 per Ecclesiasticum, hoc totum intelligendum est dictum
 metaphoricè. Non solum autem hæc positio est contra
 Catholicos doctores, sed etiam contra Philosophos, vel
 Physicos Tractatores qui ponunt, quod substantia intel-
 lectualis non vnitur corpori nisi mediate vegetabili, &
 sensibili, & ita si cælum perficeretur à substantia spiri-
 tuali, haberet sentire, & vegetari, & ita naturaliter pos-
 set corrumpi: & propter hoc ista positio omnino reie-
 cta, intelligendum est quod duplex est hic modus satis
 Catholicus. Quidam enim dicunt quod cælum mouetur
 à propria forma hoc modo, cælum habet quantitatem,
 & figuram, & per hanc est ad motum habile, habet ni-
 hilominus lucis perfectionem, & formam, quæ inter
 cæteras formas corporales est maxime actiua, & quasi
 viam mediam tenens inter formas spirituales, & corpo-
 rales: & per virtutem huius formæ mouentur corpora
 cælestia orbiculariter multo sufficientius, quam elemen-
 ta moueantur motu recto, nec oportet ad motum cæli
 adhiberi ministerium Angeli, vel animæ, sicut nec ad
 motum cuiuslibet elementaris naturæ. Noc obstat illud,
 quod mouens debet esse aliud à mobili: quia sicut ani-
 mal secundum aliud sui est mouens secundum aliquid
 sui est mobile, & tamen totum est mouens, & mobile:
 sic & in cælo intelligendum est, quod est mobile per
 naturam quantitatis, & figuræ, & mouens per naturam
 lucis actiue. Nec obstat illud quod recedit ab eodem
 loco, ad quem mouetur: cælum enim proprie non habet
 moueri ad locum, sed potius circa locum: nec pars, quæ
 est in Oriente mouetur ad Occidentem, quia illum si-
 tum intendat determinate, sed quia intendit moueri or-
 biculariter, qui est motus competens suæ naturæ: Vnde
 sicut dicitur in radio quod procedit, & retrocedit per
 virtutem suam, cum sit percussio ad aliquod corpus
 splendidum, sic est in proposito: & per hoc respondent
 ad omnes obiectiones. Difficile tamen est secundum
 hanc positionem sustinere, quo modo cælum moueatur
 à propria forma, & naturali, & illa permanente quiescat
 præter violentiam. Difficile est enim intelligere, quo-
 modo non moueatur propter propriam indigentiam: si
 appetitus ille est forma intrinseca, & ideo isti compelluntur
 ad hoc redire, vt dicant quod ad motum cæli non
 sufficit virtus propriæ formæ, sed simul cum ea requiritur
 influxus diuinæ potentie, secundum quem cælum
 habet moueri, & quiescere. Sed tunc remanet quæstio,
 quid sit ille influxus, vtrum dicat quid creatum, vel in-
 creatum: & siue hoc dicat, siue illud, non est facile
 explicare, quare Deus illum motum exerceat sine mini-
 sterio spiritualis creaturæ, cum illi sit natus conuenire.
 Nec tamen de facili potest hoc improbari, si quis hoc
 dicat quod defectum istius creaturæ corporalis velit

Opinio 1.
 Ex his vide-
 tur fuisse
 Auer. lib. de
 subst. orbis
 cap. 2.
 Improbatio.
 Damas. lib.
 2. cap. 6. de
 fide ortho.
 circa finem.
 De immor-
 talitate ani-
 mæ c. 1. q. 1.
 & lib. 1. Re-
 tract. cap. 5.
 in fin. rom. 1.

Opinio 2.

Improbatio.

Deus

Ad opposi-
 tum.
 Arist. 2.
 Physic. con-
 tex. 3. 1. de
 Cælo contex.
 5. & 15.
 8. Physic. con-
 tex. 27.

Damas. lib.
 2. de fide or-
 tho. cap. 6.
 circa finem.

Fundamēta.
 7. Physic. con-
 tex. 10. &
 8. Physic. con-
 tex. 21. &
 23.
 3. Physic. con-
 tex. 8. &
 8. Physic. con-
 tex. 40.

VTVM motus cælorum sit à propria forma, vel ab
 intelligentia. Et quod sit à propria forma, videtur:
 quia, sicut vult Philosophus: Natura est principium
 motus, & quietis in eo, in quo est: ergo omnis mo-
 tus naturalis est forma intrinseca: sed motus cæli est
 naturalis, sicut probat Philosophus: ergo est propia
 forma.

2. ITEM leue sua leuitate, & virtute potest sursum-
 ascendere, nullo impellente, & similiter graue descende-
 re absque aliqua intelligentia mouente: si ergo forma
 cæli perfectior est, quam elementaris, & figura eius
 aptissima ad motum circulem: videtur quod moueri
 possit à propria forma absque omni intelligentia.

3. ITEM plus est mouere seipsum exeundo locum
 proprium, quam non exeundo: sed virtus lucis est se
 diffundere per corpora alterius naturæ, & etiam diffun-
 dendo redire: ergo videtur quod corpus cæli multo
 fortius per naturam lucis possit se in suo orbe mouere
 absque influentia alicuius spiritualis substantiæ.

4. ITEM motus animalium est à forma propria, & in-
 trinseca, & hoc spectat ad complementum motus: ergo
 cum motus cæli sit multo completior, erit à forma pro-
 pria, & intrinseca: ergo vel cælum non mouetur ab intel-
 ligentia, vel intelligentia est ipsius cæli perfectio, &
 forma: sed intelligentia aliqua non est perfectio cæli, si-
 cut dicit Damascenus in libro de fide ortho. cæli sunt
 inanimati, & insensibiles: ergo, &c.

5. ITEM nullus motus necessarius pendet à voluntate
 creaturæ, tanquam à principali motore: sed motus cæli
 est vniformis, & necessarius secundum Sanctos, & Phi-
 losophos: ergo non à voluntate alicuius Angeli, vel
 intelligentiæ.

6. ITEM virtus illius Angeli, vel intelligentiæ est fi-
 nita: sed virtus finita in mouendo recipit fatigationem,
 & laborem, maxime cum mouet illud quod non est per
 se mobile: aut ergo cælum mouetur propria forma, aut
 si mouetur virtute intelligentiæ, necesse est illam labo-
 rare, & laxari.

CONTRA: Omne quod mouetur, ab alio mouetur:
 sed cælum secundum se totum mouetur: ergo videtur
 quod præter materiam, & formam eius sit ponere ali-
 quid, à quo moueatur: hoc autem non est nisi Angelus,
 vel intelligentia: ergo, &c.

ITEM omnis motor est in actu respectu mobilis, &
 totum cælum est mobile: sed nihil idem est simul in
 actu & potentia: ergo cælum non potest moueri à se,
 siue propria virtute.

ITEM omnis motor sufficiens distat à mobili: cum
 ergo nulla forma extensa distat à materia, nulla forma
 extensa potest esse motor sufficiens: sed forma cæli est
 forma corporalis, & extensa, & motus eius cum sit præ-
 cipuus inter alios motus est à motore sufficiente: ergo
 non potest esse à virtute propriæ formæ.

ITEM omne quod naturaliter mouetur ad locum ali-
 quem, si mouetur ab illo loco, mouetur præter naturam,
 ergo si cælum mouetur naturaliter ab Oriente in Occi-
 dentem ab Occidente in Orientem non mouetur, seu re-
 gyratur per naturam: ergo videtur quod cælum habeat
 motorem alium, quam formam propriam.

ITEM omne quod mouetur propria forma, mouetur
 propter propriam indigentiam, natura enim formæ non
 mouet nisi propter appetitum rei, quæ naturaliter indi-
 get: sed cælum, sicut dicunt Sancti & Philosophi, non
 mouetur propter indigentiam propriam: ergo non mo-
 uetur à propria forma, & natura.

ITEM omne quod mouetur à propria forma naturali-
 ter mouente, nunquam quiescit, nisi violenter, ipso
 existente in eadem dispositione: sed cælum, quantum
 ad naturam suæ formæ semper erit in eadem dispositio-
 ne: aut ergo non mouetur à propria forma, & natura,
 aut nunquam quiescit, vel si quiescit, violenter quiescit:

Deus per semetipsum supplere, vt ostendat se esse Deum cœli, & terræ, & ita dicatur cœlum moueri virtute propria: quod si aliquid desit sibi ad mouendi sufficientiam, suppleatur ab ipsa virtute diuina, & sic sustinendo hanc positionem, responsio ad obiecta satis est plana. Alia verò positio est, quod Deus mouet mediante intelligentia creata, siue mediante Angelo, & hoc competebat ordini, quem Deus constituit vniuerso, de quo dicit Augustinus super Genesim ad literam, quod Deus sic mundum ordinauit, vt spiritum præficeret omni corpori: & ideo sicut congruum est, Angelos deputari ad ministerium hominum, sic etiam congruum est ipsos deputari ad motum, & regimen cœlorum; cum in hoc etiam ministrent viatori, & diuinæ subseruiant maiestati: & hoc videtur Auguſt. sentire in 3. libero arbitrio loquens de angelica natura, de qua dicit quod non sua maiestate continet omnia, sed inhærendo illi maiestati: & eius imperiis deuotissime, obtemperando, à quo, & per quem, & in quo facta sunt omnia: & hæc positio magistorum est tam in Theologia, quam in Philosophia: quia concors pietati, fidei, & rationi plurimum esse videtur. Si igitur hanc positionem sustinere velimus, de facili potest ad obiecta in contrarium responderi.

1. Ad illud quod primo obiicitur, quod motus ille naturalis est, dicendum quod motus ille per comparisonem ad primum mobile naturalis esse dicitur, quia natura eius, & figura illi motui concordat: nec oportet, quod omne quod est naturale, sit à principio intrinseco, sicut à tota causa, sed sufficit quod virtus intrinseca cooperetur virtuti actiue.

2. Ad illud quod obiicitur de grani & leui, dicendum quod ad motum grauis non sufficit solum modo grauitas, siue qualitas propria: immo concurrunt virtus loci attrahentis, & virtus loci expellentis, & virtus corporis quinti præter illa duo mouentia, quæ ponit Philosophus, scilicet graue, & leue, & remouens prohibens: & quia hæc ad motum cœli non possunt concurrere, oportet quod concurrat virtus spiritualis substantiæ.

3. Ad illud quod obiicitur de diffusionem lucis, dicendum quod ille non est motus localis proprie, sed magis motus alterationis, vnde sicut ignis potest calorem suum diffundere deorsum, tamen virtute propria non se mouet de loco, in quo est: sic etiam in cœlesti corpore intelligendum est esse.

4. Ad illud quod obiicitur, quod ad completionem motus facit, quod aliquid moueatur à principio intrinseco, dicendum quod hoc accidit: non enim hoc est propter vnionem motoris ad mobile, sed propter sufficientiam motoris, qui quidem est substantia spiritualis distans à materia: vnde distantia motoris à mobili, & completio motoris illa est quæ facit ad motus perfectionem: hoc autem multo magis reperitur in motu cœli, quod mouetur ab Angelo siue ab intelligentia separata secundum substantiam, vnitam secundum virtutem, quam si moueretur à propria forma.

5. Ad illud quod obiicitur, quod necessarium non pendet à voluntario, dicendum quod verum est de voluntate vertibili: quamvis autem voluntas Angeli sit per naturam vertibilis, tamen per gloriam omnino inuertibilis efficitur: & talem substantiam intelligendum est esse motricem cœli, quæ vt dicit Augustinus summæ maiestati incontinenti inhæreat perfecte. Et quod talis substantia sit motrix cœli, ostendit ipsius motus nobilitas, & vniformitas & necessitas: ostendit nihilominus quies futura, cum perfecta erit superna ciuitas, ad quam conseruandam finaliter ordinatur angelica ministratio.

6. Ad illud quod obiicitur, quod cum sit virtutis finitæ lassatur, dicendum quod lassationem non facit finitas, sed improporatio motoris ad mobile vel contrarietas, vel ineptitudo ex parte mobilis, quorum nullum est in proposito: & sic patent quæ sita.

DISTINCT. XIV. Pars II.

De Productione sensibilibus contentorum.

Sequitur: Dixit Deus, congregentur aqua in locum vnum.

Expositio Textus.

SUPRA egit Magister de productione insensibilium continentium, in hac parte agit de productione sensibilibus contentorum, & quia hæc sunt in duplici differentia: quædam enim intra cælos continentur, vt materialia respectu generandarum rerum, sicut sunt elementa: quædam vero, vt actiua, sicut sunt cælestia luminaria: ideo pars ista habet duas. In prima agit de distinctione elementorum. In secunda de productione luminarium, ibi: *Sequitur, dixit Deus fiant luminaria.* Prima pars habet duas. In prima determinat veritatem. In secunda soluit dubitationem, ibi: *Si autem queratur, ubi congregata sint aqua.* Similiter secunda pars principalis habet duas. In prima comparat productionem luminarium operibus aliorum dierum. In secunda vero determinat, propter quid sint facta, ibi: *Quæ ideo facta sunt, vt per ea illustretur, &c.* Et sic duo continentur in parte ista, videlicet distinctio elementorum: & hæc satis plana est, quantum ad præsentem materiam pertinet. Secundum autem est formatio luminarium, circa quod plura concurrunt dubitabilia, vt textus sacre Scripturæ plane intelligatur.

Congregentur aqua in locum vnum, & appareat arida. Dub. I.

CONTRA: videtur primo inconuenienter dicere, congregentur in locum, quia motus ad locum est entis completi: sed aquæ nondum erant productæ: ergo male dixit, in locum vnum congregentur. Item nihil potest apparere nisi color, & nullum elementum simpliciter est coloratū: ergo terra non potest apparere: male ergo dicit, appareat arida. Item cum sint duo alia elementa, videlicet ignis, & aer: videtur quod insufficiens sit Scriptura, quæ nihil de eorum distinctione explicat. Iuxta hoc queritur, quare elementum aquæ nomen pluraliter, & elementum terræ singulariter. Si tu dicas quod hoc est propter aquarum dispersionem, tunc videtur quod male dicat, congregentur aquæ in locum vnum. Item queritur, quare elementum terræ primo vocat aridam, & postea vocat terram, cum ante sit dictum. In principio creauit Deus cælum, & terram, &c. Item cum elementum aquæ sit insipidum per naturam, & maria sint falsa, non videtur quod congregationes aquarum debeant appellari maria.

RESPON. Dicendum quod Scriptura distinctionem elementorum in his verbis valde explicat eleganter, si quis attendat: quia enim motus ad situm non est nisi rei completæ, & habentis formam, nec aliud fuit aquas congregari in vnum, quam ipsi elemento aquæ dando speciem vnā, & simul inclinationem ad locum speciei debitum, secundum exigentiam formæ & inclinationis ad situm dare locum congruum: & quia locus aquæ est immediate esse circa terram, dum aqua congregatur, ab elementis superioribus, scilicet aëre, & igne separatur, ergo in congregatione aquarum tangitur per consequens distinctio aliorum duorum elementorum. Rursus: quia aquæ sunt nature circundare terram, etsi ex omni parte circuitent terram, & inhabitandum nobis, & animalibus apta non esset: ideo sic distinxit, vt in superiori superficie arida appareret. Rursus: Si terra esset ab aqua omnino separata, ad germinandum non esset apta: & ideo Deus sic arefecit terræ superficiem, vt tamen ipsius radicem aqua impleret, & per decursum fluiorum etiam irrigaret. Et propter hoc tria dicit

Scriptura,

Scriptura. Primo propter elementorum distinctionem congregentur aquæ in locum vnum. Secundo vero propter superficiem terræ denudationem: & appareat arida. Tertio propter irrigationem, quam ab aquis suscipit, ut germinare possit, dicit: vocavit aridam terram, congregationesque aquarum appellavit maria. Ex his patent obiecta. Quod enim primo obiicitur de verbo congregandi non valet: non enim fecit Deus aquas congregari sicut prius existentes, sed sicut dans eis formam, & naturam, per quam sint aptæ natæ in vnum locum concurrere. Similiter patet illud quod obiicitur de apparitione terræ, quia terra, quæ apparet est elementum mixtum. Similiter patet illud quod obiicitur de distinctione aliorum duorum elementorum, quia in his duobus, quæ sunt maxime sensibilia, & tractabilia, clauditur illorum distinctio, quæ sunt sensibus nostris occulta. Similiter patet quare aquam vocat pluraliter, & terram singulariter, propter scilicet earum dispositionem: humidum enim proprio termino est male terminabile: sed quia sic cum de sui natura terminabile est, ideo terram vocat singulariter & prius vocat eam aridam, & postea terrā, quia primum nomen dicit proprietatem elementi, videlicet siccitatem, secundum vero nomen dicit eius usum siue utilitatem, quam habet per commixtionem aquæ, ut possit coli, & fructificare: ideo dicitur terra quasi trita. Similiter patet de illo quod obiicitur de aquis, appellantur enim maria, non quia amaritudo sit prima qualitas aquæ, sed quia consequitur aquam in sua congregatione propter grossitiam partium, quæ remanent subtilioribus eleuatis sursum, vel penetrantibus in terrā profundo, ex qua subtiliatione dulcescunt.

Eodem enim die protulit terra herbam virentem.
Dub. II.

Videtur quod factum est inordinate, si enim firmamentum prius factum est quā terra, prius debuit ornari, quam terra. Item cum mineralia corpora sint ex terra, ita bene sicut ligna, videtur quod insufficienter determinet Scriptura ea, quæ virtute diuina producuntur ex terra. Item quæritur, utrum tunc terra germinauerit tribulos, & spinas: si enim non produxit, videtur quod post peccatum fuit terra fecundior, & nonam recepisse potentiam ad producenda talia: si vero tunc produxit, videtur Scriptura insufficient, quia non exprimit: videtur etiam sibi contrariari, dum in Genesi dicit illa in pœnam hominis germinari: maledicta terra, &c.

RESPON. Dicendum quod Scriptura ordinate exprimit: Deus ordinatissime fecit, dum eodem die, quo terra producta est, ex ea herbas, & ligna prodire fecit: tum propter erroris remotionem, ut dicit Basilus, ne crederetur quod sol esset causa principalis terræ nascentium, sicut dicit Philosophus quod terra est mater plantarum, & sol Pater: tum quia plantæ, & herbæ sunt quasi connaturales terræ, dum ei sunt radicitus affixæ trahendo ex ipsa fomentum, & originem: non sic autem est in ornatibus aliorum trium, & per hoc patet primū obiectum. Ad illud vero quod obiicitur de corporalibus mineralibus, dicendum quod quia, prout recedunt à natura terræ latent sub terra, non curauit Scriptura specialiter exprimere. Ad illud quod obiicitur de spinis, & tribulis, dicendum quod tunc productæ sunt pro eo, quia perfecta fecunditas data est terræ, & nulla herba est tam vilis, quæ non sit alicuius utilitatis, & virtutis: & ideo cum aliis virentibus herbis, & lignis fructiferis intelligendum est ista produci, & Scriptura sub illorum generalitate comprehendit. Et quod obiicitur quod generata sunt in pœnam peccati, dicendum quod spinam, & tribulum generari, ubi seminatur frumentum, hoc est in pœnam peccati, & ex maledictione terræ, quæ cum colitur, ut det fructum, vnde homo sustentetur, potius producit, vnde homo crucietur. Quod autem in locis multis generetur spina, & tribulus, hoc non est pœna, sed natura.

Fiant luminaria in firmamento cali. Dub. III.

Quæritur quæ sint ista luminaria. Si tu dicas quod Sol, & Luna, quia Scriptura explicat: Fecit Deus duo luminaria magna, &c. videtur esse instantia. Primo, quia ista non sunt in firmamento. Secundo vero, quia Luna non est luminare magnum, cum iudicio sapientum multæ Stellæ sint maiores. Tertio vero, quia Luna non videtur esse luminare, sed potius corpus opacum, dum sui interpositione solem facit eclipsari. Si tu dicas quod Luna dicitur luminare, non quia ex se luceat, sed quia lumen recipit à Sole. Obiicitur contra hoc, quia cum Luna sit de natura quintæ essentiae, sicut & Sol, videtur quod ita debeat lucere sicut Sol. Item si lumen recipit, aut sicut corpus transparent, aut sicut terminatum, aut sicut speculum quod partim habet naturam terminati, & partim transparentis. Si recipit sicut transparent, tunc videtur quod non obiiciat se visui per se, & quod etiam non possit occultare Solem. Si sicut terminatum: tunc duplex oritur inconueniens. Primum quod cum corpus terminatum non est nisi mixtum, non potest Luna esse corpus terminatum. Secundum vero quod tunc non illuminabitur nisi in superficie: ergo videtur quod parum de lumine suscipiat, & parum refundat: ergo non debet dici luminare magnum. Si vero recipit sicut speculum, tunc similiter duplex est inconueniens. Primo quod in Luna debemus videre imaginem, siue speciem Solis, sicut videtur in speculo. Aliud quod tunc non debet Luna illuminari secundum omnem partem, sicut nec speculum imaginem offert secundum omnem partem: Propter hoc igitur est quæstio, quare Luna dicatur esse luminare magnum: & quare magis lucet de nocte quam de die, & quare magis lucet dum à Sole elongatur, quam cum ei appropinquat: contrarium enim debet esse si ab ipso recipit lumen.

RESPON. Dicendum quod circa luminaria cæli quidam singularem tenent opinionem, dicentes quod corpora cælestia sunt ex quatuor elementis prædominante in eis natura ignis, siue cælestis corporis, quod dicunt esse naturæ igneæ: prædominante, inquam, non solum secundum qualitatem, sed etiam secundum quantitatem: & secundum quod in eis magis prædominatur illa natura, secundum quā non habent loca magis & magis suprema. Et quoniam in Luna quæ nobis proximior est minime dominatur natura ignea inter cætera luminaria, & plus reperitur in ipsa de natura luminis susceptiua, hinc est quod Luna parum per se lucet, & ex præsentia Solis multum suscipit lumen, adeo ut mereatur dici luminare, & magnum luminare propter magnum luminis effectum quem habet in terris. In sua autem positionis suavitatem adducunt hoc, quod Luna videtur esse corpus terminatum, & coloratum: & ideo inter nos, & solem posita radius solis nobis occultat, & soli opposita dum ex ea parte qua nobis opponitur lumen suscipit, inferiora illuminat. Sed hæc positio est contra communem viam Philosophorum, & contra communem viam Sanctorum. CONTRA philosophos namque est: quia Philosophi dicunt quod mixta ex quatuor elementis sunt corruptibilia, & ad hoc quod sit conueniens mixtio, oportet quod plus sit ibi de natura grauium secundum quantitatem, & ita luminaria cæli secundum hanc positionem & essent corruptibilia, & essent graua. Quod si tu respondeas, quod illa sublimata sunt à natura corruptibilitatis, & grauitatis, sicut corpora hominum gloriosa, hoc non soluit, quia non quæritur hic, quid faciat Deus per gratiam, & gloriam, sed qualia sint illa luminaria condita per naturam.

CONTRA communem viam Sanctorum est: quia si corpora illa sunt mixta, nobili valde mixtione mixta sunt: et si hoc, ergo sunt nata perfici ab anima, & sic sunt animalia: & hoc est contra Damascenum, qui dicit cælos esse inanimatos, & insensibiles. Hoc etiam est contra Hieronymum, adeo ut dicere astra esse animata, dicat hæreticum. Vnde hoc enumerat inter hæreses Origenis.

Augustinus

Gen. 3. 11

Opinio 1.

Improbatio

Lib. 4
orth. f. 4
cap. 6.

1. retract.
in fin. &
le immor-
anima
5 tom. 1.
...c. 11 &
in fine
1. 1.
g. de Ci
lib. 4. c.
lib. 7. c. 6.
10. c. 29.
13. c. 17.
& tom.
de tem-
ferm.
nio 2.
eli con-
41. &

robatio.
io 3.
sc. lib
fide c. 7.
43. &

sc. lib.
7. de
sbo.

Angustinus autem retractat, quia dixerat in libro de immortalitate animæ, non tamen omnino tanquam falsum condemnat. Ait enim sic in libro Retractionum: animal esse mundum, sicut Plato sentit, alique plurimi, non ratione certa indagare potuit, nec diuinarum Scripturarum auctoritate persuaderi posse cognoui. Unde tale aliquid à me dictum quo modo accipi possit quod animal sit mundus, temere dictum reprehendo, non quia hoc esse falsum confirmo, sed quia nec verum esse comprehendo. Quod si tu dicas illa esse complexio-nata, non tamen animata: quo modo verum esse poterit, cum nobis complexio sit ad suscipiendam animam proxima dispositio? propter hæc, & his similia hic modus non videtur approbandus. Secundo modo potest dici secundum Philosophum quod luminaria producta sunt ex aggregatione lucis, vel suorum orbium. Sicut enim si calor dispersus in vnū colligeretur, fieret intensior & fortior, sic dum natura lucis in orbibus reperta virtute sui opificis in vnū colligitur, luminare constituitur, & secundum hoc luminare maius, & minus est, secundum quod maior est in eo lucis aggregatio. Et quoniam Luna inter corpora celestia magis est nobis propinqua, & eius orbis, hinc est quod tam ipsa, quam eius orbis minus participat de perfectione lucis: quia tamen multum est naturæ lucis conformis, obiecta soli multum illuminatur: & quia habet densitatem in partibus, ideo radiis solis peruiua non est: & propterea radios quos suscipit, refundit ex ea parte ex qua soli se obicit: & cum sit nobis propinqua, multum nos illuminat: & propterea sacra Scriptura vocat Solem, & Lunā duo luminaria magna. Et hæc positio satis est probabilis, non tamen videtur omnino sufficiens. Si enim Luna est ex aggregatione, & densatione partium sui orbis luminosa, licet non perueniat ad luminositatem Solis, videtur quod de se deberet lucere, non tantum ex luminis solaris susceptione quod ad oculū patet esse falsum. Et ideo est adhuc tertius modus dicendi secundum Sanctos, sc. Damascenum, & Basilium quod luminare non tantum dicit lumen, sed lucis vehiculum, & lucis vasculum propter quod de Sole dicitur: Vas admirabile, opus excelsum. Unde sicut lucerna quæ dicitur vehiculum lucis, habere in se duplicem naturam, sc. lucis quæ vehitur, & corporis quod vehit, sic voluerunt dicere de luminari-bus cæli. Ait enim Basilium sic: Hoc solare corpus effectum est vehiculum illi primogenito luminis: sicut enim aliud est ignis, aliud lucerna, sic illi luci vehicula luminaria parata sunt. Item Damascenus: Luminari-bus illis primum clarum lumen conditor imposuit, non vt impotens dare eis aliud lumen, sed vt non vacans illud remaneret. Luminare est non ipsum lumen, sed luminis receptium. Secundum igitur Basilium, & Damascenum luminaria sunt constituta ex illa prima luce quæ faciebat diem & noctem, & ex sui orbis natura quadam aggregatione diuina manu ad modum vasis, & receptaculi lucis coadunata. Hunc igitur modum sustinendo propter Sanctorum reuerentiā, & quia securius est verbis eorū inniti in hac materia, in qua plus proceditur ex coniectura, quam ex ratione certa: dicendum quod luminaria in quantum constituuntur ex orbibus suis per aggregationem plus habent idoneitatis, ad suscipiendum, quam ad diffundendum: quod vero lucent, hoc habent ex lucis primo creatæ perfectione. Et ideo illud luminare cui Deus multum dedit de illa luce, maxime lucet, sicut sol iste, cui minus, dedit minus: & illud cui minime lucet ex se, sed si lucet, hoc est ex susceptione solaris influentiæ. Et ideo voluerunt alij dicere non tantum Lunam, sed omnes Stellas à Sole lumen recipere. Quid autem sit de aliis Stellis, tamen de Luna satis plane apparet quod per se non lucet. Et ratio huius est, quia ad sui completionem modum suscepit de illa luce primo creatæ: quia vero est aggregatum ex natura quæ multum est apta ad suscipiendum lumen, cum sit corpus magnum, & densum, & nobis propinquum: hinc est quod multum de lumine suscipit, & multum refundit,

quando ex ea parte illuminatur qua se nobis opponit. Hoc autem est, quando est in perfecta distantia à Sole, ita quod Sol est in vno hemisphærio, & Luna in alio: & hæc est ratio quare Scriptura appellat luminare magnum, & quare Sol præpositus est diei, & Luna præposita est nocti. Et per hoc patet responsio ad obiecta. Quod enim dicitur Luna esse luminare magnum, hoc non dicitur quod luceat ex se, vel quod sit maius, quam Stellæ, sed quia magis non illuminat. Quare autem magis illuminat de nocte, quam de die, ratio iam dicta est. Ad illud vero quod queritur, quale recipiat lumen, vtrum sicut transparentes, vel terminatum, vel speculum, dicendum quod Luna nec habet naturam perfecte opaci, nec perfecte transparentis, nec perfecte naturam speculi: participat tamen aliquid de quolibet horum. Naturam transparentis quodam modo participat, cum ex natura quinti corporis constet. Naturam vero opaci, in eo quod partes illæ ita densantur, vt nec radiis visibilibus, nec solaribus præbeant transitum. Naturam vero speculi habet in hoc, quod sic recipit vt etiam reddat, non tamen omnino reddit sicut speculum, quia non est corpus tersum, & politum: sicut patet aspicienti ipsum corpus lunare cum est illuminatum: speculum autem reddit imaginem, quia est corpus politum quod non est radiis peruium. Hæc autem magis coniecturando dicta sunt quam asserendo, vt aliquis intellectus sanus haberi possit de eo quod dicit Scriptura: Fecit Deus duo luminaria magna, &c. Quod vero obiicitur quod non sunt posita in firmamento, &c. Dicendum quod firmamentum in Scripturis aliquando accipitur large, aliquando stricte: aliquando enim vocatur octaua sphaera in qua posite sunt Stellæ, & sic proprie accipitur ibi: Et posuit Stellas in firmamento cæli. Aliquando accipitur large pro natura quinti corporis, quæ diuisit aquas ab aquis, & sic accipitur ibi: Fiat firmamentum in medio aquarum, & post hoc: Fiant luminaria in firmamento cæli.

Et sint in signa, & tempora, & dies, & annos.
&c. Dub. IV.

CONTRA: Si sunt in signa non videntur peccare, qui per illa prænosticant futura: & si in tempora, tunc videtur quod ante Solem, & Lunam tempora non fuerunt: vel si in tempora, queritur quare pluraliter dicta sint tempora, cum non sit nisi vnus tempus. Item Queritur de sufficientia istorum quatuor quæ enumerat, in signa, & tempora, & dies, & annos, quia similiter sunt in menses, & septimanas. Si tu dicas quod clauduntur in his duobus, scilicet dies & annos, hoc non soluit, eum similiter dies, & anni claudi possunt in hoc quod dicit, signa, & tempora.

RESPON. Dicendum quod illud verbum dupliciter habet exponi, secundum quod duplex est vsus signi. Signum enim & est ad signandum, & est ad distinguendū. Si primo modo accipitur signum: tunc est sensus quod illa luminaria facta sunt in signa, id est, in significationem futurorum, & variationem temporum, & dierum, & annorum, vt variatio temporum attendatur in mutatione quantum ad calorem aeris, & frigus: variatio dierum quantum ad lumen, & tenebras: variatio annorum quantum ad renouationem horum duorum: & sic dicuntur corpora celestia esse in signa non quorumlibet futurorum, sed eorum quorum ipsa sunt quodam modo causa, sicut imbrium, & ventorum, & sic exponit Damascenus; vel etiam eorum per quæ præsignat diuina providentia, sicut eorum quæ aduenient in iudicio, secundum illud Lucæ: Erunt signa in Sole, & Luna, & Stellis. Aliorum vero quæ sunt à libero arbitrio non sunt signa institutione diuina, sed potius ad illa signanda traxit humana fictio, & fallacia diabolica. Si autem secundo modo accipitur, videlicet ab actu distinguendi, tunc est sensus: sint in signa quasi distinctiones

temporum

Expositio 1.

Damasc. lib.
2. cap. 7. de
fide orbo.
Luc. 21. c.

Expositio 2.

temporum, & dierum, & annorum. Hæc autem expositio A
diuinæ Scripturæ videtur esse magis consona: quod pa-
tet per antecedentem literam, ubi dicitur: Fiant lumina-
ria in firmamento cæli: & diuidant diem à nocte. Duplex
enim est motus luminarium. Vnus qui est ad motum vl-
timæ sphaeræ super polos principales ab Oriente in O-
rientem per Occidentem, quo motu reuoluuntur semel
quolibet naturali die, & secundum hunc motum diui-
dunt diem, & noctem, sicut dicitur in Psalmo: Fecit So-
lem in potestatem diei, Lunam, & Stellas in potestatem
noctis. Alius est motus proprius quem habent naturali-
ter in circulo obliquo, scilicet in Zodiaco, in quo duodecim
signa describuntur, & secundum motum planetarum in
illis signis, & maxime Solis, fit signatio, & distinctio
temporum, & dierum, & annorum. Distinctio temporū
fit, quia quatuor sunt tempora anni, ver, & æstas, autum-
nus, & hiems, quæ distinguuntur per motum Solis in
Zodiaco, prout ad nos accedit, & à nobis elongatur. Di-
stinctio vero dierum fit similiter per eundem motum,
quia modo dies crescunt, modo decrescunt. Aliquando
dies sunt maiores noctibus, aliquando minores secundū
quod per illum motum dupliciter accipitur solstitium, scilicet
æstivale, & hiemale, & duplex æquinoctium, scilicet vernale,
& autumnale. Sunt etiam motus in distinctione anno-
rum secundum seruationem illius motus Solis in obli-
quo circulo. Similiter suo modo Luna est in significa-
tionem temporum, & annorum, & dierum, apud Iudæos
maximè quantum ad solemnitates, sicut apud Christia-
nos est Sol, sicut dicitur in Ecclesiastico: A Luna signum
diei festi. Si autem quæretur, quare Ecclesia magis acce-
pit festa sua secundum Solem, quam secundum Lunam
exceptis duobus, prolixa est huius quæstionis determi-
natio, & plane inueniri potest in libro Augustini ad
Ianuariū. Hic quantū ad præsens sufficiat, dicit quod,
quia synagoga in tenebris noctis ambulabat, & minuē-
da erat: ideo à luminari quod nocti præest, & quod mi-
nuitur in consummatione, accipiebat suarum solemnita-
tum distinctionem. Quia vero Ecclesia iam ambulat in
lumine, sicut de ipsa dicitur in Apocalypsi: Mulier ami-
cta Sole, & Luna sub pedibus eius: ideo menses com-
putant, & dies solemnes magis secundum motum Solis
quam Lunæ, excepto solo Paschate, & per consequens
Pentecoste: Paschalis enim solemnitas non solum cele-
brauit in commemorationem resurrectionis præteritæ,
sed etiam in præfigurationem resurrectionis futuræ: &
in hoc Ecclesia quodam modo est conformis synagogæ,
vnde festiuitatem illam obseruat à Luna non iudaizan-
do, sed potius illam futuram solemnitatem quam expe-
ctat, secundum quod sibi competit, præsignando. Hæc
autem dicta sunt propter illud quod dicit Scriptura, &
sunt in signa, &c. Et per hoc patet responsio ad obiecta.
Quod enim dicitur esse in signa, hoc est vel in signifi-
cationem imbrum, & ventorum, vel in distinctionem
temporum: & ideo dicit tempora pluraliter propter va-
riationem temporum in quatuor temporibus anni se-
cundum quatuor elementorum qualitates. Et subiun-
git, Dies, & annos, ut sicut per tempora notabatur va-
riatio, sic etiam per dies, & annos possit notari motus
illius terminatio: ita quod dies dicit terminationem mo-
tus, quo mouetur Sol motu firmamenti, & annus termi-
nationem motus quo mouetur in obliquo circulo. Et in E
hoc patet quod non debet poni mensis, & septimana,
quia non tangitur ibi noua variatio, nec noua termina-
tio. Et per hoc patent omnia quæ sunt quæsitæ.

ARTICVLVS I.

A D intelligentiam huius partis omiſſa distinctione
elementorum, circa productionem luminarium
duo quærentur. Primo de ipsis luminariis per com-
parationem ad corpus in quo locantur. Secundo de
ipsis in comparatione ad ea in quæ operantur. Circa
primum tria quærentur. Primò quæritur, vtrum lumi-
naria posita sint in eodem continuo an in diuersis. Se-

cundò, vtrum moueantur motu corporis continentis, an
motibus propriis. Tertiò vtrum motus competat alicui
cælo, siue stellis.

QVÆSTIO I.

An luminaria Cæli in eodem continuo locentur.

Richard. 2. Sent. dist. 14. art. 3. q. 1.
Franciscus de Mayr. 2. Sent. dist. 14. q. 3.
Stephan. Brulot. 2. Sent. dist. 14. q. 6.

V TRVM omnia luminaria cæli locentur in vno cor-
pore continuo. Et quod sic, videtur per textum
sacræ Scripturæ, qua dicit omnia luminaria in firma-
mento posita esse: Fiant, inquit, luminaria in firma-
mento cæli, &c.

ITEM hoc videtur ratione: Quæcumque corpora di-
stinguuntur abinuicem, distinguuntur aut forma, aut su-
perficie: sed corpus cæli à luna vsque ad cælum stella-
tum est vniſorme, & iterum non est corpus habens ter-
minatam superficiem: ergo impossibile est ipsum ha-
bere pluralitatem, siue distinctionem: igitur omnia lu-
minaria sita sunt in eodem corpore.

ITEM si aliqua corpora sunt distincta abinuicem, ad
motum vnius non sequitur motus alterius: sed vltima
sphaera mouet totum quod infra ipsam est ab Oriente
in Occidentem: ergo necesse est totam naturam cæle-
stem esse vnum corpus continuum.

ITEM sicut aues sunt productæ ad ornatum aeris, ita
luminaria ad ornatum cæli: sed vnum est corpus aeris
quod ornatur omnibus auibus: ergo pari ratione vnum
corpus cæli, quod ornatur omnibus luminariis.

1. AD oppositum arguitur sic: Numerus venit in cor-
poribus eiusdem naturæ ex diuisione cōtinui: sed orbes
planetarum dicuntur esse septem tam à naturalibus,
quam à mathematicis: ergo sunt discontinui, igitur lu-
minaria cæli non sunt in eodem corpore continuo.

2. ITEM impossibile est duo corpora quæ mouentur
diuersis omnino & disparatis motibus, secundum suum
totum esse continua: sed orbes planetarum, sicut dicunt
astronomi, mouentur contra vltimam sphaeram: ergo
impossibile est ad inuicem continuari.

3. ITEM Damascenus in numeratione cælorum di-
stinguit cælum septem planetarum à cælo stellarum:
sed non esset corpus illud in quo sunt planetæ: & stel-
læ, esset continuum: ergo, &c.

4. ITEM si omnia luminaria essent in firmamento po-
sita, ita quod in vno corpore continuo, tunc omnes
stellæ essent fixæ, & nullæ erraticæ: si ergo aliæ dicun-
tur fixæ, aliæ erraticæ: videtur quod posita sint in alio
corpore.

5. Iuxta hoc quæritur, quare Deus plures fecit
stellas, quam fecerat planetas, siue quare plures sunt
stellæ fixæ, quam erraticæ.

CONCLUSIO.

Cæli luminaria posita sunt in pluribus orbibus, in corpore
tamen vno continuo, quod nomine firma-
menti Scriptura vocat.

RESP. AD ARG. Ad prædictorum intelligentiam est
notandum, quod secundum communem opinionem lo-
quentium circa hanc materiam, siue naturalium, siue
mathematicorum: luminaria locantur in diuersis orbi-
bus: hæc autem distinctio, siue diuersitas orbium se-
cundum melius intelligentes, non venit ex distinctione
formarum, sicut distinguuntur aer & aqua, nec venit
ex discontinuatione superficiei, sicut distinguitur la-
pis à lapide: sed venit ex diuersitate motuum: diuersi-
tas autem motuum non tollit continuitatem in eo quod
est subtile, & ad motum habile: sicut manifestè ap-
paret in aqua, quando secundum diuersas sui par-
tes ad diuersas mouetur positiones, & similiter in aere:

ex

ex hoc tamen non discontinuatur. Secundum hanc igitur positionem, dicendum est luminaria cæli posita esse in pluribus orbibus, in corpore tamen vno continuo, quod Scriptura vocat nomine firmamenti: & ideo dicit omnia luminaria posita esse in firmamento cæli: unde rationes ad hanc partem inductæ sunt concedendæ.

1. Ad illud quod obiicitur, quod numerus est ex divisione continui, dicendum quod est verum de illo numero, in quo numerantur corpora eiusdem naturæ in genere entium, sed non est verum de numero quo numerantur corpora in genere mobilium. Ad hunc igitur numerum faciendum sufficit sola motuum distinctio: & sic est in proposito.

2. Ad illud quod obiicitur, quod orbis planetarum mouentur contrariis motibus sphaeræ vltimæ: ergo discontinuantur, dicendum quod non sequitur: hoc enim non habet veritatem nisi in corpore solido: in corpore enim subtili, & raro sicut est aqua, & aer, manifestam habet instantiam. In his enim distinctio potest venire à virtute motoris salua continuitate mobilis, propter hoc quod est maxime obediens motori, nec habent superficiem sic terminatam, sicut habent corpora solida: & illud patet plane, cum duo venti oppositi perflant in aëre, ita quod vnus desuper, & alter subter.

3. Ad illud quod obiicitur de Damasceno, quod cælum planetarum distinguitur à firmamento, dicendum quod distinctio cælorum plus attenditur secundum diuersitatem proprietatum, & motuum, quam attendatur secundum discontinuationem corporum, licet vtroque modo possit attendi, & Rabanus in distinctione cælorum cælum sidereum, & cælum planetarum sub eodem cælo comprehendit.

4. Ad illud quod obiicitur, quod si planetæ sunt in firmamento quod nullæ sunt stellæ erraticæ, dicendum quod non sequitur, quia in eodẽ corpore possunt contenta diuersimode collocari, ita quod vnum alligatur inseparabiliter, reliquũ vero minime. Et stellæ dicuntur fixæ immediate positæ in octaua sphaera, cuius motu mouentur: planetæ vero sunt in orbibus inferioribus, qui mouentur motu alio: ideo aspectui nostro erraticæ videntur, dum contra viam superioris orbis incedunt.

5. Ad illud quod queritur: quare in vltima sphaera luminaria multa posuit Deus. Ad hoc assignat Philosophus tres rationes. Et prima ratio est: quod sphaera octaua maxime est causa vitæ inferiorum præ cæteris sphaeris: & hoc non potest esse nisi per diuersum lumen in diuersis stellis. Secunda ratio est, quia natura temperauit vt daret inferioribus sphaeris, quæ plures habent motus stellam vnã, & superiori, quæ habet pauciores, daret stellas multas. Tertia ratio est, quia motus influit à superioribus orbibus in inferiores: quia ergo in influente debet esse prædominantia, vt orbis ille cæteris præcelleret inferioribus, quos mouet, abundauit in corporum luminarium multiformitate. Inter has autem rationes media ratio videtur esse probabilior, in qua ostenditur diuina sapientia quæ multiformitatem ad vnitatem reducit: & ideo illi sphaeræ quæ plus accedit ad vniuniformitatem motus, dedit multitudinem corporum: illis vero quæ habent motuum multiformitatem dedit luminarium vnitatem.

QVÆSTIO II.

An luminaria in suis orbibus moueantur motibus propriis.

Richard. 2. Sent. dist. 14. art. 3. q. 2.

Stephan. Brulef. 2. Sent. dist. 14. q. 7.

VTRVM luminaria moueantur in orbibus suis motibus propriis. Et quod sic, videtur. Aues enim quæ sunt ad ornatum aeris motu proprio mouentur in illo, & pisces in aquis: ergo & pari ratione luminaria in cælis.

2. ITEM motus orbium non ponitur nisi propter motus luminarium: quia circumscripto corpore de se æqua-

Aliter habent influere siue moueantur, siue stent: sed natura non facit per plura, quod potest facere per pauciora: nec facit cum maiori difficultate quod potest facere cum minori: si ergo idem facit motus sideris, quod facit motus totius orbis: videtur naturæ consonum ponere quod illæ stellæ moueantur propriis motibus.

3. ITEM si luminaria mouerentur motu suorum orbium, cum moueantur motibus disparatis, & quasi in oppositum cælo stellato: tunc videtur quod fiat ibi obuiatio, & retardatio, cum illud, in quod mouentur, sit vnum corpus continuum.

4. ITEM manifeste videmus ad oculum in planetis esse eleuationes, & depressiones, & progressiones, & retrogressiones, sed non posset esse, nisi propriis motibus moueri habeant: ergo, &c.

SED contra: Si motibus propriis mouentur planetæ: ergo vel duo corpora erunt in eodem, vel necesse est vacuum viam per quam transit planeta: vel necesse est corpus cæli rarefieri, & condensari, & ita corrumpi: sed quodlibet horum est manifeste impossibile.

ITEM natura non deficit in necessariis, maxime circa ea quæ sunt in ipsa mobilia: ergo si in his quæ mouentur motu proprio prouidit instrumenta, vt pote pedes, & alas, vel pennas, videtur quod in cælestibus corporibus debuerit dare ista: sed ista non habent, sicut patet ad sensum: ergo vel natura in eis deficit, vel non mouentur motibus propriis.

ITEM: Stellæ in octaua sphaera non mouentur nisi motu illius sphaeræ: ergo si ita collocatur vnusquisque planeta in suo orbe, sicut stellæ in octaua sphaera: videtur quod nullum luminare proprio motu habeat moueri.

ITEM si luminaria aliqua mouentur motu proprio ad faciendum progressionem, vel retrogradationem, impossibile est motum cæli esse vniuniformem: si ergo motus est vniuniformis, & perpetuus, videtur quod nihil sit planetas moueri motibus propriis, & aliquando retrocedere, aliquando progredi.

CONCLUSIO.

Luminaria orbium non mouentur propriis motibus, sed ad motum orbium in quo ipsa sunt fixa.

RESP. AD ARG. Quod de hac quæstione controuersia fuit inter naturales, & mathematicos. Mathematici enim maxime considerantes apparentiam, vt illam possent saluare simul cum motus perpetuitate, & vniuniformitate, posuerunt eccentricos, & epicyclos, & planetas moueri in motibus propriis in epicyclis: & secundum hæc saluata motus vniuniformitate, aliquando contingit planetam deprimi, aliquando eleuari secundum motum ipsius planetæ in epicyclo, & epicycli in eccentrico, & eccentrici circa centrum proprium, quod est extra centrum mundi. Ad obiectionem autem naturalium de corporis illius continuitate respondent diuersimode, dicentes quod non est inconueniens si corpus illud scinditur motu planetæ: quia est natura ignea. Alij dicunt, quod corpus illud non scinditur, & planetæ pertranseunt: corpus enim luminis simul potest esse cum alio corpore.

Positio vero naturalium est, sicut Aristotelis, & Commentatoris, quod planetæ non mouentur nisi motu suorum orbium, sicut clauus fixus in rota mouetur motu rotæ, non proprio: & hoc ponunt propter illius corporis incorruptibilitatem, propter quam non potest scindi nec transitum præbere alijs corpori. Ponunt etiam centrum esse idem orbium superiorum, & inferiorum, scilicet centrum mundi propter rotunditatem perfectam orbium ipsorum, qui circulariter mouentur, ita quod vnus non subintrat alterum. Ponunt etiam cum hoc maiorem, & minorem velocitatem in orbibus, & ex hoc habere modo retrogradationes, modo progressiones: quia cum vnum corpus multum præcedit alterum sua velocitate, alterum videtur retrocedere. Et hæc omnia

videntur valde consona rationi. Et ideo licet positio Mathematicorum secundum iudicium sensuum videatur esse verior, quia secundum illam viam procedendo, & indicando non falluntur circa motus corporum superiorum secundum rem: tamen non oportet esse verius, quia falsum est frequenter via inveniendi verum: sed rationabilius videtur procedere, & ponere naturalis Philosophus: ideo si illam positionem sustinere velimus, potest responderi ad ea quæ obijciuntur in oppositum.

1. Ad illud enim quod obijciatur, quod aues in aëre, & pisces in aquis motibus propriis moventur, dicendum quod non est simile: quia tam aër, quam aqua sunt corpora, quæ possunt rarefieri, siue condensari. Præterea: Ista elementa non sunt sic nata moveri, ut corpora quæ ad eorum ornatum spectant, quæ ipsorum motu sufficienter possint transmutari localiter, secundum quod exigit decor vniuersi. Præterea: Ipsi animalibus competit motus progressius propter sui indigentiam, & qui est ad assequendum aliquod delectabile: & hoc in luminaribus cæli nec competere potest, nec debet.

2. Ad illud quod obijciatur, quod motus orbium est propter motus luminarium, dicendum quod verum est: tamen ex hoc non sequitur, quod sola luminaria debeant moveri: non enim sic saluatur integritas corporis quinti si stellæ moventur motibus propriis, sicut si moventur orbibus suis: quia ibi per talem motum corporum cælestium non fit aliqua mutatio de loco ad locum secundum totalitatem mobilis, sed circa locum, nec alicuius corporis diuisio: & hoc totum perfectio & incorruptibilitas cæli exigitur.

3. Ad illud quod obijciatur, quod si moueretur motu orbium, videtur quod sit retardatio, & obuiatio, dicendum quod non est obuiatio, nisi quod directe secundum lineam eandem corpora mouentia sibi obuiant. Hic autem non est sic: quia orbis inferiores sunt sub superioribus: ideo motus eorum eis non repugnat, nec etiam retardat propter maximam mobilis ad motorem obedientiam.

4. Ad illud autem quod obijciatur de illis retrogradationibus, & progressionibus, dicendum quod sicut tactum est, etsi videantur fieri ad sensum, hoc tamen non est nisi per maiorem, & minorem velocitatem ipsorum orbium: quam si quis bene sciret explicare, hac via vnica posset saluare illud ad quod saluandum Mathematici ponunt circulorum & centrorum multitudinem: sed hoc ad aliam scientiam spectat.

QVÆSTIO III.

An conueniat alicui orbi moveri absque stellis.

S. Thom. 1. p. q. 58. art. 4.

Richardus 2. Sent. dist. 14. art. 3. q. 3.

Steph. Brulef. 2. Sent. dist. 14. q. 8.

Ad oppositum.

VTRUM conueniat alicui orbi moveri absque stellis. Et quod non, videtur: quia cælum empyreum ponitur à Sanctis immobile propter sui vniuniformitatem: sed cælum quod vniuersaliter caret stellis, est vniiforme: ergo nullum cælum quod caret stellis est mobile.

2. **I**TEM vbicumque est motus, ibi est continuitas, & variatio: sed con- inuitas, quæ est in motu, est à continuitate magnitudinis: ergo pari ratione variatio motus est à varietate mobilis: sed corpus cæleste quod caret stellis non habet in suis motibus varietatem: ergo nec mutabilitatem.

3. **I**TEM omnis motus est propter aliquam indigentiam supplendam, vel in ipso mobili, vel in aliquo inferiori: sed cælum quod caret stellis non potest moveri propter sui indigentiam, cum nulla in motu illo eius indigentia compleatur: nec propter supplendam indigentiam in inferioribus, quia ita bene influit quiescendo,

sicut mouendo, & vniiformiter: ergo videtur, quod nullo modo absque stellis, cælesti corpori moveri competat.

4. **I**TEM motus cæli est perfectissimus omnium motuum, & ideo est omnium motuum regula: ergo si per regulationem motuum mensurantur omnia quæ sunt in genere illo, anima mensurat omnes motus per motum primi mobilis: ergo motus primi mobilis maxime notus est ipsi animæ. Sed nullius corporis motus est notus ipsi animæ, nisi habeat in se aliquod luminare, quia non deprehenditur motus orbis nisi per motum luminaris: ergo videtur quod non sit possibile aliquem orbem moueri, qui caret omni luminari, præcipue cum motus eius lateat sensum nostrum, & sacra Scriptura vniiformis orbis retineat motum: & sic videtur quod ponere aliquem orbem moueri supra firmamentum quod est oculis nostris conspicuum, sit temerarium.

CONTRA: Omnis multitudo reducitur ad vnitatem: ergo motus corporis multiformis reducitur ad motum corporis vniiformis: sed vniiforme corpus non est nisi quod caret omni luminari: ergo videtur, quod ultra istos orbis, in quibus sunt luminaria, sit aliquod mobile cælum.

ITEM motus ille, qui est mensura omnium motuum est ille, qui est ab oriente in orientem per occidentem, qui est motus diei naturalis effectiuus, & completur vigintiquatuor horis: sed dies naturalis omni tempore est vniiformis: ergo & iste motus: ergo, &c.

ITEM si est recta ordinatio medij ad extrema, necesse est medium participare quodam modo naturam vtriusque extremi: sed cælum crystallinum est medium inter empyreum, & firmamentum: cum ergo empyreum sit vniiforme, & immobile, & firmamentum sit multiforme & mobile, videtur quod crystallinum sit aut multiforme & immobile, aut vniiforme, & mobile: sed multiforme & immobile esse non potest, cum varietas mobilis disponat ad motum: ergo necesse est, quod sit vniiforme & mobile.

ITEM: Quodcumque aliqua plura concurrunt ad constitutionem alicuius, necesse est per virtutem alicuius illam coniungi: ergo quodcumque plura mobilia concurrunt ad effectum vnum conformem per suam influentiam, necesse est, quod coniungantur per alicuius mobilis vniiformitatem. Si ergo virtus planetarum, & stellarum concurrat ad productionem effectuum in his inferioribus secundum quandam conformitatem, necesse est ultra illa esse aliquod mobile per quod coniungantur, quod quidem habeat in toto, & in partibus vniiformitatem: & ita alicui orbi absque stellis competit moveri. Est igitur quæstio: quis sit ille orbis, & per quam naturam competit ei moveri. Si enim quia cælum est, & est continens: ergo empyreum erit mobile. Si quia cælum, quod est non tantum continens, sed etiam contentum: obijciatur tunc de cælo igneo, & æthereo, quæ quidem continent, & continentur, & tamen non moventur orbiculariter. Iuxta hoc quæritur de sufficientia, & numero cælorum: & cum natura cælestis distinguatur ab elementari, quo modo aliquæ differentie cælorum sumantur penes elementa. Si tu dicas, propter naturam perspicui in eis repertam: tunc cum perspicuitas sit in aqua, elementum aquæ deberet dici cælum.

CONCLUSIO.

Cælum aliquod aquea natura absque sidere reperiri, cognouerunt Theologi, & illud moveri, quamquam aliqui Philosophi ipsum negauerint.

RESP. Ad Arg. Dicendum quod est ponere aliquod cælum moueri quod caret luminarium & stellarum varietate, & hoc est cælum aqueum, siue crystallinum: ad cuius cognitionem, etsi pauci Philosophi perueniunt, quia corpus illud lateat sensum; ratiocinando

tamen

tamen perueniunt aliqui: & illi qui perueniunt, posuerunt ipsum moueri, sicut quidam astronomi nisi sunt hoc probare. Communiter tamen ad cognitionem existentie huius cæli perueniunt omnes tractatores Catholici auctoritate sacræ Scripturæ diuinitus illustrati, quæ ipsius existentiam expresse declarat, motum tamen eius vel quietem non explicat. Sed Doctores Theologiæ rationibus suffulti communiter ponunt illud cælum moueri: & inter alias rationes potissima est illa ratio, quæ sumitur ex perfectione vniuersi: ex qua etiam distinctio cælorum, & numerus rationabiliter potest inuestigari. Et hoc patet sic. Cælum enim de sua communi acceptione dicit aliquam naturam perspicuam, & contentiuam, de sua vero propria acceptione nominat naturam perspicuam, contentiuam, supra contrarietatem eleuatam. Secundum primam acceptionem cælorum, distinguuntur à Rabano septem cæli. Natura enim perspicua, & contentiua aut est luminis datiuæ, aut receptiuæ. Si est datiuæ: aut est vniiformis non mota, & sic est empyreum: aut est multiformis, & mota, & sic est sidereum: aut est vniiformis, & mota, & sic est crystallinum. Quarta differentia esse non potest, scilicet quod sit multiformis, non mota, propter hoc quod motus est passio consequens naturaliter ad multiformitatem corporis. Si autem natura perspicua est luminis receptiuæ aut separabiliter, aut inseparabiliter. Si inseparabiliter, aut secundum circulum superioris superficie, & sic est igneum, aut secundum circulum inferioris superficie, in quo communicat aeri, & tunc est olympium, quod quidem dicitur olympium propter olympi montis approximationem. Si autem est receptiuum separabiliter, sicut est aer, qui illuminatur ex præsentia luminosi corporis, obtenebratur ex eius abientia: hoc est dupliciter, aut secundum superiorem partem & sic est æthereum: aut secundum inferiorem, & sic est æreum: & in hac distinctione comprehenduntur omnia corpora mundi præter terram, & aquam. Terra enim non potest comprehendi nomine cæli, quia caret tam perspicuitate, quam ambiendi capacitate. Aqua etiam similiter caret, quia quamvis habeat perspicuitatem, non tamen ambit vndique: & sic ex ista sufficientia cælorum in qua ostenditur sapientia Conditoris, & perfectio vniuersitatis, manifeste apparet, quod oportet ponere aliquem orbem sine luminarium multiformitate moueri: & illud proprie dicendum est primum mobile. Prima autem distinctio, & sufficientia sumpta est secundum enumerationem Rabani, qui cælos numerat secundum communem acceptionem cæli, prout nominat naturam perspicuam, & contentiuam: sic enim comperhendit naturam cælestem proprie dictam, & elementarem, licet non omnem. Si autem proprie dicatur natura cælestis, scilicet natura perspicua vndique contentiua, & nulli contraria. sic distinguitur à quibusdam Philosophis per octo orbem, qui dixerunt octauam sphaeram ultimam. Alij autem amplius illuminati in hac materia ultra octauam sphaeram posuerunt nonam. Tertij perfecti illuminati venerunt ad perfectiorem orbium distinctionem ut ponerent decimam sphaeram in qua est quies, & vita sempiterna, videlicet cælum empyreum: de quo etsi Augustinus vix, aut nunquam loquatur: Beda tamen, & Rabanus ipsum esse expresse testantur. Horum autem numerum, & sufficientiam possumus sumere sic. Distinctio enim cælorum aut est per diuersitatem propriarum formarum, aut per distinctionem motuum, & luminarium contentorum. Si per diuersitatem formarum: sic distinguimus tres cælos. Aut enim viget in eo natura perfectæ luminositatis: & sic est habile ad statum gloriæ, & ideo quietum: sic est empyreum. Aut viget in eo natura perfectæ perspicuitatis, & effectiue frigiditatis: & sic est cælum crystallinum siue aqueum: quod quidem facit ad conseruationem rerum corporalium: & ideo habile est ad motum. Aut viget in eo natura perspicuitatis, simul & luminositatis, & effectiue caliditatis, & sic est cælum sidereum, quod quidem facit ad transmutationem rerum inferiorum:

A ideo est multiforme, & mobile. Si vero fiat distinctio cælorum penes distinctionem luminarium, sic est distinctio orbium. Aut enim orbis continet multitudinem siderum, aut vnitatem. Si multitudinem: sic est cælum stellatum: Si vnitatem: sic cum septem sint planetæ secundum quod regitur vniuersitas temporum quæ septenario dierum clauditur, septem sunt orbem: & sic tertium cælum sua multiformitate continet octo sphaeras siue orbem, & duo sunt præcedentes, & ita sunt decem, ut sic perfectioni partium vniuersi respondeat etiam perfectio numeri, scilicet denarij. Ex prædictis igitur patet, quod qualitercumque sumatur sufficientia cælorum, siue sub propria appellatione cæli, siue communiter, ponere est cælum crystallinum moueri, quod quidem caret stellis: Et ideo ad quæstionem propositam respondendum, quod absque stellis potest aliquis orbis moueri, scilicet cælum aqueum, quod est primum mobile, & quod vniiformiter mouetur ab oriente in orientem per occidentem, & illius virtute trahitur firmamentum, & omnes orbem inferiores: ut vno die naturali, scilicet spatio viginti quatuor horarum ab oriente in orientem reuoluatur, quamvis nostro sensui non appareat: & quamvis aliqui Philosophi hoc senserint, quod firmamentum sit primum mobile. Aliqui tamen Philosophi deprehenderunt quod ipsum firmamentum mouetur motu proprio: ita quod in centum annis procedit vno gradu. Siue autem hoc sit verum, siue falsum, hoc tenendum est, quod communiter doctores Theologiæ ponunt, quod est cælum aliquod mobile ultra firmamentum, carens stellis. Et concedendæ sunt rationes hoc ostendentes.

1. 2. Ad illud vero quod obiicitur in contrarium, quod est vniiforme, dicendum quod etsi habeat vniiformitatem per carentiam diuersitatis partium, habet tamen diuersitatem secundum rationem dextri, & sinistri per comparisonem ad influentiam motoris: & hæc diuersitas sufficit ad faciendum motum. Et per hoc patet responsio ad secundum quod non est talis variatio in illo motu primi mobilis, quæ exigit diuersitatem luminis in partibus, quin potius concordet vniiformitati. Nam etsi motus dicatur variatio respectu quietis, motus tamen primi mobilis respectu aliorum est vniiformis.

3. Ad illud quod obiicitur, quod æqualiter in fluit cum mouetur, & quiescit, dicendum quod falsum est: si enim quiesceret, non moueret orbem inferiores suo motu: nunc autem cum moueretur, vis motiua ab eo descendit in corpora inferiora.

4. Ad illud quod obiicitur, quod motus eius debet esse notissimus, cum sit regula aliorum motuum, dicendum quod non oportet esse notum sensui in se: sed sufficit quod notificetur in effectu suo: sicut etiam non percipimus reuolutionem octauæ sphaeræ ab occidente in orientem manifeste nisi per solem, & alia luminaria: per hunc modum vniiformitas quantum ad spatium horarum nobis motum cæli vniiformis expresse indicat: hanc tamen percipimus per varietatem diei, & noctis. Ad illa vero, quæ ultimo quærebantur, iam patet solutio ex prædictis.

ARTICVLVS II.

E CONSEQUENTER quæritur de ipsis luminaribus in comparisonem ad ea, in quæ agunt. Et circa hoc quærentur tria. Primo quæritur, vtrum in luminaribus diuersis sit diuersitas perfectionum. Secundo quæritur, vtrum habeant diuersitatem impressionum. Tertio quæritur, vtrum ex eorum impressionibus causetur diuersitas motuum.

QVÆSTIO I.

An in luminaribus diuersis, sit diuersitas perfectionum.

S. Thom. 1. 2. q. 115. art. 3.

Secundum 2. Sent. dist. 14. q. 3.

Regid. Rom. 2. Sent. dist. 14. q. 3. art. 2.

Richardus 2. Sent. dist. 14. art. 3. q. 5.

Durand. 2. Sent. dist. 14. q. 1.

Thom. Argens. 2. Sent. dist. 14. q. 1. art. 4.

Steph. Brulef. 2. Sent. dist. 14. q. 9.

Fundamēta.
7. Met. con-
tex. 15. & 1.
post contex.
12.
2. Cali sum-
ma 3.

VTRUM luminaria diuersitatem habeant perfectionum. Et quod sic, videtur. Sicut vult Philosophus, sol non est nomen individui: sed speciei, similiter & luna. Constat autem, quod sol, & luna sunt imposita diuersis: ergo ea sunt diuersa secundum speciem.

ITEM non potest esse nisi vnus sol, sicut dicit Philosophus, quia sol est ex tota sua materia: sed si sol ab alijs luminaribus non differret nisi solo numero, non esset ex tota materia sua: ergo differt amplius, quam numero: ergo differt specie.

ITEM corpus quod est naturaliter luminosum, & corpus quod ex se est opacum, sunt alterius & alterius naturæ secundum speciem: sed corpus solis de sua natura est luminosum: luna vero, quantum est de se, opacum corpus est quod patet in eclipatione solis ex interpositione lunæ: ergo sol, & luna differunt specie: pari ratione & alij planetæ.

ITEM terra ornata est diuersis lapidibus, & plantis, & animalibus secundum speciem: ergo pari ratione videtur quod cælum sit ornatum diuersis luminaribus secundum speciem differentibus.

1. SED contra: Corporis simplicis non habentis admixtionem alterius corporis, partes sunt homogeneæ & ad totum, & inter se: sed cælum, sicut probat Philosophus, est corpus simplex non mixtum, & similiter luminaria: ergo non habent formam secundum speciem diuersas.

2. ITEM luminaria sunt ex aggregatione lucis sui orbis, sicut vult Philosophus in libro de cælo, & mundo: sed aggregatio maior, & minor non facit diuersitatem secundum speciem: sed solum secundum numerum: ergo luminaria cæli non perficiuntur diuersis formis secundum speciem.

3. ITEM flamma maior, & minor non differt secundum speciem, quamvis sit in vna maior aggregatio luminis, quam in alia: ergo si sic videtur esse circa luminaria cælestia, videtur quod non differant forma specifica.

4. ITEM nobilissima forma quæ sit in sole, est ipsius lux: & nobilissima forma in vnaquaque re est forma vltima: ergo lux est forma completiua vltima solis in specie sua: sed in luce conuenit cum omnibus alijs luminaribus: igitur videtur quod lumina cæli specie non sint distincta.

CONCLUSIO.

Cæli luminaria specie differre censendum est, licet hoc non satis probet illa ratio, scilicet quod consistit ex tota sua materia.

RESP. Ad Arg. Ad prædictorum intelligentiam est notandum, quod communis positio Philosophorum fuit, quod inter luminaria cæli est reperire diuersitatem quantum ad speciem, & formam, & istud concordat satis rationi rectæ: quamvis non omnino recta moneat ratio quosdam ad ponendum diuersitatem secundum speciem in luminaribus cæli. Posuerunt enim aliqui, quod luminaria secundum speciem erant necessario diuersa: propter hoc quod non habent materiam transmutabilem, & vnumquodque erat ex tota sua materia: sed hæc est ratio falsa, & vana: & principium erroris, & occasio fuit in aliquibus ponendi in omnibus hominibus animam vnā sicut melius patebit infra: vnde quod

A transmutabilitas materiæ requiritur ad varietatem secundum numerum, hoc non est generaliter verum, utpote in diuersitate secundum naturam, quæ attenditur in aliquibus secundum simultatem suæ productionis, & secundum immediatum egressum à primo opifice: sed in his solum habet veritatem quorum vnum generatur ex alio. Et ideo hac ratione prætermissa potest sumi ratio diuersitatis illorum luminarium ex parte quadruplicis causæ. Et primum ex parte finis accipitur ratio: Sunt enim producta propter diuersas influentias in his inferioribus faciendas: & propter ornadam cælestem naturam & ideo competebat diuersas habere species, & virtutes, ut ex diuersarum rerum coniunctione resularet perfectio in effectu, & ex diuersarum specierum comparisonem pulchritudo consurgeret in ornatu. Sumitur etiā ratio ex parte efficientis, qui secundum suam potentiam & sapientiam, & bonitatem diuersa producit secundum speciem, & formam, ut quod dari non poterat vni soli per se, daretur diuersis in specie. Sumitur etiam ratio ex parte materiæ. Sicut enim in mixtis materia ipsa secundum diuersitatem mixtionum aptatur ad susceptionem diuersarum formarum, sicut in corporibus simplicibus secundum maiorem raritatem, & densitatem in suis partibus ad diuersarum formarum aptatur susceptionem, sicut patet in elementis, quorum materia secundum maiorem densitatem suscipit formam terræ: dum autem rarefit secundum plus, & minus, disponitur susceptioni ad formas aliorum elementorum. Per hunc modum est intelligendum in cælo. Cum enim in cælesti natura sit reperire rarum, & densum, sicut dicitur in libro de substantia orbis: sic contingit secundum maiorem raritatem & densitatem, materiam diuersarum formarum esse susceptibilem. Aliter tamen est rarum, & densum in materia elementari, & natura cælesti. In elementis enim causantur à frigido, & calido dissolvente, & constringente per res materiæ: in cælo autem causantur solummodo secundum diuersum partium situm. In denso enim sunt partes propinquiores: in raro autem magis distantes, quia in denso sunt compressæ, & magis vnitæ, in raro sparsæ. Sumitur etiam ratio ex parte formæ, lux enim est vna forma communis reperta in omnibus luminaribus, & secundum cuius participationem maiorem, & minorem, sunt magis, & minus nobilia: & ideo cum istam formam diuersimode participant, & diuersos habent gradus completionis: ideo etiam diuersas formas completiuas. Concedendæ sunt igitur rationes ostendentes luminaria cæli secundum speciem esse diuersa, quamvis illa ratio parum valeat, quod sunt ex tota sua materia, sicut iam ostensum est.

1. AD illud vero quod obiicitur, quod est corpus simplex, dicendum quod simplicitas corporis tollit diuersitatem, quam habet ex mixtione, & formis perficientibus mixtum: sed non tollit illam diuersitatem, quæ venit ex diuersitate formarum simplicium tantum: sicut patet, quod quamvis elementum sit corpus simplex, non tamen omnia elementa sunt vnus speciei.

2. 3. AD illud quod obiicitur, quod sunt ex aggregatione lucis, dicendum quod non ibi tota ratio tangitur, sed solum tangitur dispositio ad diuersitatem: ideo sequens ratio non valet de flamma maiori, & minori: plus enim differunt luminaria, quam flamma maior & minor, sicut colligitur ex suis virtutibus, & operationibus consequentibus.

4. AD illud quod obiicitur, quod forma vltima est completiua, dicendum quod hoc est verum respectu formarum, quæ disponunt ad ipsam: lux autem potius est forma perficiens alias formas corporales, quam ad eas se habens sicut vltima forma disponens, & secundum eius participationem maiorem, & minorem formæ corporales sunt magis, & minus completæ. Vel dicendum quod lux est nobilissima forma corporalium, earum scilicet quæ sunt ei extraneæ: sed non est verum de formis luminarium cælestium, in quibus virtus eius & natura complete saluatur.

Dist. 18.

QVÆST.

QVÆSTIO II.

CONCLUSIO.

An diuersa luminaria, diuersas habeant impressiones.

*Agid. Rom. 2. Sent. dist. 14. q. 3. art. 2. dub. 1.
Richard. 2. Sent. dist. 14. art. 3. q. 5.
Steph. Brulot. 2. Sent. dist. 14. q. 10.*

VTRVM diuersa luminaria habeant diuersas impressiones super corporalia. Et quod sic, videtur primo auctoritate August. in lib. 5. de Ciuit. Dei: Non vsque-
ma. lib. 2. 7. de fide
ib. 5. cap. 6.
ma. 5.
quaque absurde potest dici ad corporum differentias afflatus valere sidereos, sicut in solaribus accessibus, & recessibus videmus ipsius anni tempora variari, & lunaribus incrementis, & decrementis augeri, & minui quædam genera rerum, sicut mirabiles ætus oceani.

ITEM astronomi dicunt, quod quædam stellæ calefaciunt, quædam infrigidant, quædam humectant, & quædam desiccant: & hoc ostendunt per sensus experientiam: igitur videtur quod corpora cælestia impressiones diuersas habeant super corporalia.

ITEM ad diuersitatem formarum sequitur diuersitas virtutum, & ad diuersitatem virtutum sequitur diuersitas impressionum: ergo luminaria cælestia differentia specie, & natura, diuersas efficiunt impressiones super hæc inferiora.

ITEM si diuersas impressiones & virtutes non haberent, videtur quod diuersitas in eis frustra esset: sed non est frustra: ergo, &c.

1. CONTRA: Obiicitur per Scripturam: Dicitur enim quod sint in signa, & tempora, &c. Sed aliud est signum, & aliud causa signi: si igitur luminaria nihil possunt, nisi secundum quod Deus instituit, videtur quod nihil habeant in his inferioribus efficere, sed solum signare.

2. ITEM Damascenus: Nos autem dicimus quod ipsa non sunt causa alicuius eorum quæ corrumpuntur: ergo videtur quod non habeant in his inferioribus efficere aliquam impressionem.

3. ITEM quod non habeant diuersam impressionem, videtur, quia aut imprimunt formam, quam non habent, aut formam, quam habent. Formam quam non habent, non possunt imprimere, quia agens debet esse in actu respectu passivi. Si imprimunt formam, quam habent: aut ergo formam, in qua communicant, aut formas in quibus differunt. Si formas, in quibus differunt: ergo videtur quod luna generet lunam, & sol solem, & hoc est falsum. Si formam in qua conueniunt: ergo videtur quod omnia luminaria eandem habeant impressionem in his inferioribus.

4. ITEM sol calefacit propter suum motum ex emissionem radiorum, & ita mediante lumine: sed omnia luminaria cælestia communicant in luce, & in radiorum emissionem, & in motu: ergo videtur quod omnia habeant calefacere: ergo nihil est aliud dicere, quod quædam calefaciunt, quædam non.

5. ITEM sol habet virtutem illuminandi, & calefaciendi hæc inferiora: si ergo sol plus communicat de virtute sua lunæ quam alicui corpori inferiori, videtur quod luna habeat eandem impressionem, licet minus intensam.

6. ITEM ignis inter omnia elementa maxime accedit ad naturam cælestem: ergo omnia luminaria cælestia plus communicant cum igne, quam cum aliquo elemento: ergo videtur quod maxime habeant effectum supra ignem, & eius qualitatem: ergo videtur quod omnia in sui actione, & dominio qualitatem ignis intendunt, & fortificant: & ita videtur quod omnia desiccant, & calefaciant, & nulla infrigidant.

Luminaria calidi diuersas in corporeis rebus causant impressiones, sicut inter se perfectionibus diuersis distant.

RESP. Ad Arg. Quod luminaria cælestia impressionem habent super elementa, & elementaria corpora, impressionem inquam non vnicam tantum, sed multimodam. Ratio autem quare superiora in hæc inferiora agunt, & imprimunt, & rerum qualitates intendunt, est, quia sunt corpora nobiliora, & præcellentia in virtute, sicut præcellunt in situ: & ideo cum ordo vniuersitatis sit, ut potentiora, & superiora influant in inferiora, & minus potentiora: ordini vniuersitatis competit, ut luminaria cælestia influant in elementa, & corpora elementaria. Status etiam ordinis hoc requirit, quod sicut in motu locali venit ad vnum mouens immobile, ita in motu alterationis secundum qualitatem necesse est venire ad vnum alterans non alterabile secundum easdem qualitates: & ideo cum elementa, & ex elementis commixta sint secundum primas qualitates alterantia, & alterabilia: recte disposuit diuina sapientia corpora cælestia, utpote luminaria, quæ inferiora alterarent sua influentia secundum qualitates primas: ita quod ipsa tam qualitatibus, quam alterationibus illarum essent carentia. Ratio vero quare diuersa imprimunt, a quibusdam sumitur propter diuersitatem qualitatum, sicut scribitur in libro de substantia orbis: ibi enim secundum quorundam opinionem dicitur, quod luminaria cæli qualitates habeant proprias: sed non habent eas omnino vniocas cum qualitatibus elementaribus, pro eo quod secundum illas agere possunt in hæc inferiora: sed adinuicem pati non possunt. Sed ista ratio non videtur conueniens: si enim essent æquiuocæ tunc effectus eorum non concordaret qualitatibus elementaribus: & ideo melior sumitur ratio ex parte diuersitatis virtutum. Quia enim Conditor mundi corpora cælestia incorruptibilia posuit ad regulandum, & regendum corruptibilia, quæ sunt diuersa, & multiformia, dedit eis virtutes consequentes suas species, secundum quas diuersa luminaria aspectum haberent ad diuersa elementa, & ad diuersa corpora mineralia. Vnde quia luna ex virtute sibi indita cum adiutorio luminis aspectum habet super humorem, ideo per suam influentiam humidum augmentat, & ad eius præsentiam excrescunt maria, & quasi exæstuant, & effluunt: ad absentiam vero in sinum suum colliguntur, & reflunt: sic etiam intelligendum est, & in aliis luminariis. Concedendæ sunt igitur rationes ostendentes quod luminaria in his inferioribus habent diuersas impressiones.

1. 2. Ad illud vero quod obiicitur, quod nullam habent impressionem, quia sunt signa tantum, dicendum quod Scriptura non dicit, quod sint tantum in significationem: quia & sunt signa in significationem, & sunt causæ in efficaciam: magis tamen exprimit, quod sint signa, quam quod sint causæ, pro eo quod nec causant sufficienter nec causant necessario: & ideo magis attribuit eis rationem signorum: & per hoc patet responsio ad illud Damasceni, cum dicit, quod non sunt causæ in his inferioribus: non vult enim negare quin habeant influentiam: sed vult dicere quod nec sunt principia inferiorum sufficientia, nec sunt necessaria: operantur enim ut causæ vniuersales, quæ per particulares indigent adiuuari, & possunt impediri.

3. Ad illud enim quod obiicitur tertio, aut imprimunt quod habent, aut quod non habent, dicendum quod primo influunt virtutem suam quam habent, & per illam generant, & augmentant formam, & speciem, quam non habent. Et cum dicitur quod nihil dat formam, quam non habet dicendum quod habere dicitur duobus modis, vel virtualiter, vel formaliter: & ad hoc quod impartiat aliquid alicui, sufficit quod habeat virtualiter, non oportet quod habeat formaliter: sicut mouens immobile dat motum, quamvis ipsum non moveatur: sic intelli-

Habere duobus dicitur modis.

gendum est in proposito. Præterea, cum ponuntur corpora cælestia imprimere in hæc inferiora, & diuersas qualitates generare, hoc non est intelligendum, quod eis dent ex se: sed educunt illud, quod est in potentia in actum. Præterea non est intelligendum, quod dent per se solum sed adiuuando virtutem naturæ inferioris: hoc autem faciunt tum per virtutem lucis in qua communicant, tum etiam per virtutes proprias, secundum quas agunt in hæc inferiora, non ut producant sibi similia: sed influendo conseruent, regant, & intendant rerum inferiorum qualitates, & naturas.

4. Ad illud quod obiicitur, quod omnium sit calefacere: Responderi potest, quod motus, & lumen non est sufficiens causa caloris: sed motus cum velocitate, & lumen cum radiorum multiplicatione: & quia hæc non concurrunt in omnibus luminaribus: ideo non possunt omnia calefacere. Posset etiam ad hoc reddi ratio alia, quia hoc non tantum facit motus, & luminositas: sed etiam ad hoc facit virtus propria, secundum quam stella vel planeta calefaciens aspectum habet super igneam naturam principaliter.

5. Ad illud quod obiicitur, quod sol magis communicat virtutem suam lunæ, quam alicui inferiori, dicendum quod sicut dicit Philosophus in libro de Anima: Actus actiuorum est in patiente prædisposito. Et Boëtius: Omne quod cognoscitur, vel recipitur secundum cognoscentium, vel recipientium facultatem comprehenditur vel recipitur: Quoniam ergo inferiora sunt receptiua luminis pariter, & caloris, hinc est, quod sol non tantum ea illuminat, sed & inflamat. Quia vero luna nata est illuminari: sed non est nata calefieri, hinc est quod à sole lumen recipit, & refundit: calorem vero recipit, nec refundit.

6. Ad illud quod obiicitur, quod natura ignis plus conuenit cum natura cælesti, dicendum quod de cælestibus luminaribus est loqui dupliciter, scilicet quantum ad naturam, in qua conueniunt, videlicet quantum ad naturam lucis: & quantum ad hanc verum est dicere, quod vniuersaliter magis conformatur igni, quam alij elemento. Est etiam loqui quantum ad virtutes sibi specialiter datas, secundum quod deputantur ad regimen inferiorum: & quia non tantummodo habent regere ignem, sed etiam alia corpora, hinc est quod ex sua institutione primaria aliqua ex eis magis, quam ignem inspicunt elementa alia: & quia omnis oëtio attenditur secundum aspectum virtutis agentis ad patiens, sicut dicunt medici, & astronomi, hinc est quod quædam luminaria magis cum igne in effectu communicant, quædam vero discordant dum principaliter aspiciunt elementa alia. Aspectus autè ipsorum determinare alterius est scientiæ.

QVÆSTIO II.

An ex impressionibus luminarium causetur in hominibus diuersitas morum.

S. Thomas 1. p. q. 115. art. 4.

Et Quod. 12. art. 5.

Egid. Rem. 2. Sent. dist. 14. q. 3. art. 3.

Thom. Arg. 2. Sent. dist. 14. q. 1. art. 3.

Durandus 2. Sent. dist. 14. q. 2.

Steph. Brulef. 2. Sent. dist. 14. q. 11.

VTRVM ex impressionibus illorum luminarium causetur in hominibus diuersitas morum. Et quod sic, videtur per Boëtium in lib. de consol. Fatum est rebus mobilibus inhærens dispositio, per quam diuina prouidentia suis quæque necit ordinibus. Similiter etiam August. in lib. 5. de Ciu. Dei dicit quod fatum est vis positionis siderum, qua existente, quando quis concipitur, vel nascitur: cognoscitur qualis futurus sit. Ex prima auctoritate, habetur, quod fatum vere est, ex secunda hatur, quod fatum est vis stellarum: ergo si totum regimen vitæ consistit in fato, sicut dicit Boëtius: & fatum est vis positionis siderum, sicut dicit Aug. tunc regimen vitæ, & diuersitas morum pendet ex virtute siderum.

2. ITEM Philosophus in libro de elementorum proprietatibus dicit, quod regna vacua facta sunt, & terræ depopulatæ sunt ad coniunctionem duarum magnarum stellarum, scilicet Iouis, & Saturni: sed hoc non esset nisi bella, & lites hominum ex astris pederent: ergo, &c.

3. ITEM hoc ipsum videtur per sacram Scripturam: Magi cognouerunt ortum Regis per apparitionem stellæ. Et in Ioanne dicit Dominus: Nondum venit hora mea. Et similiter: Nemo apprehendit eum, quia nondum venit hora eius: si ergo CHRISTVS homo natus fuit sub constellatione, & horam temporis expectauit in sua passione, videtur quod multo fortius omnes alij homines regi, & gubernari habeant, & disponi secundum stellarum virtutem.

4. ITEM hoc ipsum videtur experientia. In mortibus enim regum, ut dicunt astronomi, apparet stella cometa, & astronomi Mathematici de multis requisiti secundum astrologiæ iudicium multa prædicunt vera: hoc autem non esset nisi mores, & affectus hominum disponderentur secundum virtutem stellarum: ergo, &c.

5. ITEM hoc ipsum videtur ratione certa. Ad vniuersitatis ordinem spectat, & ad perfectionem regiminis, ut nihil casu fiat respectu diuinæ prouidentiae: ergo si Deus regit ignobilia per nobilia, & corruptibilia per incorruptibilia, & inferiora per superiora, videtur quod nihil in his inferioribus fiat, quod à stellarum virtute, & influencia non procedat: & si hoc verum est: ergo diuersitas morum causatur à virtute constellationum.

CONTRA: Solem, & lunam, & omnia astra cæli creauit Dominus Deus in ministerium cunctis gentibus, quæ sub cælo sunt: sed quod est creatum in ministerium hominis non prædominatur ei in regimine, & virtute: aliter enim esset creatum in dominium, non in ministerium: si igitur astra cæli sunt creata in ministerium: ergo ex eis non pendent principaliter mores hominum.

ITEM hoc videtur auctoritate ipsius Ptolomæi maximi astronomi, qui dicit quod sapiens homo dominabitur astris: sed hoc non esset, si mores hominum causarentur ex impressionibus stellarum: ergo, &c.

ITEM hoc ipsum videtur ratione ostensiva. Quod recte ordinatum est secundum quod huiusmodi, non tendit nisi ad rectum: sed cælum cum suis sideribus à prima conditione rectissime ordinatum est: ergo nunquam nisi ad bonos mores, & rectos tendit: ergo aut omnes homines habent bonos mores, aut bonitas morum non causatur ex positione siderum.

6. ITEM hoc videtur per rationem ducentem ad impossibile. Si enim diuersitas morum causatur à positionibus siderum, cum motus eorum sit naturalis, & necessarius, diuersitas morum in hominibus esset naturaliter: & necessario: ergo non erit liberum arbitrium nec valebit consilium, nec meritum erit, nec laus, nec vituperium: si hoc, igitur est maximum inconueniens, impossibile est, quod diuersitas morum causetur à positionibus siderum.

CONCLUSIO.

Luminarium cælestium impressiones in hominibus morum diuersitatem causant, non tamen necessario, sed dispositive, contingenter, atque remote.

RESP. Ad Arg. Dicendum quod mores hominum, & euentus futurorum à sideribus causari dupliciter potest intelligi. Aut necessario, & sufficienter: aut dispositive, & contingenter. Si primo modo dicitur: sic non tantum est falsum, immo & hæreticum, & diabolicum figmentum, quia repugnat Christianæ religioni, repugnat sensui, & repugnat etiam rationi. Christianæ religioni repugnat, dum est contra veritatem fidei, & honestatem morum: veritas enim fidei, in hoc errore non potest saluari: dum enim ponit omnia à sideribus necessario euenire, tollit meritum, & consequenter tollit præmium, tollit etiam

gratiam

Arist. 2. de
ani. contrax.
24.
Lib. 5. conso.
prof. 4. in
med.

Ex lib. de
Propri. elem.
c. 5. p. 6. 7.

Mat. 2. b
Ioan. 8. d

Fundamēta.
Dent. 3. b

Ad opposi-
tum.
Boët. lib. 4.
prof. 6. de
conso. philos.
Aug. 6. de
Ciu. Dei c. 1.
c. seq. 10. 5.

gratiam, & per consequens gloriam. Honestas etiā morum per hunc errorem præiudicium patitur, dum culpa peccantis in sidera refunditur, & licentia malefaciendi sine reprehensione conceditur, & homo ad adorandū, & colendū sidera incurnatur. Et iste est finis huius erroris pessimi, quia ad idololatriam perducit: & in hoc patet hoc esse commentum diaboli, qui maxime ad hoc intendit hominē pertrahere, ut faciat se adorari, & coli. Sensui etiam repugnat, quia sensibili experientia in eadem constellatione conceptos, & natos videmus diuersificari in moribus, & euentibus, & naturalibus proprietatibus: & istud manifeste apparet in Iacob, & Esau, qui simul concepti, & nati, & tamen in omnibus his sunt diuersificati. Apparet etiam, quia in constellatione eadem nascitur filius regis, & filius rustici, nascitur etiam homo, & asinus, nascitur femina, & masculus, qui nec communicant in moribus, nec in euentibus, nec in naturalibus proprietatibus: & hoc ipsum probat Greg. in Hom. Epiphaniæ sic: Fateri mathematici solent, quia si quis sub signo aquarij nascitur, piscatoris in hac vita ministeriū sortiatur: piscatores vero Gerulia, ut fertur, non habet: quis ergo dicat, quod nemo ibi sub stella aquarij nascitur, ubi piscator omnino non habetur? Dicunt etiam, quod qui sub signo libræ nascuntur, trapezitæ futuri sunt, in multis autem locis sub libra multi nascuntur, ubi trapezitæ penitus ignorantur. Repugnant nihilominus rectæ rationi, dum superiorib. præponit inferiora, & in se implicat contraria. Superioribus namque præponit inferiora, dum homini præponit astra, quæ est creatura dignissima, sicut philosophus testatur, & recta ratio dictat, hominem esse finem omnium quæ sunt. Et ideo dicit Greg. Vitam quippe hominū solus, qui creauit, conditor administrat: non enim propter stellas homo, sed propter hominem stellæ factæ sunt: dum igitur hic error mores hominum astris subiicit, inferiora suo superiori, & ignobilia nobiliorib. præponit. Non solum autem hoc rationi repugnat, sed etiam, quia in se opposita implicat. Dicit enim quod quia mores hominum pendunt ex astris, & constellationibus: ideo astra sunt veneranda, & constellationes obseruandæ, & hoc est ponere duo opposita. Aut enim necesse est euenire homini secundum constellationes siderū, aut non. Si non: ergo non sunt fata metuenda. Si sic: ergo non sunt astra veneranda: dum ergo ponit fata esse metuenda, & astra veneranda ponit duo cōtraria. Item: Aut euenit homini secundum quod constellatio in suo ortu exigit, aut non. Si sic: ergo frustra sunt conseruandæ constellationes in actibus suis, cum secundum primam constellationē necesse sit ei bona, vel mala euenire. Si non in prima constellatione: ergo pari ratione nec in sequentibus: igitur nullæ sunt obseruandæ. Dum ergo hic error ponit constellationes effectum habere, & ponit constellationes obseruandas esse post hominis natiuitatem, aperte videtur sibi ipsi contradicere, & sic iste error repugnat sensui, & fidei, & rationi. Hoc autem triplex inconueniens quod dictum est, colligitur ex verbis Damasc. Greg. & Aug. Secundum igitur hunc modum dicendi, scilicet mores hominum, & euentus futurorum à stellis necessario, & sufficienter causari falsitas incurritur, & hæresis periculosa. Si autem dicantur mores hominum à dispositionibus siderum variari, & dispositiui, & cōtingenter, sic potest habere veritatem, quia nec rationi, nec fidei repugnat. Planum est enim, quod dispositio corporis varia multum facit ad variationem affectionum, & morum animæ: ut plurimum enim anima complexionem corporis imitatur: unde cholericus sunt iracundi: & sanguinei sunt benigni: & melancholici sunt liuidi: & phlegmatici sunt pigri: hoc autem non est necessario, anima enim suo corpori dominatur, maxime quādo est adiuta per gratiam: multos enim videmus cholericos māsuetos, & melancholicos benignos. Quoniam igitur virtus corporum cælestium operatur ad mixtionem, & qualitatem complexionum, hinc est, quod per consequens operatur quodam modo ad qualitatem morum, valde tamen de longinquo: plus enim facit ad qualitatem

A complexionis virtus naturæ inferioris, quam virtus sideris. Vnde Aug. in lib. 5. de Ciu. Dei, in solutione cuiusdā quæstionis de fratribus duobus, qui simul infirmabantur, & curabantur, unde hoc esset, magis commendat responsionem Hippocratis philosophi, quam astronomi. Hippocrates enim respondit, quod hoc erat propter similitudinem complexionis, & astronomus respondet, quod erat propter identitatem constellationis. Melius enim respondit philosophus, quia causam reddit magis propriam, & magis propinquā. Si ergo hoc modo quæreretur, vtrum impressiones siderum aliquo modo disponant ad varietatem morum, respondendū esset quod sic, verumtamen non dispositione necessaria, & proxima, & sufficiente, sed dispositione remota, & contingente. Si autem quæretur, vtrum sit causa sufficiens, respondendum est simpliciter, quod non, quia contrarium dicere est hæreticum, sicut prius ostensum est.

1. Ad illud ergo quod obiicitur de fato, dicendum quod de fato aliter loquitur Boët. & aliter Aug. Boët. enim loquitur de fato, prout est aliquid secundum veritatem, & sic fatum nominat ordinem in rebus mobilibus ad diuinam prouidentiam relatum, ordinem inquam non solum secundum naturam & causam necessariam, sed etiam secundum libertatem voluntatis, & contingentiam. Dicit enim sic in libro de consolatione: Prouidentia cuncta pariter, quamvis diuersa, quamvis infinita complectitur: fatum vero singula dirigit in motum, locis, formis, & temporibus distributa. Et hæc temporalis ordinis explicatio in diuinæ mentis adunata prospectu, prouidentia est: eadem vero adunatio digesta, atque explicata temporibus fatum vocatur. Et sic patet, quod Boëtius fatum accipit generaliter ad egressum, & decursum omnium rerum, siue voluntarium, siue naturalium, siue necessariarum, siue contingentium. Aug. vero in lib. 5. de Ciu. Dei accipit fatum secundum æstimationem Philosophorum, qui vocant fatum vim positionis siderum, & constellationum, secundum quā cuncta necessario eueniunt in his inferioribus, & sic fatum nihil est. Et ostendit ipse, quod nihil sit: & ita æquiuoce accipit fatum Boëtius, & Augustinus, & propter hoc non fit assumptio sub medio: sed magis æquiuocationis deceptio, & propter quā tollendam de medio dicit Aug. in lib. 5. de Ciu. quod si quis fatum vocat ordinem casualium, quem Deus instituit, cum hoc sit verum, sententiam teneat, & linguam corrigat, quia secundum communem vsum accipitur, sicut mathematici accipere consueuerunt.

2. Ad illud quod obiicitur, quod bella causantur ex coniunctione siderum, dicendum quod illud verbum Philosophi non tribuit aliquid sideribus, quam quandā dispositionem ad tales effectus, ex quibus bella generantur. Ex motione enim alicuius humoris potest aliqua affectio in anima excitari, quam tamen non necesse est ponere, quia anima potest eam reprimere: sed quia multi sunt insecutores passionum, & eis quibus possunt dominari, seipsos subiiciunt, hinc est, quod multi se subiiciunt impressionibus astrorum: & ideo frequenter astrologi vera prædicunt, maxime circa homines animaliter viuentes: circa vero spiritualiter sapientes, qui dominantur passionibus, pauca possunt vera prædicere, immo sicut dicit magnus astronomus Ptolemæus: Sapiens dominabitur astris.

3. Ad illud quod obiicitur, quod Dominus natus fuit sub constellatione, dicendū quod falsum est, nec apparuit stella sub cuius regimine nasceretur, nec in patiendo expectauit horam fatalem: sed in natiuitate apparuit stella, ut signum: in passione vero tempus expectauit sibi à Deo prædestinatum & figuris legalibus præsignatum. Et si quæras, unde hoc est, quod magi per illam stellā cognouerunt regem, dicendū quod hoc non solum humana inuentione fuit, sed suæ mentis attentione, & diuina reuelatione. Præterea: Illa stella nō fuit cum aliis stellis creata, sed in natiuitate Domini fuit producta, nec motum habuit aliarum stellarū, sicut dicit Chrysostomus:

Cap. 5. 10. 3.

Lib. 4. prof. 5. circa initium.

Lib. 5. c. 5. com. 5.

Aug. ibidem.

Enang. 17. 10.

smas. de orb. 2. cap. 7.

nec fuisse creditur in orbibus aliarum stellarum, sed longe inferius: adeo ut directe appareret super domum.

4. Ad illud quod obiicitur quod multa vera prædicunt, & maxime hoc apparet in stella cometa, quæ apparet in morte regum, dicendum quod in his, quæ considerantur circa motum cælestium corporum infallibiliter possunt vera prædicere, & per artem, sicut de eclipsi solis, & lunæ. In his vero, quæ considerantur circa effectum rerum inferiorum, quæ eis subsunt, probabiliter, & per artem possunt vera prædicere, non tamen semper sicut circa tempestates, & serenitates, & huiusmodi. In his vero, quæ sunt liberi arbitrij, frequenter ita dicunt falsa, sicut & vera. Et si aliquando vera videantur dicere, hoc est vel casu, vel diabolico instinctu. Nam diabolus sicut dicit Augustinus, se libenter immiscet in huiusmodi divinationibus. Nec valet illud quod obiicitur de stella cometa, quia propterea significat mortem regum, non fit natura, sed diuino iussu, ut dicit Damascenus. Si enim naturaliter fit, non videtur ratio, quare magis appareat in morte principis, quam in morte rustici: nisi forte tu dicas, sicut voluit aliqui astrologi dicere, quod stella aliqua præest principi, quæ in eius morte diuino iussu ad se trahit partes cælestes, quæ erant in eius corpore, quibus ab abstractis à corpore, generatur dissolutio in eo quod remanet, & dum sursum trahuntur, & stellæ approximant, faciunt cometam. Sed tunc manet quaestio, quare similiter non fit circa rusticum. Ideo securius dici potest, quod cometa aut non significat mortem principis, sed solum hoc accidit, quod moriatur in eius apparitione. Aut si significat, hoc sit diuino iussu, quo magis eius mortem prænuntiat, tum quia est persona communis, tum quia ex hoc potest frequenter oriri perturbatio regni, in cuius custodia magis sollicitantur Angeli, dum bonum commune præponunt bono speciali.

5. Ad illud quod obiicitur, quod perfectione ordinis est, quod illud quod regitur perfecte subiiciatur regenti, dicendum quod hoc verum est, ubi regens aliquid regit per modum dominantis, non per modum ministrantis: unde quia humani actus reguntur à diuina providentia, sicut à dominante, nihil euenire potest præter ipsius diuinæ providentiæ intensionem, & cognitionem, & ita nihil casu: quia vero ab astris diriguntur, solummodo per modum ministerij, ideo non oportet quod per omnia subdantur eis, nec hoc exigit perfectio vniuersi.

DISTINCT. XV.

De Opere quintæ diei, & sextæ. Et de requie & sanctificatione diei septimæ.

DIXIT etiam Deus: Producant aqua reptile animæ viuendis, & volatile super terram, &c. Opus quintæ diei est formatio piscium, & auium, quibus duo elementa ornantur: & de eadem materia, id est, de aquis pisces, & aues creauit: volatilia leuans in aëre, & natatilia remittens gurgiti.

De opere sextæ diei, quando creata sunt animalia, & reptilia terræ.

Sequitur, dixit Deus: Producat terra animam viuentem, iumenta, & reptilia, & bestias terra secundum species suas, &c. Sextæ diei opus describitur, cum terra suis animalibus ornari dicitur.

Vtrum, post peccatum venenosa animalia noxia facta fuerint, an propter peccatum nocere cœperint, prius facta innoxia.

Quari solet de venenosis & perniciosis animantibus, vtrum post peccatum hominis ad vindictam crea-

ta sint, an potius creata innoxia peccatoribus nocere cœperint. Sane dici potest, quod creata, nihil homini nocuissent, si non peccasset: puniendorum namque vitiorum, & terrendorum, vel probanda vel perficienda virtutis causa nocere cœperunt. Fuerunt ergo creata innoxia, sed propter peccatum facta sunt noxia.

Vtrum minuta animalia tunc creata fuerint.

De quibusdam etiam minutis animantibus quaestio est, vtrum in primis conditionibus creata sint, an ex rebus corruptis postea orta sint. Pleraque enim de humidorum corporum vitiis, vel exhalationibus terra, siue de cadaueribus gignuntur: quadam etiam de corruptione lignorum, & herbarum, & fructuum: & Deus auctor omnium est. Potest autem dici, quod ea quæ de corporibus animalium, maxime mortuorum, nascuntur, cum animalibus creata non fuerint, nisi potentialiter & materialiter. Ea vero quæ ex terra germinante orta sunt, tunc creata fuisse non incongrue dici potest.

Quare post omnia factus est homo.

Omnibus autem creatis atque dispositis nouissime factus est homo, tanquam Dominus & possessor, qui & omnibus præferendus erat, unde sequitur: Vidit Deus quod esset bonum, & ait: Faciamus hominem ad imaginem, &c. Sed antequam de hominis creatione tractemus, quod supra breuiter tetigimus, planius versantes clarius faciamus. In hac enim rerum distinctione Catholici Tractatores discesserunt, ut supra diximus, inueniuntur: aliis dicentibus, res creatas esse atque distinctas secundum species per intervalla sex dierum: quorum sententia quia litera Genesis magis inferuire videtur, atque eam Catholica Ecclesia magis approbat: ideo hactenus studiose docuimus, quomodo ex illa communi materia prius informiter facta, postea corporalium rerum genera per sex dierum volumina distinctim sint formata. Alijs autem videtur, quod non per intervalla temporum facta sint: sed simul ita formata ad esse prodierunt. Quod Augustinus super Genesim pluribus modis nititur ostendere, dicens: elementa quatuor ita formata sicut modo apparent, ab initio extitisse, & cælum sideribus ornatum fuisse. Quadam vero non formaliter, sed materialiter tunc facta fuisse, quæ post per temporis accessum formaliter distincta sunt: ut herba, arbores, & forte animalia. Omnia ergo in ipso temporis initio facta esse dicunt: sed quadam formaliter & secundum species quas habere cernimus, ut maiores mundi partes: quadam vero materialiter tantum. Sed, ut dicunt, Moyses loquens rudi & carnali populo, locutionis modum temperauit, de Deo loquens, à simili hominis qui per moras temporum opera sua perficit, cum ipse simul sua opera fecerit. Unde Augustinus: Ideo, inquit, Moyses diuinitatem refert Deum illa opera fecisse, quia non potuit simul ab homine dici, quod à Deo simul potuit fieri. Item potuit diuidere Scriptura loquendi temporibus, quod Deus operandi temporibus non diuisit. Illi qui his auctoritatibus & aliis huiusmodi inhaerentes, dicunt quatuor elementa atque cæli luminaria ita formata simul esse, illos sex dies quos Scriptura commemorat, sex rerum genera, id est, distinctiones appellant quæ simul facta sunt, partim formaliter, partim casualiter.

Quo

Damas. lib. 3.
c. 17. de fide
orb.

Aug. lib. de
Genesi ad
lit. 3. c. 14.

Gen. 1.

Dist. 12.

Lib. 4. c. 32.
& sequent.
& lib. 5. c. 4.
& 5.

Aug. lib. 1.
c. 15.

Ambros. in
hexa. lib. 5.
c. 2. & 3. c. 1.

August. de
Gen. ad lit.
lib. 3. c. 15.

Quo modo intelligendum sit Deum requieuisse ab omni opere suo.

A

DISTINCT. XV.

De Productione rerum mixtarum, & sensibilibium.

Dixit etiam Deus: Producant aqua reptile, &c.

Expositio Textus.

SUPRA egit Magister de productione rerum simplicium, & insensibilium, in hac parte agit de productione mixtorum, & sensibilibium, ut animalium. Et quoniam ad animalium productionem facta est vniuersitatis completio, & ad completionem sequitur ab opere cessatio, ideo ista pars habet tres. In prima agit de sensibilibium productione. In secunda de diuinorum operum perfectione, ibi: *Omnia autem creauit, atque disposuit, &c.* In tertia agit de septimæ diei requietione, ibi: *Iam de septima diei requie aliquid nos eloqui oportet, &c.* Prima pars habet duas. In prima determinat de productione animalium ex aquis. In secunda de productione animalium ex terra, ibi: *Sequitur, dixit Deus: Producat terra, &c.* In qua parte primo determinat veritatem, deinde soluit dubitationes duas. Vnam, ibi: *Quæri solet de venenosis.* Aliam, ibi: *De quibusdam etiam minutis.* Similiter secunda pars, in qua determinat de operum diuinorum consummatione, habet duas. In prima ostendit qualiter in productione hominis facta est, & consummata distinctio rerum. In secunda vero circa eandem distinctionem explicat diuersas sententias Catholicorum Tractatorum, ibi: *In hoc enim rerum distinctione Catholici Tractatores, &c.* Similiter tertia pars habet duas. In prima veritatem explicat. In secunda questionem mouet, & determinat, ibi: *Sed queritur quo modo septimo die dicatur Deus, &c.*

Diuisio.

Producant aqua reptibile anima viuentis. Dub. I.

CONTRA: Reptilia, & natatilia diuersarum sunt specierum: ergo cum producta ex aquis sint natatilia, non debent dici reptilia. Item cum reptilia spectent ad ornatum terræ, non videtur, quod spectent ad ornatum aquæ. Item videtur hic esse nugatio, cum dicit reptile animæ viuentis: omnis enim anima eo ipso, quod est anima, viuunt.

RESP. Dicendū quod in animalibus differt motus rependi à motu gradiendi. Motus enim rependi attenditur secundum tractionem: animal enim quod repit antèrius aliquam partem protendens, etiam cum illa aliquid apprehendens, trahit totum corpus suum post se, sicut patet in vermibus, motus vero gradiendi est per impulsionem: quantum igitur ad ea, quæ natant, se trahunt, & protendunt antèrius, & extendendo se ad antèrius quasi tenendo se ad soliditatem, vel grossitiem aquæ trahunt totum corpus suum, sicut patet in natantibus. Hinc est, quod omnia natantia dicuntur reptilia, etsi contingat ea aliquando gradi, sicut est in crocodilibus, & aliquibus, quæ versantur in aquis, & in terra: denominantur tamen à motu, qui est eis magis naturalis, sc. qui competit eis secundum habitationem in aquis. Volatilia autem non dicuntur reptilia, quamvis videantur se ferre in aëra, sicut pisces in aquis. Est enim diuersus modus mouendi: quia impulsu magis mouentur, quam tractu. Dum enim avis volat, clauditur aër in concauitate alarū: & dum alæ applicantur ad corpus, violenter aër perpellitur ex parte aliorum posteriori tractu, & ex illo impulsu corpus avis procedit antèrius, & ideo volatilia sub reptilium nomine non comprehenduntur, nec etiā sub genere gressibilibium: quia non mouentur virtute pedū, sed virtute alarū. Vnde potest sic sumi diuisio animalium quantum ad motū, quia animal aut mouet se antèrius trahēdo, & sic est reptile sine sit in aquis, siue in terra: aut impellēdo, & hoc dupliciter. Aut pedibus, & sic est gressibile. Aut alis, &

hic

Iam de septima diei requie aliquid nos eloqui oportet. Scriptum est, quia compleuit Deus in die septimo opus suum, & requieuit die septimo ab vniuerso opere quod pararat. Requieuisse dicitur Deus die septimo: non quasi operando lassus, sed ab vniuerso opere requieuit quia nouam creaturā facere cessauit. Requiescere enim cessare dicitur. Vnde in Apoc. dicitur: Non habebant requiem dicentia: Sanctus, sanctus, sanctus, id est, dicere non cessabant, Requieuisse ergo, Deus dicitur, quia cessauit à faciendis generibus creatura, quia ultra noua non condidit. Vsq̃ue nunc tamen, ut veritas in Euangelio ait: Operatur pater cum filio scilicet administrationem eorundem generum qua tunc instituta sunt. Creatoris enim virtus causa subsistendi est omni creatura. Quod ergo dicitur: Pater meus vsque modo operatur, & ego operor, illud vniuersa creatura continuam administrationem ostendit. Die ergo septimo requieuit, ut nouam creaturam ulterius non faceret, cuius materia vel similitudo non præcesserit: sed vsque nunc operatur, ut quod condidit continere & gubernare non cesset.

Qualiter accipiendum sit quod dicitur Deus compleuisse opus suum septimo die, cum tunc requieuerit ab omni opere suo.

Sed queritur quo modo septimo die dicatur Deus compleuisse opus suum, cum ab omni opere illo die requieuerit, nec aliquod genus nouum rerum fecerit. Alia translatio habet: Consummauit Deus die sexta opera sua: quæ nihil questionis affert, quia manifesta sunt quæ in eo facta sunt, & omnium consummatio eo die perfecta est, sicut Scriptura ostendit cum ait: Vidit Deus cuncta quæ fecerat, & erant valde bona. Omnia quidem naturaliter bona erant, nilque in sui natura vitij habentia: & sunt bona quæ condidit Deus etiam singula. Simul vero vniuersa valde bona, quia ex omnibus consistit vniuersitatis admirabilis pulchritudo: in qua etiam illud quod malū dicitur bene ordinatū, & loco suo positum, emouentius commendat bona: ut magis placeant & laudabiliora sint, dum comparantur malis. Sexto ergo die facta est operum consummatio. Ideo præmissa oritur questio, quo modo dicatur Deus die septimo opus suum compleuisse, quod Hebraica veritas habet, in quo tamen nihil nouum creasse dicitur: nisi forte dicatur die septimo cōpleuisse opus suum, quia ipsum benedixit & sanctificauit: sicut subiicit Scriptura: Benedixit diei septimo, & sanctificauit illum. Opus enim est benedictio & sanctificatio: sicut Salomon aliquid operis fecit cum templum dedicauit.

Quæ sit benedictio & sanctificatio septimæ diei.

Illum autem diem sanctificasse & benedixisse dicitur, quia mystica præ cæteris benedictione & sanctificatione cum donauit. Vnde in lege dicitur: Memento sanctificare diem sabbati. Et inde est, quod numerando dies, vsque ad septimum procedimus, & dicimus septem esse dies, quorum repetitione omne tempus agitur: non quin alius sit ab illis dies octauus & nonus, & sic de cæteris: sed quia in sex diebus rerum genera distincta sunt: & in septimo, licet non fuerit nouum genus rerum institutum, fuit tamen in eo quasi quidam nouus status sanctificationis operum & requisitionis opificis. Potest etiam sic exponi illud: Compleuit Deus die septimo opus suum, id est completum & consummatum vidit.

sic est volatile : & sic patet pro quanto pisces dicuntur A reptilia, & quod falsum est illud, quod primo proponitur, quod reptile distinguitur contra aquatile, immo est in plus. Ad illud quod obiicitur, quod reptilia spectant ad ornatum terræ, dicendum quod reptile dicitur quadruplitter. Vno modo, quod se trahit vi oris, sicut vermes. Alio modo, quod se trahit vi costarum, sicut serpentes. Tertio modo, quod se trahit vi pennularum, ut pisces. Quarto modo dicitur reptile large, quod in mouendo se magnā partem corporis applicat terræ, quamvis habeat pedes, sicut lacertæ, & stelliones: & sic secundum diuersas acceptiones reptile potest pertinere ad ornatum diuersa elementa. Ad illud quod queritur, quare animæ viuents, dicendum quod vita manifestatur maxime per sensum & motum: ideo anima viuens appellatur, quæ viuunt vita manifesta : & hæc est illa, quæ dat corpori B motum, & sensum: talis autem non est in plantis, sed in animalibus : & ideo ad differentiam plantarum dicitur: Producant aquæ reptile animæ viuents, quasi in plantis sit anima virens, & in animalibus sit anima viuens, quia hæc mouentur, & sentiunt: illa vero minime.

Producat terra animam viuentem. iumenta, & reptilia, &c. Dub. II.

VIDEATUR ibi esse superfluitas, quia omne animal brutum bestia est. Si tu dicas quod bestia vocatur animal brutum, quia nocet: tunc superfluit dicere reptilia. Item in Psalmis non solummodo enumerantur iumenta, & bestię, & reptilia, sed etiam pecora: ergo videtur hic esse diminutio: queritur igitur de horum trium differentia, & sufficientia. Queritur etiam, cum omnia animantia, quæ sunt in mari, contineantur sub vna differentia animalis, quæ est reptile, & similiter omnia animantia aeris sub vna differentia animalis: quæ est volatile, quare non similiter omnia animantia terræ sub vna differentia contineantur.

RESP. Dicendum quod terra inter cetera elementa minus est decora: ideo magis indiguit decorari. Et iterum, quia ipsa maxime præstat pabulum animalibus inter cetera elementa, hinc est, quod plures animalium differentię repeririuntur in illa: omnes autem illæ differentię reducuntur ad has tres differentias, quarum numerus, & sufficientia potest accipi dupliciter, vel ex parte motus ipsorum animalium, vel ex parte finis. Ex parte motus sic: Omne enim animal quod mouetur, aut mouetur tractu, & sic est reptile: aut impulsu, & sic gressibile. Et hoc est dupliciter. Aut est animal natum sæuire, aut mansuescere. Primo modo dicitur bestia, secundo modo dicitur iumentum, & sub iumentis comprehenduntur pecora. Ex parte finis sic: Animalia enim facta sunt propter hominem: aut igitur sunt ordinata ad hominis iuuamentum, sicut sunt iumenta quasi iuuantia: aut sunt ordinata ad hominis exercitium: & hoc potest esse dupliciter, quia aut exercent nocendo manifeste, & sic sunt bestię, quasi vastię: aut occulte nocent, & sic sunt reptilia, quæ occulte nocent, & insidiantur calcaneo: hos autem fines etsi non haberent, si homo non peccasset in actu, haberent tamen in aptitudine & ex ipsa aptitudine melius erudiretur tunc homo in statu innocentię, quam erudiretur nunc ex actu in statu culpæ: & sic patet horum trium differentia, & sufficientia, & patet responsio ad obiecta.

In hac enim rerum distinctione Catholici Tractatores dissentire ut supra diximus, inueniuntur. Dub. III.

CONTRA: Cum non sit Deus dissensionis, sed pacis, & Scripturæ sint in eodem spiritu expolitæ quo fuerunt conditæ, sicut dicit Gregorius, videtur quod nullatenus possint dissentire. ITEM: Verum vero non opponitur: ergo si Catholici tractatores dissentiant, vnus dicit verum, & alter falsum: sed intellectus Scripturæ non

potest esse nisi verus: ergo cum dissentiant, necesse est alterum ipsorum deprauare Scripturam: & ita non erit Catholicus tractator, sed potius hæreticus.

RESP. Dicendum quod vis facienda est in hoc quod dicit Magister, dissentire videtur: videtur enim aliquando quod est, & videtur aliquando quod non est: & secundum hunc duplicem modum potest intelligi verbum Magistri, ut Catholici tractatores in aliquo videantur dissentire, & dissentiant, in aliquo videantur dissentire, non tamen dissentiant. Aliquid enim dicunt assertiue, & aliquid dicunt opinando. Quantum ad illud quod assertiue dicunt, in hoc non discordant, quia quod asserunt, per reuelationem S. Spiritus dicunt: qui non est sibi contrarius: in eo vero, in quo opinantur, dissentire possunt, & aliquando dissentiunt, quia opinio venit aliquando ex probabili coniectura rationis, in qua homo frequenter decipitur deceptione potius, quæ est poena, quam culpa à qua vix aliquis tractatorum Catholicus immunis fuit: & ideo talis dissensio reprehensibilis non est; quamvis enim discordent aliquo modo iudicia, concordant tamen desideria: omnes enim Catholici tractatores veritatem dicere volunt. Et sic patet responsio ad illud quod obiicitur. Aliter posset dici, sicut supra tactum fuit, quod etsi dissentire videantur, non tamen dissentiunt: quia non dicunt, quid fuerit in re, sed quid congruum esse potuerit: nec dicunt, quid legislator, scilicet Moyses in illo verbo intellexerit, sed magis quid Spiritus sanctus intenderit qui eum illustrauit: & diuersi modi producendi siue simul, siue successiue congruere possunt diuinæ potentie: & Spiritus sanctus in eadem Scriptura multa simul intelligit, & facit expositores intelligere: ideo etsi discordia videatur inter doctores secundum exteriorem faciem literæ, non tamen est discordia secundum veritatem: & ideo signanter dicitur: Dissentire videntur: non dissentiunt. Vnde Augustinus in libris suis in multis locis tenuit viam aliorum Sanctorum, ex quo patet, quod non erat eis contrarius.

Novam creaturam facere cessauit. Dub. IV.

Contrarium dicitur in Hieremia: Nouum faciet Dominus super terram. ITEM: In Christo enim Iesv neque circumcisio aliquid valet, neque præputium: sed creatura noua.

RESP. Dicendum quod nouum dicitur dupliciter. Vno modo dicitur nouum contra antiquitatem cursus naturæ, & consuetudinē rationalis creaturæ: & sic Deus non cessauit in sex diebus facere nouam creaturam, immo multa facit miraculose, & mirabiliter contra solitum cursum naturæ, & consuetudinis humanæ: & ista noua dici possunt. Alio modo dicitur nouum, cuius nulla similitudo præcessit, nec etiam aliquod principium creatum, quod esset ipsius seminariū, & sic Magister dicit in proposito, quod nouam creaturam facere cessauit, & dicitur etiam in Ecclesiaste: Nihil sub sole nouum. Nihil enim produxit, cuius non fecerit aliquo modo simile vel cuius non produxerit principium feminale in operibus sex dierum: & sic patet quod non est contradictio aliqua. Aliter posset dici, quod requieuit facere nouam creaturam, quæ quidem sit de necessitate perfectionis vniuersi: productio autem Christi excedit vniuersi complementum: & ideo puræ gratiæ est, & dicitur Deus fecisse nouum cum mulier circumdedit virum.

Illum autem diem sanctificasse, & benedixisse dicitur, &c. Dub. V.

Obiicitur: Cum tempus, quantum est de se, sit indifferens, & dies dicat tempus, non magis debet benedici dies septimus, quam secundus. ITEM cum sanctificatio respiciat creaturam rationalem, quid est, quod dicitur, quod sanctificauit diem. ITEM cum æqualis, vel maioris dignitatis sit bene operari, quam requiescere, videtur quod magis debuit benedicere diei sexto, in quo operatus est, quam diei septimo, in quo requieuit.

REPS.

Bestia vnde dicatur.

Super Eccl.

RESP. Dicendum quod sicut dies dicitur esse malus, non ratione sui, sed quia mensura est actionis malæ, sicut dicit Apostolus: Redimētes tempus, quoniam dies mali sunt: sic dies dicitur benedictus & sanctus, quia est mensura alicuius operationis, in qua est benedictio, & sanctificatio. Et nihil aliud est diem aliquem benedicere & sanctificare, quam diem tali actioni, ut mēsuram deputari. Quoniam igitur Deus omnia fecit propter hominis instructionem, ut hominem non solum verbo, sed etiam opere erudiret, sicut sex diebus dedit homini licentiam operandi, & intendendi rebus inferioribus, & sicut septimo die ab omni opere cessavit, sic voluit quod septimo die homo ab omni opere cessaret: & ei per contemplationem inhæreret, & inhærendo quiesceret: & quia in hac inhærentia homo obtinet à Deo ampliationem benedictionis & sanctitatis: ideo dies septimus dicitur à Deo benedictus, & sanctificatus non ratione sui, sed ratione illius quod Dominus deputavit in illo fieri. Et sic patet responsio ad obiecta: patet etiam quantum Deo placet, quod homo sibi soli intendat, & in eo requiescat, dum talem vocationem, siue requietionem benedixit, & sanctificavit: propterea in lege frequentissime iterat inter omnia mandata de observantia sabbati.

Numerando dies usque ad septimum procedimus. Dub. VI.

Quæritur, cum status esse non debeat, nisi in aliqua perfectione, & senarius potius dicat perfectionem quā septenarius, vel etiam denarius, videtur quod aut infra septem debemus stare, aut ultra procedere. Quæritur etiam, quare Gentiles, qui sacram Scripturam non recipiunt in computatione dierum usque ad septem procedunt. Si tu dicas, quod hoc est propter septenarium planetarum, tunc non videtur ordo rectus, quia Mars non sequitur immediate Lunam: ergo non debet sequi dies Martis post diem Lunæ.

RESP. Dicendum quod numerus dierum præfigitur secundum diversitatem mensuratorum, quibus ipsa mēsurā appropriatur. Quoniam igitur nunc dies non appropriatur ad aliquem specialem effectum, sed solum in primaria rerum conditione, in qua reperitur distinctio secundum septem: ideo numerus dierum secundum illū numerum semper terminatur, non propter perfectionē numeri, vel temporis, quod clauditur in septenario, sed propter perfectionem divini operis, & quietis accipitur sic numerus. Gentiles autem numerum dierū accipiunt penes dominium septem planetarum, secundum quos regi habet, & disponi tempus: & quia Saturnus est primus inter planetas, dicunt quod dominatur in prima hora diei sabbati, & sequens planeta in secunda: & sic usque ad septem horas: postmodum fit regressus ad principium, & sic est procedendum: & postmodum ille planeta, qui dominatur in vigesima quinta hora, ille est principium sequentis diei, & ab illo denominatur dies illa, & sic deinceps procedendo denominant septem dies, quasi septem planetas: & hoc patet consideranti ordinem planetarum, quo ordine servato in enumerando, quando Saturnus dominatur in prima hora diei, Sol dominatur in prima hora sequentis, & Luna in prima hora tertij: & sic procedendo ulterius. Hunc autem modum denominandi dies, nec omnino tenemus, ne videamur elementis mundi servire: nec omnino relinquimus propter consuetudinem: unde Dominicam diem denominamus à nobis: sabbatum vero à Iudeis: in aliis diebus servamus consuetum morem Gentilium: Ecclesia tamen loco illorum nominum ponit, Secunda feria, tertia feria, & sic deinceps: & sic patet responsio ad obiecta.

ARTICULVS I.

Ad intelligentiam huius partis incidit hic quæstio circa duo. Et primo quæritur, utrum sensibilia, siue animalia facta sint. Secundo quæritur, quo ordine facta

sint. Circa primum quærantur tria. Primo quæritur, utrum sensibilia quantum ad animam sint producta ex aliquo, vel ex nihilo. Secundo quæritur quantum ad corpora, utrum producta sint ex quatuor elementis, an ex vno. Tertio quæritur, utrum in earum compositione activa prædominentur passivis, an e contrario.

QVÆSTIO I.

An anima irrationalium sint producta ex aliquo.

*Alexander Alensis 2. p. q. 54. Membro 2.
Richardus 2. Sent. dist. 15. art. 2. q. 1.
Thom. Argent. 2. Sent. dist. 15. q. 1. art. 1.
Steph. Brulef. 2. Sent. dist. 15. q. 1.*

Quod sensibilia, siue irrationalium animæ producta sint ex aliquo, ostenditur. Primo per textum Scripturæ quæ dicit: Producant aquæ reptile animæ viventis, &c. Et paulo post: Producat terra animam viventem: si enim quod creatur, à solo Deo est, cum aqua acceperit potestatem producendi reptile animæ viventis, non videtur, quod animal secundum aliquod sui principium sit ex nihilo.

ITEM per auctoritatem Philosophi in libro de animalibus, solus intellectus intrat ab extrinseco: sed si animæ brutorum fuissent productæ ex nihilo: tunc essent à solo Deo, & intrarent ab extrinseco.

ITEM hoc ipsum videtur ratione, quia ex eis res producitur, in quod & resolvitur: sed non est aliquid quod naturali resolutione resolvatur in nihil: igitur cum animæ brutorum animalium non sint in nihil resolutæ, quando aliqua animalia fuerunt corrupta: ergo non productæ fuerunt ex nihilo.

ITEM ex eodem est anima istius bruti, quod nunc est, & primi bruti per conformitatem: sed anima illius bruti generati per naturam non est ex nihilo, quia tunc à natura non posset produci, & sic sequeretur, quod natura non posset facere periculum: quod cum non videatur probabile, & planum sit, sicut ex præcedentibus apparuit, quod natura non potest aliquid ex nihilo producere: restat ergo, quod istæ primæ animæ brutorum animalium non fuerunt productæ ex nihilo.

ITEM anima rationalis, quia per creationem producitur in esse, est immortalis, & incorruptibilis: eius enim productio non pendet ex corpore: sed ex principio effectivo: sed animæ brutorum per naturam sunt corruptibiles: ergo non sunt ex nihilo productæ.

ITEM opus ornatus præsupponit opus distinctionis, & opus distinctionis præsupponit opus creationis: si igitur in distinctione corporum non fuit nova creatio, sed productio ex aliquo, multo fortius videtur quod in ornatu: ergo si corpora animalium, & animæ ad ornatum spectant, videtur quod non sint productæ ex nihilo: sed ex aliquo.

1. CONTRA: Si ex aliquo productæ sunt sensibilia animæ in primordio: quæro de illo, ex quo productæ sunt, utrum illud productum sit ex aliquo, vel ex nihilo. Si ex aliquo similiter quæritur de illo, & ita vel erit abire in infinitum, vel erit ponere, quod illud, ex quo producta est anima sensibilis, ab initio productum fuit ex nihilo: sed qua ratione illud productum fuit ex nihilo: eadem ratione & anima sensibilis: ergo videtur, &c.

2. ITEM si animæ illæ productæ sunt ex aliquo, illud aliquid aut erat spirituale aliquid, aut corporale. Si corporale. Contra: Ex corpore nunquam potest fieri spiritus, sicut dicit Aug. super Genesim ad litteram. Si spirituale, tunc quæritur de illo, aut vivebat, aut non vivebat, & quem usum habebat. Et iterum si spirituale, quare ex illo non poterat fieri anima rationalis. Si ergo ad hoc non contingit rationabiliter respondere, sicut innuit August. super Genesim, ad litteram ad hæc inconuenientia ducens, sequitur ex hoc, quod primæ animæ sensibilia ex nihilo sint productæ.

3. ITEM si fuissent productæ ex aliquo, cū talis modus

Fundamēta,

Gen. 1. 6

Cap. 16.

Ad oppositum.

Lib. 7. c. 46.
tom. 3.

produ

producendi cōpetat virtuti naturali, videtur tunc, quod A cum iam essent corpora supercælestia agentia, & mo- uentia, & ad mixtionem operantia, quod animalia virtu- te naturæ possent producere: ergo primaria opera non essent propria diuinæ potentia, quod est inconueniens, cum ipse sit solus vniuersi conditor & perfector.

4. ITEM videmus nunc quædam animalia ignobilia per putrefactionem generari: quæto igitur à quo edu- catur eorum anima, & videtur quod non possit à natura, cum natura sit vis insita rebus ex similibus similia pro- creans: videtur etiam, quod non possit virtute corporis cœlestis, quia minus nobile non potest educere maius nobile: substantia autem spiritalis, vt dicit August., no- bilior est omni corpore ergo oportet quod educatur à creatore immediate: sed quod sic educitur, habet educi ex nihilo: ergo illorum animalium, quæ per putrefactio- nem generantur, animæ creantur: ergo multo fortius ani- malium primo factorum.

5. ITEM nos videmus in animalibus annulosis, quod ad diuisionem corporis remanet anima in partib. diuer- sissimis illa non potest esse anima primo, quæ erat vna sola, nec à natura producta, cum statim sit in qual- bet parte: operatio autem naturæ fit cum successione: ergo videtur, quod illæ partes animentur à Creatore: ergo multo fortius & sensibilia in primaria productione.

6. ITEM quando brutum generat brutum, aut trans- fundit animam, aut non. Si transfundit: cum anima non sit diuisibilis, dabit animam suam totam: ergo in genera- tione morietur. Si non transfundit: cum cesset eius ope- ratio in seminis decisione, necesse est ponere aliud ge- nus, per quod anima educatur: hoc autem non potest esse formæ, cum sit magis principium passiuum, quam actiuum, sicut vult Philosophus: nec est aliud princi- pium actiuum creatum: ergo immediate producuntur à Deo, & ita ex nihilo: igitur multo fortius videtur, quod sic productæ fuerint in primordio.

CONCLUSIO.

Anima rerum sensibilium in primordio sue creationis ex nihilo non fuerunt productæ: sed principium semina- rium habuerunt ex quo productæ fuerunt, & nunc pro- ducuntur.

RESP. Ad Arg. Ad prædictorum intelligentiam est D notandum, quod circa productionem animarū animalū brutalium diuersi diuersa opinati sunt. Quidam enim di- cere voluerunt, quod animæ brutorum productæ fuerūt ex nihilo, quia non ex aliquo materialiter, nec ex aliquo seminaliter. Non ex aliquo materialiter, quia sunt for- mæ puræ: non ex aliquo seminaliter, quia non habuerūt aliquid præexistens: & ideo dicunt in prima productio- ne, eas simpliciter fuisse creatas: sed deinceps in propa- gatione non dicunt eas creari, sed potius, traduci, non per decisionē, & separationē partis animæ, sed per mul- tiplicationem. Sicut enim candela, ex quo accensa est, potest se multiplicare sine sui luminis diminutione, sic immo multo fortius dicunt substantiā spiritualement posse.

Secunda positio est huic directe opposita, quod animæ brutorum productæ sunt ex aliquo materialiter, & se- minaliter. Materialiter inquit, quia sunt hoc aliquid, cū quælibet earum sit motrix sufficiens, & ideo ex materia, & forma dicunt eas constare: illam autem materiam di- cunt esse spiritualement inseparabiliter iunctam corporali materia: vnde sicut ex corporali materia producuntur corpora animalium, sic ex materia spiritali sibi annexa, vt dicunt fit productio animarū: & sic fecit Deus a pri- mordio, & sic etiam facit nunc natura. Illa autem ma- teria, cum præexistat formæ, seminarium est ipsius: & sic dicunt animas illas produci, nō tantum materialiter, sed etiam seminaliter, cum eis præexistat materia spiritalis & habeat in se aliquam potentiam actiuam, ad hoc, vt ex ea fiat anima, sicut & corporalis materia ad hoc, quod ex ea fiat corpora. Tertia positio est, quod animæ bruto-

rum productæ sunt ex aliquo materialiter, sed non semi- naliter. Materialiter inquit, quod constant ex materia, & forma: non autem seminaliter, quia materia illa nō præ- existit formæ tanquam semen ei, quod ex eo producen- dum est: sed cum illa concreatur, & cū illa destruitur: & hi dicunt omnes animas sensibiles non solum à primor- dio, sed etiam nunc esse à Creatore: nec tamen incorru- ptibiles, quia ipse Creator dat vnicuique durationē secū- dum quod competit eius naturæ. Sed quoniam omnes hæ positiones aliquid dicunt improbable: nam prima dicit, quod anima seipsam multiplicat, & transfundit, ita tamen quod anima non habet aliquid ex quo fiat: & hoc est ponere, quod forma naturalis possit aliā formam cō- similem ex nihilo producere, quod est improbable, & supra improbatum est distinctione octaua, & septima.

Secunda vero positio ponit aliquam materiam spiritua- lem animæ præexistere, ex qua educatur anima virtute naturæ: & hoc satis est male intelligibile, quo modo sit aliqua spiritalis materia, quæ non viuat, nec vsum ha- bet: quo modo etiam sit aliqua spiritalis materia, & ex illa anima rationalis fieri non valet: & iterum vbi est illa materia spiritalis, quia non videtur esse in se: si autem est in materia corporali, tūc videtur quod materia edu- catur de materia: quod nihil videtur esse dictum. Simi- liter tertia positio ponit, quod materia animæ sensibilis sibi concreatur, & quod simul cum illa destruitur: hoc autem ponere est contrarium auctoritati Philosophi, & rationi, materiam scilicet alicuius creaturæ in nihil om- nino cedere. Si enim materia corporalis ingenita est, & incorruptibilis: multo fortius videtur, quod spiritalis, quæ dignior est, & nobilior secundum quod est sub tali esse. Et ideo est quartus modus dicēdi quod animæ quæ

sunt pure sensibiles productæ sunt ex aliquo seminali- ter, sed non materialiter. Seminaliter inquit, quia formæ sunt generabiles, & corruptibiles per naturam: & ideo sicut aliæ formæ naturales non ex nihilo producuntur, sed est aliqua potentia actiua in materia, ex qua fiūt tā- quam ex seminario: sic etiam intelligēdum est in anima- bus sensibilibus, quæ sunt formæ tantum, cuiusmodi sunt in brutis animalibus. Et ideo concedendum est animas sensibiles, siue animas brutorum esse ex aliquo: non in- quam materialiter, sed seminaliter: quia cum anima sen- sibilis sit forma, non habet materiam partem sui, sed so- lum fit ex potentia materiæ actiua, quæ ab agēte excita- tur: & sic fit quousque fiat anima, sicut globus pro- ficiendo fit rosa. Aliter tamen nunc producuntur ex illo seminario, & aliter in primordio. Quia nunc producuntur ex seminario præexistente secundum sufficientem actualitatem, in primordio vero productæ sunt simul cū illo seminario: vel si seminario illud aliquo modo præ- existit ante diem quintum, in quo facta est animalium productio in die vero quinto est ad completam rationē eductum, ita quod data est virtus actiua naturæ, vt posset deinceps animalia quantū ad corpus, & quantum ad animā propagare, & multiplicare. Et quia quædā sunt animalia maioris perfectionis, & organizationis, quædā vero minoris: ideo diuina dispositio rectissime ordinauit vt quædam animalia producerentur ex suo primo semi-

inario secundum maiorem actualitatem. vtpote illa, quæ generantur per propagationem: ita quod simile ex simi- li, & ita sunt animalia perfectiora. Quædā vero secun- dū minorem. vtpote illa, quæ generantur per putrefactio- nem, quia enim imperfectiora sunt, minori indigent ad- iutorio & virtute, vt producatur ad esse. Hæc autem po- sitio rationabilior est, & firmitior, quia cōcordant in hoc tam Aug. quam Philosophus: ait enim August. ad Oro- sum sic: Sicut semen cuiuslibet arboris quandam vim habet, vt cum corruptum fuerit in terra oriatur, & vir- gultum producat: deinde ramus nihilominus cum sti- pite dilatetur in frondibus, deinde in eisdem floribus decorata fructificet: ita est in corpore, vt ita dicam, quoddam seminarium: vnde suo tempore concurrente prouidentia Dei, aliqua genera animalium oriuntur. Et hoc idem habetur super Genesim ad litteram lib.

tertio

Arist. 1. de
Gen. anim.
c. 19. & 20.

Opinio 1.

Opinio 2.

Opinio 3.

Improba-
tio.

Arist. 1. phy-
sic. c. 81.

Opinio 4.

Aug. 1. de
Genesi ad
lit. cap. 23.

Per 10um
tom. 3.

7. de
p. 8.

tertio plane, & diffuse. Hoc etiam vult Philosophus in libro 16. animalium, ubi ostendit, quod vegetabilis, & sensibilis prius sunt in semine in potetia: quam educantur in esse. & ibi videtur innuere, quod illud quod format membra non est aliud, quam ipsa animæ virtus: & illam vocat potentiam actiuam intrinsecam ipsi semini, quæ ut corpus ex semine productum est & organizatum, ut possit ab eadem perfici, prodit in actum, & efficitur perfectio corporis physici organizati. Aut certe illud quod format membra potius est virtus animæ patris & matris, ex cuius operatione in brutis animalibus dicitur inesse anima proles: secus autem est in hominibus, ut infra videbitur, & hoc probat ibidem Philosophus ex multis coniecturis & argumētis, & ibidem dicit quod res corporales plene sunt virtute animæ: & hoc multum concordat verbis Augusti. qui dicit: Terra prægnans est seminibus, non tantum respectu arborum, sed etiam respectu animalium. Hanc igitur opinionem sustinendo, dicendum est, animas sensibilibus in primordio non esse creatas ex nihilo, sicut rationes ad hoc inductæ ostendunt, habuerunt seminarium principium, ex quod productæ sunt, & nunc producuntur.

1. Ad illud vero quod primo obiicitur, quod si animæ sensibilibus productæ sunt ex aliquo, quod illud similiter productum est ex alio, dicendum quod non oportet: seminalis enim ratio, siue potentia actiua ipsius materię est ipsi materię concreata, non ex aliquo producta: illa vero, quæ ex illo semine oriuntur: proprie non debent dici creati.

2. Ad illud quod quæritur, quod si est ex aliquo, illud est aut spirituale, aut corporale, dicendum quod non est materia spiritualis, nec est materia corporalis: sed est quedam potentia spiritualis indita à Creatore ipsi materię corporali, & ei innitens, & ab ea dependens: & propterea anima sensibilis in brutis generatur & corrumpitur per transmutationem corporalis naturæ. Et si tu obiicias, quod anima sensibilis est motor sufficiens: ergo est hoc aliquid, & habet materiam, & formam dicendum quod anima sensibilis non dicitur esse motor sufficiens, quia ipsa primo moueat corpus quod perficit: sed quia corpus totum quod est hoc aliquid virtute animæ, quæ est forma eius: mouet partem, & mouendo partem suam, mouet totum, sicut patet in gradientibus. Et quod illud verum sit, apparet, quia si anima sensibilis poneretur in corpore quod non haberet partem mobilem nisi motu totius, sicut in lapide, nunquam illud moueret. Vel aliter dici potest quod ad hoc quod aliquid sit motor sufficiens, non oportet quod distet à mobili, ita quod sit substantia altera differens per materiam, & formam: sed sufficit, quod illa sit forma in genere substantię carens extensione per se, & per accidens: & hæc forma sic est in vna parte tota, quod tota est in alia: & ideo sic vnitur isti parti, quam mouet, quod etiam distet ab ea, & hæc distantia sufficit ad hoc, quod possit mouere eam: nec requiritur quod habeat aliam materiam: sic est in anima sensitua in his animalibus, quæ habent huic operationi organa apta.

3. Ad illud quod obiicitur, quod natura posset eam educere, dicendum quod falsum est, quia antequam præciperet Dominus aquis & diceret: Producant aquæ, &c. aut seminarium illud sensibile animarum & producendarum non erat: aut si erat non erat, in tanta virtute, quod posset ad perfectionem venire: non enim potest creatura quidquam, nisi secundum statum & præceptum sibi datum à Creatore, vnde cum prius esset, vnde fieri posset, post factum est diuino imperio, ut esset, vnde fieret.

4. 5. Ad illud quod obiicitur de animalibus, quæ generantur per putrefactionem, dicendum quod etsi sint varij modi soluendi, quia quidam dicunt, quod est à cæli motore, quidam quod à creatione, potest tamen secundum Philosophicam positionem plane responderi, quod sicut humor sit semen per potetiam generatiuam, & postmodum sit corpus organicum in matrice, ita quod anima illa sensibilis, quæ erat in potentia, educitur

ad actum per virtutem agentis particularis, & per adiutorium corporis cælestis: sic etiam in proposito intelligendum est, quod cum in terra ista esset aliquo modo seminarium illud concurrentibus elementis, & adiuuante corpore cælesti, ut generetur calor viuificus, sit quoddam semen, ita quod potentia illa actiua, quæ prius latebat, adiuta ex actione cælestis corporis, proficit, & venit ad perfectionem, & complementum: ita quod nec cælum, nec motor cæli dat sibi formam ultimam, sed solum adiuuat, & excitat, ut proficiendo ad speciem completam perueniat. Et per hunc modum intelligendum est etiam in aliis terræ nascentibus. Et si tu obiicias, quod anima quæ est in potentia, non habet speciem, nec actum completum à se, nec potest habere ab aliquo, quod non sit ita nobile, sicut ipsa, & nullum tale est corporale, dicendum quod esse talis speciei est in materia, sed in potentia: & illa essentia est ita determinata ad formam talis speciei producendam, quod non potest ex illa essentia siue ratione seminali alia educi, & cum in actumeducta est, habet esse, & habet tale esse. Quod autem sit actu, hoc habet ab extrinseco agente, quod erat ens in actu, & quantum ad hoc nobilius est ipsa, quæ erat in potentia. Quod autem sit talis speciei, hoc habet ab eo primo, qui huius forme essentiam indidit materię, alioquin nunquam natura ipsam ad esse produceret, nisi Deus ipsam materię indidisset, sicut supra ostensum fuit dist. 8. & ideo non oportet quod educens illam formam in actum sit nobilius illa formaeducta: & huius exemplum in multis potest poni sicut in mineralibus, & in multis terræ nascentibus. Et per hoc patet responsio ad duo sequentia: nam quod obiicitur de diuisione corporis annulosi, iam apertum est: quia enim corpus annulosum est modicæ organizationis, & quasi consimilis in partibus, & in toto: ideo in qualibet sui parte est anima in proxima sui dispositione ad hoc quod sit in actu, & ideo facta diuisione, virtute prioris formæ, & beneficio corporis cælestis, subito inducitur forma. Plures autem sunt modi alij dicendi circa hoc.

Quidam enim dicunt quod anima multiplicatur, cum sit spiritualis, sicut punctus ad diuisionem lineæ, & species ad diuisionem speculi: verum tamen in neutro horum intelligendum est, quod illud idem quod fuit vnum, fiat plura, & ideo præcedens via est magis plana.

6. Ad vltimum similiter patet responsio, quod cum animal generetur ab animali per propagationem, etsi non decidatur anima ab anima, sicut corpus deciditur à corpore, quia non est anima diuisibilis ut corpora: deciduntur tamen cum ipso corpore spiritus & calores, & virtus etiam animalis, quæ adiuuat cum virtute matricis continentis, ut illa potentia actiua, quæ erat in humore seminario, ad actum completum perueniat: & ex hoc non sequitur quod anima producat aliam animam ex nihilo nec quod producat ex alia materia, nec etiam, quod producat ex seipsa.

QVÆSTIO II.

An corpora animalium sint composita ex quatuor elementis.

Alexander. Alenf. 2. p. 953. Membr. 1.
S. Thom. 2. Sent. dist. 15. q. 2. art. 1.
Egid. Rom. 2. Sent. dist. 15. q. 1. art. 1.
Richardus 2. Sent. dist. 15. q. 1.
Thom. Arg. 2. Sent. dist. 15. q. 1. art. 2.
Franciscus de Mayr. 2. Sent. dist. 15. q. 1.
Steph. Brulef. 2. Sent. dist. 15. q. 2.

UT R V M corpora animalium composita sint ex quatuor elementis, an ex vno. Et quod ex vno, videtur. Primo per Scripturam, quæ dicit: Producant aquæ reptibile, &c. Et similiter, producat terra animam viuentem: si igitur Scriptura sufficienter exprimit animalium materiam, cum non exprimat nisi simplicia elementa, patet, &c.

2. ITEM forma debet proportionari materię: ergo

Ad opposi-
tum.

Gen. 1.6

corpus animæ : sed forma animalium est simplex, ergo A
corpora debent esse simplicia: ergo non sunt ex quatuor
elementis: ergo, &c.

3. ITEM quanto aliquid ad naturam compositionis
magis accedit, tanto minus est perfectum : quod enim
simplicius est, potentius est, & perfectius: si igitur anima
sensibilis est forma valde potens, & nobilis: ergo debet
esse perfectio corporis simplicis, & non permixti ex
quatuor elementis.

4. ITEM corpora ad ornatum cæli spectantia non
sunt facta de alia materia quam cælum quod ornant: er-
go pari ratione, si quædam animalia ornant terram, &
quædam aquas, quædam sunt ex sola terra, & quædam
ex sola aqua.

5. ITEM si corpora animalium constant ex quatuor
elementis, tunc videtur quod cum elementa habeant
sphæras distinctas, quod elementa constituentia corpus
animalis sint in vnum iuncta per violentiam: si ergo vio-
lencia est contra naturam, constitutio cuiuslibet corporis
animalis est contra naturam: quod est inconueniens.

6. ITEM ex eisdem animalia sunt producta tunc ex
quibus producuntur nunc: sed nunc possunt elementa
virtute naturæ coadunari: ergo non possunt corpora ani-
malium ex quatuor elementis produci. Maior propo-
sitiō per se manifesta est. Minor probatur, quia non est in
potestate naturæ ignem facere descendere: si enim des-
cenderet, cum medium interstitium aeris sit frigidissi-
mum, necessario haberet ibi extingui, & alia plura se-
querentur inconuenientia: ergo, &c.

Fundamēta.

AD oppositum arguitur sic. Sensus est operatio ani-
mæ in corpore secundum conformitatem organi ad ob-
iectum: sed quodlibet animal habet tactum, qui est per-
ceptiuus quatuor qualitatū, & radicatur in quatuor
elementis: ergo quodlibet animal constat ex quatuor
elementis.

ITEM omne animal aliquo motu est mobile, vel pro-
gressiuo, vel restrictiuo, vel dilatiuo: sed nullum ele-
mentum de se est sic mobile: ergo necesse est animal
constare ex pluribus elementis.

ITEM quanto forma est spiritualior, tanto est plurium
operationum principium: sed anima sensibilis, est forma
valde spiritualis: ergo est principium multiplicis opera-
tionis: sed corpus dictum est ad subministrandum ei: ergo
necesse est, quod corpus sit aptum, & idoneū ad diuer-
sas operationes: sed non est aptum ad diuersas operatio-
nes: nisi per diuersas virtutes, nec ad diuersas virtutes,
nisi per diuersas naturas, nec habet diuersas naturas, nisi
quia ex diuersis est compositum: ergo, &c.

ITEM quanto forma posterior, & vltior, tanto no-
bilio, pro eo quod anteriora sunt materialia respectu
posteriorum: ergo nobilior est forma mixti, quam for-
ma elementi: si ergo anima sensibilis, cum sit forma no-
bilis, debet habere corpus nobile: ergo corpus anima-
lis non tantum est corpus simplex, sed constat ex di-
uersis elementis.

CONCLUSIO.

*Animalium corpora ex quatuor elementis sunt composita,
ut ad sensum & motum sint idonea, & ad ope-
rationum multipliciter.*

RESP. Ad Arg. Dicendum quod absque dubio cor-
pora animalium habent in se naturam quatuor elemen-
torum, sicut ostensum est per quatuor rationes, tum pro-
pter hoc, ut sint idonea ad sensum: tum propter hoc, ut
sint idonea ad motum: tum propter hoc, ut sint idonea
ad multipliciter operationis: tum propter hoc, ut in
se habeant dignitatem complexionis, quæ omnia com-
petunt illi corpori, quod perficitur anima sensibili: Et
propter hoc dicitur habere aliquem gradum perfectum
mixtionis, ubi non tantum sit mixtio, sed etiam comple-
tio: perfecta autem mixtio non est quousque concurrant
quatuor elementa. Aqua enim, cum sit subtilior terra in
decupla proportionem, penetrat partes terræ: sed non per-

fecto, pro eo quod aliquam habeat grossitiem. Aer ve-
ro qui est subtilior in centupla proportionem adhuc inti-
mius se profundat: sed ignis, qui est subtilior, & rarior
in millelima proportionem, subtilitate sua penetrat vsque
ad intima, & sic fit alteratio plena vsque ad minima, &
mixtio perfecta, quia miscibilia sunt perfecte alterat, &
sic patet quod taliter debent componi corpora perfici-
enda ab anima sensibili.

1. AD illud vero quod obiicitur de auctoritate Ge-
nesis, dicendum quod illud dictum est per quandam
prædominantiam, siue appropriationem, sicut melius
patebit infra.

2. AD illud quod obiicitur, quod forma debet pro-
portionari materiæ, dicendum quod verum est in condi-
tionibus, quæ competunt magis ipsi formæ: anima au-
tem cum sit simplex in substantia, multiplex est in vir-
tute: & ideo non competit, ut corpus ei assimilaretur in
simplicitate, pro eo quod simplicitas corporalis repu-
gnat multipliciter virtutis: & per hoc patet solutio.

3. AD illud quod tertio obiicitur, quod quanto ali-
quid compositius, tanto minus perfectum, dicendum quod
et si hoc habeat veritatem in spiritibus, quorum perfe-
ctio attenditur per accessum ad summe simplex, non ta-
men habet veritatem in corporibus, in quibus magnifica-
tur virtus ex partium magnitudine, sicut magis virtus ma-
gnus ignis, quam paruus: & plurificatur ex partium
multitudine, sicut maioris virtutis est syrupus compo-
situs, quam liquor impermixtus: & ideo homo, qui in-
ter cætera animalia est perfectissimus, inter cætera est
compositissimus, sicut planius videbitur inferius.

4. AD illud quod obiicitur de corporibus ornantibus
cælum, dicendum quod non est simile, quia illa nec pro-
priis motibus mouentur, nec spiritualibus formis perfici-
untur, quibus debeatur multipliciter operationum,
vel diuersitas partium componentium, & organorum,
sicut ponitur in animalibus.

5. AD illud quod obiicitur, quod sit elementorum vio-
lencia, dicendum quod non est intelligendum, quod
Dominus in primordio, cum corpora animalium com-
posuit, elementa ex diuersis sphæris concurrere fecerit:
hoc enim non oportebit, tum quia tam aqua, quam terra
non sunt elementa pura, sed aliis permixta secundum ea-
rum partem, secundum quam facta sunt ex eis animalia:
tum etiam, quia si essent pura & simplicia, in vno ele-
mento sunt cætera in potentia, & ex vno possunt fieri
omnia si adsit virtus alterans, & actiua sine aliqua mu-
tatione locali: ac per hoc sine aliqua violentatione.

6. ET per hoc patet responsio ad vltimum, quia simi-
liter quando sit mixtio elementorum, natura non facit
ignem, quia sursum est descendere, vel aerem: sed eum
ignem, vel aerem qui vel est in terra, vel generatur per
actionem alicuius agentis, facit venire ad constitutio-
nem animalis: & hoc quidem fit per naturam, non per
violentiam, quia enim natura, secundum quod dicit Phi-
losofus, semper desiderat quod melius est: materia, quæ
est sub forma elementari, appetit esse sub forma mixti,
& quæ est sub forma mixti, appetit esse sub forma com-
pletionis: ideo cum ex diuersis elementis sit mixtio in
vnum, appetitus materiæ, vel natura completur, &
violencia non infertur.

E

QVÆSTIO III.

*An corpora animalium magis constant ex actiuis, quam
passiuis elementis.*

Richardus 2. Sent. dist. 15. q. 1.

Steph. Brulef. 2. Sent. dist. 15. q. 3.

Vtrum corpora animalium magis constant ex ele-
mentis passiuis, quam actiuis, an è conuerso. Et
quod magis ex elementis passiuis illud videtur per Scri-
pturam, quæ dicit, ea facta ex terra, & aqua: hoc autem
non est dictum, quod quodlibet illorum elementorum
sit aliorum animalium sensibilibus tota materia: ergo di-
ctum est per prædominantiam.

Fundamēta.
Ex 1. Cali
context. 21.

ITEM

ITEM sicut vult Philosophus, ex eisdem constant animalia, ex quibus nutriuntur: sed animalia maximè nutriuntur ex aqua, & terra per cibum, & potum: ergo, &c.

ITEM ex eis maximè constituuntur corpora in quibus magis requiescunt, quia quies attenditur penes appetitum, & appetitus intentio penes quantitatem prædominantis: si ergo omnia animalia maxime requiescunt, in aqua, vel in terra, videtur quod ex eis maxime sint constituta.

ITEM in compositione corporis animalis membra officialia sunt ex consimilibus, & consimilia ex humoribus: sed in humoribus maximè dominatur natura aquea, & in membris solidis maxime dominatur terra: ergo si elementa non veniunt ad constitutionem corporis animalis, nisi per humores, & mēbra, videtur quod omnia animalia ex his duobus elemētis maxime sint constituta.

Ad oppositum arguitur sic: Sicut Philosophus vult: vita maxime est per calidum, & humidum: ergo si omnia animalia viuunt, in eis abundat, & prædominatur calidum, & humidum: ergo illud elementum, cui hæc principaliter insunt: hoc autem elementum est actiuum, scilicet aer: ergo, &c.

ITEM sicut vult Augustinus super Genesim ad litteram: Et de spiritu, & anima: lux est id, quo mediante corpus vnitur animæ, & anima regit corpus: ergo si lux præcipue reperitur in igne, videtur quod in corpore cuiuslibet animalis natura ignis debeat prædominari.

ITEM anima sensitiva sicut est principium sensus, ita est principium motus: ergo animalium corpora non tantum ad sensum, sed etiam ad motum dicunt esse habilia: sed elementa graviora sunt minime ad motum habilia, & hæc sunt elementa passiva: ergo videtur, quod animalium corpora magis consent ex actiuis, quam passivis.

ITEM nobili perfectioni debet respondere nobile perfectibile: sed anima sensibilis est perfectio valde nobilis: ergo corpus illius maxime ex his debet elementis constitui, quæ sunt nobiliora inter corpora simplicia, hæc autem sunt elementa actiua, non passiva: ergo, &c. Si tu dicas ad hoc quod animalium corpora plus constituuntur ex elementis actiuis, quam passivis, secundum quantitatem virtutis, non molis.

1. Obiicitur contra hoc, quia motus sequitur naturam prædominantis secundum quantitatem, sed aves mouentur sursum: ergo videtur quod in eis secundum quantitatem prædominentur elementa, quæ sunt nata ferri sursum: hæc autem sunt actiua, non passiva, vt in ignis, & aer: ergo, &c.

2. ITEM volatilia sunt ad ornatum aeris: sed ornatus proprie, & debite collocatur in eo quod ornatur, nullum autem corpus proprie, & debite ordinatur in aëre, nisi in quo dominantur elementa actiua: ergo si auium corpora ibi ordinantur, vt ipsum ornantia: videtur, quod in eis prædominantur actiua elementa: quod si non proprie ibi locantur, quia ibi requiescunt, sed magis in terra, videtur quod potius debeant dici volatilia ad ornatum terræ, quam aeris, cui Scriptura contradicit.

CONCLUSIO.

In animalium corporibus elementa passiva quo ad molis quantitatem prædominantur, licet quo ad virtutis quantitatem actiua prædominium habeant.

RESP. AD Arg. Dicendum quod secundum quod duplex est quantitas, videlicet molis, & virtutis: secundum hoc potest dupliciter attendi elementorū prædominantia, videlicet quantum ad molem, & quantum ad virtutem. Si enim loquamur de prædominantia quantum ad molem, sic in corporibus animalium prædominantur elementa passiva, & ideo ex eis maxime dicuntur esse facta. Si autem loquamur quantum ad quantitatem virtutis, cum corpus complexionatum sit natum regi ab anima mediantibus elementis actiuis, sic prædominantur in eis elementa actiua. Ratio autem huius, sc. quod elementa

actiua, & passiva secundum hanc duplicem quantitatem, virtutis, sc. & molis, vicissim prædominantur, sumitur ex parte finis: finis enim imponit necessitatem his, quæ sunt ad finem: finis autem corporis complexionati anima est, in quantum dat ei vitam, & sensum, & motum. Ad vitam autem corpus illud non esset habile, si prædominantur ibi elementa passiva, quantum ad quantitatem, & virtutem propter sui grossitiem, & soliditatem, sicut sunt corpora mineralia. Similiter non esset habile si prædominantur ei elementa actiua, quantum ad virtutem, & molem: quia statim consumerentur elementa passiva: nec esset, quod posset vegetari ab anima: & ita oportuit, quod ex quadam mutua prædominantia consurgeret quædam mutua proportio, & concordia, ex qua corpus illud esset aptum ad vitam suscipiendam, & animam, quæ est quasi quædam harmonia. Ad sensum similiter idoneum non esset nisi prædominaretur natura elementi passivi quantum ad molem, quia tactus, est primus inter omnes sensus animalis, in quo sensu prædominatur terra: & ita si non prædominaretur terra in corpore, non esset idoneum ad tactum: ergo nec ad aliquem sensum. Similiter oportet quod ad hoc, quod sit idoneum ad sensum, prædominetur in eo ignis, quantum ad virtutem siue calorem. Calor enim, & spiritus sunt instrumēta virtutis sensitivæ, & hoc est quod dicit August. super Genesim ad litteram. Tactus, qui est quintus in sensibus, terreno elemento magis congruit, perinde per totum corpus animantis, quod maximè ex terra est, tacta sentiuntur: & post anima cui sentiendi vis est, cum corpore non sit, per subtilius corpus agitat vigorem sentiendi: inchoat namque motum in omnibus sensibus per subtilitatem ignis. Et ita ex hoc patet quod ad hoc, quod corpus sit idoneum ad sensum, necesse est actiuorum elementorum, & passiuorum esse mutuum prædominium. Similiter ad hoc, quod sit idoneum ad motum, necesse est, quod elementa actiua virtualiter prædominentur, mediantibus quibus animæ vis motiua ad membra pertingat: necesse est etiam, quod dominetur passiva secundum quantitatem molis, ex quibus constituuntur mēbra solida ad mouendum idonea. Et hoc est quod dicit August. in lib. 7. super Genesim ad litteram: Ignis omnia penetrat, vt motum in eis faciat. Et post: Ideo autem caloris priuatione, cum corpus nimis frigescit, obtunditur sensus, quia motus pigrescit. qui ex calore inest corpori: sic igitur propter motum necesse est esse mutuum actiuorū, & passiuorum elementorum in corpore animalis prædominantiam, vt membra sint mobilia, ita quod vigorem habeant, & agilitatem ex aëre, & igne: soliditatem vero habeant ex dominio aquæ, & terræ secundum quantitatem. Aqua igitur, & terra in omnibus animalibus secundum quantitatem molis prædominantur. Sicut enim aliquis artifex, miscendo terram cum aqua, facit lutum, & ex illo componit statuas: sic dum liquor aqueus terræ miscetur, fit humor: & dum ille coagulatur per naturam, fit corpus organicum. Dupliciter autem potest intelligi hæc commixtio: aut ita, quod aquæ præexistenti fluxibili immisceatur terra, aut è contra, vt terra primum sit quasi arida, & ad suarum partium continuationem commisceatur aqua. Et his duobus modis producta sunt animalium corpora: & ideo quædam dicuntur esse ex aquis, quædam ex terra facta. Hoc autem non est dictum, quia illa, quæ facta sunt ex aquis, plus habeant de aqua, quantum ad substantiam, quam de terra, cum omne corpus animantis ad sui constitutionem plus recipiat de terra, quantum ad substantiam, tum propter hoc, quod ipsa est, quæ præbet aliis soliditatem, & stabilitatem, tum etiam, quia ipsa habet parum de specie, & multum de materia: sed quod dictum est aliqua ex aqua esse facta, hoc est, quia magis in eis, quam in aliis dominatur natura aquea: hoc autem dico, non quantum ad prædominium actiuæ qualitatis, vel passiuæ, sed quantum ad aliquam conformitatem naturæ, per quam illa quæ ex aqua producta sunt, in aquis magis delectantur esse. Et quoniam humor aqueus est in duplici differentia, videlicet in

Lib. 3. c. 4. per totum.

Arist. 2. de gen. cont. 49.

ratione humoris fluctuantis, & in ratione vaporis exhalantis: ideo aqua est principium duplicis generis animalium, scilicet natatiliū, & volatiliū. Natatiliū secundum rationem humoris: & ideo illa remanserunt in aquis. Volatiliū ratione vaporis: & ideo cum ille vapor sit commixtus aëri, & feratur sursum, volatilia in aëra subleuantur: & eorūque possunt ascendere, quovis que inueniant aërem humidis exhalationibus pinguescentem. Et hoc est, quod dicit August. in lib. 3. super Genesim ad litteram: Iste inferior aër, qui excipit exhalationes humidas maris & terræ, & ad aves sustinendas quodam modo crassatur, non nisi ex aquis accepit animalia. Quod enim eius humidum est, hoc portat alitum corpora, quæ ita vtuntur pennis volantes. quemadmodum pisces quibusdam suis alis natantes: perinde sciēter Spiritus Dei ex aquis dicit esse producta volatilia. Aquarum enim natura bipartitum locum sortita est: inferiorē, sc. in vnda labili, superiore vero in aura stabili, illam deputatum natantibus, istam volantibus: sic hoc elemento congrue etiam duos sensus animalibus datos videmus, olfactum explorandis vaporibus, gustum explorandis liquoribus.

Ex prædictis igitur patet responsio ad quæstionem propositam: patet etiam responsio ad obiecta, quia in corporibus animalium prædominantur elementa passiva, quantum ad quantitatem molis, sicut ostendunt rationes ad partem primam inductæ: prædominantur nihilominus, & activa, quantum ad quantitatem virtutis sicut ostendunt rationes quatuor in contrarium adductæ.

1. AD illud vero quod obiicitur quinto, quod in volatilibus prædominetur aër secundum quantitatem, quia aves moventur sursum: dicendum quod cum dicitur quod motus sequitur naturam prædominantis, hoc verum est de motu naturali, qui debetur corpori ratione sui ponderis: non tamen est verum de motu animalis, qui est de virtute ipsius animæ: corpora autem animæ naturæ suæ relicta nunquam ascendunt in aëra, sed descendunt ad terram: quod autem ascendant, hoc est per vim animæ suffragantibus sibi pennis, & spiritibus interioribus, & vaporibus in aëra eleuatis.

2. AD illud quod obiicitur, quod aves ornant aëra, dicendum quod non dicuntur ornare aëra, quia ibi magis quiescant, quam in terra: hoc enim est falsum: in terra enim quiescunt, & ab ea recipiunt alimentum: sed ratio huius est, quia animæ actus est motus maxime in volatu, & quia illum exercent in aëre: ideo dicuntur aëra decorare, & ornare: potissimum enim actum suum ibi exercent.

ARTICVLVS II.

CONSEQUENTER quæritur quo ordine animalia sint producta. Et circa hoc quærentur tria. Primo quæritur de ordine productionis ex parte finis. Secundo ex parte temporis. Tertio vero ex parte productionis, & quietis.

QVÆSTIO I.

An omnia sensibilia propter hominem facta sint.

*Richardus 2. Sent. dist. 15. art. 4. q. 2.
Steph. Brulef. 2. Sent. dist. 15. q. 4.*

Fundamēta.

Gen. 1. 6
Gen. 9. 4

1. Cor. 3. d

2. Phys. com.
sec. 24.

VTVM omnia sensibilia facta sint propter hominem. Et quod sic, videtur. Primo per Scripturam. Dominamini piscibus maris, & volatilibus cæli, &c. Et iterum: Omnes pisces maris manui nostræ traditi sunt, & omne, quod mouetur, & viuit: ergo omnia ad vtilitatem hominis facta sunt.

ITEM per Apostolum: Omnia vestra sunt: hoc dicit viris iustis: ergo propter viros iustos omnia quæcūque facta sunt, sunt producta: ergo & animalia sensibilia.

ITEM Philolophus: Homo est finis quodammodo omnium eorum, quæ sunt: ergo & sensibilia.

ITEM omnia bonum optant, non quodcumque, sed

lummum, sicut vult Dionysius, & Philolophus: sed inter creaturas inferiores solus homo natus est immediate ad Deum pertingere: ergo aliz creaturæ ordinantur in finem mediante homine: sed quod in finem ordinatur alio mediante, est propter illud: ergo omnia sensibilia facta sunt propter hominem.

1. SED contra: Tantæ dignitatis est esse rerum finem, sicut esse principium: sed sensibilia animalium solus Deus fuit principium, ita quod non homo: ergo eorundem finis est non homo, sed Deus.

2. ITEM quædā sunt animalia, quæ non valent homini nisi ad esum: quædā quæ non valent nisi ad vestimentum: sed si homo stetit, his non indigisset: ergo huiusmodi animalia aut facta essent frustra, aut non sunt facta propter hominem. Si tu dicas, quod Deus ea fecit, quia prævidit hominem esse lapsum, tunc videtur quod in voluntate hominis, & potestate consisteret, vtrum illa animalia frustra essent, quod falsum est.

3. ITEM si animalia facta sunt propter hominem: ergo nulla debent esse facta contra hominem: sed multæ bestię homini sunt nociuæ: ergo non debuerunt fieri in primaria rerum conditione, aut certe frustra factæ sunt. Si tu dicas, quod bestię non possent nocere, si homo non peccasset: tunc videtur quod post peccatum hominis sit noua potentia eis tradita.

4. ITEM si animalia facta sunt propter habitationem hominis decorandam, cum in statu innocentie non deberet habitatio fœdari, videtur quod non debuerunt corruptibilia animalia fieri, quæ suis corruptionibus, & exhalationibus inficerent aërem. Si tu dicas, quod non corrumpere hunc est contra Augustinum super Genesim ad litteram lib. 3. qui dicit tunc facta esse animalia viuētia de rapina. Ait enim sic: Quædam refectioem corporis sui ex aliorum quærent corporibus: vbi loquitur de bestiis.

5. ITEM quidquid sit de hoc, siue moriantur, siue non moriantur, videtur quod animalia quæ alia deuorant, hominis habitationem dehonestent, cum ea destruant, quæ ad ipsius faciunt decorem, & ornatum.

CONCLUSIO.

Omnia sensibilia propter hominem sunt facta, siue in statu innocentie, siue in statu peccati consideres illum.

RESP. AD Arg. Ad prædictorum intelligentiam est notandum quod finis ad quem res ordinantur, duplex est. Quidam enim est finis principalis, & vltimus, quidam est finis sub fine. Si primo modo loquimur de fine, sic omnium creaturarum tam rationalium quam irrationalium finis est Deus, quia omnia propter semetipsum creauit Altissimus, omnia enim fecit ad laudem suæ bonitatis. Si autem loquamur de fine non principali, qui est finis quodam modo, & finis sub fine: sic omnia sensibilia alia facta sunt propter hominem. Et hoc insinuat Philolophus cum dicit: Sumus finis nos quodam modo omnium eorum, quæ sunt. Insinuat etiam Scriptura multo excellentius, cum dicit: Faciamus hominem ad imaginem, & similitudinem nostram, & præsit piscibus maris, &c. quia enim homo rationis capax est, ideo habet libertatem arbitrij, & natus est piscibus dominari: quia vero per similitudinem natus est in Deum tendere immediate, ideo omnes creaturæ irracionales ad ipsum ordinantur, vt mediante ipso in finem vltimum perducantur. Et sic concedendæ sunt rationes ostendentes animalia propter hominem facta esse. Ad dissolutionem autem rationum, quæ inducuntur in contrarium notandum est, quod aliter ordinantur animalia ad hominem secundum statum innocentie, aliter secundum statum naturæ lapsæ. Secundum statum innocentie ordinantur ad hominem secundum rationem quadruplicem. Prima ratio est ad manifestandum eius imperium, quod manifestarent dum ei per omnia obediunt. Secunda ad decorandum hominis habitaculum: perpulchrum enim erat habitaculum hominis

anima

De diuinis
nom. per 10.
num. 6. 4.
Aristot. 1.
Ethic. 6. 1.

Ad opposi-
tum.

Cap. 16.

Aristot. 2.
Physic. com.
sec. 24.

Gen. 1. 6

animalium multiplicatione, non solum arborum deco-
rari. Tertia ad excitandum hominis sensum, ut in ipso-
rum animalium naturis diuersis videret homo multi-
formitatem sapientie Conditoris. Quarta ad moderan-
dum eius affectum, ut dum homo videret animalia secun-
dum rectitudinem suæ naturæ currere, & amare illud, ad
quod naturaliter facta sunt, ex hoc excitaretur ad aman-
dum Deum. Et propter has rationes non solummodo fe-
cit Deus iumenta : sed etiam bestias, & pecora : omnia
enim faciunt ad hominis vtilitatem secundum rationes
prædictas. Secundum statum naturæ lapsæ ordinantur
ista animalia ad vtilitatem hominis: sed aliter bestie, &
aliter iumenta, & pecora. Iumenta enim & pecora or-
dinantur ad releuandam hominis indigentiam quantum
ad cibum, & quantum ad vestimentum, & quantum ad
obsequium, sicut sunt equi, & asini: & quantum ad sola-
tium, sicut quædam aues, & catuli, & similia: & sic facta
sunt propter hominem ratione quadruplici. Similiter
animalia siue bestie noxiæ ordinantur ad hominem se-
cundum quadruplicem rationem, & vtilitatem, quam
ponit Ang. super Genesim ad literam lib. 3. dicit enim
quod aut pœnaliter lædunt, aut salubriter exercent, aut
vtiliter probant, aut ignoranter docet. Et sic patet quod
tam bestie quam reptilia, & iumenta facta sunt pro-
pter hominem, siue in statu innocentie, siue in statu na-
turæ lapsæ. Planum est etiam per hoc illud quod obiicitur
in contrarium.

1. AD illud enim quod obiicitur, quod esse finem est
magnæ dignitatis, dicendum quod verum est de fine prin-
cipali, qui est finis carens fine: non autem est verum de
fine, qui est finis quodam modo.

2. AD illud quod obiicitur de animalibus non valen-
tibus, ad esum & vestitum, responderi potest, quod illa
fecit Deus, quia præuidit hominem lapsurum: esto ta-
men quod non laberetur, non tamen esset frustra, habe-
rent enim præter reuelationem indigentie quadrupli-
cem vtilitatem, sicut determinatum est supra.

3. AD illud quod obiicitur de bestiis, quæ sunt con-
tra hominem, dicendum quod homine stante, nulla ani-
malia ipsum offenderent: sed omnia sibi mansueta essent,
sicut aliquando diuino imperio fere crudelissime sanctis
Dei mansuetæ factæ sunt: ut leones Danieli: quod autem
noceant, vel offendant, hoc est propter peccatum homi-
nis, non propter nouam potentiam eis datam: sed pro-
pter dignitatis præsidenciam ab homine amissam: vnde
sicut oculus sanus à sole non læditur: sed cum efficitur
lippus, statim offenditur, non propter mutationem factā
in sole, sed in oculo, sic & in proposito intelligi potest.

4. 5. AD illud quod obiicitur, quod homine stante
non debuerunt fieri animalia mortalia, dicendum quod
sicut animalia sua vita habitationem hominis decorant,
& ornant, sic etiam morte sua ex successione faciunt ad
vniuersi decorationem: & sicut animalia se inuicem iu-
uantia sunt ratio sapientie excogitandæ, sic etiam ani-
malia se offendentiā, & de carnibus aliorum animalium
nutrimentum sumentia, quia illa corruptio aërem ho-
minis non inficeret, quod eius odoratum offenderet: sed
potius quadam successione, & ordine, dum animalia
sibi succederent vniuersum decorarent, tanquam pul-
cherrimum carmen, in quo syllaba succedit syllabæ. Si-
militer dum bestia aliud animal comedendo occideret in
hominis habitatione discordiam non faceret, sed potius
occasionem eruditionis homini præberet. Et hoc est
quod dicit Augustinus in lib. 3. super Genesim ad literam:
Nimirum aliæ bestie cibi sunt aliorum: nec recte possu-
mus dicere, quod non essent aliæ, quibus aliæ vesceren-
tur, habent enim omnia quandiu sunt, mensuras, nu-
meros, & ordines suos, quæ cuncta merito conside-
rata laudantur, nec sine occulta, pro suo genere, mo-
deratione pulchritudinis temporalis ex alio in aliud
transiendo mutantur: certe omnibus talibus inferioris
creaturæ motibus præbentur homini salubres admoni-
tiones, deinde planius exemplificat. Ex his patet res-
ponsio ad obiecta.

QVÆSTIO II.

An Deus recto ordine produxerit res sensibiles.

Richardus 2. Sent. dist. 15. art. 3. q. 1.

Steph. Brulef. 2. Sent. dist. 15. q. 5.

DE ordine productionis sensibilibus, quantum est
ex parte temporis. Et dicit Scriptura, quod volati-
lia, & natatilia facta sunt in vno die, scilicet quinto, gressibi-
lia vero cum homine facta sunt die altero, scilicet sexto.

1. CONTRA istum ordinem obiicitur sic. Primo ex
parte ipsorum animalium sensibilibus in se. Secundo ve-
ro in comparatione ad hominem. Contra primum obi-
icitur sic: Vno die fuerunt omnia elementa distincta, non
solum aer, & ignis, sed etiam aqua, & terra: igitur pari
ratione à summo opifice debent fuisse ornata: igitur in
vno die debuit fieri ornatus aeris, & aquæ, & terræ.

2. ITEM distinctio dierum fit penes diuersitatem
operationum: ergo si tria sunt elementa, quæ ornantur
ex animalibus: & tria sunt genera animalium, scilicet vo-
latilia, & natatilia, & gressibilia: videtur quod produci
debuerunt saltem in tribus diebus.

3. ITEM terra prior omnibus producta est: ergo prior
omnibus debet esse ornata: ergo animalia, quæ terram
ornant, prius produci debuerunt, quam illa quæ ornant
aquam, vel aerem.

4. ITEM cum producantur animalia ornantia ele-
menta: aut producantur secundum ordinem dignitatis,
ut incipiatur à supremo: aut secundum ordinem ascen-
sionis, ut incipiatur ab infimo. Si primo modo: ergo de-
beret prius fieri ornatus ignis, quam aeris. Si secundo
modo: ergo prius deberet fieri ornatus terræ quam
aquæ: quorum vtrumque repugnat sacre Scripturæ &
ordinationi productionis prius determinatæ, quantum
ad productionem ipsorum animalium.

5. ITEM obiicitur contra ordinem productionis ani-
malium in comparatione ad hominem. Homo enim plus
conuenit cum Angelis, quam cum bestiis. Ergo magis
debuit produci eodem die cum Angelis, quam eodem
die cum bestiis: ergo productio hominis, & bestiarum
non recte facta est in eodem die.

6. ITEM plus conuenit irrationale cum irrationali,
quam cum homine, siue rationali: ergo magis compe-
tens fuit in eodem die producere omnia animalia irra-
tionabilia, quam simul producere hominem, & bruta.

7. ITEM principalius opus diei debet primo fieri: sed
homo principalius opus fuit diei sextæ: ergo debuit an-
te fieri, quam fierent sensibilia: siue bruta: quod est con-
tra ordinem sacre Scripturæ.

8. ITEM posterius magis indiget priori, quam è con-
uerso: sed bruta animalia magis indigebant homine, quam
homo indigeret eis, secundum illum statum: ergo ante
debebat homo produci, quam illa in esse prodirent.

CONCLUSIO.

In productione rerum sensibilibus seruatus est ordo conue-
nientissimus, tam si attendas finem, & materiam, quam
præcellentiam perfectionis naturæ.

RESP. Ad arg. Dicendum quod in productione sen-
sibilibus duplex attenditur ordo, vnus, scilicet secundum
distinctionem diei à die, alius scilicet secundum ordinem
eorum, quæ eodem die producta sunt. Primus autem or-
do attenditur secundum exigentiam finis, & materię: &
quia volatilia, & natatilia ex aquis producta sunt, propterea
aqua communiter accipitur ad humorem, & vaporem,
& sunt ad ornatum naturæ perspicuæ: ideo sacra Scri-
ptura dicit ea esse facta vno die. Quia vero gressibilia
non solum rationalia, sed irrationalia ad ornamentum
terræ spectant, & ex eadem materia sunt producta, sci-
licet terra: ideo non eodem die, sed alio à prædictis facta
sunt: ita quod sicut vno die ornata est natura cælestis,
scilicet quarto, sic vno die ornatur natura elementaris

Ad opposi-
tum.

perspicui, scilicet quinto, & alio terra, scilicet sexto: & A
 sicut natura celestis præcedit elementarem perspicuam,
 & perspicua opacam: sic naturarum harum ornamenta
 sunt ordine temporis correspondente producta. Secun-
 dus autem ordo, qui est inter ea, quæ producta sunt eo-
 dem die, attenditur secundum præcellentiam perfectio-
 nis naturæ: prius enim producitur quod imperfectum
 est, & deinde quod perfectum: quia is est ordo, ut à mi-
 nus completo perveniat ad magis completum: & ideo
 Scriptura prius dicit esse producta natatilia die quinto,
 quæ sunt minus perfecta, quam volatilia: & similiter in
 sexto die prius dicit esse producta irrationalia, quam ho-
 mo, quamvis multiplex possit assignari ratio, quare ho-
 mo post creaturas est productus. Occurrit autem triplex
 ratio ad præsens, quare post omnia productus est homo,
 scilicet propter partium corporis multitudinem, propter B
 animæ, & corporis distantiam, & propter totius compo-
 siti perfectionem. Propter partium corporis multitu-
 dinem debuit homo ultimo produci: cum enim corpus eius
 sit completissimum inter cætera corpora, & quanto ali-
 quid completius, tanto posterior, post omnia produ-
 endus erat. Propter animæ & corporis distantiam debuit
 fieri post cætera: quia enim distat anima à corpore, &
 non solum sicut forma à materia, sed etiam sicut spiri-
 tuale à corporali, & sicut perpetuum à corruptibili: ideo
 magna distantia temporis debuit intervenire inter pro-
 ductionem hominis quantum ad materiale principium,
 & coniunctionem suarum partium, ut per distantiam
 temporis intelligeretur distantia principiorum consti-
 tutum. Et propter totius compositi perfectionem post C
 cætera debuit homo produci: quia enim homo sua di-
 gnitate, & complemento finis est omnium corporalium:
 ideo post omnia erat producendus, ut sua productione
 finiret, & compleret omnia præcedentia, sicut finis com-
 plet, quod ad ipsum ordinari habet. Et sic patet, quod
 divina sapientia in productione sensibilium servavit or-
 dinem convenientissimum.

1. Ad illud quod primo obiicitur, quo elementa simul
 sunt distincta, dicendum quod non est simile, quia di-
 stinctio non est in vno elemento nisi respectu alterius:
 ideo non potest vnum elementum distingui ab alio, quin
 alterum distinguatur ab eo: non sic autem est in ornatu: or-
 natus enim vnius elemēti non necessario respicit alterū.

2. Ad illud quod obiicitur, quod tria sunt elementa,
 quæ ornantur: ergo, &c. dicendum quod & si tria sint,
 ornatus tamen duorum, scilicet aeris, & aquæ non respicit il-
 la, ut duo sunt, sed ut in vno communicant, scilicet in natura
 aquea, sicut supra determinatum est: & ideo duorum or-
 natus ad eandem diem spectat, & productio animalium,
 quæ illa duo elementa ornant, in vno die est facta.

3. Ad illud quod obiicitur, quod terra prior est pro-
 ducta, dicendum quod falsum est: nam in principio Ge-
 nesis, terra non accipitur pro elemento, sed pro materia.

4. Ad illud quod obiicitur de igne, quod quia est
 præcipuus inter elementa, deberet prius ornari, dicen-
 dum est, quod propter qualitatem actiuam non possunt
 in eo vivere animalia: & propter nimiam distantiam à
 nobis non essent vsui hominis apta: & ideo non deter-
 minatur eius ornatus, nec post, nec antea: Terræ vero
 ornatus ordinatur postremo, pro eo, quod ipsa est infi-
 ma, & obscura: & ideo maiori indiget ornamento: &
 propter hoc ornatur plantis, & animalibus: & mine-
 ralibus, & in eius ornatu consistit totius ornatu com-
 plementum, quantum ad hominem, qui est præcipuus
 inter omnia alia animalia.

5. Ad illud vero quod obiicitur, quod homo debuit
 produci cum angelis, cum quibus magis communicat,
 dicendum quod etsi magis communicat, quantum est à
 parte animæ: non tamen quantum est à parte corporis.
 Similiter ad sequens, dicendum est, quod quamvis gres-
 sibilis, & volatilis magis communicent in formali per-
 fectione: non tamen tantum communicant quantum ad
 elementum, ex quo principaliter constituuntur, & quod
 ornant: quod quidem est elementum terræ.

6. Ad illud quod obiicitur, quod principalius opus
 deberet esse prius, dicendum quod falsum est: quia in
 eis, quæ producuntur prius est minus perfectum, quam
 magis perfectum secundum ordinem generationis. quā-
 vis magis perfectum sit prius secundum ordinem di-
 gnitatis.

7. Ad illud quod obiicitur, quod posterius indiget
 priori, dicendum quod verum est, quando aliqua ordi-
 nantur, ita quod inter ea cadit ordo essentialis: quando
 vero est ordo solius congruentiæ, sicut in proposito,
 non est necesse, quod habeat veritatem.

QVÆSTIO III.

*An Deus post productionem rerum ab omni opere
 quiescit.*

Alexander Alesius 2. p. q. 56. Membrum 1.

S. Thom. 1. p. q. 74. art. 2.

Et 2. Sent. dist. 15. q. 3. art. 2.

Agid. Rom. 2. Sent. d. 15. q. 2. art. 2.

Richard 2. Sent. dist. 15. art. 5. q. 1.

Steph. Brulef. 2. Sent. dist. 15. q. 7.

DE ordine productionis animalium ad quietem. Et
 queritur, utrum Deus postquam animalia produ-
 xit, ab omni opere quiescit. Et quod sic, videtur per
 Scripturam: Requieuit Deus die septimo ab omni opere,
 quod pararat: sed animalia producta sunt quinto, & sex-
 to die: ergo post eorum productionem sequitur quietatio.

ITEM omnis operatio, quæ pervenit ad completio-
 nem, habet quietem subsequenter: sed productio crea-
 turarum completur in productione animalium, & ma-
 xime hominis: ergo videtur, quod postquam Deus die
 sexto animalia produxit, quod deinceps requieuit.

ITEM distinctio dierum est ad nostram instructio-
 nem: sed sex diebus permisit Deus homines operari, se-
 ptimo præcepit quiescere, & cessare ab omni opere: si
 ergo illud mandatum rationem habet ex primaria re-
 rum conditione, videtur quod animalium productionem
 subsequuta fuerit quies.

ITEM omnis creaturæ productio finem habet, &
 terminum: ergo similiter dies omnis, in qua aliquid
 producitur, habet vesperam: sed septimæ diei secun-
 dum Scripturam non assignantur vesperæ: ergo post
 septimum diem nulla sunt producta, & in sexto die
 producta sunt animalia: ergo, &c.

CONTRA: Pater meus operatur vsque modo, &
 ego operor: ergo si vsque modo operatus est, videtur
 quod septimo die non cessavit ab opere.

ITEM septimus dies autem est novus dies præter dies
 præcedentes, aut non. Si non: ergo non debet cum aliis
 connumerari. Si sic, & illum fecit Deus: ergo constat,
 quod non requieuit ab omni opere, postquam produxit
 animalia. Si tu dicas, quod dies ille non differt à præ-
 cedentibus, nisi secundum numerum: sed sic differt octa-
 nus, & novus, & sic deinceps: ergo si septimus numera-
 tur, eadem ratione & octavus deberet numerari.

ITEM requies autem connotat aliquem effectum, aut
 nullum. Si nullum connotat: ergo ab æterno requieuit:
 igitur ante requieuit, quam aliquid produceret: ergo pe-
 nes requieitionem non debet accipi aliquis dies. Si con-
 notat aliquem effectum, & iste effectus non fuit in die-
 bus præcedentibus: ergo aliquid novum produxit in
 die septimo: non ergo requieuit ab omni opere suo,
 postquam produxit animalia die sexto.

ITEM Deus creat quotidie novas animas, & in-
 fundit corporibus, creare autem est opus soli Deo pro-
 prium: ergo non videtur quod ab operatione quiescit
 post diem sextum.

ITEM animalia quædam producuntur per putre-
 factionem, sed constat, quod illa non sunt producta in
 sex diebus, sicut dicit August. 3. super Genes. ad lit. &
 huiusmodi habent species proprias, & naturas: ergo vi-
 detur, quod post septimum diem non cessaverit à pro-
 ductione novarum specierum in genere animalium.

Fundamēta.

Gen. 2. 6

Ad opposi-
 tum.

Joan. 5. 4

Aug. lib. 3.
 c. 14. n. 3.

6. ITEM

6. ITEM quædam animalia generantur per commixtionem, sicut mulus ex equa, & asino. Hæc autem in sex diebus non fuerunt facta, nec in esse individuali, nec in sua specie: ergo post sextum diem non cessauit à rerum productione, non solum quantum ad individua, sed etiam quantum ad species, & genera.

CONCLUSIO.

Post animalium productionem secuta est quies, non quæ sit laboris cessatio, sed operis inchoati completio.

RESP. Ad Arg. Ad prædictorum intelligentiam est notandum, quod omnis artifex perfectus opus inchoat, ut ad perfectionem perducatur: & sicut intendit, ita facit, si per omnia sufficiëntia virtutis agentis sibi suppetit: cum autem ad perfectionem deduxerit, habet quod intendit: omne autem operans propter quid, obrento eo, propter quod agit, quiescit: omnis igitur agēs perfectus, sic operatur, ut aliquando quiescat: cum igitur Deus sit agens perfectissimū in producendo ipsum vniuersum, necesse est ergo ipsum aliquando quiescere: sed cum duplex sit agens, quoddam quod mouetur & laborat in sua operatione, quoddam vero, quod nec mutatur, nec variatur: illud, quod primo modo agit, quiescit per quietationem, quæ quidem est priuatio motus & laboris, sicut est agēs creatum: illud vero, quod secundo modo agit, quiescit quietatione, non quæ sit laboris, vel fatigationis priuatio, sed quæ est cessatio ab opere propter ipsius perfectionem: & sic dicitur Deus ab omni opere quiesuisse, cum vniuersum produxerit ad esse perfectum, & sic quiescit, cum ad perfectum esse deduxit. Propter quod dicitur quod duplex est perfectio vniuersi, vna & præcipua secundum esse permanentem, alia est secundum ipsius esse decurrens. Prima attenditur in completa existentia principiorum, & completo numero specierum, quæ quidem species naturam generis participant secundum rectam, & ordinatam intentionem naturæ. Secunda vero perfectio consistit in productione eorum, quæ per tempora decurrunt, & sibi ipsis consequenter succedunt, ex cuius successionis ordinatione resultat quædam vnitatis pulchritudo, & perfectio. Quoniam igitur secundum primam perfectionem Deus vniuersum in sex diebus ad esse produxit, scilicet quantum ad completam existentiam principiorum, & quantum ad completum numerum specierum: ideo dicitur requiesuisse ab omni opere, quod patrarat. Quia vero continue operatur ad rerum successionem per propagationem, & individuorum multiplicationem: ideo dicitur operari vsque modo: & ex his patet responsio ad quæstionem propositam. Concedendum est enim, quod ad productionem animalium maxime hominis, secuta est quies in die septimo: non quia facta sit laboris terminatio, sed quia facta est operis inchoati completio: concedendæ sunt rationes hoc probantes.

1. AD illud quod obiicitur in contrarium de Ioanne: Pater meus operatur, &c. Iam patet responsio: obiicit enim de illa operatione, quæ spectat ad operationem vniuersi secundum esse decurrens, non secundum esse permanentem.

2. AD illud quod obiicitur, quod fecit diem septimum, dicendum quod dies septimus non fuit alius specie à præcedentibus diebus: immo quodam modo iam erat in aliis productus: & ideo ad primum complementum vniuersi nihil addebat ratione sui: & ideo eius productio non repugnabat quieti, secundum quod quies dicitur cessationem à productione eorum, quæ sunt de principali vniuersi constitutione: enumeratur tamen cum prædictis diebus magis, quam dies octauus, vel nonus propter cessationem ab opere constituendi vniuersum, secundum quam non attenditur numeratio dierum, quod non habeat terminum: & ideo septimus dies non dicitur habere vespem: nec post illum enumeratur dies novus: sed fit regressus ad principium, vel primum.

3. AD illud quod obiicitur, quod requiescere ab opere, aut connotat effectum aliquem, aut nullum, dicendum quod secundum Aug. requiescere dicitur in Deo causaliter, quia facit creaturam spirituales per completam contemplationem sibi inhærendo quiescere, vel quiescendo sibi inhære. Secundum autem alios sanctos, & viam communem quiescere dicitur effectum, non qui sit in die sabbati, sed qui præcessit: unde Deus dicitur quiescere ab opere, quia prius fecit, & deinde noua non facit: & propter hoc dicitur complexisse omne opus suum in die septimo: non quia tunc aliquid fecerit, quod fuerit ad completionem: sed quia tunc quiescendo consummatum ostendit.

4. AD illud quod obiicitur, de creatione animarum, dicendum quod cum creantur nunc animæ rationales, non creatur noua species, sed nouum individuum: hoc autem individuum non est de constitutione vniuersi primatia: & ideo per quietationem in sabbato non excludatur animarum creatio.

5. 6. AD illud quod obiicitur de productione eorum, quæ sunt per putrefactionem, & commixtionem, quæ sunt nouæ species, dicendum quod tam illa, quæ generantur per putrefactionem, quam illa quæ generantur per diuersarum specierum commixtionem, producta sunt in suis principiis, & rationibus seminalibus, quamvis non sint producta in simili secundum formam: principia enim eorum sunt de constitutione primaria vniuersi, utpote species completæ, & rationes seminales: sed istarum specierum actualis existentia ad primariam constitutionem vniuersi non spectat: quia species illæ quodam modo sunt degenerantes, & quasi per quandam degenerationem produci habent, sicut vermes producuntur ex humano corpore per corruptionem aliquam, quæ quidem facit corpus humanum à propria forma degenerare, & ideo non oportuit hæc produci in se, nec in suo simili ad primariam constitutionem vniuersi, nec tamen sunt superflua, quia vniuersum, quantum ad bene esse, aliquo modo decorant. Vnde breuiter notandum, quod eorum, quæ successionem producuntur, quædam fuerunt in prima rerum distinctione producta in simili: sed non in ratione seminali, utpote animæ rationales, quæ scilicet producuntur per creationem: & ideo non habent rationem seminalem: in simili tamen productæ sunt, quando producta fuit anima Adæ, post cuius productionem non produci tur noua species, quamvis producantur noua individua. Quædam sunt, quæ productæ sunt in primis diebus, quantum ad rationem seminalem: sed non in simili, sicut sunt ea quæ generantur per putrefactionem, & per diuersarum specierum commixtionem. Quædam sunt, quæ productæ sunt & in ratione seminali, & in simili, sicut plantæ, & bruta animalia, quæ producuntur per propagationem. Et ad hæc tria rerum genera possunt reduci genera omnia quæ sunt, & propterea nõ dicitur Deus producere aliqua de nouo, secundum quod dicitur in Ecclesiaste: quod nihil nouum sub sole: sed dicitur ab omni opere requiesuisse, quia nihil producit, quod prius non fuerit, vel in simili specie, vel in ratione seminali, quæ tunc de primaria constitutione vniuersi: & sic patet, qualiter ad animalium productionem in die sexto sequitur requies ab omni opere.

Eccl. 1.6

DISTINCT. XVI.

De Hominis Creatione, ubi considerandum est, qualis factus sit, videlicet ad imaginem Dei.



IS excursus, quæ supra de hominis creatione præmisimus, effectui micipare arg, ordine explanare nunc suscipim, ubi hæc consideranda videtur sc. quare creatus sit

Gen. 1. c.
Lib. 3. de Ge-
nesi. ad lit.
c. 19.

Reda super
Genesim.

Distin. 27.
primi lib.
Aug. in 7. lib.
de Trinit. c. 6.
in fine.

1. Cor. 11. b

homo, & qualiter institutus, & qualis & quo modo fa-
ctus, deinde qualiter sit lapsus, postremo, qualiter &
per qua sit reparatus. Horum autem primo, & secundo
posita: id est causam creationis humana, & modum
institutionis superius pro modulo nostra facultatis tra-
ctauimus. Ideoque superest, ut qualis vel quo modo
factus sit, discutiamus. In Genesi legitur: *Faciamus
hominem ad imaginem, & similitudinem nostram,*
&c. In eo quod dicit, *faciamus*, una operatio trium
personarum ostenditur: in hoc vero quod dicit, *ad
imaginem & similitudinem nostram*, una &
equalis substantia trium personarum monstratur?
Ex persona enim patris hoc dicitur ad Filium & Spi-
ritum sanctum, non ut quidam putant, angelis: quia
Dei & angelorum non est eadem imago & similitudo.
Quod imago, & similitudo hic à diuersis accipitur va-
rie: à quibusdam increata, & ab aliis creata, & increa-
ta, vel essentia Trinitatis, vel Pater, vel Filius, &
Spiritus sanctus.

Imago autem, & similitudo in hoc loco vel in-
creata intelligitur, id est, Trinitatis essentia, ad
quam factus est homo: vel creata, in qua factus
est homo, & ipsa homini concreata. Increata im-
aginem, qua Deus est, intellexisse videtur Beda
cum dicit, non esse unam imaginem Dei, & angelo-
rum, sed trium personarum: & ideo personis, non an-
gelis sit ibi sermo. Improprie tamen imago dicitur,
quia imago relative ad aliud dicitur cuius similitudi-
nem gerit, & ad quod representandum facta est: si-
cut imago Caesaris, quae ipsius similitudinem praefer-
bat, ipsumque quodam modo representabat. Proprie
autem imago dicitur id quod ad aliud fit: exemplum
proprie dicitur quod sumitur ex aliquo, & exemplar
ex quo sumitur aliquid. Ponitur tamen & aliquando
abusue alterum pro altero: ita & minus proprie ac-
cipitur imago pro essentia Trinitatis: si tamen ea no-
mine imaginis in hoc loco intelligitur.

Opinio eorum qui putauerunt filium per imaginem, &
similitudinem hic accipi.

Filius vero proprie imago patris dicitur, sicut supra
in tractatu de Trinitate diximus. Vnde fuerunt non-
nulli, qui ita distinxerunt, ut imaginem in hoc loco
intelligerent filium: hominem vero non imaginem,
sed ad imaginem factum dicerent: quos refellit Apo-
stolus dicens: *Vir quidem est imago, & gloria Dei.*
Hac namque imago, id est homo cum dicitur fieri ad
imaginem nostram, non quasi ad filium dicitur fieri,
alioquin non diceretur ad imaginem nostram. Quo
modo enim nostram diceret, cum filius solius patris
imago sit? Fuerunt autem & alij perspicacius hac
tractantes: qui per imaginem filium, & per similitu-
dinem Spiritum sanctum intelligerent, qui similitudo
est Patris, & Filij. Et ideo pluraliter putauerunt dici
nostram, id referentes ad similitudinem tantum: ad
imaginem vero subintelligendum esse, *meam*. Homi-
nem vero & imaginem esse, & ad imaginem, & si-
militudinem factum esse tradiderunt: & imaginem
imaginis esse, & similitudinis.

Nec horum sententiam approbat, sed imaginem, & si-
militudinem Dei in homine querendam, & consi-
derandam docet, ut imago & similitudo creata in-
telligatur.

Veruntamen hac distinctio, licet reprohabilis peni-
tus non videatur: quia tamen de medio montium id
est, auctoritatibus Sanctorum non manat, congruen-
tius in ipso homine imago, & similitudo Dei quaren-

da est & consideranda. Factus est ergo homo ad ima-
ginem Dei, & similitudinem, secundum mentem
qua irrationabilibus antecellit: sed ad imaginem, se-
cundum memoriam, intelligentiam, & dilectionem.
Ad similitudinem, secundum innocentiam, & iusti-
tiam: quae in mente rationali naturaliter sunt. Vel
imago consideratur in cognitione veritatis, similitu-
do in amore virtutis: vel imago in aliis omnibus: si-
militudo in essentia, quia & immortalis, & inuisibilis
est. Vnde Augustinus in libro de quantitate anima:
*Anima facta est similis Deo: quia immortalem, & in-
dissolubilem fecit eam Deus.* Imago ergo pertinet ad
formam, similitudo ad naturam. Factus est ergo ho-
mo secundum animam ad imaginem, & similitudinem
non Patris, vel Filij, vel Spiritus sancti, sed totius
Trinitatis: ita & secundum animam dicitur homo
esse imago Dei, quia imago Dei in eo est. Sicut imago
dicitur & tabula, & pictura qua in ea est: sed prop-
ter picturam qua in ea est, simul & tabula imago ap-
pellatur: ita propter imaginem Trinitatis etiam illud
in quo est imago, nomine imaginis vocatur.

Quod homo dicitur imago, & ad imaginem: filius
vero imago, non ad imaginem.

Quocirca homo & imago dicitur, & ad imagi-
nem. Filius autem imago, non ad imaginem: Quia
Filius natus, & non creatus, aequalis, & in nullo dis-
similis: homo creatus est à Deo, non genitus non pari-
tate aequalis: sed quadam similitudine accedens ei.
Vnde Augustinus in lib. septimo de Trinitate: In Ge-
nesi legitur: *Faciamus hominem ad imaginem, &
similitudinem nostram.* Faciamus, & nostram, plu-
raliter dixit: & nisi ex relatiuis accipi non oportet,
ut facere intelligantur Pater, & Filius, & Spiritus
sanctus ad imaginem Patris, & Filij, & Spiritus
sancti, ut subsisteret homo imago Dei. Sed quia non
omnino aequalis fiebat illa imago, tanquam non ab il-
lo nata, sed ab eo creata: ideo ita imago dicitur quod
& ad imaginem: quia non aequatur paritate, sed ac-
cedit quadam similitudine. Filius autem est imago, sed
non ad imaginem, quia aequalis patri. Dicitur est ergo
homo ad imaginem propter imparē similitudinem. Et ideo
nostram, ut imago Trin. esse homo intelligatur, non Trini-
tati aequalis, sicut filius patri. Ecce ostensū est secundū
quid sit homo similis Deo, scilicet secundum animā. Sed in
corpore quandam proprietatem habet qua hoc indicat:
quia est erecta statura, secundum quam corpus ani-
ma rationali congruit, quia in caelum erectum est.

DISTINCT. XVI.

De Productione creaturae compositae ex spiri-
tuali, & corporali, scilicet de homine in con-
paratione ad principium effectuum.

His excursis, quae supra de hominis creatione, &c.

Expositio Textus.

TERMINATIS duabus primis partibus, in quibus
Magister determinauit de conditione creaturae
spiritualis, & corporalis diuisionem: hic sequitur tertia pars,
in qua determinat de productione creaturae compositae
ex utraque, scilicet de homine. Diuiditur autem pars ista in
duas partes. In prima namque determinat de homine,
quantum ad ipsius productionem. Secundo quantum ad
permanentiam, & durationem infra dist. 19. Solent plura

Aug. lib. de
spiritu &
anima c. 10.
et 3. c. 1. et 1.
Aug. de ver-
bis Domini
serm. 63. et
10.

Aug. in 7. de
Trinit. c. 6. ad
finem.

Aug. 6. de
Genesi ad lit.
c. 12. Et lib.
de Gen. contra
Man. 1. c. 17.
in fine tom. 1.

Diuisio.

qua ri

quæri de primi hominis statu. Prima pars habet duas. In A prima agit de productione hominis in comparatione ad principium effectuum. In secunda vero parte in comparatione ad principia constitutiva: infra dist. 17. *Hic de origine anima plura quæri solent.* Prima pars spectat ad præsentem distinctionem. Et diuiditur in duas partes. In prima parte Magister veritatem narrat, scilicet qualiter Deus produxerit hominem ad imaginem suam, in qua similitudinem habet ad principium suum efficiens. In secunda vero parte veritatem explanat, ibi: *Filius vero proprie imago dicitur.* Prima pars habet tres particulas. In prima continuat magister dicta dicendis. In secunda vero auctoritatem sacræ Scripturæ inducit, in qua ostenditur, per quæ modum homo productus ad suum effectuum principium comparatur, ibi: *In Genesi legitur: Faciamus.* In tertia parte subdit illius auctoritatis expositionem, ibi: *Imago autem, & similitudo in hoc loco, &c.* Similiter secunda pars principalis habet tres partes. In prima enim ponit explanationem inductæ auctoritatis secundum aliorum opinionem. In secunda parte secundum opinionem propriam, ibi: *Veruntamen hac distinctio, &c.* In tertia vero ex veritate explanata concludit quandam conclusionem corollariam, ibi: *Quocirca homo dicitur, & imago, & ad, &c.* Et si summa totius partis huius consistit in hoc, scilicet ostendendo, quod homo factus est ad Dei imaginem, & similitudinem.

Faciamus hominem, &c. Dub. I.

Quæritur de ratione, quæ reddit Magister in eo quod dicit: *Faciamus*, una operatio trium personarum ostenditur. Cum enim indinisa sint opera Trinitatis, & tres personæ ita operatæ sint simul omnia alia, sicut fecerunt hominem, videtur quod quemadmodum in productione hominis dicitur: *Faciamus*, ita deberet dici in productione aliorum. Item, quæritur, quare in productione hominis videtur legislator verbo primæ personæ scilicet: *Faciamus*: in productione aliorum verbo tertiæ personæ, scilicet *dixit, & fecit.* Iuxta hoc autem est quæstio quare distinguit inter productionem hominis, & bestiarum, cum eodem die productæ sint ad ornatum eiusdem elementi.

RESP. Dicendum quod in productione hominis non tantum erat manifestatio Trinitatis in vestigio: sed etiā secundum imaginem: ideo tribus personis pluraliter attribuitur hominis productio, ut ostendatur, quod in homine Trinitas repræsentatur expresse: in aliis vero insinuat Trinitas quoque modo. licet non ita explicite: & quia ratio imaginis non conuenit vlli personæ, quæ potest loqui per se: ideo in productione eius videtur verbo primæ personæ. Et iterum, quia hæc creatura præcellit alias in gradu, & dignitate: ideo productionem hominis distinguit à productione bestiarum, licet propter conuenientiam in ornando terram in opus vnius Dei conueniant: & sic patet responsio ad quæsitum.

Dei & Angelorum non est una, &c. Dub. II.

CONTRA: Quia cum Angelus sit imago Dei: quod conformatur Angelo, per consequens conformatur Deo: ergo quod est imago Angeli, est imago Dei. Item: Vnum opus potest esse Dei, & Angeli: ergo pari ratione videtur quod eadem imago.

RESP. Dicendum quod, quia imago dicit ordinem ad illud cuius est imago tanquam in finem, & ordinem immediatum, cum impossibile sit Deum, & Angelum eiusdem rei esse finem immediatum, & vltimum, impossibile est eandem imaginem esse Angeli, & Dei: quia vero Deus cooperatur Angelo, & omne quod est ab Angelo est à Deo: ideo possibile est vnum opus simul esse & Angeli, & Dei. Nec valet illud quod obiicitur, quod si aliquis repræsentat Angelum, per consequens repræsentat Deum, quamvis enim inferri valeat, quod creatura, quæ repræsentat Angelum, repræsentat Deum mediate: non tamen potest inferri, quod repræsentat immediate.

Fuerunt nonnulli, &c. Dub. III.

CONTRA: Videtur quod conuenienter dixerint per illud, quod dicitur. Quos prædestinavit conformes fieri imagini filij sui. Item quod ita oporteat intelligi, videtur. Aut enim imago ibi stat pro re creata, aut pro re increata. Si pro re creata: ergo idem est dicere, *Faciamus hominem ad imaginem*, quod *faciamus hominem ad seipsum.* Si increata: sed illa non est nisi filius: ergo videtur, quod expositio illa sit recta: propter hoc quæritur, quæ istarum expositionum, quas Magister in litera assignat, sit tenenda.

RESP. Dicendum quod duplex est modus exponendi istam auctoritatem: *Faciamus hominem, &c.* vnus intelligendo de imagine increata, alter vero intelligendo de imagine creata. Primus modus triplicatur. Vnus est, ut imago & similitudo referatur ad idem: scilicet ad essentiam in tribus personis. Secundus modus est, ut imago, & similitudo referatur ad idem, scilicet ad personam sibi. Tertius modus ponendi est, ut imago referatur ad Filium, & similitudo ad Spiritum sanctum: Ita hos omnes modos ponit Magister, quos tamen non approbat, licet sustineri possint. Primū enim arguit de improprietate, quia diuina essentia non est proprie imago. Secundum de falsitate, quia filius non est imago nostra: de hoc etiam quod dicit, quod homo non est imago, sed ad imaginem. Tertium arguit de incertitudine, quia auctoritatem ex Scriptura non habet. Alius modus exponendi est de imagine creata, & iste est triplex. Vnus, qui sic exponit, ut imago præcedat similitudinem: & dicit quod imago est in naturalibus, & similitudo in gratuitis. Secundus, qui sic exponit, ut similitudo concomitetur imaginem: & iste est: quod imago sit in potentia cognoscendi, similitudo in potentia diligendi. Tertius modus, qui sic exponit, ut imago sequatur similitudinem secundū esse: & iste dicit, quod similitudo est in natura, & imago in forma. Omnes hos modos approbat Magister, & sustinet: & satis videtur probabile, quod Scriptura de imagine creata intelligat, quævis etiā possit intelligi de increata. Verū est enim, quod homo prædestinatus est, ut conformetur imagini filij Dei: nec ideo Magister illam positionem redarguit, quod hoc non sit verum: sed quia illa imago non proprie potest dici nostra: vel etiam, quia non solum modo Filius est imago, sed etiam homo, cuius contrarium dicebatur in illo modo exponendi. Ad illud vero, quod obiicitur, quod imago non potest stare pro creata imagine, dicendum quod immo. quia imago accipitur in abstractione, & sic potest dici homo fieri ad imaginem, sicut tabula dicitur fieri ad imaginem, quando sibi imprimitur imago Herculis: hinc est, quod homo non tantum est imago, sed etiam ad imaginem, quia non secundum omne, quod est imago, immo differt ab imagine: Filius vero secundum omne, quod est imago Patris: & ideo solum est imago, non ad imaginem.

Non omnino equalis fiebat, &c. Dub. IV.

CONTRA: Quod creatur non est per naturam: sed per artem: sed quod est per artem, non vniuocatur cum eo, quod est per naturam: immo æquiuocatur: ergo æquiuoce dicitur imago de filio Dei, & homine.

RESP. Dicendum est, quod imago de filio Dei & homine, nec dicitur æquiuoce, nec dicitur vniuoce: sed analogice secundum prius, & posterius. Quod ergo obiicitur, quod illud quod creatur est ab arte, dicendum quod quædā est ars, cuius operatio consequitur naturam: & opus istius artis sic est artificiale, quod non est naturale, & ideo opus istius artis cum opere naturæ in eodē nomine faciunt æquiuocationem, sicut homo pictus, & homo verus. Quædā est ars, quæ est fundamentum nature, & opus illius artis bene est naturale, quia fabricat ipsum naturam, & talis est ars, cuius opus est creare: & ideo non oportebit esse æquiuocationem. Vel dicendum quod ideo est æquiuocatio, quando dicitur homo pictus, & homo verus, quia hoc nomen *homo*, primo, & principaliter

imponitur

imponitur homini vero: & ideo cum dicitur de homine picto, alia est acceptio & alia signatio: non sic imago, A primo & principaliter imponitur Dei filio, sed omni ei, quod ex se ipso repræsentat alterum.

ARTICVLVS I.

AD intelligentiam huius partis circa duo incidit hic quæstio. Primo quæritur, qualiter homo sit imago secundum considerationem absolutam. Secundo, qualiter sit imago secundum considerationem relatam. Circa primum quærentur tria. Primo quæritur, vtrum sit imago Dei vere. Secundo, vtrum sit imago Dei naturaliter. Tercio, vtrum sit imago Dei proprie.

QVÆSTIO I.

An homo vere sit imago Dei.

Alexander Alensis 2. p. q. 55. Membr. 4.

S. Thom. 1. p. q. 93. art. 1.

Et 2. Sent. dist. 16. q. 1. art. 1.

Et de Verit. q. 10. art. 7.

Et 4. contra Gent. c. 16.

Scotus 2. Sent. dist. 16. q. 1.

Agid. Rom. 2. Sent. p. 2. dist. 16. q. 1. art. 1.

Richardus 2. Sent. dist. 16. q. 1.

Durandus 2. Sent. d. 16. q. 1.

Thom. Argent. 2. Sent. dist. 16. q. 1. art. 1.

Steph. Brulef. 2. Sent. dist. 16. q. 1.

Fundamēta
Gen. 1. c.

Eccli. 17. a

QUOD homo sit imago Dei vere ostenditur, in Gen. Faciamus hominem ad imaginem, &c. hoc non est nisi verbum Trinitatis: ergo, &c.

ITEM: Deus de terra creauit hominem, & secundum imaginem suam fecit illum: igitur homo factus est secundum imaginem Dei, homo est imago Dei.

ITEM quod est maxime natum vniri alteri, maxime natum est ei configurari, & conformari: amor enim, quia vnit, transformare dicitur amantem in amatum, sicut dicit Hugo: sed creatura rationalis, vt homo, maxime nata est vniri Deo, & in ipsum inrendere per amorem: ergo maxime natus est ei configurari, & ad similes: si igitur imago dicit similitudinem expressam, patet, &c.

ITEM quod vere repræsentat aliquid secundum eius nobilem actum, & secundum distinctionem, & ordinem, vere est eius imago: sed homo vere repræsentat Deum secundum eius nobilissimum actum, qui est intelligere: non solum enim repræsentat Deum in quantum est ens, & viuens, sed etiam in quantum est intelligens: & iterum repræsentat distinctionem, & originem quæ est in personis quantum ad memoriam, & intelligentiam, & voluntatem: ergo homo vere est Dei imago.

Ad opposi-
tum.
Gen. 1. c.

1. **C**ONTRA: Nihil est illud, ad quod fit, quia nihil fit ad seipsum: sed homo factus est ad imaginem Dei, sicut dicitur in Genesi: ergo homo non est imago.

2. **I**TEM vbicunque est imago, ibi est similitudo: vbicunque est similitudo, ibi est identitas aliqua: vbicunque autem est identitas, ibi est conuenientia in aliquo tertio: si igitur Deus & creatura in aliquo tertio non conueniunt, creatura non potest esse similitudo Dei: & ita nec imago.

Cap. 2.

3. **I**TEM quæcunque similitudo est imago, sed similitudo expressa: sed nulla est similitudo expressa alicuius, quæ plus est disconueniens, quam conueniens: cum ergo omnis creatura plus sit Deo dissimilis, quam consimilis, sicut dicit Augustinus 15. de Trinit. igitur nulla potest esse expressa Dei similitudo: ergo nulla potest esse imago.

4. **I**TEM vbicunque est imago, ibi est figuratio: imago enim attenditur in figura: sed diuina essentia nullo modo est figurabilis: ergo nullo modo est per aliquam imaginem repræsentabilis: ergo nulla creatura est imago Dei.

5. **I**TEM differt imago à vestigio, quia vestigium repræsentat secundum partem, imago autem secundum totum: sed nullum finitum potest repræsentare infinitum

secundum totum: cum igitur Deus sit infinitus, & quælibet creatura finita, nulla creatura potest esse imago Dei.

6. **I**TEM quælibet creatura distat à Deo in infinitum: Deus enim quodlibet finitum excellit in infinitum: ergo si infinita distantia non est maior, vna creatura non distat magis à Deo, quam alia: similiter nec vna magis appropinquat Deo, quàm alia: ergo vel omnis creatura est imago, vel nulla: sed nō omnis est imago: ergo nulla, &c.

CONCLUSIO.

Homo cum expressam Dei habeat similitudinem ratione tum ordinis, tum proportionis, vere est imago Dei.

RESP. ad Arg. Ad prædictorum intelligentiam est notandum, quod imago dicit expressam similitudinem.

Necessè est autem omnem creaturam quoquo modo assimilari Deo, necesse est etiam aliquam ad complementum vniuersi expresse assimilari Deo: & ideo omnis creatura habet rationem vestigiij, sed aliqua habet rationem imaginis, illa videlicet quæ assimilatur expresse, hæc autem est rationalis creatura, vt homo, & ideo concedendum est, quod homo est imago Dei, quia est eius expressa similitudo. Ad quod intelligendum notandum est, quod quædam est similitudo per conuenientiam omnimodam in natura: & sic vna persona in Trinitate est alterius similis. Quædam per participationem alicuius naturæ vniuersalis, sicut homo, & alius assimilantur in animali. Quædam vero secundum proportionalitatem, sicut natura, & auriga conueniunt secundum

comparationem ad illa quæ regunt. Quædam est similitudo per conuenientiam ordinis, sicut exemplatum assimilatur exemplari. Primis enim duobus modis nulla creatura potest Deo assimilari: secundis duobus modis omnis creatura assimilatur: sed illa, quæ assimilatur magis de longinquo, habet rationem vestigiij: illa vero, quæ de proximo, habet rationem imaginis: talis autem est creatura rationalis vtpote homo. Et hoc patet sic primo de conuenientia ordinis. Deus enim vniuersa propter semetipsum operatus est, ita quod cum sit summa potestas, & maiestas, fecit omnia ad sui laudem. Cum sit summa lux, fecit omnia ad sui manifestationem. Cum sit summa bonitas, fecit omnia ad sui communicationem. Non est autem perfecta laus, nisi adsit qui approbet. Nec est perfecta manifestatio, nisi adsit qui intelligat. Nec perfecta communicatio bonorum, nisi adsit qui eis vti valeat. Et quoniam laudem approbare, veritatem scire, dona in vsum assumere, non est nisi solummodo rationalis creaturæ: ideo non habent ipsæ creaturæ irrationales immediate ad Deum ordinari, sed mediante creatura rationali ipsa autem creatura rationalis, quia de se nata est laudare, & nosse, & res alias in facultatem voluntatis assumere, nata est ordinari in Deum immediate: & quoniam quanto aliquid immediatius ordinatur ad aliquid, tanto magis conuenit cum eo conuenientia ordinis, & anima rationalis, & quælibet rationalis creatura eo quod capax Dei est, & particeps esse potest, immediate ordinatur in ipsum, maxime conuenit cum eo conuenientia ordinis: & quia

quanto maior est conuenientia, tanto expressior est similitudo: hinc est quod quantum ad hoc genus similitudinis, rationalis creatura est similitudo expressa: & ideo imago est, & hoc est quod dicit Aug. 14. de Trinit. quod eo est anima imago Dei, quo capax eius est, & particeps esse potest: quia enim ei immediate ordinatur, ideo capax eius est, vel è conuerso: & quia capax est, nata est ei configurari: & propter hoc fert in se à sua origine lumen vultus diuini: & ideo quantum ad similitudinem, quæ attenditur quantum ad conuenientiam ordinis, perfecte dicitur imago Dei, quia in hoc ei assimilatur expresse. Similiter in similitudine, quæ attenditur in conuenientia proportionalitatis, vel proportionis, expresse assimilatur Deo creatura rationalis: & ideo secundum eam recte dicitur imago. Quod patet

Cap. 8. 16. 3.

fic.

fic. Conuenientia enim proportionis attenditur secundum similitudinem se habere. Similiter autem se habere, hoc potest esse dupliciter, vel in comparatione ad extrinsecam: vel in comparatione ad intrinsecam: tunc autem est similitudo expressa, quando non tantum est similis modus se habendi in comparatione ad extrinsecam, sed in comparatione ad intrinsecam. Contingit autem comparare diuinam essentiam ad creaturam, contingit etiam comparare personam ad personam: omnis autem creatura aliquam comparationem habet, secundum quam aliquo modo conformatur Deo: secundum quod est causa creaturæ, sic est comparatio illa, quæ est ad effectum productum: sicut enim Deus producit suum effectum: sic & agens creatum, licet non omnino. Creatura vero rationalis non solum sic conuenit, sed etiam quantum ad intrinsecarum suarum potentiarum originem, ordinem, & distinctionem, in quibus assimilatur illi distinctioni, & ordini, quæ est in diuinis personis intrinseca diuinæ naturæ. Et ideo ostendit Augustinus in lib. de Trin. hominem esse imaginem Dei: & hoc explanatum fuit in primo libro, ubi ostensum est quod in anima rationali est unitas essentiarum cum Trinitate potentiarum adinuicem ordinatarum, & quasi consimili modo se habentium, sic se habent personæ in diuinis: & ideo est ibi expressa similitudo proportionis, & propter hoc rationalis creatura, quæ est homo, est imago Dei. His visis patet responsio ad questionem propositam, & etiam ad obiecta. Concedendum est enim quod homo vere est imago Dei, sicut ostendunt rationes ad hoc inductæ.

1. Ad illud quod obiicitur, quod homo est ad imaginem ergo, &c. dicendum quod non sequitur, quia cum dicitur factus ad imaginem, imago accipitur abstractiue: cum dicitur imago Dei, imago accipitur concretive: quia est imago Dei insignitus, sicut tabula, in qua depicta est imago, & imago potest dici & ad imaginem: sic & in proposito.

2. Ad illud quod obiicitur, quod non est aliqua identitas Dei ad creaturam, ergo nec similitudo, dicendum quod similitudo, quæ est in imagine, non attenditur per identitatem, aut eiusdem naturæ participationem: sed per conuenientiam in ordine, & proportionem: quæ similitudo non exigit communicantiam in tertio, quia in conuenientia ordinis vnus est similitudo alterius: in conuenientia proportionis non est similitudo in vno, sed in duabus comparationibus.

3. Ad illud quod obiicitur: quod imago est similitudo expressa, iam patet responsio, quia etsi magna est dissimilitudo in proprietatibus absolutis, multum tamen magna est similitudo in immediate ordine, & comparatione proportionis, ex quibus, & in quibus duobus expressio similitudinis consistit, quæ imaginem facit.

4. Ad illud quod obiicitur de confirmatione, dicendum quod imago corporalis exigit configurationem corporalem: imago vero spiritualis configuratione & effigie spirituali contenta est: hæc autem consistit non in quantitate molis, sed in quantitate virtutis, scilicet in potentiis: ita quod sicut figura triangularis habet tres terminos, & tres lineas, sic etiam in imagine spirituali potentie sunt ad motum terminorum: & egressio vnus ab altera, quantum ad actum se habet ad motum lineæ coniungentis.

5. Ad illud quod obiicitur, quod imago repræsentat secundum totum, dicendum quod illud est verum de illa imagine quæ habet omnimodam perfectionem, & sic solus filius Dei est imago patris: de alia non est verum, quod repræsentet secundum totum simpliciter, repræsentat autem quantum ad aliquam totalitatem: quia enim rationalis creatura, & intellectus quodam modo est omnia, & omnia nata sunt ibi scribi, & imprimi, omniumque similitudines depingi: ideo sicut totum vniuersum repræsentat Deum in quadam totalitate sensibili, sic creatura rationalis eum repræsentat in quadam totalitate spiritali: quælibet autem alia creatura irrationalis repræsentat eum solum in parte, quia secundum

A se tantum, cum non sit nata alia in se spiritualiter continere, ita quod nihil sit, quod non sit nata cognoscere: hoc dico propter animam sensibilem, quæ etsi cognoscat aliqua, non tamen nata est cognoscere omnia.

6. Ad illud quod obiicitur, quod quælibet creatura distat à Deo in infinitum, dicendum quod verum est de illa distantia, quæ opponitur participationi, & adæquationi. Cum enim Deus sit infinitus, nihil potest ei adæquari. Cum sit simplex, non potest aliquam naturam tertiam cum aliqua creatura participare, & penes has similitudines nullo modo attenditur ratio imaginis in homine, sed penes aliam duplicem, scilicet ordinis, & consimilis habitudinis, secundum quam rationalis non distat in infinitum à Creatore, sed valde appropinquat ei, sicut supra ostensum est.

QVÆSTIO II.

An homo sit imago Dei naturaliter.

Richardus 2. Sent. dist. 16. q. 2.

Steph. Brulef. 2. Sent. dist. 16. q. 2.

VTRVM homo sit imago Dei naturaliter. Et quod sic, videtur. Quod inest alicui à prima sua origine inest ei naturaliter. sed esse imaginem Dei conuenit homini à sua prima conditione: ergo inest ei naturaliter.

ITEM quod inest omnibus communiter, & inseparabiliter, illud inest naturaliter: sed esse imaginem conuenit homini vniuersaliter, & inseparabiliter: ergo, &c.

ITEM quod conuenit alicui secundum naturales eius proprietates, conuenit ei naturaliter: sed esse imaginem conuenit homini secundum intrinsecas potentias, & naturales: ergo conuenit naturaliter.

ITEM esse imaginem Dei non est homini accidens, sed potius substantiale: sicut esse vestigium nulli accidit creaturæ: si ergo homo non est imago Dei naturalis: ergo non est res naturalis, sed artificialis: si ergo hoc est plane falsum, scilicet quod homo sit artificialis: ergo non est imago artificialis, sed naturalis: ergo, &c.

ITEM asinus artificialis non est asinus verus: ergo imago artificialis non est imago vera: sed homo est imago vera: ergo non est imago artificialis: & est artificialis, vel naturalis: ergo, &c.

1. CONTRA: Hilarius in libro de Synodo diffiniens naturalem imaginem dicit: Imago est eius rei, ad quam imaginatur species indifferens: sed homo non est species indifferens ipsius Dei: ergo non est imago naturalis.

2. ITEM Augustinus de decem chordis. Sicut differt imago Imperatoris in Filio, & in nummo, sic differt imago in Filio Dei, & in homine: si igitur imago in filio Imperatoris est naturalis, in nummo est artificialis, videtur quod solus Filius Dei sit imago naturalis, homo vero solum artificialis.

3. ITEM hoc ipsum videtur ratione. Sicut proprium est personæ Filii esse Filium, ita proprium est esse imaginem: sed sola persona Filii est Filius naturalis, & non homo: ergo pari ratione sola persona filii est imago naturalis, & non homo.

4. ITEM quod est à voluntate, non est à natura: sed productio hominis est à voluntate Dei: ergo non est à natura: sed ab eo habet esse imaginem, à quo habet & produci: si igitur anima hominis non producitur à Deo secundum naturam, sed secundum voluntatem, non erit imago Dei naturalis, sed voluntaria.

5. ITEM imago dicit imitationem, & similitudinem: ergo si aliquid est imago alicuius naturalis, assimilatur cum eo in natura: sed homo cum Deo in natura assimilari non potest, ergo non potest eius esse imago naturalis.

Fundamēta.

Ad oppositum.

Cap. 10. 10.

CONCLUSIO.

A

QUÆSTIO III.

*Homo est Dei imago naturalis non artificialis, neque con-
naturalis, cum assimiletur per formam naturalem,
non per id tamen quod in natura conueniat.*

*Damas. lib.
de fide ortho.
cap. 17.*

RESP. Ad arg. Dicendum quod cum imago dicatur ab actu repræsentandi (nam imago refertur ad prototypum, ut dicit Damascenus) & repræsentatio dupliciter possit conuenire alicui, vel per formam naturalem, vel per formam artificialem: ideo duplex est imago, naturalis, scilicet & artificialis, & cum homo non repræsentet per formam artificialem, sed per suam formam naturalem, & potentias ei naturaliter inditas: ideo homo non est imago artificialis, sed naturalis. Differt autem dicere, imaginem naturalem, & connaturalem. Nam imago naturalis est quæ repræsentat per id quod habet à natura, siue cum illo quod repræsentat, conueniat in natura, siue non. Imago vero connaturalis dicitur, quæ imitatur, & refertur non solum per id quod habet à natura, sed per conuenientiam in eadem natura: ideo etsi esse imaginem conueniat homini: esse tamen imaginem connaturalem non conuenit homini, sed soli Filio Dei. Concedendæ igitur sunt rationes ostendentes quod homo non est imago artificialis, sed naturalis.

1. AD illud vero quod obiicitur in contrarium, dicendum quod Hilarius diffinit imaginem connaturalem, non naturalem.

2. AD illud quod obiicitur de Augustino, dicendum quod non intendit ponere similitudinem quantum ad naturale & artificiale, sed quantum ad conuenientiam, & discrepantiam in natura. Sicut enim nummus cum Imperatore in natura non conuenit, sed Filius eius conuenit: sic in proposito intelligendum est.

3. AD illud quod obiicitur, quod sola persona Filij est naturalis Filius, dicendum quod non est simile. Aliiter enim accipitur naturale prout adiacet Filio, aliter prout adiacet imagini: non enim differt dicere, Filium naturalem, & connaturalem, sicut differt in imagine. Et ratio huius est ista: quia Filius dicitur ut à quo, quantum est de suo principali intellectu: imago dicitur, ut ad quem: ideo naturale dictum de Filio, significat quod egressus Filij sit per modum naturæ, & ita quod cum Patre conueniat in natura: sed cum dicitur imago naturalis, significatur quod illa repræsentatio est à naturali principio, siue proprietate: & propter hoc non datur intelligi quod sit inter imaginem & eum cuius est imago: conuenientia naturæ.

4. AD illud quod obiicitur, quod est à voluntate non à natura, dicendum quod verum est ex ea parte, ex qua est à voluntate: unde cum creatura à Deo producit voluntarie, non dicitur ab eo exire naturaliter, sed voluntarie: ex hoc tamen non sequitur quod voluntarie repræsentet: immo est ibi accidens. Quamvis enim Deus voluntarie produxerit hominem: homo tamen habet operationes naturales, quia diuina voluntas fabricauit, & fecit ipsam naturam: non sic autem est de voluntate artificis creati, qui naturalem formam non potest producere.

5. AD illud quod obiicitur, quod imago dicitur similitudinem in natura, dicendum quod hæc determinatio naturaliter addita alicui termino, qui quidem dicitur habitudinem non ut à quo, sed ut ad quem, ambignam reddit locutionem, quia potest dicere habitudinem, ut in ratione causæ, vel in ratione formæ: unde hæc est duplex: iste naturaliter assimilatur illi, vel ut intelligatur causaliter, scilicet quod assimilatur in eo quod habet à natura: vel ut intelligatur formaliter, scilicet quod assimilatur in ipsa natura. Primo modo accipiendo, hæc est vera: Homo naturaliter assimilatur Deo. Secundo modo falsa: & primo modo sequitur ad hanc: Homo naturaliter est imago Dei: alio vero modo non.

An esse imaginem ita conueniat homini quod nulli alij.

*S. Thom. 1. p. q. 93. art. 2. & 4.
Et 2. Sent. dist. 16. q. 1. art. 2.
Ægid. Rom. 2. Sent. p. 2. d. 16. q. 1. art. 2.
Durandus 2. Sent. dist. 16. q. 1.
Steph. Brulot. 2. Sent. dist. 16. q. 3.*

VERUM esse imaginem conueniat homini proprie, ita quod nulli alij. Et quod sic videtur. In solius hominis conditione dictum est: Faciamus hominem ad imaginem, &c. sed hæc est nobilissima conditio, quæ si daretur aliis, nullo modo deberet prætermitti: ergo videtur quod nulli alij, quam homini esse ad imaginem suam Deus dederit: quod si prætermisit de aliis, & non de homine: tunc est quæstio, quare Scriptura fecit.

2. ITEM August. in ser. de imagine. Ad imaginem, & similitudinem suam Deus illum creauit, loquitur de homine: quod nulli alij creaturæ dedit.

3. ITEM hoc videtur per rationem, quia quod per superabundantiam dicitur, vni soli conuenit: sed imago dicitur similitudinem expressissimam in genere creaturæ: ergo oportet quod conueniat, vel vni soli speciei, vel vni soli individuo.

4. ITEM: Eo ipso homo est imago Dei, quia immediate tendit in Deum: si ergo vniuersum est ordinatum secundum omnem sui partem, impossibile est quod aliqua creaturæ diuersarum specierum ordinentur in Deum ex æquo, & immediate: ergo vel homo, & Angelus erunt eiusdem speciei, vel esse imaginem conuenit soli homini.

5. ITEM homo eo ipso quod est imago Dei, est finis omnium aliorum: sed hoc non potest pluribus diuersis specie conuenire: & planum est quod Angelo non conuenit: ergo videtur quod esse imaginem conueniat soli homini.

6. ITEM quia homo est imago Dei, fuit vnibilis diuinæ naturæ, hoc autem est eius proprium: ergo proprium est homini esse Dei imaginem.

CONTRA: Dionysius de diuinis nominibus dicit quod Angelus est imago Dei, manifestatio occulti luminis.

ITEM Anima eo ipso est imago Dei, quo capax Dei, & particeps esse potest: sed hoc competit Angelo sicut animæ: ergo non soli homini conuenit esse imaginem.

ITEM ista est nobilissima omnium conditionum naturalium, videlicet esse imaginem: ergo nobilissima omnium creaturarum huiusmodi proprietatis non debuit esse expers: si igitur creatura angelica est huiusmodi: patet, &c.

ITEM imago inest animæ secundum superiorem partem, sicut in primo libro ostensum est: sed in illa parte homo & Angelus habent conuenientiam: ergo videtur similiter quod in dignitate imaginis conueniant: igitur esse imaginem non est proprium solius hominis.

CONCLUSIO.

Hominis proprium est esse imago Dei, non respectu Angelorum, cum ipsi quoque talem habeant imaginem, sed respectu brutorum hoc illi conuenit.

RESPON. Ad Arg. Dicendum quod proprium dicitur dupliciter. Est enim proprium simpliciter, & proprium alicui. Proprium simpliciter est quod conuenit omni, & soli: proprium alicui est quod conuenit omni contento sub illa specie, ita quod quibusdam aliis conuenit, quibusdam vero minime: sicut esse bipedem, proprie conuenit homini respectu quadrupedum, non respectu volatiliū. Dicendum est igitur quod si-
cut esse rationale vel intellectuale, non est proprium

homini

Ad opposi-
tum.
Gen. 2. c

Fundamēta
Dionys. de
diuinis nomi-
nis.
cap. 4.
Aug. 14. de
Trin. cap. 8.
rom. 3.

Aug. 14. de
Trin. cap. 7.
Dist. 3.

homini simpliciter, quia conuenit in hoc cum Angelo, sed est proprium respectu rerum corporalium: sic esse imaginem proprie conuenit homini respectu brutorum, non tamen respectu Angelorum, immo communiter conuenit hominibus & Angelis, sicut ostendunt rationes ad hoc inducæ.

1. Ad illud quod primo obiicitur in contrarium, quod Scriptura non exprimit, dicendum quod Scriptura non determinat conditionem naturæ Angeli expresse: ideo non est mirum, si non determinat eius modum, nec dicit eam ad imaginem Dei esse factam. Si autem quæratur, quare non determinat, hoc determinatum est supra.

2. Ad illud Augustini, dicendum quod Augustinus non excludit creaturas spirituales, sed creaturas corporales & visibiles, quando dicit quod nulli alii creaturæ dedit. Item hoc dicit propter aliquam proprietatem representationis quam Deus dedit homini, non alij spirituali creaturæ, vel corporali: non propter rationem imaginis principalem, quæ sequitur omnem naturam rationalem.

3. Ad illud quod obiicitur, quod est similitudo expressissima, dicendum quod superlatius dupliciter potest exponi: vno modo per suum positum cum hoc aduerbio valde, vt albißimum, idest, valde album: & sic intelligitur, cum dicitur ad imaginem: & non oportet ipsum Angelum supponi. Aliquando superlatius intelligitur respectiue, & tunc dicit excessum respectu omnium, ad quæ comparatur: & hoc modo non potest conuenire pluribus, & sic non accipitur in proposito.

4. 5. Ad illud quod obiicitur, quod eo ipso, quo est imago, est finis, dicendum quod ista non est tota ratio: immo quia sic est imago in anima quod ex parte corporis cum omnibus corporalibus habet quandam conuenientiam: & ideo solus homo dicitur omnis creatura & omnia propter ipsum quodam modo fieri, & ad ipsum etiam referri.

6. Ad illud quod obiicitur de vnione, dicendum quod etsi ratio imaginis sit dispositio ad vnionem: non tamen est dispositio sufficiens de se, nisi competat hoc personali proprietati, & culpabili infirmitati: & hoc est reperire in homine, non in Angelo, sicut infra melius patebit in tertio. Ad præsens autem sufficiat quod quidquid sit de vnibilitate: imago tamen vniuersaliter consequitur rationalem creaturam, ita quod omnis creatura rationalis est imago Dei veraciter & naturaliter. Et ratio huius est expressio similitudinis quantum ad conuenientiam ordinis, quæ supra in principio quæstionis explanata fuit.

ARTICVLVS II.

CONSEQUENTER quæritur de imagine secundum considerationem relatam. Et circa hoc quærentur tria. Primo quæritur, vtrum ratio imaginis principalius reperiatur in Angelo quam in anima. Secundo, vtrum principalius in viro quam in femina. Tertio, vtrum principalius reperiatur in cognitiua, quam in effectiua.

QVÆSTIO I.

An imaginis ratio principalius reperiatur in homine, quam in Angelo.

- S. Thomas 1. p. q. 93. art. 3.
Et 2. Sent. d. 16. q. 1. art. 1.
Ægid. Rom. 2. Sent. p. 2. d. 16. q. 2. art. 1.
Richardus 2. Sent. dist. 16. q. 5.
Durandus 2. Sent. dist. 16. q. 2.
Thom. Argen. 2. Sent. dist. 16. q. 1. art. 2.
Alf. siodorensis 2. Sent. tract. 10. c. 4. q. 2. & 3.
Steph. Boulef. 2. Sent. dist. 16. q. 4.

VTRUM ratio imaginis principalius reperiatur in Angelo, quam in homine. Et quod sic, videtur per illud Ezechielis: Tu signaculum similitudinis. Gregorius: Quanto in eo subtilior est natura, tanto in eo imago diuinitatis similis insinuat impresse.

S. Bonauent. Operum Tom. IV. Pars II.

ITEM sapiens artifex in nobiliori tabula nobiliorē describit picturam: si igitur imago in creatura est quasi quædam pictura tabulæ impressa, sicut Magister dicit in litera: ergo perfectiori, & nobiliori modo imago diuinitatis inscribi debet in Angelo, quam in anima.

ITEM ex eo dicitur creatura rationalis imago Dei, quo capax Dei est: sed Angelicus spiritus capacior est quam humanus, cum sit virtuosior, & expeditior: ergo in eo imago diuinitatis est eminentius impressa.

ITEM imago consistit in memoria, intelligentia, & voluntate: sed memoria perfectiori modo habet actum suum in Angelo, quam in homine: similiter intelligentia, & voluntas: memoria enim eius tenet sine obliuione: & intelligentia intelligit sine inquisitione: & voluntas diligit sine retardatione: quorum opposita sunt in anima: ergo, &c.

CONTRA: Expressius repræsentat summam Trinitatem, quod repræsentat non solum quantum ad substantiæ vnitatem, sed etiam quantum ad distinctionem personarum: sed homo expressius repræsentat personarum distinctionem, quia in homine est personalis discretio per originem, in Angelis autem non: ergo expressius repræsentat Trinitatem homo quam Angelus: sed in quo est expressior repræsentatio, est expressior imago: ergo, &c.

ITEM euidentius imitatur alterum, quod imitatur quantum ad substantiam & modum existendi, quam quod imitatur solum quantum ad alterum: sed anima repræsentat Trinitatem summam, & prout est in seipso, & prout est in rebus, vt sic in qualibet parte corporis sit tota, sicut summa essentia est in creatura: ergo expressius imitatur Deum quam Angelus: sed quod expressius imitatur, excellentius sua imagine insignitur: ergo, &c.

ITEM expressius repræsentat Deum, quod repræsentat ipsum non solum in se, sed secundum quod est principium aliorum, quam quod altero modo tantum: sed homo repræsentat Deum non solum vt ens est in se, sed etiam vt est principium aliorum: quia sicut ex vno Deo omnia, ita ex vno homine omnes homines, sicut vult Glossa: ergo si quod expressius repræsentat, rationem imaginis participat eminentius: patet, &c.

ITEM plenius repræsentat aliquid quod repræsentat ipsum per maiorem accessum ad suam totalitatem: sed homo repræsentat Deum in quantum est exemplar & spiritualium, & corporalium: Angelus autem altero modo tantum: ergo in homine excellentiori modo reperitur imago.

ITEM quanto exemplum seu exemplatum magis imitatur exemplari, tanto magis conformatur ei: & quanto magis natum est vniri, tanto magis natum est conformari: sed natura humana vnitur diuinæ in vnitæ personæ quod quidem non facit Angelica: ergo expressior est in ea imago quam sit in Angelo.

ITEM per considerationem Philosophi: Si optimum in vno genere est melius optimo in alio genere, etiam est simpliciter hoc illo melius: sed Christus, qui est optimus inter homines omnes, excellentiori modo insignitus est imagine Dei, quam optimus Angelus: ergo imago Dei in homine quam in Angelo reperitur excellentius.

CONCLUSIO.

Imaginis ratio quo ad esse tam in conuenientia ordinis, quam proportionis equalis est in Angelo, & in homine. Quo vero ad bene esse imaginis se mutuo excedunt.

RESP. Ad Arg. Ad prædictorum intelligentiam est notandum, quod quidam voluerunt dicere, quod creaturam magis esse ad imaginem Dei, dici potest dupliciter, vel extensue, vel intensue. Si extensue, sic dixerunt quod homo magis repræsentat Deum quam Angelus, quia in

pluribus

pluribus ratione corporis sibi uniti, utpote in spiritualibus, & corporalibus, & in modo existendi in rebus, & secundum etiam modum producendi res: & sic dicunt procedere rationes ad secundam partem. Tamen quod de Christo obicitur, non valet: illud enim est singulare privilegium, nec est natura, sed potius gratia. Si autem dicatur una creatura magis esse ad imaginem, quam alia intensius, quia expressius representat: sic dicunt, Angelum magis esse ad imaginem Dei, quam sit homo, sicut ostendunt auctoritates, & rationes ad oppositum. Et hoc insinuat Gregorius cum dicit: Quanto in eo subtilior est natura, tanto in eo imago Trinitatis similis insinuat impresse: & rationes etiam consequentes ostendunt, quod sicut excellentior est natura Angelica, sic excellentiores habet potentias, & maiorem habet capacitatem, & digniori modo est imagine Dei insignita: & secundum hanc viam plana est responsio ad questionem propositam, & ad obiecta. Sed licet iste modus dicendi probabilis videatur: tamen non modicam habet calumniam ratione utriusque partis distinctionis. Quod enim dicatur imago magis esse in homine extensius, quam in Angelis, hoc verbis Aug. non consonat, qui rationem imaginis dicit esse in anima precise secundum partem supremam, sicut patet in libris de Trinitate. Similiter quod dicatur universalius expressior esse imago Dei in Angelo, quam in anima propter maiorem dignitatem naturæ: hoc non videtur consonare Glossæ, quæ dicit super illud ad Hebræos: Eum qui modicum minoratus est ab Angelis, ibi dicit Glossa quod natura mentis humanæ, qualem Christus assumpsit, solus Deus maior est. Et Aug. hoc innuit in pluribus locis: & pie creditur, & communiter sentitur, quod Virgo Maria magis inter omnes Angelos accedit ad Deum. Propterea est alius modus dicendi, quod cum expressio imaginis consistat in convenientia ordinis, & proportionis, intensio dignitatis imaginis consistit secundum intensiorem convenientiam quantum ad proportionem, vel ordinem. Attendendum autem quod convenientia creaturæ rationalis ad Deum secundum ordinem, quædam est de esse imaginis, & quædam de bene esse. De esse imaginis est quod creatura immediate ordineur ad Deum: de bene esse vero est quod creatura, quæ est imago, præponatur aliis, quæ tenent rationem vestigi, & quod alia ordinentur in ipsam tanquam in finem. Et sic triplex est ordo in creatura rationali, secundum quem conformatur Deo. Prius quod immediate nata est Deo coniungi, & hoc est essentielle imaginis: & in hoc Angelus, & anima æquiparantur, quia utriusque mens immediate ab ipsa prima veritate formatur. Secundus est, quo præponitur creatura, quæ est imago aliis creaturis: & in hoc Angeli præcellunt, quia non solum bestiis, sed etiam hominibus rectores sunt deputati secundum illud Ecclesiastici: In unaquaque gente præposuit rectores, Glossa, id est Angelos: & iste est ordo, quo creatura irrationalis regitur à Deo mediante rationali. Tertius est ordo, quo creaturæ irrationales ad rationalem ordinantur tanquam in finem, propter quem sunt factæ: & mediante illo in ultimum finem principalem: & secundum hunc ordinem magis convenit homo, cum Deo, quam Angelus: magis enim facta sunt & corporalia & sensibilia propter homines, quam propter Angelos: & sic patet quod ratio imaginis, prout attenditur in convenientia ordinis, quantum ad id quod est de esse, in homine & Angelo reperitur æqualiter, quia uterque ordinatur in Deum immediate: quantum vero ad illud quod est de bene esse, scilicet quantum ad ordinem respectu creaturarum, se habent per modum excedentis, & excessi. Angelus enim magis convenit quantum ad ordinem sub ratione regiminis: homo vero magis quantum ad ordinem, qui attenditur in ratione finis. Consimili modo reperimus, & æqualitatem, & mutuum excessum in expressione imaginis, quæ attenditur secundum convenientiam proportionis: quia quædam est convenientia habitudinis, quæ est de esse imaginis, quædam de bene esse. Illa est de esse, quæ consistit in comparatione

ad intrinsecam, sicut ad potentias, & in hac homo & Angelus adæquantur, quia ita bene est distinctio, & origo, & æqualitas, & consubstantialitas in potentiis animæ in memoria, scilicet intelligentia, & voluntate, sicut in potentiis Angeli. Illa vero convenientia habitudinis est de bene esse, quæ attenditur in comparatione creaturæ rationalis ad aliquod extrinsecum, utpote ad corpus quod est ipsa inferius. Hæc autem dupliciter potest esse expressior, vel privative, vel positive. Si positive, sic anima est imago expressior, quæ in hoc quod coniungitur corpori, ita quod per illud est principium aliorum, & per illud totum inhabitat, magis representat Deum, qui est principium omnium, & qui unus est in omnibus. Si autem privative, sic Angelus magis representat, Deum, quia Deus est spiritus purus, omnino impermixtus, & independens à creaturis omnibus, & hæc representat Angelicus spiritus, dum est à corpore secundum actum, & aptitudinem separatus: & pro tanto dicitur esse subtilior, à Gregorio: & in eo imago divinitatis est expressior: & sic patet quod quantum ad convenientiam proportionis, quæ est de essentia imaginis, inter hominem & Angelum, potest esse æqualitas: quantum vero ad illa quæ est de bene esse, se habent sicut excedentia, & excessa.

Ex prædictis igitur patet responsio ad questionem propositam. Cum enim quaeritur, utrum principalius, vel expressius sit imago Dei in Angelo, quam in anima, respondendum quod quantum ad aliquid est æque principaliter: quantum ad aliquid magis principaliter: quantum ad aliquid minus, sicut, explanatum est: & per hoc patet responsio ad rationes ad utramque partem, quæ procedunt secundum diversas vias secundum quas veritatem possunt concludere, quia non habent oppositionem.

Ad illud tamen quod obicitur de maiori capacitae, dici potest quod non cogit: Angelus enim capacitatem gratiæ habet in comparatione ad sursum, in qua comparatione non excedit naturam mentis humanæ. Quod autem natura Angelica dicatur excedere humanam, hoc est in comparatione ad corpus ad quod non habet inclinationem, sicut anima: & ideo maioritas dignitatis in natura Angelica respectu animæ non facit ad excellentiam imaginis, siue illius capacitatis, quæ est in natura humanæ mentis secundum quod anima est capax Dei. Similiter nec illud quod sequitur, cogit: quia maior vivacitas memoriæ vel intelligentiæ potius facit ad intensiorem similitudinis, quam ad imaginis maiorem expressionem: similitudo enim consistit in proprietatibus naturalibus, imago vero in origine, & habitudine: & quamvis potentia in Angelis sint vivaciores, quam in animalibus, & ideo similiores Deo: eundem tamen habent ordinem, & habitudinem, sicut ostensum est supra, unde magis proprie conceditur quod Angelus sit Deo similior quam homo, quam possit concedi quod Angelus sit magis imago: & hoc vult dicere auctoritas Gregorij.

Rationes vero ad oppositum procedunt & concludunt maiorem expressionem quantum ad illud quod est accidentale imagini, excepta illa, quæ fundatur super unionem: ad quam dicendum quod non cogit pro eo quod substantia quæ est minus capax gratiæ per naturam, potest effici magis capax per aliquam gratiam gratis datam, quæ disponit & ampliat capacitatem naturæ ad susceptionem gratiæ gratum facientis. Unde esto quod natura Angelica esset magis capax gratiæ, quam humana natura secundum naturalem potentiam, sicut videtur rationabiliter esse ponendum, ut natura Angelica sit excellentior, & excellentiori naturæ debeat excellentior potentia, & capacitas: nihilominus tamen per aliquod donum divinitus sibi datum gratis, potest elevari capacitas animæ usque ad capacitatem Angeli, & quodam modo amplior: nam donum gratiæ gratis datæ disponit ad gratiam gratum facientem: & sic possibile est fuisse in Christo, & B. Virgine: & sic parent obiecta ad utramque partem.

Respon. 3.
argum. ad
opposit.

Lib. 14. c. 7.
Lib. 15. c. 6.
in fine 10. 3.

Hab. 1. c.

Opinio
propria.

Zecl. 17. a

QVÆSTIO

QVÆSTIO II.

An imago principalius sit in mare quam in femina.

Alex. Alensis 2. p. q. 55. Membr. 5.

S. Thom. 1. p. q. 93. art. 4.

Alfisdorensis 2. Sent. tract. 10. c. 2. & 3.

Agid. Rom. 2. Sent. p. 2. d. 16. q. 2. art. 2.

Richardus 2. Sent. dist. 16. q. 6.

Thom. Argent. 2. Sent. dist. 16. q. 1. art. 3.

Steph. Brulef. 2. Sent. dist. 16. q. 5.

VTRUM principalius sit imago in masculo, quam in femina. Et quod sic, videtur. Vir est imago & gloria Dei: &c. autem, ut dicit Apostolus, separat virum à muliere: igitur aut mulier non est imago, aut si est imago, non est ita expressa, sicut vir.

ITEM Glossa ibi dicit: Ad imaginem Dei factus est vir, non mulier: sed hoc non est dictum quod mulier nullo modo sit ad imaginem facta: ergo dictum est, quod minus est ad imaginem, quam vir.

ITEM quia homo est ad imaginem, vniuersalis est naturæ diuinæ: sed magis fuit vniuersalis in sexu masculino, quam femineo: ergo magis est imago vir, quam mulier.

ITEM quia homo est imago Dei, omnibus est prælati, siue præpositus, secundum quod innuitur in textu Genesim: Faciamus hominem ad imaginem, &c. Et subditur: Et præsit piscibus, &c. ergo præsidere si non conuenit homini in sexu femineo, sed masculino, videtur quod imago excellentiori modo sit in masculino sexu, quam in femineo.

CONTRA Creauit Deus hominem ad imaginem, & similitudinem suam masculinum, & feminam creauit illos: igitur mulier creata est ad imaginem Dei, & ad æqualitatem viri, sicut innuit formatio eius de latere, & ratio etiam quare formata est cum dicitur: Faciamus adiutorium simile sibi: videtur igitur quod in viro, & muliere, æqualiter reperitur ratio imaginis.

ITEM imago attenditur in homine quantum ad supremum animæ: sed in supremo animæ non est distinctio aliqua secundum sexum: ergo siue homo sit mulier, siue vir æqualiter est imago.

ITEM sexus non variat speciem: ergo vir, & mulier sunt eiusdem speciei: sed imago consequitur hominem quantum ad formam speciei, non quantum ad formam indiuidui: ergo æqualiter est in viro, & muliere.

ITEM imago creationis ordinatur ad imaginem recreationis, siue gratificationis: sed imago recreationis, quæ consistit in gratia, & virtutibus, ita excellenter potest esse in muliere, sicut in viro: ergo pari ratione & imago creationis, in qua conditus est homo.

CONCLUSIO.

Imaginis ratio quantum ad id quod est de eius complemento non est principalius in masculo quam in femina: si vero præsentiam & rationem principiandi respiciamus, utique aliquo modo principalius est in viro quam in femina.

RESP. ad Arg. Ad prædictorum intelligentiam est notandum, quod sicut ex præcedentibus patet, imago quantum ad suum esse, principaliter consistit in anima, & eius potentiis, & in his potissime prout habent ad Deum conuerti: & quantum ad hoc non est distinctio masculi & femine, serui, & liberi: ideo imago quantum ad id quod est de complemento eius, & de eius esse, non magis reperitur in viro, quam in muliere. Quantum autem ad bene esse, siue ad clariorem expressionem, consistit imago in anima, secundum quod ad corpus habet ordinem, & habitudinem. Et quoniam ex parte corporis est sexuum distinctio: & secundum sexuum distinctionem maior est representatio, siue quantum ad rationem præsidendi, siue quantum ad rationem principiandi, vir est caput mulieris, & vir est principium mulieris, &

non vir propter mulierem, sed mulier propter virum: quantum ad hunc utique modum excellentiori modo reperitur imago in sexu masculino, quam femineo: non ratione eius quod est de esse imaginis: sed ratione eius quod adiacet. Et secundum hoc satis plane potest responderi ad obiectiones. Rationes enim ostendentes quod non magis est imago vir, quam mulier, procedunt de imagine quantum ad suum primum esse, sicut inueniuntur patet. Rationes vero ad oppositum procedunt de imagine quantum ad aliquam accidentalem proprietatem, siue per relationem ad corpus.

AD illud autem quod dicit Apostolus, & Glossa: quod vir est imago, & gloria Dei, dicendum quod vir accipitur metaphorice pro superiori parte rationis, & mulier pro inferiori, sicut exponit Augustinus de Trinitate. Et si tu obiecias quod Apostolus loquitur de viro, & muliere ad literam, dicendum quod loquitur de eis non secundum se, sed secundum significationem. Vir enim quia fortis est, & præsidet mulieri, superiorem rationis partem significat: mulier vero inferiorem. Inde etiam est in matrimonio quod vir significat Deum, & mulier significat Ecclesiam, siue animam. hoc autem est ratione virilitatis ex parte vna: & infirmitatis, & fragilitatis ex altera, quæ non respiciunt imaginem secundum se, sed ratione corporis annexi: & ita non essentialiter, sed accidentaliter.

QVÆSTIO III.

An imago principalius sit in cognitiua, quam in affectiua.

Agid. Rom. 2. Sent. p. 2. d. 16. q. 2. art. 3.

Thom. Arg. 2. Sent. dist. 16. q. 1. art. 4.

Steph. Brulef. 2. Sent. dist. 16. q. 6.

VTRUM imago principalius sit in cognitiua, quam in motiua, siue affectiua. Et quod principalius sit in cognitiua videtur per illud quod dicit Augustinus: Imago est in potentia cognoscendi, & similitudo in potentia diligendi: sed hoc non est dictum quod omnino sit in potentia cognoscendi: ergo dictum est, quia principalius est ibi.

ITEM imago primo, & principaliter conuenit ipsi Verbo æterno: ergo ei principaliter magis conuenit quod illi verbo æterno respondet: hoc autem est ipsa intelligentia, quæ est in ipsa potentia cognitiua: ergo, &c.

ITEM imago consistit in memoria, intelligentia, & voluntate: sed duz istarum potentiarum, scilicet memoria, & intelligentia tenent se ex parte cognitiuæ: ergo & imago plus se tenet ex parte cognitiuæ, quam affectiuæ.

ITEM Imago dicit quandam configurationem, & distinctionem: sed affectiuæ est vnire, & cognitiuæ distinguere: ergo imago principaliter residet penes cognitiuum, quam penes affectiuum.

1. **CONTRA**: Imago reformationis respondet imagini creationis: sed imago reformationis quæ quidem est gratia, principalius est in affectiua, quam in cognitiua: ergo & imago creationis.

2. **ITEM** in eo principaliter consistit res in quo consistit eius complementum: sed imago completur in voluntate, & voluntas se tenet ex parte affectiuæ: ergo, &c.

3. **ITEM** imago est nobilissimum in anima: ergo consistit penes id quod est in anima nobilissimum: sed liberum arbitrium, siue voluntas est nobilissimum quod est in anima: ergo principaliter consistit imago penes arbitrium, siue voluntatem: hoc autem principaliter respicit affectiuam: ergo, &c.

4. **ITEM** similitudo est in plus, quam sit imago: non enim quælibet similitudo est imago, sed similitudo expressa in quadam configuratione, & imitatione: ergo ubiunque est imago, est & similitudo: ergo ubi principaliter est imago, principaliter est similitudo: sed similitudo

Quæst. 73.

non est principaliter penes cognitionem, sed penes affectionem, cum similitudo sit in gratuitis, quæ maxime respiciunt potentiam affectivam: ergo pari ratione imago, iuxta hoc quaeritur, quæ sit differentia inter imaginem, & similitudinem: cum enim plus sit similitudo, quam imago, sicut ostendit Augustinus in libro 83. quæst. & superius non debeat connumerari suo inferiori, videtur quod male dicitur homo factus ad imaginem, & similitudinem.

5. ITEM cum duæ sint potentie ex parte affectionis, scilicet irascibilis, & concupiscibilis, & duæ ex parte cognitionis, scilicet memoria, & intelligentia: quaestio est, quare in ratione imaginis potius accipiuntur duæ potentie ex parte cognitivæ, & una ex parte affectivæ. Videtur enim quod potius debeat esse econverso, cum tres virtutes Theologicæ, quæ reformat imaginem animæ, sic in ea ponantur, ut duæ sint ex parte affectivæ, scilicet Spes, & Charitas, quarum una est in irascibili, & altera in concupiscibili, & una ex parte cognitivæ, scilicet Fides, quæ communiter ponitur in rationali.

CONCLUSIO.

Imago principaliter est in cognitiva virtute, quam in motiva sine affectiva potentia.

RESP. Ad Arg. Dicendum quod de prima hominis impositione differt imago, & similitudo. Imago enim nominat conformitatem in quantitate: similitudo vero convenientiam in qualitate. Imago enim nominat quandam configurationem: & ita importat figuram, quæ est quantitas in qualitate, vel qualitas in quantitate: similitudo vero dicitur rerum differentium eadem qualitas. Ex hac autem primaria differentia triplex consequitur assignari modus distinguendi inter imaginem, & similitudinem, cum dicitur: Faciamus hominem ad imaginem & similitudinem. Primus est, quem dicit Hugo quod similitudo respicit naturam, & imago respicit figuram: quia similitudo dicit convenientiam in qualitate naturali: imago vero convenientiam in distinctione figurali, ad modum cuiusdam trianguli, in quo sunt tres termini, & tres lineæ, quia tres sunt potentie, quarum qualibet habitudinem habet ad quamlibet: & similiter tres personæ: & potentia, vel persona tenet rationem termini: habitudo vero, vel emanatio tenet rationem lineæ. Secundus modus distinguendi est quod imago est in naturalibus, & similitudo in gratuitis, quæ similiter habet ortum ex illa prima differentia. Quia enim imago dicit configurationem, & illa attenditur ex parte naturalium potentiarum animæ, scilicet memoriæ, intelligentiæ, & voluntatis: hinc est quod imago est in naturalibus: quia vero similitudo dicit convenientiam, quæ ortum habet à qualitate, & qualitas, in qua anima similatur Deo, est gratia: ideo similitudo in gratuitis dicitur esse. Tertius modus distinguendi est quod imago est in potentia cognoscendi, & similitudo in potentia diligendi: & iste modus similiter habet ortum ex differentia prima. Quia enim imago consistit in convenientia secundum configurationem: & configuratio attenditur in origine, habitudine, & potentiarum distinctione: & hæc origo, & habitudo principaliter residet ex parte cognitivæ: ideo imago principaliter ponitur in cognitiva. Similitudo vero dicit convenientiam in qualitate: & quia qualitas, in qua principaliter assimilatur anima Deo est in voluntate, siue in affectione: hinc est quod similitudo ponitur principaliter in potentia affectiva. Et inde est quod in imagine creationis duæ sunt potentie ex parte cognitivæ, scilicet memoria, & intelligentia, & una ex parte affectivæ, scilicet voluntas. Econtra vero in imagine recreationis: quæ quidem consistit in gratia duæ virtutes sunt ex parte affectivæ, scilicet Spes, & Charitas, & una ex parte cognitivæ, scilicet Fides. Imago enim principaliter respicit originem, & habitudinem: habitudo autem, & origo attenditur inter memoriam, & intelligen-

tiam per modum parentis, & prolis, & inter hæc duo, & voluntatem secundum modum donationis, siue processionis. Inter irascibilem vero, & concupiscibilem, nec est talis ordo, nec origo, cum motus irascibilis possit esse sine concupiscibili, & econverso: motus autem voluntatis non potest esse sine motu intelligentiæ prævio, nec actus similiter intelligentiæ sine actu memoriæ: in his dico quæ sunt de ratione imaginis: ideo in assignatione imaginis duo sumuntur membra ex parte cognitivæ, & unum ex parte affectivæ: hoc enim exigit ordo, & origo & distinctio: & propterea imago principaliter est in cognitiva, quam in affectiva: similitudo vero principaliter consistit in unionem animæ ad Deum, quæ quidem est per gratiam. Et quoniam unio, & gratia principaliter respiciunt affectivam: hinc est quod in imagine recreationis, quæ quidem est in gratuitis, duæ sunt virtutes, quæ respiciunt affectivam, scilicet Spes, & Charitas, penes duas vires, scilicet irascibilem, & concupiscibilem: una vero, quæ respicit cognitivam, scilicet Fides, quæ respicit rationalem: quamvis & Spes reformat irascibilem, per consequens reformat memoriam, cum conveniant in actu, qui est tenere: secundum hoc igitur planum est respondere ad quaestionem, & obiecta. Concedendum est enim de plano, quod imago principaliter respicit cognitivam: concedendæ sunt etiam rationes, quæ hoc probant.

1. AD illud vero quod obicitur de imagine reformationis, dicendum quod non valet, quia in ago reformationis potius est similitudo quædam, quæ sit imago. Si enim proprie esset imago, esset capax Dei, & esset immortalis: nunc autem non est sic: & ideo, quia imago recreationis potius est similitudo quam imago, magis principaliter respicit potentiam affectivam, quam cognitivam, quamvis reformet tam cognitivam, quam affectivam.

2. AD illud quod obicitur, quod complementum magis est in voluntate, dicendum quod & si voluntas ultima sit in imagine, non tamen se habet per modum complementi in ratione imaginis: imago enim dicit ordinem, & originem in potentiis, sicut est in personis: & quemadmodum tertia persona non ponitur aliarum completa, nec alias complere, sed potius ab eis recipere: sic voluntas, prout est pars imaginis, potius consideratur in ratione egredientis, quam in ratione completæ: & quia prima ratio originis est per modum naturæ, quæ quidem consistit in ortu intelligentiæ ex memoria: hinc est quod imago principaliter respicit cognitivam, quam affectivam.

3. AD illud quod obicitur, quod imago consistit penes nobilissimum in anima, dicendum quod nobilissimum in anima dupliciter potest accipi. Vel secundum distinctionem potentiarum, scilicet affectivæ, & cognitivæ: vel secundum cognitionem statuum, scilicet superioris portionis, & inferioris. Cum ergo dicitur quod imago consistat penes nobilissimum, hoc intelligitur quantum ad statum in superiori parte, non quantum ad potentias, quia imago complectitur tam affectivam, quam cognitivam, cum utraque nata sit immediato ferri ad Deum.

4. AD illud quod obicitur, quod similitudo est in plus, quam imago, dicendum quod similitudo si accipitur in sua generalitate, in plus est: si vero accipitur proprie, sicut accipitur in proposito, non est in plus: immo distinguitur ab imagine: ita quod etiam utraque tam affectivam, quam cognitivam respiciat, imago tamen principaliter respicit cognitivam, & similitudo affectivam: & ratio iam dicta est, & per hoc patet responsio ad illa duo quæ quaerebantur.

Lib. 2. de
Sacramentis
par. 6. c. 2.

DISTINC.

DISTINCT. XVII.

De Creatione hominis quo ad animam : Si videlicet de aliquo facta sit, & quando ipse sit creatus. Vbi positus. Et de lignis duobus Paradisi.

HIC de origine animae plura quæri solent, scilicet unde creata fuerit, & quando, & quam gratiam habuerit in creatione. Sicut hominis formatio secundum corpus describitur, cum dicitur: Formauit Deus hominem de limo terræ: ita eiusdem factura secundum animam describitur, cum subditur: Et inspirauit in faciem eius spiraculum vitæ. Corpus enim de limo terræ formauit Deus, cui animam inspirauit. Vel secundum aliam literam flauit, vel sufflauit: non quod faucibus sufflauerit, vel manibus corporis corpus formauerit. Spiritus enim Deus est, nec lineamentis membrorum compositus. Non ergo carnaliter putemus Deum corporeis manibus formasse corpus, vel faucibus inspirasse animam, sed potius hominem de limo terræ secundum corpus formauit iubendo, volendo, id est, voluit & verbo iussit, ut ita fieret: & inspirauit in faciem eius spiraculum vitæ, id est substantiam animæ in qua viueret, creauit: non de materia aliqua corporali vel spirituali, sed de nihilo.

Opinio quorundam hæreticorum, qui putauerunt, animam esse de substantia Dei.

Putauerunt enim quidam hæretici Deum de sua substantia animam creasse, verbis Scripturæ pertinaciter inherentes quibus dicitur: Inspirauit, vel insufflauit, &c. Cum fiat, inquiunt, vel spirat homo, de se flatum emittit. Sic ergo cum dicitur Deus flasse, vel spirasse spiraculum in faciem hominis, ex se spiritum hominis emisisse intelligitur, id est, de sua substantia. Qui hoc dicunt, non capiunt tropica locutione dictum esse sufflauit, vel flauit, id est, flatum hominis, scilicet animam fecit. Flare enim est flatum facere, & flatum facere, est animam facere. Vnde Dominus per Isaiam: Omnem flatum ego feci. Non sunt ergo audiendi qui putant animam esse partem Dei. Si enim hoc esset, nec à se, nec ab alio decipi posset, nec ad malum faciendum, vel patiendum compelli, nec in melius, vel deterius mutari. Flatus ergo quo hominem animauit, factus est à Deo, non de Deo, nec de aliqua materia, sed nihilo.

Quando facta sit anima, an ante corpus, aut in corpore

Sed utrum in corpore, vel extra corpus, etiam inter doctos scrupulosa questio est. Augustinus enim super Genesim tradit animam cum Angelis sine corpore fuisse creatam, postea vero ad corpus accessisse: neque compulsa est incorporari, sed naturaliter illud voluit, id est, sic creata fuit ut vellet: sicut naturale nobis est velle viuere. Male autem velle viuere, non naturæ, sed voluntatis est peruersæ. Alij vero dicunt animam primi hominis in corpore fuisse creatam: ita exponentes verba illa: Inspirauit in faciem eius spiraculum vitæ: id est animam in corpore creauit, quæ licet totum corpus animaret: faciem tamen specialiter expressit, quia hæc pars sensibus ornata est ad intuenda superiora. Sed

A quidquid de anima primi hominis æstimetur, de aliis certissime sentiendum est quod in corpore creantur. Creando enim infundit eas Deus, & infundendo creat: dicendum est etiam animam illam non sic creatam, ut præscia esset operis futuri iusti, vel iniusti.

In qua ætate Deus hominem fecerit.

Solet etiam quæri: Vtrum Deus hominem repente in virili ætate fecerit, an perficiendo, & ætates augendo, sicut nunc format in matris utero. Augustinus super Genesim dicit quod Adam in virili ætate continuo factus est, & hoc secundum superiores, non inferiores causas, id est, secundum voluntatem & potentiam Dei, quam natura generibus non alligauit, qualiter & virga Moysi conuersa in draconem. Nec talia contra naturam fiunt, nisi nobis, quibus aliter natura cursus innotuit: Deo autem natura est quod facit. Non ergo contra dispositionem suam illud fecit Deus. Erat enim in prima creaturarum conditione sic hominem posse fieri: sed non ibi erat necesse, ut sic fieret: hoc enim non erat in conditione creaturæ, sed in beneplacito Creatoris, cuius voluntas necessitas est. Hoc enim necessario futurum est quod vult & præscit. Multa vero secundum inferiores causas futura sunt, sed in præscientia Dei futura non sunt. Si autem ibi aliter futura sunt, potius futura sunt, sicut ibi sunt: Vbi præscit ille, qui non potest falli. Sic ergo factus est Adam, non secundum inferiores causas, quia non erat in rerum causis seminalibus, ut ita fieret: sed secundum superiores, non contra naturam operantes: quia in rerum causis naturalibus erat, ut ita posset fieri.

Quod homo extra paradysum creatus, in paradiso sit positus: & quare ita factum sit.

Hominem autem ita formatum tulit Deus, ut Scriptura docet, & posuit in paradiso voluptatis, quem plantauerat à principio. His verbis aperte Moyses insinuat quod homo extra paradysum creatus, postmodum in paradiso sit positus. Quod ideo factum dicitur, quia non erat in eo permanens, vel ut non naturæ, sed gratiæ hoc assignaretur. Intelligitur autem paradysus localis, & corporalis, in quo homo locatus est. Tres enim generales de paradiso sententiæ sunt. Vna eorum qui corporaliter intelligi volunt tantum. Alia eorum qui spiritualiter tantum. Tertia eorum qui utroque modo paradysum accipiunt. Terciam mihi placere fateor, ut homo in corporali paradiso sit positus: qui ab illo principio plantatus accipi potest, quo terram omnem remotis aquis herbas, & ligna producere iussit. Qui etsi præsentis Ecclesiæ, vel futuræ typum tenet, ad litteram tamen intelligendum est esse locum amenissimum, fructuosis arboribus: magnum, & magno fonte facundum. Quo dicimus: A principio: antiqua translatio dicit. Ad orientem. Vnde volunt in orientali parte esse paradysum, longo interiacente spatio vel maris, vel terræ, à regionibus quas incolunt homines, secretum, & in alto situm, usque ad lunarem circulum pertingentem, unde nec aquæ diluuij illuc peruenierunt.

De lignis paradisi, inter quæ erat lignum vitæ, & lignum A
scientiæ boni & mali.

In hoc autem paradiso erant ligna, diuersi generis, inter quæ unum erat quod vocatum est lignum vitæ, alterum vero lignum scientiæ boni & mali. Lignum autem vitæ dictum est, sicut docet Beda, & Strabus: quia diuinitus accepit hanc vim, ut qui ex eius fructu comederet, corpus eius stabili sanitate & perpetua soliditate firmaretur: nec ulla infirmitate, vel ætatis imbecillitate in deterius, vel in occasu laberetur. Lignum autem scientiæ boni & mali non à natura hoc nomen accepit, sed ab occasione rei postea secuta. Arbor enim illa non erat mala, sed scientiæ boni & mali: ideo dicta est, quod post prohibitionem erat in illa transgressio futura: quia homo experiendo disceret quid esset inter obedientiam bonum, & inobedientiam malum. Non ergo de fructu qui nasceretur inde, positum est illud nomen, sed de re transgressionem secuta. Cognouit enim homo, priusquam tangeret hoc lignum, bonum & malum: sed bonum per prudentiam & experientiam, malum vero per prudentiam tantum. Quod etiam per experientiam, nouit usurpato ligno vetito: quia per experientiam mali didicit quid sit inter bonum obedientiam, & malum inobedientiam. Si vero primi parentes obediētes essent, nec contra præceptum peccassent: non ideo tamen minus diceretur lignum scientiæ boni & mali, quia hæc ex eius tactu accideret si usurparetur. A ligno ergo prohibitus est quod malum non erat, ut ipsa præcepti conseruatio, bonum illi esset, transgressio malum. Nec melius consideratur, quantum malum sit inobedientia, quam hoc modo: cum scilicet ideo reus factus esse homo intelligitur, quia prohibitus rem tetigit, quam si non prohibitus tetigisset, nec peccasset, nec penam sensisset. Si ergo venenosam herbam prohibitus tetigeris, pœna sequitur, et si nemo prohibuisset. Similiter sequeretur si etiam prohibetur res tangi, quæ non tangenti tantum, sed prohibenti obest, sicut aliena pecunia: ideo prohibitum est peccatum, quia prohibenti est damnosum. Cum vero tangitur quod nec tangenti obest si non prohibetur, nec cuiuslibet si tangatur: & ideo prohibetur, ut per se bonum obedientiæ & malum inobedientiæ monstretur. Sicut primus homo à re bona prohibitus penam incurrit, ut non ex re mala, sed ex inobedientia pœna esse monstretur, sicut ex obedientia palma.

Aug. 10. de
verbis Do-
mini, serm.
14. & contra
Aduer. leg.
& prophet.
c. 14. r. 6. &
lib. 8. de Gen.
ad lit. cap. 6.

Cap. 15.

Cap. 13.

DISTINCT. XVII.

De Productione hominis quantum ad princi-
pia constitutiva, scilicet corpus, & ani-
mam, & primo viri.

Hic de origine anime plura quæri solent, &c.

Expositio Textus.

SUPRA egit Magister de productione hominis in comparatione ad principium extra: in hac vero parte agit de productione eius, quantum ad principia constitutiva, scilicet quantum ad corpus, & animam. Diuiditur autem ista pars in duas. In prima determinat de productione viri. In secunda vero de productione mulieris ex viro, infra distinct. 8. In eodem quoque paradiso mulierem formauit, &c. In principio: Prima pars habet duas. In prima determinat de hominis formatione. In secunda de hominis formati locatione, ibi: *Hominem autem ita formatum*, &c. Prima

Diuisio.

pars habet duas. In prima determinat de productione anime in se. In secunda vero in relatione ad corpus, ibi: *Sed utrum in corpore an extra corpus*, &c. Pars autem illa, in qua determinat de productione anime in se, habet duas. In prima determinat veritatem. In secunda remouet errorem, ibi: *Putauerunt enim quidam heretici*, &c. Similiter illa pars in qua determinat de productione anime in comparatione ad corpus, habet duas. In prima determinat, utrum Deus creauerit animam in corpore, an extra corpus. In secunda quærit, utrum Deus fecerit hominem in ætate perfecta, ibi: *Solet etiam quæri utrum Deus hominem repente*. Similiter pars illa in qua determinat de locatione hominis iam formati, habet duas. In prima determinat de loco eius in se. In secunda vero determinat in comparatione ad contenta, ibi: *In hoc autem paradiso erant ligna*, &c.

In beneplacito Creatoris, cuius, &c. Dub. I.

INNUIT Magister quod voluntas Dei necessitat. Contra: Ex hoc sequitur. Necessarium futurum est quod vult, & præscit: quod si verum est, cum Deus velit omnia bona futura, nullum bonum futurum euenit contingenter perit ergo libertas arbitrii. Præterea falsum videtur dicere in hoc quod subiungit: Multa etiam secundum inferiores causas futura sunt: sed in præscientia Dei futura non sunt: quod enim futurum est, erit: quod non est futurum in præscientia Dei, non erit: ergo simul idem erit, & non erit.

RESP. Dicendum quod primum verbum intelligendum est de necessitate non consequentis sed consequentis, quia necessaria ad velle Dei sequitur ipsum volitum esse, vel futurum esse. Secundum autem verbum intelligendum est ita, quod per hoc participium futurum, significetur ordo effectus ad causas, non euentus: ut sit sensus: Multa secundum inferiores causas futura sunt, id est ordinata fieri, quæ secundum veritatem, vel præscientiam non sunt futura, quia non eueniunt.

Quod homo extra paradysum creatus postmodum in paradiso sit positus. Dub. II.

CONTRA: Cum enim paradysus esset locus habitationis debitus homini secundum statum innocentie, & locus congruus generationi, & productioni, videtur quod homo debuit produci in paradiso. Item cum tota terra esset tunc fructifera, & aer tranquillus, videtur quod tota erat congrua, ut inhabitaretur ab homine: ergo si homo extra paradysum est productus, videtur quod extra paradysum ad habitandum debuit relinqui. Item si tota terra producta est propter hominem: ergo videtur quod si homo stetit, alia pars terræ à paradiso superflueret: propter hoc est hic quæstio, quid vocetur hic paradysus, in qua homo est positus.

RESP. Ad prædictorum intelligentiam est notandum, quod sicut dicit Magister, tres fuerunt de paradiso sententiæ. Quidam enim dixerunt quod paradysus illa, in qua erat positus homo, erat locus corporalis qui propter suam amœnitatem paradysus dicebatur, nec est alia paradysus, nisi corporalis. Alij vero attendentes quod beatificatio hominis est in paradiso, quæ consistit in Dei fruitione, non in corporali amœnitate, dixerunt hæc paradysum non esse locum corporalem, sed spirituales, & omnia illa, quæ dicuntur de paradiso in Genesi, dicta esse metaphoricè: unde homo in formatione sui positus dicitur fuisse in paradiso, non quia fuerit localiter mutatus, sed quia in spirituali amœnitate, & deliciis ex Dei amore, & cognitione, & fruitione est positus. In huius autem sententiæ assertionem adducit illud, quod dicitur de latrone Luca: Hodie mecum eris in paradiso. Et illud quod dicitur de lucifero: In deliciis paradysi Dei fuisti. Tertia est positio quod est paradysus spiritualis, & est paradysus corporalis. Paradysus spiritualis dicit statum, vel quietem, & amœnitatem deliciarum spiritualium, & iste potest esse secundum duplicem statum, sc. Ecclesiæ triumphantis, & Ecclesiæ militantis. Unde paradysus spi-

ritualis

Opinio 1.

Opinio 2.

Luc. 23.
Ezech. 28.
Opinio 3.

ritualis duplex est, siue dupliciter dicta est. Vna est in A
Ecclesia militante, altera in Ecclesia triumphante. Vnde
illa quæ sunt dicta in Genesi de paradiso spiritali pos-
sunt exponi metaphorice. Paradisus autem corporalis
locus est deliciarum, & amœnitatis: & hæc est duplex
similiter secundum duplicem statum, scilicet perfectum,
& imperfectum. Secundum statum perfectum paradisu
est empyreum. Secundum statum imperfectum paradisu
est locus quidam amœnus in partibus orientis, de
quo dicit Damascenus: Diuina paradisu est Dei mani-
bus in Eden plantatus, gaudij, & exultationis vniuersæ
promptuarium. In hoc autem loco decuit hominem poni,
vt esset ei facilitas perueniendi ad patriam, & vt
Deus homini ostenderet benivolentiam, cui locum
amœnissimum ad inhabitandum præparauerat, vt sic
amœnitas exterioris habitaculi corresponderet deliciis
interioribus quales habet anima, quæ est templum Dei,
& habebat anima primi hominis. Extra autem hunc
locum debuit homo produci, & vt melius cognosceret
Dei beneficium, dum se videret quasi aliunde adduc-
tum, & vt etiam ostenderet per hoc, quod homo non
erat ibi factus ad æternaliter habitandum, sed tempora-
liter peregrinandum. Et quia Deus præsciebat hominis
cautum, in paradiso voluit eum collocare, vt per eius eie-
ctionem de loco voluptatis cognosceret sensibiliter
quanta bona spiritalia amisisset per culpam: cognosce-
ret, etiam nihilominus quanta esset differentia inter eum
qui Domino obedit humiliter, & eum qui ipsum con-
temnit. Et per hoc patet responsio ad obiecta. Locus
enim paradisi conuenienter factus fuit propter hominẽ,
institutũ, & alia terra cõuenienter fuit facta propter ho-
minẽ, quem Deus præuiderat esse lapsurũ: & quia simul
etiam viderat hominem, & peccatum, de ea terra simp-
lit eum, in quam erat postmodum rediturus. Nec tamen si
homo stetit, alia pars mundi superflueret, quia bestiis
ferientibus homini habitaculum præberet, & habita-
culum sua inferioritate excellens ostenderet, & sua ma-
gnitudine decoraret, sicut magna platea decorat pala-
tium, & sicut aula decorat cameram.

*Volunt in orientali parte esse paradisum, &c.
Dub. III*

Innuat Magister locum paradisi in alto situm, & vs-
que ad lunarem circulum pertingentem. Videtur hoc
esse falsum. Primo, quia inter lunarem circulum, & aërẽ
est sphaera ignis, quæ non pateretur ibi hominem posse
vivere. ITEM: Aër in sua parte superiori est tantæ subti-
litate, quod ibi non possunt aues vivere, sicut dicit
Augustinus: ergo si paradisi locus esset adeo eleuatus,
non posset ibi vivere homo habens corpus animale.
Præterea, si adeo esset ille locus eleuatus, cum maxime
appropinquaret soli: ergo esset calidissimus & intem-
peratissimus: sequeretur etiam ex hoc quod terra esset
super aquam, & super aërem.

RESP. quod sicut doctores dicunt, paradisi corpora-
lis situs est valde eminens, & altus, & iuxta æquino-
ctialem partem in oriente quodam modo vergens ad
meridiem. Est autem tantæ altitudinis, vt illuc non con-
scendant vapores in aëre eleuati, sed sit ibi aër mun-
dus, & purus, idoneus statui perpetuitatis, & propter
puritatem aëris ibi esse contemperantiam caloris: &
quia est secus æquinoctialem partem, est ibi magna
temperies temporis. Quod ergo dicitur, vsque ad luna-
rem circulum pertingere: hoc non est dictum secundum
situm, sed secundum quandam proprietatem, siue quia
conformatur in raritate, & luminositate, & tranquillita-
te, siue quia vapores, quibus dominatur luna, illuc non
pertingunt. Et sic patet illud.

*In hoc autem paradiso erant ligna diuersi
generis, &c. Dub. IV.*

Queritur propter quid duo ex ipsis lignis nominat,
& non plura. ITEM: Cum lignum illud, de quo facta
est prohibitio, non fuerit scientiæ boni, & mali, nisi pro-
pter transgressionem Adæ, non videtur quod sic debue-
rit à suiprincipio nominari. ITEM: Cum lignum vitæ
illum effectum viuificandi non habuerit, videtur quod
frustra fuerit, aut ab illo effectum nominari non habuerit.

RESP. quod vniuersalitas lignorum sub tribus diffe-
rentiis comprehenditur, secundum quod ad triplicem
utilitatem hominis poterat ordinari, aut ex parte corpo-
ris, aut ex parte animæ, aut ex parte coniuncti. Si ex par-
te corporis, sic erant ligna fructifera, quæ præbebant ei
alimenta ad corporis sustentationem. Si ex parte animæ,
sic fuit lignum scientiæ boni, & mali quod ordinaba-
tur ad obedientiæ hominis probationem. Si ex parte
coniuncti, sic erat lignum vitæ quod faciebat ad vitæ
humanæ perpetuationem. De his autem lignis duo no-
minata sunt propter speciales effectus: propter quod &
Dominus illa duo ligna collocavit in medio paradisi, &
vnum posuit iuxta alterum, vt ex vno conciperet ho-
mo affectum amoris, & ex illo affectum timoris: &
vt quasi opposita iuxta se posita elucescerent, & facien-
do abstinentionem ab vno habere mereretur refectionem
sufficientem ab altero. Et hoc est quod dicit Au-
gustinus de Ciuitate Dei loquens de primis parenti-
bus: Satus immortalitatis eis de ligno vitæ quod in me-
dio paradisi cum arbore verita simul erat, & Dei mira-
bilis gratia monstrabatur, tamen & alios sumebant ci-
bos præter vnā arborem, quæ fuerat interdicta. Et
sic pater qualiter illa duo ligna specialiter nominantur:
vnum autem, scilicet lignum vitæ nominat vt ab ef-
fectu non quem fecit, sed ad quem ordinatur: aliud ve-
ro, scilicet lignum scientiæ ab euentu: & vtrumque sa-
tis congruit: quia tam ille effectus, quam ille euentus
valde notabiles erant. Licet autem lignum vitæ pri-
mum effectum non habuerit in actu, habuit tamen in
habitu: nec tamen frustra fuit, quia quamvis ex ipso
primus homo non acceperit refectionem eius, tamen
posteriores recipiunt instructionem, dum per illud lignum
intelligunt Christum.

*Aligno ergo homo prohibitus est, quod malum non erat.
Dub. V.*

Contra: Videtur quod Deus inconuenienter fecerit:
primo, quia sicut prohibere malum est bonum, ita pro-
hibere bonum est malum: ergo videtur quod Deus fecerit
male, dum prohibuit illius ligni vsum. ITEM bene scie-
bat Dominus quod ipsi prohibitionem suam non serua-
rent: ergo si sine illa prohibitionem poterat esse salus, vi-
detur quod non fecerit aliud quam laqueum eis iniicere,
dum prohibuit. ITEM si omnia facta sunt propter ho-
minem: ergo lignum illud erat hominis: sed nulli debet
subtrahi res propria absque culpa: ergo videtur quod
Deus iniuriatus fuerit homini, & eum puniuerit prohibē-
do quod suum erat, in quo tamē nulla culpa præcesserat.

RESP. quod Deus homini illud lignum prohibuit pro-
pter obedientiæ meritum acquirendum ex parte homi-
nis, & propter ostendendum suæ iurisdictionis dominiũ
quod habebat in homine: quia prohibuit propter obe-
dientiæ meritum, vt illud meritum esset purũ, & plenũ:
bene à tali re prohibuit, à qua non deberet cessari nisi
soli obedientiæ intuitu: & ideo à re bona. ITEM quia
prohibuit ad ostendendum suæ iurisdictionis dominium:
ideo à tali re debuit prohibere, à qua homo non deberet
retrahere manum nisi propter solius Dei imperium, &
hæc quidem fuit res bona: & propterea illud manda-
tũ dicitur esse mādātũ disciplinæ, quia ad hoc non obli-
gatur ex se, siue aliquo rationis naturalis dictamine, sed
ex sola diuina præceptione. Quamvis & alia possit reddi

ratio quod datum sit illud mandatum diuinum, vt per A hoc disceret, cui deberet esse subiectus, & quantum etiam differret inter eum, qui Deo obedit, & cum qui contemnit eius imperium. Nulla igitur fiebat ex hoc homini iniuria: immo fiebat vtilitas, dum præcipiebatur ad eius eruditionem, & meriti amplificationem: quod si contrarium euenit, hoc fuit ex culpa sua, ex qua conuertit sibi bonum in malum, sicut impiis & peccatoribus bona conuertuntur in mala. Propter istius tamē euentus præuentionē non debuit Deus dimittere tale mandatum, quia ordo, & decor, qui attenditur in operibus Dei secundum regulam diuinæ sapientiæ, non debet intermitteri propter incommmodum alicuius spiritualis creaturæ. Præterea ex illo malo inde sequente poterat Deus, & sciebat multo maius bonum elicere. Et per hoc patet responsio ad obiecta excepto primo, quia non est simile: prohibere enim malum, bonum est, quia non potest aliquis malum perpetrare sine culpa: sed prohibere bonum, non est malum, quia abstinere potest homo absque culpa, abstinere enim à bono commodo cadit in genere boni honesti. Alia satis patent per iam dicta.

ARTICVLVS I.

A D intelligentiam huius partis incidit hic quæstio de productione hominis quantum ad duo. Primo quæritur de productione ipsius, quantum est ex parte animæ. Secundo quantum est ex parte corporis. Circa primum quærentur tria. Primo quæritur, vtrum anima primi hominis producta sit de Dei substantia. Secundo quæritur, vtrum producta fuerit ex aliqua materia. Tercio quæritur, vtrum producta fuerit ante corpus, vel post, siue in corpore, an extra.

QVÆSTIO I.

An anima humana sit ex Dei substantia.

Alex. Alensis 2. p. q. 60. Membr. 1.
S. Thom. 1. p. q. 90. art. 1.
Et 2. Sent. dist. 17. q. 1. art. 1.
Et 2. contra Gent. cap. 85.
Et Opusc. 3. cap. 94.
Agid. Rom. 2. Sent. p. 2. d. 17. q. 1. art. 1.
Sepp. Brulef. 2. Sent. dist. 17. q. 1.
Gabr. B. el. 2. Sent. dist. 17. q. 1.

Ad opposi-
tum.
Gen. 2. b

Ioan. 10. c

Eccl. 11. b

Ab. 17 f

Q VOD anima humana sit ex Dei substantia, ostenditur primo auctoritate: Inspirauit in faciem eius spiraculum vitæ: sed inspiratio est per egressum alicuius ab intrinseco: ergo sicut Spiritus sanctus, qui est eiusdem naturæ cum spirite: sic humanus spiritus, qui fuit inspiratus à Deo, est de natura diuina. Si tu dicas quod insufflatio, vel inspiratio potest esse rei diuersæ per naturam: obicitur, quia Glossa dicit super illud Ioannis: Insufflauit eos, & dixit eis: Accipite: &c. Augustinus dicit ibi quod in hoc ostendit ex se producere Spiritum sanctum: si ergo Deus insufflauit in faciem hominis spiraculum vitæ, videtur quod spiritum hominis produxit ex se.

2. ITEM: Donec pulvis reuertatur in terram, vnde erat, & spiritus redeat ad Deum, qui dedit illum: si igitur spiritus redeat ad Deum, sicut pulvis redit ad terram: ergo sicut homo, quantum ad carnem, est de terra, ita videtur quod quantum ad spiritum est de Dei substantia.

3. ITEM: Genus enim Dei sumus, sicut quidam Philosophorum nostrorum dixerunt: sed quæ sunt eiusdem generis, sunt eiusdem naturæ: ergo nos & Deus sumus eiusdem naturæ: sed non quantum ad corpus, ergo quantum ad animam: ergo anima est Dei substantia.

4. ITEM ratione videtur: Omnia corporalia producuntur ex aliqua materia, quæ est in omnibus corporalibus vna: ergo pari ratione spiritualia producuntur ex aliqua spirituali natura, quæ in omnibus spiritibus sit vna: sed spiritualis substantia in omnibus reperta per identitatem nō est nisi diuina: igitur anima facta est ex Dei substantia.

5. ITEM solus Deus est immortalis per naturam: ergo nulli conuenit immortalitas per naturam, nisi quod est vel Deus, vel ex Deo: nulli autem conuenit esse imaginem Dei, nisi cui conuenit esse immortalem per naturam: non enim imago esset, sicut dicit Augustinus, si mortis termino clauderetur, si ergo anima rationalis naturaliter est imago: ergo naturaliter est immortalis: ergo de Dei substantia producta fuit.

6. ITEM Deus est lux spiritualis, quæ est fons omnis illuminationis spiritualis, sicut sol est fons illuminationis corporalis: sed corpora luminosa sunt eiusdem naturæ cum luce, & cum sole: ergo pari ratione spiritus naturaliter luminosi sunt eiusdem naturæ cum fonte lucis spiritualis: sed quidquid est eiusdem naturæ cum Deo, vel est Deus, vel de Deo: ergo, &c.

B CONTRA: Faciamus hominem ad imaginem, & similitudinem nostram: hoc non est dictum secundum corpus, ergo secundum animam: igitur anima hominis facta est: & circa diuinam naturam non cadit factio vel mutatio non est ex Dei natura, vel substantia.

ITEM si anima est ex Dei natura, cum anima sit pars hominis, Dei natura venit ad constitutionem hominis: sed pars est minus nobilis quam totum: ergo Deus est minus nobilis, quam homo: sed hoc est falsum & impium dicere: ergo, &c.

ITEM si anima est ex diuina natura, aut ergo habet aliquam formam superinductam illi naturæ, ex qua est aut nullam: Si nullam: ergo non videtur esse nec facta, nec à Deo diuersa. Si aliquam: ergo diuina natura est ipsius animæ materia: sed quod est materiale principium alicuius, est minus completum & imperfectum: ergo Deus est incompletus, & imperfectus per naturam: quod est blasphemia.

ITEM si anima est ex Dei substantia, & anima deprauatur: ergo contingit diuinam substantiam deprauari: etsi contingit Dei substantiam deprauari, ergo Deus non est summe bonus: cum igitur rationalis spiritus peccare possit, sicut patet, rationalis spiritus non est ex Deo.

ITEM si anima est ex Deo: aut igitur per generationem, aut per spirationem. Si primo modo, tunc anima nihil aliud est, quam verbum. Si secundo, tunc anima non est aliud, quam Spiritus sanctus, sic igitur omnis homo esset Deus.

D ITEM si anima hominis esset ex Deo, aut de toto Deo, aut de parte: si de parte: ergo Deus est compositus, & habet partem & partem: quod est omnino falsum. Si de toto: sed Deus est immensus, & infinitus: ergo cuiuslibet hominis anima est immentia, & infinita: etsi hoc, quilibet homo est omnipotens: quod nullus dubitat esse falsum.

CONCLUSIO.

Anima humana non est creata ex Dei substantia, cum Deus sit causa efficiens, & non materialis ipsius anime.

RESP. Ad Arg. Dicendum quod aliquorum positio fuit quod intellectus humanus non erat aliud quam intellectus diuinus: sed diuinus intellectus dicebatur pro vt considerabatur in se: humanus vero pro vt perficiebat corpus aliquod. Sed cum Deus nullus sit pars constitutiva propter suam summam perfectionem & absolutectionē, positio hæc fuit stulta, & erronea. Est & alia positio non minus stulta erronea, & impia, Manichæorum videlicet, quod spiritus rationalis sit de Dei substantia, & natura. Dicunt quod in homine est duplex anima, sicut recitat August. in libro de duabus animabus, quarum vna inclinatur ad bona, & alia inclinatur ad mala: & illa quæ facit mala, nunquam potest facere bona: & illa, quæ inclinatur ad faciendum bonū est de Dei natura. Sed hæc positio multipliciter à veritate est aliena. Primū quia ponit Deum eiusdem naturæ esse cum natura, & alicuius creaturæ esse materiā, cum ponit creaturam fieri ex Dei substantia.

De spir. &
an. cap. 38.

Fundamēta.
Gen. 1. 6

Opinio 1.

Improbatio.

Opinio 2.
Aug. lib. 4.
de an. &
eius origi-
ne. & alibi con-
tra Mani-
chæos de
duobus an. m.
cap. 13. 18. 6.
Improbatio.

stantia:

stantia: & ad hanc positionem sequuntur innumerabilia A inconuenientia, & hoc præcipuum est, quia implicat in se duo opposita, dum ponit animam à Deo esse factam, & eam esse de diuina substantia. Deuiat etiam à veritate in hoc quod ponit in nobis duas animas: sed huius improbatio melius tangetur infra. Et ideo tertia positio est vera, & catholica quod anima non est producta de Dei substantia: Deus enim ad creaturas se habet in ratione efficientis, & formalis, & finis: sed nullo modo potest se habere in ratione materialis, quantumcunque creatura sit nobilis: quia quod se habet vt materiale respectu alicuius, est minus completum ipso: & ideo rationes hoc probantes concedendæ sunt.

1. Ad illud vero quod obicitur, quod inspirauit in faciem, &c. Dicendum quod inspirare idem est ibi quod spiritum facere, & factum corpori insinuare, vel infundere: similiter & insufflare est statum hominis facere, & factum corpori infundere. Vnde sicut quando Deus res produxit verbo, non fuit vox materialis: sic quando insufflauit, nõ fuit mediantibus faucibus, & instrumentis corporalibus: & ideo non valet illud simile de Ioanne ad literam: Insufflauit: nam illa insufflatio erat processionis Spiritus sancti signatio, & ostensio.

2. Ad illud quod obicitur de Ecclesiaste: Et spiritus redeat ad Deum, &c. Dicendum quod sicut resolutio stat cum peruentum est ad terram, sic mutabilitas animæ tunc demum stat, quando coniungitur ei, secundum quem facta est. In solo enim Deo inuenit perfectam quietem. Et ideo non vult sapiens dicere quod spiritus redeat ad Deum per corruptionem, sicut corpus in terram: sed est similitudo quantum ad quietem bonam.

3. Ad illud quod obicitur, quod genus Dei sumus, dicendum quod genus dupliciter accipi potest. Vno modo proprie, & sic dicuntur aliqua continere in genere, quæ conueniunt in aliqua forma, & natura communis. Alio modo accipitur large, & sic dicuntur aliqua conuenire in genere, in quibus est aliqua conuenientia spiritualis secundum habitudinem analogiæ & sic dicit Augustinus 12. de Trinitate, quod anima cognoscit in quadam luce sui generis: & vocat illam lucem increatam quam dicit esse sui generis propter hoc quod est spiritualis, sicut anima: & sic intelligitur verbum Apostoli.

4. Ad illud quod obicitur, quod corporalia sunt ex aliquo vno, respondendum est quod hoc non concludit, quod spiritus rationales sunt ex Deo: illud enim vnum, ex quo fiant corporalia, est ens in potentia respectu illorum: Deus autem respectu nullius potest esse in potentia: & ideo ex hoc non sequitur, quod spirituales substantiæ producantur de diuina natura.

5. Ad illud quod obicitur, quod solus Deus est immortalis per naturam, dicendum quantum sufficit ad præsens, quia infra habebitur de immortalitate, quod immortalitas per naturam dicta de Deo, intelligitur per priuationem omnis gratiæ, siue gratia dicat aliquid superadditum naturæ, siue dicat gratuitam influentiam, per quam conseruatur natura, quia Deus seipso perinapet: anima autem et si de sui natura sit ad permanendum idonea, tamen nunquam permaneret nisi conseruaretur per gratuitam Dei influentiam.

6. Ad illud quod obicitur, quod Deus est lux spiritualis, dicendum quod non est simile de luce spirituali, & corporali omnino. Lux enim spiritualis, quæ Deus est, cum sit simplicissima, non potest esse perfectio rerum diuersarum naturarum. Cum autem sit omnipotentissima potest producere, & facere lucem creatam aliquo modo sibi conformem: quæ tamē sibi non sufficit, etiam postquam producta est, nisi adsit ei summæ lucis influentia. Et sic intelligendum est in ipsa anima humana, quod ipsa habet lucem propriam, sc. creatam, per quam completur, quæ à luce æterna & producitur, & conseruatur: lux autem corporalis in diuersis corporibus potest reperiri vt perfectio, cum non sit forma omnino simplex: sed sit nata coniungi materiæ.

QVÆSTIO II.

An anima Adæ fuerit producta ex materia.

Alexander Alensis 2. p. q. 60. Membrum 2. art. 1.
S. Thom. 1. p. q. 75. art. 5.
Et 1. Sentent. dist. 8. q. 1. art. 2.
Et 2. Sent. dist. 17. q. 1. art. 2.
Et Quod. 3. q. 8.
Egid. Rom. 2. Sent. p. 2. dist. 17. q. 1. art. 3.
Richard. 2. Sent. dist. 17. q. 1.
Thom. Arg. 2. Sent. dist. 17. q. 1. art. 1.
Ioan. Bacch. 2. Sent. dist. 17. q. 2.
Steph. Brulot. 2. Sent. dist. 17. q. 2.

Ad opum.

VTVM anima Adæ producta fuerit ex materia. Et quod non, videtur primo per auctorem sex principiorum, scilicet Gilbertum Porretanum, qui dicit quod forma est compositioni contingens in simplici essentia consistens. Si igitur anima rationalis vere forma est: ergo simplex est: ergo non componitur ex materia & forma.

1. ITEM Philosophus in principio tertij de animalibus dicit quod intellectus est impermixtus, & impassibilis, sed omne quod habet materiam, potestiam habet passiuam: ergo substantia intellectiva non habet materiam.

3. ITEM Magister in litera: Substantiam animæ, in qua vineret, creauit Deus: non de materia aliqua corporali, vel spirituali, sed de nihilo.

4. ITEM hoc ipsum videtur ratione. Substantia intellectiva nihil cognoscit nisi abstrahatur à materia: sed in actu cognoscendi fit assimilatio cognoscentis ad cognoscibile, & econuerso: ergo si ad hoc quod intelligatur necesse est abstrahi à materia: & ad hoc quod aliqua substantia intelligat, necesse est quod sit per naturam à materia separata: sed si anima Adæ fuit huiusmodi: ergo, &c.

5. ITEM quanto forma nobilior, tanto simplicior: sed anima inter omnes formas est nobilissima: ergo simplicissima: sed aliæ formæ non componuntur ex materia, & forma, ergo multo fortius nec rationalis anima.

6. ITEM omne quod habet materiam, & formam, vt partes constitutinas, est hoc aliquid, & est completum: nihil autem quod est hoc aliquid, & completum in se venit ad constitutionem tertij: sed anima rationalis venit ad constitutionem tertij, ita quod ex ipsa anima, & corpore sit vnum per essentiam: ergo anima non est hoc aliquid: ergo vel in materia, vel forma pure: non materia, ergo forma.

SED CONTRA: In tertio de anima dicit Philosophus quod sicut in omni natura est materia, & efficiens: sic in anima est intellectus, quo est omnia fieri: & intellectus, quo est omnia facere: si igitur potentia passiva est à materia, & hæc est in anima: patet, &c.

ITEM In 9. primæ Philosophiæ dicit Philosophus, quod sicut materia est subiectum formarum substantiale, sic compositum est subiectum accidentis: sed anima rationalis est subiectum scientiarum, & virtutum, etiam secundum se considerata: ergo composita est ex materia & forma.

ITEM Philosophus in 8. Metaphysicæ: Operans, & generans non facit aliud nisi propter materiam: ergo si Deus facit animam, quæ est aliud quam ipse, necesse est quod materia vel sit in Deo, vel sit in anima: sed non est in Deo: ergo est in anima.

ITEM hoc ipsum videtur ratione: Omne creatum, cui debetur propria operatio, habet duo diuersa, scilicet quod agit, & quo agit: sed animæ secundum se consideratæ debetur propria operatio: ergo videtur quod non solum sit forma: quia si pure forma esset, tunc ageret seipsa: ergo habet aliquid de materia.

ITEM omne illud quod secundum sui mutationem est susceptibile contrariorum, est hoc aliquid, & substantia per se existens in genere: & omne tale compositum est ex materia, & forma: sed anima secundum sui mutationem est susceptiua gaudij, & tristitiæ: ergo anima rationalis composita est ex materia, & forma,

ITEM

Dist. 3. q. 1.

ITEM Anima rationalis non solum modo vitam præbet corpori, sed etiam ipsa viuit: aut igitur est sua vita, aut non. Si sic: ergo non differt in ea viuens, & quo viuit. Et iterum: si est sua vita non viuit per participationem, sed per essentiam, quæ duo sunt contra Boetium, & Augustinum. ergo ponere est in anima secundum se considerata aliquid quod det vitam, & aliquid quod recipiat: et si hoc, ergo est composita ex materia, & forma. Et ad hoc possunt adduci rationes, quæ adductæ sunt supra ad ostendendum, Angelum esse compositum ex materia & forma.

CONCLUSIO.

Anima rationalis habet materiam, cum intra se habeat mouere, & moueri, fundamentumque sua existentia retineat, & sit hoc aliquid: non tamen anima brutalis.

Opinio 1.

Improbatio.

Opinio 2.

Improbatio.

Opinio 3.

8. Phys. con-
tex 37.
Scot. in hac
dist. q. 1. non
infringit
hanc opinio-
nem.

RESP. AD ARG. Ad prædictorum intelligentiam est notandum, quod circa hoc diuersi diuer a opinati sunt. Quidam enim dixerunt, nullam animam nec rationalem, nec brutalem habere materiam, quia spiritus sunt simplices: animam tamen rationalem dixerunt habere compositionem ex quo est, & quod est, quia ipsa est hoc aliquid, & nata est per se, & in se subsistere. Sed cum planum sit animam rationalem pati posse, & agere, & mutari ab una proprietate in aliam, & in seipsa subsistere, non videtur quod illud sufficiat dicere, quod in ea sit tantum compositio ex quo est, & quod est, nisi addatur in ea esse compositio materiæ, & formæ. Ideo fuerunt alij, qui dixerunt, non solum animam rationalem, sed brutalem etiam ex materia & forma compositam esse, cum utraque sit motor corporis sufficiens. Sed quia anima brutalis propriam operationem non habet, nec est nata per se subsistere, non videtur, quod habeat materiam intra se. Et ideo est tertius modus dicendi tenens medium inter utrumque, sc. quod anima rationalis cum sit hoc aliquid, & per se nata subsistere, & agere, & pati, mouere, & moueri, quod habeat intra se fundamentum suæ existentia, & principium materiale, à quo habet existere, & formale, à quo habet esse. De brutali autem non oportet illud dicere, cum ipsa fundetur in corpore. Cum igitur principium, à quo est fixa existentia creaturæ in se sit principium, à quo est fixa existentia creaturæ in se, sit principium materiale: concedendum est anima humanam materiam habere: illa tamen materia subleuata est supra esse extensionis, & supra esse priuationis, & corruptionis: & ideo dicitur materia spiritualis. Et propterea illi qui locuti sunt de materiali principio quantum ad esse extensionis, & prout habet esse sub priuatione, dixerunt animam rationalem non habere materiam, non intendentes de materia in sua generalitate, sed prout ad eam stat resolutio philosophica, sicut dictum est de simplicitate Angeli. Vnde concedendæ sunt rationes hoc ostendentes.

1. AD illud quod obiicitur, quod omnis forma est simplex, dicendum quod auctor ille diffiniens formam, loquitur de forma illa, quæ est forma tantum: non de ea, quæ est forma, & hoc aliquid: vnde vel diffinit ibi formam accidentalem, vel diffinit formam vniuersalem.

2. AD illud quod obiicitur, quod intellectus est impassibilis, & impermixtus, dicendum quod philosophus remouet ab intellectu materiam secundum quod consideratur sub priuatione, & sub potentia ad transmutationem secundum esse: non remouet materiam vniuersaliter, immo ponit, cum dicit quod in intellectu est natura, quæ est facere & qua est fieri.

3. AD illud quod dicit Magister in litera, dicendum quod Magister nō vult dicere, quod anima non habeat materiam: sed quod non habeat materiam præiacentem: huius autem ratio habebitur infra, sc. quare anima non est producta, nec producitur ex præiacenti materia.

4. AD illud quod obiicitur, quod substantia intellectualis nihil cognoscit, nisi quod abstrahitur à materia,

dicendum quod hoc non facit propter hoc quod ipsa sit omnino immaterialis: sed propter hoc, quod res non potest ei vniri secundum veritatem. Ideo oportet, quod vnatur secundum similitudinem, quam anima abstrahit à re. Alia est etiam ratio, quia intellectus per similitudinem per quam intelligit, debet fieri in actu intelligendi: illud autem quod facit rem esse in actu, species est, & forma: ideo anima non cognoscit rem nisi speciem eius, & formam sibi imprimat: & hoc non potest esse, nisi illa abstrahatur à materia: nec ex hoc sequitur, quod anima careat materia: res enim abstracta à materia propria bene potest fieri in re alia, quæ suam habet propriam materiam, & formam, sicut similitudo coloris in speculo.

5. AD illud quod obiicitur, quod quanto forma nobilior, tanto simplicior est, dicendum quod illud habet locum in his, quæ sunt puræ formæ: anima autem non tantum est forma, immo etiam est hoc aliquid: & ideo si comparatur forma animæ ad alias formas, absque dubio simplicior erit, quam alia forma. Ipsa autem anima cum sit rationalis, cum sit per se existens, aliquam compositionem habet, quam alia forma non sunt nata per se habere, dum non sunt nata per se existere: nihilominus tamen ipsa anima simplicior aliis formis dici potest. Est enim multiplex genus simplicitatis, secundum quod & multiplex est genus compositionis, & partium, sunt enim partes substantiales, & sunt partes quantitativæ: & compositio ex partibus quantitativis. Et sic simplex dicitur dupliciter. Aut quod caret partibus constitutivis, aut quod caret partibus quantitativis. Quamvis igitur anima non sit aliis formis simplicior quantum ad partes constitutivas, quia tales partes habere spectat ad complementum, & perfectionem: hoc enim facit rem esse per se: simplicior tamen est quantum ad priuationem partium quantitativarum: ipsa enim nec habet extensionem per se, nec habet extensionem per accidens, nec quantum ad substantiam, nec quantum ad actum proprium. Alia tamen per accidens possunt habere extensionem, & partibilibatem: vel secundum id quod sunt, vel secundum id quod operantur: & ideo quantum ad hoc, anima & maxime rationalis est forma nobilior.

6. AD illud quod obiicitur, quod compositum ex materia & forma est ens completum, & ita non conuenit ad constitutionem tertij, dicendum quod hoc non est verum generaliter: sed tunc quando materia terminat omnem appetitum formæ, & forma omnem appetitum materiæ, tunc non est appetitus ad aliquid extra: & ita nec possibilitas ad compositionem, quæ præexigit in componentibus appetitum, & inclinationem, licet autem anima rationalis compositionem habeat ex materia, & forma: appetitum tamen habet ad perficiendam corporalem materiam: sicut corpus organicum ex materia, & forma compositum est, & tamen habet appetitum ad suscipiendam animam.

QVÆSTIO III.

An anima Adæ fuerit producta ante corpus, vel postea.

Richardus 2. Sent. dist. 17. q. 1.

Thom. Arg. 1. Sent. dist. 17. q. 1. art. 4.

Steph. Brulef. 3. Sent. dist. 17. q. 1.

UTRUM anima Adæ producta fuerit ante corpus, vel postea. Et quod ante, videtur per textum Genesis: Faciamus hominem ad imaginem, &c. hoc dictum est sexta die: sed post septimam subditur: Formauit Deus hominem de limo terræ: igitur prima formatio ad animam refertur, secunda ad corpus: ergo prius fuit facta anima, quam corpus.

2. ITEM hoc videtur ratione. Sicut homo ex parte corporis communicat cum animalibus brutis, ita ex parte animæ communicat cum Angelis: ergo sicut corpus hominis productum est eodem die cum animalibus brutis,

Fundamēta
Gen. 1. 6

sic

sic spiritus eius rationalis debuit produci eodem die cum Angelis : ergo, &c.

3. ITEM anima Adæ se habet ad corpus sicut æternum ad temporale, & sicut ævum ad tempus: sed ævum est prius tempore, & æternum prius temporali: ergo prius videtur debuisse produci anima Adæ, quam corpus cui debebat vniri.

4. ITEM substantia spiritalis à corpore nō dependens quantum ad esse, non dependet quantum ad productionem: sed spiritus rationalis Adæ ab eius corpore non dependebat quantum ad esse: ergo nec quantum ad productionem: corpus autem à spiritu dependebat, quia sine illo permanere non poterat: ergo si absolutum est ante dependens, prius debuit produci anima quam corpus.

5. ITEM maior est distantia inter spirituale, & corporale, quam sit inter corpora miscibilia: sed corpora miscibilia prius producta sunt separatim, quam sint ad inuicem ad constitutionem tertij mixta: ergo anima prius debuit produci, quam corpori vniri: ergo non est creata in corpore, sed extra corpus.

6. ITEM tanto aliquid prius debet produci, quanto magis appropinquit primariæ rerum originis: sed anima plus appropinquat ad Deum qui est principium omnium, quam corpus humanum, cum sit ei similior & simplicitate, & spiritualitate: ergo, &c.

CONTRA: Formauit Deus hominem de limo terræ, & inspirauit in faciem eius spiraculum vitæ: quod exponitur, id est, spiritum fecit: sed spiraculum vitæ spirare, nihil aliud est, quam animam hominis creare: ergo si prius creauit corpus, quam spiraculum inspiraret, prius igitur produxit corpus, quam animam.

ITEM anima naturaliter est forma corporis: sed naturalis forma aut simul producitur cum materia, aut sequitur materiam: igitur aut anima non est forma naturalis, aut si est forma naturalis, producta est post corpus, vel simul cum corpore: non igitur ante.

ITEM quanto forma nobilior est, tanto vltimior: sed anima rationalis nobilissima est inter omnes formas naturales: ergo vltima: ergo produci debuit post vegetabilem, & sensibilem.

ITEM ordinata productio procedit ab imperfecto ad perfectum: si ergo perfectio omnium operum facta est in homine, & maxime quantum ad animam, videtur quod homo, quantum ad animam, produci debuit vltimo post omnia.

ITEM si anima producta esset ante corpus, cum haberet vsum liberi arbitrij, nihil esset impediens, nec retardans, ergo videtur quod ante vnionem ad corpus meruisset: ergo corpus non esset particeps omnis meriti ipsius animæ, nec anima deberet remunerari in corpore: quod si hoc falsum est, planum est animam Adæ ante corpus suum non fuisse productam.

ITEM si anima Adæ ante corpus esset producta: aut appetuisset vniri corpori, aut non. Si non; ergo vnio eius ad corpus non esset naturalis, nec vnio eius ad corpus fieret per naturam. Si sic, appetebat igitur corpus, quod non habebat: si ergo corpus ei differebatur, ipsa in appetendo affligebatur: ergo pœna erat ei ante culpam.

CONCLUSIO.

Animam Adæ statim in corpore creatam fuisse, est probabilius asserendum, licet de hoc dubitauerit Augustinus.

RESP. Ad Arg. Dicendum quod quamvis circa istam quæstionē videatur dubitasse egregius doctor August. quia vtraque pars videtur posse sustineri probabiliter, & ordo congruus seruari vtrobique: tenendum tamen est tanquam verum, & magis congruum, quod anima Adæ producta fuerit in corpore, nec Deus eam produxerit ante corporis formationem. Licet enim videatur satis rationabiliter posse dici, quod Deus ante corpus animam eius produxerit, vt ostenderet eam à corpore

A non dependere, sed per se subsistere, vt etiam cum hoc pariter ostenderet conformitatem eius, & naturæ angelicæ, tam in rationis capacitate per quam est anima imago, quam in beatitudine ad quam anima, & Angelus habent ordinari. Longe tamen rationabilius videtur ponere, quod anima producta sit statim in corpore: tum quia anima vnitur corpori vt perfectio naturalis cui naturaliter appetit copulari, adeo vt sine illo pœna sit ei esse, & ab illo sequestrari: tum quia etiam vnitur vt motor mobili ita quod sine ipso non potest mereri, nec demereri: & ideo non debuit ante corpus produci, ne ante culpā puniretur, & ne absque corpore mereretur, vel demeretur. Huic autem positioni non tamen concordat ratio, immo etiam Scripturæ suffragatur auctoritas, quæ dicit post productionem, & formationem hominis Deum sibi vitæ spiraculum inspirasse. Huic igitur parti tanquam probabiliori, & securiori adhærendo, concedere possumus rationes hanc partem astruentes.

1. AD illud vero quod primo obiicitur in contrarium de textu, dicendum quod alterum eorum est dictum per recapitulationem, vel primum est dictum per anticipationem: melius tamen est dicere, quod Scriptura illud recapitulet vt addat.

2. AD illud quod obiicitur, quod corpus simul productum est cum bruto: ergo, &c. dicendum quod non est simile: productio enim corporis, sic concordat productioni brutorum animalium, vt productio rationalis spiritus non discordet: immo potius illorum imperfectionem sua dignitate conseruet: productio vero spiritus sic concordat productioni Angelorum, vt minime concordet productioni corporum humanorum, quæ quidem spectat ad terræ ornatum, cuius ornatus productio spectat ad diem sextum.

3. AD illud quod obiicitur de comparatione æterni ad temporale, dicendum quod etsi substantia æterna ex parte post se plus extendat, quam temporalis vt pote quia caret fine: non tamen oportet, quod à parte ante, maxime si sit talis, quod sui productione appetitum rei temporalis habeat terminare: & sic fuit in anima Adæ: Et præterea, etsi illud possit esse verū de æterno, quod pure habet rationem æterni: non tamen habet veritatem de eo, quod sic habet rationem æterni, quod etiā temporalis: anima tamen rationalis, in quantum animat corpus transmutabile, habet tempore mensurari.

4. AD illud quod obiicitur, quod anima non dependet à corpore quantum ad esse, dicendum quod etsi non dependet à corpore tanquam indigens eo ad sui conseruationem, dependet tamen per appetitus sui inclinationem, quam habet ad ipsum sicut forma ad materiam propriam: & ideo sicut forma producitur in materia, sic anima Adæ produci debuit in corpore proprio.

5. AD illud quod obiicitur de corporibus miscibilibus, dicendum quod non est simile, quia elementa, quæ miscentur non dependent adinuicem, & vnum potest habere esse completum sine altero: non sic autem de anima, & eius corpore, quorum vtrumque ab altero dependet.

6. AD illud quod obiicitur, quod anima origini primæ magis approximat, dicendum quod cum Deus sit alpha, & omega, principium, & finis, & rationalis creatura in vtraque habitudine sit ei propinqua: proprie tamen loquendo angelica natura plus ei appropinquat in ratione principij, & humana plus in ratione finis: ideo inter omnes creaturas prior omnium creata est sapientia, siue creatura angelica, & dignitate, & origine, & post omnia producta est anima humana tanquam finis omnium, & consummatio: & ideo quamvis multum approximet Deo, in quantum tenet rationem originis: non minus tamen approximat Deo, quantum habet rationem finis: & ideo competentius fuit eam produci posterius, quam prius. Hæc dicta sint de anima Adæ: nam de alijs animabus infra loco suo quæretur.

ARTICVLVS II.

A

CONCLUSIO.

CONSEQUENTER quæritur de productione primi hominis ex parte corpori. Et circa hoc quærun- tur tria. Primo quæritur, vtrum corpus primi hominis produci debuit pure de natura cælesti. Secundo quæ- ritur, vtrum fuerit pure de natura elementari. Tertio quæritur, vtrum conditum fuerit in complexione æqua- li, aut inæquali.

QVÆSTIO I.

An corpus Adæ debuerit produci de natura pure cælesti.

Agid. Rom. 2. Sent. p. 1. dist. 18. q. 1. art. 2.

Richardus 2. Sent. dist. 17. art. 2. q. 1.

Steph. Brulef. 2. Sent. dist. 17. q. 4.

Ad oppo-
situm.

QVOD corpus Adæ produci debuerit pure de natu- ra cælesti, ostenditur sic: Nobilissima formæ debet dari nobilissima materia: sed nobilissima inter formas est anima rationalis innocens, & absque peccato, qualis fuit anima Adæ: sed nobilissima inter naturas corpora- les est natura cælestis: ergo, &c.

2. ITEM motoris ad mobile debet esse proportio: sed anima rationalis est motor incorruptibilis: ergo debuit ei dari impassibile corpus.

3. ITEM finis imponit necessitatem his, quæ sunt ad finem: sed totus Adam factus est ad perceptionem beatitudinis: locus autem beatitudinis spiritualis est ipse Deus, corporalis est cælum: ergo sicut spiritus Adæ nõ quiescit nisi in Deo: sic debuit ei dari corpus, quod non quiescit nisi in cælo: hoc autem est corpus de natu- ra cælesti: ergo, &c.

4. ITEM spiritus rationalis, prout absque culpa con- ditus fuit, maxime erat potens, & idoneus ad agendum, & perfectus erat cognitionis lumine: & ideo idoneus ad cognoscendum, liber erat voluntate, & rectitudine, & ideo facilis ad tendendum in sui optimum: ergo de- buit ei dari corpus, cui maxime competit agere: & ad cognitionem disponere, & quod minime habet retardationem: hoc autem est lux, & natura cælestis: ergo cor- pus Adæ pure produci debuit de cælesti corpore.

Fundamēta.

SED contra: Anima rationalis quodam modo est om- nia: si igitur corpus debet proportionari animæ, corpus eius debet habere cum omnibus convenientiam: sed hoc non haberet si esset pure de natura cælesti, & non communis caret elementis: ergo, &c.

ITEM anima rationalis, quamvis sit simplex in essen- tia, tamen est multiplex in effectu: ergo si corpus ei debet correspondere, necesse est, quod corpus eius ha- beat veritatem in partium compositione, & organiza- tione: sed hoc non haberet si esset corpus cæleste: ergo, &c.

ITEM vegetabilis, & sensibilis disponunt ad ratio- nale, & magis ad ipsam appropinquant, quam natura alicuius corporis, nec alicui corpori vnitur rationalis potentia absque vegetabili, & sensibili: nullum igitur corpus est habile ad actum vitæ rationalis, nisi prius fuerit habile ad actum vitæ vegetabilis: tale autem cor- pus est cibabile, & huiusmodi non potest esse pure corpus cæleste: ergo, &c.

ITEM corpori simplici debetur vnus motus tantum, siue illud corpus sit cæleste, siue elementare: corpori autem, quod mouetur ab anima, debetur motus in omnem differentiam, cum anima sit motor sufficiens: ergo corpus Adæ non potuit esse omnino de natura corporis simplicis: ergo nec pure de natura cælesti.

Adæ corpus constitutum fuit ex natura pure elementari, & non cælesti, hoc enim requirebat ordo ipsius in se- ipso ad inferius, ad æquale, & ad Deum.

RESP. Ad Arg. Dicendum, quod corpus Adæ non fuit pure formatum de natura cælesti, sicut innuit textus Genesis qui dicit, eum formatum de limo terræ, non de- buit pure de natura cælesti formari, immo de natura ele- mentari: hoc exigente ordinis congruentia, quam in omnibus suis operibus semper seruat sapientia diuina, Requirebat enim hoc ordo hominis siue in se, siue ad creaturam inferiorem, siue ad creaturam parem, siue ad Deum finem. Ordo ipsius hominis in seipso hoc requi- rebat: qui enim homo conditus fuit, vt natus multa co- gnosceret, non solum cognitione intellectiua, sed etiam sēstiuā: ideo debuit ei dari corpus multiforme, vt diuer- sa organa diuersitati sensuum deseruirent ad diuersa ob- iecta cognoscenda. Quia vero conditus fuit in vertibili- tate liberi arbitrii, vt potens viuere in iustitia, & mori per culpam, dari ei debuit corpus, quod non esset tātum habile ad viuendum, sed etiam quod posset fieri habile ad corrumpendum, siue moriēdum: & itā ordo hominis ipsius in se requirebat, vt corpus daretur homini multi- forme, & ad corruptionem possibile: & ideo nõ cæleste, sed elementare.

Prima ratio.

Ordo etiam hominis ad creaturam infe- riorem requirebat. Quia enim corporales naturæ infe- riores factæ sunt, vt deseruirent creaturæ rationali, sicut supra ostensum fuit, factæ sunt etiam, vt mediante illa quodam modo perducantur in finem: hunc est, quod de- buit fieri rationalis creatura taliter composita, quod ob- sequium inferiorum creaturarum esset ei vtile, & quod mediante illa creatura, naturæ inferiores quodam modo perducerentur ad beatitudinem: & ideo, vt naturæ infe- riores possent homini deseruire, & in homine quodam modo glorificari, debuit homo nõ tam ex natura supe- riorum corporum, quam ex natura elementorum consti- tui. Ordo etiam ad creaturam parem, id est ad angelum hoc requirebat. Sicut enim facta est vna rationalis crea- tura prope Deum, & in loco supremo, vt in empyreo: sic debuit fieri alia rationalis creatura in loco infimo, sc. ter- ra: & ideo corpus constitui decet ex natura tali habita- tioni conuenienti: & ideo magis ex natura elementari, quam cælesti. Ordo etiam ad Deum finem hoc require- bat: debebat enim homo subiici, vt per humilitatē sub- iectionis ascenderet, vnde Angelus ceciderat per subli- mitatem elationis: & ideo debuit sibi dari corpus con- stitutum de natura inferiori, vt seipsum puluerem repu- tās, Deo per omnia subiaceret. Vnde & Scriptura maluit eum dicere de limo terræ productum, vt ex hoc homo proficeret, & ascenderet per humilitatis meritum. Et ideo cōcedendæ sunt rationes, quæ ad hoc inductæ sunt.

2. Ratio.

3. Ratio.

4. Ratio.

1. AD illud vero, quod obiicitur in contrarium de nobilitate formæ dicendum quod nobilitas materiæ veni- t ex ordine ad formam. Quoniam igitur corpus magis erat ordinabile ad animam, quod erat constitutum ex varietate naturæ, quam corpus quod esset pure cæleste: hinc est, quod etsi illud sit nobilius in se: tamen in rela- tione ad formam corpus ex diuersis elementis compo- situm magis est nobile.

2. AD illud quod obiicitur, quod motoris ad mobi- le debet esse proportio, dicendum quod quamvis ani- ma sit immortalis morte naturæ: quando tamen creata fuit, mori potuit morte culpæ. Et quia corpus datum est ei non solum ad viuificandum, sed etiam ad merendum: ideo non solum dari debuit corpus aptum eius immor- talitati, sed etiam aptum eius vertibilitati: & ideo non solum necessarium ad perpetuitatem, sed etiam possibile ad mortalitatem.

3. AD illud quod obiicitur, quod homo factus est propter beatitudinis perceptionem, dicendum quod etsi factus est propter beatitudinem, ita tamen vt illuc per- ueniret per merita, & bona opera: & ita prius esset viator

quam

quam comprehensor: & quia prius oportuit eum transire per viam, quam perveniret ad patriam: ideo in primaria sui conditione debuit ei dari corpus conveniens secundum statum viæ. Et quia locus sibi depuratus ad merendum erat locus inferior, scilicet paradisus terrestris: inde est, quod competebat corpus suum de natura terrestri assumi, non principaliter de cælesti. Cum autem assumetur in gloria, tunc corporis eius dispositio erit variata, sicut declarabitur in quarto, ubi agetur de dotibus corporum glorificatorum.

4. Ad illud quod obiicitur, quod anima illa erat potens ad agendum, & ad cognoscendum, & ad tendendum in Deum, dicendum quod etsi erat potens ad actionem: non tamen ita perfecte potens erat, quin esset possibilis ad defectum: & ideo non sequitur, quod deberet sibi ad hæc complenda dari corpus cæleste, quod est incorruptibile, sed magis elementare, quod ex bona dispositione, & complexione æquali esset idoneum ad agendum, & nihilominus, si homo peccaret, esset possibile ad patiendum.

QVÆSTIO II.

An corpus Adæ constitutum fuerit ex natura pure elementari.

*Agid. Rem. 2. Sent. p. 1. dist. 18. q. 1. art. 2.
Rehardus 2. Sent. dist. 17. art. 2. q. 2.
Steph. Brulef. 2. Sent. dist. 17. q. 5.*

VTRUM corpus Adæ, siue corpus primi hominis constitutum fuerit de natura pure elementari, an simul cum natura elementari ad eius constitutionem concurreret natura cælestis. Et quod simul cum elementari concurrat natura cælestis ad corporis humani constitutionem, videtur velle Aug. ad litteram super Genesim, qui dicit quod anima mediante luce corpus vivificat, & administrat. Et eadem est ratio Avicennæ: si enim corpus humanum sic conditum est, ut natum esset ab anima vivificari videtur quod ad eius constitutionem concurreret natura lucis, & hæc est natura cælestis: ergo &c.

2. **I**TEM Philosophus in libro de anim. libus dicit quod in nobis est calor igneus, & calor in malis, & calor cælestis, qui quidem est calor vitalis: sed non est accidens siue substantia: ergo de constitutione corporis nostri est cælestis natura.

3. **I**TEM impossibile est contraria venire ad conformitatem, & unitatem, nisi per unum quod sit elevatum à contrarietate, quia si illud haberet contrarietatem, potius discordiam faceret, quam conciliaret: si igitur natura corporalis à contrarietate elevata non est nisi natura cælestis, etiam in corpore vivificabili necesse est contraria elementa conciliari maxime igitur videtur, quod de constitutione primi hominis fuerit natura cælestis.

4. **I**TEM omne corpus mediante anima rationali quodam modo habet beatificari: sed non pertingunt ad beatitudinem mediante anima, nisi quæ ei uniuntur: nulla autem corpora ei coniunguntur, nisi quæ sunt de constitutione sui corporis: videtur igitur quod corpus primi hominis non tantum constitutum sit de natura elementari, verum etiam de natura cælesti.

5. **I**TEM in quolibet organo cuiuslibet sensus dominatur aliquod corpus simplicium, sicut ostendit Augustinus ad litteram super Genesim: cum igitur quinque sensus sint in homine, videtur quod quinque corpora sint de eius constitutione: ergo non solum natura elementaris, sed etiam cælestis.

6. **I**TEM ordo est in ascendendo, & in descendendo, ita quod ab infimo pervenitur ad supremum per media, & è cōverso: sed si substantia spiritalis maxima distantia distat à natura corporea, & opaca, & minus à natura perspicua, & adhuc minus à natura luminosa, quæ est natura cælestis: ergo videtur quod nec corpus anime, nec anima corpori uniri debeat, nisi natura lucis interveniente: videtur ergo quod corpus primi hominis non tantum de elementari, sed etiam de cælesti natura constitutum fuerit.

A **C**ONTRA: Ex nullis corporibus constituitur corpus unicum, siue mixtum, nisi quæ possunt adinvicem agere, & pati: hæc autem sola sunt habentia contrarietatem, cum igitur natura quinti corporis talis sit, quod non habeat contrarietatem, non videtur quod veniat ad constitutionem corporis mixti: ergo non ad constitutionem corporis primi hominis.

ITEM nihil venit ad constitutionem mixti, nisi corpus quod est miscibile: miscibile autem non est, nisi corpus rarefactibile, & condensabile: & omne tale est corruptibile: natura autem quinti corporis est incorruptibilis: ergo non potuit venire ad constitutionem humani corporis.

ITEM corpus humanum secundum se totum est propagabile: ergo secundum se totum est generabile, & corruptibile per naturam: sed natura quinti corporis non recipit generationem nec corruptionem: ergo non videtur esse de constitutione humani corporis.

ITEM si est de constitutione, quæro unde sumpta sit illa natura: autem de cælo aut de terra. Si de cælo: ergo videtur quod ab ipso cælo fiat aliquarum partium sequestratio, cum generatur homo. Si de terra. Contra: Nihil est de terra, quod non sit natum ex ipsa produci: sed natura quinti corporis non est nata produci de natura alicuius elementi: ergo nec de cælo, nec de terra potest sumi illa natura: ergo non est de constitutione corporis humani. Si tu dicas quod de cælo venit per radiorum immisionem: hoc non videtur conveniens, quia impossibile est radium separari a sua origine: impossibile est etiam venire ad alterius constitutionem, cum lumen in medio sit per modum speciei, & idoli, quæ nullo modo veniunt ad constitutionem alicuius rei naturalis.

ITEM si natura quinti corporis venit ad constitutionem corporis hominis, quæro quid fiet de ea, quando corpus humanum resolvitur: aut enim tendit sursum, aut in propria natura manet deorsum, aut corrumpitur in aliquod elementum. Sed non potest cedere in aliquod elementum, cum sit per naturam incorruptibilis. Deorsum in propria natura non convenit sibi manere, cum eius proprius locus sit esse in circumferentia, non in centro. Si sursum tendit: ergo videtur spatium orbium cælestium aliquando ampliari, aut condensari. Quod si tu dicas, quod cedit in constitutionem alterius corporis, nec habet corrumpi: cum ergo ex corpore hominis generantur vermes, atque bufones, & serpentes, ponetur natura quinti corporis esse de constitutione vermium, sicut de constitutione hominum.

ITEM quæro propter quid natura quinti corporis veniat ad constitutionem humani corporis: aut enim propter mixtionem, aut propter animationem, aut propter sensum, aut propter intellectum. Si propter mixtionem, tunc ergo esset de compositione cuiuslibet mixti. Si propter animationem, tunc esset de natura cuiuslibet plantæ. Si propter sensificationem, tunc esset de natura cuiuslibet bruti. Si ergo venit, hoc est propter intellectum solum. Sed contra: Intellectus nullius partis corporis est actus: ergo, quantum est de se, non magis exigit corpus suum componi de natura cælesti, quam de elementari.

CONCLUSIO.

Celi non concurrunt ad constitutionem corporis humani nisi secundum virtutem, & per quandam conformitatem.

RESP. ad Arg. Ad prædictorum intelligentiam est notandum, quod circa hoc est triplex modus dicendi. Quidam enim dicere voluerunt, quod natura cælestis venit ad constitutionem humani corporis, sicut elementum, pro eo quod natura cælestis non est alia quam natura ignis: & ideo cum constet ignem ad constitutionem humani corporis venire, dicunt corpus humanum ex natura cælesti constitutum esse: hæc autem natura ignis, etsi propter alios permiscetur, habeat agere, & pati, & corrumpi,

Aug. de Gen.
ad lit. lib. 7.
c. 21.
Improbatio.

Opinio 2.

Improbatio.

Opinio 3.

& generari, & hoc prout est hic inferius: prout tamen est in sphaera sua, tranquillitate & quiete habet, nec suscipit corruptiones, nec peregrinas impressiones. Et ita suam positionem per verba Augustini muniant, qui negat esse quintum corpus præter quatuor corpora mundi. Sed hæc positio viæ Philosophicæ, & cōmuni aperte repugnat, quæ præter quatuor corpora mundi ponit essentiam quintam supra omnem contrarietatem eleuatam, quod valde rationabile est, sicut ostensum fuit supra dist. 14. Nec huic repugnat sententia Augustini si recte intelligatur, sicut ibi expositum est. Ideo aliter voluerunt alij dicere, quod natura cælestis venit ad constitutionem humani corporis, non sicut vnum ex elementis, sed sicut medium ligans omnia elementa, & illa concilians: & hoc dicunt exigere dignitatem complexionis humanæ, per quam corpus humanum in sua prima constitutione habuit elementa in optima conciliatione: habuit etiam idoneitatem ad hoc, ut post meriti consummationem inhabitaret in cælesti mansione: & sic debuit habere naturam cælestem, & elementarem de sui constitutione: elementarem propter statum viæ, in quo competeat ipsum habere corpus possibile: cælestem, propter statum patriæ, in quo competeat ipsum habere corpus clarum, & impassibile, & quemadmodum in statu viæ natura elementaris prædominabatur: sic in statu patriæ erit e contrario. Hoc autem etsi videatur satis probabile esse dictum, tamen non modicam habet calumniam, qualiter natura illius quinti corporis, cum sit incorruptibilis, & carens contrarietate, veniat ad commixtionem cum aliis elementis. Et iterum, si venit, unde venit, & in quid cedit, difficile est assignare. Et ideo est tertius modus dicendi, quod dupliciter est loqui de natura cælesti: aut per proprietatem, aut per conformitatem. Per proprietatem natura cælestis dicitur esse natura quinti corporis, quæ sic perfecta est sua forma, ut nullo modo habeat appetitum ad aliam formam: sic est actiua, quod nullo modo potest pati, & corrumpi, & sic est natura orbium, & stellarum & firmamenti: hæc autem non venit ad constitutionem humani corporis secundum substantiam, & veritatem, sed solum venit secundum virtutem, quia virtus stellarum & orbium influendo facit elementorum conciliationem quæ veniunt ad humani corporis constitutionem secundum rem, dum actio elementorum regimen, & directionem habet ab influenza corporum superiorum. Alio modo dicitur natura cælestis per conformitatem: & sic large accipitur, & vocatur natura cælestis illud, quod est conforme cælo, & in subtilitate, & in claritate, & in quadam subleuatione à contrarietate: & per hunc modum spiritus qui sunt de constitutione corporis viventis, & maxime hominis dicuntur esse naturæ cælestis propter subtilitatem, & luminositatem: & propter hoc etiam, quod subleuationem habent à natura contrarietatis, dum confurgunt ex commixtione elementorum, in quadam harmonia, & consonantia. Et quoniam in corpore humano, sicut infra patebit, maior est harmonia quam in aliquo corpore mixto: hinc est quod eius calor, & spiritus, & complexio magis conformantur naturæ cælesti, & hoc modo accipiendo naturam lucis, siue naturam cælestem large, siue per conformitatem, intrat constitutionem humani corporis magis quàm constitutionem alicuius alterius mixti propter humanæ complexionis æqualitatem, & dignitatem: secundum veritatem tamen tantum spiritus, quam calor, qui dicuntur naturæ cælestis, sunt de natura elementari, quia deperduntur & restaurantur, secundum quod expresse Physici dicunt. Iuxta hanc tertiam viam, quæ probabilior est, & planior, patet responsio ad obiecta. Nam rationes ostendentes quod natura quinti corporis non venit ad constitutionem corporis humani, loquuntur de natura cælesti proprie dicta, quæ est incorruptibilis, & inalterabilis & immiscibilis: & ideo non est miscibilis ad constitutionem tertij. Rationes vero ad oppositum inductæ procedunt vel de natura cælesti dicta per cōformitatem, sicut duæ primæ auctoritates: vel si concludunt de natura quinti corporis proprie dicta, non

ostendunt quod veniat ad constitutionem corporis humani secundum substantiam, sed secundum virtutem: aliter non concludunt, sicut patet discurrendo per singulas.

1. NAM ad illud quod primo obiicitur de luce, dicendum quod est lux quinti corporis, & lux ignea, & lux ex æqualitate complexionis generata, siue confurgens: & hæc est illa lux, quæ facit corpus esse susceptible vitæ: alia vero minime.

2. AD illud quod obiicitur de calore, dicendum quod calor cælestis non dicitur, quia sit in natura cælesti, sicut in subiecto, quia neque illa calida, neque frigida est: sed quia est à natura cælesti secundum debitam proportionem, ita quod facit ad conseruationem: & talis calor in corpore humano est: sed ex hoc non sequitur quod natura cælestis veniat ad constitutionem corporis humani secundum substantiam, sed solum, quod influat.

3. AD illud quod obiicitur de conciliatione, iam patet responsio, quia non conciliat veniens intra, sed sufficit ad conciliandum influens extra.

4. AD illud quod obiicitur de beatificatione, dicendum quod corpora dicuntur beatificari mediante anima rationali, non per veritatem, sed per conformitatem: & ideo ex hoc non sequitur quod de constitutione humani corporis sit natura cælestis secundum veritatem, sed sufficit quod sit secundum conformitatem, ita quod aliquid ei conforme respondeat in corpore humano.

5. AD illud quod obiicitur de quinque sensibus, dicendum quod sicut idem Augustinus dicit, vnum elementum dominatur in nobis, sicut aqua sub ratione vaporis dominatur in olfactu, sub ratione humoris dominatur in gustu, sicut ipse dicit in 3. super Genesim.

6. AD illud quod obiicitur de ordine, dicendum quod etsi natura cælestis sit excelsior inter corpora simplicia secundum se considerata: non tamen excellit in gradu in comparatione ad vltiorem formam suscipiendam: sed is est ordo, quod forma elementaris vnitur animæ mediante forma mixtionis: & forma mixtionis disponit ad formam complexionis. Et quia cum hæc in æqualitate, & harmonia conformatur naturæ cælesti: ideo habilis est ad susceptionem nobilissimæ influentiæ, scilicet vitæ: & sic in vnione animæ ad corpus rectus seruatur ordo. Magna etiā est dignitas humani corporis propter magnam harmoniam & proportionalem coniunctionem suarum partium ob quam in statu viatoris conformis sit naturæ cælesti, in statu autem comprehensoris perficitur à Deo, non tantum, ut sit conformis, sed etiam ut supra cælestem naturam sit exaltata, & sublimata, ut ei congruat potissime habitatio cæli empyrei.

QVÆSTIO III.

An corpus Adæ constitutum sit ex elemento in æquali compositione.

Richardus 2. Sent. dist. 17. art. 1. q. 3.
Steph. Brulef. 2. Sent. dist. 17. q. 6.

VTVM corpus primi hominis constitutum sit ex elementis in complexione, & compositione æquali. Et quod sic, videtur. Quanto complexio, & compositio magis accedit ad æqualitatem, tanto nobilior est: & quanto nobilior est, tanto nobilioris est formæ susceptiua: sed complexio corporis primi hominis fuit susceptibilis nobilissimæ formæ per naturam, quæ etiam non erat deprauata per culpam: ergo fuit complexio maxime nobilis: & si hoc: ergo maxime æqualiter.

ITEM tanto res complexionata est ad durandum habilior: quanto eius complexio est æqualior: inæqualitas enim miscibilium est via in corruptionem: sed corpus Adæ habile erat ad durandum in sempiternum, quantum est ex sua prima constitutione: ergo videtur quod in perfecta æqualitate complexionis, & compositionis fuerit constitutum.

ITEM vbi est inæqualitas complexionis, ibi necessario est pugna: vbi vero pugna est, forma non potest sic gubernare materiā, sicut si esset ibi pax, & tranquillitas,

vbi

August. de
Gen. 7.
cap. 3.

Fundamēta

Lib.
Cm.
13.

M
29
qu

vbi autem hoc est, ibi est aliqua pœnalitas : ergo aut in corpore primi hominis perfecta fuit elementorum æqualitas, aut ante peccatum fuit in eo aliqua pœnalitas: sed nullo modo pœna præcessit culpam : ergo, &c.

ITEM corpus Adæ debuit fieri proportionabile animæ: & ideo quandiu anima fuit immunis à morte culpæ, corpus eius fuit immune à morte naturæ: ergo pari ratione quandiu anima fuit æqualis in voluntate, corpus fuit æquale in cōplexione: sed in anima primi hominis nulla erat obliquitas iniustitiæ in prima constitutione, immo perfecta innocentia : ergo nec in corpore erat aliqua inæqualitas: sed concordia, & amicitia perfecta.

1. SED CONTRA: Vita est per calidum, & humidum : & omnis operatio animæ in corpore est per calorem, sicut dicunt naturales medici: sed in corpore Adæ anima habebat expeditas operationes; ergo magna erat ibi abundantia caloris : ergo prædominabatur calidum: & si hoc, ergo non erat ibi perfecta æqualitas complexionis.

ITEM etsi complexio hominis est deteriorata, tamen non est totaliter corrupta : sed nos videmus, quod cor per naturam est calidissimum, & hepar similiter, & quædam sunt alia membra, in quibus regnat phlegma, & melancholia : ergo & tunc ita erat. Si ergo in corpore Adæ erat prædominatio humoris, pari ratione & qualitatum elementorum; ergo non erat ibi perfecta adæquatio miscibilium.

ITEM si esset ibi permixtio secundum omnimodam æqualitatem : ergo tantum esset ibidem de graui, quantum de leui: ergo corpus illud esset indifferens ad grauitatem, & leuitatem : ergo & ad motum, & quietem : si igitur nec esset natum moueri, nec quiescere, nec sursum, nec deorsum esse : ergo non esset corpus naturale.

ITEM si corpus illud esset constitutum secundum omnimodam æqualitatem, tunc quantum vnum elementum ageret, tantum reliquum resisteret, & ipsum repelleret: ergo vnum virtutem suam, & actionem in alterum non profunderet : & si hoc, non esset ibi alteratio, nec transmutatio, ac per hoc nec mixtio, aut igitur corpus Adæ non fuit mixtum : aut si mixtum, non fuit in perfecta æqualitate constitutum.

ITEM si corpus Adæ esset constitutum in perfecta æqualitate: ergo ignis siue calor in eo non consumpsisset: igitur alimento non indignisset: sed constans est secundum Sanctos, & maxime secundum Augustinum, quod alimento indiguit: ergo in æqualitate miscibilium ipsum corpus constitutum non fuit.

ITEM cum Adam peccauit, non fuit ablatum aliquid, quod esset ex parte corporis: ergo si prius erat compositus complexione æquali, postea fuit similiter: ergo post peccatū nulla fuit in corpore eius pugna: ergo nec infirmitas, nec mortalitas: quod si hoc falsum est, restat, &c.

CONCLUSIO.

Corpus primi hominis non fuit constitutum ex elementis in complexione æqualitatis à pondere, quia talis est impossibilis : sed in complexione æqualitatis à iustitia.

RESP. Ad Arg. Sicut distinguunt naturales, & medici, duobus modis dicitur æqualitas miscibilium in mixto, scil. à pondere, & à iustitia. Æqualitas à pondere, vt dicunt, non est possibilis in rerū natura. Æqualitas enim à pōdere potest dici tripliciter. Vno modo dicitur æqualitas à pondere, quando miscibilia adæquantur, & quantum ad quantitatem molis, & quantum ad quantitatem virtutis, & hæc duo sunt impossibilia non solummodo secundum rem, sed etiam secundum intellectum. & hoc, intellectu quod elementum, quod plus habet de materia, minus habet de specie, & è conuerso. Sicut enim impossibile est, quod verum aurum æquetur argento in quantitate, & valore, sic impossibile est, elementa actiua, & passiuia æquari ad inuicem æqualitate ponderis in aliqua mixtione. Alio modo potest dici æ-

qualitas à pondere secundum adæquationem miscibilium in quantitate molis solum. & adhuc est impossibilis. Primum, quia corpus illud non esset durabile : elementa enim actiua statim passiuia consumerent: si enim adæquantur in substantia, adeo actiua excederēt in virtute, vt potius esset consummatio, vel consumptio, quam mixtio : nec tantum corpus illud non esset durabile, immo etiam nec esset leue, nec graue, cum motus grauis, vel leuis sequitur prædominans, quantum ad quantitatem molis : & si non esset durabile, nec leue, nec graue, non esset de naturæ intétione, nec naturæ possibile. Tercio modo dicitur æqualitas à pondere, æqualitas à quantitate virtutis : & sic adhuc dicunt talem æqualitatem non esse in natura possibilem. Primo quia si esset omnimoda æqualitas virtutum, virtus vnius tatum resisteret

quantum virtus alterius ageret, & sic non esset profundatio, & contractio vsque ad minima: ac per hoc non esset mixtio. Item; Si hoc esset, corpus illud careret ratione calidi, & frigidi, & aliarum qualitatum elementarium: igitur frustra esset ex diuersis cōstitutū : tale igitur corpus nec est naturæ possibile, quia repugnat naturæ mixtionis: nec etiam est ex intentione naturæ, quia careret debita sibi operatione. Et sic quocunque modo accipiat æqualitas à pondere, non potuit esse, nec debuit in corpore Adæ: & hoc satis apparet cū corpus Adæ magis esset graue, quā leue, magis esset idoneum ad agendum, quam ad patiendum; igitur non habuit æqualitatem miscibilium, nec quantum ad quantitatem molis: nec quantum ad quantitatem virtutis: & ita non habuit æqualitatem à pondere. Vnde concedendæ sunt rationes

hoc ostendentes, quoniā procedunt ista via, sicut patet consideranti. Est & alia æqualitas à iustitia, & hæc est æqualitas, quæ attenditur in cōmensuratione miscibilium secundū proportionem debitam, & secundum exigentiam formæ introducendæ. Et hæc æqualitas reperitur in homine, quia nobilior debet esse in eius corpore proportio, & harmonia miscibilium secundū quod disponitur ad nobiliorem formā: Hæc autem æqualitas non est æqualitas punctualis, sed latitudinē habet, & gradus, & hoc secundum diuersos status. Est enim status gloriæ, & est status miseriæ, & est status innocentie. Secundum statū gloriæ, qui est perfectus, debetur corpori humano æqualitas à iustitia, æqualitas inquam perfecta, in quo nec cadit discordia, nec repugnantia, nec actus, nec potentia. Secundum statum miseriæ, qui est status imperfectus, debetur corpori hominis æqualitas, sed diminuta, quæ permisceri habet inæqualitati, & discordie, non solum possibilitate, sed etiam quadam necessitate. Secundum vero statum medium, scil. innocentie, debetur corpori hominis æqualitas media, quæ à discordia, & repugnantia miscibilium erat aliena in actu per adiutorium intrinsecum animæ gubernantis, & per adiutorium extrinsecū alimenti nutrientis, erat tamen hæc æqualitas possibilis ad inæqualitatem, siue ob defectum virtutis contentiue, siue etiam ob defectum alimonie: nullus autem horum defectuum esse poterat in homine, si non præcessisset transgressio inobedientiæ. Et sic patet, quod corpus primi hominis constitutum fuit in æqualitate à iustitia, quasi media inter æqualitatem, quæ

nunc est in miseriā, & æqualitatem, quæ nunc est in gloria, secundum quod status animæ exigebat. Et hanc æqualitatem probant in corpore fuisse primi hominis rationes inductæ ad firmandam partem istam : & ideo concedendæ sunt, quia verum concludunt. Si autem ex eis velint concludere omnimodam æqualitatem à pondere, rationes illæ non valent, quia illa æqualitas ad nobilitatem non spectat. Si autem velint concludere æqualitatem omnimodam à iustitia, adhuc non concludunt, quia etsi corpus haberet nobilissimam formam, non tamen adhuc erat in statu suo nobilissimo, sicut erit in gloria, hoc autem solum modo concludunt, quod ibi erat tanta æqualitas à iustitia, quod non erat ibi miscibilium actualis repugnantia: & hoc quidem est verum. Et ita patet responsio ad totum.

DISTINCT. XVIII.

De Formatione mulieris. Cur facta ex viro, ex latere, ex dormiente. Et si de costa sine additione extrinseci. Et si ex ratione seminali. Item de animæ creatione.

IN eodem quoque paradiso mulierem formavit Deus de substantia viri, sicut post planitiam paradisi, hominemque in eo positum, & post universa animalia ad eum ducta, suisque nominibus designata, subnectit Scriptura: Immisit Deus soporem in Adam. Cumque obdormisset, tulit unam de costis eius, & formavit eam in mulierem.

Quare virum prius, & postea de viro mulierem creavit, non simul utrumque.

Hic attendendum est, quare non creavit simul virum & mulierem, sicut angelos: sed prius virum, deinde mulierem de viro. Ideo, scilicet ut unum esset generis humani principium, quatenus in hoc & superbia diaboli confunderetur, & hominis humilitas Dei similitudine sublimaretur. Diabolus quippe aliud à Deo principium esse concupierat. Ideoque ut eius superbia retunderetur, hoc homo in munere accepit, quod diabolus peruerse rapere voluit, sed obtinere non potuit. Et per hoc imago Dei in homine apparuit: quia sicut Deus omnibus rebus existit principium creationis, ita homo omnibus hominibus principium generationis. Ideo etiam ex uno homine omnes esse voluit Deus, ut dum cognoscerent se ab uno esse omnes, se quasi unum amarent.

Quare Mulier de latere viri, non de alia corporis parte formata sit.

Cum autem his de causis facta sit mulier de viro, non de qualibet parte corporis viri, sed de latere eius formata est, ut ostenderetur, quia in consortium creabatur dilectionis, ne forte si fuisset de capite facta, viro ad dominationem videretur preferenda: aut si de pedibus, ad servitutem subiicienda. Quia igitur viro nec domina, nec ancilla parabatur, sed socia: nec de capite, nec de pedibus, sed de latere fuerat producenda: ut iuxta se ponendam cognosceret, quam de suo latere sumptam didicisset.

Quare dormienti, & non vigilantī costa subtracta est.

Non sine causa dormienti quoque viro potius quam vigilantī detracta est costa, de qua mulier in adiutorium generationis viro est formata, scilicet ut nullam in eo sensisse penam monstraretur, & diuina simul potentia opus mirabile ostenderetur, quia hominis dormientis latus aperuit, nec eum tamen à quiete soporis excitavit. In quo etiam opere Sacramentum Christi, & Ecclesia figuratum est. Quia sicut mulier de latere viri dormientis formata est: ita Ecclesia ex Sacramentis, quæ de latere Christi in Cruce dormientis profluxerunt: scilicet sanguine & aqua, quibus redimimur à peccatis, atque abluimur à culpis.

A Quod de illa costa sine extrinsecō additamento facta fuit per Dei potentiam, sicut quinque panes in se multiplicati sunt.

Solet etiam quæri: Vtrum de illa costa sine adiectione rei extrinseca facta sit mulier. Quod quibusdam non placuit. Caterum si ad perficiendum corpus mulieris Deus extrinsecum augmentum addidisset, maius illud esset quam ipsa costa. Ideoque potius de illo addito quam de ipsa costa mulier facta deberet dici, de quo plures accepisset substantia partes. Restat ergo ut de sola ipsius costa substantia sine omni extrinsecō additamento, per diuinam potentiam in semet ipsa multiplicata mulieris corpus factum dicatur: eo sane miraculo, quo postea de quinque panibus à Iesu cælesti benedictione multiplicatis quinque millia hominum satiata sunt. Illud etiam scire oportet, quod cum angelorum ministerio facta sit mulieris formatio, non est eis tamen tribuenda creationis potentia. Angeli enim nullam possunt creare naturam: ergo nec formare costam in mulierem, nec carnis supplementum in loco costæ: non quod nihil agant ut aliquid creetur, sed nõ ideo creatores sunt, sicut nec agricola segetum vel arborum. Solus Deus, id est, Trinitas est Creator. Facta est ergo femina à Deo, etiã si costa ministrata sit per angelos.

Vtrum secundum superiores, an secundum inferiores causas ita facta sit mulier, id est, an ratio feminalis id haberet, ut ita fieret, an tantum ut ita fieri posset, sed ut sic fieret in Deo tantum esset causa.

Sed queritur, an ratio quam Deus primis operibus concreavit, id haberet, ut secundum ipsam ex viri latere feminam fieri necesse foret: an hoc tantum, ut fieri posset. Ad quod sciendum est, omnium rerum causas in Deo ab æterno esse. Vt enim homo sic fieret, vel equus & huiusmodi, in Dei potentia, & dispositione ab æterno fuit. Ha dicuntur primordiales causa: quia istas alie non precedunt, sed ista alias, quæ sunt causa causarum. Cumque unum sit diuina potentia, dispositio, siue voluntas & ideo una omnium principalis causa, tamen propter effectus diuersos pluraliter dicit Augustinus causas primordiales omnium rerum in Deo esse: inducens similitudinem artificis, in cuius dispositione est, qualis futura sit arca. Ita & in Deo unius cuiusque rei futura causa precessit. In creaturis vero quarundam rerum, sed non omnium causa sunt, ut ait Augustinus, quia inseruit Deus seminales rationes rebus, secundum quas alia ex aliis proueniunt: ut de hoc semine tale granum: de hac arbore talis fructus & huiusmodi. Et ha quoque dicuntur primordiales causa, etsi non adeo proprie, quia habent ante se causam æternam, quæ proprie & universaliter prima est. Illa vero ad res aliquas dicuntur prima, scilicet quæ ex eis proueniunt. Ideo etiã primordiales dicuntur, quia in prima rerum conditione rebus à Deo insita sunt. Et sicut creatura mutabiles sunt, ita & ha causa mutari possunt: quæ autem in immutabili Deo causa est, non mutari potest.

Distinctio causarum rerum perutilis, scilicet quod quædam in Deo, & in creaturis: quædam in Deo tantum sunt.

Omnium rerum causa in Deo sunt: sed quarundam causa & in Deo sunt, & in creaturis, quarundam vero causa in Deo tantum sunt: & illarum rerum causa dicuntur abscondita in Deo, quia ita est in diuina dispositione ut hoc vel illud fiat, quod non est in seminali creatura ratione. Et illa quidem quæ secundum causam seminalem sunt, dicuntur naturaliter fieri, quia ita Christus

Gen. 1. d

Aug. 12. de
Cris. Dei,
c. 26 in sen-
sa 18.5.Ibid. & lib.
9. de Gen.
c. 18.Ephes. 5. 8
Ioh. 19. f

Ioh. 6. c

Mat. 14. b

Aug. super
Gen lib. 9.
c. 17. in sensuAug. de Ge-
nesi lib. 6.
c. 14. & seq.
& lib. 9. c.
17. & 18.
(18.3)

Lib. 9. c. 16.

Aug. ibid.
c. 17. & 18.
in sensu

TAMPA

natura hominibus innotuit. Alia vero prater naturā, quorum causa tantū sunt in Deo. Hac autē dicit Aug. esse illa quæ per gratiam fiunt, vel ad ea significanda non naturaliter, sed mirabiliter fiunt. Inter quæ mulieris facturam de costā viri ponit, ita dicens: Vt mulierem ita fieri necesse foret, non in rebus conditum, sed in Deo absconditum erat. Omnis creatura cursus habet naturales leges: super hunc naturalem cursum Creator habet apud se posse de omnibus facere aliud, quam eorum naturalis ratio habet: ut scilicet virga arida repente floreat, & fructum gignat, & in iuventute sterilis fœmina in senectute pariat, ut asina loquatur, & huiusmodi. Dedit autem naturis, ut ex his etiam hac fieri possent, non ut in naturali motu haberent. Habet ergo Deus in se absconditas quorundam futurorum causas, quas rebus conditis non inseruit, easque implet non opere providentiæ, quo natura subsistunt ut sunt: sed quo illas administrat ut voluerit, quas ut voluit condidit. Omnium ergo quæ ad gratiam significandam, non naturali motu rerum, sed mirabiliter facta sunt, abscondita causa in Deo fuerunt: quorum unum erat, quod mulier facta est de latere viri dormientis. Non habuit prima rerum conditio ut fœmina sic fieret, sed ut fieri posset: ne contra causas quas Deus voluntarie instituit, mutabili voluntate aliquid facere putaretur.

De anima mulieris, quod non est ex anima viri, ut quidam putauerunt, dicentes animas esse ex traduce.

Quemadmodum mulieris corpus de viri corpore traductum fuit, ita putauerunt aliqui ipsius animā de viri anima progatam: & omnes animas prater primam, de traduce esse, sicut corpora. Alij, autem putauerunt simul omnes animas ab initio creatas. Catholica autem Ecclesia nec simul ex traduce factas esse animas docet, sed in corporibus per coitum seminatæ atque formatæ infundit: & infundendo creari. Unde in Ecclesiasticis dogmatibus: Animas hominum nō esse ab initio inter creaturas intellectuales natas nec simul creatas, sicut Origenes fingit, dicimus: neque in corporibus per coitum seminari, sicut Luciferiani, & Cyrillus, & quidam Latinorum præsumptores affirmant. Sed dicimus corpus tantum per coniugij copulam seminari, creationem vero animæ solum Creatorem nosse, eiusque iudicio corpus coagulari in vulua, & compingi atque formari: ac formato iam corpore animam creari, atque infundi, ut vivat in utero homo ex anima constans & corpore, & egrediatur vivus ex utero plenus humana substantia. Hieronymus etiā anathematis vinculo illos condemnat qui animas ex traduce dicunt: inducens auctoritatem propheta: Qui finxit sigillatim corda eorum. Hoc satis inquit, innuit propheta, quod non ipsam animam de anima facit Deus, sed sigillatim animas de nihilo creat.

DISTINCT. XVIII.

De Formatione mulieris de viro.

In eodem quoque paradiso, &c.

Expositio Textus.

SUPRA egit Magister de formatione viri, hic agit de formatione mulieris de viro. Diuiditur autem ista pars in duas partes. In quarum prima determinat de

productione mulieris ex parte corporis. In secunda ex parte animæ, ibi: *Quemadmodū mulieris corp⁹*. Prima pars habet quatuor partes. In prima parte determinat de productione corporis mulieris ex viro in comparatione ad causam finalem. In secunda vero in comparatione ad causam materialem, ibi: *Solet etiam queri, utrum de costā illa, &c.* In tertia vero in comparatione ad causam efficientem, ibi: *Illud etiam sciri, &c.* In quarta vero in comparatione ad causam formalem, ibi: *Sed queritur, an ratio, quam Deus primo operibus concreauit.* Simiter secunda pars principalis habet quatuor particulas. In quarum prima ponit opinionem quandam erroneam de productione animæ mulieris. In secunda vero subiungit aliam opinionem non minus falsam, ibi: *Alij autem putauerunt, &c.* In tertia vero ponit veritatem Catholicam, ibi: *Catholica autem Ecclesia.* In quarta autem, & vltima falsitatem impugnat, & veritatem confirmat auctoritate Hieronymi: & Augustini, ibi: *Vnde in Ecclesiasticis dogmatibus, &c.* Et sic duo determinantur in parte ista, quorum primum est formatio mulieris. Secundum est perfectio quantum ad animam.

Mulieris corpus factum dicatur, &c. Dub. I.

Videtur hic dicere, quod formatio mulieris fuerit miraculosa, & gratia huius posset introduci quæstio de miraculis: sed propter suam prolixitatem, & quia parum valet ad propositum, omittenda est ad præsens hoc tamen solum dixisse sufficiat, quod ideo dictum est. mulierem de costā miraculo esse factam, non quia factum sit contra solitum cursum naturæ, vel contra naturam, sed quia factum est virtute diuina operante supra naturam. Si quis autem querat, utrum hoc opus supra naturam fecerit ministrante sibi virtute angelica, respondet Augustinus super Genesim ad litteram lib. 9. ita inquiriens: Quale ministerium exhibuere angeli in illa formatione mulieris, quis audeat assignare: certissime tamē dixerim supplementum illud carnis in costæ loco ipsius fœminæ corpus & animam, configurationemque membrorum, omnia viscera, sensus omnes, & quidquid, quo ea creatura & homo, & fœmina erat, non nisi illo opere Dei, factum, quod Deus non per angelos, sed per seipsum operatus est. Ratio autem potissima, quare Deus ita formauit, est tum quia modus ille formandi erat supra potestatem naturæ: tum etiam, ut homo in utroque sexu immediate in eum tenderet, & ex se toto eum diligeret, a quo se nosset immediate esse factum. Ratio autem, quare ex vno homine Deus omnes producere voluerit, licet in aliis generibus animalium hoc non fecerit, sumi potest ex ordine, & connexionione, & significatione. Ex ordine vero dupliciter. Primo ex ordine corporis ad animam, ut sicut omnes animæ rationales immediate procedunt ab vno principio, sic omnia corpora humana immediate exirent ab vno. Secundo vero ex ordine totius coniuncti ad alias creaturas. Quia enim homo medium tenet inter naturam angelicam, & brutalem, cum angeli singulatim à Deo producti sint: & creaturæ brutales in duplici sexu, in masculino scilicet & fœminino, homo debuit produci medio modo, & sic fœmina ex viro. Ex connexionione similiter duplex sumitur ratio. Primo respectu totius speciei vniuersaliter, ut homo diligit omnem hominem, tanquam fratrem. Secundo vero respectu vxoris specialiter, propter quod vinculum relinquet homo patrem, & matrem, & adhærebit vxori suæ, & sunt duo in carne vna. Ex significatione etiam duplex sumitur ratio. Prima ex significatione allegorica, qua intelligimus per virum & mulierem Christum, & Ecclesiam. Secunda per anagogicam, qua per virum intelligimus Deum, qui fuit principium omnium rerum.

ARTICVLVS I.

AD intelligentiam autem huius partis circa duo incidit hic quæstio. Primum est circa productionem corporis mulieris ex latere viri. Secundum est circa productionem spiritus, siue animæ eiusdem mulieris, & per consequens omnium animarum, quæ sunt in posteris.

Circa primum quærentur tria. Primo quæritur, unde A
mulier formata fuerit. Secundo quæritur, utrum secun-
dum feminalem rationem corpus mulieris in costa præ-
cesserit. Tertio quæritur, quid sit secundum rem, & ef-
sentiam ipsa ratio seminalis.

QVÆSTIO I.

An, & unde productum fuerit corpus mulieris.

Alex. Alensis 2. p. q. 83. Membr. 4.

S. Thom. 1. p. q. 92. art. 2.

Et 2. Sent. dist. 18. q. 1. art. 1.

Agid. Rom. 2. Sent. p. 2. d. 18. q. 1.

Et Quod. 2. q. 11.

Richardus 2. Sent. dist. 18. q. 1.

Henricus Quod. 7. q. 8.

Thom. Arg. 1. Sent. dist. 18. q. 1. art. 1.

Greg. Arim. 2. Sent. dist. 18. q. 1.

Gabr. Biel. 2. Sent. dist. 18. q. 1.

Ad opposi-
tum.

Gen. 1. d

VNDE fuerit productum corpus mulieris. Et dicit
Magister in litera, & tractum est ex secundo Ge-
nesis quod mulier formata est de viro, & non de qua-
cunque parte, sed de costa, ex qua mulier est de viro
dormiente formata: & sic tria tanguntur in formatione
mulieris, scilicet quod facta est de viro, & de viro dor-
miente, & non de quacunque parte, sed de costa eius,
& osse. Contra primum obiicitur sic. Fecit Deus homi-
nem ad imaginem, & similitudinem suam, masculinum,
& feminam creavit eos. Si igitur Deus in primaria cō-
ditione masculinum, & feminam simul creavit, non vide-
tur, quod mulierem de viro produxerit.

2. ITEM sexuum distinctio spectat ad perfectionem
speciei: sed alia species animalium, in quibus est distin-
ctio sexuum, simul & semel productæ sunt: ergo, &c.

3. ITEM quod se habet per modum materialis ad
alterum, minus est completum, quam illud, quod ex ipso
producitur: si ergo vir habet completionem respectu
mulieris, non mulier de viro, sed è contra de muliere vir
produci debuit.

4. CONTRA secundum obiicitur sic: Somnus, vel
sopor est quies animalium virtutū cum intensione na-
turalium: sed in Adam non erant sensus fatigati, nec vir-
tutes animales: ergo videtur, quod somnus ille non fue-
rit Adæ naturalis: si ergo nihil debuit fieri circa Adam,
nisi quod eius naturæ congrueret, videtur quod Deus
in eum non debuit soporem mittere, ut de costa eius
produceret mulierem.

5. ITEM in separatione illius, aut fuit aliqua læsio, &
afflictio, aut non. Si sic: ergo Adam ante passus est pœ-
nam quam committeret culpam. Si non: ergo ita bene
potuit fieri de latere vigilantis, sicut de latere dormientis.

6. ITEM maiori potentia attestatur separare partem
à toto ab homine vigilante sine dolore, quam à dormi-
ente: magis igitur esset manifesta Dei potentia si abs-
que dolore produxisset mulierem de latere Adæ vigi-
lantis, quam cum produxerit de latere dormientis.

7. ITEM contra tertium obiicitur sic: Sexus mulie-
bris est infirmior, quam sexus virilis per naturam: ergo
de partibus eius infirmis, debuit fieri: non ergo de
osse, sed potius de carne.

8. ITEM in textu postea subiungitur: Hoc nunc os
ex ossibus meis, & caro de carne mea, ergo non tantum-
modo de costa Adæ facta est, sed etiam de carne alia.

9. ITEM costa illa aut erat necessaria Adæ, aut super-
flua. Si necessaria: ergo debuit alia costa reddi Adæ pro
illa. Si superflua: ergo corpus Adæ non fuit in prima sui
productione perfecte formatum, cum ad perfectionem
spectet nihil habere superfluum, vel diminutum.

10. ITEM si superflua erat: ergo non oportebat car-
nem repleti pro ea. Est igitur quæstio, quare mulier
de viro: & si de viro, quare magis de dormiente, quam
de vigilante: & si de dormiente, quare magis de costa,
quam de carne fuerit producta.

CONCLUSIO.

Corpus prima mulieris formatum est de osse lateris Adæ
dormientis propter ordinis habitudinem inter virum
& mulierem: & inter ea quæ per ipsos significantur,
quæ sunt Deus & anima, Christus & Ecclesia, portio
superior & inferior.

RESP. ad Arg. Ad prædictorum intelligentiam est
notandum, quod cum sapientia Dei admirabilis, & lau-
dabilis ostendatur in omnibus operibus suis, potissi-
mè tamen manifestatur in formatione creaturæ ratio-
nalis. Hoc autem clarius apparet si consideretur ordinis
congruentia, quam servavit divina sapientia, dum pro-
duxit mulierem de latere viri. Congruum erat enim, mu-
lierem sic de viro produci, tum propter ordinis habitu-
dinem, quæ attenditur inter virum, & mulierem in hu-
mana specie: tum etiam propter ordinem, & habitudi-
nem, quæ attenditur inter ea, quæ per virum, & mulie-
rem habent signari. Vir enim, & mulier secundum suo-
rum sexuum, & proprietatem, & naturam sic facti sunt,
ut inuicem cōiungerentur: & ex hoc vnus in altero quie-
taretur, & vnus ab altero sustentaretur. Quia igitur for-
ti vinculo & singulari mulier cōiungitur viro, & è con-
uerso, ideo vnus sexus productus est de altero. Quia ve-
ro ista coniunctio dat viro quietationem, ideo producta
est de viro dormiente. Rursus, quia dat mulieri fortitu-
dinem, & sustentationem: hinc est, quod mulier dicitur
esse facta de osse. Et quia in omnibus his est quædā
æqualitas mutue societatis: ideo formata est mulier de
osse: non quocunque, sed de costa, & eius latere. Et sic
patet, quomodo modus formationis respondet proprie-
tatibus illius mutue coniunctionis, quæ est inter virum,
& mulierem secundum rem. Consonat etiam nihilomi-
nus his, quæ signantur per mulierem, & virum. Per vi-
rum namque, & mulierem signatur Deus, & anima,
Christus, & Ecclesia, superior portio rationis, & inferior.
Primæ significationi competit formatio mulieris ex viro
secundum modum prædictum. Quia omnes spiritus ra-
tionales immediate producuntur à Deo tanquam à pri-
mo principio, & immediato: & Deus in eis requiescit, &
quali soporatur, dum deliciae suæ sunt esse cum filiis ho-
minum, & rationalis spiritus à diuino spiritu inhabitante
conformatur, & roboratur: optima consonantia con-
formatur signum signato, secundum quod per virum, &
mulierem significatur Deus & anima. Similiter correspo-
det secundum quod per virum, & mulierem significatur
Christus, & Ecclesia. Eccles. enim ex Christo formatur,
dum de latere Christi dormientis in cruce profluxit san-
guis, & aqua, ex quibus in Sacramentis Ecclesiæ reduda-
uit efficacia, per quæ Sacramenta fundatur Ecclesia, & sic
vir respondet Christo, dormitatio respōdet morti, ablatio
costæ apertioni lateris. Concordat etiam formatio
hæc significationi, prout per virum & mulierem superior
portio rationis & inferior habet signari. Sicut enim vir
est fortior, & mulier est infirmior, sic superior portio, &
inferior: & sicut mulier ex viro, sic inferior portio est ex
conuersione spiritus ad hæc inferiora: dum autem ad hæc
inferiora conuertitur, cessat à vigilantia contemplationis,
& quodam modo efficitur infirmior semetipso, & tēdit
ad molliem mulieris: & ideo quodam modo soporari
dicitur, & os ei auferri, & exinde mulier formari. Et sic
patet quod magna fuit congruentia ordinis observata
in huius formatione mulieris, siue in se, siue in signato
per ipsam. His visis de facili respondetur ad obiecta.

1. QVOD enim primo obiicitur de textu Genes. dicen-
dum quod illud dictum est per anticipationem: præter-
ea illud dictum est quantum ad productionem animæ,
secundum quam non est formata mulier ex viro, sed ex
nihilō, sicut infra patebit.

2. AD illud vero quod obiicitur de aliis speciebus,
patet responsio: Non enim est simile propter legem ma-
trimonii, quæ non ita attenditur in bestiis, sicut in ho-
minibus.

Prin. 3. d

Art. 1. q. 1.
vult.

3. Ad illud quod obiicitur, quod vir est muliere fortior, & perfectior, dicendum quod materiale minus est nobile, quam illud quod ex eo producit secundum id, quod est materiale: vir autem non fuit materia mulieris secundum se totum, sed secundum aliquid sui, scilicet secundum costam: & ideo quamvis vir est nobilior, potuit tamen ex eius costa corpus mulieris formari. Nam non est tanta perfectio in vna costa viri, quanta est in vno corpore mulieris. Quod si quæras, quare magis mulier de viro, quam vir de muliere, dicendum quod hoc aliquando futurum erat, sicut ipse secundo Adam, scilicet Christo: ideo, ut perfecta essent Dei opera, debuit esse similiter & mulier de solo viro: sic enim sunt impleti, sicut dicit Anselmus, quatuor modi educationis hominis in esse. Vnus, qui est de viro, & muliere, quem modo observat natura. Alius, qui est nec de viro, nec de muliere: qui fuit in productione primi hominis. Tertius, qui est de viro tantum: & hic fuit in formatione Euz. Quartus, qui est de muliere tantum absque viro: & hic fuit in productione Christi de Virgine. Tunc autem magis congruebat mulierem educi de viro, ut ostenderetur, quod vir caput est mulieris, & quod non vir propter mulierem, sed mulier propter virum, & alia similia plura, quæ prius tacta sunt.

4. 5. 6. Ad illa quæ obiiciuntur de soporatione, dicendum quod ille sopor non fuit ex lassitudine: sed fuit ex divina immisione, sicut dicit textus: nec tamen fuit contra naturam: quia si Adam stetisset, esset utique in illo somnus, non propter debilitationem potentie sensitivæ: sed propter vigorationem potentie vegetativæ: quoniam etsi neutra harum virium contingeret in Adam lassari, tamen quando vna cessabat ab operatione, continebat, alteram vigorari, dum tota anima circa actum vnius virtutis intendit. Immisit autem Deus soporem in Adam: non propter hoc, quod non posset separare costam à vigilante sine dolore, & horrore: sed propter significationem, & propter etiam mentis Adæ subleuationem: quia, sicut dicunt Sancti, Adam in illo sopore multa prævidit. Vnde statim cum euigilavit, propheticè locutus est: & in hoc multum ostenditur Dei omnipotentia, quæ sic potuit separare costam, ut natura non amitteret quietem suam. Ex hoc patent illa tria obiecta de sopore. Primum enim non valet, quia ibi non erat somnus ex lassitudine. Secundum similiter non valet, quia non est factum propter læsionem hominis occultandam. Tertium etiam non valet, quia etiam ita bene manifesta est Dei potentia, dum non excitavit dormientem à somno: sicut manifesta esset, si formasset eam de latere vigilantis sine dolore aliquo.

7. 8. 9. Ad illa quæ obiiciuntur, quod non debuit fieri de osse, dicendum quod non tantummodo mulier facta est de osse, siue de costa: sed etiā aliqua particula fuit sumpta de carne Adæ, sicut sequens littera innuit. Hoc nunc os, & caro de carne mea. Magis autem fit denominatio ab osse: siue quia illa fuit pars principalior, siue quia vir mulieri confert robur: & mulier per viri consortium vigoratur. Vir autem per mulieris consortium emolitur: & ideo dicitur caro repleta pro costa, quia vir dat fortitudinem & suscipit infirmitatem, siue etiam quia costa illa locum carnis occupabat: non enim facta fuit in Adam, ut in eo maneret, sed ut de ea formaretur mulier. Et sic patent illa tria obiecta. Primum enim non valet, quia mulier, etsi debilis sit in se, tamen à viro habet roborari: & ideo magis dicitur esse facta de costa, quam de carne. Secundum non valet: quod enim mulier dicitur esse facta de costa: non intelligitur præcise, ita quod non de carne. Tertium non valet, quia si illa costa superflua erat Adæ, in quantum erat individuum: erat tamen opportuna in quantum erat mulieris principium: ideo resurget in muliere non in viro, sicut planius explicatur in quarto.

QVÆSTIO II.

An mulier formata fuerit de costa viri secundum seminalem rationem.

Alexander Alesis 2. p. q. 85. Membro 2.

S. Thom. 1. p. q. 92. art. 3.

Et 2. Sent. dist. 18. q. 1. art. 2.

Scotus 2. Sent. dist. 18. q. 1.

Ægid. Rom. 2. Sent. dist. 8. q. 2. art. 5.

Richard. 2. Sent. dist. 18. q. 3.

Durandus 2. Sent. dist. 18. q. 2.

Ioan. de Bacch. 2. Sent. dist. 18. q. 1.

Thom. Argen. 2. Sent. dist. 17. q. 1. art. 2.

VTRUM mulier formata sit de costa viri secundum rationem seminalem. Et quod sic, primo videtur per textum. Consummavit Deus die sexto omne opus suum. Si ergo formatio mulieris fuit post diem sextum, sicut Scriptura innuit; ergo aliquo modo in illis operibus sex dierum mulier condita fuit: sed non erat nisi in costa: ergo in costa erat unde fieret mulier: sed quod sic est in aliquo, dicitur esse in eo secundum rationem seminalem: ergo, &c.

2. **I**TEM Augustinus in lib. 6. super Genesim ad litteram. Omnia quæ consequentibus erant euoluenda temporibus, primitus Deus simul creavit, cum faceret mundum: consummata quidem, quoniam nihil habent illa in naturis propriis, quibus suorum temporum cursus agunt, quod non in istis causaliter factum sit; inchoata autem, quoniam quædam erant semina futurorum: ergo mulier postea producenda erat: ergo semen mulieris præexistebat, sed non nisi in costa: ergo, &c.

3. **I**TEM vir dicitur esse imago Dei, quia ex ipso fiunt omnes homines, sicut omnia sunt ex Deo: sed nulla creatura est ex Deo materialiter: ergo si recta est assimilatio, necesse est, quod vir respectu mulieris non solum habeat habitudinem principij materialis: sed etiam actiui: sed quod est ex aliquo sicut ex materiali, & actiui principio, est secundum rationem seminalem: ergo, &c.

4. **I**TEM vir productus est de limo, & mulier de viro, aut igitur est maior habitudo, & convenientior costæ ad mulierem quam viri ad limum, aut non. Si non, ergo non magis convenit mulier viro, quam vir limo. Si sic, ergo ultra rationem passibilis fuit ibi aliquo modo ratio actiui: si ergo hæc est ratio seminalis, apparet, quod secundum rationem seminalem ex costa fuit formatum corpus mulieris.

5. **I**TEM cum Deus produxit corpus mulieris de costa, aut hoc fuit secundum naturam, aut contra. Si secundum naturam, cum natura quidquid facit, faciat secundum rationes seminales, videtur quod seminaliter de costa mulier producta sit. Si contra naturam. Contra: Conditor naturæ, ut dicit Augustinus, non facit contra naturam. Et idem super Genesim ad litteram; Non facit Deus contra causas quas bonas constituit, quia contra voluntatem suam non facit: ergo si formatio Euz non potuit esse contra naturam, fuit igitur secundum naturam; si hoc fuit: ergo secundum rationem seminalem.

6. **I**TEM si productio illa fuit contra naturam: ergo formatio mulieris fuit miraculum. Sed Augustinus super Genesim ad litteram dicit, quod Deus in rerum conditione non utitur rebus ad miraculum suæ potentie, sed secundum quod proprie competit ipsarum rerum naturæ: ergo si miraculum non faciebat, sed operabatur secundum quod natura exigebat, videtur quod mulierem produxerit secundum seminalem rationem, si eam produxit secundum exigentiam naturæ.

CONTRA: Magister dicit in littera, & est auctoritas Augustini: Illa quæ secundum causam seminalem fiunt, dicuntur naturaliter fieri, quia ita cursus naturæ hominibus innotuit: si ergo productio mulieris de costa non est secundum naturæ cursum: ergo non erit secundum seminalem rationem.

ITEM Magister in littera: Corpus mulieris de costa factum dicitur eo sane miraculo, quo de quinque partibus

quinque millia hominum saturati sunt : sed illud non fuit secundum seminalem rationem : ergo, &c.

ITEM hoc videtur ratione : Semen dicit principium actuum, & intrinsecum : unde non dicitur semen hominis humor quicunque : sed ille, qui decusus est à lumbis paternis : sed in costa non erat vis actiua ad mulieris productionem : ergo nec ratio seminalis.

ITEM semen habet in se rationem totius, & partium eius rei, quæ ex ipso producit. Vnde August. in lib. 5. super Genesim ad literam ; In semine omnia producta sunt : & fuerant primitus, non mole magnitudinis, sed in potentia causali : sed in costa illa non erat virtus ad singula membra formanda : ergo non erat ibi mulier secundum rationem seminalem.

ITEM impossibile est aliquid crescere per virtutem creatam, nisi per rarefactionem, aut appositionem : sed corpus mulieris de illa costa productum est, quod erat ipsa maius, non per costæ rarefactionem, nec extrinsecæ materiæ appositionem, sicut dicit Magister in litera ; ergo productio illa ex costa non fuit secundum virtutem creaturæ, sed solum creatricis essentiæ : sed seminalis ratio dicit virtutem creatam : non enim dicuntur in Deo res esse seminaliter : ergo hæc productio mulieris ex costa non fuit secundum seminales rationes.

ITEM secundum seminales rationes attenditur rerum propagatio & generatio, sed secundum educationem corporis de costa non fit propagatio in humana specie : ergo productio alicuius corporis humani ex costa non est secundum rationem seminalem. Et propter hoc est quæstio : cum Magister dicat aliqua fieri secundum rationes causales, aliqua secundum rationes seminales, quæ sit differentia inter hæc duo. Si tu dicas, quod illa fiunt secundum rationes causales, quæ fiunt secundum rationes incommutabiles, vel æternas : illa secundum rationes seminales, quæ fiunt secundum exigentiam, & virtutem potentiarum inditarum ipsis creaturis. Obiicitur contra hoc per Augustinum. Dicit enim Augustinus in lib. 6. super Genesim ad literam : Nihil habent res in naturis propriis, quod non in primis diebus causaliter factum est. Et iterum ; Causales illæ rationes quas mundo indidit, cum primum creauit, quo modo institutæ sunt, merito quæri potest. Et paulo post ; In illis primis rerum causis, quas mundo primitus Creator inseruit, non tantum posuit, quod de limo formaturus erat hominem : sed quemadmodum producturus : ergo rationes causales non dicunt quid increatum, sed creatum.

ITEM ipse Augustinus rationes causales, quas dicit inditas primis rebus, distinguit contra incommutabiles rationes tam in quinto super Genesim ad literam, quam in sexto. Quæritur etiam, quæ differentia sit inter rationes seminales, & naturales : & videtur quod nulla, quia, Augustinus dicit quod cum arbor germinat de semine quotidie est propagatio secundum rationem seminalem, in fine quinti super Genesim : sed hoc idem est secundum rationem naturalem.

ITEM operatio, quæ est à vi seminali, aut est naturalis, aut est voluntaria : cum enim non sit à causa per accidens, & sit à causa creata : necesse est quod sit à natura, vel ab intellectu : sed non est ab intellectu : ergo à natura : ergo omne quod fit seminaliter, fit naturaliter. Pari ratione, cum natura sit vis propagatiua, & propagatio fiat mediante semine : omne quod fit naturaliter, videtur fieri seminaliter.

CONCLUSIO.

Corpus mulieris non fuit in costa Adæ secundum rationem seminalem proprie dictam, sed secundum usum tantummodo ibi fuisse, dici potest.

RESP. Ad Arg. Ad prædictorum intelligentiam est notandum, quod cum de his rationibus seminalibus egregius doctor August. in lib. quinto, & sexto super Genesim ad literam ambigue loquatur, & ab ipso potissime habemus horum nominum usum, non est facile

inter huiusmodi vocabula recte distinguere. Ipse enim rationes causales modo dicit rebus fuisse insertas, modo dicit, quantum ad aliqua, in diuina voluntate fuisse seruatas : possumus tamen quantum est de vi vocabuli, differentiam assignare in hunc modum. Causa enim communis est ad principium intrinsecum, & extrinsecum ; similiter & ratio causalis, quantum est de vi nominis : semen vero dicit principium intrinsecum : & ita ratio causalis se extendit ad rationes creatas, & increatas : ratio vero seminalis solum ad rationes creatas ; quantum ergo est de vi nominis, vnum est commune respectu alterius : in quantum autem adinuicem distinguuntur, & connumerantur, sic causa & causalis ratio accipitur quantum ad principium increatum : semen vero, & seminalis ratio spectat ad principium creatum : differunt autem causa & ratio causalis : quia causa dicit principium productiuum : ratio vero causalis dicit regulam dirigentem illud principium in sua operatione. Similiter per hunc modum differt semen, & ratio seminalis. Regula autem agentis increati est forma exemplaris, siue idealis. Regula vero agentis creati est forma naturalis : & ita rationes causales sunt formæ ideales, siue exemplares : rationes vero seminales sunt formæ naturales. Et secundum hoc patet quod rationes causales, & primordiales idem sunt re, differentes sola ratione. Primordiales enim dicuntur per priuationem prioris : sed causales per positionem posterioris & primordiales in quantum respiciunt Deum, ut principium primum : causales in quantum respiciunt Deum, ut finem vltimum, quæ est causa causarum. Similiter naturales rationes, & seminales re idem sunt, ratione vero differunt ; quia enim semen dicit ut ex quo, & natura dicit à quo, ratio seminalis attenditur in quantum dirigit potentiam naturæ, ut ex aliquo fiat aliquid, naturalis vero, ut ab aliquo fiat aliquid. Vel ratio seminalis respicit inchoationem, & intrinsecam virtutem, quæ mouet & operatur ad effectus productionem : naturalis vero concernit producentis ad productum assimilationem, & modi agendi assuetudinem : unde appropriate loquendo, cum magi ex virgibus fecerunt serpentes, hoc fuit secundum rationes seminales : cum vero serpentes, sicut assolent, serpentes generant, hoc fit secundum rationes naturales : licet utraque naturales, & seminales congrue dici possint. Quando igitur quæritur, utrum aliquis effectus fiat secundum rationes causales, aut seminales, respondendum est, quod aut sic est à Deo ille effectus quod creatura non habet in eo potentiam aliquam : aut si habet, habet solam potentiam obedientiæ, utpote cum mundus sit de nihilo, ubi nulla est potentia creature, vel cum multi panes multiplicentur ex pane vno, ubi est sola potentia obedientiæ, & hæc fiunt secundum rationes causales, quas Deus seruauit in sua voluntate, quia non fiunt secundum exigentiam creature, sed secundum exigentiam dispositionis æternæ. Si autem sic producit effectus, quod est in potentia naturæ, non solum obedientiæ, sed etiam potentis ad actum perducere, sic dicitur fieri secundum rationes seminales, sicut patet, cum homo generatur ex homine, vel arbor ex arbore. Sed attendendum est, quod illa potentia naturæ ad effectus istos, aut est propinqua & sufficiens, sicut est in semine deciso à lumbis ad generationem humani corporis, & sic dicitur proprie habere in se rationem seminalem. Aut est remota, & insufficiens, sicut est in pane, vel in alimento, ut ex eo fiat homo ; & sic minus proprie dicitur esse ibi ratio seminalis. Non enim dicitur in pane esse ratio seminalis respectu hominis producendi, nisi valde large accipiat. Quod autem est sic in remota dispositione respectu effectus, aut perducitur ad illum effectum mediantibus illis, ad quæ habebat ordinem immediatum, aut immediare. Si mediate, tunc potest dici quod effectus ille sit secundum rationem seminalem, utpote si panis comedatur, & digeratur, & conuertatur in humorem, & postmodum in lumbis conuertatur in semen, deinde in hominem. Si autem immediate perducatur ad effectum, utpote si de pane statim formaretur corpus

hominis

hominis : sic nullo modo dicitur esse factum secundum rationes seminales, sed secundum rationes causas: quævis enim ibi esset aliqua potentia actiua ad hoc, quod inde fieret corpus per multa intermedia, tamen quod immediate fieret, hoc habuit in sola potentia obedientiæ. Cum ergo quæritur, vtrum corpus mulieris fuerit in costa seminaliter, dicendum quod si proprie accipiat ratio seminalis, non. Si autem accipiat large pro quacunque potentia actiua existente in materia, sic potest dici in costa fuisse ratio seminalis. Rursus si quærat, vtrum mulier facta sit de costa secundum rationes seminales. Respondendum est quod non: quia costa respectu talis modi producendi, & respectu tanti corporis ex ea formandi absque additione, non habuit nisi solam potestiam obedientiæ, unde concedenda sunt rationes ad hoc inductæ.

1. 2. **A**d illud autem quod primo obiicitur in contrarium, quod nihil nouum fecit Deus vltra diem sextum, dicendum quod illud argumentum deficit tripliciter. Primo quia etsi formatio mulieris post diem sextum narretur: non est tamen credendum quod tam longo tempore viri formatio præcesserit: sed quod die sexta de latere viri producta sit. Illud autem quod subditur, intelligendum est per recapitulationem: recapitulat enim Scriptura, vt addat. Deficit etiam in hoc, quod Deus non dicitur facere nouum, non solum in hoc, quod omnia producta sint in ratione seminali: sed quia producta sunt in suo simili: & hoc necessarium est dicere propter creationem animæ, quæ non exit in esse secundum feminalem rationem. Et per hoc patet responsio ad sequens, quia formatio mulieris non fuit de consequentibus ad opera sex dierum: vel si fuit, casualiter dicitur fuisse facta, quia præcessit potentia obedientiæ in costa: vel etiam aliqua ratio seminalis longinqua, licet secundum illam mulier non sit formata, sed secundum potentiam diuinam.

3. **A**d illud quod obiicitur, quod vir est imago Dei, quia principium omnium hominum, dicendum quod non est omnimoda similitudo. Deus enim est principium sufficiens respectu omnium: vir autem non est per se principium sufficiens respectu hominum: aliquo tamen modo tenet rationem principij, & hoc facit ad maiorem expressionem imaginis, ad cuius expressionem aliquo modo amplificandam non solum facit assimilatio perfecta, sed etiam assimilatio modica.

4. **A**d illud quod obiicitur, quod maior erat conuenientia costæ ad mulierem, quam limi ad virum, dicendum quod costa dupliciter potest considerari: aut in se: aut in quantum fuit pars viri. In se quidem ita bene distabat a formatione corporis mulieris, sicut limus a formatione corporis viri. Si autem consideretur in quantum est pars viri: sic quia vir & mulier sunt persone, in quibus potest esse affinitas, & attinentia, talis formatio faciebat quoddam maius vinculum attinentiæ esse inter virum & mulierem: quod quidem non poterat esse inter virum & elementum terræ.

5. **A**d illud quod obiicitur, quod productio mulieris de costa non fuit contra naturam, dicendum quod dupliciter dicitur natura. Vno modo dicitur natura omne illud quod competit rei à sua naturali origine: & sic competitur creaturæ, vt ex ea producat omne quod Deus vult. Opus enim respectu sui artificis habet in se potentiam perfectæ obedientiæ, cum per omnia subiaceat eius voluntati: propter quod dicitur quod spiritus Domini ferebatur super aquas: & contra hanc naturam Deus nunquam facit: immo quidquid facit de creatura, secundum hanc naturam facit: & secundum hunc modum accipiendi naturam, mulier de costa non est formata contra naturam. Alio modo dicitur natura propria vis insita rebus, secundum quam res naturales peragunt cursus suos, & motus solitos, & hoc modo accipiendo naturam, aliquando Deus facit contra naturam, aliquando supra naturam. Tunc facit contra naturam, quando facit aliquid cuius simile in natura, & à natura produci habet, tamen alio modo omnino diuerso: vt patet in hoc, quod natura

A dat alicui visum, & successiue in primaria generatione: similiter, & dat vitam, nunquam tamen cæcum reducit ad visum, nec mortuum ad vitam. Si ergo Deus sua virtute hoc faciat, vt alicui cæco visum restituat, & mortuo vitam, tunc dicitur facere contra naturam, id est contra solitum cursum naturæ: & tunc dicitur miraculum. Quando vero Deus facit aliquid cuius simile natura facere non potest, & ad quod natura non habet ordinem secundum propriam virtutem, sicut quando Deus factus est homo, vel quando corpus mortale factum est gloriosum, tunc facit supra naturam, & illud opus proprie dicitur mirabile, non miraculum. Quoniam igitur in operibus sex dierum naturæ rerum nondum erant conditæ, nec cursus earum determinati: ideo tam in productione mulieris ex costa viri, quam in productione aliarum rerum operabatur supra naturam, non contra: & ideo opera illa mirabilia, non miracula dici debebant.

6. Et per hoc patet responsio ad vltimum obiectum: quia non fuit proprie contra naturam, nec est miraculum dicendum. Patet etiam responsio ad illud quod consuevit quæri, quæ differentia est inter miraculum, & mirabile: & in quo differt facere aliquid contra naturam, & supra. Postremo qualiter verum est, quod Deus nihil facit contra naturam, & tamen miracula aliquo modo sunt contra naturam. Patet etiam, quæ differentia sit inter rationes primordiales, causales, seminales, & naturales. Duo enim prima membra secundum primordiales rationes, & causales differunt ratione. Similiter duo vltima, scilicet rationes seminales, & naturales. Duo vero intermedia, scilicet rationes causales, & seminales, vno modo se habent sicut generale, & speciale: alio modo si fiat appropriatio, causales sunt, quæ seruaturæ sunt in mente diuinæ: seminales vero, quæ sunt rebus insertæ. Et hinc est quod Augustinus causales rationes dicit esse communes ad ea quæ fiunt miraculose, & naturaliter: dicit etiam quasdam rationes causales in mente diuina referuatas, quasdam autem esse rebus insertas; sexto super Genesim. Et sic patet quod nulla est contrarietas.

QVÆSTIO III.

An ratio seminalis sit forma vniuersalis, vel singularis.

Agid. Rom. 2. Sent. p. 1. d. 18. q. 2. art. 2.
Thom. Arg. 2. Sent. dist. 18. q. 1. art. 2.
Steph. Brulef. 2. Sent. dist. 18. q. 2.

QUID sit ratio seminalis secundum essentiam, & cum constet eam esse formam, est quæstio, vtrum sit forma vniuersalis, an singularis. Et quod sit forma vniuersalis, videtur primo per Philosophum in lib. 16. de animalibus, vbi dicit, quod prius est animal, quam homo: ergo natura producit formam speciei mediante forma generis: sed illa est ratio seminalis, mediante qua natura peruenit ad vltimum complementum: ergo ratio seminalis non est aliud quam forma vniuersalis.

2. **I**TEM quanto est aliquid simplicius, tanto prius: sed forma quanto vniuersalior, tanto simplicior, ergo tanto prior: sed in processu ordinato per id quod prius est, deuenitur ad id quod posterius est: ergo natura procedens ad generationem formæ singularis, peruenit ad ipsam mediante vniuersali: sed ratio seminalis est illa, mediante qua peruenitur ad effectum completum: ergo, &c.

3. **I**TEM intellectus, si verus est, intelligit sicut est in re: alioquin si non respondet ei ita in re, sicut intelligit, falsus est, & vanus: sed tam rationalis Philosophus, quàm etiam Metaphysicus, dicit differentias extrahi de potentia generis ergo oportet, quod ita sit in re, (scilicet quod formæ minus vniuersales exeant in esse à formis magis vniuersalibus, aut consideratio Logici, & Philosophi est omnino vana: quod si hoc est inconueniens, restat quod formæ vniuersales sunt illæ mediantibus quibus educuntur singulares in esse: sed huiusmodi sunt rationes seminales: ergo, &c.

4. **I**TEM

4. **ITEM** forma particularis dicit ens in actu completo, quia nulla potest ulterius fieri additio: materia vero dicit ens omnino in potentia: sed inter ens omnino in actu, & omnino in potentia cadit medium ens, quod est partim in actu, & partim in potentia, huiusmodi autem est forma vniuersalis ens in potentia: igitur si non peruenitur ab extremo in extremum, nisi per medium, materia non perducitur ad actum completum, nisi medi-antibus formis vniuersalibus: sed rationes seminales sunt illæ mediantibus quibus peruenitur ad actum completum: ergo, &c.

5. **ITEM** ex homine generatur homo, non asinus: hoc autem non est nisi propter aliquam convenientiam, quæ est inter hominem, & hominem, & non inter hominem, & asinum: illa autem convenientia non est nisi in forma vniuersali: ergo ratio quare homo generat hominem, est forma vniuersalis: sed illa est ratio seminalis: ergo, &c.

6. **ITEM** hoc videtur per deductionem ad impossibile. Ex eo incipit generatio, in quod terminatur corruptio, & è conuerso: si igitur natura nihil producit ex nihilo, corruptione naturali, nulla forma naturalis cedit in nihil: cum igitur ex aëre fit ignis, forma aëris non corrumpitur in nihil: nec materia, quia materia non erat aliquid de essentia ipsius formæ: corrumpitur ergo in aliquam formam: illa ergo forma aut est vniuersalis, aut singularis. Si singularis, aut ergo est forma ignis, aut forma alia ab igne. Non alia ab igne, quia in igne generato non sunt duæ formæ singulares, sed vna tantum. Si est forma ignis: ergo forma aëris, & ignis sunt vna forma numero: quod est impossibile. Restat igitur cum non possit esse forma singularis quod sit forma vniuersalis: si ergo habet incipi generatio ad quod terminatur corruptio, generatio vniuersalisque rei naturalis incipit à forma vniuersali: sed id à quo generatio incipit, est ratio seminalis: ergo ratio seminalis non est aliud quam forma vniuersalis.

CONTRA: Philosophus in libro de anima: Vniuersale aut nihil est, aut posterius, &c. sed ratio seminalis semper prior est: ergo ratio seminalis non potest esse forma vniuersalis.

ITEM vniuersale est semper, & vbique: sed ratio seminalis respicit hanc materiam, in qua fundatur determinate: ergo ratio seminalis non potest esse forma vniuersalis.

ITEM ratio seminalis non prædicatur de eo, cuius est seminalis ratio: non enim potest dici quod homo sit semen, vel quod corpus hominis sit embryo: sed vniuersale prædicatur de singulari: ergo ratio seminalis non potest esse forma vniuersalis.

ITEM omnis operatio naturæ terminatur ad hoc aliquid, & circa hoc aliquid: hoc aliquid autem dicit formam cum materia: vniuersale autem dicit formam tantum: ergo forma vniuersalis secundum quod huiusmodi nec est operationis principium, nec est operationis terminus per se: sed ratio seminalis dicit operationis principium, ergo ratio seminalis non potest esse forma vniuersalis.

ITEM si ratio seminalis dicit formam vniuersalem, aut igitur formam generis, aut formam speciei. Si formam generis: ergo in homine est ratio seminalis respectu asini. Si formam speciei: ergo humanitas est ratio seminalis huius hominis: sed illud est ratio seminalis alius, quod ante præexistit in materia, quæ sit res completa in actu, ergo ante erit forma humanitatis in materia, quam sit res completa: sed hoc est falsum, & non intelligibile, quod forma humanitatis sit in aliquo, & illud non sit res completa: ergo non est ponere, quod forma vniuersalis dicat rationem seminalem.

ITEM si forma vniuersalis respectu particularis esset ratio seminalis: cum ergo hæc albedo dicat singularem formam, & albedo dicat formam speciei, & color formam generis, & qualitas sensibilis adhuc formam superioris generis, & qualitas corporalis adhuc formam magis vniuersalem, & qualitas adhuc formam vniuer-

salissimam, tunc natura in productione huius albedinis perueniret mediantibus omnibus prædictis: ergo prius faceret qualitatem, quam qualitatem corporalem, & qualitatem corporalem prius quam qualitatem sensibilem, & qualitatem sensibilem prius quam colorem: quod non est intelligibile.

CONCLUSIO.

Si vniuersale proprie accipitur, ratio seminalis non est forma vniuersalis: si autem vniuersale accipitur pro forma existente secundum esse incompletum indifferente & possibili ad multa: ratio seminalis vniuersalis est.

RESP. ad arg. Ad prædictorum intelligentiam est notandum, quod cum satis constet rationem seminalem esse potentiam actiuam inditam materiæ, & illam potentiam actiuam constet esse essentiam formæ, cum ex ea fiat forma mediante operatione naturæ, quæ non producit aliquid ex nihilo, satis rationabiliter ponitur, quod ratio seminalis est essentia formæ producendæ, differens ab illa secundum esse completum, & incompletum, siue secundum esse in potentia, & esse in actu. Verum autem illa forma, siue potentia actiua, quam dicimus rationem seminalem, sit forma vniuersalis, hoc non est ita planum. Diverſi enim sunt modi dicendi secundum diuersas positiones, quas habent diuersi de forma vniuersali. Quidam enim dicere voluerunt, quod cum vniuersalia non sint fictiones realiter, & secundum veritatem, non solum sint in anima, sed etiam in natura: & quia omne quod est in natura habet fundari in materia: tam formæ vniuersales, quam singulares in materia habent esse, & ita non differunt forma vniuersalis, & singularis per abstractionem à materia, & concretionem in materia, sed differunt per additionem vnius ad alteram, & per magis completum & minus completum. Cuius signum est, quia in coordinatione generum, & specierum forma speciei est completissima, & compositissima. Forma vero generis respectu illius est ens in potentia, & sit magis in actu per differentiam sibi superadditam: & ita cum ratio seminalis dicat formam ratione incompleta, dixerunt nihil aliud esse rationem seminalem, quam formam vniuersalem. Hæc autem positio parui pendenda non est, magnorum enim est, &

concors esse videtur & auctoritati, & rationi, & sensui. Auctoritati, quia ipse Commentator dicit super Metaphysicam in capitulo: (*Quando autem in fundamento:*) quod materia suscipit formas singulares mediantibus formis vniuersalibus. Rationi etiam concordat, quia cum singulare dicat ens in actu, & materia ens in potentia, & forma vniuersalis quodam modo dicat ens in actu, & quodam modo in potentia, rectum videtur, & congruum, quod materia perducatur ad formam completam mediantibus formis vniuersalibus. Sensui etiam concordat, quia sicut vult Philosophus in principio primi physicorum, progressus nostræ cognitionis assimilatur progressui naturæ in sua operatione: sed nobis innata est via ab vniuersalibus ad minus vniuersalia: ergo consimiliter erit in natura. Si quis autem positionem hanc sustinere velit, poterit declinare rationes ad oppositum adductas, dicens quod loquantur de vniuersali, secundum quod habet esse abstractum in anima, & sic prædictæ positioni non obuiant. Aliorum vero positio est, quod vniuersale forma est, sed non quælibet forma proprie vniuersale est: est enim forma partis, & forma totius: & vniuersale non est forma partis, sed forma totius. Anima enim non dicitur esse vniuersale respectu vnius hominis, sed potius homo. Illam autem dicunt esse formam totius, quæ quidam dat esse toti, & hæc dicitur essentia rei, quia totum esse completitur: & hanc formam considerat Metaphysicus: formam vero partis, quæ in genere non habet esse nisi per reductionem, non est dicere proprie vniuersalem: potest tamen dici aliquo modo vniuersalis

reductione

Sec. dist. præsent. q. vni. ibi, Restat igitur.

Opinio.

1. Physic. context. 3.

Opinio 2.

Fundamēta. Arist. lib. 1. context. 8.

reductione, cum illa est indifferens ad multa, quæ possunt fieri ex ipsa, sicut causa dicitur esse vniuersalis, quia potest in multa: & sic illa potentia actiua, quæ est in materia quæ dicebatur ratio seminalis, potest dici vniuersalis: non proprie secundum quod vniuersale consideratur a Metaphysico, sed large, ut dicat quendam principij indifferentiam, quam etiam considerat Physicus. Et hæc positio magnorum est, & multorum, & magis eam approbat via communis, nec immerito, quia concordat rationi, auctoritati, & sensui. Rationi quidem, quia necesse est ponere vniuersales formas propter cognitionem, & prædicationis vniuocationem: si igitur non est integra cognitio, nisi totum esse rei cognoscatur, & non est cognitio nisi per formam, necesse est aliquam formam esse, quæ complectatur totum esse, hanc autem dicimus essentiam, & hæc est vniuersalis forma, ut dicit Auicenna. Dicit enim quod essentia nihil aliud est, quam quidditas rei vniuersalis. Similiter non est vera vniuocatio, nisi quando aliqua in vna forma communi realiter assimilantur, quæ de ipsis essentialiter prædicatur: forma autem, in qua plura assimilantur, non potest esse nisi forma vniuersalis: quæ vero essentialiter prædicatur de illis non potest esse nisi forma totum complectens. Forma igitur vniuersalis non est aliud, quam forma totius, quæ cum de se nata sit esse in multis, vniuersalis est: particularizatur autem non per additionem vterioris formæ, sed per coniunctionem sui cum materia: ex qua coniunctione materia appropriat sibi formam, & forma materiam, sicut dictum est supra. Et quia nunquam est forma separata a materia, nunquam est forma vniuersalis sine particulari: quamvis autem vnum non sit sine altero, differt tamen vnum ab altero: quamvis enim albedo non possit esse sine corpore, differt tamen a corpore, unde inseparabilitas non ponit identitatem omnimodam. Concordat etiam hæc positio auctoritati. Dicit enim Philosophus quod cum dico cælum, dico formam, cum dico hoc cælum, dico materiam: ergo individuum super formam vniuersalem non addit aliquam formam, sed solum materiam. Dicit enim Boëtius, quod species est totum esse individui: ergo forma vniuersalis, quæ est species, est forma totius quæ complectitur totum esse, & quæ est sufficiens ratio cognoscendi quantum ad esse substantiale & hoc melius tactum est supra distinctione tertia. Concordat etiam sensui: alius est enim ordo, & modus in egressu specierum a genere, & in eductione formarum de potentia materiæ. Naturalis enim dicit, quod materia prius suscipit formam elementarem, & mediante illa venit ad formam mixtionis, & mediante illa venit ad formam complexionis, quia considerat illam potentiam materiæ secundum quod per operationem naturæ habet in effectum prodire. Metaphysicus vero qui considerat vniuersales formas, siue essentias, in quibus res singulares habent assimilari, ponit magis vniuersale, & minus, secundum quod plura vel pauciora habent assimilari in illo: & illud in quo est prima assimilatio, dicit esse genus generalissimum: illud vero in quo est perfecta assimilatio, dicit esse speciem specialissimam: & propterea dicit speciem addere ad genus, & hoc totum innuit in re. Dicit etiam genus simplicius specie in pluribus reperiri, & hinc est, quod genus in aliquo assimilatur Deo magis, quam species in aliquo è conuerso. Deus enim quia nobilissimus est in fine totius nobilitatis, simul habet in se omnem perfectionem, ita quod ipse est simplicissimus, & omnino incorruptibilis. Est etiam perfectus, & in omnimoda actualitate constitutus: creatura vero secundum quod potest, semiplene assimilatur Deo: & quantum ad rationem simplicitatis, & incorruptibilitatis magis assimilatur ei, quod est magis vniuersale: quantum ad rationem actualitatis magis assimilatur minus vniuersale. Harum autem duarum positionum, quæ sit probabilior, & verior, difficile est videre stanti in ipsa communi consideratione, descendenti vero ad particulares operationes naturæ, videbitur consideratio Physici, & Metaphysici diuersificari, nec posse bene simul sibi

correspondere: aliter enim diffinitur albedo sicut prius tactum est, aliter a natura producitur. Diffinitur enim per genus suum quod est color, & color per genus superius, & sic vsque ad summum generis sui: sed natura in producendo non seruat hunc ordinem: sed sic producitur albedo: sicut exigit operatio qualitatum elementarium cum virtute luminis: & ideo positio vltimo dicta comunior est, & intelligibilior, & sensui vicinior. Hanc igitur iuxta viam communem sustinendo respondere possumus ad quæstionem propositam, quod si forma vniuersalis dicatur proprie, secundum quam res est ordinabilis in genere quam Metaphysicus habet considerare, ratio seminalis non est forma vniuersalis: si autem dicatur forma vniuersalis, forma existens secundum esse incompletum in materia, & indifferens, & possibilis ad multa producenda: sic potest dici ratio seminalis forma vniuersalis. Et secundum hoc patet responsio ad obiecta, quantum ad utramque partem. Rationes enim, quæ probant quod ratio seminalis non sit forma vniuersalis, loquuntur de vniuersali proprie: rationes vero ad oppositum adductæ loquuntur de forma vniuersali secundum aliam acceptionem, secundum quam forma vniuersalis, dicitur quæcumque forma existens in potentia: siue sit forma totius siue sit forma partis: & hoc patet discurrendo per singula.

1. NAM illud quod primo obiicitur, quod prius est animal quam homo: non cogit quod ratio seminalis sit forma vniuersalis proprie dictam: nam homo, & animal, & quæcumque alia vniuersalis forma non dicitur esse nisi per eductionem alicuius singularis. Vnde auctor sex principiorum dicit, quod natura in his occulte operatur.

2. AD illud quod obiicitur, quod vniuersale est simplicius patet responsio: verum est enim quod vniuersale est simplicius secundum eam viam, secundum quam habet coordinationem ad id, quod est minus vniuersale, sc. secundum esse diffinitiuum: secundum autem viam generationis non habet coordinationem, nisi solum per accidens accidit enim quod per operationem naturæ prius sit aliquando genus quam species: species autem nunquam est, quin sit individuum.

3. AD illud quod obiicitur, quod considerationi physice aliquid respondet in re, dicendum quod verum est: vera enim, & realis est similitudo inter Petrum, & Paulum: & ita necesse est ponere aliquod tertium, in quo assimilantur: similiter inter hominem, & asinum realis est similitudo: & ideo consideratio physica non est vana: nec tamen oportet ita essentias rerum produci, sicut habent cognosci: sufficit enim, quod sic se habeant ad esse, sicut se habent ad cognitionem: sed non oportet, quod sic se habeant ad productionem.

4. AD illud quod obiicitur, quod forma particularis dicit ens in actu completo, dicendum quod verum est, quod illud quod mediante peruenit ab ente in potentia ad esse completum, est quodam modo ens in actu, quodam modo in potentia: sed hoc non est quocumque modo ens in potentia: sed illud quod habet ordinationem ad hoc: & hoc est potentia materiæ actiua, quæ rationem vniuersalis non habet, cum sit forma partis, quamvis sit quodam modo in actu, quodam modo in potentia.

5. AD illud quod obiicitur, quod homo generat hominem, non asinum, dicendum quod hoc non est propter formam humanitatis: sed hoc est propter vim datam illi naturæ ad producendum sui simile.

6. AD vltimam patet responsio: concedo enim, quod potentia illa actiua non est forma singularis, nec ignis, nec aeris: sed est indifferens ad vtrumque: & ideo ex illa qualibet earum potest educi, & in illam qualibet earum potest vel habet resolui: & illa dici potest ratio seminalis.

ARTICVLVS II.

CONSEQUENTER quæritur de secundo articulo, sc. de productione animæ ipsius Euz: & per consequens omnis alterius animæ ab anima Adæ. Et circa hoc tria quærentur. Primum est, vtrum animæ omnium

hominum

hominum sint una substantia, vel diuersæ. Secundo, dato quod diuersæ, quaeritur, utrum simul, vel successiue sint in esse productæ. Tertio, dato quod successiue, quaeritur, utrum anima sit ex traduce.

QVÆSTIO I.

An anima omnium hominum sint una numero, an diuersa.

S. Thomas 1. p. q. 76. art. 2.

Et 2. Sent. d. 17. q. 2. art. 1.

Et 2. contra Gent. cap. 73. & 75.

Ægid. Rom. 2. Sent. p. 2. dist. 17. q. 2. art. 1.

Et Quod. 2. q. 22.

Ricardus 2. Sent. dist. 18. art. 2. q. 1.

Henrichus Quod. 9. q. 13.

Ioan. Bacc. 2. Sent. dist. 18. q. 1. art. 2.

Thom. Arden. 2. Sent. dist. 17. q. 1. art. 2.

Steph. Brulef. 2. Sent. dist. 18. q. 4.

Ad opposi-
tum.

CIRCA quam sic proceditur, & ostenditur quod animæ omnium hominum sint una anima numero, non diuersæ. Omne quod indiuiduatur, & multiplicatur ad alterius multiplicationem, & indiuiduationem substantialiter dependet ab illo: sed anima intellectiua non dependet substantialiter à corpore, cum possit esse substantialiter sine illo: ergo non indiuiduatur, nec multiplicatur secundum indiuiduationem corporis, vel multiplicationem.

2. **ITEM** plus assimilantur in complexione, & natura duorum hominum corpora, quam eiusdem corporis membra diuersa, ut caro mea carni tuæ, quam os meum carni meæ: ergo si anima una potest esse viuificatiua diuersorum membrorum vnius corporis, ita quod in illa membra diuersas habent influentias secundum eorum dispositiones varias, videtur multo fortius: quod una anima possit esse perfectio duorum corporum sibi similibus.

3. **ITEM** multiplicatio in indiuiduis eiusdem speciei attenditur propter conseruationem, ut perpetuetur esse in pluribus, quod non poterat perpetuari in vno: sed anima rationalis est incorruptibilis, sicut infra patebit: ergo videtur quod in ea non sit multiplicatio secundum numerum: igitur in diuersis hominibus non numeratur, sed est eadem numero.

4. **ITEM** si anima intellectiua indiuiduaretur secundum corpus, per consequens, quod reciperetur in illa indiuiduaretur secundum exigentiam corporis: sed anima intellectiua suscipit formam vniuersalem, ut est vniuersalis: ergo si forma existens in anima non indiuiduatur, pari ratione nec anima prout est in hoc corpore, indiuiduari potest.

5. **ITEM** ad hoc quod anima rationalis aliquid intelligat, necesse est quod ex se intelligente, & intellecto fiat vnum: sed contingat animas diuersorum hominum omnino idem intelligere, ergo contingit vnum & idem eis vniri: sed quæcunque vni, & eidem sunt eadem, inter se sunt eadem: ergo animæ plurium hominum sunt una, & eadem substantia numero.

6. **ITEM** actus & officium substantiæ spiritualis est regere, & mouere substantiam corporalem: ergo si nihil est otiosum in natura, nunquam est ponere substantiam spirituales, quæ non moueat corporalem: sed si diuersæ essent substantiæ in diuersis hominibus, cum contingit eas separari à corporibus propriis, contingeret eas aliquando ab actu cessare: & ita otiosas esse, quod si hoc est inconueniens, inconueniens est plures homines diuersas animas rationales habere.

CONTRA: Sicut dicit Philosophus, proprius actus habet fieri in propria materia: sed anima rationalis est actus & endelechia corporis humani: ergo cum diuersa sint corpora humana, diuersæ erunt animæ rationales illorum corporum perfectiue.

ITEM perfectionem, & perfectibile necesse est adinuicem esse proportionabilia, ergo nec perfectibile excedit perfectionem, nec perfectio ipsum perfectibile. Si

igitur anima rationalis est perfectio corporis humani, illa anima rationalis, quæ est perfectio istius corporis, non est perfectio alterius corporis: & ita impossibile est, quod perficiat aliud corpus.

ITEM ab eodem est esse, & esse vnum, siue esse distinctum: sed vnumquodque habet esse à sua perfectione: ergo distinctionem. Si igitur homo ab homine distinguitur: ergo & perfectio vnius hominis à perfectione alterius: sed perfectio hominis, secundum quod est homo, est ipsa anima rationalis, non tantum brutalis, vel sensibilis: ergo, &c.

ITEM hoc ipsum videtur per deductionem ad impossibile multiplex. Quorum primum est, quia si eadem sit anima in multis hominibus, cum vnus sit sciens, alter ignorans, vnus bonus, alter malus, vnus etiam odit alterum: sequitur tunc, quod duo contraria erunt in eodem subiecto secundum numerum, & in eadem parte, cum non habeat diuersas partes, & idem ipsum contrariabitur sibi ipsi: quod si hoc est impossibile, restat, quod & illud ex quo sequitur, scilicet vnam, & eandem animam esse in pluribus hominibus.

ITEM si vna & eadem anima est in pluribus post mortem nihil plus habet iustus, quam impius: ergo bonum manet irremuneratum, & malum impunitum: ergo mundus est inordinatus, & Deus est iniustus: & stultus est: qui facit aliquod bonum: ergo si hoc est adeo impossibile, ut non tantum sit contra fidem, sed etiam contra rationem rectam, impossibile est, plures homines eandem animam rationalem habere.

ITEM si vna anima rationalis est in diuersis hominibus: ergo post mortem non est magis beatus vnus quam alter: si igitur ad beatitudinem non peruenitur nisi per virtutem & multi sunt, qui in hac vita non habent virtutes ergo multi sunt, qui non perueniunt ad beatitudinem: si igitur eadem est omnium anima nulli beatificantur, ergo frustra factus est homo, frustra factus est etiam totus mundus: & si hoc est omnino falsum, & impium, falsum est, & impium, vnam animam esse in pluribus.

CONCLUSIO.

Omnium hominum non est vnica anima, sed sicut diuersi sunt homines, ita secundum veritatem, & fidem diuersa sunt anima.

RESP. Ad Arg. Ad prædictorum intelligentiam est notandum, quod in hac quaestione multi Philosophantes multa dixerunt falsa, & vana. Quidam enim Philosophi crediderunt, non solum eandem esse animam in omnibus hominibus, sed etiam in omnibus animalibus: crediderunt enim animam non esse aliud, quam Deum: & huius positionis fuit Pythagoras, & Varro, sicut dicit August. in lib. de Civitate Dei de Varrone. Maxime autem hoc perauerunt de anima humana propter sui dignitatem, & spiritualitatem quæ ad intellectum agentem: quantum vero ad intellectum possibilem, crediderunt esse idem quod hyle: quia anima potest recipere omnia, & ita denudata est à formis omnibus. Hoc autem ponere non est Philosophia, sed manifesta insipientia. Cum enim anima sit variabilis, & transmutabilis, & bonitatis, & malitiæ susceptibilis, omnino Deus esse non potest. Cum iterum sit forma nobilissima inter naturales formas datus actum, & complementum corpori, & distincta ab aliis formis naturalibus, hyle esse non potest. Alij autem aliter opinati sunt, quod anima humana, siue intellectualis, secundum quod intellectualis est, vna est in omnibus hominibus, non solum quantum ad intellectum agentem: sed etiam quantum ad intellectum possibilem. Et ratio quæ mouit ad hoc ponendum, fuit ipsius animæ immaterialitas, & incorruptibilitas. Quia enim immaterialis est, & à corpore non dependens, per corpus non potest indiuiduari, cum nec sit corpus, nec virtus in corpore, ut dicit Philosophus. Cum sit incorruptibilis, non indiget multiplicari, cum vna numero conseruari possit. Et hæc positio Commentatoris

super

Diffin. 19.
Art. 1. q. 1.

1. Physic.
context. 17.

Fundamēta.
Arist. 2. de
anima
context. 5.

Error 1.

De Pythagora
vide 12. de
Ciu. Dis.
vlt. tom. 5.
de Varrone
autem 6. de
Ciu. Dei
c. 2. & lib. 12.
de Genesi ad
litteram c. 6.
tom. 3.

Improbatio.

Error 2.

super lib. de anima, quam etiam vult imponere Aristote-
li, & trahere ex verbis suis: tum quia ponit mundum
æternum, & ita homines innumerabiles præcesserunt:
tum etiam quia ponit, quod nulla sit substantia spiritua-
lis, quæ nõ habeat corpus mouere: quod si diuersæ ani-
mæ essent in diuersis hominibus, aliquando cessarent
ab actu mouendi, cum separantur: essent etiam infinitæ
actu cum motus cœli non habuerit principium secun-
dum Philosophum. Ad vitandas obiectiones in con-
trarium adductas, distinguit Commentator tres partes
in humana anima, cuius verba sunt hæc super 3. de ani-
ma: Opinandum est, quod in anima sunt partes tres in-
tellectus, quarum vna est intellectus recipiens, secunda
autem efficiens, tertia autem factum, & duæ illarum
sunt æternæ, sc. agens & recipiens, tertia est generabilis,
& corruptibilis. Animam autem tertiam, quam dicit
generabilem, & corruptibilem, vocat intellectum pas-
siuum: & illud dicit, quod nihil aliud est quā imaginatio.
Vnde postmodum subiūgit: Intellectus passiuus est cor-
ruptibilis, & absq; hoc nihil intelligitur. Per intellectu
autem passiuum intelligo virtutem imaginariam. Vnde
vult dicere, quod sicut in visu est color, & est lux, & est
oculus videns: sic in intellectu se habet, quod species
imaginariæ sunt sicut color, intellectus agens est sicut
lux, intellectus passibilis est sicut oculus: & sicut ex cõ-
cursu illorum trium efficitur visus, ita ex concursu illo-
rum triū efficitur intellectus: & sicut ex diuersitate, vel
defectu coloris causatur diuersitas, vel defectus actus
videndi, sic ex diuersitate existente in similitudinibus
imaginariis, vel imaginatione causatur diuersitas in in-
tellectu plurium: & defectus etiam actus intelligendi
in eodem homine, quia nihil intelligimus nisi in phan-
tasmate: & pro tanto dicit Philosophus corrumpi intel-
lectum quodam interius corrupto: intellectum inquam
non quemlibet, sed adeptum: & per hæc, quæ dicta sunt,
nititur declinare inconuenientia, quæ ad hanc opinionem
sequuntur. Quantumcumque autem hanc opinionem
coloret, pessima est, & hæretica. Est enim contra Chri-
stianam religionem, dum aufert meritorum retributio-
nem, quæ non esset, si omnium anima vna esset. Est etiã
contra rectam rationem. Planum est enim, quod anima
intellectiua, vt intellectiua, est perfectio hominis, secun-
dum quod homo. Si ergo homines non sunt diuersi so-
lum, secundum quod animalia, sed secundum quod homi-
nes, non solum habent diuersas imaginationes, & ani-
mas sensibiles, immo etiã diuersos intellectus, & animas
rationales. Est etiam contra sensibilem experientiam:
quoniam diuersi homines diuersas habent & contrarias
cogitationes, & affectiones. Quod si tu dicas, quod hoc
venit ex diuersitate specierum existentium in imagina-
tione, hoc nihil est: quia non solummodo diuersificantur
in his intelligibilibus, quæ extrahuntur à sensu, immo
etiam in his, quæ sunt supra omnem imaginationem,
sicut sunt virtutes, quæ intelliguntur per suam essentia,
non per speciem imaginariam, sicut etiam est ipse Deus,
quem quidam diligunt, quidam contemnunt. Hanc igitur
positionem repudiando tanquam hæreticam, & fal-
sam, dicendum est secundum fidem, & veritatem quod
diuersi homines diuersas habent animas rationales,
concedendæ sunt rationes ad hoc probantes.

1. Ad illud autem quod primo obiicitur in contrarium, E
quod intellectus non dependet à corpore: igitur ab eo
non potest indiuiduari, dicendum quod intellectus indi-
uiduatur secundum corporis indigentiam: non tamen
eius indiuiduatio est à corpore, sed à propriis principiis,
materia, scil. & forma sua, quas de se habet, sicut in se
subsistit, sicut determinatum est supra.

2. Ad illud quod obiicitur, quod vna anima potest
perficere diuersa membra, dicendum quod non est simi-
le pro eo quod omnia membra continuantur, & redu-
cuntur ad vnum principale membrum in corpore, me-
diante quod est defluxus, motus, & sensus ad alia mēbra,
vt patet in corde: diuersorum autem hominum corpora
non continuantur, nec reducuntur ad vnum membrum,

A & ideo non possunt habere vnā perfectionem.

3. Ad illud quod obiicitur, quod multiplicatio nu-
meralis fit propter conseruationem speciei, dicendum
quod sicut in præcedentibus dictum est, hæc non est to-
ta causa, nec præcipua, immo principalis ratio est ad
manifestationem bonitatis diuinæ, & hæc præcipue est
in manibus, quæ multæ sunt vt eis distribuatur gratia-
rum Dei multiformitas, & compleatur illius supernæ
civitatis integritas, & numerositas.

4. Ad illud quod obiicitur, quod anima recipit for-
mam vniuersalem, vt est vniuersalis, dicendum quod etsi
illa forma quam anima recipit, sit vniuersalis in diffe-
rentiam ad multa singularia cognoscenda: tamen reuera
illa species, quæ est in anima, est quoddam accidens
singulare, quod vel quæ qualificat, & disponit ipsam
animam, & in diuersis animabus diuersificatur, sicut
scientia, quæ in diuersis cognoscentibus est alia, & alia,
quamvis sit de re vnicā.

5. Et per hoc patet responsio ad sequens: quando
enim dicitur, quod ad actum intelligendi, requiritur,
quod ex intellectu, & intelligente fiat vnum, hoc intel-
ligitur quantum ad speciem, quæ vnitur intellectui non
quantum ad ipsum obiectum extrinsecum: illa autem
species, quæ intellectui vnitur habet comparisonem ad
intellectum in quo est, & ad obiectum ad quod est, &
quod repræsentat: & quamvis in comparisonem ad obie-
ctum habeat vnitatem quodam modo in diuersis cog-
noscentibus, quia ad idem in quantum est ratio, & simi-
litudinem eiusdem: tamen in comparisonem ad animam, in qua
est, habet diuersitatem. Et potest poni exemplū de spe-
ciebus receptis in duobus speculis, vel in duobus oculis.

6. Ad illud quod obiicitur, quod substantiæ spiritua-
lis officium est mouere corpus, dicendum quod illud
argumentum dupliciter deficit. Primum quidem, quia
propter hoc non est substantia spiritualis principaliter
facta: cessauit enim omnis motus: quod ignorauit Philo-
sophus, vnde vana est ratio sua, quando assumpsit nu-
merum motorum secundum numerum mobilium &
motuum: multo enim sunt plures Angeli, quam sint or-
bes, qui mouentur: non enim facti sunt ad hoc, sed ad
fruendum Deo. Deficit etiam in hoc quod etsi anima
separetur à corpore, resumet tamen aliquando corpus
suum per resurrectionem quod Philosophus etiam ig-
norauit: & ideo non est mirum, si in huiusmodi deficit:
necesse est enim, Philosophantem in aliquem errorem
labi, nisi adiuuetur per radium fidei.

QVÆSTIO II.

An anima omnium simul fuerint productæ.

*Richardus 2. Sent. dist. 18. ar. 2. q. 3.
Steph. Brulef. 2. Sent. dist. 18. q. 5.*

VTRVM animæ omnium fuerint simul productæ. Ad op-
tum.
Et quod sic videtur per Iob: Ecce Behemoth,
quem feci tecum: ergo Iob factus est simul cum Luci-
fero: sed non est factum corpus: ergo est facta anima: er-
go anima Iob facta est simul cum Lucifero: ergo pari
ratione & aliorum animæ hominum productæ sunt in
primordio.

1. ITEM Angeli simul producti sunt, & corpora ec-
clesia propter immortalitatem, & incorruptibilitatem: si
ergo animæ rationales sunt huiusmodi, videtur, &c.

3. ITEM animæ omnes æqualis sunt durationis cum
Angelis, à parte post: ergo pari ratione videtur, quod de-
beant esse æqualis durationis ex parte ante: ergo omnes
simul cum Angelis fuerunt creatæ.

4. ITEM non est anima propter corpus, sed corpus
propter animam: ergo potius corpus deberet formari se-
cundum exigentiam animæ, quam anima produci secun-
dum exigentiam corporis: sed illud, ad cuius exigen-
tiam fit alterum, prius est: ergo videtur quod omnes
animæ antequam sua corpora sint, productæ fuerint.

5. ITEM reperimus spiritum, qui per naturam suam
est omnino separatus, & spiritum, qui per naturam suam
semper est coniunctus: ergo videtur quod sit reperire

spiritum, qui sit natus esse separatus, & coniunctus: talis autem non est nisi anima humana, ergo si anima humana de sua natura est separata: ergo videtur quod animæ separata à suis corporibus debuerint produci, & ita simul.

Ad oppositum arguitur sic in Psalmo: Qui finxit sigillatim corda eorum. Glos. exponit, id est, animas: ergo animæ factæ sunt sigillatim & successiue sicut & corpora.

ITEM August. in lib. de Ecclesiast. dogmatibus: Tenendum est quod animæ non sunt creatæ simul.

ITEM hoc videtur ratione. Si animæ essent creatæ ante corpus, aut haberent vsum rationis, aut non. Si non, quæro, quid impediret: & cum non sit dare, restat, quod si simul conditæ fuerunt, statim habuerunt vsum rationis: & si hoc, ergo meruerunt, vel demeruerunt: quorum vtrumque est contra Apostolum ad Romanos: Antequam boni, vel mali aliquid egissent, &c.

ITEM si animæ fuerunt simul creatæ: aut volunt venire ad corpus, aut non. Si volunt, cū corpora illa sint infecta, & pœnalia: ergo sunt impiæ, & stultæ, cum veniāt voluntarie ad contrahendā culpam, & pœnam. Si nolunt, & mittuntur in corpora: ergo cum sint innocentes, sit eis iniuria, dū ante infligitur pœna, quā committant culpā.

ITEM anima quandiu est in corpore, mole corporis grauiatur: ergo melius, & perfectius est esse extra carnem, quam in carne: sed non est ordo, sed peruersio, procedere ad statum minus perfectum à statu magis perfecto: si igitur Deus & natura ordinate facit quidquid facit: nec ordine naturæ, nec ordine prouidentie diuinæ decet animas simul creari, & postmodum corporibus vniri. Ad hoc etiam faciunt rationes, quæ supradictæ sunt de anima Adæ, vbi ostenditur, quod anima creata fuerit in corpore, & non ante.

CONCLUSIO.

Anima humana, non omnes simul creata fuerunt: quamuis natura prius quam corpori uniantur.

RESP. AD ARG. Ad prædictorum intelligentiam est notandum quod circa hoc triplex est modus dicendi. Vnus secundum æstimationem aliquorum Philosophorum. Alter secundum intentionem quorundam hæreticorum. Tertius secundum instructionem Sanctorum, & Doctorum. Primus modus dicendi est, quod animæ fuerunt simul creatæ in stellis comparibus: & post, formati corporibus sibi idoneis ad hæc corpora viuificanda, descendunt per lacteum cælum, & alios orbes planetarum, & postmodum corruptis corporibus, illuc reuertuntur, & postmodum loco suo, & tempore iterum descendunt: & cum descendunt, obliuiscuntur prius cognitorum, & cum ascendunt obliuiscuntur malorum, quæ in corpore habuerunt. Hæc autem positio Platonis fuit, & suorum sequacium: & hanc multum nititur approbare Macrobius explanans somnium Scipionis. Sed vere ista positio plus est somnium, quam aliquod dictum authenticum. Primū quidem, quia talis creatio, & descensus, & ascensus nullam omnino potest habere certitudinem, cum nemo possit hoc conuincere ratiocinando: nemo etiam sit, qui possit dicere se talium recordari. Secundo vero, quia manifestam continet absurditatem: quia dum ponit talem animarum circulationem, ponit quod anima non sit vera corporis perfectio, cum purus actus in propria materia habeat fieri. Ponit etiam quod nulla possit esse beatitudo, cum illa non sit, nisi vbi est perpetuitas, & certitudo, sicut ostendit Aug. in lib. 14. de Trin. Secundus modus dicendi est, quod animæ humanæ simul fuerunt creatæ in cælo cum Angelis, utpote quia sunt eiusdem naturæ, & postmodum ad suggestionem Dei tenebrarum peccauerunt, & merito illius peccati in corpora sunt detrusæ: tanquam in carceres, ut ibi purgentur, & cum purgatæ fuerint ad cœlestem patriam reuocentur. Hæc autem positio est hæreticorum, qui dicuntur Manichæi, & non solum est contra fidem Catholicam, sed etiam contra Philosophiam, & etiam sensibilem experientiam. Contra fidem Catholicam est, cum ponat animas ante peccasse, quam corporibus essent vnitæ, cum dicat Apostolus de Iacob, & Esau: An-

tequam aliquid boni, & mali egissent. Ponit etiam nullam animam damnari finaliter: & ita timorem Dei auferit de corde. Contra Philosophiam est, dum ponit animas circuire diuersa corpora, cum propria forma in propria materia habeat fieri: dum etiam ponit, quod corpus comparatur ad animam non sicut perfectibile, sed sicut carcer: quod si verum est, homo non est vera species, cum ex anima, & corpore non fiat vnum. Contra rationem, & sensibilem experientiam est, quia videmus animam, quantumcumque bonam, nolle à corpore separari, secundum quod dicit Apostolus: Nolumus expoliari, sed superuestiri, quod mirū esset, si ad corpus naturalem aptitudinem & inclinationem non haberet, sicut ad suum sodalem, sed sicut ad carcerem. Videmus etiam, quod nihil nouimus nisi ea, quæ postquam nati sumus, didicimus: quod non esset, si animæ nostræ à primordio creatæ fuissent, & in cælo peccassent: multa enim alia scirent. Quod si tu dicas, quod mole corporis oppressæ obliuiscuntur, quæro tunc, quæ in processu temporis non recordantur aliqua. Tertius modus dicendi est, quod animæ non sint simul creatæ, sed successiue producuntur in suis corporibus: & in hoc consenserunt omnes Catholici Tractatores: & adeo certum est, quod nō licet alicui dubitare de animabus aliorum hominum ab Adam. Nam de anima Adæ videtur dubitasse Aug. super Genesim ad literam: Vtrum fuerit ante corpus, vel in corpore creata: de aliis autem non dubitat, immo improbat, quod ante corpus productæ fuerunt duplici ratione mouente circa animas aliorum hominum, quarum nulla reperitur in anima Adæ. Prima est quod animæ cū corporibus vniantur, originalem culpam contrahunt, & inficiuntur, ita quod nullam habent culpam actualem: ergo in eis nec meritum nec demeritum potuit præcedere, nec liberi arbitrij vsus, nec deliberatio veniendi, vel non veniendi ad corpus. Alia vero ratio est, quia animæ nostræ à sua prima origine sunt ignorantes, nec nouerunt ista, qui per sensus addiscunt: non enim addiscere est reminisci, ut probant Sancti, & Philosophi, & ideo animæ nostræ hac duplici de causa non possunt dici ante corpora productæ, tum propter ignorantiam, tum propter originalem culpam. quarum neutra fuit in anima Adæ, quando in corpus fuit infusa: & ideo magis de illa dubitauit, quam de illis. Probabilius tamen est de illa dicere, sicut supra ostensum fuit, quod fuerit creata in corpore. De illis autem non solū debemus opinari probabiliter, sed etiam

cogimur credere fideliter, quod ante corpus creatæ non fuerunt, & hoc omnes Catholici sentiunt Tractatores. Et sic quando inuenitur auctoritas eorum, quæ videatur aliud sonare, pie intelligenda est: quia vel loquitur secundum aliorum opinionem, vel si secundum propriam loquitur, intelligunt, quod anima, priusquam corpori vniantur, creata sit, non ordine temporis, sed naturæ: & sic intelligenda sunt verba Gregorij Nazianzeni, & verba Damasceni, & verba Augustini in libro de anima, & spiritu, qui dicit quod concupiscibilitas, & irascibilitas prius insunt animæ, quam ipsa veniatur corpori. In omnibus enim istis magis notatur ordo naturæ, quam temporis. Concedendæ sunt igitur rationes ostendentes, quod animæ non fuerunt simul creatæ.

1. AD illud quod obiicitur primo de Iob, dicēdū quod *Tecum* non dicit ibi associationem quantum ad simultané durationis: sed dicit conformitatem in participatione rationis quasi diceret: Feci tecum, id est, similem tibi.

2. AD illud quod obiicitur, quod Angeli sunt simul creati, quia incorruptibiles, dicendum quod ista non est ratio tota: sed quia sunt incorruptibiles, ita quod non habent inclinationem ad alicuius alterius rei perfectionem: anima vero cum sit perfectio corporis, naturalem habet inclinationem ad corpus: & ideo quamvis sit incorruptibilis, & à corpore separabilis, debet tamen tunc produci, quando facta est formatio corporis secundum exigentiam inclinationis ad corpus, quam non est ponere in Angelis. Qui autem hanc inclinationem negat esse in animabus, indiget sensu.

Fundamēta.
Psal. 32.6

Cap. 14, 10. 3.

Rom. 9.6.

Positio 3.

Lib. 7. c. 4.
Rom. 3.Dist. 17. ar. 1.
93.

Prima positio.

Li. 11. de Civitate Dei cap. 11. tom 5.
Positio 2.

Improbatio.

Rom. 9. d

Ad oppositum.

Gen. 46. c.

Gen. 2. d

Ephe. 1.

3. AD illud quod obiicitur, quod omnis animæ duratio à parte post, est æqualis durationi Angeli: ergo & à parte ante, dicendum quod non est simile, quia duratio æterni à parte post est infinita, & infinitum infinito non est maius: & ideo nulla substantia spiritualis incorruptibilis potest aliam excedere quantum ad durationem ex parte post: quantum autem ad durationem ex parte ante est finitas, & ex illa parte potest esse excessus, & excedit duratio Angeli durationem animæ propter naturam animæ, per quam habet vniri proprio corpori, vt perfectibili. Et quia corpora non decuit simul esse, sed successive produci: spiritus similiter humanos oportuit non simul produci, sed successive.

4. AD illud quod obiicitur, quod corpus est propter animam, dicendum quod verum est, sed tamen non oportet propter hoc, quod anima præcedat secundum rem, sed solum secundum intentionem artificis: finis enim, & si præcedat in intentione, habet tamen sequi in executione.

5. AD illud quod obiicitur, quod deberet esse spiritus, qui modo sit separatus, modo coniunctus, dicendum quod illa combinatio non est congrua: nec debet esse per naturam: spiritus enim qui naturaliter coniungitur corpori, nunquam natus est à corpore separari, nisi propter pœnam peccati: cum enim sit incorruptibilis secundum naturalem institutionem, debet ei aptari corpus incorruptibile, cū non possit ab eo separari absque dolore: & ideo illa tertia differentia spiritus non debet naturaliter reperiri. Posset tamen dici, quod competentius est animam manere post corpus, quam ante, quia incorruptibile necessario excedit corruptibile duratione ex parte post: sed commetiri se potest duratione ex parte ante: & hoc quidem decebat esse in anima, & corpore, cum proportio debeat esse perfectionis ad perfectibile, quanta potest esse.

QVÆSTIO III.

An anima rationalis sit ex traduce.

S. Thom. 1. p. q. 118. art. 2.
Et 2. Sentent. dist. 18. q. 2. art. 1.
Et de Pot. q. 3. art. 9.
Et Quæst. 12. art. 1.
Egid. Rom. 2. Sent. p. 2. dist. 17. q. 2. art. 2.
Richardus 2. Sent. dist. 17. q. 6.
Steph. Brulef. 2. Sent. dist. 18. q. 6.

SVPPROPOSITO quod animæ producantur successive, videtur per Genesim: Omnes animæ quæ egressæ sunt de femore Iacob sunt sexaginta sex. Si tu dicas, quod anima non stat ibi pro substantia rationali: sed pro vita carnali, siue homine exteriori; obiicitur per Genesim, quod in formatione mulieris nunquam dicitur, quod Deus inspirauerit in eam spiraculum vitæ: ergo videtur quod tota mulier de Adam producta fuerit quantum ad animam, & quantum ad corpus.

2. ITEM Ad Ephesios: Nascimur omnes natura filij iræ: sed non sumus filij iræ ex parte carnis sed ex parte animæ: nec sumus filij iræ, nisi quia sumus filij Adæ: ergo anima nostra procedit ex anima Adæ.

3. ITEM hoc ipsum videtur ratione. Actus generandi est entis completi: tunc enim vnumquodque completum est, cum potest generare tale, quale ipsum est: sed anima humana inter omnes formas naturales est perfectissima: ergo si alia forma naturalis habet potentiam multiplicandi se in diuersis materiis, sicut vna flamma in diuersis candelis: multo fortius hoc videtur esse in anima rationali.

4. ITEM vis generatiua principaliter residet penes animam: ergo si homo generat hominem, cum generatio consistat in productione similis, principaliter producit animam, quam carnem: ergo si caro est ex carne, multo fortius anima est ex traduce.

5. ITEM æque magna, vel maior congruentia est ho-

minis ad hominem, quam sit bruti ad brutum: & perfectior est vis generatiua in homine, quam sit in aliquo bruto animali: si ergo brutum totaliter potest producere brutum & quantum ad animam, & quantum ad corpus, & non est necesse animam brutorum creari: multo fortius videtur, quod anima rationalis possit traduci, & per coitum seminari.

6. ITEM hoc videtur per deductionem ad inconueniens: aut enim anima rationalis est per propagationem, aut per creationem. Si per propagationem habeo propositum, scilicet quod sit ex traduce. Si per creationem, cum Deus cuius est creare, nihil possit vel debeat inordinate facere, videtur quod sicut adultero non dat gratiam, quæ immediate procedit ab ipso: sic etiam corpori per adulteria generato non debeat infundere animam: quod si infundat, videtur esse reprehensibilis, & acceptare coitum adulterij.

CONTRA per Isaiam: Omnem flatum ego feci: constat quod de flatu corporali non intelligit: ergo de flatu spirituali, qui est anima rationalis: ergo sicut solus Deus insufflauit in faciem Adæ spiraculum vitæ: ita creat animam cuiuslibet hominis.

ITEM Philosophus in libris de animalibus: Solus intellectus intrat ab extrinseco: sed si traduceretur, non intraret ab extrinseco: ergo anima rationalis non est ex traduce.

ITEM ratione videtur: Omne quod est per naturam propagabile, est per naturam corruptibile: sed anima rationalis secundum Philosophos, & secundum etiam omnes leges, & sectas, est incorruptibilis: ergo non est per naturam propagabilis: ergo non est ex traduce.

ITEM si anima est ex traduce: aut ergo anima est ex carne, aut anima ex anima. Ex carne esse non potest, quoniam impossibile est ex corpore fieri non corpus: anima autem est non corpus, sicut multipliciter probat Philosophus, & August. Si ex anima: aut ergo ex toto, aut ex parte. Ex parte non, quia anima est simplex. Si ex toto: ergo cum aliquis generet aliquem, cum det ei totam animam suam, desinit habere animam, & desinit vivere: quod si hoc est manifeste falsum: patet, &c.

ITEM anima rationalis, cum sit substantia per se existens & incorruptibilis: habet materiam, & formam, sicut probatum est supra. Cum ergo producit, aut producit ex materia præiacente, aut simul cum ipsa producit sua materia. Si simul cum ipsa producit sua materia, ergo necesse est vt producat ex nihilo: ergo à solo Deo. Si producit ex materia præiacente, quæro de illa materia: aut est corporalis, aut spiritualis. Si corporalis, ex ea non potest fieri anima. Si spiritualis, aut habet formam, aut non. Si non, quo modo potest esse in rerum natura sine forma, cum omne esse sit à forma? Si habet ergo vel erit Angelus, vel anima. Non Angelus, vel anima. Non Angelus, constat: ergo anima: sed ex eodem non sit idem numero: ergo ex ea non potest fieri anima.

ITEM si anima rationalis esset ex traduce, necessario oporteret tunc discindi, quando discinditur semen: sed multa semina sunt, quæ nunquam perueniunt ad organizationem, immo plura effunduntur, quam ad formam producantur: ergo vel essent animæ rationales sine corporibus vel periret tam nobilis forma: quorum vtrumque absurdum est dicere, & impium.

CONCLUSIO.

Anima humana non ex traduce aut ex materia, sed à Creatore accipit totum suum esse.

RESP. AD ARG. AD prædictorum intelligentiam est notandum, quod circa hoc triplex est modus dicendi. Quidam namque dixerunt, quod animarum productio est mediante intelligentia, vt sicut corpus cœleste ad productionem facit humani corporis, sic etiam intelligentia ad productionem animæ, & hoc plures senserunt Philo-

Fundamēta. 1/a. 57. a.

Degr. ani. lib. 2. ca. 3.

Arist. 3. de ani. cons. 4. & inde. August. de ani. & eius orig. lib. 1. cap. 5. & lib. 4. cap. 12. Hoc probat Aug. de Genes. lib. 7. ca. 6. & seq.

Opinio 1.

Improbatio.

Auctor. de
Causis pro-
positis. 11. &
16.Super Gen.
per totum.
lib. 3. c. 21.
lib. 1. retrac.
c. 1. de ani.
& eius ori.
cap. 1. & 2.
Cap. 14. 10. 3.

sophi, & sensisse videtur Auctor in libro de causis. Ratio autem, quæ mouit eos ad hoc ponendum, fuit & diuina vnitas, quæ non patiebatur vt Deus immediate produceret multa, & diuina immutabilitas, quæ non patiebatur vt Dens produceret noua. Sed hæc tanquam hæretica abiicienda sunt, & ostensa sunt esse falsa supra dist. prima. Vnde verbum illud de causis tanquam hæreticum est respuendum, nisi quis intelligat, quod anima dicatur creari ab intelligentia in hoc, quod aliquam illuminationem suscepit mediante illa. Intelligentia enim secundum Philosophum excedit animam in claritate cognitionis: & ideo dicit quidam Philosophus, quod anima rationalis creatur in vmbra intelligentiæ, & sensibilis in vmbra rationalis: hoc autem dictum est, quia vna deficit à perfectione alterius: non quod vna producat ab altera. Est & alius modus dicendi, quod animarum productio est per translationem, vt anima traducatur ex anima, sicut caro ex carne: & sicut ab vna candela accenduntur multe, sic ab vna anima per sui multiplicationem absque diminutione viuificantur multa corpora: & de hoc aliquando dubitauerunt Catholici Tractatores, & August. maxime sicut patet in libro super Genesim ad litteram: & in libro de libero arbitrio: & in libro Retractionum, vbi etiam dicit quod non potuit peruenire ad certitudinem istius questionis. Ratio autem, quæ potissime fecit eum dubitare, fuit transfusio originalis peccati. Verum tamen ipse August. positionem hanc expresse reprehendit in libro de Ecclesiasticis dogmatibus, cuius auctoritatem Magister ponit in littera, & ipse istum eundem modum improbat super Genesim ad litteram. Quoniam si propter originale peccatum anima transfunditur ex anima: aut anima Christi non esset de genere aliarum animarum, aut habuisset peccatum originale, quorum vtrumque falsum est, & impium. Et ideo est tertius modus dicendi Catholicus, & verus, quod animæ non seminantur: sed formatis corporib. à Deo creantur, & creando infunduntur, & infundendo producantur: animarum enim creationem Deus sibi solum debuit reservare, tum propter earum dignitatem, tum propter earum immortalitatem. Propter animarum dignitatem, quia cum anima sit imago Dei, & nata immediate ferri in Deum, & beatificari in ipso, diligendo eum ex toto corde, totum suum esse immediate debuit ab ipso habere, vt ipsum ex toto corde teneretur diligere. Decuit etiam hoc propter animarum immortalitatem: cum enim solus Deus sit, qui habeat vitam in semetipso, & vitam indeficientem: solus est, qui potest producere principium vitæ perpetuum: cum igitur res incorruptibilis substantificari non possit in materia transmutabili: & operatio creaturæ sit super materiam transmutabilem, impossibile est, aliquam creaturam animam rationalem producere: & ideo eius productionem Deus sibi soli debuit reservare. Concedendæ sunt igitur rationes probantes, quod animæ rationales non sint ex traduce, sed à Creatore.

1. Ad illud quod obiicitur in contrarium de textu Genesim, dicendum quod anima ibi accipitur pro homine, & homo dicitur egressus de corpore, ratione partis corporalis. Nec valet illud quod contra hoc obiicitur quod non dicitur in productione animæ Euz, inspirauit in faciem eius, &c. quia cum idem modus producendi esset, animam Euz, & animam Adæ non oportuit iterari.

2. Ad illud quod obiicitur: Omnes nascimur natura filij iræ, dicendum quod hoc est quia anima, cum vnitur carni infectæ, statim inficitur, & cōtrahit culpam originalem: non quia ipsa traducatur, sed quia traducitur caro cui vnitur: quo modo autem hoc fieri possit, infra determinabitur, cum agatur de peccato originali.

3. Ad illud quod obiicitur, quod actus generandi est actus entis completi, dicendum quod non est cuiuslibet entis completi: sed eius rei, quæ habet materiam transmutabilem, ex qua potest produci. Et quia anima non habet talem materiam, non potest aliam similem producere, quamvis sit forma completa.

4. Ad illud quod obiicitur, quod vis generatiua principaliter residet penes animam, dicendum quod etsi principaliter respiciat animam per modum mouentis, & agentis: principaliter tamen respicit corpus tanquam illud ex quo producit: & quoniam decisio potest fieri à corpore, non ab anima: hinc est quod ordinatur ad productionem corporis humani, non ad productionem animæ rationalis.

5. Ad illud quod obiicitur, quod brutum potest producere brutum, dicendum quod non est simile, quia anima bruti, cum sit forma tantum, & forma corruptibilis potest de potentia materiæ educi: anima vero rationalis, cum sit hoc aliquid incorruptibile, nec educatur de materia præiacente, necesse est eam ex nihilo educi, & ita creari. Quod autem non possit produci ex materia præiacenti multipliciter ostendit Augustinus super Genesim ad litteram lib. 10. quod illa materia præexistens nec possit esse corporalis, nec spiritualis.

6. Ad illud quod obiicitur de generato per adulterium, dicendum quod in hoc ostenditur potius laus diuinæ bonitatis, quam reprehensio, quia beneficium, quod disposuit seruare, siue continuare, propter peccata hominum non mutat, vel interruptum vnde cum animam infundit, non considerat vitium, sed considerat naturam: nec est simile de gratia, quæ non respicit naturam secundum quod natura est: sed magis secundum quod ad Deum conuersa est. Et per hoc patet responsio ad obiecta. Patent etiam ea quæ dicuntur in littera.

Lib. 7. per totum, & lib. 10. c. 5. in prin. tom. 3.

DISTINCT. XIX.

De Primo hominis statu ante peccatum, scilicet qualis fuerit secundum Corpus, Mortalis videlicet an immortalis: & quæ sit illa immortalitas.

NOLENT quari plura de primo hominis statu ante peccatum, scilicet qualis fuerit homo priusquam peccaret, & in corpore, & in anima, mortalis an immortalis, passibilis an impassibilis. Determino inferioris vitæ, & transitu ad superiorem, de modo propagationis filiorum, & alia multa, quæ non inutiliter sciuntur, licet aliquando curiose querantur. At priusquam ad animi qualitatem pertinentia prosequamur, de qualitate eius secundum corpus, & modo propagationis filiorum, & de aliis quibusdam inspiciamus. Primus ergo homo secundum naturam corporis terreni, immortalis fuit quodam modo, secundum aliquid: quia potuit non mori: & mortalis quodam modo, quia potuit mori. In illo namque primo statu habuit posse mori, & posse non mori. Et hæc fuit prima humani corporis immortalitas, scilicet posse non mori. In secundo vero statu post peccatum habuit posse mori, & non posse non mori: quia in hoc statu moriendi est necessitas. In tertio statu habebit posse non mori, & non posse mori: quia ad illum statum pertinet moriendi impossibilitas: quod ex gratia erit, non ex natura. In primo statu fuit corpus hominis animale, id est, egens alimoniis ciborum: Vnde & homo factus dicitur in animam viuentem, non spiritualementem, id est, in animam corpus sensificantem, quod adhuc erat animale, non spirituale, quod egebat cibis, vt per animam viueret. Factus est ergo in animam viuentem, id est, vitam corpori dantem, tamen per sustentamenta ciborum: & tunc erat corpus mortale, & immortale, quia poterat mori, & poterat non mori.

Gen. 1. b.

Post

Rom. 8. b
Lib. 6. c. 19.
Rom. 8. b
Lib. eodem
cap. 24.

1. Cor. 16. c

ibid. cap. 25

ibid. cap. 26.

om. 8. b

ib. 6. c. 25.

inio 1.

Post peccatum vero factum est mortuum, sicut dicit Apostolus: Corpus propter peccatum mortuum est, id est, necessitatem moriendi in se habet. In resurrectione vero erit spirituale, scilicet agile & cibis non egens, & immortale, non sicut in statu primo fuit, scilicet quod possit non mori sed etiam quod non poterit mori. Vnde August super Genesim Apostolus ait: Corpus quidem mortuum est propter peccatum, & c. Prius de limo terra formatum est corpus animale non spirituale, cum quali resurgemus. Renouabitur enim a vetustate, non in corpus animale quale fuit: sed in melius, id est, spirituale, cum hoc mortale induet immortale: in quod mutandus erat Adam, nisi mortem corporis animalis peccando meruisset. Non ait Apostolus, corpus mortale est propter peccatum, sed mortuum. Illud enim ante peccatum mortale & immortale erat, quia poterat mori & non mori. Aliud autem est non posse mori, aliud posse non mori. Ideo factum est per peccatum non mortale, quod erat, sed mortuum, quod non fieret, nisi peccaret. Animale enim est & hoc corpus sicut primi hominis fuit, sed iam deterius est: habet enim necessitatem moriendi. Ecce hic euidenter aperit Augustinus quod corpus hominis ante peccatum mortale & immortale fuit, sed non qualiter fiet in resurrectione. De hoc eodem Beda super Genesim ait: Non est credendum ante peccatum ita fuisse mortua corpora, sicut modo. Ait enim Apostolus: Corpus propter peccatum mortuum est: sed licet fuissent animalia nondum spiritualia, non tamen mortua, quia scilicet necesse esset mori.

Vtrum immortalitas quam habuit ante peccatum, esset de conditione naturæ, an gratiæ beneficio.

Solet hic quæri, cum homo prius mortale, & immortale corpus habuerit, vtrum ex conditione naturæ ipsius corporis habuerit vtrumque: an alterum beneficium esset gratiæ, scilicet immortalitas, id est, posse non mori. Ad quod dici potest, quia alterum habebat in natura corporis, id est, posse mori. Alterum vero, scilicet, posse non mori, erat ei ex ligno vitæ, scilicet ex dono gratiæ. Vnde Augustinus super Genesim: Quodam modo creatus est homo immortalis, quod erat ei de ligno vitæ, non de conditione naturæ. Mortalis erat de conditione corporis animalis, immortalis beneficio Conditoris. Non enim immortale erat, quod omnino mori non posset: quod non erit, nisi cum fuerit spirituale: Aperse dicit quod non ex natura, sed ex ligno vitæ habebat posse non mori. Propter hoc aliqui dicunt, quod nisi illo ligno vitæ vteretur non semper viueret, quia peccaret. Peccaret enim si illo ligno non vteretur: quia præceptum erat ei, ut comederet de omni ligno paradisi, nisi de ligno scientiæ boni, & mali. Sicut ergo peccauit comedendo, quod erat prohibitum ita etiam peccaret, si non comederet, quod erat iussum.

Si non foret præceptum ut de illo ligno comederet, & aliis, & non illo vteretur, an posset non mori.

Sed adhuc quæritur, si non esset præceptum ut de ligno vitæ ederet, & aliis, & non illo vteretur, nunquid posset non mori: Si semper viueret non utens illo ligno, non erat ei ex illo ligno posse non mori. Si vero non posset semper viuere, id erat ei ex illo ligno. Aliqui dicunt, quod si non fuisset ei præceptum vesci illo ligno, & aliis, & non illo vteretur, viueret semper: sic determinantes illud quo supra dixit Augu-

stinus: Erat ei de ligno vitæ, non de conditione naturæ tantum, scilicet quasi non ex conditione naturæ solum modo erat ei, sed etiam ex illo ligno. Aliis autem videtur quod ex ligno vitæ erat ei posse non mori, non ex natura. Ideo enim dicitur posse non mori, quia poterat uti illo ligno, de quo edens non moreretur.

Quæstio Augustini quo modo immortalis factus sit homo.

De hac vero hominis immortalitate, qualis fuerit, Augustinus super Genesim quæstionem mouens sic ait: Queritur quo modo immortalis factus sit homo præ aliis animantibus: & quo modo cum illis communem acciperet alimoniam. Sed alia est immortalitas carnis, quam in Adam accepimus: alia quam in resurrectione speramus per Christum. Ille factus est homo immortalis, ut non posset mori si non peccaret, moreretur autem si peccaret: filij vero resurrectionis non poterunt ultra peccare nec mori. Caro nostra non tunc egebit refectione ciborum: quia nulla poterit esse defectio. Caro Adæ ante peccatum ita immortalis creata est, ut per alimoniam adiuta, esset mortis & doloris experta. Sic ergo immortalis, & incorruptibilis condita est caro hominis, ut suam immortalitatem & incorruptionem per obseruantiam mandatorum Dei custodiret. In quibus mandatis hoc continebatur, ut de illis lignis concessis manducaret, & ab interdicto abstinere. Per horum edulium immortalitatis dona conseruaret, donec corporalibus incrementis perductus ad ætatem, qua Conditori placeret, multiplicata progenie ipso iubente sumeret de ligno vitæ, quo perfectus immortalis factus cibi alimenta ulterius non requireret.

Summatim superiorum verborum sententiam pertingit.

Ecce his verbis videtur Augustinus tradere, quod caro primi hominis immortalitatem in se habuerit: quæ per alimoniam ciborum conseruaretur usque ad tempus suæ translationis in melius, quando de ligno vitæ comederet, & fieret omnino immortalis, ita ut non posset mori.

Quod ex prædictis consequi videtur, hominem de naturæ suæ conditione quodam modo fuisse immortalem: sed non omnino fieret immortalis, nisi participato ligno vitæ.

Ideo aliqui dicunt quod immortalitatem de natura habebat, quia poterat non mori: quia aliorum lignorum esu poterat conseruari; sed non poterat consumari, nisi per assumptionem ligni vitæ. Quod videtur Augustinus sentire super Genesim dicens: Hoc quoque addo, talem cibum illam arborem præstitisse, quo corpus hominis stabili sanitate firmaretur: non sicut ex alio cibo, sed inspiratione salubritatis occulta. Hic innuere videtur quod cum aliis cibis posset corpus sustentari, hoc cibo indeficiente sanitate firmaretur. Ex quo consequi videtur quod sicut in natura sua habuit mortalitatem quandam, sc. aptitudinem moriendi: ita aliquam immortalitatem in natura sua habuit, id est, aptitudinem qua poterat non mori cibis adiutus: sed si persistisset immortalitatis perfectio esset ei de ligno vitæ. Sed qui hoc tradunt, quo modo superiora Augustini verba, quibus dicit quod erat immortalis ex ligno vitæ, huic sententia non contradicant, diligenter inquirent.

Lib. 3. c. 21.
de hoc vide
in Glossa or
dinaria ad
illud Gen. 1.
Faciamus
hominem,
& c.
Simile quid
habet
aug lib.
quæst. veter.
& no. legis,
cap. 19. &
lib. 2. de Ciu.
Dei cap. ult.
tom. ...

Lib. 8. cap. 5.
10. 3.

DISTINCT. XIX.

De Hominis duratione, & conseruatione quantum ad immortalitatem.

Solent quari plura de primo hominis statu, &c.

Expositio Textus.

SVPRA egit Magister de hominis productione. In hac parte agit de hominis duratione, & conseruatione. Et quoniam homo dupliciter habet in esse conseruari, scilicet in se, & in suo simili: in se per vitam, & diuturnitatem: in simili vero per filiorum procreationem: ideo pars ista habet duas. In prima determinat de hominis immortalitate. In secunda determinat de filiorum procreatione, infra distinctione 20. *Post hac videndum est qualiter, &c.* Prima pars habet duas. In prima determinat veritatem. In secunda dissoluit dubitationes, ibi: *Solet hic quari, cum primus homo, &c.* Prima pars habet duas. In prima parte veritatem narrat. In secunda veritatem explanat, ibi: *In primo statu fuit corpus hominis animale, &c.* Similiter pars secunda habet duas. In prima mouet determinandam questionem circa hominis immortalitatem. In secunda vero mouet aliam dubitationem, quæ habet ortum ex illa, & illam determinat secundum opinioniones diuersas ibi. *Sed adhuc quaritur, si non esset præceptum, &c.*

In primo statu fuit corpus hominis animale.
Dub. I.

CONTRA: Animale denominatur ab anima: ergo omne corpus habens animam potest & debet dici animale: sed corpus gloriosum est huiusmodi: ergo animale dici potest. Qualiter igitur diuiditur animale contra spirituale. Si tu dicas, quod anima nominat ibi vitam carnalem, sicut dicitur in Ioanne: Qui amat animam suam perdet eam: sed tali modo viuere est reprehensibile: ergo videtur, quod tale corpus non competeret statui innocentie.

RESPON. Dicendum quod nomen generis aliquando appropriatur ei, quod pro sui incompletionem, vel imperfectionem non addit nomen speciale: unde sicut animal appropriatur quodam modo his qui habent animam cibatiuam: ideo voluit Augustinus appellare corpus animale id est corpus alimonie egens: & iste modus dicendi attenditur, secundum quod animale venit ab anima. Et patet responsio ad obiecta. Alio modo posset dici licet minus proprie, quod animale veniret ab hoc, quod est animal: & cum animal approprietur bestiis, diceretur corpus animale, id est bestiis simile. Erat autem Adam in sua conditione, quantum ad corpus, consimilis bestiis in hoc, quod indigebat refici cibis: quantum ad mentem vero erat in honore, & bestiis dissimilis: sed quia cum in honore esset, non intellexit, immo peccauit: ideo comparatus est iumentis insipientibus, & similis factus est illis, ut & non solum ipse, & eius posterii bestiis essent similes indigentia cibi, sed etiam in bestialitate, & appetitu mentis. Et sic patet pro quanto dicitur Adam habuisse corpus animale, & quo modo diuiditur contra spirituale.

Tunc erat corpus mortale, & immortale.
Dub. II.

CONTRA: Cum enim mortale, & immortale sint opposita, videtur quod duo opposita simul, & semel inessent eidem. **ITEM:** Animal essentiali diuisione diuiditur per mortale, & immortale, sicut per rationale & irrationale. Si ergo impossibile est animal simul & semel

A rationale, & irrationale, impossibile est esse mortale, & immortale.

RESPON. dicendum quod immortale dupliciter dicitur. Vno modo prout priuat actum, & aptitudinem moriendi: & sic dicitur immortale, quod non est potens mori: & hoc modo directe opponitur ei quod est mortale, & impossibile est esse circa idem. Alio modo prout priuat actum solum, & tunc dicitur immortale, id est potens non mori: & hoc modo mortale, & immortale non habent oppositionem: quoniam potentie rationales, & illæ quæ rationalibus subiiciuntur, sunt ad opposita: & ideo licet actus sint oppositi: potentie tamen non sunt oppositæ. Et sic patet responsio ad illa obiecta: procedunt enim secundum quod immortale priuat potentiam. Et si tu obiecias, quod potentie distinguuntur per actus, & ita si actus sunt oppositi, & potentie similiter, dicendum quod illud habet locum in potentiis naturalibus puris, vel si in aliis potentiis locum habet, intelligitur de actu, qui circumplectitur totam potentiam: cum autem potentia sit ad opposita, vnus illorum actuum potentiam totam non circumplectitur.

Corpus propter peccatum mortuum est.
Dub. III.

CONTRA: Mortuum, & viuum opponuntur priuatiue: ergo si corpus Adæ post peccatum vivebat, falsum est dicere, quod mortuum erat. Si tu dicās hoc esse dictum, quia necessitati moriendi erat attributum: pari ratione, cum haberet necessitatem ad putrefactionem, deberet dici corpus Adæ esse putrefactum.

RESPON. Dicendum quod sicut dicit Augustinus in libro 13. de Ciuit. Dei, mortuum potest esse, nomen, vel participium: secundum quod est participium, sic signat mortem inuisse, quia est participium præteriti temporis: & tunc dicitur esse aliquis mortuus, in quo mors prius fuit: secundum autem quod est nomen, sic denominat aliquem non solum à morte, quæ in fuit, sed etiam à morte, quæ inest, sicut dicitur aliquis albus ab albedine, quæ inest. Et quoniam mors nihil aliud dicit, quam tendentiam ad non esse, & homo continue ad non esse tendit post lapsum: hinc est, quod continue est in morte: & ideo continue potest dici mortuus: & ideo dicit Apostolus, quod corpus mortuum est propter peccatum. Quod ergo obieciatur quod mortuum & viuum opponuntur, dicendum quod verum est secundum quod mortuum simpliciter priuat viuum, hoc est secundum quod dicit actualement separationem, siue terminum corruptionis: quando autem dicit ordinem ad illum terminum, non opponitur de se, sed ratione eius ad quod ordinat, quia ordinat ad oppositum vitæ, & sic simul possunt stare: immo necesse est simul esse cum vita præsentis: & ideo signanter participium huius verbi *mortuus* est anomalum: nec tenet formationem aliorum participiorum præteriti temporis, sicut dicit Augustinus.

Summeret de ligno vite, quo perfecte immortalis factus cibi alimenta ulterius non requireret.
Dub. IV.

CONTRA hoc arguitur: Quod est corruptibile non potest dare incorruptionem: sed fructus illius ligni vitæ erat corruptibilis: aliter non posset manducari nec digeriri: ergo non poterat homini præbere perfectam immortalitatem.

ITEM Aut ille fructus conuertebatur in corpus humanum, aut non. Si non: ergo non reficiebat nec sustentabat. Si sic: ergo erat eiusdem naturæ cum carne reliqua: ergo videtur, quod immortalitatem præstare non poterat.

RESP.

RESP. Dicendum quod illud lignum vitæ dicitur ab Augustino potuisse præstare perfectam immortalitatem: non quia ex propria virtute posset corpus hominis facere incorruptibile, cum hoc sit solius potentie diuinæ: sed quia virtute sibi data habebat ad hoc disponere, & diuina virtus illi ligno tanquam sacramento assisteret, quæ immortalitatem perficeret. Et quod lignum vitæ hanc posset habere virtutem, vt ad immortalitatem disponderet, satis patet in multis similibus: multa enim sunt aromata vt myrrha, & balsamus, quæ corpus hominis diu à putrefactione conseruant. Quod vero ratione diuinæ virtutis assistentis diceretur corporibus illis immortalitatem præbere: simile habetur in sacramentis, quæ dicuntur conferre gratiam, quamvis non ipsam gratiam creent: sed diuina virtus ipsis assistens, sicut melius in 4. libro explicari habetur. Sic & in proposito intelligendum est, cum lignum vitæ esset primis hominibus in sacramentum, sicut dicit Augustinus.

ARTICVLVS I.

AD intelligentiam huius partis, in qua agitur de hominis immortalitate secundum statum innocentie, circa tria consistit dubitatio. Et primo quæritur de immortalitate hominis quantum est ex parte animæ. Secundo quantum est ex parte corporis. Tertio vero quantum est ex parte coniuncti. Circa primum quærantur duo. Primo, vtum anima rationalis per naturam sit immortalis. Secundo quæritur, vtum omnis anima quantum est de prima constitutione naturæ fuerit incorruptibilis.

QVÆSTIO I.

An anima humana natura immortalis sit.

Thom. 1. p. q. 75. art. 6.
Et 2. Sent. dist. 19. q. 1. art. 1.
Et 2. contra Gent. c. 78. & 79.
Ægid. Rom. 2. Sent. p. 1. dist. 19. q. 1. art. 1.
Richard. 2. Sent. dist. 19. q. 1.
Ioan. Bacch. 2. Sent. dist. 19. q. 1.
Steph. Brulef. 2. Sent. dist. 19. q. 1.

CIRCA quam sic proceditur, & ostenditur, quod anima rationalis non sit naturaliter immortalis. Primo per auctoritatem Apostoli: Qui solus habet immortalitatem: loquitur de Deo: ergo immortalitas non conuenit alicui creaturæ. Si tu dicas hoc esse dictum, quia soli Deo conuenit per naturam: animæ hominis vero non conuenit per naturam, sed per gratiam. Contra: Gratia non repugnat naturæ nec naturam variat, sed potius conseruat: si ergo mortalitas inest omni creaturæ per naturam, immortalitas, quæ est conditio opposita, nulli creaturæ inest per gratiam: ergo nec animæ.

2. ITEM Damascenus. Omne quod à versione incipit, in versionem tendit: sed anima rationalis à versione incipit, cum sit creata, vt ostensum est supra: ergo tendit in versionem: igitur non est immortalis. Si tu dicas quod tendit quantum est de se, sed tenetur, & sustentatur manu Conditoris. Contra hoc est illud Augustini septimo de Ciuitate Dei. Sic res, quas condidit administrat, vt eas, agere proprios motus sinat: loquitur de Deo: si ergo de se ad corruptionem tendit, diuinæ manus potentia non obstat.

3. ITEM per auctoritatem Philosophi. Intellectus corrumpitur quodam alterius corrupto: sed non corrumpitur intellectus nisi à corruptione animæ rationalis: ergo anima rationalis non est immortalis.

4. ITEM hoc ipsum videtur ratione. Anima patitur in corpore per naturam, sicut planum est: sed passio magis, & magis facta abiicit à substantia: à quacunque autem substantia sit aliqua abiectio, sit etiam aliqua corruptio: per quam aliquid inde, corrumpitur: & omnis talis substantia est corruptibilis: ergo anima rationalis est corruptibilis.

5. ITEM Anima rationalis condolet corpori patienti: ergo magis patienti magis condolet, & maxime patienti maxime compatitur: ergo videtur quod morienti commoriatur.

6. ITEM si substantia est incorruptibilis: & operatio correspondens illi substantiæ, quia nunquam substantia priuatur propria operatione: ergo si destruitur, & læditur operatio: destruitur, & læditur substantia: sed ad læsionem corporis læditur, & impeditur actus substantiæ rationalis, qui est intelligere: ergo videtur quod lædatur & ipsa substantia: ergo substantia est corruptibilis, & mortalis.

AD oppositum sunt innumerabiles auctoritates, & Philosophorum, & Sanctorum: & ideo ostendamus hoc rationibus. Vt autem sufficienter animæ ostendatur immortalitas, attendendum est quod anima habet considerari in ordine, & habet considerari in se. In ordine respectu vniuersæ creaturæ, & respectu diuinæ iustitiæ, vel respectu finis, qui competit propriæ naturæ. Et in se quantum ad virtutem, quantum ad actum, quantum ad obiectum: & sic sex modis considerari habet. Et prima consideratio est secundum ordinem, quem habet inter creaturas vniuersi, & secundum hanc considerationem ostenditur eius immortalitas ex duplici ratione. Prima est hæc in ordine creaturarum vniuersi reperimus primam materiam, & vltimam formam: & æque, vel magis est de complemento vniuersi vltima forma, sicut & prima materia: si igitur prima materia est incorruptibilis: ergo & vltima forma: sed hæc est anima rationalis: ergo, &c.

ITEM alia ratio ad idem. Ad hoc quod vniuersum sit completum, necesse est reperire creaturarum differentias secundum perfectam combinationem: sed contingit reperire in vniuerso substantiam habentem magnitudinem existentem incorruptibilem, vt corpus cæli, & contingit reperire substantiam incorruptibilem, quæ nec est magnitudo, nec coniuncta magnitudini: ergo contingit reperire substantiam mediam incorruptibilem, quæ non sit magnitudo, sed coniuncta magnitudini: sed hæc anima rationalis. Ex perfectione igitur ordinis vniuersitatis colligitur animam esse immortalem. Ex secunda consideratione, scilicet ex ordine diuinæ iustitiæ ostenditur sic. Nullum bonum est irremuneratum, & nullum malum impunitum est apud eum, qui iuste iudicat: sed multa bona remanent irremunerata, & multa mala impunita secundum præsentem vitam: ergo est ponere aliam vitam: quam hanc: sed hæc non esset, nisi anima remaneret post corpus: ergo, &c. Si tu dicas quod hoc non cogit: quia sicut suscitatur corpus, ita posset anima suscitari, non est conueniens talis instantia: cum enim anima ex nihilo sit creata, si corrumperetur in nihil tenderet: ergo non suscitaretur sed alia anima de nouo crearetur.

ITEM ad diuinam iustitiam spectat quod nihil bene, & iuste factum debet vergere in malum exitum: sed secundum moralem Philosophum, & secundum legem diuinam, & secundum etiam omnes sectas potius homo debet pati mortem, quam recedere à veritate vitæ, & à veritate iustitiæ: sed si omnino perimeretur anima, perimeretur omnino iustitia, quæ est in ipsa: ergo talis mortis perperessio, quæ iusta est, & quam laudat omnis ratio recta, malum haberet simpliciter exitum, quod est contra diuinam iustitiam: colligitur igitur ex ordine iustitiæ, animam immortalem esse. Ex tertia consideratione, scilicet ex ordine ipsius animæ ad proprium finem, ostenditur sic. Remoto vltimo fine, qui principaliter mouet, omnes alij fines cassi sunt & vani: sed finis vltimus omnis operationis rationalis est beatitudo perfecta: ergo si illa non est, omnia quæcunque facit anima, facit frustra: si ergo hoc est inconueniens, necesse est illum finem ponere: sed beatitudo est status omnium bonorum aggregatione perfectus, vbi autem hoc est, necesse est

esse immortalitatem : igitur anima per naturam est apta A
nata ad incorruptionem, & immortalitatem.

ITEM omnis anima rationalis naturaliter appetit bea-
titudinem: sed nihil est otiosum in fundamento naturæ:
ergo omnis anima rationalis nata est ad beatitudinem
peruenire: vbi autem beatitudo, ibi perfecta securitas: &
vbi perfecta securitas, ibi immortalitas, vbi enim mors
potest accidere, necesse est timere: colligitur ergo ex or-
dine ipsius animæ ad suum finem ipsam habere immor-
talitatem. Et hæc triplex consideratio sumpta est secun-
dum triplicem ordinem ipsius animæ, scilicet ad finem
propriū, ad diuinum iudicium, ad totum vniuersum. Ex
quarta consideratione, scilicet ipsius animæ, quantum ad
propriam virtutem, arguitur sic. Nulla virtus materialis,
& corruptibilis nata est super se reflecti, hæc per se
manifesta est. Anima rationalis secundum actum pro-
priū nata est super se reflecti cognoscendo se, & amā-
do: ergo virtus animæ rationalis non est materialis, &
corruptibilis: ergo est immaterialis, & incorruptibilis,
sed si virtus est incorruptibilis substantia: ergo, &c.

ITEM omnis virtus, quæ per recessum, & impermix-
tionem cum corpore corruptibili fortificatur, & poten-
tior efficitur, est incorruptibilis per naturam: anima ra-
tionalis est huiusmodi, sicut patet: quia tanto magis re-
leuatur spiritus, & homo interior, quanto magis morti-
ficatur homo exterior: virtus igitur animæ rationalis est
incorruptibilis: & sic ex illa virtute colligitur anima ra-
tionalis esse immortalis. Ex quinta consideratione,
scilicet quantum ad operationem, arguitur sic. Cuiuslibet
substantiæ rationalis, aut spiritualis secundum esse, C
& durationem pendens ex corpore, operatio pendet
ex corpore: sed anima rationalis propriam operationem
habet, secundum quam non pendet ex corpore, scilicet
intelligere, quia nullum organum sibi appropriat: ergo
duratio animæ non pendet ex corpore: sed ipsa de se cor-
rumpi non habet, cum nullam contrarietatem habeat:
ergo de se est immortalis, & incorruptibilis.

ITEM cuiuslibet substantiæ corruptibilis operatio
antiquatur, & senescit in tempore: sed animæ rationalis
operatio nec senescit, nec antiquatur in tempore: immo
iuuenescit, quia in antiquis est sapientia, & in multo
tempore prudentia: ex propria ergo operatione colligere
possumus animam rationalem esse immortalem. Ex sex-
ta consideratione, scilicet per comparisonem ad obiectum
probat, animam rationalem immortalem esse sic: Ne-
cesse est proportionem esse cognoscentis ad cognitum,
siue potentiæ ad obiectum: sed anima rationalis nata est
cognoscere, & intelligere veritatem: veritas autem est
incorruptibilis, sicut probat Augustinus in Soliloquio,
cum sit talis naturæ quod ipsa negatio veritatis verita-
tem ponat: igitur anima rationalis, cum sit veritati pro-
portionabilis est immortalis. Hæc autem ratio non so-
lum concludit animam esse immortalem per veritatem
intelligentiæ, siue conscientiæ, sed etiam per veritatem
misericordiæ, siue iustitiæ, de qua dicitur: Iustitia est
perpetua, & immortalis: ac per hoc anima, quæ est
iustitiæ capax.

ITEM omnis virtus corruptibilis læditur ab obiecto
improportionabiliter excellenti, & magis nata est dele-
ctari in medio, quam in extremo: sed anima rationalis
intelligens maiora, & maxima non propter hoc peius
intelligit minora: & magis delectatur in cognitione
summæ lucis, & perceptione sapientiæ Dei, quam in
cognitione alienius creati. Ex cōparatione igitur ad
obiectum colligitur, animam rationalem esse immorta-
lem: si igitur substantia cognoscitur per virtutem, &
virtus per operationem, & operatio per obiectum, cum
secundum hanc triplicem considerationem ipsius animæ
ostensum sit, ipsam esse immortalem: omnis animæ con-
sideratio, sine in ordine, siue etiam in se astringit animæ
immortalitatem.

CONCLUSIO.

*Rationalis anima mortalis non est censenda, sed
immortalitatis dono à Deo esse fulcitam
tenere debemus.*

RESP. Ad Arg. Ad prædicta dicendum est quod ani-
ma rationalis est immortalis, secundum quod dicit fides
catholica, cui concordat Philosophia, & omnis ratio re-
cta: licet autem in cognitionem immortalitatis animæ
rationalis multiplici via possemus deduci, & manuduci,
potissimus tamen modus deueniendi in eius cognitio-
nem est ex consideratione finis: & hunc modum præci-
pue approbat Augustinus in duodecimo de Trinitate,
B & in libro de Ciuitate Dei. Nec immerito, quia finis
imponit necessitatem his, quæ sunt ad finem. Hoc igitur
primo supponendum est tanquam verum, & certum
quod anima rationalis facta sit ad participandam sum-
mam beatitudinem: hoc enim adeo certum est ex clamo-
re omnis appetitus naturalis, quod nullus de eo dubitat:
nisi cuius ratio est omnino subuersa. Certissimum enim
est nobis quod omnes volumus esse beati: si igitur bea-
tus esse non potest, qui bonum quod habet, potest amit-
tere: quia hoc ipso iam habet, vnde timeat, & vnde etiā
doleat, & ita vnde miser existat. Necesse est igitur quod
si anima facta est capax beatitudinis quod ipsa sit per
naturam immortalis. Et si colligitur eius immortalitas
ex parte causæ finalis, colligitur etiam nihilominus con-
sequenter ex parte causæ formalis, quia enim facta est
ad participandam beatitudinem, quæ consistit in solo
summo bono, facta est capax Dei, & ita ad ipsius imagi-
nem, & similitudinem: sed si est imago Dei, expresse ei
assimilatur: hoc autem non esset, si mortis termino clau-
deretur: ergo tum de natura sua imago Dei, non potest
mortis termino claudi. Ex hoc etiam habetur, & colligi-
tur ratio ex parte materiæ: quia enim ipsum, quod est ani-
ma, siue forma tātæ dignitatis est, ut ipsam animam red-
dat Dei imagine insignitam, quæ conditio nobilissima:
materia, quæ huic formæ vnitur, tanto appetitu ei con-
iungitur: & ita eius appetitus in ipsa terminatur quod
nullatenus queat aliam formam appetere, cum optima
colligantia iungatur ad inuicem. Denique ex parte cau-
sæ efficientis colligitur. Et quoniam quod bona ratione
iunctum est, dissolui velle non est Dei efficientis, hinc
est quod Deus, qui fuit animæ auctor, est continuus ani-
mæ conseruator. Et sic patet ratio immortalitatis animæ
ex quadruplici genere causæ, quamvis principaliter su-
matur ex fine: & istæ sunt rationes ostendentes non so-
lummodo, quia est immortalis: sed etiam propter quid
est immortalis. Rationes vero superius inductæ ostendunt
quod anima est immortalis, & verum concludunt:
& ideo concedendæ sunt.

1. Ad id ergo quod primo obiicitur in contrarium de
Apostolo dicendum quod Apostolus dicit solum Deum
habere immortalitatem, quia solus Deus potest summe
se perpetrare sine alterius iunamine: anima autem etsi sit
secundum suam originem idonea ad immortalitatem:
non tamen potest sufficienter se continuare in esse, nisi
E conseruetur à summo auctore: & illa conseruatio est à
gratuita Dei bonitate, nec repugnat naturæ ipsius animæ
quantum ad principia, ex quibus constituitur: sed potius
conseruat illorum principiorum appetitum,

Ad illud quod obiicitur de Damasceno quod tendit
in versioem, dicendum quod tendentia illa non est per
aliquem appetitum virtutis, sed potius per defectum va-
nitatis qua creatura est ex nihilo. Hunc autem defectum
summa veritas, & potestas sua præsentia, & manutenen-
tia excludit à creatura. Et quia sic præsens est animæ ra-
tionali, quam fecit, ut eam nunquam deserat, quin sit in
ea per potentiam, præsentiam, & essentiam: ideo anima
rationalis nunquam potest corrumpi. Nec valet instan-
tia quam obiicit de verbo August. Aug. enim intelligit
de motibus, qui sunt à natura, secundum quod natura

dicit

dicat originale principium alicuius effectus, non secundum quod dicit defectum: & sic intelligendum est etiam quod gratia naturam perficit, & ei non repugnat: & hoc melius explicatum est in lib. 1. dist. 8.

3. Ad illud quod obiicitur de Philosopho, quod intellectus corrumpitur, &c. dicendum quod illud verbum philosophi debet primum habere intellectum, non enim credendum est quod philosophus voluerit dicere intellectum esse corruptibilem, & mortalem, cum postea probet ipsum impassibilem, incorruptibilem, & immortalem esse, sicut in tertio de anima expresse patet: sed vult dicere quod operatio intellectus, quam habet in corpore, impeditur propter aliquam læsionem factam interius in organo imaginationis, vel alterius virtutis sensibilis: & quantum ad hoc verum dixit, sicut patet, & manifestum est sensui.

4. Ad illud quod obiicitur, quod anima patitur, responderi potest dupliciter: Primum quidem, quia passio eius non est per ipsius læsionem: sed per compassionem respectu corporis læsi: & hoc non ponit aliquid de substantia eius abiici: sed de substantia, cui habet vniri. Aliiter potest responderi, quod anima non solum in corpore, sed etiam extra corpus habet pati: nec tamen sequitur quod habeat corrumpi: non enim est illa corruptio per partis ademptionem, sed per quietis, & pacis continuam impeditionem: hoc autem in quarto plenius determinatum est, cum agitur de pœnis animarum damnatarum.

5. Ad illud quod obiicitur, quod anima corpori condolet, dicendum quod illa passio non est nisi salua coniunctione animæ, & corporis. Et quoniam mors separat illam coniunctionem: ideo non oportet compassionem mortis communicare, quia illa consequentia non tenet nisi manente causa. Præterea illa consequentia non tenet, si anima maxime compatitur corpori maxime patienti, quod commoriatur morienti: anima enim cum sit capax lætitiæ, est capax & doloris: sed cum sit capax vitæ, nullo modo est susceptibilis mortis.

6. Ad illud quod obiicitur, quod operatio animæ læditur, vel impeditur, dicendum quod hoc est per accidens solum: quia enim anima magna inclinatione inclinatur ad corpus, & corpori suas operationes communicat, & virtutes sensitivas ipsi virtuti intellectivæ immediate subministrat: inde est quod læsis organis corporeis, & impeditis viribus sensitivis, operatio intellectus quandiu est in corpore, habet impediri ipso intellectu nullatenus in se læso: quod ex hoc patet: quod statim cum à corpore separatur, habet suum usum completum, & hæc sufficiant quantum ad propositum.

QVÆSTIO II.

An quævis anima, etiam brutalis ex prima conditione fuerit immortalis.

S. Thom. 1. p. q. 97. art. 1.
Et 2. Sent. dist. 19. q. 1. art. 2.
Et de Malo, q. 5. art. 1.
Secus 2. Sent. dist. 19. q. 1.
Ægid. Rom. 2. Sent. p. 2. d. 19. q. 2. art. 1.
Richardus 2. Sent. dist. 19. q. 2.
Thom. Arg. 2. Sent. dist. 19. q. 1. art. 2.
Stephan. Brulef. 2. Sent. dist. 19. q. 2.
Gabr. Biel. 2. Sent. dist. 19. q. unica.

VTRUM omnis anima vtpote brutalis, non solum rationalis ex prima conditione fuerit immortalis. Et quod sic, videtur. Ecclesiastes: Vnus est interitus hominis, & iumentorum: sed homines etsi intereant quantum ad corpora, non tamen intereunt quantum ad animas: ergo pari ratione nec bruta animalia.

2. ITEM Deus mortem non fecit, nec delectatur in perditione viuorum: igitur mors non est introducta nisi propter peccatum: ergo si homo non peccasset, nec mo-

reretur ipse, nec moreretur brutum animal: sed hoc non esset, nisi animæ brutorum essent immortales: ergo, &c.

3. ITEM hoc videtur ratione. Probato quod anima Petri sit immortalis, probatur quod omnis anima sit immortalis per hypothesim. Non est maior ratio de vna, quam de alia, loquendo de animabus rationalibus: ergo pari ratione loquendo de animabus sensibilibus, si vna anima sensibilis est immortalis: ergo & omnes: sed anima sensibilis humana est immortalis, quia nunquam est rationalis siue sensibilis: ergo cum in hac communiceet homo cum brutis, anima sensibilis brutorum animalium per naturam est immortalis.

4. ITEM omnis anima, quantumcunque parum habeat de nobilitate, excellit omne corpus, sicut vult Augustinus: ergo magis accedit ad Dei similitudinem: sed aliqua corpora per naturam sunt immortalia, sicut corpora cælestia: ergo multo fortius animæ brutorum animalium.

5. ITEM substantia, cuius virtus & operatio non senescit in tempore, non corrumpitur in tempore: sed anima sensibilis est huiusmodi, quia sicut dicit philosophus: Si senex acciperet oculum iuuenis, ita videret sicut iuuenis: ergo, &c.

6. ITEM quia homo seruit Deo, est dignus remuneratione: & ideo necesse est ponere animam eius immortalem, vt remuneretur post mortem: ergo pari ratione, cum bruta animalia seruiant homini, & per hoc Deo in homine, videtur similiter quod ipsa debeant remunerari.

CONTRA: Nulla forma est separabilis à corpore, nisi quia habet operationem propriam præter corpus: sed nullus spiritus brutalis est huiusmodi: ergo, &c. Maior manifesta est: tum quia Philosophus dicit: tum etiam quia nulla est substantia, quæ omni careat operatione, cum nulla sit otiosa. Secunda manifesta est ad sensum.

ITEM omnia bruta animalia facta sunt propter usum hominis: sed usus hominis est in vescendo eis, & vescitur eis dum ea occidit: ergo facta sunt ad hoc, vt non tantum seruiant homini per vitam, sed etiam per mortem: sed hoc non esset, si animæ eorum essent immortales: ergo, &c.

ITEM animæ immortalibus debetur corpus immortale, quantum est ex institutione prima: ergo si animæ brutorum erant immortales, habebant corpora immortalia: sed constat quod bruta non peccauerunt: ergo deberent adhuc esse immortalia. Quod etsi hoc constat esse falsum patet etiam quod & primum.

ITEM si animæ brutorum essent immortales: ergo deberent omnia corpora brutorum redire, sicut & corpora hominum: sed si hoc esset, esset impossibile quod omnia essent in terra, cum innumera bestiarum multitudo, & animalium continue sibi succedat: ergo inconueniens est dicere, brutorum animas esse immortales.

CONCLUSIO.

Irrationales anime à primordio sue creationis mortales sunt productæ.

E

RESP. Ad Arg. Ad prædictorum intelligentiam est notandum quod aliqui dicere voluerunt brutorum animas esse immortales, pro eo quod eadem animæ sunt, quæ viuificant corpora brutorum, & corpora hominum: tamen merito peccatorum suorum de corpore ad corpus circumeundo pertranseant. Et hæc positio quorundam philosophorum, & hæreticorum fuit, sicut dictum est supra, & iam improbata est supra tanquam hæretica, & prorsus abiicienda est ista positio tanquam vilis, & derogans dignitati creaturæ rationalis, dum ponit homines, & bestias esse pares: in hoc enim indicat quod sui inuētores, & defensores sunt homines bestiales, dum animas suas credunt vel bestiarum fuisse vel futuras esse. Fuerunt & alij, qui dicere voluerunt quod animæ brutorum, nec sunt adeo immortales, sicut ani-

In Psal. 44. paulo post initium 10. 8. & de Civ. Dei, lib. 8. c. 15. & lib. 9. c. 9. tom. 5.

1. de anima context. 65.

Fundamēta.

1. Opinio erronea.

Improbatio.

Opinio 2.

ima

ma rationales, ut possint post corpora vivere, nec sunt adeo corruptibiles, sicut alia forma, quæ habent contrarietatem: sed quantum est de sui natura, naturæ sunt continue durare, nisi impedimentum suæ durationis habent ex corpore, sine quo non possunt subsistere: huius autem impedimentum durationis introductum esse dicunt in corpora brutorum propter peccatum hominū. Si enim Adam non peccasset, nullum animal brutum decederet. Unde sicut merito peccati humani, quæ ad eius obsequium facta sunt, deteriora sunt, sic & bruta animalia facta sunt morti obnoxia. Sed illud prima fronte obuiat ei quod dicit Augustinus super Genesim ad litteram lib. 3. quod si homo non peccasset, nihilominus essent animalia viuentia de rapina, quæ ad suam vitam seruandam alia interficerent animalia. Repugnat etiam rationi, cum nulla ratio dicat congruum esse, ouem interfici propter hoc, quod homo peccauit, cum nullo modo ei in peccato communicauerit, nec peccatum suum in ouem transfuderit. Repugnat etiam imaginationi sensibili. Vbi enim essent tot animalia, quæ multiplicata essent super terram ab initio mundi vsq; ad finem, si nulla essent mortua? Quod si dicas, quod non essent multiplicata, si homo non peccasset. Quo modo verum esset quod dicitur eis: Crescite, & multiplicate, & replete aquas? Quod si dictum est piscibus: cur non intelligendum est etiam dictum esse aliis animalibus? nunquid propter culpam hominis facta sunt fecundiora? quæ omnia si inconuenientia sunt, positio ista tanquam inconueniens reipienda est. Et ideo dicendum est tertio modo, quod nulla alia anima, nisi rationalis, immortalis est: & ratio huius apparet, si aspiciamus ad finem, propter quem creaturæ factæ sunt, ex quo fine ponitur in rebus perpetuitas, vel corruptibilitas secundum earum exigentiam. Cum autem omnes creaturæ factæ sint propter Deum, iuxta illud: Vniuersa propter semetipsum operatus est Dominus: sola creatura rationalis facta est ad fruendum Deo, & ut beatificetur in ipso, quæ sola est ad imaginem. Alia vero creaturæ, quæ solum tenent rationem vestigij, factæ sunt vel ad manifestationem diuinæ bonitatis, vel ad obsequium creaturæ rationalis. Manifestatio autem diuini exemplaris, & bonitatis Dei est in productione vniuersi, quod est quoddam exemplatum complete representans illud exemplar: & propter representationis completionem, completam debet habere, & perpetuam durationem. Vniuersum autem dupliciter habet esse, videlicet decurrens, & permanens. Esse decurrens non potest esse perpetuum, quia necesse est quod aliquando sit quietum. Esse vero permanens est perpetuum. Illæ igitur partes quæ respiciunt vniuersum quantum ad esse permanens, sicut sunt orbes cælorum, & elementorum, perpetuitatem habent. Illæ vero quæ respiciunt quantum ad esse decurrens, utpote quæ consistunt in generatione, & corruptione, qualia sunt mineralia, plantæ, & animalia bruta, non debent habere esse perpetuum, sed terminatum, quæ quasi quodam transitu suo, & quadam inueteratione, & inuolutione, morte, & viuificatione decorant vniuersum. Et sic patet quod bruta animalia, quantum ad corpus, & animam corruptibilia sunt per naturam, in quantum facta sunt ad representandum diuinam bonitatem, & sapientiam. Et hæc ratio sumpta est à fine principali. Est & alia ratio sumpta à fine non principali, in quantum scilicet creaturæ, in quibus est sola ratio vestigij, factæ sunt propter creaturam rationalem, scilicet hominem. Quædam enim factæ sunt propter hominem secundum omnem statum siue viæ, siue patriæ: quædam solum secundum statum viæ, & quædam solum secundum statum patriæ: & illa quæ facta sunt propter hominem secundum omnem statum, siue viæ, siue patriæ, cum status patriæ sit perpetuus, debent esse perpetua: & talia sunt quæ integrant hominis habitaculum, sicut cælum, & quatuor elementa. Illa vero, quæ facta sunt propter hominem secundum statum viæ, cum ille status sit pertransitorius, & habeat finem, debent esse corruptibilia: talia autem

sunt animalia bruta, quæ facta sunt ad supplendam corporis indigentiam secundum eum statum, in quo indiget cibis, & alimoniis. Et sic concedendæ sunt rationes ostendentes animas brutales esse mortales ex sua prima conditione.

1. Ad illud quod obiicitur de Ecclesiastico quod vnus est interius, &c. Dicendum quod loquitur quantum ad exteriorem intelligentiam: & propterea subiungit, Quis nouit si spiritus Adæ ascendat sursum? quasi dicat. Non nouit homo, qui ambulat secundum intellectum carnalem, qui ea sola considerat, quæ exterius apparent: homo autem sapiens nouit, qui illud attendit quod ipse Ecclesiasticus in fine dicit: Scito quod pro omni errato adducet te Deus in iudicium.

2. Ad illud quod obiicitur de libro sapientiæ, dicendum quod loquitur vel de morte damnationis æternæ, vel de morte temporali in eo, cui mors est poena: tale autem est solum animal rationis capax: quod sicut solum natura est esse beatum, solum natura est esse miserum: sic solum natura est præmiari, solum natura est puniri: quia solum ipsum est cui data est vis discretiua inter bonum & malum, verum & falsum. Unde etsi bestia doleat, cum occiditur, vel lædatur, non tamen punitur: non enim est capax miseriæ: solus enim ille est miser, qui vel scit se miserum, vel scire debet, cum malum habet.

3. Ad illud quod obiicitur, quod anima sensibilis hominis est immortalis, dicendum quod non est simile: sensibile enim in homine nominat potentiam, scilicet animæ rationalis, sicut infra patebit: sensibile vero in brutis nominat formam, quæ substantificatur in materia transmutabili: & quia pendet ex illa quantum ad esse, corrumpitur illa corrupta.

4. Ad illud quod obiicitur, quod anima sensibilis est nobilior omni corpore, dicendum quod maior nobilitas & minor non facit ad maiorem durationem creaturæ: magis enim nobilis est etiam secundum statum naturæ lapis homo, quam sit lapis: tamen lapis plus durat modo: sed hoc facit priuatio corruptentis causæ: & hanc habet anima sensibilis propter hoc, quod fundatur, & pendet ex corpore composito ex contrariis: supra quam contrarietatem sublimata est natura cælestis.

5. Ad illud quod obiicitur, quod anima sensibilis non senescit, dicendum quod verum est quantum est per se: senescit tamen ratione eius in quo radicatur, scilicet ratione corporis, ratione cuius etiam habet corrumpi, & hoc ex conditione sua primaria.

6. Ad illud quod obiicitur, quod bruta seruiunt hominibus, dicendum quod seruitium remunerabile non est, nisi illud quod est laudabile: sola autem potentia rationalis & deliberatiua, in qua consistit arbitrij libertas est, in qua cadit laus, & vituperium: & ideo quantumcunque obsequium sit magnum, & utile, non est dignum remuneratione, nisi factum fuerit ex arbitrij libertate: ideo non decet remunerari animas brutorum. Et sic patet illud.

ARTICVLVS II.

CONSEQUENTER queritur quantum ad secundum articulum de immortalitate Adæ ex parte corporis. Et circa hoc queruntur duo. Primo queritur, utrum anima non peccante posset corpus Adæ dissolui. Secundo queritur, utrum ipsa peccante posset per eum ligni vitæ in vita perpetuari.

QUESTIO I.

An Adam non peccante, corpus eius posset dissolui.

Alex. Alensis 4 p. q. 3. Memb. 1.

S. Thom. 2. Sent. dist. 19. q. 1. art. 4.

Egid. Rom. 2. Sent. p. 2. dist. 19. q. 2. art. 3.

Richardus 2. Sent. dist. 19. art. 2. q. 1.

Thom. Arg. 2. Sent. dist. 19. q. 1. art. 3.

Steph. Brulef. 2. Sent. dist. 19. q. 3.

Circa

Improbatio.
Aug. lib. 3. in
Gen. ad literam
cap. 16
tim. 3.

Gen. 1. 6

Opinio 3.

Eccl. 12. 4

CIRCA quam sic proceditur, & ostenditur quod etiã si Adam non peccasset, corpus eius dissolui potuisset, tali ratione: Adam in statu innocentie habebat corpus mortale, sicut Magister dicit, & Augustinus in littera: ergo corruptibile: sed omne corruptibile de necessitate corrumpetur, sicut vult Philosophus, quamvis non omne generabile de necessitate generetur: ergo corpus Adæ corruptum fuisset, esto quod in statu innocentie permanisset.

2. **I**TEM contrarietas est causa pugne, & pugna in composito est causa dissolutionis: ergo in illo statu, in quo potest esse contrarietas, potest esse dissolutio: sed corpus Adæ etiam secundum statum innocentie ex contrariis habebat compositionem: ergo statu illo manente, poterat habere dissolutionem.

3. **I**TEM cuicumque statui competit restauratio, competit deperditio: sed corpori Adæ in statu innocentie competeat restauratio per sumptionem ciborum: ergo & eidem corpori secundum statum innocentie inerat deperditio: sed cuicumque inest deperditio, inest & consumptio: & in quocunque ponitur consumptio, ponitur & corruptio: ergo corpus Adæ in statu innocentie persistens dissolui poterat & corrumpi, nulla culpa interueniente.

4. **I**TEM constans est, quod Adam non poterat vivere, nisi comederet, cum haberet corpus animale: sed poterat non comedere: ergo poterat absque vilo peccato corpus eius deficere. Si tu dicas quod peccaret in non comedendo, quia tenebatur comedere. Contra: Non semper tenebatur comedere: quia signemus aliquam horam, in qua tenebatur: in illa hora aut Adam esuriret, aut non. Si esuriret: ergo pateretur, antequam peccaret. Si non esuriret: ergo natura non indigeret, cum natura bene disposita tempore necessitatis cibum appetat: ergo non teneretur nunc comedere, nec alias: ergo nunquam.

5. **I**TEM si Adam stetisset, aliquis de filiis eius poterat peccare: ponatur ergo quod peccasset, sed possibile est virum iustum à peccatore insidiane interfici absque sua culpa, sicut Abel interfectus est à Cain: ergo possibile esset Adam saltem dormientem ab eo iugulari: & sic iugulatus interiret, culpa sua nulla interueniente.

6. **I**TEM impassibilitas est dos corporum glorificationum: sed corpus Adæ in statu innocentie glorificationum non erat: ergo in statu illo persistens impassibilitatem non habebat: ergo persistendo, in statu illo mori, & non mori poterat: ergo corpus Adæ erat dissolubile, anima non peccante.

SED CONTRA: Isidorus de Trinitate dicit: Si homo in paradiso innocenter viveret, nec ignis eum vreret, nec aqua mergeret, nec absentia aeris suffocaret, nec omnia, quæ nocent mortalibus impedirent: ergo videtur quod ipso permanente in statu innocentie, corpus eius non erat resolubile.

ITEM mors est pœna peccati: sed omnis pœna est ordinata: pœna autem non ordinatur nisi per culpam: nulli ergo potest inesse nec pœna, nec mors, nec corruptio, nisi cui prius inest culpa: igitur anima non peccante, impossibile fuit dissolui corpus Adæ.

ITEM Ad hoc quod debite constituatur aliquod compositum, necesse est materiam, & formam proportionari adinuicem: si igitur anima ut forma, & perfectio unita est corpori, impossibile erat corpus illud resolui, & corrumpi, nisi aliqua corruptio prius incideret ex parte animæ: sed corruptio, quæ potest incidere ex parte animæ, non est nisi culpa: ergo impossibile fuit corpus Adæ resolui, & pati, nisi in anima culpa fuisset præambula.

ITEM status innocentie medius erat inter statum gloriæ, & statum miseriæ: sed dissolutio corporis omnino opponitur statui gloriæ: cum igitur statui gloriæ non opponeretur directe status innocentie: Adam in statu innocentie persistente, corpus eius non fuit resolubile.

ITEM omnis passio est ab aliquo repugnante, & prædominante: sed Adam in statu innocentie existente, vel

omnia concordarent, ei, vel subiacerent: igitur nihil posset corpus eius lædere, nec aliquam passionem inferre: ergo corpus eius non esset passibile, nec dissolubile.

ITEM impossibile est stante rectitudine alicuius, ipsum obliquari: sed rectitudo omnis consistit in subiaccendo Deo, vel subiiciendo se Deo, & praesidendo aliis creaturis tam corpori suo, quam etiam brutis: ergo spiritu rationali, stante puritate innocentie, & obedientie, impossibile fuit corpus ab eius voluntate recedere: sed anima semper appetit uniri corpori: ergo impossibile fuit corpus in tali statu dissolui.

CONCLUSIO.

Adæ corpus ipso perseverante in innocentia actum non poterat dissolui, licet corpus eius haberet potentiam, ut dissolueretur.

RESP. ad Arg. Ad prædictorum intelligentiam est notandum, quod quemadmodum iuxta verbum philosophi, hæc est duplex: Aliquid est nunc immortale: quia adverbium potest determinare hoc quod est immortale ratione actus moriendi, vel ratione potentie: ita & locutio præcedens, utrum corpus hominis esset dissolubile, siue posset dissolui ipso non peccante, distingui debet. Illi enim ablativi absoluti possunt determinare hoc verbum *posset*, vel hoc verbum *dissolui*. Si hoc verbum *posset*, determinant, veritatem habet locutio. Est enim sensus quod Adam dum existeret in statu innocentie, posse habebat, ut corpus eius dissolueretur. Si autem ablativi illi referantur ad actum, qui est dissolui, sic locutio est falsa. Est enim sensus quod Adam posset dissolui in statu innocentie, ita quod simul esset innocentia, & mortis siue corruptionis pœna: & hoc est impossibile providente ordine divinæ iustitiæ, quæ nullam inordinationem in universo sustinet. Si ergo pœna deordinata est, nisi præcedat culpa, & corporis dissolutio non potest animæ puræ & innocenti non esse pœna: inconueniens videtur, & contra ordinem divinæ iustitiæ, quod corpus hominis dissolueretur in statu innocentie: & hoc sancti dicunt, & rationes ad hoc inducunt ostendunt, & ideo concedendæ sunt, quia verum concludunt.

1. **A**D illud ergo quod primo obiicitur, quod omne corruptibile de necessitate corrumpetur, dicendum quod Philosophus loquitur de illo corruptibili, cuius regimen non subiacet voluntati: sed soli virtuti naturali: & illud de necessitate habet corrumpi, quia habet causam corruptionis intra se: corpus autem Adæ etsi esset mortale, & corruptibile, tamen voluntati subiacebat ex ordine divinæ iustitiæ: & ideo nisi voluntas deordinaretur, corpus illud nunquam corrumpetur.

2. **A**D illud quod obiicitur, quod componi ex contrariis competeat corpori secundum illum statum, dicendum quod alio modo se habent contraria in compositione corporis secundum statum naturæ lapsæ, aliter secundum statum naturæ institutæ. Secundum statum enim naturæ lapsæ non solum agunt in aliquod extrinsecum, sed etiam adinuicem mutuo agunt, & patiuntur, non solum in ipsa constitutione, sed etiam post constitutum esse. In statu autem innocentie taliter commixta fuerunt, & proportionata in prima compositione, & ad tantam concordiam redacta, ut illo statu manente, mutuo non pugnant: & ideo propter illam compositionem corpus illud dissolui necesse non erat.

3. **A**D illud quod obiicitur, quod secundum statum innocentie in illo corpore fiebat deperditio, dicendum quod sicut natura vniuersalis patitur elementa corrumpi secundum partem, sed nullo modo patitur corrumpi secundum totum, sic & natura bene instituta in homine regulata ab ordine iustitiæ, & providentiæ admittebat deperditionem fieri in homine secundum aliquam partem

propter

Ex his facile
occurritur
Scilicet qui ab
intrinseco
causam pos-
sibilitatis,
ad mori, sta-
uit in Adam
pro tempore
innocentiae.

Propter statum animalitatis, in quo erat: sed nullo modo A
patiebatur corruptionem fieri in toto. Sicut enim fiebat
corruptio & deperditio, ita etiam fiebat restauratio: &
ideo non consequbatur dissolutio.

4. AD illud quod obiicitur, quod Adam à cibo pote-
rat abstinere, dicendum quod non poterat abstinere à
comestione, quando fuisset locus, & tempus: tum quia
sibi expresse præceptum erat, ut comederet de lignis pa-
radisi, aliis à ligno scientiæ boni, & mali: tum etiam quia
et si Dominus non præcepisset, natura bene instituta di-
ctaret eum sumere cibum, quæ dictat nullum debere
manum sibi iniicere. Nec valet illa obiectio, quam obii-
cit de fame, debebat enim famem prævenire, & ipse be-
ne sciebat horam, & indigentiam suæ naturæ, quam si
pertransiret, omitteret & peccaret.

5. AD illud quod obiicitur, quod peccator potest oc- B
cidere innocentem, dicendum quod verum est secun-
dum statum naturæ lapsæ, in quo omnis homo merito
peccati originalis, est mortis debitor. Vnde permittere
innocentem ab impio occidi, non est contra ordinem
diuinæ iustitiæ secundum statum præsentem: in statu
autem illo, quia nulla culpa præcesserat, ordo diuinæ
iustitiæ talem deordinationem, vel punitionem admit-
tere non debebat.

6. AD illud quod obiicitur, quod impassibilitas est
dos corporum glorificatorum, dicendum quod verum
est, secundum quod impassibilitas priuat & actum, &
potentiam passionis secundum omnem statum: illa au-
tem impassibilitas corpori Adæ non inerat nisi secun-
dum statum determinatum: & ideo perfecta non erat, C
nec dos dici debebat.

QVÆSTIO II.

*An Adam peccante, corpus eius per esum ligni vitæ posset
perpetuari.*

Richardus 2. Sent. dist. 19. art. 2. q. 1.
Stephan. Brulef. 2. Sent. dist. 19. q. 4.

UTRUM Adam peccante corpus eius posset perpe-
tuari per esum ligni vitæ. Et quod sic, videtur. Pri-
mo per textum: Nunc igitur ne forte sumat de ligno
vitæ, & uiuat in æternum: hoc dictum est de Adam
post peccatum: ergo si post peccatum sumpisset, in æ- D
ternum viuisset, & corpus eius perpetuum fuisset.

1. ITEM hoc ipsum videtur per Richardum de san-
cto Victore, qui de Adam ait sic: Habuit ante peccatum,
corruptibilitatem, post peccatum corruptionem: sed
utroque modo per esum ligni vitæ potuit sustentari.

3. ITEM hoc probatur per experimentum. Enoch
enim, & Elias, sicut dicunt Glossa, & auctoritates San-
ctorum, in paradiso conseruantur per esum ligni vitæ
vsque ad Antichristi aduentum: sed qua ratione vsque
ad illud tempus conseruari possunt, eadem ratione &
deinceps: ergo & pari ratione & corpus Adæ.

4. ITEM non fuit maiori efficaciz lignum scientiæ
boni, & mali ad corpus perdendum, quam lignum vitæ
ad conseruandum: sed per esum illius ligni corpus ho-
minis factum est dissolubile: ergo pari ratione per esum
alterius ligni poterat corpus corruptibile solidari, &
perpetuari: sicut econtra alterius ligni comestio corpus
sanum & solidum reddidit dissolubile, & infirmum.

5. ITEM post peccatum si spiritus hominis iungere-
tur fonti vitæ, disponderetur ad perpetuam beatitudi-
nem, & vitam immortalem: ergo si lignum vitæ corpo-
rale sic se habebat ad corpus seruandum, sicut signum
vitæ spirituale se habet ad spiritum: videtur quod si
homo pœnituisset, & de ligno vitæ gustasset, quod
corpus eius esset factum indissolubile.

6. ITEM homo bene complexionatus si non habet
impedimentum extrinsecum, vivere potest vsque ad
consumptionem radicalis humidi. Si igitur illud humi-
dum posset restaurari, posset corpus eius in perpetuum

incorruptum seruari: si ergo illud signum vitæ, sicut di-
cunt doctores, habebat vim restaurandi humidum ra-
diale, videtur quod si homo de illo comedisset quod
corpus eius in æternum posset donare, etiam post com-
missionem culpæ.

SED CONTRA: Stipendia peccati mors: ergo si post-
quam homo peccauit, necessarium fuit corpus eius dis-
solui: igitur non poterat perpetuari per esum alicuius
ligni.

ITEM sententia data fuit: Quacunque die comederi-
tis, &c. Si igitur illam sententiam nulla virtus creata
potest infirmare, quantumcunque homo comederet de
ligno vitæ, necesse erat ipsum mori, & corpus eius
resolui: & hoc ipsum dicit alius textus: Pulvis es, & in
puluerem, &c.

ITEM homo per peccatum similis factus est iumen-
tis insipientibus: sed iumenta si comederent de ligno
vitæ non propter hoc corpora eorum fierent indissolu-
bilia: ergo si homo, quantum ad conditionem mortis,
iumentis similis effectus est per culpam, quantumcum-
que de ligno vitæ comederet, corpus eius dissolui ne-
cesse esset.

ITEM non minus est de mortali immortalem facere,
quam de mortuo viuum: sed mortuum suscitare hoc est
virtutis solius Dei, & virtutis infinitæ: ergo corpus dis-
solubile ad indissolubile reducere, hoc est solius virtutis
diuinæ: ergo si homo post peccatum de illo ligno come-
deret, corpus eius nihilominus dissolui necesse esset.

CONCLUSIO.

*Esum ligni vitæ non potuisset Adam peccantem reddere
immortalem.*

RESP. Ad Arg. Dicendum quod eadem lege, quia
diuina iustitia non patitur innocentem puniri, & mori,
non patitur etiam malum remanere impunitum: & ideo
diuinum decretum fuit, si homo mandatum Dei trans-
grediendo peccaret, & ipsi auctori suo inobediens exi-
steret, spiritus carnis dominium amitteret: & sicut vo-
luntas à Deo recesserat, sic anima inuita corpus ipsum
defereret, & dissolutum in suam originem, unde sum-
ptum erat, rediret. Et quoniam diuinum decretum erat
inuiolabile: hinc est quod postquam homo peccauit,
quantumcunque de ligno vitæ ederet, corpus eius non
fieret indissolubile, ita quod mortem posset eu-
dere: ideo concedendæ sunt rationes hoc osten-
dentes.

1. Ad illud quod obiicitur in contrarium de textu, di-
cendum quod æternum non dicit ibi vitæ interminabi-
litem: sed vitæ quandam diuturnitatem, sicut sæpe
consuevit loqui Scriptura. Quamvis autem lignum vitæ
illud corpus non posset perpetuare, poterat tamen adeo
naturam ipsius adiuuare, & vigorare, ut diutius vi-
ueret.

2. 3. Ex hoc patet responsio ad sequentia, scilicet ad
verbum Richardi, & ad illud quod obiicitur de Enoch,
& Elia. Utrumque enim non concludit vitæ intermi-
nabilitatem, sed solum quandam diuturnitatem: quam
et si lignum vitæ posset homini lapso conferre per sibi
diuinitus collatam virtutem, non tamen poterat in æ-
ternum conseruare: quia diuinum decretum infirmare
non poterat, & corpus hominis peccantis ad hoc post
peccatum habile non erat: & illud lignum in solo eo
quod dispositionem habebat ad eius effectum, effica-
ciam habebat.

4. AD illud quod obiicitur per simile de ligno scien-
tiæ boni, & mali, dicendum quod illud simile deficit
dupliciter. Primo, quia illud lignum scientiæ boni, &
mali non fecit corpora illa esse dissolubilia: sed solum
hominis culpa, & diuina sententia. Secundo vero, quia
corpus Adæ antequam peccaret, non habebat necessitatē
ad permanendum, nec necessitatem ad corrumpendum:
sed postquam homo peccauit, corpus eius subiectum
fuit

Fundamēta.
Rom. 6. d

Gen. 2. e

Gen. 3. d

Psalm. 48. e

Aug. tom. 4.
Quæst. 101.
& noni re-
spon. q. 19.

Ad oppo-
situm.
Gen. 3. d

fuit necessitati moriendi : & ideo per esum ligni vitæ non poterat conservari.

5. Ad illud quod obiicitur de coniunctione spiritus ad fontem vitæ spiritualis, &c. dicendum quod illud simile deficit dupliciter. Primo quidem, quia voluntas facilius vertitur, & reuertitur quam natura. Secundo vero, quia fons vitæ spiritualis multo potentior est super animam, quam illud lignum esset super corpus : & ideo non sequitur quod si diuinus spiritus recreat & vivificat animam, quod lignum vitæ reformet, & consolidet corpus in statum pristinum.

6. Ad illud quod obiicitur, quod lignum vitæ restauraret humidum radicale, dicendum quod etsi per sui esum sufficienter restauraret humidum in corpore hominis secundum statum naturæ institutæ, nunquam tamen in statu naturæ lapsæ sic restauraret, quin semper aliqua deperditio fieret : & ita quavis diutius conservaret, nihilominus tamen aliquando illud radicale humidum deficeret, & corpus ad dissolutionem perveniret.

ARTICVLVS III.

CONSEQUENTER queritur de immortalitate primi hominis, quantum ad coniunctum. Et circa hoc queruntur duo. Primo queritur, utrum illa immortalitas inesset homini à natura, vel à gratia. Secundo queritur, utrum illa immortalitas esset eadem per essentiam cum immortalitate gloriosa.

QVÆSTIO I.

An immortalitas inesset homini à natura vel à gratia.

*Alex. Alensis 4. p. q. 3. Memb. 1.
S. Thom. 1. p. q. 97. art. 1. & 4.
Et 2. Sent. dist. 19. q. 1. art. 4.
Scotus 2. Sent. dist. 19. q. unica.
Agid. Rom. 2. Sent. p. 2. d. 19. q. 2. art. 1.
Richardus 2. Sent. dist. 19. art. 3. q. 1.
Thom. Arg. 1. Sent. dist. 19. q. 1. art. 4.
Steph. Brulef. 2. Sent. dist. 19. q. 5.*

UTRUM illa immortalitas esset à natura, vel à gratia. Et quod à natura, videtur. Illud est nobis naturale, quod nobis innascitur, & cum quo nati sumus : sed homo cum illa immortalitate productus est, & illa immortalitas indita est homini à sua conditione : ergo fuit ei naturalis, vel à natura.

2. ITEM mors non poterat inesse homini, nisi præcedente culpa, sicut probatum est supra : sed culpa non poterat homini inesse, nisi deordinaretur natura : si ergo mors inerat homini contra naturam, immortalitas inerat ei per naturam.

3. ITEM per hoc homo erat immortalis, per quod erat innocens : sed innocens erat ex conditione naturæ : esto enim quod nullam haberet gratiam, nihilominus tamen haberet innocentiam : ergo immortalis erat ex conditione naturæ, non ex beneficio gratiæ.

4. ITEM immortalitas hominis consistit in continua coniunctione animæ, & corporis : continua autem coniunctio animæ, & corporis est per continuum appetitum unus ad alterum : sed anima habet continuum appetitum ad corpus, & è conuerso per naturam absq; gratia : ergo immortalitas inerat homini per naturam absque gratia.

5. ITEM idem est principium, per quod datur rei esse, & per quod in esse continuatur : sed anima rationalis quæ est forma per naturam immortalis, & incorruptibilis corpori dabat naturaliter sui esse, & complementum : ergo & ipsius corporis, siue hominis esse naturaliter continuabat : sed à quo in esse est continuatio, ab eodem est immortalitatis perpetuatio : ergo, &c.

6. ITEM naturale est homini comedere ea, quæ sibi apponuntur : sed homo per esum ligni vitæ, & aliorum lignorum paradisi vitam suam poterat perpetuare, sicut dicit Augustinus, & Magister : ergo videtur quod

omnis perpetuatio inerat homini per naturam.

A SED CONTRA : Augustinus super Genesim, & Magister dicit in litera : Creatus est homo immortalis quod inerat ei de ligno vitæ, non de conditione naturæ : mortalis erat conditione corporis animalis, immortalis beneficio Conditoris. Et idem ipse Augustinus expressius dicit quod sicut præscitum fuit filiis Israël, quod in quadraginta annis vestimenta eorum non veterascerent, ita præscitum fuit Adæ, ut non moreretur.

ITEM Super illud Lucæ : Expoliarunt eum, & plagis impositis, &c. Glossa exponit de primo homine quem dicit expoliatum fuisse gratuitis, & vulneratum in naturalibus : si ergo immortalitas non fuit tantum vulnerata, sed simpliciter ablata ipsi homini per culpam : ergo non inerat ei à natura, sed à gratia.

ITEM hoc videtur ratione : Proprietates naturales non derelinquunt subiectum propter culpam : ergo si immortalitas inerat homini à natura, non videtur quod debuerit eum relinquere propter culpam, quod si eam amisit, patet, &c.

ITEM impossibile est duo opposita inesse eidem secundum eadem principia, & maxime secundum principia naturaliter causantia, quæ non inclinant ad opposita : sed homo per naturam suam poterat mori : aut ergo immortalis non erat : aut si erat, non erat per naturam, sed per gratiam solum.

ITEM corpus Adæ per naturam propriam erat nobiliter complexionatum : ergo molles, & teneras carnes habebat : sed naturaliter molle cedit duro : igitur per naturam corpus Adæ vulnerari poterat, & secari : ergo per naturam Adam non erat immortalis.

ITEM ignis naturaliter consumit corpus ex elementis quatuor constitutum, & corpus animale per naturam indiget aspiratione, & respiratione : ergo si homo caderet in aquam, vel in ignem, & non moreretur, hoc non esset per virtutem naturæ, sed potius contra, vel supra : non ergo esset à natura, sed potius ex gratia.

CONCLUSIO.

Adam erat immortalis in statu innocentia, que immortalitas quantum ad aptitudinem erat à natura, sed quo ad complementum fuit à gratia.

RESP. Ad Arg. Dicendum quod sicut dicit Magister in litera, circa hoc multiplex & varia fuit opinio. Quidam enim dicere voluerunt quod immortalitas primi hominis esset à natura : quidam quod esset à gratia : vtrique autem harum opinionum habuit aliquam efficacem rationem mouentem : & vtrique habet aliquid veritatis, licet vna plus habeat quam altera. Sicut enim cum dicitur, homo est beatificabilis, duo tanguntur, & aptitudo & dispositio : ita enim cum dicitur, homo est immortalis. Vnde sicut homo quodam modo potest dici beatificabilis per naturam, quodam modo per gratiam : sic & in proposito. Provt enim hoc quod est beatificabile importat aptitudinem, sic inest homini per naturam : homo enim à natura sua habet aptitudinem ad beatitudinem : secundum autem quod importat dispositionem sufficientem & propinquam, per quam quis venit ad beatitudinem, siue sufficientem ordinem ad actum, sic inest homini non per naturam, sed per gratiam per quam sufficienter disponitur ad gloriam, nec sine illa potest sufficere natura. Sic & in proposito, immortalis quantum ad statum innocentia dici poterat homo per naturam : immortalis etiam per gratiam, quia à natura habebat aptitudinem : sed à gratia habebat completionem. Et hoc patet sic. Tripliciter enim potest mors homini contingere : aut per elementorum pugnam, & dissolutionem : aut per humidi consumptionem, aut per extrinsecam læsionem. Immortalitas ergo dicit pri-

Fundamēta.
Lib. 6. de
Gen. c. 25.
10.3. circa
principium.

Luc. 10. 6

Opinio
multiplex.

Hac omnia
sumpsit Scot.
dist. præfenti.

privationem huius triplicis modi moriendi quantum ad actum, & potentiam in beatis, qui dicuntur immortales, quia non possunt mori. Quantum ad actum vero solum in hominibus institutis, qui dicuntur immortales, quia poterant non mori hoc triplici genere moriendi: habebant enim aptitudinem euadendi hoc triplex genus mortis per id quod habebant à natura. Nam corpus valde bene erat complexionatum, & anima de se incorruptibilis erat, quæ illud corpus regebat, & conseruabat: & ita idoneus erat primus homo ex his constitutus, quod nunquam deficeret per elementorum pugnam. Sed tamen illud non sufficiebat: hoc enim non posset anima peccatrix facere, si poneretur in consimili corpore. Et ideo datum fuit illi animæ donum gratiæ, per quam posset corpori præsidere, & illud regere, & elementa quasi in quadam amicitia custodire, & hoc quandiu vellet suo actori subiacere. Hoc autem donum gratiæ vocat Anselmus iustitiam originalem. Et sic patet quod quantum ad immortalitatem contra primum genus moriendi, aptitudinem habebat à natura, sed complementum à gratia. Similiter quantum ad secundum genus moriendi, quod est per humidi consumptionem: vis enim nutritiua potens erat ad conuertendum alimentum sibi sufficiens, & alimenta efficacem habebant virtutem ad nutriendum: & ex hoc modo idoneus erat, ut conseruaretur in eo sine corruptione humidum naturale. Sed quia humidum radicale paulatim consumitur, nec potest reparari per quodcunque alimentum, ideo data est virtus specialis cuidam ligno, quod dictum est lignum vitæ, per cuius sumptionem repararetur humidum radicale, & hoc quidem non fuit ex conditione naturæ, sed ex beneficio Conditoris, sicut dicit Augustinus. Similiter etiam quantum ad tertium genus, quod quidē fit per extrinsecam læsionem. Adam enim fortis & potens erat ad repellenda nocua, sapiens, & diligens ad præcauenda, nec habebat nocua extrinseca: & ideo idoneitatem habebat, ut per nullius læsionem incurreret mortem. Veruntamen quod bestiarum, & si qua animalia sunt, quæ nocere possent, ipsum minime læderent, nec in somno, nec in vigilia: hoc non erat à natura, sed à Dei speciali providentia, quæ ita eum custodiebat, ut sub pedibus eius omnia subiacerent, ut nihil cuperet ipsum offendere: etsi cuperet, non valeret. Et sic patet quod immortalitas, quæ fuit in statu innocentie, quantum ad aptitudinem, fuit à natura: quantum ad complementum, fuit à gratia, & per hoc pro magna parte patet responsio ad obiecta. Rationes enim quæ probant quod non fuit simpliciter à natura, concedendæ sunt, quia verum concludunt.

1. Ad id vero quod obiicitur, quod fuit à natura, quia fuit ei innata, dicendum quod non omne quod inest homini à principio suæ natiuitatis, naturale est, nisi extendatur hoc nomen naturale: multa enim bona gratis data concreantur, & dantur cum natura, sicut planum est: & ideo illud non valet.

2. Ad illud quod obiicitur, quod mors non poterat interuenire nisi præuia culpa, dicendum quod hoc non erat solum propter naturam, sed propter beneficium gratiæ quod erat naturæ superadditum: quia enim originalis iniustitia faciebat naturam immortalem esse, & hanc non poterat perdere nisi per culpam: ideo mors non poterat interuenire nisi per culpam.

3. Ad illud quod obiicitur, quod innocentia erat à natura: ergo similiter & immortalitas, dicendum quod innocentia dupliciter potest dici. Vno modo priuatiue, quia priuat culpam. Alio modo positiue, quia ponit iustitiam contrariam. Innocentia autem non erat causa immortalitatis secundum quod dicit puram priuationem, sed secundum quod importat originalem iustitiam, merito cuius erat in anima vis totius corporis contentiua.

4. Ad illud quod obiicitur, quod continuatio vite est ex coniunctione animæ & corporis, dicendum quod ad continuationem vitæ non sufficit appetitus, sicut ad beatificationem non sufficit appetere beatitudinem: sed ne-

cessaria est ulterius virtus ad satisfaciendum appetitui: omnis enim natura appetit esse, & durare, non solum hominum, sed etiam brutorum: non tamen in omnibus est immortalitas: & ideo non sequitur quod si à natura sit continuatio appetitus, quod à natura sit continuatio immortalitatis.

5. Et per hoc patet responsio ad aliud quod obiicitur, quod ab eodem est datio esse, & conseruatio, dicendum enim quod etsi illud sit verum de conseruatione, quæ est ad tempus: non tamen est verum de perpetuatione: multa enim sunt, quæ possunt dare esse: & tamen non possunt perpetuare.

6. Ad illud quod obiicitur per esum ligni vitæ, & aliorum lignorum poterat in esse conseruari, dicendum quod ista non erat tota causa: immo necessaria erat diuina virtus protegens, & prohibens nocua, & interior virtus conseruans, & concilians contraria. Præterea, quod lignum vitæ talem effectum haberet, speciale donum erat Dei: sicut etiam quod tanto tempore vestimenta, & calceamenta populi Israël potuerunt sibi præbere obsequia. Et sic patet illud.

QVÆSTIO II.

An si homo stetit, eadem per essentiam fuisset immortalitas cum immortalitate gloria.

Alexander Alesis 2. p. q. 3. Membrum 2.

S. Thom. 1. p. q. 97. art. 4.

Et 2. Sentent. dist. 19. q. 1. art. 5.

Agid. Rom. 2. Sent. p. 2. d. 19. q. 2. art. 3.

Richardus 2. Sent. dist. 19. art. 3. q. 2.

Steph. Brulef. 2. Sent. dist. 19. q. 6.

VTRUM eadem esset immortalitas innocentie per essentiam cum immortalitate gloriæ, si homo stetit. Et quod sic, videtur per Augustinum de vera Religione: Per Christum recuperamus, quod perdidimus, in Adam: ergo illam immortalitatem, quam in Adam perdidimus, per Christum recuperamus: sed illa immortalitas, quam recuperamus per Christum, est immortalitas gloriosa: ergo, &c.

ITEM potentia materiæ disposita, est eadem per essentiam cum seipsa indisposita: sed immortalitas innocentie, & immortalitas gloriæ sic se habent, sicut potentia indifferens, & potentia disposita dispositione quæ est necessitas, cum in statu innocentie poterat mori, & non mori, in statu vero gloriæ necesse habeat non mori: ergo, &c.

ITEM liberum arbitrium confirmatum, & non confirmatum est idem per essentiam: similiter & charitas: ergo pari ratione & immortalitas: sed sic se habet hæc immortalitas & illa: ergo, &c.

ITEM mortalitas in statu innocentie non est alia à mortalitate in statu miserie, quæ non est post peccatum data noua potentia, nec ablata: ergo pari ratione in statu innocentie, & in statu gloriæ non est alia & alia immortalitas.

ITEM si homo stetit, transferretur ad immortalitatem, ita quod nullius proprietatis nobilis in eo fieret deperditio: ergo cum immortalitas in homine diceret conditionem nobilem, si transferretur, illa immortalitas non amitteretur: sed non sunt in eodem homine duæ immortalitates simul & semel: ergo immortalitas innocentie, & immortalitas gloriæ non differrent.

1. SED CONTRA: Quod habet aliud & aliud principium proximum differens per essentiam, est differens per essentiam: sed immortalitas in statu innocentie, & in statu gloriæ habet aliud, & aliud principium differens per essentiam quia illa est à gloria, ista est à gratia gratis data: ergo differunt per essentiam.

2. ITEM non est transitus ab eodem in idem: sed transitus est ab immortalitate innocentie ad immortalitatem gloriæ: ergo illa immortalitas, & ista non sunt eadem.

3. ITEM

Lib. 6. de
Gen. c. 25.
tom. 3.

Hoc non probat
Scot. ad
caus. quæst.
ibi.
Ad arg. opinionem.

Fundamēta.

Cap. 16. m. 1.

Ad oppositum.

3. **ITEM** quorum opposita sunt diuersa, ipsa sunt diuersa: sed immortalitas status innocentiae non opponitur mortalitati, cum simul inessent eidem. Adam enim & mortalis erat, & immortalis: sed immortalitas gloriæ opponitur illi: ergo non est eadem cum illa immortalitate.

4. **ITEM** licet vita Adæ esset vna, & continua, si stetit in via, & patria: status tamen vitæ & conditio esset alia, & alia: quia conditio animalitatis, & spiritualitatis non habent identitatem, sed potius, oppositionem, & diuersitatem: ergo cum immortalitas non dicat solum vitam, sed potius conditionem vitæ secundum statum animale, & spirituale, videtur quod immortalitas sit alia, & alia.

5. **ITEM** hoc ipsum videtur per illud quod dicitur in litera. Alia est immortalitas quam amissimus, alia quam in resurrectione speramus. Ex hac auctoritate expresse colligitur, quod alia sit immortalitas vitæ, & alia patriæ.

CONCLUSIO.

Immortalitas primi hominis in statu innocentia erat vna per essentiam cum immortalitate gloriæ.

RESP. ad Arg. Ad prædictorum intelligentiam est notandum quod cum idem sit signatum in principali & deriuatio, siue in abstracto & concreto, idem est signatum huius quod est immortale, & eius quod est immortalitas. Immortale autem dicitur quod est aptum natum, siue potens non mori; immortalitas igitur idem est quod potentia, siue aptitudo ad non moriendum. Et hæc potentia ad non moriendum non est aliud, quam potentia animæ in regendo, & continuando corpus, ut nunquam deficiat, nec ab ea separetur. Hæc autem potentia consequitur ipsum liberum arbitrium, & ei conformatur. Vnde sicut in statu innocentiae homo poterat peccare, & non peccare: sic anima poterat corpus continere, & non continere, & homo poterat mori, & non mori. Quia vero in statu gloriæ impossibile est liberum arbitrium peccare, impossibile est etiam animam corpus deferere. Et quia in statu miseriæ necesse habet peccare, & aliquando in peccato esse, saltem in sua origine: ideo impossibile est animam corpori vnitam continuare. Et quemadmodum ipsius liberi arbitrij potentia in statu innocentiae, & gloriæ est eadem per essentiam, differens solum secundum statum, & dispositionem superadditam: sic illa potentia continuandi, & regendi corpus, quæ dicitur immortalitas, per essentiam est eadem, differens sola superaddita dispositione. Et ideo cum quæritur, utrum immortalitas innocentiae, & gloriæ, siue vitæ, & patriæ sit eadem, responderi potest quod eadem est quantum ad essentiam: sed alia quantum ad dispositionem superadditam. Vel, ut proprius dicamus, vna, & eadem est: sed altera, siue alterata: sicut coriscus albus, & niger idem est, sed alteratus. Et ideo concedendæ sunt rationes ostendentes, quod hæc immortalitas, & illa per essentiam essent vna. Ad rationes vero ad oppositum facile est respondere.

1. **NAM** ad illud quod primo obiicitur, quod principium proximum huius immortalitatis, & illius est aliud & aliud, plana est responsio: quia principium præcipuum, scilicet potentia contentiua est vna, & eadem, licet sit aliter, & aliter disposita: hinc gratia, inde vero gloria.

2. **AD** illud quod obiicitur, quod non est transitus ab eodem in idem, dicendum quod transitus ab hac immortalitate ad illam est per diuersificationem statuum, quia est transitus à statu in statum: & ideo sicut quod mouetur à statu imperfectionis ad statum perfectionis non dicitur aliud, & aliud: sed status dicitur alius, & alius: sic in proposito intelligendum.

3. **AD** aliud quod obiicitur, quod habent diuersa opposita, dicendum quod illa diuersitas oppositionis venit ex ratione superadditæ dispositionis, sicut intelligitur in libertate arbitrij, quæ est libertas à coactione, à

A culpa, & à miseria. Libertas enim à culpa superaddit aliquam dispositionem, scilicet gratiam: libertas autem à miseria superaddit aliam dispositionem, scilicet vel innocentiam, vel gloriam, ratione quarum dispositionum habet opponi diuersis. Sic & immortalitas gloriæ superaddit ultra immortalitatem innocentiae: sicut dispositio, quæ est necessitas supra dispositionem, quæ est congruitas.

4. **AD** illud quod obiicitur, quod immortalitas dicit conditionem vitæ, siue statum, dicendum quod verum est, sed non principaliter: immo principaliter dicit potentiam, corporis contentiuam, sicut prædictum est: & ideo ratio illa non cogit.

5. **AD** vltimum, scilicet, ad auctoritatem Magistrum patet responsio. Quod enim dicitur quod sit alia, & alia: aut intelligitur hoc esse dictum, quia est altera & altera: aut intelligitur esse alia, & alia, non quantum ad ipsam potentiam quam principaliter importat ipsa immortalitas: sed quantum ad dispositionem superadditam. Et sic patet responsio ad quæsitum.

DISTINCT. XX.

De Modo procreationis Filiorum si non peccassent primi parentes, & quales nascerentur filij, & de translatione in meliorem statum.

POST hac videndum est qualiter primi parentes, si non peccassent, filios procreassent, & quales ipsi filij nascerentur. Quidam putant ad gignendos filios primos homines in paradiso misceri non potuisse, nisi post peccatum: dicentes concubitum sine corruptione, vel macula non posse fieri. Sed ante peccatum nec corruptio, nec macula in homine esse poterat: quoniam ex peccato hæc consecuta sunt. Ad quod dicendum est quod si non peccassent primi homines, sine omni peccato, & macula in paradiso, carnali copula conuenissent, & esset ibi thorus immaculatus, & commixtio sine concupiscentia: atque genitalibus membris sicut ceteris imperarent, ut ibi nullum motum illicitum sentirent: & sicut alia membra corporis aliis admoemus, ut manum ori sine ardore libidinis: ita genitalibus vterentur membris sine aliquo pruritu carnis. Hæc enim lethalis aegritudo membris humanis ex peccato inhaesit. Genuissent itaque filios in paradiso per coitum immaculatum, & sine corruptione. Vnde Augustinus: Cur non credamus primos homines ante peccatum genitalibus membris ad procreationem imperare potuisse, sicut ceteris in quolibet opere sine voluptatis pruritu utimur? Incredibile enim non est Deum talia fecisse illa corpora, ut si non peccassent, illis membris, sicut pedibus imperarent, nec cum ardore seminarent, vel cum dolore parerent: sed post peccatum motum illum meruerunt, quæ nuptia ordinant, continentia cohibet. Infirmitas enim prona in ruinam turpitudinis excipitur honestate nuptiali: ut quod sanis est officium, agrotis sit remedium. Emissi quidem de paradiso conueniunt & genuerunt: sed potuerunt in paradiso eis esse nuptia honorabiles, & thorus immaculatus sine ardore libidinis, sine labore pariendi.

August. s.
per Gen.
9. cap. 10.

Ibid. cap. 7.

Ibid. cap. 7.

Quare in paradiso non coierunt, duobus modis soluit.

Cur ergo non coierunt in paradiso? Quia creata muliere, mox transgressio facta est, & eieci sunt de paradiso, vel quia nondum Deus iusserat ut coirent, & poterat diuina expectari auctoritas, ubi concupiscentia non agebat. Deus vero non iusserat, quia casum eorum praecebat, de quibus homo propagandus erat. Ecce expresse habes de modo propagationis filiorum.

De termino illius inferioris vitae, utrum natis filiis per successiones, an simul omnes transferendi essent.

De termino vero temporis, quo transferrentur ad spiritualem caelestemque vitam, certum aliquid Scriptura non tradit. Et ideo ambiguum est, utrum parentes genitis filiis, perfecta quoque humani officii iustitia, ad meliorem statum transferrentur non per mortem, sed per aliquam mutationem: an parentes in aliquo statu vita remanerent, ligno vita utentes donec filij ad eundem statum pervenirent: & sic impleto numero omnes simul ad meliora transferrentur, ut essent sicut sancti Angeli in calis. De quo Augustinus ambigue differit super Genesim, ita inquit: Potuerunt primi homines in paradiso filios gignere: non ut morientibus patribus succederent filij, sed in aliquo forma statu manentibus, & de ligno vitae vigorem sumentibus, & filij ad eundem perducerentur statum, donec impleto numero sine morte animalia corpora in aliam qualitatem transirent: in qua omnino regenti spiritui deseruirent, & solo spiritu vivificante sine corporeis alimentis viverent. Vel potuerunt parentes filiis cedere, ut per successionem numerus impleretur, qui genitis filiis, perfecta quoque humani officii iustitia, ad meliora transferrentur, non per mortem, sed per aliquam mutationem. Ecce hic habemus de transitu hominis ad meliora, sed incertum nobis relinquitur, utrum simul transferrentur an per successiones.

Quales procrearent filios, utrum perfectionem, statum & vium membrorum habentes, qualis homo primus fuit conditus.

Si vero queritur: Quales si non peccasset homo, filios genuisset: utrum videlicet sicut ipse primus homo secundum naturam corporis & usum membrorum perfectus mox conditus exitit, ita etiam eius filij in ipso natiuitatis exordio perfecti existerent: quia ambulare, & loqui, & cuncta facere possent? Responderi potest quod filios paruulos nasci oportebat propter materni uteri necessitatem, sed utrum mox nati perfectionem statura, & membrorum usum haberent: an paruuli & in minore aetate constituti uti possent membrorum officiis, an per intervalla temporum eo modo quo nunc fit, perfectionem statura & usum membrorum recepturi essent, auctoritatibus definitum non habemus.

Ambigua Augustini verba ponit, ubi tamen videtur innuere quod filij & paruuli possent membrorum uti officiis.

Et super hoc Augustinus ambigue loquitur: Mouet nos, inquit, si primi homines non peccassent, utrum tales filios essent habituri, qui nec lingua, nec manibus, nec pedibus uterentur. Nam propter uteri capacitatem forte necesse erat paruulos nasci: sed quamvis exigua pars corporis sit costa non tamen propter hoc paruulam viro coniugem fecit, unde & eius filios poterat omnipotentia Creatoris mox natos grandes facere. Sed ut hoc omittam, poterat certe eis prestare

A quod multis animalibus praestitit: quorum pulli, quamvis sint paruuli, tamen mox ut nascuntur currunt, & matrem sequuntur. E contra Homini nato nec ad incessu pedes idonei sunt, nec manus saltem ad scalpendum habiles, & iuxta se mammis positus nascentes, magis possunt esurientes flere quam sugere: propriaque infirmitati mentis congruit hac infirmitas carnis. His verbis videtur insinuari quod filij etiam paruuli officiis membrorum valerent uti.

Quibusdam non absurde placuit quod filij parui nascerentur, & per accessum temporis in statura & in aliis, sicut nunc proficerent, quod non esset vitio imputandum.

B Sed cum Augustinus sub assertione de his nihil tradat, non irrationabiliter quibusdam placuit primorum parentum filios nascituros paruulos, ac deinde per intervalla temporum eadem lege, qua & nunc natiuitate humanam ordinatam cernimus, statura incrementum, & membrorum usum recepturos, ut in illis expectaretur aetas ad ambulandum & loquendum sicut modo in nobis, quod utique non esset vitio imputandum, sed conditioni naturae: sicut à cibo abstinere penitus non valebant, nec tamen illud erat ex vitio sed ex naturae conditionis.

Oppositio quorundam volentium probare eos posse vivere sine alimonia.

C Ad hoc autem opponitur: Si non peccarent, non morerentur: sed non peccarent, si non comederent: poterant igitur sine alimonia vivere. Ceterum, sicut supra diximus, non solum peccarent, si de ligno vetito ederent, sed etiam, si concessis non uterentur: quia sicut erat eis praeceptum non illo ligno uti, ita aliis vesci. Præterea contra naturalem rationem facerent, quae intelligebant de illis esse edendum, quod & naturaliter appetebant. Item opponitur. Cum fames sit pena peccati, si non peccarent, famem non sentirent: sed sine fame superfluum videretur comedere. Unde putant quidam eos sibi non indiguisse ante peccatum: quia non poterant esurire, si non peccassent. Ad quod dici potest quod fames vere defectus est, & pena peccati. D Est enim immoderatus appetitus edendi: cui non subiaceret homo, si non peccasset: sed proculdubio peccaret, nisi hunc defectum cibo praeueniret. Habebat enim naturalem appetitum & moderatum, cui ita satisfaciendum erat, ne defectum famis sentiret. Sicut ergo non ex vitio, sed ex naturae conditione erat quod ante peccatum homo cibis indigebat, ita non ex vitio esset, sed de natura, si hominis conditio in principio suo, id est, in primo parente à perfecto inchoata, in subsequenti propagatione à modico ad maiora proficeret: ut scilicet per intervalla temporis statura corporea incrementa, usumque membrorum susciperet.

E Vtrum sicut statura corporis, ita etiam sensu mentis paruuli nascerentur, & per accessum temporis proficerent in sensu & notitia veritatis, scilicet an mox nati in his essent perfecti.

Et cum de corpore humano non sit absurdum, vel inconueniens hoc existimare, quæri solet utrum de sensu anima & cognitione veritatis eodem modo sentiendum sit: ut scilicet qui sine peccato nasceretur, sensu & intelligentia mentis imperfecti existerent, & per accessum temporis in his proficerent usque ad perfectionem: an mox conditi perfectionem sensus, & cognitionis perciperet. Illi qui sentiunt paruulos natos, in statura corporis & usu membrorum per accessum temporis profecturos, non diffidentur eosdem in exordio natiuitatis sensu imperfectos

existere

existere, & per intervallum temporis in sensu & cognitione proficere, usque ad perfectum.

Contra illorum sententiam opponunt quidam.

Ad quod quidam opponunt dicentes: Si mox nati non haberent perfectionem sensus & intelligentie ignorantia in eis esset. Ignorantia autem peccati est pena. Sed qui hoc dicunt, non satis diligenter considerant: quia non omnis qui aliquid nescit, vel minus perfecte aliquid scit, statim ignorantiam habere, siue in ignorantia esse dicendus est: quia ignorantia non dicitur, nisi cum id quod sciri & non ignorari debet, nescitur. Talisque ignorantia pena peccati est, cum mens vitio obscuratur, ne cognoscere valeat ea quae scire deberet.

De hominis translatione in meliorem statum: & de duobus bonis, altero hic dato, altero promisso.

Talis erat hominis institutio ante peccatum secundum corporis conditionem. De hoc autem statu transferendus erat cum universa posteritate sua ad meliorem dignioremque statum, ubi caelesti & aeterno bono in calis sibi parato frueretur. Sicut enim ex duplici natura compactus est homo, ita illi duo bona conditor à principio prae paravit: unum temporale, alterum aeternum: unum visibile, alterum invisibile: unum carni, alterum spiritui. Et quia primum est quod est animale, deinde quod est spirituale, temporale ac visibile bonum prius dedit. Invisibile autem & aeternum promissit, & meritis quarendum proposuit. Ad illius autem custodiam quod dederat, & ad aliud promerendum quod promiserat, naturali rationi in creatione anima hominis indita, qua poterat inter bonum & malum discernere, praeceptum addidit obedientiae: per cuius observantiam datum non perderet, & promissum obtineret, ut per meritum veniret ad praeium.

DISTINCT. XX.

De Hominis duratione, & conseruatione quantum ad filiorum procreationem.

Post hac videndum qualiter primi parentes, &c.

Expositio Textus.

SUPRA egit Magister de duratione immortalitatis, in hac parte agit de procreatione posteritatis. Vel alicui, & in idem redit. Supra egit de conseruatione indiuidui: hic agit de conseruatione speciei, quae quidem est per filiorum procreationem. Diuiditur autem haec pars in tres partes. In prima determinat, qualiter primi parentes filios procreassent. In secunda determinat quales filij nascerentur, ibi: Si vero quaritur: quales si non peccassent, &c. In tertia breuiter epilogat, quae primo determinata sunt, ibi: Talis erat hominis institutio ante peccatum. Prima pars habet duas. In prima determinat de modo generationis. In secunda de tempore translationis, ibi: De termino vero temporis, quo transferentur, &c. Similiter secunda pars principalis habet duas. In prima determinat, quales nascerentur filij quantum ad corpus. In secunda, quales nascerentur quantum ad animam, ibi: Cum de corpore humano non sit absurdum, &c. Aliarum partium subdiuisiones, & continentia manifesta sunt in litera.

Infirmas enim prona in ruinam turpitudinis excipitur honestate nuptiali. Dub. I.

CONTRA: Ex hoc videtur quod non possit actus ille sine peccato, & turpitudine exerceri Sed contra hoc

est, quia omnis actus, qui est in praecepto, potest fieri sine peccato: ergo & coitus.

RESP. Dicendum quod hic non dicitur de turpitudine, quae sonat in culpam, sed quae magis sonat in poenam: vel si de illa intelligitur, tunc nuptiae ita excipiunt pronitatem carnis, quod actus ille absque omni peccato potest fieri: unde quod dicit Magister, quod nuptiae ordinant actum illum, non est intelligendum ratione inordinationis, quae sit in actu illo: sed quae inesset, nisi esset matrimonium: de hoc autem diffusius agitur in quarto in tractatu de matrimonio.

Potuerunt in paradiso eis esse nuptiae honorabiles.

Dub. II.

CONTRA. Videtur quod similiter sint honorabiles in statu ecclesiae, cum sit sacramentum magnum, sicut dicit Apostolus: Cum etiam approbentur à iure naturali. Si tu dicas: honorabilitas nuptiarum attenditur quantum ad actum illum, tunc quaritur: Quare magis actus ille honestus, & castus sit cum pulore, quam alius actus, in quo est culpa deordinatio: magis enim verecundatur quis de actu illo honeste, & caste facto, quam de alio actu inordinato, utpote cognoscere uxorem, quam percutere seruum.

RESP. Dicendum quod est loqui de nuptiis quantum ad signatum, & quantum ad fructum, & quantum ad actum: & quantum ad haec tria honorabiles erant in paradiso: in statu vero miseriae, quamvis sint honorabiles quantum ad signatum, & fructum, habent tamen pudorem annexum quantum ad actum, quia omnis homo utens ratione, actum illum erubescit exercere coram aliis, etiam cum propria uxore. Rationem autem huius assignat Augustinus in decimo quarto de Ciuitate Dei. Quia cum ratio deberet dominari corpori, magis erubescit quod ipsa subiiciatur alicui parti corporis: & quod aliqua pars corporis dominetur ei, quàm quod ipsa inordinate dominetur ei: ideo magis verecundatur de ardore libidinis, quae est in actu illo, quam de perturbatione furoris, quae est in conuitiando seruo.

Nondum Deus iusserat, ut coirent. Dub. III.

Hoc videtur esse falsum, quia dicitur: Crescite, & multiplicamini, & replete terram. Constat quod hoc dictum est quantum ad actum generatiuæ: ergo, &c. Iuxta hoc quaritur, si mandatum illud omnes obligat. Quod si sic: ergo videtur quod transgressi sunt, quia non coierunt in statu innocentiae. Si non: ergo videtur quod poterant continue seruare virginitatem. Item quarro, utrum illud mandatum maneat adhuc: quod si manet: ergo non licet alicui seruare virginitatem, quod est contra Apostolum, qui dicit: Volo vos omnes esse, sicut ego sum: loquitur de castitate. Si non obligat modo: quarro, quando reuocatum est. Videtur etiam quod modo sint melioris conditionis homines, quam tunc, quia modo possunt seruare virginitatem: tunc autem non poterant.

RESP. Dicendum quod illud mandatum datum fuit viro, & mulieri in statu innocentiae: sed cum esset mandatum affirmatiuum, non obligabat ad semper, sed pro loco & tempore: determinatio autem temporis dependebat ex reuelatione diuinæ voluntatis, quam quia Deus nondum eis reuelauerat, ideo dicit Magister quod nondum iusserat. Ad illud quod quaritur, utrum illud mandatum fuerit reuocatum, dicendum quod aliter obligabat tempore naturae institutae, aliter nunc: tunc enim omnes obligabat, quia omnibus erat in officium: nunc autem non obligat omnes pro eo, quod sunt multi, qui sufficiunt illud implere, aliis consilium virginitatis seruantibus. Hoc autem consilium competit statui naturae lapsae; non autem naturae institutae, quia tunc cum nulla esset pronitas, non esset maior virtus continere, quam nubere, & omnes ad cultum Dei generarent: nunc autem propter difficultatem & arduitatem, omnino continere, magnae virtutis est, & dignitatis. Et sic parent ea quae obiciuntur.

Impleto numero, &c. Dub. IV.

Videtur hæc positio esse inconueniens. Primum, quia magnum dispendium esset parentibus, si tanto tempore gloria eorum differretur, quousque electorum numerus impleteretur. Et iterum: Si ipse, quæ differtur, affligit animam: videtur quod in eis esset aliqua afflictio. Rursus: Est numerus electorum futurus sic in magna multitudine, quo modo possent omnes homines intra paradisi spatium contineri: hoc non videtur esse probabile. Si tu dicas quod propter hoc parentes transferrentur absque aliis, & glorificarentur, hoc non videtur conueniens, quia ad magnitudinem Dei spectat, omnes simul glorificari, sicut faciet in die iudicii in resurrectione generali.

Et dicendum breuiter, quod ista secunda opinio probabilior est, sicut dictæ rationes ostendunt. Nec obstat illud de simultate glorificationis: hoc enim magis est B propter iudicium, & resurrectionem corporum, quam decet esse simul, quam propter beatitudinis colationem. Huius ratio expressius habetur in quarto, in tractatu de resurrectione.

In illis expectaretur ætas, &c. Dub. V.

Hanc de paruulis primorum parentum opinionem videtur Magister approbare. Sed contra hoc est verbum Augustini præcedens paulo ante hoc: dicit enim sic: Infirmi-
tati mentis congruit hæc infirmitas carnis. Item si natura humana potentior & nobilior est quam brutalis: & quorundam animalium fœtus statim quando nascuntur possunt ambulare: multo fortius videtur quod filij hominum.

RESP. Dicendum quod Magister nullam istarum opinionum intendit asserere: & dubium est, utrum sic, vel sic esset: nihilominus tamen hanc opinionem approbat tanquam probabilior, quæ dicit, paruulos paulatim proficere, & crescere ad usum membrorum. Nec hoc dicit sine ratione. Teneritudo enim membrorum debetur proli hominis propter bonitatem complexionis, & congruentiam naturæ, quæ procedit à debiliorum complexionem ad fortiorem: unde paruuli habent teneriora membra, quam adulti. Processus autem in incremento non esset miraculosus, sed naturalis, etiam tempore naturæ institutæ: & ideo rationabiliter Magister hunc modum dicendi magis approbat. Verbum autem Augustini præcedens intelligitur de infantia ratione incommodorum, concomitantium eam, non ratione imperfectionis membrorum. Ad illud quod obiicitur de illis generibus animalium, non valet, quia alterius sunt complexionis, & organizationis.

Per interuallum temporis in sensu, & cognitione proficere, &c. Dub. VI.

CONTRA: videtur falsum quod hic dicit de paruulis: cum enim anima rationalis senescit in tempore, non videtur secundum conditionem temporis alterari: ergo videtur quod processu temporis non efficeretur magis sciens, cum non haberet in scientia per tempora alterari. Item Deus fecit animam Adæ perfectam scientia: ergo pari ratione fecisset animam filiorum, si ipse stetit.

RESP. Dicendum ad hoc, quod hæc est probabilior positio, quod aliquo modo per interualla temporum in sensu, & cognitione profecissent. Anima enim dum est in corpore, complexionem corporis imitatur. Et quoniam infantia est mollis, & fluida complexio cerebri, ideo non potest ibi esse fortis impressio specierum, nec fortis conuersio super illas. Unde sicut facies non relucet in aqua mota, sic paruuli non essent idonei statim ad usum cognitionis. Quod ergo obiicitur, quod anima non alteratur in tempore, verum est quantum est de se: sed ratione corporis, cui coniungitur, crescit, & in tempore fortificatur. Ad illud vero quod obiicitur, quod haberet scientiam, dicendum quod etsi haberet scientiam quantum ad

habitu, non tamen haberet quantum ad actuale considerationem propter organi ineptitudinem, sicut etiam non habent dormientes. Unde sicut paruuli baptizati dicuntur habere virtutem in munere, non in usu, vel in actu: sic intelligendum est paruulos illos scientiam habuisse: & postmodum complexione facta habili ad considerandum, statim essent in actu considerationis sine penuria, & labore: & potissime verum esset in eis illud verbum Philosophi quod dicit, quod in sedendo, & in quiescendo fit anima prudens & sciens, cum cessio: & quies dicatur contra motum, & fluxibilitatem complexionis.

Præceptum addidit obedientia. Dub. VII.

Quæritur, quare Dominus addidit præceptum super præceptum: & quare tot fuerunt præcepta, quæ homini dedit: & iterum, quare præceptum obedientiæ, siue disciplinæ potius fuit negatiuum quam affirmatiuum.

Respondendum est ad hoc breuiter, quod tria Dominus fecit eis præcepta in principio. Vnum scilicet, quod fuit: Crescite, & multiplicamini. Aliud fuit. De ligno paradisi, Comedite. Tertium fuit de ligno scientiæ boni & mali, Nolite comedere. Numerus autem, & sufficientia istorum præceptorum potest sumi dupliciter. Vno modo sic: Quoddam enim est præceptum, quod ordinat ad Deum: & istud fuit præceptum obedientiæ. Quoddam quod ordinat ad proximum, & illud fuit præceptum de multiplicando genere. Quoddam, quod ordinat ad seipsum: & hoc fuit præceptum de comestione. Secundo modo sic. Ut quoddam præceptum respiciat corpus: & hoc est præceptum de comedendo. Quod respiciat animam: & hoc est præceptum de abstinendo, quod est obedientiæ meritum. Quoddam coniunctum: & hoc est præceptum de consimili multiplicando. Præceptum autem disciplinæ fuit negatiuum, ut facilius esset eius obseruantia, & homo non posset de transgressione, vel omissione habere excusationem. Et in hoc terminatur totalis illa pars huius Libri: quæ est de hominis constitutione.

ARTICVLVS I.

AD intelligentiam huius partis, quæ est de procreatione liberorum in statu innocentie, quædam incident dubitabilia. Et primo quæritur, utrum in statu innocentie fuisset sexuum commixtio. Secundo, utrum in illa commixtione esset seminum decisio. Tertio, utrum in illa seminis decisione esset delectationis intentio. Quarto, utrum in illa commixtione esset integritatis corruptio. Quinto, utrum in omni coitu esset proles generatio. Sexto, utrum æqualis esset per generationem masculorum, & fœminarum multiplicatio.

QVÆSTIO I.

An in statu innocentie fuisset sexuum commixtio.

S. Thom. 1. p. q. 98. art. 1.
Et 2. Sent. dist. 20. q. 1. art. 2.
Ægid. Rom. 2. Sent. d. 20. p. 2. q. 1. art. 1.
Richard 2. Sent. dist. 20. q. 1.
Alfisdorensis 2. Sent. tract. 10. c. 2. q. 4.
Durandus 2. Sent. dist. 20. q. 1.
Tnom. Arg. 2. Sent. dist. 20. q. 1. art. 1.
Steph. Brulef. 2. Sent. dist. 20. q. 1.

CIRCA quam sic proceditur, & ostenditur, quod si homo stetit, facta esset sexuum commixtio. Primo per textum Genesis: Faciamus ei adiutorium simile sibi. Sed vir non indigebat adiutorio mulieris, nisi quantum ad actum generationis: nec poterant simul aliquem generare, nisi simul commiscerentur: ergo, &c.

ITEM per Augustinum de Ciuit. Dei: Quisquis dicit non coituros, non generaturos homines, nisi peccassent, quid aliud dicit nisi propter numerositatem sanctorum, necessarium fuisse peccatum: ergo si hoc est inconueniens

7. Phys. con-
suet. 20.

Fundamēta.

Gen. 2. c.

Aug. 1. 23.
lib. 14. in
princ. 10. 5.

ponere,

ponere, etiam si homo non peccasset, vir & mulier per commixtionem sexuum generarent.

ITEM distinctio sexuum non est nisi propter generationem: sed in primaria sui conditione distinctio fuit in humana specie, sicut in aliis: ergo si sexus distincti ad unum effectum non concurrunt nisi commisceantur, videtur quod si homo stetit, vir & mulier commixti essent.

ITEM vir habuit vim generatiuam, sed planum est quod intra se prolem concipere non poterat: cum nec haberet locum in quo fœtus vegetaretur, nec viam, per quam egrederetur: ergo videtur quod ad hoc, quod generaret, necessarium erat sibi cum muliere commiscere, & conuenire.

1. SED contra: per Augustinum de bono coniugali: Nuptiæ non nisi mortalium esse poterunt: constat hoc dictum esse quantum ad commixtionem sexuum: si ergo manente statu innocentie homo poterat non mori: ergo nec mulieri poterat commisceri.

2. ITEM Damascenus: Poterat Deus genus hoc absque generatione multiplicare, si homo mandatum suum seruasset vsque in finem: ergo videtur quod si stetit homo, quod vir mulieri commisceri non haberet, nec filium procreare.

3. ITEM ad hoc data est vis generatiua, vt quæ non possunt continuari in se, conseruentur in suo simili: sed homo, natura stante, in perpetuum continuari posset: ergo non videtur quod homo generaret.

4. ITEM commixtio sexuum est opus carnale: sed primi parentes, cum essent spirituales, non erant dediti operibus carnis, nec impediabantur à quiete contemplationis: ergo non videtur quod natura stante haberent in simul commisceri.

CONCLUSIO.

Si homo stetisset in rectitudine, adhuc fuisset generatio, & sexuum commixtio.

RESP. Ad Arg. Dicendum quod in statu innocentie absque dubio homo haberet generari ex homine: & hoc attestatur auctoritate Scripturæ, & iudicio rationis rectæ. Dicitur enim hominibus in statu innocentie, sicut scribitur: Crescite, & multiplicamini, & replete terram. Et alius textus dicit, Mulierem in adiutorium viri esse factam. Rationi etiam rectæ hoc consonat, quæ dicit potentiam generandi spectare ad complexionem naturæ: vsus vero generationis ad complementum, & perfectionem Ciuitatis supernæ. Et quia in statu innocentie natura perfectior erat quam in statu viæ, & si homo stetit, superna ciuitas suorum ciuium numerositate nequaquam fraudata esset: ponendum est quod homo in statu innocentie generare poterat, & genuisset. Et quia nec vir per se, nec mulier per se sufficisset ad generandum: ideo per commixtionem fieret coniunctio vnus ad alterum, & mutuum sibi præberent auxilium in procreatione prolis ad multiplicandum genus humanum. Et ideo concedendæ sunt rationes ostendentes quod si homo stetit, esset generatio & sexuum commixtio.

1. AD illud autem quod primo obiicitur in contrarium de verbo Augustini in libro de bono coniugali, dicendum quod mortale non vocatur ibi, quod habet necessitatem in moriendo, sed mortale dicitur generaliter pro vita animali, in qua sola potest fieri generatio, quia in ea solum potest fieri decisio, & restauratio: & quia hæc mortalitas esse poterat in statu innocentie, quamvis non in statu gloriæ: ideo patet illud.

2. AD illud quod obiicitur de verbo Damasceni, dicendum quod Damascenus non vult dicere, quod non esset generatio, si homo stetit: sed quod non esset per eum modum, per quem est modo, scilicet cum libidine, & fœditate. Præterea ipse non dicit, quid Deus faceret, sed quid facere posset.

3. AD illud quod obiicitur, quod ideo data est vis generatiua, vt perpetuentur corruptibilia, dicendum quod illa non est ratio tota, immo ratio præcipua, & secundum

fidem, quam ignorauit Philolophus, est propter multitudinem numeri electorum, quam Deus sic disposuit facere successiue propter congruentiam multiplicem, sicut supra tactum est: tum videlicet propter diuinæ gloriæ manifestationem, tum etiam propter hominum maiorem coniunctionem, vt magis adinuicem se diligerent: tum etiam propter vniuersi decorem, & perfectionem: quæ non solummodo attenditur secundum esse permanens, immo etiam secundum esse decurrens: decursus autem in rebus irrationalibus debet esse secundum ordinem, & exigentiam ad res rationales, propter quas factæ sunt.

4. AD illud quod obiicitur, quod commixtio sexuum est opus carnale, dicendum quod caro vno modo sonat in vitium, sicut illud ad Galatas: Caro concupiscit aduersus spiritum. Alio modo caro dicit naturam, sicut illud ad Ephesios: Nemo carnem suam odio habuit. Et sic carnale potest dici dupliciter: vel à carne secundum quod dicit naturam: vel à carne secundum quod dicit vitium: & hoc vltimo modo in primo statu, sexuum commixtio non esset carnale opus, eo quod non esset ibi vitiositas: esset tamen opus carnale secundum quod caro sonat in naturam: & nihilominus esset spirituale opus, quia natura, & opus naturæ concordat spiritui & gratiæ.

QUESTIO II.

An in commixtione in statu innocentie fuisset seminum decisio.

S. Thomas 1. p. q. 98. art. 2.

Et 2. Sent. d. 10. q. 1. art. 2.

Agid. Rom. 2. Sent. p. 2. dist. 20. q. 1. art. 2.

Richardus 2. Sent. dist. 20. q. 2.

Steph. Brulef. 2. Sent. dist. 20. q. 2.

Guar. B. el. 2. Sent. dist. 20. q. 1. art. 3. Dub. 2.

VTVM in illa commixtione esset seminum decisio. Et quod sic, videtur. Generare est de substantia sua aliquem producere: sed nemo producit aliquem de substantia sua, nisi det ei partem substantiæ suæ, cum dare totam non possit, nisi solus Deus: partem autem substantiæ non dat nisi decidendo à se: ergo, &c.

ITEM filius à patre & matre generatur, non tantum effectiue, sed etiam materialiter: sed quodcumque aliqua duo sunt materia vnius, necesse est ea ad inuicem vniri & commisceri secundum se tota, vel secundum aliquid sui: illud autem in quo vniuntur non solum habet rationem materialis, sed etiam effectiui, & tale vocamus semen: igitur si homo stetit, generatio nihilominus esset per commixtionem seminum.

ITEM vir ex suo coitu mulierem fœcundaret: sed hoc non esset, nisi aliquid impartiretur mulieri: sed constat, quod non impartiretur necessarium, quia natura illud sibi reseruat: ergo impartiretur alimenti superfluum, & hoc est semen: ergo fieret seminum commixtio.

ITEM à primaria conditione habuerunt vir & mulier vasa susceptibilia, & idonea ad humoris seminarij generationem, & decisionem, & commixtionem, & illa sunt quæ sunt organa virtutis generatiuæ, ergo in generatione prolis naturale est semen decidere: ergo si homo generaret, tunc secundum quod competeat naturæ, in statu innocentie fuisset commixtio seminum.

1. SED contra: Semen est superfluum nutrimenti: vbicumque autem est superfluitas, ibi est vitiositas: sed in natura instituta non erat vitiositas: ergo nec superfluitas: igitur nec humor seminarius.

2. ITEM semen est superfluitas terciæ digestionis: sed si homo stetit, non esset in eo superfluitas secundæ digestionis, vtpote stercus, & vrina: ergo nec superfluitas terciæ. Prima patet per Philosophum: secunda manifesta est, quia illæ superfluitates nunquam sunt sine fœditate, & ignominia: ergo si fœditas, & ignominia non sunt in homine nisi per culpam, nullo modo esset in eis talis superfluitas.

3. ITEM si esset in eis semen, aut esset conueniens propriæ complexionem, aut non. Si non: ergo non videtur

quod de eo deberet, vel posset proles generari. Si sic: A sed natura naturaliter tenet quod est sibi conueniens: & si expellit, hoc non est per naturam, sed per violentiam: ergo si in statu innocentie homo hominem generaret non violenter, sed naturaliter, videtur, quod in generatione semen non emitteret.

4. ITEM actualis decisio partis à parte est via ad corruptionem: sed homo in statu innocentie ad corruptionem non tendebat: ergo generando, semen non decidebat.

CONCLUSIO.

In statu innocentia per seminis decisionem prolem generassent primi parentes.

RESP. AD ARG. Dicendum quod cum generatio proles quantum est de ordine, & potestate naturæ, habet fieri per coniunctionem, & commixtionem duorum sexuum in hominibus, qui respectu proles se habent per modum materialis, & efficientis, ita quod ratio materialis plus residet penes mulierem, & efficientis, vel actiui plus residet penes virum, necesse est ad generationem aliquas particulas tam à muliere quam à viro decidi, in quibus esset virtus, & ratio seminalis respectu corporis propagandi. Quia igitur hic est ordo naturæ non solummodo lapsæ, sed etiam institutæ. Ideo dicendum est, quod in statu innocentie & vir, & mulier per decisionem seminum generassent.

1. AD illud quod obiicitur in contrarium de seminis superfluitate, dicendum quod est superfluitas residuitatis, & est superfluitas impuritatis. Superfluitas residuitatis est in semine, & hæc superfluitas necessitatem non excludit, immo idem ipsum, quod necessarium est, est superfluum, sed necessarium speciei, superfluum indiuidui: necessarium virtuti generatiuæ, sed superfluum nutritiuæ: & hæc superfluitas non repugnat bonitati, & complexioni naturæ, quia non sonat in vitium, sed in complementum. Est & alia superfluitas impuritatis, sicut sterco, & vrina, defluxio rheumatis, & emissio sudoris, & consimilia, & hæc est in duplici differentia. Quædam venit ex debilitate virtutis contentiuæ, & conuerlatiuæ, sicut sudor, & rheuma: & talis non fuisset in Adam, propterea quia virtutes naturales in ipso erant in suis operationibus efficaces. Alia vero est, quæ venit ex nutrimenti qualitate, & nutrimenti impuritate, & hæc fuisset in Adam qualis est superfluitas egestionis, & vrinæ, quæ sunt propter separationem puri ab impuro: ut illud, quod purum, & idoneum est, assumatur in alimentum: illud vero quod est minus idoneum, abiiciatur exterius, licet non cum tanto foetore, & foeditate, sicut & hoc satis indicant vasa, & intestina, & voramina quæ sunt homini à sua prima conditione naturaliter deputata.

2. ET per hoc patet responsio quasi ad omnia obiecta. Nam primum quod obiicit, quod ubi est superfluitas, ibi est vitiositas, non valet, quia non habet veritatem de superfluitate residuitatis qualis est superfluitas feminis.

3. SECUNDUM autem quod obiicit, quod superfluitas secundæ digestionis est cum foeditate, & ita cum poenaltate: similiter non valet, quia quamvis illa separatio puri ab impuro sit in nobis cum foeditate: in istis esset sine aliqua foetoris corruptione in attestationem virtutis potentie conuersivæ, & puritatis nutritiuæ.

4. SIMILITER tertium non multum cogit: quia semen cum sit superfluum nutritiuum, est necessarium generatiuæ: & non conuenit cum natura, ut saluans ipsam in se, sed ut saluans eam in altero: & ideo natura non appetit sibi illud retinere, sed in alterum transfundere, & quamvis non conueniat naturæ generantis in se, ut sic est: conuenit tamen naturæ generati.

5. SIMILITER vltimum non cogit quod dicit, quod decisio est via ad corruptionem: hoc enim locum habet, ubi est decisio partis necessaria cum quadam violentia,

& ubi est decisio sine restauratione: hoc autem non est in seminis decisione, sicut ostensum est. Et ita omnia obiecta possunt solui per distinctionem prius factam, & alia etiam plura media, quæ ad hoc possunt adduci.

QVÆSTIO III.

An in emissionem seminum in statu innocentia fuisset delectationis intensio.

Agid. Rom. 2. Sent. dist. 10. q. 1. art. 4.

Richardus 2. Sent. dist. 10. q. 3.

Stephan. Brulef. 1. Sent. dist. 10. q. 3.

VT RUM in illa seminis emissionem esset delectationis intensio. Et quod sic, videtur. Natura bene disposita desiderat superfluum emittere: ergo melius disposita magis desiderat illud emittere: sed natura instituta multo melius erat disposita, quam natura lapsa: ergo vis generatiua multo magis desiderabat semen emittere, quod est superfluum: sed ubi maius est desiderium, ibi in completionem multo maior est delectatio: ergo in seminis decisione multo maior esset tunc delectationis intensio, quam sit modo.

2. ITEM delectatio est ex coniunctione conuenientis cum conuenienti, & sensu eiusdem: & ideo dicunt naturales, delectationem esse in coitu propter transitum humoris per locum nervosum, in quo maxime viget sensus: si ergo tanta erat tunc conuenientia, vel maior, quam sit modo: & sensus tunc magis vigeat, quam modo, videtur, quod in seminis decisione maior tunc, quam nunc esset delectationis intensio.

3. ITEM vnaquæque virtus cognitiua delectatur, in facilitate, & complemento suæ operationis, & hoc per se verum est: ergo quanto maior esset completio, & facilitas, tanto maior esset delectatio: sed vis generatiua, in qua viget sensus tactus, facilius, & completius existet tunc in actum suum, quam nunc: ergo maior esset ibi delectationis intensio.

4. ITEM oculus Adz plus delectabatur in aspectu lucis, & auditus in auditu cantus sonori, quam aspectus, vel auditus hominis lapsi: ergo pari ratione in gustu, & tactu appposito sibi conuenienti, multo plus haberet delectari: ergo cum cognouisset uxorem, vel cum comedisset, maiorem delectationem habuisset.

SED contra: August. de Ciuit. Dei: quod si homo non peccasset, sic membra genitalia applicarentur adinuicem, sicut modo applicatur manus ori: sed in applicatione manus ad os, aut nulla, aut modica habetur delectatio: ergo pari ratione videretur, quod nec in contactu illorum membrorum.

ITEM si tanta esset delectationis intensio tunc, quanta est nunc, cum modo sit deordinatio in actu generandi propter delectationis intensiorem, tunc fuisset generatiua deordinata: ergo non est generatiua instituta, sed destituta.

ITEM si in actu illo natura stante esset delectationis intensio, cum fortificata vna virtute, minoretur vsus alterius, videtur quod sicut nunc in illo opere absorbetur vsus rationis, ita & tunc: sed hoc non potest esse sine hominis subuersione: ergo non esset natura ordinata, sed inordinata, & subuersa.

ITEM si tanta esset tunc delectatio in præsentia, & coniunctione sexuum, quanta est nunc: ergo similiter tantus esset appetitus in absentia, quantus est nunc: sed vehementia appetitus, & desiderij excitat prurium, & pruritus vehementia facit membra illa inobedientia rationi, & repugnantia: ergo in statu ante lapsum esset pugna, & controuersia, quod est contra omnes sanctos, & contra fidem sinceram. Restat ergo, quod tempore naturæ institutæ in sexuum commixtione non erat delectatio intensa.

Ad oppositum.

Fundamēta.
Aug. c. 19.
c. 23. 10. 9.

CONCLUSIO.

A

QVÆSTIO IV.

Si homo sterisset in innocentia, in seminis decisione non fuisset tanta delectationis intensio quanta nunc est: cum debitum modum non obseruet.

RESP. Ad Arg. Intelligendum est, hic duplicem modum esse dicendi. Quidam enim dicere voluerunt, quod tanta vel maior erat delectatio tunc, quam nunc: & tamen non erat immoderata. Tanta erat propter naturalis virtutis perfectionem: immoderata non erat propter inferiorum virtutum subiectionem. Ratio enim dominabatur illi delectationi, & eam deferbat in suum finem: & ideo non absorbebatur, nec erat ibi repugnancia. Et per hoc voluit soluere obiecta. Est & alius modus dicendi qui magis concordat verbis Augustini, & probabilitati rationis, sc. quod in decisione seminum, & commixtione sexuum, tempore naturæ institutæ aliqua fuisset delectatio, moderata tamen, & mensurata, secundum quod exigebat hominis reclusio, & secundum quod eam volebat temperare ratio hominis: & ideo non erat tanta, quanta est modo. Nunc enim, quia virtus illa maxime exiuit rationis imperium, dum ratio amisit originalis iustitiæ vinculum, & retinaculum, per quod imperabat viribus inferioribus: ideo laxatis sibi habentis toto impetu, & conatu se præcipitat in delectabile sibi oblatum: non propter intensiorem virtutis mouentis, sed propter defectum virtutis retardantis. Vnde sicut equus lasciuus rupto freno velocius currit, & impetuosius, quam cum infrenatur, & detinetur a suo sessore, licet non habeat maiorem virtutem: sic & in proposito intelligendum est se habere: & hoc est quod dicit Aug. de Ciuit. Dei. Nuptiæ illæ dignæ felicitate paradisi: si peccatum non fuisset, & diligendam prolem gignerent, & pudendam libidinem non haberent. Et ideo concedendæ sunt rationes ostendentes, quod non esset tunc tanta delectationis intensio, quanta est nunc, cum modo tanta sit vt modum, & ordinem debitum non obleruet.

1. Ad illud ergo quod obiicitur in contrarium, quod natura desiderat emitte superfluitatem, dicendum, quod verum est: sed illud desiderium habet terminum, & limitem, & in natura instituta illum terminum non exiret: nunc autem exit, & ratio prius tacta est.

2. Ad illud quod obiicitur, quod delectatio venit ex coniunctione conuenientis cum conuenienti, & sensu eiusdem, dicendum quod non tantum venit ex coniunctione, sed etiam ex virtutis conuersione super delectabile: in statu autem naturæ institutæ, etsi esset coniunctio conuenientis cum conuenienti, & sensus: non tamen tanta esset virtutis incuruatio, & inclinatio, quanta est modo: & ideo non esset tam improba, & tam intensa delectatio.

3. Ad illud quod obiicitur, quod virtus delectatur in completionem, & facilitate sui actus, dicendum quod verum est: sed tamen adhuc ista delectatio terminum præfixum debet habere, & haberet vtique si homo sterisset. Et quoniam illum merito peccati egreditur, hinc est, quod amplius delectatur, quamvis delectationis materia non sit maior.

4. Ad illud quod obiicitur, quod amplius delectaretur homo in sensu visus, & auditus, dicendum quod verum est de delectatione naturali, sed non est verum de delectatione curiositatis. Nec est simile de delectatione, quæ est in visu, & quæ est in tactu, quoniam visus delectatur in obiecto quod est nobile, & magis accedit ad naturam spirituales, similiter & auditus: & ideo in beatis delectatio visus potissime intenditur: tactus vero delectatur in re magis grossa, & materiali: & ideo intensio suæ delectationis magis repugnat statui spirituali, & magis reddit hominem carnalem, & animale, qualis est homo in statu miseræ. Et sic patet quod illud non est simile.

An in coitu in statu innocentia fuisset integritatis corruptio.

S. Thom. 1. p. q. 98. art. 2. ad 4.
Ægid. Rom. 2. Sent. p. 2. d. 20. q. 1 art. 4. dub 1.
Richard 2. Sent. dist. 20. q. 4.
Altrifiodorensis 2. Sent. tract. 10. c. 2. q. 4.
Seeph. Brulef. 2. Sent. dist. 20. q. 4.
Thom. Argen. 2. Sent. dist. 20. q. 1. art. 2.

VTVM in illo coitu esset integritatis corruptio. Et quod non, videtur primo per August. 14. de Ciuit. Dei: Sine vlla corruptione integritatis infunderetur maritus gremio mulieris: ergo videtur, quod si homo sterisset, nulla esset integritatis corruptio.

2. ITEM vbi est corruptio integritatis in re habente sensum, est passio, & dolor: quia dolor est sensus diuisionis partium, sicut dicit Philosophus: si ergo in actu illo fuisset integritatis corruptio, cum esset in re habente sensum, esset per consequens doloris passio, sed hæc passio non poterat esse in natura stante: ergo nec integritatis corruptio.

3. ITEM vbi est corruptio integritatis, ibi est amissio virginalis dignitatis: sed si homo sterisset, in actu illo non fuisset alicuius dignitatis amissio: ergo nec integritatis violatio.

4. ITEM corruptio integritatis est principium destructionis disponens ad mortem: immortalitas enim integritatem dicit, & priuat corruptionem, si ergo statu illo manente tam vir, quam mulier erant immortales: ergo integritatem per corruptionem aliquam non poterant perdere.

SED contra: Impossibile est semen suscipi, & emitte nisi per apertionem viarum: sed in actu generationis fuisset sexuum vel seminum commixtio: ergo fuisset & viarum apertio: si igitur in apertione viarum, integritatis virginalis violatio: igitur, &c.

ITEM quamvis naturalia sint deteriorata, non tamen sunt ablata: ergo sicut modo commiscetur maritus uxori, ita & tunc: sed nunc non potest commisceri sine corruptione integritatis: ergo nec tunc.

ITEM quod aliqua Virgo conceperit, hoc est miraculum, & proprium solius matris Christi: si ergo miraculum est supra naturam, & contra naturam: videtur quod natura stante, nulla mulier posset concipere virginitate manente, & corporis integritate.

ITEM mulier non posset parere salua claustrorum integritate, quia fœtus non posset nisi per apertam portam exire: exire enim per ianuam clausam hoc est solius proprium Christi & naturæ impossibile: si ergo esset integritatis corruptio in partu, pari ratione & in cõceptu.

CONCLUSIO.

In statu innocentia si vir uxorem cognouisset, fuisset claustrorum apertio, non tamen pœna, neque fœditas.

RESP. ad Arg. Dicendum quod proposita quæstio plus habet curiositatis, quam vtilitatis: quia tamen habet ortum ex verbis Augustini, ideo introducta est maxime propter explanationem illius verbi quod dicit, quod maritus commisceretur uxori sine vlla corruptione integritatis, quod quidem non videtur esse intelligibile: si enim mulier permaneret integra, nunquam esset viri ad mulierem carnis cõmixtio. Propter quod intelligendum est, quod integritatis corruptio tria dicit, scil. claustrorum apertionem, pœnalem passionem, & fœdam delectationem: primum est naturæ, secundum est pœnæ, tertium vero est corruptionis vitiosæ, quæ tenet mediū inter culpam & pœnam. Si igitur vir cognouisset uxorem in tempore naturæ institutæ, fuisset ibi claustrorum apertio, sicut ostendunt rationes secundo inductæ.

Ad oppositum.
Cap. 26. 10. 5.

7. Eth. 6. 14.

Fundam. 6. 14.

14. de Cinit.
Dei cap. 23.
tom. 5.

nō tamen fuisset ibi pœnalis passio, ac fœda delectatio: quia vis generatiua nec esset corrupta, nec esset infecta: immo obedirent rationi illa membra, sicut dicit Augustinus, sicut obediunt os, manus, & lingua: vnde sicut manus aperitur, & clauditur, & os aperitur, & clauditur, nec est ibi passio, vel pœna, nec delectatio fœda, sic fuisset in natura instituta, nec turpius fuisset tunc loqui de istis membris, quam sit loqui de aliis: nunc enim turpe est loqui propter hoc, quod natura horret, & erubescit actum illum ratione fœditatis, quæ in ipso consistit.

Et sic patet responsio ad rationes ad partem oppositam: omnes enim procedunt de corruptione, secundum quod corruptio sonat in violentiam, & pœnalitatem, & in delectationem, & in fœditatem: & sic minuit dignitatem virginalem & hoc patet pertractanti singulas.

QVÆSTIO V.

An quoties fuissent coniuncti, toties prolem genuissent.

*Ægid. Rom. 2. Sent. p. 2. d. 20. q. 1. art. 3.
Richard. 2. Sent. dist. 20. q. 2.
Steph. Brulef. 2. Sent. dist. 20. q. 5.
Gab. Biel. 2. Sent. dist. 20. q. 1.*

Fundamēta.

VTRUM in qualibet coniunctione viri, & mulieris esset proles generatio. Et quod sic, videtur. Matrimonium pro tempore innocentie erat solum in officium, non in remedium: sed officium consistit in procreando prolem: ergo solum ad hoc erat, si ergo vir, & mulier non coniungebantur matrimonialiter nisi propter quod erat matrimonium, videtur quod nunquam coniuncti essent, quin prolem generarent.

ITEM qui debitum petit in statu naturæ lapsæ præter necessitatem proles procreandæ, peccat saltem venialiter: ergo ibi nunquam vir peteret debitum præter necessitatem proles procreandæ, aut si peteret, peccaret, & caderet à statu innocentie: ergo illo statu manente nunquam cognosceret uxorem, quin ex ea susciperet prolem, cum ibi actus non esset priuatus debita intentione, nec intentio debito fine: priuatio enim intentionis rectæ non est sine culpa: priuatio vero utilitatis intentæ, non est sine pœna: quorum neutrum erat in natura instituta.

ITEM nunquam homo comedisset, quin ex illa comestione sumpisset refecutionem, nec vnquam nutritiua in suo actu priuata fuisset proprio effectu: ergo pari ratione generatiua in suo actu nunquam caruisset debito fructu: sed fructus eius proles: ergo, &c.

ITEM nunquam homo seminaisset terram, quin ex ea collegisset fructum temporaneum: sterilitas enim non fuit in terra, nisi propter hominis culpam: ergo si venter mulieris ita erat alienus à sterilitate, sicut terra tempore naturæ institutæ: igitur nunquam mulierem cognouisset quin ex ea debitum fructum sumpisset.

Ad opposi-
tum.

1. **S**ED contra: Vis nutritiua semen administrat generatiuæ: ergo cum homo continue nutritur, homo seminarius generatiuæ continue administrabat: ergo vel oportebat hominem extraordinarie pollui, vel naturam grauari ex tentione seminis, vel aliquando mulierem cognosceret, quando non esset apta generare, utpote quando prolem haberet in ventre: si ergo primo duo membra sunt inconuenientia, restat ergo tertium, scilicet quod uxorem aliquando cognouisset, quando prolem non generasset.

2. **I**TEM sicut comedere est actus naturalis, ita etiam & coire: sed homo naturaliter appetit comedere non solum in statu naturæ lapsæ, sed etiam institutæ: ergo pari ratione naturaliter appetebat coire: sed homo tempore naturæ institutæ debebat appetitui naturæ satisfacere, cum natura esset ordinata, & ordinate appeteret, alioquin pœnā sentiret: ergo videtur quod sine mulier possit concipere, siue non, vir præter necessitatem proles generandæ aliquando mulierem cognosceret.

3. **I**TEM ponatur quod Adam cognosceret uxorem

A suam prægnantem, quæro, aut peccaret, aut non. Si non: igitur non erat necesse, quod in omni coitu generaret. Si sic: Contra: Sanctius erat tunc matrimonium, quam tempore naturæ lapsæ, & æque magnæ, & maioris efficacitæ: sed nunc propter bonum matrimonij excusatur coitus à culpa, etiam quando nulla est proles generandæ necessitas: ergo videtur quod multo fortius tunc.

4. **I**TEM non erat maior inordinatio in contactu illorum membrorum, quam in admouendo manum ad os: sed manus admoueri potest ad os sine aliquo peccato, & præter necessitatem: ergo videtur quod Adam potuit cognoscere uxorem suam absque peccato propter necessitatem proles generandæ.

CONCLUSIO.

In statu innocentia cum vir ordinate tantum uxorem cognosceret, essetque in eis perfectio virtutis generatiua in quacunque coniunctione prolem suscepisset.

RESPON. Ad Arg. Dicendum quod vir in quolibet actu, quo cognouisset uxorem, suscepisset ex ea prolem. Et ratio huius est, quia congruentia ordinis exigebat, & perfectio virtutis ad hoc sufficiebat. Exigebat namque hoc congruentia ordinis duplicis, scilicet virtutis generatiuæ ad rationem, & vtriusque ad suum finem. Vis enim generatiua ordinem habebat ad rationem, ordinem inquam perfectæ subiectionis: & ideo in actum non exhibat, nisi secundum quod ratio dictabat: ratio autem recta, & ordinata dictat nulla re esse vtendum nisi ad id, propter quod est: & quia vis generatiua data fuit homini ad proles multiplicationem, ideo recta ratio nunquam dictaret, & vis generatiua nunquam exiret in actum, nisi propter proles generationem: hoc enim congrue natura hominis exigebat. Perfectio autem virtutis aderat, quæ ad hoc sufficiebat. Quia enim vis generatiua in viro ad generandum erat potens, & sufficiens, nec habebat impedimentum: similiter & in muliere pro suo loco, & tempore: ideo cum ordinate cognosceret vir uxorem, semper ex ea prolem susciperet propter exigentiam duplicis ordinis, & sufficientiam duplicis virtutis, scilicet generantis, & concipientis, sicut prædictum est. Vnde rationes hoc ostendentes concedendæ sunt.

1. **A**D illud ergo quod primo obiicitur in contrarium quod nutritiua semper deferuisset generatiuæ, dicendum quod ita esset natura Adæ ordinata, vt nunquam de cibo sumeret, nisi adeo temperate, quod superfluitas tertiæ digestionis, quæ quidem dicitur semen, non esset sufficienter coadunata, quousque veniret hora debita generandi. Adam enim in statu innocentie posse naturæ suæ cognouisset, & sufficientiam alimenti, & tempus, & horam quando generare debuisset: & ita vinceret modeste, & sobrie, quod nec ad superabundantiam, nec ad indigentiam declinaret.

2. **A**D illud quod obiicitur quod naturaliter appetere coire, sicut comedere, dicendum quod non est simile, quia actus comestionis est ordinatus ad salutem individuui, in quod continue fit perditio: actus vero generationis ad conseruationem speciei, & multiplicationem similis, quam non oportet cōtinue fieri, sed temporibus determinatis: & ideo non sic esset appetitus naturalis ad coitum, sicut est ad cibum, nec ita continuus, nec ita frequens. Si enim in viris castis etiam tempore naturæ lapsæ non est sic inclinatio ad coitum, sicut ad cibum, multo minus nec in Adam erat. Quod autem ita intendatur appetitus vis generatiuæ, hoc potius est corruptionis naturæ, quam institutionis primariæ.

3. **A**D illud quod obiicitur, quod si cognosceret prægnantem, non peccaret, dicendum quod prægnans non potest cognosci sine deordinatione, vel quæ sit: vel quæ videtur. Et quia in statu innocentie deordinatione timere non poterat, quia nō erat ibi titillatio: nec pruritus: ideo si tunc cognouisset, si sciuisset se inutiliter cognoscere,

inordinationem

inordinatus fuisset, & ideo peccasset. Nec est simile quod inducit de matrimonio in statu naturæ lapsæ, quia nunc non solum est in officium procreandæ proles, sed etiam in remedium vitandæ fornicationis, sicut melius in Quarto libro patebit.

4. Ad illud quod obicitur, quod non esset ibi maior deordinatio, quam in admoendo manum ad os, dicendum quod similitudo illa attenditur quantum ad hoc, quod utrumque membrorum rationi subiacebat, & utrumque concupiscentiæ pruritu, & ardore carebat: in hoc tamen dissimilitudo est, quia magis oportebat actum illum ad finem debitum ordinare, quam qualemcunque motum manus, vel pedis propter determinationem vsus illorum membrorum ad productionem proles: vsus autem manus, vel pedis non est ita determinatus: & ideo non oportet cum tanta deliberatione exerceri.

QVÆSTIO VI.

An equalis fieret multiplicatio virorum, & mulierum, si homo stetit.

S. Thom. 1. p. q. 99. art. 2.

Et 2. Sent. dist. 20. q. 2. art. 1.

Et Qu. 1. 2. art. 25.

Ægid. Rom. 2. Sent. p. 2. q. 2. art. 1.

Richardus 2. Sent. dist. 20. art. 2. q. 1.

Durand. 2. Sent. d. 20. q. 3.

Steph. Brulef. 2. Sent. dist. 20. q. 6.

Gab. Biel. 2. Sent. dist. 20. q. 2.

VTRUM æqualis fieret multiplicatio virorum & mulierum. Et quod sic, videtur Natura sic procederet in generando, sicut Deus eam instituit: sed Deus cum produxit naturam humanam, produxit masculinam, & femininam in pari numero: ergo similiter & natura in pari numero multiplicasset.

ITEM generatio hominis non poterat continuari nisi per masculum, & feminam: & ita necessaria est ad generationem mulier, sicut & masculus: ergo videtur, quod natura æqualiter intenderet utrumque sexum: sed sicut intendebat ita multiplicabat: ergo, &c.

ITEM sicut vir intendit se saluari in simili, scilicet in viro, quem generat, sic & mulier in consimili, scilicet in muliere, sed natura æque bene esset ordinata in muliere, sicut in viro: ergo si vir non frustratur sua intentione, similiter nec mulier: igitur quot conciperet masculos ad conseruationem sexus virilis, tot conciperet feminas ad conseruationem sexus muliebris.

ITEM in statu innocentie sicut quilibet comederet, ita quilibet prolem multiplicaret, cum omnibus esset dictum: Crescite, & multiplicamini, &c. ergo quilibet haberet uxorem: si ergo matrimonium requirit, quod sint duo in carne vna, tot essent viri quot mulieres, nec plures nec pauciores.

1. SED contra: Sicut dicit Philosophus in lib. de animalibus: Fœmina est vir occasionatus: ergo videtur esse præter naturæ intentionem: sed tempore naturæ institutæ cum natura esset recta, nihil produceretur præter intentionem ipsius: ergo videtur quod nulla mulier generaretur, vel saltem paucæ: igitur plures essent viri quam mulieres.

2. ITEM sicut vult Philosophus: Natura semper desiderat quod melius est: sed sexus virilis perfectior est, & melior quam sexus muliebris: ergo natura magis desiderat generare virum quam mulierem: si ergo sic produceret secundum quod desideraret, plures produceret viros quam mulieres.

3. ITEM generatio maris est propter vigorem virtutis generantis, & feminis decisi, sicut dicunt naturales, & medici: sed in statu naturæ institutæ virtus generatiua, & semen decisi, completam & sufficientem haberet virtutem: ergo semper, vel pluries masculos generari contingeret.

4. ITEM cum semen viri prædominatur semini mulie-

ris, tunc ad propriam naturam trahit, & conuertit: sed secundum ordinem naturæ masculus potentior est fœmina: ergo natura stante semper, vel plures vinceret semen virile: ergo plures generaret natura masculos quam mulieres.

CONCLUSIO.

Si homo stetit in statu innocentie, equalis numerus fuisset marium, & fœminarum generatio.

RESP. AD Arg. Dicendum quod si homo stetit, æqualiter natura multiplicaret viros, & mulieres. Rationem autem huius facile est accipere à parte finis ad quem: sed difficile est accipere à parte principij à quo. A parte namque finis ad quem, ratio est in promptu. Cum enim distinctio sexuum esset propter multiplicationem generis humani, & completionem numeri electorum: & illa multiplicatio ad omnes spectaret, & hoc solum secundum legem matrimonij, in qua tantum vna erat vnus, necesse est si natura stetit, tot fuisse mulieres, quot viros, cum nulla mulier careret viro, & nullus vir careret uxore, nec vna esset plurium, nec plures vnus. Rationem autem à parte principij effectui assignare est difficile: potest tamen sic inuestigari, descendendo ad principia alterius scientiæ, sc. naturalis, & medicinæ, quarum vtrique famulari habet Theologiæ. Magna est enim quæstio apud naturales, & medicos de distantia generationis maris, & fœminæ: & cum quæritur quare modo masculus: modo fœmina generatur, triplex ratio redditur à diuersis. Vna à parte vasis suscipientis: si enim suscipitur in parte dextra, dicunt quod ibi generatur vir propter fortem calorem, qui ibi viget: si in parte sinistra, sic generari habet mulier. Secunda ratio redditur ex parte commixtionis vtriusque sexus, sc. viri, & mulieris. Si enim prædominatur semen viri, tunc trahitur ad naturam viri, & generatur masculus: si vero semen mulieris, tunc trahitur ad suam naturam, & generatur sexus fœmineus. Tertia ratio redditur ex parte virtutis seminis virilis. Si enim semen virile fuerit virtutis fortis ex cōcursu triplicis caloris & spiritus in ipso existentis, tunc fit fortior coagulatio, & complexio, & generatur sexus vigorosus, id est, masculus. Si autem fuerit virtutis debilis, tunc fit coagulatio mollior, & fragilior, & generatur ex eo sexus infirmior, sc. fœmineus. Hæc autem ratio dicta principalior est inter istas tres, nec aliæ habent efficaciam nisi ab ista. Nam sicut vult Philosophus: principaliter mouens in generatione siue maris, siue fœminæ est semen virile, & ideo nec semen mulieris proprie habet semini viri prædominari, nisi hoc dicatur propter debilitatem seminis virilis, qua accedit ad conformitatem seminis muliebris. Nec locus matricis facit sexuum diuersitatem principaliter, sicut principaliter mouens, sed sicut cooperans principaliter mouenti, quod quidem est fortitudo, vel debilitas in virtute virilis seminis. Si autem quærat, quæ sit ratio diuersitatis in debilitate, & virtute virilis seminis, triplex etiam ratio potest reddi. Vna est propter caliditatem, & bonitatem membri, à quo fit seminis generatio: & per quod fit seminis transfusio, ita quod nec excedit in caliditate, nec declinat ad frigiditatem: tunc enim semen quod ab illo membro transfunditur, est fortis virtutis, & vigoris: si autem membrum se habet in opposita dispositione, tunc est virtutis debilis. Alia ratio potest sumi ex parte exterioris adiutorij, utpote alimenti, & venti, & temporis: quæ multum faciunt ad vigationem, vel debilitationem virtutis. Boreas enim suo flatu virtutem vigorat, dum eam recludit interius: sed Auster debilitat, dum eam exhalare facit: sic etiam facit cibus, & tempus: & quando exteriores dispositiones concurrunt, quæ virtutem habent vigorare, tunc semen est fortis virtutis: quando vero sunt in contraria dispositione, tunc semen est virtutis debilis. Tertia ratio sumitur ex parte animæ. Vis enim generatiua multum conformatur accidentibus animæ, &

Masculi & fœminæ generatio vnde proueniat.

1. de gener. ani c. 19. & inde.

imagina

imaginationibus secundum quod per experimentum patet. Nam ex memoria delectationis frequenter fit excitatio pruritus carnis, & ex imaginatione forti in somnis, fit effusio seminis, sicut fit ad praesentiam mulieris: & vis formativa, quae est praecipua virtus in semine, multum adiuuatur ab imaginativa secundum quod exempla ponuntur, & sunt in sacra Scriptura, & etiam in medicina, ut patet in ouibus Iacob. Et narratur pro exemplo, quod mulier, quae nanum aspiciebat, cum a viro cognoscebatur, omnes filios nanos concipiebat. Inter has autem rationes cum omnes sint bonae, & faciant ad seminis vigorationem secundum statum naturae lapsae, praecipua tamen sumitur ratio ex parte complexionis membri: aliae duae sunt sicut adminiculantes solum vel impediennes: sed tempore naturae institutae in qua corpus subiectum erat animae, principalis ratio sumitur generationis maris, & foeminae a parte virtutis animalis mouentis, & imaginantis. Cum enim vir intenderet, & vellet generare virum, tunc vigoraretur virtus naturalis eius in agendo, & esset semen maioris virtutis, & generaretur sexus vigorosus, siue masculus: quando vero vellet, & imaginaretur generare sexum foemineum, tunc minus forti impressione ageret in naturam inferiorem corporalem: & tunc semen esset minus forte & generaretur sexus foemineus: & ideo in tempore naturae institutae generatio maris, & foeminae subesset voluntati rationali. Et quoniam ratio diceret omnia facienda esse ordinate, & tot producere mulieres quot viros, ut quilibet vir haberet adiutorium simile sibi secundum exigentiam legis matrimonij: ideo tunc viros, & mulieres produceret in numero aequali: nunc autem quia generatiua non omnino subest virtuti animali, id est, imaginari, nec etiam rationali, licet ei aliquo modo conformetur, sed magis variatur penes dispositionem membri, & exterioris adiutorij; hinc est quod non est certa determinatio numeri nec in viris, nec in foeminis generandis: immo quando credit generare masculum, generat foeminam: & quando credit generare foeminam, generat masculum: & aliqui habent plures foeminas, aliqui plures masculos. Sic igitur patet, quod si homo stetisset, in aequali numero fieret multiplicatio virorum & mulierum. Vnde rationes hoc ostendentes concedendae sunt.

1. Ad illud quod primo obiicitur, quod foemina dicitur vir occasionatus, dicendum quod Philosophus non vult dicere, quod foemina sit praeter naturae intentionem, sed quod virtus naturae aliquem defectum habet in productione mulieris respectu productionis viri: ille autem defectus non repugnat ordini naturae: sed potius saluat. Secundum enim ordinem naturae, sicut producuntur in eodem corpore quaedam membra magis fortia, quaedam minus, sic producuntur in eadem specie quaedam individua vnius sexus, quaedam alterius: & ideo licet ille defectus, qui ordinem naturae corrumpit, utpote est ille, qui est causa defectus membri, vel bonae complexionis, sit praeter naturae intentionem: generatio tamen mulieris nec est praeter naturam, nec contra naturam, sed secundum naturam.

2. Ad illud quod obiicitur, quod natura semper desiderat illud quod melius est, dicendum quod non intelligitur, quod semper desiderat melius simpliciter, sed melius in ordine: licet autem sexus masculinus melior sit in se, quam foemineus, non tamen esset ita sufficienter salus naturae in solo virili sexu, sicut in virili, & muliebri: & ideo natura magis desiderat vtrumque, quam alterum solum.

3. Ad illud quod obiicitur, quod semen viri praedominatur semini mulieris, dicendum quod illa ratio debet sane intelligi ad hoc, quod valeat: proprie enim loquendo, nunquam semen mulieris praedominatur semini viri, sed ideo dicitur praedominari semen mulieris, quia semen viri adeo est virtutis debilis, quod magis est idoneum ad productionem sexus muliebris quam virilis: hoc autem potuit esse in statu primo, sicut praetactum est.

4. Et per hoc patet responsio ad aliud quod obiicitur de fortitudine caloris, & virtutis: gradus enim ibi

fuiissent secundum ordinem rationis, & secundum exigentiam finis: ita quod vir aliquando operatur actione magis fortificata in productione viri, aliquando minus fortificata in productione mulieris. Si quis autem vellet dicere, sicut aliqui existimant, quod mulier semper gemellos conciperet, ita quod dextra pars attraheret, quod est maioris virtutis de semine ad generationem sexus virilis; & pars sinistra, quod est virtutis magis debilis ad generationem sexus foeminei, tunc facile esset ad ea, quae obiecta sunt, respondere. Hoc autem nec de facili probatur, nec etiam reprobat certitudine rationis; & ideo modus soluendi praehabitus, videtur esse magis rationabilis.

DISTINCT. XXI.

De Invidia diaboli, qua ad hominem tentandum accessit: & de modo tentandi.



VIDENS igitur diabolus hominem per obedientiam humilitatem posse ascendere, unde ipse per superbiam corruerat, invidit ei: & qui prius per superbiam diabolus fuerat, id est, deorsum lapsus Zelo invidia factus est satan, id est, aduersarius. Vnde & mulierem tentauit, in qua minus quam in viro rationem vigere nouit. Eius enim malitia ad tentandum virtutem timida, humanam naturam in ea parte ubi debilior videbatur, aggressa est: ut si forte illic aliquatenus praualeret postmodum fiducialius ad alteram, qua robustior fuit, pulsandam, vel potius subuertendam accederet. Primum ergo solitariam foeminam explorauit, ut in ea primum omnem suae tentationis vim experiretur.

Quare in aliena forma venit.

Sed quia illi per violentiam nocere non poterat, ad fraudem se conuertit, ut dolo hominem supplantaret: quem virtute superare nequiret. Ne autem fraus illius nimis manifestaretur, in sua specie non venit, ne aperte cognosceretur, & ita repelleretur: iterum ne nimis occulta foret fraus eius qua caueri non posset, ut homo simul videretur iniuriam pati, si taliter circumueniri permetteret eum Deus, ut praecauere non posset: in aliena quidem forma venire permissus est diabolus: sed in tali, in qua eius malitia facile posset deprehendi. Ut ergo in propria forma veniret, voluntate sua propria factum est: ut autem in forma sua malitiae congruenti veniret, diuinitus factum est. Venit ergo ad hominem in serpente: qui forte si permetteretur, in columba specie venire maluisset. Sed non erat dignum ut spiritus malignus illam formam homini odiosam faceret, in qua spiritus sanctus appariturus erat. Non ergo nisi per serpentem tentare permissus fuit diabolus: ut per illud quod foris erat, astutiam tentantis animaduertere foemina quiret. Diabolus enim per serpentem tentabat, in quo loquebatur. Idemque serpens dictus est esse callidior cunctis animalibus terrae, quia ut ait Augustinus: Mali Angeli licet superbia deiectione, natura tamen sunt excellentiores omnibus bestiis propter eminentiam rationis: quamvis serpens non rationali anima, sed spiritu diabolico possit sapientissimus dici. Non ergo mirum si diabolus spiritu suo implet serpentem sicut vates implebat, sapientissimum reddiderat omnium bestiarum: quem tamen ad tentandum non elegit diabolus, sed per quod animal permissus fuit, tentauit. Vnde Augustinus super Genesim: Non est putandum quod diabolus serpentem per quem tentaret, elegerit, sed cum decipere cuperet, non potuit, nisi per quod animal posse permissus est. Nocendi

Eccl. 4.8.

Gen. 3.4.

August. 8. per Genesim. Lib. 11. c. 3. & ca. 27. & 28. in Genesim. 10. 3.

Aug. super Genesim. 11. c. 3. & ca. 20. 3.

enim

enim voluntas inest cuique à se, sed potestas à Deo. Sic autem loquebatur diabolus per serpentem ignorantem, sicut per energumenos, vel phanaticos loquitur. Serpente enim velut organo est usus, mouens naturam eius ad exprimendum sonos verborum & signa, quibus suam monstraret voluntatem, Serpens ergo nec verbū intelligebat, nec rationalis est factus: callidissimus tamen est dictus propter astutiam diaboli. Locutus est autem sicut asina Balaam: sed hoc diabolicum, illud Angelicum fuit: boni & mali Angeli similiter operantur. Hic quari solet, quare mulier non horruit serpentem. Quia cum nouerit creatum esse, ipsum etiam officium loquendi à Deo accepisse putauit.

De modo tentationis.

Tentatio autem hoc modo facta est: Stans coram femina hostis superbus non audet in verba persuasionis exire metuens deprehendi: sed sub interrogatione eā aggreditur, ut ex responsione colligeret qualiter in malitia procedere posset. Cur inquit, praecepit vobis Deus, ut non comederetis de omni ligno paradisi? Cui respondit mulier: De fructu lignorum quae sunt in paradiso vescimur: de fructu vero ligni quod est in medio paradisi, praecepit nobis Deus ne comederemus, & ne tangeremus, ne forte moriamur. In quo verbo dedit locum tentanti cum dixit ne forte moriamur: unde mox diabolus dixit ad mulierem: Nequaquam moriemini, scit enim Deus quod in quacumque die comederitis ex eo, aperientur oculi vestri, & eritis sicut di, scientes bonum & malum. Attende ordinem ac progressum humanae perditionis. Primo Deus dixerat: Quacumque die comederitis ex eo, morte moriemini. Deinde mulier dixit: Ne forte moriamur. Nouissime serpens dixit: Nequaquam moriemini. Deus affirmavit: mulier quasi ambigendo illud dixit: diabolus negavit: quae ergo dubitauit ab affirmante recessit, & neganti appropinquauit.

De versutia Diaboli, qui ad facilius persuadendum, malum remouit, & bonum in pollicito duplicauit.

Qui ad suam persuasionem pleniter suffulciendam, id est, ut malum quod intendebat libere persuaderet: & malum quod mulier timuit, negando remouit, & repromissionem addidit: & ut eius persuasio citius reciperetur, promissionem duplicauit. Vnam nempe comestione suadens, duo in premio proposuit, similitudine Dei, scientiamque boni & mali spondens. Vbi tribus modis hominē tentauit, scilicet gula in persuasionem cibi, cū dixit: In quacumque die comederitis: Inani gloria in promissione deitatis, cū dixit: Eritis sicut di: Auaritia in promissione scientiae, cum dixit: Scientes bonum & malum. Gula est immoderata cibi auiditas. Vana gloria, amor propriae excellentiae. Auaritia, immoderata habendi cupiditas, quae non est tantum pecunia, sed etiam altitudinis & scientiae, cum supra modum sublimitas ambitur.

De duplici tentationis specie.

Porro sciendum est duas esse species tentationis, interiorē scilicet, & exteriorē. Exterior tentatio est, quando nobis extrinsecus malum visibiliter suggeritur verbo, vel signo aliquo, ut ille cui fit, ad consensum peccati declinet: & talis tentatio tantū fit ab aduersario. Interior vero tentatio est, quando inuisibiliter malum nobis intrinsecus suggeritur: & hac tentatio aliquando fit ab hoste, aliquando à carne. Nā & Diabolus inuisibiliter mala suggerit, & ex carnis corruptione suboritur motus illicitus, & titillatio praua:

A ideoque tentatio quae ex carne est, non fit sine peccato: quae autem est ab hoste, nisi ei consentiatur, non habet peccatum, sed est materia exercenda virtutis. Tentatio autem carnis interior difficilior vincitur: quia interiorius oppugnans de nostro contra nos roboratur. Homo ergo qui sola exteriori tentatione pulsatus cecidit, tanto grauius plectendus erat, quanto leuiori impulsu fuerat prostratus. Et tamen quia aliquam, licet modicam, cadendi occasionem habuit, idcirco per gratiam iuuari potuit ad veniam, ut qui per alium ceciderat, per alium erigeretur. Qui ergo incitatore habuit ad malum, non iniuste reparatore habuit ad bonum. Diabolus vero quia sine alicuius tentatione peccauit, per alium ut surgeret iuuari non debuit, nec per se potuit, & ideo irremediabile peccatum eius extitit. Peccatum vero hominis sicut per alium habuit initium, ita per alium non incongrue habuit remedium.

Quare homo, non Angelus, sit redemptus.

Præterea Angelica natura quoniam non tota perierat, sed ex parte perstiterat, non est redempta: humana vero tota perierat, & ideo ne penitus perderetur, ex parte est redempta, at inde ruina suppleretur Angelica: unde Augustinus in Enchirid. Placuit vniuersitatis Creatori, & moderatori, ut quoniam non tota multitudo Angelorum Deum deserendo perierat, ea quae perierat in perpetua perditione remaneret: quae autem cum Deo illa deserente perstiterat, de sua certissime cognita semper felicitate gauderet. At vero creatura rationalis, quae in hominibus erat, quoniam peccatis atque suppliciis tota perierat, ex parte poterat reparari, unde Angelica societati suppleretur quod ruina illa minuerat: hoc enim promissum est sanctis, quod erunt aequales Angelis Dei.

Quod non soli viro præceptum fuit datum.

Illud etiam notandum est, quod non soli viro præceptum videtur esse datum, cum ipsa mulier testatur sibi etiā esse mandatum, dicens: Præcepit nobis Deus, &c. Supra tamen legitur, ante factam mulierem Deum dixisse viro: De ligno scientiae boni & mali ne comedas. Nō dixit, ne comedatis. Forte quia facturus erat mulierē de viro, sic praecepit ut per virum ad mulierem perueniret mandatum, quia mulier quae subiecta viro fuit, non nisi mediante viro diuinum debuit accipere præceptū: unde Apostolus: Si quid discere mulieres voluerint, domi viros suos interrogent. Si quaritur quomodo loqui potuerunt, vel loquentem intelligere, qui non didicerant inter loquentes crescendo vel magisterio: Dicimus, quia Deus eos tales fecerat, qui possent loqui, & discere ab aliis, si essent.

DISTINCT. XXI.

De Hominis lapsu, seu peccato primorum parentum, & eorum tentatione.

Videns autem diabolus hominem, &c.

Expositio Textus.

TERMINATA prima parte principali huius totalis Libri, in qua agit Magister de hominis conditione, sequitur secunda pars principalis, in qua agit de lapsu. Et quoniam lapsus hominis est per peccatū, & peccatū hominis est triplex. Quoddam in quo persona corrumpit naturam, & hoc fuit peccatum hominis primi. Quoddam in quo natura corrumpit personam, & hoc est originale. Quoddam in quo natura corrumpit per-

Greg. 4.
Moral. c. 9.
in sensu.

Cap. 39.

Aug. super
Gen. lib. 8. c.
17. in sensu.
Gen. 2. d

Ibid cap. 16.
in fine.

Diuisio.

sonam, & hoc est originale. Quoddam vero in quo persona corrumpit seipsam, & hoc est actuale. Ideo pars ista habet tres partes. In prima determinat Magister de peccato primorum parentum. In secunda vero determinat de peccato originali, quod ab illo fuit causatum, infra distinctione trigesima *In superioribus insinuat est, &c.* In tertia vero de peccato actuali infra dist. 34. *Post prædicta de peccato actuali, &c.* Prima pars, in qua determinat de peccato primorum parentum habet duas. In prima determinat modum transgrediendi. In secunda vero, ut ostendatur hominis culpa, ostenditur quod homo habuit potentiam resistendi. Siue in prima determinat de culpa, per quam cecidit. In secunda de potentia, per quam stare potuit, infra dist. 34. *Nunc diligenter inuestigari oportet, &c.* Et quoniam culpa, siue peccatum Adæ comparationem habet ad Diabolum tentantem, & ad hominem cadentem, & ad Deum permittentem: ideo prima pars habet tres partes. In prima determinat de Diaboli tentatione. In secunda determinat de hominis transgressionem, infra dist. 22. *Hic videtur diligenter inuestigandum, &c.* In tertia vero determinat de Dei permissione infra dist. 23. *Præterea quæri solet, &c.* Prima pars continet præsentem distinctionem, & potest diuidi in tres partes. In prima Magister determinat, quare primi parentes fuerunt tentari. In secunda vero determinat generaliter modos tentandi, ibi: *Porro sciendum est duas species tentationis.* In tertia vero concludit propter tentationem præambulam remissibilitatem humani peccati, ibi: *Homo ergo qui sola exteriori tentatione.* Duabus ultimis partibus remanentibus indiuisis, prima pars habet tres partes. In prima determinat de tentatione primi hominis quantum ad motiuum. In secunda vero quantum ad instrumentum, ibi: *Sed quia illi per violentiam, &c.* In tertia vero determinat quantum ad progressum, ibi: *Tentatio autem hoc modo facta est.* Et sic in parte ista tria determinantur. scilicet modus primæ tentationis in speciali, modi etiam cuiuslibet tentationis in generali: postremo vero qualitas, & quantitas peccati humani, ibi: *Homo ergo, qui sola exteriori tentatione, &c.*

Loquebatur Diabolus per serpentem ignorantem sicut per energumenos. Dub. I.

CONTRA: Diabolus mouet energumenos mediante virtute sensibili: ergo videtur similiter, quod mouerit serpentem ad formandam locutionem mediante sensibili virtute: hoc autem non videtur possibile, quia imaginatio serpentis non erat capax sermonis & locutionis: ergo illa mediante non poterat vox articulata formari. Iuxta hoc quæritur, à qua virtute sit illius locutionis formatio principaliter, & utrum data sit noua potestas serpenti: utrum etiam fuerit miraculum sicut fuit in locutione asinæ ad Balaam.

RESP. Dicendum quod ad locutionis formationem ista tria concurrunt. Primo instrumentorum aptitudo, & conuenientia. Secundo modo virtus motiua. Et tertio modo virtus directiua, cuius regimine seruatur vox articulata: & hæc tria sunt in homine cōplete à sui natura: in brutis vero animalibus reperiuntur incomplete. Habent enim quædam animalia organa apta, licet non complete ad vocis formationem. Habent etiam vim sensibilem motiuam. Habent etiam vim excogitatiuam, siue imaginatiuam, ratione cuius erudiuntur ad aliquas voces pronuntiandas: non tamen est in eis complete: sed cū adest vis rationalis, quæ possit & regere, & monere, tunc illa potētia incompleta ad actum habet reduci: & sic fuit in illa prima tentatione. Nam Diabolus excitabat vim motiuam, & adiuuabat, & dirigebat, ut posset illas voces articulatas formare: ita quod serpenti non est data noua potestas, sed potestas superior assistebat: unde proprie miraculum non erat, licet quis rationabiliter admirari posset, cum esset supra potestatem irrationalis creaturæ talia verba formari. Licet igitur maior sit aptitudo in energumenis ratione vis motiue, & organorum in loquendo, quam in serpente, quia tamen vir-

tus principaliter mouens utrobique, & dirigens in formando est virtus dæmonis, ideo dicit Magister eodem modo locutum esse Diabolum per serpentem, quo modo loquitur per hominem dæmoniacum. Ad illud quod obiicitur, quod imaginatiua vis serpentis nō erat capax locutionis, dicendum quod verum est de locutione quantum ad significationem: sed non est verum quantum ad vocis expressionem. Vel posset dici, quod quamvis motus serpentis cooperaretur ad motum linguæ, non tamen cognitiua cooperabatur ad vocis articulationem: & per hoc patent ea quæ quæsitæ sunt.

Callidissimus tamen est dictus propter astutiam Diaboli. Dub. II.

CONTRA: Si hæc est ratio, quare serpens dictus est callidissimus, pari ratione si Diabolus aliud quodcumque animal assumpsisset, callidissimus diceretur: ergo non esset ratio, quare magis illud animal assumpsisset quam aliud.

RESP. Dicendum quod calliditas attenditur in cognitione ordinata ad nocendum, & seducendum. Et quoniam duplex est nocumentum, videlicet spirituale, & corporale, duplex potest esse calliditas, aut in nocendo corporaliter, aut in nocendo spiritualiter. Calliditatem in nocendo corporaliter homini, habet serpens naturæ suæ industria, loquendo saltem secundum statum naturæ lapsæ. Calliditatem vero nocendi spiritualiter non habet à se, sed à Diaboli præsentia: & de hoc loquitur Augustinus, & Magister in litera. Et quia spiritualia debent significari per corporalia sibi similia, ideo cum serpens ex se habeat calliditatem nocendi, & insidiandi corporaliter, congruum fuit per ipsum Diabolum exercere calliditatem suam contra hominem in nocendo spiritualiter: & secundum hunc duplicem sensum intelligi potest Scriptura.

Sciendum est duas esse species tentationis, interiorem scilicet, & exteriorem. Dub. III.

CONTRA: Exterior tentatio non est nisi propter interiorem, nec ad culpam perducit nisi mediante interiori: ergo non videtur quod ab inuicem habeant distinguui. Item, Subdiuidit interiorem in eam quæ est ab hoste, & in eam quæ est à carne, & videtur quod diuisio illa sit insufficiens, quia non solum tentatio est ab hoste & carne, sed etiam à mundo, secundum illud in Iohanne: Omne quod est in mundo, aut est concupiscentia carnis, &c. Quæritur ergo de sufficientia horum membrorum. Et cum alibi legantur plures aliæ differentie tentationis, quæritur, quo modo distinguuntur ab illis.

RESP. Dicendum quod tentatio quinque modis considerari potest, scilicet quantum ad motiuum, quantum ad instrumentum, quantum ad effectum, quantum ad gradum, & quantum ad modum. Quantum ad motiuum, vel generaliter, vel specialiter. Si generaliter, sic diuiditur tentatio in eam quæ est ab hoste, & à carne, & à mundo, ut dicitur in quadam sequentia. Mundus, caro, dæmonia diuersa mouent prælia. Si specialiter, ut dicatur motiuum quod se offert non solum per modum obiecti, sed etiam quod inducit, & excitat per modum impulsui: sic est illa diuisio quam ponit Magister in litera, quod tentatio alia est ab hoste, alia à carne, quorum utrumque habet ad malum incendere. Si autem loquamur quantum ad instrumentum, sic dupliciter potest considerari, aut generaliter, aut specialiter. Si generaliter, sic est illa diuisio Gregorij, quod tentatio quædam est per vitia, quædam per flagella. Si specialiter, sic est illa diuisio tentationis, quæ ponit Glossa. In Psalmo super illud: Omnem escam abominata, &c. Vbi dicitur, quod multiplex est tentatio. Quarum prima est error, siue nescientia viæ veritatis. Secunda, difficultas vincendarum concupiscentiarum. Tertia, tardium boni. Quarta, tempestas sæculi. Si tertio modo, scilicet quantum ad effectum consideretur ipsa tentatio, similiter dupliciter potest considerari, aut generaliter, aut specialiter. Si generaliter, sic est illa diuisio quæ ponitur

in

io. e.
tio-
lui-

in Glossa super illud: Tentatio vos non apprehendat, &c. vbi dicit Glossa: quod tentatio alia diabolica, alia est humana. Et differunt, quia sicut ibidem innuitur, tentatio diabolica est, quæ malum habet exitum, & quæ terminatur ad mortale peccatum. Tentatio vero humana dicitur, quæ exitum periculosum non habet, vel quia ibi est peccatum veniale, vel nulla est ibi culpa, secundum quod ostenditur in Glossa, vbi dicitur quod tribus modis habet fieri tentatio humana. Si specialiter, sic est illa Augustini de doctrina Christiana, quod diabolus tentat, aut vexando carnem, aut vulnerando naturalia, aut expoliando gratuita: hic enim ponuntur specialiter affectus tentationis diabolicæ. Si autem quarto modo consideretur tentatio, sc. quantum ad gradum hoc potest esse dupliciter, aut generaliter, aut specialiter. Si generaliter, sic est illa quam ponit Magister in litera: Tentatio alia est exterior, alia interior. Si specialiter, sic est illa quam ponit Gregorius: & habetur in Glossa super illud Iacobi: Vnusquisque tentatur à concupiscentia, &c. quod tentatio tripliciter perficitur, suggestionem, delectationem, consensu: vbi notantur gradus in progressu tentationis explicite, qui ponebantur in diuisione prius habita implicite. Per tentationem enim exteriorē, intelligimus suggestionem: per interiorē, intelligimus illam, in qua est delectatio, vel consensus. Et per hoc patet responsio ad illud quod primo obiicitur quod illa membra ad inuicem non distinguuntur, cum vnum ordinetur ad alterum. Si autem quinto modo consideretur tentatio, sc. quantum ad modum tentandi, hoc similiter aut erit generaliter, aut specialiter. Si generaliter, hoc potest esse vel explicite, vel implicite. Si implicite, sic est illa quæ ponitur in glossa super Psalmo: Qui habitat in adiutorio: vbi dicitur quod quædam est tentatio levis, & occulta: quædam grauis, & occulta: quædam levis, & manifesta: quædam grauis, & manifesta. Si autem explicite, sic est illa quam ponit Bernardus per septem membra. Quarum prima est importuna, sc. quæ procaciter insistit. Secunda dubia, sc. quæ animum dubietatis nebula inuoluit. Tertia est subita, sc. quæ iudicium rationis præuenit. Quarta occulta, quæ, sc. deliberationis ordinē præterfugit. Quinta violentia, quæ vires nostras transcendit. Sexta fraudulentia, quæ, sc. animum seducit. Septima perplexa, quæ variis vitiis impedit: in hac enim diuisione explicantur difficultates & grauitates tentationū, siue modorū tentandi, & latentia, quæ in priori diuisione implicite claudebantur. Veruntamen tam hæc diuisione quam præcedens de modis tentationis in sua generalitate consideratur. Si autem consideretur specialiter tentatio prout contrahitur ad tentationem diaboli, sic modi eius possunt dupliciter assignari. Vel implicite, & sic diuidit August. in quodam sermone: Diabolus tentat, vt leo: tentat, vt draco. Vel explicite, & sic illa diuisione Gregorij super Iob, super quem locum dicit Gregorius sic: Fideli famulo Dominus cunctas hostis callidi machinationes insinuat, sc. quod opprimendo rapit, insidians lo circumuenit, minando terret, suadendo blanditur, desperando frangit, promittendo decipit. In hac autem diuisione explicantur modi, quos Augustinus clauserat sub his duobus verbis, quod tentat vt leo, tentat vt draco. Et sic patet ratio assignandi diuersas diuisiones tentationis, secundum diuersas eius considerationes. Patet nihilominus responsio ad obiecta.

Tentatio autem carnis, &c. Dub. IV.

CONTRA: Cum diabolus possit carnem commouere, & vexare, videtur similiter quod tentatio quæ est ab hoste, sine peccato esse non possit. Item: Cum non sit in nostra potestate tentari, vel non tentari, videtur quod tentatio de se non ponat in nobis culpā, nisi ei consentiatur: sicut ergo tentatio hostis, cui non consentitur, est materia exercendæ virtutis, ita videtur etiam tentatio carnis: propter hoc est quæstio, quare tentatio carnis est magis semper cum peccato, quam tentatio hostis.

RESPON. Dicendum quod tentatio carnis est impulsus sensualitatis, quem consueuimus appellare primum motum: & quoniam in illo impulsu sensualitas mouetur inordinate, & præter rationis ordinem, hinc est quod tentatio carnis nunquam est in nobis, quin sit in nobis aliqua inordinatio, & ita aliqua venialis culpa. Tentatio vero hostis omnino extra est, & potest esse sine aliqua delectatione inordinata in nobis existente: & ideo dicit Magister quod tentatio hostis potest esse sine peccato: tentatio vero carnis minime. Alia etiam posset reddi ratio, quoniam est in potestate nostra, & eam possumus ad libitum nostrum domare: ideo potius imputatur nobis in culpam carnis impulsio, quam diabolica suggestio. Quo modo autem carnis impulsus, siue primi motus debeant dici esse peccatum, infra suo loco magis expresse determinabitur.

ARTICVLVS I.

AD intelligentiam autem huius partis circa tria incidit hic quæstio. Primo quæritur de tentatione primorum parentum. Secundo quæritur de diuersitate tentationū. Tertio vero incidit hic quæstio circa quantitatem, & qualitatem peccati, quod ex illa tentatione est secutum. Circa primum quærentur tria. Primo quæritur de tentatione primorum parentum quantum ad motuum. Secundo quantum ad instrumentum. Tertio quantum ad ordinem, & progressum.

QVÆSTIO I.

An diabolus habuerit causam tentandi hominem.

*Richardus 2. Sent. dist. 21. q. 1.
Stephan. Brulef. 2. Sent. dist. 21. q. 1.
Gabr. B. el. 2. Sent. dist. 21. q. 1.*

CIRCA quam sic proceditur, & quæritur, quid mouerit diabolum principaliter ad tentandum hominem. Et quod inuidia, videtur primo per illud quod dicitur: Inuidia diaboli mors introiuit in orbem terrarum: introitus autem mortis fuit per tentationem, & seductionem hominis: ergo ad tentandum hominem inuidia diabolus commouit.

ITEM Gregorius in Moralibus: In paradiso diabolus inuidens homini superbie vulnus infligit: ergo cum vulnus infligerit per tentationem, tentatio fuit inuidia.

ITEM diabolus tentando hominem, factus est homicida, secundum quod dicit Ioannes: Ille homicida erat ab initio: sed homicidium procedit ex odio: odium autem procedit ex inuidia: ergo à primo, tentatio hominis, in qua diabolus fuit homicida, processit ex inuidia.

ITEM qui desiderat casum alterius sine suo fructu, non mouetur ex amore commoditatis propriæ, sed ex odio felicitatis alienæ: sed diabolus casum hominis desiderabat, absque suo fructu sicut constat: ergo mouebatur odio felicitatis humanæ ad tentandum hominem: sed tale odium non est aliud, quam inuidia: ergo, &c.

1. SED Contra: Omnis inuidia est respectu paris, vel superioris, secundum quod dicit Gregorius super illud Iob: Paruum occidit inuidia: superioris inquam saltem secundum reputationem: sed diabolus non reputabat hominem superiorem sibi: ergo videtur quod ei non inuidebat: ergo si ipsum tentabat, hoc non erat ex inuidia.

2. ITEM inuidia est respectu boni, quod quis aliquo modo potest acquirere: sed diabolus non poterat venire ad æternam beatitudinem, quia lapsus erat irrecuperabiliter: ergo videtur quod propter illius acquisitionem non inuidebat homini.

3. ITEM inuidia est respectu boni quod desideratur: nullus enim inuidet alicui de aliquo, nisi cum illud amat, & cupit: sed diabolus nec cupiebat mandatis Dei obedire, nec ad supernam patriam ascendere, nec amicus Dei esse propter sui desperationem, ergo videtur quod hoc in homine non innideret: ergo, &c.

Fundamēta.

Sap. 2. d.

Ioan. 8. f.

Ad oppositum.
Lib. 5. mor.
cap. 33.

4. ITEM inuidia non est nisi respectu eius, quod natum est diminueri bonum proprium: sed beatitudinis acquisitio nullius bonum potest diminueri: ergo non est aliquid, quod ab aliquo inuideri possit: ergo videtur quod si Diabolus aliquo appetitu hominem cadere fecit, ex inuidia motus non fuit.

CONCLUSIO.

Diabolus duobus vitiis motus est ad tentandum hominem in paradiso, superbia, scilicet, & inuidia, ut ipsum sibi subiceret, & a felicitate perpetua eum impediret: superbia fuit motuum primum, & inuidia proximum.

RESP. AD ARG. Dicendum quod sicut prædictum fuit, ista duo peccata sunt quæ maxime possident mentem diaboli, superbia & inuidia. Vnde sicut habitum fuit supra, & August. dicit: Ex his duobus, qui prius erat Lucifer, Diabolus factus est: & sunt quasi hæc duo inseparabilia, ita quod vnum concomitatur alterum. Superbus enim amat excellentiam, & ita nullum vult habere parē, ac per hoc statim appetit excellentiā singulariter possidere: & ideo statim vel actu, vel habitu inuidet, cum nolit bonum consimile bono, quod appetit, ab alio communicari. Mens igitur diaboli ab his duobus vitiis possessa, videlicet superbia, & inuidia, videns hominem in statu, quo poterat cadere sub diabolicam potestatem, & in quo poterat ascendere ad supernam felicitatem, ex qua ipse ceciderat, & ex superbia motus est, & ex inuidia ad ipsum tentandum. Ex superbia namque, ut ipsum sibi subiceret: ex inuidia vero, ut ipsum a superna felicitate impediret. Et superbia fuit, sicut mouēs primum: inuidia vero sicut mouēs proximum, & immediatum. Esto enim quod non posset dominium super hominem acquirere, adhuc studuisset ipsum a paradisi gaudiis impedire: & ideo Scriptura dicit, & eius expositores, diabolum ad tentandum hominem ex inuidia motum esse. Et concedendæ sunt rationes hoc ostendentes.

1. AD illud quod primo obiicitur quod inuidia est respectu superioris vel paris, dicendum quod non solum est respectu superioris eius, qui est superior: sed etiam eius, qui potest esse: quamvis autem diabolus in statu illo non reputaret hominem superiorem se, inuidebat tamen ne merito obedientiæ sublimaretur ad statum gloriæ, in quo statu ipsum superiorem se non dubitaret. Potest etiam dici quod tunc reputabat ipsum superiorem se, in hoc quod poterat peruenire ad illam gloriam, ad quam diabolus ascendere non poterat.

2. AD illud quod obiicitur, quod inuidia est respectu boni, quod potest acquiri, respondendum est per interemptionem, quia non solum inuidet aliquis illud quod potest obtinere, sed etiam illud quod natus est habere, quamvis non possit, sicut truncatus, & cæcus inuidet aliis visum, & progressum. Licet autem Diabolus non possit ad beatitudinem peruenire: tamen habebat ad hoc naturalem aptitudinem.

3. AD illud quod obiicitur, quod inuidia est respectu boni desiderati, dicendum quod inuidia non tantum venit ex desiderio alicuius boni priuati, immo ex odio boni alieni. Quia tamen desiderium boni proprii videtur esse principium omnis peccati, ideo potest aliter dici, quod inuidia non solummodo est respectu eius boni, quod desideratur, sed etiam respectu eius boni, cuius obtentu minuitur bonum desideratum, vel æstimatur minui. Et quoniam Diabolus desiderat singulariter efferri: ideo per exaltationem hominis æstimabat suum bonum impediri: & ideo inuidebat, & ex inuidia oppugnabat.

4. Et per hoc patet responsio ad ultimum, quia etsi hominis glorificatio, & exaltatio secundum veritatem alicuius bonum non diminueret: tamen secundum æstimationem falsam credi potuit, esse alicuius boni diminutionem, & ex illa æstimatione oriri inuidia. Affectiones enim non tantum oriuntur ex iudiciis certis, sed etiam ex suspicionibus, & æstimationibus falsis.

QUESTIO II.

An tentatio per serpentem fuerit conueniens.

Richardus 2. Sent. dist. 21. q. 2.

Stephan. Brulef. 2. Sent. dist. 21. q. 2.

DE tentatione primorum parentum quantum ad instrumentum medium. Et dicitur in Genesi quod diabolus tentauit hominem per serpentem. Et quod iste modus non fuerit conueniens, ostenditur primo sic. Quanto tentatio est occultior, tanto est ad decipiendum efficacior: si ergo diabolus quanto maiori calliditate poterat, hominem decipere conabatur, videtur quod ipsum debuisset tentare spirituali tentatione absque alicuius corporis assumptione.

2. ITEM tanto tentatio est efficacior, quanto tentans est in suggerendo affabilior: sed actus locutionis, propria debetur humanæ effigiei: ergo videtur quod Diabolus ad tentandum magis debuit assumere effigiem hominis, quam bruti animalis, cum brutum animal sua locutione potius esset ad terrorem quam ad persuasionem.

3. ITEM quanto tentans magis simulat, & induit speciem sanctitatis, tanto magis præualeat in tentando: sed multa sunt animalia, quæ magis suis proprietatibus sanctitatem prætendunt, quam serpens, sicut columba, & agnus: ergo videtur quod illa magis debuerit assumere diabolus ad tentandum.

4. ITEM instrumentum, siue organum debet conformari exercitio per ipsum facto: sed tentatio erat ad decipiendum: ergo diabolus debuit assumere animal maxime dolosum, & callidum: sed plus est de dolositate in vulpe, quam in serpente: ergo magis debuit assumere vulpem, quam serpentem. Ad oppositum sunt rationes: sed quoniam verum concludunt, possunt claudi in responsione.

CONCLUSIO.

Cum Diabolus tentare non potuerit nisi eo quo permissus est modo. Diuina sapientia illum permisit tentare hominem in effigie animalis bruti, non cuiuscunque, sed serpentis: sic enim exigebat congruentia ordinis respectu tum operis, tum finis, tum etiam diuini iudicii.

RESP. AD ARG. Ad prædictorum intelligentiam est notandum quod modus ille tentandi non tantum fuit ex diabolica electione sicut dicit Augustinus, sed etiam ex diuina permissione: non enim licuit Diabolo tentare omni modo, quo vellet, & posset: sed eo modo, quo Dominus permetteret. Concessit autem diuina sapientia, quæ omnia ordinat, & gubernat, & permittit quod Diabolus tentaret hominem in effigie animalis bruti, & non cuiuscunque, sed serpentis: sic enim exigebat congruentia ordinis. Quod enim homo tentaretur a Diabolo in effigie bruti animalis, congruum erat: tum respectu operis: tum respectu finis intenti: tum etiam respectu diuini iudicii. Respectu operis quia homo natus est inclinari ad bonum, ut nunc, maxime ex parte sensibili, & brutali: & ideo congruum erat ipsum tentari in effigie animalis bruti. Respectu finis intenti similiter congruum erat, quia ad hoc ordinabatur tentatio, ut homo efficeretur similis animali bruto, cum contempto bono incommutabili, adhereret bono commutabili, & ibi quiesceret: & ideo ad hæc insinuandum, in specie animalis bruti debuit tentari. Respectu diuini iudicii etiam congruum fuit, quoniam Dominus iustus & fidelis non permittit hominem tentari ultra, quam possit. Et ideo sic patitur diabolum in tentatione latere, ut nihilominus possit ab homine deprehendi: & ideo non passus est, quod diabolus hominem tentaret omnino in specie consimili, & per hoc non in specie, vel in effigie humana, sed potius brutali. Triplex igitur congruentia ordinis exigebat, ut homo a diabolo in brutali effigie

tentaretur.

Ad oppositum.
Gen. 3. 6.

Aug. 11. de
Gen. cap. 3.
tom. 3.

tentaretur. Hac etiam triplici congruentia exigente permissus est homo tentari à diabolo, non in quolibet animali bruto, sed in serpente: Primum ratione operis: quia enim tentatio fiebat per suggestionis ingressum, quæ intrat ad cor ad modum serpentis, & ibi virus peccati diffundit, ex quo homo habet spiritualiter mori: ideo ut exterior effigies operi responderet interiori, congruum fuit hominem à diabolo tentari in effigie serpentis, cuius est serpere, & venenum diffundere, & diffundendo hominem interimere. Respectu etiam finis intenti congruum erat: quia enim intendebat diabolus faciem hominis, & caput, & superiorem mentem convertere deorsum, & totum prostrernere, & sic prosternendo ad malum finem deducere, proponendo sibi præmium aliquod delectabile: ideo permissus est tentare in serpente, qui secundum totum corpus suum habet terræ in suo incellu adhærere. Congruum etiam erat respectu diuini iudicii: quia enim ex illa tentatione diuino iudicio inter tentatum, & tentantem debebat inimicitia exoriri: ideo tentatio hominis in serpente debuit fieri, quem post lapsum maxime exhorret, & qui maxime sua caliditate insidiatur hominem lædere. Et sic patet multiplex congruentia, quare diabolus permissus est hominem tentare in effigie serpentina.

1. Ad illud ergo quod primo obiicitur, quod tentatio tanto est efficacior, quando occultior, dicendum quod etsi diabolus se manifestaret exterioribus sensibus in effigie serpentis, nihilominus tamen in illa manifestatione plus se occultabat, quam manifestabat: unde mulier non creditur eum, qui loquebatur in serpente, esse aduersarium, sed etiam potius bonum consiliarium: & ideo ita occulta erat illa tentatio, sicut si diabolus loqueretur ad cor interius. Aliter responderi potest, quod iusto iudicio dæmon est permissus tentare exterius, quia non habebat posse ingredi interius, nisi homo præberet sibi aditum: & ideo tentauit ab exteriori per sensum, & voce sensibili magis quam voce spirituali, non enim debebat aliter permitti.

2. Ad illud de maiori affabilitate, iam patet responsio: verum est enim quod si fuisset in effigie humana, affabilior fuisset: sed diuina prouidentia non debuit hoc permittere, sed cautelam diaboli debuit temperare: & ideo concessum est sibi corpus serpentis, quod tamen habebat faciem virginis, sicut dicit Beda, & reliquum corpus erat serpentis, ut sic ex vna parte posset latere, ex altera deprehendi.

3. Ad illud quod obiicitur de amicitate, iam patet responsio: quia sic debuit permitti ostendi effigies amicitie, ut posset deprehendi veritas inimicitie: nam tentator qui effigiem amicitie prætendebat, secundum veritatem inimicus erat: ideo huic operi animal maxime competeat, quod haberet aspectum humanum: corpus vero eius animalis, quod natum est homini esse maxime inimicum.

4. Ad illud quod obiicitur ultimo de calliditate, dicendum quod etsi sint aliqua animalia callidiora, & prudentiora: tamen in nocendo, & insidiando homini serpens est animal callidissimum. Et quia calliditas tentantis erat ad hominem offendendum, hinc est, quod inter cætera animalia magis permissus est tentare per serpentem.

QVÆSTIO III.

An ordo, & progressus tentationis in primis parentibus fuerit conueniens.

Alex. Alensis 2 p. q. 101. Memb. 7.
S. Thom. 2. 2. Sent. dist. 21. q. 3. art. 1.
Ægid. Rom. 2. Sent. p. 2. d. 21. q. 3. art. 1.
Richardus 2. Sent. dist. 21. q. 2.
Durandus 2. Sent. dist. 21. q. 2.
Steph. Brulef. 2. Sent. dist. 21. q. 2.

DE tentatione primorum parentum quantum ad ordinem, & progressum. Et dicit Scriptura, & Magi-

ster in litera, quod tentatio incepit à muliere, & per mulierem venit ad virum. Et videtur quod hic modus progrediendi competat astutiæ diaboli, & quod etiam debeat à Deo permitti: ordo enim destructionis contrarius est ordini constructionis: quæ enim sunt vltima in componendo, sunt priora in resoluendo: sed mulier fuit vltimo facta, & formata: ergo videtur quod via deformationis, & corruptionis à muliere debuit habere exordium: ergo tentator debuit eam prius aggredi.

ITEM tentatio exterior debet conformari interiori: sed in tentatione interiori peccatum ascendit à sensualitate ad superiorem partem, mediante inferiori portione rationis: si ergo superior portio est vir, & inferior est mulier, sicut tentatio interior procedit ad virum mediante muliere, sic & tentatio exterior.

ITEM cautus pugnator citius aggreditur in bello illum, quem potest expugnare facilius: si ergo mulier facilius poterat expugnari quam vir, videtur quod progressus tentationis peruenire debuerit ad virum mediante muliere.

ITEM facilius est alicui expugnare fortem inimicum per domesticum, quam etiam per seipsum: sed vir erat fortis, & spirituali mente præditus: ergo non videtur quod diabolus ausus fuerit eum tentare per seipsum, sed per suum domesticum: ergo mediante muliere, tentatio peruenit ad virum.

1. SED contra. Peccatum non tantum est in carne, sed & in Dei imagine, sc. anima: sed mulier, & vir æqualiter sunt ad imaginem Dei, quia in anima non est distinctio sexus: ergo videtur quod tentatio non magis debuit inchoari à sexu muliebri, quam à virili.

2. ITEM mulier nullam habebat pronitatem ad peccatum, sicut nec vir, & ita erat recta, sicut vir, nec caro eius aliquo modo animam incuruabat: ergo videtur, quod ita difficile erat mulierem, sicut virum deicere: nulla igitur ratio videtur esse, ob quam tentatio diaboli magis inciperet à muliere.

3. ITEM vituperabilius est vinci à muliere, quam à viro, & gloriosius est vincere virum, quam mulierem: si ergo diabolus maxime refugit vituperium, & auidissime quærit gloriam, videtur quod magis tentationem à viro, quam à muliere inchoauerit.

4. ITEM natura audacium est libenter fortibus occurrere: sed diabolus est audacissimus, & procacissimus, & maxime præsumens de suis viribus: ergo videtur quod dedignatus fuerit primo aggredi muliebrem sexum: non igitur videtur probabile, quod prius tentauerit mulierem, quam virum.

CONCLUSIO.

Quod diaboli tentatio à muliere sumpserit exordium, & in viro complementum, ratio sumitur ex parte sapientie Dei propter viri exercitationem, ne mulier haberet excusationem: & propter eruditionem nostram sumitur ex parte astutia diaboli attendentis, mulierem esse minoris sapientia, debiliore constantia, & importunioris adhærentia.

RESP. AD ARG. Dicendum quod sicut dicit Scriptura, & Magister dicit in litera, non est dubitandum, quin tentatio diaboli à muliere inchoauerit, & per eam peruenit ad virum: Ratio autem huius sumitur ex parte sapientie Dei, & ex parte astutia diaboli. Ex parte sapientie Dei: Dominus enim tali ordine permittit diabolum tentare: tum propter viri exercitationem: tum etiam ne mulier haberet excusationem: tum etiam propter eruditionem nostram. Propter viri exercitationem, quia ipse adeo fortis erat, & spirituali mente præditus, quod non solum poterat resistere serpentis tentationi, sed etiam suggestioni mulieris: & ideo fortiori tentatione permissus est tentari. Propter mulieris vero remouendam excusationem primo debuit ab ipsa tentatio incipere: nam si vir primo peccasset, cum vir sit caput mulieris, & dominetur

ei, non esset multum mirandum, si mulier ei consentiret: immo magnum haberet exultationis colorem. Propter A nostram eruditionem etiam hoc permissum est. In illo enim modo tentandi sensibili cognoscimus nos modum, & progressum tentationis inuisibilis: & sicut ille à serpente venit ad virum mediante muliere, sic iste à sensualitate peruenit ad superiorem portionem rationis mediante inferiori. Ex parte similiter astutiae diaboli potest sumi ratio. Diabolus enim attendebat mulierem esse minoris sapientiae, & debilioris constantiae, & importunioris adhaerentiae. Quia minoris sapientiae, erat facilius ad seducendum: & ideo diabolus seductor per eam voluit sibi facere transitum, ac viam. Quia debilioris constantiae facilius erat ad pervertendum: & ideo diabolus expugnator aggressus est hominis civitatem ex ea parte, ex qua erat aditus minus munitus. Quia vero importunioris erat adhaerentiae, cogitavit diabolus, quod si ipsa primo vinceretur, non quiesceret, quousque perverteret virum. Vnde dicitur de muliere, quod laqueus est venarum, & sagena cor eius, vincula sunt manus illius. Propterea diabolus astutus impulsor, incepit à sexu foemineo. Et sic patet, quod sicut dicit Scriptura, per omnem modum, congruum fuit tentationem incipi à muliere: tum quia hoc diaboli astutia expetebat: tum quia hoc diuina providentia disponebat. Vnde concedendae sunt rationes ad hoc inductae.

1. AD illud autem quod primo obiicitur, in contrarium, quod quantum ad imaginem non est sexuum differentia, dicendum quod licet in viro, & muliere reperiatur imago aequae expresse quantum est de natura ipsius animae, quia tamen anima quandiu est in corpore complexione corporis imitatur, ex ratione debilitatis complexionis, & sexus, contrahit anima quādam effoeminationem: & propterea quantum est ex parte naturae, nisi sit fortitudo maioris gratiae, facilius incuratur ad malum sexus foemineus: & propterea illud non cogit.

2. AD illud quod obiicitur, quod mulier nullam habuit ad hoc pronitatem, dicendum quod verum est, non tamen ex hoc sequitur quod haberet aequalem stabilitatem: quamvis enim non haberet curvationem in affectu, nec deceptionem in aspectu, facilius tamen poterat in hoc incidere quam vir, in quo & natura erat fortior, & gratia creditur fuisse abundantior.

3. AD illud quod obiicitur, quod vituperabile est vinci à muliere, &c. dicendum quod verum est: verumtamen gloriosius est mulierem luctando superare, quam cum viro luctando succumbere. Et quia diabolus si incepisset à viro, timebat ne viriliter sibi resisteret: ideo maiori cautela studuit gloriam adipisci.

4. AD illud quod obiicitur, quod audaces libentius aggreduuntur fortes, dicendum quod illud verum est, ubi est audacia sine astutia: diabolus autem non tantum est audax, & procax, immo etiam astutus, & fallax: & ideo in tentando non aggressus est viam difficiliorem, sed potius efficaciorē. Præterea non permittebatur sibi totam suam exercere potentiam: cum enim non vincat nisi volentem, est debilis in pugnando: & ideo non à fortiori, sed à debiliori suam inchoavit tentationem.

ARTICVLVS II.

CONSEQUENTER quæritur circa secundum articulum de modis tentationis in generali. Diuidit autem Magister tentationem in eam quæ est ab hoste, & in eam quæ est à carne: sed cum de tentatione, quæ est ab hoste, aliqualis possit haberi notitia per ea quæ determinata sunt supra de potestate demonum, ideo hic quæritur de tentatione quæ est à carne. Et circa hoc possunt quæri tria. Primo quæritur, utrum carnis sit tentare. Secundo quæritur, utrum tentationem carnis à tentatione diaboli contingat separari. Tertio quæritur, cui istarum tentationum difficilius sit resistere.

QVÆSTIO I.

An carnis sit tentare.

Richardus 2. Sent. dist. 21. art. 2. q. 3.
Ssep. Brulef. 2. Sent. dist. 21. q. 4.

CARNA primum sic proceditur, & ostenditur, quod carnis sit tentare: Vnusquisque tentatur à concupiscentia sua abstractus, & illeclus: sed concupiscentia quæ maxime abstrahit & illeclit, est concupiscentia carnis: ergo, &c.

ITEM Cassiodorus diffiniens tentationem, dicit quod tentatio est assimilatio boni ad fallendum: sed appetitus carnalis facit bonum ut nunc, credi esse bonum simpliciter: & hoc decipit, & fallit spiritum: ergo contingit spiritum tentari à carnali appetitu.

ITEM tentatio diabolica non est aliud quam suggestio, sed sicut diabolus suggerit homini mala, ita & carnis prudentia, quæ est Deo inimica: ergo si diabolus dicitur tentare cum suggerit mala, eadem ratione, & caro cum spiritum trahit ad carnalia.

ITEM diabolus impugnat nos tentando, nec est aliud diaboli tentatio, quam eius impugnatio: sed sicut impugnatur à diabolo, ita etiam à carne impugnatur, & impellimur: ergo videtur quod sicut tentamur à diabolo, ita vere & proprie tentamur à carne.

1. SED contra: Hugo de S. Victore: Tentare est calide experiri, & quasi quibusdam blandis conatibus probare: sed experimentum sumere hoc est solius substantiæ rationalis: ergo non videtur esse carnis.

2. ITEM tentans differt à tentato: nullus enim tentat seipsum: sed qui tentatur est homo carnalis. Cum igitur homo carnalis à carne sua non differat per substantiam, videtur quod nullus homo tentetur à carne sua, nec ab alia: constat ergo quod nulla caro tentat.

3. ITEM persuasio ordinata ad decipiendum, potius est sophisticatio quam tentatio. Tentatio enim est persuasio ordinata ad sumendum experimentum: sed caro vitiosa directe inclinatur ad malum, & sua inclinatione seducit spiritum: ergo carnis propulsio potius debet dici sophisticatio quam tentatio.

4. ITEM quodcumque aliquis actus de aliquibus subiectis dicitur, dicitur secundum aliquod commune in eius repertum: sed Deus tentare dicitur in Scriptura, & diabolus, & homo, & caro: ergo secundum aliquod commune debet dici: sed caro non videtur aliquo modo communicare in aliquo cum Deo, & cum spiritu Angelico: ergo videtur quod ei non possit competere tentatio: aut si competat, hoc erit æquiuoce, & secundum alium modum dicendi: & si sic est, tunc est quæstio: secundum quem modum dicitur, & quare illa carnis impulsio tentatio appellatur.

CONCLUSIO.

Cum tentatio sit quidam tactus ad probandum ordinatus. Et caro nos pulset, ad cuius pulsationem sequitur approbatio vel reprobatio hominis, recte caro dicitur tentare.

E

RESP. AD Arg. Dicendum quod hoc vocabulum tentare multas habet acceptiones, sicut dicunt illi qui significationes vocabulorum studiose rimati sunt: si tamen velimus eius principalem & præcipuam significationem accipere, tentare probare est, unde tentatio dici potest quidam tactus, quo illud quod tangitur, probatur, sicut cæcus dicitur tentare, quando suo tactu vult aliquam certitudinem habere de aliqua re quam tangit. Per hunc modum in spiritualibus tentatio dicitur quidam tactus ad probandum ordinatus. Hoc autem potest esse quadrupliciter. Aut quia ille, qui pulsat intendit probare, & approbare, siue probatum ostendere: & hoc modo tentat Deus secundum quod dicitur in Sapientia: Deus tentauit illos, & inuenit illos dignos se. Aut ille qui pulsat, intendit probare

Fundamenta
Iac. 1. 6.

Ad oppositum.

Tentatio fit
quatuor
modis.
Sap. 3. 6.

&c

& reprobare, siue reprobū facere: & sic tentat diabolus, secundum quod dicitur in Actibus: Cur tentauit Satanas cor tuum mentiri Spiritui sancto? Aut quia ille, qui pulsatur, intendit solum probare, & experimentum sumere de eo, quod est in homine: & sic tentat homo cautus, & de hoc: Ex multis loquelis tentabit te, & subridens interrogabit te de absconditis tuis. Aut quia etsi pulsans nihil intēdat, ad eius tamen pulsationem sequitur approbatio, vel reprobatio hominis: & sic tēdat caro, vel carnalis concupiscentia. De qua Iacob: Vnusquisque tentatur à concupiscentia sua ab illectus, & illectus. A carne enim siue à carnis concupiscentia homo pulsatur, & quasi tangitur, cui tactui, siue pulsationi si cōsentiat, probatur & reprobat: si vero dissentiat, probatur, & approbatur. Et sic recte, & proprie carnis impulsio tentatio dici potest. Vnde rationes hoc ostendentes concedendæ sunt.

1. Ad illud quod obiicitur in contrarium, quod tentare est experiri, dicendum quod illa ratio ab Hugone non assignatur nisi proprie de tentatione diaboli. Si autem qui generaliter velit eam intelligere, vt se extendat ad omnem tentationem, quæ ad malum inclinat, tunc dicemus, quod intelligitur per causam, vt sit sensus, & per tentationem fit experientia, & probatio, vtrum homo dignus sit approbari, vel reprobari: & hæc non tantum fit à diabolo, sed etiam à carne. Si autem velit dicere hoc essentialiter esse dictum, tunc dicemus, quod nomine carnis non intelligitur corpus solum, sed ratio carnalis, & idem ipse homo secundum quod carnalis est & ad carnem conuersus, seipsum tentat secundum quod spiritualis est, & diuinæ legi subiectus.

2. Ad illud quod obiicitur secundo, quod tentans differt à tentato secundum substantiam, dicendum quod sicut iudicare, & iudicari sunt actus diuersarum personarum, nihilominus tamen eadem persona secundum aliam, & aliam sui portionem potest seipsam iudicare, sicut semetipsum homo diiudicat, & superior portio inferiorem iudicat: sic etiam intelligendum est, quod spiritualiter ipsa sensualitas tentare potest rationem, siue homo exterior interiorem, & ita cum caro tentat spiritum, non idem tentatur à se, sed alius ab alio: illa tamen reperiri habent in eadem persona.

3. Ad illud quod obiicitur, quod persuasio ordinata ad decipiendum, potius est sophisticatio quam tentatio, dici potest, quod tentatio large dicta comprehendit & sophisticatōem & tentatōem proprie dictā. Sophistica enim persuasionem potest homo de alio experimentū sumere: & ita non valet illa obiectio, quia tēdatio secundū quod hic accipitur, cōtra deceptionem, & sophisticatōem non diuiditur. Aliter tamen posset dici, quod tentationis nomen magis translātū est à tentione materiali, in qua est quædā palpatio, secundū quod cæcus dicitur tētare, quā à tentatione illa quæ est in ratiocinationibus, per quem modum diuiditur contra sophisticatōem, vt dicatur alius syllogismus sophisticus, alius tentatiuus.

4. Ad vltimum patet responsio ex prædictis. Aliquod enim commune reperitur in omnibus illis, de quibus dicitur actus tentandi, videlicet tactu quodam pulsare, ad quem consequitur pulsati probatio: & hoc prius explanatum est.

QVÆSTIO II.

An tentatio carnis à tentatione diaboli sit separata.

Alexander Aletis 2 p. q. 117. Membro 6.

S. Thom. 1. p. q. 114. art. 3.

Et de Malo, q. 3. art. 5.

Ægid. Rom. 2. Sent. p. 2. diff. 21. q. 1. art. 2.

Richardus 2. Sent. diff. 21. art. 2. q. 1.

Steph. Brulef. 2. Sent. diff. 21. q. 7.

VTRVM contingat tentationem carnis à tentatione diaboli separari. Et quod sic, videtur. Quæcunque diuiduntur ex opposito, vnum potest esse sine altero, siue separari potest ab altero: sed tentatio carnis diuiditur contra tentationem hostis: ergo, &c.

ATEM diabolus tentauit hominem primum, & tentauit Christum: sed nec caro Christi, nec caro hominis primi ad malum impellebat: ergo neuter a carne tentabatur: ergo cum tentarentur à diabolo, tentatio, quæ est à diabolo, separatur à tentatione, quæ est à carne.

ITEM esto quod diabolus nunquam nobis mala suggereret: nihilominus sensus nostri ad malum ab adolescentia proni sunt: ergo omni tentatione diaboli circumscripta, adhuc homo tentaretur à carne propria.

ITEM aliud est inquinamentum carnis, & aliud inquinamentum spiritus, sed diabolus impellit ad peccata spiritualia: caro vero ad peccata carnalia: ergo cum peccatum spirituale possit esse sine carnali, & econuerso, videtur, quod tentatio carnis sequestrari habeat à tentatione diaboli.

ITEM quæcunque duo sic se habent, quod in vno contingit mereri, & in alio demereri, illa contingit ab inuicem separari: sed tentatio hostis est materia exercendæ virtutis: tentatio vero carnis semper est à culpa, vel cum culpa, sicut dicit Magister: ergo vna istarum sequestrari habet ab altera.

ITEM tentatio carnis, & hostis differunt, sicut dicit Magister in litera, sicut tentatio exterior, & interior: sed quod est exterius, sequestrari habet ab eo, quod est interius: ergo & tentatio carnis ab ea quæ est à diabolo. Quod si tu dicas, quod tentatio quæ est ab hoste, est ita interior, sicut tentatio quæ à carne, per hoc non effugitur: quia cum Deus fidelis non permittat hominem tēdari supra id quod possit, & aliter istorum modorum ad exercitandum sufficiat, nec homo simul possit esse intentus circa diuersa, videtur quod alio, & alio tempore fiat circa nos tentatio carnis, & tentatio diabolica.

1. SED CONTRA quod tentatio carnis non habeat esse sine tentatione hostis, videtur per illud Psalmi: Diuertere à malo, & fac bonum. Glossa Hieronymi: Mala omnia ab instinctu diaboli procedunt, sicut bona ab instinctu Dei: ergo nullum peccatum fit, in quo diabolus non interponat partes suas: si ergo tentatio carnis via est ad peccatum videtur, quod non possit esse sine tentatione diaboli.

2. ITEM motus instrumenti non est sine motu principalis motoris: sed caro est sicut instrumentum in tentando respectu diaboli, sicut dicitur super illud Iob: Terra data est in manus impij, id est caro in manus diaboli: ergo titillatio carnis non est absque impulsione diaboli: si igitur hæc est tentatio: patet, &c.

3. ITEM si non sit ponere primum malum, quod non sit ab alio: est tamen ponere malum quod est initium omnis mali, sicut dicitur: Initium omnis peccati superbia. Si igitur diabolus rex est super omnes filios superbiz, & pater omnis mendacij, videtur, quod nullum sit peccatum, quod aliquo modo non procedat ab ipso: & ita ad nullum malum impellit caro absque diabolo: ergo tentatio carnis non separatur à tentatione hostis.

4. ITEM quod tentatio hostis non separetur à tentatione carnis, similiter ostenditur: Manifesta sunt opera carnis, quæ sunt fornicatio, adulterium, contentiones, emulationes, iræ, rixæ, inuidiæ, &c. ibi enumerantur peccata carnalia, & spiritualia: ergo videtur, quod omnia peccata procedunt à carne: igitur ad nullum malum inclinat tentatio hostis absque tentatione carnis.

5. ITEM generatio transfertur à corporalibus ad spiritualia: sed in corporalibus impossibile est generari aliquē à patre sine matre: ergo nec in spiritualibus. Sed pater omnis peccati dicitur esse diabolus: mater vero caro, siue concupiscentia: ergo, &c. Prima per se patet: secunda manifestatur per illud quod dicitur in Ezachiele: Pater tuus Amorrhæus, & mater tua Cethea. Per Amorrhæum enim intelligitur diabolus, per Cetheam vero concupiscentia. Et expressius dicit Gregorius super Leuiticum decimo nono: Concupiscentia est mater omnis peccati, & diabolus pater: ergo, &c.

6. ITEM diabolus non potest tentare bonū Angelum

Ad oppositum.
Psalm. 33. 6

Iob. 9. 8

Eccles. 10. 6

Gal. 5. 8

Ezech. 16. 4

nec malum, neque spiritum separatum, sed solum spiritum carni coniunctum: ergo videtur quod aditum non habeat ad mentem nisi per carnem: ergo absque carne non tentat: ergo non contingit tentationem diaboli à tentatione carnis separari.

CONCLUSIO.

Si consideretur tentatio ut est à mouente primo, quamvis aliqua possit esse tentatio ab hoste qua non est à carne, ut in Adam & Christo: Nulla tamen est à carne qua non sit ab hoste. Si autem consideretur, ut est à mouente proximo, sic diaboli & carnis tentationes sunt diuersæ, & una absque alia esse potest.

RESP. Ad Arg. Dicendum quod cum dicimus tentationem esse à carne, vel ab hoste, hoc dupliciter potest intelligi. Aut sicut à mouente primo, aut sicut à mouente proximo, & immediato. Si sicut à mouente primo, sic tentatio carnis nunquam potest esse absque tentatione hostis, quia omnis carnis tentatio est ex eius corruptione, quæ ortum habuit à prima hostis tentatione: tentatio tamen hostis potest esse absque tentatione carnis, tunc potissime quando is tentatur, in quo non est carnis corruptio, sicut fuit in Adā, & in Christo, vel quando ex illa tentatione nulla oritur incurvatio. Quando vero tentatio hostis ad peccatum pertrahit, cum nullum peccatum sit in nobis, quod non habeat ortū ex concupiscentia aliqua, sic tentatio diaboli à tentatione carnis non potest separari: sic igitur iudicandum est, secundū quod tentatio dicitur esse à carne, vel ab hoste, tanquā à mouente primo. Si autem sic dicatur esse, sicut à mouente proximo, & proprie, sicut accipit Magister in litera, sic sequestratur & distātia formali, & distātia tēporali: distātia formali, quia alio modo tētat caro, & alio modo diabolus: & ad aliud vitium impellit hæc, & ad aliud ille, & principium mouens est aliud, & aliud. Sequestratur etiam distantia tēporali, quia aliquo tempore vexat diabolus, & instigat ad aliquod vitium, ad quod non inclinat caro, & aliquando potest esse e conuerso. Et sic isto ultimo modo accipiendo proprie tentationem carnis, & tentationem hostis, ut accipit Magister in litera, concedendum est eas abinuicē separari, ut non solū inter vnā, & alteram sit differentia, sed etiam vna possit esse sine altera. Vnde cōcedēdæ sunt rationes, quæ hoc probant.

1. Ad illud quod primo obiicitur in contrarium, quod omne malum est ab instinctu diaboli, intelligendum est sicut à mouente primo, non sicut à motore proximo. Nam absente diabolo peccatum potest esse à libero arbitrio, vel voluntate propria, vel attrahente carnis concupiscentia.

2. Ad illud quod obiicitur, quod caro mouet sicut instrumentum, dicendum quod hoc verum est, quando diabolus vexat carnem, & vexando carnem vexat spiritum: & tunc tentatio carnis, & diaboli non ponunt in numerum. Contingit tamen carnem mediante sensualitate sibi coniuncta spiritum nostrum ad malum inclinare, etiam diabolo non mouente: & tunc non mouet sicut instrumentum, sed sicut mouens primum: & hoc modo habet sequestrari à tentatione diaboli.

3. Ad illud quod obiicitur, quod peccatum diaboli est initium omnis mali, dicendum quod hoc non est intelligendum quod sit principium immediatum respectu cuiuslibet peccati, sed quia ante peccatum eius non fuit aliud: & ipsum fuit initium illius peccati originalis, ex quo est initium ad omne malum.

4. Ad illud quod obiicitur, quod omnia peccata sunt à carne, dicendum quod caro sumitur ibi large pro omni concupiscentia, quæ inhæsit animæ ex coniunctione sui ad carnem: & sic nomine carnis intelligitur concupiscentia, quæ est mater omnium malorum, & sine hac diabolus non generat in nobis aliquod peccatum.

5. Et per hoc patet responsio ad sequens obiectum de generatione spirituali: accipitur enim ibi caro, & con-

cupiscentia large, sicut ostensum est. Ex illo tamen non sequitur, quod tentatio diaboli non possit esse absque tentatione carnis: non enim omnis tentatio diaboli est peccati generatio: frequenter enim tentat, ita quod nulla sequitur culpa.

6. Ad illud quod obiicitur, quod non tentat nisi hominem carnalem, dicendum quod hoc non est, quia tentatio diaboli pendeat à tentatione carnis, sed quia non potest aliquem tentare, nisi quando habet veritatem liberi arbitrii, & est in statu merendi, vel demerendi, & in quo potest seduci: & hoc solum est, quando spiritus rationalis est coniunctus carni mortali. Ex illa tamen ratione non concluditur quod caro in tentatione diaboli sit causa præcipua, sed solum causa, sine qua non,

QVÆSTIO III.

An tentatio carnis sit difficilior tentatione diaboli.

Agid. Rom. 2. Sent. p. 2. d. 21. q. 1. art. 3.

Richardus 2. Sent. dist. 21. art. 2. q. 2.

Thom. Arg. 2. Sent. dist. 21. q. 1. art. 2.

Steph. Brulef. 2. Sent. d. 21 q. 6.

CVI istarum tentationum sit difficilior resistere. Et quod tentationi carnis, videtur per illud quod Magister dicit in litera: Tentatio carnis interior difficilior deiicitur, quia interius oppugnans, de nostro contra nos roboratur: sed illi tentationi difficilior est resistere, quam difficilior est vincere: ergo, &c.

ITEM Seneca: Nulla pestis efficacior, quam familiaris inimicus: sed inimicus carnis est multo familiarior, quam diabolus: ergo eius tentatio crudelior, & periculosior: ac per hoc ad vincendum difficilior.

ITEM quanto tentatio est ad nocendum efficacior tanto difficilior est resistere tentationi: sed tentatio carnis efficacior est ad nocendum, quam tentatio hostis: quia cum tentatio hostis sit exercenda virtutis materia, tentatio carnis nunquam est sine culpa: ergo, &c.

ITEM tanto difficilior est resistere alicuius persuasioni, quanto ille, qui persuadet, magis amatur: sed homo multum diligit carnem, & multum odit diabolum: ergo multo difficilior est resistere impulsioni carnis, quam suggestioni diaboli, siue tentationi.

1. **CONTRA:** Quanto impugnans est fortior, tanto eius impugnationi difficilior resistitur: sed diabolus est hostis fortissimus, sicut dicit Iob: Non est potestas super terram, quæ ei possit comparari: ergo difficilior est eius tentationi, siue impugnationi resistere, quam ei tentationi, quæ est ex carne.

2. **ITEM** quanto tentans est versutior, & callidior, tanto difficilior est eius laqueos, & cautelas eundere: sed diabolus est versutissimus: ergo difficilior est eius illaqueationi, siue tentationi resistere, quam tentationi carnis.

3. **ITEM** quanto inimicus est occultior, tanto minus potest homo eius impetum declinare: sed diabolus est hostis spiritualis, & occultus, caro vero est hostis manifestus: ergo tentatio, siue prælium diaboli maioris est periculi, quam tentatio carnis: cum maiori igitur difficultate ei resistitur.

4. **ITEM** facilius superatur, quod est in nostra potestate, quam quod non est in nostra potestate: sed caro in nostra potestate est, nam ipsam possumus mortificare: & cum vitiis & concupiscentiis crucifigere, diabolum vero minime: ergo multo facilius est resistere eius tentationi, quam sit resistere tentationi diaboli.

5. **ITEM** spiritus magis adhæret bono proprio, quam bono carnis, siue bono interiori, quam bono inferiori: sed diabolus suggerit & inclinat ad bonum interius, dū tentat de peccatis spiritualibus: caro vero ad bonum inferius, dum tentat de peccatis carnalibus. Si ergo difficilior repellitur, quod est maioris adhærentiæ, difficilior repellitur tentatio hostis, quæ est de peccato spirituali, quam tentatio carnis, quæ est de peccato carnali.

6. **ITEM**

6. ITEM difficilius est resistere violentiis, quam blanditiis, quia violentum importat de sua ratione impossibilitatem, sine difficultatem resistendi: sed diabolus tentat violentando, sicut dicit Hugo: caro autem tentat blandiendo: ergo difficilius separatur diabolus, quam separetur caro.

CONCLUSIO.

Si tentatio hostis & carnis sit circa idem vitium puta carnale, sic difficilior est tentatio carnis: si autem circa diuersa, sic motu se excedunt: maior tamen simpliciter est carnis excessus.

RESP. ad Arg. Ad prædictorum intelligentiam est notandum quod cum quæritur, cui tentationi sit difficilius resistere, utrum tentationi carnis, vel hostis, dupliciter potest intelligi. Aut respectu eiusdem peccati, aut respectu alterius. Si respectu eiusdem peccati, utpote peccati carnalis, ad quod instigat caro, instigat & diabolus: Tunc respondendum est, quod tentatio carnis est difficilior propter coniunctionem carnis ad spiritum, ob quam magis incuruat animam: & sic intelligit Magister in littera, & rationes probant ad primam partem inductam. Si autem intelligatur comparatio fieri respectu diuersorum peccatorum, utpote tentatio carnis intelligatur respectu carnalium, & tentatio hostis respectu peccatorum spiritualium, sic se habent ut excedentia, & excessa. Quidam enim homines sunt, qui magis sunt proni ad peccata carnalia, utpote ad luxuriam, quam ad superbiam: & his difficilior est resistere tentationi carnis, quam tentationi hostis. Quidam autem sunt, qui proniores sunt ad peccata spiritualia, quam ad carnalia, utpote illi, qui magis desiderant honores, quam voluptates: & his difficilior est resistere tentationi hostis, quam tentationi carnis. Si quis autem sit indifferens ad utrumque, & æqualiter pronus quantum est de se, quodam modo tentatio carnis est difficilior ei, quodam modo tentatio hostis. Tentatio carnis erit difficilior ei propter maiorem, & magis intrinsecam, & magis continuam adhaerentiam. Tentatio vero hostis difficilior propter maiorem boni promissi apparentiam, & propter latentioris instigantis fallaciam: sicut enim Gregorius in Homilia ostendit: Hostis antiquus multa, quæ sunt vitia secundum veritatem, palliat sub specie virtutum: Si igitur quæritur, quæ harum tentationum sit ad vincendum difficilior, & respectu eiusdem peccati intelligatur, respondendum est quod tentatio carnis. Si respectu diuersorum, sic se habent sicut excedentia, & excessa, sicut ostensum est: & sic procedunt rationes ad utramque partem. Si autem quærat, quæ earum magis excedat alteram, dicendum quod quia omnis caro corrumpit viam suam, & homines ex maiori parte carnales sunt, & desideriis carnis obsequuntur, quod difficilior est resistere tentationi carnis, quam hostis.

1. 2. 3. Et ad rationes illas quæ obijciuntur in oppositum, quod hostis ille est fortior, & astutior, & occultior, facile est respondere, quia non permittitur tentare secundum totam suam potentiam, & astutiam, immo reprimatur potestate diuina.

4. AD illud vero quod obijciatur, quod caro sit in nostra potestate, dicendum quod etsi sit in nostra potestate secundum ordinem naturæ, tamen propter perversitatem concupiscentiæ in multis & regnat ancilla, & seruit domina, & nimius amor carnis facit ventrem Deum esse hominis: & ideo non est in nostra potestate, quousque liberemur de potestate corporis huius adiuvante gratia Dei per Iesum Christum Dominum nostrum. Tanta enim est vis amoris, ut amantem amato quodam modo subiiciat. Vnde etsi filius sit in potestate patris: non est patri facile occidere, vel affligere filium, sed valde difficile: sic in proposito intelligendum est, quia nemo unquam carnem suam odio habuit: sed nutrit, & fovet eam.

5. AD illud quod obijciatur quod bonum interius magis adhæret, dicendum quod etsi magis adhæreat spiritui,

A secundum quod spiritus est, non tamen magis adhæret secundum quod carnalis est: nunc autem fere omnes homines carnales sunt, nec permanet spiritus Dei in homine, quia caro est.

6. AD illud quod obijciatur quod diabolus tentat violentiis, dicendum quod nulli infert violentiam simpliciter: violentare tamen dicitur quodam modo propter immissionem aliquarum tribulationum, quæ non ita mouent affectum, sicut carnis incitamenta, nisi caro ibi interponat partes suas.

ARTICVLVS III.

CONSEQUENTER quantum ad tertium articulum quæritur de quantitate peccati primorum parentum. Et circa hoc quærentur tria. Primo quæritur, utrum primum peccatum potuerit esse veniale. Secundo quæritur, utrum fuerit remediabile, siue remissibile. Tertio quæritur, utrum inter cetera genera peccatorum fuerit magis graue.

QVÆSTIO I.

An peccatum Adæ potuerit esse veniale.

S. Thom. 1. 2. p. q. 89. art. 3.
Et 2. Sentent. dist. 21. q. 2. art. 3.
Secundus 2. Sent. dist. 21. q. 1.
Ægid. Rom. 2. Sent. p. 2. d. 21. q. 2. art. 3.
Richardus 2. Sent. dist. 21. art. 3. q. 1.
Durandus 2. Sent. dist. 21. q. 4.
Thom. Arg. 2. Sent. dist. 21. q. 1. art. 1.
Steph. Brulot. 2. Sent. dist. 21. q. 8.
Gabr. B. el. 2. Sent. dist. 12. q. 1.

UTRUM primum peccatum hominis fuerit, vel potuerit esse peccatum veniale. Et quod sic, videtur. In egressu à rectitudine, prius curuatur aliquid parua obliquitate, quam magna: sed obliquitas magna est culpa mortalis, & parua est culpa venialis: ergo cum cecidit à statu rectitudinis innocentie, per veniale transiit ad mortale: ergo prius peccauit venialiter quam mortaliter.

2. ITEM consensum siue electionem præcedit appetitus: nihil enim eligimus, nisi prius illud appetamus: ergo ante consensum primi hominis fuit appetitus: sed ille appetitus erat ad illicitum: ergo erat peccatum, sed non mortale, quia nihil est mortale citra consensum: ergo veniale: prius igitur peccauit peccato veniali, quam peccato mortali.

3. ITEM contingit aliquid diligere inordinate, & supra Deum. Contingit etiam aliquid diligere ordinate, & sub Deo: sed inter hæc duo cadit medium, videlicet diligere aliquid sub Deo, sed inordinate. Si igitur ab extremo in extremum peruenitur per medium, prius dilexit homo aliquid inordinate sub Deo, quam supra Deum: sed primum est mortale, secundum veniale: ergo, &c. Si tu dicas, quod homo in primo statu existens non potuit peccare venialiter.

4. Ostenditur quod sic. Primum, quia verbum otiosum est peccatum veniale quantum est de genere suo, & cum non sit contra aliquod mandatum: sed Adam potuerat verbum otiosum dicere, & cum vxore sua iocari: ergo poterat in statu illo venialiter peccare.

5. ITEM quod potest in maius, potest in minus, quod est ordinatum ad illud: sed Adam poterat peccare mortaliter: sed peccatum mortale est maius, quam veniale. Cum igitur Adam potuerit etiam primo peccare mortaliter, potuit primo peccare venialiter.

6. ITEM est ponere statum in quo non potest aliquis peccare venialiter, nec mortaliter, utputa statum comprehensoris: & statum, in quo potest peccare venialiter, & mortaliter utpote statum viatoris: & statum in quo contingit peccare mortaliter, & non venialiter, sicut statum angeli lapsi: ergo erit ponere statum in quo contingeret peccare venialiter, & non mortaliter: sed hic non est status nisi hominis instituti: ergo, &c.

Fundamēta.

SED CONTRA: Peccatum veniale est propter impulsione, & pronitatem, quam homo habet ad illud: sed primus homo nullum habuit impulsus: ergo non potuit primo committere veniale peccatum.

ITEM in primo homine nullus erat motus brutalis, sed quilibet erat secundum deliberationem rationis: sed peccatum committere cum deliberatione rationis, ubi nulla est pronitas, non potest esse nisi mortale: ergo, &c.

ITEM regnum animæ adeo ordinatum erat, sicut dicit Augustinus quod si ipsa seruaret ordinem sub Deo, nihil exiret eius imperium: ergo impossibile fuit hominem peccare, nisi prius à Deo se auerteret: sed hoc est per mortale: ergo, &c.

ITEM Angelus propter dignitatem sui status non solum peccauit mortaliter, sed etiam irremediabiliter: ergo si status innocentiae excedebat statum miseræ in magna præcellentia, videtur quod illud quod in nobis est modo modicum & leue, statu illo esset magnum, & graue: nulla igitur essent ibi leuia, & minuta peccata, sed omnia essent graua, & mortalia.

ITEM omne peccatum aufert innocentiam: sed quod auferebat homini innocentiam, auferebat immortalitatem: & quod auferebat immortalitatem, inferebat mortem: & quod inferebat mortem, erat mortale: ergo à primo nullum peccatum poterat esse in primo homine, quod non esset mortale.

ITEM si Adam primo commisisset veniale, quæro utrum potuisset pœnitere, an non. Si non: ergo fuisset irremediabile. Si sic: ergo propter veniale peccatum doluisset: ergo passibilis factus esset: et si passibilis: ergo & mortalis, cum eadem esset in eo ratio passibilitatis, & mortis: ergo necesse fuit primum peccatum primi hominis vel esse mortale, vel esse irremediabile, vel quod aliquid esset veniale, & inferret mortem: quæ duo simul stare non poterant.

CONCLUSIO.

Peccatum primi hominis mortale fuit, nec veniale cuiusvis generis esse potuit, licet secus aliqui sentiant.

RESP. ad Arg. Ad prædictorum intelligentiam est notandum, quod circa hoc duplex fuit opinio. Quidam enim dixerunt, quod Adam primo peccato peccauit mortaliter: potuisset tamen peccare venialiter, non tamen omni genere venialis. Quoddam enim est veniale, quod est veniale ex genere actus, sicut dicere verbum otiosum, & mendacium iocosum, vel exire in risum dissolutum: & hoc est veniale non solum cum præuenit rationis iudicium, sed etiam cum subsequitur: & hoc peccato dicunt Adam primo peccare potuisse. Est & aliud genus venialis peccati, quod dicitur veniale à veniendo, quia venit ex surreptione & pronitate naturæ corruptæ: & hoc præuenit, non subsequitur iudicium rationis: & tali peccato dixerunt Adam peccare non potuisse propter ordinem originalis iustitiæ, quo inferior potentia ita subdebatur superiori, quod nihil appeteret absque eius imperio, & dictamine: & hæc positio satis fuit probabilis. Veruntamen communiter non approbant eam Doctores Theologiæ: nam improbabilitatem habet, si quis attendat ad perfectionem status, & regulam rectitudinis, in qua erat: à qua etiam cum nullum haberet impellens, exire non poterat nisi contemnendo diuinam iustitiam, & scedando suam innocentiam & corrumpendo naturam suam, quæ omnia faciunt primam culpam Adæ non venialem sed mortalem fuisse, nec potuisse aliter esse. Et ideo est communis opinio, quam hodie approbant doctores, quod Adam in statu innocentie primo peccato peccauit mortaliter, nec primum eius peccatum veniale esse potuit. Vnde concedendæ sunt rationes, quæ hoc ostendunt.

1. Ad illud ergo quod obiicitur, quod prius est peruenire ad paruam obliquitatem, quam ad magnam, dicendum quod verum est, ubi est curuitas paulatina, &

per successionem: ibi autem potius fuit fractio, quam curuatio: vel si curuatio dici debet, primo incepit in consensu, qui fuit mortale peccatum, & ita inter rectitudinem, & illam obliquitatem non intercedit medium. Et si tu quæras, vnde hoc? Dico quod hoc non fuit propter immediatam oppositionem rectitudinis ad peccatum mortale, sed quia in tali subiecto, quod quidem vel oportebat esse sanum, vel mortuum.

2. Ad secundum quod obiicitur, quod appetitus præcedit consensum, dicendum quod verum est: sed appetitus, qui præcessit consensum primorum parentum, non fuit libidinosus, sed naturalis: ex tunc autem incepit esse libidinosus, quando voluntas deliberatiua consensit, & tunc incepit etiam esse mortalis: & ita non ante cepit peccatum esse, quam esse mortale.

3. Ad illud quod obiicitur, quod medium est inter diligere ordinate sub Deo, & inordinate supra Deum, dicendum quod et si sit medium comparando statum ad statum simpliciter: comparando tamen ad hominem illum, non cadebat medium. Ratio autem huius erat propter magnam approximationem ad Deum, ob quam nihil poterat inordinate diligere, quin per hoc Deo iniuriam faceret, ac per hoc supra Deum diligeret.

4. Ad illud quod obiicitur, quod poterat dicere verbum otiosum quod est veniale, dicendum quod verbum otiosum ei fuisset mortale propter status perfectionem. Vnde quod dicitur, aliquod peccatum esse veniale generaliter, siue de genere sui actus, hoc intelligendum est respectu naturæ lapsæ.

5. Ad illud quod obiicitur: Quod potest in maius, potest in minus, dicendum quod illud non est semper verum: quia non est hominis potentia aliquando ita ordinata ad minus, sicut ad maius. Vnde maius est hominem mori, quam febricitare: facilius tamen potest aliquis alicui inferre mortem, quam febrem: sic & homo primus citius potuit se occidere, quam debilitare, id est, prius mortaliter, quam venialiter peccare.

6. Ad illud quod obiicitur, quod quartus status esse deberet, in quo posset tantum venialiter peccare, dicendum quod illum statum nullo modo conuenit esse. Quod enim aliquod peccatum sit veniale alicui, hoc est propter magnam pronitatem, quam habet ad peccandum, & difficultatem quam habet ad benefaciendum: & ubi hæc sunt, est facilitas ad mortale: & ita nunquam est ponere statum, in quo peccetur venialiter, in quo non possit peccare mortaliter: est tamen ponere econuerso statum, scilicet in quo contingit peccare mortaliter, & non venialiter, propter defectum pœnitentiæ: huiusmodi autem est status dæmonum.

QVÆSTIO II.

An peccatum hominis potius quam Angeli fuerit remediabile, vel remissibile.

Alex. Alensis 2. p. q. 103. Membr. 5.

S. Thom. 2. Sent. d. 21. q. 1. art. 2.

Egid. Rom. 2. Sent. p. 1. dist. 21. q. 2. art. 4.

Richardus 2. Sent. dist. 21. art. 3. q. 3.

Thom. Argent. 2. Sent. dist. 21. q. 1. art. 1.

VERVM peccatum, quod primo secutum est ex tentatione illa, fuerit remissibile, vel irremissibile. Et quod irremissibile, videtur. Augustinus de mirabilibus sacræ Scripturæ loquens de Angelo, dicit quod resurgere non potuit, quia de sublimissimo statu cecidit: sed homo cecidit de nobilissimo gradu, & statu, quem ponit habere in via: ergo si non potuit resurgere dæmon, pari ratione nec homo.

2. **ITEM** peccatum, ad quod nullam habet homo inclinationem, nullam habet excusationem: & quod omni caret excusatione, non est dignum remissione: sed peccatum, quod omnino ineptum est ad remissionem, est irremissibile: ergo peccatum illud est irremissibile, quod fit sine aliqua inclinatione: sed tale fuit peccatum, quod consecutum est ex prima tentatione: ergo, &c.

Ad oppositum.

3. ITEM.

Opinio aliorum.

Veniale peccatum cur sic dicatur.

Opinio propria.

3. **ITEM** morbus, qui totam naturam inficit, est incurabilis, quia omnino sanitatem, & principium sanitatis expellit: sed peccatum quod ex primaria tentatione subsecutum est totam naturam humanam inficit: videtur igitur quod fuerit morbus incurabilis.

4. **ITEM** Adam antequam peccaret non solum habuit naturalia, sed etiam gratuita, sicut ostenditur infra, & hoc innuit Glossa in Luca: ubi dicit quod homo vulneratus fuit in naturalibus, & expoliatus gratuitis: Angelus vero non habuit gratuita, sed solum naturalia, sicut ostensum fuit supra: ergo maiorem corruptionem fecit peccatum hominis in homine, quam peccatum Angeli in Angelo: sed peccatum quod magis corrumpit, minus est aptum sanari: ergo si peccatum Angeli fuit irremediabile, multo fortius peccatum hominis.

Sed contra: Pœnitentia est via ad veniam, vel ad mendum: sed primus parens postquam peccauit, potuit pœnitere: quod patet, quia doluit, & pœnituit: ergo potuit veniam, & misericordiam inuenire: ergo peccatum eius fuit remissibile.

ITEM dignum est quod qui ab alio deiecitur, ab alio adiuuetur: sed homo cum peccauit, alio tentante deiectus est: ergo deuit ipsum habere præsidium, & adiutorium ad surgendum: sed illo habito, peccatum hominis est remissibile. ergo, &c.

ITEM peccatum primi hominis totam naturam humanam inficit: ergo si irremissibile fuisset, tota humana natura damnata fuisset: ergo diuina prouidentia, & dispositio, quæ hominem fecerat propter beatitudinem, fuisset frustrata: & ita esset vana.

ITEM non est maioris stabilitatis culpa, quam gratia, nec demeritum, quam meritum: ergo si culpa Adæ fuisset irremissibilis, gratia præcedens fuisset inamissibilis: ergo si potuit amittere, pari ratione potuit à culpa resurgere. Quæstio est igitur, propter quod remissibile fuerit peccatum humanum, non angelicum.

CONCLUSIO.

Peccatum quod primam hominis tentationem secutum est, remissibile fuisse, nemo negare debet, cum à voluntate vertibili manauerit atque ab homine mortali, & per transgressionem excusabilem.

RESP. Ad Arg. Dicendum quod primum peccatum hominis, quod ex tentatione diaboli subsecutum est, remissibile fuit. Et si quærat ratio huius, dicendum quod ex tribus rationibus: vna potest ratio sufficiens colligi. Remissibile namque fuit peccatum primi hominis, quia erat in carne mortalis, in voluntate vertibilis, in transgressionem excusabilis. Carnis mortalitas faciebat remissibilitatem: potuit enim diuina iustitia seueritatem, & æquitatē sui iudicij in homine exercere præter æternam damnationem, in hoc quod hominem peccatorum morti tradidit, & hominis innocentis mortem pro satisfactione suscepit, ut sic exerceretur in homine seueritatis vindicta pro culpa perperrata: ut quemadmodum homo voluntarie peccando Deum deseruerat, & seipsum morte culpæ occiderat, sic spiritus inuitus desereret corpus, & mors exigatur in pœna, sicut commissæ fuerat in culpa, Angelus autem per naturam immortalis erat, nec mori poterat, nisi morte æterna: non enim erat alia via exercendi in ipsum iustitiæ seueritatem, nisi per mortem damnationis æternæ: & sic carnis mortalitas multum facit ad hoc, quod peccatum hominis esset remissibile. Voluntatis vertibilitas, ad hoc nihilominus faciebat, quia enim homo conditus est in vertibilitate arbitrij, quæ non tantum debebat esse in eo ad momentum, sed etiam ad tempus diuturnum, quia longo tempore debebat esse viator: hinc est quod sicut gratia adueniens eius voluntati non abstulit vertibilitatem ad malum, sic culpa superueniens non abstulit potentiam reuertendi ad bonum, & sicut potuit transgredi, ita potuit conteri: & sicut per culpam peruenit ad iram

diuinam, sic per pœnitentiam rediit ad gratiam. Hoc autem Angelus non habuit, sicut ostensum fuit supra dist. 7 propter breuitatem spatij merendi, postquam voluntas eius vertibilitatem habere non poterat, sicut ibidem ostensum est. Excusabilitas etiam in culpa faciebat ad peccati hominis remissibilitatem. Quia enim alio suggerente cecidit, dignum fuit per alium subleuari: & ideo competeat sibi mediatorem habere: & quia lapsus non potest resurgere sine manu subleuante, & inimicus non potest reconciliari sine mediatore interueniente, hinc est quod peccatum hominis fuit remissibile, non peccatum Angeli: quia homo per alium cecidit, alium debuit habere adiutorem, & releuatorem: Angelus vero non, quia cecidit per semetipsum, & hæc est ratio, quam Magister reddit in litera. Et sic patet, quod triplex est ratio, quare peccatum hominis remissibile fuit. Et istæ tres concurrentes reddunt vnā rationem integram. Inter has tamen præcipua est ratio, quæ medio loco posita est, scil. vertibilitas voluntatis post lapsum, per quam homo susceptibilis erat pœnitentiæ, mediante qua ad veniam poterat peruenire. Concedendæ sunt igitur rationes ostēdentes, peccatū hominis quod ex prima tentatione secutum est, fuisse remissibile.

1. Ad illud quod obiicitur, quod cecidit de nobilissimo statu, dicendum quod quamvis homo esset in statu sublimi: non tamen sic dicitur de sublimissimo statu cecidisse, sicut Angelus: Angelus enim proximus erat gloriæ, adeo quod vno solo motu conuersionis ad Deum poterat effici gloriosus: non sic fuit de homine: & ideo non est simile.

2. Ad illud quod obiicitur, quod homo nullam habuit inclinationem, dicendum quod etsi non habuit inclinationem interius: habuit tamen impulsuum exterius, ratione cuius aliquo modo fuit peccatum eius excusabile: esto tamen quod excusabile non esset in se, nihilominus excusabile factum est, quando homo incipit de sua transgressionem dolere.

3. Ad illud quod obiicitur, quod tota natura est corrupta, dicendum quod etsi corrupta sit tota quantum ad totam posteritatem, quæ seminaliter ex Adam procedit, nihilominus tamen remansit ipsi Adæ semen, in quo benedictæ sunt omnes gentes, id est Christus, in quo nulla fuit corruptio: immo membrum sanctissimum fuit: & ideo sua cauterizatione cetera membra à face peccati curauit. Remansit etiam in homine aliqua naturalis reſtitudo, utpote synderesis, quæ non fuit in eo extincta, qua mouente, & instigante potuit peccatum detestari, & detestando ad Deum reuerti & reuertendo curari.

4. Ad illud quod obiicitur, quod homo habuit naturalia, & gratuita quando peccauit, dicendum quod etsi aliquod donum amiserit in peccando, quod Lucifer non perdidit, quia non habuit, naturæ tamen reſtitudo non est adeo obliquata in homine, sicut fuit in diabolo: & non tam improbe, & pertinaciter adhæsit ei quod appetiit, sicut Angelus qui nullum habuit retardatiuum.

QVÆSTIO III.

An primum peccatum fuerit grauissimum omnium peccatorum.

Alexander Alenf. 2. p. q. 103. Membro 3.
S. Thomas 2. 2. q. 163. art. 3.
Et 2. Sent. 21. q. 3. art. 1.
Scotus 2. Sent. dist. 21. q. 1.
Ægid. Rom. 2. Sent. p. 1. d. 21. q. 2. art. 2.
Richard. 2. Sent. dist. 21. art. 3. q. 2.
Durandus 2. Sent. dist. 21. q. 3.
Steph. Brulef. 2. Sent. dist. 21. q. 4.
Gabriel Biel 2. Sent. dist. 21. q. 1.

Vtrum peccatum, quod ex illa tentatione subsecutum est, fuerit grauissimum omnium peccatorum. Et quod sic, videtur. Augustinus in libro 14. de Ciuitate Dei: Magna fuit in peccando iniquitas, ubi tanta fuit in non peccando facilitas. Ex quo verbo elicitur tale argu-

Fundamēta.

Cap. 19.

mentum

Срп. 15.

Ibidem.

mentum: Vbi maior est ad obediendum facilitas, ibi maior est culpa in contemnendo: sed primo homini obedi fuit facillimum: ergo in transgressione illa fuit peccatum maximum.

ITEM per Augustinum ibidem : Obedientia secun-
di hominis eo est prædicabilior, quo factus est obediens
vsque ad mortem. Ex quo verbo potest elici tale argu-
mentum : Sicut qui est obediens vsque ad mortem, ha-
bet maximum meritum in obediendo, & est maxime lau-
dabilis, sicut fuit filius Dei: sic qui sic est inobediens vt
etiam non desistat propter timorem mortis, maxime
culpabilis est, & vituperabilis: sed talis fuit inobedientia
primorum parentum, qui comminatione mortis non ti-
muerunt transgredi diuinum mandatum : ergo videtur
quod illud peccatum fuerit maximum.

ITEM tanto gravius est peccatum, quanto magis corrumpit, quia peccatum corruptio modi, speciei, & ordinis: sed peccatum primorum parentum fuit maxime corruptivum, quia non solum ipsos corrumpit, sed etiam totum genus humanum: ergo fuit omnium peccatorum maximum.

ITEM tanto grauius est peccatum, quanto maiori
pœna punitur per iustum Dei iudicium: sed peccatum
primorum parentum punitum fuit pœna mortis, & ex-
heredationis in se, & in suis posteris, & hæc maxima
est omnium pœnarum: ergo illud peccatum fuit maxi-
mum:

Ad opposi-
tum.

SED contra : Minus est peccatum remissibile, quam irremissibile : sed peccatum illud fuit remissibile, ut supra probatum est : multa autem peccata sunt irremissibilia : ergo, &c.

ITEM grauius est peccatum, quod nullo modo est excusabile, quam quod aliquam habet excusationem: sed peccatum parentum primorum aliquam habet excusationem, in hoc quod factum est ad alienam instigationem: peccatum autem in Spiritum sanctum colorem excusationis non habet: ergo peccatum illud non fuit peccatum grauissimum.

ITEM tanto grauius est peccatum, quanto ex maiori libidine procedit: sed in primis parentibus regnauit nimis libido, & voluntatis improbitas, cum eorum natura esset munda, & sana: ergo videtur quod illa transgressio ex inobedientia non fuerit maxima.

ITEM grauius est peccatum quod est contra naturam, & rationem, & institutionem diuinam, quam quod solum est contra diuinum mandatum: sed peccatum primorum parentum, quod ex illa tentatione secutum est, nec fuit omnino contra naturam, nec contra rationem, sed solum contra diuinam institutionem: nam nec natura, nec ratio per se dictabat de illo ligno non esse edendum: nulla autem sunt peccata, quæ sunt contra naturam, & rationem, & institutionem diuinam, quæ nos appellamus peccata contra naturam: ergo non videtur quod illa primorum parentum transgressio omnium peccatorum fuit maxima.

CONCLVSIO.

*Peccatum Adæ non fuit gravissimum propter ingrati-
tudinem maiorem, neque propter libidinis intensiorem, sed E
propter extensam in genere humano maximam læsionem.*

RESPON. Ad Arg. Dicendum quod cum multis modis possit dici peccatum vnum grauius & maius altero: ad præsens tamen attendendum est, quod tribus modis dicitur vnum peccatum esse grauius altero: aut propter maiorem libidinem: aut propter maiorem ingratitudinem aut propter maiorem corruptionem. Si primo modo loquamur. Sic peccatum illud nec fuit maximum simpliciter, nec maximum omnium peccatorum humanorum, ex maiori enim libidine diabolus peccauit, & etiam multi filij Adæ ex maiori libidine peccant, quam peccauerit primus parens. Si vero secundo modo dicatur peccatum maius, scil. quantum ad ingratitudinem.

A Sic peccatum Adæ non fuit maximum simpliciter : maximum tamen fuit omnium humanorum. Maximum namque simpliciter non fuit, quia diabolus ex maiori ingratitudine peccavit, cum plura bona in sua creatione perceperit, & de sublimiori statu lapsus fuerit : fuit tamen maximum omnium humanorum, quia in nobiliori statu, & altiori erat, quam aliquis posterorum suorum, qui lapsus fuerit in peccatum : & ideo maxime iudicatur fuisse ingratus. Si autem dicatur tertio modo peccatum maius altero ratione maioris læsionis, sic quodam modo fuit maximum omnium, & quodam modo non. Maior enim læsio dupliciter potest intelligi & esse, scilicet intensiue & extensiue. Intensiue loquendo peccatum Adæ non fuit maximæ læsionis, quia non deprauavit voluntatem suam, sicut multa peccata deprauant. Extensiue vero loquendo, peccatum illud maximæ læsionis fuit, quia nullum peccatum est, quod tot personis nocuerit, & in tot pertranseat, sicut illud peccatum, quod perpetratum fuit ex tentatione primaria : & ita quodam modo fuit grauissimum, quodam modo non.

Ex hoc patet responsio ad rationes ad vtramque partem adductas : vtræque enim secundum diuersas vias verum concludunt , sicut aspicienti latis planum est.

DISTINCT. XXII.

De Origine illius peccati.



Hic videtur diligenter inuestigandum
esse qua fuerit origo & radix illius pec-
cati. Quidam pulant quandam elatio-
nem in animo hominis praeceſſiſſe, ex qua
diaboli ſuggeſtioni conſenſit. Quod videtur Auguſt.
innuere ſuper Geſenſim ita inſuens: Non eſt putandū
quod homo deiiceretur, niſi praeceſſiſſet in eo quadam
elatio comprimenda, vt per humilitatem peccati ſci-
ret: quam falſo de ſe praſumpſerit, & quod non bene ſe
habet natura ſi a faciente receſſerit. Item in eodem: Ibid. infra.
Quo modo verba tentatoris crederet mulier, Deum ſe
a re bona & utili prohibuiſſe, niſi ineſſet eius menti
amor ille propriae poteſtatis, & de ſe ſuperba praſump-
tio, qua per tentationem fuerat conuincenda, aut pe-
rimenda: Denique non contenta ſuaſione ſerpentis,
aſpexit lignum bonum eſu, decorum aſpectu: nec cre-
dens ſe inde poſſe mori, forte putauit: Deum alicuius
cauſa ſignificationis illa dixiſſe: ideo manducauit, &
dedit viro ſuo fortaiſſis cum aliqua ſuaſione, quā Scri-
ptura intelligendam reliquit. Vel forte non fuit ſuade-
ri neceſſe, cum eam mortuam eſſe illo cibo non videret
vir. Sicut ergo non eſt permiſſus diabolus tentare ſa-
minam, niſi per ſerpentem, ita nec virum, niſi per ſa-
minam, vt ſicut praeceptum Dei per virum venit ad
mulierem, ita diaboli tentatio per mulierem tranſiret
ad virum. In muliere vero qua rationalis erat, non
eſt ipſe locutus vt in ſerpente, ſed perſuaſione eius,
quamvis inſtinctu adiuuaret interius, quod per ſer-
pentem gerebat exterius. Ex praediſtis, tentationis
modus atque progreſſus inſinuatur: necnon etiam
quod praediximus, innui videtur, ſcilicet quod tenta-
tionem praeceſſerat aliqua elatio, & praſumptio in
mente hominis. Ibid. cap. 1.

Obiectio contra illos qui dicunt elationem præcessisse in mente.

Quod si ita fuit, nō ergo alteri⁹ suggestionē prius pec-
cavit, cū auctoritas tradat ideo peccatū diaboli incu-

rabilo

rabile esse, quia nō suggestione, sed ppria superbia cecidit: hominis vero curabile: quia nō per se, sed per aliū cecidit, & ideo per aliū resurgere potuit. Quocirca prædicta verba Augustini pium ac diligentem lectorem efflagitant: quæ sic intelligere sane quimus: Non deiiceretur homo in actum illius peccati, ut scilicet lignum vetitum ederet, & in has miseras per tentationem diaboli, nisi elatio comprimenda præcessisset non utique tentationem, sed opus peccati. Talis enim fuit ordinis processus: Diabolus tentando dixit: Si comederitis, eritis sicut dii, scientes bonum & malum: quo audito statim menti mulieris surrepsit elatio quadam, & amor propria potestatis: ex quo placuit ei facere quod diabolus suadebat, & utique fecit. Suggestione igitur peccauit, quia tentatio præcessit: ex qua in mente eius orta est elatio, quam peccatum operis secutum est, & pæna peccati.

Quæ fuerit elatio mulieris.

Et talis quidem elatio in mente mulieris fuit pro certo, quæ credidit & voluit habere similitudinem Dei cum equalitate quadam, putans esse verum quod diabolus dicebat. Et ideo specialiter mulierem commemorat Augustinus inquit: Quo modo crederet mulier diabolo, nisi esset in mente eius de se superba præsumptio? Et quod ibi sequitur, scilicet, Quæ per tentationem fuerat conuincenda, vel perimenda: ad mulierem referendum est, ut intelligatur, quæ mulier, non quæ elatio fuerat per tentationem, &c.

Quæ fuerit elatio viri, an crediderit, & voluerit quod mulier.

Solet quari, Vtrum illa talis elatio & amor propria potestatis in viro fuerit, sicut in muliere. Ad quod dicimus, quia Adam non fuit seductus eo modo quo mulier: non enim putauit esse verum quod diabolus suggererat. In eo tamen fuisse seductum credi potest, quod commissum, veniale putauerit, quod peremptorium erat. Sed nec prior seductus fuit, nec in eo in quo mulier, ut crederet, Deum illud lignum ideo tangere prohibuisse, quoniam si tangerent, fierent sicut dii. Veruntamen prauaricator fuit Adam, ut testatur Apostolus. Poterat enim aliqua elatio menti eius inesse illico post tentationem, ex qua voluit lignum vetitum experiri, cum mulierem non videret mortuam, esca illa percepta. Vnde August. super Genesim: Cum Apostolus Adam prauaricatorem fuisse ostendat dicens: In similitudine prauaricationis Adæ seductum tamen negat, ubi ait: Adam non est seductus, sed mulier. Vnde & interrogatus nō ait, Mulier seduxit me: sed, Dedit mihi & comedi. Mulier vero dixit: Serpens seduxit me. Hanc autem seductionem proprie vocauit Apostolus, per quā id quod suadebatur, cum falsum esset, verum putatum est, scilicet quod Deus lignum illud ideo tangere prohibuerit, quia sciebat eos, si tetigissent, sicut Deos futuros: tanquam eis diuinitatem inuideret, qui eos homines fecerat. Sed etsi virum propter aliquam mentis elationem, quæ Deum latere non poterat, sollicitauit aliqua experiendi cupiditas, cum mulierem videret, accepta illa esca non esse mortuam: nec tamen eum arbitror, si iam spiritali mente præditus erat, ullo modo credidisse quod diabolus suggererat.

Quis plus peccauerit, Adam vel Eua.

Ex quo manifeste animaduerti potest, quis eorum plus peccauerit, Adam scilicet, vel Eua. Plus enim videtur peccasse mulier, quæ voluit usurpare diuinitatis aequalitatem, & nimia præsumptione elata credidit

A ita esse futurum. Adam vero nec illud credidit, & de penitentia, & Dei misericordia cogitauit, dum uxori morem gerens, eius persuasioni consensit, nolens eam contristare, & à se alienatam relinquere, ne periret, arbitrans illud esse veniale non mortale delictum. Vnde Apostolus ait: Adam non est seductus. Quod utique ita accipi potest, ut intelligatur nō esse seductus, prior scilicet, vel in eo in quo mulier: ut scilicet crederet illud esse verum: Eritis sicut dii: sed putauit utrumque posse fieri, ut & uxori morem gereret, & per penitentiam veniam haberet. Minus ergo peccauit, qui de penitentia & Dei misericordia cogitauit. Postquā enim mulier seducta manducauit, ei que dedit, ut simul ederent, noluit eam contristare, quam credebat sine suo solatio contabescere, & à se alienatam omnino interire: non quidem carnali victus concupiscentia, quam nondū senserat, sed amabili quadam beneuolentia, quæ plerumque fit ut offendatur Deus, ne offendatur amicus, quod eum facere non debuisset diuina sententia iustus exitus indicauit. Ergo alio quodam modo ipse etiā deceptus est. Inexpertus enim diuina seueritatis, in eo falli potuit, ut veniale crederet esse commissum: sed dolo illo serpentino quod mulier seducta est, nullo modo arbitror illum potuisse seduci. Ex his datur intelligi, quod mulier plus peccauerit, in qua maioris tumoris præsumptio fuit: quæ etiam in se, & in proximum, & in Deum peccauit: Vir autem tantum in se, & in Deum. Inde etiam colligitur quod mulier plus peccauerit, quia grauius punita est: cui dictum fuit: In dolore paries filios, &c.

Quid prædictæ sententiæ aduersari videatur.

Sed huic videtur contrarium quod Aug. super Genes. de viro & muliere peccatum suum excusantibus ait: Dixit Adam: Mulier quam dedisti mihi, dedit mihi de ligno, & comedi: non dicit, peccavi. Superbia enim habet confusionis deformitatem, non confessionis humilitatem. Nec etiam mulier confitetur peccatum, sed refert in alterum dicens: Serpens decepit me, & comedi, in impari sexu, sed pari fastu. Ecce hic dicit August. quia parem fastum habuit mulier cum viro. Pariter ergo superbierunt, & pariter peccauerunt. Sed hoc ita determinari potest, ut dicamus parem utriusque fuisse factum in excusatione peccati, & etiā in esu ligni vetiti: sed disparem, & in muliere multo maiorem, in eo quod credidit & voluit esse sicut Deus, quod nō vir. Veruntamen & de viro legitur, quod voluit esse sicut Deus. Dicit enim Aug. super illum locum Psalmi: Quæ nō rapui, tunc exolebam. Rapuit Adā, & Eua præsumētes, ut diabolus, de diuinitate, rapere voluerunt diuinitatem, & perdidērunt felicitatem. Item super illum locum: Deus quis similis tibi? Qui per se vult esse, ut Deus, peruerse vult esse similis Deo: ut diabolus qui noluit sub eo esse: & homo, qui ut seruus noluit teneri præcepto, sed voluit ut nullo sibi dominante esset quasi Deus. Item super illum epistola locum: Non rapinam arbitratus est se esse aequalem Deo: sed quia non usurpauit quod suum non esset, ut diabolus, & primus homo.

Quorundam sententia, quod Adam ambierit esse ut Deus, sed non crediderit possibile.

Ideo quibusdā videtur, quod etiā Adam ambierit esse sicut Deus, nō tamē crediderit id fieri posse, & ideo falsū esse quod diabolus promittebat, cognouit. Et licet diuinitatis aequalitatem concupierit, non tamen adeo exarsit, nec tanta est affectus ambitione sicut mulier, quæ illud fieri posse putauit, & ideo magis illud am-

Ibid. cap. 14. Gen. 3. 6

1. Tim. 2. 8

Gen. 3. 6

Ibid.

August. lib. de Ciuit. Dei, cap. 11. Aug. lib. 12. de Genesi cap. 42.

August. lib. 11. de Gen. cap. 35. Gen. 3. 6.

Psal. 58. in sensu. tom. 8.

Psal. 70. in sensu. Phil. 2. 6. Tract. 17. in fine in sensu.

biendo superbiuit. Virum autem aliqua forte ambitio-
nis surreptio mouit: sed non ita, ut illud verum vel
possibile fore putaret. Aliis autem videtur ideo dictū
esse, quod Adam illud voluerit, quia mulier de eo sum-
pta, illud voluit, sicut inquit, peccatum dicitur per
vnum hominem intrasse in mundum, id est, in huma-
nam naturam: cum tamen mulier ante virum pecca-
uerit, quia per mulierem intrauerit de viro factam.
Vel potius ideo per hominem dicitur intrasse, quia etiā
peccante muliere si vir non peccasset, humanum ge-
nus minime peccatis corruptum periret. Minus ergo
peccauit vir quam mulier.

Obiectio contra id quod dictum est, virum
minus peccasse.

His autem opponi solet hoc modo, tribus modis, ut Isi-
dorus ait, peccatum geritur, scilicet ignorantia, infir-
mitate, industria. Et grauius est infirmitate peccare,
quam ignorantia, grauiusque industria, quam infirmi-
tate. Eua autem videtur ex ignorantia peccasse, quā
seducta fuit. Adam vero ex industria, quia non fuit
seductus, ut Apostolus ait. Ad quod dicimus, quia li-
cet Eua in hoc per ignorantiam deliquerit, quod puta-
uit verum esse quod diabolus suadebat: non tamen in
hoc quin nouerit illud Dei esse mandatum, & pecca-
tum esse contra agere. Et ideo excusari à peccato per
ignorantiam non potuit.

Quid ignorantia, alia excusat, alia non.

Est enim ignorantia, quae excusat peccantem, & est
ignorantia talis quae non excusat. Est autem ignoran-
tia vincibilis, & ignorantia inuincibilis. Excusatio
omnis tollitur, ubi mandatum non ignoratur.

De triplici ignorantia quae excusat, & quae non.

Est autem ignorantia triplex: eorum scilicet qui
scire nolunt cum possint, quae non excusat, quia & ipsa
peccatum est: & eorum, qui volunt, sed non possunt, quae
excusat, & est poena peccati, non peccatum: & eorum
qui quasi simpliciter nesciunt non renuentes, vel pro-
ponentes scire, quae neminem plene excusat, sed fortas-
se vi minus puniuntur. Vnde Augustinus ad Valentinū:
Eis aufertur excusatio, qui mandata Dei nouerunt:
quam solent habere homines de ignorantia. Et licet
grauius sit peccare scienter quam nescienter, non ideo
tamen confugiendum est ad ignorantia tenebras ut in
eis quisquam excusationem requirat. Aliud est enim
nescisse, aliud scire noluisse, quia in eis qui intelligere
noluerunt, ipsa ignorantia peccatum est: in eis vero
qui non potuerunt, poena peccati. Ignorantia vero quae
non est eorum qui scire nolunt, sed qui tanquam sim-
pliciter nesciunt, nullum sic excusat, ut aeterno igne
non ardeat, sed fortasse ut minus ardeat. Non igitur
mulier excusationem habuit de ignorantia, cum &
mandatum nouerit, & peccatum esse secus agere, non
ignorauerit.

Vnde processerit consensus illius peccati, cum natura
hominis esset incorrupta.

Solet etiam quari, cum sine vitio esset natura homi-
nis, unde consensus mali processerit. Ad quod respon-
deri potest, quia ex libero arbitrio propria voluntatis
fuit. In ipso enim & in alio causa exstitit, ut fieret de-
terior. In alio, quia in diabolo qui suaserit. In ipso, quia
voluntate liberi arbitrij consensit, & cum liberum ar-
bitrium sit bonum, ex re utique bona malus ille con-
sensus prouenit: & ita ex bono malum manauit. De
hoc autem in sequenti plenius tractabimus, cum origo
mali, & in qua re conlescat, inuestigabitur.

An voluntas praecesserit illud peccatum.

Si vero queritur, utrum voluntas illud peccatū pra-
cesserit: Dicimus: quia peccatum illud & in volunta-
te, & in actu consistit: & voluntas actum praecessit,
sed ipsam voluntatem alia hominis voluntas mala
non praecessit: atque ex diaboli persuasionem, & homi-
nis arbitrio illa voluntas mala prodiit: quae iustitiam
deseruit, & iniquitatem inchoauit: & ipsa voluntas
iniquitas fuit.

DISTINCT. XXII.

De Hominis transgressionem.

Hic videtur diligenter inuestigandum, &c.

Expositio Textus.

V PRA egit Magister de lapsu hominis in com-
paratione ad diabolum tentantem. In hac vero
parte agit, quantum ad hominem transgredientem. Di-
uiditur autem pars ista in duas partes. In prima deter-
minat de peccato primorum parentum, quantum ad
genus. In secunda vero, quantum ad radicem, utrum sci-
licet fuerit ex industria, an ex ignorantia, ibi: *His autem*
opponi solet hoc modo. Prima pars habet tres. In prima de-
terminat de genere primi peccati generaliter. In secun-
da vero de genere peccati viri, & mulieris specialiter,
ibi: *Et talis quidem elatio est in mente mulieris.* In tertia
vero determinat, quis eorum peccauerit magis grauius,
ibi: *Ex quo manifeste animaduerti potest, &c.* Quaelibet
autem harum partium diuidi potest in duas. Nam in
qualibet primo determinat veritatem. In secunda remo-
uet dubitationem. Secunda vero pars principalis, in qua
determinat de peccato quantum ad radicem, diuiditur
in tres partes. In prima inquit, utrum peccatum illud
ex ignorantia processerit, & per illam excusari habeat:
In secunda vero querit, unde processerit primi peccati
malitia, ibi: *Solet etiam quari, cum sine vitio esset natura,*
&c. In tertia vero inquit cum peccatum illud fuerit à
voluntate, utrum primo ante voluerit, quam peccau-
rit, ibi: *Si vero queritur, utrum voluntas peccatum illud*
praecesserit, &c. Subdiuisiones partium, & intellectus sa-
tis apparent. Primo enim Magister determinat de ipsa
culpa primorum parentum in se. Secundo vero prout
comparari habet ad radicem ignorantiae.

Si vir non peccasset, humanum genus minime peccatis
corruptum periret. Dub. I.

CONTRA. Ita contrahit homo massam carnis à mu-
liere, sicut à viro, & magis: si ergo originale peccatum
contrahimus ex corruptione massae damnatae, ita con-
traheret originale peccatum ex corruptione mulieris,
sicut ex corruptione viri.

RESP. Dicendum quod quia principale principium
propagationis residet penes virum, potestas seruandi iu-
stitiam maxime penes virum residebat, & Deus hanc vi-
ro seruandam commiserat: & ideo si vir non peccasset,
posterius originali iustitia non carerent. Ad illud ergo
quod obiicitur de muliere, responderetur dupliciter. Vel
quod homo tunc ex parte mulieris contraheret corrup-
tionem poenae, non corruptionem foedatis, quae
principaliter habet ortum ex parte viri: vel certe quod
probabilius videtur, vir mulieri commixtus amplius nō
esset: sic enim Deus aliam nouam formasset, hoc saluo
quod sententia damnationis mortis, & corruptionis
permanisset in ea.

Tribus modis, ut Isidorus ait, peccatum geritur scili-
cet, &c. Dub. II.

CONTRA: Beda dicit quod quatuor sunt nobis in-

1. Tim. 2. d. 1.

Isid. ibid. &
Greg. lib. 25.
Moral. c. 16.

De gratia,
& lib. arb.
c. 2. in sensu.
Ibid. cap. 3.
10. 7.
Ibid. cap. 3.
de his etiam
lib. de Natu-
ra & gratia,
cap. 17. 10. 7.

Dist. 34.

fiat

fiecta propter primum peccatum, videlicet infirmitas, ignorantia, malitia, & concupiscentia: ergo cum omnia ista sunt peccatorum principia, videtur d. uilio Isidori insufficiens esse, quæ ponit tantum tria membra.

ITEM sicut ignorantia opponitur industria, ita infirmitati opponitur potentia: ergo sicut ponitur aliud genus peccati esse ex ignorantia, & aliud esse ex industria, similiter deberet aliud poni ex infirmitate, aliud ex potentia.

RESP. Dicendum quod ista diuisio peccati accipitur penes corruptionem virium animæ, ita quod ignorantia respicit rationalem, infirmitas irascibilem, & malitia respicit concupisibilem, & vocatur hic, idem peccatum ex industria, & ex materia: ideo cum omnes vires motiue sub his tribus comprehendi possint, omne peccatum quod fit in statu naturæ lapsæ, ad ista tria genera habet adduci. Ad illud vero quod obicitur de concupiscentia, dicendum quod illud membrum non distinguit contra alia, quia, sicut idem Beda dicit, concupiscentia ex omnibus his est contracta: & ideo penes concupiscentiam non sumitur aliqua differentia, cum omnia peccata procedant ab ipsa. Sicut enim dicit Augustinus: Dum lex prohibet concupiscentiam, prohibet omne malum. Ad illud quod obicitur, quod potentia opponitur infirmitati, sicut industria ignorantia, dicendum quod industria stat ibi pro malitia, quam concomitatur scientia. Quare autem peccatum ex malitia, dicatur ex industria, infra patebit, cum agatur de peccato in Spiritum sanctum.

Est autem ignorantia, &c. Dub. III.

Innuat Magister quod ignorantia eorum, qui scire nolunt, cum possint, non excusat. CONTRA: quia sicut dicit Philosophus, omnes homines naturaliter scire desiderant: sed quod naturale est, nullo modo assuescit in contrarium: ergo videtur quod nullus homo scientiam respuat. ITEM sic se habet scientia ad intellectum, sicut se habet pax ad affectum, sed quia pax est perfectio affectus, nullus est qui non appetat pacem, sicut dicit Augustinus: Propter pacem enim bellant omnes, quicunque bellant: ergo videtur similiter quod nullus scientiam respuat.

RESP. Dicendum quod sicut contingit aliquid nosse in vniuersali, & ignorare in particulari, sic contingit aliquid appetere in vniuersali, & tamen continere in particulari. Et hoc patet. Omnis homo appetit beatitudinem: illam tamen beatitudinem, quam Christiani expectant, multi sunt qui aspernantur, & recusant: & primus quidam appetitus est à voluntate naturali, secundus est à voluntate electiua: & per hunc modum est in proposito. Et si omnes homines natura scire desiderent, & velint esse scientes: scientiam tamen mandatorum Dei pluri aspernantur. Et sic patet responsio ad illa duo obiecta: nam scientiam recusare, hoc non est naturæ, sed voluntatis electiue. Et sic etiam, etsi pacem in vniuersali nullus recuset, tamen hunc modum pacis, vel illum multi refugiunt: & ideo confugiunt ad bellum.

Non ideo tamen confugiendum est ad ignorantia tenebras. Dub. IV.

CONTRA: Cum ignorantia sit pura priuatio, & nihil appetatur nisi sub ratione boni, & utilis, videtur quod ignorantia non possit affectari, vel ad eam confugiri. Præterea nihil amatur, nisi cognitum: sed ignorantia tenebræ non cognoscuntur: ergo videtur quod ad eas nullus confugiat.

RESP. Dicendum quod quædam appetuntur propter aliquid appetibile & delectabile quod habent in se, sicut bona spiritualia, & corporalia. Quædam appetuntur propter bonum quod ad ea consequitur, & ex ipsis elicitur: sicut aliquis appetit angustias, & tribulationes, ex quibus peruenit homo ad perfectionem in merito, & præmio. Quædam appetuntur propter comparisonem maioris mali, sicut aliquis, ne capiatur, proicit se de alto: & illud proprie non est appetere, sed ad

ipsum coniungere: & per hunc modum intelligendum est esse in proposito. Quia enim homo timet deprehendi in scelere, ideo fugit lucem: non enim venit ad lucem, ne arguantur opera eius. Et quia non contingit fugere lucem nisi in tenebris, & per tenebras, ideo oculus adulteri obseruat caliginem: & qui vult male facere, diuinorum mandatorum requirit ignorantiam: non quia illam propter se appetat, sed quia refugit sceleris deprehensionem, & amat delectationem, quam habet in sceleris perpetratione.

In ipso enim, & in alio causa exitit, ut fieret deterior. Dub. V.

CONTRA: Sic videtur quod homo non peccasset, nisi diabolus fuisset: & hoc videtur falsum, quia homo habebat liberum arbitrium vertibile: ergo circumscripta omni tentatione diaboli in malum poterat consentire, ac per hoc peccare. ITEM Augustinus probat quod alio auctore nullus potest fieri deterior in principio, quæstionum, quia nec à minori, nec à pari, nec à superiori. Malum enim non potest: par æquali non præualeat: superior non vult, quia nihil est superius bono, nisi bonum, & bonum non vult bonum deteriorare.

RESP. Dicendum quod absque dubio nulla tentatione pellente homo peccare poterat, sicut patet in Lucifer, qui peccauit sine impulsu alieno, qui etiam excellentior erat homine primo: Magister autem loquitur supponendo modum peccandi, secundum quod homo lapsus est, videlicet ad suggestionem diaboli: & ideo dicit quod in ipso homine, & in diabolo erat quod homo fieret deterior: sed aliter, & aliter, quia diabolus solum erat causa inducens, & quasi adminiculans: sed homo fuit causa efficiens, & consummans. Et quia omne peccatum quod facimus, quodam modo habet ortum à peccato primo propter corruptionem, quæ inoleuit per originalis transfusionem: hinc est quod non solum primus parens deterioratus dicitur fuisse à diabolo: immo etiam omne peccatum dicitur esse ab ipso. Vnde Hieronymus super Hieremia in originali dicit: Quidquid peccamus, quidquid nocte, & die malorum operum perperamus, imperium est dæmonum, quia vel omne peccatum procedit ex suggestione dæmonum immediata, vel ex illa suggestione dæmonum primaria. Et sic patet illud quod Magister dicit in litera. Nec obstat illud Augustini, qui intelligit de principali agente, volens ostendere quod corruptionis primariæ nullus potuit esse principalis auctor, nec ipse homo.

ARTICVLVS I.

AD intelligentiam huius partis circa duo incidit hic quæstio. Primo igitur quæritur de culpa primorum parentum in se quantum ad inordinationem affectus. Secundo vero quæritur in comparatione ad ignorantiam intellectus. Et circa primum quærentur tria. Primo quæritur, quo genere peccati mulier peccauerit. Secundo, vnum quod mulier appetit, vir concupierit. Tertio vero quæritur, quis horum grauius peccauerit.

QVÆSTIO I.

*Alexander Alesis 2. p. q. 103. Membrum 1.
S. Thom. 2. 2. p. q. 161. art. 1.
Et 2. Sent. d. 22. q. 1. art. 1.
Egid. Rom. 2. Sent. p. 2. dist. 22. q. 1. art. 1.
Richardus 2. Sent. dist. 22. q. 1.
Durandus 2. Sent. dist. 22. q. 1.
Steph. Brulef. 2. Sent. dist. 22. q. 1.
Gabr. Biel 2. Sent. dist. 22. q. 1.*

CIRCA quam sic proceditur, & ostenditur, quod mulier peccauerit peccato superbiæ: Initium omnis peccati, superbia. Et iterum: A muliere initium peccati: ergo mulier peccauit peccato superbiæ.

ITEM Augustinus in libro de Virginit. Diabolus in celo voluit esse sicut Deus: cadens autem persuasit homini similitudinem suæ voluntatis: ergo si persuasit

mulieri, & mulier persuadenti consensit, peccauit igitur A peccato superbiæ.

ITEM hoc videtur ratione: Impossibile erat hominem deordinari in potentia inferiori, nisi prius deordinaretur in superiori: ergo non poterat prius inordinate conuerti ad bonum inferius, vel exterius, quam conuerteretur ad bonum superius: sed conuerti inordinate ad bonum superius hoc est superbia: ergo primum peccatum mulieris non potuit esse, nisi superbia.

ITEM mulier voluit manducare pomum: hoc non fuit propter famem, vel appetitum delectandi in cibo, cum nulla esset in gustu eius deordinatio: igitur hoc fuit, quia aliquid spirituale per illius cibi comestionem intendebat: hoc autem non erat, nisi esse sicut Deus, quod diabolus promiserat: ergo, & c.

SED CONTRA: Videtur quod primum peccatum mulieris fuerit inobedientia. Primo, quia hoc innuit textus: Quis indicauit tibi quod nudus esses, nisi quia de ligno, de quo præceperam tibi, ut non comederes, comediti? Secundo, quia hoc confirmat Apostolus: Sicut per vnius inobedientiam peccatores constituti sunt multi, & c. Et iterum: Per vnius inobedientiam mors intrauit in mundum. Postremo hoc expressius declarat Augustinus de vera Religione ubi ait: Adam propter transgressionem inobedientiæ de paradiso eiectus est. Si ergo primum peccatum hominis fuit inobedientia, non ergo videtur quod fuerit superbia.

ITEM quod peccatum primum fuerit gula videtur. Primo per hoc quod innuit: Vidit igitur mulier lignum quod esset ad vescendum suauis. Secundo hoc confirmat Euangelium, quia Christus primo fuit tentatus à diabolo de gula, sicut legitur: Dic, ut lapides isti, & c. sed eo ordine tentationis tentauit primum hominem, quo tentauit Christum, sicut sancti dicunt. Postremo hoc expressius declarat Ambrosius in illo hymno: *Quando pomi noxialis morte morsu corrui*. Si igitur peccatum primum fuit gula: ergo non fuit superbia, cum sint diuersa peccatorum genera, & vnum & idem, simul & semel in diuersis generibus esse non possit.

ITEM videtur quod primum peccatum mulieris fuerit auaritia. Primo per textum: Eritis sicut dii scientes bonum, & malum. Hoc promisit diabolus, & hoc primo cecidit in mulieris appetitum: sed appetere multitudinem scientiæ plus quam debet, hoc est auaritiæ, sicut dicit Gregorius. Deinde hoc confirmat Apostolus: Radix omnium malorum est cupiditas. Sed peccatum mulieris omnium aliorum peccatorum radix fuit. Postremo hoc ipsum expresse declarat Glossa super illud Psalmi: Quæ non rapui, & c. Vbi dicit quod Eua voluit rapere diuinitatem: si ergo rapina est peccatum auaritiæ, primum peccatum Eux fuit in genere auaritiæ: ergo non in genere superbiæ.

SED CONTRA, & videtur quod primum peccatum fuerit infidelitas. Primo, quia hoc insinuat textus, ubi dixit mulier: Ne forte moriamur: dubitauit igitur de Verbo Dei. Si ergo dubitare de eo quod debemus credere, hoc est infidelitas, peccatum infidelitatis primum commisit. Secundo, hoc confirmat Euangelium: Beata quæ credidisti. Dictum est Virgini Mariæ: si ergo salus respondet per ipsum oppositum præuicationi, & hæc incepit à fide Mariæ, videtur quod illa inceperit ab infidelitate Eux. Postremo, hoc expressius declarat Magister, & habitum est in Distinctione præcedenti in progressu tentationis: ubi dicit quod mulier cum dubitauit, ab affirmante recessit, & neganti appropinquauit: sed hoc non fuit sine culpa infidelitatis: igitur infidelitas fuit primum mulieris peccatum: non ergo primo peccauit peccato superbiæ. Si forte tu dicas quod pluribus generibus peccatorum simul, & semel peccauerit, hoc videtur possibile, cum simul, & semel non possit se pluribus conuersionibus, & auersionibus deordinare; & quidquid de hoc sit, planum est, quod primum peccatum vni soli conuenire potest, cum per abundantiam dici habeat.

CONCLUSIO.

Peccatum mulieris à superbia inchoauit, progressum habuit in auaritia quadam, consummatum fuit in gula.

RESP. Ad Arg. Dicendum quod sicut innuit textus, & expresse dicit Apostolus: Principale peccatum hominis, per quod lapsus est, fuit inobedientia, & per quod deriuatur mors in omnes posteros. Vnde & ad hoc diabolus ipsum inducere intendebat: quod patet per principium suæ interrogationis: Cur præcepit vobis Deus, & c. Sed quoniam nemo operatur ad malum aspiciens, nec appetit malum, nisi sub specie boni: ideo clareprehendens diabolus quod non posset mulierem in peccatum præcipitare, nisi proponeret aliquod appetibile, illam tentando, proposuit fallaciter, ad quæ omnis homo secundum veritatem tendit naturaliter. Naturaliter enim omnis homo beatitudinem appetit, quæ est bonum copiosum, & gloriosum, & deliciosum: ideo omnis homo naturaliter appetit excellentiam, & sufficientiam, & lætitiā: & in ordinato appetitu consistit iustitia, in inordinato vero consistit culpa. Nam superbia non est aliud, quam immoderatus appetitus excellentiæ. Auaritia non est aliud, quam immoderatus appetitus sufficientiæ. Gula non est aliud, quam immoderatus appetitus cibi reficientis suauiter. Considerans igitur diabolus, hanc esse viam ad præcipitandam mulierem in culpam, primo promisit dignitatis excellentiam: Eritis sicut dii. Secundo subiungitur cognitionis abundantia: Scientes bonum, & malum. Postremo præten dit suauitatis experientiam, cum ostendit lignum pulchrum visu, & ad vescendum suauis. Quoniam igitur mulier diabolicæ suggestioni consensit: ideo primo in appetendo esse sicut Deus, fuit superbia. Deinde in appetendo scire bonum, & malum quod non oportebat: & scire plus, quam oportebat, fuit auaritia. Postremo in experiendo suauitatem ligni vetiti, fuit gula: & in hoc fuit transgressionis rea, & culpa inobedientiæ inuoluta. Et sic patet quod peccatum mulieris inchoatum fuit in superbia, progressum habuit in auaritia, consummationem habuit in gula. Patet etiam quod inordinata fuit quantum ad triplicem potentiam, scilicet quantum ad irascibilem, dum appetit altā. Quantum ad rationalem, dum appetit scire occulta. Quantum ad concupiscibilem, dum voluit degustare suauia. Vnde ex illo peccato pullulauerunt radices omnium peccatorum.

Ex his igitur patet responsio ad quæ sita. Rationes enim ostendentes quod primum peccatum fuit superbia, verum concludunt, quia ab illo fuit inchoatio. Rationes similiter ostendentes quod fuerit inobedientia, gula, & auaritia, verum concludunt, licet non fuerit ibi auaritia proprie dicta, secundum quod dicitur esse appetitus pecuniæ: fuit tamen auaritia secundum quod est appetitus sufficientiæ, & in ipsa fuit peccati progressus: sed in peccato gula, & inobedientiæ fuit consummatio, in actu videlicet comedendi. Gula enim erat in quantum in illo cibo inordinate delectari volebat: sed inobedientia, cum in actu ipsius comestionis contra diuinum imperium faciebat. Et hoc expresse dicit Gregorius in quadam Homilia, ubi ostenditur, quod tribus peccatorum generibus tentauit diabolus Christum, sicut prius tentauerat mulierem, & in illis tribus à Christo deiectus est, sicut per illa tria mulierem deiecerat. Nec est inconueniens plura genera peccatorum secundum progressum concurrere ad vnum flagitium perpetrandum. Facillimum enim est de peccato in peccatum ruere, sicut contingit de motu vnius virtutis ad motum alterius ascendere.

1. Ad illud igitur solum restat respondere quod obiectum est de infidelitate: non enim concedendum est, mulierem peccato infidelitatis peccasse, nisi infidelitas accipiat valde large. Quod ergo obiicitur, quod mulier dixit, *forte*, dici potest quod, *forte*, est ibi nota

Dion. de diu. nom. cap. 4. paulo post medium. Idem dicit Arist. lib. 1. Magn. Moral. cap. 7. ex opinione Senecæ.

Homil. 16. in Euang.

euentus,

euentus, non dubitationis. Sed quia Magister dicit expresse quod nota est dubitationis: ideo potest aliter dici, quod reuera mulier non dubitauit verum esse quod Dominus dixerat: sed de hoc dubitauit videlicet, qualiter Dominus intelligebat, vtrum scilicet intelligeret de morte corporali, vel spiritali, vel alio quocunque modo: & illa dubitatio nec fuit poena, nec fuit culpa, sed quædam nescientia, quæ diabolo tentanti præbuit viam. Nec cogit illud quod obiicitur de vita beatæ Mariæ: nam, etsi fides in conceptione Filij Dei non modicum tenuerit locum, habuit tamen humilitatis vsum præambulum: ratione cuius dicitur Virgo Deo placuisse, sicut ipsa dicit: Respexit Deus humilitatem ancillæ suæ. Nec oportet etiam omnino per eundem ordinem respondere reparationem destructioni: immo frequenter est e contrario, sicut via resolutionis, & compositionis oppositis modis habent terminari, & inchoari: sic & in proposito potest intelligi.

QVÆSTIO II.

An quod mulier appetiit, vir etiam concupierit.

*Alex. Alensis 2. p. q. 103. Memb. 4.
S. Thom. 2. 2. dist. 162. Art. 2.
Et 2. Sentent. dist. 22. q. 1. Art. 2.
Agid. Rom. 2. Sent. d. 22. q. 1. Art. 2.
Richardus 2. Sent. dist. 22. q. 2.
Steph. Brulef. 2. Sent. dist. 22. q. 2.
Et omnes alij in superiori quæst. citati.*

VTRUM, quod mulier appetiit, vir etiam concupierit. Et quod non videtur: Vir non est seductus, sed mulier: sed si Adam voluisset esse sicut Deus, quem admodum mulier, utique circumuentus fuisset: si ergo circumuentus, vel seductus non fuit, id quod mulier appetiit, non concupiuit.

ITEM Augustinus super Genesim ad literam: Non arbitror virum, si iam spiritali mente præditus erat, credere quod diabolus promittebat: si ergo Adam gratiam habuit, patet, &c.

ITEM si Adam appetiit esse sicut Deus, cum ad hoc multo minorem haberet similitudinem, quam Lucifer, videtur quod grauius peccauit Adam, quam Lucifer: ergo si peccatum Luciferi fuit irremissibile, & peccatum hominis fuisset irremissibile: quod supra improbatum est.

ITEM si Adam appetiit esse sicut Deus: aut ergo suggerente muliere, aut suggerente serpente. Non suggerente serpente: quia ipse Adam non conqueritur de serpente, sed de muliere: Mulier, quam dedisti mihi, &c. Si suggerente muliere: ergo sicut mulier decepta fuit à serpente, ita vir à muliere: sicut igitur mulier dixit: Serpens seduxit me, ita vir dixisset: Mulier decepit me: sed hoc non dixit, sed dixit: Mulier dedit mihi, &c. Quod si tu dicas, quod ita fuit, quamvis Scriptura non exprimat, hoc simpliciter apparet improbabile: nam si mulier dixisset: Comede, quia eris sicut Deus, cum ipsa comedisset, & absque dubio non esset sicut Deus, nulla ratione videtur probabile quod vir ei credidisset.

Sed contra per Gloss. super illud Psalmi: Superbi iniqui, &c. Si homo suggestionem serpentis, vt Deus esse noluisse non lethalis culpæ transisset ad nos hæreditas. Si tu dicas hoc esse dictum quantum ad mulierem: obiicitur de viro per illud quod dicit Gregorius in Moral. & habetur in Glossa: Per se accipere diuinitatem Adam credidit, & immortalitatis gloriam amisit: ergo Adam idem quod mulier appetiit.

2. ITEM super illud: Non rapinam arbitratus est. Glossa: Non vfupauit quod suum non erat, sc. equalitatem Dei, sicut diabolus fecit, & primus homo: ergo primus homo voluit esse sicut Deus, & hoc voluit mulier: ergo, &c. Si tu dicas quod primus homo stat ibi pro muliere. Contra per Gloss. super illud Psalmi: Quæ non rapui, &c. Adam, & Eva voluerunt rapere diuinitatem,

& amiserunt felicitatem: ecce expresse dicitur de utroque.

3. ITEM hoc videtur ratione. Maiorem assimilationem habebat vir ad Deum, quam mulier: ergo si similitudo est mater falsitatis, videtur quod multo magis credibile fuit virum appetere esse sicut Deus quam mulierem.

4. ITEM multo sapientior erat Lucifer, quam esset primus homo: ergo si cum tota sua sapientia Lucifer voluit esse sicut Deus, nec sapientia impediuit superbiam, multo minus videtur quod hoc sapientia impediret humanam: si ergo hoc mulier appetiit, non est improbabile quod vir non concupierit, maxime cum Glossæ, & auctoritates videantur hoc dicere.

CONCLUSIO.

Adam cum peccauit, non idem appetiit quod mulier, non enim esse sicut Deus desiderauit.

RESP. AD ARG. Dicendum quod quia ista est quæstio facti, circa quam non potest multum efficaciter ratio cinari, & Scriptura non determinat expresse, & Sancti super hoc loquuntur varie: ideo sunt hic opiniones diuersæ. Quidam enim propter auctoritates inductas dicunt, quod Adam idem ipsum quod mulier appetiit, concupiuit, sed non credidit sicut mulier, & propter hoc factus est superbus: sed tamen non dicitur fuisse seductus. Appetere enim potest aliquis aliquid, & tamen non credere ad hoc peruenire: multa quidem cupimus ad quæ non speramus nos peruenturos: quia non quid possit, sed quid velit, attendit ambitionis flagitium. Et istam positionem sustinendo respondent ad rationes ad utramque partem. Sed quia verbis beati Augustini, hæc opinio non consonat, immo expresse videtur sentire contrarium, sicut patet ex auctoritatibus eius adductis in litera: nec videtur esse credibile quod vir appeteret aliquid, ad quod crederet se non posse peruenire, cum ante illud peccatum valde ordinatus esset. Ideo est alia positio quod vir in appetibili, & principali motiuo non fuit conformis mulieri transgrediendo, licet esset ei conformis in transgressionem mandati diuini: vterque enim inobediens fuit: sed aliter vir quam mulier ad inobedientiæ culpam prolapsus est. Non enim vir pomum comedit propter appetitum excellentiæ in sui assimilatione ad Deum, nec propter appetitum sufficientiæ in multorum cognitione, nec propter appetitum suauitatis in cibi degustatione, sicut fecit mulier: fuit tamen in viro quædam superbia, quædam auaritia, & quædam lasciuiæ, per quas perductus est ad inobedientiam. Quodam enim modo superbiuit, dum se nimis magni pretij esse apud Deum æstimauit: & tanti, vt propter comestionem illius cibi non incurreret gravitatem alicuius supplicij: sed de facili consequeretur veniam de offensa. Fuit etiam quædam auaritia, dum curiose scire voluit, quid sibi eueniret, dum cibum vetitum degustaret. Fuit etiam quædam lasciuiæ non carnalis delectationis, sed cuiusdam amicabilis affectionis, qua frequenter fit, vt offendatur Deus, ne contristetur proximus: hoc autem fecit Adam, dum comedere voluit, ne suas delicias contristaret, hoc est ne mulierem offenderet. Vnde & Dominus ipsum arguit quod obediuit voci mulieris: & per hoc perductus est ad inobedientiam, & transgressionem mandati Dei: & hæc tria trahuntur ex verbis Augustini super Genesim ad literam, quæ adducit Magister in litera. Primo enim dicit quod non est putandum quod homo deiiceretur, nisi præcessisset in eo quædam elatio comprimenda. Et iterum dicit, voluit Adam lignum vetitum experiri, cum non videret mulierem mortuam, esca illa percepta. Et iterum: Noluit eam contristare, quam credebat sine suo solatio contabescere, & à se alienatam interire. Concedendum est igitur quod Adam non appetiit esse sicut Deus, quemadmodum mulier, sicut ostendunt rationes ad hoc ad-

Aug. som. lib. foli.

Opinio 1.

Improbatio.

Opinio 2.

ductæ. Si autem dicatur alicubi appetiisse se esse sicut Deus, hoc est dictum triplici ratione. Aut quia diuinum contempsit imperium, & voluntatem suam diuinæ prætulit iussioni, & se sibi tanquam Deo subiecit, & ex hoc Deo æquiparari voluit. Aut dictum est, quia mulier de illo sumpta appetiit sicut Deus esse, & per synecdochen quod est partis attribuitur toti. Vnde Sæcti quod appetiit alter, frequenter loquuntur synecdochice, & attribunt vtrique. Aut potest hoc tertio modo dictum intelligi, quia ipse cum esset mulieri præpositus, ipsam non compescuit, vnde sibi imputatur culpa mulieris. Mulier autem intelligenda est appetiisse se esse sicut Deus non per omnimodam æqualitatem, sed per quandam sublimationem in dignitate supra humanum modum: quod cum vir non compescuit, immo potius eius voluntati paruit, sibi peccatum mulieris imputatur, & voluisse esse sicut Deus refertur.

1. 2. Et sic patet responsio ad auctoritates, quæ prius inductæ sunt, & per hanc viam determinari possunt, si quæ aliæ circa istam materiam consimiles inueniantur.

3. Ad illud ergo quod obiicitur, quod maiorem assimilationem habebat vir, quam mulier, dicendum quod etsi maiorem haberet assimilationem; habebat tamen præcellentiam virtutis, & cognitionis respectu mulieris, quæ duo non patiebantur, hominem ita trahi à modica similitudine, sicut mulierem.

4. Ad illud quod obiicitur, quod Angelus erat sapientior homine, dicendum quod verum est de cognitione innata: non tamen verum est de cognitione gratuita: creditur enim à doctoribus quod primus homo ante lapsum habuerit gratiam gratum facientem, sicut melius ostendetur infra: de Lucifero vero creditur quod gratiam gratum facientem non habuit, sicut determinatum fuit supra.

QVÆSTIO III.

An vir grauius peccauerit, quam mulier.

S. Thom. 2. 2. q. 163. art. 4.

Et 2. Sent. dist. 22. q. 1. art. 3.

Ægid. Rom. 2. Sent. p. 2. d. 22. q. 1. art. 3.

Richardus 2. Sent. dist. 22. q. 3.

Sepph. Brulef. 2. Sent. dist. 22. q. 3.

Gabr. Biel. 2. Sent. dist. 22. q. 1.

Fundamēta.

QUOD si eorum grauius peccauerit, vtrum vir, aut mulier. Et quod vir grauius peccauerit, videtur. Grauius est peccatum, vbi maior est ingratitude: sed vbi maiora sunt dona, ibi maior est ingratitude in peccando: sed Adam præcallebat mulierem in naturalibus datis & gratuitis: ergo cum peccauit, magis ingratus fuit: igitur, &c.

ITEM tanto maius est peccatum, quanto peccans est in altiori gradu constitutus; grauius enim peccat prælatus, quam subditus eodem genere peccati: sed vir erat caput mulieris, & ei præpositus: ergo videtur quod peccauerit grauius.

ITEM tanto grauior est culpa, quanto ibi maior est contemptus; sed maior est contemptus in transgressione mandati immediate suscepti à Domino, quam mediante alio: si ergo mandatum per virum peruenerat ad mulierem, videtur quod magis contempserit vir quam mulier: ergo, &c.

ITEM tanto grauior est culpa, quanto maior est ibi læsio, & corruptio, quia peccatum de se corruptio est; sed peccatum Adæ magis fuit corruptiuum, quam peccatum Eux, quia ex peccato Adæ fuit totius posteritatis corruptio, secundum quod dicitur: Per vnus inobedientiam peccatores constituti sunt multi: ergo, &c.

1. SED CONTRA: Augustinus super Genesim, & Magister refert in litera; Peccauerunt in impari sexu, sed pari fastu; sed vbi est par fastus, ibi est par transgressio; ergo non videtur quod magis peccauerit vir, quam mulier.

2. ITEM sicut in bonis, quod similis est meliori, est melius, ita quod similis est peiori, est peius, per se lo-

quando: sed peccatum Eux similis fuit peccato Luciferi, quam peccatum Adæ propter maiorem elationem superbiæ; ergo maius fuit peccatum Eux, quam Adæ.

3. ITEM tanto grauior est culpa, quanto maiori digna est pœna; sed mulier magis fuit punita, quam vir, sicut patet: & à Deo, qui iuste punit: ergo amplius peccauit mulier, quam vir.

4. ITEM grauius peccat qui peccat peccato in se, & in alterum, quam qui peccat in se tantum; sed mulier peccauit in se, & in virum, dum pertraxit eum ad peccatū. Vir autem peccauit in se tantum, de peccato actuali loquendo: ergo grauius peccauit mulier, quam vir.

CONCLUSIO.

Ratione ingratitudinis vir, sed ratione libidinis mulier grauius peccauit. Et ille quidem quoniam vt causa, hac vero vt occasio maius intulit damnum. Si grauior fuit culpa viri ex parte peccantis, mulieris autem ex parte peccati.

RESP. AD ARG. Dicendum quod sicut prædictum fuit supra, peccatum potest dici grauius alterum altero tribus modis, videlicet ingratitudine, libidine, & consequenti corruptione. Si igitur loquamur de maiori grauitate quantum ad ingratitudinem, grauius peccauit vir quam mulier, pro eo quod abundantiora dona suscepit, & ideo cum beneficiorum oblitus, benefactorem suum contempsit, & offendit, magis ingratus fuit, & in sui ingratitudine maiori culpabilior exitit. Si autem loquamur de maiori grauitate quantum ad libidinem, sic amplius peccauit mulier quam vir, pro eo quod magis improba voluntate peccauit, dum concupiuit Deo assimilari, & ardentius appetiit, dum credidit hoc se obtinere posse quod diabolus ei suggessit, & ideo propter voluntatem magis improbam mulier peccauit ex maiori libidine, & quantum ad hoc culpabilior viro fuit. Si autem loquamur de maiori grauitate culpæ quantum ad corruptionem consequentem, distinguendum est, quia aliquid potest dici corrumpere dupliciter; aut per modum causæ, aut per modum occasionis. Si per modum causæ, sic quia peccatum viri fuit causa transfusionis peccati in posteros, & ita corrupti tse, & alios; maior consecuta est ex peccato viri corruptio, & quantum ad hoc culpa viri dicitur fuisse grauior. Si vero per modum occasionis, sic quia peccatum mulieris fuit occasio peccati viri, & ita per consequens omnium aliorum. Hoc modo mulier potest dici ceteros corrupisse, non solum posteros, sed etiam virum suum. Vnde non solum peccauit in se, sed etiam in proximum. Et quantum ad hoc dici potest, in muliere grauius fuisse peccatum. Per hanc distinctionem responderi potest ad rationes, quæ ad vtramque partem adducuntur, pro eo quod secundum diuersa membra huius distinctionis procedunt. Aliter posset dici, & quasi in idem redit, quod peccatum potest dici grauius altero, aut pensatis conditionibus ex parte peccantis, aut pensatis conditionibus ex parte peccati. Si igitur pensamus conditiones ex parte peccantis, grauius peccasse dicitur vir quam mulier, tum propter donorum præcellentiam, tum propter status præfidentiam, quia mulieri quodam modo prælatus erat. Si autem pensantur conditiones ex parte peccati, grauius peccauit mulier quam vir, tum propter impietatem in Deum, tum propter iniquitatem in proximum. Deum enim sua ambitione inhonorauit, & proximum suggestionem sua deiecit; & secundum hoc procedunt rationes similiter ad oppositas partes.

1. QVOD autem dicit August. quod pari fastu peccauerunt, hoc intelligitur non quantum ad interiorem affectionem, sed quantum ad exteriorum mandati transgressionem, ad quod vterque eorum æqualiter obligabatur. Vel par fastus dicitur non per omnimodam æqualitatem, sed per quandam conformitatem; & sic ex dictis colligitur quod peccatum Eux aliquo modo excedebat peccatum Adæ, & aliquo modo econuerso. Si

autem.

Rom. 5. b.

Ad oppositum.

autem aliquis quærat, quod eorum magis excedebat aliud. Ad hoc dicendum est quod cum peccatum Euz excedat peccatum Adæ in conditionibus, quæ respiciunt peccatum essentialiter, utpote in maiori improbitate libidinis, in hoc quod & maius, & magis ambiuit, peccatum Euz magis excessit, & grauius fuit, simpliciter loquendo. Et huius signum est, quia magis punita fuit, & si ad infernum descendisset, maiorem poenam habuisset.

Nec obstant rationes ad oppositum adductæ, quia sumuntur à conditionibus peccantis, quæ non faciunt peccatum grauius simpliciter, sed quodam modo.

ARTICVLVS II.

CONSEQUENTER quæritur de peccato primorum parentum in relatione ad ignorantiam ex parte intellectus. Et circa hoc quærentur tria. Primo quæritur, utrum peccatum primorum parentum fuerit ex ignorantia. Secundo, utrum ignorantia aliquo modo sit culpa. Tertio quæritur, utrum sit culpa excusatoria.

QVÆSTIO I.

An peccatum primorum parentum fuerit ex ignorantia.

Scotus 2. Sent. dist. 12. q. 1.

Ægid. Rom. 2. Sent. p. 2. d. 22. q. 2. art. 1.

Richardus 2. Sent. dist. 12. art. 2. q. 1.

Thom. Arg. 2. Sent. dist. 12. q. 1. art. 3.

Steph. Brulef. 2. Sent. dist. 12. q. 4.

CIRCA quam sic proceditur, & ostenditur quod peccatum primorum parentum fuit ex ignorantia, ad minus peccatum mulieris: Serpens seduxit me, &c. sed ubi est seductio, ibi est scientiæ priuatio: ubi autem hoc est, ibi ignorantia: ergo, &c.

ITEM qui dubitat de aliquo, de quo debet esse certus, potius dicitur illud ignorare, quam scire: sed mulier de Verbo Domini debuit esse certa quod dixerat: Quæcunque die comederis, morte morieris: & de hoc dubitauit cum dixit: Ne forte moriamur: ergo ex ignorantia peccasse videtur.

ITEM qui credit mortale peccatum esse veniale, ignorat veritatem diuini iuris: sed Adam credidit peccatum illud esse veniale, sicut dicit Augustinus; & Magister adducit in litera. Arbitratus est illud esse veniale, non mortale delictum: ergo videtur quod tam vir, quam mulier peccauerit ex ignorantia.

ITEM omne peccatum, est ex ignorantia, aut ex infirmitate, aut ex malitia. Sed peccatum primorum parentum non fuit ex malitia, quia tunc esset peccatum in Spiritum sanctum. Nec ex infirmitate, quia nullam habebat pronitatem ad peccandum: ergo fuit ex ignorantia.

ITEM si Adam & Eua credidissent Deum tam grauius offendere, & tantas poenalitates incurrere, cum nullam haberent ad peccatum pronitatem, nullo modo videtur, quod culpam commisissent: si ergo culpam commiserunt, videtur quod hoc ignorauerunt, & ita ex ignorantia peccauerunt.

1. SED CONTRA: Si peccauerunt ex ignorantia, aut illa ignorantia fuit poena, aut culpa. Si culpa: ergo culpa fuit in eis ante primam culpam, quod est impossibile, cum implicentur hic duo opposita. Si poena, ergo poena fuit ante culpam.

2. ITEM si fuit ibi ignorantia, aut ergo iuris, aut facti. Non facti, quia bene sciebant se de ligno vetito comedere. Non iuris: quia bene sciebant se debere Deo obedire, & contra eius imperium nullo modo facere: nulla ergo videtur in eis ignorantia fuisse.

3. ITEM si fuit ibi ignorantia: aut ergo voluntaria, aut inuoluntaria. Si voluntaria: ergo videtur quod iam voluntas eorum in appetendo ignorantiam, esset inordinata. Si inuoluntaria: ergo videtur quod nullo modo debuit eis imputari culpa: si ergo est imputata, non videtur quod fuisset ex aliqua ignorantia.

4. ITEM si fuit ex ignorantia, aut ergo innata, aut co-

tracta, aut infligta, aut procurata. Non ex procurata, nec contracta, nec infligta: ergo fuit ex ignorantia innata: sed non decebat Deum facere naturam humanam cum pronitate, & impotentia: ergo pari ratione non debuit eam facere cum cæcitate, & ignorantia: si ergo ex ignorantia peccauerunt, videtur quod hoc possit imputari Deo.

5. ITEM si aliquo modo dicitur ex ignorantia peccasse mulier, hoc est, quia à serpente seducta fuit: sed vir non fuit seductus, sicut dicit Apostolus: ergo ex ignorantia peccatum eius non processit: si ergo radix peccati in viro & muliere non fuit altera, & altera, videtur etiam quod nec mulier peccauerit.

CONCLUSIO.

Peccatum primorum parentum ex quadam ignorantia dicente naturalem imperfectionem, non tamen poenam, ortum habuit, cum grauitatem culpa & poena ignorauerint, & hac fuit magis in muliere, quam in viro.

RESP. ad Arg. Dicendum quod peccatum, ignorantia potest dici dupliciter, videlicet proprie & communiter. Proprie, prout distinguitur peccatum ex ignorantia contra peccatum ex infirmitate, & ex industria: & hoc modo ignorantia dicit priuationem scientiæ, quæ non competit homini ex natura, sed merito primæ culpæ fuit contracta. Et hoc modo peccatum primorum parentum non potest dici ex ignorantia, nec continetur sub illa diuisione, qua dicitur quod omne peccatum aut est ex ignorantia, aut &c. illa enim diuisio peccati est secundum statum naturæ lapsæ. Communiter autem dicitur peccatum esse ex ignorantia, quod committitur aliqua nescientia existente circa peccantem, ratione cuius nec considerat grauitatem culpæ, nec grauitatem poenæ. Et sic peccatum primorum parentum ex ignorantia dici potest fuisse. Quia tam in viro, quam in muliere fuit quædam nescientia, quæ non fuit poena, sed quædam naturalis imperfectio, magis reperta in muliere, quam in viro. Mulier enim ignorauit, utrum serpens sibi verum, vel falsum suggereret: ignorauit etiam seueritatem diuinæ iustitiæ. Vir autem alterum horum dicitur ignorasse, videlicet diuinæ iustitiæ seueritatem, in hoc quod æstimauit de illa transgressione cito veniam inuenire: inexpertus enim erat seueritatem diuinæ iustitiæ. Vterque tamen cognoscere potuit per scientiam, quam habebat, se male facere. Et sic largè accipiendo ignorantiam, dici potest peccatum primorum parentum fuisse ex ignorantia. Et magis peccatum Euz, quam peccatum Adæ. Et hoc concludunt rationes ad primam partem introductæ. Proprie vero accipiendo ignorantiam secundum quod dicit poenam, & hoc prout dicit nescientiam eius rei, quam homo deberet scire secundum exigentiam sui status, sic peccatum primorum parentum non fuit ex ignorantia, sicut ostendunt rationes adductæ ad partem contrariam. & hoc patet discurrendo per singulas.

1. QVOD enim obiicitur, quod ignorantia aut est poena, aut culpa, dici potest quod ista diuisio non est sufficiens, nisi accipiatur ignorantia proprie. Nam non solum homo primo institutus, sed etiam Angelus beatus aliqua ignorat, cum multa innotescant principatibus, & potestatibus per Ecclesiam. Vnde talis ignorantia nec culpa, nec poena est, quia est respectu horum quæ non debet scire, quantum est de prima conditione naturæ.

2. AD illud quod obiicitur, quod aut fuit ignorantia iuris, aut facti, dicendum quod non fuit ibi proprie loquendo ignorantia iuris quantum ad principale: sed quantum ad aliquid annexum, utpote quantum ad seueritatem iudicis. Similiter non fuit ibi ignorantia facti quantum ad principale, quia bene sciebat se gustare lignum vetitum: fuit tamen in muliere quædam ignorantia quantum ad id, quod credebat assequi per illud videlicet assimilationem ad Deum: & ita non fuit ignorantia proprie dicta, sed communiter.

3. AD illud quod obiicitur, quod ignorantia aut erat

Ratio.

voluntaria, aut inuoluntaria, dicendum quod ista non est diuisio per immediata, si largè accipiatur ignorantia: aliquis enim est, qui nihil cogitat de eo quod ignorat: & tunc nec circa illud afficitur voluntarie, nec inuoluntarie: & sic erat de illa ignorantia Euz.

4. Ad illud quod obiicitur, quod aut erat innata, aut contracta, &c. dicendum quod illa ignorantia dicebat quandam scientiæ incompletionem, & imperfectionem, quæ inerat animabus primorum parentum ex defectu propriæ naturæ, per hoc quod animæ eorum non erant in omnimoda lucis plenitudine: in tali autem statu deuit hominem sic fieri, quia sicut infra patebit, prius debuit esse viator, quàm comprehensor: nec tamen ex illa ignorantia dicitur homo fuisse in tenebris, vel in cecitate, quia sufficiens lumen habebat ad incedendum per viam iustitiæ: & ideo non est simile de pronitate. Pronitas enim non solummodo dicit imperfectionem, sed etiam quandam naturæ curuationem, ac per hoc deordinationem.

5. Ad illud quod ultimo obiicitur, quod vir non peccauit ex ignorantia, quia non fuit seductus, dicendum quod non solummodo mulier ignorasse dicitur propter seductionem, sed etiam quia ignorauit pœnæ subsequentis acerbiter: licet in Adam non fuerit ignorantia illius seductionis, fuit tamen ignorantia per inexperience diuinæ ultionis: & ideo aliqua ignorantia, siue nescientia fuit in Adam, licet minor, quàm in Eua. Nec valet illud quod obiicitur de radice, quia ignorantia non ponitur ibi esse tanquam ex vna radice, sed quia quodam modo talis nescientia occasionem præbuit ad peccandum.

QVÆSTIO II.

An ignorantia in aliquo homine possit esse culpa.

Alexander Alensis 2. p. q. 129. Membro 1.

S. Thom. 1. p. q. 76. art. 2.

Et 2. Sent. dist. 22. q. 2. art. 1.

Egid. Rom. 2. Sent. p. 2. d. 22. q. 2. art. 2.

Richardus 2. Sent. dist. 22. art. 2. q. 2.

Durandus 2. Sent. dist. 22. q. 5.

Steph. Brulef. 2. Sent. d. 22. q. 5.

Gabriel Biel. 2. Sent. dist. 22. q. 2.

Fundamēta.
1. Cor. 14. 8

Psal. 35. a

VTRVM ignorantia in aliquo homine possit esse culpa. Et quod sic, videtur: Ignorans ignorabitur; sed nullus ignoratur à Deo nisi propter culpā: ergo, &c.

ITEM super illud psalmi: Noluit intelligere, &c. **D** Glossa Augustini: Ignorantia in his, qui intelligere nolunt, est peccatum.

ITEM ratione videtur. Cognoscere crederēda & operanda est actus virtutis, scilicet fidei, & prudentiæ: ergo hæc ignorare est virtutibus privari; sed priuationes virtutum sunt vitia, & peccata; ergo aliqua ignorantia est culpa.

ITEM non facere ea quæ homo tenetur facere, est peccatum, similiter non dicere, similiter non amare ea quæ homo tenetur amare, est peccatum: ergo similiter nescire quod tenetur scire, est peccatum: sed multi sunt qui ignorant ea quæ tenentur scire, utpote ea, sine quibus saluari non possunt: ergo in talibus ignorantia est culpa.

ITEM error est peccatum; aut ergo ratione eius quod ponit, aut ratione eius quod priuat. Non ratione eius quod ponit, quia peccatum priuatio est, non positio. Si ratione eius quod priuat: sed error priuat scientiam, & priuatio scientiæ est ignorantia: ergo ignorantia est culpa.

1. CONTRA: Augustinus in Enchiridion dicit quod inflicta est nobis ignorantia rerum agendarum, & concupiscentia noxiarum: sed nullum peccatum est nobis inflicta: ergo ignorantia non est peccatum.

2. ITEM ratione videtur. In omni peccato est auersio à bono incommutabili, & conuersio ad commutabile: sed ignorantia nulla est ad bonum commutabile conuersio: ergo ignorantia non est culpa.

3. ITEM nullum peccatum remanet post pœnitentiam, sed ignorantia remanet in homine post pœnitentiam, & contritionem; ergo ignorantia non est culpa. Si tu dicas quod remanet actus, sed transit reatu: ergo tunc videtur quod ignorantia non esset culpa actualis, sed originalis. Sed non est originalis, quia manet post baptismum, & hoc melius patet infra: nec actualis: ergo non est culpa.

4. ITEM omne peccatum est in affectu, cum omne peccatum sit voluntarium: sed ignorantia est in intellectu; ergo ignorantia non est peccatum.

5. ITEM si ignorantia est peccatum, ergo ignorare est peccare; sed de viro ignorante verum est dicere quod in omni instanti ignorat: ergo in omni instanti peccat: ergo tot sunt in eo peccata, quot sunt instantia: quod si hoc est falsum, & impossibile, restat ignorantiam peccatum non esse.

CONCLUSIO.

Ignorantia quæ est priuatio cognitionis necessaria ad virtutem & ad salutem nobis possibilis, culpa est, cum sit in nobis & à nobis. Et est triplex, erronea, affectata, & crassa. Si vero sit priuatio cognitionis non necessaria, siue nobis impossibilis, quamuis necessaria, nulla est culpa.

RESP. Ad Arg. Ad prædictorum intelligentiam est notandum, quod cum priuationes & gnoscantur per habitus, cognitio ignorantia pendet ex cognitione scientiæ. Attendendum autem quod quædā est cognitio aliorum, quæ nec est necessaria ad virtutem, nec est necessaria ad salutem, sicut artium mechanicarum, & liberalium, & talis cognitio nec est virtus, nec de esse virtutis: & illa ignorantia, quæ est huius cognitionis priuatio, culpa non est, siue sit ignorantia negationis, siue dispositionis, siue etiam sit voluntaria, siue non. Alia est cognitio creditilium, & operabilium, quæ ad salutem necessaria est in adulto; & hæc est cognitio fidei, & prudentiæ; & ad hanc cognitionem habendam tenemur, quia sine hac nullus potest rectè viuere. Huius autem cognitionis priuatio potest dupliciter in nobis esse. Aut manente tentatione, aut non manente; si manente, tunc est ibi culpa: quia cum quis tenetur ad aliquid, & illud non implet, ex hoc ipso culpatur, & dignus est pœna. Si autem sit in nobis priuatio non manente tentatione, utpote cum non potest scire, & impotentia excusat ab obligatione: sic priuatio huius cognitionis culpa non est, sicut in furiosis; & secundum hoc, ignorantia quæ dicit priuationem cognitionis ad salutem necessariam, vno modo peccatum est, alio vero modo minime. Aliter potest dici, & quasi in idem redit, quod priuatio cognitionis ad salutem necessariam dupliciter potest esse. Aut ita quod in nobis, sed non à nobis, & hoc modo culpa non est, sed magis pœna, & cum non sumus eius principium, in ipsa nec meremur, nec demeremur. Aut ita quod in nobis, & à nobis; & sic culpa est. Hoc autē potest esse tripliciter. Vel cum in via veritatis existentes voluntarie ab ea recedimus, & in erroris foveam nos precipitamus: & hæc priuatio potest dici ignorantia erronea, quæ est in hæreticis. Vel cum ad viam veritatis valentes pertere, cupimus in tenebris ambulare: & hæc potest dici ignorantia affectata: aut quia ex quadam pigritia & negligentia non curamus veritatem addiscere, & hæc dicitur ignorantia crassa, & supina; & quælibet istorum est culpa, licet prima maior, quàm secunda, & secunda quam tertia. Et sic concedendæ sunt rationes ostendentes quod ignorantia aliquo modo potest esse culpa.

1. AD illud ergo quod obiicitur in contrarium, quod ignorantia est nobis inflicta, dicendum quod prout nobis inflicta est, pœna est, & non culpa; prout tamen voluntas nostra aliquo modo deordinatur circa illā, sicut prius dictum est, incipit esse culpa. Sicut passiones sanctis martyribus illatæ, pœnæ erant consideratæ secundum se: comparatæ tamen ad voluntatem Sanctorum

libenter

Ad oppositum.

libenter eas perferentium pro amore Christi, erant eis A
meritorie. Vtrum autem aliquo modo sit culpa, propterea
scilicet contracta est, videbitur infra, cum ageretur de origi-
nali peccato.

2. AD illud quod obiicitur, quod ignorantia non est
conuersio, dicendum quod verum est, propterea est pura pri-
uatio: propterea tamen ipsam concomitatur aliquo modo
nostra affectio, non habet veritatem: & hoc modo dicitur
esse culpa, non primo.

3. AD illud quod obiicitur, quod ignorantia remanet
post poenitentiam, dicendum quod non remanet pro-
pterea habet rationem culpæ, scilicet ratione voluntatis con-
comitantis, vel quodam modo eam causantis: sed si re-
manet, hoc est in quantum habet rationem poenæ ex
originali contractæ: ideo quantum ad primum, in quo
habet rationem actualis, transit non solum actu, sed B
etiam reatu, cum quis poenitet: quantum vero ad secun-
dum quodam modo remanet, & ita videtur ignorantia
remanere actu, & in hoc habet quandam approxima-
tionem ad peccatum originale; secundum id tamen
quod culpa est, actuale peccatum est.

4. AD illud quod obiicitur, quod ignorantia est in
intellectu, dicendum quod illa ignorantia, quæ opponitur
cognitioni virtutis, ad quam tenemur, non tantum
respicit intellectum, sed etiam affectum, sicut & virtus
sibi opposita. Vnde non tantum dicitur scientiæ caren-
tiam, sed etiam voluntatis incuriam, & negligentiam ad
scientiam percipiendam.

5. AD illud quod obiicitur, quod in quolibet instan-
ti ignorat, dicendum quod ignorare non dicitur esse culpa,
nisi eatenus qua quis tenetur scire quod ignorat: ideo
et si in quolibet instanti ignoret, & in quolibet teneatur: C
quia tamen præceptum affirmatiuum non obligat semper,
sed pro loco, & tempore, ignorans ignorando non
peccat, nisi in illo instanti & tempore, in quo tenetur
nosse, vel addiscere quod ignorat: ideo quamvis semper
dicatur ignorare, non tamen semper dicitur peccare.

QVÆSTIO III.

An ignorantia à culpa excuset.

S. Thom. 1. 2. q. 76. art. 2.

Et 2. Sent. dist. 22. q. 1. art. 2.

Egid. Rom. 2. Sent. p. 2. dist. 22. q. 2. art. 2.

Richardus 2. Sent. dist. 22. art. 2. q. 3.

Durand. 2. Sent. dist. 22. q. 3.

Steph. Brulef. 2. Sent. dist. 22. q. 5.

Gabr. Biel. 2. Sent. dist. 22. q. 2.

VTRUM ignorantia sit culpæ excusatoria. Et quod
sic, videtur: Misericordiam consecutus sum, quia
ignorans hoc feci: si ergo ignorantia fuit ratio quare
peruenit ad misericordiam, videtur quod ignorantia
excusabilem fecerit eius culpam.

ITEM scientia aggrauat culpam, sicut dicitur in Lu-
ca: Seruus sciens voluntatem Domini sui, &c. ergo per
oppositum ignorantia alleviat: ergo excusat.

ITEM omne peccatum est voluntarium: ergo quod
diminuit de ratione voluntarij, diminuit de ratione pec-
cati: sed ignorantia diminuit de ratione voluntarij, quia
voluntarium est, ut dicit Philosophus, cuius principium
est in ipso cognoscente singularia: ergo, &c.

ITEM sicut ad resistendum peccato requiritur fortitu-
do, sic etiam requiritur & cognitio: sed defectus fortitu-
dinis, ut pote infirmitas, excusat culpam: ergo similiter
videtur quod defectus cognitionis, scilicet ignorantia.

ITEM quod in sua plenitudine omnino tollit cul-
pam, citra plenitudinem aliquo modo diminuit: sed cum
aliquis simpliciter est ignarus, & sicut paruulus, & fu-
riosus, nihil quod faciat, imputatur ei in peccatum, sicut
dicit Bernardus, & alij doctores: ergo videtur quod
omnis ignorantia, peccato perpetrato, aliquo modo
præbeat excusationis patrocinium.

1. CONTRA: Isidorus in libro de Ecclesiastica institu-
tione. Nullus in culpa maior est, quam qui Deum nescit:
ergo videtur quod ignorantia non excuset, sed aggrauet.

2. ITEM super illud: An ignoras, &c. Ambrosij Glos-
sa: Grauiissime peccas, quia ignoras: ergo videtur gra-
uare culpam.

3. ITEM ignorantia de se malum est, sed malum ad-
ditum malo facit maius malum: ergo videtur quod
ignorantia peccatum augeat, non excuset.

4. ITEM scientia nec auget nec minuit meritum, sed
sola gratia, & charitas: ergo pari ratione, nec ignoran-
tia auget, nec diminuit demeritum: ergo non excusat
peccatum.

5. ITEM esto quod vnus sciens peccet ex aliquanta
libidine, & alter ignorans ex tanta libidine, si æqualis
est ibi libido, ergo æqualis debet esse punitio: ergo vide-
tur quod æqualis sit utrobique excusatio, vel accusatio:
ergo non magis exculat vel acculat ignorantia, quam
scientia.

6. EST igitur quæstio, propter quid magis excusat
ignorantia, quam scientia. Et cum tam ignorantia,
quam infirmitas excuset, similiter est quæstio, quæ ista-
rum magis excuset.

7. RVSVS cum sint multæ differentiæ ignorantiarum,
cum hoc quæritur, quæ earum excuset, & quæ non,
& quæ magis, & quæ minus.

CONCLUSIO.

*Qualibet ignorantia aliquo modo excusat à peccato, vel à
toto, vel à tanto: nam si nulla sit voluntas, nullusque
contemptus, à toto: si vero minuat de ratione voluntarij
& contemptus, à tanto excusabit.*

RESP. ad Arg. Ad prædictorum intelligentiam est
notandum quod omnis ignorantia aliquo modo excu-
sat peccatum: & ratio huius est, quia minuit de ratio-
ne voluntarij, minuit etiam de ratione contemptus. Cæ-
teris enim paribus magis contemnit qui peccat ex in-
dustria, quam qui ignoranter peccat. Et iterum: Cum
voluntarium includat in se cognitionem quod priuat
cognitionem, priuat de ratione voluntarij. Quia ergo
peccatum mensuratur secundum qualitatem libidinis
& contemptus, & ignorantia diminuit de ratione ho-
rum, generaliter verum est quod omnis ignorantia in-
quantum huiusmodi excusat peccatum: et si tanta sit
quod priuet omnino rationem voluntarij, & rationem
contemptus, excusat à toto: si vero non omnino priuet,
excusat à tanto. Concedendæ sunt igitur rationes osten-
dentes quod ignorantia excusat peccatum.

1. AD illud ergo quod obiicitur in contrarium de
Isidoro: Grauiissime peccat, qui Deum nescit, dicendum
quod Isidorus ibi comparat peccatum infidelitatis ad alia
peccatorum genera: & ipsum in se valde graue est, quia
non est sine magna animæ deordinatione: nihilominus
tamen cum quis ignorans aliquid facit, & ex increduli-
tate, sicut dicit Apostolus de se, minus grauitur pec-
cat, quam ille qui facit ex certa scientia.

2. AD illud Ambrosij, quod grauiissime peccat qui
ignorant, dicendum quod hoc dicitur non ratione maio-
ris culpæ, sed ratione infirmitatis magis periculose: quia
cum non habeat scientiam de morbo, sine culpa, non
quærit medicinam: & ita semper remanet morbus, &
corruptio: & hoc est quod dicit Augustinus in libr. Con-
fess. Eo insanabilius peccabam, quo me non peccare
arbitrabar.

3. AD illud quod obiicitur, quod malum additum
malo facit maius malum, dicendum quod illud habet
veritatem, cum malum malo conformatur. Malum au-
tem poenæ cum sit inuoluntarium, non conformatur
malo culpæ: quod est voluntarium: & ideo non auget,
sed potius diminuit. Et quoniam ignorantia in nobis
non est sine culpa, quin etiam aliquo modo sit poenæ:
ideo culpam perpetratam excusat.

4. AD illud quod obiicitur, quod scientia non auget
meritum, dicendum quod illud non sequitur. Quantitas
enim meriti non est à nobis, sed à gratia Dei: de meritum
vero, & eius quantitas ortum habet à voluntate liberi
arbitrij, & ideo quod facit ad rationem voluntarij, facit
aliquo

Rom. 2.

Lib. 5. c. 10.
Post princip.
tom. 1.

aliquo modo ad augmentum peccati: & similiter quod A
diminuit, facit ad alienationem peccati: talis autem igno-
rantia, ut dictum fuit supra, potest minuere peccatum.

5. Ad illud quod obiicitur, quod peccantes ex pari
libidine æqualiter puniuntur, dicendum quod hoc non
cogit, quin ignorantia excuset: quia si ille qui ignorat,
peccat ex tanta libidine, ex quanta ille, qui cognoscit,
in statu ignorantie existens, si haberet scientiam, pecca-
ret multo maiori: & ita grauius peccaret, & grauius
puniretur: & ideo ignorantia, quæ in ipso est, excusat
peccatum: excusat inquam, & minuit quantitatem pec-
cati, non quam habet, sed quam haberet, si ignorantia
non esset.

6. Ad illud quod queritur, quæ magis excuset, utrum
ignorantia, vel infirmitas, responderi potest quod duo
sunt de ratione voluntarij, videlicet cognitio singulariū B
sive circumstantiarum: & quod operationis principium
sit intrinsecum: igitur ignorantia excusat, quia priuat de
ratione cognoscendi: infirmitas excusat, quia priuat de
ratione perfecte principiandi: & quoniam priuato prio-
ri, priuatur posterius, & non conuertitur, & cognoscere
præambulum est ad facere, plus tollit de ratione volun-
tarij ignorantia, quam infirmitas, vel impotentia: & ideo
magis excusat cæteris paribus. Adeo tamen potest infir-
mitas præcellere, & ignorantia parua esse, siue ex cul-
pa nostra procedere quod erit econuerso. Vnde & si in
generalitate loquendo verum sit dicere, quod magis ex-
cusat ignorantia, quam infirmitas: descendendo tamen
ad specialia peccata possunt se habere sicut excedentia,
& excessa.

7. Ad illud quod queritur, quæ ignorantia excusat,
& quantum: dicendum quod est ignorantia facti, & igno-
rantia iuris. Ignorantia facti potest esse dupliciter, aut
adhibita debita diligentia, aut non. Si adhibita debita
diligentia, excusat à toto. Si non adhibita, non excu-
sat à toto, sed à tanto. Si autem sit ignorantia iuris: hoc
potest esse dupliciter, aut est vincibilis, aut non vincibi-
lis. Si vincibilis, tunc est ignorantia, quæ est culpa. Et
hæc aut est ex consensu vero, ut ignorantia affectata: &
ista sic ex vna parte excusat, quod ex alia parte magis
aggrauat. Aut est ex negligentia: & ignauia, sicut igno-
rantia crassa, & supina: & ista si aliquo modo excuset,
non tamen ita excuset, ut sempiterno igne non ardeat,
sicut dicit Augustinus & Magister in littera. Si autem sit
ignorantia inuincibilis, hoc potest esse dupliciter. Aut
ista ignorantia est in nobis introducta per culpam D
præambulam, aut præter omnem culpam. Si præter om-
nem culpam, aut simpliciter priuat cognitionem iuris,
sicut in infantibus, & furiosis, qui omnino carent usu
rationis: & hæc excusat à toto. Vnde dicit Bernardus
quod pueris infantibus, & dormientibus nihil quod fa-
ciunt, imputatur. At non tollit omnino usum rationis,
sed semiplenum: & tunc non excusat à toto, sed à tan-
to, sicut est in his qui non sunt plene furiosi, sed aliquo
modo habent lucida interualla, & in pueris, qui ali-
quando sunt capaces præcepti, licet non plene. Si au-
tem ignorantia est introducta per culpam propriam, si-
cut est in ebrio, & furioso, quorum vterque se præci-
pitauit in hoc per culpam suam, sic non excusat à toto,
sed à tanto: quia sicut dicit Philosophus: Ebrius habet
duplices maledictiones, maledictionem scilicet pro
culpa præcedenti; & maledictionem pro culpa subse-
quenti. Quantum autem, & qualiter excuset subse-
quentem culpam, diuersimode quidam determinant.
Quidam enim dicunt quod nec ebrius, nec furiosus,
qui usu rationis caret, committere potest nouam cul-
pam, sed ex inordinatione sequenti aggrauatur culpa
prima: potest enim culpa aggruari ex euentu sequen-
ti. Aliis autem videtur quod nec sic excuset, quin no-
uam culpam committat: non tamen est adeo grauis, si-
cut si illam faceret ex certa scientia. Primus tamen mo-
dus dicendi probabilior esse videtur. Ex his patet quod
Loth non omnino excusatur à culpa incestus, cum co-
gnouit filias suas. Primum quidem, quia non fuit in eo
plena ignorantia: licet enim dicatur in textu quod

non senserit, quando filia accubuerunt: hoc dici-
tur, quia non discreuit. Secundò vero, quia in il-
lam ignorantiam peruenit per ebrietatem, quam de-
buisse vitare; & ideo Sancti dicunt eum fuisse culpa-
bilem, licet ex alia parte dicant eum fuisse aliquatenus
excusabilem.

DISTINCT. XXIII.

Quare Deus permiserit hominem tentari,
sciens eum esse casurum. Deinde tractat de
ipso homine, quantum ad animam. Et primo
de scientia eius in primo statu.



PRÆTEREA queri solet, cur Deus ho-
minem tentari permiserit, quem deci-
piendum fore præsciebat. Sed non esset
laudabile homini, si ideo bene viuere
posset, quia nemo male viuere suaderet: cum in natu-
ra posset, & in potestate haberet velle non consentire
suadenti: Deo iuuante: & est gloriosius non consen-
tire, quam tentari non posse. Mouentur etiam quidam
dicentes: Cur creauit Deus quos futuros malos præ-
sciebat? Quia prauidit quid boni de malis eorum esset
facturus. Sic enim eos fecit, ut relinqueret eis unde
aliquid facerent: & si culpabiliter aliquid facerent, C
illum de se laudabiliter operantem inuenirent. A se
habent voluntatem malam, ab illo naturam bonam,
& iustam penam. Frustra ergo dicitur, non deberet
Deus creare quos præsciebat malos futuros: sciebat
enim bonis profuturos, & iuste pro mala voluntate
puniendo: Addunt etiam, talem hominem deberet
facere, qui nollet omnino peccare. Concedimus quidem
meliores naturam esse, quam omnino peccare nollet.
Concedant & ipsi non esse malam, quæ talis facta est,
ut posset non peccare si vellet: & iuste punitam, quæ
voluntate, non necessitate peccauit. Cum ergo hæc bo-
na sit, illa melior, cur non utramque faceret, ut ube-
rius laudaretur de utraque? Illa enim in sanctis An-
gelis, hæc in hominibus est. Item inquirunt: Si Deus
vellet, & illi boni essent. Et hoc quidem concedimus:
sed melius voluit, ut quod vellent, essent. Et boni qui-
dem non infructuose, mali vero non impune essent. Itē
inquirunt: Posset Deus voluntatem eorum vertere in
bonum, quia omnipotens est. Posset reuera: Cur non fe-
cit? Quia noluit: Cur noluit? Ipse nouit. Non debe-
mus plus sapere, quam oportet.

Hic agitur, qualis secundum animam, & de scientia
hominis ante peccatum.

Et quidem secundum animam rationalis fuit ho-
mo, habens discretionem boni & mali: Scientiam quo-
querum creaturarum, & cognitionem veritatis: quæ
prima perfectioni congruebat, mox conditus non in-
congrue accepisse putatur, & ad illam non studio, vel
disciplina aliqua per interualla temporis profecisse,
sed ab exordio sua conditionis diuinitus illam percepisse.

Quod triplicem habuit homo ante lapsum cognitio-
nem, scilicet rerum propter se factarum, &
Creatoris, & sui.

Fuit homo primus ante lapsum triplici cognitione
præditus, rerum scilicet propter se factarum, & Creatoris,
& sui. Rerum quippe cognitionem hominem accepisse

perspicu-

De gratia &
lib. arb. c. 3.
tom. 7.

3. Esb. c. 7.

Gen. 19. f. g.

Aug. super
Gen. lib. 11.
cap. 4. 5. 6.

Ibid. cap. 10.

Rom. 12. 4.

1. de Sac.
par. 6. c. 12.

Idem Hugo
ibid. c. 13.

perspicuum est, cum non ipse Creator vel Angelus aliquis, sed homo omnibus animantibus nomina imposuerit, ut ostenderetur, quod singulorum notitiam homo ipse habuerit. Quæ enim propter illum creata erant, & ab illo regenda, & disponenda erant, horum omnium Deus illi & scientiam tribuit, & providentiam atque curam reliquit, quia ut ait Apostolus, non est cura Deo de bobus. Quorum aliorumque animalium Deus homini curam reliquit & providentiam, ut dominationi eius subiicerentur, & ratione illius gubernarentur: ut sciret illis necessaria providere, à quibus emolumentum debebat reperire. Hanc autem scientiam homo peccando non perdidit, sicut nec illam qua carnis necessaria providerentur: & idcirco in Scriptura homo de huiusmodi non eruditur, sed de scientia animæ quæ peccando amisit.

De cognitione Creatoris,

Cognitionem quoque Creatoris primus homo habuisse creditur. Cognovit enim à quo creatus fuerat non eo modo cognoscendi, quo ex auditu solo percipitur, quo modo à credentibus absens queritur: sed quadam interiori aspiratione, qua Dei præsentiam contemplabatur: non tamen ita excellenter, sicut post hanc vitam sancti visuri sunt: neque ita in enigmate, qualiter in hac vita videmus.

De cognitione sui.

Porro sui cognitionem idem homo talem accepisse videtur, ut & quid deberet superiori, & quid æquali, & inferiori non ignoraret. Conditionem quoque suam, & ordinem, sc. qualis factus esset, & qualiter incedere deberet, quid agere, quid cauere, intellexit. Si horum notitiam non habuisset, non esset reus prævaricationis, neque seipsum cognovisset.

Vtrum homo præcius fuerit eorum quæ sibi futura erant.

Si autem queratur: Vtrum homo scientiam habuerit eorum, quæ circa eum futura erant, id est, si ruinam suam præsciuerit: & simpliciter præsciuerit bona quæ habiturus fuisset, si in obediētia perstitisset. Responderi potest quod ei magis facienda indicta sunt, quam futura reuelata. Accepit enim scientiam, & præceptum eorum, quæ facienda fuerant, sed non habuit præscientiam eorum quæ futura erant. Non fuit ergo homo præcius sui casus, sicut & de Angelo diximus. Quod Aug. super Genesim asserit, ratione utens, quam supra posuimus. Hac de scientia hominis quantum ad primum statum pertinet, dixisse sufficiat.

DISTINCT. XXII.

De Dei permissione in actu tentandi.

Præterea quæri solet: Cum Deus hominem, &c.

Expositio Textus.

SUPRA egit Magister de lapsu primorum parentum in comparatione ad diabolum tentantem, & hominem transgredientem: in hac parte agit de lapsu primorum parentum in comparatione ad Deum permittentem: & quia non est æquum permittere aliquem inscium ab astuto circumueniri, ideo ut ostendatur prima permissio esse iusta, pars ista duas habet. In prima determinat, cur Deus hominem tentari permisit. In secunda vero determinat, quantum & qualem cognitionis habitum ei dedit, ibi: *Et quidem secundum animam, &c.* Prima parte remanente indiuisa, secunda diuiditur in tres partes. In prima determinat, qualiter homo cognitionem habuit, vtrum per disciplinam, & studium, an

per diuinum donum. In secunda vero determinat, quorum cognitionem habuerit, ibi: *Fuitque primus homo ante lapsum triplici cognitione præditus.* Et illa pars habet tres. In prima determinat, qualē cognitionem habuerit de rebus creatis. In secunda qualē cognitionē habuerit de Deo, ibi: *Cognitionem quoque Creatoris, &c.* In tertia qualem cognitionem habuerit de seipso, ibi: *Porro sui cognitione, &c.*

Non esset laudabile homini, si ideo bene viuere posset, quia nemo male viuere suaderet. Dub. I.

SED CONTRA: Si hoc verum esset, tunc videtur quod vita nostra in gloria laudabilis non erit, vbi nemo male viuere suadebit. **ITEM**, esto quod diabolus nihil mali persuasisset: nihilominus mereri potuisset: sed si mereretur, esset laude dignus: ergo, &c.

RESP. Dicendum quod laus quædam est, quæ respicit dignitatem operis voluntarij, in quantum illud nobile est: & hæc posset esse in homine, & si nullus ipsum tentasset. Quædam autem est laus, quæ non respicit opus voluntarium: sed opus strenuum, & arduum quod consistit in expugnatione aduersarij, & reportatione triumphij: & de hoc loquitur Apost. Non coronabitur, nisi qui legitime certauerit. Et de hac laude Magister intelligit. Et sic patent illa duo obiecta, quia procedunt de laude secundum primum modum.

Gloriosius est non consentire peccato, quam tentari non posse. Dub. II.

CONTRA: Deus non potest tentari, homo vero sic; ergo gloriosior est homo, quam Deus. **ITEM** in statu gloriæ homo non poterit tentari, in statu viæ potest: ergo gloriosior est status viæ, quam patriæ: quod si verum est, gloriosior est miseria, quam gloria.

RESP. Dicendum quod verbum Magistri intelligendum est circa eum, qui efficitur gloriosior ex merito suorum operum: & ideo non valet illud quod obiicit de Deo. **ITEM** intensio gloriæ, intelligenda est in verbo proposito non quantum ad præ. substantiale, sed quantum ad aliquam accidental. n. laudem, qua laudatur vir iustus in Ecclesiastico: Qui potuit transgredi, & non est transgressus, &c. & ideo non valet illud quod obiicitur secundo.

Hanc autem scientiam, &c. Dub. III.

Innuat Magister quod scientiam rerum creatarum homo non perdidit, & propterea in Scriptura de ea non eruditur. **C**ONTRA: Videtur esse falsum. Constat enim quod nos qui sumus filij Adæ, rerum naturas ignoramus, & ignorantes nascimur, nec nosse possumus, nisi cum magna difficultate discamus. Similiter secundum videtur esse falsum, quia in sacra Scriptura habetur de productione omnium rerum in operibus sex dierum, & qualiter productæ sunt, & qualiter etiam distinctæ sunt.

RESP. Dicendum quod etsi homo merito primi peccati exæcatus sit, & factus sit ignorans tam in cognitione vniuersitatis propter ipsum creatæ, quā in cognitione viæ salutis suæ: plus tamen exæcatus est in secundo, quam in primo. Nam ad cognitionem naturalium rerum multum potest proficere proprio studio, atque ingenio: sed in cognitione modi pertueniendi ad vitam per seipsum plus deficit, quam proficit, nisi diuinæ reuelationis instructione dirigatur: & propterea magis data est nobis Scriptura diuinitus, & per Spiritum sanctum reuelata in cognitione fidei & morum, quam in cognitione rerum naturalium, licet omnis veritas aliquo modo à Spiritu sancto esse dicatur, & pro tanto intelligendum est verbum prius propositum à Magistro fuisse dictum. Quod ergo obiicitur de amissione cognitionis, verum est quod amisit habitum: non tamen amisit naturale iudicium. Ad illud vero quod obiicitur, quod Scriptura insinuat productionem rerum, dicendum quod non determinat ibi rerum speciales naturas, & causas: sed hoc explicat quod sentit fides sana, videlicet diuinam voluntatem omnium esse causam primam, & summam, & omnia esse facta per verbum, & reparata per verbum.

Si autem quæatur, utrum homo, &c. Dub. IV.

Innuat Magister quod homo non habuit præscientiam eorum, quæ futura erant circa ipsum. CONTRA: Si enim hoc verum esset, cum nos multa præsciamus, de futuris, & sancti Patres præsciuerunt aduentum Christi, & Prophetæ, similiter videtur quod Adam non fuit ita sapiens, sicut nos sumus hodie. Si tu dicas, quod hoc non est inconueniens propter gratuitam reuelationem, quæ in nobis est, & prophetis, ut aliquid sciamus quod ignorauit Adam: Obiicitur contra hoc. Quia sicut Sancti exponunt, Adam in sopore illo raptus est, & ad cœlestem curiam dicitur fuisse perductus, & hoc innuit textus, quod statim post euigilationem, prophetice locutus est: Hoc nunc os, &c. Si ergo verè locutus est prophetice, præcognouit: quid significabat mulieris, & viri coniunctio, & mulieris de latere viri formatio. Et primū signat Christi incarnationem, secundum passionem. igitur post cognouit Christum incarnandum, & Christum assum: sed redemptio, & reparatio præsupponit lapsum: ergo præcognouit Adam lapsum futurum, & suum remedium.

RESP. Dicendum quod Magister non loquitur de quibuscunque futuris, sed de his quæ spectabant ad statum suum, utpote de lapso, & confirmatione; confirmationem enim præscire non potuit, quia non erat mansurus: lapsum autem scire non debuit: & rationes supra assignatæ sunt, cum hoc quæsitum fuit de Angelo. Cum ergo obiicitur quod præsciuit incarnationem, dupliciter respondetur. Vno modo quod hoc est falsum, et si enim sciret mulierem factam, ut coniungeretur sibi per coniugij Sacramentum: non tamen oportuit quod sciret incarnationem, & passionem, pro eo quod coniugium tempore innocentie non significabat coniunctionem Christi, & Ecclesiæ quantum ad matrimonij coniunctionem sed per charitatem, & dilectionem. Alius est modus respondendi: quod sicut Ioseph præcognouit suum principatum, non tamen præcognouit suam venditionem & fuit antecedens ad illud; sic Adam nosse potuit aliquid quod spectabat ad hanc naturæ exaltationem, sicut fuit Christi incarnatio: ita tamen quod ignorabat posteritatis suæ lapsum per suam præuaricationem, vel quia Deus non reuelauit, vel quia ipse non pertractauit.

ARTICVLVS I.

AD intelligentiam huius partis circa duo incidit hic quæstio secundum duo, circa quæ versatur principaliter totalis distinctionis intentio. Primo quæritur de tentationis primæ permissione. Secundo quæritur de primorum parentum cognitione. Circa primum quærentur tria. Primo quæritur, utrum Deus debuerit hominem facere inexpugnabilem, an taliter quod posset expugnari. Secundo quæritur, utrum hominem, quem præciebat expugnandum, debuerit permittere per tentationem impugnari. Tertio, utrum tentationis pugna à viris iustis debeat desiderari.

QVÆSTIO I.

An Deus debuerit facere hominem impeccabilem.

S. Thom. 2. Sent. dist. 23. q. 1. art. 1.

Et de Verit. q. 24. art. 7.

Scotus 2. Sent. dist. 23. q. 1.

Egid. Rom. 2. Sent. dist. 23. p. 2. q. 1. art. 1.

Richardus 2. Sent. dist. 23. q. 1.

Durandus 2. Sent. dist. 23. q. 1.

Thom. Arg. 2. Sent. dist. 13. q. 1. art. 4.

Steph. Boulé. 2. Sent. dist. 23. q. 1.

Gabr. Biel. 2. Sent. dist. 23. q. 1.

QVOD Deus debuerit facere hominem impeccabilem, siue inexpugnabilem, ostenditur primò per diuinam bonitatem: quia ut dicit Dionysius: Optimi est optima adducere; sed melior est natura rationalis, quæ non potest peccare, quàm quæ potest; ergo videtur quod decuerit Deum optimum facere hominem, & ad peccandum impossibilem, & ita inexpugnabilem.

2. ITEM hoc ipsum videtur per diuinam liberalitatem. Ad excellentiam enim liberalitatis facit non solum dare multa, & magna, sed etiam dare velociter: sed donum gratiæ confirmantis, & beatificatis hoc maius est, quàm donum cuiuslibet gratiæ gratum facientis: ergo si Deus hoc dare homini disposuerat, & homo ex prima sui conditione ad hoc idoneus erat, videtur quod statim cum eum fecit, debuerit ei hoc donum dare; sed si hoc haberet, esset inexpugnabilis: ergo, &c.

3. ITEM hoc ipsum ostenditur tertio ex parte sapientie. Maioris enim sapientie est scire mala præcauere, quam postquam facta sunt remedium adhibere: ergo si diuina sapientia maxime manifestanda erat in hominis conditione, videtur quod talem debuit eum facere, & tantam sibi cautelam adhibere, quod non possit in malum incidere.

4. ITEM hoc ipsum ostenditur ex parte diuinæ potentie. Quanto enim potentia maior est, tanto velocius operatur: magis igitur diuina potentia manifestatur in operatione subita, quàm in operatione successiuâ: si igitur hominis gratificatio, & confirmatio, & glorificatio est immediatè à Deo, videtur quod Deus subito, & in eodem instanti, in quo hominem fecit, debuit eum gratificare, & in gratia confirmare, ac per hoc inexpugnabilem facere.

Sed contra: Gloria est bonum laudabile: sed nullus est laudatus in eo quod habet, nisi habeat illud per merita; ergo si Deus fecit hominem ad hoc, ut perueniret ad statum gloriæ & præmij, videtur quod debuit facere hominem in statu meriti; sed status meriti, & præmij debent esse distincti, sicut status viæ & patriæ; secundum legem communem; ergo & dona viæ, & patriæ: si igitur habere impossibilitatem ad peccandum spectat ab securitate beatitudinis, videtur quod à principio non debuit homini dari: ergo debuit homo expugnabilis fieri.

ITEM ad plenam perfectionem vniuersi decuit fieri omnem creaturam, quæ ratione recta potuit excogitari, sicut dicit Augustinus in 3. de libero arbitrio, sed rationabiliter cogitari potest ad perfectionem vniuersi spectare creaturam, quæ haberet libertatem arbitrij: & relicta esset in manu consilij sui: hanc igitur decuit fieri, & in statu vertibilitatis constitui: sed hoc nulli creaturæ magis competit, quàm homini, ergo, &c.

D ITEM vniuersum ex oppositione mali ad bonum decoratur quasi quibusdam antichetis; sicut dicit Augustinus, & in Ecclesiastico innuitur: Contra malum bonum, &c. Si ergo Deus vniuersum venustare debuit, & decorare, videtur quod hunc decorum vniuerso non debuit auferre: sed si fecisset hominem inexpugnabilem, iam hic decor non esset: ergo, &c.

ITEM hoc videtur quarto, quia Deus vniuersum fecit ad sui ipsius manifestationem: & sicut Deus est summe potens, & sapiens, sic est summe iustus, & misericors: ergo tale debuit facere vniuersum, in quo manifestaretur eius summa iustitia, & summa misericordia: sed summa iustitia non manifestatur nisi in seueritate punitionis malorum: summa misericordia non manifestatur perfecte nisi in liberatione miserorum, & remissione delictorum: hæc autem non possent esse, nisi rationalis creatura facta esset in statu, in quo posset peccare, & expugnari: ergo diuina iustitia, & misericordia exigebat hominem vertibilem, & expugnabilem fieri.

CONCLUSIO.

Ad manifestandam Dei potentiam, sapientiam, misericordiam, & iustitiam decuit hominem peccabilem creati, ita ut impugnari, & expugnari posset.

RESP. Ad Arg. Ad prædictorum intelligentiam notandum est, quod etsi ipsa diuina operatio non indigeat approbatione pro eo, quod quidquid Deus facit, bene facit & recte facit: verumtamen ad excitandam deuotionem in mente fidelium, & compescendam rabiam in ore blasphemantium, & Deum in suis operibus inculpantium, quadruplex potest ratio assignari, quare

Deus

Ad opposi-
tum.
Dionys. c. 1.
p. 3. de diuin.
nom.

Fundamta.

Ench. 150

Lib. de Cinit.
Dei cap. 18.
10m. 5.
Ecc. 33. b

Cap. 27

Deus fecit talem hominem, vt possit ab aduersario expugnari. Et prima est manifestatio diuinæ potentia. Voluit enim Deus ostendere homini: quia sicut sine eo factus non fuerat, ita nec sine ipso persistere poterat. Vt igitur homo nosset quod diuinum posse non solum modo est omnis potentia causatum, sed etiam conseruatum, & quod ipsum solum est quod non potest deficere, nec expugnari, ideo placuit sibi creaturam rationalem facere vertibilem, & expugnabilem, nec ipsam confirmare, quovsque experimento disceret quod ipse solus est, in quo non cadit, non posse. Secunda ratio est manifestatio diuinæ sapientia: maioris enim sapientia est ostensum scire ordinare bona cum malis, & eligere bona ex malis, quam ordinare solum bona cum bonis: & ideo cum non deceret eum ibi mala facere, debuit talem facere creaturam, quæ posset in operando deficere, & malum committere, vt Deus mala illa ordinando, suâ sapientiam declararet. Tertia ratio sumitur ex manifestatione diuinæ misericordia, quæ potissime manifestata est, cum vnigenitum filium suum traderet ad liberationem serui. Quarta ratio sumitur ex manifestatione diuinæ iustitiae, quæ potissime manifestatur in hoc, quod Deus retribuit vnicuique secundum opera sua, præcipue in æterna punitione malorum: hæc autem retributio, & punitio, & præfata misericordia liberatio non esset, nisi Deus creaturam rationalem, & præcipue hominem in statu vertibilitatis fecisset, & ita potentem impugnari, & expugnari: & ideo congruum fuit, Deum hominem in statu tali facere: & concedendæ sunt rationes ad hoc inducæ.

1. Ad illud quod primo obiicitur, quod Deus debuit facere hominem optimum, dicendum quod est optimum simpliciter, & est optimum in ordine. Cum autem dicit Dionysius quod optimi est optima adducere, non intelligit absolute, sed in ordine: & ideo ex hoc non sequitur quod homo debuit fieri in optimo statu simpliciter, sed in statu in quo optime saluaretur vniuersitatis ordo, & pulchritudo: & sic factus est cum productus fuit in statu vertibilitatis, vt ordinato processu perueniret à merito ad præmium, ab imperfecto ad perfectum, ab inferiori ad supremum.

2. Ad illud quod obiicitur de summa liberalitate dicendum, quod etsi Deus sit liberalissimus, tamen liberalitas non præcludit viam iustitiæ, & sapientia: ideo sicut dona sua distribuit largiter, vt tamen non excludatur sapientia recta ordinatio, & iustitiæ iusta retributio, ideo non statim debuit beatificare, & confirmare: sed merita hominis expectare.

3. Ad illud quod obiicitur, quod maioris sapientia est præcauere malum, &c. dicendum quod falsum est: immo multo maioris sapientia est morbum bene curare, quam naturam à morbo præseruare. Vnde August. in Enchirid. Melius iudicauit Deus de malis bona facere, quam mala nulla permittere: & maiori etiam sapientia attestatur, vt prædictum est, sic res ordinare, vt ex superuenienti etiam deordinatione non deturpentur, sed earum ordinatio decoretur.

4. Ad illud quod obiicitur de potentia, dicendum quod si in omnibus operibus diuinis manifestatur diuina potentia, ea tamen quæ spectant ad hominis gratificationem, & glorificationem plus sunt ad manifestationem diuinæ misericordia & iustitiæ, quam potentia: ideo maior est congruentia in proposito, quam in opposito: nihilominus tamen quantum ad aliquem modum ex ipsa humana infirmitate & indigentia, plus innotescit homini diuina potentia, quam si homo nunquam conspexisset vertibilitatem in rationali creatura.

QVÆSTIO II.

An Deus permittere debuerit hominem impugnari.

S. Thom. 2. 2. q. 165. art. 1.

Et 2. Sentent. dist. 23. q. 1. art. 2.

Ægid. Rom. 2. Sent. d. 23. p. 1. q. 1. art. 2.

Richardus 2. Sent. dist. 23. q. 3.

Steph. Brulef. 2. Sent. d. 23. q. 2.

S. Bonavent. Operum. Tom. IV. Pars II.

VTRVM debuerit Deus permittere hominem impugnari. Et quod sic, videtur per illud, quod dicit Magister in litera. Non esset laudabile bene viuere, nisi esset, qui male viuere suaderet: ergo si debuit permittere omne quod faciebat ad humanam laudem ampliandam: debuit igitur permittere hominem impugnari per suggestionem diabolicam.

ITEM secundum rectum iudicium rationis, & attestationem Apostoli: Non coronabitur nisi qui legitime certauerit: si ergo homo producendus erat ad coronam gloria, videtur ex recto ordine, quod statui debuerit in conflictu tentationis & pugna.

ITEM Decet Deum sic administrare res, & eis providere, vt salua sit lex, quam indidit eis à primaria conditione, iuxta illud Augustini in libro de Ciuitate Dei: Sic res, quas Deus cōdidit administrat, vt eas agere proprios motus sinat: sed Deus fecit, & facere debuit hominem in vertibilitate arbitrij, & relinquere eum in manu consilij sui, & similiter luciferum: ergo si diabolus voluit hominem vexare, & homo voluit ei consentire, Deus nullum eorum debuit impedire.

ITEM facilius erat homini vincere aduersarium, quam diabolo vincere hominem: homo enim nō poterat vinci nisi volens: ergo pugna illa de se magis erat ordinata ad victoriam hominis, quam ad victoriam diaboli: ergo magis ad bonum, quam ad malum. Si ergo Deus permittere debet quod directe ad bonum hominis ordinatur, videtur quod à tentatione primi hominis aduersarius non erat arcendus.

CONTRA: Impius esset pater, qui permetteret filium aggredi bellum, in quo sciret eum esse ab alio superandum: sed Deus nouerat Adam illa tentatione esse superandum: ergo videtur quod non tanquam pius pater se habuit, dum permisit eum superari à diabolo.

ITEM non est bonus prælatus, nec pastor, qui permittit ouem morderi à lupo, & capi, dum potest ipsum repellere, & arcere: sed Deus prælatus, & pastor hominis erat: ergo cum videret lupum atrociter insistere, videtur quod non debuit permittere ab aduersario homine impugnari, siue impeti à lupo.

ITEM non est rectus iudex, qui bellum constituit inter eos, qui non sunt æqualiter fortes: sed diabolus multo fortior erat viribus per naturam, quam homo, cum non sit potestas super naturam, quæ possit ei comparari. Multo etiam erat obstinatio in malitia, quam homo esset confirmatus in gratia: si igitur Deus iudex æquus est, non debuit permittere eos inuicem configere.

ITEM non est fortis possessor, qui permittit alium inuadere atrium suum, cum enim fortis amatus custodit atrium suum, in pace sunt omnia, quæ possidet: ergo cum homo in primo statu atrium, & templum esset Dei, & Dominus ipsum custodiret, aut Deus non fuit fortis armatus, & custos, aut non debuit permittere aduersarium vexare, & inuadere hominem per conflictum, & pugnam tentationis.

CONCLUSIO.

Congruum fuit hominem impugnari propter ordinem virtutis ad suum actum, boni ad suum oppositum, morbi ad suum remedium, & meriti ad præmium.

RESP. Ad Arg. Ad prædicta dicendum est, quod cum Deus posset aduersarium prohibere, ne hominem tentaret, debuit tamen ipsum permittere. Et ratio concedentia haberi potest ex rationibus assignatis in præcedenti problemate, in quo ostensum est quod Deus debuit facere hominem in vertibilitate liberi arbitrij. Præter has tamen rationes assignari potest ratio, primo ex ordine, qui attenditur ex comparatione virtutis ad proprium actum. Sic enim Deus res omnes administrat, vt eas agere proprios motus sinat: & ideo tam hominem quam diabolum cōstituit in libertate arbitrij, & in manu consilij sui reliquit, & vtramque permisit agere quod voluit, siue

Fundamēta.

1. Tim. 2. 6.

1. ib. 5. tom. 5.

Ad oppositum.

Iob 41. d.

Luc. 11. 6.

Aug. 7. de Ciuit. Dei tom. 5.

A a hunc

hunc intentando, siue illum in contentiando: hoc enim A
 competeat regimini in conseruatione ordinis, qui at-
 tenditur ex comparatione virtutis ad proprium actum.
 Secunda verò ratio sumitur ex ordine, qui attenditur
 per comparationem boni ad suum oppositum, in quo
 gloriosior, & laudabilior ostenditur virtus ad suum op-
 positum, siue ex ipsa prædicta comparatione, ob quam
 relucet, & magis apparet, siue ex cuiusdā nobilis
 triumphii assecutione, ob quā fortificatur, & vigoratur:
 ideo ut virtus hominis reluceret, & proficeret, decuit
 Deum permittere ipsum ab aduersario impugnari, quia
 vel tunc, vel post ex ipsa tentationis impulsione manife-
 standa erat fortitudo, & eminentia charitatis, de qua di-
 cit Apostolus, quod neque mors, neque vita, neque
 principatus, neque potestates ab ea potuerunt separare.
 Tertia ratio potest sumi ex ordine, qui attenditur ex
 comparatione morbi ad suum remedium. Quia enim
 peccatum hominis non debebat carere remedio propter
 hoc, quod tota in ipso humana natura erat, sic debuit
 Deus hominem permittere peccare, quod deceret ipsum
 eidem redemptorem præstare: & ideo magis disposuit
 Deus hominem peccare alio suggerente, & impellente,
 quam voluntate propria incuruante, quā fortassis incur-
 uatione homo cecidisset, etiam si nunquam aduersarius
 pestifera suggessisset. Quarta ratio potest sumi ex ordi-
 ne, qui attenditur per comparationem meriti ad præ-
 mium. Quia enim nemo dignus est coronari, nisi qui
 certat legitime: ideo decuit Deum hominem militem
 suum in campo certaminis prius examinare, quam ip-
 sum in gloria exaltare: & quia examinatio consistit in
 conflictu, & pugna, permittere debuit hominem à dia-
 bolo impugnari. Sunt & aliæ rationes, quæ possunt de
 hoc ipso reddi ad præsens tamen istæ sufficiant.

1. Ad illud autem quod primo obiicitur in contra-
 rium de pietate paterna, dicendum quod etsi Deus sit
 pater pius, est tamen iudex æquus: & ideo sic decebat
 Deum erga hominem pietatem paternam ostendere, ut
 tamen non amitteret officium potestatis iudiciariæ: &
 ideo quidquid de homine prænosset, sustinere debuit
 ipsum ab aduersario impeti tentationis bello.

2. Ad illud quod obiicitur de bonitate prælationis,
 dicendum quod prælatus debet ouem à morfu lupi eri-
 pere, siue quia hoc tenetur ex lege charitatis, siue quia
 ex malo nescit eligere bonum, & ideo non potest elice-
 re bonum maioris utilitatis. Vtriusque horum opposi-
 tum reperitur in Deo, si quis attendat: & ideo illa ra-
 tio non cogit in proposito.

3. Ad illud quod obiicitur de rectitudine iudicis, di-
 cendum quod etsi diabolus fortior, & astutior esset,
 quam homo, in pugna tamen tentationis non erat for-
 tior, immo multo debilior, siue ex generali lege ten-
 tationis, dum nemo vincitur, nisi volens, siue ex fi-
 delitate Dei, qui non permittit aliquem tentari supra
 id quod possit: immo facit cum tentatione prouentum:
 & ideo impulsus tentationis primariæ cum fieret, &
 seruata Dei fidelitate, & tentationis lege, non fuit
 contra ordinem potestatis iudiciariæ.

4. Ad illud quod obiicitur de fortitudine armati cu-
 stodientis, dicendum quod etsi Deus hominem fortiter
 custodiret: non tamen custodiebat inuitum, siue inuo-
 luntarium, quia non acceptat Deus seruitium coactum,
 sed liberale, & voluntarium: & ideo si homo cum Deo
 stare voluisset, nullus violenter de manu Dei eum au-
 ferre potuisset: sed quia ipse ab eius custodia se sub-
 traxit, ideo Deus suam ei custodiam denegauit, & ex
 hoc aduersarius eum inuasit: immo non ex defectu
 Dei custodientis, sed ex ingratitude hominis custo-
 diti.

QVÆSTIO III.

An vir iustus debeat optare tentationem.

S. Thom. 2. Sent. d. 21. q. 2. art. 3.

Agid. Rom. 2. Sent. p. 2. dist. 21. q. 1. art. 5.

Richardus 2. Sent. dist. 23. q. 4.

Durand. 2. Sent. d. 21. q. 2.

Steph. Brulef. 2. Sent. dist. 23. q. 3.

VTRVM tentationis impulsio desiderari debeat à
 viro iusto. Et quod sic, videtur: Omne gaudium
 existimate fratres, cum in varias tentationes incideri-
 tis. Si ergo tentatio cum præsens est, est materia gau-
 dendi: cum absens est, videtur quod debeat affectuose
 desiderari.

ITEM in Psalmo: Proba me Domine, & tenta. Hæc
 sancta anima petebat, & recte: sed nihil debet homo à
 Deo petere, nisi quod debet desiderare: ergo, &c.

ITEM hoc videtur ratione: Omne enim illud, quod
 facit ad virtutis exercitationem est appetendum: sed
 tentatio est huiusmodi. Vnde Gregorius sanctus vir se
 tentari post virtutes desiderat, ne ex confidentia vir-
 tutum torpescat. Si igitur tentatio virtutes exercitat:
 patet, &c.

ITEM omne illud quod facit ad gratiæ promotio-
 nem est appetendum: sed tentatio est huiusmodi:
 Vnde dicitur: Faciet cum tentatione prouentum, &c.
 si igitur tentatio promouet ad bonum, videtur quod
 ad ipsam anhelare debeat desiderium iustorum.

ITEM omne illud quod est opus, & effectus diuinæ
 acceptationis, est appetendum: sed tentatio est huius-
 modi. Vnde in Tobia. Quia acceptus Deo eras, necesse
 erat, &c.

ITEM omne illud per quod peruenitur ad merito-
 rum consummationem est appetendum: sed tentatio
 est huiusmodi. Quod patet: quia nulla est maior ten-
 tatio, quam illa quæ est per flagella; tribulatio autem
 patientiam operatur, patientia vero opus perfectum
 habet; ergo videtur quod quicumque vult esse perfe-
 ctus, appetere debet tentationis impulsum.

SED CONTRA: Nihil est desiderandum, cui-
 us contrarium est continue appetendum: sed omnes
 viri iusti illam petitionem debent facere; Et ne nos
 inducas in tentationem, ergo nullus debet appetere
 tentari.

ITEM nihil est appetendum, quod diligenter est
 præcauendum; sed tentatio diligenter est præcauenda,
 sicut Dominus monet; Vigilate, & orate, ne intretis
 in tentationem; ergo, &c.

ITEM nihil est appetendum, cui non debeat se ho-
 mo offerre sponte; sed tentationi non debet se homo
 sponte offerre, sicut dicitur super illud; Ductus est
 Iesus, &c. Glossa; Ductum esse Iesum commemorat,
 ut nos instruat quod non sponte oporteat in tentatio-
 nem insilire.

ITEM nihil appetendum est, quod nostræ salutis
 aduersarius optat; sed diabolus desiderat nos tentare;
 ergo videtur quod nullus debeat tentationem appe-
 tere.

CONCLUSIO.

*Tentari à carne simpliciter appetendum est: à dia-
 bolo vero fortis ad virtutis exercitium,
 & meritorum cumulum appetere
 possunt.*

RESP. Ad Arg. Ad prædictam quæstionem via du-
 plici responderi potest, & vtrique satis probabiliter.
 Vno modo sic, ut dicamus, quod cum triplex sit tenta-
 tio, siue à triplici principio, vna scilicet à Deo, alia à
 diabolo, alia à carne: Prima tentatio simpliciter appeten-
 da est, quia Deus non tentat nos nisi ad bonum. Altera

Fundamēta
Iac. 1. 2

1. Cor. 10. 1

Tob. 12. 6

Iac. 1. 2

Ad opposi-
tum.

Matt. 26. 4

Matt. 4. 1

vero

vero tentatio, quæ scilicet est à carne simpliciter fugienda est, quia illa non potest esse absque peccato, sicut supra dixit Magister dist. 11. Tertia vero, quæ est diabolo, aliquibus fugienda est, aliquibus appetenda est. His enim qui virtute fortes sunt, nec de facili in tentationem induci possunt, etsi tentantur, appetibile est tentari ad suæ virtutis exercitium, & cumulum meritorum: infirmis vero minime, quia timere possunt, ne ex ipso impulsu in tentationem inducantur, quod omnes debent fugere: nam etsi tentari malum non sit, in tentationem tamen induci semper malum est, quia hoc est à tentatione superari. Et hoc est quod dicit Augustinus in lib. 14. de Civitate Dei: Sicut se habet firmitas, & infirmitas electorum, sic metuunt, cupiuntque tentari. Et secundum hanc distinctionem ad rationes ad utramque partem inductas potest de facili responderi pro eo, quod secundum diuersas vias procedunt. Alius modus dicendi est, quod dupliciter est loqui de tentatione. Aut sub propria ratione, & sic tentatio est impulsus ad illicitum secundum quod de ea fit sermo in proposito: loquimur enim hic de tentatione diaboli, quæ fit per mali culpæ suggestionem, qua diabolus hominem ad malum nititur incuruare: non de tentatione Dei, quæ fit per flagellationem, qua Deus vult illos, quos acceptat approbare, & probatos ostendere. Hanc igitur tentationem secundum se consideratam nullus debet appetere: immo abhorre, & refugere, maxime considerando finem. Aliter est considerare tentationem prout est materia exercendæ virtutis: & sic à viris iustis desiderari potest, ab eis potissime, qui in charitate feruent, adeo quod ignis deuotionis ipsorum plus inflammatur ex præsentia contrarij, quam extinguatur. Ab eis autem, qui sunt modicæ charitatis, non sic desiderari debet. Et est exemplum, quia ventus perflans fornacem magis, & magis accendit, sed candelam extinguit: & ideo tentationis impulsus, etsi quantum in se est, refugiendus sit ab omnibus, & ab infirmis potissime, sicut rationes ad secundam partem inductæ ostendunt, in quantum tamen est virtutis exercendæ materia, à viris feruentibus & perfectis appeti potest, sicut ostendunt rationes quæ ad primam partem inducuntur. Illud tamen genus tentationis potissime appetunt viri iusti, quod est in flagellorum perpeffione, sicut passus est Iob, Tobias, sicut etiam passi sunt martyres ab impiis zelo diabolico excitatis: & ad hoc ostendendum procedunt rationes quæ ad primam partem inducuntur, ideo concedendæ sunt.

ARTICVLVS II.

CONSEQUENTER quantum ad secundum propositum quæritur de cognitione primorum parentum: & incidit hic quæstio circa tria. Primo enim quærendum est de cognitione primorum parentum quantum ad profectum. Secundo quærendum est quantum ad defectum. Tercio quæritur de ipsa cognitione quantum ad complementum, & statum.

QVÆSTIO I.

An si homo stetit, in cognitione profecisset per temporum intervalla.

S. Thom. 1. p. q. 91. art. 1.
Et de Veris. q. 13. art. 2.
Et 2. Sent. dist. 23. q. 2. art. 1.
Ægid. Rom. 2. Sent. d. 23. q. 2. art. 3.
Richardus 2. Sent. dist. 23. art. 2. q. 3.
Steph. Brulef. 2. Sent. dist. 23. q. 4.
Gabr. Biel. 2. Sent. dist. 23. q. 1. dub. 2.

VTVM si homo stetit, in cognitione profecisset per temporum intervalla. Et quod non, videtur primo per verbum Hugonis in libro de Sacramentis: Rerum omnium quæ cum homine, & propter ho-

minem factæ sunt, perfectam cognitionem hominem accepisse nulli dubium esse debet: si ergo statim perfectam cognitionem habuit: ergo ulterius proficere non potuit.

ITEM hoc ipsum ostenditur ratione quam facit ipse Hugo: Nomen debite impositum est naturæ rei expressum: nullus igitur potest res omnes nominare, nisi is qui omnium rerum plenam habet cognitionem: sed Adam omnibus nomina imposuit, nec illis rebus alia sunt aliquando perfectiora nomina imponenda, videtur igitur quod Adam perfecte cognouerit omnia creata: ergo in cognitione non profecisset, si in statu suæ cognitionis permansisset.

ITEM nullus bene regit & gubernat ea, quorum naturas ignorat: sed omnia fuerunt commissa regimini, & gubernationi Adæ secundum quod dicitur in Genesi, & in Psalmo: Omnia subiecisti sub pedibus eius, &c. A sui igitur conditione primaria habuit primus homo rerum cognitionem: ergo non profecisset ad illam per disciplinam per temporum intervalla.

ITEM quidquid homo addiscit, addiscit mediante via sensus, memoriæ, & experientiæ, & ita ab interiori, & exteriori. Si igitur homo in statu innocentie didicisset, per interiora & exteriora ad perfectionem venisset: sed talis ordo non congruit naturæ institutæ, & bene ordinatæ, sed solum lapsæ, cum omni creaturæ præfesset. Videtur ergo quod nihil sensibile in statu illo didicisset.

SED CONTRA: Adam in statu illo per intervalla temporum profecisset ad gratiam, alioquin peior esset conditio sua, quam nostra. cum nos multiplicando merita, crescimus in gratia: ergo pari ratione per intervalla temporum profecisset in rerum notitia.

ITEM aut Adam sciebat quæ ventura erant, aut non sciebat. Si sic: ergo præsciuit lapsum suum, & quid ex illo posteris suis esset euenturum, quod plane apparet esse falsum. Si futura non cognoscebat, & rerum naturæ variantur in tempore: ergo multa incipiebat cognoscere secundum temporum variationem: ergo profecisset in cognitione.

ITEM nec Adam omnia viderat, nec omnia audierat. Esto igitur quod videret aliquam rem, quam prius non vidisset, cum videre sit cognoscere, sicut intelligere, videtur quod sicut necessario sequitur quod incepit intelligere, incepit cognoscere: similiter si incepit videre, incepit cognoscere: si ergo multa sensibilia vidisset, quæ prius non viderat, videtur quod multa didicisset sensibilia per temporum intervalla.

ITEM si homo stetit, aut vnus homo sciret voluntatem, & cognitionem alterius, aut non. Si sic: ergo frustra ageret sermone. Si non: ergo cum posset ab alio edoceri, videtur quod in statu innocentie multa addiscere potuisset.

CONCLUSIO.

Adam si stetit, quamvis in cognitione earum rerum quæ naturali cursu fiunt, & quo ad noui habitus acquisitionem non profecisset, profecisset tamen quo ad modum cognitionis experimentalis, & quo ad habilitationem maiorem ad indicandum. Itemque quo ad ea quæ fiunt cursu mirabili, proficere potuisset.

RESP. Ad Arg. Ad prædictorum intelligentiam est notandum, quod profectus scientiæ triplici via potest considerari, vel à parte scibilium, vel à parte modorum cognoscendi, vel à parte maioris habilitationis in cognoscendo. Secundum primum modum loquendo intelligendum est, quod quædam sunt res, quæ fiunt cursu naturali: quædam quæ cursu miraculi, vel mirabili: quædam quæ fiunt voluntario cursu, secundum quod determinat Ansel. In earum igitur rerum cognitione, quæ quidem cursu naturali fiunt, non profecisset Adam quantum ad noui habitus acquisitionem. Accepit enim, sicut dicit Hugo, & Magister in litera, ab exordio omnium rerum

plenam notitiam : hoc etiam ostendunt rationes, quæ ad A primam partem inducuntur. Proficere tamen potuisset quantum ad alium modum cognoscendi, & quantum ad maiorem habitum sciendi. Quantum ad alium modum proficere poterat, quia quod nouerat simplici notitia, cognoscere poterat experientia : & quod nouerat intellectu, cognoscere poterat & sensu. Proficere etiam poterat quantum ad maiorem habilitationem, quia ex frequenti consideratione eorum, quæ nouerat, promptior fuisset, & paratior ad iudicandum de his rebus, quarum habebat cognitionem per habitum innatum. Et si enim primus homo non haberet tarditatem hebetudinis per aggrauationem corporis mortalis, habebat tamē spiritus eius quandam minorem velocitatem per vegetationem corporis animalis : & sic in cognitione rerum naturalium. Adam quodam modo profecisset, quodam B modo minime, si stetit. In earum verò rerū cognitione, quæ sunt cursu voluntario & mirabili, siue supernaturali, simpliciter proficere potuisset, non solum quantum ad modum cognoscendi, sed etiam in acquirendo nouam cognitionem. Nec mirum, quia ad hoc, quod cognosceret diuina mysteria, indigebat superna illustratione : ad hoc verò, quod cognosceret secreta alterius, indigebat ipsius detectione. Nec talis profectus statui innocentie derogabat, cum etiam beati angeli in cognitione diuinorum mysteriorum, & humanorum secretorum proficiant, propter quod dicitur ad Ephesios : Vt innotescat principibus, & potestatibus per Ecclesiam multiformis Dei sapientia. Et sic patet responsio ad propositam quæstionem. Nam rationes ad primam partem inductæ procedunt de cognitione rerum naturalium, & sic intelligit C Hugo illis enim rebus nomina imposuit Adam, & illarum rerum cura sibi commissa fuit. Vltima tamen ratio de perfectione ab interiori, & exteriori non cogit : quia sicut dicit Augustinus in lib. 6. musica, obiectum exterius non agit in animam, nec ipsam perficit : sed ipsa anima seipsam mouet, occasione ab exteriori accepta : & informando seipsam magis agit in obiectum, quam agatur ab ipso : & hoc fuit in Adam multo fortius, & nobilius quam sit post lapsum. Vnde illa ratio non cogit, quod Adam non potuisset respectu eorum, quæ cognoscebat, nouum modum cognitionis acquirere : nec præcedentes rationes hoc asserunt, quod Adam non posset magis habilitari in cognoscendo per frequentiam in considerando.

RATIONES autem, quæ ad partem oppositam inducuntur, ostendunt quod Adam, si stetit, proficere potuisset in cognitione respectu eorum, quæ sunt voluntaria, & mirabilia. De aliis autem, sc. de his, quæ naturaliter fiunt, non concludunt quod Adam acquisiuisset cognitionem nouam. Vnde illa prima ratio de comparatione gratiæ ad scientiam non valet, quia perfectio gratiæ non tantum est ex dono, sed etiam ex merito. Perfectio autem cognitionis in Adam erat ex dono : & si stetit non solum in ipso, sed etiam in posteris, non inde creditur à pluribus, similiter fuisse, saltem quantum ad habitum : & hoc dico propter causam infantie. Ad alia, satis plana est responsio per iam dicta.

QVÆSTIO II.

An si primi parentes stetissent, aliquando decipi potuissent.

S. Thom. 1. p. q. 94. art. 4.

Et 1. Sentent. dist. 23. q. 2. art. 3.

Et de Verit. q. 18. art. 6.

Agid. Rom. 2. Sent. d. 23. q. 2. art. 4.

Richardus 2. Sent. dist. 23. art. 2. q. 4.

Durandus 2. Sent. dist. 22. q. 3.

Steph. Brulef. 2. Sent. d. 23. q. 5.

DE cognitione primorum parentum quantum ad defectum. Et hoc est quærere, vtrum si stetissent in statu innocentie, aliquando decipi potuissent. Et quod sic, videtur in Genesi. Dixit mulier : Serpens seduxit me, sed constat, quod mulier non consensit, nisi quia æstimauit esse verum, quod serpens dixit : sed ante consensum non peccauit : ergo antequam peccaret, decepta fuit.

2. ITEM per Augustinum super Genesim ad literam, & habetur supra dist. 22. Credidit Adam vtrumque fieri posse, vt & vxori morem gereret, & quod per poenitentiam veniam haberet : sed constat, quod illud fuit falsum, & hoc credidit antequam peccaret, quia aliter non peccasset : ergo, &c.

3. ITEM Magister supra dist. 21. loquens de muliere, & serpente dicit, quod mulier non horruit serpentem, quia cum nouerit esse creatum, etiam officium loquendi à Deo accepisse putauit : sed constat hoc falsum fuisse, quod putauit : ergo, &c.

4. ITEM hoc videtur ratione. Si Adam stetit, dormiisset vtique, & habuisset alias operationes naturales : ergo cum somnium sit ex naturali motu fumositatū, & phantasmatū circa organum phantasie : Adam somniallet : sed in somnio similitudo rei accipitur pro veritate, & vbicumque hoc est, ibi est deceptio : ergo, &c.

5. ITEM naturale est quod quicquid videtur, videtur sub angulo, & quanto à remotiori aliquid videtur, tanto minorem generat speciem, & videtur sub angulo acutiori : ergo ita paruus videretur sol ipsi Adæ, sicut & nobis : ergo sicut decipitur sensus noster in iudicando de quâtitate solis, ita videtur quod deciperetur sensus Adæ.

6. ITEM ponatur quod aliquis homo peccasset, Adam ignorante, & assereret ei falsum, aut Adam sciret ipsum dicere falsum, aut non. Si sic tunc sciret occulta cordis alterius : pone enim quod ipse loquatur ei de secretis cordis sui, quæ nosse in alio, est proprium solius Dei. Si nesciret esse mendacem : ergo crederet ipsum veracem esse, aut malè iudicaret de illo. Sed si crederet ipsum esse veracem, crederet ipsum dicere verum : ergo necessario deciperetur.

SED CONTRA per Augustinum : Vera pro falsis approbare non est natura hominis instituta, sed poena damnati : sed cum quis decipitur, approbat verum pro falso, vel e conuerso : ergo nunquam hoc fuisset in homine, si perstitisset in statu innocentie.

ITEM August. in Enchirid. Ipse per seipsum error, aut magnum in re magna, aut paruus in re parua, tamen semper est malum : & vbicumque est deceptio, ibi est error aliquis vel magnus, vel paruus : ergo non potest esse in aliquo, quin in eo sit malum : sed in Adam in statu innocentie nec est malum culpæ, nec malū poenæ : ergo, &c.

ITEM Augustinus in Enchirid. Hic homines fallunt, atque falluntur, miserioreque sunt, cum mentiendo fallunt, quam cum mentientibus credendo falluntur : ergo videtur quod vtroque sit miseria, licet maior in fallendo : ergo si in statu innocentie non erat miseria : videtur, &c.

ITEM in statu innocentie nihil homo pateretur, vel ageret contra naturam : sed deceptio est contra appetitum naturæ rationalis. Vnde August. in Enchirid. Vique adeo tamen rationalis creatura refugit falsitatem, & quantum potest, deuitat errorem, vt falli nolit, etiam quicumque amat fallere. Adam igitur hoc naturaliter recusabat : ergo in statu innocentie decipi non poterat.

ITEM in Adam omnes vires inferiores subiectæ erant voluntati, alioquin rectus ordo non seruaretur in homine in statu innocentie : ergo si homo nolebat decipi, nec assentire falso, videtur quod nunquam in ratione eius fuisset deceptio, vel ad falsum inclinatio, quandiu permansisset in statu illo primo.

ITEM maioris indignitatis est falli in anima, quam pati in corpore : vnde decuit Christum assumere passionem in corpore, non deceptionem in mente : sed si Adam stetit, nulla fuisset in eo corporalis passio : ergo nulla fuisset in eo deceptio.

CONCLUSIO.

Adam stante, nulla fuisset in eo deceptio nec ab intrinseco, nec ab extrinseco : quamuis aliqua potuerit inesse nescientia.

RESP. Ad Arg. Ad prædictam quæstionem de facili potest responderi : rationes etiam possent dissolui quadâ facili distinctione. Posset enim sic dici : quod deceptio

quædam

Aug. 14. de
Cin. Dei.

Fundamēta
Lib. 3. de lib.
arb. cap. 18.

Cap. 19. n. 3.

Cap. 17.

Cap. 17.

Ad opposi-
tum.

Gen. 3. c.

quædam est circa scibilia, quædam verò circa opinabilia. Scibilia autem dico illa, quæ certa ratione comprehendendi possunt, sicut sunt illa, de quibus sunt scientiæ liberales. Opinabilia verò illa voco, quæ non habent cognosci nisi per quandam coniecturam, sicut secreta alienæ conscientiæ, & futura contingentia, quæ sunt casu, vel fortuna, vel voluntate libera. In primis autem Adam falli non poterat, qui omnium cognitionem habebat. In secundis verò dupliciter contingit aliquem falli, aut ita quod adhæret firma credulitate, aut quod adhæret qualicumque æstimatione. Et prima deceptio vocatur error proprie. Et hæc in primo homine stante non fuisset. Secunda verò potest dici opinio, in qua est acceptio vnius partis sine pleno assensu credulitatis, & hæc potest dici quædam æstimatio falsa. Et hæc fuisset in Adam absque culpa & pœna, maxime cum ex hac æstimatione nec incideret in peccatum, nec incurreret damnum: & secundum hanc distinctionem dissolui possunt rationes ad utramque partem inductæ. Nam rationes ostendentes, quod in Adam potuit esse deceptio, fere omnes procedunt de deceptione secundum quod dicitur qualiscunque æstimatio.

RATIONES verò ad oppositum procedunt secundum quod deceptio dicit firmam credulitatem, ut non solum quis decipiatur putando falsum esse verum, sed etiam approbando falsum esse verum, vel econverso: & talis est deceptio, quæ est error. Sed licet hoc, quod nunc dictum est, satis probabile videatur, non tamen plene satisfacit rationi, nec concordat verbis Augustini in Enchirid. Alit enim: Cū nihil aliud sit errare, quam verū putare, quod falsum est, & falsum, quod verum est, vel certum habere pro incerto, incertum pro certo, siue falsum sit, siue verū, idque tam sit in animo deformis, atque indecens, quam pulchrum, atque decorū esse sentimus, vel in loquendo, vel in assentiendo, est, est: non, non. Et profecto ob hoc ipsum vita ista misera est, qua vivim⁹, quod ei nonnunquam, ut non amittatur, error est necessarius. Ex hoc verò colligitur quod Aug. vocat errorem generaliter omnem deceptionem: & illum dicit indecorum, & indecentem, & ad vitam miseram pertinere. Et in libro de utilitate credendi expresse dicit, quod nullus error absque vitio esse potest. Ideo dicendum est, quod etsi in statu innocentie fuisset in homine alicuius nescientiæ imperfectio, sicut ostensum fuit supra distinctione proxima præcedenti: non tamen in eo fuisset deceptio. Deceptio enim ultra nescientiam addit iudicii obliquationem: hæc non fuisset in Adam in statu innocentie, sicut nec in eo fuisset passio corporalis. Et hoc potest intelligi sic. Sicut enim dupliciter contingit aliquem pati, aut passione intrinseca aut ab extrinseco illata, sic contingit aliquem dupliciter decipi, aut quod ipse seipsum paralogizet, aut paralogizetur ab alio: neutrum autem horum in Adam fuisset. Sicut enim nulla fuisset in eo passio intrinseca, quia virtus animæ regit⁹ perfecta suo corpori præsidebat, & ipsum conservare poterat, sic nulla fuisset deceptio veniens ab intrinseco, quia iudicium rationis omnibus potentiis sensitivis præsidebat: nec ipse in contrarium rationi movebatur: sed potius ab eo sufficienter dirigebatur. Quemadmodum etiam pati non poterat passione illata, siue quia nullus in tempore illo esset, qui inferret, siue quia si adesset, divina virtus eum protegeret, sicut supra determinatum est: etiam in statu illo nemo esset, qui hominem circumveniret, aut paralogizaret. Nam unusquisque loqueretur veritatem cum proximo suo: aut si esset divinæ inspirationis revelatio, siue per se, siue per angelum succurreret, ne falleretur, sicut virtus succurrebat ne læderetur: & sic Adam stante, nulla fuisset in eo deceptio, nec ab intrinseco, nec ab extrinseco, unde rationes, quæ hoc probant, concedendæ sunt.

1. 2. Ad illud autem quod obiicitur de seductione mulieris, & etiam viri, dupliciter potest responderi. Vno modo sic: quod illa seductio fuit falsa credulitas: quæ etsi præcessit peccatum inobedientiæ, & ambitionis, se-

cuta tamen fuit peccatum præsumptionis, merito cuius exæcatus est oculus rationis, ut falsum æstimaret esse verum. Statim enim mulier audita prolatione serpentis, de seipsa præsumpsit, & similiter vir audita suggestionem mulieris: & ideo mulier existimavit per comestionem assequi posse excellentiam, & vir de transgressionem mandati invenire veniam. Unde deceptio, siue error secutus fuit peccatum elationis in utroque, licet plus in muliere. Aliter potest dici, quod duplex est iudicium. Quoddam est speculationis: & illud non est pars liberi arbitrii; nec in eo consistit peccatum: & huius iudicii error post peccatum est, non ante. Est & aliud iudicium in agendis, & in his quæ spectant ad veritatem vitæ: & illud iudicium est liberi arbitrii, & hoc nunquam est sine voluntate. Et huius iudicii error bene potest esse culpæ, vel præsumptionis, vel infidelitatis, vel alicuius alterius. Et hæc fuit deceptio, qua mulier primo decepta fuit, & ipse Adam: & in ista deceptione non permansit in statu innocentie, immo cecidit: & per hoc patet responsio ad duas auctoritates primo inductas.

3. Ad illud quod tertio obiicitur de auctoritate Magistri, quod mulier putavit serpentem habere usum loquendi, dicendum quod aut intelligit, quod talis putatio fuit in muliere post peccatum, aut si ante fuerit, non putavit quod hoc officium haberet determinate, virtute sibi naturaliter data, sed aliqua latente virtute, permitte diuinā providentia, quæ omnes res gubernabat, sicut creaverat. Nec mirum si non expavit, quia nondum erat in ipsa muliere passio timoris: unde mulier aspiciendo serpentem, falsum pro vero non approbavit, sed aliquam ibi virtutem latentem ignoravit.

4. Ad illud quod obiicitur de somnio, dicendum quod in statu innocentie non fuisset somnium ex perpeffione phantasmatum ad modum parturientis, sicut dicitur in Ecclesiastico. Hoc enim venit, quia vires inferiores non sunt subiectæ rationi, & corpus non obedit spiritui: sed si fuisset, hoc esset; quia ab Altissimo mitteretur aliqua visio, in qua homo non deciperetur, immo potius illustraretur. Præterea esto, quod esset ibi somnium non sequitur quod esset propter hoc ibi deceptio: deceptio enim respicit rationis usum: in somniis autem rationis usus non esset; aut si esset, purgaret potius deceptionem phantasie, quam ei consentiret: potius enim diceret ratio in somniis homini somnianti: Tu somnias, quàm diceret: Quod vides est veritas.

5. Ad illud quod obiicitur de visu, dicendum quod nulla esset deceptio, quia bene nosceret Adam, quod res quæ à remotiori appareret, esset minor: & ideo non iudicaret secundum apparentiam oculi tantum, sed pensata distantia medij: & ideo non falleretur, sed haberet iudicium rectum.

6. Ad ultimum iam patet responsio ex prædictis, quia vel Adam manifesto signo deprehenderet istum peccasse (quod satis videtur probabile, cum magna valde transmutatio facta fuerit in natura Adæ per commissionem culpæ) & tunc non crederet ei, nec discredere, nisi quatenus alias videret sibi credendum fore. Aut si non deprehenderet eum peccatorem, ubi sua non sufficeret cautela, succurreret divinæ providentiæ cura diligentissima, quæ nec permisisset eum lædi, nec permisisset falli, si voluisset eius imperiis obtemperanter subiici.

QVÆSTIO III.

An Adam ita cognoverit Deum in statu innocentia, sicut expectamus eum cognoscere in statu gloria.

S. Thom. 1. 2. q. 94. art. 1.

Et 2. Sent. dist. 23. q. 2. art. 1.

Et de veris. q. 18. art. 1.

Agid. Rom. 2. Sent. p. 2. d. 2. q. 23. art. 1.

Richardus 2. Sent. dist. 23. art. 2. q. 3.

Durandus 2. Sent. dist. 23. q. 2.

Ioan. Bacch. 4. Sent. dist. 49. q. 1.

Steph. Brulef. 2. Sent. dist. 23. q. 6.

Gabr. Biel. 2. Sent. dist. 23. q. 1.

QUÆRITUR quantum ad cognitionis Adæ complementum, & statum; & est quæstio, utrum Adam Deum cognouerit in statu innocentie, eo genere cognitionis, quo expectamus Deum cognoscere in statu glorie. Et quod sic, videtur per Magistrum Hugonem de Sancto Victore in lib. de Sacramentis: Cognouit homo Creatorem suum, non ea cognitione, qua modo à credentibus absens fide creditur: sed ea, qua tunc per præsentiam contemplationis scienti manifestatus cernebatur: sed manifeste Deum cernere, hoc est visionis beatæ: ergo, &c.

2. **ITEM** Magister in lib. 4. dist. 1. cap. *Triplici autem de causa*, &c. Homo, qui ante peccatum sine medio Deum videbat, &c. sed videre Deum sine medio, hoc est videre facie ad faciem: & hæc est visio glorie: ergo, &c.

3. **ITEM** in Exodo: Loquebatur Dominus ad Moysen facie ad faciem, sicut loqui solet homo ad amicum suum: sed multo excellentior fuit status naturæ institutæ, quam lapsæ: si ergo sine medio videbatur Deus à Moysæ, multo fortius ab homine in statu naturæ institutæ. Si tu dicas hoc fuisse in subiecta creatura: Obiicitur quod in libro Numeri: Palam, & non per figuras, & ænigmata Deum videt.

4. **ITEM** hoc ipsum ostenditur ratione. Sicut volunt Sancti communiter, Adam non solum fuit constitutus in paradiso corporali, verumetiam in paradiso spirituali quantum ad delicias mentis: fruebatur enim Deo, sicut dicit Damascenus, & Augustinus, & hoc etiam de se planum est: homo enim in tempore naturæ institutæ ipsum Deum in se, & immediate amabat; ergo si ita facilis est intellectus ad cognoscendum, sicut affectus ad amandum per naturam, videtur quod sicut Deum in seipso amabat, ita etiam & in seipso videbat.

5. **ITEM** omnis anima recta desiderat videre Deum, ergo Adam hoc desiderabat; aut igitur desiderium eius non implebatur, & ita iam affligebatur, quod non est conueniens; aut aliquo modo Deum videbat, sed non videbat visione imaginaria, nec corporali: ergo intellectuali: sed hæc est visio, qua videtur Deus in sua essentia: ergo, &c.

6. **ITEM** mente humana nihil Deo propinquius, cum est ab omni peccato immunis; sed mens Adæ in statu naturæ incorruptæ non habebat aliquam peccati maculam; nec oculus habebat aliquam obscuritatis nubem; ergo videtur quod in ipsum Deum immediate aspectum suum figere poterat; & hæc est visio, quæ expectamus in gloria, ut videamus ipsam Dei substantiam; ergo, &c.

7. **ITEM** quod in gloria non aliter videatur quam videbatur ab Adam, ostenditur: aut enim in gloria videtur Deus immediate, aut mediate. Si mediate: sed sic poterat videri ab Adam in via. Si immediate: ostenditur hoc esse falsum persuasione sumpta ex triplici medio, quarum prima est quod cognoscens super cognoscibile debet habere potentiam quantum ad illud, quod cognoscit: sed intellectus creatus non potest super ipsam lucem increatam, videat in se quantumcunque, elenetur per gratiā, siue per gloriā, quia illa semper in infinitum excedit: ergo impossibile est, quod intellectus ipsam lucem increatam videat in seipso. Quod si tu dicas rationem istam non cogere, quia potētia cognitiua plus est in suscipiendo, quam in agendo, ostenditur hoc ipsum secunda persuasionē, quia cognoscentis ad cognoscibile debet esse proportio, maxime in ea cognitione, in qua est magna delectatio: si ergo illius summæ lucis respectu intellectus nostri est excessus improporcionabilis, & tātus ut per nihil additum possit ei proportionari noster intellectus, quin semper excedat in infinitum, videtur quod nunquam in fonte lucis intellectus noster possit contemplari Deum. Quod si tu dicas quod non requiritur ibi proportio quantitatis, sed solum conformitatis, ostenditur hoc idem persuasionē tertia: si enim in gloria Deus videtur in seipso, & absque omni medio, cū ipse in se nullam habeat diuersitatem, omnino videretur ab omnibus vniformiter: quod si constat esse in gloria dif-

ferentias præriorum, non videtur quod absque omni medio Deus à glorificata anima videatur; si igitur videtur per medium, & sic videbatur ab Adam, restat ergo quod Adam eo genere cognitionis cognouit, quo cognitiua sunt animæ beatæ.

SED CONTRA in Exod. Non videbit me homo, & viuet. Constat quod hoc non intelligitur de vita spiritali, sed de vita animali: si igitur Adam in statu innocentie vita animali vivebat: ergo Deum videre non poterat.

ITEM: Deum nemo vidit vnquam, nisi vnigenitus, &c. si ergo nullus vnquam vidit Deum ante aduentum Christi: ergo nec Adam.

ITEM super illud: Vidi Dominum sedentem, &c. Gregorius: Quantumcunque mens in contemplatione profecerit, semper quod infra Deum est, videt; ergo videtur, quod cum aliqui homines perueniant ad eminentiam gratiæ, quæ fuit in Adam, & nullus in præfenti per actum contemplationis Deum videat; ipse nondum habebat illam visionem, quam expectat anima sancta.

ITEM visio Dei est tota merces; ergo qui visionem Dei habet, plenam habet mercedem; & qui hoc habet, habet plenam gloriam, & nullus talis potest cadere; si igitur Adam cecidit: ergo Deum in seipso non vidit.

ITEM lux increata perfecta delectatione delectabat aspicientes: ergo si Adam illam summam lucem aspexisset, perfecte in ea delectatus fuisset: ergo nunquam ab eo auerti consensisset.

ITEM status viæ, & status patriæ debent esse distincti: ergo pari ratione contemplatio viæ, & contemplatio patriæ: sed Adam erat viator: ergo non erat comprehensor: ergo non eo genere visionis videbat, quo videre expectamus in patria.

CONCLUSIO.

Adam in statu innocentie non cognouit Deum eo genere cognitionis quam expectamus in gloria, licet ipsum remoto quocunque velamine, & obscuritate agnouerit.

RESP. AD ARG. Ad prædictorum intelligentiam est notandum, quod communiter omnes ponunt cognitionem, quam habebat Adam de Deo, mediam inter cognitionem, quæ est in statu miseræ, & cognitionem, quæ est in statu gloriæ, sed in modo ponendi plurima est differentia. Quidam namque innitentes auctoritatibus male intellectis, & rationibus sophisticis, dixerunt Deum nunquam immediate videri nec in via, nec in patria. Dicit enim

Chrysost. Ipsum, qui Deus est, non solum prophetæ, sed nec etiam angeli vident. Et aliæ reperiuntur auctoritates consimiles, quas male intelligentes, & putantes hoc dictum esse, quod Deus immediate videri non possit propter improporcionabilitatem lucis increatæ ad oculum mentis creatæ, dixerunt quod Deus per quasdam lucubrationes videri habet in statu viæ, & in statu innocentie, ita videbitur etiā in statu gloriæ: & in illis luminosis influentiis dixerunt Deum in his statibus videri magis clare, & minus clare, secundum quod Deus magis se oculo nostro vult temperare, & clarioribus theophaniis ostendere. Sed ista positio hæretica est, & reprobata: nec

immerito, quia & contra rationem est; cum anima quiescere perfecte non possit, donec in seipso videat Deum; &

contra sacrā Scripturā, nam dicitur: Tunc cognoscā, sicut & cognitus sum. Et videbimus eum sicut est. Et hoc ipsum etiam innuere auctoritates doctorum reperiuntur, quibus omnibus adhaerendo, error iste reprobandus est, & auctoritates, si quæ videantur esse pro ipso, omnes exponendæ sunt, quia loquuntur de cognitione comprehensionis, qua dicitur aliquid cognosci totaliter. & hac cognitione Deus sibi soli cognoscibilis est, sicut in lib. 3. patebit. Secundus autem modus dicendi est, quod Deus à purgatis mētibus non solum in patria, sed etiā in statu innocentie, & in statu viæ in seipso videri habet: nec est differentia nisi in gradu quod clarius, & perfectius in statu gloriæ videbitur, & minus perfecte in statu innocentie, & minime in statu naturæ lapsæ. Differentia autem istorum graduum venit ex hoc, quod anima in statu gloriæ

Fundamēta.
Exo. 33. 6

Ioan. 1. 6

1. 6. 6

Exod. 33. 6

Numer. 12. 6

Damas. lib.

2. c. 12. de

fide Orth.

Aug. lib. 10.

de Tr. c. 10.

10. 3.

Optio 1.

Improbatio.

1. Cor. 13. 12

1. 12. 12

Optio 1.

est

est omnino à sarcina corporis absoluta, aut omnino habet corpus spirituale, quod nullo modo impediatur ipsam, quin possit immediate in Deum tendere, & secundum totum suum posse: in statu vero naturæ lapsæ, quia habet corpus corruptibile, & animale, impeditur & aggravatur ex terrena in habitatione, ne possit in ipsam lucem tendere perfecte: in statu vero naturæ institutæ se habebat medio modo: quia corpus Adæ, & si non esset subiectum necessitati moriendi & passibilitati, erat tamen indigens alimoniis, & oportebat animam circa regimen, & vegetationem sui corporis aliquando occupari: & ideo nec adeo excellenter intuebatur primus homo Deum, sicut beati intuentur in gloria; nec adeo exiliter, sicut viri sancti intuentur in præsentī miseria. Hanc autem suam positionem ex auctoritatibus Aug. eliciunt: qui dicit in pluribus locis in libro de Trinitate, quod etiam in præsentī vita notioem potest homo habere Deum, quam fratrem: & hoc in lib. 8. & alibi dicit; quod à purgatissimis mentibus cernitur. Docet etiā in lib. 8. per contuitum veritatis, & bonitatis intueri Deum. Sed hæc positio & si non sit adeo veritati adversaria, sicut prima; nihilominus tamen dictis sanctorum non consonat. Sicut enim dicit Dionysius in libro de mystica Theologia, excellentissimus modus contemplandi est ignote ascendere: quia nec ipse Moyses valuit Deum videre; & ideo introductus dicitur fuisse in caliginem. Vnde Dionys. vocat eos indoctos, qui dicunt se nosse eum, qui posuit tenebras latibulum suum. Et etiam Gregorius dicit quod quantumcunque mens in contemplatione profecerit, non pervenit ad contuitum Dei. Et communiter doctores in hoc concordant, intelligentes illud, quod dicit Apostolus, quod quādiu sumus in hoc corpore, peregrinamur à Domino, & per fidem ambulamus, non per speciem. Vnde si quæ auctoritates illud dicere inveniuntur, quod Deus in præsentī ab homine videtur; & cernitur non sunt intelligendæ quod videatur in sua essentia, sed quod in aliquo effectu inferiori cognoscitur, sicut iā melius patebit, nisi fortassis in his, qui rapiuntur, sicut credimus fuisse in Paulo; qui specialitate privilegij statum viatorū supergrediuntur; nec ibi aliquid agunt, sed solum aguntur. Tertius autem modus dicendi est, quod in patria videbitur Deus immediate, & plene quantum est ex parte vidētis; in statu vero miseriæ videtur mediate, & semiplene; in statu vero innocentia videbatur medio modo, scilicet immediate, & semiplene. Semiplene, inquam, quia non receperat adhuc plenam remunerationem; immediate autē, quia nullam habebat velaminis interpositionem: & hoc videtur sonare verba Magistri Hugonis. Veruntamen nec sic intelligendū est, quod homo in statu innocentia videret Deum in sua essentia, siue facie ad faciem. Huic enim obuiant rationes, & auctoritates prius inductæ. Et ideo est quartus modus dicendi ad hoc, quod re vera cognitio status innocentia media est inter cognitionē status gloriæ, & status miseriæ, sicut etiam locus paradisi medius est inter hanc vallem miseriæ, & patriā celestem; & quemadmodū paradisus terrestris plus se tenet cum terra quam cum cælo, sic Adæ cognitio, siue status innocentia plus conformis est cognitioni status præsentis, quam futuri. Vnde in solo statu gloriæ videbitur Deus immediate, & in sui substantia, ita quod nulla erit ibi obscuritas: in statu vero innocentia, & naturæ lapsæ videtur Deus mediāte speculo, sed differenter, quia in statu innocentia videbatur Deus per speculum clarū: nulla enim erat in anima peccati nebula; in statu vero miseriæ videtur per speculum obscuratū per peccatū primi hominis: & ideo nunc videtur per speculum, & in ænigmate. Ænigma enim, sicut dicit Augustinus in lib. de Trin. est similitudo obscura. Vnde nota quod quadruplex est genus cognoscendi Deum, videlicet per fidem, per contemplationē, per apparitionē, & per apertam visionem. Et primum est gratiæ communis, secundum est gratiæ excellentis, tertium gratiæ specialis, & quartum gloriæ consummantis. Et sufficientia istorum modorum ita colligitur; omne enim quod cognoscitur, cognoscitur per aliquid præsens; si igitur

Deus cognoscitur, necesse est quod per aliquid præsens intellectui cognoscatur. præsens autem voco hoc, secundum quod Augustinus vocat, quod præsens est intellectui ad videndum. Aut igitur cognosco Deum per hoc, quod est præsens mihi, aut per hoc, quod est præsens alij. Si per hoc, quod est præsens alij, sic est cognitio fidei. Quod enim Deus sit trinus, & unus, hoc ego credo Dei filio, qui hoc enarrauit, & prædicavit, & Spiritui S. qui hoc inspiravit. Quod enim credimus, debemus auctoritati, sicut dicit Augustinus de utilitate credendi. Si autē cognosco Deum per hoc, quod est præsens mihi, hoc potest esse tripliciter. Aut per hoc quod est præsens mihi in effectu proprio; & tunc est contemplatio, quæ ratio est eminentior, quanto effectum diuinæ gratiæ magis sentit in se homo, vel quanto etiam melius scit considerare Deū in exterioribus creaturis. Aut est præsens mihi in signo proprio; & sic est apparitio, sicut apparuit Deus Abraham in subiecta creatura, quæ ipsum Deum figuravit: & sicut Spiritus S. apparuit in colūba. Aut est præsens Deus in lumine suo, & in seipso: & sic est cognitio, qua videtur Deus in vultu suo, siue facie ad faciem: & sic est aperta visio, quæ tota dicitur merces omnium meritorum. Primum igitur, & ultimum genus cognitionis statui innocentia non competeat. Primum propter cognitionē ænigmaticā, & propter hoc, quod cognitio fidei ut plurimum est ex auditu, secundum quod innuit Apostolus. Ultimum vero ibi esse non poterat propter summam perfectionē: ideo homini non exhibebatur, sed potius in præmium promittebatur. Medij vero duo, scilicet contemplationis, & apparitionis utriusque statui communia esse poterunt, maxime cognitio contemplationis, quæ in utroque statu est: ibi tamen potissime vigeat, tum propter animæ puritatem, tum etiam propter carnis, & inferiorum virium subiectionē, quibus duobus ut plurimum anima caret in statu naturæ lapsæ: ideo non potest ad illum gradum contemplationis attingere. Rationes igitur monstrantes Adā Deum non cognovisse eo genere cognitionis, quā expectamus in gloria, sunt concedendæ: ad eas autem quæ ad oppositum adducuntur, satis facile est respondere.

1. 2. 3. Ad illas enim tres auctoritates primo inductas iam patet responsio: omnes enim intelliguntur de contemplationis cognitione, non per remotionem cuiuscunque modij, sed per remotionem velaminis, & obscuritatis, qualis est in his qui aliquo vitio peccati sunt infecti.

4. Ad illud autem quod obijciunt, quod immediate Deum videbat, dicendum quod non est simile. Amor enim, sicut vult Bernardus, multo plus se extendit, quam visio: ex sola enim æstimatione sequitur aliquod dilectio. Et ipse etiam dicit in libro de amore Dei quod ibi deficit intellectus, ibi proficit affectus. Et ratio huius est quia visio est solummodo rei præsentis: sed dilectio non solummodo est rei præsentis, sed etiam absentis. Præterea: Visio non dicit qualemcunque modum cognoscendi sed modum cognoscendi completum: dilectio vero, & perfecta potest esse, & imperfecta: ideo quamvis immediata Dei dilectio sit in via: non tamen oportet quod visio siue cognitio sit immediata.

5. Ad illud quod obijciunt, quod Adam desiderabat Deum videre, &c. dicendum quod verum est: sed sic desiderabat videre, quod aliquam cognitionem habebat, in qua reficiebatur, & aliquam expectabat in remunerationem, & præmium. Et illa, quam expectabat, erat cognitio patriæ: illa vero, quam habebat, erat contemplatio viæ, quæ erat visio per speculum. Et si tu quæras, utrum erat visio intellectualis, vel corporalis, dicendum quod intellectualis: sed non ipsius diuinæ essentia in se, sed alicuius gratiæ, vel influentia: & illam in se per experientiam nosse, & videre poterat, sicut sentit anima sancta, quando liquefit, cum sponsus alloquitur eam.

6. Ad illud quod obijciunt, quod mens humana in illo statu erat Deo immediata, dicendum quod immediata erat quantum ad esse naturæ, quia nulla natura est ea superior: quantum vero ad statum non erat immediata.

In Ioh. tract. 1. in fine tom. 9.

Aug. cap. 11. tom. 6. & lib. 1. Retract. c. 14. in medio tom. 1.

Bernardus de natura amoris diuini cap. 7. ubi supra

Ad altiore[m] enim statum promouenda erat tunc enim erat in similitudine gratiæ, sed perducenda erat ad dei-
formitatem gloriæ, in qua non solum aspiceret diuinum effectum, sed etiam ipsum vultum desideratum. Concedo tamen nihilominus, quod oculi aspectus in Deum figi potest, ita quod ad nihil aliud aspiciat; tamen non percipiet, vel videbit ipsius lucis claritatem: immo potius eleuabitur in caliginem, & ad hanc cognitionem eleuabitur per omnium obliuionem sicut Dionysius dicit in libro de mystica Theologia, vocat cognitionem istā doctam ignorantiam. Hæc enim est, in qua mirabiliter inflammatur affectio, sicut eis patet qui aliquoties cōsueuerunt ad anagogicos eleuari excelsus. Hunc modū cognoscendi arbitror cuilibet viro in via ista esse quærendum: quod si Deus aliquid ultra faciet, hoc privilegium est speciale, non legis communis.

7. Ad illud quod quæritur, vtrum Deus in patria videatur per medium, an sine medio. Respondendum est, quod videre per medium hoc potest intelligi tripliciter, aut per medium disponens, aut per medium deferens, aut per medium deducens. Per medium disponens recte, & catholice ponitur, Deum in patria esse videntum. Quia anima in patria mediante Dei-formitate, & influenza gloriæ disponetur ad hoc, quod clarissime possit Deum in seipso videre. Dei-formitas enim gloriæ sufficiens est dispositio ad hoc, quod anima Deum in se possit videre. Ad hoc enim quod videat, non oportet quod anima potens sit in Deum agere: videre enim potius est in suscipiendo, quam in agendo, maxime cum videtur lumen. Nec oportet eam proportionari quantitatiue, sc. quantum ad infinitatem, vt sit tanta, quanta Deus in virtute est: sc. sufficit qualitatiue quantum ad similitudinem expressam secundum cuius maiorem, & minorem participationem erit ordo in gradibus præmiorum in futura gloria. Et sic patet, quod si ponatur, Deum videri per medium disponens, persuasiones quæ prius ponebantur, dissoluuntur, & veritas explicatur. Per medium autem deferens nullus posuit Deum videri, cum ipse sit immediatus rationali creaturæ. Sed per medium deducens, siue contemperans posuerunt aliqui Deū videri, ne per excellentiam lucis obrunderetur acies intellectus, & potius deiiceretur, quam lætificaretur. Sed hoc ponere, sicut prius tactum fuit, non est sanum, nec habet rationem, quia lumen illud potius est saluatiuum, quam corruptiuum: vnde consentientia illius in nullo obest, sed potius confert. & quia pax, & gaudium, & lux illa superat omnem sensum, homo totus ideo vndeque completur, vt nihil aliud quærat, sed potius absorbeatur in nostra intelligentia ab eminenti lucis, sicut in nostra affectio a torrente voluptatis; & hoc supra determinatum fuit in primo libro, distinctione prima de fruitione. Nunc autem pro firmo tenendum est, quod et si Adam Deum in sua substantia non videbat in statu innocentie, videbitur tamen in gloria in sua substantia. Nec licet huius contrarium sentire, & dicere. Nam hic est vnus de decem articulis reprobatis ab vniuersitate Magistrorum Parisiensis. tempore Episcopi Guillelmi, & Odonis Cancellarij, & fratris Alexandri de Ales patris, & Magistri nostri, qui vt euitentur, subscripti sunt.

Primus articulus est quod diuina Essentia in se, nec ab homine, nec ab angelo videbitur. Secundus est: quod licet diuina essentia vna sit in Patre, & Filio, & Spiritu sancto: tamen vt in ratione formæ vna est in Patre, & Filio & non vna in his, & Spiritu sancto, & tamē forma idem est, quod essentia diuina. Tertius est, quod Spiritus sanctus vt amor, vel nexus non procedit a filio, sed tantum a patre. Quartus est, quod animæ gloriæ non sunt in celo empyreo cum angelis, nec corpora gloriata erunt ibi, sed in solo aqueo vel crystallino, quod est supra firmamentum. Quintus est, quod malus angelus in primo instanti suæ creationis fuit malus, & nunquam fuit bonus. Sextus est, quod angelus in vno instanti potest esse in diuersis locis, & etiam vbique si voluerit. Septimus est, quod multe sunt veritates ab æterno,

quæ, non sunt Deus: Octauus est, quod primum nunc, & creatio passio non est creator, nec creatura. Nonus est, quod quid habet meliora naturalia, plus habebit de necessitate, de gratia, & gloria. Decimus est, quod malus angelus nunquam habuit, vnde stare posset, nec etiam Adam in statu innocentie. Hi omnes errores à prædictis personis prohibiti fuerunt, & excommunicati: & propterea sunt tanquam pestiferi euitandi.

DISTINCT. XXIV. Pars I.

De Gratia hominis, & de potentia ante casum; quæ fuerit facultas liberi arbitrij, quod non habent bruta; & de similitudine quam habent nostræ tentationes cum illa prima parentum nostrorum.

NUNC diligenter inuestigari oportet, quam gratiam vel potentiam habuerit homo ante casum: & vtrum per eam potuerit stare, vel non. Sciendum est ergo, quod homini in creatione, sicut de angelis diximus, datum est per gratiam auxilium, & collata est potentia per quam poterat stare, id est, non declinare ab eo quod acceperat: sed non poterat proficere intantum, vt per gratiam creationis sine alia mereri salutem valeret. Poterat quidem per illud auxilium gratia creationis resistere malo, sed non perficere bonum. Poterat tamen per illud bene viuere quodammodo, quia poterat viuere sine peccato: sed non poterat sine alio gratia adiutorio spiritaliter viuere, quo vitam mereretur æternam. Vnde Augustinus in Enchir. Si factus est homo rectus vt & manere in ea rectitudine posset, non sine diuino adiutorio: & suo fieri peruersus arbitrio: vtrumlibet horum elegisset, Dei voluntas fieret vel ab illo, vel de illo. Et quia suam maluit facere voluntatem quam Dei, de illo facta est voluntas Dei. Item in eodem: Sic hominem prius portebat fieri, vt & bene posset velle, & male. Na frustra, si bene: nec impune, si male. Idem quoque in libro de correctione, & gratia ait, si hoc adiutorium vel angelo vel homini cum primum facti sunt, desuisset, quoniam non talis natura facta erat, vt sine diuino auxilio posset manere, si vellet: non utique sua culpa cecidisset: desuisset quippe adiutorium, sine quo manere non posset. Idem: Dederat Deus homini bonam voluntatem: in illa quippe eum fecerat qui fecerat rectum: dederat adiutorium, sine quo non posset in ea manere, si vellet, & per quod posset. Vt autem hoc vellet, in eius dimisit arbitrio. In eodem, acceperat posse, si vellet sed non habuit velle, quo posset: nam si habuisset, perseuerasset. His testimoniis euidenter monstratur, quod homo rectitudinem & bonam voluntatem in creatione accepit, atque auxilium quo stare poterat, alioquin non sua culpa videretur cecidisse.

Qualis fuerit illa rectitudo & bonitas voluntatis in qua creatus est.

Sed quo modo rectam & bonam voluntatem habuit homo, si per eam nec mereri vitam valuit, nec in ea stare voluit, quia nec aliquid mali ea tunc volebat, & ad tempus stare voluit, sed non perseueranter: & ideo recta & bona fuit tunc voluntas hominis.

Oppositio contra illud quod dictum est, hominem non potuisse proficere.

Ad hoc autem quod diximus hominem non potuisse proficere vel mereri per gratiā creationis, solet opponi sic:

Dionys. c.
1. de myst.
Theologia.

Alexander
Aletis
Magister
S. Bonauent.
turæ.

Articuli ab
vniuersitate
Parisiens.
damnati

Aug. c. 107.

Enchir. 107.
111. 3.

Aug. c. 111.
de medio 11.

ibidem.

ibid. infra.

fic: Per illud auxilium gratia creationis potuit stare in bono, quod acceperat, potuit ergo resistere tentationi. Sed resistere tentationibus atque suggestionibus malis, meritum est, ac bonum remunerabile: omne autem bonum meritum profectus est: per gratia ergo creationis proficere potuit sine adiectione altioris gratia. Ad quod dicimus, quia resistere malo, & non consentire tentationi, non fecisset illi meritum, etsi non consensisset, quia nihil in eo erat quod ad malum impelleret: sicut angelis qui non ceciderunt, non fuerit meritum quod steterunt, id est, quod non corruerunt. Nobis autem meritum est aliquando si malum non facimus, sed resistimus: ibi dumtaxat, ubi causa subest qua nos id facere mouet: quia ex peccati corruptela proni sunt ad lapsu gressus nostri. Vbi autem non interuenit causa nos ad malum impellens, non meremur si ab eo declinamus. Declinare enim a malo semper vitat penam, sed non semper metetur palmam.

De adiutorio homini in creatione dato, quo stare poterat.

Hic considerandum est, quod fuerit illud adiutorium homini datum in creatione, quo poterat manere si vellet. Illud utique, fuerit libertas arbitrii ab omni labe & corruptela immunis, atque voluntatis rectitudo, & omnium naturalium potestiarum anima sinceritas, atque viuacitas.

De libero arbitrio.

Liberum vero arbitrium est facultas rationis, & voluntatis, qua bonum eligitur gratia assistente, vel malum, eadem desistente. Et dicitur liberum, quantum ad voluntatem, quae ad utrumlibet flecti potest. Arbitrium vero quantum ad rationem, cuius est facultas vel potentia illa, cuius etiam est discernere inter bonum & malum: & aliquando quidem discretionem habens boni & mali, quod malum est eligit, aliquando vero quod bonum est. Sed quod bonum est nisi gratia adiuta non eligit, malum vero per se eligit. Est enim in anima rationali voluntas naturalis, qua naturaliter vult bonum, licet tenuiter & exiliter, nisi gratia iuuat: qua adueniens iuuat eam, & erigit ut efficaciter velit bonum. Per se autem potest velle malum efficaciter. Illa ergo rationalis anima potentia, qua bonum vel malum potest velle, utrumque discernens, liberum arbitrium nuncupatur. Quod bruta animalia non habent, quia ratione carent: habent tamen sensum & appetitum sensualitatis.

De sensualitate.

Est enim sensualitas quadam vis animae inferior, ex qua est motus qui intenditur in corporis sensus, atque appetitus rerum ad corpus pertinentium, ratio vero vis animae est superior, qua, ut ita dicam, duas habet partes vel differentias, superiorem & inferiorem. Secundum superiorem supernis conspiciendis vel consulendis intendit: secundum inferiorem, ad temporalium dispositionem conspiciat. Quidquid ergo in anima nostra nobis considerantibus occurrit, quod non sit commune cum belluis, ad rationem pertinet. Quod autem in ea reperies commune cum belluis, ad sensualitatem pertinet. Et ubi nobis gradatim in consideratione partium animae progredientibus primum aliquid occurrit, quod non est commune cum bestiis, ibi incipit ratio. Hoc autem Aug. docet in lib. 12. de Trinitate, ita dicens: Videamus ubi sit quasi quoddam hominis exterioris interiorisque confinium. Quidquid enim habemus in animo commune cum pecore, recte dicitur ad exteriorem hominem pertinere. Non enim solum corpus homo exterior deputabitur: sed adiuncta quadam visa sua, qua compages corporis &

omnes sensus viget, quibus instructus est ad exteriora sentienda. Ascendentibus ergo introrsum quibusdam gradibus considerationis per animae partes, ubi incipit aliquid occurrere quod non sit nobis commune cum bestiis, ibi incipit ratio, ubi homo interior iam possit agnoscere. Rationis autem pars superior aeternis rationibus conspiciendis, vel consulendis adhærescit, portio inferior ad temporalia gubernanda deflectitur. Et illa rationis intentio qua contemplamur aeterna, sapientia deputatur: illa vero qua bene utimur rebus temporalibus, scientia deputatur. Cum vero differimus, nec eam in hac duo qua commemorauimus, nisi per officia geminamus. Carnalis autem vel sensualis anima motus, qui in corporis sensus intenditur, nobis pecoribusque communis est: qui seclusus est a ratione sapientia, rationi autem scientia vicinus est.

DISTINCT. XXIV. PARS II.

Quod talis est ordo peccandi, vel cadendi in nobis, qualis fuit in primis hominibus.

Illud quoque pratermittendum non est, quod talis tunc in uno homine tentationis est ordo & progressio, qualis tunc in primis praeesset parentibus. Ut enim tunc serpens malum suavitati mulieri, ipsaque consensit, deinde viro suo dedit, sicque consummatum est peccatum: ita & nunc in nobis pro serpente est sensualis motus animae, pro muliere inferior portio rationis, pro viro superior rationis portio. Et hic est vir, qui secundum Apostolum dicitur imago, & gloria Dei: & illa est mulier, qua secundum eundem dicitur gloria viri. Atque inter hunc virum & hanc mulierem est velut quoddam spirituale coniugium naturalisque contractus, quo superior rationis portio, quasi vir, debet praesse & dominari: inferior vero quasi mulier, debet subesse & obedire. Ideo vir secundum Apostolum non debet habere velamen, sed mulier. Et sicut in cunctis animantibus non est repertum homini adiutorium simile sibi, sed de illo sumptum quod ei formaretur in coniugium: ita & in partibus animae quas cum pecoribus habemus communes, nullum menti nostrae simile est adiutorium. Vnde August. in eodem: Illud nostrum quod in actione temporalium tractandorum ita versatur, ut non sit in nobis commune cum pecore, rationale est quidem, sed ex illa rationali mente, qua subharemus intelligibili, & incommutabili veritati, tanquam ductum, & inferioribus tractandis gubernandisque deputatum est. Sicut enim in omnibus pecoribus non est inuicem viro adiutorium simile sibi, nisi de illo detractum in coniugium formaretur: ita menti nostrae qua supernam consulimus veritatem, nullum est ad usum rerum temporalium, quantum natura hominis satis est, simile adiutorium ex animae partibus, quas communes cum pecoribus habemus. Idcirco rationale nostrum ad unitatis diuortium separatum, sed in auxilium societatis quasi deriuatum, in suo dispartitur officio. Et sicut una caro est duorum in masculo, & in femina: sic intellectum nostrum, & actionem, siue rationem & appetitum rationalem, vel si aliquo modo significantius dici possunt, una mentis natura complectitur, ut sicut de illis dictum est, erunt duo in carne una: sic & de his dici possit, duo in mente una. Ecce ex his verbis aperte intelligi potest, qualiter in anima hominis existat imago illius coniugii, & qualiter in singulis nostrum spiritualiter sint illa tria, sc. vir, mulier, serpens.

Aug. lib. 12. de Trin. c. 8. in princ.

Ibid. c. 7 in fine. Lib. eod. cap. 14. & 15. Ibid. cap. 4.

1. Cor. 11.

Gen. 2. c.

Aug. lib. de Trinit. 12. cap. 3.

Gen. 2. d

Qua

Qualiter per illa tria in nobis consummetur tentatio.

Nunc superest ostendere, quo modo per haec tria in nobis consummetur peccatum: ubi agnoscitur poterit, si diligenter intendatur, quid sit in anima mortale, vel veniale peccatum. Et enim ibi serpens suavitati mulieri, & mulier viro: ita & in nobis sensualis motus cum illecebrâ peccati conceperit, quasi serpens suggerit mulieri, scilicet inferiori parti rationis, id est, rationi scientiæ: quæ si cõsensit illecebræ, mulier edit cibum vetitum: post de eodem viro, cum superiori parti rationis, id est, rationi sapientiæ eandem illecebrâ suggerit: quæ si cõsensit, tunc vir etiam cum fãmina cibum vetitum gustat. Si ergo in motu sènsuali tantum peccati illecebra teneatur, veniale ac leuissimum est peccatũ. Si vero inferior pars rationis cõsensit, ita ut sola cogitationis delectatione sine voluntate perficiendi teneatur, mulier sola manducauit, non vir: cuius auctoritate cohibetur voluntas, ne ad opus usque perueniat. Si vero adsit plena voluntas perficiendi, ut si adsit facultas & ad effectum perducatur, vir quoque manducat, quia superior pars rationis illecebræ cõsensit, & tunc est damnabile & graue peccatum. Quando autem mulier sine viro gustat, aliquando est mortale, aliquando veniale peccatum. Et enim dictum est, tunc mulier sine viro gustat, cum ita delectatione cogitationis peccatum tenetur, ut faciendum non decernatur: vel cum quidam terminus & mensura à peccato adhibetur à viro, ut non liceat mulieri effrenata libertate in peccatum progredi. Si ergo peccatum non diu teneatur delectatione cogitationis, sed statim ut mulierem tetigit, viri auctoritate repellatur, veniale est. Si vero diu in delectatione cogitationis teneatur, et si voluntas perficiendi desit, mortale est: & pro eo damnabitur simul vir & mulier, id est totus homo, quia & tunc vir sicut debuit, mulierem non cohibuit, unde potest dici cõsensisse.

Repetitio summam perstringens.

Itaque, ut breuiter summam perstringam, quando peccatum ita in anima cõcipitur, ut illud facere disponat, vel etiam perficiat, aliud frequenter, aliud semel: vel etiã quando delectatione cogitationis diu teneatur, mortale est. Cum vero in sensualis motu tantum est, pradi-

Aug. cap. 12.
rom. 1.

Gm. 6. e

te decerni, nisi & illa mentis intentio, penes quã summa potestas est, membra in opus mouendi, vel ab opere cohibendi, mala actioni cedat. Nec sane cum sola cogitatione mens oblectatur illicitis, non quidem decernens esse faciendâ, tenens tamen & voluens libenter, quæ statim ut attigerunt animum, respui debuerunt, negandum est esse peccatum: sed longe minus quam si & opere statuitur implendum. Et ideo de talibus quoque cogitationibus venia petenda est, peccusque percutiendum, & dicendum: Dimitte nobis debita nostra. Neque enim sicut in illis duobus primis hominibus personam suam quisque portabat, & ideo si sola mulier cibum edisset illicitum, sola utique mortis supplicio plecteretur: ita dici potest in homine vno, si delectationibus illicitis, à quibus continuo se deberet auertere, cogitatio libenter sola pascatur, nec faciendâ decernantur mala, sed tantum suauiter in recordatione teneantur, quasi mulierem sine viro posse damnari. Absit hoc credere. Hac quippe una persona est, unus homo est, totusque damnabitur: nisi hac quæ sine voluntate operandi, sed tamen cum voluntate animum talibus oblectandi, solius cogitationis sentiuntur esse peccata, per Mediatoris gratiam remittantur. Idem quoque in libro contra Manichæos de hoc eodẽ sic ait: Apostolus dicit, secundum principem potestatis aeris huius spiritus qui nunc operatur in filiis diffidentia. Nunquid ergo visibiliter eis apparet, aut quasi corporeis locis accedit ad eos & operatur? Sed miris modis per cogitationem suggerit quidquid potest: quibus suggestionibus resistendum est, Non enim ignoramus astutias eius. Quo modo enim accessit ad Iudam, quando ei persuasit ut Dominum traderet? Nunquid in locis, aut per hos oculos ei visus est? Sed utique, ut dictum est, in cor eius intravit. Repellit autem illum homo, si paradysum mentis custodiat. Posuit enim hominem Deus in paradiso, ut operaretur & custodiret: quia sicut Ecclesia dicitur in Canticis Canticorum: Hortus conclusus, fons signatus: quo utique non admittitur peruersitatis ille persuasor, sed tamen per mulierem decepit. Non enim etiam ratio nostra deduci ad cõsensum peccati potest, nisi dum delectatio mota fuerit in illa parte animi, quæ debet obtemperare rationi, tanquam rectori viro. Etiam in unoquoque nostrum nihil aliud agitur cum ad peccatum quisque delabitur, quam tunc actum est in illis tribus, serpente, muliere & viro. Nam primo fit suggestio, siue per cogitationem, siue per sensus corporis, vel videndo, vel tangendo, vel audiendo, vel gustando, vel olfaciendo: quæ suggestio cum facta fuerit, si cupiditas nostra non moueatur ad peccatum, excluditur serpentis astutia. Si autem mota fuerit, quasi iam mulieri persuasum erit: sed aliquando ratio viriliter etiam commotam cupiditatem refranat & compescit. Quod cum fit, non labimur in peccatum, sed cum aliquantula luctatione coronamur. Si autem ratio cõsentiât, & quod libido commouerit faciendum esse decernat, ab omni vita beatâ tanquam de paradiso expellitur homo. Iam enim peccatum imputatur, etiam si non subsequatur factum, quando res tenetur in cõsensione conscientia.

Aug. 2. de
Gen. c. 14.
rom. 1.
Eph. 2. 2.
1. Cor. 2. 8
Joan. 1. 3. 4
Luc. 2. 2. 6

Gen. 2. 8

Can. 4. d

Epilogus dictorum.

Hæc de anima partibus interseruimus, ut ipsius anima natura plenius cognosceretur, & secundum quam sui portionẽ in ea sit liberum arbitrium intelligatur: scilicet secundum rationem, quæ carne peccatum morta-

le

le geritur, sed non omne veniale: illud scilicet quod in A solo motu sensualitatis existit.

Quod sensualitas sæpe in Scriptura aliter quam supra accipitur, scilicet ut etiam inferior rationis portio eius nomine intelligatur.

Non est autem silentio pretereundum quod sæpe in Scriptura nomine sensualitatis, non id solum in anima quod est nobis commune cum pecore, sed etiam inferior portio rationis, temporalium dispositioni intendit, intelligitur. Quod diligens lector in locis Scriptura, ubi de ipsa fit mentio, vigilanter adnotet.

DISTINCT. XXIV. PARS I.

De adiutorio, per quod homo ante lapsum stare potuit, scilicet de libero arbitrio quantum ad alias potentias comparatur.

Nunc diligenter inuestigari oportet, &c.

Expositio Textus.

V P R A determinavit Magister de culpa, per quam homo cecidit. In hac parte determinat de auxilio, per quod stare potuit. Et quoniam hoc auxilium scil. liberi arbitrij habet tripliciter considerari, videlicet in comparatione ad alias potentias animæ & in se, & in comparatione ad perfectionem gratiæ: ideo pars ista habet tres partes. In prima determinat de libero arbitrio in comparatione ad alias potentias. In secunda vero determinat de ipso secundum se, infra distinct. 25. *Iam vero ad oppositum redeamus.* In tertia vero determinat de ipso per comparationem ad gratiam infra distinct. 26. *Hec est gratia operans & cooperans.* Et quoniam secundum comparationem liberi arbitrij ad potentias animæ attenditur progressus & consummatio peccati: ideo prima pars habet duas. In prima determinat de libero arbitrio in quantum ad alias animæ potentias comparatur. In secunda vero determinat, qualiter in homine tentationis ordo & progressus consummatur, ibi: *Illud quoque pretermittendum non est, &c.* Prima pars tres habet particulas. In prima determinat, ad quid datum fuerit illud auxiliū homini. In secunda vero, quod sit illud adiutorium, ibi: *Hic considerandum est quod fuit illud adiutorium, &c.* In tertia vero ad maiorem explanationem subiūgit distinctionem prædictorum, ibi: *Est enim sensualitas quadam via, &c.* Quælibet autem harum partium diuidi potest in duas. In prima determinat veritatem. In secunda remouet dubitationem, ibi: *Sed quomodo rectam, & bonam voluntatem, &c.* Similiter secunda pars, in qua determinat quod fuit adiutorium, duas habet partes. In prima explicat, quod fuit illud adiutorium nominando. In secunda diffiniendo, ibi: *Liberum vero arbitrium est facultas, &c.* Similiter tertia pars, in qua diuisionem ponit potentialium, duas habet. In prima assignat differentiam sensualitatis ad rationem. In secunda vero ostendit viam, per quam cognosci possit, & discerni illa differentia, ibi: *Quidquid ergo in anima nostra.* Sic totalis huius particule sententia circa duo versatur, videlicet circa adiutorium, quod fuit homini collatum, & circa distinctionem potentialium.

Resistere malo, & non consentire, &c. Dub. I.

C O N T R A: Si hoc verum est, tunc, cum nullum fuisset in Adam impellens, nunquam meruisset in aliquo opere suo. Item Christus nullum habuit interius impellens, ad malum, cum diabolo in tentatione restitit, & in operibus suis nullum habuit retrahens à bono: ergo nihil meruit in sua tentatione, nec in aliqua operatione, quod omnino nefarium est dicere. Item: Exemplum eius videtur esse malum, cum subiūgit: *Sicut angelis non fuit meritorium quod steterunt:* hoc enim est contra veritatem, & contra August. qui dicit in libro de correctione, &

gratia quod Angeli, qui aliis cadentibus remanserunt, huius mansionis debitam mercedem receperunt: ergo videtur quod stando meruerunt.

A D hoc dici posset quod est meritum dimissionis pœnæ, siue satisfactorium: & est meritum vitæ æternæ, siue substantialis præmij. Ad primum requiritur pœnalitas, & difficultas. Ad secundum vero sufficit sola charitas. Magister autem intelligit de merito secundum primam differentiam, non secundum aliam. Sed quia illud meritum satisfactionis nunquam fuisset in Adam, nec profectus in eo, si in statu innocentie permansisset, prædicta responsio non videtur pertinere ad propositum. Et propterea aliter videtur esse dicendum, quod est meritum de genere operis, & est meritorium ex radice charitatis. Meritorium de genere operis dicitur, quod est opus virtutis de se: hoc autem est arduum, & difficile. Alio modo dicitur meritorium omne opus, quodcūque sit, dum tamen ex radice charitatis procedat. Vult igitur Magister dicere, quod in resistendo tentationi Adæ non fuisset meritum, si non habuisset gratiam, nec primo modo nec secundo: si vero restitisset ex charitate, meritorium fuisset secundo modo, non primo: in nobis autem semper est meritorium vel utroque modo, vel altero propter difficultatem ad bonum, & pronitatem ad malum. Et per hoc patet responsio ad obiecta, quia procedunt de merito secundum differentiam secundam, videlicet de eo, quod est meritorium ratione radices.

Declinare enim à malo semper vitat pœnam, sed non semper meretur palmam. Dub. II.

C O N T R A: Aut enim declinat quis à malo ex charitate, aut non: Si non: similiter nec facere bonum extra charitatem meretur palmam: ergo non est differentia inter declinare à malo, & facere bonum. Si sic: cum omne illud quod fit ex charitate, sit meritorium: patet, &c. Si tu dicas quod non meretur palmam ex genere operis, quia non est difficile: hoc non soluit, quia licet non sit difficile homini in statu innocentie; est tamen difficile in statu naturæ lapsæ: ergo semper meretur palmam. Item: Declinare à malo est vna pars iustitiæ, sicut facere bonum: ergo sicut vnum est meritorium, & reliquum.

R E S P. Dicendum, quod declinare à malo dupliciter dicitur, sicut enim non velle malum dicitur vno modo priuatiue, sicut dicitur dormiens non velle malum, quia non habet aliquam affectionem ad malum. Alio modo contrarie, ut dicatur non velle malum, quia respuit, & contraria affectione afficitur contra malum: sic etiam declinare à malo dupliciter dicitur. Et si dicatur contrarie, tunc est meritorium: si vero priuatiue, vitat pœnam, quia si non peccat, non punitur: non tamen meretur palmam, quia non est ibi aliquod opus meritorium, & primo modo est pars iustitiæ: secundo modo, non, quia non est opus.

Liberum vero arbitrium est facultas, &c. qua malum eligitur, gratia desistente. Dub. III.

V I D E T U R male dicere, quia si hoc verum esset, tunc liberum arbitrium gratia destitutum semper consentiret peccato: quod plane falsum est. Item videtur quod non deberet poni in diffinitione liberi arbitrij, quia sicut dicit philosophus, peccat qui diffinit aliquid per peiora, & per ea ad quæ non habet principaliter ordinari: si ergo liberum arbitrium de se quantum est de prima conditione sua non ordinatur ad malum, non debet diffiniri per electionem mali.

R E S P. Dicendum quod Magister diffinit hic liberum arbitrium non simpliciter, sed secundum statum naturæ lapsæ: & quia in statu naturæ lapsæ defectum habet, & inclinationem ad malum: ideo non tantum diffinit per electionem boni, ad quam ordinatur mediante gratia, sed etiam per electionem mali, in quam cadit ex defectibilitate propria: nec ponitur ibi electio mali tanquam finis, ad quem ordinatur, ut per hoc magis innotescat, qualiter ad finem proprium ordinatur: non enim ad illud peruenit nisi per gratiæ adiutorium: & sic patet responsio ad vtrumque obiectum.

ARTI

ARTICVLVS I.

AD intelligentiam huius partis circa duo incidit hic quæstio. Primo quæritur de adiutorio homini collato, per quod posset resistere. Secundo quæritur de diuisione potentiarum animæ. Circa primum quærentur duo. Primo quæritur, vtrum dari potuerit homini, siue alicui creaturæ adiutorium, quod esset naturaliter inflexibile. Secundo quæritur, vtrum datum fuerit ei adiutorium, per quod posset absque auxilio gratiæ tentationi resistere.

QVÆSTIO I.

An homini dari potuerit liberum arbitrium inflexibile per naturam.

S. Thom. 1. 2. q. 83. art. 1.

Et 2. Sent. dist. 24. q. 1. art. 2.

Et de Verit. q. 24. art. 1.

Secus 2. Sent. dist. 23. q. 1.

Durandus 2. Sent. dist. 23. q. 1.

Steph. Brulef. 2. Sent. dist. 24. q. 1.

Ad opposi-
tum.

QUOD homini dari potuerit adiutorium, siue liberum arbitrium inflexibile per naturam, hoc est absque gratia superaddita, ostenditur primo à simili: contingit enim reperiri lucem corporalem, quam impossibile est per naturam in se obnubilari, sicut lucem empyrei, vel lucem solis. Si ergo lux spiritualis multo permanentior est, quam corporalis, videtur quod anima humana potuerit fieri in perfectione tanti luminis per naturam, quod nullo modo posset obscurari nec per ignorantiam, nec per culpam.

2. **I**TEM contingit reperiri aliquam substantiam corporalem intransmutabilem quantum ad substantiam, & quantum ad proprietates, sicut est corpus vltimum, scilicet empyreum; hoc non habet solum per gratiam, sed etiam per naturam; ergo pari ratione possibile est substantiam spirituales per naturam in tanta stabilitate fieri, quod nullo modo valeat permutari à rectitudine naturali; si enim hoc reperitur in substantia corporali, multo fortius reperiri potest in substantia digniori.

3. **I**TEM gratia est perfectio naturæ, & perfectio conformatur suo perfectibili; ergo si gratia conformationis omnino reddit naturam impossibilem ad peccandum, videtur quod anima humana naturaliter capax sit talis stabilitatis, & inuertibilitatis. Si dicas, quod non est capax talis inuertibilitatis nisi mediante gratia: obicitur contra hoc, quod talis vertibilitas ad mala, aut est essentialis ipsi naturæ, aut non. Si est essentialis: ergo videtur quod per gratiam non possit auferri. Si non est essentialis: ergo videtur quod sine tali vertibilitate ad malum possit natura rationalis fieri salua sua natura, & nulla superaddita gratia: propter hoc est quæstio, cum tam liberum arbitrium hominis, quam gratia sit quid creatum, sicut patebit infra, vt quid dari potest inflexibilitas ad malum ipsi gratiæ, & non potest dari creaturæ rationali: videtur enim ratione consimili, quod si potest dari vni, quod possit dari alteri.

4. **I**TEM licet omnis creatura per se vertibilis sit in naturam, aliquæ tamen tales creantur à sua origine, quod impossibile est eas corrumpi: & hoc habent sine aliquo addito naturalibus, sicut patet in substantiis simplicibus. Vnde angeli, & animæ per naturam sunt immortales: ergo pari ratione videtur quod aliquæ animæ possint creati per naturam ad malum inflexibiles: videtur igitur fuisse possibile tale adiutorium à Deo conferri, per quod naturaliter ad malum non posset inflecti.

SED CONTRA: Ista duo sunt conuertibilia, sicut vult Damascenus & etiam Augustinus, videlicet esse creabile, & esse vertibile: sic ergo in omni creatura necesse est esse aliquam vertibilitatem: sed in substantia spiritali non est vertibilitas secundum substantiam: ergo necesse est, quod sit secundum electionem: igitur impossibile est substantiam creatam habere liberum arbitrium per naturam inflexibile.

Fundamēta.
Damaſc. lib.
1. cap. 3.
Aug. de fid.
ad Pet. c. 3. ad
prim. 10. 3.

A **I**TEM non est per naturam magis arctatus affectus, quam intellectus: sed intellectus eo ipso quod intellectus est, per naturam suam est natus omnia intelligere: ergo pari ratione affectus per naturam suam est potens hoc, vel illud appetere: ergo est ab vno oppositorum in alterum transire: ergo omnis affectus creatus, quantum est de natura sua, non solum bonum concessum, sed etiam prohibitum potest velle: & præligere: ergo, &c.

ITEM liberum arbitrium creatum hoc ipso quod liberum est, dominatur actui suo: hoc ipso quod creatum est, debet aliquid suo Creatori, videlicet honorem: ergo si dominatur suo actui, potest non reddere, quod debet: sed hoc est peccatum: ergo necessarium est liberum arbitrium quantum est de sua natura fieri flexibile ad peccatum.

B **I**TEM liberum arbitrium per naturam suam esset inflexibile ad malum: ergo stare in bono, & facere bonum esset ei naturale: ergo omne opus egrediens à libero arbitrio, esset in genere operis naturalis, & nullum esset in genere moris: ergo si hoc verum est, nullum esset meritum, nullum etiam esset laudabile, per nullum etiam opus quod faceret, esset liberum arbitrium ad gloriam ordinabile: sed hoc est contra naturalem liberi arbitrii institutionem: ergo impossibile est alicui creaturæ dare liberum arbitrium per naturam inflexibile.

CONCLUSIO.

Impossibile fuit homini dari, vel etiam cuiumque rationali creaturæ liberum arbitrium per naturam, inflexibile ad malum.

RESP. ad Arg. Dicendum quod impossibile fuit hominem, vel aliquam creaturam rationalem per naturam habere liberum arbitrium inflexibile ad malum: hoc enim repugnat naturæ ipsius creaturæ rationalis, & à parte principij initialis, & à parte termini finalis, & hoc patet sic: Si enim liberum arbitrium creaturæ rationalis fieret naturaliter ad malum inflexibile, aut hoc esset propter ipsius arctationem ad bonum, aut propter ipsius determinationem. Si propter arctationem, vt sic faceret bonum, sicut lapis tendit deorsum, iam certe liberum arbitrium nec esset liberum, nec opus eius esset laude dignum: & ita ineptum esset ad finem, propter quem est factum, videlicet ad laudem, & gloriæ præmium assequendum. Si autem inflexibile esset ad malum propter determinationem, quia sic potens esset per propriam naturam in bonum, vt non posset deficere in malo, sicut est de libero arbitrio diuino, quod ad sola bona determinatum est, iam tale liberum arbitrium careret vanitate per naturam suam: ergo iam non esset creatura, nec productum ex nihilo, cum omnis creatura vanitati subiecta sit: & ita hoc esset contra naturam principij initialis quantum ad id quod dicimus, creaturam rationalem ex nihilo esse productam. Repugnante igitur natura rationali creaturæ, ex parte initialis principij, & ex parte finalis termini, impossibile fuit hominem, vel aliam quancunque creaturam rationalem liberum arbitrium habere per naturam ad malum inflexibile. Vnde concedenda sunt rationes hoc ostendentes.

1. **A**D illud quod primò obicitur de luce corporali, dicendum quod non est simile, tum propter hoc, quod fons lucis corporalis reperiri potest in genere creaturæ, fons autē lucis spiritualis non reperitur in genere creaturæ, sed & ipse Creator iuxta illud: Fons sapientiæ verbum Dei in excelsis. Tum etiam, quia lux corporalis respectu actus lucendi habet arctationem, adeo vt lucere eius non sit laudabile, sed pure naturale: non sic est de rectitudine, & operatione creaturæ rationalis, siue voluntatis deliberatiue.

2. **A**D illud quod obicitur, quod aliqua substantia corporalis per naturam est intransmutabilis, & c. iam patet responsio per hoc, quod non valet, siue non decet creaturam spirituales sic esse arctatam ad opus suum, sicut corporalem, siue etiam, quia non tenet summum

in genere spiritus, sicut aliqua creatura corporalis tenet summum in genere corporum. Veruntamen dici posset, quod omne corpus mutabile est aliquo genere mutationis, sicut vniuersaliter vult August. siue quia ipsum mutatur in se, siue quia aliqua mutantur in ipso, & hoc ultimo modo mutatio posset esse in empyreo.

3. Ad illud quod obiicitur de gratia confirmante, dicendum quod gratia dicitur esse perfectio naturæ non solum quia adiunat, sed etiam quia defectum eius excludit: unde in omni natura creaturæ rationalis est aliquis defectus naturalis, qui per gratiam habet excludi, quantumcunque illa natura sit in genere creaturæ perfectæ: & ideo non sequitur, quod si aliquid conuenit alicui per gratiam, quod conueniat per naturam. Et si obiiciatur, quod Deus potuit dare naturæ, quod dedit gratiæ, dicendum quod natura non fuit nata suscipere: sicut enim alia est natura operis moralis, alia operis naturalis, nec proprietas operis mortalis potest conuenire operi naturali, nisi naturale desineret esse naturale: non enim potest laus, & vituperium, quæ est proprietas operis moralis, secundum quod huiusmodi, competere operi naturali in quantum tale: sic & in proposito intelligendum est se habere.

4. Ad illud quod obiicitur de immortalitate, patet responsio per prædicta. Quod enim naturaliter est immortale ex hoc non est laudabile, vel vituperabile: & ita si liberum arbitrium inflexibile creatum esset, nec laudis, nec vituperij capax esset.

QVÆSTIO II.

An homini datum fuerit naturale adiutorium per quod posset absque gratia tentationi resistere.

S. Thom. 1. p. q. 83. art. 2.

Et 2. Sent. dist. 24. q. 1. art. 4.

Et de Veris. q. 24. art. 13.

Ægid. R. m. 2. Sent. d. 24. p. 2. q. 1. art. 4.

Richardus 2. Sent. dist. 24. q. 1.

Steph. Bröllef. 2. Sent. dist. 24. q. 2.

VTRUM datum fuerit homini naturale adiutorium, per quod posset absque omni gratia tentationi resistere. Et quod sic, videtur. Liberum arbitrium, ut dicit Anselmus, est potestas seruandi rectitudinem propter se: sed liberum arbitrium est potentia naturalis: ergo per naturalem potentiam absque addita gratia homo poterat seruare rectitudinem, siue iustitiam. Sed seruando rectitudinem, tentationi non consentiret, immo resisteret, & superaret: ergo, &c.

ITEM ponatur homo in puris naturalibus: aut igitur posset resistere diabolo suadenti, aut non. Si non & nullus peccat in eo, quod vitare non potest: ergo si consentiret tentationi diabolicæ non peccaret: quod est impossibile. Si sic: ergo per naturale adiutorium sine gratia superaddita superare poterat aduersarium.

ITEM natura nulli dat esse, quin etiam det ei aliquam potentiam permanendi cum non deficiat in necessariis: unde sicut aliquid naturaliter propagatur, sic etiam naturali virtute in esse conseruatur: si ergo liberum arbitrium homini datum per naturam propriam innocens erat, & immune à culpa: ergo per naturam propriam absque omni gratia permanere poterat in sua innocentia: ergo, &c.

ITEM rectitudo voluntatis solo actu voluntatis seruatur: qui enim rectus est, obliquus esse non potest: quandoque vult esse rectus: sed nihil tam est in voluntate nostra quam ipsa voluntas, nihil facilius homini recto, quam velle rectitudinem: si ergo liberum arbitrium hominis quantum est de sua conditione prima rectum erat, absque omni gratia superaddita rectitudinem seruare poterat, & sic aduersario resistere, & tentationem superare.

1. SED CONTRA per August. de vera innocentia: Humana natura, etsi in illa integritate, in qua condita est, permaneret: nullo tamen modo seipsam, Creatore non adiuvante, seruaret: ergo quantumcunque homo haberet liberum arbitrium ad hoc, ut permaneret, necessarium ei erat gratiæ suffragium.

2. ITEM si tunc poterat de potentia naturæ tentationi

resistere, & naturalia sunt eadem in nobis, & in ipso: ergo tentationi resistere esset nobis per naturam possibile, ergo frustra frequentaremus Dominicam orationem petentes: Et ne nos inducas in tentationem: quod si absurdum est dicere: patet, &c.

3. ITEM si virtute propria posset homo absque omni gratia tentationi resistere, posset etiam victoriam de inimico obtinere: sed victoriæ respondet corona: ergo absque omni gratia potuisset mereri, & peruenire ad gloriam: quod si euidenter falsum est: restat, &c.

4. ITEM tentationi resistere hoc est opus de se laudabile: sed faciens opus laudabile, non potest non proficere: igitur si virtute propria habuit, unde posset stare, virtute propria habuit, unde posset proficere: quod est contra Magistrum in litera, qui dicit quod habuit, unde stare posset, sed non habuit, unde posset proficere.

CONCLUSIO.

Homini fuit datum ut per naturale adiutorium in statu innocentia posset absque omni gratia (supposita diuina influentia) superaddita cuiusque tentationi resistere.

RESP. AD ARG. Dicendum quod aliquem posse resistere virtute propria tentationi diabolicæ absque omni gratia, intelligi potest dupliciter. Aut ita, quod excludatur continuatio diuinæ influentiæ, aut ita quod excludatur appositio nouæ gratiæ. Primum simpliciter est impossibile: nunquam enim liberum arbitrium malæ suggestioni resisteret, nisi Deus suæ bonitatis influentia continua in bono conseruaret. Secundo modo veritatem habet pro statu innocentia. Sicut enim Magister dicit in litera, magna erat in primo homine liberi arbitrij ab omni labe & corruptione immunitas, atque naturalium potentiarum animæ sinceritas, & viuacitas, & per hoc poterat euitare, & repellere suggestionem diabolicam: nec indigebat ad hoc apponi sibi nouam gratiam, cum respectu huius nulla esset in eo difficultas, sicut dicit Magister in litera, & rationes ostendunt, quæ ad primam partem inducuntur: & ideo concedendæ sunt.

1. AD illud ergo Augustini de vera innocentia iam patet responsio: dicit enim quod nulla creatura rationalis potest sine diuino adiutorio conseruari: non quia ad resistendum peccato sit ei necessaria gratia, quandoque est in innocentia: sed quia in quocunque statu est necessaria, est sibi diuinæ bonitatis influentia.

2. AD illud quod obiicitur, quod eadem sunt naturalia in nobis, & in primo homine, dicendum quod etsi eadem sint secundum substantiam, tamen infirmata sunt, & vulnerata, & deteriorata: & ideo non sequitur quod tantum posse habeant, quantum habuerunt, quando natura erat instituta.

3. AD illud quod obiicitur, quod tentationi resistere, hoc est victoriam obtinere, dicendum quod plus est aduersarium superare, quam eidem resistere. Ad hoc enim quod aliquis aduersarium superet, oportet quod oppositum assequatur, ad quod aduersarius pertrahere intendebat: hoc autem solum est, quando homo non tantum resistit aduersario voluntariè, verum etiam meritorie. Tunc enim recte vincitur diabolus, quando ex vexatione tentationis, per quam intendebat incuruare ad demeritum, homo proficit ad meritum: hoc autem liberum arbitrium facere non potest nisi per gratiæ adiutorium, quamvis per se possit refugere peccatum. Si enim absque gratia peccatum refugeret, meritorium sibi non esset: & tamen tentationi resisteret.

4. ET per hoc patet responsio ad sequens, quia Magister non loquitur de quocunque profectu, sed de profectu in merito, in quo non semper proficit homo, cum facit opus bonum bonitate morali, nisi adsit gratia Spiritus sancti, sicut melius infra patebit.

ARTICVLVS II.

CONSEQUENTER quæritur de secundo, videlicet de diuisione potentiarum animæ: & circa hoc possunt quatuor quæri. Primo quæritur de illa diuisione potentiarum animæ, quæ est per cognitiuam, & affectiuam, siue per rationem, & voluntatem. Secundo quæritur de illa, quæ est per portionem superiorem, & inferiorem. Tertio quæritur de illa, quæ est per deliberatum, & naturale. Quarto, & ultimo quæritur ad pleniorē explanationem de illa diuisione, quæ est per possibilem, & agentem.

QVÆSTIO I.

An voluntas, & affectus: siue ratio, & voluntas essentialiter differant.

Alexander Alensis 2.p.q.72. Membr. 2. art. 1.

S. Thom. 1.p.q.83. art. 2.

Et 2. Sent. dist. 24. q. 1. art. 1.

Et de Verit. q. 24. art. 4.

Egid. Rom. 2. Sent. p. 2. dist. 24. q. 1. art. 1.

Richardus 2. Sent. dist. 24. q. 3.

Durand. 2. Sent. dist. 24. q. 1.

Thom. Argent. 2. Sent. dist. 24. q. 1. art. 3.

Steph. Brulef. 2. Sent. dist. 24. q. 3.

Ad oppositum.
Lib. 9. c. 11.
tom. 3.

3. de anima
context. 49.

2. de anima
context. 33.

VTRVM intellectus, & affectus, siue ratio, & voluntas sint potentie diuersæ per essentiam. Et quod non, videtur. August. de Trinitate dicit, quod hæc tria, scilicet intelligentia, memoria, & voluntas sunt vna mens, vna intelligentia, vna vita: sed hoc non ellet, si essent diuersæ per essentiam: ergo, &c.

2. ITEM Philosophus in 3. de anima dicit, quod intellectus speculatiuus extensione sit practicus: sed extensio non variat potentiam per essentiam: ergo eadem est per essentiam intelligentia speculatiua, & practica: ergo & cognitiua, & motiua.

3. ITEM potentie distinguuntur per obiecta, sicut dicit Philosophus: si ergo prima ratio distinguendi est ex parte obiectorum, non est maior distinctio in potentiis, quam in obiectis: sed verum sub ratione veri est obiectum intellectus, bonum sub ratione boni est obiectum affectus: cum igitur eadem sit per essentiam bonitas, & veritas spiritalis creaturæ: ergo eadem erit per essentiam ratio, & voluntas.

4. ITEM magis conformatur imago summe Tri. quæ conformetur vestigiis: sed in summa Tri. nulla est differentia essentialis, sed solum secundum relationem: si igitur veritas, & bonitas sola relatione differunt in creatura, & non essentialiter: multo fortius videtur quod ratio & voluntas sola relatione habeant distingui.

5. ITEM ad omnem delectationem necessario concurret sensus: delectatio enim est coniunctio convenientis cum conuenienti, & sensus eiusdem: sed constans est, quod voluntas habet delectari: ergo habet delectabile cognoscere, & sentire: igitur ipsa erit potentia sensitiva.

6. ITEM ad omnem habitum virtutis necessario concurret amor, & medij inspectio. Sicut enim vult August. de moribus Ecclesiæ, omnis virtutis est amor. Et sicut vult Philosophus, Virtus est inspectrix medij: si ergo virtutes sunt in voluntate: ergo actus voluntatis est medium inspicere, & amare: sed primum pertinet ad vim cognitiuam, secundum ad affectiuam: ergo eadem est potentia cognitiua, & affectiua.

7. ITEM luminis & calori in corporibus correspondet cognitio, & amor in spiritibus: sed sol per eandem virtutem illuminat, & calefacit: calefactio enim generatur ex radiorum multiplicatione: ergo multo fortius videtur, quod si substantia spiritalis potentior est, quod per eandem virtutem cognoscat, & diligat: ergo, &c.

8. ITEM optimum vniuscuiusque rei non potest esse nisi vnum: sed optimum in anima est illud secundum quod immediate coniungitur Deo. Hoc autem est intellectus, & affectus, siue ratio, & voluntas: ergo non sunt diuersæ potentie, sed vna. Si tu dicas, quod inter omnes

potentias principatum tenet voluntas, & illa est quæ intimius adheret.

9. **O**BIECTVR contra hoc: quia virtus vna plus potest quam multiplicata: si igitur anima vna potentia sola tenderet in Deum, perfectius ei vniretur, quam si tendat pluribus: ergo si optimo modo facta est ad perueniendum in finem, videtur quod vna sola potentia sit ratio, & voluntas secundum essentiam.

SED CONTRA: Augustinus de Trinitate dicit, animam esse ad imaginem, quo ad vnitatem essentie, & trinitatem potentiarum: ergo si vera est ibi trinitas, vera est ibi potentiarum distinctio: ergo non solummodo distinguuntur relatione, sed etiam secundum id quod sunt absolute.

ITEM si eadem potentia per essentiam esset ratio, & voluntas, sicut vna essentia est in Patre, & Filio: ergo sicut pater non per filium dicitur intelligere, sed per se ipsum, sic voluntas non solum intelligeret per intelligentiam, sed etiam per seipsam: fallum igitur diceret Augustinus in lib. 15. de Trinit. cum dicit quod nihil volumus, nisi per voluntatem, nihil intelligimus nisi per intelligentiam.

ITEM expresse Augustinus lib. 9. de Trinit. cap. 4. loquens de ratione, & voluntate, siue notitia, & amore, ait sic: Admonemur, si vtrumque videre possumus, hoc in anima existere, & tanquam inuoluta inuolui, ut sentiantur, & numerentur substantialiter, vel (ut ita dicam) essentialiter.

ITEM ratione videtur, quia cuiuslibet potentie vnius est vnum primum actum assignare: sed actus completens totam intelligentiam est intelligere, actus vero completens totam affectiuam est affici: ergo si actus primi, & proprii istarum potentiarum sunt diuersi essentialiter, videtur similiter quod & ipsæ potentie.

ITEM sola distinctio relationum in creatura non est distinctio rerum, sed in diuinis est vera distinctio personarum: ergo si in anima non est distinctio potentiarum, nisi solum secundum relationem, anima non esset illius summe Trinitatis similitudo expressa, & ita nec imago: quod si hoc est falsum: restat, &c.

ITEM à natura creaturæ est quod cum vigoratur actus vnius potentie, minoratur actus alterius propter hoc, quod potentie radicanur in eadem substantia: ergo multo fortius actus vnius potentie intensus remittit alterum actum eiusdem potentie: ergo si ratio, & voluntas essent eadem potentia, cum intenderetur cognitio, minueretur affectio: ergo quanto clarius Deum videremus, tanto minus amaremus: quod si omnino falsum est, restat, &c.

ITEM vbicunque lux, & calor sunt formaliter, differunt essentialiter, sicut patet in igne: ergo pari ratione vbicunque potentia cognoscendi, & amandi formaliter reperiuntur in creatura, essentialiter distinguuntur: sed sic reperiuntur in anima: ergo, &c.

CONCLUSIO.

Ratio, & voluntas, siue intellectus, & affectus sunt diuersæ potentie, non tamen distinctæ per essentiam.

RESP. AD Arg. Dicendum quod et si prædicta quæstio plus contineat curiositatis, quam utilitatis, propter hoc quod siue vna pars teneatur, siue altera, nullum præiudicium nec fidei, nec moribus generatur: verum tamen quia Sancti, & alij qui tractant de potentiis animæ plurimum loquuntur de potentiarum distinctione: & quia etiam plurimum quæstionum determinatio pedit ex prædictæ quæstionis determinatione, ideo determinationi eius aliquantulum diligenter oportet insistere. Notandum igitur, quod istius quæstionis terminatio ex illius quæstionis tractatione pendet, qua quæritur de comparatione potentie ad substantiam animæ: unde secundum quod illa varie determinatur à diuersis, sic consequenter & ista. Quidam enim dicere voluerunt, quod potentia animæ non est aliud, quam ipsa relatio, vel ipsa anima

Fundam. 2.
Lib. 9. c. 11.
tom. 3.

Cap. 7. m. 3.

Cap. 15. to. 1.
& lib. 15. de
Cinit. Dei,
22. tom. 5.
3. Ethic.

Opinio.
Hæc. p. 1.
3. q. 14.

relata

relata ad aam : & hi ponunt quod omnes animæ potentia sinum per essentiam, nec est in eis aliqua differentia, nisi solum secundum relationem ad actum aliū, & alium: hoc confirmare nituntur per Aug. in libro de anima, spiritu: ubi videtur hoc expresse dicere, & sentire. Et tu dicas quod ille liber nō est Aug. per hoc non euadit, quia hoc ipsum in lib. de Tri. dicit de potentiis animæ, quod sunt vna essentia, vna vita. Alij vero dicere videntur quod potentia animæ non tantum dicunt mūm, siue relationem, sed etiam dicunt proprietates inærentes ipsi animæ, quæ sunt de genere accidentis, utpote in secunda specie qualitatis, videlicet naturæ potentia, & impotentia & isti dicunt, quod potentia in anima differunt essentialiter, sicut diuersæ formæ accidentales existunt in eodem subiecto: & hoc confirmare nituntur per quoddam verbum Hugonis in quodam libello, quem fecit de Tri. ubi dicit, quod notitia & amor non vere sunt quod ipsa mens, sed quasi affectiones quædā, & formæ ipsius, quibus non sit hoc aliquid esse, sed adesse tantum ei, quod est hoc aliquid. Tertiij sunt, qui dicunt quod potentia animæ nec adeo sit idē ipsi animæ sicut sunt eius principia intrinseca, & essentialia, nec adeo diuersæ, ut cedant in aliud genus, ut accidentia: sed in genere substantiæ sunt per reductionē: & isti dicunt quod cū potentia simpliciter non dicant aliam essentiam, quam substantiam animæ, quod non sit differant essentialiter ipsæ potentia, quod sint diuersæ essentia. Et iterum, cum non sint omnino idem cum animæ essentia, dicunt quod non sunt omnino idē per essentia & ideo quasi medium tenentes inter vtramque opinionem dicunt quasdam animæ potentias sic differre ad vtrumque, ut nullo modo dici possint vna potentia: nec tamen concedunt eas simpliciter diuersificari secundum essentiam, ita ut dicantur diuersæ essentia, sed differre essentialiter in genere potentia: ita ut dicantur diuersæ potentia, siue diuersa instrumenta eiusdem substantiæ. Quælibet autem dictarum positionū suos habet defensores: nec est facile rationibus cogentibus earum aliquam improbare: quia tamē hæc positio vltimo dicta concordat viæ communi, & auctoritatibus tractatorum, & magis sobria est, & rationi consona, ideo iuxta hanc tertiam positionem ad propositam quæstionem respondendum est, quod intellectus, & affectus siue ratio, & voluntas non sunt vna potentia, sed diuersæ: & hoc senserunt prædecessores nostri: sensisse etiam videtur Aug. sicut expresse apparet in auctoritatibus supra dictis: omnes etiam quotquot diuidunt animæ potentias, prima diuisione diuidunt in cognitiuam, & affectiuam, siue motiuā. Rursus: Cum quis ad semetipsum redit, volens quasi quodam experimento discere potentiarum, quas habet in se, conuenientiam, & differentiam, inueniet se in cognoscendo, & amando recurrere ad diuersa instrumenta. Vnde consideranti vsum potentiarum manifeste iudicio apparebit, quod maior est differentia intelligentia ad voluntatem, quam sit intelligentia ad memoriam, vel etiam irascibilis ad concupiscibilem. Memoria enim, & intelligentia negotiantur circa idem, ita ut, quod ista acquirit, illa conseruat, vel illa offert, & ista diiudicat. Similiter concupiscibilis & irascibilis ita se habet quod concupiscibilis acquirit & irascibilis defendit: & quia vtrumque horum necessariū est ad perfectionē actus cognitionis, & affectionis, ideo memoria, & intelligentia potius dicuntur diuersæ vires, quam diuersæ potentia; similiter irascibilis, & concupiscibilis. Et est exemplum, sicut si aliquis haberet diuersa instrumenta ad diuersos actus principales, ut securim ad sciendum, & martellum ad fabricandum: posset tamen nihilominus ipsa securi vti ex vna parte ad sciendum, utpote ex parte aciei & ex alia parte ad alium actū illi consonum. Iuxta hoc materiale exemplum, quod non est per omnia simile, intelligi potest in potentiis spiritualibus. Concedenda sunt igitur rationes, & auctoritates ostendentes rationem, & voluntatem diuersas esse potentias.

1. Ad illud ergo quod primo obiicitur de Aug. quod

sunt vna essentia, & vna vita, dicendum est quod ideo dicuntur esse vna essentia propter hoc, quod in vna essentia radicanter, & adeo adherent illi intrinsecus, ut non cadant in aliud genus: & ideo ad illius expressionē vtitur B. Aug. tali prædicatione. Quod vero ista sit expositio ab intellectu, & sensu illius verbi distorta, colligitur ex ipsis verbis B. Aug. in lib. 15. de Tri. ubi dicit quod ipse Deus est tres personæ, sed in creatura habens tres potentias non est ipsa potentia: & hæc est dissimilitudo quædam. Tri. creatæ, & Tri. increatæ. Cum igitur ibidem explanet verba prius posita qualiter sunt intelligenda, ex ipso verbo Aug. colligitur quod cum dixit memoriam, & intelligentiam, & voluntatem vnam esse essentiam, non dixit per omnimodam identitatem, sed per quandam intrinsecam adhaerentiam & hunc modum loquendi credendum est habuisse auctorem libri de anima, & spiritu, siue fuerit Aug. siue alius; quoniam si aliter intelligeretur, valde improbabiler videretur esse locus: sequeretur enim ex verbis illis, quod vnum & idem esset ratio exterior, & exterior sensus: quod adeo contra rationem est, ut etiam refugiat ipse auditus.

2. Ad illud quod obiicitur, quod intellectus speculatiuus extensione sit practicus, dicendum quod sicut in capitulo de mouente pater lib. 3. de anima, Philosophus differentiam assignat inter practicum intellectum, & appetitum, nec vnquam dicit intellectum fieri appetitū, sed bene dicit intellectum speculatiuum fieri practicum, quia ille idem intellectus, & illa eadem potentia, quæ dirigit in considerando, postmodum regulat in operando: voluntas autem non est intellectus practicus, sed est appetitus ratiocinatus: & ideo non sequitur ex hoc, quod sola extensione ratio fiat voluntas, vel quod intellectus fiat affectus.

3. Ad illud quod obiicitur, quod potentia differunt per obiecta, dicendum quod immediatius distinguuntur potentia per actus, quam per obiecta. Ad differentiam autem potentiarum essentialē sufficit diuersitas obiectorum secundum rationē: & ideo quamvis verū, & bonum nō differat essentialiter, nihilominus, quia cognoscere & amare absq; dubio sunt actus differētes, potentia quæ sunt ad hos actus, per seipsas diuersitate habet.

4. Ad illud quod obiicitur de vestigio, dicendum quod illa ratio potius est ad oppositum, si quis recte intelligat, quam ad propositum. Quia enim magis representat ipsa imago illam summam Tri. quam vestigium, cū in illa summa Tri. sit vera distinctio in hypostasis, & personis: si anima est expressa Dei imago, debet in se habere Tri. in qua sit vera distinctio, alioquin non erat expressa similitudo. Illa autē differentia, quæ est in creatura pure secundum habitum, lineam, & relationem, non dicit distinctionem nisi solum quantum ad modum: ideo etsi talis distinctio sufficiat in ratione vestigij, amplior tamen debet esse in ratione imaginis: & ideo illa ratio non concludit. Potest etiam aliter dici, quod ratio vestigij sumitur ex comparatione creaturæ ad Creatorem, quæ attenditur secundum relationem effectus ad causam & quia illa comparatio, sc. quæ est creaturæ ad Creatorem secundum triplex genus causæ est omnino ipsi creaturæ essentialis: ideo non differunt in ipsa creatura veritas, & bonitas essentialiter, sed ratio imaginis attenditur in creatura secundum quod ipsa comparatur ad Deum in ratione obiecti: eo enim imago Dei est, quo capax eius, & particeps esse potest: & quia secundum easdem potentias habet anima ferri in Deum, & etiam in res alias cognoscendas: ideo non sunt adeo essentielles ipsi animæ ratio & voluntas sicut prædicta: & ideo non oportet quod tanta sit conuenientia inter intelligentiam & voluntatem, quanta est inter veritatem substantialem, & bonitatem.

5. Ad illud quod obiicitur, quod ad delectationem concurrat sensus, dicendum quod verum est: sed non oportet quod ille sensus sit ipsius voluntatis quæ delectatur: sed sufficit, quod sit rationis associantis, seu associatæ. Sicut enim oculus videt sibi, & pedi: & tamen

Cap. 7. 10. 3.

Liber de spiritu, & anima.

Arist. 3. de anima cont. 28. & seq.

est aliud organum, quam pes, sic ratio sibi videt, & voluntati, & voluntas sibi appetit, & rationi. Et quod illud sit vnum, patet per auctoritatem Augustini prius inductam, quæ dicit quod nihil intelligimus, nihil volumus nisi per voluntatem.

6. Ad illud quod obiicitur, quod omnis virtus est amor, & inspectrix mediæ, dicendum quod inspicere medium est dupliciter, aut per modum considerationis, aut per modum inclinationis. Primo modo inspicere medium, non est cuiuslibet virtutis secundum se, sed per concomitantiam, vel communicantiam, quia sicut ratio videt sibi, & aliis potentiis, sic prudentia, & fides, discernunt sibi, & aliis virtutibus. Si autem secundo modo dicatur inspectrix mediæ, quia per inclinationem ad illud tendit, sicut lapis tendit deorsum, & medicina vna dicitur habere aspectum ad talem humorem purgandum, sic non solum est cognitionis, immo etiam affectionis: & ideo ex hoc non concluditur quod eadem sit potentia affectiva, & cognitiva.

7. Ad illud quod obiicitur de comparatione luminis, & caloris, iam patet responsio per rationem adductam in contrarium, quia hic non habet veritatem, cum sint in aliquo informativæ, sed si habet veritatem, hoc est solum, cum sunt in aliquo effectivæ. Præterea hoc plures negant, quod sol per eandem virtutem, quæ illuminat, calefaciat: & potest esse quod verum dicant, sicut ostensum est supra.

8. Ad illud quod obiicitur de optimo animæ, dicendum quod est optimum quantum ad esse primum, & est iterum optimum quantum ad esse secundum; & si optimum quantum ad esse primum vnum sit, utpote forma ultimo completiva: tamen quantum ad esse secundum, non oportet quod sit vnum, nisi intelligatur esse vnum, quia ex multis est collectum, sicut ad aliquod bene esse multa concurrunt. Et sic quoniam potentia creaturæ actata est, non potuit creatura habere posse perfectum, nisi esset in ea potentiarum multitudo, ex quarum collectione siue adunatione vna supplere defectum alterius, resularet vnum posse completum; sicut manifeste animaduerti potest in organis humani corporis, quorum vnumquodque indiget à virtute alterius adiuvari. Et si obiiciatur quod potior esset anima, si virtus eius esset vna, quia tunc esset magis unita, dicendum quod quamvis veritatem habeat ex comparatione potentia ad vnum actum non tamen habet in comparatione ad diversos actus. Aut certe si veritatem habet comparando potentiam ad idem, non tamen est verum comparando ad diversa. Verum est enim quod si homo haberet vnum oculum tantum, virtuosius videret illo quam modo videat dum habet socium, nunquam tamen ita bene videret solus, sicut videret ipse, & socius eius: sic & in proposito intelligendum est se habere: & ideo magis est completum posse animæ ex multis potentiis collectum, quam si esset simplex unitum, quia vna potentiarum alteram non diminuit, sed adiuvat. Et propter mutuum adiutorium, & quodam modo sociale obsequium, aliquando dicitur posse animæ esse vnum, aut etiam habitus existentes in anima esse vnum, non quia hoc dictum sit secundum ipsarum potentiarum, & habituum propriam rationem, & specialem naturam, sed quia hoc dictum est per quandam collectionem. Ad perfectum enim posse animæ concurrunt omnes potentia, & ad perfectam habilitationem omnes virtutum habilitates. Vnde si aliqua auctoritas inueniatur, quæ videatur ponere unitatem potentiarum animæ & virtutum, intelligenda est secundum modum præscriptum, videlicet secundum quandam collectionem. Si iterum inueniatur, quæ dicat potentiam animæ esse animæ essentiam, intelligenda est per reductionem ad idem genus. Sunt enim quædam, quæ sunt in genere per se: aliqua per reductionem ad idem genus. Illa per se sunt in genere, quæ participant essentiam completam illius generis, ut species, & individua. Illa vero per reductionem, quæ non dicunt completam essentiam, & hæc sub quinque membris continentur. Quædam reducun-

tur sicut principia. Quædam sicut complemea. Quædam sicut viæ. Quædam sicut similitudines. Quædam sicut priuationes. Sicut principia dupliciter, ut essentia, aut integritas: ut principia essentia, sicut sunt materia, & forma in genere substantia, ut principia integritas, sicut partes substantia, sunt in genere substantia per reductionem. Si reducuntur ut complementa, hoc potest esse dupliciter. Aut enim est complementum per modum actus, & sic est actus primus, qui rucitur ad idem genus cum substantia, cuius est actus vivere, & esse substantia ad genus substantia. Aut per modum aptitudinis: & sic differentia completiva ad idem genus reducuntur cum specie. Si autem reducuntur sicut viæ, hoc potest esse dupliciter. Aut sicut viæ ad res, sicut motus & mutationes, ut generatio, reducuntur ad substantiam. Aut sicut viæ à rebus: & sic habent reductionem ad genus substantia. Prima enim agendi potentia, quæ egressum dicitur habere ab ipsa substantia, ad idem genus reducitur, quæ non adeo elongatur ab ipsa substantia, ut dicat aliam essentiam completam. Si autem sunt similitudines, sic sunt in genere per reductionem, & reducuntur ad idem genus, sub quo continentur illa, quorum sunt similitudines, ut patet in similitudine albedinis, & coloris, quæ quidem non est albedo, sed ut albedo: non est color, sed ut color. Postremo quia priuationes non habent essentiam aliquam nisi per habitum, in eodem genere esse habent, in quo & habitus per reductionem. Et sic patet responsio ad omnia quæ sita.

QVÆSTIO II.

An superior, & inferior portio sint diversa potentia.

S. Thom. 1. p. q. 79. art. 9.

Et 2. Sent. dist. 24. q. 2. art. 2.

Et de Verit. q. 25. art. 2.

Secus 2. Sent. dist. 24. q. 1.

Ægid. Rom. 2. Sent. p. 2. dist. 24. q. 2. art. 1.

Richardus 2. Sent. dist. 24. art. 2. q. 4.

Durand. 2. Sent. d. 24. q. 4.

Steph. Brulef. 2. Sent. dist. 24. q. 4.

Gabr. Biel. 2. Sent. dist. 24. q. 1. art. 3.

DE illa diuisione potentiarum animæ, quæ est per superiorem, & inferiorem portionem: & est quæstio, utrum superior portio & inferior sint diversæ potentia. Et quod sic, videtur, sicut dicit Augustinus in lib. 12. de Trinitate: Inter superiorem portionem rationis, & inferiorem est coniugium, quia hæc dicitur vir, & hæc dicitur mulier: sed non est coniugium eiusdem ad se, sed diversi ad diversum: cum igitur inter hæc duo sit coniugium, in quantum sunt potentia: ergo in genere potentia sunt diversæ.

2. ITEM sicut in pluribus locis in libro de Trin. dicit Aug. mago non consistit in ratione quantum ad inferiorem partem, sed quantum ad superiorem: sed esse ad imaginem non est accidens potentiis animæ, sed est eis essentiale cum igitur superior portio, & inferior differant per esse ad imaginem, & per non esse ad imaginem, videtur quod sint potentia per essentiam diversæ.

3. ITEM sicut vult August. superior portio se habet ad inferiorem, sicut regens ad rectorum: regens autem, & rector sunt ad inuicem relative opposita: si ergo relative opposita non possunt esse circa idem, necesse est esse aliam potentiam quæ regit, aliam quæ regitur.

4. ITEM nihil secundum idem agit, & patitur: sed superioris portionis est mouere inferiorem, & inferioris est moueri: ergo impossibile est quod concurrant in eandem potentiam: ergo, &c.

5. ITEM si ratio superior, & inferior non differunt, nisi quia hæc intendit æternis, & illa intendit temporalibus: ergo non plus differunt, quam oculus aspiciens sursum, & aspiciens deorsum: sed nullo modo diuiditur oculus in superiorem, & inferiorem, pro eo quod aspicit sursum, & deorsum: ergo nec ratio sic diuidi deberet: si ergo diuiditur: ergo ratio superior, & inferior non differunt tantum penes actus & aspectus, sed etiam penes id quod sunt.

Principia multis mo-

6. ITEM

6. ITEM si solum penes aspectus diuersos, & actus esset ibi differentia, cum ratio angeli aspiciat superiora, & inferiora, videtur quod deberet diuidi in superiorem, & inferiorem: sed talis differentia in potentiis angeli non consuevit assignari: amplius ergo differunt quam secundum actus, & aspectus: ergo redit idem quod prius, quod diuersæ potentia secundum id quod sunt.

SED CONTRA: Augustinus dicit in lib. 2. de Trinit. Cum differimus de natura mentis humanæ, de vna quadam re differimus: nec eam per hæc duo, quæ commemorauimus, nisi per officia geminamus, sermo præcesserat de superiori portione rationis, & inferiori: ergo, &c.

ITEM anima, sicut dicit Philosophus, secundum intellectum quodam modo est omnia: sed hoc non esset nisi potentia intellectiua, cum sit vna, nata esset cognoscere omnia: si ergo dicitur ratio superior, in quantum cognoscit superiora, & inferior in quantum cognoscit inferiora: ergo non est alia, & alia potentia.

ITEM idem est habitus, qui dirigit animam ad amorem Dei, & proximi, utpote charitas: ergo multo fortius eadem potentia, qua conuertimur ad Deum, est ad Deum, & ad proximum: sed hæc est ratio superior, & inferior: ergo, &c.

ITEM lux increata se habet ad creatas, sicut se habet lux solis ad colores, sicut dicit Augustinus in libro soliloq. sed eadem est potentia sensitua, qua cognoscimus tam lucem, quam colorem: si ergo intellectiua potentia multo largior est & liberior, quam potentia sensitua, videtur quod vna & eadem potentia sit qua conuertatur anima ad lucem æternam, & ad hæc temporalia.

CONCLUSIO.

Portio superior, & inferior non sunt diuersa potentia anima, sed diuersas dicunt dispositiones, atque officia.

RESP. AD ARG. Dicendum quod diuisio rationis in superiorem portionem, & inferiorem non est adeo per diuersa membra, ut hæc, & illa sit potentia alia, & alia, sicut rationes ostendunt ad secundam partem inductæ: nec est per membra ita conuenientia, ut non sit in eis differentia nisi solum secundum aspectus. Est enim differentia in eis secundum dispositiones, & secundum officia. Secundum dispositiones, quia hæc fortis, & illa debilis. Secundum officia, quia hæc regit, & illa regitur. Ratione diuersæ dispositionis in debilitate, & fortitudine: hæc vocatur vir, & illa mulier. Ratione diuersitatis in officio, & regimine: hæc vocatur superior, quia regit, & illa inferior, quia regitur: talis autem dispositionum diuersitas ortum habet, non ex diuersitate naturæ, sed diuersa comparatione eiusdem potentia. Dum enim ratio nostra ad superiora conuertitur, purgatur, & illuminatur, & perficitur. Dum leges æternas conspiciat, & immutabilitas diuinæ virtutis, & æquitatis, in bono fortificatur, & vigoratur. Dum autem ad hæc inferiora conuertitur, utpote ad sensibilitatem, & carnem, quodam modo trahitur, & molitur: & ideo sunt eiusdem naturæ ratio superior, & inferior differentes secundum fortitudinis, & debilitatis dispositionem. Et quia vna oritur ab altera, & ei coniungitur tanquam adiutorium simile sibi, recte hæc dicitur vir, & illa dicitur mulier, & inter eas dicitur esse coniugium. Diuersitas autem officiorum similiter non venit ex diuersitate naturarum, sed ex diuersitate dispositionum. Quia enim hæc fortis est, & illa debilis, hæc intelligens, & consulens diuinam voluntatem, illa vero exequens opere, & ideo hæc regit, & illa regitur: & ex hoc illa superior, & ista inferior appellatur. Et sic patet, quod superior portio rationis & inferior, etsi aliquo modo recte condiuantur, tamen diuersæ potentia non sunt: ista enim membra videlicet superius, & inferius essentiam potentia non variant, sed dispositiones, & officia: & hoc insinuant ipsa nomina.

S. Bonavent. Operum Tom. I V. Pars II.

1. AD illud ergo quod obiicitur de coniugio, iam patet responsio: hoc enim dictum est relatiue: non quia ratio superior, & inferior sint diuersæ personæ, sed quia cum vna ab altera educatur, natura tamen non differunt, sed sibi inuicem coniunguntur quasi ad mutuum obsequium.

2. AD illud quod obiicitur quod hæc est ad imaginem, & illa non, dicendum quod cum negamus inferiorem portionem rationis esse ad imaginem, non hoc dicimus, quia imago non sit in illa potentia, sed quia non attenditur secundum conuersionem illam: unde non remouetur ratio imaginis à parte inferiori secundum id quod est imago, & secundum id quod est ratio: sed solum secundum comparisonem superadditam.

3. AD illud quod obiicitur quod regens, & rectum sunt opposita, dicendum quod verum est: sed ex hoc non sequitur diuersitas in spiritali potentia: in ea maxime, quæ nata est reflecti super seipsam: & talis est ratio, & voluntas.

QVOD ergo obiicitur quod relatiue opposita non possunt esse circa idem, dicendum quod verum est secundum idem, & ad idem: cum autem aliquid comparatur ad diuersa, nihil impedit in eo reperiri simul relationes mutuas sine repugnantia, & oppositione. Præterea illud habet locum in reatiuis secundum esse, & non secundum dici.

4. Et per hoc patet responsio ad illud quod sequitur, quod nihil secundum idem agit, & patitur, hoc verum est de actione, & passione physica: de passione autem spiritali, quæ dicimus, idem à se moueri, & regi, veritatem non habet, cum dicat Anselmus, voluntatem esse instrumentum seipsum mouens.

5. 6. AD duo vltima iam patet responsio. Concedo enim quod illa diuisio non solum attendatur secundum diuersitatem in aspectu, sed etiam in dispositione, & officio, quæ non reperitur in angelo, vel in oculo, sicut patet per ea, quæ prædicta sunt, & ista sufficiant.

QVÆSTIO III.

An voluntas naturalis, & deliberatiua sint diuersa potentia.

S. Thom. 1. p. q. 79. art. 6.

Et de Verit. q. 10. art. 2.

Ægid. Rom. 2. Sent. p. 2. dist. 24. q. 2. art. 2.

Richardus 2. Sent. dist. 24. art. 2. q. 2.

Steph. Brulef. 2. Sent. dist. 24. q. 5.

QVÆRITVR de illa diuisione potentiarum animæ, quæ quidem est per naturale, & deliberatiuum: & quaeritur, utrum diuisio voluntatis per naturalem, & deliberatiuam sit per diuersas potentias, & quod sic, videtur. Damascenus cum diuidit potentias animæ; primo diuidit in θελουσαν, & βουλευσαν, id est, in naturalem, & deliberatiuam: & postea subdiuidit per alias potentias: ergo si maior differentia est inter prima membra, videtur quod naturalis voluntas & deliberatiua sit potentia alia, & alia.

2. ITEM diuisio substantia, per rationale & non rationale, variat ipsam per essentiam: ergo diuisio potentia per huiusmodi differentias facit potentias essentialiter differre: sed talis est diuisio potentiarum animæ per naturalem, & deliberatiuam: ergo, &c. Minor probatur per hoc, quod sicut dicit Philosophus, rationales potentia sunt ad opposita: sed quando aliqua potentia naturaliter mouetur ad aliquid, non mouetur ad oppositum: ergo potentia ut est naturalis, non est rationalis.

3. ITEM cum diuidimus creaturam per corruptibilem, & incorruptibilem, diuersificamus eam essentialiter: ergo pari ratione cum diuidimus potentiam per mutabilem, & immutabilem, eam essentialiter variamus: sed potentia, quæ mouetur naturaliter ad suum obiectum, mouetur uniformiter: deliberatiua vero vertibiliter: ergo, &c.

4. ITEM potentia, in qua communicamus cum brutis,

Ad oppositum.

Damas. de fide Orih. lib. 2. cap. 11. & sequenti- bus.

B b 3

tis,

tis, non potest esse eadem cum potentia, in qua differimus: sed in naturali appetitu cum brutis convenimus, & A in rationali differimus: ergo, &c. Sicut enim bruta naturaliter appetunt sui esse conseruationem, sic & nos appetimus,

Fundamēta.

SED contra: Potentia quæ habent idem obiectum, & sub eadem ratione, non habet diuersitatem: sed naturalis voluntas, & deliberatiua idem habet pro obiecto, videlicet bonum: naturaliter enim bonum appetimus, & ex deliberatione etiam cum bene ordinati sumus: ergo, &c.

ITEM potentia, quæ ordinatur in finem, & in id quod est ad finem, non est alia, & alia: sed voluntas nostra, ut est in finem, est naturalis, quia naturaliter vnusquisque appetit beatitudinem, ut est in rem ordinata: sed potentia, B quæ ordinatur ad finem, est deliberatiua: ergo, &c.

ITEM eadem potentia cognitiua est, qua cognoscimus aliquid naturaliter, & per acquisitionem: ergo par ratione eadem est voluntas, qua aliquid appetimus per naturalem instinctum, & per deliberationis arbitrium.

ITEM omne quod est aliqua natura, habet operationem naturalem: sed voluntas deliberatiua est aliqua natura: ergo habet operationem naturalem: sed voluntatis actus est velle, ergo voluntas deliberatiua aliquid vult naturaliter: sed voluntas, quæ vult aliquid naturaliter, est naturalis: ergo voluntas deliberatiua est voluntas naturalis.

CONCLUSIO.

Voluntas naturalis & deliberatiua non sunt due, sed vna tantum potentia, si sit differentia in modo appetendi.

RESP. AD Arg. Dicendum quod cum diuidimus appetitum in naturalem, & deliberatiuum, siue quamcunque aliam potentiam, hoc dupliciter potest intelligi. Aut ita quod appetitus naturalis, & deliberatiuus diuersitatem habeant in obiectis, utpote cum vnum est appetibile solum à substantia rationali: aliud autem est appetibile à brutali. Et hoc modo bene contingit, naturalem potentiam & deliberatiuam esse diuersas potētiās. Alio modo potest diuidi appetitus, siue potentia in naturalem, & deliberatiuam, ita tamen quod non sit differentia in obiectis, sed in modo appetendi, ut cum appellamus synderesim esse voluntatem naturalem, quæ quidem naturaliter inclinatur, & instigatur ad bonum honestum, & murmurat contra malum: & voluntatem deliberatiuam appellamus appetitum, quo post deliberationem aliquando adhæremus bono, aliquando malo: Et sic diuisio potentia per naturalem, & deliberatiuam non variat eam secundum essentiam potentia sed secundum modum mouendi. Et hoc modo diuidit Damascenus, non quia naturalis, & deliberatiua sint diuersæ potētiæ, sed quia vna est potentia, diuersimode tamen mouens: & hoc sufficit ad diuisionem potentiarum. Vnde notandum est, quod multis modis consueuerunt auctores diuisionem potentiarum animæ accipere. Aliquando secundum naturam ipsarum potentiarum, ut cum diuiduntur potētiæ animæ in vegetabilem, E sensibilem, & rationalem, vel ipsa rationalis in intellectiuam, & affectiuam. Aliquando vero secundum officia, ut cum diuiditur ratio in superiorem, & inferiorem. Aliquando secundum statum, ut cum diuiditur intellectus in speculatiuum, & practicum: intellectus enim speculatiuus secundum alium statum efficitur practicus videlicet dum coniungitur voluntati, & operi in dictando, & regendo. Aliquando vero fit diuisio potentiarum secundum aspectus, sicut diuiditur potentia cognitiua in rationem, intellectum, & intelligentiam, secundum quod aspicit ad inferius, ad par, & ad superius. Aliquando vero secundum actus, sicut fit diuisio in inuentiuam, & iudicatiuam. Inuenire enim, & iudicare sunt actus potentia cognitiua adinuicem

ordinati. Aliquando vero fit diuisio potentiarum animæ secundum modos mouendi: & sic est illa, quæ est per naturalem, & deliberatiuam. Omnibus his modis diuersificatis vtuntur auctores in diuisione potentiarum animæ, & in solo primo modo diuidendi attenditur proprie potentiarum diuersificatio. Concedendum igitur est, quod naturalis voluntas, & deliberatiua potest esse eadem potentia, quæ quidem secundum alium, & alium modum mouendi sic & sic appellatur. Eadem enim est potentia, qua appetit beatitudinem, & qua appetit virtutem, siue facere hoc bonum, vel illud ad beatitudinem ordinatum, quæ ut appetit beatitudinem dicitur naturalis, quia immutabiliter appetitus eius ad beatitudinem inclinatur: ut vero appetit hoc, vel illud bonum facere, deliberatiua dicitur, & secundum iudicium rationis potest ad contrarium inclinari.

1. AD illud ergo quod primo obiicitur de diuisione potentiarum facta à Damasceno, iam patet responsio. Ipse enim, ut ibidem patet in sua exemplificatione, potius in hac diuisione diuersitatem modorum mouendi attendit, quam diuersitatem potentiarum mouentium.

2. AD illud quod obiicitur quod voluntas naturalis est irrationalis, quia non est ad opposita, dicendum quod cum dicitur quod potestates naturales sunt ad opposita, hoc non intelligitur de omnibus oppositis, sed de aliquibus: rationalis enim voluntas ita ordinatur ad aliquid, quod nullo modo appetit suum oppositum, ut patet in ordine voluntatis nostræ ad beatitudinem, & felicitatem. Licet autem determinate inclinetur ad beatitudinem, ad multa tamen genera appetibilium illa & eadem voluntatis potentia est indeterminata, ita quod nata est moueri in opposita: & propterea sic est naturalis, ut tamen non desinat esse rationalis, & deliberatiua. Si autem esset sic determinata ad vnum quod nullo modo posset in opposita sicut est potentia calefaciendi, & illuminandi in igne, tunc esset pure naturalis, & non esset deliberatiua, siue rationalis.

3. AD illud quod obiicitur de incorruptibilitate, dicendum quod non est simile de incorruptibilitate substantia, & immutabilitate potētiæ: incorruptibilitas enim in substantia dicitur absolute: & ideo esse corruptibile, & incorruptibile directe opponuntur, & sunt impossibilia circa idem. Mutabile vero, & immutabile potētiæ, accipi possunt respectu diuersorum obiectorum, ut patet, cum aliqua voluntas est immutabilis respectu finis, & mutabilis respectu eius quod est ad finem: & ideo non oportet potētiās per hæc membra essentialiter diuersificari.

4. AD illud quod obiicitur de naturali appetitu in brutis, iam patet responsio, quia cum dicitur nos communicare cum brutis in potentia naturali, & appetitu, ibi distinguitur naturalis potentia à rationali, non solum quantum ad modum appetendi, sed etiam quantum ad appetibile, & penes hoc contingit diuersas differentias potentiarum accipere.

QVÆSTIO IV.

An intellectus agens, & possibilis sint diuersa potentia.

S. Thom. 1. p. q. 79. art. 2.

Et 2. Sent. dist. 24. q. 2. art. 2.

Et de Verit. q. 16. art. 1.

Egid. Rem. 2. Sent. dist. 24. p. 1. q. 2. art. 4.

Richardus 2. Sent. dist. 24. art. 2. q. 1.

Thom. Argent. 2. Sent. dist. 23. q. 1. art. 1.

Steph. Brulef. 2. Sent. dist. 24. q. 6.

AD maiorem euidentiam præcedentium quaeritur de diuisione potentiarum animæ per agentem, & possibilem, secundum quas differentias intellectus noster diuidi consuevit. Est igitur quaestio, utrum agens intellectus, & possibilis sint vna potentia, vel diuersæ,

Fundamēta.

Et

Et quod diuersæ, videtur. Materialis causa nunquam simul incidit in idem cum aliis causis, sicut vult Philosophus: sed sicut se habet materia ad formam, vel efficientem, ita se habet intellectus possibilis ad agentem, sicut Philosophus dicit: ergo intellectus possibilis, & agens sunt potentia diuersæ.

ITEM prima diuisio potentia est per actiuam, & passiuam, sicut innuit Philosophus in lib. 9. primæ Philosophiæ: sed inter hæc membra primo diuisio est maxima differentia, quæ sit in illo genere: ergo inter potentiam actiuam & passiuam est maxima potentiarum differentia: ergo impossibile est vnā potentiam esse possibilem, & agentem.

ITEM impossibile est idem secundum idem esse in actu, & potentia simul & semel: sed anima secundum intellectum agentem est continue in suo actu, secundum possibilem autem non: ergo, &c.

ITEM impossibile est idem secundum essentiam esse illuminans, & illuminatum, sed intellectus agens se habet sicut lux, intellectus possibilis sicut quid illuminatum à luce: ergo, &c.

1. **SED** contra: In perpetuis non differt esse, & posse, sicut vult Philosophus: ergo nec actus, & potentia: multo minus nec potentia actiuā, & passiuā: sed anima est perpetua, & eius intellectus, ergo non est differentia potentia possibilis contra agentem.

2. **ITEM** in imaginatione, quæ est multo magis materialis, virtus, quam intellectus, non sunt duæ potentia imaginatiuæ, quarum vna sit actiuā, altera passiuā: ergo si multo potentior est virtus intellectiua, quam imaginatiua, videtur quod per agentem, & possibilem non habet diuersificari.

3. **ITEM** potentia receptiua, & abstractiua in corporalibus possunt concurrere in vnitatem organi, sicut patet in oculo cati, qui potest speciem suscipere, & eam à se de nocte facere: ergo pari ratione, immo multo fortiori videtur quod intellectus agens & possibilis reperiantur in vna potentia speciali.

4. **ITEM** intelligere est vnus actus per se: ergo est à potentia vna simplici: sed ad nostram intelligere concurrunt intellectus possibilis & intellectus agens: ergo non sunt diuersæ potentia.

5. **ITEM** intellectus possibilis aut intelligit, aut non. Si non: ergo non debet dici intellectus, nec potentia intellectiua. Si intelligit, ergo aliquo modo est potentia actiuā: ergo non videtur quod intellectus possibilis sit alia potentia ab agente.

6. **ITEM** intellectus agens aut intelligit, aut non: Si non: ergo non debet dici intellectus, nec potentia intellectiua. Si sic: cum intellectus non possit intelligere aliud à se, nisi speciem illius habeat in se, & penes se: & cum omne illud quod est susceptibile speciei sit aliquo modo possibile: ergo non diuiditur per essentia à possibili.

CONCLUSIO.

Intellectus agens, & possibilis sunt duæ ipsius anime intellectiue differentia.

RESP. AD ARG. Ad prædictorum intelligentiam est prænotandum, quod variis modis tentauerunt prædecessores nostri assignare differentiam intellectus possibilis ad agentem. Quidam enim dixerunt, quod differunt sicut duæ substantia. Alij dixerunt quod differunt sicut duæ potentia. Tertio modo dixerunt alij, quod differunt sicut habitus, & potentia. Quarto modo dixerunt alij, quod differunt sicut potentia absoluta, & comparata. Primus autem modus dicendi quod dicitur, quod differunt secundum substantiam, dupliciter habet intelligi.

Quidam namque dicere voluerunt, quod intellectus agens sit intelligentia separata: intellectus autem possibilis sit anima corpori coniuncta. Et modus iste ponendi, & dicendi fundatus est super verba Philosophorum, qui posuerunt animam rationalem illustrari à decima intelligentia, & perfici ex coniunctione sui ad illam. Sed iste modus dicendi falsus est, & erroneus, sicut supra

A improbatum fuit dist. 8. Nulla enim substantia creata potentiam habet illuminandi, & perficiendi animam proprie intelligendo, immo secundum mentem immediate habet à Deo illuminari, sicut in multis locis Augustinus ostendit. Alius modus intelligendi est quod intellectus agens esset ipse Deus, intellectus vero possibilis esset noster animus. Et iste modus dicendi super verba Augustini est fundatus, qui in pluribus locis dixit, & ostendit quod lux quæ nos illuminat, Magister qui nos docet, veritas quæ nos dirigit, Deus est, iuxta illud Ioannis: Erat lux vera, quæ illuminat omnem hominē, &c. Iste autem modus dicendi etsi verum ponat, & fidei catholicæ consonum, nihil tamen est ad propositū, quia cum animæ nostræ data sit potētia ad intelligendū, sicut aliis creaturis data est potentia ad alios actus, sic Deus, quamvis sit principalis operans in operatione cuiuslibet creaturæ, dedit tamen cuiuslibet vim actiuam, per quā exiret in operationem propriam: sic credendū est indubitanter quod humanæ animæ non tantūmodo dederit intellectū possibilem, sed etiam agentē, ita quod vterque est aliquid ipsius animæ. Et ideo primus modus assignandi differentiam tanquam ad propositum impertinens omittendus est, quo scilicet dicitur quod intellectus agens & possibilis differunt sicut duæ substantia.

B Secundus modus dicendi quo scilicet dicitur, quod differunt sicut duæ potentia, dupliciter potest intelligi, & vno modo false, alio modo vere. Vnus modus intelligendi & dicendi est, quod intellectus possibilis sit potentia pure materialis, quæ inest animæ ex parte suæ materiæ: intellectus vero agens sit potētia pure formalis, quæ inest animæ ex parte suæ formæ. Et hic modus dicendi videtur fundari super verba Philosophi, qui dicit quod intellectus possibilis est, quo est omnia fieri: intellectus agens, quo est omnia facere, sicut cōtingit in forma, & materia reperire. Sed hic modus dicendi nō cōsonat veritati. Si enim intellectus possibilis esset potētia pure passiuā, & se teneret ex parte materiæ, in omnibus posset poni, in quibus est reperire materiale principiū. Præterea, sicut oculus nō dicitur visus, sic talis potētia non deberet dici intellectus. Alius vero modus intelligendi est, vt dicatur, quod intellectus agens & possibilis sint duæ intellectus differentia datæ vni substantiæ, quæ respiciunt totū cōpositū. Appropriatur autē intellectus agēs formæ, & possibilis materiæ, quia intellectus possibilis ordinatur ad suscipiendum: intellectus agens ordinatur ad abstrahendum, nec intellectus possibilis est pure passiuus, habet enim supra speciem existentem in phantasia se conuertere, & conuertendo per auxilium intellectus agentis illam suscipere, & de ea iudicare. Similiter nec intellectus agens est omnino in actu: non enim potest intelligere aliud à se, nisi adiuetur à specie, quæ abstracta à phantasmate intellectui habet vniri. Vnde nec possibilis intelligit sine agente, nec agens sine possibili. Et iste modus dicendi verus est, & super verba Philosophi fundatus: dicit enim agentem, & possibilem esse duas differentias intellectus, vnde sicut duo intelligimus necessario in medio, ad hoc quod abstrahat species ab obiecto, videlicet lucem, & diaphaneitatem, ita quod per vnum abstrahit, & per aliud defert, & suscipit: sic & in proposito conformiter potest intelligi, ita ad vnum actum hæc duo concurrere, vt hæc sine alia non habeat operationem suam complete.

C Tertius modus assignandi differentiam, quo dicitur, quod differunt sicut potētia, & habitus, dupliciter habet intelligi. Vno modo, vt intellectus agens dicatur habitus quidam constitutus ex omnibus intelligibilibus: intellectus vero possibilis intelligatur idem ipse prout est in potentia ad acquirendā cognitionē per phantasmata. Et hic modus ponendi fundari videtur super verba Boëtij, qui dicit quod summā retinēs singula perdit. Quod voluerūt aliqui intelligi sic: quod intellectus noster dicitur habere apud se cognitionē vniuersaliū habitualement immatam, alioquin nō posset per virtutem suam abstrahendo etiam à sensibus, & à phantasmatibus facere in-

Improbatio.

In Ps. 118. & li. 83. q. 9. 51. ad fin. lib. 3. de lib. arb. c. 16. de Spiritu, & ani. c. 10. in fine.

Ioan. 1. b.

Opinio 2.

3. de ani. context. 18.

Improbatio.

3. de Ani. context. 8. 18. & 19.

Opinio 3.

Improbatio.
3. de Ani.
context. 14.

Dion. de co-
lesti hierar.
c. 3. p. 2.

Sal. 4. b
3. de Ani.
context. 18.

Opinio 4.

3. de Ani. c.
c. 15. 16.
c. 19. Et
Auer. ibid.
c. com. 5.

Improbatio.

Opinio 5.

Epilogus
dictorum.

tellectu possibilem actu intelligētem: omne enim quod deducit alterū de potentia in actum, est ens in actu. Sed iste modus dicendi verbis Philosophi non cōsonat, qui dicit, animam esse creatam sicut tabulam rasam, nec habere cognitionem habituum sibi innatam, sed acquirere mediante sensu & experientia. Alius modus dicendi est, ut dicatur intellectus agēs differre à possibili, sicut habitus à potētia: non quia agēs sit pure habitus, sed quia est potentia habitualis. Et iste modus dicendi probabilis est, & verus, & super verba philosophica, & catholica fundatus. Verum enim est secundum Dionysium quod substantiæ intellectuales, eo ipso quod intellectuales substantiæ luminis sunt: ergo perfectio, & complementū substantiæ intellectualis lux est spiritualis: igitur illa potentia, quæ consequitur animam ex parte intellectus sui, quoddam lumen est in ipsa: de quo lumine potest intelligi illud Psalmi: Signatum est super nos lumen vultus tui Domine. Et hoc lumen videtur Philosophus intellexisse, esse intellectum agentem: dicit enim quod ille intellectus, quo est omnia facere, est sicut habitus quidā, vel unum: quodā enim modo lumen facit colores potentia, actu colores, sicut habetur in lib. 3. de anima. Huus autem simile potest poni in oculo cati, qui non solum habet potentiam suscipiendi in se speciem per naturam perspicui, sicut alij, sed etiam potentiam faciendi in se speciem per naturam luminis sibi inditi.

Quartus autem modus assignandi differentiam inter possibilem & agentem, quo se differunt sicut potentia absoluta & comparata, dupliciter habet intelligi. Vno modo ut intelligatur quod vna omnino & eadem est potentia intellectus agens, & possibilis, differens, comparatione sola, ut agens sit prout est in se considerata, possibilis verò prout vnitur corpori, & phantasmatibus, vel phantasiæ. Et hic modus dicendi videtur fundari super verba Philosophi, qui vult quod intellectus agens semper est in suo actu: possibilis verò aliquādo sic, aliquando non. Quod enim anima lassetur, & perturbetur in actu intelligendi, hoc est ex coniunctione sui ad corpus. Sed hic modus ponendi deficit à veritate: quoniam anima separata habet intellectum, quo est omnia facere, habet etiam intellectum, quo est omnia fieri: ergo habet agentem, & possibilem, etiam cum separata est: ergo intellectus possibilis non inerat ei solum ex coniunctione sui cum corpore.

Alius modus intelligendi prædictā differentiam est, ut dicatur intellectus agens differre à possibili, sicut potentia absoluta à comparata: non quia sit omnino eadem potentia comparatione differens, sed quia cum sit alia, & alia intellectus differentia, vna est per quam ordinatur ad suscipiendum; altera vero per quam ordinatur ad abstrahendum, & ita vna de se quodam modo completa, & habitata, alia verò indigens habilitatione, & complemento: & cum sit nata ad illud complementum venire mediante auxilio corporis, & corporalium sensuum, inest ipsi animæ secundum quod habet inclinari ad corpus. Et ex hoc cōtrahit duplicem possibilitatem, vnam respectu actus, quia non est semper in actu suo propter impedimentum à parte corporis, alteram respectu phantasmatum, à quibus excitari habet: & hanc possibilitatem non debet nisi ex coniunctione sui cum corpore, quamvis sit potentia de natura sua, qua est omnia fieri, quæ non solum est in anima coniuncta, sed etiam in anima separata. Sic igitur patet, quo modo ex multis modis dicendi eliciuntur quædam intellectus differentia inter intellectum agētem, & possibilem. Cum enim sint quatuor principales modi assignandi differentiam inter hos intellectus, & quilibet subdinidatur in duos, sicut in prosequendo monstratum est, solummodo tres modi digni sunt approbari, quorum vnus ab altero non discordat, sed vnus ortum habet ex altero. Quia enim diuersæ differentia sunt intellectus, quæ etsi respiciunt totum compositum, vna tamen magis respicit animæ complementum, alia verò materiale principium: hinc est, quod vna non solum tenet rationem potētiae, immo

etiam potentia habitualis: altera verò tenet pure rationem potētiae: & hinc est, quod vna dicitur conuenire animæ secundum se, altera verò in comparatione ad corpus, & vna semper est in actu, altera verò non: non quia semper anima actu intelligat per intellectum agentem, sed quia sicut lumen corporale semper lucet, & de se promptum est ad illuminandum: res autem illuminabilis non semper illuminabitur propter aliquod impedimentum: sic & in proposito intelligendum est. Concedendæ sunt igitur rationes ostendentes intellectum agentem, & possibilem duas differentias esse intellectus potentia, licet aliquæ ex eis non sint multum cogentes.

1. Ad illud autem quod obiicitur, quod non differt posse & esse in perpetuis, dicendum quod hoc intelligitur de esse substantiali, & de differentia non secundum naturam, sed de distantia secundum tempus, quia in eis materia tempore non præcedit actum: & ideo nihil facit ad propositum, quia intellectus possibilis non dicitur possibilis respectu esse primi, sed actus secundi.

2. Ad illud quod obiicitur de imaginatione, quod non differt potentia actiua & passiva, dici potest quod magis differt, quam in intellectu, quia organum corporale, in quo recipiuntur phantasmata, est ei loco potentia passiva: ipsa verò vis imaginaria est loco potentia actiua. Aliter potest dici quod non est simile, quia cum species deferatur à sensu vsque ad imaginationem, non exit genus abstractionis, quæ quidem fuit in sensu particulari: sed cum species peruenit ad intellectum, nouum genus abstractionis ibi exigitur, & aliud genus luminis: ideo magis indiget potentia actiua distincta à possibili ipse intellectus, quam imaginatio vel sensus.

3. Ad illud quod obiicitur de oculo cati, dicendum quod etsi potentia receptiua, & abstractiua possunt concurrere ad vnus organi completionem, nunquam tamē concurrūt in eandem vnus organi dispositionem. Alia enim est dispositio in oculo cati, per quam recipit, scilicet perspicuitas, & alia per quam abstrahit, scilicet luminositas, & alterius, & alterius naturæ. Sic & in potentia intellectiua, etsi concurrant ad cōplementum, & perfectionem potentia intellectiua, potentia per quam recipit, & potentia, per quam abstrahit, nō sunt tamen eiusdem naturæ, nec per eandem naturam insunt animæ: & ideo non sunt vna differentia potentia, sed diuersæ.

4. Ad illud quod obiicitur, quod intelligere est actus vnus & simplex, dicendum quod etsi intelligere possit quodam genere simplicitatis dici actus simplex, nihilominus tamen ad nostrum intelligere concurrūt recipere, & indicare, siue abstrahere, & suscipere: & hi sunt plures actus ad inuicem ordinati, ex quibus resultat vnus actus perfectus: sic & in potentiis intelligendum est se habere, quod etsi sint diuersæ differentia intellectus, tamen in suis actionibus ad inuicem ordinatae sunt, & coniunctæ ad actum intelligendi perficiendum, sicut materiale, & formale principium ad vnum esse compositi constituendum.

5. 6. Ad illud quod obiicitur, quod intellectus possibilis intelligit, & intellectus agens similiter recipit, dicendum quod intellectus possibilis non est pure passivus, sicut supra ostensum est: habet enim potentiam se conuertendi: nec tamen est adeo actiua, sicut agens, quia non potest sua conuersione nec speciem abstrahere, nec de specie iudicare, nisi adiutorio ipsius agentis. Similiter nec ipse intellectus agens operationē intelligēdi potest perficere, nisi formetur acies intellectus possibilis ab ipso intelligibili, ex qua formatione est in pleniori actualitate respectu eius quod debet cognoscere quam erat prius cum carebat specie: & ita cum cogitamus de intellectu agēte, & possibili, non debemus cogitare quasi de duabus substantiis, vel quasi de duabus potentiis ita separatis, quod vna sine alia habeat operationem suam perficere, & aliquid intelligat intellectus agēs sine possibili, & aliquid cognoscat intellectus agēs, quod tamē homo, cuius est intellectus ille, ignoret. Hæc enim vana sunt, & friuola, ut aliquid sciat intellectus meus, quod

ego

rentiæ, quod in vnam operationem completam intelligendi veniant inseparabiliter, sicut lumen & diaphanum veniunt in abstractionem coloris. Nec sunt hic sequenda communiter verba Philosophorum, quia pro magna parte decepti sunt in influenza intelligentiæ super animam, quam non admittit fides catholica.

DISTINCT. XXIV. PARS II.

Hic determinat, qualiter in homine tentationis ordo, & progressio consummatur.

Illud quoque prætermittendum est, &c.

Expositio Textus.

VPRÆ egit Magister de distinctione potentiarum animæ ad liberi arbitrij manifestationem. In hac parte, quia secundus gradus potentiarum est ordo, & progressio tentationum, determinat qualiter & quo ordine peccatum per vires animæ progredi habeat, & peruenire ad consummationem. Diuiditur autem pars ista in tres partes. In prima determinat qualiter peccatum in viribus animæ habeat progressum ad consummationem. In secunda vero prædeterminata repetit ad maiorem explanationem, ibi: *Itaq; ut breuiter summa perstringam &c.* In tertia vero prædeterminata epilogat ad faciliorem rememorationem, ibi: *Hec de anima partibus interseruimus, &c.* Quælibet harum partium diuidi potest in duas secundum duo capita, quæ in quolibet continentur. Nam prima pars habet duas. In prima determinat connexionem, & ordinem virium animæ. In secunda vero determinat, qualiter habeat fieri progressus culpæ, ibi: *Nunc superest ostendere, quo modo, &c.* Similiter secunda pars habet duas. In prima explanat, & circumloquitur assimilationem virium animæ in consummatione peccati ad primam tentationem. In secunda vero ponit quandam similitudinem, ostendens quod mulier sine viro damnari non potest, ibi: *Nec sane cum sola cogitatione, &c.* Similiter tertia, & vltima pars duas habet. In prima breuiter epilogat, & rationem suæ disgressionis assignat. In secunda vero multipliciter huius nominis *Sensualitas* ad maiorem euidentiā explicat, & manifestat, ibi: *Non est autem silentio prætermittendum, &c.*

Si ergo peccatum, &c. Dub. I.

Innuat Magister, quod si peccatum, non diu teneatur in delectatione, veniale est: si vero diu in delectatione cogitationis teneatur, etsi voluntas perficendi desit, mortale est. Ex hoc videtur quod sola mora de veniali faciat mortale. **SED CONTRA:** Circumstantia non mutat genus peccati: ergo si mora temporis est circumstantia, nunquā faciet de eo quod erat veniale, mortale. **ITEM:** Mortale excedit veniale in infinitū: sed circumstantia non aggrauat in infinitū: ergo si mora temporis circumstantia est, videtur, &c. Iuxta hoc queritur, quanta mora temporis faciat peccatum quod erat veniale, esse mortale: & utrū hoc sit in aliis generibus peccatorum sicut in peccato carnis. Et iterum: quando quis dubitat, utrū mortaliter, vel venialiter peccauerit, qualiter sit ei consulendum.

RESP. Dicendum quod mora temporis quantum est de se, non facit, ut quod prius erat veniale, fiat mortale, sed solum occasionaliter, videlicet quod inducit consensum verum, vel interpretatiuum. Tunc autem inducit consensum verum, quando ex diuturnitate delectationis crescit libido, adeo ut homo velit omnino in vitiorum delectatione persistere, & morari. Tunc vero inducit consensum interpretatiuum, quando homo aduertens periculum delectationis retentæ, negligit eam reprimere: hoc enim non est absque contemptu salutis propriæ, pro eo quod discrimini se exponit. Illa enim delectatio subintrat sicut serpens, & venena diffundit, per quæ rationalis spiritus interit morte culpæ. Sicut igitur salutē suā corporalem negligeret, qui serpentem iuxta se sciēter collocaret, sic in tali delectatione aduertens pericu-

lum, vel debens advertere, voluntarie versatur, exponit se discrimini, quando negligit repellere: & pro tanto dicit Magister ipsum peccare mortaliter: & per hoc patet responsio ad obiecta. quia hoc non facit mora de se, sed ratione consensus, vel contemptus. **AD** illud vero quod queritur, quanta mora hoc faciat dicendum quod in generali determinatur, quod tanta mora hoc faciat, in qua adeo crescit delectatio & libido, quod superuenit consensus, vel adeo est repellendi negligentia, & propriæ salutis inducia, quod superuenit contemptus, & consensus interpretatiuus. Si autem in speciali queratur, quanta sit ista mora, utrum sit vnius horæ vel dimidij, vel amplioris spatij, non potest vna responsio dari, quia aliquando est maioris, aliquando minoris secundum diuersos status, & condiciones personarum: unde hoc non determinat scientia, vel lectio, sed potius conscientia recta, & punctio. Bene autem aduertit conscientia recta se non modicum lædi, quando ex morosa delectatione consensus superuenit contemptus: quod si non aduertat, aliquando propter tenebras, & inuolutiones affectionum securiorem partem debet eligere, & confiteri pure, sic & dolore quasi peccaret mortaliter.

AD illud quod queritur, utrum ita sit in omnibus generibus peccatorum, dicendum quod in omnibus peccatis delectatio morosa vigilanter, & strenue vitanda est. Tamen verbum Augustini præcipue videtur intelligi in peccato carnis, quod habet ex carnis incentiuo delectationem magis sibi coniunctam, & ad quam homo facilius incurritur: & ideo cum magna diligentia est vitanda, non solum autem hoc, sed etiam omne peccatum. Multa enim frequenter creduntur esse venialia, quæ mortalia sunt & difficillimum est in talibus discernere: & ideo quasi à facie colubri necesse habet homo, qui vult saluari, peccatum fugere.

Quedam sunt, quæ si tantum semel fiunt, vel facienda dissonant, damnant: quedam vero non, nisi sæpius fiant. Dub. II.

CONTRA: Multiplicatio actuum non mutat genus: ergo si primum peccatum veniale est, & secundum, & tertium: ergo nunquam faciunt vnum mortale. Præterea quodlibet veniale stat cum gratia: ergo si nullam aufert gratiam, nullam aufert vitam: ergo nunquam damnant venialia, quantumcunque multiplicentur.

D **AD** hoc breuiter respondendum est ad præsens, quod ista quæstio determinatur in lib. 4. d. 16. Ideo ad præsens tantum dixisse sufficiat, quod plura venialia non determinant, nec faciunt mortale quantum est de se, sed solum dispositiue: ex frequenti enim iteratione venialium augetur libido, & frequenter interuenit contemptus: & pro tanto intelligendum est verbum Magistri esse dictum.

Sæpe in Scriptura nomine sensualitatis, non id solum in anima, quod est nobis commune cum pecore, &c.

Dub. III.

Hoc non videtur rationabiliter dictum, quia cum rationalis portio diuidatur contra sensualitatem, nullo modo videtur quod ratio sensualitatis nomine debeat censeri. Item queritur de hoc quod dicit, quod sæpe hoc in Scriptura reperitur: cum enim Philosophi de viribus animæ sufficienter tractauerint, & nullam mentionem fecerint de sensualitate, unde est hoc quod sacra Scriptura & Doctores sacre Script. hoc nomine vtuntur. Iuxta hoc est quæstio, utrum nomine sensualitatis intelligatur vna vis vel plures, & utrū intelligatur vis cognitiua, aut motiua: quod enim intelligatur vis cognitiua, videtur per hoc quod dicitur à sensu: sensus enim vis cognitiua est. Quod autem dicatur motiua, videtur per hoc, quod in ea habet esse peccatum, & ad malum habet inclinare.

RESP. Dicendum quod Scriptura distinguit hominem interiorem, & exteriorem, sicut habetur in epist. ad Cor. Et si is, qui foris est noster homo corrumpitur: is tamen qui intus est, renouatur de die in diem. Exteriorem autem hominem vocat non ipsum corpus tantum, sed corpus

cum

cum viribus animæ, per quas habet his sensibus intendere, & in eis inhærere. Interiorē autem hominem vocat ipsum spiritū rationālē, secundum quem habet circa cœlestia seipsum occupare: secundum hoc intelligendū est, quod homo habet potentias animæ, per quas conuertitur ad spiritualia, & habet potentias, per quas conuertitur ad sensualia: & illæ virtutes, per quas conuertitur ad spiritualia, insimul collectæ vnum posse perfectum animæ integrant, & quædam potestas resultat interioris hominis regitiua, quæ quidem vocatur arbitrij libertas, in qua consistit meritum, & laus, & vituperium. Secundum autem quod homo habet conuerti ad hæc sensualia, sic habet & suas potentias, quæ similiter in vnum concordantes integrant quasi vnum perfectum posse circa ista sensualia: & hoc nomine sensualitatis cēlet Scriptura, quæ simul comprehendit sensibiles cognituias, & motuias, sicut & arbitrij libertas, vt videbitur infra: & hoc est quod habitū est supra eadem dist. quod sensualitas est quædā vis animæ inferior, ex qua est motus, qui intenditur in corporis exterioris sensus, atq; appetitus rerū ad corpus pertinentium: & ideo cōprehendit ex sua propria acceptione, sensitiuam, & motiuam, & brutalem. Et quoniam inferior portio rationis per peccatum multum trahitur à sensualitate, & homo comparatus est iumentis insipientibus, & similis factus est illis: ideo inferior portio rationis aliquando in scriptura nomine sensualitatis censetur propter nimiam conuersionem sui ad sensualia: & per hoc patet responsio ad omnia obiecta. Ad illud tamen quod quæritur, quare Philosophi non vtuntur hoc nomine, dicendum quod sensualitas non tantum nominat ipsam potentiam sensualem quantum ad propriam naturam, sed etiam in quantum respectu rationalis habet quandam rebellionem, quæ ex peccato originali in homine traducitur. Et quoniam non peruenerunt ad cognitionem originalis peccati, neclapsus hominis: ideo non vtuntur hoc nomine sicut sacra Scripturæ.

ARTICVLVS I.

AD intelligentiam huius partis quærentur tria. Primo quæritur qualiter peccatū habeat fieri, & esse in parte rationis superiori. Secundo, qualiter habeat fieri in inferiori. Tercio, qualiter habeat fieri in sensualitate. Circa primum quærentur duo. Primo quæritur, vtrū in superiori parte rationis habeat esse peccatum secundum se. Secundo quæritur, vtrū possit in ea esse veniale.

QVÆSTIO I.

An in superiori parte rationis habeat esse peccatum secundum se.

S. Thomas 1. 2. q. 74. art. 5.
Et 2. Sent. dist. 24. q. 3. art. 3.
Ægid. Rom. 2. Sent. p. 2. dist. 24. q. 2. art. 1.
Richardus 2. Sent. dist. 24. art. 4. q. 4.
Stephan. Brulef. 2. Sent. dist. 24. q. 7.

CIRCA quam sic proceditur, & ostenditur quod in superiori parte rationis secundum se, hoc est absque instinctu inferioris partis non possit esse peccatum. Primo per illud Augustini contra Manichæos, vbi sic ait: Ratio nostra deduci ad consensum peccati non potest, nisi cum delectatio fuerit mota in illa parte animi, quæ debet obtemperare rationi tanquam rectori viro suo: ergo nunquam peccat ratio superior, nisi peccatum præcedat in parte inferiori.

2. ITEM Philosophus in libris de anima: Intellectus semper est rectus: phantasia autem recta, & non recta: ergo intellectus quantum est de se, nunquam errat: ergo nec superior portio deuiat à veritate iustitiæ, nisi inclinetur per sensualitatem, & inferiorem portionem.

3. ITEM peccatum est per conuersionem ad bonum cōmmentabile: sed superior portio rationis dicitur in quantum conuertitur ad æterna: inferior in quantum conuertitur ad temporalia: ergo impossibile est peccatum esse,

vel fieri in nobis ex actu partis rationis superioris absque actu inferioris.

4. ITEM ratio superior dicitur in quantum legibus æternis intendit: sed impossibile est aliquem peccare nisi declinando à legibus æternis: ergo impossibile est peccatum in superiori parte rationis esse secundum se.

5. ITEM mulier est media inter sensualitatem & rationem superiorem: sed sensualitas semper mouet ad bonum vt nunc, quantum est de se: ergo ratio superior quantum est de se: semper mouet ad bonum simpliciter: sed virtus, quæ mouet ad bonum simpliciter, in mouendo non peccat: ergo in superiori parte rationis quantum est de se, peccatum esse non potest.

6. ITEM anima quando conuertitur ad Deum purgatur, melioratur, & perficitur: sed superior portio rationis attenditur in quantum conuertitur ad Deum: ergo cum peccatum fœdet, & obnubilet, peccatum in superiori parte rationis secundum se esse non potest.

1. SED CONTRA: Filij Memphis, & Taphnes constuprauerunt te vsque ad verticem: si ergo vertex secundum quod sancti exponunt dicitur apex mentis, siue superior portio rationis, videtur quod & illa habeat per peccatum constuprari, & fœdari.

ITEM Augustinus de Trinitate: Vir manducat quando superior portio rationis consentit illecebræ: sed eius est peccare, cuius est consentire: si igitur hoc est superioris partis, patet, &c.

ITEM contingit aliquem peccare peccato infidelitatis discredendo aliquos articulos, qui sunt respectu diuinitatis: sed ad illos articulos solum superior rationis portio se extendit: ergo in illo genere peccandi portio superior proprie culpam commitit.

ITEM liberum arbitrium constat esse vertibile: sed liberum arbitrium maxime consistit in superiori portione rationis, cum ibi maxime sit iudicium, & imperium: ergo videtur quod in superiori portione rationis etiā secundum se, sit vertibilitas ad malum: igitur & peccatū.

ITEM superior portio rationis est illa, quæ discernit, & iudicat tam de agendis, quam de credendis: sed iudicium creaturæ quantum est de se absque gratia deficit ab his, quæ sunt fidei catholica: ergo per se potest errare, & ab illis declinare: & si hoc, potest per se peccare.

ITEM Angelus cum peccauit primo peccato, appetit æquiparari Deo in potetia, & mulier similiter in sapientia: sed hoc est appetibile solum partis superioris: ergo videtur quod tam peccatum hominis quam Angeli inceperit à parte superiori rationis: ergo in superiori parte rationis secundum se peccatum habet fieri, & esse.

CONCLUSIO.

Quamquam de peccatis carnalibus peccatum nullum possit esse in superiori parte rationis absque inferiori, de spiritualibus nihilominus nihil vetat secundum se esse ibi peccatum.

RESP. ad Arg. Ad prædictorum intelligentiam est notandum, quod aliqui dicere voluerunt quod superior portio rationis non est aliud, quam synderesis, & quod ipsa superior portio rationis quantum est de se, semper est recta, & fortis, nisi incurruetur, & emolliatur per portionem inferiorem: & ideo dixerūt peccatum in ea non esse secundum se: sed si peccat, hoc solum dicunt esse cōsentiendo inferiori parti, siue non compescendo eius deordinationem. Sed hæc positio tripliciter deniat à veritate. Primo in hoc quod dicit, quod idem est superior portio rationis, & synderesis: quod plane falsum est, cum superior portio rationis, & inferior pertineat ad arbitrij libertatem, sicut dicit August. & ideo nominant potentiam deliberatiuam: synderesis autem potentiam naturalem nominat, quæ semper vniiformiter ad bonum inclinatur. Secundo vero à veritate deuiat in hoc quod dicit in synderesi aliquo modo esse peccatū: hoc enim plane falsum est, sicut infra manifestabitur, & Glossa dicit expe. Tercio vero à veritate deuiat in hoc quod dicit, quod

Fundamēta
Hier. 2. c.

Lib. 12. de
Tri. c. 12.
com. 3.

Opin. fals.

Improbatio.

Lib. 12. de
Tri. c. 3.
com. 3.

Expe. 1.

Ps. 48. d

Ad oppositum.

Lib. 2. de
Gen. c. 14.
tom. 1.

3. Anima,
contex. 51.

quod in superiori parte rationis secundum se culpa nō potest esse, nisi ab inferiori procedat, & tribuatur sibi occasio. Hoc enim contra rationem est: cū in illa portione consistat arbitrij libertas, & ita per naturā in sit ei ad malum vertibilitas, & ita possibilitas ad peccandum. Est etiam hoc contra experimentum, quia ratio superior nō solum habet iudicare secundum leges æternas: sed etiam habet iudicare secundum lumen proprium, & secundū lumen sibi ab inferiori acquisitum. Et quamvis aspiciendo ad leges æternas non peccet iudicādo, tamen secundum ea quæ percipit à sensibus, vel etiam secundum lumen fidei datū, & innatum, potest deficere, & errare maxime in statu naturæ lapsæ. Esto enim quod sibi proponatur credibile, & aliquis articulus fidei, utpote articulus de Trinitate, & Vnitate, cum iste non solum repugnet sensui, & imaginationi, sed etiam discrepet à naturali iudicio rationis, si noster intellectus secundum lumen proprium nihil aspiciendo ad partes inferiores iudicaret, deficeret, & discrederet, & peccaret. Et propter hoc est alius modus dicendi, sc. quod duplex est genus peccati: quædam enim sunt peccata carnalia, quædam vero spiritualia. Si loquamur de peccatis carnalibus, sic faciendum est quod non contingit esse peccatum in superiori parte rationis absque inferiori. Si autem de peccatis spiritualibus fiat sermo, tunc concedendum est quod peccatum habet fieri & esse, licet non semper fiat, in superiori parte rationis secundum se, & rationes quæ hoc ostendunt, sunt concedendæ.

1. Et per hoc patet responsio ad illud quod primo obiicitur in contrarium. Nam Augustinus in proposita auctoritate loquitur de progressu in perpetratiōnem peccatorum carnalium.

2. Ad illud quod obiicitur, quodd intellectus semper est rectus, dicendum quod verbum Philosophi intelligendum est in his, ad quæ mouet potentia intellectiua per modum naturæ: in his vero, ad quæ mouet per modum deliberationis, non habet veritatem, unde ibidem vocat ipse secundum veritatem intellectum, quod nos vocamus conscientiam naturalem.

3. Ad illud quod obiicitur, quod peccatum est per conuersionem ad bonum commutabile, responderi potest dupliciter. Primo quod non solum est peccatum, quando fit conuersio ad illud quod secundum veritatem est bonum commutabile, sed etiam quando fit conuersio ad illud quod est bonum incommutabile, & appetitur, ut commutabile. Aliter potest dici quod superior portio, etsi differat ab inferiori in hoc quod ipsa conuertitur ad superna: nihilominus tamen habet conuerti ad inferiora, prout disponit, & regit inferiores potentias: & sic potest deordinari male eas regendo, siue fræna laxando, siue suo imperio incuruando.

4. Ad illud quod obiicitur, quod ratio superior intendit legibus æternis, dicendum quod iste est actus nobilissimus superioris partis, sed non semper hunc actum exercet: immo etiam intendit sibi, & ad se conuertitur, & sic potest nimis ad se conuerti, ac per hoc à Deo auerti, & deuiare à legibus æternis.

5. Ad illud quod obiicitur, quod sensualitas ad bonum inclinat, ut nunc, dicendum quod sensualitas non semper mouetur inordinate: & præterea esto quod semper inordinate moueretur, non tamen ex hoc concluditur quod superior portio rationis semper ordinate moueatur: alia enim vis assignatur, secundum quam semper ordinate mouetur, utpote syndereſis, quæ est scintilla conscientię.

6. Ad illud quod obiicitur, quod superior portio rationis dicitur in quantum conuertitur, dicendum quod hoc non est verum, in quantum actu conuertitur, sed in quantum est nata conuerti. Præterea inordinate conuerti potius est auerti quam conuerti. Cum autem dicitur, quod conuersio ad Deum purgat, illuminat & perficit, hoc intelligitur de ordinata conuersione, quam non est semper necessarium inuenire in actione superioris portionis.

QVÆSTIO II.

An in superiori portione rationis possit esse veniale peccatum.

S. Thomas 1. 2. q. 74. art. 9. & 10.
Et 2. Sent. d. 24. q. 3. art. 5.
Et de Verit. q. 19. art. 5.
Ægid. Rom. 2. Sent. dist. 24. p. 2. q. 2. art. 4.
Richardus 2. Sent. dist. 24. art. 4. q. 5.
Stephan. Brulſ. 2. Sent. dist. 24. q. 8.

VTRUM in superiori portione rationis possit esse veniale peccatum Et quod sic, videtur, quia contingit circa aliquem articulū fidei ex surreptione dubitare. Et constat ibi esse peccatum, cum sit motus ad illicitū. Constat etiam esse in superiori parte, cū sit circa, aut contra articulos fidei, & respectu æternorum. Constat etiam esse veniale, cum sit ex surreptione: ergo, &c.

ITEM tunc peccat superior portio rationis, & vir comedit, quando est plenus consensus, & præbatur arma iniquitatis peccato: sed contingit aliquem plene consentire in verbum otiosum, & mendacium iocosum, & hæc non sunt nisi peccata venialia, ergo, &c.

ITEM superior portio rationis est corrupta, sicut & inferior, cum originale omnes vires animæ inficiat, & debilitet: ergo si peccatum veniale potest esse in aliis viribus, quæ subsunt libero arbitrio propter corruptionem quam accipit ex originali, eadem ratione in parte superiori.

ITEM contingit quod aliquis conuertendo se ad Deum per amorem est negligens: sed non magis tenetur homo ad hoc mandatum, quam ad alia: ergo si negligentia in aliorum mandatorum obseruatione est venialis: ergo & negligentia in amando Deum est venialis: sed hoc est in superiori parte rationis: ergo, &c.

SED CONTRA: Augustinus & Magister in litera recitat, quod quando superior pars rationis consentit illecebræ, tunc est peccatum damnabile, & mortale: ergo videtur quod quodocunque peccatum superiorem partem attingit, statim sit mortale.

2. **I**TEM penes superiorem partem rationis residet regula directionis in toto regno animæ: sed facta obliuatione in regula, iam non remanet aliqua rectitudo, nec species rectitudinis: igitur cum superior portio rationis peccat, deordinatur tota anima: ergo si plena deordinatio non est absque mortali peccato: videtur, &c.

3. **I**TEM nulla creatura est excellentior anima quantum ad superiorem portionem, sicut Augustinus in multis locis innuit, & dicit expresse: sed Angelus propter suam dignitatem non potest peccare nisi mortaliter: ergo videtur pari ratione quod nec peccatum veniale possit esse in superiori parte.

4. **I**TEM nihil est adeo veniale quod non fiat peccatum mortale, dū placet: sed complacentia tunc vere dicitur, quando superior pars rationis ad culpam incuruat, hoc autē est cum ipsa peccat: ergo non videtur quod aliquod peccatum possit in ea esse, quin sit mortale.

CONCLUSIO.

In superiori rationis parte nihil prohibet esse peccatum veniale, cum ibi aliquis possit inordinatus motus reperiri ex surreptione.

RESP. AD Arg. Ad prædictorum intelligentiam est notandum quod aliqui dicere voluerunt, quod in superiori portione rationis non potest esse nisi mortale peccatum. Et hoc propter elongationē sui à carne, & à sensualitate, in qua consistit inicitū suggestionis malæ, & ex cuius pronitate habet esse peccatum veniale secundum statū naturæ lapsæ. Et hi dixerūt quod cū sint tres gradus in potētis animæ correspondentes serpenti, mulieri, & viro, videlicet sensualitas, portio inferior, & superior: sensualitatis est tantum peccare venialiter, superioris partis tantum mortaliter, inferioris partis utroque modo.

Cum

Fundamēta

Ad oppositum.
Lib. 12. de Tri. cap. 12. som. 3.

11. de Civ. Dei. c. 12. lib. 15. de Tri. c. 1. & 14. cap. 14. in 1. a. num. 23. inter principium, & medium.

Opin. fals.

Cum enim sit media inter utramque, naturam sapit A
utriusque. Sed quia planum est in superiori portione
rationis posse esse aliquo modo motus inordinatos ex
surreptione, planum est etiam in ea esse corruptionem
aliquam ex originalis contractione. Ideo aliis videtur
probabilius & melius quod peccatum veniale in ratio-
ne superiori habeat esse: Vnde concedenda sunt ratio-
nes hoc ostendentes.

1. AD illud ergo quod obiicitur, quando superior
pars rationis comedit, damnabile est & mortale pec-
catum: dicendum quod illud intelligitur de pleno consen-
su, & hoc respectu illius peccati, cuius actus est in pro-
hibitione, sicut est de peccato fornicationis.

2. AD illud quod obiicitur, quod penes superiorem
partem residet regula directionis, dicendum quod regu-
la directionis non tollitur per quaecunque pecca-
tum, sed per illud quod inducit diuinum contemptum,
& auersionem a Deo: hoc autem non est in quolibet
peccato superioris partis, utpote in illo quod ex surre-
ptione committitur.

3. AD illud quod obiicitur, quod nulla creatura sit
superior anima secundum mentem, dicendum quod et si
nulla sit superior secundum ordinem efficientis, & finis,
est tamen aliqua maioris dignitatis, & excellentioris
naturae, & propter hoc minorem habet exultationem.
Præterea nulla natura rationalis in statu innocentiae po-
test peccare venialiter, ut supra ostensum est: nulla au-
tem natura rationalis lapsa, de culpa potest consequi
veniam, nisi homo propter fragilitatem carnis: & ideo
non valet illud quod obiicitur de Angelo.

4. AD illud quod ultimum obiicitur, quod complacen-
tia facit de veniali mortale, dicendum quod complacen-
tia non dicit ibi quamcunque inclinationem, sed plenum
consensum & deliberatum cum quadam plena quiescen-
tione: & ita ex hoc non concluditur quod omnis deor-
dinatio superioris partis cadat in genus peccati mor-
talis.

ARTICVLVS II.

CIRCA secundum principale, sc. quo queritur, quo
modo peccatum habeat fieri, & esse in inferiori
parte rationis, duo queruntur. Primum utrum aliquod pec-
catum habeat esse in inferiori parte absque sensualita-
te. Secundo queritur, utrum peccatum mortale possit
esse in eadem parte rationis, superiori non peccante.

QVÆSTIO I.

*An aliquod peccatum habeat esse in inferiori parte ratio-
nis absque sensualitate.*

S. Tho. 1. 2. q. 74. art. 3.

Et 2. Sent. dist. 24. q. 3. art. 2.

Et de Verit. q. 15. art. 5.

Et de Malo, q. 7. art. 6.

Ægid. Rom. 2. Sent. p. 2. dist. 24. q. 1. art. 2.

Stephanus Brulef. 2. Sent. dist. 24. q. 9.

Ad opposi-
tum.
Lib. 2. de
Gen. c. 14.
10m. 3.

CIRCA quam sic proceditur, & ostenditur quod
nullum peccatum possit esse in inferiori parte ra-
tionis absque sensualitate. Primo per auctoritatem Au-
gustini contra Manichæos, ubi ait sic: In vnoquoque
nostro nihil aliud agitur nunc, cum ad peccatum quis-
que dilabatur, quam tunc actum est in illis tribus ser-
pente, muliere, & viro: ergo si peccatum illud incepit a
serpente, & sensualitas est serpens, ut ipse dicit, omne
peccatum incipit a sensualitate.

2. ITEM sicut omnem consensum præcedit delecta-
tio, ita omnem delectationem præcedit aliqua sugge-
stio: sed nullum peccatum rationis est absque aliqua de-
lectatione: ergo nec delectatio sine suggestione: sugge-
stio autem non est nisi partis sensualis, vel serpentis: er-
go nullum peccatum est in inferiori parte rationis quod
non incipiat a sensualitate.

3. ITEM inferior ratio non peccat, nisi quia appetit

bonum, ut nunc: sed vis quæ appetit bonum ut nunc, est
sensualitas: ergo non peccat nisi prævia sensualitate.

4. ITEM nihil est in intellectu quod prius non fuerit
in sensu: ergo pari ratione nihil est in ratione quod
prius non fuerit in sensualitate: ergo si ratio deordina-
tur, necesse fuit sensualitatem prius deordinari.

5. ITEM omnia peccata actualia ortum habent a pec-
cato originali, & potissime a concupiscentia, quæ ex
originali peccato nobis inoleuit: sed tam originale pec-
catum, quam concupiscentia inest animæ ex coniunctio-
ne sui ad carnem: vis autem, secundum quam anima con-
iungitur carni, est ipsa sensualitas: ergo omne peccatum
animæ incipit a sensualitate: igitur absque ea in inferio-
ri parte rationis peccatum non potest fieri.

SED CONTRA: Magis est coniuncta superior portio
inferiori, quam ipsa inferior portio sensualitati, cui ratio
superior & inferior spectent ad eandem potestatem, & na-
turam: si ergo peccatum potest fieri in superiori parte ratio-
nis absque inferiori, sicut supra probatum est, videtur mul-
to fortius quod possit fieri in inferiori absque sensualitate.

ITEM possibile est inferiorem partem rationis pecca-
re peccato spiritali appetendo aliquod spirituale bonum:
sed sensualitas non appetit nisi bonum sensuale: ergo
potest peccare inferior portio absque sensualitate.

ITEM quidquid potest virtus inferior, potest virtus
superior: ergo si sensualitas potest de se moveri inordi-
nate ad aliquod appetibile sine viribus superioribus, mul-
to fortius superior potentia, utpote rationis pars infe-
rior, inordinate moveri potest absque sensualitate.

C ITEM in diabolo non est sensualitas, cum non habeat
conjugi cum carne: sed constat quod ipse habet pec-
care non solum in Deum, sed etiam in hominem: si er-
go peccatum in creaturam attenditur secundum aspe-
ctum rationis, quem vocamus inferiorem partem ratio-
nis, videtur quod absque sensualitate contingat illam
portionem peccare.

ITEM queritur iuxta hoc, quid est inferior portio
rationis comedere & quando delectatio transit a
sensualitate in rationem. Si tu dicas quod hoc est, quan-
do ratio aduertit, & percipit se delectari, tunc duplex est
inconueniens. Vnum sc., quia frequenter homo consum-
mat peccatum, & nihil cogitat nisi de appetibili, nec
aduertit se delectari, vel tristari: & ita videtur quod ali-
quis possit peccare mortaliter, ita quod inferior portio
non comedat. Aliud etiam inconueniens concluditur,
quia cum percipere delectationem non sit malum, nec pec-
cati augmentatiuum, iam videtur quod perceptio rationis
post suggestionem sensualitatis culpam non aggravaret,
quod plane & manifeste falsum nemo esse dubitat.

CONCLUSIO.

*Inferior rationis portio aliquo genere peccati peccare po-
test absque ipsius sensualitatis suggestionem, licet in car-
nalibus vix aut nunquam delinquat sine sensualitatis
motu.*

RESP. ad Arg. Ad prædictorum intelligentiam est
notandum, quod sicut innuit Magister in fine huius di-
stinctionis sensualitas dupliciter potest accipi. Aliquan-
do accipitur pro vi, quæ appetit bonum, ut nunc: & hæc
non est solummodo in parte sensuali, immo etiam in ra-
tionali. Et sine motu sensualitatis hoc modo dictum nun-
quam contingit peccatum esse in inferiori parte ratio-
nis: semper enim cum quis peccat, bonum ut nunc
exoptat. Alio modo dicitur sensualitas, vis animæ sen-
sualis, qua intenditur in corporis sensus, sicut habitum
est supra. Et sine hac contingit esse peccatum in infe-
riori parte quantum ad peccata spiritalia: quantum au-
tem ad carnalia, vix aut nunquam. In carnalibus enim
corruptio venit ex foeditate carnis, & concupiscentia
partis sensualis: & ita in eis peccatum incipit a serpen-
te, sine a sensualitate, & peruenit ad mulierem. Tunc au-
tem dicitur esse in sensualitate, quando quis ex apprehen-
sione delectabilis oblectatur, & inclinatur ante
aduersionem, & perceptionem suæ delectationis: hoc

enim

enim ex surreptione est; nec dicitur ratio aliquo modo propter illam delectationem de vetito cibo guisse. Sed tunc ratio comedit, & peccatum in ea esse incipit, quando post delectationis aduersionem & perceptionem, sensualitati delectandi condelectatur, & in delectatione persistit: ex tunc enim, sc. post delectationis aduersionem, ratio comedere dicitur, & peccatum transire à sensualitate in ipsam: quoniam etsi iudicare de delectabili, & in eo delectari, hoc sit partis sensualis: percipere tamen ipsam delectationem interiorem hoc est partis rationalis. Et ideo ratio comedere dicitur, si post talem perceptionem parti sensuali condelectetur. Sic igitur concedo quod aliquo genere peccati peccare potest inferior portio rationis absque suggestionem sensualitatis, sicut rationes ad secundam partem adductæ ostendunt. Aliquo vero genere peccati vix, aut nunquam peccat, utpote carnalis, nisi modus sensualitatis præcedat & trahat: & quantum ad hoc peccati genus loquitur August. contra Manichæos.

1. Et per hoc patet responsio ad primum quod obicitur in contrarium.

2. 3. Ad illud quod obiicitur, quod omnem delectationem præcedit suggestio, dicendum quod si suggestio large accipitur ad omnem apprehensionem boni, ut nunc sub ratione appetibilis, sic verum est quod præcedit omnem delectationem. Si vero accipitur stricte pro illo motu serpentino partis sensualis, sic non habet veritatem in omnibus peccatis, sed solum in peccatis carnis. Et per hoc patet responsio ad sequens, quo dicitur quod sensualitas est vis appetitiva boni, ut nunc: ibi enim accipitur sensualitas large: & sicut præostensum est, absque ea non potest esse peccatum in inferiori portione rationis, quamvis esse possit absque sensualitate dicta proprie, saltem peccatum spirituale.

4. Ad illud quod obiicitur, quod nihil est in intellectu quod prius non fuerit in sensu, dicendum quod verum est vel in se, vel in suo simili: multa tamen fingit homo, quæ nunquam vidit: multa etiam, postquam vidit, cogitat, ita quod illa cogitatio non excitatur à potentia sensitiva mouente: ita etiam intelligi potest de ratione, & sensualitate.

5. Ad illud quod obiicitur, quod omnia peccata habent ortum ab originali concupiscentia, dicendum quod etsi omne peccatum quodam modo ex originali ortum habeat, & originale ex carne: non tamen oportet omne peccatum tanquam ex proximo mouente ortum habere ex carne, vel sensualitate, pro eo quod peccatum originale non tantum inficit partem sensualem, immo inficit partem rationalem, & corumpit. Unde concupiscentia resperfa est in omnibus viribus animæ: & ideo siue sensualitas sit præambula, siue non, omnia mala nostra dicuntur venire ex concupiscentia.

QVÆSTIO II.

An pars inferior possit peccare mortaliter absq; superiori.

*Agid. Rom. 2. Sent. d. 24. p. 2. q. 2. art. 3.
Richardus 2. Sent. dist. 24. art. 4. q. 5.
Steph. Brulef. 2. Sent. dist. 24. q. 10.
Gabr. B. el. 2. Sent. dist. 24. q. 1.*

VTRUM pars inferior possit peccare mortaliter absque superiori: & quod sic, videtur. Augustinus dicit, & habetur in litera: Si peccatum diu in cogitatione delectationis teneatur, & si voluntas perficiendi desit, mortale est. Sed tunc vir non dicitur comedere, nisi quando adest voluntas perficiendi: ergo sola muliere comedente contingit peccare mortaliter.

2. ITEM Augustinus dicit, & habetur in litera, ibi: *Nec sane*, &c. quod si sola mulier comedat, totus homo damnatur: sed hoc non est nisi per peccatum mortale: ergo sola muliere comedente contingit peccare mortaliter.

3. ITEM superior portio rationis dicitur in quantum nata est aspicere superiora: sed contingit peccatum ali-

quod committere, ita quod non cogitemus de legibus æternis: ergo contingit aliquem peccare mortaliter solo actu inferioris partis, nihil faciente actu superioris.

4. ITEM frequenter offendit quis proximum nihil cogitans de offensa Dei: sed inferior portio est secundum quam ordinamur ad proximum, superior secundum quam ordinamur ad Deum: ergo contingit peccare mortaliter ex actu inferioris partis sine actu superioris.

5. ITEM magis prona est ad peccatum inferior portio quam superior, cum ex coniunctione ad sensualitatem mollior sit, & ob hoc mulier nuncupetur: ergo si superior portio rationis potest peccare per seipsam, multo fortius videtur quod inferior.

SED CONTRA per Augustinum 12. de Trinitate, & habetur in litera, ibi: *Nec sane*, &c. ubi dicitur quod cum mens sola cogitatione oblectatur, de talibus cogitationibus venia petenda est, pectusque percutiendum & dicendum: Dimitte nobis debita, &c. sed talis est poenitentia venialium: ergo quando mulier comedit absque viro, peccatum est solum veniale.

ITEM impossibile est inferiorem portionem damnari absque superiori, sed superior portio nunquam damnatur sine culpa: ergo impossibile est inferiorem portionem absque superiori peccare mortaliter.

ITEM impossibile est esse peccatum mortale sine consensu: sed consensus residet penes iudicem, & arbitrium principalem. Hæc autem est superior portio rationis, sicut dicit Augustinus, & habetur in litera: ergo, &c.

ITEM impossibile est aliquem peccare mortaliter sine auersione: sed eius est auerti, cuius est conuerti: hoc autem est superioris partis: ergo inferiorem portionem absque superiori impossibile est peccare mortaliter.

ITEM nunquam meretur aliquis in cogitatione boni nisi proponat illud facere, vel complete si possit: ergo similiter nunquam aliquis demeretur demerito mortalis peccati in cogitatione mali, nisi proponat illud perficere si possit: hoc autem non est sine superiori portione rationis: ergo, &c.

ITEM quando aliquod peccatum est veniale, consentire in illud non facit peccatum mortale: sed delectatio carnalis circa consensum est veniale: ergo consentire in delectationem, ita quod non consentiatur in opus, non erit mortale: si ergo consensus in opus est superioris partis, sicut dicit Augustinus, nunquam est peccatum mortale in inferiori parte absq; superiori. Quod autem consensus in veniale non faciat mortale, probatur per hoc quod consensus in verbum otiosum, & mendacium iocosum non est mortalis, sed venialis. Si autem tu dicas quod non est simile, quia delectatio carnalis via est ad mortale peccatum. Tunc ego quæro, quare potius consensus in delectationem attribuitur inferiori parti, quàm superiori, & quare consensus in opus potius approprietur superiori. Cum enim inferioris partis ita bene sit regere membra, sicut & affectiones & alia, videtur quod ita bene sit in potestate inferioris partis præbere arma iniquitatis peccato, sicut etiam in delectationem consentire. Ideo est quæstio, quæ differetia sit inter peccare & comedere, & utrum comedere sit idem quod consentire, & quando dicatur mulier comedere, & quando vir, & quando mulier comedendo peccet mortaliter, & quando venialiter. Non enim videtur illud verbum Augustini de comestione viri esse generaliter verum, quia tunc comedit vir, quando præbet arma iniquitatis peccato: multa enim sunt peccata, quæ consummantur in sola cogitatione iniqua, & tunc comedit, & nulla membra corporis præbentur arma iniquitatis, cum illud peccatum non habeat exerceri per membra corporis.

CONCLUSIO.

Inferior rationis portio mortaliter non potest peccare absque superioris rationis portione.

RESP. ad Arg. Ad prædictorum intelligentiam est notandum quod etsi possibile sit mulierem comedere

Fundamēta.
Lib. 12. de
Tri. ap. 12.
tom. 3.
Matt. 6. b

Lib. 12. de
Tri. cap. 12.
tom. 3.

Ad opposi-
tum.
Lib. 12. de
Tri. cap. 12.
tom. 3.

Lib. 12. de
Tri. cap. 12.
tom. 3.

sine viro, nō tamen est possibile mulierem peccare mortaliter sine viro, siue inferiorem portionem absq; superiore: & hoc patet sic. Aliud enim est peccatum mortale committere, aliud cibum veritum degustare. Peccatum enim mortale dicit deordinationem à Deo, quæ est cum consensu, & contemptu. Inordinatio autem talis est per auersionem, & contemptum, & hoc est superioris partis: eius enim est auerti, cuius est conuerti: consentire autem ad illam potentiam spectat, apud quam residet iudiciaria potestas, & regiminis auctoritas, hæc autem est superior portio rationis: & ideo impossibile est aliquod peccatum esse mortale in nobis quod superiori portioni non imputetur, & in quo ipsa non deordinetur propter naturam peccati mortalis, quæ exigit ibi esse, & contemptum auersionis, & consensum deliberationis, quorum vtrumq; est superioris partis. Est etiam ratio existarum potentiarum connexionem, quoniam inter superiorem portionem, & inferiorem lex coniugij est; & ideo vna tenetur alteram regere, & reprimere. Non sic autem est inter sensualitatem, & inferiorem portionem: & propter hoc, cum inferior portio deordinatur, negligentia viri, qui debuit eam reprimere, imputatur, & pariter cum illa culpabilis iudicatur: sic igitur patet quod impossibile est inferiorem portionem rationis absque superiori peccare mortaliter. Possibile tamen est vnam earum absque altera comedere. Et hoc quia comestio dicit conuersionem ad delectationem secundum actum propriū mulieris, aut viri: contingit autem rationalem potentiam conuerti ad delectationem à sensualitate oblatam secundum actum inferioris portionis, ita tamen quod non conuertitur secundum actum superioris: & ita contingit comedere mulierem, viro non degustante. Et hoc patet si attendamus progressum tentationis, & delectationis. Primo enim delectabile offertur, siue percipitur. Secundo vero delectatio aduertitur. Tertio vero in id, ad quod trahit delectatio, consentitur vel dissentitur. Delectabile percipere est sensualitatis, delectationem aduerrere est inferioris partis rationis, quæ interiores motus, & affectus habet diiudicare, & cognoscere: hoc autem non est potentia sensitiva. Diffinire autem an hoc sit amplectendum, vel respuendum, hoc est superioris partis, in qua residet auctoritas iudiciaria potestatis. Contingit igitur delectari ad apprehensionem delectabilis ante aduersionem delectationis, & hoc est sensualitatis, & absque dubio est veniale peccatum. Contingit iterum delectari post apprehensionem delectabilis, & perceptionem delectationis ante plenum consensum deliberationis, & hoc est inferioris partis, & aliquando mortale, aliquando veniale, & tunc dicitur comedere sola mulier: Contingit iterum tertio delectari post apprehensionem delectabilis, & aduersionem delectationis, & post plenum assensum deliberationis: & tunc dicitur comedere vir, & tunc est mortale peccatum in his generibus peccatorum quorum actus sunt in prohibitionem propter plenum consensum, & deordinationem. Vnde cum tentatio inchoet à sensualitate, planum est esse veniale. Cum consummatur in superiori parte rationis, planum est esse mortale. Cum vero sola mulier comedit, potest esse mortale, & veniale: & ideo dubium est discernere, quando sit mortale, vel veniale. Potest tamen discerni hoc modo, quia cum percipitur delectatio, aut statim repellitur, aut retinetur. Si statim repellitur tunc leue est peccatum. Si vero tenetur, hoc potest esse tripliciter. Aut quia placet ipsa delectatio, & operis consummatio, ita quod est voluntas delectandi in cogitatione, & etiam in opere, si facultas adesset, & tunc est ibi plenus consensus, & peccatum mortale simul concurrente viri & mulieris comestione. Aut placet delectatio, sed tamen displicet peccati consummatio, & tunc est consensus semiplenus: & tunc dicitur manducare mulier, nihilominus tamen peccat mortaliter, cum in illam consentit delectationem. Aut vtrumque displicet, scilicet ipsa interior delectatio, & operis consummatio: & tunc aut aduertit periculum, aut non aduertit. Si non

aduertit periculum delectationis, nec repellit eam, peccat, sed non mortaliter: grauius tamen peccat, quam si statim & viriliter repulisset. Aut aduertit periculum, & delectationem illam non repellit, sed mentem in talibus cogitationibus reuolui sinit: & tunc dicunt magistri quod peccat mortaliter, quia quamvis non sit ibi consensus verus, est tamen ibi consensus interpretatiuus, & comedit sola mulier, nihilominus tamen peccatum illud imputatur viro, quia cum eam compescere debuisset, & teneretur, non tamen compescuit. Hoc tamen quod nunc vltimo dictum est, non est viqueque certum. Negant enim aliqui esse mortale in negligentia reprimendi, ubi est displicentia, quantumcunque quis periculum aduertat: sed tamen securior via tenenda est, quidquid si rei veritas. Et sicut hoc contingat, sanum est consilium quod de ipso vt de mortali poeniteat: in dubiis enim securior via eligenda est. Et nota quod non de quacunque delectatione loquimur, vt pote de illa, qua quis delectatur cogitando de pulchritudine mulieris, sed de illa quæ surgit ex cogitatione illius operis nefarii: & sic patet quod mulierem contingit comedere sine viro, pro eo quod vir solum dicitur comedere, quando plenus consensus adest: & tunc dicuntur arma iniquitatis præberi peccato, quia totus homo ibi ad peccatum incurnatur, siue sit peccatum carnis, siue spiritus. Peccare autem non dicitur mortaliter sine viro, quia non potest esse peccatum sine viri consensu vero, vel interpretatiuo. Concedenda sunt igitur rationes ostendentes, quod inferior portio absque superiori non potest peccare mortaliter, licet duæ victimæ non cogant. Illæ enim ostendunt quod mulier non potest comedere sine viro, per hoc quod consensum in delectatione dicunt non esse peccatum: quod absque dubio falsum est, secundum quod dicit Augustinus in litera.

1. de Tri.
c. 12. 10. 3.

Nec valet quod obiicitur de consensu in mendacium, vel de consensu in verbum otiosum. Primum non valet, quia plura requiruntur ad bonum consummandum, quam ad malum perpetrandum: vnius enim circumstantiæ defectus operationem deformat. Secundum non valet, quia nullum ibi est periculum in delectatione veniali, cuius actus est venialis: ibi autem est periculum, cum delectatio, via est ad mortale peccatum.

Ad illud vero quod vltimo quærebatur, iam patet responsio ex prædictis, videlicet quæ differentia est inter comestionem, & culpæ mortalis commissionem. Patet etiam quando vir dicitur comedere, & quando mulier. Patet etiam quando mulier in comedendo peccat mortaliter, & quando venialiter. Patet etiam, quare consensus in delectationem attribuitur mulieri, & consensus in opus viro, quia consensus in operis perpetratione est plenarius consensus: consensus vero in delectationem absque opere, est consensus semiplenus. Si autem peccatum consisteret in sola delectatione, tunc consensus in delectationem posset esse plenarius consensus: & tunc non tantum esset superioris partis, sed etiam inferioris: vnde non tantum dicitur vir consentire, quia vir mouet exteriora membra, sed quia mouetur voluntate plenaria: & hanc circumloquitur Augustinus in eo quod dicit, virum comedere, cum arma iniquitatis peccato præbet.

Ad olim.
arg. pro fundamentis.

1. 2. Ad rationes autem, quæ adducuntur ad oppositum, quibus ostenditur quod comedens mulier sine viro mortaliter peccare potest, plana est responsio. Nam primæ duæ auctoritates loquuntur de comestione, non de culpæ commissione.

3. Ad illud vero quod obiicitur tertio loco, quod superior portio rationis habet conuerti ad superiora, dicendum quod non solum actus eius est ad superna, sed etiam actus eius est discernere, & sententiarum de his quæ sunt in regno animæ, & compescere vires inferiores: & ideo cum non compescit, imputatur sibi.

4. 5. Ad duo sequentia similiter patet responsio. Illis enim duabus rationibus ostenditur quod peccatum

potest

potest esse in inferiori portione rationis absque proprio actu rationis superioris. Et hoc quidem verum est: sed tamen ex hoc non sequitur quod peccatum possit esse in inferiori parte rationis absque superiori, quia negligentia cohibendi inferiorem partem in sui motus deordinatione reddit ipsam culpabilem, ut sæpe dictum est.

ARTICVLVS III.

CONSEQVENTER circa tertium, quo modo peccatum habeat fieri, & esse in sensualitate duo quærentur. Primo enim quæritur: utrum in sensualitate possit esse peccatum veniale. Secundo quæritur, utrum in sensualitate possit esse mortale.

QVÆSTIO I.

An in sensualitate possit esse veniale peccatum.

*Egid. Rom. 2. Sent. d. 24. p. 2. q. 1. art. 4.
Richardus 2. Sent. dist. 24. art. 4. q. 3.
Durandus 2. Sent. dist. 24. q. 5.
Steph. Brulef. 2. Sent. dist. 24. q. 11.*

CIRCA quam sic proceditur, & ostenditur quod in sensualitate possit esse veniale peccatum. Primo per illud Augustini 12. de Trinitate, quod recitat Magister in litera: Si in motu sensuali tantum peccati illecebra teneatur, veniale est.

ITEM super illud: Septies in die, &c. Glossa per necessitatem, & fragilitatem carnis singulis diebus vel inuiti, vel volentes peccamus. Si ergo peccamus inuiti voluntate rationali, illud peccatum non est in voluntate rationali, sed solum in sensualitate.

ITEM ratione videtur. Motus ad illicitum est inordinatus, & ita reprehensibilis & malus: sed primi motus sunt huiusmodi: ergo primi motus sunt peccata: sed primi motus sunt in sensualitate, ergo, &c.

ITEM omne quod est inordinabile secundum regulam iustitiæ, quando deordinatur, habet in se culpam: sed sensualitas ordinabilis est secundum regulam iustitiæ, & contingit eam ordinari in motibus suis: videtur igitur quod ipsa efficiatur culpabilis.

CONTRA: Augustinus 5. de Civitate Dei distinguit triplex genus causæ. Quædam est, quæ tantum facit: & hæc est Deus. Quædam quæ tantum fit, ut natura. Quædam quæ facit, & fit, ut arbitrij libertas, siue voluntas. In prima causa non potest esse peccatum propter sui dignitatem. In secunda vero non potest esse peccatum propter sui arctationem: cum igitur sensualitas sit potius moveri, quam mouere, agi quam agere, videtur quod in ea peccatum non possit esse.

ITEM in culpis differimus à brutis: ergo impossibile est in nobis esse peccatum secundum illud quod communicamus cum brutis: hoc autem est sensualitas, ergo, &c.

ITEM stulti, & furiosi habent vsum sensualitatis, & tamen in nullo suo actu peccant: ergo peccatum nunquam est in nobis ex deordinatione sensualitatis: ergo nullum peccatum in sensualitate ponendum est.

ITEM in ea sola potentia nata est esse culpa, secundum quam homo capax est laudis, & vituperij: sed quantum ad partem sensualem homo nec est dignus laude, nec vituperio: ergo secundum illam non potest esse culpa.

CONCLUSIO.

Veniale peccatum si culpam dicat, in solo est libero arbitrio: Si autem vitium, in sensualitate potest reperiri.

RESP. Ad Arg. Ad huius intelligentiam notandum est, quod cum quæritur utrum peccatum veniale possit esse in sensualitate, respondetur communiter quod sensualitas potest dupliciter considerari, aut in se, aut propter inordinabilitatem à ratione, & sub ratione. Si in se consideretur, hoc modo habet vsum in furiosis, & hoc mo-

Ado dicit Augustinus quod in ea communicamus cum brutis. Et sic non potest in ea esse peccatum, sicut rationes ad secundam partem ostendunt. Alio modo est loqui de sensualitate, secundum quod ipsa ordinabilis est ad rationem, & sub ratione, & hoc modo habet regulam secundum regulam iustitiæ. Et sic quando mouetur ad illicitum, ipsa eius deordinatio potest esse peccatum, & sic communiter tenetur quod etsi in sensualitate secundum se considerata, peccatum esse non possit, potest tamen in ea esse peccatum, ut est ad rationem ordinata: & per hoc declarari possunt argumenta ad utramque partem inducta. Veruntamen adhuc restat quæstio, qualiter in sensualitate potest esse peccatum, & culpa, cum nullo modo ponatur in ea esse virtus, vel gratia, & propterea periclitari volentibus hanc quæstionem ulterius, duplex apparebit modus dicendi. Fuerunt namque aliqui, qui dixerunt quod etiam in sensualitate ordinata ad rationem non omnino ponendum est esse peccatum, sed aliquo modo secundum quid. Peccatum enim duo dicit, videlicet actum, & deordinationem circa actum. Et licet peccatum dicatur esse in sensualitate ratione actus substrati, & ratione motus, tamen ipsa deordinatio est in ratione quæ minus cauta, & sollicita fuit præuidere, ne talis motus inordinatus in sensualitate insurgeret, vel etiã minus diligens est reprimere: ideo illa deordinatio peccatorum venialium ponitur in ipsa ratione, quæ sensualitatem neglexit regere: imputatur enim ei in veniale, non in mortale, propter hoc quod tenebatur ipsam compescere ex lege coniugij, sicut tenetur ratio superior inferiorem. Sed iste

Bmodus dicendi minus sufficiens esse videtur. Primo, quia secundum hoc omnia peccata venialia potius essent ex omissione, quam ex inordinata inclinatione. Secundo, quia quædam sunt venialia, quæ ratio vitare non potest, sicut dicit Augustinus: & ostenditur infra Tertia vero, quia ibi est deordinatio, ubi est & actus, qui deordinatur: & ita si motus & actus peccati in sensualitate ponitur, in ea debet poni & inordinatio. Propterea est alius modus dicendi quod est loqui de peccato, in quantum habet rationem culpæ, & in quantum habet rationem vitij. In quantum habet rationem culpæ: sic opponitur gratiæ, & facit illum, in quo est, esse dignum vituperio. Et hoc modo omne peccatum est in libero arbitrio. Alio modo est considerare peccatum in quantum tenet rationem vitij: & sic dicit inordinationem alicuius potentie respectu actus sibi debiti secundum suam naturalem institutionem: & quia talis deordinatio habet esse in sensualitate, ita quod illa deordinatio est via ad opus vituperio dignum: sic ponitur in sensualitate esse peccatum. Per hanc autem distinctionem manifesta est quæstionis intentio, & omnium obiectionum præcedentium solutio. Hoc autem melius determinabitur infra, quando agetur de subiecto virtutis, & gratiæ, & de oppositione virtutis, & culpæ.

QVÆSTIO II.

An in sensualitate possit esse mortale peccatum.

*S. Tho 1. 2. q. 74. art. 3. & 4.
Et 2. Sent. dist. 24. q. 3. art. 2.
Et de Verit. q. 25. art. 5.
Et de Malo, q. 7. art. 6.
Egid. Rom. 2. Sent. dist. 24. p. 2. q. 1. art. 2.
Richardus 2. Sent. dist. 24. art. 4. q. 1.
Stephanus Brulef. 2. Sent. dist. 24. q. 12.*

VTRVM in sensualitate possit esse peccatum mortale. Et quod sic, videtur. Sicut primus motus habet esse in parte sensuali, ita etiam actus, in quo est consummatio peccati: ergo sicut ponitur in sensualitate esse peccatum veniale propter primum motum, ita ponendum est esse mortale propter actum consummatum.

2. ITEM in eodem, in quo est dispositio, natus est esse habitus: sed veniale disponit ad mortale: ergo cum veniale possit esse in sensualitate, ut ostensum est, videtur, &c.

3. **ITEM** Iustitiæ originali opponitur culpa mortalis: sed illa originalis iustitia non tantum fuit in Adam secundum rationem, sed etiam secundum partem sensualem, quia totus ordinatus erat: ergo videtur quod mortalis culpa in sensualitate esse possit, cum opposita nata sint fieri circa idem.

4. **ITEM** sicut superior portio rationis se habet ad bonum, ita sensualitas declinat ad malum: sed in superiori portione rationis potest esse veniale peccatum ex surreptione, sicut supra ostensum est: ergo è contra ex pleno consensu, & peccati perpetratione, mortale peccatum descendere poterit usque ad sensualitatem, ut sicut sensualitas communicat veniale peccatum parti rationis superiori, ita & superior pars communicet mortale peccatum sensualitati.

Fundamēta.

SED CONTRA: Completium mortalis peccati in quantum huiusmodi est auersio à Deo: sed solius rationis est à Deo auerti, cum eius solius sit ad Deum converteri: ergo ex sola ratione potest esse peccatum mortale.

ITEM solus consensus facit mortale peccatum: sed consensus est solius partis rationalis: ergo, &c.

ITEM culpa mortalis, & gratia mutuo se expellunt ut opposita: ergo habent esse circa idem: sed gratia gratum faciens, cum in ea attendatur imago similitudinis, non habet esse nisi in ratione: ergo nec culpa mortalis.

ITEM si culpa mortalis esset in sensualitate, hoc non esset nisi quia per ipsam perpetratur: ergo quando aliquis perpetrat homicidium per gladium, & manum, peccatum homicidij erit in gladio, & manu: quod si falsum est dicere, absurdum est etiam dicere, peccatum mortale esse in sensualitate.

CONCLUSIO.

Peccatum mortale tam ut dicit culpam, quam vitium in sensualitate esse nequit, sed in ratione tantum, cum deordinatione perfecta deordinet.

RESP. ad Arg. Dicendum quod mortale peccatum nec in quantum culpa, nec in quantum vitium ponendum est esse in sensualitate: & ratio huius est, quia aliter vitiatur peccatum mortale, quam peccatum veniale. Peccatum enim mortale vitiatur, & deordinatur deordinatione perfecta, ut ita dicam, quæ quidem consistit in auersione à Deo, & eius contemptu, & deliberationis consensu: hæc autem solius rationis sunt: & ideo mortale peccatum in sola ratione consistit, deordinatio autem venialis non est deordinatio consummata, sed inchoata: & quia deordinatio inchoari habet in potentia inferiori, & consummari in superiori, hinc est quod veniale peccatum, in quantum vitium est, in sensualitate reperitur: non enim recte opponitur habitui virtutis, sicut vitium mortalis peccati, sed solum ex quadam inclinatione, & comparatione ad terminum, ad quem disponit: vitiositas autem, & deordinatio mortalis simpliciter excludit habitum virtutis: & propterea omne peccatum tale in ratione ponitur, & nullum in sensualitate, & concedendæ sunt rationes hoc ostendentes.

1. **AD** illud quod obiicitur primo, quod actus mortalis peccati est in sensualitate, sicut primus motus, dicendum quod etsi contingat utrumque in sensualitate reperiri, aliter tamen, & aliter. Nam primus motus in sensualitate reperitur, ita quod ibi sumit originem, & potius est sensualitatis rationem excitantis, quam à ratione excitatæ, & motæ: actus autem mortalis peccati sic reperitur in sensualitate, quod originem sumit ab imperio rationis, & est sensualitatis potius mota, quam mouentis. Et quoniam deordinatio, & vitiositas ibi ponitur esse peccatum, ubi sumit originem, & ubi est in ratione actionis, non in ratione passionis, hinc est quod ex primo motu existente in sensualitate, ponitur ibi esse peccatum veniale: ex actu autem peccati per sensualitatem perpetrato non ponitur in ea esse peccatum mortale.

2. **AD** illud quod obiicitur quod dispositio & ha-

bitus in eadem potentia habent fieri, dicendum est quod verum est de illa dispositione, quæ est eiusdem naturæ cum habitu, & de qua transit in habitum, sicut scientiæ dispositio fit scientia habitus: de illa autem dispositione, quæ est alterius generis, & disponit solum per quandam ordinationem, veritatem non habet. Actus enim unius potentia potest esse dispositio ad eliciendum actum alterius potentia, sicut cognitio ad effectiorem, & sic in proposito habet esse: ideo non valet.

3. **AD** illud quod obiicitur de iustitia originali, dicendum quod de originali iustitia dupliciter contingit loqui, aut in quantum dicit habitum quandam regulantem naturam in statu innocentie, aut in quantum dicit omnium virium refectionem plenariam. Primo modo originalis iustitia habet esse in sola ratione: & sic opponitur ei culpa. Secundo modo non solum habet esse in ratione, sed etiam in viribus inferioribus: & sic non solum habet auferri per culpam, sed etiam per poenam, siue per aliquid quod aliquo modo habet rationem culpæ, aliquo modo rationem poenæ & tale est veniale peccatum.

4. **AD** illud quod obiicitur, quod sicut se habet sensualitas ad illicitum, sic se habet ratio ad bonum: dicendum quod illa comparatio non valet, propterea quod plus potest virtus superior, quam inferior: ideo et si superior potentia possit induere actum, & dispositionem inferioris, & negotiari circa eius obiectum, non tamen sequitur quod possit esse è conuerso.

C

DIST. XXV. PARS I.

Redit ad liberi arbitrij considerationem: quid videlicet sit. Qualiterque se ad hominem habeat.

¶ *AM* vero ad propositum redeamus, scilicet ad liberi arbitrij tractatum: quod philosophi definiētes dixerunt liberum de voluntate iudicium, quia potestas & ipsa habilitas voluntatis & rationis, quam supra diximus esse liberum arbitrium, libera est ad utrumlibet: quia libere potest moveri ad hoc, vel ad illud. Liberum ergo dicitur arbitrium, quantum ad voluntatem: quia voluntarie moveri, & spontaneo appetitu ferri potest ad ea quæ bona vel mala iudicat, vel iudicare valet.

Quod liberum arbitrium non pertinet nisi ad futurum, nec ad omne futurum.

Hoc autem sciendum est, quod liberum arbitrium ad præsens, vel ad præteritum non refertur, sed ad futura contingentia. Quod enim in præsens est, determinatum est, nec in potestate nostra est, ut tunc sit vel non sit quando est. Potest enim non esse, vel aliud esse postea: sed non potest non esse dum est, vel aliud esse dum est, id est, quod est: sed in futuro an hoc sit, vel illud ad potestatem liberi arbitrij spectat. Nec tamen omnia futura sub potestate liberi arbitrij veniunt, sed ea tantum quæ per liberum arbitrium possunt fieri vel non fieri. Si quis enim tale quid velit ac disponat facere quod in eius nullatenus sit potestate, vel quod sine ipsius dispositione aque fieret, in hoc ipse liberum non habet arbitrium.

Quod supraposita descriptio liberi arbitrij non convenit Deo, nec his qui glorificati sunt.

Et quidè secundum prædictā assignationē, in his tantum videtur esse liberū arbitrium, qui voluntatē mutare, & in contraria possunt deflectere: in quorum videlicet potestate est eligere bonū vel malum: & utrumlibet secundum electionē facere vel dimittere. Secundū

quod

quod nec in Deo, nec his omnibus, qui tanta beatitudinis gratia sunt roborati, ut iam peccare nequeant, liberum arbitrium esse nequit. Sed quod Deus liberum arbitrium habeat, August. docet in lib. 22. de Ciuit. Dei, ita inquit: Certe Deus ipse nunquid quoniam peccare non potest, ideo liberum arbitrium habere negandus est? Ambrosius quoque in libro de Trinitate ait: Paulus dicit, quia omnia operatur unus atque idem spiritus, diuidens singulis prout vult, id est, pro libera voluntatis arbitrio, non pro necessitatis obsequio.

Qualiter in Deo accipiatur liberum arbitrium.

Sed aliter accipitur liberum arbitrium in Creatore, quam in creaturis. Dei etenim liberum arbitrium dicitur eius sapientissima & omnipotens voluntas: quæ non necessitate, sed libera voluntate omnia facit prout vult: Ideoque. Hieron. attendens non ita esse liberum arbitrium in Deo, sicut est in creaturis, ab ipso videtur liberum arbitrium excludere, in homilia quadam de filio prodigo dicens: Solus Deus est in quem peccatum non cadit: nec cadere potest: cætera cum sint liberi arbitrij, in utramq. partem flecti possunt. Dum ait, cætera, indicat liberum arbitrium sicut est in cæteris, non ita esse in Deo.

Quod Angeli & sancti qui iam beati sunt, habent liberum arbitrium.

Angeli vero & sancti qui iam cum Domino feliciter viuunt, atque ita gratia beatitudinis confirmati sunt, ut ad malum flecti nec velint nec possint, libero arbitrio non carent: Vnde Aug. in libro 22. de Ciuitate Dei ait: Sicut prima immortalitas fuit, quam peccando Adam perdidit, posse non mori: ita primum liberum arbitrium, posse non peccare: nouissimum, non posse peccare. Idem in Ench. Sic oportebat prius hominem fieri, ut bene velle posset, & male. Postea vero sic erit, ut male velle non possit: nec ideo carebit libero arbitrio. Multo quippe liberius erit arbitrium quod omnino non poterit seruire peccato. Neque aut voluntas non est, aut libera dicenda non est, quia beati sic esse volumus, ut esse miseri non solum nolimus, sed nequaquam prorsus velle possimus. Sicut ergo anima nostra nunc habet nolle infelicitatem, ita nolle iniquitatem semper habitura est. Sed ordo seruandus fuit, quo Deus voluit ostendere quam bonum sit animal rationale, quod etiam peccare possit, quamuis sit melius quod peccare non possit. Ecce his verbis euidenter astruitur quod post beatitudinis confirmationem erit in homine liberum arbitrium, quo peccare non poterit: & nunc in Angelis est, & in sanctis qui cum Domino sunt: & tanto utique liberius, quanto à peccato immunius, & ad bonum promius. Quo enim quisque ab illa peccati seruitute, de qua scriptum est: Qui facit peccatum, seruus est peccati: longius absistit, tanto in eligendo bonum liberius habet iudicium. Vnde si diligenter inspicatur, liberum videtur dici arbitrium, quia sine coactione & necessitate valet appetere vel eligere quod ex ratione decreuerit.

DISTINCT. XXV. PARS II.

De libertatis arbitrij differentia secundum diuersa tempora.

Ex prædictis perspicuum fit quod maior fuit libertas arbitrij prima quam secunda: & tertia multo maior quam secunda vel prima. Prima enim libertas arbitrij fuit, in qua poterat peccare, & non peccare. Vltima vero erit, in qua poterit non peccare, & non poterit pec-

care. Media vero, in qua potest peccare, & non potest non peccare: ante reparationem etiam mortaliter, post reparationem vero saltem venialiter.

De quatuor statibus liberi arbitrij in homine.

Et possunt in homine notari quatuor status liberi arbitrij. Ante peccatum enim ad bonum nil impediēbat, ad malum nil impellebat. Non habuit infirmitatem ad malum, & habuit adiutorium ad bonum. Tunc sine errore ratio indicare, & voluntas sine difficultate bonum appetere poterat. Post peccatum vero ante reparationem gratia premitur à concupiscentia & vincitur, & habet infirmitatem in malo, sed non habet gratiam in bono: & ideo potest peccare, & non potest non peccare, etiam damnabiliter. Post reparationem vero ante confirmationem premitur à concupiscentia, sed non vincitur: & habet quidē infirmitatē in malo, sed gratiā in bono: ut possit peccare propter libertatē & infirmitatē, & possit non peccare ad mortē propter libertatem, & gratiam adiuuantem: nondum tamen habet posse omnino non peccare, vel non posse peccare, propter infirmitatē nondū perfecte absorptam, & propter gratiā nondum plene consummatā. Post confirmationē vero, infirmitate penitus cōsumpta, & gratia consummata, nec vinci poterit, nec premi: & tunc habebit non posse peccare.

De corruptione liberi arbitrij per peccatum.

Vnde manifestum est quod præter alias penalitates pro peccato illo, incurrit homo etiam in corruptione & depressione liberi arbitrij. Per illud namque peccatum naturalia bona in ipso homine corrupta sunt, & gratuita detracta. Hic est enim ille qui à latronibus vulneratus est & spoliatus. Vulneratus quidem in naturalibus bonis, quibus non est priuatus, alioquin non posset fieri reparatio: spoliatus vero gratuitis: quæ per gratiā naturalibus addita fuerant. Hæc sunt data optima, & dona perfecta: quorum alia sunt corrupta per peccatum, id est, naturalia, ut ingenium, memoria, intellectus: alia subtracta, id est, gratuita, quanquam & naturalia ex gratia sint: ad generalem Dei quippe gratiam pertinent. Sape tamen huiusmodi fit distinctio, cum gratia vocabulum ad speciem, non ad genus refertur. Corrupta est ergo libertas arbitrij per peccatum, & ex parte perditā. Vnde August. in Enchirid. Libero arbitrio male utens homo, & se perdidit & ipsum. Cum enim libero arbitrio peccaretur, victore peccato amissum est & liberum arbitrium. A quo enim quis deuictus est, huic seruus addictus est. Ecce liberum arbitrium dicit hominem amisisse: non quia post peccatum non habuerit liberum arbitrium, sed quia libertatem arbitrij perdidit: non quidem omnem, sed libertatem à miseria & à peccato.

De tribus modis libertatis arbitrij.

Est namque libertas triplex, sc. à necessitate, à peccato, à miseria. A necessitate, & ante peccatum, & post, æque liberum est arbitrium. Sicut enim tunc cogi non poterat, ita nec modo. Ideoque voluntas merito apud Deum iudicatur, quæ semper à necessitate libera est, & nunquam cogi potest. Vbi necessitas, ibi non est libertas, nec voluntas, & ideo nec meritum. Hæc libertas in omnibus est, tam in malis quam in bonis. Est & alia libertas à peccato, sc. de qua dicit Apostolus: Vbi Spiritus Domini libertas. Et Veritas in Euangelio: Si filius vos liberauerit, vere liberi eritis. Hæc libertas à seruitute peccati liberat, & seruos iustitia facit: sicut è con-

Rom. 6. 8

In Ench.
cap. 30.

Ioan. 8. d

Cap. 30.

Cap. superius
citato.

verso seruitus peccati liberos iustitia facit. Vnde Apo-
stolus: Liberati à peccato, serui facti estis iustitia. Et
idem: Cum serui essetis peccati, liberi fuistis iustitia.
Hanc libertatem peccando homo amisit. Ideoque Au-
gustinus dicit quod homo male utens libero arbitrio,
& se perdidit, & ipsum: quia perditum est per pecca-
tum libertas, non à necessitate, sed à peccato. Qui
enim facit peccatum, seruus est peccati.

Qui habet hanc libertatem, scilicet à peccato,
& per quid.

Istam libertatem qua est à peccato, illi soli nunc ha-
bent, quos filius per gratiam liberat & reparat: non
ita quod penitus sint sine peccato in hac mortali car-
ne, sed ut in eis peccatum non dominetur neque re-
gnet. Et hac est vera & bona libertas, qua bonā parit
seruitutem, scilicet iustitia. Vnde Augustinus in Enchi-
rid. ait: Ad iustitiam faciendam non erit aliquis li-
ber, nisi à peccato liberatus, esse iustitia cæperit seruus:
& ipsa est vera libertas, propter recti facti latitiam,
simul & pia seruitus, propter præcepti obedientiam.
Est alia libertas non vera, mala seruituti adiuncta,
est ad malum faciendum: ubi ratio dissentit à volun-
tate, iudicans non esse faciendum quod voluntas appe-
tit: ubi vero ad bonum faciendum concordat ratio vo-
luntati, ibi vera libertas est, & pia. De libertate au-
tem ad malum, & seruitute mala, ait Augustinus in
Enchirid. Serui addicti peccato, qua potest esse liber-
tas, nisi quando eum peccare delectat? Liberaliter
enim seruit, qui sui Domini voluntatem libenter facit:
ac per hoc ad peccandum liber est, qui peccati seruus
est.

Quæstio de libertate ad malum, an sit ipsa libertas
liberi arbitrij, an alia.

Hic quæri potest: Vtrum hac libertas, qua quis liber
est ad malum, sit libertas arbitrij. Si enim libertas ar-
bitrij est, bonum quidem est: quia libertas arbitrij bo-
num naturale est. Quibusdam videtur quod sit ipsa
libertas arbitrij, qua semper bona est, sed propter pec-
cati seruitutem ad malum sit liberior, & promior: &
ideo dicitur non esse vera libertas, quia ad malum est.
Aliis autem videtur quod hac libertas ad malum,
quam supra commemorauit Augustinus, non sit ipsa
libertas arbitrij: sed sit quadam pronitas peccandi, &
curuitas qua ex peccato est, & mala est.

Quæstio alia de libertate ad bonum, an ipsa sit libertas
arbitrij, an non.

Similiter etiam quæri solet: Vtrum illa libertas ve-
ra, qua est ad iustitiam faciendam, sit ipsa libertas
arbitrij. Quidam dicunt illam eandem esse, sed repa-
ratam per gratiam, qua iuuante libera est ad bonum:
sine gratia vero non est libera ad bonum. Vel Augus-
tinus in Enchirid. ista libertas ad bene faciendum nun-
quam erit homini addicto & vendito sub peccato: nisi
eum redimat qui dicit: Si filius vos liberauerit, vere
liberi eritis. Quod antequam fieri in homine incipiat,
quo modo quisquam libero arbitrio gloriatur, qui non-
dum est liber ad operandum bene? Ecce aperte osten-
dit liberum arbitrium per gratiam liberari, ut per
illud bene operetur quis. Ideoque dicunt illam liber-
tatem veram, qua est ad bene faciendum, cuius supra
meminit Augustinus esse libertatem ipsam arbitrij
gratia Dei liberatam & adiutam. Alij vero putant,
non esse ipsam arbitrij libertatem, sed aliam quan-
dam: qua ex gratia, & libero arbitrio in mente ho-
minis, Deo operante, incipit esse, cum reparatus
est.

Certa determinatio vtriusque quæstionis, quæ di-
citur libertas ad bonum, & ad malum
esse libertas arbitrij.

Verum nobis magis placet ut ipsa libertas arbitrij
sit, & illa qua quis liber est ad malum, & illa, qua
quis liber est ad bonum faciendum. Ex causis enim va-
riis fortitur diuersa vocabula: Dicitur enim libertas
ad malum faciendum, antequam per gratiam sit re-
parata: sed cum per gratiam fuerit reparata, dicitur
libertas ad bonum faciendum: quia ante gratiam li-
bera est voluntas ad malum, per gratiam vero libera
fit ad bonum. Semper ergo voluntas hominis aliquo
modo libera est: sed non semper bona est. Non enim est
bona, nisi à peccato liberata: est tamen à necessitate
libera. Vnde Augustinus in libro de gratia & libero
arbitrio: Semper in nobis voluntas libera est, sed non
semper bona est. Aut enim libera est à iustitia, quando
seruit peccato, & tunc est mala: aut à peccato libera
est, quando seruit iustitia, & tunc est bona.

De libertate à miseria.

Est iterum libertas à miseria, de qua Apostolus ait:
Et ipsa creatura liberabitur à seruitute corruptionis
in libertatem gloria filiorum Dei. Hanc libertatem
habuit homo ante peccatum, quia omni carebat mi-
seria, & nulla tangebatur molestia: & plenius ha-
bebat in futura beatitudine, ubi miser esse non pote-
rit: Sed in hac vita qua est inter primum peccatum,
& ultimam confirmationem, nemo à miseria liber
est: quia pœna non caret.

Repetit de corruptione liberi arbitrij ut addat alia.

Ex prædictis iam apparet in quo per peccatum sit
imminutum, vel corruptum liberum arbitrium: quia
ante peccatum nulla erat homini difficultas, nullum-
que impedimentum de lege membrorum ad bonum,
nulla impulsio, vel instigatio ad malum. Nunc autem
per legem carnis ad bonum impeditur, & ad malum
instigatur: ut non possit velle, & perficere bonum, nisi
per gratiam liberetur, & adiunetur: quia ut ait Apo-
stolus: Peccatum habitat in carne. Liberum ergo arbi-
trium cum semper, & in singulis sit liberum, non est
tamen pariter liberum in bonis, & in malis, & ad bo-
na, & ad mala. Liberior est enim in bonis, ubi libera-
tum est, quam in malis, ubi liberatum non est. Et libe-
rius est ad malum quod per se potest, quam ad bonum,
quod nisi gratia liberetur & adiunetur, non potest.

De libertate quæ sit ex gratia, & quæ ex natura.

Libertas ergo à peccato & à miseria per gratiam
est: libertas vero à necessitate per naturam. Vtramque
libertatem, natura sc. & gratia, notat Apostolus cum
ex persona hominis non redempti ait: Velle adiacet
mihi: perficere autem bonum non inuenio: ac si diceret,
habeo libertatem natura: sed non habeo libertatem
gratia: ideo non est apud me perfectio boni. Nam vo-
luntas hominis quam naturaliter habet, non valet
erigi ad bonum efficaciter volendum, vel opere im-
plendum, nisi per gratiam liberetur, & adiunetur. Li-
beretur quidem, ut velit: & adiunetur, ut perficiat.
Quia ut ait Apostolus: Non est volentis velle, neque
currentis currere, id est, operari: sed miserentis Dei:
Qui operatur in nobis velle, & operari bona, cuius
gratiam non aduocat hominis voluntas, vel operatio,
sed ipsa gratia voluntatem prauicuit præparando ut
velit bonum, & præparatam adiunat, ut perficiat.

DIST.

DISTINCT. XXV. PARS I.

De libero arbitrio secundum se, siue in generali.

Iam vero ad oppositum redeamus, &c.

Expositio Textus.

SUPRA egit Magister de libero arbitrio in comparatione ad alias potentias; hic vero agit de libero arbitrio secundum se. Diuiditur autem ista pars in duas partes. In prima determinat, quid sit liberum arbitrium in se, siue in generali. In secunda vero determinat de libero arbitrio secundum differentes eius status in speciali, ibi: *Ex prædictis perspicuum, &c.* Prima habet duas particulas. In quarum prima Magister ponit liberi arbitrij assignationem. In secunda ad prædictæ assignationis explanationem, quādam mouet dubitationem, ibi: *Et quidem secundum prædictam assignationem, &c.* Prima pars habet duas. In prima determinat, quid sit liberum arbitrium. In secunda vero ex illa diffinitione elicit, quod liberum arbitrium non est præsentium, nec præteritorum, sed futurorum, & horum non quorumlibet, sed futurorum contingentium, ibi: *Hoc autem sciendum est quod liberum arbitrium, &c.* Similiter secunda pars habet duas. In quarum prima mouet dubitationem. In secunda vero determinat, ibi: *Sed aliter accipitur liberum arbitrium.*

Quod Philosophi diffinientes dixerunt esse liberum de voluntate iudicium. Dub. I.

Videtur quod talis diffinitio à Philosophis assignata, nec sit bona, nec sit secundum artem physicam assignata. Philosophus enim reprehendit diffinitionem æquiuocā, in qua sunt tot vocabula ex parte diffinitionis, quot ex parte diffiniti, utpote si quis diffiniens tunicam nigram, dicat eam esse colobium atrum. Sic & in proposito. Si tu dicas quod non est diffinitio, sed nominis interpretatio, tunc est quæstio, quare liberum arbitrium potius vocatur sic, quam dicatur liberum iudicium. Item videtur quod ad Philosophos non pertineat diffinire liberum arbitrium, quia cum anima sit imago Dei secundum liberum arbitrium, ut dicit Richardus, & mediante libero arbitrio meretur, Philosophi autem non cognouerunt animam esse Dei imaginem, nec meriti originem, videtur quod liberum arbitrium nec sciuerunt, nec potuerunt diffinire.

RESP. Dicendum quod sicut prædictum est, prædicta notificatio potius dicitur nominis interpretatio, quam diffinitio: magis autem facultas illa censetur hoc nomine, ut dicatur liberum arbitrium, quam liberum iudicium, pro eo quod iudicium importat actum rationis regulatum secundum regulas veritatis, siue supernæ legis: arbitrium vero importat actum rationis regulatum secundum imperium voluntatis. Vnde ille dicitur iudex, cuius est secundum iura causam terminare. Ille autem dicitur arbiter, qui ad proprium voluntatis nutum causam terminare habet. Et quoniam liberum arbitrium quantum est de se, decernere habet de agendis iuxta voluntatis nutum, magis quam iuxta iuris præceptum, hinc est quod magis proprie nominatur per nomen arbitrij, quam per nomen iudicij. Ex hoc igitur, & ex prædictis colligitur quod magna fuit sapientia in eis, qui imposuerunt nomina. Non enim sine causa hæc facultas duplici nomine censetur, nec sine causa vocabulum spectans ad rationem significatur substantiue, vocabulum spectans ad voluntatem vocatur obiectiue. Nec sine causa vocabulum spectans ad rationem potius dicitur esse arbitrium, quam iudicium. Est enim liberum arbitrium facultas duarum potentialium: ita quod ratio habet se in ratione materialis, & decernere se habet ad nutum, & imperium voluntatis. Ad illud ergo

A quod obiicitur quod non est Philosophorum liberum arbitrium cognoscere, dicendum quod de libero arbitrio est loqui dupliciter, aut secundum quod est principium operum moralium, aut secundum quod est principium operum gratuitorum. Et primo modo est de consideratione Philosophorum, illorum maxime, qui versati sunt circa mores componendos, quorum liberum arbitrium est principium secundum regulam, & dictamen iuris naturalis quod est unicuique impressum. Secundo modo est de consideratione Theologorum, quia sic habet aspectum ad diuinam gratiam, cuius gratiæ cognitio est per fidem Catholicam. sine qua omnia opera hominum vana sunt, etsi etiam videamus laudabilia; & in hac consideratione defecit Philosophorum peritia: & per hoc patent obiecta.

Secundum prædictam assignationem in his tantum videtur esse liberum arbitrium, qui voluntatem mutare, & in contrarium possunt deflectere Dub. II.

CONTRA: Si etiam liberum arbitrium non tantummodo est in homine secundum statum viatoris, immo etiam secundum statum comprehensoris, & beatitudinis, sicut determinatum fuit supra dist. 7. prædicta assignatio, siue diffinitio non videtur esse congrua. Præterea non solummodo hi qui habent voluntatem vertibilem, sed etiam hi qui habent voluntatem inuertibilem habent liberum de voluntate iudicium; ergo falsum dicit Magister, qui dicit quod prædicta assignatio solum his conuenit, qui habent voluntatem vertibilem. Iuxta hoc quaeritur, cum diuersæ assignationes liberi arbitrij ponantur à sanctis, & vnius rei, unica est diffinitio, quæ sit illarum assignationum differentia. Augustinus enim diffinit, sicut habitum est in distinctione præcedenti, sic: Liberum arbitrium est facultas rationis, & voluntatis, qua bonum eligitur, &c. Ansel. in libro de libero arbitrio diffinit sic: Liberum arbitrium est potestas seruandi rectitudinem propter seipsam. Bernardus in libro de libero arbitrio sic: Liberum arbitrium est consensus ob voluntatis inamissibilem libertatem, & rationis indeclinabile iudicium. Quaeritur igitur, quæ sit istarum rationum differentia: de singulis enim disputare parum vtile est, & parum facit ad propositum.

RESP. Dicendum quod verbum propositum Magistri non refertur ad illam notificationem Philosophorum in hac diffinitione propositam: Liberum arbitrium est liberum de voluntate iudicium: sed ad illam refertur, quæ posita fuit in præcedenti dist. Liberum arbitrium est facultas voluntatis, & rationis, qua bonum eligitur, &c. & quantum ad illam dicit Magister quod non contingit liberum arbitrium aliter nisi secundum statum solum mutabilitatis. Vnde nota quod liberum arbitrium potest tripliciter considerari aut in sui generalitate, secundum quod conuenit creaturæ, & Creatori, & sic diffinitur ab Anselmo cum dicitur: Liberum arbitrium est potestas seruandi rectitudinem, &c. Aut secundum esse quod habet in creatura non concernendo statum, & sic est diffinitio illa Bern. Liberum arbitrium est consensus, &c. Aut quantum ad statum viatoris, & sic est illa Aug. Liberum arbitrium est facultas, &c. Possunt tamen nihilominus prædictæ notificationes aliter distingui ab inuicem. Liberum arbitrium habet comparari ad actum & habet comparari ad obiectum, habet tertio modo comparari ad actum, & obiectum, & finem ultimum. Quantum ad primam diffinitionem, siue considerationem diffinitur à Bern. Quantum ad secundam ab Aug. Quantum ad tertiam ab Anselmo: & hoc patet considerando ipsas notificationes: vnde Anselmus diffiniens liberum arbitrium non solum dicit ipsum esse potestatem seruandi rectitudinem, sed etiam addit, propter se: propter enim dicit causam finalem, & refertur hoc quod est, se, ad rectitudinem. Sed hic attendendum est quod alia est rectitudo, quæ seruatur: alia propter quam seruanda est. Hæc enim est creatura, illa increata: quia tamen vna intelligitur in altera, hoc relatum, se, cum refertur

Diffinitio Magistri, dist. 24. c. Liberum ex Aug. collecta. Ansel. cap. 3 de lib. arb. in lib. princ.

Diffinitio: dist. lib. arb. examinatur.

Liberum arbitrium quod modi consideratur.

ad rectitudinem creatam, potest supponere pro rectitudine increata in ipsa creata rectitudine intellecta, sicut prima veritas in omni veritate, & prima bonitas in omni bonitate.

Sed aliter accipitur liberum arbitrium in Creatore, quam in creaturis. Dub. III.

CONTRA: Hoc est quod Anselmus de libero arbitrio dicit quod eadem debet esse definitio liberi arbitrii in homine, & in Deo, sicut eadem est ratio hominis, & asini in animali. **ITEM** hoc videtur per rationem, quam ipse assignat quod liberum arbitrium est potestas seruandi rectitudinem, quæ non tantum conuenit Creatori, immo etiam creaturæ. **ITEM:** Si anima secundum liberum arbitrium maxime Deo assimilatur, videtur quod liberum arbitrium in Deo, & in homine sit cōformiter.

RESP. quod est loqui de libero arbitrio secundum generales condiciones, & sic liberum arbitrium dicit facultatem liberam à coactione, & ordinatam ad rectitudinis obseruantiam: & hoc modo reperitur in creatura, & Deo conformiter, & secundum eandem rationem, non conformitate, & vnitate vnocationis, sed potius analogiæ, & consimilis habitudinis, quæ inter Deum, & creaturam esse potest, sicut in primo libro in pluribus locis ostensum fuit. Alio modo est loqui de libero arbitrio secundum proprietates speciales: & sic liberum arbitrium est facultas, quæ quidem non est substantia rei, sed quædam habitus, sic etiam est potestas seruandi rectitudinem quod non est ipsa rectitudo: & ideo potest à rectitudine obliquari quantum est de se in creatura: in Deo autem liberum arbitrium est ipsa diuina essentia, est etiam ipsa iustitia: ideo nec obliquari potest, nec mutari, & quantum ad has condiciones speciales dicit Magister in litera, aliter in Deo, aliter in creaturis reperiri.

ARTICVLVS I.

AD intelligentiam huius partis incidit hic quæstio, quid sit liberum arbitrium secundum rem. Et quoniam eius quidditas, & natura cognoscitur in assignando conuenientiam, & differentiam ipsius ad voluntatem, & rationem: ideo de ipso quærendum est in comparatione ad voluntatem, & rationem. Ad huius autem comparationis dilucidationem circa sex contingit dubitare. Primo enim quæritur, vtrum liberum arbitrium sit in solis habentibus rationem, & voluntatem. Secundo dato quod sic: quæritur, vtrum sit potentia distincta contra rationem, & voluntatem, an non. Tercio, dato quod non: quæritur, vtrum complectatur simul rationem, & voluntatem. Quarto, dato quod sic: quæritur, vtrum complectatur illas duas potentias per modum potentiæ, aut per modum habitus. Quinto, dato quod per modum habitus: quæritur, vtrum ille habitus addat aliquid per essentiam rationi, & voluntati. Sexto, & vltimo quæritur, secundum quam istarum duarum potentiarum principalius in sit animæ libertas arbitrii, verum videlicet secundum rationem, aut secundum voluntatem.

QVÆSTIO I.

An liberum arbitrium sit in habentibus rationem, & ratione carentibus.

Alex. Alenf. 2. p. q. 72. Memb. 3. art. 2.

S. Thom. 1. p. q. 83. art. 1.

Et 1. 2. q. 6. art. 2.

Egid. Rom. 1. Sent. p. 2. dist. 25. q. 1. art. 2.

Richardus 2. Sent. dist. 25. q. 2.

Durandus 2. Sent. dist. 25. q. 2.

Ioan. Bacch. 2. Sent. dist. 26. q. 2.

Steph. Brulef. 2. Sent. dist. 25. q. 1.

Gabr. Biel. 2. Sent. dist. 25. q. 1.

VTRVM liberum arbitrium sit in solis habentibus rationem, an etiam sit in brutis animalibus. Et quod sit in animalibus brutis, videtur. Illa potentia libe-

ra dicitur esse, cuius est eligere bonum, & fugere malum: sed hanc potentiam videmus esse in brutis, sicut patet in oue, quæ fugit lupum, & quærit pastorem: ergo, &c.

2. ITEM illa potentia libertatem habet, quæ potens est in opposita: sed in brutis animalibus est potentia ad faciendum opposita, quia modo ostendunt benignitatem, modo ferocitatem, modo vadunt, modo veniunt: ergo talia animalia à libertate arbitrii non sunt aliena.

3. ITEM illa potentia est libera, quæ est domina sui actus: hæc autem est, quæ potest seipsam in suo actu refrænare, & compescere: sed talis potentia reperitur in brutis animalibus: quod patet, quia ab his, quæ appetunt, per disciplinam compescuntur, sicut planum est in animalibus domitis, & domesticis: ergo, &c.

4. ITEM illa potentia libertatem habet in mouendo, cuius motus incipit à principio intrinseco: hic enim motus est potentiæ perfectæ in mouendo: sed in animalibus brutis à principio intrinseco incipit: ergo, &c.

5. ITEM illa potentia libera est præcipue, cuius est gerere prouidentiam, non solum modo circa præsentia, sed etiam circa futura: sed talis est in brutis animalibus, sicut patet in formicis, & aliis animalibus irrationabilibus: ergo, &c.

6. ITEM illa potentia magis participat libertatem, quæ non potest redigi in seruitutem, quam quæ potest: sed homines in seruitutem rediguntur: sed quædam animalia bruta nequaquam dominari possunt, sicut dracones, & leones: ergo videtur quod talia maxime habeant arbitrii libertatem.

SED CONTRA: Liberum arbitrium, sic diffinitur ab Augustino: Liberum arbitrium est facultas rationis, & voluntatis, sicut habitum est supra distinctione præcedenti: sed in nullo est facultas rationis, in quo non sit ratio, & hæc est in solis rationalibus: ergo & liberum arbitrium.

ITEM omne quod habet liberum arbitrium est laudabile, & vituperabile: sed sola rationalia sunt digna laude, & vituperio, pœna, & præmio: ergo, &c.

ITEM omne quod habet liberum arbitrium, natum est consiliari, & deliberare: hoc autem est solius rationalis: ergo, &c.

ITEM liberum arbitrium est nobilissimum, quod est in homine: ergo si liberum arbitrium inueniretur in brutis, nobilissimum quod est in homine, reperiretur in illis: ergo æque nobilia essent bruta animalia, sicut rationalia sunt: quod si hoc est inconueniens, patet, &c.

CONCLUSIO.

Cum sola rationalia libera sint, & iudicio prædita, in solis illis reperitur liberum arbitrium.

RESP. Ad Arg. Dicendum quod absque dubio liberum arbitrium reperitur in solis substantiis rationalibus: & ratio huius sumitur tum ex parte libertatis, tum ex parte arbitrationis. Ex parte libertatis: libertas enim opponitur seruituti. Vnde illa sola potentia dicitur esse libera, quæ dominium habet plenum tam respectu obiecti, quam respectu actus proprii. Illa autem potentia dominium habet ex libertate respectu obiecti, quæ non est arctata ad aliquod genus appetibilis, sed nata est omnia appetibilia appetere, & omnia fugibilia respuere. Tria autem sunt, quæ sunt in appetitibus, & quorum opposita sunt in fugis, videlicet bonum, conferens, & delectabile, & nomine boni ibi intelligitur honestum. Cum autem, conferens, & delectabile nata sint appeti ab irrationalibus, bonum honestum à solis rationalibus potest appeti: ideo in eis solum reperitur virtus, quæ non est ad aliquod genus appetibilis arctata, ac per hoc habens libertatem respectu obiecti. In eis etiam solis reperitur potentia habens libertatem respectu actus proprii: quod patet. Nam voluntas in rationalibus non solum compescit manum exteriorem, vel pedem, sed etiam compescit seipsam, & refrænât incipiens odire frequenter

quod

quod prius diligebat, & hoc ex sui ipsius imperio, & dominio. In brutis autem animalibus, etsi aliquo modo sit reperire dominium respectu actus exterioris, quia bene refrenat aliquando, sicut patet in animalibus domesticis: respectu tamen actus proprii interioris, videlicet appetitus, dominium non est. Unde si aliquid amant, non possunt illud non amare, licet à prosecutione alicuius rei amaræ arceantur timore alicuius passionis inflatæ. Et ideo dicit Damascenus quod magis aguntur, quam agant: ac per hoc, cum non possint actum proprium reprimere, respectu actus proprii non habent libertatem, nec respectu obiecti: & ideo deficiente in eis libertate, liberum arbitrium non possunt participare. Similiter etiam sumitur ratio ex parte arbitrationis. Arbitrium enim idem est quod iudicium, ad cuius nutum cæteræ virtutes mouentur, & obediunt. Iudicare autem illius est secundum rationem completam, cuius est discernere inter iustum, & iniustum, & inter proprium, & alienum: nulla autem potentia notit quid iustum, & quid iniustum, nisi illa sola, quæ est particeps rationis, & nata est cognoscere summam iustitiam, à qua est regula omnis iuris: hoc autem solum est in ea substantia, quæ est ad imaginem Dei, qualis est tantum substantia rationalis. Nulla enim substantia discernit quid proprium, & quid alienum, nisi cognoscat seipsam, & actum suum proprium: sed nunquam aliqua potentia seipsam cognoscit, vel supra seipsam reflectitur, quæ sit alligata materiæ. Si igitur omnes potentiæ sunt alligatæ materiæ, & substantiæ corporali præter solam rationalem, sola illa est, quæ potest se super seipsam reflectere: & ideo ipsa sola est, in qua est plenum iudicium, & arbitrium in discernendo quid iustum, & quid iniustum, quid proprium, & quid alienum. Tam igitur ratione libertatis, quam ratione arbitrationis liberum arbitrium in solis substantiis rationalibus reperitur, & concedendæ sunt rationes quæ hoc ostendunt.

1. AD rationes vero ad oppositum plana est responsio per iam dicta. Ad illud enim quod primo obiicitur, quod bruta præeligunt bonum malo, dicendum quod verum de bono honesto, respectu cuius proprie liberum arbitrium consistit.

2. AD illud similiter quod obiicitur quod bruta possunt ad opposita moueri, patet responsio, quia non possunt moueri in omnia opposita: sed solum in illa, quæ sunt infra dignitatem liberi arbitrii.

3. AD illud quod obiicitur, quod bruta dominantur actibus suis, quia possunt reprimere, dicendum quod non dominantur actibus interioribus, licet dominantur exterioribus: etsi enim comprimantur ab actu, non tamen retrahuntur ab appetitu. Vel aliter potest dici, quod etsi etiam retrahantur ab actu suo, non tamen hoc est per dominium proprium, sed ex imaginatione mali exterioris, quod adeo exterre, ut magis retrahat: quam appetitus attrahat: & ideo sicut in appetendo, & prosequendo magis aguntur, quam agant, sic etiam in abstinendo, vel se reprimendo magis reprimuntur, quam reprimant, & retrahuntur quam retrahant.

4. Et per hoc patet responsio ad aliud quod dicit quod principium motus est ab intrinseco in brutis animalibus. Dicit enim potest quod etsi principium motus exterioris procedat ab intrinseco, tamen appetitus interior potius habet ortum ab exteriori appetibili: quam ex imperio appetitiuæ virtutis. Unde non quicumque motus ab intrinseco facit potentiam liberam, sed ille motus, quo vis motiua mouet seipsam: voluntas enim, & liberum arbitrium, ut dicit Anselmus est instrumentum seipsam mouens.

5. AD illud quod obiicitur, quod liberi arbitrii est prouidere, dicendum quod prouidentia quædam contingit ex actu deliberationis, & præcognitionis: quædam prouenit ex instinctu naturali. Prima est libertatis arbitrarie, & in solis reperitur rationalibus. Secunda vero est naturalis sagacitatis, & indus-triæ: natura enim prudentissima est, & hæc repe-

ritur in brutis animalibus, & talis non ponit liberum arbitrium.

6. AD illud quod obiicitur, quod quædam animalia bruta domari non possunt, dicendum quod aliquod animal non posset redigi in seruitutem, hoc potest esse dupliciter, aut ratione voluntariæ libertatis, aut ratione naturalis ferocitatis. Primo modo impossibile est hominem redigi in seruitutem: quamvis enim aliquis possit aliquem compellere quantum ad actum exteriorem, quantum tamen ad interius velle nemo potest alterum compellere, sicut patebit infra. Secundo modo bestię aliquæ sunt indomabiles, nec possunt redigi in seruitutem, quia tanta est eorum ferocitas, & impetus ad ea, quæ sunt ferocitatis, ut non possint assuescere ad ea, quæ sunt lenitatis: & ideo ratio illa non cogit.

QVÆSTIO II.

An liberum arbitrium sit potentia distincta à ratione, & voluntate.

Alex. Alensis 2. p. q. 72. Memb. 1. art. 1. §. 2.

S. Thom. 1. p. q. 83. art. 4.

Et de Verit. q. 24. art. 4.

Steph. Brulef. 2. Sens. dist. 25. q. 2.

VERUM liberum arbitrium sit potentia distincta contra rationem, & voluntatem. Et quod sic, videtur per Bernardum loquentem de potentia liberi arbitrii: Quid similis æternitati, quod non sit æternitas; Si ergo æternitas nec respicit rationem, nec voluntatem, videtur quod liberum arbitrium sit aliqua potentia præter has.

2. ITEM ratio responderet Filio, voluntas Spiritui sancto: ergo si in nobis est ponere aliquam potentiam reformandam correspondentem Patri, est in nobis ponere aliquam potentiam præter rationem, & voluntatem, quæ spectat reformationem: talis autem non est nisi liberum arbitrium: ergo, &c.

3. ITEM ad productionem operis ista tria sunt necessaria, videlicet posse, & scire, & velle: ergo si scimus per rationem, volumus per voluntatem, videtur quod in nobis sit ponere tertiam potentiam, per quam sumus potentes, hanc autem dicimus liberi arbitrii facultatem: ergo, &c.

4. ITEM cum lapis deorsum mouetur, ista tria reperiuntur, intentio, appetitus, & virtus: dicimus enim, quod lapis intendit deorsum moueri, cum natura sit operans per intentionem: appetit deorsum moueri: habet nihilominus virtutem, per quam deorsum mouetur: ergo videtur quod illa tria sit reperiæ in anima rationali, si ergo rationis est intendere, voluntatis appetere, erit ponere tertiam potentiam, cuius sit virtualiter agere: hanc autem dicimus arbitrii facultatem: ergo, &c.

5. ITEM iudicans præminet iudicato, & mouens præminet mobili: sed liberum arbitrium est liberum de voluntate iudicium: ergo liberi arbitrii est iudicare de voluntate. Similiter liberi arbitrii est mouere omnes vires animæ, & rationi imperare ut discernat, voluntati ut appetat: ergo videtur quod sit tertia potentia ab istis distincta.

SED contra: Potentiæ animæ rationalis sufficienter diuiduntur per cognitiuas, & affectiuas: ergo si ratio comprehendit virtutes cognitiuas, & voluntas affectiuas, non videtur quod sit conueniens ponere tertiam potentiam ab his differentem.

ITEM actus liberi arbitrii est iudicare: sed de omni eo quod iudicamus, per rationem iudicamus: ergo non videtur quod liberum arbitrium sit potentia à ratione & voluntate distincta.

ITEM alia potentia circumscripta, remanente sola voluntate, & ratione, possumus consentire, quia potest præcedere deliberatio per actum rationis, & subsequi præoptatio per actum voluntatis: si ergo consentire est

actus

Ad oppositum.
Bern. de lib. arb. in medio.

Fundamēta.

actus liberi arbitrij, videtur quod liberum arbitrium non sit alia potentia à ratione, & voluntate.

ITEM liberum arbitrium est mouere, aut igitur mouet voluntatem, aut non. Si non: ergo non videtur esse plene liberum. Si mouet voluntatem, & est alia potentia: ergo voluntas mouetur ab alia potentia: si mouetur ab alia potentia: ergo non est libera: ergo si voluntas in nobis est maxime libera, videtur, &c.

ITEM eadem est potentia cognitiua, qua intelligo aliquid, & intelligo me intelligere: ergo eadem virtus est, & non alia, non volo aliquid, & volo me velle illud: sed potentia, qua volo me velle illud, est liberum arbitrium: potentia qua volo, est voluntas: ergo liberum arbitrium non est aliud à voluntate.

CONCLUSIO.

Liberum arbitrium non dicit potentiam secundum rem distinctam à ratione & voluntate, licet aliquam distinctionem habeat secundum rationem.

Opinio 1.

RESPON. AD Arg. Ad prædictæ quæstionis intelligentiam notandum est, quod super hac quæstione diuersæ fuerunt Doctorum positiones. Quidam enim dicere voluerunt, quod sicut mens dupliciter accipitur, aliquando communiter, & sic comprehendit memoriam, intelligentiam, & voluntatem: aliquando proprie, & sic distinguitur contra intelligentiam, & voluntatem: sic liberum arbitrium dupliciter accipitur, scilicet communiter, & proprie. Communiter: & sic non distinguitur contra rationem, & voluntatem. Proprie: & sic contra rationem, & voluntatem habet distinguere, & est virtus imperans rationi, & voluntati, & vtrumque regens, & mouens, cuius actus primus non est discernere, & velle, sed actus reflexus super hæc duo, & hæc duo mouens, & regens, ille videlicet, quo dicitur quis velle discernere, vel velle, se velle: & iste actus præambulus est ad rationem, & voluntatem, & ista potentia correspondet Patri, pro eo quod actus eius maxime potens est, & primus, cum non moueatur, sed moueat: & ideo à Sanctis dicitur facultas, siue potestas voluntatis, & rationis, id est, potestas facilius mouens voluntatem, & rationem: & consistit in istis tribus quædam ratio imaginis ex parte motiue, quæ principaliter per gratiam in via, & per dotes in patria habet reformari. Aliis autem aliter videtur, quod cum rationis, & voluntatis sit reflectere se super se, & istæ duæ potentie sufficiant ad omnes actus animæ perficiendos, videlicet ad iudicandum, & fugiendum, & eligendum, quod frustra poneretur in anima aliqua potentia differens ab istis. Si igitur natura nihil facit frustra, potentie animæ rationalis sufficienter diuiduntur per cognituias, & affectuias, siue per rationem, & voluntatem, & ideo dicunt quod liberum arbitrium non est potentia ab his duabus potentiis distincta. Quælibet autem harum positionum multum habet probabilitatis: & si velimus vtramque earum intelligere diligenter, & pie, inueniemus eas ab inuicem non discordare, sed ad vnius veritatis maiorem expressionem concurrere. Cum enim dicimus aliquam potentiam distinguere ab aliis, hoc est dupliciter: aut secundum rem, aut secundum rationem. Secundum rem, sic distinguitur intellectus, & affectus. Secundum rationem, sic distinguitur ratio, ut est cognitiua, & motiua, id est, dictans moueri, vel disponens ad motum. Loquendo igitur de distinctione secundum rationem, dici potest liberum arbitrium quodam modo distinguere à ratione, & voluntate, in hoc scilicet quod liberum arbitrium nominat in ratione mouentis: voluntas vero, & ratio in ratione moti. Hæc in ratione imperantis, istæ duæ in ratione exequentis: & ex ista parte per quamdam rationem appropriationis inuenitur in anima quædam ratio imaginis, & per hunc modum intelligitur prima positio, & rationes currunt quæ ad primam partem inducuntur. Non enim concludunt distinctionem liberi ar-

Opin. 2.

Conciliatio opinionum.

bitrij, à ratione & voluntate secundum rem, sed solum secundum rationem & appropriationem, sicut patet discurrenti per singulas. Loquendo autem de distinctione potentiarum secundum rem, sic liberum arbitrium non dicit potentiam diuersam, vel distinctam à ratione, & voluntate, pro eo quod potentie animæ rationalis sufficienter diuiduntur per cognituiam, & motuiam, & omnes actus animæ per has potentias, quæ sunt cognitiua, & affectiua, siue ratio, & voluntas exerceri possunt, sicut rationes quæ ad hoc inducuntur, ostendunt. Cum enim ratio, quam voluntas sit nata super se reflecti, cum nomino voluntatem, ut volentem aliquid, & voluntatem, ut volentem se velle, non dico potentiam aliam, & aliam secundum rem, sed solum secundum rationem. Mouens enim, & motum in spiritualibus non oportet differre secundum substantiam: quia sicut dicit Ansel-

B mus: Voluntas est instrumentum seipsam mouens, & ratio etiam est virtus seipsam cognoscens pari ratione: & ideo si aliqua est ibi distinctio, hæc est solum secundum rationem: & sic patet responsio ad quæstionem, & ad rationes ad vtramque partem. Concedo enim quod liberum arbitrium, secundum rem non dicit potentiam distinctam à ratione, & voluntate, concedo tamen quod aliquam distinctionem habet secundum rationem, ratione cuius dicitur facultas vtrinque: quanta autem sit distinctio, melius patebit infra. Ad præsens autem tantum dixisse sufficiat, quod non est tanta distinctio: quæ faciat ipsam esse aliam potentiam in genere potentie à ratione, & voluntate realiter distinctam.

1. Et quod obicit, quod est similis æternitati, & appropriatur Patri, & est virtus, à qua est posse, totum illud non ponit, nisi solummodo distinctionem quandam secundum quandam appropriationem, & quandam rationem. Et hoc patet, quia ipsa ratio includit in se intelligentiam, & memoriam, & ita aliquid per quod assimilatur Patri, & aliquid per quod assimilatur Filio. Ipsa voluntas includit in se irascibilem, & concupiscibilem: & ita potentiam, per quam appetit, & potentiam per quam potest: & ideo non oportet, liberum arbitrium esse aliquam aliam potentiam præter has.

2. AD illud quod ultimo obicitur quod iudicans præminet iudicato, & mouens moto, dicendum quod non oportet in spiritualibus loquendo de præminetia, quæ facit diuersitatem secundum essentiam. Sicut enim sæpe dictum est, eadem est vis, quæ vult aliquid, & quæ vult se velle, & quæ iudicat se iudicare, alioquin esset in infinitum abire: nihilominus tamen fortitur quasi dignius officium, dum est in ratione iudicantis, quam cum est in ratione iudicati, & cum est in ratione mouentis, quam cum est in ratione moti.

QUESTIO III.

An liberum arbitrium amplectatur rationem, & voluntatem.

Alex. Alenf. 2. p. 9. 72. Memb. 2. art. 3. §. 3.
Steph. Brulef. 2. Sent. d. 2. §. 3.

VTRUM liberum arbitrium complectatur simul & rationem, & voluntatem. Et quod sic, videtur per August. de 5. responsionibus. Cum de libero arbitrio loquimur, non de parte animæ loquimur, sed de tota: ergo non tantummodo comprehendit cognitiuam, immo etiam affectuiam.

ITEM Damasc. Anima libere arbitrat, libere appetit, libere iudicat, libere imperat, & facit, libere disponit, libere vult, libere eligit: sed hæc concernunt actus rationis, & voluntatis: ergo, &c. Si tu dicas hoc esse dictum per causam, hoc nihil est: quia ipse ibidem dicit, quod in eo coniunguntur sunt virtutes cognitiue, & vitales: complectitur ergo liberum arbitrium, & vim motuiam, & vim cognitiuam.

ITEM hoc ipsum videtur per definitionem liberi arbitrij, quam ponit Bernardus in lib. de libero arbitrio: quod diffiniens dicit, quod liberum arbitrium est consensus

volunta

Anf. lib. de concord. præscientia, & li. ar. long. ante fin.

Fundameta.

Damasc. li. 2. de fide orth. ca. 22. post med.

Bern. de lib. arbit. a prin.

voluntatis ob inamissibilem libertatem, & rationis indeclinabile iudicium: ergo simul complectitur rationem, & voluntatem.

ITEM per aliam diffinitionem Augustini, quam Magister ponit distinct. præcedenti, quæ talis est: Liberum arbitrium est facultas rationis, & voluntatis: sed facultas voluntatis surgit ex ipsa voluntate, facultas rationis ex ipsa ratione: ergo facultas voluntatis, & rationis comprehendit utramque potentiam: sed liberum arbitrium est facultas talis: ergo, &c.

ITEM hoc ipsum videtur ratione quia peccatum & culpa est in solo libero arbitrio: sed aliquod peccatum est in ratione, ut peccatum infidelitatis: aliquod in voluntate: ergo liberum arbitrium comprehendit in se rationem & voluntatem.

ITEM gratia & virtus est in solo libero arbitrio: sed tres virtutes Theologicæ dicuntur esse in rationali, concupiscibili, & irascibili: ergo liberum arbitrium omnes illas potentias habet complecti.

1. SED contra: Liberum arbitrium non potest cogi, ratio autem potest cogi: ergo liberum arbitrium rationem ipsam non comprehendit. Quod autem ratio aliquando cogatur, planum est. Quod liberum arbitrium non possit cogi, hoc indicat ipsum nomen: si enim posset cogi, non esset liberum.

2. ITEM ratio est eorum, quæ sunt à nobis, & quæ non sunt à nobis: sed liberum arbitrium, solum est respectu eorum, quæ sunt à nobis: ergo in plus est ratio quam liberum arbitrium: ergo liberum arbitrium non comprehendit in se rationem.

3. ITEM quod non comprehendat voluntatem, videtur. Voluntas nostra respectu aliquorum est impermutabilis: sed quicquid liberum arbitrium nostrum appetit, permutabiliter appetit: ergo, &c.

4. ITEM voluntas est possibile, & impossibile, sed liberum arbitrium est possibile tantum: ergo ad plura se extendit voluntas, quam liberum arbitrium: ergo liberum arbitrium non comprehendit in se rationem, & voluntatem.

5. ITEM ratio & voluntas sunt diversæ potentia: sed liberum arbitrium, est una potentia, cum habeat unum actum, videlicet eligere, siue consentire, ergo impossibile est liberum arbitrium comprehendere in se rationem & voluntatem.

6. ITEM si liberum arbitrium comprehendit in se rationem & voluntatem, aut sicut partes subiectivas, aut sicut partes integrales. Si sicut partes subiectivas: ergo tota ratio liberi arbitrij salvatur in ratione, & tota ratio in voluntate: cum igitur alia potentia sit ratio, & alia voluntas, & numerato inferiori, numeratur superius, videtur quod in quolibet homine sint duo libera arbitria: quod manifeste falsum est. Si autem sicut partes integrantes: Sed contra: Ex duabus potentiis nunquam fit una tertia potentia, maxime cum illæ potentia maneat distinctæ, & actus earum sint adinuicem ordinati, ita quod unus est ante alterum: si ergo ratio, & voluntas sunt potentia distinctæ, & actus earum sunt ordinati ad inuicem secundum prius & posterius, videtur quod liberum arbitrium ex his integrari non possit tanquam ex principiis constitutivis, & ita videtur quod liberum arbitrium voluntatem, & rationem non possit comprehendere.

CONCLUSIO.

Liberum arbitrium comprehendit simul rationem atque voluntatem, & non est unius nisi altera concurrente.

RESP. AD Arg. Ad prædictorum intelligentiam est notandum quod liberum arbitrium, simul comprehendit & rationem, & voluntatem, & hoc non solum manifestat ipsa nominatio, sed etiam ipsa notificatio: manifestat etiam suæ proprietatis inquisitio. Nominatio manifestat: dicitur enim liberum, & dicitur arbitrium: & arbitrium est ipsius rationis, libertas vero ipsius voluntatis, ad cuius nutum & imperium moveri habent cætera, quæ sunt in nobis: & hoc est quod dicit Au-

gustinus de quinque responsionibus: Liberum arbitrium dicitur ab arbitrando, quia à rationali parte quid eligat, quidve recuset, nomen accepit. Hoc etiam patet per eius notificationem, dicitur enim esse facultas rationis, & voluntatis, siue consensus rationis, & voluntatis. Postremo illud amplius manifestatur per suæ proprietatis inquisitionem. Liberum enim arbitrium siue nominet potentiam, siue habitum, nominat ipsam potentiam ut dominam, vel dominium ipsius potentia: & hoc planum est ex ipso nomine libertatis. Attendendum autem quod dominium alicuius potentia potest esse dupliciter, aut respectu obiecti, aut respectu actus. Dominium potentia respectu obiecti attenditur in hoc quod possit in illud, & in amplius, sicut equus, qui potest ferre decem modios, dominium habet super tres modios ad portandum, quia prævalet ad illud, quod cum facilitate portat. Dominium autem potentia respectu actus est attendendum in hoc, quod potentia potest esse in actu, & cessare ab actu secundum suum imperium, & secundum proprium motum. Ad hoc autem quod aliqua potentia hoc dominium habeat, necesse est quod ipsa possit movere seipsam, & quod possit super actum suum seipsam reflectere. Si enim non posset seipsam super actum suum reflectere, nunquam posset illum refrænare, nisi posset seipsam movere, nec posset in illum exire, quando vellet. Reflectere autem se super se, hoc est virtutis cognitivæ sublimata à materia, quæ quidem est ratio. Movere autem se, hoc est virtutis appetitivæ rationem consequentis. Ad hoc igitur, ut illud dominium sit in anima, necesse est quod habeat rationem & voluntatem. Nam si rationem tantum haberet, & non voluntatem, per quam moveret, posset se super actum suum reflectere, sed non posset movere, vel imperare. Si vero appetitum solum haberet, & non rationem, posset utique movere, & in actum exire: sed quia non posset super actum suum reflectere, non posset utique refrænare: & ita dominium non haberet. Sicut igitur ex concursu virtutis duorum hominum resultat una quædam facultas ad portandum unum lapidem quem non posset ferre alter eorum: & sicut ex concursu patrisfamilias, & matrisfamilias ad disponendum regimen domus resultat una potestas, ita quod altera non sufficeret: & sicut ex concursu virtutis manus, & oculi resultat potestas scribendi, ad quod altera illarum non sufficeret: sic ex concursu rationis, & voluntatis resultat quædam libertas, siue quoddam dominium ad aliquid faciendum siue disponendum. Et sic patet quod liberum arbitrium rationem complectitur, & voluntatem. Patet etiam quod cum liberum arbitrium sit quædam potestas, siue quoddam dominium resultans ex coniunctione istarum duarum potentiarum, scilicet rationis, & voluntatis, quod optime nominatur per hoc, quod dicitur liberum arbitrium non uno nomine, sed composito, ut unum nomen respondeat rationi, & alterum voluntati. Optime autem diffinitur, cum dicitur esse facultas rationis, & voluntatis: facultas enim non tantum nominat potentiam, immo facilitatem potentia, ex qua non tantum potens est, immo etiam præpotens est ad exeundum in actum: & ideo facultas dicit potestatem, siue dominium, quod quidem dicitur esse rationis simul & voluntatis, quia non est unius, nisi concomitante altera. Concedendæ sunt igitur rationes probantes quod liberum arbitrium rationem comprehendit, & voluntatem.

1. 2. 3. AD rationes vero ad oppositum facile est respondere. Quod enim obiicitur quod non comprehendit totam rationem, nec totam voluntatem, dicendum quod verum est: sed comprehendit solum ipsam potentiam, cognitivam, in quantum iuncta est affectivæ: & affectivam, in quantum iuncta est cognitivæ, unde dicit actum deliberativum, vel deliberationem voluntariam. Et propterea, quia ratio nominat ipsam potentiam cognitivam, ut ordinatam ad effectivam, & voluntas ipsam affectivam ut regulatā, & ratiocinatā à cognitivā, hinc est

Liberi arbitrij diffinitio.

quod

quod liberum arbitrium potius dicitur facultas voluntatis, & rationis, quam intellectus, & affectus. Non enim comprehendit totam cognitiuam, sicut duæ primæ rationes ostendunt, nec totam affectiuam sicut ostendunt duæ sequentes, sed aliquid huius, aliquid illius, sicut ostendunt rationes ad primam partem inducæ.

5. Ad illud quod obiicitur, quod liberum arbitrium est potentia vna, cum habeat actum vnum, dicendum quod quamvis actus liberi arbitrij, utpote eligere, & consentire, vnus esse videatur: nihilominus tamen implicat in se actus diuersos. Consensus enim dicit concordiam aliquorum duorum, & ita dicit concursus actuum rationis, & voluntatis in vnum. Eligere enim includit in se rationis iudicium, & voluntatis appetitum: & ita quemadmodum consentire, & eligere, etsi vnus actus esse videatur, tamen diuersos actus in se includit, sic liberum arbitrium, etsi videatur vna potentia, tamen diuersas in se potentias complectitur, ita quod ex concursu illarum se inuicem adiuvantium resultat in nobis regimen potestatis perfectæ.

6. Ad illud quod ultimo obiicitur, vtrum complectatur eas sicut partes integrales, aut subiectiuas, dicendum quod non complectitur eas omnino sicut totum integrale, nec omnino sicut totum vniuersale, sed sicut totum potentiale, quod partim habet naturam totius integri, partim naturam totius vniuersalis; naturam totius integri in hoc, quod in vna illarum potentialium non potest saluari absque altera: naturam vero totius vniuersalis habet, quia ex illarum concursu adinuicem, quamlibet illarum denominat. Vnde sicut duo homines facultatem habent ferendi lapidem, quam neuter per se habet, & ex illa facultate potentia cuiuslibet eorum dicitur esse facilis, nec tamen est vna sine altera, sic intelligendum est in proposito. Et rursus: sicut similitudo est in duobus similibus, ita quod non est in vno sine altero, & tamen quodlibet eorum denominatur simile: nec dicuntur esse duæ similitudines, sed vna: sic libertas dicitur esse in ratione, & voluntate, ita quod vtraque illarum potentialium est libera ex coniunctione sui cum alia: nec tamen sunt in eis duæ libertates, sed vna: & sic patent obiecta.

QVÆSTIO IV.

An liberum arbitrium sit nomen habitus, vel potentie.

Alexander Alensis 2. p. q. 72. Membr. 7. art. 1.

S. Thom. 1. p. q. 83. art. 2.

Et 2. Sent. dist. 25. q. 1. art. 2.

Steph. Brulef. 2. Sent. dist. 25. q. 4.

VTRUM liberum arbitrium complectatur rationem & voluntatem per modum potentie, an per modum habitus. Et quod per modum potentie, videtur. Primo per Anselm. in lib. de libero arbitrio, vbi sic ait: Liberum arbitrium est potestas seruandi rectitudinem: sed potestas est in genere potentie: ergo, &c.

2. ITEM Bernardus de libero arbitrio: Tolle liberum arbitrium: iam non erit quod saluetur: sed saluari non dicitur nisi potentia, vel substantia ratione potentie: ergo liberum arbitrium vel est nomen substantie, vel potentie: sed non est substantie: ergo est potentie.

3. ITEM in nobis est ponere aliquam potentiam, quæ semper inclinat ad bonum simpliciter, utpote synderesim, & aliquam quæ semper inclinat ad bonum, ut nunc, quantum est de se, utpote sensualitatem: ergo est ponere potentiam medio modo se habentem, hanc autem dicimus liberum arbitrium: ergo, &c.

ITEM omne quod est susceptibile habitus, est potentia: sed liberum arbitrium susceptibile est habitus, utpote gratie: ergo est potentia. Quod autem liberum arbitrium sit susceptibile gratie, patet per Augustinum qui dicit quod gratia se habet ad liberum arbitrium, sicut fessor ad equum.

SED CONTRA: Augustinus in Enchirid. Libero arbitrio male vtens homo, & se perdit, & ipsum: sed nul-

la potentia peccando perditur, ergo liberum arbitrium non est potentia.

ITEM liberum arbitrium sic diffinitur ab Augustino: cuius diffinitio posita est distincte præcedenti. Liberum arbitrium est facultas voluntatis, & rationis: facultas est illud, quo potentia efficitur facilis: ergo cum omne illud, quod reddit potentiam facilem ad opus, reddat eamabilem, & tale sit habitus: videtur, &c.

ITEM Bernardus de libero arbitrio: Liberum arbitrium est habitus animi liberi sui: sed si hæc diffinitio recte assignata est, videtur quod liberum arbitrium essentialiter sit habitus: sed non nisi rationis, & voluntatis: ergo, &c.

ITEM liberum arbitrium non est aliud, sicut dicit Magister in litera, & Philosophi diffiniunt, quam liberum iudicium: sed liberum iudicium non est potentia: sed actus, vel habitus: ergo, &c.

ITEM potentia non est potentia: nec potentia dicitur esse in potentia, sed liberum arbitrium est facultas rationis, & voluntatis, & est in ratione, & voluntate: ergo non videtur quod sit potentia aliqua, & est potentia, vel habitus: ergo, &c.

ITEM omne quod habet diminui & augeri potius habet rationem habitus, quam potentie: sed liberum arbitrium est huiusmodi, sicut Magister dicit in litera, quod maior libertas est in beatis, quam in confirmatis: ergo, &c.

CONCLUSIO.

Liberum arbitrium principaliter dicit habitum, & complectitur rationem & voluntatem non tanquam vna potentia ex eis constituta, sed tanquam vnus habitus.

RESP AD ARG. Dicendum quod cum quæritur vtrum liberum arbitrium sit nomen habitus, vel potentie, hoc dupliciter potest quæri. Aut ita quod quærat, vtrum præcise nominet habitum, vel præcise nominet potentiam: & talis quæstio parum habet difficultatis, pro eo quod fere omnia nomina potentialium animæ aliquando accipiuntur pro potentiis, aliquando pro habitibus, aliquando pro actibus. Sicut enim vult Philosophus, intellectus vocatur aliquando potentia intellectualis, aliquando habitus intelligendi, aliquando actus. Et Anselmus dicit quod voluntas aliquando dicitur instrumentum, aliquando affectus, aliquando vsus: & ideo hoc in proposita quæstione non intenditur. Alio modo potest intelligi prædicta quæstio, ut hoc inquiritur, videlicet cui primo, & principaliter nomen liberi arbitrij imponatur secundum quædam de eo sacri Doctores loquuntur. Et ad istam quæstionem triplex est modus respondendi per diuersos. Quidam enim senserunt quod liberum arbitrium, nomen est potentie, quæ se habet per modum vniuersalis ad rationem, & voluntatem, & comprehendit eas, sicut totum vniuersale comprehendit partes. Vnde sicut potentia rationalis rationi & voluntati dicitur esse communis, sic etiam & libertas arbitrij, secundum istum modum dicendi. Sed istud supra improbatum est. Si enim nominaret potentiam vniuersalem ad rationem & voluntatem, iam cum ratio vel voluntas sint diuersæ potentie rationales, iam essent in eis diuersæ libertates, & duo libera arbitria essent in quolibet homine. Et ideo est alia positio, quod liberum arbitrium nominat potentiam ex voluntate & ratione constitutam ad aliquid faciendum, quod neutra illarum per se poterat. Et quia vna iuncta alteri non tantummodo reddit potentiam potentem, sed etiamabilem, & facilem, hinc est quod liberum arbitrium, non tantummodo nominat potentiam: sed etiam nominatabilem potentiam & facilem. Et propterea nomen illud quamvis sit nomen impositum potentie, videtur tamen esse nomen habitus. Sed quoniam difficile est intelligere, qualiter ex duabus potentiis vna constituitur, vel quo modo

Est diffinitio Magistri, dist. 2. ex Aug. collat. 2a.

4. Eth. c. 5. & 1. Mag. Mor. c. 10.

12. Metaphy. sic. context. 17. Et 3. de anima. Ans. de concord. gratia & lib. arb.

Opinio 1.

Improbatio Opinio 2.

Improbatio.

liberum

Ad oppositum.

Ansel. c. 1. & 3.

Bern. de lib. arb. à prim.

De verb. Apost. ser. 12. in fine 12. 10. Fundamēta. Ca. 30. 10. 3.

liberum arbitrium, loquendo formaliter & proprie, sit A
duæ potentia, maxime cum non dicatur esse ratio: & vo-
luntas, sed facultas voluntatis, & rationis. Ideo est ter-
tius modus dicendi, quod liberum arbitrium est nomen
principaliter impositum habitui. Et hoc plane manife-
stat ipsa nominis impositio: arbitrium enim non dicit
potentiam, sed habitum. Manifestat etiam ipsa notifica-
tio: non enim dicitur liberum arbitrium esse potentia fa-
cilis, sed facultas potentiarum. Quemadmodum autem:
cum dico potentiam habilem, dico potentiam habili-
tatam, sic cum dico facultatem potentia, dico habitum
eiusdem. Quoniam igitur liberum arbitrium, secundum
propriam suam assignationem, facultas voluntatis, & ra-
tionis recte esse dicitur, hinc est quod liberum arbitrium
principaliter dicit habitum, & complectitur rationem
& voluntatem, non tanquam vna potentia ex eis con-
stituta, sed tanquam vnus habitus, qui quidem dicitur
facultas, & dominium: qui confurgit ex coniunctione
vtriusque, & potens est super actus vtriusque potentia
per se & in se considerata, sicut arbitraria potestas in
duabus personis regimen habet super actus vtriusque
in se considerata. Concedenda sunt igitur rationes ostē-
dentes, quod liberum arbitrium nominat habitum, ve-
rum enim concludunt, quia habitui principaliter impo-
nitur, vnde essentialiter loquendo, hæc est vera: Libe-
rum arbitrium est habitus animæ, siue facultas volun-
tatis, & rationis.

Ad ea vero quæ in contrarium obiiciuntur, de facili
respondetur. Concedo enim, quod liberum arbitrium,
aliquando supponat potentiam, & accipiat pro poten-
tia, sed hoc non est de sua principali significatione: sed si-
cut nomen potentia frequenter trahitur ad nomen ha-
bitus, sic nomen habitus frequenter ad nomen poten-
tia. Et sic patent ad vtramque partem obiecta.

QVÆSTIO V.

*An liberum arbitrium addat aliquid supra rationem,
& voluntatem.*

Scoph. Brulef. 2. Sent. d. 25. q. 5.

VTRVM liberum arbitrium, aliquid addat supra ra-
tionem, & voluntatem. Et quod sic, videtur. Om-
nis habitus addit aliquid supra potentiam: sed liberum
arbitrium est habitus, sicut probatum est: ergo aliquid
addit supra potentiam: sed est habitus rationis, & volun-
tatis: ergo, &c.

2. **I**TEM sicut se habet potentia ad substantiam, sic
se habet facultas ad potentiam: sicut enim substantia per
potentiam dicitur potens, sic potentia per facultatem di-
citur facilis: sed potentia addit supra substantiam: ergo
& facultas supra potentiam, cuius est facultas: sed liberum
arbitrium est facultas voluntatis, & rationis: ergo, &c.

3. **I**TEM omne quod contrahit aliquid, addit supra
illud: sed liberum arbitrium non complectitur omnem
actum voluntatis, nec omnem actum rationis: & si hoc,
ergo aliquo modo contrahit: si igitur omne contrahens
aliquo modo addit, videtur quod liberum arbitrium su-
per rationem & voluntatem aliquid addat.

4. **I**TEM intellecto quod aliquis haberet rationem
præter voluntatem, non haberet liberum arbitrium: si-
militer si haberet appetitum præter rationem, non ha-
beret liberum arbitrium: si ergo non saluatur in ratione
per se, nec in voluntate, videtur quod aliquid addat su-
pra vtramque.

SED CONTRA: Omnis habitus, qui addit aliquid
supra potentiam, determinat potentiam ad aliquem
actum: sed liberum arbitrium potius ampliat subie-
ctum, siue potentiam, in qua est respectu actuum, quam
addat: ergo, &c.

ITEM liberum arbitrium, quantum est de se respicit
actum moris: sed nullus habitus mortalis, qui addit ali-
quid supra potentiam, est indifferens ad bonum, & ma-
lum: liberum arbitrium est ad bonum & ad malum indif-
ferens: ergo supra rationem, & voluntatem nihil addit.

ITEM possibile est intelligere potentiam circumscri-
pto omni habitu, qui addit aliquid supra ipsam: sed im-
possibile est esse, vel intelligere aliquem habere volun-
tatem & rationem, qui non intelligatur habere liberum
arbitrium: ergo liberum arbitrium super rationem &
voluntatem nihil addit nouum.

ITEM æque essentialiter est animæ habere liberum ar-
bitrium, sicut esse ad imaginem Dei: sed cum dico ani-
mam esse ad imaginem Dei, non dico aliquid additum
substantia, & potentiis: ergo pari ratione, nihil superad-
do rationi & voluntati, cum dico animam habere libe-
rum arbitrium.

ITEM si liberum arbitrium adderet aliquid supra ra-
tionem & voluntatem: aut ergo illud haberet ortum ab
eis, aut non: Si non: ergo esset habitus infusus, vel ac-
quisitus, quod absurdum est dicere. Si sic: ergo cum il-
lud, quod addit supra alterum, & ortum habet ab eo, de-
pendentiam habet ab illo: & quod dependet, & ortum
habet ab altero, potius habet ab illo regi quam ipsum
regere, potius habet subiici quam dominari: ideo libe-
rum arbitrium in homine non imperaret.

ITEM si liberum arbitrium diceret habitum, qui ad-
deret supra rationem & voluntatem, cum vnum accidēs
nō possit esse in duobus subiectis, videtur quod ille ha-
bitus haberet plurificari propter multiplicationem sub-
iecti primi, & quod plura arbitria essent in vno homi-
ne: quod omnino deniat à recta ratione.

CONCLUSIO.

C Liberum arbitrium secundum essentiam nihil addit supra
rationem & voluntatem, addit tamen secundum rela-
tionem, quæ ponit eas ad vnum actum concurrere.

RESP. Ad Arg. Ad prædictorum intelligentiam est
notandum, quod cum habitus reddat potentiam facile
& tribus modis habeat potētia esse facilis, tribus modis
habet habitus ad potentiam comparari. Quædam nam-
que potētia respectu alicuius actus est facilis per seipsā,
vt patet cum dicitur: Mens est nata ad meminēdum sui-
ipsius, vel intelligendum se: & tunc talis habitus non
differt à potentia secundum rem, sed secundum rationē,
& modum dicendi: & tunc non addit aliquid secundum
essentiam, sed solum secundum rationem. Quædam est
potentia: quæ respectu alicuius actus est habilis per ali-
quid sui, sicut potentia intellectiva ad cognitionem fi-
gurarum geometricarum non est habilis per seipsam, sed
potius per aliquod accidens quod habet esse in ea, &
tunc habitus talis addit supra potentiam, non solum se-
cundum rationem, sed etiam secundum essentiam, &
rem. Aliqua vero potentia facilis est ad aliquem actum
per seipsam, non tamen sola, sed cum alia: & sic potentia
rationalis sine aliquo habitu superaddito, ex sola con-
iunctione sui cum appetitu nata est in actum consentiē-
di, & eligendi exire: & hoc modo habitus, vel facultas
non addit aliquid diuersum secundum essentiam, nec
addit solum secundum rationem intelligēdi, sed media
modo addit, sc. secundum esse, quia non addit aliquid
absolutum, sed respectuum, sicut patet, cum dico ratio-
nem per se, & rationem associatam, siue adiunctam vo-
luntati, non addo aliquid nouum supra rationem secun-
dum se, sed solum coniunctionem sui ad alterum, quan-
tum ad aliquem consequentem actum. Vnde sicut quan-
do plures concurrunt ad trahendam nauem, vel ferendū
lapidem, potentia vnus reddit potentiam alterius faci-
lem, ita quod nulla noua virtus, vel habilitas aduenit po-
tentia alicuius trahentis in se, sic & in proposito intel-
ligendum est se habere: & hinc est quod liberum arbi-
trium etsi accidens esse videatur in quantum sonat ratio-
nem habitus, secundum rem tamen non est accidens po-
tentia superadditum. Et iterum, licet sit habitus: quia ta-
men non dicit habitum vnus potentia absolutæ, sed cū
relatione vnus ad alterū, in duabus potentiis, seu respec-
tu duarum potentiarum potest esse vnus: non enim est
habitus superadditus per gratia infusionem, vel per in-

innatam dispositionem, sed potius dicitur esse habitus, A quo ratio & voluntas suis actibus dominantur. Qui quidem est in eis ex sua naturali origine, pro eo quod naturaliter istæ duæ potentie in eadem substantia sunt inditæ vel indicatæ, nec contingit vnam ab altera sperare. Concedendæ sunt igitur rationes ostendentes, quod liberum arbitrium secundum essentiam nihil addit supra rationem, & voluntatem: addit tamen aliquo modo secundum esse, siue secundum relationem, quæ quidem non ponit aliquam nouam qualitatem esse in ratione, vel voluntate, sed ponit rationem & voluntatem ad vnum actum concurrere secundum naturalem aptitudinem.

1. AD illud quod obiicitur quod omnis habitus addit aliquid supra potentiam, dicendum quod illud non est verum intelligendo de additione essentiali, maxime vbi potentia est habitualis per seipsam.

2. AD illud quod obiicitur quod hominis potentia addit supra substantiam ergo, &c. dicendum quod non est simile, pro eo quod facultas essentialiter potest esse potentia quam sit potentia substantia: nihilominus tamen aliqua potentia est, quæ ad idem genus habet reduci cum substantia, sicut habitum fuit supra.

3. AD illud quod obiicitur, quod liberum arbitrium aliquo modo contrahit rationem & voluntatem, dicendum, quod hoc non est per additionem alicuius absoluti, sed propter concomitantiam rationis, & voluntatis, quæ simul concurrunt ad dominium liberi arbitrii, non tamen se cõcomitantur in productione cuiuslibet actus proprii. Aliquid enim appetit appetitus, circa quod non est deliberatio, & aliquid nouimus, & credimus esse verum, siue voluntas velit credere, siue non.

4. AD vltimum iam patet responsio: quoniam illud non concludit additionem alicuius qualitatis nouæ super rationem, sed solum concomitantiam voluntatis, quoniam sine voluntate ratio libera non esset, vel e conuerso. Si autem istæ duæ potentie ponantur in aliquo quantumcunque nudæ, necesse est ponere in eo arbitrii libertatem: & sic planum est quod liberum arbitrium, etsi dicat habitum complectentem rationem & voluntatem, non tamen dicit habitum accidentalem sicut gratia, vel virtus, immo potius dicit illarum duarum potentiarum dominium naturale respectu eius actus, qui est eligere siue consentire: & propterea Sancti magis vocant liberum arbitrium facultatem, vel potestatem, quæ vocent habitum, ostendentes differentiam eius ad alios habitus animæ.

QVÆSTIO VI.

An liberum arbitrium sit facultas residens potius penes rationem quam voluntatem.

Alexander Avenis 2. p. q. 27. Membr. 6. Art. 3.
Steph. Brulef. 2. Sent. dist. 25. q. 6.

Ad oppositum.

CVM liberum arbitrium sit habitus siue facultas residens penes rationem, & voluntatem coniunctim, quæritur penes quam istarum potentiarum principalius insit. Et quod principalius insit penes rationem, videtur primo per ipsam nominationem, qua dicitur esse liberum arbitrium. Si enim adiectiuum ponit rem suam circa suum substantiuum, & principalius dicitur aliquid de aliquo, quod dicitur secundum abstractionem, quæ quod dicatur secundum concretionem: & habitus ille nominatur arbitrium liberum, non libertas arbitraria, arbitrium vero se tenet ex parte rationis: videtur ergo, &c.

2. ITEM Philosophus dicit quod ratio nata est regere irascibilem, & concupiscibilem: sed voluntas consistit in illis duabus viribus, scilicet concupiscibili, & irascibili: ergo ratio nata est regere voluntatem & rationem: sed liberum arbitrium est magis regens, quam rectum: ergo magis se tenet ex parte rationis, quam voluntatis. Si tu dicas, quod Philosophus intelligit de irascibili, & concupiscibili brutali, non de illa, in qua consistit ipsa voluntas, contra hoc est ipsa litera: Dicit enim quod li-

berum arbitrium est liberum de voluntate iudicium: si ergo iudicantis est regere iudicatum, patet, &c.

3. ITEM factio vltimo iudicio rationis, semper voluntas mouetur secundum illud: ergo si præit hoc tanquam iudicans, & illud sequitur tanquam iudicatum, cum libertas magis resideat penes illud, quod præit, & imperat, quam penes illud, quod sequitur, & obedit, videtur quod liberum arbitrium plus tenet se ex parte rationis, quam voluntatis.

4. ITEM liberum arbitrium eo ipso liberum est, quod potest seipsum restringere & reprimere: sed repressio actus voliti non est nisi per iudicium rationis, quia nisi examen rationis interueniat, semper voluntas sequitur impetum affectionis: ergo libertas magis est penes rationem, quam voluntatem.

B SED CONTRA: Liberum arbitrium eo ipso dicitur liberum, quia immune est à coactione: ergo penes illud maxime est liberum arbitrium quod magis elongatur à natura coactionis: & talis potentia est ipsa voluntas, non ratio: in multis enim contingit rationem cogi, non sic voluntatem: ergo, &c.

ITEM liberum arbitrium est illud quod est in nobis imperatiuum: sed magis est imperatiua in nobis voluntas, quam ratio: quidquid enim ratio dicet, semper illud fit: quod voluntas præoptat: ergo &c.

ITEM liberum arbitrium est illud, ex quo principaliter consistit in nobis meritum, vel demeritum: sed meritum, vel demeritum principaliter consistit penes voluntatem: ergo, &c.

C ITEM liberum arbitrium est in nobis potentissimum, sicut dicit Bernardus, & plures auctoritates hoc sonant: sed nihil adeo est in potestate nostra, sicut est voluntas, & actus volendi: ergo videtur, quod maxime penes voluntatem residet in nobis libertas.

CONCLUSIO.

Liberum arbitrium inchoatur in ratione, & in voluntate consummatur: ideo in voluntate prius dicitur residere.

RESP. Ad Arg. Dicendum quod cum liberum arbitrium sit facultas, siue dominium, ex qua redditur potentia facilis, non solum ad mouendum alia, sed etiam ad mouendum seipsam, sicut ratio mouendi se, inchoatur in ratione, & consummatur in voluntate, sic & arbitrii libertas residet penes rationem, & voluntatem: ita quod in vna illarum potentiarum inchoatur, & in alia consummatur: ideo autem dico motum inchoari in ratione, quia non mouetur appetitus, nisi præambulo cogitatu: nequam enim possumus amare, nisi cognoscamus: & ideo ad hoc, quod motus fiat, præit cognitio disponens, & subsequitur voluntas perficiens: Quantumcunque enim præcedat cogitatus, nunquam tamē motus sequitur, nisi ipsum imperet voluntatis affectio: & sicut voluntas non habet moueri ad obiectum acceptando, vel refugiendo illud, nisi præambulo cogitatu, sic etiam non habet approbare, vel respuere, siue eligere, & refrænare actum proprium, nisi rationis actus præcedat, qui dicet ipsum esse bonum, vel malum, perficiendum, vel refrænandū: ex tali enim actu præambulo voluntas in actu suo incipit complacere, vel displicere. Et sic patet quod libertas arbitrii, siue facultas, quæ dicitur liberum arbitrium in ratione inchoatur, & in voluntate consummatur. Et quoniam penes illud principaliter residet, penes quod consummatur, ideo principaliter libertas arbitrii, & dominium in voluntate consistit. Et iterum, quia illud in quo res inchoatur, se habet per modum materialis: illud in quo consummatur, se habet per modum formalis, & adiectiuum respectu substantiui se habet per modum informatiui: ideo in nominatione illius potestatis nomen respondens rationi significatur substantiue: nomen vero respondens voluntati significatur adiectiue: & propter hoc magis vocatur ista facultas liberum arbitrium quam arbitraria libertas.

1. ET per hoc patet responsio ad primum obiectum in contrarium.

2. AD illud vero quod obiicitur secundo, quod ratio

regit

S. Thom. 1. part. 2. q. 82. art. 3. ait, liberum arbitrium esse idem quod voluntas secundum quod in ea est virtus intellectus.

Fundamēta.

Lib. de Lib. arbitrio d. medio. Aug. lib. 1. retract. c. 22. & c. 9. & 3. de libero arbitrio, cap. 3. tom. 1.

1. Polit. c. 33. & 2. Moral. cap. 2. & 8.

regit irascibilem, & concupiscibilem, dicendum quod siue vis irascibilis, & concupiscibilis intelligatur de appetitu brutali, siue de potentia appetitiua rationali, utrumque tamen habet regere ratio per modum disponentis, & continentis, quantum est de se. Quod autem regat per modum imperantis, hoc non est nisi mediante voluntate, quæ dat ei auctoritatem: voluntas autem non dicit aliam potentiam per essentiam à concupiscibili, & irascibili, sed nominat ipsum appetitum, ut ratiocinatum, siue rationi coniunctum, & sic eius regere est, & imperare. Concupiscibilis autem, & irascibilis eandem potentiam nominant affectiuam, in quantum tamen habent regi: & ita dicuntur inferiores, non quantum ad naturam potentiam, sed quantum ad officium. Et hinc est quod liberum arbitrium secundum rem comprehendit istas tres potentias, videlicet rationalem, irascibilem, & concupiscibilem, sicut dicit Aug. de quinque responsionibus: Cum de libero arbitrio loquimur, non de parte animæ loquimur, sed de tota: hinc est etiam, quod cum ceteræ virtutes non indocte ponantur in libero arbitrio, non huic obuiat illud quod consuevit dici, quod tres virtutes Theologicæ sunt in rationali, concupiscibili, & irascibili: voluntas enim, ut iam dictum est, non nominat aliam potentiam secundum essentiam, & naturam ab irascibili, & concupiscibili, licet alio modo nominet.

3. Ad illud quod obiicitur, quod ratio iudicat, & voluntas sequitur, dicendum quod duplex est iudicium rationis. Quoddam est in solo dictamine, & hoc est rationis secundum se. Aliud est secundum iudicium diffinitivum, ut fiat vel non fiat, & illud nunquam est sine voluntate. Quantumcumque enim ratio deliberet, in eam partem determinat diffinitivum iudicium, quam præoptat voluntas. Et ideo cum dicitur, quod voluntas sequitur iudicium, si intelligatur de iudicio, quod consistit in solo dictamine, non est semper verum, quod ad illud sequatur voluntas necessario. Si autem intelligatur de iudicio diffinitivo, ex hoc non sequitur, quod voluntas sequatur principaliter actum alienum: immo potius actum alienum trahit ad proprium.

4. Ad illud quod ultimo obiicitur, quod refræctio est mediante actu rationis, dicendum quod verum est, quod actus rationis requiritur, sed nunquam ab illo principaliter est refræctio. Quantumcumque enim ratio dictet actum voluntatis esse malum, nunquam tamen voluntas se retrahit, nisi velit: & ideo sicut possibilitas scribendi principaliter dicitur esse in manu, quam in oculo, licet ad eum concurrat vis oculi, & vis manus, sic intelligendum est in proposito. Ex dictis igitur patet quid sit liberum arbitrium secundum rem, & qualiter se habeat ad rationem, & ad voluntatem. Si enim omnia, quæ prædeterminata sunt, insimul conferantur in vnum, puto satis posse quietari intellectum: si quis autem in aliquo prædictorum quiescere velit reliqua non pertractans, non ita euidenter innotescet ei, quæ sit liberi arbitrij quidditas, & essentia.

DIST. XXV. PARS II.

De libero arbitrio secundum differentes eius status in speciali.

Ex prædictis perspicuum, &c.

Expositio Textus.

UPRÆ egit Magister de libero arbitrio secundum id, quod est in generali. In hac parte agit de diuersis statibus eius in speciali, ostendens quod secundum diuersos eius status, diuersi sunt libertatis gradus, pro eo quod libertas arbitrij minui habet per peccatum. Et quoniam non omnis libertas habet diminui, ideo pars ista continet tres particulas. In prima assignat Magister gradum libertatis in homine secundum diuersos status. In secunda vero assignat diuersas differentias libertatis, ibi: *Est namque libertas arbitrij triplex.* In tertia vero

A breuiter epilogat, ostendens quo genere libertatis liberum arbitrium intelligi debeat minui per peccatum, ibi: *Ex prædictis iam apparet, in quo per peccatum, &c.* Prima pars habet tres particulas. In prima determinat gradus libertatis. In secunda vero assignat status diuersos hominis, in quibus libertas habet augeri, & diminui, ibi: *Et possunt notari in homine quatuor status, &c.* In tertia vero determinat, per quid minui habet arbitrij libertas, ibi: *Vnde manifestum est, quod præter alias pœnalitates, &c.* Similiter secunda pars tres habet partes secundum triplicem libertatis differentiam. Primo enim agit de libertate à coactione. Secundo de libertate à culpa, seu peccato, ibi: *Est & alia libertas à peccato.* Tercio de libertate à miseria, ibi: *Est iterum libertas à miseria, &c.* Aliarum autem partium diuisiones manifestæ sunt in litera.

Corrupta est ergo libertas arbitrij per peccatum, & ex parte perditæ. Dub. I.

Obiicitur: Hoc est contra Bernardum qui dicit in libro de libero arbitrio: Nec miseria amittitur, nec culpa minuitur. Item in eodem libro loquens de libero arbitrio: Sui omnino diminutionem, vel defectum non patitur. Et iterum ipse ibidem dicit: Libertas liberi arbitrij de ipso, quo condita est, statu, aliquatenus non mutatur: sed æqualiter, quantum in se est à cœlis, & terris, & inferis possidetur: ergo male assignat Magister diuersos gradus libertatis arbitrij. Item si libertas arbitrij potest per peccatum diminui, cum non sit infinita, aliquando poterit amitti: ergo si impossibile est creaturam rationalem absque libertate arbitrij esse, impossibile est ipsum per peccatum diminui.

RESP. ad hoc dicendum, quod est loqui de libertate arbitrij quantum ad esse, & quantum ad bene esse. Si loquamur quantum ad esse, sic liberum arbitrium, non potest diminui per peccatum. Si loquamur quantum ad bene esse, sic excludit malum duplex, videlicet culpæ, & pœnæ: & quantum ad hoc, liberum arbitrium potest diminui: & hæc libertas per peccatum tolli potest, sicut in damnatis, qui necessario sunt subiecti malo culpæ, & pœnæ: & per hoc patent obiecta contra hoc, quia procedunt de libertate intelligendo quantum ad esse.

Est namque liberum arbitrium triplex, scilicet à necessitate, à peccato, à miseria. Dub. II.

Videtur quod ista diuisio sit superflua. Cum enim non sit nisi duplex malum, sc. culpæ & pœnæ; videtur quod non sit nisi duplex libertas: cum ergo libertas dicat ereptionem ab aliquo malo, videtur quod non debeat esse nisi duplex libertatis differentia. Item: Cum non sit tantum malum culpæ, & pœnæ, sed etiam tentationis, videtur prædicta diuisio esse diminuta, quæ omittit vnam differentiam, quæ est libertas arbitrij à malo tentationis. Si tu dicas eam contineri sub libertate arbitrij à miseria; Contra: Cum Bernardus in libro de libero arbitrio diuidat libertatem arbitrij in libertatem arbitrij, & consilij, & cōplaciti, queritur quæ sit inter has diuisiones differentia, & penes quid sumantur harum diuisionum membra.

RESP. Dicendum quod sicut ex præcedentibus colligi potest, arbitrij libertas, & priuatiue dicitur & positiue. Priuatiue dicitur per comparisonem ad illud, respectu cuius dicitur libertas, ut à quo. Positiue per comparisonem ad illud, respectu cuius dicitur libertas, ut ad quod. Libertas autem opponitur seruituti: seruitus autem duplex est, videlicet seruitus coactionis, & seruitus subiectionis. Seruitus autem subiectionis potest esse sub duplici differentia, secundum quod duplex est malum, scilicet, malum quod patimur: & hoc est malum miseriæ, & in hoc attenditur libertas à miseria. Et malum quod facimus: & hoc est malum culpæ, & in hoc attenditur tertia libertatis differentia, Et sic patet quod libertas secundum quod consideratur per comparisonem ad illud, à quo est libertas, habet diuidi in tres differentias quæ sunt libertas à necessitate, à culpa, & à miseria. Si autem consideretur libertas per comparisonem ad illud ad quod, scilicet ad actum, in quem exit, hoc potest esse, aut prout simpliciter confide-

Inter princ. & med.

ratur respectu actus volendi, & sic dicitur libertas arbitrij. Aut prout consideratur respectu actus volendi, & ad finem relati, qui dicitur vsus, vel vti, & sic attenditur libertas consilij. Aut respectu actus volendi quietati, qui quidem dicitur actus fruitionis, & penes hunc attenditur libertas complaciti. Et sic patet sufficientia vtriusque diuisionis, & diuersi modi, secundum quos prædictæ diuisiones habent assignari. Possent tamen ad vnam communem rationem videndi reduci sic. Est enim considerare libertatem arbitrij quantum ad esse, & quantum ad bene esse. Si quantum ad esse, sic vocatur à Magistro libertas à coactione, & à Bernardo libertas arbitrij, ab vno positiue, ab altero priuatiue. Si quantum ad bene esse, cum ad bene esse concurrat duplex bonum, videlicet bonum rectificans, & bonum delectans, siue bonum ordinans, & bonum quietans, & per oppositum excludatur duplex malum, videlicet malum deformans, & malum affligens, sic est duplex differentia, quarum vna sumitur respectu boni dirigentis: & hæc dicitur libertas consilij à Bernardo, & à Magistro libertas à culpa. Alia vero sumitur respectu boni quietantis: & hæc à Bernardo vocatur libertas complaciti, & à Magistro libertas à miseria. Idem enim ipsum, quod Bernardus nominat positiue, siue per comparisonem ad terminum ad quem, Magister nominat priuatiue, siue per comparisonem ad terminum à quo. Et sic patet diuisionum sufficientia. Patet etiam responsio ad obiecta. Præter enim malum culpæ, & pœnæ est assignare differentiam tertiam libertatis arbitrij, quæ non sumitur respectu mali, vt pote illa, quæ attenditur quantum ad esse. Et malum tentationis quodam modo habet reduci ad malum culpæ, quodam modo ad malum pœnæ. Ad malum culpæ in quantum subintrat interius. Ad malum vero pœnæ in quantum affligit exterius: & sic non facit quartum membrum ab illis tribus diuersum.

Verum nobis magis placet, ut ipsa libertas arbitrij sit & illa qua quis liber est ad malum, & illa qua quis liber est ad bonum. Dub. III.

Lib. de libero arbitrio c. 1.

Hoc videtur esse contra Anselmum qui dicit quod potestas peccandi non est libertas, nec pars libertatis. Item videtur etiam esse contra rationem, quia vnumquodque debet denominari à suo optimo: & libertas quæ est ab omni culpa, hæc est ab omni miseria: ergo liberum arbitrium debet denominari ab illa. Item: Si liberum arbitrium dicitur non solum quia est in bonum, sed etiam, quia potest in malum, cum in beatis non possit in malum, videtur quod æquiuoce dicatur libertas arbitrij in viatoribus, & in beatis. Sed contra hoc est, quia comparatio secundum maius & minus est respectu solius vniuoci. Si ergo æquiuoce diceretur liberum arbitrium in beatis & in nobis, non esset maior libertas in beatis, quam in nobis, quod est contra Magistrum in litera, qui differenter gradus libertatis assignat. Propter hoc est quæstio, vtrum libertas à coactione, & culpa, & à miseria dicatur æquiuoce, vel vniuoce, & cui primo nomen libertatis imponatur.

RESP. Dicendum quod cum nomen imponatur rei à proprietate, quæ est sibi inherens inseparabiliter, & essentialiter, & libertas essentialis liberi arbitrij non sit libertas à culpa, vel à miseria, sed libertas à coactione, ab illa libertate arbitrium habet denominari. Et quoniam hæc in creaturis, quantum est de se indifferens est ad bonum, & malum: ideo Magister de hac intelligens dicit in litera, quod libertas, à qua liberum arbitrium denominatur liberum, non est libertas ad bonum tantum, sed etiam ad malum: non quod principaliter respiciat malum, sed quia de generali nominis significat, one non determinatur ad bonum, licet principaliter respiciat bonum, quam malum. Et per hoc patet responsio ad primum obiectum. Ad illud vero quod obicitur, quod denominatio debet fieri ab optimo, dicendum, quod illud verum est de optimo non quocumque, sed essentiali, & inseparabili. Ad

illud quod quæritur, vtrum dicatur libertas æquiuoce, vel vniuoce, dicendum quod nec sic, nec sic, sed secundum quandam analogiam, quæ propter convenientiam cum vniuoco recipit comparisonem secundum magis, & minus, propter convenientiam, cum æquiuoco recipit quandam distinctionem multiplicatis: analogum enim medium tenet inter vniuocum, & æquiuocum: & sic patent ea quæ quæsitæ sunt.

ARTICVLVS I.

AD intelligentiam huius partis, cum supra habitum sit de libero arbitrio in se, quæritur hic de ipso in comparisonem. Et circa hoc quæritur sex. Primo quæritur de libero arbitrio in comparisonem ad subiectum. Secundo quæritur de ipso in comparisonem ad actum. Tertio vero quæritur in comparisonem ad obiectum. Quarto in comparisonem ad aliquod aliud agens creatum. Quinto in comparisonem ad mouens primum scilicet Deum. Sexto, & ultimo in comparisonem ad corpus coniunctum.

QVÆSTIO I.

An liberum arbitrium sit æque in omnibus, in quibus reperitur.

Alex. Alensis 2. p. q. 72. Membr. 4.

Sepp. Brulef. 2. Sent. dist. 24. q. 7.

DE libero arbitrio in comparisonem ad subiectum, vtrum in omnibus, in quibus est, sit æqualiter, aut secundum magis & minus. Et quod sit in omnibus æqualiter, videtur primo per Bernardum in lib. de libero arbitrio. Manet libertas voluntatis tam plena in bonis, quam in malis: sed in bonis ordinatior, tam integra quoque suo modo in Creatore, quam in creatura.

Ad oppositum.

Bernard. in sermone princip. & med.

Ibidem.

2. ITEM in eodem: Libertas arbitrij cunctis pariter ratione vtentibus competit, nec magis est in bonis, quam in malis. Et iterum subiungit, quod nec augeatur gratia, nec minuitur culpa.

3. ITEM liberum arbitrium eo ipso dicitur liberum, quo est à coactione immune: sed omne liberum arbitrium est ab omni coactione immune: ergo si libertas arbitrij in quolibet vniuersaliter priuat coactionem: & omnimodam priuationem, non est magis, & minus reperiri, in vno, quam in altero: arbitrij libertas in omnibus in quibus est, æqualiter est.

4. ITEM magis & minus est per permixtionem vnius ad alterum: sed libertas arbitrij nullo modo potest permisceri in aliquo seruituti sibi contrariæ, quæ quidem est seruitus coactionis: ergo non videtur, quod possit secundum magis & minus participari: ergo æqualiter est in omnibus, in quibus inuenitur.

SED CONTRA: Liberum arbitrium est potestas seruandi rectitudinem, sicut dicit Anselmus: sed maior est potestas seruandi rectitudinem in bonis, quam in malis: in confirmatis quam in non confirmatis: ergo liberum arbitrium contingit secundum magis, & minus participari.

Fundamenta. Lib. de libero arbitrio cap. 3. & 13.

ITEM libertas arbitrij est quædam nobilis dignitas in anima rationali: sed in nulla proprietate dignitatis creatura potest æquari Creatori: ergo impossibile est libertatem arbitrij inter creaturam & Creatorem æqualiter reperiri.

ITEM libertas arbitrij est facultas quæ fundatur supra rationem, & voluntatem: sed vis cognitiua multo perfectior reperitur in Deo, quam in creatura, & in vna creatura plus quam in alia, similiter & vis appetitiua: ergo pari ratione & illa facultas, ex qua potentia rationalis, & potentia voluntatis liberæ esse dicuntur.

ITEM liberius est illud, in quo nullum cadit genus seruitutis, quam in quo potest aliquod genus seruitutis cadere: cum igitur aliqua sint, quæ nullo modo possint subiaceri nec peccato, nec miseriæ: quædam vero, quæ eis subiecta sunt, & seruiunt; videtur ergo quod ab his & illis liberum arbitrium non participetur æqualiter.

CONCLUSIO

CONCLUSIO.

Liberum arbitrium quo ad immunitatem coactionis æqualiter est in omnibus in quibus reperitur: quo vero ad dignitatem, præstantius in Creatore: quo ad facultatem iustitiae seruanda, in creaturis inæqualiter reperitur.

RESP. AD ARG. Ad prædictorum intelligentiam est notandum, quod cum quæritur, vtrum liberum arbitrium sit æqualiter in omnibus, non est quæstio de ipso secundum quod dicitur liberum ea libertate, quæ est à miseria, vel à culpa: hoc enim modo planum est, quod liberius est in vno, quam in alio: sed est quæstio de libero arbitrio secundum quod dicitur libertas à coactione: sic enim videntur auctoritates Sanctorum subinuenire repugnare. Et propterea ad contrarietatem, quæ videtur, de medio dirimendam, intelligendum est, quod liberum arbitrium siue libertas arbitrij, & dicitur comparationem ad illud à quo, & ad illud ad quod. Per comparationem ad illud à quo dicitur priuatiue, siue negatiue: dicitur enim liberum à coactione, pro eo quod est ab omni coactione immune. Per comparationem ad illud ad quod, dicitur positiue pro eo quod libertas arbitrij est quædam facultas siue potestas seruandi rectitudinem: hæc autem facultas propt priuationem coactionis coniuncta est, habet quandam dignitatem: dignitatis enim est, & potestatis non posse cogi. Et sic in liberi arbitrij intellectu tria clauduntur, videlicet à coactione immunitas, excellentiæ dignitas & potestas, siue facultas. Quantum ad primum liberum arbitrium in omnibus, in quibus est æqualiter se habet, sicut dicunt auctoritates Bernardi, & ostendunt rationes ad hoc inductæ, pro eo quod in omni, in quo ponitur simpliciter & vniuersaliter, omnem excludit coactionem: propterea dicit Bernardus quod ita plena est arbitrij libertas in creatura suo modo, sicut in Creatore: quod etsi non possit intelligi veraciter esse dictum de aliquo, quod dicitur per positionem, potest tamen intelligi de eo quod dicitur per omnimodam priuationem. Quantum ad secundum, videlicet quantum ad excellentiæ dignitatem, est æqualiter in comparatione creaturarum adinuicem, & inæqualiter in comparatione creaturarum ad Creatorem. Dignitas enim liberi arbitrij increati superexcellit omnem dignitatem liberi arbitrij creati, quia illa est dignitas summa, & omnis dignitas creata est dignitas infra illam, & propter illam: & sic inæqualitas inest libertati arbitrij quantum ad dignitatem, propt consideratur in creaturis, & Creatore. Propt autem consideratur in creaturis relatis adinuicem, sic habet in eis reperiri æqualiter, pro eo, quod omne liberum arbitrium immediate est sub Deo constitutum, & quodlibet est suarum operationum post Deum primum principium. Attenditur enim secundum rationalis creaturæ supremum, quo solus Deus superior est, sicut vult Augustinus. Quantum autem ad tertium, videlicet quantum ad facultatem aut ad seruandæ iustitiæ potestatem; sic inæqualitas reperitur non solum in creaturis, & Creatore, sed etiam in creaturis comparatis adinuicem. Vna enim creatura multo potentior est altera in rectitudine seruanda, sicut beata, quam misera: & hoc est, quod dicit Anselmus in libro de libero arbitrio; Libertas arbitrij alia est à se, quæ nec est accepta ab alia, nec facta est, quæ est solius Dei. Alia est à Deo facta, & accepta, quæ est Angelorum, & hominum. Facta autem, siue accepta, alia est habens rectitudinem quam seruat: alia carens: habens, alia tenet separabiliter alia inseparabiliter: carens autem, alia caret recuperabiliter, alia irrecuperabiliter. Ex hac diuisione Anselmi apparent gradus libertatis, non solum in respectu Creatoris, sed etiam in creaturis ad inuicem relatis. Sumitur enim hæc diuisio libertatis secundum id, quod est in ea positionis: & hoc modo contingit eam secundum plus, & minus in habentibus liberum arbitrium reperiri: & sic procedunt rationes prius adductæ.

Patet igitur ex prædictis responsio ad quæstionem

S. Bonauent. Operum Tom. IV. Pars II.

A propositam: patet nihilominus responsio ad obiecta, quia rationes, quæ probant æqualitatem, arguunt, de libero arbitrio penes id, quod dicit priuationem: rationes vero ad oppositum penes id, quod dicit positionem: & ideo vtræque concedendæ sunt, quia diuersis viis verum concludunt.

QVÆSTIO II.

An liberum arbitrium sit contingentium, vel necessarium.

Alexander Alensis 2. p. q. 27. Membro 6. art. 2.
S. Thomas 2. Sent. d. 25. q. 1. art. 3.
Ægid. Rom. 2. Sent. p. 2. dist. 25. q. 1. art. 4.
Richardus 2. Sent. dist. 25. art. 3. q. 1.
Greg. Arim. 2. Sent. dist. 26 q. 1. art. 1.
Stephan. Brulef. 2. Sent. dist. 25. q. 8.

DE libero arbitrio in comparatione ad actum. Et quæritur, vtrum sit actuum contingentium, & necessarium, an contingentium tantum Et quod sit contingentium tantum, videtur per Magistrum in cap. 2. huius disti. Et vbi ait sic: Hoc autem sciendum, quod liberum arbitrium non refertur ad præsens, vel ad præteritum, sed ad futura contingentia.

1. ITEM liberum arbitrium est respectu eorum actuum, qui sunt à nobis, & eorum, de quibus consiliamur. Si igitur non consiliamur de necessariis, & impossibilibus, sed de contingentibus: & ea, quæ sunt in nobis possumus facere, & non facere: videtur quod soli actus contingentes ad liberum arbitrium habeant pertinere.

3. ITEM liberum arbitrium est potestas rationalis: sed potestas rationalis est indifferens ad faciendum & non faciendum: & nihil, quod exit à potentia indifferenter se habente ad hoc, & ad eius oppositum, est necessarium, sed contingens: ergo, &c.

4. ITEM necessarium, & voluntarium ex opposito diuiduntur: ergo si actus liberi arbitrij esset necessarius, non esset voluntarius: si ergo omnis actus liberi arbitrij est voluntarius, videtur quod nullus sit necessarius.

SED CONTRA per Aug. in Ench. Erit homo sic, vt velle male non possit, nec tamen ideo carebit libero arbitrio. Et paulo post: Neque autem voluntas non est, aut libera dicenda non est, quia beati sic esse volumus, vt esse miseri non solum nolumus, sed nequaquam prius velle possimus. Et ex hoc expresse colligitur, quod liberum arbitrium est respectu actus necessarij, & immutabilis.

ITEM liberum arbitrium est in Deo, & Angelis, & in hominibus beatis: sed Deus est immutabilis per naturam, Angelus vero, & homo beatus per gloriam: ergo in ipsis liberum arbitrium necessario, & immutabiliter in suum actum exigitur non solum est respectu actus contingentis, verum etiam necessarij.

ITEM non est meritum sine actu liberi arbitrij: sed iste, qui fecit bonum, vult se fecisse, & hoc ipso meretur: si igitur, hunc fecisse bonum, demonstrato illo, qui fecit, est necessarium, liberum arbitrium est respectu actus necessarij, etiam secundum statum meriti.

ITEM liberum arbitrium est potestas non alligata eo ipso quod liberum est: si igitur potentia intellectiua eo ipso quod non est alligata, potest cognoscere necessaria: ergo cum voluntas vel arbitrij libertas ad nihil astringatur, videtur quod erit respectu actuum necessarij, & contingentium simul.

CONCLUSIO.

Liberum arbitrium secundum quod liberum, est non modo actuum contingentium, sed necessarij quoque: secundum vero quod deliberans, est tantum contingentium, qui tamen possunt esse de obiectis non tantum contingentibus, sed etiam necessariis.

RESP. AD ARG. Dicendum quod liberum arbitrium

D d 3

duplitter

Ad oppositum.

Fundamēta. Cap. 105. tom. 3.

duplīciter potest considerari. Aut secundum quod liberum, aut secundum quod deliberans. Si loquamur de ipso secundum quod liberum, sic concedo, quod potest esse non solum respectu contingentis sed etiam necessarii, sicut patet in Deo, & in Christo, & in angelis & in hominibus beatis. Cum enim duplex sit necessitas, videlicet coactionis, & immutabilitatis, necessitas coactionis repugnat libertati arbitrii: necessitas vero immutabilitatis non: pro eo quod arbitrium dicitur liberum, non quia sic velit hoc, ut possit velle eius oppositum: sed quia omne quod vult, appetit ad sui ipsius imperiū, quia sic vult aliquid, ut velit se velle illud: & ideo in actu volendi seipsum movet, & sibi dominatur, & pro tanto dicitur liberum, quamvis immutabiliter ordinetur ad illud. Si autem loquamur de libero arbitrio secundum quod deliberans, utrum hoc fiat, vel non fiat, sic actus eius, de quo deliberat, est contingens: nullus enim deliberat de necessario, & impossibili: actus tamen ille potest esse circa necessarium, vel circa contingens. In libero enim arbitrio est considerare actum volendi, & ipsum volitum. Et in quantum liberum arbitrium est deliberans, necesse est quod contingentia sit circa utrumque istorum, vel circa alterum. Circa utrumque, ut cum quis deliberat, utrum velit intrare religionem, vel diligere inimicum. Circa alterum, ut cum quis deliberat, utrum debeat sibi placere, vel displicere malum quod fecit, vel utrum debeat consentire, vel dissentire appetitui naturaliter inserto, ut pote appetitu beatitudinis. Sic igitur actus liberi arbitrii deliberantis, quamvis possit esse circa necessarium, semper est contingens: actus vero liberi arbitrii ut liberum est, non solum potest esse circa necessarium, sed etiam necessarius in se: & per hoc patet responsio ad propositam quæstionem, patet etiam responsio ad obiecta. Nam rationes, quæ ostendunt quod liberum arbitrium potest esse respectu actus necessarii, concludunt de libero arbitrio secundum quod liberum est, sicut manifeste apparet pertractanti. Auctoritates vero, & rationes ad oppositum intelliguntur de libero arbitrio secundum quod deliberans, & consilians: aliter non cogunt.

1.2. NAM quod primo obiicitur de verbo Magistri, planum est quod intelligit de libero arbitrio secundum statum viatoris, sicut Magister in litera seipsum exponit. Similiter quod secundo obiicitur, quod liberum arbitrium est eorum, de quibus consiliamur, hoc enim verum est de libero arbitrio secundum quod tenet rationem deliberantis.

3. ET ad illud quod obiicitur, quod rationalis potestas est ad appposita, dicendum quod illud non est verum de omni potestate rationali, sicut iam in sequenti problemate melius patebit: sed hoc est verum de rationali potestate secundum statum mutabilitatis, & vertibilitatis, secundum quem statum intelligitur verbum Philosophi.

4. AD illud quod obiicitur, quod necessarium, & voluntarium ex opposito diuiduntur, dicendum quod verum est secundum quod necessarium dictum est à necessitate coactionis, secundum autem quod necessarium dictum est à necessitate immutabilitatis, non diuiditur contra voluntarium, nisi voluntarium dicatur à voluntate deliberante, & consiliante: & hoc modo bene concedo, quod voluntarium est contingens, & hoc non obuiat, sed potius consonat ei, quod dictum est.

QVÆSTIO III.

An liberum arbitrium, secundum quod liberum, possit in malum.

S. Thom. 1. 2. q. 19. art. 8. & q. 82. art. 1.

Et 1. 2. q. 6. art. 3. & 4.

Agid. Rom. 2. Sent. dist. 25. p. 1. q. 1. art. 3.

Et Quol. 4. q. ult.

Richardus 2. Sent. dist. 25. art. 4. q. 1.

Durandus 2. Sent. dist. 25. q. 4.

Steph. Brulef. 2. Sent. dist. 25. q. 10.

DE libero arbitrio in comparatione ad obiectum. Et est quæstio, utrum liberum arbitrium secundum

quod liberum possit in malum. Et quod sic, videtur. De nullo vituperatur quis, nec laudatur, nisi de illo, quod est à libero arbitrio secundum quod liberum: sed de peccato, & malo vituperatur quis, & punitur: ergo peccatum est à libero arbitrio secundum quod liberum: ergo liberum arbitrium potest in peccatum secundum quod liberum, & in malum.

2. ITEM actus liberi arbitrii secundum quod liberum, est eligere: sed liberum arbitrium de se cum est gratia destitutum, habet eligere malum: bonum autem non eligit, nisi per auxilium gratiæ: ergo liberum arbitrium quantum est de se, plus habet obiectum malum, quam bonum.

3. ITEM potestates rationales sunt ad opposita secundum quod huiusmodi: sed liberum arbitrium secundum quod liberum, est potestas rationalis: ergo est ad opposita quantum est de sui natura: sed non est ad opposita, quæ sunt dulces, & amarum, verum, & falsum, & similia: ergo ad opposita, quæ sunt bonum, & malum: ergo malum est obiectum liberi arbitrii secundum quod liberum.

4. ITEM liberum arbitrium potest facere malum, aut igitur seipso, aut alio. Si alio, quæro, mediante quo: & non est dare: tunc enim esset querere, verum illud esset liberum, aut non: et si non esset liberum, iam in opere suo nec esset laudabile, nec vituperabile: & ita nec peccare posset. Si autem esset liberum: ergo vel erit abire in infinitum, vel est dare quod liberum arbitrium seipso peccet. Si igitur seipso potest in malum, & seipso est liberum: ergo liberum arbitrium secundum quod liberum habet pro obiecto ipsum malum.

SED CONTRA: Anselmus de libero arbitrio: Quod libertati appositum eam minuit, & separatam auget, non est libertas, nec pars libertatis: sed potestas peccandi & huiusmodi, ut dicit. Et ex hoc concluditur, quod potestas peccandi non est libertas, nec pars libertatis. Si igitur malum non est obiectum, nisi potestatis peccandi, liberum arbitrium secundum quod huiusmodi non habet pro obiecto malum.

IITEM posse peccare plus dicit impotentiam, quam potentiam, & plus dicit defectum, quam complementum: sed liberum arbitrium secundum quod liberum, est sub Deo potentissimum: ergo liberum arbitrium secundum quod liberum non habet obiectum malum, siue peccatum.

IITEM si malum est obiectum liberi arbitrii secundum quod liberum: ergo ubicunque est libertas arbitrii, est potestas ad malum: ergo vel in Deo est potestas ad malum, vel in ipso non est liberum arbitrium: quod si utrumque horum est impossibile, & contra Augustinum, restat, &c.

IITEM liberum arbitrium nunquam facit, nec appetit malum, nisi sub ratione boni: sed vitium, quia non appetitur nisi sub ratione dulcis, ipsum per se non est appetibile sed dulce: si ergo malum non appetitur, nisi in quantum apparet bonum, solum bonum est obiectum liberi arbitrii.

IITEM vnaquæque potentia est completior, cum coniuncta est suo obiecto mediante actu, quam cum non est coniuncta: ergo si malum esset obiectum liberi arbitrii secundum quod liberum: ergo insufficiens diffiniretur ab Anselmo, cum dicitur: Potestas seruandi rectitudinem. Si tu dicas, quod bonum est obiectum per se, & malum per accidens, hoc non soluit, quia non sufficiens diffinit medicinam, qui dicit eam esse scientiam sani, nisi addat eius oppositum, licet medicina sit scientia sani per se, & ægri per accidens.

CONCLUSIO.

Liberum arbitrium secundum se consideratum prout in Creatore, & creatura reperitur, habet pro obiecto bonum tantum: sed prout est in creatura propter defectibilitatem, potest in bonum, & in malum.

RESP. AD Arg Dicendum quod de libero arbitrio est

loqui

Fundamēta.
Ansel cap.
1. de lib. arb.

Aug. 22. de
Civit. Dei
c. ult. 26. 5.

Anselm. de
lib. arb. c. 3.
& 13.

Ad opposi-
tum.

loqui dupliciter, aut secundum communem rationem, aut secundum quam reperitur in Creatore, & in creatura. Et sic obiectum eius est bonum, & æquum: malum vero non est obiectum, nisi quis dicat hoc esse obiectum, quia liberum arbitrium illud respicit, & detestatur. Hic autem vocatur obiectum illud, quod intendit liberum arbitrium per actum proprium, siue quod efficit. Alio modo contingit loqui de libero arbitrio secundum quod reperitur in creatura, & sic est loqui de ipso dupliciter. Aut inquantum liberum, aut inquantum deficiens. Si inquantum liberum, sic natum est exire in actum æquitatis susceptibilem, & æquitatem informatum. Si autem loquamur de ipso inquantum deficiens, sic liberum arbitrium: quia arbitrium liberum, exit in actum deliberatum: quia deficiens, exit in actum deformatum, & ita in malum. Sic ergo patet, quod liberum arbitrium secundum quod liberum est, habet obiectum bonum, & exit in bonum, non in malum, sicut rationes ad secundam partem inducunt ostendunt. Nihilominus tamen inquantum cum libertate habet defectibilitatem, potest in malum, ita quod malitia non est obiectum liberi arbitrii, nec à libero arbitrio secundum quod liberum, sed secundum quod deficiens: actus autem abstractus cum sit deliberatius, exit à libero arbitrio secundum quod liberum: & per hoc patet responsio ad primum obiectum.

1. Quod autem obiicitur, Solis operibus liberi arbitrii deberi laudem, & vituperium, hoc non solum verum est de his, quæ liberum arbitrium respiciunt secundum quod liberum, sed etiam secundum quod defectuum, sic tantum opus ab eo veniens est vituperio dignum ratione deformitatis, quæ non habet causam efficientem, sed deficientem sicut infra manifestabitur.

2. Ad illud quod obiicitur quod liberum arbitrium de se eligit malum, dicendum quod etsi sufficiat ad eligendum malum, pro eo quod facilius est deficere, quam proficere: non tamen ad illud ordinatur principaliter, quoniam hoc non conuenit ei secundum naturæ propriæ complementum, sed potius secundum propriæ naturæ defectum. Præterea etsi de se eligit malum, nunquam tamen eligit malum, nisi inquantum apparet bonum.

3. Ad illud quod obiicitur, quod rationales potestates sunt ad opposita, dicendum quod etsi hoc verum sit in rationalibus potestatibus defectibilibus, & creatis: non tamen verum est in rationalibus potestatibus, in quibus non potest esse defectus. Absit enim quod illud Philosophicum verbum sit verum, quo dicitur, quod Deus potest praua agere: hoc enim est contra veritatem, & contra Augustinum sicut in libro 1. ostensum fuit, & inferius suo loco ostendetur. Quod enim dicuntur rationales potestates esse ad opposita, hoc non est, quia sunt rationales, sed quia sunt deficientes, maxime si de eis oppositis intelligatur, quorum vnum est priuatio alterius, sicut se habent bonum & malum, & ita ex hoc non sequitur, quod liberum arbitrium secundum quod liberum possit ad malum.

4. Ad illud quod obiicitur, quod liberum arbitrium seipso potest in malum, dicendum quod etsi seipso possit, non tamen potest seipso sufficiente, sed potius seipso deficiente: seipso enim potest deficere, nec oportet aliquid aliud interuenire ad hoc quod exeat in malum.

QVÆSTIO IV.

An liberum arbitrium ab aliquo cogi possit.

S. Thom. lib. 3. contra Gent. cap. 148.

Scotus 2. Sent. dist. 25. q. 9.

Ægid. Rom. 2. Sent. d. 25. p. 2. q. 1. art. 3. dub. 1.

Richardus 2. Sent. dist. 25. art. 1. q. 2.

Thom. Arg. 1. Sent. dist. 25. q. 4. art. 3.

Steph. Beulef. 2. Sent. dist. 25. q. 11.

De libero arbitrio in comparatione ad aliud agens creatum. Et est quæstio, vtrum liberum arbitrium ab aliquo agente creato possit cogi. Et quod sic, videtur. Tam Damascenus, quam Philosophus dicunt, quod quædam sunt operationes voluntatis partim voluntariæ, par-

tim inuoluntariæ, & quædam mixtæ ex voluntario, & inuoluntario, sicut iactare merces in mare, & similia. Si igitur inuoluntarium est illud quod est per violentiam, aliquas operationes exeuntes à libero arbitrio contingit permisceri violentia: ergo si contingit magis, & minus permisceri, contingit eas simpliciter esse inuoluntarias, & coactas: ergo liberum arbitrium cogi potest in actione sua.

1. ITEM maior virtus potest inferre violentiam minori: sed quod potest inferre violentiam, potest compellere: ergo minor virtus à maiori potest compelli: sed aliqua virtus potentior est in libero arbitrio viatoris, utpote Angeli: ergo saltem ab Angelo liberum arbitrium nostrum potest cogi.

3. ITEM si aliqua virtus potest impediri ab actu suo, potest violentari: etsi sufficienter potest impediri, sufficienter potest violentari: etsi sufficienter potest violentari, potest cogi: cum igitur liberum arbitrium ab actu suo, & usu impediri possit, sicut patet, quod diabolus potest auferre usum liberi arbitrii, & facere hominem furiosum: ergo videtur, quod ab eo liberum arbitrium nostrum possit compelli, vel cogi.

4. ITEM quando radius est iunctus aquæ, mota aqua, necesse est moueri radium: sed multo maiori vinculo coniungitur anima corpori, quam coniungatur radius aquæ: ergo moto corpore necesse est moueri affectus animæ: si igitur aliqua virtus creata potest corpus transmutare, poterit per consequens liberum arbitrium vertere, & compellere ipso nolente.

5. ITEM sicut se habet intellectus ad verum, ita se habet affectus ad bonum: sed intellectus compelli potest ad credendum aliquod verum: ergo & affectus ad amandum bonum: si ergo liberum arbitrium non dicit aliud quam rationem & voluntatem, videtur quod & ipsum compelli possit per actionem alicuius agentis creati.

6. ITEM agens creatum sua actione potest liberum arbitrium cogere coactione inducente, quæ est dispositio respectu coactionis sufficientis: sed dispositio per frequentem sui iterationem, & intentionem, potest fieri necessitas: ergo videtur, quod si voluntas possit cogi coactione inducente, quod processu temporis compelli possit coactione sufficienti per actionem alicuius creaturæ.

SED CONTRA: Bernardus de libero arbitrio: Voluntas pro ingenita sui nobilitate nulla cogitur necessitate: si igitur voluntas à nemine potest cogi, & hoc non est ob aliud, nisi propter liberi arbitrii libertatem: ergo liberum arbitrium à nulla creatura potest cogi.

ITEM si aliqua creatura posset liberum arbitrium hominis cogere hoc maxime competeret ipsi Diabolo, de quo dicitur: Non est potestas super terram, quæ ei possit comparari: si ergo diabolus liberum arbitrium nostrum non potest cogere, quia tunc faceret nos continere peccare, videtur quod nulla alia creatura possit ipsum cogere.

ITEM nulla maior compulsio potest fieri libero arbitrio hominis quam per comminationem mortis: sed mortis comminatio ad compellendum liberum arbitrium non sufficit, sicut patet in martyribus sanctis, & aliis: ergo à nulla creatura potest compelli.

ITEM si liberum arbitrium est secundum id quod est supremum in anima, cum ipse sit regere, & mouere omnes potentias: sed eo, quod supremum est in anima, solus Deus maior est: ergo nulla creatura potest super illud: nulla igitur creatura potest ad hominis liberum arbitrium compellendum.

CONCLUSIO.

Liberum arbitrium, quo ad interiorem actum, à creato agente cogi non potest, tamen si induci & impelli possit: at quo ad exteriorem actum etiam cogi potest.

RESP. AD ARG. Ad prædictorum intelligentiam est notandum, quod est loqui de libero arbitrio, quantum

Fundamēta.

Job. 14. d

ad actum exteriorem, & quantum ad actum interiorem, siue quantum ad actum proprium, & quantum ad actum alienum. Si loquamur de libero arbitrio quantum ad actum exteriorem: sic respectu talium actuum potest inuenire coactio: potest enim quis compelli ut genua coram idolo flectat, & ut manibus propriis thura altaribus imponat, vel incendat. Si autem loquamur quantum ad actum interiorem, qui scilicet est velle, vel eligere, aut consentire: sic respectu talis actus potest liberum arbitrium aliquo modo induci, potest & impediri, sed nullo modo potest compelli. Induci quidem potest, quando amat aliud a se, & quod infra se est. Vnde per oblationem alicuius rei amata, vel ablationem potest induci ad consentiendum in aliquid multum efficaci persuasionem, per quem modum idololatraz tentabant sanctos martyres consentire in idololatria, modo promittendo delectabilia, modo infligendo tristitia. Ista tamen inductio longe distat a coactione, sicut probat ipse exitus, quia nec blandimentis allici, nec tormentis terri adeo potuerunt, ut a veritate iustitiae mutarentur: & sic liberum arbitrium induci potest, quia amat aliquid infra se, utpote vitam temporalem, vel aliquid simile, quod potest agens creatum conferre, vel auferre. Potest etiam impediri propter inclinationem, & coniunctionem sui ad corporalem naturam, quæ subest virtuti creaturæ: vnde bene posset aliquis alium ita ledere, quod usum liberi arbitrii amitteret, ex hoc tamen liberum arbitrium non cogeret. Coactio enim ponit liberi arbitrii actum, & usum: sed ligatio, vel impeditio tollit. Et iterum impeditio provenire potest ab inferiori, coactio provenire habet a superiori: hinc est quod liberum arbitrium etsi possit induci ab agente creato ratione boni exterioris amati, & possit impediri ratione coniuncti corporis, non potest cogi respectu actus proprii. Hanc enim dignitatem habet liberum arbitrium ut in quantum liberum soli Deo sit subiectum: & quia in quantum liberum nulli agenti creato subest, cum coactio sit a superiori, nullum agens creatum potest ipsum cogere. Vnde concedendæ sunt rationes hoc ostendentes.

1. Ad illud autem quod primo obiicitur in contrarium, quod est actio mixta ex voluntario, & inuoluntario, dicendum quod illud intelligitur de actione exteriori, & quantum ad illam potest intervenire coactio. Præterea intelligitur ibi de inuoluntario, prout dicitur inuoluntarium per violentiam, non inquam per violentiam coactionis sufficientis, sed solum inducentis.

2. Ad illud quod obiicitur, quod maior virtus potest violentare minorem, iam patet responsio, quia quantum ad libertatis dignitatem, sicut ostensum fuit in primo problemate, omnes creaturæ rationales habent æqualitatem: nec una nata est secundum istam proprietatem in alteram agere, & propter hoc nec alteram violentare, nec cogere. Cum enim dicitur quod maior virtus potest violentare minorem, hoc veritatem habet, si secundum quod maior est, nata sit agere in minorem.

3. Ad illud quod obiicitur, quod liberum arbitrium potest in sua actione impediri, dicendum quod verum est: tamen ex hoc non sequitur, quod possit cogi. Impedimentum enim priuat actum libertatis, sed coactio ponit actum liberi arbitrii, & simul cum hoc ponit quod non sit libertatis: & ista sunt impossibilia, sicut si poneretur aliquis actus esse voluntarius, & non esse voluntarius, ut melius videbitur infra: & ideo ratio illa non cogit.

4. Ad illud quod obiicitur, quod aqua mota, necessario movetur radius ei coniunctus, dicendum quod non est simile, pro eo quod radii multiplicatio est naturalis, nec potest lux seipsam non multiplicare, cum inuenit materiam sibi aptam: & sicut multiplicatio radii est naturalis, ita & reflexio eius est naturalis, & repercussio: & propterea cum aqua movetur, alio modo suscipitur radius: ideo necesse est ipsum alio modo reflecti. Liberum autem arbitrium præest corpori, cum in suum actum voluntarie exit, & seipso est proprii actus variatio, non ex hoc quod aliqua sit mutatio in corpore coniuncto.

5. Ad illud quod obiicitur de comparatione intelle-

ctus ad verum, & affectus ad bonum, dicendum quod etsi aliquo modo sit comparatio consimilis, non tamen est omnimoda similitudo: quoniam, sicut ostensum fuit supra, libertas arbitrii plus se tenet ex parte motus, quam cognitionis: & ideo coactio plus repugnat affectioni, quam repugnet cognitioni: & propterea non sequitur quod si intellectus potest cogi, quod & effectus.

6. Ad illud quod obiicitur, quod potest induci, dicendum quod etsi inductio videatur esse quædam coactio, maxime secundum humana iura, quæ dicunt illud, quod sit causa metus, non esse habendum ratum maxime de eo metu, qui potest cadere in constantem virum, pro eo quod considerant exteriora opera: secundum veritatem tamen ista inductio stat cum libertate voluntatis, nec ei repugnat in aliquo, sed potius repugnat plenitudini amoris, & voluntatis. Non enim ita plene vult aliquis, quando vult ex inductione, sicut quando vult absolute, sicut patet de iactatione mercium in mare: nihilominus tamen saluatur ibi ratio libertatis, & voluntatis, vnde talis metus apud Deum non excusat a culpa, sicut aperte patet in negatione a Petro facta: & propterea non sequitur, quod si possit a creatura induci, quod possit cogi. Nec valet quod obiicitur de dispositione quæ habet fieri necessitas per iterationem: hoc enim verum est respectu virtutis naturalis, & actus, qui determinatur ad unam differentiam contrarietatis: non autem verum est respectu voluntatis, quæ absoluta est, & quantum est de se, vertibilis est. Præterea illud locum habet in eo genere dispositionis, quæ est eiusdem generis, & proprietatis, ut est dispositio proxima, & remota: sic autem non est in proposito, ut ostensum est supra: & sic patent obiecta.

QVÆSTIO V.

An liberum arbitrium a Deo cogi possit.

S. Thom. 1. 2. q. 19. art. 3.

Et 1. 2. q. 10. art. 4.

Ægid. Rom. 2. Sent. dist. 25 p. 2. q. 1. art. 3 d. q. 1.

Rich. deus 1. Sent. art. 4. q. 2.

Thom. Arg. 2. Sent. dist. 25. q. 1. art. 4.

Steph. Brulef. 2. Sent. d. 25. q. 11.

DE libero arbitrio in comparatione ad mouens primum, scilicet ad ipsum Deum. Et est quæstio, utrum liberum arbitrium possit a Deo cogi. Et quod sic, videtur. Exi in vias, & te pes, & compelle intrare, ut impleatur domus mea: si ergo in domum Dei non contingit intrare, nisi per usum liberi arbitrii, & Dominus intrare compellit, videtur quod liberum arbitrium cogit.

2. ITEM: Nemo venit ad me, nisi Pater traxerit illum: sed ad Christum non itur nisi per liberi arbitrii bonum actum: si igitur liberum arbitrium non venit ad filium, nisi trahatur a Patre, & tractus est motus violentus, sicut dicit Philosophus, liberum arbitrium a Deo violentatur, & cogitur.

3. ITEM: Sicut divisiones aquarum, ita cor regis in manu Domini, quocumque voluerit, inclinabit illud: ergo si liberum arbitrium inclinatur ad unam partem contradictionis: quantumcumque ad illam inclinatur, Deus potest perfecte facere, quod velit oppositum: ergo potest cogere liberum arbitrium ad volendum.

4. ITEM: omnis creatura est in perfecta obedientia respectu Creatoris: ergo si liberum arbitrium aliquid creatum a Deo est, necesse est ipsum esse in perfecta obedientia respectu Dei: ergo si aliqua virtus potest a Deo compelli, potest & virtus liberi arbitrii: sed Deus de aliis creaturis potest facere contra propriam naturam: ergo & de libero arbitrio potest facere contra propriam libertatem: ergo potest ipsum compellere.

5. ITEM plus potest facere liberum arbitrium diuinum super humanum, quam possit liberum arbitrium humanum super aliquod brutum: sed homo potest aliquod brutum cogere ad aliquam operationem inferendo

Ad oppositum.

Luc. 14. c

Ioh. 6. d

Prov. 21. e

sibi

sibi violentiam: ergo multo fortius virtus increata potest cogere voluntatem nostram.

Sed contra per Aug. super Genesim ad literam: Tam non potest Deus facere contra naturam, quam bonam instituit, quam non potest facere contra voluntatem suam: si igitur Deus voluntarie liberum arbitrium dedit homini, impossibile est eum de libero arbitrio facere contra inditam sibi libertatem: sed si ipsum cogere, contra eius libertatem faceret: ergo liberum arbitrium cogi à Deo est impossibile.

Item Augustinus de Civitate Dei: Illud est unicuique rei naturale, quod de ipsa facere disposuerit omnipotentis voluntas: ergo si nullum naturale est per violentiam, nihil quod facit Deus est violentum: si igitur omnis coactio est per violentiam, quicquid Deus de libero arbitrio faciat, nulla potest sibi à Deo inferri violentia, ac per hoc nulla coactio.

Item voluntas hoc ipso libere vult, quia cum vult, vult se velle, & seipsam movere: sed impossibile est voluntatem aliquid velle plene, quin illud sit à voluntate seipsa mouente, & quin voluntas velit se velle: ergo impossibile est liberum arbitrium cogi non solum ab aliquo creato, verum etiam nec à Deo.

Item nihil aliud est dicere, aliquem facere aliquid ex coactione, quam quod faciat illud inuitus: ergo liberum arbitrium vel voluntatem cogi ad actum proprium non est aliud, quam quod voluntas aliquid velit inuita: sed si est inuita, respectu aliquis illud non vult: ergo voluntatem cogere nihil aliud est facere, nisi facere voluntatem simul, & semel velle, & nolle: si igitur duo contradictoria simul esse non tantum est impossibile creaturæ, verum etiam creatrici essentia, patet, &c.

Item tunc aliqua virtus cogitur, quando ad oppositum suæ inclinationis monetur: sed liberum arbitrium, eo ipso quod liberum, ita natum est inclinari ad vnum oppositum, sicut & ad reliquum: ergo libertas eius saluatur in inclinatione ad vtrumque oppositum, siue ad hoc inclinatur, siue ad illud: si ergo coactio excludit libertatem, & libertas non excluditur ad quodcumque inclinatur: igitur ex nulla inclinatione cogi potest liberum arbitrium; sed non est alius modus ipsum cogendi, nisi inclinando ipsum ad aliquod volitum: ergo impossibile est ipsum cogi, nec per mouens creatum, nec per agens primum.

CONCLUSIO.

Liberum arbitrium potest Deus tollere, & amovere libertatem, inducendo coactionem: sed stante libero arbitrio in nobis, Deus non potest ipsum cogere.

Resp. ad Arg. Ad prædictorum intelligentiam est notandum, quod cum quaeritur, vtrum liberum arbitrium possit cogi à Deo, dicendum quod illud potest intelligi dupliciter. Aut ita, quod intelligatur, quod possit auferre libertatem, & auferendo libertatem superinducere coactionem. Et hoc modo nulli dubium esse debet, quin Deus possit hoc facere quantum est de immensitate suæ potentia. Alio modo ut intelligatur, quod Deus cogat liberum arbitrium salua proprietate libertatis, & eius natura. Et hoc modo non solum est impossibile: sed etiam non intelligibile. pro eo quod implicat in se duo contradictorie opposita. Ex hoc enim quod liberum arbitrium est, si aliquid vult, libere vult: & ex hoc quod voluntarium est, si aliquid vult, voluntarie vult, & seipso mouente vult. Ex hoc autem, quod cogitur, si aliquid vult, seruiliter vult, & si quid vult, inuita vult, & si aliquid vult, ab alio vult: quia violentum est, cuius principium est extra, nihil conferente vim passio: ergo liberum arbitrium cogi non est aliud, quam actum liberi arbitrij simul, & semel esse liberum, & seruilem, esse voluntarium, & non voluntarium, esse à se, & non à se. Si igitur impossibile est quod claudat in se vtramque partem contradictionis, & non tan-

tum est impossibile creaturæ, verum etiam creatrici essentia, quia illud posse, non est posse, sicut in primo libro ostensum est: planum est, quod liberum arbitrium, secundum hunc modum intelligendi à Deo cogi est impossibile. Vnde concedenda sunt rationes ad hoc inductæ.

Ad intelligentiam autem rationum ad oppositum adductarum, notandum est quod differt dicere voluntatem induci, & voluntatem mutari, & voluntatem cogi. Tunc enim induci dicitur, quando aliqua persuasio fit, qua disponitur, ut ad aliquod appetibile inclinetur: quæ si valde intensâ sit, nomen coactionis sortitur, quamvis non sit vera coactio, sicut supra ostensum est. Tunc autem voluntas mutatur, quando ipsa volente vnum potenti virtute, affectio immittitur ei ad contrarium, & de volente fit nolens, ita quod vna affectio expellitur, & contraria inducitur, sicut patet, cum Deus de amatore temporalium, facit temporalium contemptorem: & hæc dicitur esse quædam compulsio, & tractio diuina, ut voluntas ab eo separetur, cui per amoris glutinum fortiter iungebatur. Tunc autem voluntas dicitur cogi, quando intelligitur ipsam inuitam aliquid velle, & repugnante actu voluntatis deliberatiua, aliena virtute mouente, & repugnantia manente, ad idem aliquid volendo inclinari: & hæc duo opposita implicat, sicut ostensum est. Voluntas igitur induci potest ab agente creato: mutari vero ab alio non potest, nisi ab agente increato: cogi vero ab aliquo non potest. Et pro tanto dicit Bernardus quod libertas voluntatis est ita plena suo modo in creatura, sicut in Creatore: & quod in omnibus reperitur æqualiter. Hoc enim, sicut supra explicatum fuit, intelligitur quantum ad coactionis priuationem: & per hoc manifesta est responsio ad auctoritates, & rationes.

1. 2. 3. Quod enim dicitur in Scriptura, Deum voluntatem hominis compellere, & voluntatem hominis trahere, & voluntatem hominis ad quodcumque voluerit inclinare, sicut ostendunt illæ tres primæ auctoritates, hoc intelligitur non quia voluntatem cogat, sed quia voluntatem creatam non solum inducit, sicut agens creatum vel increatum: verum etiam immutat, immittendo affectiones varias, in qua immisione non est coactio, pro eo quod ita voluntarie volo illud, quod Deus immittit, sicut illud quod ex me ipso volo: & si aliquid volo, volens volo, non inuitus, & ita in volendo ad nihil compellor.

4. Ad illud quod obiicitur de perfecta obedientia creaturæ, dicendum quod ex hac ratione potius potest concludi oppositum, quam propositum. Quia enim ibi est obedientia perfectio, & liberum arbitrium respectu Dei ad omne quod Deus voluerit, sic habet moueri, sicut pila ad omnem partem: ideo quidquid de ipso, vel circa ipsum faciat, non compellit, nec violentat, nec etiam alicui creaturæ violentiam inducit, quantum ad illam potentiam obedientia: quantum autem ad potentiam specialis naturæ, bene aliquando alicui infert violentiam in miraculorum operationem: sed talis violentia infertur virtuti naturali, non voluntati, quia virtus naturalis sic est determinata ad vnum, ut si trahatur ad oppositum, hoc est per violentiam. Voluntas vero vertibilis est ad vtrumque oppositum, sicut & rota, & pila habent vertibilitatem ad motum.

5. Ad illud quod obiicitur, quod plus potest liberum arbitrium diuinum super hominem, quam humanum, &c. dicendum quod verum est in his, quæ posse est potentia, posse autem cogere brutum hoc est potentia: sed posse cogere liberum arbitrium manens liberum hoc est inordinationis, & impotentia, sicut prius ostensum est. Coactio enim non sic repugnat naturæ brutali, sicut repugnat libertati arbitrij: & propterea illa obiectio non concludit.

Lib. de lib. arb. inter prin. & med.

QVÆSTIO VI.

An liberum arbitrium ex ineptitudine ligari habeat quantum ad vsum.

*Richardus 2. Sent. dist. 25. art. 5. q. 1.
Steph. Brulef. 2. Sent. dist. 25. q. 12.*

Fundamēta.

DE libero arbitrio in comparatione ad corpus coniunctum. Et est quæstio vtrum propter ineptitudinem corporis ligari habeat quantum ad vsum. Et quod sic, videtur. Bernardus de libero arbitrio: Vesani, & infantibus, & dormientibus nihil quod agant, imputatur: sed hoc non est, nisi quia careant vfu liberi arbitrij: & hoc non est nisi propter aliquod inq̄ edimentum à parte corporis: ergo, &c.

ITEM hoc ipsum videtur exemplo, quia vir castus, & sanctus, cuius castitas est magna, frequenter in somnis consentit operi peccati, quod nullo modo faceret tempore vigiliæ: ergo in somnis ligatur actus liberi arbitrij: sed hoc non est nisi per lassitudinem, & ineptitudinem ex parte corporis: ergo, &c.

ITEM deficiente priori, deficit id quod posterius est: si ergo impeditur aliquis actus, qui præambulus est ad vsum liberi arbitrij per ineptitudinem corporis, necesse est & vsum liberi arbitrij impediri: sed actus præambulus ad liberum arbitrium est operatio intellectus, quæ per ineptitudinem corporis impeditur, sicut patet in dormientibus & phreneticis: & Philosophus dicit, quod intellectus corrumpitur quodam interius corrupto, & hoc docet ipsa experientia: ergo, &c.

ITEM sicut homo lassatur in sentiendo, ita etiam lassatur in cogitando, & in meditando: sed quia corpus lassatur in sentiendo, ideo indiget quiete somni, in quo impeditur ab operationibus sensuum: ergo pari ratione necesse est liberum arbitrium propter lassitudinem corporis ab actu, & vfu proprio impediri.

1. SED CONTRA: Refert historia, quod Dominus in somnis apparuit Salomoni, & merito petitionis quæ fecit, Dominus dedit ei sapientiam multam nimis: si ergo mereri aliquid apud Deum, & sapientiam suscipere, hoc est vsum liberi arbitrij in somnis, videtur quod propter lassitudinē, & ingratitudinē corporis, & quietē in somnis liberum arbitrium ab actu suo non habet impediri.

2. ITEM Gregorius super illud Iob: Terrebis me per somnia, loquens de nocturnis illusionibus. Hæc malignos spiritus agere superna dispensatio benigne permittit in electorum cordibus, ne ipse saltem à passionis præmio somnus vacet: ergo contingit in somnis mereri: ergo propter ineptitudinem corporis liberum arbitrium non amittit vsum proprium.

3. ITEM anima quantum ad propriam operationem intellectus sine libero arbitrio nullius partis corporis est actus, nec illam operationem exercet per aliquod organum: ergo quantumcunque corporale organum vel lædatur, vel fiat ineptum, liberum arbitrium non perdet vsum suum.

4. ITEM quanto magis anima recolligitur ab exterioribus ad interiora, tanto magis viget operatio interior: sed cum ligantur organa sensuum exteriorum recolliguntur vires animæ ab exterioribus ad interiora: ergo tunc magis debet vigere operatio interior: sed penes hæc attenditur liberi arbitrij vsum: ergo quando corpus efficitur ad sentiendum ineptum, vtpote per somnum, liberum arbitrium tunc debet habere potissime vsum proprium.

5. ITEM videre futura, hoc est rationis maxime eleuatur: sed in somnis potissime fit reuelatio, & prævisio futurorum: ergo potissimus actus rationis viget in somnis, dum est ineptitudo ex parte corporis, pari ratione & vsum liberi arbitrij.

6. ITEM multo magis pendet ex corpore vis phantastica, & imaginatiua, quam rationalis virtus & intellectiua: ergo si propter ineptitudinem à parte corporis, quæ quidem est in phreneticis, vel etiam in somnis, non

A impeditur operatio phantastica, immo etiam viget, videtur quod non debeat impediri operatio intellectiua. Est igitur quæstio, cum operatio liberi arbitrij vel etiam intellectus, nullo modo pendeat ex corpore, unde est hoc, quod impeditur & ligatur propter aliquam ineptitudinem factā circa corporale organum? Et iterū si impeditur, cum minus pendeat ex corpore, quia virtus phantastica unde hoc est, quod magis perdit vsum suum ratio in somnis, quam phantastica, vel imaginatio? Et iterum cum ratio quantum ad actum liberi arbitrij maxime sit potens, & libera, unde hoc est, quod propter ineptitudinem ex parte corporis facilius tollitur vsum liberi arbitrij quam aliquis actus rationis? In somnis enim homo aliquos habet rationales motus, & in furiosis similiter hoc videmus, quia multa dicunt quæ non possent dicere, nisi rationem haberent, cum ad interrogata respondent: in neutris tamen dicitur vsum liberi arbitrij esse. Omnia hæc difficilem faciunt quæstionem.

CONCLUSIO.

Liberum arbitrium propter corporis ineptitudinem, quod ad vsum potest impediri, veluti in furiosis, & dormientibus contingit: cuius ratio est vnio anima & corporis ad vnus tertij constitutionem, quod est vnum per essentiam: & cui debetur propria operatio secundum quod vnum, quæ est intelligere, cuius plena potestas est vsum liberi arbitrij.

RESP. AD ARG. Quod et si ad hanc quæstionem facile sit respondere, cum quæritur vtrum liberum arbitrium ligetur per corporis ineptitudinem quantum ad vsum, quoniam ipsa experientia hoc plane docet, & manifestat, quod ligatur in paruulis, & dormientibus, & furiosis. Ad illam tamen quæstionem, quæ hanc subsequitur, videlicet quare ligatur liberum arbitrium ex corporis ineptitudine, cum non sit potentia alligata organo, valde difficile est respondere, & eius assignare causam. Intelligendum tamen est, quod est quadruplex modus satisfaciendi huic quæstioni. Quidam enim dicere voluerunt, quod vsum rationis, vel etiam liberum arbitrium impeditur, & ligatur ex corporis ineptitudine propter animæ cōuersionem. Quidam vero propter obsequij corporalis priuationem. Tertius vero modus dicendi est, quod propter operationis rationalis quandam communicationē.

QUARTUS autem modus dicendi est propter corporis, & animæ vnionem ad tertij constitutionem. Primo propter cōuersionem dixerunt aliqui animam impediri ab actu rationis existente ineptitudine ex parte corporis. Aut enim est corpus ineptum ex aliqua læsione interiori, sicut est in furiosis, & phreneticis: & tunc anima cessat ab operatione intelligendi propter hoc, quod nimia cōpassione conuertitur ad corpus ratione nobilis organi læsi. Aut est ineptum imperfectione, quæ est in mēbris, & organis, sicut est in paruulis: & tunc anima adeo est intenta gubernationi corporis, & rebus, quas per sensum corporis percipit, quod quasi obliuiscitur sui: & ideo ex nimia cōuersione ad corpus suum, quæ est ex organorū læsione, siue ex imperfectione, cōtingit vsum rationis, & liberi arbitrij impediri. Sed hic modus dicendi nō plene satisfecit, videmus enim quod vehemens dolor ex parte corporis in extremitatibus factus rationis vsum nō impedit: & tū anima illum dolorē multū refugit. Itē in somnis nō magis cōuertitur ad corporalia, quā in vigilia: si ergo cōuersio, quæ est in vigilia, vsum rationis non tollit, pari ratione videtur, quod nec cōuersio, quæ est in somnis circa regimē corporis. Et ideo est secundus modus dicendi, videlicet quod liberū arbitrium à proprio vfu habet impediri propter priuationem obsequij corporalis: et si enim operatio intellectus non fiat per organū, nihilominus virtutes sensitiuæ ipsi intellectui faciunt aliquod obsequiū ad hoc, quod exerceat suum actū. Dupliciter enim obsequitur vis phantastica intellectui in actu intelligendi, in hoc videlicet quod offert phantasmata intellectui possibili, sicut obiectum offert.

Opinio 1.

Improbatio.

Opinio 2.

offert

offert speciem oculo : & in hoc etiam quod intellectus excitari habet ab inferiori, quandiu est coniunctus corpori : & ideo quando læsio est, & ineptitudo ex parte organi potentia sensitiva, & fit perturbatio phantasmatum, impeditur usus liberi arbitrii : & intellectus propter hoc, quod aufertur sibi debitum obsequium, sicut oculus meus potest impedi ab actu videndi propter obscuracionem aliquam factam in re visibili, quæ habet mihi offerre speciem, & visum meum excitare. Sed iste modus dicendi adhuc non plenè satisfacit, pro eo quod nos videmus operationem intellectus impedi non facta impedimento in opere interioris virtutis sensitiva, vt pote imaginationis, seu imaginatiua, & phantasia. Et iterum cum intellectus, & memoria intellectualis aliquas species in se habeat abstractas, quas in se, & penes se conseruat, quas anima secum trahit, cum à corpore separatur, videtur quod omni obsequio phantasia, & phantasmatum circumscripto, intellectus usum habere debeat respectu eorum, quorum habet in se habitum : & hoc plane falsum est, quia homo impeditur à consideratione eorum, quæ nouit, sicut ab inquisitione eorum quæ non nouit. Et propterea est tertius modus dicendi, quod operatio liberi arbitrii & rationis ex corporis ineptitudine habet impedi propter quandam communicationem operationis. Communicat autem quodam modo potentia intellectualis operationem suam corpori coniuncto, cum communicet ei esse, & ex eis fiat vnum per essentiam, non solum in quantum anima est vegetabilis, & sensibilis, sed etiam in quantum rationalis. Anima enim rationalis adueniens corpori humano, sicut ex sua vnione facit ipsum esse animal, & animatum, ita facit esse hominem : & ideo sicut aliquam operationem communicat corpori in quantum facit vnum, & in quantum facit animal, sic etiam communicat aliquam in quantum facit hominem, licet non omnino vniformiter. Different enim modo communicat anima corpori, quæ respiciunt potentiam vegetatiuam & sensitiuam, & operationes potentia intellectualis. Nam opera sensitiva, & vegetatiua sic communicat corpori, vt sit in corpore, & per corpus, sic etiam in corpore, vt non sine corpore : non enim nutrit anima nisi mediante organo corporeo, nec nutrit nisi quandiu est in corpore. Intelligere autem sic communicat anima corpori, vt sic intelligat cum corpore aliquo modo agente, vt tamen non intelligat per corpus, sic intelligat etiam in corpore, vt tamen etiam intelligat cum est separata à corpore. Quia vero dum est in corpore communicat ei rationalem operationem, ideo facta inordinatione ex parte corporis habet illa operatio impedi. Sed iste modus dicendi calumniæ habet in hoc quod dicit, quod operatio intellectus aliquo modo communicatur corpori, cum non videatur verum, & Philosophus contradicere videatur de gen. animal. vbi dicit, quod intellectus est ab extrinseco propter hoc, quod nullo modo est immixtus corpori. Et hoc ipsum dicit in tertio de anima. Et iterum : etsi concedatur, quod homo intelligat, nullo tamen modo conceditur, nec de toto corpore, nec de parte corporis, quod intelligat. Vnde videtur, quod hoc dicatur de toto coniuncto ratione partis, scilicet animæ, sicut cum dicitur : homo est albus, hoc dicitur solum ratione corporis. Et propterea est quartus modus dicendi, quod scilicet operatione animæ in corpore impedi habet propter corporis ineptitudinem. Et huius ratio est vnio animæ, & corporis ad vnus tertij constitutionem, quod est vnum per essentiam : & cui debetur propria operatio secundum quod est vnum. Hæc autem operatio non est viuere tantum, nec sentire, siue mouere, sed ratiocinari, & intelligere. Et propter ipsam vnionem non tantum pendet anima ex corpore, quantum ad actum sentiendi, sed etiam aliquo modo quantum ad actum intelligendi, quandiu est in corpore, sed longe aliter & aliter. Nam quantum ad actum vegetandi, & sentiendi, sic pendet, vt nullo modo possit eos exercere sine corpore : non autem sic de actu intelligendi. Sic etiam pendet, vt illos

actus exerceat per corpus & per organum corporeum : non sic est de actu intelligendi : & ideo actum sentiendi dicitur communicare anima corpori. Vnde non absurde omnino dicitur : Oculus videt : non sic autem dicitur de actu intelligendi. Dicitur autem anima sentire per corpus, & non intelligere per corpus, quia cum duo concurrant ad actum intelligendi, & sentiendi, videlicet recipere, & iudicare, in sentiendo receptio speciei est à corpore, sed iudicium est à virtute : & in intelligendo vtrumque est à virtute intellectuali, videlicet ab intellectu possibili, & agente. Et propterea intellectus dicitur vis non alligata materia : & operationem hanc potest habere, cum est separata à corpore : quandiu autem est in corpore non omnino intelligit præter corpus. Sicut enim esse animæ in corpore aliquo modo pædet ex corpore, quāvis non pædeat esse ipsius animæ in se ideo ad hoc quod anima sit in corpore, necesse est corpus debite cōplexionatū esse, & ad illius cōplexionis corruptionē cōtingit animā non amplius esse in corpore : sic quādiu anima est in corpore intelligere suū non est sine corpore, & sine aliqua dispositione ex parte corporis, cuius actualitas cōueniat actui intelligendi, sicut congrua dispositio correspondebat existentia animæ in corpore, & perfectioni eiusdem. Illa autē actualitas attenditur secundū illud, quod est supremū in corpore, & quantū ad nobilissimos spiritus : qui locū habent in nobilissimis organo corporis. Et quoniā cū aliquid aufertur ab aliquo, prius aufertur ab eo illud, quod est in eo excellentissimū : & cū aliqua virtus debilitatur, prius aufertur ab ea summū, quā illud quod est citra summū : hinc est, quod in lēssione corporis citius tollitur illud, secundū quod cōformabatur operationi intellectuali, quā illud secundū quod conformatur operationi sensitiva : & ideo fumositates ascendentes ad cerebrū, quæ perturbant spiritus in somnis, vel in pueris, vel in phreneticis, vel quæcūque alia læsio organo, in quib. resident spiritus subtilissimi, & nobilissimi corporales, facilius impedit usum rationis, quam imaginationis. Et sic patet ratio, quare impeditur ex ineptitudine corporis rationis usus, & quare impeditur magis, quā usus inferioris virtutis. Ex hac eadē ratione colligitur quare magis impeditur ratio quantū ad usum liberi arbitrii, quā quantū ad alios actus rationales quos in somnis, & in furiosis aliquando dignoscitur habere. Actus enim liberi arbitrii respicit potentia rationalem, prout est in omnimoda & plena libertate. Liberum enim arbitrium dicit dominū potentia respectu actus, sicut supra determinatū est. Et quoniā cum impeditur aliqua virtus operatiua, primo aufertur ei actus ille, qui ei inerat secundū suam plenitudinē, sicut patet, cū aliquis infirmatur in pede, facilius ei aufertur potentia velociter currēdi, quā potentia ambulandi : siue facilius impeditur hic actus, quam ille : sic & in proposito, facilius & frequentius contingit auferri usum libertatis, quam quemcūque actum potentia intelligendi. Concedendæ sunt igitur rationes ostendentes, quod liberum arbitrium ex ineptitudine ex parte corporis habet impedi quantum ad suum usum, sicut impeditur in infantibus, & furiosis, & dormientibus.

1. Ad illud quod primo obicitur in contrariū de petitione Salomonis, quæ fuit in somnis, dicendum quod illud fuit aut gratia specialis, & priuilegij, non legis communis, quod in somnis potuit mereri, & dignus fuit exaudiri. Aut certe hoc dicitur, non quia Deo, dormiendo, placuerit, sed quia ante vigilando, & præcogitando, illud Deo placuit, & quod in vigilia placuerat, Dominus per reuelationem manifestare voluit in somnis : frequentius enim in somnis, quam in vigilia apparere consuevit.

2. Et per hoc patet responsio ad sequens verbum Gregorij. Quod enim dicit, sanctos viros in somnis mereri, hoc dictum est, quia occasione sumpta ab eo, quod patiuntur in somnis, postmodum merentur in vigilia : sicut vir peccator demereri dicitur in pollutione nocturna, quam sua cogitatione prouocauit, vel de cuius recordatione postmodum delectatur.

3. Ad illud quod obiicitur, quod anima secundum operationem intellectus non est actus alicuius partis corporis, iam patet responsio ex predictis: quamvis enim non operetur per organum corporale, nihilominus tamen ad hoc, quod anima operetur in corpore, necesse est corpus secundum nobiles spiritus, & nobilia organa in debita actualitate, & dispositione esse, sicut prius ostensum est. Et quoniam hæc dispositio tollitur per corporis ineptitudinem: ideo per consequens, actus rationis & usus liberi arbitrij impeditur.

4. Ad illud quod obiicitur, quod anima in somnis reuocatur ad interiora, dicendum quod verum est, sed non quantum ad omnes operationes interiores, sed quantum ad operationes naturales. Nam somnus est quies virtutum animalium cum intensione naturalium: & ideo non sequitur, quod usus rationis, vel liberi arbitrij in somnis intendatur, cum hæc potius contineantur sub viribus animalibus, quam naturalibus.

5. Ad illud quod obiicitur, quod in somnis anima videtur futura, dicendum quod sicut determinatum est supra distinctione septima, in somnis non præiudicio futurorum, nisi visitatio emittatur ab Altissimo, sicut dicitur Ecclesiastici decimo quarto. Magis autem Dominus visitat in somnis, quam in vigilia in reuelando futura. Tum propter hoc, quod anima in vigilia est dispersa ad exteriora sensibilia comprehendenda. Tum quia etiam Dominus, qui posuit tenebras latibulum suum, ad sui ipsius occultationem, magis vult in somnis, quam in vigilia reuelationes emittere. Tum quia etiam magis in somnis agitur homo, quam agat & in reuelatione diuina plus se habet homo per modum susipientis, quam agentis. Tum quia etiam in somnis medium tenet homo inter mortuum, & viuentem: & ita quodam modo à vita huiusmodi recedit, de qua Dominus dicit: Non videbit me homo, & viuet. Ex hoc ergo non potest concludi, quod usus liberi arbitrij sit in somnis, quamvis ibi contingat reuelationes fieri, quoniam in somnis magis agitur anima, quam agat, sed in usu liberi arbitrij magis agit, quam agatur.

6. Ad illud quod obiicitur, quod vis phantastica non impeditur in somnis, dicendum quod etsi videatur phantasia magis in somnis, quam in vigilia vigere, nihilominus tamen aliquo modo impeditur habet. Potentior est enim homo in vigilia ad imaginandum omne quod vult quam in somnis, licet motus imaginatiue non ita appareat in vigilia propter conuersionem animæ ad exteriora, & in somnis medijs motus sentiantur propter animæ quietationem. Et si obiicias, quod sic impedit, quin aliquo modo habeat usum suum phantasia, ergo nec debet impediri habere potentia, iam patet responsio ex his, quæ supra dicta sunt: facilius enim aufertur omnis potentia in somno, quam circa somnum. Et præterea in somnis plus quietantur virtutes animales, quam naturales: motus autem, & decursus illorum phantasmatum naturalis est, & ideo non sic impeditur usus phantasie, sicut usus potentie intellectus. Ad quæstiones autem quæ sequuntur, plana est responsio ex his, quæ prædicta sunt.

DISTINCT. XXVI.

De Gratia operante & cooperante, quid videlicet sit, & qualiter se habeat ad voluntatem, & ad merita.



HÆC est gratia operans & cooperans: Operans enim gratia preparat hominis voluntatem, ut velit bonum: gratia cooperans adiuvat ne frustra velit. Vnde Aug. in libro de gratia, & libero arbitrio: Cooperando Deus in nobis perficit, quod operando incipit: quia ipse ut velimus operatur incipiens, qui volentibus cooperatur perficiens. Ut ergo velimus, operatur: Cum autem volu-

mus, & sic volumus, ut perficiamus, nobis cooperatur: & tamen sine illo vel operante ut velimus, vel cooperante cum volumus, ad bona pietatis opera nihil valeamus. Ecce his verbis satis aperitur quæ sit operans gratia, & quæ cooperans. Operans enim gratia est quæ præuenit voluntatem bonam, ea enim liberatur, & præparatur hominis voluntas, ut sit bona, bonumque efficaciter velit. Cooperans vero gratia voluntatem bonam sequitur adiuvando. Vnde Aug. contra Iulianum hæreticum, qui bonam voluntatem ex libero arbitrio tantum esse dicebat, atque hominem per liberum arbitrium posse bonum velle, & operari sine gratia asseribat, ait: Apertam de commendatione gratia Apostolus sententiam protulit, cum ait: Non est volentis, neque currentis, sed Dei miserentis. Hac si attenderes Iuliane, non extenderes contra gratiam merita voluntatis humana. Non enim ideo miseretur Deus alicuius, quia voluit, & cecurrit: sed ideo voluit, & cecurrit, quia misertus est Deus. Paratur enim voluntas hominis à Deo, & à Domino gressus hominis diriguntur. Ideoque congrue ait: Non est volentis, neque currentis sed miserentis Dei. Non quia hoc sine voluntate nostra agatur, sed quia voluntas nostra nil boni agit, nisi diuinitus adiuvetur. Vnde alibi Apostolus ait: Non autem ego, sed gratia Dei mecum. Non ideo dicit, quia nihil boni agebat: sed quia nihil boni ageret, si illa non adiunxerit. His testimoniis aperte insinuat quod voluntas hominis gratia Dei præuenitur atque preparatur ut fiat bona, non ut erat voluntas, quia & ante gratiam voluntas erat, sed non erat bona & recta voluntas.

Quid sit voluntas.

Voluntatem ipsam Aug. in libro de duabus animabus ita definit: Voluntas est animi motus cogente nullo, ad aliquid vel non amittendum, vel adipiscendum. Hac autem ut non amittat malum, & adipiscatur bonum, præuenitur & preparatur Dei gratia. Vnde Apostolus gratiam præuenientem, & subsequentem commendans, id est, operantem & cooperantem, vigilanter dixit: Non est volentis, neque currentis: sed Dei miserentis: & non econuerso, non est miserentis Dei, sed volentis & currentis. Nam si, ut quibusdam placuit, quod dictum est ita accipiatur, non est volentis, neque currentis, sed miserentis Dei: tanquam diceretur, non sufficit sola voluntas hominis, si non sit etiam misericordia Dei: contra dicitur, non sufficit etiam misericordia Dei si non sit etiam voluntas hominis. Ac per hoc si recte dictum est illud, quia id voluntas hominis sola non implet, cur non etiam à contrario recte dicitur, non miserentis est Dei, sed volentis est hominis, cum id misericordia Dei sola non impleat. Homo enim credere, sperare, diligere non poterit, nisi velit, nec peruenire ad palmam, nisi voluntate currat. Restat ergo, ut ideo ita recte dictum intelligatur, ut totum detur Deo, qui hominis voluntatem bonam præuenit, & preparat adiuvandam, & adiuvat preparatam, nolentem præuenit, ut velit: volentem subsequitur, ne frustra velit. Ecce his verbis & alijs præmissis euidenter traditur, quod voluntas hominis preparatur, & præuenitur gratia Dei, ut velit bonum, & adiuvatur ne frustra velit.

Quod bona voluntas comitatur gratiam.

Itaque bona voluntas comitatur gratiam, non gratia voluntatem. Vnde Aug. ad Bonifacium Papam scribens contra Pelagianos, inquit: Cum fides impetrat iustificationem, sicut unicuique Deus partitus est

mensuram

Ad Valentinum in c. 17. in 20. 7.

Præm. 16. c. 6. Psal. 36. b.

Rom. 9. a.

Aug. de perfectione iustitia.

C. p. 17. circa finem lib. 1. com. 7. 1. Cor. 15. b. Idem in Epist. 106. circa finem, com. 2.

Cap. 10. in 6.

Rom. 9. c.

Aug. in Enchiridion. c. 31. in primo libro 2. mediæ q. 2. com. 4.

In 20. a. Ep. 106. inter principia & medium.

mensuram fidei, non gratiam Dei aliquid meriti præcedit humani, sed ipsa meretur augeri, ut aucta mereatur & perfici, voluntate comitante, non ducente: pedissequa, non prauia. Ecce hic aperte habes, quod gratia præuenit bona voluntatis meritum, & ipsa bona voluntas pedissequa est gratia, non prauia.

Quæ sit gratia voluntatem præueniens, scilicet fides cum dilectione.

Et si diligenter intendas, nihilominus tibi monstratur qua sit ipsa gratia voluntatem præueniens, & præparans, sc. fides cum dilectione. Ideoq; Aug. in eodem tractatus quo modo iustificati sumus ex fide, & tamen gratis, utrumq; enim dicit Apostolus, qui dicit: Iustificati ex fide, alibi ait: Iustificati gratis per gratiam. Hoc enim ideo dixit, ne fides ipsa superba sit, ne dicat sibi, si ex fide iustificati, quo modo gratis. Quod enim fides mereatur, cur non potius redditur, quam donatur: Non dicat homo ista fidelis: quia cum dixerit: Habeo fidem ut merear iustificationem, respondetur ei: Quid habes, quod non accepisti? Fides enim qua iustificatus es, gratis tibi data est. Hic aperte ostenditur, quod fides est causa iustificationis, & ipsa est gratia & beneficiū, quo hominis præuenitur voluntas, & præparatur. Vnde Aug. in primo libro retract. Voluntas est qua & peccatur, & recte uiuitur: Voluntas verò ipsa nisi Dei gratia liberetur à seruitute, qua peccati serua facta est, & ut vitia superet adiunetur: recte pieq; uiui à mortalibus non potest: & hoc beneficium quo liberatur, nisi eam præueniret, iam meritis daretur, & non esset gratia: quæ utique gratis datur: Præuenitur ergo bona hominis voluntas illo gratia beneficio, quo liberatur, & præparatur. Et illud beneficium fides Christi recte intelligitur: sicut Aug. in Enchirid. euidenter ostendit dicens: Ipsum arbitrium liberandum est post illam ruinam à seruitute peccati. Nec omnino per seipsum, sed per solam Dei gratiam, qua in fide Christi posita est, liberatur, ut voluntas præparetur. Ecce aperte dicit gratiam, per quam liberatur arbitrium, & præparatur voluntas, sitam esse in fide Christi. Fides enim Christi, ut in eodem ait, impetrat quod lex imperat.

Quod voluntas bona quæ præuenitur gratia, quædam Dei dona præuenit.

Ipsa tamen eadem voluntas quædam gratia dona præuenit. Vnde Aug. in Enchirid. Præcedit bona voluntas hominis multa Dei dona, sed non omnia: quæ autem non præcedit ipsa, in eis est & ipsa iuuat, nam utrumque legitur in Sanctis eloquiis: Et misericordia eius præueniet me: & misericordia Dei subsequetur me: nolentem quippe præuenit, ut velit: volentem subsequitur, ne frustra velit. Cur enim admonemur orare pro inimicis nostris nolentibus pie viuere, nisi ut Deus in eis operetur & velle. Itemque cur admonemur petere ut accipiamus, nisi ut ab illo fiat quod volumus, à quo factum est ut velimus. Inde Apostolus ait: Non est volentis neque curretis, sed Dei miserentis. Ex his apparet, quod bona hominis voluntas quædam dona Dei præuenit, quia eam comitatur gratia adiuvans: & quibusdam præuenitur, quia eam præuenit gratia operans, scilicet fides cum charitate.

Quæ prædictis videantur aduersari, scilicet quod videatur dici fidem esse ex voluntate.

Non est tamen ignorandum, quod alibi Aug. significare videtur quod ex voluntate sit fides de illo verbo Apostoli: Corde creditur ad iustitiam: ita super Ioannem tractans: Ideo non simpliciter Apostolus ait, creditur,

sed corde creditur: quia cetera potest homo nolens, credere non nisi volens, intrare Ecclesiam, & accedere ad altare potest nolens, sed non credere. Item super Genesim ubi Laban, & Batuel dixerunt: Vocemus puellam, & queramus eius voluntatem: dicit expositor, quia fides est voluntatis, non necessitatis. Ad quod respondentes dicimus, non hac ita accipienda fore, ut ex voluntate hominis fides intelligatur provenire: cum ipsa sit proprie Dei donum, ut ait Apostolus, & ex ea bona hominis merita incipiant. Per hanc enim, ut ait August. super Psal. 67. Iustificatur impius, id est, fit de impius, ut deinde ipsa fides incipiat per dilectionem operari: unde omnia bona merita incipiunt. Sed potius hæc ideo ita dicta sunt, quia non est fides nisi in eo, qui vult credere, cuius bonam voluntatem fides præuenit, non tempore, sed causa & natura. Vnde August. supra congruenter dixit, quod bona voluntas in eis donis est, quæ non præcedit: & ipsa iuuat, quia ea iuuat quibus præuenitur, dum eis consentit ad effectum boni: & in eis est, quia tempore ab eis non præceditur.

Quædam adhuc addit quæ grauiorem faciunt questionem, scilicet quod cogitatio boni præcedit fidem.

Ceterum hanc questionem magis acuiunt, & urgent verba Augustini, quib; in libro de prædestinatione Sanctorum, utitur pertractans illud verbum Apostoli: Non quod sufficientes simus cogitare aliquid, quasi ex nobis: Attendant, inquit, hic, & verba ista perpendant, qui putant ex nobis esse fidei caput, & ex Deo esse fidei supplementum. Commendans enim istam gratiam, quæ non datur secundum aliquid quæ merita, sed efficit omnia bona merita, inquit: Non quod sufficientes simus cogitare aliquid boni, scilicet ex nobis. Quis autem non videat prius esse cogitare, quam credere? Nullus quippe credit aliud, nisi prius cogitauerit esse credendum. Si ergo cogitare bonum non est ex nobis, ut hic Apostolus tradit, nec credere: quanquam & ipsum credere nihil est aliud, quam cum assensione mentis cogitare. Hic videtur insinuate, quod cogitatio bona præcedat fidem: & ita bona voluntas præueniat fidem, non præueniatur: quod prædictis aduersari videtur. Ad hoc autem dicimus, quod aliquando cogitatio bona sine voluntas præuenit fidem: sed non est illa bona voluntas vel cogitatio, quæ recte uiuitur. Illa enim sine fide, & charitate non est. Nam ut ait August. ad Anastasium: Sine spiritu non est voluntas hominis libera, cum cupiditatibus vincatur, non est libera ad bonum, nisi liberata fuerit. Non autem liberatur, nisi per spiritum sanctum diffundatur charitas in cordibus. Non est libera voluntas, nisi eam liberet gratia per legem fidei, id est, non est libera, sine fide operante per dilectionem: & illa sufficienter & vere bona est. Non est enim fructus bonus, qui de charitatis radice non surgit. Si vero adsit fides operans per dilectionem, fit delectatio boni.

De illa cogitatione boni quæ præcedit fidem, plene differitur.

Illam autem cogitationem sine voluntas, quæ fide & charitate, aliisque iustificationibus præcedit, non sufficit ad salutem, nec recte ea uiuitur. Hac voluntate concupiscitur illa bona voluntas, quæ est magnum bonum, ista vero non. Alia est ergo illa voluntas sine cogitatio, alia ista. Et sicut illa istam præcedit, ita illa præuenit intellectus. Vnde Aug. ista distinguens super illum locum Psal. 118. Concupiuit anima mea desiderare iustificationes, ait: Concupiuit desiderare, inquit, non desiderauit. Videmus enim ratione nonnunquam, quam utiles sint iustifica-

tiones Dei: sed infirmitate prapediti aliquādo non desideramus. Prauolat ergo intellectus, sequitur tardus aut nullus affectus. Scimus bonum, nec delectat agere, & cupimus ut delectet. Sic iste olim desiderare concupiscebat, quae bona esse cernebat, cupiens eorum habere delectationem, quorum potuit videre rationem. Ostendit itaque quibus quasi gradibus ad eas perueniatur: prius enim est, ut videantur quam sint utiles, & honestae: deinde ut earum desiderium concupiscatur: postremo, ut proficiente gratia delectet earum operatio, quarum sola ratio delectabat. Attende hunc ordinem gratiarum, quem hic distincte assignat August. qualiter scilicet intellectus bonorum praecedit concupiscentiam eorum, & ipsa concupiscentia delectationem quae fit per fidem, & charitatem: qua habita, vere bona est voluntas quae recte uiuitur. Ipsaque fidei comes est, non prauia. Qui uerba Augustini praemissa secundum hanc distinctionem considerat, nullam ibi repugnantiam fore animaduertit: non ignorans etiam ante gratiam praeuenientem, & operantem, quae voluntas bona praeparatur in homine, praecedere quadam bona ex Dei gratia & libero arbitrio: quadam etiam ex solo libero arbitrio, quibus tamen uitam non meretur, nec gratiam qua iustificatur. Illius enim gratia percipienda, qua voluntatem hominis sanat, ut sanata legem impleat, nulla merita praecedunt. Ipsa est enim qua iustificatus impius fit iustus, qui prius erat impius: meritis autem impij non gratia, sed poena debetur: nec ista esset gratia, si non daretur gratuita. Datur autem gratuita, quia nil boni ante feceramus, unde hoc mereremur. Non negamus tamen multa ante hanc gratiam, & praeter hanc gratiam ab homine fieri bona per liberum arbitrium, ut tradit Augustinus in responsionibus contra Pelagianos: ubi dicit homines per liberum arbitrium agros colere, domos adificare, & alia plura bona facere sine gratia cooperante.

DISTINCT. XXVI.

De libero arbitrio comparato ad auxilium gratiae, determinans quantum possit liberum arbitrium cum gratia.

Hac est gratia operans, & cooperans, &c.

Expositio Textus.

UPRA egit Magister de libero arbitrio siue de adiutorio homini collato in se. In hac uero parte agit de ipso comparato ad auxilium gratiae. Diuiditur autem ista pars in duas partes. In prima determinat quantum possit liberum arbitrium cum gratia. In secunda, quantum possit circumscripta gratia, infra dist. 28. Id uero inconcussae, & incunctanter teneamus, &c. Prima pars habet duas partes. In prima determinat de adiutorio gratiae operantis, & cooperantis collato arbitrio, prout illud adiutorium comparatur libero arbitrio. In secunda, prout comparatur ad habitum gratuitum, & usum sibi debitum, infra dist. 27. Hic considerandum est, cum praedictum sit. Prima pars habet duas. In prima determinat, quid sit, siue cuius efficaciae sit illud adiutorium gratiae, quod libero arbitrio superadditur. In secunda uero determinat de eodem adiutorio quantum ad voluntatem, siue ad liberum arbitrium ordinatur, ibi: Ipsa tamen eadem voluntas quadam gratia dona praeuenit. Prima pars habet tres particulas. In prima determinat, quid sit illud adiutorium liberi arbitrij superadditum quantum ad actum, siue effectum. In secunda uero quantum ad subiectum, ibi: Voluntatem ipsam Augustinus in lib. de duabus, &c. In tertia uero quantum ad ipsum donum

gratuitum, ibi: Etsi diligenter intendas, &c. Similiter secunda pars principalis tres habet partes. In prima determinat ueritatem, ibi: Ipsa tamen eadem, &c. In secunda uero remouet dubitationem, ibi: Non est tamen ignorandum, &c. In tertia uero parte subiungit ueritatis recapitulationem, ibi: Illius enim gratia percipienda, &c. Harum autem partium subdiuisiones manifestae sunt in litera.

Voluntas est animi motus, &c. Dub. I.

Sicut dicit Philosophus: Peccat qui diffinit id quod est in quiete, per id quod est in motu: sed voluntas est in potentia: ergo male diffinitur cum dicitur: Voluntas est animi motus. ITEM: Velle plus est agere, quam pati: ergo plus in uere, quam moueri: si ergo motus sonat in passionem, uidetur quod voluntas non debeat dici animi motus.

RESP. Dicendum quod sicut dicit Anselm. Voluntas dicitur aequiuoce ad voluntatem instrumentum: & voluntatem, affectionem, & voluntatem, usum. Et August. non diffinit hic voluntatem prout accipitur pro potentia, sed prout accipitur pro usu. Et si tu queras, quare magis diffinit voluntatem prout accipitur pro usu, quam pro potentia: ratio huius est, potentiae manifestantur per actus, & ideo cognita uoluntate, usu, per consequens cognoscitur voluntas, potentia. Ad illud quod obiicitur, quod usus uoluntatis non est passio, sed actio, & ita non debet dici motus, dicendum quod motus non tantummodo accipitur passive, immo etiam accipitur active, & propterea omnes actiones animae quodam modo passionem sunt.

Gratia voluntatem praeueniens, & praeparans, scilicet fides cum dilectione. Dub. II.

Uidetur quod ista notificatio gratiae non sit conueniens. Cum enim gratia, & uirtus diuersas habeant notificationes, non uidetur quod unum habeat notificari per alterum. ITEM cum gratia non solummodo ponat in anima fidem, & charitatem, sed etiam spem, uidetur insufficiens dicere Magister cum dicit, quod est fides cum dilectione. Iuxta hoc quaeritur: cum diuersae diffinitiones & notificationes gratiae assignentur diuersimode, penes quid sumitur ratio, & distinctio harum.

RESP. Dicendum quod Magister non intendit in illo uerbo notificare gratiam gratum facientem quantum ad suam essentiam, sed intendit eam notificare quasi per posterius, & quodam modo per effectum. Cum enim habitus cognoscatur per actus, & actus gratiae duplex sit secundum duplicem potentiam, uidelicet secundum intellectum, & affectum, ideo per illos habet gratia notificari: & quia in illos actus non exit gratia, nisi mediantibus habitibus uirtutum, uidelicet fidei, & charitatis, ideo notificans gratiam dicit, quod gratia nihil aliud est, quam fides cum dilectione, pro eo quod per illos duos habitus dicitur gratia in actus exire, per quos innotescit nobis.

Ad illud uero quod quaeritur de pluralitate diffinitionum, dicendum quod gratia habet comparari ad suum principium, habet comparari ad suum subiectum, habet comparari ad suum oppositum, habet comparari ad suum effectum, habet & comparisonem ad suum praemium: & secundum has diuersas comparationes diuersae reperiuntur eius notificationes. Secundum comparisonem ad suum principium est illa Isidori: Gratia est misericordiae donum diuinum, per quod bonae uoluntatis est exitus. Per comparisonem autem ad suum subiectum, sic est illa, quae datur super illud Ps. Ut exilaret faciem in oleo. Gratia est quidam nitor animae ad conciliandum sanctum amorem per comparisonem ad suum oppositum, sic est illa quae datur in Glof. super Epistolam: Gratia est iustificatio, & remissio peccatorum. Per comparisonem ad suum effectum, sic est illa Chrysostomi: Gratia est sanitas mentis, delectatio cordis. Per comparisonem ad praemium, sic est illa: Gratia est similitudo gloriae. Secundum autem omnes comparationes istas sic assignatur una diffinitio magistralis, quae talis est: Gratia est forma a Deo gratis data sine meritis, gratum faciens habentem, &c.

Arist. 2. Phys. 8. Metaph. Et. 1. de Ani. com. 1. 1. 1.

Ans. de concord. grat. & lib. ar. inter med. & finem.

Aug. de spiritu & lit. c. 9. in fine 10. 3.

Lib. 3. hypognofticon. 10. 7.

Diuisio.

Isid. collig. 2. lib. 1. de sum. bo. c. 25. sent. 4. ex lib. 2. cap. 5. Aug. sup. Psal. 103.

& bonum eius opus reddens. Inuenitur autem & alia A notificatio gratiæ, qua dicitur: Gratia est manifestatio spiritus ad utilitatem, quæ sumpta est ex illo, quod dicitur: Vnicuique datur manifestatio spiritus, &c. sed ista est manifestatio gratiæ gratis datæ.

Fides enim, qua iustificatus es, gratis tibi data est. Dub. III.

Ex hoc videtur velle dicere Augustinus, & Magister quod mediante fide fit iustificatio: sed contrarium huius est, quia ab eodem est animæ iustificatio, à quo est viuificatio: sed viuificatio est ab ipsa gratia, nam fides sine gratia non viuificat, immo mortua est, ergo non videtur quod iustificatio sit à fide, sed à gratia. Si tu dicas, quod iustificationem attribuat fidei ratione adiunctæ gratiæ, quæritur quare non attribuit alij virtuti, sicut fidei. ITEM quæritur de hoc quod dicit: Fides impetrat iustificationem, aut intelligit de formata, aut de informi. Non de informi, quia per eam nihil meremur, & nihil impetramus. Si de formata hoc non potest sane intelligi. Nemo enim habet fidem formatam, nisi sit iustificatus.

RESP. Dicendum quod iustificatio dupliciter potest dici. Vno modo iustificatio dicitur iustitiæ infusio. Alio modo iustificatio dicitur in iustitia exercitatio. Secundum autem quod iustificatio dicitur in iustitia exercitatio, sic verbum Magistri verum est, & planum. Nemo enim in iustitia exercitatur, nisi mediante fide operante per dilectionem, & hic dicitur impetrare iustificationem, id est profectum iustitiæ, quæ consequitur ex bonorum operum, & meritorum multiplicatione, quod non contingit est sine fide, & charitate. Sine fide enim, sicut dicitur in epist. ad Hebr. Impossibile est placere Deo: sine charitate etiam impossibile est, sicut dicitur: Si autem dicatur iustificatio iustitiæ infusio, sic adhuc habet veritatem, licet non ita plene: aut enim est infusio iustitiæ in paruulo, aut in adulto. Si in paruulo: sic dicitur esse iustificatio per fidem, non propriam, sed parentum, vel totius Ecclesiæ, sicut dicit Augustinus ad Bonifacium. Si autem sit iustificatio in adulto, sic cum quatuor concurrant ad iustificationem, scilicet gratiæ infusio, contritio, motus liberi arbitrij, & peccati remissio, sicut dicunt Magistri: & motus liberi arbitrij sit motus qui pertinet ad virtutem fidei, non inconuenienter dicitur adultus per fidem iustificari: nec huic obstat quod iustificatur per gratiam. Illa enim quatuor necessario requiruntur ad iustificationem impij: & ideo aliquando homo dicitur iustificari per gratiam, aliquando per fidem, aliquando per pœnitentiam, quia peccati remissio præsupponit illa tria, & per hoc patent obiecta. Ista enim melius explanantur in libro Quarto.

ARTICVLVS I.

AD intelligentiam huius partis supposita gratiæ entitate, & necessitate, quia hoc infra quæretur suo loco, quæritur hic de gratiæ quidditate. Hoc enim inquit Magister in litera, & circa hoc quæruntur sex. Primo quæritur, vtrum gratia sit aliquid circa acceptantem, vel circa acceptatum. Secundo dato, quod gratia sit aliquid circa acceptatum, quæritur, vtrum sit donum increatum, vel creatum. Tercio, vtrum sit in genere substantiæ, vel accidentis. Quarto quæritur, vtrum sit in genere accidentis corruptibilis, vel incorruptibilis. Quinto quæritur, vtrum primo insit essentiæ animæ, aut potentiis. Sexto, & vltimo quæritur, vtrum insit ad modum perfectionis tantum, an etiam per modum motoris.

QVÆSTIO I.

An gratia ponat aliquid circa gratificatum.

*Alex. Alenf. 3. p. de gratia, q. 2. Membrum 1. & 2.
S. Tho. 1. 2. q. 109. art. 1.
Et 2. Sent. dist. 26. q. 1. art. 1.
Et de Verit. q. 27. art. 1.*

S. Bonauent. Operum Tom. IV. Pars II.

*Scotus 2. Sent. dist. 26. q. 1.
Ægid. Rom. 2. Sent. d. 26. p. 2. q. 1. art. 1.
Et Quod. 6. q. 5.
Thom. Arg. 2. Sent. dist. 26. q. 1. art. 1.
Greg. Arim. 2. Sent. dist. 26. q. 1.
Steph. Brulef. 2. Sent. dist. 26. q. 1.
Gabr. Biel. 2. Sent. dist. 26. q. 1.*

QVOD gratia Dei aliquid ponat circa gratificatum, sic ostenditur. Dicitur enim: De plenitudine eius accepimus gratiam pro gratia. Si igitur, quod accepimus in nobis est, diuina gratia in gratificatis, siue acceptatis à Deo habet esse.

ITEM diuisiones gratiarum sunt, idem autem spiritus, diuidens singulis prout vult: hoc autem non esset, nisi gratiæ donum in singulis aliquid poneret: ergo, &c. Si tu dicas, hoc esse dictum de gratia gratis data, tunc arguitur à minori, quod si gratia gratis data aliquid ponit in gratificato: multo magis gratia gratum faciens, quæ maioris est efficaciz, & magis reddit ipsum gratificatum Deo acceptabilem.

ITEM gratia gratum faciente efficitur quis dignus superna beatitudine: sed omnis dignitas aliquid ponit in eo, in quo est: ergo dignitas retributionis æternæ aliquid ponit in eo, qui dignus est: hoc autem non est nisi gratia: ergo, &c.

ITEM culpa ex qua Deus hominem odit, & reprobatur, ponit aliquam deformitatem in eo, qui reprobatur: ergo pari ratione gratia, ob quam Deus aliquem diligit, & approbat, aliquid ponit in eo qui acceptatur.

ITEM contingit aliquem, qui non est gratus Deo fieri gratum: sed hoc non est propter mutationem aliquam factam ex parte Dei acceptantis: ergo hoc est propter mutationem aliquam factam ex parte hominis acceptati: sed talis mutatio nihil ab homine tollit: ergo aliquid circa hominem acceptatum ponit.

ITEM Deus est æquus ponderator: ergo non magis acceptat vnum hominem, quam alium, nisi aliquid donum, vel aliquid bonum sit in vno, quod non est in altero: hoc autem vocamus ipsam gratiam: ergo gratia Dei aliquid ponit circa ipsum gratificatum, & acceptatum à Deo.

1. SED CONTRA: Dedit Dominus gratiam Danieli in conspectu principis eunuchorum, &c. Sed constat, quod tunc nihil nouum collatum est Danieli ad hoc, quod acceptaretur ab illo eunuchorum principe: si ergo Deus est benignior, & ad acceptandum promptior, videtur quod nihil oporteat in homine poni ad hoc, quod acceptetur à Deo: si igitur gratiam Dei habere non est aliud, quam Deo esse acceptum, videtur, &c.

2. ITEM videmus experimento, quod homo homini efficitur gratus ex solo aspectu; nec aliquid dat homo homini, cum suscipit illum in gratiam suam: ergo pari ratione non oportet aliquid dari homini, ut suscipiatur in gratiam Dei.

3. ITEM omnis ille est alij gratus, qui est ab eo dilectus: sed subiectio Dei non ponit circa dilectum aliquid nouum, quoniam dilexit nos ante mundi constitutionem, ut habetur. Dilexit etiam nos, cum adhuc peccatores essemus, sicut dicitur. Ergo pari ratione nec illa acceptatio, siue gratificatio aliquid ponit circa gratificatum.

4. ITEM solis precibus alicuius sine aliquo munere interueniente potest quis amicus & gratus effici alicui, cuius prius erat inimicus, & odiosus. Si igitur hoc est in homine, cum Deus multo prouior sit ad miserendum, quam homo, videtur quod multo fortius possit hoc reperiri circa gratiam Dei.

5. ITEM sic se habet gratia ad gratificatum, & acceptatio ad acceptatum, sicut se habet laus ad laudatum: sed laus nihil ponit circa laudatum, sed circa laudantem: ergo nec gratia circa gratificatum, sed circa gratificantem.

6. ITEM abundantioris charitatis est diligere, & acceptare eum, qui minus est dignus amore, sicut inimicum, quam amicum: ergo diuina charitas, & bonitas

non solum acceptat bonos, sed etiam quantumcunque malos, non solum dignos, sed etiam quantumcunque indignos: ergo diuina acceptatio, siue gratificatio non videtur aliquid ponere circa ipsum acceptum, aut gratificatum.

CONCLUSIO.

Gratia in gratificato aliquid positum ponit.

RESP. AD ARG. Dicendum quod gratia diuina aliquid ponit circa gratificatum, siue acceptatum. Et ratio huius est, quia diuina voluntas in acceptando non afficitur, diuina veritas in approbando non fallitur, & neutra earum in gratificando mutatur. Quia diuina voluntas in acceptando non afficitur, nec acceptat aliquem propter nouum affectum, necesse est quod acceptet propter aliquem effectum, & ita aliquis effectus ponitur esse circa eum, qui acceptatur. Quia veritas diuina in approbando non fallitur, ideo non præfert vnum alteri, nec approbat magis vnum, quam alterum, nisi quia habet in se aliquid, quod est magis dignum approbatione diuina. Neminem autem acceptat, nisi quem approbat, & ita nemo est gratus vel Deo acceptus, nisi in se habeat aliquid, per quod sit approbatione dignus. Quia vero voluntas non mutatur in acceptando, nec veritas in approbando, cum aliquis de nouo incipit approbari, vel acceptari, & nulla cadit mutatio ex parte Dei acceptantis vel approbantis, necesse est quod aliqua cadat mutatio ex parte acceptati & approbati: sed hoc non est, quia aliquid ei aufertur: est ergo mutatio, quia aliquod donum sibi à Deo confertur: & sic patet quod gratia aliquod donum ponit circa ipsum gratificatum. Vnde concedendæ sunt rationes hoc ostendentes.

1. 2. AD illud primo quod obiicitur in contrarium de gratia humana, de qua dicitur quod Deus dedit gratiam Danieli, & c. dicendum quod illud simile deficit in tribus conditionibus præassignatis. Tum quia homo in acceptando afficitur, tum quia iudicium eius frequenter decipitur, tum etiam quia, cum de non acceptante fit acceptans, in seipso mutatur: hoc autem in Deo non ponitur: & ideo non est simile. Et per hoc patet primum & secundum obiectum.

3. AD illud quod obiicitur de dilectione, quod non ponit aliquid in dilecto, dicendum quod non est simile, pro eo quod dilectio se extendit non solum modo ad præsens, verum etiam ad futurum. Vnde non tantum diligit nos Deus dilectione temporali, sed etiam æterna: acceptatio vero, & glorificatio solum ad præsens se extendit: & ideo effectum non solum in habitu, sed etiam in actu ponit circa ipsum acceptatum, & gratificatum.

4. AD illud quod obiicitur, quod solæ preces reconciliant, dicendum quod illud locum habet, vbi reconciliatio fit per mutationem affectionis, vt cum aliquis, qui alicui prius erat iratus, per preces alicuius mitigatur: hoc autem circa Deum non ponitur, etsi aliquando in Scriptura dici videatur irasci, vel iratus, figuratiue intelligendum est, videlicet per *Αἰσχρολογία*.

5. AD illud quod obiicitur de laude, dicendum quod sicut laus creaturæ non potuit aliquid circa laudatum: sed circa laudantem, sic etiam gratia, qua vnus homo alterum acceptat. Deus autem, qui non verbo eum laudat, sed approbatione, laudando, aliquid ponit circa laudatum. Vnde ex hoc non sequitur, quod gratia diuina nihil ponat. Posset tamen dici, quod non est simile de laude, & gratia, quia laus respicit personam extrinsecam, cui laudatus ipse manifestus efficitur: sed acceptatio respicit bona intrinseca, ex quibus vna persona redditur alteri accepta.

6. AD illud quod obiicitur, quod maioris charitatis est acceptare eum, qui minus dignus est, dicendum quod acceptatio non tantum respicit opus, vel effectum siue donum largitatis, sed etiam iudicium veritatis. Qui enim alterum acceptat, ipsum etiam approbat. Et quoniam diuina veritas, & æquitas non potest approbare

nisi bonum & æquum, nullus, quandiu manet in sua iniquitate, potest esse Deo acceptus, etsi etiam multa beneficia à Deo sibi impendantur. Et sic patet, quod ratio sua non cogit, quia sic est diuinæ largitatis immensitas, vt non excludatur diuinæ veritatis infallibilis æquitas.

QUESTIO II.

An id quod ponit gratia in gratificato sit creatum, vel increatum.

*Alexander Alensis 3. p. q. 2. de gratia, Membr. 2.
S. Thom. 1. 2. q. 109. art. 2.
Et 3. contra Gent. cap. 150.
Aegid. Rom. 2. Sent. p. 2. d. 26. q. 1. art. 1.
Thom. Arg. 2. Sent. dist. 26. q. 1. art. 1.
Greg. Arim. 1. Sent. dist. 14. q. 1. art. 1.
Marfilus Luguen. 2. Sent. q. 17. art. 1.
Steph. Brulef. 2. Sent. dist. 26. q. 2.
Gabr. Biel. 2. Sent. dist. 26. q. 1.*

SUPPOSITO quod gratia aliquid ponat circa gratificatum, queritur, vtrum illud sit creatum, vel increatum. Quod sit increatum, videtur per illud quod dicit Damascenus in libro de Spiritu sancto: Dicimus substantiam donorum Dei esse Spiritum sanctum, nec estimare debemus Spiritum sanctum secundum substantiam esse diuisum, quia multitudo donorum dicitur, impartibilis enim est & indiuisibilis: sed iuxta differentes intellectus multis donorum vocabulis nuncupatur. Si igitur Spiritus sanctus est donum increatum, reicitur quod gratia gratum faciens dicit quid increatum.

1. **ITEM** hoc ipsum ostenditur per effectus, siue actus gratiæ quos dicitur habere in gratificato, qui ex diuersis auctoritatibus nouem esse colliguntur. Gratiæ enim est recreare, gratiæ est animam informare, viuificare, illuminare, assimilare, vnire, stabilire, acceptabilem Deo reddere, & affectum sursum ducere & eleuare.

Ex primo actu arguitur sic: Eodem recreat Deus qui creat, & æqualis virtutis, vt dicit Augustinus. ei recreare, & creare: si ergo Deus seipso creat, non per aliquid creatum: ergo seipso recreat, & reformat, non per aliquid creatum: sed illud, quo recreat, est gratia: ergo, & c.

3. Ex secundo actu arguitur sic: Pars virtutis est formare mentem quantum ad effectum, & quantum ad intellectum: sed mens immediate à prima veritate formatur quantum ad intellectum, vt dicit Augustinus: ergo & immediate quantum ad effectum à prima bonitate formatur: sed animam formare quantum ad effectum, est ipsius gratiæ: ergo gratia non est aliud quam bonitas summa.

4. Ex tertio actu, vel effectu arguitur sic: Si viuificare animam est actus gratiæ gratum facientis, & Deus animam viuificat seipso, non per medium creatum: ergo gratia non est aliud, quam Deus. Minor probatur per Augustinum qui dicit quod sicut corpus viuit anima, ita anima viuit Deo: sed anima seipsa viuificat corpus: ergo Deus seipso viuificat spiritum.

5. Ex quarto actu, vel effectu arguitur sic: Si sol per sui essentiam esset præsens oculo, non esset necessaria aliqua luminis influentia ad hoc quod efficeretur oculus luminosus: si igitur sol iustitiæ Deus est præsens omni creaturæ, & essentialiter est in anima vniuscuiusque, videtur quod nulla influentia luminis sit necessaria ad illuminationem animæ: si igitur impossibile est Deum aliquid facere frustra, videtur quod gratia illuminans animam, nihil aliud sit quam diuina Essentia.

6. Ex quinto actu, vel effectu arguitur sic: Si color esset sua similitudo, non esset necessaria nouæ similitudinis generatio ad hoc quod oculus conformaretur ipsi colori, maxime si color ipse esse posset in oculo: sed in Deo propter suam simplicitatem non differt veritas, & similitudo. Filius enim, qui est similitudo patris, est eiusdem essentiae cum patre: si ergo gratiæ est Deo assimilare, & gratia est similitudo Dei, impossibile est gratiam esse aliud à Deo.

7. Ex sexto actu, vel effectu arguitur sic: Medium

Ad oppositum.

Αἰσχρολογία, id est humanus affectus.

13. de Civ. Dei cap. 2. tom. 5. Et in Ioan. 1. 14. 47. 1. 1. 9.

vniendi

vniendi plus coniungitur vtrique extremorum quam extremum extremo : sed Deus est intimus animæ : ergo A impossibile est, quod inter Deum & animam cadat aliquid medium vnitium, quod sit ab vtroque extremorum diuersum : si igitur gratiæ est vnire animam Deo, cum gratia non sit anima, necesse est gratiam esse Deum.

8. Ex septimo actu, vel effectu arguitur sic : Impossibile est vanitatem per vanitatem stabiliri : sed si stabilitur per veritatem. Si igitur omnis creatura vanitas est, aut gratiæ non est stabilire animam, aut non est aliquid creatum : sed gratiæ est stabilire animam in bonum : hoc planum est : ergo gratia non est donum creatum, sed increatum.

9. Ex octauo actu, vel effectu arguitur sic : Eodem ipso acceptat Deus aliquem, quo amat : sed Pater, & Filius diligunt nos Spiritu sancto, sicut sancti dicunt, & B habitum fuit in primo libro, non aliquo creato : ergo acceptat nos Spiritu sancto, non per aliquod donum creatum : si igitur gratia est illud, quo Deus animam accipiat, & reputat animam gratam, videtur, &c.

10. Ex nono actu, vel effectu arguitur sic : Nihil potest mentem nostram supra se eleuare, nisi illud quod est mente superius : sed solus Deus maior est mente rationali : ergo solius Dei est ipsam supra se eleuare : sed iste actus, vel effectus dicitur esse gratiæ : ergo impossibile est gratiam gratum facientem esse aliquid à Deo diuersum. His nouem rationibus colligitur quod gratia non est donum creatum, sed increatum.

Ad oppositum arguitur primo rationibus ostensiuis, secundo rationibus inducentibus ad impossibile. Ad ostendendam autem gratiam gratum facientem esse donum creatum, primo adducatur robur auctoritatis, & secundo violentia rationis. Dicitur enim : Diuisiones gratiarum suat, idem autem spiritus : sed non est diuisio boni increati : ergo doni creati : ergo, &c. Quod si dicas auctoritatem istam debere intelligi non de gratia gratum faciente, sed de gratia gratis data : Obicitur tunc per verbum Augustini ad Bonifacium dicentis : Gratia mereatur augeri, vt aucta mereatur perfici. Circa igitur idem donum consistit meritum, & augmentum : sed augmentum non consistit nisi circa donum creatum, meritum autem non consistit nisi circa donum gratiæ gratum facientis : ergo gratia gratum faciens est quid creatum. Quod si dicas augmentum illud attendi in gratia non secundum id, quod est, sed secundum effectum : adducitur ad hoc auctoritas Magistri in litera, quam sumit ex verbis Augustini ibi : Et si diligenter intendas, nihilominus tibi demonstratur, quæ sit ipsa gratia voluntatem præueniens, & præparans, scilicet fides cum dilectione. Si ergo fides est donum creatum, restat quod & ipsa gratia voluntatem præparans donum creatum sit.

ITEM hoc ipsum ratione ostenditur, & ex omnibus istis actibus gratiæ assignatis vna colligitur ratio. Si enim gratiæ est reformare, & informare, & viuificare, sic de aliis, cum omnis talis actus sit ab aliquo, sicut à principio formali, non enim est informatio, nec reformatio, nec viuificatio, & sic de aliis sine forma, necesse est aliquid donum poni in anima, quod sit animæ ipsius informatiuum : sed Deus nullo modo potest esse forma perficiens, quamvis possit se habere in ratione formæ exemplaris : ergo præter donum increatum quod Deus est, ad hoc quod anima gratificetur, necesse est ponere donum creatum. Huius autem rationis necessitas colligitur ex nouem mediis, ex quibus nouem possunt formari argumenta : sed tantum valet illa in vnum medium colligere, quantum diuisim explicare. Sic igitur rationibus ostensiuis apparet, gratiam gratum facientem esse donum creatum.

ITEM hoc videtur rationibus ducentibus ad impossibile, quarum prima hæc est : Aut gratia gratum faciens ponit aliquid creatum in gratificato, cum Deus de non grato facit gratum, aut nihil. Si nihil : ergo nulla sit mu-

tatio ex parte creaturæ gratificatæ : ergo sit mutatio ex parte gratificantis : quod est impossibile. Et iterum : Si nihil creatum poneret, non esset melior ille qui est Deo gratus, quam ille qui non est gratus. Si igitur hoc est impossibile ponere, quod gratus Deo non sit melior quam non gratus, & impossibile est quod sit melior, nisi aliquam bonitatem habet, quam alter non habet, & hoc non potest esse nisi quid creatum, necesse est quod gratia aliquid creatum ponat in gratificato. Si igitur ponit aliquid creatum, aut est donum, siue aliquis habitus, aut est actus, siue diuini vsus. Si est donum, & aliquis habitus, habeo propositum, scilicet quod gratia in gratificato ponit aliquod donum creatum. Si vero est actus, vel vsus, ergo non plus ponit in gratificato, quam in non gratificato nisi quando operatur : ergo non erit gratia in paruulis baptizatis, & in iustis dormientibus magis, quam in non baptizatis, & in hominibus peccatoribus : quod si hoc falsum est, & alienum à fide, necesse est, gratiam aliquod donum creatum in gratificato ponere.

ITEM hoc ipsum ostenditur alia ratione : Tam ex fide quam ex auctoritatibus oportet supponere, quod impossibile est aliquid meritum esse sine gratia, & hoc melius manifestabitur infra. Hoc igitur supposito, quæro tunc, aut gratia est aliqua proprietas liberi arbitrij, aut omnino nominat aliam substantiam diuersam. Si est aliqua proprietas liberi arbitrij, habeo propositum, videlicet, quod gratia in libero arbitrio est aliquid donum creatum. Si gratia non est aliqua proprietas liberi arbitrij, sed Deus : cum liberum arbitrium exit in opus meritorium quod est supra ipsum, in merendo potius agitur, quam agit, & mouetur, quam moueat : & si hoc, sicut motus sursum nec attribuitur lapidi, nec est ex eo lapis laudabilis, vel vituperabilis, sic opus meritorium nullo modo est libero arbitrio attribuendum : & ita nec liberum arbitrium ex illo erit aliquo præmio dignum : quod si hoc est impossibile & falsum, restat igitur quod illud falsum est quod dicitur, gratiam non esse aliquid donum creatum.

CONCLUSIO.

Gratia quæ in gratificato ponitur, est aliquid creatum, Deo hominem conformans & assimilans, & Deo amicum reddens.

D RESP. AD ARG. Ad prædictorum intelligentiam est notandum, quod circa hanc quæstionem sapientes opinantur contrariū sapientibus. In hac enim quæstione aliquid est quod fides determinat, aliquid quod ratio inuestigat. Fides, & Scriptura determinat quod absque gratiæ dono impossibile est placere Deo. Determinat etiam quod absque dono increato quod est Spiritus sanctus, homo non potest fieri Deo acceptus, nec assumi in adoptionem filiorum Dei : & ideo omnes recte intelligentes concedunt in iustis esse gloriæ donum, ita vt credant etiam in eis esse donum increatum quod est Spiritus sanctus, & hoc à fide, & à Scriptura determinatur : & ideo, qui contrarium huius sentiret, esset hæreticus. Sed vnum præter donum increatum sit in nobis ponere donum creatum, per quod simus Deo accepti, vel non, quia non expresse determinatur Scripturæ auctoritate, inuestigatur à doctoribus rationū probabilitate. Et quoniam tam habitus, quam dona, quam etiam virtutes cognosci habent per proprias operationes, ideo secundum diuersam comparisonem actuum, & effectuum gratiæ ad ipsam gratiam, diuersæ sunt super hoc doctorum opinioniones. Sicut enim prædictum fuit in opponendo, gratiæ est recreare, gratiæ est animam informare, gratiæ est viuificare, illuminare, assimilare, vnire, stabilire, acceptum facere, sursum leuare. Hos igitur actus quidam comparauerunt ad gratiam sicut ad principium effectiuum. Et quoniam Deus sufficit ad hos actus, vel effectus perficiendos in rationali creatura, & solū Deū decet pro sua dignitate, & soli Deo sūt passibiles pro sua difficultate:

Nunc est articulus fidei per concil. Trid. sess. 6. can. 11. & cap. 7. Opinio 1.

ideo dixerunt quod donum creatum ponere ad hos effectus perficiendos in homine est superfluum, & indecens, & impossibile. Alij vero comparauerunt effectus prædictos ad gratiam, sicut ad formam: necessarium enim est quod viuificatio, & informatio ab aliquo sit, sicut ab efficiente, & ab aliquo, sicut ab informante. Et quoniam nec est possibile, nec decens Deum esse formam perfectiorem alicuius creaturæ; ideo præter donum creatum quod comparatur ad hos actus, tanquam principium effectuum, conueniens est, & opportunum ponere donum creatum, per quod anima informetur. Hanc autem positionem præferendam credo priori, tum quia securior, tum quia etiam rationabilior. Securius namque est, quia consonat communitati Magistrorum, & verbis expositorum, & pierati Sanctorum. Doctores enim Parisienses communiter hoc sentiunt, & senserunt ab antiquis diebus. Verba etiam expositorum hoc prætendunt, qui gratiam in sacramentis dari, & usu virtutis augeri dicunt. Præ etiam mentes, & humiles huic positioni consentiunt pro eo quod etsi donum gratiæ non possit ita percipi à quocunque, viros tamen sanctitate præclaros aliquando non latet diuinæ bonitatis influentia, quam intra semetipsos potius experiendo, quam ratiocinando cognoscunt. Hoc etiam piarum mentium est, ut nihil sibi tribuant, sed totum gratiæ Dei. Vnde quantumcunque aliquis det gratiæ Dei, à pietate non recedit, etiam si multa tribuendo gratiæ Dei, aliquid subtrahat potestati naturæ, vel libero arbitrio. Cum vero aliquid gratiæ subtrahitur, & naturæ attribuitur quod est gratiæ, ibi potest periculum interuenire. Et propterea cum ista positio, quæ ponit gratiam creatam & incretam, plus gratiæ Dei tribuat, quam alia, & maiorem ponat in natura nostra indigentiam, hinc est quod pietati & humilitati magis est consona, & propterea est magis securior. Esto enim quod esset falsa: quia tamen à pietate, & humilitate non declinat, tenere ipsam non est nisi bonum & tutum. Præferenda est igitur hæc opinio priori, pro eo quod est securior, & magis recedit ab errore Pelagij. Quis enim negare secure audeat in nostra gratificatione, aliquod donum creatum nobis à Deo conferri. Timere enim debet unusquisque, ne forte negando donum gratiæ creatæ, efficiatur aduersarius gratiæ incretæ. Præferenda est etiā, quia rationabilior. Sicut enim in opponendo ostensum est, rationabiliter tales effectus, & actus non possunt cogitari in nobis esse, quin sint ab aliquo sicut efficiente, ab aliquo sicut informante. Quo modo enim actus verus informationis, & viuificationis erit in anima, nisi sit aliqua forma complens, à qua anima informetur? Et ideo secundum hanc positionem comparatur ipsa gratia creata influentiæ luminis, & principium eius comparatur soli. Vnde & Scriptura vocat Deum, siue Christum solem iustitiæ: quia sicut ab isto sole materiali influitur lumen corporale in aëre, per quod aer formaliter illuminatur, sic à sole spirituali, qui Deus est, influitur lumen spirituale in animā, à quo anima formaliter illuminatur, & reformatur, & gratificatur, & viuificatur. Vnde inter omnia corporalia maxime assimilatur gratiæ Dei luminis influentia: sicut enim hæc est quædam influentia, quæ assimilat corpora ipsum suscipientia ipsi fonti luminis quantum ad proprietatem, sic gratia, quæ est spiritualis influentia, mentes rationales fonti lucis assimilatur, & conformat. Hæc autem influentia recte dicitur gratia, tum quia datur ex mera liberalitate, nulla naturæ cogente necessitate. Non enim oritur ex principiis subiecti nec à Deo exit de necessitate, sed sua mera benignitate. Tunc etiam gratum facit. Dum enim hominem Deo conformat, & assimilatur, reddit ipsum Deo amicū, & facit Deo esse placitum, & acceptum. Tum etiam quia facit hominem gratis facere ea quæ facit. Affectus enim hominis recurus est, & mercenarius quantum est de se. Vnde quod facit, intendendo proprium commodum facit: sed cum diuina gratia superuenit, sic hominem totum gratum facit, ut siue ad utilitatem proximi, siue ad honorem Dei velit, to-

tum gratis facit impendere. Et sic patet quod talis influentia valde rationabiliter gratia nuncupatur. Igitur hanc positionem sustinendo tanquam securiorem, & rationabiliorem, ad obiecta in contrarium facile est respondere.

1. ILLUD enim quod dicit Damascenus, substantiam donorum Dei esse Spiritum sanctum, & si quæ aliæ auctoritates inueniuntur, intelligendæ sunt per causam, & appropriationem, quia Spiritus sanctus est donum, in quo omnia alia dona donantur, & qui est fons omnium donorum: non autem excluditur donum creatum per illud verbum. Sic etiam cum quis tenet equum per frænum dicitur tenere equum, nec sic excluditur tentio fræni, quia tenendo frænum, tenet equum. Sic Spiritus sanctus cum dicitur substantia donorum non excluditur donum creatum, immo includitur. Non enim ob aliud dicitur nobis dari Spiritus sanctus, nisi ex eo quod sic est in nobis à Deo, ut habeatur à nobis. Tunc autem habetur à nobis, quando habitum habemus, quo possimus eo frui, & hoc est donum gratiæ creatum. Et sic patet responsio ad illam auctoritatem, & ad consimiles.

2. 3. 4. 5. 6. AD illud vero quod obiicitur de actu, sine effectu recreationis, quod est à solo Deo, dicendum quod verum est à solo Deo sicut à principio effectuum: nihilominus tamen quia recreatio est rei iam existentis per aliquam dispositionem naturæ reformari, idem est recreatio, & reformatio, & propterea non tantum respicit principium effectuum, sed & principium informatium: non sic est de creatione, quæ simpliciter est de non ente, in qua simpliciter est productio rei, non secundum qualitatem alterationis. Per hanc viam responderi potest ad omnes rationes sequentes. Omnes enim procedunt secundum quod actus illi comparantur ad gratiam, sicut ad principium effectuum: hoc autem modo non sunt à gratia creata, sicut prius dictum est: & istud melius patet, si quis diligenter pertractare voluerit: prætermittitur tamen ad præsens causa vitandæ prolixitatis.

7. 8. 9. 10. AD illud tamen quod obiicitur de vnione, dicendum quod gratia non vnitur quantum ad esse primum, quo Deus est cuilibet creaturæ intimus essentialiter, potentialiter, & præsentialiter: sed gratia est medium veniendi quantum ad cognitionem, & amorem: & quantum ad hunc modum multum distat Deus à peccatoribus.

QVÆSTIO III.

An gratia sit in genere substantiæ, vel accidentis.

Alexander Alensis 3. p. de gratia, q. 2. Membr. 3.

S. Thom. 1. 2. 3. q. 110. art. 2. & 3.

Et 3. p. q. 63. art. 5.

Et 2. Sent. dist. 26. q. 1. art. 2.

Agid. Rom. 2. Sent. p. 2. d. 26. q. 1. art. 2.

Richardus 2. Sent. dist. 26. q. 2.

Steph. Brulef. 2. Sent. dist. 26. q. 3.

Gabr. Biel. 2. Sent. dist. 26. q. 1.

VTRUM gratia sit in genere substantiæ, vel in genere accidentis. Et quod sit in genere accidentis, videtur. Omne quod aduenit substantiæ iam completæ, est accidens: sed gratia aduenit substantiæ iam completæ scilicet animæ rationali: ergo gratia est accidens.

ITEM quod adest & abest præter subiecti corruptionem, est accidens: sed gratia est huiusmodi, sicut patet, quia multi iusti efficiuntur peccatores, & econuerso, ergo, &c.

ITEM omne quod recipit magis, & minus, est accidens: sed gratia recipit magis, & minus, quia maior est in vno, quam in altero, & in eodem ipso secundum diuersa tempora magis intenditur: ergo, &c. Præterea aut gratia est substantia, aut accidens. Si est accidens, habeo propositum. Si substantia, aut substantia materia,

Fundamēta.

Porph. cap. de acc.

aut

aut substantia forma, aut substantia composita. Substantia materia non, hoc constat. Substantia composita non, quia tunc non esset animæ vnibilis. Substantia forma non, quia tunc ex gratia & anima fieret vnum per essentiam, ergo si non est substantia, restat quod sit accidens.

ITEM si est substantia, aut corporalis aut spiritualis. Non corporalis, hoc constat. Si spiritualis, aut Deus, aut Angelus, aut anima rationalis: sed constans est quod gratia creata nec est Deus, nec est Angelus, nec rationalis anima: ergo restat quod gratia creata sit in genere accidentis.

ITEM nulla substantia est habitus: sed gratia est quidam habitus animam decorans, & ornans, sicut dicitur super illud Psalmi: Vt exhilaret faciem in oleo. Gratia est quidam nitor animi, &c. ergo gratia non est substantia; & est substantia, vel accidens: ergo, &c.

SED CONTRA: Nullum accidens est nobilius substantia: sed gratia est nobilior anima quam perficit, & complet, sicut perfectio est nobilior perfectibili: ergo gratia non est accidens: & est accidens, vel substantia: ergo, &c.

1. ITEM nullum accidens est substantiæ similis quam substantia: sed gratia inter cæteras creaturas est Deo: melior, & Deus est substantia: ergo gratia est in genere substantiæ.

3. ITEM nullum accidens est stabilius quam substantia, pro eo quod substantia præbet fulcimentum accidenti, non è conuerso: sed gratia stabilis ipsam animam, & confirmat in bono, nec potest ipsa gratia aliquo modo incurvari in malo: si igitur anima est substantia, gratia est substantia.

4. ITEM omnis forma, quæ est principium vitæ, est in genere substantiæ: sed gratia est principium vitæ, & nobilissimæ vitæ: ergo gratia est in genere substantiæ.

5. ITEM tria sunt genera bonorum, scilicet bona media, bona minima, bona maxima, sicut vult Augustinus in libro de libero arbitrio: sed bona minima, & bona media sunt in genere substantiæ: ergo multo fortius, & bona maxima: & gratia est de bonis maximis: ergo, &c.

6. ITEM omne accidens quod inest alicui, vt accidens, aut inest per se, aut per accidens: si igitur gratia inest animæ, vt accidens, aut igitur inest per se, aut per accidens. Si per se, ergo habet ortum ex propriis principiis subiecti: ergo iam non erit gratia, sed naturalis proprietates. Si per accidens: sed omne per accidens reducibile est ad per se: ergo si gratia inest animæ per accidens, erit aliud subiectum, cui inest per se: quæro igitur, quid sit illud: si autem non est aliquod tale dare, restat quod gratia non est accidens, & est accidens, vel substantia: ergo, &c.

CONCLUSIO.

Gratia quæ est forma homini inhaerens, est accidens, & non in genere substantiæ.

RESP. Ad Arg. Dicendum quod ponentes gratiam donum esse creatum, nec esse habent ponere gratiam esse in genere accidentis. Ad cuius intelligentiam notandum est quod est aliquod accidens quod comparatur ad aliquid, sicut ad subiectum, & ad causam: aliquod quod solum comparatur ad aliquid, sicut ad subiectum, & ad aliud sicut ad causam, verbi gratia, nigredo in coruo comparatur ad ipsum coruum, sicut ad subiectum, & causam, lumen in aëre, vel species in speculo comparatur solum sicut ad subiectum, non sicut ad causam, quia etsi ibi recipiatur, aliunde tamen habet ortum. Tale autem accidens quod comparatur ad aliquid, sicut ad subiectum, & ad aliud, sicut ad causam, potest esse sub triplici differentia. Quoddam enim est quod habet ortum ab inferiori, quoddam quod habet ortum à pari, quoddam quod habet ortum à superiori. Sicut ab inferiori, vt species lapidis in oculo, vel etiam

A in intellectu nostro. Sicut à pari, vt similitudo speculi in speculo. Sicut à superiori, vt lumen in aëre illuminato. Tale autem accidens quod habet ortum à superiori, in quantum accidens est, complementum est, non quantum ad esse primum, sed quantum ad esse secundum. Quia vero à superiori est, habet nobilitare subiectum in hoc quod iungit ipsum, & conformat ei quod est ipso superius. Et si sit tale accidens quod ortum habet ab ente supremo, si eius infusio, vel origo sit secundum perfectam influentiam, non solum habet nobilitare, verum etiam consummare, & quietare: & hoc non facit tantum ratione sui, verum etiam ratione eius, à quo procedit, in quo reperitur omnis perfectio, & bonorum omnium aggregatio, ac per hoc completa beatitudo. Concedendæ sunt ergo rationes probantes gratiam esse B accidens.

1. AD illud quod obiicitur primo in contrarium, quod nullum accidens nobilius est substantia, dicendum quod illa ratio deficit tripliciter. Primum quidem, quia nobilitas substantiæ, & accidentis, & bonitas substantiæ, & accidentis proprie non habent comparari. Accidens enim bonum dicitur non sibi, sed alij, non sicut ordinatum, sed sicut ratio ordinandi: sed ipsa substantia bona est tanquam bonitatis participatiua. Alius etiam defectus est ibi, quoniam etsi nullum accidens nobilius sit substantia, provt accidens comparatur in se quantum ad essentiam generis, siue quantum ad esse primum, nihilominus tamen provt accidens consideratur in subiecto, & includit esse subiecti, quandam nobilitatem superaddit quantum ad esse secundum. Tercius etiam est: quia quod gratia dicatur nobilior anima, & perfectio animæ, hoc non est ratione sui tantum, sed quia vnit bono increato, sicut prædictum est.

2. AD illud quod obiicitur, quod nullum accidens similis est substantiæ quam substantia, dicendum quod sicut dictum est de bonitate, quod alio modo dicitur anima esse bona, alio modo gratia, sic etiam alio modo anima Deo assimilatur, & alio modo gratia. Anima enim Deo assimilatur, sicut diuinz similitudinis susceptiua: gratia vero, sicut ipsa similitudo, vel donum assimilatiuum: vnde non est comparatio proprie inter hunc modum assimilandi, & illum. Alius est etiam defectus: quia cum anima assimiletur Deo propter gratiam, & vbi vnum propter alterum, vtroque tantum vnum, sic non est maior, vel minor assimilatio dicenda in anima gratificata, quam in gratia gratificante. Tertius etiam defectus est: quia etsi substantia plus assimiletur substantiæ in ratione entis, nihil tamen prohibet accidens plus assimilari alicui substantiæ sub ratione proprietatis, sicut anima sapiens plus assimilatur Deo, in quantum est ens per se, quam ipsa qualitas sapientiæ: nihilominus Deo, in quantum est sapiens, plus assimilatur anima in quantum est sapiens, quam in quantum est substantia: sic & in proposito intelligendum est.

3. AD illud quod obiicitur, quod nullum accidens est stabilius substantia, dicendum quod verum est de illo accidente quod comparatur ad aliquid, sicut ad subiectum, & causam; de eo vero accidente quod aliunde habet originem, non habet veritatem, sicut patet in radio exeunte à sole, qui fixus permanet aëre moto. Et quia gratia est tale accidens, ideo illa ratio non habet locum in proposito.

4. AD illud quod obiicitur, quod gratia est forma quæ est principium vitæ, dicendum quod illud habet veritatem de forma, quæ dat viuere: quod spectat ad esse primum: gratia autem est formans vitam, quantum ad esse secundum, siue quantum ad bene esse: & ideo illud non valet: non enim fit vnum per essentiam ex gratificato & gratia, sicut fit vnum per essentiam ex corpore viuificato, & anima viuificante.

5. AD illud quod obiicitur de bonis maximis, & minimis, & mediis, dicendum quod illa diuisio bonorum

est secundum acceptionem boni, quia aliquid dicitur bonum, quia bonum aliq. & utile, sicut patet ex verbis Augustini ibidem: quia bona, & maxima sunt illa, quibus non contingit male uti; & ideo ad gradum bonitatis secundum eum modum, per quem ibi loquitur Augustinus, nihil facit, utrum bonum illud quod dicitur maximum, sit in genere substantiæ, vel accidentis.

6. Ad illud quod quaeritur, utrum insit animæ per se, aut per accidens, dicendum quod per se inest in genere subiecti, sed non per se in genere causæ. Et quia per se inest in genere subiecti, ideo non est querendum aliud subiectum, cui per prius insit. Quia vero non inest per se in genere causæ, ideo non inest omni animæ, nec ex principiis animæ habet originem: ideo quodam modo habet naturam accidentis in hærentis per se, quodam modo naturam accidentis in hærentis per accidens.

QVÆSTIO IV.

An gratia sit in genere accidentis corruptibilis, vel incorruptibilis.

S. Thom. 3. p. q. 63. art. 5.

Richardus 2. Sent. dist. 26. q. 3.

Steph. Brulef. 2. Sent. d. 26. q. 4.

fundamēta.

VTRUM gratia sit in genere accidentis corruptibilis, an incorruptibilis. Et quod sit accidens corruptibile, videtur. Omne accidens quod est in subiecto variabili, secundum quod est variabile, est corruptibile: sed gratia est in subiecto variabili, utpote in anima secundum libertatem arbitrii, in qua consistit mutatio, & veritabilitas: ergo, & c.

ITEM omne accidens quod habet oppositum potens inesse suo subiecto, est corruptibile: sed gratia opponitur culpæ, & culpa potest inesse animæ viri iusti, quandiu est in statu viæ: ergo, & c.

ITEM omne accidens quod est aliunde, & non habet causam in subiecto, potest ab illo separari: sed gratia est in anima, & non habet ortum ab anima: ergo potest separari ab ipsa: sed post separationem non potest in esse conservari: ergo gratia nata est corrumpi.

ITEM omne accidens cuius conservatio pendet ex conversione voluntatis ad Deum, est corruptibile, cum voluntas possit à Deo auerti: sed gratia est huiusmodi: ergo, & c.

SED CONTRA: Anima eo ipso quod est imago Dei, est incorruptibilis; non enim esset imago Dei, sicut dicit Augustinus, si mortis termino clauderetur: ergo cum in gratia consistat imago reformationis, videtur quod gratia sit incorruptibilis.

1. ITEM accidens quod est in subiecto non à se, sed ab alio, non movetur necessario ad motum eius in quo est, sicut patet de specie existente in speculo, & lumine existente in medio: sed gratia est in anima non à se, sed à Deo: ergo non videtur quod ad mutationem, seu ad variationem animæ corrumpatur.

3. ITEM his quæ sunt corruptibilia, dedit divina virtus propagandi potentiam: igitur aut gratia non est corruptibilis, aut si corrumpitur, habet vim producendi gratiam sibi similem: sed gratia non potest sibi similem producere, sicut in primo libro ostensum est: ergo non est corruptibilis de se.

4. ITEM omne quod corrumpitur in tempore, sui diuturnitate senescit in tempore: sed gratia quanto magis durat in homine, tanto perfectior est, & stabilior, & magis renouat spiritum: ergo gratia non videtur corrumpi.

5. ITEM si gratia corrumpitur, aut corrumpitur à Deo, aut à libero arbitrio, aut à peccato. A Deo non, cum gratiam corrumpi sit malum. A libero arbitrio non, cum nullum subiectum corrumpat suam perfectionem. A peccato non, quia peccatum est pura priuatio, & modica gratia potest super omnem culpam: ergo cum nihil habeat corrumpens, videtur quod sit incorruptibilis.

6. ITEM si corrumpitur, aut corrumpitur in aliquid, aut in nihil. Si in aliquid, quæro in quid, nec est quid dare, cum non producat ex aliquo, sed de nihilo. Si in nihil. CONTRA: Nihil quod corrumpitur, cedit omnino in non ens: si igitur gratia nobilissimum est inter omnia accidentia, & Deus non permittit alia accidentia in non ens cedere, videtur quod nec de gratia permittat.

CONCLUSIO.

Gratia, cum in subiecto quod culpam potest admittere recipiatur, ipsam accidens corruptibile necesse est esse, atque in nihilum cedere, eo quod ex nihilo producat.

RESP. Ad Arg. Dicendum quod cum gratia sit accidens, non potest esse præter subiectum in quo est: & cum in subiecto, in quo est, non possit simul cum culpa subsistere, & ipsi subiecto, in quo est gratia, contingat culpam inesse, necesse est gratiam esse quid corruptibile. Rursus: Cum gratia non producat ex aliquo materialiter, sed sit simpliciter donum gratuitum, & omnino desursum descendens à patre luminum, & omne quod corrumpitur in id cedat, unde producit: necesse est gratiam, sicut ex nihilo producit, sic etiam in nihilum redigi cum corrumpitur. Talis autem modus corrumpendi non solum competit gratiæ ratione sui initij, sed etiam ratione esse proprii, siue modi existendi. Ratione, inquam, sui initij: quia, sicut dictum est, sicut ex nihilo producit, ita in nihil redigitur, quemadmodum in aliis accidentibus consimiliter reperitur quod in id redeunt, unde exeunt, cum producantur. Competit etiam hoc ei ratione esse proprii, siue modi existendi. Quoniam cum gratia non causetur ex principiis eius, in quo est, sed aliud habeat pro subiecto, aliud pro causa, quemadmodum cum lumen corrumpitur, vel similitudo in speculo, vel ipsa species in anima, non corrumpitur illud, in quo est, nec redit ad illud, à quo est, sed quantum est de se, in nihil cedit: sic gratia, quia non habet esse in anima per modum naturæ, sed per modum habitus, ut prius habitum est, nec ex principiis animæ producit, cum corrumpitur, in nihil redigitur: & propterea peccatum, in quo sit gratiæ corruptio, dicitur esse nihil, & inter omnes corruptiones summo auctori, & conservatori omnium bonorum maxime displicere dignoscitur. Concedendæ sunt igitur rationes ostendentes quod gratia corrumpitur.

1. Ad illud ergo quod primo obiicitur in contrariū, quod in gratia reperitur ratio imaginis, sicut in anima, dicendum quod aliter & aliter reperitur imago hic, & ibi. Anima enim est imago Dei, quia capax Dei est, & particeps eius esse potest, & ita propter beatitudinem facta est, & ad beatitudinem apta: quæ, inquam, beatitudo non potest inesse, nisi substantiæ immortalis: ideo necesse est, animam immortalem esse. Gratia vero ex hoc solo dicitur imago, quia est imaginis reformatio: & quoniam illa imago per gratiam reformata potest deformari, hinc est quod gratia potest corrumpi, nec valet illa ratio, quia hinc inde non est consimilis imaginis acceptio.

2. Ad illud quod obiicitur, quod accidens quod non habet ortum à subiecto, non mutatur ad mutationem subiecti, dicendum quod hoc non est propter hoc solum quod habeat ortum aliunde, sed quia non dependet ab eo, in quo est, sicut patet in radio, & lumine. Gratia autem non solum dependet ab eo, à quo est, sed etiam ab anima, in qua est, nec persistit in ea, nisi quandiu habet faciem suam, siue mentem ad Deum conversam.

3. 4. Ad illud quod obiicitur, quod rei corruptibilis debet dari virtus propagandi, dicendum quod illud verum est, quando illa res est nata talem virtutem suscipere, & quando etiam illa corruptibilitas inest rei ex defectu propriæ naturæ: neutrum autem horum competit

gratiæ.

Ad oppositum.
August. de
quantitate
anima, c. 2.
som. 1.

Iacob. 1. b

Aug. 14. de
Trin. cap. 3.
som. 3.

gratiz. Nam gratia nata est immediate ab ipso Deo pro-
cedere, nec aliquo modo corrumpitur, nisi propter auer-
sionem mentis nostræ à rectitudine veritatis æternæ. Et
per hoc patet responsio ad sequens quod obiicitur, quod
omne quod corrumpitur, senescit in tempore: hoc enim
verū est de eo quod habet causam corrupti- nis intra se.

5. Ad illud quod quæritur, à quo corrumpitur, vtrum
à Deo, vel à peccato, vel à libero arbitrio, dicendum
quod ipsa gratia deficit in seipsa. Si autem quærat
ratio huius, quare deficit, hoc est propter auer-
sionem mentis humanæ. Cum enim gratia non saluetur, nisi ex con-
tinuatione influentiæ à bonitate diuina super faciem
mentis nostræ, quando anima à Deo auertitur per pec-
catum, influentia non continuatur, & per consequens
gratia corrumpitur: & ideo quodam modo gratia per
peccatum dicitur corrumpi, non quod peccatum agat
in gratiam, sed quia anima per peccatum se auertente, &
Deo cessante influere, necesse est gratiam in se ipsa de-
ficere.

6. Ad illud quod obiicitur, quod nihil quod corrup-
pitur, cedit omnino in non ens, dicendum quod illud
habet veritatem in accidentibus, quæ habent esse natu-
ræ, & in eis quæ causantur ex principiis subiecti, pro
eo quod cum corrumpuntur accidentia, manent nihilo-
minus & saluantur illa principia: & ideo cum talia ac-
cidentia corrumpuntur, non omnino annihilantur. In
his vero accidentibus, quæ habent esse habitus, sicut
similitudo in anima, & lumen in aere, non habet verita-
tem. Non enim similitudo hominis mortui, quæ est in
anima tua, si de anima tua deleatur, & corrumpatur, redit
ad hunc nem illum, vel cum lumen corrumpitur redit ad
solem, maxime si corruptio luminis fiat per corporis in-
terpositionem. Nisi forte quis dicat, ad originem suam
redire pro eo quod adhuc saluatur in suo principio effe-
ctiuo quod potest producere illi simile. Quia igitur gra-
tia habet se ad modum habitus, & ex nihilo produci-
tur, vt prius habitum est, ideo illa propositio non ha-
bet hic locum. Et si tu quæras, vnde hoc est quod Deus
permittit perire tam nobile accidens, satis facile est res-
pondere. Similis enim quæstio est si quærat, cū Deus
diligat amicos suos, & plus diligat vnā animam san-
ctam, quam diligat cælum, & terram, quid est quod per-
mittit animam sanctam à se separari, & non permittit
cælū, & terram corrumpi? Ad hoc respondebit, qui sane
intelligit quod hoc cursui rerum cōgruit, & sic Deus
res, quas condidit, administrat, vt eas agere proprios
motus sinat. Et propterea, quia thesaurus gratiæ habeat
in valis fictilibus, quamvis sit valde nobilis, tamen de
facili amittitur, quando procellis tentationum concu-
titur.

QVÆSTIO V.

An gratia primo insit substantia animæ, quam potentiis.

S. Thom. 1. 2. q. 101. art. 4.
Et de Verit. q. 27. art. 6.
Scol. 2. Sent. dist. 26. q. 1.
Agid. Rom. 2. Sent. p. 2. d. 26. q. 1. art. 3.
Richardus 2. Sent. dist. 26. q. 4.
Durand. 2. Sent. d. 26. q. 2.
Stephanus Brulef. 2. Sent. dist. 26. q. 5.
Gabr. Biel. 2. Sent. dist. 26. q. 1.

VTVM gratia primo insit substantiæ animæ, vel
potentiis. Et quod primo, insit substantiæ, videtur.
Nulla potentia animæ est continue in suo actu: sed gra-
tia est continue in suo actu, quia continue reddit homi-
nem Deo acceptum, & gratum: ergo gratia non est in
potentiis animæ.

2. ITEM gratia est vita animæ, sicut dicunt Sancto-
rum auctoritates, & etiam doctores: sed viuere, cum sit
actus substantialis, non inest substantiæ per potentias,
sed potentiis per substantiam: ergo si primus actus gra-
tiæ est viuificare, videtur quod prius respiciat substan-
tiam, quam potentias.

3. ITEM accidens habet numerari per suum pro-
prium subiectum: igitur si gratia primo est in potentiis,
cum potentiæ sint multæ, necesse est gratiam in anima
multiplicari: si ergo in vna anima vna tantum est gra-
tia, videtur quod gratia prius sit in substantia, quam in
potentiis.

4. ITEM in gratia, & virtutibus consistit imago re-
formationis: sed imago reformationis respondet ima-
gini creationis: cum igitur imago creationis consistat in
vnitate essentiæ, & trinitate potentiarum, & tres sint
habitus virtutum, qui respiciunt tres potentias, videtur
quod sit aliquid vnum quod respiciat ipsam animæ
essentiam: sed non est nisi gratia: ergo, &c.

5. ITEM sicut operatio exit à potentia, sic potentia ori-
tur à substantia: ergo sicut non placet, nec acceptatur à
Deo aliqua operatio, nisi prius acceptetur, & gratificetur
potentia, sic impossibile est acceptari potentiam,
nisi prius acceptetur substantia: ergo cum per gratiam
fiat acceptatio, per prius est gratia in substantia, quam
in potentiis.

6. ITEM in paruulis baptizatis est Deus per inhabi-
tantes gratiam, sicut dicit Augustinus de præsentia Dei
ad Dardanium: ergo cum in ipsis nulla sit potentia expe-
dita, gratia non respicit primo expeditionem potentiæ,
sed potius viuificationem substantiæ: & sic per prius
est in substantia, quam in potentia.

SED CONTRA: Augustinus dicit quod gratia se
habet ad liberum arbitrium, sicut sessor ad equum: ergo
residet in anima ratione liberi arbitrij: sed liberum arbi-
trium nominat potentiam: ergo, &c.

ITEM Magister in litera adducit auctoritatem Au-
gustini, in qua diuidit gratiam in præuenientem, & sub-
sequentem, & vtramque istarum diffinit per compara-
tionem ad voluntatem: ergo videtur quod primum &
proprium subiectum gratiæ est ipsa voluntas: sed hæc
est potentia: ergo videtur quod gratia per prius insit
potentiæ, quam substantiæ.

ITEM sicut inter potentiam, & actum cadit medius
habitus, sic inter substantiam, & habitum cadit me-
dia potentia: cum igitur gratia sit in anima vt habitus,
& qualitas quædam, videtur quod ei insit mediantem
potentia: ergo per prius est in potentia, quam in sub-
stantia.

ITEM opposita nata sunt fieri circa idem: sed gratia,
vt gratia, opponitur culpæ in quantum culpa: si igitur
culpa primo & proprie respicit arbitrium liberum, pari
ratione & gratia: igitur per prius erit in potentia, quam
in substantia.

ITEM gratia cum sit donum defursum descendens,
inest animæ secundum suum supremum: sed supremum
animæ, sicut vult Augustinus, est ipsa mens: mens au-
tem non est ipsa substantia animæ, sed potius poten-
tia suprema: ergo videtur quod gratia per prius sit in
potentia.

ITEM gratia habet existere in anima secundum con-
uersionem ipsius animæ ad Deum, & amitti habet se-
cundum auersionem: si igitur illud secundum quod ani-
ma primo auertitur, & conuertitur est potentia: videretur
quod anima per prius sit in potentia, quam in sub-
stantia.

ITEM gratia non est in anima secundum seipsam, sed
secundum influentiam ab aliquo principio quod est
omnino ab ea diuersum: cum igitur anima suscipit gra-
tiam, aut habet aliquam potentiam ad suscipiendam gra-
tiam, aut non. Si non habet potentiam ad hoc: ergo nun-
quam eam suscipiet. Si autem habet potentiam median-
te qua suscipit: aut illa erit ratio aut voluntas, aut ali-
qua alia potentia ab his diuersa: sed non est ponere po-
tentiam aliam in anima præter cognitiuam, & affecti-
uam: ergo videtur quod mediantibus illis gratia susci-
piatur ab anima.

ITEM si gratia inesset animæ secundum substan-
tiam cum possibile sit abstrahi per intellectum substan-
tiam à potentiis, possibile esset intelligere animam esse

Aug. in
Epist. 57.
tom. 2.

Fundamēta.
August. de
ver. apostoli
ser. 12. to. 10.

Ench. c. 32.
tom. 3.

gratiam

gratiam, suis potentiis abstractis: sed omnis anima grata est disposita ad gloriam: ergo potest intelligi per consequens anima gloriosa, abstractis potentiis: sed potentiis abstractis anima nec videt, nec amat Deum: ergo impossibile est animam gloriosam ponere, quæ nec Deum videt, nec Deum amat: sed si hoc est impossibile: ergo illud ex quo istud sequitur.

CONCLUSIO.

Gratia licet appropriate prius animæ substantiam, quam potentias respiciat, proprie tamen inest animæ per potentias.

RESP. ad Arg. Ad prædictorum intelligentiam est notandum quod communis opinio tenet, gratiam primo respicere animæ substantiam, & virtutes primo respicere potentias, ut sic per gratiam in virtutibus fiat reformatio imaginis creatæ, quæ consistit in Trinitate potentialium, & unitate substantiæ. Hæc autem positio potest dupliciter intelligi. Vno modo ut intelligatur quod Deus prius influat gratiam in essentiam, & postmodum influentia illa in substantia redundet in potentias, ut sic sit conformitas gratiæ ad animam, siue pro ut consideratur secundum rationem imaginis, siue pro ut consideratur ut perfectio corporis. Anima enim, ut est perfectio corporis, ratione suæ substantiæ, vel essentiae respicit completionis æqualitatem, ratione vero potentialium respicit organorum diuersitatem. Et iterum: Anima in se & viuere habet, & agere: sed viuere per seipsam, & propriam formam agere vero per potentiam. Per hunc modum si gratia in perficiendo conformatur animæ, sub ratione gratiæ prius debet respicere ipsam animæ substantiam, & per virtutes debet esse perfectio potentialium. Et secundum hunc modum dicendi cum dicitur gratia respicere substantiam, & virtutes potentias, non tantum intelligitur esse dictum per appropriationem, verumetiam per proprietatem. Alio modo potest intelligi prædicta positio per appropriationem quandam: non quia Deus prius influat gratiam in substantiam, quæ in potentiam: sed quia cum anima suscipiat gratiam & virtutes mediante potentia, & tam gratia, quam virtus inest animæ per potentiam: aliter tamen inest hæc & illa. Virtus enim dicit perfectionem respectu operis: gratia vero dicit perfectionem respectu Dei acceptantis. Et quoniam respectu operum potentia distinguitur, hinc est quod virtutes potentias respiciunt, ut distinctas, & tunc sunt in actu, quando potentia sunt in actu. Potentia autem in quantum comparantur ad Deum acceptantem, vnica acceptatione acceptantur cum ipsa substantia cuius sunt, & secundum vnā naturam in eis reperiuntur. Et hinc est quod gratia est vna, sicut est substantia, & est semper in actu continuo: & primo dicitur respicere substantiam: non quia sit in illa absque potentia, vel per prius quam in potentia, sed quia habet esse in potentiis ut continuantur ad vnā essentiam: virtus vero dicitur esse in potentiis, quia in eis est ut referuntur ad operationes diuersas. Et hic modus intelligendi magis consonus est verbis Augustini, qui dicit quod gratia se habet ad liberum arbitrium, sicut leſſor ad equum, qui etiam gratiam cooperantem, & operantem describit per comparisonem ad voluntatem. Magis enim est consonus rationi. Si enim intelligimus gratiam tanquam habitum quendam, & influentiam, quæ inest animæ ad Deum conuersæ, cum talis habilitatio, & influentia susceptio, & conuersio non possit intelligi nisi per potentiam, non videtur posse recte intelligi, quo modo gratia sit in anima, abstracta potentia. Rursus: Si gratia eo dicitur gratia, quia gratificat, & eo ipso quod gratificat, habet oppositionem ad culpam, cum opposita secundum idem nata sint inesse, secundum idem ipsum anima nata est gratificari secundum quod nata est & culpam: culpa autem, & laus, & vituperium inest

animæ, primo secundum liberum arbitrium, ac per hoc & gratiæ donum. Non enim quæcumque acceptatio gratificatio dicitur, sed illa sola, qua Deus sic acceptat animam, ut reputet eam remuneratione dignam, & talis respicit ipsam arbitrii libertatem: & ideo gratia inest animæ, primo secundum libertatem arbitrii: & huius signum est, quia ad eas solas potentias se extendit gratia, ad quas se extendit arbitrii libertas. Concedendæ sunt igitur rationes ostendentes quod gratia inest animæ secundum potentias. Ad rationes autem ad oppositum facile est respondere per iam dicta.

1. QUOD enim obiicitur quod gratia est continue in suo actu, non obuiat ei quod nunc dictum est. Quamvis enim potentia in relatione ad opus non sit in suo actu continuo, & sic non habeat perfici gratia, sed virtute, in comparatione tamen ad substantiam, in qua est, est in suo actu continuo: ita enim debetur quoddam viuere, & quidam actus continuus ipsis potentiis, secundum quod continuantur ipsi substantiæ, quemadmodum & ipsi substantiæ: & ideo secundum hanc comparisonem à gratia sunt perfectibiles. Aliter etiam posset hic dici quod duplex est actus ipsius formæ: vnus qui est à forma per modum informantis, & alter qui est à forma per modum efficientis, sicut albedo subiectum suum dealbat, & oculum disgregat. Quantum ad primum, est omnis forma in actu continuo: quia ille est actus, ut habitus: Quantum vero ad secundum, non. Sic & gratia, quamvis sit in suo actu continuo quantum ad illum actum quem habet per modum informantis, non tamen est in actu continuo quantum ad illum actum, quem habet per modum præuenientis, & subiequentis, siue cooperantis, & operantis.

2. Ad illud quod obiicitur de actu viuificandi dicendum quod et si vita, secundum quod dicit esse primum, prius respiciat ipsam essentiam, quam potentiam: non tamen oportet de vita secundum quod dicit esse secundum. Cum enim sit accidens superadditum, non tantum essentia, sed etiam potentia, habet animæ inesse, potentia mediante, sicut color dicitur esse in corpore ita quod primo in superficie.

3. Ad illud quod obiicitur, quod accidens numeratur per subiectum, dicendum quod verum est quando ea quæ subiiciuntur diuersa sunt, & subiiciuntur ut diuersa: quando vero per eandem naturam subiiciuntur, non oportet esse in accidente diuersitatem, & sic gratia est in potentiis animæ in quantum continuantur ad vnā substantiam, & in quantum communicant in libertate arbitrii, sicut prius dictum. Vnde sicut vna sanitas dicitur esse in omnibus membris hominis, quia est in ipsis secundum quod ad vnā originem reducuntur, & secundum quod in complexione conueniunt, sic & in proposito intelligendum est.

4. Ad illud quod obiicitur de conformitate imaginis creationis & reformationis, dicendum quod cum deformatio imaginis non possit esse nisi per potentias, sic nec reformatio: & ideo imago reformationis in quantum huiusmodi sufficienter reformat ipsam animam, cum inest ei per suas potentias. Potentiis enim reformatis & perfectis per consequens perficitur, & reformatur ipsa substantia: ideo ad perfectam reformationem animæ non oportet aliquid poni quod per prius sit in substantia, quam in potentia, nisi hoc dicatur per appropriationem quandam.

5. Ad illud quod obiicitur, quod Deus non acceptat actum, nisi prius acceptando potentiam, dicendum quod non est simile pro eo quod potentia potest esse sine actu, & gratia in potentia absque merito operis: substantia autem absque potentia esse non potest: et si possit intelligi, non tamen potest intelligi absque potentiis diuina dona suscipere, in quibus donis decorari dicitur facies animæ eo genere decoris, per quem Deus acceptat.

6. Ad vltimum quod obiicitur de paruulis, dicendum quod et si potentia in paruulo non sint idoneæ

ad excedendum in usum gratiæ, & virtutum; nihilominus tamen idoneæ sunt non solum per donum gratiæ, sed etiam per habitus virtutum decorari, & perfici. Et hoc melius declarabitur in Quarto, cum agatur de effectu baptismatis, quem habet in parvulis.

QVÆSTIO VI.

An gratia comparetur ad animam in ratione motoris.

*Richardus 2. Sent. dist. 26. art. 4. q. 5.
Steph. Brulef. 2. Sent. dist. 26. q. 6.*

VTRUM gratia comparetur ad animam in ratione motoris, & quod sic, videtur per auctoritatem Augustini, quam Magister adducit in litera: quod gratia præueniens est, quæ præuenit bonæ voluntatis meritum, & respectu cuius ipsa voluntas bona pedissequa non præuia: igitur gratia respectu voluntatis se habet per modum excitantis, & imperantis, & regentis, & omne tale se habet in ratione motoris: ergo, &c.

ITEM Augustinus: Gratia se habet ad liberum arbitrium sicut fessor ad equum: sed fessor est motor equi: ergo gratia est motrix liberi arbitrij.

ITEM hoc videtur ratione. Plus est potentiam aliquam supra se eligere, quam ipsam mouere: sed gratia elenat potentiam liberi arbitrij ad opera meritoria, quæ sunt super ipsam: ergo est liberi arbitrij motrix.

ITEM plus potest gratia super liberum arbitrium, quam liberum arbitrium possit super seipsum: sed liberum arbitrium est instrumentum seipsum mouens. sicut dicit Anselmus, & voluntas mouere potest seipsam: ergo multo fortius moueri potest à gratia.

ITEM omne quod est principium vitæ perfectæ, est principium motus in eo quod viuificat: sed gratia est principium vitæ in anima: ergo, &c.

1. CONTRA: Voluntas eo ipso est libera, quo mouetur ex seipsa: cum igitur gratia sit aliud à voluntate, si gratia mouet voluntatem, aufert ei libertatem: sed constans est quod gratia voluntati libertatem non aufert: ergo ipsam non mouet.

2. ITEM omnis motor sufficiens est hoc aliquid, & substantia completa distans à mobili: ergo aut gratia non mouet liberum arbitrium, aut si mouet est substantia: si igitur gratia creata non potest esse in genere substantiæ, sed in genere accidentis: ergo, &c.

3. ITEM si gratia mouet liberum arbitrium, aut mouet naturaliter, aut violenter, aut voluntarie. Si naturaliter: ergo opera meritoria erunt naturalia. Rursus: si naturaliter mouet, semper mouet quantum est de se: ergo nunquam quiescit homo ab operibus meritorijs. Si violenter: ergo nec saluatur ibi ratio meriti, nec liberum arbitrium quorum vtrumque patet esse falsum. Si voluntarie: sed nihil mouet voluntarie, nisi habeat cognitionem & voluntatem; ergo gratia cognoscit, & vult, & ita est substantia rationalis: igitur vel gratia si mouet liberum arbitrium non est aliquid creatum, vel si est aliquid creatum, non mouet liberum arbitrium.

4. ITEM si mouet liberum arbitrium, aut sicut motor motus, aut sicut motor non motus. Si tu des quod sicut motor motus: ergo cum nihil secundum idem moueatur & moueat, gratia secundum se habebit aliam, & aliam naturam, per quam moueatur, & moueat: ergo non erit accidens simplex. Si sicut motor non motus: sed talis motor non est quid creatum: ergo vel gratia non est quid creatum, vel non mouet liberum arbitrium.

5. ITEM idem manens idem, in creaturis semper est natum facere idem: ergo si gratia est quid creatum, & mouet liberum arbitrium, cum gratia non varietur, semper ad idem inclinabit liberum arbitrium: ergo, nunquam facit homo per gratiam nisi vnum opus meritorium: si igitur liberum arbitrium modo excitatur ad vnum genus operis, modo ad aliud, videtur quod

aut illa excitatio non sit à gratia, aut gratia non dicit aliquid creatum, aut gratia mutatur, & variatur sicut liberum arbitrium.

CONCLUSIO.

Gratia comparatur ad liberum arbitrium tanquam motor, quia voluntas est ipsius gratia pedissequa, à qua elenatur.

RESP. Ad Arg. Dicendum quod absque dubio sicut auctoritates Sanctorum dicunt, necesse est ponere liberum arbitrium à gratia moueri, & excitari. Ab ipsa enim gratia operante præuenitur, & à cooperante ad opera meritoria eleuatur, ita quod respectu operis meritorij gratia est sicut principalis motrix, & voluntas sicut pedissequa. Qualiter autem ipsa gratia, cum sit accidens animæ, ipsam habeat mouere, hoc habet difficultatem. Ad huius autem difficultatis explicationem duplex est modus dicendi, siue intelligendi, secundum quem liberum arbitrium dicitur à gratia moueri. Vnus modus dicendi est quod gratia mouere dicitur liberum arbitrium, quoniam ipsa est dispositio ad quandam spirituales motum. Sicut enim pondus in corporibus disponit ad motum, sic & suo modo pondus in spiritibus: gratia autem est quoddam spirituale pondus datum animæ, per quod habet sursum tendere: & quoniam liberum arbitrium est natum seipsum mouere secundum actus, in quos potest de se cum est adiutum & informatum gratia, excellentius mouet seipsum, ita quod cum liberum arbitrium sit mouens, & motum, gratia disponit ipsum sub ratione mouentis: & pro tanto dicitur gratia mouere liberum arbitrium, quia liberum arbitrium gratia informatum mouet seipsum, per quem modum amor dicitur mouere hominem ad magna opera facienda. Alius est modus intelligendi, secundum quem liberum arbitrium dicitur à gratia moueri. Gratia enim est sicut quædam influentia procedens à luce superna, quæ semper habet coniunctionem cum sua origine, sicut lumen cum Sole: & quia semper suæ origini coniungitur, ideo non tantum attribuitur ei operatio ratione subiecti in quo est, sed etiã ratione subiecti à quo est. Vnde sicut lumen non solum operatur cum aëre, sed etiam operatur in ipsum aërem ratione continuationis cum suo fonte, sic & gratia non solum operatur cum libero arbitrio, sed etiam operatur in liberum arbitrium, & liberum arbitrium mouet. Vnde non est aliud dicere gratiam liberum arbitrium mouere, quam gratiam esse Spiritus sancti instrumentum ad mouendum liberum arbitrium. Vterque horum modorum intelligendi conueniens est & rectus, nec vnus sine altero sufficit. Nam primus competit gratiæ cooperanti, siue subiequenti. Secundus competit gratiæ operanti, siue præuenienti. Gratia enim operans liberum arbitrium præuenit, & mouet, quia Deus illam infundendo voluntatem hominis sanat, & præparat. Gratia vero cooperans, siue subsequens liberum arbitrium dicitur mouere, quia voluntas tali dono gratiæ informatam mouet seipsam. Hanc enim potentiam habet voluntas, scilicet mouendi seipsam, quia est potentia materiæ non alligata, sicut supra ostensum est, cum de libero arbitrio agebatur. Concedendæ sunt igitur rationes ostendentes, quod gratia ad liberum arbitrium comparari habet in ratione motoris. Ad rationes autem ad oppositum plana est responsio ex iam dictis.

1. Ad illud enim quod primo obiicitur de voluntate, quod seipsam mouet, dicendum quod hoc non obstat, immo consonat ei quod dicitur quod mouetur per gratiam. Sicut enim voluntas mouet seipsam ad opera naturalia, sic ad uitia per gratiam mouet seipsam ad opera meritoria. Vel secundum alium modum intelligendi: Deus per gratiam mouet voluntatem: nec tamen hoc voluntati repugnat, quia voluntas vult sic moueri à Deo. Vnde sic mouetur à Deo quod mouetur etiam à

seipsa:

Opinio

Opinio

Conciliatio
opinionum

seipsa: & ideo omne opus meritorium attribuitur gratiae & libero arbitrio.

2. Ad illud quod obiicitur, quod motor distat à mobili, dicendum quod illud intelligitur de eo motu, in quo moueri est vere pati, sicut est in motu corporali, & de eo motore, qui est tota causa efficiens, & sufficiens, & tota causa motus. Talis autem motor non dicitur esse gratia, pro eo quod non mouet nisi sicut dispositio, vel sicut instrumentum, sicut prius fuit explanatum.

3. Ad illud quod queritur, aut mouet naturaliter, & c. dicendum quod mouet voluntarie non à voluntate, qua ipsa gratia fit volens, sed à voluntate, qua Deus gratiam influens est volens, à voluntate, qua liberum arbitrium gratificatum vult mouere seipsum.

4. Ad illud quod queritur, utrum sit motor motus, vel non motus, patet responsio. Illa enim diuisio motoris est de motore, qui est hoc aliquid, & est substantia, & est motor sufficiens: talis autem motor non est gratia, ut praedictum est.

5. Ad illud quod obiicitur, quod idem manens idem, semper, & c. dicendum quod illud fallit in Deo, & ideo secundum quod Deus mouet per gratiam, & per eandem gratiam potest excitare ad diuersa opera. Secundum vero quod liberum arbitrium seipsum mouet per gratiam ad diuersa opera, est in ipso cognitionis, & affectionis diuersitas, secundum quas ordinari habet ad diuersa operum genera: & ideo quamvis gratia non varietur in se, mouet tamen ad diuersa, ratione variationis in motore sibi coniuncto, sine quo non potest mouere: nunquam enim gratia elicit opus meritorium, nisi voluntas sibi coopeatur.

DISTINCT. XXVII.

Vtrum vna, eademque sit gratia, quæ dicitur operans, & cooperans. Si virtus sit, si actus, & si meritoria.



IC considerandum est, cum praedictum sit per gratiam operantem & praeuenientem, voluntatem hominis liberari ac preparari ut bonum velit: & per gratiam cooperantem, & subsequentem adiuuari, ne frustra velit: utrum vna & eadem sit gratia, id est vnum munus gratis datum quod operetur & cooperetur: an diuersa, alterum operans, & alterum cooperans. Quibusdam non irrationabiliter videtur, quod vna & eadem sit gratia, idem donum, eadem virtus quæ operatur, & cooperatur: sed propter diuersos eius effectus & dicitur operans, & cooperans. Operans enim dicitur, in quantum liberat & preparat voluntatem hominis ut bonum velit: cooperans in quantum eandem adiuuat ne frustra velit, scilicet ut opus faciat bonum. Ipsa enim gratia non est otiosa, sed meretur augeri, vel aucta meretur perfici.

Aug. epist.
106. ad 1.

Quid sit ipsa gratia, & quo modo mereatur augeri, queritur.

Si vero queritur quo modo ipsa gratia praeueniens mereatur augeri & perfici, cum nullum meritum sit absque libero arbitrio, & quid sit ipsa gratia, an virtus, an non, & si virtus, an actus, vel non: ut hoc aperte insinuari valeat, praemittendum est tria esse genera bonorum. Alianque sunt magna, alia minima, alia media, ut August. ait in primo libro Retract. Virtutes, inquit, quibus recte viuatur, magna bona sunt. Species autem quorumlibet corporum sine quibus recte viuatur, minima bona sunt. Potentia vero animi, sine qua

Sententia
hac in 2. li.
ad c. 19. in
princ. to. 2.
Aliter etiam
1. Retract.
c. 9. in mod.

bus recte viuatur non potest, media bona sunt. Virtutibus nemo male vitur: ceteris autem bonis, id est, mediis & minimis non solum bene, sed etiam male quisque uti potest: & ideo virtute nemo male vitur, quia opus virtutis est bonus usus istorum, quibus etiam non bene uti possumus. Nemo autem bene utendo, male vitur: non solum autem magna, sed etiam media, & minima bona esse praestitit bonitas Dei. Ecce habes tria genera bonorum distincta.

In quibus bonis sit liberum arbitrium.

Queritur autem in quibus bonis contineatur liberum arbitrium. De hoc Augustinus in primo libro Retractat. ita ait: In mediis quidem bonis inuenitur liberum voluntatis arbitrium, quia & male illo uti possumus: sed tamen tale est, ut sine illo recte viuere nequeamus. Bonus autem usus eius iam virtus est, quæ in magnis reperitur bonis, quibus male uti nullus potest. Et quia bona, & magna, & media, & minima ex Deo sunt, sequitur ut ex Deo sit etiam bonus usus liberae voluntatis, qui virtus est, & in magnis numeratur bonis. Attende diligenter quæ dicta sunt, & confer in vnum, sic enim aperietur quod supra querebatur. Dixit equidem opus virtutis esse bonum usum illorum bonorum, quibus etiam non bene uti possumus, id est, mediocriorum in quibus posuit liberum arbitrium: cuius quoque bonum usum dixit esse virtutem. Quod si est, non est ergo opus virtutis quod supra dixit, quia aliud est virtus, aliud opus eius.

De Virtute quid sit, & quid sit actus eius.

Hic communiter assignatur initium
Distinct. XXVII.

Hic videndum est quid sit virtus, & quid sit actus, vel opus eius. Virtus est, sicut ait August. bona qualitas mentis, quæ recte viuatur, & qua nullus male vitur: quam Deus solus in homine operatur. Ideoque opus Dei tantum est, sicut de virtute iustitia August. docet super illum locum Psal. Fecit iudicium & iustitiam: ita dicens: Iustitia magna virtus animi est, quam non fecit in homine nisi Deus. Ideoque cum ait Propheta ex persona Ecclesiae: Feci iustitiam: non ipsam virtutem, quam non facit homo, sed opus eius intelligi voluit: Ecce aperte insinuatur hic quod iustitia in homine non est opus hominis, sed Dei: quod & de aliis virtutibus itidem intelligendum est.

Hac definitio
non est in
August. sed
trahitur ex
lib. 2. de lib.
arb. c. 18. &
19. tom. 1. ex
lib. 1. Re-
tract. c. 9.

De fide itidem dicit quod non est ex homine, sed ex Deo tantum.

Nam de gratia fidei Ephesius scribens Apostolus, similiter fidem non ex homine, sed ex Deo tantum esse asserit, inquit: Gratia estis saluati per fidem, & hoc non ex vobis: Dei enim donum est. Quod à sanctis ita exponitur: Hac sc. fides non est vi natura nostra, quia donum Dei pure est. Ecce & hic aperte traditur quod fides non est ex libertate arbitrii, siue ex arbitrio voluntatis: quod superioribus consonat, ubi dictum est, gratiam praeuenientem vel operantem esse virtutem: quæ voluntatem hominis liberat, & sanat. Vnde Augustinus in libro de Spiritu, & litera ait: Iustificati sumus non per liberam voluntatem, sed per gratiam Christi: non quod sine voluntate nostra fiat, sed voluntas nostra ostenditur infirma per legem, ut sanet gratia voluntatem, & sanata voluntas impleat legem.

Ephes. 1. 1.

Cap. 6. 1. 1.

De

De gratia quæ liberat voluntatem: quæ si virtus est, virtus non est ex libero arbitrio, & sic non est motus mentis.

Si igitur gratia, quæ sanat, & liberat voluntatem hominis, virtus est una vel plures: cum ipsa gratia non sit ex arbitrio voluntatis, sed eam potius sanat ac præparet, ut bona sit: consequitur ut virtus non sit ex libero arbitrio, & ita non sit motus vel affectus mentis, cum omnis motus vel affectus mentis sit ex libero arbitrio, sed bonus ex gratia est, & libero arbitrio: malus vero ex libero arbitrio tantum. Et enim ait Augustinus in libro Retract. Homo sponte, & libero arbitrio cadere potuit, non etiam resurgere. Idem in libro de duabus animabus: Anima si libero ad faciendum, & non faciendum motu animi careant: si denique his abstinendi ab opere suo potestas nulla conceditur, earum peccatum tenere non possumus: Hic aperte ostenditur quod motus animi siue ad bonum, siue ad malum, ex libero arbitrio est. Ideoque si gratia vel virtus motus mentis est, ex libero arbitrio est. Si vero ex libero arbitrio, vel ex parte est, iam non solus Deus sine homine eam facit. Propterea quidam non inrudite tradunt, virtutem esse bonam mentis qualitatem, siue formam, quæ animam informat: & ipsa non est motus vel affectus animi, sed ea liberum arbitrium inuatur, ut ad bonum moueatur, & erigatur: & ita ex virtute & libero arbitrio nascitur bonus motus vel affectus animi, & exinde bonum opus procedit exterius: sicut pluuia rigatur terra, ut germinet, & fructum faciat: nec pluuia est terra, nec germen, nec fructus: nec terra germen vel fructus, nec germen fructus: ita gratia terra mentis nostræ, id est, libero arbitrio voluntatis infunditur pluuia diuine benedictionis, id est, inspiratur gratia: quod solus Deus facit, non homo cum eo: quæ rigatur voluntas hominis, ut germinet & fructificet, id est, sanatur, & reparatur, ut bonum velit, secundum quod dicitur operans: & inuare, ut bonum faciat, secundum quod dicitur cooperans. Et illa gratia virtus non incongrue nominatur, quia voluntatem hominis infirmam sanat, & adiuuat.

Ex quo sensu dicantur, ex gratia incipere bona merita: & de qua gratia hoc intelligatur.

Cum ergo ex gratia dicantur esse bona merita & incipere, aut intelligitur gratia gratis dans, id est, Deus: vel potius gratia gratis data, quæ voluntatem hominis præuenit. Non enim esset magnum si hæc à Deo dicerentur esse à quo sunt omnia: sed potius eius gratia gratis data intelligitur, ex qua incipiunt bona merita: quæ cum ex sola gratia esse dicantur, non excluditur liberum arbitrium: quia nullum meritum est in homine quod non sit per liberum arbitrium. Sed in bonis merendis causa principalitas gratia attribuitur: quia principalis causa bonorum meritorum est ipsa gratia, quæ excitatur liberum arbitrium & sanat, atque adiuuatur voluntas hominis ut sit bona.

Quod bona voluntas gratiæ principaliter est, & etiam gratia est, sicut & omne bonum meritum.

Quæ ipsa etiam donum Dei est, & hominis meritum, immo gratia, quia ex gratia principaliter est, & gratia est. Vnde August. ad Sixtum presbyterum: Quid est meritum hominis ante gratiam, cum omne bonum nostrum meritum non in nobis facit nisi gratia? Ex gra-

tia enim, ut dictum est, quæ præuenit & sanat arbitrium hominis: & ex ipso arbitrio procreatur in anima hominis, bonus affectus siue bonus motus mentis: & hoc est primum bonum hominis meritum. Sicut, verbi gratia, ex fidei virtute, & hominis arbitrio generatur in mente motus quidam bonus & remunerabilis, sc. ipsum credere, ita ex charitate & libero arbitrio alius quidam motus bonus prouenit, sc. diligere, bonus valde, sic de ceteris virtutibus intelligendum est. Et isti boni motus vel affectus, merita sunt & dona Dei: quibus meremur, & ipsorum augmentationem, & alia quæ consequenter hic, & in futuro nobis apponuntur.

B Ex qua ratione dicitur fides mereri iustificationem.

Cum ergo dicitur fides mereri iustificationem, & vitam æternam, ex ea ratione dictum accipitur, quia per actum fidei meretur illa. Similiter de charitate, & iustitia, & de aliis accipitur. Si enim fides ipsa virtus præueniens diceretur esse mentis actus, qui est meritum, iam ipsa ex libero arbitrio originem haberet: quod quia non est sic dicitur esse meritum, quia actus eius est meritum, si tamen adsit charitas, sine qua nec credere, nec sperare meritum est vita. Vnde apparet vere, quia charitas est Spiritus sanctus, quæ animæ qualitates informat & sanctificat, ut eis animæ informetur, & sanctificetur: sine qua animæ qualitas non dicitur virtus, quia non valet sanare animam.

De muneribus virtutum, & de gratia quæ non est, sed facit meritum.

D Ex muneribus itaque virtutum boni sumus, & iuste viuimus: & ex gratia, quæ non est meritum, sed facit, non tamen sine libero arbitrio promerentur merita nostra, sc. boni affectus, eorumque progressus, atque bona opera, quæ Deus remunerat in nobis, & hæc ipsa sunt Dei dona, Vnde Aug. ad Sixtum presbyterum: Cum coronat Deus merita nostra, nihil aliud coronat quam munera sua. Vnde vita æterna, quæ in fine à Deo meritis præcedentibus redditur, quia & eadem merita quibus redditur, non à nobis sunt, sed in nobis facta sunt per gratiam recte & ipsa vita gratia nuncupatur, quia gratis datur. Nec ideo gratis, quia non meritis datur, sed quia data sunt per gratiam & ipsa merita, quibus datur.

Epilogus cum additamento.

E Ex præmissis iam innotescere nobis aliquatenus potest, qualiter gratia præueniens meretur augeri, & alia: & quid ipsa sit, an virtus, an aliud: & si virtus, an sit actus, vel non. Ostensum enim est supra ex parte quorundam quod ipsa est virtus: quia virtus non est actus, sed eius causa non tamē sine libero arbitrio. Vnde quod supra Aug. dixit, bonum vsum liberi arbitrii esse virtutem, ita accipi potest, id est, actum virtutis: alioquin sibi contradicere videretur, qui etiam opus virtutis supra dixit esse bonum vsum eorum, quibus non bene uti possumus: in quibus posuit liberum arbitrium. Si vero bonus vsum liberi arbitrii opus virtutis est, iam virtus non est. Cum ergo bonum vsum eius virtutem esse dixit, nomine virtutis ipsius vsum significauit.

Quod idem vsum est virtutis, & liberi arbitrii, sed virtutis principaliter.

Idem nempe vsum bonus ex virtute est, & ex libero ar-

Epist. 108.
ante med.
tom. 2.
Vbi supra
tom. 6. enarr.
ratione in
Psalm. 98. cir.
ca medium,
& enarra-
tione in Ps.
102. non lon-
ge à princi-
pio.

Distinct. 26.

bitrio: sed ex virtute principaliter. Et bonus ille usus in magnis bonis annumerandus est. Illa autem gratia praeueniens, quae & virtus est, non usus liberi arbitrii est, sed ex ea potius est bonus usus liberi arbitrii, quae nobis est à Deo, non à nobis. Usus vero bonus arbitrii & ex Deo est, & ex nobis: & ideo bonum meritum est. Ibi enim solus Deus operatur: hic Deus, & homo. Hoc meritum ex illa purissima gratia prouenit, quod Apostolus notauit dicens: Gratia Dei sum id quod sum. Et: Gratia eius in me vacua non fuit. Super quem locum Augustinus ita ait: Recte gratiam nominat: primum enim solam gratiam dat Deus, & non nisi gratis, cum non praeceant nisi mala merita: sed post per gratiam incipiunt bona merita. Et ut ostenderet etiam liberum arbitrium, addit: Et gratia eius in me vacua non fuit. Et ne ipsa voluntas sine gratia Dei putetur aliquid boni posse, subdit: Non autem ego solus, scilicet sine gratia, sed gratia Dei mecum, id est, cum libero arbitrio. Plane cum data fuerit gratia, incipiunt esse nostra merita bona, per illam tamen: quia si illa defuerit, cadit homo.

Aliorum sententia hic ostenditur, qui dicunt virtutes esse bonos usus liberi arbitrii, id est, actus mentis.

Alij vero dicunt virtutes esse bonos usus naturalium potentiarum, non tamen omnes, sed tantummodo interiores qui in mente sunt: exteriores vero qui per corpus geruntur, non virtutes esse dicunt, sed opera virtutem. Et ideo quod Augustinus dicit opus virtutis esse bonum usum naturalium potentiarum, de usu exteriori accipit: quod vero dicit bonum usum liberi arbitrii virtutem esse, & in magnis numerari bonis, de usu interiori intelligunt. Et virtutes nihil aliud esse quam bonos affectus vel motus mentis asserunt, quos Deus in homine facit, non homo: quia licet illi motus sint liberi arbitrii, non tamen esse queunt, nisi Deus ipsum liberet, & adiuuet gratia sua operante & cooperante: quam Dei gratuitam voluntatem accipiunt, quia Deus est qui & operatur in nobis velle, & operari bonum.

Quibus auctoritatibus muniunt, quod virtutes sint motus mentis.

Quod autem virtutes sint motus mentis testimoniis Sanctorum astruunt. Dicit enim Augustinus super Ioannem: Quid est fides: Credere quod non vides. Credere autem motus mentis est. Idem in libro 3. de doctrina Christiana: Charitatem autem voco motum animi. Si vero charitas & fides motus animi sunt, virtutes ergo motus animi sunt. Quibus alij respondentes, praemissa verba Augustini ita intelligenda fore inquirunt: Fides est credere quod non vides, id est, fides est virtus qua creditur quod non videtur. Item: Charitas est motus animi, id est, gratia qua mouetur animus ad diligendum. Et quod hac & his similia ita accipienda sint, ex his conicitur quae alibi Augustinus ait: Nam in secundo libro questionum Evangelij, inquit: Est fides, qua creduntur ea quae non videntur, quae proprie dicitur fides. Item in 13. de libro de Trinitate: Aliud sunt ea quae creduntur, aliud est fides qua creduntur. Ex quibus verbis sic argumentando procedunt: Aliud est credere, aliud illud quo creditur, Praedictum autem est, fidem id esse quo creditur. Si ergo credere non est fides: quia credere non est id quo creditur. Addunt quoque: Virtus opus Dei tantum est, quam ipse solus facit in nobis. Ipsa ergo non est usus vel actus

liberi arbitrii: sed credere est actus liberi arbitrii, non est itaque virtus. Praemissis, aliisque rationibus ac testimoniis inmittuntur utrique. Horum autem iudicium diligenter lectoris relinquo examini, ad alia properans.

DISTINCT. XXVII.

De adiutorio gratiae prout comparatur ad habitum gratuitum, & usum sibi debitum.

Hic considerandum est, cum praedictum sit, &c.

Expositio Textus.

SUPRA egit Magister de adiutorio gratiae in se: hic vero agit de ipso in comparatione. Diuiditur autem pars ista in duas. In prima comparat unam differentiam gratiae ad aliam sub ratione habitus. In secunda vero comparat unum habitum ad alium sub ratione usus: usus autem gratiae est meritum. Vnde comparat primo gratiam praeuenientem ad subsequenter secundum identitatem, & diuersitatem. Secundo vero comparat gratiam ad virtutem, & ad merendi efficaciam. Si vero queritur, quomodo ipsa gratia praeueniens mereatur, &c. Et illa secunda pars diuiditur in duas. In prima parte mouet quaestiones, & praemittit quaedam praambula ad determinationem. In secunda vero incipit dissolvere, ibi: Hic videndum est, quid sit virtus, ubi vt communiter assignatur initium distinct. 27. Quae melius assignaretur aliquantulum ante, sicut signauimus, quia ibi, ubi signatur, fit sicut apparet determinatio prioris quaestiones praemissae. Illa igitur pars, in qua soluit, habet duas partes. In prima soluit praedictam quaestionem secundum opinionem communiorum. In secunda vero determinat secundum aliorum opinionem, quae minus tenetur communiter, ibi: Alij vero dicunt, virtutes esse bonos usus, &c. Prima pars habet duas. In prima Magister determinat. In secunda epilogat, ibi: Ex praemissis iam innotescere, &c. Prima pars habet duas secundum determinationem duorum dubiorum. Primo enim determinat illam quaestionem, qua queritur de comparatione gratiae ad virtutem. Secundo vero determinat illam quaestionem, qua queritur de comparatione gratiae, & virtutis ad meritum. Primum facit, ibi: Hic videndum est, quid sit virtus, &c. Secundum facit, ibi: Cum ergo ex gratia dicantur esse bona, &c. Subdiuisiones autem partium manifestae sunt in litera.

Operans enim gratia dicitur, in quantum liberat, &c. Dub. I.

Obiicitur: Gregorius in Moralibus distinguens gratiam praeuenientem, & subsequenter, dicit quod gratia praeueniens attenditur quantum ad dona naturae: subsequens autem quantum ad dona gratiae: ergo si idem est gratia operans, & cooperans, videtur quod operans non dicatur illa quae hominis voluntatem liberat. Si forte tu dicas quod alio modo accipitur praeueniens, & subsequens, tunc est quaestio de ratione istorum nominum, quare scilicet sic nominatur, vt dicatur quaedam praeueniens, quaedam subsequens, quaedam operans, & quaedam cooperans. Videtur enim quod omnis gratia sit cooperans, quia nulla operatio debetur formae alicui per se, nisi cum subiecto: videtur etiam quod nulla debeat dici praeueniens. Aut enim praeueniens dicitur per comparationem ad actum, aut per comparationem ad subiectum. Si per comparationem ad actum, sic omnis forma dicitur praeueniens, quae omnis forma praecedat actum suum. Si per comparationem ad subiectum, sic nulla debet dici praeueniens, cum nulla sit ante subiectum suum. Est igitur quaestio, cum gratia à diuersis diuersimode dicatur, & huiusmodi nomina diuersimode exponantur, vnde hac diuersitas veniat.

R.F.S.P.

1. Cor. 5.
De gratia
& libero arbitrio ca. 5.
& 6. sparsim
in 10. 7. & de
correp. &
gratia c. 13.

Distin. 26.

Tract. 40.
tom. 9.

Ca. 40. 10. 3.

Aug. in 2.
lib. quaest.
Euangelica-
rum ca. 39.
tom. 4.
Cap. 2.

Resp. Dicendum quod cum gratia vna sit, multiplicetamen habet diuisiones secundum diuersas considerationes: habet enim gratia comparari ad suum principium à quo, habet comparari ad suum subiectum in quo, habet nihilominus comparari ad suum oppositum contra quod: habet comparari ad suum effectum, ad quem ordinatur. Per comparisonem ad suum principium, sic diuiditur gratia in gratiam prædestinationis, vocationis, iustificationis, & magnificationis. Primo enim Deus gratiam præparat, secundo offert, tertio confert, & quarto complet. Et secundum hoc attenditur prædicta diuisio, quæ sumitur de eo quod dicit Apostolus. Secundum autem quod gratia comparatur ad suum subiectum, sic diuiditur in gratiam cogitationis, voluntatis, & perfectionis secundum triplicem potentiam eius substantiæ, in qua est gratia, videlicet secundum intellectiuiam, & affectiuiam, & operatiuiam. Et hæc diuisio ponitur à Bernardus in libro de libero arbitrio. Secundum autem quod comparatur ad suum oppositum, sic est illa diuisio gratiæ, quia est gratia protectionis, liberationis, & saluationis. Sumitur enim hæc diuisio secundum quod gratia adiuuat contra multiplex malum, videlicet malum temptationis, sine pugna, malum persecutionis, siue miseriæ, malum culpæ, & malum sequelæ. A primo protegit, à secundo liberat, à tertio extrahit, & à quarto saluat. Et hæc diuisio sumitur pro eo quod dicitur: Protegat Dominus exercituum Iudæam & Hierusalem, protegens, & liberans, transiens & saluans. Secundum comparisonem ad effectum ad quem est, diuiditur in præuenientem, & subsequenter, siue operantem, & cooperantem, quæ sunt differentię gratiæ secundum effectus, quos habet in ipsam voluntatem. Dicitur enim gratia præueniens in quantum ipsam voluntatem facit bonam: & ideo præuenit, quia non est à libero arbitrio, sed potius infunditur ab ipso Deo. Cooperans vero, siue subsequens dicitur in quantum adiuuat liberum arbitrium respectu boni operis eliciendi. Et notandum quod secundum quod nomen gratiæ diuersimode accipitur, sic etiam & istæ duæ differentię, præueniens & subsequens. Accipitur enim gratia vno modo largissime, & sic comprehendit dona naturalia, & dona gratuita, vtraque enim deorsum est: & hoc modo gratia habet diuidi in præuenientem, & subsequenter, ita quod præueniens vocantur dona naturalia, subsequens vero dona gratuita: & sic accipit Gregorius in Moralibus. Alio modo accipitur gratia minus communiter, & sic comprehendit gratiam gratis datam, & gratiū facientē: & tunc diuidere gratiam in præuenientē, & subsequenter nihil aliud est, quam diuidere gratiā in gratis datam, & gratum facientē. Et sic diuidit Bernardus cū dicit quod quædā est gratia, quæ seminat cogitatum, & hanc vocat gratiā præuenientem. Quædam, quæ perficit bonum, & hanc dicit gratiam subsequenter. Ait enim sic in libro de libero arbitrio: Hæc tria in nobis operatur Deus, sc. cogitare, velle, perficere. Primum sine nobis operatur. Secundum nobiscum. Et tertium per nos. Accipitur & gratia striete, & sic comprehendit gratiam gratum facientem, & gloriam: & tunc diuidere gratiam in præuenientem, & subsequenter non est aliud, quam diuidere in gratiam, & gloriam: & sic diuidit Augustinus in libro de natura, & gratia cum ait: Gratia præuenit, vt pie viuamus: subsequitur, vt cum illo semper viuamus. Nunc præuenit, vt vocemur: tunc subsequitur, vt glorificemur. Accipitur etiam gratia magis striete, & tunc nominat solum gratiam gratum facientem: & tunc diuidere eam per præuenientem, & subsequenter, hoc est secundum duplicem effectum gratiæ, qui potest distinguī tripliciter. Vel ita vt vnus effectus sit contra malum, & alter ad bonum. Vel ita quod vterque sit ad bonum: sed vnus competat gratiæ secundum quod informat, alter secundum quod mouet. Vel ita quod vterque attribuatur gratiæ mouenti, sed vnus in ingressu, & alter in profectu. Et sic tripliciter exponitur ab Augustino in libro de natura, & gratia. Vno modo sic: Gratia præueniens hominis voluntatem, liberat, & præparat: subse-

quens vero, in quantum eadem adiuuat. Secundo modo sic: Gratia præueniens præuenit voluntatem, vt sanemur, & subsequitur, vt sanati vegetemur. Tertio modo sic: Gratia præuenit voluntatem vt velit, & subsequitur ne frustra velit: & per hoc patet responsio ad obiecta.

Premittendum est, tria esse genera bonorum. Alia namque sunt magna, &c. Dub. II.

Videtur ista diuisio boni esse insufficientis, quoniam multæ sunt aliæ bonorum differentię. Est enim bonum fortunæ, & bonum naturæ, & bonum gratiæ, & gloriæ. Si tu dicas quod istæ differentię reducuntur ad has, quæritur tunc, sub qua istarum contineatur bonum, quod Deus est, siue ipsa anima. Si tu dicas quod sub magnis bonis. Contra: Magna bona sunt, vt dicitur, quibus non contingit male vti: sed Deo potest quis male vti, sicut cum diligitur propter aliud: ergo non continetur sub magnis bonis. Item arguitur ex hoc: Si Deo contingit male vti, videlicet cū refertur ad aliud, & Deus est optimus inter omnia bona: ergo omnibus bonis contingit male vti: ergo nulla sunt bona magna: falsum igitur dicit cum dicit, quod bona magna sunt, quibus non contingit male vti. Item videtur male exemplificare de virtutibus: nam aliquis potest de virtutibus superbire, potest etiam virtutes propter laudem humanam amare, & hoc est abuti: ergo videtur quod virtutibus possit abuti: ergo sub magnis bonis non possunt contineri.

Resp. Dicendum quod Augustinus cum diuidit bonum per istas tres differentias, scilicet per bonum maximum, & minimum, & infimum, non generaliter accipit diuisionem boni, sed eius boni quod est bonū alicui, & hoc est bonum, per quod contingit aliquo modo in finē ordinari: & ideo diuidit hic bonum vtile. Et propter hoc cum triplex sit differentia boni utilis, per quod quis ordinatur in finem, triplicem boni ponit differentiam. Aliquid enim sic est vtile ad finem, vt tamen sine illo possit ad finem perueniri, sicut sunt bona corporalia. Aliquid autē est ita vtile ad finem, vt tamen sine illo non possit ad finem perueniri per ipsum tamen potest quis à fine deordinari, sicut est liberum arbitrium, quo contingit male vti. Aliquid est ita vtile quod sine ipso ad finem non potest perueniri, nec per ipsum contingit aliquo modo à fine deordinari: sicut est virtus gratuita. Et quoniam in primo bono minima est utilitas, in secundo vero maior, in tertio maxima, hinc est quod diuidit bonum per has tres differentias, sc. per bona minima, media, & magna. Et patet diuisionis sufficientia, & responsio ad illud quod obicitur de summo bono quod Deus est. Ad illud vero quod obicitur, quod virtutibus contingit male vti, dicendum quod vti aliquo est multis modis, sicut dictum fuit in primo libro, videlicet sicut instrumento, & habitu directiuo, vel sicut obiecto. Primo modo nullo pacto contingit male vti virtute, quia virtus quantum est de se, semper ad bonum dirigit, nec vnquam per virtutem aliquid ordinatur ad malum, quia virtus est bonus vsus voluntati, sicut dicit Augustinus. Secundo modo contingit male vti virtutibus, nec est aliquid ita bonum, circa quod non possit se liberum arbitrium deordinare, inordinate amando illud.

Virtus est, vt ait Augustinus, bona qualitas mentis, &c. Dub. III.

Videtur hæc notificatio primo redargui posse à modo prædicandi. Nihil enim quod prædicatur de altero in abstractione, prædicari habet de altero in concrectione, sicut dicit Philosophus: si ergo virtus est bonitas, nullo modo virtus dicenda est bona. Item redarguitur prædicta diffinitio à defectu conuertibilitatis in prædicando: quia hæc tota ratio conuenire potest gratiæ & donis, & aliis habitibus animæ. Item redargui potest à falsitate in hoc, quod dicit, quod Deus in nobis sine nobis operatur: hoc enim est contra Augustinum qui dicit, quod qui creauit te sine te, non iustificat te sine te. Et Bernardus dicit quod ad opus nostræ salutis duo concurrunt, scilicet Deus, &

Bonū multiplex.

Bonum triplex.

Bonum vtile triplex.

Lib. 1. art. 1. 9.2.

Lib. 1. Retra. ca. 4. in fin. tom. 1.

7. Metaph. 12. & contr. 18. Auer. 1. phys. cont. 15. Aug. serm. 15. de Verb. Apost. post med 10. 10. Bern. de lib. arb. ad fin.

Virtutis
diffinitio
multiplex.

Lib. I. con-
tex. 116.
Contex. 17.
& 18. Et 8.
phys. cōt. 17

Lib. 2. cap. 6.

Ibidem.

Lib. 2. de in-
uent.

Cap. 4. 10. 3.
Cap. 16. 10. 1.

Lib. 1. c. 6. ad
fin. tom. 1.

Ex 2. de pec-
cat. mort.
& remis. c.
17. tom. 7.
Lib. 1. c. 15.
20. 1. Et de
Cin. Dei. lib.
15. cap. 22.
tom. 5.

liberum arbitrium. Iuxta hoc quæritur cum vnus rei A
vna sit diffinitio, & differenter diffiniatur à diuersis ip-
sa virtus, quo modo illæ diffinitiones distinguantur.

RESP. Dicendum quod virtus accipitur cōmuniter,
& proprie, & magis proprie. Secundum quod communi-
ter accipitur, sic comprehendit moralem virtutem, & na-
turalem: & sic dupliciter habet diffiniri, aut in compara-
tione ad actum, aut in comparatione ad actum, & finem
vltimum. Primo modo diffinitur à Philosopho de cœlo,
& mundo, cum dicit: Virtus est vltimum potētiae de re.
Secundo modo diffinitur ab eodem in 7. Ethicor. Vir-
tus est dispositio perfecti ad optimū. Istæ enim duæ sūt
notificationes virtutis in sua generalitate, prout cōpre-
hendit virtutem naturalem, & moralem. Alio modo cō-
sideratur virtus proprie, prout comprehendit moralem
tantum: extenditur tamen ad politicam, & gratuitam. Et
sic dupliciter habet considerari: aut per comparationem
ad ipsum actum: aut per comparationem ad principium
directiuium. Si per comparationem ad actum, sic diffini-
tur à Philosopho in Ethicis: virtus est habitus, quod per-
ficit habentem, & opus eius bonum reddit. Per com-
parationem autem ad principium directiuium, sic diffinitur
ab eodem Philosopho ibidem: Virtus est habitus volun-
tarius in medio consistens, recta ratione determinatus,
prout sapiens determinabit: & secundum hoc etiam dif-
finitur à Tullio per alia verba: Virtus est habitus mentis
naturæ moderationi consentaneus. Secundum hanc du-
plicem comparationem diffinitur ab Augustino virtus
moralis per alia verba, idem signātia in libro de spiritu,
& anima sic: Virtus est habitus mentis, bene compositæ.
In lib. de quantitate animæ: Virtus est æqualitas vitæ ra-
tioni vndique consentientis. Hæ duæ notificationes, si
quis attendit, realiter idem sunt cum prædictis, & tam
iustæ, quam illæ sunt illius virtutis, quæ per assuetudinem
habet acquiri. Tertio modo potest cōsiderari virtus ma-
gis proprie, prout accipitur pro virtute gratuita: & sic
quadrupliciter potest comparari, videlicet ad finem, ad
subiectum, ad actum, & ad suum principium secundum
quadruplex genus causæ, videlicet finalis, formalis, ma-
terialis, & efficiētis. In comparatione ad finem, sic diffi-
nitur in soliloquio ab Augustino: Virtus est ratio recta
ad suū finē perueniens. In comparatione vero ad subie-
ctum quod informat, quod est ipsa volūtas, sic diffinitur
ab eodem de Ciuitate Dei: Virtus est bona voluntas. In
comparatione vero ad actum propriū, siue complemē-
tum, sic datur illa de moribus Ecclesiæ: Virtus est ordo
amoris, siue amor ordinatus. In comparatione vero ad
suū principium effectiuium, datur illa quæ ponitur à Magi-
stro in litera: Virtus est bona qualitas mentis, &c. In qua
diffinitione hoc, quod dicitur qualitas mentis, ponitur
pro genere, & subiunguntur tres differentię. Per hoc
quod dicitur: Quia recte viuatur, separatur à bonis cor-
poralibus. Per hoc quod dicitur: Quia nemo male vitatur, se-
paratur à proprietatibus spiritualibus, & naturalibus. Per
hoc autē quod subiungitur: Quam Deus in nobis sine
nobis operatur, separatur à proprietatibus spiritualibus,
& consuetudinibus, quæ etsi sint boni vsus potentiarū
animæ, non sunt tamen per infusionem, sed per acqui-
sitionem. Et sic patet intellectus huius diffinitionis, & di-
stinctio ab aliis. Ad illud quod obiicitur, quod nō debet
dici bona cum sit bonitas, dicendum quod in primis in-
tentionibus est prædicatio reflexa propter simplicitatē:
hæc autem non habet locū in his quæ sunt determinati
generis, de quibus Philosophus loquitur: non enim di-
citur albedo est colorata. Ad illud quod obiicitur, quod
non est conuertibilis, dicendum quod hic non diffinitur
virtus prout distinguitur contra dona, & alios habitus
gratuitos, sed prout nomine virtutis clauditur omnis
qualitas animæ gratuita. Posset tamen dici quod per ap-
propriationem recte viuere est virtutum expedite do-
norum, sed perfecte beatitudinum, sicut alibi manife-
stabitur. Ad vltimum dicendum quod sine nobis non
priuat ex parte liberi arbitrij dispositionem susceptivam
ipsius virtutis, sed potestatem effectiuam.

ARTICVLVS I.

AD intelligentiam huius partis, in qua agitur de
comparatione gratiæ, duo quæruntur secundum
quod gratia dupliciter comparari habet. Primo quæ-
ritur de gratia in comparatione ad alium habitum. Secun-
do vero quæritur de gratia in comparatione ad meren-
di exercitium. Circa primum quæruntur tria. Primo
quæritur de vna differentia gratiæ in comparatione ad
aliam. Secundo vero quæritur de ipsa gratia in compa-
ratione ad virtutem gratuitam. Tertio vero quæritur de
ipsa gratia in comparatione ad gloriam.

QVÆSTIO I.

An gratia gratum faciens diuidi habeat per differentias
essentialiter diuersas.

Alexander Alensis 3. p. q. 63. Membro 1.
S. Thom. 1. 2. q. 111. art. 1.
Et de Verit. q. 27. art. 1.
Egid. Rom. 2. Sent. d. 26 p. 2. q. 2. art. 3.
Richardus 2. Sent. dist. 27. q. 3.
Ioan. Bacch. 2. Sent. dist. 27. q. 2.
Stephanus Brulef. 2. Sent. dist. 27. q. 1.
Gabr. Biel. 2. Sent. dist. 27. q. 1.

VTVM gratia gratum faciens diuidi habeat per
differentias diuersas per essentialiter. Et quod sic, vi-
detur: Magister in litera sumens auctoritatē Augustini
diuidit gratiam in præuenientem, & subsequenter: si
igitur recta diuisio debet esse per opposita, & opposita
non possunt fieri circa idem simul, & semel, videtur igitur,
quod impossibile sit, vnam & eandem gratiam esse
præuenientem & subsequenter. Quod si tu dicas istam
diuisionem esse solummodo per differentias, quantum
ad actum, & effectum, non quantum ad habitum. Con-
tra hoc est quod dicitur in Glossa super illud: Si inueni
gratiam, & c. ibi Glossa: Non vna gratia sufficit Sanctis.
Vna enim præcedit vt dominum diligant & cognoscant,
altera subsequitur, vt se mundos custodiant: ergo diui-
sio gratiæ in præuenientem & subsequenter non so-
lum est per diuersos vsus, sed etiā per diuersos habitus.

2. ITEM diuisiones gratiarū, & c. Si igitur illæ gratiæ,
quas ibi distinguit Apostolus, diuisæ sunt, & à Spiritu
sancto diuiduntur, videtur quod essentialiter distinguan-
tur. Si tu dicas quod loquitur de gratiis datis, nō de gra-
tiis gratū faciente. Obiicitur contra hoc: Quia plura sūt
necessaria ad hoc, quod quis habeat gratiā gratū facien-
tem, quam gratiā gratis datam: ergo si ad perfectionem
vsus gratiæ gratis datæ requiritur habituum multitudo,
multo fortius ad perfectionem gratiæ gratum facientis.

3. ITEM hoc ipsum videtur ratione. Si vnum opposi-
torum dicitur multipliciter, & reliquum quod illi oppo-
nitur: sed culpa eo ipso quod culpa est, opponitur gratiæ
gratum facienti, secundum quod gratia est: ergo cum
multæ sint differentię culparum, quæ formaliter distin-
guuntur, videtur quod multæ sint differentię gratiæ
gratum facientis, quæ essentialiter diuersificentur.

4. ITEM habitus diuersificantur per actus: sed ad gratiā
secundū quod huiusmodi pertinet animā curare, perti-
net etiā à malo præseruare, pertinet etiam in bonis eam
fortificare: si igitur isti sunt alij & alij actus, secundū quos
etiam medicinæ corporales adinuicem distinguuntur,
quia alia est medicina præseruatiua, alia curatiua, alia re-
stauratiua, pari ratione videtur hoc conuenire gratiæ.

5. ITEM sicut se habet sciētia respectu cognoscendo-
rū, sic se habet gratia respectu meritorū: sed sciētia re-
spectu diuersorū cognoscibilium est alia, & alia: ergo vide-
tur, quod gratia, quæ est principium diuersorū meritorū sit
alia, & alia: hæc autē est gratia gratū faciens: ergo, & c.

SED CONTRA: Prima diuisio gratiæ gratum facien-
tis est in præuenientem, & subsequenter: sed ista mem-
bra, vt dicit Magister in litera, non faciunt diuersitatem
habituum, sed effectuum: ergo nec aliqua alia membra
gratiam diuidentia.

ITEM eadem est lucis influentia, quæ fugat tenebras,

Ad opposi-
tum.
August. de
grat. & lib.
arb. cap. 7.
tom. 7.

1. Cr. 11.

Fundamentum.

&

& illuminat aërem: ergo in spiritualibus eadem est influenza quæ culpam expellit, & ad bonum disponit: sed prima est gratia præueniens, secunda subsequens: ergo videtur quod tantum una gratia sit in anima.

ITEM vnus acceptati vna est acceptatio: si igitur gratia gratum faciens non est aliud quam ipsa acceptatio, siue ratio acceptandi, qua anima acceptatur à Deo, videtur quod in vno homine vnâ tantum sit ponere gratiam gratum facientem.

ITEM imago recreationis respondet imagini creationis: sed ad imaginem creationis non solum requiritur potentiarum pluralitas, sed etiam essentia vnitas, ad quam reducatur illa pluralitas: ergo & imagine recreationis necesse est ponere aliquem habitum vnum, in quo vniantur omnes habitus virtutum: hic autem non est nisi gratia gratum faciens: ergo, &c.

ITEM vnus homo omnibus virtutibus idem & æqualiter meretur, & in omnibus æqualiter acceptatur: hoc autem non esset, nisi vna esset ratio acceptandi ipsi hominem secundum se, & in omnibus actibus suis: hæc autem non est nisi gratia gratum faciens: ergo, &c.

CONCLUSIO.

Gratia gratum faciens vna est secundum essentiam, licet secundum varios effectus diuersas dicatur habere differentias.

RESP. AD ARG. Dicendum quod in vna anima est tantum ponere vnâ gratiam gratum facientem. Ratio autem huius sumitur & ex parte principij effectiui, & ex parte subiecti, & ex parte finis vltimi, & ex parte finis primi, & etiam intermediij. Ex parte principij effectiui, quoniam gratia est influenza à Deo procedens in ipsam animam, secundum quam Deus totam animam sibi assimilât. Vnde quia vnus rei vna est similitudo, in vna anima vna reperitur gratia procedens ab effectiuo principio. Ex parte subiecti similiter necesse est gratiam gratum facientem esse vnâ, pro eo quod gratia comparatur ad animam sicut principium dans ei vitam in esse secundo. Et quoniam vni⁹ viuificabilis vna est vita, siue principij viuificans, hinc est quod in vna anima tantum debet esse vna gratia. Ex parte vero finis tam primi, quam vltimi, quâ etiâ intermediij ratio sumitur. Gratia enim est ad hoc quod faciat hominem Deo acceptum: est etiam ad hoc, vt per ipsam perueniat homo ad vnum, & summum bonum: est etiam ad hoc, vt opus à libero arbitrio egrediens sit meritorium apud Deum. Quoniam igitur Deus non acceptat hominem secundum quid: sed si acceptat, totum acceptat, & opera eiusdem hominis secundum vnum statum sunt æqualiter meritoria, & merces omnium meritorum est vna, hinc est quod necesse est ponere in vno homine gratiam esse vnâ, exigente hoc comparatione ad effectiuum principium, & ad subiectum, & ad finem immediatum, & vltimum. Vnde rationes quæ hoc ostendunt, concedendæ sunt.

1. AD illud vero quod primo obiicitur in contrarium de diuisione Magistri, quam ponit in litera, dicendum quod illa diuisio gratiæ est pene effectus, quos habet in nobis, quorum vnus accipitur respectu mali à quo liberat, alter respectu boni ad quod ordinat. Vnde notandum est quod nomen gratiæ æquiocatur, vt aliquando accipitur pro habitu, aliquando pro effectu habitus: & in proposita diuisione non accipitur pro habitu, sed pro effectu. Per hunc etiâ modum accipitur in illa Glossa, in qua dicitur quod vna gratia necessaria est sanctis, &c. id est, non vnus effectus gratiæ tantum. Et si tu obiicias, quod habitus diuersificantur per actus, & effectus, dicendum quod illud habet veritatem in actibus primis, quorum vnus ad alterum non habet ordinari: sic autem non est in proposito, quia actus gratiæ præuenientis ordinem habet ad actum gratiæ subsequentis.

2. AD illud quod obiicitur de auctoritate Apostoli, dicendum quod sicut in opponendo prædictum est, hoc

intelligitur de gratis datis: illæ enim multiplicatur propter hoc, quod ordinantur ad opera exteriora, ita quod secundum primam, & immediatam rationem effectus diuersos respiciunt: gratia autem gratum faciens in quantum huiusmodi non habet respicere opera exteriora, siue interiora, nisi mediantibus habitibus virtutum, & donorum: aut si illa respicit, hoc non est nisi in quantum considerantur sub vna ratione, videlicet sub ratione meriti: & ideo non tenet illud quod consequenter obiicit, quod maior est perfectio gratiæ gratum facientis, quam gratiæ gratis datæ, quod et si verum sit intensiue, non tamen oportet quod extensiue.

3. AD illud quod obiicitur, quod culpa multipliciter dicitur: ergo & gratia. Responderi potest quod illa ratio deficit dupliciter. Primum quidem, quia illud intelligitur de multiplicatione non secundum diuisionem, quæ est in partes subiectiuas, sed secundum diuersas acceptationes, siue significationes. Cum enim irrationale diuidatur contra rationale, non oportet quod tot sint rationalia, quot irrationalia. Secundo etiam deficit, quia vbi bono nata sunt opponi plura mala, cum malum sit multifarie, & bonum vno modo.

4. AD illud quod obiicitur quod actus gratiæ secundum quod gratia est, diuersificatur, &c. dicendum quod et si actus illi diuersi sint tanta diuersitate, quod in corporalibus diuersis rebus attribuuntur, quia alterius medicinæ, est curare, & alterius præseruare: in spiritualibus tamen non sic diuersificantur, vt inducant diuersitatem habitus, tum propter ipsorum actuum, & effectuum ordinem, tum etiam propter ipsius habitus perfectionem, ex qua habet vt possit multo melius in plures effectus sine sui multiplicatione, quam natura corporalis hoc possit ex diuersarum naturarum coniunctione.

5. AD illud quod obiicitur de scientia, plana est responsio per iam dicta: non enim est simile, tum quia scientia dicit habitum habentem respectum ad exteriora cognoscibilia secundum speciales, & proprias condiciones, & naturas, tum etiam quia aliquo modo scientia creata causari dicitur ex rebus extra, tum etiam quia ad ipsam maxime pertinet distinguere. Opposita autem harum proprietatum, & conditionum reperiri habent in gratia. sicut potest haberi ex his, quæ prædicta sunt: & ideo non plurificatur, sed in anima vna reperitur vna.

QVÆSTIO II.

An gratia gratum faciens, & virtus gratuita essentialiter differant.

S. Tho. 1. 2. q. 110. art. 3.
Et 2. Sent. dist. 27. q. 1. art. 1.
Sentus 2. Sent. dist. 27. q. 1.
Egid. Rom. 2. Sent. p. 2. dist. 27. q. 1. art. 1.
Alfonsi Iorenfis 2. Sent. tract. 2. c. 2.
Richardus 2. Sent. dist. 27. q. 1.
Durandus 2. Sent. dist. 27. q. 1.
Thom. Arg. 2. Sent. dist. 26. q. 1. art. 1.
Steph. Brulef. 2. Sent. dist. 27. q. 2.

DE comparatione gratiæ ad virtutem gratuitam: & est quæstio. Vtrum gratia gratum faciens, & virtus gratuita differant per essentiam. Et quod sint idem, videtur primo per illud, quod Magister dicit, & habitum est in distinctione præcedenti: quod gratia gratum faciens est fides cum dilectione: si ergo fides, & charitas virtutes sunt, videtur, &c.

2. ITEM quorum diffinitiones sunt eadem, ipsa sunt eadem: sed gratia sic diffinitur ab Isidoro: Gratia est diuinæ misericordiæ donum, per quod bonæ voluntatis est exitus. Sed hæc diffinitio conuenit virtuti gratuita: ergo, &c.

3. ITEM eadem est per essentiam gratia operans, & cooperans: sed gratia cooperans in libero arbitrio non est aliud, quam virtus gratuita, cum ipsius sit voluntati cooperari: ergo idem est virtus, & gratia.

4. ITEM quorum effectus, & actus proximus, & im-

Ad oppositum.

Rom. 1. 6
Heb. 11. 6
1. Cor. 13. 6

mediatus est idem, ipsa sunt eadem: sed gratia actus respectu subiecti est animam viuificare, respectu Dei est acceptam reddere, respectu operis est ipsum opus meritorium facere, omnia hæc eadem per essentiam virtuti competunt. Nam dicitur: iustus ex fide uiuit. Et: Sine fide impossibile est Deo placere. Et: Si charitatē non habuerō, nihil mihi prodest: ergo si primi effectus gratia virtuti attribuuntur, gratia & virtus sunt vnus & idē habitus.

5. ITEM si habitus sunt diuersi, vnus non denominat alterum: sed gratia virtutem denominat, dicitur enim virtus gratuita: ergo gratia, & virtus non differunt in essentia: ergo, &c.

6. ITEM circumscripto omni alio habitu, si quis habeat fidem, & charitatem, habet vnde Deo placeat, & vnde ei etiam seruiat: si igitur illud quod facit Deo placere, est gratia gratum faciens: ergo omni habitu circumscripto, intellecto quod quis habeat fidem, & charitatē, habet gratiam gratum facientem: ergo gratia gratum faciens non est aliud per essentiam differens à virtute.

Fundamēta.
Ans. de concord. prad.
& lib. arb.

SED CONTRA per Anselmum de concordia prædestinationis, & liberi arbitrij: Rectitudinē volūtatis nullus habet nisi Dei gratia præueniente: sed virtus non est aliud quam rectitudo volūtatis: ergo virtus est à gratia præueniente: sed in creaturis differt effectus à causa per essentia: ergo virtus gratuita essentialiter differt à gratia.

ITEM quæcunque sic se habent, quod vnum est medium operandi respectu alterius, illa differunt per essentiam, quia nihil creatum agit seipso: sed gratia in opus bonum, & in actū determinatum mouet mediante virtute: ergo gratia, & virtus gratuita differunt per essentia.

ITEM quæcunque sic se habent, quod vnum illorum habet actum continuum, & reliquum habet actum interpolatum, illa differunt per essentiam: sed gratia, & virtus sunt huiusmodi, quia gratia est in actū continuo: continue enim viuificat, & animam Deo reddit acceptam: virtus vero non est continue in ipso actū: ergo, &c.

ITEM quæcunque sic se habent, quod habent diuersas differentias diuidentes, illa differunt per essentiam: sed gratia diuiditur per præuenientem, & subsequenter, virtus vero per Cardinalem, & Theologicam: ergo, &c.

ITEM quæcunque sic se habent, quod vnum remanet reliquo recedente, illa sunt per essentiam diuersa: sed virtus aliquo modo remanet post perpetrationem culpæ: gratia vero gratum faciens nullo modo: ergo, &c.

ITEM quæcunque duo sic se habent, quod vnum remanet indiuisum, reliquum vero diuiditur & multiplicatur, illa essentialiter differunt: sed gratia in vna anima est vna sicut ostensum est supra, virtutes vero multæ, sicut ostenditur infra, & Apostolus dicit: Nunc autem manent fides, spes, & charitas: tria hæc, &c. Necesse est igitur gratiam & virtutes gratuitas differre per essentiam.

1. Cor. 14.

CONCLUSIO.

Gratia, & virtutes gratuite sunt distincta, & diuersi habitus per essentiam, licet vnum sint per ordinem.

Opinio 1.

RESP. AD ARG. Ad prædictorum intelligentiam est notandum, quod circa hoc diuersi diuersimode senserunt. Quidam enim dicere voluerunt, quod gratia nihil aliud est, quam virtus. Intellexerunt enim quod gratia non est aliud quam quædam rectificatio potentiarum animæ respectu eius ad quod sunt. Hanc autem rectificationem, quia supra naturam est, non potest facere nisi Deus. Et quoniam talem rectitudinem faciendo in anima dat virtutes ipsis potentiis, vt rationali fidem, concupiscibili charitatem, & irascibili spem: ideo dicunt gratiam creatam nihil aliud esse, quam virtutem gratuitam, differre autem sola ratione dicendi: quia gratia dicitur in quantum Deus per illam rectitudinem animam acceptat, & approbat: virtus vero in quantum anima sic rectificata habet exire in opera ardua, & laudabilia. Alij vero dixerunt, quod gratia & virtus gratuita essentialiter differunt sicut principium & principiatū, & sicut substantia & virtus. Sicut enim potentia ani-

Opinio 2.

ma non est ipsa animæ essentia, sed potius emanat, & procedit ab illa, sic virtus, quæ perficit potentiam, non est ipsa gratia, quæ perficit animæ substantiam, sed potius aliquid egrediens ab ipsa: vt sicut anima est quoddam totum potentiale, sic & gratia sit quoddam totum potentiale. Est enim vna secundū se in quantum respicit ipsam animæ substantiam: est tamen origo plurium in quantum influit in ipsas potētiās. Vnde dicunt illas virtutes non solummodo differre in quantum sunt virtutes, sed etiam in quantum gratia, vt sit alia gratia specialis, à qua fides dicitur gratuita, alia à qua spes, alia à qua charitas gratuita nuncupatur. Quælibet autem harum positionum, etsi probabilitatem habeat, nihilominus tamen, si quis interius aspiciat, videbit aliquo modo vtramq; à veritatis tramite declinare. Nam prima quæ dicit, quod gratia nihil aliud est, quam virtutis habitus, necesse habet dicere, aut quod omnes virtutes, sint vna virtus, aut quod in vno homine sint multæ gratia gratū facientes: quorum vtrumq; est improbable, & vnū est improbatum supra: & aliud est satis improbabile, videlicet quod omnes virtutes sint vna virtus, & improbatum suo loco. Necesse habet etiā dicere, aut quod gratia gratū faciens non totaliter tollitur per culpā, aut quod post peccatū nihil remanet de virtute aliqua. Et primum horum est contra communem Doctorum sententiam: secundum vero est cōtra sensibilem experientiam: ideo modus iste dicendi non modicam habet calumniā. Alius etiam à veritate deuiare dicitur. Primo in eo quod ponit, quod gratia primo existat in substantia, & postmodum influat in potētiās: hoc enim improbatum est supra. Secundo vero in eo, quod ponit in vno, & eodē homine esse diuersas gratias gratum faciētes, & hoc ipsum supra improbatū est. Vnus enim est decor, qui datur faciei animæ, ex quo non solum ipsa acceptatur, immo etiā habitus eius, & opera. Et ideo est tertius modus dicendi, quod quemadmodum cum dico lumen, & colorem illuminatum, dico aliam, & aliam formam, licet vna sit ordinata ad aliam, & quodam modo altera compleatur ex alterius præsentia: similiter intelligendum est de gratia, & virtute gratuita. Quemadmodum enim color qualitas est corporis terminati, quæ à præsentia luminis influxu veniunt, & cōpletur, vt possit mouere visū, sic virtus quæ est habilitatio potētiæ, absq; gratia gratum faciēte informis est, sicut color sine lumine: sed ea adueniēte, ex qua tota anima in se, & in suis potētiis decoratur, formari, & viuificari dicuntur habitus virtutū, & effici Deo accepti. Et quæadmodū ex lumine infuso, & colore nō fit vnū per essentia, sed per ordinē, & iterum lumen in quantum illuminat aërem cōiunctum corpori terminato, & in quantum colorem reddit luminosum, non est aliud & aliud per essentiam, sed sola comparatione differens, & secundum esse: & sicut vnum lumen diuersos potest colores ad actum reducere sine sui multiplicatione: sic in influentia gratia, & habitu virtutis intelligendum est esse, scilicet quod gratia superueniens cum habitu virtutis, quem informare dicitur, non facit vnum per essentiam: sed ideo informat, quia ad finem suum ordinat. Similiter gratia, à qua anima dicitur esse Deo grata, & à qua aliqua virtus dicitur esse gratuita non differt nisi sola comparatione, sicut primum expositum est in lumine. Similiter vna est gratia, à qua omnes virtutes animæ dicuntur esse gratuita. Concedendum est igitur sicut rationes plures ostendunt, quod habitus gratia gratum facientis, & virtutum habitus sunt diuersi.

1. AD illud ergo quod primo obiicitur de Magistro, qui dicit quod gratia est fides cum dilectione, dicendū quod illa prædicatio non est per essentiam, sed per quandam concomitantiam, & significantiam. Et aliquo modo posset reduci ad prædicationem per causam.

2. AD illud quod obiicitur, quod diffinitio gratia conuenit virtuti, dicendum quod illa notificatio vel non est propria, vel si est propria, non eo modo conuenit virtuti, quo dicitur de gratia: gratia enim est sicut donū primum, & excellentissimum inter dona creata: & sicut donū

Lib. 3. dist.
33. ar. 1. q. 2.

Distin. 26.
9. 5.
Opinio 3.

num

num quod complectitur totam bonitatem donantis : sic autem intellecta hac notificatione , non competit virtuti.

3. Ad illud quod obiicitur , quod gratia cooperans est virtus , dicendum quod ille actus non assignatur gratiæ secundum se , sed secundum quod est ordinativa virtutis : & sic dicitur libero arbitrio cooperari . Nec ex hoc sequitur , quod idem sit quod virtus : immo si sic argueretur , esset cōsequēs , sicut si ita argueretur : Color mouet visum : & lux mouet visum : ergo color nō differt à luce . Et per hoc patet responsio ad sequens , quoniam viuificare , & acceptum reddere , & opus meritorium facere , aliter competit virtuti , aliter gratiæ . Gratiæ enim competit primo , virtuti vero ex consequenti , videlicet quia ab influentia gratiæ formatur , & ordinatur .

4. Ad illud quod obiicitur , quod si habitus sunt diuersi , vnus denominat alterum , dicendum quod est denominatio per inhærentiam , sicut albedo per album denominat corpus : & denominatio per circuminceptionem quandam , in qua aliqua duo sic se habent quod vnum habet ordinare alterum , secundum quod dicitur voluntas deliberans , & iustitia prudens : & per hunc modum virtus dicitur esse gratuita .

5. Ad illud quod obiicitur , quod circumscripto omni habitu , &c. dicendum quod à charitate non potest circumscribi gratia , quia semper nominat charitas virtutem formatam . Si quis autem vocaret charitatem habitum amoris , quo natus est homo diligere Deum propter se , & super omnia , sic & quamvis modo non possit absque gratia reperiri , potest tamen intelligi sicut in Adam , & in primo angelo ante lapsu fuit , ut supra patuit . Et sic patet quod gratia est aliud quam virtus : patet etiam quod est aliud quam potentiarum rectificatio . Nam in homine quantum ad statum innocentie erat potentiarum rectitudo antequam esset gratiæ datum facientis infusio : & hoc melius videbitur infra cum agetur de necessitate gratiæ secundum statum innocentie .

QVÆSTIO III.

An gratia gratum faciens , & gloria essentialiter differant .

Alex. Alensis 3. p. q. 2. Membr. 2. & 3.

Richardus 2. Sent. dist. 27. q. 2.

Steph. Brulef. 2. Sent. dist. 27. q. 2.

DE gratia in comparatione ad gloriam . Et est quæstio : Vtrum differant per essentiam : & quod sic videtur . Gratia gratum faciens etsi non sit fides , tamen nunquam est sine fide , quia sine fide impossibile est placere Deo : gloria autem nullo modo compatitur secundum fidem : ergo necesse est gratiam , & gloriam per essentiam differre .

1. **I**TEM gratia gratum faciens se habet ad gloriam , sicut via ad terminum , & sicut id quod est ad finem : si igitur terminus necessario distinguitur à via , & finis ab eo quod est ad finem distinctione essentiali , pari ratione videtur quod gratia , & gloria .

3. **I**TEM sicut se habet culpa ad supplicium , ita se habet gratia ad præmium : sed culpa , & poena æterna differunt essentialiter : ergo pari ratione , & gloria .

4. **I**TEM corruptibile , & incorruptibile differunt per essentiam : sed gratia est corruptibilis , & amissibilis , sicut supra ostensum fuit : gloria vero omnino est incorruptibilis : ergo , &c. .

5. **I**TEM quod est cognoscibile ab habente , differt per essentiam ab eo quod non est cognoscibile : sed gloria ab omni eo , qui habet eā , cognoscitur : nullus enim est gloriosus , qui nesciat se esse gloriosum : gratia non : ergo differt per essentiam à gloria .

SED CONTRA : Sicut se habet charitas viæ ad charitatem patriæ , sic se habet gratia ad gloriam : sed charitas viæ non differt per essentiam à charitate patriæ : sicut enim dicitur : Charitas nunquam excidit : ergo pari ratione gratia à gloria .

ITEM Christus ab instanti suæ conceptionis habuit gloriam , & habuit gratiam : sed gratia illa , quam habuit , fuit ad cognoscendum , & amandum Deum : statim enim cum conceptus fuit , cognouit , & amauit cognitione , & delectatione comprehensionis : igitur in ipso gratia non differebat à gloria .

ITEM perfectum , & imperfectum non variant rem secundum essentiam : sed gratia dicit assimilationem animæ ad Deum secundum statum imperfectionis : gloria vero secundum statum perfectionis : ergo , &c. .

ITEM aut gloria reddit acceptum Deo , aut non . Si non , ergo non tanquam placet Deo gloria , quantum gratia : ergo nec status patriæ quantum status viæ , quod est inconueniens . Si sic : ergo cum iste sit proprius actus gratiæ , necesse est gloriam esse gratiam .

ITEM quando aliquis de gratia transit ad gloriam , aut perdit gratiam , aut non . Si perdit gratiam : ergo videtur , quod desinat esse gratus Deo , & quod gloria & gratia habeant ad inuicem repugnantiam , quorum vtrumque falsum est . Si non perdit , cum gratia sit vita animæ , sicut ostensum est supra , & in vna anima tantum sit vna vita : aut gloria non erit vita , aut gratia , & gloria erunt idem per essentiam : sed constat quod gloria est vita : ergo , &c. . Quæstio est igitur , qualiter se habeat gratia ad gloriam : si enim sunt idem , qualiter transit ab vna ad aliam , & quare sortiuntur diuersa nomina : si vero diuersa sunt , ut quid gloria appellatur gratia : Vnde est etiā ista diuersitas , cum diuina gratia omni statui conueniat , siue statui viæ , siue statui patriæ : vtrosque enim Deus acceptat .

CONCLUSIO.

Gratia & gloria secundum essentiam non differunt , sed distinguuntur secundum diuersam comparisonem , & secundum diuersum statum , quia gratia primo inchoatur , deinde consummatur .

RESP. AD Arg. Dicendum quod tam gratia gratum faciens , quam gloria nominat diuinam influentiam , per quā anima habet Deum , & Deus habitat in anima . Habere autem contingit dupliciter : vel perfecte , & sic habet homo Deum in ratione quiescentis : vel semiplene , & sic habet homo Deum in ratione tendentis . Primum , sc. quies competit statui patriæ . Secundum , sc. tendentia competit statui viæ : & ideo primum est gloriæ , secundum est gratiæ . Et quia primum est præmij , secundum est meriti : ideo gratiæ attribuitur actus merendi , gloriæ vero actus regnandi . Quoniam igitur idem potest esse per essentiam magis perfectum , & minus perfectum , hinc est quod gratia , & gloria secundum quod distinguuntur secundum modum habendi Deum , differunt solum secundum statum . Et quoniam nos habere Deum non est aliud , quam Deum habitare in nobis : ideo gratia , & gloria non solummodo distinguuntur secundum modum habendi Deum , sed etiam secundum rationem habitandi Deum in nobis . Cum tamen dico Deum habitare in homine , duo ex hoc dico , sc. diuinam dignationem , quā hominem acceptat , & sibi confederat , & per consequens humanā exaltationem , ex qua homo ea quæ Dei sunt excellenter participat . Et ideo illa influentia , per quam Deus in nobis habitat , dicitur esse gratia secundum primam comparisonem , videlicet in quantum Deus homini condescendit : & dicitur esse gloria quantum ad secundam comparisonem , secundum hoc videlicet quod homo per illam inhabitationem sublimatur , & ad magna conscendit : secundum istam considerationem , & secundum istum modum gratia , & gloria non differunt nisi sola cōparatione . Vnde vita æterna nominatur gloria , & nominatur etiā gratia : Gratia autem Dei vita æterna . Et sic patet responsio ad quæstionē propositam . Concedendum est enim , quod gratia gratum faciens , & gloria non differunt per essentiam : sed si differunt aliquo modo , hoc est secundum comparisonem aliam , & aliā , & sic simul sunt in eodem , sicut in Beatis , & in Christo

Rom. 8. d
Gratia & gloria quomodo differant .

qui dicuntur habere gratiam, & gloriam: vel secundum statum alium, & alium secundum quod successiue eidem insunt, quia primo inest gratia in statu viæ, & postmodum inest gloria in statu patriæ. Primo enim gratia inchoatur, & postmodum consummatur.

1. Ad illud quod primo obiicitur, in contrarium, quod gratia simul est cum fide, dicendum quod hoc est ratione status. Fides enim, quæ dicit ænigmaticam visionem, simul potest stare cum gratia secundum statum imperfectionis: non autem potest stare cum gratia secundum statum plenitudinis, qui excludit omne quod est ex parte. Vnde ex illa ratione non potest concludi, quod gratia & gloria differant per essentiam, siue secundum habitum, sed solum secundum statum.

2. Ad illud quod obiicitur, quod gratia se habet ad gloriam sicut via ad terminum, dicendum quod hoc dicitur ratione status, & additionis eius, quod gloria superaddit gratiæ, sicut perfectum additur imperfecto, cum ipsum perducit ad complementum: & quantum ad statum bene concedendum est, quod diuersitas esse potest inter gratiam, & gloriam.

3. Ad illud quod obiicitur, quod sicut se habet culpa ad supplicium, &c. dicendum quod non est simile, quia culpa principaliter inest ex parte animæ, supplicium vero aliquod ex parte corporis: gratia autem, & gloria insunt animæ ab eodem, & secundum idem & ad idem, videlicet in comparatione ad Deum. Posset tamen dici, quod aliqua culpa pœna est, sicut videbitur infra, & ita aliqua pœna non differt à culpa, & aliqua differt, & est diuersa à culpa: sic etiam in gloria. Illa enim, in qua consistit præmium substantiale, eadem est cum gratia: sed gloria, quæ consistit in stola corporis, erit ab ea diuersa.

4. Ad illud quod obiicitur, quod corruptibile, & incorruptibile variant essentiam, dicendum quod illud non habet locum, nisi ubi corruptibilitas, & incorruptibilitas venit ex natura principiorum componentium: hoc autem non est in proposito, quia immutabilitas gloriæ venit desursum, corruptibilitas gratiæ deorsum, videlicet à liberi arbitrij vertibilitate.

5. Ad illud quod obiicitur de cognoscibilitate, dicendum quod illud non concludit differentiam secundum essentiam: sola enim differentia secundum statum potest facere, ut videatur quod prius videri non poterat: sicut aliquis non cognoscit affectionem suam, quando non est intensa, sed quando postmodum intenditur, tunc de facili deprehenditur, & cognoscitur. **ITEM:** Color in tenebris non est visibilis, & in lumine est visibilis, & tamen color non differt essentialiter: sic nec diuersitas modi cognoscendi respectu gratiæ, & gloriæ habet eas diuersificare essentialiter. Et sic patet responsio ad omnia quæ sita.

ARTICVLVS II.

CONSEQUENTER quæritur de gratia in comparatione ad meriti exercitium. Et circa hoc tria quærentur. Primo quæritur, utrum per gratiā contingat mereri ipsum gratiæ donum. Secundo quæritur utrum per gratiam contingat mereri ipsum gratiæ augmentum. Tertio quæritur, utrum per gratiā contingat mereri ipsius gratiæ complementum, videlicet gloriæ præmium. **E**

QVÆSTIO I.

An per gratiam contingat mereri ipsum gratia donum iam habitum.

*Richardus 2. Sent. dist. 27. art. 2. q. 1.
Steph. Brulef. 2. Sent. dist. 27. q. 4.*

Ad oppositum.

VTRUM per gratiam contingat mereri ipsum gratiæ donum iam habitum. Et quod sic, videtur. Primo per simile in corporibus. Bonus enim miles, & strenue militando meretur equum à Domino suo, sibi gratis datum per vsum ipsius equi: ergo si tantæ est efficacitæ

vsus rei spiritualis in merendo rem spiritualement, sicut rei corporalis in merendo rem corporalem, videtur quod per gratiæ bonum vsum mereatur quis donum gratiæ iam acceptum.

2. **ITEM** quod potest in maius potest in minus: sed per vsum gratiæ contingit mereri gloriam habendam: ergo multo fortius contingit mereri gratiam iam habitam.

3. **ITEM** vnusquisque magis est effi. ax ad merendum sibi, quam alij: sed viri iusti, in quibus est gratia, erando merentur aliis primam gratiam, sicut dicit Augustinus de prædestinatione Sanctorum: ergo multo fortius homo bene vtendo dono gratiæ efficitur dignus habitu gratiæ quam accepit. Quod autem vnusquisque magis sit effi. ax ad merendum sibi, quam alij, probatur per illud quod dicitur super illud: Videns Iesus fidem illorum, ibi Glossa: Quantum valet vnique fides propria, si tantum profuit aliena? quasi dicat multo plus.

4. **ITEM** quantum placet Deo petitio, & oratio, pro habendo, tantum placet ei gratiarum actio pro iam habito: sed aliquis ex charitate orans meretur obtinere quod petit, si petit pie, & pro se, perseveranter, & ad finem: ergo pari ratione, qui gratias agit, & pie, & perseveranter, ex charitate dignus efficitur eo quod iam accepit.

5. **ITEM** sicut se habet charitas ad amandum, sic se habet gratia ad merendum: sed per charitatem non solum modo contingit amare alia, sed etiam ipsam charitatem, sicut vult Augustinus, & in primo libro habitum est: ergo pari ratione per gratiam contingit mereri ipsum gratiæ donum.

6. **ITEM** tunc est perfectio in actibus, & habitibus animæ, quando agens reflectitur super seipsum: tunc enim quis perfecte intelligit, quando intelligit se intelligere: ergo non videtur esse perfectum meritum nisi quis mereatur etiam illud per quod meretur.

SED CONTRA: Meritum, & præmium relatiua dicuntur, sicut pater dicitur relatiue ad filium: ergo sicut idem non potest esse pater sui ipsius, sic vnum & idem non potest esse meritum sui ipsius: ergo per gratiam non contingit mereri ipsius gratiæ donum habitum.

ITEM meritum, & præmium habent ordinem, sicut via, & terminus, & sicut dispositio respectu eius, ad quod disponit: ergo necesse est quod meritum præcedat præmium vel tempore, vel natura: ergo impossibile est per gratiam mereri ipsum donum gratiæ.

ITEM gratuitum & debitum opponuntur: sed quando aliquid magis cadit sub merito, tanto magis habet rationem debiti: si igitur vsum gratiæ non aufert ipsi gratiæ esse donum gratuitum, immo potius addit, videtur quod per ipsum vsum gratiæ nullo modo contingat mereri gratiæ donum.

ITEM quantum vnumquodque placet Deo, tantum est meritorium: sed vsum gratiæ non placet Deo nisi propter ipsam gratiam: ergo non plus meretur vsum gratiæ cum gratia, quam gratia per seipsam: sed donum gratiæ eo ipso quod habetur, non meretur se: ergo pari ratione nec vsum gratiæ contingit mereri iam habitum gratiæ donum.

CONCLUSIO.

Gratiam iam habitam per gratiæ vsum non contingit hominem mereri, nec quantum ad meritum congrui, nec quantum ad meritum condigni.

RESP. AD ARG. Dicendum quod per vsum gratiæ consequentem non contingit mereri habitum gratiæ præcedentem, nec quantum ad meritum congrui, nec quantum ad meritum condigni. Quantum ad meritum congrui non, pro eo quod vsum gratiæ ad ipsum habitum non comparatur, sicut meritum ad præmium. Tum quia non ordinatur ad ipsum habitum promerendum, sed ad aliud. Tum etiam, quia non habet ordinari ad illud, nisi sicut ad suum fundamentum, & originem. Meritum autem omne siue congrui, siue condigni ordinatur ad præmium, tanquam quædam via, & dispositio præambula.

Multo

Mat. 9. a

Aug. 8. de
Tri. 7. c.
6. som. 3.

Fundamēta.

S. Tho. 1. 2.
q. 114. art. 5.

Multo minus vero quantum ad meritum condigni, per vsum gratiæ contingit mereri ipsum donum gratiæ, quod est ipsius vsum principium. Tum quia ipsa gratia quantum est de sua prima ratione, & primaria infusione sic habet rationem gratuiti, vt nullo modo compatiatur rationem debiti. Si enim esset ex meritis, iam non esset gratia. Tum etiam, quia si vsum gratiæ ipsam gratiam mereretur, quanto magis ipsa bene vteretur, tanto minus pro ipsa teneretur esse Deo gratus: quod si hoc repugnat perfectioni meriti, planum est quod gratiam non contingit mereri: nec merito condigni, quia tunc tolleretur perfectio gratiæ, & perfectio meriti: nec merito congrui, quia non saluatur ibi ordo, qui inter meritum, & præmium debet attendi. Vnde rationes quæ hoc ostendunt concedendæ sunt.

1. Ad illud vero quod primo obiicitur in contrarium de similitudine meriti in corporalibus, dicendum quod non est simile, quia equus quantum est de sui ratione non dicit rationem gratuiti: ideo salua sua ratione potest quis cum iam habitum mereri. Primum autem gratiæ donum eo ipso quod tale est dicit quid simpliciter gratuitum: ideo quidquid homo faciat, nunquam illud meretur, non solum quia sit iam habitum, sed quia gratuitum. Vnde etsi aliqui dixerunt, quod contingat mereri gloriam iam habitam, sicut in Angelis: non credo tamen aliquos recte intelligentes sensisse, quod contingat mereri gratiam iam habitam.

2. Ad illud quod obiicitur, quod si aliquid potest in maius, potest in minus, dicendum quod illud non habet veritatem, nisi quando aliquid ordinatur ad maius, & ad minus consimili ordinatione: sic autem non est in proposito. Nam vsum gratiæ ordinatur ad merendum gloriam, non ad merendum gratiam, pro eo quod ipsam præsupponit tanquam fundamentum.

3. Ad illud quod obiicitur, quod aliquis meretur alij primam gratiam, dicendum quod non est simile, Primum quia gratia in viro iusto præcessit gratiam infundendam viro peccatori: vsum enim gratiæ in eodem homine sequi habet ipsum donum gratuitum. Præterea cum quis meretur alij gratiam, donum gratiæ non perdit ex hoc rationem gratuiti, quoniam ratio gratuiti attenditur in habitu gratiæ in comparatione ad eum, cui datur. Quantumcumque autem vir iustus cret pro peccatore, quod peccatori detur habitus gratum faciens, non potest esse sine gratuita libertate diuinæ misericordiæ. Et ideo non sequitur quod si vnus alij potest mereri gratiam habendam, quod ipse possit sibi mereri gratiam iam habitam. Quod autem dicitur, quod plus valet vnicuique fides propria, quam aliena, hoc intelligitur respectu meriti propriæ gratiæ.

4. Ad illud quod obiicitur, quod gratiarum actio ita est efficax pro habito, sicut oratio pro habendo, dicendum quod etsi gratiarum actio ita sit Deo accepta pro præterito, sicut oratio pro futuro: ex hoc tamen non sequitur, quod gratiarum actio sit ordinata ad merendum iam habitum, pro eo quod ipsa gratiarum actio, & laus pro beneficiis acceptis, plus tenet rationem præmij, quam rationem meriti. Sed si tenet rationem meriti, ordinatur ex diuina liberalitate potius ad donum promerendum iam habitum.

5. Ad illud quod obiicitur de comparatione charitatis ad amorem, & gratiæ ad meritum, dicendum quod non est simile. Meritum enim de sua ratione importat ordinem & relationem: amor vero importat actum potentiae non alligatæ materiæ: & quia idem non habet ad se referri, & ordinari, sed actus potentiae non alligatæ materiæ habet supra se reflecti, hinc est quod, amorem contingit amare, sed meritum non contingit mereri.

6. Et per hoc patet responsio ad illud, quod ultimo obiiciebatur: illud enim veritate in eis actibus non habet, qui quidem important relationem, & ordinem, & simul cum hoc aliquam imperfectionem: actus autem merendi respectu actus gloriosi imperfectionem aliquam dicit, & ordinem, & relationem, sicut prius ostensum est: & ideo illud non valet:

QVÆSTIO II.

An per gratiam contingat hominem mereri gratia augmentum.

S. Thomas 1. 2. q. 114. art. 8.

Ægid. Rom. 2. Sent. p. 2. dist. 27. q. 2. art. 3.

Richardus 2. Sent. dist. 27. art. 2. q. 2.

Stephan. Brulef. 2. Sent. dist. 27. q. 5.

VTRUM per gratiam contingat mereri gratiæ augmentum. Et quod sic, videtur. Primo per Augustinum ad Bonifacium: Gratia meretur augeri: vt aucta mereatur perfici.

ITEM hoc videtur ratione. Omnis habens gratiam, habet vnde possit proficere in merito: sed profectus in merito non est nisi per augmentum gratiæ: ergo gratia sui ipsius augmentum mereri potest.

ITEM peccans vno genere peccati meretur incidere in aliud genus peccati, vnde efficitur peior, sicut peccans peccato superbiæ meretur incidere in peccatum luxuriæ: ergo pari ratione, qui bene vtitur gratia per bonorum operum exercitium, videtur mereri, vt fiat sibi gratiæ augmentum.

ITEM laudabilior est qui se extendit ad opus perfectionis cum minori adiutorio, quam ipse qui se extendit cum maiori: ergo si habens minorem gratiam se eleuat ad opera æqualis perfectionis cum eo, qui habet maiorem, videtur quod tantundem, vel amplius apud Deum mereri habeat: ergo si nulli sit retributio, nisi secundum quantitatem gratiæ, videtur quod talis mereatur augmentum in gratia.

ITEM qui petit pie, & perseveranter pro se & ad salutem, meretur exaudiri: sed qui petit gratiæ augmentum continue hoc modo petit: ergo videtur gratiæ augmentum mereri.

1. **S**ED CONTRA: Meritum non est respectu eius, quod omnino est impossibile: sed gratiam, cum sit forma simplex, augeri est impossibile: ergo impossibile est mereri gratiæ augmentum.

2. **I**TEM meritum non est respectu eius, quod est in nobis, sed quod est ab alio: sed habens gratiam per virtutem eius quod habebat, potest in maius bonum proficere: non solum enim habet, vnde possit stare, sicut dicit Augustinus, sed etiam vnde possit proficere. Si igitur profectus gratiæ consistit in eius augmento, sicut profectus gratiæ est in eius potestate, ita videtur, quod & augmentum gratiæ: ergo non videtur ad hoc concurrere meritum.

3. **I**TEM nihil augetur nisi per rem eiusdem generis, & naturæ: sed gratia, quæ in primo datur, quantum est de natura sui, est ita gratuita quod non cadit sub merito, sicut supra ostensum est, & Augustinus dicit 4. de Trinit. Quod meritis redditur, non est gratia. Si igitur non contingit mereri ipsum gratiæ donum, non contingit mereri ipsius gratiæ augmentum.

4. **I**TEM Deus remunerat opus secundum quantitatem radicis: ergo tantum meretur quis per opus gratuitum, quantum ex illa gratia, ex qua exit opus: si igitur gratia augmentata excedit illam, videtur quod minor gratia per suum opus non possit mereri sui ipsius augmentum.

5. **I**TEM si aliquis meretur augmentum, tunc si Deus non auget illi gratiam, esset iniustus: & cum auget opus illud est remuneratum: ergo videtur quod opus illud non esset dignum remuneratione gloriæ. Si igitur hoc est falsum, & impossibile, vt per augmentum gratiæ auferatur efficacia merendi gloriam, impossibile est ponere, quod augmentum gratiæ mereri contingat.

CONCLUSIO.

Gratia augmentum contingit hominem mereri.

RESP. AD Arg. Dicendum quod sicut dicit August. absque dubio tenendum est, quod gratia meretur augeri:

quis

Fundamēta.
Aug. tom. 2.
Epist. 106.
post princ.

Ad oppositum.

August. in
enchir. cap.
107. & de
corr. & gra-
tia, cap. 11.
tom. 7.

Aug. lib. 4.
cap. 1.

Augeri quid
quot modis
contingat.

Gen. 2. d.
Ioan. 6. a

Dist. 17. art.
1. q. 1. & 2.

Dist. 17.

Epist. 106.
tom. 2.

quis autem sit modus augendi, & modus merendi, difficile est assignare. Cum enim multi sint modi augendi, quis eorum competat gratiæ, non est facile discernere. Contingit enim aliquid augeri per impermixtionem cū contrario, sicut dicitur, quod albius est, quod est nigro impermixtius. Contingit nihilominus a.iquid augeri propter hoc, quod minori succedit maius, sicut dies augeri dicuntur. Contingit etiam aliquid augeri propter aggregationem multorum, sicut lumen augetur in aëre propter multitudinem candelarum, ex quarum concursu fit aggregatio luminum. Contingit etiam aliquid augeri per additionem, sicut augetur corpus per alimentū. Contingit etiam aliquid augeri per magnificationem rei in seipsa, sicut augmentata fuit costa, cum de ea facta fuit Eua, & sicut augmentati fuerunt quinque panes, cum de eis quinque milia hominum pasti sunt. Contingit etiam sexto modo aliquid augeri per accessum ad suum summum, sicut aliquid dicitur magis pulchrum, & magis luminosum quod magis accedat ad perfectionem pulchritudinis, & lucis. Omnibus his sex modis dixerunt aliqui gratiam augeri. Sed primi tres modi improbari possunt de facili, & primo libro improbatum sunt aliquo modo cum agitur de charitatis augmento. Eodem enim modo tam charitas quam gratia habent augeri. Tres autem modi sequentes sunt satis conuenientes, nec improbari de facili possunt. Primus tamen eorū famosior est, pro eo quod magis consonat sanctorum auctoritatibus, quæ videntur dicere in augmento gratiæ iniundi nouam gratiam, cum loquuntur de diuersa sacramentorum efficacia. Qualiter autē hic modus valeat sustineri, in primo libro dictum fuit. Vltimus autem modus non est minus intelligibilis, quam aliquis prædictorum: immo secundum hunc modū dicendi, obiectiones quæ sunt contra gratiæ augmentum, facilius declinari possunt. Quamvis enim augmentum per oppositionē videatur repugnare simplicibus, maxime cum in spiritualibus, quanto aliquid est simplicius, tanto sit virtute maius, augmentum tamen per accessum ad summum valde videtur eis consonum. Quocunque autem horum modorum trium sequentium dicatur, non est magna vis facienda, sed pro certo habentes gratiam Dei in nobis augeri posse, laborare debemus taliter, quod in nobis augeatur per bona opera. Per illa enim, ut dicit Aug. meretur augeri, ut aucta mereatur perfici. Modum autē merendi gratiæ augmentum sic videre possumus. Contingit enim aliquid mereri ex congruo, & contingit aliquid mereri ex condigno. Tunc est meritum ex condigno, quando ratio meriti reperitur ibi perfecte, & plene: & tunc est ibi quædam commensuratio, & adæquatio meriti ad præmium. Et quia hoc non potest esse, cum gratia augetur, hinc est quod non potest quis mereri gratiæ augmentum merito condigni: si igitur contingit ipsum augmentum gratiæ mereri, hoc est merito congrui. Meritum autē congrui dicitur in quo est aliqua dispositio congruitatis respectu eius, ad quod illa dispositio ordinatur, quæ tamen deficit à ratione condignitatis. Et hoc potest esse tripliciter. Aut enim est congruitas sine dignitate: & sic peccator per bona opera in genere, facta extra charitatem meretur de congruo primam gratiam: ibi est enim quædam congruitas: quia facit quod in se est: non est tamen condignitas, quia inimicus Dei est, & indignus pane, quo vescitur. Aut est ibi dignitas cum indignitate, sicut est quando vir iustus meretur peccatori primam gratiā. Dignitas enim est ex parte viri iusti, qui est amicus Dei, & dignus à Deo exaudiri: sed indignitas est ex parte peccatoris: & ideo non est ibi plena ratio meriti. Aut est ibi dignitas cum gradu inferioritate, & sic habens gratiam minorem meretur per bonum vsum peruenire ad gratiæ cumulum. & hic modus merendi etiam deficit à merito condigni, & contineatur sub merito congrui, maxime tamen inter cæteros modos prædictos merendi accedit ad perfectionem meriti, & ideo quasi medium tenet inter meritum congrui, & meritum condigni. Ex prædictis igitur haberi potest qualiter gratia augetur,

& etiam qualiter augeri meretur. Vnde auctoritates, & rationes ostendentes, quod gratia meretur augeri, concedenda sunt.

1. Ad illud autem quod obiicitur, in contrarium, quod cum sit simplex non potest augeri: dicendum quod gratia non est omnino simplex, sed solum per priuationes partium quantitatarum quantitate molis: non autem per priuationem partium quantitatarum quantitate virtutis: & quantum ad tale genus partium est ibi augmentum, non quantum ad primum. Vel potest dici secundum vltimum modum dicendi, quod augmentum, quod attenditur per accessum ad summum, non ponit compositionem, sed quandam maioris simplicitatis & unitatis perfectionem: & ideo non repugnat gratiæ ratione simplicitatis essentiæ.

2. Ad illud quod obiicitur, quod profectus est in potestate gratiæ, dicendum quod quidam est profectus accidentaliter, utpote qui attenditur in feioris intensione, vel habitus radicatione, vel operum multiplicatione: & hic profectus est in potestate gratiæ: & secundum hunc profectum gratia non dicitur augeri proprie, quia non efficitur homo dignus maiori præmio substantiali per illum. Alius vero est profectus, qui respicit præmium substantiale, secundum quod dicitur homo dignus maiori præmio: & hic non est in potestate gratiæ, sed in sola illius potestate, cuius est gratiam infundere: & ideo hunc gratia non facere, sed mereri, dicitur: & penes hunc effectum attenditur gratiæ augmentum.

3. Ad illud quod obiicitur, quod augmentum gratiæ est eiusdem generis cum gratia primo data, dicendum quod etsi sit eiusdem naturæ quantum ad rationem habitus, differentia tamen est quantum ad statum, pro eo quod supponit gratiæ initium. Et quia eiusdem est gratia primo data: ideo non potest mereri merito condigni. Quia gratiam præsupponit, maiori congruitate meretur quis gratiæ augmentum, quam gratiæ initium, sicut supra dictum fuit.

4. 5. Ad illud quod obiicitur, quod remuneratio attenditur secundum quantitatem radices, respondendum est quod illud intelligitur in merito condigni: in merito autem congrui locum non habet. Et per hunc etiam modū respondendum est ad illud quod vltimo opponitur.

Q V Æ S T I O I I I.

An per gratiam contingat mereri gratia complementum.

S. Thomas 1. 2. q. 114. art. 3.
Et 2. Sent. dist. 27. q. 1. art. 3.
Egid. Rom. 2. Sent. dist. 27. p. 2. q. 2. art. 4.
Richardus 2. Sent. dist. 27. art. 2. q. 3.
Durand. 2. Sent. dist. 27. q. 1.
Thom. Argent. 2. Sent. dist. 27. q. 1. art. 4.
Stephan. Brulef. 2. Sent. dist. 27. q. 6.

Vtrum contingat per gratiam mereri ipsius gratiæ complementum, hoc est ipsum præmium gloriæ, & hoc quantum ad meritum condigni, quia de merito congrui non est dubium. Et quod sic, videtur: De reliquo reposita est mihi corona iustitiæ, quam reddet mihi Dominus in illa die iustus iudex. Si ergo non redditur secundum iusticiam, meritis debetur, & respectu eius præcessit meritum: ergo si talis corona, quam expectabat Apostolus, & gloriæ præmium, videtur quod illud contingat mereri per gratiæ donum.

ITEM: Adæquabit gratiam gratiæ. Et exponunt sancti, & doctores, quod adæquabit gratiam patriæ gratiæ viz. Et hoc expressius habetur in Matthæo: In qua mensura mensi fueritis, remetietur vobis. Si igitur ubi est adæquatio meriti & præmij, ibi contingit reperiri meritum condigni: videtur, &c.

ITEM sicut se habet culpa ad pœnam, sic se habet gratia ad gloriam: sed per culpam ex condigno meretur quis æternam damnationem: ergo per gratiam è contra ex condigno meretur quis æternam beatitudinem.

ITEM æque dignus est qui vincit aduersarium honore, & gloria, sicut qui vincitur, est dignus ignominia: si

ergo

ergo ille qui permittit se à diabolo superari, dignus est æterno improperio, videtur quod qui vincat, ex condigno mereatur regnum supernum.

ITEM aut per seruitium quod homo facit Deo meretur aliquid, aut nihil. Si nihil, ergo stultus est, qui Deo seruit. Si aliquid, cum præmium sit maioris dignitatis, quam meritum, & nihil sit excellentius gratia nisi gloria, & per nihil potest opus meritorium sufficienter remunerari, nisi per gloriam: ergo loquendo de merito condigni, contingit per gratiam gloriam mereri.

SED CONTRA: Non sunt condignæ passionēs huius temporis ad futuram gloriam, quæ reuelabitur in nobis: ergo per eas non contingit futuram gloriam mereri merito condigni.

2. ITEM: Stipendia peccati mors, gratia Dei vita æterna: Glossa: Malui dicere, gratia Dei vita æterna, ut intelligeremus Deum ad vitam æternam pro sua miseratione nos perducere, non meritis nostris: ergo si non perducit nos nostris meritis, videtur, &c.

3. ITEM videtur per rationem: Nullum seruitium quod debetur, dum redditur, obligat eum cui fit, in aliquo. Vnde Dominus in Luca: Quis vestrum habens seruum, &c. sed homo totum quod facit, & quod potest facere, totum debet Deo: ergo videtur quod non obliget Deum ad reddendum sibi aliquid: ergo nihil meremur apud Deum merito condigni.

4. ITEM nullum seruitium quod gratis fit, obligat eum cui fit, in aliquo: sed opera facta ex gratia fiunt gratis: ergo non obligant eum, cui fiunt ad retribuendum ex debito, sed solum de congruo: ergo idem quod prius.

5. ITEM ubi est meritum ex condigno, ibi est ratio dati, & accepti: sed Deus nihil potest à nobis accipere, quia bonorum nostrorum non indiget: ergo præmium gloriæ quod est excellentissimum, non possumus ex condigno mereri apud Deum.

CONCLUSIO.

Gratia complementum, & præmium æternum non solum merito congrui, sed merito condigni promereri possumus.

RESP. Ad Arg. Dicendum quod circa istam quæstionem aliqui doctores senserunt diuersimode. Quidam enim dicere voluerunt, quod quia meritum condigni dicit quandam obligationem in retribuente, & quandam commensurationem in seruitio, & retributione, & Deus non potest alicui obligari, & præmio gloriæ nihil aliud potest commensurari, ideo dixerunt, quod nullus potest cœlestem gloriam mereri ex condigno: sed si meretur, hoc est tantum ex congruo. Et ad istam suam positionem astruendam multis fulciuntur auctoritatibus sacre Scripturæ, & etiam Expositorum, qui hoc sentire videntur. Sed quoniam in Scriptura etiā sæpe reperitur, quod Deus unicuique retribuet secundum opera sua, & in parabola, qua exprimitur meritum, & retributio dicitur: Tolle quod tuum est, &c. & plura consimilia reperiuntur. Ideo aliorum positio est, quod gloriam non tantum contingit mereri merito congrui, tale enim meritum reperi potest in gratia gratis data; sed etiam contingit mereri merito condigni, pro eo quod gratiæ, & gloriæ quædam est commensuratio, & in Deo quædam cadit obligatio, non ex necessitate, sed sua mera benignitate, qua voluit promittere, & pactum firmare cum iis qui eum diligunt, quod seipsum mercedem eis retribuere, sicut in Abraham apparet. Si autem velimus considerare quis istorum duorum modorum dicendi sit verior, inueniemus quod secundum diuersas comparationes operis meritorij reperitur in eo & meritum congrui, & meritum condigni. Opus enim meritorium comparationem habet ad principium à quo exit, & ad finem pro quo fit, & ad statum in quo fit. Si loquamur de ipso per comparationem ad principium, sic opus & ortum habet à voluntate libera, & ortum habet à gratia. Et in quantum ortum habet à voluntate libera, est meritorium merito congrui: sic enim quodam modo nostrum est, & quasi alterius ge-

neris est, quam sit ipsum præmium quod debet ei retribui. In quantum autem ortum habet à gratia: sic cum gratia reddat hominem acceptum Deo, & si quid diuinum, & ad hoc sit ordinata, ut ducat ad Deum, opus illud est meritorium merito condigni. Si autem comparemus opus meritorium ad eum, pro quo fit, hoc potest esse dupliciter: vel ad largitatem dispensantis, vel ad veritatem pollicentis. Si comparetur ad largitatem dispensantis, sic est meritorium merito congrui: nam pro suæ libertatis immensitate decet ipsam pro modico obsequio retribuere magnum præmium. Si vero comparetur ad veritatem pollicentis, ex quo promittit, & quodam modo se voluntarie obligauit, quod tanto operi tantum reddit præmium, sic opus illud meritorium est merito condigni. Si autem tertio modo comparemus opus meritorium ad statum, hoc potest esse dupliciter: aut quantum ad temporis opportunitatem: aut quantum ad operis difficultatem. Si quantum ad temporis opportunitatem, quia nunc est tempus seminandi sicut dicit Apostolus: & qui facit opera meritoria semen proicit in terram bonam, congruum est ut ex hac terra fructum magnum suscipiat. Et ideo recte Deus ei, qui in presenti dimittit modicum, promittit reddere centuplum. Si autem consideretur operis arduitas, quia opus tale sic est in voluntate facientis, ut sit supra vires, & homo eleuetur in faciendo ipsum supra se, & bono proprio præponat bonum æternum: hinc est quod tale genus operis æterna remuneratione est dignum, & sic per ipsum mereri cōtingit merito condigni. Patet igitur quod opus meritorium consideratum in comparatione ad voluntatis libertatem & dispensatoris liberalitatem, & temporis opportunitatem, est meritorium merito congrui. Comparatum vero ad gratiæ dignitatem ad illius pollicentis veritatem, & ad sui ipsius difficultatem, est meritorium merito condigni. Et per hoc solui possunt rationes, & auctoritates ad utramque partem inductæ, pro eo quod secundum diuersas vias procedunt. Nam rationes quæ probant quod per gratiam contingit mereri præmium æternum merito condigni, procedunt secundum alteram istarum considerationum.

1. ILLA tamen ratio, quæ fit de simili comparatione culpæ ad poenam, & gratiæ ad gloriam, non cogit: tum quia gloria multo plus excelsit in bono, quam poena in malo: tum etiam, quia facilius est descendere, quam ascendere. Rationes vero ad oppositum procedunt secundum aliam viam, videlicet prout opus habet comparari ad voluntatem nostram: sic enim non est de se sufficiens ad merendum: nam omnes iniustitiæ nostræ sunt sicut pannus menstruatus. Provt etiam habet comparari ad liberalitatem diuinam, quæ nulli potest obligari, sed quidquid facit, ex mera liberalitate facit; hoc modo concludunt verum, quod non sit ibi meritum condigni: aliter enim rationes illæ non cogerent. Nam quod dicitur quod passionēs huius temporis non sunt condignæ, &c. hoc verum est in quantum sunt tantum passionēs: sunt tamen condignæ in quantum fiunt ex charitate, quæ actionibus, & passionibus dat efficaciam, & valorem,

2. AD illud quod obiicitur, quod Deus non perducit nos ad gloriam nostris meritis, exponendum est quod hoc intelligitur secundum quod merita mere comparantur ad voluntatem nostram, non secundum quod habent ortum à gratia.

3. AD illud quod obiicitur, quod totum quod homo facit, debet homo ipsi Deo, dicendum quod et si opus illud sit debitum in quantum est creaturæ: est tamen gratuitum in quantum fit ex gratia, & charitate. Et ideo sicut ratio debiti non tollit rationem gratuiti, sic etiam nec tollit rationem meriti. Et si obiicitur quod nec opus gratuitum, nec debitum potest obligare Deum: dicendum quod etsi non possit Deus nobis obligari in ratione dati, & accepti sicut etiā ostendit ratio vltima: obligari tamen dicitur quodammodo ex sua mera benignitate, qua voluit promittere seipsum diligentibus se. Præterea: Meritum condigni non necessario ponit obligationem in retribuente, sed ponit suf-

ficientem

Gal. 6. c
Marc. 4. a
Luc. 8. a

Isa. 64. c

ficientem ordinationem eius, qui remuneratur ad ipsam remunerationem mediante aliqua laudabili operatione: gratia autem sufficientem ordinationem ponit in viatore ad obtinendam gloriam, tum ratione suæ dignitatis, ex qua totum hominem reddit Deo & acceptum, & charum, tum etiam ratione diuinæ pactionis, tum ratione arduæ operationis, sicut prius tactum est.

4. 5. Et sic patet responsio ad duas rationes sequentes. Nam quod obicitur: Quod gratis fit, non obligat, dicendum: Eito quod non obliget: propter hoc tamen non tollitur à merito, quin possit esse condignum. Præterea etsi non obliget eum, cuius est retribuere, & remunerare seruitium sibi factum pensata propria utilitate: obligat tamen eum quodam modo, qui retribuit pensata seruitutis fideitate. Vnde magis meretur apud Deum, qui seruit ei ex amore filiali, & liberali, quam qui seruit ex amore mercenario, expectans mercedem, & retributionem. Si autem aliquis obiciat, quod non potest ibi esse meritum condigni, quia non est ibi commensuratio, dicendum quod etsi non sit commensuratio ibi per omnimodam æqualitatem, est tamen commensuratio per quandam conuenientem proportionabilitatem, sicut fructus recte dicitur commensurari semini, quando tantum excedit, sicut conueniebat fecunditati seminis, & terræ germinanti. Vnde sicut aliquis non esset contentus, si de semine non reciperet decuplum: sic nullus posset esse contentus ex operibus meritoriis factis, nisi pro eis reciperet præmium perfectum, quod complet & terminat totum desiderium.

DISTINCT. XXVIII.

Quod sine gratia præueniente liberum arbitrium non sufficit ad salutem: Et plura quæ à Pelagio opponuntur, determinantur.

ID vero inconcussæ, & incunctanter teneamus, liberum arbitrium sine gratia præueniente, & adiuuante non sufficere ad salutem & iustitiam obtinendam: nec meritis præcedentibus gratiam Dei aduocari, sicut Pelagiana hæresis tradidit. Nam ut ait Augustinus lib. I. Retract. Noui hæretici Pelagiani liberum sic asserunt voluntatis arbitrium, ut gratiæ Dei non relinquunt locum, quam secundum merita nostra dari asserunt. Pelagianorum hæresis omnium recentissima à Pelagio monacho exorta est. Hi Dei gratia, qua prædestinati sumus, & qua meruimus de potestate tenebrarum erui, in quantum inimici sunt, ut sine hac credant hominem posse facere omnia diuina mandata. Denique Pelagius à fratribus increpatus, quod nihil tribueret adiutorio gratiæ Dei ad eius mandata faciendâ: non eam libero arbitrio præponebat, sed infideli calliditate supponebat, dicens ad hoc eam dari hominibus: ut quæ facere per liberum arbitrium iubentur, facilius possint implere per gratiam. Dicendo utique Facilius possint, voluit credi, etsi difficilius, tamen posse homines sine gratia facere iussu diuina. Illam vero gratiam Dei, sine qua nihil boni possumus facere, non esse dicunt nisi in libero arbitrio: quod nullis suis præcedentibus meritis ab illo accepit nostra natura, ipsa ad hoc tantum iuuante nos per suam legem atque doctrinam, ut discamus quæ facere, & quæ sperare debeamus. Non autem ad hoc per donum Spiritus sancti, ut quæ didicerimus esse faciendâ, faciamus. Ac per hoc diuinitus nobis dari scientiam consentitur, qua ignorantia pellitur: charitatem autem negant diuinitus dari, quæ pie viuatur, ut scilicet sit donum Dei scientia, quæ sine charitate inflat: & non sit donum

Dei ipsa charitas, quæ, ut scientia non inflat, adificat. Destruunt etiam orationes, quas facit Ecclesia sine pro infidelibus, & doctrina Dei resistentibus, ut conuertantur ad Deum: siue pro fidelibus, ut augeatur eis fides, & perseue. ent in ea. Hac quippe non ab ipso accipere, sed à seipsis homines habere contendunt: gratiam Dei quæ liberamur ab impietate, dicentes secundum merita nostra dari. Paruulos etiam sine ullo peccati originalis vinculo asserunt nasci.

Hic ponit ea, quibus suum confirmant errorem, verbis Augustini contra ipsum vtentes.

Quod vero dicunt sine gratia hominem per liberum arbitrium omnia iussa implere, huiusmodi inductionibus muniunt. Si, inquit, non potest ea facere homo quæ iubentur, non est ei imputandum ad mortem, sicut tu ipse Augustine in lib. de libero arbitrio asseris? Quis inquit, peccat in eo quod nullo modo cauere potest? Peccatur autem. Cauere ergo potest. Hoc testimonio Augustini Pelagius usus est disputans aduersus eum, imo aduersus gratiam: sicut Augustinus in libro Retract. illud & alia huiusmodi retractans commemorat, inquit: In iis atque huiusmodi verbis meis, quia gratia Dei commemorata non est, de qua tunc non agebatur, putant Pelagiani suam nos tenuisse sententiam: sed frustra hoc putant. Voluntas quippe est quæ peccatur & recte viuatur, quod his verbis egimus: sed ipsa nisi Dei gratia liberetur, ut & vitia superet adiuetur, recte à mortalibus viuiri non potest. Ecce aperte determinat, ex quo sensu illa dixerit, inimicos gratia refellens.

Aliud testimonium Augustini ponitur, quo Pelagius pro se utebatur.

Similiter & innitebatur Pelagius verbis Augustini contra gratiam, qui in libro de duabus animabus dicit, Peccati, inquit, reum tenere quenquam, quia non fecit quod facere non potuit, summa iniquitatis, & insania est. His auditis exiliit Pelagius dicens: Cur ergo paruuli, & illi qui non habent gratiam, sine qua non possunt facere mandata diuina, rei tenentur? Hoc autem quæ occasione dixerit, in libro Retract. Pelagio respondens aperit. Id enim contra Manichæos dixit, qui in homine duas naturas esse contendunt, unam bonam ex Deo, alteram malam ex gente tenebrarum, quæ nunquam bona fuit, nec bonum velle potest, quod si esset, non videretur ei imputandum esse, si bonum non faceret.

Aliud, quod videtur contradicere gratiæ Dei, additur.

Alibi etiam Aug. dicit, quod huic gratiæ contradicere videtur quæ iustificamur. Ait enim in libro contra Adamantium Manichæi discipulum: Nisi quisque voluntatem suam mutauerit, bonum operari non potest: quod in nostra potestate esse positum Dominus docet, ubi ait: Aut facite arborem bonam, aut fructus eos bonos, &c. Quod Aug. in Retract. non esse contra gratiæ Dei quæ prædicamus, ostendit. In potestate quippe hominis est mutare in melius voluntatē: sed ea potestas nulla est, nisi à Deo detur: de quo dictum est: Dedit eis potestatem filios Dei fieri. Cum enim hoc sit in potestate, quod cum volumus, facimus, nihil tam in potestate, quam

Aug. cap. 9.

Aug. lib. de
hæresibus
tom. 6.

1. Cor. 8. d

Lib. 3. c. 18.
tom. 1. & lib.
de natura
& gratia, c.
6. & 7. & 9.

Aug. 2. 12.
& retr. 1.
cap. 15.
Lib. cap. 11.
Aug. 10. 10.
de duabus
anim. 2. 12.

Aug. 2. 16.
in tom. 6.

Mat. 23. 6.
Ioan. 1. 6

Diuisio.

ipsa voluntas est: sed preparatur à Domino voluntas: A
eo ergo modo dat potestatem.

Aliud testimonium eiusdem, quod videtur aduersum.

Sic etiam intelligendum est quod in eodem ait, scilicet in nostra potestate ut vel inseri bonitate Dei, vel excidi eius seueritate mereamur: quia in potestate nostra non est nisi quod nostram sequitur voluntatem: quæ cum preparatur à Domino, facile fit opus pietatis, etiam illud quod impossibile, & difficile fuit.

Aliud testimonium.

In expositione quoque quarundam propositionum Epistola ad Romanos quadam Aug. interserit, quæ videtur huic doctrinæ gratia aduersari. Ait enim: Quod credimus nostrum est: quod autem bonum operamur illius est qui credentibus dat Spiritum sanctum. Et paulo post: Nostrum est credere & velle, illius autem dare credentibus, & volentibus facultatem bene operandi per Spiritum sanctum. Quæ qualiter intelligi debeant, Aug. in lib. Retract. aperit dicens: Verum est quidem à Deo esse quod operamur bonum: sed eadē regula utriusque est, & volendi scilicet & faciendi: & utrumque ipsius est, quia ipse preparat voluntatē: & utrumque nostrum est, quia non fit nisi volentibus nobis. Illa itaque profecto non dixissem, si iam scirem etiam ipsam fidem inter Spiritus sancti munera reperiri.

Adhuc addit aliud quod videtur contrarium.

Illud etiam diligenter est inspiciendum, quod Aug. in libr. de predestinatione sanctorum ait, sc. quod posse habere fidem, sicut posse habere charitatem, natura est hominum: habere autem fidem sicut habere charitatem, gratia est fidelium. Quod non ita dictum est tanquam ex libero arbitrio valeat haberi fides, vel charitas, sed quia aptitudinem naturalem habet mens hominis ad credendum, vel diligendum quæ Dei gratia prauenta credit & diligit: quod sine gratia non valet.

Testimonio Hieronymi astruit quod tenendum sit de gratia, & libero arbitrio: ubi triplex hæresis inducitur, scilicet Iouiniani, Manichæi, & Pelagij.

Id ergo de gratia & libero arbitrio indubitanter tenemus, quod Hieronymus in explanatione fidei Catholica ad Damasum Papam Iouiniani, & Manichæi, & Pelagij errores collidens docet. Liberum, inquit, sic confitemur arbitrium, ut dicamus nos semper indigere Dei auxilio, & tam illos errare, qui cum Manichæo dicunt hominem peccatum vitare non posse, quam illos qui cum Iouiniano asserunt hominem non posse peccare. Vterque tollit arbitrij libertatem. Nos verò dicimus hominem semper & peccare, & non peccare posse, ut semper nos liberi confiteamur esse arbitrij. Hac est fides quam in Catholica Ecclesia didicimus, & quam semper tenuimus.

DISTINCT. XXVIII.

De Potestate liberi arbitrij hominis lapsi, quam habet gratia circumscripta.

Id verò inconcusse, & incunctanter, &c.

Expositio Textus.

SUPRA determinauit Magister quantum potest liberum arbitrium cum gratia. In hac verò parte determinat quantum potest liberum arbitrium sine gratia. Et diuiditur hæc pars in duas. In prima determinat de potestate liberi arbitrij hominis lapsi, quæ

habet gratia circumscripta. Secundo verò determinat liberum arbitrium primi hominis, vtrum gratia operante, & cooperante egerit, infra dist. 29. Post hac considerandum est, vtrum, &c. Diuiditur autem pars ista in tres partes. In prima, quia Pelagiani errabant circa potestatem liberi arbitrij, ponit illius hæresis improbationē. In secunda verò respondet ad Pelagianorum argumentationes, ibi: Quod vero dicunt sine gratia, &c. In tertia verò subiungit Catholicæ veritatis expressionem, ibi: Id ergo de gratia, & libero arbitrio indubitanter tenemus, &c. Media pars diuiditur in tres partes secundum tria media, à quibus sumuntur tres rationes, quibus Magister respondet. Primum enim respondet ad illud quod Pelagius dicebat, nullum esse culpandum, si non vitat, vel non facit illud, quod est sibi impossibile. Ex quo sumuntur duæ rationes, ad quas Magister respondet duabus. Secundo verò respondet ad illud quod Pelagius dicebat, quod nihil est tam in nostra potestate, quam ipsa voluntas, quod etiam ab ipso Augustino Pelagius assumpserat, ibi: Alibi etiam Augustinus dicit, quod huic gratia, &c. Tertio verò respondet ad illud quod Pelagius dicebat: Quod credimus nostrum est, quod autem bonum operamur illius est, &c. Quod etiam extraxerat de verbis Augustini ex duobus locis: & ideo Magister respondet in duobus capitulis. Et incipit illa pars, ibi: In expositione quoque quarundam propositionum, &c.

Denique Pelagius à fratribus, &c. Dub. I.

Redarguit Magister verbum Pelagij dicentis, quod gratiæ liberi arbitrij infideli calliditate supponebat, &c. Contra: Videtur quod verum dixerit Pelagius. Si enim gratia habitus est: & omnis habitus reddit potentiā facile, videtur quod ad hoc detur gratia liberi arbitrij, ut facilius possit exire in bona opera. Si tu dicas quod in hoc non reprehendit eum, sed in hoc quod assererat, scilicet quod nullum posse arbitrio libero conferebat: videtur quod in hoc etiā verum dicebat, quoniam si solius potentiæ est posse, & gratia non est potentia: ergo non dat nouum posse. Item: Nullus alius habitus aufert potentiam ei, in quo est, ergo videtur, quod nec gratia: aut si in gratia hoc est, quæro, quare magis in ipsa, quam in aliis.

RESP. Dicendum quod quidam est habitus, qui ortū habet à potentia, sicut ille, qui per alluēfactionem acquiritur ab eo, in quo est: & de tali habitu verum est, quod non dat nouam potentiam, sed priorem potentiam habilitat. Est & alius habitus, qui deorsum descendit, & non solum dependet ab eo in quo, sed magis ab eo à quo: & talis habitus habet potentiam nobilitare, & potest etiam illud, in quo est mouere, & supra se eleuare ratione illius, à quo procedit: & talis habitus est ipsa gratia. Et quoniam Pelagius non attribuebat plus habitui gratiæ, quam aliis habitibus, hinc est quod Augustinus, & Magister arguunt eum tanquam hæreticum. Et per hoc patent ea, quæ obiecta sunt.

Gratiam Dei, qua liberamur ab impietate, dicentes secundum merita nostra dari. Dub. II.

Videtur, quod verū dixerit per illud quod dicit Hieron. de prodigo filio: Nulla maior iustitia est quam ignorare peccanti, & ad misericordiam reuertenti misericordiae sinum aperire. Si ergo iustitia retribuit vnicuique secundum meritum, videtur quod homo reuertendo ad diuinam misericordiam, mereatur sibi gratiam Dei. Itē: Nos videmus quod homo potest mereri gratiā hominis per obsequia sibi impensa: ergo pari ratione videtur, & multo fortius quod mereri possit gratiam Dei.

RESP. Dicendum quod gratiam primam non contingit mereri. Tum quia est fundamentum omnis meriti, & principium, tum etiam quia est donum pure gratuitum: nisi enim quis habeat gratiam Dei, nihil apud Deum mereri potest merito condigni, quia sine illa nihil acceptat Deus in operibus nostris. Rursus ipsa est ita donum gratuitum, quod non redditur meritis, Sicut

Concordat
10. 1. 2. q. 114.
art. 5.

Rom. II. 6

enim dicit Apostolus: Si gratia est ex meritis, iam gratia non est gratia. Ex hoc patet, quantum Pelagius aduersabatur diuinæ gratiæ, qui dicebat aliquē eam posse mereri. Auferebat enim ipsi gratiæ suam dignitatē, & excellentiam, dum eam meritis liberi arbitrij supponebat. Auferebat etiam suam efficaciam dum potestatem merēdi alijs quam gratiæ attribuebat. Ad illud verbū Hieronymi dicendum quod iustitia ibi dicitur diuinæ bonitatis condecencia, nō prout respicit meritorum exigentiam. Ad illud quod obiicitur de gratia hominis, dicendum quod non est simile: tum quia acceptatio hominis non est ita mere gratuita, sicut diuina: tum etiam, quia non est ita æque ponderatrix, sicut illa. Si autem quæretur, vtrū aliquis in statu gratiæ existens possit sibi mereri primam gratiam post reciduum, & hoc orando, & petendo, vt si caderet, Deus illum releuaret, dicendum quod non potest ex merito condigni, sed solum ex merito congrui. Nam meritū condigni implicat in se perseverantiam, pro eo peccatum subsequens mortificat, & in obliuionem ducit bona opera prius facta.

Thom. I. 2. q. 113. art. 5. negat etiam meritum congrui.

Si, inquit, non potest ea facere homo, quæ iubentur, non est ei imputandum ad mortem. Dub. III.

Videtur quod verum dicat Pelagius, quamvis Magister contradicat. Nam Hieronymus dixit, anathema sit, qui dicit, Deum præcepisse impossibile: ergo si præcepit homini habenti liberum arbitrium, videtur quod Pelagius verum dicat. Item Augustinus in quodā sermone; Seruum pigrum non damnaret, si ea, quæ fieri non poterant, imperaret: ergo redit idem quod prius. Quæritur ergo, pro quanto verbum illud habeat veritatem, quod nullus peccat in eo, quod non potest facere, vel vitare.

RESP. Dicendum quod posse quid facere, vel vitare dupliciter alicui potest attribui. Vno modo dicitur aliquis aliquid posse, quia per seipsum sine aliquo alieno suffragio potest illud, sicut aliquis potest comedere quando est sanus, & habet cibum. Alio modo dicitur aliquis aliquid posse non solū, quia potest illud per se, & in se, sed quia potest cum alio, qui sibi præsto est: & hoc modo accipiendo posse, omne quod Deus præcipit, in nostra potestate est, quia ipse qui præcipit, præsto est præbere gratiam adiuantem, per quam possumus perficere. Primo modo accipiendo posse, non omne quod præcipit, est in nostra potestate: nō tamen ex hoc excusatur aliquis, sicut si præciperet Dominus seruo, quod daret sibi ad bibendum, & ipse non haberet aquam, si posset eam acquirere, non excusaretur: sic & in proposito intelligendum est. Accipiendo autem posse, siue aliquis possit in se, siue per diuinum auxilium, intelligit Augustinus, & hoc insinuat eius verbum: Nunquid quis peccat in eo, quod nullo modo euitare potest? Et sic intellexit etiam Hieronymus, cum dixit illum esse anathema, qui dicit, Deum præcepisse impossibile. Pelagius autem accepit primo modo: & ideo errauit, & plus attribuit libero arbitrio, quam possit. Alter etiam consuevit responderi, quod prædicta verba intelligantur de impotentia naturali, non de illa impotentia, in quam ex culpa sua homo seipsum intrusit: sicut ponit Anselmus exemplum de seruo, qui debuit ire ad nundinas, & præcipit autem seipsum in foueam: primus modus exponendi, errorem Pelagij magis excludit.

Lib. 3. de lib. arb. cap. 18. & lib. 1. tract. cap. 9. tom. 1.

Ansel. lib. 1. cap. 24. cur Deus homo.

Nihil tam est in potestate nostra, quam ipsa voluntas. Dub. IV.

Hoc videtur esse falsum per experientiam. Facilius enim est homini ieiunare, & magnos labores sustinere, quam inimicum diligere suum: facilius est etiam omnia bona sua dispergere, quam voluntatem suam subiugare. Item: si hoc verum esset: ergo videtur, quod cum bonitas hominis consistat in voluntate, quod homo posset se facere talem, qualem vellet.

RESP. Ad hoc dici potest, quod illud intelligitur de auxilio gratiæ Dei, pro eo quod bona voluntas quantum ad actum volendi, non recipit impedimentum, si ha-

beat auxilium gratiæ, sed quantum ad opus exterius impedimentum recipit. Vnde omnia bona possumus velle, nō tamen omnia facere. Et sic videtur Aug. intelligere, includendo auxilium gratiæ, non excludendo, sicut excluderat Pelagius. Aliiter potest responderi, quod velle in nobis dupliciter accipitur. Vno modo, vt nominat actum potentiæ affectiue, vt est quædam potentia naturalis. Alio modo vt nominat actum liberi arbitrij. Primo modo velle aliquid, idem est, quod affici circa illud. Alio modo velle idem est, quod eligere. Vnde secundum hos duos actus distinguuntur in nobis voluntas appetitus, & voluntas eligentiæ: non quia sint in nobis istæ duæ voluntates essentialiter differentes, sed quia modus volendi est aliter & aliter. Dico igitur quod verbum Augustini non intelligitur de voluntate appetitus, quæ aliquando adeo adhæret alicui rei, vt vix, vel nunquam possit ab ea separari: sed hoc intelligitur de voluntate eligentiæ, quæ aliquis vult se velle, quod vult, vel nolle. Et hoc semper in nostra potestate est: non tamen sequitur ex hoc, quod iustitia sit in nostra voluntate, quia nō est efficax, nisi in quantum præualeat voluntati appetitus, & illi non præualeat nisi per gratiam: Vnde multi sunt peccatores, qui vellent esse iusti, & vellent, quod nunquam affectarent mala: nihilominus tamen in sua remanent iniustitia, quia non adiunantur à gratia diuina.

ARTICVLVS I.

AD intelligentiam huius partis incidit hic quæstio de potestate liberi arbitrij circumscripta gratia. Circa hoc quærentur duo. Primo quæritur, quantum possit liberum arbitrium absque gratia gratum faciente. Secundo vero quæritur, quantum possit per se absque gratia gratis data. Circa primum quærentur tria: Primo quæritur, vtrum liberum arbitrium sine gratia gratum faciente possit à culpa resurgere. Secundo, vtrum possit absque gratia gratum faciente aduersarium vincere. Tertio quæritur, vtrum possit Dei mandata implere.

QVÆSTIO I.

An liberum arbitrium absque gratia gratum faciente possit à culpa resurgere.

S. Thom. I. 2. q. 109. art. 7.

Et q. 113. art. 2.

Et 3. contra Gent. c. 157.

Et de Verit. q. 28. art. 2.

Ægid. Rom. 2. Sent. p. 2. dist. 28. q. 2. art. 2.

Richardus 2. Sent. dist. 28. art. 2. q. 1.

Steph. Brulef. 2. Sent. dist. 28. q. 1.

VT RUM liberum arbitrium absque gratia gratum faciente possit à culpa resurgere. Et quod non, videtur primo per illud, quod dicitur. Iustificati gratis per gratiam ipsius. Et paulo ante. Ex operibus legis non iustificatur omnis caro. Et expressius ad Titum: Non ex operibus iustitiæ, quæ fecimus nos, sed secundum suam misericordiam, &c. igitur gratia gratum faciente circumscripta, non potest liberum arbitrium per se resurgere à culpa.

ITEM: Non obicio gratiam Dei: si enim per legem iustitia: ergo Christus gratis mortuus est: si ergo virtute liberi arbitrij posset homo ad iustitiam redire, videtur quod Christus frustra mortuus esset: quod si hoc est impium dicere, patet, &c.

ITEM nemo petit ab alio, quod habet in sua potestate: sed vir sanctus petit in Psalmo: Sana animam meam: quia peccaui tibi. Docet etiam nos ipse Saluator petere in oratione Dominica: Et dimitte nobis debita nostra: ergo, &c.

ITEM hoc ostenditur ratione, quam facit Bernardus: Cum aliquis de impio fit pius, de malo fit bonū: & cum de malo fit bonus, melioratur: nullus tamen habet posse super se: ergo nullus potest seipsum meliorare propria virtute: ergo nec absque gratia Dei à culpa resurgere.

ITEM omni peccato offenditur Deus, qui est ipsa iustitia, & omne peccatum fit contra mandatum Dei: sed tanta est offensa, quātus est ille, qui offenditur. Cum igitur

Fundamēta.

Rom. 3. c.

Tit. 3. b.

Galat. 3. d.

Psalm. 40. a.

Matt. 6. b.

Bernard. de lib. arb. circa medium.

tur

tur ipse sit infinitus, offensa habet aliquo modo rationem infiniti: si igitur liberum arbitrium potentia finitum est, impossibile est quod in pristinum statum redeat, nisi per diuinam misericordiam, quæ sua gratuita bonitate condonet culpam, siue remittat offensam: hoc autem non fit sine gratia: ergo, &c.

ITEM peccatum est priuatio vitæ spiritus, & priuatio lucis: sed vita spiritualis non potest redire ad animam nisi à fonte vitæ, nec lux nisi à fonte lucis: ergo impossibile est, quod anima resurgat à culpa, nisi Deus, qui est fons vitæ, & lux perennis sua benignitate eam viuificet, & illuminet: hoc autem non est nisi per donum gratiæ: ergo, &c.

SED CONTRA per Damascenum: Peccatum est ab eo, quod est secundum naturam in id quod est præter naturam auersio: sed facilius est unicuique rei moueri secundum naturam, quam præter naturam: ergo si liberum arbitrium virtute propria peccando potest moueri præter naturam, virtute propria redire poterit ad naturam: ergo sicut potuit cadere, ita & resurgere.

2. ITEM maior est virtus liberi arbitrii quam naturæ: sed natura cum infirmatur, sanari potest absque auxilio medicinæ: ergo multo fortius cum liberum arbitrium infirmatur per culpam, sanari potest absque omni gratia.

3. ITEM absque gratia gratum faciente de ignorante potest fieri homo sciens, non solum in his quæ subsunt naturæ, sed etiam in his quæ sunt supra naturam: ergo pari ratione absque gratia gratum faciente poterit homo fieri iustus de peccatore.

4. ITEM peccator in mortali peccato existens potest desiderare, & velle iustitiam: sed nihil aliud est esse iustum, quam velle iustitiam, quia iustitia est rectitudo voluntatis: tunc enim voluntas recta est, cum vult iustitiam: ergo peccator in mortali peccato absque gratia gratum faciente iustificari potest.

5. ITEM per eandem vim per quam quis mouetur ad aliquid, quiescit ibidem: ergo si aliquis non mouetur ad culpam nisi voluntate, non quiescit ibi, nisi per voluntatem, & quandiu vult: ergo si non vult in culpa persistere absque gratia gratum faciente, videtur quod possit à culpa resurgere. Si tu dicas quod non potest velle. Contra. Potestates rationales sunt ad opposita, sicut dicit Philosophus: & voluntas quandiu est in via, vertibilis est: ergo sicut voluntarie potuit culpam aperte, sic potest voluntarie à culpa resurgere.

6. ITEM inter culpam, & gratiam media est innocentia, sicut melius patebit infra: ergo cum possit ab aliquo haberi innocentia sine gratia, sicut habita fuit ab Adam in primordio, & innocentia habita deleatur culpa, videtur quod sine gratia gratum faciente aliquis possit à culpa resurgere.

CONCLVSIO.

Homo per liberum arbitrium sine auxilio gratiæ Dei quæ sit habitus animi non potest à culpa resurgere.

RESP. AD Arg. Dicendum quod in huius quæstionis determinatione aliter senserunt Philosophi, aliter senserunt hæretici, aliter senserunt Tractatores catholici. Philosophi enim ignorantes qualiter peccato offendatur diuina maiestas, & qualiter per ipsum adimatur potentiarum habitus, dixerunt quod homo per exercitationem iustus poterat effici, sicut per inordinationem à recta ratione factus erat iniustus. Vnde & Philosophus dicit quod prauus ad meliores exercitationes ductus ad multum proficiet, aut perfecte in contrarium habitum restituitur. Hæretici vero aliquod lumen fidei habentes cognouerunt, quod per peccatum offenditur maiestas diuina, & quodam modo damnificatur voluntas vel liberum arbitrium. Excæcati tamen non considerauerunt, qualiter ex culpa natura infirmatur: & ideo dixerunt quod ad hoc quod liberum arbitrium à culpa resurgat, non est sibi necessaria aliqua gratia curans, sed sufficit sola gratuita Dei misericordia, quæ inclinatur ad remittendum peccata nostra propter satisfactionem,

quam Christus sibi facere voluit, dum se in cruce pro nobis obtulit. Sed hæc positio non tantum à veritate deficit, sed etiam dum contraria implicat, seipsam destruit. Dicit enim ad hoc quod liberum arbitrium à culpa resurgat, necesse est quod Deus sibi culpam remittat, & tamen non est necesse quod aliquid sibi tribuat, vel circa ipsum faciat. Si enim Deus non mutatur, & iterum ipse iustus iudex est, ut nihil acceptet, nisi tantum quantum valet, ad hoc quod culpa remittatur, & peccator Deo reconcilietur, necesse est quod aliquid ipsi peccatori tribuatur per quod morbus peccati sanetur. Catholici vero Tractatores, & luce fidei, & auctoritate Scripturæ cognouerunt, quod peccatum & Dei est offensum, & quodam modo damnificatum, dum homo se transfert de seruitio Dei ad seruitutem diaboli, & etiam imaginis deformatum. Et ideo dixerunt quod ad hoc quod liberum arbitrium resurgat à culpa, necessaria est gratia, non solum secundum quod gratia dicitur gratuita voluntas Dei, nec etiam secundum quod dicitur liberalis passio Christi, sed etiam secundum quod dicitur habitus animi. Gratuita enim voluntas Dei concurret ad hoc quod fiat offensa remissio: voluntarie enim nobis condonat offensam. Liberalis autem passio Christi concurret ad hoc quod fiat morbi curatio, & gratia ut fiat imaginis reformatio: & ideo ad hoc quod homo resurgat à culpa, multum per omnem modum necessaria est sibi gratia. Concedendæ sunt igitur rationes ostendentes, quod homo absque gratia gratum faciente non potest à culpa resurgere.

1. 2. AD illud vero quod primo obiicitur in contrarium, quod motus in id quod est secundum naturam, facilius est quam ipse, qui est in id, quod est præter naturam, dicendum quod illud verum est de illo motu, qui est secundum naturam, ita quod subiaceret potestati naturæ, & de illo etiam motu, qui est præter naturam: ita tamen quod non corrumpitur, nec diminuitur ibi naturæ potestas, sicut est in motu lapidis sursum. Facilius enim regreditur deorsum, quam ascenderit sursum. Tum quia moueri deorsum est in eius potestate: tum etiam quia per motum sursum nihil diminuebatur, vel adimebatur de eius grauitate. Non sic autem est in proposito, tum quia moueri ad iustitiam est per virtutem supra naturam tum etiam quia motus ad culpam diminuit habilitatē liberi arbitrii. Per peccatum enim non solum homo expoliatur gratuitis, sed etiam vulneratur in naturalibus. Et per hoc patet responsio ad sequens quod obiicitur de similitudine sanitatis naturæ ad sanitatem voluntatis: non enim est simile. Nam sanitas corporalis est in potestate naturæ, sanitas spiritualis vero est per aliquid, quod est supra naturam. Cum autem aliquid infirmatur corporaliter, non omnino naturæ perimitur virtus, quæ est principium sanitatis: & ideo à tali infirmitate ad sanitatem naturaliter potest fieri regressus. In peccato vero perditur ipsa gratia Dei, & iustitia, per quam erat spiritualis sanitas: & pro tanto dicitur graue peccatum esse mortale, quia aufert homini principium vitæ. Et propterea sicut de mortuo non potest fieri viuus, nisi virtute mirabili, & supra naturam: sic nec de peccatore potest fieri iustus naturaliter, vel voluntarie, sed mirabiliter.

3. AD illud quod obiicitur de ignorante, quod potest fieri sciens sine gratia gratum faciente, dicendum quod non est simile: ignorantia enim in quantum huiusmodi, potius dicit defectum pænæ quam culpæ. Vnde ignorans secundum quod ignorans non displicet Deo: peccans autem secundum quod peccans displicet Deo; & ideo culpæ recte opponitur gratia, quæ reddit Deo acceptum, sicut ignorantia opponitur scientiæ. Et quoniam oppositum expelli habet per suum oppositum, ideo non sequitur, quod si ignorantia habet expelli sine gratia, quod similiter culpæ.

4. AD illud quod obiicitur, quod peccator manens in mortali potest velle iustitiam, dicendum quod aliquid velle est dupliciter. Vel exiliter, & semiplene, sicut dicitur: vult, & non vult piger. Vel plene, & sufficienter,

Improbatio.

3. Positio.

Tho. 1. 2. 7. 106. art. 7.

Philip. 2. b

sicut dicit Apostolus: Deus operatur in nobis velle, & perficere. Primo modo potest esse in peccatore: & talis voluntas non facit aliquem iustum. Secundo modo non potest esse sine gratia præueniente, & adiuvante voluntatem: hoc autem secundo modo tantum potest voluntas iustitiæ reddere animam iustam.

5. Ad illud quod obiicitur, quod per eandem vim, per quam aliquid mouetur, quiescit, dicendum quod verum est in eo motu, qui est ad aliquod complementum: hoc autem non oportet esse in motu corruptionis, & destructionis. Aliquis enim interficitur per violentiam: non tamen oportet quod per illam eandem vim in morte persistat. Et quia peccatum corruptio dicitur, non oportet quod quis persistat in peccato ex solo actu voluntatis, sicut per actum voluntatis se in peccato precipitavit, sicut patet in eo, qui se voluntarie interficit, vel voluntarie se demergit.

6. Ad illud quod obiicitur, quod Deus possit restituere innocentiam, & ita delere culpam absque gratia, dicendum quod hoc verum est: sed largitas diuinæ misericordiae sic decreuit auferre malum, per quod homo displicet, ut simul daretur bonum, per quod homo Deo placeret. nec unquam expellit culpam, quin sanctificet ipsam animam, ut in ea habitet per gratiam. Unde nihil est medium secundum tempus inter iustum, & impiū: ex quo enim homo nascitur, necesse est animā eius vel esse peruersam per culpam, vel electam per gratiam.

QVÆSTIO II.

An liberum arbitrium sine gratia gratum faciente possit suum aduersarium vincere.

Richardus 2. Sent. dist. 28. art. 2 q. 3.
Steph. Brul. 2. Sent. d. 28. q. 2.

Ad oppositum.

Gen. 4. b

Bernardus de lib. arb. 2. mod. ibid. post medium.

Dist. 21.

Fundamēta. 1. Cor. 15. g

VTRUM liberum arbitrium absque gratia gratum faciente possit aduersarium suum vincere. Et quod sic, videtur. Genesi dictum est Cain: Subter te erit appetitus tuus, & tu dominaberis illius. Sed constat quod Cain iam erat in mortali peccato: ergo in statu illo poterat dominari appetitui suo proprio: sed nullam victoriam habet in nobis aduersarius, nisi per nostrum appetitum: si igitur absque gratia gratum faciente Cain superare poterat proprium appetitum, videtur quod posset etiam vincere aduersarium.

2. ITEM Bern. in lib. de lib. de libero arb. Liberum arbitrium est potentissimū sub Deo. Et ibidē dicit quod liberū arbitriū sui omnino defectū non patitur, quare potissime in ipso æternæ, & incommutabilis imago deitatis videtur. Nā etsi habeat initium, nescit tamen occasum: nec de iustitia, vel de gratia accipit augmentum, nec de peccati miseria detrimentum: ergo si liberum arbitrium adiutum gratia, & iustitia possit superare aduersarium, pari ratione videtur, quod possit etiam per seipsum.

3. ITEM spiritus luxuriæ deiicitur vel vincitur per continentiam, & spiritus iracundiæ per patientiam, & sic de aliis: sed continentia, & patientia possunt haberi absque gratia gratum faciente per gratiam gratis datam: ergo, &c.

4. ITEM difficilius est vincere seipsum, quam vincere diabolum: sicut enim habitum fuit, & Magister dicit supra: Fortior est tentatio carnis, quam tentatio hostis: sed homo absque gratia gratum faciente potest seipsum vincere, & morti exponere, sicut patet in hæreticis: ergo multo fortius videtur quod absque gratia gratum faciente possit de diabolo triumphare.

5. ITEM aduersarius noster in quo nulla est gratia gratum faciens, frequenter potest nos deuincere, & sibi subiungere: si ergo non est peioris conditionis homo quam sit diabolus, videtur quod absque aliquo dono gratiæ possit quis aduersarium suum vincere.

SED CONTRA: Deo gratias, qui dedit nobis victoriam per Iesum Christum Dominum nostrum. Igitur sine auxilio Christi nemo potest de inimico habere victoriam: si ergo Christus auxiliatur nobis per gratiam

suam, per quam nos iustificat, videtur, &c.

ITEM: Infelix ego homo, quis me liberabit de corpore mortis huius? Et respondet: Gratia Dei per Iesum Christum Dominum nostrum: si ergo nullus vincit aduersarium, nisi qui liberatur à lege peccati, & mortis, videtur quod absque gratia Dei per Iesum Christum, quæ quidem est gratia gratum faciens, non possit aduersarium vincere.

ITEM super illud Psalmi: Infirmati sunt, &c. Gloss. Non potentes resistere vitiiis per se. Deo enim desistente ab auxilio, laborare potest homo, sed non vincere: ergo videtur, quod absque auxilio gratiæ gratum facientis non contingat vincere tentationem. Quod si tu dicas hoc intelligendum esse de gratia gratis data, non gratum faciente solum. Contra: Dicitur per aliam Gloss. super illud Psalm. Immissiones per angelos malos, &c.

Diabolus potestatem habet in peccatore, sicut in peccore proprio: ergo cum non possit à peccato crui, nisi per gratiam gratum facientem, non potest nisi per illam crui à potestate diaboli: ergo sine illa non potest ipsum deuincere.

ITEM vincti debetur corona, secundum quod dicitur in Apoc. sed nulli pugnanti contra aduersarium debetur corona gloriæ, nisi ei, qui habet gratiam gratum facientem: ergo nullus absque gratia potest diabolum deuincere.

ITEM quidquid homo faciet, & quidquid etiam caueat, quandiu est sine gratia gratum faciente manet in culpa, sicut prius ostensum est: sed cum manet in culpa, seruus est diaboli, seruus est etiam peccati: & qui seruus est diaboli, victus est à diabolo, secundum quod dicitur: igitur absque gratia gratum faciente impossibile est de diabolo triumphare.

CONCLUSIO.

Homo quamvis per liberum arbitrium sine gratia gratum faciente possit demoni resistere, ut non consentiat suggerenti, non tamen potest aduersarium vincere, ut proficiat dignitate meriti.

RESP. AD ARG. Ad prædictorum intelligentiam est notandum, quod differt dicere, aliquem resistere diabolo aduersario, & aliquem diabolum vincere aduersarium. Plus enim importat victoria quam resistentia. Resistentia namque consistit in hoc, quod quis non consentiat suggestioni diabolicæ: sed victoria consistit in assequendo oppositum eius, quod diabolus intendebat. Intendebat autem diabolus hominem reddere inimicum Deo, & facere dignum æterno supplicio. Tunc igitur vincit homo aduersarium, quando sic resistit tentationi, ut efficiatur maior Dei amicus, & mereatur regnum æternum. Et quoniam hoc absque gratia gratum faciente esse non potest. Ideo concedendum est, quod etsi quis per gratiam gratis datam possit diabolo resistere, ut ei non consentiat suggerenti, tamen absque dono, quod reddat hominem acceptum Deo, ipsum vincere non potest, ut contra eius intentionem proficiat dignitate meriti, vel in merito condigni. Et concedendæ sunt rationes quæ hoc ostendunt.

1. AD illud vero quod obiicitur de eo quod dictum est Cain: Subter te erit appetitus tuus, &c. dicendum quod etsi in potestate eius esset appetitum refrænare, ut in actum peccati non procederet, etiam absque gratia gratum faciente, non tamen ex hoc sequitur quod possit aduersarium deuincere: quia etsi sine gratia hoc faceret, esset ibi resistentia, per quam vitaret poenam, non tamen esset ibi victoria per quam mereretur palmam.

2. AD illud quod obiicitur, quod liberum arbitrium dicitur esse potentissimum sub Deo, & quod non augeatur, nec minuitur, dicendum quod quemadmodum fuit supra expositum, hoc intelligitur quantum ad priuationem coactionis, non quantum ad potentiam seruandæ rectitudinis.

3. AD

3. Ad illud quod obiicitur quod spiritus luxuriæ vincitur per continentiam, dicendum quod etsi per continentiam, quæ est absque gratia gratum faciente, possit quis resistere spiritui luxuriæ: illa tamen resistentia triumphus dici non potest, pro eo quod ex hoc nullam assequitur palmam.

4. Ad illud quod obiicitur, quod potest quis vincere seipsum sine gratia gratum faciente, dicendum quod falsum est: quamvis enim hæreticus, qui exponit se morti, videatur seipsum vincere: non tamen est ibi victoria, sed deiectio. Superatur enim ab erroris improbitate, & conscientie peruersitate, & obstinationis profunditate: & propter hoc magis meretur confusionem & ignominiam ex illa mortis perpeffione, quam gloriam.

5. Ad illud quod obiicitur, quod diabolus potest vincere hominem absque gratia, dicendum quod victoria diaboli consistit in subigando sibi hominem per peccatum: victoria vero hominis consistit in premerendo illud quod diabolus amisit: & ideo sicut facilius est peccare, quam in bono proficere, sic facilius est diabolum superare hominem, quam hominem aduersarium vincere. Præterea diabolus non vincit hominem nisi volentem, & consentientem: diabolus autem nunquam vincitur volens: & ideo non sequitur, quod si diabolus potest reportare victoriam de homine absque gratia, quod similiter possit esse econuerso: immo non est simile, sicut ostensum est.

QVÆSTIO III.

An liberum arbitrium absque gratia gratum faciente possit omnia mandata adimplere.

S. Tho. 1. 2. q. 109. art. 4.
Et 2. Sent. dist. 28. q. 1. art. 3.
Et de Verit. q. 14. art. 14.
Egid. Rom. 2. Sent. p. 2. dist. 28. q. 1. art. 4.
Richardus 2. Sent. dist. 28. q. 3.
Durandus 2. Sent. dist. 28. q. 4.
Thom. Arg. 2. Sent. dist. 28. q. 1. art. 1.
Greg. Arim. 2. Sent. dist. 28. q. 1. art. 3.

VTVM absque gratia gratum faciente liberum arbitrium possit omnia mandata implere. Et quod sic, videtur: Mandatum, quod ego præcipio tibi hodie, non est supra te, neque procul positum, &c. Et post: Sed iuxta est sermo valde in ore tuo, & in corde tuo ut facias illud: hoc autem non esset, si obseruantia mandatorum esset supra posse liberi arbitrij: ergo videtur quod absque gratia gratum faciente, quæ est supra posse liberi arbitrij, contingat mandata Dei seruari, & impleri.

2. ITEM hoc videtur auctoritate noui testamenti: Iugum meum suauis est, & onus meum leue: hoc autem non esset, si mandatum Dei esset supra posse liberi arbitrij: ergo, &c.

3. ITEM hoc videtur ratione: Multo benignior est Deus seruis suis, quam sit homo: sed homo potest mandata hominis seruare absque gratia gratum faciente, quæ sunt graua, & multa: ergo videtur, quod multo fortius possit seruare mandata diuina.

4. ITEM in mandatis Dei aut præcipiuntur ipsa genera operum, aut præcipiuntur formata opera. Si præcipiuntur opera formata: ergo qui honorat patrem naturali pietate, non faciens illud ex charitate, videtur illud mandatum omittere, quo præcipitur: Honora patrem, & matrem: & peccare mortaliter, quod absurdum est dicere. Si igitur ipsa genera operum sunt in præcepto, & hoc constans est quod possumus facere absque gratia gratum faciente, videtur quod diuina mandata absque dono gratiæ gratum facientis contingat implere.

5. ITEM nihil difficilius est quam animam suam ponere pro alio. Maiorem enim charitatē nemo habet, &c. sicut dicit Ioannes: sed absque gratia gratum faciente potest quis mortem pro alio subire: ergo multo fortius omnia genera aliorum mandatorum.

Ad oppositum arguitur sic per Hieremiam: Scio Domine, quia non est hominis via eius, neque viri, ut

ambulet, & dirigat gressus suos: sed quicumque implet diuina mandata dirigit gressus suos: ergo non est in potestate hominis diuina mandata implere.

ITEM hoc est iugum quod neque nos, neque patres nostri portare potuerunt: sed per gratiam Domini nostri Iesu Christi credimus saluari: & loquitur ibidem de mandatis legis: ergo diuina mandata obseruare non contingit absque diuina gratia.

ITEM obseruatio mandatorum Dei facit hominem Dei amicum. Vnde Ioannes: Vos amici mei estis, &c. sed nullus potest effici Dei amicus absque dono charitatis, & gratiæ gratum facientis: ergo impossibile est absque huiusmodi dono mandata Dei seruari.

ITEM obseruantia mandatorum Dei facit hominem dignum vita æterna. Vnde Matthæus: Si vis ad vitam ingredi serua mandata: sed nullus potest vitam mereri æternam absque dono gratiæ Dei, ut dicitur: Gratia Dei vita æterna: ergo absque illa nemo potest diuina obseruare mandata.

ITEM sicut fundamentum legis veteris est timor, ita fundamentum Euangelij est amor, sicut insinuat Apostolus ad Romanos, & expressè dicit Augustinus: ergo sicut mandata legis veteris obseruari non poterant absque Dei timore, sic mandata euāgelica impleri non possunt absque charitatis amore: sed donum amoris non est absque dono gratiæ gratum facientis: ergo absque huiusmodi dono non contingit diuina mandata impleri.

CONCLUSIO.

Homo per liberum arbitrium potest sine gratia gratum faciente præcepta Dei implere quo ad substantiam operis, non tamen quantum ad intentionem mandantis.

RESP. Ad Arg. Dicendum quod mandata Dei dupliciter contingit impleri. Vno modo quantum ad genus operis, alio modo quantum ad intentionem mandantis. Si loquamur de impletionem mandatorum quantum ad genus operis, sic per gratias gratis datas contingit ea impleri, sicut per fidem mandatum de adoratione, & per quandam naturalem pietatem, & deuotionem mandatum de parētum honoratione, & sic de aliis. Alio modo est loqui de impletionem mandatorum quantum ad intentionem mandantis: & sic quia Deus præcipit mandata ad hoc, quod voluntas nostra conformetur voluntati suæ, & hæc non potest esse absque charitate, & charitas esse non potest absque dono gratiæ gratum facientis: mandata Dei secundum intentionem mandantis absque huiusmodi dono non possunt obseruari. Et hoc est quod dicit Apostolus: Qui diligit proximum, legem impleuit, Et iterum: Plenitudo legis est dilectio. Et: Finis præcepti est charitas de corde puro, &c. Hoc ipsum etiam insinuat, vbi post enumerationem mandatorum decalogi subditur mandatum charitatis, quo dicitur: Diliges Dominum Deum tuum ex toto corde tuo, &c. Pater igitur ex prædictis quanta sit necessitas gratiæ gratum facientis, quia non solum est necessaria ad remissionem peccatorum, verum etiam ad victoriam temptationum, & ad obseruantiam mandatorum dininorum. Multipliciter enim erant Pelagius qui dixit, liberum arbitrium tantum posse habere, ut non indigeret gratia gratum faciente. Hac igitur positione tantquam hæretica repudiata, imploranda est gratia Dei, per quam deleantur peccata, & vincantur diabolica tentamenta, & impleantur diuina mandata: non solum secundum genus operis, sed etiam secundum intentionem mandantis: non solum ad vitationem pœnæ, verum etiam ad meritum gloriæ. Nam etsi primus modus obseruandi possit esse per gratiam gratis datam, secundus tamen modus non potest esse absque gratia gratum faciente, sicut prius ostensum est. Et secundum hanc viam procedunt rationes, quæ ostendunt absque gratia gratum faciente mandata diuina impleri non posse, unde & concedendæ sunt.

1. AD illud quod obiicitur de Deuteronomio, quod mandatum non est supra hominem, sed prope, dicendum quod hoc intelligitur de obseruantia quantum ad genus operis. Si autem intelligatur de obseruantia quantum ad intentionem mandantis, tunc dicitur esse prope: non quia liberum arbitrium possit in illud per se sine dono gratiæ, sed quia gratia Dei præsto est unicuique: nec aliquis caret gratia, quia gratia desit sibi, sed quia ipse deest gratiæ.

Exemplum.

2. AD illud quod obiicitur, quod mandata leuia sunt, & suauia, dicendum quod hoc intelligitur in respectu habentis charitatem: homini enim habenti charitatem est facile diligere inimicum, sed non habenti est valde difficile, & quasi impossibile. Et est exemplum in auibus, quæ leues sunt ad volandum, quando habent pennarum abundantiam: quando vero pennas priuantur, graues sunt, & volare non possunt. Ideo Dominus dicit mandata sua esse leuia, quoniam volentibus illa seruare, & conuerti ad se dat charitatem, & pennas virtutum, per quas possunt volare, & se super seipsos faciliter eleuare.

Psal. 115. a

3. AD illud quod obiicitur, quod homo potest implere mandata hominis, &c. dicendum quod non est simile, quia homo indiget obsequio hominis, & plus considerat actum exteriorem, quam intentionem interiorem. Deus autem qui bonorum nostrorum non indiget, & magis intuetur corda, quam facies, opus hominis non acceptat, nisi prius acceptabilis sit ei hominis voluntas, per quam fiunt illa opera.

Matt. 15. a
Marc. 7. b
Ephes. 6. a

4. AD quartum & vltimum argumentum satis plana est responsio ex prædictis. Probant enim quod mandata Dei seruari possunt absque gratia gratum faciente, quantum ad genus operis. Et hoc quidem verum est, nā potest homo mandatum illud: Honora patrem tuum, &c. absque gratia implere, vt sic vitet pœnam. Posset etiam facere, & alia mandata adiutus aliqua gratia gratis data, & non solum facere aliqua, quæ videntur ardua, sed etiam pati terribilia. In his tamen omnibus non implerentur mandata secundum intentionem & acceptationem diuinam, secundum quod expresse dicit Apostolus, enumerans multiplex genus operis primo, post quod subiungit: Si charitatem non habuero, nihil mihi prodest. Et hoc fuit, quod Pelagius non considerauit, propter quod in errorem cecidit, & credidit aliquem ex simplici mandatorum obseruantia quantum ad exteriora opera dignum esse vitæ æternæ: quod est contra fidem piā, & sanā, sicut Apostolus explicat in auctoritate præmissa.

1. Cor. 13. a

ARTICVLVS II.

CONSEQUENTER queritur de potestate liberi arbitrij, quantum se extendit absque gratia gratis data. Et circa hoc queruntur tria. Primo queritur, vtum liberum arbitrium absque gratia gratis data possit se ad gratiam gratum facientem sufficienter disponere. Secundo queritur, vtum omni gratia destitutus possit alicui tentationi resistere. Tertio queritur, vtum possit per se, absque omni gratia in bonum aliquod in genere.

QVÆSTIO I.

An liberum arbitrium gratia gratis data destitutum possit ad gratiam gratum facientem sufficienter se disponere.

S. Thom. 1. 2. q. 109. art. 6.

Et 2. Sent. dist. 27. art. 4.

Et de Verit. q. 24. art. 5.

Egid. Rom. 2. Sent. p. 2. d. 28. q. 1. art. 3.

Richardus 2. Sent. dist. 28. q. 2.

Durand. 2. Sent. d. 28. q. 1.

Thom. Argent. 2. Sent. dist. 28. q. 1. art. 2.

Stephanus Brulef. 2. Sent. dist. 28. q. 4.

Ad oppositum.
Zach. 1. a

VTVM liberum arbitrium destitutum gratia gratis data possit ad gratiam gratum facientem sufficienter se disponere. Et quod sic videtur: Conuertimini

ad me, & ego conuertar ad vos, dicit Dominus. Si igitur Deum conuerti ad nos non est aliud, quam gratiam impartiri, antequam aliqua gratia conferatur libero arbitrio, potest ad eum conuerti: sed se conuertendo ad Deum, disposuit se ad gratiam: ergo, &c.

2. ITEM Boëtius: Naturaliter est nobis inserta veri, bonique cupiditas: igitur omni gratia gratis data circumscripita, salua animæ rationalis natura, potest liberum arbitrium verum bonum desiderare: sed desiderando verum bonum disponitur ad donum gratuitum: ergo, &c.

Lib. 3. de
conf. profa
2. circa ini-
tium.

3. ITEM: Omnis potestas naturalis naturaliter appetit suam perfectionem eo ipso quod illa indiget, & ab ea nata est compleri. Si igitur liberum arbitrium aptum natum est compleri per donum gratiæ, & gloriæ, omni gratia priuatum perfectionem gratiæ desiderabit, & queret: si igitur hoc est ad gratiam gratum facientem se disponere: videtur, &c.

4. ITEM: Sufficienter se ad gratiam disponit qui facit quod in se est: facere autem quod in se est, dicitur homo, quando facit illud, quod est in sua potestate: sed liberum arbitrium omni gratia destitutum potest facere quod in se est (nullus enim dubitat, quin possit facere quod potest) ergo absque omni gratia potest se disponere ad gratiam gratum facientem.

5. ITEM liberum arbitrium destitutum gratia gratis data, aut potest aliquid, aut nihil. Si nihil potest: ergo nemo esset inculpandus ex hoc, quod non se præparat ad gratiam. Si aliquid potest, vocetur illud quod potest A, tunc verum est dicere quod liberum arbitrium potest in A: sed faciendo, A, toto suo posse se præparat ad gratiam: & quicumque sic se præparat, sufficienter se disponit: ergo, &c.

6. ITEM omne peccatum non tantum est expulsiuū gratiæ, sed etiam nociuum naturæ: sed omnis natura refugit sibi contrarium, & nociuum: ergo liberum arbitrium omni gratia destitutum, & sibi relictum per naturam habet detestari peccatum, & refugiendo culpam se disponit homo ad gratiam: ergo, &c.

SED CONTRA: August. in libro de Eccles. dogmat. Manet ad querendam salutem libertas arbitrij, sed admonente prius Deo, inuitante ad salutem, vt vel eligat, aut sequatur, vel agat occasione salutis, hoc est inspiratione Dei: ergo videtur, quod nunquam liberum arbitrium nostrum potest se ad viam salutis præparare, nisi adiuuetur per aliquam gratiam gratis datam.

Fundamēta.
Cap. 12. §. 1.

D ITEM timor seruilis est illud, quo mediante declinat a malo, sicut dicitur: In timore declinat omnis a malo: sed timere seruiliter est donū Dei, & nullus potest se disponere ad gratiam, nisi declinet a malo: ergo nullus potest ad gratiam se disponere sine aliquo dono gratiæ.

Præm. 15. d

ITEM dispositio est eiusdem generis cum eo ad quod disponit: ergo ad bonum gratuitum non potest quis se disponere, nisi per aliquid gratis datum: ergo impossibile est, quod ad illud se disponat liberum arbitrium omni gratia destitutum.

ITEM dispositio præuenit illud ad quod disponit: si ergo liberum arbitrium posset se ad gratiam gratum facientem per seipsum disponere: ergo posset gratiam præuenire: si ergo hoc est contra naturam gratiæ præuenientis: videtur, &c.

CONCLUSIO.

Hominis liberum arbitrium si excitetur per gratiam gratis datam, potest ad gratiam gratum facientem se de congruo disponere: sed sine omni dono, nequaquam.

RESP. ad Arg. Ad prædictorum intelligentiam est notandum, quod vix, aut nunquam liberum arbitrium destituitur omni gratia gratis data. Quoniam nomine gratiæ gratis datæ non solummodo intelligimus illa, quæ enumerat Apostolus: Alij datur per spiritum, &c. sed etiam vocatur hic gratia gratis data, quicquid illud sit,

1. Cor. 12. b

quod

quod superadditum est naturalibus, adiuvans aliquo modo, & præparans voluntatem ad habitum, vel vsum gratiæ, siue illud gratis datum sit habitus, sicut timor servilis, vel pietas aliquorum visceribus inserta ab infantia, siue sit etiam aliquis actus, sicut aliqua vocatio, vel locutio, qua Deus excitat animam hominis, ut se præparet. Sine hac quidem gratia gratis data vix, aut nunquam aliquis habens vsum liberi arbitrii reperitur: & sine hac concedendum est liberum arbitrium nunquam sufficienter disponi, nec posse se disponere ad gratiam gratum facientem, sicut dicit Bernardus expresse in libr. de libero arbitrio cap. 17. Conatus liberi arbitrii ad bonum cassi sunt, si à gratia non adiuvantur; & nulli, si non excitantur. Et postmodum dicit: Gratia excitat liberum arbitrium dum seminat cogitatum. Si igitur prima dispositio, quæ sit ad gratiam gratum facientem, est cogitatio, & hæc non est absque dono gratiæ gratis datæ, impossibile est quod liberum arbitrium omni gratia destitutum ad gratiam gratum facientem disponat se ipsum. Ratio autem huius est hæc: non quia gratia gratum faciens necessario præexigat dispositionem gratiæ gratis datæ, sed quia ipsa est quid diuinum, & res existens super liberum arbitrium, & etiam supernaturale iudicium: ideo liberum arbitrium nunquam assurgit, nec ad cognoscendam gratiam, nec ad petendam, nisi aliquo modo à sursum excitetur, & per adiutorium gratiæ gratis datæ, quod tenet quasi medium inter donum gratiæ gratum facientis, & naturalem libertatem voluntatis. Tenendum est igitur, quod liberum arbitrium si excitetur per aliquod donum gratiæ gratis datæ, potest ad gratiam gratum facientem se de congruo disponere: si autem omni tali munere contingat ipsum destitui, nunquam posset ad illam disponi. Vnde rationes hoc ostendentes concedendæ sunt.

1. Ad illud autem quod primo obicitur, in contrarium, quod liberi arbitrii est conuerti ad Deum, dicendum quod liberum arbitrium lapsum nunquam ad Deum conuerteretur, nisi aliquo munere gratiæ excitaretur: quod quia præsto est, ideo dicit Dominus: Conuertimini ad me. Hoc enim ipso, quod innitat, & vocat, exhibet homini aliquod donum gratuitum, per quod excitetur, excitatusque aliquo modo ad ipsum conuertatur, & conuersus per gratiam gratum facientem à Deo acceptetur: ex hoc dicitur Deus conuerti ad ipsum. Vnde si quis velit attendere ordinem liberi arbitrii & gratiæ diuinæ, expresse insinuat Augustinus in libr. de Ecclesiast. dogmat. ponens quatuor gradus, inter quos gratia præueit liberum arbitrium. Ait enim sic: Initium salutis nostræ Deo miserante habemus: ut acquiescamus salutari inspirationi, nostræ potentatis est: ut adipiscamur, quod acquiescendo admonitioni cupimus, diuini est muneris: ut non priuemur iam adeptæ salutis munere, sollicitudinis nostræ est, & cœlestis pariter adiutorij. In hoc ergo verbo si quis diligenter inspiciat, insinuat valde clare, quantum possit liberum arbitrium respectu gratiæ. Nam cum sint in salutis opere ista quatuor, videlicet inuitare, acquiescere, adiuvare, & permanere, primum est inspirationis Dei, secundum libertatis arbitrii, tertium muneris diuini, quartum sollicitudinis nostræ, & diuini pariter adiutorij. Et per hoc satis aperitur via ad dissoluendum rationes sequentes.

2. Ad illud vero quod obicitur, quod inserta est nobis veri, bonique cupiditas, dicendum quod verum est generaliter: ut autem cognoscatur in speciali, quod sit illud bonum, & desideretur, & requiratur, hoc non est absque Dei dono. Et illa etiam generalis cupiditas non sufficit ad disponendum ad gratiam, sicut patet in Philosophis, qui beatitudinem multum desiderauerunt: nunquam tamen gratiam Dei adepti sunt.

3. Ad illud quod obicitur, quod natura appetit suam perfectionem, & c. dicendum quod verum est de perfectione illa, quæ est infra terminos naturæ non autem oportet de illa, quæ super naturam est. Aut si de illa intelligatur, eo modo appetit, quo cognoscit: per se autem

non cognoscit in speciali, sed tantum in generali: sic autem cognoscendo, & appetendo non de se disponit sufficienter ad donum gratiæ, sicut prius ostensum est.

4. Ad illud quod obicitur, quod sufficienter se disponit, qui facit quod in se est, dicendum quod facere quod in se est, potest dupliciter intelligi. Vno modo positine, quia facit aliquid ordinatum ad gratiam, & tantum facit quantum potest: & hoc modo veritatem habet sermo prædictus. Alio modo potest intelligi priuatiue, ut dicatur facere, quod in se est, quia facit quod potest, quamvis illud non sit ordinatum ad gratiæ susceptionem: & hoc modo liberum arbitrium gratia destitutum potest facere quod in se est: & sic prædictus sermo non habet veritatem.

5. Et per hoc patet responsio ad sequens. Quod enim quæritur, aut potest aliquid, aut nihi, dicendum quod aliquid potest: sed illud aliquid nihil est respectu gratiæ suscipiendæ, sicut posse comedere, aliquid posse est: nihil tamen facit ad hoc quod aliquis suscipiat donum gratiæ.

6. Ad illud quod obicitur, quod liberum arbitrium potest detestari culpam virtute propriæ naturæ, dicendum quod dupliciter contingit detestari culpam: aut quia est offensiva maiestatis, & æquitatis diuinæ, aut quia est læsiva propriæ naturæ. Primus modus detestandi disponit ad gratiam gratum facientem, nec vnquam est absque dono gratiæ gratis datæ in statu naturæ lapsæ. Cognoscere enim, quod per culpam offenditur Deus, donum Dei est. Alio modo est detestari peccatum in quantum est læsiva naturæ, sicut aliquid detestatur fornicationem, quia per ipsam amisit vsum, vel incurrit alium morbum, & talis detestatio potest esse à virtute naturæ: sed hoc non disponit ad gratiam gratum facientem. Et sic patent quæ sita. Patet etiam qualiter errauerit. Pelagius, qui liberum arbitrium, non solum dixit habere potentiam disponendi se ad gratiam gratum facientem, sed etiam merendi eam propria virtute. Dupliciter enim mendax fuit, & in hoc, quod dixit primam gratiam sub merito cadere, & in hoc, quod dixit etiam liberum arbitrium propriis viribus ad gratiam posse se disponere.

Q V Æ S T I O II.

An liberum arbitrium omni gratia destitutum possit alicui tentationi resistere.

S. Thom. 1. 2. q. 109. art. 8.
Et de Verit. q. 22. art. 5.
Et 2. Sent. dist. 28. q. 1. art. 2.
Scotus 2. Sent. dist. 28. q. 1.
Agid. Rom. 2. Sent. d. 28. p. 2. q. 2. art. 2.
Richardus 2. Sent. dist. 28. art. 1. q. 2.
Durandus 2. Sent. dist. 28. q. 3.
Greg. Arim. 2. Sent. dist. 28. q. 1. art. 1.
Steph Brulef. 1. Sent. dist. 28. q. 5.
Gabr. Biel. 2. Sent. dist. 28. q. 1.

VTRUM liberum arbitrium omni gratia destitutum possit alicui tentationi resistere. Et quod sic, videtur per Gregor. in Moral. Debilis est hostis, qui non vincit nisi volentem. Sed quod aliquis voluntarie facit, potest non facere: ergo si voluntarie quis consentit aduersario, potest etiam gratia destitutus non consentire, ac per hoc tentationi resistere.

2. I T E M liberum arbitrium omni gratia destitutum adhuc liberum est: si liberum est, ergo non potest cogi: ergo potest repugnare suggestioni diabolicæ: & si hoc, igitur & resistere non solum vni, sed etiam omni tentationi.

3. I T E M bonum potentius est quam quodlibet malum: sed liberum arbitrium omni gratia destitutum adhuc habet naturale iudicium, quod inest ei per naturam: ergo cum illud sit bonum, potentius est peccato, & concupiscentia, & tentatione diabolica inclinante ad malum: etsi hoc, ergo potest non solum vni, sed etiam cuilibet tentationi resistere.

Ad oppositum.

Rom. 7. d

4. ITEM cum sit triplex posse, videlicet gratiæ, naturæ, & vitij, secundum quod dicitur in Glossa: Posse gratiæ addit supra posse naturæ: sed posse vitij dimittit: ergo posse naturæ est supra posse vitij: ergo circumscripta omni gratia, manente sola naturali potentia, videtur quod liberum arbitrium resistere possit vitio impellenti.

5. ITEM sicut liberum arbitrium vertibile est ad malum, ita quælibet creatura vertibilis est in non esse: sed multæ creaturæ conseruantur in esse sine aliqua gratia gratis data per naturalia principia, & diuinam potentiam: ergo pari ratione videtur quod per liberum arbitrium gratia destitutum, propria virtute absque aliquo dono gratiæ supra appposito possit aliquis casum in peccatum effugere.

6. ITEM dæmones habent sibi data integra naturalia, & splendidissima: ergo multo fortius liberum arbitrium hominis lapsi: sed liberum arbitrium non lapsum per se poterat tentationi resistere: ergo pari ratione videtur quod liberum arbitrium lapsum hoc posset, etiam si sit omni gratia destitutum. Si forte tu dicas, quod etsi sit integrum quantum ad naturam potentiarum, infirmatum tamen est & diminutum quantum ad habilitatem consequentem, adeo ut non possit resistere: tunc ego quæro, aut potest, aut non potest. Si potest, habeo propositum. Si non potest, & nullus est inculpandus in eo quod vitare non potest: ergo aut liberum arbitrium, non resistendo tentationi, non peccaret, aut in peccando non esset vituperabile: sed utrumque horum est impossibile: ergo restat alterum, scilicet quod possit tentationi resistere.

Fundamēta.
Matt. 6. b

SED CONTRA: Et ne nos inducas in tentationem, dicitur in oratione dominica: sed nullus ab altero postulat, quod potest per se ipsum: si ergo homo sapienter petit à Deo, videtur quod hoc non possit homo per liberum arbitrium absque aliquo dono gratiæ gratuito.

Dist. 24.

ITEM August. diffiniens liberum arbitrium, sicut habitum est supra, dicit quod liberum arbitrium, est facultas voluntatis, & rationis qua bonum eligitur gratia assistente, & malum gratia desistente. Si igitur hæc ratio recta est, nisi adsit diuina gratia, semper liberum arbitrium malum eliget: ergo nulli tentationi resistet.

Rom. 7. d

ITEM super illud: Velle adiacet mihi, Glossa: Naturale est quodam modo velle bonum per rationem. Sed tale est hoc velle, quod semper vi carnis superatur: ergo videtur quod absque adiutorio gratiæ semper cum tentatur, consentiat homo culpæ.

Ans. cap. 9.

ITEM liberum arbitrium in præligendo semper sequitur affectum prædominantem, & hoc expresse determinat Anselmus in libro de libero arbitrio, & per experientiam est manifestum: sed absque gratia saltem gratis data, libero arbitrio corrupto, regnat amor proprii boni: ergo videtur quod semper illud præligat quantum est de se, nisi gratia diuina assistat: ergo idem quod prius.

ITEM mors non inest nobis, nisi per peccatum: ergo ubi est necessitas moriendi, videtur quod nisi adsit gratia Dei, est simpliciter necessitas peccandi: sed ubi est necessitas peccandi, non est potestas resistendi tentationi: si igitur hanc habet liberum arbitrium, prout est gratia destitutum: patet, &c.

ITEM habens pedem claudum, cum ambulat necesse habet claudicare: ergo si pes spiritualis est habens affectum deordinatum, & obliquum, necessario claudicat in suo actu: ergo necessario liberum arbitrium gratia destitutum, cum sit lapsum, & obliquatum, præcipitabitur in peccatum: quod si hoc, impossibile est quod absque dono gratiæ tentationi resistat.

CONCLUSIO.

Homini liberum arbitrium omni gratia destitutum non potest cuiuslibet tentationi resistere, licet necesse non sit, quod cuiuslibet succumbat.

RESP. AD ARG. Ad prædictorum intelligentiam est notandum, quod aliqui senserunt, liberum arbitrium secundum statum, in quo nunc est, absque munere gratiæ omni posse tentationi resistere propria virtute, quia si hoc non esset, peccatum ei imputari non deberet. Sed hæc positio plane falsa est, & contra sacram Scripturam, & contra Sanctorum testimonia. Si enim nemo potest resistere tentationi de luxuria, nisi per continentiam, nemo tentationi de infidelitate nisi per fidem: continentiam autem, & fidem non contingit habere, absque dono gratiæ diuinæ, iuxta quod dicitur: Non possumus esse continens, &c. Et: Alij datur fides in eodem spiritu: planum est, quod ipsa sacra Scriptura dicit, quod liberum arbitrium absque munere gratiæ non posset omni tentationi resistere. Hoc etiā multipliciter probat August. in libro de perfectione iustitiæ hominis, & de natura, & gratia: & in libro de vera religione dicit expresse, quod qui non vult ab alio superari, necesse habet alij inuidere, & ita vir superbus necesse habet peccare aliquando peccato inuidiæ: similiter & in aliis generibus peccatorum intelligendum est esse. Et propterea illa positio Pelagij, tanquam erronea repudianda est. Hoc autem fuit quod decepit Pelagium, quod liberum arbitrium nunquam destituitur omni gratia gratis data, & ipse posse gratiæ attribuit ipsi naturæ. Superbia enim ex cæcatus nesciuit distinguere inter dona naturalia, & gratuita. Aliorum vero positio fuit quod liberum arbitrium lapsum omni gratia destitutum nulli posset tentationi resistere, pro eo quod lapsum est, & in lapsu suo adeo est infirmatum, & obliquatum, quod nisi adsit diuinæ misericordiæ donum, incuratur ad omne malum, quod sibi suggeritur, & offertur. Et innuitur per illam Glossam quæ dicit super illud Psalmi: Immissiones per angelos malos, diabolus potestatem habet in peccatore, sicut in proprio pecore. Et ex hoc arguunt, quod nisi adsit diuinum auxilium faciet illum pro voluntate sua ruere de peccato in peccatum. Item alia Glossa super illud: Nesciebam enim tantam potestatem accepisse, ut viribus eius nemo possit resistere.

Hoc intelligendum est esse dictum per se absque auxilio diuinæ gratiæ. Et si tu obicias, quod tunc homo culpandus non esset, respondent per illud, quod dicitur in Glossa: Non ego operor, sed quod habitat in me peccat: ibi Glossa: Nunquid quia inuitum hominem dicit peccare, immunis videri debeat à crimine? nō utique: Ipsius enim vitio & desiderio hæc cæpta sunt: quia enim mancipauit se per assensum peccato, iure dominatur illius. Sed quia illud valde durum videtur dicere, quod liberum arbitrium in statu tali nulli possit tentationi resistere, cum naturale habeat iudicium, & quendam instinctum naturalem remurmurantē contra malum, cum non sit etiam in malo confirmatum. Ideo est tertia via medium tenens inter hæc duo extrema, quod liberum arbitrium omni gratia destitutum nec omni possit tentationi resistere, nec necesse habeat omni tentationi succumbere. Non possit, inquam, omni resistere propter suam instabilitatem & infirmitatem, iuxta illud Tren. 3. Peccatum peccauit Hierusalem, propterea instabilis facta est. Et Glossa super illud: Misericordiæ Domini, &c. Non potest homo diu stare contra insulsum diaboli, nisi misericordia Domini adiungetur. Vnde si contingeret hominem resistere vni tentationi, tantum posset multiplicari, quod nisi diuinum auxilium adesset, necesse haberet homo deiici, sicut ponitur exemplum in foraminibus navis, per quæ ingreditur aqua. Potest etiam exemplum poni in pugile, qui cum se cooperit ex vna parte contra ictum, & ex altera discooperit, à magis experto pugnatore læditur. Sic & diabolus frequenter facit pluribus quibus præterdit tentationem de luxuria: & ex hoc quod non consentiunt, facit ipsos profici-

Opinio heretica, quæ est Pelagij

Sap. 8. d
1. Cor. 12. 4

De vera relig. cap. 45.

Opinio aliorum.

Psalm. 77. 8

Abas. 1.

Rom. 7. 6.

Improbatio.

Opinio propria.

Tren. 3. 6

Exemplum duplex.

lire

lire in superbiam, nec vnquam potest evitare homo quin in aliquam tentationem incidat, & hoc propter suam instabilitatem. Propter suam etiam infirmitatem necesse haberet in aliquam tentationem incidere: cum enim sit obtenebratus ignorantia, & alligatus carnis concupiscentia, tentationem carnis & infidelitatis non posset euadere, quin etiã aliquando consentiret, nisi adiuuaretur aliquo munere diuinæ gratiæ. Per iã dicta patet responsio ad quæstionem propositã, patet etiam pro parte responsio ad obiecta. Illæ enim rationes, quæ primo probant, quod contingat tentationi resistere, si concluderent de tentatione in particulari, concedendæ essent: quia vero concludunt, quod contingat absque gratia omni tentationi resistere: ideo oportet eas dissoluere.

1. Ad illud ergo quod obiicitur primo, quod diabolus non vincit nisi volentem, dicendum quod verum est: aliqua tamen sunt, quæ sic volumus, quod ad illa voluntas nostra necessario inclinatur propter corruptionem originalis culpæ, nisi adsit aliquod munus gratiæ, per quod releuetur, & dirigatur: & ideo quamvis vincat volentem, non tamen sequitur quod homo absque gratia possit resistere.

2. Ad illud quod obiicitur, quod liberum arbitrium non potest cogi, iam patet responsio. Non enim est ibi coactio: sed tanta est ad malum inclinatio, & voluntatis propterea, quod nisi esset aliud sustentans, necesse haberet motu voluntatis aliquando in malum incidere.

3. Ad illud quod obiicitur, quod bonum est potentius malo, dicendum quod verum est per se loquendo: sed quando bonum subiicit se malo, malum tunc operatur per virtutem boni, & subiicit sibi bonum: & per hunc modum in homine habet regnare peccatum, sicut dicit Apostolus: Non regnet peccatum in vestro mortali corpore. Et per hoc patet responsio ad sequens, quod obiicitur de velle naturæ, & de velle vitij. Velle enim vitij præsupponit posse naturæ: & ipsam naturam deordinando efficitur ipso velle naturæ potentius, sicut videmus in aliquo morbo, qui adhæret virtuti naturali.

4. Ad illud quod obiicitur, quod veritabilitas naturæ stabilitur absque munere gratiæ superadditæ, dicendum quod non est simile: quia et si natura propter defectum sit veritabilis in non esse: tamen totum quod in ipsa est, naturaliter & determinate appetit esse. Et quia Deus conseruat rem secundum quod appetit: ideo sola diuina præsentia per propriam naturam conseruat creaturas. Liberum autem arbitrium lapsum indifferenter appetit licita, & illicita, & prohibita, & cõcessa, & cum magno imperu ad malum tendit: ideo ad hoc, quod stabilitur, necessarium est ei aliquod donum gratiæ.

5. Ad illud quod obiicitur, quod liberum arbitrium integrum est, respondendum est sicut dicebatur in opponendo, quod hoc intelligitur quantum ad essentiam potentiarum, non quantum ad perfectionem habilitatum consequentium. Et si quæratur vterius, vtrum possit resistere, vel non, dicendum quod de aliqua tentatione per se non potest: si tamen consentiat, non est à culpa immune, propter hoc quod adiutorium gratiæ sibi præsto est, si vellet suscipere hoc etiam, quia ex propria sua culpa deuenit in illam necessitatem. Et hoc est quod dicit Augustinus quod quia homo noluit vitare peccatum, dum potuit: inflictum est ei, vt non possit, cum velit. Hoc etiam dicit Magister supra, quod post peccatum ante reparationem gratiæ liberum arbitrium premitur à concupiscentia, & vincitur: & ideo potest peccare, & non potest non peccare, etiam damnablem. Et sic patet quod rationes concludentes liberum arbitrium per se posse resistere tentationi, non cogunt de necessitate.

6. Ad rationes vero ad oppositum, quibus ostenditur quod non possit tentationi resistere, facile est respondere. Si enim concludat quod necesse haberet aliquando cadere, de plano sunt concedendæ. Si autem aliquis per eas velit arguere de libero arbitrio, quod omni tentationi succumberet, responderi potest ad primum

de oratione: quod illud petitur non quia non possit alii tentationi resistere, sed quia non potest omni resistere per se.

7. Ad illud quod obiicitur, quod liberum arbitrium eligit malum, gratia desistente, dicendum quod illud non intelligitur semper, sed aliquando.

8. Ad illud quod obiicitur, quod velle naturæ semper superatur, dicendum quod illud non intelligitur quod in omni tentatione discedat homo à naturali rectitudine voluntatis: sed quia illa rectitudo non est tantæ virtutis, quod possit absque gratia Dei eripere hominem à seruitute peccati.

9. Ad illud quod obiicitur de necessitate moriendi, dicendum quod necessitas moriendi non inest homini propter peccatum quod inest, sed propter peccatum quod infuit. Vnde illud non concludit, quod necessarium sit hominem peccare, sed quod necessarium sit hominem peccare, vel peccasse.

10. Ad illud quod obiicitur, quod liberum arbitrium sequitur affectum prædominantem, dicendum quod affectus non prædominatur in homine respectu cuiuslibet mali, quod suggeritur, sicut patet in avaro, cui suggeritur bonorum suorum dissipatio, vel prodigo bonorum suorum retentio: & ideo non sequitur quod consentiat omni peccato. Præterea, qui afficitur circa aliquid in habitu, potest in aliqua consideratione magis affici circa eius oppositum in actu, sicut homo frequenter irascitur circa rem, quam multum diligit.

11. Ad illud quod obiicitur, de claudicatione pedis, dicendum quod non est simile, quia actus ambulationis nunquam separari potest à dispositione claudicationis in pede claudico: non sic autem est de actu affectionis respectu deordinationis, quæ est in libero arbitrio propter multitudinem motuum, & affectuum qui consurgunt in nobis ex diuersitate considerationum, sicut præstatum est, ob quam modo mouetur homo ad vnum, modo ad eius oppositum: & ideo aliquando motu recto, aliquando obliquo. Per hæc autem quæ dicta sunt, patet responsio ad obiecta, & ad consimilia quæ obiici possunt in hac materia.

Ad illas autem duas Glossas, quæ in soluendo adductæ sunt, quibus videtur innui, quod liberum arbitrium absque omni gratia tentationi non possit resistere, intelligendæ sunt, non quia diabolus plenum posse habeat super hominem quantum ad actum tentandi, & quod homo nullo modo possit ei resistere: sed hoc intelligitur quantum ad hoc, quod posse habet in eius morte ad infernalium supplicia, nullo impediante, pertrahere: ita quod homo viribus eius non potest resistere.

QVÆSTIO III.

An liberum arbitrium omni gratia destitutum possit in aliquod bonum.

S. Thom. 1. 2. q. 109. art. 2. & 6.

Et de Verit. q. 24. art. 1.

Et 2. Sent. dist. 28. q. 2. art. 1.

Regid. Rom. 2. Sent. dist. 28. p. 2. q. 1. art. 2.

Richardus 2. Sent. dist. 28. q. 1.

Durand. 2. Sent. dist. 28. q. 2.

Greg. Arim. 2. Sent. dist. 27. q. 1.

Ioan. de Bassa. 2. Sent. dist. 24. q. 1.

Stephan. Brulef. 2. Sent. dist. 28. q. 6.

VTRUM liberum arbitrium omni gratia destitutum possit in aliquod bonum in genere. Et quod sic, videtur. Virtus consuetudinalis non dat nouam potentiam voluntati, sed solum reddit eam facilem: si igitur voluntas habens virtutem consuetudinalem potest in bonum in genere, & bonum ex circumstantia, videtur quod tunc possit carens virtute, licet cum difficultate.

ITEM brutum brutum per naturam potest compati: ergo & homo homini per naturam potest compati, circumscripto omni bono gratiæ: & si potest compati, & miserari potest & elemosynam largiri: & hoc est bonum in genere, dare elemosynam indigenti; ergo, &c.

ITEM

ITEM vitium non fortificat naturam sed homo vane A gloriosus potest prædicare Euangelium, vel facere aliquod opus bonum in se: ergo si hoc potest homo deprauatus vitio inanis gloriæ, multo fortius potest hoc ex potestate naturæ.

ITEM difficilius est avaro dare omnia quæ habet, quam dare partem eorum quæ habet: sed avarus absque omni dono gratiæ potest fieri prodigus, & dissipare omnia bona sua: ergo multo fortius absque omni dono gratiæ potest dare vnam elemosynam, cum illud sit multum facilius.

ITEM aut liberum arbitrium omni gratia destitutum potest in aliquod bonum, aut non. Si non: ergo nullus est potentia. Si potest in aliquod: cum principium quod est voluntas, distinguatur à principio quod est natura, illud non tantum erit bonum naturale, sed etiam bonum morale: sed minimum inter omnia bona moralia est bonum in genere: ergo, &c.

SED CONTRA: Dominus ait: Sine me nihil potestis facere: Glossa: Nec parum boni. Igitur absque auxilio gratiæ Dei liberum arbitrium non potest perficere aliquid boni.

ITEM non quod sumus sufficientes cogitare aliquid ex nobis, quasi ex nobis. Si igitur bonum cogitare, hoc est initium omnis boni, & hoc non possumus per nos: ergo nullum bonum per se potest liberum arbitrium diuina gratia destitutum.

ITEM Augustinus ad Bonifacium Papam: Non potest homo aliquid boni velle, nisi adiuuetur ab eo qui malum non potest velle.

ITEM Idorus: Sciant defensores liberi arbitrii, nihil boni liberum arbitrium posse, nisi diuinæ gratiæ iuuamine sustentetur: ergo redit idem sicut prius.

ITEM Bernardus super Cantic. Sciant, inquit, hostes gratiæ, nec ad bonum cogitandum sufficere cor humanum. Et expressius in libero de libro arbitrio: Tria in nobis Deus operatur, cogitare, velle, & perficere. Primum sine nobis, secundum nobiscum, tertium per nos.

ITEM in eodem libro cap. 8. Velle siquidem in nobis est ex libero arbitrio: non autem posse quod volumus: non dico velle bonum, aut velle malum, sed velle tantum. Ex his omnibus auctoritatibus concluditur, quod liberum arbitrium gratia destitutum non possit in aliquod bonum quantumcunque paruum.

CONCLUSIO.

Homini liberum arbitrium in puris naturalibus constitutum, cum generali Dei influxu, tamen si difficulter, potest tamen facere opus bonum morale, quod non disponit ad gratiam, nec ad gloriam.

RESP. Ad Arg. Ad prædictorum intelligentiam est notandum, quod opus aliquod tripliciter potest dici bonum. Vno modo dicitur aliquid bonum simpliciter: & hoc est bonum, quod est ordinatum in finem: & tale est bonum quod est meritorium. Et in huiusmodi bonum non potest liberum arbitrium lapsum absque auxilio gratiæ gratum facientis. Secundo modo aliquid dicitur bonum ex hoc quod aliquo modo de congruo disponit ad bonum: & tale est bonum, quod sit extra charitatem: nihilominus tamen cum recta intentione. Et in tali non potest liberum arbitrium absque munere gratiæ gratis datæ per quod illuminetur, & dirigatur, & excitetur, ut velit facere aliquid, quod sit Deo placitum. Et quod ad hoc sit munus gratiæ necessarium, expresse innuitur in Sapientia, ubi dicitur: Sciui quoniam aliter non possum esse continens, nisi Deus det: & hoc ipsum erat sapientia, scire cuius donum hoc esset. Vnde non est paruum donum gratiæ cognoscere ipsum munus gratiæ, & cognoscere quod sine gratia homo saluari non potest. Tertio modo dicitur aliquid bonum, quia in finem est ordinabile, & habet aliquam ordinationem intra se, siue ex transitu super materiam debitam, sicut pascere

esurientem, siue ex debita circumstantia superaddita, videlicet cum hoc faciat cum exigit tempus, & locus, & opportunitas. Ad illud autem genus boni completum, etsi gratia gratis data sit necessaria ad hoc, quod fiat faciliter: circumscripto tamen omni munere gratiæ, & libero arbitrio relicto in puris naturalibus per naturale iudicium, & instinctum, posset in tale bonum Deo sibi cooperante, sicut cooperatur aliis creaturis. Nam sine primo agente nullum agens potest agere, sicut suo loco infra manifestabitur, cum agatur, utrum omnis actio sit à Deo. Ad præsens autem tantum dixisse sufficiat, quod liberum arbitrium sola Dei cooperatione absque aliquo munere gratiæ, licet difficulter, potest exire in aliquod bonum morale: per illud tamen nec disponitur ad gratiam, nec ad gloriam, quia non est in finem ultimum ordinatum, sed tantum ordinabile: & istud concludunt rationes ad primam partem inductæ: & ideo concedendæ sunt. In bonum autem quod ducit ad bonum perfectum siue merito congrui, siue merito condigni, non potest absque auxilio Dei, sicut expresse dicunt auctoritates Sanctorum ad contrarium adductæ, & sic omnes intelligendæ sunt. Et quod isto modo debeant intelligi planum est. Nam si liberum arbitrium in solis naturalibus suis relinquatur, adhuc remanebit ei rationis iudicium, per quod cognoscit parentes esse honorandos: & constat quod si habet hoc naturale iudicium per illud, per quod potest nosse parentes esse honorandos, per illud potest cogitare: & cum habeat naturalem instinctum, potest etiam id velle: & cum habeat

exteriora organa sibi subservientia, potest opere implere: sed pro ut illud facit iudicium rationis rectæ absque munere gratiæ, non dirigit ad obtinendum finem, qui Deus est, & mercedem æternæ beatitudinis, quam nosse non potest nisi Deus reuelet. Et propterea dicunt Sancti, quod nec cogitare, nec velle, nec facere potest bonum absque iuuamine diuinæ gratiæ, quia loquuntur de bono secundum quod est ordinatum ad assequendam beatitudinem. Si autem intelligantur auctoritates de alio bono, tunc nomine gratiæ non est intelligendus aliquis habitus superadditus naturalibus: sed intelligitur gratuita Dei influentia per quam cetera conseruat, & adiuuat, ut compleant operationes suas. Et sic intelligitur illud verbum Ioannis: Sine me nihil potestis facere. Et illud Iulianæ: Omnia opera nostra in nobis operatus es Domine: & consimilia. Et sic intelligendum est illud quod dicitur in libro de Magistro: quod nullus potest aliquid addiscere nisi Deus doceat. Hoc enim non dicitur: quia omnis cognitio sit infusa: sed quia lumen creatum non potest perficere operationem suam absque cooperatione luminis increati, per quod illuminatur omnis homo qui venit in hunc mundum. Et hoc modo intelligenda sunt verba Dionysij, & aliorum Sanctorum, qui dicunt quod omnis essentia est à prima essentia, & omnis vita à prima vita, & omnis intelligentia à prima intelligentia, & omnis bonitas à prima bonitate. Hæc enim dicta sunt, non quia Deus sit tota causa, sed quia sine ipso non potest agere aliqua virtus creata. Patet igitur ex prædictis, quantum sit necessaria libero arbitrio gratia gratum faciens, quia sine ea non potest à peccato resurgere, nec potest aduersarium vincere, nec potest mandata Dei implere. Patet nihilominus, quantum sit necessaria gratia gratis data, quia sine ea non potest liberum arbitrium ad gratiam gratum facientem sufficienter se disponere: non potest etiam omni tentationi resistere: non potest etiam in aliquod bonum quantumcunque modicum, quod sit ordinatum ad salutem. Et licet possit in aliquod bonum morale, vix aut nunquam tamen faceret nisi malum propter peccati originalis corruptionem. Et ex his manifeste conuincitur error Pelagij, & superbia, qua se contra diuinam gratiam erigebat: & ingratus gratiæ Dei, sibi quod erat gratiæ usurpabat: & dum hoc agebat, se ipsum à munere diuinæ gratiæ elongabat, & propterea error iste cauendus est non modicum. Vnde Bernardus

Ioan. 15. a

2. Cor. 3. a

Epist. 106. tom. 2.

Ibid. lib. 2. de summo bono, c. 5. §. 4. Bern. serm. 32. in Cant. in fine. Ad fin. libri.

Bern. de li. arbit. post med.

Sep. 3. d

Ioan. 15. a / 1a. 26. b

Aug. tom. 1. in 5. libri.

Dionys. de diuin. nom. cap. 4. 2. a

in lib. de libero arbitrio: Cauendum est, ne cum hoc bonum propositum, inuisibiliter intra nos, aut nobiscum excitari sentimus, aut voluntati nostræ attribuamus, quæ infirma est, aut Dei necessitati, quæ nulla est, sed soli gratiæ, qua plenus est. Hæc liberum arbitrium excitat cum seminat cogitatum, sanat cum immutat affectum, roborat ut perducatur ad actum, seruat ne sentiat defectum. Sic autem cum libero arbitrio operatur, ut tantum illud in primo præueniat, in cæteris comitetur, ad hoc itaque præueniens, ut sibi deinceps cooperetur: ita tamen, quod à sola gratia cœptum, pariter ab utroque perficitur, ut mixtum non sigillatim, simul non vicissim per singulos profectus operentur, non partim gratia, partim liberum arbitrium: sed totum singula opere indiuiduo operantur: totum quidem hoc, & totum illa, sed ut totum in hoc sit totum ex illa.

DISTINCT. XXIX. PARS II.

Quod Homo ante peccatum eguerit gratia operante, & cooperante; habueritque virtutes. Reditque ad expositionem literæ Genesim; quam cœpit supra Distinct. 12.

POST hæc considerandum est, utrum homo ante peccatum eguerit gratia operante, & cooperante. Ad quod breuiter dicimus, quia non cooperante tantum, sed etiam operante gratia indigebat: non quidem secundum omnem operandi modum operantis gratia: operatur enim liberando, & præparando voluntatem hominis ad bonum. Egebat itaque homo ea, non ut liberaret voluntatem suam, quæ peccati serua non fuerat: sed ut præpararet ad volendum efficaciter bonum, quod per se non poterat. Non enim poterat bonum mereri sine gratia, ut Augustinus in Ench. euidenter tradit: Illam, inquit, immortalitatem, in qua poterat non mori natura humana, perdidit per liberum arbitrium. Hanc vero, in qua non poterit mori, acceptura est per gratiam, quam fuerat, si non peccasset, acceptura per meritum: quamvis sine gratia, nec tunc ullum meritum esse potuisset: quia etsi peccatum in solo erat arbitrio constitutum, non tamen iustitia habenda, vel retinenda sufficiebat liberum arbitrium, nisi diuinum præberetur adiutorium. Ecce his verbis satis ostenditur, quod ante peccatum homo indigebat gratia operante, & cooperante. Non enim habebat quo pedem mouere posset sine gratia operantis, & cooperantis auxilio: habuit tamen quo poterat stare.

Quod homo ante lapsum virtutes habuerit. Præterea queri solet, utrum homo ante lapsum virtutem habuerit. Quibusdam videtur quod non habuerit, id ita probare conantibus. Iustitiam, inquit, non habuit, quia præceptum Dei contempsit, nec prudentiam, quia sibi non prouidit, nec temperantiā, quia aliena appetiit, nec fortitudinem, quia praua suggestioni cessit. Quibus respondentes, dicimus eum quidem non tunc habuisse has virtutes quando peccauit: sed ante, & tunc amisisse. Quod multis Sanctorum testimoniis comprobatur. At enim Augustinus in quadam Homilia: Adam perditam charitatem malus inuentus est. Item: Princeps vitiorum, dum vicit Adam de limo terre ad imaginem Dei factum, pudicitia armatum, temperantiā compositum, charitate splendidum, primos parentes illis donis ac tantis bonis expoliavit, pariterque peremit. De hoc eodem Ambrosius ad Sabinum ait: Quan-

do Adam solus erat, non est prauaricatus, quia eius mens Deo adhærebat. Super Psalmum quoque dicit, quod homo ante peccatum beatissimus auram carpebat ætheream. Sed quo modo sine virtute beatissimus erat, Augustinus quoque super Genesim dicit, Adam ante peccatum spiritali mente præditum fuisse. Non est ergo dubitandum hominem ante peccatum virtutibus fuisse, sed illis per peccatum expoliatum fuisse.

De eiectione hominis de Paradiso.

In illius quoque peccati pœnam eiectionis est de paradiso in istum miseriarum locum, sicut in Genesim legitur: Nunc ergo ne forte mittat manum suam, & sumat de ligno vitæ, & comedat, & uiuat in æternum, emisit eum Deus de paradiso voluptatis. His verbis insinuari videtur quod nunquam moreretur, si postea de illo ligno sumpsisset.

Quo modo intelligendum sit illud: Ne sumat de ligno vitæ, & comedat, & uiuat in æternum.

Sed quia per peccatum iam mortuum corpus habebat, illa verba ex tali intellectu accipi possunt. Deus modo irati loquens, de homine superbo ait: Videte ne forte mittat manum suam, & comedat, & uiuat in æternum, sed si perstitisset, comederet, & uiueret in æternum, sed modo propter inobedientiam indignus est comedere. Et sicut verbo dixit, ita opere exhibuit. Emisit enim eum Deus de paradiso voluptatis in locum sibi congruum: sicut plerumque malus cum inter bonos viuere cœperit, si in melius mutari noluerit, de bonorum congregatione pellitur, pondere prauæ consuetudinis pressus.

De flammeo gladio ante paradysum posito.

Ne vero ad illud posset accedere, collocauit Deus ante paradysum Cherubim, & flammeum gladium atque versatilem, ad custodiendam viam ligni vitæ. Quod iuxta literam potest hoc modo accipi, quia per ministerium angelorum ignea custodia ibi constituta fuit. Hoc enim per cælestes potestates in paradiso visibili factum esse credendum est, ut per angelicum ministerium ibi esset quadam ignea custodia: non tamen frustra, sed quia aliquid significat de paradiso spiritali. Cherubim enim interpretatur plenitudo scientiæ: hæc est charitas, quia plenitudo legis est dilectio: Gladius autem flammeus pœna temporales sunt, quæ versatiles sunt, quia tempora volubilia sunt. Illa ergo ad custodiam ligni vitæ ideo posita sunt ante paradysum, quia ad vitam non reditur nisi per Cherubim, scilicet plenitudinem scientiæ, id est, charitatem, & per gladium versatilem, id est, tolerantiam passionum temporalium.

An homo ante peccatum comederit de ligno vitæ.

Potest autem queri, Vtrum de ligno vitæ ante peccatum comederit homo. De hoc Augustinus in libro de baptis. par. sic ait: Recte profecto intelliguntur primi homines ante malignam diaboli persuasionem abstinuisse à cibo vetito, atque usus fuisse concessis: ac per hoc & cæteris, & præcipue ligno vitæ. His verbis ostenditur, quod de ligno vitæ ante peccatum sumpserint: quibus præceptum erat, ut de omni ligno paradisi comederent, nisi de ligno scientiæ boni: & mali.

Quare

In Ps. 114. ser. 3.

Lt. 11. c. 42. in fi. & li. 6. c. 27. & 28.

Aug. lib. 11. de Gen. cap. 40. in sensu. Gen. 3. d

Rom. 8. b

Aug. lib. 2. de Gen. contra Manic. c. 22. tom. 1.

Aug. super Gen. lib. 11. c. 40. in sensu.

Rom. 11. 6 Aug. lib. 2. de Gen. contra Manic. c. 23. tom. 1. in sensu.

Aug. 12. tom. 7.

Quare non sunt facti immortales, si comederunt de ligno vitæ.

Quare ergo perpetua soliditate, & beata immortalitate vestiti non sunt, ut nulla infirmitate vel aetate in deterius mutarentur? Hanc enim virtutem naturaliter illud lignum habuisse dicitur. Sed forte hoc non conferebat, nisi saepe de illo sumeretur. Potuit ergo fieri ut de illo sumeret semel, & non saepius: qui per aliquam moram in paradiso fuisse intelligitur, cum Scriptura dicat eum ibi soporatum fuisse, quando costa de latere eius assumpta est, & inde formata mulier, & animalia ante eum ducta, quibus nomina imposuit.

DISTINCT. XXIX.

De Potestate liberi arbitrij primi hominis, utrum eguerit gratia operante, & cooperante secundum statum naturæ institutæ.

Post hac considerandum, &c.

Expositio Textus.

S V P R A ostendit Magister quantum liberum arbitrium indigeat auxilio gratiæ secundum statum naturæ lapsæ. In hac parte inquit, utrum eguerit gratia operante, & cooperante secundum statum naturæ institutæ. Diuiditur autem pars ista in duas partes. In quarum prima determinat de auxilio gratiæ, quod collatum fuit homini ante peccatum. In secunda per oppositum determinat de supplicio pœnæ, quod inflatum fuit homini post peccatum, ibi: *In illius quoque peccati pœnam, &c.* Prima pars habet duas. In prima inquit Magister utrum liberum arbitrium hominis ante lapsum gratia eguerit. Secundo vero, utrum in statu illo gratiam, & virtutes habuerit, ibi: *Præterea queri solet, utrum homo ante lapsum, &c.* Similiter secunda pars principalis duas habet. In prima determinat cuiusmodi pœna homo fuerit punitus propter peccatum, videlicet pœna expulsionis de paradiso. Vbi etiam explanat verba Scripturæ circa hanc materiam. In secunda remouet dubitationem, quæ ex dictis habet originem, ibi: *Potest autem queri, utrum de ligno vitæ, &c.* Et sic terminatur illa totalis pars, in qua agit Magister de primi hominis lapsu, & quantum ad peccatum per quod cecidit, & quantum ad adiutorium per quod stare potuit.

Dicimus Adam quidem non tunc habuisse has virtutes, quando peccauit, &c. Dub. I.

C O N T R A: Videtur dicere falsum, quia si non habuit eas quando peccauit: ergo ante amisit eas, quam peccaret: sed virtutes non possunt amitti sine peccato: ergo ante peccauit, quam peccauit. Iuxta hoc queritur, utrum homo quando peccauit, erat sapiens, vel stultus. Si sapiens: ergo non peccabat. Si stultus: ergo non videtur stultitia esse pœna peccati.

R E S P. Dicendum quod tempus commissionis peccati Adæ potest dupliciter determinari: aut secundum inchoationem, aut secundum consummationem: utroque istorum modorum sermo Magistri habet veritatem secundum intellectum differentem. Si enim intelligatur de initio, ut sit sensus: non habuit virtutes, quando peccauit, id est quando peccare inchoauit, dicendum quod sermo iste intelligitur quod non habuit virtutes quantum ad vsum, licet haberet virtutes quantum ad habitum. Vnde in peccati sui inchoatione quodam modo virtutes habuit, quodam modo virtute caruit, habuit secundum habitum, sed caruit secundum vsum. Si autem intelligatur de tempore consummationis peccati, sic cum consummatio peccati fuerit in instanti, & si-

A mul sunt peccatum consummari, & esse, sic etiam prædictus sermo veritatem habet, non solum propter hoc, quod Adam tunc non habuit virtutes quantum ad vsum, verum etiam quantum ad habitum. Si enim habuit tunc peccatum, constat quod non habuit virtutis habitum. Sicut enim in peccato simul est consummari, & consummatum esse, sic & in habitu virtutis simul est amitti, & amissum esse: & si amissus est, non habetur. Planum est igitur, quod quando peccauit, virtutes non habuit: nec tamen ex hoc sequitur, quod non amisit. Amittere enim in his, quæ subito amittuntur, non ponit habere in actu, sed habuisse de præterito, & non habere de præsentis: hoc autem melius manifestatur in Quarto in tractatu de iustificatione impij. Et per hoc patent illa duo quæ obiecta sunt.

B Nunc ergo ne forte mittat manum suam, & sumat de ligno vitæ, &c. Dub. II.

C O N T R A: Si hoc verum esset, sequeretur quod Adam ex primo peccato non incidisset in necessitatem moriendi, quod est contra textum: In quacunque die comederis morte morieris. **I** T E M: Lignum vitæ signum erat illius ligni vitæ, quod Christus est, quod est in medio paradisi Ecclesiæ: sed istud lignum potius obest, quam prodest illis, qui indigne sumunt: ergo videtur quod si Adam comedisset de ligno, potius sibi nocuisset quam profuisset: ergo non viueret in æternum.

R E S P. Dicendum quod verbum illud est verbum Domini loquentis ad Angelos; Vnde litera supplenda est sic: Nunc ergo (supple videte) ne mittat manum suam, &c. Hoc autem dixit Dominus, non quod Adam in æternum viueret, si post peccatum de illo ligno comederet, sed quia longiori vixisset tempore. Vnde verbum illud potest intelligi fuisse verbum misericordiæ, quia Dominus nolebat ipsum diu viuere in calamitate præsentis vitæ in quam reclusus erat merito culpæ suæ. Vel potest esse verbum rigoris iustitiæ. Et quia Adam gustando cibum ligni vetiti se indignum reddiderat ad percipiendum effectum ligni vitæ, ideo Dominus in verbo præmisso, in quo fert sententiam contra eum, indicat se Adam duplici bono priuari, videlicet ligni esu, & ligni effectum: non quia post peccatum posset ad illum effectum peruenire, sed quia merito peccati utrumque meruit amittere. Et sic patent illa quæ obiecta sunt. Veruntamen illud quod obicit de Sacramento altaris, non est simile, quia istius Sacramenti est efficacia specialis, & ei debetur reuerentia singularis ratione suæ dignitatis, & excellentiæ: nullum autem horum reperitur in eo, qui manducat, & bibit indigne: non sic autem erat in illo ligno vitæ.

Emisit enim eum Deus de paradiso voluptatis. Dub. III.

V idetur quod hoc non debuit Deus facere: cum enim Deus sit maioris misericordiæ, quam sit homo, & nos videamus peccatores sustineri intra Ecclesiam, quæ est paradisos quædam: non videtur quod Deus debuisset eum eiicere, sed potius longanimiter ad pœnitentiā expectare. **I** T E M quæro quare dicit mundum istum fuisse sibi locum congruum. Aut enim erat deterioratus, aut non. Si non erat deterioratus, non videtur quod esset habitatio sibi congrua post concupiscentiam. Si deterioratus erat, videtur quod magis debuisset deteriorari locus ille in quo peccauerat, quam ille in quo non peccauerat: iuxta hoc queritur, de quo seruiat ille locus homini, quia modo non seruit, nec post diem iudicii seruiet: ergo videtur quod frustra factus sit locus ille.

R E S P. Dicendum quod Deus de paradiso hominem eiicit æquo iudicio, ita quod simul fuit ibi misericordia, & veritas. Veritas namque fuit ibi, quia sicut Angelus de paradiso cœlesti eiectus est, quia ibi peccauerat, & se indignum illo loco reddiderat, & sic & homo de amœnitate paradisi terrestri eiici debuit. Misericordia etiam ibi fuit, ut homo in loco maioris calamitatis existens, & sciens se extra paradisum terrestrem esse, quasi exulem in mundo seipsum reputaret, & præsen-

Diuisio,

Gen. 2.2
Gen. 3.4

Præ-
affirm-
quom-
oblige

tem

tem vitam contemnendo ad bona inuisibilia assurgeret, & illa desideraret, & sic ad illa perveniret. Si enim temporalia amaret, impediretur, ne spiritualia apprehenderet, & si nunc amat corruptus concupiscentia quando est in valle miserie, quanto magis tunc amaret, si esset in illius paradisi amenitate, postquam morbo concupiscentie corruptus esset? Tanta enim ex tunc adhaerentia quieti temporali inhaereret, ut nunquam æternam requireret: & ideo cum eo est actum misericorditer, & iuste. Et per hoc patent dubitationes præmissæ: patet enim quod non est simile de paradiso Ecclesiæ: patet etiam quod locus iste magis est congruus statui miserie, etiam si uterque deterioratus esset. Postremo patet quod locus ille frustra non est: multum enim facit ad nostram eruditionem, & occasionem nobis præbet requirendæ salutis, in qua consistit summa etiam perfectio totius utilitatis humanæ.

Sed forte hoc non conferebat, &c. Dub. IV.

Innuat Magister quod lignum illud non conferebat immortalitatem, nisi sepe de illo sumeretur. Hoc videtur esse falsum, quia immortalitas perfecta ponit hominem extra statum animalitatis, sed frequens comestio ponit hominem in statu animalitatis: ergo per frequentem usum ligni non perduceretur ad perfectam immortalitatem. ITEM frequentatio alicuius rei non variat effectum secundum speciem, sed solum confirmat, vel inendit; ergo si unica comestio non poterat facere immortalitatem, videtur pari ratione quod nec frequentatio.

RESP. Dicendum quod Magister dubiosè loquitur, nec sine causa: utraque enim pars potest sustineri satis probabiliter, scilicet quod lignum vitæ unica comestione conferret immortalitatem. Nec huic obuiat quod Dominus præceperat Adæ, quod de omni ligno paradisi comederet: præceptum enim affirmativum non obligat ad semper, sed pro loco, & tempore. Potest etiam intelligi quod non conferret illum effectum unica comestione, sed pluribus: & hoc quia lignum illud non conferebat immortalitatem, sicut causa immortalitatis principalis, & effectiva, sed sicut dispositiva. Et quemadmodum videmus in medicina quod frequentata disponit ad sanitatem, ad quam non sufficienter disponderet semel sumpta, sic & in proposito intelligendum est. Et per hoc patent quæ obiecta sunt: procedunt enim ac si lignum vitæ esset principale effectivum immortalitatis. De effectu autem istius ligni planius habitum est supra: hæc autem dicta sufficiant.

ARTICVLVS I.

AD intelligentiam huius partis, in qua agitur de gratiæ adiutorio secundum statum naturæ institutæ, incidit hic quæstio circa tria. Primo quæritur, utrum homo ante peccatum gratia egerit. Secundo quæritur, utrum ante peccatum gratiam habuerit. Tercio quæritur de quantitate gratiæ, quam in illo statu habuit. Circa primum quærentur duo. Primo quæritur, utrum homo in statu innocentie, circumscripto dono gratiæ, esset Deo acceptus. Secundo quæritur, utrum absque gratia posset exire in opus meritorium.

QVÆSTIO I.

An absque dono gratia homo esset Deo acceptus in statu innocentie.

*Alex. Alensis 1. p. q. 91. Membr. 1.
Richardus 2. Sent. dist. 29. q. 1.
Sepp. Brulef. 2. Sent. dist. 29. q. 1.*

UTRUM absque dono gratiæ homo esset Deo acceptus in statu innocentie. Et quod sic, videtur: Vidit Deus cuncta quæ fecerat, & erant valde bona: sed

summo bono non potest non complacere illud quod est valde bonum: si ergo homo inter ceteras creaturas inferiores principatum obtinebat, videtur quod ipse valde bonus erat: & si hoc, ergo Deus illum acceptabat.

2. ITEM: Diligis omnia Domine, & nihil odisti eorum, quæ fecisti: sed homo in statu innocentie nihil habebat quod esset dignum odio, & totum quod habebat à Deo factum erat: ergo Deus ipsum totaliter diligebat: sed quod sic à Deo diligitur, ab eo acceptatur: ergo, &c.

3. ITEM: Ego diligentes me diligo: sed homo secundum statum naturæ institutæ diligebat Deum propter se, & super omnia, quia rectus erat: ergo videtur quod etiam præter omnem gratiam Deus eum amabat: & si hoc, ergo Deo acceptus erat.

4. ITEM artifex creatus complacet sibi in opere suo, & illud acceptat, quando ipsum fabricat secundum voluntatem suam: sed Deus, qui est summus artifex, hominem formauerat ad imaginem suam, & optima ratione eum condiderat: ergo videtur quod ex naturalibus sibi datus homo Deo placebat.

5. ITEM nihil est quod plus faciat animæ charam Deo & acceptam, quam quod sit tota pulchra, & nulla sit in ea macula: sed anima Adæ in statu innocentie tota erat pulchra, nulla erat in ea macula, quantum erat ex naturali conditione: ergo absque omni gratia superaddita Deo erat accepta.

6. ITEM aut Deus poterat facere aliquam creaturam ita bonam quod ex puris naturalibus sibi placeret, aut non. Si non, videtur quod non esset omnipotens. Si sic, ergo non videtur quod ad hoc quod natura placeat Deo, necessarium sit superaddi donum gratiæ: si igitur homo perfecte conditus fuit secundum exigentiam status naturæ, videtur quod Deo placebat absque omni dono gratiæ superaddita.

SED CONTRA: Sine fide impossibile est placere Deo: sed fides est donum superadditum naturæ secundum quod dicitur Corinthiis: ergo sine dono gratiæ natura superaddita nullus potest placere Deo.

ITEM: Neminem diligit Deus nisi illum, qui cum sapientia inhabitat: sed sapientia est donum Dei naturæ superadditum, secundum quod infra subiungitur: Mitte illam de cælis sanctis tuis, &c. ergo absque dono gratiæ natura superaddita impossibile est Dei amicum esse.

ITEM Dionysius in libro de angelica hierarchia: Lex diuinitatis est inferiora per media, & media per superiora reducere: sed media bona sunt potentie naturales, bona maxima sunt gratia, & virtutes, quibus non contingit male uti: ergo secundum rectum ordinem anima non potest ad Deum redire, nec Deo placere, nisi perficiatur per dona virtutum, & gratiæ.

ITEM nihil excellentius est secundum naturam in homine, quam ipsa imago: sed imago indifferens est ad acceptandum, & non acceptandum: ergo ad hoc, quod aliqua anima à Deo acceptetur, necesse est ultra naturalia esse aliquod donum naturæ superadditum.

ITEM quotiescunque Deus animam acceptat, eam in coniugium sibi desponsat. Unde & animam dicit sponsam suam in Cantico: Sed quantumcunque aliqua creatura sit excellens, semper in infinitum est Deo inferior: ergo nunquam digna est in coniugium assumi, nisi Deus ex mera liberalitate condescendat, & hoc est præstare gratiam: ergo, &c.

ITEM cum Deus hominem acceptat, filium suum reputat, secundum quod dicitur: Dedit eis potestatem filios Dei fieri. Sed creatura quantumcunque sit nobilis, semper est Dei serua: sed seruus non potest adoptari in filium, quin fiat ei gratia: ergo impossibile est quod aliqua creatura acceptetur à Deo sine munere gratiæ superaddita.

CONCLUSIO.

Homo in statu innocentia sine gratia non esset speciali acceptatione acceptus Deo: sed tantum generali, quæ omnis creatura Deo accepta est.

RESP. Ad Arg. Ad prædictorum intelligentiam est notandum quod dupliciter contingit dicere aliquid acceptari à Deo. Vno modo quadam acceptatione generali: ut idem sit acceptare aliquid quod reputare bonum, & in bono conservare: & hac acceptatione non tantum acceptatur creatura rationalis, sed etiam omne opus Dei. Est etiam alia acceptatio specialis, quæ dicitur Deus acceptare illud quod dignum reputatur æterna beatitudine: & tali acceptatione non acceptat Deus nisi creaturam rationalem: illa enim sola est, quæ eius capax, & particeps esse potest. Hanc autem creaturam rationalem tunc acceptat, cum consecrat in templum, & adoptat in filium, & assumit in coniugium. Nam animæ sanctæ, quæ Deo placent, & dicuntur templum Dei, & dicuntur filij Dei, & dicuntur sponsæ Dei, secundum quod colligitur ex novo, & veteri testamento. Primum genus acceptationis non requirit supra illi donum gratiæ ultra ea quæ sunt de conditione naturæ. Secundum vero genus acceptationis non potest non esse gratuitum, tum propter gratuitam Dei condescensionem, tum propter creaturæ exaltationem ultra terminos, siue status naturæ. Gratuita namque Dei condescensio in huiusmodi acceptatione necessario requiritur. Quod enim Deus immensus habitare velit in anima, ut in templo: quod iterum velit servum reputare pro filio: quod ancillam suam assumere velit in coniugium, hoc nemo dubitat esse mere gratiæ, & condescensionis liberalissimæ. Creaturæ etiam sublimatio in tali acceptatione ultra statum naturæ reperitur. Quod enim creatura consecratur in templum, adoptetur in filium, assumatur in coniugium, hoc est supra naturale complementum omnis creaturæ: & ideo nec consecratio, nec adoptio, nec unio animæ ad Deum fit per aliquam proprietatem naturæ, sed per aliquod donum gratiæ superadditum, quod animam consecrat, ut sit templum; assimilet, ut sit Dei filia: quod faciem decoret animæ, ut apta sit esse Dei sponsa: hæc autem omnia facit gratia gratum faciens, cui est adeo iuncta Dei conformitas, ut nullo modo possit Deo dissimilis fieri: adeo iuncta spiritualis venustas, ut nullo modo possit deformari: & ideo reddit animam Deo acceptam. Et est ratio acceptandi secundum illas tres proprietates prædictas, quæ quidem conveniunt ei non secundum tropum, aut transumptionem, sed secundum veritatem, aut secundum proprietatem. Et sic patet quod homo in statu innocentia gratia gratum faciente indiguit ad hoc, ut Deo placeret. Et hæc necessitas sumpta est ex parte modi acceptandi. Posset nihilominus & alia ratio sumi ex parte acceptantis. Deus enim, qui omnia fecit in gloriam suam, & nullius indiget laude, potissime requirit, à creatura rationali honorem. Et quia honorem Deo exhibemus, quando in ipsum omnia referimus tanquam in omnium auctorem, & finem, non decrevit Deus hominem perducere ad perfectionem gloriæ per aliquid quod ortum haberet ex naturæ principiis, sed per munus additum naturalibus: ut ex hoc homo Deo magis gratus existeret, & totum salutis suæ opus Deo attribueret. Et sic patet quod nemo potest acceptari à Deo absque munere gratiæ superadditæ naturæ, & concedendæ sunt rationes ad hoc inductæ.

1. 2. AD rationes vero ad oppositum, planum est respondere ex his, quæ dicta sunt. Nam duæ primæ auctoritates intelliguntur de acceptatione, & dilectione secundum generalem modum: nos autem loquimur hic de acceptatione secundum modum specialem, quo Deus acceptat ipsam animam, ut reputet eam dignam æterna gloria.

3. AD illud quod obiicitur. Ego diligentes me dili-

go, &c. dicendum quod illud intelligitur de dilectione charitatis, quæ non est absque gratia, & hoc plurius differt à dilectione naturali, qua homo diligit Deum propter se, & super omnia, sicut ostensum est supra.

4. AD illud quod obiicitur, quod artifex creatus complacet sibi in opere suo, dicendum quod istud est verum de illa generali acceptatione, & complacentia, qua aliquis reputat aliquid esse bonum: sed de illa acceptatione, qua aliquis sic acceptat aliquid, ut requeat se illi obligatum ad retribuendum aliquid magnum, veritatem non habet: hanc enim solum contingit reperire circa opus divinum, quod habet liberum arbitrium, & circa quod nata est esse laus, & vituperium.

5. AD illud quod obiicitur, quod natura instituta absque omni gratia esset tota pulchra, & sine macula, dicendum quod etsi esset sine macula, non tamen esset tota pulchra ea pulchritudine, quæ est à gratia. Pulchritudo enim gratiæ est sancti amoris conciliativa secundum quod dicit Glossa super illud Psalmi: Ut exhalaret faciem in oleo. Glossa. Gratiæ est quidam nitor animæ ad conciliandum sanctum amorem.

6. AD illud quod obiicitur, utrum Deus posset talem naturam facere, quæ esset ei accepta absque munere gratiæ, dicendum quod etsi ipse posset omnia tanquam omnipotens, natura tamen non esset capax, unde impossibilitas illa venit ex parte creaturæ. Si enim hoc faceret, nihil aliud esset facere, quam quod facere donum gratiæ, donum esse naturæ, & gratiam esse naturam. Hoc autem impossibile est, cum donum gratiæ sit ultra terminos naturæ: Unde sicut impossibile est quod homo fiat à Deo beatus per naturam, quamvis possit creari beatus, quia beatitudo consistit in bono, quod est supra omnem naturam, sic etiam intelligendum est, in gratia. Præterea: Esto quod posset facere: non tamen decrevit, quia non decuit. Et ratio huius dicta est, videlicet ut ex hoc divina servetur gloria, in cuius præiudicium Deus neminem acceptat. Conserveatur etiam nihilominus ipsa gratia, quæ nullo modo potest, nec debet esse ingrata: & ideo sic debet dari, ut reputetur esse gratis data.

QVÆSTIO II.

An homo in statu innocentia in opus meritorium exire posset aliquo dono gratiæ.

Alexander Avenensis 2. p. q. 91. Membrum 1. art. 3.

Richardus 2. Sent. dist. 29. art. 2. q. 2.

Steph. Brulef. 2. Sent. dist. 29. q. 2.

UTRUM homo in statu naturæ institutæ posset in opus meritorium exire absque dono gratiæ. Et quod sic, videtur. Augustinus in libro de natura, & gratia: Quis nesciat ita factum hominem, ut in eo liberum arbitrium ad iuste vivendum pro possibilitate, & capacitate sua constitueretur: ergo videtur quod ex libertate arbitrij naturali posset iuste vivere: ergo & opera meritoria facere.

2. ITEM Damascenus: Manentes in eo quod est secundum naturam, in virtute sumus: sed opera virtuosa sunt meritoria: ergo liberum arbitrium in integritate suæ naturæ manens, absque omni gratia poterat facere opera meritoria.

3. ITEM Dei perfecta sunt opera, & perfectum est aliquid, ut vult Philocephus, cum attingit proprio fini, seu propriæ virtuti: ergo si homo perfectus conditus est, poterat exire in operationem, propter quam factus est: hæc autem est operatio, per quam pervenitur ad gloriam: ergo, &c.

4. ITEM in omnibus creaturis distantibus à suo termino, ad quem ordinantur, data est virtus per quam possint ad illum finem pervenire, sicut patet in igne, qui cum deorsum est, sua levitate potest sursum ferri: ergo

Dist. 3.

Aug. super Psal. 103.

Ad oppositum.

Ca. 43. dist. 7.

Damasc. lib. 2. cap. 30. de fide Orthod.

3. Phys. context. 64. & 7. context. 11. & 1. met context. 71. & inde.

aut

aut liberum arbitrium miserabilius fuit inter ceteras creaturas, aut si aliæ creaturæ per naturam habent potentiam perueniendi ad suum finem, videtur quod multo fortius homo posset per virtutem naturæ ante statum miseræ.

5. ITEM natura nihil facit frustra, nec deficit in necessariis: sed nihil est magis necessarium homini, quam illud, sine quo non potest beatificari: ergo cum potestas merendi huiusmodi sit, videtur quod hæc inesset ei per naturam, omni gratia circumscripta.

6. ITEM circumscripta gratia, intelligamus hominem in statu naturæ seruare diuina mandata: aut igitur meretur aliquid, aut nihil. Si nihil, ergo frustra operatur: sed frustra operari, non potest esse sine aliqua pœna: hoc autem non poterat esse in natura instituta. Si aliquid meretur, cum opus rectum sit ad beatitudinem ordinatum, videtur quod ex prius naturalibus mereri possit præmium æternum.

CONTRA: Gratia Dei vitæ æterna. Et Glossa: Nihil aliud in nobis Deus coronat, quam sua munera: tam ex textu, quam ex Glossa colligitur quod vitam æternam non contingit mereri absque gratia.

ITEM Deus nullo modo indiget bonis nostris: ergo si acceptat bona nostra, hoc non est propter aliquam nostram virtutem: sed si est, hoc est per naturam benignitatis: igitur nisi diuina iustitia condescendat per gratiam, impossibile videtur quod reputet aliquem dignum gloria propter aliqua opera, quæ faciat.

ITEM meritum, & præmium debent esse proportionabilia: sed natura quantumcunque eminens improporcionabilis est, & alterius generis, quam sit beatitudo gloriæ: igitur impossibile est mereri gloriam per pura naturalia.

ITEM nobilior est substantia, quam operatio: sed Deus nunquam acceptat hominem absque munere gratiæ: ergo nec operationem hominis reputat meritoriam, nisi procedat a libero arbitrio, & a gratia.

CONCLUSIO.

Homo in statu naturæ institutæ non poterat sine gratiâ operari opus meritorium de condigno propter conditionem retribuentis, & licet nunc illius sit magis indigens propter conditionem operantis, & operis meritorij.

RESP. Ad Arg. Dicendum quod non solummodo gratia necessaria est ad merendum secundum statum naturæ lapsæ, sed etiam secundum statum naturæ institutæ, licet secundum statum naturæ lapsæ magis indigeat liberum arbitrium dono gratiæ. In statu namque naturæ institutæ necessaria erat gratia, tum propter conditionem retribuentis, tum etiam propter conditionem retributionis. Propter conditionem retribuentis, quoniam ipse Deus bonorum nostrorum non indiget: ideo nec acceptat hominem propter opera, nec aliquid meritum obligare potest ipsum secundum rationem dati, & accepti: ideo ad hoc quod aliquod bonum opus creature ad remunerandum Deo placeat, necesse est quod ipsius gratiæ bonitatis influenza in operante præcedat, per quam creatura ipsi Creatori grata existat. Similiter propter conditionem retributionis impossibile erat liberum arbitrium mereri sine auxilio gratiæ gratum facientis, pro eo quod illud præmium quod meremur, est beatitudo æterna. Beatitudo autem æterna consistit in habendo eum, qui est omne, & summum bonum, & qui est super omnem naturam exaltatus, & lucem habitat inaccessibilem: & ideo impossibile est quod homo merendo ad illud summum bonum ascendat, & perueniat, nisi per aliquod adiutorium quod sit ultra naturam: sic igitur homo in statu naturæ institutæ absque dono gratiæ mereri non potuit, tum propter conditionem retribuentis, tum propter conditionem retributionis: in statu vero naturæ lapsæ non solum modo indiget gratia ad merendum propter has conditiones, sed etiam propter con-

ditionem operantis, & operationis meritoriz. Operans enim in statu naturæ lapsæ semper est in peccato, & Dei aduersarius, & inimicus, nisi à peccato releuetur per gratiæ donum: & ideo quidquid faciat, nisi voluntas eius præueniatur à gratia, quæ Deo reconciliet, nihil meretur merito condigni, pro eo quod Dei est aduersarius, & inimicus: Deus autem opera non acceptat, nisi prius acceptet personam, sicut innuitur. Respexit Dominus ad Abel, & ad munera eius; prius dicit ad Abel, & postea dicit ad munera. Propter conditionem etiam operationis necessaria est gratia, quia nulla est operatio meritoria nisi recta, & nulla est recta, nisi fiat ex recta intentione: & nulla potest esse recta intentio, nisi quæ summum bonum omni bono proponat: nulla autem intentio potest hoc facere in statu lapsæ naturæ sine dono gratiæ: & propterea qualemcunque, vel quantamcunque faciat homo operationem absque gratia, non meretur, quia non pensat Deus quantum, sed ex quanto hoc faciat. Patet igitur quod multiplex est necessitas gratiæ ad merendum, sc. propter conditiones retribuentis, & retributionis operantis, & bonæ operationis: ita quod hæc quadruplex necessitas concurret ad statum naturæ lapsæ: & duplex ad statum naturæ institutæ, & hoc est quod Magister dicit in litera quod homo indigebat gratia operante, & cooperante secundum statum naturæ institutæ, licet non secundum omnem modum gratiæ operantis.

1. 2. Ad illud ergo quod obiicitur in contrarium de auctoritate Augustini, & Damasceni, dicendum quod illud dictum est, non quia potestas liberi arbitrij, & naturæ sit sufficiens in opus meritorium, sed quia natura bene ordinata concordat cum gratia, & discordat à culpa.

3. Ad illud quod obiicitur, quod Dei perfecta sunt opera, dicendum quod est perfectio quantum ad esse primum, & est perfectio quantum ad esse secundum. Et perfectio quantum ad esse secundum duplex est. Quædam enim est, quæ habet ortum à perfectione secundum esse primum, sicut illa perfectio, quæ attenditur in accidentibus, quæ oriuntur ex principiis subiecti. Est alia perfectio quantum ad esse secundum, quæ non causatur à perfectione secundum esse primum, sed potius est supra illud, sicut est perfectio in esse gratuito, vel glorioso, quæ quidem est in nobis, non ex nobis, sed ex Deo. Cum ergo dicitur quod Dei perfecta sunt opera, hoc intelligitur quantum ad esse primum, & quantum ad esse secundum quod causatur ab illo. Quantum autem ad illud esse secundum quod non causatur à perfectione secundum esse primum, veritatem non habet. Non enim fecit Deus omnes beatos & gloriosos, sed illos solos beatificauit, quos prædestinavit conformes fieri imaginis filij sui: hoc enim disponit dare per merita tanquam bonum laudabile. Et ratio huius assignata fuit supra.

4. Ad illud quod obiicitur, quod aliæ creaturæ possunt peruenire in finem, ad quem sunt per virtutem naturæ, dicendum quod non est simile, quia finis creature rationalis est summum bonum quod est supra omnem naturam. Finis vero aliarum creaturarum est bonum creatum quod est infra terminos naturæ: ideo creatura rationalis magis indiget dono gratiæ, ut possit peruenire ad suum finem quam aliæ creaturæ.

5. Ad illud quod obiicitur, quod natura non deficit in necessariis, iam patet responsio ex prædictis: hoc enim intelligitur de necessariis, quæ quidem attenduntur quantum ad esse primum, vel quantum ad esse secundum quod causatur ex principiis naturæ. Quantum vero ad illud esse secundum quod est supra naturam, necesse est naturam deficere, & tale est esse gratuitum, & gloriosum: nullum tamen ex hoc fit naturæ præiudicium, quia Deus defectum naturæ supplet, & semper præsto est, cum se offert tempus, & locus, complere, & dare quod natura non poterat.

6. Ad illud quod obiicitur ultimo, utrum homo mereretur aliquid, vel nihil, si faceret mandata Dei, &c.

dicendum quod non mereretur aliquid de condigno, sed de congruo, & sic merendo disposeret se ad gratiam: & ideo non operaretur frustra. Ex prædictis patet quantum humana natura in statu innocentie eguerit gratia.

ARTICVLVS II.

CONSEQUENTER quæritur, vtrum homo in statu innocentie habuerit gratiam gratum facientem. Et circa hoc quærentur duo. Primo quæritur, vtrum habuerit gratiam ante lapsum. Secundo quæritur, vtrum simul tempore conditus fuerit in gratuitis, & naturalibus.

QVÆSTIO I.

An homo ante lapsum gratiam habuerit.

Alex. Alensis 2. p. q. 91. Membr. 2. art. 1.

S. Thom. 1. p. q. 95. art. 1.

Et de Veris. q. 9. art. 2.

Et 2. Sentent. dist. 29. q. 1. art. 2.

Egid. Rom. 2. Sent. d. 29. q. 2. art. 2.

Richardus 2. Sent. dist. 29. q. 1.

Thom. Arg. 2. ent. dist. 29. q. 1. art. 3.

Steph. Brulef. 2. Sent. d. 29. q. 3.

Gabr. Biel. 2. Sent. dist. 29. q. 1.

Fundamēta.
Lm. 10. e

VTRUM homo ante lapsum habuerit gratiam. Et quod sic, videtur: Qui etiam expolauerunt eum, & plagis impositis, &c. Et exponunt Sancti, & Glossa quod expolauerunt eum gratuitis, & vulnerauerunt in naturalibus: ergo si hoc intelligitur in primo homine, primus homo non tantum habuit naturalia, sed etiam gratuita ante peccatum.

ITEM Bernardus: Cum videret Patrem nostrum omnium hominum æmulus charitate circumdatum, & omni virtute vestitum, & hoc accepisse terrenum hominem, quod ipse per superbiam amisit, inuidit insatiabilis homicidia. Ex hoc igitur patet quod primus homo & charitatem habebat, & omnem virtutem.

ITEM Adam post soporem prophetauit, sicut innuitur in textu Genesis, & in Glossa; hoc autem non fuit, nisi quia introductus fuit in illo sopore in secretum celestis curiæ, sicut plures dicunt auctoritates: sed nullum decebat illuc introduci, qui non haberet gratiam gratum facientem: ergo, &c.

ITEM à Deo recipit mandatum disciplinæ, sed si illud mandatum seruasset absque gratia, nihil meruisset. Si igitur illud mandatum est sibi in meritum obedientiæ, videtur quod Deus non dederit sibi præceptum præter gratiæ adiutorium, alioquin dedisset in malum: quod nullo modo decet facere Deum.

ITEM Peccatum Adæ arguitur fuisse maximæ ingratitudinis: sed nullum donum in via est maius gratia gratum faciente: ergo si maior ingratitudo fuit in peccato Adæ quam in peccato aliorum posteriorum, & posteri eius post acceptum donum gratiæ Deum offendunt, videtur quod ipse ante peccatum habuerit donum gratiæ gratum facientis.

SED CONTRA: Deus sciebat ipsum statim esse lapsurum: ergo sciebat quod illud gratiæ donum in nullo esset sibi utile, sed potius esset sibi in nocumentum. Si igitur sapiens artifex non debet aliquid frustra facere, vel etiam quod vertatur in operis sui damnum, & nocumentum, videtur quod non dederit illi gratiam.

2. ITEM: Adam quia iustitiam originalem habuit quando peccauit, & voluntarie perdidit, nunquam eam recuperauit: ergo pari ratione si habuisset donum gratiæ gratum facientis, nec ipse nec aliquis posteriorum eius gratiam recuperasset: si igitur ipse gratiam gratum facientem recuperauit, videtur quod ante lapsum eam non habuerit.

3. ITEM: Adam habebat optima naturalia, & nullam habebat pronitatem ad malum, nec difficultatem ad bonum: ergo si charitatem, & gratiam habuisset, to-

taliter Deo adhæsisset: ergo nunquam in peccatum cecidisset: sed constans est quod cecidit: ergo gratiam ante lapsum non habuit.

4. ITEM Lucifer non habuit gratiam gratum facientem, sicut probatum fuit supra: ergo Adam gratiam gratum facientem habuit, & ab illa cecidit: ergo de altiori gradu cecidit quam Angelus: ergo videtur quod peccatum eius fuit incurabilius quam peccatum angelicum: si igitur hoc constat esse falsum: Adam ante peccatum non habuit gratiæ donum.

5. ITEM prius debet probari aliquis, quam in amicum assumi, hoc non solum verum est in amicitia humana, verum etiam in amicitia diuina. Vnde dicitur: Abraham Pater noster tētatus est, & per multas tribulationes probatus, Dei amicus effectus est. Si igitur nullus habet Dei gratiam, quin habeat Dei inimicitiam, videtur quod ante tentationem Adam non habuit gratiam, sed statim post tentationem peccauit: ergo non habuit gratiam ante lapsum.

CONCLUSIO.

Homo in statu innocentia habuit gratiam gratum facientem: qua & malo posset resistere, & in bono proficere.

RESP. Ad Arg. Ad prædictorum intelligentiam est notandum quod circa hoc duplex conuenit esse opinio. Quidam enim dicere voluerunt quod Adam non habuit gratiam gratum facientem, pro eo quod non videtur credibile quod lapsus esset, si tale adiutorium habuisset. Ad auctoritates autem & rationes respondent dicentes quod Adam habuit multas gratias gratis datas, & naturam habuit valde bonam: & propterea sancti aliquando videntur dicere, ipsum habuisse gratiam ante lapsum, non quia habuit donum gratiæ gratum facientis, sed donum gratiæ gratis datæ, & per illud poterat tentationi resistere, & ad gratiam gratum facientem seipsum disponere. Sed quoniam auctoritates sanctorum expresse videntur dicere de gratia gratum faciente, sicut patet in illis, quas Magister adducit in litera, & huic etiam consonare videtur Scripturæ auctoritas, & rationis probabilitas, ideo est alia opinio communior, & verior, & probabilior, quam etiam Magister sustinet in litera, scilicet quod Adam ante lapsum gratiam gratum facientem habuit, per quam non solum malo resistere, sed etiam in bono proficere poterat: & illa gratia adiutus ita bene meruisset mandatum Domini obseruando, sicut meruit transgrediendo. Hanc igitur opinionem sustinendo concedere possumus rationes, quæ ad primam partem inducuntur.

1. AD illud autem quod obiicitur in contrarium, quod Deus sciebat statim ipsum lapsurum, dicendum quod propter hoc non debuit dimittere donum gratiæ sibi dare duplici ratione. Primo quidem, quia simul cum hoc præsciebat quod bonum debebat de lapsu eius elicere. Secundo vero, quia Deus in conferendo gratiam non attendit futura peccata, sed idoneitatem præsentem ad gratiam, sicut patet cum confert gratiam in tempore præscitis, & eis quos ab æterno reprobauit: & in utroque eorum commendatur Dei largitas, & sapientia, & arguitur hominis ingratitudo, & iniustitia, in hoc quod à tam benefico, & tam benigno se auerit sine causa.

2. AD illud quod obiicitur, quod non potuit recuperare originalem iustitiam, quam habuit quando peccauit, dicendum quod non est tota ratio, scilicet quod voluntarie amisit iustitiam illam, sed simul cum hoc facit quod iustitia originalis, non tantum respiciebat voluntatem deliberatiuam, sed etiam respiciebat ipsam naturam institutam: gratia autem respicit ipsam voluntatem liberam, vt est libera. Et quoniam voluntas de facili vertitur, & reuertitur: natura autem cum corrupta est, non sic de facili reuelatur, hinc est quod magis potest

recuperari

Ad opposi-
tum.

Opinio 1.

Improbatio.
Ita expresse
Conc. Trid.
Sess. 5. can. 1.
& 2.
Opinio 2.

recuperari gratia, quàm prima iustitia, quamvis vtraque fuerit per peccatum amissa. Est & alia ratio, quare non recuperatur originalis iustitia: sed hæc manifestabitur infra cùm agatur de originali peccato.

3. Ad illud quod obiicitur, quod si Adam habuisset gratiam quod inseparabiliter Deo adhæsisset, dicendum quod hoc non oportet, quia liberum arbitrium habens gratiam, moueri potest præter gratiæ inclinationem, & frequenter mouetur, nihil considerans de eo ad quod mouet gratia: vnde frequenter contingit quod homo magne charitatis inordinate afficitur pro eo quod non semper actualiter fertur in illud summum bonum, circa quod habet immensum desiderium: sic intelligendum est accidisse ipsi Adæ. Quis enim est homo habens charitatem, qui peccaret, si Deum præ oculis semper haberet, & actu consideraret, quantum Deus amabilis est, & quantum nefas est ipsum offendere?

4. Ad illud quod obiicitur quod Lucifer non habuit gratiam gratum facientem, dicendum quod verum est: ex hoc tamen non sequitur quod homo peccauerit maiori ingratitude, pro eo quod Lucifer proximior erat statui gloriæ: simul enim recepisset gratiam, & gloriam. Homo verò sic conditus fuit, vt longè ante gloriam haberet gratiam: & ideo positus est in terra quasi longè à cælo distans, ac per hoc in transgrediendo nec adeo cecidit de alto vt Lucifer, nequæ adeo fuit ingratus, nec per peccatum deprauatus.

5. Ad illud quod obiicitur, quod prius debet homo tentari quàm in amicum assumi, dicendum quod illud intelligitur de illa amicitia, quæ facit Deo hominem probatum, & familiarem, per quem modum dicit ipse Dominus Apostolis: Vos autem dixi amicos, &c. De amicitia autem largè dicta hoc non potest intelligi apud Deum, licet posset intelligi de amicitia apud homines, pro eo quod nisi Deus gratiam daret, in probando potius reprobareret quàm approbareret: non enim habemus vnde possumus approbari à Deo, nisi per eius donum: non sic est autem de homine respectu hominis: & sic patet illud.

QVÆSTIO II.

An homo simul tempore conditus fuerit in gratuitis, & naturalibus.

*Egid. Rom. 2. Sent. p. 1. dist. 29. q. 1. art. 1.
Richardus 2. Sent. dist. 29. art. 2. q. 1.
Stephan. Brulef. 2. Sent. dist. 29. q. 4.
Gabr. Biel. 2. Sent. dist. 29. q. 1.*

VTRUM homo simul tempore conditus fuerit in gratuitis, & naturalibus. Et quod sic, videtur per textum Genesis: Faciamus hominem ad imaginem, & similitudinem nostram. Sed sicut exponit Augustinus & habitum est supra: Imago est in naturalibus, & similitudo in gratuitis: ergo si homo factus est ad imaginem, & similitudinem, videtur quod conditus fuit simul in naturalibus, & gratuitis.

2. ITEM Deus de terra creauit hominem. Et post: Et secundum se vestiuit illum virtute: igitur homo à sui conditione primaria virtute fuit vestitus, & si hoc, redit idem quod prius.

3. ITEM Damascenus: Fecit Deus hominem innocentem, rectum, virtuosum, sine sollicitudine, sine tristitia, omni virtute decoratum, omnibus donis ornatum: ergo videtur quod homo in gratuitis fuerit conditus.

4. ITEM hoc videtur ratione: Deus fecit hominem quantum ad ætatem perfectum, & quantum ad cognitionem ab exordio suæ conditionis: ergo pari ratione videtur quod fecerit eum perfectum quantum ad voluntatis rectitudinem: sed voluntatis rectitudo consistit in dono gratiæ; ergo videtur quod donum gratiæ habuerit in initio suæ conditionis.

5. ITEM ad hoc quod alicui detur gratia, requiritur diuina liberalitas, & recipientis idoneitas: sed Deus in primordio cùm Adam condidit, liberalissimus erat, & Adam à suæ conditionis primordio ad suscipiendam gratiam idoneitatem habebat: ergo ab ipso conditionis primordio Deus ei gratiam conferebat.

SED CONTRA: Augustinus dicit: Homo in suæ conditionis primordio habuit vnde posset stare, sed non vnde posset proficere.

ITEM Magister dicit supra: Poterat homo per auxilium gratiæ creationis resistere malo: sed non perficere bonum: sed si habuisset gratiam gratum facientem ab exordio creationis, potuisset vtrumque: ergo si non potuit perficere bonum, patet, &c.

ITEM magis convenit gratia cum gloria, quàm natura cum gratia: sed in homine gratia præcedit gloriam: ergo pari ratione, immò multò fortiori, natura præcessit tempore bonum gratiæ.

ITEM per gratiam fit matrimonium inter Deum, & animam: sed lex matrimonij est, vt non fiat absque mutuo consensu: ergo videtur quod nulli adulto gratia debeat dari, nisi præcedat consensus: si ergo Adam prius fuit quàm natura eius consentire posset: ergo non habuit simul naturam, & gratiam.

ITEM donum gratiæ infructuosum est nisi à Deo esse recognoscatur: nemo enim in se gratiam reseruare potest, nisi pro illa Deo gratus existat: igitur si magis tenet rationem gratuiti quod est naturalibus superadditum, quàm quod est naturaliter inditum, & donum gratiæ est merè gratuitum: ergo videtur quod non ab ipsa creatione, sed post modum gratiæ fuerit homini collatum.

CONCLUSIO.

Homo in statu innocentia creatus, prius naturalibus donis fuit pradius, posterius verò gratuitis honestatus, sic requirente, & disponente sapientia, bonitate, & diuina iustitia.

RESP. Ad Arg. Ad prædictorum intelligentiam est notandum, quod circa hoc duplex fuit opinio. Quidam namque dicere voluerunt, quod homo fuit creatus non solum in naturalibus, verum etiam in gratuitis, tum propter Dei liberalitatem, tum etiam propter hominis idoneitatem. Sed quoniam Sanctorum auctoritates videntur sonare contrarium, idè est alia opinio communior, & probabilior quod homo prius tempore habuit naturalia quàm haberet gratuita. Vnde secundum hanc in statu innocentie distinguuntur duo tempora: quoddam enim fuit tempus, in quo tantum habuit naturalia, quoddam verò in quo habuit & naturalia, & gratuita. Secundum diuersitatem huius duplicis temporis dissoluitur apparens contrarietas in auctoritatibus Sanctorum: Nam quædam videntur dicere quod homo habuit gratiam, quædam verò quod non, & vtræque verum dicunt pro diuersis temporibus. Ratio autem, quare Dominus voluit post naturalia dare gratiam, cùm posset dare simul, sumitur ex triplici ordine, videlicet ab ordine sapientiæ, bonitatis, & iustitiæ. Ordo sapientiæ hoc requirebat, vt sicut esse gratuitum est alterius generis, quàm esse naturale, sic in diuersis temporibus homini conferretur: & sicut elementa mundi prius tempore fuerunt creata, & distincta, quàm ornata propter ordinem sapientiæ commendandum, sic etiam fieret circa hominem, qui est minor mundus. Ordini etiam bonitatis hoc competebar: hoc enim ordine dicitur aliquid ordinari in suum finem: tunc igitur gratia homini ordinate datur, quando datur ei secundum quod est vtilior, & fructuosior. Tandem autem gratia Dei est nobis vtilior, & fructuosior, quàm pro ea Deo gratiosiores existimus: & ideo sic debuit dari, vt ex ipso ordine dandi cognosceretur donum illud esse gratuitum: propterea non fuit à creatione indita, sed naturæ iam perfectæ, & constitutæ fuit

Fundamēta.
Hoc dicit
Magister non
August. dist.
24. & ali-
quid habet
tur ab Au-
gust. de cor-
rupt. & gra-
tia cap. 11.
dist. 24. c. 1.

S. Thom. 1.
par. 9. q. 9.
art. 1.
Opinio 1.

Opinio 2.

superinfusa. Ordo etiam iustitiæ hoc requirebat : Deus enim secundum legem communem requirit aliquam dispositionem, & præparationem à parte nostra, ad hoc quod infundat alicui gratiam, siue in eo cui infundit, ut in adulto, siue in alio adiuvante secundum quod contingit in paruulo : & ideo gratia non fuit homini con- creata, sed dilata fuit quovsq; homo per actum, & vsum rationis quodam modo se disponderet ad illam sus- cipiendam, ut sic verificaretur illud Augustini in pri- mo homine : Qui creauit te sine te, non iustificat te sine te. Patet igitur quod multiplex ordo hoc exigebat, ut homo prius fieret in naturalibus, quam donis gra- tuitis ornaretur, & concedendæ sunt rationes quæ hoc ostendunt.

1. Ad illud quod obiicitur : Faciamus hominem ad imaginem, & similitudinem, &c. dicendum quod simi- litudo attenditur ibi in gratis gratis datis : vel dicen- dum quod Deus dicitur fecisse hominem ad suam ima- ginem, & similitudinem, non quia statim cum dedit ima- ginem, simul etiam dedit similitudinem, sed quia alter- rum dedit, scilicet imaginem, & ad alterum habilem fecit, videlicet ad similitudinem, quam postmodum pro loco, & tempore ei dedit. Vnde quantum est ex vi ver- bi hoc potest concludi, quod simul, & semel fuerit in homine imago Dei, & similitudo.

2. 3. Et per hoc patet responsio, ad duas auctorita- tes sequentes Ecclesiastici videlicet, & Damasceni, quia sic intelliguntur : non quia Deus statim, ut hominem condidit, virtute vestierit & ornauerit, sed quia tunc dispositum fecerit, & non longo post tempore compleuit.

4. Ad illud quod obiicitur de perfectione ætatis, & cognitionis, dicendum quod non est simile, quia perfe- ctio ætatis, & cognitionis non tantum elongatur à per- fectione naturæ, sicut perfectio gratiæ. Vnde homo per vim naturæ sibi inditam potest peruenire ad perfectam ætatem, & proficere ad cognitionem, sed nunquam po- test per se homo in habitum gratiæ, nisi Deus infundat mera sua bonitate.

5. Ad illud quod obiicitur, quod homo erat ido- neus, & Deus erat liberalissimus, dicendum quod Deus maiorem idoneitatem expectabat, quæ quidem com- peteret ordini sapientiæ, & bonitatis, & iustitiæ, si- cut prius ostensum est : & ideo non statim gratiam de- dit, sed distulit, pro eo quod Deus sic operatur libe- raliter, ut tamen sua liberalitas non excludat sapien- tiam, nec iustitiam.

ARTICVLVS III.

CONSEQUENTER quantum ad tertium arti- culum quæritur, quantum gratiam primus homo habuerit. Et primo est quæstio de quantitate gratiæ primi hominis quantum ad donorum multitudinem. Secundo quæritur quantum ad donorum magnitudi- nem.

QVÆSTIO I.

An homo tot virtutes habuerit ante, quot post lapsum.

S. Thom. 1. 2. q. 95. art. 3.

Agid. Rom. 2. Sent. p. 2. dist. 29. q. 1. art. 3.

Durand. 2. Sent. dist. 29. q. 2.

Srephan Brulef. 2. Sent. dist. 29. q. 5.

Gabr. Biel. 2. Sent. dist. 29. q. 1. dub. 3.

Fundamēta.

Damasc. lib. 2. cap. 12. de fide Ortho- doxa.

VTVM homo habuerit tot virtutes ante lapsum, quot habuit post lapsum. Et quod sic, videtur pri- mo per Damascenum dicentem, quod Deus fecit homi- nem omni virtute circumdatum, & omnibus bonis or- natum; ergo non videtur quod aliquis habitus virtutis, qui sit in nobis, deesset eidem.

ITEM ex parte cognitionis: Non cognoscimus plura quam Adam cognouit, nec plures in nobis habemus

scientias: ergo pari ratione ex parte affectionis non videtur quod plures in nobis habeamus habitus virtu- tum quam habuit primus homo.

ITEM connexio est in virtutibus, sicut Sancti dicunt, & suo loco ostenditur in tertio; ergo si Adam habuit aliquam virtutem, necesse fuit quod omnes habuerit: ergo tot habuit, quot nos habemus.

ITEM aut aliquam virtutem habemus, quam non habuit Adam, aut non. Si non, ergo, tot virtutes habuit, quot nos habemus. Si sic: aut ergo illius virtutis fuit Adam capax, aut non. Si non; ergo videtur quod per peccatum creuerit in nobis boni capacitas, quod absur- dum est dicere. Si sic: cum Deus daret gratiam Adæ se- cundum capacitatem suam, videtur quod omnem virtu- tem quam nobis confert post lapsum, & ipsi Adæ con- tulerit ante lapsum.

1. SED CONTRA: Virtus fortitudinis consistit in perpeffione terribilium: sed in Adam in statu innocen- tiæ non poterat esse talis perpeffio: ergo nec fortitudo.

2. ITEM temperantia consistit in coercendis prauis carnis passionibus, & tales non poterant reperiri in na- tura instituta: ergo nec temperantia.

3. ITEM pœnitentia consistit in detestatione malo- rum peccatorum: sed nullo modo contingebat in sta- tu innocentie de malis commissis dolere: ergo tunc non poterat esse in homine virtus pœnitentiæ.

4. ITEM qui habet donum perseverantiæ, non cadit à iustitia: sed Adam à iustitia cecidit: ergo perseve- rantiam non habuit. Hanc autem multi habent in statu naturæ lapsæ: ergo non omnis virtus, quæ nunc est, fuit in statu innocentie.

CONCLUSIO.

Dona gratis data in homine ante lapsum, & post lapsum se habent sicut excedentia & excessa. Gratum facientia vere equalia sunt, si perfectionem dicant.

RESP. Ad Arg. Dicendum quod cum sit compara- tio multitudinis donorum gratiæ ad statum naturæ la- psæ, & statum naturæ institutæ, hoc potest intelligi vel de donis gratiæ gratis datæ, vel de donis gratiæ gratum facientis. Si intelligatur de donis gratiæ gratis datæ, sic se habent sicut excedentia, & excessa, pro eo quod ali- qua dona gratiæ gratis datæ habuit Adam in statu illo, utpote immortalitatem, & impassibilitatem, quæ non habuit aliquis posteriorum eius, & aliqua dona gratiæ gratis datæ habent posteri sui, quæ ipse non habuit, sicut gratiam sanitatum, & operationem virtutum, & genera linguarum, & consimilia. Ratio autem huius diuersitatis venit ex hoc, quod alia dona expediebant illi tempori, & alia competunt isti. Si autem loquamur de donis gratiæ gratum facientis, sic quia illa dona con- nexione habent quantum ad habitus, & quantum ad actus, qui perfectionis sunt: concedendum est quod in æquali multitudine fuerunt in primo homine, in quare- peruntur in eius posteritate. Hoc dico quantum ad ha- bitus, & quantum ad actus, qui perfectionis sunt, sicut rationes ad primam partem inducæ ostendunt. Quan- tum vero ad actus qui habent imperfectionem an- nexam, non contingebat virtutes secundum statum illum in Adam ponere.

1. 2. 3. Et per hoc patet responsio ad tria obiecta, quorum est vnum de fortitudine, alterum de temperan- tia, & tertium de pœnitentia, quæ omnia procedunt se- cundum actus habentes imperfectionem aliquam an- nexam: quæ quidem imperfectio non competit aliis virtutibus secundum omnem statum, sed solum secun- dum statum præsentis miseræ.

4. Ad illud autem quod obiicitur de perseverantia, dicendum quod perseverantia vno modo dicitur propo- situm perseverandi in bono, & hoc modo est virtus, vel dispositio consequens virtutes inseparabiliter. Alio modo perseverantia est continuatio in bono vsque ad

finem

finem, & sic non dicit habitum, sed potius dicit statum, & hunc primus homo non habuit: ex hoc tamen non sequitur, quod aliqua virtute caruerit pro eo tempore, quo in gratia permanfit. Si quis autem quærat, cuiusmodi actus habuerunt virtutes in primo homine, quæ imperfectionem habent annexam in actibus suis secundum statum naturæ lapsæ, dicendum quod actus illi in statu innocentie plurimum conformes erant actibus, quod in patria virtutes sunt habituræ: cuiusmodi autem sint isti, determinat Magister in tercio libro, & ibi suo loco determinabitur.

QVÆSTIO II.

An dona gratuita aque efficaciter ad merendum in homine fuerint ante, sicut post lapsum.

S. Thom. 1. q. 95. art. 4.
Et 2. Sent. dist. 29. q. 1. art. 4.
Ægid. Rom. 2. Sent. p. 2. d. 29. q. 2. art. 1.
Richardus 2. Sent. dist. 29. art. 1. q. 2.
Durandus 2. Sent. dist. 29. q. 3.
Thom. Arg. 1. Sent. dist. 29. q. 1. art. 4.
Steph. Brulef. 1. Sent. dist. 29. q. 4.

VTRUM dona gratuita fuerint æque magnæ efficacie in homine ad merendum ante lapsum, sicut sunt post lapsum. Et quod fuerint maioris efficacie tunc quam nunc, videtur. Quanto perfectior est cognitio, tanto perfectior est dilectio: & quanto maior est dilectio, tanto opus nostrum est Deo acceptabilius. Prima propositio patet per illud quod quantum cognoscis, tantum diligis. Si ergo in Adam secundum statum innocentie clarior fuit cognitio, videtur quod charitas ad merendum fuerit efficacior.

2. **I**TEM albius est quod est nigro permixtus: ergo magis est meritum quod minus habet in se de demeritorio: sed omnia merita nostra quodam modo permixta sunt culpæ, secundum illud: Omnes iniquitæ vestre sicut pannus menstruatus. Si ergo in Adam secundum statum innocentie merita omnino fuissent permixta culpæ, videtur quod secundum statum illum dona gratuita erant multo maioris efficacie.

3. **I**TEM meritum est a gratia, & libero arbitrio: quanto igitur liberum arbitrium magis gratiæ obedit, tanto gratia efficacius in actum suum exit: sed tunc natura magis erat obediens gratiæ quam nunc, cum sit corrupta: ergo tunc dona gratuita erant ad merendum efficaciora.

4. **I**TEM amor visibilium, & sollicitatio circa terrena impedit hominem, ne iungatur Deo perfecte: si igitur in statu primo nulla vigeat in homine concupiscentia, videtur quod Deo perfectius, & diuturnius adhærebat, & ita magis ad merendum dispositus erat.

SED CONTRA: Non coronabitur nisi qui legitime certauerit: sed magis impugnatur homo secundum statum naturæ lapsæ, quam secundum statum naturæ institutæ: ergo si has pugnas vincit, gloriosius triumphat: & si gloriosius triumphat, maiorem meretur coronam: ergo, &c.

ITEM Philosophus dicit quod ars & virtus est circa difficilia: ergo si hoc per se verum est, quanto actus virtutis est difficilior, tanto virtuosior: & quanto virtuosior, tanto ad merendum efficacior: si ergo maior est difficultas in perficiendis diuinis mandatis nunc, quam esset in statu naturæ institutæ, videtur quod maior sit merendi efficaciam.

ITEM si homo steteret, aut Christus non esset incarnatus, aut si esset incarnatus, nunquam esset passus: sed Christus sua passione non sibi meruit sed nobis, & tam merita nostra quam sacramenta efficaciam habent a passione, & eius fide: si igitur inter omnia quæcumque Deo placere possunt, hoc fuit Deo acceptissimum, quod Christus se obtulit hostiam Deo, & Patri, & inde sumunt efficaciam merita nostra, & illam efficaciam non habuissent merita in statu naturæ institutæ: ergo videtur quod non essent efficaciora.

ITEM natura non deficit in necessariis, ut dicit Philosophus: sed si hoc est verum in natura creata, multo magis verum est in natura increata: & si diuina providentia non deficit bobus, de quibus minus cura est ei: ergo multo minus nec deficit hominibus: sed natura humana magis indiget adiuuari, quam indigeret ante lapsum: ergo videtur quod nunc Deus det homini, fortius & efficacius adiutorium: si igitur efficaciam meritum attenditur secundum magnitudinem charitatis & gratiæ, videtur quod nunc dona gratuita in merendo sint maioris efficacie.

CONCLUSIO.

Homo in communi post lapsum efficaciora dona gratuita habuit, ratione tum difficultatis, tum maioris charitatis: licet oppositum sit ratione promptitudinis voluntatis.

RESP. Ad Arg. Dicendum quod efficaciam meriti principaliter ex tribus venit, videlicet ex difficultate operis, ex promptitudine voluntatis, & ex magnitudine charitatis. Difficultas operis multum facit ad meritum, & adeo facit, ut homo, qui est multo minoris charitatis, quam Angelus, possit mereri, ut perueniat ad sublimitatem angelicam, secundum quod colligitur ex illo, quod dicitur de Ioanne Baptista: Qui minor est in regno cælorum, maior est eo. Non enim est dubitandum, quin Ioannes sit exaltatus ad ordines excellentium Angelorum: & tamen secundum statum viæ minoris charitatis erat quam aliquis eorum. Promptitudo etiam voluntatis plurimum facit: sed voluntas prompta secundum illud quod habet, accepta est ad meritum. Quantumcunque enim sit in homine gratia, nisi sit voluntas gratiæ consentanea, nunquam eliciet opera meritoria: & quanto magis voluntas gratiæ subiacet & conformatur, tanto magis homo in operibus meritoriis exercetur. Magnitudo charitatis est principalior inter omnia, quæ faciunt ad meritum, quia secundum illius quantitatem attenditur remuneratio præmij substantialis. Ponderus enim amoris est quod dat valorem operibus meritoriis. Si igitur fiat comparatio efficacie merendi in donis gratuitis secundum statum post lapsum, & secundum statum ante lapsum, responderi potest quod quantum ad primam conditionem, videlicet quantum ad difficultatem efficaciores sunt virtutes nunc, quam tunc fuerunt. Nunc enim magis impugnatur, & impugnando probatur, & examinatur virtus quam tunc, sicut patet in sanctis martyribus. Et sic procedunt rationes ostendentes dona gratuita ad merendum, esse nunc efficaciora. Quantum autem ad secundam conditionem, scilicet quantum ad promptitudinem voluntatis, efficaciores fuissent virtutes in merendo tunc, quam nunc, pro eo quod voluntas tunc quasi continue fuisset in bonis operibus Deo placentibus sine retardatione: nunc autem siue ex lassitudine, siue ex surreptione frequenter cessat à bonis operibus, & intendit aliquando rebus noxiis, aliquando inutilibus, tum propter difficultatem ad bonum, tum propter prauitatem ad malum. Et quantum ad hanc conditionem procedunt rationes probantes, quod dona gratuita in statu naturæ institutæ fuissent ad merendum efficaciora: & per hoc patet responsio ad utramque partem: procedunt enim secundum diuersas vias, secundum quas se habent dona gratuita in merendo sicut excedentia, & excessiva: & reperitur in eis secundum diuersas condiciones maior, & minor efficaciam: & sic nulla est inter rationes illas repugnantia. Vtræque enim verum concludunt secundum diuersam viam. Si autem quærat uterius de maiori efficaciam quantum ad tertiam conditionem, tunc respondendum est, quod aut sit comparatio particularis personæ ad particularem personam, aut status ad statum. Si primo modo: dicendum est quod se habent sicut excedentia, & excessiva. Satis enim proba-

biliter credi potest quod aliqui sunt, qui habent maiorem gratiam aliquibus, qui fuissent in statu innocentie, si Adam sterisset: alij verò minorem aliquibus, sicut dici consuevit, cum comparatur status legis scriptæ ad statum legis Euangelicæ. Si autem comparatur generaliter status ad statum, tunc non videtur viquequaque certum, in quo statu Dominus homini maius munus charitatis, & gratiæ tribuisset, pro eo quod secundum diuersas condiciones reperitur maior & minor idoneitas in homine suscipiente. Et quod plus est, magnitudo gratiæ distributæ plus attenditur secundum distinctionem distribuentis, quæ cognitionem nostram latet. Hæc tamen pars probabilior videtur, & magis auctoritatibus conueniat, ut dicamus quod Deus maiora munera gratiæ elargitus est homini lapso, quam dedisset homini, si in statu innocentie permanisset, tum quia homo maiori adiutorio gratiæ indiget, tum etiam quia decet Deum de maiore maius bonum elicere, quam sit illud bonum quod adimendo malum nocet, tum etiam quia mediator, & intercessor pro nobis interpellat, quem decet exaudiri in omnibus pro sua reuerentia. Vnde cum appareat vultui Dei semper ad interpellandum pro nobis, & pro nobis in cruce oblatus fuerit, & quotidie offeratur, valde probabile videtur quod maius munus gratiæ tribuatur nobis, quam si ipse non fuisset incarnatus, vel pro nobis oblatus. Et hoc expresse videtur innui, cum dicitur quod spiritus nondum erat datus, quia Iesus nondum erat glorificatus. Vnde cum ascendit in altum, tunc dedit dona hominibus. Ex hac igitur triplici ratione, quarum una est in commendatione misericordiæ, & secunda in commendatione sapientiæ, & tertia in commendatione diuinæ iustitiæ, satis rationabiliter colligitur, quod nunc magis sint efficacia dona gratuita ad merendum, quam in statu innocentie, non solum ratione difficultatis, verum etiam ratione gratiæ & charitatis: quamvis non absurdè dici possit quod maior efficacia in merendo erat tunc, quam nunc ratione promptitudinis voluntatis. Et hac via procedunt rationes, quæ ad primam partem inducuntur, sicut patet intuitu: aliter enim non cogunt.

1. NAM ad illud quod primò obicitur, quod maior erat tunc dilectio, quia maior cognitio, dicendum quod verum est de dilectione secundum quod se tenet ex parte potentie concupiscibilis: sed non est verum de dilectione, secundum quod se tenet ex parte gratiæ animam eleuantis. Et si obiciatur, quod utraque commensuratur cognitioni, dicendum quod illud non est verum de omni cognitione, sed de cognitione experimentalihæc autem non magis vignet in primo parente, quam in viris sanctis qui fuerunt, & sunt in statu naturæ lapsæ.

2. 3. 4. AD illud verò quod obicitur, quod meritum erat magis impermixtum in statu innocentie, dicendum quod hoc venit ex hoc, quod voluntas non est ita prompta propter gravitatem carnis coniunctæ, & pronitatem concupiscentiæ contractæ: & ratio illa procedit ex parte promptitudinis voluntatis: similiter & duæ rationes sequentes.

DISTINCT. XXX.

Quod per Adam peccatum & pœna transierit in posteros.

IN superioribus insinuatum est, licet ex parte, non enim perfecte sufficimus exponere, qualiter primus homo deliquerit, & quam pro peccato pœnam subierit: quibus adiiciendum est, peccatum simul ac pœnam, per eum transisse in posteros, sicut Apostolus ostendit inquit: Sicut per unum hominem peccatum in hunc mundum intrauit, ita in omnes homines mors pertransiit.

Vtrum illud peccatum fuerit originale, vel actuale. Hic primò videndum est quod fuit illud peccatum,

originale scilicet an actuale: & si de originali intelligatur, consequenter quid sit originale peccatum, & quare dicatur originale: & quomodo pertransierit vel pertranscat in omnes, diligenter inuestigandum est. Quibusdam placuit de peccato actuali Adæ illud accipere, asserentibus, hoc Apostolum sensisse cum inferius ait: Sicut per inobedientiam unius hominis peccatores constituti sunt multi, ita, &c. Evidenter, inquit, etiā ipso nomine exprimit Apostolus peccatum quod per unum hominem intrauit in mundum, scilicet inobedientiam. Inobedientia verò peccatum actuale est.

Quo modo intrasse in mundum dicunt.

Hoc autem dicunt intrasse in mundum, non traditione originis, sed similitudine prauaricationis, omnesque in illo uno peccasse dicunt, quia omnibus ille unus peccandi exemplum extitit. Hoc male senserunt quidam hæretici, qui dicti sunt Pelagiani: de quibus Augustinus in libro de baptismo paruulorum commemorat dicens: Sciendum est inquit, hæreticos quosdam qui nominati sunt Pelagiani, dixisse peccatum primæ transgressionis in alios homines non propagatione, sed imitatione transisse. Vnde etiam in paruulis nolunt credere per baptismum solui originale peccatum quod in nascentibus nullum esse omnino contendunt. Sed eis dicitur, quia si Apostolus peccatum imitationis, non propagationis intelligi voluisset, eius principem non Adam, sed diabolum diceret. De quo in libro Sapientie dicitur: Inuidia diaboli mors intrauit in orbem terrarum. Et quia non vult intelligi hoc esse factum propagatione sed imitatione, continuo subiunxit Scriptura: Imitantur autem eum, qui sunt ex parte ipsius. Imitantur quidem Adam quotquot per inobedientiam transgrediuntur mandatum Dei. Sed aliud est quod exemplum est voluntate peccantibus, aliud quod origo est cum peccato nascentibus. Non est igitur accipiendum peccatum Adæ transisse in omnes imitationis tantum exemplo, sed propagationis & originis vitio.

Hic aperit illud esse peccatum originale quod transit in posteros.

Et est illud peccatum originale, ut aperte Augustinus testatur, quod per Adam transiit in omnes, per eius carnem vitiatam concupiscentia generatos.

Quid sit originale peccatum.

Quod diligenter inuestigandum est quid sit. De hoc enim Sancti Doctores sub obscuritate locuti sunt, atque scholastici doctores variè senserunt. Quidam enim putant originale peccatum esse reatum pœne pro peccato primi hominis, id est, debitum vel obnoxietatem, Equæ obnoxij & addicti sumus pœne temporali & æternæ pro primi hominis actuali peccato: quia pro illo, ut aiunt, omnibus debetur pœna æterna, nisi per gratiam liberentur. Iuxta horum sententiam oportet dici, originale peccatum nec culpam esse, nec pœnam. Culpam non esse ipsi fatentur: pœna quoque secundum eos esse non potest: quia si debitum pœne originale peccatum est, cum debitum pœne non sit pœna, nec originale peccatum est pœna. Quod etiam quidam eorum admittunt, dicentes in Scriptura originale peccatum saepe nominari reatum: & reatum ibi intelligunt, ut dictum est, obnoxietatem pœne: & ea ratione asserunt peccatum originale dici esse in paruulis, quia paruuli pro illo primo peccato rei sunt pœne: sicut pro peccato iniqui parentis aliquando exulant filij secundum iustitiam fori.

Quod

Ioan. 7. f

Rom. 5. c

Recitat h. resim. Lib. 1. de peccatorum mor. & remiss. cap. 9. tom. 7. & de verbis Apostoli ser. 14.

Sap. 2. d

Lib. 13. de Trin. cap. 16. in fine.

Rom. 5. c

Quod originale peccatum sit culpa, auctoritatibus probatur.

Sed quod originale peccatum culpa sit, pluribus Sanctorum testimoniis edocetur. Super Exodo ubi dicitur: Primogenitum asini mutabis oue: Gregor. ait: Omnes in peccatis nati sumus, & ex carnis delectatione concepti, culpam originalem nobiscum traximus, unde & voluntate nostra peccatis implicamur. Ecce culpam originalem dixit nos trahere, unde constat originale peccatum culpam esse. Augustinus quoque in libro de natura & gratia de hoc eodem sic ait: Omnes, ut ait Apostolus, peccauerunt, utique vel in seipsis, vel in Adam, quia sine peccato non sunt, vel quod originaliter contraxerunt, vel quod malis moribus addiderunt. Peccatum enim primi hominis, non solum ipsum, sed omne necavit genus humanum: quia ex eo damnationem simul & culpam suscepimus. Idem super Psal. Quod de corpore mortuo seminatur, cum vinculo peccati originalis nascitur & mortis. Ideo igitur se in iniquitatibus conceptum dicit David, quia in omnibus trahitur iniquitas ex Adam, & vinculum mortis: Nemo enim nascitur nisi trahens penam, & meritum penae. Meritum autem penae peccatum est. Omnis ergo qui nascitur per carnis concupiscentiam, peccatum trahit. Peccatum itaque originale culpa est, quam omnes concupiscentialiter concepti trahunt. Vnde in Ecclesiasticis dogmatibus scriptum est. Firmissime tene, & nullatenus dubites, omnem hominem, qui per concubitum viri & mulieris concipitur, cum originali peccato nasci, impietati subditum, mortique subiectum, & ob hoc naturam ire nasci filium, à qua nullus liberatur, nisi per fidem mediatoris Dei & hominum. His & aliis auctoritatibus evidenter ostenditur peccatum originale culpam esse, & in omnibus concupiscentialiter genitis trahi à parentibus.

Quid sit quod dicitur peccatum originale, scilicet fomes peccati, id est, concupiscentia.

Nunc superest videre quid sit ipsum originale peccatum, quod cum non sit actuale, non est actus siue motus anime vel corporis. Si enim actus est anima vel corporis actuale, utique peccatum est: sed actuale non est, non est ergo actus vel motus. Quid ergo originale peccatum dicitur? Fomes peccati, scilicet concupiscentia, vel concupiscibilitas: quae dicitur lex membrorum, siue languor naturae, siue tyrannus qui est in membris nostris, siue lex carnis. Vnde Augustinus in libro de baptismo paruulorum. Est in nobis concupiscentia, quae non est permittenda regnare. Sunt & eius desideria, quae sunt actuales concupiscentia, quae sunt arma diaboli, quae veniunt ex languore naturae. Languor autem iste tyrannus est, qui mouet mala desideria. Si ergo vis esse victor tyranni: atque inermem inimicum inuenire, non obedias concupiscentiae mala. His verbis satis ostenditur fomitem peccati esse concupiscentiam.

Quod nomine concupiscentiae intelligitur fomes peccati, & quae dicitur fomes.

Nomine autem concupiscentiae non actum concupiscendi, sed vitium primum significauit, cum eam dixit legem carnis. Vnde idem in tractatu de verbis Apostoli ait: Sæpe pugna est in corpore mortis huius: quia ipsa concupiscentia cum qua nati sumus, finire non potest quandiu vivimus: quotidie minui potest, finire non potest. Quae autem est concupiscentia, cum qua nati sumus? Vitium utique est quod paruulum habilem concupiscere facit, adultum etiam concupiscentem reddit. Si-

Acut enim in oculo caci in nocte vitium cecitatis est, sed non apparet, nec discernitur inter videntem & cecum nisi luce veniente: sic in puero vitium esse non apparet, donec ætatis prouectioris tempus occurrat. Ex his datur intelligi, quid sit originale peccatum, scilicet vitium concupiscentiae quod in omnes concupiscentialiter natos per Adam intrauit, eosque vitiauit. Vnde August. in libro de baptismo paruulorum: Adam præter imitationis exemplum occulta etiam tæbe carnalis concupiscentiae suae beatificauit in se omnes de sua stirpe venturos. Vnde Apostolus recte ait: In quo omnes peccauerunt. Circumspecte & sine ambiguitate dicit hoc Apostolus: siue enim intelligatur, in quo homine, siue in quo peccato, sanum est. In Adam enim omnes peccauerunt, ut in materia, non solum eius exemplo, ut dicunt Pelagiani. Omnes enim ille unus homo fuerant, id est, in eo materialiter erant. Manifestum est itaque omnes in Adā peccasse, quasi in massa. Ipse enim per peccatum corruptus, quos genuit, omnes nati sunt sub peccato. Ex eo igitur sicut cuncti constituti sunt peccatores, ita & in illo uno peccato quod intrauit in mundum recte omnes dicuntur peccasse: quia sicut ab illo uno homine, sic ab eodem uno peccato immunes esse non possunt, nisi ab eius reatu per Christi baptismum absoluantur. Alia ergo sunt propria peccata, in quibus tantum peccant quorum peccata sunt. Aliud hoc unum in quo omnes peccauerunt, id est, ex quo omnes peccatores constituti sunt.

Quod sit peccatum in quo omnes peccauerunt, scilicet, originale quod ex inobedientia processit.

Hoc est originale peccatum quo peccatores nascuntur omnes concupiscentialiter geniti, quod ex Adam siue ex eius inobedientia emanauit, & in posteros demigravit. Vnde Apostolus consequenter per inobedientiam unius hominis multos dicit constitutos esse peccatores, quae est actuale peccatum. Cum autem dixerit per unum hominem peccatum intrasse in mundum, & in eo omnes peccasse, de originali dictum esse, oportet accipi.

Ex quo sensu dictum est: Per inobedientiam unius, multi sunt constituti peccatores.

Quod ergo ait: Per inobedientiam unius multi constituti sunt peccatores: eo sensu dictum esse intelligendum est, quia ex inobedientia Adæ, sc. ex peccato actuali Adæ processit originale peccatum, quo omnes peccatores nascuntur: ut & in illo esset, & in omnes transfret.

Quod peccatum originale in Adam fuit, & in nobis est.

Vnde August. Iuliano haeretico nullum peccatum in paruulis esse contendentem respondens, aperte asserit peccatum originale ex voluntate Adæ processisse, ac per eius inobedientiam in mundum intrasse. Quærit enim Iulianus, per quid peccatum inuenitur in paruulo, ita in-
E
quiens: Non peccat iste qui nascitur, non peccat ille qui genuit, non peccat ille qui condidit. Per quas igitur rimas inter tot praesidia innocetia, peccatum fingis ingressum? Et respondet sancta pagina: Per unum hominem peccatum intrauit in mundum, per unius inobedientiam, ait Apostolus: Quid quærit amplius, quid quærit apertius? Item inquit Iulianus: Si per hominem peccatum intrauit in mundum, peccatum vel ex voluntate est, vel ex natura est. Si ex voluntate est, mala voluntas est quae peccatum facit: si autem ex natura est, mala est natura. Cui respondeo: Ex voluntate peccatum est. Quærit forte: Vtrum originale peccatum ex voluntate sit. Respondeo prorsus & originale peccatum ex voluntate esse: quia hoc ex voluntate primi hominis seminatum est, ut in illo esset, & in omnes transfret.

Obiectio

Lib. 1. cap. 1. ibid. cap. in sensu.

Aug. ibid. fere omni. & in cap. 12. som.

Rom. 5. d

In lib. 2. a Valerium nuptiis & concupiscentia, cap. 28 tom. 7.

Obiectio quorundam contra id quod supra dictum est, A
omnes in Adam fuisse homines.

Ad hoc autem quod diximus in Adam fuisse omnes homines, quidam verborum sectatores sic obiciunt, dicentes: Non omnis caro quæ ab Adam traducta est, in eo simul existere potuit: quia multo maioris quantitas est, quàm fuerit corpus Adæ. In quo nec tot etiam atomi fuerunt, quot ab eo homines descenderunt. Quo circa verum non esse asserunt, substantiam vniuscuiusque in primo fuisse parente.

Responsio, vbi aperitur qualiter fuerunt in Adam secundum rationem seminalem, & quo modo ex eo descenderunt, scilicet lege propagationis.

Magister hic non probatur communiter.

Quibus responderi potest quod materialiter atque causaliter, non formaliter dicitur fuisse in primo homine omne quod in humanis corporibus naturaliter est, descenditque à primo parente lege propagationis, & in se auctum & multiplicatum est, nulla exteriori substantia in id transeunte, & ipsum in futuro resurget, Fomentum quidem habet à cibus, sed non conuertuntur cibi in humanam substantiam, quæ scilicet per propagationem descendit ab Adam. Transmisit enim Adam modicum quid de substantia sua in corpora filiorum, quando eos procreauit, id est, aliquid modicum de massa substantia eius diuisum est, & inde formatum corpus filij, sui que multiplicatione sine rei extrinseca adiectione auctum est: & de illo in augmento aliquid inde separatur, unde formantur posteriorum corpora: & ita progreditur procreationis ordo lege propagationis, usque ad finem humani generis. Itaque diligenter ac perspicue intelligentibus patet, omnes secundum corpora in Adam fuisse per seminalem rationem, & ex eo descendisse propagationis lege.

Auctoritate & ratione probatur, nihil extrinsecum conuerti in humanam substantiam, quæ ab Adam est.

Mat. 13. b

Quod vero nihil extrinsecum in humani corporis naturam transeat, veritas in Euangelio significat dicens: Omne quod intrat in os, in ventrem vadit, & in secessum emittitur. Quod etiam ratione ostendi potest hoc modo: Puer qui statim post ortum moritur, in illa statu rare surget quam habiturus erat, si viueret usque ad aetatem triginta annorum nullo vitio corporis impeditus. Vnde ergo illa substantia, quæ adeo parua fuit mortua, in resurrectione tam magna erit, nisi sui in se multiplicatione? Vnde apparet quod etiam si viueret, non aliunde, sed in se augmentaretur illa substantia: sicut costa, de qua facta est mulier, & sicut panes euangelici. Non inficiamur tamen quin cibi & humores in carnem & sanguinem transeant: sed non in veritate humana natura, quæ à primis descendit parentibus, quæ sola in resurrectione erit: reliqua vero caro, in quam cibi transeunt, tanquam superflua in resurrectione deponetur: quæ tamen ciborum aliarumque rerum fomentis coalescit.

DISTINCT. XXX.

Quid sit originale peccatum, quod peccato primorum parentum fuit causatum.

In superioribus insinuatum est, licet ex parte, &c.

Expositio Textus.

Diuisio.

PARS ista, in qua Magister determinat de hominis lapsu, diuisa fuit in tres partes secundum triplicem differentiam corruptionis peccati, in quarum una

persona corrumpit naturam, in altera vero natura personam, in tertia vero persona corrumpit seipsam. Et prima quidem consistit in peccato primi parentis, secunda in peccato originali, & tertia in peccato actuali. Prima igitur parte determinata, aggr. dicitur hic Magister partem secundam. Diuiditur autem pars ista in partes quatuor. In quarum prima determinat, quid sit originale peccatum. In secunda vero qualiter traducatur, infra dist. 31. Nunc superest inuestigare, &c. In tertia vero, qualiter deleatur, infra dist. 32. Quoniam supra dictum est peccatum originale esse vitium, &c. In quarta vero determinat utrum peccatum originale multiplicetur, & intendatur per peccata parentum primorum, infra dist. 33. Prædictis adiciendum est, &c. Prima pars, quæ continet præsentem dist. diuiditur in tres partes. In prima ponit partem proemiale. In secunda determinat propositum principale, ibi: *Hic primo videndum est, &c.* In tertia determinat quandam incidentem dubitationem de veritate humanæ naturæ, ibi: *Ad hoc autem quod diximus in Adam fuisse, &c.* Prima, & tertia parte remanente indiuisa, media pars diuiditur in tres. In prima inquit, utrum peccatum primorum parentum sit originale, vel actuale. In secunda supposito quod sit originale, inquit, utrum sit pœna, vel culpa, ibi: *Quod diligenter inuestigandum est, quid sit, &c.* In tertia inquit, utrum sit concupiscentia, vel alia culpa, ibi: *Nunc superest videre, quid sit illud peccatum, &c.* Harum autem partium subdiuisiones in litera planè sunt.

Nunc superest videre quid, &c. Dub. I.

Circa istam literam notandum quod cum Magister nominet peccatum originale octo nominibus, scilicet, originale peccatum, legem carnis, concupiscentiam, fomitem, concupiscentiam, legem membrorum, languorem naturæ, tyrannum, quo modo distinguantur illa nomina.

Peccati originalis nomina.

Dicendum quod originale peccatum habet comparari ad id, à quo est: & sic dicitur originale peccatum, quia est ab origine: dicitur etiam lex carnis, quia contrahitur mediante carne. Habet etiam comparari ad illud, ad quod est, siue ad quod inclinatur, & hoc vel in dispositione remota & sic dicitur concupiscentia: vel in dispositione propiniori. & sic dicitur fomitem: vel etiam in dispositione proxima, & sic dicitur concupiscentia. Habet etiam comparari ad illud, per quod inclinatur, & sic dicitur lex membrorum. Habet etiam comparari ad illud, contra quod. Et hoc dupliciter, vel in quantum difficilem reddit ad bonum, & sic dicitur languor naturæ, vel in quantum prædominatur voluntati, ut curuet eam in malum, & sic dicitur tyrannus. Et patet quod secundum diuersas comparationes diuersis nominatur nominibus.

ARTICVLVS I.

AD intelligentiam huius partis secundum tria quæ determinat Magister in litera, incidit hic quaestio circa tria. Primo namque quaeritur de originalis peccati entitate. Secundo de quidditate. Tertio & ultimo de veritate humanæ naturæ. Quantum ad primum articulum quaeruntur duo. Primo quaeritur, utrum corruptio quæ est in natura humana, insit ei ex primo oru sue conditionis, vel ex merito primæ transgressionis. Secundo, dato quod merito transgressionis, est quaestio, utrum propter peccatum Adæ humana natura sit corrupta pœualiter tantum an etiam pœnaliter, & culpabiliter.

QVÆSTIO I.

An corruptio humana natura insit à sui conditione, vel ex peccati merito.

Richardus 2. Sent. dist. 30. q. 2.

Steph. Brulef. 2. Sent. dist. 30. q. 1.

VTRUM corruptio, quam videmus in humana natura, insit ei ex sue conditionis primordio, an ex

Fundamēta

pecca

peccati merito. Et quod non insit ex suæ conditionis primordio, sed ex peccati merito, videtur tam ex ordine diuinæ iustitiæ, quam ex ordine diuinæ sapientiæ, quam etiam ex ordine bonitatis. Differt enim triplex ordo in creaturis, quia per iustitiam fit ordinatio remunerationum, & meritorum: per sapientiam vero ordinatio partium ad se inuicem: per bonitatem vero ordinatio rerum in suum finem. Ex parte diuinæ iustitiæ arguitur sic: Nullus affligitur pœna nisi præcedat culpa: sed passio inuoluntaria in rationali creatura est pœna: talis autem passio non fuit in homine, antequam præcessit in eo culpa: igitur talis corruptio non fuit in humana natura à primordio suæ conditionis, sed ex merito transgressionis.

ITEM à summa æquitate iustitiæ nulla procedit curuitas, vel obliquitas: sed humana natura non solum corrupta est corruptione pœnalitatis, verum etiam corruptione carnis, quæ est corruptio culpabilis, quia videmus homines ex corruptione sibi indita inclinari ad malum: ergo nunquā à diuina iustitia processit quod humana natura sit corrupta in sui primordio: ergo si corrupta est, hoc est solū peccati merito. Ex ordine autem sapientiæ arguitur sic: Vbi cunq; est summa sapientia, ibi est summa pulchritudo, sicut exponit Aug. in libro 6. de Trinitate, sed à summa pulchritudine nihil procedit fœdū, aut turpe, nihil quod rationalem offendat aspectum: sed in homine ratione vtente, sunt aliquæ passiones connaturalēs, de quibus rationabiliter erubescit: ergo passio talis nunquam fuit in homine à sua prima origine, & fuit sic, vel merito transgressionis: ergo, &c.

ITEM vbi cunq; intelligitur summa sapientia, intelligitur summa veritas & summa æqualitas: sed à summa æqualitate nulla debet procedere improporcionabilitas: sed duratio & conseruatio corporis secundum statum præsentis miseriæ est improporcionabilis animæ, quæ est eius forma, quia hoc est temporale, illud perpetuum: ergo nunquam humana natura sic producta fuit in sui primordio à summa sapientia: ergo videtur quod in hoc cecidit ex propria culpa. Ex ordine diuinæ bonitatis arguitur sic: A summa bonitate nihil procedit, quod sit magis pronum ad malum, quam ad bonum, cum vniuersa propter semetipsum summa bonitas operetur: sed sensus, & cogitationes hominum prona sunt ad malum ab adolescentia sua, secundum quod dicit sacra Scriptura: ergo in illa corruptione, in qua est, non fuit humana natura à summa bonitate producta.

ITEM nihil quod procedit à summa bonitate, est dignum maledictione: sed multæ sunt in nobis passiones dignæ maledictione: propter quas tã Iacob, quam Hieremias maledixit diei suæ, in qua natus est, & in lege maledicebatur steriles mulieres: ergo non videtur, quod humana natura in ea corruptione, in qua nunc est, creata sit à summa bonitate: videtur igitur, quod in hanc corruptionem & statum deuenit merito culpæ, cum hoc sit contra ordinem bonitatis, sapientiæ & iustitiæ, contra quem ordinem inconueniens est Deum aliquid facere.

SED CONTRA: Primo ostenditur quod hoc non repugnet ordini diuinæ iustitiæ, quia non est maioris innocentie homo, quam sit ouis, vel agnus: sed ouis mortalis & passibilis producta fuit à Deo, ita quod in nullo ex hoc derogatur diuinæ iustitiæ, ergo pari ratione videtur quod si talem produxisset hominem, qualis nunc est, non videretur in aliquo derogari eidem.

2. ITEM quod non repugnet ordini sapientiæ, videtur. Secundum idem exemplar, secundum quod Deus produxit hominem de terra, produxit etiam alia animalia, & corpora mixta: sed hoc non repugnat pulchritudini diuini exemplaris, quod ex quatuor elementis composita sunt corruptibilia, immo hoc facit ad ordinem vniuersi, sicut in pluribus locis ostendit Augustinus: ergo non videtur esse contra ordinem sapientiæ, si Deus easdem proprietates & passibilitates à natura indidit hominibus, quas etiam dedit aliis animalibus.

3. ITEM quod non sit contra ordinem bonitatis di-

uinæ, videtur. Ad summam enim bonitatem spectat dare unicuique inclinationem competentem suæ naturæ: sed sicut anima rationalis delectari habet in bono simpliciter, ita & sensibilis in bono vt nunc: & sicut terra habet quiescere deorsum, ita & ignis sursum: si igitur Deus omnibus dedit proprias inclinationes: igitur à primaria hominis constitutione erat diuersitas appetituum in sensibili, & rationali: erat nihilominus appetitus diuersus in elementis corpus constituentibus. Si igitur diuersitas primæ inclinationis facit rebellionem, & diuersitas secundæ inclinationis inducit tentationem, videtur quod si homo hoc modo conditus esset, in nullo derogaretur ordini bonitatis diuinæ.

4. ITEM quod talis fuerit homo conditus, videtur posse persuaderi ex ratione sumpta secundum principia naturalis Philosophiæ. Cum enim homo sit minor mundus, propter quem omnia facta sunt, debet habere naturalem conformitatem ad mundum maiorem, qui propter ipsum factus est à sua primaria conditione: sed ita videmus in maiori mundo, quod inferiores orbes contrario motu mouentur orbi superiori, secundum quod dicunt Philosophi naturales: ergo pari ratione videtur quod in homine per naturam portio sensitua moueatur contra iudicium rationis: sed hæc est corruptio, quæ in nobis est maxime inordinata: si igitur hæc est à prima conditione, videtur quod omnis alia.

ITEM hoc videtur alia ratione sumpta per principia moralis Philosophiæ: dicit enim Philosophus quod virtus est difficillimum operatiua, nec est aliqua virtutis laus, vbi nulla est difficultas: si ergo homo fuit conditus ad virtutem dispositus, videtur quod à sua prima conditione habuerit difficultatem faciendi bonum, & vitandi malum: & in tali fuisset dispositus, quod omnis virtus habere posset in eo suum vsum: ergo videatur creatus fuisse cum huiusmodi corruptionibus.

ITEM hoc videtur ratione sumpta secundum principia Theologiæ: dicit enim per Scripturam Spiritus sanctus, quod via perueniendi ad gloriam, & sublimitatem est per ignominiam, & humilitatem: via perueniendi ad coronam est per tentationem, & pugnam: via perueniendi ad quietem, & tranquillitatem est per labores, & tribulationes: si igitur homo debuit sic fieri, quod esset dispositus peruenire ad gloriam, & victoriam, & pacem perfectam, videtur quod humana natura in pœnalitatibus, & corruptionibus, in quibus nunc est, à suæ conditionis primordio fuerit constituta.

CONCLUSIO.

Deus non creauit hominem miserum, neque humanam naturam corruptam, sed per peccatum atque inobedientiam in calamitates est lapsus.

RESP. AD ARG. Dicendum quod absque dubio natura humana in has tentationes deiecta est merito primæ præuaricationis, non instituta à primordio suæ conditionis: hoc enim veritas fidei prædicat, sacre Scripturæ auctoritas confirmat, rationis probabilitas manifestat. Fides hoc clamat, & dicit filium Dei passum esse, vt nos à morte eriperet, in quam nos induxerat primus parens. Sacre Scripturæ auctoritas confirmat, quia dicitur, qualiter homo per culpam inobedientiæ pœnam mortalitatis incurrerit. Ratio autem hoc manifestat, sicut prius in opponendo monstratum est, tam ex ordine, qui respicit diuinam iustitiam, quam ex ordine, qui respicit sapientiam, quam etiam ex ordine, qui respicit bonitatem summam. Attendendum est tamen, quod ratio in inquirendo dupliciter potest procedere, aut prout est adiuta radio fidei, & sic procedit aspiciendo ad causas superiores, aut prout iudicio proprio relicta est, & sic procedit respiciendo ad naturas & causas inferiores: acquirit enim scientiam per viam sensus, & experientiæ. Primo modo ratiocinantur Doctores Catholici, & fideles circa ea quæ sunt fidei,

Concil. Tr.
sess. 5. Cap.

Gen. 2. 6

& secundum hunc modum ratiocinandi multum est hoc consonum rationi, quod Deus in tanta miseria, & calamitate, in qua nunc est, hominem à principio non fecerit: immo dicere contrarium magnæ impietatis videtur esse piæ & sanæ menti. Secundo modo ratiocinandi processerunt Philosophi, qui non aspexerunt in hominis conditione suum principalem auctorem, sed aspexerunt principia componentia, & operationes, quas habet per virtutem naturæ: & secundum hunc modum ratio potius discordat veritati catholicæ, quâ concordet. Et hæc est ratio, quare Philosophi, qui fuerunt tantæ veritatis indagatores non perueniunt ad lapsum humani cognitionem: quia eis videbatur esse valde rationale hominem sic fuisse conditum, cum tamen catholicis doctoribus non solum fide, sed etiam rationum evidentia certitudinaliter eius contrarium appareat esse verum. Unde & rationes, quæ hoc ostendunt, sunt concedendæ.

1. Ad illud ergo quod primo obiicitur, quod Deus fecit passibilem ouem, quæ tamen non peccauit, dicendum quod non est simile de homine, & de oue: homo enim, qui rationis particeps est, capax est beatitudinis & iustitiæ, & per oppositum culpæ, & miseriæ. Unde sicut in homine obliquari, culpa est, sic & pati, pœna est: in oue autem neutrum contingit reperiri: ideo passibilitas ouis nihil facit ad ordinem, nec contra ordinem diuinæ iustitiæ, cuius est considerare meritorum exigentiam: non sic autem est de passione in natura humana.

2. Ad illud quod obiicitur, quod secundum idem exemplar alia genera animalium facta sunt corruptibilia, dicendum quod non est simile, pro eo quod alia animalia ab homine non habent formam completiuam incorruptibilem: in solo autem homine anima est immortalis per naturam, sicut ostensum fuit supra: ideo mortalitas in aliis animalibus non ponit aliquam improprietatem perfectibilis ad suam perfectionem, sicut ponit in homine: ac per hoc nec ita repugnat mortalitas in aliis animalibus ordini, quem sapientia Dei seruat in rerum conditione, sicut mortalitas reperta in homine.

3. Ad illud quod obiicitur, quod summæ bonitatis est dare unicuique inclinationem suam, dicendum quod hoc verum est saluo ordine, qui attenditur inter res, secundum quod comparantur ad inuicem, quoniam bonitas non præiudicat sapientiæ: sed quia secundum ordinem naturæ corpus debet esse subiectum animæ, & sensualitas subiecta debet esse rationi, sic debuit Deus dare inclinationem tam corpori hominis, quam sensualitati carnis, quod in nullo præiudicaretur rectitudini rationis, & hinc est, quod etsi sensualitas, bonū ut nunc, appetere: nulla tamen erat rebellio in primo homine, quia tantum appetebat, sicut ratio dictabat: nunc autem est rebellio, quia præter iudicium rationis frequenter appetit: & propter hoc brutales effecti sumus, & iumentis insipientibus comparati: cum tamen homo in primordio conditus fuerit, in honore & dignitate rationis.

4. Et per hoc manifesta est responsio ad sequens obiectum, quod obiicit de diuersitate motuum orbium celestium: quia etsi videatur ibi esse contrarietas: non tamen est ibi contrarietas, immo ordinatio recta, pro eo quod sphaera superior monet semper inferiorem, & nunquam inferior superiorem: nunc autem in nobis non est sic, pro eo quod videmus aliam legem in membris nostris repugnantem legi mentis nostræ, & captiuantem nos in seruitutem peccati.

5. Ad illud quod obiicitur, quod virtus est difficillimorum operatiua, dicendum quod quædam est difficultas, quæ venit ex genere operis, quædam vero, quæ venit ex defectu operantis. Prima difficultas est de essentia virtutis. Virtus enim in quantum virtus circa magna consistit, & ardua: hæc autem difficultas in primo homine fuit sic. Homo enim ita perfecte Deo obediuit, & ita perfecte Deo adhæsit, sicut perfectio virtutis obediendiæ, & amicitie hoc requirit, & sic de aliis virtutibus. Est & alia difficultas, quæ venit ex defectu operantis: & ista quidē non est de essentia virtutis, immo accidit virtuti,

secundum quod virtus est, & ideo ad hoc, quo homo esset virtuosus, non oportuit hanc difficultatem reperiri in homine in primordio. Et quod illud sit verum, hoc planum est: quanto enim aliquis magis proficit in virtute, tanto magis operatur cum minori difficultate ex parte sua: si igitur hæc difficultas esset de virtutis essentia, secundum quod homo proficeret, minueretur in eo virtutis excellentia: quod falsum nemo esse dubitat.

6. Ad illud autem quod obiicitur de via perueniendi ad salutem secundum sacra Scripturæ instructionem, dicendum quod Scriptura sacra tradita est homini lapsio, & documenta tradit, per quæ perducitur ad patriam, secundum quod competit statui præsentis: ideo ex his non potest argui, quod talis debuerit homo fieri, ut per hanc viam deueniret, tales enim viæ sunt valde asperæ. Si autem homo non peccasset, non cum asperitate, sed cum omni lenitate peruenisset ad suum finem. Et est simile, quia sanitas conseruatur per bona cibaria, & suauia, sed non recuperatur nisi per potiones amaras.

QUESTIO II.

An natura humana merito primæ transgressionis fuerit corrupta pœnaliter tantum, an etiam culpabiliter.

*Richardus 2. Sent. dist. 30. art. 2. q. 1.
Steph. Brulef. 2. Sent. dist. 30. q. 1.*

VTRVM merito primæ transgressionis, humana natura fuerit corrupta pœnaliter tantum, an etiam culpabiliter. Et quod culpabiliter corrupta sit, videtur: Sicut per vnum hominem peccatum intrauit in mundum, & per peccatum mors, ita & in omnes homines mors pertransit, in quo omnes peccauerunt. Ex isto verbo colligitur, quod omnes in Adam fuerunt infecti, & peccatores constituti. Si forte dicas, sicut dicunt Pelagiani, quod pertransit per imitationem. Contra: Erasmus natura filij iræ, sicut & ceteri: sed nemo est filius iræ, nisi per culpam: si ergo per naturam omnes eramus filij iræ, omnes per naturam contrahimus culpam: ergo in ceteris natura humana culpabiliter est infecta.

ITEM: Nisi quis renatus fuerit ex aqua, & Spiritu sancto, &c. sed nullus à præmio æterno excluditur, nisi pro peccato: si igitur omnes non baptizati excluduntur, siue sint parui, siue adulti: ergo omnes ex quo nati sunt, habent culpam: sed non culpam, quam fecerunt, cum huic sententiæ subiaceant ante vsum rationis, sicut patet in paruulis circumcisis: igitur hæc est culpa, quæ per naturalem generationem reperitur in quolibet: ergo, &c.

ITEM si tota natura esset in vna persona, corrupta illa persona quantum ad esse, necesse est totam naturam corrumpi quantum ad esse: ergo pari ratione si corrumpitur quantum ad bene esse, corrumpitur tota natura quantum ad bene esse: sicut enim sequitur: Si Adam moritur, homo moritur sic sequitur, quod si Adam peccat, homo peccat: cum igitur tota natura esset in Adam quando peccauit, videtur quod tota in eo peccauerit: natura, ac per hoc tota in omnibus, & singulis culpabiliter infecta fuerit.

ITEM venenato fonte, per consequens venenantur & riuuli à fonte procedentes: si igitur omnes homines processerunt ab Adam, sicut rami à radice, & riuuli à fonte, & ipse corruptus fuit morbo concupiscentie, qui fuit in eo culpa, videtur quod & ceteros corruptit eodem corruptionis genere, & ita culpabiliter.

ITEM sicut se habet innocens respectu innocentis generandi, sic peccator respectu peccatoris: sed si Adam stetit in sua innocentia, omnes filios genuisset innocentes: ergo tota humana natura esset innocens, & pura quantum esset ex ipso: hoc satis planum est: ergo pari ratione cum peccauit, totam humanam naturam constituit peccatricem, ita quod omnes filios gigneret peccatores.

ITEM quia Adam peccauit, factus est mortalis: &

quia

*Dist. 30. art. 1.
q. 1.*

Psalm. 48. 6

Rom. 7. 4

Fundamēta

Rom. 3. 6

Ephes. 2. 6

Joan. 3. 6

Gen. 17.

quia mortalis est, necesse fuit, quod generaret omnes filios mortales: sed sicut se habet effectus ad effectum, ita se habet causa ad causam: si igitur causa mortalitatis fuit culpa, & mortalitas personæ Adæ totam naturam humanam fecit mortalem, & totam corruptam pœnaliter, par ratione videtur quod culpa Adæ totam naturam humanam infecit culpabiliter, & omnes ex illo exeuntes corruerunt culpabiliter: si igitur culpa, quæ omnibus inest per naturam, est culpa originalis, colligitur ex omnibus his rationibus, quod sit ponere culpam originalem.

1. SED CONTRA: Filius non portabit iniquitatem patris, & pater, &c. Si igitur hæc lex diuina est secundum diuinam legem, quilibet peccat sibi, & non alij, iuxta illud: Si sapiueris, tibi metipso eris: si autem illud, solus portabis malum: igitur non videtur quod ex peccato patris filius habeat infici culpabiliter.

2. ITEM tam in Nouo, quam in Veteri Testamento nuptiæ concessæ sunt tanquam bonæ, & licitæ: sed ad nullum bonum necessariò consequitur malum: sed ad nuptias necessariò sequeretur malum, si proles culpam contraheret à sua origine: ergo vel nuptiæ sunt malæ, & illicitæ, quod est contra sacram Scripturam, & fidem Christianam, vel non est ponere peccatum originale.

3. ITEM corrupta re transmutabili, & minus nobili, non propter hoc corrumpitur, quod est intransmutabile, & magis nobile: sed persona hominis est transmutabilis, & minus nobilis, quam natura: tota enim natura speciei perpetua est, & magis nobilis, quam vna persona singularis: ergo impossibile fuit eam à persona Adæ totaliter etiam per culpam infici.

4. ITEM in malis generaliter est verum quod malum habitum præcedit malus actus, quamvis e contrario sit in bonis: ergo habitualis corruptio naturæ oritur ex actuali culpa ipsius naturæ: sed natura quantum est de se, semper est recta, & non peccat, quia peccare propriè est voluntatis: ergo non videtur quod tota natura infecta fuerit, vel etiam potuerit infici.

5. ITEM nullum naturale est culpabile, pro eo quod in naturalibus nec laudamur, nec vituperamur: sed originalis corruptio est naturalis, cum sit eadem apud omnes: ergo videtur quod ista duo sint impossibilia, quod aliqua corruptio sit culpabilis, & quod sit originalis: ergo non videtur quod natura tota à persona potuerit culpabiliter infici.

6. ITEM nullum necessarium est voluntarium, sed corruptio originalis est necessaria: ergo non est voluntaria: sed omnis culpa est affectio voluntaria: secundum quod dicit Augustinus in libro de libero arbitrio: ergo impossibile est originalem corruptionem esse per culpam: redit igitur idem quod prius, quod nulla culpa sit à natura, & quod natura humana in Adam non fuerit infecta culpabiliter.

CONCLUSIO.

Humana natura in omnibus hominibus seminaliter descendit ab Adam non modò pœnaliter, sed culpabiliter quoque est corrupta, & hoc merito prima transgressionis.

RESP. Ad Arg. Dicendum quod absque dubio tota massa, hoc est natura humana in omnibus hominibus seminaliter ab Adam descendit corrupta est, non solum pœnaliter, sed etià culpabiliter: hoc enim manifestat visionis Dei carentia, rationalis erubescencia, concupiscentiæ prædominantia. Carentia visionis Dei hoc manifestat, quia nullus debet æterno bono, ad quod factus est, priuari, nisi in se habeat aliquid, per quod indignus sit diuino aspectui præsentari: tale autem non est nisi culpa: si igitur omnes quotquot sunt visione Dei priuantur, nisi per baptismum fluminis, vel fluminis renascantur, planum est, quod omnes quotquot sunt, contrahunt ex sua origine culpam. Erubescencia etiam rationis hoc manifestat: nullus enim rationabiliter erubescit de his pas-

sionibus, quas habet à natura, nisi insint ei per aliquam culpam: sed omnis homo naturaliter erubescit ex genitalium membrorum motu. Ex hoc igitur colligitur, & manifestatur, quod quilibet in seipso non tantum pœnaliter, sed etiam vituperabiliter, & culpabiliter est corruptus quantum est de sua origine. Prædominantia concupiscentiæ hoc euidentissime manifestat: certum enim est, quod tunc anima hominis est ordinata, quando spiritus est sub Deo, & caro, & virtutes animales sunt sub spiritu, & sequuntur eius imperium: ab oppositis igitur tunc anima hominis est peruersa, quando caro, & virtutes animales præsumunt spiritui rationali. Et hoc quidem verum est de plano, non tantummodo secundum fidem, verum etiam secundum Philosophiam. Sed in homine vigor concupiscentiæ, & lex membrorum, quare unus-

quisque habet à natiuitate, captiuat spiritum, & ei prædominatur. Ex hoc igitur clarum, & apertum est, quod anima cuiuslibet hominis à natiuitate peruersa est, & inordinata: sed sicut ordinatio in homine, & rectitudo iustitiæ est, sic peruersitas, & inordinatio culpa est: si igitur natura cuiuslibet hominis per legem concupiscentiæ peruersa est à sua origine, in quolibet homine indubitè ponendum est esse peccatum originale quantum est de sua prima natiuitate. Et de hoc nemo dubitat, nisi qui nescit quantus sit vigor concupiscentiæ, & qualiter spiritus rationalis Deo debeat subesse. Constat enim, quod non subest spiritus noster perfectè Deo, nisi diligat ipsum super omnia, & propter se. Planum est etiam, quod nullus in statu naturæ corruptæ Deum diligit super omnia, & propter se sine dono gratiæ, immò necessariò vincitur à vigore concupiscentiæ, ut magis amet se, vel ali-

quod bonum apparens. Planum est igitur quod anima cuiuslibet hominis in sua natiuitate peccatrix est, cum subuersa, & inordinata sit, sicut ostensum est. Et ideo dicit Apostolus, in persona hominis lapsi: Video aliam legem in membris meis repugnantem legi mentis meæ, & captiuantem me in legem peccati. Et exclamat: Infelix ego homo, quis me liberabit à corpore mortis huius? Et respondet: Gratia Dei per IESUM CHRISTUM: Hanc igitur legem, & inordinationem ad Deum si quis velit attendere, nullo modo dubitabit hominem esse peccatorem à sua natiuitate, immò ita certum est, ut dubitari non possit de originali, sicut etiam nec de actuali. Hoc tamen ignorauerunt Philosophi, & etiam aliqui hæretici, quia nescierunt attendere, in quo attenditur rectitudo animæ, & iustitiæ, & pro quanto anima dici debet ad Deum ordinata. Constat igitur quod tota humana natura corrupta est non solum pœnaliter, sed etiam culpabiliter.

A quo autem corrupta fuerit, hoc planum est ex ipsa Scriptura, quia ab Adam. Potuit autem Adam totam naturam corrumpere, & culpabilem facere suo peccato triplici conditione concurrente. Prima est, quia non tantum erat humanæ naturæ indiuiduum, sed totius humanæ naturæ principium. Secunda est, quia non tantum fuit sibi datum mandatum sicut singulari personæ, sed tanquam stipiti totius humanæ naturæ: & hoc bene indicat textus, quia mandatum illud descendit per virum ad mulierem. Tertia, quia Adam innocentiam, & immortalitatem susceperat pro se, & pro tota sua posteritate, unde ipse innocens, & immortalis generasset immortalem, & innocentem. Quia igitur ipse erat omnium principium, & transgressus est mandatum quod ei datum erat secundum quod erat principium, & amisit illam iustitiam, & innocentiam, quam debebat omnibus posteris conseruare, hinc est, quod per ipsum originali iustitia sumus priuati, & in eius infectione ceteri sunt infecti: non tantum pœnaliter, sed etiam culpabiliter: tum propter debitum ordinationis, quæ debet esse in nobis: tum propter carentiam illius innocentiam, quam deberemus habere: tum propter prædominantiam concupiscentiæ, per quam animæ nostræ sunt inordinate, & iniuste: & si iniuste sunt, & inordinate, necesse est eas summæ iustitiæ displicere. Patet igitur, quod tota humana natura corrupta est non solum pœnaliter, sed etiam

Dist. 13. art.
2. q. 2.

Dist. 31. art.
1. q. 1.

Culpabiliter. Patet nihilominus, à quo fuerit corrupta, A quoniam à primo parente. Qualiter autem illa culpa traduci habeat, hoc determinabitur infra. Rationes igitur ad primam partem concedendæ sunt.

1. Ad illud ergo quod primò obiicitur, quòd filius non portabit iniquitatem patris, dicendum quòd illud intelligitur de peccato, quo pater peccat ut singularis persona, sicut melius manifestabitur infra: & idè locum non habet in transgressione primaria, quia illa non fuit omnino singularis personæ, sicut explanatum est supra.

2. Ad illud quod obiicitur quòd ad bonum non necessario consequitur malum, dicendum quòd verum est per se loquendo, unde ad nuptias non necessariò sequitur genitæ proles corruptio inquantum est ibi maris, & foemine coniunctio naturalis, sed inquantum illi coniunctioni adiuncta est corruptio vitiosa in hominis B semine ob peccatum primi parentis. Et si tu obiicias, sicut obiicit hæreticus, quòd qualitercunque sequatur malum, omittendum esset illud bonum; dicendum quòd illud non est verum, nisi quando malum præponderat bono: nunc autem non est sic, quia in generantibus non est vlla culpa: in generato verò melius est sic esse, quam non esse, maxime cum subueniatur ei per gratiam baptismalem.

3. Ad illud quod obiicitur, quòd corrupto minùs nobili, & transmutabili, non corrumpitur magis nobile, & perpetuum, dicendum quòd illud verum est, & locum habet quando illud, quod est magis nobile, & perpetuum non dependet à minùs nobili, & transmutabili: non sic autem est in proposito, quia tota natura humana dependebat à persona Adæ, quantum ad existentiam. Unde si Adam fuisset mortuus, totum genus humanum esset corruptum in eo.

4. Ad illud quod obiicitur, quòd malum habitum præcedit malus actus, dicendum quòd hoc verum est, veruntamen ex hoc non oportet, quòd malum habitum naturæ præcedat malus actus naturæ secundum quòd natura, sed sufficit quòd præcedat malus actus personæ, pro eo quòd natura & persona sunt indiuisa: & ideo corruptio personalis potest effici naturalis, quod ostendit Ansel. de conceptu. Virg. Posset tamè dici, quod etsi natura in se non peccauerit, peccauit tamen prout erat in Adam peccante: ipse enim Adam peccauit inquantum erat omnium hominum principium.

5. Ad illud quod obiicitur, quòd nullum naturale est culpabile, dicendum quòd sicut dicit Augustinus, differt dicere naturam, & naturam corruptam: potest igitur aliquid esse naturale, quod consequitur ipsam naturam secundum institutionem, aliquid esse naturale, quod consequitur ipsam naturam secundum corruptionem. Dico igitur quòd illud quod sic est naturale, quod consequitur naturam secundum institutionem, nullo modo est culpabile: illud verò quod sic est naturale, quod consequitur naturam secundum corruptionem, culpabile est, & tale est originale: & sic patet illud.

6. Ad illud quod obiicitur, quòd nullum necessarium voluntarium est, dicendum quòd etsi hoc respectu eiusdem veritatem possit habere, tamen respectu diuersorum non necesse est, quod habeat veritatem. Quod enim necessarium est vni, voluntarium potest esse alteri: & sic est in originali, quod quidem etsi nobis sit necessarium Adæ tamen fuit voluntarium: & sic ratione illius voluntatis nobis imputatur in peccatum, unde dicuntur omnes peccasse in ipso. Hoc autem melius ostendetur, cum manifestabitur, qualiter originale peccatum traducitur.

ARTICVLVS II.

CONSEQUENTER quæritur de secundo, videlicet quod sit originale peccatum. Et circo hoc duo quærantur. Primò quæritur, vtrum originale peccatum sit concupiscentia. Secundò quæritur, vtrum sit ignorantia.

QVÆSTIO I.

An peccatum originale sit concupiscentia.

Alexand. Alensis. 2. p. q. 105. Membro 2.

S. Thomas 1. 2. q. 82. art. 3.

Et 2. Sentent. dist. 30. q. 1. art. 3.

Et Quod. 4. art. 2.

Scotus 2. Sent. dist. 30. q. 2.

Ægid. Rem. 2. Sent. d. 30 p. 2. q. 1. art. 5.

Et Quod. 6. q. 19 & 20.

Richardus 2. Sent. dist. 30. art. 4. q. 1.

Durandus 2. Sent. dist. 30. q. 3.

Steph. Brulef. 2. Sent. dist. 30. q. 4.

Gabr. Biel. 1. Sent. dist. 30. q. 2.

VTRVM originale peccatum sit concupiscentia. Et quod sic, videtur: Non regnet peccatum in vestro mortali corpore. Ibi Glossa: Peccatum, id est, fomes peccati: Si igitur fomes peccati non est aliud quàm concupiscentia, & fomes peccati peccatum est, & non est peccatum actuale, restat quod sit originale.

ITEM: Concupiscentiam nesciebam esse peccatum, &c. Glossa: Concupiscentia est unde omnia mala proueniunt. Si igitur illud quod est origo omnium malorum est originale peccatum, videtur quòd originale peccatum nihil aliud sit quàm concupiscentia.

ITEM hoc ipsum videtur ratione. Quales sunt actus, tales sunt habitus: sed concupiscere est peccatum: ergo necessitas concupiscendi mala est peccatum, sed necessitatem concupiscendi à natura contrahimus. Si igitur peccatum quod à natura contrahitur est peccatum originale, videtur, &c.

ITEM in omni peccato est conuersio aliqua ad commutabile bonum, vel in actu, vel in habitu. Si igitur peccatum originale est peccatum: ergo ibi est aliqua conuersio inordinata ad bonum commutabile: sed conuersio inordinata ad bonum commutabile, nihil est aliud quàm concupiscentia: ergo necesse est peccatum originale concupiscentiam esse.

1. SED CONTRA: Peccatum occasione accepta per mandatum, operatum est in me omnem concupiscentiam. Hoc autem nò potest intelligi de peccato actuali: intelligitur ergo de originali. Si ergo operans non est peccatum: igitur concupiscentia non est originale peccatum, nec econuerso.

2. ITEM Beda dicit quod quatuor sunt nobis inflicta propter primum peccatum, videlicet ignorantia, infirmitas, malitia, & quartum ex his constata concupiscentia: sed quod est inflictum pro peccato, non est ipsum peccatum: ergo si hæc merito originalis sunt nobis inflicta secundum quod dicit Beda: ergo, &c.

3. ITEM concupiscentia manet cum gratia: originale peccatum non potest manere cum gratia: ergo originale peccatum non est concupiscentia. Si tu dicas quòd concupiscentia manet cum gratia inquantum est remissa, & sic est poenæ inquantum autem est intensa non manet, & sic est culpa: Contra magis & minus non diuersificat speciem: ergo si concupiscentia remissa non est culpa, sed poena pari ratione videtur, quòd nec concupiscentia intensa.

4. ITEM concupiscentia postquam remissa est intendi potest, & in pristinum dominium reuocari, sicut experimento patet: si igitur originale peccatum esset iterabile, tunc & baptisma, quod est contra institutionē Ecclesiæ. Est igitur quæstio quid sit originale peccatum per essentiam. Et cum à Magistro dicatur, & ab Augustino esse concupiscentia, sicut patet in litera, ab Anselmo autem in libro de conceptu Virg. dicatur esse debita institutiæ carentia, quæstio est quo modo ista duo verba possint esse simul & semel vera, & in quo horum verborum magis explicatur quid sit originalis culpa.

Ansel. de
Paru. Virg.
cap. 27.

Aug. lib. 1.
Retr. cap. 10.
in fine tom. 1.

Foodmēta.
Rom. 6. b

Prout. 7. b

Ad opposi-
tum.
Rom. 7. b

CONCLUSIO.

Peccatum originale est concupiscentia secundum quod in se claudit debita iustitia carentiam, qua concupiscentia se habet per modum habitus.

RESP. Ad Arg. Dicendum quod sicut actuale peccatum non dicit omnimodam priuationem, eo quod non tantum dicit auersionem, immo etiam conuersionem, quandam: non etiam dicit omnimodam boni priuationem, immo relinquit aptitudinem, & aliquem actum priuando circumstantiam circa ipsum: sic etiam in originali suo modo intelligendum est. Vnde sicut non dicitur peccatum actuale esse in aliquo, ex hoc solo quod careat iustitia, quia tunc lapis diceretur peccatum habere, sed ex hoc quod aliquam inclinationem habet ad aliquid, in qua cum deberet esse iustitia, non reperitur. Sic etiam originale peccatum dicitur esse in aliquo non solum quia caret iustitia originali, sed etiam quia curuitatem habet, & necessitatem concupiscendi: vnde quemadmodum videmus in ægitudine corporali utpote in paralyti, quod talis morbus inest ex quadam dissolutione virtutis, ita tamen quod non omnino priuatur virtus motiua sicut in mortuo, sed aliquo modo manet, non potens membrum regere, & ita sequitur partim ex positione, partim ex defectu manus tremulatio, sic intelligendum est tam in actuali, quam in originali peccato. Quemadmodum si quis quæreret quid esset peccatum carnis, dupliciter posset ei notificari, videlicet ratione inclinationis deordinatæ, ut dicatur esse immoderatus appetitus rei tractabilis secundum carnem: & ratione priuationis boni, ut dicatur esse priuatio castitatis, & continentie: & utroque modo respondetur sic conuenienter. Sic cum quæritur quid sit originale peccatum, recte respondetur quod sit concupiscentia immoderata: recte etiam respondetur, quod sit debita iustitiæ carentia: & in vna istarum responsionum clauditur alia, licet vna notificet ipsum originale ratione eius quod est in ipso habens modum conuersionis, altera vero ratione priuationis. Concedendum est igitur sicut rationes ostendunt, & Magister dicit in litera, quod originale peccatum est concupiscentia, & hæc non quæcumque, sed concupiscentia prout claudit in se debitam iustitiæ carentiam: hæc autem est concupiscentia immoderata, & intensa, adeo ut sit carnis ad spiritum prædominantia, & talis semper est iuncta carentiæ debita iustitiæ, & secundum quod nobis inest ab origine, dicitur peccatum originale. Et hoc est quod dicit Glossa super illud: Beati quorum remissæ sunt iniquitates. Glossa iniquitatem dicit fomitem qui ante baptismum non tantum pœna est sed culpa, post baptismum vero pœna tantum est, & non culpa. Cum enim deletur originale, non deletur ut omnino non sit, sed ut non sit peccatum. Concedendæ sunt igitur rationes, quæ hoc ostendunt. Ad rationes autem ad oppositum satis planum est respondere per ea quæ dicta sunt.

1. AD illud enim quod primo obiicitur, quod peccatum operatur concupiscentiam, dicendum quod illud intelligitur de concupiscentia quantum ad actum, quem dicitur operari mandatum, quia occasionaliter excitat in nobis ipsam concupiscentiam quæ se habet per modum habitus.

2. 3. AD illud quod obiicitur, quod concupiscentia est nobis inflicta per peccatum, dicendum quod intelligitur de concupiscentia prout est remissa, & sic sortitur rationem pœnæ: & hoc modo non est originalis culpa, sed ipsius sequela. Et per hoc patet responsio ad sequens quod obiicitur, quod manet simul cum gratia: non enim manet prout dictum est in opponendo prout intensa est, quia sic dicit animæ peruerfione, ac per hoc originalis iustitiæ priuationem: prout autem est remissa per gratiæ præsentiam, hoc non dicit. Et si obiicias quod magis, & minus non variant speciem, dicendum quod et si istud locum habeat in naturalibus, non tamen habet veritatem in moralibus, quoniam virtutes & vitia in moribus at-

tenduntur penes medietatem, & eius extrema quæ sunt superfluum, & diminutum, & hoc non solum verum est apud moralem Philosophum, sed etiam apud Theologum qui dicit quod amor creaturæ circa Deum, vel sub Deo non est peccatum mortale: si vero supra Deum intendatur, mortale peccatum efficitur.

4. AD illud vero quod obiicitur, quod concupiscentia remissa iterum potest intendi, dicendum quod etsi intendi possit, & intendatur, hoc est per peccatum actuale, concupiscentia vero in ensa prima non dicebatur esse peccatum originale, nisi prout sic contrahebatur à prima origine: & quia hoc non potest esse nisi semel, quantumcunque, & quotiescumque concupiscentia intendatur, originale peccatum non iteratur.

QVÆSTIO II.

An peccatum originale sit ignorantia.

Alexander Alex. 2. p. q. 105. Membrum 2. art. 3.
S. Thom. 1. 2. q. 81. art. 1. 2. & 3.
Ægid. Rom. 2. Sent. p. 2. d. 30. q. 1. art. 4.
Richardus 2. Sent. dist. 30. art. 4. q. 2.
Thom. Arg. 1. Sent. dist. 30. q. 1. art. 2.
Gregor. Arim. 1. Sent. dist. 30. q. 1. art. 1.
Ioan. Bacch. 2. Sent. dist. 31. q. 1.
Steph. Brulef. 2. Sent. dist. 30. q. 4.

VT RVM peccatum originale sit ignorantia. Et quod sic, videtur: nam super illud Psalmi: Delicta iuuentutis, & ignorantie meæ: &c. Glossa. Ignorantie meæ: id est originale peccatum quod est in paruulis. Et paulò ante, delicta ignorantie dicit ea quæ sunt in paruulis, qui peccato originali tenentur.

ITEM Hugo in libro de Sacramentis in septima parte: Originale peccatum est vitium quod nascendo contraximus per ignorantiam in mente, & concupiscentiam in carne: ergo videtur quod originale peccatum sit ignorantia. Quod si tu dicas, hoc esse dictum per causam, obuiat illud quod consequenter dicit Hugo in eadem parte: Ista quatuor mala in homine apparent, superbia, ignorantia, mortalitas, & concupiscentia. Superbia tantum mentis culpa est, mortalitas carnis pœna tantum, ignorantia vero pœna, & culpa: sed non est nisi culpa originalis: ergo, &c.

ITEM originale peccatum maxime habet deleri per fidei Sacramentum: ergo directius opponitur ipsi fidei, quæ est in cognitua, quam virtuti alicui existenti in affectua: si ergo ignorantia dicit priuationem virtutis dirigentis cognituiam, videtur quod peccatum originale sit proprie ignorantia.

ITEM pœna respondet culpæ: sed originali peccato proprie debetur pœna carentiæ visionis Dei: ergo si hoc dicit priuationem ex parte cognituiæ, videtur quod & ipsum originale, quod si hoc verum est, redit idem quod prius.

ITEM sicut peccatum est in concupiscendo ea, quæ non sunt appetenda, sic peccatum est in discredendo ea, quæ sunt credenda: ergo sicut habere necessitatem ad concupiscendum est culpa, sic habere necessitatem ad discredendum est culpa: sed paruulus vtramque necessitatem habet: & non habet nisi originale: ergo sicut ponitur originale peccatum in paruulo esse concupiscibilitas siue concupiscentia, sic etiam debet dici esse ignorantia.

SED CONTRA: Beda dicit quod quatuor sunt nobis propter peccatum inflicta, scilicet ignorantia, & infirmitas, &c. Ergo cum peccatum originale non dicatur infirmitas, pari ratione nec ignorantia, quæ est pœna pro ipso inflicta.

ITEM Augustinus ad Valentinianum: Ignorantia in his quæ sciri non potuerunt, pœna peccati est. Si ergo ignorantia in paruulis est inuincibilis, videtur quod sit pœna, & non culpa: maxime cum videamus paruulos propter ignorantiam excusari ab omni culpa.

ITEM originale peccatum deletur in baptismo: sed

æque bene est ignorans paruulus baptizatus sicut non A baptizatus: ergo ignorantia non potest esse originale peccatum.

ITEM si aliquis ex aliquo actu suo cadit in furiam: illa furia non dicitur in eo esse culpa, sed pœna: ergo pari ratione si aliquis ex peccato primi parentis in ignorantiam cecidit, non debet dici culpa originalis, sed eius pœna. Et potest hic esse locus à maiori, quia magis debet imputari ignorantia in culpam, in quam incidit ex actu suo, quam ex actu alieno.

ITEM cum peccatum originale sit concupiscentia, vt probatum est supra, & August. dicit, si esset ignorantia, cum concupiscentia, & ignorantia sint diuersorum generum, tunc in quolibet esset pluralitas originalium peccatorum: quod ostendetur inferius falsum esse.

CONCLUSIO.

Peccatum originale est ignorantia, prout concupiscentia iuncta est: sic enim ignorantia culpa est, cum habeat oppositionem cum virtute.

RESP. Ad Arg. Dicendum quod sicut supra dictum est de ignorantia, in adultis ipsam videlicet peccatum non esse, nisi prout habet voluntatem concomitantem, sic e contra cognitio non est virtus nisi ei sit iuncta affectio. Sic per hunc modum intelligendum est esse in proposito, quod ignorantia, si pure dicat nescientiam, sic tantum est pœna: si vero dicat nescientiam vt est coniuncta concupiscentiæ, sic est culpa, pro eo quod talis ignorantia oppositionem habet cum virtute & gratia. Gratia enim adueniens in animam non solummodo re-
 Ref. ad 4. profund.

ificat affectionem per charitatem, sed etiam cognitionem per fidem. Non enim potest dirigi voluntas, nisi pariter dirigatur & ratio: & libertas arbitrij, simul in ratione & voluntate consistit: hoc igitur modo concedi potest peccatum originale esse ignorantiam: & sic intelligit Magister Hugo, & Glossa: & procedunt rationes quæ ad primam partem inducuntur.

Ad illud tamen quod obiicitur de carentia visionis Dei, dicendum quod illa ratio dupliciter deficit. Primum quidem, quia carentia visionis Dei non tantum debetur peccatis, quæ respiciunt cognitionem, immo quæ respiciunt affectionem, cum visio sit tota merces, quæ redditur omnibus virtutibus, & operibus meritoriis. Secundo vero, quia cum dicimus paruulos puniti carentia visionis, in hoc intelligitur per consequens, quod priuentur & dote fruitionis, & dote attentionis.

RATIONES autem quæ ad oppositum inducuntur, procedunt de ipsa ignorantia, secundum quod dicit puram nescientiam, & sic est pœna, non culpa. Secundum enim quod habet iunctam concupiscentiam, culpa est: nec tamē ex hoc sequitur, quod in nobis sint plura peccata originalia sicut concludit ratio vltima, pro eo quod vbi ponitur vnum propter alterum, ibi vnum tantum. Cum ergo dicimus ignorantiam ratione concupiscentiæ esse peccatum originale, non propter hoc ponimus in nobis plura originalia differentia per essentiam: sed hoc ponimus quod cum originale sit vnum, deordinat & vitiat totam animam non solum secundum affectionem, sed etiam secundum cognitionem, ita tamen, quod principalius affectionem: vnde magis notificatur originale per concupiscentiam, & debitæ iustitiæ carentiam, quam per ignorantiam: quia tam concupiscentia, quam debitæ iustitiæ carentia notificant ipsum originale secundum quod est culpa, & ideo prædicantur de ipso prædicatione per essentiam: ignorantia autem notificat magis secundum quod est vitium cognitionem deordinans. Vnde magis prædicatur de peccato originali secundum quod ipsa ignorantia peccatum ex prædicatione per causam, quam per essentiam, & hoc insinuat ipsum verbum Hugonis, cum dicit ipsum originale esse vitium quod contraximus per ignorantiam. Hoc etiam declarat ipse Anselm. in libro de conceptu Virg. vbi dicit, quod omne pec-

catum est iniustitia, & omnis iniustitia, & iniustitia in voluntate consistit. Et sic patet quid sit originale peccatum per essentiam: quoniam est concupiscentia, & debitæ iustitiæ carentia: patet etiam quomodo originale peccatum ab Hugone dicitur esse ignorantia, & per consequens ea quæ ad vtramque partem sunt adducta.

ARTICVLVS III.

CONSEQUENTER quæritur circa terciū articulum de veritate humanæ naturæ. Et cum duo concurrant ad hoc quod aliquid dicatur de veritate humanæ naturæ, materia videlicet & forma, ad quartum Librum spectat dicere de veritate humanæ naturæ ex parte formæ, vbi agitur de resurrectione. Ad hunc vero locum spectat inquirere de veritate humanæ naturæ ex parte materiæ, vbi inquit Magister, vtum aliquid extrinsecum in veritatem humanæ naturæ possit transire. Circa hoc igitur duo quærenda sunt. Primo quæritur vtum aliquid transeat in veritatem humanæ naturæ per actum generatiuæ. Secundo quæritur vtum aliquid transeat in veritatem humanæ naturæ per opus nutritiæ.

QVÆSTIO I.

An aliquid transeat in veritatem humanæ naturæ per actum generatiuæ.

S. Thom. 1. p. q. 119. art. 1.
 Et 2. Sent. dist. 30. q. 2. art. 1.
 Et Quod. 8. art. 5.
 Agid. Rom. 2. Sent. p. 2. d. 30. q. 2. art. 1.
 Richardus 2. Sent. dist. 30. art. 5. q. 1.
 Durandus 2. Sent. dist. 30. q. 4.
 Steph. Brulef. 2. Sent. d. 30. q. 5.

VTUM aliquid transeat in veritatem humanæ naturæ per actum generatiuæ. Et quod non, videtur primo auctoritate doctorum authenticorum videlicet Magistri Sententiarum, & Hugonis. Ait enim Magister in litera sic: Omne quod est in humanis corporibus, naturaliter descendit à primo parente lege propagationis, & in se actum & multiplicatum est, nulla exteriori substantia in id transeunte. Similiter Magister Hugo de S. Victo. in fin. 6. partis. De substantia costæ in se diuina virtute absque extrinseco additamento multiplicata, corpus mulieris factum est, quemadmodum postea naturam humanam à primis parentibus in subsequenter generationem seminatam à modico iam in tantum multiplicatam cernimus, vt multa hominum millia ex eo iam excreuisse videamus.

2. ITEM hoc ipsum ostenditur secundo auctoritate Sanctorum. Dicit enim Anselmus in libro de conceptu Virg. cap. 2. loquens de primis parentibus: Quia tota natura humana in illis erat, & nihil extra ipsos erat, tota infirmata est & corrupta. Et quod magis est, Augustinus super Genesim ad literam dicit, quod nos sumus in Adam secundum rationem seminalem, & secundum corpulentam substantiam: caro autem CHRISTI fuit solum secundum corpulentam substantiam: quod si hæc vera sunt, quod tota caro & omnium posterorum caro fuit in Adam: ergo nihil extrinsecum per virtutem generatiuam transit in ipsum.

3. ITEM hoc videtur auctoritate Euangeliorum: Omne quod in os intrat, in venter vadit & in secessum emittitur: ergo non videtur, quod ex aliquo quod ab homine comeditur, prolis corpus constituitur. Et Marcus: Omne extrinsecum introiens in hominem non potest eum coquinare, quia non intrat in cor, sed in ventrem, & in secessum exit purgās omnes escas. Ibi Glossa: Tenuissimus humor, & liquens esca cum in venis & artibus decocta fuit & digesta, per occultos meatus, quos Græci poros vocant, ad inferiora dilabitur, & in secessum vadit.

4. ITEM hoc ipsum videtur ratione. Primo per veritatem generationis: Generare enim est de sua substantia aliquid producere: si ergo omnes vere & recte dicuntur ab Adam geniti, & filij Adæ omnes sumus, sumus de aliquo

ad oppositum.

Lib. 1. de fa-
 ra. cap. vii.

Lib. 10. d. 10.
 Et 1. 1. m. 3.

Mat. 15.

Marci 7.

ex eius substantia propagati: sed qua ratione manus mea vel pes vel aliquod membrum constitui habet ex eo quod fuit in Adam eadem ratione, & singula membra videtur igitur quod totum corpus cuiuslibet hominis ex eodem semine fuit constitutum, etsi hoc est, nihil extrinsecum transit in virtutem humanæ naturæ per actum virtutis generatiuæ.

ITEM hoc ipsum videtur per legem cognationis: quoniam stipes non potest contrahere cum aliquo ex ipso procedente, nec aliqui approximantes stipiti possunt adiuicem contrahere: hoc autem non est ob aliud nisi propter unitatem carnis & sanguinis: ergo videtur quod non de superfluitate nutrimenti, sed de substantia patris proles generetur, & non solum de substantia patris proximi, immo etiam patris remoti, alioquin vana erit lex cognationis: quod non solum est contra veritatem sacræ Scripturæ, immo etiam contra dictamen naturæ.

6. ITEM hoc ipsum videtur per conditionem resurrectionis, necesse est enim unicuique animæ proprium corpus reddi, esto igitur quod aliquis nutritus de carnibus humanis generet prolem, si solum semen de alimento sumptum est, cum huius alimentum esset de veritate corporis alterius hominis, rediret ad primum corpus: ergo iste non resurgeret, qui generatus est ex illo semine, cum anima privaretur proprio corpore: si igitur hoc est impossibile, restat & illud impossibile esse, videlicet quod aliquid extrinsecum transeat in semen: augetur igitur quod à primo parente decisum fuit in seipso sine alterius appositione.

SED CONTRA: Philosophus in libro de animalibus dicit, quod semen est superfluitas ultimi cibi: si ergo medicis in his quæ dicunt circa suam scientiam credendum est, cum determinatè de generatione hominis pertineat ad Philosophum naturam, credendum est, quod semen sit ex superfluo nutrimenti, sic quod aliquid extrinsecum in veritatem humanæ naturæ possit transire.

ITEM super illud: Beatus venter, & c. Glossa interlinearis: Ex eodem fonte & lac nutriendis, & semen procreandis puris emanat: de semine ergo Virginis potuit concipi, qui eius lacte potuit enutrir.

ITEM Augustinus in libro de vera religione: Alimenta corpori non apta per congruos meatus eiiciuntur, quorum aliud feculentissimum redditur terræ ad alias formas assumendas, aliud per totum corpus exhalat, aliud totius animalis latentes numeros accipit, & inchoatur in prolem Numeri autem vocat seminales rationes. Per illam auctoritatem expressè colligitur, quod semen sit ex alimento. Si fortè tu dicas, quod Augustinus intelligit quantum ad partem seminis secundum materiam: obuiat ipsa auctoritas quæ dicit, quod alimentum accipit numeros, id est, seminales rationes: illa enim pars dicitur esse pars secundum speciem super quam fundatur virtus actiua, & conuersiua. In eadem autem auctoritate subiungit, quod ex illo alimento sic traducto omnia membra formantur. Et planum est secundum medicos, quod membra radicalia ex partibus secundum speciem habent formari siue ex humore radicali.

ITEM hoc ipsum videtur ratione: Omne augmentum quod fit per naturam, vel fit per rarefactionem, vel fit per additionem: si ergo ex illo semine quod ab Adam decisum fuit, omnes homines naturaliter producti sunt, necesse est illud esse auctum vel per rarefactionem, vel per additionem: sed per rarefactionem non posset, quia nec tot atomi fuerunt in illo semine, quot homines sunt ex eo producti: si ergo auctum est, hoc est per additionem: aliquid igitur extrinsecum intrat in corporis humani constitutionem. Quod si tu dicas tertium modum augendi esse per multiplicationem naturæ possibilem, obicitur contra hoc per Hugonem de S. Victore: qui dicit quod facere aliquid in maius secundum substantiam & quantitatem sine appositione, hoc est soli Deo possibile.

ITEM impossibile est aliquem per virtutem nutritiuam nutriri, nisi apponatur aliquid extrinsecum per quod

quis nutriatur: ergo pari ratione impossibile est virtutem augmentatiuam augmentare substantiam, nisi addatur aliquid extrinsecum, per quod augmentetur: aut si potest in seipsa augeri, quare non potest per seipsam.

ITEM de nobilitate agentis est, quod possit aliam naturam ad seipsum trahere, & in se conuertere, sicut ignis conuertit in aërem: si ergo potentia generatiua in homine completa est, & perfecta, & ratio seminalis in ipso est maxime actiua, videtur quod possit agere in extrinsecam materiam, & in se conuertere, & rationem seminalelem communicare ei: & si hoc, per opus virtutis generatiuæ in veritatem humanæ naturæ potest aliquid extrinsecum transire.

CONCLUSIO.

B Per actum generatiua virtutis aliquid in veritatem transit naturæ humanæ, quod est humidum radicale decisum à parte, quod est fundamentum fabricæ prolis.

RESP. Ad Arg. Intelligendum est hic, quod sicut expressè patet in litera, opinio Magistri Sententiarum fuit, quod nihil extrinsecum in veritatem humanæ naturæ per generationem transeat. Hæc autem positio multum apparet esse probabilis, si quis attendat verba Sanctorum, & simul cum hoc conditionem resurrectionis, & legem cognationis. Hanc igitur positionem quidam sustinuerunt dicentes, quod talis multiplicatio sine extrinseci appositione in humana natura fit per virtutem supernaturalem: alij quod hoc fit per virtutem supercaelestem: tertij quod hoc fit per virtutem elementarem. Primi dixerunt quod sicut Deus sibi reseruat animarum creationem propter earum immortalitatem, sic etiam substantiam corporum humanorum multiplicat, & augmentat sine additione extrinsecæ, sicut multiplicauit panes Evangelicus & sicut multiplicauit costam, de qua formata est Ena: & hoc quia corpora humana sunt ad immortalitatem ordinata: non tamen dicitur facere miracula sic multiplicando, quia hoc facit quasi faceret per naturam. Natura enim alendo, & nutriendo quasi fouet extrinsecus: sed Deus est qui nutrimentum præstat intrinsecus. Huic autem modo dicendi obuiat & sensus, & ratio, & auctoritas. Sensus obuiat, quia sic videmus hominem ex homine produci, sicut asinum ex asino, & sicut plantam ex planta: si igitur alia corpora naturalia sunt ex materia addita, & sensus noster non fallitur, iudicandum est similiter esse circa corpora humana Ratio etiam obuiat, quia non est generatio naturalis nisi ea, in qua natura est verè agens, verè producens sibi simile: si igitur multiplicatio hominis ex homine esset per virtutem supra naturam, & non per virtutem ipsius naturæ, generatio hominis ex homine non esset naturalis: & si hoc, non esset generatio vera. Repugnat etiam auctoritas. Dicit enim Augustinus super Genesim ad literam, quod nos fuimus in Adam secundum corpulentam substantiam, & secundum rationem seminalelem, CHRISTVS tantum secundum corpulentam substantiam: sed si corpora nostra educerentur ex semine Adæ per virtutem supra naturam, iam in ipso deberent dici sicut & CHRISTVS, esse solummodo secundum corpulentam substantiam, non secundum rationem seminalelem, cum seminalis ratio dicat vim actiuam.

Alij verò sustinent prædictam positionem dicentes, quod talis multiplicatio est per virtutem supercaelestem: corpus enim quintæ essentiae, siue luminosum natum est ex se mittere lumen, & ipsum multiplicare non educendo naturam luminis ex illo corpore quod illuminat, sed simul multiplicando materiam, & formam: sic & in proposito dici voluerunt, quod quia in natura humana multum est de natura quintæ essentiae, potest ipsa in seipsa multiplicari. Huic etiam modo dicendi obuiat sensus & ratio, & auctoritas. Sensus, quia nullum corpus cœleste multiplicat lumen suum in se, sed si multiplicat, multi-

plicat extra se, & in materia extrinseca. Et iterum non A videmus, quod sol in multiplicando generet solem, vel producat solem: igitur si secundum naturam celestem attenditur ista multiplicatio in humano semine, nec multiplicabitur in seipso, nisi aliquo extrinseco superaddito, nec ex tali multiplicatione homo producitur ab homine, sicut nec sol producitur à sole. Ratio etiam obuiat, quoniam multiplicatio per virtutem creatam est ab aliquo simili actiuo: si ergo formæ tantum est agere, & forma non assimilatur materiæ, sed alteri formæ, impossibile est igitur aliquid multiplicari per virtutem creatam quantum ad principium materiale, nec materiam elementarem, nec celestem. Auctoritas etiam repugnat, quoniam lumen egrediens à corpore luminoso corpus non est, nec habet in se materiam: & hoc supra planius ostensum fuit: ubi & auctoritates ad hoc inductæ sunt. B Difficile est etiam explicare secundum istam positionem, qualiter natura quintæ essentiæ intret constitutionem humanæ naturæ. Et nisi hoc sane intelligatur, sicut explanatum fuit supra, non potest de facili sustineri.

Dist. 13.

Dist. 17.

Opinio 3.

Aug. cap. 42.
in princip.
tom. 1.

Improbatio.

2. de anima
contex. 36.
et 41.Lib. 1. de
Sacr. p. 6. c.
vlt.

Tertij vero sustinent, quod talis multiplicatio sit per virtutem inferioris naturæ cōcurrente simul potentia receptiua ex parte materiæ, & actiua ex parte formæ. Materia enim quantum est de se non habet extensionem, sed quod extendatur tantum, vel plus, hoc est ratione formæ sibi adiunctæ. Vnde quantumcumque parum ponatur de materia in aliquo corpore, capax esset valde magnæ extensionis, si esset aliquid agens, quod posset formam tantæ extensionis imprimere. Ex parte vero formæ est ibi potentia multiplicandi sibi simile: & hinc est, quod cum semen adiuuatur, & cōfouetur per alimentum extrinsecum, vis illa seminalis in sua materia potest seipsa multiplicare, & crescere nullo repugnante: & ideo non oportet aliquid extrinsecum in veritatem humanæ naturæ trāsire. Et hoc videtur Aug. sentire cum dicit in lib. de vera relig. quod ex vno semine segetes segetur, & siluæ siluarum greges gregum, populi populorum educi possunt: ita quod nihil reperitur postea in omnibus illis, quod prius non fuerit inuisibiliter in semine illo primo. Huic autem positioni, etsi irrationabilior cæteris videatur, nihilominus tamē, sicut & prædictis, repugnat sensus, & ratio, & auctoritas. Sensus quidem primo repugnat. Nam si in his, quæ generantur, crementum fieret per multiplicationem absque additamento, tunc mundus iste esset multo maior, quam fuerit principio, & visibiliter cresceret quotidie. Non enim posset dici, quod per resolutionem decem grana frumenti reducantur ad vnum. Ratio etiā repugnat, quia materia non est subiectum transmutationis, nisi sub aliquo esse. Vnde etsi materia corporalium per intellectum abstrahi possit à forma corporum, nunquam tamen per virtutem alicuius creaturæ potest expoliari omni extensione, & forma corporea: propter quod in pluribus locis dicit Aug. quod impossibile est ex corpore fieri spiritum, & super Genesim ad literam, & in libro de immortalitate animæ. Si igitur hæc materia sub tali esse statum habet, & determinationem, in sua extensione, ultra quam natura non potest procedere, pro eo quod sicut dicit Philosophus secundo de anima: Omnis natura constantium terminus est, & ratio magnitudinis, & augmenti: & alibi, quod ex vno pugillo terræ potest generari ignis in millicupla proportionem: ex vno tamen pugillo non possunt generari nisi decem aquæ: si hoc inquam ita est, impossibile est ponere quod aliqua res corporalis in seipsa augeatur absque sua rarefactione, & alterius appositione: hoc dico de operatione naturæ. Et attendendum est hic, quod longe aliter loquendum est de materia secundum essentiam, & secundum esse, siue secundum substantiam: nec est dicendum quod tantum sit de materia in vno paruo lapide, sicut in vno mote, loquendo secundum esse, siue substantiam: quamvis in materia secundum essentiam non sit considerare tantum, & quantum, & sic ratio non concordat huic positioni. Auctoritas etiā obuiat: dicit enim Hugo in 6. parte, ubi distinguit sex opera. Quorum primum est de nihilo aliquid facere. Secundum est de aliquo aliquid facere secundum

substantiam, & quantitatem in maius. Tertium opus est de aliquibus aliquid facere secundum substantiam, & quantitatem in minus. Quartum opus est de aliquo aliquid facere: non tamen secundum substantiam & quantitatem in minus. Quintum opus est de aliquibus aliquid facere: non tamen secundum substantiam, & quantitatem in minus. Sextum opus est de aliquo nihil facere. De his sex generibus operum subiungit, quod primum opus & secundum, & tertium, & vltimum sunt soli Deo possibilis. Cum igitur talis multiplicatio, ut ibidem dicit, pertineat secundum genus operis, non ergo fiet virtute naturæ inferioris. Quod si ista auctoritas non sufficit, ostenditur hoc auctoritate Aug. super Genesim ad literam circa finem libri, ubi sic ait: Illa quæ producuntur ex semine, in semine omnia fuerunt primitus, non mole corporeæ magnitudinis, sed in potentia causaliter: nam illa magnitudo, copia terræ, humorisque congesta est: sed illa in exiguo grano mirabilior præstantiorque vis est, quæ valuit adiacens humor commixtus terræ, tanquam materies verti in ligni illius qualitatem, in ramorum diffusionem, in foliorum viriditatem ac figuram, & in fructuum formas, & opulentiam: non igitur semen in seipso augetur sine alterius appositione. Adhuc expressius super Genesim ad literam in fine decimi: Quid absurdius, quam putare massam cuiuspiam metalli ex aliqua parte crescere posset dum tenditur, nisi decrescat ex altera, vel augetur latitudine, nisi crassitudine minuatur, aut vllum corpus esse manente suæ naturæ quantitate, quod vndique crescat, nisi areseat? Hæc ibi contra Tertullianum: ergo si quantitas seminis decisa manet, & non arefit & vndique crescit: hoc non potest esse sine appositione materiæ, nisi hoc fiat mirabiliter. Quocumque igitur prædictorum modorum sustineatur opinio Magistri, siue etiam omnes modi consensur in vnum, siue per se quilibet adapteretur, plurima occurrunt difficultates, propter quæ multi recusant opinionem Magistri sustinere in ista parte.

Aug. c. 24.
circa princip.
tom. 3.

Cap. 16. n. 3.

Secunda opinio circa istam positionem est aliquorum sequentium verba naturalium, & medicorum dicentium, quod mediante virtute generatiua non solum aliquid transit in veritatem humanæ naturæ, immo tota veritas prolis generata est ex extrinseco addito, quia est ex superfluo nutrimenti: hoc autem dicunt esse, quia modus operandi ordinatus est, & delectabilis, & expeditus. Ordinatus, quia ibi incipit operatio generatiua, ubi cessat operatio nutritiua. Natura enim per prius intedit sibi, quæ alij: & ideo materia generationis est superfluitas vltimi cibi, quæ quidem etsi sit superflua operi nutritiua, est tamē necessaria operi generatiua. Modus etiā iste est delectabilis, quoniam natura delectatur in emissionem superflui, & tristatur, & dolet in emissionem necessarij, & sibi cōiuncti: si ergo natura maxime delectatur in opere generatiua, materia generationis est ex superfluo nutrimenti. Modus etiā iste est expeditus, quia cum tertius cibus sit in potentia proxima, ut cōuertatur in singula membra: si natura debet ex aliquo humore fabricare corpus, fabricat ex illo: sed cum non fabricet ex necessario, restat quod fabricet ex superfluo. Quoniam igitur natura operatur quantum potest breuius, & delectabilius, & ordinatius: ideo dicunt talem modum procreandi, videlicet ex superfluo nutrimenti maxime esse cōuenientem naturæ. Cōuenit, etiam ut dicunt, hoc dispositioni diuinæ, & ordinationi corporum ad resurrectionem. Cum enim semen non resurgat in generante, sed in genito, non videtur humor ille fuisse de generantis veritate, sed potius de humidi superfluitate. Licet autem hic modus dicendi multum videatur probabilis attendenti verba Philosophi, obuiat tamē ei, sicut & aliis modis dicendi, & sensus, & ratio, & auctoritas. Sensus quidem, quia videmus prole aliquando assimilari proauo: & sicut assimilatur proauo, ita potest assimilari ei, qui præcessit usque ad generationem decimam: ergo & sic deinceps: ergo videtur, quod aliquid sit in isto primo filio traductum à parente primo. Et iterum, cum videamus hominem ex coitu attenuari, & ex frequentatione talis actus mortem accelerari, videtur quod non solum

Opinio 1.

Improbatio.

in

in femine, fiat superflui emissio, immo quod etiam alicuius humidi radicalis: & ita proles non tantum est de superfluitate alimentj, sed etiam de veritate generantis. Ratio etiam obuiat, quia si solum esset proles de superfluitate cibi patris, nec esset vera generatio, cum generatio sit de substantia generâtis, nec esset vera cognatio: immo magis attineret homo porco, de quo sumptum est nutrimentum, quam patri generanti. Auctoritas etiam repugnat, quoniam expresse dicit Aug. super Genesim ad litteram quod omnes fuimus in Adam secundum corpulentam substantiam, & secundum seminale rationē. Et quod maius est, Apostolus dicit quod omnes in Adā peccauimus: & quod Leui in lumbis erat Abraham, quādo decimatus fuit: Ex hac igitur positione si pertractetur, sequi videtur, quod si omnino esset proles de superfluo nutrimenti, non esset generatio, nec cognatio vera. Ex præcedenti vero si ponatur, quod nihil de alimento transit in prolem, sequi videtur, quod non sit generatio naturalis. Si igitur pro certo habendum est, quod generatio hominis ab homine, & vera est, & naturalis est, necesse habemus viam mediam inter vtramque harum positionum tenere, vt dicamus, quod aliquid de superfluo nutrimenti transit in semen: nec tamen semen omnino est de superfluo nutrimenti, immo aliquid est ibi de humido radicali, & ex vtroque habet semen propagari. Vnde sicut videmus circa nutritiuam, quod est humiditas radicalis, & nutrimentalis, vt pote illa, quæ fluit: sic intelligendum est etiam circa vim generatiuam quod in ipsa est aliqua humiditas radicalis, & etiam aliqua fluens, & refluens, & in generatione prolis vna currit cū alia. Transmisit igitur Adam, quando genuit primum filium aliquid de illa radicali humiditate, & illud modicum per virtutem naturæ toti corpori filij fuit commixtum commixtione perfecta, quia nullam partē erat signare in corpore filij, in qua non esset aliquid de illo humido, quod à patre traduxit. Si igitur filius Adæ in generando prolem similiter aliquid descindebat de suo humido radicali, necesse erat, quod aliquid transmitteret de eo, quod sumperat à patre, & sic deinceps, & pro tanto dicuntur omnes fuisse in Adam: non quia fuerit ibi totaliter materia omnium nostrorum corporum, sed quia ibi erat aliquanta materia, & ratio seminalis, siue potentia conuertendi ad se aliam naturam, ita vt sufficeret ad omnium pocreationem addito sibi illo, in quo posset se multiplicare. Et est exemplum, si aliquis haberet fermentum, quod commisceret commixtionē perfecta toti pastæ, nisi fieret de illa totali pasta fermentata, quod non diceretur fermentari de illa pasta: & similiter, si illa pasta commisceretur adhuc alij maiori pastæ & sic procedendo quasi innumerabiles panes fermentati posset fieri ex modico fermento per appositionem rei fermentalis: sic & in proposito ex modico semine per appositionem humoris susceptibilis rationis seminalis posset innumerabiles homines propagari. Et iste modus satis consonat rationi, nec repugnat verbis Philosophi & sumptus est ex verbis Aug. sicut patet aspiciendo auctoritatem prius positam, quæ sumpta est de libro de vera Religione, vbi dicit quod alimentum accipit latentes numeros totius animalis, & inchoatur in prolem. Et modum explicat in finem super Genesim ad litteram, sicut patet in auctoritate prius posita, vbi ostenditur, quod ex modico semine generatur arbor magna. Igitur huic modo dicendi tanquam magis intelligibili, & magis consono Philosophiæ & sacræ Scripturæ, magis adhæreo. Credo enim beatum Aug. hoc sensisse, sicut ex verbis eius possum colligere. Et secundum hunc modum saluatur veritas cognationis, & generationis, pro eo quod aliquid radicale à parente traducitur in prolem. Sustinetur nihilominus generatio, & propagatio esse naturalis, quia hoc fit per alimenti additionem. Et ideo concedendæ sunt rationes ostendentes, quod aliquid de alimento transit in veritatem humanæ naturæ mediante opere generatiuæ, quia non solum illud radicale, quod à patre deciditur, fit de veritate prolis, sed etiam

A illud cum alimento superfluo sibi iuncto, ita quod illud quod erat superfluum vni, sit necessarium alteri: vtrumque enim erat fundamentum fabricæ totius corporis generati.

1. Ad illud autem quod primo obiicitur, in contrarium de auctoritate Hugonis & Magistri, dicendum quod verbis eorum in hac parte Magistri communiter non assentiunt, nec ego ipsos bene intelligo: tamen affirmo illos falsum dixisse, sed magis intelligo aliam opinionem.

2. Ad illud quod obiicitur, de auctoritate Anselmi & Aug. iam patet responsio: dicunt enim, quod in Adam fuimus, non quia nulla alia materia conuersa sit in corpus nostrum nisi illa, quæ fuit in Adam, sed si qua alia conuersa est, hoc non est nisi per coniunctionem cum illo, quod ab Adam fuit decisum. Et si tu dicas quod ipse B Anselmus dicit, quod totaliter humana natura erat in Adam, dicendum quod hoc non dicit quantum ad existentiam possibilem, vel potentialem, sed quantum ad existentiam actualem, quia nihil actu erat de veritate humanæ naturæ, nisi quod in Adam erat: aliquid tamen possibile erat ad hoc, quod fieret de veritate naturæ humanæ: sed hoc operatione & virtute carnis Adæ.

3. Ad illud quod obiicitur, de auctoritate Domini in Euangelio, & de Glossa, dicendum quod hoc nequaquam intendit nec textus, nec Glossa, quod homo totum egerat, quod manducat: sed quia cum homo manducat, fit separatio puri ab impuro per digestionem interius factas, & purum & naturæ conueniens interius retinetur, & impurum exterius expellitur: & pro tanto dicebat Dñs, C quod nihil quod intrat in os hominem coinquinat, & sic verissimum est verbum Domini secundum quod valet ad propositum. Posset tamen dici, quod secessus ibi non tantum vocatur via inferior, per quam currunt egestionnes, sed omnes meatus subtiles, per quos fit ciborum decolatio. Et Glossa dicit, quod Græci vocant illos, poros: & ita non sequitur, quod totum alimentum exterius exeat, & de illo nihil in veritatem prolis transeat.

4. Ad illud quod obiicitur, quod generatio est de substantia generantis, iam patet responsio. Dico enim, quod aliquid de radicali humiditate parentis transit in prolem, & ratione illius saluatur ibi veritas generationis: nec tamen oportet, quod sit identitas secundum totum generantis ad genitum. Sicut enim generans non dat se totum, sed partem sui, sic & genitus non exiuit à generante secundum totum, sed secundum aliquam partem: nec illud totum, quod à generante traxit, fuit radicale ipsi generanti, sed aliquid est additum radicali, vt possit augeri.

5. Ad illud quod obiicitur de lege cognationis, iam patet responsio: ita bene enim saluatur lex cognationis, si traducitur filius à patre trahendo ab ipso humorem radicalem cum additione extrinseci, sicut si de extrinseci nihil adderetur, immo multo verius. Additio enim extrinseci facit, vt linea consanguinitatis aliquando terminetur, & qui magis distant à stipite, minoris consanguinitatis vinculo coniungantur. Et si obiiciatur, quod si traducitur aliquid de radicali, quod pari ratione posset totum traduci, & quod necesse sit illud esse multiplicatum in se, cum etiam tot atomi non fuerint in corpore Adæ, quod processerunt ex eo homines, dicendum quod semen & est quantum mole, & est quantum virtute: & quantitas virtutis se tenet ex parte formæ, & potest dici ratio seminalis, & hæc cum sit forma, multiplicabilis est: & ex hoc potest similem sibi inducere in materiam sibi appositam. Quantitas vero molis, quamvis parua sit, potest tamen adeo extendi, vt commisceatur valde magnæ quantitati per eam naturam, qua omne corpus in infinitum diuisibile est: & sic magnæ quantitati potest commisceri, & totum trahere ad naturam suam, & ex illa totali quantitate potest aliud fieri, quod fieret de ipso semine per se, & quotcumque fiant ex illa totali quantitate, dicuntur facta per se. Nec tamen oportet ibi distinguere diuersas partes, ex quibus diuersa fiant in illo semine primordiali, sed solum in proximo, pro eo quod illud per additionem superflui nutrimenti adaptum est.

6. Ad illud quod obiicitur, de lege resurrectionis, respondent aliqui, quod homo non potest generari de carnibus alterius hominis, pro eo quod alimentum, & illud quod conuertitur in semen, debet esse in potentia, respectu eius in quod conuertitur, caro autem hominis secundum speciem est in actu: & ideo non potest in alium hominem transmutari. Sed illud non videtur sufficere pro eo quod ex carne possunt generari vermes: posset & per consequens generari planta, & fructus, & tunc etiam in potentia respectu carnis humanæ: & ita per multas transmutationes videtur, quod ex ea posset fieri semen. Alij verò dicunt: quod cum caro hominis sit possibilis ad omnem transmutationem, sicut & alia, quod de illa possit generari semen: & tunc resurget in ipso genito, pro eo quod ad ipsum habet essentialiorem comparationem, & Dominus supplebit illi aliunde addendo, sine multiplicando virtutem super naturam, sicut facit in paruulo. Sed qua ratione dicitur de vna parte quod potest conuerti, eadem ratione & de qualibet, & sic potest homo totum corpus suum amittere. Ideo est tertius modus dicendi, quod caro hominis secundum speciem non potest fieri caro alterius hominis secundum speciem propter necessariam ordinationem, quam habet ad animam, quæ ipsam viuificauit. Vtrum autem illa ordinatione fundetur in appetitu naturali, vel prudentia conditoris, difficile est discernere. Quocunque tamen modo sit, adhuc est plana responsio. Illud autem planius inuenitur determinatum in Quarto, ubi manifestatur, quid in quo resurgat. Resurget autem semen in genito, non in generante, quamvis dictum sit hic, quod semen sit de radicali humiditate generantis. Aliter enim semen est radicale generanti, & aliter generato. Quia generanti est radicale secundum partem sui, est etiam radicale respectu virtutis generatiuæ non respectu virtutis nutritiuæ: virtus autem generatiua, & eius humiditas est ordinata ad aliud. Vnde si humiditas generatiuæ decidatur ab aliquo, siue alius generetur, siue non, nunquam resurget in eo: & hinc est, quod quamvis in emissionem seminis fiat decisio alicuius radicalis humiditatis, nulla tamen est ibi pœna, quoniam illa humiditas per naturam erat ad alterum ordinata. Vnde & manet ibi modus operandi expeditus, & delectabilis, & ordinatus: & hoc totum est, quia illa humiditas in generante erat ad alterum. In genito verò, quia ex ea fabricatur totum corpus, & sicut totius corporis fundamentum, & tunc quando anima vnitur ei, incipit esse verè, & propriè de veritate humanæ naturæ, tunc enim primò incipit habere necessitatem ad resurrectionem: prius autem solum erat possibile, vel potentiale. Vnde si qua mulier faceret abortum ante animæ vnionem, illud nullo modo resurgeret.

QVÆSTIO II.

An aliquid transeat in veritatem humanæ naturæ opere nutritiuæ.

S. Tho. 1. p. q. 119. art. 2.
Et 2. Sent. dist. 30. q. 2. art. 2.
Agid. Rom. 2. Sent. dist. 30. p. 2. q. 2. art. 2.
Richardus 2. Sent. dist. 30. art. 5. q. 2.
Durandus 2. Sent. dist. 30. q. 5.
Steph. Brulef. 2. Sent. d. 30. q. ultima.

Fundamēta.
Aug. c. 14.
10m. 5.

VTRVM aliquid transeat in veritatem humanæ naturæ mediante opere nutritiuæ. Et quod non, videtur primò per Augustinum, qui de Ciuit. Dei dicit: quod paruuli resurgent in perfectione corporali, & in ætate virili, quam habituri erant, pro eo quod iam totum in ratione habebant, quamvis non haberent in mole, hæc est sententia verborum: ergo si tam magni suscitabuntur paruuli, sicut illi, qui multum comederunt, videtur, quod sumptio alimentorum veritatem humanæ naturæ non augeat, ac per hoc nihil de illis in humani corporis veritatem pertranseat.

ITEM ibidem dicit Aug. quod si aliquis nutriatur de carnibus humanis, caro illa non resurget in eo, qui nu-

trit, sed in eo, in quo primò fuit caro: sed nihil est de veritate alicuius, nisi quod resurget in eo: si ergo caro, quæ est per alimentum generata, non resurget in eo in quo est, videtur quod nihil extrinsecum transeat in veritatem alicuius, mediante opere nutritiuæ.

ITEM solum illud dicitur esse verum quod habet actum sibi per naturam conuenientem: ergo illud solum est de veritate carnis humanæ, quod habet actum conuenientem tali carni: sed caro habens actum sibi conuenientem potest aliam carnem in se conuerti, & dicitur caro secundum speciem: ergo illud solum transit in veritatem carnis humanæ, quod transit in veritatem secundum speciem: sed mediante nutritiuæ nihil transit in carnem secundum speciem, sicut vult Philosophus, alioquin esset augmentum in infinitum: ergo mediante illa virtute, nihil transit in veritatem humanæ naturæ.

ITEM illud est solum de veritate alicuius, in quo rei substantia saluatur: sed sola humiditas radicalis est illa, quæ manet, quam continuari oportet vsque in finem: ergo illud solum transit in veritatem humanæ naturæ, quod transit in humiditatem radicalem: sed nihil potest transire in humiditatem radicalem mediante nutritiuæ, sicut dicunt medici, alioquin posset homo inuenescere, & etiam perpetuare: ergo mediante hac virtute nec transit in veritatem humanæ naturæ.

ITEM quod per naturam generatur, potest per naturam corrumpi: ergo quod mediante opere generatiuæ proficit & crescit potest & minui, & decrescere: si ergo mediante vi nutritiuæ aliquid in veritatem humanæ naturæ transiret, illud posset deperdi, & sic continuè nouum restaurari: coningeret igitur aliquando, quod homo aliud corpus haberet, sicut videmus in aqua, quæ exit de fonte.

1. CONTRA: August. de vera Religione: In huiusmodi visibilis corporis structuram alimenta quæ apta sunt, assumuntur, non apta verò per cōgruos meatus ciuiuntur. Si ergo quod est de corporis huius structura & integritate, est de humanæ naturæ veritate: videtur, &c.

2. ITEM omne quod resurget, est de veritate humanæ naturæ: sed illud in quod transit alimentum mediante opere nutritiuæ, resurget, utpote capilli: Capillus de capite vestro non peribit: ergo, &c.

3. ITEM veritas carnis non est aliud, quam vera caro: sed vera caro est, cui debetur operatio carnis: potissima autem carnis operatio est viuere per animam: sed in hanc carnem transit alimentum mediante vi nutritiuæ, quia tota caro hominis viuit: ergo, &c.

4. ITEM vbicumque est nutritio, ibi est conuersio, & assimilatio, & vnio: sed vbi est assimilatio, & vnio, eiusdem naturæ fit illud, cui vnitur, & illud quod vnitur: ergo si hoc facit virtus nutritiuæ conuertendo alimentum, videtur quod per ipsam aliquid de alimento in veritatem humanæ naturæ transit.

5. ITEM sicut se habet generatiua ad productionem prolis, siue generati, sic se habet nutritiuæ, & augmentatiua ad perfectionem, & conseruationem nutriti & augmentati: ergo si aliquid transit in veritatem humanæ naturæ generati, mediante generatiua, similiter & aliquid transibit in veritatem humanæ naturæ nutriti: mediante nutritiuæ & augmentatiua. Est igitur quæstio, quid sit veritas humanæ naturæ, & quæ differentia sit inter veritatem humanæ naturæ, & carnem secundum speciem. Et rursus, quæ sit differentia inter carnem secundum speciem, & carnem secundum materiam. Et quare magis dicatur veritas humanæ naturæ, quam veritas naturæ asinæ. Hæc omnia valent ad intelligenda ea, quæ dicuntur in Quarto, in quæstione de resurrectione.

CONCLUSIO

CONCLUSIO.

Per opus nutritiue virtutis nihil transit in veritatem naturæ humanæ, prout ipsa de necessitate ordinatur ad incorruptionem, sed bene aliquid transit, prout ordinatur ad resurrectionem de congruo.

Resp. ad arg. Dicendum quod præter generalem intentionem, qua verum diuiditur contra falsum, secundum quam intentionem res vera dicitur, quæ habet materiam, & formam, & actum sibi convenientem, est & alia intentio veri dupliciter. Vna, qua verum diuiditur contra permixtum: altera vero, qua verum diuiditur contra vanum. Et primo horum modorum dicitur verum, quod est purum & impermixtum. Altero modo dicitur verum, quod est permanens, & fixum. Cum ergo loquuntur auctoritates de humana natura, loquuntur sub vocabulo veritatis, vocantes eam veram. Non est enim aliud dicere veritatem humanæ naturæ, quam humanam naturam veram. Sic autem vocant eam loquentes de natura humana ex parte corporis, pro eo quod corpus humanum præter hoc, quod habet formam, & operationem sibi convenientem, sicut & alia corpora naturalia, habet ordinationem ad immortalitatem, & ita quandam impermixtionem in hoc, quod non potest tantum transmutari, quin tandem reddatur animæ, quæ ipsum viuificauit, habet nihilominus quædam fixationem, siue incorruptionem, pro eo quod necesse est ipsum aliquando fieri immortale. Ratione igitur ordinationis ad incorruptionem, ex qua inest corpori humano non tantum debita operatio, sed etiam impermixtio, & quædam incorruptio, dicitur corpus humanum verum. Illud vero præcise, & proprie est de veritate humanæ naturæ, quod est ordinatum ad incorruptionem, & resurrectionem. Aliquid autem ordinatur ad resurrectionem dupliciter, vel de necessitate, vel de congruo. Illud autem ordinatur in nobis ad resurrectionem de necessitate, in quo consistit fundamentum, & fabrica corporis nostri, & hoc est illud, cui primo anima vnitur. Et tale tractum est à generantibus, & in tale nihil potest transire opere nutritiue, secundum quod nutritiua operatur post animæ unionem. Illud vero ordinatur in nobis ad resurrectionem de congruo, in quo consistit fabrica nostri corporis complementum: & hoc est, quod facit ad quantitatem corporis perfecti. Et sic aliquid de alimento potest conuertere in veritatem humanæ naturæ mediante vi nutritiua, & augmentatiua, quæ ordinantur ad complendam corporis fabricam, quæ inchoata fuit mediante vi generatiua, cui competit operari, quousque anima infundatur, & ex tunc sequitur operatio nutritiua, & augmentatiua ad conseruandum, & complendum corpus. Hinc autem modo dicendi concordant tam naturales philosophi, quam medici. Naturalis enim Philosophus distinguit in homine duplicem carnem: carnem secundum speciem, & carnem secundum materiam. Et vocat carnem secundum speciem, illam quæ habet vim actiuam, & potentiam conuertendi alimentum in carnis naturam: carnem vero secundum materiam vocat illam, quæ sic est caro, vt tamen non possit aliquid in carnem conuertere propria virtute. Dicit etiam quod virtus nutritiua, & augmentatiua non conuertit alimentum in carnem secundum speciem, sed secundum materiam, quia si aliter esset, tunc nunquam staret augmentum: cum augmento enim carnis cresceret, & virtus augmentandi: hoc autem non sic est, & ita caro secundum speciem solū est à generantibus, siue mediante generatiua, quamvis caro secundum materiam, scilicet quæ fluit, & refluit, possit esse mediante nutritiua. Et est exemplum de vino generato in vite, quod habet potentiam conuertendi aquam: sed illa aqua non habet potentiam conuertendi aliam aquam, quia si hoc, tunc semper posset quis apponere aquam, & maneret vinum: hoc autem non sic est, quia tantum potest poni de aqua, quod vinum amittit virtutem suam. Sic & in proposito intelligendum est, quod virtus corporis fabricatiua, potest dare primam carni potentiam conuertendi, & illa conuertit quousque tantum adueniat de carne secundum materiam, quanta

A erat ibi potentia conuertendi, sicut videmus in vino, tum ex parte caloris, tum ex parte extensibilitatis ipsius carnis secundum speciem. Et hinc est, quod vnus homo magis augmentatur, quam alter: & aliquando stat augmentum, quia caro superadueniens in fine quasi aquosum facit, sicut dicit Philosophus, quemadmodum aqua superinfusa vino. Secundum hanc distinctionem carnis distinguere potest in Theologia veritas humanæ naturæ dupliciter, sicut dictum est. Similiter medicus distinguit hanc in duplicem humiditatem, videlicet radicalem, & nutritiua: & dicit quod humiditas radicalis est illa, in qua calor sustentificatur: nutritiua vero est illa, quæ præbet homini caloris fomentum. Dicunt igitur, quod humiditas radicalis est solum à generantibus, & mediante opere generatiua: nam nutritiua in hanc humiditatem non potest: si enim posset, tunc homo iuuenesceret, & vitam etiam suam in perpetuum contineret, si illud humidum renouari posset: quod cum constet falsum esse, dicunt quod alimentum mediante nutritiua non transit in illud humidum: & hinc est, quod illi qui laborant tertia specie hectica, in qua est illius humidi consumptio, liberari non possunt, vt dicunt. In humiditatem autem nutritiua, quæ corpori pabulum præbet, possibile est alimentum conuertere mediante opere nutritiua. Et est exemplum in lampade ardente, in qua est humiditas olei, & humiditas ellychnij: & humiditas ellychnij assimilatur humido radicali, quoniam, ex quo consumitur, restaurari non potest, & in illo ellychnio flamma sustentificatur: humiditas vero olei assimilatur humiditati nutritiua, quæ pabulum præbet igni, & impedit ne cito ellychnium consumatur: & illa humiditas aliquando augetur, aliquando minuitur, aliquando consumitur, aliquando restauratur. Et iuxta hanc duplicem humiditatem Theologi distinguunt dupliciter humanæ naturæ veritatem, sicut prius dictum est.

Et per hoc patet responsio ad quæstionem propositam: patet etiam responsio ad obiecta. Nam rationes, quæ ad primam partem inducuntur, videlicet quod nihil transit in veritatem naturæ humanæ mediante opere nutritiua, procedunt secundum quod de veritate humanæ naturæ dicitur esse aliquid, quod est de necessitate ordinatum ad incorruptionem: & hoc modo bene concedendum est, quod nihil transit in veritatem nutritiua. Rationes vero ad oppositum procedunt de veritate humanæ naturæ, secundum quod illud dicitur esse de veritate humanæ naturæ, quod est ordinatum ad resurrectionem de congruo: tale autem est non solum quod trahitur à generante, sed etiam tota illa caro, quæ reperitur in homine in eius morte, maxime si non faciat ad corporis deformitatem. Nec hoc impedit, quod Dominus paruulos suscitabit in perfecta quantitate. Dicit enim Augustinus, quod supplebit virtus diuina, vbi deficit natura: vbi vero natura sufficiens pareuit materiam, Deus non agit supplendo, sed reformando. Nec valet illa ratio, quod si Deus supplet in resurrectione sine additamento, quod tunc similiter fiat sine additamento, quia illa erit operatio mirabilis, & supra naturam: hominis vero generatio, & augmentatio, quæ nunc est, naturaliter fit: & ideo illa ratio quam Magister adducit in litera non cogit, immo sicut apparet aspicienti, arguit à maiori affirmando. Illa vero, quæ ultimo quærebantur, iam plana sunt per ea quæ dicta sunt, concedendum est igitur, sicut ex præcedentibus apparet, quod aliquid extrinsecum transeat in veritatem humanæ naturæ: sed mediante opere generatiua transit in veritatem, prout veritas proprie dicitur, secundum quod dicit necessariam ordinationem ad incorruptionem: mediante vero opere nutritiua transit aliquid in veritatem humanæ naturæ prout veritas dicitur large, videlicet secundum quod dicit ordinationem ad resurrectionem de congruo: & sic quod est de veritate vnus, potest resurgere in alio, secundum quod manifestatur in Quarto. His visis satis plana sunt ea quæ dicuntur in litera.

DISTINCT. XXXI.

Quodd Peccatum originale à Patribus transeat in Filios, secundum carnem: Neque tamen causa illa peccati, quæ est in carne, culpa est, sed vitium ac fœditas quædam.



NUNC superest inuestigare, qualiter peccatum à patribus traducatur in filios, scilicet an secundum solam animam, an secundum carnem, siue secundum utrumque. Putauerunt quidam secundum animam trahi peccatum originale, non solum secundum carnem: quia non solum carnem, sed & animam ex traduce esse arbitrati sunt. Sicut enim in generatione proles de carne paterna substantialiter trahitur caro: & ita etiam de gignentis anima animam geniti essentialiter deduci ab his existimabatur. Ideoque sicut de corrupta carne caro corrupta seminatur: ita etiam de anima peccatrice anima peccatrix, corruptione originali infecta, ab illis trahi dicitur.

Prædictam opinionem damnat, & quodd per carnem traducatur peccatum dicit, & quo modo ostendit.

Hoc autem fides Catholica respuit, & tanquam veritati aduersum damnat: quæ non animas, sed carnem solam, sicut superius diximus, ex traduce esse admittit. Non ergo secundum animam, sed secundum carnem solam, peccatum originale trahitur à parentibus. Est enim peccatum originale, ut supra diximus, concupiscentia, non quidem actus, sed vitium. Vnde Augustinus: Ipsa concupiscentia est lex membrorum, vel carnis, ubi est morbidus quidam affectus, vel languor, qui commouet illicitum desiderium, id est, carnalem concupiscentiam, quæ lex peccati dicitur. Quæ dicitur manere in carne, non quia in carne sit, sed quia per corruptionem carnis in anima sit.

Causam corruptionis carnis ostendit, ex qua in anima peccatum fit.

Caro enim propter peccatum corrupta fuit in Adam, adeo ut cum ante peccatum vir & mulier sine incentiuo libidinis, & concupiscentia feruore possent conuenire, essetque thorus immaculatus: iam post peccatum non valet fieri carnalis copula absque libidinosa concupiscentia, quæ semper vitium est, & etiam culpa, nisi excusetur per bona coniugij. In concupiscentia ergo, & libidine concipitur caro formanda in corpus proles. Vnde caro ipsa quæ concipitur, in vitiosa concupiscentia polluitur, & corrumpitur: ex cuius contactu anima cum infunditur, maculam trahit quæ polluitur, & fit rea, id est vitium concupiscentiæ, quod est originale peccatum.

Quod propter corruptionem carnis, quæ est causa peccati, dicitur peccatum esse in carne.

Ideoque ipsum peccatum dicitur manere in carne. Caro ergo quæ in concupiscentia libidinis seminatur, nec culpam habet, nec actum culpa, sed causam. In eo ergo quod seminatur, corruptio est: in eo autem quod nascitur, concupiscentia vitium est. Vnde Ambrosius

A de verbis Apostoli, sic ait: Quomodo habitat peccatum in carne, cum non sit substantia, sed priuatio boni: Ecce primi hominis corpus corruptum est per peccatum, ipsaque corruptio per conditionem offensionis manet in corpore, robur tenens diuina sententia data in Adam: cuius consortio anima maculatur peccato, Per id ergo quod facti causa manet, inhabitare dicitur peccatum in carne: hac est lex carnis. Idem: Non habitat peccatum in anima, sed in carne: quia peccati causa ex carne est, non ex anima: quia caro est ex origine carnis peccati, & per traducem omnis caro fit causa peccati: anima vero non traducitur, & ideo in se causam peccati non habet. Augustinus quoque ex carne peccatum animam contrahere in sermone quodam de verbis Apostoli ostendit, dicens: Vitium concupiscentiæ est, quod anima non ex se, sed ex carne contraxit. Natura quippe humana non opere Dei cum vitio primitus est instituta, sed ex voluntatis arbitrio priorum hominum venienti vitio est sauciata, ita ut non sit in carne bonum, sed vitium quo inficitur anima.

De causa originalis peccati, quæ est in carne, utrum sit culpa, an pœna.

Hic quæri solet, utrum causa peccati originalis, quæ dicta est deesse in carne, culpa sit, vel pœna, siue aliquid aliud. Culpa esse non potest, quia culpa non est in re irrationali. Si enim culpa esset in carne ante infusionem animæ, actualis esset, vel originalis. Sed actualis ibi non est, nec originalis culpa est: quia ipsa causa est originalis peccati. Si autem pœna est, quæ est illa? passibilitas vel mortalitas, vel alia corruptio. Hos enim defectus carni inesse constat.

Hic aperitur quid sit fœditas tracta ex libidine coeuntium, quæ vitium, vel corruptio dici potest.

Ad quod dici potest, quodd multiplex defectus carnis, & præcipue pollutio quædam quam ex feruore coitus parentum, & concupiscentia libidinosa contrahit, caro dum concipitur, causa est originalis peccati, quæ recte vitium, siue corruptio carnis appellari potest. Quæ fœditas maior videtur esse in carne concupiscentialiter traducta, quam in ea vnde traducitur. Et quodd vitium, vel corruptio sit in carne ante coniunctionem animæ, effectu probatur, cum anima infunditur, quæ ex corruptione carnis maculatur: sicut in vase dignoscitur vitium esse, cum vinum infusum accescit.

Inductu similitum ostendit non absurdè dici filios trahere peccatum à parentibus etiam mundis.

Ne autem miremur, & intellectu turbemur, audientes peccatum originale filios traducere à parentibus, iam per baptismum ab illo peccato mundatis, diuersarum similitudinum inductione id posse fieri, insinuat Augustin. in libro de baptismo paruulorum, inquit: Quo modo præputium per circumcisionem aufertur, manet tamen in eo quem genuerunt circumcisi: quo modo etiam palea quæ opere humano tanta diligentia separatur, manet tamen in fructu qui de purgato nascitur tritico: ita peccatum quodd in parentibus per baptismum mundatur, manet in eis quos genuerunt. Ex hoc enim gignunt, quodd adhuc vetustum trahunt, non ex hoc, quodd in nouitatem promouit eos inter filios Dei. Non enim generant parentes filios secundum

Commens.
ad 7. cap. ad
Rom. rom. 4.

Ibidem pon-
it inferius.

Ser. 11. potest
sententia
trahi.

Dist. 18.

Dist. 30.

Primo lib. de
nupt. & con-
nub. cap. 30.
31. & circa
parsum
tam. 7.

Cap. 1. lib. 1.

illam

illam generationem, qua denuò nati sunt: sed potius A
secundum illam, quâ carnaliter & ipsi primum sunt
generati.

Epilogus dictorum, cur scilicet originale sic dicatur.

Iam ostensum est quid sit originale peccatum, &
qualiter à parentibus in filios, & per carnem in ani-
mam transeat. Ex quibus etiam innoteſcit, quare di-
catur originale peccatum: ideo scilicet quia ex vitiosa
lege originis nostræ, in qua concipimur scilicet carnis
libidinoſa concupiſcentia traducitur, ut supra dictum
est. Non enim quia ex carne tracta ab Adam concepti
sumus, ideo peccatum traximus: quia & Christi corpus B
ex eadem carne formatum est, qua ab Adam descen-
dit: sed eius conceptus est celebratus non lege peccati,
id est, concupiſcentia carnis, unde & caro eius pecca-
trix non fuit, immò operatione Spiritus sancti. Noster
vero conceptus non fit sine libidine: & ideo non est sine
peccato. Quòd euidenter Auguſtinus ostendit in libro
de fide ad Petrum, dicens: Quia dum sibi inuicem vir
mulierque miſcentur, sine libidine non est parentum
concubitus, ob hoc filiorum ex eorum carne naſcentium
non poteſt sine peccato eſſe conceptus: ubi peccatum in
paruulos non transmittit propagatio, sed libido: nec ſæ-
cunditas humana nature facit homines cum peccato
naſci, sed ſæditas libidinis quam homines habent ex
illius primi iuſtiſſima condemnatione peccati. Ideo bea-
tus Dauid propter originale peccatum, quo naturaliter
obſtricti ſunt filij ira, dicit: In iniquitatibus conceptus
ſum, & in peccatis concepit me mater mea. Ex hoc ita-
que apparet, ex lege conceptionis traduci originale
peccatum: quia niſi conceptio ſic fieret in carne, anima
ex carnis coniunctione concupiſcentia vitium non
traheret.

Obiectio quorundam nitentium probare peccatum
non traduci ex lege coitus.

Sed ad hoc opponitur hoc modo. In ipſo conceptu ubi
dicitur transmitti peccatum, propagatur caro: nec ta-
men tunc infunditur anima ſecundum phyſicos, sed
etiam effigatis corporibus: quod etiam Moyses in Exo-
do aperte ſignificat, ubi ait de percuffura mulieris
prægnantis: Si quis, inquit, percufferit mulierem
prægnantem & abortum fecerit, ſi adhuc informe
fuerit puerperium, mulctabitur pecunia: ſi autem
formatum fuerit, reddat animam pro anima. Forma-
tum verò intelligitur, propria anima animatum, &
informe, quo nondum habet animam. In ipſo ergo con-
ceptu cum caro propagatur, nondum infunditur ani-
ma. Quo modo ergo ibi peccatum transmittitur, cum
peccatum non poſſit eſſe ubi anima non eſt? Ad quod
dici poteſt, quia in illo conceptu dicitur peccatum
transmitti, non quia peccatum originale ibi ſit, sed
caro ibi contrahit id, ex quo peccatum fit in anima
cum infunditur. Et utrumque vocatur conceptus, ſci-
licet cum & caro propagatur, formamque corporis
humani recipit, & cum anima infunditur, quod ali-
quando etiam dicitur natiuitas. Unde dicitur, quod
natum eſt in ea. Proprie autem natiuitas dicitur in lu-
cem editio.

DISTINCT. XXXI.

Qualiter peccatum originale à parente tradu-
catur in prolem.

Nunc ſuper eſt inueſtigare, &c.

Expofitio Textus.

VPRA ostendit Magister, quid sit peccatū ori-
ginale, in hac parte intendit manifestare, qua-
liter à parente traducitur in prolem. Diuiditur
autem pars ista in tres partes. In quarum prima Magi-
ſter falſitatem improbat. In ſecunda veritatem explicat.
ibi: Eſt enim peccatum originale, ut ſupra diximus, con-
cupiſcentia. In tertia vero veritatem epiloga, ut addit,
ibi: Iam oſtenſum eſt, quid ſit originale peccatum, &c. Pri-
ma pars habet duas. In prima ponit falſam opinionem
circa originalis traductionem. In ſecunda ſubiungit eius
improbationem, ibi: Hoc autem fides Catholica reſpuit:
ubi oſtenditur, quod originale non habet traduci per
traductionem animæ. Similiter ſecunda pars principalis
duas habet. In quarum prima determinat veritatem,
oſtendens quòd originale traducitur mediante carne.
In ſecunda verò remouet dubitationem, ibi: Hic quæ-
ſolet, utrum causa peccati originalis, &c. Similiter tertia
pars principalis duas habet. In prima determinata epiloga,
& explanat. In ſecunda verò dubitationem mouet,
& determinat, ibi: Sed ad hoc opponitur hoc modo. Et ſic
huius diſtinctionis intentio veriatur principaliter circa
duo. Quorum primum eſt, quòd originale non poteſt
traduci mediante anima. Secundum eſt, qualiter tradu-
citur mediante carne.

Hic quæri ſolet, utrum causa peccati originalis, qua dicta
eſt eſſe in carne, ſit culpa, vel pœna. Dub. I.

Obiicitur quòd non videtur ipſe reſpondere ad quæ-
ſtionem propositam, quia in ſoluendo nec determinat
quòd ſit culpa, nec determinat quòd ſit pœna, & videtur
quòd neutrum ſit. Culpa nō eſt: conſtat. Pœna nō vide-
tur eſſe, quia pœna in ea ſola nata natura eſt eſſe, in qua
& miſeria nata eſt eſſe: & miſeria in ea ſola, in qua etiam
beatitudo eſt nata eſſe: hæc autē eſt ſola rationalis crea-
tura: ergo ante aduentū animæ nec poteſt eſſe pœna,
nec culpa. Item: Pro omni pœna aliquis puniatur: ſed pro
illa corruptione, quæ eſt in ſemine ante aduentum ani-
mæ nullus ponitur: ergo non videtur eſſe pœna. Sed in
contrarium eſt, quia cum ſit corruptio ſequens ex culpa,
& omnis talis ſit pœna, videtur talis corruptio eſſe pœ-
na. Item: Cum omnis maledictio ſit pœna, vel culpæ, E
ſemen erat maledictum, ſecundum quod dicitur: & Au-
guſtinus exponit in libro hypognoſticon: ergo, &c.

Reſp. eſt ad hoc breuiter, quòd Magiſter ad iſtam
quæſtionē reſpondet valde cautē, & rationabiliter. Nec
enim ſuſtinet, quòd ſit culpa, nec tamē negat. Nō enim
actualiter eſt pœna, vel culpa corruptio illa, ſine ſædi-
tas, quoniam pœna ſub ratione pœnæ, & culpa ſub ra-
tione culpæ ſunt circa ſubſtantiam rationālē: nec tamen
negat, quod ſit culpa vel pœna, quia ad vtrumque ordi-
nem habet, & vtrumque quodam modo cuiat. Anima
enim ex coniunctione ſui ad carnem ratione illius ſædi-
tatis contrahit pœnam & culpam, licet culpam prius
contrahat per naturam, quam meritum pœnæ: ideo Ma-
giſter ut vtrumque comprehendat, vocat eam vitioſita-
tem, ſine carnis ſæditatem: & per hoc patet reſponſio
ad vtramque partem, quia quodam modo dicendi eſt
pœna, quodam modo verò non.

ſæditas maior videtur eſſe in carne concupiſcentialiter
traducta, quàm in ea, de qua traducitur. Dub. II.

CONTRA: Si hoc verū eſt, cum originale contrahatur
ex illa ſæditate, videtur quod maius ſit originale in vno,
quàm in alio. Itē: Nulla proprietas eſt intentionis in effe-
ctu quàm in cauſa, quādo eſt vniuoce in vtroque: ergo ſi

ſæditas

foeditas in carne traducta causatur ab eo, à quo traductur, non videtur Magister dicere verum, cum dicit, quod maior est hic, quam ibi.

RESP. Dicendum quod, cum dicit Magister quod maior sit foeditas in carne, quæ traductur, quam in carne, à qua traductur, hoc intendit quantum ad carnem, quæ est in aliis membris, & quæ deteruit aliis membris, quam membris generatiuæ. Hoc autem dicit, quia in illa potentia est quædam fontalis infectio, propter quam semen ibi genitum, & per illam viam descendens maiori infectione inficitur, quam alij humores: quod manifestat pruritus, & feruor coitus, sicut ipse dicit in litera. Unde non vult dicere, quod semen ex quo generatur proles, sit magis infectum, quam semen, ex quo generatus est pater: nec tamen sequitur, quod maius sit originale in prole, quam fuerit in patre. Et ita patet responsio ad illud: sed hoc planius explicabitur, cum ageretur inferius de quantitate originalis.

Non enim quia ex carne tracta ab Adam concepti sumus, ideo peccatum contraximus, &c.

Dub. III.

*August. de
Ciu. Dei
10. lib. 14.
c. 19.
Sep. 12. b*

Quæritur hic, utrum si aliquis homo fieret de carne Adæ corrupta præter legem generationis, utrum contraheret originale. Et quod non, videtur Magister dicere in litera, & hoc ipsum videtur Augustinus dicere contra Pelagianos, ubi dicit: Qualis terrenus, tales & terreni: hoc quo modo, nisi per seminis sparsionem? & post: Semen ergo vitiatum est, sicut scriptum est. Semen est maledictum ab initio. Et post clarus. Vitium protoplasti contrahi non potest sine seminis effusione. Si ergo aliter formaretur, quam per istam viam, non videtur quod contraheret originale. Sed contrarium eius videtur, quod si tota caro Adæ corrupta fuit, & foedata merito culpæ, videtur pari ratione, quod peccatum contraheretur, si fieret de alia parte, sicut si fiat de semine. Præterea, totum corpus prolis fabricatum est ex semine: & constat quod foeditas illa non purgatur propter diuersitatem organizationis: ergo si anima originale contraxit, quæ iuncta est primo illi corpori, pari ratione videtur, quod contraheret illa anima, quæ coniungeretur corpori ex illa carne formato, nisi in illa formatione esset purificatio.

RESP. Quidam tenent, quod contraheret originale propter hoc, quod non solum est corruptio, & foeditio in parte, sed in tota carne. Alij vero tenent oppositum, dicentes quod etsi sit in omnibus membris corruptio pœnalitatis, corruptio tamen foeditatis, quæ est principium originalis, in parte generatiua consistit. Quodcumque horum dicatur, non est magna vis facienda, quia nullus est, qui non generetur secundum legem propagationis ex semine infecto: nisi Christus solus de quo dictum est, quod non habuit originale peccatum. Verumtamen securius est adherere verbis Magistri, propter hoc quod magis consonant verbis Augustini. Unde si homo fieret ex aliqua parte, vel etiam mulier facta fuisset ex costa viri, postquam peccauit, pœnalitatem aliquam habuisset, non tamen peccatum originale. Nec valet quod obiicitur de corruptione: nam etsi in omnibus membris corruptio sit pœnalitatis, corruptio tamen foeditatis est in solo semine ratione infectionis principalis, quæ est in vi generatiua. Quare autem vis illa sit magis infecta, quam alia, determinatum est supra.

In iniquitatibus conceptus sum, &c.

Dub. IV.

CONTRA: Ex illo verbo videtur colligi, quod actus matrimonialis nunquam absque peccato habeat fieri, & hoc ipsum auctoritate Augustini de Ciu. Dei. Genitales corporis partes ita libido suo iuri mancipauit, ut moueri non valeant, si ipsa defuerit. Et ad Valerium: Honestas concubitus non est sine ardore libidinis. Sed contrarium huius est, quia omne mandatum Dei potest

*Lib. 14. c. 19.
10m. 5.*

absque peccato impleri: ergo prolem absque peccato procreare potest homo ad cultum Dei.

Ad hoc breuiter dicendum est, quod actus matrimonialis potest fieri absque omni peccato, maxime cum sit causa generandæ prolis, vel reddendi debiti: & illud verbum Psalmistæ intelligitur de peccato originali in prole, non de peccato actuali in parente: & similiter verbum Augustini intelligitur de libidine, prout est pruritus carnis, non prout est improbitas voluntatis: & hoc modo plus est pœna, quam culpa. Et de hoc planius determinatur in Quarto, in tractatu de matrimonio.

Dist. 31.

ARTICVLVS I.

AD intelligentiam eorum, quæ in hac parte dicuntur, incidit hic quæstio circa duo. Primum est, utrum originale traduci possit mediante sensibili portione. Secundum est, utrum traduci habeat mediante carne. Circa primum quærentur tria. Primum quæritur, utrum sensibilis anima in hominibus sit à generante: Secundum quæritur, cui parti animæ primum insit peccatum originale. Tertium quæritur, utrum per originale maior fiat in nobis corruptio generatiuæ, quam alterius potentia.

QVÆSTIO I.

An anima sensibilis in hominibus sit à generante.

S. Thom. 2. Sent. d. 18. q. 2. art. 3.

Egid. Rom. 2. Sent. p. 2. d. 19. q. 1. art. 4.

Richardus 2. Sent. dist. 19. q. 2.

Steph. Brulef. 2. Sent. d. 31. q. 1.

UTRUM anima sensibilis in hominibus sit à generante. Et quod sit à generante, videtur. Primum per verbum Philosophi in 2. de anima, ubi dicit, quod sensitiuæ prima mutatio est à generante: sed prima mutatio sensitiuæ est illa, quæ est ad esse: ergo videtur quod pars sensitiua in nobis educatur in esse à generante.

Ad oppositum.

1. ITEM solus intellectus intrat ab extrinseco: ergo solus intellectus intrat per creationem: ergo videtur quod anima sensitiua in nobis educatur de principiis materiæ, & per generationem.

2. de gener. animalium c. 3.

3. ITEM sicut operatio animæ sensitiuæ in brutis pendet à corpore, ita etiam & in hominibus. Unde sicut brutum impeditur ab operatione videndi, laeso organo, sic etiam homo: sed quod similiter se habet ad operationem, similiter se habet ad generationem: ergo si in brutis est anima sensibilis non per creationem, sed per generationem, sicut communiter tenetur, & supra ostensum est, & etiam videtur quod in homine similiter sit per generationem.

Dist. 15. b

4. ITEM sicut in generatione brutorum prius est animal, quam equus, sic etiam in generatione hominis prius est animal, quam homo: ergo prius habet operationem, & perfectionem partis sensitiuæ, quam habeat operationem, & perfectionem intellectiui. Et huius signum est, quia embryo prius nutritur, & sentitur, quam perficiatur anima rationali: ergo videtur, quod ante productionem rationalis educatur in nobis sensibilis: sed hoc non est per creationem, ergo per generationem.

5. ITEM anima sensitiua est in potentia materiæ, alioquin nunquam ab agente naturali in his, quæ per putrefactionem generantur, posset produci in esse: si ergo æque potens, vel magis potens est vis generatiua in homine, quam sit in bruto: & brutum potest per vim generatiuam animam sensitiuam ad esse producere, multo fortius igitur hoc videtur esse in homine.

6. ITEM si in nobis est sensitiua per creationem, in brutis per generationem: ergo non videtur quod sit in nobis, vel in ipsis vniuocè: & si hoc, animal diceretur æquiuocè de asino, & de homine: quod si hoc est inconueniens, restat quod si in brutis est per generationem, quod similiter in homine.

SED

SED CONTRA: Augustinus in libro de spiritu & anima: Cum recedit anima à corpore, secum trahit sensum & imaginationem, & rationem, & intellectum: sed nihil quod separatur à corpore, est per generationem: sensibilis autem in homine est huiusmodi: ergo, &c.

ITEM in libro de Eccles. dogm. Animæ animalium non sunt substantiæ, sed cum carne ipsa carnis vivacitate nascuntur, & cum carnis morte finiuntur: anima verò humana non cum carne moritur, quia nec cum carne seminatur.

ITEM Philosophus in 2. de anima dicit, quod sensitivum est in intellectu, sicut tetragonus in pentagono: & vegetativum in sensitivo, sicut trigonus in tetragono: si ergo ab eodem principio est tetragonus à quo est pentagonus, ab eodem erit anima sensitiva, & intellectiva: sed intellectiva non est à generante, ut monstratum fuit supra: ergo nec sensitiva.

ITEM quæcunque sunt idem in substantia, ab eodem principio educuntur in esse: sed anima sensitiva, & intellectiva in eodem homine sunt idem in substantia, quia vnius perfectibilis vna est perfectio: ergo si rationalis non est per generationem, videtur quod nec sensibilis.

ITEM quæ simul corrumpuntur, simul etiam producuntur: ergo pari ratione quæ simul separantur, simul & infunduntur: sed recedente in homine anima rationali, nullo modo remanet potentia sentiendi in corpore: ergo sicut amittitur potentia sentiendi in recessu animæ, ita infunditur in adventu: non est igitur à generatione, sed à creatione.

ITEM cum intenditur operatio sensus, minuitur operatio intellectus, & è cœnervio, sicut patet per experientiam: ergo necesse est sensum, & intellectum vel esse vnam potentiam, vel esse potentias eiusdem substantiæ: sed quodcumque eorum sit, eodem modo habent educi in esse: cum igitur rationalis non sit ex traduce, videtur quod nec portio sensibilis in homine. Quod si tu dicas, quod vna retrahit alteram propter ordinem & unionem in vno perfectibili, non in vna substantia animæ. Obicitur contra: quia anima rationalis aut potest sentire, aut non. Si non potest, ergo videtur quod non possit corpus vivificare. Quod si potest sentire, restat quod potentia ista fundentur in eadem substantia. Si tu dicas ad hoc, quod duplex est in nobis sensitiva: vna à generante, & hæc corrumpitur: alia à creante, & hæc cum anima separatur. Obicitur contra hoc, quia natura non facit per plura, quod potest facere per pauciora: si ergo sensitiva illa quæ est à generante sufficit in brutis ad sentiendum, multò fortius illa, quæ est à creante sufficit homini: ergo non est aliam ponere sensitivam, quæ sit à generante. Quod si tu dicas, quod est ibi non ad sentiendum, sed ad disponendum corpus ad susceptionem rationalis, hoc non videtur sufficere, quia talis anima est substantia æque completa in homine sicut in brutis, & in brutis non caret operatione sensitiva: videtur ergo quod nec in homine: aut igitur erit nobis ponere duplicem actum sentiendi simul, & semel, aut est ponere, quod sensitiva sit in nobis à creatione: sed primum manifestè est falsum: restat igitur, quod ultimum verum sit.

CONCLUSIO.

Anima sensitiva in homine non educitur de potentia materia, sed est à Deo per creationem.

RESP. AD Arg. Dicendum quod circa hoc triplex est modus dicendi. Aliter enim senserunt hîc quidam hæretici, aliter videntur sensisse Philosophi, aliter etiam hîc senserunt doctores Catholici. Quidam enim hæretici, senserunt esse in nobis animas diversas, ita quod sit vna à Deo bono, & altera à Deo malo, & ex hoc dixerunt, quod venit in nobis controuersia, & rebellio appetituum, ita quod caro concupiscit aduersus spiritum, & spiritus aduersus carnem, quia vna illarum animarum, sc. quæ est à bono Deo non potest facere malum, altera vero, sc. illa quæ est à Deo malo, non potest facere bonum. Hunc

modum dicendi tanquam hæreticum reprobant Aug. in libro de duabus animabus, ostendens quod ista positio implicat in se duo contradictoria, dum ponit talem rebellionem esse in homine, & ponit simul cum hoc hominem peccare, & hominem poenitere posse. Hanc etiâ positionem facile esset improbare secundum viam Philosophiæ, quoniam in vno perfectibili necesse est vnam esse perfectionem: & cum homo sit vnum quid per essentiam, impossibile est ab omnino diuersis principiis in esse produci: si ergo anima rationalis est à Deo bono, sensibilis nostra non potest esse à Deo malo. Quidam autem dixerunt, quod rationalis, & sensibilis sunt in nobis duæ substantiæ: non tamen sunt duæ animæ, pro eo quod anima est nomen officij, & illæ duæ substantiæ ordinatæ sunt ad vnius corporis perfectionem, ita quod vna disponit ad alteram: vna tamen illarum est per generationem, sc. sensibilis: & huius signum est, quod dependet à corpore, & est perfectio alicuius partis corporis: rationalis verò, quæ nullius partis corporis est actus, est per creationem. Sed hunc modum dicendi respuit Aug. in libro de Eccles. dog. dicens. Non duas animas in vno homine esse dicimus. Sicut Iacobus, & alij Syrorum scribunt, vnam animalem, quæ animetur corpus, & mixta sit sanguini, & alteram spirituales, quæ rationem administraret. Et si tu dicas, quod negat duas esse animas, non negat duas esse substantias, per litteram sequentem apparet quod negat duas substantias esse. Ait enim sic: Sed dicimus vnam eandemque animam esse in homine, quæ corpus sua societate viuificat, & semetipsam sua ratione disponit. Et expressius in lib. de spiritu & anima dicit, quod vna & eadem anima dicitur sensus, dum sentit, & ratio, dum discernit. Et iterum dicit quod anima cum recedit, trahit secum potentias sensitivas. Doctores autem Theologiæ dicunt, quod sensibilis, & rationalis in homine eiusdem sunt substantiæ, & ab eodem principio habent educi in esse, videlicet à Creatore, pro eo quod in nobis non nominat diuersas substantias, sed diuersas potentias eiusdem substantiæ, sicut Aug. ubi de hac materia loquitur, insinuat expressè: & hoc idem valde est rationabile ponere in homine vnam substantiam perficientem, quæ dat ei vitam, & sensum, & intellectum. Nec repugnat illi verbis Philosophi, si rectè intelligantur. Propter quod notandum quod sensualitas tribus modis accipitur. Vno modo sensualitas dicit dispositionem ex parte carnis ad actum virtutis sensitivæ: & hoc modo accipitur in libro de anima, & spiritu cap. 13. ubi dicitur: Anima, quæ verè spiritus est, & caro, quæ verè corpus est, in suis extremitatibus facile iunguntur, id est, in phantastico animæ, quod corpus non est, sed corpori simile: & sensualitate carnis, quæ ferè spiritus est. Alio modo sensualitas dicit dispositionem ex parte carnis ad sentiendum cum virtute spiritali mouente, nondum anima carnè perficiente: & talis sensualitas est in embryo ne ante ipsius completam animationem, ibi enim non potest esse substantia animæ perficiens, cum sit perfectio corporis physici organici: nec possit actualiter existere, nisi corpore existente in debita complexione, & organizatione: potest tamen ibi esse virtus animæ patris, quæ quidem est in semine, sicut in subiecto deferente, sicut virtus motoris deferretur simul cum lapide proiecto: & ideo hæc cessat, quando operatio eius consummatur, quod fit quando corpori organizato inducitur anima sensitiva perficiens, siue educatur de potentia materiæ subitò, siue cum rationali infundatur ab extrinseco. Tertia verò sensualitas est, quæ non tantum dicit dispositionem cum virtute mouente, sed etiam habilitatem, quæ inest ex anima perficiente. Primo & secundo modo accipiendo sensualitatem, sic est in nobis à generante, quia cum semine deciduntur calores, & spiritus, per quos caro disponitur ad sentiendum: transfunditur etiam simul cum hac aliqua virtus animæ, quæ mouet, & regit & operatur vsque ad formæ inductionem. Tertio modo sensualitas est in homine ab anima perficiente, quæ quidem non habet esse per generationem, sed per creationem.

creationem. His visis patet responsio ad quætionem. A
Concedendum est enim quod anima sensibilis non est
in nobis ex traduce, sicut ostendunt rationes ad secun-
dam partem obiectæ. Ad rationes vero, quæ adducun-
tur in oppositum, facile est respondere.

1. Ad illud quod obiicitur, quod sensitiui prima mu-
tatio est à generante, dicendum quod loquitur de sen-
sitiuo secundum quod nominat substantiam, non secun-
dum quod nominat potentiam substantiæ incorruptibi-
lis. Vel etiam hoc dicitur ratione illius sensualitatis
secundo modo dictæ, quæ quidem habet esse à gene-
rante.

2. Ad illud quod obiicitur, quod solus intellectus in-
trat ab intrinseco, dicendum quod ibi vocatur intelle-
ctus substantia intellectiva: & quia eadem est substantia B
intellectiva, & sensitiua hominis, ideo per hoc non ex-
cluditur sensitiua hominis, sed sensitiua bruta.

3. Ad illud quod obiicitur, quod operatio sensitiuæ
pendet ex corpore, dicendum quod ex hoc non sequi-
tur, quod anima dependeat, quoniam in eadem anima
reperitur operatio, quæ ei potest competere præter
corpus: hæc autem non conuenit ipsi animæ, nisi secun-
dum quod animat, & ita secundum quod corpori iuncta
est, & propterea pendet ex corpore: nec anima vitur
illa potentia, postquam à corpore separatur: nec sequitur,
quod sit otiosa, quia substantia illa aliam habet opera-
tionem: hoc autem planius inuenitur determinatum in
Quarto, in quæstione de cognitione animæ separatæ.

4. Ad illud quod obiicitur, quod prius est animal,
quam homo, dicendum quod hoc dicitur, quia prius
reperitur in embryone operatio animalis, quam operatio
hominis: prius enim mouetur, & sentit, quam ratio-
cinetur: sed hoc est à sensualitate secundo modo dicta,
propterea est à virtute mouente, non propterea est à virtute
perficiente.

5. Ad illud quod obiicitur, quod anima sensibilis est
in potentia materiæ dicendum quod verum est secun-
dum quod anima sensibilis nominat substantiam gene-
rabilem, & corruptibilem, sed non propterea nominat po-
tentiam substantiæ incorruptibilis. Et quia anima sensi-
tiua in brutis huiusmodi substantiam nominat, hinc est,
quod bruta suam animam sensitiuam educunt de mate-
ria, sicut & in his quæ potissime generantur per putre-
factionem: sensibilis vero in homine dicitur potentiam ra-
tionalis substantiæ: & ideo ab eo solo producit à quo
substantia rationalis: & ideo quod sensibilis non possit
propagari in homine sicut in brutis, hoc non est imper-
fectionis ex parte virtutis generantis, sed ratione per-
fectionis, quæ consistit in sensitiua hominis.

6. Ad illud quod obiicitur, quod non est vniuocè in
homine, & in asino, dicendum quod aliquid produci per
generationem, & aliquid produci per creationem non
tollit vniuocationem: sicut si Deus modo crearet vnum
hominem, eiusdem speciei esset cum aliis hominibus: si
igitur maior requiritur vniuocatio in specie, quam in
genere, planum est ex hoc, quod diuersus modus pro-
ducendi animam sensibilem in homine, & asino, non
facit hominem & asinum æquiuocè dici. Et si tu obi-
cias quod sensibilis in homine nominat potentiam, &
in asino nominat substantiam, ergo æquiuocè dicitur;
dicendum quod in asino etiam potest nominare substan-
tiam, & potest nominare potentiam, principaliter tamen
nominat potentiam, quia nomen eius sumptum est ab
actu sentiendi. In homine similiter nominare potest, &
substantiam & potentiam: sed propterea nominat substan-
tiam non dicitur aliquid diuersum à rationali: eadem
enim est substantia quæ facit hominem & sentire, &
ratiocinari, & quamvis alia & alia sit potentia: & sic
patet, quod ex hoc non tollitur vniuocatio in genere
animalis respectu rationalis, & irrationalis.

QVÆSTIO II.

Peccatum originale cui parti anima inest primò.

S. Thom. 1. 2. q. 83. art. 1.

Et 2. Sentent. dist. 31. q. 2. art. 1.

Et de Malo, q. 4. art. 3.

Egid. Rom. 2. Sent. d. 31. q. 2. art. 1.

Richardus 2. Sent. dist. 31. q. 1.

Durandus 2. Sent. dist. 31. q. 3.

Thom. Arg. 2. Sent. dist. 31. q. 1. art. 4.

Steph. Brulef. 2. Sent. dist. 31. q. 3.

RATIONE cuius partis primò inest animæ peccatum
originale. Et quod primò inest ratione partis sensi-
bilis, videtur. Originale enim, sicut dicit Augustinus,
est concupiscentia: sed concupiscentia primò, & prin-
cipaliter in parte sensibili radicatur, quoniam concu-
piscentia dicitur appetitum boni, ut nunc, præuia cogni-
tione, & hoc competit parti sensitiuæ: ergo videtur
quod originale peccatum primò habeat fieri in anima
secundum illam partem.

ITEM in actuali perpetratione peccati videmus quod
peccatum peruenit ad rationem mediante sensualitate,
pro eo quod peruersio hominis incipit ab inferiori, &
à conuersione ad bonum commutabile: ergo si peccatū
originale incipit ab inferiori, videlicet à carnis infectio-
ne, & animam ab inferiori habet inficere, videtur quod
primò habeat animæ inesse ratione potentiæ sensitiuæ.

Quod autem primò inest ratione partis rationalis vide-
tur: Originale enim est carentia debitæ iustitiæ: sed ius-
titia habet esse in sola rationali voluntate, primò &
principaliter, sicut dicit Anselmus in libro de conceptu
Virg. ergo originale peccatum primò & principaliter
ratione partis rationalis habet animæ inesse.

ITEM originale peccatum est peccatum mortale: ergo
per ipsum anima est à Deo auersa: sed auersi est ipsius
portionis rationalis primò & principaliter: ergo vide-
tur quod originale peccatum primò habeat inesse ani-
mæ ratione rationalis potentiæ.

1. SED quod primò inest potentiæ vegetatiuæ, vide-
tur: quia originale inest animæ ex coniunctione sui ad
carnem corruptam: sed anima maximè vnitur carni se-
cundum potentiam vegetatiuam, quæ est prima poten-
tia in ipsa: ergo videtur quod primò inest ei ratione
potentiæ vegetatiuæ.

2. ITEM hoc videtur alia ratione: Potentia genera-
tiua est ipsius animæ vegetabilis: sed illa est mediante
qua originale transfunditur, & quæ maximè per origi-
nale peccatum inficitur, sicut patebit inferius: ergo vi-
detur quod ratione vegetabilis, primò & principaliter
inest animæ culpa originalis.

3. ITEM quod primò inest ipsi animæ ratione suæ sub-
stantiæ vel essentiæ, videtur: quia originale contrahitur
in anima ex vnione ipsius ad carnem: sed per prius per
naturam vnitur substantia animæ ipsi corpori, quam po-
tentiæ organis: prius enim est viuere, quam moueri: ergo
prius per naturam inficitur animæ substantia, quam in-
ficiantur potentiæ: et si hoc verum est, originale primò
inest animæ ex parte suæ substantiæ.

4. ITEM originale cum sit vnum, inficit omnes po-
tentias animæ: sed nihil vnum est commune omnibus
potentiis animæ, nisi eius substantia: ergo originale pri-
mo est in anima ratione suæ substantiæ. Est ergo quæ-
stio, secundum quid originale primò inest animæ: vtrum
scilicet ratione substantiæ, aut potentiæ: & si potentiæ,
vtrum vegetatiuæ, aut sensitiuæ, aut intellectiue.

CONCLUSIO.

*Originale peccatum, prout est vitium, inchoat à parte
sensitiua, & ab ea ascendit ad partem rationalem, in
qua solum, prout est culpa, reperitur peccatum ori-
ginale.*

RESP. AD ARG. Ad prædictorum intelligentiam est

notandum

Fundamēta

Lib. 2. de
nup. & con.
c. 28. tom. 7.

Cap. 3. & 4.

Ad opposi-
tum.

Opinio.

notandum quoddam aliqui dicere voluerunt originale peccatum sic traduci, & contrahi ab anima, ut primò inest animæ ratione substantiæ suæ, quæ primò carni coniungitur, & consequenter mediante substantia ab ipso potentia inficiuntur, pro eo quoddam non vniuntur potentia carni infectæ, nisi per vniorem substantiæ: & sicut vna est ratio quæ reformat animam: & eius potentias, quæ, inquam, dicitur vna, quia primò respicit animæ substantiam, ut dicunt, sic est vnum originale, quod omnes potentias animæ inficit & deordinat. Sed si illud quis ita intelligeret, quoddam per originale peccatum primò haberet inest substantia, quam potentia, ita quod originale inest animæ non ratione potentia, sed ratione ipsius substantiæ vnitæ, hoc non videtur intelligibile: tum quia originale est carentia debita iustitiæ: iustitia autem, cum sit rectitudo voluntatis, est primò in voluntate: tum etiã quia originale est concupiscentia, concupiscere autem non est actus substantiæ, nisi ratione potentia, tum etiam quia in originali est deordinatio ipsius animæ. Deordinatio autem non est in anima nisi ratione potentia, quia per ipsam solum potest ordinari, & deordinari. Vnde sicut supra dictum est de gratia, quoddam ipsa respicit substantiam, non quia possit esse in animæ substantia, circumscripta potentia, sed quia est in potentiis animæ, secundum quoddam continuatur ad vnam substantiam: sic & in proposito intelligendum est, ut originale peccatum dicatur substantiam animæ respicere, quia inest potentiis, non ex actibus propriis, sed prout continuari habent in vna substantia animæ prout est unita carni infectæ, ita tamen quoddam primò inest ipsa deordinatio potentia, quam substantia. Non enim dicitur substantia ordinata, vel deordinata nisi ratione potentia. Hoc ergo supposito, quoddam originale inest animæ primò ratione potentia, intelligendum est quoddam dupliciter est loqui de originali peccato. Aut prout est culpa reddens animam Deo odiosam, aut prout est vitium deordinans ipsam potentiam. Primo modo accipiendum proprie inest animæ secundum liberum arbitrium, & maximè, secundum voluntatem. Ipsum enim solum est secundum quoddam anima culpatur, vel laudatur, cum est in actu, & secundum quoddam est culpabilis, vel laudabilis à suo ortu. Secundo modo accipiendum, scilicet prout dicit vitium deordinans potentiam, sic quia fomentum istius deordinationis ortum habet à carne, & rationalis motus curuari habet per appetitum, siue concupiscentiam sensitivam, quæ ad illicitum impellit, monet, dicendum est quoddam peccatum originale, siue vitium, quod nascendo contrahimus, inest animæ primò ratione partis sensitivæ, & sic patet responsio ad propositam questionem: patet & in parte responsio ad obiecta. Cōcedo enim quoddam originale, prout est vitium in nobis, primò inchoat à parte sensitiva, quia modus corrumpendi e contrario est in nobis, quam fuit in Adam. Ibi enim persona corrumpit naturam, & ratio partem sensibilem, & voluntas carnem sed cum e converso sit in nobis: originalis corruptio ascendit ad partem rationalem mediante portione sensibili, secundum quoddam est viciofitas. Licet secundum quoddam est culpa, habeat esse in sola parte rationali, in qua est libertas arbitrii: vnde quatuor rationes mediæ verum concludunt, & concedenda sunt.

1. Ad illud verò quod primò obicitur de parte animæ vegetatiuæ, dicendum quoddam vniò ad corpus non est tota causa contrahendi originale, sed vniò cum possibilitate ad deordinationem: non enim corrumpitur per originale secundum quoddam est vitium, nisi quoddam est ad iustitiam aliquo modo ordinabile: & quoniam vegetatiua plùs tenet modum agendi naturalem, quam voluntarium, hinc est quoddam originale non sic respicit vegetatiuam, sicut respicit sensitivam, in qua potest esse appetitus, & delectatio coniuncta.

2. Ad illud verò quod obicitur, de vi generatiua, iam patet responsio, quia in ea viget corruptio, non solum quia sit potentia animæ vegetabilis, sed etiam quia ratione sensus adiuncti potest delectatio, & concupiscentia deordinari.

3. Ad illud verò quod obicitur, quoddam primò sit originale peccatum in animæ substantia, & per vniorem, dicendum quoddam sicut tactum est, vniò non est tota causa, sed requiritur ibi cum hoc possibilitas ad deordinationem peccati: talis autem non est in substantia, sed in potentia, ut prædictum est.

4. Ad illud verò quod obicitur, de vnitæ originalis, dicendum quoddam hoc non concludit, quoddam originale primò sit in substantia, sed quoddam sit in potentiis secundum quoddam continuantur ad vnam substantiam, sicut prius explanatum est de gratia, hoc autem melius explanabitur infra, cum agatur de vnitæ originalis peccati.

QVÆSTIO III.

An per originale peccatum maior sit infectio generatiua, quam alterius potentia.

S. Thom. 1. 2. q. 83. art. 3.

Et de Malo, q. 4. art. 5.

Et 2. Sent. dist. 31. q. 2. art. 2.

Ægid. Rom. 2. Sent. p. 2. d. 31. q. 1. art. 3.

Richardus 2. Sent. dist. 31. q. 3.

Steph. Brulef. 2. Sent. dist. 31. q. 3.

VTVM maior sit infectio generatiuæ per originale, quam alterius potentia. Et quod sic, videtur. Illa vis est in nobis magis corrupta per peccatum, in qua maior est rebellio, & inobedientia: sed talis est potentia generatiua, sicut patet, quia membra illa non subiacent imperio rationis: ergo videtur quoddam illa vis est magis corrupta.

ITEM illa vis est magis per peccatum infecta, in cuius actu est maior erubescencia: sed maior est erubescencia in actu potentia generatiuæ, quam in actu alterius potentia: ergo, &c.

ITEM illa vis est magis in nobis corrupta, cuius actui magis necessaria est in medicina: sed talis est generatiua, cuius actus non potest fieri absque peccato, nisi excusetur per Sacramentum matrimonij: quod quidem non contingit in aliis animæ potentiis: ergo, &c.

ITEM illa vis magis est in nobis corrupta, in cuius actu maior est incurratio: sed talis est potentia generatiua, nam in eius actu totaliter absorbetur ratio, & efficitur homo totus caro: ergo maior est in ea corruptio.

ITEM illa vis magis est in nobis corrupta, in qua magis regnat concupiscentia: sed talis est vis generatiua, sicut patet per pruritus, qui sentitur in membris genitalibus: ergo illa vis maximè inter cæteras corrupta videtur per originalis concupiscentia vitium.

1. SED CONTRA: Per quæ quis peccat, per hæc & torquetur, ut dicitur. Si ergo peccatum primorum parentum perpetratum fuit magis per nutritiuam, quam per generatiuam, immò minimè per generatiuam, videtur quoddam nutritiuam magis debuerit esse corrupta.

2. ITEM illa potentia est magis corrupta, quæ minùs potest refrænari: sed magis potest homo compescere appetitum potentia generatiuæ, quam potentia nutritiuæ: ergo videtur quoddam vis nutritiuam magis corrupta sit.

3. ITEM si corruptio animæ est ex carne, videtur quoddam illa vis potissimè sit corrupta, quæ primò in carne, & per carnem exercet suam operationem: sed talis est potentia nutritiuam: longè enim ante nutritur homo, quam generet, & prius appetit delectabilia gustus, quam delectabilia tactus: ergo videtur idem quod prius.

4. ITEM augmentatiua tenet medium inter nutritiuam, & generatiuam: prius enim est nutrir, & postmodum augeri, & tertio generare: sed inter omnes vires animæ augmentatiua minimè corrupta est: ergo si medium sapit naturam extremorum, videtur similiter quoddam & generatiua minimè deberet esse corrupta.

5. ITEM iuxta hoc quæritur, quare inter omnes sensus plus habet tactus de corruptione, & quare inter omnes potentias animæ vegetatiuæ generatiua inter cæteras est in nobis magis corrupta.

CONCLUSIO.

Per peccatum originale plus omnibus aliis potentiis generatiua inficitur propter transfusionem seminis: quæ fit per eam in quo est radix infectionis: & quia in ea magis viget sensus.

RESP. Ad Arg. Dicendum quod absque dubio inter ceteras potentias sensuales maximè corrupta est vis generatiua. Vnde sicut communiter consuevit dici, aliæ vires solummodo dicuntur corruptæ: ista verò corrupta dicitur, & infecta propter concupiscentiæ pruritus, & vehementiam, quæ residet in ipsa. Ratio autem, quare magis inficitur vis generatiua, quàm alia potentia, sumitur ex hoc, quod ipsa est vis non solummodo deferens personæ, sed etiam deferens naturæ. Et ideo originalis corruptio, siue vitium quod inest naturæ ex corruptione personæ per prius respicit illam potentiam, quàm aliam: deferuit autem vis generatiua naturæ in quantum per ipsam fit transfusio seminalis in prolem. Et quoniam in illo semine est radix infectionis, & corruptionis, hinc est, quod illa vis quæ est illius seminis administratiua, plus habet in se de infectione & corruptione originali. Et rursus quia potentiæ generatiuæ in nobis iunctus est sensus, & potentia sensitiva respicit ipsum hominem in se, quodam modo habet vis ista deferre personæ. Et quoniam inter omnes sensus tactus est maximè materialis, & apprehendens cum maiori adhærentia sensibilitatis ad sensibile: & hæc maximè viget in membris genitalibus ratione multitudinis nervorum, hinc est quod modica corruptio ratione magnitudinis sensus plus inficit illam potentiam, quàm inficeret aliam, & propterea maximè in ea regnat pruritus, & concupiscentia. Et quia post sensum tactus sensus gustus est maximè materialis inter alios, hinc est quod inter alias vires magis sentitur inordinatio circa actum nutritiuæ, siue gustatiuæ. Ex hac igitur ratione duplici, vna colligitur ratio sufficiens, quare anima per vitium originale plus inficitur in generatiua, quàm in alia potetia. Et quia hoc probant rationes quæ ad primam partem inducuntur, ideo concedendæ sunt.

1. Ad illud ergo quod primò obiicitur in contrarium, quod nutritiva debet magis puniri, quia peccatum fuit primò perpetratum per eam, dicendum quod illa ratio tenet secundum quod peccatum adæ respiciebat personam, non secundum quod respiciebat naturam: & verum est, quia quantum ad illam vim acrius fuit punitus, quia fame, & siti, & etiam eius posterius puniuntur per ieiuniorum abstinentiam, in quibus est maior pœna, quàm sit in carnis continentia.

2. Ad illud quod obiicitur, quod nutritiva minùs potest refrænari, dicendum quod aliquam potentiam minùs posse refrænari, hoc est dupliciter, vel ratione vehementiæ appetitus, & delectationis, vel ratione indigentia naturalis. Et cum non potest de facili refrænari propter vehementiam appetitus & inclinationis, magis est viciata, & corrupta. Cum verò hoc habeat ratione indigentia naturalis, non sequitur ex hoc, quod magis corrupta sit. Cum ergo dicitur quod nutritiva minùs potest refrænari, hoc non est ratione maioris vehementiæ appetitus, sed hoc est ratione indigentia naturalis, quia non potest sustentari sine cibo: non sic est de generatiua, in qua non est improbitas appetitus propter necessitatem, sed propter corruptionis fœditatem: hinc est quod primi motus generatiuæ potius dicuntur peccata, quàm primi motus nutritiuæ.

3. Ad illud quod obiicitur, quod nutritiva magis vniatur carni, & per prius habet actum suum in carne, dicendum quod ex hoc non concluditur, quod corruptatur intensius, sed quod eius corruptio sentiat diuturnius. Præterea, vnio non est tota causa, sicut prædictum est.

4. Ad illud quod obiicitur de potentia augmentatiua, dicendum quod potentia augmentatiua pura mouet naturaliter, nec habet sensum coniunctum, ratione cuius sentiat delectatio. Et quoniam non subiaceret vo-

luntati, ideo per peccatum non habet deordinari. Rursus, quia sensum adiunctum non habet, hinc est, quod non est in ea delectatio concupiscentiæ: non sic autem est in nutritiua, & generatiua: vtraque harum autem subiaceret voluntatis imperio, & vtraque harum habet sensum adiunctum. Et quia plus est in potestate voluntatis abstinere à coitu, quàm à cibo, & sensus tactus, qui materialis est, viget in organo generatiuæ, hinc est, quod in ea maior est corruptio, non solum respectu potentiarum animæ vegetabilis, sed etiam respectu potentiarum animæ sensibilis. Et per hoc patet illud quod vltimò quærebatur.

ARTICVLVS II.

CONSEQUENTER circa secundum principale, quod scilicet quærebatur, vtrum originale transfundatur mediante carne, procedendum est. Et circa hoc tria quærentur. Primò quæritur, vtrum anima possit infici à carne. Secundò quæritur, vtrum hoc sit ex voluntate aliqua, & appetitu animæ. Tertiò quæritur vtrum talis infectio fiat ex propagatione, vel libidine.

QVÆSTIO I.

An anima possit infici à carne.

Richardus 2. Sent. dist. 31. art. 2. q. 1.

Steph. Brulef. 2. Sent. d. 31. q. 1.

Gabr. B. el. 2. Sent. dist. 31. q. 1.

VTRVM anima inficiatur à carne. Et quod sic, videtur. Primò per auctoritatem Apostoli: Scio quod non habitat in me, hoc est in carne mea bonum: ibi Glossa: Per conditionem corruptio offensionis manet in corpore robur tenens diuinæ sententiæ datæ in Adam, cuius consortio anima maculatur peccato. Ex hoc expresse colligitur, quod caro inficit spiritum.

ITEM Augustinus de verbis Apostoli: Vitium concupiscentiæ est, quod anima contraxit ex carne.

ITEM hoc ipsum videtur ratione: Peccatum originale homini inest ex hoc, quod traducitur ex primo parente, in quo omnes posterius dicuntur peccasse: sed non dicitur filius nasci ex patre, nisi solummodo ratione carnis, quam ex eo trahit: ergo si anima efficitur peccatrix, hoc est à corruptione carnis.

ITEM nulla proprietas traducitur ab vno in alterum, nisi mediante aliqua substantia deferente, quæ sit communis vtrique: sed nulla substantia est communis patri, & proli, nisi sola carnis substantia: ergo impossibile est peccatum patris in animam filij descendere, nisi mediante carne.

ITEM mala dispositio existens in carne potest inducere obliuionem in memoriam, & dementia in intelligentiam: ergo pari ratione in voluntatem potest inducere concupiscentiam: sed concupiscentia in anima est peccatum originale, sicut ostensum fuit supra: ergo caro potest facere animam peccatricem.

ITEM anima iuncta carni passibili efficitur passibilis, & dolens: ergo pari ratione coniuncta carni infecta, & lasciuia, maculatur, & efficitur concupiscens: si ergo concupiscentia peccatum est: patet, &c.

1. CONTRA: Anselmus de conceptu Virg. capit. 7. Non est magis culpa in semine, quàm sit in sputo, vel sanguine, si quis mala voluntate expuit, aut ex sanguine suo aliquid emittit: ergo si nihil potest dare alij quod non habet, videtur quod caro non potest animam inficere.

2. ITEM Augustinus in lib. 6 Musica: Omne agens præstantius est patiente, & efficiens materia: sed anima præstantior est carne: ergo nullo modo caro potest in animam agere: igitur nec ipsam inficere.

3. ITEM sicut vult Philosophus, necesse est agens, & patiens in materia communicare: sed caro & anima non communicant in materia: igitur caro non potest agere in animam: ergo nec ipsam corrumpere.

3. Thom. 1. 2. q. 18. art. 2. sed Scot. non consentit, d. 12. huius art. 2. ibi: Circa 2. art.

Fundamta. Rom. 7. 6

Sm. 12. 10. 10.

Ad oppositum.

Cap. 5. 6. de anima. text. 19.

1. de generat. text. 5. 1. de anima. text. 14.

4. ITEM

4. ITEM multò spiritualior est anima quàm radius: A sed radius ex coniunctione sua ad corpora immunda nō habet infici: ergo nec anima ex coniunctione ad carnem infectam potest infici.

5. ITEM nulla corruptio maior est in effectu, quàm sit in causa: sed corruptio, quæ est in carne, non est culpabilis, quia culpa, ut dicit Anselmus, est in sola voluntate: si ergo minima culpa peior est, quàm quantacunque pœna, & plus habet de ratione mali, sicut dicit Augustinus in sermone de Innocentibus: igitur ex pœnali infectione carnis impossibile est culpam in anima generari.

6. ITEM corruptio, quæ est in carne, aut est pœna, aut culpa. Non est culpa: hoc constat. Si pœna: ergo iusta est: sed nihil iustum est causa iniusti secundum quodd huiusmodi: ergo corruptio, quæ est in carne, cum sit pœna, non poterit esse principium inficiendi animam culpa.

CONCLUSIO.

Peccatum originale transfunditur in anima, mediante carne à qua trahitur deorsum, & incuruatnr.

RESP. Ad Arg. Dicendum quodd absque dubio, sicut dicunt Sancti, & tenent doctores, anima contrahit peccatum originale mediante carne. Quo modo autem hoc possit intelligi nituntur ad hoc diuersi diuersimode. Quidam enim dicunt, quodd ex hoc ipso, quodd anima vnitur carni mortali, & passibili quam non potest regere, efficitur concupiscens, & sic contrahit maculam originalis culpæ, quia ipsa concupiscentia, siue necessitas concupiscentiæ reddit animam peruersam. Et quoniam caro mortalis habet propagari ex carne mortali, & mortalitas fuit in carne primi parentis propter peccatum inobedientiæ, hinc est quodd originale peccatum in nos dicitur transire à primo parente: & hoc ex ipsius Hugonis verbis extrahunt qui in 7. parte, dist. 1. lib. sui sic ait: Quia caro mortalitate percussa est, ipsa sui lāguoris infirmitate dissoluta extra mensuram primæ dispositionis desideria sua extendit. Quia ergo caro humana à parentibus cum mortalitate seminatur, in eo ipso quodd seminata subiacet mortalitati, viuificata post modum carnalis cōcupiscentiæ subiecta inuenitur necessitati, vnde ipsa mortalitatis infirmitas causa est, quam sequitur concupiscens necessitas. Huc vsque verba Hugonis quæ videntur illud dicere quodd prius dictum est. Sed quoniam in Christo fuit mortalitatis infirmitas: non tamen fuit in eo concupiscentia, vel originalis culpa, non videtur istud plenè satisfacere, nec totam causam, quare caro inficiat animam, assignare. Esto enim quodd aliquod corpus à fomite purificaretur, remanente tamen mortalitate, sicut in beata Virgine fuit si anima tali corpori iungeretur, non videtur quodd contraheret originale, licet illud corpus sit passibile, & mortale. Et ideo alij aliter dicere voluerunt, quodd cum peccatum originale non sit positio, vel aliqua essentia, sed potius priuatio, & iustitiæ carentia, non contrahit illud anima à carne, ita quodd caro aliquid in animam agat, vel influat, sed quia præbet ipsi animæ obstaculum, ratione cuius anima debita iustitia priuatur, & priuata illa iustitia impetu concupiscentiæ deorsum fertur, cum non habet retinaculum, & ita sequitur concupiscentiam ex debita iustitiæ carentia: & sic debite iustitiæ carentia præcedit ipsam concupiscentiam per naturam. Præbet autem caro ipsi animæ obstaculum, vel offendiculum, ut non habeat illam iustitiā ex hoc quodd propagata est à primo parente. Vnde ex coniunctione animæ ad talem carnem, ille qui nascitur, dicitur esse filius Adæ: & quia Adam offendit Deum non tantum pro se, sed etiam in tota sua posteritate, hinc est, quodd anima hoc ipso, quodd tali carni coniungitur, & spectat ad genus Adæ, indigna efficitur, ut Deus sibi iustitiam apponat, & cum illam debeat habere, & non habeat, culpabilis est, & rea, & per consequens efficitur concupiscens, & vana, sicut manus paralytica ex dissolutione

virtutis regitiuæ efficitur tremulosa. Et illud videtur trahi ex verbis Anselmi de conceptu Virg. vbi ait: Non est iniustitia talis res, qua inficiatur, & corrumpatur anima, velut corpus veneno, & quæ faciat aliquid, sicut videtur, quando malitiosus homo mala facit opera. Nam quemadmodum cum indomita fera ruptis vinculis discurrendo sæuit, & nauis si gubernator dimisso gubernaculo, dimittit eam ventis, & motibus maris, nauis vagatur, & inuehitur in quælibet pericula, dicimus quodd hoc facit absentia catenæ, aut gubernaculi, non quodd absentia horum sit aliquid: sic cum malus sæuit, clamamus, quia operatur iniustitiam, non quodd ipsa sit vlla essentia. Et iterum infra cap. 23. Spoliavit persona naturam dono iustitiæ in Adam, & natura egens facta, omnes personas, quas ipsa de se procreat, eadem egestate peccatrices, & iniustas facit. Hoc modo trāsīt peccatum personale Adæ in omnes qui de illo personaliter propagantur. Ex his verbis videtur colligi posse intellectus qui prius dictus est. Sed tamen adhuc illud non videtur plenè intellectui satisfacere: quia esto quodd anima illa, quæ creatur in corpore, extra corpus crearetur, & nihil ultra sibi daretur, quàm datur cum corpori infunditur, non diceretur originale habere peccatum, immò pura esset, & innocēs igitur oportet intelligere, quodd aliquo modo corruptio redundet in animam ex carne. Et propter hoc est tertius modus intelligendi, quodd in carne Adæ propter peccatum dupliciter fuit corruptio. Vna sc. puræ pœnalitatis. Et ex hac anima cum coniungitur corpori cōtrahit passibilitatem. Alia verò fuit corruptio vitiositatis, siue scditatis, per quam caro est spiritui rebellis, & ex hac anima contrahit culpam originale, quoniam talis vitiositas quasi medium tenet inter culpam, & pœnam. Et hoc est quodd Magister dicit in litera, & quodd sonant sacræ Scripturæ verba, quodd ex feruore coitus parentum, & concupiscentia libidinosa contrahit caro scditatem quandam cum concipitur, quæ est causa originalis peccati: & rectè vitium siue corruptio carnis appellari potest. Ad intelligētiā autem, quomodo anima possit infici corruptione culpabili ex tali scditatē, hæc tria supponenda sunt tanquam manifesta: quorum vnum est, quodd scditas carnis potest facere carnem rebellem spiritui: quodd patuit in Adam, qui post peccatum scsit carnis suæ rebellionē. Secundum est illud, quodd anima vnita carni propter coniunctionem ipsius ad carnem, vel trahit eam sursū, vel ab ipsa trahitur deorsum propter vinculum, quodd est ipsius carnis ad animam. Tertium est illud, quodd anima propria virtute non potest regere carnem rebellem, nisi iuuetur per diuinam gratiam, secundum quodd exclamat Apostolus: Infelix ego homo, &c. Ex his igitur tribus suppositis necessariò sequitur, quodd si anima tali carni vnitur, ab ipsa trahitur deorsum, & per concupiscentiam incuruatnr: sed animam incuruari non est aliud, quàm eam peruertere: peruersitas autem in substantia rationali, quæ est capax iustitiæ non est aliud, quàm iniustitia, & culpa. Ex hoc igitur clarum est, quodd scditas, quæ est in carne, potest animam sibi vnitam facere peccatricem. Et quia illa scditas à primo parente traduci habet in omnes posteros genitos secundum legem propagationis: hinc est, quodd mediante carne ad omnes transfundit originale: hoc autem melius explanatur per euidētiā exemplorum. Videmus enim quodd caro de se non dolet, nec est in ea passio doloris ante aduentum animæ, quamvis possit inesse incisio. Ponatur igitur animam vniri carni incisæ, & læsæ, statim cum ei vnitur habet dolorem, & dicimus dolorem aggenerari in anima, non incisionem. Si igitur carnis incisio potest facere animam dolentem, quare non similiter carnis quædam scdatio, & resolutio facit animam lasciuam, & concupiscentem, quandiu habitet in carne. ITEM: Esto quodd corpus ineptum esset ad rationis vsum, sicut est corpus in ea dispositione quam habet phreneticus, & furiosus, in tali corpore nec dicitur furia, nec ignorantia, sed quædam dispositio mala, si tamen anima tali corpori infunderetur

statim efficeretur ignorans, & furiosa, quandiu esset in A carne illa. Quare non possumus similiter intelligere & in concupiscentia? Rursus: Esto, quodd aliquod membrum formaretur ad motum, & regimen animæ ineptum, & inhabile, ut puta in ea complexione, quam habet membrum paralyticum, statim cum virtus motiva vniretur membro illo, diceretur ibi esse morbus paralyticus, & esset virtutis dissolutio, & per consequens tremulatio: virtutis autem dissolutio non esset quantum ad corruptionem ipsius virtutis motivæ in se, sed quantum ad ineptitudinem organi, quod oportet regi ab illa virtute. Sic & in proposito intelligendum est, quodd in corpore ante aduentum animæ non est actualiter morbus culpæ: sed iuncta anima, quæ debet ipsum corpus regere propter carnis ineptitudinem, caret anima rectitudine virtutis regitivæ, & illa carens tremulosa efficitur per actum B concupiscentiæ: & sic patet, quodd valde est verisimile, quodd originale possit contrahi in anima ex carne.

1. Ad dissolutionem obiectorum prænotandum est, quodd tripliciter dicitur aliquid agere in alterum. Vno modo per prædominantiam, sicut contrarium agit in suum contrarium. Alio modo per influentiam, sicut corpus superius agit in hæc inferiora. Tertio modo per colligantiam, sicut quando duo ita sunt vnita, quodd vnū trahit ad se alterū, & comunicat alteri proprietates suas. Cum ergo dicimus carnem inficere animam, hoc intelligitur quantum ad tertium modū agendi, scilicet propter colligantiam, quam habet ad animam, propter quam dum deorsum tendit, eam secum trahit: ut enim dicit Gregorius, qui labenti innititur, necesse est ut cum C labente labatur. His visis patent ea quæ obiecta sunt.

2. Ad illud enim quod dicit Anselmus, quodd peccatum non est in semine, dicendum quodd hoc dicit quantum ad existentiam actualem ipsius peccati, quodd quidem est deformitas aspiciens ipsam voluntatem, sicut subiectum proprium: non autem vult negare, quin ibi sit causa peccati, immo asserit, sicut patet ex verbis suis sequentibus.

3. Ad illud Augustini, quodd omne agens præstantius est patiente, dicendum quodd intelligit de agente per influentiam: per hunc autem modum in originalis contractione non dicimus carnem agere in animam, sicut prædictum est.

4. Ad illud Philosophi, quodd agens & patients debent communicare in materia, dicendum quodd ipse D intelligit de actione, quæ contrarium agit in contrarium per prædominantiam.

5. Ad illud quod obiicitur quodd multo spiritualior est anima, quam radius, dicendum quodd etsi anima sit spiritualior: tamen magis est alligata carni, quam radius aëri, siue corpori illuminatio: ideo magis contrahit eius proprietates siue passibilitatis, siue fœditatis, quam radius contrahat proprietates illuminabilis, vel illuminati.

6. Ad illud quod obiicitur, quodd non maior est corruptio in effectu, quam in causa, dicendum quodd istud dupliciter fallit. Primum quando aliud non se habet ratione perfectæ causalitatis, sed solum ratione instrumenti, & deferentis. Nam si velimus comparare corruptionem animæ paruuli ad primam causam, videlicet ad animam Adæ, reperiretur in Adam æquæ magna, vel maior. Deficit etiam ex hoc quodd magnitudo corruptionis intenditur frequenter ex nobilitate, & dignitate corruptibilis, qui tantò maius est vitium, & corruptio peior, quanto natura præstantior est, sicut Augustinus dicit: & hinc est, quodd quando anima corrumpitur à carne, maior est in ea corruptio, quam in carne fuerit: & hoc est ratione nobilitatis subiecti.

7. Ad illud quod obiicitur, quodd poena non est causa culpæ, dicendum quodd verum est de illo, quodd est pura poena: talis autem corruptio vitiosa in Adam subsecuta est ex culpa, quia ex hoc, quodd peccauit, caro eius dissoluta est non solum dissolutione ordinationis ad mortem, sed etiam faciente rebellionem, & faciente

concupiscere, quod non licet: & ideo quia talis vitiositas, & à culpa est, & ad culpam, potest quodam modo causare peccatum in anima: hoc autem non facit aliquid ipsi animæ impartiendo, sed potius rebellando, & Deo subtrahendo. Et hoc modo intelligit Magister animam infici à carne: & extraxit hoc ex verbis Augustini, & his verbis Augustini consonant verba Anselmi. Non enim vult Anselmus dicere, quodd carentia debitæ iustitiæ præcedat necessitatem concupiscendi, cum econtrario sit ordine naturali: eo enim ipso priuatur anima illa iustitia, quo necessitatem concupiscendi habet ex carne coniuncta: sed hoc intelligit quantum ad actum concupiscendi. Similiter verba Hugonis intelligenda sunt, quodd caro inficiat animam non solum ratione passibilitatis, sed etiam ratione adiunctæ fœditatis, & vitiositatis, quam in semine esse manifestat ipsa corruptio, quæ sentitur in actu generativæ virtutis, & in membris illis residet principaliter, quamvis omnia alia ita sint passibilia, sicut illa.

QVÆSTIO II.

An peccatum originale contrahatur ex carne in anima per aliquem appetitum, & voluntatem animæ.

Alex. Alensis 2. p. q. 105. Memb. 4.

S. Thom. 1. 2. q. 83. art. 1.

Et 2. Sent. dist. 31. q. 1. art. 1.

Et de Malo, q. 4. art. 3.

Scotus 2. Sent. dist. 31. q. 1.

Egid. Rom. 2. Sent. p. 2. d. 31. q. 1. art. 1.

Richardus 2. Sent. dist. 31. art. 2. q. 3.

Duranus 2. Sent. dist. 31. q. 1.

Thom. Argent. 2. Sent. d. 31. q. 1. art. 4.

Steph. Brulef. 2. Sent. d. 31. q. 3.

Gabr. Biel. 2. Sent. dist. 31. q. 1.

Vtrum originale contrahatur in anima ex carne per aliquem appetitum, & voluntatem animæ. Et quodd sic, videtur. Primum per rationem Augustini, quam facit in lib. 83. q. ostendens, quodd nullus potest ab alio fieri deterior, sed si sit deterior, hoc erit, à seipso: ait enim sic: Si sit deterior: aut ergo à superiori, aut à pari, aut ab inferiori. Ab inferiori non potest: à pari non, quia ei ille non præualeat: à superiori non, quia ille aut esset bonus, aut malus. Si bonus: ergo nunquam faceret ipsum deteriore. Si malus: ergo iam inferior est, & deterior. Similiter arguitur in proposito: & ex hoc sequitur, quodd anima non possit fieri mala, siue deterior nisi cooperante voluntate propria.

2. ITEM omne peccatum ab aliqua voluntate est: sola enim voluntas est peccati principium: ergo originale peccatum, quodd est in paruulo, aut est à voluntate propria, aut est à voluntate aliena. Si à voluntate aliena, utpote Adæ, cum in Adam non fuimus nisi secundum quid, non esset originale peccatum in homine nisi secundum quid: ergo propter ipsum non deberemus æternaliter visione Dei priuari. Quod si hoc falsum est, non ergo solum fuit à voluntate aliena. Restat ergo, quodd contrahatur à voluntate propria.

3. ITEM superius non patitur ab inferiori nisi merito culpæ, vel nisi ei se subiiciat mera voluntate: sed anima cum vnitur carni ante vnionem non habet culpam: ergo si inficitur à carne, hoc non est absque voluntaria subiectione ipsius animæ.

4. ITEM si angelus intraret corpus infectum, non diceretur ex hoc contrahere originale: si igitur anima contrahit, hoc non est nisi propter aliquem appetitum quem habet ad carnem.

5. ITEM si anima innocens poneretur in igne infernali nunquam arderet: ergo si non est magis actiua caro, quam ignis, si inficitur à carne, hoc non est nisi propter affectionem ipsius animæ ad carnem: & si hoc verum est, originalis culpa contrahitur mediante appetitu animæ, & voluntate.

SED CONTRA : Peccatum quod contrahitur à voluntate animæ, est peccatum actuale: ergo peccatum quod contrahunt paruuli, non deberet dici peccatum originale, sed actuale.

ITEM si peccatum originale esset à voluntate ipsius animæ: ergo puniendum esset pœna actuali. Si ergo non punitur pœnâ actuali, sed pœnâ damni, sicut infra videtur: ergo non videtur, quod à voluntate animæ causetur.

ITEM natura & voluntas sunt principia disparata, ita quod affectus, qui sunt à natura, & qui sunt à proposito, sunt alij, & alij. Si ergo originale peccatum eo ipso dicitur originale, quod est à natura, igitur non est à voluntate propria.

ITEM peccatum quod est à propria voluntate, per proprium actum est commissum: nullum autem peccatum per proprium actum commissum sine proprio actu dimittitur: ergo si originale contrahitur ex animæ voluntate, nunquam in paruulis per baptismum deleretur. Quod si hoc est contra fidem, restat quod peccatum originale non contrahitur per animæ voluntatem.

ITEM si contrahitur per voluntatem, aut per naturalem, aut per deliberatiuam. Non per deliberatiuam, quia in ipso instanti creationis vnitur anima carni. Non per naturalem, quia naturalis voluntas semper est recta, & sic mouetur secundum quod eam instituit auctor Deus: ergo nullo modo potest esse peccati principium: redit ergo idem quod prius.

CONCLUSIO.

Peccatum originale non contrahitur ab anima mediante appetitu deliberatino, sed mediante appetitu naturali, quem habet anima ad corpus, ut causa sine qua non.

RESPON. Ad Arg. Dicendum quod cum queritur, utrum originale contrahatur ex voluntate, vel appetitu animæ, hoc tripliciter potest intelligi. Contingit enim hoc taliter intelligere, quo spectet ad hæresis peruersitatem: & taliter, ut spectet ad rationis probabilitatem, & tertio etiam modo, ut spectet ad fidei veritatem. Cum enim duplex sit in anima appetitus videlicet naturalis, & deliberatiuus: si sic intelligatur quod anima prius deliberet de carnis infectione, & ei coniungatur voluntariè ex deliberatione, & ex hoc contrahat culpam originalem, sic intelligere hæreticum est, pro eo, quod Doctores Catholici dicunt, quod anima creando infunditur, & infundendo creatur. Et Apostolus: de Iacob, & Esau loquens ait: Antequam aliquid boni vel mali egissent, &c. Est & alius in anima appetitus naturalis & per hunc appetitum dupliciter potest intelligi contrahi originale. Vno modo, ut sic intelligatur contrahi ex carnis corruptione, & appetitu animæ, quod corruptio carnis est sicut materialis: sed naturalis appetitus animæ ad corpus, qui est ad ipsam vnionem, & vnionem antecedit natura, quamvis non antecedit tempore, se habet in ratione efficientis eo modo, quo est dicere peccatū habere causam efficientem: & sic dicitur contrahi originale peccatum à carne infecta mediante appetitu, per quem anima carni alligatur, & quodam modo ei condescendit, ac per hoc ei se subiicit, & subiiciendo se, peruertitur: nec tamē ex hoc dicitur culpa illa esse acta, sed contracta, nec personalis, sed naturalis, quia ille appetitus est appetitus naturalis: non tamen causat peccatum per se, sed cum corruptione carnis adiuncta, quæ à primo parente propagatur. Hoc etsi probabiliter esse dictum videatur: videtur tamē in hoc à veritate deuiare, quod principalem causam contractionis originalis, ponit ex parte animæ, cum Sancti, & Doctores dicant originale peccatum traduci principaliter à primo parente, à quo non propagatur nisi secundum carnem. Alio modo potest intelligi peccatum originale contrahi ab anima per naturalem appetitum ipsius animæ ad carnem, ita ut principalis ratio

ponatur ex parte carnis, & appetitus ille naturalis sit causa sine qua non: & hoc quidem habet veritatem, & necesse est ponere. Nunquā enim caro posset animā inficere, nisi anima haberet naturalem colligantiā ad ipsam. Naturalis autem colligantia non est nisi per appetitum ipsius animæ ad corpus, per quem anima adeo alligatur carni, ut, sicut dictum fuit supra, nisi virtutem habeat, per quam carnem regat, necesse habet deorsum ferri cum carne, ac per hoc captiuari in seruitutē peccati, propter hoc simpliciter concedendum est peccatū originale esse contractū, & nullo modo debere dici actū. Et hoc ipsum nomē indicat, quod dicitur peccatū originale, nō actuale, dicitur naturale, non voluntarium. Vnde concedendæ sunt rationes, quæ ad secundam partem inducuntur.

1. Ad illud verò quod obiicitur quod non potest fieri homo malus ab alio, dicendum quod Augustinus ibi loquitur de alio agente, quod quidem est ita aliud, quod non est naturaliter alligatum ei, quod debet fieri deterius. Sic autem non est in proposito, nam caro naturalem habet colligantiam cum spiritu per naturalem appetitum vnus ad alterum.

2. Ad illud quod obiicitur, quod peccatum originale aut est à voluntate propria, aut à voluntate aliena, dicendum quod à voluntate aliena. Ad illud verò quod subiungit, quod non fuimus nisi secundum quid in Adam, dicendum quod verum est, quia fuimus in potentia causalī, sed quemadmodum secundum quid reductum est ad simpliciter per operationem naturæ, (nam cum prius essemus in potentia, nunc sumus entes in actu) sic originale peccatum prolis, quod erat secundum quid ante ipsius prolis generationem, in ipsa prolis propagatione ex vnione animæ ad corpus incipit esse peccatum simpliciter: nec requiritur ibi actualis, vel noua deliberatio, sed sufficit ipsa propagatio, & animæ ad carnem coniunctio.

3. Ad illud quod obiicitur, quod superius non patitur ab inferiori dicendum quod illud habet veritatem in his, inter quæ non est naturalis colligantia: & ideo non habet locum in proposito, cum naturalis colligantia sit animæ ad carnem, sicut dictum est supra: posset tamen dici, quod Adam aliquo modo meruit: sed de hoc melius patebit cum ageretur, qualiter saluatur diuina iustitia in vnione animæ ad carnem.

4. 5. Ad duas vltimas rationes iam patet responsio per ea, quæ iam dicta sunt. Nam si Angelus poneretur in carne infecta, & anima innocens poneretur in flamma: nec ille inficeretur, nec ista pateretur: sed hoc non esset propter defectum appetitus deliberatiui, sed propter hoc, quod non esset ibi appetitus, nec colligantia naturalis & sine hac non potest anima à carne infici, sicut prius dictum est, quamvis hæc non sit causa principalis. Consimilis enim appetitus naturalis saluaretur in anima ad carnem, si homo stetitset: & tamen anima nullam culpam contraheret.

QVÆSTIO III.

An caro inficiatur ex propagatione tantum, vel ex propagatione, & libidine simul.

Alex. Alenf. 2. p. q. 105. Membro 4.
S. Tho. 1. 2. q. 81. art. 3. & 4.
Et 2. Sent. dist. 31. q. 1. art. 2.
Egid. Rom. 2. Sent. d. 11. q. 1. art. 2.
Richardus 2. Sent. dist. 31. art. 2. q. 2.
Thom. Arg. 2. Sent. dist. 31. q. 1. art. 3.
Gregor. Arim. 2. Sent. dist. 31. q. 1. art. 1. 2 & 3.
Ioan. Bacch. 2. Sent. dist. 30. q. 1. art. 1.

UTRUM caro ipsa inficiatur ex propagatione tantum, vel ex propagatione, & libidine simul. Et quod ex libidine, videtur: Primò auctoritate Augustini de fide ad Pet. Peccatum originale non transmittit ad paruulos propagatio, sed libido: si ergo anima ex fœditate carnis contrahit originale, illa fœditas est in carne non ex propagatione, sed ex libidine.

ITEM Magister in litera: Pollutio quædam est in carne, quam in fervore coitus parentum ex concupiscentia libidinosa contrahit caro, dum concipitur. Ex hoc apparet, quod fœditas in carne non est ex propagatione, sed ex libidine.

ITEM Christus de B. Virgine conceptus est ex massa humani generis: & tamen nec habuit illam fœditatem in carne, nec originale in anima: ergo talis fœditas in carne non est, quia caro ex carne educitur, sed quia cum libidine seminatur.

ITEM si nunquam natura lapsa esset, nihilominus esset propagatio carnis ex carne: nec esset in eo fœditas, nec peccatum originale per consequens: ergo si in propagatione hominis ex homine est transductio originalis, hoc non est ratione ipsius propagationis, sed ratione adiunctæ libidinis.

ITEM si fieret propagatio absque libidine, iam nulla esset inordinatio ex parte virtutis generatiuæ: & si nulla esset inordinatio ex parte virtutis generatiuæ, nulla esset fœditas in semine: & si hæc non esset, non esset fœditas in carne, nec in anima contraheretur originale: si ergo caro inficitur, & vitiatur, hoc non est ex propagatione tantum, sed etiam ex libidine.

Fundamēta.

SED CONTRA: Originale peccatum contrahimus, quia in Adam peccavimus eo modo, quo in ipso eramus: in ipso autem eramus secundum propagationem, & non secundum libidinem: ergo tam originale, quam carnis fœditatem propagatione contrahimus, non libidine.

ITEM libido respicit parentes proximos: sed originalis transductio respicit primos parentes: unde non dicimur contrahere originale à parente proximo, sed ab Adam: ergo videtur quod ipsa libido, quæ est in coitu, nihil faciat ad transfundendum peccatum originale.

ITEM possibile est coniuges Sanctos ex charitate coire absque omni peccato: sed ubicumque est libido, ibi est voluntatis improbitas, & aliqua culpa: ergo possibile esset eos generare absque libidine: igitur si transductio fœditatis carnis, vel originalis peccati esset ratione libidinis, proles sic genita non haberet culpam originale.

ITEM si transductio originalis esset ratione libidinis: ergo ille, qui cum maiori libidine nasceretur, maius contraheret originale: sed natus ex adulterio cum maiori libidine generatur, quam ille, qui nascitur ex thoro legitimo: ergo videtur quod maior esset in ea originalis culpa: si igitur corruptione originalis peccati omnes corrumpuntur æqualiter, videtur quod talis corruptio non traducatur per libidinem.

ITEM ponatur quod semen descenderetur de lumbis viri, & infunderetur vasculo mulieris, ita quod nec vir sentiret delectationem, nec mulier, esset ibi proles conceptio absque libidine: ergo talis proles non haberet peccatum originale: quod si hoc est absurdum ponere, & intelligere quod aliquis ex semine Adæ generetur sine corruptione, nisi in eo solo, qui conceptus est in virgine per virtutem supra naturam, non videtur fœditatem carnis, siue originale peccatum transmittere ad posteros libido, sed propagatio.

CONCLUSIO.

Caro non inficitur tantum per propagationem, sed per libidinem, quæ dicit immoderatam delectationem, & corruptionem vitiosam, quæ est in semine.

RESP. ad Arg. Dicendum quod sicut expressè dicit August. in libro de fide ad Pet. & Magister dicit in litera: Fœditas carnis, & contractio originalis non tantum est ex lege propagationis, sed etiam ex fœditate libidinis: unde August. dicit: Peccatum in paruulos non transmittit propagatio, sed libido: nec fœditas naturæ humanæ facit homines nasci cum peccato, sed fœditas libidinis. Ad cuius verbi intelligentiam, & etiam obiectorum, notandum quod libido tripliciter dicitur. Vno modo li-

bido dicitur improba voluntas, secundum quem modum dicit Augustinus in libro de libero arbitrio: Nihil enim videmus in toto malefaciendi genere, nisi libidinem dominari, hoc est, voluntatis improbitatem. Alio modo libido dicitur delectatio immoderata, secundum quod dicimus maiorem esse libidinem in opere virtutis generatiuæ, quam alterius potentia. Tertio modo dicitur libido, corruptio vitiosa, quam dicimus esse in semine, & etiam in virtute generatiua præter actum generandi, secundum quam ipsa vis generatiua dicitur esse corrupta, & infecta. Omnibus his modis contingit libidinem esse circa actum generationis humanæ, quoniam ibi est corruptio vitiosa, & delectatio immoderata, & voluntas improba. Sine prima tamen libidine, hoc est, improba voluntate contingit generari frequenter: sine secunda, hoc est, immoderata delectatione, vix aut nunquam, & sine tertia nunquam, si sit generatio secundum legem naturæ: cum ergo dicitur, quod peccatum non transmittit ad posteros propagatio, sed libido, hoc non intelligitur de libidine, primo, & secundo modo, sed tertio: & per hoc patet responsio ad omnes rationes, quæ adducuntur ad utramque partem. Nam primæ auctoritates, & rationes, quæ ostendunt originale transfundi propter libidinem, loquuntur de libidine in acceptione tertia.

Rationes verò ad oppositum procedunt de libidine, acceptione prima, & secunda, & hoc patet pertractanti omnes & singulas.

DISTINCT. XXXII.

Quo modo originale peccatum dimittatur in Baptismo. Vnde prius, cur, & quo modo venerit in animam illa concupiscentia, quæ dicitur originale peccatum.



QUONIAM suprà dictum est originale peccatum esse vitium concupiscentia, assignatumque quo modo à parentibus trahatur, & originale dicatur: superest investigare quo modo in baptismo dimittatur, cum etiam post baptismum remaneat concupiscentia quæ ante fuerat. Vnde videtur vel peccatum originale non esse concupiscentiam: vel non remitti in baptismo. Manet quippe, ut ait Augustinus, in corpore mortis huius carnalis concupiscentia, cuius vitiosis desideriis non obediunt precipimur: quæ tamen concupiscentia quotidie minuitur in proficientibus & continentibus. Sed licet remaneat concupiscentia post baptismum, non tamen dominatur & regnat sicut ante: immò per gratiam baptismi mitigatur & minuitur, ut post dominari non valeat, nisi quis reddat vires hosti eundo post concupiscentias: Nec post baptismum remanet ad reatum, quia non imputatur in peccatum, sed tantum pena peccati est: ante baptismum verò pena est, & culpa.

E

Quod originale peccatum duobus modis dimittitur, scilicet extenuatione sui, & solutione reatus.

Duplici ergo ratione peccatum originale dicitur dimitti in baptismo, quia per gratiam baptismi vitium concupiscentia debilitatur atque extenuatur, ita ut iam non regnet, nisi consensu reddantur ei vires, quia & reatus ipsius soluitur. Vnde Augustinus in lib. de baptismo paruulorum: Gratia per baptismum id agitur, ut vetus homo crucifigatur, & corpus peccati destruat: non ita ut in ipsa vivente carne concupiscentia respersa & innata repente absumatur, & non sit, sed ne obsit mortuo, quæ inerat nato.

Nam

Lib. I. cap. 3.
in fine.
Aug. lib. 14.
de Civ. Dei
c. 16. tom. 3.

In lib. de
mpe. & con-
cup. 1. c. 15.
tom. 7.

Ibid. 13.

Lib. 1. c. 39.
de pec. mu-
rit. & rem.
Rom. 6. 4

Nam si post baptismum vixerit, in carne habet concupiscentiam cum qua pugnet, eamque adiuvante Deo superet, si tamen non in vacuum gratiam eius suscepit. Non itaque hac praestatur in baptismo, nisi forte miraculo ineffabili Creatoris, ut lex peccati quae est in membris, prorsus extinguatur & non sit: sed ut quidquid mali ab homine factum, cogitatumque est, totum aboleatur, ac velut factum non fuerit, habeatur. Ipsa vero concupiscentia soluto reatus vinculo, quo per illam Diabolus animam retinebat, & à suo Creatore separabat, maneat in certamine. Ecce hic aperte ostendit, ea ratione dimitti in baptismo, non quia non maneat post baptismum, sed quia reatus in baptismo aboletur. Deinde idem ipse ostendit, eo modo etiam dimitti in baptismo, quia baptismi gratia concupiscentia ipsa mitigatur & minuitur, in eodem lib. ita dicens: Lex carnis, quam Apostolus appellat peccatum, cum ait: Non regnet peccatum in vestro mortali corpore: non sic manet in membris eorum, qui ex aqua & Spiritu sancto renati sunt, tanquam non sit eius facta remissio, ubi omnino plena sit remissio peccatorum: sed manet in vetustate carnis tanquam superatum, & peremptum, nisi illicito consensu quodam modo reuiuiscat, & in regnum proprium dominationemque reuocetur. Hic aperte insinuatur, in baptismo concupiscentiam debilitari, ex quo & dicitur dimitti, non solum ideo quia reatus ibi soluitur. Quem remissionis modum aliis etiam pluribus testimoniis Scriptura edocet. Ait enim August. contra Iulianum: Lex quae in membris est, vitium carnis est, quod ex poena peccati, & ex traduce mortis provenit. Sed lex ista, quae est in membris, remissa est regeneratione spirituali, & manet in carne mortali. Remissa est, quia reatus solutus est Sacramento quo renascuntur fideles. Manet autem, quia operatur desideria, contra quae dimicant etiam fideles. Idem in sermone quodam de concupiscentia carnis. Per gratiam baptismatis, & lauacrum regenerationis solutus est & ipse concupiscentia reatus, cum quo eras natus: & quidquid antea consensisti male concupiscentiae, siue cogitatione, siue locutione, siue actione. Idem in libro de nuptiis & concupiscentia. Concupiscentia carnis, licet in regeneratis iam non deputetur in peccatum, quacumque tamen proles nascitur obligata est originali peccato. Item: Dimittitur concupiscentia carnis in baptismo, non ut non sit, sed ut non imputetur in peccatum. Hoc est enim non habere peccatum, non esse reum peccati. Quo modo ergo alia peccata praeceunt actu, & remanent reatu, ut homicidium, & similia? ita e converso fieri potest ut concupiscentia praeceat reatu, & remaneat actu. Ex praedictis euidenter monstratur, quo modo peccatum originale in baptismo remittatur.

De foeditate quam caro ex libidine coitus contrahit, utrum in baptismo diluatur.

Solet autem hic quari, Vtrum & ipsa caro in baptismo ab illa foeditate purgetur, quam in conceptione ex concupiscentia libidinosa contraxit. Quibusdam videtur quod sicut anima, à reatu purificatur, ita & caro ab illa pollutione purgatur: ut sicut duobus completur mysterium baptismi, scilicet aqua & spiritu: ita ibi duo purgentur, anima, sc. à reatu, & caro ab illa contagione: quod quidem probabile est. Alij vero putant tantum animam ibi mudari, carnem vero non ab illa foeditate purgari. Si vero remanet illa foeditas usque ad procreationem filiorum, quae fit in concupiscentia carnis, videtur natura carnis magis ac magis corrumpi: & magis cor-

Arupta videtur caro prolis quam parentis, quia de carne pollutionem quam habuit à conceptu retinente, trahitur polluta, & in concupiscentia concipitur, unde & polluitur: & ita ex duplici causa contaminatur. Unde & maior videtur pollutio carnis in prole, quam fuerit in parente. Ad quod illi dicunt, quia licet caro prolis ex carne foeda seminetur, & in concupiscentia seminis concipiatur: non tamen maiorem foeditatem trahit, quam caro unde seminatur, habuit. Quamvis etiam si foedior atque immundior sit caro prolis, & ideo magis corrupta quam caro parentis: non tamen inde, ut aiunt, sit prauidicium veritati: quia nec absurdum esse dicunt, si carnis natura magis in posterioribus corrupta trahatur, neque ex ipsa magis corrupta anima amplius inficiatur.

Ex quo Auctore sit illa concupiscentia, Deo, scilicet vel alio.

Præterea quari solet: Vtrum concupiscentia quae post baptismum remanet, & tantum poenalis est, ante baptismum vero poena erat, & culpa: ex Deo auctore sit, vel ex alio. Ad quod breuiter respondentes dicimus, quia in quantum poena est, Deum habet auctorem: in quantum vero culpa est, Diabolus siue hominem habet auctorem.

Qua iustitia animae mundae ex creatione illud peccatum imputetur, cum non possit vitare.

C Solet etiam quari, qua iustitia teneatur illo peccato anima innocens à Deo creata, cum sit in potestate sua illud vitare. Non enim per liberum arbitrium illud committitur: quia non prius est anima, quam illi peccato est obnoxia. Ad hoc quidam dicunt ideo animam ream esse illius peccati, licet munda à Deo sit creata, quia cum infunditur corpori, condelectatur carni: ex quo peccatum contrahit. Quod si esset, iam non originale, sed actuale diceretur. Potius ergo ideo recte potest dici imputari anima illud peccatum, quod ex corruptione corporis inenitabiliter trahit: quia ut ait Augustinus in libro de Civitate Dei: Non fuit corruptio corporis, quae aggrauat animam, causa primi peccati, sed poena: nec caro corruptibilis animam peccatricem fecit, sed peccatrix anima carnem corruptibilem fecit.

Vtrum illud peccatum sit voluntarium, vel necessarium.

Illud etiam non immerito quari potest. Vtrum peccatum originale debeat dici voluntarium, vel necessarium. Et necessarium potest dici, quia vitari non potest. Unde & propheta dicit: De necessitatibus meis erue me. Et voluntarium non incongrue appellatur, quia ex voluntate primi hominis processit, ut Augustinus in primo libro Retract. ostendit, dicens: Istud quod in paruulis dicitur originale peccatum, cum adhuc non utantur libero arbitrio voluntatis, non absurdè vocatur voluntarium: quia ex prima hominis mala voluntate contractum, factum est quodam modo hereditarium.

Quare Deus animam corpori iungit, sciens eam inde maculari, & ideo damnari.

Si vero quæritur, cur Deus qui fecit animam ipsam sine macula, & scit eam ex corporis coniunctione maculam peccati contrahere, & aliquando ante baptismum seiungi ab ipso corpore, & sic damnari, eam corpori iungit. Respondemus, ex altitudine iudiciorum Dei id prouenire, & nec iniuste id à Deo fieri. Ipse enim non incongrue humana conditionis modum, quem à principio instituit, licet peccata hominum intercesserint, sine immutatione continuè seruat: corpora de

de materia à principio sine vitio facta pugnans, animasque de nihilo creans, eorumque coniunctione hominem perficiens. Cum ergo utraque hominis natura à Deo sine vitio sit instituta, licet à se peccato sit vitiatà, non ideo immutabilis Deus humanæ conditionis primariam legem mutare debuit, siue ab hominum multiplicatione desistere.

An anima sit talis qualis à Deo creatur.

Hic à quibusdā quari solet: Vtrum anima talis sit ante baptismum, qualis à Deo creatur. Quod non esse probare conantur hoc modo: Anima in corpore creatur, in cuius coniunctione peccato maculatur. Quam citò ergo est, peccatum habet: nec prius fuit, quam peccatum habuit: non est ergo talis, qualis à Deo creatur. Creatur enim à Deo innocens, & sine vitio: & nunquā talis est. Ad quod dici potest, quia non omnino talis est, qualem eam Deus fecit. Deus enim bonam eam fecit, & bonitatem ei sine corruptione indidit. Et dicitur illa naturalis bonitas, quam in creatione à conditore suscepit: quam bonitatem per peccatū penitus non amisit, sed vitiatam habuit, quam Deus tamen sine vitio fecit. Si enim res bona nō esset anima, in ea malū esse nequiret, cum nō possit malū esse nisi in bono, ut post dicitur. Non ergo omnino talis est anima, qualis à Deo creata. Sicut quis pollutas habens manus, nō tale habuit pomum, quale ego dedi mundis manibus. Ego enim dedi mundum.

An animæ ex creatione sint æquales in donis naturalibus.

Illud quoque non incongruè quari solet: Vtrum omnes anima ex creatione æquales sint, an alia aliis excellentiores. Pluribus nō irrationabiliter videtur, quod ex ipsa creatione alia aliis excellent in naturalibus donis, ut in essentia alia aliis sit subtilior, & ad intelligendum memorandūque habilior, ut potè acutiori ingenio, & perspicaciori intellectu prædita. Quod non improbabiler dicitur, cum in Angelis ita fuisse constet. Et licet naturalibus donis alia præ aliis polleant, tamen ante baptismum à corpore discedentes, parem penam, & post baptismum statim æqualem coronam sortiuntur: quia ingenij acumen vel tarditas, præmium vel penam in futuro non collocat.

DISTINCT. XXXII.

Qualiter peccatum originale deleatur, seu curetur.

Quoniam supra dictum, est originale peccatum, &c.

Expositio Textus.

IN VTRA ostendit Magister, qualiter peccatū originale traducitur. In hac parte intendit ostendere, qualiter curetur. Diuiditur autem pars ista in duas partes. In quarum prima determinat Magister, quo modo originale peccatum deleri habeat in baptismo: quod quidē est opus diuinæ misericordiæ. Secundò verò determinat, qualiter in ipsius animæ infusione, & punitione saluetur rectitudo diuinæ iustitiæ, ibi: *Solet etiam quari, quia iustitia teneatur, &c.* Hoc autē facit, quia vniuersæ viæ Domini misericordia, & veritas: & ideo iuxta benignitatem misericordiæ, manifestari etiā oportebat æquitatem iustitiæ. Prima pars diuiditur in tres partes. In prima ostendit, qualiter in baptismo deleatur peccatum originale ex parte animæ. Secundò verò, qualiter curari habeat ex parte carnis, ibi: *Solet autē hic qua-*

ri, vtrum & ipsa caro, &c. Tertiò verò determinat de pœna, quæ remanet in vtroque, videlicet de concupiscentia, ibi: *Præterea quari solet, vtrum concupiscentia, &c.* Similiter secunda pars principalis tres habet partes. In prima parte determinat, vtrum Deus ex iustitia debeat culpam originalem animæ imputare. Secundò verò quærit, cur Deus vult animam illam corpori maculato coniungere, ibi: *Si verò queritur, cur Deus, qui fecit animam, &c.* In tertia verò determinat, qualis creetur anima a suo Auctore, ibi: *Hic à quibusdā solet quari, vtrum anima talis, &c.* Et sic in vniuerso Magister in præfati distinctione duo principaliter determinat, quorum vnū est, qualiter originale peccatum deleatur per opus diuinæ misericordiæ. Alterum verò est, qualiter contrahatur salua æquitate diuinæ iustitiæ. Et omnia, quæ determinantur in parte ista, possunt reduci ad tria. Quorum primum est, qualiter deleatur originalis culpa. Secundum, à quo sit ipsa concupiscentia. Tertium, verò est, qualiter ad infusionem animæ, & originalis culpæ imputationem saluetur diuina iustitia.

Manet igitur, ut ait Augustinus, &c. Dub. I.

Obiicitur: Cum post baptismum non debeat remanere in nobis nisi pœna promouens, & concupiscentia sit magis pœna suffocans quàm promouens, non debet remanere in corpore mortis huius. Quod autem sit pœna suffocans, patet in litera sequenti, qua dicitur: *Eius desiderijs noxijs non obedire precipimur.* Si igitur desideria concupiscentiæ sunt noxia, & prohibemur obedire concupiscentiæ, ergo videtur quod sit pœna suffocans. Item actus concupiscentiæ ligat rationem maximè in opere virtutis generatiuæ, sed talis est pœna suffocans: ergo, &c.

RESP. Dicendum quod concupiscentia, quæ remanet post baptismum non est pœna suffocans, quia non præcludit aditum vitæ spiritualis: stat enim simul cum gratia primæ: et incit ad illicitum, non tamen præualeat, quia subter nos est appetitus noster, & nos dominari possumus illius. Remanet autem hæc concupiscentia in membris nostris, ut pœna promouens, maximè quātum ad exercitium pugnæ, quæ facit ad augmentū meriti, & coronæ: quod bene significatum est in ingressu filiorum Israël in terram promissionis, in qua reliquit eis Dominus aduersarios, cū quibus pugnare posset, & per quos Deus eos probaret, vtrum ipsi Deum diligenter, an non, sicut patet in lib. Iudicum. Sunt & aliæ plures utilitates ad quas mouetur homo occasione concupiscentiæ in se relictæ: sed hæc inueniri possunt lib. 4. dist. 4. Per hoc patet responsio ad duo obiecta. Nam concupiscentia non suffocat, nisi ei obedire velimus: & licet in actu generandi vsus rationis impediatur, non tamen est ibi suffocatio, quia talis actus potest esse meritorius.

Per gratiam baptismi, &c. Dub. II.

CONTRA: Aut enim gratia baptismi habet oppositionem, aut non. Si sic: ergo vna non potest stare cum altera: ergo adueniente gratia recedit concupiscentia, nec minuitur. Si non opponitur ei: ergo videtur quod ipsam non diminuat. Item si concupiscentia minuitur per gratiam: ergo cum sit finita, videtur quod aliquando totaliter auferatur: quod est contra Augustinum in littera, qui dicit quod hoc non præstat nisi miraculo ineffabili, ut lex peccati prorsus extinguatur. Ideo est hic quæstio, vtrum fomes in aliquo totaliter fuerit extinctus.

RESP. Dicendum quod sicut dictū est supra, concupiscentia duo dicit. Dicit enim appetitum immoderatum boni commutabilis: & sic dico quod ista immoderantia circa appetitum potest esse dupliciter. Aut ita quod ratio captiuetur, & anima peruertatur, ut necessitatem habeat præponendi bonum commutabile bono incommutabili, & sic dicitur esse concupiscentia intensa: & hoc modo tenet rationem culpæ, ratione videlicet illius immoderantiae. Alio modo concupiscentia dicit immoderantiam, non quia ratio succumbat sensualitati, sed quia sensualitas nō perfecte obtemperet rationi: & hoc modo

Distin. 34.

Diuisio.

Psal. 24. b

do tenet rationem pœnæ. Primo modo, quia tenet rationem culpæ, directe opponitur ipsi gratiæ: & ideo gratia superveniens aufert illam immoderantiam, pro eo quod talis immoderantia ponebat debitæ iustitiæ carentiam. Aliam autem immoderantiam, quæ sicut dictum est, dicit rationem pœnæ, non tollit gratia in suo adventu, propter hoc quod non opponitur formaliter ei: sed quoniâ gratia, & concupiscentia relicta respectu eius, ad quod inclinant, quandam habet oppositionem, hinc est quod secundum quod homo plus exercitatur in gratia, magis & magis remittitur concupiscentia: nunquam tamen omnino tollitur concupiscentia, quia semper remanet radix eius in homine, nisi auferatur per donum gratiæ speciale, sicut in Virgine creditur fuisse post conceptionem Filij Dei: sed hoc magis habet locum in tertio, cum quæritur de sanctificatione Virginis. Per hæc autem quæ dicta sunt, patent obiecta. Gratia enim, & concupiscentia quodam modo opponuntur, & quodam modo non, sicut ostensum est. Ad illud quod obiicitur secundum, quod concupiscentia est finita: ergo aliquando totaliter aufertur, dicendum quod hoc verum esset, si concupiscentia diminueretur quantum ad causam: sed solum minuitur quantum ad exercitium, siue per comparisonem ad illud, ad quod est: & ideo nunquam totaliter tollitur, sicut habitus animæ nunquam totaliter per peccatum adimitur: & hoc melius infra videbitur.

Manet hoc vitium concupiscentia in vetustate carnis tanquam superatum, & peremptum, nisi illicito consensu quodam modo renouiscat, & in regnum proprium, dominationemque renouetur. Dub. III.

Hoc videtur falsum esse, quia concupiscentia provenit, dicebatur esse originale peccatum ab Augustino, videtur quod si renouetur in regnum proprium post baptismum, quod originale peccatum reuertatur: quod si hoc falsum est: patet, &c.

Item quæ sunt diversorum generum, unum non auget alterum: sed illicitus consensus est culpa, concupiscentia relicta est pœna: ergo non augetur per consensum illicitum.

Resp. quod concupiscentia augetur per consensum illicitum, sicut dicit Augustinus, & hoc duplici ex causa. Primo, quia gratia expellitur, ex cuius præsentia ratio sensualitati præerat, & per consequens remittebatur concupiscentia. Alia est ratio, quia potentia ex frequentia actus magis prompta efficitur ad exeundum in actum consimilem, & quia actus illicitus dicit actum concupiscendi, hinc est quod concupiscentia augetur ab actu illicito, quasi à simili. Ad illud ergo quod obiicitur, quod tunc redit originale peccatum, dicendum quod hoc non consequitur, duplici ex causa. Primo quidem quia concupiscentia regnans non dicitur peccatum originale, nisi in quantum habet regnum, & dominium ab ipsa hominis origine: cum autem illud habet per illicitum actum, non habet rationem originalis peccati, sed potius actualis. Alia est etiam ratio, quia aliter diminuitur concupiscentia per baptismum, aliter augetur per illicitum consensum. Per baptismum enim sic diminuitur, ut auferatur illud quod formaliter erat peccatum originale, videlicet carentia debitæ iustitiæ. Ibi enim absoluitur quis à debito originalis iustitiæ, ad quam omnes tenebantur ex ipsa obligatione Adæ: sed per illicitum consensum augeri dicitur, pro eo quod dum homo peccat, magis efficitur pronus ad malum saltem intensius, & quantum ad aliquod peccati genus determinatum. Ad illud quod obiicitur, quod sunt diversorum generum concupiscentia, provt est culpa, & provt est pœna, dicendum quod etsi sint diversorum generum in genere moris, non tamen in genere naturæ: utriusque enim actus est concupiscere. Præterea, etsi concupiscentia provt est pœna, non sit eiusdem generis cum concupiscentia provt est culpa, formaliter loquendo, quia tamen est pœna vitiosa, ad illam de

A se ordinat, & per hoc una augmentatur per alteram, sicut docet ipsa experientia.

Quo modo ergo alia peccata prætereunt actu, &c. Dub. IV.

CONTRA: Si concupiscentia remanet actu: ergo in originali non tantum consideratur reatus, verum etiam actus: ergo debet dici peccatum actuale. Item falsum videtur dicere cum ait, quod alia peccata transeunt actu, & remanent reatu: cum enim dimittuntur peccata actualia in baptismo, transeunt & quantum ad pœnam, & quantum ad culpam: ideo pœnitentia etiam transeunt quantum ad reatum pœnæ æternæ. Et si tu dicas quod remanet reatus ad pœnam satisfactoriam, & temporalem: obiicitur similiter de originali, post cuius deletionem in baptismo remanet obligatio ad mortem, & ad alias pœnas temporales.

Resp. Dicendum quod Magister largè vocat hic actum, non solum ipsum actualem motum, sed etiam pronitatem illam, secundum quam homo ordinatur ad actum. Et ideo dicitur originale peccatum remanere actu, quia cum sit ibi privatio originalis iustitiæ, per quam homo est reus carentiæ visionis Dei, sit etiam pronitas, per quam homo ordinatus est ad actum concupiscendi: ideo aufertur illa privatio iustitiæ originalis, & relinquitur illa inclinatio habitualis. Ad illud verò quod obiicitur de transitu actuali, dicendum quod Magister non loquitur de transitu, qui est per peccati deletionem, sed per peccati consummationem, & per quem modum præsens, & præteritum dicitur transire: ideo dicit quod transit quantum ad actum, & remanet quantum ad reatum, quia actus est in fieri, sed reatus in quiete.

Ad quod dici potest, &c. Dub. V.

Innuat Magister quod anima non est talis, qualé Deus fecit. Contra: In subita operatione simul est fieri, & factum esse: sed illud argumentum est necessarium: Deus facit animam, ergo est. Et illud: Deus facit talem animam, ergo talis est: igitur Magister implicat duo opposita in litera. Itē: Quæro autem Deus fecit animam iustam, aut iniustam. Si iustam: ergo Deus dedit ei iustitiā, & hoc est falsum: non enim iustitia creata fuit cum illa anima. Si iniustam, & talis est: ergo talis est anima, qualem eam Deus fecit. Propter hoc est quæstio, qualem Deus fecerit illam animam: & non videtur quod possit dari quod fecerit eam iniustam, cum summa iustitia non possit facere aliquid iniustum: non videtur similiter quod fecerit eam iustam, quia cum in primo instanti fuerit iniusta, simul fuisset iusta, & iniusta, & hæc sunt impossibilia. Non enim videtur quod possit dari medium circa hæc, quia hæc duo sunt immediatè opposita circa animam.

Resp. Dicendum quod cum quæritur, qualem Deus fecerit animam quantum ad bonitatem, & malitiā, hoc potest intelligi dupliciter. Aut quantum ad bonitatem naturæ, aut quantum ad bonitatem moris. Si quantum ad bonitatem naturæ, sic concedendum est quod fecit animam bonam, & adhuc bona est. Si quantum ad bonitatem moris, sic dicendum est quod Deus nec facit eam bonam, nec malā. Bonam enim non fecit, quia bonitatem illam animæ non dedit obistente infectione ex parte corporis, cui anima in eodem instanti unita fuit, in quo creata. Non fecit eam malam, quia quamvis anima ab instanti suæ creationis mala sit, hoc tamen non est à Deo creante, sed à carne inficiente, & ideo dicit Magister hanc non esse concedendam: anima est talis, qualem Deus eam fecit, sed potius econverso: non quia Deus dedit ei actualem iustitiā, sed quia dedit ei bonitatem naturæ ad habendam iustitiā ordinatam, à qua iustitia privatur per carnem infectam. Et sic patent obiecta. Per hunc autem modum respondendum esset, si quæreretur de actione mala, quæ ponitur esse à Deo secundum quod actio: non enim est à Deo secundum

quod

CONCLUSIO.

Originale peccatum quantum ad culpam attinet, deletur per sacramentum baptismi: nam per gratiam excluditur carentia debita iustitiæ, in carentia erit peccatum originale formaliter.

RESP. AD Arg. Dicens: quod sicut dicit Magister in litera, & accipit à verbis Augustini, duplici ratione dicitur originale remitti in baptismo, quia per gratiam baptismi vitium concupiscentiæ debilitatur, atque extenuatur, ut iam non regnet, & quia reatus ipsius soluitur. Ad huius autem verbi intelligentiam notandum quod illud verbum dupliciter potest intelligi, & utroque modo satis probabiliter. Vno modo sic, sicut dicit Aug. in lib. de baptismo paruulorum: Originale peccatum est concupiscentia, siue vitium concupiscentiæ, & hoc ipsum dicit Magister in litera. Hæc autem concupiscentia prout dicitur esse originale peccatum, nominat appetitum boni commutabilis intensum, & inordinatum. Et ratio huius est ista, quoniam originale peccatum non tantum est culpa, sed etiam culpa mortalis. In quantum culpa est, dicit priuationem ordinis debiti, in quantum mortalis est, non tantum dicit boni debiti priuationem, sed etiam dicit ordinis & iustitiæ subuersionem. Ad hoc igitur quod concupiscentia in aliquo dicat culpam originalem, necesse est quod dicat necessitatem concupiscendi, siue appetitus immoderantiam cum debito non concupiscendi, & cum dominio: ita quod carnalis appetitus præsit spiritui. Et quia utrumque horum est in homine ante baptismum, habet enim debitum non concupiscendi, quia ad hoc tota humana natura in Adam fuerat obligata nec illa obligatio alicui fuerat relaxata. Habet etiam dominium, quia gratia destitutus vincitur lege membrorum: hinc est quod habet in se originale peccatum: cum autem homo baptizatur, tunc gratia infunditur ex merito passionis CHRISTI cuius efficitur membrum: & per baptismum ab illo debito absoluitur: gratia verò erigit animam, & dat ei potentiam, ut non vincatur à concupiscentiâ, & per hoc aufert ei dominium. Et hinc est quod quia in baptismo tollitur concupiscentiæ dominium, & soluitur non concupiscendi debitum, quod omnino auferunt ratio culpæ ab ipsa concupiscentia, licet aliquo modo remaneat: & hinc est quod Magister dicit, quod originale in baptismo transit reatu, & remanet actu, quia etsi remaneat concupiscentia, non tamen remanet prout est culpa, & obligatoria ad poenā. Hinc est etiā quod Magister dicit duplici ratione in baptismo peccatum originale deleri, & quia vitium concupiscentiæ extenuatur, & quia reatus soluitur. Aliter etiam potest intelligi verbum illud, ut intelligamus sicut superius dictum fuit, in originali culpa reperiri conformitatem quandam ad culpam actualem. Sicut enim videmus quod in culpa actuali, & est conuersio & est auersio, & in ipso actu peccandi, & in ipso habitu peccati est priuatio habitus boni, & quædam habilitatio ad actum peccati, sic in originali intelligimus esse debitam iustitiæ carentiam, & concupiscentiam. Et quemadmodum in actuali priuatio habilitatis bonæ est ipsum peccatum formaliter loquendo: ipsa verò habilitatio, siue pronitas ad actum peccati non est peccatum, nisi materialiter loquendo, pro eo quod non est culpa nisi quando manet ibi priuatio: sic intelligendum est in proposito. Et quemadmodum in actuali peccati deletionem, cum gratia infunditur, statim remouetur culpa, in quantum erat deformitas, & priuatio: nihilominus tamen simul cum hoc manet quædam pronitas ad actum, licet remissa, in his potissimè, qui peccauerunt peccato consuetudinis: sic quando gratia baptismalis infunditur animæ, statim remouetur originale peccatum, eatenus quæ erat carentia debita iustitiæ, etiā cum statim gratia est in anima, simul cum ea est & iustitia: concupiscentia verò non omnino tollitur, sed minuitur pro eo quod pronitas ad culpam simul potest stare

cum gratia, quia sicut dictum est, talis pronitas non erat ipsum peccatum loquendo formaliter, sed materialiter. Vnde cum excluditur carentia debita iustitiæ per gratiam baptismalem, remanet concupiscentia ratione poenæ. Et hinc est quod dicit Magister, quod transit reatu, & remanet actu, quia iam non est culpa, per quam homo sit dignus poena, sed poena est ex præcedenti culpa relicta. Pro tanto dicit quod originale peccatum duplici ratione dicitur remitti in baptismo, & quia concupiscentia extenuatur, & quia debitum soluitur. Soluitur namque debitum, dum per iustitiam gratiæ recompensatur iustitia originalis innocentie. Concupiscentia verò remittitur, dum potestas datur spiritui per gratiam regendi, & vincendi carnem. Concedendæ sunt igitur rationes ostendentes peccatum originale quantum ad culpam deleri in baptismo.

1. AD illud ergo quod primo obiicitur in contrarium quod manet priuatio originalis iustitiæ. Respondetur quod debitum soluitur merito passionis CHRISTI, & recompensatio fit gratia Spiritus sancti, quam Deus dat animæ, & quam etiam plus acceptat, quam iustitiam innocentie.

2. AD illud quod obiicitur, quod manente actu non potest deleri culpa, dicendum quod verum est de actu, in quo consistit plena ratio culpæ, sicut in actu fornicationis consistit consummatio illius peccati. Actus autem originalis peccati vocatur hic concupiscentia, siue necessitas concupiscendi: sed hæc non manet prout in ipsa est illius peccati consummatio. Sicut enim dictum est, nec manet quantum ad dominium, nec manet quantum ad non concupiscendi debitum. Vnde sicut in aliquo casto post deletionem, & dimissionem peccati luxuriæ manere potest aliqua pronitas carnalis concupiscentiæ, & etiam aliquando in actum concupiscendi exire, salua nihilominus castitate, sic & in proposito intelligendum est esse.

3. AD illud quod obiicitur, quod concupiscere post baptismum est peccatum, dicendum quod verum est: sed ex hoc non sequitur quod illa concupiscentia, quæ prouocat ad concupiscendum, sit peccatum, sed sufficit quod sit peccatum, vel ex peccato relicta. Quando ergo dicitur quod quales sunt actus, tales sunt habitus, hoc intelligitur de habitibus generatis ex actibus frequentatis, sicut de habitibus consuetudinalibus. Concupiscentia verò illa, quæ post baptismum remanet, non est aggenerata ex frequenti concupiscere, sed ex carnis corruptione: & ideo non habet rationem culpæ, sed poenæ: quia verò ad malum inclinat, potius vitiositas, quam poenalitas appellari debet.

4. AD illud quod obiicitur, quod remota culpa debet per consequens remoueri poena, dicendum quod illud verum est de poena æterna, & eius reatu: de aliis verò poenis temporalibus hoc non oportet, sicut manifestum est in sacramento poenitentie, in quo etsi deleatur culpa in contritione, nihilominus tamen obligatur homo ad satisfactionem: quamvis enim Deus remittat offensam, adhuc tamen querit emendationem. Et si tu obiicias quod in baptismo est plena remissio, unde delentur ibi actualia quantum ad poenam, & ita multo fortius originale: ad hoc satis planum est respondere: sed huius quæstionis determinatio non spectat ad locum istum: sed ad quartum librum in ea parte, in qua agitur de baptismo quantum ad effectum: & ibi determinatum inuenietur, quare homo in baptismo à quibusdam poenis absoluitur, à quibusdam verò minime. Et quia superfluitas vitanda est, & singula suis locis tractanda sunt, tum propter ordinem, tum propter breuitatem, ad præsens omittendum est.

QVÆSTIO II.

An originale peccatum deleatur per baptismum, quantum ad causam.

Alex. Alensis 2. p. q. 105. Membr. 6.

S. Thom. 2. Sent. dist. 32. q. 1. art. 2.

Ægid. Rom. 2. Sent. p. 2. dist. 32. q. 1. art. 2.

Richardus 2. Sent. dist. 32. q. 2.

Steph. Brulef. 2. Sent. dist. 32. q. 2.

Ad opposi-
tum.

VTRVM originale peccatum per baptismum deleri habeat, quantum ad causam. Et quod sic, videtur per verbum Damasceni, qui dicit quod duo sunt in baptismo correspondentia duobus, quæ sunt in homine, ait enim sic: Quoniam duplex est homo ex anima, & corpore, duplicem dedit purgationem per aquam, & spiritum: spiritu, quod secundum imaginem, & similitudinem est, renouante, & aqua per spiritus gratiam corpus à peccato purgante, & à corruptione liberante. Si igitur hæc corruptio est causa originalis peccati transfundendi, videtur quod originale peccatum non solum deleatur quantum ad culpam, sed etiam quantum ad causam.

Ecd. 5. c

2. **I**TEM potentior est **CHRISTVS** in satisfaciendo, quam fuerit Adam in corrumpendo, sicut dicitur: Non sicut delictum, ita & donum. Ex quo innuit quod multo maius fuit donum, quam delictum: ergo si delictum Adæ non tantum potuit inficere hominem in se, sed prout est principium alterius, videtur quod baptismi sacramentum non tantum curet hominem in se, sed etiam prout est alterius principium.

3. **I**TEM non remouetur effectus persistente causa: ergo si baptismus remouet ipsum originale peccatum ab homine, necesse est quod & causam originalis peccati excludat ab ipso: et si hoc, videtur tunc quod baptizatus non transfundat in alterum originale peccatum.

4. **I**TEM non sufficienter curat morbum, qui relinquit radicem morbi: ergo aut Christus non est medicus perfectus, aut si perfectus medicus est per medicinam sacramenti baptismi non solum expiatur originale quantum ad culpam, sed etiam quantum ad causam: & si hoc: ergo baptizatus, & c.

Rom. 7. b
Rom. 11. c

5. **I**TEM tales sunt fructus, qualis est arbor: & tales sunt rami, qualis & radix. Vnde & Dominus: Non potest arbor bona fructus malos facere. Et Apostolus: Si radix sancta, & rami sancti: ergo si originale deletum est in parente, & parens est purificatus, videtur similiter quod purificetur & proles: & si hoc, aut originale non deletur per baptismum, aut si deletur quantum ad culpam, deletur similiter quantum ad causam. Si tu dicas quod baptismus non purificat hominem ab originali in quantum est corruptio naturalis, sed in quantum est corruptio personalis Contra: Si oppositum est causa oppositi, & propositum est causa propositi: sed persona corrupta corrumpit naturam: ergo pari ratione persona sanata, sanatur & natura.

6. **I**TEM si aliquis curet aliquem à lepra, quia lepra est morbus hæreditarius: hoc ipso quod à lepra curat, dat ei potentiam generandi filium sanum: ergo pari ratione si originale morbus est hæreditarius, videtur quod non deleatur, quin auferatur illa corruptio, per quam originale in alterum transfunditur.

Fundamēta.

SED CONTRA: Baptizatus etiam post baptismum sentit in se motus concupiscentiæ: sed concupiscentia ortum habet ex carnis foeditate, & illa est causa originalis peccati in prole: ergo baptismus non curat morbum originalis peccati quantum ad radicem.

ITEM causa originalis peccati residet penes carnem: sed gratia Spiritus sancti respicit propriè ipsam mentem: ergo si causa originalis peccati non opponitur ipsi gratiæ, videtur quod per gratiam baptismalem non habeat remoueri.

ITEM si baptismus curaret originale, non tantum in quantum est morbus personalis, sed etiam in quantum

A est morbus naturalis: igitur parente baptizato non oporteret prolem baptizari. Si igitur vnumquemque in propria persona necesse est baptizari, videtur quod in baptismo non fiat deletio originalis quantum ad causam, & radicem morbi.

ITEM propter peccatum originale habemus ignorantiam in mente, & concupiscentiam in carne: sed baptismus non tollit homini ignorantiam, quæ se tenet ex parte mentis: ergo multo minus nec illam corruptionem, quæ se tenet ex parte carnis: sed illa est causa originalis: ergo, & c.

CONCLUSIO.

Quamuis originale peccatum deleatur per baptismum quantum ad culpam, non tamen quantum ad causam transfundendi illud in alteram personam.

R. S. P. Ad Arg. Dicendum quod dupliciter est loqui de causa originalis, aut secundum considerationem vnius hominis in se, aut per comparisonem ipsius ad alterum ex ipso propagandum. Si primo modo loquamur, sic semper cum deletur peccatum originale, deletur & causa originalis peccati quantum ad hoc, ut non possit deinceps peccatum originale causari in anima baptizati. Remittitur enim quodam modo foeditas carnis, & per consequens improbitas suæ tyrannidis, ratione cuius habebat spiritum in seruitutem peccati redigere: quod quidem non potest facere post baptismum propter auxilium gratiæ, quod ibi datur spiritui, per quod præsidet carni: & ita effectus illius gratiæ quodam modo redundat in carnem. Si autem loquamur de causa originalis respectu alterius propagandi, sic per baptismum non deletur originale quantum ad causam, siue radicem. Et ratio huius potissima, ut credet est, quia corruptio, quæ est causa originalis peccati propagandi, est corruptio naturæ consistens penes vim, quæ habet radicari in carne. Vnde originale prout est vitium personæ, respicit voluntatem: prout autem est vitium naturæ, respicit generatiuam virtutem, & carnem: gratia autem sacramentalis propriè respicit corruptionem personæ: contra verò corruptionem naturæ non habet ordinari directè: & hinc est quod cum infunditur gratia baptismalis, deletur originalis culpa, secundum quod erat peccatum ipsius animæ: remanet tamen aliquis languor in carne, quæ est causa originalis in prole. Si autem quaeritur, quare remedium gratiæ sacramentalis ordinatur directè contra originale prout corrumpit personam, & non prout corrumpit naturam, dicendum quod summus medicus hoc instituit ratione congrua exigente, tum ex parte medici, tum ex parte ægroti, tum ex parte medicamenti. Ex parte, inquam, medici, quia sic Dominus debuit nos curare, ut salutem nostram vnusquisque ab ipso immediatè recognosceret, ideo vnumquemque voluit curari à suo baptismo immediatè, & in se: & propterea baptismus delet originale in homine secundum quod est indiuiduum, non secundum quod est alterius principium, ut ex hoc vnusquisque reddat obsequium Deo debitum, & magis recognoscat saluationis suæ beneficium. Ex parte etiam ægroti congruentia erat: Deus enim neminem vult saluari, nisi salua arbitrij sui libertate: & ideo talem efficaciam medicamento dedit, ut salua esset libertas, & meritum liberi arbitrij. Ideo etiam ut fides habeat locum, occultat Dominus sacramenti sui effectum; & ideo non curatur naturæ morbus. Ex parte etiam medicamenti ratio est, quia virtus regeneratiua in sacramento est ipsa fides, vnde à fide passionis dicuntur sacramenta habere efficaciam. Quoniam ergo hæc virtus regeneratiua principaliter respicit voluntatem, & mentem; virtus autem generatiua principaliter respicit decisionem carnis à carne, hinc est quod baptismus sanat, siue curat originale secundum quod est morbus personæ, dum in eo datur gratia, per

quam

quam rectificatur personalis voluntas: remanente nihilominus corruptione in carne, & in vi generatiua, quæ causa est transfundendi originale culpam. Et sic patet quod per baptismum deletur originale peccatum quantum ad culpam: non tamen remouetur causa transfundendi originale in personam alteram, sicut rationes ostendunt, quæ ad secundam partem inducuntur: & ideo concedendæ sunt.

1. Ad illud ergo quod primò obiicitur de Damasceno, quod caro, & Spiritus purgantur in baptismo, dicendum quod Damascenus intelligit carnem purgari, quia fœditas carnis aliquo modo remittitur, nō quod omnino tollatur: & illam remissionem, siue diminutionem fœditatis, purgationem vocat propter hoc quod nō est amplius causa culpæ in eo, in quo est: non tamen per baptismum omnino fœditas deletur, cum non tantum pruritus coitus sit in paganis, verum etiam in Christianis. Probabile tamen est quod aliquo modo illa fœditas per baptismum remittatur: vulgò enim dicitur quod paruuli baptizati non ita fœtent, sicut alij non baptizati.

2. Ad illud quod obiicitur quod CHRISTVS magis fuit sufficiens ad satisfaciendum, quam Adam ad corrumpeudum, dicendum quod verum est: verum tamen quia non dedit omnem virtutem sacramento, quam dare poterat, sed quam dare cōgruebat: ideo etsi sufficientior esset, non tamen dedit virtutem sacramento curandi omnem corruptionem, sed solum corruptionem personæ: sic enim congruebat, vt prius ostensum est.

3. Ad illud quod obiicitur, quod non remouetur effectus permanente causa, dicendum quod verum est de causa efficiente, & conseruante, non de efficiente tantum. Verum est etiam de existentia causæ in ea dispositione, in qua producit effectum. Neutro autem istorum modorum remanet causa originalis, siue quia fœditas ipsa non est causa conseruatiua originalis, cum originale sit in anima separata, siue quia non remanet in ea dispositione, & intensiōe secundum quam anima ex ipsa contrahit originale.

4. Ad illud quod obiicitur, quod non sufficienter curat morbum, qui relinquit radicem, dicendum quod hoc verum est, quando radix morbi relinquitur, quæ potest causare vulnus in eo, qui curatur: non sic autem relinquitur radix originalis peccati, quæ quidem possit iterare morbum illum circa eum, qui baptizatur. Possit tamen & aliter dici, quod vtile est relinquere radicem aliquius ægritudinis, quia vna ægritudo frequenter curat alteram. Huiusmodi autem corruptio quæ remanet in carne, occasio est vitandi multa mala, & per consequens faciendi multa bona, sicut ostenditur in Quarto, in tractatu de effectu baptismi.

5. Ad illud quod obiicitur, quod si radix sancta est, & rami, dicendum quod illud intelligitur per se loquendo, vt si radix sancta sit secundum quod radix: baptismus autem etsi sanctificet hominem, non tamen sanctificat eum secundum quod est principium alterius, quia remedium illud curat morbum personæ, non naturæ, sicut ostensum est.

6. Ad illud quod obiicitur, quod curato leproso datur ei virtus generandi sanum, dicendum quod non est simile. Lepra enim sic est morbus hæreditarius quod non est alius morbus vt corrumpit personam, & vt corrumpit naturam, eo quod totum hominem inficit ex parte carnis, non solum quantum ad nutritiuam, sed etiam quantum ad generatiuam: & ideo leprosus generat leprosum, quia ita corruptus est in eo humor generatiuus, sicut nutritiuus, & quando homo à lepra curatur, vterque humor simul in ipso sanatur. Sed in originali peccato est corruptio personæ, & naturæ, ita quod istæ corruptiones sunt diuersæ. Corruptio enim personæ respicit liberam voluntatem: corruptio vero naturæ secundum quod ab illa causatur, respicit generatiuam virtutem. Est enim natura vis insita rebus ex similibus similia procreans: & ideo quamvis vna istarum corruptionum per baptismum curetur, non oportet quod cure-

tur alia: & hinc est quod mundificatus per baptismum generat immundum. Qualitas enim proles genitæ plus conformatur dispositioni virtutis generatiuæ, quam dispositioni voluntatis liberæ: & ideo exemplificat Augustinus, quod sicut circumciscus generat præputiatum, & ex grano mundo generatur granum cum paleis, & hoc ideo, quia omnia ista erant in vi propagatiua, & ratione feminali secundum quam hæc propagantur: ideo similiter intelligendum est in hominibus, quod quia corruptio remanet in vi generatiua, quæ vis voluntas curetur per gratiam, homo generat secundum id, in quo assimilatur Adæ, non secundum id in quo assimilatur CHRISTO: & ideo producit filium similem Adæ prauarica ori, magis quam suo Redemptori.

ARTICVLVS II.

CONSEQUENTER quæritur de secundo principali, scilicet de morbo concupiscentiæ. Et circa hoc quæritur, in quo sit concupiscentia tanquam in subiecto. Secundò quæritur, à quo sit tanquam à principio effectiuo.

QVÆSTIO I.

An concupiscentia sit in anima, vel in carne vt in subiecto.

Alex. Alensis 2. p. q. 105. Membr. 7. art. 3.

S. Thom. 1. 2. q. 83. art. 1.

Richardus 2. Sent. dist. 32. art. 2. q. 2.

Steph. Brulef. 2. Sent. d. 32. q. 3.

IN quo sit concupiscentia tanquam in subiecto, videlicet, vt sit in anima, vel in carne. Et quod in carne, videtur. Ad Romanos dicit Apostolus: Video aliam legem in membris meis repugnantem legi mentis meæ. Glossa: Video aliam legem, id est, fomitem peccati, qui regnat in membris meis, vt in oculo ad concupiscendum, in manu ad operandum: ergo concupiscentia est in oculo.

2. ITEM Hugo de S. Victore: Vitium originis humanæ duplici corruptione inficit naturam, ignorantia mentem, & concupiscentia carnem. Si igitur ignorantia est in mente tanquam in subiecto, videtur quod & concupiscentia sit in carne tanquam in subiecto.

3. ITEM sicut se habet lex mentis ad mentem, ita se habet lex carnis ad carnem: sed lex mentis est in mente tanquam in subiecto: ergo pari ratione & lex carnis est in carne tanquam in subiecto: sed lex carnis est concupiscentia, sicut dicitur: ergo, &c.

4. ITEM concupiscentia carnis non est in anima, nisi quandiu anima est vnita carni: si ergo proprietas saluari habet in proprio subiecto, videtur quod concupiscentia ipsa non sit in anima, quæ separabilis est à carne, immò in carne ipsa.

5. ITEM cuius est actus, eius est & habitus: sed carnis est concupiscere, sicut dicitur: Caro concupiscit aduersus spiritum: ergo concupiscentia est à carne.

SED CONTRA: August. de verbis Apostoli: Vitium concupiscentiæ est, quod anima pertrahit ex carne: sed illud quod anima pertrahit propriè est in anima: ergo concupiscentiæ vitium est in ipsa sicut in subiecto.

ITEM Augustinus in lib. 83. qq. Concupiscentia est turpis affectio, qua anima inferiora sectatur, quæ magis propriè cupiditas dicitur: sed affectio habet esse in anima tanquam in subiecto: ergo, &c.

ITEM illius solius est concupiscere, cuius est cognoscere: ergo in illo solo est concupiscentia, in quo est cognitio: Sed cognitio est in anima tanquam in subiecto: ergo & concupiscentia.

ITEM in illo solo est concupiscentia tanquam in subiecto, in quo potest esse culpa: sed tale non est caro, sed anima: ergo, &c.

ITEM anima recedente à carne non plus concupiscit

caro, quàm lapis : anima verò præter carnem concupiscere potest, & desiderare, sicut & dolere : ergo videtur propriè quòd concupiscentia esse habeat in anima, vt in subiecto proprio.

CONCLUSIO.

Concupiscentia est in carne, & in sensualitate, & in oratione : ibi quidem causaliter : in ratione formaliter : in sensu verò utroque modo.

RESPON. AD ARG. Dicendum quòd concupiscentia dupliciter accipitur. Vno modo dicitur concupiscentia omne desiderium nimis intensum, & immoderatum, siue sit respectu boni interioris, siue exterioris, siue inferioris. Et hoc modo accipitur illud ad Romanos, vbi dicitur in Glossa : Bona est lex, quæ dum concupiscentiam prohibet, omnia mala prohibet. Et sic concupiscentia habet esse in vi animæ appetitiua, siue dicatur vis appetitiua bruta, siue dicatur vis appetitiua rationalis. Alio modo sumitur concupiscentia pro appetitu delectabili secundum tactum, & sic accipitur : Propter speciem mulieris multi perierunt : & ex concupiscentia quasi ignis exardescit. Hæc autem concupiscentia dicitur esse in carne, & in sensualitate, & in rationali parte. Sed in carne est causaliter, in rationali vero parte est formaliter, in sensualitate verò utroque modo, videlicet causaliter, & formaliter. Ideo dico quòd in rationali parte, & in sensualitate est formaliter, quoniam actus, qui est concupiscere sicut vult August. est propriè ipsius animæ. Ideo verò causaliter dicitur esse in carne, quia caro infecta iuncta animæ ex sua infectione reddit eam concupiscentem. Vnde si quis vellet propriè subiectum concupiscentiæ carnalis assignare, nec tantum diceret carnem, nec tantum diceret animam, sed ipsum totum coniunctum : vt sicut sentire est actus coniuncti, sic etiam actus coniuncti est delectari carnaliter, & concupiscere. Propter quod nota, quòd caro, dupliciter sumitur in Scriptura. Aliquando dicitur caro, homo exterior carnalis, & sensualis : & sic comprehendit carnem cum potentia animæ sensitivæ : & hoc modo propriè est subiectum concupiscentiæ carnalis. Alio modo dicitur caro pars hominis constitutiva : & hoc modo nõ est concedendum quòd concupiscentia est in carne, nisi dicatur in ea esse sicut in causa. Rationes igitur ostendentes quòd concupiscentia magis propriè est in anima, quàm in carne, concedendæ sunt.

1. AD illud quod obiicitur de verbo Apostoli : Video aliam legem in membris meis, &c. dicendum quòd membrum non tantum vocatur caro ibi exterior, sed etiam accipitur ibi pro carne, & virtute appetitiua.

2. AD illud quod obiicitur de Hugone responderi potest similiter, quòd carnem accipit pro homine carnali : vel si caro dicatur ipsum corpus, tunc intelligit de prædicatione causali, vt concupiscentia dicatur carnem inficere, id est carnis foeditas, vel corruptio, ex qua concupiscentia ipsa oritur.

3. AD illud quod obiicitur, de lege carnis, dicendum quòd caro accipitur ibi pro homine carnali, & exteriori. Et similiter in vltima auctoritate, qua dicitur : Caro concupiscit aduersus spiritum.

4. AD illud quod obiicitur, quòd in anima separata non est concupiscentia carnalis, dicendum quòd ex hoc non sequitur quòd caro sit proprium subiectum concupiscentiæ, sed ex hoc bene sequitur quòd concupiscentia non inest animæ, nisi vt carni vnita.

5. AD vltimum iam patet responsio ex his quæ dicta sunt. Cum enim dicitur : Caro concupiscit aduersus spiritum : caro ibi secundum quod Glossa exponit, dicitur homo carnalis, siue sensualitas carnis.

QUESTIO II.

An concupiscentia sit à Deo.

Alexander Aleus. 2. p. q. 105. Membrum 7. art. 4.

S. Thom. 2. Sent. d. 32. q. 2. art. 1.

Agid. Rom. 2. Sent. p. 2. d. 32. q. 2. art. 1.

Richardus 2. Sent. dist. 32. art. 2. q. 1.

Durandus 2. Sent. dist. 32. q. 2.

Steph. Brulef. 2. Sent. d. 32. q. 4.

A Quo sit ipsa concupiscentia tanquam à principio. Et est quæstio, vtrum sit à Deo. Et quòd non, videtur : Vetus homo noster crucifixus est. Glossa : Vetus homo est fomes, qui ex nobis est, non à Deo.

ITEM August. in lib. 5. responsio. Credite malum ex Diabolo, non ex Deo esse libidinem : sed libido, & concupiscentia idem sunt : ergo, &c.

ITEM Dei filius assumpsit omne quod in nostra natura plantauit, sed concupiscentiam non assumpsit : ergo concupiscentia non est in nobis à Deo.

ITEM omne quod est à Deo, est bonum, & de se ad bonum ordinatum : sed concupiscentia malum est, & ad malum ordinata, cum eius vsus, scilicet actus concupiscendi sit malus : ergo videtur quòd concupiscentia non sit à Deo.

ITEM fomes in quantum huiusmodi, est causa originalis in prole : & ita est causa originalis necessaria, & determinata quòd non attenditur ibi libertas voluntatis : sed quòd est causa alicuius rei necessariò & determinatè ordinatæ ad malum, est causa mali. Si igitur fomes esset à Deo, tunc sequeretur quòd peccatum originale esset à Deo : quòd si hoc est falsum, restat quòd & primum.

SED Contra : Augustinus de libero arbitrio : Omnis poena peccati iusta est, & simplicium nominatur : sed concupiscentia, quæ remanet post baptismum, poena est : ergo iusta est : sed omne quod iustum est, est à Deo : ergo, &c.

2. ITEM omnis poena aut est acta, aut inflicta, aut contracta : sed fomes non est poena acta, quia est in paruulis, qui nihil boni, vel mali egerunt. Non est poena contracta, quia fuit in Adam qui non processit ex alio parente. Restat igitur quòd est poena inflicta : sed omnis talis poena est à diuina iustitia : ergo, &c.

3. ITEM concupiscentia dicit amoris intensionem : amoris autem intensio dicit positionem : sed omne quod dicit aliquam positionem est ab illo, quo procedit omne ens : ergo, &c.

4. ITEM eius est auferre dominium, cuius est & dare : si ergo Deus dedit dominium homini, vel spiritui rationali super vires inferiores, videtur quòd illius solius fuit auferre : sed auferre dominium non est aliud, quam infligere deordinationem concupiscentiæ in sensualitate, ob quam caro concupiscit aduersus spiritum, & spiritus aduersus carnem. Si ergo illud dominium à Deo est ablatum, videtur quòd concupiscentiæ vitium ab ipso sit inflictum.

5. ITEM quòd bestia homini non obtemperant, hoc est ex diuina dispositione, secundum quam sapienter omnia reguntur : ergo pari ratione quòd vires inferiores non obediunt superiori, hoc est ex vltione diuina. Et quòd istud verum sit, multæ auctoritates Sanctorum videntur dicere, quæ innuunt quòd ideo rebellio homini est inflicta, quia homo fuit rebellis Deo : hæc autem rebellio nihil aliud est, quàm concupiscentiæ vitium.

CONCLUSIO.

Concupiscentia, secundum quod poenam dicit ad culpam ordinatam, est à Deo : vt verò dicit appetitus excessum, nequaquam : prout dicit appetitum, qui est de genere entium & bonorum, similiter est à Deo.

RESPON. AD ARG. Dicendum quòd dupliciter

est

*Fundamēta.
Rom. 6. a*

*Lib. 5. by.
pogn. &
lib. 2. de
nupt. & con.
cup. 10m. 7.*

*Ad opposi-
tum.
Lib. 3. c. 18.
& 1. Retra-
ct. 9. 10m. 1.*

est loqui de ipsa concupiscentia: aut secundum quod est pœna, aut secundum id quod est concupiscentia. Si loquamur de ipsa secundum quod est pœna, sic dicit ordinem ad culpam & hoc modo habet causam promerentem, & causam ordinantem. Meretur enim homo habere talem rebellionem ex sua culpa, & inobediencia. Deus vero hoc malum ad aliud præexistens ordinat ex sua iustitia. Alio modo est loqui de concupiscentia secundum id quod est: & sic concupiscentia duo dicit. Dicit enim appetitum, dicit nihilominus in actu appetitus excessum. Appetitus inquam, ille substratus bonus est, & à Deo est: excessus autem ille in appetendo, etsi videatur esse positio, plus tamen est priuatio, nec habet causam efficientem, sed deficientem: & ideo quia Deus nullus est causa deficientis, hoc modo non ponitur esse à Deo, sed potius à libero arbitrio per culpam deficientem, & à Diabolo instigante. Quod autem concupiscentia ratione excelsus priuationem dicat, quamvis videatur dicere positionem, hoc planum est. Hoc enim est concupiscentia respectu virtutis appetitus quod est paralyticus respectu motus. Et quæ admodum membrum paralyticum tremulat, & mouetur velocissime, & hoc non venit ex virtutis augmento, sed potius ex virtutis decremento, nec ex virtutis fortificatione, sed potius ex dissolutione: sic & in concupiscentia intelligendum est quod appetitus in amore rei temporalis exardescit, nec potest seipsum continere, immo in continuo motu, & concupiscentia iteratione consistit. Hoc, inquam, intelligendum est provenire ex defectu retinaculi, sicut mouetur feræ ruptis vinculis, & naues destructis gubernaculis. Concedenda sunt igitur rationes ostendentes, quod concupiscentia non sit à Deo, propterea concludunt de concupiscentia secundum id quod est.

A quæ non subiaceret, nec in homine, qui non præsidet: secus tamen est in sensualitate, & ratione. Cum enim sensualitas rationi repugnet mouendo, & inclinando ad illicitum, ipsa talis repugnantia est ei culpa: & ideo proprie non debet dici talis rebellio esse à Deo, nec Deum infligisse concupiscentiam. Et si aliquæ tales auctoritates inueniantur, intelligendæ sunt, & exponendæ, ut loquantur de concupiscentia secundum quod est pœna. Et sic patent obiecta.

ARTICVLVS III.

CONSEQUENTER quæritur de tertio, videlicet de æquitate diuinæ iustitiæ, secundum quod animam tali carni infundit, ex qua contrahit reatum damnationis æternæ. Et circa hoc quæriuntur duo. Primum quæritur, utrū Deus illam maculam, quam anima contrahit de iustitia debeat sibi imputare. Secundum quæritur, utrū deceat diu nam iustitiam, animam tali carni sociare.

QVÆSTIO I.

An illam maculam, quam anima contrahit ex carne, debeat Deus sibi imputare.

S. Thom. 2. Sent. dist. 32. q. 1. art. 4.

Richardus 2. Sent. dist. 32. art. 3. q. 1.

UTRUM illam maculam, quam anima contrahit ex carne, debeat Deus sibi imputare. Et quod non, videtur. Augustinus in libro de duabus animabus contra Manichæos: Reum teneri quenquam, quia non facit quod facere non potest, summæ iniquitatis, & insanie est. Si igitur anima paruuli in suo ortu habere non potest iustitiam, videtur quod nullo modo sit ei originalis macula imputanda.

2. ITEM sicut gloria respicit meritum, sic etiam pœna respicit demeritum: sed meritum proprie consistit circa actum, ergo & demeritum: ergo nihil imputandum est alicui pro demerito quod non sit ex actu proprio.

3. ITEM in eo quod inest alicui naturaliter, nec est laudandus quis, nec vituperandus: sed talis culpa inest paruulo ex naturali coniunctione animæ, & carnis: igitur pro illa nec est paruulus laudandus, nec vituperandus: igitur macula illa, quam contrahit, non debet sibi imputari ad pœnam.

4. ITEM pronior est Deus ad miserendum, quam sit homo: sed homo alium habet excusatum ex impossibilitate, nec punit eum, qui non est rationis capax: si ergo talis conditio reperitur in paruulo, videtur quod nihil quod sit in ipso, debeat ei imputari à Domino.

SED CONTRA: Actuale peccatum reddit hominem indignum, propter hoc quod est ibi priuatio alicuius boni quod deberet inesse: sed originale peccatum in hoc communicat cum actuali, quia in eo est priuatio alicuius boni quod deberet inesse, utpote originalis iustitiæ: ergo originale peccatum facit eum in quo est, dignum esse pœna: sed omne tale est à iusto indice imputandum: ergo, &c.

ITEM originale, sicut prius probatum est, malum culpæ est: sed culpa deordinat vniuersum, nisi subsequatur pœna, in qua ordinetur secundum quod vult Augustinus: ergo si diuina iustitia non debet dimittere aliquid inordinatum in vniuerso, debet igitur punire originale peccatum in quocunque reperitur, sine in paruulo, sine in adulto.

ITEM iustum est quod Deus ab omni anima exigat honorem sibi debitum: cum igitur pulchritudo imaginis in creatura rationali spectet ad honorem Dei, Deus à quacunque creatura rationali exigit illam pulchritudinem: sed qui iuste exigit aliquid ab aliquo, si caret illo recte imputat ei ad pœnam: si ergo quicunque habet originale peccatum, caret illa pulchritudine, quam anima

1. AD illud verò Augustini, qui dicit quod omnis pœna iusta est, dicendum quod intelligit de pœna sub ratione pœnæ. Sic enim iusta est ratione iustæ ordinationis ad præcedentem culpam. Posset tamen dici quod intelligit de pœna, quæ purè pœna est, hoc est, quæ ita pœna est quod nec est culpa, nec de se ordinata ad culpam. Concupiscentia verò, aut culpa est, aut ordinata ad culpam: & ideo non habet locum hic auctoritas illa.

2. AD illud quod obijciatur, quod omnis pœna aut est infligita, aut acta, aut contracta, dicendum quod concupiscentia in Adam fuit acta, pro eo quod peccando, se ipsum priuauit originali iustitia, & induxit in se concupiscentiam. In nobis verò est pœna contracta, pro eo quod à parentibus contrahimus carnem infectam, quæ facit concupiscentiam esse in anima sibi vnita.

3. AD illud quod obijciatur quod omnis positio à Deo est, & concupiscentia dicit positionem, &c. dicendum quod sicut claudicatio, & tremulatio positionem dicit quandam, quia ponit actum, & virtutem progressiuam: dicit etiam nihilominus defectum, & priuationem. Claudicatio enim defectum in cruce ponit. Tremulatio verò defectum in virtute mouente, siue ineptitudinem circa mobile. Sic & in proposito intelligendum est esse, ut prius explanatum est. Et ratione eius quod est ibi positionis, absque dubio à Deo est: ratione verò eius quod est ibi defectus & priuationis, non est quærenda causa efficiens, sed deficientis.

4. AD illud quod obijciatur, quod eius est auferre dominium, cuius est dare, dicendum quod ipse cui datum est dominium ex mala custodia potest amittere. Et sic intelligendum est hominem perdidisse dominium illud, quod habebat ratio super vires inferiores: & hoc non quia ablatum sit ei violenter, sed quia cum esset in sua potestate tale dominium in se conseruare ex propria incuria, & negligencia noluit, & amisit, sicut homo dum peccat à semetipso fugat gratiam diuinam, & Deus dicitur auferre, quia iusto suo iudicio ultra non apponit, dum homo reddit seipsum ad donum Dei percipiendum.

5. Et per hoc etiam posset responderi ad sequens obiectum de amissione domini bestiarum. Potest tamen & aliter dici quod non est simile, quia quod bestia non obtemperet homini, hoc non ponit culpam, nec in bestia,

deberet habere: ergo omni tali debet imputari ad peccatum à summa iustitia.

1. Cor. 15. f

ITEM sicut secundus Adam fuit exemplum obediendi, sic primus Adam fuit exemplum prauaricandi, sicut Apostolus innuit: ergo sicut habens imaginem secundi Adæ est dignus gloria, sic habens imaginem primi Adæ est dignus poena: sed omnis qui regeneratur in baptismo Christi, hoc ipso quod habet imaginem Christi, videlicet gratiam baptismalem, reputatur à Deo dignus gloria æterna, quamvis nihil boni, vel mali fecerit: ergo per oppositum, omnis qui generatur ab Adam, cum hoc ipso gerat imaginem eius, debet à diuina iustitia reputari indignus gloria, & reus poena.

CONCLUSIO.

Decet diuinam sapientiam, potentiam, & iustitiam, culpam, quam anima contraxit ex carne, ei imputare.

RESP. AD ARG. Dicendum quod absque dubio Deus imputat originale peccatum ipsis paruulis in demeritum, quia in reatum poenæ, saltem poenæ damni. Hoc autem exigit diuinæ potentie altitudo, & diuinæ sapientie pulchritudo, & iustitiæ rectitudo. Altitudo diuinæ potentie hoc exigit, ob quam Deus semper debet querere gloriam suam, & honorem: & ideo si anima rationalis honorem Deo non reddit, cum in se non habeat decus imaginis diuinæ, per quod Deus honorari habet, necesse est quod Deus dedecus culpæ recompenset in decorem iustitiæ. Pulchritudo etiam sapientie hoc requirit, quia non patitur aliquid turpe, vel inordinatum reperiri intra vniuersum. Et quoniam omne peccatum, siue sit actuale siue contractum, est priuatio modi, speciei, & ordinis, necesse est quod inordinationem naturæ recompenset Deus per ordinem poenæ, ut sic pulchritudo vniuersi ex nulla parte remaneat deturpata. Rectitudo etiam diuinæ iustitiæ hoc requirit, quia Deus id à creatura exigit quod ei dedit. Quoniam igitur Deus humanam naturam in primo homine iustam fecerat, voluntatis iustitiam non solum à primo parente, sed etiam ab omnibus posteris, in quibus natura illa reperitur, debet exigere. In quocunque igitur est illius iustitiæ carentia, meritò sibi imputatur à diuina iustitia. Et hoc est quod dicit Anselmus in lib. de conceptu Virginali cap. 28. dicendum quod aliter Deus erga infantes debeat agere, & aliter homo. Nam homo non debet exigere à natura quod sibi non dedit, & quod sibi non debetur, nec iuste redarguit homo hominem cum culpa nasci, sine qua ipse non exstitit, & de qua non nisi per alium sanatur: Deus verò rectè exigit à natura quod ipse dedit, & quod sibi iuste debetur. Sic igitur patet quod decet Deum culpam imputare animæ, quam contraxit ex carne: hoc enim exigit tam potentia, quam sapientia, quam etiam iustitia. Ideo concedendæ sunt rationes, quæ hoc ostendunt.

1. AD illud ergo quod primò obicitur in contrarium de verbis Augustini in libro de duabus animabus, dicendum est, quod ratio ista dupliciter deficit. Primò quidem, quia ex malo intellectu auctoritatis procedit. Augustinus enim loquitur de impossibilitate, quæ inest simpliciter homini ex natura, non de ea, in quam homo intrusus est per voluntatem, & culpam, sicut supra dist. 28. positum fuit exemplum de seruo eunte ad nundinas. Hæc autem impossibilitas seruandi rectitudinē iustitiæ non fuit indita homini ex conditione naturæ, sed potius intrusa fuit ex voluntaria transgressione Adæ. Secundò etiam deficit in assumptione, pro eo quod Deus non imputat paruulo peccatum originale ex hoc quod non facit quod facere non potest, sed ex hoc quod non habet quod habere debet: & hoc bene imputatur homini secundum illud Lucæ: Omni habenti dabitur, & abundabit: non habenti verò, &c. Et Apostolus dicit: Ignorans ignorabitur. Et Glossa in Matthæo: Eiectus fuit homo à nuptiis non solum propter enormitatem actualis praua-

Luc. 19. d

Matt. 22. b

ricationis, sed etiam propter carentiam vestis nuptialis: quæ quia caret homo in originali conceptus, nisi vestiatur in baptismo, non permittitur anlim supemi regis intrare, exigente hoc illius supernæ aulæ dignitate.

2. AD illud verò quod obicitur, quod demeritum respicit actum, dicendum quod sicut paruuli habentes gratiā digni sunt vita æterna, pro eo quod illam gratiam per Sacramenta Christi habent, qui eis vitam æternam sua gratia, & passione promeruit, ita quod alia est gratia in paruulis, quàm in Christo: sic & in proposito intelligendum est quod maculam peccati contrahit anima ex sua generatione in ipsa propagatione, & hoc ab ipso Adam, qui ex actu suo naturam humanam fœdauit: & ideo in ipso dicimur peccasse, & demeruisse, & per eius inobedientiam peccatores constituti esse. Alia tamen est in nobis culpa, quàm fuerit in ipso: habet tamen hæc rationem demeriti ab illa ex qua processit: & hoc est quod dicit Anselmus de conceptu Virginali cap. 27. Originale peccatum aliud intelligere nequeo in paruulis, nisi ipsam factam per inobedientiam Adæ iustitiæ debitæ nuditatem, per quam omnes sunt filij iræ, quoniam & naturam accusat spontanea, quam fecit in Adam iustitiæ desertio. Nec excusat personas impotentia recuperandi, quam comitatur beatitudinis quoque nuditas: ut sicut sunt sine omni iustitia, ita sint absque omni beatitudine.

3. AD illud verò quod obicitur, quod non est aliquis laudandus, vel vituperandus pro eo quod ei naturaliter inest, dicendum quod si intelligatur de natura instituta, nec est laudandus nec vituperandus, nec apud Deum, nec apud homines, quia ipse Deus naturam instituit, nec debet culpæ quod fecit. Si verò intelligatur de eo quod naturaliter inest secundum statum naturæ lapsæ, sic dico quod non est homo apud homines vituperandus, sicut dicit Anselmus, & habitum est in responsione, quia homines quantum ad talia pares sunt: nec debet homo quod non dedit ab homine exigere. Apud verò Deum, qui aliter naturam instituit, vituperandus est, quia in se non habet quod Deus ab ipso iuste exigit. Illud igitur verbum Philosophi quod dicit, quod pro naturalibus nec laudamur, nec vituperamur: aut est intelligendum de naturalibus quantum ad naturæ institutionem, aut si de aliis intelligatur, hoc intelligitur quantum ad iudicium humanum, non quantum ad iudicium diuinum.

4. AD illud quod vltimò obicitur, quod pronior est Deus ad miserendum quàm homo, dicendum quod verum est pro eo quod plenam misericordiam præstat ei, cui sibi placuerit misereri: nihilominus tamen districte iudicat, sicut ex illo verbo colligitur in Matthæo: De omni verbo otioso reddent homines rationem in die iudicii. Vnde multa sunt peccata, quæ apud homines tolerantur, & non puniuntur, utpote sunt spiritalia, & interiora, de quibus oportebit in die iudicii nos reddere rationem. Misericordia enim viam iustitiæ non præcludit.

QUESTIO II.

An deceat diuinam iustitiam tali carni animam infundere.

S. Thom. 2. 2. Sent. dist. 32. q. 2. art. 2.

Egid. Rom. 2. Sent. p. 2. dist. 32. q. 2. art. 2.

Steph. Brulef. 2. Sent. dist. 32. q. 5.

VTVM deceat diuinam iustitiam animam tali carni infundere Et quod non, videtur. Non est verè innocens, qui potest alium à culpa releuare, & non releuat: ergo multò fortius non est verè innocens, qui potest alium præseruare à culpa, & non præseruat: sed Creator posset animā, quam creat, à culpa præseruare, si eam tali corpori non infunderet: ergo videtur quod eam infundendo tali corpori, faciat minus iuste.

1. ITEM idem est aliquid facere in se, & facere aliquid, quo,

Ad oppositum.

quo facto necesse est illud fieri. Vnde idem est hominem A
interficere, & facere, quo facto homo necessarîo moriatur, & qui aperit fenestram dicitur domum illuminare, pro eo quod facit aliquid, quo facto domus illuminatur: sed anima infusa maculatæ carni, necesse est eam effici peccatricem: igitur idem est animam peccatricem facere, & animam tali carni infundere: sed nullo modo decet diuinam iustitiam animam peccatricem facere: ergo nullo modo decet eam infundere.

3. ITEM minus malum est affligi quantumque pœna temporali, quam maculari culpa mortali: sed nullo modo deceret diuinam iustitiam animam in suæ creationis primordio antequam vniretur corpori in pœnam demergere infernalem: immò diceretur ipsi animæ facere iniuriam, quam innocentem vexaret in pœna: ergo multò fortius indecens est diuinæ iustitiæ, & iniuria videtur fieri ipsi animæ, si coniungatur ipsi carni maculatæ, ex qua contrahit maculam originalis.

4. ITEM etsi caro posterorum aliquo modo fuerit in Adam: animæ tamen nunquam ex anima Adæ propagatæ, sed immediatè à Deo productæ sunt: ergo videtur quod Adam nihil eis meruit, nec demeruit: igitur sicut non decuisset diuinam iustitiam, animam Adæ infundere corpori maculato in primaria rerum conditione, sic nec nunc videtur quod debeat animam tali carni sociare.

5. ITEM si aliqua anima haberet vsum voluntatis, & recusaret tali corpori vniri, non esset iustum quod Deus illam, ipsa recusante, in illo corpore incarceraret: igitur si animæ conditio non deteriorari debet, quia cum creatur, caret vfu libertatis arbitrij, videtur quod nullo modo salua rectitudine iustitiæ sociari deberet carni maculatæ.

6. ITEM non est vera iustitia, nisi vbi coniuncta est misericordia. Nam vniuersæ viæ Domini misericordia & veritas: sed cum Deus infundit animam carni maculatæ, quam scit de corpore exire, antequam baptizetur, vel possit conuerti ad Deum, huic nullam facit misericordiam: ergo videtur quod in tali operatione non commendetur diuina iustitia, quæ derelinquit misericordiam,

SED CONTRA: Iustum est, vt conditor naturæ satisfaciatur appetitui naturali, quem naturæ inseruit: sed corpus ab Adam propagatum perfectæ organizatione organizatum appetit vniri animæ rationali: ergo si nihil potest satisfacere illi appetitui: nisi solus Deus, videtur quod ad diuinam iustitiam pertineat illi corpori animam infundere.

ITEM iustum est quod gubernator conseruet res eo modo, quo natæ sunt conseruari: sed species humana nata est conseruari, sicut & species aliorum animalium per propagationem hominis ab homine: igitur secundum quod corpora procreantur, iustum est Deum animas illis infundere: ergo qualiacunque sint corpora ex Adam propagata, animæ debent illis corporibus sociari.

ITEM iustum est adiutorem omnium in eo quod præcipit alteri, auxilium suum impendere: sed Deus præcipit homini filios procreare: & homo non potest sine diuino adiutorio perficere, & complere quod inchoat perficere, & complere dando formam completiuam: ergo quotiescunque, & quomocunque homo generat, si non est defectus ex parte hominis præparantis corpora, videtur quod iustum, & æquum sit Deum auxiliari infundendo animas.

ITEM iustum est æquum retributorem pro enormi crimine totam posteritatem in seruitutem redigere, sicut legibus humanis videmus pro crimine læsæ maiestatis exheredari totam posteritatem: si ergo Adam pater omnium hominum inexcusabiliter, & contra excellentissimum Dominum peccauit, videtur quod iustum sit omnes posteros eius in miseriam, & seruitutem redigi: & si hoc, iustum est animas eorum corporibus infectis & pœnalibus copulari.

CONCLUSIO.

Decet diuinam iustitiam, prout dicit diuina bonitatis condecentiam, infundere animas corporibus propagatis ab Adam.

RESP. Ad Arg. Ad prædictorum intelligentiam est notandum quod iustitia dupliciter conuenit accipi. Vno modo dicitur iustitia ipsius diuinæ bonitatis condecentia. - Alio modo dicitur iustitia prout considerat meritum exigentiam. Si dicatur iustitia diuinæ bonitatis condecentia: hoc modo decet diuinam iustitiam animam rationalem infundere carni ex Adam propagatæ: tum ex hoc quod est rerum conditor, tum ex hoc quod est conseruator: tum ex hoc quod est prouisor, siue administrator. Conditor enim decet appetitui naturæ satisfacere: & idè cum natura in Adam vitata corpus format habens appetitum ad animam rationalem, ad diuinæ bonitatis condecentiam spectat illum appetitum supplere, & perficere. Conseruatorem etiam decet rem sic conseruare, secundum quod nata est conseruari. Si ergo species humana quæ in Adam inchoata est, nata est conseruari per propagationem hominis ex homine, cum habeat homo corpus animale, nec possit in solis corporibus conseruari absque animabus, ad diuinæ bonitatis condecentiam spectat in quantum Deus est naturæ conseruator, animas corporibus infundere naturæ legis propagatis. Gubernatorem decet sic rem administrare, secundum quod instituit, & naturæ suæ indidit virtutem, & potentiam ad mouendum, & operandum: propter quod dicit August. 7. de Ciuit. Dei: Sic res, quas condidit, administrat, vt eas agere proprios motus finat. Quoniam igitur Deus sic instituit humanam naturam, vt Adam præpararet corpora, & ipse illis corporibus animas infunderet, & iterum ipsum Adam instituit in statu mutabilitatis, in quo, sc. posset effici mortalis, & immortalis, ex his duobus colligitur necessarîo, quod ad diuinæ bonitatis condecentiam spectat, in quantum est rerum administrator, quod animas talibus corporibus infundat. Si enim in primaria conditione sic instituit, & sic decreuit, vt corporibus propagatis ab Adam animas rationales infunderet, & iterum sic debet administrare res, vt eas agere proprios motus finat, vt salua sit lex institutionis, & lex administrationis, qualiacunque Adā corpora sibi propaget, dum tamen sunt disposita ad animam rationalem, decet Deum animas his infundere. Nec ex hoc culpatur Deus in aliquo. Et est exemplum satis manifestum. Si promississem alicui quotquot dolia faceret de aliqua arbore, implere ea vino, & radix illius arboris sic inficeretur, vt omnia dolia ex illa arbore facta vinum inficerent, quod illis infunderetur, non esset culpa mei infundentis vinum in talia dolia, quia ego facio, quod debeo & promisi, sed eius culpa est, qui radicem arboris infecit, & inepta dolia præparauit. Et sic patet, quod secundum quod iustitia dicitur diuinæ bonitatis condecentia, hoc exigit; videlicet vt animæ talibus corporibus infundantur. Si autem iustitia dicitur proprie secundum quod respicit meritum exigentiam. Sic nulla est quæstio, vtrum Deus animam tali corpori infundat iustè, vel iniustè. Iustitia enim hic non respicit rerum conditionem, sed respicit retributionum distributionem. A L I V D autem est animam creare, & infundere, & aliud est pro meritis sibi retribuere. Cum enim eam creat, non considerat, quid anima meruit, sed quod anima appetitui naturali vniri appetit. Posset tamen dici, quod etsi non sit assignare iustitiam isto modo, secundum quod habetur respectus ad ipsam animam in se, contingit tamen reperire in comparatione ad demeritum Adæ. Et hoc est quod dicit Anselmus: Si quis vir, & vxor ad magnam quandam dignitatem, & possessionem nullo suo merito, sed sola gratia prouecti sunt, si crimen graue inexcusabiliter committant, & pro eo iustè deiiciuntur, & in seruitutem rediguntur, quis dicet filios, quos post damna-

Cap.

Exem

Ansel
conce
Virg.

tionem genuerunt, eidem non subiungere ieruituti, sed A potius ad bona, quæ parentes amiserunt iuste, gratis debere restitui. Tales sunt primi parentes, & eorum filij, quos iuste pro culpa sua de beatitudine in miseriam deiectionem in eodem generant exilio, de quibus tantò districtius debet esse iudicium, quantò delictum eorum potest probari improbius. Hæc ille. Sic igitur patet quomodo decet diuinam iustitiam infundere animas corporibus propagatis ab Adam. Et concedendæ sunt rationes, quæ hoc ostendunt.

1. Ad illud ergo quod primò obicitur in contrarium quòd non est verè innocens, qui potest alium releuare à culpa, &c. dicendum quòd illud verum est de eo innocente, qui nescit, vel non potest mala ex bonis elicere, vel cuius etiam non est vniuersaliter naturam regere: & ideo locum in proposito non habet. Nam Deus mala permittit non solummodo originaria, verum etiam actualia: tum quia sic res, quas condidit, administrat, ut eas agere proprios motus sinat: tum etiam, quia nouit de malis elicere bona.

2. Ad illud quod obicitur, quòd qui facit, quo facto necesse est alterum fieri, dicitur illud facere, dicendum, quòd hoc veritatem habet, quando effectus consequens directè consequitur ad illud factum intermedium, & secundum ordinationem operis, & secundum intentionem agentis, sicut est in eo, qui aperit fenestram, ut illuminetur domus. Non sic autem in proposito: tum quia Deus intendit infundere animam carni ad hoc ut contrahat culpam: tum etiam quia infusio animæ in carnem non directè ordinatur ad animæ maculationem, nisi solum per accidens, videlicet ratione fœditatis introductæ in carnem ex culpa Adæ: & ideo talis effectus extraneus est operationi diuinæ. Et ideo ratio illa peccat secundum accidens.

3. Ad illud quod obicitur, quòd si Deus poneret animam in inferno, non faceret iuste, dicendum quòd non est simile: quia cum dico animam poni in inferno, hoc non attenditur secundum ordinem naturæ, cum talis locus non sit debitus animæ per naturam. Si ergo in eo ordinatè ponatur, necesse est quod ponatur secundum iustitiam, quæ respicit meritum exigentiam: sed anima antequam corpori infundatur, nulla habet merita: & ideo si in inferno collocaretur, nulla esset ibi iustitia: non sic autem est ex parte ista, quia anima naturalem habet appetitum ad carnem, & caro ad spiritum: & ideo secundum ordinem naturæ anima in tali corpore collocatur, nec debet infringi appetitus naturalis propter aliquod accidens, præter naturale, utpote fœditatis, vel poenalitatis.

4. Ad illud quod obicitur, quòd anima non propagatur ex anima: ergo nihil meretur vna alteri, dicendum quòd etsi potentia virtutis generatiuæ non se extendat plus quàm ad carnis propagationem per modum efficientis: intentio tamen naturæ se extendit ad totum compositum. Homo enim non intendit generare carnem, sed intendit generare hominem similem sibi in specie: & ideo omnes dicuntur filij Adæ. Et propterea licet Adam non potuerit demereri animæ, ut separatæ, potuit tamen E ei demereri: ut carni vnitæ: & ideo ratio illa non valet. Posset tamen & aliter dici, sicut tactum est, quod illa animæ infusio non respicit merita præcedentia.

5. Ad illud quod obicitur, de anima separata, quæ haberet vsum liberæ voluntatis, dicendum quòd non est simile, quia si talis anima vsum liberæ voluntatis haberet, & corpus tale respiceret, infusio illa non posset esse absque poena: & ita culpa præcederet eius infusionem, aut sibi fieret iniustitia. Non sic autem est in proposito, quia cum anima corpori vniri appetat, illa vnio est naturalis, licet accidentaliter ex hoc contrahat culpam, & poenam.

6. Ad illud quod obicitur, quòd iustitia semper debet esse iuncta misericordiæ, dicendum quòd verum est, nam iustitia secundum quod dicitur diuinæ bonitatis condecencia, iuncta est misericordiæ: quæ quidem dici-

tur diuinæ bonitatis affluentia, & vtrique in proposito habet reperiri. In hoc enim ipso, quod Deus animas talibus corporibus infundit, manifestatur affluentia diuinæ bonitatis. quia solem suum super bonos & malos oriri facit: nec propter transgressionem Adæ subtraxit manum à conseruatione humanæ naturæ. Secundum autem quòd iustitia respicit meritum exigentiam, sic etiam habet misericordiam coniunctam: sed neutro modo propriè loquendo habet locum in proposito, nisi comparemus ad peccatum Adæ. Nam per comparisonem ad peccatum Adæ est ibi iustitia, quia Deus pro sua transgressionem totam posteritatem Adæ puniuit. Est etiam misericordia: quia eam non omnino deleuit, quamvis Adam hoc ex sua transgressionem mereretur: immò multis ipsorum posterorum restituit gratiam. Aliis verò, qui moriuntur ante baptismum, etsi non præstet beneficium gratiæ, beneficium tamen aliquid impendit misericordiæ in hoc quod conseruat eis esse naturæ. Melius est enim sic esse, quàm omnino non esse. Paratur etiam esset eis impendere beneficium gratiæ, si perducerentur ad baptis-

matum Sacramentum. Quod autem non perducantur, hoc venit ex defectu naturæ. Et si tu quæras, cum Deus hoc præsciret, quare animam corpori illi infunderet, vel cum præsciret etiā Adam lapsurum, & corpora humana corrupturum, quare sic, & non aliter propagationem hominis instituit, cum taliter posset instituire, ut nullo modo proli fieret præiudicium à parente, dicendum quòd in rerum conditione plus pensatur ordo diuinæ sapientiæ, quàm pensetur ordo iustitiæ, vel misericordiæ. Ordo autem diuinæ sapientiæ hoc exigebat, ut rationales spiritus immediatè exirent à Deo, ad cuius sunt imaginem, & omnes homines propagarentur ex vno homine multis de causis, sicut supra assignatum est: & quàmvis Deus videret aliquid malum inde prouenire, non tamen debuit ordinem, quem requirebat diuina sapientia, immutare. Eliciendo enim bona ex malis subsequentibus totum reducit ad ordinem sapientiæ competentem, & dum ex magnis malis maiora elicit bona, commendabilior redditur & potentia, & sapientia, & bonitas. Propter quod exclamat Gregorius, & dicit: O Felix culpa, quæ talem meruit habere redemptorem. Et ideo si quis velit attendere quantum sit commendabilis Deus in operibus suis, non debet aspicere solum ad illud, quod præsentia videret, verum etiam ad antecedentia, & futura: quia sicut pulchritudo metri non percipitur vna syllaba, sed in versus integritate, sic pulchritudinem diuinorum operum & laudabilitatem respicere non potest, qui respicit ea in parte.

DISTINCT. XXXIII.

An Peccata præcedentium Patrum paruuli originaliter contrahant, ut peccatum Adæ, nisi illos imitentur. Quàm graue peccatum fuerit illud Adæ, quòdque sit illi dimissum.



PRÆDICTIS adiiciendum videtur, an peccata præcedentium patrum ad paruulos transcant, sicut illud primi hominis delictum in omnes carnales generitos diximus redundasse. Et si peccata parentum transcant in paruulos: utrum omnium, qui fuerunt ab Adam vsque ad ipsos, an aliquorum & non omnium.

Quid super hoc Augustinus in Enchirid. dicere videatur.

De hoc Augustinus in Enchirid. ambigè differit. Cap. 47. Videtur enim approbare peccata parentum præcedentium imputari

Aug. 7. de
Ciu. Dei
c. 30. rom. 5.

Matt. 5. 2

In off. Sab-
bati laudi.

imputari parvulis, non omnium tamen qui fuerunt ab Adam, ne importabili & nimia sarcina in pœna aterna gravarentur parvuli: sed tantum eorum parentum, qui eos à quarta generatione praeceperunt. Quod confirmat illis verbis quibus in Exodo Dominus, ait: Ego sum Deus visitans iniquitates patrum usque in tertiam & quartam generationem: quasi peccata parentum proximorum tantum parvulis imputentur, & non alia: quod est per moderationem divinae miserationis.

Eorum ponit documenta, qui dicunt transire in parvulos parentum delicta.

Et quod non illud solum primi hominis delictum parvulos teneat, sed etiam alia, illi quibus ita videtur ex eo confirmant, quod etiam parvuli non modo maiores dicuntur baptizari in remissionem peccatorum per pluralem numerum, non per singularem in remissionem peccati. Et David de legitimo matrimonio procreatus dicit: In iniquitatibus conceptus sum, & in peccatis concepit me mater mea: Non dicit, in iniquitate vel peccato. Unde putant non tantum illud unum peccatum originale, sed etiam plura quae in peccato Adæ reperiuntur, & alia parentum peccata parvulis imputari.

Quod in illo vno primo peccato plura reperiantur.

Quod verò in actuali peccato Adæ plura notari valeant peccata, Aug. in Enchirid. insinuat. Possunt, inquit, intelligi plura peccata in una transgressione Adæ, si in sua quasi membra diuidatur. Nam & superbia est illic, quia homo in sua potius esse quàm Dei potestate dilexit. Et sacrilegium, quia Deo non credidit. Et homicidium, quia se in mortem precipitavit. Et fornicatio spiritualis, quia integritas mentis humana serpentina suasionem corrupta est. Et furtum, quia cibis prohibitus usurpatus est. Et avaritia, quia plus quam sufficere illi debuit, appetiuit: & si quid aliud in hoc vno peccato inveniri potest. Deinde de parentum praecedentium peccatis utrum parvulis imputetur, magis opinando quàm asserendo disceptat, ita inquit: Parentum peccatis parvulos obligari, non solum primorum hominum, sed etiam suorum, de quibus ipsi nati sunt, non improbabili- ter dicitur. Illa quippe divina sententia: Reddam peccata parentum in filios, tenet eos ante regenerationem usque adeo, ut etiam de legitimo matrimonio procreatus dicat: In iniquitatibus conceptus sum, & in peccatis concepit me mater mea. Non dixit: in iniquitate vel in peccato, cum & hoc recte dici posset: sed iniquitates & peccata dicere maluit, quia & in illo vno quod in omnes homines pertransiit, atque tam magnum est, ut eo mutaretur in necessitatem mortis humana natura, reperiuntur sicut supra differui, plura peccata, & alia parentum: quae non ita possunt mutare naturam, reatu obligant filios, nisi gratia Dei subveniat. Sed de peccatis aliorum parentum, quibus ab ipso Adam usque ad patrem suum pro generationibus suis quisque succedit non immerito disceptari potest, utrum omnium malis actibus, & multiplicatis delictis originalibus, qui nascitur implicetur: ut tãto peius, quãto posterius quisque nascatur. An propterea Deus in tertiam & quartam generationem de peccatis patrum posteris eorum comminetur, quia iram suam quantum ad progeneratorum culpas, non extendit ulterius moderatione miserationis suae: ne illi quibus regenerationis gratia non confertur, nimia sarcina in ipsa aeterna damnatione premerentur, si cogerentur ab ipso initio generis huma-

ni omnium praecedentium parentum suorum originali- ter peccata contrahere, & pœnas pro eis debitas pen- dere. An aliquid aliud de re tanta, Scripturis sanctis diligentius perscrutatis ac tractatis, valeat vel non re- periri, temere affirmare non audeo. Ecce perspicuum fit lectori: Augustinum superiora dixisse non asseren- do, sed diversorum opiniones referendo.

Offendit Augustinum sibi fore contrarium, si id sentiret.

Alioquin sibi ipsi contradicere videtur, qui in eodem libro omnium mitissimam dicit esse pœnam parvulorum, qui originali tantum tenentur peccato, his ver- bis: Mitissima sanè pœna eorum erit, qui prae- ter peccatum quod originale contraxerunt, nullum insuper ad- diderunt: & in ceteris qui addiderunt, tantò quisque ibi tolerabiliorem habebit damnationem, quãto mi- norem habuerit iniquitatem. Ecce hic aperte dicit, parvulorum pœnam omnium aliarum pœnarum esse le- vissimam. Quod si est, non ergo peccatis patrum prae- cedentium obligantur, nisi Adæ. Si enim pro peccatis pa- rentum actualibus aeternaliter punirentur, & pro suo originali, non iam minùs, sed fortè magis quàm ipsorum parentes punirentur. Non ergo pro peccatis parentum actualibus, nec etiam pro actualibus primi patris, sed pro originali quod à patribus trahitur, parvuli dam- nabuntur, pro eo nullam aliam ignis materialis vel conscientiae vermis pœnam sensuri, nisi quod Dei visio- ne carebunt in perpetuum. Vno ergo, & non pluribus peccatis parvuli obligati sunt. Unde etiam ea quibus illa opinio muniri videtur, scilicet quod peccata & iniqui- tates in parvulis aliquando Scriptura esse significat, utens plurali numero, ita determinat Aug. in eodem libro: Quia in Scriptura per singularem numerum pluralis numerus saepe significari solet, ut ibi: Ora ergo ad Deum, ut auferat à nobis serpentem: non ait: Serpentes, quos patiebatur populus. Et e converso per plura- lem significatur singularis numerus: ut in Evangelio: Mortui sunt enim qui querebant animam pueri: non ait, Mortuus est, cum loqueretur de Herode. Et in Exodo: Fecerunt Deos aureos, cum unum fecerint vitulum: de quo dixerunt: Isti sunt Dij tui Israel, ita & illud ori- ginale unum plurali numero significatur, cum dicimus parvulos in peccatorum remissionem baptizari, & in peccatis vel iniquitatibus concipi.

An actuale peccatum Adæ sit gravius ceteris.

Hic quari solet, utrum peccatum Adæ transgressio- nis ex quo processit originale, & in quo plura superius notata sunt peccata, gravius fuerit ceteris peccatis. Quibusdam ita esse videtur, quia illud peccatum to- tam humanam naturam mutavit, sicut Aug. dicit in Enchirid. Illud unum peccatum in loco, & habitu tã- ta felicitatis admissum, tam magnū est, ut in vno ho- mine originaliter, & (ut ita dixerim) radicaliter totū genus humanū damnaretur. Idem in lib. de Civit. Dei: Tantò maiori iniustitia violatum est illud mādātum, quãto faciliore poterat observantia custodiri: Nondum enim ipsi voluntati cupiditas resistebat, quod de pœna transgressio- nis postea secutum est. His aliisque utitur auctoritatibus, qui illud peccatum ceteris aliorum ho- minū peccatis gravius esse dicunt. Quod etiam ratio- ne ostendere laborant hoc modo: Magis nocuit illud peccatū quàm aliquod aliorum: quia totum humanum genus vitiauit, ac morti utiq. subdidit, quod nullo alio peccato factum est: Maiorem ergo effectum mali ha- buit illud peccatum, quàm aliquod aliud.

Responsio

Responſio contra illos: vbi alia peccata ostenduntur illo maiora.

Ad quod dici potest, quia licet illud peccatum humanam naturam mutauerit in necessitatem mortis, & in totum genus humanum reatum diffuderit: non est tamen putandum grauius fuisse peccato in Spiritum sanctum, quod neque hic, neque in futuro (ut veritas ait) dimittitur. Quod vero totam humanam naturam corrumpit, non ideo est, quia grauius fuerit cunctis aliis peccatis, sed quia ab homine commissum est, quando in uno homine tota humana natura consistebat, & ideo tota in eo corrupta est: maioremque effectum mali intulit quantum ad multiplices defectus qui ex eo manauerunt, sed non quantum ad pœnam quam grauiorem non meruit quam plures postea meruerunt per alia peccata: immo alios grauiorem promeruisse credimus iram quam Adam meruerit.

An istud peccatum sit primis dimissum parentibus.

Si vero queritur, an illud peccatum fuerit dimissum primis parentibus. Dicimus eos per pœnitentiam veniam consecutos. Vnde Augustinus in libro de baptismo paruulorum, ait: Sicut illi primi parentes postea iuste viuendo creduntur per Domini sanguinem ab extremo liberati supplicio, non tamen illa vita meruerunt ad paradysum reuocari: sic & caro peccati, etiam si remissis peccatis, homo in ea iuste vixerit, non continuo meretur eam mortem non perpeti, quam traxit de propagine peccati.

Quod peccata parentum visitantur in filios, & quod non sunt aduersa quæ Deus dicit in Exodo, & in Ezechiele.

Et licet peccatis parentum, nisi Ada, paruuli non obligentur, non est tamen diffidendum peccata parentum in filios redundare, sicut Dominus in Exodo ad Moysen ait: Ego sum Deus fortis, zelotes, visitans iniquitates patrum in filios usque in tertiam & quartam generationem his qui oderunt me. His verbis aperte insinuat, quod Deus reddit peccata patrum super filios tertios & quartos. Huic autem videtur aduersari quod Dominus ait in Ezechiele: Quid est quod inter vos parabolam vertitis in prouerbum istud dicentes: Patres comederunt uam acerbam, & dentes filiorum obstupescunt: Vno ego, dicit Dominus, si erit vobis ultra parabola hac in prouerbum in Israël. Ecce omnes anima mea sunt, ut anima patris, ita anima filij mea est: & anima quæ peccauerit, ipsa morietur. Filius non portabit iniquitatem patris, & pater non portabit iniquitatem filij. Iustitia iusti super eum erit, & impietas impij erit super eum. His verbis videtur Deus corrigere per prophetam, quod maledixerit in lege. Si enim peccata parentum reddit in tertiam, & quartam generationem, iniustitia videtur Dei esse, ut alius peccet, & alius puniatur. Quo modo enim iustum est peccare, & alium peccata luere?

Determinatio præmissarum auctoritatum convenientiam ostendens.

Sed, ut ait Hieronymus, Ne lex & Propheta, id est Exodus, & Ezechiel, immo ipse Deus qui & hic & ibi locutus est, in sententia discrepare videantur, attendamus finem illius auctoritatis Exodi: Dicto enim: Reddo iniquitates patrum in filios: addit. His qui ode-

Arunt me: per quod euidenter ostendit, non ideo puniri filios, quia peccauerunt patres, sed quia eis similes quodam hereditario malo Deum oderunt. Illud ergo quod in Exodo Dominus dicit, sicut Hier. tradit, non id sonat quod multi existimant: nec est simile huic prouerbio: Patres comederunt uam acerbam, & c. Illud enim Exodi, Hier. super Ezechielem, & August. super illud Psal. Deus laudem meam ne tacueris, de filiis peccata patrum imitantibus accipiendum censet: super quos dicitur Deus reddere peccata patrum, quia punit eos eo quod imitantur peccata patrum, non quia patres peccauerunt. Non itaque corrigit Deus in Propheta, quod ante dixerat in lege: sed quo modo intelligendum aperit. Vnde & illos sic, qui prauè intelligebant, arguit, qui dicebant: Patres comederunt, & c.

Quare dixerit, in tertiam, & quartam generationem, & quare patres tantum commemorauerit.

Veruntamen si de imitatoribus malorum illud accipitur, quare tertiam & quartam generationem tantum commemorauerit, cum in qualibet generatione rei teneantur, qui peccata patrum imitantur. Et quare patres commemorauit, cum & illi omnes mali sint, qui quorumlibet malorum peccata imitantur. Sed ideo patres specialiter nominauit, quia maxime patres filij imitari solent, quos precipue diligunt. Et tertiam & quartam generationem ideo commemorauit, quia solent parentes interdum tandiu viuere, donec filios tertios & quartos habeant: qui patrum iniquitates videntes, eorum impietatis heredes per imitationem efficiuntur. Secundum hunc modum rectè intelligitur ad litteram, quod in Exodo dicitur.

Quo modo illud Exodi intelligi debeat: secundum mysterium.

Quod etiam mysticè intelligendum esse ostenditur, ex eo quod parabola dicitur. Si enim parabola est, ut ait Hier. aliud verbis sonat, aliud sensu continet. Vnde aliqui ita edisserunt: Patrem in nobis esse dicunt leuem punctum sensuum, sc. primum motum suggestionis, vel cogitationis: filium vero, si cogitatio conceperit, peccatum: in quo notatur consensus, & delectatio mulieris: Nepotem, si quod cogitaueris atque conceperis, opere compleueris, vel complere decreueris: in quo notatur consensus viri, siue patratio peccati: Pronepotem autem, si non solum feceris, sed in eo glorieris: & hac est quarta generatio, non quia tres præcesserint, sed quarta dicitur quia quarto loco à primo motu, qui est quasi pater enumeratur. Deus ergo primos, & secundos stimulos cogitationum, quos Græci prophanthias vocant, sine quibus nullus hominum esse potest, non punit æternaliter: sed si cogitata quis facere decreuerit, & quæ fecit, corrigere noluerit, quæ sunt mortalia peccata, & tertia, & quarta generatio.

Per quid probetur, quod primus motus non puniatur æternaliter.

Ad probandum vero, ut ait Hieronymus, quod primus pulsus cogitationis non puniatur æternaliter à Deo illud de Genesi asserendum est: Cham enim peccauit, irridens nuditatem patris: & sententiam non ipse, sed filius eius Chanaan accepit: Maledictus Chanaan, seruus erit fratrum suorum. Quia enim iustitia est, ut pater peccauerit, & filius punitus sit: Sed in mysterio illud factum est.

Hier. 31. in tom. 3. enarrat. ad Psal. 108 in memoriam reddent iniquitates patrum eorum.

Mat. 12. 6

Lib. 2. c. 34. Et inscribitur etiam de pecc. mer. & remiss. com. 7.

Exod. 10. 6

Ezech. 18. 6

To. 5. explanatione ad 8. cap. Exec.

Loco præd. 2. 6.

Præd. 2. 6

ibid. paulo inferim. Gen. 9. 4

DISTINCT. XXXIII.

Vtrum originale peccatum per peccata proximorum parentum multiplicetur, & intendatur.

Prædictis adiiciendum videtur, &c.

Expositio Textus.

SUPRA ostendit Magister, qualiter peccatum originale per baptismum deleatur. In hac parte intendit inquirere, vtrum originale peccatum per peccata proximorum parentum multiplicetur, & intendatur. Diuiditur autem pars ista in tres partes. In quarum prima Magister mouet quaestionem, & determinat secundum aliorum opinionem. In secunda determinat secundum veritatem, ibi: *Alioquin sibi ipsi contradicere ostenderetur.* Et parum ante: *Ecce perspicuum fit lectori.* In tertia vero parte dissoluit quandam apparentem Scripturae contrarietatem, ibi: *Et licet peccatis parentum, &c.* Prima pars habet tres partes. In prima Magister mouet quaestionem: In secunda determinat secundum aliorum opinionem, ibi: *De hoc Augustinus in Enchirid. ambiguitate differt, &c.* In tertia vero quia illa opinio videbatur super verba Augustini esse fundata, subiungit modum, per quem Aug. illam quaestionem dissoluit, ibi: *Quod vero in actuali peccato Ada plura, &c.* Vbi apparet, quod Aug. illam quaestionem pertractat ambiguitate, & quasi insolutam illam dimittit. Similiter secunda pars principalis habet tres. In prima ostendit Magister, quod peccatum originale, nec multiplicatur, nec intenditur propter peccata proximorum parentum: & hoc ratione sumpta ex parte peccati. Secundum vero, quia originale peccatum ortum habet à peccato primi parentis, determinat de gravitate actualis peccati Adæ, ibi: *Hic queri solet, vtrum peccatum transgressionis Adæ, &c.* In tertia autem determinat de illius peccati remissione, ibi: *Si vero queritur, an illud peccatum, &c.* Similiter tertia pars principalis habet tres partes. In prima parte Magister mouet dubitationem, quæ confurgit ex apparenti contrarietate. In secunda parte determinat illam apparentem contrarietatem, exponendo auctoritates quantum ad intellectum literalem, ibi: *Sed ut ait Hieremias: Ne lex & Propheta, &c.* In tertia vero explanando, quantum ad intellectum mysticum, siue morealem, ibi: *Quod etiam mystice intelligendum esse ostenditur.* Et sic tria præcipue determinat Magister in litera, videlicet qualiter peccata parentum habeant imputari posteris: & iterum cuius quantitas, & intensio sit culpa originalis: & postremo simul cum hoc determinat qualiter habeat puniri.

Possunt, inquit, intelligi plura peccata in una transgressionis Adæ. Dub. I.

CONTRA: Si hoc verum est, tunc pari ratione in quolibet vno peccato est multitudo peccatorum, si consideretur illa ratio assignandi diuersa peccata in vno peccato, quam Aug. ponit in litera. Quilibet enim cum peccat, interficit animam suam, quia peccatum est mors animæ: quilibet etiam transgreditur mandatum diuinum: ergo est ibi homicidium, & inobedientia: & sic de aliis.

ITEM: Si fuit ibi pluralitas peccatorum: ergo videtur quod in quolibet paruulo sit multitudo originalium. Quod si tu dicas, quod non fuit transfusum originale ratione omnium, sed ratione alicuius, queritur ergo tunc, ratione cuius principaliter fuerit transfusus, vtrum ratione gulæ, vel superbæ, vel inobedienciæ. Et quod ratione inobedienciæ videtur: Per inobedientiam peccatum intravit in mundum. Quod autem fuerit gula, videtur per ipsum textum: Quicumque die comederis mortem morieris. Et ratio concordare videtur, quia originale peccatum transfunditur mediante propagatione carnis: ergo transfunditur ratione peccati carnalis: ergo si non

A fuit ibi peccatum carnale, nisi gula: ergo, &c. Quod autem fuerit superbia, videtur auctoritate Hugonis in septima parte primi libri de Sacramentis: Propter elationem animus obscuratus est: quia enim per elationem tumuit, ignorantia percussus, lumen veritatis amisit. Et parum ante hoc. Quia spiritus per superbiam contra Creatorem tumens obedientiam non tenuit, idcirco Creator spiritum ignorantia, carnem vero concupiscentia damnauit. Queritur ergo ratione, cuius horum originale principaliter transfundatur, cum omnia hæc dicat Augustinus, fuisse in primo peccato.

RESP. Dicendum, quod peccatum Adæ sicut & alia peccata in vno genere est principaliter: nihilominus ex quadam adaptione secundum diuersos effectus & circumstantias, diuersa dicitur in se claudere peccatorum genera, non quia in ipsa sit culparum multiplicitas, loquendo essentialiter, sed per quandam adaptionem, & quandam metaphoram. Nihilominus (sicut supra explanatum fuit) in consummatione, & perpetratione vnius peccati contingit diuersa reperire peccata, vt superbiam, vel auaritiam in primordio, & gulam in progressu, & inobedientiam in consummatione peccati primi parentum, & maxime Eux. Ad illud ergo, quod queritur, vtrum ratione horum omnium, vel ratione alicuius istorum specialiter transfundatur originale peccatum, dico quod ratione omnium, sed differenter: nam superbia respicit illam transfusionem originalis quasi causaliter, & gula quasi materialiter, & inobedientia quasi formaliter. Peccatum enim Adæ formaliter loquendo fuit peccatum inobedienciæ: materialiter vero, quia fuit eius ligni, fuit peccatum gulæ: sed causaliter, quia fuit propter acquirendam excellentiam, fuit peccatum superbæ. Et sic patet responsio ad obiecta.

Non est tamen putandum, &c. Dub. II.

CONTRA: Hoc videtur falsum. Quia maius malum est quod corrumpit totam naturam, quam quod corrumpit vnā solam personam: sed peccatum Adæ totam corrumpebat naturam: peccatum in Spiritum sanctum vnā solam personam: ergo, &c.

RESP. Dicendum quod hæc questio determinata fuit supra, cum agebatur de peccato Adæ. Propter quod notandum quod multis modis dicitur peccatum vnum esse grauius, siue maius altero. Primo modo causalitate: & sic peccatum diaboli dicitur esse maius, cuius inuidia mors introiit in orbem terrarum. Secundo modo generalitate: & sic peccatum primi parentis dicitur fuisse maius, quia in totum genus humanum se diffudit. Tercio modo enormitate: & sic peccatum Iudæ dicitur esse maximum, quia vendidit Deum. Quarto modo ingratitudine: & sic peccatum illius dicitur esse maius, qui plura percepit dona gratiarum. Quinto modo periculositate: & sic peccatum ignorantie dicitur esse maximum, quia periculosum. Sexto modo inseparabilitate: & sic peccatum cupiditatis dicitur esse maximum, quia cum alia vitia cum homine consenscant, sola auaritia iuuenescit. Septimo modo importunitate: & sic superbia dicitur esse maximum, quia etiam ex ipsis bonis operibus confurgit. Octauo modo pronitate: & sic luxuria dicitur esse grauius, ad quam homines magis sunt proni. Non modo maioris gratie impugnatione: & sic peccatum in Spiritum sanctum dicitur esse maximum. Decimo modo ratione maioris offensa: & sic peccatum idololatriæ dicitur esse maximum. Vndecimo modo ratione facilitatis resistendi: & sic dicit Magister, quod peccatum Adæ fuerit grauissimum. Duodecimo modo ratione improbitatis, atque libidinis: & sic cuiusque generis peccatum maius potest fieri ab altero. Hi duodecim modi consueuerunt à Doctores assignari. Fortassis & alij apparebunt modi, sed isti sufficiant tanquam magis consueti. Et per hoc patet responsio ad illud quod obiicitur.

Peccatorum quo modo vnum altero maius esse intelligatur.

Peccata omnia cum homine consenscant, auaritia excepta, quæ iuuenescit.

Quia

*Quia ab homine commissum est, quando in uno homine
tota natura humana consistebat, & ideo
tota in eo corrupta est.*

Dub. III.

Obiicitur: Ex hoc enim videtur quod si Adam peccasset aliud peccatum, quam illud, cum in eo esset tota natura, quod totam naturam corrupisset. Sed contra: Ponatur quod Adam solo consensu peccasset, tunc corpus actum peccati animæ non communicasset: ergo caro non fuisset infecta: ergo nec originalis culpa transfusa.

ITEM: Pœnitentia in integrum restituit ea, quæ mens perdidit, quamvis non restituat ea quæ sunt corporis: ergo si homo tantum mentaliter peccasset, omnino per pœnitentiā resurgeret: non ergo videtur quod originale culpam transfunderet. Propter hoc est quæstio, vtrum si peccasset alio genere peccati, originale transfudisset.

RESP. Dicendum quod circa hoc duplex fuit opinio. Quidam enim dicere voluerunt, quod cum omne peccatum sit præuicatio legis diuinæ, & cœlestium inobediencia mandatorum, & per omne peccatum auertatur anima à Deo, & fiat ei rebellis, quod quocunque genere peccasset, rebellionem carnis & spiritus incurrisset. ITEM: Cum omne peccatum sit iniustitia, quocunque genere peccasset Adam, priuatus fuisset iustitia quam habebat. ITEM: Cum omne peccatum mortale sit mors, pro quolibet incurrisset carnis mortalitatem. Cum igitur ista faciant originale transfundi, tenuerunt quod Adam transfudisset originale quocunque genere peccati peccasset, & hoc videtur sonare verbum Magistri. Secundum hanc positionem de facili respondetur ad illud quod obiicitur: quia sicut videmus quod pro peccatis spiritualibus caro cruciatur in inferno, & hoc quia nihil aliud est carnem cruciari quam voluntatem cruciari in carne: sic & in proposito voluerunt dicere, quod esse potuit ut pro peccato, quod commisisset spiritualiter, puniretur corporaliter. Alius modus dicendi est, quod si Adam mortaliter peccasset, & mandatum illud non fuisset transgressus, non transfunderet originale. Et ratio huius est, quia pro sola transgressione illius mandati comminatus est ei Dominus mortem, sicut patet. Et secundum hanc positionem verbum Magistri, quod dicitur in litera, intelligitur præsupposita transgressione illius mandati, cui adiuncta erat mortalitatis pœna. Primus tamen modus dicendi videtur esse probabilior. Quamvis enim Scriptura non comminatur mortem, nisi pro illa inobedientia, non absurdè tamen illa comminatio intelligitur se extendere ad omnem mortale culpam. Quod autem istorum verius sit, dubium est: nec ibi est magna vis faciendæ, quia modica est utilitas & nulla sciendi necessitas.

*Si homo in ea iuste vixerit, non continuè meretur eam
mortem perpeti, quam traxit à propagatione
peccati. Dub. IV.*

CONTRA: Hoc videtur inconuenienter dictum. Si enim nulla pœna debetur homini, nisi merito culpæ: & homo in carne adeo potest iuste vivere, ut sit dignus statim euolare, videtur quod in eo non sit meritum alicuius pœnæ, nec mortis nec alterius. ITEM si mors debetur cui libet iusto pro peccato, videtur igitur quod nulla gratia fuerit in martyribus, qui mortui sunt pro Christo, sicut nec latronibus, qui suspenduntur pro latrocinio. Iuxta hoc quæritur. Si mors debetur homini pro peccato originali, & vnicum est in homine originale peccatum, quæ iustitia facta fuit Lazaro, qui bis mortuus est.

RESP. Dicendum quod nulla vnquam iustitia absoluit hominem à debito mortis, pro eo quod omnis iustitia quæ est in nobis, respicit voluntatem, & est personalis: mors verò est pœna naturalis: & ita per nullam iustitiā dignus est homo à morte absolui, nec Deus sua benignitate aliquem à morte liberauit, tū propter illius sententiæ firmitatem, quæ dictum est in Genesi: Pulvis es, &

in puluerem reuerteris, &c. tum etiam ut fides locum habere possit. Ad illud quod obiicitur de martyribus, dicendum quod illud quod vno modo est debitum, si ex charitate fiat, potest fieri gratuitum: martyres autem, quia mortem voluntarie sustinuerunt, quam effugere potuerunt, immò pro Christo se ante tempus obtulerunt, mors quæ aliàs esset pœna, fuit eis valde meritoria, quia Deus eam valde reputat pretiosam, ex hac duplici causa, quæ tacta est. Ad illud de Lazaro dicendum quod prima mors fuit ad manifestandam gloriam Dei: & illud supplicium recompenatum est per consequens beneficium, quia ipso quod suscitatus est, fuit amplius merendi spiritus: & melius erat ei sic bis mori, quam si semel mortuus fuisset: idèd cum hoc alicui præstatur, ut suscitetur, magis sibi reputet præstari beneficium, quam inferri supplicium.

ARTICVLVS I.

AD intelligentiam huius partis circa tria incidit hic quæstio. Et primò quæritur de originali quantum ad causam præcedentem. Secundò quantum ad quantitatem concomitantem. Tertiò verò quantum ad pœnam consequentem. Circa primum quæritur dno. Primò quæritur, vtrum parēs proximi possint transmittere ad prolem peccata sua actualia, an à solo parente primo transfundatur originalis culpa. Secundò quæritur, vtrum primus parens potuerit in prolem transmittere satisfactionis iustitiam, sicut transmissit præuicationis culpam.

QVÆSTIO I.

*An parentes proximi possint transmittere ad prolem
peccata sua actualia.*

Alexander Alesis 2. 2. q. 105. Membr. 3. art. 1.

S. Thomas 1. 2. q. 81. art. 1. & 2.

Et 2. Sentent. dist. 33 q. 1. art. 1.

Et de Malo, q. 4. art. 8.

Egid. Rom. 2. Sent. d. 33. p. 2. q. 1. art. 1. & 2.

Richardus 2. Sent. dist. 33. q. 1.

Durandus 2. Sent. dist. 33. q. 1.

Thom. Arg. 2. Sent. dist. 33 q. 1. art. 4.

Seeph. Brulef. 2. Sent. dist. 33. q. 1.

Gabr. Biel. 1. Sent. dist. 33. q. 1.

VTVM peccata parentum proximorum filiis imputentur, & ad eos transmittantur. Et quod sic, videtur. Primò auctoritate: Ego sum Deus zelotes vindicans peccata patrum in filios, &c. si ergo Deus non vindicat, nisi pro culpa, & vindicta Dei transit à patre in filium, pari ratione videtur pro culpa.

2. ITEM hoc videtur exemplo: Ego inducam malum super Ieroboam, & super vniuersam domum eius. Et ibi habetur, quo modo tota posteritas propter peccatum patris fuit consumpta: ergo videtur quod peccata proximorum parentum filiis imputentur.

3. ITEM hoc videtur ratione. In habentibus symbolum facilius est transitus: sed maius est symbolum, & conuenientia parentis proximi ad prolem, quam parentis remoti. Si igitur parēs remotus potuit culpam transmitti in posteros, multò fortius videtur de parentibus propinquis.

4. ITEM parens proximus transmittit peccatū in filium, quod aliunde suscepit: sed magis vnusquisque potest communicare quod habet à se, quam quod habet ab alio: ergo videtur quod multò fortius ad prolem possit transmitti peccatum, quod commisit, si transmitti potest peccatum quod aliunde contraxit.

5. ITEM peccatum Adæ ideo transit ad posteros, quia in Adam fuimus, cum ipse peccauit: ergo pari ratione, si parens proximus peccauit, quando proles eius erat in lumbis eius, similiter videtur quod peccatum parentis proximi in prolem transfundatur.

6. ITEM ratio, quare peccatum originale transfunditur,

Opinio 2.

Gen. 2. c.

Ad oppositum.

Exo. 20. 4

3. Reg. 14. 6

2. de gen. & corrupt. 110. 24.

Sep. 2.

ditur, est, quia est infectio virtutis generatiuæ circa actum generandi: ergo si aliquod peccatum consistit circa actum generationis, videtur quod tale debeat in prolem transfundi: sed tale est peccatum adulterij: ergo videtur quod saltem illud peccati genus debeat in posteris redundare, ac per hoc peccatum originale intendere & multiplicare.

SED CONTRA: Filius non portabit iniquitatem patris: ergo si hoc non est verum de parente remoto vt de Adam, saltem veritatem habet circa propinquos.

ITEM vnusquisque onus suum portabit: sed si peccata parentum redundarent in prolem, non portaret vnusquisque onus suum, immo etiam alterius: ergo, &c. Item alibi: Vnusquisque rationem reddet Deo pro se.

ITEM Anselmus: Parentum proximorum peccata ad originale peccatum non æstimo pertinere: sed si transfunderentur à parente in prolem, pertinerent ad originale peccatum: ergo, &c.

ITEM non est maior ratio, quare transfundit iniustitiam, quam iustitiam: sed pater sanctus, non generat filium sanctum, & baptizatus non generat baptizatum, sicut ostensum fuit supra: ergo pari ratione parens proximus peccatum suum non transmittit ad prolem.

ITEM nullum peccatum transmittitur à parente in prolem nisi mediante carne: sed peccata actualia, quæ committuntur, carnem non immutant, nec noua infectione inficiunt: ergo videtur quod ad prolem transmitti non possunt.

ITEM si peccata actualia transmitterentur à parente in prolem: ergo filius semper esset peior patre, & dignus maiori punitione: ergo si est magnæ crudelitatis, & impietatis dicere, quod paruulus natus peior sit iniquo parente: patet, &c.

CONCLUSIO.

Peccata parentum non transfunduntur in filios quo ad culpam, licet quo ad temporalem poenam, & vindictam, quandoque transeant ad posteris.

RESP. AD ARG. Dicendum quod peccatum parentum transire ad prolem potest intelligi tripliciter. Aut punitione, aut imitatione, aut transfusione. Si punitione, vt proles puniatur pro peccato parentis, sic attendendum est, quod duplex est punicio, vna æterna, alia temporalis. Quantum ad punitionem æternam nullo modo transit, videlicet quod aliquis damnetur pro solo peccato parentis. Vnde Anselmus de conceptu Virg. dicit quod paruuli non damnantur pro culpa Adæ tantum, sed pro culpa propria quam habet, licet non habeant eam agendo, sed contrahendo. Si autem loquamur de temporali punitione, sic quia pater punitur in filio, sicut ad literam videmus, & Scriptura ostendit, bene transit peccatum parentis in prolem, siue prole volente, siue nolente, & hoc est de seueritate diuinæ iustitiæ. Alio modo dicitur peccatum transire à parente in prolem per imitationem. Et sic peccatum diaboli quodam modo transiit in genus humanum, & peccatum Adæ in posteris, & peccata proximorum parentum in filios frequenter pertranscunt iuxta illud: Inuidia diaboli mors intrauit, &c. non tamen transit in omnes, sed in eos, qui imitari volunt. Tertio modo dicitur peccatum transire à parente in prolem, & hoc transfusione, sicut infectio vna causari habet ab alia infectione. Et hoc modo peccatum transfundi habet in prolem à solo primo parente. Ratio autem huius est, quia duo sunt in peccato, videlicet priuatio debiti, & conuersio indebita: & secundum hoc duo ponuntur in peccato, deformitas, & macula. Macula namque ponitur ex conuersione, sed deformitas ex debiti priuatione manente obligatione. Ad hoc igitur, quod aliquis possit peccatum ex patre contrahere, necesse est quod in illo possit ad aliquid obligari, & possit eo bono ad quod obligatur in ipso priuari, & quod possit etiam maculari: hoc autem solum fuit in primo parente: Ad aliquid enim tota humana natura, & omnes eius posteris

A in illo obligati sunt, videlicet ad habendam rectitudinem iustitiæ, siue non concupiscendum, & in illo per eius auersionem illa rectitudine priuati sumus, & quia illa obligatio carnem suam infecit infectione forditatis, & passione mortalitatis, & caro nostra habet propagari ex illa, hinc est quod in illo habemus infici, & ab illo traducimus singulariter peccatum secundum plenam rationem. In nullo autem posterorum noua obligatione obliantur filij in parente, nec etiam caro transfundenda inficitur noua infectione ex alicuius culpæ actualis perperatione. Et hinc est quod nullus parens proximus potest in prolem suam culpam actualem transfundere. Et hoc est, quod dicit Anselmus in libro de conceptu Virg. Parentum proximorum peccata ad originale peccatum non æstimo pertinere. Quippe si Adam nequisset ad eos, quos generaturus erat, iustitiam suam perducere, nequaquam posset ad eos iniustitiam suam transmittere. Hoc autem intelligit quantum est de transfusione culpæ, ad quam consequitur æterna damnatio: sed de transitu quantum ad punitionem temporalem poenæ, subiungit in fine capituli. Non nego propter merita bona parentum filiis multa & magna beneficia corporis & animæ impendi, & propter peccata parentum filios, & nepotes vsque in tertiam, & quartam generationem, & forsitan ultra, diuersis in hac vita tribulationibus flagellari, & ea perdere bona in corpore, & anima, quæ forsitan consequerentur, si iusti fuissent: quorum exemplum longum est hic inferere.

B 1. 2. Ex his igitur patet responsio ad questionem propositam. Concedendum enim est quod peccata actualia proximorum parentum ad originale non pertinent, nec cum originali transfunduntur, sicut rationes ad partem secundò inductæ ostendunt. Nihilominus tamen alio modo transeunt quantum ad vindictam, & punitionem temporalem sicut primò probatur auctoritate Exodi, & deinde exemplo.

3. Ad illud verò quod obiicitur, per rationem, quod facilius est transitus in habentibus symbolum, dicendum quod illud verum est, quando utrobique æqualiter saluatur ratio principij agentis. Peccans autem actualiter non habet potestatem vitiandi prolem, nisi ille solus, in quo habuimus obligari, & in quo tota massa generis humani potuit vitiari, sicut ostensum est: & ideo illa ratio non cogit.

4. Ad illud quod obiicitur, transmittit quod aliunde suscepit, dicendum quod ex hoc non sequitur, quod transmittat illud, quod est à se. Peccatum enim quod aliunde suscepit, est peccatum naturale: sed peccatum quod ipse facit est peccatum personale: communicatio autem alicuius proprietatis per viam generationis plus respicit veritatem naturæ, quam actum personæ, sicut supra ostensum est.

5. Ad illud quod obiicitur, quod ideo peccauimus in Adam, quia fuimus in ipso dum peccauit, dicendum quod ista non est tota causa, sed simul cum hoc exigitur, quod in primo parente omnes posteris possent obligari, & caro omnium posterorum posset infici & foedari: hoc autem in alio, quam in Adam non habet reperiri: ideo patet, &c.

6. Ad illud quod obiicitur, quod peccatum adulterij attenditur circa actum generatiuæ, dicendum quod et si circa actum generatiuæ attendatur, non tamen dicit corruptionem, quæ sit in ipsa virtute generatiua secundum se, sed quæ consistit circa voluntatem rationalem, & ita circa personam: & propter hoc culpa adulterij, secundum quod culpa, in prolem transfundi non habet. Nihilominus tamen quia circa actum generatiuæ consistit, plus imputatur proli, quam alia peccata parentum: vnde vilis & abiectus reputatur ille, qui est natus de adulterio, & etiam secundum leges humanas hereditate paterna reputatur indignus. Vnde illud peccatum plus redundat in prolem, quam alia actualia, non tamen sic redundat, vt culpa primi parentis, qui posteritatem suam non tantum obligauit ad ignorantiam, & poenam, sed

Anselm. 23.
de conceptu
Virg.

etiam fecit peccati originalis macula, ob quam qui-
libet cum nascitur, dignus est ira & indignus visione
Dei.

tisfacere, sed opportunum fuit filium Dei pati, sicut
ostendit Anselmus in libro, Cur Deus homo: ego non
videtur quod potuerit satisfactionis iustitiam in alios
deriuare.

Lib. 8. c. 5.

QVÆSTIO II.

*An primus parens potuerit satisfacere pro posteris, sicut
ex culpa sua potuit eos vitare.*

Guil. Vorilon. 2. Sent. dist. 33. q. 1.
Steph. Brulef. 2. Sent. dist. 33. q. 2.

Ad opposi-
tum.De concep-
tione. Virg. 6. 23.

VTRUM primus parens pro posteris suis satisfacere
potuerit, sicut potuit eos ex culpa sua vitare. Et
quod sic videtur. Quia dicit Anselm. Si Adam nequisset
ad eos, quos generaturus erat, iustitiam suam perducere
nequaquam posset ad eos iniustitiam transmittere: si
ergo hoc verum est, sequitur quod si Adam potuit sua
culpa filios reddere culpabiles, sua satisfactione potuit
eos facere excusabiles.

2. ITEM omnes in Adam peccauerunt, quia fuerunt
in Adam peccante: ergo pari ratione si omnes fuerunt
in Adam satisfaciente, videtur quod omnes in ipso sa-
tisfecerunt per locum à simili.

3. ITEM hoc ipsum videtur ratione. Si oppositum est
causa oppositi, & propositum causa propositi: sed Adæ
transgressio fuit causa nostræ corruptionis: ergo vide-
tur, quod eius iustificatio, & satisfactio fuerit causa no-
stræ redemptionis. Sicut igitur in Adam peccauimus, ita
videtur quod in eo satisfacimus. Et istæ tres rationes
sunt per locum à simili.

4. ITEM hoc ipsum ostenditur per locum à minori.
Pronior est Deus ad miserendum, quam ad condemnan-
dum: sed diuina iustitia pro transgressione Adæ con-
demnavit totam posteritatem, pœna mortis: ergo multò
fortius diuina misericordia pro satisfactione Adæ de-
buit reddere gratiam iustificationis.

5. ITEM potentior est gratia in bono, quam sit culpa
in malo: sed culpa Adæ potuit totam posteritatem infi-
cere, & reddere Deo odiosam: ergo multò fortius gra-
tia, quæ fuit collata Adæ, potuit totam posteritatem re-
parare, & reddere Deo gratam.

6. ITEM secundum leges humanas tutor potius po-
test conditionem pupilli meliorare, quam deteriorare: si
ergo multò maioris benignitatis est lex diuina, quam sit
humana, videtur quod potius conditio nostra in primo
parente de peiori potuit fieri melior, quam de meliori
deterior: ergo si transgrediendo potuit transfundere
culpam, multò fortius satisfaciendo potuit transmittere
iustitiam.

Fundamēt.

SED CONTRA: Statim Adam cum peccauit, ab im-
mortalitate cecidit in necessitatem moriendi: ergo si
gratia superueniens non auferret immutabilitatem diuinæ
sententiæ, remansit igitur post gratiam mortalis: sed
mortalis de necessitate generat mortalem: ergo quan-
tumcunque Adam satisfaceret, generaret filios suos
morti obnoxios: sed nulla creatura rationalis est morti
obnoxia, nisi propter culpam: ergo nunquam potuit
satisfacere, quin transmitteret culpam.

ITEM iustitia originalis consistit in quadam mentis,
& carnis integritate: sed quia virginitas dicit incorru-
ptionem mentis, & carnis, ex quo semel perditur, nun-
quam per satisfactionem potest recuperari: ergo pari
ratione neque originalis iustitiæ donum per satisfactio-
nem recuperatur: si ergo ex illius iustitiæ priuatione
est in nobis originalis culpa, impossibile fuit, quod
Adam satisfaceret pro posteritate sua.

ITEM omnis satisfactio peccatoris fundatur super
gratiam gratum facientem: sed gratia gratum faciens
nunquam potest transire ab vno homine in alium, sicut
in primo libro probatum est: sed gratia immediate à
solo Deo datur, videtur igitur, quod in primo parente
satisfacere non potuerit genus humanum.

ITEM efficacior est in vnoquoque fides sua sibi, &
gratia, quam sit alijs: sed Adam non potuit pro seipso sa-

CONCLUSIO.

*Impossibile fuit Adam pro posteris suis satisfacere, tum
ratione sui, qui erat debitor mortis & miseria, tum ra-
tione gratiæ quæ respiciebat voluntatem personæ non na-
turæ: tum ratione naturæ, pro qua tota non poterat
solus Adam satisfacere.*

RESP. AD ARG. Dicendū quod cum quæritur, Vtrum
tota posteritas in Adam potuerit satisfacere, sicut in eo
potuit vitari, hoc tripliciter potest intelligi. Aut ita
quod Adam posteris communicaret culpam & satis-
factionem simul: aut ita quod communicaret satisfactio-
nem, sed non culpam: aut ita in se satisfaceret, & pro se,
quod posteris non comunicaret culpam. Primi duo modi
non solum sunt impossibiles, sed etiam non intelligibi-
les, quia claudunt in se duo opposita. Si enim Adam co-
municasset posteris simul culpam, & satisfactionem, si-
mul essent culpabiles, & satisfacerent: ergo simul es-
sent iusti, & iniusti. Similiter si communicaret satisfac-
tionem, & non culpam: ergo innocentes satisfacerent:
& hoc similiter non est intelligibile. Non enim fit satis-
factio nisi pro offensa: & si Adam non communicaret
posteris culpam, ipsi haberent omnimodam innocen-
tiam: & si hoc, locum non haberet in eis satisfactio ali-
qua: pro innocente enim satisfacere non est intelligibile.
Tertius autem modus dicendi, videlicet quod sic satisfa-
ceret pro culpa sua Adam, ut sua satisfactione impedi-
retur transfusio originalis culpæ, etsi intelligibilis sit,
impossibilis tamen fuit ipsi Adæ: & ratio huius melius
in Tertio reddetur, cum ageatur de modo redemptionis
humanæ. Ad præsens autem hoc dixisse sufficiat, quod
Adam sic satisfacere non poterat, ut impediretur trans-
fusio culpæ originalis in posteritatem suam. Et ratio hu-
ius sumitur & à parte ipsius Adæ, & à parte gratiæ, &
à parte corruptionis naturæ. A parte Adæ, quia ipse de-
bitor mortis erat, & dignus pœnalitate, & miseria: &
ideo quamcunque mortem, vel pœnam sustineret pro
transgressione sua, Deo satisfacere non poterat sufficien-
ter. A parte verò gratiæ, per quam satisfaciebat, ratio su-
mitur, quoniam illa gratia erat gratia pœnitentialis, quæ
quidem respiciebat ipsam voluntatem personæ: & ideo
per ipsam non curabatur morbus concupiscentiæ, quæ
radicabatur in carne: & propterea quantumcunque satis-
faceret, remanebat natura corrupta: & ita necessitas ad
transfundendam originalem culpam. Ex parte verò na-
turæ sumitur ratio, quia cum natura humana tota in ipso
vitiata esset, tãti pensabatur illa corruptio naturæ, quanti
pretij est tota humana natura: & ideo quidquid Adam
faceret, longè inferius esset eo, quod exigebat Deus ad
tantæ corruptionis, & damnationis recompensationem,
& ideo pro illa non poterat satisfacere. Posset etiam ni-
hilominus assignari ratio ex parte diuinæ offensæ, quæ
cum esset infinita, ratione eius quia est contra infinitū,
non recipiebat recompensationem, nisi aliquis satisfac-
ceret, qui esset infinite bonus. Et ideo non indoctè di-
cunt aliqui, quod non solum satisfactio pro peccato
Adæ, sed etiam pro quocunque alio peccato fundata est
super meritum, & satisfactionem Christi, in cuius fide,
& sacramentis Deus parcat quibuscunque parcat: & ideo
contingit omnes de plenitudine eius accipere: & ipsum
dedit caput totius Ecclesiæ tam finalis, quam primitiue.
Patet igitur, quod quocunque modo dicatur, impossi-
bile fuit Adam pro posteris satisfacere. Vnde conceden-
dæ sunt rationes hoc ostendentes.

1. AD illud quod obicitur de verbo Ansel. quod si ne-
quisset iustitiam traducere, &c. dicendum quod Ansel.
loquitur ibi de iustitia originali, & illam dicit quod Adæ
& seruare potuerit posteris, & transfundere. Hoc au-
tem intelligendum est sanè, non quia aliqua qualitas,

quæ

quæ esset in anima Adæ per multiplicationem ad posteros descenderet, sed quia anima Adæ innocens coniuncta fuerat carni puræ, & immaculatæ: & si sterisset, anima potuisset illam carnem seruare, & à corruptione mortis, & à corruptione libidinis; & hæc reſtitutio erat originalis iustitia. Si autem in hac Adam perſtitisset, cum generaret posteros, carnem immaculatam transfunderet. Et similiter dum anima creata à Deo innocens tali carni vniretur illud idem posset, & reſtitutionem haberet, quam habuit anima Adæ, & per hoc originale iustitiam: & pro tanto originalis iustitia transfundi dicitur, quia si hanc habet pater, necesse est quod hanc habeat filius: & hoc est ex ratione bonæ dispositionis ex parte carnis quam originalis iustitia concernit: & sic est de iustitia satisfactionis, quæ voluntatem respicit, non carnis integritatem.

2. Ad illud quod obiicitur, quod sicut fuimus in Adam peccante, ita fuimus in ipso satisfaciēte, dicendum quod non est simile, quia peccatum Adæ pro eo quod illam iustitiam originalem priuabat, non tantum respiciebat personam, sed etiam naturam: sed quia illa satisfactio illam innocentiam non restituebat, personam non naturam respiciebat: & ideo non sic in posteros redundare potuit satisfactio, sicut redundauit ibi transgressio.

3. Ad illud quod obiicitur, quod si oppositum est causa oppositi, &c. dicendum quod istud intelligendum est in his oppositis, quorum vtrumque est aliqua natura, & in eis, quæ recte sunt opposita, & secundum illud in quo opponuntur. Et ratione huius triplicis conditionis illa propositio non habet locum in proposito. Primum quidem, quia culpa non dicit aliquam positionem, siue naturam, sed potius priuationem. Secundò verò, quia iustitia satisfactionis nõ directè opponitur culpæ originali, sed potius originalis iustitia, & si illa originalis iustitia fuisset in Adam generante, fuisset causa oppositi. Tertiò verò, quia culpa ipsius Adæ opponitur ipsi satisfactioni in quantum corrumpebat personam, non in quantum corrumpebat naturam: sed in quantum corrumpebat personam, meritum erat æternæ damnationis: in quantum verò corrumpebat naturam, principium erat vniuersalis corruptionis. Iustitia ergo satisfactionis auferbat ab ipso Adam meritum æternæ damnationis: & secundum illud opponebatur ei, & erat causa oppositi, videlicet æternæ beatitudinis per modum meriti: vitium autem corruptionis non auferbat, nec eius oppositum causabat, quia secundum illud non opponebatur ei.

4. Ad illud quod obiicitur, quod prior est Deus ad miserendum, quam ad condemnandum, dicendum quod illud verum est, vbi misericordia sic habet locum, quod non excludit iustitiam: iustitia autem requirebat maiorem satisfactionem, quam Adam posset facere: & ideo misericordia pro illa modica satisfactione Adæ nõ debebat toti generi humano donare offensam, sed quod nobis, & sibi deerat, decebat eum supplere: quod & fecit, cum propter nimiam charitatem suam filium suum vniuentum misit in similitudinem carnis peccati, & cum essemus mortui peccato, conuiuificauit nos Christo.

5. Ad illud quod obiicitur, quod potentior est gratia quam sit culpa, responderi potest dupliciter. Primò quod illud intelligendum est respectu illius effectus, ad quem gratia ordinatur: gratia autem gratum faciens ipsi Adæ collata, non ordinabatur ad remouendam carnis corruptionem, sed voluntatis deordinationem, quia reformatiua erat imaginis, non reformatiua carnis. Nihilominus tamen in reparatione carnis potentior est aliquo modo, quam culpa, dum per gratiam meretur homo secundam stolum. Aliter potest dici, quod etsi gratia potentior sit, quam culpa, non tamen sequitur quod totum reformet quod culpa destruxit. Multò enim facilius est destruere, quam construere. Vnde vnus malus cibus aliquando plus corumpit naturam, quam centum bonæ medicinae possint eam reparare, quamvis medicinae illæ sint valde potentes, & virtuosæ.

6. Ad illud quod obiicitur de lege pupillorum, di-

cendum quod Adam non ad posteros comparatur sicut tutor ad pupillos, sed sicut pater ad filios. Vnde sicut pater facilius potest bona sua dissipare, & destruere, & per consequens hæreditatem filiorum suorum deuastare, quam posset illam post deuastationem, & consumptionem reparare, sic & in proposito intelligendum est se habere.

ARTICVLVS II.

CONSEQUENTER circa secundum articulum quaeritur de quæritate originalis. Et circa hoc duo quaeruntur. Primò quaeritur de ipso originali sub ratione quantitatis continuæ, Vtrum vnum originale possit esse maius altero. Secundò quaeritur quantum ad rationem quantitatis discretæ, Vtrum videlicet sit ponere vnum originale, vel plura.

QVÆSTIO I.

An originale æqualiter reperiatur in omnibus.

Alexander Avenis 2. p. 9. 105. Membro 9. art. 2.
Richardus 2. Sent. dist. 33. ar. 2. q. 1.
Stephanus Brulef. 2. Sent. dist. 33. q. 3.

VTRUM originale in omnibus reperiatur æqualiter. Et quod sic, videtur per Anselmum. Originale peccatum in omnibus ælimo esse æquale.

ITEM hoc ipsum videtur ratione. Originale peccatum est carentia debitæ iustitiæ, sicut sæpe dictum est, & quilibet illa iustitia originali est simpliciter nudatus, & priuatus: ergo si æqualiter omnes sunt priuati, æqualiter originali macula sunt infecti: ergo in quibuscunque reperitur originale peccatum, æqualiter reperitur.

ITEM hoc ipsum ostenditur per causam: Originale peccatum est in nobis propter Adæ inobedientiam: sed inobedientia Adæ vna fuit, & æqualiter omnes posteros respiciebat, ergo videtur quod omnes æqualiter culpabiles faciebat.

ITEM hoc ipsum videtur per poenam. Omnes enim habentes culpam originalem æqualiter puniuntur, videlicet omnimoda carentia visionis Dei: si igitur quantitas poenæ respondet quantitati culpæ, videtur quod si est æqualitas in carentia visionis Dei, quod sit æqualitas in corruptione originali.

ITEM hoc ipsum probatur per concupiscentiam annexam. Originale enim peccatum ad omne malum reddit pronum per concupiscentiam. Vnde dum lex prohibet concupiscentiam, prohibere dicitur omne malum: ergo originale peccatum vnumquemque corumpit vniuersaliter: sed vniuersalem corruptionem non contingit reperire secundum magis, & minus, immò in omnibus, in quibus reperitur, in termino reperitur: ergo videtur, quod originalis culpa non potest esse maior in vna persona, quam in alia.

ITEM si maius est originale in vno, quam in alio, aut hoc est ex actu parentis, aut ex actu prolis. Ex actu parentis esse non potest: nam sicut probatum est supra, peccatum parentis in prolem non transit. Ex actu verò prolis non potest, sicut planum est: ergo videtur, quod nullo modo originale in vno quam in alio reperiatur intensius.

1. SED CONTRA: Anselmus de conceptione Virg. sicut propter naturam nascitur corrupta persona, ita natura propter naturam efficitur magis peccatrix: sed peccatum quod inficit naturam, est peccatum originale: ergo videtur quod originale peccatum in aliquo possit fieri maius, & intensius.

2. ITEM hoc videtur ratione: Nullum malum est in summo, quia nihil est summè malum: sed originale peccatum malum est: ergo non est in summo: sed quod est citra summum, & intendi potest, & augeri: ergo originale peccatum intensibile est: igitur potest maius in vno, quam in altero reperiri.

3. ITEM originale peccatum est concupiscentia: sed

Fundamēta.
De origin.
peccato, 6.
23.

Ad opposi-
tum.
Cap. 26.

concupiscentia potest intendi, sicut & potest remitti: & aliquando intenditur, sicut patet per experimentum: ergo videtur quod peccatum originale intendi valeat, ut sit maius in vno, quam in alio, vel etiam intensius in eodem secundum statum diuersos.

4. **ITEM** fœditas carnis est ratio, quare anima contrahit originale: sed caro non est infecta in summo: & quod non est infectum in summo, dum transit per viam infectionis, potest magis & magis infici. Si igitur caro nostra transit per viam infectionis, dum propagatur, videtur quod magis & magis inficitur, ac per hoc quotidie originale peccatum augmentatur.

5. **ITEM** omnis proprietas quanto magis appropinquat causæ suæ, est intensior, & fortior, & quanto magis elongatur, debilior: sed corruptio originalis ab Adam producitur tanquam à fontali principio, & radice: ergo videtur, quod quanto aliquis est Adæ proximior, tanto originalis culpa sit in eo intensior.

6. **ITEM** vna anima meliora habet naturalia, quam alia, sicut in præcedenti distinctione habitum est: sed tãtò corruptio peior est, quanto est in meliori natura, sicut August. dicit, & expressè ratio manifestat propter dignitatem eius, quod corrumpitur: ergo originalis corruptio peior est in vna anima, quam in altera: & si hoc, videtur quod culpa sit intensior.

CONCLUSIO.

Originale peccatum in omnibus, in quibus habet esse, reperitur æqualiter.

RESP. Ad Arg. Dicendum quod sicut si Adam stetit, omnes æqualiter essent innocentes, ita nunc cum Adam peccauit, omnes facti sunt æqualiter peccatores: & ita culpa originalis in omnibus reperitur æqualiter: ita quod non est maior in vno, quam in altero, nec etiã intendi habet in eodem subiecto. Ad cuius intelligentiam notandum est, quod ista tria concurrunt ad originale peccatum, scilicet debita iustitiæ carentia, concupiscentia, & carnis fœditas: & primum est ipsi originali essentiale, secundum verò materiale, & tertium causale, sicut supra explanatum fuit. Si igitur originale deberet augeri, ex aliquo istorum oportet ipsum intendi: cum autem per nullum horum intendi habeat, in omnibus æqualiter habet reperiri. Quantum ad carentiam namque debita iustitiæ non potest intendi: ista enim carētia non potest esse maior in vno, quam in alio nisi triplici de causa. Aut quia sit obligatio fortior, aut quia sit ibi maior priuatio, aut quia modus priuandi sit detestabilior. Nullo istorum modorum maior habet esse carentia in homine vno, quam in alio. Non enim obligatio fortior, quia omnes æqualiter obligamur in Adam. Nec priuatio maior, quia in eodem dono, sc. originalis iustitiæ omnes per originalem culpam nudamur. Nec modus priuandi detestabilior, quia omnes priuati sunt per vnam inobedientiam Adæ: & sic originale ratione carentiæ debita iustitiæ non recipit magis, & minus, sed in omnibus æqualiter est. Similiter nec quātum ad concupiscentiam intendi habet. Si enim intenditur appetitus, vel concupiscentia respectu alicuius delectabilis in aliquo, hoc potest esse tripliciter. Aut ex complexione, aut ex assuefactione, aut ex vinculi refranantis contractione. Primo modo absque dubio concupiscentia augeri potest, sicut patet de concupiscentia carnis, quæ magis feruet in cholericis, & sanguineis, quam in melancholicis, sed talis intensio nihil facit ad culpam. Non enim est culpabilis, sed naturalis, vel pœnalis. Similiter & secundo modo concupiscentia intendi potest in eodem homine, sicut patet in eo, qui assuefactus est luxuriari, & bona cibaria comedere, quod magis est pronus, & ardentius concupiscit quam qui talia non gustauit: sed hæc intensio non facit ad originale peccatum, sed potius ad actuale, quia non dicitur originale peccatum concupiscentia quocumque modo, sed solum prout ab origine contracta est. Tertio

modo non potest intendi, sed in omnibus habet æqualiter reperiri, pro eo quod illud retinaculum originalis iustitiæ merito culpæ Adæ in omnibus est contractum. Et quoniam secundum istum tertium modum attenditur quantitas originalis ex parte concupiscentiæ, hinc est quod quantum ad concupiscentiam, originalis culpa in omnibus, in quibus est, reperitur æqualiter. Similiter quantum ad fœditatem, quæ est in carne, non potest esse maius, & minus originale: & hoc patet: nam quod aliqua proprietas intendatur, requiritur idoneitas ad intentionem tam ex parte susceptibilis, quam ex parte proprietatis quæ intenditur, quàm etiam ex parte agentis: etsi aliquod horum defuerit, proprietas illa non habet intendi, sicut patet consideranti. Omnia autem hæc deficiunt in proposito. Defectus enim est ex parte susceptibilis: nam sicut speculum nouum inficitur à muliere mēstruata, sed postquam inneteratū est ex aliquo aspectu non recipit nouam infectionem, sic humana natura in statu primordiali, quasi noua existens, infici habuit à corruptione personæ: postmodum verò quasi inneterata, ex noua corruptione non recipit nouam infectionem. Defectus etiam est ex parte agentis, quia nullus est post primum hominem, cuius transgressio respiciat nisi obligationem personæ: hinc est quod talis culpa non habet inficere carnem coniunctam. Defectus etiam est ex parte proprietatis insensibilis. Illa enim quorum potentia est in termino, non habent recipere maius, & minus, sicut vult Philosophus. Fœditas autem carnis secundum quod est principium contractionis originalis, ortum habet ex carentia originalis iustitiæ: & quia carentia illa nuditas quædam est, & nudo non est reperire magis nudum, sicut originalis iustitiæ nuditas non recipit magis, vel minus, sic nec carnis fœditas. Et sic patet, quod ex parte fœditatis carnis originale non habet intendi, nec augmentari in eodem, vel in diuersis, nec ex parte concupiscentiæ, nec carentia debita iustitiæ, sicut ostensum est, nec sunt plura concurrentia ad originale. Manifestum est igitur quod originale peccatum in omnibus, in quibus reperitur, habet esse æqualiter: & concedendæ sunt rationes hoc ostendentes.

1. **AD** illud ergo quod primò obiicitur de Anselmo quod natura per personam efficitur magis peccatrix, dicendum quod natura accipitur dupliciter. Vno modo dicitur natura vis insita rebus ex similibus similia procreans. Alio modo dicitur natura ipsum commune: his duobus modis distinguitur natura contra personam. Et cum dicitur quod natura corrumpit personam, accipitur natura pro vi propagatiua: & corruptio personæ dicitur illa, quæ respicit volūtatē rationalem. Cum autem dicit Ansel. quod natura efficitur per personam magis peccatrix, accipit naturam pro communi, prout consideratur in supposito: & hoc patet per exemplum sumum, quod dicit: Sicut Adam peccāte peccat homo, sic Adam magis peccante, magis peccat homo: & hoc modo natura non habet corrumpi solum per peccatum originale, sed etiam per peccatum actuale: ex hoc igitur non sequitur, quod originale habeat esse maius & intensius.

2. **AD** illud quod obiicitur, quod nullum malum est in summo, dicendum quod est summum simpliciter, & est summum in genere: & quamvis non contingat reperiri summum malum simpliciter, est tamen reperire malum summum in proprio genere, sicut videmus aliquem ita priuatum visu, quod non potest esse magis. Sic & in proposito potest intelligi, quod originale priuat simpliciter iustitiā originalem: & ideo eius infectio est in termino. Posset tamen dici, quod etsi non esset in summo, non tamen sequitur, quod posset intendi, quia potest esse defectus ex parte sui susceptibilis, vel ex parte agentis: & vtrumque hic deficit, sicut supra ostensum est.

3. **AD** illud quod obiicitur, quod concupiscentia potest crescere, dicendum quod verum est intensiue, sed non extensiue: illud tamen incrementum nihil facit ad originale peccatum, cum non sit nisi vel ex complexione, vel ex assuefactione, sicut ostensum est.

1. Cali con
tex. 4. 11
Et 2. Cali
contex. 23.

Cap. 22.

4. AD

4. Ad illud quod obiicitur, quod fœditas carnis potest esse maior, dicendum quod etsi fœditas carnis, pro ut est corruptio pœnalis, intendatur, & crescat, sicut patet in leprosis, & seminifluis, & aliis fœdis infirmitatibus oppressis, pro ut tamen ipsa est principium originalis, habet æqualiter reperiri in singulis, quia ab vno solo, & primo fonte procedit.

5. Ad illud verò quod obiicitur, quod proprietas intensior est cum appropinquat suæ origini, dicendum quod illud verum est de proprietate, quæ quidem dicit naturam, & positionem, & de illa, quæ habet continuari cum sua origine, sicut est in virtute mouente, & luminis effusione: aliter non habet veritatem, sicut patet. Nam candela inflammata ab alia, ita bene inflammabit, sicut inflammabat illa: vtrumque enim deficit in proposito, tum quia illa carnis fœditas plus dicit rationem priuationis, quam positionis: tum quia etiam illius fœditatis transfusio est per generationem, in qua generatum primum & secundum habent eandem vim, quam habebat generans primum.

6. Ad illud quod obiicitur, quod vna anima habet meliora naturalia, quam alia, dicendum quod & si hoc verum sit & concedendum, tamen quantum pertinet ad puritatem innocentie omnes animæ æquales sunt: & quia illius priuationem directe respicit originale, hinc est quod licet alia naturalia sint excellentiora, non tamen propter hoc intenditur corruptio originalis culpæ. Quando enim dicitur, quod tanto peior est corruptio, quanto melior est natura, hoc intelligitur secundum illud, secundum quod natura per vitium corrumpitur: aliter enim non habet veritatem, quia frequenter ille qui habet meliora naturalia, non habet ita grauia peccata, sicut ille, qui habet minus bona, & etiam in eodem genere peccati.

QVÆSTIO. II.

An peccatum originale vnum sit, vel plura.

Alexander Alensis 2. p. q. 105. Membr. 8.

S. Thomas 1. 2. q. 82. art. 1.

Et 2. Sentent. dist. 33. q. 2. art. 1.

Egid. Rom. 2. Sent. p. 3. q. 1. art. 3.

Richardus 2. Sent. dist. 33. art. 2. q. 2.

Durandus 2. Sent. dist. 33. q. 2.

Steph. Brulef. 2. Sent. dist. 33. q. 4.

Gabr. Biel. 2. Sent. dist. 33. q. 1. art. 3.

VTRUM sit ponere vnum originale, vel plura. Et D quod vnum solum, videtur. Primò auctoritate Magistri in littera capite, *Alioquin*, ubi sic ait: Vno peccato non pluribus paruuli obligati sunt.

ITEM hoc ipsum ostenditur ratione, sumpta à causa, quia peccatum originale contrahitur propter Adæ inobedientiam: ergo si vna tantum culpa fuit eius inobedientia, videtur quod in quocunque reperitur, sit vnicum, & nullo modo plura.

ITEM hoc ipsum ostenditur ratione sumpta à pœna. Originali enim debetur solum carentia visionis Dei, & hæc est vna pœna: sed multis culpis multæ debent respondere pœnæ: ergo, &c.

ITEM hoc ipsum ostenditur in comparatione ad sequelam. Originale enim non solummodo est ab origine: sed etiam origo est, & principium omnium malorum. Si ergo quod per superabundantiam dicitur, vni soli conuenit, & status est per reductionem ad vnum, videtur quod originale peccatum non sit nisi vnum solum.

ITEM hoc ipsum videtur in comparatione ad subiectum: Originale enim est in anima ratione coniunctionis suæ ad carnem: si ergo vna est caro cui anima coniungitur, & vnica vnione vnitur, & vnitas est in anima, secundum quod carni ut perfectibili vnitur: videtur ergo quod necessariò peccatum originale sit vnum.

ITEM hoc ipsum ostenditur per comparationem ad oppositum. Originale enim peccatum est carentia debite iustitiæ: sed debita iustitia, cuius originale peccatum,

est priuatio in homine, non erat nisi vna, quia in vno innocente vna est innocentia: ergo, &c.

1. SED CONTRA hoc arguitur: Primò auctoritate super illud Psalmi: Ecce in iniquitatibus conceptus sum: Glossa, iniquitates sunt peccata originalia, & multæ auctoritates sunt ad hoc in littera.

2. ITEM hoc ipsum videtur rationibus sumptis per eandem viam, per quam sumebantur ad oppositum. Et primò ratione sumpta à causa: Originale enim peccatum est in nobis propter peccatum primorum parentum: sed Adam, & Eva plura commiserunt peccata: ergo videtur quod plura sint in nobis originalia, quia qua ratione redundat in nobis peccatum viri, eadem ratione mulieris:

3. ITEM hoc ipsum videtur ratione sumpta à pœna, quia vni culpæ vnica debet respondere pœna: sed multa genera pœnalarum ad originale peccatum consequuntur, ut fames, sitis, mors, infirmitas, &c. Et quatuor, dicit Beda, nobis per peccatum originale esse infligenda, scilicet infirmitatem, ignorantiam, concupiscentiam, & malitiam: videtur igitur quod secundum diuersa pœnalarum genera sit diuersitas originalium.

4. ITEM hoc ipsum videtur per comparationem ad capitalia subsequencia: Habitus enim diuersificantur per actus, & actus per obiecta: si ergo originale peccatum reddit hominem procliuem ad septem peccata capitalia, quæ sunt diuersorum generum, videtur quod in quolibet homine sit multitudo originalium.

5. ITEM hoc ipsum ostenditur per comparationem ad subiectum, quia omnes vires animæ inficiuntur per originale peccatum, sed multiplicatis corruptibilibus, multiplicantur corruptiones, & in diuersis potentiis diuersi sunt habitus: ergo in vnoquoque homine necesse est ponere multiplex originale.

6. ITEM hoc ipsum videtur per comparationem ad oppositum, quia per originale peccatum est priuatio omnium virtutum, cum per ipsum fiat incuruatio animæ ad vitia omnibus virtutibus opposita: ergo si plures contingit in nobis reperiri virtutes, plures in nobis contingit reperiri culpas originales.

CONCLUSIO.

Originale peccatum simpliciter vnum est secundum speciem: in quolibet autem homine habet unitatem secundum speciem, & secundum numerum.

RESP. AD ARG. Dicendum quod sicut vult Magister Hugo, originale peccatum dupliciter dicitur. Vno modo dicitur originale peccatum, quod est origo omnium peccatorum: & sic peccatum Adæ dicitur originale peccatum: & hoc modo originale peccatum non tantum est vnum specie, verum etiam vnum numero. Alio modo dicitur originale peccatum, quod est in nobis ab origine, & à quo enim cetera vitia sumunt in nobis originem: & hoc modo quærimus hic de vnitate originalis peccati. Ad huius igitur quæstionis dilucidationem intelligendū est, quod cum quærimus de vnitate alicuius, aut quærimus de vnitate secundum speciem, & formam communem, aut quærimus de vnitate secundum numerum, & suppositum. Si primo modo loquamur de originali peccato, sic vnitatem habet secundum speciem eo modo, quo peccatum dicitur habere speciem. Vnitas autem ista in originali peccato venit principaliter ex parte boni, quod priuat, & ex parte peccati Adæ, per quod introductum est, hoc est ex parte oppositi, & ex parte principij. Vna enim est secundum speciem originalis iustitia, & innocentia, cuius priuatio est originale peccatum. Vna etiam fuit inobedientia, ratione cuius totum genus humanum est corruptum: & ideo secundum speciem originale peccatum est vnum in nobis. Si autem loquamur de vnitate originalis quantum ad numerum, sic dicendum, quod in vno homine est vnicum. Et ratio huius est, quia peccatum dupliciter numeratur. Aut ratione subiecti, in quo est: sic in diuersis hominibus diuersa sunt peccata. Aut

Ad oppositum.
Psal. 50. 6

ratione actus, per quem homo culpabilis efficitur: sic Anan. Et sic intelligendo quodd originale peccatum, ut qui pluries luxuriatus est, plura habet peccata. Neutro istorum modorum originale peccatum multiplicatur, sed remanet indiuisum: nam in vno homine vna est anima, quæ per originale peccatum inficitur. Item: Vnius hominis vna est generatio, in qua, & per quam originale peccatum transfunditur: & ideo originale peccatum in vno homine est vnum solum quantum ad vnitatem secundum speciem, & quantum ad vnitatem secundum numerum. Et concedendæ sunt rationes, quæ hoc ostendunt.

1. Ad illud ergo quod primò obiicitur de Glossa in contrarium, Iniquitates esse peccata originalia, dicendum quodd sicut Magister dicit, frequenter in Scriptura accipitur plurale pro singulari, & e conuerso, sicut Magister exemplificat in litera. Ratio autem quare Scriptura originale cum sit vnum, pluraliter nominat, est propter multiplicationem inclinationum ad malum, quæ ex originali peccato nascuntur.

2. Ad illud quod obiicitur, quodd originale peccatum ortum habet à peccato primorum parentum, dicendum est, quodd quemadmodum in generatione proles pater, & mater sunt quasi vnum principium completiuium, ita quodd neuter eorum per se sufficit, quamvis sint diuersæ personæ, & distinctæ: sic & in originali peccati transfusione intelligendum est: & si enim peccatum Adæ, & peccatum Eue fuerunt diuersa, propterea tamen in originali peccato inficiebatur in vtroque vis generatiua. vnum peccatum originale in prole causabant, ita quodd sicut principaliter virtus generatiua residet penes virum, ita etiam transfusio originalis principaliter attribuitur viro. Nihilominus tamen vtrique attribuitur suo modo: vnde friuola est illa quæstio, qua quæritur, vtrum transfunderetur originale, si tantum vir, vel tantum mulier peccasset: quia cum ad generationem duo concurrant tanquam vnum principium, non pateretur Deus quodd vir incorruptus mulieri corruptæ commisceretur, vel e conuerso. Debet enim siue in statu naturæ institutæ, siue in statu naturæ corruptæ seruari proportio, & conformitas viri agentis ad mulierem suscipientem, cum in actu illo efficiantur vna caro.

3. Ad illud quod obiicitur, de multiplicitate pœnarum, dicendum quodd vni culpæ responderet vna pœna principalis: plures autem possunt esse non principiales. Principalem autem dico pœnam æternam, non principalem pœnam temporalem, quæ quodam modo est ad bonum ordinatiua. Vel principalem voco illam, quæ primò pro culpa infligitur: non principalem verò, quæ ad istam consequitur. Originale autem vna pœna æterna puniatur, videlicet carentia visionis Dei. Vnica etiam pœna temporali principaliter, videlicet mortalitate carnis: sed ad mortalitatem multæ consequuntur pœnalitates.

Exemplum.

4. Ad illud quod obiicitur, de multiplicitate inclinationum, dicendum quodd sicut vna chorda rupta, qua multa colligantur, sequitur laxatio multorum: & tamen vna est ibi prima corruptio, & laxatio: sic intelligendum est & in proposito, quia iustitia innocentie per originale peccatum priuata, omnes vires animæ relaxantur: vna tamen est corruptio loquendo essentialiter: plures autem intelligendo causaliter.

5. Ad illud verò quod obiicitur, quodd est corruptio diuersarum virium, dicendum quodd verum est: sed sicut gratia ponitur esse in viribus animæ, propterea tamen continuantur ad vnitatem substantiæ animæ, & ideo vna est gratia in omnibus viribus, sic & originale peccatum est corruptio plurium virium, propterea tamen illæ vires in vnitatem substantiæ vni carni habent vniri. Et sic intelligendum illud verbum, quodd ab aliquibus consuevit dici, scilicet, quodd originale inest animæ secundum suam essentiam: hoc enim non est intelligendum quodd ipsam substantiam animæ originale prius respiciat, quam potentias. Nam contrarium huius dicit Anselmus in lib. de conceptu Virg. quodd tam iustitia, quam iniustitia primò est in voluntate, & loquitur ibi expresse de peccato origi-

nal. Et sic intelligendo quodd originale peccatum, ut culpa est, sit primò in voluntate: ut vitium, sit in pluribus potentis ad vnam substantiam continuatis, intelligitur habere vnicum subiectum, sicut sanitas vna ponitur esse in omnibus membris eiusdem corporis, sicut vult Augustinus. Non sic autem est de peccato actuali. Nam peccata actualia diuersas potentias respiciunt, secundum quodd ad diuersos actus comparantur, vnde & per diuersos actus introducuntur in esse, & propterea secundum diuersitatem potentiarum habent differre: non sic est de originali peccato, quodd contrahitur ex vniione animæ ad carnem.

6. Ad illud quod vltimò obiicitur de comparatione ad oppositum, iam patet responsio. Nam originale peccatum, primò & principaliter virtutibus non opponitur sed opponitur iustitiæ originali, de qua saepe dictum est: & illam priuando, per consequens inclinatur ad diuersa vitia: & sic inclinando cum omnibus virtutibus habet repugnantia. Vnde ratio illa non cogit, quia non arguit per illud, quodd opponitur directe, sed solum per id quodd opponitur ex consequenti.

ARTICVLVS III.

CONSEQUENTER quæritur quantum ad tertium articulum de pœna originalis. Et circa hoc quærentur duo. Primò quæritur, vtrum decedentes etiam in solo originali puniantur pœna ignis materialis. Secundò quæritur, vtrum puniantur pœna interioris doloris, an solum carentia visionis Dei.

QVÆSTIO I.

An paruuli decedentes in solo originali puniantur pœna ignis materialis.

S. Thom. 2. Sent. dist. 33 q. 2. art. 2.

Et de Malo, q. 5. art. 2.

Secus 2. Sent. dist. 33 q. 1.

Agul. Rem. 2. Sent. p. 1. dist. 33 q. 1. art. 2.

Rt. hardus 2. Sent. dist. 33 art. 3 q. 1.

Durand 2. Sent. d. 33 q. 3.

Gandauensis Quod 6. q. 2. 1.

Thom. A. g. 2. Sent. dist. 33 q. 1. art. 1.

Stephan Brulef. 2. Sent. dist. 33 q. 1.

Gabr. Biel. 2. Sent. dist. 33 q. 1. sub. 2.

VTRVM paruuli decedentes in solo originali puniantur pœna ignis materialis. Et quodd sic, videtur. Augustinus de fide ad Petrum: Firmissime tene paruulos, qui sine Sacramento baptismatis de hoc sæculo transeunt, æterni ignis supplicio sempiterno puniendos.

Ad oppositum.

Cap. 27. 10. 3.

2. ITEM Augustinus: Quisquis ita viuere incipit, ut ante finiat vitam, quam ab eius scilicet originalis obligatione solvatur, si vnius diei, vel vnius horæ spatio anima vixit in corpore, necesse est eam cum eodem corpore, interminabilia gehennæ supplicia sustinere. Ex hoc expresse colligitur, quodd originali non tantum debetur carentia visionis Dei, sed etiam pœna ignis.

De fide ad Pet. c. 3. in med. som. 3.

3. ITEM hoc ipsum videtur ratione: Paruuli in hac vita multas sustinent pœnalitates, & afflictiones: aut ergo iuste, aut iniuste. Non iniuste hoc constat, quia omnis pœna iusta est. Si iuste, ergo mereretur hoc originalis culpa si ergo culpa non debet remanere impunita, & originale meretur pœnam sensus, videtur quodd paruuli pœna sensibili crucientur.

Sap. 11. 6

4. ITEM Illud est magis dignum puniri, in quo magis residet causa peccati: per quæ enim quis peccat, per illa debet torqueri: sed traductio, & causa originalis peccati maxime residet penes carnem: ergo videtur, quodd illa potissime debet puniri: si ergo anima merito illius culpæ digna est Dei visione priuari, multò fortius caro digna est æternis suppliciis cruciari.

5. ITEM paruulis non restituuntur corpora dotata: habebunt igitur corpora passibilia: sed omne passibile: necesse est aliquando pati vel ab extrinseco, vel ab

interinseco

Cap. 3. & 4.

intrinsicco, maximè cum approximat agentis actiuo: ergo videtur quod paruulorum corpora aliquando patiuntur, & affligentur.

Fundamēta.
Enchir. 93.

SED CONTRA: Augustinus in Enchirid. Mitissima sanè eorum erit pœna, quæ præter peccatum, quod originaliter traxerunt, nullum insuper addiderunt: sed si paruuli carerent visione Dei, & punirentur igne materiali, non haberent mitissimam pœnam. Si igitur nemo dubitat eos visione Dei priuandos, videtur nullo modo esse ipsos corporali supplicio puniendos.

ITEM Magister in litera cap. Alioquin. Pro originali peccato quod à parentibus paruuli traxerunt, nullam aliā materialis ignis, vel consuetudinis vermis pœnam sentiunt, nisi quod Dei visione carebunt in perpetuum.

ITEM hoc ipsum videtur ratione. Iniustum est plus exigere in pœna, quam commissum est in culpa: si ergo paruulus nullo actu suo diuinum contempsit imperium, videtur quod nullum debetur sibi æternale tormentum.

Apor. 18. b

ITEM acerbitas pœnæ respondet quantitati delectationis iuxta illud Apoc. Quantum glorificauit se in deliciis, &c. Sed anima, quæ coniuncta fuit corpori paruuli infirmanti, & debili, nullam delectationem inordinatam in corpore sensit: ergo videtur quod sibi non debeatur acerbitas pœnæ sensibilis.

ITEM horribilius est continuè, & æternaliter in tormentis esse, quam omnino non esse: si ergo Deus animā, quam creauit sine perpetrato alicuius peccati, æternis suppliciis deputaret, nullum videretur sibi beneficium præstare, nec misericordia simul cum iustitia curreret: quod si hoc est inconueniens dicere apud Patrem misericordiarum: videtur, &c.

CONCLUSIO.

Paruuli decedentes in peccato originali sine gratia, priuantur Dei visione, ponuntur in loco vili: non tamen puniuntur pœna sensus, cum actuale non habeant peccatum.

pin. 1.

RESP. ad Arg. Ad prædictorum intelligentiam est notandum, quod hic duplex est opinio. Quidam enim attendentes rigorem diuinæ iustitiæ, ac sententiæ, qua Deus pro vno modico mortali, in quo momentanea & quasi nulla fuit delectatio, hominem cruciat æternaliter, dicunt quod paruuli cremabuntur igne materiali, longè tamen minus quam illi, qui peccauerunt peccato actuale. Et hoc dicunt sensisse Augustinum cum dixit in Enchirid. Pœnam paruulorum esse mitissimam. Et in libro de fide ad Petrum: Paruuli cruciabuntur æterno supplicio. Mitissimam enim illam vocat pœnam non absolutè, sed respectu aliarum. Nec in hoc derogatur, ut dicunt, diuinæ misericordiæ, quamvis plus manifestetur via iustitiæ, quam misericordiæ, pro eo quod minus malum est in tali pœna esse, quam omnino non esse, cum nō sit ibi tanta boni priuatio, sicut manifestat Aug. in lib. de libero arbitrio, & hoc dicunt esse conueniens, ut sicut in originali peccato erat carentia debitæ iustitiæ, & concupiscentia, sic etiam in pœna esset carentia visionis Dei, & afflictio ignis æterna. Sed cum valde durū illud dicere videatur, quod Deus tā durè, & tam asperè agat cum paruulis sic decedentibus, qui omnino non potuerunt vitare nec mortem culpæ, nec mortē naturæ, præsertim cum videamus Deum cū impiissimis, & sceleratissimis peccatoribus in multis misericorditer agere. Ideo est alia positio mitior, quæ magis cōcordat pietati fidei, & iudicio rationis, quod quia paruuli decedentes cum originali carent iustitia, & Spiritus sancti gratia, quæ est pignus hereditatis æternæ, priuantur in æternum Dei visione: quia verò in carne fuit scditas, ideo ponitur in loco vili, utpote infernalis: sed quia non habuerunt in se actualem delectationē peccati, nec in spiritu, nec in carne, ideo non sentiunt pœnæ ignis acerbitem. Hunc modum dicendi magis approbant Magistri communiter: & ideo ipsum sustinendo secundum opinionem Ma-

ap. 93.
ap. 27.

probatio.

pinio 2.

Agistri, sicut patet in litera, rationes quæ ad hanc partem inducuntur, concedo.

Hanc eandē
resp. dat S.
Th. in q. de
mal. q. 5. art.
2. ad 1. quā
Greg. de
Arim. 2.
Sent. d. 30.
resp. illis.

Et 2. Ebi.
c. 8.

1. AD illud ergo quod primò obicitur in contrarium de verbis Augustini, dicendum quod Augustinus in verbis illis non intendit dicere, quod paruuli sensibilibiter crucientur: sed intendit eorum pœnam manifestare quantum ad carentiam visionis Dei, & quantum etiam ad vilitatem loci. Et hoc valde abundanter exprimit plus dicens, & minus volens intelligi. Nec sine causa loquitur sic: hoc enim facit ad extirpandā illā hærēsim, quæ dicebat paruulos nulla pœna puniri. Vnde sicut in moribus documentum est, quod qui vult ab vno extremorum peruenire ad medium, quasi debet declinare ad aliud extremum, sicut docet Philosophus: sic etiam beatus Augustinus, ut illā hærēsim extirparet, quæ dicebat paruulos ab omni pœna immunes, & ad medium reduceret, videlicet ad pœnam carentiæ visionis Dei: simpliciter asseruit eos cum aliis peccatoribus æternaliter damnari. Istum autem suum intellectum explanauit in Enchir. vbi dixit, pœnam eorum esse mitissimam, sicut dicit Magister in litera.

2. AD illud quod obicitur, quod paruuli multas pœnalitates sustinent in hac vita, dicendum quod etsi temporaliter puniri pro peccato originali sit iustum: non tamen sequitur quod æternaliter. Et ratio huius est, quia pœnæ temporales non tantum sunt punitiue, sed etiam promotiue: vnde Deus non tantum affligit inimicos suos, verum etiam amicos, sicut patet in Tobia, & Iob: & ideo in afflictione temporali seueritati iustitiæ coniuncta est benignitas misericordiæ, quæ duo eleganter reperiri debent in omni punitione Dei, & remuneratione: sic autem non contingeret in pœna æterna reperiri: hoc enim parum esset de rigore iustitiæ, si animas paruulorum ignis gehennalis supplicio cruciaret.

3. AD illud quod obicitur, in carne maximè residet causa peccati, dicendum quod etsi causa peccati quoquo modo resideat in carne, hoc est per modum cuiusdam habitus, non per modum actus: tamen caro non facit animam paruuli concupiscentem, sed concupiscibilem: & propter hoc nec ipsa, nec anima in ipsa debet actuale combustionē ignis torqueri: sed sicut anima priuatur visione Dei, sic etiam caro priuatur stola sua: & in loco vili & tenebroso ponitur, cum collocanda esset in cælo empyreo, si à talis scditatis corruptione fuisset sanata per baptismi efficaciam.

4. AD illud quod obicitur, quod paruuli non habent corpora dotata, sed potius passibilia, dicendum quod aliquid non pati ab aliquo dupliciter contingit. Aut ex virtute, quam habet in se, aut ex ordine diuinæ iustitiæ, dico igitur quod corpora paruulorum sunt passione carentia: & hoc non est propter virtutem resistentiæ, quam habeant in se, sed potius propter ordinem diuinæ iustitiæ, secundum cuius regulam ignis infernalis agere habet, cum sit instrumentum diuinæ iustitiæ. Vnde sicut idem ignis magis cruciat maiorem peccatorem, quam minorem, sic & in eodem igne patiuntur corpora eorum, qui peccauerunt peccato actuale. Paruulorum verò corpora etiam si in ipsis ignibus infernalibus volutentur, passionem non sentiunt, & tamen non habent impassibilitatis dotem, quia non superant vim ignis, per hoc quod habent à virtute propria. Et si tu obicias mihi, quod debent pati, passione veniente ab intrinsicco, utpote fame & siti, cum non habeant corpora impassibilia, & immortalia, dicendum quod sicut damnatorum corpora cum sint passibilia, & defectibilia: tamen diuina virtute sustentante perpetuantur in vita, ut ab ignibus non consumantur: sic & paruulorum corpora eadem virtute diuina in vita continentur, ut non indigeant cibo, nec potu: nec tamen habent illam firmitatem, & soliditatem, quam habebunt corpora gloriosa.

QVÆSTIO II.

An parvuli decedentes in solo originali puniantur aliquo dolore interiori.

Richardus 2. Sent. dist. 33. art. 3. q. 2.

Stephanus Brulef. 2. Sent. dist. 33. q. ult.

Ad opposi-
tum.

VTRUM parvuli decedentes in solo originali puniantur aliquo dolore interiori. Et quod sic, videtur per illud Ioannis Chrysostomi, qui dicit quod excludi à bonis æternis, & alienum effici ab his, quæ præparata sunt iustis, tantum generat cruciatum, tantum dolorem, ut etiam si nulla extrinsecus pœna torqueret, hæc sola sufficeret: ergo si parvuli excluduntur sicut adulti, videtur quod maxime cruciabuntur interiori dolore, & gemitu.

2. **I**TEM quodcumque aliquis desiderat aliquid, & illo privatur, necessarium est illum tristari, & dolere: sed omnes homines naturaliter desiderant beatitudinem: ergo si animæ parvulorum æterna beatitudine privantur, videtur quod ex hoc necessario tristentur.

3. **I**TEM anima parvuli dum vnitur carni, contrahit concupiscentiam: cum ergo separatur à corpore, remanet in ea infectio illa contracta, & ipsa potest exire in actum hoc constat: ergo potest concupiscere: sed concupiscentia semper est vel cum delectatione, vel cum pœna. Cum delectatione, cum habet quod desiderat: cum pœna, si non habet: ergo si animæ parvulorum delectationibus erunt privata, videtur quod doloribus interioribus erunt afflictæ.

4. **I**TEM parvuli decedentes cum originali, & antiqui patres in limbo existentes, utriusque privabantur visione divina: si ergo ampliori debebant pœna puniri parvuli, qui habebant culpam, quam patres, qui nullam habebant culpam, videtur quod ex ipsa carentia visionis Dei aliquam tristitiam animæ parvulorum habeant.

5. **I**TEM maior dolor est, quando quis privatur aliquo bono sine causa, quam quando privatur ex causa aliqua: ergo pari ratione maior debet esse dolor, quando privatur ex minori causa, quam quando privatur ex maiori: si ergo animæ parvulorum ex minori causa privantur visione divina, quam animæ adultorum, videtur quod magis doleant interioribus.

6. **I**TEM animæ parvulorum per naturam habent affectiones, & affectiones necesse est vel quietari, vel per eas animam affligi: inquietudo animæ affectionum non modica est afflictio, sed affectiones parvulorum non erunt quietatæ, alioquin iam essent in quadam beatitudine: solus enim Deus est, qui quietat desiderium animæ: ergo videtur, quod si anima erit in affectionum varietate, & inquietudine, quod erit continuè in dolore, & afflictione.

Fundamentum.

SED CONTRA est Magister in litera. Nullam aliam pœnam sensuri sunt parvuli ignis materialis, vel conscientie vermis, nisi quod Dei visione carebunt in perpetuum: ergo videtur quod non habeant dolorem internum.

ITEM originale inest animæ vnione ad carnem: ergo si aliquo dolore debet anima cruciari merito originalis peccati, illo potissime cruciari debet, qui inest animæ secundum carnem: si ergo caro non cremabitur igne materiali, videtur quod anima non cruciabitur dolore spirituali.

ITEM si parvuli decedentes in originali dolebunt post hanc vitam, aut dolebunt de culpa, aut de damno. Si de culpa dolebunt: ergo erunt iusti. Si de damno dolebunt, cum illud damnum, & pœna carentie visionis Dei sit iusta, & qui dolet de iusto est iniustus, videtur quod in animabus decedentibus cum originali non tantum sit culpa originalis, sed etiam actualis.

ITEM si parvuli dolebunt de amissione illius summi boni, cum ipsi virtutem patientie non habeant: & qui dolet de aliquo malo carens virtute patientie, murmurat

A contra punientem, vel infligentem: ergo videtur quod animæ parvulorum murmurent contra Deum: sed nullus potest murmurare contra Deum nisi iniquè, & iniuste: ergo videtur, quod post egressum à corpore animæ decedentes in originali magis efficiantur iniquæ, quam antè: quod est impossibile.

ITEM si dolent, aut credunt se habituros illud bonum, aut certi sunt, quod nunquam habebunt. Constat quod non expectant illud bonum habendum, cum non habeant spem: si ergo dolorem habent de bono amisso cum certitudine nunquam habendi, videtur quod habeant desperationem: sed desperatio est acerbissima omnium pœnarum infernalium: ergo parvuli punirentur pœna acerbissima: quod impium est dicere.

ITEM si dolent, aut dolent in summo, aut non. Si in summo dolent: igitur acerbissime puniuntur. Si non dolent in summo: ergo in processu temporis possunt magis, & magis dolere, cum dolor ille ortum habeat ex interiori affectione: ergo in eadem dispositione manente culpa, videtur quod in eis crescat pœna: quæ duo sunt impossibilia.

CONCLUSIO.

Parvuli decedentes in peccato originali non cruciantur spirituali dolore interiori.

RESP. ad Arg. Ad prædictorum intelligentiam est notandum, quod super hac quæstione nec expressè loquitur scriptura, nec expressè eam Sancti determinant. Et ideo Doctores Theologiæ hic opinantur contraria. Quidam enim voluerunt dicere quod parvuli carebunt & cognitione, & dolore. Cognitione quidè carebunt, exigente iustitia: dolore carebunt, exigente misericordia. Iustitia namque exigit, ut non detur eis post hanc vitam donum aliquod cognitionis, quod in hac vita non habuerunt: unde sicut caruerunt cognitione fidei, & omni genere cognitionis intellectus illi, qui mortui sunt ante usum rationis, sic etiam carebunt post hanc vitam: nec diuturnitate temporis addiscent, sicut nec maiores, qui nihil plus sciunt quam lo moriuntur, quam quando nascuntur, etiam si multo tempore vixerint. Misericordia exigit, ut non habeant pœnam actualis doloris, cum non habuerint maculam culpæ actualis: & ideo iusto suo iudicio priuat eos Deus omni eorum cognitione, quæ posset eis inferre dolorè: melius est enim talia ignorare, quam scire. sicut peccatori proclui ad peccatum melius est ignorare, quam nosse ea, quæ eum inclinant ad peccatum. Sed quia difficile est intelligere, quod anima separata non habeat usum rationis, & non cognoscat ea saltem, quorum cognitio est ei naturaliter inserta, cum ex parte corporis impedimentum non habeat. Ideo alij aliter opinantur, quod animæ parvulorum, & habebunt cognitionem, & habebunt etiam dolorem. Scient enim propter quid factæ sunt, & sciēt se illo bono merito originalis culpæ esse privatos, & propterea dolorè habebunt, & affectiones doloris in eis alternabuntur: attamen non habebunt dolorem, qui mereatur dici vermis, quia non habebunt remorsum, eo quod perdidissent illud bonum propter propriam negligentiam, & contemptum: & pro tanto dolor eorum erit multo mitior, quam dolor adultorum. Sed quoniam plura videntur inconuenientia sequi, si ponatur ipsos dolere sicut in opponendo monstratum est: tum propter hoc, quia dolor ille est absque patientia, & absque spe, & ita cum murmure, & desperatione. Tum etiam quia dolor animæ redundat in carnem: & si talis dolor ex deliberatione procedit, non videtur esse absque actuali obliuatione. Propter hæc, & his similia est tertius modus dicendi, videlicet quod animæ parvulorum carebunt actuali dolore, & afflictione non tamen carebunt cognitione. Et illud potest satis rationabiliter intelligi per hunc modum. Decedentes enim in solo originali quasi medium tenent inter habentes gratiam, & culpam actualem, & quoniam status retributionis re-

Opin. 1.

Improbatio.

Opinio 2.

Improbatio.

Opinio 3.
S. Thom. ad
malo. q. 5.
art. 3.

spondere

pondere debet statui vite presentis, in tali statu debent anime paruulorum poni, ut quasi medium teneant inter beatos, & æternis ignibus cruciatis. Quoniam igitur beati carent malo pœnæ sensibilis, & cum hoc habent Dei visionem: damnati e contrario sunt in tenebris, & puniuntur pœna sensibili: paruuli secundum rectum ordinem diuinæ æquitatis debent communicare in vno cum damnatis, & in alio cum beatis: sed non possunt communicare cum beatis in habendo diuinam presentiam, quia tunc in nullo communicarent cum damnatis: presentia enim visionis Dei non stat cum pœna sensibili: ideo cum beatis communicant in hoc, quod carent omni afflictione exteriori, vel interiori: cum damnatis verò in hoc, quod priuantur visione Dei, & lucis corporalis. Paruuli igitur sic diuino iudicio iusto inter beatos, & simpliciter miseros quasi in medio constituti hoc nouerunt, ut tamen ex vna parte consideratio generet desolationem, ex altera consolationem: ita æqualitate diuino iudicio eorum cognitio, & affectio liberatur: & in tali statu perpetuatur, ut nec tristitia deiciat, nec lætitia reficiat, sed in hoc mirabilis ostenditur ordo diuinæ sapientiæ, quæ cuncta nouit suis locis disponere, & ad sui gloriam ordinare. Nam sicut in beatis potissime manifestatur misericordia, & in damnatis potissime claret iustitia, sic in istis manifestatur misericordia simul, & iustitia: & ex hoc patet quod non facit frustra Deus animas, quas nouit de corpore ante susceptionem baptismatis egressuras. Omnia enim facit Deus ad gloriam suam manifestandam.

Vnde si tu quæras, quid paruuli faciant, vtrum addiscant, vel conferant, vel aliquod aliud opus exerceant: breuiter ego respondeo, quod diuinæ iustitiæ æquitas, & immutabilitas in eodem statu quantum ad corpus, & quantum ad animam, siue quoad cognitiuam, siue quoad affectiuam perpetualiter eos consolidat, ut nec proficiant, nec deficient, nec latentur, nec tristetur, sed semper sic vniformiter maneant, ut sint materia laudandi diuinum iudicium, quod sic est æquum & iustum, ut nullum bonum remaneat irremuneratum, & nullum malum remaneat impunitum, & perfectissime teneat medium inter superfluum, & diminutum. Secundum hanc igitur positionem concedendæ sunt rationes ostendentes, quod paruuli non sentiunt spirituales dolores.

1. Ad illud verò quod obiicitur, in contrarium de Ioanne Chrysostomo, dicendum quod intelligit de his, qui excluduntur merito actualis peccati, qui verum conscientiam, & remorsum sunt habituri, & ideo non habet locum in paruulis.

2. Ad illud quod obiicitur, quod tristitia necessariò sequitur, quando desiderium non impletur, dicendum quod verum est, quando nec impletur in se, nec fit recompensatio secundum æstimationem desiderantis. Quando verò secundum æstimationem desiderantis aliqua recompensatio fit, non necesse est tristari, sicut multi, qui vellent esse in paradiso, bene consolantur de statu vite presentis, quia contenti sunt his, quæ habent, quamvis modicum habeant: & sic in paruulis intelligendum est esse, quod eis sufficiat status suus, nec eleuant oculos ad opes, quas habere non possunt.

3. Ad illud quod obiicitur, quod anima paruuli concupiscentiam habet, dicendum quod sicut in hac vita nec concupiuit, nec desiderauit aliquid, quod non debuerit, sic etiam nec in futura vita: sed ipsi diuina sententia collocati erunt inter fugam, & appetitum, ita quod neutrum eis dominabitur: & ideo nec habebunt actuale gaudium, nec actuale supplicium. Vnum enim reprimitur per alterum.

4. Ad illud quod obiicitur, de sanctis patribus, dicendum quod sancti patres spem, & certitudinem habebant de futura gloria habenda, & gratiam etiam habebant, per quam Dominum aliquo modo cognoscebant, & ideo non sequitur, quod æqualiter punirentur ut paruuli, pro eo quod plus habebant consolationis.

5. Ad illud quod obiicitur, quod maior dolor est ali-

A cui cum priuatur absque causa, dicendum quod paruuli bene scient ex causa se esse priuatos: sed quia illam causam non à se habuerunt, sed aliunde contraxerunt, ideo nec dolorem, nec remorsum habebunt: verbum autem prædictum intelligitur in punitione iniusta, & in qua punitus punienti remunurat: sic autem non est in proposito.

6. Ad vltimum dicendum quod affectiones paruulorum stabiluntur iudicio æquitatis diuinæ: non tamen totaliter quietantur sicut affectiones beatorum in patria. Vnde sicut differt immunitas à passione, siue à sensu pœnæ in paruulis, & beatis, quia in beatis est dos, in paruulis non, sicut dictum est, sic intelligendum est de quietatione ex parte affectionum animæ.

B

DISTINCT. XXXIV.

Quod actualis peccati, nempe mali origo & subiectum, sit bonum.



POST prædicta, de peccato actuali diligenti indagine quadam consideranda sunt, scilicet quæ fuerit origo & causa primi peccati, vtrum res bona, an res mala: Postea in qua re sit peccatum: Deinde, quid sit peccatum, & quot modis fiat, & de differentia ipsorum peccatorum.

C

Quæ fuerit origo & causa peccati prima.

Causa & origo prima peccati res bona existit, quia ante primum peccatum non erat aliquid mali unde oriretur. Cum enim originem & causam habuit, aut ex bono aut ex malo habuit, sed malum ante non erat, ex bono ergo ortum est. Prius enim in angelo ortum est peccatum, & postea in homine. Et quid erat angelus, nisi bona natura Dei? Non ex Deo ortum est malum quod fuit in angelo, non ex alio quam ex angelo, ex bono ergo ortum est. Vnde Augustinus in responsionibus contra Iulianum hæreticum qui dixerat: Si ex natura peccatum est, tunc mala est natura, ait: Quæso ut si potest, respondeat. Manifestum est ex voluntate mala, tanquam ex arbore mala, fieri omnia opera mala, tanquam fructus malos: sed ipsam malam voluntatem unde dicit exortam, nisi ex bono: Si enim ex angelo: quid est angelus, nisi bonum opus Dei? Si ex homine, quid erat ipse homo, nisi bonum opus Dei? Immo quid erant hæc duo, antequam in eis oriretur mala voluntas: nisi bonum opus Dei, & bona, & laudanda natura? Ergo ex bono oritur malum, nec fuit unde oriri posset nisi ex bono. Dico ergo, quia voluntatem malam nullum malum præcessit, sed ex bono originem habuit. Hic aperte dicitur primam causam & originem mali bonam fuisse naturam. Et nihilominus ostenditur cuius peccati fuerit causa, scilicet mala voluntatis.

E

Quod mala voluntas secundaria causa fuit malorum.

Mala autem voluntas illa angeli & hominis causa est etiam malorum subsequentium, scilicet malorum operum & malorum voluntatum. Vnde Augustinus in Ench. Nequaquam dubitare debemus rerum bonarum, quæ ad nos pertinent, causam non esse nisi bonitatem Dei. Malorum verò ab immutabili bono deficientem boni mutabilis voluntatem, prius angeli, postea hominis: hoc primum est creatura rationalis malum, id est, prima priuatio boni. Ecce habes primam voluntatem boni mutabilis, id est, angeli & hominis deficientem ab immutabili bono, id est, à Deo causam

ess.

id est i
lib. de n
& cono
ad Vale
c. 28. 10
& quo
sensum
cont.
c. 3. 10. 7

Aug. c. 2
10. 3.
Cap. 24.
mediat

esse malorum rerum ad nos pertinentium: quia causa est tam peccatorum, quam pœnarum quibus premitur humana natura. Prima ergo origo & causa peccati bonum fuit: & secunda, malum quod ortum est ex bono.

In qua re sit peccatum, an in bona, an in mala: & dicitur, quia in bona tantum.

Ostensa origine mali, superest videre in qua re sit malum, scilicet an in re bona, an in re mala. Qui recte acutè que sapit, non nisi in bono malum esse intelligit, id est, in natura bona. Malum enim est corruptio vel priuatio boni: ubi autem bonum non est, non potest esse corruptio vel priuatio boni. Peccatum ergo non potest esse nisi in re bona. Sicut enim morbis ac vulneribus corumpuntur corpora, quæ, ut ait Aug. in Enchirid. sunt priuationes boni eius quod dicitur sanitas: ita & animorum quæcunque sunt vitia, naturalium sunt priuationes bonorum. Quid est enim aliud quod malum dicitur, nisi priuatio boni: bonum enim minus malum est: quamvis quantumcunque minuat, necesse est ut aliquid remaneat, si adhuc natura est. Non enim consumi potest bonum quod est natura, nisi & ipsa natura consumatur. Cum verò corrumpitur, ideo malum est eius corruptio, quia eam qualicumque priuat bono. Nam si nullo bono priuat, non nocet. Nocet autem: adimit ergo bonum. Quando itaque natura corrumpitur, inest ei bonum quo priuetur. Ac per hoc nullum est quod dicitur malum, si nullum sit bonum: sed bonum omnino malo carens, integrum bonum est. Cui verò inest malum, vitiatum vel vitiosum bonum est: nec malum unquam potest esse ullum, ubi est nullum bonum. Vnde res mira conficitur, ut quia omnis natura, in quantum natura est, bonum est: nihil aliud dici videtur, cum vitiosa natura mala natura esse dicitur: nisi malum esse quod bonum est, nec malum esse nisi quod bonum est. Hac conexione euidenter insinuat malum non posse esse, nisi in re bona: ubi etiam, licet absurdum videatur, manifeste dicitur esse malum, quod bonum est.

Quod ex præmissis sequitur, scilicet, quod cum dicitur malus homo, dicitur malum bonum.

Ex quo colligitur, nihil aliud significari cum dicitur homo malus, nisi bonum malum. Vnde Augustinus in eodem subdit: Quid est malus homo nisi mala natura? quia homo natura est. Porro si homo aliquod bonum est, quia natura est: quid aliud est malus homo, nisi malum bonum? Tamen cum duo ista discernimus, inuenimus nec ideo malum, quia homo est: nec ideo bonum, quia iniquus est: sed bonum, quia homo: malum, quia iniquus. Omnis itaque natura, etiamsi vitiosa sit, in quantum natura est, bona est: in quantum vitiosa est, mala est.

Quod regula Dialecticorum de contrariis fallit in his, scilicet, bono & malo.

Ideoque in his contrariis, quæ bona & mala vocantur, illa dialecticorum regula deficit, quæ dicunt, nulli rei duo simul inesse contraria. Nullus enim potus aut cibus simul dulcis est & amarus. Nullum simul corpus ubi album, ibi & nigrum: & hoc in multis ac pene in omnibus reperitur contrariis, ut in una re simul esse non possint. Cum autem bona & mala nullus ambigat esse contraria, non solum simul esse possunt, sed mala omnino sine bonis & nisi in bonis esse non possunt. Et hæc duo contraria ita simul sunt, ut si bonum non esset in quo esset malum, prorsus nec malum esse potuisset: quia non modò ubi consisteret, sed unde ori-

retur corruptio non haberet, nisi esset quod corrumpetur: quoniam nihil est aliud corruptio, quam boni exterminatio: Ex bonis ergo mala orta sunt: & nisi in bonis non sunt: nec fuit prorsus unde oriretur ulla mali natura, nisi ex angeli & hominis natura bona, unde primitus orta est voluntas mala.

Epilogum facit, ad alia transiturus.

Ex his aperitur, quod primò & secundo supra inuestigandum diximus, scilicet quæ fuerit origo mali, & in qua re sit. Ex bona enim re ortum, & in re bona consistere præmissis testimoniis comprobatur.

Sententiæ illi, quæ dictum est bonum esse malum, opponitur de Prophetia quæ ait: Væ his qui dicunt bonum malum.

Ad hoc autem quod dictum est malum esse quod bonum est, quidam sic opponunt: Si bonum malum esse dicimus, incidimus in illam sententiam propheticam, ubi legitur: Væ his qui dicunt bonum malum, & malum bonum. Igitur si hanc maledictionem vitare volumus, nullatenus dicere debemus bonum esse malum, & econuerso. Hoc autem Augustinus in eodem libro determinat, dicens: Id quod dictum est in prophetia, intelligendum est de ipsis rebus quibus homines mali sunt, non de hominibus. Vnde qui adulterium dicit bonum, in eum cadit illa prophetica detestatio: & in eum qui dicit, id est, rem malam malum hominem esse, aut quod bonum est iniquum esse. Qui enim dicit hominem, in quantum homo est, malum esse, & bonitatem esse iniquitatem, opus Dei culpat, quod est homo: & vitium hominis laudat, quod est iniquitas.

DISTINCT. XXXIV.

De Peccato actuali secundum eius causalitatem.

Post prædicta de peccato actuali, &c.

Expositio Textus.



STA totalis pars secundi Libri, in qua Magister agit de lapsu hominis, diuisa fuit in tres partes, secundum quod tripliciter contingit considerare corruptionem peccati. Duabus ergo partibus terminatis, in quibus Magister egit de peccato, quo persona corrumpit naturam, & iterum de peccato, quo natura corrumpit personam, utpote de originali, sequitur hic tertia pars, in qua agitur de peccato, in quo persona corrumpit se, hoc est de peccato actuali, & durat usque in finem libri. Diuiditur autem hæc pars in duas. In prima determinat de peccato, siue de malo secundum id, quod est. Secundò verò qualiter in voluntate habeat malum, siue peccatum committi, infra: Post prædicta de voluntate, &c. Prima pars habet duas. In prima determinat de peccato, siue malo secundum eius causalitatem. Secundò verò secundum eius quidditatem, infra: Post hac videndum est, quid sit peccatum. Prima pars continet præsentem distinctionem. Et diuiditur in duas. In prima agit Magister de malo quantum ad causam originalem. In secunda de malo quantum ad subiectum, siue causam efficientem, ibi: Ostensa origine mali, &c. Prima pars habet tres partes. In prima aperit suam intentionem in generali. In secunda verò ostendit, quod malum ortum habet à causa bona, ibi: Causa, & origo, &c. In tertia verò quod est à voluntate libera, ibi: Mala autem voluntas, &c. Similiter secunda pars principalis habet tres. In prima ostendit, quod malum est in bono, confirmans hoc auctoritate Augustini. Secundò verò elicit quoddam co-

rollarium

rollarium, scilicet quoddam in his contrariis fallit regula dialecticorum, ibi: *Ideoque in his contrariis, &c.* In tertia vero, & vltima remouet quoddam dubium, ibi: *Ad hoc autem, quod dictum est, &c.* Et sic supposito quod malum sit, dum manifestat magister de malo, scilicet à quo sit, & in quo.

Mala autem voluntas illa Angeli, vel hominis causa est etiam malorum subsequens. Dub. I.

SED CONTRA: Augustinus in lib. 83. quæst. dicit quod nullo alio auctore potest homo fieri deterior: ergo mala voluntas Angeli, vel hominis non potest malas voluntates in aliis causare. Item: Si omne malum debet imputari ei, qui est causa prima, & mala; voluntas Angeli, vel hominis est causa omnium malorum: ergo omnia mala sunt eis imputanda.

RESP. Dicendum quod est causa verè efficiens, & produciens, & est causa quodam modo disponens, & inducens. Cum ergo dicitur: *Mala voluntas Angeli vel hominis est causa malorum voluntatum sequentium*, dicitur per quandam dispositionem, & inductionem. Diabolus enim inducit, & disponit suggerendo: homo verò corrumpebat naturam, & malum exemplum præbendo. Cum ergo dicit Augustinus quod nullo alio auctore sit homo deterior, hoc intelligitur tanquam auctore principaliter: offert tamen dici, quod litera ista intelligitur de malis subsequens. primam malam voluntatem Angeli, & hominis, non respectu diuersarum personarum, sed respectu eiusdem, ita quod prima mala voluntas est causa omnium malorum, quæ ipse facit.

Causa est tam peccatorum, quam poenarum. Dub. II.

Innuat Magister quod voluntas hominis est causa tam peccatorum quam poenarum. Contra: Quia poena est passio inuoluntaria: sed quod causatur à voluntate, est voluntarium: ergo poena non causatur à voluntate. Item: Si causatur à voluntate, aut à bona, aut à mala. A bona non: hoc constat, quia nemo punitur pro bona voluntate. A mala non: quia mala voluntas non est causa iusti inquantum huiusmodi: sed omnis poena iusta est: ergo nulla poena est causata à voluntate.

RESP. Dicendum quod voluntas dupliciter dicitur esse causa alicuius, vel per modum merentis, vel per modum efficientis. Cum ergo dicitur voluntas esse causa poenæ, hoc non dicitur per modum efficientis, sed potius dicitur per modum merentis: voluntas verò causando culpam, efficiendo, siue deficiendo, meretur poenam: & ita dicitur esse causa poenarum, & peccatorum, licet aliter, & aliter. Et per hoc patet solutio obiectorum.

Bonum omnino malo carens integrum bonum est. Dub. III.

Hoc videtur falsum, quia integrum bonum est illud, cui nihil deest de bono: & hoc est bonum, in quo est omne bonum: ergo solum illud est integrum bonum, quod est summum bonum: sed multa creata sunt carentia omni malo, ut beati Angeli, & animæ beatæ: ergo si verum esset quod dicitur, multa essent summe bona. Propter hoc est quæstio, vtrum aliquid creatum mereatur dici bonum integrum.

RESP. Dicendum quod sicut perfectum dicitur multipliciter, & quantum ad perfectionem sufficientiæ, & quantum ad perfectionem superabundantiæ: Sic etiam & integrum bonum potest dici multipliciter, & quantum ad integritatem sufficientiæ, & sic dicitur integrum bonum, quod caret omni malo culpæ & poenæ. Et quantum ad integritatem superabundantiæ, & sic dicitur integrum bonum, in quo est omne bonum. Et primo modo bonum non dicitur esse summum bonum, sed bonum purum, quia nihil habet de malo admixtum. Secundo

verò modo dicitur esse summum bonum, & est in solo Deo per essentiam, in creatura autem per participationem, quæ bona dicitur in hoc quod participat summum bonum, ex cuius participatione habere dicitur omne bonum. Et si obijcias, quod summum dicitur per impermixtionem cum contrario, ita bonum quod omnino est impermixtum malo, est summum bonum, dicendum quod illud verum est in his contrariis, quorum vtrumque est natura aliqua: in his autem quorum vnum est natura, & alterum priuatio, sicut est in bono, & malo, luce, & tenebra, non habet veritatem. Vnde sicut non dicitur magis luminosum, quia minus habeat de tenebra, sic non dicitur magis bonum, quia minus habeat de malo: sed quemadmodum vna stella dicitur maior altera, quia magis accedit ad perfectionem luminis, sic magis bonum dicitur, quod magis accedit ad perfectionem bonitatis: nihilominus tamen carens omni malo non potest dici nisi solus Deus, ut fiat vis in hoc, quod dico omnino, ut careat omni malo secundum actum, & secundum potentiam, & secundum aptitudinem, tunc secundum primam naturæ possibilitatem.

Va his, qui dicunt bonum malum, &c. Dub. IV.

Innuat expositio Augustini quod id quod dictum est in prophetia, intelligendum est de ipsis rebus quibus homines mali sunt, non de hominibus. Contra: Hoc videtur falsum: quia sicut peccat ille qui adulterium esse dicit bonum, vel homicidium, ita peccat ille qui impium dicit esse iustum. Vnde & malus dicitur ille qui iustificat impium pro muneribus: ergo non tantum de rebus, sed etiam de hominibus habet intelligi.

RESP. Dicendum quod cum dico hominem malum, & dico hominem, & dico malitiam: potest ergo ei attribui bonitas: aut bonitas naturæ secundum quod homo, aut bonitas moris ratione malitiæ. Primo quidem modo attribui ei bonitatem, veritatis est, non detractionis prophetiæ. Secundo modo meretur maledictionem: sed hoc est, non quia laudat hominem secundum quod homo: sed quia laudat eum secundum quod malus. Et hoc non est aliud quam laudare malitiam. Cum enim dicit Augustinus quod hoc non intelligitur de hominibus, sed de rebus, non negat, quin peccatum sit in commendando hominem malum: sed vult dicere, quod non est peccatum si commendetur natura, sed si commendetur malitia.

ARTICVLVS I.

AD intelligentiam huius partis secundum duo, quæ Magister determinat in litera, incidit hic quæstio circa duo principaliter. Primo quæritur, à quo sit malum tanquam ab originali principio. Secundo in quo sit tanquam in subiecto. Circa primum tria quærentur. Primo quæritur, vtrum malum sit à bono, vel à malo. Secundo, vtrum sit à bono ut efficiente, vel deficiente. Tertiò, vtrum sit ab intentione, vel præter intentionem.

QVÆSTIO I.

An malum sit à bono, ut ab origine.

Alex. Alensis 2. p. q. 94. Membr. 3. art. 2.
S. Thom. 1. p. q. 48. art. 3.
Et 2. Sent. dist. 34. q. 1. art. 4.
Et de Malo, q. 1. art. 2.
Ægid. Roim. 2. Sent. p. 2. dist. 34. q. 1. art. 4.
Richardus 2. Sent. dist. 34. q. 3.
Steph. Brulef. 2. Sent. dist. 34. q. 1.
Gabr. Biel. 2. Sent. dist. 34. q. 1.

Vtrum malum sit à bono ut ab origine. Et quod sic, videtur. Primo auctoritate Augustini de libero arbitrio: ubi sic ait: Malum est spreto incommutabili bono,

Fur Lib son

relus

rebus commutabilibus adhærere, quod facimus libero A voluntatis arbitrio. Si ergo liberum arbitrium est bonum, cum peccatum sit à libero arbitrio peccatum, siue malum est à bono.

ITEM hoc ipsum videtur exemplo. Esto quod nihil esset nisi libera voluntas, constat quod ipsa amaret se ipsam, & posset se amare immoderate, & vitiose: sed talis amor non est sine malitia: ergo tunc peccatum fieret, & non nisi à bono: ergo, &c.

ITEM ratione: Malum est vituperabile in se, & vituperabilem reddit actorem: sed nihil est vituperandum in sua actione, nisi aliquo modo possit facere bene, vel nisi habeat aptitudinem naturalem ad hoc: omne autem tale est bonum: ergo nihil potest malum facere, nisi bonum.

ITEM nullus dicitur facere malum nisi quia facit: quod B non debet, aut quia non facit quod debet: ergo malum omne suo actori est indebitum, & eius oppositum est conveniens, & debitum: sed omne illud cui malum est indebitum, & oppositum mali conveniens, est bonum: ergo omne illud, à quo fit malum, necesse est esse bonum.

ITEM si malum est ab aliquo, aut illud est bonum, aut malum. Si bonum: habeo propositum. Si malum: aut illud est ab alio, aut à seipso. Si ab alio, similiter erit querere de illo: ergo si non est abire in infinitum, stare est in aliquo modo, quod sit à seipso.

SED CONTRA: Omne quod est à seipso, nullo alio indiget ut sit, & omne tale est sibi sufficiens: & omne quod sibi sufficiens est, omnino habet perfectionem, & beatitudinem & in se, & à se: & omne tale est perfecte C bonum: ergo impossibile est, quod aliquid sit malum, & non sit ab alio. Restat igitur cum sit stare, & non abire in infinitum, quod malum est à bono.

ITEM si malum est ab aliquo, aut illud, à quo est malum culpæ, habet usum rationis, aut non. Si non habet usum rationis: ergo nullo modo potest culpari, nec debet: hoc enim patet tam secundum legem naturalem, quam secundum legem civilem, quam secundum legem diuinam: habet ergo necessarium usum rationis: sed ratio, & eius usus magnum bonum est, & nobile: necesse est igitur malum à bono esse, si ab aliquo est.

CONTRA: Non potest arbor bona fructus malos facere, neque arbor mala fructus bonos facere. Ex hac auctoritate necessario arguitur, quod bonum non potest esse causa mali: ergo si malum est ab aliquo, necesse est D quod sit à malo.

ITEM expressius in Glossa: Nihil medium quin causa boni sit bona, & mali mala: non est ergo malum à bono.

2. ITEM hoc videtur per maximam dialecticorum, quæ est: Cuius causa bona, ipsum bonum: si ergo mali causa est bona, ipsum malum est bonum: si igitur hoc est falsum, manifeste patet, &c.

3. ITEM hoc videtur per propositionem satis probabilem. Contrariorum contrariæ sunt causæ: si ergo causa boni est bona, & nullo modo malum causat bonum: ergo videtur quod nullo modo bonum causet malum, nec quod malum sit à bono.

4. ITEM hoc ipsum videtur per propositionem necessariam, & probatam. Quidquid enim est causa causæ, est causa causati: si ergo omne bonum causatur à summo bono, si malum est ab aliquo bono, malum est à summo bono: ergo summum bonum facit malum: sed nihil est perfecte bonum, quod facit malum. Si igitur malum est à summo bono, summum bonum non est summum, & hoc est impossibile: ergo, &c.

5. ITEM aut est ponere primum malum, aut non. Si non, est abire in infinitum in malis: si ergo hoc est impossibile, quia necesse est stare in ordine causarum, necesse est ergo ponere primum malum: sed primum bonum non est ab alio, immò causa omnium bonorum eo ipso quod primum: ergo pari ratione si est ponere primum malum, videtur quod illud non sit ab alio, sed causa omnium. Restat igitur, quod malum non sit à bono.

CONCLUSIO.

Malum originem habet à bono, & non à principio malo, veluti dicebat impurus Manichæus, potentia enim à qua provenit malum est de genere entis, & boni.

RESP. AD Arg. Ad prædictorum evidentiam intelligendum est, quod circa hoc fuit, & est hæresis impiissimi Manichæi. Erravit enim in hoc quod posuit, quod prima causa mali est malum, non bonum: unde posuit quod cum homo possit benefacere, possit etiam peccare, quod duplex est anima in homine uno: quarum una est à Deo bono, & semper cupit bona, altera verò à Deo malo, & semper cupit mala. Et hinc est quod in nobis est continua pugna, & omnia mala, quæ facimus, oriuntur à principio malo, sicut bona à bono. Hanc hæresim pessimam valde efficaciter improbavit Augustinus in libro de duabus animabus. Primum per ipsam peccati culpam. Secundò per eius oppositum, scilicet penitentiam. Peccatum enim, ut ibidem dicit, est voluntas retinendi, vel consequendi quod iustitia vetat, & unde liberum est abstinere. Voluntas est animi motus cogente nullo ad aliquid non amittendum, vel adipiscendum. Has duas notificationes manifestat, & post ex ipsis, tanquam ex manifestis, prædictum errorem ipse destruit: immò ostendit, quo modo error seipsum destruit, dum ponit animam malam non posse benefacere. & tamen principium peccati esse per propriam originem, & naturam, ponit enim quod peccando non peccet: & ideo subiungit ibidem: Quisquis has duas definitiones voluntatis, atque peccati veras esse concedit, totam Manichæorum hæresim brevissimis & paucissimis, sed planè inuicissimis ratiunculis sine cunctatione condemnat.

Postremò in fine libri improbat per oppositum peccati, scilicet ipsam penitentiam, sic arguens: Planum est, quod penitere de culpa, bonum & iustum est: planum etiam quod est possibile homini. Nam ipsi Manichæi hoc suadent. Certum est etiam quod etus est penitere, qui fecit malum: ergo idem ipsum, quod fuit principium mali, potest esse principium boni: restat igitur cum principium boni sit bonum, quod si idem est principium mali, quod potest esse principium boni, malum esse à bono. Hæc est deductio Augustini quamvis non sit series verborum. Propter has igitur deductiones, & con-similes, quæ in obiciendo adductæ sunt, reiicienda est procul hæresis præfata, quia non tantum est contra fidem, verum etiam contra rectum iudicium rationis, dicendum est igitur sicut fides sana, & Magister in litera Sanctorum auctoritatibus manifestat, quod malum à bono habet originem. AD obiectorum autem manifestationem intelligendum est, quod malum culpæ, de quo est hic sermo, quod quidem consistit circa rationalem creaturam, tripliciter potest circa ipsam consistere, & considerari. Aut quantum ad exteriorem effectum, aut quantum ad interiorem, aut quantum ad habitum. Malum enim, siue peccatum dicitur aliquando actus exterior, aliquando actus interior, aliquando habitus. Unde actus furandi est malus, & voluntas furandi in actu est mala, & habitatio, siue habitualis affectio ad furandum est mala: secundum igitur quod malum dicitur opus exterius, sic nec est primum in genere entis, nec in genere mali: quoniam actus exterior causatur ab actu interiori, & malitia actus exterioris à malitia voluntatis interioris. Secundum autem quod malum dicitur malus habitus, similiter nec est primum in genere entis, nec in genere mali. Nam malus habitus à malo actu causatur: quia enim mala facimus, mali sumus. Secundum autem quod malum dicitur malus actus interior, sic potest esse primum in genere mali: sed non in genere entis. In genere mali potest esse primum, sicut patet in prima deordinatione voluntatis luciferi, antequam nulla præcesserat malitia, nec tamen potest esse principium in genere entis. Actus enim omnis à potetia procedit, & posterior illa est, sicut effectus est posterior causa. Et quoniam potetia illa bo-

Lib. de duabus animabus, p. 6. c. 10. & 11.

Cap. 13.

Cap. 14.

Ad oppositum.
Mat. 7. b

na est, & de genere bonorum, patet quod malum originem habet à bono. Et concedendæ sunt rationes hoc ostendentes.

1. Ad illud verò quod obiicitur de auctoritate Domini in Matthæo, & de Glossa: dicendum quod tam textus, quam Glossa intelligitur de malo secundum quod consideratur circa actum exteriorem, & hoc quidem manifestum est per ipsum textum consequentem.

2. Ad illud quod obiicitur de maxima illa: Cuius causa bona, &c. dicendum quod illa maxima intelligenda est per se, siue secundum se, videlicet si causat in quantum bona, & est bona secundum quod causat: hoc non est verum in proposito, quia etsi concedatur quod bonum sit principium mali, non tamen conceditur, quod sit principium mali, secundum quod bonum. Quo modo autem debeat ipsum dici origo, siue principium, patebit in sequenti problemate.

3. Ad illud quod obiicitur, quod contrariorum contrariæ sunt causæ, dicendum quod ista propositio habet veritatem secundum quod intelligitur de contrariis, quorum utrumque est aliqua natura, & in causis agentibus naturaliter, & quæ sunt ad vnum effectum determinatè, aliter manifestum est esse falsum. Nam idem Deus, etiã secundum Manichæos, fecit calidum, & frigidum: & eadem rationalis potentia, secundum Philosophum, est causa oppositorum: & ideo non habet locum in malis, quia malum non dicit naturam aliquam secundum quod malum, & quia est à voluntate secundum quod libera, quæ non est determinata ad alterum contrariorum.

4. Ad illud quod obiicitur, quod quidquid est causa causæ, &c. dicendum, quod contra istam propositionem peccat locus sophisticus secundum accidens, sicut & contra illam, qua dicitur: Quando alterum de altero prædicatur, de quocunque prædicatur subiectum, & prædicatum: vtraque enim propositio habet intelligi de prædicato, & effectu, qui ita conuenit vni, quod non est extraneum alteri. Non autem sic est in proposito. Nam etsi bonum est causa mali, hoc non est secundum id quod habet à summo bono, sed ratione defectibilitatis, quam habet de nihilo.

5. Ad illud quod vltimò quæritur, vtrum sit ponere primum malum, patet responsio: dico enim quod est ponere malum, ante quod non est aliud malum: sed ex hoc non sequitur quod sit primum ens, immò est ibi consequens. Arguitur enim cum superlatiuo, qui habet in se vim distributionis ab eo, quod est in minus, ad illud quod est in plus. Vnde sicut non sequitur: Est primus homo, ergo est primum ens: sic nec in proposito. Non sic autem est de bono, quia bonum & ens conuertuntur: quia ergo est ponere primum malum in genere mali, ideo non est procedere in infinitum: quia verò non est primum in genere entis, ideo non habet esse à se, sed aliunde: & ita à bono.

QVÆSTIO II.

An peccatum sit à voluntate ut efficiente, vel deficiente.

Alexander Alenf. 2. p. q. 94. Membr. 3. art. 5.

S. Thomas 1. p. q. 49. art. 1.

Et 2. Sent. dist. 34. q. 1. art. 3.

Et de Malo, q. 1. art. 3.

Scotus 2. Sent. dist. 34. q. 1.

Ægid. Rom. 2. Sent. p. 2. dist. 34. q. 2. art. 2.

Richardus 2. Sent. dist. 34. q. 2.

Durandus 2. Sent. dist. 34. q. 3.

Thom. Arg. 2. Sent. dist. 34. q. 1. art. 2.

Steph. Brulef. 2. Sent. dist. 34. q. 2.

Gabr. Biel. 2. Sent. dist. 34. q. 1.

VTRUM malum sit à bona causa, utpote à voluntate efficiente, vel deficiente. Et quod sic, videtur. Primò per Augustinum in Enchirid. vbi ait: Nemo quærat causam malæ voluntatis: non enim habet causam efficientem, sed deficientem.

ITEM hoc videtur per illud quod dicitur à Dionysio de diuinis nominib. Malum est præter causam & naturam: sed constat quod non vult dicere, quod malum non sit ab aliquo: vult ergo dicere quod non est ab alio tanquam à verè causante, & efficiente: ergo si aliquo modo est, restat quod sit tanquam deficiente.

ITEM ratione videtur: Sicut se habet effectus ad actum efficientem, ita defectus ad ipsum deficere: sed verus effectus non potest educi in esse, nisi à causa ut efficiente: ergo nec defectus nisi à deficiente: sed malum est defectus circa naturam, sicut dicit August. ergo, &c.

ITEM omne perfectum est à causa perfecta: ergo omne deficiens à causa deficiente; sed malum opus dicitur malum propter defectum alicuius debitæ constantiæ; ergo malum est à causa deficiente.

ITEM facere, & deficere opponuntur; similiter construere, & destruere opponuntur; ergo sicut construere est facere, ita destruere est deficere, sed in malum exire est aliquod bonum corrumpere, quia non dicitur malum nisi quod nocet vel adimit aliquid de bono; igitur in malum exire est deficere.

ITEM omnis efficacia est à primo & summo efficiente; sed malum nullo modo est à Deo, ergo nullo modo procedit ab aliquo ut à principio effectiuo.

1. **C**ONTRA: Dionysius de diuin. nom. Anima est causa mali, sicut ignis calefieri; sed ignis est causa calefieri per modum efficientis: ergo, &c.

2. **I**TEM omne illud quod prius potest esse, quam sit, habet causam efficientem; sed malum prius potest esse, quam sit; ergo, &c. Maior & minor manifestæ sunt.

3. **I**TEM respectu illius res magis iudicat causa efficiens, respectu cuius est magis sufficiens; sed voluntas nostra magis sufficit ad malum, quam ad bonum; ergo magis debet dici causa efficiens mali, quam boni; si ergo bonum est voluntate ut efficiente, malum consimiliter erit.

4. **I**TEM si voluntas est causa mali secundum quod deficiens, aut defectus ille est pœna, aut culpa. Si pœna; ergo pœna ante culpā. Si culpa; loquamur igitur de prima culpa. Aut igitur est à voluntate secundum quod deficiens, aut non. Si sic; ergo ante primam culpam est culpa. Si non; ergo si primum malum non est à voluntate ut deficiente, videtur quod nullum malum.

5. **I**TEM si malum primum est à voluntate ut deficiente, aut ergo defectu naturali, aut præternaturali. Si defectu naturali; ergo naturaliter, & semper est principium mali, cum semper habeat hunc defectum in se. Si defectu præternaturali; aut est contractus, aut inflicus, aut voluntariè acquisitus; nullo istorum modorum potest poni in voluntate luciferi, & hominis primi: ergo, &c.

6. **I**TEM si malum est à voluntate deficiente, hoc est aut in quantum deficit à summo bono, aut in quantum deficit à bono, quod debet habere. Si in quantum deficit à summo bono: ergo cum talis defectus sit in omni creatura, in omni reperitur peccatum. Si in quantum deficit à bono, quod debet habere; sed nullus à tali bono deficit nisi priuatur merito alicuius culpæ; ergo nullo modo prima culpa à voluntate deficiente esse potest. Est igitur quæstio, quæ est ratio siue dispositio circa voluntatem, ratione cuius sit causa proxima & immediata ipsius mali. Non enim videtur esse causa, quia est ens, nam hoc conuenit omni enti. Nec quia de nihilo, quia hoc conuenit tam voluntati bonæ, quam malæ. Nec etiam quia volens per eandem rationem. Nec quia volens malum, quoniam velle malum est primum peccatum, & velle malum est primum malum. Si ergo idem non est ratio sui, vel causa, voluntas non dicitur causa mali, quia volens malum.

CONCLUSIO.

Malum est à voluntate, ut deficiente siue notetur defectus præambulus qui est naturalis defectibilitas, siue annexus, qui est poena, quæ à culpa nunquam separatur. siue ipse effectus informans & denominans, qui est ipsa culpa.

RESP. ad Arg. Dicendum quod absque dubio malum, siue peccatum est à voluntate ut deficiente, sicut expresse dicit Augustinus, & concordat Dionysius. Ad cuius intelligentiam notandum est, quod cum aliquis effectus dicitur esse à causa aliqua sub dispositione, vel conditione superaddita, hoc potest intelligi dupliciter: aut ita quod illa dispositio dicit aliquid præambulum ad illum effectum, aut quia dicit aliquid annexum, aut quia dicit eundem effectum ut est informans, & denominans suum principium effectuum. Primo modo lumen dicitur esse à sole lucente: lucere enim est actus præambulus ad illuminare. Secundo modo dicitur lumen esse à sole calefaciente: calor enim concomitatur lumen. Tertiò modo dicitur lumen esse à sole illuminante: cum enim dico solem illuminare, & lumen esse à sole, idem influxus dicitur, aliter tamen & aliter importatus secundum diuersam comparisonem. Per hunc modum intelligendum est in proposito, quod cum dicitur: Malum est à voluntate deficiente, hoc potest intelligi tripliciter. Propter quod notandum quod triplex defectus reperitur circa voluntatem, unus quidem naturalis, alius culpabilis, & tertius poenalis. Naturalem defectum voco ipsam defectibilitatem, quæ inest voluntati hoc ipso, quod ex nihilo. Defectum culpabilem voco ipsum peccatum. Defectum poenalem illud damnum, siue nocumētum, siue læsionem, quæ consequitur ad illud. De quolibet horum defectuum prædictus sermo veritatem habet. Nam malum culpæ est à voluntate deficiente, defectu naturali, ita quod ille defectus præambulus est ad culpam: nunquam enim voluntas posset in volendo bonum deficere, nisi vanitatem, & defectibilitatem in se haberet. Similiter malum est à voluntate deficiente, defectu poenali, ita quod ille defectus est culpæ annexus: nunquam enim est dedecus peccati sine decore iustitiæ. Verum est etiam, quod malum culpæ est à voluntate deficiente, defectu culpabili: non tamen alia culpa, sed eadem diuersimodè comparata: eadem enim est culpa, qua deformatur voluntas, & eius interior actio. Vnde sic conceditur malum esse à voluntate deficiente, sicut actus à substantia agente. Cum igitur triplex sit defectus circa voluntatem, ratione cuius malum dici potest à voluntate deficiente, quorum unus, scilicet naturalis, est præambulus ad defectum culpæ, alter verò, id est, poenalis, est consequens, & annexus: defectus poenalis inseparabiliter consequitur defectum culpabilem: impossibile enim est esse dedecus peccati, sicut dicit Augustinus, sine decore vindictæ. Defectus autem culpabilis non sequitur necessariò, nec inseparabiliter ad naturalem defectum. Vnde non necessariò sequitur, si alicubi sit defectus naturalis, quod ibi sit culpa: voluntas enim non hoc ipso peccat, quia ex nihilo: sed hoc ipso quod est ex nihilo, potest deficere: hoc ipso enim quod voluntas est, potest seruare rectitudinem iustitiæ: hoc ipso verò quod voluntas est ex nihilo, potens est quantum est de se illam deferre, & ita defectus ille circa voluntatem reddit eam ad peccandum possibilem.

Si autem tu quæras, quid faciat ipsam voluntatem exire in peccatum, & quæ sit dispositio ipsius immediata respectu culpæ, dicendum quod nulla superadditur dispositio: sed ipsa voluntas, quæ est domina sui actus & libera, potest seipsam conuertere ad illud, ad quod vult, & sicut vult: & si indebitè se conuertat, tunc peccat nulla superinducta noua dispositione à parte voluntatis, quæ sit præambula ad ipsam culpam. Vnde sicut ille, qui

stat rectus, posset statim, si vellet, sine noua dispositione adueniente dimittere se cadere, si voluntas recta consistens, & in ordine ad vltimum finem, potest illum exire: & exitus ille peccatū est. Ex dictis igitur patet, qualiter malum est à voluntate deficiente: & ex his manifesta est responsio ad omnia, quæ in contrarium obiecta sunt.

1. AD illud quod obiicitur primò, quod anima est causa mali, sicut ignis calefieri, dicendum quod non est similitudo quantum ad modum cauendi specialem, sed generalem. In generali enim modo cauendi est conuenientia, quia vtrumque se habet in ratione causæ efficientis: sed in speciali est differentia, quia ignis est causa per modum naturæ, & necessitatis: anima verò per modum libertatis. Ille per modum positionis, & verè efficientis, ista per modum priuationis, & deficientis.

2. AD illud quod obiicitur, quod malum potest prius esse, quàm sit, & c. dicendum quod malum eo modo quo habet esse, eo modo habet & fieri: & quoniam malum priuatio est, & defectus, sicut patebit inferius, hinc est, quod sicut malum esse non est aliquid verè esse, sic nec malum effici est verè ab aliquo fieri, ut efficiente, sed ut deficiente.

3. AD illud quod obiicitur, quod anima magis potest in malum, dicendum quod sufficientia in deficiendo non est sufficientia simpliciter, sed secundum quid sufficientia, & simpliciter insufficientia: & ideo ex tali sufficientia inferre veram sufficientiam, est paralogismus secundum quid & simpliciter. Prima enim propositio intelligitur de sufficientia simpliciter, sicut patet insipienti.

4. 5. 6. AD illud quod quæritur, vtrum ille defectus sit culpa, vel poena: & vtrum sit naturalis, vel præternaturalis: & iterum respectu cuius, iam patet responsio. Omnibus enim his modis, ut dictum est, potest accipi. Provt autem accipitur pro defectu naturali, qui inest creaturæ, & ex hoc quod de nihilo, non notatur ibi conditio defectus tanquam causa proxima, & immediata ipsius peccati, ut prius dictum est. Provt autem accipitur pro culpa, non notatur quod antecedit, sed quod voluntatem denominet. Nunquam enim est deformis actus à voluntate, quin voluntas deformatur. Provt accipitur pro poena, non notatur præcedere, sed cōcomitari. Et per hoc ille tria patent, & alia quæ quærentur consequenter.

QVÆSTIO III.

An malum sit à bono secundum intentionem, vel præter intentionem.

Alex. Alensis 2. p. q. 94. Membr. 3.
Richardus 2. Sent. dist. 34. art. 2. q. 2.
Steph. Brulef. 2. Sent. dist. 34. q. 3.

VTVM malum sit à bono secundum intentionem, vel præter. Et quod præter intentionem videtur. Primò per Dionysium in cap. 4. de diuin. nom. Malum est præter intentionem, naturam, & causam: si præter intentionem, habeo propositum.

ITEM Dionysius: Nemo operatur ad malum aspiciens, sed quia operatur aliquid per intentionem, ad illud aspicit, quod intendit: nam intentio est quidam mentis intuitus: si ergo nullus operans ad malum aspicit, videtur quod nullus malum intendit.

ITEM malum dicit deordinationem ad finem: sed intentio dicit voluntatem ad finem directam: ergo malum non cadit sub intentione: ergo, & c.

ITEM omnem malum, quod est in natura, est præter intentionem naturæ: ergo pari ratione omne malum, quod est in moribus, est præter intentionem voluntatis rationalis.

ITEM bonum, & finis idem sunt: sed intentio est respectu finis: ergo respectu boni: ergo non videtur, quod sit respectu mali: ergo nullo modo malum ab operante per voluntatem intenditur: redit ergo idem quod prius.

Fundamēta.
Ad fin.

Cap. 4. pen.
Idem post med.
Idem dicit
Arist. lib. 2.
Magna. 4.
val. c. 7. res.
sant. opin.
Socr.

2. Metaph.
cont. 9. Et
11. Metaph.
cap. 11.
Et 1. Ethic. 7.

pposi-

1. SED CONTRA; Voluntas rationalis est agens per A intentionem & deliberationem : ergo si omne malum culpæ actualis est voluntarium , omne est per intentionem factum.

2. ITEM nullus peccat nisi habens vsum rationis : & omnis talis est operans per intentionem : ergo peccatum , vt peccatum est , habet esse per intentionem.

3. ITEM quod sit ab agente voluntario præter intentionem , fit à casu , & fortuna : sed malum culpæ non est à casu , & fortuna : ergo non est ab agente præter intentionem.

4. ITEM nullus indicatur malus à facto , sed ab intentione : hæc enim est quæ nomen imponit operi : sed ab eo res proprie , & principaliter procedit , à quo recipit complementum , & denominationem , ergo , &c.

5. ITEM qui peccat ex malitia , peccat ex certa scientia , & nullus agens aliquid ex certa scientia , & malitia , agit illud præter intentionem : ergo si contingit sic malum facere , vt pote cum peccatur in Spiritum sanctum , videtur , &c.

CONCLUSIO.

Id quod est malum , est secundum intentionem etiam sub ratione mali simpliciter , sed vt bonum sibi : nam vt malum simpliciter , & sibi , id nemo intendere potest.

RESP. ad Arg. Dicendum quod de malo est loqui dupliciter , aut de eo quod est malum , aut de malo sub ratione mali. Cum ergo quæritur , vtum fiat per intentionem , vel præter : dicendum quod si intentio comparatur ad id quod est malum , sic bene contingit malum intendere , & tanquam finem , & tanquam id quod est ad finem : tanquam finem , sicut aliquis intendit finaliter luxuriari , vel vane gloriari : tanquam id quod est ad finem , sicut facere furtum intendit , vt in se possit viuere voluptuosè , & intèdit mentiri , vt possit falsò laudari. Si verò intentio comparatur ad malum sub ratione mali potest esse dupliciter : aut ita quod intendat hoc facere tanquā malum simpliciter , & malum sibi : & hoc modo nullus intendit , quia nihil appetitur à voluntate , nisi sub ratione boni simpliciter vel boni sibi. Aut ita quod intendat hoc tanquam malum simpliciter , veruntamen , vt bonum sibi. Et sic malum potest fieri per intentionem : & fit aliquādo , licet non ab omnibus , sed à malitiosis , quibus propter corruptionem palati interioris , mala sapiūt vt bona. Quoniam igitur id quod est malum , cadit sub intentione , & aliqua sunt , quæ habent malitiam coniunctam inseparabiliter : & qui intendit aliquid , per consequens iudicatur intendere , quod est illi vnium inseparabiliter : hinc est , quod malum iudicatur , & punitur vt factum per intentionem. Ex his patet responsio ad quæstionem : ad quam respondendum est non simpliciter , sed distinguendo. Patet etiam responsio ad rationes ad vtramque partem adductas. Nam primæ rationes procedunt de intentione , & de malo sub ratione mali. Nam intentio quidquid principaliter considerat , induit ipsum ratione boni , vt appetibilis. Illa tamen ratio de simili in natura non valet , quia natura est agens determinatum : vnde semper intendit quod melius est : operatur autem secundum leges sibi inditas à Deo. Vnde si quid sit ibi malum , hoc est præter intentionem : non sic autem est de voluntate deliberatiua : ipsa enim non semper desiderat quod melius est.

1. 2. 3. 4. 5. AD rationes ad oppositum patet responsio : loquuntur enim de malo secundum id quod est : & sic bene intenditur ab agente per voluntatem , veruntamen vel in quantum consideratur , vt habens intentionem boni simpliciter , vel boni vt nunc , siue boni ipsi facienti , sicut est in illis , qui lætantur cum malefecerint : & sic procedunt omnes illæ rationes.

ARTICVLVS II.

CONSEQUENTER quæritur de secundo principali , scilicet de malo in comparatione ad illud , in quo est. Et circa hoc quærentur tria. Primum est , vtum contingat reperire malum sequestratum ab omni bono. Secundum est , vtum malum habeat esse in bono sibi opposito. Tertiò quæritur , vtum malum sit in eo , in quo est tanquam aliquis habitus , vel pura priuatio.

QVÆSTIO I.

An aliquid sit ita malum , quod nihil habeat de bono.

Alex. Alenf. 1. p. 94. Membro 2.

Thom. A. g. 2. Sent. dist. 34. q. 1. art. 3.

Steph. Brulef. 2. Sent. dist. 34. q. 4.

VTUM aliquid malum sit ab omni bono sequestratum , & hoc est quærere , vtum aliquid sit ita malum , quod nihil habeat de bono , sed sit malum in summo. Et quod sic , videtur in his , quæ per se dicuntur , sicut simpliciter ad simpliciter , & magis ad magis , & maximè ad maximè per considerationem Philosophi : sed hæc est vera per se : Bono opponitur malum : ergo magis bono magis malum , & maximè bono maximè malum : si ergo contingit reperire summè bonum : ergo & summè malum. Nam si vnum oppositorum ponitur in natura , per consequens ponitur & reliquum.

2. ITEM magis & minus dicitur per accessum ad terminum : ergo vbi est reperire magis , & minus , contingit reperire summum : sed in malo contingit reperire magis , & minus : ergo , &c.

3. ITEM aut est status in malis , aut non : constat quod necesse est statum ponere , nam ille ponitur in omni eo , quod actu est , sed status non est citra summum : ergo necesse est ponere summè malum : sed hoc est , quod nihil habet de bono : ergo , &c.

4. ITEM omne per accidens reducitur ad per se : ergo si est ponere malum per accidens , est ponere malum per se , sed illud per se inest alicui , quod habet ortum ex propriis principiis illius : si ergo aliquid est malum per se , videtur quod eius principia sint mala : & si principia eius sunt mala , totum est malum : & si totum est malum , nihil est ibi de bono : ergo à primo , si est ponere malum per accidens , est ponere aliquid , quod sit simpliciter & totaliter malum : constat autem quod primum est ponere : ergo & alterum.

5. ITEM omne dictum per participationem reducibile est ad dictum per essentiam : cum ergo dicitur aliquid esse malum , aut dicitur per participationem , aut per essentiam. Si per essentiam , sed bonum per essentiam est summè bonum , ita quod nihil habet de malo : ergo similiter erit aliquid ita malum , quod nihil habebit de bono. Si dicitur per participationem , & omne tale reducitur ad dictum per essentiam : ergo redit necessariò , quod aliquid sit malum essentialiter : & ita idem quod prius.

6. ITEM in quolibet genere est reperire vnum primum , quo mensurantur omnia , quæ sunt illius generis. Hoc planum est , & patet per philosophum , qui hanc ponit in prima philosophia. Hoc etiam patet inducendo : ergo in genere malorum est reperire aliquid vnum , quod sit mensura omnium malorum : sed illud non potest esse nisi summum inter omnia mala : ergo , &c.

CONTRA : Si est ponere summum malum , quod nihil habeat de bono , & esse aliquid bonum est , tunc est ponere summè malum esse , & tamen non habere esse : sed hæc sunt duo impossibilia : ergo , &c.

ITEM omnis potètia , vt dicit Philosophus , est de genere bonorum : ergo si aliquid est summè malum , illud omnino nihil potest : sed summum in omni genere plus potest , quàm illud quod est citra summum : si ergo illud , quod non est summè malum , aliquid potest , illud quod

Ad op-
tum.

Top. lib.
4. loc. 9.

Metaphys.
10. cont. 2.

Fundamē-

1. Mag. M.
1. 1. c. 2. &
lib. 2. c. 8.

est summè malum multa potest : ergo eo ipso quod est summum, multa potest, & nihil potest : sed hæc duo sunt A impossibilia : ergo, &c.

ITEM omnis scientia est de genere bonorum, nō tantum scientia boni, verum etiam scientia mali : Scire enim malū bonum est. Si ergo aliquid est summè malum, caret notitia boni, & mali : ergo nec scit facere aliquid malū, nec lædere : sed hoc ipso quod malū est, scit lædere bonum : ergo hoc ipso quod summè malum est, scit, & nescit bona, & mala : sed ista sunt impossibilia : ergo, &c.

ITEM si aliquid est summè malum, est malè per essentiam, & necessariò : sed si malum est per essentiam, & naturam, naturale est ei facere malum : sed vnumquodque dum facit quod est sibi naturale bene facit : & quod bene facit est bonum : ergo si aliquid est summè malum, ipsum est bonum, & dum malè facit, bene facit : sed hoc B est impossibile : ergo, &c.

ITEM si aliquid est summè malum, illud est vilissimum : quāto enim aliquid magis malum est, tantò vilius est : & si vilissimum est inter mala : ergo inter illa est infimum : sed quod est infimum inter mala, non est summum caput malorum : ergo quod est summè malum, non est summè malum. Si dicas quod non sequitur : est vilissimum : ergo non est summè malum : quia hoc est esse summè malum, quod infimum est respectu bonorum. Obiicitur, quia si aliquid ponitur summè malum, non debet poni super alia, sed infra secundum rectum ordinem : ergo non est Deus tenebrarum, sed seruus : quod est contra errorem istum.

ITEM si est summè malum : ergo illud erit ita omnipotens in malo, sicut summè bonum in bono : ergo omne malum subiaceret eius potentia : sed cuiuscunque boni corruptio est malum : ergo cuiuscunque boni corruptio subiaceret potentia summi mali : ergo si summè malum est, potest corrumpere omne bonum : sed bonum, quod potest corrumpi, non est summum : ergo si est ponere summè malum, nihil est summe bonum : & si non est summè bonum, nihil est bonum : ergo à primo ad ultimum, si est ponere summè malum, nihil est bonum. Quod si hoc est omnino falsum, & impium : patet, &c.

CONCLUSIO.

Malum omnino à bono separatum non potest esse, quia malum fundatur in bono.

RESP. AD ARG. Dicendum quod ponere malum aliquid esse, quod nihil habeat de bono, non solum est peruersitatis hæreticæ, sed etiam manifestæ cæcitatæ, & stultitiæ. Sicut enim in opponendo monstratum est, ipsa positio implicat in se opposita. Implicat enim quod illud sc. summè malum sit, & non sit, quod idem possit, & non possit, & quod idem sciat, & nesciat. Et dum implicat in se opposita, destruit seipsum. Nam in ponendo summè malum esse, quod nihil de bono habeat, ponit quod illud non sit summum : ponit etiam quod non sit malum : ponit etiam quod nullū bonum habeat oppositum : & hæc omnia in opponendo monstrata sunt : quæ manifestè conuincunt errorem istum esse fatuum, & cæcū, & auctorem, siue inuentorē suum ostendunt fuisse excæcatum, & impium. Nunquam enim in tātam tenebrositatem intrusus esset, impius Manichæus, nisi fuisset longè antè seruus Dei tenebrarum, qui excæcavit mentem eius, ut non fulgeret in eo illuminatio veritatis, quæ super omnem irradiat intellectum, & vsq; hodie viget hic error pessimus, quamvis sit irrationabilissimus. Et huius ratio est potissima ipsa mater cæcitatæ superbia, quæ regnat in quibusdā laicis quāto ad ea, quæ sunt fidei, & morum. Cum enim sint idiotæ præsumunt sacram Scripturam exponere, quæ est profundissima omnium Scripturarum : cum iterum habeant quādam honestatem exteriorem, contemnunt vitam omnium aliorum : & merito huius duplicis superbiæ excæcantur, ut

incidant in errorem istum pessimum, per quem excæcantur adeò, ut nesciant discernere, quid bonum est, aut quid malum, dum multa genera bonorum ponunt esse à Deo malo, quos Iſaias præmonstrat : Væ qui dicitis malum bonum, & bonum malum ponentes tenebras lucem, & lucem tenebras : & propter nimiam excæcationem, in qua sunt, amisso rationis vsu, nullam habent in eisdem efficaciam argumenta ad persuadendum, nec tormenta ad retrahendum, nec orationum suffragia ad releuandum, nisi hoc fiat de gratia specialissima. Hanc positionem hæreticam, immò stultissimam, blasphemam repudiando, dicamus sicut dicit fides catholica, & ratio recta, nihil esse ita malum, quin habeat aliquid de bono. Ad intelligentiam autem obiectorum notandum quod summum in aliquo genere dupliciter potest dici. Vno modo dicitur summum, quo nihil potest esse maius : & hoc modo non contingit reperire, neq; ponere aliquid summè malum : nihil enim est adeo malum, quin possit esse peius, pro eo quod aliquid habet de bono, quo posset magis priuari : & ita adhuc peius esset. Et pro tanto dicit Dionysius quod malum est infinitum. Alio modo dicitur summum, quo nihil est maius secundum actum, sed ipsum excedit inter omnia alia : & sic contingit reperire summū in malis. Nam Lucifer, qui est rex super omnes filios superbiæ, pessimus est super omnes. His visis facile est respondere ab obiecta.

1. AD illud quod primò obiicitur de oppositione mali, dicendum quod consideratio intelligitur ita quod terminus eodem modo accipiat, cum dicitur simpliciter, & cum dicitur cum excessu : non sic autem est in proposito. Nam cum dicitur quod bonum opponitur malo, accipitur hic bonum per participationem ; cum verò inferitur de summo bono, accipitur ibi bonum pro bono per essentiam, quod solum est summè bonum, & illi nihil opponitur.

2. AD illud quod obiicitur quod magis, & minus accipitur secundum maiorem, & minorem accessum ad terminum, dicendum quod verum est in his, quæ dicunt positionem : non autem verum est in his quæ dicunt priuationem : immò accipiuntur per recessum. Unde magis malum dicitur quod magis recedit à bono, & quia nunquam tantum recedit, quin adhuc magis possit, hinc est, quod nunquam est ibi ponere summum.

3. AD illud quod obiicitur de statu, dicendum quod status est secundum actum : sed nō oportet quod sit status secundum potentiam, ut non possit esse ultra progressus. Nam est in rebus creatis non contingat inuenire actum infinitum, contingit tamen reperire infinitum in potentia, sicut patet in numero per appositionem, & in continuo per diuisionem. Et sic in proposito intelligendum ; & hoc infra manifestabitur, cum agatur de corruptione mali.

4. 5. 6. AD illud quod obiicitur, quod per accidens reducitur ad per se, & similiter dictum per participationem, reducitur ad dictum per essentiam, & similiter quod in quolibet genere est reperire vnum primū, &c. dicendum quod hoc locum habet in his, quæ dicunt positionem & naturam, quæ possit causari ex principiis subiecti, & quæ possit essentialiter dici, & secundum E quam possint alia mensurari secundum eius participationem maiorem, & minorem. Malum autem priuationem dicit in quantum malum : & ideo illæ tres rationes, non habent hic locum. Et hoc fuit, quod decepit Manichæum, ut dicit Augustinus, quia nesciuit, quid esset malum : & quia voluit de malo disputare, nesciens quid hoc esset : ideo se, & multos præcipitavit in errorem. Superbia enim sua fecit ipsum ignorare modum addiscendi. In omni enim inquisitione prius oportet intelligere, quid est quod per nomen dicitur : & hoc tanquam præcognitionem afferre secum ad rei proprietates posterius cognoscendas.

Isa. 5. 6.

Cap. 4. de
Diu. nom.
ad finem.

Lib. de Na-
tura boni
c. 4. 5. 6.

QVÆSTIO I I.

An malum sit in bono sibi opposito.

*Alexand. Alensis 2. p. 94. Membro 3. art. 3.
Steph Brulef. 2. Sent. dist. 34. q. 1.*

Fundamēta.
Cap. 14.

Ench. c. 14.
rom. 3.

Ad opposi-
um.
Cap. 4.

VTRVM malum, siue malitia sit in bono sibi opposito. Et quodd sic, videtur. Augustinus in Enchirid. Cum mala & bona nullus ambigat esse contraria, non solum simul esse possunt, sed mala omnino sine bonis, & nisi in bonis, esse non possunt. Hic expressè habetur quodd mala sunt in bonis sibi oppositis.

ITEM Augustinus: In his contrariis, quæ bona & mala vocantur, deficit regula dialecticorum, quæ dicunt, nulli rei simul inesse contraria: sed constat quodd non deficeret, nisi mala esset in bonis sibi oppositis: ergo, &c.

ITEM malum dicitur quod corrumpit: sed non corrumpit nisi illud, in quo est: & ei bono opponitur quod corrumpit: ergo videtur quodd malum sit in bono sibi opposito.

ITEM seruitus opponitur libertati: sed peccatum quod facit hominem seruum, propriè inest homini secundum voluntatem per liberi arbitrii libertatem: ergo videtur quodd malum substantificari habeat in bono sibi opposito.

1. CONTRA: Dionysius in libro de diuinis nominibus: Malum non est existens, neque in existentibus: sed omne bonum est de genere existentium: ergo malum non est in bono: ergo nec in bono sibi opposito.

2. ITEM virtus & vitium sunt opposita: & tantum vnum vni opponitur: ergo si vitium non est in virtute: ergo nec est in bono sibi opposito, nec etiam cum illo.

3. ITEM regula dialecticorum est vera, & necessaria: ergo non fallit in aliqua materia: nam si falleret in vna sola materia, repudianda esset tanquam falsa: si igitur ars dicit quodd vnum oppositum non est in altero, nec cum altero circa idem, & bonum malo opponitur: ergo malum non est in bono sibi opposito.

4. ITEM si malum potest esse in bono sibi opposito: ergo ab ipso non expellitur: & si non expellitur à suo opposito, videtur quod non expellatur ab aliquo: & si à nullo expellitur, semper manet: ergo si aliquis semel est malus semper est malus. Quod si hoc est falsum, restat quodd & primum.

CONCLUSIO.

Malum substantificatur in bono, & non modò in bono, sed in bono sibi opposito quodam modo, non tamen in opposito formaliter & directè.

RESP. Ad Arg. Ad prædictorum intelligentiam est notandum quodd bonum in creatura dicitur per ordinationem ad finem. Vnde bonum dicitur quod est ordinatum in finem. Ordinatio autem tria respicit, aut ipsum ordinabile, aut illud secundum quod est ordinabile, aut illud per quod ordinatur. Et secundum hoc triplex reperitur in bonis bonum, scilicet bonum quod est ordinabile, & hoc est naturale: & bonum, per quod ordinatur, & hoc est virtus, vel gratia: & bonum secundum quod natura ordinabilis est à gratia, & hoc est habilitas media. Intelligendum est ergo, quodd malum culpæ ei bono, quod est ipsa natura, vel substantia, nō opponitur, quia ipsam substantiam non corrumpit, vt dicit Dionysius: Nihil existentium corrumpitur in eo quod est essentia vel natura. Ei autem bono, quod est virtus, & gratia simpliciter & directè opponitur. Vnde mutuo se expellunt, & simul esse non possunt. Ei autem bono, quod est habilitas media, quodam modo opponitur, & quodam modo non. Nam illa habilitas media habet comparari ad naturam cuius est, & ad gratiam ad quā est. Et secundum quod comparatur ad naturam cuius est, sic non habet oppositionem ad malum: quoniam habilitas illa, vt

A erat talis naturæ, indifferens erat ad bonū, & ad malum: & sic est subiectum mali. Vt autem comparatur ad gratiam, siue virtutem, vel etiam ad finem, ad quem est, sic habet oppositionem ad malum. Nam malum tollit rectam ordinationem ad illud ad quod est, & reddit minus, & minus habilem. Quoniam igitur malum culpæ primò, & principaliter circa habilitatem consistit: & habilitas potentiae opponitur ipsi malo, cum malum reddat ipsam potentiam inhabilem, hinc est quodd August. dicit, quodd malum habet esse in bono sibi opposito: & quodd in huiusmodi oppositis regula dialecticorū deficit, hoc est dicere quodd ad talia opposita non se extendit. Vnde ex hoc non sequitur quod regula dialecticorum falsificetur. Sed quoniam mos est Philosophi, positis considerationibus, instantias subinferre, non quæ falsificent ipsas, sed quæ intellectum considerationum reificent, & manifestent, sic beatus August. tanquam vir prudens ingenio in hac instantia manifestat illam maximam dialecticorum in his oppositis tenere, quæ opponuntur oppositione formali, sicut opponitur virtus & vitium, gratia & culpa. In his autē oppositis, quæ non opponuntur ratione eius quod sunt, sed ratione eius ad quod sunt, non est intelligēda illa regula: nam illa simul possunt stare sicut stat gratia cum concupiscentia. Et iterum vnum potest esse in altero, sicut culpa in habilitate. Ex his, quæ sunt dicta, manifesta est responsio ad quæstionem propositam. Dico enim quodd malum substantificatur in bono, & nō solum in bono, sed etiam in bono, quodam modo sibi opposito, sicut ostendunt rationes quæ ad primam partem inducuntur. In bono autem, quod directè & formaliter opponitur, sibi substantificari non habet, sicut duæ vltimæ rationes, quæ ad secundam partem inducuntur, ostendunt.

1. AD illud quod obiicitur de verbo Dionysii, quodd malum non est in existentibus, &c. dicendum quodd ipse loquitur per se, quodd scilicet non est in existentibus secundum quodd existentia, sed potius secundum quodd deficientia, cum sit priuatio & defectus, vt iam patebit melius.

2. 3. 4. AD illud quod obiicitur, quodd tantum vnum vni opponitur, dicendum quodd illud intelligendum est de vno genere oppositionis, & intelligendo secundum idem, & per se loquendo. Habilitas autem potentiae non opponitur ipsi vitio nisi ratione virtutis: virtus enim directè opponitur vitio: & quia naturalis habilitas quodam modo inclinat ad virtutem: hinc est quodd vitio opponitur quodam modo, licet non omnino vt virtus: & sic patet totum.

QVÆSTIO III.

An malum sit in bono tanquam habitus, vel sicut pura priuatio.

*S. Thom. 1. 2. q. 48. art. 1.
Et 2. Sent. dist. 34. q. 1. art. 1.
Egid. Rom. 2. Sent. p. 2. d. 34. q. 1. art. 2. & 2.
Richardus 2. Sent. dist. 34. q. 1.
Durand. 2. Sent. d. 34. q. 2.
Thom. Argent. 2. Sent. dist. 34. q. 1. art. 1.
Gabr. Biel. 2. Sent. dist. 34. q. 1.*

VTRVM malum sit in bono tanquā aliquis habitus & potentia aliqua: & an sit pura priuatio. Et quod non sit ibi tanquam habitus, & potentia aliqua, sed vt pura priuatio, videtur. Primò per illud: Sine ipso factum est nihil. Glossa: Nihil, id est, peccatum: ergo peccatum nihil est.

2. ITEM Augustinus: Malum non est natura aliqua, sed defectus circa naturam mali nomen accepit: ergo malum non est aliqua potentia, sed defectus & priuatio.

3. ITEM Anselmus de concept. Virg. In iustitia omnino nihil est, sicut cæcitas. Non enim aliud est cæcitas, quàm visus priuatio, vel absētia vbi debet esse quæ non

magis, est quid in oculo ubi debet esse, quam in ligno A ubi non debet esse.

4. ITEM hoc ipsum videtur ratione: Bonum, & ens conuertuntur: ergo de quocunque prædicatur ens, prædicatur & bonum. Si igitur peccatum, vel malitia esset ens, malitia secundum quod huiusmodi haberet aliquid de bonitate: si ergo non habet aliquid de bonitate, non habet aliquid de entitate.

5. ITEM omne ens à summo ente procedit, nec est aliqua essentia, quæ non sit in Dei potentia ut illam producat: sed Deus non potest peccare, nec facere culpam: ergo peccatum in quantum huiusmodi non habet aliquid de entitate: ergo nihil est, & priuatio pura.

6. ITEM omne quod est ens, habet aliquam formam: omne autem quod habet aliquam formam, habet pulchritudinem: sed peccatum non habet pulchritudinem, cum sit deformitas animæ: ergo nihil habet de entitate: ergo puram dicit priuationem.

Sed CONTRA est August. Peccatum est factum, vel dictum, vel concupitum contra legem Dei, sed omne dictum vel factum est aliquid: ergo peccatum siue malum est aliquid, non ergo priuatio pura.

ITEM Virtus, & vitium sunt contraria: sed contraria sunt in eodem genere, & quæcunque sunt sub eodem genere, utrumque eorum est aliquid, & non priuatio pura: ergo vitium aliquid est: igitur malum, siue peccatum non est omnino nihil.

ITEM siue accipiat concretivè, vel abstractivè, verum est dicere quod peccatum est in aliquo, & omne quod est in aliquo est ens, sicut omne quod legit est legens, & omne quod amat est amans, & omne quod est ens est aliquid, & non est priuatio pura: ergo peccatum, siue malum siue accipiat concretè, siue abstractè, non est omnino nihil.

ITEM nihil quod est pura priuatio intenditur, & remittitur: sed malum, vel peccatum intenditur, & remittitur, quia vnum peccatum est maius alio, & vna malitia est maior altera: ergo peccatum, siue malitia non est priuatio pura.

ITEM omne ordinatum præsupponit esse: sed malum culpæ, secundum quod malum, ordinatur ad malum pœnæ: si igitur secundum quod malum est, ordinatur ad pœnam, videtur quod secundum quod malum, habeat aliquid esse.

ITEM aut peccatum est aliquid secundum quod peccatum, aut nihil. Si aliquid, habeo propositum. Si nihil, & Deus punit hominem pro peccato: ergo Deus punit hominem pro nihilo: sed qui punit alium pro nihilo, iniuste punit: ergo si Deus punit hominem pro culpa, videtur quod iniuste faciat in puniendo.

CONCLUSIO.

Malum abstractivè sumptum in se, est pura priuatio, nec dicit habitum, vel potentiam aliquam, bene tamen concretivè sumptum.

RESP. Ad Arg. Dicendum quod malum, siue peccatum dupliciter potest accipi. Vno modo abstractivè, alio modo concretivè. Secundum autem quod malum dicitur concretivè, sic concernit illud quod deformat vel aliquam actionem, vel aliquam substantiam: & sic dicitur malum res mala, utpote actio mala, vel anima mala. Et hoc modo malum aliquid est, & habet esse naturæ. Si autem aliquando dicatur ipsa res mala, siue peccator nihil esse, hoc dicitur quantum ad bene esse, quod quidem est esse ordinatum. Vnde cum dicuntur homines nihil fieri, cum peccant, hoc non dicitur: quia omni esse priuentur, sed quia priuantur esse ordinato: quod quidem est esse completum, & de quo dicit Boetius, quod esse est quod ordinem retinet, servatque naturam. Contingit iterum loqui de malo, siue de peccato abstractè: & hoc modo malum, siue peccatum in recto, siue prædicatione formali non est aliquid, sed nihil: quia non est

ens, nec bonum, sed priuatio boni. Quamvis autem malitia, vel peccatum nihil sit in recto, in obliquo tamen alicuius est: & alicuius ut oppositi, & alicuius ut subiecti. Alicuius ut oppositi utpote boni: malum enim est priuatio boni: & quia sic est priuatio boni, ut tamen non sit omnimoda boni annihilatio, sic priuat bonum quod relinquit bonum: unde sic priuat bonum gratiæ quod relinquit bonum naturæ: sic priuat actum ut relinquat aptitudinem: sic priuat bonum quantum ad effectum, ut tamen in subiecto relinquit debitum: ideo malum abstractivè sumptum, formaliter loquendo, priuatio est: & ideo nihil est. Est etiam alicuius entis ut subiecti, quia est in aliquo ente. Non enim est omnimoda priuatio siue annihilatio. Et quia secundum hanc viam rationes & auctoritates ad primam partem inductæ ostendunt malum, siue peccatum nihil esse: ideo concedendæ sunt.

1. Ad illud quod primò obiicitur in contrarium, quod peccatum est dictum, vel factum, &c. dicendum quod ibi accipitur peccatum, siue malum concretivè pro ut concernit actionem substratam, & hoc modo aliquid est: sed hoc non repugnat, sed consonat eis, quæ dicta sunt.

2. Ad illud quod obiicitur, quod virtus & vitium sunt contraria, dicendum quod vitium secundum quod contrariatur virtuti, utpote luxuria castitati, non tantum dicit priuationem, sed etiam dicit aliquem habitum substratum, quo aliquis redditur facilis ad perpetrandum illud peccati genus: & hoc modo accipiendo vitium, vitium non omnino nihil est. Alio modo accipiendo vitium pro ut est priuatio boni tantum, sic non contrariatur virtuti secundum rem, immò opponitur sicut priuatio, & habitus. Si autem dicatur alicubi hoc modo vitium contrariari virtuti, accipitur largo modo contrarietas pro qualibet oppositione, & repugnantia. Vel hoc dicitur, quia etsi secundum veritatem vitium opponatur virtuti ut priuatio: habent tamen virtus, & vitium quodam modo legem contrarietatis in hoc quod mutuo se expellunt, & ab vno fit regressus ad alterum, in qua conditione opposita ut priuatio & habitus ab his, quæ opponuntur sicut contraria, distinguuntur. Et pro tanto dicit Augustinus in Enchirid. quod in hoc fallit regula dialecticorum: vocans bonum, & malum contraria, & hoc ex causa prædicta. Nihilominus tamen dicendum quod malum est in eodem genere cum bono: sed hoc non est propriè, & secundum rectam ordinationem, sed hoc est per quandam reductionem: & ex hoc non sequitur quod malum sit aliquid. Nam priuationes ad idem genus cum suis habitibus reducuntur: & tamen ipsæ, formaliter loquendo, nihil sunt.

3. Ad illud quod obiicitur, quod malum est in aliquo, ergo est dicendum, quod illud non sequitur: nam sicut dicit Philosophus: Quædam sunt entia, & quædam sunt entium: & quamvis priuationes possint dici entium, non tamen dicuntur entia. Cum autem dico malitiam esse in alio, dico eam esse entis: sed cum dico malitiam esse ens, attribuo ei entitatem in se: & primum esse est esse secundum quid, secundum esse est simpliciter: & ideo est ibi sophisma secundum quid & simpliciter.

Si autem queratur de hac: Malitia est, utrum sit concedenda vel non, dicendum quod hoc verbum *Est*, sicut vult Philosophus, dupliciter potest prædicari. Aliquando prædicatur ut compositio media inter duo extrema, & sic dicitur tertium adiacens, ut cum dicitur, homo est albus. Aliquando verò sic prædicatur, ut res importata per ipsum sit attributū, siue alterum extremorum. Quando ergo sic dicitur: Malitia est: si hoc verbū, *Est*, accipiat ut prædicatū, sicut accipiuntur alia verba, ut legit, & huiusmodi, tunc locutio est falsa. Est enim sensus: Malitia est, id est, malitia est ens, id est, essentia aliqua: hoc enim verbum, *Est*, significat essentiam, vel substantiam vniuscuiusq;. Alio modo potest intelligi prædicari,

Arif. 9. Metaph. cont. 2. & 11. Metaph. 3. & 7. Metaph. 2. 7. Metaph. 2.

Arif. 2. Periberm. 6. 1.

vel

Fundamēta
ib. 22. con
tra Faust
cap. 26. 10. 6

Lib. 4. de
confe. prof. 2.

vel accipi in huiusmodi locutione sicut copula, & est oratio quodam modo defectiva: & tunc est sensus: Malitia est, id est malitia alicui inest; ita quod ipsa malitia potius intelligitur ut alteri inhærens, quam alteri substantans, sicut cum dicitur malum, & intelligitur aliquid esse malum. Et hoc modo accipiendo non valet: Malitia est: ergo est ens.

4. Ad illud quod obiicitur, quod pura priuatio non intenditur, nec remittitur, dicendum quod si dicatur pura priuatio, hoc est priuatio nihil ponens nec in recto, nec in obliquo: hoc modo verum est dicere quod non recipit magis, & minus, sicut chimæra nihil est, & hircoceruus nihil est: nec est vnum magis nihil, quam reliquum. Alio modo pura priuatio dicitur, quia nihil ponit in recto: ponit tamen in obliquo: & hoc modo malitia priuatio posset dici: sed de hac non est verum quod non recipiat magis, & minus. Potest enim magis, & minus recipere ratione eius entis quod respicit quasi in obliquo. Vnde dicitur maior priuatio, in qua est maior boni corruptio, & in qua minus de bono relinquitur: minor vero in qua minus de bono corrumpitur, & plus relinquitur. Et sic patet quod ex hoc non sequitur, quod peccatum, abstractiue loquendo, sit aliqua positio.

5. Ad illud quod obiicitur, quod esse ordinatum præsupponit esse, dicendum quod verum est quod in his, quæ per se ordinantur, ordinatum præsupponit esse: in his autem, quæ ordinantur per accidens, non præsupponit esse, in se, sed ratione illius, in quo, vel per quod ordinatur. Et hoc modo malum dicitur ordinari: non quia sit in se ordinatum, cum sit priuatio modi, speciei, & ordinis, sed quia ordinabilitatem habet in pœna ratione ipsius punibilis: hoc autem melius determinabitur.

6. Ad illud quod obiicitur, quod si peccatum nihil est, quod Deus punit hominem pro nihilo, dicendum quod sicut prædictum est, etsi peccatum nihil sit in recto, nihilominus tamen in obliquo est alicuius entis, ut oppositi, & alicuius ut subiecti. Circa quod relinquit debitum respectu boni priuati. Dico igitur quod peccatum est meritum pœnæ, non solum ratione priuationis, sed etiam ratione debiti relictæ, & boni priuati: vnde non est homo dignus puniri solum; quia bono caret, sed quia caret, & debet habere. Et licet carentia illa nihil sit, debitum tamen habendi aliquid est: & ideo ex hoc non sequitur quod Deus puniat hominem pro nihilo, quamvis peccatum nihil sit. Hoc autem apertum est, si quis consideret in sensibili exemplo, scilicet cum rex incarcerat seruum, quia non reddidit tributum, vel cum aliquis creditor incarcerat aliquem, quia non soluit sibi pecuniam mutuam: priuatio enim non per se, sed cum debito est in causa.

DISTINCT. XXXV.

Diffinitio peccati, & eiusdem explicatio.

POST hac videndum est quid sit peccatum. Peccatum est, ut ait Augustinus, omne dictum, vel factum, vel concupitum quod sit contra legem Dei. Idem in libro de duabus animabus: Peccatum est voluntas retinendi vel consequendi quod iustitia vetat. In utraque assignatione de actuali peccato agitur & mortali, non veniali. Ex prima descriptione ostenditur peccatum esse voluntas mala, siue locutio & operatio praua, id est, actus malus tam interior quam exterior: ex altera vero tantum ostenditur esse actus interior. Voluntas enim, ut in superioribus dictum est, motus animi est: actus ergo interior est. Ambrosius quoque in libro de Paradiso ait: Quid est peccatum, nisi legis diuine prauaricatio, & celestium inobedientia prae-

ptorum? Ergo in prauaricante peccatum est, sed in mandante culpa non est. Non enim consisteret peccatum, si interdictio non fuisset. Non consistente autem peccato, non solum malitia, sed etiam virtus fortasse non esset: quia nisi aliqua malitia fuissent semina, vel subsistere, vel eminere non posset. Ecce prauaricationem legis, & inobedientiam definit Ambrosius esse peccatum.

Diuersorum sententiarum de peccato ponuntur.

Quocirca diuersitatis huius verborum occasione, de peccato plurimi diuersa senserunt. Alij enim dicunt voluntatem malam tantum esse peccatum, & non actus exteriores: Alij, voluntatem & actus: Alij, neutrum dicentes, omnes actus esse bonos, & à Deo & ex Deo auctore esse, malum autem nihil esse, ut ait Augustinus super Ioannem: Omnia per ipsum facta sunt, & si ne ipso factum est nihil, id est, peccatum quod nihil est: & nihil sunt homines, cum peccant. Suprà etiam dixit Augustinus, quod malum est priuatio boni, vel corruptio boni, qui etiam in libro 83. q. ait: Summum malum nullum modum habet: caret enim omni bono. At modus aliquid boni est: non igitur est, quia nulla specie continetur: totumque hoc nomen mali de speciei priuatione repertum est. Idem in dogmatibus ecclesiasticis dicitur malum, vel malitiam non esse à Deo creatam, sed à diabolo inuentam, qui & ipse bonus creatus est. Idem etiam in libro contra Manichæos, quid sit peccatum ostendit, dicens: Peccare quid aliud est, nisi in veritatis præceptis, vel in ipsa veritate errare? Quod si non voluntate faciunt peccatores, iniuste iudicantur. Quid ergo in hac tanta varietate tenendum, quidve dicendum?

Vera sententia de peccato proponitur.

Sanè dici potest, & liberè tradi debet, peccatum esse actum malum interiorem & exteriorem, scilicet malam cogitationem, locutionem, & operationem: præcipue tamen in voluntate consistit peccatum, ex qua tanquam ex arbore mala procedunt opera mala tanquam fructus mali.

Traditio quorundam, qui dicunt voluntatem malam & actum, in quantum sunt, esse naturas, & ideo bonas: in quantum vero mala sunt, esse peccata.

Quidam autem diligenter attendentes verba Augustini quibus suprà & in aliis Scriptura locis utitur, non in doctè tradunt voluntatem malam & actus malos, in quantum sunt, vel in quantum actus sunt, bona esse: in quantum vero mala sunt, peccata esse: qui voluntatem & actum quemcumque bonam Dei naturam esse dicunt, in quantum actus est vel voluntas, ex Deo auctore esse: in quantum vero inordinatè & contra legem Dei sit, & sine debito caret, peccatum est: & ita in quantum peccatum est, nihil est. Nulla enim substantia est, nulla natura est.

Auctoritatibus probant voluntates & actus omnes, esse bonas, in quantum sunt.

Quod autem voluntas omnis & actio bonum sit, in quantum est, ex eo probant, quod ait Augustinus in libro 83. questionum: Deus boni tantummodo causa est, quocirca mali auctor non est: quia omnium quæ sunt, auctor est: quæ in quantum sunt, in tantum bona sunt. Idem probans nihil casu fieri in mundo, ait in eodem: Quidquid casu sit, temerè sit: quidquid temerè sit, non sit prouidentia. Si ergo casu aliqua fiunt in mundo, non prouidentia vniuersus mundus administratur. Si non prouidentia vniuersus mundus administratur, aliqua natura vel substantia est, quæ ad opus prouidentie non

pertinet. Omne autem quod est, inquantum est, bonum est. Summe enim est illud bonum, cuius participatione sunt cetera bona: & omne quod mutabile est, non se, sed boni illius participatione, inquantum est, bonum est: quod diuinam etiam providentiam vocamus. Nihil ergo casu fit in mundo. His testimoniis inmittuntur ad ostendendum omne quod est, inquantum est, bonum esse. Vnde idem Augustinus in libro de doctrina Christiana ait: Ille summe ac primitus est, qui omnino incommutabilis est: & cetera quae sunt, nisi ab illo esse non possunt: & intantum bona sunt, inquantum acciperunt ut sint.

Quid ex praedictis colligitur.

Ex praedictis colligitur atque inferitur, quia si mala voluntas & mala actio est, inquantum est, bona est. Sed quis est qui diffitetur malam & voluntatem esse, & malam actionem? Mala ergo voluntas siue actio, inquantum est, bonum est: & inquantum voluntas est vel actio, bonum similiter est: sed ex vitio mala est, quod vitium a Deo non est, neque aliquid est. Quod Aug. notasse videtur in libro 83. q. dicens: Vitium est voluntatis quo est homo deterior: quod vitium longe abest a voluntate Dei, ut ratio docet. Ex hoc loco probant voluntatem, inquantum vitiosa est, non esse a Deo: & inquantum vitiosa est, peccatum est. Et peccatum est, ut aiunt, inquantum non habet ordinem nec finem debitum. Ita & actio, inquantum ex malo procedit, & ordinem non habet, & ad malum tendit.

Alia probatio quod omnis actus, inquantum est, bonus est.

Idem & aliter probant omnem actum interiore vel exteriorem, inquantum est, esse bonum: quia non esset actus malus, nisi esset res bona: quia non est aliqua res mala, nisi eadem res bona sit. Vnde Aug. in Enchirid. Omnis natura bonum est: nec res aliqua mala esset, si res ipsa, quae mala est, natura non esset. Non ergo potest esse malum, nisi aliquod bonum. Quod cum dici videatur absurde, connexio tamen rationationis nos compellit hoc dicere. Ex praemissis testimoniis asserunt omnes actus, inquantum sunt, esse res bonas, nec aliquid esse malum, id est, peccatum, nisi idem quoque secundum aliquid bonum sit, & omnium quae sunt, inquantum sunt, Deum auctorem praedicant, & eius voluntate omnia esse quaecunque sunt, quae inquantum sunt, natura sunt.

Obi. Etio contra illos, qui dicunt omnes actus, inquantum sunt, esse bonos.

Quibus opponitur: Si omnia quae sunt inquantum sunt, bona sunt, & natura sunt: ergo adulterium & homicidium & similia inquantum sunt, bona sunt, & natura sunt, & Deo volente fiunt. Quod si est, tunc illi qui faciunt illa, bona agunt: quod penitus absurdum est. His vero sic illi respondet: Dicunt equidem adulterium, homicidium, & huiusmodi, non simpliciter actus denotare, sed actum vitia. Actusque ipsos adulterii, & homicidii inquantum sunt, vel inquantum actus sunt, a Deo esse, & bonas naturas esse: sed non inquantum adulterium & homicidium sunt. Et ideo non sequi, dicunt, si actus qui homicidia & adulteria sunt, a Deo sunt, quod homicidia & adulteria a Deo sunt.

Alia illorum oppositio contra eosdem.

Idem aliter eis opponitur: Si aliquid non est malum quod non sit natura vel res bona, quo modo ergo peccata sunt, non credere in Deum, non ire ad Ecclesiam, &

huiusmodi: cum ista non sunt natura, immo omnino non sint? Non est enim aliquid vel res aliqua non ire ad Ecclesiam, vel non credere, & huiusmodi. Ad quod dicunt: His atque huiusmodi dictionibus, quae videntur priuationes simpliciter notare, & nihil ponere, quia per negationem dicuntur, verè aliqua poni, actusque per eas significari. Non credere enim in Christum, incredulitatem dicunt: & nomine incredulitatis malum mentis actum significari. Ita etiam cum dicitur: Non ire ad Ecclesiam, malum est: non euntis contemptus significatur, id est, voluntas mala vel propositum: hoc est enim declinare a bono, & ideo malum est: sicut & conuerso declinare a malo, bonum est. Sicut ergo declinatio a malo aliquid ponit, scilicet, voluntatem & propositum vitandi malum: Non enim potest esse bonum quod omnino nihil est, ita declinatio a bono quod est, significat, scilicet, voluntatem & propositum mali. Et secundum hoc vera est & generalis illa peccati mortalis descriptio, quam supra posuit Augustinus, scilicet: Peccatum est dictum, &c.

Vtrum malus actus, inquantum peccatum est, sit priuatio vel corruptio boni.

Potest etiam quari ab eisdem, cum peccatum sit, ut supra dictum est, priuatio vel corruptio boni, & omnis actus malus sit peccatum: utrum sit priuatio vel corruptio boni inquantum peccatum est, vel non. Si enim, inquantum peccatum est, corruptio boni est, cum corruptio vel priuatio boni pena sit homini: inquantum ergo peccatum est, pena est. Quod si est, tunc inquantum peccatum est: bonum esse videtur, & a Deo esse. Si autem non inquantum peccatum est, corruptio est: quiritur ergo secundum quod corruptio sit. Si enim corruptio est, & non inquantum peccatum est, cum non sit nisi bonum praterquam in eo quod peccatum est: ergo inquantum bonum est, corruptio vel priuatio boni est. Ad quod etiam ipsi dicunt actum malum, non inquantum est, neque inquantum bonum est, esse priuationem vel corruptionem boni, sed inquantum peccatum est: non tamen inquantum peccatum est, pena est, vel aliquid quod a Deo sit. Vt enim ex verbis praemissis Augustini colligitur, peccatum dicitur corruptio vel priuatio actus non passiuè. Nam ideo malum vel peccatum dicitur corruptio boni, quia natura bona qualicunque priuat bono. Nam si non priuat aliquo bono, non nocet, ut supra August. ait: nocet autem: adimit ergo bonum. Non autem nocet, nisi inquantum peccatum est: ergo inquantum peccatum est, priuat bono. Itaque inquantum peccatum est, priuatio est vel corruptio boni.

Quo modo inquantum peccatum est, possit corrumpere bonum, cum nihil sit.

Sed cum nihil sit inquantum peccatum est, quo modo potest bonum corrumpere vel adimere? Aug. se hoc docet in libro de natura boni, dicens: Abstinere a cibo non est aliqua substantia: tamen substantia corporis, si omnino abstinetur a cibo, languescit & frangitur: sic non est substantia peccatum, eo tamen natura anima corrumpitur.

Quod peccatum proprie corruptio est animae, & quo modo.

Peccatum verò, id est culpa, proprie anima corruptio est. Si autem quiritur, in quo possit corrumpi anima: in parabola illius qui incidit in latrones, qui eum vulnerauerunt & spoliauerunt, clarescit. Incidit enim homo in

latrones

In principio dist.

Distin. praecedenti, & praesenti.

Responsio August.

latrones, quando per peccatum in potestate diaboli traditur: & tunc per peccatum expoliatur gratis bonis, id est, virtutibus: & in naturalibus bonis vulneratur, quae sunt ratio, intellectus, memoria, & ingenium, & huiusmodi, quae per peccatum obtenebrantur & vitiuntur. Per peccatum etiam priuatur illo bono, cuius participatione cetera bona sunt: quo tanto magis priuatur, quanto magis se ab eo elongat.

Qualiter homo se elongat à Deo, scilicet per dissimilitudinem, quam facit, hoc est, peccatum.

Ab eo autem se elongat homo per peccatum, non loci distantia, quia ubique totus & praesens est omnibus, & omnia in ipso sunt, ut ait Augustinus in lib. 83. q. & ipse locus non est. Locus tamen Dei abusu dicitur templum Dei: non quod eo contineatur, sed quod ei praesens sit & inhabitans: id autem anima munda intelligitur. Per peccatum ergo, non secundum locum aliquis longe fit à Deo: sed in eo longe fit quod ab eius similitudine recedit: & tanto longius, quanto fit dissimilior. Illa autem, ut Augustinus ait in lib. 83. q. quae participatione similia sunt Deo, recipiunt dissimilitudinem. At ipsa similitudo nullo modo ex aliqua parte potest esse dissimilis. Vnde fit ut cum similitudo Patris Filius sit, ex nulla parte patri possit esse dissimilis: cuius participatione similia sunt quaecunque Deo similia sunt, & illa possunt recipere dissimilitudinem. Nihil est autem quod hominem adeo Deo dissimilem faciat, quemadmodum peccatum. Cum autem peccatum sit priuatio vel corruptio boni, quae est in anima: est etiam priuatio vel corruptio boni corporis: sicut corpus hominis priuauit beneficio illius immortalitatis & impassibilitatis, quam habuit ante peccatum.

An poena sit priuatio boni.

Queri autem solet: Virum & poena sit priuatio vel corruptio boni. Ad quod facile responderi potest, si praedicta ad memoriam reuocentur. Diximus enim supra, priuationem vel corruptionem boni accipi actiue vel passiuè, id est, secundum efficientiam vel effectum. Ideoque priuatio vel corruptio boni dicitur & peccatum & poena: sed peccatum secundum efficientiam, quia priuat, vel corrumpit bonum: poena autem secundum effectum, id est, secundum passionem, quae est effectus peccati. Aliud est enim culpa, aliud poena: alterum est Dei, id est, poena: alterum diaboli vel hominis, id est, culpa.

DISTINCT. XXXV.

De Peccato actuali secundum eius quidditatem & diffinitionem.

Post hac videndum est quid sit peccatum, &c.

Expositio Textus.

SUPRA egit Magister de peccati causalitate, & origine, hic agit de peccati quidditate, & diffinitione. Diuiditur autem pars ista in tres partes. In quarum prima inquit Magister, quid sit peccatum, utrum sit actus, vel priuatio pura. In secunda, dato quod aliquo modo sit actus, & aliquo modo priuatio, inquit, utrum peccatum sit peccati poena, infra distinct. 36. Sciendum est tamen quadam sic esse peccata. In tertia vero inquit, utrum actio subtrahatur, in qua peccatum committitur, sit à Deo tanquam à causa prima, dist. 37. Sunt autem & alij, &c. Prima pars, quae continet praesentem dist. diuiditur in partes tres. In prima ponit Magister peccati notificationes. In secunda vero ex ipsis notificationibus inquirendo elicit, quid sit peccatum secundum rem. In

tertia vero dissoluit rationes, siue oppositiones, quae contrariae videntur veritati praedeterminatae. Primum facit, ibi: Post hac videndum est, quid sit peccatum, &c. Secundum, ibi: Quocirca diuersitatis, &c. Tertium, ibi: Quibus opponitur, si omnia quae sunt, &c. Prima pars diuidi posset in tres partes secundum tres notificationes peccati, sed ratione suae breuitatis remanet indiuisa. Secunda vero pars principalis diuiditur in tres partes. In prima parte diuersorum opiniones narrat. In secunda vero veritatem aperit, & iuxta quorundam opinionem explanat, ibi: Sane dici potest & liberè, &c. In tertia vero auctoritatibus Sanctorum confirmat, ibi: Quod autem voluntas omnis, & actio, &c. Similiter tertia pars principalis tres habet partes secundum tres dubitationes, quas mouet: quarum prima sumpta est ex hoc quod dicebat illa positio, quod omnia quae sunt, bona sunt. Secunda vero ex hoc quod peccatum est corruptio boni. Tertia vero sumpta est ex hoc quod corruptio boni est poena. Primam ponit, ibi: Quibus opponitur, si omnia, quae sunt, &c. Secundam, ibi ponit: Potest etiam queri ab eisdem, &c. Tertiam, ibi: Queri autem solet, utrum, &c. Et in qualibet istarum partium primo opponitur, secundo soluit.

Peccatum est, ut ait Augustinus, omne dictum, vel factum, vel concupitum, quod sit contra legem Dei. Dub. I.

Videtur dicere falsum. Aut enim hoc quod est, vel, intelligitur disiunctiue, aut subdisiunctiue: Si subdisiunctiue: ergo membra non possunt simul stare: ergo nullum idem peccatum est concupitum, & factum: sed hoc falsum est, quia omne peccatum factum est concupitum.

ITEM videtur quod non conueniat omni peccato, quia peccatum omissionis nec est factum, nec concupitum, nec dictum: ergo videtur quod male sit assignata, quia non conuenit omni peccato mortali actuali.

RESP. Dicendum quod praedicta diffinitio est peccati actualis, & mortalis. Secundum hoc quod est peccati actualis, dicitur quod est dictum, vel factum, vel concupitum secundum triplicem actum, videlicet potentiae interpretatiuae, & operatiuae, & affectiuae, quae omnes sunt potentiae quodam modo motiuae. Secundum quod est mortale, dicitur quod est contra legem Dei: & sic conuenit omni, & soli. Omni, quia omne peccatum actuale aut est concupitum tantum, aut est concupitum, & exterius consummatum: & hoc vel per verbum, vel per opus. Soli vero conuenit, quia non conuenit veniali, cum non sit contra legem Dei: nec originali, cum non sit dictum, vel factum. Ad illud, quod queritur, utrum vel teneatur ibi disiunctiue, vel subdisiunctiue, dicendum quod disiunctiue: sed vltimum membrum intelligendum est cum praecisione: reliqua vero minimè. Vnde sensus est, quod omne peccatum aut est dictum & concupitum, aut factum & concupitum, aut concupitum tantum. Ad illud vero quod obiicitur de peccato omissionis, dicendum quod omne peccatum, sicut vult Augustinus radicem habet amorem malum: & ideo quamvis in peccato omissionis sit priuatio alicuius actus principalis, tamen illa priuatio ortum habet ex amore alicuius boni commutabilis: quod patet, quia aliquis non vult ad matutinas surgere, quia vult in lecto quiescere: ideo peccatum omissionis cadit sub hoc membro, quod dicitur concupitum.

Peccatum est voluntas retinendi, vel assequendi, quod iustitia vetat. Dub. I I.

CONTRA: Aliquod enim est peccatum in quo aliquis nec vult aliquid retinere, nec aliquid assequi: imo potius intendit destruere, sicut est in ira, & odio, & inuidia. ITEM velle assequi quod iustitia vetat, vel retinere, hoc est auaritia, vel rapina: ergo omne peccatum erit rapina. Est igitur questio, cum peccata ita bene sint contra alias virtutes sicut contra iustitiam, quare magis diffinitur peccatum per oppositum ad iustitiam, quam per oppositum ad virtutes alias.

RESP.

Lib. de du-
bus anima-
bus cap. 11.
com. 8. Et
1. Retraff.
c. 15. s. 1.

RESP. Dicendum quod Augustinus diffinit peccatum per illud quod est radix omnis mali: hoc autem est amor libidinosus: & quoniam omnis amor libidinosus vel est rei habitus vel habendus: & hoc præter ordinem, & regulam legis æternæ: ideo dicit quod peccatum est voluntas assequendi, vel retinendi quod iustitia vetat, ita quod describit amorem inordinatum, qui est radix omnis peccati, & per id ad quod est, & per id contra quod est. Quod ergo obiicitur de ira, & odio, dicendum quod etsi sit detestatio consequens, est tamen ibi detestatio antecedens, & propterea continetur sub hac assignatione. Ad illud quod obiicitur, quod tunc omne peccatum erit rapina, dicendum quod allectio ibi stat non solummodo pro cupiditate rerum terrenarum, immo etiam cuiuslibet appetibilis: iustitia verò non tantum ibi stat prout est cardinalis virtus, sed prout est virtus generalis, quæ omnes virtutes complectitur, & cui omnia vitia opponuntur.

In utraque assignatione de actuali peccato agitur, & mortali, & non veniali. Dub. III.

CONTRA: Videtur quod male fiat assignatio peccati: si enim recta descriptio, & assignatio debent convenire omni descripto, & prædictæ diffinitiones non conveniunt omni peccato; ergo non rectè assignantur. Si tu dicas quod peccatum non dicitur de eis uniuocè, sed æquiuocè. **CONTRA:** Quæ conveniunt in causa & effectu habent uniuocationem, sed omne genus peccati ortum habet ex peccato Adæ tam originale, quam actuale, quàm etiam veniale: omnia etiam genera peccatorum in hoc conveniunt, quod reddunt animam dignam poena, & privant ea aliquo bono quod est iustitia, vel ad iustitiam ordinatum: ergo videtur quod de eis uniuocè dicatur peccatum: & si hoc, ergo videtur quod una debeat ratio communis assignari de peccato prout dicitur de his omnibus generibus. Est igitur questio, utrum contingat unam communem rationem assignari omni generi peccati, hoc est querere, utrum peccatum de his dicatur uniuocè. Et si tu dicas quod sic: in contrarium est, quia quæ uniuocantur in aliquo, habent proportionem: sed mortalis & venialis, nulla est proportio: ergo nec uniuocatio. **ITEM:** Videtur falsum dicere, cum dicit quod prædictæ assignationes non conveniant peccato veniali: veniale enim peccatum est dictum, vel factum, vel concupitum contra legem Dei, sicut dicitur ad Romanos super illud: Non concupisces. Glossa: Bona est lex, quæ dum concupiscentiam prohibet, omnia mala prohibet: ergo venialia prohibentur à lege Dei: sunt igitur contra legem Dei: ergo prædicta ratio convenit veniali.

RESP. Dicendum quod peccatum prout dicitur de originali, actuali mortali, & veniali: nec dicitur omnino uniuocè, nec dicitur omnino æquiuocè: sed quasi medio modo, sc. analogicè. Ratio enim culpabilitatis primò, & principaliter reperitur in peccato actuali mortali, & consequenter in originali, & postremò in veniali: & ideo notificationes quæ dantur de peccato simpliciter, potissimè referuntur ad peccatum actuale mortale, quod est peccatum simpliciter. Et per hoc patet responsio ad illa, quæ obiiciuntur. Nam ex hoc quod illa tria genera peccatorum conveniunt in causa & in effectu, non concluditur quod peccatum dicatur de eis uniuocè, sed analogicè, quia in his non communicat æqualiter, sed secundum prius & posterius. Et ideo cum queritur, utrum possit una communis ratio assignari, dicendum quod potest una assignari ratio, quæ conveniat eis secundum prius, & posterius: & ita secundum communitatem analogicè: utpote si dicatur quod peccatum est meritum poenæ, vel privatio boni. Ad illud ergo quod obiicitur quod nulla est proportio, dicendum quod etsi nulla est proportio quantum ad commensurationem quantitatis demeriti, est tamen proportio inter veniale & mortale secundum consimilem comparisonem & ad originem, & ad effectum consequentem.

A *Quid est peccatum nisi legis divina prævaricatio, & celestium inobedientia præceptorum. Dub. IV.*

Videtur quod hæc ratio Ambrosij non conveniat omni peccato. Quædam enim, ut dicit Augustinus, sunt mala quia prohibita, quædam prohibita quia mala: ergo si nulla esset lex, nec aliqua præcepta data, adhuc essent peccata: non ergo omne peccatum est prævaricatio legis, &c. **ITEM** sicut obedientia distinguitur ab aliis virtutibus, ita & inobedientia ab aliis vitiis: ergo male diffinitur omne peccatum per inobedientiam. **ITEM** ita peccat qui non obedit prælato, sicut qui non obedit Deo: ergo non tantum est peccatum inobedientia celestium præceptorum, sed etiam terrenorum.

RESP. Dicendum quod lex aliquando accipitur strictè pro lege scripta, vel data. Aliquando largè prout comprehendit legem naturæ, & legem Scripturæ, & legem gratiæ. Et in prædicta notificatione lex accipitur largè. Ad illud quod obiicitur de obedientia, dicendum quod obedientia dupliciter accipitur: uno modo prout dicit observantiam mandatorum Dei: & sic est communis omnibus virtutibus. Alio modo prout specialiter considerat rationem præcepti: & sic est virtus diuisa ab aliis, quia potissimè habet usum suum in his, quæ ideo sunt bona, quia præcepta. Et sic obedientia dupliciter accipitur, scilicet largè, & strictè: & in prædicta notificatione accipitur largè. Ad illud quod obiicitur de obedientia Prælati, dicendum quod totum pendet ex mandato Dei, quia Deus mandat quod obediat homini.

Non consistente autem peccato, &c. virtus fortasse non esset. Dub. V.

Videtur falsum dicere, quia si non esset culpa, purior esset charitas: ergo virtus perfectior & verior. Si tu dicas quod hoc non asserit, sed sub dubitatione dicit. **CONTRA:** Ita falsum dicit qui certum proponit ut dubium, sicut qui dubium asserit ut certum.

RESP. Dicendum quod in illo verbo non ponitur, nec significatur virtus non esse, non existente malitia, sed hoc significatur quod non ita apparet, sicut nunc apparet: & ideo dicit: fortassis non esset, id est non cognosceretur ita esse.

Potest etiam quæri ab eisdem, cum peccatum, &c. Dub. VI.

Queritur. Si privatio, & positio opponuntur, & peccatum rectè diffinitum est supra: Peccatum est dictum vel factum, &c. ergo male diffinitur per privationem. Iuxta hoc queritur, cum unius rei una sit diffinitio: unde est hoc, quod peccatum ita multipliciter & variè diffinitur à Sanctis. Queritur etiam penes quid illæ diffinitiones distinguantur.

RESP. Dicendum quod de peccato est loqui formaliter, & est loqui materialiter, sc. ratione substrati. Et quia formaliter loquendo privatio est: materialiter verò loquendo subternit sibi actum: ideo aliquando diffinitur per privationem, aliquando per positionem: quia quædā sunt formales diffinitiones, quædam materiales; & utroque modo multipliciter. Si enim consideramus peccatum secundum quod dicit privationem, hoc potest esse tripliciter, aut in quantum dicit recessum à bono, aut in quantum dicit recessum à rectitudine naturæ, aut in quantum dicit simpliciter recessum ab omni boni complemento, & perfectione. Primo modo sumitur diffinitio triplex ab Augustino: quæ omnes idem circumloquuntur diversis modis, quarum prima sumitur in libro de Civitate Dei, & est hæc: Peccatum est absentia boni, ubi debet esse. Secunda in libro de vera religione: Peccatum non est appetitus naturarum malarum, sed desertio meliorum. Tertia in libro de natura boni: Peccatum est corruptio modi speciei, & ordinis. Secundo modo, sc. prout peccatum dicit recessum à rectitudine

Peccati diffinitio duplex, & multiplex.

De natura boni cap. 14. & 36. rom. 6. Ca. 4. & 37.

naturæ.

Rom. 7. 6.

naturæ, inueniuntur tres diffinitiones, quæ idē circum-
loquuntur, quamvis aliter, & aliter: quarum vna est
Damasцени quæ est: Peccatum est ab eo quod est se-
cundum naturam in id quod est præter naturam auersio.
Alia est Anselmi: Peccatum est carentia debitæ iusti-
tiæ. Tertia est Augustini: Peccatum est defectus quidā
à luce veritatis naturam non perimens, sed obscurans.
Tertio verò modo videlicet prout dicit recessum ab
omnis boni complemento, & perfectione, sic reperitur
triplex diffinitio, quæ differunt solo dicendi modo,
quarum prima sumitur ab August. in libro de libero ar-
bitrio: Malum est auersio à bono incommutabili. Altera
verò ab eodem, in libro de vera Religione. Pecca-
tum est carere bonis incommutabilibus, quibus fruend-
um est. Tertia sumitur ab eodem Augustino: Pecca-
tum est tenebra intelligibilis: hoc enim dictum est in-
quantum priuat à visione lucis æternæ. Hæ omnes sunt
notificationes peccati quasi formales. Sunt & alia no-
tificationes, quæ concernunt actum substratum. Et
istæ variantur secundum triplicem considerationem
peccati, quam habet sub hac ratione: aut videlicet ad
Deum, quem offendit, aut ad virtutem, quam excludit,
aut ad bonum ut nunc, quod præterdit. Si in compara-
tione ad Deum, quem offendit, sic est triplex, quarum
vna accipitur ab August. in libro contra Manichæos:
Peccatum est in præceptis veritatis, vel in ipsa veritate
errare. Alia ab Ambrosio in libro de paradiso: Pecca-
tum est præuicatio legis diuinæ, & cælestium inobe-
dientia præceptorum. Tertia ab eodem August. & ha-
betur in litera: peccatum est dictum, vel factum, vel
concupitum contra legem Dei. Secundo modo, scilicet
per comparisonem ad virtutem, quam excludit, sic re-
peritur triplex diffinitio, quarum vna sumpta est à Ba-
silio: Peccatum est dispositio animæ contrariè se ha-
bens ad virtutem. Secunda ab August. in libro de dua-
bus animabus. Peccatum est voluntas recipiendi, vel as-
sequendi quod iustitia vetat: ibi enim accipitur iustitia
generaliter prout omnem virtutem tunc complectitur.
Tertia ab eodem August. in libro de vera Religione:
Peccatum est appetere quæ Christus consumpsit, vel
contemnere quæ Christus appetiit. Nam Christus
fuit omnis virtutis speculum, & exemplar. Tertio mo-
do scilicet per comparisonem ad bonum quod præ-
tendit, similiter inuenitur triplex assignatio rei con-
ueniens, licet differat modo dicendi, quarum vna est
ab Augustino in libro de Ciuitate Dei: Peccatum est
malè vti bono. Secunda verò in libro de Trinitate:
Peccatum est vti fruendis, & frui vtendis, & simili-
ter in libro 83. qu. Tertia est eiusdem Augustini in li-
bro de libero arbitrio: Peccatum est spreto incommu-
tabili bono rebus commutabilibus adhærere. Fortassis
autem alia notificationes ab istis 18. poterunt reperiri.
Nam duæ aliæ sunt, quæ videntur circumloqui pecca-
tum secundum vtramque acceptionem, ut est illa: Pec-
catum est actus incidens ex defectu boni. Et illa: Pec-
catum est pœnæ æternæ meritum. Et sic in vniuerso
sunt viginti.

ARTICVLVS I.

AD intelligenceam huius partis, in qua inquiritur,
quid sit peccatum, cum peccatum sit priuatio ma-
gis quàm positio, est hic quæstio de corruptione bo-
ni, quæ habet fieri per peccatum. Et circa hoc duo
quærentur. Primò quæritur, vtrum bonum habeat per
peccatum corrumpi. Secundò verò quæritur de modo
corrumpendi. Circa primum quærentur tria. Primò
quæritur, vtrum à peccato sit boni corruptio. Secun-
dò quæritur, vtrum peccatum sit ipsa corruptio pas-
sio. Tertio quæritur, vtrum peccatum in quantum
corrumpit bonum, contrarietur bono increato.

QVÆSTIO I.

An peccatum sit boni corruptio.

Alex. Alensis 2. p. q. 19. Membr. 8.
S. Thom. 1. p. q. 48. art. 4.
Et 1. 2. q. 85. art. 1.
Et de Malo, q. 2. art. 11. & 12.
Scotus 2. Sent. dist. 35. q. 1.
Thom. Argent. 2. Sent. d. 35. q. 1. art. 2.
Steph. Brulef. 2. Sent. dist. 35. q. 1.

VTRVM peccatum aliquod bonum habeat cor-
rumpere. Et quòd sic, videtur per Augustinum in
Enchirid. Quid est aliud quod dicitur malum, nisi pri-
uatio boni? bonum enim minus malum est: cum ergo
cupa committitur, ibi necessariò aliquod bonum pri-
uatur: sed non est dare quòd priuetur per aliud, quàm
per culpam: ergo necesse est ponere quòd peccatum
habeat bonum priuare, & priuando corrumpere. Et
hoc Augustinus insinuat ex reffus paulò post, cum
subiungit: Ideo malum corruptio est naturæ, quia
eam qualicunque priuat bono.

ITEM hoc ipsum ostendit Augustinus: Quod nul-
lo bono priuat, non nocet: ergo quod nocet, aliquo
bono priuat: sed malum nocet, hoc manifestum est: er-
go aliquod bonum adimit, & aliquo bono priuat:
sed quod priuat, & adimit bonum illud, corrumpit:
ergo, &c.

ITEM sicut se habent vitia corporum ad corpora, sic
vitia animarum ad animas: sed vitia corporum lædunt,
& aliquo modo corrumpunt corpora: ergo vitia ani-
marum: aliquid corrumpunt circa ipsam animam: talia
autem vitia sunt peccata: ergo, &c.

ITEM quando quis peccat, aut perdit aliquid boni,
aut nihil. Si nihil: ergo ita bonus est post, sicut antè:
ergo ita bonus est qui peccat, sicut ille qui non peccat:
ergo ita debet placere Deo vnus, sicut alter: quod est
manifestè falsum. Restat igitur quòd aliquid boni per-
dit: sed illud bonum quod perdit, corrumpitur: ergo
est alicuius boni corruptum.

1. SED CONTRA hoc arguitur sic: Primò auctori-
tate Augustini, qui dicit quòd peccatum est corruptio
modi, speciei, & ordinis: sed corruptionis non est
corrumpere, nam si corruptio corrumpere, pari ratio-
ne & alia corruptio, & sic in infinitum. Et iterum:
Actionis non est agere: ergo videtur quòd si pecca-
tum sit corruptio, quòd eius non sit corrumpere.

2. ITEM si peccatum corrumpit, aut ratione boni
substrati, aut ratione defectus. Ratione substrati non,
quia cum corrumpere bonum sit malum, bonum in-
quantum bonum esset causa mali, quod est falsum. Si
ratione defectus. **CONTRA:** Corrumpere est agere:
sed nullus defectus est principium actionis: ergo pec-
catum ratione defectus non corrumpit.

3. ITEM si corrumpit, aut corrumpit peccantem,
aut alium. Alium non: constat, quia multa sunt peccata
quæ non sunt in alium. Si corrumpit peccantem. Sed
contra: Nihil corrumpit seipsum, & nihil secundum
idem natum est esse agens, & patiens. Et iterum: Nul-
lum malum pœnæ corrumpit punientem: ergo videtur
quòd malum culpæ non corrumpat peccantem, nec ali-
quem: ergo, &c.

4. ITEM si corrumpit, aut ex parte carnis, aut ex
parte animæ. Ex parte carnis non, quia multa sunt pec-
cata quæ conferunt ad regimen sanitatis corporalis, &
ad oblectationem carnis. Si ex parte animæ. Sed contra;
Anima est immortalis: ergo in eam nulla cadit corrup-
tio. Nam si corruptio in eam caderet, impossibile esset
ipsam esse perpetuam.

5. ITEM si corrumpit, aut quantum ad substantiam,
aut quantum ad potentias, aut quantum ad actum: quan-
tum ad substantiam non, hoc constat: Quantum ad po-
tentias non, ut videtur, quia potentia sunt incorrupti-
biles, sicut & substantia. Præterea. Nec intenduntur,

nec

nec remittuntur, nec habet quis minorem potentiam voluntatis post culpam, quam ante culpam. Quantum ad actum non, ut videtur, quia peccatum subternit sibi actum, & supponit: & nihil corrumpit illud, sine quo esse non potest, & per quod egreditur in esse: ergo peccatum non corrumpit quantum ad actum, nec quantum ad potentiam, ut visum est: ergo, &c.

6. ITEM: Si peccatum corrumpit aliquod bonum, aut ergo corrumpit bonum naturæ, aut bonum gratiæ. Non bonum naturæ, quia ei non opponitur: & ut vult Dionysius, Nihil existentium corrumpitur in eo quod est essentia, vel natura. Si igitur corrumpit bonum gratiæ: ergo nullus potest peccare nisi habens gratiam, quia bonum non corrumpitur nisi in eo in quo est: sed hoc est falsum, quia peccatores peccare possunt: ergo, &c. Est igitur quæstio quod bonum est illud quod B habet in nobis peccatum corrumpere.

CONCLUSIO.

Malum culpa bonum corrumpit, quia animam obscurat, atque deformat, adimendo rectitudinem, dum videlicet habitum iustitiæ omnino tollit & habilitatem ad eam dimittit.

RESP. AD ARG. Dicendum quod absque dubio, sicut Augustinus in pluribus locis dicit, peccatum corrumpit, & aliquo bono priuat. Cum enim per peccatum fiat animæ deformatio, & obscuratio, nec possit intelligi aliquid deformari, vel obscurari sine amissione aliquis luminis, & pulchritudinis, necesse est intelligi per peccatum aliquod in nobis bonum corrumpi. Ad quod intelligendum notandum est, quod peccatum non est qualiscunque priuatio, nec cuiuscunque boni, nec in quacunque creatura reperta, sed peccatum, siue culpa priuatio est iustitiæ. Iustitia autem, ut dicit Anselm. est rectitudo voluntatis. Voluntas autem est in sola rationali creatura, ac per hoc & iustitia: & sicut iustitia est voluntatis rectitudo, sic culpa, quæ iniustitia est, est voluntatis obliquatio. Sicut igitur per obliquationem fit declinatio à rectitudine, & quædam rectitudinis exterminatio, sic in culpæ commissione fit in anima quædam rectitudinis ademptio, siue corruptio. Et est attendendum quod cum ad rectitudinem voluntatis tria concurrant, scilicet ipsa potentia rectitudinabilis, & D ipse habitus rectitudinis, & ipsa habilitas, media, peccatum non corrumpit ipsam potentiam secundum quod potentia est, nec simpliciter, nec secundum quid: ipsum verò habitum rectitudinis simpliciter tollit: ipsam verò habilitatem mediam quodam modo corrumpit, & quodammodo relinquit: ergo potentiam nec dimittit, nec aufert: iustitiam simpliciter tollit: habilitatem verò mediam dimittit, dum homo per peccatum minus & minus redditur ad rectitudinem iustitiæ habilis, secundum quod linea, quæ magis & magis curuatur, minus est habilis ad dispositionem rectitudinis. Concedendum est igitur, sicut rationes ostendunt, quod malum culpæ habet bonum corrumpere.

1. AD illud verò quod obijciatur, quod priuationis non est priuare, nec corruptionis corrumpere, dicendum quod quamvis actus non habeat generare alium actum, tamen habitus habet generari ex actibus: & ideo malum culpæ, prout est corruptio, & deordinatio existens in actu, potest esse causa deordinationis voluntatis secundum habitum: & ideo peccatum, siue malum culpæ dicitur corrumpere: cum actus inordinatus voluntatem reddit inhabilem: nec sequitur ex hoc quod actio sit ex actione, sed quod deordinatio in habitu sit ex deordinatione in actu.

2. AD illud quod quæritur, utrum malum corrumpat ratione boni subtrati, vel ratione defectus, dicendum quod corrumpere duo dicit, scilicet agere, & deficere. Nam corruptio est actio cum defectu. Dico igitur quod malum culpæ habet corrumpere, ita quod ratione

boni subtrati est ratio agendi, ratione verò defectus est ratio deficiendi. Istud patet: Voluntas enim dum peccat, corrumpit se, quia dum seipsam mouet deordinatè, reddit se ordinatam, & ad bonum minusabilem, nec potest se ordinare nisi volendo, & seipsam mouendo. Et quod dico se mouere, dico aliquod bonum subtratum. Quod autem dico inordinatum, dico defectum. Et huius satis congruum exemplum ponit Augustinus, & Magister recitat in litera quod malitia corrumpit, sicut abstinencia corrumpit. Ad corruptionem autem abstinenciæ & concurret vis naturalis consumptiua, & defectus alimenti, & ita actio cum defectu. Similiter in proposito intelligendum est.

3. AD illud quod quæritur, aut peccans corrumpit se, aut alterum, dicendum quod corrumpit se. Quando verò subiungitur quod nihil corrumpit seipsum, dicendum quod verum est, si agat secundum operationem naturæ suæ debitam: culpa autem non fit secundum ordinem naturæ, sed præter naturam. Et si obijciatur quod nihil est agens, & patiens secundum idem, dicendum quod istud falsum est in his potentiis, quæ possunt super seipsas reflecti. Nam sicut dicit Anselmus: Voluntas est instrumentum seipsum mouens: & cum deordinatè seipsam mouet, se lædit, & sibi ipsi nocumentum infert, pro eo quod vel recto ordine se priuat, vel contrario ordine se elongat.

4. AD illud quod quæritur, aut peccatum corrumpit ratione carnis, aut animæ, dicendum quod principaliter ratione animæ. Nam & si peccatum aliquod corrumpat ratione carnis, hoc accidit, sicut superfluitas coitus, vel cibi, vel potus nocet corpori. In anima autem peccatum semper aliquam corruptionem facit non secundum substantiam, secundum quam est immortalis, & incorruptibilis, sed secundum rectitudinem, & habilitatem ad ipsam, secundum quam anima est variabilis, & vix in eodem statu permanet, sicut patet per experientiam quandiu sumus in hac miseria.

5. AD illud quod quæritur, utrum corrumpat quantum ad substantiam, aut quantum ad potentiam, aut quantum ad actum, dicendum quod malum culpæ corrumpit quantum ad actum, non simpliciter, sed in quantum actus ille est ordinabilis in finem: non enim culpa priuat ipsum actum, sed priuat ordinem actus in finem. Et per hunc etiam modum dico quod non corrumpit potentiam, sed habilitatem, siue ordinabilitatem, per quam ordinatur ad suum complementum. Obiectio autem illa currit, ac si diminueret potentias sub ratione potentiae, & actum sub ratione actus: & ideo patet illud.

6. AD illud quod quæritur, utrum corrumpat bonum gratiæ, vel naturæ, dicendum quod propriè loquendo, & generaliter malum culpæ est priuatio habilitatis mediæ inter bonum naturæ, & bonum gratiæ, quæ quodammodo tenet medium inter bonum gratiæ, & bonum naturæ. Et ratione eius quod ad bonum gratiæ ordinat, attenditur penes ipsam bonum, & malum moris: ratione verò eius quod naturalis est, non tantum habet esse in iustis, sed etiam in peccatoribus: & ideo peccatum siue fiat ab aliquo, qui habet iustitiam, siue fiat, à peccatore, semper inuenit aliquid quod priuet, & corrumpat.

QVÆSTIO II.

An peccatum essentialiter sit corruptio passio.

*Agid. Rem. 2. Sent. p. 1. dist. 35. q. 1. art. 3.
Steph. Brulef. 2. Sent. d. 35. q. 2.*

VTAVM peccatum sit ipsa corruptio passio, essentialiter loquendo. Et quod sic, videtur. Peccatum, sicut dicit ipse Anselmus, non est aliud quam absentia, vel carentia iustitiæ, ubi debet esse: sed priuatio iustitiæ passiva non est aliud, quam carentia debiti iustitiæ: ergo, essentialiter loquendo culpa est corruptio, prout est passio.

ITEM

Anselm. de concord. gratia & lib. arbitrii.

Ench. 12.

Contra hoc Scot. dist. 37.

Fundam. Ex lib. de concept. Virg. cap. 6.

ITEM Augustinus in lib. I. confession. Iussisti Domine, & sic est, ut omnis animus inordinatus pœna sibi sit: sed modus inordinatus est culpa: pœna autem motus inordinati non est nisi corruptio passiva, quam homo incurrit ex illa inordinatione: ergo peccatum est ipsa privatio passio, formaliter loquendo.

ITEM omnes actiones animæ passiones sunt, sicut vult Philosophus: ergo omnis inordinata actio animæ est inordinata passio: sed quod est inordinatum est culpa: ergo illa passio, siue corruptio inordinata est culpa.

ITEM cum anima deformat seipsam, ipsa deformitas, qua anima deformatur, remanet in ea, & culpa similiter. Aut ergo illa deformitas est culpa, aut aliquid aliud: & constat quod culpa, quæ remanet in anima non est aliud quam ipsa deformitas, qua anima facta est: ergo videtur quod peccatum sit ipsa corruptio passio.

ITEM corruptio passio in qua est privatio modi, speciei, & ordinis, aut est culpa, aut est pœna. Si pœna: ergo talis privatio videtur quod sit à Deo: ergo Deus reddit animam deformem, & instituit privatam, quod profanum est dicere. Restat igitur quod sit culpa.

1. SED CONTRA per Augustinum de libero arbitrio: Culpa est malum quod facimus, & pœna malum quod patimur: si ergo corruptio passio est malum quod patimur, videtur quod non sit culpa, sed pœna.

2. ITEM Augustinus: Malum culpæ est affectio voluntaria: malum verò pœnæ est affectio involuntaria: sed corruptio passio non est voluntaria, sed involuntaria, quia nemo vult corrumpi, nec deformari: ergo videtur quod non sit culpa, sed pœna.

3. ITEM Magister in litera: Peccatum dicitur privatio actiue, non passivæ: nam ideo malum, vel peccatum dicitur corruptio, quia naturam qualicunque bono privat.

4. ITEM hoc videtur ratione: Omnis pœna est iusta, & laudabilis: sed omnis corruptio passio est pœna, cum damnificet, & puniat ipsum, qui corrumpitur: ergo omnis corruptio passio est iusta, & laudabilis: sed nulla culpa est iusta, & laudabilis: ergo nulla culpa est corruptio passivæ dicta, sicut prius ostensum est.

5. ITEM causa & effectus essentialiter distinguuntur: sed peccatum corrumpit, & est principium corruptionis passivæ: ergo corruptio passio, & ipsa distinguuntur essentialiter: non est igitur culpa corruptio boni passivæ dicta.

CONCLUSIO.

Corruptio passio, qua est rectitudinis privatio, est culpa essentialiter.

RESP. Ad Arg. Ad prædictorum intelligentiam est notandum, sicut prædictum est: Peccatum est corruptio consistens circa voluntatem, & eius actum, cum sit obliquo à rectitudine iustitiæ: voluntas autem in actu suo est instrumentum seipsum mouens. Vnde quando voluntas ad aliquid movetur liberè, si moneatur, vel afficiatur inordinate, illa inordinatio respicit & voluntatem mouentem, & voluntatem motam. Quia voluntas dum inordinate afficitur, inordinate monet, & inordinate movetur: quoniam igitur culpa, prout consideratur in actu, nihil aliud est, quam motus voluntatis inordinatus, & ad illum motum concurrunt actio, & passio, non tantum est corruptio, immò etiam corruptio passio. Nam & inordinatio, qua anima se deordinat, & inordinatio, qua anima deordinatur, utraque est culpa differens comparisonem: una tamen per essentiam. Et quia quales sunt actus, tales sunt habitus, maxime cum habitus generantur ex actibus, sicut est in genere malorum habituum, hinc est quod deformitas, vel privatio in voluntate relicta, & habet in se aliquid correspondens actioni, & aliquid correspondens etiam passioni. Nam voluntas dum peccat actualiter, efficitur inhabilis, & in quantum habet

rationem mouentis & in quantum habet rationem moti: & ita culpa considerata ut in habitu, & in quantum remanet in anima post actum peccati, & est corruptio, siue privatio correspondens actioni, & est corruptio, siue privatio correspondens passioni. Et sic eadem culpa est corruptio, siue privatio boni, non solum actiue, sed etiam passivè dicta secundum veritatem loquendo: secundam appropriationem verò corruptio illa in quantum est actiue intellecta, tenet merè rationem culpæ: in quantum verò passivè dicta, tenet rationem pœnæ. Quia in quantum est actiue dicta, tenet rationem voluntarij, in quantum verò passivè, rationem involuntarij: nec ista sunt incompassibilia circa eandem actionem, & motum. Nam expressè videmus quod in eadem actione corporali una & eadem actio & delectat & lædit, & per consequens conficitur: sicut cum scabiosus scalpando cutem suam dilaniat, & dilaniando delectatur, & dilaniando etiam læditur quod unum placet, & reliquum displicet. Similiter & in eadem actione spiritali est aversio ab incommutabili bono, & conversio ad commutabile bonum, & conversio placet, & aversio displicet. Sic in proposito intelligendum est, quod eadem culpa potest dici actiue & passivè: prout tamen actiue dicitur, propriè tenet rationem culpæ. In quantum verò passivè, tenet rationem pœnæ. Concedenda sunt igitur rationes ostendentes quod aliqua corruptio passio, ut potè illa, quæ est rectitudinis privatio, culpa est.

1. 2. Ad illud ergo quod primo obiicitur, quod culpa est malum quod facimus, & c. iam patet responsio ex his, quæ dicta sunt. Nam cum idem motus possit esse actio, & passio, in quo voluntas seipsam movet: sic & eadem actio potest esse pœnæ, & culpæ, licet sub alia, & alia ratione. Similiter respondendum est ad sequens quod obiicitur de voluntario, & involuntario.

3. Ad illud quod obiicitur tertio de verbo Magistri, dicendum quod illud dicitur per quandam appropriationem, magis enim propriè dicitur culpa corruptio actio, quam corruptio passio. Verum est etiam quod aliquis dum caret iustitia, quam debet habere, culpabilis est. Ratio verò principalis quare culpabilis est, est ex hoc quod ipse fecit sibi illam carentiam: nam si involuntariè eam sustineret aliunde, tunc teneret potius rationem pœnæ, quam culpæ.

4. Ad illud quod obiicitur quod omnis pœna est iusta, & laudabilis, dicendum quod est pœna infligenda, & pœna acta, & pœna contracta. Et cum dicitur quod omnis pœna est iusta, & laudabilis, hoc intelligitur de pœna infligenda: & pœna acta, vel contracta non habet veritatem, nisi prout intelliguntur sub ratione pœnæ: privatio autem boni passiva, siue ipsius animæ deformatio, non est pœna infligenda, sed est pœna acta, quia anima hanc pœnam in se facit dum peccat.

5. Ad illud quod obiicitur, quod peccatum est causa corruptionis passivæ, dicendum quod illud intelligitur de peccato quod est in actu, quod est causa corruptionis in voluntate per modum habitus: & utrumque, sicut ostensum est prius, habet rationem actionis, & passionis. Potest tamen dici quod etsi peccatum dicatur corrumpere: non tamen est propriè causa corruptionis, sed potius ipse peccans. Et si dicatur peccatum esse causa corruptionis passivæ, hoc dicitur ratione ipsius peccantis, sicut actio dicitur esse causa passionis ratione ipsius agentis: fortassis enim idem potest esse actio, & passio sola comparatione differens.

QUESTIO III.

An peccatum ex eo quod corrumpit bonum, contrarietur bono increato.

Alexand. Alensis 2. p. q. 94. Membr. 8. art. 1.
Steph. Brulef. 2. Sent. d. 35. q. 3.

VTRUM peccatum ex hoc quod corrumpit bonum, contrarietur bono increato. Et quod sic, videtur.

Aug. de Ci-
uit. Dei 10.
lib. 12. c. 3.

videtur. Primo per Augustinum dicentem 11. de Ciuitate Dei: Vitium est contrarium Deo tanquam malum bono: naturæ verò, quam vitiat, non tantum est contrarium, sed etiam obnoxium: ergo videtur malum in eo quod corrumpit naturam, contrariari summo bono.

ITEM quod facit hominem rebellem, & contrarium Deo, illud potissime Deo contrariatur: sed peccatum facit hominem inimicum Deo, & pugnare aduersus Deum, & resistere, sicut ex diuersis locis Scripturæ accipi potest: ergo, &c.

ITEM contrarietas effectuum attestatur contrarietati causarum, maxime quando causa sic est in alterum contrariorum, quod non potest esse in reliquum: sed summi boni est iustitiam facere, peccati verò est iniustitia priuare: nec Deus potest priuare iustitiam, nec malum potest facere iustitiam: ergo videtur quod malitia sit summo bono contraria in hoc quod priuat iustitiam.

ITEM quod contrariatur præcepto alicuius, contrariatur ipsi præcipienti: sed malum contrariatur verbis, & mandatis Dei, in hoc quod est corruptio, & corrumpit illud quod mandata Dei præcipiunt seruari: ergo, &c.

ITEM charitas, & cupiditas opponuntur: similiter gratia, & culpa opponuntur: sed gratia, & charitas Deo vniunt, & assimilant: & in hoc maximam habent cum somno bono conuenientiam: ergo è contra, cupiditas, & culpa reddunt animam Deo deformem, & ab eo separant: & si hoc, ergo habent cum Deo contrarietatem, & repugnantiam.

SED CONTRA: Malum nulli contrariatur, nisi ei cui est malum, & nulli inest malum, nisi ei cui nocet: si ergo nullum malum summo bono potest nocere, quia iam non esset summum, videtur quod ratione priuationis boni non contrarietur malum aliquod summo bono.

ITEM omnia contraria nata sunt fieri circa idem: sed malum nullo modo natum est fieri circa summum bonum: ergo nullo modo contrariatur summo bono.

ITEM omnium contrariorum aliqua est proportio: sed mali ad bonum increatum nulla est proportio: ergo nulla contrarietas est istius mali ad illud summum bonum.

ITEM omne contrarium aliquo modo resistit, & repugnat suo contrario: sed diuinæ virtuti, cum sit omnipotentissima nihil potest resistere: ergo impossibile est malum contrariari Deo, nec in se, nec in suo opere.

ITEM nihil quod facit ad pulchritudinem operis, contrariatur sapientiæ artificis: sed mala, quæ perpetrantur, faciunt ad decorem vniuersitatis: ergo nullo modo contrariantur nec bonitati, nec sapientiæ Conditoris. Quæritur ergo pro quanto habeat illud intelligi, quod malum facit hominem Deo inimicum, & aduersarium, cum Dei voluntas impleatur ex omnibus, & omnia subiaceant eius voluntati, & nutui.

CONCLUSIO.

Peccatum bonum corrumpens, bono increato contrariatur in effectu suo saltem in parte, licet non vniuersaliter.

RESP. AD ARG. Dicendum quod aliquod malum contrariari alicui bono dupliciter potest intelligi. Aut in se, & secundum formam: aut in suo effectu, & in operatione. Primo modo malum non potest contrariari summo bono, cum illud sit bonum per essentiam, cui nihil omnino est contrarium. Secundo verò modo quodam pacto potest contrariari, & quodam pacto non. Nam dupliciter potest aliquis repugnare alicui in suo effectu, aut quia repugnat ex parte virtutis ipsius agētis, aut quia repugnat ex parte idoneitatis ipsius susipientis. Primo modo nihil potest repugnare Deo in suo opere, quoniam virtus Dei omnipotentissima est: & ideo nullum potest inuenire obstaculum. Secundo modo subdistingendum

est, quia nocumentum inferre effectui, non potest esse dupliciter, aut simpliciter, & vniuersaliter, aut in parte. Primo modo nihil potest contrariari Deo in opere suo. Tantis enim est, & talis ordo vniuersitatis, quem ei Conditor dedit, ut à nullo possit malo perturbari, secundum quod in pluribus locis vult Augustinus. Vltimo verò modo aliquid potest repugnare Deo in effectu suo, quia per malum bene contingit aliquem Dei effectum reddi minus habilem ad susceptionem diuinæ influentiæ ad obtentum perfectionis, & beatitudinis, ad quem ordinatur ex sua primaria conditione. Et sic patet, quod vno modo malum potest dici contrariari Deo in suo effectu, sicut rationes ad primam partem inductæ ostendunt: aliis verò modis non, sicut ostendunt rationes, quæ ad secundam partem inducuntur, & ita diuersis viis verum concludunt, & concedendæ sunt.

PER hunc etiam modum soluendum est illud, quod vltimò quærebatur, sc. pro quanto quis dicatur Dei inimicus. Nam iuxta modum prædictum distinguenda est voluntas beneplaciti, & voluntas signi. Voluntas beneplaciti est ipse Deus. Voluntas verò signi dicit aliquem effectum creatum. Dum ergo dicitur, quod aliquis homo aduersatur Deo, hoc non intelligitur quod aduersetur, & inimicetur voluntati beneplaciti, cui nullus potest resistere, immò semper impletur vel ab homine, vel de homine: sed hoc dicitur quantum ad voluntatem signi, quia cum Deus præcipiat vnum, homo malus facit contrarium, & ita Deo aduersatur: & talem hominem, qui sic aduersatur Deo, Deus odit non affectu, & repugnantia voluntatis, sed effectu punitionis: sic enim hominem affligit, sicut quis affligeret suum aduersarium. Et sic eum affligendo, ordinat eum ad honorem suum, & reddit eum sibi subiectum, & sic voluntati beneplaciti voluntates cæteræ subseruiunt, & militant, quamvis aliquæ contrariæ videantur ratione eius, quod repugnat voluntati signi. Sic etiam omnia mala à Deo ordinantur, quamvis repugnare videantur diuino ordini in aliquo effectu particulari. Et per hæc, quæ dicta sunt, satis potest faciliter ad quæ sita responderi.

ARTICVLVS II.

CONSEQUENTER quantum ad secundum principale quæritur de modo corrumpendi bonum per peccatum. Et cum dicat Augustinus quod malum sit corruptio modi, speciei, & ordinis, ideo circa hoc quæritur tria. Primo quæritur, vtrum per quodlibet malum corrumpantur ista tria simul, & inseparabiliter. Secundo quæritur, vtrum hæc tria per malum corrumpantur æqualiter, siue æquè principaliter. Tertiò quæritur, vtrum possit corrumpi totaliter.

QVÆSTIO I.

An modus, species, & ordo per quodlibet peccatum corrumpantur.

S. Thom. 1. 2. q. 85. art. 1.

Et 2. Sent. dist. 35. q. 1. art. 4.

Et de Malo, q. 2. art. 11.

Agid. Rom. 2. Sent. p. 2. dist. 35. q. 2. art. 1. & 2.

Richardus 2. Sent. dist. 35. art. 2. q. 3. & 4.

Steph. Brulef. 2. Sent. dist. 35. q. 4.

VTRVM per quodlibet malum habeant ista tria, scil. modus, species, & ordo corrumpi simul, & inseparabiliter. Et quod sic, videtur. Primo per diffinitionem mali, quam ponit Augustinus: Malum est priuatio modi, speciei, & ordinis. Si enim hæc diffinitio recta est: ergo debet conuenire cuilibet malo: ergo quodlibet malum est priuatum istorum trium.

ITEM impossibile est esse modum sine specie, & ordine, & è conuerso: sed quæ necessariò se concomitantur in esse, necessariò se concomitantur in priuatione. Si

Aug. lib. 3.
de lib. arb. 1.
12. & seq.
tribus 10. 1.
& 11. de Ci-
uit. Dei, c. 18.
& seq. 10. 5.

Voluntas
duplex.

Aug. Ench.
107. in sensu
com. 3.
Lib. 3. de
Tri. cap. 4.
com. 3.

De Natura
boni 44.

Fundamēta

Lib. de Na-
tura boni,
c. 4. tom. 6.

ergo

ergo malum est privatio alicuius horum, necesse est quod simul illa tria habeat corrumpere.

ITEM maior est connexio in his tribus, videlicet modo, specie, & ordine, quam sit in habitibus virtutum, qui sunt diversi formaliter secundum speciem: sed propter connexionem habituum cum amittitur unus habitus, necessariò & omnes perduntur: ergo multò fortius cum per malum priuatur ordo, priuatur simul species, & modus.

ITEM per donum gratiæ melioratur anima, & eiusabilitas quantum ad hæc tria, sc. modum, speciem, & ordinem. Nam gratia reddit animam meliorem, & pulchriorem, & rectiorem: ergo cum culpa directè opponatur gratiæ, & tollat ipsam gratiam, videtur quod hæc tria simul, & inseparabiliter corrumpat, & minuat.

1. SED CONTRA: Modus attenditur in creatura per comparationem ad Deum sub ratione efficientis: & species sub ratione exemplaris, & ordo sub ratione finis: sed quamvis creatura deordinetur à Deo per comparationem sub ratione finis, nihilominus tamen saluatur comparatio ipsius ad Deum sub ratione efficientis, & exemplaris: ergo ad corruptionem ordinis non sequitur necessariò corruptio modi, & speciei.

2. ITEM in corporibus videmus modum auferri sine specie, & speciem etiam auferri posse sine ordine per aliquod malum, quod nocet bono naturæ. Nam aliquis habens indebitam quantitatem, habet pulchritudinem formæ, & è conuerso, & similiter est in ordine: sed sic se habet malum culpæ ad modum, speciem, & ordinem in spiritualibus, sicut malum quod nocet naturæ ad modum, speciem, & ordinem in corporalibus: si ergo in corporalibus non priuantur illa tria simul, & inseparabiliter, videtur quod nec in spiritualibus.

3. ITEM nos videmus quod alia bona naturalia sic se habent, quod vnum potest auferri sine altero, sicut fortitudo sine eloquentia, & è conuerso: ergo si modus, species, & ordo dicunt bona naturalia ipsius animæ: videtur quod vnum sine altero priuari habeat per malum culpæ.

4. ITEM tantum vnum vni opponitur: ergo malum vnum opponitur vni bono: aut igitur quodlibet peccatum claudit in se tria peccata, siue mala, aut si vnicum est peccatum siue malum, videtur quod non tollat simul, & semel illa tria. Si tu dicas quod illa tria concurrant simul in vnum bonum, quæro qualiter possit intelligi cum videantur differre formaliter. Et iterum cum in omnibus habeant reperiti, qualiter dicuntur per malum culpæ priuari, quod non reperitur nisi in sola creatura rationali.

CONCLUSIO.

Omne peccatum corrumpit circa voluntatem hæc tria, modum, speciem, & ordinem simul, & inseparabiliter.

RESP. Ad Arg. Ad prædictorum intelligentiam est notandum, quod triplex fuit modus assignandi, & distinguendi modum, speciem, & ordinem in rebus. Nam aliqui acceperunt illa tria secundum diuersas proprietates in eadem re considerata, ita quod modus dicat aliquid pertinens ad genus quantitatis, & species aliquid pertinens ad genus qualitatis, & ordo aliquid pertinens ad genus relationis. Sed iste modus assignandi non consonat verbis Aug. Nam ipse vult quod in quolibet quantumcunque paruo bono, non solum in substantia, sed etiam in proprietate substantiæ sit reperire illa tria: unde hæc tria se extendunt ad omnia entium, & prædicamentorum genera. Alius verò modus assignandi, & distinguendi illa tria sumitur per comparationem ad diuersa. Quilibet enim res tripliciter habet considerari, videlicet in se, & per comparationem ad alias res vniuersi, & in comparatione ad finem. Vt autem in se consideratur, sic attenditur in ea modus. Nam vnaquæque res in se ipsa finita est, & modificata. Vt autem comparatur ad

res alias, sic attenditur in ea species, sicut attenditur pulchritudo partium secundum situm, quem habent in toto. Vt autem comparatur in relatione ad finem, sic attenditur in ea ordo. Vnaquæque enim res ordinata est, dum directè tendit ad finem, ad quem est. Iste autem modus dicendi, etsi videatur elici ex verbis Augustini, adhuc tamen veritatem perfectè non attingit, omnibus enim aliis rebus circumscriptis remanente vna sola anima adhuc potest peccare: & adhuc potest attendi in ea modus, species, & ordo. Et ideo hic est tertius modus dicendi prædictis rationabilior, quod modus, species, & ordo considerantur in eadem re secundum diuersas comparationes, siue relationes ad idem. Attenduntur enim in vnaquaque creatura, secundum quod ipsa est vestigium Creatoris: quod quidem vestigium consistit in comparatione creaturæ ad Creatorem secundum triplex genus causæ, sicut in primo libro dictum fuit: ita quod modus attenditur secundum comparationem creaturæ ad Creatorem in ratione causæ efficientis, species in ratione exemplaris causæ, & ordo in ratione finalis causæ. Et quia quodlibet ens quantumcunque modicum habet istam comparationem ad Deum, in quolibet ente creato reperiuntur hæc tria. Iuxta hunc igitur modum attendendum est, quod creatura rationalis & est natura, vel creatura quædam, & est vltèrius præter alias creaturas operans per voluntatem: & vtroque modo habet comparari ad Deum: & vtroque etiam modo habet reperiri in ea modus, species, & ordo: vtroque etiam modo habet circa eam reperiri malum, quod est istorum trium corruptiuum: sed malum culpæ propriè habet consistere circa ipsam, secundum quod est voluntariè operans: & ideo priuare habet modum, speciem, & ordinem secundum quod consistunt circa ipsam voluntatem, vt est voluntariè operans. Voluntas autem cum habet modum, speciem, & ordinem, sicut debet, bona est. Tunc autem voluntas nostra bona est, quando in mouendo siue operando continuatur diuinæ voluntati, vt principio mouenti, & conformatur ei, vt regulæ dirigenti, & vnitur ei vt fini quietanti: & in primo attenditur modus, in secundo species, & in tertio ordo secundum comparationem in triplici genere causæ. Quodocunque verò aliquis peccat, necessariò discontinuatur à Deo tanquam à principio mouente, quia Deus nunquam mouet ad peccatum. Discordat à Deo tanquam à regula dirigente: & elongat se, & deordinat se à fine quietante, ponens creaturam finem: & in omni peccato necesse est illa tria concurrere. Et sic patet, quod omne peccatum corrumpit circa voluntatem hæc tria, scilicet modum, speciem, & ordinem, simul, & inseparabiliter. Et concedendæ sunt rationes, quæ hoc ostendunt. Ad rationes verò in oppositum adductas facile est respondere.

1. AD primum enim quod obiicitur, quod semper manet salua comparatio ad efficientem, & exemplar dicendum quod voluntas, vt natura quædam est, habet ad Deum comparari illo triplici genere causæ: & secundum hoc habet quandam modum, speciem, & ordinem, in quibus communicat cum omni genere creaturæ, & malum culpæ non habet hoc modo illa priuare. Alio modo, sicut prædictum est, habet comparari ad Deum vt mouentem, & dirigentem, & quietantem: & hoc modo non manet salua comparatio ad Deum sub ratione exemplaris siue regulæ dirigentis, nec etiam sub ratione mouentis, sicut non manet sub ratione finis.

2. AD illud quod obiicitur, quod non in corporibus vnum potest adimi sine altero, dicendum quod hæc in corporibus dupliciter possunt accipi. Vno modo prout accipiuntur penes dispositiones diuersas: & hoc modo vnum potest adimi sine altero: sed hoc modo non attenditur in eis ratio vestigij. Alio modo prout attenduntur penes idem secundum comparationes, videlicet prout eadem forma substantialis dat modum, speciem, & ordinem secundum diuersas comparationes in triplici genere causæ: & hoc dico quantum ad primum esse.

Vel propterea eadem forma accidentalis dat quantum ad A bene esse: & hoc modo nunquam fallit, quin si fiat corruptio in modo, per consequens etiam fiat in specie, & ordine, & è conuerso.

3. AD illud quod obiicitur, quod in aliis bonis naturalibus non est ita, dicendum quod non est simile, quia alia bona naturalia essentialiter differunt: & ideo vnum potest corrumpi, & tolli sine altero: non sic autem est in modo, specie, & ordine, immo circa idem fundantur, sicut ostensum est.

4. ET per hoc patet responsio ad vltimum. Nam etsi modus, species, & ordo, videantur esse tria bona, non tamen sunt diuersa per essentiam, sed dicunt tres comparationes eiusdem boni. Patet etiam illud quod vltimo quærebatur, quare, scilicet culpa non est in omnibus, in quibus reperitur modus, species, & ordo, quia non est priuatio illorum trium, secundum quod in eis consistit generalis ratio vestigiij, & consistunt circa omnem creaturam, sed propterea consistunt circa voluntatem deliberatiuam.

QVÆSTIO. II.

An modus, species, & ordo corrumpantur per peccatum.

S. Thom. 1. 2. q. 8. art. 4.

Et 2. Sentent. dist. 35. q. 1. art. 5. 1.

Regid. Rom. 2. Sent. dist. 35. q. 2. art. 1.

Richardus 2. Sent. dist. 35. art. 2. q. 3.

Thom. Argent. 2. Sent. dist. 35. q. 1. art. 3.

Steph. Brulef. 2. Sent. d. 35. q. 4.

VTRVM hæc tria per quodlibet peccatum corrumpantur æqualiter. Et quod sic, videtur. Primo per Augustinum in lib. de natura boni: Vbi hæc magna sunt, magnum est bonum: vbi parua paruum: ergo secundum hæc tria attenditur intentio, & diminutio in omni bono: ergo si idem bonum non potest esse magis & minus seipso, necesse est, cum ista tria priuantur, quod æqualiter priuentur.

ITEM ista tria sunt vestigium Trinitatis summæ, vbi est perfecta æqualitas, & consubstantialitas: ergo sicut hæc tria ita sunt consubstantialia, quod vnum sine altero esse non potest, sic etiam sunt æqualia: ergo quantum diminuitur de vno, necesse est tantum diminui de reliquo.

ITEM hæc tria priuari, non est nisi bonum priuari, sicut prius ostensum est: sed in eodem, & secundum idem non est magis, & minus reperire: ergo si per idem malum ista tria priuantur, necesse est priuari æqualiter.

ITEM quantum voluntas plus recipit à Deo, tantum est Deo similior, & quantum est Deo similior, tantum magis ad Deum tendit: ergo necesse est quod quantum habet de modo, tantum habeat de specie, & ordine: etsi hoc, necesse est illa tria bona per malum priuari æqualiter.

1. SED CONTRA: Videtur quod malum principaliter priuet ordinem, quoniam malitia in opere principaliter attenditur penes intentionem deordinationem: ergo si penes hanc principaliter consistit ordo, videtur quod malum plus habeat priuare ordinem, quam modum, vel speciem.

2. ITEM modus, species, & ordo correspondent illis tribus, videlicet vnitati, veritati, & bonitati: sed malum principaliter, & plus aufert de bonitate, quam auferat de vnitatem, & veritate: ergo si hæc tria correspondent illis tribus, videtur quod non adimantur ista tria æqualiter.

3. ITEM his tribus, in quibus attenditur ratio vestigiij, videlicet modo, specie, & ordini correspondent illa tria, in quibus attenditur ratio imaginis, videlicet memoria, intelligentia, & voluntas: sed peccatum cum deformat imaginem, non deformat omnes potentias æqualiter, immo principaliter, & magis deformat voluntatem: ergo pari ratione non corrumpit æqualiter modum, speciem, & ordinem: sed principaliter aufert ordinem, quam modum, vel speciem.

4. ITEM peccatum, loquendo essentialiter, & proprie, deformitas est: sed omnis deformitas principaliter dicit priuationem formæ, siue pulchritudinis, ergo speciei: igitur culpa non priuat hæc tria æqualiter, sed principaliter priuat speciem.

5. ITEM malum aliquo modo potest bene ordinari, sicut dicit August. in Enchirid. sed nullo modo potest speciem habere, cum sit priuatio: ergo videtur quod in malo magis fiat priuatio speciei quam ordinis: non sit ergo priuatio illorum trium æqualiter.

6. ITEM non sit priuatio in aliquo respectivo, nisi per priuationem prius factam in aliquo absoluto: in ad aliquid enim per se, & proprie nec est motus, ne mutatio: ergo si ordo dicit relationem ad alterum, non potest fieri corruptio in ordine, nisi per corruptionem factam in specie: videtur igitur, quod corruptio facta per malum non respiciat illa tria æqualiter.

CONCLUSIO.

Modus, species, & ordo que sunt conditiones bonæ voluntatis, per quodlibet peccatum æqualiter non modo inseparabiliter corrumpuntur.

RESP. AD Arg. Dicendum quod cum illa tria videlicet modus, species, & ordo propterea priuantur per malum culpæ, sunt conditiones eiusdem bonæ voluntatis, non solum sunt abinuicem inseparabiles, verum etiam æquales, & æqualiter priuantur per quodcumque malum culpæ. Quodlibet enim malum culpæ in tantum deordinat, in quantum facit Deo dissimilem, & in quantum facit Deo dissimilem, in tantum elongat à Deo: ita quod quemadmodum gratia æqualiter reddit animam ordinatam, & speciosam, & potentem in bonum, sic tantum, vel magis culpa deordinat ipsam, & deiecit in malum. Et quemadmodum in gloria similiter est adæquatio dotium, sic etiam in culpa æqualiter fit priuatio horum trium. Et ideo sicut dicitur visio in gloria esse tota merces propter connexionem, & æqualitatem in dotibus gloriosis, sic etiam ut dicit Augustinus in lib. 8. quæst. quod totum nomen mali de speciei priuatione repertum est, non quia per malum sola species priuetur, vel principaliter sed quia in priuatione speciei intelligitur priuatio aliorum. Concedendæ sunt igitur rationes, quæ ad primam partem inducuntur.

1. AD illud ergo quod obiicitur, quod malitia principaliter consistit penes intentionem, dicendum quod verum est: sed quod ipse obiicit, quod ordo attenditur penes intentionem, dicendum quod illud intelligitur penes quandam appropriationem: nam circa ipsam intentionem consistit modus, species, & ordo: ex quibus & bona est intentio, & bona est actio, quæ ex intentione procedit.

2. AD illud verò quod obiicitur, quod modo speciei, & ordini tribus his respondet vnitatem, veritas, & bonitas, dicendum quod verum est propterea in illis tribus consideratur generalis ratio vestigiij: propterea autem in ipsis attenditur corruptio mali culpæ, quæ consistit circa voluntatem, hæc tria habent considerari in bono secundum quod bonum est, sicut in præcedenti problemate patuit: & ideo æqualiter per malum habent priuari, quoniam directe opponitur illis.

3. AD illud quod obiicitur, quod malum non æqualiter deformat omnes potentias imaginis, dicendum quod non est simile, quia illæ potentie sunt diuersæ, & ad diuersos actus ordinatæ, ita quod aliqui illorum actuum respiciunt culpam, & iustitiam secundum plus, & minus: non sic autem est in proposito: nam hæc tria sola comparatione differunt: & cum habeant idem fundamentum, necesse est quod quantum diminuitur vnum, diminuat & alterum.

4. AD illud quod obiicitur, quod malum culpæ est deformitas, dicendum quod non tantum est deformitas

Cap. II. 10. 3.

Lib. 1. de Trin. c. 8. 4. med. tom. 3. Quæst. 6. 1084.

opposita

opposita pulchritudini, sed etiã est deformitas, vel cur-
nitas opposita rectitudini. Ideo non sequitur quod ma-
gis priuet speciem, quã ordinem: non enim dicitur de-
formitas per solius pulchritudinis priuationem, sed etiã
in hoc intelligitur priuatio aliorum: magis tamen deno-
minatur à priuatione speciei, & formæ propter hoc,
quod species estratio cognoscendi.

5. AD illud quod obiicitur quod malum est ordina-
bile, dicendum quod duplex est ordo. Est enim ordo an-
te factum esse, qui est ex intentione facientis. Et est or-
do post factum esse, qui quidem attenditur secundum
iustitiam retribuētis. Primus ordo est ille, qui priuatur
malo per malum. Et hunc ordinem, malum non potest
habere, sicut nec speciem. Secundus verò ordo non pri-
uatur per malum, immò malum est ordinabile in pœnis
secundum ordinem illum.

6. AD illud quod obiicitur, quod non sit priuatio in
respectiuo, nisi per aliquod absolutum, dicendum quod
tam species, quã ordo, vt hic accipitur, vtrumque est
respectiuum: ideo non magis priuatur vnum per alte-
rum, quã econuerso. Nihilominus tamen hæc tria tol-
luntur per mutationem factam circa aliquid absolutum:
tunc enim priuatur, cum liberum arbitrium peccat in-
ordinate mouendo seipsum.

QVÆSTIO III.

*An modus, species, & ordo per malum totaliter
corrumpantur.*

Scotus 1. Sent. dist. 35. q. 1.

Stephanus Brulef. 2. Sent. dist. 35. q. 5.

Et omnes alij in superiori quæst. citati.

VTRVM per malum contingat hæc tria corrumpi
totaliter. Et quod non, videtur per Augustinum in
Enchir. Bonum minui malum est, quamvis quantum-
cunque minuat, aliquid remaneat: ergo per culpam
nunquam aufertur totum bonum, quod per malum cor-
rumpitur: sed tale bonum attenditur in modo, specie, &
ordine: ergo, &c.

ITEM Augustinus in libr. de natura boni loquens de
his tribus: Vbi hæc magna sunt, magnum bonum est:
vbi parua paruum: vbi nulla nullum: ergo si per culpam
totaliter fieret horum trium ademptio, fieret peccantis
annihilatio: sed hoc est impossibile quod anima peccan-
do annihiletur: igitur impossibile est, quod ista tria tota-
liter corrumpantur.

ITEM malum si malum est, aliquid adimit: sed impos-
sibile est, quod aliquis tot mala faciat, & tantum pec-
cet, quin adhuc possit peccare: ergo nunquam tantum
peccat, quin adhuc inueniat culpa in eo aliquod bonum,
quod possit adimere: sed hoc bonum consistit in modo,
specie, & ordine: ergo, &c.

ITEM de nemine desperandum est, dum est in via:
ergo quantumcunque peccet, adhuc habilitatem habet
bene faciendi: sed quandiu habet habilitatem benefa-
ciendi, adhuc habet aliquod bonum, quod malum po-
test corrumpere: & si hoc, habet modum, speciem, & or-
dinem: ergo ista nunquam corrumpuntur totaliter per
malum culpæ.

ITEM demus quod in aliquo corrumpantur totaliter,
tunc quæritur: aut ille desinit esse, aut non. Si sic: ergo
per peccatum contingit corrumpere substantiam im-
mortalem, & incorruptibilem animam, scil. rationalem:
quod est impossibile. Si autem non desinit esse: aut ergo
potest peccare, aut non. Si potest peccare: ergo aliquod
bonum potest perdere: & si hoc, adhuc habet aliquid de
habilitate, & modo, & specie, & ordine, quæ corrup-
puntur per malum culpæ. Si non potest, & substantia
rationalis, quæ non potest peccare habens liberam vo-
luntatem, melior est illa, quæ potest peccare, quia Dei
similior est: ergo per multitudinem peccatorum perue-
niet homo ad statum meliorem: sed hoc est falsum, &
impossibile: ergo & illud ex quo sequitur, videlicet

A quod modus, & species, & ordo totaliter adimatur per
peccatum.

1. **S**ED CONTRA: Omne illud, à quo fit adeptio,
& ablatio si non est infinitum, aliquando totaliter est
ademptum: sed omne bonum, quod est in anima, siue sit
habilitas, siue potentia, finitum est: ergo si per malum
culpæ tollitur, & adimitur, necesse est quod aliquando
totaliter adimatur.

2. **I**TEM si tantum malum, adimit tantum de bono:
ergo maius malum maius adimit, & duplo malum duplo
adimit: sed nullum est peccatum ita magnum, quin ad-
huc possit esse maius: ergo si vnum paruum peccatum
adimit aliquid de bono, possibile est quod anima com-
mittat ita magnum peccatum, quod totaliter adimat bo-
num, quod per peccatum priuatur.

3. **I**TEM quantumcunque corporali quantitate data,
quantumcunque modicum inde auferatur, vt potè si à
mari auferatur gutta aquæ, contingit intelligere, quod
aliquando totum auferatur: ergo pari ratione videtur in
quantitate virtutis, quod quantumcunque parum au-
fertur per malum, si homo peccet continuè, aliquando
totum erit consumptum.

4. **I**TEM sicut se habet gratia ad pronitatem, sic se
habet culpa ad bonam habilitatem: sed gratia adeo po-
test crescere, quod omnino potest auferre pronitatem,
sicut patet in Christo, & beata Virgine, in quibus fuit
tanta gratia, quod nulla fuit in eis ad malum pronitas:
ergo pari ratione videtur quod adeo potest crescere cul-
pa, quod totaliter perdatur ad bonum habilitas.

5. **I**TEM sicut status gloriæ confirmat in bono, ita
status damnationis confirmat in malo: ergo sicut per
gloriam redditur homo impossibilis ad malum, ita per
damnationem æternam redditur impossibilis ad bonum:
sed vbicunque est ad bonum impossibilitas, ibi nulla est
ad bonum habilitas: si ergo habilitas ad bonum est il-
lud, quod adimitur per peccatum, & cuius modus, spe-
cies, & ordo tollitur per culpam, videtur quod hæc ali-
quando totaliter sit adempta.

CONCLUSIO.

*Modus, species, & ordo qui attenduntur secundum habili-
tatem ad bonum, in voluntate nunquam possunt per
peccatum corrumpi totaliter.*

RESP. Ad Arg. Dicendum quod absque dubio per
malum culpæ non contingit omnino remoueri, & pri-
uari habilitatem voluntatis ad bonum, nec modum, spe-
ciem, & ordinem, qui secundum illam attenduntur: &
hoc manifestè apparet, quia nunquam voluntas potest
esse sine naturali habilitate, & aptitudine ab bonum: si-
cut ergo non potest voluntas peccando desinere esse, sic
non potest totam habilitatem illam perdere, & modum,
& speciem, & ordinem, quæ secundum illam attendun-
tur totaliter amittere. Et hoc quidem dicit Augustinus
expressè, & communiter consentiunt in hoc omnes Do-
ctores. Sed qualiter per peccatum habilitas illa contin-
uè adimatur, & nunquam finiatur, siue consumatur, difficile
est assignare. Et super hoc diuersi senserunt diuersimodè.
Quidam enim voluerunt dicere, quod habilitas illa
nunquam totaliter tollitur, pro eo quod etsi sit finita in
se, est tamen ordinabilis ad infinitum bonum, & ad infi-
nitos actus: & ideo nunquam potest tolli nec per pec-
cati magnitudinem, nec per peccati multitudinem. Sed
iste modus dicendi non satisfacit: nam habilitas quan-
tumcunque diminuat per peccatum, adhuc est ad in-
finitum bonum, adhuc etiam est ad infinitos actus: ergo
ex illa parte ita magna est, sicut prius erat: ergo in nullo
est diminuta: igitur ordinatio ad boni infinitatem, vel
ad actuum multitudinem nihil facit ad illius habilitatis
diminutionem: immò potius ex hoc posset argui, quod
nullo modo minuitur, cum infinitum non sit minus
infinito ex ea parte, quæ infinitum est. Et propterea
alij dixerunt aliter, quod illa habilitas etsi semper dimi-

Ad opposi-
tum.

Ench. 13.
tom. 3.

Opin. 1.

Improbatio.

Opinio 2.

nuatur, nunquam tamen totaliter tollitur, quia diuisibilis est in infinitum: sicut enim in corporalibus quantitas molis diuisibilis est in infinitum, & nunquam potest adeo per diuisionem diminui, quin adhuc possit minor effici, sic in spiritualibus habilitas potentia, quæ est quantitas virtutis, nunquam potest per peccatum adeo parua effici, quin adhuc possit minor fieri: & hoc quia nihil prohibet, quod aliquid sit finitum actu, & infinitum diuisione, & ita quod sit semper diminuibile, & nunquam totaliter consumptibile. Sed nec iste modus dicendi satisfait. Nam quamvis continuum sit diuisibile in infinitum, nunquam est tamen continuum aliquod ita magnum, quod si diminuatur diminutione quâcumque parua, & postmodum consequenter fiat ablatio partis ita parua sicut prius, & sic consequenter procedendo, quin aliquando totum consumatur sicut patet, si à monte auferretur ita modicum, sicut est vnus atomus: ergo si malum aliquid tollit de illa habilitate, cum non sint ibi infinita tanto, aliquando erit totaliter consumpta. Si tu dicas, quod hoc verum esset si in sequenti culpa tantum adimeretur sicut in prima: nunc autem non est sic: quia semper minus & minus alimitur, & ita nunquam finitur. Si quis enim in diminuendo acciperet millesimam partem diminuibilis, & postmodum millesimam partem residui, & sic procedendo nunquam totaliter tolleretur. Si inquam, hoc modo dixeris, non satisfacis, pro eo quod maior culpa plus tollit de bono, & minorem culpam præcedentem potest subsequi maior culpa, & sic consequenter procedendo: ergo semper potest fieri maior, & maior ademptio: & ita necessarîo aliquando poterit fieri illius totius boni consumptio. Et ideo dixerunt aliqui aliter, videlicet, quia quod illa habilitas semper minuitur, & nunquam finiatur, hoc venit ex hoc quod est durabilis, & continuabilis in infinitum, quamvis sit actu finita. Vnde sicut aqua, quæ est in fonte scaturiente, actu finita est: nunquam tamen potest tantum exhauriri, quin semper remaneat, propter hoc quod est ibi virtus continuè influendi: sic & in proposito dicunt se habere, quod ipsa habilitas ad bonum ortum habet à libertate voluntatis: & quantumcunque voluntas se actu dehabilitet, quia tamen semper manet libera, semper potest se ad bonum habilitare. Et ideo sicut si quis subtraheret radios soli illuminanti, sol posset continuè radios suos restaurare, quamvis habeat actualiter finitatem, sic & in proposito dicunt se habere: & ideo cum peccatum non possit ipsam voluntatem, quæ est radix, & principium illius habilitatis perimere, & voluntas semper possit illam habilitatem continuare, malum culpæ nunquam potest eam totaliter consumere, quamvis aliquo modo possit diminui. Sed nec iste modus dicendi satisfait. Nam si ideo habilitas non finiretur, propter hoc quod continuè restauratur, sic duo sequerentur incôuenientia, quorum vnum esset, quod nec habilitas minueretur nisi ad tempus, sicut nec aqua fontis: aliud esset, quod homo posset resurgere à peccato per seipsum, si illam habilitatem posset voluntas sine gratia restaurare, & restaurando continuare. Et propterea est quartus modus dicendi, videlicet quod habilitas semper potest minui, & nunquam totaliter consumi: & hoc quia est elongabilis à rectitudine in infinitum. Sicut enim linea curva potest infinities elongari à rectitudine, id est, nunquam tantum elongari, quin adhuc possit magis: sic cum malum corrumpat habilitatem elongando ipsam à rectitudine, pro eo quod ipsum malum, siue malitia est curuitas, & intensio in malo est per recessum à bono, habilitas illa nunquam adeo diminuitur, quin adhuc possit magis diminui, quia nunquam adeo elongatur, quin magis possit elongari, & nunquam adeo curuatur, quin possit magis curuari: & ideo semper potest per malum diminui, & nunquam totaliter tolli. Hic autem modus dicendi inter cæteros prædictos magis videtur esse rationalis, pro eo quod fundatur super modum adimendi ipsius mali. Corruptum enim, sicut dictum est, per elongationem à bono, sicut dicit August. & Magister in

sine distinctionis recitat in litera. Ad huius igitur modi intelligentiam ampliorem habendam notandum est, quod sic corrumpit, & diminuit culpa habilitatem illam sicut ei opponitur: sed non opponitur illi habilitati secundum id quod est, vt prædictum est supra, siue prout fundatur in anima, sed secundum id ad quod est, id est prout ordinatur ad gratiam: & ideo nunquam corrumpit eam, nec minuit ita quod aliquam partem sui auferat secundum id quod est: sed quia deordinat ab eo ad quod est, ac per hoc sic minuit quod relinquit: & ideo sic corrumpit quod nunquam totaliter tollit. Vnde sicut dicit Magister quod concupiscentia ex vsu charitatis continuè minuitur, & nunquam finitur, quia charitas nunquam opponitur ipsi concupiscentiæ secundum radicem suam, & secundum id in quo radicitur, sed secundum id ad quod inclinatur: sic intelligendum est esse in proposito: & illud melius manifestatur, si sumatur exemplum in terminis. Habilitas enim illa, quam dicimus diminui, non est aliud quam idoneitas animæ ad suscipiendam gratiam, & ad cooperandum gratiæ iam susceptæ. In hoc igitur dicitur culpa illam habilitatem minuire, quod reddit animam minus idoneam ad vtrumque. Dum enim homo peccat, Deum offendit, & ex hoc efficitur indignus, & ineptus ad suscipiendam gratiam Dei. In hoc etiam quod peccat, pronus ad malum redditur, & in hoc efficitur ineptus ad opera virtutum: sed planum est istud, quod nunquam est aliquis adeo indignus gratia Dei, quin adhuc possit esse indignior, quia nunquam tantum offendit, quin adhuc possit magis offendere: nunquam est adeo indignus, quin quandiu est in statu viæ, sit susceptibilis gratiæ: & ita nunquam ex illa parte efficitur inhabilis in summo ad susceptionem gratiæ. Similiter ex parte pronitatis nullus est adeo pronus quin possit adhuc magis pronus effici, pro eo quod voluntas semper est libera: & ideo nunquam pronitas in voluntate potest fieri necessitas: & ita potest homo semper fieri magis, & magis pronus, & magis ineptus ad cooperandum gratiæ, & per hoc ex neutra parte totaliter dehabilitatur. Et sic patet, quod habilitas illa per culpam semper potest minui, & nunquam totaliter tolli. Et ratio huius est, quia non minuitur alicuius partis ablatione, sed elongatione, non secundum id quod est, sed secundum id ad quod est: hoc enim modo culpa illi habilitati opponitur: & ideo per hunc modum ab ea diminuitur. Concedendæ sunt igitur rationes, quæ hoc ostendunt. Ad rationes ad oppositum satis plana est responsio.

1. 2. 3. Nam quod obiicit primò, secundò, & tertio, per hoc soluitur, quia illæ tres rationes ex malo intellectu diminutionis procedunt. Arguunt enim ac si habilitas minueretur secundum id, quod est, & eius pars aliqua tolleretur: hoc autem, non est sic, sed per elongationem, vt dictum est. Et ideo nunquam potest tot peccatis dehabilitari, quin adhuc possit magis pluribus, nec etiam tanto peccato, quin adhuc maiori. Et ideo dicit Dionysius quod malum est infinitum: non quia aliquod sit malum summum quo nihil possit esse peius, sed quia non est aliquod ita malum, quin adhuc possit esse peius. Et ideo per quantumcunque malum nunquam adimitur habilitas secundum totum: quamvis enim sit finita, modus tamen adimendi ipsam protendit se vsque in infinitum, non infinitate actuali, sed potentiali, qua scilicet dicimus, quod curuum à recto in infinitum potest recedere.

4. Ad illud verò quod obiicitur, quod gratia totaliter tollit concupiscentiam, dicendum quod quædam est gratia, quæ opponitur ipsi concupiscentiæ secundum id, quod est: quædam verò quæ opponitur ipsi solum secundum id, ad quod est: & prima est quædam gratia gratis data, & totaliter potest tollere concupiscentiam, dum sanat, & reintegrat naturam vitiatam. Alia verò est gratia gratum faciens. Et de hac dicit August. quod quamvis diminuat concupiscentiam, nunquam tamen finit eam: & huic gratiæ assimilatur culpa respectu

habilitatis,

Improbatio.

Opinio 3.

Improbatio.

Opinio 4.

Cap. 4. de di.
nom. ad fa.

habilitatis, non alteri. Nam sicut dictum est, non opponitur illi habilitati secundum se, siue secundum id in quo est, sed secundum id ad quod est.

5. Ad illud quod obiicitur, quod gloria reddit impossibile ad malum, dicendum quod etiam pena reddit impossibile ad bonum: sed tamen aliter, & aliter, quia gloria reddit impossibile ad malum in hoc quod in eo aufertur radix mali, scilicet ipsa concupiscentia, & datur plenitudo boni. Damnatio verò aeterna reddit impossibile ad bonum, non quia ibi sit plenitudo omnis mali, nec etiam quia auferatur naturalis aptitudo ad bonum, sed quia auferatur merendi spatium, & Deus amplius non offert gratiam iuuantem ad bonum. Et ideo illa impossibilitas non dicitur per priuationem habilitatis omnimodam, sed potius propter benefaciendi impedimenta. Vnde si aliquis damnatus ad statum viæ reduceretur, nulla sibi habilitate collata, de nouo habilitatem haberet ad susceptionem gratiæ. Et propterea quamvis ordinatio habilitatis impediatur, tamen habilitas nunquam totaliter tollitur. Esto autem quod concederetur, quod tolleretur in inferno, adhuc tamen non sequeretur, quod totaliter tolleretur per peccatum. Nulla enim culpa ponit hominem extra statum viæ: & ideo nec aufert homini habilitatem ad gratiæ susceptionem.

DISTINCT. XXXVI.

Quod quædam simul sunt peccata & pena peccati: Quædam peccata & causa peccati: alia verò peccata, & causa, & pena peccati.

SCIENDVM est tamen quædam sic esse peccata, ut sint etiam pena peccatorum. Vnde Aug. super illum locum Psalm. 57. Supercecidit ignis, & non viderunt solem, ait: Ignis superbia, & concupiscentia, & ira intelligitur. Istas penas pauci vident: ideo eas maxime commemorat Apostolus in Epistola ad Romanos, & enumerat multa quæ peccata sunt, & pena peccati. Inter primum enim peccatum apostasia, & ultimam penam ignis aeterni, media quæ sunt, & peccata sunt, & pena peccati: Gregorius quoque super Ezech. ait: Contemnti qui non vult pariterere, ponit Deus offendiculum, ut scilicet grauius impingat. Peccatum enim quod per penitentiam citius non deletur, aut peccatum est & causa peccati: aut peccatum & pena peccati: aut peccatum simul & causa & pena peccati. Vnde Moyses: Nondum sunt completa peccata Amorrhæorum. Et David inquit: Appone iniquitatem super iniquitatem eorum. Et alius Prophetia: Sanguis sanguinem tetigit, id est, peccatum peccato additum est. Paulus quoque ait: Propterea tradidit illos Deus in passionem ignominia, &c. Et item: Ut impleant peccata sua semper. Ioanni quoque per angelum dicitur: Qui in sordibus est, sordescat adhuc. Ex his testimoniis colligitur peccatum aliquod & peccatum esse, & penam peccati.

Ex prædictis quæstio oritur, scilicet, an in quantum peccatum est, sit pena peccati.

Et ideo merito quaritur, utrum in quantum peccatum est, sit pena peccati. Quod non videtur, cum omnis pena peccati iusta sit. Vnde Augustinus in libro Retractionum: Omnis pena peccati iusta est, & supplicium nominatur. Si ergo peccatum quod est peccatum & pena peccati, in quantum peccatum est, pena peccati est, cum omnis pena iusta de iustitia Dei veniat, videtur in quantum peccatum est, iustum esse, & à Deo provenire. Ad quod illi respondent, peccatum sic

Adici penam peccati, quia per peccatum, in quod merito præcedentis peccati homo labitur deferente Deo, corrumpitur bona natura. Sicut ignis aeternus dicitur pena malorum, quia ea cruciantur: nec tamen ipse cruciatus malorum ignis est. sed per ignem fit in homine. Ita per peccatum corrumpitur natura, & imminuitur bonum natura: & est ipsa imminutio & corruptio boni, passio & pena: & non est essentialiter ipsum peccatum, per quod fit: sed ideo peccatum dicitur, ut præmissum est: quia per peccatum illico, ut peccat homo, fit in homine illa corruptio, quæ tamen fit Deo auctore. Illa enim pena siue passio, quæ est boni corruptio, à Deo est. Illius tamen, ut sic dicam, materia & causa est peccatum, quod à Deo non est. Quod videtur Augustinus notasse, & iuxta hunc sensum intellexisse, cum ait in libro de prædestinatione Sanctorum: Prædestinatione Deus ea præscit quæ fuerat ipse factururus. Sed præscit Deus etiam quæ non est ipse factururus, id est, omnia mala, quia etsi sunt quædam, quæ ita peccata sunt, ut etiam pena sint peccati, secundum illud Apostoli: Tradidit illos Deus in passionem, &c. non tamen peccatum Dei est, sed iudicium, scilicet pena. In Scriptura enim saepe nomine iudicii, pena intelligitur. Hic diligenter intendentibus insinuare videtur, ea quæ peccata sunt, & pena peccati: non in quantum peccata sunt, sed in quantum pena, Dei esse. Nam cum dixisset Deum non esse facturum mala aliqua, id est, peccata, quia posset ei obici, quædam peccata esse etiam penas peccati, & pena peccati omnis iusta est, & ideo à Deo est: quasi determinando secundum quid faciat ea, vel secundum quid non faciat, addidit reliqua. Iuxta verò prædictam intelligentiam peccata sanè dicuntur pena. Vnde Apostolus appellat eas passionem ignominia, quia, ut ait auctoritas, licet quædam peccata sint quæ delectant, sunt tamen passionem naturæ non nominandæ: quia per ea corrumpitur natura.

Quod cum omne peccatum possit dici pena, non tamen omne est pena peccati.

Et licet ex hoc sensu omne peccatum mortale possit dici pena, non tamen omne potest dici pena peccati. Pena enim peccati, ut prædictum est, est illud cuius causa est aliud præcedens peccatum. Nam peccatum sic dicitur pena peccati respectu præcedentis, sicut dicitur causa peccati respectu sequentis. Quo fit ut idem peccatum & causa sit, & pena peccati: sed alterius peccati pena, & alterius causa: ut enim Gregorius in Moral. ait: Peccatum quod penitentia non diluitur, suo pondere mox ad aliud trahit. Vnde fit ut non solum peccatum sit, sed & causa peccati, ex illo quippe vitio culpa subsequens oritur. Peccatum verò quod ex peccato oritur, non solum peccatum, sed pena peccati est, quia iusto iudicio Deus cor peccantis obnubilat, ut præcedentis peccati merito, etiam in alia cadat. Quæ enim liberare noluit, deferendo percussit. Proinde, ut Augustinus ait: Præcedentis est hæc pena peccati, & tamen etiam ipsa peccatum est. Iudicio enim iusti: Iusti Dei traditi sunt, ut ait Apostolus de quibusdam, siue deferendo, siue alio modo explicabili, siue inexplicabili, in passionem ignominia, ut crimina criminibus vindicarentur, & supplicia peccantium non tantum sint tormenta, sed & vitiorum incrementa.

Illæ ergo peccata quæ enumerat Apostolus, quia de superbia sunt, non solum peccata, sed etiam supplicia sunt. Ecce ex his iam fit perspicuum quædam pec-

cata etiam pœnas, & causas peccati esse: & illud peccatum esse pœnam peccati, quod causam precedentem habet peccatum: atque illud peccatum esse causam peccati, quod est meritum sequentis culpa.

Ex prædictis videtur significari ipsa eadem quæ peccata sunt, esse & pœnas peccati.

Sed cum ait crimina criminibus vindicari, videtur insinuare ea ipsa quæ peccata sunt, essentialiter esse pœnas peccati, id est, punitiones peccati. Ad hoc autem, inquit illi, hac & similia dicta esse secundum rationem prædictam: & ideo intelligenda fore secundum præmissam expositionem. Intelligentia enim dictorum ex causis est assumenda dicendi.

Quod non obuiat veritati, si quis dicat ipsa peccata esse pœnas peccati essentialiter.

In nullo tamen præiudicium factum veritati putatur, si quis dicat ipsa eadem quæ peccata sunt, essentialiter, ut ita dicam, esse pœnas, id est, punitiones peccatorum precedentium, quæ iustæ sunt, & à Deo sunt. Nec tamen inquantum peccata, à Deo sunt, nec inquantum peccata sunt, pœna peccati sunt: & tamen inquantum peccata sunt, priuationes boni sunt, sed ut supra dictum est, causaliter & actiue dicuntur priuationes.

Apertè ostendit peccata quædam esse pœnam peccati, & pœnam ipsam iustam esse à Deo.

Quod autem quædam peccata pœna sint, & ipsa pœna iusta sit, & à Deo sit, euidenter tradit Augustinus in libro Retractionum primo, dicens quædam necessitate fieri ab homine quæ mala sunt, & eadem iusta pœna peccati sunt. Sunt, inquit, quædam necessitate facta improbanda, ubi homo vult rectè facere, & non potest. Unde & illud Apostoli: Non quod volo facio bonum, sed quod odi malum, hoc ago. Et illud: Caro concupiscit aduersus spiritum, & spiritus aduersus carnem. Hac enim inuicem sibi aduersantur, ut non ea quæ vultis faciatis, sed hac omnia ex illa mortis damnatione sunt. Nam si non est ista pœna hominis, sed natura, nulla ista peccata sunt. Si enim non receditur ab eo modo quo naturaliter factus est homo, cum hac facit: ea utique facit quæ debet. Si autem homo, quia ita est, non est bonus, nec habet in potestate ut sit bonus, siue non videndo qualis esse debeat, siue videndo & non valendo esse qualem se esse debere videt, pœnam istam esse quis dubitet? Omnis autem pœna si peccati pœna est, iusta est, & supplicium nominatur. Si autem iniusta est pœna, quoniam pœnam esse nemo ambigit, iniusto aliquo dominante homini imposita est. Porro quia de omnipotentia Dei & iustitia dubitare dementis est, iusta est hæc pœna, & pro peccato aliquo impenditur. Non enim quisquam iniuste dominans, aut surripere hominem potuit, velut ignorantia Deo, aut extorquere inuito tanquam inuoluntario, ut hominem iniusta pœna cruciaret. Relinquitur ergo, ut hæc pœna iusta de damnatione hominis veniat. His atque aliis pluribus testimoniis docetur quædam esse peccata, & pœnas peccati essentialiter.

De quibusdam, quæ sine dubio peccata sunt & pœnæ, ut ira, inuidia.

Præterea nullatenus ambigendum est, quædam peccata absque ullo scrupulo pœnas esse, ut inuidia quæ

est dolor alieni boni: & ira, quæ etiam non inquantum pœna sunt, peccata sunt: ita etiam de cupiditate & timore, & aliis huiusmodi sentiendum est. Unde Augustinus in libro 83. questionum ait: omnis cupiditas, perturbatio. Omnis ergo cupiditas, passio. Omnis verò passio cum est in nobis, ipsa passione patimur. Omnis ergo cupiditas cum est in nobis, ipsa cupiditate patimur: & inquantum cupiditas est, patimur ea. Omnis autem passio inquantum ipsa patimur, non est peccatum: ita & de timore. Non enim consequens est, ut si patimur timorem, ideo non sit peccatum, quia multa sunt peccata quæ patimur, sed non inquantum patimur eis.

Quod verbis Augustini præmissis quædam sententia Hieronymi obuiare videtur.

Illud autem diligenter est annotandum, quod supra positus verbis Augustini dicentis, quædam necessitate facta esse improbanda & mala: videtur obuiare quod Hieronymus ait in explanatione fidei: quod licet supra sit positum, tamen ut perfectius sciatur, iterare non piget. Execramur, inquit, eorum blasphemiam, qui dicunt impossibile aliquid homini à Deo esse præceptum, & mandata Dei non à singulis, sed ab omnibus in commune posse seruari, & paulo post: Et tam illos errare dicimus, qui cum Manichæo dicunt hominem peccatum vitare non posse, quam illos qui cum Ioviniano asserunt hominem non posse peccare. Ecce Hieronymus dicit errorem esse, si quis dicat hominem vitare peccatum non posse. Qui autem dicit quædam necessitate fieri, quædam dicit non posse vitari. Cum ergo id Augustinus dicat, videtur aut erroris esse quod tradit, aut non esse verum quod Hieronymus ait.

Determinatio contrarietatem submonens de Sanctorum medio.

Ad quod dici potest, quia Augustinus secundum statum huius miseria, ad quam pertinet ignorantia & difficultas, ut idem ait in libro de libero arbitrio, quæ ex iusta damnatione descenderunt, illud tradidit, ubi & venialia peccata inclusit. Hieronymus verò tantum de mortalibus peccatis loquitur, quæ unusquisque gratia illuminatus vitare valet: vel de homine secundum statum liberi arbitrii ante peccatum, illud ait.

Epilogum facit ad alia transiturus.

Satis diligenter eorum posuimus sententiam, qui dicunt omnes actus naturas bonas esse, & inquantum sunt, bonos esse. In quo tractatu quædam interseruimus, quæ non ex eorum tantum persona accipienda sunt, quia ab omnibus catholicè sapientibus absque hesitatione tenentur: atque auctoritatum testimoniis & rationibus eorundem traditionem munimus, qui dicunt omnes actus essentiâ sui, id est, inquantum sunt, esse bonos, quosdam verò inquantum inordinatè fiunt, peccata esse. Addunt quoque quosdam non tantum essentiâ, sed etiam genere bonos esse, ut reficere esurientem, qui actus est de genere operum misericordia: quosdam verò actus absolute, ac perfectè bonos dicunt, quos non solum essentia vel genus, sed etiam causa & finis commendat: ut sunt illi qui ex bona voluntate proueniunt, & bonum finem metiuntur.

Quæst. 77. sam. 4.

To. 4. ad Damas. Pa. pam. Dist. 18. huius 1.

Lib. 3. c. 18. Aug. de bon. personæ. 11. paulo post mod. hoc id. dicit 1. Retract. c. 9. to. 1.

Dist.

DISTINCT. XXXVI.

Vtrum peccatum sit poena peccati.

Sciendum est tamen quodam sic esse peccata, &c.

Expositio Textus.

SUPRA determinauit Magister, quid sit peccatum secundum rem, & diffinitionem. In hac parte inquit, vtrum peccatum sit poena peccati. Diuiditur autem ista pars in duas partes. In quarum prima Magister mouet quaestionem illam, & determinat secundum opinionem aliorum. In secunda vero secundum opinionem propriam, ibi: *In nullo tamen prauidicium factum veritati, &c.* Prima pars habet tres partes. In prima adducit Magister auctoritates, quibus ostendit, quod vnum peccatum sit alterius peccati poena. In secunda vero mouet quaestionem, vtrum peccatum secundum idem sit culpa, & poena, an secundum diuersa: & determinat iuxta aliorum opinionem, ibi: *Et ideo merito queritur.* In tertia vero subiungit illius opinionis maiorem explanationem, ibi: *Et licet ex hoc sensu omne peccatum mortale possit dici.* Similiter secunda pars principalis, in qua istam quaestionem determinat secundum propriam opinionem, diuiditur in tres partes. In quarum prima determinat propositam quaestionem secundum propriam opinionem, confirmans eam auctoritate Sanctorum. In secunda vero determinat quoddam dubium in praedictis auctoritatibus propositum, ibi: *Illud autem diligenter notandum est, quod supra positum, &c.* In tertia vero breuiter epilogat ea, quae praedicta sunt, ibi: *Saris diligenter eorum posuimus, &c.* Et sic in hac totali parte agitur principaliter de comparatione culpae ad poenam. Vtrum videlicet culpa sit poena causaliter tantum, an causaliter simul, & essentialiter. Et quamvis secundum aliquorum opinionem peccatum sit poena tantum causaliter, secundum tamen opinionem Magistri, quam in litera innuit, non tantum causaliter, sed etiam essentialiter poena est.

Peccatum est, & causa peccati. Dub. I.

SED CONTRA: Aut peccatum est causa peccati voluntaria, aut necessaria. Non voluntaria, quia nihil voluntarie operatur, nisi quod cognoscit & appetit: talis autem est rationalis creatura, non culpa: ergo non est voluntaria causa. **ITEM:** Non est causa necessaria, quia qui peccauit in vno peccato, non est necesse, quod peccet in altero: ergo non videtur quod aliquo modo sit causa. **ITEM:** Si peccatum est causa peccati aut ratione alicuius boni substrati, aut ratione defectus. Non ratione boni substrati, quia tunc magis deberet dici bonum esse causa mali, quam peccatum causa peccati. Non ratione defectus, quia quod nihil est, nullius est causa: intentio enim causalitatis in solis entibus reperitur: propter quod est quaestio, quod peccatum sit causa peccati, & ratione cuius peccatum sit causa peccati.

RESP. Dicendum quod cum in peccato duo sint, videlicet conuersio, & auersio, ratione vtriusque peccatum habet ad aliud peccatum disponere, & per hoc peccatum aliud dicitur causare. Ratione quidem auersionis, quia in hoc quod a Deo auertit, elongat a bono, & per hoc homo efficitur impotens ad resistendum malo. Ratione conuersionis, sicut actus vnius virtutis disponit ad actum alterius, utpote actus nutritiuae ad generatiuam, sic vna culpa habet disponere ad aliam, utpote gula ad luxuriam. Est igitur peccatum causa peccati, id est, dispositio trahens, siue inclinans ad aliud peccatum, tam ratione auersionis, quam ratione conuersionis: sed ratione auersionis, in qua communicant omnia peccata, quodlibet est causa cuiuslibet: ratione vero conuersionis, in qua distinguuntur, non quodlibet est causa cuiuslibet, sed peccatum vnius generis disponit ad peccatum generis proximi, utpote spirituale ad spirituale, ut superbia ad inuidiam, & carnale ad carnale: ut gula ad luxuriam.

AD illud ergo quod obicitur, quod non est causa voluntaria, nec necessaria, dicendum quod peccatum non est sufficiens causa peccati: sed dicitur in hoc quod tra-

hit voluntatem, ut committat aliquando culpam, & ita reducitur ad causam voluntariam. **A**D illud quod queritur, vtrum sit causa ratione positionis, vel defectus, dico quod ratione vtriusque, sicut visum est. Conuersio enim inordinata disponit ad aliam conuersionem inordinatam. Ex conuersione enim inordinata augetur in nobis concupiscentia, & pronitas ad malum, & dum augetur pronitas & concupiscentia, quasi quoddam pondus ponitur in anima. Quod enim est pondus in corporibus, hoc est amor in spiritualibus. Et ideo bene dicit Gregorius quod peccatum, quod per poenitentiam non diluitur, mox pondere suo ad aliud trahit, & ita nec defectus per se facit, nec bonum per se, sed vnum cum alio. Illud tamen argumentum non valet, quia defectus non potest esse causa alicuius: ergo non potest esse causa peccati. Causare enim peccatum non est causare aliquid, sed potius deficere. Vnde est ibi sophisma secundum quod, & simpliciter.

Illico ut peccat homo, fit in homine illa corruptio, quae tamen fit Deo auctore. Dub. II.

SED CONTRA hoc est, quia illa boni corruptio, siue actiue dicatur, siue passiue, est imaginis deformatio. Deformatio autem imaginis Deo displicet: & nihil quod Deo displicet, est a Deo. Idem enim est fieri a Deo auctore, & Deo volente: ergo talis corruptio non est a Deo. Item: Eadem sunt principia actionis, & passionis: ergo si corruptio actio non est a Deo, videtur similiter quod nec corruptio passio.

RESP. Dicendum quod illud verbum non est dictum secundum opinionem Magistri, sed secundum opinionem aliorum, sicut patet ex ipsa serie literarum. Sed tamen quia illud idem videtur Magister dixisse in ultimo capitulo praecedentis distinctionis, aliter respondendum est, quod in illa corruptione & est considerare defectum, & deordinationem. Est nihilominus ibi considerare passionem, & ordinem ad praecedentem actionem: & quantum ad haec duo vltima, corruptio ista tenet rationem poenae, & quantum ad hoc dicitur esse a Deo, videlicet in quantum poena: simpliciter autem loquendo ut dicatur corruptio modi, speciei, & ordinis esse a Deo, siue deformatio imaginis non admittitur, sicut rationes ostendunt, propter hoc quod talis corruptio & defectus dicit, & deordinationem, quae est culpa, sicut supra est ostensum. Et est talis corruptio poenae non infligenda, nec contracta, sed acta: & ideo quodam modo tenet rationem culpae, sicut ostensum fuit in praecedenti distinctione. Et quantum ad hoc non intelligitur illud quod in litera dicitur. Et per hoc patent ea quae in litera obiciuntur.

In nullo tamen prauidicium factum veritati putatur, si quis dicat ipsa eadem, quae peccata sunt, essentialiter, ut ita dicam, esse poenas. Postea subiungit, quod huiusmodi punitiones infla sunt, & a Deo sunt, nec tamen peccata a Deo sunt. Dub. III.

Videtur hic esse implicatio contradictionis. Primum enim dicit, quod vnum & idem, essentialiter loquendo est poena, & culpa. Et postea dicit, quod idem ipsum & est a Deo, & non est a Deo.

RESP. Dicendum est ad hoc, quod illud, & consimilia intelligenda sunt cum reduplicatione, ut quando dicitur, quod aliquod peccatum est poena peccati, & quod poena illa est a Deo, hoc intelligitur secundum quod poena, hoc est secundum rationem ordinationis. Et hoc innuit Magister in litera, cum dicit quod non in quantum peccata sunt, poenae sunt, nec in quantum peccata sunt, a Deo sunt, quasi dicat: Cum in idem concurrant ratio deordinationis, & ratio ordinationis per relationem ad diuersa, ordinatio est a Deo, deordinatio vero minime.

Sunt, inquit, quodam necessitate facta improbanda. Dub. IV.

Contrarium huius videtur Augustinus dicere in libro de duabus animabus. Dicit enim quod illud solum est peccatum, a quo liberum est abstinere.

Et

Supra d. 15

Lib. 25. Mo
ral. 6. 9. 10.

Aug. 10. 4.
lib. 8. 2. 9.

Aug. c. 11.
rom. 6.

ET dicendum est ad hoc, quod sicut Magister determinat infra, quædam necessitas est ad peccata venialia, peccata saltem in vniuersali. Illa autem ratio, & verbum quod ibidem sequitur, intelligitur de peccato actuali mortali. Qualiter autem necessitas sit ad venialia, hoc habebit quæstionem infra suo loco, vbi Magister inquirat.

Dist. 42.

Addunt quoque quosdam actus non tantum essentia, sed etiam genere bonos esse, ut reficere esurientem.
Dub. V.

Quæritur, pro quanto dicitur esse bonum in genere. Si dicitur quia bonum absque circumstantia aliqua superaddita, tunc videtur quod reficere indigentem non sit bonum in genere, quia est ibi circumstantia debita in eo, qui reficitur. Si tu dicas, quod bonum in genere dicitur, quia est commune, & vniuersale, tunc similiter videtur quod deberet dici bonum in specie, cum generale dicatur respectu speciei. Est igitur quæstio pro quanto dicatur aliquid esse bonum in genere. Quæritur etiam de sufficientia ipsius diuisionis per tria membra: videtur enim esse insufficientis, quia non tantum est bonum in genere, & bonum ex intentione, & causa, sed etiam bonum gratiæ & gloriæ.

RESP. Dicendum quod Magister diuidit hic bonum non quocunque modo, sed bonum prout est in actu: bonum autem huiusmodi habet considerari in se, siue secundum se: & sic est bonum naturæ. Habet iterum considerari secundum comparisonem ad materiam debitam: & sic dicitur bonum in genere. Habet iterum considerari secundum alia tria genera causarum, videlicet in cōparatione ad efficiens, & formam, & finem: & sic est bonum perfectum. Et sic patet sufficientia, quia omnis actus aut cōparatur ad suum principium efficiens solū: aut comparatur ad suum principium efficiens, prout respicit debitum obiectū: aut comparatur ad suum principium efficiens, prout respicit debitum obiectum, & finem cōgruum. Bonum autem secundum quod respicit materiam debitam, dicitur esse bonum in genere, pro eo quod sicut genus dicitur esse in potentia, ad esse cōpletum, quæ completur per aduentum differentiarum, sic in actu transeunte super materiam debitam quodā modo inchoatur bonum moris. Illud autem bonum moris specificatur, & completur per aduentum circumstantiarum, vnde potest fieri & bene, & malè. Similiter intelligendum est de malo in genere. Quamvis autem bonum & malū possint differenter fieri, & bene & malè: nihilominus tamen bonum quātum est de se, dicitur inchoationem boni, & malum similiter mali: & ideo nomen boni tenet, quia in ipso saluatur ratio generis. Vnde bonum naturæ respectu boni moris est quasi in potentia materiali, quæ est potentia passiva: bonum autem in genere aliquo modo est bonū moris, & ex hoc quod transit supra materiam debitam: & ideo assimilatur potentiæ generis, quæ est aliquo modo actiua. Genus enim est forma, ut dicit Philosophus, licet per comparisonem ad differentias in diffinitione sit sicut materia. Et per hoc patet responsio ad obiecta. Nam bonum ex circumstantia contineri potest sub bono perfecto, vel sub bono in genere. Si enim est indutum omnibus bonis circumstantiis, continetur sub bono perfecto. Si autem deficit in aliqua circumstantia, reducit ad bonum in genere: sub bono autem perfecto comprehenditur actus gratuitus, & gloriosus. Possent autem plura quæri de hac materia, sed alibi magis habent locum, quàm hic.

ARTICVLVS I.

AD intelligentiam huius partis circa tria incidit hic quæstio. Primò quæritur de cōparatione culpæ ad pœnam secundum idētitatem. Secundò verò quæritur de cōparatione culpæ ad pœnam secundum inseparabilitatem. Tertiò quæritur de cōparatione pœnæ ad diuinæ iustitiæ æquitatem. Circa primum duo quæ-

runtur. Primò quæritur, vtrum vnum peccatum sit alterius peccati pœna. Secundò quæritur, vtrum passionēs animæ sint pœnæ tantum, an pœnæ simul, & peccata.

QVÆSTIO I.

An peccatum sit pœna peccati.

Alex. Alensis 2. p. q. 107. Membr. 1.

S. Thom. 1. 2. q. 87. art. 2.

Et 2. Sent. dist. 36. q. 1. art. 3.

Scotus 2. Sent. dist. 36. q. 1.

Agid. Rom. 2. Sent. p. 2. d. 36. q. 1. art. 2.

Richardus 2. Sent. dist. 36. q. 1.

Durandus 2. Sent. dist. 36. q. 1.

Steph. Brulef. 2. Sent. dist. 36. q. 1.

Gabr. Biel. 2. Sent. dist. 36. q. 1.

VTRVM peccatum sit pœna peccati. Et quod sic videtur. Apocalypseos vitimo: Qui in sordibus est, sordescat adhuc: Glossa: iustum est: sed esse in sordibus, non est aliud, quàm esse in peccatis: & sordescere, non est aliud, quàm peccare: ergo peccatum est meritum alterius peccati: igitur à relativiis peccatum sequens est retributio præcedentis: sed retributio peccati non est nisi pœna: ergo, &c.

Fundamēta. Apoc. 22. c.

ITEM Gregorius expressius dicit, & habetur in litera: Inter primum peccatum apostasiæ, & vltimam pœnam ignis æterni, media quæ sunt, & peccata sunt, & pœna peccati.

ITEM Ildorus: Deus occultam superbiam clericorum vindicat per manifestam luxuriam: sed vindicta peccati est pœna: ergo manifesta luxuria est pœna peccati superbiæ.

1. 2. lib. 2. Sent. de sum. bo. c. 39. §. 1. Hanc rationem videtur infirmare Scot. dist. 37. quæst. unica, ibi. Sed iste modus videtur, valde difficilis.

ITEM ex hoc quod homo peccat, meretur à Deo relinqui: sed ex hoc quod relinquitur, cadit consequenter in aliud peccatum: ergo si hoc iustum est, qui vnum peccatum committit, meretur per consequens dimitti cadere in aliud: ergo si dimittitur cadit in aliud peccatum, illud quod secundò perpetratur, ordinem habet ad primum sicut ad meritum, sed omne tale est pœna peccati: ergo, &c.

ITEM omne illud est peccati pœna, in quo homo dānificatur, & læditur, & in quod per illud peccatum inducitur: sed superbus hoc ipso quod vult alium excellere, necessariò cadit in inuidiam, quando videt alium se superare. Sicut enim dicit August. in libro de vera religione: Necesse habet alij inuidere, qui non vult ab alio superari: ergo videtur, quod inuidia sit pœna superbiæ: & inuidia absque dubio est peccatum: ergo peccatum est pœna peccati.

Cap. 45. in fine totius.

1. SED CONTRA: Omnis pœna peccati est laudabilis, & nulla culpa est laudabilis: ergo nulla culpa est pœna peccati. Maior probatur, quia omne quod iustum est, laudabile est: sed omnis pœna peccati est iusta, sicut dicit Augustinus, & habetur in litera. Minor verò per se patet.

Ad oppositum.

2. ITEM omnis pœna est ordinatiua culpæ, & per hoc faciens ad vniuersi decorem: sed culpa subsequens non ordinat culpam præcedentem, nec decorat vniuersum, immò magis deturpat: ergo culpa non est peccati pœna.

Lib. 1. Ret. c. 9. §. lib. 3. de lib. arb. 18. tom. 1.

3. ITEM si culpa subsequens est pœna præcedentis: ergo à relativiis culpa præcedens est meritum sequētis: pari ratione illa culpa, quæ est subsequens, est meritum alterius, & sic deinceps: si ergo nullum peccatum debet remanere impunitum, videtur quod homo debeat peccare in æternum: si ergo hoc est inconueniens, & indignum, patet quod peccatum non est peccati meritum: igitur nec vnum peccatum est alterius punitum.

4. ITEM si sequens peccatum punit præcedens: ergo cum Deus non puniat bis in idipsum: culpa sequentis peccati perpetrata, culpa præcedens non debet puniri: aut si punitur, non debet tantum puniri: quod si hoc esset verum, reportaret quis commodum de malitia: quod si hoc est inconueniens, patet, &c.

5. ITEM

Arist. 7. Metaphys. c. 17.

5. **ITEM** si peccatum est pœna peccati, & Deus non punit supra condignum, nunquam peccatum sequens A esset maius peccatum præcedenti: quod si hoc de plano est falsum, quia de minori peccato devenitur ad maius, planum est quod peccatum non est pœna peccati.

CONCLUSIO.

Peccatum sequens non modo causaliter, sed etiam essentialiter præcedentis peccati potest esse pœna.

RESP. ad Arg. Dicendum quod absque dubio, sicut auctoritates Sanctorum expresse dicunt, tenendum est, quod peccatum est pœna peccati. Sed advertendum est, quod circa hoc est duplex modus intelligendi, secundum quod Magister in litera innuit. Quidam enim dicere voluerunt: quod peccatum est pœna peccati: non tamen essentialiter, siue secundum id quod est, sed ratione eius, quod concomitatur, vel ratione eius, quod consequitur: sicut patet quod peccatum manifestum, ex quo confurget infamia, dicitur esse vindicta peccati occulti, non ratione ipsius transgressionis, sed ratione infamiae consequentis. Vel peccatum, in quo est manifesta ignominia, est pœna peccati superbiæ, sicut peccatum hærelis, & alia huiusmodi, quæ vocat Apostolus passiones ignominiae, pœna est ratione ignominiae, non ratione culpæ. Et breuiter quodlibet peccatum potest dici pœna peccati præcedentis ratione læsionis, quam infert: & sic idē dicitur peccatum, & pœna peccati, ita tamen quod peccatum dicitur essentialiter, & pœna peccati causaliter. Sed quoniam secundum istum modum non tantum vñ peccatum posset dici pœna alterius, sed etiam vñ peccatum posset dici pœna sui, causaliter loquendo, quia peccans seipsum lædit: & iterum, sicut ostēsum fuit in præcedentibus, non tantum actio inordinata est culpa, verum etiam ipsa deformitas, quæ remanet in anima, & ipsa animæ deformatio non modica est ei pœna: & rursum: sicut rationes primæ ostendunt, quædā ordinatio meriti, & retributionis est inter culpam præcedentē, & sequentem, etiam quātum ad id quod culpæ sunt: Ideo est alia opinio cui magis videtur cōsentire Magister, quod peccatum sequens non tantum causaliter, sed etiam essentialiter, vt sic loquamur, est pœna peccati præcedentis: & hoc dicendo, sicut Magister dicit, in nullo sit præiudiciū veritati, immo hoc est satis planū. Nam pœna dicit duo & dicit malum, siue damnum, & dicit ordinem ad præcedens meritum: & hæc duo contingit reperiri circa sequens peccatum. Damnicatio enim, & nocumentū est in ipso secundum quod peccatum: eo enim est peccatum, quo nocet, & magnum malum incurrit quis, cum incidit in peccatū, etiam si nihil aliud deberet habere posterius. Ordinationem verò habet in eo quod sequens: hoc ipso enim quod homo est in peccato, dignus est dimitti cadere in aliud. Iuxta illud Apocalyp. sicut dicitur in Glos. Iustum est, vt qui in sordibus est, sordescat adhuc. Concedendū est igitur simpliciter quod peccatū potest esse pœna peccati, vt expresse dicūt auctoritates sanctorum.

1. **AD** illud verò quod primo obiicitur, quod omnis pœna est laudabilis, dicendum quod illa propositio dupliciter potest intelligi. Aut quod laus attribuat pœnæ, secundum id quod est: aut inquantū pœna. Si attribuitur pœnæ secundum id quod est, sic est falsa: multæ enim sunt pœnæ, quæ sunt passiones ignominiae, & non sunt laudabiles, sed vituperabiles. Si autē attribuitur pœnæ sub ratione pœnæ, hoc est inquantum est præcedentis peccati punitiua, sic omnis pœna est laudabilis, propter hoc quod ordinata est, & per eūdem modum intelligenda est hæc propositio: Omnis pœna est iusta. Cum ergo infertur, quod peccatum sit iustum, vel quod sit laudabile, est ibi sophisma secundum accidens, quia proceditur à laudabilitate ordinis ad laudem rei ordinabilis: hoc autem non sequitur, quia frequenter laus ordinis extranea est rei ordinabili, maximè cum illud, quod est vituperabile, ordinatur conuenienter & laudabiliter.

2. **AD** illud quod obiicitur, quod omnis pœna est ordinatiua culpæ, dicendum quod verum est quod eo modo ordinat, quo modo punit: & illa, quæ simpliciter est pœna, & simpliciter punit, est simpliciter ordinatiua: & illa, quæ sufficienter punit, sufficienter ordinat. Quæ verò est pœna secundum quid, & non punit sufficienter, ordinat solum secundum quid: & verum est illud, quod sicut quidam ordo laudabilis est, licet magis manifestus pœnæ infernalis ad culpam; ita quidam ordo est laudabilis, licet minus manifestus peccati subsequenter ad peccatum præcedens: & in hoc ordine laudatur diuina iustitia, quæ committentem vñ peccatum iusto iudicio permittit labi in aliud.

3. **AD** illud quod obiicitur, quod culpa præcedens est meritum sequentis, dicendum quod est meritum congrui, & est meritum condigni. Et cum dicitur culpa præcedens esse meritum sequentis, hoc non est quantum ad meritū condigni, sed congrui; quæ quidem congruitas in alia congruitate de facili potest recompensari. Sicut enim est congruū, quod Deus peccatorem permittat labi in aliud peccatum, sic est etiam congruū, vt quia male vsus est vita, eam sibi auferat, & in infernum demergat. Sicut etiam congruum est, vt dimittat eum cadere in aliud peccatum, sic etiam congruum est, vt si velit abstinere, det ei auxilium vt in aliam culpam non corruat.

4. **AD** illud quod obiicitur, quod Deus non punit bis in idipsum, dicendum quod peccatum sequens non erat pœna, in qua fieret retributio de condigno, sed solum de congruo. Et sic retributio eius, quod meretur quis quātum ad meritum congrui, non præiudicat ei, quod meretur quātum ad meritum condigni. Dat enim Deus iustis bona in præsentī, non propter hoc dat minora in futuro: sic intelligendum est se habere in proposito.

5. **AD** illud quod ultimo quæritur, quod Deus non punit supra condignum, &c. iam patet responsio. Hoc enim intelligitur de pœna, quæ à Deo infligitur propriè & de ea, quæ circa peccatum præcedens respicit meritum condigni: vtrumque autem horum deficit in proposito. Nam culpa sequens secundum id quod est, non est à Deo: culpa etiam sequens non ordinatur ad præcedens peccatum secundum rationem condigni, sed secundum rationem congrui. Congruit enim hoc ordini diuinæ iustitiæ, sicut ostensum est.

QVÆSTIO II.

An passiones animæ pœna tantum sint, vel pœna & peccata simul.

S. Thomas 1. 2. q. 74. art. 3.
Et de Verit. q. 25. art. 5.
Et de Malo, q. 7. art. 6.
Et 2. sent. d. 36. q. 1. art. 2.
Ag. 1. Rom. 1. Sent. p. 2. dist. 36. q. 2. art. 3.
Richardus 2. Sent. dist. 36. q. 2.
Steph. Brulef. 2. Sent. dist. 36. q. 2.

VTRVM passiones animæ sint pœnæ tantum, an pœnæ simul, & peccata. Et quod sint pœnæ & peccata, videtur. Omne illud, pro quo quis meretur mortē æternam, est peccatum: sed pro passionibus animæ meretur quis mortem æternam: Qui irascitur fratri suo, reus est gehennæ ignis: ergo ira, quæ est passio animæ, est culpa: pari ratione & aliæ passiones animæ.

ITEM omne illud, quod directe repugnat virtuti, est culpa: sed ira, & inuidia, & aliæ passiones animæ repugnant virtutibus: ergo, &c.

ITEM omne illud, quod est contra rationem rectam, est culpa: sed passio animæ, quæ est dolor de alieno bono, est contra rationem rectam, quæ de illo iudicat esse gaudendum: ergo, &c.

ITEM illud maximè tenet rationem culpæ: quod maximè est impugnatiuum gratiæ: sed inuidia gratiæ fraternæ maximè repugnat gratiæ Spiritus sancti: ergo cum hæc sit passio animæ, & pœna, videtur quod passiones animæ sint peccata.

ITEM

ITEM ad hoc ipsum est ratio Augustini in libro 3. quæst. Arguit enim sic: Omnis perturbatio est passio; omnis cupiditas est perturbatio: ergo omnis cupiditas est passio: sed planum est, quod cupiditas est culpa; ergo peccatum est passio, & econverso: redit igitur idem quod prius.

1. SED CONTRA: In omni peccato, sicut vult Augustinus in libro de libero arbitrio, regnat libido: ubique autem regnat libido, ibi est improba delectatio: ergo omne peccatum in quantum est peccatum, delectatur: sed huiusmodi passiones animæ eam puniunt, & contristant: ergo videtur quod non sint peccata.

2. ITEM omnis culpa actualis est voluntaria: sed istæ passiones animæ non sunt voluntariæ: ergo non sunt culpa, sed tantum pœna.

3. ITEM omni culpa vituperamur: passionibus autem animæ non laudamur, nec vituperamur, sicut vult Philosophus: ergo passiones animæ non sunt peccata.

4. ITEM opposita sunt nata esse in eodem genere: sed nulla virtus est passio, cum omnis virtus sit in genere habitus: ergo nullum vitium, siue peccatum est passio.

5. ITEM in omni peccato est conuersio ad commutabile bonum: in huiusmodi autem passionibus animæ, quæ sunt inuidia, ira, tristitia, potius est tedium boni, & auersio, quam conuersio: ergo tales passiones animæ non sunt culpæ.

CONCLUSIO.

Passiones quadam anima non modo pœna, verum etiam culpæ sunt censendæ, sicut ira & inuidia: & hoc non in quantum passiones, sed in quantum sunt conuersiones ad deordinationem voluntatis.

RESPON. AD ARG. Dicendum quod sicut expressè dicit Magister in litera, & probat per auctoritatē August. multæ sunt passiones animæ, quæ non sunt solum pœnales, verum etiam culpabiles, sicut ira & inuidia. Licet autem huiusmodi passiones peccata sint, tamen non sunt peccata in quantum passiones, sicut idem Augustinus dicit, & habetur in litera. Omnis autem passio in quantum ipsa aliquis patitur, non est peccatum, sed huiusmodi passiones peccata sunt ratione inordinationis voluntatis coniunctæ, vel antecedenter, vel consequenter. Propter quod notandum est, quod quædam est passio illata ab extrinseco, & circa hanc non consistit meritum, nec demeritum nisi in quantum à voluntate respicitur vel acceptatur. Vnde occidi pro Christo non est meritorium, nisi in quantum voluitur esse ab eo, qui occiditur: vnde proprie loquendo in talibus passionibus non est quid meritorium, sed sufferentia passionis. Est & alia passio, quæ ortu habet ab intrinseco. Et hæc dupliciter potest oriri, quia quædam oritur ex corruptione naturæ, quædam verò ex conuersione voluntatis liberæ. Et illa quæ oritur ex corruptione naturæ, in duplici differentia est: quoniam natura corrupta est vitiosa corruptione per concupiscentiā, & corrupta est corruptione pœnali per mortalitatem infligendam. Illæ igitur passiones, quæ oriuntur ex corruptione naturæ, ut est corrupta pœnali corruptione, tenent rationē pœnæ tantum, ut fames, & sitis: illæ verò, quæ oriuntur ab ipsa ut est corrupta corruptione vitiosa, non tantum habent rationē pœnæ, sed etiam culpæ: sicut sunt inordinatæ affectiones animæ, quæ consurgunt ex morbo concupiscentiæ: & tales sunt passiones iræ, & inuidiæ, & consimiles. Secundum autē quod huiusmodi passiones animæ oriuntur ex voluntatis conuersione ad aliquod bonum amabile, sic secundū quod voluntas habet conuerti dupliciter, passiones huiusmodi sunt in duplici genere. Voluntas enim aliquando conuertitur ad bonum simpliciter, & tunc delectatur, & odit quod aduersatur illi bono, utpote peccatum, & hoc modo passiones inde consurgentes, sunt iustæ, & meritorie. Conuertitur etiam voluntas aliquando ad bonum proprium, & ad bonum ut nunc: & tunc passiones, quæ inde consurgunt, culpabiles sunt, & malæ, sicut & volu-

tas à qua oriuntur: sed non habent plenam rationem mali, & culpæ, nisi quando voluntate consummantur, utpote cum aliquis vult irasci, vel etiam contristari. Et sic patet quod huiusmodi passiones animæ peccata sunt, & in quantum oriuntur ex corruptione concupiscentiæ, & in quantum ortum habent ex inordinato amore voluntatis deliberatiuæ. Concedendæ sunt igitur rationes ostendentes aliquas passiones animæ esse peccata.

1. AD illud quod obiicitur primò in contrarium, quod libido regnat in omni peccato, dicendum quod verum est secundum quod libido dicitur improba voluntas: sed non oportet secundum quod libido dicitur immoderata delectatio. Nihilominus tamen potest dici, quod & in istis peccatis reperitur libido respectu proprii motipi. Nam inuidus delectatur in boni singularitate, & iracundus delectatur in adeptione vindictæ: immò quod plus est, sicut vir iustus ex rectitudine voluntatis delectatur dolendo de malo culpæ, sic etiam inuidus quandam refectionem inuenit in dolendo de aliena prosperitate: ita quod delectatio est de vno, & tristitia est de altero. Quemadmodum enim aliquis dum amisit illud, quod multum dilexit, tristatur vehementer, & magna est illi consolatio posse tristari, & ibi solum inuenit quietem in fletu, & dolore, sicut Augustinus in 4. Confess. dicit de se, sic inuidus in dolendo de bono alieno, in illa passione inuenit quandam delectationem in eo, quod placet sibi de bono alieno contabescere: illa tamen delectatio multum est respersa amaritudine.

2. AD illud quod obiicitur, quod passiones sunt inuoluntariæ, dicendum quod inuoluntarium dicitur dupliciter, sicut & voluntarium. Vno modo dicitur voluntarium cuius principium est voluntas. Alio modo dicitur voluntarium quod concomitatur voluntas. Et secundū hunc duplicem modum dupliciter dicitur inuoluntarium. Vno modo ut dicatur inuoluntarium, quod non est à voluntate efficiente. Alio modo ut dicatur inuoluntarium quod non fit cum voluntate concomitante. Primo igitur modo accipiendo inuoluntarium: sic veritatem habet de passionibus, quæ sunt ab extrinseco, quia earum principium est extra: voluntarium autem est, cuius principium est in ipso; non autem habet veritatem in passionibus, quæ sunt ab intrinseco, sicut prius ostensum est: immò possunt esse voluntariæ non solum sicut à voluntate concomitante, immò sicut à voluntate causante, dum diligit aliquid inordinate.

3. AD illud quod obiicitur, quod de passionibus non laudamur, nec vituperamur, dicendum quod hoc verum est per se loquendo: propterea tamen radicē habent ex voluntate, & voluntas concomitatur, & laudari possumus, & vituperari, sicut prius ostensum est: ideo ratio illa non concludit, quod huiusmodi passiones non sint peccata, sed quod peccata non sint in quantum eis patitur.

4. AD illud quod obiicitur, quod nulla virtus est passio, iam patet responsio. Nam aliqua virtus potest circa passiones consistere, sicut patientia, & fortitudo, propterea illæ passiones efficiuntur voluntariæ, sicut & in proposito intelligendum est esse. Nihilominus tamen potest dici, quod quamvis passio non sit virtus nisi ex actu voluntatis simul coexistentis, potest tamen aliqua passio propterea egredi à natura vitiosa, & corrupta esse peccatum: nec valet illa ratio, cum plura exigantur ad complendum bonum, quam ad committendum malum.

5. AD vltimum iam patet responsio. Nam istæ passiones oriuntur ex conuersione voluntatis ad commutabile bonum, & ideo peccata sunt: nunquam enim quis inuideret alicui, nisi nimis amaret proprium bonum, ut vult Damascenus. Ita vindex est lætæ concupiscentiæ: immò generaliter, sicut ostendit Augustinus de Ciuitate Dei, omnes huiusmodi passiones ortum habent ex amore.

Aug. de Ciuit. Dei lib. 14. c. 7. et 15.

ARTICVLVS II.

CONSEQUENTER quæritur de comparatione culpæ ad pœnam secundum inseparabilitatem. Et circa hoc duo quærentur. Primò quæritur, vtrum contingat in aliquo ponere culpam sine pœna subsequente. Secundò quæritur, vtrum contingat in aliquo reperire pœnam sine merito præcedentis culpæ.

QVÆSTIO I.

An in aliquo contingat ponere culpam, sine pœna subsequente.

Richardus 2. Sent. dist. 36. art. 2. q. 1.
Thom. Arg. 1. Sent. dist. 36. q. 1. art. 4.
Steph. Brulef. 2. Sent. dist. 36. q. 3.

VTRVM contingat in aliquo ponere culpam sine pœna subsequente. Et quodd sic, videtur: Altissimus est patiens redditor: sed patiens non statim vindicat iram suam, sed vsque in tempus expectat: ergo videtur, quodd Deus peccatorem non statim punit: ergo contingit in aliquo esse culpam sine pœna.

2. ITEM prior est Deus ad miserendum, quàm ad condemnandum, sed meritum non habet statim coniunctum præmium: ergo videtur similiter, quodd culpa non statim habeat iunctam pœnam: ergo, &c.

3. ITEM pœna est, vt dicit August. labor inuoluntarius: sed impiis, & peccatoribus in hac vita multa prospera proueniunt: & plures sunt qui adeo in malo lætantur, quodd dolorem non sentiunt: ergo videtur, quodd ponere sit peccatum absque pœna saltem ad tempus.

4. ITEM si statim peccator cum peccat, punitur, aut punitur sufficienter, aut non sufficienter. Si sufficienter: ergo non deberet amplius in inferno puniri. Si non sufficienter: ergo aliquid de culpa ad tempus remanet impunitum: sed qua ratione aliquid remanet impunitum, eadem ratione & totum; ergo videtur, quodd peccatum possit saltem ad tempus separari à pœna.

5. ITEM multò misericordior, & benignior est Deus, quàm sit aliquis homo: sed ad laudem benignitatis humanæ spectat, vt in nullo vindicet iniuriam sibi factam: ergo multò fortius hoc decet facere Deum: ergo videtur quodd saltem ad tempus debeat relinquere peccatum impunitum.

SED CONTRA per Augustinum: Inisti Domine, & sic est, vt pœna sua sit sibi omnis inordinatus animus: si ergo ad culpam necessariò sequitur animi inordinatio, necessariò igitur ad culpam sequitur aliqua punitio.

ITEM vbicunque est peccatum, ibi est priuatio modi, speciei, & ordinis: vbicunque autem hoc est, ibi est damnificatio: Vbicunque autem damnificatio est merito culpæ, ibi est iusta punitio: ergo impossibile est culpam esse in aliquo absque pœna.

ITEM quicumque inordinate conuertitur ad bonum vt nunc, auertitur à bono simpliciter: & quicumque acquirit carnalem delectationem, perdit spirituales consolationes: sed perdere spirituales consolationes, ad quam anima nata est, & amittere Deum, qui est omne bonum animæ, hoc est maximum damnum, & pœnam incurrere: ergo videtur quodd nunquam peccatum committatur absque pœna.

ITEM vniuersum ideo dicitur esse valde bonum, quia optimè ordinatum: sed in eo, quod est optimè ordinatum, non potest esse ordinis corruptio nec simpliciter, nec ad tempus: sed peccatum absque pœna est inordinatum: ergo impossibile est ad momentum peccatum esse impunitum.

ITEM ad iustitiæ perfectionem spectat superare iniustitiam, sicut ad sapientiæ perfectionem spectat vincere malitiam, vt dicit Sapiens: Sapientia vincit malitiam: sed quia sapientia vincit malitiam, impossibile est

aliquod malum esse, quod diuina sapientia non statim ordinet, & exinde bonum aliquod eliciat: ergo cum iustitia Dei similiter omnem superat iniustitiam, impossibile est aliquam culpam committi, quin statim ad eam non sequatur aliqua pœna.

CONCLUSIO.

Culpa impossibile est quod pœnam sibi sequentem non habeat inseparabiliter: & hoc propter perfectionem aequitatis diuinæ, vniuersi pulchritudinem, inordinationem culpæ, & conditionem peccantis naturæ.

RESP. AD ARG. Dicendum quodd impossibile est culpam in aliquo esse, quin ad ipsam sequatur pœna inseparabiliter. Et ratio huius potest sumi ex perfectione diuinæ aequitatis, & ex pulchritudine vniuersitatis, & ex inordinatione culpæ, & ex conditione peccantis naturæ. Ex perfectione diuinæ aequitatis ratio sumitur sic: Tantæ enim aequitatis est Deus, qui est iudex omnium, vt non patiatür dedecus peccati ad modicum esse sine decore iustitiæ: omni enim modo debet iustitia iniustitiam superare. Ex pulchritudine vniuersitatis ratio sumitur: Vniuersum enim ex ordine pulchritudinem habet, & talis est ista pulchritudo, qualem decuit fieri ad ostensionem summæ sapientiæ: & ideo nullo modo fœdari potest, ac per hoc nec ad momentum esse in ea aliquid inordinatum, & ita nec peccatum à pœna separatum. Ex corruptione culpæ ratio sumitur. Nunquam enim culpa committitur, quin modus, species, & ordo circa actionem voluntatis priuetur: & dum voluntas se voluntariè in actu suo deordinat, semetipsum incuruat, & dum incuruat, modo, specie, & ordine priuatur quantum ad habilitatem ad bonum: talis autem priuatio magna est in ipsa anima damnificatio, & læsio. Et ideo dicit Augustinus in quodam sermone de Innocentibus: Nemo habet iniustum lucrum sine iusto damno: vbi lucrum ibi damnum: lucrum in arca, & damnum in conscientia; tulit vestem, & perdidit fidem: acquirit pecuniam, & perdidit iustitiam. Ex conditione peccantis naturæ ratio sumitur: Quia voluntas rationalis, quæ est causa peccati, quasi media est inter sensualitatem, & synderesim: media est etiam inter Deum, & alias creaturas: & cum se conuertit ad hæc inferiora, ab eo recedit, qui sursum est, & dum acquirit paruum bonum, amittit magnum bonum, quia dum acquirit vt nunc bonum, amittit simpliciter bonum: & quæ erat media, facit seipsam infimam: Similiter cum peccando concordat cum sensualitate, discordat cum synderesi: & dum cum synderesi discordat, incurrit ex illa repugnantia remorsum quendam, & afflictionem internam: & ita dum peccat, perdit magnum bonum, perdit honorem proprium: perdit solatium, & incurrit remorsum. Et sic patet, quodd ad culpam inseparabiliter sequitur pœna, siue dicatur pœna quædam damnificatio, siue dicatur pœna afflictio, siue inuoluntaria passio: sed pœna, quæ est damnificatio, semper sequitur & in actu, & in habitu, quia nunquam est homo in culpa, quin semper sit in damno. Afflictio verò siue remorsio sequitur saltem in habitu, quamvis propter delectationem intensam, vel inconsiderationem, siue distractionem animi non sentiat. Ex hoc patet qualiter peccatum claudit in se pœnam, & qualiter peccatum potest dici pœna peccati, & etiam pœna sui ipsius. Secundum enim diuersam comparisonem voluntatis peccantis ad synderesim, & sensualitatem, idem ipsum & habet rationem peccati, & habet rationem pœnæ, sicut ostensum est. Concedendæ sunt igitur rationes probantes, quodd pœna sequitur culpam inseparabiliter.

1. AD illud ergo quodd primò obicitur in contrarium, quodd Altissimus est patiens redditor, dicendum quodd dupliciter est loqui de pœna, scilicet quantum ad statum inchoationis, & quantum ad statum consummationis. Et primo modo punitur homo remediabiliter, secundo

irremediabiliter. Pœnam igitur secundum statum inchoationis, & remediabilitatis statim infert Deus, quia hoc decet suam iustitiam. Secundum statum verò consummationis, & irremediabilitatis differt: hoc enim decet suam benignitatem, & patientiam, secundum cuius dilatas nos expectat ad pœnitentiam.

2. Ad illud quod obijciatur, quod Deus non statim remunerat, dicendum quod sicut in pœna magnitudo afflictionis differtur, & interior afflictio, & remorsio peccatum concomitatur, sic & in benefactis, dulcedinis multitudo absconditur benefacientibus: nihilominus aliquæ primitiæ spiritus degustantur, & in omni bono opere quædam iucunditas conscientiæ, & tranquillitas bene operanti conceditur, quæ est sicut fructus, & remuneratio operis illius: & hoc est quod dicit Apostolus: Laborantem agricolam oportet primò de fructibus edere.

3. Ad illud quod obijciatur, quod pœna est passio inuoluntaria, & afflictiva, iam patet responsio ex his, quæ dicta sunt. Nam ibi est damnificatio & afflictio, quamvis non semper sentiat.

4. Ad illud quod obijciatur, quod Deus punit sufficienter, aut non? dicendum, quod punire sufficienter hoc est dupliciter: aut simpliciter: aut secundum quod competit statui præfenti. In præfenti igitur punitur culpa sufficienter: sed hoc non simpliciter, sed propterea competit statui præfenti: & ideo in tali punitione saluatur debitus ordo: & nihilominus post egressum animæ à corpore debet fieri pœnæ accumulatio: nec remanet in præfenti, nec in futuro aliquid impunitum, sed totum punitur, licet plus, & minus secundum quod exigit locus, & tempus.

5. Ad illud quod obijciatur, quod homo benignus condonat, dicendum quod non est simile, pro eo quod cum Deus sit ipsa iustitia, si propriam offensam dimitteret impunitam, iniuriam faceret ipsi iustitiæ: non sic autem est de homine. Præterea cum ipse sit ultimus iudex, ei seruantur omnia punienda. Vnde quod ipse dimittit impunitum, alijs punire non potest: non sic autem est de homine, qui habet alium superiorem iudicem, & quod ipse punit, quasi ad Deum remittit.

QVÆSTIO II.

An pœna possit esse in aliquo sine culpa præcedente.

S. Thomas 1. 2. q. 87. art. 7.

Et 2. sent. d. 36. q. 1. art. 4.

Et lib. 3. contra Gent. cap. 14.

Ægid. Rom. 2. Sent. p. 2. dist. 36. q. 2. art. 2.

Richardus 2. Sent. dist. 36. art. 2. q. 2.

Durand. 2. Sent. d. 36. q. 3.

Stephanus Brulef. 2. Sent. dist. 36. q. 4.

Ad opposi-
tum.

In collecta
quadrag.

VT A V M pœna possit esse in aliquo sine culpa præcedente. Et quod non, videtur: Primò auctoritate Hieronymi, ait enim sic: Quidquid patimur, peccata nostra meruerunt.

2. I T E M Gregorius in quadam collecta: Nulla eis nocebit aduersitas, si nulla dominetur eis iniquitas: ergo si non præcessit dominium culpæ, videtur quod nullo modo sequi possit supplicium pœnæ.

3. I T E M Augustinus in primo Retract. Mors, & vita à Domino Deo est: sed vita ut à donante, & mors ut à vindicante: si igitur à Deo est mors ut à vindicante, pari ratione & omnis alia pœna: sed omnis vindicta respicit meritum culpæ præcedentis: ergo videtur, quod in nullo sit aliqua pœna, quin in ipso prius fuerit culpa illius pœnæ meritoria.

4. I T E M pœna quantum est de se dicit aliquod malum. Diuiditur enim malum in malum culpæ, & malum pœnæ: ergo sicut malum culpæ dicit priuationem alicuius boni, & alicuius ordinis, ita etiam & malum pœnæ: ergo sicut malum culpæ indiget ordinari, ita & malum pœnæ: sed sicut malum culpæ ordinatur per sequens malum pœnæ: sed sicut malum pœnæ per anterius ma-

lum culpæ: igitur sicut culpa non potest esse sine pœna, sic nec pœna sine culpa.

5. I T E M omnis punitio secundum quod huiusmodi est effectus diuinæ iustitiæ: iustitia autem secundum quod huiusmodi considerat meritum exigentiam: nullum autem est meritum pœnæ nisi peccatum: ergo impossibile est aliquem puniri nisi in eo, quod præcesserit macula peccati.

S E D C O N T R A: Non peccaui, & in amaritudinibus moratur oculus meus. Et similiter: Vtinam appenderentur peccata mea, quibus iram merui, & calamitas quam patior in statera, quasi arena maris hæc grauior apparet: ergo videtur, quod pœnæ, quæ fuerunt in Iob, non fuerunt merito præcedentium peccatorum.

I T E M: Quis peccauit, hic, aut parentes eius, ut cæcus nasceretur? ubi dicitur. Neque hic peccauit, neque parentes eius: Et exponit Augustinus quod hoc non dicitur, quia non peccauerunt, sed quia cæcitas non erat pœna peccati: ergo idem quod prius.

I T E M pro peccato originali non meretur quis nisi semel mori: & Lazarus non tantum fuit mortuus semel, sed bis: ergo videtur, quod prima mors, aut secunda fuerit ei absque merito peccati inflicta.

I T E M tota die videmus, quod impijs affligit iustum. Et de hoc etiam propheta conqueritur: Quare taces conculcans impio iustiora se? sed non esset iusta querela prophetæ, si iustus pro peccatis suis puniretur: ergo videtur quod multæ pœnæ infligantur, quæ non infliguntur merito peccatorum.

I T E M Christus fuit à Iudæis interfectus: & planum est, quod in ipso nullum fuit omnino peccatum, & mors illa pœna fuit, hoc constat: ergo videtur quod pœna possit esse absque culpa præambula.

C O N C L U S I O.

Pœna potest esse in aliquo sine culpa propter ordinationem quam habet ad bonum posterius, quod ex ea elici potest.

R E S P. A D A R G. Dicendam quod malum pœnæ dupliciter potest ordinari. Vno modo ad malum culpæ, quod puniendo ordinat. Alio modo in comparatione ad bonum, quod Deus elicit ex illa pœna. Dico igitur, quod si aliqua pœna infligatur, cuius ordinatio principaliter consistat in comparatione ad malum culpæ puniendum, necesse est aliquam culpam præcessisse: nec tantum præcessisse, sed etiam aliquo modo concomitari inseparabiliter. Pœna enim ordinata ad puniendum culpam, aut est directe ordinata ad solum puniendum, aut est ordinata principaliter ad malum excludendum. Primo modo est pœna infernalis, & secundo modo est pœna purgatoria. Et primo modo requirit pœna præsentiam culpæ secundum deformitatem, & maculam. Secundo modo requirit culpæ præsentiam secundum reatum, & sequelam. Si autem pœna infligatur principaliter propter ordinem, quem habet ad bonum, quod inde elicitur, aut ergo propter bonum proprium, aut propter bonum alienum. Si propter bonum proprium, sic requirit quod in subiecto illo aliquando fuerit culpa, & quod possit esse de futuro. Si autem propter bonum alienum, sic sufficit pœnæ, ut fuerit culpa in alio, quam in eo qui punitur, in eo videlicet pro quo pœna illa sustinetur, per quem modum fuit in Christo, cuius mors, & passio erat ordinata ad redimendum genus humanum, & liberandum, & reparandum à lapsu in quem ceciderat ex peccato primi parentis. Et sic patet quod omnis pœna aliquo modo respicit culpam: sed quædam ut præsentem in se, utpote pœna infernalis, quædam ut præteritam in se, sed præsentem in reatu, & sequela, sicut pœna purgatoria. Quædam verò solum ut præteritam, & hoc in eo, qui punitur, & sic est omnis pœna iustorum, Christo excepto. Quædam verò respicit culpam non in se, sed in alio, sicut patet in Christo.

Cum

Fundamēta.
Iob. 17. 6
Iob. 6. 6

Iob. 9. 6

Abat. 1. 6

Cum ergo quæritur, vtrum omnis pœna sit causata à culpa, dicendum est, quod si intelligatur de causa meritoria de condigno, sic non habet veritatem: si autem intelligatur de causa, sine qua non, sic aliquo modo veritatem habet. Nulla enim esset pœna in homine, nisi præcessisset culpa. Et per hoc patet responsio ad quæstionem propositam, qua scilicet quæritur, vtrum pœna possit esse in aliquo sine culpa præcedente: siue qua quæritur, vtrum pœna possit separari à culpa. Concedendum est enim, quod sic propter ordinationem, quam habet ad bonum posterius, quod ex ea elicitur.

1. Ad illud ergo quod obiicitur de Hieronymo, dicendum quod Hieronymus non accipit ibi mereri pro merito condigni, sed potius pro merito congrui, quod quidem est sicut dispositio præambula. Et verum est, sicut dictum est, quod nisi fuisset in nobis peccatum originale, in nobis non esset contracta pœnalitas, unde esset afflictio aliqua pœnæ: & quod in Christo fuit, hoc fuit solummodo voluntariè.

2. Ad illud quod obiicitur de Gregorio, dicendum quod facienda est vis in hoc quod dicit, nulla nocebit aduersitas: nam aduersitas, quæ infligitur homini exigente merito præcedentis peccati, non est ad eius nocumtum, sed potius ad eius profectum. Iuxta illud Apostoli: Diligentibus Deum omnia cooperantur in bonum.

3. Ad illud quod obiicitur, quod mors est à Deo vindicante, & ita aliæ pœnæ, dicendum quod in opere iustitiæ se multum immiscet opus misericordiæ. Et ideo quamvis prima dispositio ad pœnam fuerit vindicta: multæ tamen pœnæ consequuntur ad illam dispositionem, quæ potius sunt beneficia diuinæ misericordiæ: & diuinæ visitationis, quam sint instrumentum iræ. Cum ergo dicitur quod mors est à Deo vindicante, hoc intelligitur de ipsa necessitate moriendi: sed ex hoc non sequitur quod omnis alia pœna sit à Dei vindicta: immo sicut tactum est, potest esse à Dei misericordia, quæ erudit, & flagellat omnem filium, quem recipit. Sic enim competit præsentī statui.

4. Ad illud quod obiicitur, quod pœna ordinatur ad culpam sicut e converso, dicendum quod non est simile. Pœna enim habet ordinari, sicut dictum est, dupliciter, non solum ad prius, sed etiam ad posterius. Peccatum autem secundum quod huiusmodi ordinari habet solum ad posterius, videlicet ad pœnam: & ideo culpa semper dicit in ordinatione, nisi præsentialiter ad sit pœna: pœna verò propter ordinationem ad posterius bonum, ordinata, & utilis esse potest, etiam si nulla sit culpa in eo qui puniatur illius pœnæ meritoria. Illud enim malum recompensatur per maius bonum, quod inde elicitur, sicut patet in cæco nato, & in Iob, & Lazaro: & in quolibet viro iusto. Quot autem bona inde eliciantur, inueniuntur in Quarto dist. 15.

5. Ad illud quod vltimò obiicitur, iam patet responsio: quia etsi punitio sit à diuina iustitia, nihilominus tamen plerumque est à diuina misericordia. Sicut enim vult Augustinus in quodam sermone, quem facit de flagellatione Pharaonis, cum Deus immittebat Pharaoni flagella, impendebat misericordiæ beneficia, quia cor eius ad conversionem excitabat: cum verò subtraherat, hoc erat ex rigore iustitiæ, quæ propter ipsius Pharaonis peccata dum illa flagella subtraherat, ipsum obdurari sinebat: & pro tanto Scriptura dicit, quod cor eius indurabat.

ARTICVLVS III.

CONSEQUENTER quæritur de comparatione pœnæ ad diuinæ iustitiæ æquitatem. Et circa hoc quærentur duo. Primò quæritur, vtrum aliqua pœna sit à Deo. Secundò dato quod sic, quæritur vtrum omnis pœna sit ab ipso.

QVÆSTIO I.

An aliqua pœna sit à Deo.

S. Thom. 1. p. q. 49. art. 2.
Et 2. contra Gens. cap. 40.
Et 2. Sent. dist. 37. q. 3. art. 1.
Ægid. Rom. 2. Sent. p. 2. d. 37. q. 2. art. 1.
Richardus 2. Sent. dist. 36. art. 3. q. 1.
Durandus 2. Sent. dist. 37. q. 2.
Steph. Brulef. 2. Sent. dist. 36. q. 4.
Gabr. Biel. 2. Sent. dist. 36. q. 1. dub. 4.

VTVM aliqua pœna sit à Deo. Et quod non videtur: Deus mortem non fecit: ergo si mors inter omnes pœnas est maximè manifestatiua diuinæ iustitiæ, & hæc non est à Deo, videtur igitur quod nulla alia pœna sit ab ipso.

1. ITEM Augustinus super illum locum Psalmi: Deduc me Domine in iustitia tua: cum punit malos Deus, non suum malum eis infert, sed malis eorum eos relinquit: ergo videtur quod nulla pœna secundum id quod est, à Deo sit.

3. ITEM pœna est malum repugnans naturæ: sed conditor naturæ nihil facit contra naturam, sicut vult Augustinus: igitur videtur quod nulla pœna sit à Deo.

4. ITEM omnis pœna inducit priuationem alicuius boni, & priuatio boni dicit boni defectum: defectus autem non habet causam efficientem, sed deficientem: si ergo Deus nullius est causa deficiens, nullus defectus potest esse ab eo: ergo nec pœna aliqua.

5. ITEM sicut malum culpæ priuat bonam dispositionem voluntatis, sic malum pœnæ priuat bonam dispositionem naturæ: sed ita est à Deo natura sicut voluntas, & ita conseruatio naturæ sicut conseruatio voluntatis: si ergo mala dispositio voluntatis non est à Deo, par ratione nec mala dispositio naturæ: ergo sicut non est à Deo culpa, ita non est à Deo pœna.

6. ITEM sicut in Deo est summa bonitas quantum ad rectitudinem voluntatis, quæ est iustitia, sic in Deo est summa bonitas quantum ad completionem, & perfectionem naturæ: sed Deus quia summè bonus est, & summè iustus, non potest facere aliquid malum, siue aliquam iniustitiam, siue peccatum: ergo pari ratione cum sit bonus summè per naturam, non poterit ab eo egredi malum, quod sit in nocumtum naturæ: igitur sicut ab ipso non exit malum culpæ, sic nec malum pœnæ.

SED CONTRA: Ego Dominus formans lucem, & creans tenebras, faciens pacem, & creans malum: sed hoc non intelligitur de malo culpæ: ergo necesse est quod habeat veritatem de aliquo malo pœnæ.

ITEM expressius in Deuter. Ego occidam, & ego viuere faciam, percutiam, & ego sanabo: sed occisio, & percussio est pœna: ergo, &c.

ITEM adhuc magis expressè: Bona, & mala, vita, & mors, paupertas, & honestas à Deo sunt: sed huiusmodi sunt pœnæ: ergo, &c.

ITEM adhuc expressius de nouo testamento: Ite maledicti in ignem æternum: sed ab illo principaliter est pœna, qui dicit sententiam: sed hic est Deus: ergo, &c.

ITEM Augustinus in libro de libero arbitrio: Deus est auctor mali, quod patimur: sed hoc est malum pœnæ, ut ibidem dicit: ergo aliqua pœna est à Deo.

ITEM sicut actus diuinæ misericordiæ est parcere, ita actus diuinæ iustitiæ est punire: ergo sicut peccati remissio, & indulgentia est à diuina misericordia, ita peccati punitio est à diuina iustitia: ergo aliqua pœna est à Deo tanquam à causa.

CONCLUSIO.

Pœna nonnulla sunt à Deo, quæ sunt dispositiones punibilis, ordinata secundum rigorem diuinæ iustitiæ.

RESP. AD ARG. Dicendum quod pœna plus dicit

quàm malum. Malum enim plus importat absentiam, siue defectum boni, ubi debet esse: pœna verò importat ordinem ad ipsum meritum culpæ, & simul cum hoc dispositionē aliquā significat circa ipsum punibile. Quoniam igitur tam ordo, quàm dispositio rei dicitur esse à Deo sicut à principio, hinc est quòd rationabiliter conceditur, quòd pœna sit à Deo, illa potissimè, quæ importat ordinem fundatum super realem dispositionem. Et quoniam dicit aliquo modo ordinem ad culpam præcedentem, & culpa præcedens non est ex cōstitutione naturæ, sed potius ex voluntatis inordinatione: hinc est, quòd etsi pœna dicatur à Deo, non tamen dicitur à Deo faciente, sed à Deo vindicante. Concedendum est ergo aliquas pœnas à Deo esse, sicut ostendunt rationes ad hoc inductæ, pro eo quòd aliquæ pœnæ sunt dispositiones ipsius punibilis, & dispositiones non qualescunque, sed ordinatæ secundum rigorem diuinæ iustitiæ.

1. Ad illud ergo quòd obiicitur in contrarium, quòd Deus mortem non fecit, iam patet responsio, quia non negatur, quòd mors non sit à Deo vindicante, sed quia non fuit à Deo naturam instituyente: ideo Deus eam inflixit, quia homo eam meruit merito culpæ.

2. Ad illud verò quòd obiicitur, quòd Deus cum punit malos, non infert eis malum, dicendum quòd Augustinus non vult ibi negare pœnā inferri à Deo, sed hoc vult ibi negare, quòd defectus ille, qui clauditur in intellectu pœnæ non causetur à Deo. Vnde non dicit: non infert pœnam, sed non infert malum: malum enim dicit ipsum defectum, sicut dictum est: pœna autem non tantum dicit boni defectionē, sed etiam dicit punibilis dispositionē.

3. Ad illud quòd obiicitur, quòd conditor naturæ nihil facit contra naturam, dicendum quòd si natura dicatur naturalis creaturæ obediētia, vel naturale iudicatorium secundum quòd homo est habilis ad iustitiam, quia utrunque horum dicit immediatam ordinationem ad Deum, sed Deus non facit contra naturam, sicut nec facit contra seipsum. Alio modo natura dicitur vis operans secundum solitum cursum, & quodcunque bonum, quòd inest creaturæ ex sua origine, & hoc modo Deus facit contra naturam, siue per miracula potentie, siue per supplicia vindicantis iustitiæ: & sic non facit simpliciter contra naturam, immò potius secundum naturam, cuius operatio subiaceret diuinæ potentie, & ordinatio subiaceret diuinæ iustitiæ. Et cum Deus utitur creatura, siue ad manifestationem diuinæ potentie, siue ad manifestationem diuinæ iustitiæ, utitur ea prout debet.

4. Ad illud quòd obiicitur, quòd pœna dicit priuationem, & defectum, dicendum quòd generaliter loquendo, pœna non dicit solum defectum, immò quædam pœna est, quæ dicit veram passionem circa ipsum punibile. Vnde sicut actio ignis æterni, qua agit in animam, aliquid est: sic & passio, quæ patitur anima ab igne, aliquid est. Et iterum, aliquid ordinatum est: & ita à Deo est, à quo est omnis essentia, & omnis ordo. Et propter hoc deficit illa ratio, quia non omnis pœna dicit defectum purum.

5. Ad illud quòd obiicitur, quòd malum pœnæ priuat bonam dispositionē naturæ, sicut malum culpæ dispositionem voluntatis, dicendum quòd non est simile, quia malum culpæ priuat inordinatē, & vituperabiliter: malum verò pœnæ secundum quòd huiusmodi, priuat ordinatē, & laudabiliter. Et quia quòd laudabile est, Deo attribuendum est: quòd verò vituperabile, non: hinc est quòd rectè aliquod malum pœnæ Deo attribuitur, malum verò culpæ non, sicut infra melius videbitur.

6. Et per hoc patet responsio ad ultimum quòd obiicitur de perfectione bonitatis quantum ad voluntatem & naturā Dei. Concedo enim bene, quòd utriusque est summa perfectio, quia vna & eadem. Idem enim est in eo natura, & voluntas: comparatio tamen diuinæ voluntatis ad culpam & pœnam, siue econuerso pœnæ & culpæ ad diuinam voluntatem, differens est, quia culpa propter sui deordinationem, deordinationem ponit circa peccantem. Pœna verò non deordinationem connotat circa punientem, & ordinantem.

QVÆSTIO II.

An omnis pœna sit à Deo.

S. Thom. 2. Sent. d. 37. q. 3. art. 2.

Ægid. Rom. 2. Sent. p. 2. dist. 37. q. 2. art. 2.

Richardus 2. Sent. dist. 36. art. 3. q. 2.

Durandus 2. Sent. dist. 37. q. 2.

Steph. Brulef. 2. Sent. dist. 36. q. 5.

Gabr. Biel. 2. Sent. dist. 36. q. 1. dub. 5.

VTRUM omnis pœna sit à Deo. Et quòd sic, videtur: Mihi vindictam, & ego retribuam: ergo vindicta propriè competit ipsi Deo: sed omnis punitio vindicta quædam est: ergo omnis pœna & punitio est à Deo.

2. ITEM Augustinus dicit, & habetur in litera: Omnis pœna, si peccati pœna est iusta est, & supplicium nominatur: sed omne, quòd iustum est, à Deo est: ergo omnis pœna à Deo est.

3. ITEM: Tradidit illos Deus in passionem ignominie: Glossa paulò ante: Deserit Deus non apponendo gratiā, vel appositam subtrahendo: si igitur nulla pœna magis caret ratione boni, & pulchri, quàm subtractio gratiæ, & passio ignominie, & huiusmodi pœnæ sunt à Deo, sicut patet ex textu & ex Glossa: ergo & omnis pœna.

4. ITEM nulla pœna est acerbior, quàm pœna infernalis: nulla pœna habet plus de ratione priuationis & defectus, quàm pœna mortis: sed utraque istarum est à Deo: ergo & omnis alia pœna.

5. ITEM subtractio gratiæ directè opponitur collationi gratiæ: sed gratiā dare hoc maxime placet diuinæ bonitati: ergo inter omnes pœnas minime est hæc pœna à Deo auctore: sed hæc est à Deo auctore: ergo & omnis alia. Probatio minoris. In subtractione gratiæ est gratiæ annihilatio, & quædam Dei de habitaculo cordis expulsio: sed operatio annihilationis soli Deo est possibilis, sicut dicit Hugo, cum sit infinita distantia inter extrema, & præterea nihil potest Deum eicere: ergo videtur, quòd talis subtractio gratiæ non possit esse nisi à Deo tanquam ab auctore.

6. ITEM omne illud, quòd ordinat inordinatum, & restituit honorem Deo sublatum, est à summo ordinatore, & honoris proprii zelatore: sed omnis pœna secundum quòd huiusmodi est ordinatiua culpæ, in omni etiam punitio honor redditur Deo, cui subtractus est per culpam: ergo omnis pœna secundum id quòd est, procedit à diuina iustitia.

SED CONTRA: Excæcatio est quædam pœna: sed excæcatio non est à Deo, sed ex propria malitia, sicut dicitur: Excæcauit illos malitia eorum: ergo non est omnis pœna à Deo. Quòd autè ex excæcatio non sit à Deo, apparet tam ex textu, quàm ex verbis Augustini, qui dicit super illud Ioannis: Lux in tenebris lucet, quòd quo modo cæco præsens est lux corporalis, & ipse non est præsens lumini, sic intelligendum est in luce spirituali, & hoc ipse textus innuit.

ITEM amissio, siue expoliatio gratiarum est quædam pœna sed hæc non est à Deo, immò potius à diabolo, secundum quòd dicitur de homine descendente à Hierusalē in Hierico, qui à latronibus fuit vulneratus, & spoliatus: ergo non omnis pœna est à Deo. Quòd autem imaginis deformatio non sit à Deo, apparet, quoniam imaginem Dei deformare est contumeliā Deo inferre: sed Deus nunquam facit sibi contumeliā: ergo nunquam Deus deformat imaginem suam.

ITEM si nullus purus defectus est à Deo, & aliqua pœna est purus defectus: ergo aliqua pœna non est à Deo. Maior manifesta est per se, quia defectus non habet causam efficientem, sed deficientem: sed Deus nullus est causa deficiens. Minor probatur, quia ignorantia nihil aliud est, quàm spiritualis tenebra: ergo est priuatio pura, & ignorantia est pœna: ergo, &c.

ITEM nullum vitium est à Deo; aliqua pœna est vitium,

Ad oppositum.
Rom. 12. d

Lib. 1. Ret.
c. 9. & lib. 3
de lib. arb.
c. 18. tom. 1.

Rom. 1. c

Fundamēta.

Sap. 1. d

Tract. 1. c. 1.
in fine 10. 9.

Luc. 10. f

tium, utpote malitia, & concupiscentia: ergo aliqua pœna est quæ non est à Deo. Maior, & minor per se sunt manifestæ.

ITEM nullum peccatum est à Deo: sed aliquod peccatum est pœna, sicut ostensum est supra, & manifestè apparet in illa deformitate, quæ remanet in anima post culpam perpetrata: ergo aliqua pœna est, quæ non est à Deo.

CONCLUSIO.

Pœna omnes possitua secundum quod habent rationem pœnae, omnes sunt à Deo: illa verò quæ privationem dicunt, aut positionem cum aliqua deordinatione, à Deo non proveniunt.

RESP. AD ARG. Ad prædictorum intelligentiam notandum est, quod pœna de sui generali acceptione dicitur nocumentum ordinatum: nocumentum autem comparationem habet & ad ipsum nocivum, & ad illud quod patitur nocumentum, & ad illud secundum cuius privationem nocumentum illud attenditur. Et secundum istam triplicem comparationem nomen pœnæ habet triplicem acceptionem. Vnde dicitur pœna aliquando actio rei lædantis, secundum quod adus ignis infernalis dicitur esse pœna reproborum. Dicitur etiam pœna passio rei læsæ, siue punitæ secundum quod dicitur quod afflictio reproborum est eorū pœna æterna. Dicitur etiā defectus alicuius boni, in quem incurritur ex illa passione, sicut defectus quietis, salutis, & pacis est pœna reproborum. Quocunque autem istorum modorum dicatur pœna, siue actio, siue passio, siue defectus semper nomen pœnæ, ut sic, impositum est ab ordine: & quod dicit, nominat ut ordinatum. Et quoniam omne ordinatum ut tale procedit à Deo, à quo est omnis ordo, quocunque modo dicatur pœna, & quicquid dicitur pœna inquantum pœna à Deo est: & quoniam omne ordinatum à Deo est, à Deo enim habet quod sit ordinatum, Deo placet omnis ordo, idem est enim fieri Deo auctore & Deo volente. Si autem loquamur de pœna secundum illud, quod subest huic ordini, à quo imponitur nomen pœnæ, tunc dicendum est, quod si pœna dicatur defectus, siue carentia alicuius boni, sic dicendum est, quod talis defectus non est à Deo: non enim habet causam efficientem, sed deficientem, nec pœna quæ talem defectum nominat, est à Deo. Si autem pœna dicatur ipsa passio rei punitæ, quæ est via ad defectum alicuius boni, tunc distinguendum est: quia quædam est passio, quæ est ordinata simpliciter, quædam verò quæ quamvis sit ordinata secundum quid, est tamen deordinata simpliciter, quædam verò medio modo se habens. Passio illa, quæ est ordinata simpliciter, est illa passio, quæ est purè pœnalis, sicut passio famis, & sitis: & talis passio à Deo est: vnde fames, & sitis à Deo dicitur esse. Passio verò quæ est ordinata simpliciter, sed ordinata secundum quid, est illa quæ est culpabilis, sicut est deformatio imaginis, & corruptio habilitatis ad bonum: & talis non est concedenda esse à Deo. Passio verò media est illa, quæ est passio vitiosa, utpote illa quæ est ex rebellionem carnis ad spiritum, quæ quodam modo ordinata est ad culpam præcedentem, quodam modo deordinata est, quia est inclinativa ad culpam sequentem: & hæc non conceditur esse à Deo. Et Magister dixit supra quod fomes, & concupiscentia non habent Deum auctorem, sed diabolum, aut hominem. Et sic distinguendum est de pœna prout dicitur actio rei punitæ. Ex prædictis igitur patet, quod etsi omnis pœna sit à Deo inquantum tenet rationem pœnæ, non omne tamen, quod dicitur pœna, à Deo est: imò quædam est à Deo, quædam non. Illa est à Deo quæ dicit positionem aliquam, ita quod non nominat deordinationem: & hæc est simpliciter pœna. Illa verò non est concedenda esse à Deo, quæ nominat simpliciter defectum, vel quæ nominat positionem aliquam cum deordinatione. Vnde nec conceditur à Deo esse ex-

actio, nec obduratio, nec imaginis deformatio, nec gratiæ subtractio, siue expolatio, nec error, nec ignorantia, nec concupiscentia, nec his consimilia: omnia enim hæc vel dicunt defectum, vel deordinationem aliquam. Concedendæ sunt igitur rationes ostendentes, quod non omnis pœna est à Deo.

1. 2. AD illud quod obiicitur, quod omnis vindicta est à Deo, & similiter ad sequens quo dicitur, quod omnis pœna iusta est, dicendum quod illæ duæ rationes non concludunt, nisi quod pœna sit à Deo sub ratione pœnæ: sic enim aliquid dicit, quod respicit ordinem, qui attenditur secundum ultionem divinæ iustitiæ: de eo autem quod subest, non oportet illud intelligi, quod sit à Deo. Nam crimina criminibus vindicantur, secundum quod sancti dicunt, & supra ostensum fuit.

B 3. AD illud quod obiicitur, quod passio ignominie, & subtractio gratiæ est à Deo, dicendum quod proprie loquendo neutrum à Deo esse conceditur, nisi permissivè, secundum quod Deus dicitur obdurare, quia ipso non apponente gratiam, homo obduratur, sicut etiam Deus dicitur tradere in desideria cordis. Vnde Glossa dicit ibidem: Tradere est permittere, & non incitare, sed dimittere: præcedentibus quippe culparum causis, iure & meritis deferuntur à Deo: & per hoc quod deferuntur, desideriis traduntur. Similiter quod dicitur Deus gratiam subtrahere, hoc non est quod auferat gratiam datam, sed quia homine se auerente, Deus eam non continuat.

4. AD illud quod obiicitur de pœna mortis, & æternæ damnationis, dicendum quod utraque à Deo est: utraque enim positionem aliquam, vel dispositionem nominat sine deordinatione aliqua. Etsi obiiciatur, quod pœna infernalis est acerbissima, dicendum quod acerbitas non impedit, quin pœna sit à Deo, sed potius deordinatio, & defectus. Etsi obiiciatur quod mors dicit defectum, dicendum quod mors non tantum dicit defectum, immò dicit passionem, & progressum ab esse in non esse, qui quidem est per animæ, & corporis separationem, ubi est dolor & afflictio: & licet defectus sequatur ad illam passionem, mors tamen non nominat purum defectum, sed potius passionem, & transitum illum: & ideo conceditur mors esse à Deo, quamvis non concedatur de aliis pœnis, quarum nomina imponuntur ab ipso defectu.

5. AD illud quod obiicitur, quod subtractio gratiæ est à Deo, dicendum quod falsum est proprie loquendo, nisi dicatur permissivè, ut dictum est. Quod verò obiicitur, quod ibi est annihilatio, est Dei expulsio, dicendum quod Deum expelli non est aliud, quam gratiam Dei repellere. Gratiam autem Dei repellere non est aliud, quam gratiam corrumpi, pro eo quod ipsa, cum sit accidens, non habet saluari nisi in substantia rationali. Gratia autem corrumpitur, & annihilatur non per actionem contrarij agentis, sed propter defectum in se ipsa. Deficit autem in se ipsa propter hoc, quod subiectum deficit sibi. Anima enim non est nata esse subiectum gratiæ, nisi per conversionem sui ad Deum: & ideo cum se à Deo auertit, iam gratia gratū faciens in ea non potest saluari, & ideo in se ipsa deficit. Quod ergo obiicitur, quod nihil potest gratiam annihilare, & Deum de habitaculo suo eicere, dicendum quod illa ratio procedit ac si talis annihilatio, vel abiectio fieret per virtutem alicuius agentis: hoc autem non fit, immò fit propter ineptitudinem suscipientis, sicut visum est.

6. AD illud quod obiicitur, quod omne ordinatum, & quod reddit honorem Deo, est à Deo, dicendum quod hoc verum est inquantum tale. Sed cum assumit, quod omnis pœna est huiusmodi, verum est inquantum pœna: & tunc conclusio vera est, videlicet, quod omnis pœna inquantum pœna, à Deo est: sed si ex hoc arguitur ulterius, quod omne illud, quod dicitur pœna, est à Deo, utpote culpa, vel vitium, vel defectus, fiet sophisma secundum accidens, quia sunt quædam quæ Deo attributa potius sonant in contumeliam, quam

in gloriam. Et propterea si alicubi vnquam inueniatur, quod concupiscentia, vel ignorantia, vel cætera similia à Deo sint, exponenda sunt verba, vel quod dicta sunt esse à Deo, quia sunt permissiue, vel quia dicuntur esse à Deo inquantum sunt pœnæ, vel dicuntur esse à Deo secundum quod concernunt aliquod ens, non secundum illud à quo primo & principaliter imponuntur.

DISTINCT. XXXVII.

Aliorum ponit sententiam qui dicunt malos actus nullo modo esse à Deo, nec esse bonos, siue in eo in quo sunt, siue alio modo: malum tamen pœnæ à Deo esse.

SVNT autem & alij plurimi longè aliter de peccato & de actu sentientes: asserunt enim voluntatem malam & actum malum peccata esse, & nulla ratione bona: nec secundum aliquam rationem ex Deo auctore esse, quia sine Deo fiunt. Sine eo namque, ut ait Euangelista, factum est nihil, id est, peccatum, quod dicitur esse nihil: non quia non sit actio vel voluntas mala, quæ aliquid est, sed quia à vero esse separat homines, & ad malum trahit: & sic ad non esse deducit. Qui enim à summi boni participatione recedunt, quod solum verè ac propriè est, meritò non esse dicuntur. Ideoque Augustinus dicit super Ioannem peccatum nihil esse, nihilque fieri cum peccant homines. Hac ergo ratione astruunt peccatum nihil esse, quia à vero esse hominem elongat. Voluntatemque malam atque actionem siue locationem malam peccatum esse dicunt: quia prauaricatio & inobedientia hæc sunt, & contra legem Dei fiunt: quæ tamen sunt, sed ab homine vel diabolo, non à Deo. Nullatenus enim hæc à Deo esse dicunt, siue inquantum sunt, siue alio modo.

Qualiter determinent verba Augustini præmissa, quibus ait: Omne quod est, inquantum est, bonum est.

Illa quoque Augustini verba, quibus dicit, Omne quod est, inquantum est, bonum esse, & Deum habere auctorem, de naturis siue de substantiis tantum accipienda fore tradunt. Substantia verò nomine atque natura dicunt significari substantias ipsas, & ea quæ naturaliter habent, scilicet quæ concreata sunt eis: sicut anima naturaliter habet intellectum, & ingenium, & voluntatem, & huiusmodi: quod ex verbis Augustini præmissis colligitur, ubi bonum hominem appellat bonam naturam. Secundum hanc ergo assertionem, vel acceptionem mali actus non sunt natura vel substantia, nec etiam boni actus: quod utique videtur August. innuere in libro primo Retractionum, distinguens inter substantias siue naturas, & bonas actiones siue malas. Aperiens enim quo modo intelligendū sit quiddam in libro de vera Religione ab eo traditum, ait: Hoc de substantiis atque naturis dictum est. Inde enim disputabatur, de bonis actionibus atque peccatis. Apertè hic videtur diuidere inter naturas siue substantias, & actiones siue peccata. Ideoque asserunt præfati doctores, actiones interiores vel exteriores non esse naturas vel substantias, quæ si mala sunt, peccata sunt neque à Deo sunt. Quod verò mali actus non sint natura, August. videtur notare in prima responsione contra Pelagianos ita dicens: Opera diaboli quæ vitia

dicuntur, actus sunt non res. Idem in quarta responsione: Omne malum natura non est, sed actus accidens ex defectu boni. Quamobrem quod natura non est: Deus non fecit. Item: Omne quod natura bonum est, Deus ex nihilo fecit, non diabolus.

Secundum hoc res aliquæ sunt quæ à Deo non sunt, quibus homines mali sunt.

Ex quo colligitur res aliquas esse, quæ à Deo non sunt, et sique homines mali sunt. Quod nihilominus & ipsi concedunt innitentes verbis Augustini superioribus positus, qui in Enchirid. determinans illa verba propheta: *Ve his, qui dicunt bonum malum, dicit de ipsis rebus, quibus homines mali sunt, non de hominibus hoc esse intelligendum. Sunt ergo aliquæ res, quibus homines mali sunt. Id autem quo homo fit deterius à Deo non est, quia ut ait Augustinus in libro 83. q. Deo auctore non fit homo deterius. Non est ergo Deus auctor rerum, quibus homo deterius fit. At sunt aliquæ res, ut dictum est, quibus homines mali fiunt, quæ peccata ipsæ sunt. Ideoque Scriptura in pluribus contestatur locis, Deum non esse auctorem malorum, id est, eorum, quæ peccata sunt.*

Ex parte eorum præmissæ opponitur sententia in illo verbo: Deus auctor malorum non est.

In hoc autem verbo superiorum sententia rectè opponitur, qui dicunt Deum non esse auctorem eorum, quæ mala sunt inquantum mala sunt, sed inquantum sunt: & inquantum mala sunt, dicunt ea nihil esse. Quid ergo mirum, si Deus dicitur non esse auctor eorum inquantum nihil sunt, cum nihil nullus auctor existere queat? Ideoque cum dicitur Deus esse auctor omnium, quæ sunt, bonorum, isti subintelligi volunt. Bona autem illa esse dicunt, quæ naturaliter sunt. Ea verò naturaliter esse dicunt, non solum quæ substantia sunt vel concreata substantiis, qualiter supra acceperunt: sed & omnia quæ naturam non priuant bono. Et ita secundum eosdem multiplex in scripturis fit intelligentia, ubi de natura siue substantia, vel de his quæ naturaliter sunt, sermo occurrit. Sed super illud locum Psalmi: Non est substantia, ita Augustinus de substantia differuit, ut præmissæ sententia videatur consentire, dicens: Substantia intelligitur illud quod sumus, quidquid sumus, homo pecus, terra, sol: omnia ista substantia sunt, & eo ipso quo sunt natura ipsa substantia dicuntur. Nam quod nulla substantia nihil omnino est: substantia ergo est aliquid esse. Deus fecit hominem substantiam, sed per iniquitatem lapsus est homo à substantia, in qua factus est: iniquitas quippe ipsa non est substantia. Non enim iniquitas est natura, quam formauit Deus, sed iniquitas est peruersio quam fecit homo. Natura omnes per ipsum factæ sunt: iniquitas per ipsum non facta est, quia iniquitas non est substantia. In illo hymno trium puerorum vniuersa creatura laudans Deum commemoratur. Laudant enim omnia Deum, sed quæ fecit Deus. Laudat ibi serpens Deum, sed non auaritia. Omnia reptilia ibi nominata sunt, sed non aliqua vitia. Vitia enim ex nobis, & ex nostra voluntate habemus, & vitia non sunt substantia. Intendant diligenter his verbis præmissarum assertores sententiarum, & percipere poterunt rationem & causam dictorum, ubi Scriptura de natura vel substantia mentionem facit.

ibid. lib. 4. in princ.

Isa. 5. 8. Aug. Ench. cap. 13. & 19. tom. 3.

Aug. 9. 3. tom. 4. Gen. 1. 6. Sep. 1. d.

Aug. tract. 1. tom. 9.

Dist. 34. & 35.

Psal. 68. a. ibidem infra.

Dan. 3. f.

Hypog. lib. 1. in fine co. 7.

Illustrum

Illarum verò sententiarum iudicium prudentis lectoris, cui utriusque sententia notitiam plenarie dedimus, arbitrio relinquimus, ad ea quæ adhuc nobis supersunt tractanda festinantes.

Quodd de peccato, non de pœna intelligitur, cum dicitur: Deus non est auctor mali.

Cum igitur in hoc omnes consentiant catholici Tractatores, sc. quod Deus non est auctor malorum, cauendum est tamen ne malorum nomine pœna sicut peccata generaliter includas. Pœnarum enim Deus auctor est, sicut ipse per prophetam ait: Non est malum in Civitate quod Dominus non fecerit. Item alibi ex persona sua ait: Ego sum Deus, creans malum, & faciens bonum. Ecce hic dicitur creasse & fecisse malum: sed mali nomine pœna intelligitur, non peccatum: sicut econverso cum dicitur Deus non esse auctor malorum, nomine mali peccata intelliguntur. Ideoque August. qui dixerat in lib. 83. quæst. quod Deus auctor mali non sit, in libro primo Retractationum quomodo intelligendum sit, aperit dicens: Videndum est, ne male intelligatur quod dixi: Deus auctor mali non est, qui & omnium quæ sunt auctor est: quia in quantum sunt, in tantum bona sunt: & ne hinc putetur non ab illo esse pœnam malorum, quæ utique malum est his, qui puniuntur: sed hac ita dixi, sicut dictum est, Deus mortem non fecit: cum alibi scriptum sit: Mors & vita à Domino est. Malorum ergo pœna quæ à Deo est, malum est quidem malis, sed in bonis Dei operibus est, quoniam iustum est, ut mali puniantur: & utique bonum est omne quod iustum est. Sic ergo dicitur Deus non fecisse mortem, quia non fecit illud pro quo mors instigatur, id est, peccatum. Audisti lector causam dictorum: ex qua sana intelligentia firmatur cum dicitur, Deus non est auctor mali: & Deus mortem non fecit.

DISTINCT. XXXVII.

Vtrum actio substrata, id est, in qua peccatum committitur, sit à Deo, &c.

Sunt autem & alij plurimi longè aliter de peccato, &c.

Expositio Textus.

¶ V P R A ostendit Magister quo modo peccatum sit peccati pœna, ad declarandū qualiter peccatum est privatio. In hac parte intendit Magister inquirere, vtrum actio, in qua peccatum committitur, sit à Deo propter hoc quod supra dictum fuit quod peccatum est actus. Et quoniam supra prosecutus fuit opinionem illorum, qui dicunt actionem substratam malitiæ esse à Deo, hic secundò prosequitur aliam opinionem, qua quidam ponebant nec malitiam, nec actionem malam esse à Deo. Diuiditur autem pars ista in duas partes. In quarum prima ponit prædictā opinionem. In secunda verò opponit contra opinionem partis aduersæ, ibi: *In hoc autem verbo superiorum sententia, &c.* Prima pars habet tres partes. In prima explicat Magister illam opinionem. In secunda verò subiungit eius defensionem, ibi: *Illaque Augustini verba, quibus dicit, &c.* In tertia verò ex prædictis elicit quandam conclusionem, ibi: *Ex quo colligitur res aliquas, &c.* Similiter secunda pars principalis habet tres partes. In prima parte opponit contra aduersam opinionem. In secundo verò loco determinationis ponit quandam commonitionem ad auditoris eruditionem, ibi: *Intendant diligenter his verbis, &c.* In tertia verò remouet quandam dubitationem, ibi: *Cum igitur omnes catholici Tractatores in hoc consentiant, &c.*

A Opera diaboli, quæ vitia dicuntur, actus sunt, non res. *Dub. I.*

S E D contra: Fulgentius dicit, & habetur Glossa in Epist. ad Romanos: Deus illius rei est ultor, cuius non est auctor: ergo si Deus est ultor peccati, peccatum est res. Item videtur quod contraria implicentur in illo verbo: Omne enim ens est aliqua res. sed vitium est actus sicut ipse dicit, & actus est quædam differentia entis: ergo idem est dicere vitia esse actus, & non res, quod affirmare inferiùs, & negare superiùs de eodem: quod est impossibile. Item ipse Augustinus videtur sibi contradicere, cum dicit in Enchir. quod aliquæ sunt res, quibus homines mali sunt: & tales non sunt nisi vitia, & peccata: ergo vitia sunt res.

R E S P. Dicendum quod l res accipitur communiter, & propriè, & magis propriè. Res secundum quod communiter dicitur, dicitur à reor, reris: & sic comprehendit omne illud, quod cadit in cognitione, siue sit res exteriùs, siue in sola opinione. Propriè verò dicitur res à ratus, rata, ratum, secundum quod ratum dicitur esse illud quod non tantum modo est in cognitione, immò est in rerum natura siue sit ens in se, siue in alio: & hoc modo res convertitur cum ente. Tertio modo dicitur res magis propriè, secundum quod l dicitur à ratus, rata, ratum, provt ratum dicitur illud, quod est ens per se, & fixum: & sic res dicitur solum de creaturis, & substantiis per se entibus. Si igitur res accipitur primo modo, peccatum est res, & quantum ad actionem substratam, & quantum ad deformitatem: & sic accipit Fulgentius. Si verò res dicitur secundo modo, sic peccatum dicitur res non ratione deformitatis, sed ratione actus substrati: & sic accipit August. in Enchirid. Tertio modo accipiendo hoc nomen res, sic peccatum nec est res ratione deformitatis, nec ratione actus substrati: & sic accipit August. in verbo proposito cum dicit, quod opera diaboli vitia sunt, non res. Et per hoc patet responsio ad totum.

Quod natura non est, Deus non fecit, &c. Dub. II.

V idetur hoc esse falsum, quia multa sunt, quæ fiunt præter naturam, & tamen constat, quod à Deo sunt, sicut multa accidentia, quæ inducuntur per acquisitionem, & per violentiam, & etiam per gratiam, & per miraculum. Item omne quod est natura aliqua, vel est substantia, vel proprietas ei naturaliter inherens: sed multa sunt quæ nec naturaliter insunt, nec per se sunt: ergo non videtur esse verum illud, quod dicitur quod Deus non facit illud, quod natura non est.

R E S P. Dicendum quod sicut hoc nomen res tripliciter accipitur, ita hoc nomen natura, vno modo dicitur natura res, quæ naturaliter est, vel proprietas quæ naturaliter inest. Secundo modo dicitur natura largiùs non solum res per se ens, vel proprietas naturaliter inherens sed etiam omne quod conseruat naturam, vel quod saltem aliquo bono non priuat: & istos modos ponit Magister in litera. Tertio modo dicitur natura largiùs omne ens, quod est in aliqua re materiali, siue sit naturaliter inherens, siue non, siue sit saluatum, siue non. Cum ergo dicit Augustinus, quod natura est omne quod Deus fecit, potest accipi natura tribus modis, secundum quod l facere Dei accipitur tripliciter: Vno enim modo facere dicitur Deus creando. Secundo modo concreando. Tertio modo cooperando: & ita secundum quod l extenditur verbum faciendi, extenditur nomen naturæ: sicut facere dicitur Deus actionem substratam peccato cooperando libero arbitrio, sic etiam nomen naturæ se extendit ad illam actionem. Et sicut facere Dei nunquam se extendit ad deformitatem, sic nec natura. Et ideo ex hac auctoritate non potest haberi, quod actio substrata deformitati non sit à Deo.

Quid ergo mirum, si Deus dicitur non esse auctor eorum in quantum nihil sunt, cum nihil nullus auctor existere queat. Dub. III.

Istam rationem Magister dimittit in litera insolutam &

Cap. 13. to.

Res vnde dicitur.

Natura & res tripliciter dicuntur.

tamen videtur efficaciter arguere. Cum enim peccatum aliquo modo habeat auctorem, & non possit habere secundum quod nihil: habet ergo secundum aliquid est: si igitur nullo modo habeat Deum auctorem, videtur quod peccatum inquantum actus est, à Deo non sit.

RESP. Dicendum est ad hoc, quod istud argumentum deficit, quia aliter peccatum est nihil, aliter illud quod nullo modo est: peccatum enim formaliter nihil est, nihilominus tamen circa aliquid est, & alicuius boni privatio est, & quavis illud quod nullo modo est, non possit habere auctorem, tamen illud quod dicit defectum circa ens, potest habere auctorem, non inquam auctorem efficientem, sed deficientem. Et sic patet, quod ratio illa non recte procedit.

Iniquitas quippe ipsa non est substantia. Dub. IV.

CONTRA: Aut enim substantia dicitur proprie, aut dicitur communiter. Si dicitur proprie, nec etiam iustitia est substantia. Si dicitur communiter: ergo omne quod habet aliquam essentiam, dicitur substantia: sed habitus malus habet aliquam essentiam inquantum habitus: ergo videtur quod malus habitus, ut luxuria, debeat laudare Deum.

RESP. Dicendum quod sicut nomen naturæ multipliciter accipitur, ita & nomen substantiæ. Præter enim illos quatuor modos, quos dicit Philosophus, quod substantia dicitur materia, & forma, compositum, & essentia uniuscuiusque, potest aliter distingui substantia iuxta verbum B. Augustini: Vno modo ut dicatur res permanens, & per se stans: alio modo ut dicatur res permanens, non tamen per se stans, sed alij inhaerens: tertio modo ut dicatur substantia quælibet essentia actu ens, siue per se stans, siue non: & hoc modo substantia se extendit ad omne ens. Et sic accipit Aug. cum dicit: Quod nulla substantia est, nihil omnino est: cum ergo dicitur quod iniquitas substantia non est, dicendum quod iniquitas accipitur abstractè pro ipsa deformitate, non pro habitu circa quem deformitas consistit.

Pœnarum enim Deus auctor est. Dub. V.

Videtur hoc esse falsum, quia nullius Deus est auctor nisi quod habet exemplar in Deo: sed pœna secundum quod pœna non habet exemplar in Deo: ergo videtur quod Deus non sit auctor pœnæ. Item idem est fieri Deo auctore, & Deo volente. Sed sicut dicit Damascenus, Dominus non plasmat nos ad puniendum: ergo si Deo non placent mala pœnæ, videtur quod non sint ab ipso tanquam ab auctore.

RESP. Dicendum quod quædam sunt quæ exemplar habent in Deo secundum conformitatem, quæ attenditur quantum ad esse eorum speciale: quædam verò secundum conformitatem, quæ attenditur quantum ad esse generale. Quavis ergo pœna, siue passio non habeat correspondens in Deo, passionem vel pœnam, habet tamen correspondens in genere entis, & in genere ordinis: & istud sufficit ad hoc, quod habeat aliquod in Deo exemplar. Ad aliud dicendum quod voluntas in Deo duplex est, videlicet antecedens & consequens: & quavis pœna non sit à voluntate antecedente, nihilominus tamē est à voluntate consequente. Qualiter autē pœna sit à Deo, & quæ, hoc determinatum est supra dist. præcedenti. Licet autē Magister dicat pœnas à Deo esse, non tamen hoc intelligendum est vniuersaliter: ideo ad hoc quod ista verba, quæ dicuntur in hac distinctione, intelligantur sane, necessario oportet istas quatuor propositiones tanquam regulas infallibiles supponere. Quarum prima est, quod omne illud quod dicit positionem aliquam, est à Deo. Secunda est, quod omne illud quod aliquem ordinem dicit, inquantum huiusmodi, est à Deo. Tertia est, quod nullus defectus secundum quod huiusmodi, est à Deo, propter hoc quod hoc repugnat diuinæ potentie. Quarta est hæc quod nullum inordinatum secundum quod huiusmodi, est à Deo, quia repugnat diuinæ sapientie.

Hæc autem tanquam manifestis præsuppositis, oportet etiam scire distinguere. Primum circa pœnam quantum ad rationem pœnæ, & quantum ad illud, quod subtegitur. Secundum oportet scire, quod aliqua pœna est acta, aliqua contracta, aliqua infligta. Tertio oportet intelligere distinctionem huius nominis res, quoniam dicitur tripliciter. Quarto oportet intelligere distinctionem huius nominis natura, & substantia secundum quod distincta sunt supra. Et his intellectis, manifestantur ea, quæ dicuntur in litera.

ARTICVLVS I.

AD intelligentiam huius partis, in qua Magister inquit, utrum actio culpabilis sit à Deo, incidit hic quæstio circa duo principaliter. Primum quæritur, Vtrum omnis actio secundum quod actio, sit à Deo. Secundum quæritur, Vtrum actio defectiva secundum quod defectiva, à Deo sit. Circa primum quærentur tria. Primum quæritur, Vtrum à Deo sit omnis actio secundum quod actio. Secundum quæritur, Vtrum à Deo sit omnis conseruatio. Tertio quæritur, Vtrum à Deo sit omnis compositio.

QVÆSTIO I.

An omnis actio secundum quod actio sit à Deo.

S. Thom. 1. 2. q. 79. art. 2.

Et de Malo, q. 3. art. 2.

Et 2. Sent. dist. 37. q. 1. art. 1.

Scotus 1. Sent. dist. 37. q. 1.

Egid. Rom. 2. Sent. p. 2. d. 37. q. 3. art. 3.

Richardus 2. Sent. dist. 37. art. 2. q. 1.

Durandus 2. Sent. dist. 37. q. 1.

Thom. Arg. 2. Sent. dist. 37. q. 1. art. 3.

Greg. Arim. 2. Sent. dist. 37. q. 1. art. 3.

Stephan. Brulef. 2. Sent. dist. 37. q. 1.

VTVM omnis actio secundum quod actio sit à Deo, &c. Et quod sic videtur: Sine me nihil potestis facere: sed omnis actio aliquo modo est ens, siue sit actio peccati, siue alia: ergo, &c. Si tu dicas, quod illud intelligitur de actione bona. Contra: Nunquid eleuabitur securis contra eum, qui secat in ea. Glossa: Sicut instrumenta nihil sunt per se agentia, ita Sennacherib nihil per se operatus est: si ergo actio Sennacherib mala erat, & crudelis, & Sennacherib in illa actione erat instrumentum Dei, videtur ergo quod omnis mala actio sit ab ipso tanquam à primo principio.

ITEM quæ sunt eiusdem generis, habent eadem principia prima: sed dare eleemosynam propter Deum, & dare eleemosynam propter vanam gloriam eiusdem generis actiones sunt in genere naturæ: si ergo actio ista, qua quis dat eleemosynam propter Deum est à Deo, videtur quod & actio illa, qua quis dat eleemosynam, causa inanis gloriæ sit à Deo.

ITEM operatio miraculorum est à solo Deo: sed aliquis in faciēdo miracula peccat, quia facit propter vanā gloriam: ergo videtur quod aliqua actio subtrata deformitati culpæ sit à Deo: ergo pari ratione & omnis alia.

ITEM omnis scientia à Domino Deo est: sed aliquis addiscit propter auaritiam: ergo cum addiscere non possit nisi Deo coadiuuante, & cooperante, & illud addiscere sit peccatum, actio subtrata peccato comparatur ad Deum sicut ad principium.

ITEM aliquis adulterando generat prolem. Quæro igitur, utrum illa actio, siue coitus ille sit à Deo, vel non. Si est à Deo, habeo propositum. Si non à Deo, ergo proles genita non est à Deo. Si igitur hoc est impossibile ponere, quod aliquis homo sit, qui non sit à Deo: ergo & illud ex quo sequitur, videlicet quod actio subtrata peccato non sit à Deo.

ITEM actio, quæ subternitur peccato, non omnino nihil est, sicut manifeste apparet. Si igitur aliquo modo est ens, quæro à quo sit. Si est à potētia creaturæ, necesse est quod sit ab ea secundum id quod habet de entitate: illud ergo secundum quod actio est ab illa potentia, aut

Fundamēta.

Isa. 10. d.

1. de Colo. context. 61.

Peccatum formaliter nihil est.

7. Metaph. context. 34.
8. Metaph. phys. context. 2.
9. Auer. dist. 3.

In Psal. 68.
ibi: & nō est substantia.

Aug. lib. 83.
q. 3. rom. 4.

est à Deo, aut non. Si est à Deo, cum omne illud quod est causa causæ, sit causa causati, per se intelligendo, videlicet si medium causatum est causa postremi secundum id quod habet à primo, tunc sequitur necessarium quod talis actio sit à Deo. Si verò non est à Deo, tunc quæro, aut est à se, aut ab alio. Si ab alio, tunc quæro similiter de illo alio: aut est à se, aut ab alio: ergo vel erit abire in infinitum, vel erit ponere quod creatura aliquid habeat à seipsa, vel quod habeat ab alio quam à Deo quod sit primum principium in quo sit status: sed hæc omnia sunt impossibilia, & sequitur ex hoc, quod aliqua actio non est à Deo: ergo, &c.

Ad opposi-
tum.
Gen. 2. 6

1. SED CONTRA: Deus non facit contra suam prohibitionem, quia tunc sibi ipsi contrarius esset: sed Deus prohibet aliquam actionem secundum quod actio est, sicut prohibuit Adæ non comedere de pomo: ergo videtur quod illa comestio Adæ non fuerit à Deo. Quod autem illa actio prohibita fuerit secundum quod actio apparet, quia comedere de pomo illo de se erat bonum, & nunc la erat in eo deformitas, nisi postquam fuit prohibitum.

2. ITEM omnis actio, quæ est à bona voluntate, ut est operans per charitatem, est bona bonitate perfecta in genere moris: sed omnis actio, quæ egreditur à Deo, egreditur à voluntate optima, in qua est summa charitas: ergo omnis actio, cuius Deus principium est, est bona bonitate moris: sed actio substrata peccato non est bona bonitate moris: ergo non est à Deo.

Prom. 16. 4

3. ITEM omnia quæcumque Deus facit, bono fine facit: vniuersa enim operatur propter se: omne autem quod fit bono fine, simpliciter bonum est: actio autem substrata peccato non est simpliciter bona: ergo non potest esse à Deo tanquam à causa.

4. ITEM quodcumque operans continuatur regulæ dirigenti in operando, rectè operatur, & bene: sed regula liberi arbitrii, est ipsa rectitudo voluntatis diuinæ: ergo in omni operatione, in qua Deus cooperatur libero arbitrio, quoniam fit continuatio operantis ad regulam, est rectitudo: si igitur in aliqua operatione, per totum est obliquatio, videtur quod cooperatio eius non sit à Deo.

5. ITEM si operatio, quæ est subiecta peccato, est à Deo & à libero arbitrio, aut tota est à Deo, & tota à libero arbitrio, aut pars à Deo, & pars à libero arbitrio: Si tota à Deo, & tota à libero arbitrio: ergo videtur quod tota sit simul & bona, & mala, quod est omnino impossibile. Si pars à Deo, & pars à libero arbitrio: sed quæ ratione ponitur vna pars esse à libero arbitrio, eadem ratione potest poni & altera: & sic videtur quod tota operatio ita sit à libero arbitrio, quod non sit à Deo.

6. ITEM si Deus cooperatur libero arbitrio in actione quæ est substrata peccato, aut igitur liberum arbitrium mouet principaliter quam Deus, vel è conuerso. Constat quod liberum arbitrium in illa operatione neque principaliter, neque æquè principaliter potest mouere sicut Deus, cum Deus tam in mouendo, quam in causando cuiuscunque dicatur esse, siue causa siue motor principalissimus intelligatur: ergo Deus mouet principaliter. Si ergo motor principalis excitat, & mouet motorem non principalem, videtur quod in operatione culpabili liberum arbitrium exciteretur à Deo: ergo cum adulter luxuriatur, & latro furatur, ad tales actiones à Deo excitantur: quod omnino absurdum est.

CONCLUSIO.

Omnis actio quantumvis peccato substrata, est à Deo, cum ipsa sit ens, & à causa bona procedat.

RESP. AD ARG. Dicendum quod sicut Magister dicit in litera, circa istam quæstionem fuerunt diuersæ positiones adeo magnorum virorum, & adeo rationabiles, ut nec Magister ausus fuerit diffinire, quæ earum magis contineat veritatem. Attamen quia per multam discussionem dubia ducuntur ad manifestationem, nunc communiter tenetur, quod illa opinio verior sit, quæ dicit, quod omnis actio, siue substrata peccato, siue non, secundum id quod est actio, est à Deo: nec immerito, quia illud oportet ponere si pensetur eminentia diuinæ potentie,

& indigentia potentie create. Quia enim Deus est causa primordialissima: ideo est influentia maximæ in causas secundas: & adeo magnæ influentia, ut nec modicum, seu quantumcumque parum, dum tamen aliquo modo sit ens, procedat ab aliqua causa creata, nisi cooperante diuina potentia. Omnis etiam potentia creata quantum est de se, defectiua est, nec est pure actiua: ergo quantumcumque faciat modicam operationem, necesse habet adiuuari ab ea potentia, quæ est actus purus propter omnimodam impermixtionem cum materia: & quæ sola sibi sufficit, nullo modo indigens adiuuari à causa alia. Et ideo hæc positio, quæ dicit omnem actionem esse à Deo secundum quod actio est, absque omni ambiguitate tenenda est. Vnde Anselmus in libro de concordia prædestinationis, & præscientie: Omnis qualitas, & omnis actio, & quidquid habet aliquam essentiam, à Deo est, à quo est omnis iustitia, & nulla iniustitia. Facit igitur Deus omnia, quæ iusta vel iniusta voluntate fiunt, id est, bona opera, & mala. In bonis quidem facit quod sunt, & quod bona sunt, in malis verò facit quod sunt: sed non quod mala sunt. Et iterum ibidem: Omnes actiones, & omnes motus facit Deus, quia ipse facit res à quibus, & ex quibus, & per quas, & in quibus fiunt: & nulla res habet vllam potentiam volendi, aut faciendi nisi illo dante: ipsum quoque velle (quod aliquando iustum est, aliquando iniustum) in quantum est, bonum est, & à Deo est. Non esse vero bonum, non est quid, nec à Deo est. Concedenda sunt igitur omnes rationes ad primam partem inductæ.

Ad finem

1. AD illud verò quod obiicitur, quod Deus non facit contra suam prohibitionem, dicendum quod verum est: sed Deus cum prohibet aliquam actionem, non prohibet sibi, sed alij: & non prohibet suam cooperationem, quam non subtrahit creaturæ, sed ipsi creaturæ prohibet operationem: & ideo dum cooperatur ei, non facit contra suam prohibitionem. Et si tu obiicias mihi, quod nihilominus actio prohibita à Deo, est à Deo, dicendum quod in actione prohibita est duo considerare, & quod est actio, & quod est prohibita. Ab eo autem fit secundum quod est actio, non autem secundum quod prohibita: & ideo non sequitur, quod contra seipsum faciat.

2. AD illud quod obiicitur, quod omnis actio quæ est à voluntate bona, est bona, dicendum quod veritatem habet in voluntate creata, sed non oportet, quod veritatem habeat in voluntate increata, loquendo de bonitate moris. Et ratio huius est ista: quia cum aliqua actio est à bona voluntate creata, cum voluntas increata, quæ ei cooperatur, absque dubio bona sit, simpliciter actio illa bona est, quia tota eius causa est causa bona. Sed cum hoc quod voluntas increata est bona, quæ cooperatur voluntati create, voluntas creata potest esse deordinata, & ratione illius, potest venire defectus circa operationem illam. Vnde sicut videmus, quod in aliqua operatione, quæ est à Deo, & à virtute creata ex defectu virtutis create totaliter deficit operatio illa, sic etiam ex deordinatione illa voluntatis create contingit deprauari illam actionem. Aliter posset dici, quod operatio dicitur dupliciter. Vno modo dicitur operatio opus operans: alio modo opus operatum. Et cum dicitur: Si voluntas est bona, opus est bonum, hoc intelligendum est de opere operante, quod scilicet est actus ipsius voluntatis, ut velle: & sic non habet instantiam in Deo, quia velle Dei Deus est, & actio Dei Deus est, isto modo. Si autem dicatur operatio ipsum opus operatum, sic non sequitur, quod tale opus sit bonum bonitate completa, siue meritoria, sed sufficit, quod sit bonum bonitate nature, sicut patet. Opera quæ procedunt à voluntate Dei, bona sunt bonitate nature, & hanc bonitatem habet actio quæ substrata est malitiæ.

3. AD illud quod obiicitur, quod Deus facit omnia propter se, dicendum quod verum est: & concedendum est etiam quod actionem malitiæ substratam propter se facit, propter se enim cooperatur creaturæ. Cum autem dicitur, quod operatio, quæ fit propter Deum, est bona

bonitate

bonitate moris, hoc intelligitur de operatione creaturæ rationalis. Nam de Deo intelligi non potest pro eo quod Deus non tantum cooperatur creaturæ rationali, sed etiam irrationali, illa tamen operatio non dicitur esse bona bonitate moris.

4. Ad illud quod obiicitur, quod quando agens creatum continuatur regulæ dirigenti, non erat dicendum quod verum est, si simpliciter continetur ei. Tunc autem continuatur ei simpliciter, quando continuatur, & quantum ad operationem, & quantum ad circumstantias: cum vero exit in operationem circumstantiis debitis priuatam, in hoc quod exit in operationem ei continuatur, sed in hoc quod priuat eam debitis circumstantiis, deficit, & ab ea discontinuatur: & ita discontinuatur non agendo, sed deficiendo, & deficiendo est principium mali: & in hoc quod deficit, à Deo recedit, quia defectus ille à Deo non est. Quamvis enim Deus cooperetur operanti, non tamen deficit cum deficiat.

5. Ad illud quod quæritur, aut tota operatio est à Deo, &c. dicendum quod tota est à Deo, & tota à libero arbitrio. Non enim est intelligendum, quod Deus cooperetur libero arbitrio, sicut cum duo ferunt lapidem, unus cooperatur alteri: sed quia Deus est intimè agens in omni actione, & intimus est ipsi potentia operanti, ita quod potentia ipsa in nihil exit, quod non sit ab ipso. Et si obiiciatur, quod eadem actio erit tota bona, & tota mala, dicendum quod Deus illi actioni non dat nisi bonitatem naturæ: liberum autem arbitrium non priuat eam bonitate naturæ, sed bonitate moris. Et ista duo non habent oppositionem, videlicet quod aliquid habeat bonitatem naturæ, & priuatum sit bonitate moris.

6. Ad illud quod obiicitur, quod Deus est principale mouens in tali actione dicendum quod verum est: at tamen non sequitur ex hoc, quod excitet liberum arbitrium ad faciendam illam operationem. Excitatio enim dicit aliquem effectum gratiæ, præuenientem ipsam voluntatem. Hæc autem requiritur in bonis meritoriis: in aliis vero operibus indifferentibus, vel etiam malis non est nisi sola cooperatio diuinæ virtutis, quæ existens in creatura potentialiter, essentialiter, & præsentialiter, sicut conseruat eam in essendo sic adiuvat in operando: propter quod conceditur ibi esse cooperatio, non præuentio, vel subsecutio.

QVÆSTIO II.

An conseruatio omnis rei sit à Deo.

Richardus 2. Sent. dist. 37. art. 2. q. 2.

Steph. Brulef. 2. Sent. dist. 37. q. 2.

Gabr. Biel. 2. Sent. dist. 37. q. 1. art. 2.

*Fundamēta.
Lib. 4. Mor.
cap. 18. à
medio.*

*Aristot. de
caus. prob.*

*8. phys. con-
tex. 27. &
seq.*

VTRUM omnis rei conseruatio sit à Deo. Et quod sic, videtur. Primò per Gregorium: Cuncta in nihilum cederent, nisi manus conditoris ea contineret: ergo omnia, quæ conseruantur, à Deo conseruantur.

ITEM esse, est actus entis, & viuere viventis: sed nullus actus est, qui non sit à Deo immediatè: ergo nullum esse, & nullum viuere: si ergo creatura continuè est, & continuatio in esse non est aliud quàm duratio: cum esse eius non possit esse nisi à Deo, omnis rei conseruatio est à Deo.

ITEM: nihil mutabile subsistit, nec saluatur in esse nisi per immutabile, & fixum: sed omne esse creatum mutabile est, & variabile, saltem à præterito in futurum: sicut enim dicit Hieronymus: Solus Deus est, qui non notat præteritum, vel futurum: ergo nihil potest subsistere nisi Deo conseruante.

ITEM quantò effectus magis percipit à causa, tantò magis pendet ab ipsa, & quantò magis pendet ab ipsa, tantò minis potest durare, vel subsistere sine ipsa: sed omne creatum totum quod est, & quod habet, à Deo habet: ergo impossibile est aliquid nec ad momentum conseruari in esse nisi Deo conseruante.

ITEM sicut se habet essentia ad primam essentiam, &

sapientia ad primam sapientiam, ita se habet duratio ad primam durationem: sed omnis essentia à prima essentia, & omnis sapientia à prima sapientia est: ergo omnis duratio à prima duratione producitur sicut à principio: ergo nihil in esse conseruatur nisi per Deum.

1. SED CONTRA Augustinus in libro de natura boni tractans illud, quod dicitur: Sermo eius potestate est plenus, dicit quod suum dicere est suum facere: sed statim quando Deus fecit creaturam, simul cum hoc disposuit quantum creatura durare debuit: ergo videtur quod statim dedit ei virtutem continuandi se in esse: ergo non videtur quod amplius Deus immediatè eam conseruet. Quod si tu dicas, quod virtus creaturæ data indiget adhuc virtute diuina simul cooperante. Contra: Si suum dicere est suum facere, & dicere non potest esse successuum: ergo nec facere: sed conseruatio creaturæ est cum successione: ergo non videtur quod illa conseruatio sit à Deo sicut à conseruante.

2. ITEM ad nobilitatem agentis creati pertinet, quod potest facere opus per se stabile, non indigens ipso artifice continuè sustentante: sed Deus ex artifex multò nobilior, & multò potentior: ergo videtur quod operibus suis de tale esse, quod non indigeat ipso conseruante continuè: igitur conseruatio rerum non videtur immediatè esse à Deo.

3. ITEM idem est principium essendi, & conseruandi: sed forma sufficienter dat unicuique rei esse: ergo videtur, quod ad conseruationem vnus cuiusque rei sufficiat virtus propriæ formæ. Quod si tu dicas, quod forma non potest conseruare suam materiam, planum est hoc esse falsum in anima, quæ habet vim vegetatiuam, & regitiuam corporis.

4. ITEM si omnis res conseruatur à Deo immediatè, cum diuina virtus nec possit à se deficere, nec possit ab alio separari, videtur quod nulla operatio creaturæ nec per defectum sui ipsius, nec per actionem contrarij possit aliquando terminari: nunquam enim deficit duratio sine defectu virtutis conseruantis: & planum est illud quod multarum actio terminatur: ergo videtur quod talium conseruatio non sit à Deo tanquam à principio immediato.

5. ITEM, esto quod creatura sibi ipsi relinquatur, aut conseruatur in esse, aut corrumpitur. Si conseruatur in esse: habeo propositum, videlicet quod non omnis conseruatio est à Deo. Si corrumpitur: aut hoc est aliena actione, aut propria inclinatione. Aliena actione non, quia nulla creatura potest aliam in nihilum redigere. Propria inclinatione non, quia natura semper desiderat quod melius est, & forma appetit vniri materiæ, & materia formæ: ergo si motus sequitur inclinationem, & appetitum semper durabit, & nunquam deficiet: ergo redit idem, quod prius, videlicet quod non omnis conseruatio à Deo est.

CONCLUSIO.

Qualibet res à Deo conseruatur tanquam ab immediato principio, non tamen sicut à tota causa.

RESP. AD ARG. Dicendum quod non solum omnem actionem, verumetiam omnem conseruationem necesse est à Deo esse. Et ratio huius est necessitas, & indigentia ex parte creaturæ. Omnis enim creatura ex nihilo est, & aliunde habet esse. Quia ex nihilo est: ideo quodam modo vana est, & vanitati subiecta est. Quia vero aliunde habet esse: ideo esse est sibi quodam modo accidentale: contrario modo est in Deo. Vnde Hilarius in lib. 7. de Trinitate: Esse non est accidens Deo: sed subsistens veritas & manens causa, & naturalis generis proprietates. Sicut igitur vanum non potest fulciri nisi per verum & stabile, & accidens non potest fulciri nisi per subiectum, sic esse creaturæ non potest conseruari absque munificentia creatricis essentia. Vnde sicut creatura habet essentiam, & actionem, ita etiam habet & durationem: & propter hoc quam-

*Ad opposi-
tum.
Ecc. 3. a.*

*2. An. con-
tex. 42.*

Propositio
16.

vis creatura non possit esse actu infinita, nihilominus tamen ponitur duratione infinita. Infinitas enim durationis non ponit in creatura aliquam actualem infinitatem. Et ratio huius est, quia potentia per quam durat creatura, non tantum est ipsius creaturæ, immò etiam creatricis essentia. Verum est etiam quòd creatura est aliqua potentia ad durandum: sed illa non est omnino in actu, immò est in potentia quodam modo respectu illius virtutis, quæ est actu infinita. Et hoc est quod vult dicere Philosophus in libro de causis: quòd omnes virtutes infinitæ pendentes sunt per vnum infinitum principium, quod est virtus virtutum. Concedendæ sunt igitur rationes ostendentes, quòd omnis rei conseruatio est à Deo tanquam ab immediato principio: non tamen est ab ipso sicut à tota causa. Sicut enim in creatura est aliqua virtus operatiua creata, sic etiam aliqua virtus conseruatiua.

1. Ad illud ergo quod primò obijciunt, quòd suum dicere est suum facere, dicendum est quòd hoc non dicitur immediate, propter hoc quod ad dicere sequitur facere, quoniam Deus dixit ab æterno, & fecit in tempore: sed hoc dictum est, quia non est noua operatio ex parte Dei ipsum facere superadditum ad dicere, sicut contingit in operatione creaturæ. Nec valet quod obijciunt, quòd dicere non est successuum secundum id quòd est, quia dicere, & facere Dei Deus est, & æternum quid est. Veruntamen sicut ab æterno potest procedere temporale, sic à diuino dicere, in quo nulla est successio, potest procedere successiua duratio quæ quidem successiua est non ratione exigentiæ ex parte Dei conseruantis: sed ex parte rei conseruatæ.

2. Ad illud quod obijciunt, quòd artifex creatus potest facere per se opus stabile, dicendum quòd non est simile, pro eo quod artifex creatus sic facit rem, quod non facit eius principia intrinseca: non enim potest in totam rei substantiam. Et propterea res facta conseruari potest in primis, & propriis principiis, quæ non dependent à potestate artificis: non sic autem est in opere Dei. Omne enim opus quod Deus facit, secundum totum sui facit: & ideo totaliter ab ipso dependet, & sine eius adiutorio conseruari non potest.

3. Ad illud quod obijciunt, quòd idem est principium essendi, & conseruandi, dicendum quòd verum est in genere causæ formalis, & similiter verum est in genere causæ efficientis. Quamvis igitur esse in creatura sit à forma creata tanquā ab informante: nihilominus tamen à Deo est tanquam ab efficiente. Ideo sicut ad conseruationem rei necessaria est virtus formæ complementis, sic etiam necessarium est adiutorium primi, & immediati efficientis.

4. Ad illud quod obijciunt, quòd si Deus conseruaret res, nihil corrumpetur, dicendum quòd illud argumentum deficit dupliciter. Primum quidem, quia Deus conseruat voluntariè: & ideo tantum conseruat quantum placet sibi, & secundum dispositionem sapientiæ suæ. Præterea conseruatio rei non est à Deo tanquam à tota causa, sed requiritur ex parte creaturæ idoneitas ad conseruationem, & virtus quodam modo conserutiua, ad cuius defectum velociorem vel tardiolem sequitur diuturnior, vel minus diuturna duratio creaturæ: & cum est idoneitas creaturæ ad durandum in perpetuum, utpote simplicitas, Deus esse eius æternaliter continuat.

5. Ad illud quod quæritur, vtrum si creatura sibi relinqueretur, corrumpetur. Dico quòd sic. Et si quæritur, vtrum aliquo agente, vel non. Dico quòd nullo agente, sed propter defectum in se ipsa. Talis enim corruptio, quæ est annihilatio, dicitur purum defectum: & ideo non requirit causam efficientem, sed deficientem: hæc autem in creatura est ex hoc, quod ex nihilo est. Et si obijciatur quòd naturalis inclinatio cuiuslibet rei est ad durandum in esse, & quòd motus sequitur inclinationem, dicendum quòd verum est de inclinatione motus dicente positionem. Verum est etiam de princi-

piis rei saluatis in esse, super quæ fundatur illa inclinatio. Si autem creatura sibi relinqueretur, principia rei in esse non conseruarentur, immò in seipsis deficerent: & ideo inclinatio ad esse periret. Posset etiam dici, quòd cum ponitur quòd creatura sibi relinquitur: ponitur quòd diuina virtus se subtrahat: & cum ponitur, quòd diuina virtus se subtrahat, per consequens ponitur creaturæ annihilatio. Sicut enim per operationem virtutis infinitæ potest fierieductio de nihilo in esse, ita etiam per subtractionem potest fieri annihilatio: & pro tanto dicit Hugo, quòd soli diuinæ virtuti possibilis est annihilatio creaturæ. Veruntamen illud verbum intelligendum est sanè, quia multum calumniabile est.

QVÆSTIO III.

An omnis compositio sit à Deo.

Stephan, Brulef. 2. Sent. dist. 37. q. 3.

VTVM omnis compositio sit à Deo. Et quòd sic, videtur. Vbi cumque est aliqua compositio, ibi est aliqua componentis actio: sed omnis actio est à Deo: ergo omnis compositio est à Deo.

ITEM sicut potentia, & virtutis est distinguere, & separare, sic potentia, & virtutis est res vnire, & componere: sed omne quod est potentia, est ab omnipotentia Creatoris: ergo, &c.

ITEM vbi cumque est compositio, ibi est aliqua vnio: & vbi cumque est vnio, ibi est aliqua vnitas: sed omnis vnitas est à prima vnitate: prima autem, & summa vnitas Deus est: ergo omnis compositio est à Deo.

ITEM Augustinus de vera religione: Omnis res habet hæc tria, scilicet quòd vnum aliquid sit, & specie propria discernatur, & rerum ordinem non excedat: sed sicut dicit Augustinus in lib. 11. de Ciuit. Dei: Ab eo est omnis modus, & omnis species, & omnis ordo, sine quibus nihil esse, nec cogitari potest: ergo si omne compositum, & omnis compositio aliquo modo est, videtur igitur omnis compositio à Deo esse.

1. SED CONTRA super illud: Scimus quia idolum nihil est. Glossa: Materiam idoli Dominus formauit, sed stultitia hominum firmam dedit. Et post: quæcumque in creaturis facta sunt, facta sunt per verbum: sed forma hominis in idolo non est facta per verbum, sicut peccatum non est factum per verbum: videtur ergo quòd compositio talis formæ cum tali materia non sit à Deo.

2. ITEM quædam sunt quæ impossibilia sunt coniungi non tantum à natura, sed etiam à Deo, utpote quòd aliquid sit simul, & semel album, & nigrum: sed intellectus noster phantasticus frequenter componit talia: nullorum autem compositio est à Deo, nisi eorum quæ sunt à Deo componibilia: si ergo opposita non sunt à Deo componibilia, & componuntur ab intellectu, videtur quòd non omnis compositio sit à Deo.

3. ITEM quædam sunt quæ non possunt coniungi in eodem sine monstruositate, sicut duo capita in eodem corpore: & talis compositio non potest esse à natura nisi cum errore, & præter intentionem: si ergo Deus in nulla compositione errat, nec facit errare, videtur quòd talium compositio nullo modo possit esse à Deo.

4. ITEM aliqua sunt quæ impossibile est coniungi sine deordinatione, utpote si homo commiseretur bruto, vel è conuerso: si igitur talis compositio non est aliud, quam componibilia deordinatio, hoc ipso enim deordinantur, quòd sic componuntur, & deordinatio non sit à Deo, videtur quòd aliqua compositio non sit à Deo.

Fundamēta.

Cap. 7. in fl.
rom. 1.

Cap. 15. 10. 3.

Ad opposi-
tum.
1. Cor. 8. a

CONCLUSIO.

Compositio qualibet secundum quod actionem, vel passionem, vel dispositionem componibilis dicitur, est à Deo: quod si defectui sit coniuncta, malitia illa non est Deo tribuenda.

Compositio
tionis diui-
sio, & diffi-
nitio.

RESP. AD ARG. Dicendum quod cum compositio-
nis nomen tripliciter accipitur, in qualibet suarum ac-
ceptionum aliquid dicitur. Dicitur enim compositio com-
ponentis actio: dicitur etiam compositio componibilis
passio: dicitur tertio modo compositio rei compositæ
dispositio. Et quoniam tam actio, quam passio, quam
etiam dispositio rei compositæ secundum quod com-
posita est, aliquid dicitur: & omne quod dicitur aliquam
positionem, à Deo est, concedendum est simpliciter, B
quod omnis compositio sit à Deo secundum quod com-
positio, sicut & omnis actio, & conseruatio. Attenden-
dum est tamen, quod quemadmodum quædam actiones
sunt quæ mox nominatæ coniunctæ sunt malo, sicut
mendacium, & adulterium, sic quædam quarundam
rerum compositiones sunt, quas inseparabiliter com-
comitur aliqua deformitas, & inordinatio. Vnde que-
madmodum actio, quæ coniuncta defectui malitiæ inse-
parabiliter dicitur à Deo esse: ita tamen quod defectus
malitiæ non est à Deo, sed à defectu creaturæ, utpote
liberæ voluntatis: sic compositio cui iuncta est deformi-
tas, & inordinatio sic est à Deo, quod illa deformitas,
quæ verè defectus est, est à defectu alicuius causæ com-
ponentis creatæ, vel à defectu ipsorum componibilium.
Concedendæ sunt igitur rationes ostendentes quod
omnis compositio est à Deo.

1. AD illud quod primò obiicitur, de compositione,
quæ est in idolo, dicendum quod idolum secundum
quod huiusmodi nominat aliquid artificiatum continens
in se aliquid numinis, vel diuinitatis, & secundum hoc
dupliciter intelligitur ibi compositio, scilicet formæ ar-
tis ad materiam & diuinitatis ad artificium: & prima
quidem compositio est ex parte rei: secunda verò est so-
lummodo secundum æstimationem idololatæ. Quantum
ad primam compositionem idolum aliquid est, quantum
verò ad secundam nihil est in mundo in re, quamvis
aliquid æstimetur. Concedo ergo, quod coniunctio talis
formæ cum hac materia cum sit realiter ens, à Deo est.
Concedendum est nihilominus, quod illa æstimatio in-
quantum animæ actus est, à Deo est: sed compositio di-
uinitatis ad illud artificium quæ æstimatur esse, omnino
nihil est: & hæc à Deo non est, quia non est talis com-
positio secundum rem. Similiter ordinatio illius formæ
artificialis ad continentiam diuinitatis, illa quidem po-
tius est deordinatio, quam aliqua positio: & hæc qui-
dem à Deo non est, sed à defectu cognitionis, & fidei.
Cum ergo dicitur quod forma idoli in tali materia non
sit à Deo, non negatur compositio huius formæ cum
hac materia absolute esse à Deo: sed hoc negatur, quod
non est à Deo ad id propter quod homo illam effigiem
efficit. Et sic patet pro quanto dicitur idolum nihil esse,
scilicet pro eo quod est nomen impositum à fictione,
cui subest falsitas. Patet etiam quod idolum quantum ad
aliquid, quod nominat, sit à Deo, & quantum ad ali-
quid non. Vnde quidquid est positionis ibi, à Deo est:
illud autem quod est priuationis, vel defectionis non
est à Deo, sed à defectu nostro.

2. AD illud quod obiicitur, quod intellectus compo-
nit aliqua, quæ sunt impossibilia componi, dicendum
quod talia impossibilia componi sunt propter insepara-
bilitatem deordinationis. Nunquam enim potest esse,
nec intelligi aliquid simul, & semel sub duobus opposi-
tis. quin intelligatur confusio, & inordinatio. Et quo-
niam in actione Dei, quam Deus per se agit ut tota cau-
sa, non potest esse defectus ordinis, quia si esset, iam
potentia eius in operando deficeret: hinc est quod talia
à Deo non possunt componi. Sed cum Deus cooperatur
intellectui potenti deficere, sic potest esse quod illud,

A quod est ibi positionis sit à virtute Dei: quod verò est
priuationis, sit à defectu intellectus creati: ideo ratio illa
non valet, quod si non potest Deus per se illam compo-
sitionem facere, quod non possit in facièdo alij cooperari.

3. AD illud quod obiicitur de his, quæ non possunt
componi sine monstruositate, iam patet responsio. Quo-
niam cum dico compositionem monstruosam, duo dico:
& dico compositionem, & dico vltèrius luxuriam deor-
dinantem. Et compositio quidem est à Deo, deformitas
autem monstruositatis est à defectu, & errore naturæ,
qui venit ex improportione virtutis ad materiam supra
quam agit, siue pro eo quod materia superabundat, siue
pro eo, quod deficit, & utrobique est defectus debet
proportionis.

4. AD illud quod obiicitur, quod dicitur quædam est com-
positio, quæ non potest esse, nec intelligi præter inordi-
nationem, utpote si pes poneretur in pectore, si homo
coiret cum iumento, dicendum est, quod etsi vnum ne-
cessariò consequatur ad aliud, & intellectus vnius inse-
parabiliter consequatur ex intellectu alterius, nihilomi-
nus tamen diuersitatem habent, quia vnum dicit priua-
tionem, & aliud dicit positionem: & ideo potest vnum
Deo attribui, quamvis alterum non attribuat.

ARTICVLVS II.

CONSEQUENTER circa secundum articulum qua-
ritur de actione defectiva, vtrum sit Deo attribuenda.
Et circa hoc queruntur tria. Primò queritur, vtrum
à Deo sit actio iniusta secundum quod iniusta. Secundò
queritur, vtrum à Deo sit operatio fortuita secundum
quod fortuita. Tertiò queritur, vtrum à Deo sit enun-
tiatio falsa secundum quod falsa.

QUESTIO I.

An actio iniusta secundum quod iniusta sit à Deo.

S. Thom. 1. 2. q. 79. art. 1.
Et de Malo, q. 3. art. 1.
Et 3. contra Gent. c. 162.
Et 2. Sent. dist. 37. q. 1. art. 1.
Ægid. Rom. 2. Sent. p. 2. q. 1. art. 2.
Richardus 2. Sent. dist. 37. art. 3. q. 1.
Thom. Arg. 2. Sent. dist. 37. q. 1. art. 4.
Steph. Brulef. 2. Sent. dist. 37. q. 4.

D VTRUM actio iniusta secundum quod huiusmodi
sit à Deo. Et quod sic videtur: Quis decipiet Achab
regem Israel? & post subiungitur, quod Dominus dixit
spiritui mendaci egredere, & fac: sed quod sit Deo præ-
cipiente, sit à Deo volente, & auctore: si ergo spiritus
ille malignus mentitus est, & Achab decepit Deo man-
dante sibi mentiri, & decipere, videtur quod tam men-
dacium, quam deceptio secundum quod huiusmodi sit à
Deo: & si hoc verum est, ergo actio iniusta secundum
quod iniusta, à Deo est.

Ad opposi-
tum.

3. Reg. vii. 1.

2. ITEM sicut vult Philosophus: Si aliquid per sui
præsentiam est causa alicuius, per sui absentiā est causa
oppositi: sed Deus per sui præsentiam est causa operatio-
nis iustæ secundum quod iniusta est: ergo ab oppositis
per sui absentiā causa erit iniustitiæ in actione.

Exemplum
de naua, &
Nauis.
2. Phys. con-
tra. 37.

3. ITEM qui adiuvat aliquem furem scienter ad actio-
nem furci, siue velit ipsum iuuare ad furtum, siue non:
nihilominus dicitur currere cum fure, & culpa furis ei
attribuitur: si ergo Deus adiuvat hominem ad actionem
substratam malitiæ, & iniustitiæ, videtur quod talis de-
formitas tanquam auctori attribuenda sit Deo.

4. ITEM dare elemosynam propter vanam gloriam
est peccatum: & hoc ipso est peccatum, & iniustitia,
quo actio ista refertur ad talem finem: sed sicut datio
elemosynæ non nihil est, sic relatio ad talem non nihil
est: si ergo talis relatio fuit ratio, quare illa actio est
mala, & talis relatio est à Deo, cum non sit omnino ni-
hil, videtur quod talis actio sit à Deo.

5. ITEM iste qui peccat in amando creaturam, hoc ipso
peccat quo quiescit in creatura: sed quiescere in crea-

tura

tura, non omnino nihil est: immò hoc ipso quòd quiescere est, aliquid est: ergo cum omne quod est aliquid, sit à Deo, talis quies est à Deo, talis erat ratio culpæ: ergo, &c.

6. ITEM nobilior est potentia voluntatis ut est deliberatiua, quàm ut est natura quardam: sed omne quod est à voluntate, ut est natura, est à Deo: ergo omne quod est à voluntate deliberatiua est à Deo: sed actio iniusta secundum quòd huiusmodi, est à voluntate deliberatiua: ergo, &c.

1. SED Contra: Sine ipso factum est nihil. Glossa, id est peccatum: ergo videtur quòd peccatū non sit à Deo.

ITEM: Tradidit eos, ut contumeliis afficiant corpora sua in semetipsis. Glossa: Immundas actiones, & contumeliosas, quibus afficiunt, & inficiunt corpora sua habent in semetipsis mali, id est non aliunde, sed à semetipsis. Non enim habet homo hoc à Deo: sed hoc non potest dici de actionibus secundum quòd actiones sunt: ergo dicitur de actionibus secundum quòd iniustæ sunt.

ITEM quicunque facit iniustitiam iniustus est: sed Deus non potest esse iniustus: ergo non potest facere iniustitiam: ergo iniustitia actionis, vel actio secundum quòd iniusta non est à Deo.

ITEM quicunque facit iniustitiam offendit Deum, qui est summa iustitia: sed Deus non potest seipsum offendere, neque seipsum negare, sicut dicit Apostolus: ergo Deus non potest iniustitiam facere: ergo nec actionem iniustam, in quantum huiusmodi.

ITEM iniustitia defectus est: ergo facere iniustitiam est deficere: sed diuinum posse non potest deficere: ergo nec iniustitiam facere: ergo actio secundum quòd iniustitia est, non est à Deo.

ITEM quidquid est à Deo, laudat Deum: sed iniustitia nullo modo laudat Deum nec operatio iniusta secundum quòd huiusmodi: nullo igitur modo secundum quòd iniusta, vel mala, est Deo attribuenda.

CONCLUSIO.

Actio mala & iniusta secundum quòd huiusmodi à Deo non potest esse, cum hoc repugnet potentia, sapientia, & bonitati.

RESPON. AD Arg. Dicendum, quòd cum iniustitia siue malitia circa actionem dicat defectum, & priuationem, & defectum deordinatum de se, & defectum carentem debito fine facere actionem iniustam, hoc repugnat potentia, sapientia, & bonitati. Est enim ibi priuatio utilitatis, & ordinis, & entitatis: & quia nihil est attribuendum Deo, nisi quod decet potentiam suam, sapientiam & bonitatem: ideo actionem malam Deo tribuere non solum falsitatis est, sed etiam blasphemia, & impietatis. Concedendum est igitur quòd actio mala, & iniusta secundum quòd huiusmodi non est à Deo. Et ideo rationes, quæ hoc ostendunt, concedendæ sunt.

1. AD illud ergo quod obiicitur de lib. Regum, dicendum quod *egredere, & fac*, non intelligitur ibi imperatiuè, sed intelligitur ibi permissiuè: unde verbum imperatiuè modi multipliciter accipitur in Scriptura. Aliquando præceptorie, aliquando consultorie, aliquando insinuatorie, & aliquando permissiuè, quorum summi possunt exempla ex diuersis locis Scripturæ.

2. AD illud quod obiicitur de eadem causa, quòd per sui præsentiam, & absentiam est causa oppositorum, dicendum quòd illud habet veritatem de causa, quæ voluntarie se absentat, ita quòd principaliter est eius absentatio ab ipsa: hoc autem non est in proposito. Deus enim nemini se absentat: immò paratus est omnes adiuuare, & omnibus dare gratiam.

3. AD illud quod obiicitur, quòd ille qui iuuat furem in actione, dicitur currere cum fure, si scienter hoc facit, dicendum quòd hoc non est simile, quia decens, & conueniens est, quòd homo proximum non adiuet in ea actione, in qua quia ambulat non rectè, immò potius

A debet impedire, cum ipse nec sciat, nec possit inde bonum elicere, nec ad illud adiutorium aliqua lege astringitur, sed potius prohibetur: non sic autem est in proposito. Primò quia decet diuinam liberalitatem, ut solem suum oriri faciat super bonos, & malos: nec debet influentiam virtutis suæ subtrahere nec bonis, nec malis, maximè secundum illam influentiā, quæ respicit primū esse. Secundò verò quia decet diuinam prouidentiam, sic res quas condidit administrare, ut eas agere proprios motus sinat. Tertiò verò quia ipse nouit, & scit inde bonum elicere: & ideo cum cooperatur peccatori in actione, laudabiliter facit: & ideo nullo modo malitia, quæ reddit suum actorem culpabilem, est ei attribuenda.

4. AD illud quod obiicitur, quod relatio actionis ad inanem gloriam tanquam ad finem à Deo est, dicendum quòd relatio duo dicit, videlicet actum voluntatis, & rationis protendentis se ad illum finem mediante illa actione: & hoc quidem bonum est, & à Deo est. Præter hoc importat deordinationem: tali enim actioni coniuncta est inordinatio, quia talis finis tali operi non congruit: & quantum ad hoc est ibi malitia: & ideo iniustitia est ibi ratione defectus, qui est in tali relatione: propter hoc non oportet quod sit à Deo. Et est simile in claudicatione, in qua est ambulatio cum defectu: sic & in proposito intelligendum est.

5. AD illud quod obiicitur de quiete, similiter respondendum est, quòd quies dicit positionem aliquam in hoc quod dicit dilectionem creaturæ: & dicit priuationem rectitudinis in hoc quod dicit priuationem finis ultimi. In hoc enim quod ibi quiescit, & vltra non tendit, cum deberet vltra tendere, non tantum est positio, sed etiam priuatio, quæ quidem non est à Deo.

6. AD illud quod obiicitur, quòd quidquid est à voluntate naturali, est à Deo, dicendum quòd verum est secundum quòd est voluntas naturalis: & similiter illud quod est à voluntate deliberatiua, præcisè concedendum est esse à Deo: sed malitia non est à voluntate proprie, ut est deliberatiua: sed potius ut est defectiua, quamvis defectus ille non cadat nisi circa actum deliberatiuum: & ideo quamvis sit à voluntate deliberatiua, non sequitur quod sit à Deo, quia non est à voluntate secundum quòd deliberatiua, sed secundum quòd defectiua. Et propterea, sicut dictum fuit suprâ, si fiat tale argumentum: Voluntas deliberatiua est à Deo, & malitia est à voluntate deliberatiua, ergo est à Deo: peccat secundum accidens, quia peccat contra illam regulam: Quicquid est causa causæ, est causa causati: ita enim potest esse sophisma secundum accidens in causando, sicut in essendo.

QUESTIO II.

An operatio fortuita secundum quòd fortuita sit à Deo.

Richardus 2. Sent. dist. 37. art. 4. q. 1. & 2.
Steph. Brulef. 2. Sent. dist. 37. q. 5.

VTVM operatio fortuita secundum quòd est fortuita, sit à Deo. Et quòd sic videtur, quia tam fortuita, quæ casualis actio est ex causis conuenientibus ob aliud inceptis: unde Boëtius in 5. de consolatio. casus est inopinatus rei euentus ex causis concurrentibus ob aliud inceptis: sed tam concursus causarum, quàm inchoatio propter aliud est à Deo: ergo si nihil plus requiritur ad hoc quòd aliquid sit fortuitum, vel casuale, videtur quòd tam fortuita, quàm casualia secundum quòd huiusmodi sint à Deo.

2. ITEM sicut ens per se est à Deo, in quantum est per se, sic & accidens est à Deo in quantum est accidens: ergo sicut operatio causæ per se à Deo est, ita & operatio causæ per accidens: sed casuale, & fortuitum secundum quòd huiusmodi dicit operationem, vel effectum causæ per accidens: sed naturale, & artificiale dicit effectum causæ per se: ergo sicut omne naturale & artificiale est à Deo,

Fundamēta.
Joan. 1. a

Rom. 1. c

Imperati-
uus mo-
dus sumi-
tur multi-
pliciter.

Mat. 2. g

Aug. 7. de
Ciu. cap. 3
rom. 5.

Ad opposi-
tum.

Boëtius de
consol. lib. 5.
prosa 1.

in quantum huiusmodi, sic omne casuale, & omne fortuitum, in quantum huiusmodi est à Deo.

3. ITEM quodcumque aliqua diuersa concurrunt ad vnius effectus productionem, necesse est quod per vnum aliquid coniungantur, sed causæ, à quibus oritur tam casuale, quam fortuitum, & sunt diuersæ quantum ad rem, & sunt diuersæ quantum ad intentionem: ergo si vniuntur, coniunguntur per aliquid quod est supra eas: sed nihil est supra agens naturale, & agens à proposito non nisi solus Deus: ergo talium causarum concursus à Deo est, & huiusmodi causarum concursus facit effectum casuale, vel fortuitum: ergo, &c.

4. ITEM potentior est ad agendum causa per se, quam causa per accidens: sed causa per se nullum effectum producere potest, quin adiuvetur à Deo: ergo nec causæ per accidens: sed causæ per accidens sunt casus, & fortuna sicut vult Philosophus in 2. Physicorum: ergo cum eorum effectus sint casuale, & fortuitum, in quantum huiusmodi videtur, &c. Si tu dicas quod casuale secundum id quod est, à Deo est: non tamen secundum quod casuale, quia dicit priuationem intentionis, non positionem. Contra hoc est. Quia sicut natura operatur per intentionem, ita etiam operatur vniuniformiter, & modo consueto: sed cum aliqua operatio sit præter solitum cursum naturæ, illa quidem operatio dicitur miraculum, & talis operatio ponitur à Deo, in quantum talis. Si ergo operatio, quæ sit præter consuetudinem, in quantum huiusmodi est à Deo, pari ratione & operatio, quæ sit præter intentionem, in quantum huiusmodi est à Deo.

5. ITEM fortuitum eo ipso est fortuitum, quia est ab aliquo agente incedente aliud, sicut inuentio thesauri est ab eo, qui intendit arare terram: sed quod ille aliud intendat, hoc bonum est, & à Deo est: similiter, quod thesaurum illum inueniat, hoc bonum est, & à Deo est: ergo fortuitum, vt fortuitum est, à Deo videtur esse.

SED Contra hoc arguit Augustinus in lib. 83. qq. sic: Quidquid casu fit, temerè fit: quidquid temerè fit, fit sine prouidentia: si ergo omne quod fit à Deo, fit per prouidentiam, quia Deus nihil agit sine prouidentia, videtur quod casuale, & fortuitum, in quantum huiusmodi non sit à Deo.

ITEM casus, & fortuna accedit per defectum præcognitionis: sed Deus nihil potest facere nisi præcognoscens, & præsciens: ergo nihil casuale, in quantum huiusmodi, est à Deo.

ITEM sicut bonum repugnat malo, ita fortuna repugnat prouidentia: sed à Deo, qui summè bonus est, non potest egredi aliqua operatio iniusta: ergo pari ratione cum sit summè prudens, non potest exire ab eo aliqua operatio fortuita.

ITEM fortuitum secundum quod fortuitum, ortum habet à causa per accidens: ergo si Deus esset causa fortuiti secundum quod huiusmodi, Deus esset causa alicuius rei per accidens: sed causa per accidens reduci habet ad causam nobiliorem: ergo aliqua causa esset nobilior Deo: quod est absurdum.

ITEM sicut iniustitia se habet ad suam causam, sic casuale & fortuitum ad suam: sed iniustitia non potest esse ab aliquo nisi operante iniuste, ergo casuale, & fortuitum non potest esse nisi ab eo, qui operatur casualiter, & fortuitè: sed Deus nullo modo operatur casualiter, nec fortuitè: ergo casualis, siue fortuita operatio secundum quod huiusmodi, non est à Deo.

CONCLUSIO.

Casuale nullum secundum quod casuale est, à Deo producit, quia quod casu fit, temerè fieri dicitur, & absque intentione.

RESPON. AD ARG. Dicendum quod etsi casuale, & fortuitum secundum id quod est, sit à Deo: in quantum tamen casuale vel fortuitum, à Deo non est. Et ratio hu-

ius est, quia casuale, & fortuitum aliquid ponunt, vt potest effectum, qui est ex concursu causarum ob aliud incertarum. Aliquid etiam priuant: dicit enim casus, & fortuna defectum intentionis, & præcognitionis: & quoniam operatio causarum, & concursus ad producendum tales effectus aliquid ponit, ideo à Deo est: quia verò priuatio intentionis defectus est, ideo à Deo non est: & quoniam casuale, & fortuitum vt sic nominantur imposita sunt à tali defectu, hinc est quod non sunt concedenda à Deo esse. Et hoc vult dicere August. in lib. 83. quæst. cum dicit: Quod casu fit, temerè fit: & ideo sicut non concedimus quod temerarium secundum quod huiusmodi sit à Deo, sic non est concedendum quod casuale, vel fortuitum secundum quod huiusmodi sit à Deo. Et quia tam casuale, quam fortuitum vt sic est, est nomen impositum à priuatione intentionis, secundum quod priuatio intentionis dupliciter potest intelligi, secundum hoc casuale, & fortuitum dicitur dupliciter. Vno enim modo potest intelligi priuatio intentionis vniuersaliter respectu cuiuscumque agentis, siue particularis, siue vniuersalis, siue operantis, siue cooperantis, siue exequetis, siue gubernatis. Et hoc modo nihil est casuale, & casus, & fortuna hoc modo nihil sunt. Et hoc modo aliqui Philosophi posuerunt casum, & improbat Augustinus in libro 83. quæst. per hoc, quod prouidentia totus mundus administratur: & ita nihil fit quod non pertineat ad opus prouidentia. Alio modo potest intelligi priuatio intentionis respectu agentis particularis, vt potest particularis naturæ, & intellectus creati: & hoc modo aliquid est casuale, & casus aliquid est, secundum quod dicit Boëtius in libro de consolatione diffiniens casum, & ostendens qualiter quis potest operari casualiter, videlicet cum aliquid assequitur inopinatè: & ideo dicit: Casus est inopinatus rei euentus: vbi simul tangit positionem, & priuationem. Positionem per hoc quod dicit euentum: priuationem in hoc quod dicit inopinatum: & illa quidem priuatio non est respectu Dei, quia Deus nihil potest facere inopinate, siue improvisè, nec etiam à Deo est, cum sit defectus, sed potius à defectibilitate creaturæ. Concedendæ sunt igitur rationes ostendentes, quod nihil est à Deo casuale, ita quod casuale secundum quod casuale non est à Deo.

1. AD illud verò quod primò obicitur in contrarium, quod concursus causarum à Deo est, iam patet responsio: arguit enim de casu secundum quod dicit positionem: non secundum quod dicit defectum.

2. AD illud quod obicitur, quod à Deo est causa per se, & per accidens, dicendum quod aliter dicitur accidens de ente prout est differentia entis, aliter prout est differentia causæ. Prout est differentia entis dicitur habitudinem ad subiectum, quæ quidem positio est, non priuatio, prout autem est differentia causæ dicitur priuationem intentionis, per quam aliquid dicitur esse causa alicuius per se: & ideo non sequitur quod si modus essendi per accidens, in quantum huiusmodi sit à Deo, quod & modus operandi per accidens, in quantum huiusmodi sit à Deo.

3. AD illud quod obicitur, quod diuersæ causæ indigent aliquo superiori coniungente, ad hoc quod possint vnum effectum producere, dicendum quod illud dupliciter potest intelligi. Vno modo verè, alio modo falsè. Si enim ita intelligatur quod ad hoc quod aliquæ duæ causæ concurrant, necessaria sit noua influentia causæ superioris plùs quam si non concurrerent, & quælibet operaretur per se, sic non habet veritatem: hoc enim ipso quod aliquis abscondit in terra thesaurum, & aliquis fodit in eadem terra, sine noua influentia illæ duæ operationes causant thesauri inuentionem. Si autem ita intelligatur quod omnes causæ, quæ concurrunt ad vnum effectum, reducuntur ad aliquod vnum principium, sic veritatè habet, pro eo quod illa, quæ non possunt reduci ad vnum principium, omnino sunt diuersæ: & ideo nunquā possunt ad vnum effectum concurrere. Si enim in vno principio non conuenirent, iam omnino

9.24.10m.4.

9.24.10m.4.

Boët. de consol. lib. 5. prosa 1.

Boëtius de consol. lib. 1. prosa 1.

non

nō haberent aliquid commune: & ideo necesse est ponere quoddam tam causæ concurrentes, quàm earum concursus sint ab vno principio primo. Sed tamen ex hoc non sequitur quoddam casuale, in quantum huiusmodi sit à Deo, quamvis sit à Deo secundum id quod est: quia casus non tantum intendit & dicit euentum, sed etiam & euentum inopinatum.

4. Ad illud quod obiicitur, quoddam causa per accidens indiget adiutorio sicut causa per se, dicendum quoddam est verum respectu eius quod efficit, sed non indiget adiutorio respectu eius, in quo deficit: per se enim potest deficere, sed non per se potest efficere: & ideo non sequitur ex hoc quoddam casuale sit à Deo, nisi secundum illud, secundum quod aliquid ponit, non secundum quod dicit priuationem intentionis. Et si obiiciatur, quoddam miraculum in quantum huiusmodi est à Deo, & tamen dicit priuationem consuetudinis, quia sit præter solitum cursum, dicendum quoddam aliter miraculum sit præter solitum cursum, & aliter fortuitum præter intentionem. Miraculum enim sit præter solitum cursum, ita quoddam supra cursum naturæ: vnde plus dicit positionis, quàm priuationis: casuale verò non ita sit præter intentionem quoddam fiat supra intentionem, sed deficit ab intentione.

5. Ad illud quod obiicitur, quoddam Deus potest quoddam aliquid agens vnum assequatur, & aliud intendat, ita quoddam vtrumque sit à Deo, dicendum quoddam verum est: sed assequi vnum, & intendere aliud, hoc non facit casus, vel fortuna in quantum quis aliud intendit ab eo quoddam assequitur, sed in quantum non prouidet, nec intendit illud quoddam assequitur. Si enim illud intenderet, iam non operaretur casualiter, siue fortuitè. Licet autem intendere ad aliud sit à Deo, non tamen à Deo est non intendere illud quoddam assequitur, quia primum dicit positionem, & secundum priuationem: & casuale, siue fortuitum in quantum huiusmodi non nominatur à primo, sed à secundo, & propterea in quantum tale non est à Deo, sed à defectu reperto agente creato.

QVÆSTIO III.

An enuntiatio falsa secundum quoddam falsa sit à Deo.

Richardus 2. Sent. dist. 37. art. 3. q. 2.
Steph. Brulef. 2. Sent. d. 37. q. 6.

Ad oppositum.

VERVM enuntiatio falsa secundum quoddam huiusmodi sit à Deo. Et quoddam sic videtur. Quandocumque aliqua duo fundantur super eundem secundum rem, si vnum est à Deo, & reliquum: sed falsitas alicuius propositionis, & veritas suæ oppositæ fundantur super eundem: hoc enim ipso quoddam hæc est vera: Homo est animal: hæc est falsa: Homo non est animal: ergo cum omnis propositionis veritas sit à Deo, videtur quoddam omnis propositionis falsitas sit à Deo.

2. ITEM veritas est adæquatio rei, & intellectus: & falsitas est inadequatio rei, & intellectus per oppositum: sed sicut se habet æqualitas, & inæqualitas in rebus, ita se habet æqualitas, & inæqualitas in propositionibus: sed æqualitas, & inæqualitas in rebus sunt ab ipso Deo: sicut enim à Deo est quoddam aliqua duo sint æqualia, sic à Deo est quoddam aliqua duo sic se habeant, quoddam vnum excedat reliquum: vnde Augustinus dicit quoddam si essent omnia æqualia, non essent omnia: ergo pari ratione adæquatio, & inadequatio signi assignatum est ab eodem principio.

3. ITEM ab eo est falsitas propositionis, qui solus potest facere propositionem ipsam esse falsam: sed demonstrato aliquo peccatore, ista est vera: Iste non est iustus: & nullus potest hanc facere falsam, nisi solus Deus, qui potest ei dare iustitiam: ergo, &c.

4. ITEM maioris dignitatis, & potestatis est falsificare hanc propositionem: Ille est peccator, quàm verificare eam: qui enim peccat hoc ipso quoddam peccat, verificat eam, & hoc indignitatis est: ergo si omnis propositionis

veritas à Deo est, videtur multo fortius, quoddam talis propositionis falsitas sit à Deo.

SED CONTRA: Omne quoddam Deus potest facere, habet exemplar in Deo: sed enuntiatio falsa secundum quoddam falsa, non habet exemplar in Deo, cum ipsa veritas sit ratio exemplandi: ergo enuntiatio falsa secundum quoddam falsa, non est à Deo.

ITEM sicut se habet bonitas ad malitiam, sic se habet veritas ad falsitatem: sed à summa bonitate nullo modo potest esse malitia: ergo à summa veritate nullo modo potest esse falsitas.

ITEM verum, & ens conuertuntur: sed à Deo non potest aliquid esse quoddam non sit aliquo modo ens: si enim purè nihil esset, à Deo non esset: ergo à Deo non potest esse nisi verum: sed enuntiatio falsa, in quantum huiusmodi dicit priuationem veri: ergo videtur quoddam à Deo non debeat causari secundum quoddam huiusmodi.

ITEM omne quoddam Deus potest facere, potest dicere: sed falsum non potest dicere: ergo non potest facere. Probatio minoris. Si dicit falsum: aut ergo scienter, aut ignoranter. Ignoranter non: hoc constat. Si scienter: sed quicumque dicit falsum scienter, mentitur: ergo Deus mentiretur, quoddam est profanum, & impium dicere.

CONCLUSIO.

Enuntiatio falsa sub ratione falsitatis non est à Deo, facit tamen Deus aliquid, quo facto aliqua ratio est falsa necessario.

RESP. Ad Arg. Dicendum quoddam falsitas nihil aliud est, quàm defectus veritatis in re, quæ nata est verificari: sicut malitia dicit priuationem bonitatis, & rectitudinis circa actionem, quæ nata est rectificari: & ideo sicut actio mala, in quantum actio, est à Deo: in quantum verò mala, & iniusta, à Deo non est: sic enuntiatio falsa in quantum enuntiatio, à Deo est: in quantum verò falsa, non est à Deo. Vnde quædam modum in actione duplex consideratur bonitas, vna naturæ, & altera moris; & vna est essentialis, & altera accidentalis: & ideo vna priuatur, altera relinquitur: & ratione illius bonitatis, quæ relinquitur actio illa est à Deo. Sic in omni enuntiatione duplex est veritas. Vna essentialis: & hæc est veritas, quæ propositio representat illud ad quoddam representandum instituta est; & hæc nunquam priuatur ab enuntiatione. Omnis enim enuntiatio significat illud, ad quoddam instituta est, siue sit vera, siue falsa. Alia verò est veritas accidentalis, quæ attenditur in propositione, in hoc quoddam representat rem secundum quoddam est: tunc enim dicitur adæquari signum signato; & veritas enuntiationis non est aliud, quàm quædam adæquatio, & hæc veritas priuatur per falsitatem: tunc enim est propositio, vel enuntiatio falsa, quando signum non representat rem sicut est, vel res non est sicut representatur per signum; & hoc est quoddam dicit Philosophus; Ab eo quoddam res est, vel non est, dicitur oratio vera, vel falsa; hoc est dicere, ab eo quoddam res est sicut representatur, dicitur oratio vera: ab eo quoddam res non est sicut representatur, dicitur oratio falsa. Sicut igitur iniustitia est priuatio rectitudinis, sic falsitas est defectus adæquationis: & ideo sicut Deo vt auctori non attribuitur iniustitia actionis, sic non debet ei attribui falsitas orationis: vtroque enim modo defectus est, & nullus defectus Deo attribuetur. Notandum est tamè quoddam etsi nullus defectus sit à Deo, tamen magis aliquis defectus elógatur à causalitate Dei, quàm alius, secundum quoddam sunt diuersi modi deficiendi. Est enim quidam defectus, qui dicit priuationem alicuius positionis, & ordinis, sicut est defectus culpabilis: & iste est defectus vituperabilis, & vituperabilem reddit actorem: & talé defectum Deus non facit, nec etiam facit aliquid, quo facto creatura talé defectu deficiat necessariò: vnde nec Deus facit, peccatum nec facit aliquem peccare, nec facit aliquid, quo facto necessario sequatur peccatum ratione illius quoddam Deus facit: hoc dico propter animæ infusionem, in qua neces-

Fundamēt.

Aristot. in
radic. cap.
d. su. st. cir
finem.

6. Esch. &
li. periberm.

Lib 83. q. 9.
41. tom. 4. &
contra ad-
uers. leg. &
Porph. cap. 4.
tom. 6.

larid contrahitur culpa originalis : sed hoc non est ex actu Dei , sed ex prauaricatione primi parentis. Est & alius defectus, qui est priuatio alicuius positionis , non tamen est priuatio ordinis : contingit enim aliquos defectus ordinari , & talis defectus licet non possit Deo attribui secundum quod defectus , potest tamen ei attribui secundum quod ordinatus : & de tali defectu licet non possit dici , quod Deus eum faciat , quia defectum facere est deficere : potest tamen dici quod facit aliquid quo facto necessario consequitur ille defectus : & talis defectus est falsitas, & ignorantia, & cæcitas, & consimiles. Vnde quamvis non possit concedi quod Deus faciat falsitatem orationis, siue orationem falsam, secundum quod falsa est : potest tamen concedi , quod Deus faciat aliquid , quo facto aliqua oratio est falsa necessarid : sicut cum iustificat impium , facit aliquid , quo facto hæc enuntiatio est falsa : Ille est impius. Concedendæ sunt igitur rationes ostendentes quod enuntiatio falsa secundum quod falsa non sit à Deo.

1. Ad illud ergo quod obiicitur, quod falsitas, & veritas fundantur super idem , dicendum quod verum est : sed tamen aliter, & aliter, quia veritas fundatur per modum positionis , & falsitas per modum priuationis : & ideo non sequitur quod sint ab eodem. Cum autem dicitur quod quæ super idem fundantur ab eodem sunt, hoc intelligitur , quando super illud idem fundantur, & eodem modo.

2. Ad illud quod obiicitur, quod æqualitas, & inæqualitas in rebus sunt ab eodem principio. Respondendum est quod non est simile, quia in rebus vno modo inæqualitas dicit priuationem æqualitatis, ubi habet esse : & tunc non est à Deo, cum sit defectus. Alio modo inæqualitas dicit gradum , & ordinem , qui debet esse inter res : & hoc modo etsi videatur dicere priuationem, quia tamen dicit positionem , à Deo est : sed inadæquatio signi ad signatum semper dicit defectum, pro eo quod signum institutum est vt repræsentet signatum secundum quod est : & ideo inadæquatione signi ad signatum est falsitas : inadæquatio verò in rebus non est falsitas. Et propterea non sequitur quod si inadæquatio rei ad rem est à Deo , quod inadæquatio signi ad signatum sit à Deo. Posset tamen dici quod inadæquatio , in quantum huiusmodi cum dicat defectum æqualitatis, à Deo non est, quamvis illud quod subest, à Deo est.

3. Ad illud quod obiicitur , quod Deus potest falsificare enuntiationem, dicendum quod hæc est vera, & propria : Deus facit aliquid , quo facto aliqua propositio est falsa : hæc autem est minus propria : Deus facit aliquam propositionem falsam : sed est simpliciter impropria : Deus facit falsitatem in propositione , & hoc quia falsitas nominat ipsum defectum præcisè : & ideo in illa ratione est sophisma secundum accidens, quæ sic arguit : Facit aliquid , quo facto , propositio est falsa : ergo facit propositionem falsam , siue falsitatem in propositione.

4. Ad illud quod obiicitur , quod maioris dignitatis est falsificare aliquam propositionem quam verificare, dicendum quod veritatem ad falsitatem contingit comparari dupliciter : aut loquendo formaliter, aut causaliter, siue ratione eius quod subest. Si loquendo formaliter : sic, cum veritas dicat adæquationem, & falsitas inadæquationem, & ita falsitas priuationem, veritas positionem, dignius est omnino aliquid verificare, quam falsificare : quidquid illud sit , cum dignior sit veritas quam falsitas : si tamen contingat dicere dignius respectu eius , in quo nulla est dignitas. Si autem comparamus veritatem ad falsitatem ratione eius, quod respondet ex parte rei , sic dico de plano quod aliquando dignius est illud , quod ex parte rei reddit illam propositionem falsam , quam illud quod reddit propositionem veram, sicut patet : dignius enim quod reddit istam propositionem falsam : Ille non est bonus : quam quod reddit

A eam veram. Et ratio huius est ista , quia quamvis veritas de se dicat positionem , quia dicit adæquationem , illa adæquatio ex parte alterius extremi ita bene potest respicere priuationem , sicut positionem , & defectum sicut effectum. Sicut enim defectus est ordinabilis , & tamen defectus est , sic est cognoscibilis , & sic est significabilis : ideo cum quæritur super quid fundetur veritas enuntiationis , non oportet quod ex parte rei respondeat aliqua veritas. Sicut enim verum ens, contingit verè significari de ipso ipsum esse : sic etiam de illo quod nullo modo esse contingit verè significari quod ipsum nō est. Sicut enim significatio dicit relationem , quæ non requirit significatum esse in actu , sic & veritas signi , quæ quidem dicit conditionem illius relationis, non exigit fundari super aliquam rem actualiter existentem ; nihilominus tamen cum omnis relatio , & ordo à Deo sit , talis significatio , & talis veritas à Deo est : nec sequitur ad hoc quod significatum sit à Deo : immò est ibi sophisma secundum accidens, sicut si argueretur : Ordinatio culpæ , & pœnæ est à Deo : ergo culpa est à Deo. Sic non sequitur in proposito. Vera significatio furti est à Deo : ergo furtum est à Deo. Et sic patet , quod si veritati non semper correspondeat ex parte significati aliquid excellentius quam falsitati : tamen veritas nobilior est quam falsitas : & ideo non sequitur quod si verificatio propositionis sit à Deo , quod ab eodem sit propositionis falsificatio , siue falsa enuntiatio secundum quod falsa. Et sic patent quæsitæ.

Exemplum.

DISTINCT. XXXVIII.

Quod voluntas ex eius fine cognoscitur : Rectane sit an praua , qualisque inter illam intentionem & finem sit differentia.



POST prædicta, de voluntate eiusque fine differendum est. Sciendum ergo est quod ex fine suo, vt ait Augustinus voluntas cognoscitur utrum recta an praua sit. Finis autem bonæ voluntatis beatitudo est, vita æterna, ipse Deus. Mala verò finis est aliud scilicet mala delectatio, vel aliquid aliud in quo non debet voluntas quiescere. Finem ergo bonum insinuat propheta, dicens : Omnis consummationis vidi finem, &c. Charitas ergo cuius latum mandatum est, finis omnis consummationis est, id est, omnis bonæ voluntatis & actionis, ad quam omne præceptum referendum est. Vnde Augustinus in Enchiridion. Omnia præcepta diuina referuntur ad charitatem. De qua dicit Apostolus : Finis præcepti est charitas de corde puro, & conscientia bona, & fide non ficta. Omnis itaque præcepti finis, charitas est, id est, ad charitatem refertur omne præceptum. Quod verò ita sit vel timore pœnæ, vel aliqua intentione carnali, vt non referatur ad charitatem, quæ est dilectio Dei & proximi, nondum sit quemadmodum oportet fieri, quamvis fieri videatur. Tunc enim recte sunt quæ mandata Deus, & quæ consilio monet, cum referuntur ad dilectionem Dei & proximi. His verbis aperte insinuat, quis sit rectus finis voluntatis, siue actionis bonæ, scilicet charitas, quæ & Deus est, vt supra ostendimus.

Lib. 1. de Tri. cap. 6. 10m. 3.

Psalm. 118.

Cap. 121.

1. Tim. 1. 5.

Lib. 1. dist. 17.

Quod

Quodd Deus est finis omnis bonæ actionis, quia charitas A
est: nec tantum Spiritus sanctus, sed etiam Christus,
& Pater, nec hi sunt tres fines, sed vnus finis.

*Qui ergo charitatem sibi ponit finem, Deum sibi po-
nit finem: unde & Christum finem legis ad iustitiam
dicit Apostolus esse omni credenti. Et rectè dicitur
Christus finis legis ad iustitiam: quia ut ait Augus-
tinus in libro sententiarum Prosperi: In Christo lex iusti-
tia non consumitur, sed impletur. Omnis enim perfectio
ex ipso, & in ipso est: & ultra quem non est, quo spes se
extendat. Finis fidelium Christus est, ad quem cum
perueniret currentis intentio, non habet quo amplius
possit venire, sed habet id in quo debeat permanere.
Finis ergo rectus atque supremus, Deus Pater est, &
Filius, & Spiritus sanctus: nec hi tres sunt tres fines, sed
vnus finis: quia non tres Di, sed vnus Deus.*

Quod omnes bonæ voluntates vnum habent finem:
& tamen quædam bonæ diuersos fines
fortiuntur.

*Sed queritur: Vtrum omnes bonæ voluntates vnum
tantum habeant finem. De hoc Augustinus in 11. de
Trinitate, ita ait: Alia atque alia voluntates suos pro-
prios fines habent, qui tamen referuntur ad finem il-
lius voluntatis, quæ volumus beatè viuere, & ad eam
peruenire vitam, quæ nõ referatur ad aliud, sed aman-
ti per se ipsam sufficiat: quemadmodum voluntas vi-
dendi, finem habet visionem, & voluntas videndi
fenestram finem habet fenestra visionem. Altera ve-
rò est voluntas per fenestram videndi transeuntes, cu-
ius item finis est visio transeuntium. Ad quod etiam
prædicta referuntur voluntates. Item: Rectæ sunt vo-
luntates, & omnes sibi met religatæ, si bona est illa, ad
quam cuncta referuntur. Si autem praua est, praua
sunt omnes: & ideo rectarum voluntatum connexio
iter quoddam est ascendendum ad beatitudinē, quod
certis velut passibus agitur. Pravarum autē & distor-
tarum voluntatum implicatio vinculum est, quo allig-
abitur qui hoc agit, ut proiciatur in tenebras exte-
riores. His auctoritatum testimoniis euidenter mon-
stratur, plures in fidelibus rectas esse voluntates pro-
prios ac diuersos fines habentes: & tamen vnum eun-
demque, quia omnes referuntur ad vnum, qui est finis
finium, de quo paulò antè diximus: ita econuerso fortè
est & in malis.*

Quædam huic sententiæ videntur aduersari.

*Veruntamen huic sententiæ, quæ dictum est fidelium
quædam rectas voluntates diuersos fines sortiri, & ta-
men ad vnum referri, videtur obuiare quod alibi Aug.
admonet, ne sc. nobis duos fines cõstituamus, ita inquit
in libro de sermone Domini in monte: Nõ debemus ideo
euangelizare, ut manducemus, sed ideo manducare,
ut euangelizemus: ut cibus non sit bonum quod appeti-
tur, sed necessarium quod adiicitur, ut illud impleatur:
Querite primum regnum Dei, & hac omnia adiicien-
tur vobis. Non dixit: Primum querite regnum Dei, &
deinde querite ista, quamvis sint necessaria: sed ait:
hac omnia adiicientur vobis, id est, hac consequentur, si
illa queratis: ne cum ista queritis, illinc auertamini:
aut ne duos fines constituatis, ut regnum propter se ap-
petatis, & ista necessaria propter illud. Ergo propter
regnum Dei tantum debemus operari omnia, nec solā,
vel cum regno Dei mercedem temporalem meditari.
Ecce hic apertè dicit, ne duos fines nobis constituamus,
sed vnum tantum, id est, regnū Dei, cum suprā dixerit
bonas voluntates alias, & alias proprios habere fines.*

Hic ostenditur quo modo licet videantur, non
repugnent prædicta.

*Hac autē sibi non repugnare animaduertit, qui ver-
bis præmissis simplici oculo diligenter intēdit, qui enim
dixit, ne duos fines nobis constituamus, sed omnia pro-
pter regnū Dei faciamus, ipse præmisit quod debemus
manducare ut euangelizemus. Cum autem hoc ita fa-
ciamus, actionis illius finem euangelium, constituimus:
sed & hunc finem ad regnum Dei referimus. Man-
ducamus enim propter Euangelium, & manduca-
mus & euangelizamus propter regnum Dei. Duos
igitur fines nobis in manducando constituimus. Sed ita
facientes nunquid peccamus? absit. Nam & ipse sic
facere suadet, si diligēter eius verba inspiciamus. Cum
ergo ait, ne duos fines nobis cõstituamus, fines in diuer-
sa tendentes intelligi voluit, sc. quorū alter ad alterū
non referatur: ita & cum dicit, propter regnum Dei
tantum omnia agenda, nec cum ipso mercedē tempo-
ralē meditandā, ita intelligendum est, ut non appetē-
do meditemur, cum regno mercedē temporalem, ita q̃
non propter regnum sed propter se, ut sc. regnum pro-
pter se appetamus, & ista propter illud, sicut ipse docet.
Si enim petimus vitam aternā, petimusque etiā tem-
poralia à Deo, si ea petimus propter vitam aternā, non
offendimus: neq. sinistra tunc scit quid faciat dextera,
quia mercedem temporalem non propter se meditatur,
sed propter regnum Dei, ut sit laua sub capite, & dex-
tera in amplexu. Alioquin si hac tēporalia propter se
querimus sicut aternā, miscetur dextera sinistra. Ideoq.
cum Dominus dixerit: Attendite, ne iustitiam vestrā
faciatis coram hominibus ut videamini ab eis: alibi
ait: Sic luceant opera vestra bona coram hominibus,
ut glorificent patrem vestrum qui in cælis est. Propter
Deum ergo omnia facienda sunt, ut omnia quæ faci-
mus, omniumque fines ad eum referamus.*

De differentia voluntatis, intentionis, & finis.

*Solet etiam queri, quid distet inter voluntatem, &
intentionem, ac finem. Ad quod dici potest, inter volun-
tatem & finem certo atque euidenti modo distingui,
quia voluntas est quā volumus aliquid. Finis verò vo-
luntatis est, vel illud quod volumus, per quod impletur
ipsa voluntas: vel potius aliud propter quod illud vo-
lumus. Intentio verò interdum pro voluntate, inter-
dum pro fine voluntatis accipitur: quæ diligens ac pius
lector in Scriptura, ubi hac occurrunt, discernere stu-
deat. Finis verò voluntatis est delectatio bona vel ma-
la, ad quam nititur quisque peruenire. Vnde Augus-
tinus super illum locum Psalmi: Scrutans corda & re-
nes: sic ait: Deus solus scrutatur corda, id est, quid
quisque cogitet: & renes, id est, quid quemque dele-
ctet: quia finis curæ & cogitationis est delectatio, ad
quam curā & cogitatione nititur quisque peruenire.
Et paulò post: Opera nostra, quæ sunt in dictis & fa-
ctis, possunt homines videre: sed quo animo fiant, &
quò venire cupiant, solus Deus videt: qui cum videt
cor esse in calo, & non delectari nos in carne, sed in Do-
mino, id est, cum bona sunt cogitationes, & eorum fines,
dirigit iustum. Idem super alterius Psalmi locum illum,
scilicet: In laqueo isto, quem absconderunt, comprehen-
sus est pes eorum, dicit: Pes anima amor est: qui, si
prauus est, dicitur cupiditas vel libido: si rectus, dicitur
charitas. Eò mouetur anima, quasi ad locum quò ten-
dit, id est, ad delectationem bonam vel malam, quò
superuenisse per amorem latatur. Finis ergo volunta-
tis, ut præmissum est, dicitur & illud quod volumus, &*

illud propter q̄ volumus, & intentio ad illud respicit A
propter quod volumus, & voluntas ad illud quod volumus: ut verb. gratia: Si velim esurientem reficere, ut habeam vitam aternam, voluntas est quā volo reficere esurientem, cuius finis est refectio esurientis: Intentio vero est, quā sic ad vitam pervenire volo. Finis vero supremus est ipsa vita, ad quā & alius finis refertur.

An illa intentio sit voluntas.

Sed queritur: Vtrum intentio talis sit voluntas: & si voluntas est, an in hoc opere sit una eademque voluntas, quā volo reficere esurientem, & quā volo habere vitam aternam. Videtur nempe talis intentio voluntas esse, ut enim voluntas est quā volo reficere pauperem, ita & voluntas est quā per illud volo habere vitam. Et alia quidem videtur voluntas esse quā volo habere vitam, & alia quā pauperi subvenire volo. Sed ista ad illam refertur. Nam etsi hoc ita placeat, ut in eo cum aliqua delectatione voluntas acquiescat, nondum est tamen illud quod tenditur, sed hoc ad illud refertur: ut illud deputetur tanquam patria civis, istud vero tanquam refectio vel mansio viatoris. Et sunt ista voluntates affectus siue motus mentis, quibus quasi gressibus vel passibus tenditur ad patriam. Sicut ergo altera est voluntas videndi fenestras, ut supra docente Aug. didicimus, altera quae ex ista necitur, voluntas sc. per fenestras videndi transeuntes: ita nonnullis alia videtur esse voluntas elemosynas dandi pauperi, alia voluntas habendi vitā. Alij autē putant, quod una sit voluntas & hic & ibi, sed propter subiectorum multipliciter diversitas memoratur voluntatum. Ceterum quodlibet horum verum sit, illud nulli in ambiguum venit, quin voluntas ex suo fine pensetur, vtrum recta sit an prava, peccatum an gratia; & quin nomine intentionis aliquando finis, aliquando voluntas intelligatur.

DISTINCT. XXXVIII.

Qualiter in generali per actum voluntatis peccatum introducit.

Post praedicta de voluntate, eiusque fine, &c.

Expositio Textus.

QUAPRA ostendit Magister, quid sit malum, siue peccatum in generali, in hac parte determinat, qualiter peccatum per actum voluntatis habeat introduci. Dividitur autem pars ista in tres. In quarum prima determinat Magister, qualiter peccatum a voluntate habeat ortum in generali. In secunda vero descendit ad speciales differentias peccati, infra dist. 42. Cum autem voluntas mala, & operatio, &c. In tertia vero inquit, vtrum ortum habeat in ipsa voluntate potestas peccandi, infra dist. 44. Post praedicta, consideratione dignum occurrit, &c. Prima pars habet duas. In prima inquit Magister, qualiter ipsa voluntas habeat depravari. Secundo vero qualiter ex prauitate voluntatis fiat depravatio in actu exteriori, infra dist. 40. Post hac de actibus adiiciendum videtur. Prima pars habet duas. In prima determinat, qualiter voluntas habeat depravari. In secunda vero inquit quare magis depravetur voluntas in suo actu, quā aliqua alia potentia, infra dist. 39. Hic autem oritur quaestio satis necessaria. Prima pars, quae continet praesentem distinctionem, habet duas partes. Quoniam enim depravatio, & reformatio voluntatis attenditur penes finem, & voluntas habet comparari ad finem mediante intentione, ideo pars ista duas habet partes. In quarum prima determinat Magister de reformatio-

ne, & depravatione voluntatis ex parte finis. Secundo vero inquit differentiam voluntatis, intentionis, & finis, ibi: Solet etiam queri, quid distet inter voluntatem, & intentionem. Prima pars habet quatuor partes. Quia enim obliquo cognosci habet per rectitudinem, nam rectus iudex est sui, & obliquus, ideo in prima parte determinat Magister, quod ex parte finis venit reformatio voluntatis. Secundo determinat, quis sit ille finis, ibi: Qui ergo charitatem sibi ponit finem. In tertia vero determinat de unitate finis respectu bonarum voluntatum, ibi: Sed queritur, vtrum omnes bona voluntates. Quarto vero movet quoddam dubium, & determinat, ibi: Verumtamen huic sententia, quā dictum est, &c. Secunda vero pars, in qua determinat de differentia voluntatis, intentionis, & finis, habet duas. In quarum prima querit differentiam secundum rationem, ibi: Solet etiam queri, &c. Secundo de differentia secundum rem, ibi: Sed queritur, vtrum intentio, &c. Et secundum hoc duo determinantur in parte ista, scilicet de comparatione voluntatis ad finem, & de differentia intentionis, & voluntatis.

Ex fine suo. Dub. I.

SED CONTRA: Beatitudo est bonum nobis ignotum: unde hoc est illud: Quod nec oculos vidit, nec auris audivit, &c. ergo si per ignotum non possumus aliud cognoscere, videtur quod voluntas non possit cognosci, vtrum sit bona, vel prava ex illo fine. Item certius est nobis quod est praesens nobis ipsis, quā quod est absens: si ergo non cognoscimus praesentia per absentia, sed econverso, videtur quod per beatitudinem non fiat cognitio bonitatis in voluntate.

RESP. Dicendum quod cognitio beatitudinis duplex est, videlicet in vniuersali, & particulari. Cognitio beatitudinis in vniuersali omnibus est innata. Cognitio vero in particulari, videlicet ubi sit beatitudo ponenda, habetur a nobis per habitum fidei aliquo modo, & aliquo modo expectatur habenda per deformitatem gloriae. Nunc enim cognoscimus quasi speculando, & a remotis, & semiplene: tunc autem cognoscemus experiendo perfecte. Licet autem nunc non cognoscamus perfecte, cognoscimus tamen certitudinaliter certitudine fidei, quod beatitudo est magnum, & verum bonum. De voluntate nostra, vtrum sit recta, vel prava nos nescimus nisi per coniecturam: & ideo sicut certum est ratio veniendi in cognitionem dubij, sic cognitio beatitudinis facit venire in cognitionem bonitatis voluntatis, dum quis videt suam voluntatem ad beatitudinem tendere. Quod ergo obiicitur quod beatitudo nobis ignota est, iam patet responsio. Verum est enim quod non est nobis nota per experientiam, est tamen nobis nota per fidem. Ad illud quod obiicitur, quod reformatio voluntatis est nobis praesens. Dicendum quod sicut in primo libro ostensum fuit, licet charitas, & gratia sint nobis praesentia, sunt tamen nobis ignota in quantum gratuita, quia de eis nulla potest haberi experientia: unde etsi certissimus sum de affectione mea secundum quod est affectio, valde tamen dubius sum de affectione mea, vtrum sit ordinata, vel gratuita: & ita acquiri mihi probabilitatem per aliqua signa.

Finis precepti est charitas de corde puro, & conscientia, bona, & fide non ficta. Dub. II.

CONTRA hoc verbum Apostoli obiicitur. Quoniam precepta directius sunt ordinata ad obediendum, quā ad amandum: ergo potius debuit dicere: Obediencia est finis precepti, quā charitas. Item cum finis, quē assequimur ex oblatione mandatorum sit ipsa vita aeterna, potius deberet dicere: Finis precepti est vita aeterna, quā charitas. Iuxta hoc queritur de numero, & de differentia illarum conditionum appositarum, scilicet corde puro, &c. Cum enim charitas non sit de fide, nec de conscientia, sed potius de affectione, non videtur recte notificari per illas condiciones.

RESP. Dicendum quod secundum quod doctores exponunt, Apostolus hic diffinit charitatem: sed quidam

Arist. 1. de anima con- tex. 85.

1. 64. b & c. 1. Cor. 13.

Aug. lib. 11. de Trin. c. 6. in fine.

Ibid. supra in sensu. Ca. 1. qua videtur lib. 11. de Trin. c. 6.

Dist. 110.

hic

sic exponunt, vt illæ determinationes de corde puro, &c. sint determinationes ex parte subiecti: & hoc quod dicitur finis præcepti, sit ipsa notificatio, vt sit sensus: Charitas procedens de corde puro, &c. est finis præcepti. Alio modo exponitur, vt hoc totum sit notificatio finis præcepti de corde puro, &c. Hic modus dicendi videtur congruentior. Et secundum hunc modum dicendi notandum quod charitas hic diffinitur per actum suum. Actus autem charitatis, qui est amare, dupliciter habet notificari, & per comparisonem ad illud à quo procedit tanquam à principio efficiente, & per comparisonem ad illud quod ad ipsam charitatem terminatur sicut ad quietatem: & ideo in illa eius notificatione tangitur duplex comparatio, videlicet ad corpus, & ad ipsum præceptum: Et quia puritas cordis, à qua immediatè procedit actus dilectionis præsupponit fiduciam fidei, & certitudinem spei tanquam dispositiones præambulas: ideo vt manifestaret Apostolus quod actus charitatis præsupponit actus aliarum virtutum Theologicarum tanquam disponentes ad ipsum, ista tria dicit. *De corde puro*, in quo tangit charitatis sanctitatem. *Conscientia bona*, in quo tangit spei fiduciam. *Et fide non ficta*, in quo tangit fidei constantiam. Et in his duobus Apostolus charitatem perfectissimè commendat: in hoc quod ostendit, quod in actu charitatis consistit complementum omnis virtutis, & finis omnis bonæ operationis, quæ intelligitur in nomine præcepti. Vnde intellectus prædictæ diffinitionis est iste: Charitas est finis præcepti, &c. id est charitas est illud, in quo consistit omnis mandati adimpletio, & omnium virtutum perfectio: & hinc est quod Scriptura adeo nobis commendat charitatem, & maxime Scriptura noui testamenti, & Apostolus eam laudat elegantissimè. Quod ergo obiicitur de obedientia, & vita æterna quod debeant dici finis præcepti, dicendum quod obedientia ordinata est ad charitatem habendam, & vita æterna non est aliud, quàm charitas consummata.

Finis ergo rectus, atque supremus Deus Pater est, &c. Dub. III.

CONTRA: Finis est res, qua fruendum est: sed hi tres sunt tres res, quibus fruendum est, sicut dicit August. in libro de Doctrina Christiana: ergo sunt tres fines. **ITEM** intentio finis dirigitur per fidem: sed fides ponit tres articulos in credendo Patrem, & Filium, & Spiritum sanctum: ergo pari ratione intentio intendit in eum statuens ibi tres fines. Quæritur ergo, quare non sit diuersitas finium, sicut pluralitas articulorum.

RESP. Dicendum quod rationis est distinguere, & voluntatis vnire. Rursus sicut dicit Damascenus: Personæ distinguuntur ratione, & conueniunt re, & natura: secundum hoc ergo intelligendum est quod nomina illa, quæ sunt communia ad rem, & rationem, possunt plurificari: illa verò quæ sunt realia plurificari non possunt: ideo potest dici quod Pater, & Filius, & Spiritus sanctus sunt tres res: non tamè potest dici quod sint tres bonitates. Rursus: Quia articulus dicit quod est ex parte rationis, finis verò dicit quod respicit voluntatem: ideo possumus dicere plures articulos: non tamen possumus dicere plures fines: licet enim sint plures articuli, vna tamen est in eis veritas, quia cum veritas complexa secundum quod aliquid ponit, reducat ad veritatem incomplexam, & vna sit veritas incomplexa in Patre, & Filio, & Spiritu sancto secundum quod sunt vna charitas, & vna veritas, illi tres articuli super vnam veritatem realem fundari habent. Ad illud ergo quod obiicitur, quod sunt tres res, dicendum quod ratio illa non valet. Sunt tres res: ergo tres fines: quia proceditur à pluralitate personali ad pluralitatem essentialem: & differenter accipitur res cum dicitur: Finis est res, & cum dicitur: Tres sunt res. Ad illud quod obiicitur, quod fides distinguit, dicendum quod ex hoc non sequitur quod intentio distinguat plures fines, sicut si-

des plures articulos: nam cum intentio in charitate consummetur, & charitatis sit vnire, plus habet intentionem vniendi, quàm rationem distinguendi.

Sed quæritur vtrum intentio talis sit voluntas, &c. Dub. IV.

Quæritur hic de quæstione, quam Magister non determinat in partem alteram, vtrum scilicet voluntas finis, & eius quod est ad finem, sint duæ voluntates, aut vna: nam quod duæ sint, videtur per hoc quod vna est creati, & alia increati, vna temporalis, & alia æterni. Quod autem vna sit, videtur per hoc quod ibi est vnum propter alterum: vbi autem hoc est, ibi tantum vnum est, vt cum diligo vinum, quia dulce, non diligo duo, sed vnum.

RESPON. Dicendum quod Magister ponit hic duas responiones: nec tamen aliquam earum reprobat, nec aliquam magis approbat. Et ratio huius est, quia secundum diuersas considerationes verum dicit vtrique, & vtrumque oportet dicere. Vna enim dicit quod sunt voluntates duæ. Alia dicit quod est voluntas, vna, hoc autem dixerunt aspicientes ad diuersa. Voluntas enim finis dupliciter potest esse: aut sicut obiecti, aut sicut finis in ratione finis: si sit voluntas finis sicut obiecti, sic cum aliud sit obiectum creatum, & aliud increatum, alia est voluntas, qua volo finem, & alia qua volo id quod est ad finem, sicut alius est motus affectionis, quo amo Deum in se, & alius motus quo amo creaturam. Si autem sit voluntas finis sub ratione finis, in quantum scilicet aliud habet ad ipsum ordinari, sic vna voluntate, & vno decurso volo vtrumque, quamuis voluntas simul, & semel non possit ferri super vtrumque, sed successiue: vt patet, cum amo comestionem propter salutem, quia in amore comestionis includo amorem salutis. Et secundum has duas vias duo sunt modi dicendi probabiles, & veri, si rectè fuerint intellecti.

ARTICVLVS I.

AD intelligentiam huius partis incidit hic quæstio circa duo. Et primò quæritur de comparatione voluntatis ad suum finem. Secundò verò quæritur de differentia intentionis ad voluntatem. Circa primum quærentur quatuor. Primò quæritur, vtrum voluntas ratione finis sit commendabilis. Secundò quæritur, quis sit ille finis. Tertiò quæritur, vtrum bonæ voluntates habeant vnum finem, vel diuersos. Quarto quæritur vtrum malæ voluntates communicent in fine, an constituent sibi fines alios, & alios.

QVÆSTIO I.

An voluntas sit bona, & commendabilis ratione boni finis.

*S. Thom. 1. 2. q. 1. art. 3.
Et q. 18. art. 2. 3. & 4.
Et 2. Sent. dist. 38. q. 1. art. 5.
Agid. Rom. 2. Sent. dist. 38. p. 2. q. 1. art. 1.
Richardus 2. Sent. dist. 38. q. 1.
Durandus 2. Sent. dist. 38. q. 1.
Thom. Argent. 2. Sent. dist. 38. q. 1. art. 3.
Greg. Arim. 2. Sent. dist. 38. q. 1. art. 1.
Steph. Brulef. 2. Sent. d. 38. q. 1.*

VTRVM voluntas sit bona, & commendabilis ratione boni finis. Et quod sic, videtur: Si oculus tuus fuerit simplex, totum corpus tuum luminosum erit. Si ergo oculus est intentio per quam voluntas ordinatur in finem secundum quod ibi exponitur, & corpus est congeries operum, videtur quod si finis bonus sit, quod omnis operatio voluntatis sit bona, & commendabilis.

ITEM August. dicit in lib. 11. de Trinitate: Rectæ

Fundamēta. Mat. 6. 6. Aug. tom. 4. de ser. Domini in mont. lib. 1. c. 21.

Lib. 11. c. 6.

sunt omnes voluntates, si bona est illa, ad quam cunctæ A ordinantur: sed illa ad quam cunctæ ordinantur, est voluntas finis: si ergo finis bonus est, restat quod voluntas finis, & omnis voluntas ad eam ordinata sit bona, & recta.

ITEM maxima est Philosophi: Cuius finis bonus est, ipsum quoque bonum est: ergo si actus voluntatis finis bonus est: ergo ipsa bona est.

ITEM in actione naturali in qua forma est finis, bonitas generationis & operationis attenditur penes finem, & formam: ergo cum intentio finis sit æquæ essentialis morali actui, ut naturali: & bonitas actus voluntatis pertineat ad mores, videtur quod bonitas voluntatis, & rectificatio penes bonitatem finis habeat attendi, & cognosci.

1. SED CONTRA: Finis bonorum est beatitudo, sicut Magister dicit in litera: sed omnes appetunt beatitudinem, sicut dicit Augustinus, & omnes eam finaliter intendunt, sicut dicit Boëtius in libro de consol. quamvis diverso tramite ad eam currant: ergo si omnes voluntates communicant cum illo fine, ergo omnes erunt bonæ, & nulla mala.

2. ITEM Dionysius dicit quod nemo operatur ad malum aspiciens: ergo omnis operans finaliter aspiciat ad aliquod bonum: unde & Philosophus etiam dicit quod bonum, & finis est idem: ergo si omnis voluntas aliquod intendit bonum, videtur quod aut omnis voluntas est bona, aut quod bonitas non inest voluntati ex fine.

3. ITEM quantumcunque aliquis finaliter appetat bonum, tamen nunquam operatio eius erit meritoria nisi sit charitate informata, & anima sit Deo grata, & accepta: ergo videtur quod bonitas voluntatis in actu potius veniat ex principio, quam ex fine.

4. ITEM si bonitas voluntatis venit ex fine, cum finis omnis bonæ voluntatis sit Deus, & sit æqualiter bonus, videtur quod omnes bonæ voluntates sint æqualiter bonæ: si igitur omnes voluntates non sunt æqualiter bonæ, videtur quod bonitas voluntatis non sit ex fine.

5. ITEM manducare bonum est: ergo si quis finaliter prædicat, ut manducet, cum operatio ista habeat bonum finem, videtur quod sic prædicare sit bonum, & laudabile: si igitur talis actio iudicatur esse mala, videtur quod voluntas non sit bona ex voluntate finis.

6. ITEM si aliquis mentitur propter salutem proximi, cum salutare proximum sit bonum, mendacium illud esset bonum, & meritorium, si opus voluntatis bonitatem haberet ex fine: sed constat quod mendacium nunquam est bonum, sicut dicit Augustinus, ergo videtur quod bonitas finis non sufficiat ad bonitatem voluntatis. Quæritur igitur unde causetur rectitudo, & bonitas in voluntate, utrum ex fine, sicut videtur dicere Magister, an aliunde.

CONCLUSIO.

Voluntas est bona ex fine, si tamen finis sit bonus, secundum id quod est, & sub ratione finiendi, & res ordinabilis habeat idoneitatem ad bonum finem, voluntasque in illum actum convertatur.

RESP. ad Arg. Dicendum quod cum dicitur voluntas esse bona ex bonitate finis, hoc est dicere quod voluntas est bona ex ordinatione ad bonum finem. Ad hoc autem quod sit recta ordinatio ad bonum finem, requiritur quod finis bonus sit duobus modis, videlicet secundum id quod est, & sub ratione finiendi. Aliquid enim est bonum in se, quod tamen non recte ordinatur ad alterum in ratione finis: sicut minus bonum quamvis sit bonum, non tamen est bonus finis maioris boni, pro eo quod finis melior debet esse his, quæ sunt ad finem. Similiter ex parte ordinationis duo requiruntur, videlicet idoneitas ex parte ordinabilis & actualis conversio, ex parte voluntatis ordinantis: & cum ista concurrunt, tunc absque dubio voluntas bona ex fine bono iudicatur.

Cum autem horum aliquid deficit, bonitas finis non sufficit ad bonitatem voluntatis, utpote si sit finis bonus in se: non tamen sufficit ad finiendum, vel ad complendum illud quod sit propter ipsum: sicut manducatio quamvis sit bonum in se, non tamen habet completam rationem finiendi respectu prædicationis. Similiter mendacium non est ordinabile ad bonum cum sit secundum se malum: & ideo quantumcunque quis mentiatur propter aliquod bonum, mendacium non est bonum, quia deficit ibi rectitudo ordinationis propter defectum idoneitatis ex parte actus, quem voluntas refert ad illum finem. Et sic patet responsio ad quæstionem veritatem, quoniam concedendum est, sicut Magister dicit, voluntatem esse bonam, & rectam ex fine: hoc enim intelligitur sub prædictis conditionibus. Et secundum hunc modum rationes ad primam partem concedendæ sunt. Et per hoc etiam patet responsio ad illa duo, quæ ultimo opponuntur, videlicet de prædicatione, & mendacio.

1. AD illud verò quod primo obiicitur, quod beatitudo est finis bonarum voluntatum, & etiam omnium, dicendum quod aliter est finis bonarum voluntatum, & aliter malarum. Nam beatitudo, quæ est finis omnium bonarum voluntatum, est beatitudo vera: beatitudo verò, quæ est finis malarum, non est beatitudo vera, sed simulata. Avarus enim æstimat beatitudinem esse in divitiis & superbis, & honoribus, & sic in aliis vitiis: unde sicut finis malarum voluntatum quandam habet imaginem finis veri boni, utpote beatitudinis, sic etiam malarum voluntates prætendunt speciem virtutis. Quando ergo dicitur quod omnis voluntas tendit ad beatitudinem, hoc intelligitur de beatitudine in sua generalitate considerata, in cuius appetitu omnes, ut dicit Augustinus, communicant: sed prout beatitudo determinatè accipitur pro illa, quæ consistit in visione Dei, nec ab omnibus appetitur, nec omnes in illam tendunt.

2. AD illud quod obiicitur, quod nemo operatur ad malum aspiciens, dicendum quod illud quod movet aliquando est bonum secundum veritatem, aliquando est bonum secundum æstimationem: & ad hoc quod affectus moveatur, sufficit sola æstimatio bonitatis: & sine hac æstimatione non movetur voluntas ad aliquod appetendum, ad minus deliberativum appetitu. Et ideo dicit Dionysius quod nemo operatur ad malum aspiciens, quia nulla est voluntatis operatio, quam non præcedat boni æstimatio: sed quia illud quod æstimatur esse bonum, frequenter est malum, ideo frequenter male operatur, etsi nunquam aspiciat ad malum sub ratione mali. Cum ergo dicitur quod voluntas est bona ex intentione boni finis, hoc non intelligitur de fine, qui est bonus tantum in æstimatione appetentis, sed etiam de bonitate reali.

3. AD illud quod obiicitur, quod non est actus voluntatis bonus, nisi qui est ex charitate, dicendum quod charitas non reddit opus bonum, nisi ex hoc quod ipsum bonum refert in summum bonum: nec sufficiens relatio alicuius effectus, vel operis ad summum bonum est, nec esse potest nisi ex adiutorio charitatis, quæ facit finem illum omnibus aliis præponderare, & præ ceteris charius reputari, & in eo quiescere tanquam in fine ultimo. Et hinc est quod bonitas omnis voluntatis attribuitur charitati. Nihilominus etiam attribuitur bonitati finis: quia ubi vnum propter alterum, ibi vnum tantum: unde qui tenet equum per frænum, non dicitur tenere nisi vnum: & sic in proposito intelligendum est.

4. AD illud quod obiicitur, quod finis est æqualiter bonus, dicendum quod etsi finis æqualiter sit bonus, non tamen omnes voluntates æqualiter ordinantur, & approximant illi fini, quia bonitas finis non redundat in voluntatem nisi ratione ordinationis, quæ ducit ad illum finem: & ideo licet finis sit æqualiter bonus, tamen propter gradus repertos in approximatione, & ordinatione voluntatum ad illum finem, voluntates non sunt æqualiter bonæ. AD duo ultima iam patet responsio ex prædictis.

QVÆSTIO II.

A

CONCLUSIO.

An finis, ex cuius bonitate voluntas bona est, & ad quem debent referri nostra voluntates, sit assignabilis.

*Richardus 2. Sent. dist. 38. q. 2. art. 3.
Steph. Brulef. 2. Sent. dist. 38. q. 2.
Marfilus Inguen. 2. Sent. q. 22. art. 1.*

Charitas est finis, ex cuius bonitate, voluntas dicitur bona: charitas namque increata est finis in quo quiescit voluntas: charitas consummata creata, est finis quo in increata quiescit perfecte: charitas vero inchoata est finis quo quiescit in charitate increata, ut nunc.

Fundamēta.

1. Tim. 1. 6

Rom. 14. 6
Ibidem.

QUIS sit ille finis, ex cuius bonitate voluntas est bona, & ad quem debent referri nostra voluntates ad hoc quod sint. Et quod huiusmodi finis sit charitas, videtur: Finis præcepti est charitas: sed ad illum finem referendæ sunt voluntates, ad quem referuntur præcepta: si ergo charitas est finis præcepti, charitas est finis bonæ voluntatis.

ITEM qui diligit proximum, legem implevit, & iterum: Plenitudo legis est dilectio: sed ad illud referendæ sunt voluntates, in quo consistit plenitudo, & consummatio legis: si ergo charitas, & dilectio est huiusmodi: patet, &c.

ITEM hoc videtur ratione: Omnis bona voluntas ad hoc ordinatur, ut homo fruatur Deo, & ad hoc quod habeat Deum: sed nos nec fruimur Deo, nec habemus ipsum nisi per charitatem. Similiter habere charitatem non est aliud, quam habere Deum: si ergo omnis bona voluntas est ordinata ad hoc quod habeat Deum, videtur quod finis omnis bonæ voluntatis sit ipsa charitas.

ITEM natura in operando finaliter intendit formam perficientem in esse naturæ: ergo voluntas in operando principaliter intendit formam perfectiorem in esse moris: sed forma, vel habitus perfectior voluntatis in esse moris est ipsa charitas: ergo charitas est finis principalis omnis bonæ voluntatis.

Ad oppositum.
Rom. 10. 6

1. SED CONTRA: Finis legis Christus: sed idem est finis legis, & bonæ voluntatis: ergo videtur quod Christus sit principalis finis bonæ voluntatis: non ergo charitas.

Ber. de natura amoris
divini, cap. 2.

2. ITEM Bernardus in libro de diligendo Deo: De amore venit in charitatem, & de charitate venit in sapientiam: ergo sapientia est excellentius, quam charitas: sed illud debet poni finis bonæ voluntatis, quod est excellentissimum: ergo finis bonæ voluntatis non est charitas, sed sapientia.

1. Tim. 1. 6

3. ITEM finis est illud, quo fruendum est: sed charitate non est fruendum, quia solo bono increato est fruendum: ergo videtur quod charitas non sit finis principalis bonæ voluntatis. Si tu dicas quod finis voluntatis non est charitas creata sed increata. Contra per Apostolum: Finis præcepti est charitas procedens de corde puro, &c. sed charitas procedens de corde puro, & fide non ficta non est nisi charitas creata, ergo, &c.

4. ITEM finis bonæ voluntatis est illud, quo habito voluntas nihil ultra querit: sed habita charitate adhuc voluntas ultra querit aliquid, videlicet ipsum Deum: immo quanto maiorem habet charitatem, tanto magis querit: ergo videtur quod charitas non habeat rationem finis.

Aug. 11. de Civ. Dei. c. 28. tom. 5.
& 6. de Tri. cap. 10. 10. 3.

5. ITEM quod est pondus in corporibus, hoc est amor in spiritibus: sed pondus in corporibus nullo modo dicitur esse finis motus localis: ergo amor in spiritibus nullo modo dicitur esse finis appetitus rationalis, ergo nec voluntatis.

6. ITEM finis, & principium sunt distincta: sed charitas est radix omnium bonarum affectionum: si ergo finis consequitur illud quod est ad finem, & charitas est radix, videtur quod nullo modo debeat dici finis bonæ voluntatis.

RESP. Ad Arg. Dicendum quod Magister recte dicit in eo quod finem omnis bonæ voluntatis charitatem assignat: secutus est enim in hoc Apostoli doctrinam, & beati Augustini. Nam Apostolus expresse dicit quod charitas est consummatio præcepti, & plenitudo legis, Augustinus etiam dicit in Enchir. quod omnia præcepta divina referuntur ad charitatem. Et in libro de doctrina

1. Ratio.
Ench. cap. 121. tom. 3.
Lib. 1. c. 35.
36. 37. 40. 3.

B Christiana ostendit quod ad charitatis mandatum commendandum ordinatur tota Scriptura: & ita charitas non tantummodo est finis bonæ voluntatis, sed etiam totius sacre Scripturæ, & cognitionis secundum pietatem. Licet autem Deus vel beatitudo, siue Christus possit dici finis bonæ voluntatis: maluit tamen Magister dicere quod charitas sit finis; pro eo quod completa ratio finiendi competit ipsi charitati. Cum enim dupliciter dicatur finis, videlicet finis in quo quiescit, & finis quo quiescit: & finis quo quiescit, dicitur dupliciter, vel simpliciter, vel ut nunc, quolibet istorum modorum charitas est finis bonæ voluntatis. Nam charitas increata, quæ Deus est, de qua dicitur per Ioannem: Deus charitas est, & finis in quo quiescit. Charitas verò creata, & consummata, utpote charitas patriæ, est finis, quo quiescit simpliciter in Deo. Charitas verò inchoata, utpote charitas viæ, est finis quo quiescit in Deo ut nunc. Sicut enim locatum non quiescit in loco nisi mediante pondere, sic anima in Deo non habet quietari, quis est eius locus & finis ultimus, nisi mediante dilectione, quæ habet considerare bonum sub ratione boni. Bonum autem sub ratione boni simul tenet rationem finis, & amabilis: & propterea intentio finis potissime attribuitur charitati. Concedendæ sunt igitur rationes quæ hoc ostendunt.

1. Ioan. 4. 6

1. AD illud ergo quod obiicitur, quod Christus est finis præcepti, dicendum quod per hoc non excluditur, quin charitas sit finis. Nam et si Christus sit finis, in quo quiescit, nihilominus charitas potest esse finis, quo quiescit in Christo. Rursus charitas secundum quod est finis in quo quiescimus, convenit toti Trinitati: & ideo simul possunt hæc duo stare quod Christus sit finis legis, & charitas similiter.

2. AD illud quod obiicitur, quod de charitate peruenitur ad sapientiam: ergo sapientia est excellentior, dicendum quod secundum quod Bern. ibi loquitur de sapientia, sapientia non dicit aliud donum quam charitas, sed novum statum eiudem doni: ita quod charitas communiter accepta distinguitur contra charitatem dictam appropriatè. Provt tamen charitas communiter describitur, sic continet & amorem, & sapientiam: & hoc modo ponitur esse finis præcepti.

3. AD illud quod obiicitur, quod finis est illud, quo fruendum est, dicendum quod secundum quod finis dicitur dupliciter, sc. quo quiescit, & in quo quiescit, sic etiam frui aliquo dicitur dupliciter: aut sicut obiecto, aut sicut dispositivo, & utroque modo charitate fruimur. Nam charitate, quæ Deus est, fruimur sicut obiecto: charitate quæ habitus est, fruimur sicut dispositivo: & sic patet quod illud non obuiat proposito.

4. AD illud quod obiicitur, quod voluntas habito sine suo quiescit, dicendum quod illud verum est quando habet finem suum completè: charitas autem et si in via habeatur, non tamen habetur completè. Ignis enim est in Sion, & caminus in Hierusalem: cum autem habetur in patria, nihil ultra queretur, pro eo quod per eam habebitur bonum increatum, in quo consistit finis, & quietatio omnium nostrorum desideriorum.

1. 2. 31. d

5. AD

5. Ad illud quod obiicitur, quod pondus in corporibus non est finis motus, dicendum quod non est simile, quia pondus reperitur in corporibus tam in absentia loci debiti, quam in præsentia: charitas autem nunquam est in anima nisi Deo præsentem. Unde omnis, qui habet charitatem, habet Deum: & propterea dum omnis nostra operatio ad habendum Deum ordinatur: ordinatur ad habendam charitatem: non sic autem est de pondere, quia non quodlibet corpus habens pondus habet locum sibi debitum.

6. Ad illud quod obiicitur, quod finis & principium sunt diuersa, respondent aliqui quod charitas differenti modo est principium, & finis: nam principium est boni operis secundum esse inchoatum, & finis est secundum esse consummatum, & perfectum. Ad hoc enim unusquisque bona operatur, ut in eo Dei amor, & charitas augeatur. Aliter potest dici, & probabilius quod sicut ista tria, modus, species, & ordo super idem fundantur: & tamen modus dicit comparationem ad efficiens, & species ad formam, vel exemplar, & ordo dicit comparationem ad finem, sic charitas respectu boni operis potest habere & rationem efficientis, & finis secundum diuersas comparationes. Charitas enim continuat voluntatem nostram ipsi Deo, ut principio mouenti, & conformatur ut regulæ dirigenti, & iungit ut fini quietanti: & ideo sicut ipse Deus habet rationem efficientis, in quantum mouet, & formalis in quantum dirigit, & finalis in quantum quietat, sic & ipsa charitas respectu operis rationem habet istius triplicis causæ: nec est inconueniens: quia secundum philosophum tria genera causarum possunt in vnum coincidere. Et sic patet quod etsi charitas sit principium boni operis, nihilominus potest esse finis secundum diuersas comparationes. Et per hoc patet responsio ad illud quod ultimo quærebatur, quare charitas dicitur radix, & forma virtutum, & finis: hoc enim dicitur secundum diuersas comparationes nostræ voluntatis ad diuinam voluntatem: dicitur etiam super hoc vinculum perfectionis in comparatione ad proximos, qui nobis vinculo charitatis iunguntur.

QVÆSTIO III.

An bona voluntatis sit vnus, vel plures fines.

S. Thom. 1. 2. q. 1. art. 5.

Et 1. contra Gent. cap. 110.

Et 2. Sent. dist. 38. q. 1. art. 1.

Agid. Rom. 2. Sent. dist. 38. p. 2. q. 1. art. 2.

Richardus 2. Sent. dist. 38. q. 2. art. 4.

Durandus 2. Sent. dist. 38. q. 4.

Thom. Argent. 2. Sent. dist. 38. q. 1. art. 3.

Steph. Brulef. 2. Sent. dist. 38. q. 4.

Fundamēta.

Deut. 6. 4

Phil. 1. 6

VTRUM bonæ voluntatis sit vnus solus finis, an possint esse plures. Et quod vnus solus, videtur: Diliges Dominum Deum tuum, &c. Glossa: Non vult Deus suum amorem partiri, ut simul cum ipso aliud diligamus: ergo quicumque sibi diuersos constituit fines, non facit quod Deus vult: & si non facit quod Deus vult, non habet bonam voluntatem.

ITEM super illud: Sive per occasionem, sive per veritatem. Glossa: Quisquis à Deo aliud quam Deum quærit, non castè diligit: sed illa voluntas bona est, quæ non aliud quam Deum diligit: ergo nulla voluntas est bona, quæ aliud quam Deum quærit.

ITEM sicut status est in primo principio, ita & in fine ultimo: sed primum principium, in quo est status, non est nisi vnicum: ergo si finis debet respondere principio, videtur quod bonæ voluntatis non debet statui nisi finis vnus: ergo si voluntas statuit sibi fines plures, non facit quod debet: ergo non est bona.

ITEM quicumque diuersos fines intendit, habet cor suum diuisum: sed qui cor suum diuidit, non diligit Deum ex toto corde, nec in toto corde quærit Deum: & quicumque talis est, Deo non placet, qui præcipit se ex toto corde amari, & vult totum cor possidere, ergo non vi-

detur quod bona voluntas possit esse, quæ sibi statuit diuersos fines.

1. SED CONTRA: Super illud, Quoniam debet in spe, qui arat, &c. Glossa: Prædicator qui corda aperit ad fidem, debet arare in spe stipendiorum temporalium: ergo videtur quod bona voluntas non tantum possit sibi ponere finem spiritualem, sed etiam temporalem: ergo videtur quod possit diuersos fines habere.

2. ITEM: Quanti mercenarij in domo Patris mei, &c. dicit Ambrosius quod multi sunt mercenarij, qui abundant Spe, Fide, & Charitate: sed mercenarius statuit sibi finem creatum, videlicet aliquam mercedem, quæ est beatitudo creata. Si enim solum finem increatum sibi statueret, iam non esset mercenarius, sed filius: ergo si contingit esse bonos mercenarios, contingit bonam voluntatem habere fines diuersos.

3. ITEM bonum additum bono facit maius bonum: ergo si vnus bonus finis facit voluntatem bonam, ergo multo fortius multi boni fines: ergo videtur quod tantò voluntas melior sit, quantò plures statuit sibi bonos fines: ergo non est necesse quod bona voluntas habeat vnum solum finem.

4. ITEM sicut concupiscibilis appetit dulcedinem, ita irascibilis appetit celsitudinem, & rationalis appetit pulchritudinem: si ergo pulchritudo non tantum est finis rationalis, sed etiam perfectio: & sic de aliis, & plurimum perfectibilium plures sunt perfectiones, cum sint in nobis tres vires diuersæ, quibus sursum conuertimur, videlicet rationalis, concupiscibilis, & irascibilis, videtur quod in omni bona actione, & voluntate sit assignare diuersos fines.

C O N C L U S I O.

Voluntas bona ad hoc ut sit recta, vnicum sibi finem principalem debet statuere: cum vnum solum sit summum, & verum bonum, quod quietat humanum desiderium.

RESP. Ad Arg. Dicendum quod bonæ voluntatis vnus solus est finis principalis: propter quod intelligendum, quod plures fines statuere hoc potest esse tripliciter. Vno modo ita quod finis sit sub fine, & propter finem. Alio modo ita quod vnus sit finis principalis, alter non principalis: ita tamen quod finis non principalis non referatur ad principalem adualiter. Tertio modo ita quod vterque sit finis principalis. Exemplum autem huius assignari potest in eo quod frequenter accidit, videlicet cum quis vadit ad Ecclesiam ad percipiendas distributiones: hoc enim potest facere tripliciter. Aut ita quod principaliter intendit honorem, & gloriam Dei, cum vadit ibi decantare laudes: & simul cum hoc intendit obtinere pecuniam ut pauperibus distribuat, vel in alios vsus licitos ad honorem Dei conuertat. Alio modo potest aliquis ire ad Ecclesiam intendens Deo placere, & simul cum hoc pecuniam acquirere: ita tamen quod eius acquisitionem ad Deum non refert: nec tamen ipsam pecuniam statuit finem principalem, pro eo quod ipsam non diligit propter se. Tertio modo vadit quis ad Ecclesiam duplicata intentione, ita quod vult Deo placere, & vult obtinere pecuniam, quam sicut auarus appetit acquirere ut possit thesaurum suum ampliare, & in eo delectari propter se. Primo modo statuere diuersos fines est bonum, & meritorium, & pertinet ad bonam voluntatem. Secundo modo statuere diuersos fines non est bonæ voluntatis loquendo formaliter: attamen non sic repugnat, quin possit cum ea stare: est enim ibi peccatum veniale, non mortale. Et hoc vult dicere Augustinus in lib. confess. cum ait: Minus te amat, qui tecum aliquid amat, quod non propter te amat. Tertio verò modo statuere diuersos fines non est bonæ voluntatis, immò contra bonam voluntatem: talis enim vult duobus Dominis seruire: & hoc est impossibile, sicut dicitur:

Quando

Ad oppositum.
1. Cor. 9. 6

Luc. 15. 8

2. Phys. com.
sex. 7.

Lib. 10. 14.
29. 10. 1.

Matt. 6. 6

Quando enim sic principaliter duos intendit fines, verifi-
ficatur illud propheticum: Coangustatum est stratum,
ita ut alter decidat, & pallium breue utrumque operire
non potest: & talis est voluntas hypocritarum quibus
væ damnationis æternæ comminatur Scriptura, pro eo
quod terram ingrediuntur duabus viis. Et ideo dicitur:
Ne accelleris ad ipsum duplici corde: qui enim
accedit in corde, & corde hypocrita est: & quia gau-
dium hypocritæ ad instar puncti est, ideo dicitur: Dimi-
sum est cor eorum, nunc interibunt. Sic igitur ex di-
ctis colligitur, quod bonæ voluntatis plures possunt
esse fines: ita quod unus sit finis principalis, & alter
non principalis, siue finis sub fine. Plures autem consti-
tuere fines principales bonæ voluntati repugnat, sicut
ostendunt rationes quæ ad primam partem inducun-
tur. Cum enim vnum solum sit summum, & verum bo-
num quod quietat humanum desiderium, necesse est
quod voluntas bona ad hoc quod recta sit, statuatur sibi
finem vnicum.

1. Ad illud ergo quod primò obicitur in contrarium,
quod qui arat, debet in spe arare, dicendum quod ipsa
Glossa illam obiectionem dissolvit, dum seipsam mani-
festat in sequentibus: facit enim vim in hoc quod dicitur
in spe non propter spem. Nam propter dicit finem prin-
cipalem: In verò non tantummodo dicit finem prin-
cipalem, immò etiam finem, qui continetur infra finem.
Et ideo ex illo verbo non sequitur, quod aliquis possit
sibi plures fines principales statuere immò si rectè in-
telligatur, potius sequitur oppositum.

2. Ad illud quod obicitur, quod mercenarius sta-
tuit sibi finem creatum, dicendum est quod est bonus
mercenarius & malus: & malus mercenarius in duobus
differt à bono. Primo quidem, quia malus mercenarius
statuit sibi finem creatum, quo habito non necessariò
habetur Deus. Bonus verò mercenarius statuit sibi finem
creatum, quem habere non est aliud, quàm habere
Deum sicut ipsam fruitionem Dei. Secundò verò differt
in hoc quod malus mercenarius statuit sibi finem crea-
tum tanquam principalem: bonus verò mercenarius sta-
tuit sibi finem creatum tanquam finem sub fine. Non
enim amat Deum propter fruitionem, sed fruitionem
propter Deum. Et ideo ex hoc non habetur quod finis
bonæ voluntatis plurificetur.

3. Ad illud quod obicitur, quod bonum additum
bono facit maius bonum, dicendum quod illud verum
est, quando additio boni ad bonum fit saluo ordine: cum
enim bonitas necessariò ponat ordinem, si additio boni
ad bonum tollat ordinem bonum, non auget, sed potius
perimit. Quia ergo pluralitas finium principalium ordi-
nem non seruat, quia secundum rectum ordinem status
debet esse in vno, & vnicum debet esse vltimum, hinc
est quod pluralitas finium principalium bonitatem vo-
luntatis non augmentat, sed potius ipsam voluntatem
deprauat, quia dum vult placere vni, displicet alteri, &
dum vult assequi vnum, perdit reliquum.

4. Ad illud quod obicitur, quod rationalis appetit
suam pulchritudinem, & concupiscibilis dulcedinem,
&c. dicendum quod pulchritudo, celsitudo, & dulcedo
potest dupliciter accipi. Aut prout est perfectiua, & in-
formatiua virtutis animæ, aut prout est ipsius animæ
motiua. Primo modo tenet rationem finis sub fine, &
sic plurificari potest secundum diuersitatem dotium ani-
mæ. Secundo modo prout scilicet tenet rationem ob-
iecti & motiui, sic vnitatem habet. Nam in Deo idem
est pulchritudo, celsitudo, & dulcedo: & sic tenet ratio-
nem finis principalis. Et sic patet, quod quamvis plures
fines non principales contingat constituere: tamen ad
hoc quod voluntas sit bona, necesse est vnum solum fi-
nem esse principalem. Nam aliter non diligitur Deus ex
toto corde.

QVÆSTIO IV.

An mala voluntates habeant vnicum finem.

Richardus 2. Sent. dist. 38. art. 1. q. 4.
Steph. Brulef. 2. Sent. dist. 38. q. 4.

Vtrum malæ voluntates habent vnicum finem.
Et quod sic, videtur per Augustinum super illum
locum Psal. Scrutans corda, &c. Finis caræ, & cogitatio-
nis humanæ est delectatio, ad quam quisque nititur per-
uenire: si ergo omnes voluntates malæ finaliter quæ-
runt delectationem, videtur quod omnium voluntatum
malarum sit vnum finem assignare.

2. ITEM malarum voluntatum est frequentius vnus
malus exitus, siue terminus, sicut dicitur: Quorum finis
mors est: ergo si earum contingat esse vnum terminum,
pari ratione videtur quod contingat esse vnum finem
vltimum.

3. ITEM quæ conueniunt in principio, conueniunt
& in fine vltimo: sed omnes malæ voluntates conueniunt
in principio, sicut dicit Augustinus in libro de vera re-
ligione. Planum est inquit in toto malefaciendi genere
nihil aliud quàm libidinem dominari: si ergo conueniunt
in vno principio, utpote in libidine, videtur pari ratio-
ne, quod conueniant in vno fine.

4. ITEM vitium imitatur virtutem secundum appa-
rentiam: unde sicut virtus nunquam quiescit citra bea-
titudinem veram, ita vitium inquit beatitudinē simu-
latam: ergo sicut omnes virtutes faciunt tendere volun-
tatem ad vnum finem, scilicet beatitudinem, sic videtur
quod omnia vitia faciant tendere voluntatem ad vnum
finem, scilicet qui habeat similitudinem cum vero fine.

SED CONTRA: Contrariarum voluntatum contrariæ
sunt delectationes: vbi autem sunt delectationes con-
trariæ, ibi sunt fines diuersi: sed voluptates faciunt
voluntates sibi inuicem repugnare: ergo faciunt diuer-
sos fines habere.

ITEM mala voluntas ponit finem in creatura: sed im-
possibile est quod in vna creatura inueniat nostra volun-
tas sufficientiam, cum nihil sufficiat voluntati humanæ
nisi sola Trinitas: si ergo voluntas non quiescit nisi in
eo fine, in quo ponit sufficientiam, videtur necessariò
quod voluntas mala diuersos sibi fines constituat.

ITEM malæ voluntatis appetitus ortum; & radicem
habet ex libidine: sed libido est id, quo quis amat bo-
num proprium: si ergo bonum proprium necessariò di-
uersificatur in diuersis, necesse est diuersarum volunta-
tum diuersos fines reperiri.

ITEM vnitas, & conformitas voluntatum bonarum
venit ex vnitatem amoris, in quo vniuntur, & colligantur:
si ergo amor, in quo diuersi colligantur, & vniuntur, vni-
cam debet habere radicem in pluribus repertā, cum hoc
non conueniat amoris libidinis, sed solum amoris charita-
tis, qui est amor Spiritus sancti, videtur quod malarum
voluntatum sit non finis vnicus, sed diuersi.

CONCLUSIO.

Voluntates malæ siue materialiter, siue formaliter differen-
tes, non vnum, sed diuersos sibi fines constituunt.

RESP. AD ARG. Dicendum quod econtrario est in
bonis voluntatibus, & in malis. Nam bonarum volun-
tatum vnicus est finis: si bonæ voluntates sint diuersæ
diuersitate materiali, siue diuersitate formali. Diuersitate
autem materiale voco, quando plures homines in eo-
dem genere affectionis afficiuntur circa aliquid: diuersi-
tatem autem formalem voco, quando idem homo diuersis
habituibus virtutū afficitur circa diuersa. Siue enim sic,
siue sic, licet contingat plures fines proximos, & pro-
prios assignare: tamē finē vltimū, & principalem neces-
se est esse vnicum, videlicet ipsum Deum. Et ratio huius

est

Ad opposi-
tum.
Psal. 7. 20. 8.

Rom. 6. 6

1. de lib. arb.
cap. 3. in fine
tom. 1.

fundamēta

est perfectio amoris mouentis, & perfectio appetibilis A
quietantis. Quia enim amor charitatis liberalis est, &
non quærit quod suum est, sed commune bonum: hinc
est, quod plures homines in charitate mori, idem bonū
appetunt finaliter. Rursus: Quia appetibile illud com-
pletissimum est, in quo non solum contingit reperiri bo-
num perfectum, sed etiam omne bonum: hinc est, quod
omnes voluntates quantumcunque diuersæ ibi inue-
niunt finem suum, in quo quietantur. E contra est in
malis voluntatibus propter imperfectionem amoris &
appetibilis. Propter imperfectionem namque amoris li-
bidinosi voluntates solo numero differētes diuersos ha-
bent fines, propterea quod amor libidinosus semper
quærit quod suum est: & quia semper quærit bonū pro-
prium, ideo etsi multi ex amore libidinoso conueniant
in actum vnum, tamen unusquisque quærit finem suum B
proprium, ut patet in adultero, & meretrice, quia iste
quærit delectationem, & illa quærit nummum. Pro-
pter imperfectionem etiam appetibilis necesse est diuer-
sas voluntates formaliter differentes habere diuersos
fines: quia enim luxuria appetit incunditatem, & læti-
tiam, & avaritia sufficientiam, & superbia excellentiam,
& hæc omnia non contingit reperiri circa eandem rem
creatam, sed circa diuersas, hinc est, quod voluntates
malæ differentes formaliter non vnum, sed diuersos fi-
nes sibi constituunt. Vnde concedendæ sunt rationes,
quæ hoc ostendunt.

1. Ad illud quod primò obiicitur, quod delectatio
est finis curæ, & cogitationis, dicendum quod in ratione
illa est figura dictionis, pro eo quod non eadem delecta-
tio est finis curæ, & cogitationis humanæ, sed diuersæ: C
vnde stat ibi delectatio in sua generalitate, & magis ha-
bet ibi suppositionem simplicem quam personalem: &
ideo cum per delectationem descendit ad finis vnita-
tem, fit sophisticatio secundum figuram dictionis ex
commutatione suppositionis.

2. Ad illud quod obiicitur, quod malorum volunta-
tū est vnus malus exitus: ergo vnus malus finis, dicendum
quod non est simile. Nam malæ voluntates differunt in
conuersione, sed conueniunt in auersione: & malus exi-
tus principaliter respicit auersionem, quam conuersionē:
finis verò mouens principaliter respicit conuersionem,
quam auersionem: ideo non sequitur quod si sit vnus
exitus quoad mortem damnationis, secundum hoc sit
vnus finis motiū quantum ad quietem delectationis. D

3. Ad illud quod obiicitur, quod voluntates malæ
conueniunt in principio, videlicet in libidine, dicendum
quod in principio non conueniunt nisi per quandam
conformitatem. Nam alia est libido in vno, & alia in
altero: & ideo non sequitur ex hoc, quod conueniant in
finem vnicum. Attamen etsi in principio conuenirent,
non propter hoc necesse esset quod conuenirent in ter-
mino. Nam malum semper procedit in dispersionem:
bonum verò semper redit ad vnitatem. Quantò enim
aliquid magis colligitur, tantò magis vigoratur, & est
perfectius: quantò verò magis dispergitur, tantò ma-
gis recedit à perfectione, & complemento. Et ideo dicit
Philosophus, quod malum est multifariè, & bonum
vno modo.

4. Ad illud quod obiicitur, quod vitium imitatur
virtutem, dicendum quod sic imitatur, quod plus habet
de dissimilitudine, quam similitudine: magis enim vir-
tuti contrariatur, quam ei conformetur: & ideo potius
inferri potest, quod malæ voluntates habeant fines di-
uersos, si bonæ habent vnicum, quam econuerso, quia
enim in hoc consistit perfectio virtutis, vitium magis
in hoc à virtute deficit, quam ea imitari possit. Et sic pa-
tet quod malorum voluntatum non est vnus finis, sed
diuersi.

ARTICVLVS II.

CONSEQUENTER quæritur de secundo principa-
li, videlicet de differentia intentionis, & volunta-

tis. Et circa hoc quærentur duo. Primò quæritur, vtrum
intentio sit in solis rationalibus. Secundò quæritur,
vtrum intentio in participantibus rationem dicat ali-
quid ex parte intellectus, vel ex parte affectus.

QVÆSTIO I.

An in solis rationalibus sit intentio.

S. Thomas 1.2.q.12.art.1.
Et 2. Sent. dist. 38.q.1.art.3.
Et de Veris q.22.art.13.
Scorus 2. Sent. dist. 38.q.1.
Ægid. Rom. 2. Sent. dist. 38.p.2.q.2.art.1.
Richardus 2. Sent. dist. 38.art.3.q.1.
Durand. 2. Sent. dist. 38.q.2.
Steph. Brulef. 2. Sent. dist. 38.q.5.

VTRVM intentio sit in his solis, quæ participant ra-
tionem. Et quod sic, videtur, sicut dicit Glossa su-
per illud: Vide ne lumen, &c. Glossa, lumen animæ est
intentio: sed constat quod intentio non est lumen cor-
porale, sed spirituale: si igitur lumen spirituale est in so-
lis substantiis spiritualibus, quæ natæ sunt illuminari à
summa luce, & hæc sunt solæ creaturæ rationales, vide-
tur quod intentio sit in solis rationalibus.

ITEM intentio est actus vis collatiuæ. Qui enim
intendit, ab vno in aliud tendit, & vnum comparat al-
teri, si ergo vis collatiua reperitur in solis participantibus
rationem, videtur quod in eis solum reperiatur inten-
tentio.

ITEM intentio est illud, secundum quod anima im-
mediatius iungitur vltimo fini: ergo in eis solum est re-
periri intentionem, quæ habent potentiam, mediante
qua Deum possunt capere, & ei vniri: sed talia sunt sola
rationalia, quoniam ipsa sola sunt ad imaginem Dei: er-
go videtur quod in his solum contingat intentionem
reperiri.

ITEM intentio est supremum in anima: vnde ipsa di-
citur esse caput nostrū, & oculus noster: sed illa, in qui-
bus communicamus cum irrationalibus creaturis, sunt
infima, & citra rationem: ergo videtur quod in nulla
alia creatura rationali contingat intentionem reperiri.

1. SED CONTRA: In omni eo quod operatur per in-
tentionem, est reperire intentionem: sed natura, ut dicit
Philosophus, est operans per intentionem: ergo videtur
quod in re naturali est intentionem reperiri, & ponere. D

2. ITEM omne illud quod mouetur ad aliquid, eo ob-
tento quiescit: cum enim mouebatur, illud intendebat:
nisi enim illud intenderet non moueretur ad eius absen-
tiam, nec quiesceret ad eius præsentiam: si igitur res na-
turales sunt huiusmodi ut patet, cum lapis mouetur de-
orsum, videtur quod intentio non tantum sit in rationa-
libus, sed etiam in rebus irrationalibus.

3. ITEM omne quod facit aliquod opus ordinatum
ad finem ab illo diuersum, operatur per intentionem: sed
naturæ irrationales sunt huiusmodi, sicut patet in ara-
nea, quæ facit telam ad capiendas muscas: ergo vide-
tur, &c.

4. ITEM intentio est regula appetitus: ergo si non est
ponere aliquid in vniuerso priuatum regimine, & ordi-
ne, videtur quod vbicunque est ponere appetitum, est
ponere intentionem: sed appetitus non solum est in sub-
stantiis rationalibus, sed etiā in irrationalibus: ergo, &c.

CONCLUSIO.

Intentio propriè solum est in participantibus rationem: At
suo modo etiam est in irrationalibus.

RESP. Ad Arg. Ad prædictorum intelligentiam est
notandum quod circa hanc quæstionem duplex est mo-
dus dicendi, qui ad præsens occurrit: Vnus est ut distin-
guamus in modo operandi per intentionem penes pro-
prium, & alienum. Videtur enim satis rationabiliter
posse dici, quod quædam sunt quæ mouentur per inten-
tionem

Fundamēta.

Luce. 11.6

Ad opposi-
tum.
Arist. 2. eth.
com. 50.
6. 19.

Opinio 1.

tionem propriam, quædam etiam quæ mouentur per intentionem alienam. Per intentionem propriam mouentur illæ, quæ finem cognoscunt, & operationem suam ad finem conferunt, & reserunt. Per intentionem alienam mouentur illæ, quæ intra se non habent potentiam discernendi: reguntur tamen, & diriguntur ab eo, qui discernit, sicut sagitta ab arcu emissæ potest dici moueri per intentionem, non inquam arcus, vel sagittæ, sed sagittantis. Per hunc quidem modum satis rationabiliter potest dici, quod omnes res naturales per intentionem dicuntur moueri, pro eo quod mouentur sicut Deus instituit, & sicut gubernat, & regit. Ipse enim in omni operatione est principalis motor: & secundum hunc modum dicendi intentio propriè reperitur in solis substantiis rationalibus, licet irrationalia secundum aliquem modum dicendi per intentionem operari dicantur. Sed quamvis iste modus dicendi rationalis sit, & veritatem dicat: non tamen videtur sufficienter dicere, cum dicit, quod natura dicitur operari per intentionem, non ratione propriæ intentionis, sed ratione intentionis alienæ, quia non dicit sufficienter, cum naturæ assignet intentionem alienam tantum: secundum hoc enim casualia, & fortuna, cum non fiant præter diuinam intentionem, non deberent dici facta præter intentionem. Rursum: Cum videmus, quod naturalia appetitum habent, mediante quo tendunt ab vno in alterum, & vnaquæque res habeat vim suam regitiuam mediante qua ad proprium finem inclinatur, videtur quod naturalia non tantum habeant moueri intentione extrinseca & aliena, sed etiam quod moueantur intentione propria & intrinseca. Et propterea est alius modus dicendi, quia sicut triplex est appetitus, videlicet naturalis, sensualis, siue animalis, & rationalis, & quilibet istorum appetituum habeat suum regimen, non absurde, regimen cuiuslibet istorum trium appellatur intentio: maximè tamen propriè vocatur intentio regimen appetitus rationalis. Et ratio huius est, quia ad regimen, & directiuum appetitus naturalis plus spectat dirigi, quam dirigere: ad directiuum verò appetitus rationalis propriè spectat dirigere: directiuum verò appetitus brutalis quodam modo medium tenet: & hinc est quod naturalia mouentur quadam necessitate, rationalia verò mera liberalitate, bruta verò mouentur quadam imperuositate, quæ est infra libertatem, & supra necessitatem: non enim possunt se omnino reprimere, & tamen possunt ad oppositas partes tendere. Sicut igitur regula directiua operationis reperitur in rationalibus propriè, in sensualibus mixtus propriè, in naturalibus impropriè: sic & intentio.

Et per hoc patet responsio ad quæstionem propositam, & ad rationes ad vtramque partem. Nam intentio propriè accepta secundum quod dicitur lumen, per quod est collatio, & tendentia in Deum, accipitur circa animæ supremum: & ideo hoc modo in solis rationalibus reperitur, sicut rationes illæ ostendunt. Intentio verò propter dicit tendentiam, ordinem, & directionem appetitus ad aliquem terminum vel finem quietantem: non tantummodo est in rationalibus, immò etiam in brutis, sicut aliæ rationes ad aliam partem ostendunt, & sic patet quod vtræque diuersis viis verum concludunt, & propterea concedendæ sunt.

QVÆSTIO II.

An intentio se teneat ex parte intellectus, vel affectus.

S. Thom. 1. 2. q. 12. art. 2.

Et 2. Sent. dist. 38. q. 1. art. 4.

Ægid. Rom. 2. Sent. p. 2. dist. 38. q. 2. art. 1.

Richardus 2. Sent. dist. 38. art. 3. q. 2.

Stephan. Brulef. 2. Sent. dist. 38. q. 6.

Marfil. Inguen. 2. Sent. q. 12. art. 2.

DE intentione secundum quod reperitur in rationalibus. Vtrum se teneat ex parte intellectus vel ex parte affectus. Et quod ex parte affectus videtur per Bernardum ad Eugenium: Vt oculus sit simplex, duo

A sunt necessaria, videlicet charitas in intentione, & veritas in electione: sed charitas non est nisi in voluntate: ergo si charitas est in intentione, intentio se tenet ex parte voluntatis.

ITEM Augustinus dicit, & habetur in litera: Intentio est, quæ sit ad finem peruenire volo: sed nemo vult peruenire ad finem nisi per voluntatem: ergo intentio est ex parte voluntatis.

ITEM intentio iungit cum ipso fine: sed voluntas non tantummodo dicit appetitum eorum quæ sunt ad finem, immò etiam ipsius finis, sicut vult Philosophus: si ergo illud quod principaliter iungit cum fine est intentio: & hoc ipsum est voluntas, videtur quod intentio sit voluntas.

B **I**TEM meritum principaliter residet penes intentionem: sed illud penes quod principaliter residet meritum, & demeritum, est ipsa voluntas: ergo videtur quod intentio se teneat ex parte voluntatis, siue affectionis. Sed contra: Si oculus tuus fuerit simplex, & c. ibi Glossa: exponit, ut per oculum intelligatur intentio: si ergo oculus animæ non est affectus, sed intellectus, videtur quod intentio non se teneat ex parte affectus, sed magis ex parte intellectus.

ITEM super illud. Vide ne lumen, & c. Glossa: Intentio contra bonum quodcumque facimus lumen est, sed lumen se tenet ex parte cognitionis: ergo, & c.

ITEM intentionis est referre opus, siue voluntatem in finem: sed eius est referre, cuius est conferre: & conferre est propriè ipsius rationis: ergo est intentio.

C **I**TEM sicut voluntas nunquam vult aliquid volitum, nisi illud præcognoscatur à ratione, sic nunquam appetit finem nisi ratio, vel effectus rationis eam præcurrat, quæ finem illum ostendat: si igitur intentio est illa, quæ finem monstrat, videtur quod intentio ex parte rationis se teneat. Si forte tu dicis quod se tenet ex parte rationis, & voluntatis simul.

1. SED CONTRA Intendere est actus vnus: ergo est vnus potentia: ergo non potest esse voluntatis, & rationis simul, & semel.

2. ITEM si intentio se tenet ex parte voluntatis, & rationis: aut ergo sicut potentia, aut sicut passio, aut sicut habitus. Sicut potentia non videtur, quia cum voluntas, & ratio non sint vna potentia, & in vno homine respectu vnus finis sit vna intentio, nomine intentionis non potest intelligi potentia. Pari ratione nec habitus, quia non est vnus habitus in duabus potentiis. Quod nec passio, constat, quia passionibus non meremur, nec demeremur: circa intentionem autem est meritum, & demeritum: nullo igitur modo videtur quod intentio simul spectet ad rationem, & voluntatem.

3. ITEM si simul spectat ad rationem, & voluntatem: Quæro ad quam principaliter. Et principalius videtur se tenere ex parte rationis per hoc quod Glossa dicit, quod intentio est lumen, & oculus, quod quidem est solius rationis propriè. Quod autem principalius se teneat ex parte voluntatis, videtur per hoc quod intentio principaliter respicit finem: & potentia in nobis quæ principaliter respicit finem, voluntas est, cum bonum, & finis sint idem: ergo si non potest principaliter esse ex parte vtriusque, videtur quod non consistat in vtraque potentia, scilicet in ratione, & voluntate.

4. ITEM inferius non se extendit ad plus, quam suum superius: sed intelligentia est vniuersalior, quam intentio. Vnde Damascenus: Intelligentia est primus motus: quæ verò circa aliquid est intelligentia, intentio dicitur. Si ergo intelligentia non se extendit ad rationem simul, & voluntatem, sed tantum consistit in ratione, pari ratione videtur quod similiter nec intentio.

CONCLUSIO.

Intentio nominat aliquid ex parte voluntatis, sed cum dicitur oculus & lumen, pertinet etiam ad intellectum. Vnde ratione intellectus, fide: ratione verò voluntatis dirigitur charitate.

RESP. AD ARG. Ad prædictorum intelligentiam est notandum quod frequenter ad cognitionem rei perduramus per considerationem vocabulorum. Qui enim prima vocabula imposuerunt proprietates rerum potissime considerauerunt, & iuxta illas vocabula imposuerunt. Si igitur velimus attendere, hoc verbum, *intendere*, compositum est ab *in*, & *tendo*: hæc autem præpositio *in*, duplicem potest importare habitudinem, cum componitur huic verbo, *tendere*, aut sicut ad obiectum, aut sicut ad terminum ultimum. Primo modo hoc quod est, *intendere*, significat solam conuersionem potentie respectu obiecti. Secundo verò modo non tantummodo significat conuersionem, immò significat cum hoc quandam collationem, & coniunctam quietationem: & secundum istam duplicem acceptionem hoc verbum, *intendo*, diuersam habet constructionem. Differt enim dicere, *intendo in hoc*, & *intendo hoc*. Cum enim dico, *intendo in hoc*, *intendere* dicit conuersionem potentie ad aliquid tanquam ad obiectum. Cum verò dico: *Intendo hoc*, *intendere*, dicit conuersionem potentie ad aliquid tanquam ad finem ultimum, quem intendit assequi, & cui vult copulari. Et ideo in prima acceptione huius verbi, *intendere*, inter ipsum, & suum casuale cadit præpositio media, ut per hoc significetur directio, & conuersio potentie ad illud tanquam ad obiectum supra quod. In altera verò significatione non cadit præpositio media, pro eo quod hoc verbum, *tendere*, de se dicebat inclinationem, & ordinationem ad aliquid: & hæc præpositio *in*, sibi iuncta super hoc addit quietationem: vnde sensus est: *Intendo beatitudinem*, id est, *tendo in beatitudinem*: & propterea non oportet exterius addi præpositionem. Et secundum istum ultimum modum accipiendi est hic sermo de intentione. Et quoniam istud vocabulum duo importat, videlicet quandam collationem, & præter hoc quandam conuersionem cum collatione, & quandam tendentiam cum quietatione, & vnum istorum est rationis, & alterum voluntatis: hinc est, quod in nomine intentionis clauditur simul actus rationis, & voluntatis. Quamvis enim sit vnum vocabulum: tamen secundum quod compositum est, sic implicat duarum potentiarum actus coniunctos ad vnum perficiendum, quod non posset facere actus vnus sine actu alterius. Et est simile de verbo consentiendi: quod quamvis videatur importare vnicum actum, tamen necessario duos includit. Nam consensus non est aliud, quam concordia voluntatis simul, & rationis ad vnum aliquid faciendum, vnus ut arbitrans, & iudicantis: alterius autem ut præoptantis: & propterea sic recte nominatur, & respicit liberum arbitrium, quod quidem simul consistit circa voluntatē, & rationem, sicut supra fuit ostensum. Vnde sicut tota dispositio familie pendet ex consensu patris familie, sic tota dispositio agendorum in domo animæ pendet ex consensu voluntatis, & rationis. Et sicut pendet dispositio, & regimen ex consensu, sic pendet directio, & obliquatio ex intentione. Sicut enim ad rectum motum progressuum concurrunt simul operatio visus ostendentis viam, & operatio pedis incedentis, sic in actu intendendi clauditur simul actus rationis, & voluntatis, vnus ut aspicientis, alterius ut tendentis. Et quia isti actus coniuncti sunt: ideo per vnum vocabulum compositum importantur. Ex his patet responsio ad questionem propositam, & ad rationes ad vtramque partem. Concedendum est enim, quod intentio nominat aliquid ex parte voluntatis, sicut rationes ad primam partem concludunt. Verum est etiam, quod intentio nominat aliquid ex parte rationis, ratione cuius dicitur & oculus, &

Secundum hic vult quod dicat vnum actum solius voluntatis, præsupposito tamen actu intellectus.

A lumen, sicut ostendunt rationes alie: & quantum ad hæc duo intentio dirigi habet fide, & charitate, fide clarificante oculum intellectus, & charitate rectificante pedem affectus.

1. AD illud ergo quod obiicitur, contra hoc, quod non possit esse simul in ratione, & voluntate, quia intendere dicit vnicum actum, dicendum quod falsum est: immò importat plures actus, sicut & consentire, ut ostensum est.

2. AD illud verò quod queritur vtrum sit sicut potentia, vel sicut passio, vel sicut habitus, dicendum quod etsi intentio aliquando dicatur ipsa potentia intendens, aliquando dicatur ipse habitus secundum quem intendit, aliquando dicatur actus intendendi, aliquando ipsum intentum: principalius tamen nomen intentionis impositum est ipsi actui. nihilominus tamen in aliis acceptionibus contingit aliquando reperiri. Nam cum dicitur quod intentio est oculus, accipitur intentio pro potentia. Cum dicitur, intentio est lumen, accipitur intentio pro habitu dirigente. Cum verò dicitur, quod intentio est ipse finis, sicut dicit Magister in litera, accipitur intentio pro intento. Cum verò dicitur quod intentio quædam est recta, quædam est obliqua, accipitur intentio pro actu. Cum verò dicit Philosophus, quod omne quod est in anima est potentia, vel passio, vel habitus, dicendum quod Philosophus sub habitibus comprehendit actus: vel loquitur de his, quæ sunt in anima per modum quietis, non per modum fieri. Talia enim potius dicuntur esse ab anima, quam in anima. Et sic patet, quod intentio potest esse actus, potest etiam esse habitus, & potentia: & sicut non nominat vnum actum simplicem, sed plures, sic non nominat vnicum habitum, nec vnam potentiam tantum. Nec valet ratio illa: Est vna intentio: ergo vna potentia, vel vnus habitus, quia hoc est vnum nomen impositum pluribus, sicut supra dictum fuit de libertate arbitrij: & sic est in hoc nomine concordia, & consensus.

3. AD illud quod queritur in quo sit principalis, dicendum quod secundum diuersa, & principalis est in cognitiua, & principalis in affectiua. Nam quantum ad directionem principalis se tenet ex parte cognitiue, quantum verò ad tendentiam principalis se tenet ex parte affectiue, & hoc non est inconueniens.

4. AD illud quod obiicitur, quod intentio est inferius ad intelligentiam, dicendum quod Damascenus loquitur de intentione secundum aliam acceptionem, scilicet secundum quod dicit conuersionem ipsius virtutis intellectiue ad aliquod obiectum determinatum, per quem modum dicitur in alterum intendere, qui illum aspicit, vel considerat: & talis motus accipiendi frequenter habetur in Scriptura. Vnde dicitur quod claudus, qui stabat ad portam templi intendebat in eos, id est, in Petrum, & Ioannem: Et Psal. Deus in adiutorium meum intende, &c.

DISTINCT. XXXIX.

Cum voluntas sit de his, quæ homo naturaliter habet, quare ipsa, quando est mala, peccatum esse dicatur, cum nullum aliud naturale peccatum sit.

IC autem oritur questio satis necessaria ex superioribus causam trahens: Dicitur est enim supra, voluntatem inesse naturaliter homini, sicut intellectus, & memoria. Quæ autem homini naturalia sunt, quantumcunque vitientur, bona tamen esse non desinunt: quia non valet vitium bonitatem, in qua Deus eam fecit, penitus consumere: ut verbi gratia: Intellectus, vel ratio, & ingenium, ac memoria, etsi vitiis, ac peccatis obnubilentur & corrumpantur, bona tamen sunt nec peccata nominantur, sicut Augustinus

enī subscribit. S. Tho. 1. 2. q. 11. art. 1. & 20. q. 180. ar. 1. & q. de vitiis q. 21. art. 13.

Intentio quot modis sumatur.

2. anima 18. 102. 42.

Ad. 3. 6 Psal. 69. 6

gustinus

Cap. 8. 10. 3.

Dist. 36.

gust. de ratione, qua est imago Dei, in qua facti sumus, A
evidenter ostendit in lib. 15. de Trinit. Hac est, inquit,
imago, quā homines sunt creati, quā ceteris animalibus
presunt: quia creatura in rebus creatis excellentiss-
sima, cum à Deo iustificatur, à deformi forma in for-
mosam mutatur formam. Erat enim etiam inter vitia
natura bona. Hac autē imago ratio est vel intellectus.
Cum ergo voluntas de naturalibus sit, quare ipsa non
semper bonum est, et si aliquando vitiis subiaceat? Ad
hoc facile respondent, qui dicunt omnia, quae sunt, in
quantum sunt, bona esse: quia & ipsam voluntatem in
quantum est, vel inquantum voluntas est, ut supra po-
suimus, bonum esse asserunt: sed in quantum inordinata
est, mala est, & peccatum. Vbi potest ab eis rationa-
biliter quari: Si voluntas in quantum inordinata est,
peccatum est: quare ergo intellectus, ratio, & ingenium,
& huiusmodi cum inordinata sunt, peccata non sunt?
Inordinata verò sunt sicut voluntas, cum ad rectum
finē non tendunt, eorumque actus prauaricationes exi-
stunt. Ad quod illi dicunt voluntatis nomine aliquan-
do vim, scilicet naturalem potentiam volendi, aliquā-
do actum ipsius vis significari. Vis autem ipsa natura-
liter anima insita, nunquam peccatum est, sicut nec
vis memorandi vel intelligendi: sed actus huius vis
qui & voluntas dicitur, tunc peccatum est, quando
inordinatus est.

Quare actus voluntatis sit peccatum, si actus aliarum
potentiarum non sunt peccata.

Sed adhuc queritur: Quare huius naturalis poten-
tia actus peccatum sit, si aliarum potentiarum actus
peccata non sunt, sc. potentia memorandi, cuius actus
est memorare: & potentia intelligendi, cuius actus est
intelligere. Ad quod & ipsi dicunt, quia alterius gene-
ris est actus ille voluntatis, quam actus memoria vel
intellectus. Hic enim actus est ad aliquid adipiscendū,
vel non amittendum: qui non potest esse de malis, quin
sit malus. Velle enim mala, malum est, sed intelligere
vel memorare mala malum non est: quamvis eorum
quidam etiam hos actus malos esse interdū non impro-
bē asserant. Memorat enim interdum quis malum ut
faciat, & querit intelligere verum, ut sciat impugna-
re. Ecce qualiter soluitur praemissa questio ab his, qui
tradunt omnia esse bona in quantum sunt. Qui verò
dicunt voluntates malas peccata esse, & nullo modo bo-
na, brevius respondent, dicentes, actum voluntatis non
esse de naturalibus: sed vim ipsam & potentiam vo-
lendi, quae semper bonum est, & in omnibus est, etiam
in paruulis, in quibus nondum est eius actus.

Quo modo intelligendum sit illud: Et homo etiam qui
seruus est peccati, naturaliter vult bonum.

Præterea quari solet: Quo modo intelligendum sit,
quod ait Ambrosius, exponens illud verbum Apostoli:
Nō enim quod volo, illud ago: sed quod nolo, illud facio.
Dicit enim, quod homo subiectus peccato facit quod nō
vult, quia naturaliter vult bonum, Sed voluntas hac
semper caret effectu, nisi gratia Dei adiuuet & libe-
ret. Si homo subiectus peccato est, vult quidem malum,
& operatur, quia seruus est peccati, & eius volunta-
tem, sicut supra dixit Aug. libenter facit: quomodo er-
go naturaliter vult bonum: An est eadem voluntas, id
est, idem motus, quo libenter peccato seruit, & quo na-
turaliter vult bonum: Si non est eadem voluntas, quae
ergo istarum est, quae cum homo iustificatur, à seruitute
peccati liberatur? Vt enim differimus superius, gratia
Dei voluntatem hominis liberat & adiuuat, quae vo-
luntatem hominis preparat adiuuandam, & adiuuat

præparatam. Sed quae est illa voluntas: an illa, quae na-
turaliter vult bonum: an illa, quae libenter seruit pec-
cato, si tamen duae sunt voluntates? Proposita est qua-
estio profunda, quae varia à diuersis expositione deter-
minatur. Alij enim dicunt duos esse motus: unum quo
vult bonum naturaliter: Quare naturaliter, & quare
naturalis dicitur? Quia talis fuit motus natura hu-
mana in prima cōditione, in qua creati sine vitio su-
mus, quae propriè natura dicitur. Fuit enim homo crea-
tus in voluntate rectus. Vnde in lib. de Fide ad Petrum
Scriptum est: Firmissime tene, primos homines bonos &
rectos esse creatos cum libero arbitrio: quo possent, si
vellent, propria voluntate peccare: eosque non necessi-
tate, sed propria voluntate peccasse. Recte ergo dicitur
homo naturaliter velle bonum, quia in recta & bona
voluntate conditus est. Superior enim scintilla ratio-
nis, quae etiam: ut ait Hieronymus, in Cain non potuit
extingui, bonum semper vult, & malum semper odit.
Alium autem dicunt motum esse, quo mens rel. cta su-
periorum lege subiicit se peccatis, eisque oblectatur.
Iste motus, ut aiunt, antequam adsit alicui gratia, do-
minatur, & regnat in homine, alterumque deprimit
motum: uterque tamen ex libero arbitrio est. Venien-
te autem gratia, ille malus motus eliditur, & aliter
naturaliter bonus liberatur, & adiuuatur, ut efficaci-
ter bonum velit. Ante gratiam verò licet naturaliter
C homo velit bonum, non tamen absolute concedi oportet
bonam habere voluntatem, sed potius malam. Alij au-
tem dicunt unam esse voluntatem, id est, unum motū,
quo naturaliter vult homo bonum, & ex vitio vult
homo malum, eoque delectatur: & inquantum vult
bonum, naturaliter bonus est, in quantum malum,
vult, malus est.

DISTINCT. XXXIX.

Quare voluntas magis deprauetur in suo actu
quàm aliqua alia potentia.

Hic autem oritur questio satis necessaria, &c.

Expositio Textus.

SUPRA ostendit Magister, vnde voluntas habeat
rectificari, & deprauari. In hac parte inquiri-
t, quare voluntas magis deprauetur in suo actu, quàm ali-
qua alia potentia. Diuiditur autem pars ista in duas par-
tes. In quarum prima inquit de causa priuationis vo-
luntatis deliberatur. In secunda verò inquit de re-
ctitudine voluntatis humanae secundum quod monetur
per modum naturae, ibi: Præterea quari solet, quomodo in-
telligendum sit, &c. Prima pars diuiditur in duas partes.
In quarum prima mouet questionem, & determinat.
In secunda verò opponit contra prædictam solutionem
ad maiorem voluntatis explanationem, ibi: Sed adhuc
queritur, quare huiusmodi naturalis &c. Similiter secun-
da pars principalis diuiditur in duas partes. In quarum
prima mouet dubitationem, & opponit. In secunda par-
te eam dissoluit secundum diuersorum opinionem, ibi:
Proposita est questio profunda, &c. Et sic principaliter
duo determinat Magister in parte ista qualiter voluntas
videlicet deprauari possit, cum si naturalis animae po-
tentia, & qualiter homo naturaliter bonū velit, & appet-
tat, videlicet ratione naturalis iudicatorij: quod quidem
est conscientia, quae semper bonum dicit & ratione
scintillae rationis, vel conscientiae, quae quidem est syn-
dereis, quae semper ad bonum inclinat, & contra ma-
lum recalcitrat.

Velle enim mala, malum est, &c. Dub. I.

Queritur vnde hoc sit. Et videtur quod similiter sit in
actu intelligendi, & in actu volendi. Actus enim recipit

denominationem ab obiecto : ergo sicut velle malum, A est malum, ita & intelligere. **ITEM** intelligere dicit motum à rebus ad animam : & velle dicit motum ab anima ad res : ergo videtur, quod plus pendeat actus intelligendi à re intellecta, quam actus volendi à re volita : ergo si malitia est à volito, & intellecto, potius debet depruari actus intelligendi, quam actus volendi.

RESP. Dicendum quod à malitia existente in obiecto magis depratur actus volendi, quam actus intelligendi. Et ratio huius dupliciter sumitur. Tum ex parte virtutis, quia tanta est vis amoris, ut transformet amantem in amatum. Vnde qui diligit iustitiam, iustus fit, & qui diligit iniquitatem iniquus fit, & propterea dicitur de malis, quod facti sunt abominabiles sicut ea, quæ dilexerunt : non sic est de actu intelligendi. Nam etsi aliquo modo conformet non tamen transformatur : hoc autem contingit propter maiorem vim unionis, quæ consistit in ipso amore. Sicut enim dicit Dionysius : Amorem dicimus vim unitivam : propterea dicitur : Qui adhæret Deo unus Spiritus fit. Alia est ratio ex parte obiecti. Bonum enim in quantum bonum, est obiectum affectus non intellectus. Intelligentiæ autem, & memoriæ obiectum est verum sub ratione veri, vel bonum sub ratione veri : & hinc est, quod intellectus quando intelligit falsum est falsus : non tamen quando intelligit bonum est bonus : affectus vero non dicitur esse falsus, quia velit falsum, quamvis dicatur esse malus, quia velit malum, vel bonus cum vult bonum. Virtus enim à proprio obiecto denominari habet : & per hoc patet responsio ad utramque objectionem. Istud autem melius infra parebit, ubi inquit Magister ; Vtrum omne peccatum habeat esse à voluntate.

Superior enim scintilla rationis, &c. Bonum vult, & malum semper odit. Dub. II.

SED CONTRA : Impossibile est, simul & semel voluntatem moveri motibus contrariis, vel etiā disparatis : sed homo aliquando vult malum : ergo non videtur, quod illa hora velit bonum : falsum ergo dicit, cum ait : Quod illa scintilla semper vult bonum. Si tu dicas, quod voluntas naturalis, & deliberativa sunt diversæ potentia : & ita simul possunt moveri diversis motibus. Contra ; In litera præcedenti habetur, & etiam sequenti, quod illa voluntas, quæ vult bonum, gratia adveniente liberatur, & adiuatur : Si ergo voluntas, quæ à gratia liberatur, & adiuatur, hæc est, in qua habet consistere peccatum, videtur quod eadem sit potentia voluntatis, qua homo naturaliter vult bonum, & qua aliquando vult malum. Si tu dicas, quod eadem est voluntas, tamen disposita diversis habitibus, & secundum illorum habituum diversitatem potest habere diversos motus. Obijciatur contra hoc. Quia illa potentia est unica, & simplex ; ergo quando converterit se ad actum unius habitus, non potest se convertere simul & semel ad actum alterius habitus, & ita non movetur simul & semel bene, & male. Non ergo semper vult bonum. Quod si hoc concedatur ; est ratio in contrarium, quod nulla virtus destituitur sua naturali, & propria operatione, & maxime virtus naturalis, cuius est moveri uniformiter ; ergo videtur, quod actus voluntatis naturalis, qui est appetere bonum, simul stet cum actu voluntatis deliberativæ qui est, velle malum.

RESP. Dicendum, quod sicut Magister dicit in litera, duo sunt hic modi dicendi. Quidam enim dicunt, quod actus, quo voluntas naturaliter vult bonum, non est diversus, vel distinctus ab eo, quo voluntas vult deliberativè malum : sed sicut malo culpæ in actu exteriori subternitur bonum naturæ, vnde unus, & idem actus est bonus bonitate naturæ, & malus malitia moris : sic dicunt intelligi & in voluntate, quod voluntas naturaliter vult bonum, in quantum vult actum substatum : vult nihilominus malum in quantum illum actum deformat. Sed illud non sufficit dicere : quia cum Ambrosius dicit, quod homo vult naturaliter bonum, non intelligit de bono naturæ tantum, quod quidem est actus

voluntatis, sed etiam moris. Vult enim iustitiam naturali voluntate. Et propterea est alius modus dicendi, quem Magister primò ponit in litera, quod duo sunt motus, & alius est motus, quo voluntas appetit naturaliter bonum : & alius quo voluntas deliberativè vult malum. Vtrum autem possint esse simul, hoc Magister non determinat. Et circa hoc duplex est opinio Doctorum. Quidam enim dicunt, quod possunt esse simul, pro eo, quod actus deliberativus non excludit actum naturalem : & unus istorum actuum est voluntatis, ut movetur naturaliter, & alter movetur deliberativè : sed quoniam voluntas naturalis, & deliberativa secundum quod ostensum fuit, una est potentia, & eadem potentia, quando plenè movetur in bonum, vel in malum, non potest simul & semel moveri motu opposito, & etiam disparato propter simplicitatem potentia. Ideo dixerunt alij, quod motus voluntatis naturalis non est semper actualiter in bonum. Et quod dicit Magister in litera, quod semper vult bonum, hoc intelligitur habitualiter : impeditur autem & suffocatur per malitiam voluntatis deliberativæ, ut non exeat in actum : sicut est in damnatis, in quibus synderesis non instigat ad aliquod bonum, & iustum. Quidquid autem sit de hoc, vtrum simul possit esse motus voluntatis, ut est natura, cum motu voluntatis, ut est deliberativa : hoc tamen verum est, quod voluntas naturalis, quæ bonum appetit, non est semper in suo actu, quia non semper cogitat de bono : & cum etiam cogitat, frequenter nullo modo afficitur : & ideo in litera illa exponendum est, quod hoc, quod dico, *Semper*, dicat continuitatem quantum ad habitum volendi, non quantum ad actum. Et quod obijciatur quod virtus non priuatur propria operatione, dicendum quod illud intelligitur de operatione substantiali, quæ respicit esse rei : de operatione vero consequenti, quæ est respectu alicuius extrinseci, non semper habet veritatem, quod non priuatur actione. Ferè enim omnes virtutes videmus in suis actibus recipere interpolationem : nec tamen ex hoc dicimus eas esse otiosas, vel propria operatione priuari, dum in actus proprios sunt nature exire pro loco, & tempore.

Ante gratiam verò licet, &c. Dub. III.

CONTRA : Videtur quod immò, quia veriori modo in est alicui, quod inest ei naturaliter, quam quod inest accidentaliter : ergo sicut sequitur, si deliberativè vult bonum, quod habeat bonam voluntatem, ita sequitur, si naturaliter vult bonum, quod habeat bonam voluntatem. **ITEM :** Quod naturale est, non assuecit in contrarium : ergo si homo naturaliter vult bonum, nunquam assuecit velle malum : falsum ergo dicit, quod homo naturaliter velit bonum : aut si verum est, videtur quod per hoc quod homo naturaliter vult bonum, quod sit simpliciter bonus.

RESP. Dicendum est, quod bonitas voluntatis inchoatur in appetitu naturali, & consummatur in virtute deliberativa : nec est voluntas simpliciter bona, & recta, nisi sit recta in quantum movetur deliberativè, & in quantum movetur naturaliter : & ideo sicut argumentum non valet : immò, est ibi quid, & simpliciter : iste est castus naturaliter : ergo est castus. Ita illud quod sequitur : iste vult bonum naturaliter : ergo habet bonam voluntatem. Ad illud quod obijciatur, quod veriori modo inest, quod inest naturaliter, &c. Dicendum quod ista comparatio veritatem habet, quando illud quod inest accidentaliter, non præsupponit illud, quod inest naturaliter : cum autem præsupponit, tunc non habet veritatem. Sicut enim melius est bene vivere, quam vivere, & bene vivere præsupponit vivere : sic melior est voluntas, quæ rectè movetur & naturaliter, & deliberativè, quam naturaliter tantum. Ad illud quod obijciatur, quod naturale non assuecit in contrarium, dicendum quod hoc verum est de eo, quod simpliciter est naturale, videlicet de eo, quod à natura inchoatur, & consummatur : sed hoc non est verum in eo, quod in-

Opinio 1.

Opinio 2.

choatur

choatur à natura, & consummatur ab assuetudine, vel etiam à gratia: & tale est velle bonum. Et per hoc patent quæ dicuntur in litera in hac parte.

ARTICVLVS I.

AD intelligentiam igitur huius partis incidit hic quæstio circa duo. Primò quæritur de ipsa conscientia, quæ est voluntatis quædam regula directiua. Secundò quæritur de synderesi, quæ dicitur ipsius conscientia scintilla. Circa primum tria quærentur. Primò quæritur de ipsa conscientia in comparatione ad subiectum, vtrum, scilicet sit ex parte cognitiuæ: vel ex parte affectiuæ. Secundò quæritur de ipsa conscientia in comparatione ad originem, vtrum, scilicet sit à natura, vel ab acquisitione. Tertiò quæritur de ea in comparatione ad affectum, videlicet vtrum omnis conscientia habeat obligare,

QVÆSTIO I.

An conscientia teneat se ex parte intellectus, vel ex parte affectus.

*Alex. Alensis 2.p.q.74. Membr.1.
S.Thom. 1.p.q.79.art.13.
Secus 1.Sent.dist.39.q.2.
Richardus 2.Sent.dist.39.art.2.q.1.
Steph. Brulef. 2. Sent. d.39.q.1.
Gabr. Biel. 2. Sent. dist.39.q.1.*

Fundamēta.
Eccli.7.v

VTRVM conscientia teneat se ex parte intellectus, vel ex parte affectus. Et quod ex parte intellectus: & videtur primò per illud: Scit conscientia tua, quia & tu crebrò maledixisti aliis: sed scire est actus proprius potentia cognitiuæ: si ergo conscientia est scire, conscientia se tenet ex parte cognitiuæ.

ITEM Damascenus dicit: Conscientia est lex intellectus nostri: sed lex intellectus non dicitur nisi Scriptura, quæ directè respicit intellectum: ergo conscientia tenet se ex parte potentia intellectus.

ITEM omnis scientia est ex parte intellectus: omnis conscientia est scientia: ergo omnis conscientia est ex parte intellectus. Maior propositio per se manifesta est. Minor probatur: quia omnis conscius alicuius rei est sciens illā rem: ergo à coniugatis, omnis conscientia est scientia.

ITEM conscientia diuiditur per rectam, & erroneam: sed erroneam respicit habitum, vel actum intellectuum: si ergo diuisum, & diuidentia spectant ad eandem potentiam animæ, videtur quod conscientia teneat se ex parte potentia cognitiuæ.

ITEM hoc ipsum ostenditur per actum: Legere enim, & indicare, & dirigere, & testificari, & arguere, omnes sunt actus spectantes ad cognitionem: sed omnes hi tales actus attribuuntur conscientia. Nam conscientia est liber, in quo legimus: conscientia etiam interius iudicat, conscientia testatur, conscientia arguit, conscientia etiam regit, & dirigit: ergo videtur quod conscientia totaliter se teneat ex parte cognitiuæ, cum actus, & habitus sint eiusdem potentia.

Ad opposi-
tum.

1. SED CONTRA: Si conscientia se tenet ex parte cognitiuæ: aut ergo sicut potentia, aut sicut passio, aut sicut habitus. Non sicut passio, quia passiones maxime respiciunt affectiuam. Non sicut habitus, quia conscientia modò est munda, & modò immunda: & nullus habitus transmutatur à munditia in immunditiam, & è conuerso. Restat igitur, quod si conscientia tenet se ex parte cognitiuæ non erit aliud, quàm potentia cognitiua: ergo si potentia cognitiua est de omnibus non solum de operabilibus, sed etiam de speculabilibus, videtur quod conscientia non tantum attendatur circa ea, quæ sunt morum, sed etiam circa ea, quæ sunt disciplinarum: quod manifestè falsum est.

2. ITEM sicut intellectus se habet ad verum, ita affectus se habet ad bonum: ergo si aliquid est, cuius perfectio consistit in bonitate, illud magis spectat ad bonum

Aquam ad intellectum: sed conscientia est huiusmodi. Dicit enim Apostolus: Charitas est de corde puro, & conscientia bona. Et iterum in eadem epistola. Milites in illis bonam militiam habens fidem, & bonam conscientiam: ergo, &c.

3. ITEM: Lex carnis repugnat legi mentis, secundum quod Apostolus dicit: sed lex carnis se tenet ex parte motiuæ: ergo & lex mentis tenet se ex eadem parte: sed conscientia est lex mentis, sicut suprà dicit Damascenus: ergo conscientia tenet se ex parte affectiuæ.

4. ITEM remorsus est actio potentia affectiuæ: vbi-
cunque enim est remorsio, ibi est quidam dolor, & passio: sed conscientia est remordere, sicut dicitur super illud: Nihil mihi conscius sum: Glossa: In nullo me remordet conscientia mea: ergo videtur, quod conscientia ex parte affectiuæ se teneat.

5. ITEM delectabile, & pœnale se tenet ex parte potentia affectiuæ: sed in nobis est pœna, & lætitia ex parte conscientia erit magna pœna in damnatis: ergo videtur, quod conscientia teneat se ex parte potentia affectiuæ, non ex parte potentia cognitiuæ.

CONCLUSIO.

Conscientia se tenet ex parte cognitiua potentia, licet non speculatiua, sed practicam respiciat cognitionem.

RESP. AD ARG. Ad prædictorum intelligentiam notandum est, quod sicut nomen intellectus aliquando accipitur pro potentia intelligendi, aliquando pro habitu, aliquando pro ipso principio intellecto: sic nomen conscientia tripliciter consuevit accipi à doctoribus sacrae Scripturae. Aliquando enim accipitur conscientia pro ipso conscito: & sic dicit Ioannes Damascenus quod conscientia est lex intellectus nostri: lex enim est illud, quod per conscientiam nouimus. Aliquando verò accipitur conscientia, pro eo, quo conscij sumus, sc. pro habitu, sicut scientia accipitur pro habitu scientia cognoscens. Aliquando autem accipitur conscientia pro ipsa potentia conscientia, vt ita dicamus, secundum quod dicitur, quod lex naturalis scripta est in conscientia nostris. Cum igitur tribus modis accipi soleat conscientia nomen: vltiori tamen modo nomen conscientia pro habitu accipitur, sicut nomen scientia, à quo componitur. Si igitur quæratur conscientia cuius potentia sit habitus, dicendum quod est habitus potentia cognitiua, aliter tamen quàm sit ipsa speculatiua scientia: quia scientia speculatiua est perfectio intellectus nostri inquantum est speculatiua: conscientia verò est habitus perficiens intellectum nostrum inquantum est practicus, siue inquantum dirigit in opere: & sic intellectus habet quodam modo rationem motiui, non quia efficiat motum, sed quia dicat, & inclinat ad motum: & propterea talis habitus non simpliciter nominatur scientia, sed conscientia: vt in hoc significetur, quod habitus iste non perficit illam potentiam speculatiua in se, sed prout est quodam modo iuncta affectioni, & operationi, propter quod nos non dicimus, quod dictamen conscientia sit ad hoc principium: Omne totum est maius sua parte, & ad similia: sed bene dicimus quod conscientia dicat Deum esse honorandum, & consimilia principia, quæ sunt sicut regulæ agendorum. Concedendum est igitur, sicut rationes ostendunt, quod conscientia se tenet ex parte potentia cognitiuæ: licet non se teneat secundum quod est speculatiua, sed secundum quod est practica. Intellectus enim speculatiua, & practicus eandem potentiam dicunt sola extensione differentem, sicut dicit Philosophus: nec est aliquo modo intelligendum, quod intellectus practicus sit appetitus, vel voluntas: hoc enim negat ipse Philosophus.

1. AD illud ergo quod obicitur in contrarium, quod conscientia non potest esse potentia, nec passio, nec habitus ex parte cognitiuæ, dicendum quod immò nomi-

1.Tim.1.6

Rom.7.4

Concordat
Scot. hic &
D.Tho. 1.p.
q.79.art.13.
& q.de veri.
q.17.art.1.

Arist. 3. de
anima con-
tex.49.

nare potest & potentiam, & habitum: & cum nominat potentiam, non nominat vniuersaliter potentiam cognitivam, sed prout se extendit ad cognoscenda ea, quæ sunt moris, siue ad moralia. Cum autem nominat habitum, non solum nominat habitum naturalem, immo etiam potest nominare habitum acquisitum. Et quia habitus acquisitus potest purificare, & fœdare animam: hinc est, quod conscientia dicitur munda; & immunda, recta, & non recta. Veruntamen istæ differentię plius respiciunt conscientiam secundum quod stat pro nomine potentia, quam secundum quod stat pro nomine habitus.

2. Ad illud quod obiicitur, quod conscientia dicitur esse bona, & mala, dicendum quod bonitas & malitia non tantummodo respiciunt affectum, immo etiam intellectum practicum, & eius habitum: pro eo, quod intellectus practicus non tantum consistit in vero, sed etiam se extendit ad bonum. Et propterea indicatorium illud, quod quidem est conscientia, bonum est, quando bonum dicitur, & ad bonum inclinatur, & a malo retrahitur, & ipsum refugit: & ideo non sequitur, quod conscientia sit in potentia affectiva. Ad hoc enim quod dicatur bona, non oportet quod sit affectio per essentiam; sed sufficit quod cum ipsa affectione, & voluntate, habeat quandam concomitantiam.

3. Ad illud quod obiicitur, quod lex carnis opponitur legi mentis, dicendum, quod sicut dicit Magister Hugo de facto Victore: In sensualitate siue in homine exteriori non tantum est corruptio, quantum ad potentiam motivam, & inclinativam, sed etiam quantum ad sensitivam: & ideo quamvis lex carnis principaliter consistat in concupiscentia ad malum inclinante: nihilo minus tamen præsupponit phantasticam, & cognitivam sibi carnalia inordinate repræsentantem. Et consimiliter in lege mentis est ista duo considerare. Conscientia autem quantum est de se, magis directè opponitur legi carnis ratione cognitionis præambula, quam ratione concupiscentiæ.

4. Ad illud quod obiicitur de remorsu, dicendum quod conscientia dicitur remordere propter hoc, quod dum ipsa monstrat aliquod malum ipsi affectui habenti rectitudinem, superinducit remorsum, pro eo, quod ille affectus recalcitratur: unde remorsus non est à conscientia principaliter mouente, sed sicut à dictante: à scintilla autem conscientia, quæ quidem est synderesis, est sicut à mouente, ut melius iam patebit.

5. Ad illud quod obiicitur, quod poenale, & delectabile est ex parte conscientia, dicendum quod non est à conscientia, nec in conscientia, nisi sicut in disponente, & dictante. Gaudere enim & dolere propriè affectionis est: sed cum conscientia, quæ est rectus testis, testificatur de bono facto quod est bonum, & de malo facto quod est malum, generat ex hoc dolorem, vel gaudium in affectu. Unde Apostolus dicit: Gloria nostra hæc est, testimonium conscientia nostra: non attribuendo ipsi conscientia principaliter passionem lætandi, sed actum testificandi.

QVÆSTIO II.

An conscientia sit habitus innatus, vel acquisitus.

Alex. Alensis 2. p. q. 74. Membr. 2.

Richardus 2. Sent. dist. 39. art. 2. q. 2.

Sepp. Brulef. 2. Sent. dist. 39. q. 2.

*Fundamēta.
Rom. 2. 9*

VTRVM conscientia sit habitus innatus, aut acquisitus. Et quod sit habitus innatus, videtur: Dum gentes quæ legem non habent, naturaliter quæ legis sunt, faciunt: ipsi sibi sunt lex, quia ostendunt opus legis scriptum in cordibus suis, testimonium illis reddente conscientia. Et Glossa ibidem: Etsi gentes non habeant legem scriptam, habent tamen legem naturalem, quæ sibi conscijs sunt: ergo ex Textu, & Glossa patet, quod conscientia dicit habitum naturaliter cordi humano inscriptum.

ITEM Augustinus in lib. 3. de libeto arbitrio: Ante omne meritum boni operis non est parum accepisse na-

turale iudicium, quo sapientiam quis præponat errori, & quietem difficultati: si ergo conscientia est huiusmodi iudicium: est igitur habitus homini innatus.

ITEM Isidorus: Ius naturale est, quod natura docuit omnia animalia: ergo si natura docuit animalia, illud quod est ius naturalis, multo fortius docuit hominem, qui excellit omnia animalia: sed cognitio ius naturalis non est aliud, quam conscientia: ergo, &c.

ITEM naturaliter habemus instinctum ad appetendam beatitudinem, & ad honorandum parentes: sed hoc non potest esse sine aliqua præcognitione: ergo videtur, quod ad huiusmodi faciendâ habeamus aliquam cognitionem naturaliter nobis impressam: sed cognitio inclinans ad hoc est conscientia: ergo, &c.

ITEM lex naturalis cognoscitur ab homine aliquo modo: aut ergo per acquisitionem, aut per naturam. Si per acquisitionem: ergo non debet dici naturalis, sed acquisita; sicut nec virtutes politicæ. Si verò per naturam; & cognitio legis naturalis non est aliud quam conscientia: ergo, &c.

ITEM ius naturale naturaliter ligat voluntatem: sed ligationem voluntatis necessario præcedit actus cognitionis; affectum enim præcedit intellectus; ergo si voluntas naturaliter ad illud ius ligatur, videtur quod illud ius naturaliter ab anima cognoscatur. Si ergo illius iuris cognitio est conscientia; patet, &c.

1. SED CONTRA, Philosophus in 3. de anima dicit quod anima est sicut tabula rasa, in qua nihil depictum est: ergo videtur, quod anima à sua prima conditione nullam habeat innatam cognitionem; si ergo habitus conscientia dicit aliquam cognitionem, videtur quod non sit innatus, sed acquisitus.

2. ITEM Augustinus in libro 1. Retractat. hoc quod dixerat, animam creati scientem, sed mole corporis oppressam obliuisci eorum, quæ sciebat; sed non retractaret nisi haberet hoc pro falso; ergo falsum est secundum Augustinum, quod anima habeat naturaliter cognitionem agendorum; si ergo conscientia est huiusmodi habitus cognitiuus, videtur quod non sit innatus, sed acquisitus.

3. ITEM non habetur cognitio de complexo, nisi habeatur de incompleto. Unde non cognoscit principium, qui non cognoscit terminos; propter quod dicit Philosophus, quod principia cognoscimus in quantum terminos cognoscimus, sed cognitionem incompleto- rum non habemus, nisi mediantibus sensibus, nemo enim cognoscit colorem nisi per visum: & propterea amittentes vnum sensum, necesse est vnam scientiam amittere. Si ergo omnis scientia incompleto- rum sit, necesse est quod omnis cognitio incompleto- rum sit acquisita, & acceptata sensu; sed conscientia dicit cognitionem complexi, ut potè alicuius regulæ ius naturalis: ergo videtur quod conscientia non dicat habitum innatum, sed acquisitum.

4. ITEM æqualis difficultatis, vel maioris est scire ea, quæ pertinent ad mores, sicut ea, quæ pertinent ad simplicem speculationem: sed scientia, quæ est habitus cognitiuus speculationum, non est nobis innata, sed acquisita: ergo pari ratione & conscientia, quæ est habitus dirigens in agendis, non est innata, sed acquisita.

5. ITEM omnis habitus naturalis semper est rectus: Conscientia autem est aliquando recta, aliquando erronea: ergo conscientia non est habitus naturalis, sed acquisitus.

6. ITEM habitus naturales omni insunt, & semper, quia naturalia sunt illa, quæ sunt eadem apud omnes; & naturalia comitantur naturam inseparabiliter: sed conscientia sunt eadem apud omnes, immo frequenter sunt contrariæ: conscientia etiam non semper inest, quia frequenter homo incipit habere conscientiam, quam primò non habebat; sicut religiosus ex quo intrat religionem, habet conscientiam quod non liceat ei facere contra consilia: & hanc prius non habebat: ergo, &c.

*Ex lib. 5.
Ethic. 4. 4.*

*Ad opposi-
tum.
3. Anima
conf. 14.*

*1. Posteri-
um c. 3.*

*1. Posteri-
um c. de
ignorantia.*

*Lib. 1. c. 20.
circa med.
tom. 1.*

CONCLV

CONCLUSIO.

Conscientia quodam modo dicit habitum innatum respectu principiorum, acquisitum verò respectu conclusionum, & iterum ratione ipsorum principiorum dicit habitum innatum respectu luminis super nos signati: dicit etiam habitum acquisitum respectu specierum cognoscibilium.

RESP. AD ARG. Ad prædictorum intelligentiam est notandum, quod præter illam positionem Platoniam, quæ posuit omnes habitus cognoscendorum esse animæ simpliciter innatos, sed obliuioni dari ad tempus propter corporis molem, quam improbat, & reprobatur tam Philosophus, quam Augustinus, tres fuerunt opiniones doctorum de origine habituum cognoscendorum: & omnes illæ tres opiniones in hoc concordant, quod sicut virtutes consuetudinales nec sunt omnino à natura, nec omnino ab acquisitione, sed quodam modo sunt innatæ, & quodam modo acquisitæ: sic etiam & habitus cognitiui nec sunt omnino innati, nec omnino acquisiti, sed quodam modo innati, & quodam modo acquisiti. Inassignando autem modum secundum quem isti habitus sunt innati, & secundum quem sunt acquisiti, differuntur diuersi. Quidam enim dicere voluerunt, quod innati sunt intellectui agenti, sed acquisiti sunt quantum ad intellectum possibilem: & quantum ad istum intellectum dicit Philosophus, animam creari sicut tabulam nudam, & ille intellectus est, qui habet perfici mediatis potentiis sensitivis. Sed istud non videtur esse consonum nec verbis Philosophi, nec veritati. Si enim intellectus agens haberet habitus cognoscendorum, quare non posset illos communicare possibili sine adiutorio sensuum inferiorum? Rursus, si intellectus agens haberet habitus cognoscendorum, anima à sua conditione iam non esset ignorans, immò esset potius sciens. Difficile etiam est simul cum hoc intelligere, quo modo species dicantur esse in intellectu agente, cum possibilis dicatur, quo est omnia fieri, & agens, quo est omnia facere. Et ideo est secundus modus dicendi, quod habitus cognitiui quodam modo sunt innati, quodam modo acquisiti. Innati sunt enim quo ad cognitionem in vniuersali, acquisiti quo ad cognitionem in particulari. Siue innati sunt quo ad cognitionem principiorum, acquisiti verò quo ad cognitionem conclusionum. Sed nec iste modus dicendi consonat verbis Philosophi, & Augustini. Nam Philosophus in libro posteriorum probat, quod cognitio principiorum non est nobis innata, deducens ad plura inconuenientia: & ibidem ostendit, quod cognitio principiorum acquiritur in nobis via sensus, memoriz, & experientiz. Augustinus etiam in lib. 12. de Trinitate loquens de paruulo, qui respondebat de omnibus principiis geometriz, dicit quod hoc non erat, quia anima illius paruuli prius illa nouisset sed potius ista videbat in quadam luce sui generis incorporea: quemadmodum oculus carnis videt, quæ in hac luce corporea circa adiacent, cuius lucis capax eique congruens est creatus. Et propterea est tertius modus dicendi, quod habitus cognitiui quodam modo sunt nobis innati, quodam modo acquisiti: non tantum loquendo de cognitione in particulari, & de cognitione conclusionum, sed etiam de cognitione principiorum. Cum enim ad cognitionem duo concurrant necessariò, videlicet præsentia cognoscibilis, & lumen, quo mediante de illo iudicamus, sicut videmus in visu: & in præcedenti auctoritate innuit Augustinus, quod habitus cognitiui sunt quodam modo nobis innati ratione luminis animæ inditi: sunt etiam quodam modo acquisiti ratione speciei; & hoc quidem verbis Philosophi, & Augustini concordat. Omnes enim in hoc concordant, quod potentia cognitiua sit lumen inditum, quod vocatur naturale iudicorium: species autem & similitudines rerum acquiruntur nobis mediata sensu, sicut expressè dicit Philosophus in multis locis: & hoc etiam experientia docet. Nemo enim

A vnquam cognosceret totum, aut partem: aut patrem, aut matrem, nisi sensu aliquo exteriori speciem eius acciperet: & hinc est, quod amittentes vnum sensum, necesse habemus vnam scientiam amittere. Illud autem lumen, siue naturale iudicorium dirigit ipsam animam in iudicando tam de cognoscibilibus, quam de operabilibus. Sed hoc attendendum est præcipue: quia sicut inter cognoscibilia quædam sunt valde euidentia, sicut dignitates & prima principia: quædam sunt minus euidentia, sicut conclusiones particulares: sic & in operabilibus quædam sunt maxime euidentia, vtpotè illud: Quod tibi non vis fieri, alteri ne feceris: & quod Deo obtemperandum est, & consimilia. Quemadmodum igitur cognitio principiorum primorum ratione illius luminis dicitur esse nobis innata, quia lumen illud sufficit ad illa cognoscenda post receptionem specierum sine aliqua persuasionem superaddita propter sui euidentiam: sic & primorum principiorum moralium cognitio nobis innata est, pro eo quod iudicorium illud sufficit ad illa cognoscenda. Rursus: Quemadmodum cognitio particularium conclusionum scientiarum acquisita est, pro eo quod lumen nobis innatum non plenè sufficit ad illa cognoscenda, sed indiget aliqua persuasionem, & habilitationem noua: sic etiam intelligendum est ex parte operabilium, quod quædam sunt agenda ad quæ tenemur, quæ non cognoscimus nisi per instructionem superadditam. Quoniam igitur conscientia nominat habitum directiuum nostri iudicii respectu operabilium, hinc est, quod quodam modo habitum nominat innatum, & quodam modo nominat acquisitum. **C** Habitum inquam innatum nominat respectu eorum, quæ sunt de primo dictamine naturæ. Habitum verò acquisitum respectu eorum, quæ sunt instructionis superadditæ. Habitum etiam innatum dicit respectu luminis directiuum. Habitum nihilominus acquisitum respectu speciei ipsius cognoscibilis. Naturale enim habeo lumen, quod sufficit ad cognoscendum, quod parentes sunt honorandi, & quod proximi non sunt lædendi: non tamen habeo naturaliter mihi impressam speciem patris, vel speciem proximi. Hijs visis plana est responsio ad quæstionem propositam, & etiam ad obiecta. Concedo enim, quod conscientia dicit habitum quodam modo innatum, videlicet ratione illius luminis super nos signati, quod quidem ostendit nobis bona, & quod est seminarium aliorum habituum acquirendorum, & sic currunt rationes ad primam partem inducunt. Concedo nihilominus, quod conscientia dicit quodam modo habitum acquisitum, videlicet rationem specierum ipsorum cognoscibilium, sicut ostendunt tres primæ rationes ad secundam partem inducunt. Concedo etiam, quod dicit habitum quodam modo acquisitum respectu specialium operabilium, sicut tres aliæ rationes ostendunt. Si qua autem sunt cognoscibilia, quæ quidem cognoscantur per sui essentiam, non per speciem, respectu talium poterit dicit conscientia esse habitus simpliciter innatus, vtpotè respectu huius, quod est Deum amare, & Deum timere. Deus enim non cognoscitur per similitudinem à sensu acceptam, immò Dei notitia naturaliter est nobis inserta, sicut dicit Augustinus. Quid autem sit amor, & timor non cognoscit homo per similitudinem exterius acceptam, sed per essentiam: huiusmodi enim affectus essentialiter sunt in anima.

Ex his patet responsio ad illam quæstionem, qua quæritur. Vtrum omnis cognitio sit à sensu. Et dicendum est quod non. Necessariò enim oportet ponere, quod anima nouit Deum, & seipsam, & quæ sunt in seipsa, sine adiumento sensuum exteriorum. Vnde si aliquando dicat Philosophus, quod nihil est in intellectu, quod prius non fuerit in sensu: & quod omnis cognitio ortum habet à sensu, intelligendum est de illis, quæ quidem habent esse in anima per similitudinem abstractam: & illa dicuntur esse in anima ad modum Scripturæ. Et propterea valde notabiliter dicit Philosophus, quod in anima nihil scriptum est, non quia nulla sit in ea notitia, sed quia nulla est in ea pictura vel similitudo abstracta, & hoc est quod dicit Augustinus in libro de Ciuit. Dei: Inseruit nobis Deus no-

Arist. 1. posteriorum in proem. 2. posteriorum. c. ult. cons. 104. & 3. de anima, con. 14. Augustin. 12. de Trin. c. ult. tom. 3.

Opin. 1.

Improbatio.

3. de anima, con. 18.

Opinio 2.

Improbatio.

1. Post. cons. 73. & 105.

Opinio 3.

1. Posterior. Tho. 1. p. 4. q. 79. art. 2.

Dam. lib. 1. de fide orthodox. cap. 1. & 3.

Lib. de sensu & sensib.

Ani. cons. 14.

bile iudicarium, ubi quid sit lucis, quid tenebrarum, A
cognoscitur in libro lucis, qui veritas est, quia veritas
in corde hominum naturaliter est impressa.

QVÆSTIO III.

An teneamur ad omne quod conscientia dicitur esse neces-
sarium ad salutem.

S. Thom. 1. 2. q. 19. art. 5. & 6.
Et 2. Sent. dist. 39. q. 3. art. 3.
Et de Verit. q. 17. art. 4.
Agid. Rom. 2. Sent. p. 2. dist. 39. q. 3. art. 3.
Richardus 2. Sent. dist. 39. art. 2. q. 3.
Durandus 2. Sent. dist. 39. q. 5.
Steph. Brulef. 2. Sent. dist. 39. q. 3.
Gabr. Biel. 2. Sent. dist. 39. q. 1. art. 3. dub. 2.

DE conscientia quantum ad effectum ligationis. Et B
est quæstio utrum teneamur ad omne illud, quod
conscientia dicitur necessarium esse ad salutem. Et quod
sic videtur: Omne quod non est ex fide, peccatum est.
Glossa: Quod non est ex fide, id est, contra conscientiam
ut credatur esse malum, peccatum est: sed hoc non esset
nisi conscientia ligaret ad omne illud, quod ipsa dicitur:
ergo tenemur omne illud facere, quod est de conscien-
tiæ dictamine.

2. ITEM lex obligat ad faciendum illud, quod ipsa
dicitur. Lex enim dicitur à ligando: sed conscientia est
lex intellectus nostri: ergo tenemur ad omne illud, quod
conscientia dicitur ad salutem esse necessarium.

3. ITEM tenemur ad faciendum illud, quod index C
mandat: sed conscientia est iudex noster, secundum
quod dicitur in Glossa: ergo tenemur ad omne illud,
quod conscientia dicitur.

4. ITEM regula est, quod quotiescunque aliquis facit
aliquid credens esse mortale, peccat mortaliter, pro eo,
quod contemnit Deum: ergo si non possumus non cre-
dere ea quæ dicitur conscientia: videtur, quod quidquid
sit illud, si contra hoc faciamus, quod mortaliter pec-
camus: videtur igitur, quod teneamur ad faciendum
omne illud, quod conscientia dicitur ad salutem esse ne-
cessarium.

Fundamēta. SED CONTRA: Si obligamur ad omne illud, quod
conscientia dicitur: sed conscientia aliquando dicitur fa-
ciendū aliquid contra Deum: ergo tenemur facere con-
tra Deum: sed nullus peccat faciendo illud, ad quod
tenetur: ergo faciendo contra Deum non peccamus.

ITEM quædam sunt ita mala secundum se, quod
Deus non potest facere ea nec illa præcipere, nullo
enim bono fine possunt fieri: sed ad nihil potest obli-
gare conscientia, ad quod non potest obligare Deus,
cum conscientia sit infra Deum: ergo si conscientia di-
cat talia, videtur quod ad talia non possit obligare: er-
go non obligamur ad faciendum ea.

ITEM quod ad nihil per se possit obligare, videtur:
quia peccatum omne est dictum, vel factum, vel con-
cupitum contra legem Dei, sicut dicit Augustinus: ergo
si conscientia dicitur aliquid, quod non sit de mandato
legis diuinæ, facere contra illud non est peccatum, cum
non sit facere contra legem Dei: ergo non tenetur quis
ad illud faciendum: ergo ad nihil ligat conscientia quan-
tum est de virtute sua.

ITEM nullus potest ab aliquo ligamine absolui per
dictamen conscientia: ergo nec per illud dictamen
potest aliquod vinculum incurrere: ergo videtur quod
conscientia de se, & per se ad nihil possit ligare. Est igitur
quæstio, ad quid conscientia liget, utrum liget ad
omne quod dicitur, & utrum omnis conscientia liget: &
utrum homo sit perplexus, quando conscientia dicitur
vnum, & lex diuina dicitur contrarium, & cui magis sit
obtemperandum, utrum dictamini conscientia, an præ-
cepto prælati, cum obuiant sibi ad inuicem.

CONCLUSIO.

Conscientia ligat semper ad faciendum quod dicitur, præ-
terquam in his, quæ sunt contra legem Dei, tunc enim
ligat ad deponendum eam.

RESP. AD ARG. Dicendum quod conscientia aliquā-
do dicitur aliquid, quod est secundum legem Dei, ali-
quando aliquid quod est præter legem Dei, aliquando
aliquid quod est contra legem Dei, & loquimur hic de
dictamine per modum præceptionis, vel prohibitionis,
non per modum consilij, siue persuasionis. In primis
quidem conscientia simpliciter ligat, & vniuersaliter,
pro eo, quod ad illa homoligatus est per legem diuinā,
& conscientia quæ illi concordat, ligatum ostendit. In
secundis verò conscientia ligat quandiu manet. Vnde
vel tenetur homo conscientiam deponere, vel tenetur
illu. I, quod dicitur conscientia adimplere, utpote si dicitur,
quod. I. necessarium est ad salutem festucam de terra le-
uare. In tertiis verò conscientia non ligat ad faciendum,
vel non faciendum, sed ligat ad se deponendum: pro eo,
quod cum talis conscientia sit erronea errore repugnante
legi diuinæ, necessario quādiu manet, ponit hominem
extra statum salutis: & ideo necesse est ipsum deponere:
quia siue homo faciat quod dicitur, siue eius oppositum,
mortaliter peccat. Si enim faciat, quod conscientia di-
cat, & illud est contra legem Dei, & facere contra legē
Dei sit mortale peccatū, absq; dubio mortaliter peccat.
Si verò facit oppositum eius, quod conscientia dicitur
ipsa manente, adhuc peccat mortaliter, non ratione ope-
ris quod facit, sed quia malo modo facit. Facit enim in
contemptū Dei, dū credit sibi dicente conscientia hoc
Deo displicere, quamvis Deo placeat. Et hoc est, quod
dicit glossa super illud: Omne, quod nō est ex fide, pec-
catum est, ibi: Glossa: Omne quod ad conscientiam per-
tinet, si aliter fiat, dicit Apostolus esse peccatum. Quā-
vis enim fiat etiam quod bonum est, si non faciendum
eredatur, peccatum est. Et ratio huius est: quia non tan-
tū attendit Deus, quid homo faciat: sed quo animo fa-
ciat, & iste qui facit quod Deus iubet, credens facere
contra ipsius Dei voluntatem, non facit bono animo,
sed malo: & ideo peccat mortaliter. Sic igitur patet,
quod omnis conscientia aut ligat ad faciendum quod
dicitur, aut ligat ad se deponendum. Non tamen omnis
conscientia ligat ad faciendum, quod dicitur: sicut illa,
quæ dicitur non esse faciendum illud, ad quod homo alias
D tenetur: sed talis conscientia dicitur erronea. His visis
patet responsio ad quæstionem propositam, & etiam
ad obiecta pro parte.

1. AD illud enim quod primò obicitur, quod omne
quod non est ex fide, id est, contra conscientia, iam patet
responsio. Dico enim quod facere contra conscientiam
semper est peccatū, quia semper est in Dei contemptū:
tamen facere secundum conscientiam non semper est
bonum, utpote cum conscientia dicitur aliquid, quod est
contra Deum. Vnde hæc habet duas causas veritatis, fa-
cere contra conscientiam est peccatum: aut quia con-
scientia ligat ad illud faciendum, aut quia illud non po-
test bene fieri tali conscientia manente: ideo est ibi so-
phisma secundum consequens, quia proceditur ex plu-
ribus causis veritatis, ad vnam in ratione illa.

E 2. 1. AD illud quod obicitur, quod conscientia est
lex intellectus nostri, dicendum quod verum est: quod
lex est: sed non est lex suprema: supra ipsam enim est
lex alia, scilicet lex diuina. Cum autem dicitur, quod lex
ligat ad faciendum omne illud, quod dicitur, dicendum
quod verum est, quando lex inferior non dicitur contra-
rium legi superiori: hoc autem sæpè facit conscientia.
Et similiter respondendum est ad sequens, quod oppo-
nit de iudice.

4. AD illud verò quod vltimò obicitur, quod quicū-
que credit peccare se mortaliter, peccat mortaliter, di-
cendum quod hoc verum est: illud enim generaliter ve-
rum est quod dicitur. Qui facit contra conscientiam, æ-
dificat ad gehennam: sed tamen ex hoc non sequitur,

quod

quodd tenemur facere omne, quod conscientia dicat faciendum, quia sicut dictum est, illud habet duas causas veritatis. Ad illas autem rationes primas, quæ in contrarium adducuntur, respondere non est opportunum, pro eo, quodd verum concludunt: ostendunt enim, quodd conscientia non ligat in omnibus.

Resp. ad 2.
vlt. arg. pro
fundamento.

Ad illud verodd obicitur quodd ad nihil ligat per se, & quodd non dicitur peccatum, quod sit contra conscientiam, sed contra legem Dei, dicendum quodd facere contra legem Dei potest esse dupliciter, vel verè, vel interpretatiuè, siue secundum veritatem, siue secundum reputationem: & utroque modo est peccatum mortale: utroque enim modo contemnitur Deus: & quamvis faciens contra conscientiam non semper faciat contra legem Dei secundum veritatem, facit tamè vel secundum veritatem, vel secundum reputationem: quia conscientia est sicut præco Dei, & nuntius. Et quod dicit non mādāt ex se, sed mandat quasi ex Deo: sicut præco cum divulgat edictum regis. Et hinc est, quod conscientia habet virtutem ligandi in his, quæ possunt aliquo modo bene fieri.

Ad illud quodd obicitur, quodd non potest ab aliquo absolueri, dicendum quodd non est simile, quia conscientia non potest aliam legem infringere: vnde nec potest à præcepto Dei absolueri, nec à præcepto prælati, cui homo se obligauit ex lege voti: ex hoc tamè non sequitur, quodd non possit ligare finaliter, immò est argumentum à minori destruendo. Vnde sicut istud argumentum non valet: Conscientia non potest super superiorè: ergo non potest super inferiore: ita illud non valet: Conscientia non potest absolueri hominem à mandato superioris: ergo non potest eum obligare: bene tamè sequitur, quodd non potest obligare contra mandatum superioris: ad aliquid tamen potest nos obligare, pro eo quodd quodam modo supra nos est, & media inter nos, & Deum, sicut præco medius est inter regem, & populum. Ex hic patent ea quæ vltimò quærebantur, videlicet quando conscientia liget, & quando non liget. Patet etiam quodd nemo ex conscientia perplexus est nisi ad tempus, videlicet quandiu conscientia manet: nec tamen est perplexus simpliciter, pro eo quodd debet illam conscientiam deponere: etsi nescit per se de illa iudicare, pro eo quodd nescit legem Dei, debet sapientiores consulere, vel per rationem se ad Deum convertere, si humanum consilium deest: alioquin si negligens est: verificatur in eo quodd dicit Apostolus: Qui ignorat ignorabitur. Patet etiam, quodd plūs standum est præcepto prælati, quàm conscientia, maximè quando prælatus præcipit quodd potest, & debet præcipere.

ARTICVLVS II.

CONSEQUENTER quæritur de secundo principali, videlicet de synderesi, quæ est conscientia scintilla. Et circa hoc quærentur tria. Primò quæritur de ipsa synderesi quantum ad essentiam, vtrum sc. sit in genere cognitionis, vel affectionis. Secundò quæritur de ipsa quantum ad vsum, vtrum videlicet per peccatum possit extinguī. Tertiò quæritur de ipsa quantum ad abusum, vtrum scilicet per peccatum possit deperuari.

QVÆSTIO I.

An synderesis sit in genere cognitionis, vel affectionis.

Alexander Alenf. 2. p. q. 73. Membro 1. & 2.
S. Thom. 1. p. q. 79. art. 12.
Et de Verit. q. 16. art. 1.
Scotus 1. Sent. dist. 39. q. 1.
Egid. Rom. 2. Sent. p. 2. d. 39. q. 2. art. 1.
Richardus 2. Sent. dist. 39. art. 3. q. 1.
Durandus 2. Sent. dist. 39. q. 4.
Thom. Argent. 2. Sent. dist. 39. art. 3. q. 1.
Steph. Brulef. 2. Sent. d. 39. q. 4.

Fundamēta.

VTVM synderesis sit in genere cognitionis, vel affectionis. Et quod sit in genere affectionis, videtur

per illud quodd dicitur in Glof. super Ezech. In qua post plura verba dicitur de synderesi, hic est spiritus qui postulat pro nobis gemitibus inenarrabilibus: sed gemere est actus affectionis: si ergo synderesis est gemere, synderesis spectat ad potentiam affectiuam.

ITEM Ambrosius dicit, & habetur in litera, quodd homo subiectus peccato naturaliter vult bonum: sed illud quodd naturaliter inclināt nos ab bonum vel est synderesis, vel conscientia: ergo illa voluntas inclinans nos ad bonum vel est synderesis, vel conscientia: sed non est conscientia: ergo est synderesis.

ITEM contra malum est bonum sibi oppositum: sed nos habemus in parte motiua sensibili aliquid impellens ad malum: ergo & in parte motiua rationali debet in nobis aliquid esse instigans ad bonum: hoc autem non est nisi synderesis: ergo synderesis est in parte affectiua.

ITEM sicut intellectus indiget lumine ad iudicandum, ita affectus indiget calore quodam, & pondere spirituali ad rectè amandum: ergo sicut in parte animæ cognitionis est quoddam naturale iudicatorium, quodd quidem est conscientia, ita in parte animæ affectiue erit pondus ad bonum dirigens & inclinans: hoc autem non est nisi synderesis: ergo, &c.

1. SED CONTRA: Super illud, Custodite spiritum vestrum, & uxorem adolescentiæ vestræ, Glossa Hieronymi: Per uxorem adolescentiæ intellige legem naturalem scriptam in corde: spiritus verodd dicitur non animalis pars, quæ non percipit ea, quæ Dei sunt, sed rationalis: hanc autem vocat synderesim: ergo videtur quodd synderesis se teneat ex parte rationis, siue cognitionis. Si tu dicas, quodd spiritus accipitur ibi communiter ad intellectum & affectum, obicitur quodd in eadem Glossa iungitur: Hic est spiritus, qui postulat pro nobis gemitibus inenarrabilibus: sed postulare est actus rationis: ergo, &c.

2. ITEM super illud: Abierunt seminiuo relicto. Glossa: Immortalitatem exuere, sed rationis sensum abolere non possunt, quin homo sapere, & Deum possit cognoscere. Si ergo sensus rationis se tenet ex parte rationis, & huiusmodi sensus qui in nobis remanet, non est aliud quàm synderesis, videtur, &c.

3. ITEM scintilla conscientia est conscientia, etsi non in eadem parte: sed conscientia, vt superius probatum est, spectat ad cognitionem: & synderesis est scintilla conscientia secundum quodd dicitur: ergo videtur quodd synderesis se teneat ex parte cognitionis.

4. ITEM si synderesis se tenet ex parte motiue, aut ergo est potentia, aut passio, aut habitus. Passio, non, hoc constat: habitus non, videtur, quia aut esset bonus, aut malus. Non bonus, quia si bonus, esset virtus: si malus, esset vitium, quorum neutrum conceditur de synderesi. Potentia non, vt videtur, quia potentia voluntas indifferenter se habet ad quoddcunque appetibile: synderesis autem non dicitur respectu cibi, & potus, & huiusmodi appetibilium: ergo non videtur, quodd aliquo modo se teneat ex parte affectionis. Est igitur quæstio, quid sit ipsa synderesis, & de comparatione ipsius ad legem naturalem, & ad conscientiam, quo modo se habent, vtrum sint eadem, vel diuersa.

5. ITEM qualiter se habeat ad tres animæ potentias, concupiscibilem, irascibilem, & rationalem, videtur enim quodd sit aliquid præter hæc tria, secundum quodd habetur in Glof. super illud: Facies hominis, &c. Glof. Plerique iuxta Platonem rationabilitatem animæ, irascentiā, & concupiscentiam ad hominem, leonem, & vitulum referunt, quartam verodd supra hæc, & extra hæc ponunt quam Græci vocant synderesim, quæ scintilla conscientia in Cain quoq; non extinguitur, quæ victi voluptatibus, vel furore, & ipsa interdū rationis similitudine decepti nos peccare sentimus, quæ propriè aquilæ deputat non se miscntem tribus, sed ipsa errantia corrigentē: ex hoc Glof. videtur quodd differat ab illis tribus. Sed contra hoc est, quodd in lib. de spiritu, & anima dicitur quodd sufficienter diuiduntur vires animæ per has tres, videlicet

per

Exeib. 1.6

Ad opposi-
tum.
Mal. 2.6

Ezech. 1.6

Luce. 10.9

Glossa est
Hieronymi.
Ezech. 1.6

per concupiscibilem, irascibilem, & rationalem; si ergo
synderesis est aliquid animæ, videtur quod ipsa se teneat
necessariò penes aliquam istarum trium virium, vel pe-
nes omnes.

CONCLUSIO.

Synderesis cum stimulet ad bonum, se tenet ex parte affectus nam synderesis nominat potentiam voluntatis inquantum habet inclinare ad bonum honestum.

RESP. Ad Arg. Dicendum quodd circa distinctionem synderesis ab aliis viribus multiplex est opinio, sicut & circa distinctiones aliarum virium animæ. Voluerunt enim aliqui dicere, & ex Glossa præcedenti prius posita super primum Ezech. colligere, quod synderesis supremum ipsius animæ dicitur. Supremum autem ipsius animæ est superior pars rationis, quia anima ad Deum conuertitur, & illa superior portio regit inferiorem portionem rationis, & irascibilem, & concupiscibilem. Hæc autem superior portio secundum quodd ad Deum conuertitur, semper est recta; obliquatur tamen secundum quodd descendit ad hæc inferiora. Et isti dixerunt, quodd inter synderesim, & conscientiam, & legem naturalem talis est differentia, sc. quodd synderesis nominat ipsam potetiam, scilicet, superiorem portionem: conscientia verò nominat ipsius habitum, secundum quem regit inferiorem portionem: lex verò naturalis nominat illud, ad quod conscientia dirigit. Hic autem modus dicendi satis videtur esse probabilis, nisi repugnaret illi glossæ prius habitæ, quodd synderesis aliis peccantibus non se etiam immiscet. Cum enim mortale peccatum non possit esse absque actu superioris portionis, quia in mādicatione viri consistit consummatio peccati: si synderesis esset superior portio rationis, vtique aliis peccantibus se immisceret. Præterea: Superior portio rationis dicit ordinationem ad Deum: actus autem synderesis non tantum respicit Deum, sed etiam proximum, secundum quodd lex naturalis respicit vtrumque. Et ideo est alius modus dicendi, quodd cum potentia rationales dupliciter habeant moueri, & per modum naturæ, & per modum deliberationis, quemadmodum libertas arbitrij consistit in ratione, & voluntate secundum quodd mouetur deliberatiue: sic conscientia & synderesis respiciunt rationem, & voluntatem in quantum mouetur per modum naturæ, tam synderesis, quam conscientia, quam etiam lex naturæ semper ad bonum inclinant: sed liberum arbitrium aliquando ad bonum, aliquando ad malum: & ideo sicut liberum arbitrium simul & complectitur rationem, & voluntatem, sic synderesis rationem simul, & voluntatem complectitur: & lex naturalis similiter, & conscientia similiter, pro eodem accipi possunt. Appropiate tamen synderesis dicit potentiam, & conscientia habitum, & lex naturalis obiectum. Siue alio modo appropriando, vt synderesis dicat habitum respectu boni, vel mali in vniuersali, conscientia verò habitum respectu boni, vel mali in particulari: lex verò naturalis indifferenter se habeat ad vtrumque. Sed quia vt habitum fuit prius, conscientia dicit habitum se tenentem ex parte intellectus, aut necesse erit præter conscientiam, & synderesim ponere in nobis aliquid directiuum, aut necesse est ponere, quodd synderesis se teneat ex parte affectus. Et propterea est tertius modus dicendi, quodd quemadmodum ab ipsa creatione animæ intellectus habet lumen, quodd est sibi naturale iudicatorium, dirigens ipsum intellectum in cognoscendis, sic affectus habet naturale quoddam pondus dirigens ipsum affectum in appetendis. Appetenda autem sunt in duplici genere. Quædam enim sunt in genere honesti: quædam in genere commodi: sicut & cognoscibilia sunt in duplici genere. Quædam in genere speculabilem, & quædam ex parte moralium. Et quemadmodum conscientia non nominat illud iudicatorium nisi in quantum dirigit ad opera moralia: sic synderesis non nominat illud pondus voluntatis, nisi in-

quantum illam habet inclinare ad bonum honestum. Et quemadmodum nomen conscientię potest accipi pro potentia cum tali habitu, vel pro habitu talis potentię, sic etiam synderesis. Vñ tiori tamen modo loquendi, synderesis potius nominat potentiam habitualement, quàm nominet habitum, sicut patet in auctoritatibus, quę supra inductę sunt. Et quia illa potentia nunquam separatur ab illo habitu, hinc est quoddam habitus, & potentia vno nomine comprehenduntur, & potentia illa, vt sic habitata, nomen sui habitus sortitur. Et ex hoc patet responsio ad quæstionem primam propositam, quæ querebatur, vtrum synderesis dicat quiddam affectiuum, vel cognitiuum. Lico enim quoddam synderesis dicit illud, quod stimulat ad bonum, & ideo ex parte affectionis se tenet, sicut rationes ad primam partem inductę ostendunt.

3. Ad illud verò quod primò obijciatur in contrarium, quòd synderesis est spiritus rationalis, qui postulat, & interpellat, dicendum quòd sicut dicit Gregorius; Non tantum loquimur ad Deum cogitationibus, & exterioribus verbis, sed etiam affectibus, & desideriis; & propter ea cum synderesis continue stimulando non facit bonum desiderare, dicitur gemitibus inenarrabilibus ad Deum interpellare.

2. Ad illud quod obiicitur de sensu rationis, dicendum quòd per sensum rationalem magis intelligitur ibi naturale indicatorium, quàm intelligatur synderesis. Si quis autem contendat, quòd per sensum illum aliquando accipitur synderesis, distinguendum est, quòd ratio aliquando accipitur propriè pro parte cognitiua, aliquando accipitur communiter prout comprehendit totum spiritum rationalem? & sic sensus rationis non tantum sumitur ex parte cognitiua, sed etià ex parte affectiua: sicut patet de spirituali gustu, & tactu: & ideo ex hoc nõ sequitur, quòd synderesis se teneat ex parte cognitionis.

3. Ad illud quod obiicitur quod synderesis est scintilla conscientiae, dicendum quod ideo dicitur scintilla pro eo quod conscientia quantum est de se non potest mouere, nec pungeri, siue stimulare, nisi mediante synderesi, quae est quasi eius stimulus, & igniculus. Vnde sicut ratio non potest mouere nisi mediante voluntate, sic nec conscientia nisi mediante synderesi: & ideo non sequitur ex hoc, quod sit ex parte cognitiuae: immo potius quod sit ex parte affectiuae.

4. Ad illud quod quaeritur, vtrum sit potentia, vel passio vel habitus, dicendum quod est potentia proprie, attamen non nominat potentiam voluntatis generaliter: sed solum voluntatem in quantum mouetur naturaliter, nec adhuc in quantum mouetur vniuersaliter, sed solummodo in quantum mouetur respectu boni honesti, vel eius oppositi. Nihilominus potest etiam dicere habitum: sed ille non debet dici nec virtus, nec vitium, pro eo quod virtus, & vitium proprie respiciunt liberum arbitrium & voluntatem in quantum est deliberatiua, non in quantum est naturalis. Ex praedictis patet responsio ad illas quaestiones, quae vltimo quaerebantur.

5. Ad illud quod quæritur, quo modo se habeat synderesis ad conscientiam, & legem naturalem, dicendum quodd sic se habeat synderesis ad conscientiam, sicut se habet charitas ad fidem, vel habitus ipsius affectus ad habitus intellectus practici, secundum quod est habitus. Lex autem naturalis communiter se habet ad utrumque videlicet ad synderesim & ad conscientiam. Nam lex naturalis dupliciter potest accipi. Vno modo prout dicit habitum in anima: & sic quia per legem naturalem instrumur, & per legem naturalem recte ordinamur, dicit habitum qui comprehendit affectum, & intellectum, & ita comprehendit synderesim, & conscientiam. Alio modo lex naturalis vocatur collectio præceptorum iuris naturalis: & sic nominat obiectum synderesis, & conscientie, vnius sicut dictatis & alterius sicut inclinatis. Nam conscientia dictat, & synderesis appetit vel refugit. Et utroque istorum modorum inuenitur lex naturalis in diuersis locis: hoc tamen ultimo modo accipitur magis proprie. Et sic, ut proprie loquamur, synderesis dicit potestatem affectiuam, in

quantum

Opinio 1.

Improbatio.

Opinio 2.

Improbatio.
Art. praece-
denti. q. 1.

Opinio 3.

quantum naturaliter habilis est ad bonum, & ad bonum A
tendit: conscientia verò dicit habitum intellectus pra-
ctici: lex verò naturalis dicit obiectum vtriusque. Et per
hoc patet responsio ad quæstionem ultimam. Qualiter
synderefsis se habeat ad concupiscibilem, rationalem, &
irascibilem. Illæ enim tres potentia indifferenter nomi-
nant potentias animæ, siue secundum quod mouentur
naturaliter, siue secundum quod mouentur deliberatiue.
Synderefsis autem nominat potentiam affectiuam, se-
cundum quod mouetur naturaliter, & rectè: & ideo non
distinguitur ab illis potentiis, secundum essentiam po-
tentia: sed secundum modum mouendi, & quia secun-
dum illum modum mouendi semper mouet rectè, hinc
est, quod dicitur semper alias volare, & aliis errantibus
non se immiscere, sed eas corrigere. B

QVÆSTIO II.

An synderefsis per peccatum extingui possit.

Alex. Alenf. 2. p. q. 73. Membro 3.
S. Thom. 1. p. q. 79. art. 12.
Et 2. ent. d. 39. q. 3. art. 1.
Ægid. Rom. 2. Sent. dist. 39. art. 3. p. 2. q. 2.
Richardus 2. Sent. dist. 39. art. 3. q. 2.
Durand. 2. Sent. d. 39. q. 5.
Stephanus Brulef. 2. Sent. dist. 39. q. 5.
Alfiod. lib. 2. Sent. tract. 12. q. 1.
Gabr. Biel. 2. Sent. dist. 39. q. 1. art. 3.

V T A V M synderefsis possit per peccatum extingui. C
Et quod sic, videtur. Super illud Psalmi: Corrupti
sunt, & abominabiles facti sunt: Glossa: Omni vi ratio-
nali priuati: sed synderefsis est potentia rationalis: ergo
per magnitudinem peccati potest synderefsis priuari sal-
tem quantum ad actum.

2. I T E M super illud: Ab altitudine diei timebo:
Glossa: Stupor est, qui non sentitur. Et post subiungitur:
Stulta arrogancia similis est stupori, quando quis dese-
præsumens, nec timet, nec cauet: ergo sicut per stuporem
contingit corpus fieri insensibile respectu morbi cor-
poralis, ita & animam contingit fieri insensibilem re-
spectu morbi spiritualis: si ergo synderefsis remurmurat
morbo spirituali, videtur quod synderefsim contingat
aliquando extingui.

3. I T E M hæretici pro errore suo sustinent mortem
sine aliquo remorsu conscientia: si ergo synderefsis est
remurmurare malo, & in eis non remurmurat aliquo
modo, videtur quod in eis sit extincta omnino.

4. I T E M fomes se habet per oppositum ad syndere-
sim: sed fomitem contingit totaliter extingui sicut pa-
tet in beata Virgine: ergo videtur quod similiter synde-
resim contingat extingui per peccatorum multiplicatio-
nem.

S E D C O N T R A: In Glossa præhabita super primum
Ezech. Facies aquila, &c. Glossa Scintilla conscientia
in Cain non extinguitur. Si ergo Cain fuit magnus
peccator, videtur quod per peccatum extingui non
habeat.

I T E M Augustinus in 2. De Ciu. Dei. Tanta est vis
probitatis, & castitatis, ut omnis, vel penè omnis eius
laude moueatur humana natura, nec vsque adeo sit tur-
pitudine vitiosa, ut totum amittat sensum honestatis:
ergo si iste sensus honestatis est synderefsis, videtur
quod non possit per peccatum extingui.

I T E M quæ naturaliter insunt, sunt inseparabilia: sed
synderefsis inest nobis naturaliter: ergo videtur quod
actum eius non possumus omnino per peccatum ad-
mittere: cum vitium, sicut dicit Augustinus, non delect
extrema naturæ vestigia.

I T E M si in aliquibus deberet extingui, maximè esset
extincta in damnatis: sed in damnatis synderefsis non ex-
tinguitur, quia remorsus conscientia est ex actu synde-
resis: & hic remorsus maximè viget in eis, quia nec
ignis eorum extinguetur, nec vermis morietur: ergo, &c.

C O N C L U S I O.

Synderefsis licet quo ad actum possit impediri, nunquam
tamen vniuersaliter, quo ad omnem actum, & quo ad
omne tempus extingui potest.

R E S P. A D A R G. Dicendum quod synderefsis quan-
tum ad actum impediri potest, sed extingui non potest.
Ideo autem non potest extingui, quia cum dicat quid
naturale, non potest à nobis omnino auferri. Vnde &
Glossa dicit super illud: Abierunt seminiuo relicto: Im-
mortalitatem exuere, sed rationis sensum omnino abo-
lere non possunt, quin homo possit sapere Deum, & co-
gnoscere: nec vnquam vitiū delet extrema naturæ ve-
stigia. Quamvis autè actus eius omnino auferri, vel ex-
tingui nō possit, potest tamen ad tempus impediri, siue
propter tenebram obæcationis, siue propter lasciuia
delectationis, siue propter duritiam obstinationis. Pro-
pter tenebrā obæcationis impeditur synderefsis ne ma-
lo remurmuret, pro eo quod malū creditur esse bonum,
sicut est in hæreticis, qui morientes pro impietate erro-
ris, credunt se mori proprietate fidei, & ideo remorsum
non sentiunt, sed magis quoddam gaudium siccum, &
vanum. Propter lasciuia delectationis similiter impe-
ditur: aliquando enim in peccatis carnalibus ita absor-
betur homo ab actu carnis, ut remorsus locum non ha-
beat: quia carnales homines tanto impetu delectationis
feruntur, ut ratio tunc non habeat locum. Propter duri-
tiam obstinationis etiam impeditur synderefsis ne ad
bonum stimulet, sicut in damnatis, qui adeo sunt in ma-
lo confirmati ut nunquam possint ad bonum inclinari:
& ideo synderefsis quantum ad instigationem ad bonū
sempiternum habet impedimentum: & propterea, quan-
tum ad illum actum potest dici extincta: non tamen ex-
tineta simpliciter, quia habet alium vsum, videlicet re-
murmurationis. Secundum enim illum vsum, secundum
quem synderefsis habet pungere, & remurmurare cōtra
malum, maximè vigeat in damnatis: & hoc dico propt
remurmuratio contra malum tenet rationem pœnæ, non
propt tenet rationem iustitiæ, quia illa remurmuratio
erit ad commendandam diuinam iustitiam, sed non erit
ad eliciendam fructuosam pœnitentiam. Vnde remur-
murabit synderefsis in damnatis contra culpam, in rela-
tione tamen ad pœnam. Et sic patet quod synderefsis
quantum ad actum impediri potest, nunquam tamen
extingui potest vniuersaliter quantum ad actum om-
nem, & quantum ad omne tempus, sicut rationes prob-
ant, quæ ad secundam partem inducuntur; & ideo
concedendæ sunt.

1. A D illud verò quod obicitur de Glossa, quod per
malum contingit priuari omni vi rationis, dicendum
quod ratio sumitur ibi pro potentia deliberatiua, & mo-
uente per modum deliberationis, quæ in aliquibus om-
nino est ad malum conuersa: synderefsis autem, ut prius
ostensum est, non dicit vim animæ rationalis, ut mouen-
tem per modum deliberationis, sed ut mouentem per
modum naturæ: & ideo Glossa illa non facit ad proposi-
tum. Nec est intelligendum quod Glossa illa velit dice-
re, quod per peccatum fiat priuatio quantum ad poten-
tiam, sed quantum ad rectitudinem potentia.

2. A D illud quod obicitur, quod homo efficitur stu-
pidus per peccatum, dicendum, quod similitudo illa at-
tenditur, quantum est ex parte potentia deliberatiua,
secundum quam habet in nobis esse stulta arrogancia.
Posset tamen dici, quod stupor non aufert simpliciter
sensum, sed aufert solummodo ad tempus, & bene po-
test esse, quod ad tempus anima adeo incuruetur ad pec-
catum, ut nullum sentiat omnino remorsum, siue pro-
pter delectationis intensiōem, siue propter excæcatio-
nem, cum credat malum esse bonum.

3. A D illud quod obicitur de hæreticis iam patet re-
sponsio. Concedo enim, quod non habet vsum suum,
ut remurmuret malo erroris, in quod ceciderunt: tamen
non est extincta, pro eo, quod remurmurat contra alia
mala, & contra illa, quæ hæretici credunt esse mala.

Ad opposi-
tum.
Psal. 16. a

Psal. 55. a

Fundamēta.

Lib. 10. De
Ciu. Dei. c.
12. à medio,
Tom. 5.

4. AD illud quod obiicitur de fomite, dicendum quod A non est simile, quia fomes est vitiositas præter naturam: & ideo totaliter tolli potest, etiam salva natura: non sic autem est de synderesi. Inest enim secundum primam naturam institutionem: & ideo natura saluata non omnino auferri potest. Alia est ratio, quia aliqua est gratia, siue donum gratiæ gratis datum, quod directe repugnat fomiti, & quod amouet carnis corruptionem. Vitium autem, & peccatum non habet esse circa actum synderesis: & ideo quantuncunque homo peccauerit, remanet tamen in eo tam conscientia, quam synderesis.

QVÆSTIO III.

An synderesis per peccatum possit deprauari.

Alex. Alensis 2. p. q. 73. Membr. 4.
S. Thom. 2. Sent. d. 39. q. 3. art. 2.
Egid. Rem. 2. Sent. p. 1. dist. 39. q. 2. art. 2.
Richardus 2. Sent. dist. 39. art. 3. q. 3.
Altrifod. lib. 2. Sent. tract. 12. q. 2.
Seeph. Brulef. 2. Sent. dist. 39. q. 6.

Ad opposi-
tum.

Ezech. 1. b

Hier. 3. b

Hier. 2. c

DE synderesi quantum ad abusum. Et est quæstio, Utrum synderesis possit deprauari per peccatum. Et quod sic, videtur. Glossa super illud: Facies aquilæ à dextris ipsorum quatuor. ibi Glossa loquens de conscientia, & synderesi dicit sic: Hanc sæpè præcipitari videmus, & suum locum amittere, cum quidam sine pudore peccant, quibus merito dicitur: Frons mulieris meretricis facta est, &c. si ergo præcipitium non est nisi per culpam, patet, &c.

2. ITEM super illud: Filij Mépheos, &c. Glossa: Malignus spiritus de mentibus inferioribus vsque ad verticem pertingit, quando castam celsitudinem mentis diffidentia morbus corrumpit: sed casta celsitudo mentis est ipsa synderesis: ergo contingit ea per peccatum corrumpi.

3. ITEM hoc videtur ratione. Pœna, & culpa habent fieri circa idem: sed secundum actum synderesis, qui est peccato remurmurare, contingit esse animæ punitionem: ergo secundum illum actum contingit esse peccati perpetrationem.

4. ITEM synderesis consequitur conscientiam tanquam suum naturale indicatorium: sed conscientia potest esse recta, & erronea: ergo videtur necessarium, quod synderesis aliquando moueatur rectè, aliquando moueatur obliquè: si igitur inordinatio reperta in actu motiua est culpa: videtur, &c.

Arist. in po-
ster. præd. c. 1.
& de somno
c. 7.

5. ITEM opposita nata sunt fieri circa idem: sed donum sapientiæ, & beatitudo lucis consistit circa synderesim, cum donum sapientiæ consistat circa animæ superemum: & synderesis postulet pro nobis gemitibus inenarrabilibus: si igitur dono sapientiæ, & beatitudini lucis culpa opponitur, videtur quod culpa habeat esse circa illam potentiam.

6. ITEM synderesis aut est de bonis maximis, aut de bonis mediis, aut de bonis minimis. Si de maximis: ergo est gratia, vel virtus: quorum utrumque est falsum, cum synderesis simul maneat cum peccato. Si est de bonis mediis: sed his contingit malè uti: ergo synderesi contingit malè uti: sed malus vsus est culpa: ergo circa actum synderesis contingit esse culpam. De minimis non est dubium quod non est, cum minima sint bona corporis.

Fundamēta.
Ezech. 1. a

SED CONTRA: Glossa super Ezech. synderesim propriè aquilæ deputant, non se miscntem tribus, errantia corrigentem: si ergo non se commiscet tribus, sed potius corrigit, videtur quod secundum actum eius non consistat peccatum.

Rom. 7. d

ITEM Ambrosius dicit, & Magister adducit in litera super illud. Quod nolo illud facio: ibi dicit, quod homo semper naturaliter vult bonum: ergo cum illa voluntas non sit aliud, quam synderesis: synderesis semper vult bonum: & si semper vult bonum: ergo nunquam peccat.

ITEM vis illa, quæ secundum motum suum directe repugnat peccato, non deprauatur peccato: sed actus synderesis semper contra culpam remurmurat etiam in pessimis peccatoribus: ergo videtur quod non habeat deprauari, & deordinari per culpam.

ITEM, quando tota natura per morbum corrumpitur non est alterius possibilitas ad sanitatem: ergo si tota rectitudo animæ aufertur per culpam, iam non esset ultra spes redeundi ad gratiam: sed constat, quod spes est redeundi, quia de nemine desperandum est, dum est in via: ergo videtur, quod aliqua rectitudo remaneat: sed rectitudo, quæ maximè est adhærentiæ, est rectitudo voluntatis per modum naturæ, & hæc est synderesis: ergo non videtur, quod deprauari possit per culpam.

B

CONCLUSIO.

Synderesis licet quantum est de se semper sit recta, tamen cum voluntas frequenter ei obuiet per impietatis obstinationem, & ratio per erroris excacationem, quandoque præcipitari dicitur. Propterea quod effectus eius & præsentia in vires alias deliberatiuas repellitur, & cassatur.

RESP. AD ARG. Dicendum quod secundum illos, qui dicunt synderesim non esse aliud quam superiorem portionem rationis: circa actum ipsius contingit esse peccatum. Dicunt enim, quod ipsa superior portio rationis habet dupliciter moueri, aut secundum quod ad Deum cōuertitur & regitur, & dirigitur secundum leges æternas: & sic in ea peccatum non habet esse: Aut propter cōuertitur ad inferiores vires: & sic ab eis sumit deviandi occasionem, & potest per peccatum deprauari. Et ponit exemplum in peccato Arii, qui errauit circa trinitatem, & unitatem. Et ita secundum superiorem portionem rationis, vel secundum synderesim. Et hoc dicunt, quod Glossa prædicta super Ezech. vult dicere. Nā primò dicit, quod aliis peccantibus non se immiscet: postea dicit, quod præcipitur, & locum suum perdit: & utrumque dicunt habere veritatem secundum diuersas comparationes superioris portionis, siue ipsius synderesis. Sed quoniam sicut dicunt Sancti, & Glossa manifestè, synderesis quantum est de se, semper habet ad bonum stimulare, & peccato remurmurare, quandiu sumus in statu viæ. Ideo dixerunt alij aliter, scilicet quod synderesis nominat ipsam voluntatem, secundum quod habet naturaliter moueri: & quoniam peccatum non habet esse circa actum voluntatis, ut est natura, vel ut mouetur naturaliter, sed solum ut mouetur deliberatiue: hinc est, quod synderesis per peccatum non habet deprauari: quia tantum ipsa habet alias regere, & dirigere, & dominiū regendi potest perdere: hinc est, quod contingit eā per culpam præcipitari. Præsentia enim domini à duobus pendet, videlicet à rectitudine præsentis, & ab obtemperantia famulantis: & quamvis synderesis quantum est de se, semper sit recta: quia tamen ratio, & voluntas frequenter ei obuiat ratio per erroris excacationem, & voluntas per impietatis obstinationem: hinc est quod synderesis præcipitari dicitur, pro eo quod effectus eius, & præsentia in vires alias deliberatiuas propter earum repugnantiam repellitur, & cassatur. Et ponitur exemplum in milite, qui quantum est de se, semper bene sedet super equum, equo tamen ruente præcipitari dicitur: sic & in proposito intelligendum est. Hic autem modus dicendi tanquam rationabilior à pluribus sustinetur. Et ideo rationes, quæ ad hanc partem adducuntur, concedendæ sunt.

Opid. 1.

Ezech. 1. a

Improbatio.

Opinio 1.

Exemplum.

1. AD illud verò quod primò obiicitur de Glossa, quod synderesim præcipitari videmus, iam patet responsio. Non enim sequitur, si præcipitur quod propter hoc per peccatum deprauatur: quia præcipitium eius non tantum attenditur circa actum proprium, sed etiam circa actum aliarum virtutum, quibus præsidere debet ipsa synderesis.

2. AD

2. Ad illud quod obiicitur, quod morbus diffidentiae corrumpit mentis celsitudinem, & quod anima constupratur usque ad verticem, dicendum quod vertex, & celsitudo mentis non vocatur hic synderesis, sed superior portio rationis. Superior autem portio rationis non nominat ipsam potentiam animæ in quantum mouetur naturaliter, sed in quantum mouetur deliberatiue. Et hoc modo circa ipsam habet peccatum consistere, maxime circa illud, quod attenditur secundum actum rationis, qui est sursum: sicut est peccatum infidelitatis, & desperationis, & alia peccata, quæ directe opponuntur virtutibus Theologicis.

3. Ad illud quod obiicitur, quod culpa & poena circa idem habent fieri, dicendum quod illud non habet veritatem loquendo præcisè, pro eo, quod pro peccato voluntatis totum corpus habet puniri. Verum est tamen, quod sicut voluntas est principium peccadi, ita & principaliter punitur: unde & vermis conscientie plus est afflictius voluntatis, pro ut est deliberatiua, quam pro ut est natura quædam propter mutuam repugnantiam. Vtrum autem sola voluntas sit subiectum poenæ, vel aliquid aliud: hoc infra suo loco manifestabitur.

4. Ad illud quod obiicitur, quod conscientia quæ est iudicarium præcedens synderesim est recta, & non recta: ergo & synderesis, dicendum quod non sequitur, pro eo quod ipsa conscientia non tantum consistit in vniuersali, immo etiam descendit ad particulare: non tantummodo mouetur simplici, immo etiam collatiuo: nec mirum, quia consistit in ratione, cuius quidem rationis est vnum ab altero discernere, & vnum ad alterum conferre: & ideo licet conscientia pro ut sit vniuersali, & mouetur aspectu simplici, sit semper recta: pro ut tamen descendit ad particularia, & confert, potest fieri erronea propter hoc quod intermiscet se actibus rationis deliberatiue. Et hoc patet sic: Conscientia enim Iudæorum ex ipso primo naturali dictamine dictabat, quod Deo est obediendum: & ipsi postmodum assumunt, quod Deus præcipit nunc circumcisionem, & ciborum discretionem. Et ex hoc formatur conscientia eorum, in particulari, ut se circumcidant, & à cibis abstineant. Error iste non venit ex primo principio, quod quidem verum fuit, sed venit ex assumptione, quæ quidem non fuit conscientie pro ut est naturale iudicarium, sed potius rationis erroneæ, quæ quidem spectat ad liberum arbitrium, synderesis autem quantum est de se, mouetur motu simplici in remunerando contra malum, & instigando ad bonum. Præterea mouetur contra malum non hoc vel illud, sed in vniuersali: vel si aliquo modo inclinatur synderesis ad detestandum hoc malum, vel illud, hoc non est, in quantum hoc, sed in quantum malum: & hinc est quod synderesis non obliquatur, sicut conscientia errat. Alia etiam posset reddi ratio, quia synderesis nominat ipsam potentiam naturalem, ut est naturaliter habiliter: conscientia autem nominat habitum non tantum naturalem, sed etiam acquisitum: & quia natura, quantum est de se semper mouetur: quod autem acquiritur, potest habere rationem rectitudinis, & obliquitatis: hinc est, quod synderesi semper existente recta, conscientia potest esse & recta, & erronea.

5. Ad illud quod obiicitur, quod donum sapientie est circa synderesim, dicendum quod falsum est: omnia enim dona, & omnes virtutes, & beatitudines respiciunt voluntatem secundum quod deliberatiua est. Quod autem dicitur synderesis postulare pro nobis gemitibus inenarrabilibus, hoc intelligitur causaliter: quia nos instigat ad gemitum pro malis, quibus immergi sumus.

6. Ad illud quod obiicitur, quod bonis mediocribus contingit male uti, dicendum quod illud verum est de his, quæ mouentur ad nutum liberi arbitrij: secundum cuius actum proprie attenditur vñs, & abusus: synderesis autem, cum sit potentia naturalis, & naturaliter moueatur, non subest imperio liberi arbitrij: & ideo non sequitur, quod liberum arbitrium possit ea abuti. Præterea: Esto quod possit illa abuti: adhuc non sequitur, quod propter hoc in ipsa esset peccatum: quam-

vis enim liberum arbitrium abutatur oculo, cum intuetur ad concupiscendum, tamen peccatum non dicitur esse in oculo: peccatum enim non est in eo, quo quis abutitur, sed potius in abutente.

DISTINCT. XL.

An ex fine omnes actus pensari debeant, ut simpliciter boni vel mali dicantur.



OST hac de actibus adiiciendum videtur: utrum & ipsi ex fine, sicut voluntas, pensari debeant boni vel mali. Licet enim secundum quosdam, omnes boni sint in quantum naturaliter sunt: non tamen absolute dicendi sunt omnes boni, nec omnes remunerabiles: sed quidam simpliciter mali dicuntur, sicut & alij boni. Nam simpliciter ac verè sunt boni illi actus, qui bonam habent causam, & intentionem, id est, qui voluntatem bonam comitantur, & ad bonum finem tendunt. Mali verò simpliciter dici debent, qui peruersam habent causam & intentionem. Unde Ambrosius ait: Affectus tuus operi tuo nomen imponit. Et Augustinus: Nemo computet bona opera sua ante fidem. Ita enim videntur mihi esse ut magna vires, & cursus celerrimus præter viam: quia ubi ipsa fides non erat, bonum opus non erat. Bonum enim opus intentio facit, intentionem fides dirigit. Non valde attendas quid homo faciat, sed quid cum facit, attendat, quod lacertos optima gubernationis dirigat. His testimoniis insinuari videtur, ex affectu & fine opera bona esse, vel mala. Quibus consonat quod veritas in Euangelio ait: Non potest arbor bona fructus malos facere, neque arbor mala fructus bonos facere. Nomine arboris non natura humane mentis, sed voluntas intelligitur: quæ si mala fuerit, non bona, sed mala opera facit: si verò bona fuerit, bona, non mala opera facit.

Vtrum omnia opera hominis ex affectu, & fine sint bona, vel mala.

Sed queritur: Vtrum omnia opera hominis ex affectu & fine sint bona vel mala: quibusdam ita videtur esse, qui dicunt omnes actus esse indifferentes, ut nec boni nec mali per se sint, sed ex intentione bona, bonus: & ex mala, malus sit omnis actus. Secundum quos quilibet actus potest esse bonus, si bona intentione geratur. Aliis autem videtur, quod quidam actus in se mali sint, ita ut non possint esse nisi peccata, etiam si bonam habeant causam: & quidam in se boni, ita ut et si malam habeant causam, non tamen boni esse desinant. Quod testimonio Aug. confirmant, qui dicit bonum aliquando non bene fieri. Quod enim quis inuitus vel necessitate facit, non bene facit: quia non bona facit intentione, ut ait Aug. super Ioannem. Seruilis, inquit, timor non est in charitate: in quo quamuis credatur Deo, non tamen in Deum: et si bonum fiat, non tamen bene. Nemo enim inuitus bene facit, etiam si bonum est quod facit. Ecce habes quod aliquis non bene facit illud quod bonum est: Facit ergo quod bonum est intentione non bona. Ideo asserunt illi quadam opera esse talia, quæ sic bona sunt, quod mala esse non possunt, quocumque modo fiant: sicut è conuerso quadam sic sunt mala, ut non possint esse bona, quacumque ex causa fiant. Alia autem esse opera, quæ ex fine vel causa bona sunt, vel mala, & ad illa referunt sanctorum testimonia, quibus ex affectu, vel intentione iudicium operum pensari, dicunt, Tripartitam edunt isti differentiam actuum.

Lib. 11. Offic. c. 10. tom. 3. August. in 1. sal. 3. in pr. tom. 10

Mat. 7. 6

Opinio quorundam

De spiritu, & lib. c. 14. in fine libr. sent. Prosp. c. 172. 10. 3. Et lib. 1. canon. fess. c. 12. 10. 1.

Aug. lib. 1. Confess. c. 12. tom. 1.

Aliter Augustinus sentire videtur, qui dicit opera hominis esse bona, vel mala, ex intentione & causa præter quædam, quæ per se peccata sunt.

Cap. 5. tom. 4.

Sed Augustinus evidentissimè docet in libro contra mendacium, omnes actus secundum intentionem & causam iudicandos bonos vel malos: præter quosdam, qui ita sunt mali, ut nunquam possint esse boni, etiam si bonam videantur habere causam: Interest, inquit, plurimū qua causa, quo fine, qua intentione quid fiat. Sed ea, quæ constant esse peccata, nullo bona causa obtentu, nullo quasi bono fine, nulla velut bona intentione facienda sunt. Ea quippe opera hominum sicut causas habuerint bonas vel malas, nunc sunt bona, nunc mala, quæ non sunt per se peccata: sicut victum præbere pauperibus bonum est, si sit causa misericordia cum recta fide: & concubitus conjugalis quando est causa generandi, si ea fide fiat, ut gignantur regenerandi. Hæc rursus mala sunt, si malas habeant causas, velut si incontinentia causa pascitur pauper, aut lascivia causa cum uxore concubatur, aut filii generantur non ut Deo, sed ut diabolo nutriantur. Cum verò opera ipsa per se peccata sunt, ut furtum, stupra, & blasphemia: quis dicat causis bonis esse facienda, vel peccata non esse, vel, quod est absurdius, iusta peccata esse? Quis dicat: Furemur diuitibus, ut habeamus quid demus pauperibus, aut falsa testimonia proferamus, non ut inde innocentes laedantur, sed potius nocentes saluentur? Duo enim bona, hic sunt, ut inops alatur, & homo non puniatur. Aut quis dicat adulterium esse faciendum, ut per illam cum qua sit, homo de morte liberetur? Testamenta etiam veræ cur non supprimimus, & falsa supponimus, ne hereditates habeant qui nihil boni agunt, sed hi potius qui indigentes adiuuant? Cur non fiant illa mala propter hæc bona, si propter hæc bona nec illa sunt mala? Cur non ab immundis meretricibus, quæ dicitur stupratores, rapiat & uirtus vir bonus, ut ingrediētib; eas largiatur, cum nullum malum sit, si pro bono fiat: Quis hoc dicat, nisi qui res humanas, more & conatur & leges subvertere? Quid enim facinus non dicatur rectè fieri posse, nec impune tantum, verum etiam gloriose: ut in eo non timeatur supplicium, sed speretur & premium, si semel consenserimus in malis actibus non quid fiat, sed quare fiat esse querendum: ut quacunque pro bonis fiunt causis, nec ipsa mala esse iudicentur? Aut iustitia merito punit cum, qui dicit se subtraxisse superflua diuiti, ut praberet pauperi: & falsarium qui alienum corrumpit testamentum, ut is esset hæres, qui faceret eleemosynas largas, non ille qui nullas, & cum, qui se fecisse adulterium ostendit, ut per illam, cum qua fecit, hominem de morte libera ret. Sed dicit aliquis, ergo aquandus est fur quilibet furi, qui voluntate misericordie furatur: quis hoc dixerit? Sed horum duorum non ideo quisquam est bonus, quia peior est unus. Peior enim est, qui concupiscendo, quam qui miserando furatur. Sed si furtum omne peccatum est, ab omni furto abstinendum est. Quis enim dicat esse peccandum, etiam si aliud grauius peccatum sit, vel non: Non, quid grauius sit, vel leuius. Intende lector propositis verbis tota mentis consideratione, quæ non inuilem habent exercitationem: & dignosces quis actus sit peccatum, qui scilicet malam habeat causam, nec ille tantum, quia sunt nonnulli actus, qui etsi bonam habeant causam, tamen peccata sunt, ut supra positum est. Ex quo consequi videtur, quia non semper ex fine iudicatur voluntas, siue actio mala, nec

ex voluntate actio fit mala, sicut in illis, quæ per se peccata sunt. Illa enim cum quis gesserit pro aliqua bona causa, bonum videtur habere finem: nec ex fine voluntas est mala, sed ex actione voluntas fit praua. In quibus aliqui bonum ponunt actum Iudeorum, qui crucifigendo Christum arbitrabantur se obsequium præstare Deo: quia bonum finem dicunt eos sibi posuisse, scilicet Dei obsequium, & tamen voluntatem eorum, & actionem peruersam fore asserunt. De bonis autem nulla fit exceptio in præmissis verbis Augustini, quin omnis voluntas bona, ex fine sit bona, & ex fine & voluntate omnis actio bona est. Sed non omnis mala voluntas ex fine mala est, nec omnis mala actio ex fine & voluntate mala est: & omnis quæ habet malam causam, mala est, sed non omnis quæ bonam causam habet bona est. Ideoque cum ex affectu dicitur nomen imponi operi, in bonis operibus generaliter vera est hæc regula, sed in malis excipiuntur illa, quæ per se mala sunt. Omnia ergo hominis opera secundum intentionem & causam iudicantur bona vel mala, exceptis his, quæ per se mala sunt, id est, quæ sine prauaricatione fieri nequeunt.

10. 16. a

Quidam dicunt prædicta non posse fieri bono fine.

Quæ tamen quidam contendunt nunquam habere bonam causam. Qui enim aliena furatur, ut pauperibus tribuat, non pro bono, ut aiunt furatur. Non enim bonum est aliena pauperibus erogare. Qui enim de rapina sacrificium Deo offert, idem facit, ut ait auctoritas, ac si filium in conspectu patris victimet, vel sacrificium carnis Deo offerat: Abominabilis nempe Deo est impiorum oblatio. Ita etiam & hominem per adulterium à morte liberare malum esse dicunt. Etsi enim bonum sit hominem à morte liberare, tamen sic hominem liberare malum esse asserunt. Ideoque Augustinum in superioribus dicunt temperasse sermonem, cautèque locutum: ubi ait: Ea quæ constant esse peccata, nullo quasi bono fine, nulla velut bona intentione facienda. Non enim simpliciter dixit: bono fine, & bona intentione, sed addidit quasi, & velut: quia talia non sunt bono fine, & bona intentione: sed intentione qua videtur bona: & fine qui putatur bonus, sed non est. Nec ideo accepit Augustinus ista ut aiunt, quin causas habeant malas: sed quia causas habent, quæ videntur bona, sunt tamen mala.

Ecl. 34. d

Prov. 21. d

DISTINCT. XL.

Qualiter ex prauitate voluntatis fiat deprauatio in actu exteriori, ostendens ex opposito, quomodo ex rectitudine intentionis habeat fieri opus bonum.

Post hæc de actibus adiiciendum videtur, &c.

Expositio Textus.

SUPRA ostendit Magister, qualiter voluntas ex fine habeat rectificari, & deprauari. In hac parte intendit ostendere qualiter actus, & opera rectificari habeant, & deprauari ex affectu, & fine. Et quoniam obliquum habet cognosci per rectum, & malum per bonum, ideo pars ista habet duas. In prima parte inquirat Magister, quo modo intentio faciat opus bonum. In secunda parte inquirat, quo modo ex obliquitate

Diuisio.

intentionis.

Dist. 41.

intentionis, siue voluntatis habeat fieri opus malum, in-
fra: *Cumque intentio, ut supra dictum est, opus boni faciat,*
&c. Prima pars diuiditur in duas partes. In quarum pri-
ma Magister ostendit quod actus pensari habeant boni,
vel mali ex intentione, vel fine. In secunda inquit,
vtrum generaliter hoc sit verum, quod bonitas operum
causetur ex bonitate intentionis, ibi: *Sed queritur, vtrum
opera,* &c. Et illa secunda pars diuiditur in tres partes.
In quarum prima recitat diuersorum opiniones. In se-
cunda confirmat alteram aliorum auctoritate Augusti-
ni, ibi: *Sed Augustinus euidentissime docet,* &c. In ter-
tia verò redit ad confirmanda reliqua, ibi: *Qua tamen
quidam contendunt,* &c.

Affectus tuus, &c. Dub. I.

Contra hoc verbum Ambrosij obiicitur. Ergo si ali-
quis committit adulterium intendens facere simplicem
fornicationem, videtur quod illud peccatum debeat
dici fornicatio, non adulterium. Item: Ex eodem affe-
ctu potest quis moueri ad credendum in Deum, & ad
amandum ipsum: ergo si opus trahit nomen ab affectu,
videtur quod credere, & amare sint opus eiusdem spe-
ciei, & eiusdem virtutis: & eodem nomine debeant
nominari.

RESPON. Dicendum quod aliquid nominari con-
tingit dupliciter, videlicet in generali & in speciali.
Nomina generalia in moribus sunt bonum, & malum.
Specialia verò sunt nomina differentiarum specialium
vt specialium virtutum, & vitiorum. Cum ergo dicitur,
quod affectus operi nomen imponit, hoc intelli-
gitur de nomine generali: ipse verò obiicit de nomine
speciali.

Iustitia merito punit eum, qui dicit se, &c. Dub. II.

Contra: Videtur enim quod talem iustitia iniuste pu-
nit. Habere enim superflua, vitium est: ergo resecare
superflua est virtutis. Similiter dare pauperi, vnde alatur,
hoc virtutis est: si ergo iniustum est aliquem puniri pro
opere virtutis, iniuste facit iustitia, quæ talem punit.
Item: Idem Deus, qui præcepit filiis Israël, quod furar-
etur vasa Ægyptiorum, præcepit eleemosynam dari pau-
peribus: sed illi, qui furati sunt vasa volentes implere
mandatum diuinum, non peccauerunt: ergo pari ratione
ille qui furatur vt det pauperi, furando non peccat. Itē:
In omni peccato est conuersio inordinata ad bonum
commutabile: sed iste qui furatur, vt det pauperi, nihil
amat inordinatè, nec aliquid amat ex cupiditate: ergo
videtur quod non peccat aliquo modo.

RESP. Dicendum quod talis absque dubio peccat,
quia facit contra diuinum mandatum: facit etiam contra
proximum, quia rem eius ipso inuito contrectat: & ideo
iste punitur non solum à Deo, verumetiam à proximo.
Ad illud verò quod obiicitur, quod iuste facit dum re-
secat superflua, dicendum quod ad vnumquemque spe-
ctat resecare superflua propria: superflua autem aliena
resecare non spectat, quando non est constitutus super
eum, nec dominus, nec iudex: & ideo cum aliena su-
perflua resecat, quod non suum est, v'surpat: & propter
hoc punitur de iniustitia. Ad illud quod obiicitur de fi-
liis Israël, dicendum quod non est simile, quia Domi-
nus dispensauit cum eis, quando præcepit eis, quod fu-
rarentur: immò quod plus est, res alienas in dominium
eorum transtulit: & hoc bene poterat, quia ipse est Do-
minus omnium. Hoc autem Domini præceptum, quo
Dominus præcepit facere eleemosynā, non se extendit
ad bona aliena, sed ad propria: vnde nullo modo illi mā-
dato repugnat, quod præcipitur non furari, immò illud
supponit, & illud cum illo concordat, secundum quod
dicitur: Honora Dominū de tua substantia. Ad illud quod
obiicitur quod nec amat inordinatè, dicendum quod
inordinatio amoris dupliciter potest esse: aut quia ama-
tur res, quæ nõ debet, aut quia amatur res amplius quàm
debeat. Et dum quis facit contrarium eius quod Domi-
nus præcepit, siue moueatur magna affectione, siue par-
ua, peccat: & est eius actio inordinata ex magnitudine
dilectionis, & ex contemptu diuinæ prohibitionis.

In quibus aliqui ponunt actum Iudeorum, qui crucifigendo
Christum arbitrabantur se obsequium præstare
Deo. Dub. III.

Hoc videtur esse falsum: quia sicut dicitur: Ex mali-
tia, & inuidia Christum condemnauerunt morte turpi-
sima. Et dicitur: Sciebat enim quod per inuidiam tra-
didissent eum: si ergo sciebant se malefacere, non arbi-
trabantur obsequium se Deo præstare.

RESP. Dicendum quod hoc non dicitur quantum ad
omnes Iudeos, sed quantum ad simplices, qui per maio-
res decepti sunt. Maiores enim Iudæi sicut principes sa-
cerdotum, & scribæ moti sunt ex inuidia, & malitia, quia
bene cognoscebant eius sanctitatem, & innocentiam,
quamvis lateret eos diuinitas. Simples verò & popula-
res moti sunt ex ignorantia. Audientes enim à maiori-
bus, quod blasphemasset, putabant se occidendo Chri-
stum blasphemum interficere: & sic obsequium Deo
præstare. Ista tamē ignorantia non excusat, pro eo quod
opera, quæ Christus fecit, non solum magnis, sed etiam
paruis notitiam sanctitatis eius præstare poterant.

ARTICVLVS I.

AD intelligentiam autem huius partis, in qua Ma-
gister principaliter agit de bonitate operum,
quam habent ex intentione, incidit hic quæstio circa
duo. Primò queritur de bonitate, quam opera ab inten-
tione, recipiunt. Secundò verò queritur de bonitate,
quam opera intentioni superaddunt. Circa primum que-
runtur tria. Primò queritur de bonitate operum quan-
tum ad qualitatem, vtrum videlicet qualitas operū qua-
litati intentionis generaliter correspondeat. Secundò
queritur quantum ad quantitatem, videlicet: vtrum
quantum quisque intendit, tantum faciat. Tertiò quæri-
tur quantum ad necessitatem, vtrum scilicet bona in-
tentio absque operibus ad salutem sufficiat.

QVÆSTIO I.

An qualitas operum correspondeat qualitati
intentionis.

Alex. Alenf. 2. p. q. 96. Membr. 3. art. 2.
Richardus 2. Sent. dist. 40. art. 1. q. 1.
Steph. Brulef. 2. Sent. dist. 40. q. 1.
Gabr. Biel. 2. Sent. dist. 40. q. 1. dub. 1.

VTRVM qualitas operum semper respondeat qua-
litati intentionis. Et hoc est querere, vtrum omne
opus, quod sit bona intentione, sit bonum. Et quod sic,
videtur. Primò auctoritate Ambrosij, quam Magister
adducit in litera: Affectus operi tuo nomen imponit:
si ergo denominatio operis, est à qualitate, & intentio
siue affectus opus denominat, videtur etiam quod in-
formet qualitate sua.

2. ITEM arbor bona, quæ operatur secundum quod
bona, facit semper fructum bonum: sed voluntas, quæ
est arbor, cum bona intentione operatur, operatur se-
cundum quod bona; ergo videtur quod faciat opus
bonum.

3. ITEM actus non est meritorius, nec demeritorius,
nisi quia voluntarius: & voluntas nec est bona, nec
mala nisi ea intentione, sicut supra ostensum est: si er-
go bonitas voluntatis facit bonitatem in opere, & bo-
nitas intentionis facit bonitatem in voluntate; ergo à
primo ad vltimum qualitas operis causatur à qualitate
intentionis.

4. ITEM potentius est bonum respectu boni quàm
malum respectu mali: sed quaecunque sit opus & qua-
tumcunque sit bonum, deprauari potest per malam in-
tentionem: ergo multò forcius quaecunque sit opus, &
quantumcunque sit malum, reificari potest ex bona
intentione. Et potest huius argumenti illatio confirma-

Ad opposi-
tum.
Lib. 1. offi.
c. 30. rom. 1.

ri quasi à minori, & à simili per consequentiam in ipso. **A** Quia si oppositum est causa oppositi, & propositum propositi: si ergo mala intentio semper causat malum, bona intentio semper causat bonum.

5. **ITEM** esto quoddam aliquis faciat opus malum bono fine, ita quoddam malitia sit in opere, & bonitas in intentione: aut intentio permanet bona opere existente malo: aut intentio fit mala ex opere malo: aut intentio facit opus bonum. Si primo modo: ergo simul & semel merebitur quis & demerebitur, quod est impossibile. Si secundo modo. Sed contra: Opus est effectus intentionis: sed effectus non influit in causam, sed potius è conuerso: ergo potius intentio communicat suam proprietatem operi, quam opus intentioni: ergo si intentio est bona, necesse est opus esse bonum, quod ex ipsa procedit.

6. **ITEM** quantumcunque opus de se sit malum: si **B** tamen fiat ab eo, qui operatur omnino præter intentionem, sicut ab eo qui omnino caret usu rationis, non est aliquo modo culpabile: ergo si priuatio intentionis opus quantumcunque de se malum potest priuare malitia, & facere quoddam non sit malum malitia moris, pari ratione videtur quoddam rectificatio intentionis opus quantumcunque de se malum potest facere bonum & rectum.

Fundamēta
9. Metaph.
cont. 19. &
12. Metaph.
cont. 54.

SED CONTRA: Hugo de sancto Victore: Amor transformatur in amatum: hoc autem non dicitur è conuerso: ergo qualiscunque sit intentio, si voluntas velit malum, necesse est eam effici malam: ergo non videtur quoddam qualitas operis correspondeat qualitati intentionis.

ITEM Philosophus dicit, quoddam aliqua sunt, quæ mox nominata coniuncta sunt malo, & talia dicunt Theologi mala esse secundum se: si igitur talibus actibus inseparabiliter adhæret malitia, videtur, quoddam huiusmodi actus non possint fieri boni ex intentione nostra.

ITEM aliquod est malum, quod est contra Dei mandatum, sed intentio nostra non potest diuinum mandatum infringere: ergo non potest facere quoddam homo faciendo contra mandatum Dei non peccet: igitur quantumcunque bonum intendit, si contra Dei mandatum faciat, non erit bonum, sed malum: ergo non est generaliter verum, quoddam qualitas operis à qualitate intentionis causetur.

ITEM bonum absolutum præsupponit bonum ex circumstantia: nihil enim est simpliciter & absolute bonum, nisi vestiatur debitis conditionibus & circumstantiis: sed aliqua sunt epera, quæ semper dicunt carentiam debite circumstantiæ, sicut interficere innocentem, aut dicere falsum scienter, & consimilia: ergo videtur quoddam quantumcunque aliquis talia bona intentione faciat, non erunt simpliciter bona: ergo non videtur quoddam qualitas operis semper respondeat qualitati intentionis.

CONCLUSIO.

Si intentio bona perfecta sit, ut dicit bonitatem finis, & ordinationem eius quod est ad finem, ipsa facit opus bonum: si autem imperfecta sit, ut dicat tantum bonitatem finis, non sufficit ad operis bonitatem.

RESP. AD ARG. Ad prædictorum intelligentiam est notandum quoddam circa hoc ab antiquo duplex fuit opinio, sicut Magister explicat in litera. Quidam enim dixerunt, quoddam generaliter verum est, quod opera bona vel mala pensantur ex intentione. Alij verò dixerunt, quod opera non pensantur generaliter bona, vel mala, sed solum illa, quæ indifferentia sunt ad hoc quoddam fiant bene, vel male: illa autem opera, quæ sunt mala secundum se, ex intentione pensari non possunt: quia quacunque intentione fiant, semper mala sunt. Quælibet autem harum opinionum verum dicit, si rectè intelligatur. Intentionis enim qualitas dupliciter potest accipi, secundum quoddam intentio dupliciter dicitur. Vno enim modo intentio dicit bonitatem finis. Alio verò modo non tantum dicit

bonitatem finis, sed etiam ordinationem eius, quod est ad finem, quem appetit. Et secundum hoc dupliciter potest dici intentio bona, vel mala. Vno modo dicitur intentio bona, in qua est perfecta, & bona ordinatio operis ad finem intentum, & è contra dicitur mala, in qua est ordinatio indirecta: & hoc modo bonitas intentionis non tantummodo respicit bonitatem finis, sed etiam rectum ordinem eius, quod est ad ipsum finem: hæc enim duo necessariò requiruntur ad hoc, quoddam oculus sit simplex, sicut dicit Bernardus ad Eugenium, videlicet quoddam veritas sit in electione, & charitas in intentione. Et hoc est dicere, quoddam tunc est oculus mentis simplex, siue intentio bona quando hoc amat finaliter, quod est amandum, & eligit, quod est eligendum, & hoc modo qualitas operis semper respondet qualitati intentionis, nec habet instantiam, immò si oculus est simplex, totum corpus erit luminosum: & si oculus est tenebrosus, hoc est, intentio mala, & opus iudicatur malum. Alio modo dicitur intentio bona, quia illud, quod finaliter intendit, est bonum: & mala, quia illud quod finaliter intendit, est malum. Et hoc modo non est generaliter verum, quoddam qualitas operis causetur à qualitate intentionis: & hoc dico quantum ad qualitatem, quæ est bonitas. Si quis enim mentitur ut potè ad liberationem innocentis, vel furatur ut pascat pauperem, non dicitur benefacere, sicut dicit Augustinus, & etiam Apostolus: Non sunt facienda mala, ut eueniant bona. Quantum autem ad qualitatem malitiæ, non habet instantiam: immò necessariò malitia operis correspondet intentioni malæ intendenti. Qualecunque enim sit opus, dum facit illud

Bern. de dij.
Pens. circ.
mod.

Lib. contra
mandatum,
c. 7. sem. 4.
Rom. 3. b

C homo mala intentione, Deus, qui scrutatur corda, malum reputat. Cum enim ad bonitatem operis necessariò requiratur intentio boni finis, sola illa desistente opus iudicatur esse malum: non tamen illa sola assistente iudicatur esse bonum, quia plura exiguntur ad construendum, quam ad destruendum.

1. 2. 3. Ex his patet responsio ad quæstionem propositam, & etiam ad obiecta pro magna parte. Nam obiecta, quæ probant, quoddam qualitas operis non correspondet qualitati intentionis, loquuntur de bonitate intentionis, propterea ipsum finem respicit, & sic verum concludunt, quia ad hoc quoddam opus sit bonum, non sufficit quoddam homo intendat bonum, sed etiam exigitur, quoddam recta via tendat ad bonum. Argumenta verò ad oppositum pro magna parte procedunt alia via, videlicet propterea intentio dicitur esse bona, non solum, quia intentum est bonum, sed etiam quia ordinatio est bona. Et sic intelligitur auctoritas Ambrosij, quia dicitur: Affectus tuus operi tuo nomen imponit: & ratio secunda, & tertia. Nam voluntas non dicitur esse bona in se, nec etiam bona arbor ex bonitate intentionis, nisi secundum quoddam intentio dicitur esse bona, quia bono modo ad bonum finem intendit.

Lib. 1. off.
c. 30. art. 1.

4. **AD** illud quod obiicitur, quoddam mala intentio sufficit ad faciendum opus malum, dicendum quoddam non sequitur ex hoc; quoddam similiter intentio bona sufficit ad bonum. Facilius est enim destruere, quam construere. Et quia bonum attenditur secundum constitutionem ex concursu multarum circumstantiarum, malum verò attenditur ex cuiuscunque priuatione; hinc est, quoddam malum est vnifarie, & bonum vno modo: & ideo non sequitur, quoddam si defectus alicuius rei sufficit ad faciendum malum, quoddam positio eius sufficit ad faciendum bonum, plura enim exiguntur ad bonum, nec est ibi locus à simili, nec à minori: Rursus quia malum est priuatio boni, in talibus non tenet consequentia in ipso, sed potius consequentia è contrario.

5. **AD** illud quod obiicitur, quoddam intentio potius debet influere in opus, quam è conuerso, dicendum quoddam opus non facit intentionem malam aliquid influendo, sed potius deficiendo. Quia enim opus de se inordinatum est, & intentio non potest illud ordinare; hinc est, quoddam dum illi operi se applicat, seipsum deordinat.

6. **AD** illud quod obiicitur, quoddam priuatio inten-

tionis

Opinio 1.

Opinio 2.

Conciliatio
dictorum.

tionis priuat malitiam ab actu, dicendum quod non est simile, pro eo, quod priuatio intentionis dicitur priuare malitiam ab actu; non quia aliquid intentionis confert ipsi actui, sed potius quia trahit actum illum extra genus moris; quia non est opus morale, nisi quod fit ex intentione; & ideo consimilis est modus arguendi in ista ratione, & in præcedenti, quæ arguebatur ex comparatione mali ad bonum. Non enim valet: Sufficit ad destruendum: ergo sufficit ad ponendum.

QVÆSTIO II.

An quantum quis intendit, tantum faciat.

*Richardus 2. Sent. dist. 40. art. 1. q. 2.
Steph. Brulef. 2. Sent. dist. 40. q. 2.*

Fundamēta.

Maist. 12.

VTRUM quantum quis intendat, tantum faciat, ut sicut opus ab intentione recipit, aliquo modo qualitatem, ita etiam recipiat quantitatem. Et quod sic videtur. Super illud, Bon⁹ homo de bono thesauro, &c. Glossa: Quantum bonum intendis, tantum facis.

ITEM hoc videtur ratione; Omne agens per intentionem præfigit sibi finem, ad quem opus suum mensurat, ergo si omne opus morale est ab agente per intentionem, omnis operis moralis mensuratio attenditur in comparatione eius ad finem; sed comparatio ad finem est intentio; ergo quantitas omnis operis moralis penes intentionem attenditur.

ITEM secundum quantitatem charitatis attenditur meritum exterioris operis. Et secundum magnitudinem libidinis attenditur magnitudo exterioris peccati; si ergo charitas, ut dicit Bernardus, respicit intentionem, & similiter libido, quæ dicit quietationem in bono creato; ergo videtur quod quantitas omnis moralis operis secundum intentionem mensuretur.

ITEM si aliquod opus de natura sui generis est veniale peccatum, nihilominus ille, qui facit illud, mortaliter peccat, si intendit peccare mortaliter; hoc autem non esset, nisi opus reciperet quantitatem in genere moris ab intentione; ergo, &c.

Ad oppositum.

1. SED CONTRA; Si quantum quis intendit, tantum facit; ergo si Linus siue aliquis alius paruus sanctus intenderet mereri gloriam Petri, mereretur gloriam Petri, & si amplius intenderet, amplius mereretur: ergo habenti minorem charitatem, redderetur maius præmium, quod est planè falsum.

2. ITEM si quantum quis intendit, tantum facit; ergo si aliquis adulterans intendit peccare venialiter, peccat venialiter: si ergo hoc est planè falsum, manifestum est, quod quantitas operis non causatur ex quantitate intentionis.

3. ITEM quantum aliquis est humilior, tantò minus boni credit se facere, sed intentio sequitur credulitatem; quia fides dirigit intentionem; ergo, quantum quis humilior est, tantò minus bonum intendit facere: si ergo bonitas operis mensuratur penes quantitatem intentionis, videtur, quod quantum quis esset humilior, tantò opus eius esset minus bonum: sed hoc est planè falsum: ergo, &c.

4. ITEM vnus simplex cum facit partium peccatum, credit esse grauissimum peccatum: alius impius, & iniquus cum facit maximum peccatum, credit se valde parum peccare. Si ergo opus mensuratur penes intentionem, videtur quod iniquus & malitiosus minus peccet in enormi genere peccati, quam vnus simplex in genere peccati quantumcunque leui. Si igitur hoc est planè falsum: ergo & illud ex quo sequitur, videlicet quod quantitas operis correspondeat quantitati intentionis.

CONCLUSIO.

Quantitas bonitatis, & malitiae, in opere correspondet quantitati bonitatis, & malitiae, in intentione, quantum ad actum intendendi, licet non semper, prout ipsa attenditur ex parte intenti.

RESP. AD ARG. Dicendum quod sicut in præcedenti problemate duplex distinguitur qualitas intentionis, sic & in hoc intelligendum est; quod quantitas intentionis dupliciter potest intelligi, videlicet aut ratione actus intendendi, aut ratione ipsius intenti. Et secundum hoc distinguitur ista locutio dupliciter. Quantum incēdis, tantum facis. Quia *quantum* & *quantum* possunt esse nomina, vel aduerbia. Si *quantum*, & *tantum* sint aduerbia, tunc dicunt quantitatem actus intendendi: & tunc est locutio vera generaliter siue respectu bonorum, siue respectu malorum: quia quantum actus intendendi est intensus in bonitate, & malitia, tantum operatio exterior est bona, vel mala. Omne enim meritum, & demeritum ad actum voluntatis reducitur: licet circumstantiæ exteriores aliquo modo faciant ad maiorem voluntatis deprauationem. Si autem *quantum*; & *tantum* sint nomina: tunc dicunt quantitatem ex parte intenti: & sic non est generaliter verus ille sermo, quia opus exterius factum non semper commensuratur ei, quod intentio intendit. Frequenter enim intendit homo facere magnū bonum, & facit paruum, quia modicam habet charitatem. Habet tamen aliquo modo veritatem in malis, videlicet in tendendo, licet non diminuendo: & prout *tantum* & *quantum* dicunt quandam comparisonem proportionis, non tamen commensurationem æqualitatis. Vnde qui intendit multum peccare, multum peccat, quaecunque opus faciat. Non tamen qui intendit parum peccare, parum peccat, maxime si opus facit, quod multum habet de deformitate.

1. Ex his patet responsio ad quæstionem propositam. Concedo enim, quod quantitas bonitatis, malitiae in opere correspondeat quantitati bonitatis, & malitiae in intentione, secundum quod quantitas intentionis attenditur quantum ad actum intendendi, sicut rationes ad primam partem inductæ ostendunt. Concedo etiam nihilominus quod quantitas operis non semper correspondeat quantitati intentionis, secundum quod quantitas intentionis attenditur ex parte intenti, sicut ostendunt rationes, quæ ad secundam partem inducuntur.

2. 3. AD alias tamen duas rationes, quæ vltimò inducuntur responderi potest, quod non cogunt pro eo quod non est idem dicere de aliquo, quod credit facere magnum, vel paruum bonum, siue malum quod intendit. Aliud enim est æstimatione, aliud est intentio; & quamvis opus sequatur æstimationem, non tamen sequitur intentionem. Præterea: Illæ duæ rationes, sicut & aliae procedunt de quantitate intentionis à parte intenti. Quamvis enim humilis homo parum intendat facere: nihilominus tamen magnæ bonitatis est eius intentio, dum ex magna virtute mouetur ad illud faciendum. Similiter cum iniquus homo intendit modicum malum facere: tamen quia ex magna libidine facit, valde praua est eius intentio, dum nimium adhæret bono creato: & ideo non sequitur, quod minus peccet ille qui magis est malitiosus.

QVÆSTIO III.

An intentio absque bonis operibus sufficiat ad vitam æternam.

*Richardus 2. Sent. dist. 40. art. 1. q. 3.
Stephanus Brulef. 2. Sent. dist. 40. q. 3.
Gabr. Biel. 2. Sent. dist. 40. q. 1. dub. 1.*

DE bonitate operum quantum ad necessitatem, utrum videlicet intentio absque bonis operibus sufficiat.

lufficiat ad vitam æternam: & quod sic videtur per Bernardum de libero arbitrio. Intentio sufficit ad meritum; bona actio requiritur ad exemplum: ergo videtur quod quantum ad meritum vitæ æternæ non sit necessaria bonitas actionis exterioris.

2. ITEM super illud Psalmi: Dixi confitebor: Glossa: Votum pro operatione indicatur: ergo tantum valet bene velle, quantum velle, & operari: ergo, &c.

3. ITEM Gregorius in quadam Homilia: Non est vacua manus à munere, cum arca cordis repleta fuerit bona voluntate: ergo plenitudo intentionis, & voluntatis æquivaleret plenitudini operationis: igitur sine illa potest sufficere ad salutem.

4. ITEM mereri vitam æternam est in potestate nostra: sed opera exteriora non sunt in potestate nostra: ergo videtur quod opera exteriora non sint necessaria ad merendum vitam æternam: igitur ad meritum vitæ æternæ videtur sufficere intentio sola.

5. ITEM intentio, & voluntas non pendent ex opere: ergo opere non existente potest esse bonitas tam in voluntate, quam in intentione: sed qui habet bonam voluntatem, & intentionem est iustus: & omnis talis habet quod sufficit ei ad vitam æternam: igitur ad meritum vitæ æternæ videtur intentio sufficere absque exteriori operatione.

SED CONTRA: Esuriui, & non dedistis mihi manducare: ita Dominus dicet reprobis: & propter hoc feret sententiam damnationis contra eos: si ergo propter defectum bonorum operum quis damnatur, exercitium bonorum operum est ad salutem necessarium: ergo intentio sine operibus non sufficit ad meritum.

ITEM in Canonica: Fides sine operibus mortua est: sed non est efficacior ad merendum intentio, quam fides: ergo si fides non sufficit ad meritum sine operibus, pari ratione nec intentio.

ITEM Gregorius in quadam Homil. Amor Dei non est otiosus: operatur enim magna si est: si autem operari negligit, amor non est: ergo si opera non adsunt, non adest veritas amoris: sed nihil est meritorium vitæ æternæ absque vero amore charitatis: ergo circumscriptis operibus, intentio non sufficit ad meritum.

ITEM Philosophus dicit, quod ad virtutem tria requiruntur, videlicet scire, velle, & impermutabiliter operari: ergo si non est operatio, non est salua virtutis ratio: sed ubi non saluatur virtutis ratio, nec poterit saluari sufficientia meriti: ergo videtur quod absque operatione vitam æternam non condigne, nec sufficienter mereamur.

ITEM si sola intentio vel voluntas interior sufficeret ad meritum, sed habenti gratiam facillimum est velle bonum: ergo facillimum est mereri vitam æternam, cuius contrarium dicit Dominus, quod arcta est via quæ ducit ad vitam.

CONCLUSIO.

Ad bonitatem operis boni non sufficit plenitudo bonæ voluntatis & intentionis, si adsit possibilitas: secus autem si facultas bene operandi exterius nobis non concedatur.

RESP. AD ARG. Dicendum quod cum queritur, utrum intentio, & voluntas interior sufficiat ad meritum absque opere exteriori, distinguendum est. Aut enim ille, qui habet intentionem, habet facultatem, bene operandi, aut non. Si non habet facultatem, cum nemo obligetur ad impossibile, si bonam habet voluntatem, & directam intentionem, tunc sola plenitudo voluntatis internæ sufficit ei ad meritum vitæ æternæ absque exteriori operatione. Si autem adsit facultas, & se offert opportunitas, intentio non potest ad meritum sufficere absque opere. Ratio autem huius est divini mandati obligatio, & virtutis perfectio, & voluntatis plenitudo. Divini mandati obligatio facit, ut intentio sine operibus non sufficiat, cum se offert opportunitas, & facultas.

Mandata enim Dei non solum obligant ad volendum, sed etiam ad faciendum: ideo qui non implet divina mandata cum possit, potius meretur iram, quam mereatur gloriam. Virtutis etiam perfectio est ratio quare non sufficit sola intentio, quoniam virtus est ultimum potentia, & ideo eleuat potentiam ad aliquod magnum, & arduum, potentia autem animæ non habent suam virtutem, siue perfectionem completam, nisi exeant in opera sibi debita, quando adest facultas, & opportunitas. Et ideo illa intentio, qua quis vult, & intendit bonum, & tamen non facit cum possit, non est intentio virtuosa, ac per hoc nec meritoria. Voluntatis enim plenitudo ratio est, quare non sufficit sola intentio: quoniam plena voluntas ponit effectum si adsit facultas, alioquin non dicitur plene homo aliquid velle, si non facit cum possit facere, sed semiplene, & pigre vult sicut piger, qui vult, & non vult. Et propterea dicit Gregorius, quod nemo debet sibi blandiri de bona voluntate: immo ad dilectionem conditoris lingua, mens, & manus requiritur, & sicut hortatur nos; Diligere debemus non solum verbo, & lingua, sed opere, & veritate: quoniam igitur cum adest facultas, & se offert opportunitas, absque operibus, nec est mandatorum Dei impletio, nec virtutis perfectio, nec voluntatis plenitudo, & absque his non est sufficientia meriti, hinc est quod ad meritum vitæ æternæ non sufficit bonitas intentionis absque bonitate operis exterioris. Et rationes quæ hoc ostendunt, concedendæ sunt.

1. AD illud ergo quod primo obiicitur in contrarium de Bernardo, quod bona intentio sufficit ad meritum, dicendum quod loquitur de intentione illorum operum, quæ non sunt in præcepto non ratione illorum, quæ in præcepto sunt. Vel dicendum quod loquitur in eo casu, quando scilicet non adest facultas bene operandi exterius.

2. AD illud quod obiicitur, quod voluntas pro facto reputatur, dicendum quod verum est, quando se offert bene operandi opportunitas, & facultas.

3. AD illud verò Gregorii, quod non est vacua manus à munere, &c. dicendum quod facienda est vis in hoc, quod dicit, cum arca cordis repleta fuerit bona voluntate: nunquam enim, sicut dictum est prius, plene bonam voluntatem habet, qui potest facere bonum illud; cuius habet voluntatem, & ad factum non pervenit.

4. AD illud quod obiicitur, quod opera non sunt in potestate nostra, dicendum quod hoc solum conclusit, quod in eo casu sufficit intentio, quando deest facultas ad perficiendam operationem bonam.

5. AD illud quod obiicitur, quod bona voluntas non pendet ex opere, dicendum quod verum est; attamen cum adest facultas plena, voluntas necessario ponit bonum opus; ita quod si bonum opus non ponitur, aut nunquam voluntas fuit plena, aut desinit esse plena. Quod ergo sine operibus non sufficiat hoc non est, quia plenitudo bonæ voluntatis ex operibus non pendeat, sed quia bona voluntas, si plena est, necessario in bona opera redundat, offerente se facultate, & opportunitate.

ARTICVLVS II.

CONSEQUENTER queritur quantum ad secundum principale de bonitate, quam opera superaddunt bonitati intentionis. Et circa hoc queruntur tria. Primo queritur, utrum aliquid addant opera bonitatis, vel meriti supra bonam intentionem ratione prærogatiue dignitatis. Secundò queritur, utrum addant ratione quantitatis ex parte dati. Tertiò queritur, utrum aliquid addant ratione numerositatis.

QVÆSTIO I.

An opera exteriora aliquid addant supra bonam intentionem.

*Richardus 2. Sent. dist. 40. art. 1. q. 4.
Steph. Brulef. 2. Sent. dist. 40. q. 4.*

Fundamēta.

Philos. 6

VTRUM opera exteriora aliquid addant supra bonam intentionem ratione suæ excellentiæ, & dignitatis, sicut sunt opera privilegiata. Et quod sic, videtur, Super illud : Quæ sit supereminens magnitudo, Glossa: Quoddam incrementum gloriæ habebunt summi doctores ultra id quod communiter habebunt alij: hoc autem non est nisi ratione doctrinæ, quam aliis communicant : ergo, &c.

ITEM communiter in Ecclesia magis solemnizantur martyres, quam confessores : sed constans est, quod Ecclesia sanctis exhibuit honorem secundum meritum suorum exigentiam: ergo maiori gloria digni sunt, qui mortem pro Christo patiuntur, quam illi qui pati volunt.

ITEM Christus nobis aliquid meruit per passionem, quod antè non meruerat nobis, utpotè a peccationem ianuæ, & multorum charismatum diffusionem : si ergo charitas Christi fuit eminentissima ab instanti conceptionis, & maioris fuit efficacis cum passione quam sine : ergo videtur quod in quolibet alio excellentia operis exterioris addat ad meritum bonæ voluntatis, siue intentionis.

ITEM bonum additum bono facit magis bonum, sed opus privilegiatum est bonum : ergo additum intentioni facit eam magis bonam. Sed quod addit ad bonitatem, addit ad meritum : ergo, &c.

ITEM si opera privilegiata nihil adderent supra bonitatem intentionis : ergo qui ea faceret, frustra laboraret : si ergo impium est dicere, quod qui facit opera excellentia, frustra laborat, videtur quod opus excellens addat super intentionis bonitatem.

Ad oppositum.

1. **S**ED CONTRA ; De beato Martino cantat Ecclesia. O beata anima, quam etsi gladius persecutoris non abstulit, palmam tamen martyrij non amisit: ergo ita videtur quod beatus Martinus habuit palmam martyrij per bonitatem intentionis : sicut si sustinisset acerbitatem passionis : ergo non videtur quod opus excellens aliquid addat supra bonitatem intentionis.

2. **I**TEM operans non placet propter operationem, sed magis operatio propter operantem, quantumcunque operatio illa sit nobis : ergo quantumcunque sit nobilis operatio, nisi Deus approbet operantem, non approbat operationem : igitur non videtur quod homo maioris præmij efficiatur apud Deum dignus propter operationem excellentem superadditam bonitati voluntatis.

3. **I**TEM si aliquis sustineret mortem pro mundo, potius demeretur apud Deum quam aliquid mereretur : igitur sustentia mortis pro Christo si quo modo placet Deo, hoc ideo non est ob aliud, nisi quia ordinatur ad Christum: sed illa ordinatio est mediante intentione; ergo tota bonitas operationis quantumcunque excellentis ex intentione habet ortum, & propter illam Deo placet: sed ubi vnum propter alterum, utrobique tantum vnum : igitur tantumdem placet intentio perfecta, & bona cum opere, quantum placet sine opere.

4. **I**TEM si aliqua opera faciunt ad meritum, illa sunt opera maximæ humilitatis, & utilitatis; hæc enim opera Deus maximè commendat : sed opera privilegiata sunt opera cuiusdam excellentiæ, & dignitatis: ergo videtur quod minimè inter omnia genera operum addant ad bonæ intentionis meritum.

5. **I**TEM ubi facultas deest, voluntas reputatur pro facto, sicut determinatum est supra : & hoc non est ob aliud nisi quia alias non esset plena & perfecta voluntas: si igitur voluntas per se sola pro opere reputatur, videtur

A quod in tali casu opus privilegiatum nihil addat super intentionis bonitatem & meritum.

CONCLUSIO.

Opus bonum exterius addit aliquid supra bonam intentionem, videlicet exemplum, vel accidentale præmij, & etiam augmentum gloriæ quantum ad meritum congrui, quantum verò ad meritum condigni nihil addit, quia quantitas eius pensatur ex quantitate radicis, quæ est bona voluntas.

RESP. AD ARG. Dicendum quod maius bonum potest aliquid dici dupliciter. Aut intensivè, utpotè quia plus Deo placet. Aut extensivè, utpotè quia pluribus prodest : & secundum hoc dupliciter potest intelligi, B quod opus privilegiatum addat ad bonitatem intentionis. Aut quantum ad proximorum ædificationem, aut quantum ad Dei approbationem. Et primo modo attenditur augmentum quantum ad exemplum: secundo modo quantum ad meritum. Si igitur loquamur de additione quantum ad exemplum, sic absque dubio opus privilegiatum addit ad bonitatem intentionis ; quia bonitas intentionis non lucet exterius nisi per ostensionem bonorum operum, & maximè privilegiorum. Si autem loquamur secundo modo, sc. quantum ad additionem, quæ attenditur quantum ad meritum, sic distinguendum est, quod est loqui de merito respectu præmij substantialis, & respectu præmij accidentalis. Respectu præmij accidentalis opus privilegiatum addit supra bonam intentionem, & voluntatem: quia præmij accidentale, quod C est aureola, non debetur voluntati secundum se, sed voluntati in opere. Si autem loquamur de merito respectu præmij substantialis, adhuc oportet distinguere, quia est meritum congrui, & est meritum condigni. Quantum ad meritum congrui, absque dubio opus privilegiatum addit supra bonitatem intentionis, pro eo quod voluntas in illo opere præparatur, & disponitur ad susceptionem maioris gratiæ, per quam digna est maiori retributione. Si autem loquamur de merito condigni, sic absque dubio non addit, pro eo quod quantitas meriti condigni pensatur ex quantitate radicis : & tantum placet Deo ille qui habet voluntatem plenam, & non potest habere opus, quantum & ille qui habet voluntatem, & opus, quantum ad essentialis præmij retributionem si sunt in æquali charitate. Et sic patet quod opus privilegiatum ratione dignitatis suæ aliquid addit supra bonitatem intentionis, licet non addat omni modo additionis. Ideo concedendæ sunt rationes quæ ad primam partem inducuntur.

Aureola præmij accidentalis.

1. **A**D illud verò quod obiicitur de beato Martino, quod palmam martyrij non amisit, dicendum quod ibi palma martyrij non accipitur pro præmio accidentali, quod est aureola : sed pro præmio substantiali, quod est aurea: utrumque enim est martyrij palma: sed vnum, sc. aurea respondet martyrio, quia sustinetur ex charitate: alterum verò, scilicet aureola respondet ei, quia est specialis privilegij, & prærogatiuæ.

2. **A**D illud quod obiicitur, quod operatio placet propter operantem, dicendum quod verum est: attamen E dū operans bene utitur dono per quod placet Deo, hoc ipso disponit se ad maius ; & aliquo dignus est, quod quidem non esset, si non ita bene uteretur: & ideo non sequitur, quod si operatio placet Deo propter operantem, quod non magis placeat operans propter operationem, quam sine: nihil enim impedit de duobus bonis, quorum unus habet bonitatem ab altero, quin ambo melius valeant quam valeat alter illorum per se.

3. **A**D illud quod obiicitur, quod mori pro mundo displicet Deo, dicendum quod verum est: sed tamen ex hoc non sequitur quod tota bonitas operis privilegiati veniat ex intentione, sed quod non potest esse opus perfectè bonum absque intentione: nihilominus tamen opera privilegiata aliquam bonitatem de natura sui habent quæ iuncta cum bonitate intentionis aliquam excel-

lentiam tribuunt bene operanti, quam non tribuerunt alia genera operum. Et ideo illud verbum quo dicitur, quod vbi vnum propter alterum, vtroque vnum, non habet hic locum. Hoc enim intelligitur, quando illud propter quod alterum participat aliquam proprietatem, est tota ratio illius participationis, non sic autem est in proposito, vt visum est.

4. Ad illud quod obiicitur, quod opera privilegiata sunt opera excellentia: & ideo minus debent facere ad meritum, dicendum quod opus excellens dupliciter potest dici: aut secundum vanam æstimationem, sicut aliquis reputat excellentiam vindicare se de aduersariis, & prædominari aliis. Aut secundum veritatis dictamen: & sic sustinere ignominiosissimum genus mortis pro Christo, est opus magnæ excellentiæ: & tale opus excellentiæ non conuidetur contra opus humilitatis, immo simul cum illa stat, & necessariò eam requirit tanquam sociam: & cum in se habeat difficultatem, & dignitatem, & charitatem præambulam, & humilitatem annexam, non est mirum si disponit ad maiorem gloriam.

5. Ad illud quod obiicitur, quod voluntas reputatur pro facto, vbi facultas deest, dicendum quod illud est verum quantum ad sufficientiam ad salutem, & quantum ad præmium substantiale: quia nemo amittit regnum celorum ex hoc, quod non facit quod facere non potest: non autem est verum quantum ad præmij excellentiam, siue quantum ad præmium accidentale. Et hoc modo prædictum est, quod opus privilegiatum addit supra intentionis bonitatem.

QVÆSTIO II.

An bona opera aliquid addant supra intentionem, quantum ad quantitatem dati.

S. Thom. 1. 2. q. 10. art. 4.

Et 2. Sent. d. 40. q. 1. art. 3.

Egid. Rem. 2. Sent. p. 2. dist. 40. q. 1. art. 2.

Richardus 2. Sent. dist. 40. art. 4. q. 1.

Steph. Brulef. 2. Sent. d. 40. q. 5.

Fundamēta.

1. Cor. 9. b

Tob. 4. b

VTRVM bona opera addant supra bonam intentionem quantum ad quantitatem dati. Et quod sic videtur: Qui parçè seminat, parçè & metet: & qui seminat in benedictionibus, de benedictionibus & metet. Si igitur seminatio illa, de qua loquitur Apostolus, est in eleemosynæ datione: videtur quod magnitudo dati faciat ad excellentiam gloriæ.

ITEM: Si multum tibi fuerit, abundanter tribue: si ergo ista exhortatio non est inutilis: videtur quod abundantia dati faciat ad incrementum meriti.

ITEM quamvis Deus ex æquali bonitate conferat bona maiora, & minora: tamen ille, cui maiora contulit, ad maiorem tenetur gratiarum actionem: ergo pari ratione si ex æquali charitate detur maius munus, & minus munus, conueniens est Deum pro maiori munere maiorem reddere retributionem.

ITEM si non magis meretur qui plus tribuit, quam ille qui minus: ergo non plus meretur qui relinquit omnia pro Deo, & dat pauperibus, quam ille qui dat vnum solum obolum: igitur omnes sunt stulti qui sequuntur diuinum consiliū. Quod si impium est dicere diuinum consiliū esse indiscretum, videtur quod quantitas dati faciat ad amplificandum meritum.

Ad oppositum.
Mar. 12. d

1. **SED CONTRA:** Amen dico vobis: quoniam hæc plus omnibus misit in gazophylacium: loquitur de vidua: ergo si Christus plus appretiabatur datum illius viduæ, quod fuit valde paruum, sicut in textu innuitur, quam magna dona aliorum, videtur quod Deus appretietur opera solum secundum quantitatem bonæ intentionis, & nullo modo secundum quantitatem muneris exterioris.

2. **ITEM** Glossa super eundem locum: Non offerentium substantiam considerat Deus, sed conscientiam

nec perpendit quantum offeras; sed ex quanto: si ergo merita tantum valent quantum Deus illa ponderat, videtur quod quantitas dati meritum intentionis bonæ non augeat.

3. **ITEM** super illud: Et qui multum habuit, non abundauit, ibi: Glossa: Vbi æqua est voluntas, æqualem habebit mercedem: ergo siue aliquis det magnum, siue paruum, dum tamen ex æquali charitate, videtur quod ei retribuat æqualiter.

4. **ITEM** si quantitas dati aliquid addit: aut addit ad meritum respectu præmij substantialis, aut respectu præmij accidentalis. Non respectu præmij substantialis: quia illud respicit charitatis radicem, & quantitatem gratiæ. Non respectu accidentalis, quia præmium accidentale debetur operibus excellentioribus, & privilegiatis: non enim meretur aliquis aureolam ex hoc, quod dat magnam eleemosynam: videtur igitur, quod quantitas dati ad bonæ intentionis meritum nihil omnino addat.

CONCLUSIO.

Bona opera quantum ad quantitatem dati supra bonam intentionem addunt aliquid ad meritum bonæ intentionis dispositiue.

RESP. AD ARG. Ad prædictorum intelligentiam est notandum, quod de quantitate dati est loqui dupliciter: aut comparando datum ad datum solum: aut comparando hæc ad inuicem, & ad dantis facultatem. Primo modo loquendo, maior quantitas dati aliquid addit ad bonitatem intentionis, non inquam respectu præmij essentialis directè, sed quia aliquo modo disponit hominem ad proficiendum in bono, & ad recedendum à malo. Qui enim maius munus tribuit, vt sibi faciat amicum de mammona iniquitatis, magis recipientem obligat ad orandum pro se: & quodam modo in obligando illum obligat Deum: & ideo plus se disponit ad gratiam quam ille qui dat minus munus. Similiter plus se disponit ad recedendum à malo: quia in hoc quod facit maiore eleemosynam, absolui meretur à maiori pœna: secundum quod dicitur: Date eleemosynam, & omnia munda sunt vobis. Et, Eleemosyna à morte liberat. Et: Peccata tua eleemosynis redime. Similiter si comparemus quantitates datorum in comparatione ad facultatem dantium, maior quantitas non addit quantum ad meritum præmij substantialis directè, sed quodam modo dispositiue. Qui enim pensatis suis viribus plus dat, quam alter suis viribus pensatis, magis ad donum gratiæ se disponit: magis etiam à peccato recedit: & sic generaliter loquendo quantitas dati præsupposita æqualitate bonæ intentionis siue voluntatis, quantum ad præmium essentiale non addit directè, & propriè, sed quodam modo dispositiue: vel quia disponendo ad charitatem disponit ad maiorem gloriam, vel quia eripiendo à malo, celerius facit hominem pertingere ad coronam. Et hoc quidem non habet instantiam quando est excessus quantitatis dati, & in comparatione ad datum, & in comparatione ad facultatem dantis. Quando verò ex vna parte datum vnum excedit aliud in se: & è contra exceditur ab aliquo in comparatione ad facultatem dantis, per quem modum dixit Dominus, quod vidua plus miserat in gazophylacium, quam omnes diuites, quia totum victum suum posuerat: tunc se habent sicut excedentia, & excessa. Secundum enim diuersas condiciones vnum datum plus promouet, quam reliquum. Maior enim quantitas dati plus valet ad euadendam pœnam. Quia sicut dicitur: Redemptio animæ viri sunt propriæ diuitiæ. Maior verò quantitas dati secundum facultatem dantis plus valet ad acquirendam gratiam, pro eo quod talis se magis disponit ad perfectionem beatitudinis, scilicet paupertatis. Concedendæ sunt igitur rationes ostendentes, quod quantitas dati aliquid augeat ad meritum bonæ intentionis, scilicet dispositiue.

1. Ad illud verò quod primò obiicitur in contrarium

quod

1. Cor. 8. c

Luc. 12. f

Tob. 12. b

Dan. 4. f

Prom. 13. b

quoddam vidua illa plus dedit: Dicitur potest quoddam ibi loquitur Dominus de quantitate dati per comparisonem ad facultatem dantis, quia illa totum dederat, quoddam patet per sequentem litteram. Præterea Deus qui scrutatur corda vidit, quoddam vidua illa ex meliori voluntate oblationem suam dabat: & ideo magis donum eius appretiabatur ratione voluntatis eius melioris. Cum autem querimus nunc, utrum quantitas dati aliquid addat ad bonitatem intentionis, hoc querimus præsupposita æqualitate bonæ voluntatis: aliter enim nulla esset quæstio, quia, planum est quod plus valet magnitudo bonæ voluntatis cum paruo dono, quam prauitas bonæ voluntatis cum magno.

2. Ad illud quod obiicitur de Glossa, quoddam Deus non considerat quantum, sed ex quanto, dicendum quoddam verum est principaliter, scilicet quantum ad retributionem præmij substantialis: non negat tamen Glossa, quin quantitas dati aliquo modo disponat de congruo ad maiorem gloriam, vel ad gloriam celerius habendam.

3. 4. Ad illud quod obiicitur de alia Glossa, quoddam æqualis voluntas æqualem habet mercedem, iam patet responsio. Non enim fit maior retributio voluntate remanente in sua æqualitate: sed quia quantitas dati disponit ad habendam meliorem voluntatem, & puriorem: hinc est quoddam aliquo modo facit ad augmentum gloriæ. Et per hoc patet responsio ad illud quod ultimo quærebatur, quod aliquo modo facit ad præmium substantiale, licet non principaliter, & per se, sed mediante gratia, & charitate, ad quam disponit. Veruntamen illud quod obiicitur de præmio accidentali non cogit, pro eo quoddam meritum accidentale non tantum est aureola, sed etiam gaudium de aliquo bono creato, siue sit alicuius prærogatiue & excellentiæ, siue non. Et hoc melius manifestabitur in sequenti problemate.

QVÆSTIO III.

An secundum multiplicatam bonorum operum multiplicetur merces præmij.

Steph. Brulef. 2. Sent. dist. 40. q. 6.

VTRUM bonitas operum addat ad bonæ intentionis meritum quantum ad numerositatem. Et est quæstio utrum bonum opus additum operi reddat operantem dignum maiori præmio essentiali. Et quoddam non, videtur. Primo per illud Zachariæ: Ex æquabit gratiam gratiæ; ergo ubi est æqualitas gratiæ, & æqualitas gloriæ: igitur si aliqui duo ex æquali gratia inæqualiter operantur, nihilominus in mercede gloriæ æquabuntur.

ITEM super illud Iudæ: Qui longo tempore post eum vixerunt, Glossa: Solius Dei est nosse inter seniores, quis eorum post se maiorem lucem emiserit, utrum Paulus, an Petrus, an Bartholomæus: sed certum est, quod Paulus plus omnibus laboravit, sicut dicitur: ergo magnitudo præmij non pensatur secundum multitudinem operum.

ITEM Augustinus: Non multitudo operum, non diuturnitas temporum auget meritum: sed sola charitas, & melior voluntas, sed nihil hoc expressius dici potest.

ITEM quantum homo diligit Deum, tantum diligitur à Deo: & quantum diligitur à Deo, tantum remuneratur à Deo: si ergo est æqualitas in dilectione, æqualitas est in remuneratione: sed multi sunt æquales in dilectione, qui tamen non sunt æquales in opere: ergo videtur, quoddam multitudo operum non faciat ad meriti substantialis præmij incrementum.

I. SED CONTRA: Ei autem qui operatur, merces non imputatur secundum gratiam, sed secundum meritum. Glossa: Merces non dabitur secundum gratiam fidei tantum, sed secundum meritum operationis suæ: ergo videtur quoddam pluribus operibus maiorem mercedem quis mereatur habere.

2. **I**TEM super illud: Bonum autem facientes non de-

ficiamus. Glossa: Quantum seminaverimus in operibus, tantum metemus in fructibus: ergo, &c.

3. **I**TEM per unum bonum opus homo meretur vitam æternam: ergo si aliud sequens opus est ita bonum, sicut prius, tantumdem merebitur sicut primum: aut ergo meretur illud idem, aut aliquid superadditum illi: Si aliquid superadditum illi: habeo propositum quod multitudo operum proficit ad augmentum meriti. Si nihil: ergo videtur quoddam frustra operetur: ergo est cultus, qui factus uno bono amplius facit aliud. Quoddam si hoc est impium dicere: restat, &c.

4. **I**TEM peccatum non est magis efficax ad merendam poenam, quam sit bonum opus ad merendam gloriam: sed peccatum sequens additum præcedenti si sit æquale ei, meretur duplo maiorem poenam: ergo bonum opus additum præcedenti meretur duplo maiorem gloriam.

5. **I**TEM qui servit homini, quantum diutius ei servit, tantum maiorem assequitur mercedem: si ergo Deus in retribuendo est iustior, & liberalior, quam sit homo: videtur quoddam tantum aliquis in pluribus ei servit, & quantum plura opera pro Christo facit, tantum maiorem ab ipso recipiat retributionem.

6. **I**TEM iste qui multiplicat opera bona: seminat in terra bona: ergo necessarium oportet quoddam aliquem fructum præmij ex eo accipiat. Aut igitur præmium substantiale, aut accidentale, aut aureæ, aut aureolæ. Sed non aureolæ, cum illa debeatur operibus excellentibus: ergo recipiet maius præmium substantiale, siue aureæ. Est igitur quæstio quantum proficiunt bona opera multiplicata & quem fructum afferant.

CONCLUSIO

Bonitas operum ad bonæ intentionis meritum, quantum ad præmium substantiale nihil addit, addit tamen ad accidentale.

RESP. Ad Arg. Ad prædictorum intelligentiam est notandum, quoddam proficere in merito, vel ad meritum, potest esse duobus modis secundum duplicem differentiam præmij. Quoddam enim est præmium substantiale: quoddam quidem consistit in visione, & fruitione Dei, quoddam ideo dicitur præmium substantiale, quia fundamentum, & substantia totius nostræ beatitudinis est Deus: & illo perfecte habito, perfecta est in nobis beatitudo. Aliud verò est præmium accidentale quoddam quidem consistit in gaudio, quoddam habetur de bono creato, vel de liberatione ab aliquo malo. Accipiendo igitur meritum respectu præmij substantialis contingit dicere quoddam aliquid valet ad profectum in riti tripliciter. Aut quia per illud meretur homo maiorem gloriam, & hoc modo maior charitas, vel melior voluntas facit ad profectum meriti. Aut quia disponit ad merendam maiorem gloriam: & talia sunt opera perfectionis, quæ dicuntur facere ad meriti profectum. Aut quia conseruat illud, per quoddam meretur homo gloriam: & sic omnia opera bona proficiunt ad meritum, quia in ipsis exercetur charitas, & operatur, conseruatur, & radicitur, ut homo finaliter perseveret in illa. Et hoc non est paruum, quia quiddam homo faciat, non saluatur nisi finaliter perseveret. Et sic patet quoddam operum multiplicatio quoddam modo valeat ad profectum in merito respectu præmij substantialis: & hoc dico disponendo & conseruando, non autem merendo maiorem gloriam ex condigno. Similiter ad profectum maioris præmij accidentalis potest aliquid valere tripliciter: aut ratione adeptionis aureolæ: & sic opera specialis excellentiæ faciunt ad profectum meriti voluntatis bonæ: aut ratione adeptionis alicuius delectationis internæ, & sic omnia opera quæ fiunt ex gratia quoddam modo valent ad profectum præmij accidentalis: quia secundum quoddam homo plura bona opera facit, secundum hoc de pluribus incundabitur in conscientia sua: aut ratione diminutio-

Aurea & Aureola quid.

nis pœnæ : & sic opera difficilia, & pœnalia faciunt ad A profectum meriti, & addunt ad meritum bonæ voluntatis : quia remissionem alicuius pœnæ meretur homo ex voluntate cum opere, quam meretur ex sola voluntate. Hæc autem distinctio non solum valet ad terminandum quod dictum est, sed etiam ad duo præcedentia. Generaliter enim verum est quod operum dignitas, & dati quantitas, & operum numerositas ad profectum meriti facit respectu præmij accidentalis, licet differenter. Verum est etiam generaliter, quod illa omnia opera non faciunt ad profectum meriti respectu præmij substantialis nisi solum disponendo, & conservando. Vnde rationes illæ, quæ ostendunt, quod non multiplicatur merces præmij substantialis secundum multiplicationem operum, concedendæ sunt : verum enim concludunt.

1. Ad illud verò quod primò obijciatur in contrarium quod ei, qui operatur, merces imputatur secundum meritum, dicendum quod textus ille secundum quod Glossa exponit non vult dicere quod quantitas mercedis respondeat operi principaliter : sed hoc vult dicere, quod ubi est opportunitas operandi, non sufficit gratia fidei sine bona operatione : ubi autem opportunitas, siue facultas deest, sola gratia sufficit. Vnde sensus est : Ei, qui operatur, id est, ei, qui habet tempus operandi.

2. Ad illud quod obijciatur de Glossa, quod quantum seminavimus in operibus, tantum metemus in fructibus, dicendum quod nomine fructuum intelligitur ibi gaudium, quod habebit quis de bonis operibus : non præmium substantiale quod consistit in Deo. Si autem de illo, scilicet substantiali præmio intelligatur, tunc quantum, & tantum, non dicunt commensurationem, nec etiam dicunt dispositionem necessitatis, sed congruitatis.

3. Ad illud quod obijciatur, quod per sequens opus meretur homo tantundem habere, quantum & per primum, dicendum quod verum est : sed non meretur aliud, sed id ipsum quod prius meruerat, loquendo, quantum ad essentiale præmium : & non sequitur quod in vanum laboret : quia etsi primum opus erat meritorium vitæ æternæ, non tamen merebatur efficaciter nisi charitate perseverante : & charitas non potest in homine vivere, quin exeat in bonos actus cum potest, & debet : ideo sequens opus frustra non fit, quia quamvis non addat ad præmij excellentiam, addit tamen ad meriti efficaciam : disponit etiam nihilominus ad profectum, & facit ad incrementum meriti respectu accidentalis præmij, sicut prius ostensum est.

4. Ad illud quod obijciatur, quod peccatum addito peccato duplat meritum, & supplicium, ergo & bonum, addito bono : dicendum quod non est simile, propter hoc quod quia mala facimus, mali sumus : sed non quia bona facimus boni sumus, immò potius è converso bonitas operum ortum habet ex bonitate operantis : & hinc est quod diversis peccatis meretur homo diversa supplicia, quamvis diversis bonis operibus mereatur homo unam gloriam, quia actio merendi, & acceptandi in pluribus bonis una est : ratio verò displicendi, & demerendi est pluribus peccatis diversa.

5. Ad illud quod obijciatur, quod apud hominem maius præmium meretur homo ex pluribus operibus, dicendum quod non est simile, quia homo non reputat opus dignum retributione propter bonitatem operantis, sed potius operantem propter bonitatem operis : homo enim indiget alieno servitio : Deus autem qui bonorum nostrorum non indiget, non operantem propter opera, sed opera propter operantem acceptat, & remunerat : & ideo non est simile ex parte ista, & ex illa.

6. Ad illud quod obijciatur, quod opera multiplicata non valent ad præmium accidentale, quia non allequantur aureolam, dicendum quod accidentale præmium in plus est, quam aureola. Nomine enim aureolæ non intelligimus quodcumque præmium accidentale, sed illud quod habet quandam prærogativam, & digni-

tatem, sicut & opus cui respondet. Nihilominus gaudium de bonorum operum multiplicatione ad accidentale præmium spectat, cum sine ipso possit haberi vita æterna : & ad hoc quidem faciunt bona opera multiplicata : faciunt etiam ad essentiale præmium aliquo modo, sicut prius ostensum est. Ex his patet responsio ad illud, quod ultimò quærebatur.

DISTINCT. XLI.

An omnis intentio, vel actio eorum, qui carent fide, sit mala. Et quo modo peccatum voluntarium sit, ac voluntate peccetur.



VM QVE intentio, ut supra dictum est, bonum opus faciat, & fides intentionem dirigat : non immerito queri potest, utrum omnis intentio, omneque illorum opus malum sit, qui fidem non habent. Si enim fides intentionem dirigat, & intentio bonum opus facit, ubi non est fides intentio bona, nec opus bonum esse videtur. Quod à quibusdam non irrationabiliter asstruitur, qui dicunt omnes actiones & voluntates hominis, sine fide malas esse, quæ fide habita bona existunt : unde Apostolus ait : Omne quod non est ex fide, peccatum est. Quod exponens August. ait : Omnis infidelium vita peccatum est, & nihil bonum est sine summo bono : ubi deest agnitio æternæ veritatis, falsa virtus est, etiam in optimis moribus. Et Iacobus in Epistola Canonica ait : Qui offendit in uno, scilicet in charitate, factus est omnium reus. Qui ergo fidem & charitatem non habet, omnis eius actio peccatum est, quia ad charitatem non refertur. Quod enim ad charitatem non refertur, ut supra meminit August. non fit quemadmodum fieri oportet, ideoque malum est. Non ergo mandata custodit, qui charitate caret, quia sine charitate nullum mandatorum custoditur. Vnde Augustinus super epistolam ad Galat. ait : Custoditionem legis dicit Apostolus, non inebriari, non occidere, non mæchari, & alia huiusmodi ad bonos mores pertinentia, quæ sine charitate, fide, & spe, impleri non possunt. Nullum ergo mandatum implet, nullum bonum opus facit, qui fidem charitatemque non habet. Impossibile est enim, ut ait Apostolus, sine fide aliquid placere Deo. Quæ ergo sine fide fiunt, bona non sunt, quia omne bonum placet Deo.

Quæ præmissæ sententiæ obijciuntur ex verbis Augustini.

His autem obijciatur quod supra dixit Augustinus, scilicet quod in servili timore : etsi bonum fiat, non tamen bene. Nemo enim inuitus bene facit, etiam si bonum est quod facit. Hic enim dicit bonum fieri, sed non bene, ab illo qui charitatem non habet. Qui enim serviliter timet, charitate vacuus est : de quo tamen hic dicit, quia bonum facit, sed non bene. Qui etiam super illum locum Psalmi : Turtur invenit sibi nidum, ubi reponat pullos suos : dicit quod Iudæi, Hæretici, & Pagani opera bona faciunt, quia vestiunt nudos, & pascunt pauperes, & huiusmodi : sed non in nido Ecclesiæ, id est, in fide : & ideo conculcantur puli eorum. Quibus illi respondent, dicentes bona opera appellari huiusmodi, quæ sine charitate fiunt, non quia bona sint quando sic fiunt, quod evidenter

Rom. 14. d
Lib. Sent.
Prosp. c. 106.

Iacob. 3. b

Dist. 3. d. circa
finem.

Ad Rom. 13.
Alia ex
his in sensu
cap. 5. nm. 4.

Lib. Confess.
1. cap. 11.

In Psal. 83.
à princ. in
sensu. nm. 1.

supra

Dist. 38.

suprà Augustinus docuit: sed quia bona essent si aliter fierent: quia in suo genere sunt bona, sed ex affectu sunt mala.

Aliorum sententia de præmissa questione, quæ quærebatur, si omnis actio eorum mala est, si qui fidem non habent.

Aug. in præfatione in psal. 31. Dist. 40.

Alij verò qui trifariam distinctionem actuum faciunt, opera cuncta quæ ad naturæ subsidium fiunt, semper bona esse astruunt. Sed quod Augustinus mala esse dicit, si malas habeant causas, non ita accipiendum est, quasi ipsa mala sint: sed quia peccant & mali sunt, quia ea malo fine agunt. Item illud aliud, scilicet, bonum opus intentio facit, & intentionem fides dirigit, determinant dicentes, ibi bonum vocatum quod B remunerabile est ad vitam: non quod illud sit solum bonum opus, immò etiam alia plura, licet non ea ratione quæ illud sit, sint bona. Bonum enim multipliciter accipitur, sc. pro utili, pro remunerabili, pro signo boni, pro specie boni, pro licito, & aliis fortè modis. Solæque illa intentio remunerabilis est ad vitam quam fides dirigit: sed non illa sola bona est, ut aiunt. Nam si quis Iudæus, vel malus Christianus necessitatem proximi releuauerit naturali pietate ductus, bonum fecit, & bona fuit voluntas quæ illud fecit.

Hic ponuntur quædam Augustini capitula, quæ retractauit, non quali præuè dicta, sed quo sensu dixerit insinuans.

Cap. 14. to. 1.

Lib. 1. cap. 13. tom. 2.

Post hac inuestigari oportet, qualiter intelligendum sit quod ait Aug. in libro de vera religione. Usque Adeo, inquit, peccatum voluntarium malum est, ut nullo modo sit peccatum, si non sit voluntarium. Huius dicti rationem Aug. aperiens in libro Retract. dicit: Potest videri falsa hæc definitio, sed si diligenter discutatur, inuenitur esse verissima. Peccatum quippe illud cogitandum est, quod tantummodo peccatum est, non quod est etiam pæna peccati, sc. peccatum primum hominis, quod fuit peccatum & causa peccati, sed non pæna peccati, sc. peccatum primum hominis, quod fuit peccatum & causa peccati, sed non pæna. Quamvis & illa, quæ non voluntaria peccata non immerito dicuntur, quia vel à nescientibus, vel coactis perpetrantur, non omnimodo possunt sine voluntate committi: quoniam & ille qui peccat ignorans, voluntate utique facit, quod cum faciendum non sit, putat esse faciendum: & ille qui concupiscente aduersus spiritum carne, non ea quæ vult facit, concupiscit quidem nolens, & in eo non facit quod vult: sed si vincitur, concupiscentia consentit volens, & in eo non facit nisi quod vult: & illud quod in paruulis est originale peccatum, cum adhuc non utantur voluntatis libero arbitrio, non absurdè vocatur voluntarium, quia ex prima hominis voluntate mala contractum est. Non itaque falsum est quod dixi: Usque adeo peccatum voluntarium est, &c. Ecce qualiter accipiendum sit illud scilicet vel de primo peccato hominis, vel de omnibus generaliter peccatis mortiferis: quorum licet quadam dicantur non voluntaria, quæ scilicet per ignorantiam vel per infirmitatem fiunt: eadem tamen ratione ea possunt dici voluntaria, quia sine voluntate non committuntur.

Aliud capitulum.

Illius etiam intelligentia perquirenda est, quod in libro de duabus animabus edidit, inquit: Nusquam nisi in voluntate peccatum est. Quod etiam in lib. Retract. plane determinat, dicens. Potest putari ista falsa esse

A sententia, quæ diximus nusquam nisi in voluntate esse peccatum, cum Apostolus dicat: Quod nolo, hoc facio, Rom. 7. &c. Sed peccatum quod nusquam est nisi in voluntate, illud præcipue intelligendum est, quod iusta damnatio consecuta est, id est, primum hominis peccatum. In eodem quoque libro de duabus animabus, aliud tradidit consideratione dignum, ait enim: Non nisi voluntate peccatur, ipsamque voluntatem definit, dicens: Voluntas est animi motus cogente nullo ad aliquid, vel non amittendum, vel adipiscendum. Huius dicti causam aperiens, & intelligentiæ pandens in lib. Retract. ait: Hoc propterea dictum est, ut hac definitione volens à nolente discerneretur, & sic ad alios referretur intentio, qui in paradiso fecerunt originem mali, nullo cogente peccando, ist est, libera voluntate: quia & scientes contra præceptum fecerunt: & ille tentator suasis ut hoc fieret, non coegit. Nam qui nesciens peccauit, non incongruenter nolens peccasse dici potest: quamvis & ipse quid nesciens fecit, volens fecit. Ita nec tale peccatum sine voluntate esse potuit, sed voluntas facti ibi fuit non peccati voluntas: quod tamen factum fuit peccatum hoc enim factum est quod fieri non debuit. Quis autem sciens peccat, si potest cogenti ad peccatum sine peccato resistere, nec tamen facit, utique volens peccat: quia qui potest resistere, non cogitur cedere: quæ propter peccatum sine voluntate esse non posse, verissimum est. Ex his liquet qualiter superiora accipienda sint.

Rom. 7. d

Cap. 10.

lib. 1. cap. 13. Retract.

Quod mala voluntas est voluntarium peccatum.

Si autem omne peccatum mortale voluntarium est, cum voluntas mala peccatum sit mortale, constat ipsam esse voluntarium peccatum. Quid enim, ut ait Aug. tam in voluntate quam ipsa voluntas situm est. Voluntas itaque mala rectè voluntarium dicitur peccatum quod in voluntate consistit. Voluntas quippe, ut ait Aug. in eodem, est prima causa peccandi, aut nullum peccatum est prima causa peccandi, nec est cui rectè imputetur peccatum nisi peccanti. Non ergo est cui rectè imputetur nisi voluntati. Hoc autem de peccato actuali, & mortali intelligendum est. Neque his verbis aliud voluit ostendere Augustinus, ut ipse ait in Retract. nisi quia voluntas est quæ peccatur, & quæ rectè uiuitur.

In lib. de lib. arb. cap. 3. in princ. tom. 1. cap. 3.

Et lib. Retract. 1. cap. 9. & cap. 22.

Lib. Retract. cap. 9.

DISTINCT. XLI.

Qualiter ex obliquitate intentionis habeat fieri opus malum.

Cumque intentio, ut suprà dictum est, &c.

Expositio Textus.



PRÆ ostendit Magister qualiter actus habeant rectificari ex rectitudine intentionis, & voluntatis. In hac parte intendit determinare, qualiter actus ex defectu intentionis, & voluntatis habeant deprauari. Diuiditur autem pars ista in duas partes. In quarum prima comparat Magister opera ad intentionem deficientem. In secunda verò comparat malos actus, siue mala opera ad voluntatem ibi: Post hac inuestigari oportet, &c. Prima pars diuiditur in tres partes. In quarum prima Magister mouet questionem, & determinat secundum quorundam opinionem. In secunda verò obicit contra illam determinationem, adiungens illi questionem quandam responsum ibi: His autem obicitur. In tertia Magister secundum illorum opinionem,

Diuisio.

qui

Cap. 10. to. 6. lib. 1. cap. 15. tom. 1.

qui trifariam d. distinctionem actuum ponunt, ut in distinctione, precedenti patet, aliam ponit determinationem, ibi: *Alij vero, qui trifariam distinctionem actuum faciunt: ubi innuit quod actiones nostrae diuiduntur per tres differentias, scilicet per bonam, & malam, & indifferentem inter utramque mediam. Similiter secunda pars principalis diuiditur in tres partes: In prima quaerit Magister utrum omne peccatum exterius sit voluntarium siue à voluntate. In secunda quaerit utrum omne peccatum sit in voluntate, ibi: *Illius etiam intelligentia perquirenda est, &c.* In tertia vero concludit quod hoc non solum verum est de peccato exteriori, quod sit voluntarium: sed etiam verum est de peccato interiori: quod quidem consistit circa voluntatis motum, ibi: *Si autem omne peccatum mortale, &c.* Et sic duas quaestiones principaliter determinat Magister in parte 1. a. Quarum una est. Utrum omnis actio mala sit quae non procedit ex intentione recta. Secunda est utrum omnis culpa sit voluntaria.*

Fides intentionem dirigat. Dub. I.

CONTRA: Multi habentes fidem habent malas intentiones: ergo videtur quod intentionis directio à fide non habet esse. Si tu dicas quod de fide loquitur quae per dilectionem operatur, utpote de fide formata, tunc potius videtur quod directio intentionis debuit attribui charitati quam fidei. Item quaeritur iuxta hoc cum directio intentionis aliquo modo attribuitur fidei, aliquo modo charitati, quare similiter non attribuitur spei, cum & ipsa sit virtus theologica, & respiciat finem sicut fides, & charitas.

RESP. Dicendum quod cum intentio duo respiciat, videlicet oculum intellectus, & pedem affectus, duplici indiget directione, unum respiciat aspectum, & hoc est fides. Alterum vero affectum, & hoc est charitas. Et ideo dicit Bernardus quod ad simplicitatem oculi concurrunt charitas, & veritas. Quando ergo Magister dicit quod fides dirigit intentionem, non de quacunque fide intelligit, sed de fide operante per dilectionem, sicut obiectum est: magis tamen dilectionem attribuit fidei quam charitati: quia dirigere in via potius est luminis illustrantis quam virtutis adiuvantis, licet utrumque sit necessarium ad hoc quod homo recte ambulet, & quod lumen videat; & quod pedem rectum habeat. Propter defectum primi non recte incedit caecus, & propter defectum secundi non recte incedit claudus. Ad illud quod quaerit de spe, dicendum quod spei proprie loquendo non est dirigere, sed erigere: quia spes expectat per modum futuri. Vnde quasi dat securitatem quandam ne in via deficiat. Fides autem, & charitas praesentialiter potentias in quibus sunt, in operibus dirigunt: quia una illuminat, & altera inflammat: & ideo una dirigit respectu veritatis, altera respectu bonitatis; & quantum ad haec duo sufficienter attenditur rectificatio animae in suis operibus: & ideo non oportet quod spei attribuitur directio, sed solum erectio, licet illa erectio quodam modo dici possit directio.

Omnis vita infidelium peccatum est. Dub. II.

CONTRA: Infideles habent opera virtutum politicarum: sed virtutes politicae non sunt habitus mali, sed boni: quia non sunt vitia, sed Dei dona: ergo videtur quod opera raillarum virtutum non sunt peccatum. Item infidelis homo potest dare elemosynam, ut Deus manifestet sibi viam veritatis: & in hoc disponit se, ut Deus det ei habitum fidei: sed in hoc quod homo ad gratiam se disponit, non peccat: ergo non videtur quod omnis vita infidelium, siue omnis actio sit culpa. Oppositum autem huius est; quia arbor mala non potest fructus bonos facere: ergo si infideles malam voluntatem habent, & indirectam intentionem, & carent fide, & charitate: ergo videtur quod omnia faciant male, & nihil bene.

RESP. Dicendum quod infideles non peccant in om-

ni sua actione; nam quando eorum actio non repugnat fidei nec bonis moribus, non est ratio aliqua quare in ea, debeat esse peccatum. Quod ergo dicitur in litera, quod omnis vita infidelium est peccatum, dicendum quod hoc non dicitur propter hoc quod omnis actio quam faciunt in tota vita sua sit culpabilis, & demeritoria: sed hoc ideo dicitur, quia per nullam actionem, quam agunt, liberantur à culpa, quandiu in infidelitate persistunt: & ideo sensus est. Omnis vita infidelium est peccatum, id est, non sine peccato. Similiter intelligenda est sequens auctoritas, & aliae consimiles: cum dicitur quod ubi deest agnitio veritatis, falsa est virtus: non quia illa virtus sit vitium, sed quia deficit à vera virtutis perfectione: quia virtus vera dicitur, quae veraciter perducit ad vitam. Ad illud ergo quod obicitur, quod arbor mala non potest fructus bonos facere, intelligenda est locutio per se, id est, si operetur voluntas mala, in quantum mala, videlicet mala intentione. Si autem non per se intelligatur, non est sermo verus nisi intelligatur de bono perfecto, quod quidem est bonum meritorium sed tunc non sequitur: Non facit fructum bonum: ergo facit fructum malum; quia inter tale bonum, & malum est medium, sicut supra ostensum est.

Quamvis & illa, &c. Dub. III.

Innit Magister quod peccata, quae à nescientibus vel coactis perpetrantur, non omnino possunt sine voluntate committi. **CONTRA:** Videtur falsum dicere: "rimum quia voluntarium praesupponit cognitionem, sicut dicit Philosophus: ergo quod sit per nescientiam, vel ignorantiam, est simpliciter involuntarium: ergo committitur sine voluntate."

ITEM coactio inducit violentiam: sed violentia excludit voluntatem: ergo quod sit à coacto, non est voluntarium. Quaeritur ergo qualiter August. intelligit cum dicit, quod quae fiunt per coactionem, & ignorantiam, non fiunt praeter voluntatem.

RESP. Dicendum quod novem sunt gradus voluntarij, secundum quos peccata voluntaria dicuntur secundum plus, & minus. Primo enim, & principaliter dicitur voluntarium, quod est à voluntate nullo inclinante, nec exteriori, nec interiori: sic fuit peccatum Luciferi voluntarium. Secundo modo voluntarium dicitur quod est à voluntate aliquo suggerente exteriori, sed nullo inclinante interiori: & sic fuit peccatum primi hominis voluntarium. Tertio modo dicitur voluntarium quod est à voluntate, aliquo tamen inclinante exteriori, & interiori: & sic est peccatum mortale quod aliquis perpetrat ex deliberatione, & intentione post lapsum naturae. Quarto modo aliquid est voluntarium quod est à voluntate non mouente ad illud directe: mouente tamen ad illud ex quo sequitur, sicut est peccatum omissionis: quo quis omittit ad matutinum surgere, quia voluntarie se inebriavit. Quinto modo aliquid est voluntarium, quod est à voluntate non mouente ad illud directe, non appetente, sed aliud refugiente, sic est peccatum quod homo facit mortis timore. Sexto modo est aliquid voluntarium, quod est à voluntate non plene id quod agit cognoscente; & sic peccatum ex ignorantia dicitur voluntarium. Septimo modo dicitur aliquid voluntarium, quia consequitur ad aliquid quod voluntarie factum est ab illo eodem, à quo illud fit; & sic peccata, quae consequuntur ebrietatem, in qua homo se scienter induxit, dicuntur aliquo modo voluntaria. Octavo modo dicitur aliquid voluntarium, quia est ab aliquo potente prohibere, non tamen prohibente: & sic peccatum veniale quod est primus motus, dicitur esse voluntarium. Nono modo dicitur aliquid voluntarium, quod introductum est à voluntate aliena, sicut à causa prima; & sic peccatum originale dicitur voluntarium. In omnibus istis modis praedictis aliquo modo saluatur ratio voluntarij; proprie tamen & principaliter in duobus modis primis. Et propter-

Vita infidelium omnis quo modo sit peccatum.

Auer. & Arist. 1. Anima contra 3.

Aug. lib. 1. Retra. cap. 13. item 1.

Voluntarium novem modis dicitur.

Bernardus de dispens. circa mediū.

Mat. 7. b

ea dicit Augustinus, quod illud, quod dixerat, scilicet A omne peccatum voluntarium de peccato primi parentis esse, est intelligendum, non quia illud solum sit voluntarium, sed quia illud inter cætera est merè voluntarium. Alia enim aliquo modo voluntaria sunt: licet non ita plene, sicut illud, quod fit per nescientiam, & per coactionem. A d illud verò quod obiicitur, quod tam coactio, quam ignorantia excludit rationem voluntarij, dicendum quod verum est, ubi est omnimoda ignorantia, & coactio sufficiens: sed voluntas nunquam cogitur coactione sufficienti, ideo coactio nunquam tollit rationem voluntarij. Ignorantia verò aliquando est per omnimodam priuationem discretionis: & tunc tollit simpliciter rationem voluntarij. Aliquando verò dicit priuationem alicuius circumstantiæ, remanente nihilominus cognitione actus, & aliarum circumstantiarum, sicut est de illo qui fornicatur nesciens fornicationem esse mortale peccatum, sciens tamen se cognoscere non suam, & tunc minuit, non tamen tollit rationem voluntarij, & sic loquitur Magister in litera. Et per hoc patent illa duo obiecta.

ARTICVLVS I.

AD intelligentiam igitur huius partis incidit hic quæstio circa duo. Primò quæritur de diuisione actionis deliberatiuæ, in bonam, & in malam, & indifferentem. Secundò quæritur de comparatione peccati ad voluntatem. Circa primum quærentur tria. Primò quæritur, vtrum actio deliberatiua diuidatur per bonum, & malum, tanquam per differentias oppositas. Secundò quæritur, vtrum diuidatur per bonum & malum, tanquam per differentias essentielles, & intrinsecas. Tertiò quæritur, vtrum diuidatur per has differentias, tanquam per differentias immediatas.

QVÆSTIO I.

An actio deliberatiua diuidatur per differentias oppositas.

*S. Thom. 2. Sent. d. 40. q. 1. art. 1.
Aegid. Rom. 2. Sent. dist. 40. p. 2. q. 2. art. 2.
Richardus 2. Sent. dist. 40. art. 2. q. 1.
Steph. Brulot. 2. Sent. dist. 41. q. 1.*

Fundamēta.

In postprædicatione de op. pos in fin.

CVM actio deliberatiua diuidatur in bonam, & malam. Quæritur vtrum diuidatur tanquam per differentias oppositas. Et quod sic videtur. Prima contrarietas in moribus est inter bonum, & malum. Vnde Philosophus dicit quod bonum, & malum non sunt in genere, sed sunt genera aliorum: sed prima contraria maximè sunt opposita: ergo bonum & malum circa actionem directam habent oppositionem, & repugnantiam.

ITEM malum dicit priuationem boni, sed priuatio, & habitus directè sunt opposita, &c.

ITEM quæ habent oppositos effectus, directè opponuntur: sed bona actio, & mala, oppositos habent effectus in anima, quia bona actio ornat, & mala deformat, bona ordinat, & mala deordinat: ergo, &c.

ITEM quæ habent oppositas retributiones directè habent oppositionem, sed bona actio, & mala, habent oppositas retributiones, quia vni retribuitur æternum gaudium, & alij æternum supplicium: ergo, &c.

ITEM omnis recta diuisio est per opposita: si ergo actio moralis rectè diuiditur per bonam, & malam: ergo membra huius diuisionis sunt opposita.

1. SED C O N T R A : Opposita nata sunt fieri circa idem, sed impossibile est bonitatem, & malitiam sibi econverterio circa eandem actionem succedere: ergo bonum, & malum circa actionem non habent oppositionem.

2. ITEM omne quod Deus facit, est valde bonum, &

sed eadem actio fit à Deo, & contra Dei prohibitionem: ergo eadem actio est bona, & mala, sed opposita circa idem sunt impossibilia, igitur bonum, & malum circa actionem non sunt opposita.

3. ITEM cum Dominus præcipit seruo dare eleemosynam, & Dominus præcipit ex charitate, & seruus facit cum murmure, eadem actio est meritoria Domino, & demeritoria seruo, sed omne meritorium est bonum, & omne demeritorium est malum, ergo eadem actio est bona, & mala: ergo bonum & malum circa actionem non sunt opposita.

4. ITEM aliquis incipit aliquam actionem ex charitate, & terminat eam ex vanitate, secundum quod dicit Gregorius. Sæpe quod charitas incipit, culpa peragit: ergo vna, & eadem actio potest esse meritoria, & demeritoria: & si hoc, credit idem quod prius: quod bonum, & malum circa actionem non sunt opposita.

5. ITEM bonum & ens conuertuntur, sed ens est in plus quam actio: ergo & bonum: ergo si inferius non diuiditur per suum superius, actio deliberatiua non potest diuidi per bonam & malam, tanquam per differentias oppositas.

C O N C L V S I O.

Actio procedens à voluntate deliberatiua diuiditur per bonam & malam, non solum tanquam per differentias disparatas, sed etiam directè oppositas.

R E S P. Ad Arg. Ad prædictorum intelligentiam est notandum, quod actio deliberatiua nata est habere duplicem bonitatem: scilicet bonitatem naturæ, in quantum est actio procedens ab aliqua virtute, & bonitatem moris, in quantum est procedens à libero arbitrio siue voluntate. Cum ergo quæritur, vtrum bonitas, & malitia circa actionem habeant repugnantiam, ita quod ipsam diuidant tanquam membra opposita, dicendum quod hoc non est verum de bono, prout dicitur à bonitate essentiali, vel naturali: sic enim bonum non est differentia actionis, immò conuertitur cum ente, & reperitur in omni actione. Prout autem bonum dicitur à bonitate moris, sic est diuisiua differentia actionis, pro eo, quod bonum moris in triplici differentia est. Quoddam enim est bonum in genere, quoddam ex circumstantia, quoddam verò bonum perfectum, siue principale, siue secundum se bonum. Et quælibet harum differentiarum habet differentiam mali sibi ex opposito respondentem. Nam bono in genere opponitur malum in genere: bono ex circumstantia opponitur malum ex circumstantia, & bono simpliciter, siue secundum se opponitur malum secundum se, siue demeritorium. Horum autem omnium exempla sunt manifesta. Sic igitur actio procedens à voluntate deliberatiua diuidi habet per actionem bonam & malam, non solum tanquam per differentias disparatas, sed etiam directè oppositas. Vnde rationes, quæ hoc ostendunt, concedendæ sunt.

1. Ad illud ergo quod primò obiicitur quod opposita nata sunt fieri circa idem, dicendum quod si intelligatur de eodem numero, non habet veritatem nisi in subiecto, quod est substantia propriè loquendo. Ipse enim substantiæ est proprium, cum sit vna & eadem numero, quod sit susceptibilis contrariorum: circa actionem autem cum sit accidens, non oportet illud habere veritatem, quod bonum, & malum sint circa eandem actionem numero, sed sufficit quantum ad legem oppositionis, quod habet fieri circa actionem eandem in specie. Alia est etiam ratio, quare bonum, & malum non possunt sibi succedere in eadem actione secundum eandem partem actionis, propter hoc quod esse actionis consistit in successione. Et hoc melius iam patebit.

*Ad oppositum.
In postprædicatione cap. de opposit.*

2. Ad illud quod obiicitur, quod omne quod Deus A facit, est valde bonum, dicendum quod illud intelligitur quod ad bonum naturæ; illi autem bonitati non repugnat malitia moris, immo eam præsupponit, & ideo eadem actio potest à Deo fieri, & nihilominus esse prohibita: ex hoc tamen non sequitur quod non sit contrarietas inter bonitatem moris, & malitiam. Vnde impossibile est quod una & eadem actio sit simul, & semel in prohibitione, & in præcepto.

3. Ad illud quod obiicitur, quod eadem actio est meritoria, & demeritoria, dicendum quod bonum, & malum meriti, & demeriti circa actionem non dicunt qualitates absolutas, sed comparationes diuersas. Vnde actio bona non est aliud, quam actio ordinata in finem: refertur autem actio in finem per intentionem. Quoniam igitur una, & eadem actio potest esse à duplici intendente, & à duplici intentione: ita quod ab uno sicut à principali motore, ab altero verò sicut ab instrumento; & una illarum intentionum potest esse recta, & altera illarum obliqua; hinc est quod una & eadem actio potest esse bona, & mala per comparationem ad diuersa principia loquendo de bonitate, & malitia meriti, & demeriti. Ex hoc tamen non sequitur quod bonum & malum non sint opposita circa actionem. Nam etsi comparantur se circa eandem actionem in comparatione ad diuersas intentiones, non tamen compatiuntur se secundum quod comparantur ad eandem intentionem. Opposita autem respectiva secundum hoc legem habent oppositionis secundum quod ad idem comparantur. Vnde nota quod aliter dicitur bonum de voluntate, aliter de actione exteriori: nam circa voluntatem dicitur qualitatem aliquam superadditam; & ideo impossibile est quod una & eadem voluntas sit simul, & semel bona, & mala. nec absolute, nec in comparatione ad diuersa. Circa actionem verò bonum dicitur comparationem ad debitum principium, & ad finem. Vnde aliquæ duæ actiones per omnia consimiles tam in genere actionis, quam in genere circumstantiarum moralium frequenter differunt in hoc, quod una est meritoria, altera verò non; quia una fit ab habente charitatem, altera verò non habente: & hæc dicta sunt de bono, & malo secundum quod tantum valent, quantum meritorium, & demeritorium: quia secundum hoc currebat obiectionis.

4. Ad illud quod obiicitur, quod actio inchoata ex charitate potest terminari in vanitate, dicendum quod verum est: sed licet illa actio una sit in genere naturæ, non est tamen una in genere moris, pro eo quod etsi sit una voluntas, quæ est principium illius actionis: tamen aliter & aliter est disposita, dispositione, inquam, quæ variat in genere moris, sicut est intentio recta, & obliqua.

5. Ad illud quod obiicitur, quod bonum est in plus, iam patet responsio; obiicit enim de bono naturæ: & hoc modo non est differentia diuisiva actionis deliberatiuæ.

QVÆSTIO II.

An diuisio deliberatiua sit per differentias essentielles, vel accidentales.

S. Thom. 2. Sent. dist. 40. q. 1. art. 2.

Egid. Rom. 2. Sent. dist. 40. p. 2. q. 2. art. 2.

Richardus 2. Sent. dist. 40. art. 2. q. 2.

Steph. Brulef. 2. Sent. 41. q. 2.

Ad oppositum.

V T R V M hæc diuisio sit per differentias essentielles, aut per accidentales. Et quod per essentielles, videtur. Accidentia sunt transmutabilia circa subiectum: sed bonitas, & malitia nullo modo transmutantur circa actionem, ut illa actio, quæ modo est bona eadem numero, post modum sit mala, vel è conuerso: ergo bonitas, & malitia non sunt differentie accidentales actionis: & sunt accidentales, vel essentielles: ergo, &c.

2. I T E M quamvis quædam accidentia sint inseparabilia secundum rem: tamen omnia sunt separabilia secundum intellectum: sed quædam actio est ita mala quod nunquam potest esse, nec intelligi bona, utpotè blasphemare, & odire Deum: ergo videtur quod malitia non accadat tali actioni.

3. I T E M contingit aliquem habitum esse essentialiter bonum, utpotè charitatem, & gratiam: aliquem essentialiter malum, ut inuititiam & lasciuiam; ergo pari ratione cum actus sint quasi ex habitibus, videtur quod aliqui actus sint essentialiter boni, & aliqui essentialiter mali, loquendo de bonitate, & malitia moris.

4. I T E M generi respondet species: ergo cum sit bonum in genere, & malum in genere, vtrique respondet bonum, & malum speciale, siue per modum speciei se habens: sed genus est essentialiter speciei: & species etiam addit supra genus differentiam essentialiter: ergo necesse est aliquam actionem ponere quæ sit essentialiter & bona in genere, & bona ex circumstantia: pari ratione & de actione mala: videtur ergo quod diuisio prædicta sit per differentias essentielles, & intrinsecas.

S E D C O N T R A : Augustinus in quarta responsione contra Pelagianos: Peccatum non est natura aliqua, sed actus accidens ex defectu boni: sed omne quod inest alicui incidenter, inest ei accidentaliter: si ergo omnis malitia est incidens, nulla malitia est essentialis alicui actioni: ergo omnis est accidentaliter.

I T E M differentie essentielles sunt constitutiue eorum quorum sunt differentie: & differentie constitutiue ex eisdem principiis manant, ex quibus manant ipsa constituta: sed malitia non habet causam effectiuam, sed defectiuam: actio verò causam effectiuam habet.

I T E M actio est à Deo, malitia non; ergo impossibile est quod malitia sit alicuius actionis differentia essentialis.

I T E M differentie essentielles non alternantur circa diuiduum eiusdem speciei: sed actiones, quæ sunt eiusdem speciei, differunt per bonitatem, & malitiam: quia una est bona, & altera mala: ergo bonum, & malum non sunt essentielles differentie actionis.

I T E M differentia essentialis aliquid addit supra illud quod diuidit; sed malum non addit aliquid supra actionem, sed potius priuat: ergo malum non est actionis differentia essentialis.

C O N C L U S I O.

Malitia, si actio consideretur, ut actio, est velut accidens commune & separabile: si autem ut hæc actio, est velut accidens inseparabile: si autem ut talis actio, est velut differentia essentialis. Ita & de bonitate dicendum est.

R E S P. A D A R G. Ad prædictorum intelligentiam est notandum quod idem est querere, vtrum hæc diuisio actionum alia bona, alia mala sit per differentias essentielles, quod est querere, vtrum bonitas, & malitia sint proprietates, vel conditiones essentielles actioni voluntariæ. Et licet istud aliquo modo videatur posse concedi ei, qui sustinet illam opinionem quod non omnis actio à Deo est: tamen secundum illam opinionem, quæ communiter sustinetur, quod omnis actio à Deo est: & secundum id, quod naturaliter est, bona est, concedi non debet, nec potest rationabiliter sustineri, quod malitia essentialis sit actioni, cum potius dicat defectum circumstantiæ alicuius, quæ accidebat actioni. Si enim non accideret, non posset priuari actione manente. Attendendum est tamen quod malitiam contingit tripliciter comparare ad actionem. Aut secundum quod est actio aut secundum quod hæc actio, aut secundum quod est talis actio. Si comparetur malitia ad actionem secundum quod actio, sic tenet rationem accidentis separabilis & communis. Rationem accidentis separabi-

Fundamēta.
Lib. 4. Hypo.
in prin. 117.

lis tenet in hoc quod actio, quæ consuevit fieri cum culpa, potest causa aliqua interueniente fieri absque culpa. Rationem verò accidentis communis tenet, quia circa actionem eiusdem speciei contingit malitiam in aliquibus inueniri, in aliquibus verò non: sicut aliquis prædicando fidem Christi ex vana gloria peccat, alius verò meretur. Licet autem malitia respectu actionis consideratæ in genere habeat aliquo modo conformitatem ad accidens separabile, & commune: non tamen propriè est accidens tale, quia non dicit ens, sed defectum entis. Si autem comparatur malitia ad actionem, secundum quod est hæc actio, sic tenet rationem accidentis inseparabilis, & proprii. Rationem tenet accidentis inseparabilis in hoc, quia illa actio eadem numero: quæ est mala non potest esse ulterius bona, propter hoc quod eadem numero resumere non potest. Rationem verò accidentis proprii tenet aliquando, licet non semper: in hoc quod illa malitia ortum habet ex proprietatibus agentis, & patientis, ex quarum comparatione necessariò surgit inordinatio: sicut patet cum filius cognoscit matrem, vel cum homo blasphematur Deum. Vnde sicut inseparabiliter adhæret propria passio subiecto, sic inseparabiliter adhæret malitia huic actioni; non est autem malitia propria passio huius actionis, tum quia non dicitur de ea conuertibiliter, tum quia non dicit positionem, sed priuationem. Si verò comparatur malitia ad actionem secundum quod talis actio est, sic potest habere rationem differentiatæ essentialis. Sicut enim albedo est essentialis homini albo secundum quod est albus: quamvis non sit essentialis secundum quod homo, sic malitia est essentialis actioni malæ secundum quod mala. Quamvis autem aliquo modo dicatur essentialis, non tamen dicitur essentialis, quia dicat veram essentialitatem, sed quantum ad modum se habendi. Et quoniam quæ iam sunt nomina, quæ imponuntur actionibus, non secundum quod sunt actiones tantum, sed secundum quod sunt deformes: hinc est quod talia mox nominata continenda sunt malo: & sicut castitas ponitur in genere boni essentialiter, sic adulterium, & mendacium ponitur in genere mali essentialiter. In hoc enim nõ significatur quod defectus sit essentialis actioni, sed quod defectus essentialis est actioni secundum quod defectiva. Quod autem dictum est de malitia moris, hoc ipsum intelligendum est & de bonitate. His visis, plana est responsio ad quæstionem, & etiam ad obiecta. Concedo enim quod hæc diuisio actionis non est per differentias essentielles, & intrinsecas. Et rationes, quæ hoc ostendunt, concedendæ sunt.

1. Ad illud quod obiicitur, quod accidens potest transmutari circa subiectum, dicendum quod illud non habet veritatem in omni accidente, nec respectu cuiuscunque subiecti: sed respectu subiecti permanentis & fixi. Quando enim accidens comparatur ad aliquod successuum, hoc ipso quod adhæret ei, inseparabiliter adhæret; quia illud statim transit in præteritum, & efficitur intransmutabile, & amplius idem numero resumere non potest. Actus enim numeratur subiecto, & tempore, & specie, siue termino: & ideo sicut est alius actus, cuius est aliud principium, & alius terminus, sic est alius actus cuius est mensura alia, & aliud tempus, intermissione, & renouatione facta in ipso actu: & ideo quamvis motui accidat velox; & tardum: tamen motus, qui est velox secundum eam partem secundum quam est velox, nunquam potest esse tardus: sic & in proposito intelligendum est.

2. Ad illud quod obiicitur, quod accidentia dicuntur esse separabilia saltem in intellectu, dicendum, quod nunquam malitia sic adhæret alicui actioni, quin essentialitè illius actionis possit præter malitiam considerari. Cum enim dico actionem malam, dico actionem, & dico etiam defectum, & vtrumque per se diuisim possum considerare. Similiter cum dico actionem huiusmodi, & actionem hanc, duo dico: quia & monstro ipsam substantiam: & etiam accidentia, sub quibus substantia ipsa

oculis carnis, vel mensuris habet esse conspicua: & vnum potest præter alterum considerari, & intelligi: malitia autem non adhæret inseparabiliter actioni huius substantiæ ratione substantiæ substratæ, sed potius ratione proprietatis, vel qualitatis superadditæ: & sicut substantia illa poterat intelligi sine illa proprietate, sic & actio sine malitia.

3. Ad illud quod obiicitur, quod aliquis habitus est essentialiter bonus, & aliquis est essentialiter malus, dicendum quod etsi concedi possit aliquem habitum essentialiter esse bonum: non tamen concedi debet aliquem habitum essentialiter esse malum, secundum quod est habitus. Nam habitus secundum quod habitus dicit ens, & bonum. Quod ergo ipse obiicit de auaritia, & lasciuia non valet, quia huiusmodi non sunt nomina habituum animæ secundum quod sunt habitus, sed secundum quod sunt deformes, & defectiu: licet autem malitia non sit essentialis habitui, secundum quod est habitus: potest tamen ei esse essentialis secundum quod defectiuus: ita etiam contingit reperiri circa actum.

4. Ad illud quod obiicitur, quod bono in genere respondet bonum in specie, & malo in genere similiter, dicendum quod malum in genere, siue bonum non dicitur propriè quod sit genus, sed propter quandam conformitatem, quam habet cum genere, in hoc quod dicit quandam potentiam indifferentem ad hoc quod fiat meritorie, vel demeritorie: & dum per circumstantias superadditas determinatur, quodam modo specificatur: non tamen malum secundum quod malum habet species proprias, pro eo quod priuationes non sunt in genere nisi per quandam reductionem. Vnde specificatio, & distinctio malorum, aut attenditur ratione boni quo priuatur per malum, aut ratione boni, ad quod aliquis conuenitur in actu peccati. Et huius signum est quod non distinguuntur penes auersionem, sed penes conuersionem.

QVÆSTIO III.

An diuisio deliberatiua sit per differentias immediatas.

S. Thom. 1. 2. q. 18. art. 8.

Et 2. sent. d. 40. q. 1. art. 5.

Et de Malo, q. 2. art. 4.

Secus 2. sent. dist. 40. q. 1.

Regid. Rom. 2. sent. dist. 4. p. 2. q. 20. art. 3.

Richardus 2. sent. dist. 40. art. 2. q. 3.

Durandus 2. sent. dist. 40. q. 1.

Steph. Brulef. 2. sent. dist. 41. q. 3.

VTVM diuisio actionis deliberatiuæ per bonam, & malam, sit per differentias immediatas, an sit ponere differentiam tertiam: videlicet actionem indifferentem. Et quod sit per differentias immediatas, videtur. Omnia in gloriam Dei facite. Et; Omnia quæcunque facitis siue in verbo, siue in opere, omnia in nomine Domini nostri Iesu Christi facite. Aut igitur actio nostra est in gloriam Dei, aut non. Si sic: est bona. Si non: ergo omittitur illud quod mandat Apostolus; sed omittere facere quod præcipitur, semper est peccatum; ergo omnis actio, vel est meritoria, vel cum peccato: ergo nulla est indifferens. Si tu dicas quod est consilium: hoc non videtur: quia consilium nec datur de omnibus, nec absolute, sed sub conditione: nec peccat quis nolendo facere consilium: horum tria opposita reperiuntur in proposito: ergo non tenent ratione consilij.

2. ITEM: De omni verbo otioso quod locutus fuerit homo, reddet rationem in die iudicij; sed verbum otiosum est, vt dicit Gregorius, quod caret ratione iustæ necessitatis, & intentione piæ utilitatis: sed omne verbum aut habet iustam necessitatem, & piam utilitatem, aut caret illa: ergo si omne verbum aut est bonum, aut otiosum, pari ratione & omne factum: sed de omni otioso reddemus rationem: & non reddemus rationem nisi de malis:

Ad oppositum.

1. Cor. 10. 2. Coloss. 3. 8.

Mat. 12. 6.

Greg. Moral. c. 17. & homil. 6. in Euangel.

ergo omne verbum, vel factum nostrum vel est bonum, vel malum.

3. ITEM Bernardus: In via Dei stare, & non progredi, retrocedere est; sed qui facit actionem non meritoriam non procedit in via Dei in actione illa: ergo per illam actionem retrocedit, & non retrocedit nisi per malam: ergo omnis actio vel est bona, vel est mala, & nulla indifferens.

4. ITEM voluntates per actiones perveniunt ad retributiones: sed nihil est medium, quin omnis voluntas aut sit bona, aut mala: nihil est medium inter retributiones: quin etiam omnes salventur, vel damnentur: ergo videtur quod nihil est medium inter bonitatem, & malitiam circa actiones nostras.

5. ITEM Deus est alpha, & omega, principium, & finis: sed quod non est à Deo sicut à principio, privatum est ratione boni; ergo similiter quod non est ad Deum sicut ad finem, privatur ratione boni: privatio autem boni nihil aliud est quam malum: ergo quod non est ad Deum sicut ad finem, est malum: & quod est ad Deum sicut ad finem, est bonum, hoc constat: sed omnis actio nostra vel est ad Deum sicut ad finem, vel non est ad eum: ergo omnis actio nostra vel est bona, vel est mala.

6. ITEM cum voluntas nostra ex deliberatione facit aliquid, aut quiescit in creatura, aut refert ad Creatorem. Si refert ad Creatorem, bene facit: si quiescit in creatura, male agit, & deordinatur: quia fruitur eo, quo est vitendum: ergo videtur quod voluntas in omni actione sua vel mereatur, vel demereatur.

SED CONTRA: Velle mihi adiacet, &c. Glossa: Est velle gratiæ, & velle vitij, velle naturæ; sed actio respondet voluntati: ergo inter actionem meritoriam, & vitiosam, cadit aliqua actio media: non ergo omnis actio voluntatis nostræ est mala: vel bona, sed quædam indifferens.

ITEM leuare festucam de terra nec est bonum in genere, nec malum: nec etiam bonum ex circumstantia, nec malum similiter quantum est de se, nec est meritorium, nec demeritorium; si ergo bonum moris diuiditur sufficienter per has tres diuisiones, & nihil est in genere quod non sit in specie, videtur quod talis actio non sit bona, vel mala, sed indifferens.

ITEM aliquis comedit, ut satisfaciatur appetitui naturali: talis actio non est bona bonitate meriti, hoc constat: quia non fit propter Deum, nec ad ipsum refertur, nec est mala malitia culpæ: quia peccatum, non concordat naturæ, sed discordat: talis autem actio naturæ est consona: ergo videtur quod aliqua actio nostra medium teneat inter bonitatem, & malitiam.

ITEM si omnis actio nostra esset meritoria, vel demeritoria, cum in eo qui caret charitate, nulla sit meritoria, omnis eius actio esset mala: ergo peccaret in hoc, quod vadit ad Ecclesiam: ergo & in hoc quod facit omnia alia opera; igitur nunquam se disponderet ad gratiam, immo disponendo magis se elongaret.

ITEM nulla est actio bona, & meritoria, nisi quæ sit bona intentione, & mediante illa refertur ad debitum finem: ergo si omnis actio nostra esset bona, vel mala, meritoria vel demeritoria, in omni actione, & cogitatione nostra, quam in Deum non referimus, peccaremus: ergo vix esset aliquis, qui non peccaret millies in die, cum innumerabiles habeamus cogitationes, & affectiones, in quibus nihil cogitamus de Deo: de illis maxime loquor, qui magis intendunt actioni, quam contemplationi.

ITEM sicut charitas est principium omnium bonorum, sic libido, & concupiscentia est principium, & causa omnium malorum: sed multas actiones faciunt homines tota die, quas non faciunt nec ex libidine, nec ex charitate, immo vel ex amore naturali, vel sociali, vel ex quadam urbanitate civili, & consuetudine operandi: non videtur ergo quod omnis actio voluntaria sit immediate bona, vel mala.

A

CONCLUSIO.

Actionis diuisio per bonam, & malam non est per differentias immediatas, cum tertium genus reperiatur operis, quod non est neque bonum, neque malum, tam respectu sui generis, quam respectu operantis.

RESP. AD ARG. Dicendum quod cum quaeritur, utrum actio diuidatur per bonum, & malum, tanquam per differentias immediatas, est quaestio de actione voluntatis deliberatiue, secundum quod deliberatiua est: illa enim est, quæ diuiditur per bonum, & malum. Et quoniam de actione voluntatis deliberatiue dupliciter est loqui, sc. quantum ad genus actionis, & in comparatione ad operantem: dupliciter possunt istæ differentiæ ad actionem comparari: aut secundum genus operis, aut respectu operantis. Si primo modo: sic planum est quod non est diuisio per immediata, immo inter actionem bonam, & malam, actionem indifferentem contingit reperiri mediam: & hoc manifestum est, quia cum triplex sit differentia boni moris; quia est bonum secundum se, siue principale, & bonum ex circumstantia, & bonum in genere; & è contra, cum triplex sit malum, sc. malum in genere, & malum ex circumstantia, & malum secundum se, inter hæc omnia contingit reperiri medium. Nam inter bonum, & malum secundum se quasi media sunt illa, quæ nec sunt bona secundum se, nec sunt mala secundum se, sicut sunt bona, vel mala in genere, vel ex circumstantia. Inter bonum ex circumstantia, & malum ex circumstantia media sunt tam indifferentia quam bona, & mala in genere: omnia enim illa indifferenter possunt fieri bona, vel mala ex circumstantia. Inter bonum autem in genere, & malum in genere, cadit medium indifferens simpliciter, sicut velle comedere, vel velle leuare festucam de terra, quæ non dicuntur bonitatem moris, vel malitiam. Et sic patet quod diuisio actionis per bonam, & malam quantum ad genus operis, non est per differentias immediatas, immo est reperiri differentiam tertiam: & in hoc communiter omnes concordant. Si autem loquamur de bonitate, & malitia actionis in comparatione ad operantem: sic sunt diuersæ opiniones. Nam quidam dicunt quod est diuisio immediata; nihil enim facit homo ex deliberatione quod Deus non reputet ei ad præmium, vel non imputet ei ad aliquod demeritum. Vnde in die iudicii, ut dicunt, de omni actu deliberatiuo rationem reddemus. Et huic positioni videntur consonare verba sanctorum, qui dicunt quod non peribit capillus de capite, nec momentum de tempore, de quo rationem non reddemus sicut dicit Bernardus, & hoc idem videtur dicere Anselmus, quod exigitur à nobis omne tempus impensum, qualiter fuerit expensum. Et ipsa veritas videtur huic consonare, cum dicit quod de omni verbo otioso rationem reddemus. Sed iste modus dicendi, aut multum ampliat viam salutis, aut multum coarctat. Nam ad hoc quod sit opus meritorium, aut dicent requiri actualem relationem illius operis ad Deum, & in particulari, aut dicent sufficere relationem in habitu, & in vniuersali. Si dicunt quod requiritur relatio in particulari, nimis est arcta via salutis, quia tunc in omni opere, quod homo non refert actualiter in Deum, demeretur, & peccat; quod valde seuerum est dicere. Si verò sufficeret intentio habitualis, & in vniuersali, tunc quando aliquis proposuisset in corde suo seruire Deo in principio anni, vel mensis, vel septimanae, vel diei, omnia opera, quæ postea faceret, etiam nihil cogitans de Deo, essent sibi meritoria. Sed si hoc dicatur, valde ampliatur, & laxatur via salutis, & in hoc auctoritatibus sanctorum obuiatur, qui dicunt eam esse valde arctam. Et ideo est alius modus dicendi quodam modo magis temperatus, quam sit ille, videlicet quod quædam sunt actiones deliberatiue voluntatis, quæ respiciunt ipsam directè; quædam verò sunt, quæ respiciunt ipsam secundum quod regit potentias naturales.

1. p. 1. 1. c.
2. 2. 2. b

Fundamēta.
Rom. 7. d

Opinio 1.

Mat. 11. c.
Improbatio.

Opinio 2.

Prima

Prima operatio est locutio, quæ quidem est rationalis, secundum quod ratione utitur. Secunda verò est comestio, vel ambulatio, & consimiles. Dicunt ergo quodd circa illas operationes, quæ respiciunt voluntatem rationalem, secundum quod rationalis est non contingit reperiri medium inter bonitatem, & malitiam: circa alias verò contingit. Vnde bene concedunt quodd non omnis actio deliberatiua, vel bona est, vel mala. Locutio autem omnis vel bona est, vel mala; aut enim est utilis, aut otiosa. Et si otiosa, tunc est mala. Si utilis, tunc est bona. Et propterea Dominus dixit: De omni verbo otioso reddetis rationem: non de omni facto. Et beatus Iacobus in Canon. sua dicit, quodd qui in verbo non offendit, hic perfectus est vir. Et propterea dicit quidd quodd verbum prius debet venire ad limam, quam ad linguam. Sed tamen adhuc iste modus dicendi non videtur plenè satisfacere: nā velle cogitare de veritate, est actus voluntatis secundum quod mouetur rationabiliter: & tamen frequenter homo cogitat de veritate, ita quodd non refert ad Deum: & tamen durum est dicere quodd peccet. Vtcrius potest aliquis loqui alij ex naturali pietate, vel ex civili vrbinitate, sicut qui salutat hominem in via: & tunc valde durum est dicere, quodd peccet, nec potest dici quodd omnis talis locutio sit meritoria. Item si plus est facere, quam dicere, potius reddemus rationem de facto otioso, quam de verbo. Vnde sancti concludunt hoc à minori, ex verbo Euangelij. Et ideo est tertius modus dicendi, quodd in operibus voluntatis deliberatiuæ, est ponere medium inter malitiam, & bonitatem. Nam quædam actio à voluntate deliberatiua procedens, est ordinata in finem debitum, scilicet ad Deum: & hæc quidem est bona: & si sit ex charitate, est meritoria vitæ æternæ merito condigni: si autem fiat extra charitatem, meritoria est merito congrui. Quædam verò actio deliberatiua ex voluntate procedens est non ordinata: & hæc est diuisio per immediata: sed non omnis actio non ordinata ad Deum tanquam ad finem est mala. Quia quædam non ordinatur propter inordinatam conuersionem ad creaturam. Quædam verò non ordinatur propter operantis negligentiam. Quædam verò non ordinatur propter operantis infirmitatem, & mileriam. Prima differentia actionis non ordinatæ est mala malitia commissionis. Secunda est mala malitia omissionis. Tertia verò neutro modo est mala, sed est indifferens. Talis autem actio est, quando quis facit aliquam operationem, ita quodd circa creaturam non afficitur inordinatè: nec tamen illam operationem comparat ad Deum, sed facit propter aliquem finem qui respicit indigentiam naturæ: vt cum aliquis ambulat vt recreetur, vel comedit vt reficiatur: talis actio indifferens iudicatur, quia Deus nec illam remunerat, nec imputat in culpam: & hoc quia in tali actione non est malitia commissionis, quia non est inordinata dilectio: nec etiam omissionis: non enim semper omittit homo, quando actiones suas non refert in Deum. Indulgetur enim naturæ fragili, & infirmæ, vt multa possit talia facere: nec Deus requirit ab homine in tali statu distractionis & miseriar quodd omnia quæ facit referat ad se: requirit tamen aliquando quando est locus, & tempus; & tunc si homo non referat, omittendo peccat. Concedendum est igitur sicut rationes quædam ostendunt quodd diuisio actionis per bonam, & malam non est per differentias immediatas, pro eo quodd inter has differentias contingit reperiri medium, siue actio consideretur secundum genus operis, siue respectu operantis.

1. Ad illud ergo quodd primò obiicitur de illo verbo Apostoli: Omnia in gloriam Dei facite. Respondent aliqui quodd est consilium, aliqui quodd est præceptum, aliqui quodd est finis præcepti, sicut illud: Diliges Dominum Deum tuum, &c. Omnibus autem prædictis modis prædictus sermo potest intelligi. Potest enim accipi affirmatiuè, vel negatiuè. Et affirmatiuè dupliciter: quia hoc signum, *omnia*, potest ibi teneri collectiue, vel distributiue. Si accipiatur negatiuè, sic est præceptum,

A & tunc est sensus: Ita faciatis opera vestra, vt nihil faciatis cōtra gloriam Dei. Si autem intelligatur affirmatiuè: & hoc signum, *omnia* teneatur distributiue, & diuisim, tunc est consilium, & admonitio. Admonet enim Apostolus secundum hunc sensum, quodd quodlibet opus nostrum referamus in Deum, & de quolibet diuisim possumus facere; & vtile est nobis, & expediens si faciamus. Nullum enim est opus deliberatiuum quodd à nobis fiat, quodd quidem non possumus facere propter Deum; & si hoc faceremus, melius faceremus, quam quando non referimus. Si autem prædictus sermo teneatur affirmatiuè: & hoc signum, *omnia*, teneatur collectiue: tunc nec est præceptum, nec consilium, sed finis præcepti, & consilij. Ad hoc enim debemus tendere, & hoc desiderare quodd ad talem statum perueniamus, quodd omnes cogitationes nostras, & affectus in Deum referamus: hoc autem tunc obtinebimus, quando Deum ex toto corde diligemus. Et sic patet, quodd ex auctoritate illa non concluditur, quodd aliquis peccet cum non refert opus suum in Deum actualiter. Nec valet illud quodd obiicitur, quodd non potest esse consilium: non enim hic accipimus consilium proprie, provt proponitur iustis peritis: sed vocamus hic consilium quamcunque monitionem generalem: quæ viam expedit ad perueniendum in salutem, sicut sunt admonitiones Salomonis in libro Prouerbiorum, & consimiles hortationes ad bonum.

2. Ad illud quodd obiicitur, quodd reddemus rationem de omni verbo otioso, dicendum quodd otiosum non dicitur verbum, quia non sit ordinatum in finem solum, sed quia omni caret utilitate, dum tamen aliquam deberet habere: & inter tale otiosum & meritorium, siue bonum cadit medium, quando aliquis facit aliquid quodd non est omnimoda utilitate priuatum: nec tamen est ordinatum in Deum tanquam in finem vltimum: vnde non dicitur homo esse otiosus semper, quando non laborat, sed tunc dicitur esse otiosus, quando non laborat, & deberet laborare. Frequenter tamen illa verba, quæ videntur esse inutilia, vtilia fiunt dum ordinantur ad recreationem aliquam spiritus, & exclusionem accidia, secundum quod refertur beatus Bernardus dixisse, cum quendam fecit cespitare: otiosum, inquit, fuit factum, sed non otiose factum: fecerat enim hoc ad lætificandum illum, quem viderat mœstum.

3. Ad illud quodd obiicitur, quodd in via Dei stare, & non progredi, est retrocedere, dicendum quodd verum est, quodd quando homo stat cum deberet ambulare: & quantum ad illud tempus dicit Bernardus, quodd non peribit momentum de tempore. Et Anselmus quodd exigitur à nobis ratio qualiter tempus fuerit expensum. Si autem queratur quando, hoc est difficile; imò impossibile determinare, qui diuersis personis diuersimodè se offert opportunitas exeundi in bonas operationes, & in bonas affectiones, & intentiones; & ideo sancti vt reddant nos sollicitos terrent nos, & Dominus ipse cum dicit; Quod vni dico, omnibus dico, vigilate.

4. Ad illud quodd obiicitur, quodd non est medium inter voluntates, & retributiones, dicendum quodd non est simile, pro eo quodd omnis homo qui nascitur, nascitur cum peccato, à quo non liberatur nisi per gratiam, & illa gratia amittitur per culpam; vnde necesse est voluntatem esse gratam, vel odiosam, & quia retributiones respondent personis, hinc est quodd omnes, qui non saluantur, damnantur, ita quodd non est medium; non sic autem est de actione, quia à voluntate, in qua est libido potest aliqua actio exire etiam præter libidinem moris. Vnde sicut istud argumentum non valet; Voluntas non potest esse sine libidine, vel gratia; ergo non potest mouere sine libidine, vel gratia; sic nec argumentum prius dictum.

5. Ad illud quodd obiicitur, quodd omne quodd non est à Deo, est priuatum bono; ergo similiter omne quodd non est ad Deum, dicendum quodd non est simile,

Iacob. 3. 4

Improbatio.

Opinio 3.

Scot. dist. præsen. conuenit in conclusio. ne, sed differt in modo dicendi: similiter. S. Tho. 1. 2. q. 18. art. 8. & 9.

Deut. 6. 4

Mar. 13. d

quia ordinatio actionis ad Deum, tanquam ad causam efficientem, vel ad principium, attenditur non solum quantum attenditur ad esse moris, sed etiam quantum ad esse naturæ, & ita respicit esse: ordinatio verò quantum ad finem respicit bene esse, quamvis autem non sit medium inter ens, & non ens, est tamen medium inter bene esse, & male esse moris pro eo quod bonitas moralis non se extendit ad omnes actiones, sicut bonitas naturalis.

6. Ad illud quod obiicitur, quod si voluntas aliquid facit, aut quiescit in creatura, aut refert ad Deum, dicendum quod quiescere dicit aliquid alicubi dupliciter: aut quia sistit ibi tanquam in ultimo fine, & tunc est actio mala malitia mortalis peccati, quando scilicet voluntas ponit creaturam sibi pro fine ultimo, & principali. Aut quia sic ibi sistit, non quia ibi ponit ultimum finem, sed quia non ulterius tendit: & hoc potest esse tripliciter, sicut dictum est supra. Aut ex aliqua inordinata affectione, qua illi rei alligatur. Aut ex negligentia, & torpore, quo negligit referre cum possit & deberet. Aut quia ex quadam imbecillitate, & infirmitate aggrauatur, ut difficile sit ibi omnes actiones suas in Deum convertere: & primis duobus modis est peccatum, tertio modo non. Notandum est tamen quod ad hoc, quod aliqua actio sit meritoria, non oportet quod semper quis eam referat actualiter in Deum, sed sufficit relatio habitualis: Habitualementem relationem voco, non quia habeat charitatem, per quam sit habilis ad referendum, sed quia in primordio operationis illius, vel alterius, ad quam illa consequenter se habet, intentionem habet ad Deum directam. Unde si aliquis intendit dare pro Deo centum marcas, & incipit dare, & cogitat de Deo in prima marca, & in aliis non cogitat, nihilominus omnes dationes illæ sunt ei meritorie, & fructuosæ, si autem opus alterius generis inciperet, oportet quod intentio renouaretur ad hoc, ut opus esset meritorium. Per hunc etiam modum intelligitur esse in viris religiosis, qui in principio ex charitate deuenerunt portare religionis pondus: quidquid enim faciunt, quod ad suæ religionis obseruationem spectat, ex prima intentione est eis meritorium ad salutem, nisi fortè (quod absit) contraria intentio superueniat. In aliis autem, quæ ad religionem non spectant, secus est, quia illa intentio non se extendit ad alia habitualiter: & ideo non est paræ securitatis, & utilitatis religionem intrare. Fuerunt tamen qui dixerunt quod habitualis intentio solum sufficit ad meritum satisfactionis. Opus enim est satisfactorium, si fiat in charitate: ad hoc autem, quod opus sit meritorium vitæ æternæ, dicunt necesse esse concurrere actualementem intentionem, quia nullum opus est meritorium, nisi fiat à charitate actualiter mouente. Probabilius tamen est dicere, sicut dictum est, quod ad utrumque sufficiat relatio habitualis. Relationem autem habitualementem voco, non qua quis in generali refert ad Deum omnia opera diei, vel anni: sed qua quis refert aliquod opus ad Deum: ita quod opus sequens directam habet ad opus primum ordinationem, & consequentiam: sicut est in illo qui dat centum marcas, vel intendit ire ad sanctum Iacobum: in aliis autem non habet locum. Habitualementem etiam intentionem, siue relationem voco, quando non præcogitato in actu: ut tunc, sine ultimo, siue Deo, ex sola boni operis consideratione ipsa charitas prompta, vel aliqua alia virtus charitate informata ad ipsum bonum opus inclinat: sicut vir obediens meretur obediendo prælato sibi præcipienti, etiam si nihil de Deo cogitet, sed solum consideret quod bonum est obedire.

ARTICVLVS II.

CONSEQUENTER quæritur circa secundum principale, scilicet de comparatione actionis malæ ad voluntatem. Et circa hoc quærentur tria. Primum quæritur, utrum omne peccatum actuale, tam mortale, quam veniale sit voluntarium. Secundò quæritur, utrum om-

ne peccatum mortale sit circa voluntatem, sicut circa subiectum. Tertiò quæritur, utrum puniri, sicut etiam peccare, sit ipsius voluntatis proprium.

QVÆSTIO I.

An omne peccatum actuale sit voluntarium.

Alex. Alensis 2. p. q. 107. Membr. 1. art. 2.
S. Thom. 2. Sent. d. 41. q. 2. art. 1.
Egid. Rom. 2. Sent. p. 1. dist. 41. q. 2. art. 1.
Richardus 2. Sent. dist. 41. art. 2. q. 1.
Durandus 2. Sent. dist. 41. q. 2.
Thom. Argent. 2. Sent. dist. 41. q. 1. art. 4.
Steph. Brulef. 2. Sent. dist. 4. q. 4.
Gabriel Biel 2. Sent. dist. 41. q. 1.

UTRUM omne peccatum actuale sit voluntarium. Et cum certum sit de mortali quod sic quæritur de veniali. Et quod omne peccatum veniale sit voluntarium, videtur sicut dicit Augustinus, & habetur in litera: Vtique adeo peccatum voluntarium est, ut nullo modo peccatum nisi sit voluntarium: ergo si peccatum veniale peccatum est: ergo necesse est ipsum esse voluntarium. Si tu dicas quod omne peccatum est voluntarium, aut voluntate propria, aut voluntate Adæ: & veniale peccatum, quia voluntarium Adæ. Obiicitur contra hoc quia si ad rationem peccati venialis sufficit, quod sit voluntarium voluntate Adæ, cum illud peccatum, quod Adam transfudit in nos, sit peccatum originale, veniale peccatum esset originale: quod si hoc est falsum, restat quod & primum.

ITEM motus inordinati, & ad illicita qui dicuntur esse in nobis peccata, non sunt peccata, nec in paruulis, nec in furiosis: hoc autem non est, nisi quia non mouentur vsu rationis, & voluntatis: ergo videtur quod huiusmodi peccata sint in nobis voluntaria voluntate propria.

ITEM quando stomachus exinanitus ante horam comestitionis appetit comedere, nulla est ibi culpa: quamvis sit ille appetitus immoderatus & ad illud quod non licet tali tempore: hoc autem non est nisi quia motus ille inest de necessitate: ergo videtur quod ad hoc, quod aliquis motus ad illicitum sit veniale peccatum, necesse sit ipsum esse voluntarium.

ITEM omne quod quis facit, aut facit naturaliter, aut facit voluntarie, aut violententer. Si igitur venialia committimus: aut ex eo per violentiam, aut per naturam, aut per voluntatem. Si per violentiam: ergo nulla est ibi culpa. Si per naturam, similiter, quia in his, quæ sunt naturaliter, non est culpa: ergo si peccatum veniale culpa est, necesse est quod sit à voluntate.

ITEM demonstrato aliquo veniali, aut potest aliquis vitare hoc peccatum, aut non potest. Si non potest, & nullus peccat in eo quod vitare non potest: ergo committendo hoc peccatum, non peccat. Si potest vitare, & quod committimus potentes vitare, committimus voluntariè: ergo, &c.

1. SED CONTRA: Septies in die, &c. Glossa: Singulis diebus per necessitatem, vel fragilitatem carnis, vel volentes, vel inuiti peccamus. Si ergo peccamus venialiter, vel velimus, vel nolimus, videtur quod non omne peccatum veniale sit voluntarium.

2. ITEM Augustinus in libro Retract. Sunt, inquit, quædam necessitate facta improbanda, ut qui vult recte facere, & non potest. Unde est illud Apostoli: Non quod volo, hoc facio bonum, sed quod odi malum: sed talia sunt peccata venialia: ergo aliqua venialia sunt de necessitate, non ergo à voluntate.

3. ITEM August. 19. de Civitate Dei: Nonnullum vitium est, cum caro concupiscit aduersus spiritum, sed caro concupiscit aduersus spiritum frequenter ipso nolente, sicut in litera habetur: ergo vel it, nolit homo peccat venialiter: non ergo omne peccatum veniale est voluntarium. Minor probatur in litera. Ille qui concupiscit aduersus spiritum carne, non ea, quæ vult facit,

Fundamenta

De ver. relig.
c. 14. & 1.
Retract. 13.
rom. 1.Ad opposi-
tum.
Prov. 24. 6Lib. 1. c. 9. 10
1. & lib. 3. de
lib. arb. c. 18.
rom. 1.Cap. 4. m. 1
m. 10. 5.Lib. 1. Rom.
c. 13. 10. 1

concu

concupiscit quidem nolens, & in eo facit quod nō vult.

4. ITEM peccata venialia sunt in nobis ex repugnātia sensualitatis ad rationem, & etiam ex surreptione, sicut sunt primi motus: sed velimus, nolimus est in nobis repugnantia sensualitatis; & multi etiam motus inordinati ex surreptione surgunt: si igitur voluntas non potest sensualitatem domare, & quod est ex surreptione præuenit voluntatem, videtur quod peccata venialia, quæ sunt primi motus, non sunt voluntaria.

5. ITEM aut aliquod peccatum veniale est involuntarium, aut non. Si sic, habeo propositum. Si non; igitur omne peccatum veniale est voluntarium; sed omne voluntarium per voluntatem vitari potest: ergo per voluntatem potest quis vitare omne veniale peccatum; igitur potest quis cauere; ut nunquam peccet venialiter: si igitur hoc est impossibile, quod aliquis diu viuat in hac carne quin committat aliquod veniale, videtur quod necessarium sit ponere aliquod veniale peccatum non esse voluntarium.

CONCLUSIO.

Peccatum quodcumque actuale voluntarium est, siue sit mortale, quod est voluntarium simpliciter, vel sit veniale ex deliberatione factum; quod etiam est simpliciter voluntarium, siue ex surreptione quod secundum quid voluntarium est.

RESP. AD ARG. Dicendum quod voluntarium potest dici aliquid tripliciter: aut voluntate aliena, aut voluntate propria aut partim voluntate aliena, partim voluntate propria. Et secundum hunc triplicem modum distinguendi voluntarium, triplex est differentia peccati. Peccatum namque originale voluntarium est: sed non voluntate eius in quo est, sed voluntate eius a quo, scilicet Adæ. Adam enim voluntaria transgressionem corripit se, & totam posteritatem. Voluntarium autem voluntate propria est peccatum actuale mortale: & hoc quidem genere peccati nullus peccat nisi consentiens. Voluntarium autem medio modo, scilicet partim voluntate propria, partim voluntate aliena, est veniale peccatum: illud maxime quod confurgit ex repugnantia carnis ad spiritum, vel ex corruptione virium animæ; hoc inquam peccatum, quia partim est a voluntate aliena, partim a voluntate propria, ideo quodam modo secundum Augustinum tenet rationem pœnæ, quodam modo rationem culpæ: propterea dicit Augustinus: Quia homo non voluit vitare peccatum dum valuit, inflicto est ut non possit dum velit. Voluntarium, inquam, dicitur per comparisonem ad voluntatem Adæ, quia Adam deliberatiue voluit. Vnde & corruptio subsequuta est, ex qua oriuntur in nobis motus inordinati, qui dicuntur esse peccata venialia. Voluntarium autem voluntate propria, siue peccantis, non est omne peccatum veniale simpliciter, sed secundum quid. Illud enim est voluntarium simpliciter quod est a voluntate præambula, & mouente. Illud autem quod oritur concomitante voluntate, & non prohibente, vel præcauente dum possit prohibere, vel præcauere, dicitur voluntarium quodam modo, siue interpretatiue, pro eo quod talis deordinatio voluntati imputatur. & hoc modo saltem omne peccatum veniale dicitur voluntarium, quia nemo peccat venialiter, nisi cum habet voluntatis vsum: nemo etiam venialiter peccat in eo quod nullo modo potest prohibere; nec etiam potuit præcauere. Venialia enim peccata, etsi omnia non possint præcaueri, nec prohiberi, nullum tamen est singulare peccatum, quod non possit prohiberi, vel quod saltem non potuerit præcaueri. Licet enim aliquis sit status, in quo necesse est aliquem cadere in aliquod peccatum determinatum, illum tamen statum potuit quis præcauere: & ideo si non præcauerit, voluntati eius imputatur, quamvis tunc illud prohibere non possit. Concedendæ sunt igitur rationes ostendentes quod omne peccatum actuale est voluntarium: nam mortale

le est voluntarium simpliciter, veniale autem vel est voluntarium simpliciter, sicut illud quod fit ex deliberatione, ut mendacium iocosum: vel secundum quid siue quodam modo, sicut illud quod fit ex surreptione, sicut sunt primi motus.

1. AD illud ergo quod primo obiicitur in contrarium quod singulis diebus inuiti peccamus, dicendum quod in Glossa illa dicitur aliquis inuitus peccare non per priuationem voluntatis omnimodam, sed per priuationem voluntatis plenæ, siue complacentiæ, & hoc quidem verum est, quod frequenter inuiti peccamus & nobis displicet; quod sic inordinate mouemur: si tamen bene præcauissemus, in hunc actum, vel illū non incidissemus, licet non sic possimus præcauere, quin in aliquod cadamus. Sicut exemplum ponitur in nauta, qui potest præcauere, & custodire, ne aqua per aliquod foramen determinatum ingrediatur: non tamen potest facere quod nullum habeat ingressum.

2. AD illud quod obiicitur, quod quædam necessitate facta sunt improbanda, dicendum quod Augustinus loquitur de necessitate venialium, non quantum ad hoc veniale vel illud determinatè, sed generaliter quantum ad peccata venialia, vel etiam quantum ad aliquod genus venialis peccati: sicut videmus in iuvene & forti, quod nunquam potest omnino vitare motus carnis, licet possit hac hora, vel illa hunc modum, vel illum vitare, & quia nihil impedit, quod sit necessitas quædam in vniuersali, & voluntas quodam modo in particulari: ideo auctoritas illa non obuiat his, quæ dicta sunt.

3. AD illud quod obiicitur, quod nonnullum vitium, est cum caro concupiscit aduersus spiritum, dicendum quod verum est: sed quod subiungit quod necessarium est concupiscere, dicendum quod verum est de concupiscentia, loquendo generaliter; de concupiscentia verò huius, vel illius, hoc tempore vel illo, non est verum. Et quod dicit Augustinus quod concupiscit nolens; & Apostolus: Quod nolo malum, hoc ago; non priuat omnimodè voluntatem, sed hoc priuat quod voluntas non est ibi mouens principale.

4. AD illud quod obiicitur, quod primi motus sunt ex surreptione, & ex rebellionem, iam patet responsio per ea, quæ dicta sunt: verum enim est quod prohiberi, vel præcaueri non possunt generaliter, ita quod nullus infurgit: quilibet tamen per se præcaueri potest. Et ratio huius est: quia nos non ponimus peccatum esse circa primos motus nutritiæ sicut generatiue: actus enim nutritiæ necessarius est ad salutem nutriti, non autem actus generatiue: licet & alia ratio possit assignari: quia nutritiua est corrupta tantum, generatiua corrupta est, & infecta. Prima tamen ratio melius valet. Nam sicut vult Augustinus in primo de Ciuit. Dei: Si aliqua mulier corrumpatur violenter si omnino repugnat, absque omni culpa est: & tamen a delectatione omnino immunis non est. Ait enim sic: Si illa concupiscibilis inobedientia, quod adhuc in membris habitat, præter voluntatis legem, quia lege sua mouetur, ab omni culpa immunis est in corpore non consentientis. Ex hoc patet quod si venialia rationem culpæ habent, hoc est, quia a voluntate in particulari, & diuim vitari, & præcaueri possunt.

5. AD illud quod obiicitur, quod si potest vitari hoc & illud, & sic singulis: ergo omne; dicendum quod hæc est duplex: Iste potest vitare omne peccatum veniale, sicut hæc; Iste potest vincere omnem hominem. Aut quia potentia vitandi, vel vincendi comparatur ad obiectum coniunctum, vel diuim. Si diuim, sic vera est ista: Iste potest vitare, vel præcauere omne veniale peccatum: quia non est dare aliquod, quod non possit vitari. Si autem coniunctum: tunc est falsa: est enim sensus, quod possit facere ut omnino sit absque veniali peccato: & in hoc sensu dicitur, quod non possumus omnia peccata venialia vitare. Nec valet ratio illa: Possum vitare hoc, & illud: ergo omnia simul: immo est ibi figura dictionis, siue ex diuersa suppositione huius, quod dico veniale, siue

nim cap. 21. probare quod de possibili- tate logice seu metaph. possint omnia vitari.

Lib. 1. Retra. cap. 13. 10. 1.

Lib. 1. de Ciuit. Dei. c. 16. 18. 10. 5.

Quod non possint vitari omnia habet Concil. Trid. Sess. 6. c. 11. & cano. 23. sed Andreas de Vogh. l. 14. c. 20. exponit de possibili- tate morali. Nisi in 9.

potius: quia proceditur à pluribus determinatis suppositionibus huius verbi, *potest*, ad unam: sicut si argueretur: *Iste potest ferre hunc lapidem, & illum, & illum, & sic usque ad decem lapides; ergo potest ferre hos decem lapides, & sicut si diceretur: Homo est Plato: homo est Socrates: ergo homo est Socrates, & Plato: præmissæ sunt veræ, & conclusio falsa, & proceditur à pluribus suppositionibus determinatis ad unam. Suppositio autem determinata dicitur, quando terminus non confunditur, sed debet reddere locutionem veram pro uno, sicut est cum dicitur: Homo currit, sic & in proposito intelligendum est, quia hoc verbum *potest*, pro ut accipitur respectu omnis venialis coniunctum, respicit omne veniale tanquam obiectum unum: & dicit unam perfectam potentiam excedentem, & vincentem omnem impulsu ad veniale peccatum: sicut si diceretur: *Iste potest vincere decem homines, vel ferre decem lapides; & sic patet, quod ille processus non tenet, quia non servatur ibi lex illationis recte.**

QVÆSTIO II.

An omne peccatum sit circa voluntatem, sicut circa subiectum.

S. Thom. 2. Sent. d. 41. q. 2. art. 2.

Agid. Rom. 2. Sent. dist. 41 p. 2. q. 1. art. 2.

Ricardus 2. Sent. dist. 41. art. 2. q. 2.

Steph. Brulef. 2. Sent. d. 41. q. 5.

Fundamēta

Anf. de conc. virg. c. 3. & 4.

Arist. in postprad. c. 1. Et de somno c. 7. Anf. ibid.

Ad oppositum.

Dent. 6. c.

VTRUM omne peccatum sit circa voluntatem, sicut circa subiectum proprium. Et quod sic, videtur: Primum per Anselmum in lib. de peccato originali. Nusquam nisi in voluntate peccatum est.

ITEM hoc ipsum probatur tali ratione. Membra, & opera, & quidquid nos sumus, subiecit Deus voluntati: quidquid igitur faciunt, totum imputandum est voluntati: si ergo ea potentia est culpa, cui imputatur, & omnis voluntati culpa imputatur: ergo omnis culpa est in voluntate tanquam in subiecto proprio.

ITEM in ea sola potentia est culpa, in qua nata est esse iustitia, quia opposita nata sunt fieri circa idem: sed iustitia est in voluntate tanquam in subiecto, quia ut dicit Anselmus: iustitia nihil aliud est, quam voluntatis rectitudo: ergo in eadem potentia, scilicet in voluntate est culpa tanquam in subiecto proprio.

ITEM in ea sola potentia est culpa, quæ cogi non potest: nam nullus peccat nisi in eo, à quo liberè potest abstinere: sed sola potentia voluntatis est, quæ cogi non potest: ergo, &c.

ITEM in ea sola potentia est culpa, quæ aliquando denominatur bona, aliquando mala, sed nos non dicimur habere intelligentiam, vel memoriam malam, sed solum voluntatem malam: si ergo accidens denominat subiectum, & culpa denominat solam voluntatem: ergo culpa est in sola voluntate, tanquam in subiecto proprio.

ITEM in ea sola potentia est culpa tanquam in subiecto proprio, ad cuius actum comparatur sicut ad causam proximam, & immediatam: sed nulla potentia animæ est causa proxima, & immediata culpæ, nisi sola potentia rationalis: nam memorari malum, vel intelligere malum non est culpa, sed velle malum culpa est: ergo, &c.

1. SED CONTRA: Nunquam peccatur mortaliter nisi per consensum: sed consensus non tantummodo est voluntatis, sed etiam rationis: si ergo culpa est circa illam potentiam, per cuius actum perpetratur: ergo non tantum est circa voluntatem, sed etiam circa rationem.

2. ITEM non tantum peccatur affectione, sed etiam peccatur oblivione. Sicut dicitur: *Caue ne obliviscaris Domini Dei tui, & frequenter in Scriptura reprehendit eos Dominus, qui eius sunt oblit: ergo si oblitio est in memoria videtur quod non tantum peccatum sit in voluntate, sed etiam in memoria.*

3. ITEM non solum peccatur delectatione, verum etiam cogitatione, secundum quod homo confitetur quotidie, sed cogitatio est intellectus, non affectus: ergo non tantum in affectu, verum etiam in intellectu habet esse peccatum.

4. ITEM non tantum peccatur deliberatione, verum etiam suggestionem, secundum quod vult Gregorius, sed suggestio est in parte sensibili: ergo peccatum non tantum est in parte rationali, sed etiam in parte sensibili.

5. ITEM peccatum est deformitas, formaliter loquendo, sed constat, quod omni peccato imago deformatur: nam quodlibet peccatum quantum est de se gratiam expellit, quæ est reformativa imaginis: ergo si imago non tantum respicit voluntatem, sed etiam alias potentias, videtur quod peccatum non solum in voluntate, sed etiam in aliis potentiis habeat esse.

6. ITEM nullus amat nisi quod iudicat esse amandum: ergo ante amorem inordinatum præcedit iudicium inordinatum: si ergo prævium iudicium inordinatum non potuit esse pœna, quia non præcedit culpam, necesse est quod si fuerit culpa: ergo prius est peccatum in ratione, quam in voluntate, potius igitur videtur, quod subiectum peccati debeat assignari ratio, quam voluntas.

CONCLUSIO.

Peccatum ut dicit culpam est tantum in voluntate. ut autem dicit vitium, si materialiter capiatur, est etiam in aliis potentiis: si autem causaliter adhuc etiam tantum in voluntate.

RESP. AD ARG. Ad prædictorum intelligentiam est notandum, quod peccatum de sua ratione duo dicit. Dicit enim de ordinationem, siue privationem ordinis circa actum alicuius potentie: dicit nihilominus illam de ordinationem ut dignam vituperatione, & punitione: & quantum ad primum peccatum tenet rationem vitij aliquo modo corruptentis: quantum ad secundum tenet rationem culpæ, & demeriti. Cum ergo comparamus peccatum ad subiectum proprium, aut loquimur de ipso in quantum est culpa, aut loquimur de ipso in quantum est vitium. Si de ipso loquimur in quantum est culpa & demeritum, sic proprie, & præcisè respicit liberum arbitrium. Quoniam enim libero arbitrio commissum est regimen totius hominis, si aliqua deordinatio fiat in regno totius animæ, ipsi libero arbitrio imputatur. Vnde si omnia membra, per quæ consummata est, & omnes potentie, in quibus aliqua deordinatio facta est, traherentur in causam, omnia cōquererentur de libero arbitrio, cui subiecta sunt, & ei Dominus totum imputaret, quidquid in eis malum gestum fuit. Vnde si tollatur liberum arbitrium, iam nullo modo erit peccatum. Et quia libertas arbitrij principaliter residet penes voluntatem, sicut in præcedentibus ostensum fuit, hinc est, quod culpa sub ratione culpæ in voluntate tanquam in subiecto proprio dicitur esse. Si autem loquamur de culpa, secundum quod est vitium, sic dupliciter adhuc loqui contingit: cum peccatum dicatur vitium in quantum deordinat aliquem actum alicuius potentie, secundum quod deordinatio illa dupliciter habet comparari, sic & peccatum, ut est vitium. Comparatur autem deordinatio illa ad actum alicuius potentie tanquam ad materiale circa quod, & tanquam ad causale à quo. Si igitur loquamur de illa deordinatione materialiter, sic dico, quod non solum circa actum voluntatis, sed etiam circa actus aliarum potentiarum animæ consistit. Actus enim & memorie, & intelligentie, & aliarum potentiarum animæ subiacentium voluntati deordinari habent per diversa peccata. Si autem loquamur de illa deordinatione causaliter, sic omnis talis deordinatio est à voluntate. Si autem queratur ratio huius dicendum quod ratio huius est triplex. Prima, quia penes voluntatem consistit regiminis dominium. Secunda

cunda

cunda, quia in ipsa reperitur rectitudinis principium. Tertia verò, quia ad ipsam pertinet regiminis complementum. In ipsa namque consistit regiminis dominium; pro eo, quod ipsa aliis potentiis imperat, & ei à nulla imperatur. In ipsa etiam attenditur rectitudinis principium: amor enim principium est rectitudinis, & obliquitatis, sicut ostendit Augustinus: Vnde bonus amor est fundamentum Ciuitatis Dei, & malus fundamentum ciuitatis diaboli. Et ratio huius est, quia amor est radix omnium affectionum, & tantæ adhærentiæ, ut transformet amantem in amatum. Penes etiam ipsam consistit rectitudinis & regiminis complementum, quoniam ipsius obiectum est bonum: bonum autem, & finis est idem. Et quia in directione ad finem consistit bonitatis completio, in obliquatione vero consistit bonitatis amissio: hinc est quod ab ipsa voluntate oritur omne peccatum. Et propterea Aug. in lib. de duabus animabus definiens peccatum, dicit, quod peccatum est voluntas assequendi, vel retinendi, quod iustitia vetat, & à quo liberum est abstinere: per hoc autem quod dicit voluntas assequendi, &c. describit peccatum secundum quod est vitium, & deordinatio, quæ à voluntate ortum habet. Per hoc autem quod dicit, à quo liberum est abstinere, notificat peccatum secundum quod tenet rationem culpæ: quia nemo culpatur in eo, quod vitare non potest, sicut ipse dicit ibidem. Sic igitur patet, quod peccatum, in quantum tenet rationem culpæ voluntatem respicit, ut subiectum: in quantum etiam tenet rationem vitij, respicit voluntatem ut principium, & ut subiectum primum, licet aliquo modo respiciat actus aliarum potentiarum. Vnde rationes, quæ ad primam partem inducuntur, concedendæ sunt.

1. Ad illud ergo quod primò obicitur, quod non peccamus nisi consentiendo, dicendum, quod et si consensus respiciat simul rationem, & voluntatem, principalius tamen, & completius voluntatem respicit, quia in ea consummatur. Quantumcunque enim ratio deliberet, nisi voluntas alterum præoptet, nunquam eligit, nec consentit: & quod est ibi culpæ, & iniustitiæ, hoc est, ratione voluntatis adiunctæ.

2. 3. 4. Ad tria sequentia, quod peccatur obliuione, cogitatione, & suggestione, patet responsio ex his, quæ dicta sunt: nam talia non sunt peccata, nisi quia voluntaria. Vnde nunquam circa actum memoriæ culpa consistit, nec etiam circa actum intelligentiæ, nisi eis immisceat se voluntas, vel antecedenter, vel concomitanter, vel consequenter. Similiter nec suggestio, si est omnino ab extrinseco, est culpa, sed illa, quæ est ab intrinseco, quæ quodam modo voluntaria est, siue quia à voluntate habuit ortum, siue quia à voluntate peccantis non præcauetur.

5. Ad illud quod obicitur, quod peccatum deformat totam imaginem, dicendum, quod et si tota imago deformetur, & vitiatur: illa tamen sola deformatio, quæ est in voluntate, est illa, quæ est ratio inculpandi: & ideo non sequitur, quod culpa respiciat alias potentias animæ sub ratione culpæ: quamvis circa actus earum consistat corruptio vitiosa.

6. Ad illud quod obicitur, quod omnem malam voluntatem præcedit malum iudicium, dicendum quod verum est quantum ad actum voluntatis, qui quidem est consensus plenarius: attamen nunquam in creatura rationali secundum quod instituta fuit, iudicium ertoneū interueniret, nisi voluntas se illo iudicio immisceret: nunquam enim Adam præsumpsisset, vel de se præsumptuose iudicasset, nisi amore voluntatis nimium sibi adhæsisset. Vnde amor mirabiliter peruenit iudiciū. Licet igitur primus Angelus, siue Adam quando peccauit, prius præsumpsit, quam ambierit, illius tamen præsumptionis perversitas à voluntate habuit ortum, & ambitionis scelus in voluntate fuit consummatum: & ita peccatum respicit voluntatem principaliter, tum quia in ipsa primò inchoatur, tum quia in ipsa consummatur: ideo rectè dicitur subiectum primum peccati, quia

& primum est origine, primum etiam complemento, siue consummatione.

QVÆSTIO III.

An sicut peccare, ita etiam puniri sit voluntatis proprium.

Richardus 2. Sent. dist. 41 art. 2. q. 3.

Stephanus Brulof. 2. Sent. dist. 41. q. 6.

VTRVM sicut peccare, sic etiam puniri sit voluntatis proprium. Et quod sic, videtur per Anselmum de originali peccato. Miratur, inquit, forte aliquis, cur per culpam voluntatis membra puniuntur, & sensus, verum non est ita: non enim punitur nisi voluntas, nam nihil est alicui pœna, nisi quod contra voluntatem est: & nulla res pœnam sentit, nisi quæ voluntatem habet: membra autem, & sensus, per se nihil volunt: sicut igitur voluntas in membris, & sensibus operatur, ita in ipsis ipsa aut torquetur, aut delectatur. Ex hac auctoritate habetur quod claudit in se rationem, quod proprium sit voluntatis puniri.

ITEM Augustinus in lib. 83: Quæstionum: Voluntas quippe ipsa punitur, siue sit animi supplicium, siue corporis, ut quæ delectatur in peccatis, ipsa pleatur in pœnis.

ITEM ratione: Opposita nata sunt fieri circa idem: sed voluntarium, & inuoluntarium sunt opposita: sed pœna est affectio inuoluntaria, sicut dicit Augustinus in lib. de libero arbitrio: ergo sicut culpa, quæ est affectio voluntaria respicit voluntatem tanquam illud, à quo est: sic videtur quod pœna respiciat voluntatem tanquam illud contra quod est.

ITEM culpa est meritum pœnæ, sed meritum respectu præmij, & habet rationem ordinis, & habet rationem dispositionis: si ergo dispositio, & illud ad quod disponit, sunt in eodem, & culpa ut in ratione culpæ est, potius respicit voluntatem: ergo, & pœna.

1. SED CONTRA: Quatuor, ut dicit Beda, inflictae sunt nobis pro peccato, scilicet ignorantia, malitia, infirmitas, concupiscentia: sed quod infligitur pro peccato est pœna: ergo ignorantia est pœna: sed constat, quod ignorantia non respicit voluntatem, sed rationem: ergo, &c.

2. ITEM duplex est pœna in futuro, videlicet pœna dāni, & pœna sensus, sed pœna damni, quæ est carentia visionis Dei, non tantum respicit voluntatem, immò multò magis respicit rationem, pœna verò sensus, quæ est in concrematione ignis, multò magis respicit partem sensibilem, & coniunctum, quam respiciat voluntatem rationalem, cum sentire sit passio coniuncti: ergo videtur quod pœna principalius respiciat alias potentias animæ, quam voluntatem.

3. ITEM si pœna respicit voluntatem, aut hoc est, quia est secundum voluntatem, aut quia est contra voluntatem. Si quia secundum voluntatem: ergo nemo puniretur, nisi qui vellet: quod planè falsum est. Si quia contra voluntatem: ergo cum vir iustus voluntarie sustineat omnes pœnas, & maxime Christus nulli viro iusto, nec etiam Christo pœnalis esset aliqua passio, quod manifestè falsum est.

4. ITEM si pœna respiceret voluntatem tanquam subiectum proprium: ergo, sicut nemo potest peccare, nisi qui habet vsum voluntatis, sic nemo posset puniri, nisi qui voluntatis vsum haberet: sed hoc est planè falsum: nam paruuli puniuntur pro peccatis parentum, & multa etiam tormenta patiuntur, non solùm in habitu, verum etiam in actu: ergo, &c.

Fundamēta. Ans. de pecc. orig. 4. & de concept. virg.

Arist. in post. predic. c. 1. & de somn. c. 7.

Ad oppositum.

CONCLUSIO.

Pœna in quantum dicit ultionem respicit voluntatem, cum Deus de voluntate deliberatua vlciscatur: in quantum autem dicit passionem, si sit perfecta pœna, videlicet ut est passio lædens, & affligens, & displicens, similiter respicit voluntatem: quanquam passio tenens semiplenam rationem pœna, videlicet in quantum est lædens & affligens non tantum voluntatem, sed ceteras potentias, & membra corporis respiciat, nunquam est tamen sine voluntate, quia non est in irrationabilibus.

RESP. AD ARG. Dicendum quod pœna ratione pœnæ duo nominatur, videlicet nocumentum naturæ, & instrumentum diuinæ iustitiæ, vnum tanquam materiale, B reliquum tanquam formale. Vnde pœna est ultio, & est etiam passio. Cum ergo pœna comparatur ad aliquid, hoc potest esse aut in quantum ultio, aut in quantum passio. Si in quantum ultio, sic propriè habet comparari ad ipsam voluntatem: Deus enim non vlciscitur se de manu, vel pede, vel aliqua potentia sensitiva, sed de voluntate deliberatua, de qua vlciscitur Deus non solum affligendo ipsam in se, sed etiam affligendo eam in cæteris membris corporis, in quib⁹ ipsa cupiebat delectari. Si autem comparatur pœna ad aliquid, in quantum est passio, sic dicendum est, quod cum non quæcunq; passio pœna sit secundum completam rationem pœnæ, sed passio lædens, passio affligens, passio displicens: sic pœna secundum quod plenè tenet rationem pœnæ, scilicet C pœna, quæ facit hominem esse miserum, adhuc respicit voluntatem ratione sui completiui. Nemo enim plenè miser est, sicut dicit Aug. ex hoc quod patitur solum, sed ex hoc quod patitur, & scit se pati, & non vult se pati. Secundum autem quod passio tenet semiplenam rationem pœnæ, prout dicitur passio lædens, vel affligens, in eo, in quo non est nata esse quantum est de prima cõditione naturæ, sic non tantum respicit voluntatem, sed etiam omnes potetias animæ, & omnia membra corporis, non tamen respicit illa sine voluntate, quia in nullo potest esse pœna, nisi in quo est rationalis voluntas. Vnde bruta quamvis patiantur, non tamen puniuntur. Sic igitur patet, quod pœna, & in quantum est ultio, & in quantum est passio plenè tenens rationem pœnæ directè respicit ipsam voluntatem, ita quod proprium est ipsius voluntatis puniri. Vnde concedendæ sunt rationes, quæ hoc ostendunt. In quantum tamen est passio lædens, vel affligens, habet respicere alias potentias, & etiam corporis organa. Et secundum hoc patet responsio ad rationes, quæ ad oppositum inducuntur.

1. 2. **AD** illud enim quod primò obiicitur de ignorantia, & pœna damni, & sensus, patet responsio. Nam etsi ignorantia dicat priuationem alicuius boni, quod respiciat cognitiuam, & similiter pœna damni, & similiter pœna sensus priuationem delectationis, & quietis partis sensitivæ, totum hoc tamen Deus ordinat ad vindicandum & vlciscendum se de voluntate: ipsa enim est quæ directè aduersatur diuinæ iustitiæ, dum perpetrat iniustitiam: & ideo ordo diuinæ iustitiæ punientis directè respicit illius deordinationis remotionem: ipsa etiam sola fuit, quæ sibi se principium posuit, & Deum derelinquendo contempsit, dum peccauit: & ideo debet per pœnarum multitudinem in seruitutem Dei redigi, quæ dehonoraui Deum voluntariè contemnendo, honoret ipsum inuoluntariè supplicia patiendo.

3. **AD** illud quod obiicitur, quod in viris iustis, & in Christo non fuit pœna inuoluntaria, dicendum, quod ibi non tenet pœna rationem ultionis, nisi relata ad voluntatem Adæ peccatricem, respectu cuius voluntatis omnis pœna est inuoluntaria, quia voluntas peccatrix quærit oblectationem, & quærendo oblectationem refugit passionem.

A 4. **AD** illud quod obiicitur de paruulo, qui patitur pœnas, responderi potest sicut ad hoc.

DISTINCT. XLII.

An voluntas & actio mala in eodem homine, & circa eandem rem, sint vnum peccatum, an plura.

D *V*M autem voluntas mala, & operatio, sint peccatum, quari solet: utrum in eodem homine, & circa eandem rem, hac duo vnum sint peccatum, vel diuersa: ut si quis voluntate furatur, voluntatem habuit malam, qua peccatum est, & actum malum, qui item peccatū est. Hac autem duo diuersa sunt, scilicet voluntas & actio. Sed nunquid diuersa sunt peccata, an vnum? Quidam dicunt vnum esse peccatum: alij verò dicunt, diuersa esse peccata. Quia cum constet hac duo esse diuersa, aut diuersa duo peccata dicuntur, aut duo diuersa non peccata. Quibus alij respondent, hac duo diuersa esse peccata, non plura. Non enim plura peccata sunt, sed peccatum vnum: quia una prauaricatio vel inobedientia in utroque admittitur, siue quando vult, siue quando agit: & vnus est ibi contemptus, sed minor cum in voluntate solum peccatum continetur, maior verò cum voluntati etiam operatio additur: & ideo maius fit peccatum, sed non plura, cum voluntas operi mancipatur.

Alia contra eisdem oppositio.

Sed adhuc eisdem obiicitur. Si vnum tantum illa duo peccatum sunt, cum quis voluntate mali prius concepta, deinde opus patrauerit, non pro aliquo reus est, nisi pro quo ante opus reus erat, cum adhuc in sola voluntate peccatum consistebat. Nullus enim reus est aterna mortis nisi pro peccato, sed peccatum aliud non est admissum actione, quam prius admissum erat voluntate. Non ergo pro aliquo alio iste fit damnabilis actu peccando, quam ante fuerat, cum sola voluntate delinquebat. Ad hoc etiam & illi respondent, dicentes propter peccatū quidē tātū illū furem reū constitui: & quamvis eius voluntas & actio vnū sint peccatū, pro alio tamen reus factus est actu peccando, quam prius erat sola voluntate delinquendo, quia pro actu, qui est aliud quam voluntas, licet non aliud peccatum.

Alia aduersus eisdem obiectio.

Item & adhuc quæstioni instant, dicentes hac duo ideo diuersa esse peccata, quia diuersorum legis mandatorum prauaricationes sunt. Alio enim mandato legis prohibetur actio furti, scilicet: Non furaberis: alio furandi voluntas, scilicet: Non concupisces rem proximi tui. Cum autem hac duo diuersa mandata sunt, quibus illa duo prohibentur, patet illa duo diuersas esse prauaricationes, diuersa igitur peccata. Ad quod etiam illi dicunt, diuersa quidem esse mandata, quibus illa duo distinctim prohibentur, ut Augustinus docet super Exodo. Veruntamen in illis non obseruatis vna tantum prauaricatio incurritur, vnumque contrahitur peccatum, licet duo diuersa illis prohibeantur. Sicut è conuerso duo sunt mandata charitatis, quibus duo præcipiuntur diligere: vna tamen in eis nobis commendatur charitas.

Si peccatum ab aliquo admissum, in eo sit, quovl-
que pœniteat.

Præterea quæri solet, cum, ab aliquo perpetrato vo-
luntariè peccato, voluntas id agendi, & actio trāsierint,
nondum tamen vera habita pœnitentia, utrum illud
peccatum usquequo pœniteat, sit in eo. Quod non esse
videtur: quia voluntas illa, quæ prius fuit, non est, ne-
que actio: quia non vult illud, vel agit, quod antè vo-
luit, & egit. Sed non est ignorandum peccatum duobus
modis dici esse in aliquo, & transire, sc. actu & reatu:
Actu est in aliquo, dum ipsum peccatum ut actio, vel
voluntas, in peccante est. Reatu verò, cum pro eo, si-
ue transierit, siue adsit, mens hominis polluta est, &
corrupta, totusque homo supplicii obligatur perpetuis.
Nec unquam est in aliquo peccatum actu, præter ori-
ginale, quin sit etiam reatu: sed est reatu intelligen-
dum, postquam transit actu.

Quibus modis dicatur in Scriptura reatus.

Reatus in Scriptura multipliciter accipitur, sc. pro
culpa, pro pœna, pro obligatione pœna temporalis vel
æternæ. Si enim mortale est, obligat nos pœna æternæ: si
veniale, obligat nos pœna temporalis: duo enim sunt ge-
nera peccatorum, mortaliū, sc. & venialiū. Morta-
le est, per quod homo mortem æternam meretur. Crimē
enim, ut August. est quod est dignum accusatione, &
damnatione. Veniale autem, quod hominem usque
in reatum perpetua mortis non grauat, veruntamen
pœnam meretur, sed faciliè indulgetur.

De modis peccatorum, qui multipliciter assignantur.

Modi autem peccatorum varias in Scriptura ha-
bent distinctiones, in qua dicitur peccatum duobus mo-
dis committi, sc. cupiditate, & timore, ut Aug. tradit
super illū locum Psal. Incensa igni, & suffossa. His enim
duob. modis dicit omnia peccata mortalia includi. Et
incensa igni ea dicit, quæ ex cupiditate malè incenden-
te oriuntur. Suffossa verò, quæ ex timore malè humi-
liante proveniunt: quod est, quando quis cupit non cu-
pienda, vel timet non timenda. Alibi verò dicitur, pec-
catum fieri tribus modis, sc. cogitatu, verbo & opere:
unde Hier. super Ezech. Tria generalia delicta sunt,
quib. humanum subiacer genus. Aut enim cogitatione,
aut sermone, aut opere peccamus. His aliquando etiam
additur quartus modus, sc. consuetudinis: quod in qua-
triduo Lazaro significatum est. Dicitur quoque ho-
mo peccare in Deum, in se, & in proximum. In Deum,
cum de Deo malè sentit, ut hæreticus, vel quæ Dei sunt
usurpare præsumit indignè participando Sacramentis,
vel quando nomen Dei peierando contemptibile facit.
In proximum peccat, cum proximum iniuste ladit: In
se verò, cum sibi, & non alij nocet.

Quomodo differunt delictum & peccatum.

Variam quoque appellationem habet: dicitur enim
peccatum etiam delictum. Et delictum fortasse est, ut
ait Augustin. in quaest. Levitici declinare à bono. Pec-
catum est, facere malum. Aliud est enim declinare à
bono, aliud est facere malum. Peccatum ergo est perpe-
tratio mali, delictum desertio boni: quod & ipsum
ostendit nomen. Quid enim aliud sonat delictum, nisi
derelictum: & qui delinquit, quid derelinquit nisi bo-
num: Vel delictum est quod ignoranter tamen & pec-
catum nomine delicti, & delictum nomine peccati
appellatur.

De septem principalibus vitiis.

Præterea sciendum est septem esse vitia capitalia,
vel principalia, ut Gregorius super Exod. ait, scil. Ina-
nem gloriam, Iræ, Invidiam, Accidiam, vel Tristi-

tiam, Avaritiam, Gastrimargiam, Luxuriam, quæ, ut
ait Ioannes Chrysost. significata sunt in septem popu-
lis, qui terram promissionis Israel promissam tene-
bant. De iis quasi septem fontibus cuncta animarum
mortifera corruptela emanant. Et dicuntur hæc ca-
pitalia, quia ex eis oriuntur omnia mala. Nullum
enim malum est, quod etiam non ab aliquo horum
originem trahat.

De superbia, quæ est radix omnis mali.

Et superbia tamen omnia mala oriuntur, & hæc, &
alia: quia, ut ait Gregorius: Radix cuncti mali est su-
perbia. De qua dicitur: Initium omnis peccati, est su-
perbia, quæ est amor propria excellentiæ. Cuius qua-
tuor sunt species, ut Augustinus ait: Prima est cum bo-
num quod habet quis, sibi tribuit. Secunda, cum cre-
dit à Deo esse datum, sed tamen pro suis meritis. Ter-
tia, cum se iactat habere, quod non habet. Quarta,
cum ceteris despectis vult singulariter videri. Meri-
to ergo radix omnis mali dicitur superbia. Huic autem
videtur obuiare quod Apostolus ait: Radix omnium
malorum est cupiditas, quia si radix omnium malo-
rum est cupiditas, ergo superbia. Quomodo ergo su-
perbia radix est, & initium omnis peccati?

Quo sensu utrumque radix dicatur omnium malorum,
scilicet & superbia, & cupiditas.

Sed utrumque rectè dictum esse intelligitur, si gene-
ra peccatorum singulorum, non singula generum utra-
que locutione includi intelligantur: nullum quippe ge-
nus peccati est, quod interdum ex superbia non proue-
niat: nullum etiam, quod ex cupiditate aliquando non
descendat. Sunt enim nonnulli hominum, qui ex cupi-
ditate fiunt superbi: & aliqui ex superbia fiunt cupi-
di. Etenim, ut ait Augustinus, homo, qui non esset
amator pecuniæ, nisi per hoc putaret se excellentior em
esse, ideòque ut excellat, diuitias cupit: tali homini ex
superbia oboritur cupiditas. Et est aliquis qui non ama-
ret excellere, nisi putaret per hoc diuitias maiores
habere. Ideo ergo excellere laborat, quia diuitias ha-
bere amat. Huic innascitur superbia, id est, amor ex-
cellentiæ ex cupiditate. Patet ergo quod ex superbia
aliquando cupiditas, & ex cupiditate aliquando su-
perbia oritur: & ideo de utraque rectè dicitur, quod
sit radix omnis mali.

DISTINCT. XLII.

Descendit ad spirituales differentias peccati
in communi.

Cum autem voluntas mala, & operatio, &c.

Expositio Textus.

E VPRÆ ostendit Magister qualiter peccatum or-
tum habeat à voluntate in generali: in hac verò
parte descendit Magister ad differentias peccati. Dini-
ditur autem pars ista in duas partes. In quarum prima
descendit Magister ad differentias peccati communes.
In secunda verò descendit ad vnum peccatum speciale,
quod est inter cætera peccatorum genera magis graue
& abominabile, infra distinct. 43. Est præterea quoddam
peccati genus, &c. Prima pars quæ spectat ad præsentem
distin. tres habet partes: quoniam differentia peccati ad
peccatum potest attendi tripliciter, aut quantum ad
actum, aut quantum ad reatum, aut quantum ad pec-
candi modum. In prima ergo inquit Magister differen-
tiā inter peccata operis, & voluntatis. In secunda inquit
differentiam ex parte reatus, quæ est inter genus pec-
cati

Responsio
quæstionem
determinans.

Ench. c. 54.
65. som. 3.

Prima dist.
post modum
sensu.
Psal. 79. c

Secunda dist.

Tertia dist.

In Louis. art.
20. som. 4.

Greg. Moral.
lib. 31. c. 17.

Ecc. 10. b
Ibid.

Aug. super
Gen. lib. 1.
c. 14. som. 3

1. Tim. vi. b

Ibid. c. 13. in
sensu.

Diuisio.

cati originalis, & actualis, venialis, & mortalis, ibi: *Præterea quæri solet, &c.* In tertia verò subiungit diuersos modos peccandi, siue diuersa genera peccatorum per modum narrationis, ibi: *Modi autem peccatorum varias, &c.* Prima pars diuiditur in duas. In quarum prima Magister mouet quæstionem, & determinat secundum duplicem opinionem. In secunda verò ponit, & respondet obiectionibus, quæ impugnare videntur opinionem magis probabilem, ibi: *Quia cum constet, &c.* Similiter secunda pars, in qua inquit differentias peccatorum quantum ad reatum, duas habet. In prima quæritur, qualiter reatus possit manere, peccato abeunte: in qua accipitur differentia actualis peccati; & originalis quia actuale transit actu & remanet reatu, originale autem è conuerso. In secunda verò ostendit, quod reatus multipliciter accipitur in Scriptura, videlicet pro obligatione pœnæ æternæ, & pœnæ temporalis, ex quo accipitur differentia mortalis, peccati, & venialis, ibi: *Reatus in Scriptura multipliciter accipitur.* Similiter tertia pars duas habet partes. In quarum prima tangit Magister quinque modos diuidendi peccata consuetos in Scriptura. In secunda verò remouet dubitationem, quæ ortum habet ex vna illarum diuisionum, ibi: *Ex superbia tamen omnia mala oriuntur, &c.*

Nec unquam est, &c. Dub. I.

Innuat Magister, quod peccatum interdum est in aliquo reatu, postquam transit actu. Contra: Videtur hoc esse falsum. Aut enim reatus, siue obligatio peccati fundatur super actum peccati, aut super pronitatem, aut super deformitatem. Si super actum: ergo transeunte actu, necesse est ipsum transire: ergo non manet peccatum quantum ad reatum, postquam transit quantum ad actum. Si super pronitatem; ergo cum pronitas remaneat in homine post gratiæ susceptionem, videtur quod reatus remaneat post peccatum etiam post gratiam susceptam, quod est planè falsum. Si super deformitatem, & illa dicit priuationem, & priuatio nihil est: ergo fundatur reatus peccati super nihil: ergo pro nihilo obligatur homo ad pœnam: ergo si nihil est plus in peccato nisi ista tria, non videtur quod peccatum possit remanere reatu, & transire actu. Quæritur ergo super quid fundatur reatus, siue obligatio ad pœnam.

RESP. Dicendum quod secundum quod tria sunt in peccato, scilicet actus peccandi, & habitus pronitatis, siue macula peccati, & tertio defectus; siue boni priuatio, quæ deformitas dicitur: secundum hæc triplex fuit modus dicendi. Quidam enim dixerunt, quod reatus peccati fundatur super actum: nec tamen sequitur, quod reatus transeat cum actu, pro eo quod pro actu præterito potest homo manere obligatus ad pœnam futuram. Cum enim quis ex prauitate actionis suæ reus pœnæ efficitur, etsi actus ille pertranseat, reatus siue obligatio non pertranseat, sicut patet in latrone, vel in eo qui aliquod facinus perpetravit. Sed huic modo obuiat potestas absolutionis à reatu, si enim reatus fundatur super actum præteritum, cum actum præteritum necesse sit esse præteritum, cum est reus non potest esse non reus, quod manifestè falsum est. Alius modus dicendi fuit, quod reatus fundatur super pronitatem, quæ quidè pronitas dicitur esse macula peccati, & illa macula est quasi quædam dispositio reddens animam cremabilem, & ratione amotionis illius maculæ dicimur lauari in sanguine Christi à peccatis nostris. Sed huic modo dicendi obuiat possibilitas amotionis illius pronitatis absque infusione gratiæ: sicut patet quando de auaro fit prodigus, aufertur ab eo pronitas ad auaritiā: si ergo reatus fundatur super illam pronitatem, cum aliquis de auaro fieret prodigus, absque gratia esset à reatu peccati absolutus, quod planè falsum est. Tertius modus dicendi est, quod reatus fundatur super deformitatem; deformitas autem non tantum dicit boni priuationem, sed etiā debitum habendi: & quia peccator debet Deo iustitiā, & honorē: & dum illis priuatur, per peccatum deformatur, ex hoc obligatur

Ad sustinendam pœnam; quia enim debitor erat, & non poterat soluere in operibus: necesse erat ut persolueret in passionibus: Sed huic modo dicendi obuiat reatus multiplicitas. Quot enim peccata homo actualiter perpetravit, tot pœnis reus erit: ex multis autem peccatis eiusdem speciei vna resultat in anima deformitas. Præterea carentia boni in homine obligat ad carentiā summi boni, non ad passionem supplicij, sicut patet in originali peccato: quia remota deformitate per gratiam, adhuc remanet obligatio ad pœnam. Et propterea dici potest quod reatus, siue obligatio ad pœnam est duplex, quidam scilicet respectu pœnæ æternæ, & quidam respectu pœnæ temporalis. Obligatio verò respectu pœnæ temporalis non semper requirit culpam præsentem, sed sufficit ad illam obligationē, quod culpa fuerit præterita, & quod subsecuta fuerit plena emenda. Obligatio autem ad pœnam æternam fundatur super illam culpam: culpa autē, propriè loquendo, non est ipsa pronitas, sed ipsa deordinatio, siue quæ est in actu, siue quæ est in anima. Deordinatio autem in actu consistebat ex conuersione, & auersione: & secundum hanc duplicem comparisonem anima deordinatur cum peccat, & deordinatio in anima ratione auersionis dicitur deformitas: ratione verò conuersionis dicitur macula. Dico ergo quod reatus pœnæ æternæ fundatur super peccatum, & in quantum est deformitas, & in quantum est macula, sed differenter, quia ratione auersionis dignus est priuatione summi boni, ratione verò conuersionis dignus est supplicio. Fundatur etiam reatus super maculam, & deformitatem, quæ est in anima per comparisonem ad actum, per quem illa macula, vel deformitas est introducta; & ideo plurificantur reatus secundum quod plurificantur peccata commissa.

Et per hoc patet responsio ad obiecta. Nam dico quod reatus pœnæ æternæ non simpliciter fundatur super maculam secundum quod dicitur pronitas vel positio aliqua, sed potius secundum quod dicitur deordinatio, & priuatio. Dico etiam quod non fundatur super deformitatem solum ratione priuationis, sed etiam ratione debiti; nec solum ratione auersionis, sed etiam conuersionis: nec solum super peccatum secundum quod est deformitas, sed etiam secundum quod est macula; & hoc est quod dicit Magister in litera; Reatu remanet peccatum in homine, cum pro eo siue transierit, siue adsit, mens hominis polluta est, & corrupta, totusque homo supplicij est obligatus perpetuis: & loquitur hic Magister sicut patet de reatu pœnæ æternæ, non temporalis: reatus enim pœnæ temporalis bene fundatur super illud quod pertranseat.

Modi autem peccatorum varias in Scriptura, &c. Dub. II.

CONTRA: Videtur quod non solummodo varias habeant, immo etiā infinitas: quia sicut vult Philosophus bonum est vno modo, malum autem multifarium. Et ipse etiam Dionysius dicit, quod malum est infinitum: ergo videtur quod in Scriptura non possit habere distinctiones determinatas. Iuxta hoc quæritur de numero, & sufficientia harum distinctionum, quas Magister ponit in litera. Videtur enim quod aliquæ inconuenienter assignentur. Nam cum omne peccatum sit in voluntate ex libidine mota malè, distinguitur peccatum in peccatum, quod est ex amore, & quod est ex timore. Item cum omne peccatum sit in cogitatione, & voluntate, malè distinguitur peccatum per peccatum cogitatione, verbo, & opere. Item; cum omne peccatum sit in Deum, malè distinguitur peccatum per istas differentias in Deum, in se, in proximum. Item cum in omni peccato sit defectus alicuius circumstantiæ, omne peccatum videtur esse omissio: ergo malè distinguitur per commissum, & omissum. Postremò videtur, cum omnis peccati initium sit superbia, quod malè distinguitur peccatum per septem capitalia.

RESP. Dicendum quod Magister in hac parte septem innuit diuisiones peccati secundum septemplexem eius comparisonem. Primò namque peccatum compa-

Improbatio

Opinio 4.

Opinio 1.

Improbatio.

Opinio 2.

Improbatio.

Opinio 3.

Mag. m. r. l. cap. 11.

Peccati diuisiones septem.

ratur

ratur ad causam suam, ex qua habet ortum; & sic illa est diuisio peccati in actuale, & originale. Secundò verò comparatur ad pœnam ad quam terminatur: & sic est illa diuisio peccati in mortale, & veniale. Has duas differentias Magister præmisit supra. Tertio peccatum comparari habet ad motiū: & hoc quidem vel est ad bonum alsequendum, vel ad malum fugiendum: & sic est tertia diuisio, quam Magister ponit in peccatum ex amore, & peccatum ex timore. Quarto peccatum comparari habet ad actum substratum: & sic est quarta diuisio peccati in peccatum cognitionis, verbi, & operis secundum triplicem potentiam, scilicet affectiuam, interpretatiuam & operatiuam: cogitatio enim pro affectione ibi accipitur. Quintò comparatur peccatum ad personam, quam offendit: & sic est quinta diuisio peccati in Deum, & in se, & in proximum. Sextò comparatur peccatum ad mandatum cui opponitur: & sic est illa diuisio in delictum, & commissum: quia delictum est contra præceptum affirmatiuum, & commissum contra negatiuum. Septimò comparatur ad vitia, quæ ex ipso oriuntur: & sic est illa diuisio peccati in septem differentias capitalium. Et sic Magister ponit ibi septem diuisiones secundum septem peccati comparationes: quamvis tamen aliæ diuisiones reperiuntur, ad aliquam harum tamen reduci possunt, pro eo quòd sumuntur secundum aliquam istarum comparationum: sic illa diuisio, qua beatus Ioan. in Canonica sua diuidit peccatum in superbiam vitæ, & concupiscentiam oculorum, & concupiscentiam carnis, reducitur ad illam, quæ est ex parte motiui. Similiter & illa diuisio, qua Isidorus diuidit peccatum in peccatum quod est ex malitia, & infirmitate, & ignorantia. Similiter illa diuisio, qua Gregorius diuidit in peccata carnalia, & spiritualia, quam sumit ex illo verbo: Mundemus nos ab omni inquinamento carnis, & spiritus; reducitur ad illam, qua peccatum diuiditur per comparationem ad actus substratos, & sic patet sufficientia, numerus, & ordo istarum diuisionum. Ad illud ergo quod obicitur, quòd malum est infinitis modis; dicendum quòd etsi hoc verum sit ex parte ipsius mali, & etiam per comparationes, quas habet ad particularia bona, & ad particulares personas: veruntamen ratione boni sibi oppositi, & ratione comparationum generalium, modis finitis, quamvis variis, habet distinguere. Ad illud quod obicitur, quòd diuisiones illæ, quæ hic assignantur non rectè assumuntur, maxime quia in illis tribus primis diuisionibus primum membrum generale est ad omne peccatum, dicendum quòd in illis tribus diuisionibus primum membrum accipiendum est cum præcisione, vt sit sensus quòd peccatum aliud est ex amore tantum, aliud ex amore patiter, & timore: sic & in aliis duobus. Vel dic, quòd diuidit peccatum penes motiū, & actum, & obiectū, prout accipitur proprie, & immediate. Illud verò, quòd obicitur contra illam diuisionem quæ est in delictum, & commissum, non valet; quia non quæcunque ommissio cuiusque bonæ circumstantiæ dicitur delictum, sed illa, quæ est ommissio actus debiti. Ad vltimum dicendum quòd superbia dicitur dupliciter, vno modo prout omnis contemptus, & erectio mentis nomine superbiæ continetur: & sic est initium omnis peccati. In omni enim peccato homo superbit, & se erigit contra Deum. Alio modo dicitur superbia appetitus dignitatis, & honoris: & hoc modo est speciale peccatum distinctū ab aliis peccatis.

Septem esse vitia capitalia, vel principalia. Dub. III.

CONTRA; Quia super illud: Sex sunt, quæ odit Deus, Glossa sex capitalia enumerat, quæ in comparatione septimi minora sunt; & ista non continentur sub illis: ergo videntur esse 14. Item Isidorus super Deuteronomio enumerat octo capitalia, scilicet castrimargiam, fornicationem, philargyriam, triftitiam, iram, cœnodoxiam, accidiam, superbiam: & ita videtur, vel quòd ista diuisio sit diminuta, vel alia superflua. Item; Cum vitia opponantur virtutibus, & nos habeamus habitus virtutum, do-

norum, & beatitudinum, videtur, quòd deberent esse capitalia vitia saltem 21. Item: Cum virtus habeat sibi vitium oppositum penes superabundantiam, & defectum, videtur quòd secundum membrum habituum bonorum debent duplicari habitus capitalium vitiorum, vt sint 42. Iuxta hoc etiam quæritur, cum habeamus capitale vitium penes sensus, tactus, & gustus, vt luxuriam, & gulam, quare non habemus penes alios sensus. Quæritur etiam pro quanto dicatur aliquid capitale peccatum, & de numero istius diuisionis, & sufficientia.

RESP. Dicendum quòd capitale vitium dupliciter potest dici, aut quia præcipuum, & magnū est in genere vitioso, aut quia caput est, & principium aliorum. Primo modo accipitur in Glossa, vbi vocantur illa vitia capitalia, quia magna sunt, & homo dignus est magna pœna. Secundo modo hoc dicitur vitium capitale, quòd est ratio principiandi multa peccata. Vnde Gregorius cumque capitali peccato assignat filius. Peccatum enim hoc ipso ponitur esse caput, & principium alterius, quo eius motiū adeo cadit in animæ appetitum, quòd potest præstare fomentum, & motum, adeo vt ex ipso consurgat quoddam peccati corpus quodam modo metaphoricam continens varietatem ramorum, & membrorum, filiorum, & filiarum. Et hinc est, quòd infidelitas, quæ opponitur fidei, non ponitur esse capitale peccatum, quia error non cadit primò in animæ appetitum: similiter nec prodigalitas, quæ est opposita avaritiæ. Inanis autem gloria vno modo est capitale vitium, alio modo est filia. Nam prout inanis gloria dicit appetitum dignitatis, & excellentiæ, sic est idē cum superbia, & est capitale vitium; & sic accipit Magister in litera, quia animus directe mouetur ad excellentiam, & dignitatem appetendam. Prout inanis gloria dicitur appetitus laudis: sic est filia, quia non desideratur laus humana nisi propter excellentiam. Et sic patet, quòd nō est controuersia inter istam assignationem, & illam Isidori. Isidorus autem accipit cœnodoxiam, siue inanem gloriam pro superbia proprie dicta, & vltimò superaddit superbiam septem capitalibus quasi omnium vitiorum reginam. Sufficientia autem capitalium, & numerus multipliciter potest accipi. Vno modo sic: Cum peccatum capitale sit corruptio, siue pronitas respectu eius ad quòd natura prona est ex corruptione primaria, multiplicari habet sicut multiplicari habet illa pronitas. Pronitas autem illa potest multiplicari ex parte obiecti sic: quia aut attenditur quantum ad appetitum apparentis boni, aut quantum ad fugam apparentis mali. Si primo modo: aut respectu boni interioris, & sic est superbia: aut exterioris, & sic est avaritia: aut inferioris prout spectat ad conseruationem propriæ carnis, & sic est gula: aut ad conseruationem speciei, & sic est luxuria. Si respectu apparentis mali: hoc potest tripliciter esse, aut mali interioris, & sic est inuidia: aut exterioris, & sic est ira: aut inferioris, & sic est accidia, quæ refugit malū carnis. Sed iste modus sumendi non videtur vsquequaq; conueniens. Omnis enim pronitas directe est respectu apparentis boni. Et ideo est alius modus multiplicandi hanc pronitatem secundum diuersitatem virium animæ. Quoniam pronitas aut attenditur in ipsa volūate rationabili secundum se, aut per coniunctionem ad sensibile, aut per coniunctionem ad vegetabile. Si secundum se; sic potest esse tripliciter, aut in comparatione ad Deū, & sic est superbia: aut ad proximum, & sic est inuidia: aut ad seipsum, & sic est accidia. Si per coniunctionem ad sensibile, sic potest esse dupliciter secundum quòd duplex est motiua sensibilis, scilicet concupiscibilis & irascibilis; si per coniunctionem ad concupiscibilem, sic est avaritia; si ad irascibilem, sic est ira. Si attendatur per coniunctionem cum vegetabili, sic potest esse dupliciter aut quantum ad generatiuam, & sic est luxuria: aut quantum ad nutritiuam, & sic est gula. Quantum ad augmentatiuam nulla est, quia illa est purè naturalis. Sed quia ira est spirituale peccatum sicut inuidia, & accidia: adhuc videtur, quòd ille modus assignandi aliquam inconuenientiam sit incognuus. Propterea tertio modo potest dici, quòd

Vitium capitale duobus modis consideratur.

Lib. 31. Mor. cap. 17.

1. Modus.

Improbatio.

2. Modus.

Improbatio

3. Modus.

Isid. lib. 2.
Sen. de summo bono cap. 17. §. 3.
Lib. 31. Mor. cap. 17.
2. Cor. 7. 4

Prou. 6. 6

Isid. colligitur ex lib. 2.
Sen. de summo bono cap. 37.

prinitas ad aliquod apparens bonum, aut est respectu A boni, quod respicit spiritum secundum se, aut respectu boni, quod respicit spiritum in carne. Si respectu boni, quod respicit spiritum secundum se, hoc potest esse quadrupliciter, secundum quatuor conditiones boni, ad quas pronus est appetitus noster. Appetit enim quis bonum sub ratione dignitatis, & hoc per superbiam: sub ratione proprietatis, & sic est invidia: sub ratione severitatis, & sic est ira: sub ratione quietis, & sic est accidia. Si verò sit hæc prinitas respectu boni, quod respicit spiritum in carne, hoc est tripliciter, secundum triplicem conditionem, sub qua spiritus carnalis bonum appetit. Aut enim appetit bonum sub ratione sufficientis, & sic est avaritia: aut sub ratione demulcentis, & sic est luxuria: aut sub ratione reficientis, & sic est gula. Ex his patet sufficientia, & numerus vitiorum capitalium. Non enim accipiuntur per oppositum ad virtutes, nec ad dona, nec ad beatitudines, sed secundum prinitates respicientes conditiones boni apparentis. Patet etiam quare penes alios sensus non habemus capitalia vitia, sicut penes gustum, & tactum, quia in his regnat prinitas amplior, quam in aliis sensibus. Unde si delectationes quaruntur in aliis sensibus, ad has reducuntur: utpote si aliquis velit aspicere mulierem pulchram, ut in ea delectetur, & concupiscat, reducit talis delectatio ad luxuriam. Similiter si quis velit aspicere pulchræ equum, vel librum, ut ipsum habeat, talis delectatio reducit ad avaritiam. Sicut enim appetitus spiritus secundum se quodam modo quietatur si habeat bonum excellens cum proprietate, & securitate, & quiete, & sic appetitus C carnalis quietatur, cum habeat bonum sufficiens, demulcens, & reficiens, nec acquirit, nisi propter hæc tria.

Initium omnis peccati est superbia. Dub. IV.

Psalm. 37. b

1. Tim. vi. b

Initij, & radicis differentia.

Radix quorundam modis accipitur.

CONTRA: Quia dicit Chrysostomus super illud Psalmi: A facie insipientiæ. Omnis peccati initium insipientia est: sed cum non possint esse plura eiusdem initia prima, & principalia, videtur quod superbia non sit initium omnis peccati. Item obiicitur secundum quod Magister obiicit in littera: Radix omnium malorum est cupiditas. Si tu dicas, quod hæc duo sunt radices peccatorum secundum diversam comparisonem, queritur tunc de diversitate radicum, & quid intelligatur nomine radicis, & quæ differentia sit inter capitale vitium, & radicem. Item quæ differentia sit inter initium & radicem.

RESP. Dicendum quod differt dicere initium, & radicem. Nam initium proprie dicit id, à quo in choat motus: radix verò dicit illud, unde trahitur fomentum, & nutrimentum: & ideo cum peccatum trahat fomentum ex parte appetibilis, & dicat recessum à Deo: hinc est, quod initium attenditur ex parte aversionis, & radix ex parte conversionis, proprie loquendo. Et quoniam aversio est ex ratione contemptus: & conversio est ex ratione cupiditatis, siue libidinis: hinc est, quod superbia proprie loquendo dicitur initium, & cupiditas dicitur esse radix. Et quoniam in omni peccato est aversio, & conversio: hinc est quod superbia dicitur initium omnium peccatorum, & cupiditas radix omnium malorum: & simul possunt stare illa duo, accipitur tamen nomen radicis, aliquando pro nomine initij, & è converso. Capitale autem vitium differt à radice in hoc, quod sicut caput dicit principale membrum, & membrum completum, & quod est principium aliorum quantum ad motum & sensum, sic capitale vitium nominat peccatum completum, à quo omnia alia vitia oriuntur, radix verò dicit aliquid sub maiori incomplectione, & ideo proprie loquendo radix non nominat genus peccati determinatum, sed prinitatem libidinis, quæ concurret ad omne peccatum. Unde notandum, quod radix accipitur aliquando generalissime, aliquando generaliter, aliquando minus generaliter. Generalissime, ut cum dicitur libido, siue cupiditas esse radix omnium malorum. Generaliter verò, ut cum dicitur, quod duplex est radix,

amor malè accendens, & timor malè humilians. Amor enim accipitur respectu boni, & timor respectu mali. Minus vero generaliter, ut cum dicitur triplex est radix, scilicet concupiscentia carnis, concupiscentia oculorum, & superbia vitæ, per comparisonem ad triplex bonum, scilicet ad bonum inferius, exterius, & interius. Similiter initium peccati tripliciter potest accipi, siue nominari, aut prout dicit recessum liberi arbitrij à lege maiestatis: & sic dicitur superbia siue contemptus, aut à lege veritatis, & sic est error: aut à lege bonitatis, & sic est insipientia, quæ est contraria sapientiæ. Et sic patet, quod non est contrarietas quando dicitur, quod initium omnis peccati est superbia, & quando dicitur de errore, & insipientia. Patet etiam quod non est contrarietas in hoc, quod aliquando dicitur una radix, aliquando duæ, aliquando tres. Patet etiam differentia initij, & ipsius radicis, & vitij capitalis. Et hæc de generali diuisione peccatorum dicta sufficiant ad præsens.

ARTICVLVS I.

AD intelligentiam huius partis secundum tria, quæ hic determinantur, circa tria incidit hic questio. Primum est hic questio de comparisonem peccati operis ad peccatum voluntatis. Secundò de comparisonem peccati venialis, & peccati mortalis. Tertiò incidit questio, circa modos diuidendi peccatum. Circa primum queruntur duo. Primum queritur, utrum peccatum voluntatis, & operis, sint duo peccata, vel vnum. Secundò, utrum vnum addat ad alterum.

QUESTIO I.

An peccatum voluntatis, & operis, sint vnum, vel duo peccata.

*8. Thom. 2. Sent. d. 42. q. 1. art. 1.
Egid. Rom. 2. Sent. p. 2. dist. 42. q. 2. art. 2.
Richardus 2. Sent. dist. 42. q. 1.
Durandus 2. Sent. dist. 42. q. 1.
Thom. Argens. 2. Sent. dist. 42. art. 1. q. 1.
Stephan. Brulef. 2. Sent. dist. 42. q. 1.
Gabriel Biel. 2. Sent. dist. 42. q. 1.*

UTRUM peccatum voluntatis, & operis, sint duo peccata, vel vnum. Et quod sint plura, videtur super illud Romanorum, repletos homicidiis. Glossa, pluraliter dicit homicidiis, quia aliud est homicidium voluntatis, & aliud homicidium operis. Si sic, est in homicidio; ergo pari ratione & in aliis peccatis.

Ad oppositum. Rom. 1. d

2. ITEM multiplicato inferiori, multiplicatur superior: sed fornicatio exterior peccatum est speciale, voluntas enim fornicandi peccatum est speciale, sed voluntas fornicandi est aliud, quam ipse actus fornicationis: ergo si ista sunt diuersa, & sunt peccata, loquendo formaliter: ergo sunt diuersa peccata.

In postp. 4. in 4. Phys. cont. 132.

3. ITEM multiplicato subiecto, multiplicatur accidens, quod consistit per illud subiectum: sed deformitas comparatur ad actionem, tanquam accidens ad subiectum. ergo ubi multe sunt actiones, deformes, ibi multe deformitates, & ubi sunt multe deformitates, ibi multa peccata, & actio interior, & exterior, sunt diuersæ: ergo sunt in eis diuersæ deformitates: ergo & diuersa peccata.

7. Metaph. cont. 12.

4. ITEM multiplicato vno oppositorum, multiplicatur & reliquum, quia tantum vnum vni opponitur, sed peccatum repugnat præcepto: cum igitur aliud sit præceptum, quo prohibetur actus interior, & aliud, quo prohibetur actus exterior, quia aliud mandatum est: Non concupisces, & aliud: Non mœchaberis: ergo videtur, quod sicut illa sunt duo præcepta, ita actio exterior, & interior sunt duo peccata.

In postp. dic. de opp. fis. Et 3. Metaph. cont. 4.

5. ITEM magis conuenit voluntas interior cum voluntate interiori, quam voluntas interior, cum actione exteriori, sed voluntas interior cum alia voluntate facit duo peccata diuersa: ergo multò fortius voluntas cum actu exteriori sunt diuersa peccata.

Fundamēta.

SED CONTRA: Per se, & per accidens non ponunt in numerum: sicut cum diligo vinum, quia dulce, non dicor diligere duo, sed vnum: sed actio exterior non est peccatum nisi propter voluntatem interiorem: igitur voluntas interior cum actu exteriori non ponit numerum: ergo non sunt duo peccata, sed vnum.

Iac. 2. 6

ITEM actio inchoata non ponit in numerum cum se ipsa consummata; sed peccatum inchoatur in voluntate, & consummatur in opere secundum quod dicitur; Concupiscentia cum conceperit, parit peccatum; peccatum vero cum consummatum fuerit, generat mortem: ergo, &c.

ITEM bonum opus non ponit in numerum cum bona voluntate in ratione meriti. Vnde cum aliquis voluntarie bene operatur, non est ibi duplex meritum, sed vnum: ergo pari ratione nec voluntas interior cum opere exteriori ponit in numerum in ratione demeriti siue peccati.

ITEM formale in peccato secundum quod peccatum est libido, vel potius contemptus Dei, siue auersio: sed cum quis voluntarie opus nefarium perpetrat, non sunt duo contemptus, sed vnus: nec duæ auersiones, sed vna; ergo voluntas interior, & actus exterior non sunt duo peccata, sed vnum.

ITEM multis peccatis multiplex debet infligi pœna, siue renumeratoria, siue satisfactoria: sed pro peccato exteriori consummato non debetur alicui pœna multiplex nec diuersæ imponuntur satisfactiones, sed vna: ergo voluntas interior, & actio exterior non sunt diuersa peccata.

CONCLUSIO.

Voluntas peccandi, & actus exterior peccandi si ordinata sint adinuicem, non sunt duo peccata formaliter: quia interior voluntas, & exterior actus vnum duntaxat complent peccatum.

RESP. AD arg. Dicendum quod dupliciter contingit comparari peccatum operis exterioris, & voluntatis interioris. Vno modo prout ista duo coniuncta sunt, & ordinata, ita quod vnum est ex altero: & sic voluntas interior cum actu exteriori non facit diuersa peccata pro eo quod vnus est ibi contemptus, & vna auersio, & vna conuersio: voluntas enim est, quæ contemnendo auertitur dum ad bonum commutabile conuertitur, non solum quantum ad actum proprium, sed etiam quantum ad actum inferioris potentie, qui ei subiicitur. Quia igitur peccatum secundum quod huiusmodi dicit deordinationem per contemptum, & auersionem à Deo, & conuersionem ad creaturam: hinc est, quod cum ibi sit vna deordinatio patet quod peccatum voluntatis, & operis vnū est, loquendo formaliter, & prout illa coniuncta sunt. Licet autem vna sit ibi ratio deordinandi, plura tamen sunt ibi deordinata: & ideo quāvis peccatum illud vnū sit formaliter, plura tamen sunt ibi materialiter. Si autem comparemus voluntatem interiorem ad opus exterius, prout sunt separata, ita quod vnus peccet voluntate tantum, alius peccet voluntate, & opere: sic peccatum voluntatis, & operis sunt diuersa peccata non solum materialiter, verum etiam formaliter, pro eo quod actus voluntatis, in quo consistit prima ratio deordinandi, numeratur, & est alius, & alius: hoc autem modo non querit Magister in litera, vtrum voluntas interior, & actio exterior sint diuersa peccata: hoc enim non est dubium quod diuersis peccatis peccet quis, si vna vice tantum velit malū, alia vice velit, & perficiat: sed de hoc querit vtrum voluntas interior, & actio exterior sint diuersa peccata, secundum quod vnum ab altero procedit, & vnū alteri coniungitur; & ad hoc respondendum, quod quamvis sint plura opera culpabilia, & plura deordinata: quia tamen vna est ratio deordinandi & vnus est ibi actus voluntatis, nec alter est culpabilis nisi propter illum, vnum, est ibi peccatum. Et huic modo dicendi magis concordat

A Magister in litera respondens obiectionibus, quæ sunt pro parte altera, quæ dicebant illa esse diuersa peccata. Et rectè facit in hoc: quia quamvis aliquid possit dici numerari, ex quadam improprietate solummodo ex parte principij materialis: tamen propriè loquendo non numeratur aliquid ex parte principij materialis, nisi quia cum numeratione ex parte principij materialis concurrat numeratio ex parte principij formalis, sicut albedo numeratur in duobus hominibus albis: non sic autem est in proposito: & ideo rationes, quæ hoc ostendunt, scilicet voluntatem interiorem, & actionem exteriorem esse peccatum vnum, concedendæ sunt.

1. AD illud quod obicitur de Glossa, dicendum quod Glossa aut loquitur materialiter, aut de homicidio interiori, & exteriori prout disiuncta sunt, ita quod vnum alteri non continuatur.

2. AD illud quod obicitur, quod multiplicato inferiori multiplicatur suum superius, dicendum quod illud verum est de illo inferiori, cui suum superius est essentialiter, vel ad quod suum superius comparatur essentialiter: non sic autem est in proposito, quia peccatum etiam dicitur de voluntate, & actione, non dicitur prædicatione essentiali, sed magis accidentali.

3. AD illud quod obicitur, quod multiplicato subiecto, multiplicatur accidens, dicendum quod verum est si subiectum per se multiplicetur, & illud in quo primò est accidens, deformitas autem peccandi non attenditur primò, & principaliter circa exteriorem actionem, nec est ibi tanquam circa subiectum per se, sed est ibi ratione voluntatis interioris coniunctæ: quod patet, quia si actio illa procederet ab alio principio, quam à voluntate, iam non esset culpabilis. Aliter potest etiam dici, quod illud intelligitur quando obiectum pluriatur & secundum rem, & secundum illam rationem, quæ dicitur subiectum; ita quod non solum sunt plures res, sed etiam plura subiecta: quamvis autem actio interior, & exterior sint diuersæ res, non tamen sunt diuersa subiecta deformitatis, sed vnum, pro eo quod sicut ordo potest esse in pluribus, quorum vnum est ab altero, tanquam in vno subiecto, sic etiam & deordinatio. Quoniam igitur deformitas peccati dicit deordinationem à fine: hinc est quod circa actionem interiorem, & exteriorem consistit tanquam circa vnum subiectum, quamvis sint diuersæ actiones, & res. Posset etiam instari contra illud verbum, quod hoc intelligitur de accidente absoluto, & non de accidente relato. Tale enim vnum potest esse in pluribus, dum tamen illa sint adinuicem relata, & ordinata: & per hunc modum se habent actio interior & exterior, quia vna procedit ab altera.

4. AD illud quod obicitur quod multiplicato vno oppositorum multiplicatur & reliquum, dicendum quod verum est secundum quod ei opponitur: præceptum autem quo prohibetur actus exterior, & voluntas interior non est aliud & aliud nisi ex hoc; quod in vno prohibetur voluntas cum opere, & in altero prohibetur voluntas etiam absque opere: & hoc modo bene concedo, quod voluntas interior & actio exterior prout sunt disiunctæ, sunt plura peccata; sed hoc modo non procedit inquisitio præsens, nec inquisitio Magistri.

5. AD illud quod obicitur, quod magis communicas voluntas interior cum voluntate, quam cum actu exteriori, dicendum quod est convenientia formalis, & conuenientia ordinis. Cum ergo dicitur, quod voluntas interior magis conuenit cum voluntate, quam cum actione exteriori, dicendum quod verum est de conuenientia formali, sed non de conuenientia ordinis: quia non sic est voluntas à voluntate, sicut est exterior operatio ab interiori voluntate; & ideo cum sint duæ voluntates, duæ sunt principales deordinationes, & propter hoc duo sunt peccata. Cum vero opus exterius iunctum est voluntati interiori, à qua procedit, vna est ibi deordinatio, & vnum actuale principium deordinationis: & ideo vnum peccatum est ex ista parte, & ex illa parte plura peccata.

S. Tho. 2. 2.
q. 2. art. 1.
Greg. de
Arim. q. 1.
art. 1. tenet
contrarium.

QVÆSTIO II.

A

CONCLUSIO.

An peccatum operis addat aliquid supra peccatum voluntatis.

S. Thom. 1. 2. q. 20. art. 4.

Et 2. Sent. dist. 42. q. 1. art. 3.

Egid. Rom. 2. Sent. dist. 42. p. 2. q. 1. art. 2.

Richardus 2. Sent. dist. 42. q. 2.

Steph. Brulef. 2. Sent. d. 42. q. 2.

Fundamēta.

Psalm. 68. f

Lib. 13. de

Finis. c. 5.

om. 3.

VTRUM peccatum operis addat super peccatum voluntatis, & quod sic, videtur. Super illud Psalmi: Appone iniquitatem super iniquitatem. Glossa: Qui addit opus voluntati, addit iniquitatem iniquitati: sed qui hoc facit, aut facit nouum peccatum, aut maius, sed non nouum: ergo maius.

ITEM Augustinus: Vnusquisque miser efficitur mala voluntate, sed miserior cum desiderium malæ voluntatis impletur, sed non efficitur homo miserior per peccatum, nisi aggrauetur peccatum: ergo peccatum voluntatis aggrauatur per additionem operis.

ITEM ratione videtur: Apud humanam iustitiam grauius punitur qui peccat in opere, quam qui peccat voluntate solum, vel voluntate, & verbo, quam voluntate tantum: ergo si humana iustitia deriuatur ab æterna iustitia, & ei conformatur, ut in opere suo laudabilis sit, videtur quod maiori pœna sit dignus ille, qui peccat voluntate, & opere quam qui peccat voluntate tantum: sed non est quis maiori pœna dignus, nisi propter maiorem culpam: ergo, & c.

ITEM grauius peccat, qui peccat in Deum, & in proximum, quam qui peccat in Deum tantum: sed qui peccat voluntate interiori solum, non peccat nisi in Deum: qui vero peccat exterius in opere, frequenter peccat in proximum, sicut patet in adulterio, & homicidio: ergo, & c.

ITEM quando magis homo se glorificat, & in deliciis est, tanto magis dignus est pœna: sed qui peccat voluntate, & opere, magis se glorificauit, & amplius delectatus est, quam qui sola voluntate peccauit: ergo maiori pœna dignus est: & si hoc, maiorem perpetrat culpam.

1. SED CONTRA: Super illud Psalmi: Etenim in corde iniquitates operamini. Glossa: Si vis, & non potes, Deus factum reputat: ergo si voluntas reputatur pro facto, videtur quod factum quantum ad rationem peccati nihil addat supra voluntatem.

2. ITEM Aug. Si contingat aliquem non concumbere cum vxore aliena, planum autem est eum cupere, et si potestas daretur eum esse facturum, non minus reus est, quam si in ipso facto deprehenderetur: ergo, si non est minus reus, non magis peccat, quando consummat in opere, quam quando plenè vult in voluntate.

3. ITEM grauitas, & magnitudo peccati consistit in quantitate contemptus: sed quando vir omnino consensit, tunc plena est auersio, & contemptus: ergo æquale est peccatum, siue opus adsit, siue desit.

4. ITEM opus exterius non est culpabile nisi propter voluntatem interiorē: ergo si tota ratio culpabilitatis ortum habet ab ipsa voluntate, videtur, quod sola voluntate peccati existente tantum est homo culpabilis, E quantum si peccaret in opere.

5. ITEM peccata spiritualia, quæ sola voluntate consummuntur, grauiora sunt, quam peccata carnalia, quorum consummatio fit in carne: si ergo prima, quæ in sola voluntate consistunt, grauiora sunt, quam secunda, quæ consistunt in voluntate, & opere, videtur quod opus non addat aliquid ad malitiam voluntatis.

Opus exterius non addit iniquitatem quantum ad maiorem Dei contemptum, quantum vero ad libidinem, & delectationem utique aggrauat: similiter quantum ad damnificationem, maxime autem quantum ad peccatum, quo quis ledit proximum.

RESP. AD ARG. Ad prædictorum intelligentiam est notandum, quod cum quæritur, vtrum opus addat aliquid ad malitiam voluntatis, hoc dupliciter potest intelligi. Vno modo respectu voluntatis, quæ potest in opus procedere, sed tamen non procedit, quia non omnino plenè vult, & respectu talis absque dubio malitia operis addit. Cum enim peccatum consummatur in opere, tunc est plenior consensus, & non solummodo dicitur māducare mulier, sed etiā vir, & ideo peccatum tunc maius, & grauius est ratione maioris conuersionis, & etiā auersionis. Alio modo potest intelligi respectu voluntatis, quæ quidem in opus non procedit, non quia non vult, sed quia nō potest. Et tunc mouetur ista quæstio: cum

utrobique sit plena voluntas, vtrum grauius peccet, qui vult, & non potest, aut qui vult, & facit, esto quod uterque moueatur ex æquali amore. Hoc igitur modo quæstione intellecta respondendum est, quod vnum peccatum dicitur esse maius altero tripliciter, aut ratione maioris contemptus Dei, aut ratione maioris libidinis, siue delectationis, aut ratione maioris dānificationis. Primo modo loquendo opus non addit ad iniquitatem voluntatis, quia voluntas plenè à Deo auertitur per se, sicut cum est operi coniuncta. Quantum verò ad delectationem, siue libidinem addit, & aggrauat maxime quantum ad genus peccati carnalis, quo quidem peccat homo in seipso. Similiter quantum ad damnificationem addit, & hoc maxime quantum ad genus peccati, quo quis peccat in proximum. Quantumcunque enim aliquis velit fornicari, nunquam delectatur, sicut quando voluntas coniungitur actui exteriori. Similiter quantumcunque velit aliquis alterum occidere, non tantum facit damnum, quantum si actu occideret. Et quoniam Deus iustus iudex in puniendo non tantum considerat in peccato magnitudinem contemptus, sed etiam magnitudinem delectationis, & magnitudinem damnificationis: hinc est, quod aliquo modo opus addit ad nequitiam voluntatis. Vnde

& rationes, quæ hoc ostendunt, concedendæ sunt, quævis non omnes cogant, maxime illa, quæ fit de similitudine diuinæ iustitiæ, & humanæ; non enim est simile: quia homines considerant quæ exterius patent, & iustitiam publicam: Deus autem intuetur cor, & non solum considerat iustitiam publicam, sed etiam priuatam.

1. 2. AD illud verò quod obicitur in contrarium de Glossa illa, & de auctoritate Augustini, quantum vna dicit, quod voluntas reputatur pro facto: & altera dicit, quod non minus est reus, qui vult, & non facit quam qui vult, & facit, dicendum quod ambæ procedunt secundum quantitatem peccati, quæ attenditur quantum ad plenitudinem consensus, & quantum ad magnitudinem contemptus, & sic bene conceditur, quod opus ad talem voluntatem non addit.

3. AD illud quod obicitur, quod quantitas peccati consideratur penes quantitatem contemptus, dicendum, quod verum est, non tamen est verum præcisè: Deus enim non tantum considerat contemptum sui, immò etiam damnum proximi, & delectationem peccantis. Vnde & proximo patienti iniuriam facit vindictam, & maiorem patienti iniuriam facit maiorem vindictam: sic enim, qui delectatus est, affligit, & eum qui magis delectatus est, magis affligit: & ideo ratio illa ab insufficienti procedit.

4. AD illud quod obicitur, quod tota ratio peccati est à voluntate, dicendum quod non est verum, quia aliqua sunt peccata non solum ex improbitate voluntatis facientis, sed etiam ex genere operis, quia sunt contra

Dubit.

Resp.

prohibi

prohibitionem Dei, & contra dictamen iuris naturalis; verum est tamen, quod nihil quod fit ex parte operis, per se sufficit ad faciendum peccatum nisi adsit voluntarius motus: sed ideo ex hoc non sequitur, quod quamvis hoc non possit esse peccatum sine illo, quod hoc non addat illud. Et similis est, quia ferrum non vrit absque igne: ignis tamen cum ferro plus vrit, & plus penetrat quam faceret per seipsum: sic & in multis aliis inuenitur.

5. AD illud quod obiicitur de peccatis spiritualibus, dicendum quod non est simile, pro eo quod peccata spiritualia spirituales habent delectationem, quæ in suo genere maiorem habent adhaerentiam, & maiorem improbitatem, quam etiam aliqua delectatio peccati carnalis: peccata verò carnalia nunquam delectant tantum, quando sunt in sola voluntate, quantum, quando sunt in voluntate & opere: nec etiam tantum damificant: ideo non sequitur, quod in talibus opus non addat ad malitiam voluntatis.

ARTICVLVS II.

CONSEQUENTER proceditur circa secundum, videlicet de comparatione venialis ad mortale. Et circa hoc duo quaeruntur. Primum quaeritur, vtrum peccatum veniale, & mortale conueniant in auersione. Secundum quaeritur, vtrum conueniant in reatu siue obligatione ad æternitatem pœnæ.

QVÆSTIO I.

An peccatum veniale, & mortale conueniant in auersione.

S. Thom. 1. 2. q. 88. art. 1.
Et 2. Sent. dist. 42. q. 1. art. 3.
Et de Malo, q. 7. art. 1.
Scotus 2. Sent. dist. 42. q. 4.
Agid. Rom. 2. Sent. p. 2. d. 42. q. 1. art. 3.
Richard. 2. Sent. dist. 42. art. 3. q. 1.
Durand 2. Sent. d. 42. q. 6.
Thom. Arg. 2. Sent. dist. 42. q. 1. art. 4.
Sepp. Brulef. 2. Sent. dist. 42. q. 3.

Ad oppositum.
De natura boni 34. & 36. 20. 6.

VTVM veniale, & mortale conueniant in auersione. Et quod sic videtur. Augustinus diffiniens peccatum dicit, quod peccatum non est appetitus rerum malarum, sed desertio meliorum; si ergo veniale peccatum est peccatum: ergo in ipso est desertio summi boni; sed ubi est desertio summi boni, ibi est auersio: ergo, &c. Si tu dicas, quod hæc ratio conuenit mortali tantum: tunc ego quaero, in quo communicant veniale & mortale, & ratione cuius vtrumque dicatur peccatum. Si tu dicas, quod in conuersione ad commutabile bonum, hoc non videtur: quia conuerti ad commutabile bonum, non est peccatum, nisi per illud recedat homo à bono incommutabili; peccatum enim est priuatio non positio; si ergo veniale peccatum, in quantum peccatum est, communicat cum mortali, & illud in quo communicat non est conuersio: ergo est auersio.

2. ITEM omne illud, quod est contra diuinum præceptum, auertit à Deo: sed veniale est huiusmodi: ergo, &c. Maior per se manifesta est. Minor probatur, quia super illud. Non concupisces, Glossa: Bona est lex: quæ dum concupiscentiam prohibet, omnia mala prohibet; ergo si peccatum veniale est malum: ergo per illud præceptum: Non concupisces, est prohibitum.

3. ITEM omne illud, quod deformat imaginem, auertit à Deo: peccatum veniale est huiusmodi; ergo, &c. Minor probatur per illud, quod dicit August. Amor inferioris pulchritudinis animam polluit: sed peccatum veniale est amor inferioris pulchritudinis: ergo, &c.

4. ITEM simplex est quod se conuertit, totaliter se conuertit, sed tam intellectus, quam affectus est simplex: ergo cum se conuertit ad aliquid, totaliter se conuertit, sed quod totaliter se conuertit ad aliquid, auertitur ab

A eius opposito, vel disparato; ergo cum affectus noster se conuertit ad creaturam sub ratione creaturæ necesse est ipsum auerti à Deo: sed hoc est in veniali peccato: ergo, &c.

5. ITEM impossibile est, quod aliquid moueatur ad terminum ad quem, quin aliquo modo separetur à termino à quo: sed conuersio dicit motum animi respectu termini ad quem: auersio autem respectu termini à quo: ergo si conuersio est in veniali peccato necesse est quod similiter sit auersio.

6. ITEM omnis amor creaturæ, vel est per modum vsus, vel per modum fruitionis, sicut dicit Augustinus in libro de Doctrina Christiana: sed in peccato veniali est amor creaturæ: ergo vel per modum vsus, vel fruitionis. Non per modum vsus; quia iam non esset culpa, est ergo amor fruitionis; sed frui creatura est ponere finem in creatura, & hoc non est aliud, quam auerti à Deo: ergo omnis amor venialis peccati facit à Deo auerti.

SED CONTRA: Nullus auersus à Deo est iustus: sed peccans venialiter remanet in iustitia: ergo peccans venialiter non auertitur à Deo. Maior manifesta est. Minor probatur per illud: Septies in die cadit iustus, & resurget.

ITEM nullus separatur à Deo nisi volens: sed omnis qui auertitur, separatur à Deo: ergo nullus separatur à Deo, nisi in actu quem facit mera voluntate: sed multa venialia peccata committuntur quadam necessitate, sicut dicitur: Quod nolo malum, illud facio: ergo, &c.

C ITEM nullus auertitur à Deo sine ipsius Dei contemptu, & offensa; sed nullus contemnit, & offendit Deum sine graui culpa; sed veniale inter leuia peccata reponitur: ergo per veniale homo non auertitur à Deo.

ITEM nihil quod stat simul cum charitate: auertit à Deo: sed veniale stat simul cum charitate; ergo, &c. Maior manifesta est. Minor probatur: quia si veniale expelleret charitatem: ergo auerteret homini vitam gratiæ; sed peccatum quod auertit homini vitam gratiæ, ponit mortem, & dicitur mortale: ergo peccatum veniale esset mortale.

CONCLUSIO.

Peccatum veniale non communicat cum mortali in auersione secundum quod auersio dicitur proprie.

RESP. AD ARG. Dicendum quod absque dubio peccatum veniale non comunicat cum mortali in auersione, secundum quod auersio dicitur proprie; importat enim Dei contemptum, & contemptus Dei iram incurrit, & meretur mortem: peccatum autem quod quis meretur iram, & mortem, non debet dici veniale, immò potius mortale; & propterea communiter tenetur, quod auersio, proprie loquendo, reperitur in peccato mortali, non veniali: Et istud melius patet, si modum attendamus, per quem homo dicitur auerti à Deo, & contemnere Deum, & committendo aliquod peccatum in quo nihil cogitat de Deo: aut enim auertitur homo à Deo, quia facit contra diuinum mandatum. Aut quia ponit sibi bonum creatum tanquam finem vltimum. In hoc namque quod facit contra diuinum mandatum, rectè à Deo auertitur: quia mandatum est via rectè perueniendi ad Deum, & tendendi in Deum; qui igitur facit contra mandatum, incedit directè via contraria; ideo quasi faciem suam retrorsum conuertens, tergum vertit ad illum, in quem debebat per mandatum tendere. Similiter cum statuit sibi creaturam tanquam finem vltimum, rectè dicitur à Deo auerti. Anima enim media est inter creaturam, & Deum in quantum est imago Dei; dum ergo ad creaturam se tanquam ad finem conuertit, faciem suam quæ debebat esse sursum versa, deorsum inclinat: & ideo se auertit à Deo. Et utroque dictorum modorum non est auersio sine contemptu. Nam qui mandatum Dei transgreditur, contemnit mandantem.

Aug. lib. 6. Mus. c. 1. & 13. 20. 3.

Similiter qui creaturam sibi finem statuit principalem, magis appetit creaturam, quam Deum: & hoc non potest esse sine Dei contemptu: veniale autem peccatum nec est directe contra Dei mandatum, nec statuit creaturam tanquam finem ultimum: & ideo non est in eo nec auersio, nec contemptus. Sed quia veniale fit præter Dei mandatum, in veniali etiam peccato creatura non refertur in Deum: hinc est, quod per veniale quodam modo recedit homo à via mandati, quodam modo etiam morose adhæret ei, per quod deberet transire. Vnde & in veniali est quædam elongatio, & quædam retardatio. Vnde conceditur, quod veniale à Deo non auertit, sed elongat à Deo: non separat, sed retardat. Et si large nomen auersionis acciperetur, ut se extenderet ad elongationem, & retardationem in veniali esset auersio B quædam, quia tamen nomen auersionis sonat in contemptum, & ideo tenendum est, quod auertere à Deo sit mortalis peccati proprie. Vnde rationes, quæ hoc ostendunt, concedendæ sunt.

1. Ad illud ergo, quod primo obiicitur, quod peccatum est desertio, dicendum, quod si ista definitio detur pro peccato mortali, desertio stat ibi pro auersione. Si autem detur pro quolibet peccato, desertio dicitur quandam elongationem, & retardationem. Posset tamen dici, quod non dicitur ibi peccatum desertio Dei, sed desertio cuiuscunque boni, quod spectat ad rectitudinem. Quamvis ergo in veniali peccato non sit desertio Dei, est tamen desertio alicuius bonæ circumstantiæ circa actum, ex cuius defectu incidit in veniale peccatum: & in hoc communicant tam veniale, quam mortale peccatum: quia utrumque priuat aliquod bonum. Sed in hoc differunt, quod mortale priuat aliquem actum, vel circumstantiam necessariam ad salutem, veniale verò non.

2. Ad illud quod obiicitur, quod veniale est contra Dei prohibitionem, dicendum quod illud proprie dicitur esse contra Dei prohibitionem, ad cuius oppositum obligat prohibitio, veniale autem non est huiusmodi, & ideo non est directe prohibitum. Est tamen ipsi prohibitioni annexum, & magis proprie debet dici cohibitum, quam prohibitum: & hoc patet: quia cum Dominus prohibet concupiscentiam, dicens: Non concupisces, non prohibet primum motum concupiscentiæ, sed concupiscentiæ progressum, secundum illud: Fili post concupiscentias tuas, non eas: sed dum prohibet hominem in post motum concupiscentiæ hoc ipso manifestat, quod concupiscentiæ motus non est bonus, nec Deo placitus.

3. Ad illud quod obiicitur, quod amor inferioris pulchritudinis polluit animam, dicendum quod anima dupliciter habet pollui. Aut macula mortalis peccati, quæ quidem expellit nitorem gratiæ: aut macula venialis peccati, quæ quodam modo retardat actum dilectionis gratiæ. Et prima pollutio est per mortale, & facit ad deformationem imaginis: quia aufert ei formam, scilicet imaginem recreationis. Secunda verò est pollutio venialis, quæ etsi aliquo modo polluat, non tamen animam deformat, quia stat simul cum gratia, quæ animam informat.

4. Ad illud quod obiicitur, quod simplex ad quod se conuertit, totaliter se conuertit, dicendum quod hoc tripliciter potest intelligi: quia totaliter potest dicere totalitatem, vel quantum ad actum conuertendi, vel quantum ad habitum, aut quantum ad potentiam conuertendi. Si intelligatur quantum ad actum: sic verum est ad minus secundum statum viæ: quia non intelligimus simul, & semel, nisi vnum solū, aut si multa simul intelligamus & velimus, hoc est, in quantum sunt vnum. Si autem dicat totalitatem habitus, vel virtutis, sic falsus est sermo: non enim oportet, quod quando anima, vel aliquod simplex conuertit se ad aliquid, quod conuertat se secundum totum suum habitum, & secundum totam suam potentiam, quia potest conuari intus, & remissius. Cum ergo dicitur quod quando affectus se conuertit ad vnum totaliter auertitur ab eius opposito, siue disparato. Si primo modo intelligatur, falsum est: quia potest se conuertere ad

vnū in actu, & ad aliud in habitu. Si secundo modo, vel tertio intelligatur, sic habet veritatem: sed maior propositio fuit falsa, & propter hoc, quia totaliter conuertitur, aliter accipitur in maiori propositione, & aliter in minori: ideo consequentia illa non tenet. Et si tu obijcias, quod non potest affici simul, & semel erga Deum, & erga creaturam, quam inordinate diligit: vnde cum conuertitur ad vnum, auertitur ab altero, dicendum quod non sequitur: quia auerti plus dicit, quam conuertitur actualiter, importat enim contrarium conuersionis, videlicet quandam aspersionem Dei, siue contemptum.

5. Ad illud quod obiicitur, quod motus separat à termino à quo, dicendum quod verum est de illo motu proprie dicto, qui concernit duos terminos, vnum à quo incipit, & alterum in quem tendit: non sic est in actu venialis peccati. Anima enim cum peccat venialiter, non mouetur à Deo in creaturam, sed magis afficitur circa ipsam creaturam. Vnde & veniale peccatum potius est animi affectus, siue actus, quam motus.

6. Ad illud quod obiicitur, quod amor venialis peccati est amor fruitionis, dicendum quod falsum est secundum quod frui accipitur proprie, videlicet quiescere in aliquo tanquam in fine ultimo: sic enim frui est per mortale, non per veniale. Si ergo queratur, utrum sit usus, vel fructio, dicendum quod nec est usus, nec fructio, sed abusus, nisi forte usus dicatur large omnis amor, quo quis amat aliquid non quiescens in illo, sed refert ad aliud actum, vel habitum, siue referat recte, siue minus recte. Et quod illud oporteat dicere, manifestum est. Cum enim aliquis diligit aliquid creaturam referens ad aliud, non tamen ad illud, ad quod debet, amore illo peccat: nec tamen est illud fructio, nec usus proprie dictus sed magis proprie debet dici abusus. Vnde Aug. cum dicit: Omnis qui amat aliquem, aut amat vtēs, aut fruēs, accipit large usum, & fruitionem. Usus pro omni amore relativo, siue directe, vel indirecte: fruitionem pro omni amore non relativo, siue statuat ibi finem principalem, siue non: & sic in diuisione illa comprehenditur amor venialis peccati: siue forte quis velit dicere, quod Augustinus loquitur ibi de amore ordinato. Et sic patent omnia.

QVÆSTIO II.

An veniale conueniat cum mortali in reatu pœnæ æternæ.

S. Thom. 1. 2. q. 88. art. 2.

Et 2. Sent. dist. 42. q. 1. art. 4.

Et de Malo, q. 7. art. 1.

Agid. Rom. 2. Sent. p. 2. d. 42. q. 1. art. 4.

Richardus 2. Sent. dist. 42. art. 3. q. 2.

Durand. 2. Sent. d. 42. q. 7.

Sseph. Brulef. 2. Sent. dist. 42. q. 4.

VTRUM veniale conueniat cum mortali in reatu pœnæ æternæ. Et quod sic videtur. Pœna assumpta pro mortali est proportionabilis pœnæ assumptæ pro veniali, & quantum ad acerbitatem, & quantum ad durationem: ergo si pœnæ arbitrarie pensantur, secundum magnitudinem reatus peccati, videtur quod reatus venialis, & mortalis sint utroque modo proportionabiles: sed pœna æterna non est proportionabilis nisi æternæ: si ergo vnum obligat ad pœnam æternam, videtur quod & reliquum: si tu dicas, quod per gratiam mortale fit veniale, & commutatur pœna æterna in temporalem. Obijciunt tunc, quia cum veniale similiter remittatur per gratiam, si misericordia Dei est ordinata, sicut æternam commutat in temporalem, ita temporalem deberet commutare in momentaneam: quod si non facit, videtur, quod illa responsio nulla sit.

2. Item esto quod aliquis decedat cum mortali, & veniali, & quod de neutro fuerit in hac vita punitus: si ergo peccatum non remanet impunitum: ergo pro utroque punitur iste, sed non nisi in inferno, & punitur in æternū in inferno: sed non punitur ultra, quam meruit: ergo pro

peccato

Ad oppositum.

peccato veniali merebatur puniri æternaliter. Si tu dicas quod punitur æternaliter ratione mortalis adiuncti. Obiicitur, quod non; esto enim quod mortale illud puniatur quantum meruerit puniri: tunc ergo pro veniali aut punitur æternaliter ratione sui, aut ratione mortalis adiuncti. Non ratione mortalis adiuncti: quia illud sufficienter punitur per se; si ergo puniatur æternaliter, hoc est ratione sui: sed Deus nullum punit supra condignum: ergo dignum erat propter veniale peccatum aliquem æternaliter puniri.

3. ITEM veniale stat cum gratia, & stat cum mortali, & utrobique saluatur ratio venialis; & constat, quod magis saluatur cum mortali, quam cum gratia; quia gratia delet ipsum, mortale nunquam: ergo si abstrahatur ab utroque, magis tenebit proprietatem, quam habet cum mortali, quam cum gratia; sed quando est cum gratia, debetur ei pœna temporalis: quando cum mortali debetur ei pœna æterna: ergo veniali de se, & secundum se debetur pœna æterna. Si tu dicas, quod obiectio teneret, si pœna temporalis deberetur ei ratione gratiæ; sed hoc non est verum: quia debetur ei ratione sui. Contra; impossibile est sufficienter puniri peccatum, nisi remittatur; quia quandiu durat culpa, debet durare & pœna; non enim debet esse dedecus peccati sine dedecore iustitiæ; sed nec mortale, nec veniale dimittitur nisi per gratiam; ergo tam mortali; quam veniali debetur pœna æterna quantum est de se.

4. ITEM esto quod aliquis tantum habeat peccatum veniale, nec tamen habet gratiam, aut esset dignus pœna æterna, aut temporali. Si temporali; ergo illa persoluta, esset omnino absolutus à culpa; sed potest per seipsum pœnam illam soluere: ergo per se posset ad innocentiam resurgere; quod si non potest per seipsum ad innocentiam redire, nunquam potest, quantum est de se pœnam sufficientem pro illa culpa sustinere: ergo nisi auxilium gratiæ superueniat, veniali peccato debetur pœna æterna. Si tu dicas quod soluendo pœnam, dispoheret se ad gratiam, quæ culpam deleteret, hoc non soluit; quia si se similiter puniret pro peccato mortali, Deus gratiam infunderet, quæ illam culpam mortalem deleteret.

5. ITEM delectatio peccati mortalis non excedit delectationem venialis in infinitum; ergo si reatus respodet delectationi, nec reatus excedit reatum in infinitum, sed æternum excedit temporale in infinitum: si ergo mortale obligat ad pœnam æternam: ergo & veniale. Si tu dicas, quod quamvis non excedat simpliciter, excedit tamen secundum reputationem: quia mortale diligit supra Deum, qui est bonum infinitum, veniale verò minime.

6. Contra hoc est: quia cum veniale peccatum à Deo puniatur, & Deo displiceat, aliquo modo offensivum est Deo; ergo si tanta est offensa quantus is, qui offenditur, cum per veniale peccatum offendatur Deus, qui est infinitus, videtur quod reatus peccati venialis debeat reputari infinitus, sicut mortalis: ergo sicut per mortale peccatum meretur homo puniri infinitè, ita & per veniale.

SED CONTRA: Hugo de sancto Victore: Veniale peccatum est illud, cui secundum se debetur pœna transitoria: ergo reatus peccati venialis solummodo est pœnæ temporalis.

ITEM pœna æterna est mors secunda: sed nulli debetur mors secunda nisi propter primam, quæ est per separationem animæ à Deo; si igitur veniale à Deo non separat, sicut supra ostensum fuit: ergo non obligat ad pœnam æternam.

ITEM si veniale facit hominem dignum pœna æterna, lædit hominem vsque ad mortem: sed quod est huiusmodi, debet dici mortale: ergo veniale peccatum est mortale.

ITEM si veniale obligat ad pœnam æternam, cum omne æternum careat fine, & quod caret fine, caret remissione, & venia, peccatum veniale dicit oppositum ad remissionem, & veniam: sed quod est huiusmodi, non est veniale: ergo peccatum veniale non est veniale.

ITEM si veniale facit dignum pœna æterna, & gra-

tia facit hominem dignum vita æterna, cum veniale peccatum, & gratia simul sint in eodem, simul est homo dignus vita æterna, & pœna æterna: ergo si fiet retributio secundum quod meruit, simul posset esse in æterna beatitudine, & in æterna pœna, quo nihil magis est impossibile.

CONCLUSIO.

Peccatum veniale non ponitur, neque obligat ad pœnam æternam, cum possit stare simul cum gratia, sed tantum ad pœnam temporalem, & hoc quantum est de se: quod si mortali coniungatur, ratione talis connexionis, æterno debet puniri supplicio.

RESP. Ad Arg. Ad prædictorum intelligentiam est notandum, quod sicut fides nostra dicit, Peccato mortali debetur pœna æterna. Quare autem peccato mortali debetur pœna æterna, multiplex consuevit assignari ratio; ad præsens autem sufficit una, quia ista quæstio alibi habet locum, scilicet in Quarto, ubi quaeritur de æternitate pœnæ infernalis. Præcipua enim inter omnes rationes, quare debeat peccato mortali pœna æterna, est quia dum homo peccat mortaliter, separat se à vita gratiæ, & subiicit se perpetuæ impotentiae exeundi de culpa quantum est de se: nemo enim potest à culpa mortali resurgere, nisi per creationem & infusionem nouæ gratiæ, & nouæ vitæ; & propterea ratione istius impotentiae peccato mortali annexa est obligatio ad æternitatem pœnæ; hæc autem pœna æterna est omni peccato mortali debetur, non tamè omnino persolvitur: quia quamvis mortale peccatum reddat hominem impotentem ad resurgendum per se ipsum: contingit tamen hominem releuari per diuinum auxilium. Debetur igitur peccato mortali pœna æterna, quia separat hominem à vita: persolvitur autem pœna æterna in eo quod tenet hominem in æternum separatum à vita. Quoniam igitur veniale peccatum nec separat hominem à vita, quia non excludit gratiam, nec tenet hominem in perpetuum separatum à vita: hinc est, quod peccatum veniale nec de se obligat ad pœnam æternam, nec ei secundum se redditur pœna æterna. Quia verò peccatum veniale coniungi habet ei, quod separat à vita, & etiam ei, quod tenet separatum à vita: hinc est, quod ratione adiuncti pœna ei debetur æterna, & pœna æterna persolvitur. Vnde si aliquis decedat cum mortali simul, & cum veniali, æternaliter punietur: & ratio huius est, quia nullum peccatum deleri potest absque gratia, & quandiu durat culpa, debet durare & pœna: & ideo cum venialis culpa duret cum mortali in infinitum, ratione coniunctionis cum illa in infinitum, puniatur, nihilominus tamen ei quantum est de se, debetur pœna temporalis dum simul possit stare cum gratia: & propterea veniale nominatur, ut in hoc distinguatur à genere peccati mortalis: quia mortale aufert principium vitæ, & veniæ, videlicet ipsam gratiam; veniale autem quantum est de se, non aufert, immò simul cum illa manet. Concedendæ sunt igitur rationes ostendentes quod veniali peccato non debetur pœna æterna secundum se.

1. AD illud quod obiicitur, quod pœna satisfactoria pro veniali & mortali est proportioabilis, dici potest quod ratio illa non cõcludit quod debeat veniali pœna æterna, nisi prout est coniunctum mortali. Præterea ratio illa non cogit: quia sicut in opponendo dictum est, in infusione gratiæ pœna mortalis peccati commutatur in temporalem, pœna verò venialis peccati non commutatur in non temporalem. Et si tu quæras vnde hoc cum misericordia Dei debeat esse ordinata, dicendum quod quia obligatio ad pœnam æternam non potest simul stare cum gratia, necessariò per infusionem gratiæ fit absolutio à reatu pœnæ æternæ; sed gratia bene stat cum pœna temporali: & ideo non oportet per infusionem gratiæ pœnam temporalem in momentaneam commutari.

2. AD illud quod obiicitur de eo, qui decedit cum

veniali, & mortali, dicendum, quod talis tam pro veniali, A quam mortali æternaliter punitur: sed hoc non est ratione venialis principaliter, sed ratione mortalis adiuncti. Nec valet quod obiicit, quod mortale punitur in se quantum meruerit: quia sicut bonum vigoratur ex bono, ita malum vigoratur ex malo eo modo, quo dicitur malum vigorari: ideo quamvis veniali, quantum est de se, non debeat pœna æterna, nihilominus tamen potest ei deberi in quantum est coniunctum mortali: & ideo cum Deus punit tam veniale quam mortale in eodem pœna æterna, neutrum punit supra condignum, sed utrumque punit, prout puniri meretur, non solum in se, sed etiam prout est alteri coniunctum.

3. AD illud quod obiicitur, quod magis saluatur ratio venialis cum mortali quam cum gratia, dicendum, quod si intelligatur de gratia quantum ad actum, verum est: nam actus gratiæ, siue motus gratiæ delet veniale peccatum. Si autem intelligatur quantum ad habitum, falsum est: quia veniale cum gratia magis saluatur in propria ratione, quam cum mortali, tunc enim eius reatus nec augeatur, nec minuitur, nec mutatur. Sed cum veniale iunctum est mortali, tunc reatus eius augetur, & quodam modo mutatur, quia iunctum malo vigoratur. Nec valet illud quod obiicitur, quod veniali non debetur pœna temporalis nisi ratione gratiæ, quia semper duraret, nisi esset gratia, dicendum enim quod verum est, quod semper dur. ret nisi esset gratia, quia tamen ipsum de se gratiam non excludit sicut mortale, simul stat cum principio suæ remissionis, & deletionis, ideo quamvis non possit deleri sine gratia, nihilominus tamen quantum est de sua natura delebile est, & terminabile, non sic est de mortali, quod omnino excludit donum gratiæ.

Dist. 35. 36.

4. AD illud quod obiicitur, quod si aliquis esset in solo veniali, & moreretur, in æternum cruciaretur, dicendum quod hæc positio est impossibilis. Primum quia nunquam fuit, nec est, nec erit, quod aliquis in solo peccato veniali fuerit, ita quod non habeat gratiam. Nihil enim est medium nunc, quin homo habeat gratiam, aut si in mortali peccato, & in primo statu habuit mediū inter innocentiam, & mortalem culpam, quia puritas innocentie non potuit perdi, nisi per mortalem culpam sicut est supra ostensum, & ideo positio illa vana est. Esto tamen quod aliquis puer esset in veniali, dico, quod Deus nunquam educeret eum de statu meriti, quin vel ille peccaret mortaliter, vel ipse daret ei gratiam. Et, si quæretur, utrum ipsi veniali debeat pœna æterna, vel temporalis, dico, quod debetur pœna temporalis: & si procedatur ulterius: ergo illa persoluta erit omnino immunis à culpa, dicendum quod verum est, sed quia nunquam potest eam Deo persolvere, ita quod eam Deus acceptet sine gratia, hinc est quod Deus ne cogeretur istum supra condignum punire, gratiam sibi infunderet, per quam solutionem pœnæ acceptaret, & ideo non sequitur, quod illi peccato debeat pœna æterna secundum se, nec sequitur, quod homo per se possit resurgere à culpa ad innocentiam.

5. AD illud quod obiicitur, quod delectatio non excedit delectationem in infinitum, dicendum quod non excedit in infinitum secundum veram intensiōem delectationis, sed secundum reputationem peccantis. Exemplum autem huius ponitur in charitate, quæ diligit aliquod bonum creatum, & diligit increatum, & adeo bonum increatum reputat bonum, quod si bonum creatum infinities multiplicetur, adhuc non æquaret illi in amore: sed plūs amaret Deum quam bonum creatum infinities multiplicatum, licet utrumque finitè diligit. Sic etiam in proposito est intelligendum in amore concupiscentiæ, quæ charitatem perimit, & quæ cum charitate saluatur: nam vna, scilicet quæ charitatem perimit, præfert creaturam Deo, qui erat præferendus infinitis bonis creatis: altera verò quæ cum charitate manet, non præfert creaturam Deo: & ideo secundum reputationem & peccantis, & Dei punientis mortale excedit veniale improporcionabiliter.

6. AD illud quod obiicitur, quod per veniale offenditur Deus, dicendum quod falsum est: non enim dicitur Deus offendi, nisi cum contemnitur: sed verum est, quod cum veniali peccato minus Deus amatur, secundum quod Augustinus dicit in libro Confess. Minus te amat, qui tecum aliquid amat, quod propter te non amat. Ideo veniale vitam æternam non aufert, sed retardat, quia à Deo non separat, sed elongat: nec obligat ad pœnam æternaliter cruciantem, quantum est de se, sed temporaliter affligentem.

Lib. 10. c. 18.

ARTICVLVS III.

CONSEQUENTER quæritur tertio loco de modis diuidendi peccata. Et cum multi sunt modi diuidendi, de quibus valde prolixum esset hic disputare, his omissis in generali quærentur hic duo. Primum quæritur, utrum peccatum habeat diuidi per differentias materiales tantum, aut per differentias formales, & específicas. Secundum quæritur, utrum peccatum diuidi habeat per conuersionem, & auersionem, tanquam per diuersas peccatorum differentias.

QVÆSTIO I.

An peccatum habeat diuidi per differentias materiales tantum.

S. Thom. 1. 2. q. 84. art. 4.

Et 2. Sent. d. 42. q. 2. art. 3.

Et de Malo, q. 1. art. 8.

Scotus 2. Sent. dist. 42. q. 5.

Ægid. Rom. 2. Sent. p. 2. dist. 42. q. 2. art. 3.

Richardus 2. Sent. dist. 42. art. 4. q. 1.

Durandus 2. Sent. dist. 42. q. 5.

Steph. Brulef. 2. Sent. dist. 42. q. 5.

UTRUM peccatum diuidi habeat per differentias materiales tantum, an etiam per formales, & específicas. Et quod non tantum per materiales, sed etiam per formales diuidi habeat, ostenditur sic: Sicut se habet castitas ad virtutem, ita se habet luxuria ad viciū: ergo sicut castitas est species virtutis, ita luxuria est species vitiij, sed vna species distinguitur ab altera per differentias formales: ergo, &c.

Fundamē.

ITEM bonum opponitur malo non tantum materialiter, sed etiam formaliter, & diuersis bonis diuersa opponuntur mala: sed bona quibus mala opponuntur, formaliter distinguuntur: ergo pari ratione & mala, quæ eis formaliter opposita sunt, formaliter differunt.

ITEM circa vnum actum peccati assignantur diuersæ differentie peccatorum, sicut patet in peccato Adæ, in quo dicitur fuisse gula, & superbia, & inobedientia, sed peccata, quæ consistunt circa vnum actum, non habent differentiam materialem: ergo si aliquo modo differunt, necesse est quod habeant differentiam formalem.

12. Met. m. 10. 11.

ITEM multiplicatio secundum materiam est multiplicatio secundum numerum: & multiplicatio secundum numerum non habet statum: ergo si peccata solummodo distinguerentur per differentias materialiter differentes, nunquam peccatum posset diuidi sufficienti diuisione. Si ergo peccatum diuiditur in Scriptura differentiis ipsum sufficienter diuidentibus, & omne peccatum completentibus, videtur quod peccata adinuicem distinguantur, non solum differentiis materialibus, verum etiam formalibus.

1. SED CONTRA: Formale in genere peccati mortalis est auersio: sed peccata à parte auersionis non distinguuntur, immò conueniunt (omnia enim dicunt auersionem à Deo) si ergo distinguuntur, hoc est, solum à parte conuersionis, quæ est in peccato materialis: ergo tantum diuiditur peccatum per differentias materiales, non per formales.

Ad oppositum.

2. ITEM peccatum, formaliter loquendo, nihil est: sed quod nihil est, non habet differentias diuidentes: ergo si peccatum

peccatum

peccatum diuiditur, nullo modo diuiditur in quantum formaliter consideratur: restat ergo quodd solum diuidatur per illud, quod est eidem materiale in ipso, & ita redit idem quod prius.

3. ITEM omne illud, quod habet differentias formales & específicas, aliquo modo, formaliter loquendo, habet speciem: sed peccatum, siue malum, formaliter loquendo, est priuatio speciei: & priuatio speciei non habet speciem: & quod caret specie, caret differentia formali, & specifica: ergo, &c.

4. ITEM si peccatum haberet differentias ipsum formaliter diuidentes: ergo haberet veras species: sed omne tale habet ordinari in genere directe, illud autem, quod est in genere, à Deo est: ergo peccatum, formaliter loquendo, à Deo esset: quod est contra fidem.

5. ITEM prima diuisio peccati est in originale, & actuale: sed originale & actuale peccatum non distinguuntur formaliter; quia quod est originale vni, fuit alteri actuale: sicut patet, quia quod est originale nobis, fuit actuale Adæ, si ergo prima membra maxime differunt, & originale, & actuale non sunt differentie peccati formaliter differentes, multò fortius nec aliæ.

6. ITEM prima diuisio actualis peccati est per mortale, & veniale: sed mortale, & veniale non dicunt diuersas differentias secundum formam, & speciem; ergo multò minùs nec aliæ differentie secundum speciem, & formam faciunt differre. Maior propositio manifesta est. Minor probatur per hoc, quod veniale peccatum efficitur mortale sola intentione libidinis circa idem genus delectabilis; ergo si magis & minùs non faciunt diuersitatem secundum speciem & formam, videtur quodd peccatum veniale, & mortale non addunt formalem differentiam: ergo nec aliam.

CONCLUSIO.

Peccatum abstractiue sumptum cum sit pura priuatio non habet differentias formales, nisi ratione sui oppositi; concretue autem quia illi priuationi subternitur actus vel habitus, habet differentias formales, & materiales.

RESP. AD ARG. Dicendum quodd dupliciter contingit loqui de peccato, aut in concretionem, aut in abstractionem. Si in abstractione: sic dicendum est, quodd quemadmodum peccatum cum sit priuatio non habet ordinari in genere, nisi per accidens, sc. per comparisonem ad suum oppositum, sic etiam non habet formaliter distinguere nisi ratione sui oppositi: priuationes enim distinguuntur per habitus: vnde sicut castitas, & fortitudo sunt virtutes formaliter differentes in genere virtutis, sic etiam luxuria, & pusillanimitas, quæ opposita sunt istarum duarum virtutum, formaliter dicuntur differre in genere vitiorum, non tamen secundum formam suam, sed secundum formam sui oppositi. Si autem loquamur de peccato in concretionem: sic non tantum dicit priuationem, sed etiam actum, vel habitum substratum; & quoniam actus, vel habitus substratus peccato non tantummodo diuersificat materialiter, immò etiam formaliter differentia; alia enim est pronitas ad luxuriam, alia pronitas ad superbiam, & alius actus quo superbit aliquis, & alius quo luxuriatur, non tantummodo secundum materiam, sed etiam secundum formam propter formalem differentiam obiectorum; hinc est quodd peccatum secundum quodd concretue accipitur, diuidi habet per differentias non tantum materiales, verum etiam formales; formales dico non respectu deformitatis, sed respectu habitus, vel actus substrati. Et sic patet, quodd siue peccatum accipitur abstractiue, siue concretue, differentias habet formales: sed vno modo per se, alio modo per accidens, quia vno modo dicit ens in genere secundum rectam coordinationem, alio modo dicit ens in genere solum per reductionem & quia hoc modo rationes ad partem primam procedunt, ideo concedendæ sunt.

1. AD illud verò quodd primò obicitur in contrarium

A quodd formale in peccato est auersio, dicendum quodd verum est quodd auersio est formale respectu conuersionis: propriè tamen loquendo peccatum magis debet dici formaliter priuatio boni sibi oppositi, quam auersio à Deo, aut saltem æque propriè: & quamvis peccatum ratione auersionis à Deo non multiplicetur, quia vnum est à quo fit auersio: tamen ratione priuationis boni, cui opponitur, multiplicari habet, & ita ratione eius, quodd est in ipso formale, habet diuersas differentias. Præterea ad esse peccati non tantummodo concurrunt auersio, sed etiam conuersio; & quoniam conuersio respicit obiecta creata, quæ non tantum distinguuntur materialiter, sed etiam formaliter differunt: hinc est, quodd ex illa parte peccatum habet plurificari per formales differentias. Item: Nec dicitur conuersio esse materiale in peccato, simpliciter loquendo, sed solum ratione auersionis: nec omnino est materialis respectu auersionis: nam etsi auersio det conuersioni, quodd sit peccatum: conuersio tamen dat auersioni, quodd sit tale peccatum.

2. AD illud quodd obicitur, quodd peccatum, formaliter loquendo, nihil est, dicendum quodd verum est: quamvis autem nihil sit, tamen alicuius est, non solum vt subiecti, verum etiam vt oppositi: & ea ratione, qua alicuius est cui formaliter opponitur, formaliter habet distinguere non secundum formam, quæ est in ipso, sed secundum formam, quæ est in suo opposito.

3. AD illud quodd obicitur, quodd peccatum est priuatio speciei: ergo non habet speciem, iam patet responsio: verum est enim quodd non habet speciem propriè secundum quodd priuatio, nec dicitur habere differentias formales, & específicas illo modo, scilicet quodd in se diuersas habeat species: sed quia opponitur diuersis bonis secundum speciem in quantum illa priuat.

4. AD illud quodd obicitur, quodd si haberet species, esset in genere per se: dicendum quodd verum est, si haberet species in se, & per se: peccatum autem secundum quodd accipitur abstractiue, & formaliter, sicut non est in genere per se nisi per reductionem, sic non habet diuidi per differentias formales differentes per se, sed solum per accidens. Quamvis autem peccatum secundum quodd nihil est, & accipitur abstractiue, non sit in genere: tamen secundum quodd accipitur concretue, scilicet ratione actus substrati, & habitus, in genere est: actio enim peccato substrata à Deo est.

5. AD illud quodd obicitur de originali, & actuali, dicendum quodd originale, & actuale non solummodo differunt, quodd hoc sit ab actu, & illud à natura: sed etiam differunt penes bonum, quodd priuant; vnde & actuale priuat iustitiam gratuitam, siue personale; originale verò tollit iustitiam originalem, siue quæ respicit hominem secundum quodd est natura. Præterea aliter dicitur in nobis originale, & aliter in Adam. In nobis dicitur originale: quia est ab origine tractum: in Adam verò quia fuit origo aliorum peccatorum. Et quamvis originale secundo modo dictum possit esse idem, quodd actuale, prout tamen primo modo dicitur, non potest originale concurrere in idem peccati genus cum actuali: & hoc modo ponitur differentia inter ea.

6. AD illud quodd obicitur de veniali, & mortali, quodd non differunt formaliter, quia magis & minùs non variant speciem dicendum quodd prima propositio falsa est.

Ad hoc autem quodd dicitur, quodd differentia secundum minùs & magis non variat speciem: responderetur tripliciter. Primò quodd hoc est verum in genere naturæ, sed non est verum in genere moris, sicut patet; quia vitia diuersificantur formaliter secundum speciem penes superabundantiam, & defectum non solum ad se inuicem, sed etiam à virtute. Secundo modo responderetur quodd hoc intelligitur de magis & minùs accidentali: delectari autem sub Deo est essentialiale veniali, & delectari supra Deum est essentialiale mortali. Tertio modo responderetur, quodd hoc est verum de magis & minùs, quodd est citra terminum: sed non de magis & minùs ultra terminum, vnde

calidum

10. Met. con-
s. 25. &
Auer. 2.
Post. 10. 10.

Peccati for-
male.

calidum in quarto gradu est alterius speciei, quàm sit A
calidum in tertio: sic & in proposito intelligendum, quòd
amare aliquid contra Deum est terminus venialis pec-
cati & quantumcunque intendatur amor, dum tamen
contra Deum est veniale peccatum: si autem præponit
aliquid Deo, tunc exit suum terminum, & sic cadit in
aliud peccati genus, scilicet in peccatum mortale.

QVÆSTIO II.

*An peccatum habeat diuidi per auersionem &
conuersionem.*

*Richardus 2. Sent. dist. 42. art. 3. q. 2.
Thom. Argens. 2. Sent. d. 42. q. 1. art. 2.
Steph. Brulef. 2. Sent. dist. 42. q. 6.*

Ad opposi-
tum.

Jerem. 2. c

VTRUM peccatum habeat diuidi per auersionem,
& conuersionem, tanquam per diuersa peccato-
rum sententias, siue per diuersa peccata Et quòd sic, vi-
detur. Duo mala fecit populus meus, me dereliquerunt
fontem aquæ viuæ, &c. si ergo derelinquere Deum, &
adhærere creaturæ, sunt duo mala, ergo sunt duo pec-
cata.

2. **ITEM** auersio est per contemptum, conuersio au-
tem per cupiditatem. Si ergo cupiditas, & contemptus,
sunt diuersa peccatorum genera, videtur quòd auersio,
& conuersio faciant peccata diuersa.

3. **ITEM** in bonis sic est, quòd alius est habitus, quo
quis declinat à malo, & alius quo facit bonum, similiter
& alius actus, sicut patet in timore & amore: ergo si
multò maior est diuersificatio ex parte malorum, quàm
ex parte bonorum, videtur multò fortius quòd aliud
sit peccatum, quo quis auertitur à Deo, & aliud, quo
conuertitur ad commutabile bonum.

4. **ITEM** aliud est præceptum, quo præcipitur facere
bonum, & aliud quo præcipitur declinare à malo: sed
auersio est contra illud præceptum, quo quis præcipi-
tur facere bonum, utpote Deo adhærere, & ad ipsum
conuerti: conuersio verò est contra illud præceptum,
quo præcipitur declinare à malo: ergo si diuersa sunt
præcepta, quibus opponuntur conuersio, & auersio:
ergo sunt diuersa peccata.

5. **ITEM** plus conuenit auersio, cum alia auersione,
quàm auersio, cum conuersione: sed auersio cum alia
auersione diuersa facit peccata: ergo multò fortius con-
uersio, cum auersione, diuersa facit peccata.

Fundamēta.
Eccli. 10. b

SED CONTRA: Super illud, Initium omnis peccati
superbia. Glossa: Cauemus superbiam, & cupiditatem,
non tanquam duo mala, sed vnum à quo omnia oriun-
tur: ergo si superbia facit auerti, & cupiditas conuerti,
videtur quòd penes auersionem, & conuersionem non
attendantur duo peccata, sed vnum.

August. de
nat. boni. 10.
6. cap. 34.
36.

ITEM Augustinus contra Pelagium: Peccatum non
est appetitus rerum malarum, sed desertio meliorum: ex-
ergo nunquam conuersio facit peccatum, nisi adsit auer-
sio: si ergo auersio concurrat ad omne peccatum, vide-
tur quòd penes illam non sumatur differentia peccati.

ITEM omne peccatum mortale est voluntarium: sed
non est voluntarium, nisi ratione conuersionis ad com-
mutabile bonum: ergo conuersio concurrat ad omne
peccatum: ergo conuersio non potest esse peccati dif-
ferentia.

5. Phys. cont.
4. 18. 38 &
48.

ITEM recessus à termino, à quo, & accessus ad ter-
minum ad quem non facit diuersos motus, nec diuersos
actus: sed auersio dicit recessum à termino à quo, con-
uersio accessum ad terminum ad quem: ergo non faciunt
diuersum actum, vel motum, sed ab unitate actus pecca-
tum est vnum: ergo non faciunt diuersa peccata.

ITEM in peccato auersio est formalis respectu con-
uersionis, sed formale non ponit in numerum cum suo
materiali: ergo nec auersio ponit in numerum cum con-
uersione: ergo conuersio, & auersio, non faciunt diuer-
sa peccata.

CONCLUSIO.

*Peccatum cum essentialiter in se claudat auersionem, &
conuersionem, non distinguitur per illas tanquam per
differentias diuersas: & ita auersio, & conuersio in
ipso reperia, non faciunt duo peccata.*

RESP. AD ARG. Dicendum quòd auersio dupliciter
accipitur. Vno modo, prout dicit deordinationem circa
actum conuersionis. Alio modo, prout dicit actum à
conuersione distinctum. Primo modo conuersio non
ponit in numerum cum auersione, nec faciunt diuersa
peccata: immò illa duo essentialiter clauduntur in omni
peccato mortali. Nam conuersio non est culpa, nisi quia
inordinata. Nec est inordinata, nisi quia auertitur homo
à Deo, cui deberet inhærere tanquam fini ultimo: &
hæc auersio est in peccato, in cuius perpetratione pec-
cator nihil cogitat de Deo. Secundo modo, scilicet pro-
ut auersio dicit actum distinctum contra conuersionem,
sic constituit diuersum peccati genus. Hoc enim modò
auerti est odio habere, vel inuidere, sicut supra dixit
Magister, & constat, quòd aliud genus peccati est, odire
Deum, & aliud amare commutabile bonum. Et quoniam
ut plurimum auersio in peccato accipitur, tam prout di-
cit deordinationem à Deo, tanquam à fine, quàm prout
dicit motum inordinatum contra Deum: hinc est, quòd
conuersio, & auersio potius comparantur ad peccatum,
sicut differentie constituentes, quàm sicut differentie
diuidentes. Et ideo concedendum est, quòd hoc modò
auersio, & conuersio non faciunt diuersa peccata, & ra-
tiones, quæ hoc ostendunt, concedendæ sunt, quia ista
via procedunt.

1. **AD** illud quod primò obicitur de Hieremia: Duo
mala fecit populus meus, &c. responderi potest, quòd
derelictio non tantum dicitur ibi pro deordinatione,
quæ est coniuncta conuersioni, sed etiam pro omissione
mandatorum Dei: & tunc distinguuntur illa duo mala,
non sicut auersio, & conuersio, sed sicut omisso, &
commisso. Vel dicendum, quòd duo mala dicuntur, non
quia sint duo peccata, sed quia sunt duæ diuersæ radices
malæ concurrentes ad completionem vnius peccati, si-
cut dicit Glossa præhabita supra.

2. **AD** illud quod obicitur, quòd auersio est per con-
temptum, & conuersio per cupiditatem, iam patet re-
sponsio: loquitur enim de conuersione, & auersione pro
diuerso actu, & motu: quòd si aliter intelligat, ut accipia-
tur contemptus, & cupiditas largè, prout concurrat ad
vnum peccatum, sic non sunt duo mala, sed vnum.

3. **AD** illud quod obicitur, quòd alius est habitus,
quo quis declinat à malo, & quo quis facit bonum, di-
cendum quòd declinare à malo dicitur dupliciter, sicut
dictum est de auersione: prout enim declinare à malo di-
cit actum detestationis, & fugæ, respectu mali, dicit di-
uersum actum, & motum ab eo, quòd est facere bonum.
Prout autem dicit recessum à malo, sic non dicit diuer-
sum actum, & habitum, quia eodem motu, & habitu,
quo quis accedit ad bonum, elongatur à malo.

4. **AD** illud quod obicitur, quòd alij præcepto oppo-
nuntur conuersio, & alij auersio, dicendum quòd falsum
est: nam auersio, & conuersio non sunt contra diuersa
præcepta, sed concurrunt ad idem peccatum, quòd est
tam contra præceptum affirmatiuum quàm contra præ-
ceptum negatiuum: nisi forte accipiat auersio, prout
nominat actum, vel motum contra Deum.

5. **AD** illud quod obicitur quòd plus conuenit auer-
sio cum auersione, &c. dicendum quòd verum est con-
uenientia formali, quæ est in hoc, quòd assignatur in
aliquo, tanquam in vno communi: sed non est verum de
conuenientia ordinis, quæ concurrat ad constitutionem
vnius tertij. Non enim vnum peccatum constituitur ex
pluribus auersionibus, sicut ex auersione, & conuersione
simul concurrentibus.

DISTINCT.

DISTINCT. XLIII.

De peccato in Spiritum sanctum, quod dicitur etiam peccatum ad mortem: Quid videlicet illud sit.



PRÆTEREA etsi quoddam peccati genus ceteris grauius & abominabilius, quod dicitur peccatum in Spiritum sanctum, de quo in Evangelio veritas ait:

Qui peccauerit in Spiritum sanctum, non remittetur ei, neque hic, neque in futuro. Et in Epist. Cano. Est peccatum ad mortem non pro eo dico ut quis oret. Qui enim peccat in patrem, remittetur ei: & qui peccat in filium, remittetur ei: qui autem blasphemauerit in Spiritum sanctum non remittetur ei neque hic, neque in futuro. Sed queritur quid sit illud peccatum in Spiritum sanctum, vel ad mortem. Quidam dicunt illud peccatum esse desperationis vel obstinationis. Obstinatio est indurata mentis in malitia pertinacia, per quam homo fit impenitens. Desperatio est, qua quis diffidit penitus de bonitate Dei, & est. manus suam malitiam diuina bonitatis magnitudinem excedere: sicut Cain qui dixit: maior est iniquitas mea, quam ut veniam merear. Vtrumque verò dicitur peccatum in Spiritum sanctum, quia Spiritus sanctus est amor Patris, & Filij, & benignitas qua se inuicem, & nos diligunt, qua tanta est, cuius finis non est. Recte ergo in Spiritum sanctum delinquere dicuntur, qui sua malitia Dei bonitatem superare putant, & ideo penitentiam non assumunt: & qui iniquitati tam pertinaci mente inhaerent, ut eam nunquam relinquere proponant, & ad bonitatem Spiritus sancti nunquam redire, patientia Dei abutentes, & de misericordia Dei nimis presumptuos: quibus placet malitia propter se, sicut piis bonitas. Isti nimia pertinacia & presumptione peccant, autumantes Deum non esse iustum. Illi desperatione, Deum non bonum existimant, tollentes in hoc turbulentissimo iniquitatum mari portum diuine indulgentie, quò se recipiant fluctuantes. Atque ipsa desperatione addunt peccata peccatis, dicentes misericordiam nullam esse, & quod super peccatores necessaria dānatio debetur.

Vtrum omnis obstinatio sit peccatum in Spiritum sanctum.

Sed queritur: Vtrum omnis obstinatio mentis in malitia obdurata, omnisque desperatio sit peccatum in Spiritum sanctum. Quidam dicunt omnem obstinationem & omnem desperationem esse peccatum in Spiritum sanctum. Quod si est, aliquando illud peccatum remittitur: quia multi etiam obstinatissimi & desperatissimi conuertuntur, ut Aug. ait super illum locum Psal. Conuertam in profundum maris, id est, eos qui erunt desperatissimi: & ibi: Mittit crystallum suum sicut buccellas, id est, obstinatos facit illorum Doctores. Talium conuersio ibi etiam euidenter ostenditur, ubi ait: Qui educit vineas in fortitudine: similiter & eos qui exasperant, qui habitant in sepulchris. Secundum istos illud peccatum dicitur irremissibile, non quia aliquando remittatur, sed quia vix, & raro, & difficulter dimittitur. Non enim soluitur crystallus, nisi vehementi spiritus impetu. Alij verò tradunt non quamlibet obstinationem vel desperationem appellari peccatum in Spiritum sanctum: sed illam tantum quam comitatur

Impenitentia: qui etiam impenitentiam dicunt esse peccatum in Spiritum sanctum. Sed quia Aug. dicit impenitentiam esse peccatum in Spiritum sanctum: cum sic obstinatus est aliquis, ut non peniteat: discuti oportet an aliud sit obstinatio, aliud impenitentia sit in eo peccatum, an idem sed diuersis modis commissum. Secundum istos peccatum illud dicitur irremissibile, eo quod nunquam dimittatur. Vnde Aug. etiam dicit, quòd hoc solum peccatum veniam mereri non potest: & Hieron. quòd taliter peccans digne penitere non potest. Et ideo recte Ioannes dicit, ut non pro eo oret quis: quia qui sic peccat, orationibus Ecclesia hic vel in futuro iuari non potest, habens cor induratum tanquam lapis, sicut de diabolo legitur. Post hanc vitam qui valde mali sunt meritis Ecclesia iuari non possunt.

Quòd aliter accipitur peccatum in Spiritum sanctum.

Est etiam alia huius peccati assignatio. Hoc enim peccatum Aug. definiens in lib. de sermone Domini in monte ait: Peccatum ad mortem est cum post agnitionem Dei per gratiam Christi oppugnat aliquis fraternitatem, & aduersus ipsam gratiam qua reconciliatus est Deo, inuidia facibus agitur: quòd fortasse est peccare in Spiritum sanctum: quod peccatum dicitur non remitti, non quia non sit ignoscendum peccati si peniteat, sed quia tanta est labes peccati illius, ut deprecandi humilitatem subire non possit etiam si peccatum suum mala conscientia agnoscere & renuntiare cogatur: ut Iudas cum dixit: Peccaui: facilius desperans cucurrit ad laqueum, quam humilitate veniam pereret: quod propter magnitudinem peccati iam ex damnatione peccati tales habere credendum est. Ecce quaedam assignatio peccati in Spiritum sanctum, vel ad mortem hic posita est, quā illud peccatum esse traditur oppugnatio fraternitatis post agnitionem, & inuidia gratia post reconciliationem: quod species quaedam obstinationis intelligi potest. Illam tamen definitionem Aug. in lib. Retract. commemorans, aliquid addendum ibi fore, nec asserendo se dixisse aperit: ita dicens: Quod quidem non confirmari, quoniam hoc putare me dixi. Sed tamen addendum fuit. Si in hac scelerata mentis peruersitate finierit hanc vitam: quoniam de quocunque pessimo in hac vita constituto, non est desperandum: nec pro illo imprudenter oratur, de quo non desperatur. His verbis insinuat peccatum praemissa definitione descriptum, tunc solum debere dici ad mortem, vel in Spiritum sanctum, cum non habet comitem penitentiam: nec de aliquo peccatore desperandum est in hac vita: & ideo pro omni esse orandum. Vnde illud Ioannis: Non pro eo dico ut quis oret: sic accipiendum videtur, ut pro aliquo peccatore ad mortem vel in Spiritum sanctum postquam finierit hanc vitam, non oremus. Dum autem in hac vita est, nec peccatum illius iudicare, nec de illo desperare: sed pro illo orare debemus. Vnde Aug. de verbis Domini de impenitentia, qua est blasphemia in Spiritum sanctum, sic ait: Ista impenitentia vel cor impenitens, quandiu quisque in hac carne viuit, non potest iudicari. De nullo enim desperandum est, quandiu ad penitentiam patientia Dei adducit. Paganus est hodie: Iudaeus, infidelis est hodie: haereticus est hodie: schismaticus est hodie: quid si cras amplectatur catholicam fidem, & sequatur catholicam veritatem? Quid si isti, quos in quocunque genere erroris notas, & tanquam desperatissimos damnas, antequam finiant istam vitam, agant penitentiam, & inueniant veram requiem, & vitam in futuro

Nolite

Mat. 12. c
1. Ioan. 5. d
Luca 12. b

Gen. 4. b

super Mat. thann.

Lib. 1. mo
longe à fine
com. 4.
1. Pauld
inferius.
Mat. 27. a

Lib. 1. cap. 9.

1. Ioan. 5. d

Serm. 11. post
mediū 10. 10.
Pauld infra.

Aug. de verbis Domini
ser. 11. circa
med. som 10.
Psal. 67. post
med. enarra-
tionis.
Psal. 147.
ibidem in fi-
ne enarra-
tionis ad
Psal. 49. ubi
sup.

1. Cor. 4. 6
Infra in sum.
su.

Nolite ergo ante tempus iudicare quenquam. Ex his ostenditur pro singulis peccatoribus in hac vita esse orandum, nec de aliquo esse diffidendum: quia conuerti potest dum in hac vita est: quia non potest sciri de aliquo utrum peccauerit ad mortem, vel in Spiritum sanctum, nisi cum ab hac vita discesserit: nisi forte alicui per Spiritum sanctum mirabiliter reuelatum fuerit. Ex praedictis aliquatenus capi potest quo modo accipitur peccatum in Spiritum sanctum. scil. inuidencia gratia fraternitatem impaenitentis oppugnans: quae utique obstinatio esse videtur, & omnis impaenitentis obstinatio, atque desperatio. Notandum verò est, quod non omnis, qui non paenitet, impaenitens dici potest: quia impaenitentia proprie obstinati est, & ut quidam volunt, etiam desperati.

Alia assignatio peccati in Spiritum sanctum.

De hoc quoque peccato in Spiritum sanctum Ambrosius in libro de Spiritu sancto differens, definitam assignationem tradit, dicens: Cur Dominus dixerit: Qui blasphemauerit in filium hominis, remittetur ei: qui autem blasphemauerit in Spiritum sanctum, neque hic, neque in futuro remittetur ei, diligenter aduerte. Nunquid alia est offensio Filij, alia Spiritus sancti? sicut una dignitas, sic una iniuria. Sed si quis corporis specie deceptus humani remissius aliquid sentit de Christi carne, quam dignum est, habet culpam, non est tamen exclusus à venia. Si quis verò sancti Spiritus dignitatem, maiestatem, & potestatem abneget sempiternam, & putet non in spiritu Dei eiici daemona, sed in Beelzebub, non potest ibi esse exhortatio venia, ubi sacrilegi plenitudo est. Satis hic aperte explicatur quid sit peccatum in Spiritum sanctum. Quod illud Augustini descriptioni congruere videtur, qua illud peccatum dicitur esse inuidencia gratia oppugnans fraternitatem. Qui enim post cognitionem veritatis sancti Spiritus veritatem negat, eiusque opera dicit esse Beelzebub, potestati, bonitati, & gratia Dei inuidere non dubitatur. Non itaque distinctio illa verborum sic accipienda est, quasi trium personarum diuisa sint offensa: sed ibi peccatorum genera distincta sunt. Peccatum enim in patrem id intelligitur, quod fit per infirmitatem, quia Patri Scriptura frequenter attribuit potentiam. Peccatum in filium, quod fit per ignorantiam, quia Sapientiam filio attribuit. Tertium expositum est. Qui ergo peccat per infirmitatem, vel ignorantiam, facile veniam adipiscitur, sed non ille, qui peccat in Spiritum sanctum. Cum autem una sit potentia, sapientia, bonitas trium: quare Patri potentia, Filio Sapientia, Spiritui sancto bonitas sapientius assignetur, superius dictum est.

DISTINCT. XLIII.

De vno peccato speciali, quod est magis graue, & abominabile, quod est peccatum in Spiritum sanctum.

Est praeterea quoddam peccati genus, &c.

Expositio Textus.

SUPRA egit Magister de distinctione peccati in generali. In hac parte descendit ad quoddam speciale genus peccati. Diuiditur autem pars ista in partes duas. In quarum prima Magister determinat de peccato illo, comparando illud ad alia peccatorum genera. In se-

cunda verò determinat de ipso, quid sit secundum aliorum assignationem, & etiam secundum propriam, ibi: Sed queritur quid sit illud peccatum. Prima pars remanet indiuisa: sed secunda diuiditur in partes tres, secundum triplicem assignationem peccati in Spiritum sanctum. Quarum prima multipliciter ponit assignationem, vnam per eius differentias magis notas, quae quidem sunt obstinatio, & desperatio. In secunda verò ponit eius assignationem per eius differentias minus manifestas, ibi, Est etiam alia huius peccati assignatio. In tertia verò subiungit ipsius peccati assignationem communem, & definitiuam: ibi: De hoc quoque peccato in Spiritum sanctum Ambrosius. &c. Prima istarum partium diuiditur in partes duas. In quarum prima determinat veritatem. In secunda dissoluit dubitationem, ibi: Sed queritur utrum omnis obstinatio. Similiter secunda diuiditur in duas. In quarum prima ponit Magister huius peccati assignationem. In secunda ponit eius assignationis explanationem, ibi: Illam autem assignationem Augustinus, &c. Similiter tertia pars habet duas. In quarum prima ponit peccati in Spiritum sanctum, secundum Ambrosium definitiuam assignationem. In secunda verò remouet dubitationem, ibi: Non utique distinctio illa verborum sic accipienda est.

Est peccatum ad mortem, &c. Dub. I.

SED CONTRA, hoc est, quia tales sunt diligendi ex charitate: ergo videtur, quod pro eis orandum sit. Praeterea: Tales magis indigent aliis, & prouiores sunt ad malum: ergo videtur quod maior sit beneficentia misericordiae pro his orare, quam pro aliis, qui non indigent. Est igitur quaestio, quare dicit beatus Ioann. quod pro talibus orandum non sit, cum de nemine sit desperandum.

RESP. Dicendum quod peccatum ad mortem dicitur dupliciter, aut quia perducit ad mortem, aut quia disponit ad mortem. Et primo modo accipiendo peccatum ad mortem omnino est irremissibile. Secundo modo accipiendo peccatum ad mortem cum difficultate est remissibile. Quolibet dictorum modorum intelligi habet praedictus sermo secundum differentem sui positionem. Nam primo modo sensus est. Non dico, ut pro eo oret quis, hoc est aliquis nec parum, nec magnus. Secundo verò modo sensus est. Non dico, ut pro eo oret quis, id est, quavis persona: quasi dicat: Difficile est pro tali peccatore exaudiri: quia talis iam inter corrigibiles est deputandus. De quo dicit Dominus: Quod si Ecclesia audire noluerit, sit tibi sicut Ethnicus, & publicanus. Et ita in vno sensu generaliter innuit, quod pro peccante ad mortem non est orandum: in alio verò sensu innuit, quod non est cuiuslibet impetrare tantum donum. In nullo tamen dictorum sensuum prohibet orare: sed in hoc verbo ostendit, quod mandatum suum, siue monitio, qua dixerat orandum esse pro primo, non se extendit generaliter respectu omnium, sed respectu eorum, de quibus probabiliter sperare possumus, quod nostris orationibus emendentur: & sic patet responsio ad illud.

Qui autem blasphemauerit in Spiritum sanctum, non remittetur ei. Dub. II.

CONTRA: Glossa dicit ibidem: Blasphemia remittitur: Spiritus autem blasphemiae non remittetur: ergo si blasphemia remittitur, siue blasphemet Patrem, siue Spiritum, remittetur. Iuxta hoc queritur, quae differentia sit inter blasphemiam, & spiritum blasphemiae. Videtur quod grauius peccatum sit blasphemia, quam spiritus blasphemiae: quia spiritus blasphemiae dicit voluntatem, blasphemia dicit opus: malum autem opus addit supra voluntatem. Contrarium huius est, quod dicit Glossa, quae dicit, quod Spiritus blasphemiae non remittitur, sed blasphemia remittitur.

RESP. Dicendum, quod sicut dicit Hugo: Blasphemia quantum est de se, indifferens est quantum ad hoc,

quod

Lib. I. cap. 3
infra in 10. 4
Matt. 12. b

Matt. 12. b

Matt. 18. 4

Diuisio.

quod sit peccatum in Spiritum sanctum, & non in Spiritum sanctum. Alij enim blasphemant ex infirmitate, & coactione: & hi peccant in Patrem. Alij ex deceptione, & hi peccant in Filium. Alij ex certa malitia, & hi peccant in Spiritum sanctum & hoc est sceleratissimum genus peccati in vituperiis Dei delectari. Et post subiungit. Quid est Spiritus blasphemiae, nisi affectus, & desiderium vituperationis diuinæ? Spiritus enim blasphemiae sic spirat ad odium Dei, sicut Spiritus sanctus ad Dei amorem. Quando ergo dicitur: Qui blasphemauerit in Spiritum sanctum, &c. nō intelligitur de quacunque blasphemia, sed de Spiritu blasphemiae: unde non dicit: Qui blasphemauerit Spiritum sanctum, sed qui blasphemauerit in Spiritum sanctum, id est, peccando in Spiritum sanctum: & hoc declarat ipsa glossa: quæ dicit, quod blasphemia remittitur, spiritus autem blasphemiae non remittitur. Per hoc patet responsio ad illud, quod quaeritur quæ differentia sit inter blasphemiam, & Spiritum blasphemiae, & quod grauius sit peccatum spiritus blasphemiae, quam blasphemia. Non enim differunt sicut voluntas, & actus, sed sicut generale, & speciale.

Desperatio est, quæ quis diffidit penitus de bonitate Dei, existimans suam malitiam diuinæ bonitatis magnitudinem excedere. Dub. III.

Videtur ex hoc, quod omnis desperans sit infidelis: omnis enim qui sic existimat, credit bonitatem Dei esse finitam, & omnis talis errat contra id, quod fidei est.

Item qui credit contrarium eius, quod dicit Scriptura, hæreticus, & infidelis indicatur: sed Scriptura dicit: Quacunque hora ingemuerit peccator omnium iniquitatum eius non recordabor: desperans credit eius oppositum: ergo, &c. Præterea Articulus specialis est de remissione peccatorum, & contra istum errat ille qui desperat. Similiter obijci potest de eo, qui præsumit: videtur enim quod desperatio tollat fidem. Contrarium huius est, quia fides ita præcedit spem, sicut præcedit charitatem: ergo sicut odium non tollit spem, ita etiam nec desperatio fidem.

Resp. Dicendum quod fides differt à spe, & in hoc, quod fides respicit ipsum obiectum in vniuersali: sed spes respicit in particulari, videlicet respectu sperantis, & in hoc etiam, quod fides dicit certitudinem in intellectu, spes dicit certitudinem in affectu. Sicut igitur contingit aliquando ignorari aliquid in particulari, & sciri in vniuersali, sicut dicit Philosophus primo Posteriorum: sicut est de illo, qui scit omnem mulam esse sterilem, & tamen existimat hanc habere in vtero: si potest aliquis habens fidem carere spe: & sicut potest aliquis non habens certitudinem de aliquo in affectu, habere in intellectu, sic potest aliquis non habens spem, habere fidem. Ad illud quod primò obijciunt, quod talis existimat malitiam suam Dei bonitatem excedere, dicendum quod existimare malitiam bonitatem excedere, hoc potest esse dupliciter: aut in se, aut in effectu. Et in effectu dupliciter: aut vniuersaliter respectu cuiuslibet, aut particulariter respectu sui. Et primo, & secundo modo est infidelitatis, & tertio desperationis. Et hoc innuit textus Genes. vbi dixit Cain desperans: Maior est iniquitas mea, quam vt veniam merear: non dixit, quod maior esset quam misericordia: sed quod amplior esset quam venia, ad quam peruenire posset: vel potest dici, quod talis existimatio potius venit ex subuersione confidentiæ, quam ex subuersione notitiæ: sicut homo aliquando bene scit aliquid, & tamen affectio adeo dominatur, vt ad existimandum oppositum pertrahat ipsum. Et per hanc viam respondendum est ad illa duo, quæ postea obijciuntur: non enim concludunt, quod desperatio tollat fidem: quia defectus est duplicis conditionis, sicut dictum est: quamvis autem desperatio non tollat fidem simpliciter, nihilominus tamen plus læditur fides per desperationem, quam per odium, vel quodcumque aliud peccatum, quod non sit ei directe oppositum. In fide

A enim sunt tria; videlicet ipsa crudelitas, & habilitas tendendi in Deum, & ipsa tendentia. Primum est quasi terra, & secundum, quasi semen, & tertium quasi fructus. Primum tollitur solum per infidelitatem. Secundum verò tollitur per desperationem, qua efficitur homo inhabilis ad tendendum ad Deum. Tertium verò tollitur per omne peccatum.

Peccatum enim in Patrem id intelligitur, quod fit per infirmitatem. Dub. IV.

Contra si hoc verum est, tunc omne peccatum est peccatum in Patrem: quia cum potentia peccandi potius sit impotentia, quam potentia, hoc ipso quo aliquis potest peccare, potest deficere, & infirmus esse.

Item si peccatum in filium est per ignorantiam, sicut ipse subiungit, cum omnis peccator sit ignorans, sicut vult Philosophus, videtur quod omne peccatum sit in filium: ergo nulla est illa diuisio peccatorum.

Resp. Dicendum, quod cum dicit peccatum esse ex infirmitate, & ignorantia, non accipitur hic quæcumque infirmitas, & quæcumque ignorantia, sed infirmitas, quæ quidem est ex carne, & ignorantia, quæ est respectu alicuius circumstantiæ facientis rationem culpæ: & hoc modo talis infirmitas non respectu omnis peccati, nec talis ignorantia, quamvis largo modo accepta infirmitate pro quacunque impotentia, & ignorantia pro quacunque nescientia, siue cognitionis practice, siue speculative, in omni peccato reperiantur. Præterea sciendum est, quod quando diuiditur peccatum per has differentias, quod illud dicitur peccatum ex infirmitate, quod procedit ex ipsa immediate, & similiter ex ignorantia, & malitia: & sic istæ tres differentie non concurrunt in peccatum idem. Et sic patent obiecta, & hæc sufficiant de ista diuisione: quia supra quaesitum fuit de his, vbi illa diuisio ponitur, & manifestatur.

ARTICVLVS I.

Ad intelligentiam huius partis incidit hic quaestio de peccato in Spiritum sanctum, de quo secundum ipsius triplicem comparisonem quaeruntur tria. Primò quaeritur de ipso in comparatione ad alia peccatorum genera. Secundò quaeritur de ipso quantum ad condiciones proprias. Tertio quaeritur de ipso quantum ad eius species, & differentias. Circa primum quaeruntur duo. Primò quaeritur, vtrum peccatum in Spiritum sanctum dicat genus peccati distinctum. Secundò quaeritur, vtrum peccatum in Spiritum sanctum semper habeat aliud peccatum actuale præambulum.

QVÆSTIO I.

An peccatum in Spiritum sanctum dicat genus peccati distinctum ab aliis generibus peccatorum.

Alex. Alensis 2. p. q. 114. Membro 1.

S. Thom. 2. 2. q. 14. art. 1.

Et 2. sent. d. 43. q. 1. art. 1.

Et de Malo. q. 3. art. 14.

Scotus 2. sent. dist. 43. q. 1.

Aegid. Rom. 2. sent. p. 2. dist. 43. q. 1. art. 1.

Richardus 2. sent. dist. 43. q. 1.

Durandus 2. sent. dist. 43. q. 1.

Thom. Argent. 2. sent. d. 43. q. 1. art. 1.

Steph. Brulef. 2. sent. dist. 43. q. 1.

Marfil. Inguen. 2. sent. q. 23. art. 1.

Gabr. Biel. 2. sent. dist. 43. q. 1.

Vtrum peccatum in Spiritum sanctum dicat genus peccati, distinctum ab aliis generibus peccatorum. Et quod sic, videtur. Primò per verbum Magistri in litera. Est quoddam peccati genus cæteris grauius, & abominabilius, quod dicitur peccatum in Spiritum sanctum.

ITEM hoc videtur ratione. Quia mortale, & veniale A faciunt diuersa peccatorum genera; ergo multò fortius remissibile, & irremissibile: sed peccatum in Spiritum sanctum est peccatum irremissibile: ergo videtur quòd peccatum in Spiritum sanctum sit aliud genus ab aliis generibus peccatorum.

ITEM peccatum in Spiritum sanctum est peccatum procedens ex certa malitia: si ergo peccatum ex certa malitia diuiditur contra peccatum ex ignorantia, & infirmitate: ergo videtur quòd peccatum in Spiritum sanctum sit genus peccati distinctum.

ITEM quod habet s; ecies proprias à speciebus aliorum peccatorum distinctas, & genus peccati distinctum ab aliis peccatorum generibus: sed peccatum in Spiritum sanctum est huiusmodi, quoniam eius species sunt desperatio, & obstinatio, & veritatis agnitæ impugnatio, quæ sunt propriæ species huius peccati, ita quòd non aliorum: ergo, &c.

Ad oppositum.

1. SED CONTRA: Peccatum in Spiritum sanctum, sicut dicit Magister in litera, est peccatum ad mortem; sed omne peccatum mortale est peccatum ad mortem: ergo cum peccatum ad mortem sit generale ad omnes peccatorum differentias: ergo & ad ipsum peccatum in Spiritum sanctum.

2. ITEM peccatum in Spiritum sanctum aut sic nominatur, quia est in personam Spiritus sancti, aut quia est contra illud, quod est appropriatum Spiritui sancto. Si quia contra personam Spiritus sancti: sed vna est maiestas Patris, & Filij, & Spiritus sancti: ergo omne peccatum quod est in Spiritum S. est in Patre, & omne quod est in Patrem, est in Spiritum sanctum: ergo hoc modo est generale ad omne peccatum. Sed si quia contra effectum Spiritui sancto appropriatum; utpote contra bonitatem, & gratiam: sed omne peccatum est contra bonitatem, & contra gratiam Spiritus sancti; ergo omne peccatum est peccatum in Spiritum sanctum.

3. ITEM peccatum diuiditur in peccatum ex infirmitate, & ex ignorantia, & ex malitia: ita quòd peccatum ex malitia est peccatum in Spiritum sanctum: sed peccatum ex ignorantia, & peccatum ex infirmitate non dicit speciale genus peccati: omne enim genus peccati, quod est ex ignorantia, potest esse ex infirmitate: ergo videtur similiter, quòd peccatum ex malitia non dicat determinatum peccati genus.

4. ITEM omne quod quis facit ex ignorantia, potest facere ex certa scientia, siue ex industria: ergo si omne genus peccati potest fieri ex certa industria, videtur quòd peccatum in Spiritum sanctum circumeat omnia peccatorum genera; non ergo videtur esse peccati genus ab aliis peccatorum generibus distinctum.

CONCLUSIO.

Peccatum in Spiritum sanctum ratione sui principij, quod est malitia, ratione actus substrati, qui est spiritualis, & ratione sui oppositi quod est gratia pœnitentialis, est genus peccati distinctum à ceteris generibus peccatorum.

RESP. Ad Arg. Dicendum quòd peccatum in Spiritum sanctum dicit genus peccati distinctum ab aliis generibus peccatorum ratione triplici, sc. ratione sui oppositi, & ratione actus substrati. Ratione principij: quia peccatum in Spiritum sanctum dicitur esse illud; quod est ex certa malitia, siue industria, ex qua non procedit omne peccatum, sed illud solum quod facit homo scienter. Ratione oppositi similiter distinguitur: quia cum triplex sit gratia, sc. innocentia, baptismalis, & pœnitentialis, peccatum in Spiritum sanctum propriè habet opponi gratia pœnitentiali, & eam impugnat quantum ad sui initium, & quantum ad sui terminum, sicut per originale perditur gratia innocentia, & per actualia impugnat gratia baptismalis. Ratione verò actus substrati distinguitur: quia cum peccatum illud sit impugna-

tium gratia, & malitia sit in ipso Spiritu secundum se, peccatum in Spiritum sanctum consistit circa actum ipsius Spiritus, sicut patet in desperatione, & obstinatione: unde fornicatio, & adulterium non potest aliquo modo dici peccatum in Spiritum sanctum. Ratione ergo sui principij, & oppositi, & actus substrati, peccatum in Spiritum sanctum est genus peccati determinatum. Et ratione horum trium sic nominatur, ut dicatur peccatum in Spiritum sanctum, videlicet ratione malitia, à qua procedit, quæ directè opponitur bonitati appropriatæ Spiritui sancto. Ratione pœnitentialis, siue finalis gratia, quam priuat, quæ est effectus appropriatus Spiritui sancto. Ratione etiam actus spiritualis, circa quem consistit: unde directè dicitur peccatum in Spiritum sanctum, quod est in spiritu, & circa actum spiritus malignantis. Et sic patet quòd peccatum in Spiritum sanctum est genus peccati ab aliis peccatorum generibus distinctum. Et concedendæ sunt rationes, quæ hoc ostendunt.

Ad illud quod obiicitur, quòd est peccatum ad mortem, dicendum quòd peccatum dicitur ad mortem secundum similitudinem ad mortem corporalem. In morte autem corporali tria concurrunt; quorum primum est amissio vitæ, aliud est corruptio dispositionis ex parte corporis ad susceptionem animæ: tertium est impossibilitas reparationis secundum cursum naturæ. Quantum ad primam conditionem omne peccatum, in quo est auersio à Deo dicitur esse peccatum mortale, siue ad mortem. Quantum ad secundam, peccatum in Spiritum sanctum dicitur peccatum ad mortem; quia tollit dispositionem ad susceptionem vitæ, quæ quidem consistit in susceptione pœnitentiæ. Quantum verò ad tertiam conditionem, peccatum illud dicitur ad mortem, in quo quis corporaliter moritur. Cum ergo dicatur quòd omne mortale est ad mortem, & quòd peccatum in Spiritum sanctum est peccatum ad mortem, differenti modo accipitur peccatum ad mortem.

1. Ad illud quod obiicitur, quòd aut dicitur peccatum in Spiritum sanctum, quia est contra personam, &c. dicendum quòd ideo dicitur peccatum in Spiritum sanctum, non quia sit contra personam, sed quia est contra appropriatum effectum: nec quia contra appropriatum effectum: sed quia contra effectum præcipientium inter appropriata Spiritui sancto: hic autem est donum gratia finalis, siue pœnitentialis, & huiusmodi proprie quantum ad statum gratia finalis, in qua consistit omnis gratia efficacia, & hoc modo non omne peccatum est contra effectum illum; & per hoc non sequitur, quòd omne peccatum sit in Spiritum sanctum.

2. Ad illud quod obiicitur, quòd omne peccatum potest esse peccatum ex ignorantia, & infirmitate, dicendum quòd non est simile: quia ignorantia non determinat sibi aliquem actum: & ideo non dicit genus peccati determinatum, sed circuit omnia peccatorum genera. Similiter dicendum de peccato, quod est ex infirmitate: non sic autem est de peccato secundum quod est ex malitia.

3. Ad hoc enim quod sit peccatum in Spiritum sanctum non sufficit quòd sit ex certa scientia, & ex industria, sed requiritur determinatio generis quantum ad actum substratum.

4. Ad illud quod obiicitur, quòd omne peccatum potest fieri ex malitia, dicendum quòd licet malitia concurrere possit ad omne peccatum: non tamen semper facit peccatum in Spiritum sanctum. Unde si quis senex, qui non habet appetitum fornicandi, excitaret carnem suam, ut fornicaretur, non diceretur in illa fornicatione peccare peccato in Spiritum sanctum, quamvis illud peccatum committeret ex industria & quadam malitia. Cum ergo dicatur, quòd peccatum ex malitia est peccatum in Spiritum sanctum, hoc solum intelligitur de generibus peccatorum, quæ propriè ex malitia habent ortum, sicut inuidia fraternæ gratia, & impugnatio veritatis agnitæ.

QVÆST.

QVÆSTIO II.

An peccatum in Spiritum sanctum semper habeat aliud peccatum præambulum.

Alex. Alensis 2 p. q. 114. Membr. 2.

S. Thom. 2. 2. q. 14. art. 4.

Et 7. Sent. dist. 43 q. 1. art. 5.

Agid. Rom. 2. Sent. p. 2. d. 11. q. 1. art. 2.

Richardus 2. Sent. dist. 43 q. 2.

Stephanus Brulef. 2. Sent. dist. 43 q. 2.

Ad opposi-
tum.

VTRVM peccatum in Spiritum sanctum semper habeat aliud peccatum præambulum. Et quod sic, videtur. Magister in litera dicit, quod peccatum in Spiritum sanctum est peccatum desperationis, vel obstinationis, sed nullus desperat, nec obstinatur, nisi propter aliquod præcedens peccatum: ergo videtur quod semper aliquod peccatum sit præambulum ad peccatum in Spiritum sanctum.

2. **ITEM** peccatum in Spiritum sanctum, vel est finalis impœnitentia, vel habet semper annexam finalem impœnitentiam quantum est de se: sed impœnitentia non est nisi respectu peccati præcedentis, sicut nec poenitentia: ergo nunquam est peccatum in Spiritum sanctum, quin habeat aliud peccatum præambulum.

3. **ITEM** peccatum in Spiritum sanctum est peccatum procedens ex certa malitia: ergo necesse est, quod antequam homo peccet peccato in Spiritum sanctum, quod ipse sit malitiosus: sed hoc non est, nisi per culpam: ergo ante peccatum in Spiritum sanctum necesse est aliam esse culpam præambulam.

4. **ITEM** in bonis nemo repente fit summus: ergo videtur quod in malis statim nemo labatur in profundum, sed per istud peccati genus labitur homo in profundum vitiorum: videtur ergo, quod istud peccati genus habeat aliud præambulum, quod disponat ad ipsum.

Fundamēta.

SED CONTRA: Quatuor sunt nobis inflicta, sicut dicit Beda, propter peccatum primi parentis, sc. infirmitas, ignorantia, malitia, & concupiscentia, sed possibile est quod homo primo peccato peccet peccato ex ignorantia, & ex infirmitate: ergo similiter possibile est, quod primo peccet peccato, quod ex malitia procedit.

ITEM quotiescunque peccatorum genera sunt diversa, possibile est peccare peccato vno absque alio: si ergo peccatum in Spiritum sanctum, est peccatum distinctum ab aliis generibus peccatorum, possibile est aliquem peccare illo genere peccati, etiam si non præcesserit aliud peccatum.

ITEM impugnatio veritatis agnitæ est huius peccati species, sed ita bene quis potest impugnare veritatem agnitam, sicut etiam veritatem ignoratam: ergo videtur, quod saltem quantum ad illam speciem absque alio peccati genere possit committi peccatum in Spiritum sanctum.

ITEM peccatum in Spiritum sanctum consistit circa actum Spiritus, sed maius pendet actus carnis ex actu spiritus, quam e conuerso: ergo si homo potest peccare peccato carnis, nullo alio peccato præcedente, pari ratione, immo multo fortiori videtur hoc esse verum de peccato in Spiritum sanctum.

CONCLUSIO.

Peccatum in Spiritum sanctum potest separari secundum existentiam à quocumque alio peccato, & committi sine aliqua culpa præambula licet istud raro contingat.

RESP. Ad Arg. Dicendum quod de peccato in Spiritum sanctum differenter est loqui secundum eius species diferentes. Quædam enim sunt species peccati in Spiritum sanctum, quæ nullo modo possunt esse absque peccato præambulo, sicut sunt obstinatio, desperatio, & finalis impœnitentia, talia enim respiciunt peccatum

A præambulum, quasi materiam, circa quam, & etiam sicut causam: nemo enim desperat de venia, nisi qui commisit culpam. Nemo obstinatur in malo, nisi qui fecit malum: nemo impœnitens est, nisi qui habet unde poeniteat. Sunt & aliæ species peccati in Spiritum sanctum, quæ quidem possunt esse absque peccato præambulo, pro eo quod actus ipsarum non respicit determinatè peccatum præambulum, sicut est inuidia fraternæ gratiæ, & impugnatio veritatis agnitæ, sicut etiam est præsumptio de impunitate. Potest enim quis fraternæ gratiæ inuidere, & veritatem agnitam impugnare, & de impunitate præsumere, etiā si nulla actualis culpa præcesserit: & hoc propter libertatem voluntatis, quæ in quolibet horum peccatorum propria deordinatione potest se præcipitare. Attamē quia ista sunt peccata valde graviora, vix aut nunquam contingit, quod aliquis in hæc cadat, nisi mens eius fuerit per alia peccata deprauata. Concedendum est ergo, quod peccatum in Spiritum sanctum non solum est genus peccati distinctum ab aliis peccatorum generibus secundum formam, sed etiam separari potest secundum existentiam: ita quod committatur sine culpa præambula, quamvis rarissimè contingat: unde & rationes, quæ ad illam partem inducuntur concedendæ sunt. Illa tamen ratio, quæ facit de eo, quod minù dependet actus spiritus ab actu carnis, &c. dicendum quod illa ratio non cogit quin peccatum in Spiritum sanctum possit esse sine aliis peccatis, pro eo quod actus spirituales, siue ad animam pertinentes, non solum transeant super materiā debitam, sed etiam super alios actus, unde substernunt sibi alios actus quasi pro materia: sic & peccata, quæ habent contra actus illos consistere, vt plurimum alia peccata præsupponunt tanquam materialia, sicut de peratio, & obstinatio: non sic autem est de actibus corporalibus qui quidem non transeunt in alios actus, sed in materiam extrinsecam: & ideo illa peccata contra illos actus existentia non habent alia peccata tanquam materialia. Et huic consonat illud quod dicit Grammaticus, quod verba proeretica, siue ad animam pertinentia requirunt determinari per infinitum sequentem: non sic est de actibus pertinentibus ad corpus, & ideo ratio illa non cogit. Nec alia cogit quæ dicit, quod est genus peccati distinctum: esto enim quod non esset sine aliis, nihilominus posset distingui ab aliis, quia multa sunt inseparabilia secundum esse, quæ tamen distinguuntur formaliter.

1. **AD** illud autem quod obicitur in contrarium de obstinatione, & desperatione, dicendum quod ratio illa procedit ab insufficienti: quamvis enim illud sit verum in his duobus generibus peccatorum, non tamen sequitur quod sit verum in aliis generibus peccati in Spiritum sanctum.

2. **AD** illud quod obicitur, quod finalis impœnitentia est annexa omnibus speciebus illius peccati, dicendum similiter quod nec illud cogit, pro eo quod peccando in Spiritum sanctum committit homo aliquod peccatum, respectu cuius potest habere propositum non poenitendi: sicut ille, qui impugnat veritatem agnitam, vel inuidet fraternæ gratiæ, vel etiam sicut est de eo, qui adeo præsumit de benignitate misericordiæ, quod nullum relinquit effectum iustitiæ, & ex hoc proponit malefacere, & nunquam de eis poenitere. Et hoc totum potest esse sine alterius peccati genere.

3. **AD** illud quod obicitur, quod illud peccatum est ex malitia, dicendum quod malitia secundum quod est huius peccati radix, potest dicere malitiam contractam ex peccato originali, vel potest dicere malitiam actam scilicet actualem peruersitatem voluntatis. Ex primo modo præcedit natura, & tempore, secundo modo concomitatur. Non enim oportet, quod ante fuerit malitiosus, sed volendo malignari potest in Spiritum sanctum peccare, & ita non oportet, quod præcedat aliqua malitia actualis peccati deprauans voluntatem, sed sufficit quod præcedat tempore malitia, quæ est poena originalis.

4. **AD** illud quod obicitur, quod nemo repente fit

summus, dicendum quod non est simile: quia quamvis non possit nisi ordinatè ascendere, potest tamen inordinatè descendere, siue subito se præcipitare. Præterea non efficitur homo ita perfectè malus committendo in Spiritum sanctum, immo quando pluries peccat, tantò magis labitur in profundum.

ARTICVLVS II.

CONSEQUENTER quæritur de hoc peccati genere, quantum ad conditiones proprias, & circa hoc quærentur duo. Primo quæritur de huius peccati gravitate. Secundò quæritur de huius peccati irremissibilitate.

QVÆSTIO I.

An peccatum in Spiritum sanctum sit grauissimum.

*Richardus 2. Sent. dist. 43. art. 2. q. 1.
Steph. Brulef. 2. Sent. d. 43. q. 3.*

Fundamēta.

VTAVM illud peccati genus sit grauissimum. Et quod sic, videtur. Primò per auctoritatem Magistri in litera. Est præterea quoddam peccati genus cæteris grauius, & abominabilius.

ITEM ratione videtur: Maius est peccatum, quod magis facit distare à venia; sed tale est peccatum in Spiritum sanctum: ergo, &c.

ITEM maius est peccatum, quod minùs habet de ratione excusationis: sed peccatum in Spiritum sanctum est huiusmodi: minùs enim habet inter cætera peccatorum genera de colore excusationis: ergo, &c.

ITEM maius est peccatum, quod magis inhabilitat animam ad iustitiam: sed peccatum in Spiritum sanctum est huiusmodi, quia maximè voluntatem deordinat: ergo, &c.

ITEM sicut ignorantia excusat peccantem, sic scientia aggrauat: quia seruus sciens voluntatem Domini sui, &c. sed peccatum in Spiritum sanctum est peccatum ex industria, siue est ex certa malitia: ergo, &c.

Lucæ 12. f

Ad opposi-
tum.
Psal. 58. b

1. **S**ED CONTRA: Super illud Psalmi: Conuerterentur ad vesperam, Glossa: Nemo insanabilior, quàm qui sanus sibi videtur: ergo minùs elongat à sanitate peccatum, in quo quis peccat scienter, quàm in quo quis peccat ignoranter; sed peccatum in Spiritum sanctum est, in quo quis peccat scienter: ergo videtur, quod sit minùs peccatum, quàm peccatum ignorantie.

2. **I**TEM etsi vna sit maiestas trium, & æqualiter sint omnes honorandi, tamen maiestas appropriatur Patri, & honor propter appropriationem ei debetur: ergo peccatum quod est in Patrem, vel tantum, vel plus Deum inhonorat, quàm peccatum, quod est in Filium, vel Spiritum sanctum: si ergo qualitas peccati pensatur secundum quantitatem contemptus, videtur quod non sit maius peccatum in Spiritum sanctum, quàm peccatum in Patrem, & in Filium.

3. **I**TEM malitia est poena inflicta pro peccato originali, sicut ignorantia, & infirmitas, sed ignorantia, & infirmitas, quia sunt poenæ, aliquo modo excusant peccatum consequens: ergo pari ratione, & malitia.

4. **I**TEM illud peccatum grauius est, in quo magis regnat libido: sed in peccato, quod est ex concupiscentia magis regnat libido, quàm in peccato, quod est ex malitia, sicut patet, quia maior est libido in fornicatione, quàm in desperatione: ergo videtur, quod maius sit peccatum, quod est ex concupiscentia, quàm illud quod est ex malitia: ergo peccatum in Spiritum sanctum non est peccatum grauissimum.

5. **I**TEM grauius est peccatum, in quo est maioris boni corruptio, sed in peccato infidelitatis maior est corruptio, quàm in peccato in Spiritum sanctum, in illo enim peccato receditur à veritate, & à bonitate, in peccato in Spiritum sanctum à bonitate tantum: ergo

videtur quod infidelitas, vel hæresis grauior sit, quàm peccatum in Spiritum sanctum.

CONCLUSIO.

Peccatum in Spiritum sanctum, cum sit ex certa malitia, & sit maximè natura læsum, & diuina maiestatis offensum, est cæteris peccatis grauius, & abominabilius.

RESP. AD A R G. Dicendum, quod peccatum in Spiritum sanctum, est peccatum grauissimum: & quia naturam maximè lædit, & quia oculos Dei maximè offendit. Naturam inquam, maximè lædit, dum non solum auferit ei sanitatem, sed etiam præcludit viam ad sanitatem: vnde sicut morbus periculosior est, quia non tantum lædit naturam, sed etiā præcludit viam ad summum cibum, vel medicamentum, sicut intelligendum est de illo morbo spirituali. Oculos Dei maximè offendit, quia nullum habet colorem excusationis, & ideo peccans hoc genere peccati meretur seuerius iudicari: & propter hæc duo dicit Magister, quod hoc peccatum cæteris est grauius, & abominabilius, vt grauius dicatur ratione maioris læsionis, abominabilius ratione defectus excusationis. Ratio autem huius est, quia peccatum in Spiritum sanctum est ex malitia, & non solum ex malitia, sed ex malitia, & industria. Peccat enim tunc quis peccato in Spiritum sanctum, quando ad malum mouetur ex nequitia, spiritus, sciens se moueri ad malum: vnde peccatum in Spiritum sanctum est ex malitia, conflata ex concursu malitiæ ex originali peccato contractæ, & malitiæ actualis coniunctæ industriæ: & ideo non tantum dicitur esse ex malitia, sed ex certa malitia. Prima autem malitia scilicet originali relicta, hoc peccatum non excusat, quia talis malitia est in ipsa voluntate secundum se, & ideo cum voluntati subiaceret, non minuit rationem voluntarij, sicut facit infirmitas, & ignorantia: & quia non minuit rationem voluntarij, non diminuit de ratione peccati, & propterea non excusat. Alia autem malitia non solum non excusat, sed etiam multum aggrauat, tum ratione improbitatis propriæ, tum ratione cognitionis adiunctæ: vtriusque enim est aggrauare. Et sic patet quare peccatum in Spiritum sanctum maximè oculos Dei offendit, scilicet, quia est ex certa malitia. Ex hac etiā eadem causa naturæ læditur: læsio enim peccati principaliter consistit in deordinatione voluntatis: & quanto voluntas magis improbè ad aliquid se inclinatur, tanto magis se deordinatur, & deprauatur. Et quia ex certa malitia hoc peccatum procedit: ideo in hoc peccati genere scienter, prudenter, immò etiam imprudenter peccator præeligit malum: & ideo voluntas eius in hoc peccato magis respuit bonum, quàm in aliis, quia amplius inficitur voluntatis gustus: & hinc est etiam quod respuit medicamentum, quemadmodum gustus maximè infectus respuit bonum cibum. Quoniam ergo hoc peccatum ex certa malitia procedit: hinc est, quod est cæteris grauius, & abominabilius, quantum ex genere peccati. Hinc est etiam, quod est maximè naturæ læsum, & maximè oculorum Diuinæ Maiestatis offensum. Et ideo concedenda sunt rationes ostendentes hoc peccatum esse grauissimum.

1. **A**D illud quod primò obiicitur, quod peccatum ex ignorantia magis à sanitate elongat, dicendum quod maior insanabilitas ex duplici causa potest venire: aut ex conditione morbi, aut ex conditione infirmi. Cum ergo dicitur, quod nemo est insanabilior eo, qui sibi sanus videtur, hoc intelligitur quantum ad conditionem, & statum infirmi, pro eo, quod talis, non sentiens se infirmum, non quærit Medicum, & ita nunquam sanatur. Quantum autem ad conditionem morbi, non habet veritatem: si enim peccans ex ignorantia erudiat, de facili recipit sanitatem: peccans autem in Spiritum sanctum rebellis est eruditioni ex ipsa natura talis morbi: & ideo quantum est de se, peccatum illud & grauius est, & insanabilius.

2. Ad illud quod obiicitur, quod peccatum in Patrem est æquè grave, vel magis, quàm peccatum in Spiritum sanctum, quia Patri appropriatur maiestas, dicendum quod illud peccatum non dicitur esse gravius aliis, pro eo, quod in eo magis contemnatur persona Spiritus sancti, quàm persona Patris: nam in omni peccato contemnitur vna maiestas trium personarum: unde sicut hoc genus peccati non distinguitur à peccato in Patrem ex hoc, quod hic contemnatur Spiritus sanctus, & ibi Pater, sic nec ex hoc gravius iudicatur, sed ex hoc gravius est, quia in ipso ampliùs contemnitur trium personarum maiestas, quàm in aliis generibus peccatorum, magis enim impugnat gratiam, quæ est totius Trinitatis effectus: & ideo maius est peccati genus: & ideo ratio illa procedit ex falso intellectu.

3. Ad illud quod obiicitur, quod malitia est pœna infligta, ergo debet excusare sicut aliæ pœnæ, dicendum, quod non est simile, & ratio huius est, quia malitia respicit ipsam voluntatem secundum se. Sed ignorantia respicit intellectum, & infirmitas respicit carnem, & illa nõ adeo sunt in voluntate sicut ipsa malitia: & ideo magis diminuunt de ratione peccati, quàm malitia: Præterea peccatum in Spiritum sanctum non tantum est ex malitia contracta, imò est ex malitia conflata ex malitia contracta, & malitia propria, sicut supra dictum est.

4. Ad illud quod obiicitur, quod illud peccatum est gravius, in quo magis regnat libido, dicendum quod libido maior dicitur dupliciter, aut ratione maioris voluptatis, aut ratione maioris improbitatis: libido enim nominat voluntatem voluptuosam, & improbam. Cum ergo dicitur, quod gravitas peccati attenditur secundum quantitatem libidinis, dicendum quod verum est secundum quod quantitas libidinis pensatur secundum improbitatem voluntatis, sed non est verum secundum quod pensatur penes delectationem: sicut patet, quia gravius peccat senex fornicator, vel adulterator, quàm iuuenis; ex improbiore enim voluntate movetur, quamvis iuuenis ampliùs delectetur: licet ergo in aliis generibus peccatorum magis abundet libido, quantum ad delectationem, quia tamen in hoc peccato magis abundat quantum ad improbitatem voluntatis, gravius est istud.

5. Ad illud quod obiicitur, quod maior est corruptio in peccato infidelitatis, dicendum quod maior corruptio potest esse dupliciter, aut intensiue, aut extensiue. Extensiue loquendo, plura bona priuantur in peccato infidelitatis, quàm in peccato in Spiritum sanctum, quia in illo peccati genere tollitur totius spiritalis ædificij fundamentum. Intensiue autem magis fit priuatio in peccato in Spiritum sanctum, pro eo, quod magis inhabilem reddit ad bonum, & ampliùs firmat in malo: unde illud peccatum rectè potest dici gravius, in quo est maior boni priuatio intensiue, & quia peccatum hæresis frequentissimè habet coniunctum peccatum in Spiritum sanctum, vtpotè oblationem: hinc est, quod illud peccatum est valde periculosum, si enim solum ex ignorantia hæreticus moneretur, facilius adhiberetur sibi remedium, sed quia animo obstinato pertinaciter adhæret errori suo, ideo frangitur potius, quàm iuuetur.

QVÆSTIO II.

An peccatum in Spiritum sanctum sit irremissibile.

Alex. Alenf. 2. p. q. 114. Membre 6.

S. Thom. 2. 2. q. 14. art. 3.

Et 2. Sent. dist. 43. art. 4.

Et de Malo, q. 3. art. 15.

Agid. Rom. 2. Sent. d. 43. p. 2. q. 2. art. 1.

Richardus 2. Sent. dist. 41. art. 2. q. 2.

Durand. 2. Sent. dist. 43. q. 2.

Thom. Argent. 2. Sent. dist. 43. q. 1. art. 2.

Steph. Brulef. 2. Sent. dist. 43. q. 4.

Gabr. Biel. 2. Sent. dist. 43. q. 1.

Ad opposi-
tum.
Matt. 12. 6

DE huius peccati irremissibilitate. Et quod illud peccatum sit irremissibile, ostenditur: Spiritus blas-

phemiz non remittitur. Et post: Qui dixerit verbum contra Spiritum sanctum non remittetur, nec in hoc sæculo, nec in futuro: sed Christus nullo modo potest mē-
tiri: ergo illud peccatum nullo modo potest remitti.

2. ITEM Glossa super dictum locum: Blasphemia remittetur: spiritus autem blasphemiz non remittetur, nec in hoc sæculo, nec in futuro.

3. ITEM: Desperauimus, post cogitationes nostras ibimus. Et post subiungitur: Tu autem noli orare pro populo isto, quia non exaudiam te: si ergo pro peccato remissibili Dominus vult exorari, & nolebat exorari propter peccatum desperationis, videtur ergo quod peccatum desperationis sit irremissibile: pari ratione concluditur de qualibet huius peccati specie.

4. ITEM nullum peccatum remittitur, nisi de quo quis potest subire pœnitentiam, & postulare veniam, sed peccatum in Spiritum sanctum non est huiusmodi: ergo, &c. Maior manifesta est, minor probatur per illud Augustini, qui dicit in sermone de sermone Domini in monte. Tanta est labes huius peccati, vt deprecandi humilitatem subire non possit.

5. ITEM impœnitentia est species huius peccati, & annexa aliis speciebus: si ergo impœnitentia rectè opponitur ipsi veniæ, & pœnitentiæ: ergo videtur quod simpliciter priuet veniam & remissionem: videtur ergo quod hoc peccatum sit irremissibile.

SED CONTRA super illud Psalmi: Convertam in profundum maris. Glossa, id est, eos, qui erunt desperatissimi: ergo si hoc est peccatum quod maximè elongat à venia, & illud omnino remittitur, videtur quod & omnia alia.

ITEM Augustinus de verbis Domini: Ista impœnitentia, vel cor impœnitens, quandiu aliquis in hac carne viuit, non potest iudicari: de nullo enim desperandum est, quandiu patientia Dei eum ad pœnitentiam adducit. Sed de eo, qui peccat peccato irremissibili, desperandum est: ergo videtur quod peccans peccato in Spiritum sanctum non peccet irremissibiliter.

ITEM peccatum in Spiritum sanctum non aufert homini statum viatoris, sed quandiu homo est in statu viatoris habet vertibilitatem liberi arbitrij, & quandiu habet hoc, potest Deo reconciliari, & à peccato liberari: ergo videtur quod peccatum in Spiritum sanctum possibile sit remitti.

D ITEM potentior est gratia, & virtus in bonum, quàm sit peccatum in malum: sed nulla virtus reddit hominem ex suo actu impossibilem ad peccatum; nec pœnitentia, nec alia: ergo videtur, quod nulla culpa reddat hominem ex suo actu impossibilem ad resurgendum, sed non resurgit homo à peccato nisi remittatur peccatum: ergo non solum istud peccati genus, sed etiam quodlibet aliud est remissibile.

ITEM si peccatum in Spiritum sanctum dicitur irremissibile, aut hoc est per priuationem actus remissionis, aut per priuationem dispositionis, aut per priuationem possibilitatis. Si per priuationem actus, ergo quodlibet peccatum quod non remittitur, debet dici irremissibile, ergo quodlibet peccati genus illo modo remissibile dicitur. Si per priuationem dispositionis: ergo cum omne peccatum mortale reddat hominem ineptum ad remissionem propter Dei offensam, & contemptum, videtur ergo quod omne debeat dici irremissibile. Si propter priuationem possibilitatis, contra: aut hoc est, quia Deus non potest infundere gratiam, aut hoc est: quia iste non potest gratiam recipere. Sed primum est planè falsum, similiter & secundum, quia iste habet arbitrij libertatem: non ergo videtur, quod aliquo modo illud peccatum debeat dici irremissibile. Est ergo quæstio, si dicitur irremissibile, quomodo dicatur, & qualiter.

De hac materia Angu-
de Verb. Do-
mini serm.
11. tom. 10.

1. 18. b

Lib. 1. ante
finitom. 4.

Fundamēta.

Serm. 11. d
med. tom. 10.
Lib. Rerum.
c. 19. tom. 1.

CONCLUSIO.

Peccatum in Spiritum sanctum pro quanto habet annexam impœnitentiam, quæ tollit propositum pœnitendi, dicitur irremissibile, id est, difficulter, vel inconsuetum remitti, sed pro quanto dicitur finalem impœnitentiam, est absolute irremissibile, id est, impossibile remitti.

Opinio 1.

Opinio 2.

Conciliatio.

Perseuerantia duplex.

Impœnitentia duplex.

RESP. Ad Arg. Dicendum, quod sicut dicit Magister in litera, & innuit, quorundam opinio fuit, quod peccatum in Spiritum sanctum diceretur irremissibile, quia vix, & raro, aut difficulter dimittitur. Alij verò dixerunt, quod illud peccatum dicitur irremissibile, quia nullo modo remitti habet, pro eo, quod tali peccato peccans, dignè pœnitere non potest. Vterque autem illorum modorum dicendi conueniens est, & verus, nec vnus repugnat alteri, si rectè intelligantur. Sicut enim remissibile dicitur dupliciter. Vno modo remissibile dicitur aptitudinem, alio modo dicitur consuetudinem, sic & irremissibile dupliciter potest dici. Vno modo vt dicatur irremissibile, id est, ineptum, siue impossibile ad remittendum. Alio modo vt dicatur irremissibile, quod est inconsuetum remitti. Vtroque enim horum modorum peccatum in Spiritum sanctum potest dici irremissibile: nam omne peccatum in Spiritum sanctum vel est impœnitentia, vel habet impœnitentiam annexam. Impœnitentia autem dicitur duobus modis, sicut & perseuerantia. Vno modo dicitur perseuerantia propositum perseuerandi. Alio modo dicitur perseuerantia, continua permanentia in bono vsque ad finem. Et primo modo perseuerantia est in qualibet virtute. Secundo modo perseuerantia includit gratiam finalem. Sic & impœnitentia dicitur dupliciter. Vno modo dicitur impœnitentia propositum non pœnitendi. Alio modo dicitur impœnitentia continua permanentia in malo vsque ad diem extremum inclusiue. Et secundum istum modum peccatum in Spiritum sanctum, quod claudit in se impœnitentiam dupliciter potest dici. Vno modo prout claudit in se impœnitentiam, quæ quidem est finalis persistencia in malo: & sic dicitur irremissibile, quia non potest remitti: sicut finalis gratia non potest perdi. Sed hoc modo peccare peccato in Spiritum sanctum nemini est attribuendum, vsque ad illud instans, in quo possit dici de isto, quod finaliter sit impœnitens. Et secundum istum modum currit vna prædictarum opinionum, & ita valde strictè accipit peccatum in Spiritum sanctum. Alio modo dicitur peccatum in Spiritum sanctum, prout claudit in se impœnitentiam, id est, propositum non pœnitendi: hoc modo dicitur irremissibile, id est, inconsuetum remitti. Quamvis enim non sit impossibile ad remissionem, quia tale propositum mutari potest: raro tamen, & vix remittitur, quia tale propositum claudit viam ad gratiam, & impedit Spiritus sancti ingressum. Illud enim, quod gratiam introducit, & quod ad gratiam disponit de congruo est voluntas recedendi à peccato: & ideo cum voluntas faciem suam obfirmavit ad oppositum, nisi fiat ei specialis vocationis donum, & adiutorium, non peruenit ad remissionis beneficium: quoniam ergo alia peccatorum genera etsi priuent bonam voluntatem, & iustitiam, non tamen reddunt voluntatem rebellem, & repugnantem contra vocationem diuinam: hinc est, quod si nunquam remittantur propter negligentiam peccatoris, vel propter præoccupationem mortis: non tamen dicuntur esse irremissibilia. Patet ergo quare peccatum illud dicitur irremissibile magis, quam alia peccatorum genera, scilicet pro eo, quod non tantum repugnat gratiæ, sed etiam dispositioni ad veniam & gratiam suscipiendam. Patet etiam quomodo dicatur irremissibile: quia communiter loquendo non priuat potentiam, sed dispositionem: strictè autem accipiendo potentiam priuat: sed hoc modo non dicitur peccare homo in Spiritum S. quandiu viuit in hac vita.

Et per hoc patet responsio ad rationes, quæ adducun-

tur ad vtramque partem. Ad eas potissime quæ inducuntur ad secundam partem, quæ, scilicet ostendunt, quod peccatum illud non dicitur irremissibile, eo quod reddat hominem impossibilem ad veniam, quandiu est in vita ista, & quia verum concludunt, ideo concedenda sunt. Vltima tamen ratio videtur ostendere, quod nullo modo debeat dici irremissibile, sed iam manifestata est per ea, quæ dicta sunt: quia in aliis peccatis mortalibus non sic est priuatio ad remissionem, sicut in hoc peccato. Quamvis enim alia peccata tollant iustitiam, non tamen auferunt propositum redeundi ad iustitiam. Ferè enim omnes qui peccant emendare proponunt. Hoc autem peccati genus, in quantum peccatum est, tollit iustitiam: in quantum verò peccatum tale est, quod habet annexam impœnitentiam, auferit homini propositum redeundi ad gratiam: & ideo irremissibile dicitur, quia priuat dispositionem ad bonum.

1. 2. Ad illud autem quod primò obiicitur in contrarium de auctoritate Domini in Matthæo, & etiam de Glossa, dicendum quod tam textus, quam Glossa intelligi habet quantum ad remissionis priuationem secundum consuetudinem, non secundum possibilitatem, & aptitudinem: vnde quod Dominus comminatur, quod illud peccatum non remittitur, hoc intelligendum est, non quia remitti non possit, sed quia Deus paucis consuevit remittere. Vel dicendum, sicut dicit Augustinus, quod intelligitur de peccato in Spiritum sanctum, secundum quod includit impœnitentiam finalem, hoc est, in quo quis perseuerat vsque ad mortem.

3. Ad illud quod tertio obiicitur de verbo Ieremiæ, quod Deus nolebat orari pro desperatis, dicendum, quod hoc non erat, quia nullo modo possent ad bonum conuertere, vel redire, hoc enim potuissent si Deus vellet eos specialiter visitare, sed quia ipsi non merebantur, & Deus occulto suo iudicio nolebat eis manum misericordie ampliare: hinc est, quod præuidens & suum iudicium, & eorum impœnitentiam, hoc Propheta prædicebat, & ita ex hoc non habetur quod illud peccatum non posset remitti, sed quia illud illis nolebat Deus remittere, & quod illi finaliter in impœnitentia remanserant, quamvis possent ab ea discedere.

4. Ad illud quod obiicitur, quod tanta est huius peccati labes, quod pœnitere non possit, dicendum quod Augustinus illud verbum retractat, & explanat hoc non esse dictum per priuationem omnimodæ possibilitatis, cum Deus conuertat desperatissimos, sed per priuationem facilitatis: vnde non solummodo consuevit dici aliquid impossibile, quod nullo modo potest fieri, sed etiam quod difficulter fit.

5. Ad illud quod obiicitur, quod impœnitentia est species huius peccati, iam patet responsio, quia dupliciter dicitur impœnitentia, sicut dictum est, & prout impœnitentia dicitur propositum non pœnitendi, non reddit hominem impossibilem ad veniam, quia potest ab illo proposito desistere, & illo proposito desistente, potest aliud propositum illi succedere, & per illud ad veniam peruenire.

ARTICVLVS III.

CONSEQUENTER quæritur de huius peccati genere, quantum ad eius species, & differentias. Et circa hoc quærentur duo. Primò quæritur de speciebus huius peccati quantum ad numerum, & sufficientiam. Secundò verò quæritur de his, quantum ad vniuscuiusque propriam rationem.

QVÆSTIO I.

An peccata in Spiritum sanctum sint finita numero.

Alex. Alensis 2. p. q. 114. Membr. 3.

S. Thom. 2. 2. q. 14. art. 2.

Et 2. Sent. dist. 43. q. 1. art. 3.

Egid.

*Egid. Rem. 2. Sent. dist. 43. p. 2. q. 1. art. 3.
Steph. Brulef. 2. Sent. d. 43. q. 1.*

Ad opposi-
tum.

DE numero, & sufficientia specierum huius peccati. Et communiter consueverunt huius peccati sex species assignari, scilicet desperatio, præsumptio, obstinatio, inuidia fraternæ gratiæ, impugnatio veritatis agnitæ, & finalis impœnitentia. Sed quod multo plures debeant esse, videtur: quia cum sint tres virtutes Theologicæ, scilicet fides, spes, & charitas, quarum quælibet ita est ad salutem necessaria sicut alia: videtur quod sicut est unum peccatum in Spiritum sanctum, quod est contra spem, scilicet desperatio, similiter debeat esse unum contra fidem, & aliud contra charitatem.

2. **ITEM** virtutes Cardinales multæ sunt præter pœnitentiam, quæ sunt necessariae ad salutem: ergo sicut accipitur species peccati in Spiritum sanctum per oppositum ad pœnitentiam, ita deberet accipi per oppositum ad alias virtutes cardinales.

3. **ITEM** in Deo non tantum considerantur istæ conditiones, videlicet iustitia, & misericordia, sed etiam plures aliæ, utpote bonitas, & maiestas: ergo sicut sunt duæ species huius peccati, quarum una est contra iustitiam ut præsumptio, alia contra misericordiam ut desperatio; ita videtur quod duæ aliæ species deberent esse contra conditiones alias.

4. **ITEM** septem sunt peccata capitalia, inter quæ sunt aliqua ita magna, sicut est inuidia: ergo sicut inuidia fraternæ gratiæ ponitur una species huius peccati, ita deberet poni superbia, & ira.

5. **ITEM** æquè magnum peccatum est impugnare bonitatem, sicut impugnare veritatem: ergo sicut est una species huius peccati penes impugnationem veritatis agnitæ, ita deberet esse alia species penes impugnationem bonitatis.

ITEM Spiritus blasphemiae est peccatum in Spiritum sanctum, secundum quod dicitur in Glossa, & in textu: nec est aliquod prædictorum: ergo videtur quod plures sint species peccati in Spiritum sanctum, quam prædictæ.

ITEM quæro unde accipitur distinctio istarum specierum. Aut enim accipitur ex parte eius, cui opponitur hoc peccatum, aut ex parte actuum substratorum, aut ex parte motuorum. Si ex parte eius, cui opponitur, cum illa sit gratia pœnitentialis, & gratia pœnitentialis sit una, videtur quod una sola deberet esse species huius peccati: Si ex parte actuum substratorum; aut illi actus sunt principales potentiarum interiorum, aut non. Si principales: tunc non deberent esse nisi tres secundum numerum potentiarum. Si penes actus non principales; ergo deberent esse multo plures, quam sex. Si ex parte motuorum; similiter obiicitur, quia cum plura sint motiva quam sex, plures erunt huius peccati species.

Iuxta hoc quæritur, cum Magister non tangat in littera nisi de quatuor speciebus peccati in Spiritum sanctum: & alij ponunt quinque species, alij sex, unde veniat ista diversitas. Quæritur ergo penes quid distinguantur istæ species, & qui sit earum numerus, & sufficientia.

CONCLUSIO.

Peccata in Spiritum sanctum sunt numero sex, desperatio, præsumptio, obstinatio, finalis impœnitentia, impugnatio veritatis agnita, inuidia fraterna gratia.

RESP. AD ARG. Dicendum quod peccatum in Spiritum sanctum directe est contra effectum Spiritus sancti, qui quidem dicitur gratia pœnitentialis. Hæc autem pœnitentialis gratia secundum quod in sacramento consideratur, tria respicit, videlicet medicum, & ægrotum, & ministrum. Ex parte medici ista duo concurrunt, misericordia, & iustitia: misericordia per quam remittit offensam, & iustitia per quam exigit emendam: contra misericordiam est desperatio: contra iustitiam est præsumptio. Similiter ex parte ægroti duo concurrunt, videlicet detestatio peccati præteriti, & propositum non pec-

candiam si enim hæc duo in se habeat, non est idoneus ad hoc quod gratia Spiritus sancti habeat in ipsum efficaciam: contra detestationem peccati est obstinatio; contra vero propositum non peccandi est finalis impœnitentia. Similiter ex parte ministri duo concurrunt, videlicet veritas doctrinæ, per quam peccatorem instruat, & sanctitas gratiæ per quam ipsum adiuuet, & subleuet; contra veritatem doctrinæ est impugnatio veritatis agnitæ: contra sanctitatem gratiæ est inuidia fraternæ gratiæ. Et sic patet numerus, & sufficientia, quare scilicet tot sunt species peccati, nec plures, nec pauciores. Aliter potest accipi sufficientia dictarum specierum; quia cum peccatum illud sit contra gratiam pœnitentialem, in quantum per ipsam fit remissio peccatorum in unitate Ecclesiæ; aut illud peccatum est contra pœnitentiam, aut contra unitatem Ecclesiasticam.

Contra pœnitentiam autem potest esse dupliciter. Aut per recessum à bono: & sic est desperatio. Aut per confirmationem in malo: & sic obstinatio. Si contra unitatem Ecclesiasticam, sic est aut ratione veritatis, aut ratione bonitatis. Si ratione veritatis: sic est impugnatio veritatis agnitæ. Si ratione bonitatis, sic est inuidia fraternæ gratiæ. Et hoc modo sumuntur species quatuor. Nec iste modus assignandi repugnat ei, qui dictus est; quia sub obstinatione quæ est confirmatio in malo, clauditur præsumptio, & finalis impœnitentia: hoc enim ipso quod obstinatus est aliquis in malo, nec timet penam, nec proponit dimittere culpam. Aliter sumitur numerus istarum specierum: quia cum peccatum in Spiritum sanctum sit contra pœnitentialem gratiam, aut est contra ipsam ratione sui, aut ratione antecedentium, aut ratione subsequentium. Si ratione sui: sic est obstinatio. Si ratione antecedentium: cum ad pœnitentiam antecedant timor, & spes tanquam duæ molæ, contra timorem est præsumptio, contra spem est desperatio. Si ratione consequentium; cum ad pœnitentiam consequatur emenda, quæ consistit in duobus, scilicet in vera confessione, & bona satisfactione, sic sumuntur duæ species. Quarum una est impugnatio veri, altera est detestatio boni; & secundum illam assignationem obstinatio comprehendit obstinationem propriè dictam, & finalem impœnitentiam. Et sic patet numerus & sufficientia specierum, & qua ratione quidam assignent quatuor, quidam quinque, quidam sex; ille autem modus, quo assignantur sex species, convenientior est, & communius tenetur, pro eo quod illud quod alij dicunt implicite, ille dicit explicitè. Iuxta hunc modum concedendum est species peccati in Spiritum sanctum numero esse sex, & non plures.

1. **AD** illud ergo quod obiicitur, quod sicut est unum peccatum in Spiritum sanctum, quod est contra spem, sc. desperatio, sic etiam deberet esse peccatum in Spiritum sanctum, quod esset contra fidem, & contra charitatem, dicendum quod illa ratio non cogit: quia non dicitur desperatio peccatum in Spiritum sanctum, quia est contra spem, sed quia directe repugnat dispositioni gratiæ pœnitentialis. Qui enim desperat de venia, nunquam ad gratiam se præparat: sicut Iudas, qui facilius desperans cucurrit ad laqueum, sicut dicit Augustinus, quam ad petendum misericordiae beneficium.

2. **AD** illud quod obiicitur, quod sunt aliæ virtutes cardinales præter pœnitentiam, dicendum quod etsi aliæ virtutes sint, tamen pœnitentia propriè virtus est, per quam resurget homo in gratia, & per quam remittitur culpa: & ideo peccatum, quod est maximè impugnativum gratiæ magis directe habet opponi gratiæ pœnitentiæ, quam aliæ virtuti cardinali. Præterea pœnitentia non tantum est virtus, sed etiam sacramentum, & utroque modo ei opponitur peccatum in Spiritum sanctum.

3. **AD** illud quod obiicitur, quod aliæ sunt conditiones Dei, quam misericordia, & iustitia, dicendum quod etsi aliæ sint, istæ tamen sunt præcipuæ, quæ considerantur in opere iustificationis, & quas oportet attendere peccatores, ut possint redire ad gratiam: & ideo magis

*De Serm.
Domini lib.
1. ad finem
rom. 4.*

circa istas assignatur species peccati in Spiritum sanctum quam circa condiciones alias.

4. Ad illud quod obiicitur, quod septem sunt capitalia vitia ita magna, sicut invidia, dicendum quod invidia fraterne gratiæ non ponitur esse peccatum in Spiritum sanctum ratione eius, quod est capitale vitium, vel peccatum, sed ratione eius quod est impugnatio boni, quæ directe habet oppositionem ad bonum penitentiae.

5. Ad illud quod obiicitur, quod contingit impugnare bonitatem sicut veritatem, & maiestatem, dicendum quod in impugnacione veritatis agnitæ clauditur impugnatio maiestatis, & etiam bonitatis: quoniam veritas non tantummodo prædicat se, sed etiam prædicat, & manifestat Dei bonitatem & maiestatem: & dum aliquis scienter dicit contra veritatem, in qua prædicatur Dei maiestas, & bonitas per consequens maiestatem, & bonitatem impugnat.

6. Ad illud quod obiicitur de spiritu blasphemiae, dicendum quod comprehenditur sub impugnacione veritatis agnitæ. Qui enim vitur verbis falsis, veritati Dei resistit, & blasphemare dicitur, & veritatem agnitam impugnare.

7. Ad illud quod quæritur, penes quid accipiatur numerus, & sufficientia specierum huius peccati, dicendum quod sumitur ex parte oppositi: opponitur autem penitentiae hoc peccati genus non solum ratione habitus penitentiae, sed etiam ratione eorum quæ concurrunt ad penitentiae effectum. Et quia ista sunt sex, sicut ostensum fuit, duo ex parte medici, & duo ex parte ægroti, & duo ex parte ministri, propter hoc sex sunt species huius peccati.

8. Ad illud verò quod ultimum quærebatur, iam patet responsio per ea quæ dicta sunt.

QUESTIO II.

An species enumerata sint propria peccati in Spiritum sanctum.

S. Thom. 2. 2. q. 14. art. 2.

Et 2. Sent. dist. 43. art. 3.

Ægid. Rom. 2. Sent. dist. 43. p. 2. q. 1. art. 3.

Stephan. Brulef. 2. Sent. dist. 43. q. 6.

Ad opposi-
tum.

QUÆRITUR de speciebus huius peccati quantum ad rationes proprias, & ostenditur quod nulla istarum sit species peccati in Spiritum sanctum. Et primo de desperatione, quia peccatum in Spiritum sanctum est ex certa malitia: sed desperatio potius est ex infirmitate, quam ex malitia: ergo videtur quod desperatio non sit peccatum in Spiritum sanctum. Si tu dicas quod saltem potest esse species, in quantum est ex malitia. Obiicitur contra hoc: quia qui desperat, cogitat in corde suo, quod maior est iniquitas sua, quam Dei misericordia: & omnis talis errat, & decipitur; ergo non omnis desperatio ortum habet ex ignorantia: ergo non est species peccati in Spiritum sanctum.

2. Secundo ostenditur hoc ipsum de præsumptione, quia frequenter præsumit quis potius ex confidentia, vel audacia, quam ex malitia, ergo non videtur esse species peccati in Spiritum sanctum. Si tu dicas quod non est species nisi quantum procedit ex malitia. Obiicitur contra hoc: quia præsumptio vndeunque procedat, species superbæ est, quæ est capitale peccatum: ergo non est species peccati in Spiritum sanctum.

3. Tercio ostenditur hoc ipsum de obstinatione, quia obstinatio est induratiæ mentis in malitia pertinacia, per quam fit homo impœnitens; si ergo induratio mentis venit ex permanione in peccato, & permanio in peccato non sit species peccati, sed potius circumstantia, videtur quod obstinatio non sit species peccati in Spiritum sanctum. Si tu dicas quod obstinatio secundum quod est peccatum in Spiritum sanctum, non tantum dicit permanionem, sed etiam dicit novum actum & modum:

A Obiicitur contra hoc: quia actus ille non est aliud, quam voluntas manendi in peccato: ergo non est aliud, quam impœnitentia: ergo videtur quod obstinatio non sit species peccati in Spiritum sanctum ab impœnitentia distincta.

4. Quarto ostenditur hoc ipsum de impugnacione veritatis agnitæ: quia frequenter veritas agnita impugnatur ex verecundia, quia homo timet confundi quando dicit falsum: ergo videtur quod non sit species peccati in Spiritum sanctum. Si tu dicas quod non est species peccati in Spiritum sanctum, nisi quando est ex malitia. Obiicitur contra hoc: quia tam veritas quam veritatis agnitio Filio appropriatur; ergo potius debet dici impugnatio veritatis agnitæ peccatum in Filium, quam peccatum in Spiritum sanctum.

5. Quinto loco ostenditur hoc ipsum de invidencia fraterne gratiæ: quia aliquis invidet alij ex corruptione naturæ: ergo si omne peccatum in Spiritum sanctum est ex malitia, videtur quod ista non est species peccati in Spiritum sanctum. Si tu dicas quod hoc modo est peccatum in Spiritum sanctum, quo modo procedit ex malitia. Obiicitur contra hoc: quia invidencia fraterne gratiæ semper continetur sub invidia, quod est peccatum capitale: ergo videtur quod invidencia fraterne gratiæ reducat ad peccatum capitale, & non sit peccatum in Spiritum sanctum.

6. Sexto, & ultimo ostenditur illud idem de impœnitentia: quia aliquis non pœnitet, quia nescit se peccasse: ergo videtur quod aliqua impœnitentia sit ex ignorantia: ergo si non est species peccati in Spiritum sanctum, nisi quod est vniuersaliter ex malitia; igitur, &c. Si tu dicas quod tunc est peccatum in Spiritum sanctum, quando est ex certa scientia. Obiicitur contra hoc: quia scientia non variat genus peccati cum sit circumstantia: si ergo impœnitentia procedens ex ignorantia, non est species peccati in Spiritum sanctum, videtur quod nec impœnitentia procedens ex certa scientia.

CONCLUSIO.

Sex species peccati in Spiritum sanctum dicuntur peccata in Spiritum sanctum, secundum quod generalem habent conditionem, ut in se propriam malitiam claudunt, quæ si ex ignorantia vel ex infirmitate tantum provenirent: non dicerentur peccata in Spiritum sanctum.

D

RESP. Ad arg. Dicendum quod quemadmodum in operibus meritoriis charitas dat formam, ita quod nihil est meritorium nisi ex charitate procedat, sic intelligendum est in peccato in Spiritum sanctum, quod malitia dat formam huic peccato: vnde nihil dicendum est esse peccatum in Spiritum sanctum, nisi quod ex certa malitia procedit. Et quoniam ferè omnes actus animæ, qui procedunt ex certa malitia, possunt procedere ex infirmitate, & ignorantia, & nomina peccatorum imponuntur ab actibus; hinc est quod nullum nomen prædictarum specierum est impositum alicui earum secundum quod est præcisè peccatum in Spiritum sanctum; & propterea in omnibus opus est hac generali, & comuni distinctione, ut dicamus quod ista lex nominent peccatum in Spiritum sanctum, secundum quod sunt ex malitia: si autem sunt præter malitiam, ut potè ex ignorantia, & infirmitate, tunc non sunt peccata in Spiritum sanctum, hoc autem melius patet si ad singula descendamus.

1. Ad illud enim quod primo obiicitur de desperatione, quod potest esse ex infirmitate, dicendum quod aliquando desperat aliquis ex pusillanimitate, ita quod in ipsa desperatione non inuenit complacentiam, sed dolet, & renititur contra ipsam: & tunc non est dicendum esse peccatum in Spiritum sanctum, quia ex tali desperatione homo non proicitur in profundum. Est & alia desperatio, quæ quis desperat diffiditue abscondens se quasi à facie diuinæ misericordiæ, secundum quod fecit Caim, qui dixit; Ecce à facie tua eiicies me hodie: & hæc sem-

Gen. 4. 6

per

per est peccatum in Spiritum sanctum, quia est in contumeliā diuinę misericordię, cui suam prefert iniquitatem, sicut dixit Cain: Maior est iniquitas mea, &c. ex hoc tamen non indicatur infidelis: aut quia talis bene sentit de aliis, sed male de se, aut certe quia non æstimat Deum misereri non posse, sed potius misereri nolle: & tale peccatum semper habet coniunctam malitiam, pro eo quod qui sic desperat, in tali culpa vult vitam suam finire: vnde tales desperatissimi frequentissime sibi ipsis inferunt mortem.

2. Ad illud quod obiicitur de presumptione, dicendum quod est presumptio de meritis, & presumptio de impunitate. Prima presumptio, quā quis presumit de meritis suis siue de aliquo, quod habet in se, est peccatum superbię. Secunda verō presumptio quā quis presumit de impunitate dans totum diuinę misericordię, & auferens ei rigorem omnino iustitię, hoc est peccatum in Spiritum sanctum, quia claudit viam ad gratiam, & viam ampliat ad peccatum; & sic patet quod aliter pertinet ad peccatum capitale, & aliter ad peccatum in Spiritum sanctum.

3. Ad illud quod obiicitur de obstinatione, quod obstinatio dicitur per mansionem in malo, dicendum quod obstinatio dicitur dupliciter. Vno modo dicitur obstinatio continua per mansio in culpa. Alio modo dicitur obstinatio voluntas complacens sibi in culpa perpetrata, & priorem culpam non detestans, sed approbans: & hoc modo dicitur actum, actum, inquam, procedentem ex malitia: ideo est peccatum in Spiritum sanctum. Differt autem ab impotentia, secundum quod hęc proprie accipitur; nam vnum est respectu præteriti, & reliquum respectu futuri. Et quamvis vna sit virtus cuius est præterita plangere, & plangenda non committere: tamen contra istos duos actus possunt esse diuersa vitia; sicut largitas cum sit vna virtus, tamen secundum duos actus, qui ad ipsam concurrunt, videlicet dare, & tenere, habet duo vitia opposita, videlicet prodigalitatem, & auaritiam.

4. Ad illud quod obiicitur de impugnatione veritatis agnitę, dicendum quod veritas agnita tripliciter potest intelligi impugnari; aut propter ipsam veritatem, aut propter ipsum dicentem, aut propter effectum consequentem. Primo modo nullus impugnat, cum omnes homines natura scire desiderent. Secundo modo, & tertio potest impugnari ex infirmitate, & etiam ex malitia: & cum quis impugnat eam pertinaciter, siue in confusionem dicentis, siue propter excusationem sui, quasi semper habet adiunctam malitiam, maxime autem cum est veritas ad salutem pertinet, ut est veritas Christianę religionis: & sic est peccatum in Spiritum sanctum. Tunc autem dico aliquam veritatem pertinaciter impugnare, quando ex sua impugnatione propter odium dicentis, vel effectus non sequentis facit, vel vult facere præiudicium veritati, ita quod quamvis non odiat veritatem, secundum quod veritas est, tamen ratione adiuncti omnino eam abhorret; sicut aliquis odit Deum ratione iustitię: & ratione illius odij contingit, quod homo delectetur in contumeliis Dei, & in confutatione veritatis; & tunc recte dicitur moueri ex malitia, & pertinacia. Si autem quis resistat non pertinaciter, tunc potest bene procedere talis impugnatio ex quadam infirmitate: nec talis impugnatio peccatum est in Spiritum sanctum. Nec valet illud, quod obiicitur, quod veritas, & agnitio veritatis appropriatur filio: quia talis impugnatio non procedit ex ipsa agnitione, sed potius procedit ex malitiosa voluntate. Vnde Magister supra dixit in prologo: Dissidentibus voluntatibus dissidens sit animorum sensus: & dum aliud aliis aut videtur, aut placeat, veritati vel non intellexit, vel offendenti impietatis error obnititur, & voluntatis inuidia resultat: & illud est quod mouet ad veritatem impugnandam.

5. Ad illud quod obiicitur de inuidia fraternę gratię dicendum quod dupliciter potest quis inuidere gratię alienę; aut quia ex hoc minuitur bonum proprium, cuius promotionem appetit singulariter: & sic est pecca-

tum capitale; aut quia visus animę sic est deprauatus, ut sicut non videt bonum in se, sic etiam nollit videre bonum in alio: & tunc est peccatum in Spiritum sanctum; hoc autem est in illis, maxime qui vix possunt in aliquo homine videre bonum, & ita alio modo est peccatum capitale, alio modo est peccatum in Spiritum sanctum: & isto ultimo modo non procedit nisi ex magna corruptione, & malitia voluntatis, quę adeo gustum eius peruertit, ut bonum faciat apparere malum, & malum faciat apparere bonum.

6. Ad illud quod obiicitur de impoenitentia, dicendum quod impoenitentia dicitur dupliciter, videlicet priuatiue, & contrarię. Si dicatur priuatiue, sic non est peccatum in Spiritum sanctum, quia non penit nouum peccatum, sed conditionem dicit, siue circumstantiam peccati præcedentis. Alio modo potest dici contrarię: & tunc dicitur impoenitentia voluntas impoenitendi: & talis ex malitia procedit, & est peccatum in Spiritum sanctum. Nec valet illud quod obiicitur, quod scientia non variat genus: dico enim quod hoc non est ratione scientię, sed etiam ratione malitię: hæc autem impoenitentia sic est species peccati in Spiritum sanctum, quod tamen alię species ad ipsam ordinantur, ut ipsa quodam modo omnibus aliis est annexa. Nec hoc impedit, quin sit diuersa species ab aliis: quia sicut in virtutibus vna disponit ad alteram, sic etiam & in vitiis, quamvis non sit tanta connexio in habitibus vitiiorum; sicut est in habitibus virtutum, sicut, Deo dante, in Tertio libro manifestabitur.

DISTINCT. XLIV.

De Potentia peccandi, an à Deo sit homini, vel à diabolo.



POST prædicta: consideratione dignum occurrit, utrum peccandi potentia sit nobis à Deo, vel à nobis. Putant quidam potentiam recte agendi nobis esse à Deo: potentiam verò peccandi non à Deo, sed à nobis, vel à diabolo esse, sicut mala voluntas non à Deo nobis est, sed à nobis, & à diabolo: bona autem à Deo tantum nobis est. Bona namque voluntatis & cogitationis initium non homini ex seipso nasci, sed diuinitas parari & tribui in eo Deus euidenter ostendit, quia nec diabolus, nec aliquis Angelorum eius, ex quo in hanc caliginem sunt detrusi, bonam potuit vel poterit resumere voluntatem, quia si possibile foret, ut humana natura postquam à Deo auersa bonitatem perdidit voluntatis, ex seipsa rursus eam habere potuisset, multo possibilis hoc natura haberet angelica; quā quantò minus grauatur terreni corporis pondere, tantò magis hac esset prædita facultate. Non ergo homo vel Angelus à se voluntatem bonam habere potest, sed malā. Similiter & de potentia inquirunt per similitudinem voluntatis de potentia, boni vel mali differentes, quod illa sit à Deo, non ista.

Auctoritatibus astruit potentiam peccandi esse à Deo.

Sed pluribus Sanctorum testimoniis indubitanter monstratur, quod potestas mali à Deo est, à quo est omnis potestas. Ait enim Apostolus: Non est potestas nisi à Deo. Quod non de potestate boni tantum, sed & mali intelligi oportet, cum Pilato etiam veritas dicat: Non haberes in me potestatem, nisi datum esses tibi de super. Malitia nempe hominum: ut ait Augustinus, cupiditatem nocendi per se habet: potestatem autem si ille non dat, non habet. Ideoque, diabolus antequam aliquid talleret Iob, dicebat Domino: Mitte manum

tuam

Aristot. 1.
Metaph. con-
tex. 1.

Aug. lib. de
sede ad Petri
c. 3. ad mo-
dum, tom. 3.

Rom. 13. a

Ioan. 19. b

Super Psal.

32. in ca. 2.

concione 2.

lib. de natu-

ra boni, c. 32.

tom. 6.

Iob 1. c

Prov. 8. 6
Job 34. 6
Osee 13. d

Lib. 62. c. 19.
in fine 10. 2.

tuam, id est, da potestatem: quia etiam nocentium potestas non est nisi à Deo: sicut Sapientia ait: Per me reges regnant, & tyranni per me terram tenent. Vnde Job de Domino ait: Qui facit regnare hypocritam propter peccata populi. Et de populo Israel dicit Deus: Dedi eis regem in ira mea. Nocendi enim voluntas potest esse ab homine, potestas autem non est nisi à Deo, & hoc abdita aptaque iustitia: nam per potestatem diabolo datam iustos Deus facit suos: De hoc etiam Gregorius in Moralibus ait: Tumoris elatio, non potestatis ordo in crimine est. Potentiam Deus tribuit, elationem verò potentia malitia nostra mentis inuenit: Tollamus ergo quod de nostro est: quia non potentia iusta, sed actio prava damnatur. His auctoritatibus, aliisque pluribus evidenter ostenditur, quod non est potestas boni, vel mali cuiusque nisi à Deo aquo, et si lateat aequitas.

An aliquando resistendum sit potestati.

Quaest. 13.
Rom. 15. 6

Hic oritur quaestio, non transilienda silentio. Dictum est supra, quod potestas peccandi vel nocendi non est homini vel diabolo, nisi à Deo. Apostolus autem dicit quod qui potestati resistit, Dei ordinationi resistit. Cum ergo diabolo sit potestas mali Dei ordinatione, eius potestati non esse resistendum videtur. Sed sciendum est Apostolum ibi loqui de seculari potestate, scilicet rege, & principe, & huiusmodi: quibus non est resistendum in his quae iubet Deus eis exhiberi, scilicet in tributis & huiusmodi. Si verò princeps aliquis, vel diabolus aliquid iusserit vel iusserit contra Deum, tunc resistendum est. Vnde Augustinus determinans, quando resistendum sit potestati ait: Si aliquid iubeat potestas quod non debeas facere, hic sanè contemne potestatem, timendo maiorem potestatem. Ipsos humanarum rerum gradus adverte. Si quid iusserit procurator, nunquid faciendum est, si contra proconsulem iubeat? Rursum si quid ipse proconsul iubeat, & aliud iubeat Imperator, nunquid dubitatur illo contempto, illi esse serviendum? Ergo si aliud Imperator, aliud iubeat Deus, contempto illo, obtemperandum est Deo. Potestati ergo diaboli vel hominis tunc resistamus, cum aliquid contra Deum suggererit, in quo Dei ordinationi non resistimus, sed obtemperamus. Sic enim Deus praecepit, ut in malis nulli potestati obediamus. Iam nunc his intelligendis atque pertractandis, quae ad Verbi incarnati mysterium pertinent, integra mentis consideratione intendamus: ut de ineffabilibus vel modicum aliquid fari Deo reuelante valeamus.

De Ver. Domini ser. 6.
10. 10.

DISTINCT. XLIV.

Vnde habeat ortum potentia peccandi.

Post praedicta, consideratione dignum, &c.

Expositio Textus.

SUPRA ostendit Magister, qualiter peccatum ortum habeat à voluntate in generali, & in speciali. In hac verò parte determinat, unde habeat ortum potentia peccandi: & haec pars durat usque ad finem libri. Diuiditur autè pars ista in quatuor partes. In quarum prima Magister querit, unde sit potentia peccandi; & determinat quod potentia peccandi non est à Deo secundum quorundam opinionem. In secunda verò parte ostendit, quod omnis potentia peccandi est à Deo plu-

Diuisio.

ribus auctoritatibus, ibi: Sed pluribus sanctorum testimoniis, &c. In tertia verò parte determinat quandam dubitationem, quae ex praecedentibus habet ortum, videlicet, utrum aliquando potestati sit resistendum, ibi: Hic oritur quaestio non transilienda: ubi determinat quod aliquando est obediendum, aliquando resistendum. In quarta verò, & ultima continuat Magister dicta dicendis, ut ex hoc libro ad librum Tertium transeat, ibi: Iam nunc his intelligendis, atque pertractandis, &c. Et posset haec particula ultima diuidi contra totum praecedens: sed causa breuitatis non fuit diuisa: huiusmodi enim minutiae diuisionum plus habent curiositatis, quam utilitatis; & idcirco eas in praecedentibus praetermissi.

Diuisiones
quarum sunt
inutiles.

Sciendum est Apostolum ibi loqui de seculari potestate.

Dub. I.

CONTRA; Non videtur Magister sufficienter soluere ad quaestionem motam, immò potius fugere, quia sicut habitum est in praecedenti capitulo, diabolus non habet potestatem nocendi a seipso, sed à Deo: cum ergo Apostolus dicit, quod omnis potestas à Deo est, intelligit non solum de potestate hominis, sed etiam de potestate diaboli. Item videtur quod eius potestati non sit resistendum: quia dicit Hieremias: Gens, & regnum quod non seruiert Nabuchod. &c. comminatur his Dominus, qui non seruiert Nabuchod. si ergo per Nabuchod. significatur diabolus: videtur, &c. Item non debemus resistere membris diaboli, utpotè malis praetatis, & tyrannis, qui sunt membra diaboli; ergo multò fortius neque ipsi diabolo, qui est caput ipsorum malorum.

Hier. 17. b

RESP. Dicendum quod Magister rectè dicit in hoc quod dicit, quod verbum Apostoli, quo dicitur non resistendum esse potestati, intelligi habeat de potestate humana, non de potestate diabolica: quia potestas humana & ordinata est, & ordinatè frequenter mouet, & imperat, & ideo qui ei resistit diuinæ ordinationi resistit, saltem si ordinatè praecipit. Sed quia diabolus ex peruersitate voluntatis suae semper inordinatè, & ad malum mouet, & contra Deum; ideo secundum rectum ordinem, & mandatum Apostoli semper est ei resistendum, & pugnandum contra eum tanquam contra pessimum aduersarium. Quod ergo dicitur quod potestas diaboli à Deo est, dicendum quod verum est: sed ipse non utitur ea ad id, ad quod Deus ei eam dedit, immò semper malum intendit, & dum ei fortiter resistimus, malum suum in bonum nostrum couertimus. Ad illud, quod obiicitur de membris diaboli, dicendum quod non est simile: nam membra sua non ita semper mouent ad malum, sicut ipse qui est in malo obstinatus, & à quo sumpsit exordium omne malum.

Ipsos humanarum rerum gradus adverte, si quid iusserit procurator, &c. Dub. II.

In hoc verbo innuit Magister, quod si potestas inferior obuiet potestati superiori, magis obediendum est potestati superiori, quam inferiori: sed contrarium huius habetur super illud Apocalypsis; Et Angelo Ecclesiae Pergami scribe: Non audeat Archiepiscopus super subditos Episcopi manum imponere sine eo: sed hoc potest Episcopus sine Archiepiscopo: ergo videtur quod magis est obediendum inferiori, quam superiori. Item causa immediata magis influit, quam mediata: ergo si potestas inferior magis immediata est quam superior; videtur quod magis sit standum potestati inferiori, quam superiori. Contrarium huius est, quia dicit Boetius: Quidquid potest virtus inferior, potest superior, sed non è conuerso: ergo virtus superior potest compescere inferiorem; ergo magis standum est mandatis ipsius.

Apo. 2. c

RESP. Dicendum quod dupliciter est loqui de potestate superiori, & inferiori. Aut ita quod potestas inferior totaliter fluit à potestate superiori, ad quam or-

dinatur

dinatur, sicut potest potestas Procuratoris à potestate Proconsulis, & potestas Proconsulis à potestate Imperatoris: & tunc verum est quod dicit, quod standum est magis potestati superioris, quam inferioris. Aut illæ potestates in se habent, quod ambæ fluunt à superiori: & in casibus determinatis vna præsupponit alteram, & illa posse plenum habet super vtramque: sicut potestas Episcopi, & Archiepiscopi à potestate Papæ, qui plenam habet potentiam super vtrumque: & tunc non est generaliter verum quod magis oporteat obedire potestati superiori, quam inferiori: ut potest potestati Archiepiscopi, quam Episcopi: quia vnus est prælatus immediatus, alter medius: sed respectu eius, qui habet plenam potestatem super vtrumque, veritatem habet: quia ille non est tantum prælatus medius. Vnde magis debet stare subditus mandato Papæ, quam mandato alicuius Prælati inferioris. Et in hoc casu loquitur Augustinus. Et per hoc patet responsio ad obiecta.

Dub. III.

Postremò quæritur de illis auctoritatibus, quas Magister adducit in litera. Cum enim sit quæstio de potestate peccandi, videtur quod minus rectè adducat auctoritates illas quæ locum tenent de potestate dominandi, & inferendi malum poenæ, sicut aspicienti patet. Et dicendum quod ex consequenti aliquo modo possunt ad propositum applicari, verumtamen, sicut aperte apparet: Magister allegat eas aliquantulum minus rectè. Non tamen est mirandum, si in tot & tam bonis dictis Magister dixit aliquid minus complete: nec ei est propter hoc insultandum, magis enim suo labore meruit legentium orationes, & gratiarum actiones, quam reprehensiones, licet in aliquibus locis declinauerit ab opinionibus communibus & parti minus probabiliter adhæsit, præcipue in octo locis.

Nam in lib. 1. sunt duo, vnum sc. est Dist. 17. quod charitas, quæ est Dei, & proximi, non est quid creatum, sed increatum. Aliud verò est quod hæc nomina Trinus, & Trinitas non dicunt positionem, sed priuationem tantum, & hoc ponit Dist. 24. In secundo verò libro similiter duo dicit, quorum primum est, quod in Angelis beatis præmiū præcellit, & meritum respectu substantialis præmij habet subsequi: & hoc dicit Dist. 5. & etiam Dist. 11. Aliud est Dist. 30. quod nihil de cibis transit in veritatem humanæ naturæ, nec per generationem, nec per nutritionem: In lib. 3. similiter duo dicit: Vnum est, quod anima exuta corpore est persona: & hoc Dist. 5. Aliud est quod Christus fuit homo in triduo: & hoc dicit Dist. 22. In quarto libro duo dicit: Vnum est quod Baptismus. I. annis cum impositione manuum æquipollens Baptismo Christi, ita quod baptizatus Baptismate Ioannis in fide Trinitatis non erat rebaptizandus: & hoc dicit Dist. 2. Aliud est de potestate baptizandi interiorius, quam dixit quod Deus potuit alij dare, & quod creatura potuit suscipere: & similiter quod Deus potest potestatem creandi communicare, & creare per creaturam, tanquam per ministrum: & hoc Dist. 5. In his octo positionibus communiter Doctores Parisienses non sequuntur Magistrum nec credo in omnibus his eum esse sustinendum, ne amore hominis veritati fiat præiudicium, & hæc omnia suis locis manifesta sunt, & manifestabuntur.

ARTICVLVS I.

AD intelligentiam huius artis incidit hic quæstio circa tria. Primo quæritur, vnde habeat ortum potestas peccandi. Secundò verò quæritur, vnde sit in homine potestas præiudicandi, siue dominandi. Tertiò quæritur de necessitate subiaccendi potentie præiudicanti. Circa primum quærentur duo. Primò quæritur, vtrum potentia peccandi sit in homine, à Deo, vel à se-

ipso. Secundò quæritur, vtrum potentia peccandi, in quantum huiusmodi sit bona, an mala.

QVÆSTIO I.

An potentia peccandi sit in nobis à Deo.

*S. Thom. 2. Sent. d. 44. q. 1. art. 1.
Scotus 2. Sent. dist. 44. q. 1.
Aegid. Rom. 2. Sent. d. 44. p. 2. q. 1. art. 1.
Richardus 2. Sent. dist. 44. q. 2.
Durand. 2. Sent. d. 44. q. 1.
Thom. Arg. 2. Sent. dist. 44. q. 1. art. 3.
Steph. Brulef. 2. Sent. dist. 44. q. 1.
Gabr. Biel. 2. Sent. dist. 44. q. 1.*

VTRVM potentia peccandi sit in nobis à Deo. Et quod sic, videtur. Primò, auctoritate Augustini super Psalmum, & Magister adducit in litera: Nocendi voluntas potest esse ab animo hominis: potestas autem non nisi à Deo: sed voluntas nocendi, quæ est hominis à seipso, non est, nisi respectu nocimenti, quo quis peccat: ergo si respectu illius eiusdem est à Deo, videtur quod potestas peccandi sit à Deo in ipso homine.

2. **I**TEM Philosophus in Topicis: Potest Deus, & studioli praua agere: sed omne illud, in quo communicat cum Deo, habet ab ipso, tanquam à causa, & principio: si ergo in potentia peccandi homo cum Deo communicat: videtur, quod potentiam peccandi à Deo accipiat.

3. **I**TEM omne illud, quod attestatur nobilitati naturæ est à Deo: sed potestas peccandi in eo, in quo est, attestatur nobilitati naturæ: non enim reperiri potest nisi in creatura rationali, quæ est nobilissima omnium creaturarum: ergo videtur quod potentia peccandi sit in homine à Deo.

4. **I**TEM omne illud quod facit ad amplificationem laudis, à Deo est, cuius est omnis honor, & laus: sed posse peccare facit ad laudem viri iusti, secundum quod dicitur: Qui potuit transgredi, & non est transgressus, & facere malum, & non fecit: ergo videtur quod posse peccare sit in homine à Deo.

5. **I**TEM potentia peccandi aut est in creatura rationali, secundum quod est à Deo, aut secundum quod est ex nihilo. Si secundum quod est à Deo, habeo propositum, scilicet quod talem potentiam homo à Deo accipiat. Si secundum quod est ex nihilo: ergo cum omnis creatura sit ex nihilo, omnis creatura habet potentiam peccandi: si igitur hoc est falsum, restat, & c.

SED CONTRA: Peccare est deficere: sed posse deficere, est non posse, & est priuatio potentie: Si ergo priuatio, & defectus potentie non est à Deo, videtur quod potentia peccandi non sit in homine à Deo, sed potius à seipso.

ITEM ab eodem principio sunt actus, & potentie: ergo si peccatum non est à Deo aliquo modo: ergo nec potentia peccandi in homine est ab ipso.

ITEM gloria est perfectiua, & salutiua naturæ: sed per gloriam aufertur potentia peccandi: si ergo gloria non aufert quod Deus dedit, videtur igitur, quod potentiam peccandi homo à Deo non acceperit.

E **I**TEM potentia peccandi est potentia faciendi contra Deum: ergo potentia peccandi, in quantum huiusmodi, aduersatur diuinæ potentie: si igitur diuina potentia nihil contra se facit, videtur igitur quod ab ipso non sit potentia peccandi.

ITEM omne quod est in homine à Deo, habet exemplar in Deo: sed potentia peccandi, in quantum huiusmodi, non habet exemplar in Deo: impossibile enim est quod Deus peccet, sicut locis pluribus Augustinus ostendit: & impossibile est etiam defectus habere exemplar in Deo: si igitur homo secundum potentiam peccandi Deo non assimilatur, imò potius assimilatur diabolo: & omne illud quod homo habet à Deo, habet in ipso Deo exemplaritatem, & similitudinem, videtur quod potentia peccandi in homine non habeat à Deo causam, & originem.

CONCLV

Loca in quib. Magister non tenetur.

Ad oppositum.

4. Top. loco 64.

Ecclesi. 31. b

Fundamēta.

In lib. 83. q. 1. & Enchir. c. 23. et 3.

CONCLUSIO.

Peccandi potestas secundum quod dicit potentiam in se, & secundum quod dicit ordinabilitatem ad actum substratum, utique est à Deo: secundum autem quod dicit ordinabilitatem ad deformitatem actus, non est à Deo: sic enim dicit defectibilitatem, qua inest potentia, inquantum est ex nihilo, & illa potius impotentia est quam potentia.

RESP. Ad Arg. Dicendum quod cum dico potentiam peccandi, duo dico, & dico aliquam potentiam, & dico potentiam ad talem actum ordinabilem. Si igitur loquamur de potentia peccandi secundum quod potentia est, cum illa potentia sit liberi arbitrii, sic absque dubio à Deo est. Si autem loquamur de ordinabilitate illius potentie ad peccatum, tunc dicendum est quod sicut peccatum aliquando accipitur abstractè, aliquando concretè, aliquando enim nominat actionem deformem, aliquando ipsam deformitatem; sic dupliciter est loqui de illa ordinabilitate ad peccandum, aut respectu deformitatis, aut respectu actionis substratæ. Si respectu actionis substratæ, sic talis ordinabilitas à Deo est sicut & actio substrata peccato. Si autem loquamur de ordinabilitate illa respectu deformitatis, sic cum illa deformitas nihil aliud sit, quam priuatio, & defectus, talis ordinabilitas nihil aliud est, quam defectibilitas: & ideo sicut defectus deformitatis non est à Deo, sic nec talis defectibilitas est à Deo, sed est in ipsa creatura rationali, quia ex nihilo. Sic igitur potentia peccandi vno modo conceditur esse à Deo, alio vero modo minimè; & secundum hoc currunt rationes ad oppositas partes, & etiam diuersæ fuerunt opiniones. Nam sicut Magister dicit in litera, quidam dixerunt quod potentia peccandi non est à Deo. Alij verò dixerunt quod potentia peccandi à Deo est: quod nititur probare Magister multis auctoritatibus: illæ autem auctoritates non valent ad hoc concludendum, nisi accipiat potentia peccandi secundum illud, quod est siue respectu actionis ad quam est: quia hoc modo continetur sub genere potentie. Secundum autem quod potentia peccandi consideratur in comparatione ad ipsam deformitatem, sic non est in genere potentie, immò potius impotentie; sic enim non nominat potentiam, sed defectum: & sicut non sequitur: Deus potest omnia facere: ergo potest peccare; sic non sequitur isto modo: Omnis potestas à Deo est: ergo potestas peccandi à Deo est: & isto modo loquendo dicit Anselmus, quod potestas peccandi non est libertas, nec pars libertatis. Et hoc modo procedunt rationes ostendentes, quod potestas peccandi non sit in homine à Deo: & ideo sunt concedendæ.

1. AD illud quod obiicitur de potentia nocendi quod est à Deo, quamvis voluntas non sit ab ipso, dicendum quod Aug. facit vim in verbo illo inter ipsam potentiam, quā peccatur, & actualem ordinationem illius potentie, quā peccatur: & vult dicere quod ipsa potentia à Deo est, quamvis ipsa ordinatio ad peccatum ab ipso non sit, quia potius est deordinatio, quam ordinatio: & ideo ex hoc non habetur, nisi quod potentia peccandi secundum id quod est, à Deo sit: secundum autem quod est ad peccandum non potest elici ex illa auctoritate, quod sit à Deo, immò potius oppositum: quia potentia peccandi non peruenit in peccatum, nisi mediante voluntaria deordinatione, quam à Deo esse negat Augustinus in prædicta auctoritate.

2. AD illud verbum Philosophi, quo dicit quod Deus & studiosus potest praua facere, exponunt quidā quod Philosophus intellexit de malo pœna: sed hoc planè repugnat eius textui: & ideo cum sacra Scriptura dicat, & omnes Expositiones concordant quod nullo modo potest peccare, sicut nec mentiri, nec etiam se ipsum negare, dicendum est quod illud verbum Philosophi non habet veritatem; nec credo ipsum constitui-

A se magnam vim in verbo illo, pro eo quod dixit hoc solum exemplificando, & pertransendo: & exemplum suum satis sufficiebat ad propositum pro parte, in qua habet veritatem, pro hac videlicet quod studiosus potest mala agere, licet hoc non sit ut studiosus, sed ut potest à virtute deficere.

3. AD illud quod obiicitur, quod potentia peccandi attestatur nobilitati naturæ, dicendum quod hoc non est verum, inquantum dicit deordinationem ad defectum, sed inquantum dicit ordinationem ad actum substratum: nam nullus actus est deformabilis per culpam, nisi qui procedit à potetia deliberatiua, quæ nobilis est: quia sola illa informabilis est per iustitiam. Vel dicendum quod attestari nobilitati est dupliciter, aut per se, aut per accidens. Potentia autem peccandi, & peccatum attestatur nobilitati naturæ per accidens, sicut dicit Augustinus. quod dolor boni amissi testis est bonæ naturæ.

4. AD illud quod obiicitur, quod facit amplificationem laudis, dicendum quod sicut virtus commendabilior redditur ex peccatis, sic potetia benefaciendi commendabilior redditur ex potentia malefaciendi, non quia vitium aliquid addat bonitati virtutis, nec potentia deficiendi aliquid addat potentie benefaciendi, sed quia ex præscientia oppositi magis in sua bonitate clarescit; sicut apparet magis virtuositas hominis, quando potest mala facere, & non vult, quam si non posset, nec vellet; & ideo laudatur vir iustus in hoc, quod potuit mala facere, & non fecit, hoc est, laudatur in hoc quod fecit bonum, & non fecit malum, cum posset: ita quod laus essentialiter respicit hoc quod est facere bonum: hoc autem quod est posse peccare non respicit nisi per accidens; unde circumscripta potentia faciendi malum, si bonum faceret voluntarie, adhuc laudaretur.

5. AD illud quod quæritur, utrum potentia peccandi inest creaturæ à Deo, vel ex nihilo, dicendum quod ratione actus substrati, qui est actus deliberatiuus, inest ei à Deo: ratione verò defectus inest ei ex nihilo: & hinc est quod potentia peccandi non reperitur in omni creatura: quia ratione imperfectionis non reperitur in creatura irrationali, pro eo quod non potest in ea esse actus deliberationis. Ratione verò omnimodæ perfectionis non reperitur in creatura beata; quia non potest in ea esse defectus, adeo suo Creatori est coniuncta: & sic potentia peccandi quodam modo tollitur per gloriam, quodam modo relinquitur, quodam modo est ipsa libertas, quodam modo minuit libertatem, quodam modo est potentia, & quodam modo impotentia: quia quodam modo dicit positionem, & quodam modo priuationem: & ideo cum quæritur, utrum sit à Deo, non est respondendum simpliciter, sed secundum prædictam distinctionem.

QVÆSTIO II.

An potentia peccandi secundum quod huiusmodi sit mala.

Steph. Brulef. 2. Sent. dist. 44. q. 2.

ET Vtrum potentia peccandi secundum quod huiusmodi, sit mala. Et quod sit mala, inquantum huiusmodi, videtur. Potentia peccandi non est aliud, quam voluntas; sed voluntas peccandi est mala; ergo potentia peccandi est mala secundum quod huiusmodi.

1. ITEM cuius vsus malus est, ipsum quoque malum est: sicut cuius vsus bonus est, ipsum quoque bonum est; sed vsus potentie peccandi est peccare, & peccare est malum: ergo & potentia peccandi mala est.

3. ITEM sicut se habet potentia benefaciendi respectu boni, ita se habet potentia malefaciendi respectu mali: sed omnis potentia benefaciendi, inquantum huiusmodi est bona: ergo potentia malefaciendi inquantum huiusmodi est mala.

4. ITEM vnaquæque potentia completior est quando est suo actui coniuncta; sed potentia malefaciendi,

Lib. 1. de Ci. Des. c. 13. a medio 10. 5.

Ansel. de lib. arb. c. 3.

Ad oppositum.

2. Top. 4.

dum

dum est coniuncta actui malefaciendi : mala est, ergo si minus completa est quando est separata ab actu: ergo videtur quod etiam separata ab actu mala est.

5. **ITEM** potentia malefaciendi aut est bona, aut mala. Si est bona, & omne bonum est in Deo, & à Deo: ergo videtur quod potentia malefaciendi, in quantum huiusmodi, & à Deo sit, & in Deo sit, quorum utrumque falsum est, restat igitur quod potentia peccandi sit mala.

SED CONTRA : Si potentia peccandi est mala, ergo potius peccare est malum ; sed iustus, & sanctus potest peccare: ergo iustus, & sanctus est malus.

ITEM ; Si potentia peccandi est mala: aut ergo malo poenæ, aut malo culpæ. Malo poenæ non : quia illud sequitur peccandi potentiâ tempore, & natura: prius enim & homo & Angelus peccare potuit, quam peccavit.

ITEM si potentia peccandi est mala: aut ergo malitia quam fecit, aut malitia quæ facta est in ipsa. Malitia quam fecit non oportet : quia multi possunt mala facere, quæ non faciunt, nec fecerunt. Si malitia, quæ facta est in ipsa. Sed contra: Augustinus libro 83, q. probat quod nullo alio auctore potest homo fieri malus nisi seipso: ergo non videtur, quod potentia peccandi quantum est de se mala sit.

ITEM non sequitur : Ille potest adulterari : ergo est adulter : ergo non sequitur : Ille potest malum facere, ergo est malus : sed si potentia malefaciendi esset mala, necessario sequeretur ad ipsam esse malum: ergo, &c. Iuxta hoc queritur, unde hoc est quod voluntas malefaciendi est mala, & potentia malefaciendi est mala, & potentia malefaciendi non dicitur esse mala. Queritur etiam propter quid voluntas peccandi non dicitur inuoluntas, sicut potentia peccandi dicitur impotentia : videtur enim quod magis. Si enim voluntas peccandi maiorem dicit approximationem ad peccandi defectum, quam potentia peccandi : magis videtur quod deberet cadere à propria ratione, ut voluntas peccandi diceretur inuoluntas, quam potentia peccandi dicatur impotentia.

CONCLUSIO.

Potentia peccandi secundum se, non est mala ut consideratur sine actuali deordinatione ad defectum.

RESP. Ad Arg. Dicendum quod sicut potentia respectu bonorum non dicit actualem ordinationem ad effectum, sed solum habitualement : voluntas verò dicit actualem ordinationem, sic & in malis intelligendum est quod potentia non dicit actualem ordinationem ad defectum, sed potius habitualement. Unde non dicitur aliquis habere potentiam malefaciendi, quia actualiter tendat in mala, sed quia potest tendere in malum. Voluntas autem actualem ordinationem dicit : non enim dicitur : Ille vult malum, nisi quando actualiter tendit in malum. Sicut enim dictum fuit in primo libro : Voluntas est approximativa ipsius potentie ad agendum: & ideo quia esse malum dicit aliquem defectum præsentem in eo, vel circa id, de quo dicitur ; hinc est quod voluntas peccandi mala est, & velle peccare est malum : potentia autem peccandi, siue posse peccare non dicitur esse mala. Concedendæ igitur sunt rationes ostendentes, quod potentia peccandi, in quantum huiusmodi, non est mala.

1. **AD** illud quod obiicitur in contrarium, primò de voluntate, dicendum quod illud non valet : quia voluntas malefaciendi plus ponit, quam potentia malefaciendi ; dicit enim actualem ordinationem ad malum, vel, ut proprius dicam, actualem deordinationem. Unde sicut argumentum illud non valet : Velle malefacere est malum ; ergo posse malefacere est malum : ita nec illud valet. Nec valet quod obiicit, quod potentia malefaciendi non est aliud, quam voluntas, quamvis enim non sit aliud, alio tamen modo importatur per hoc nomen *potentia*, & alio modo per hoc nomen *voluntas* : quia in uno importatur in maiori elongatione, altero verò mo-

AD in maiori approximatione ; & ideo est sophisma secundum accidens, sicut hic: Eadem est voluntas, quæ distat à malo, & qua approximatur malo : ergo si mala est propterea est approximata ex comparatione ad malum, similiter mala erit propterea est distans; assignatur enim hic aliquid similiter accidenti, & rei subiectæ inesse.

2. **AD** illud quod obiicitur, quod usus potentie peccandi, in quantum huiusmodi est malus, dicendum quod maxima illa intelligitur de usu, ad quæ unaquæque res directe, & de proximo ordinatur: sed potentia peccandi non ordinatur nec directe, nec de proximo ad actum peccandi, pro eo quod illa eadem potentia est ad opposita, & ad suum oppositum ordinatur per se: ad hoc autem ordinatur per accidens. Unde oppositum peccati est eius usus, & peccatum est eius abusus : & ideo non sequitur quod si peccare sit malum, quod propter hoc potentia peccandi, in quantum huiusmodi, sit malum.

3. **AD** illud quod obiicitur, quod in bonis potentia benefaciendi est bona : ergo, &c. dicendum quod non est simile ; quia in bonis actus est à bonitate potentie: unde consuevit dici quod non : quia bona facimus boni sumus, sed quia boni sumus, bona facimus : non sic autem est in malis : immò è contra, quia mala facimus mali sumus. Et ratio huius est : quia quamvis potentia non possit se per suum actum perficere, potest tamen se per suum actum deordinare : & deficientem facere ; & propter hoc non tantum addit bonum opus supra bonum opus quantum ad rationem merendi, sicut peccatum supra peccatum quantum ad rationem demerendi.

4. **AD** illud quod obiicitur, quod completior est potentia cum est suo actui coniuncta, dicendum quod hoc verum est de actu, ad quem ordinatur simpliciter : sed non est verum de eo, ad quem ordinatur per accidens, maxime cum actus ille plus tenet rationem defectus : quam effectus : tunc enim magis deordinat, quam perficiat, & sic est in potentia peccandi : respectu actus peccandi : & ideo magis recedit potentia à completionem in hoc quod peccat, quam in eo quod potuit peccare.

5. **AD** illud quod queritur, utrum potentia peccandi si bona aut mala, dicendum quod si dicatur potentia peccandi, potentia quæ quis potest peccare absque dubio bona est, & à Deo est : similiter si dicatur potentia peccandi ordinata ad actum peccato substratum, similiter est à Deo. Si autem dicatur potentia peccandi ipsa potestas deficiendi, hoc modo non debet dici bona, nec mala. Bona non debet dici ; quia non dicit aliquod ens : & nihil habet rationem boni, quod non habeat rationem entis. Mala non debet dici, propter hoc quod non dicit privationem alicuius boni nati inesse, nec dicit actualem defectum, sed habitualement : unde talis potentia non debet dici potentia mala vel deficiens, sed potentia defectiva: nec est propriè potentia : sed impotentia. Unde sicut non posse videre in lapide nec est bonum, nec est malum; quia nec dicit positionem, nec dicit privationem alicuius boni nati inesse: sic intelligendum est de potentia peccandi in creatura rationali secundum quod potentia peccandi dicit defectibilitatem, quæ inest ei ex ratione creature, secundum quam ex nihilo habet esse. Ex his patet responsio ad illud, quod quærebatur ultimum, quare videlicet voluntas peccandi dicitur esse mala, & non sic potestas. Hoc enim est ex hoc quia voluntas est causa immediata, & proxima respectu actum, qui ex deliberatione procedunt : magis autem peccandi potentia dicitur impotentia, quam voluntas peccandi dicatur inuoluntas, pro eo quod nomen potentie impositum est à positione, & complemento : & ideo peccare, diminuit de ratione potentie cum dicat defectum, sicut mortuus diminuit de ratione hominis. Nomen autem voluntatis impositum est libertate, & complacentia. Er quia peccatum est placitum, & committi habet per liberum arbitrium, hinc est, quod quamvis de-

præuet potentiam voluntatis, tamen non diminuit de A ratione voluntatis, quia non habet ad ipsam repugnantiam secundum quod sic nominatur: & propterea velle peccare velle est: posse autem peccare non est posse: & ideo dictum fuit in primo libro, quod Deus est omnipotens, & tamen non est omnivolens.

ARTICVLVS II.

CONSEQUENTER queritur de potestate præsidentis. Et circa hoc queruntur duo: Primò queritur, vtrum omnis potestas dominandi à Deo sit. Secundò queritur, vtrum potestas dominandi sit à Deo secundum institutionem naturæ, aut secundum punitionem culpæ.

QVÆSTIO I.

An potestas dominandi sit à Deo.

S. Thom. 2. Sent. d. 44. q. 1. art. 2.

Reg. d. Rom. 2. Sent. p. 2. dist. 44. q. 1. art. 2.

Richardus 2. Sent. dist. 44. q. 1. art. 2.

Durandus 3. Sent. dist. 44. q. 2.

Thom. Argenti 2. Sent. dist. 44. q. 1. art. 4.

Stephanus Brulef. 2. Sent. dist. 44. q. 3.

Fundamēta.
Ionn. 19. b

VTVM potestas dominandi sit à Deo. Et quod sic, videtur: Non haberes in me potestatem, nisi tibi datum esset de super: dixit Dominus Pilato; ergo si potestas Pilati super Christum erat à Deo: & tamen minime videbatur, quod super ipsam deberet habere potestatem: ergo videtur quod multò fortius omnis potestas talis à Deo est.

Rom. 13. a

ITEM expressius: Non est potestas nisi à Deo: & constat quod ibi loquitur de potestate præsidendi; ergo, &c. Et istæ duæ auctoritates sufficiant, quia plures aliæ adducuntur in litera.

ITEM hoc ipsum videtur ratione: Potestas præsidendi dicit potentiam in excellentia, & omne tale dicit positionem aliquam; sed quod omne quod dicit positionem aliquam à summa potentia est: ergo omnis potentia præsidendi à Deo est, qualitercunque quis præsit.

ITEM omnis pœna à Deo est, quæ habet simpliciter rationem pœnæ: sed omnis seruitus est pœna, ergo à Deo est; sed ab eodem à quo est seruitus, ab eodem est dominandi potestas: igitur omnis potestas dominandi est à Deo.

Ad oppositum.
Osea 8. a

1. SED CONTRA: Ipsi regnauerunt, & non ex me: principes extiterunt, & non cognoui: ergo videtur, quod talis præsentia malorum non sit à Deo.

2. ITEM nihil iniustum est à Deo: sed multi iniuste dominantur aliis: ergo videtur quod non omnis potestas siue dominium quod est in hominibus, sit à Deo.

3. ITEM nihil inordinatum est à Deo: sed cum stultis præficitur sapienti, & malus bonis, hoc est inordinatum: ergo non videtur esse à Deo.

Liber Institutionis
Iustiniani Imperatoris.

4. ITEM nihil quod est contra ius naturæ est à Deo; sed potestas dominandi in homines est contra ius naturæ: ergo non est à Deo. Maior manifesta est. Minor probatur per illud, quod dicitur in libro Institutionum. Bella exorta sunt, & captiuitates secutæ & seruitus, quæ sunt iuri naturali contraria.

5. ITEM nihil auferendum est alicui, quod est ei datum à Deo; ergo si omnis potestas, vel prælatio est à Deo, nulli auferenda est prælatio, vel potestas: ergo nullus prælatus, vel princeps esset deponendus quantumcunque malus.

6. ITEM nihil quod habet quis per Dei donationem, habet per vsurpationem: ergo si omnis potestas est à Deo collata, nulla est vsurpata: sed planum est, quod multæ potestates vsurpantur: ergo non omnis potestas à Deo donatur.

CONCLUSIO.

Omnia potestas præsidendi secundum id quod est, & etiam respectu illius super quem est, iusta est, & à Deo est.

RASP. Ad Arg. Dicendum quod potestas præsiden-

di dicitur esse illud, per quod aliquis præsidet & dominatur alteri. Illud autem per quod præsidet, dupliciter potest dici. Vno modo dicitur ipsa virtus, per quam quis præualet alteri; & hæc virtus absque dubio à Deo est. Alio modo illud per quod præsidet, dicitur modus perueniendi, vel promouendi ad hanc virtutis excellentiam; & sic distinguendum est tripliciter. Nam quidam præfunt aliis ex iustitia, quidam ex astutia, & quidam ex violentia. Quando autem aliquis præest aliis per iustitiam, tunc illa potestas dominandi, loquendo simpliciter, à Deo est & respectu præsentis, & respectu subiacentium. Quando autem præest aliquis per astutiam, vel per violentiam, tunc dicendum est quod talis potestas habet comparari ad voluntatem præsentis, & habet comparari ad meritum subiacentis. In comparatione ad meritum subiacentis talis præsentia iusta est; quia aut est ad bonorum probationem, aut ad malorum punitionem. Si autem comparatur ad voluntatem præsentis, sic iniusta est. Et primo quidem modo dicitur esse à Deo faciente, & ordinatæ secundum quod dicitur in Iob: Facit regnare hypocritam propter peccata populi. Et in Osea: Dabo eis regē in furore meo. Secundo autem modo, scilicet in comparatione ad voluntatem præsentis, sic dicitur esse à Deo permissiue: non autem approbatiue, propter quod dicitur: Ipsi regnauerunt, & non ex me, & principes extiterunt, & non cognoui. Concedendum est igitur quod omnis potestas præsidendi secundum id quod est, & etiam respectu eius, super quem est, iusta est, & à Deo est; & hoc ostendunt rationes, & auctoritates, quæ ad primam partem inducuntur, & ideo concedendæ sunt: Concedendum est nihilominus quod modus deueniendi ad hanc præsentiam in comparatione ad voluntatem præsentis potest esse iustus, & iniustus; & secundum quod iustus est, à Deo est; & secundum quod iniustus, à Deo non est. Quia verò nunquā est ita iniustus ex vna parte, quin sit iustus ex altera, ideo de nulla potestate præsidendi dici potest, quod non procedat à Deo.

Iob. 34. d
Osea 13. e

1. AD illud ergo quod primò obicitur in contrarium quod Dominus dicit, quod regnauerunt, sed non ex ipso, dicendum quod non est ibi negatio cuiuscunque voluntatis, sed voluntatis antecedentis, & voluntatis approbantis. Dominium enim malorum potius est à Deo vindicante, quā sit à Deo acceptante. Vnde in eis verificatur illud, quod dicitur: Interdum dominatur homo homini in malum suum.

Ecc. 8. b

2. AD illud quod obicitur, quod nihil iniustum est à Deo, dicendum quod verum est secundum quod iniustum. Quamvis autem potentia dominandi iniusta sit frequenter in comparatione ad voluntatem præsentis, semper tamen iusta est in comparatione ad meritum subiacentis, quia est ad vindictam malefactorum, ad laudem verò bonorum, sicut dicitur.

1. Pet. 2. c

3. AD illud quod obicitur, quod aliqua potestas inordinata est, dicendum quod etsi aliquo modo aliqua potestas possit ex inordinata voluntate procedere; potestas tamen ipsa semper ordinata est, sicut dicit Gregorius in Moralibus, quod tumoris elatio, non potestatis ordo in crimine est: potentiam Deus dedit, elationem potentie malitia nostræ metis inuenit. Et si obicitur quod inordinatū est quod stulti præfint sapientibus, & mali bonis, serui dominis, vel liberis, dicendum quod etsi aliqua inordinatio appareat exteriorius, nihilominus latet pulchra ordinatio interiorius secundum diuinum iudicium, quod frequenter est occultum, nunquam tamen iniustum. Propter quod dicitur: Vidi malum quasi per errorem egrediens à facie principis, stultum positum in dignitate sublimi, &c. quasi diceret: quia quamvis appareat ibi error magnus, tamen est ibi ordinatio, dum ex hoc mali puniuntur, & boni promouentur.

Ecc. 10. b

4. AD illud quod obicitur, quod nulla potestas est à Deo, quæ est contra ius naturæ, dicendum quod esse contra ius naturæ hoc est dupliciter, vel simpliciter, vel secundum aliquem statum. Cum ergo dicitur quod potestas dominandi est contra ius naturæ hoc non intelligi-

tur

tur quantum ad vniuersale dictamen naturæ, sed quantum ad dictamen naturæ alicuius status determinati; in quo quidem non esset subiectio seruitutis, nec prælatio potestatis.

5. Ad illud quod obiicitur, quod nihil quod est à Deo datum, est auferendum, dicendum quod illud verum est, si Deus simpliciter ei dedit; si autem solum sit ad tempus datum, sicut Dominus voluit dare, ita etiam voluit per ministerium humanum auferre: hoc autem cognoscimus, quod Deus, velit, quando videmus ordinem iustitiæ sic exigere. Deus enim dedit vitam latroni, & tamen iudex iuste illam auferit ei, exigente hoc mandato iustitiæ, quo dicitur: Maleficum non patieris viuere. Sic etiam intelligendum est se habere in potestate nostra & principum: quia secundum iuris rectitudinem, tam dominium, quam potestatis privilegium meretur amittere, qui concessa sibi abutitur potestate.

6. Ad illud quod obiicitur, quod nulla potestas à Deo collata, est usurpata, dicendum quod verum est si totaliter detur à Deo: sed Deus sic dat potestatem quod frequenter homo cooperatur in illius potestatis adeptione: & cum recte cooperatur ad illius potestatis adeptionem, tunc dicitur dominari ex iustitia: quando verò iniuste, tunc dicitur illa potestas usurpata, in qua non præest de iure, quamvis præsit de facto: nihilominus tamen quia talis potestas non caret omnino ordine iustitiæ, conceditur esse à Deo. Et simul sunt hæc duo vera secundum diuersos respectus, videlicet quod eadem potestas sit usurpata, & à Deo collata absque aliqua repugnantia.

QVÆSTIO II.

An potestas præsidendi sit in homine secundum institutionem naturæ, vel secundum punitionem culpæ.

S. Thom. 2. Sent. d. 44. q. 1. art. 3.
Ægid. Rom. 2. Sent. p. 2. d. 44. q. 1. art. 3.
Richard. 2. Sent. d. 44. art. 2. q. 2.
Stephan. Brulef. 2. Sent. dist. 44. q. 4.

VTVM potestas præsidendi sit in homine secundum institutionem naturæ, vel secundum punitionem culpæ. Et quod primo modo, videtur: Faciamus hominem ad imaginem, & similitudinem nostram, & præsit, &c. Si tu dicas quod habuit prælationem respectu bestiarum, sed non respectu hominum, per hoc non euadetur: quia caput mulieris vir; si ergo caput præsidet corpori, & debet regere corpus; ergo videtur, quod secundum institutionem naturæ sit potestas dominandi in humano genere.

2. ITEM in Angelis, qui sunt perfecti in natura, & in gloria, non tantummodo est ordo, & gradus secundum excellentiam naturalium, sed etiam secundum præfidentiam officiorum: ergo videtur quod dominium non repugnet, sed consonet institutioni naturæ humanæ, sicut & angelicæ.

3. ITEM potestas dominandi est proprietas dignitatis, & nobilitatis: sed si aliquid dignitatis competit naturæ lapsæ; multo magis cõpetit naturæ institutæ: ergo videtur quod magis pertinebat ad statum naturæ institutæ potestas dominandi quam ad statum naturæ lapsæ.

4. ITEM omne illud, quod est ad conseruationem ordinis naturalis, pertinet ad institutionem naturæ; sed potestas præsidendi pertinet ad conseruationem ordinis naturalis; ergo potestas præsidendi inest homini à Deo secundum institutionem naturæ: Maior manifesta est. Minor probatur per illud, quod dicit Augustinus de Ciuitate Dei; Pœnalis seruitus ea lege ordinatur, quæ naturalem ordinem conseruari iubet, & perturbari vetat; sed ad idem ordinatur potestas dominandi, & pœnalis seruitus: ergo, &c.

SED CONTRA: Gregorius omnes homines naturæ aequales fecit; sed pro variis meritis illos aliis occulta Dei dispensatio, sed iusta præponit: ergo videtur quod subiectio, & prælatio non sit in homine secundum institutionem naturæ.

ITEM Aug. de Ciuitate Dei: Rationalem hominem ad imaginem Dei factum dominare noluit Deus nisi irrationabilibus: ergo si potestas præsidendi, & dominandi est in vno homine respectu alterius: videtur ergo, &c.

ITEM ratione hoc ipsum videtur: Libertas homini inest à natura: sed potestas dominandi est libertatis impeditiua: ergo non videtur quod sit à natura. Quod autem libertas & à natura sit, & à potestate præsidendi habeat impediri, manifestatur: quia libertas sic habet diffiniri: Libertas est naturalis potestas, quæ licet homini facere quod vult.

ITEM homo secundum suam primam conditionem est factus ad Dei imaginem; sed in quantum est imago Dei natus est immediate ferri in Deum; ergo si solus Deus eo maior est, igitur, secundum naturam nihil est supra hominem nisi Deus; ergo nullum dominium in homine est secundum naturæ institutionem, nisi solum diuinum dominium.

ITEM non est dominus sine seruo: ergo nec dominium sine seruitute: sed seruitus est introducta propter peccatum sicut in pluribus locis dicit August. ergo videtur quod potestas dominandi in homine sit secundum conditionem culpæ, non secundum institutionem naturæ.

ITEM in glorificatione hominis vitia detrahentur: & natura seruabitur secundum quod in libro de Ciuitate Dei vult August. sed in statu gloriæ non manebit dominium prælationis, & subiectio seruitutis; ergo non videntur hæc esse in natura humana secundum quod instituta, sed solum secundum quod lapsa, & vitata.

C

CONCLUSIO.

Potestas dominandi in homine est solum secundum naturæ lapsæ statum, licet potestas præsidendi secundum rationem excellentiæ, quæ vir dominatur uxori, & Pater Filio, fuerit in statu naturæ institutæ.

RESP. Ad Arg. Dicendum quod potestas dominandi, vel præsidendi dicitur tripliciter, scilicet largissime communiter, & proprie. Largissime dominandi potestas dicitur respectu omnis rei, quæ homo potest ad libitum, & votum suum uti: & hoc modo dicitur homo esse Dominus possessionum suarum, siue mobilium siue immobilium. Alio modo potestas præsidendi, siue dominandi dicit excellentiam potestatis in imperando ei, qui est capax rationis, & præcepti. Tertio modo potestas dominandi, siue præsidendi dicitur potestas coercendi subditos; & hæc potestas dicit quendam arctationem libertatis: & talis potestas dominandi proprie dicitur dominium, cui respondet seruitus. Primo modo potestas dominandi, communis est omni statui, videlicet statui naturæ institutæ, & naturæ lapsæ, & naturæ glorificatæ: & excellentiori modo fuit in statu naturæ institutæ, quam sit in statu naturæ lapsæ. Secundo modo competit statui viæ, siue pro statu naturæ institutæ, siue pro statu naturæ lapsæ. Si enim homo steterisset, & vir posset imperare uxori, & pater potuisset imperare filio; & hoc reperitur etiam in Angelis quandiu sunt administratorij spiritus, quia ex illa parte aliqua sunt in statu viæ. Hæc tamen præfidentia non manebit in gloria, sicut in præcedentibus ostensum fuit. Tertio verò modo potestas dominandi in homine est solum secundum naturæ lapsæ statum: inest enim ei secundum culpæ punitionem, non secundum naturæ institutionem: & hoc quia seruitus sibi correspondens, secundum quod dicunt sancti, est pœna peccati. Et quia isto modo loquimur hic de potestate dominandi: ideo concedendæ sunt rationes ostendentes, quod talis potestas non inest homini secundum primariam conditionem suam, siue secundum statum naturæ institutæ.

1. Ad illud ergo quod obiicitur in contrarium ex textu Genesis, & ex prima Corinthiorum, iam patet responsio: procedunt enim de potestate præsidendi accepta, primo & secundo modo, non tertio: nam et si mulier sit viro quodam modo inferior ratione infirmioris

Tom. 5. c. 15.
in prim. lib. 19.

Præsertim lib. 19. de Civ. Dei c. 15. tom. 5.

Lib. 22. c. 12. & inde c. 17. tom. 5.

Exod. 22. 0

Ad opopstium. Gen. 1. 6

1. Cor. 11. 6

Tom. 5. c. 15. & 16. in 5. lib. 19.

Fundamēta.

1. Cor. 11. 6

sexus, nihilominus: quia non est creata: ut esset ei in adiutorium ut famula, sed ut socia, hinc est quod quamvis dicatur caput eius, non tamen dicitur Dominus, quia ipsa non est ancilla ipsius. Et idem tunc dicit Magister distinct. 18. quod mulier ad æqualitatem fuit condita; ideo fuit formata de latere, non de pedibus, vel de capite, ut viri videretur esse socia, non domina, vel ancilla.

2. Ad illud quod obiicitur, quod prælatio est in Angelis, iam patet responsio: quia quamvis unus præsideat alteri, & imperet alteri, & auctoritatem habeat super alterum imperandi ei aliquid, quod pertinet ad officium ministerij, tamen unus Angelus non dicitur esse servus alterius Angeli: & ideo ex hoc non concluditur, quod potestas dominandi secundum quod ei correspondet servitus, sit in homine secundum conditionem naturæ.

3. Ad illud quod obiicitur, quod dominium est proprietas dignitatis, dicendum quod etsi sit proprietas dignitatis in eo, qui præsidet, indignitatem tamen dico in eo, qui subest; & ideo naturaliter potest convenire homini respectu alterius creaturæ inferioris: respectu tamen alterius hominis non convenit naturaliter, sed quodam modo præternaturaliter, videlicet in punitionem peccati: sicut enim dicit Ambrosius, Servitus introducta fuit per peccatum ebrietatis.

4. Ad illud quod obiicitur, quod dominium, & servitus facit ad conservationem ordinis naturalis, dicendum quod est ordo qui respicit naturam secundum omnem statum: & est ordo qui respicit naturam secundum statum suæ conditionis: & est ordo qui respicit naturam secundum statum suæ corruptionis: & secundum quædam sunt de dictamine naturæ simpliciter: quædam de dictamine naturæ secundum statum naturæ institutæ: quædam de dictamine naturæ secundum statum naturæ lapsæ. Deum esse honorandum dicitur natura secundum omnem statum: omnia esse communia dicitur secundum statum naturæ institutæ; aliquid proprium esse dicitur secundum statum naturæ lapsæ ad remouendas conditiones, & lites: sic omnes homines esse servos Dei dicitur natura secundum omnem statum. Hominem vero ad æquari homini dicitur secundum statum suæ primæ conditionis. Hominem autem homini subiacere, & hominem homini famulari, dicitur secundum statum corruptionis, ut mali compescantur, & boni defendantur. Nisi enim essent huiusmodi dominia coercencia malos, propter corruptionem, quæ est in natura, unus alterum opprimeret, & communiter homines vivere non possent. Non sic autem esset si homo mansisset in statu innocentie: quilibet enim in gradu, & in statu suo maneret. Et sic patet, quod illa ratio non concludit quod servitus vel dominium respiciat naturam institutam, sed solum quod respiciat naturam lapsam, ubi ordo habet perturbari, & potest per dominium conservari.

ARTICVLVS III.

CONSEQUENTER queritur de necessitate subiaccendi. Et circa hoc queruntur duo. Primum queritur, utrum Christiani teneantur subiaccere tyrannis in aliquibus. Secundum queritur, utrum religiosi teneantur subiaccere prælatis suis in omnibus.

QVÆSTIO I.

An Christiani tyrannis, & secularibus subesse teneantur.

S. Thomas. 2. 2. q. 10. art. 10.

Et 2. Sent. dist. 44. q. 1. art. 5.

Ægid. Rom. 2. Sent. p. 2. d. 44. q. 2. art. 2.

Richardus 2. Sent. dist. 44. art. 3. q. 1.

Durandus 2. Sent. dist. 44. q. 3.

Steph. Brulef. 2. Sent. d. 44. q. 5.

Fundamēta.

1. Pet. 2. 2.

UTRUM Christiani teneantur subesse tyrannis, siue potestati seculari in aliquibus. Et quod sic, videtur: Servi subditi estote in omni timore dominis: non tantum bonis & modestis; sed etiam discolis.

ITEM; Omnis anima potestatibus sublimioribus subdita sit. Et post; Reddite omnibus debita, cui tributum tributum; cui vectigal vectigal. Et si tu dicas, quod hoc est admonitio propter scandalum vitandum Contra: Paulus ante; Necessitate subditi estote non solum propter iram: sed etiam propter conscientiam.

ITEM hoc ipsum ostenditur ratione, quam Apostolus facit ibidem. Non est, inquit, potestas nisi a Deo; sed quæ a Deo sunt, ordinata sunt: ergo omnis potestas ordinata est ordinatione divina, ita quod qui resistit potestati, Dei ordinationi resistit; sed qui resistit ordinationi Dei, damnationem sibi acquirit; ergo, &c.

ITEM servire homini non est culpa, nec malum, immo meritum; ergo videtur, quod ab illa servitute non absoluitur per baptismum; ergo sicut non Christiani sui servi sunt aliorum, ita etiam si Christiani fiant, servire tenentur.

ITEM ad hoc ipsum sunt multe auctoritates, quæ possunt sumi quasi ab omnibus Epistolis beati Pauli, in quibus monet servos subiaccere dominis suis.

1. SED CONTRA: Reges terræ a quibus accipiunt censum, a filiis, an ab alienis? Et post; Ergo liberi sunt filij: Glossa: ibid. Liberi sunt filij regni in omni regno, multo magis liberi sunt filij illius regis, sub quo sunt omnia regna in quolibet regno terreno: si ergo boni Christiani sunt filij regni illius, videtur, quod nullius Regis terreni potestati sint astricti: ergo non tenentur ei subesse in aliquo tributo.

2. ITEM: Qui autem perspexerit in lege perfectæ libertatis: Glossa exponit, quod lex perfectæ libertatis est lex Evangelica: ergo si perfectæ libertas liberat ab omni servitute, videtur quod omnis, qui inhæret legi Evangelij, absolutus sit ab omni servitute regis terreni.

3. ITEM charitas omnia membra Christi facit unum, & omnia faciunt communia: unde Paulus: Omnia vestra sunt, siue mors, siue vita, &c. Omnia facit unum: Quia dicit Apostolus, & ad Ephes. & ad Coloss. Omnes unum sumus in Christo: nec est distinctio servi, & liberi: si ergo charitas reducit omnia membra ad æqualitatem & communitatem, videtur ergo quod in habentibus charitatem non sit aliqua obligatio servitutis.

4. ITEM maius est vinculum legis divinæ, quam sit vinculum constitutionis humanæ: sed lex Evangelica absoluit ab onere servitutis legalis, quæ quidem a Deo per Moysen lata fuerat: ergo multo fortius absoluit ab onere servitutis humanæ, & civilis.

5. ITEM Anselmus, in libro: Cur Deus homo, c. r. Per se redimere voluit, ut in pristinam redigeret libertatem, & sibi homo subiectus esset, non homini: si ergo empti sumus pretio magno, scilicet sanguine agni incontaminati, & immaculati, videtur, quod ipsius solius servi sumus: ergo non videtur, quod Christianus, qui renatus est in Christo, astrictus sit alicui servituti terreni imperij.

CONCLUSIO.

Christiani terrenis Dominis sunt obligati obedire, licet non in omnibus, sed in his, quæ non sunt contra Deum, neque in his, quæ sunt contra rectam rationem, & consuetudinem rectam.

E

RESP. Ad Arg. Dicendum quod cum servitus opponatur libertati, secundum quod triplex dicitur esse libertas, scilicet a coactione a culpa, & miseria; sic servitus potest dici tripliciter, quæ attenditur in libertatis arctatione. Secundum enim arctationem libertatis a culpa attenditur servitus peccati, de qua Ioannes: Qui facit peccatum, servus est peccati. Et; Non regnet peccatum in vestro mortali corpore. Secundum vero arctationem libertatis a miseria, attenditur servitus poenæ, & mortis. De qua dicitur: Christus resurgens a mortuis, iam non moritur, mors illi ultra non dominabitur. Secundum autem arctationem libertatis a coactione, attenditur servitus conditionis. De qua dicitur: Servus vocatus

catus

Ad oppositum.
Mass. 17. d.

144. 1. d.

1. Cor. 1. d.

Ioan. 8. d.
Rom. 6. b.

Rom. 6. a.

1. Cor. 7. d.

catus es, non sit tibi curæ; sed etsi potes liber fieri, magis vtere. Hæc autem seruitus attenditur in coarctatione libertatis à coactione, non quantum ad interiorē motum voluntatis, quæ cogi non potest, sed quantum ad exteriorē. Vnde & seruitus introducta fuit in hoc, quod vnus alterum vicit, & seruituti suæ addixit, vt non liceat facere contrarium eius, quod ipse mandauerit. Cùm ergo triplex sit seruitus, vna habet ortū ab altera. Nam non esset seruitus pœnæ, nisi præcessisset seruitus culpæ, nec seruitus conditionis subsequeretur, nisi illa duplex præcederet; cùm ergo aliquis regeneratur in Christo, & efficitur Christianus, liberatur à seruitute peccati, sed tamen non sic liberatur, quin etiam possibilitatem, & facilitatem, & pronitatem habeat redeundi in idem genus seruitutis; & hinc est, quod propter eius promotionem, & humiliationem reliquit Dominus eidem seruitutem mortis, & conditionis. Vnde ita moriuntur Christiani, sicut & alij. Et propter pronitatem ad malum, & concupiscentias militantes in membris, ex quibus consurgunt bella, & lites, ita indigent Regi terreno principi, sicut & aliæ gentes; & ideo non solum secundum humanam institutionem, sed etiam secundum diuinam dispensationem inter Christianos sunt Reges, & principes, domini, & serui; & secundum distinctionem potestatis, ei subiiciuntur, & tenentur secundum plus & minus. Et hoc ipse Dominus dicit; Reddite quæ sunt Cæsaris, Cæsari, & quæ sunt Dei Deo. Et Apostolus hoc docet, & contrarium prædicantes condemnat. Ait enim sic; Quicumque sunt sub iugo seruitutis, dominos suos dignos omni honore arbitrentur, ne nomen Domini, & doctrina blasphemetur. Si quis autem aliter docet, & non acquiescit sanis sermonibus Domini nostri Iesu Christi, superbus est, nihil sciens, &c. Et hoc ipsum probat ad Romanos, & in pluribus aliis locis, docet, & mandat. Et ideo concedendum est, quod Christiani sunt terrenis Dominis obligati, non tamen in omnibus, sed in his solum, quæ non sunt contra Deum neque in his omnibus, sed in his, quæ secundum rectam consuetudinem statuta sunt rationabiliter: sicut tributa, & vectigalia, & consimilia. Vnde rationes, & auctoritates, quæ hoc ostendunt, concedendæ sunt.

1. Ad illud, quod primò obicitur de textu: & Glossa, dicendum, quod textus intelligit de Christo: quod Christus non tenebatur reddere tributum, & de his, qui sunt eius imitatores perfecti, utpote de Apostolis, pro eo, quod naturaliter erant liberi, & omnia bona temporalia dimiserunt: & ideo censum, vel tributum, ab eis, Reges terræ accipere non debebant: in aliis autem Christianis, vel qui sunt seruilis conditionis, vel qui abundant temporalibus bonis, illa auctoritas non debet intelligi.

2. Ad illud quod obicitur, quod lex Evangelica, est lex perfectæ libertatis, dicendum, quod ideo dicitur lex perfectæ libertatis, quia liberat à seruitute præuaricationis, siue etiam à seruitute legis, dum in ea datur spiritus charitatis, qui est spiritus libertatis, secundum id quod dicit Apostolus: Non accepistis spiritum seruitutis iterum in timore, sed spiritum adoptionis filiorum: & ideo ex hoc non sequitur, quod qui est sub lege Evangelij, sit liberatus à seruitute terreni domini.

3. Ad illud quod obicitur, quod charitas omnia vnit, & communia facit, dicendum, quod hoc verum est per quandam participationem, sed non est verum per dominij auctoritatem: omnes etiam vnit: sed hoc est secundum affectionem, non secundum gradus, & dignitatis indistinctionem: nam in corpore Christi magna est membrorum distinctio, quamvis, quantum ad conformitatem affectionum magna sit vnio.

4. Ad illud quod obicitur, quod absoluit lex Evangelica ab onere legis Mosæ: ergo multò fortius à lege humana, dicendum, quod non est simile, quia lex ista legem illam implet, & euacuat, tanquam veritas figuram, non sic autem est de lege institutionis humanæ,

A quæ multum adiuuat ad obseruantiam legis diuinæ. Vnde & Apostolus mandat rogari pro principibus: vt quietam, & tranquillam vitam sub eis agamus.

5. Ad illud quod obicitur, quod Christus ideo per se redimere voluit, vt in pristinam libertatem redigeret, dicendum, quod ibi notatur effectus plenus redemptionis factæ per Christum: sed tamen illum effectum non plene assequimur in præsentī, quovsq̃ creatura ingemiscit, & parturit, donec liberetur à seruitute corruptionis in libertatem gloriæ filiorum Dei. Vnde hic inchoatur libertas à culpa, sed ibi consummabitur libertas à miseria, & ab omni potestate humana. Vnde non sequitur, quod si sumus empti à Christo, quod propter hoc non sumus serui alterius: quia dominium Christi bene cōpatitur secū dominium hominis, in his maxime, quæ nihil iubent contra Deum: sed non compatitur secum dominium diaboli, vel peccati, secundum illud: Non potestis duobus Dominis seruire: ideo quamvis redemptione Christi eruiamur à seruitute mortalis peccati: non tamen eruiamur à seruitute conditionis, vel mortis.

QVÆSTIO II.

An Religiosi in omnibus teneantur obedire Prælati.

S. Thom. 2. 2. q. 104. art. 5.

Et Quæst. 10. art. 10.

Et 2. sent. d. 44. q. 1. art. 6.

Æg. d. Rom. 2. sent. p. 2. dist. 44. q. 2. art. 3 & 4.

Richardus 2. sent. dist. 44. art. 3. q. 2.

Durandus 2. sent. dist. 44. q. 4.

Steph. Brulfer 2. sent. dist. 44. q. 6.

Vtrum religiosi teneantur Prælati obedire in omnibus, quæ non sunt contra Deum. Et quod sic, videtur. Primò auctoritate Domini: Super cathedram Moysi sederunt Scribæ, & Pharisei, quæ dicunt vobis, Facite ergo si Dominus sine distinctione mandat, quod faciendū sunt, quæ dicunt, etiam de malis Prælati, videtur, quod in omnibus obediendum est eis. Si tu dicas: non intelligitur nisi de illis, quæ dicunt, & ad quæ homo tenetur per mandatum legis: contra hoc est, quia alibi dicit Dominus: Qui vos audit, me audit: & qui vos spernit, me spernit: ergo si Deus in omnibus est audiendus, & in nullo spernendus, videtur quod Prælati à Deo instituti à suis subditis debeat in omnibus obedire.

2. ITEM: Filij obedite parentibus vestris per omnia: si ergo Filij carnales parentibus carnalibus debent per omnia obedire, & non debent minus esse obedientes filij spirituales patribus spiritualibus, quam carnales carnalibus: ergo religiosi debent suis Prælati in omnibus obedire.

3. ITEM beatus Benedictus in regula sua: Si præcipit prælatus impossibile, tentandum est facere: ergo si in impossibilibus obediendum est ei, multò fortius in possibilibus: ergo in omnibus.

4. ITEM Hieronymus ad Rusticum: Præpositum monasterij timeas, vt Dominum diligas vt patrem: credas quidquid dixerit salutare, nec maioris iudicet sententiam, cuius est officium obedire, & iussu implere, dicente Moyse: Audi Israel, & tace.

5. ITEM Hugo de sancto Victore: Obedientia est virtus, quæ omnia amplectitur iniuncta necessariò implenda, nisi obstitit imperantis auctoritas: ergo videtur, quod si non obedit in omnibus, non habet veram obedientiam: ergo si tenetur habere veram obedientiam, tenetur in omnibus obedire.

6. ITEM videtur ratione: Sicut homo vouet paupertatem, & continentiam, sic vouet obedientiam: sed qui vouet continentiam, tenetur abstinere ab omni coitu: & qui vouet paupertatem, tenetur renuntiare omnibus temporibus: ergo qui vouet obedientiam, tenetur obedire in omnibus; quæ sibi iniunguntur: ergo sicut, aliquis iudicatur proprietarius, si vnum solum

punctum habeat: sic debet indicari inobediens, si unum A
solum prælati verbum pertranseat: ergo ei tenetur obe-
dire in omnibus.

Fundamēta.
Aho. 5.4

SED CONTRA: Obedire oportet Deo magis,
quàm hominibus; ergo in aliquibus tenemur obedire
Deo, in quibus non tenemur obedire hominibus; er-
go videtur, quòd non tenemur obedire prælato in om-
nibus.

ITEM Bernardus in libro de dispensatione, & præ-
cepto; Subdit: us nec citra promissum est inhibendus, nec
ultra cogendus per legem obedientiæ: ergo si aliquis
prælati præcipiat ei ultra id, quod promissum, non vide-
tur, quòd teneatur ei obedire.

ITEM perfectio religionis maximè consistit in per-
fectione obedientiæ; ergo si omnes religiosi tenerentur
in omnibus obedire, omnes religiones essent æqualis
perfectionis, quòd si hoc est plane falsum; ergo, &c.

ITEM religiosus non tenetur obedire prælato suo,
nisi per legem voti; sed per legem voti non tenetur ho-
mo solvere, nisi id, quod venit spontaneè; ergo videtur,
quòd prælatus non possit ab eo exigere, nisi id, quod
promissum observare.

CONCLUSIO.

*Religiosi non tenentur obedire in omnibus prælati, licet
sanum sit consilium, quod in omnibus illis obediant:
nam obedientia debet mensurari secundum terminos, &
magnitudinem emissi voti.*

Bern. de dis-
pens. post ini-
tium.

RESP. AD ARG. Dicendum quòd aliter loquendum
de obedientia exhibenda prælato à subdito religioso se-
cundum obedientiæ perfectionem, aliter secundum ne-
cessitatis obligationem. Si loquamur de ipsa secundum
perfectionem: sic dicendum est, quòd, sicut dicit Bernar-
dus: Perfecta obedientia finem nescit: & perfectus obe-
diens non solum in his, quæ mandat, sed etiam supra ea,
quæ mandat, promptum habet affectum, ad subiacen-
dum præcepto prælati, desiderans illum imitari, qui hu-
milians seipsum, factus est obediens usque ad mortem.
Si autem loquamur de obedientia secundum necessa-
riam obligationem, sic habet terminum, & mensuram,
iuxta magnitudinem voti emissi. Non enim amplius te-
nètur obedire suis prælati: nisi in his, quæ promiserunt
Domino observare, & quæ non sunt contraria animæ,
& regulæ suæ. Vnde si prælatus aliquid præcipiat, quod
sit supra votum, subditus non tenetur ad illud imple-
dum. Et ideo concedendum est, quòd religiosi non te-
nentur prælati suis obedire in omnibus, licet sanum sit
consilium, quòd in omnibus obediant, quæ non sunt
contra Deum: vnde rationes, quæ ad secundam partem
inducuntur, concedendæ sunt: quia verum concludunt.

1. AD illud ergo, quod primò obicitur in contrarium,
quòd obediendum in omnibus est his, qui sedent in ca-
thedra, verum est de his, quæ ad cathedram spectant, &
de præceptis legis: de aliis autem non mandat. Et quod
obicit quòd ipse Dominus dicit: Qui vos audit, &c. di-
cendum est, quòd verum est, quod loquitur de his quæ
Apostoli, & eorum successores mandant ex persona
Christi, & etiam ex auctoritate sibi data: in nullo tamen,
quod dicunt, eorum auctoritas est spernenda: vnde
quamvis non teneamur prælati in omnibus obedire,
tenemur tamen nullum mandatum eorum spernere.
Vnde dicitur in iure, quod sententia pastoris siue iusta
siue iniusta timenda est.

2. AD illud quod obicitur, de verbo Apostoli: Fi-
lij obedite per omnia parentibus, dicendum, quòd si in-
telligatur de his, quæ spectant ad mandatum divinum,
præceptum est: de aliis autem monitio est, non præce-
ptum.

3. 4. 5. AD illud verbum beati Benedicti, Hierony-
mi, & Hugonis, dicendum est, quòd non loquuntur de
obedientia secundum obligationem necessitatis, sed se-
cundum perfectionem charitatis.

6. AD illud quod obicitur, quòd sicut homo vouet
paupertatem, & continentiam, ita vouet obedientiam,
dicendum, quòd sic, & non sic. Sic quidem in hoc, quod
aufert sibi propriæ voluntatis dominium. Non sic au-
tem, quia non arctat se ad faciendum nisi ea, quæ in re-
gula expressa sunt. Et quoniam in omni religione perfe-
ctionis simpliciter continetur renuntiatio quantum ad
opus carnis, & quantum ad opus proprietatis, vel in spe-
ciali, vel in còmuni, non sic autem præcipiuntur omnia
quæ possunt præcipi: ideo nò sic arctatur ad obedendum
in omnibus, sicut ad renuntiandum omnibus. Ratio au-
tem huius est: quia possibile est alicui renuntiare pro-
prietati, & etiam satis facile, maximè ubi est possessio
habita in communi: sed obtemperare omnibus, quæ di-
cuntur, hoc non tantum est non facile, immo etiam pos-
sibile: ideo fines ponuntur promissioni obedientiæ: non
sic ponuntur promissioni paupertatis, vel etiam castita-
tis. Vnde in regula beati Francisci simpliciter præcipitur
quòd illius regulæ professores, nihil omnino habeant
proprium super terram, simpliciter etiā præcipitur per-
petuò continere non solum ab actu, sed etiam a subiecto
consortio, & consilio mulierum: sed non simpliciter præ-
cipitur suis prælati in omnibus obedire: sed in omnibus,
quæ promiserunt Domino observare, & non sunt con-
traria animæ, & regulæ suæ. Nescio si ad aliquod istorum
votorum quisquam sciat plus addere: in hoc ergo per-
fectionis culmine congruum est prædictæ quæstionis
terminare sermonem. Si cui autem aliter videtur, & for-
tassis melius, in huius quæstionis determinatione, immò
explicatione duorum librorum præcedentium, & etiam
duorum sequentium, non inuideo: sed hoc rogo, ut si
quis aliquid in hoc opusculo inuenerit appobatione di-
gnum, agat gratias Deo largitori bonorum. In aliis verò
locis, ut inuenerit vel falsum, vel dubium, vel obscurum,
scribentis insufficientiæ benignè indulgeat, qui absque
dubio, teste conscientia, vera, aperta, & communia dice-
re concupivit. Quidquid enim sit de verbis, quæ solius
comparantur, hoc summopere attendendum, & inqui-
sitione qualibet est observandum, ne quis adeo lætetur
in sententia oris sui & sic ei inhæreat, ut oris alieni ver-
ba despiciat: aspiciens ea oculo minus sano, & sic per
tumorem, & liuorem sibi veritatis aditum præcludat: &
de numero horum sit, de quibus dicit Apostolus: quòd
semper sunt discentes; & nunquam ad scientiam verita-
tis peruenientes: quod auertat Deus ab omnibus inqui-
sitoribus veritatis. Hanc autem veritatem infatigabiliter
querere, infallibiliter inuenire, inamissibiliter appre-
hendere, & tenere concedat nobis ille, qui est via, veri-
tas, & vita, qui cum Patre, & Spiritu sancto, unum
existens in essentia, & ab eis distinctus in persona,
hominem rectum fecit, qui se infinitis quæstionibus
immiscuit secundum quòd series manifestat duorum
præcedentium librorum: cui est omnis honor, & glo-
ria, laus, & imperium, per infinita sæcula sæculorum,
Amen.

2. Tim. 3.6

1. Ioan. 1.4

Ecol. 7.4

Secundi Libri Sententiarum S. Bonaventura, & Tomi IV.

FINIS.

INDEX

INDEX

QVÆSTIONVM

S. BONAVENTURÆ,

IN SECVNDVM LIBRV M SENTENTIARVM.

DISTINCTIO I.

Artic. I.

VTRVM res habeant principium causale? questione 1. pag. 5
 VTRVM habeant principium initiale? q. 2. 7

Artic. II.

VTRVM res producta sint in esse à pluribus principiis? q. 1. 10

VTRVM illud produxerit omnia à se ipso, aut mediante alio? q. 2. 11

Artic. III.

VTRVM creatio dicat mutationem aliquam? q. 1. 12

VTRVM creatio dicat aliquid medium inter creatorem, & creaturam? q. 2. 13

DISTINCT. I. PARS II.

Artic. I.

VTRVM à primo efficiente debuerit, vel potuerit esse rerum multitudo? q. 1. 15

VTRVM hac distinctio debeat esse in universo? q. 2. 16

Artic. II.

VTRVM vel divina gloria, vel utilitas nostra sit finis principalior conditionis rerum? q. 1. 17

VTRVM natura spiritalis dignitate natura precellat compositam ex spiritali, & corporali? q. 2. 18

Artic. III.

VTRVM spiritus Angelicus differat ab anima rationali specie, an tantum numero? q. 1. 19

VTRVM Angelus, & anima differant essentialiter per hoc, quod est unibile? q. 2. 20

DISTINCT. II. PARS I.

Artic. I.

VTRVM spiritalia habeant mensuram propriam? q. 1. 23

VTRVM spiritalia habeant mensuram unam per essentiam? q. 2. 25

VTRVM spiritalia habeant mensuram permanentem, vel successivam? q. 3. 26

Artic. II.

VTRVM enim precedat tempus aliquo prioritatis genere? q. 1. 27

VTRVM inter tempus, & enim sit aliqua mensura media? q. 2. 28

VTRVM spirituales substantia, & corporales sint simul creatæ? q. 3. 29

DISTINCT. II. PARS II.

Artic. I.

VTRVM cælum empyreum sit, & si sit, cuiusmodi natura sit? questione 1. 31

VTRVM empyreum influat in hac inferiora, annon? questione 2. 32

Artic. II.

VTRVM loci corporalis sit locare Angelos? q. 1. 33

VTRVM unus Angelus simul, & semel sit in pluribus locis, an tantum in uno? q. 2. 34

VTRVM sit in loco impartibili, siue punctuali? q. 3. 35

VTRVM plures Angeli sint simul in eodem loco primo? questione 4. 36

DISTINCT. III. PARS I.

Artic. I.

VTRVM Angelus sit compositus ex diuersis naturis, scilicet ex materia, & forma? q. 1. 40

VTRVM eadem sit materia in spiritalibus, & corporalibus per essentiam? q. 2. 42

VTRVM materia spiritalium, & corporalium sit una secundum numerum, aut secundum unitatem aliam? questione 3. 44

Artic. II.

VTRVM in Angelis sit mera discretio personalis? q. 1. 46

VTRVM personalis proprietas sit in Angelis accidentalis, vel substantialis? q. 2. 47

VTRVM discretio personalis sit pro parte formalis, vel materialis? q. 3. 48

DISTINCT. III. PARS II.

Artic. I.

VTRVM Deus fecerit ipsum malum? q. 1. 50

VTRVM Angelus in primo instanti sue creationis fuerit malus actu propria voluntatis? q. 1. 51

Artic. II.

VTRVM Angelus omnia creata, quæ cognoscit cognoscat per species innatas, an aliqua per species acquisitas? q. 1. 53

VTRVM Angelus per cognitionem naturalem divinam essentiam cognouerit in seipsa sine omni medio, & creatura adminiculo? q. 2. 54

Artic. III.

VTRVM Angeli dilectione naturali dilexerunt Deum propter se, & super omnia? q. 1. 56

VTRVM Angelus naturali dilectione magis diligat superiorem, parem, an inferiorem? q. 2. 57

DISTINCT. IV.

Artic. I.

VTRVM Angeli creati sint in Beatitudine, siue in gloria? q. 1. 59

VTRVM Angeli creati sint in gratia? q. 2. 60

Artic. II.

VTRVM aliquibus data sit futura glorificationis prescientia? q. 1. 61

VTRVM malis Angelis reuelari posuerit suus casus? q. 2. 62

Artic. III.

VTRVM Angeli habuerint cognitionem matutinam in sua creatione? q. 1. 63

VTRVM in Angelis sit cognitio vespertina post glorificationem? q. 2. 64

DISTINCT. V.

Artic. I.

VTRVM Lucifer peccauerit peccato superbia? q. 1. 67

VTRVM Lucifer appetierit Deo aequiparari? q. 2. 68

Artic. II.

VTRVM Angeli minores peccauerint peccato superbia? q. 1. 69

VTRVM peccatum minorum Angelorum ordinem habeat ad peccatum Luciferi? q. 2. 70

Artic. III.

VTRVM conuersio beatorum Angelorum ad Deum fuerit virtute naturæ, vel auxilio gratiæ? q. 1. 71

VTRVM in bonorum conuersione meritis sequatur pre-

Index Quæstionum.

<i>miu[m], vel precedat q. 2.</i>	72	<i>Virum secundum maiorem capacitatem naturalium den-</i>	
DISTINCT. VI.		<i>tur Angelis à Deo maiora dona gratuita? q. 3.</i>	121
Artic. I.		<i>Virum unusquisque ordo ab eo denominetur, quod plenius</i>	
<i>Virum Lucifer fuerit de supremo ordine Angelorum,</i>	75	<i>accepit in munere? q. 1.</i>	122
<i>q. 1.</i>		<i>Virum ad singulos ordines Angelorum fiat assumptio sal-</i>	
<i>Virum minores Angeli lapsi sint de omnibus ordinibus,</i>	76	<i>uandorum? q. 5.</i>	124
<i>vel non? q. 2.</i>		<i>Virum pralatio qua est in ordine respectu ordinis, eua-</i>	
Artic. II.		<i>cuetur post iudicium? q. 6.</i>	125
<i>Virum ceciderint in infernum quantum ad locum? qua-</i>	77	<i>Virum sit status in nouenario, an protendatur numerus</i>	
<i>stione 1.</i>		<i>usque ad denarium? q. 7.</i>	ibid.
<i>Virum ceciderint in infernale supplicium? q. 2.</i>	78	<i>Virum in Angelis ordo compatiatur secum aequalitatem?</i>	
Artic. III.		<i>q. 8.</i>	127
<i>Virum inter eos sit ordinum distinctio? q. 1.</i>	78	<i>Virum aliis substantiis rationalibus, quam Angelis com-</i>	
<i>Virum inter Angelos malos sit pralatio? q. 2.</i>	79	<i>petat per ordines distinguere? q. 9.</i>	ibid.
DISTINCT. VII. PARS I.		DISTINCT. X.	
Artic. I.		Artic. I.	
<i>Virum in Demonum voluntate sit possibilis reformatio?</i>	82	<i>Virum boni Angeli mittantur? q. 1.</i>	130
<i>q. 1.</i>		<i>Virum omnium Angelorum sit mitti? q. 2.</i>	131
<i>Virum sit in eis mala voluntatis continuatio? q. 2.</i>	84	Artic. II.	
<i>Virum sit in eis mala voluntatis intentio? q. 3.</i>	86	<i>Virum mittantur ad accendendum nostrum affectum? q. 1.</i>	132
Artic. II.		<i>Virum Angelus mittatur ad illuminandum nostrum in-</i>	
<i>Virum confirmatio mutet liberum arbitrium, ita quod sit</i>	87	<i>tellectum? q. 2.</i>	ibid.
<i>aliud ante confirmationem, aliud post? q. 1.</i>		Artic. III.	
<i>Virum obstinatio tollat Demonibus libertatis usum?</i>	88	<i>Virum locutio Angeli idē sit, quod eius cognitio? q. 1.</i>	134
<i>q. 2.</i>		<i>Virum eadem locutio possit esse à Deo, & Angelo? q. 2.</i>	136
<i>Virum confirmatio, vel obstinatio diminuat libertatis do-</i>	89	DISTINCT. XI.	
<i>minium? q. 3.</i>		Artic. I.	
DISTINCT. VII. PARS II.		<i>Virum Angeli deputari debuerint ad custodiam hominis</i>	
Artic. I.		<i>lapsi? q. 1.</i>	139
<i>Virum cadat in demonibus deceptio, siue error circa pra-</i>	91	<i>Virum competens fuerit Angelum deputari ad hominis</i>	
<i>sentia? q. 1.</i>		<i>conditi custodiam? q. 2.</i>	141
<i>Virum in demonibus cadat obliuio circa praeiterita? q. 2.</i>	93	<i>Virum aliquis Angelus deputatus fuerit ad custodiam</i>	
<i>Virum in demonibus sit praecognitio quo ad futura?</i>	94	<i>Christi? q. 3.</i>	142
<i>q. 3.</i>		Artic. II.	
Artic. II.		<i>Virum Angelus propter nostram obstinationem subtra-</i>	
<i>Virum omnis forma inductio sit à Creatore, an aliqua sint</i>	95	<i>hat custodia beneficium? q. 1.</i>	143
<i>ab agente creato, vel particulari? q. 1.</i>		<i>Virum ex beatificatione custoditi Angelo custodienti am-</i>	
<i>Virum verarum formarum inductio possit esse à spiritu</i>	97	<i>plificetur gaudium? q. 2.</i>	144
<i>maligno? q. 2.</i>		<i>Virum Angelus custodiens in damnatione custoditi incur-</i>	
<i>Virum aliquis possit uti ministerio demonum in faciendis</i>	98	<i>rat aliquod detrimentum? q. 3.</i>	145
<i>miraculis absque peccato? q. 3.</i>		DISTINCT. XII.	
DISTINCT. VIII. PARS I.		Artic. I.	
Artic. I.		<i>Virum materia corporaliū creata sit in omnimoda pos-</i>	
<i>Virum Angeli habeant corpora naturaliter sibi unita?</i>	102	<i>sibilitate? q. 1.</i>	149
<i>q. 1.</i>		<i>Virum materia illa producta sit in perfecta actualitate?</i>	
<i>Virum Angeli aliquando assumant corpora? q. 2.</i>	103	<i>q. 2.</i>	150
Artic. II.		<i>Virum materia illa corporaliū sit creata sub aliqua for-</i>	
<i>Virum illud corpus habeat veram formam corporis huma-</i>	104	<i>marum diuersitate? q. 3.</i>	152
<i>ni? q. 1.</i>		Artic. II.	
<i>Virum corpus illud quod assumit Angelus, fiat de mate-</i>	105	<i>Virum caelestium & terrestrium una sit materia quantum</i>	
<i>ria celesti, an elementari? q. 2.</i>		<i>ad esse? q. 1.</i>	154
Artic. III.		<i>Virum illa materia producta fuerit in die ante omnem</i>	
<i>Virum Angelus in corpore assumpto exerceat operationes</i>	107	<i>diem? q. 2.</i>	ibid.
<i>anima vegetatiua? q. 1.</i>		<i>Vbi habuit illa materia situm? q. 3.</i>	155
<i>Virum Angeli in assumptis corporibus habeant operatio-</i>	108	DISTINCT. XIII.	
<i>nes conuenientes potentia sensitiva? q. 2.</i>		Artic. I.	
DISTINCT. VIII. PARS II.		<i>Virum per illam lucem, quae dicitur esse opus prima diei,</i>	
Artic. I.		<i>intelligat Scriptura lucem corporalem, vel spiritualem?</i>	
<i>Virum demones possint habitare in corporibus humanis?</i>	109	<i>q. 1.</i>	159
<i>q. 1.</i>		<i>Dato quod intelligat corporalem, est quaestio, qualiter fa-</i>	
<i>Virum demones illabi possint animabus? q. 2.</i>	110	<i>ciebat diem, & noctem? q. 2.</i>	161
<i>Virum demon possit sensu illudere? q. 3.</i>	111	Artic. II.	
<i>Virum demon possit cogitationes immittere? q. 4.</i>	113	<i>Virum lux sit corpus, vel forma corporis? q. 1.</i>	162
<i>Virum demones possint malas affectiones imprimere?</i>	ibid.	<i>Virum lux sit forma substantialis, vel accidentalis? q. 2.</i>	163
<i>q. 5.</i>		Artic. III.	
<i>Virum demones possint scrutari secreta nostra conscien-</i>	114	<i>Virum lumen, quod emittitur à corpore luminoso, sit cor-</i>	
<i>tia? q. 6.</i>		<i>pus, an qualitas corporis? q. 1.</i>	165
DISTINCT. IX.		<i>Virum lumen sit forma substantialis, vel accidentalis? q. 2.</i>	166
Articulus vnicus.		DISTINCT. XIV. PARS I.	
<i>Virum Angeli diuersorum ordinum sint diuersarum spe-</i>	119	Artic. I.	
<i>ciem per naturam? q. 1.</i>		<i>Virum crystallinum caelum sit de natura aquae? q. 1.</i>	169
<i>Virum distinctionis Angelicorum ordinum principalis</i>	120		
<i>causa sit à natura, vel gratia? q. 2.</i>			

Virum

Index Quæstionum.

<i>Utrum sit eiusdem natura cum ignis elemento? q. 2.</i>	171	<i>Utrum anima omnium hominum sint una substantia, vel diuersa, vel an sit una anima numero, an diuersa? q. 1.</i>	228
Artic. II.			
<i>Utrum cali habeant figuram orbicularem? q. 1.</i>	172	<i>Utrum anima omnium hominum fuerint simul productæ? q. 2.</i>	229
<i>Utrum in corpore cali sit ponere dextrum, & sinistrum? q. 2.</i>	173	<i>Utrum anima rationalis sit ex traduce? q. 1.</i>	231
Artic. III.		DISTINCT. XIX.	
<i>Utrum primum mobile moueatur à Deo immediate tantum, an mediante aliqua virtute creata? q. 1.</i>	175	Artic. I.	
<i>Utrum motus cælorum sit à propria forma, vel ab intelligentia? q. 2.</i>	ibid.	<i>Utrum anima rationalis sua natura sit immortalis? q. 1.</i>	235
DISTINCT. XIV. PARS II.		<i>Utrum omnis anima, utputa bruta, non solum rationalis, ex prima conditione fuerit immortalis? q. 2.</i>	237
Artic. I.		Artic. II.	
<i>Utrum omnia luminaria cæli locentur in uno corpore continuo? q. 1.</i>	180	<i>Utrum Adam non peccante posset corpus dissolui? q. 1.</i>	238
<i>Utrum luminaria moueantur in orbibus suis motibus suis propriis? q. 2.</i>	181	<i>Utrum Adam peccante corpus eius posset perpetuari per esum ligni vite? q. 2.</i>	240
<i>Utrum conueniat alicui orbi moueri absque stellis? q. 3.</i>	182	Artic. III.	
Artic. II.		<i>Utrum illa immortalitas inesset homini à natura, vel à gratia? q. 1.</i>	241
<i>Utrum luminaria diuersitatem habeant perfectionum? q. 1.</i>	184	<i>Utrum eadem esset immortalitas innocentia per essentiam cum immortalitate gloriæ si homo sterisset? q. 2.</i>	242
<i>Utrum diuersa luminaria habeant diuersas impressiones super corporalia? q. 2.</i>	185	DISTINCT. XX.	
<i>Utrum ex impressionibus illorum luminarium causetur in hominibus diuersas morum? q. 3.</i>	186	Artic. I.	
DISTINCT. XV.		<i>Utrum in statu innocentia fuisset sexuum commixtio? q. 1.</i>	246
Artic. I.		<i>Utrum in illa commixtione esset seminum decisio? q. 2.</i>	247
<i>Utrum sensibilia quantum ad animam sint producta ex aliquo, vel ex nihilo? q. 1.</i>	191	<i>Utrum in illa seminis emissionem esset delectationis intensio? q. 3.</i>	248
<i>Utrum corpora animalium composita sint ex quatuor elementis, an ex uno? q. 2.</i>	193	<i>Utrum in illo coitu esset integræ corruptio? q. 4.</i>	249
<i>Utrum corpora animalium magis consent ex elementis passivis, quam actiuis, an e conuerso? q. 3.</i>	194	<i>Utrum in qualibet coniunctione viri & mulieris esset prolis generatio? q. 5.</i>	250
Artic. II.		<i>Utrum equalis fieret multiplicatio virorum, & mulierum? q. 6.</i>	251
<i>Utrum omnia sensibilia facta sint propter hominem? q. 1.</i>	196	DISTINCT. XXI.	
<i>Utrum sensibilia aliqua, ut pote volatilia, & natatilia quinto die: aliqua, ut gressibilia sexto die cum homine recto ordine creata sint? q. 2.</i>	197	Artic. I.	
<i>Utrum Deus priusquam animalia produxerit, ab omni opere quiesceret? q. 3.</i>	198	<i>Quid mouerit diabolum principaliter ad tentandum hominem? q. 1.</i>	255
DISTINCT. XVI.		<i>De tentatione primorum parentum quantum ad instrumentum medium? q. 2.</i>	256
Artic. I.		<i>De tentatione primorum parentum quantum ad ordinem, & progressum? q. 3.</i>	257
<i>Utrum homo sit imago Dei vere? q. 1.</i>	202	Artic. II.	
<i>Utrum homo sit imago Dei naturaliter? q. 2.</i>	203	<i>Utrum carnis sit tentare? q. 1.</i>	258
<i>Utrum esse imaginem conueniat homini proprie? q. 3.</i>	204	<i>Utrum contingat tentationem carnis à tentatione diaboli separari? q. 2.</i>	259
Artic. II.		<i>Cui istarum tentationum difficilius sit resistere? q. 3.</i>	260
<i>Utrum ratio imaginis principaliter reperitur in Angelo quam in anima? q. 1.</i>	205	Artic. III.	
<i>Utrum principaliter sit imago in masculo, quam in femina? q. 2.</i>	207	<i>Utrum primum peccatum hominis fuerit, vel potuerit esse veniale peccatum? q. 1.</i>	261
<i>Utrum imago principaliter sit in cognitiua, quam in motiua sine affectiua? q. 3.</i>	ibid.	<i>Utrum peccatum, quod primò secutum est ex tentatione illa, fuerit remissibile, vel irremissibile? q. 2.</i>	262
DISTINCT. XVII.		<i>Utrum peccatum, quod ex illa tentatione subsecutum est, fuerit grauissimum omnium peccatorum? q. 3.</i>	263
Artic. I.		DISTINCT. XXII.	
<i>Utrum anima Ada, siue humana anima producta sit de Dei substantia? q. 1.</i>	212	Artic. I.	
<i>Utrum anima Ada fuerit producta ex materia? q. 2.</i>	213	<i>Quo genere peccati mulier peccauerit? q. 1.</i>	267
<i>Utrum anima Ada producta fuerit ante corpus, vel postea? q. 3.</i>	214	<i>Utrum quod mulier appetiit, vir etiam concupierit? q. 2.</i>	269
Artic. II.		<i>Quis eorum grauius peccauerit, an vir, an mulier? q. 3.</i>	270
<i>Utrum corpus Ada produci debuerit de natura pure celesti? q. 1.</i>	216	Artic. II.	
<i>Utrum corpus Ada constructum fuerit de natura pure elementari, aut simul de natura pure elementari, & celesti? q. 2.</i>	217	<i>Utrum peccatum primorum parentum fuerit ex ignorantia? q. 1.</i>	271
<i>Utrum conditum fuerit ex elementis in complexione, & compositione equali, vel inaequali? q. 3.</i>	218	<i>Utrum ignorantia in aliquo homine possit esse culpa? q. 2.</i>	272
DISTINCT. XVIII.		<i>Utrum ignorantia sit culpa excusatoria? q. 3.</i>	273
Artic. I.		DISTINCT. XXIII.	
<i>Utrum fuerit productum corpus mulieris? q. 1.</i>	222	Artic. I.	
<i>Utrum mulier formata sit de costa viri secundum rationem seminalem? q. 2.</i>	223	<i>Utrum Deus debuerit hominem facere inexpugnabilem, an impeccabilem? q. 1.</i>	276
<i>Utrum ratio seminalis sit ratio vniuersalis, vel singularis? q. 3.</i>	225	<i>Utrum debuerit Deus permittere hominem impugnari? q. 2.</i>	277
		<i>Utrum tentationis impulsio desiderari debeat à viro instor? q. 3.</i>	278
		Artic.	

Index Quæstionum.

Artic. I.	
<i>Utrum si homo stetit, in cognitione profecisset per temporum intervalla? q. 1.</i>	279
<i>Utrum si stetit in statu innocentie, aliquando decipi potuisset? q. 2.</i>	280
<i>Utrum Adam Deum cognoverit in statu innocentie eo genere cognitionis, quo expectamus Deum cognoscere in statu glorie? q. 3.</i>	281
DISTINCT. XXIV. PARS I.	
Artic. I.	
<i>Utrum dare potuerit homini, siue alicui creatura adiutorium, quod esset naturaliter inflexibile? q. 1.</i>	288
<i>Utrum datum fuerit homini naturale adiutorium, per quod posset absque omni gratia tentationi resistere? q. 2.</i>	289
Artic. II.	
<i>Utrum intellectus, & affectus, siue ratio, & voluntas sint potentia diuersa per essentiam? q. 1.</i>	290
<i>Utrum superior portio, & inferior sint diuersa potentia? q. 2.</i>	292
<i>Utrum diuisio voluntatis in naturalem, & deliberatiuam sit per diuersas potentias? q. 3.</i>	293
<i>Utrum agens intellectus, & possibilis sint una potentia, vel diuersa? q. 4.</i>	294
DISTINCT. XXIV. PARS II.	
Artic. I.	
<i>Utrum in superiori parte rationis habeat esse peccatum secundum se? q. 1.</i>	298
<i>Utrum in superiore portione rationis possit esse veniale peccatum? q. 2.</i>	299
Artic. II.	
<i>Utrum aliquod peccatum habeat esse in inferiori parte absque sensualitate? q. 1.</i>	300
<i>Utrum pars inferior possit peccare mortaliter absque superioris? q. 2.</i>	301
Artic. III.	
<i>Utrum in sensualitate possit esse peccatum veniale? q. 1.</i>	303
<i>Utrum in sensualitate possit esse peccatum mortale? q. 2. ibid.</i>	303
DISTINCT. XXV. PARS I.	
Artic. I.	
<i>Utrum liberum arbitrium sit in solis habentibus rationem, an etiam in brutis animalibus? q. 1.</i>	308
<i>Utrum liberum arbitrium sit potentia distincta contra rationem, & voluntatem? q. 2.</i>	309
<i>Utrum liberum arbitrium complectatur simul, & rationem, & voluntatem? q. 3.</i>	310
<i>Utrum liberum arbitrium complectatur rationem, & voluntatem per modum potentia, an per modum habitus? q. 4.</i>	312
<i>Utrum liberum arbitrium addat aliquid supra rationem, & voluntatem? q. 5.</i>	313
<i>Utrum liberum arbitrium sit habitus, siue facultas residens penes rationem, & voluntatem coniunctim, id est penes quam istarum potentiarum principaliter nobis insit? q. 6.</i>	314
DISTINCT. XXV. PARS II.	
Artic. I.	
<i>Utrum in omnibus in quibus est, sit aqualiter, aut secundum magis, & minus? q. 1.</i>	316
<i>Utrum sit actuum contingentium, & necessariorum, an contingentium tantum? q. 2.</i>	317
<i>Utrum liberum arbitrium, secundum quod liberum possit in malum? q. 3.</i>	318
<i>Utrum liberum arbitrium ab aliquo agente creato possit cogi? q. 4.</i>	319
<i>Utrum liberum arbitrium possit à Deo cogi? q. 5.</i>	320
<i>Utrum propter ineptitudinem corporis ligari habeat quantum ad usum? q. 6.</i>	322
DISTINCT. XXVI.	
Artic. I.	
<i>Utrum gratia sit aliquid circa acceptantem, vel acceptatum? q. 1.</i>	327
<i>Supposito quod gratia aliquid ponat circa gratificatum, queritur utrum illud sit creatum, vel increatum? q. 2.</i>	328
Utrum gratia sit in genere substantia, vel in genere accidentis? q. 3.	330
Utrum gratia sit in genere accidentis corruptibilis, an incorruptibilis? q. 4.	332
Utrum gratia primo insit substantia animæ, vel potentiis? q. 5.	333
Utrum gratia comparetur ad animam in ratione motoris? q. 6.	335
DISTINCT. XXVII.	
Artic. I.	
<i>Utrum gratia gratum faciens diuidi habeat per differentias diuersas per essentiam? q. 1.</i>	341
<i>Utrum gratia gratum faciens, & virtus gratuita differant per essentiam? q. 2.</i>	ibid.
<i>Utrum gratia, & gloria differant per essentiam? q. 3.</i>	343
Artic. II.	
<i>Utrum per gratiam contingat mereri ipsum gratia donum iam habitum? q. 1.</i>	344
<i>Utrum per gratiam contingat mereri gratia augmentum? q. 2.</i>	345
<i>Utrum contingat per gratiam mereri ipsius gratia complementum? q. 3.</i>	346
DISTINCT. XXVIII.	
Artic. I.	
<i>Utrum liberum arbitrium absque gratia gratum faciens possit à culpa resurgere? q. 1.</i>	350
<i>Utrum liberum arbitrium absque gratia gratum faciente possit aduersarium suum vincere? q. 2.</i>	352
<i>Utrum absque gratia gratum faciente liberum arbitrium possit omnia mandata implere? q. 3.</i>	353
Artic. II.	
<i>Utrum liberum arbitrium destitutum gratia gratis data possit ad gratiam gratum facientem sufficienter se disponere? q. 1.</i>	354
<i>Utrum liberum arbitrium omni gratia destitutum possit alicui tentationi resistere? q. 2.</i>	355
<i>Utrum liberum arbitrium omni gratia destitutum possit in aliquod bonum in genere? q. 3.</i>	357
DISTINCT. XXIX.	
Artic. I.	
<i>Utrum absque dono gratia homo esset Deo acceptus in statu innocentie? q. 1.</i>	361
<i>Utrum homo in statu naturæ instituta posset in opus meritorium exire absque dono gratie? q. 2.</i>	362
Artic. II.	
<i>Utrum homo ante lapsum habuerit gratiam? q. 1.</i>	364
<i>Utrum homo simul tempore conditus fuerit in gratiis, & naturalibus? q. 2.</i>	365
Artic. III.	
<i>Utrum homo habuerit tot virtutes ante lapsum, quot habuit post lapsum? q. 1.</i>	366
<i>Utrum dona gratuita æque magne fuerint efficacia in homine ad merendum ante lapsum, sicut sunt post lapsum? q. 2.</i>	367
DISTINCT. XXX.	
Artic. I.	
<i>Utrum corruptio, quam videretur in humana natura, insit ei ex sua conditionis primordio, an ex peccati merito? q. 1.</i>	370
<i>Utrum merito prime transgressionis humana natura fuerit corrupta pœnaliter tantum, an etiam culpabiliter? q. 2.</i>	372
Artic. II.	
<i>Utrum originale peccatum sit concupiscentia? q. 1.</i>	374
<i>Utrum originale peccatum sit ignorantia? q. 2.</i>	375
Artic. III.	
<i>Utrum aliquid transeat in veritatem humanæ naturæ per actum generatiuæ? q. 1.</i>	376
<i>Utrum aliquid transeat in veritatem humanæ naturæ mediante opere nutritiue? q. 2.</i>	380
DISTINCT. XXXI.	
Artic. I.	
<i>Utrum anima sensibilis in hominibus sit à generante? q. 1.</i>	384

Index Quæstionum.

<i>Ratione cuius partis primo inest anima peccatum originale? q. 2.</i>	386
<i>Utrum maior sit infectio generatim per originale, quam alterius potentia? q. 3.</i>	387
Artic. II.	
<i>Utrum anima inficiatur à carne? q. 1.</i>	388
<i>Utrum originale contrahatur in anima, ex carne, ex aliquo appetitu, & voluntate anima? q. 2.</i>	390
<i>Utrum caro ipsa inficiatur ex propagatione tantum, vel ex propagatione, & libidine? q. 3.</i>	391
DISTINCT. XXXII.	
Artic. I.	
<i>Utrum baptismus deleat originale quantum ad culpam, quæ est in mente? q. 1.</i>	396
<i>Utrum originale peccatum per baptismum deleri debeat quantum ad causam, quæ est in carne? q. 2.</i>	398
Artic. II.	
<i>Utrum concupiscentia sit in anima, vel in carne tanquam in subiecto? q. 1.</i>	399
<i>Utrum à Deo sit concupiscentia tanquam à principio? q. 2.</i>	400
Artic. III.	
<i>Utrum illam maculam, quam anima contrahit ex carne, Deus debeat sibi imputare? q. 1.</i>	401
<i>Utrum debeat divinam iustitiam animam tali carni imputare? q. 2.</i>	402
DISTINCT. XXXIII.	
Artic. I.	
<i>Utrum scata parentum proximorum filiis imputentur, & ad eos transmittantur? q. 1.</i>	408
<i>Utrum prius parens pro posteris suis satisfacere poterit si contraxerit eos ex culpa sua vitare? q. 2.</i>	410
Artic. II.	
<i>Utrum origile in omnibus reperitur aqualiter? q. 1.</i>	411
<i>Utrum sit pure unum originale vel plura? q. 2.</i>	413
Artic. III.	
<i>Utrum paruulcedentes in solo originali puniantur pœna ignis marialis? q. 1.</i>	414
<i>Utrum paruulcedentes in solo originali puniantur aliquo dolore iniori? q. 2.</i>	416
DISTINCT. XXXIV.	
Artic. I.	
<i>Utrum malum sit à bono, ut ab origine? q. 1.</i>	419
<i>Utrum malum sit bona causa, ut pote à voluntate ut efficiente, vel deficiente? q. 2.</i>	421
<i>Utrum malum sit bono secundum intentionem, vel præter? q. 3.</i>	422
Artic. II.	
<i>Utrum aliquod malum sit ab omni bono sequestratum? q. 1.</i>	423
<i>Utrum malum, siue malitia sit in bono sibi opposito? q. 2.</i>	425
<i>Utrum malum sit in bono tanquam aliquis habitus, an sit pura privatio? q. 3.</i>	ibid.
DISTINCT. XXXV.	
Artic. I.	
<i>Utrum peccatum aliquod bonum habeat corrumpere? q. 1.</i>	431
<i>Utrum peccatum sit ipsa corruptio passiva, essentialiter loquendo? q. 2.</i>	432
<i>Utrum peccatum ex hoc quod corrumpit bonum, contrarietur bono increato? q. 3.</i>	433
Artic. II.	
<i>Utrum per quodlibet malum habeant ista tria, scilicet modus, species, & ordo corrumpi simul, & inseparabiliter? q. 1.</i>	434
<i>Utrum hæc tria per quodlibet peccatum corrumpantur aqualiter? q. 2.</i>	436
<i>Utrum per malum contingat hæc tria corrumpi totaliter? q. 3.</i>	437
DISTINCT. XXXVI.	
Artic. I.	
<i>Utrum peccatum sit pœna peccati? q. 1.</i>	442
<i>Utrum passiones anime sint pœna tantum, an pœna simul</i>	

<i>& peccata? q. 2.</i>	443
Artic. II.	
<i>Utrum contingat in aliquo ponere culpam sine pœna subsequente? q. 1.</i>	444
<i>Utrum pœna possit esse in aliquo sine culpa præcedente? q. 2.</i>	446
Artic. III.	
<i>Utrum aliqua pœna sit à Deo? q. 1.</i>	447
<i>Utrum omnis pœna sit à Deo? q. 2.</i>	448
DISTINCT. XXXVII.	
Artic. I.	
<i>Utrum omnis actio, secundum quod actio sit à Deo? q. 1.</i>	452
<i>Utrum omnis rei conservatio sit à Deo? q. 2.</i>	454
<i>Utrum omnis compositio sit à Deo? q. 3.</i>	455
Artic. II.	
<i>Utrum actio iniusta secundum quod huiusmodi sit à Deo? q. 1.</i>	456
<i>Utrum operatio fortuita, secundum quod fortuita sit à Deo? q. 2.</i>	457
<i>Utrum enuntiatio falsa secundum quod huiusmodi sit à Deo? q. 3.</i>	459
DISTINCT. XXXVIII.	
Artic. I.	
<i>Utrum voluntas sit bona, & commendabilis ratione boni finis? q. 1.</i>	463
<i>Quis sit ille finis ex cuius bonitate voluntas est bona, & ad quem debent referri nostre voluntates ad hoc quod sit recta? q. 2.</i>	465
<i>Utrum bona voluntatis sit unus solus finis, an possint esse plures? q. 3.</i>	466
<i>Utrum mala voluntates habeant unicum finem? q. 4.</i>	467
Artic. II.	
<i>Utrum intentio sit in his solis, quæ participant rationem? q. 1.</i>	468
<i>Utrum intentio in participantibus rationem dicat aliquid ex parte intellectus, vel ex parte affectus? q. 2.</i>	469
DISTINCT. XXXIX.	
Artic. I.	
<i>Utrum conscientia teneat se ex parte intellectus, an ex parte affectus? q. 1.</i>	473
<i>Utrum conscientia sit habitus innatus, aut acquisitus? q. 2.</i>	474
<i>Utrum teneamur ad omne illud, quod conscientia dicitur necessarium esse ad salutem? q. 3.</i>	476
Artic. II.	
<i>Utrum synderesis sit in genere cognitionis, vel affectionis? q. 1.</i>	477
<i>Utrum synderesis possit per peccatum extinguere? q. 2.</i>	479
<i>Utrum synderesis possit depravari per peccatum? q. 3.</i>	480
DISTINCT. XL.	
Artic. I.	
<i>Utrum qualitas operum semper respondeat qualitati intentionis? q. 1.</i>	481
<i>Utrum quantum quis intendat, tantum faciat: ut sicut opus ab intentione recipit aliquo modo qualitatem, ita etiam recipiat quantitatem? q. 2.</i>	485
<i>Utrum intentio absque bonis operibus sufficiat ad vitam æternam? q. 3.</i>	ibid.
Artic. II.	
<i>Utrum opera exteriora aliquid addant supra bonam intentionem ratione suæ excellentiæ, & dignitatis, sicut sunt supra opera privilegiata? q. 1.</i>	487
<i>Utrum bona opera addant supra bonam intentionem quantum ad quantitatem dati? q. 2.</i>	488
<i>Utrum bonitas operum addat ad bonam intentionis meritum quantum ad numerositatem? q. 3.</i>	489
DISTINCT. XLI.	
Artic. I.	
<i>Utrum actio deliberativa cum dividatur per bonum & malum, utrum dividatur tanquam per differentias oppositas? q. 1.</i>	493
<i>Utrum divisio actionis deliberativæ per bonum & malum, sit per differentias essentielles, aut accidentales? q. 2.</i>	494

Utrum

Index Quæstionum.

Virum diuisio actionis deliberatiua per bona & mala, sit per differentias immediatas, an sit ponere per differentiam tertiam, uidelicet actionem indifferentem? q. 3. 495

Artic. II.

Virum omne peccatum actuale sit voluntarium? q. 1. 498

Virum omne peccatum sit circa voluntatem, sicut circa subiectum proprium? q. 2. 500

Virum sicut peccare, sic etiam puniri sit voluntatis proprium? q. 3. 501

DISTINCT. XLII.

Artic. I.

Virum peccatum voluntatis, & operis sint duo peccata, vel unum? q. 1. 506

Virum peccatum operis addat supra peccatum voluntatis? q. 2. 508

Artic. II.

Virum peccatum veniale & mortale conueniant in auersione? q. 1. 509

Virum peccatum veniale conueniat cum mortali in reatu pœna aeterna? q. 2. 510

Artic. III.

Virum peccatum diuidi habeat per differentias materiales tantum, an etiam per formales? q. 1. 512

Virum peccatum habeat diuidi per auersionem, & conuersionem tanquam per diuersas peccatorum differentias, siue per diuersa peccata? q. 2. 514

DISTINCT. XLIII.

Artic. I.

Virum peccatum in Spiritum sanctum dicat genus peccati distinctum ab aliis generibus peccatorum? q. 1. 517

Virum peccatum in Spiritum sanctum semper habeat aliud peccatum praeambulum? q. 2. 519

Artic. II.

Virum illud peccati genus sit grauissimum? q. 1. 520

De huius peccati irremissibilitate? q. 2. 521

Artic. III.

De speciebus huius peccati quantum ad numerum, & sufficientiam? q. 1. 522

De speciebus huius peccati quantum ad uniuscuiusque propriam rationem? q. 2. 524

DISTINCT. XLIV.

Artic. I.

Virum potentia peccandi insit nobis à Deo? q. 1. 529

Virum potentia peccandi secundum quod huiusmodi sit mala? q. 2. 538

Artic. II.

Virum potestas dominandi sit à Deo? q. 1. 530

Virum potestas presidendi sit in homine secundum institutionem naturae, vel secundum punitionem culpa? q. 2. 531

Artic. III.

Virum Christiani teneantur subesse tyrannis, siue prestari saculari in aliquibus? q. 1. 532

Virum religiosi teneantur praelatis obedire in omnibus, quae non sunt contra Deum? q. 2. 533


Indicis Distinctionum, & Quæstionum in secundum Librum Sententiarum,

F I N I S.



227 1610535

10



21